

A BIBLIA GO BASA

GI KU

A TESTAMENTA GOKALE NI GISWA GI KLAMUSE-
LWA HI LIRIME LA XITSWA.

INHAMBANE, EAST AFRICA.

NEW YORK:
AMERICAN BIBLE SOCIETY,
INSTITUTED IN THE YEAR 1816.

• 1910.

[Sheet 100, 12mo.]

MABUKU YA ITESTAMENTA YOKALE,

HI ZIPIMO ZA YONA.

Peji.		Zipimo.	Peji.		Zipimo.
1	Genesisi.....	50	788	Kutsawutela.....	12
63	Exoduse.....	40	798	Xizimba xa ka Solomoni.....	8
117	Levi.....	27	804	Isaya.....	66
156	Mitsengo.....	36	866	Jeremia.....	52
212	Deuteronome.....	34	937	Mikosi.....	5
262	Joxua.....	24	943	Ezekieli.....	48
294	Balamuli.....	21	1009	Danieli.....	12
327	Rute.....	4	1029	Hosea.....	14
332	I. Samueli.....	31	1039	Joeli.....	3
375	II. Samueli.....	24	1041	Amosi.....	9
411	I. Tihosi.....	22	1048	Obadia.....	1
453	II. Tihosi.....	25	1050	Jona.....	4
493	I. Kronekele.....	29	1052	Mika.....	7
530	II. Kronekele.....	36	1058	Nahume.....	3
576	Ezra.....	10	1060	Habakuka.....	3
589	Nehemia.....	13	1063	Zefania.....	3
608	Estere.....	10	1066	Hagai.....	2
618	Joba.....	42	1068	Zakaria.....	14
659	Tisimu.....	150	1078	Malaki.....	4
755	Mabingu.....	31			

GENESIS.

XIPIMO 1.

- 1 KUSANGULENI Nungungulu i lo banga a matilo ni misaba.
- 2 Ni misaba yi wa hi ndengelenge ni lieswila; ni munyama wu wa hi ka ngohe ya kueta: ni Moya wa Nungungulu wu lo pupuxa behla ka ngohe ya mamati.
- 3 Ni Nungungulu i te ngalo, Nga laho ku hi kuwonekela: ni laho ku wa hi kuwonekela.
- 4 Ni Nungungulu i lo wona kuwonekela, lezaku ku wa sasekile: ni Nungungulu i lo hambanyisa kuwonekela ka munyama.
- 5 Ni Nungungulu i lo bita kuwonekela i Siku, ni munyama yena i lo bita Wusiku. Ni laho ku wa hi kuhlwa ni laho ku wa hi kuca, siku ginwe.
- 6 Ni Nungungulu i te ngalo, Nga laho ku hi a mbingano xikari ka mamati, nga wona wu hambanyisa mamati ka mamati.
- 7 Ni Nungungulu i lo maha a mbingano, a hambanyisa mamati laya ma nga lahasi ka mbingano ni le mamatini laya ma nga le hehla ka mbingano: zi wa ngaho.
- 8 Ni Nungungulu i lo bita mbingano i Tilo. Ni laho ku wa hi kuhlwa ni laho ku wa hi kuca, i siku ga wumbiri.
- 9 Ni Nungungulu i te ngalo, Nga mamati laya ma nga lahasi matilo a ma tsombane kataginwe ka wutsamo ginwe, ni muhanza yi omileko a wu woneke: zi wa ngaho.
- 10 Ni Nungungulu i lo bita muhanza wu omileko Misaba; ni ku tsombana kataginwe ka mamati i lo bita Mabimbi: ni Nungungulu i lo wona lezaku ku wa sasekile.
- 11 Ni Nungungulu i te ngalo, Nga misaba yi humesa byanyi, a ku byanyi wu humesako mbewu ni tisinya ta mihanzo yi tralako mihanzo hi tixaka ta yona, laho ni mbewu yi nga ya wonawu, behla ka misaba; zi wa ngaho.
- 12 Ni misaba yi lo humesa byanyi, ku-

[Sheetswa.]

1

- byanyi wu humesako mbewu hi tixaka ta wona, ni tisinya ti tralako mihanzo, leti ti nga ni mbewu ya yonawu, hi tixaka ta yona: ni Nungungulu i lo wona lezaku zi wa sasekile.
- 13 Ni laho ku wa hi kuhlwa ni laho ku wa kuca, i siku ga wunharu.
- 14 Ni Nungungulu i te ngalo, Nga laho ku hi ni kuwonekela le mbinganweni wa tilo ku hambanyisa siku ni wusiku; nga kona ku hi ziwoniso, ni tinguba, ni masiku ni malembe:
- 15 Na zi kona nga ku hi kuwonekela le mbinganweni wa tilo ku nyika kuwonekela hehla ka misaba: zi wa ngaho.
- 16 Ni Nungungulu i lo maha kuwonekela kumbiri ka hombe; loku ka hombe, kuwonekela ku fumela siku, ni ka hozana kuwonekela wusiku: i lo maha tinyeleti kambe.
- 17 Ni Nungungulu i lo ti yimisa le mbinganweni wa tilo ku nyika kuwonekela hehla ka misaba.
- 18 Ni ku fumela a siku ni ku fumela wusiku, ni ku hambanyisa kuwonekela ka munyama: ni Nungungulu i lo wona lezaku zi wa sasekile.
- 19 Ni laho ku wa hi kuhlwa ni laho ku wa hi kuca, i siku ga wumune.
- 20 Ni Nungungulu i te ngalo, Nga mamati ma pandluka ni kupandluka zi bangwa zi hanyako, nga zinyanya ni zi puruma hehla ka misaba le mbinganweni wu ahlamileko wa tilo.
- 21 Ni Nungungulu i lo banga ba ngunzulume ba hombe ba bimbi, ni zonklelelele zibangwa lezi zi hanyako, mamati ma tele hi zona, hi tixaka ta zona, lezo zi nga ni tipapa hi tixaka ta zona: ni Nungungulu i lo wona lezaku zi wa sasekile.
- 22 Ni Nungungulu i lo zi katekisa, na ku ngalo, Tralani, ni kuanza, ni ku tatisa mamati lomu mabimbini, nga tinyanyani ti anza lomu misabeni.
- 23 Ni laho ku wa hi kuhlwa ni laho ku wa hi kuca, i siku ga wunklanu.
- 24 Ni Nungungulu i te ngalo, Nga misaba yi hume a zibangwa zi hanya-

1

ko hi tixaka ta zona, tihomu, ni zilo zi kokakokako, ni zihari za misaba hi tixaka ta zona: zi wa ngaho.

- 25 Ni Nungungulu i lo maha a zihari za misaba hi tixaka ta zona, ni tihomu hi tixaka ta tona, ni zonkclelele zilo lezi zi kokakokako hehla ka liranza^{bya} hi tixaka ta zona: ni Nungungulu i lo wona lezaku zi wa sasekile.
- 26 Ni Nungungulu i te ngalo, Nga hi maha munhu hi mufananiso wa hina, ni kufanana ka hina: nga bona ba fumela nyama ya bimbi, ni lehehla ka tinyanyani ta matilo, ni hehla ka tihomu, ni hehla ka yonkle misaba, ni hehla ka zonkclelelo zo kokakoka lezi zi kokakokako misabeni.
- 27 Ni Nungungulu i lo banga munhu hi mufananiso wa yena ⁿwinyi, hi mufananiso wa Nungungulu i lo mu banga yena; matsune ni kati a bangileko bona yena.
- 28 Ni Nungungulu i lo ba katekisa: ni Nungungulu i te ngalo ka^{bye}, Tralani, ni kuanza, ni ku tatisa misaba, ni ku yi hlula; ni ku fumela nyama ya bimbi, ni hehla ka tinyanyani ta matilo, ni hehla ka zonkclelele zilo zi hanyako zi makanyako laha misabeni.
- 29 Ni Nungungulu i te ngalo, Langu-tani nzi mu nyikile a ku^{byany}i wonkclelele wu humesako mbewu, lowu wu nga ngoheni wa yonkclelele misaba, ni tonkclelele tisinya, ka tona a mbanzo wa sinya wu tralako mbewu; ka ⁿwina ku ta maha za kuga:
- 30 Ni ka zonkclelele zihari za misaba, ni tonkclelele tinyanyani ta matilo, ni ka zilo zonkclelele lezi zi kokakokako laha misabeni, lezi zi na nga ni wutomi, nzi zi nyikile ku^{byany}i wonkclelele wo nyuka kuga; zi wa ngaho.
- 31 Ni Nungungulu i lo wona zilo zonkle lezi a nga wa zi mahile, ni, languta, ku wa sasekile. Ni laho ku wa hi kuhla ni laho ku wa hi kuca, i siku ga wunklanu ni ginwe.

XIPIMO 2.

- 1 Ni tilo ni misaba zi wa mbetekile, ni wonkle mabandla ya zona.
- 2 Ni siku ga nklanu ni mambiri Nungungulu i lo mbeta a ntiro wa yena lowu a nga wa wu mahile; na yena i lo humula hi siku ga nklanu ni

mambiri mitirweni yakwe yonkle le-yi a nga wa yi mahile.

- 3 Ni Nungungulu i lo katekisa siku ga nklanu ni mambiri, i lo gi hlawula; hakuba ka gona yena lezo i lo humula ka yonkle mitiro yakwe leyi Nungungulu a nga wa yi bangile ni ku yi maha.
- 4 Lezi hi zizukulwana za matilo ni za misaba laha zi nga wa bangile, ka lego siku Jehova Nungungulu a nga banga misaba ni tilo.
- 5 Ku wa nga hi kona ni zimilwa za kwati laha misabeni, hambu ni ku^{byany}i wa kwati wa ku ba wu nga milile; hakuba Jehova Nungungulu i wa nga se ku nisa vula laha misabeni.
- 6 Kanilezi ku lota a mbera hi le misabeni, yi lo tsakamisa a ngohe yonkle ya li ranza^{bya}.
- 7 Na Jehova Nungungulu i lo maha munhu hi tsuri wa liranza^{bya}, ni ku pupuxela lomu tinhovini ta^{bye} muhefemulo wa wutomi; ni munhu i lo maha muhefemulo wu hanyako.
- 8 Ni Jehova Nungungulu i lo byala a simu hi le mutsuwuka-gambo, lomu Edeni; ni leyo i lo beka munhu lo-yi a nga wa mu mahile.
- 9 Ni le liranza^{byeni} Jehova Nungungulu i lo maha ku kula tonkclelele tisinya leti ti sasekileko ku wonwa, ni ti saseka kuga; ni sinya ya wutomi kambe yi wa hi xikari ka simu, ni sinya yo tiba kusasa ni ku-biha.
- 10 Ni congo wu lo huma hi le Edeni ku tsakamisa a simu; ku sukela leyo na ku lo hambaua, ku maha mune wa tihloko.
- 11 A bito ga woranga i Pixoni: lowu wu kulungelako a tiko gonkle ga Havila, laho ku na ku ni nzalama;
- 12 Ni nzalama ya lego tiko yi sasekile: laho ku na ni ri^{bye} ga bedoliume ni xohamu.
- 13 Ni bito ga wa wumbiri congo i Gihoni: walowo hi wona wu kulungelako gonkle tiko ga Kuxe.
- 14 Ni bito ga congo wa wunharu i Hidekeli: lezaku lowu hi lowo wu yako wu ngo mama Asiria. Ni wa wu mune congo i Ufrate.
- 15 Ni Jehova Nungungulu i lo teka munhu, a mu beka lomu sinwini ga Eden ku gi rima ni ku gi gongola.
- 16 Ni Jehova Nungungulu i lo laya a

- munhu, aku Ka tonklelele tisinya ta simu wena u nga taga hi matsenya :
- 17 Kanilezi a sinya ya ku tiba kusasa ni kubiha, wena u nga yigi : hakuba a siku lego u ta nga yiga wena u ta kufa futsi.
 - 18 Ni Jehova Nungungulu a ku ngalo, A zi saseki lezaku a wanuna a tsama yece; nzi ta mu mahela muvuni wo enelisa yena.
 - 19 Ni le liranzyeni Jehova Nungungulu i lo maha zonklelele zihari za kwati, ni tonklelele ta tinyanyani ta matilo, a ti neha ka munhu ku wona lezaku a ta nga zi bitana zona ku yini; ni loku a munhu a zi bitana munhu a xi bitanako zonklelele zilo zi hanyako, gi su ku maha bito ga zona.
 - 20 Ni munhu i lo cula mabito ka tihomu tonkle, ni ka tinyanyani ta matilo, ni ka zonklelele zihari za kwati; kanilezi ka wanuna laho a ku kunwangi a vuni wo enelisa yena.
 - 21 Ni Jehova Nungungulu i lo maha wuronga ga tsongotsongo go eta ku wela hehla ka wanuna, yena i lo cklela; i lo teka a limbambo liwe lakwe, i klelisele a nyama wutsa-aweni ga yona :
 - 22 Ni limbambo, loku Jehova Nungungulu a li tekileko ka wanuna, yena i lo maha a wasati, i lo mu neha ka wanuna.
 - 23 Ni wanuna a ku ngalo, Leyi maku-nu hi rambo ga mirambo ya mina, ni nyama ya nyama ya mina : i ta bitanwa lezaku Sati, hakuba yena i wa tekilwe hi ka wa Nuna.
 - 24 Hikwalaho a wanuna i ta siya raru wakwe ni nyine wakwe, ni ku namarela ka wasati wakwe : bona ba taba nyama yinwe.
 - 25 Ni bona bonkle ba wa hi zimbyiri, a wanuna ni sati wakwe, ba wa nga hi na tingana.

XIPIMO 3.

- 1 Makunu a nyoka yi wa klarihile ku hunza zonkle zihari za kwati lezi Jehova Nungungulu a nga wa zi mahileko. Yi ku ngalo ka wasati, Ina, Nungungulu i wulile, Nwina mu nga taga tisinya tonkle ta simu ke ?
- 2 Ni wasati i te ngalo ka nyoka. Ka mihanzo ya tisinya ta simu hi ngaga.
- 3 Kanilezi ka mhanzo wa sinyi leyi

- yi nga laha xikari ka simu, Nungungulu i te ngalo, Mu nga yigi ka yona, hambu ku yi komba, mu nga taku mufa.
- 4 Ni nyoka yi te ngalo ka wasati, Hizinene mu nga tafa futsi.
- 5 Hakuba Nungungulu wa zi tiba lezaku sikwana mu ta nga wuga, zonake mahlo ya nwina ma ta vululeka, mu ta ba ku kwatsi hi Nungungulu, na mu tiba kusasa ni kubiha.
- 6 Ni laha a wasati a nga wona lezaku a sinya ya saseka ku giwa, ni lezaku wa cuwukeka ku wona, ni lezaku a sinyi ya xubeka ku maha munwe a tiba, i lo teka mihanzo wa kona, i lo wuga; na yena kambe i loya nyika ka nuna wakwe zinwe naye, yenawu i loga.
- 7 Ni mahlo ya bona bonkle ma wa vululekile, ba lo tiba lezaku ba wa hi zimbyiri; ba lo patsa ba runga makluka ya kuwu, ni ku mahela a wutsumbu gabye tinguwo.
- 8 Na bona ba lozwa gezu ga Jehova Nungungulu na a famba lomu si-nwini laha siku gi titimeleko : a wanuna ni sati wa yena ba lo ti fihla a wutsumbu gabye mahlweni ya Jehova Nungungulu xikari ka tisinya ta simu.
- 9 Ni Jehova Nungungulu i lo bitana munhu, i te ngalo ka yena, U kwi-hi wena ke ?
- 10 Yena i te ngalo, nzi lozwa gezu ga wena lomu si-nwini, nzi lo caba, hakuba nzi wa hi zimbyiri; nzi lo fihla wutsumbu ganga.
- 11 Na yena i te ngalo, Himani a nga ku byela lezaku wena u zimbyiri ke ? u gile ga sinyi, leyo nzi ku layileko uzi ku ka wena u nga yigi ke ?
- 12 Ni wanuna i te ngalo, A wasati loyi u nzi nyikileko a ku ba a be zinwe na mina, i lo nzi nyika mina leyi sinyi, nzi lo yiga.
- 13 Ni Jehova Nungungulu i te ngalo ka wasati, za ku yini lezi u zi mahileko ke ? ni wasati a ku ngalo, Hi nyoka yi nzi onhisileko, nzi loga.
- 14 Ni Jehova Nungungulu a ku ngalo ka nyoka, Hakuba wena u mahile lexi, u rukatelwe wena ka tihomu tonkle, ni hehla ka zihari zonkle za kwati; hi rumbu ga wena u ta famba ha gona, ni tsuri u ta wuga masiku wonkle ya wutomi ga wena :

GENESISI, 4.

- 15 Nzi ta beka wulala xikari ka wena ni wasati, ni xikari ka mbewu ya wena ni mbewu ya yena : yena i ta gandla hloko ya wena, wenawu u ta luma xirenze xakwe.
- 16 Ka wasati i te ngalo, Ila hombe nzi ta anzisa kubayisa ka wena ni ku xura-nyimba ka wena ; hi kubayisa u ta trala banana ; ni kuxuba ka wena ku ta ba ka nuna wa wena, na yena i ta ku fumela.
- 17 Ni ka Adamu i te ngalo, Iakuba wena u lo yingisa ka gezu ga sati wa wena, ni ku u gile sinya, leyi nzi nga ku layile wena, nziku, Wena u nga yigi : yi rukatelwe misaba hi kota ya wena ; hi kutireni u taga yona masiku won'le ya wutomi ga wena ;
- 18 A mizwa ni byanyi yi ta nehwa ka wena ; na wena u taga kubyanyi wa kwati ;
- 19 Hi nyuko wa ngohe ya wena u taga xibaba, kala wena u klelela le misabeni ; hakuba hi ka wona wena u wa lo tekwa : hakuba wena u tsuri, ni le tsurini u ta klela kona.
- 20 Ni wanuna i lo cula bito ga wasati wa yena hi Eva ; hakuba i wa hi nyine wa bon'le ba hanyako.
- 21 Ni Jehova Nungungulu i lo ba mahela Adamu ni sati wakwe a tinguwo ta madzowo, i lo ba ambexa.
- 22 Ni Jehova Nungungulu i te ngalo, Languta, a munhu i mahile kwatsi hi munwe wa hina, ku tiba kusasa ni kubihla ni makunu, a nga taku a klateka canja gakwe, a teka kambe a sinyi ya wutomi, a yiga, a hanya kala ku pinzuka.
- 23 Hikawalaho Jehova Nungungulu i lo mu susa lomu siwini ga Edeni, a ku be a rima misaba laha a ta nga tekiwa kona.
- 24 Zingaho i lo mu hlongola munhu ; i lo beka hi le mutsuwuka gambo ka simu ga Edeni a Cerubi, ni supado yo kariha yi renzelekela konklelele ku beletela ndlela ya sinyi ya wutomi.

XIPIMO 4.

- 1 Ni wanuna i lo tiba Eva sati wa yena ; na yena i lo xura-nyimba, i lo trala Kana, i te ngalo, Nzi kumile munhu hi kuvuna ka Jehova.
- 2 Ni kambe i lo trala nakulobye wa yena Abela. Ni Abela i wa hi murisi wa tiyivu, kanilezi Kana i wa hi murimi wa misaba.

- 3 Hi nzako ka xikati na ku mahisile lezo, Kana i lo neha mihanzo ya misaba a munyikelo ka Jehova.
- 4 Na Abela, yena kambe i lo neha a matiwula ya klambi wakwe ni leyi yi nonileko. Ni Jehova i lo cela kota hi Abela, ni munyikelo wa yena :
- 5 Kanilezi ka Kana ni munyikelo wa yena a nga celangi kota. Ni Kana i lo zangara nguvu, i lo tsuba ngohe ya yena.
- 6 Ni Jehova i te ngalo ka Kana, Hi ku yini u zangariko ke ? hi yini ngohe ya wena yi tsubileko ke ?
- 7 Loku u maha kwatsi, ku nga ta klakuswa ke ? ni loku u nga mahi kwatsi, a xionho xi xiyile nyangweni ; ni ka wena ku ta ba kuxuba ka xona ; kanilezi wena fumela lehla ka xona.
- 8 Na Kana i lo byela Abela nakulobye we yena. Na ku mahisile lezo na ba hi lahandle, Kana i lo vukela nakulobye wa yena Abela, ni ku mu daya.
- 9 Na Jehova i te ngalo ka Kana, Ikwihi Abela nakuloni wa wena ke ? Na yena i lo ngalo, A nzi mu tibi : hi mina muhlayisi wa nakulori ke ?
- 10 Na yena i te ngalo, Xini wena u xi mahileko ke ? a gezu ga kata wa nakulobye wa wena gi rilile ka mina hi le misabeni.
- 11 Ni makunu na wena u rukatelwe le misabeni, leyi yi klamisileko ka nwina ka yona ku akela a nkata wa nakulobye wa wena mandleni ya wena ;
- 12 Laha wena u ta nga rima misaba, ku sukela lezi yi nga ta trala mihanzo hi ntamo wa yona ; a wuzuli ni wufambi gi ta ba ka wena misabeni.
- 13 Ni Kana i te ngalo ka Jehova, A kutsayiswa ka mina ka hombe ku hunza ku rwala.
- 14 Languta, wena u nzi hlongole nyamukela le ngohe ni ya misaba ; ni ka ngohe ya wena nzi ta ti fihla ; nzi ta ba munzuli ni mufambafambi laha misabeni ; ku ta mahisa lezo, kani hi wili a ta nga nzi kuma i ta nzi daya.
- 15 Ni Jehova i te ngalo ka yena, Hikwalaho kani hi mani a dayako Kana, a kupota ku taba ka yena nklanu ni zimbi zikati. Ni Jehova

GENESISI, 5.

- i lo beka xiwoniso ka Kana, ku nga taku a kumiwa a nga dawa.
- 16 Ni Kana i lo suka mahlweni ka ngohe ya Jehova, i lo aka le tikweni ga le Nodi, le mutsuwuka gambo ka simu ga Edeni.
- 17 Ni Kana i lo tiba sati wa yena; i lo xura nyimba, i lo trala Enoke: yena i lo aka muti, i lo cula bito ga muti, a bito ga nwana wakwe, Enoke.
- 18 Ni ka Enoke ku tralwa Irade; Irade i lo trala Mehujayeli: ni Mehujayeli i lo trala Metusayeli; ni Metusayeli, i lo trala Lameka.
- 19 Ni Lameka i lo teka ba basati ba mbiri: a bito ga munwe hi Ada, ni bito ga munwani hi Zila.
- 20 Ni Ada i lo trala Jabalo; i wa hi raru wa laba ba akako matenteni ba hi ni tihomu.
- 21 Ni makabye a bito gakwe i wa hi Jubale: i wa hi raru wa labo ba komako magubu ni ku maba.
- 22 Na Zila, kambe i lo trala Tubalekaine a mufuli wa zonkolelele zilo zo tsema ni za ziketse: ni makweru wa Tubalekaine Naama.
- 23 Ni Lameka a ku ngalo ka ba basati ba yena:
 Ada na Zila, Zwanani gezu ga mina;
 Nwina basati ba Lameka, zwanani kuwulawula ka mina:
 Hakuba nzi dele munhu hi ku nzi balesa, ni jaha hi ku nziba.
- 24 Loku Kana a ta potelwa nklanu ni kumbiri, ha kunene Lameka i nklanu ni mambiri makume ni nklanu ni kumbiri.
- 25 Ni Adamu i lo tiba sati wakwe kambe; i lo trala nwane i lo cula bito gakwe Sete: Hakuba, ku wula yena, Nungungulu i nzi yimisele yizwani mbewu wutsanweni ga Abela; hakuba Kana i lo mu daya.
- 26 Ni ka Sete, ka yena kambe ku lo tralwa; i lo cula bito gakwe Enox. Zonake banhu ba lo sangula ku bitana bitweni ga Jehova.

XIPIMO 5.

- 1 Legi hi buku ga xizukulwana xa Adamu. Ku suka lego Nungungulu a nga bangile munhu, hi kufanana ka Nungungulu i lo mu maha yena;
- 2 A matsune ni nkati ba bangilweko hi yena, ni i lo ba katekisa, ni ku cu-

- la bito gabye Adamu, sikwini lego a nga ba bangile.
- 3 Ni Adamu i lo hanya zana ni makume manharu malembe, i lo trala nwanana wa ku fanana na yena hi munfaniso wa yena; i lo cula bito gakwe Sete:
- 4 Ni masiku ya Adamu a nzaku ka ku trale Sete ma wa hi nklanu ni manharu mazana, i lo trala barisanyana ni banhanyana.
- 5 Ni wonkle masiku laya a nga hanya Adamu ma wa hi nklanu ni mune mazana ni makume manharu ya malembe; yena i lofa.
- 6 Ni Sete i lo hanya zana ni nklanu malembe, ni ku trala Enox:
- 7 Ni Sete i lo hanya a nzako ka ku ba a trele Enox nklanu ni manharu mazana ni nklanu ni mambiri malembe, lo trala barisanyana ni banhanyana.
- 8 Ni wonkle masiku ya Sete ma wa hi nklanu ni mune mazana ni kume ni mambiri malembe: yena i lofa.
- 9 Na Enox i lo hanya nklanu ni mune wa makume malembe, i lo trala Kenani.
- 10 Na Enox i lo hanya anzako ka ku na a trele Kenani: nklanu ni manharu mazana ni kume ni nklanu malembe, i lo trala barisanyana ni banhanyana.
- 11 Ni wonkle masiku ya Enox ma wa hi nklanu ni mune mazana ni nklanu malembe: yena i lofa.
- 12 Na Kenani i lo hanya nklanu wa makume ni makume mambiri ya malembe, ni ku trala Mahalaleli.
- 13 Na Kenani i lo hanya anzako ka ku trala Mahalaleli nklanu ni manharu mazana ni mune makumi malembe, i lo trala barisanyana ni banhanyana:
- 14 Ni wonkle masiku ya Kenani ma wa hi nklanu ni mune mazana ni kume malembe: yena i lofa.
- 15 Ni Mahalaleli i lo hanya nklanu ni ginwe makume ni nklanu malembe, i lo trala Jaredi:
- 16 Ni Mahalaleli i lo hanya a nzako ka ku trala Jaredi nklanu ni manharu mazana ni makume manharu malembe, i lo trala barisanyana ni banhanyana:
- 17 Ni wonkle masiku ya Mahalaleli ma wa hi nklanu ni manharu mazana ni nklanu ni mune makume ni nklanu malembe: yena i lofa.
- 18 Ni Jaredi i lo hanya zana ni nkla-

nu ni ginwe makume ni mambiri malembe, i lo trala Enoke:

- 19 Ni Jaredi i lo hanya a nzako ka ku ba a trele Enoke nklanu ni manharu mazana malembe, i lo trala barisanyana ni banhanyana:
- 20 Ni wonkle masiku ya Jaredi ka wa hi klanu ni mune mazana ni nklanu ni wa makume ginwe ni mambiri malembe: yena i lofa.
- 21 Na Enoke i lo hanya nklanu ni ginwe makume ni nklanu malembe, ni ku trala Matusela.
- 22 Ni Enoke i lo famba na Nungungulu a nzako ka ku trala Matusela mazana manharu malembe, ni ku trala barisanyana ni banhanyana:
- 23 Ni wonkle masiku ya Enoke ma wa hi mazana manharu, ni nklanu ni ginwe makume ni nklanu malembe:
- 24 Na Enoke i lo famba zinwe na Nungungulu: yena i wa nga hi kona; hakuba Nungungulu i lo mu teka.
- 25 Na Matusela i lo hanya a nzana ni nklanu ni manharu makume ni nklanu ni mambiri malembe, ni ku trala Lameka:
- 26 Na Matusela i lo hanya a nzako ka ku ba a trele Lameka nklanu ni mambiri mazana ni nklanu wa makume ni manharu malembe, ni ku trala barisanyana ni banhanyana.
- 27 Ni wonkle masiku ya Matusela ma wa hi i nklanu ni mune mazana ni nklanu ni ginwe makume ni nklanu ni mune malembe: yena i lofa.
- 28 Na Lameka i lo hanya zana ni nklanu ni manharu makume ni mambiri malembe, ni ku trala nisanyana:
- 29 Na yena i lo cula bito gakwe hi Noa, na aku. Xwalexi xi ta hi tangalisa ntirweni wa hina ni le ku ntireni ka mandla ya hina, lowu wu tako hakuba hi misaba leyi Jehova a yi rukateleko.
- 30 Na Lameka i lo hanya anzaku ka ku ba a trele Noa nklanu mazana ni nklanu makume ni mune ni nklanu malembe, ni ku trala barisanyana ni banhanyana:
- 31 Ni wonkle masiku ya Lameka ma wa hi nklanu ni mambiri mazana ni nklanu ni mambiri makume ni nklanu ni mambiri malembe: yena i lofa.
- 32 Na Noa i wa hi ni nklanu mazana malembe a wu kale: na Noa i lo trala Xemi, Hamu, na Jafete.

XIPIMO 6.

- 1 Na ku mahisile lezo, laha banhu ba nga sangula ku anza ngoheni ya misaba, ni banhwana ba lo tralwa ka bona.
- 2 Ni barisanyana ba Nungungulu ba lo wona banhanyana ba banhu lezaku ba wa sasekile; ba lo teka ba basati babye ka bonkle laba ba nga wa ba langile.
- 3 Na Jehova a ku ngalo, Moya wa mina wu nga ta simamisa ni banhu kala kupinzuka, hakuba yenawu kambe u hi nyama: kasi lezo masiku yakwe ma ta ba zana ni makume mabiri malembe.
- 4 Na Nefilime ba wa ni misabeni hi lawo masiku, ni kambe a nzako ka lezo, ni laha barisanyana ba Nungungulu ba engenile ka banhanyana ba banhu, na bona ba lo trala banana ka bona: balaba ba wa hi banhu ba ntamo labo ba kale, banhu ba tibyi-wako.
- 5 Na Jehova i lo wona lezaku a kuonha ka banhu ku kulile lomo misabeni, ni lezaku a kupima ka kuala kanya ka mbilu yabye ku wa hi kubiha ku simamisileko.
- 6 Ku lo hunzulusa Jehova lezi a mahileko munhu misabeni, ku lo zangarisa yena le mbilwini ya yena.
- 7 Ni Jehova a ku ngalo, Nzi ta lobisa munhu loyi nzi mu mahileko le ngoheni ya misaba; bonkle banhu, ni zihari ni zilo zi kokakokako, ni tinyanyane ta matilo; hakuba ku nzi hunzulusa mina lezo nzi mahileko zona.
- 8 Kanilezi Noa i lo kuma tomo mahlweni ka Jehova.
- 9 Lezi hi zi zukulwana za Noa. Noa i wa hi munhu a lulamileko, ni ku mbelela zizukulwaneni zakwe: Noa i lo famba zinwe na Nungungulu.
- 10 Na Noa i lo trala barisanyana banharu, Xemi, Hamu, ni Jafete.
- 11 Ni misaba yi wa bolile mahlweni ka Nungungulu, ni misaba yi wa tele hi kupanga.
- 12 Na Nungungulu i lo wona misaba, na, languta, yi wa bolile; hakuba yonkle nyama yi lo bota ndlela ya yona helila ka misaba.
- 13 Na Nungungulu a ku ngalo ka Noa, A kugumelwa ka nyama yonkle ku cikele mahlweni ka mina; hakuba misaba yi tele hi kupanga hi kota ya bona; ni, languta, nzi ta lobisa bona ni misaba.

GENESISI, 7.

- 14 Maha a taru hi sinyanya ya hlakati; ni tindlu u ta ti maha lomu ntarwini, u ta tota lomu nzeni ni lehandle hi hlakati.
 - 15 Ni loku hi loku u ta nga gi mahisa gona: a kunabalata ka ntaru mazana manharu mikono, a kuanama nklanu makume mikono, ni kuleha makume manharu mikono.
 - 16 Ni kuwonekela u ta ku maha ntarwini, u ta ku beka ka kono munwe hi le hehla; ni tibati ta ntaru u ta ti beka hi lomu maklelweni ya gona; zinwe ni ya lahasi, ni ya wumbiri, ni ya wunharu yindlu wena u ta gi maha.
 - 17 Na mina, languta, nzi neha a ntalo wa mamati hehla ka misaba, ku ta lobisa yonkle nyama, leyi yi na ku ni muhefemulo wa wutomi, lahasi ka tilo; zonktelelele zilo lezi zi nga lomu misabeni zi ta kufa.
 - 18 Kanilezi nzi ta yimisa xivumelwana xa mina zinwe na wena; wena u ta engena lomu ntarwini, wena, ni banana ba wena, ni sati wa wena, ni bana ba wena ni basati ba bona zinwe na wena.
 - 19 Ni zilo zonkle zi hanyako za nyama yona, zimbiri za tixaka tonkle u ta zi neha lomu ntarwini, u ta zi hlayisa zi hanya zinwe na wena; zi ta ba matsune ni nkati.
 - 20 A tinyanyani ni tixaka ta tona, ni tihomu ni hi tixaka ta tona, ni zonktelelele zi makanyako laha misabeni hi tixaka ta zonkle, a zimbiri za tixaka tonktelelele zi tata ka wena, u ta zi hlayisa zi hanya.
 - 21 Ni ku teka ka wena konkle kuga loku ku giwako, u ku hlengelletela ka wena; ku ta ba kuga ka wena ni ka bona.
 - 22 Zingaho i lo maha Noa; hi laha konkle Nungungulu a mu layileko ha zona, zingaho i lo maha yena.
- XIPIMO 7.**
- 1 Na Jehova i te ngalo ka Noa, Ngo na wena ni yindlu ya wena yonkle lomu ntarwini; hakuba wena mina nzi ku wonile na u lulamile mahlweni ka mina ka lexi xizukulwana.
 - 2 A zonktelelele zilo zi hlazekileko zihari u ta teka ka zona ha klanu ni zimbiri ni klanu ni zimbiri, a matsune ni nkati wakwe; ni ka zihari lezi zi nga hlazekangiko zimbiri, a matsune ni nkati wakwe.
 - 3 Ni ka tinyanyani ta matilo kambe, klanu ni zimbiri ni klanu ni zimbiri matsune ni nkati, a ku hlayisa a mbewu yi hanya mahlweni ka ngohe ya misaba yonkle.
 - 4 Hakuba hi nklanu ni mambiri masiku ma seleko, nzi ta nisa vula hehla ka misaba mune makume masiku ni mune makume wusiku; ni zonktelelele zilo lezi nzi zi mahileko nzi ta zi lobisa le ngoheni ya misaba.
 - 5 Na Noa i lo maha kotisa lezi zonkle Jehova a mu layisileko yena.
 - 6 Na Noa i wa hi ni nklanu ni ginwe ga mazana malembe a wu kale laha na ntalo wa mamati wu ngata hehla ka misaba.
 - 7 Na Noa i lo engena, ni bana bakwe ni sati wakwe, ni basati ba bana zinwe na yena lomu ntarwini, hakuba hi mamati ya ntalo.
 - 8 Ni zihari zi hlazekileko, ni zihari zi nga hlazekangiko, ni tinyanyani, ni ka zonktelelele zilo zi makanyako hehla ka misaba.
 - 9 Laho zi wa hi zimbiri ni zimbiri ka Noa le ntarwini, a matsune ni nkati, kotisa lezi Nungungulu a nga layile Noa.
 - 10 Na kumahisile lezo a nzako ka nklanu ni mambiri masiku, lezo a mati ya ntalo ma wa hi hehla ka misaba.
 - 11 Hi lembe ga nklanu ni ginwe mazana ya wutomi ga Noa, hi hweti ya wumbiri, hi siku ga wukume ni nklanu ni mambiri ga kweti, gwalego siku a tihlowo leti tletileko ti lo vululeka, ni tinyangwa ta tilo ti wa lo vululeka.
 - 12 Ni vula yiwa hi hehla ka misaba mune makume masiku ni mune makume wusiku.
 - 13 Ni wutsumbu ga gwalego siku i lo engena Noa, na Xemi, na Hamu, na Jafete, a banana ba Noa, ni sati wa Noa, ni basati banharu ba bana ba yena zinwe na yena, lomo tarweni.
 - 14 Bona, ni zonktelelele zihari hi tixaka ta zona, ni tonkle tihomu hi tixaka ta tona, ni zonktelelele lezi zi kokakokako ni zilo zi makanyako hehla ka misaba hi tixaka ta zona, ni tonktelelele tinyanyani hi tixaka ta tona, ni tonktelelele tinyanyani ta yonktelelele mibala.
 - 15 Na zona zi loya ka Noa lomu tarwini, zimbiri hi zimbiri ka yonkle nyama leyi yi nga ni mihefemulo wa wutomi.

- 16 Ni lezo zi nga engena, zi wa engena hi matsune ni nkati za nyama yonkle, kota Nungungulu a mu layileko: Jehova i lo mu valela.
- 17 Ni ntalo wu lona mune wa makume masiku hehla ka misaba; ni mamati ma lo kukumuka, ma lo klakuswa a ntaru, gi wa lo klakuswa le hehla ka misaba.
- 18 Ni mamati ma lo tala, ma kukumuka nguvu hehla ka misaba; ni ntaru gi loya hehla ka ngohe ya mamati.
- 19 Ni mamati ma lo kukumuka hi kuzenzelekisilweko hehla ka misaba; ni zonkle zitsunga lezo leha zi nga lahasi ka tilo zi lo fenengetwa.
- 20 Ni mamati ma lo kukumuka kala ka kume ni nkalanu mikono; ni zitsunga zi lo fenengetwa.
- 21 Ni yonkle nyama leyi yi makanyako misabeni yi lofa, konkle ni zinyanyani, ni tihomu, ni zihari, ni zonklelele zo kokakoka lezi zi kokakokako hehla ka misaba, ni bonklelele banhu.
- 22 Ni ka bonkle laba ba nga wa hi ni kuhefemula ka moya wa wutomi tihovini tabye, lezi zi nga wa hi laha muhanzeni, zi lofa.
- 23 Ni zonklelele zilo zi lobyiswa lezi zi nga wa hi hehla ka ngohe ya misaba, bonkle banhu, ni tihomu, ni zilo zo kokakoka, ni tinyanyani ta tilo; zi lo lobyiswa laha misabeni: Noa yece i lo siywa, ni bonkle laba ba nga wa hi naye lomu ntarwini.
- 24 Ni mamati ma wa kukumukile misabeni a zana ni nkalanu makume masiku.

XIPIMO 8.

- 1 Ni Nungungulu i lo alakanya Noa, ni zihari zonkle, ni tonkle tihomu leti a nga wa hi nato lomu tarwini: ni Nungungulu i lo maha mheho yi pupuxa hehla ka misaba, a mamati ma lo bohla;
- 2 Ni tihlowo kambe ta kueta ni tinyangwa ta tilo ti lo valelwa, ni vula hi le tilweni yi lo kawuka;
- 3 Ni mamati ma lo simamisa na matra misabeni: ni nzako ka kugumelwa ka zana ni nkalanu makume masiku a mamati ma lo bohla.
- 4 Ni a ntaru gi lo humula hi siku ga wuklanu ni mambiri ga hweti, le zitsungeni za lo Ararate.
- 5 Ni mamati ma lo simamisa matra kala hweti ya kume: ya hweti ya kume, hi siku go ranga ga hweti, le hehla ka zitsunga ku lo wonwa.

- 6 Na ku mahisile lezo hi kugumelweni ka mune makume masiku, Noa i lo vulula a woni ga ntaru legi a nga wa gi mahile:
- 7 Yena i lo rumela a xikunguwa, xilo ya nwalala, kala mamati ma lotra le misabeni.
- 8 I lo humesa a tuba ka yena, a kuwona lezaku a mamati ma trile le ngoheni yonkle ya misaba;
- 9 Kanilezi a tuba a gi kumangi ku humula ka xipama xa konzo wa gona, gona gi lo wuya ka yena ntarwini; hakuba a mamati ma wa hi ngoheni ya misaba yonkle: i lo humesa a canja gakwe, i lo gi teka, i lo gi tisa ka yena lomu ntarweni.
- 10 I lo engeta a tsama nkalanu ni mambiri masiku; ni kambe i lo humesa a tuba hi le ntarweni;
- 11 Ni tuba gi lo klela ka yena laha gumbyeni; ni, languta, ni nozwini ka gona a kluka ga oliva gi lo suswa: zingaho Noa i lo tiba lezaku a mamati ma trile misabeni.
- 12 Yena i lo tsama kambe nkalanu ni mambiri masiku, i lo humesa kambe a tuba; gona kambe a nga ha engetangi gi wuya ka yena kambe.
- 13 Na ku mahisile lezo hi nkalanu ni giawe lembe, hi hweti yo ranga, ni siku go ranga ga hweti, ni mamati ma wa la sutra laha misabeni: na Noa i wa lo funungula xifenengeto xa ntaro, i lo cuwuka, ni, languta, ni ngohe ya misaba yi wa omile.
- 14 Ni hweti ya wumbiri, hi makume mambiri, ni nkalanu ni mambiri siku ga hweti, ni misaba yi wa lo oma.
- 15 Ni Nungungulu i lo wulawula ka Noa, aku,
- 16 Huma lomu ntarwini, wena, ni sati wa wena, ni bana ba wena, ni basati ba bana ba wena zinwe na wena.
- 17 Neha zinwe na wena zonklelelele zilo zi hanyako lezi zi nga wa hi na wena zanyana yonkle, konkle tinyanyani, ni tihomu, ni zonklelelele zi makanyako lezi zi nga wa makanya laha misabeni; kasi zi fela kukloklora hi kutatisilweko misabeni, ni ku ba zi trala, ni kuanziswa le hehla ka misaba:
- 18 Na Noa i lo huma, ni bana bakwe, ni sati wakwe, ni basati ba bana bakwe, zinwe na yena:
- 19 Ni zihari zonklelele, zonklelelele zo kokakokako, ni tonklelele tinyanyani, ni ka zi hi zonkle zi makanyako laha

misabeni, hi mingango ya zona, zi lo huma lomu ntarwini.

- 20 Na Noa i lo aka a alati ka Jehova, ni ku teka ka zonkolelele zihari lezi zi hlazekileko, ni ka tonkolelele tinyanyani leti ti hlazekileko, a nyikela a munyikelo wo hiswa lomu alateni.
- 21 Na Jehova i lo nuheta a masema yo nanziba; na Jehova i te ngalo hi mbilwini ya yena, Nzi nga ta ha engeta kambe nzi rukatela misaba hi kota ya munhu, hakuba lezo a kualakanya ka munhu ku bihile ku sukela wusweni ga yena; cima nzi nga ta ha engeta kambe nzi daya kambe zonkolelele zilo zi hanyako, kota lezi nzi mahileko.
- 22 Na nga ha tsamile a saba, a zikati za mbewu, ni xa kuhula, ni xirami ni ku hisa, ni ximumu ni wuxika, a siku ni wusiku zi nga ta kawula.

XIPIMO 9.

- 1 Na Nungungulu i lo katekisa Noa ni bana ba yena, i te ngalo ka bona, Tralani, ni kuanza, ni ku tatisa misaba.
- 2 Ni kucabya ka nwina ni kutsisa ka nwina ku taba hehla ka zihari za misaba, ni hehla ka tonkolelele tinyanyani ta matilo; ni ka zonkle lezi misaba yi zi fumelako, ni yonkle nyama ya bimbi, ni ka canja ga wena zi nyikelwe.
- 3 Ni zonkolelele zi hanyako zi ta ba kuga ka nwina; kwatsi hi lezi a kabanyewo nyuka nzi nyikile nwina wonkle.
- 4 Kanilezi a nyama leyi ya ba hiko ni wutomi, leyi ya ba hiko ni nkata, mu nga yigi.
- 5 Ha kunene a nkata wa nwina, a nkata wa wutomi ga nwina, nzi ta wu laba; hi ka canja ga zihari zonkolelele nzi ta wu laba: ni ka canja ga munhu, hambu ka canja kani hi wihi makabye wa munhu, nzi ta laba wutomi ga munhu.
- 6 Kani hi wihi a halatako nkata wa munhu, hi munhu a nkata wa yena wu ta halatwa; hakuba hi mufananiso wa Nungungulu yena i lo maha munhu.
- 7 Na nwina, na muhi ni kutrala, mu anza, mu humesa hi ku tatisilweko lomu misabeni, ni ku anziswa kona.
- 8 Ni Nungungulu i lo wulawula ka Noa ni ki bana bakwe zinwe na yena, aku.
- 9 Na mina, languta, nzi yimisile ka

xivumelwano xa mina zinwe na nwina, ni zinwe ni mbewu ya nwina a nzako ka nwina;

- 10 Ni ka zonkolelele zibangwa lezi zi nga wa hi zinwe na wena, a tinyanyani, a tihomu, ni zonkolelele zihari za misaba zi nga zinwe na nwina; ni zonkle lezi zi nga huma lomu ntarwini, zonkolelele zihari za misaba.
- 11 Nzi ta yimisa xivumelwano xa mina zinwe na nwina; cima ni nyama yonkle yi nga ta ha tsenwa kambe hi mamati ya ntalo; cima ku nga ta hakuba kona ntalo kambe a ku lobisa misaba.
- 12 Na Nungungulu i te ngalo, Lexi hi xi kombiso xa xivumelwano lexi nzi xi mahako xikari ka mina na nwina ni zibangwa zonkolelele lezi zi hanyako zi nga wa hi zinwe na nwina, ka xizukulwaneni xonkle:
- 13 Nzi rumele wura ga mina ganyazimu lomu marefini, ku ta ba xikombiso xa xivumelwano xikari ka mina ni misaba.
- 14 Na ku mahisile lezo, laha na nzi neha marefu hehla ka misaba, ni wura ganyazimu gi ta wonwa lomu marefini.
- 15 Na mina nzi ta alakanya xivumelwani xa mina, lexi xi nga xikari ka mina na nwina ni ka zibangwa zonkolelele zi hanyako za nyama; ni mamati kambe ma nga hata ku ba ntalo a ku lobisa nyama yonkle.
- 16 Ni wura-ganyazimu gi ta ba refini, na mina nzi ta gi cuwuka, kasi nza fela ku alakanya xivumelwano xa kupinzuka lexi xi nga xikari ka Nungungulu ni ka zonkolelele zibangwa zi hanyako lezi zi nga le hehla ka misaba yonkle nyama.
- 17 Na Nungungulu i te ngalo ka Noa, Lexi hi xikombiso xa xivumelwano lexi nzi xi yimisileko xikari ka mina ni nyama yonkle leyi yi nga le hehla ka misaba.
- 18 Ni bana ba Noa, laba ba nga huma hi lomu ntarwini, ba wa hi Xemi, Hamu, na Jafete: na Hamu i wa hi raru wa Kenani.
- 19 Laba banharu ba wa hi bana ba Noa: ka bona ku lo hangalaswa ni misaba yonkle.
- 20 Na Noa i lo sangula ku maha murimi, i lo byala xivini:
- 21 I lonwa waini, i wa popiwa; i wa nga fenengelangi lomu tenteni gawe.

- Milka, *nwana* wa Harani, a raru wa Milka, ni raru wa Iska.
- 30 Na Sarai i wa hi ngonwa; i wa nga hi na *nwana*.
- 31 Na Tera i lo teka Abrama a *nwana* wakwe, na Loti *nwana* wa Harani, a *nwana* wa *nwana* wakwe, na Sarai a *nwingi* wakwe, a kata wa *nwana* wakwe Abrama: bona ba lo suka *ziwe* na bona lomu Ure ga Makalde, a kuya tikweni ga le Kenani; bona ba lota Harani, ba lo aka laho.
- 32 Ni masiku ya Tera na wa hi *mazana* mambiri ni *nlanu* malembe: i lofa le Harani.

XIPIMO 12.

- 1 Makunu Jehova i te ngalo ka Abrama, Suka wena tikweni ga *nwina*, ni le maxakeni ya wena, ni le *n lwini* ya raru wa wena, uya ka tiko legi nzi ta nga ku kongeta wena:
- 2 Nzi ta maha ha wena a lixaka la hombe, nzi ta ku katekisa, ni ku maha bito ga wena gi kula, na wena nga u hi kukatekisa:
- 3 Nzi ta ba katekisa labo ba ku katekisako, ni loyi a ku rukatelako nzi ta mu rukatela: ni ka wena a *mingango yonle* ya misaba yi ta katekiswa.
- 4 Zingaho Abrama i loya, kwatsi hi lezi Jehova a nga wulile ka yena: ni Loti i loya *ziwe* na yena: na Abrama i wa hi ni *nlanu* ni mambiri makume malembe a wukale laha a nga wa sukile le Harani.
- 5 Na Abrama i lo teka Sarai sati wakwe, na Loti *nwana* wa nakulobye, ni tsonba *yaye yonle* leyi ba nga wa yi tsonbanyisile, ni muhefemulo leyi ba nga yi kumile Harani; ba suka baya tikweni ga le Kenani; ni ka tiko ga le Kenani ba lo cikela.
- 6 Ni Abrama i lo tsemakanya tiko i lota wutsazweni ga le Xekemi, si nyeni ya More. Ni Makenani ma wa hi kona zonake lomo tikweni.
- 7 Ni Jehova i lo woneka ka Abrama, na aku ngalo, Ka mbewu ya wena nzi ta nyika legi tiko: ni laho yena i lo aka alati ka Jehova, loyi a nga woneka ka yena.
- 8 Yena i lo suka laho i lota le xitsunge-ni xa le mutsuwuka-gambo ni Beteli, i lo yimisa tente gakwe kona, ni Beteli i wa muhla-gambo, Ai le mutsuwuka-gambo: ni laho i lo aka

alati ka Jehova, ni ku i lo bitana bitweni ga Jehova.

- 9 Na Abrama i lo famba, na aya a koma ma Dzongeni.
- 10 Ni laho ku wa hi ni *ndlala* lomo tikweni: na Abrama i lo relela aya Gipite i wa hi muenzi leyo; hakuba *ndlala* yi wa kulile lomo tikweni.
- 11 Na ku mahisile lezo ni laha a nga wa tsinela ku suhi ku engena le Gipite, i te ngalo ka Sarai sati wa yena, Languta makunu, wena u wasati wo saseka ku cuwukeka:
- 12 Kutaku na ku mahisile lezo, laha a ba Gipiti ba ta nga ku wona, ba taku, Loyi hi sati wakwe: ba ta nzi daya kanilezi ba ta hanyisa wena.
- 13 Wula, nza ku kombela, wena u makweru wa mina; kasi ku felwa ku mahwa kwatsi ka mina hi kota ya wena, kasi muhefemulo wa mina wa hanya hi kota ya wena.
- 14 Na ku mahisile lezo, lezaku, laha na Abrama na a eikele Gipite, ba Gipiti ba langutile wasati lezaku yena i wa sasekile.
- 15 Ni tihosana ta Faro ni fi lo mu wona, ba lo mu babaza: ni wasati i lo tekwa a tiswa *n lwini* ka Faro.
- 16 Na yena i lo koma kwatsi Abrama hi kota ya yena: i wa hi ni tiyivu ni tikabi, ni hamatsune ba timbo-ngola, ni malanza ya xinuna, ni malanza ya xisati, ni mikati ya timbo-ngola, ni makameli.
- 17 Na Jehova i lo xanisa Faro ni yinlu yakwe ki kuba/ya ka hombe hi kota ya Sarai, a sati wa Abrama.
- 18 Na Faro i lo bitana Abrama, i te ngalo, Xini lexi u xi mahileko ka mina hi yini u nga kala ku nzi *byela* lezaku i wa hi sati wa wena ke?
- 19 Hi yini wena u ngaku, Makweru wa mina ke, kasi lezo nzi mu teka nzi ku i sati wa mina? makunu hikwalaho languta sati wa wena, mu teke, u ti fambela.
- 20 Na Faro i lo laya banhu bakwe ha yena: ba lo mu koma *ndlela*, ni sati wa yena, ni *zonle* lezo a nga wa hi nazo.

XIPIMO 13.

- 1 Na Abrama i lo kanziya a kuma Gipite, yena, ni sati wa yena, ni *zonle* lezo a nga wa hi nazo, ni Loti *ziwe* na yena, ba lota le Dzongeni.
- 2 Na Abrama i wa fumile nguvu hi tihomu, hi siliva, ni hi nzalama.
- 3 Na a laya lwenzweni lakwe le Dzo-

- ngeni aya Beteli, wutsanweni lego tente gakwe gi nga wa yimisilwe kona kusanguleni xikari ka Beteli ni Ai,
- 4 Wutsanweni ga alati, legi a nga wa gi mahile leyo ku ranga: ni laho Abrama i lo bitana bitweni ga Jehova.
- 5 Na Loti kambe loyi a nga famba na Abrama, i wa hi ni miklambi, ya tiyivu ni miklambi ya tihomu, ni matenteni.
- 6 Ni wutsamo gi wa nga kotu ku ba enela, lezaku kasi ba fela ku tsama wutsamo ginwe: hakuba kufuma kabye ku wa hi ka hombe nguvu, zingaho lezo ba wa nga kotu ku tsama katiginwe.
- 7 Ni laho ku wa hi kona kukaneta ka barisi ba tihomu ta Abrama ni barisi ba homu ta ka Loti: ni Makenani ni Maperezi ma wa akile zonake lomo tikweni.
- 8 Na Abrama i te ngalo ka Loti, Nga laho ku nga hi kona ku kanetana, nza ku kombela, xikari ka mina na wena, ni xikari ka barisi ka mina ni barisi ka wena; hakuba hi makabye.
- 9 A tiko gonkle a gi kona mahlweni ka wena ke? hambanyisa wutsumbu ga wena, nza ku kombela, le ka mina: loku u zi ranza ku teka canja ga xibaba, zonake mina nzi taya ka ga xinene, loku wena wa teka canja ga xinene, mina nzi taya ka ga xibaba.
- 10 Na Loti i lo klakusa mahlo ya yena, i lo wona Mikoba yonkle ya le Jordani, lezaku yi wa tsakamiswa kwatsi konklelele, hi mahlweni ka kuba Jehova a nga se ku lobisa Sodoma ni Gomora, kwatsi hi simu ya Jehova, kwatsi hi tiko ga le Gipite, hi ku kwatsi uya Zoare.
- 11 Zingaho Loti i lo ti hlawulela Mikoba yonkle ya le Jordani; Loti i loya mutsuwuka-gambo: ba lo hambana wutsumbu-gabye ka muzwe ni muzwani.
- 12 Abrama i lo aka lomo tikweni ga Kenani, Loti i lo aka lomo mitini ya lomo Mikobeni, ni ku susa tente gakwe aya kule ku kota Sodoma.
- 13 Makunu a banhu ba le Sodoma ba wa hi bo biha ba bihisa ka Jehova hi ku hunzeletilweko.
- 14 Na Jehova a ku ngalo, a nzako ka lezo Loti a nga wa hambanyisilwe ka yena, klakusa makunu a mahlo ya wena, u cuwuka hi laha wusanweni legi u nga ka gona, le nwalungwini ni le dzongeni ni le mutsuwuka-gambo ni muhlwagambo:
- 15 Hakuba gonkle tiko legi wena u gi wonako, ka wena nzi ta ku nyika gona, ni ka mbewu ya wena kala ku pinzuka.
- 16 Nzi ta maha a mbewu ya wena kwatsi hi tsumu wa misaba: zingaho loku munhu a zi kota ku hlalaya tsumu wa misaba, zonake ni mbewu ya wena kutani yi nga hlalayiwa.
- 17 Suka, u faniba u tsemakanya tiko a ku nabalata ka gona ni ku anama ka gona; hakuba ka wena nzi ta ku nyika gona.
- 18 Na Abrama i lo susa tente gakwe, i lota aka tisinyeni ta le Momre, leti ti nga le Hebroni, i lo aka laho alati ka Jehova.

XIPIMO 14.

- 1 Na ku mahisile lezo masikwini ya Amrafeli a hosi ya le Xinari, Arioke a hosi ya le Elasar, Kedorlaomeri hosi ya le Elami, na Tidal hosi ya le Goiime.
- 2 Ba lo maha yimpi zinwe na Bera a hosi ya le Sodoma, ni zinwe na Birxa a hosi ya le Gomora, Xinabi na hosi ya le Adma, na Xemebera a hosi ya le Zeboime, ni hosi ya le Bela (ywaleyo hi Zoare).
- 3 Ni bonkle laba ba lo klangana katiginwe le tibaleni ta le Sidime (kwaleyo Bimbini ga Munyu).
- 4 Kume ni mambiri malembe ba wa kozela Kedorlaomeri, hi kume ni manharu malembe ba lo pfuka.
- 5 Ni kume ni mune malembe i lota Kedorlaomeri, ni tihosi leto a nga wa hi na yena, ba lo hlalaya Refaime le Axterote-karnaim, na Zuzima le Hamu, ni le Enime le Xave-kiriataime.
- 6 Ni mu Horite xitsungeni kabye Seire, ba El-parani, legi gi lomu xiwuleni.
- 7 Na kona ba lo hlalaya, ni kuta ba Enmixpate (kwaleyo Kedexi), ba lo hlalaya gonkle tiko ga ma Amaleki, kambe ni ma Amori, laba ba akileko Hazizon-tamare.
- 8 Ni laho ku lo huma a hosi ya le Sodoma, ni hosi ya le Gomora, ni hosi ya le Adma, ni hosi ya le Zeboime, ni hosi ya le Bela (ywaleyo yi nga Zoare); ba lo hloma malari kulwa lomu timbaleni ta le Sidimi;

- 9 Kambe Kedorlaomeri a hosi ya le Elame, na Tidale a hosi ya le Goi-me, na Amrafeli a hosi ya le Xina-ri, na Arioke a hosi ya le Elasare; mune wa tihosi tilwa ni nkhanu.
- 10 Makunu a timbala ta le Sidime ti wa tele hi mikele ya marope; a tihosi ta Sodoma ni Gomora ti lo tsutsuma, ba lo tsanzeka, ni laba ba nga wa sele ba lo tsutsumela xitsungeni.
- 11 Ba lo teka yonke tsomba ya le Sodoma ni le Gomora, konke kuga ka-bye ba lo ti fambela.
- 12 Ba lo teka Loti, a nwana wa nakulobye wa Abrama, loyi a nga akile le Sodoma, ni tsomba yakwe, ba lo ti fambela.
- 13 Ni laho ku lota muzwe loyi a nga wa ponile, i lo byela Abrama a mu Heberu; makunu i wa akile le tisi-nyeni ta le Mamre, a mu Amori makabye wa Exkole, ni makabye wa Anera; labo ba wa a klangana na Abrama.
- 14 Ni laha Abrama a nga wa zi zwile lezaku a nakulobye i konwilwe, i lo rangela banhu bakwe bagonzisilweko, ba nga wa trelwe lomo ndlwini yakwe, mazana manharu ni kume ni nkhanu ni banharu babanuna, ba lo lanza kala ba cikela wukale go kota Dani.
- 15 I lo ti hambanyisa wutsumbu gakwe a kulwa na bona ni wusiku, yena ni malanza yakwe, ba lo ba hlasela, ba lo ba hlolongisa kala le Hoba, legi nga hi kelelo ga xibaba ka le Damasikusi.
- 16 Yena i lo khlisa yonke tsomba, ni kambe i lo khlisa ni nakulobye Loti, ni tsomba yakwe, ni ka basati kambe, ni banhu.
- 17 Ni hosi ya le Sodoma yi lo huma ku ma kinga, a nzako ka kuka na wuyile hi le ka kuya hlasela Kedorlaomeri ni tihosi leti ti nga wa hi zinwe na yena, le mbaleni ya le Xeva (ywaleyo hi Mabala ya Hosi).
- 18 Na Melkizedeki a hosi ya le Salema i lo neha a zibaba ni waini: yena i wa hi mupristi wa Nungungulu wa Hehla-Hehla.
- 19 Yena i lo mu katekisa, i te ngalo. Katekiswa Abrama wa Nungungulu Hehla-Hehla awinyi wa tilo ni misaba:
- 20 Nga kukatekiswa ku hi ka Nungungulu nga Hehla-Hehla, loyi a nyikelekele balala ba wena canjeni ga

- wena. I lo nyika yena a kume ga zonke.
- 21 Ni hosi ya le Sodoma yi te ngalo ka Abrama, Nzi nyike banhu mina, teka tsomba yi maha ya wutsumbu ga wena.
- 22 Na Abrama, i te ngalo ka Hosi ya Sodoma, Nzi hlakusele canjeni ga mina ka Jehova, Nungungulu Hehla-Hehla, a nwini wa tilo na misaba.
- 23 Lezaku nzi nga ta teka ni li hinza kutani ni ngoti ya xilati ni ncumo ga wena, kutani u nga taku, Mina nzi mu fumisile Abrama:
- 24 Saseka zalezi a majaha ma zi gileko, ni xiabelo xa banhu laba ba ngaya zinwe na mina, Anera, na Exkoli, na Mamre; nga bona ba teka xiabelo xabye.

XIPIMO 15.

- 1 A nzako ka lezi zilo ni mhaka ya Jehova yi lota ka Abrama hi muwoniso, na yiku, U nga cabi, Abrama: mina nzi xiklangu xa wena, na nzi hi cacazelo wa wena wa hombe nguvu.
- 2 Ni Abrama i te ngalo, O Hosi Jehova, xini u nga nzi nyika, na u wona lezaku a nzi na nwana, ni loyi a ta nga sala ni tsomba ya mina hi Elezeri wa le Damaskusi ke?
- 3 Ni Abrama i te ngalo, Languta, ka mina a ku nzi nyikangi ni mbewu; ni mangabye, a muwe wo tralwa lomu ndlwini ya mina hi mugi wa tso-mba.
- 4 Ni, languta, a mhaka yi lota hi ka Jehova, yi lota ka yena, na yiku, Loyi munhu a nga ta kuba mugi wa tso-mba ya wena; kanilezi loya a ta nga huma hi lomu marumbyini ya wena awinyi i ta ba mugi wa tsomba ya wena.
- 5 Yena i lo mu humesa le handle, i te ngalo, Cuwuka makunu le tilweni, u hlava tinyeleti, loku wena u zi kota ku ti hlava: na yena i te ngalo ka yena, Zingaho ni mbewu ya wena yi ta ba lezo.
- 6 Yena i lo kolwa ka Jehova; yena i lo mu hlavela kona lezaku kululama.
- 7 Yena i te ngalo ka yena, Nzi mina Jehova loyi a nga ku neha wena hi le Ure ga Makalde, a ku nyika wena legi tiko a ku ba tsomba.
- 8 Ni i te ngalo, O Hosi Jehova, hikwihi nzi ta nga zi tiba lezaku gona gi ta ba tsomba ya mina.
- 9 Na yena i te ngalo ka yena, Nzi tekele a role ga malembe manharu a

wu kale, ni mbuti ya papakazi, a malembe manharu a wu kale, ni hambana ya malembe manharu a wu kale, ni tuba, ni vinyane ga xipomba.

- 10 Yena i lo mu tekela zonkile lezi zilo, i lo zi hambanyisa hi laha xikari, a klateka kihlanya lexi ni lexi hehla ka xizwane: kanilezi a tinyanyani a nga ti hambanyisangi.
- 11 Ni makoti ma lota hehla ka zirumbi, Abrama i lo ma hlongola.
- 12 Ni laha gambo gi nga relela, ni wurongo go eta gi lota ka Abrama; ni, mangabye, a munyama wa kotaisa nguvu wu lota hehla ka yena.
- 13 Yena i te ngalo ka Abrama, Zi tibe ha kunene lezaku a mbewu ya wena yi ta ba baenzi lomo tikweni legi gi nga hiko gabye, ni ku ba ta ba kozela; na bona ba ta xanisa bonamune mazana malembe;
- 14 Ni kambe lowo mufumo, ba ta nga wu kozela, nzi ta wu lamula: ni nza-ko ka lezo ba ta huma ni kufuma ka hombe.
- 15 Kanilezi wena u taya ka bararu wa wena hi ku rula; wena u ta kelelwa na u kosahela kwatsi.
- 16 Ni ka xizukulwana xa wumune ba ta wuyela laha kambe: hakuba a kubiha ka ma Amori lezi a ku se ku tala.
- 17 Na ku mahisile lezo, lezaku, laha gambo gi nga wa hlwile, na ku wa hi munyama, languta, a pingo ga musi, ni ku ngangemela ka kumbari loko ku hunzako xikari ka zipanzana.
- 18 Ka lego siku Jehova i lo maha xivumelwana na Abrama, aku, Ka mbewu ya wena nzi nyikilelegi tiko, ku sukela le congweni wa le Gipite kala congweni lowo wa hombe, wona congo Ufrate:
- 19 Ni mu Keni, ni mu Kenezi, ni mu Kadmone,
- 20 Ni mu Hiti, ni mu Perezi, ni mu Refalme,
- 21 Ni mu Amori, ni mu Kenani, ni mu Gircaxi, ni mu Jebusi.

XIPIMO 16.

- 1 Makunu Sarai sati wa Abrama, i wa nga mu tralelangi ni zwana: yena i wa hi ni nanza-gaxisati, ga mu Gipiti, loye a bito a nga wa hi Hagari.
- 2 Na Sarai i te ngalo ka Abrama. La-

nguta makunu, Jehova i nzi tsimbe-tile ku trala; nza ku kombela, engena ka nanza-gaxisati ga mina; kutani lezo nzi nga kuma banana ha yena. Na Abrama i lo ingisa ka gezu ga Sarai.

- 3 Na Sarai wasati wa Abrama, i lo teka Hagari mu Gipiti, a nanza-gaxisati kakwe, a nzaku kakuba Abrama a akile kume ga malembe le tikweni ga Kenani, i lo mu nyikela ka Abrama wanuna wakwe a kuba sati wa yena.
- 4 Na yena i loya ka Hagari, i lo xura nyimba: laha na a wonile lezaku i xure nyimba, ni muzinza i lo monya mahlweni yakwe.
- 5 Na Sarai i te ngalo ka Abrama, A kugoha ka mina nga ku hi hehla ka wena: nzi nyikile a nanza-gaxisati ga mina xifubeni xa wena; ni laho a nga wona lezaku yena i xurile-nyimba, mina nzi wa monywa mahlweni ka yena: Jehova a lamule xikari ka yena na mina.
- 6 Kanilezi Abrama i te ngalo ka Sarai, Languta, a nanza ga wena gi le canjeni ga wena; maha ka yena kota zi sasekileko mahlweni ka wena. Na Sarai i lo mu koma hi ku bihileko, i lo caba tsutsuma ngoheni yakwe.
- 7 Ni ngelosi ya Jehova yi lo mu kuma hi le hlobyeni ya mati lomo xiwuleni, hi laha hlobyeni hi ndlela leyo le Xure.
- 8 Yona yi te ngalo, Hagari, nanza-gaxisati ga Sarai, uta hi kwihi ke? uya kwihi ke? yena i te ngalo, Mina nza tsutsuma mahlweni ka muzinza wa mina Sarai.
- 9 Ni ngelosi ya Jehova yi te ngalo ka yena, Klelela ka muzinza wa ka wena, u koramisa wutsumbu ga wena lahasi ka mandla yakwe.
- 10 Ni ngelosi ya Jehova yi ku ngalo ka yena, Mina ha hombe nguvu nzi ta anzisa mbewu ya wena, lezaku yi nga ta hlaiwa hi wunyingi.
- 11 Ni ngelosi ka Jehova yi te ngalo ka yena, Languta, wena u xure nyimba, u ta trala nisanyana; u ta cula bito gakwe hi Ixmaeli, hakuba Jehova i zwile kuxaniseka ka wena.
- 12 I ta ba buru ga kwati xikari ka banhu; ni canja gakwe gi ta vukela banhu bonkilelele, ni canja ga banhu bonkilelele gi ta mu vukela; ni ku i ta aka a hlula bamakabye bakwe bonkile.

- 13 Na yena i lo bitana bito ga Jehova loyi a nga wulawulile na yena, Wena u Nungungulu loyi a wonako : ha-kuba yena i te ngalo, Mina laha nza cuwuka yena loyi a nzi wonako ke ?
- 14 Ngahilezo a hlowo yi lo bitanwa Beer-lahai-roi ; languta, yi kona xikari ka Kadexe ni Beredi.
- 15 Na Hagari i tralela Abrama a nisananyana : na Abrama i lo cula bito ga nisananyana wa yena, loyi Hagari a tzeleko, Ixmaeli.
- 16 Na Abrama i wa hi nklanu makume ni manharu ni nklanu ni ginwe malembe a wu kale, laha Hagari a nga trala Ixmaeli ka Abrama.

XIPIMO 17.

- 1 Ni laha Abrama a nga wa hi ni nklanu makume ni mune makume malembe ni nklanu ni mune, Jehova i lo wonoka ka Abrama, i te ngalo kakwe, Nzi mina Nungungulu wa Ntamowonkle; famba wena mahleni ka mina, na u nga u mbelele.
- 2 Nzi ta maha xivumelwano xa mina mahilweni ka mina na wena, nzi ta kuanzisa wena hi kuenzelekiko.
- 3 Na Abrama i lowa hi ngohe yakwe: na Nungungulu i lo xuxa na yena, aku,
- 4 A ku kota mina, languta, a xivumelwano xa mina ziawe na wena, wena u ta ba raru wa xidlemo xa matiko.
- 5 Cina ni bito ga wena kambe gi nga ta ha bitwa lezaku Abrama, kanilezi a bito ga wena gi ta ba Abrahamana ; hakuba a wuraru ga xidlemo xa matiko mina nzi mahile wena.
- 6 Mina nzi ta ku maha u trala nguvu, nzi ta maha mifumo ha wena, ni tihosi ti ta huma hi ka wena.
- 7 Mina nzi ta yimisa a xivumelwano xa mina ka mina na wena ni mbewu ya wena a nzako ka zizukulwana zonkle za yona a xivumelwano xa kupinzuka, a kuba Nungungulu ka wena ni ka mbewu ya wena a nzako ka wena.
- 8 Mina nzi ta nyika ka wena, ni ka mbewu ya wena a nzako ka wena, a tiko legi wena u nga muenzi, gonkle tiko ga ma Kenani, gi ta ba tsomba ya kupinzuka ; nzi ta ba Nungungulu wabye.
- 9 Na Nungungulu i te ngalo ka Abrahamana, Na hi kota ya wenake, wena u ta hlayisa a xivumelwano xa mina,

- wena, ni mbewu ya wena a nzako ka wena ni ka zizukulwana zabye.
- 10 Lexi hi xivumelwano xa mina, lexi mu ta nga xi hlayisa, xikari ka mina na wina ni mbewu ya wena anzako ka wena : bonklelele ba banuna xikari ka wina ba taba mikwera.
- 11 Mu ta ba mikwera mu susa dewu ga nyama ya se magumo ka wina; ku ta ba xilayelo xi klanganisilweko ka mina na wina.
- 12 Ni loyi a nga ni nklanu ni manharu masiku xikari ka wina a wukale i ta ba kwera, bonklelele ba matsune ka zizukulwana za wina, loyi a tralako lomu ndlwini, kutani i lo xabyiwa hi mali ya wa matiko loyi a kalako a nga hi wa mbewu ya wena.
- 13 Loyi a trelweko lomu ndlwini ya wena, ni loyi a xabyilweko hi mali, zi labekile a ku ba a hi kwera : ni xivumelwano xa mina xi ta ba nyameni ya wena kube xivumelwano xa kupinzuka.
- 14 Ni wa nuna loyi wa nkuna a nga hiko kwera hi dewu ga nyama ya magumo kakwe, lowo muhefemulo wu ta tsenwa xikari ka banhu ba ka ka-byee ; i tsobile xivumelwano xa mina.
- 15 Na Nungungulu i te ngalo ka Abrahamana, Hi kota ya Sarai a sati wa wena, wena, u nga ta ha bita bito gakwe ku hi Sarai, kanilezi gi ta bitwa a ku Sara.
- 16 Mina nzi ta mu katekisa, klata-kumbiri zi ta nyika wena a nisananyana ha yena : ina, nzi ta mu katekisa, yena i ta ba nyine wa matiko ; ni tihosi ta banhu ti ta ba takwa.
- 17 Zonake Abrahamana i lowa hi ngohe ya yena, i lo hleka, na ku ngalo hi mbilwini yakwe, A nga tralwa wwanana ka yena loyi a nga ni zana ga malembe wu kale ke ? ni ka Sara, loyi a nga ni nklanu ni mune makume malembe, a trala ke ?
- 18 Na Abrahamana i te ngalo ka Nungungulu, O lazaku Ixmaeli i fela ku ta hanya mahilweni ka wena !
- 19 Na Nungungulu i te ngalo, Ge, Sara sati wa wena i ta trala nisananyana ; wena u ta cula bito ka yena hi Isaka : mina nzi ta yimisa xivumelwano xa mina ziawe na yena xivumelwano xa kutsoma ni ka mbewu ya yena a nzako ka yena.
- 20 Na hi kota ya Ixmaeli, nzi ku zwile wena : languta, nzi mu katekisile, nzi ta mu maha a trala nguvu, ni ku

GENESISI, 18.

- mu anzisa hi ku hunzeletlwako ; kume ni timbiri tihosana a ta nga ti trala, nzi ta mu maha mufumo wa hombe.
- 21 Kanilezi a xivumelwano xa mina nzi ta xi maha na Isaka, loyi Sara a ta nga ku tralela wena hi xikati xi longisilweko lembe gi gameleko.
- 22 Na a lo tsika ku xuxa zinwe na yena, na Nungungulu i loya hehla hi le ka Abrahamama.
- 23 Na Abrahamama i lo teka Ixmaeli nwanakwe, ni bonkle laba ba nga trelwe lomu ndlwini yakwe, ni bonkle laba ba nga xabyiwa hi mali ya yena, bonklelele ba matsune ba le ndlwini ka Abrahamama, i lo ba maha mikwera a dewu ga nyama ya magumo yabye gona wutsumbu ga gwalego siku, kwatsi hilezi Nungungulu a nga wulile ka yena.
- 24 Na Abrahamama i wa hi ni nklanu ni mune makume malembe ni nklanu ni mune wu kale, laha yena a nga engeniswa a wukwera dewu ga magumo ya nyama yakwe.
- 25 Na Ixmaeli nwanakwe i wa hi ni kume ni nklanu malembe wu kale, laha a nga engeniswa wukwera a dewu ga magumo ya nyama yakwe.
- 26 Ni ka gwa lego siku Abrahamama i lo ba kwera, na Ixmaeli nwanakwe ya yena.
- 27 Ni bonkle ba banuna ba yindlu ya yena, labo ba nga tralwa lomu ndlwini yakwe, ni labo ba nga xabyiwa hi mali ya ba matiko, ba loba mikwera zinwe na yena.

XIPIMO 18.

- 1 Na Jehova i lo woneka ka yena le tisinyeni ta le Momre, kwatsi hilezi a nga wa tsamile laha nyangweni ya tente laha muzwini ;
- 2 I lo klakusa mahlo ya yena i lo cuwuka, ni, mangabye, ni madota manharu ma wa yimile ma cuwukana na yena ; ni laha a nga wa ma wonile, i lo tsutsuma a ku ma kinga hi le nyangweni ya tente, i lo korama wutsumbu gakwe le misabeni.
- 3 Na a ku ngalo Hosi yanga, loku makunu nzi kumile tomo mahlweni ka wena, u nga hunzi, nza ku kombela, ka Nanza ga wena :
- 4 Nga makunu a mati yona ma labyiwa, ni ku hlaza mikonzo ya nwina, mu humula wutsumbu ga nwina lahasi ka sinye :

- 5 Nzi ta mu tumburela a zibabana, mu tiyisa a mbilu ya nwina ; a nzako ka lezo mu ta hunza : kotalezi mu tileko ka nanza ga nwina. Bona ba te ngalo, Zingaho maha, kotalezi wena u wulileko.
- 6 Na Abrahamama i lo haklisa aya lomu tenteni ka Sara, i te ngalo, Haklisa u longisa a ziringaniso zinharu za mapa yo nanaselwa, u hakasela, u maha zibabana.
- 7 Na Abrahamama i lo tsutsuma aya le klambini, aya gula a role go olobana go saseka, i lo gi nyika ka nanza ; i lo haklisa ku gi sasisa.
- 8 I lo teka mawomba, ni masi, ni role legi a nga wa gi sasisile, i lo gi beka mahlweni ka kona ; i lo yima mahlweni kabye lahasi ka sinye, na kona ba loga.
- 9 Bona ba te ngalo ka yena, I kwihi Sara sati wa wena ke ? a ku ngalo, Languta, i lomu teteni.
- 10 Yena i te ngalo, Ha kunene mina zi ta wuya ka wena laho na xikati ka xi cikele laha ; ni, mangabye, Sara sati wa wena, i ta ba ni nisanyana. Na Sara i lozwa na hi nyangweni ya tente, leyi yi nga wa hi nzako ka yena.
- 11 Makunu Abrahamama na Sara ba wa nga ga kosehele, ba wa hi tangeni ya wukosana futsi, ku wa kawulile ka Sara ku ba i te ngalo kota mukowo wa babasati.
- 12 Na Sara i lo hleka nzeni ka wutsumbi-gakwe aku, Anzako ka ku ba mina nzi kosehele nzi ta kuma kutsaka, ni hosi ya mina na kale kambe ?
- 13 Jehova i te ngalo ka Abrahamama, Ngahilezo Sara wa hleka, aku, Mina ha kunene nzi ta trala xihlangana ke, loyi nzi nga wa kale ke ?
- 14 Ku kona xilo xi tsanzako ka Jehova ke ? Hi xikati xi longisilweko nzi tata ka wena, laha a nguba yi ta nga cikela, na Sara i ta ba ni nwana.
- 15 Zonake Sara i lu kaneta, na ku, A nzi hlekangi ; hakuba yena i wa caba. Yeha i te ngalo, Ge ; kanilezi wena u hlekile.
- 16 Ni madota ma lo suka hi laho, ni ku cuwuka Sodoma : na Abrahamama i lo famba na bona ku ba kombisa ndlela.
- 17 Na Jehova i te ngalo, Nzi ta fihla ka Abrahamama lezi nzi mahako ke ?
- 18 Na ku woneka lezaku Abrahamama

- futsi i ta maha mufumo wa hombe wa ntamo, ni mifumo yonkle ya misaba yi ta katekiswa hi ka yena ke?
- 19 Hakuba nzi mu tibile mina, kasi hi ku gumelwa wa fela ku laya a banana bakwe ni bangango wakwe a ku lanza yena, kasi ba fela kuhlayisa ndlela ya Jehova, ba maha kululama ni nongameto; kasi hi ku gumelwa wa fela Jehova ku neha ka Abrahamama lezi a zi wulawulileko ka yena.
- 20 Na Jehova i te ngalo, Hakuba a kurila ka Sodoma ni Gomora ku hi ka hombe, ni hakuba a zonho zabye za zangarisa nguvu;
- 21 Nzi ta relela makunu, ni ku wona kutani bona ba mahile ka zonkle kota ku rila ka kona, loku ku tako ka mina; loku zi nge ngaho, nzi ta zi tiba.
- 22 Ni madota ma lo suka laho, ba lo, komama Sodoma: kanilezi Abrahamama i wa ha la su yima mahlweni ka Jehova.
- 23 Na Abrahamama i lo tsinela kusahani, a ku ngalo, U ta mbetisa a balulamileko mi baonhako ke?
- 24 Ka xana loku ba nga ba hi kona ba nklanu wa makume ba lulamileko lomu mutini: wena u ta wu mbetisa u nga gi tsiki wutsamo hakuba ba nklanu makume balulamileko kona laho ke?
- 25 Lezo nga zi be kule na wena aku maha zo kota lezo, a ku daya balulamileko zinwe ni baonhako, zingaho lezaku balulamileko nga ba ku kwatsi baonhako; lezo nga zi hi kule na wena: Mulamuli wa tiko gonkle a nga mahi kusasa ke?
- 26 Na Jehova i te ngalo, Loku nzi kuma Sodoma nklanu wa makume balulamileko lomu nzeni ka muti, zonake nzi ta tsika wutsamo hi kota yabye.
- 27 Na Abrahamama i lo hlamula, a ku ngalo, Languta makunu, nza tekela ka mina ku wulawula ni Hosi, loyi nzi nga tsuru ni kuma:
- 28 Ka xana loku kuvumaleka banklanu ka laba ba nklanu wa makume balulamileko: wena u ta lobisa muti hakuba ku vumalekileko ba nklanu ke? Yena a ku ngalo, Nzi nga ta wu lobisa; loku kunwa laho mune makume ni nklanu.
- 29 Na yena i lo wulawula ka yena kambe, i te ngalo, Kutani ba hi mune

makume bu kunwako laho. I te ngalo, Nzi nga ta ku maha hi kota ya mune makume.

- 30 Na te ngalo, Nga, a Hosi yi nga zangarangi, na nzi ta wulawula: kutani makume manharu ma kunwa laho. Yena a ku ngalo, Nzi nga ta ku maha, loku nzi kuma makume manharu laho.
- 31 Na yena i te ngalo, Languta makunu, nzi tekile ka mina ku wulawula ni Hosi ya mina: kutani ba ta nga ba hi makume mambiri ma ta nga kunwa laho. Yena i te ngalo, Nzi nga ta ba lobisa hi kota ya makume mambiri.
- 32 Yena a kungalo, Nga a Hosi yi nga zangari, kanilezi nzi ta wulawula kati ginwe basi: kutani kume ba ku miwa laho. Yena i te ngalo, Nzi nga ta wu lobisa hi kota ya kume.
- 33 Ni Jehova i lo famba ndlela yakwe, kwatsi hi lezo a nga gumesa kuwulawula na Abrahamama: Abrahamama i lo klela le wutsanweni gakwe.

XIPIMO 19.

- 1 Ni tigelosi timbiri ti lota Sodoma laha gambiyeni; na Loti i wa tsamile laha yangweni ya le Sodoma: na Loti i lo ti wona, i lo suka a ti kinga: i lo korama wutsumbu gakwe hi ngohe ya yena misambeni.
- 2 Na yena i te ngalo, Languta makunu, tihosi tanga, humbukani, nza mu kombela, kuya lomu ndlwini ya naza ga zwina, mu tsama kona gonkle wusiku, ni ku hlaza mikonzo ya zwina, mu vuka laha punzwini, mu ti fambela. Na bona ba te ngalo, Ge; hi ta tsama lomu mapangweni gonkle wusiku.
- 3 Na yena i lo ba kongotela ha hombe nguvu; na bona bonkle baya ka yena, ba lo engema lomu ndlini yakwe; i lo ba mahela mubuzo, i lo bika a xibaba xi ngahiko na comelo, na bona ba loga.
- 4 Kanilezi hi mahlweni na ba nga se ku eklela, a banhu ba muti, bona banhu ba Sodoma, ba lo klanganyisa yindlu ba yi ranzela, bonkle ba tsongwani ni bahombe, ni bonkle banhu ba tako hi maklelo wonkle.
- 5 Bona ba lo bitana Loti, ba ku ngalo ka yena, Ba kwihl banhu laba ba tileko ka wena a wusiku legi ke? ba humese ka hina, kasi ha fela ku ba tiba.

- 6 Na Loti i lo huma aya kabye le nya-
ngweni, i lo vala libati a nzako ka
yena.
- 7 Yena i te ngalo, Nza mu kombela
nwina, bamakabye banga, mu nga
mahi hi ku bihisileko.
- 8 Langutani makunu, nzi na banhwa-
na bambiri laba ba nga tibangiko a
wanuna; nga mina, nza mu kombe-
la, nzi ba humesa ka nwina, mahani
ka bona kota zi sasekileko mahlweni
ka nwina: kani ka laba banhu mu
nga mahi cumo, kwatsi hi lezi bona
ba tileko lahasi zimbyeni ga langwa
la mina.
- 9 Ba te ngalo, Suka. Bona ba te nga-
lo, Loyi munhu munwe i tile ku ta
aka, zi ta labeka a kuba a hi mula-
mulu: makunu hi ta ku xanisa we-
na, ku hunza bona. Ba lo mu tsi-
mbeketa munhu, yena Loti, ba lo
tsinela ku suhani kuta panza libati.
- 10 Kanilezi a madota ba lo nawuluta
canja gabye, ba lo neha Loti lomu
ndlwini ka bona, ba lo vala libati.
- 11 Ba loba banhu laba ba nga laha nya-
ngweni ya yindlu hi wukumu, bo-
nkle ba tsonwane ni ba hombe, ba lo
ti vuya a wutsumbu gabye hi ku la-
ba nyangwa.
- 12 Ni madota ma ku ngalo ka Loti, A
ku na banwini laha ke? a banwane,
ni bana ba wena, ni banhwana ba
wena, ni ka whi loyi u nga naye lo-
mu mutini, ba humese ka legi wu-
tsamo:
- 13 Hakuba hi ta lobisa legi wutsamo,
hakuba kurila kabye ka nonohisa ku
kula mahlweni ka Jehova; na Jeho-
va i hi rumile kuta gi lobisa.
- 14 Na Loti i lo huma, aya wulawula ni
banwane ba yena, laba ba nga tekile
banhwana bakwe, i te ngalo, Sukani,
mu huma ka legi wutsamo; hakuba
Jehova i ta lobisa muti. Kanilezi a
su kwatsi ka banwani wakwe kwa-
tsi hi munwe a tseketselako.
- 15 Ni laha gi nga wa cile, zonake a ti-
ngelosi ti lo haklisisa Loti, tikw, Su-
ka, u teka sati wa wena, ni banhwa-
na ba wena laba ba nga laha, u nga
taku u betiswa zonhweni za muti.
- 16 Kanilezi na ha hlwela; ni madota
ma lo koma canja gakwe, ni canja
ga sati wakwe, ni canja ga banha-
nyana bakwe bambiri, Jehova na hi
ni titralo ka yena: ba lo mu humesa,
ba mu yisa lahandle ka muti.
- 17 Na ku mahisile lezo, laha na ba hu-
mesile ba famba, lezo a ku ngalo,
Ponisa wutomi ga wena; u nga cu-
wuki le nzako ka wena, hambu ni
tsama wena lomu Mikobeni; ponela
le xitsungeni, u nga taku wena u lo-
byiswa.
- 18 Na Loti i te ngalo ka bona, O, zi nge
ngaho, hosi yanga:
- 19 Languta makunu, a nanza ga wena
gi kumile tomo mahlweni ka wena,
na wena, u kulesile a kuranza-ka-
wunene ka wena legi wena u gi ko-
mbisileko ka mina hi ku hanyisa
wutomi ga mina; nzi nga ta ponela
le xitsungeni, nzi nga taku nzi cike-
lelwa hi kubiha, nzifa;
- 20 Languta makunu, lowu muti wu la-
ha ku suhane ku tsutsumela kona,
wona wutsongwani. O nga nzi po-
nela kona (wona na hi wutsongwani
ke?), ni muhefemulo wa mina wu ta
hanya.
- 21 Yena i te ngalo ka yena, Wona, nzi
ku vumele wena hi kota ya lexi xilo
kambe, lezaku nzi nga ta lobisa mu-
ti lowo u wulileko ha wona.
- 22 Haklisa, u ponela ka wona; hakuba
nzi nga ta maha ncumo u kala u po-
nela ka wona. Hikwalaho a bito ga
muti gi culwa Zoare.
- 23 A gambo gi wa nga gi klakukile
hehla misabeni laha Loti a nga ci-
kela le Zoare.
- 24 Zonake Jehova i lo nisa hehla ka
Sodoma ni hehla ka Gomora a su-
lufa ni nzilo wuta hi ka Jehova le
tilweni;
- 25 I lo hahlula leyo miti, ni wonkle Ko-
ba, ni bonkle ba akileko mitini, ni
zonkle lezi zi kulako misabeni.
- 26 Kanilezi a sati wakwe i lo cuwuka
le nzako a ku fulareleko na yena i lo
hunzuka ruka ga munyu.
- 27 Na Abrahamama i lo vuka manzikweni
ni punzu ka wutsamo lego a nga yi-
mile mahlweni ka Jehova:
- 28 I lo cuwuka a klelo ga le Sodoma ni
Gomora, ni tiko gonkle ga le Kobe-
ni, na languta, ni, manga'ye, ni mu-
si wa tiko wu loya hehla kota musi
wa pingo.
- 29 Na ku mahisile lezo, laha Nungu-
ngulu a lobisile a miti ya Koba, lezo
Nungungulu i lo alakanya Abraha-
ma, i lo susa Loti xikari ka kuha-
hlulwa, laba a nga hahlula miti leyi
Loti a nga akile ka yona.
- 30 Na Loti i lo kanziya a huma le
Zoare, i lo aka le xitsungeni, ni ba-

nhwana bakwe ha bambiri ba wa hi ziwwe na yena; hakuba i lo caba ku aka le Zoare: na yena i lo aka le mbakweni, yena ni banhwana bakwe a bambiri.

- 31 Ni nhonzwa yiku ka nzisana, Dadani ngwa kale, a ku kona wanuna laha misabeni a kuta ka hina kota mukuwo wa misaba yonkle:
- 32 Ngona, nga hi nwise dadani a waini, kasi ha eklele ziwwe na yena, kasi ha lonzowota mbewu ya dadani.
- 33 Ba lo maha raru wabye anwa waini lego wusiku: ni nhonzwa yi lo engena, yi loya eklele ni raru wakwe; yena a nga zi tibangi laha a nga eklele, ni laha a nga vuka.
- 34 Na ku mahisile lezo hi manziko, lezo a nhonzwa yi te ngalo ka nzisana, Languta, nzi eklele wusiku gatolo na dadani: nga hi mu nwise a waini legi wusiku kambe; u engena wena, u eklele na yena, kasi ha hlayisa mbewu ya dadani wa hina.
- 35 Ba lo maha raru wabye anwa waini lego wusiku kambe: ni nzisana yi lo suka, yi ya eklele ziwwe na yena; yena a nga zi tibangi laha a nga eklele, ni laha a nga vuka.
- 36 Zakungahi bonkle banhwana ba Loti ba lo xura tinyimba ni raru wabye.
- 37 Ni nhonzwa yi lo trala nisanyana, i lo cula bito gakwe hi Moabi; ywaloye hi raru wa ba Moabi kala nyamukla.
- 38 Ni nzisana, kambe yi lo trala nisanyana, yena i lo cula bito gakwe Benami: ywaloye hi raru wa ma Amoni kala nyamukla.

XIPIMO 20.

- 1 Na Abrahamama i lo rura a sukela leyo komama le Dzongeni, i lo aka xikari ka Kadexe ni Xure; i wa hi mulubeli le Garare.
- 2 Na Abrahamama i te ngalo ka Sara sati wakwe, Makweru wa mina: na Abimeleki a hosi ya le Garare i lo rumela, i lo teka Sara.
- 3 Kanilezi Nungungulu i lota ka Abimeleki hi kulora ni wusiku, i te ngalo, ka yena, Languta, wena u munhu a fileko basi hi kota ya wasati loyi u mu tekileko; hakuba yena i sati wa munhu.
- 4 Makunu Abimeleki i wa nga se kuta kusubi na yena, i te ngalo, Hosi, u ta daya a tiko ga lulamileko ke?
- 5 A nga wulangi a wutsumbu gakwe

ka mina, Yena makweru wa mina ke? na yena, yenawu wutsumbu i te ngalo, Yena makabye wa mina: hi kusaseka ka mbilu ya mina ni kubasa ka canja ga mina nzi mahile lexi.

- 6 Na Nungungulu i te ngalo ka yena hi kulora, Ina, nza zi tiba lezaku hi kusaseka ka mbilu ya wena u lo xi maha lexi, mina nza ku koma wena a ku u nga mahi kuonha ka mina: hikwalaho a nzi vumeli akuba u mu kumba.
- 7 Makunu hikwalaho kletisela a sati wa munhu; hakuba yena muprofeti, i ta ku kombelela wena, wena u ta hanya: loku u nga mu kletiseli, zi tibe wena lezaku u tafa futsi, wena, ni zonkle lezi zi nga za wena.
- 8 Na Abimeleki i lo vuka laha punzwini ni mixo, i lo bita wonkle malanza, i lo byela lezi zilo zonkle tindlebeni tabye: ni banhu ba lo caba nguvu.
- 9 Zonake Abimeleki i lo bitana Abrahamama, i te ngalo ka yena, Za ku yini u mahileko ka hina? lezi nzi ku onheleko wena, lezi u neheleko ka mina ni ka mufumo wa mina a kuonha ke? wena u mahile zimaho lezi zi nga tanga zi nga fanele ku mahika.
- 10 Na Abimeleki a ku ngalo ka Abrahamama, Xini u xi wonako, lezaku kala u maha lexi xilo ke?
- 11 Na Abrahamama a ku ngalo, Hakuba nzi lo alakanya, A ku cabya ka Nungungulu a ku kona ka legi wutsamo; ka ta nzi daya mina hi kota ya sati wa mina.
- 12 Alata-kumbiri yenawu kambe makweru wa mina, i nhanyana wa raru wanga, kanilezi a hi nhanyana wa mamani; i lo maha sati wa mina:
- 13 Na ku mahisile lezo, laha na Nungungulu na nzi mahile nzi nzula hi le ndlwini ya dadani, nzi te ngalo ka yena, Legi hi wuxinji ga wena u ta nga gi kombisa ka mina: ka gonklelele wutsamo legi hi ta nga cikela, wula ha mina, Ku ngalo makabye.
- 14 Na Abimeleki i lo teka tiyivu ni tikabi, ni malanza ya xinuna ni malanza ya xisati, i lo ba nyika ka Abrahamama, i lo kletisela Sara a sati wakwe.
- 15 Na Abimeleki i te ngalo, Languta, a tiko ga mina gi le mahlweni ka

wena: aka laha ku ku xalalisako wena.

- 16 Ni ka Sara i te ngalo, Languta, nzi nyikile ka makwenu a kume ga mazana a zipanze za siliva: languta, gi hi ga wena a ku fenengeta mahlo ka bonkle laba ba nga zinwe na wena; ni ku dzunzeka ka bonkle wena u sasile.
- 17 Na Abrahamama i lo kombela ka Nungungulu: na Nungungulu i lo hanyisa Abimeleki, ni sati wakwe, ni malanza ya xisati yakwe; ba lo trala banana.
- 18 Hakuba Jehova i lo vala wonkle marumbu ya yindlu ya Abimeleki, hakuba ha Sara, a sati wa Abrahamama.

XIPIMO 21.

- 1 Na Jehova i lo enzela Sara kwatsi hi lezi a nga wula, na Jehova i lo maha ka Sara kwatsi hi lezi a wulawulako.
- 2 Na Sara i lo xura nyimba, i lo tralela Abrahamama nisanyana tangeni yakwe ya wukale, ka xikati lexi xi yimisilweko lexo Nungungulu a nga wulawulile ka yena.
- 3 Na Abrahamama i wa culile a bito ga nisanyana wakwe loye a nga wa trelwe ka yena, loyi Sara a mu traleleko, Isaka.
- 4 Na Abrahamama i lo engenisa wukwera nisanyana wa yena Isaka laha a nga wa hi nklanu ni manharu masiku a wu kale, kotalezi Nungungulu a nga wa mu layile.
- 5 Na Abrahamama i wa hi zana ga malembe wukale, laha nisanyana wakwe Isaka a nga wa trelwe ka yena.
- 6 Sara i te ngalo. Nungungulu i mahile mina zi hleka; ni bonklelele laba ba zwako ba ta hleka zinwe na mina.
- 7 Yena a ku ngalo. Hi mani a nga wa wula ka Abrahamama, lezaku Sara i ta a nwise banana ke? hakuba nzi mu tralele nisanyana le tangeni yakwe ya wukale.
- 8 Ni nisanyana i lo kula, i lo lumulwa: na Abrahamama i lo maha mubuzo wa hombe lego siku Isaka a nga lumulwa.
- 9 Na Sara i lo wona nisanyana wa Hagari mu Gipiti, loyi a nga tralele Abrahamama, na tseketsela.
- 10 Ngahilezo yena a ku ngalo ka Abrahamama, Hlongolisa legi nanza ga xisati ni nisanyana wa gona: hakuba

nisanyana wa kumbi a nga taga tsoмба ni nwananga, ni yena Isaka.

- 11 Ni lexi xilo xi wa zangarisile mahlwani ka Abrahamama hi kota ya nwanakwe.
- 12 Na Nungungulu i te ngalo ka Abrahamama, Nga lexi xi nga bi xi zangarisileko mahlwani ka wena hi kota ya mufana, na hi kota ya kumbi ya wena; ka zonkle lezi Sara a zi wulileko ka wena, ingisa ka gezu gakwe; hakuba hi ka Isaka a mbewu ya wena yi ta bitanwa.
- 13 Kambe ni ka nwanana wa kumbi nyi ta maha mufumo, hakuba i mbewu ya wena.
- 14 Na Abrahamama i lo vuka manziko ni mixo, i lo teka zibaba ni ngotso ya mati, i lo yi nyika ka Hagari, i lo yi beka kakleni ga yena, i lo mu nyiki xihlangana, i lo mu fambisa; yena i lo suka, i lo nzula lomu xiwuleni xa le Berexeba.
- 15 Ni mati lomu ngotseni ma lo minyeta, i lo hoxa xihlangana lahasi ka tisinya.
- 16 Yena i loya, i lo tsama lahasi ko cuwukana na yena, kulana ko kwatsi ko panda ligalala: hakaba i te ngalo, Nga mina nzi nga cuwuki a kufa ka xihlangana. Yena i lo tsama na cuwukana na yena, i lo klakusa gezu gakwe, i lo rila.
- 17 Na Nungungulu i lozwa gezu ga mufana; ni ngelosi ya Nungungulu yi lo bitana Hagari hi letilweni, yi ku ngalo ka yena, U dzuxwa yini, Hagari ke? u nga cabi; hakuba Nungungulu i zwile gezu ga mufana laha a nga kona.
- 18 Suka, u klakusa mufana, u mu welela canjeni ga wena; nzi ta mu maha mufumo wa hombe.
- 19 Na Nungungulu i lo vulula mahlo ya yena, i lo wona a hlowo ya mati; yena i loya, i loya tatisa ngotso hi mati, i lo nyika mufana kunwa.
- 20 Na Nungungulu i wa hi ni mufana, i lo kula; i lo tsama lomu xiwuleni, i lo maha, kota lezi a nga wa kula, i wa hi mufuli.
- 21 I lo aka xiwuleni xa le Parani: ni nyine wakwe i lo mu tekela sati le tikweni ga le Gipite.
- 22 Na ku mahisile lezo ka lexi xikati, Abimeleki ni Fikole a nduna ya yimpi yakwe ba lo wulawula ka Abrahamama, baku, Nungungulu i na wena ka zonkle lezi u zi mahako:

- 23 Makunu hikwalaho hlambanya ka mina ha Nungungulu lezaku wena u nga ta maha hi kukohlisako ka mina, hambu ka bana ba mina, hambu ni ka bana ba bana ba mina; kanilezi kwatsi hi wunene legi nzi gi mahileko ka wena, u ta maha ka mina, ni ka tiko legi wena u nga mulubeli.
- 24 Na Abrahamama i te ngalo, Nzi ta funga.
- 25 Na Abrahamama i lo mu tsanwa Abimeleki hi kota ya hlowo ya mati, leyi a malanza ya Abimeleki ba nga yi teka hi xikanya.
- 26 Na Abimeleki i te ngalo, A nzi mu tibi loyi a mahileko lexi xilo: cima na wena a ku nzi byelangi, hambu ni kuzwa hi lexi, kanilezi nyamukla.
- 27 Na Abrahamama i lo teka tiyivu ni tikabi, i lo ti nyika ka Abimeleki; na bona bambiri ba lo maha xivumelwano.
- 28 Na Abrahamama i lo paka nklambini mimbiri mikundlu tivana ta klambi hi wutsumbu ga tona.
- 29 Na Abimeleki i te ngalo ka Abrahamama, U wula yini hi nklanu ni mimbiri mikundlu ya tiyivana leyi u yi pakileko a wutsumbu ga yoce.
- 30 Yena i te ngalo, Leyi nklanu ni mimbiri mikundlu ya tiyivana wena u ta yi teka canjeni ga mina, kasi ku fela ku maha wukustumunyu ku mina, lezaku nzi kelile leyi hlowo.
- 31 Ngahilezo i lo bita lego wutsamo Berexeba; hakuba hi laho ba nga funga bona bonkle.
- 32 Zingaho ba lo maha xivumelwano le Berexeba; Abimeleki i lo suka, na Fikole a nduna ya yimpi yakwe, ba klelela le tikweni ga ma Filisti.
- 33 Na Abrahamama i lo byala sinye ya tamariski le Berexeba, i lo gi bitana kona a bito ga Jehova, a Nungungulu Wakutsoma.
- 34 Na Abrahamama i lo lubela tikweni ga ma Filisti a masiku yo tala.

XIPIMO 22.

- 1 Na ku mahisile lezo a nzako ka lezi zilo, Nungungulu i lo ringa Abrahamama, aku ngalo ka yena, Abrahamama; i te ngalo, Mina nzi laha.
- 2 Na a te ngalo, Teka makunu nisananya wena, nisananya wa wena yece, loyi u mu ranzako, yena Isaka uya tikweni ga le Moria; u ya mu nyikela laho a munyikelo wo hiswa

ka xizwe xa zitsunga lezi nzi ta nga ku byela zona.

- 3 Na Abrahamama i lo vuka laha punzwini wa mixo, i lo longisa a mbo ngola yakwe, i lo teka bambiri ba majaha yakwe zinwe na yena, na Isaka nisananya wa yena; i lo tso ba nyanza ya tihunyi ya munyikelo wo hiswa, i lo vuka, i loya ka wutsamo lego Nungungulu a nga wa mu byelile.
- 4 Hi siku ga manharu Abrahamama i lo klakusa mahlo yakwe, i lo wona na gi hi kule.
- 5 Na Abrahamama a te ngalo ka majaha yakwe, Tsamani laha zinwe ni mbo ngolo, mina ni mufana hi taya laha ya; hi taya kozela, hi ta wuya kambe ka nwina.
- 6 Na Abrahamama i lo teka a nyanza ya tihunyi ta munyikelo wo hiswa. I lo rxewa Isaka nwana wa yena; i lo teka canjeni a nzilo mukwana; kona bonkle ba loya katigawe.
- 7 Na Isaka i lo wulawula ka Abrahamama raru wakwe, i te ngalo, dadani: a ku ngalo, Nzi laha mina, nwana nga. Na te ngalo, Languta, a nzilo ni tihunyi: kanilezi yi kwihi yivana ya munyikelo wo hiswa ke?
- 8 Na Abrahamama i te ngalo, Nungungulu i ta ti labela wutsumbu gakwe a yivana ya munyikelo wo hiswa, nwanana: zingaho ba loya: bonkle katigawe.
- 9 Ba lo cikela ka wutsamo legi Nungungulu a nga wa mu byelile ha gona: Abrahamama i lo aka alati laho, i lo beketela tihunyi kwatsi, i lo boha Isaka nwana wa yena, i lo mu beka lomu alateni, hehla ka tihunyi.
- 10 Na Abrahamama i lo klakusa canja gakwe, i lo teka mukwana a ku daya nwana wakwe.
- 11 Ni ngelosi ya Jehova yi lo bitana, ka yena hi le tilweni, na yiku ngalo, Abrahamama, Abrahamama: yena i te ngalo, Mina nzi laha.
- 12 Na yi te ngalo, U nga klateki a canja ga wena hehla ka mufana, hambu ni ku maha neumo ka yena; hakuba nza zi tiba lezaku wena wa caba Nungungulu, na nzi wona lezaku a ku tsimbetelangi ni nwana wa wena, a nwana wa wena yece, hi le ka mina.
- 13 Na Abrahamama i lo klakusa mahlo yakwe, ni ku cuwuka, ni, languta,

lenzako ka yena a hamba yi nga wa kwekela lomu likwareni hi timhonzozo ya yona: Abrahamama i lo famba aya teka a hamba i loya nyikela a munyikelo wo hiswa a wutsamweni ga nwana wakwe.

- 14 Na Abrahamama i lo cula bito ga wutsamo lego Jehova-jire: kwatsi hi lezi ku wulwako ni nyamukla, Xitsungeni xa Jehova ku ta nyikiwa.
- 15 Ni ngelosi ya Jehova yi lo bitana Abrahamama hi xikati xo gamela hi le tilweni.
- 16 Na yi te ngalo, A wutsumbu ganga nzi fungile, ku wula Jehova, hakuba wena u mahile lexi xilo, a ku tsimbetelangi nwana wa wena, a nwana wa wena yece,
- 17 Lezo hi zi katekiso nzi ta ku katekisa wena, ni kuanzisa nzi ta anzisa mbewu ya wena ku kwatsi tinyeleti ta matilo, ku kwatsi hi seke legi gi nga le fungwini wa bimbi; ni mbewu ya wena yi ta fumela a nyangwa ya balala bakwe;
- 18 Ni ka mbewu ya wena a tixaka tonkle ti ta katekiswa; hakuba u ingisile a gezu ga mina.
- 19 Zingaho Abrahamama i lo wuyela ka majaha yakwe, ba lo suka baya bonkle katiginwe le Berexeba; ga Abrahamama i lo aka le Berexeba.
- 20 Na ku mahisile lezo a nzako ka lezi zilo, ku lo byelwa ka Abrahamama, a ku ngalo, Languta, Milka, yenawu kambe i tralile ka nakuloni wa wena Nahori zihlangana:
- 21 Uza a matewula yakwe, na Buza na kuloby, na Kemueli a raru wa Arama:
- 22 Na Kesede, na Hazo, na Pildaxe, na Jidlape, na Betueli.
- 23 Na Betueli i lo trala Rebeka: laba ba nklanu ni banharu Milka i lo tralala Nahori, a nakuloby wa Abrahamama.
- 24 Ni muzukulu wakwe, bito gakwe i wa hi Reuma, yena kambe i lo trala Teba, na Gahamu, na Tahaxi, na Maka.

XIPIMO 23.

- 1 Ni wutomi ga Sara gi wa hi zana ni makume mambiri ni nklanu ni mambiri malembe: laya hi malembe ya wutomi ga Sara.
- 2 Na Sara i lofa le Kiritarba (kwaleyo Hebroni), lomu tikweni ga le Kenani: na Abrahamama i lota ni ku mu hlaluka Sara nu ku mu rilela.

3 Na Abrahamama i lo suka mahlweni ka mufi wakwe, i lo wulawula ka banana ba Heti, a ku ngalo,

- 4 Mina nzi mupfumba ni mulubeli ka nwina: nzi heni xilahla xa wutsamogo kelela kona, kasi nzi fela ku kelela mufi wa mina a nga hi a hi mahlweni ka mina.
- 5 Ni banana ba Heti ba lo hlamlula Abrahamama, na ba ku ka yena,
- 6 Zwana hina, hosi ya hina; wena u hosana ya Nungungulu xikari ka hina: ka xilahla za hina lezi zi hlawulilweko wena kelela kona mufi wa wena; a nga kona wa hina a nga ku tsimketela wena ka xilahla xakwe, kanilezi wena a kelele mufi wa wena.
- 7 Na Abrahamama i lo suka, i lo korama wutsumbu gakwe ka banhu ba tiko, kona ka banana ba Heti.
- 8 Yena i lo xuxa zinwe na kona, aku, Loku ku nga ku hi kualakanya ka nwina lezaku nzi wa ta nga nzi belela mufi a nga hi mahlweni ka mina, zwanani, mina, nzi kombeleleni ka Efroni a nwana wa Zohare,
- 9 Kasi a fela ku nyika mina a mbako ya Makepela, leyi a nga nayo, leyi yi nga magumo ya simu yakwe, hi tsengo wa ringeneko ka gona a nga a gi nyika ka mina xikari ka nwina a xilahleni ni wutsamo go kelela.
- 10 Makunu Efroni i wa tsamile xikari ka banana ba Heti: ni Efroni a mu Hiti i lo hlamlula Abrahamama kuingiseni ka banana ba Heti, ni ka bonkle laba ba nga engena le yangweni ya muti wakwe, aku,
- 11 Ge, hosi ya mina, zwana mina: a kwati uza ku nyika wena, ni mbako leyi yi nga kona, nzi yi nyika ka wena; mahlweni ka ngohe ya banhu ba hina nzi gi nyika ka wena: kelela mufi wa wena.
- 12 Na Abrahamama i lo korama wutsumbu gakwe mahlweni ka banhu ba tiko.
- 13 Yena i lo wulawula ka Efroni kuingiseni ka banhu ba tiko, a ku, Kanilezi loku wena u zi ranza, nza ku kombela, u nzizwa: nzi ta ku nyika tsengo wa simu; wu teke ka mina, nzi ta kelela mufi wa mina laho.
- 14 Na Efroni i lo hlamlula Abrahamama, aku ka yena,
- 15 Hosi ya mina, zwana ka mina: a xipanze. xa simu xi enelana ni mune mazana ya maxekeli ya siliva, xi yini lexo xikari ka mina na wena ke? kelela hikwalaho a mufi wa wena.

- 16 Abrahama i lo ingisa ka Efroni ; na Abrahama i lo pima ka Efroni a siliva leyi a nga wa yi wulile kuingiseni ka banana ba Heti, mune mazana ya siliva, a mali yi ringeneko ka baxabisi.
- 17 Zingaho a simu ya Efroni, leyi yi nga le Makepela, leyi yi nga mahlweni ka Mamre, a simu, ni mhako leyi yi nga kwaleyo, ni tisinya leti ti nga lomo sinwini, leto ti nga lomo mbinganweni wa kona wonkle maklelo, ku wa tiyisilwe.
- 18 Ka Abrahama a ku kakwe xikari ka banana ba Heti, ni ka bona mahlweni ka bona konkle ba nga engena nyangweni ya muti wakwe.
- 19 Ni nzako ka lezi, Abrahama i lo kelela Sara sati wakwe lomu mhakweni ya simu ya Makepela mahlweni ka Mamre (kwaleyo Hebroni), le tikweni ga Kenani.
- 20 A simu, ni mhako leyi yi nga kwaleyo, yi wa tiyisilwe ka Abrahama a ku ba kakwe ka ku kelela bafleko hi banana ba ka Heti.

XIPIMO 24.

- 1 Na Abrahama i wa hi wa kale, na hi tangeni ya wukosana: na Jehova i lo katekisile Abrahama ka zonkle zilo.
- 2 Na Abrahama i te ngalo ka nanza gakwe, a wa hombe wa yindlu yakwe, loyi a fumelako zonkle lezi a nga hi nazo, Engenisa, nza ku kombela, a canja ga wena lahasi ka hangaswa ga mina :
- 3 Nzi ta ku maha u hlambanya ha Jehova, a Nungungulu wa tilo ni Nungungulu wa misaba, lezaku wena u nga tekela sati a nwana wa mina wa banhwana ba ma Kenani, xikari ka ba ha nzi akileko :
- 4 Kanilezi wena u taya le tikweni ga le ka hina, ni ka maxaka ya mina, u ya tekela sati a nwananga Isaka.
- 5 Ni nanza gi te ngalo ka yena, Kutani a wasati a nga ta vumela a ku lanzela mina ka legi tiko : za labeka ka mina ku neha nwana wa wena tikweni legi u nga sukela ka gona ke?
- 6 Na a te ngalo ka yena, Klaraha wena u nga ha yisi nwana wa mina kwa leyo kambe.
- 7 Jehova, a Nungungulu wa tilo, loyi a nga lo nzi teka le n/wini ka dadani, ni le tikweni ga le ka hina, loyi a nga wulawula ka mina, loyi a nga

hlambanya ka mina, aku, Ka mbewu ya wena nzi ta nyika legi tiko ; i ta rumela ngelosi yakwe mahlweni ka wena, wena u ta tekela nwana sati leyo.

- 8 Ni loku a wasati a nga vumeli ku lanzela wena, zonake wena u ta ba u nga hi na zunga ka lexi xifungo xa mina; wena u ta kala u nga yisi nwanawa mina leyo kambe.
- 9 Ni nanza gi lo engenisa a canja ga yena lahasi ka hangaswa ga Abrahama nwinyi wakwe, i lo hlambanya ka yena hi laya mahungu.
- 10 Ni nanza gi lo teka kume ga makameli, le makamelweni ya nwinyi wakwe, i lo famba, ni zilo zonkle zatsi za nwinyi wakwe zi wa hi canjeni gakwe : i lo suka, i lo ya Mesopotamia, le mutini wa Nahori.
- 11 I lo maha makameli ku kizama le handle ka muti hi laha hlobyeni ya mati xikatini xa gambo, xikatini lexo a ba basati ba yako kuya kuka mati.
- 12 Yena i te ngalo, O Jehova, a Nungungulu wa nwinyi wa mina Abrahama, rumela ka mina, nza ku kombela, hi ku haklisa nyamukla, ni ku kombisa wuxinji ka hosi ya mina Abrahama.
- 13 Languta, mina nzi yimile hlobyeni ya mati ; a banhwana ba banhu ba muti bata ku ta kuka mati :
- 14 Nga na ku mahisa lezo, ka loye nhwana nzi ta ngaku, Rula guwana, nzi ku kombela, kasi nza fela kunwa, yena i ta ku, Nwana, nzi ta nyika makameli kunwa kambe: nga ywaloye a hi yena u yimeselweko nanza ga wena Isaka ; hi lahoke mina nzi ta tiba lezaku wena u kangekile wuxinji ga hosi ya mina.
- 15 Na ku mahisile lezo, hi mahlweni na nga se ku mbeta ku wulawula, lezaku, languta, Rebeka i lo huma, loyi a trelweko hi Betueli nwana wa Milka, a sati wa Nahori, a nakulobye wa Abrahama, ni guwana gakwe a gi pakatsile,
- 16 Ni nhwana i wa hi litrikla ku cuwukekeni, a mubulwa, hambu wanuna i wa nga mu tibi: yena i lo relela aya hlobyeni, i lo tatisa a guwana gakwe, i lo kanziya.
- 17 Ni nanza gi lo tsutsuma gi mu kinga, gi te ngalo, Nzi nwise, nza ku kombela wena, a matana lomu guwaneni ga wena.

GENESISI, 24.

- 18 Yena na a te ngalo, Nwana, hosi yanga : na yena i lo haklisa, a rula guwana canjeni gakwe, i lo mu nyika anwa.
- 19 Laha na a mbetile ku mu nyika kunwa, yena i te ngalo, Nza kela makamela ya wena kambe, ma kala ma mbeta kunwa.
- 20 I lo haklisa, ni ku culula a guwana gakwe lomu xigowolweni, i loya kambe le hlobyeni ku yaka, i lo kela wonkle makameli.
- 21 Ni wanuna i lo mu cuwukisisa yena, na la su miyela, a ku tiba lezaku nweni Jehova i mahile a lwenzo lakwe livuvuma kutani a hi zona.
- 22 Na ku mahisile lezo, kota lezi makameli ma nga wa mbetile kunwa, lezaku a wanuna i lo teka a pera ya nzalama a kihlanya ga xekeli ku tika, ni zingwabila zimbiri ku engenis mandleni yakwe zu kume maxekeli ya nzalama a kutika,
- 23 Na te ngala, Hi wena nwamani ke ? byela mina, nza kombela wena. Gi kona wutsamo lomo ndlwini ka raru wa wena hi ya eklela kona ke ?
- 24 Yena i te ngalo ka yena, Mina nzi nwa Betueli a nwana wa Milka, loyi a nga tralela Nahori.
- 25 Yena klata-kumbiri i te ngalo ka yena, Hina hi na foliji ni muhungu wu enekeko, ni wutsamo go eklela.
- 26 Ni wanuna i lo koramisa hloko yakwe, i lo kozela Jehova.
- 27 Na a te ngalo, A katekiswe Jehova, a Nungungulu wa hosi ya mina Abrahamama, loyi a nga tsikangiko kuranza ka wunene gakwe ni zinene zakwe ka hosi ya mina: kota ha mina, Jehova i nzi rangele kuya le ndlwini ya bamakabye ba hosi ya mina.
- 28 Ni nhwana i lo tsutsuma, ni kuya byela a ba le ndlwini ya nyine hi leti timbaka.
- 29 Na Rebeka i wa hi ni makabye, ni bito ga yena i wa hi Labani : ni Labani i lo huma a kinga munhu, le hlobyeni.
- 30 Na ku mahisile lezo, laha na a wonile pera, ni zingwabila le mandleni ga makweru wakwe, ni laha na zwile timhaka ta makweru wakwe Rebeka, a ku, Zakungahi a nga wula munhu ka mina; yena i lota ka wa nuna; ni, languta, yena i wa yimile laha makamelweni laha hlobyeni.
- 31 Na a te ngalo, Engena, wena u ka-

- tekisilweko hi Jehova; ngahilezo u yimela yini lahandle? hakuba nzi longisile yindlu, ni wutsamo ga makameli.
- 32 Ni wanuna i lota lomu ndlwini, i lo klakla makameli, i lo ma nyika foliji ni muhungu ka makameli, ni mati ku hlaza ni mikonzo yakwe ni ya banhu laba ba nga wa hi na yena.
- 33 Laho ku lo bekwa za kuga mahlweni ka yena a kuga : kanilezi i te ngalo, Mina nzi nga taga, nzi kala nzi wula a hungu ga mina. I te ngalo, Wulawula ke.
- 34 Yena na a te ngalo, Mina nzi nanza ga Abrahamama.
- 35 Na Jehova i katekisile a hosi ya mina hi ku kulosilweko; i lo maha wa hombe : i mu nyikile a maranga ni miklambi, a siliva ni nzalama, ni malanza yaxinuna ni malanza yaxisati, ni makameli ni timbongola.
- 36 Na Sara sati wa hosi ya mina i tralele a nwana a hosi ya mina laha a nga wa kosahela : ka yena i nyikile zonkle lezi za yena.
- 37 A hosi ya mina yi nzi manile nzi hlambanya, yiku, Wena u nga tekeli a wasati nwana wa mina ka banhwana ba ma Kenani, ka ba ha nzi akileko tikweni gabye :
- 38 Kanilezi wena u taya le ndlwini ka dadani, ka maxaka ya mina, u ya tekela sati a nwana wa mina.
- 39 Mina nzi te ngalo ka hosi ya mina, Kutani a wasati a nga ta nzi ta la nzela.
- 40 Na a te ngalo ka mina, Jehova, mahlweni ka wihi mina nzi fambako, i ta rumela ngelosi ya yena zinwe na wena, i ta vuvumisa ndlela ya wena; wena u ta tekela a nwana wa mina sati ka maxaka ya mina, le ndlwini ya raru wa mina.
- 41 Zonake wena u ngata ba ni zunga ni xifungo xa mina, laha na wena na u tile maxakeni ya mina; ni loku ba nga nyiki yena ka wena, wena u ngata ba ni zunga xifungweni xa mina.
- 42 Nzi lo eikela nyamukla le hlobyeni, na nzi te ngalo, O Jehova, a Nungungulu wa hosi ya mina Abrahamama, loku wena makunu u vuvumisa a ndlela leyi nzi fambako :
- 43 Languta, mina nzi yimile hlobyeni ya mati; ni ku nga ku mahisa lezo, a nhwana loyi a ta nga ta kuka, ka wihi nzi ta ngaku, Nzihe mina, nza

- ku kombela wena, a matanyana lo-
mu guwaneni ga wena kunwa ;
- 44 Yena i taku ka mina, Nwenkole nwa-
nani nwina, mina kambewu nzi ta
nwisia makameli ya wena: nga ywa-
loye a hi wasati loyi Jehova a yimi-
seleko a nwana wa hosi ya mina.
- 45 Hi mahlweni na nzi nga se ku mbeta
kuwulawula mbilwini ya mina, la-
nguta, Rebeka i lo huma ata zinwe
ni guwana kakleni gakwe ; i lo rele-
la aya hlobyeni, i lo ka : mina nzi te
ngalo ka yena, Nzihe nziuwa, nza
ku kombela wena.
- 46 Yena i lo haklisa, i lo rula guwana
gakwe le kakleni gakwe, na te nga-
lo, Nwana, nzi nwisa ni makameli
ya wena kambe; zingaho nzi lonwa,
yena i lo maha makameli manwa ka-
mbe.
- 47 Nzi lo wutisa yena, nzi te ngalo, Hi
wena nwa mani ke ? i te ngalo, Nzi
nwa Betueli, a nwana Nahori, loyi
Milka a mu traleleko : nzi lo bekela
pera nhovini yakwe, ni zingwabila
mandleni ya yena.
- 48 Nzi lo koramisa hloko, ni ku koze-
la Jehova, ni ku katekisa Jehova, a
Nungungulu wa hosi ya mina Abra-
hama, loyi a nga rangele ndlela kwa-
tsi a tekela a hosi ya mina a nhwana
wa nakulobye a sati wa nwana wa
yena.
- 49 Ni makunu loku nwina mu maha
kwatsi ni zinene ka hosi ya mina,
nzi byeleni : ni loku zi nge ngaho,
nzi byeleni ; kasi nza fela ku hunzu-
luka hi ka ga xinene canja, kutani
ka ga xibaba.
- 50 Zonake Labani na Betueli ba lo
hlamula ba te ngalo, A xilo xi huma-
ko hi ka Jehova : hi ngata wula
ka wena kubiba kutani ku saseka.
- 51 Languta, Rebeka i le mahlweni ka
wena, mu teke, ni kuya, nga yena a
be a a sati wa nwana wa hosi ya we-
na, kota Jehova a wulileko.
- 52 Na ku mahisile lezo, laha, a nanza
ga Abrahamama gi zwile timbaka tabye,
i lo koramisa wutsumbu gakwe la-
hasi misabeni ka Jehova.
- 53 Ni malanza na lo humesa a zilo za
siliva, ni zilo za nzalama, ni tinguwo,
ba lo ti nyika ka Rebeka: i lo nyika
kambe ka Labani ni ka nyine wa ko-
na a zilo zi sasekileko.
- 54 Bona ba loga ba lonwa, yena ni ba-
nhu laba ba nga wa hi na yena, ba
lo tsama gonkile wusiku; ba lo vuka
ni mixo, yena i te ngalo, Nzi fambi-
seni ka hosi ya mina.
- 55 Nakuloni wakwe ni nyine ba te nga-
lo, Kanilezi a tsame na hina mbulwa
amasiku, kutsongwani kutani ku-
me ; a nzako ka lezo ita famba.
- 56 Yena a ku ngalo kabye, Mu nga nzi
ribatisi, hilezi Jehova i katekisile ku
famba ka mina ; nzi fambiseni ha-
kuba nzi ya hosini ya mina.
- 57 Baku ngalo, Hi ta bitana mbulwa,
hi wutisa nonwini wakwe.
- 58 Ba lo mu bita Rebeka, ba ku ngalo
kakwe, U ta famba ni loyi munhu
ke ? aku ngalo, Nzi ta famba.
- 59 Ba lo mu fambisa Rebeka nakulobye
wakwe, ni mutanyana wakwe, ni
xitiri xa Abrahamama, ni banhu ba-
kwe.
- 60 Ba lo mu katekisa Rebeka, ba ku
ngalo kakwe, Nakuloni wa hina, we-
na u maha nyine wa mazana ya ma-
zana, a tralo wa wena a wukla tinya-
ngwa ta laba ba ku bengako.
- 61 Rebeka i lo vuka, ni banhanyana
bakwe, ba lo kilela makameli, ba mu
lanzela munhu : a xitiri xi mu teka
Rebeka, i lo famba ndlela yakwe.
- 62 Isaka i lota hi ndlela ya le Berelahai-
roi ; hakuba i lo tsama tikweni ga se
Dzongeni.
- 63 Isaka i lo huma gambyeni ku alaka-
nya kwatini ; i lo klakusa mahlo ya-
kwe i lo cuwuka, ni mangabye, a
makameli ma lota.
- 64 Rebeka i lo klakusa mahlo yakwe,
na a wona Isaka, i lo cika hi kame-
lweni.
- 65 A ku ngalo ka xitiri, Himani loyi
munhu a fambako xiwuleni ku hi
klangameta ke ? Xitiri, xi lo ngalo,
I hosi ya mina : i lo teka tinguwo
takwe a ti jujela.
- 66 A xitiri xi lo mu byela Isaka zonkile
a nga zi mahileko zona.
- 67 Isaka i lo mu engenisa ndlwini ka
Sara nyine wakwe, wa teka Rebeka,
i lo maha sati wakwe ; i lo mu ranza
Isaka i lo miyetiswa a nzako ka ku-
fa ka nyine wakwe.

XIPIMO 25.

- 1 Ni Abrahamama i lo teka munwani
wasati, bito ga yena i wa hi Ketura.
- 2 Yena i lo mu tralela Zimrani, na Jo-
kixani, na Medani, na Midiani, na
Ixibake, na Xua.
- 3 Na Jokixani i lo trala Xeba, na De-
dani, Ni banana ba Dedani i wa hi

- Axurime, hi Letuxime, na Leumi-me.
- 4 Ni banana ba Midiani : hi Efa, na Eferi, na Hanoke, na Abida, na Elda. Laba bonkle ba wa hi banana ba Ketura.
- 5 Na Abrahamama i lo nyika zonkle lezi a nga wa hi na zona ka Isaka.
- 6 Kanilezi ka banana ba muhlukulu, laha Abrahamama a nga hi na bona, Abrahamama i lo nyika zinyikiwo ; i lo ba fambisa ka Isaka a nwana wa yena, laha na a ha hanya, hi klelo ga muhlwagambo, le tikweni ga le muhlwagambo.
- 7 Laya hi masiku ya malembe ya wutomi ga Abrahamama legi a nga wa hanyile, ma wa hi zana ni nkalanu ni mambiri makume ni nkalanu malembe.
- 8 Na Abrahamama i lo nyikela moya, i lofa na kosahela kwatsi, na hi munhu wa kale, ni malembe ma teleko, i lo petselwa ka ba ka kabye.
- 9 Isaka na Ixmaeli bana bakwe ba lo mu kelela mhakweni ya le Makepele, lomu kwatini ga Efroni a nwana wa Zohare a mu Hiti, le yi nga mahlwani ka Mamre ;
- 10 A kwati legi Abrahamama a gi xabileko ka banana ba Hiti : laho Abrahamama i lo kelewa, na Sara sati wa yena.
- 11 Na ku mahisile lezo a nzako ka kufa ka Abrahamama, lezo Nungungulu i lo katekisa Isaka a nwana wa yena : Isaka i lo aka le Berelahairoi.
- 12 Makunu lezi hi zizukulwana za Ixmaeli, a nwana wa Abrahamama, a wihi Hagari a mu Gipiti, nanza gaxisati ga Sara, gi nga tralela Abrahamama :
- 13 Laya hi mabito ya banana ba Ixmaeli, hi mabito yabye, na hi zizukulwana zabye : a matewula ya Ixmaeli, Nebioti ; na Kedare, na Adbeli, na Mibsame.
- 14 Na Mixima, na Duma, na Masa.
- 15 Hadade, na Tema, Jeture, Nafixi, na Kedema :
- 16 Laba hi banana ba Ixmaeli, laya hi mabito yabye, na hi mitana yabye, na hi kugoba kabye ; kume ni timbiri ti hosana kota mifumo yabye.
- 17 Laya hi malembe ya wutomi ga Ixmaeli, i zana ni makume manharu ni nkalanu ni mambiri malembe : i lo nyika moya ni kufa, i lo petselwa ka banhu ba ka kabye.
- 18 Bona ba lo aka kusukela Havila ka la Xure le gi nga mahlwani ka Gipite, kota u yako u komama Asiria : i lo tsama a vukela bonkle ba makabye bakwe.
- 19 Lezi hi zizukulwana za ka Isaka, a nwana Abrahamama : Abrahamama i lo trala Isaka :
- 20 Na Isaka i wa hi mune makume malembe wu kale laha a nga teka Rebeka, nwa Betueli a mu Siria wa le Padarama, a makweru wa Labani mu Siria, a ku ba sati wa yena,
- 21 Na a lo kombela ka Jehova hi sati wakwe, hakuba a nga wa hi ngozwa : Jehova i lo muzwa, na Rebeka sati wakwe i lo xura nyimba.
- 22 Ni banana ba lo kadlamulana lomu nzeni ka yena ; yena i te ngalo, Loku zi ngaho, ngahilezo nzi ta hanya ke ? Naya wutisa ka Jehova.
- 23 Jehova i te ngalo ka yena,
Mifumo mimbiri yi lomu rumbyi-
ni ga wena :
Ni banhu bambiri bata hambana
lomu gulwini ga wena :
Ni munwe munhu i ta ba wa nta-
mo ku hunza munwani munhu ;
Ni nhonzwa yi ta kozela nzisa.
- 24 Ni laha masiku yakwe ya ku hefemula ma nga wa tatisekile, languta, ku wa hi mahahla lomo gulwini.
- 25 Ni wo ranga i lo huma na trukile, konkle na hi ni mafefeleti kota ya nguwo ; ba lo cula bito ga yena Esau.
- 26 A nzako ka lezo ku lo huma a na kulobye wa yena, ni canja gakwe gi wa komile zirenze xa Esau ; ni bito gakwe gi lo culwa Jakobe : na Isaka i wa hi ni nkalanu makume ni giawe malembe laha a nga ba trala.
- 27 Ni barisanyana ba lo kula : na Esau i wa hi muhloti a kunguhileko, a munhu wa kwati ; Jakobe i wa hi munhu wa ku miyela, na a tsama matenteni.
- 28 Makunu Isaka i lo ranza Esau, hakuba i waga nyama ya zihari : na Rebeka i lo ranza Jakobe.
- 29 Jakobe i lo bika zakuga : na Esau i lo wuya hi lomu kwatini, i wa karele :
- 30 Na Esau i te ngalo ka Jakobe, Nzi gise, nza kombela wena, kuga loko ko truka hakuba nzi karele : hikwalaho i lo culwa bito ga ku hi Edome.
- 31 Na Jakobe i te ngalo, Xabisa ka mina ku ranga a wutewula ga wena,

- 32 Na Esau i te ngalo, Languta, mina nza laba kufa : ku ta binzula yini a wutewula ka mina ?
- 33 Na Jakobe i te ngalo, Hlambanya ka mina ku ranga ; yena i lo hlambanya ka yena : ni ku xabisa wutewula gakwe ka Jakobe.
- 34 Na Jakobe i lo nyika Esau zibaba ni kuga ka tinyawa ; i loga ni kunwa, i lo suka, a ti fambela : zingaho Esau i lo tsika a tsomba ya wutewula.

XIPIMO 26.

- 1 Ni laho ku wa hi kona ndlala lomu tikweni, hi lahandle ka ndlala yo ranga leyi yi nga wa hi kona masikwini ya Abrahamama. Na Isaka i lo ya ka Abimeleki a hosi ya ma Filisti, le Gerare.
- 2 Jehova i lo woneka ka yena, na a te ngalo, U nga releli uya Gipite ; tsama lomo tikweni legi nzi ta nga ku byela gona :
- 3 Lubela ku legi tiko, mina nzi ta ba na wena ; na nzi ta ku katekisa wena ; hakuba ka wena, ni ka mbewu ya wena, nzi ta nyika wonke laya matiko, mina nzi ta yimisa a xifungo lexi nzi nga hlambanya ka Abrahamama raru wa wena ;
- 4 Nzi ta anzisa mbewu ya wena kwatsi tinyeleti ta tilo, nzi ta nyika ka mbewu ya wena wonke laya matiko ; hi ka mbewu ya wena tixaka tonke ta misaba ti ta katekiswa ;
- 5 Hakuba lezo Abrahamama i lo ingisa gezu ga mina, i lo hlayisa kuwula ka mina, ni kulava ka mina, ni ziyimiso za mina, ni milayo ya mina.
- 6 Na Isaka i lo aka le Gerare.
- 7 Ni banhu ba tiko ba lo wutisa yena hi sati wakwe ; yena i te ngalo, Makweru wa mina ; hakuba yena i wa caba ku wula, i sati wa mina ; ku nga taku, ku wula yena, a banhu ba wutsamo ba nga te nga ba daya mina hi kota ya Rebeka ; hakuba i wa hi litrika ku cuwukelani.
- 8 Na ku mahisile lezo, laha a nga wa hi leyo xikati xo leha, lezaku Abimeleki a hosi ya ma Filisti i lo cuwuka le wonini, i lo wona, ni, Languta, Isaka i wo xwangana na Rebeka sati wa yena.
- 9 Na Abimeleki i lo bitana Isaka, i te ngalo, Languta, ha kunene yena i sati wa wena : hi yini wena u nga wula, Yena makweru wa mina ke ? Na Isaka i te ngalo ka yena, Hakuba

nzi te ngalo, Ku nga taku mina nzi fa hi kota ya yena.

- 10 Na Abimeleki i te ngalo, Xini lexi wena u xi mahileko ka hina ke ? muzwe wa banhu kutsongwani nga a eklele ni sati wa wena, na wena nga u nehile kuonha hehla ka hina.
- 11 Na Abimeleki i lo byela bonke banhu, na aku Loyi a kumbako loyi munhu kutani sati wa yena i ta dawa.
- 12 Na Isaka i lo rima ka lego tiko, i lo kuma gwalego lembe hi ka zana : na Jehova i lo mu katekisa.
- 13 Ni munhu i la su simamisa a kulo, a kula kambe ni kambe a kala a maha wa hombe nguvu :
- 14 Yena i wa fuyile maranga, na a fuyile ni miklambi, ni malanza ngangweni yo tala : ni ma Filisti ma lo mahela wukuxu.
- 15 Makunu ni tonke tihlowo leti a malanza ya raru wakwe Abrahamama nga wa ti kelile masikwini ya Abrahamama raru wakwe, ma Filisti ma wa ti tsikile, ti tatisile hi misaba.
- 16 Na Abimeleki i te ngalo ka Isaka, Suka ka hina ; hakuba wena u na ntamo nguvu ku hi hunza.
- 17 Na Isaka i lo suka leyo, ni kuya gobaminzelelweni ya le Gerare, i lo aka leyo.
- 18 Na Isaka i lo kela kambe a tihlowo ta mati, leti ti nga wa kelilwe masikwini ya Abrahamama raru wakwe ; hakuba ma Filisti ma wa ti tsikile a nzako ka kufa ka Abrahamama : i lo ti bita hi mabito lawo ma nga wa culilwe hi raru wakwe.
- 19 Ni milanza ya Isaka ma lo kela lomo minzelelweni, i lo kuma laho a hlowo ya mati yo kulunga.
- 20 A barisi ba le Gerare ba wo kanetana ni barisi ba Isaka, baku, A mati nja hina : yena i lo cula a bito ga hlowo Eseke, hakuba ba lo holoba ziwe na yena.
- 21 Bona ba lo kela yiwani hlowo ; ba lo kanetana hi leyo kambe : yena i lo cula bito ga yena Sitna.
- 22 Yena i lo suka leyo, i lo kela yiwani hlowo, ka leyo a ba kanetanangi : i lo cula bito ga yona Rehobote ; yena i te ngalo, Hakuba makunu Jehova i mahile wutsamo ka hina, hi ta trala nguvu laha tikweni.
- 23 Yena i lo kanziya hi leyo aya Berexeba.
- 24 Na Jehova i lo woneka ka yena

- gwalego siku, na te ngalo, Hi mina Nungungulu wa Abrahamu raru wa wena: u nga cabi, hakuba nzi na wena, nzi ta ku katekisa wena, nzi anzisa nzi ta anzisa a mbewu ya wena hi kota ya nanza ga mina Abrahamu.
- 25 Na yena i lo aka alati laho, i lo bita bitweni ga Jehova leyo, i lo yimisa tente ga yena laho: laha malanza ya Isaka ma lo kela hlowo.
- 26 Zonake Abimeleki i loya ka yena hi le Gerare, na Ahuzati xaka gawe, na Fikole a nduna ya yimpi.
- 27 Na Isaka i te ngalo kabye, Ngahilezo nwina muta ka mina, na mu wona lezaku ma nzi benga, mu nzi hlongole le ka nwina ke?
- 28 Na bona ba te ngalo, Ili lasu wona ku te dlunya lezaku Jehova i wa hi na wena: hina hi te ngalo, Nga laho ku hi kona xifungo xikari ka hina, hambu xikari ka hina na wena, ni ku nga hina hi maha xivumelwano ziwene na wena.
- 29 Lezaku wena u nga hi bayisi, kota zi hina hi nga ku kumbangiko, kota lezi hi nga kala ku maha ncumo ka wena kanilezi kusaseka hi lo ku fambisa hi kukula: wena makunu u wa ku katekiswa hi Jehova.
- 30 Yena i lo mahela mubuzo, bona ba loga ni kunwa.
- 31 Ba lo suka na ba tangele ni mixo, ni kufunga ka munwe ni munwani: na Isaka i lo ba fambisa, bona ba lo suka ka yena hi kurula.
- 32 Na ku mahisile lezo gwalego siku, a malanza ya Isaka ma lota, ba lo ta mu dyela hi hlowo leyi ba nga wa yi kelile, ba te ngalo ka yena, Hi kumile mati.
- 33 Yena i lo yi bitana Xiba: hikwalaho a bito ga muti hi Berexeba kala nyamukla.
- 34 Ni laha Esau a nga wa hi mune makume malembe a wukale i lo teka a wasati wa Juditi nhanyana wa Beri a mu Hiti, na Basemati nhanyana wa Eloni a mu Hiti:
- 35 Ba wa hi zikarato mbilwini ya Isaka ni ya Rebeka.

XIPIMO 27.

- 1 Na ku mahisile lezo, lezaku laha Isaka a nga wa kosahela, na mahlo ya yena ma wa hi xilutsu, zingaho lezo i wa nga kotiku wona, i lo bita Esau a nwana wakwe wa nhonzwa,

- na te ngalo ka yena, Nwana wa mina: yena i te ngalo, Mina nzi laha.
- 2 Na a te ngalo, Languta makunu, mina nzi koschele, a nzi gi tibi a siku ga kufa ka mina.
- 3 Makunu hikwalaho teka, nza kombela wena, a maklari ya wena, ni kutsu wa wena ni wura ga wena, ni kuya lomo kwatini, uya nzi tekela nyama;
- 4 Ni ku nzi mahela kuga ko nanziba, ko kwatsi hi loku nzi kuranzako, u ku neha ka mina, kasi nza fela kuga; kasi muhefemulo wa mina wa ku katekisa na nzi nga se kufa.
- 5 Na Rebeka i lozwa laha Isaka na a nga wa wulawulile ni nwana wa yena Esau. Na Esau i loya lomo kwatini kuya hlota a nyama, ni ku yi neha.
- 6 Na Rebeka i lo wulawula ka Jakobe nwana wa yena, aku, Languta, nzi zwile raru wa wena na wulawula ka Esau nakulori, aku.
- 7 Nzi nehele a nyama, u nzi mahela kuga ko nanziba, kasi nza fela kuga, nzi ku katekisa mahlweni ka Jehova hi mahlweni ka kufa ka mina.
- 8 Hilezi makunu, nwana wa mina, ingisa gezu ga mina kota lezi nzi ku layileko.
- 9 Yana makunu le klambini, uya nzi langela zimbutana zimбири za timbuti leyo; nzi ta maha kuga ko nanziba ka raru wa wena, ko kota loku a ku labako:
- 10 Wena u ta ku neha ka raru wa wena, kasi wa fela kuga, kasi lezo wa fela ku ku katekisa mahlweni na nga se kufa.
- 11 Na Jakobe i te ngalo ka Rebeka nyine wakwe, Languta, Esau nakulori i na ni mafefeleti, mina uzi munhu wa likuluwa.
- 12 Dadani kutani i ta nzi ringetela, nzi to kwatsi ka yena nzi mukohlisi; ni ku ti nehela nzukano hehla ka mina, na ku nga hi kukatekiswa.
- 13 Ni nyine wakwe i ta ngalo ka yena, Yi ta ba hehla ka mina a nzukano ya wena, a nwana wa mina; hambu nzaku ingisa gezu ga mina, yana u ya nzi langela tona.
- 14 I loya, aya ti lunga, i lo ti neha ka nyine wa yena: ni nyine i lo maha kuga ko nanziba, ko kwatsi hi loku raru wakwe a nga kuranza.
- 15 Na Rebeka i lo teka a nguwo ya ku saseka ya Esau a nwana wakwe wa

- nhonzwa, leyi yi nga wa hi na yena
lomu ndlwini, i lo ambexa Jakobe a
nwana wa yena loyi wa nzisana ;
- 16 I lo engenisa a dzowo ga zimbutana
za timbuti mandleni yakwe, ni lomu
likuluweni la nhamu yakwe :
- 17 Yena i lo nyika kuga ko nanzihani
zibaba, lezo a nga wa zi longisile, ca-
njeni ga nwana wa yena Jakobe.
- 18 Yena i lota ka raru wakwe, na a te
ngalo, Dadani : i te ngalo, Mina nzi
laha ; hi wena mani, nwananga ?
- 19 Na Jakobe na a te ngalo ka raru wa-
kwe, nzi mina Esau matewula ya
wena ; nzi mahile kota lezi wena u
nzi layileko: suka, nza kombela, we-
na u tsama uga nyama ya mina, ka-
si muhefemulo wa wena wa ta nzi
katekisa.
- 20 Na Isaka na a te ngalo ka nwana
wa yena, Hi yini u yi kumileko hi
ku haklisa, nwananga ke? Yena i te
ngalo, Hakuba Jehova Nungungulu
wa wena i nzi haklisisile.
- 21 Na Isaka na a te ngalo ka Jakobe,
Hi nga tsinela ku suhani, nza ku ko-
mbela, kasi nza ku ringetela, nwa-
nanga, loku u hi wena Esau futsi
kutani a hi wena.
- 22 Na Jakobe i loya ku suhi na Isaka,
raru wakwe ; i lo mu ringetela, na a
te ngalo, A gezu i gezu ga Jakobe,
kanilezi a mandla nja Esau.
- 23 I wa nga mu tibangi, hakuba ma-
ndla yakwe ma wa hi ni mafefeleti,
kwatsi hi mandla ya nakulobye Esau:
zingaho i lo mu katekisa.
- 24 Yena i te ngalo, Hi wena nwananga
Esau futsi ke? Na a te ngalo, Nzi
mina yena.
- 25 Na a te ngalo, Ku nehe ku suhu na
mina, nzi taga nyama ya nwananga,
kasi muhefemulo wa mina wa ku ka-
tekisa wena. Yena i lo ku neha ku
suhani na yena ; i loga : il o mu nehe-
la a waini, yena i lonwa.
- 26 Ni raru wa yena Isaka i te ngalo ka
yena, Tsinela ku suhi makunu, u nzi
trotra nwananga.
- 27 Yena i lota ku suhi, i lo mu trotra :
i lo nuheta masema ya nguwo ya-
kwe, ni ku mu katekisa, na te ngalo,
Wona, a masema ya nwananga
Ku kwatsi masema ya simu leyi
Jehova a yi katekisileko :
- 28 Ni ku kuha Nungungulu a nzo-
kati ya tilo,
Ni kunona ka misaba,
Ni mabele yo tala ni waini giswa :
30
- 29 Nga banhu ba ku kozela,
Ni matiko ma korama ka wena :
Nga u hi hosi ka bamakabye ba
wena,
Na nga bana ba nyine wa wena ba
korama ka wena,
Ba rukatelwe bonklelele laba ba
rukatelako wena,
Ni ku katekiswa ka bonklelele laba
ba katekisako wena.
- 30 Na ku mahisile lezo, lokuloku kwa-
tsi hi lezi Isaka a nga wu gumelilwe
a kukatskisa Jakobe, na Jakobe a
nga seku huma mahlweni ka Isaka
raru wakwe, lezaku Esau nakulobye
i lo engena na wuya hi le kuhloteni.
- 31 Na yenawu kambe i lo maha kuga
ko nanzihani, i lo ku neha ka raru wa-
kwe na a te ngalo ka raru wakwe,
Nga dadani a suka, aga, nyama ya
nwana wakwe, kasi muhefemulo wa
wena wa nzi katekisa.
- 32 Na Isaka raru wa yena i te ngalo,
Hi wena mani ke? Na yena na a te
ngalo, Hi mina nwana wa wena, wa
watewula, Esau.
- 33 Na Isaka i lo rurumela hi ku hunze-
letilweko, na a te ngalo, Hi manizo-
nake loyi a nga teka nyama, i lo yi
tisa ka mina ; mina nzi gile yonkle
hi mahlweni na u nga se kuta, nzi
mu katekisile yena? ina, yena i ta
ba a katekisilweko.
- 34 Laha na Esau a nga wa zwile timba-
ka ta raru wakwe, i lo rila hi ku rila
ku hunzileko ha hombe ni kurila hi
kutsikwila, i te ngalo ka raru wa-
kwe, Nzi katekisewo mina, hambu
minawu kambe, O dadani.
- 35 Na yena i te ngalo, Nakuloni wa
wena i tile ni ku kohlisa, i tekile ku
katekiswa ka wena.
- 36 Na yena i te ngalo, A nga bitanwi
kwatsi ku hi Jakobe ke? hakuba i
nzi tekele lezi zikati zimbiri i nzi te-
kele a wutewula ga mina ; ni langu-
ta, makunu i nzi tekele a kukateki-
swa ka mina. Na yena i te ngalo,
Wena a ku lonzowotangi kukateki-
swa ka mina ke?
- 37 Na Isaka i lo hlamlula i te ngalo ka
Esau, Languta, nzi mu mahile a ho-
si ya wena, ni bamakabye bakwe bo-
nkle nzi nyikile ku maha malanza ka
yena : ni mabele ni waini giswa nzi
zi nyikile ka yena : xini zonake nzi
ta nga ku mahela wena, nwananga
ke?
- 38 Na Esau i te ngalo ka raru wakwe,

- Wa kuba ni xikatekiso xinwe, wena dadani? nzi katekise mina, na mina-wo kambe, O dadani, Na Esau i lo klakusa gezu gakwe, ni lo rila.
- 39 Na Isaka raru wakwe i lo mu hlama na te ngalo ka yena, Languta, hi kunona ka misaba ku ta ba ku aka ka wena, Ni nzokati ya tilo hi le hehla;
- 40 Hi supado ya wena u ta hanya, wena u ta kozela nakuloni; Na ku mahisile lezo, na laha wena u ta nga klakleka, U ta cukula gota gakwe nhanweni ya wena.
- 41 Na Esau i lo benga Jakobe hakuba hi kukatekisa loku raru wakwe a mu katekisileko ha kona: na Esau i te ngalo hi mbilwini yakwe, A masiku yo rilela dadani ma tsinile; zonake nzi ta daya nakulori Jakobe.
- 42 Ni timhaka ta Esau a nwana wakwe wa nhonzwa ti lo byeliwa ka Rebeka; yena i lo ruma ni ku bitana Jakobe nwana wakwe wa nzisana, i te ngalo ka yena, Languta, a nakulori Esau, kota ku kumbuka wena, wa tangala wutsumbu gakwe, hi ku alakanya ku ku daya.
- 43 Makunu hikwalaho, nwananga, ingisa gezu ga mina; suka,abela ka Labani makabye wa mina le Harani;
- 44 Ni kuya tsama na yena masiku matsongwane, gi kala kulo ga nakuloni gi bohla;
- 45 Ku kala a zanga ya nakuloni yi enga, ni ku ribakelwa hi lezi wena u mahileko ka yena; zonake nzi ta rumela, nzi ta ku teka leyo: hi yini nzi nga mu wukla ha siku ginwe ke?
- 46 Na Rebeka i te ngalo ka Isaka, Nza xaniseka ku hanya hi banhanyana ba ka Heti; loku Jakobe a teka wasati ka banhanyana ba ka Heti, kota laha, a banhanyana ba tiko, a kuhanya ka mina ku tiba kusaseka muni?

XIPIMO 28.

- 1 Na Isaka i lo bitana Jakobe, ni ku mu katekisa, i lo mu laya, na a te ngalo ka yena, Wena u nga teki wasati ka banhwana ba ma Kenani.
- 2 Suka, yana Padanaramu, le ndlwi ni ya Betueli a raru wa nyine wa wena; u ya teka leyo ka banhwana ba ka Labani a makabye wa nyine wa wena.

- 3 Na Nungungulu wa ntamo wonkle a ku katekisa, a ku mahe u trala wanza ni ku enzelekisa, ni lezaku wa nga u hi miklawwa ya banhu;
- 4 Ni ku nyika wena a ku katekisa ka Abrahamama, ka wena, ni ku mbewu ya wena zinwe na wena; kasi wena wa fela kuga tsomba ya tiko legi wena u nga mu lubeli, legi Nungungulu a wa nyikile Abrahamama.
- 5 Na Isaka i lo fambisa Jakobe: i lo ya Padanaramu la ka Labani, a nwana wa Betueli a mu Siria, a makabye wa Rebeka, a nyine wa Jakobe na Esau.
- 6 Makunu Esau i lo wona lezaku Isaka i katekisile Jakobe ni ku mu rumela le Padanaramu, a kuya teka a wasati leyo; ni lezaku kota a nga wa mu katekisa i lo mu nyika xilayelo, xaku, Wena u nga teki wasati ka banhanyana ba ma Kenani;
- 7 Ni lezaku Jakobe ingisile raru wa yena ni nyine wa yena, ni ku i yile Padanaramu;
- 8 Na lo wona lezaku banhana ba ma Kenani a mu xalalisi Isaka raru wakwe;
- 9 Esau i loya ka Ixmaeli, ni kuya teka hi lahandle ka basati laba a nga wa hi nabo, Mahate nhlwana wa Ixmaeli nwana wa Abrahamama, a makweru wa Nebaiote, a ku ba sati wake.
- 10 Na Jakobe i loya a huma hi le Berexeba, i loya na komama Harani.
- 11 I lo cikela wutsanweni go ka kari, i lo tsama laho gonkle wusiku, haku ba a gambo gi wa pelile; i lo teka a ginwe ribye ga wutsamo lego, i lo gi beka lahasi ku gi tsikela, i lo eklela ka lego wutsamo.
- 12 Na yena i lo lora; ni, languta, a mayingo hi laha misabeni, maya hehla le titlweni; ni, languta, a tingelosi ta Nungungulu ti wa kanziya ti relela ha wona.
- 13 Ni, languta, Jehova i lo yima hi le hehla ka wona, na a te ngalo, Nzi mina Jehova, Nungungulu wa raru wa wena Abrahamama, ni Nungungulu wa Isaka: a tiko legi wena wa ekleleko, ka wena nzi ta gi nyika, ni ka mbewu ya wena;
- 14 Ni mbewu ya wena yi to kwatsi i tsuri wa misaba, wena u ta hangalaka u fenemete le tsuwuka gambo ni muhlwagambo, ni le nwalungwini, ni le nzongneni: na hi ka wena na

hi ka mbewu ya wena a mingango yonk'le ya misaba yi ta ba yi kateki-silwe.

- 15 Ni, languta, mina nzi na wena, nzi ta ku hlayisa ni kwihi laha u yako, nzi taku wuyisa kambe ka legi tiko; hakuba nzi nga ta ku tsika, nzi kala nzi maha lezi nzi wulawulileko ha zona ka wena.
- 16 Na Jakobe i lo kindlumuka kuele-ni kakwe, na te ngalo, Hakunene Jehova i ka legi wutsamo; na mina nzi i wa nga zi tibi.
- 17 Yena i wo caba, na te ngalo, Gi tsi-sisa ku yini legi wutsamo! a ku na ginwani go hunza yindlu ya Nungungulu, leyi i nyangwa ya tilo.
- 18 Na Jakobe i lo vuka manzikweni ni mixo, i lo teka ribye legi a nga wa kigele, i lo gi yimisa a gi maha mhanze, i lo ceta mafura behla ka-gona.
- 19 Yena i lo cula bito ga lego wutsamo Beteli: kanilezi a bito ga muti gi wa hi Luzi kuranguleni.
- 20 Na Jakobe i lo funga xifunga, naku, Luku Nungungulu a hi zinwe na mina, ni ku nzi hlayisa ka leyi ndle-la nzi yako, ni ku nzi nyika zibaba za kuga, ni tinguwo ta kuambala,
- 21 Kasi lezo nza fela ku wuya kambe ndlwini ka dadani hi kurula, na Jehova a hi Nungungulu wa mina,
- 22 Zonake legi ribye, legi nzi gi yimisi-leko a mhanze, gi ta ba yindlu ya Nungungulu: ni ka zonk'le lezi u ta nga nzi nyika ha kuncene nzi ta nyika za kume ka wena.

XIPIMO 29.

- 1 Zonake Jakobe i loya lwezweni lakwe, i lota tikweni ga banana ba le mutsuwukagambo.
- 2 I lo cuwuka, ni, languta, hlowo ya lomu tikweni, ni, mangabye, a miklambi minharu ya tiyivu na yi zumbile ku sulhi nayo; hakuba hi ka leyo hlowo ba wa nwise miklambi: ni ribye hehla ka nomu wa hlowo gi wa kukile.
- 3 Ni lahoke ku tsombana miklambi yonk'le: bona ba wo umbuluta ribye nonwini wa hlowo, ni ku nwise miklambi, ni ku bekela ribye kambe hehla ka hlowo wu tsawweni ga gona.
- 4 Na Jakobe i te ngalo ka bona, Bama-kabye, muta hi kwihi ke? bona na ba te ngalo, Hi ba ka Harani hina.

- 5 Na a te ngalo ka bona, Ma mu tiba Labani nwana wa Nahori ke? Ba te ngalo, Ha mu tiba yena.
- 6 Na a te ngalo ka bona, Watsi na yena ke? ba te ngalo, Ngwatsi: ni, languta, Raceli nhanyana wakwe na a wata ni tiyivu.
- 7 Na yena i te ngalo, Mangabye wa ha hi mumu, a xi se ku ba xikati le xa ku nga tiyivu ti tsombana wutsamo ginwe: ti nwiseni tiyivu, mu famba mu ya ti gisa.
- 8 Na bona na ba te ngalo, A hi zi koti, kala yonk'le miklambi yi gotsobanyana katigizwe, ba umbuluta ribye nyangweni ya hlowo; zonake hi ta nwise tiyivu.
- 9 Zalezo na a nga na ha wulawula zinwe nabo, Raceli i lo cikela ni tiyivu ta raru wakwe, hakuba a nga wa ti risa.
- 10 Na ku mahisile lezo, laha na Jakobe a wonile Raceli nhanyana wa Labani makabye wa nyine wakwe, ni tiyivu ta Labani makabye wa nyine wakwe, lezo Jakobe i loya kusuhi, i lo umbuluta a ribye nonwini wa hlowo, i lo nwise miklambi ya Labani makabye wa nyine.
- 11 Na Jakobe i lo trotra Raceli, i lo klakusa gezu gakwe, i lo rila.
- 12 Na Jakobe i lo byela Raceli lezaku yena i wa hi makabye wa raru wa yena, ni lezaku a wa nwana wa Rebeka: yena i lo tsutsuma i lo byela raru wa yena.
- 13 Na ku mahisile lezo, laha Labani na zwile mahungu ya Jakobe a nwana wa makweru wa yena, lezo i lo tsutsuma a mu kinga, ni ku ya mu angarela, a mu trotra, i lo mu neha le ndlwini yakwe. Yena i lo byela Labani zonk'le lezi zilo.
- 14 Na Labani i te ngalo ka yena, Futsi wena u marumbo ya mina ni nyama ya mina. Na yena i lo tsama zinwe naye a pfuka wa hweti yizwe.
- 15 Na Labani i wa te ngalo a Jakobe, Hakuba kota wena u nga nakulobye wa mina, wena hikwalaho u wa ta nga u nzi tirela mahala ke? byela mina, u ta rihiswa ku yini ke?
- 16 Na Labani i wa hi ni banhwana bambiri: a bito ga nhonzwa i wa hi Lea, ni bito ga nzisana yi Raceli.
- 17 Ni mahlo ya Lea ma wa oloba; kanilezi Raceli i wa hi mbhuri ni kuna-beleka kwatsi.
- 18 Na Jakobe i lo ranza Raceli; na a te

- ngalo, Nzi ta ku kozela nklanu ni mambiri malembe nzi fela ku teka Raceli nwana wa wena wa nzisana.
- 19 Na Labani na te ngalo, Zi sasekile a ku ba nzi mu nyika ka wena, ku hunza lezaku nga nzi mu nyikela ka muzwane munhu : tsama na mina.
- 20 Na Jakobe i lo mu kozela nklanu ni mambiri malembe a fela ku teka Raceli; wona ba wo kwatsi ka yena kota ku taba masiku matsongwane, hi kota ya liranzo lolu yena a ngalo ka yena.
- 21 Na Jakobe i te ngalo ka Labani, Nzi nyike sati wa mina, hakuba masiku ya mina ma tatisekile, kasi nza fela kuya engena ka yena.
- 22 Na Labani i to tsombanyisa wutsamo ginwe ba lego wutsamo, i lo maha mubuzo.
- 23 Na ku mahisile lezo laha gambyeni, i lo teka Lea a nwana wa yena, i lo mu neha ka yena; yena i loya engua ka yena.
- 24 Na Labani i lo nyika Zilpa nanza ga xisati gakwe ka Lea ku maha nanza ga xisati gakwe.
- 25 Na ku mahisile lezo laha mixweni kasi, languta, i wa hi Lea: yena i wa te ngalo ka Labani, Za ku yini u zi mahileko ka mina ke? a nzi ku kozelangi nzi fela Raceli ke? ngahilezi zonake hi ku yini wena u nzi onbisileko ke?
- 26 Na Labani i te ngalo, A zi mahiwe lezo tikweni ga hina, a ku nyikela nzisana hi mahlweni ka nhonzwa.
- 27 Tatisa a sonto ga loyi muzwe, hina hi ta ku nyika muzwani kambe hi tiro lowu u ta nga nzi tirela nklanu ni mambiri malembe kambe.
- 28 Na Jakobe i lo maha za ku ngaho, i lo tatisa sonto ga yena: i lo mu nyika Raceli nhwana wakwe a sati.
- 29 Na Labani i lo nyika ka Raceli nwana wa yena Bilha nanza ga xisati gakwe a ku ba nanza ga xisati ga yena.
- 30 Yena i loya kambe ka Raceli, na yena i lo ranza Raceli ku hunza Lea, i lo engeta kambe a mu kozela nklanu ni mambiri malembe.
- 31 Na Jehova i lo wona lezaku Lea wa bengwa, i lo vulula marumbu yakwe: na Raceli i wa hi ngonwa.
- 32 Na Lea i lo xura nyimba, i lo trala nisanyana, yena i lo cula bito gakwe hi Rubeni: hakuba i te ngalo, Jehova i cuwukile kuxaniseka ka

mina; hi lezi makunu a nuna wa mina i ta nzi ranza.

- 33 Yena i lo xura nyimba kambe, i lo trala nisanyana: na te ngalo, hakuba Jehova i zwile lezaku nza bengwa, yena hikwalaho i nyikile ka mina loyi nisanyana kambe: yena i lo cula bito Simeoni.
- 34 Yena i lo xura nyimba kambe, i lo trala nisanyana; na te ngalo Makunu lexi xikati a nuna wa mina i ta klangana ka mina, hakuba nzi mu trelele barisanyana banharu: hikwalaho a bito gakwe gi lo culwa Levi.
- 35 Yena i lo xura nyimba kambe, i lo trala nisanyana: na yena i te ngalo, Lexi xikati nzi ta dumisa Jehova: hikwalaho i lo cula bito gakwe hi Juda; yena i lo numa.

XIPIMO 30.

- 1 Ni laha Raceli a nga wa wonile lezaku a nga tralangi Jakobe a banana, Raceli i lo lusela makweru wakwe; yena i wa te ngalo ka Jakobe, Nzi nyikewo banana, nzi nga ta kufa.
- 2 Ni zanga ya Jakobe yi lo vindlukela a Raceli: yena i wa te ngalo, Nza wutsanweni ga Nungungulu, i lo mina loyi a komileko mihanzo ya marumbu ya wena ke?
- 3 Yena i wa te ngalo, Languta, nanyana wa mina Bilha, engena ka yena; kasi wa fela ku trala madzolweni ya mina, kasi minawu kambe nza fela ku kuma banana ha yena.
- 4 Yena i lo nyika yena Bilha a nanza ga xisati gakwe a sati: na Jakobe i loya engena ka yena.
- 5 Na Bilha i wa lo xura nyimba, i lo tralela Jakobe a nisanyana.
- 6 Na Raceli i wa te ngalo, Nungungulu i nzi lamule, ni kambe i zwile gezu ga mina, i nyikile mina nisanyana: hikwalaho i lo cula bito gakwe yena a ku hi Dani.
- 7 Na Bilha a nanza ga xisati ga Raceli gi lo xura nyimba kambe, ni ku tralela Jakobe a nisanyana wa wumbiri.
- 8 Na Raceli i wa te ngalo, Hi ku pinyana ka hombe nzi pinyene ni makweru wa mina, nzi hlulile, i lo cula bito gakwe Naftali.
- 9 Laha Lea a nga wa wonile lezaku i kumile, yena i lo teka Zilpa nanyana wa yena, i lo nyika yena ka Jakobe a sati.

- 10 Na Zilpa nhanyana wa yena i lo tralela Jakobe nisanyana.
- 11 Na Lea i te ngalo, Tomo ganga! i lo cula bito gakwe Gadi.
- 12 Na Zilpa nanza ga xisati ga Lea gi lo tralela Jakobe nisanyana wa kumbiri.
- 13 Na Lea i wa te ngalo, Nza ku xalala! ni banhanyana ba ta nzi bitana mina kuxalala: na yena i lo cula bito gakwe Axeri.
- 14 Na Rubeni hi masikwini ya kuhula mabele, i loya kuma a mandrake le masiwini, i wa lo ma neha ka nyine Lea. Zonake Raceli i wa te ngalo ka Lea, Nzi nyike, nza ku kombela, a mandrake ya wana wa wena.
- 15 Yena i wa te ngalo ka yena, Kasi mahungu ma tsongani lezaku wena u nzi tekele nuna wa mina ke? u ta teka ni mandrake ya wana wa mina ke? Na Raceli i wa te ngalo, Hikwalaho yena i ta eklela zinwe na wena wusiku legi hakuba hi mandrake ya wana wa wena.
- 16 Na Jakobe i lo wuya hi le masiwini laha gambyeni, na Lea i lo mu kinga, i te ngalo, Wena u fanele kuta ka mina; hakuba nzi ku pembele hi mandrake ya wana wa mina. I lo eklela naye lego wusiku.
- 17 Na Jehova i lozwa ka Lea, yena i lo xura nyimba, i lo tralela Jakobe a nisanyana wa wunclanu.
- 18 Na Lea i te ngalo, Nungungulu i nzi nyikile a kupemba ka mina, ni hakuba nzi nyikile nanza ga xisati ga mina ka nuna wa mina: i lo cula bito gakwe Isakare.
- 19 Na Lea i wa lo xura nyimba kambe, i lo trala nisanyana wa wunclanu ni muwe ka Jakobe.
- 20 Na Lea i wa te ngalo, Nungungulu i nzi nyikile mina xinyikiwo xatsi; makunu nuna wa mina i ta tsama na mina, hakuba nzi mu tralele a nclanu ni muwe nisanyana: i lo cula aku Zebuluni.
- 21 Anzako ka lezo yena a trala nhanyana, ni ku cula bito gakwe Dina.
- 22 Na Nungungulu i lo alakanya Raceli, Nungungulu i lozwa ka yena, i lo vulula marumbu yakwe.
- 23 Yena i lo xura nyimba, ni ku trala nisanyana: i wa te ngalo, Nungungulu i susile a nzukano ya mina:
- 24 Yena i lo cula bito gakwe hi Josefa, na aku, Jehova a engete na mina ka mina muwani nisanyana.
- 25 Na ku mahisile lezo, laha na Raceli na trele Josefa, lezaku Jakobe i wa te ngalo ka Labani, Nzi fambise, kasi nzi fela kuya le wutsanweni ga mina, ni le tikweni ga le ka hina.
- 26 Nzi nyike mina a basati ba mina ni banana ba mina a ba ha nzi tireleko wena, ni ku nga nziya: hakuba wena wa wu tiba a ntiro wa mina lowu nzi tireleko wena.
- 27 Na Labani i wa te ngalo ka yena, Loku mina nzi kumile tomo mahlweni ka wena, wa nga tsama: hakuba nza wona lezaku Jehova wa nzi katkisile hi wena.
- 28 Yena i wa te ngalo, Nzi kombe kurihwa ka wena, nzi ta ku nyika kona.
- 29 Yena i te ngalo ka yena, Wena wa zi tiba lezi nzi ku kozelisileko zona, ni tihomu ta wena ti talisilwe ha hina.
- 30 Hakuba ti wa hi ti tsongwanyani leti u nga wa hi nato na nzi se kuta, lezi ti enzelekile ku maha xidlemo; na Jehova i ku katekisile ni xihile lexi nzi mahako: makunu hi rini nzi ta nga tirela a ya minawu yindlu kambe ke?
- 31 Na yena i wa te ngalo, Xini nzi ta nga ku nyika ke? na Jakobe i wa te ngalo: Wena u ta nga nzi nyika cumo: loku wena u ta nga mahela lexi xilo ka mina, nzi ta engeta kambe nzi gisa klambi wa wena ni ku yi risa.
- 32 Nzi ta engena ka wonkle klambi wa wena nyamukla, nzi hlawula laho tonklelele ta maklaka/laka ni makwanga, ni tonklelele ta ntima xikari ka tiyivu, ni ta makwanga ni maklaka/laka xikari ka timbuti: a ta ku ngahi ti ta ba tsomba ya mina.
- 33 Zingaho kululama ka mina ku ta nzi hlamlala a nzako ka lezo, ni laha wena u ta ngata hi kurihwa ka mina loku ku nga mahlweni ka wena: tonklelele leti ti nga hi kona maklaka/laka ni makwanga xikari ka timbuti, ni ta ntima xikari ka tiyivu, leto, loku ti kumiwe na mina, ti ta hlalwe a ku ti yiylwe.
- 34 Na Labani i wa te ngalo, Languta, Minawu nzi nga ku mahiwe kota mhaka ya wena.
- 35 I lo humesa lego siku a timhongo le ta mubala ni ta makwanga, ni wonkle ma/rele ya timbuti leto ta maklaka/laka ni makwanga, tonklelele

- leti ti nga wa hi ni kubasa ka tona, ni tonkle ta tima xikari ka tiyivu, i lo ti nyika canjeni ga bana bakwe;
- 36 I lo ti fambisa a lwenzo la masiku manharu xikari ka wutsumbu ga-kwe na Jakobe: na Jakobe i lo risa yonkle leyi yi seleko miklambi ya Labani.
- 37 Na Jakobe i lo teka a tinhi to tsakama, ta almondi ni ta sinya ya xiwulane; i lo bandlela mabala yo basa ka tona, a maha kubasa ku woneka laha ka tinhi.
- 38 Yena i lo yimisa tinhi leti a nga wa ti kwamulele le miklambini ni nyangweni ni xigowolweni xa ku nwisaho miklambi yi tako ku tanwa; ti lo xura tinyimba laha ti nga wa ta kunwa.
- 39 Ni miklambi yi lo xura tinyimba mahlweni ka tinhi, ni miklambi yi lo trala leti ta mabala, ni ta matlakaklaka, ni makwanga.
- 40 Na Jakobe i lo paka tiyivana, a yisa ngohe ya miklambi a ku tiyisa mibaleni ni tonkle leti ta ntima lomu klambini wa Labani: i lo beka leti ta yena nwinyi ku riswa klelo, a nga ti beki klambini wa Labani.
- 41 Na ku mahisile lezo, kani hiwihi a klambi wa ntamo wu xurisilweko nyimba, na Jakobe i lo beka tinhi mahlweni ka ngohe ya klambi le tinyangweni, kasi wa fela ku xura nyimba laha tisikeni;
- 42 Ni laha klambi wu nga hiko na ntamo, i nga ti engesangi tona: zingaho a ta Labani ti wa nga hi na ntamo, ni ta Jakobe ti wa hi ni ntamo.
- 43 Ni munhu i wa lo anziswa hi ku enzelekileko, i wa hi ni miklambi ya hombe, ni malanza ya xisati ni malanza ya xinuna, ni makameli ni timbongola.

XIPIMO 31.

- 1 Na yena i lozwa a timhaka ta bana ba Labani, na baku, Jakobe i tekile lezi zi nga wa hi za raru wa hina; ni zonkle lezi zi nga wa hi zi raru wa hina yena i tekile ni gonkle wukosi legi.
- 2 Na Jakobe i lo wona a ngohe ya Labani, ni, languta, yi wa nge kwatsi hi xikati xa mahlweni ka yena.
- 3 Na Jehova i wa te ngalo ka Jakobe, Klelela tikweni ga bararu ba wena, ni le maxakeni ya wena; mina nzi ta ba na wena

- 4 Na Jakobe i lo rumela a bitana Raceli na Lea le kwatini miklambini ya yena.
- 5 Na a te ngalo ka bona, Nza wona a ngohe ya raru wa nwina, lezaku a yi nwalati ka mina kwatsi ka hi xikati xi hunzileko; kanilezi Nungungulu wa raru wa mina i wa kari a hi na mina.
- 6 Nwina ma zi tiba lezaku hi ntamo wa mina wonkle nzi kozele raru wa nwina.
- 7 Ni raru wa nwina i wa nzi kohlisile, a hunzula ku rihwa ka mina kumega zikati; kanilezi Nungungulu a nga vumelangi yena ku lamata mina.
- 8 Ni loku yena a wula za kungahi, Leti ta matlakaklaka ti ta ba kurihwa ka wena; zonake wonkle nklambi wo trala matlakaklaka: ni loku a wula za ku ngahi, Le ta mubala ti ta ba kurihwa ka wena; na zonake a nklambi wonkle wo trala leti ta mubala.
- 9 Zingaho Nungungulu i lo teka a tihomu ta raru wa nwina, ni ku tinyika ka mina.
- 10 Na ku makisile lezo ka xikati lexo a nklambi wu xureko tinyimba, nzi lo klakusa a mahlo ya mina, nzi wa lo wona hi noro, ni, languta, a timhongo leti ti kanziyako a nklambi ti wa hi ni mubala, ni matlakaklaka, ni to balala.
- 11 Ni ngelosi ya Jehova yi wa te nga lo ka mina hi kulora, Jakobe: na nzi wa te ngalo, Mina nzi laha.
- 12 Yi wo te ngalo, Klakusa makunu mahlo ya wena: ni ku wona tonkle timbuti leti ti kanziyako nklambi ti na ni mamabala, ni matlakaklaka, ni kubalala: hakuba nzi zi wonile lezo zonkle Labani a mahako ka wena.
- 13 Nzi mina Nungungulu wa Beteli, laha wena u nga tota mhinga, laho wena u nga funga xifungo ka mina: makunu suka, u suka ka legi tiko, uya le tikweni ga le ka nwina.
- 14 Raceli na Lea ba lo hlamula ba te ngalo ka yena, Ku kona laho a xibelo xa tsomba ya hina lomu ndlwi ni ka dadani ke?
- 15 A hi hlalayi hi yena kota bamatiko ke? hakuba i hi zabisile, ni lezaku kambe i gile mali ya hina.
- 16 Hakuba konkle kufuma loku Nungungulu a ku tekileko ka raru wa

- hina, loko ka hina ni ka banana ba hina : makunu zonake, kani biyini Nungungulu a zi wulileko ka wena, maha.
- 17 Zonake Jakobe i lo suka, a kilelisa ba sati bakwe ni banana bakwe hehla ka makameli ;
- 18 Yena i lo gula tonkle tihomu ta yena, ni zonkle zifuyo lezi a nga wa zi tsombanyisile, ni tihomu leti a fuyileko, leti a nga wa tsombanyisile le Padanaramu, a kuya ka Isaka raru wa yena le tikweni ga le Kenani.
- 19 Na Labani i wa yile kuya kaya tiyivu takwe : na Raceli i lo yiba a xifananiso xa raru wakwe.
- 20 Na Jakobe i lo nyemuka a nga mu byelangl Labani mu Siria, ni ka lezo a nga kala ku mu byela lezaku wa andlamuka.
- 21 Zingaho yena i lo andlamuka ni lezo zonkle a nga wa hi nazo ; yena i lo suka, i wa lo klatuka Congo, i lo cuwuka ngohe yakwe hi klelo ga xitsunga xa le Gileade.
- 22 Na ku wa lo byelwa ka Labani hi siku ga wunharu lezaku Jakobe wa andlamukile.
- 23 Na yena i wa lo teka bamakabye, na yena i lo mu lanzela a lwenzo la nkalanu ni mbiri masiku ; i loya mu kuma le xitsungeni xa le Gileade.
- 24 Na Nungungulu i lota ka Labani mu Siria hi kulora ka wusiku, i te ngalo ka yena, K'lariha wutsumbu ga wena lezaku u nga wulawuli ka Jakobe a kusasa kutani kubiha.
- 25 Na Labani i lota ziwwe na Jakobe. Makunu Jakobe i wa gobile tente ga yena le xitsungeni : na Labani ni bamakabye ba wa gobile le xitsungeni xa le Gileade.
- 26 Na Labani i wa te ngalo ka Jakobe, Za ku yini wena u zi mahileko, lezaku u nzi nyemukile u nga nzi oneki, u gula bana ba mina kota tihloko ta maklari ke ?
- 27 Ngahilezo wena u andlamuka xikundleni, u nyemuka ka mina, wena u nganzi byeli, kasi nza fela ku fambisa wena hi kulungwani ziwwe ni tisiimu, ziwwi ni magubu ziwwe ni zitende.
- 28 A wena a ku vumelangl nzi trotra bazukulu ba mina ni bana ba mini ? makunu wena u zi mahile wupupulwini.
- 29 Ku le ntawweni wa canja ga mina ku ku lamata : kanilezi Nungungulu wa raru wa wena i wulawulile ka mina atolweni ni wusiku, aku, K'lariha wutsumbu ga wena ka Jakobe u nga wulawuli ka yena a kusasa ni kubiha.
- 30 Ni makunu, hambu lezi zi labekileko ka wena kuya, hakuba u ba yisila kuya wona ba le ndlwini ka raru wa wena, aya ngahilezo wena u nyemusile banungungulu ba mina.
- 31 Na Jakobe i lo hlamlula i wa te ngalo ka Labani, Hakuba mina nzi wa caba : hakuba nzi wa te ngalo, Ku nga taku wena u wa ta nga u tekile ka mina a bana ba wena hi wurena.
- 32 Kani hi ka wihi loyi wena u kumako banungungulu ba wena nga a nga hanya : mahlweni ka bamakabye ba hina wula wena le za wena zi nga na mina, ni ku teka zi maha za wena. Hakuba Jakobe i wa nga zi tibi lezaku Raceli i zi nyemusile.
- 33 Na Labani i loya tenteni ga Jakobe, lomu tenteni ga Lea, ni lomu ka laya ya malanza ya xisati xa mambiri ; a nga zi kumangi. I lo humalomo tenteni ga Lea, i lo engena lomu tenteni ga Raceli.
- 34 Makunu Raceli hi yena a nga wa tekile a zifananiso, a zi tumbeta lomu xihlahleni xa kameli, i lo zi tsamela. Na Labani i lo ringetela gonkle tenta, kanilezi a nga zi kumangi.
- 35 Yena i wa te ngalo ka raru wa yena Nga a hosi ya mina yi nga zangarile zi nzi nga kala ku suka mahlweni ka wena ; hakuba nzi le mukubiyeni ya ba basati. Yena i lo laba, kanilezi a nga zi kumangi zifananiso.
- 36 Na Jakobe i wa lo zangara, i lo holoba na Labani : Jakobe i lo hlamlula i wa te ngalo ka Labani, Hi kwihi kugoha ka mina ke? hi xihl xonho xa mina, lezi wena u nzi hlolongolako hi wurena ke?
- 37 Laho ko kala wena u ringetela zonkle zi/ya za mina, xini u xi kumileko xa le ngangweni wa wena ke? Xi beka laha mahlweni ka bamakabye ba mina ni bamakabye ba wena, kasi ba fela kulamlula xikari ka hina bambiri.
- 38 Laya makume mambiri malembe nzi nga wa kari nzi ziwwe na wena ; a kundlu wa wena ni papakazi wa wena a ti handlangi, ni tihamba ta klambi wa wena mina a nzi gangi.

- 39 Ni leti ti nga wa tobyiwa hi banza nzi wa nga ti nehi ka nwina; nzi wa karatwa hi ku lahleka ka tona; ni mandleni ya mina wena u lo ti wutisa, hambu ta ku yibyiwa na mumu hambu ta ku yibyiwa na wusiku.
- 40 Mina nzi wa hi wa kungahi; nzi wo taswileka hi kubalela. Ni wusiku nzi wo kanyana hi xirame; ni wurongo gi wa ngati mahlweni ya mina.
- 41 Laya makume mambiri malembe na nzi kari nzi hi lomu ndlwini ya wena; nzi kozela kume ni mune malembe nzi fela bana ba wena, ni nklanu ni giawe malembe nzi fela nklambi wa wena: wena u hunzulusile kurihwa ka mina kume ga zikati.
- 42 Saseka Nungungulu wa badadani ba mina, a Nungungulu wa Abrahamama, a Kucabya ka Isaka, i wa kari a hi na mina, hakunene wena u wa laba ku nzi fambisa na nzi hi ncumo. Nungungulu i wonile kuxaniseka ka mina ni kutira ka mandla ya mina, i ku kawukile atolweni.
- 43 Na Labani i lo hlamula i wa te ngalo ka Jakobe, Banhwana bana banga, ni bazukulu bana banga, ni nklambi ngwanga, ni zonkle lezi u zi wonako za mina: nzi ta maha yini mina nyamukla ka laba banhwana ba mina, kutani ka bana babye laba ba treleko ke?
- 44 Ni makunu ngona, nga hi maha xivumelwano, mina ni wena; nga xi hi wukustumunyu xikari ka mina na wena.
- 45 Na Jakobe i lo teka ribye, i lo yimisa ku maha mhinga.
- 46 Na Jakobe i wa te ngalo ka bamakabye bakwe, Tsombanyiselani maribye: bona ba lo teka maribye, ni ku maha xitsunzulu: bona ba loga laho xitsunzuwini.
- 47 Na Labani i logi cula Jagarsahaduta: kanilezi Jakobe i lo cula Galeede.
- 48 Na Labani i wa te ngalo, Lexi xitsunzulu hi wukustumunyu xikari ka mina na wena nyamukla. Hikwalaho a bito ga xona gi lo culwa Galeede:
- 49 Na Mizpa, hakuba i wa te ngalo, Jehova a rinzele mahlweni ka mina, ni wena, laha na hi hambene munwe na munwani.
- 50 Loku wena u ta xanisa a bana ba

mina, loku wena u ta teka babasati hi lahandle ka bana mina, a nga kona munhu a nga na hina; wona, Nungungulu i kustumunyu xikari ka mina na wena.

- 51 Na Labani i wa te ngalo ka Jakobe, Languta lexi xitsunzulu, ni languta leyi mhinga, leyi nzi yimisileko xikari ka mina na wena.
- 52 Lexi xitsunzulu mbu kustumunyu, ni leyi mhinga mbu kustumunyuwo, lezaku mina nzi nga ta klatuka lexi xitsunzulu kuta ka wena, ni lezaku wena u nga ta klatuka lexi xitsunzulu ni leyi mhinga kuta ka mine, hi mhango.
- 53 A Nungungulu wa Abrahamama, ni Nungungulu wa Nahori, a Nungungulu wa bararu babye, a lamule xikari ka hina. Na Jakobe i lo hlamanya hi Kucabya ka raru wakwe Isaka.
- 54 Na Jakobe i lo nyikela mupahlelo le xitsungeni, i lo bitana bamakabye ku taga zibaba: bona ba loga zibaba, ba lo tsama gonkle wusiku le xitsungeni.
- 55 Manzikweni ni punzu Labani i lo suka, i lo trotra bazukulu ni bana bakwe, i lo ba katekisa bona: na Labani i lo famba, i lo ktelela tikweni ga le kabye.

XIPIMO 32.

- 1 Na Jakobe i lo ti fambela, ni tingelosi ka Jehova ti lo klangana na yena.
- 2 Na Jakobe i wa te ngalo, laha na ti wonile, Leyi hi yimpi ya Nungungulu: yena i lo cula bito ga wutsamo lego Mahanaime.
- 3 Na Jakobe i lo rumela mitsumi mahlweni ka yena ka Esau nakulobye wa yena le tikweni ga le Seira, kwatini ga Edome.
- 4 I wa nyi laya, aku, Za kungahi mu ta nga wula ka hosi ya mina Esau: za kungahi gi wulako nanza ga wena Jakobe, nzi wa lubele ka Labani, nzi lo ya tsama kala makunu:
- 5 Mina nzi na ni tikabi, ni timbongola, ni miklambi, ni malanza ya xinuna, ni malanza ya xisati: mina nzi rumela ku ta byela hosi ya mina, lezaku nzi fela ku kuma tomo mahlweni ka wena.
- 6 Ni mitsumi yi lo ktelela ka Jakobe, na yiku, Hi yile ka nakuloni Esau, ni klata kumbiri wata ku ku kinga,

- i na ni *sinwe* mune mazana ba banuna.
- 7 Zonake Jakobe i wa la su caba hi ku hunzisilweko na a su dzebetana : i wa lo abanyisa banhu laba ba nga wa hi *zinwe* naye, ni miklambi, ni miklambi ya tihomu, ni makamela, ka miklambi mimbiri ;
- 8 Na yena i wa te ngalo, Loku Esau ata *klawa* munwe a hlasela munwe *klawa*, ni lowu wu seleko wu to pona.
- 9 Na Jakobe i wa te ngalo, O Nungungulu wa raru wa mina Abrahama, ni Nungungulu wa raru wa mina Isaka, O Jehova, u nga wihi u wulileko ka mina, *Klelela* tikweni ga le ka *nwina*, ni le maxakeni ya *nwina*, mina nzi ta maha kusaseka ka wena :
- 10 Mina a nzi fanele ni ka lihi lonkle a liranzo la wunene, ni zonkle *zinene*, u si kombisileko ka nanza ga wena ; hakuba ni ngamu ya mina nzi *klatukile* legi Jordani ; makunu nzi *mi-klawa* mimbiri.
- 11 Nzi *klaklise*, nzi ku kombela wena, canjeni ga nakuloni, le canjeni ga Esau : hakuba nza mu caba, a nga taku ata nzi hlasela, a nyine ni banana.
- 12 Wena u ta ku ngalo, Mina ha kune ne nzi ta ku sasa, nzi ta maha mbe-wu ya wena kota seke ga fungu, legi gi ta nga kala ni kuhlayiwa hi wunyingini ga kutala.
- 13 Yena i lo *eklela* laho lego wusiku, i lo teka lezo a nga wa hi nazo a xinyikiwo ka Esau nakulobye.
- 14 Mazana mambiri a mipapakazi ni makume mambiri timhongo, ni mazana mambiri mikundlu, ni makume mambiri a tihamba,
- 15 Makume manharu a bangoza bama-kameli ni marolana ya wona, ni mune wa makume *matrele* ya tihomu ni tikuzi ta kume, ni makume mambiri *matrele* ya timbongola ni kume ga marole.
- 16 I wa lo nyikela canjani ga malanza yakwe, a viyo ni viyo gi famba hi ku famba ka gona, i wa te ngalo ka malanza ya yena, Hunzani muranga mahleni ka mina, mu siya a bangu xikari ka viyo ni viyo.
- 17 Yena i lo ba laya hi kulayisilweko, aku, Laha Esau nakulori a *klanga-na* wena, a wutisa wena, na aku, Hi wa mani wena ke ? wena u ya kwi-
- hi ke ? mbamani laba ba nga mahlweni ka wena ke ?
- 18 Zonake wena u ta ku ngalo, Bona ba hi ba Jakobe nanza ga wena ; lexi xinyikiwo nzi rumelako ka hosi ya mina Esau : ni, languta, yena kambe wa ha hi lenzako ka hina.
- 19 Na yena i lo laya a ga wumbiri, ni ga wunharu, ni bonkle laba ba lanzelako maviyo, na aku, Mu ta wulawulisa kungahi ka Esau, laba na mu mu kumile yena ;
- 20 *Nwina* mu ta ku ngalo, *Klata* kumbiri, languta, a nanza ga wena Jakobe i le nzako ka hina. Hakuba i wa te ngalo, nzi ta mu ranisa, hi xinyikiwo lexi xi yako mahlweni ka mina, ni nzako ka lezo nzi ta wona ngohe yakwe ; kutani i ta nzi amukela.
- 21 Zingaho a xinyikiwo xi loya mahlweni ka yena : yenawu wutsumbu i lo *eklela* lego wusiku le *klaweni*.
- 22 Yena i lo suka lego wusiku, i lo teka basati bakwe ha bambiri, ni malanza ya xisati ha mambiri, ni kume ni munwe banana ba yena, i lo *klatuka* le pelweni ga Jaboke.
- 23 Yena i lo ba teka, i lo ba *klatukisa* *klatukweni* wa congo, ni ku *klatukisa* ni zonkle lezi a nga wa hi nazo.
- 24 Na Jakobe i lo siywa yece ; laho ku lo pfinyana munhu *zinwe* naye ku kala kuca.
- 25 Ni laha a nga wa wonile lezaku a nga si koti ku mu hlula, yena i lo kumba ma *klanganweni* ya nyonga yakwe ; ni ma *klanganano* ya nyonga ya Jakobe ma lo kuyuka, kwatsi hi lezi a nga wa pfinyana na yena.
- 26 Yena i te ngalo, Nga mina nzi famba, hakuba siku gaca. Yena i te ngalo, Nzi nga ku tsika u famba, u kala u nzi katekisa.
- 27 Yena i wa te ngalo ka yena, Hi wena mani bito ga wena ke ? i wa te ngalo, Nzi Jakobe.
- 28 Yena i wa te ngalo, A bito ga wena gi nga ta bitanwa kambe Jakobe, kanilezi Israeli : hakuba u pfinyene na Nungungulu ni banhu, wena u hlulile.
- 29 Na Jakobe i lo mu wutisa, i te ngalo, *Byela* mina, nza ku kombela, a bito ga wena. Na yena i te ngalo, Ngahilezo hi zona lezo wena u wutisako bito ga mina ke ? i lo mu katekisa laho.
- 30 Na Jakobe i lo cula bito ga wutsa-

mo Penieli : hakuba, yena i wa te ngalo, Nzi wonile Nungungulu ngohe ni ngohe, ni wutomi ga mina gi lonzowotilwe.

- 31 Ni gambo gi lo tsuwuka hehla ka yena laha na klatukile Penuele, yena wo kwita hi nyonga yakwe.
- 32 Hikwalaho a banana ba Israeli a siha wa gunyungu lowu wu nga ku klanganeni ka nyonga, kala nyamukla : hakuba yena i lo kumba ku klanganeni ka nyonga ya Jakobe siheni wa gunyungu ga yena.

XIPIMO 33.

- 1 Na Jakobe i lo klatukisa mahlo ya yena, i lo cuwuka, ni, languta, Esau na ata, ni mune mazana babanuna na yena. Na yena i lo abanyisa banana ka Lea, ni ka Raceli, ni ka malanza yakwe ya xisati ha mambiri.
- 2 Yena i lo cela a malanza ya xisati ni banana ba wona hi le nghangheni, Lea ni banana ba yena hi le nzako, na Raceli na Josefa ha xinzakwana nguvu.
- 3 A wutsumbu gakwe i lo ranga mahlweni kabye, i lo korama wutsumbu ga yena laha misabeni nkanu ni zimbi zikati, kala ata ku suhani ni nakulobye.
- 4 Na Esau i lo tsutsuma a mu kinga, i lo mu wukarela, i lo wela mhanweni yakwe, i lo mu trotra ; bonkle ba lo rila.
- 5 Yena i lo klatukisa mahlo yakwe, i lo wona a babasati ni banana ; i te ngalo, Mhamani laba ba nga zinwe na wena ke ? Yena i wa te ngalo, Hi banana laba Nungungulu hi wuxinji a nyikileko a nanza ga wena.
- 6 Zonake a malanza ya xisati ma lota ku suhani, bona ni banana ba bona, bona ba korama wutsumbu gabye.
- 7 Lea kambe ni banana bakwe i lota ku suhani, ba koramisa wutsumbu gabye : a nzako ku lota Josefa na Raceli, ba lo ti koramisa wutsumbu gabye.
- 8 Yena i te ngalo, Wena u pima yini hi miklawa leyi nzi klangeneko nayo ? yena i wa te ngalo, Ku kuma tomo mahlweni ka hosi ya mina.
- 9 Na Esau i wa te ngalo, Nzi na ni ku eneleko, nakulori wa mina ; ngi lezi u nga nazo a zi be za wena.
- 10 Na Jakobe i wa te ngalo, Ge, nza kombela wena, loku makunu nzi kumile tomo mahlweni ka wena, amu-

kela xinyikiwo xa mina canjeni ga mina ; hakuba kota hi lezi mina nzi wonileko ngohe wena, kota muzwe a wonileko ngohe ya Nungungulu, wena u lo xalaliswa ha mina.

- 11 Teka, nza ku kombela wena, a xinyikiwo xa mina lexi xi nehilweko ka wena ; hakuba Nungungulu i wa kari a maha wuxinji hi ku klurisi-lweko ka mina, ni hakuba nzi na ni ku eneleko. Yena i lo mu kongotela yena, i lo teka.
- 12 Na yena i te ngalo, A hi fambeni lwenzo la hina, a hi yeni, mina nzi ta famba mahlweni ka wena.
- 13 Yena i wa te ngalo ka yena, A hosi ya mina ya zi tiba lezaku a banana ba ha oloba, ni lezaku a miklambi ni tihomu nzi nato ti na ni zibanana : loku ba ti gula ku hunza siku ginwe, wonkle klambi wu tafa.
- 14 Nga a hosi ya mina nza ku kombela wena, yi ranga yi famba mahlweni ka nanza ga yona : mina nzi ta gula kwatsi, kota makonzo ya tihomu laya ma nga mahlweni ka mina na hi kota ya mikonzo ya banana, nzi kala nzi cikela ka hosi ya mina le Seire.
- 15 Na Esau i te ngalo, Nga mina nzi yi siya na wena banwane banhu leyi yi nga zinwe na mina, Yena i te ngalo, Hi laba a ka yini ke ? nga nzi kuma tomo le mahlweni ka hosi ya mina.
- 16 Zingaho Esau i lo klela a ti fambela aya Seire.
- 17 Na Jakobe i la cikela Sukote, i lo ti akela yindlu laho, i lo akela ni tihomu takwe ; hikwalaho a bito ga wutsamo gi lo culwa Sukote.
- 18 Na Jakobe i lota hi kurula mutini wa le Xekemi, lowu wu nga wa hi tikweni ga le Kenani, laha na a tile hi le Padanaramu ; i lo goba mahlweni ka muti.
- 19 Yena i lo xaba a xipanze xa saba, ni laha a nga wa yimisile tenta gakwe, canjeni ga banana ba Hamori, a raru wa Xekemi, hi zana zipanze za mali.
- 20 Yena i wa lo aka laho alati, i lo gi bitana El-Elohe-Israeli.

XIPIMO 34.

- 1 Na Dina a nhanyana wa Lea, loyi a nga wa tralele Jakobe, i lo huma aya wona banhanyana ba tiko.
- 2 Na Xekemi a zwana wa Hamori a mu Hivi, a hosana ya tiko, yi lo mu

- wona; na a lo mu teka, a ekleka na-
ye, ni ku mu xakela.
- 3 Ni muhefemulo wa yena wu lo
namarela ka Dina npanyana wa
Jakobe, na a lo mu ranza nhwa-
na, i lo wulawula wuxinji ka nhwa-
na.
- 4 Na Xekemi i lo wulawula ka raru
wakwe Hamori, naku, Nzi tekele a
nhwana loyi a sati.
- 5 Makunu Jakobe i wa zi tibile lezaku
i wa xakele Dina a nwana wakwe;
ni barisanyana ba yena ba wa hi ni
tihomu le mikobeni: Jakobe i wa su
miyela kala bona ba wuya.
- 6 Na Hamori a raru wa Xekemi i wa
loya ka Jakobe ku ya wulawula zi-
nwe na yena.
- 7 Ni bana ba Jakobe ba lo wuya hi le
mikobeni laha na ba zi zwile: a ba
banuna ba lo zangara, ba wa lo tala
ni zanga, hakuba yena i wa lo maha
manyala ka Israeli na eklela ni nha-
nyana wa Jakobe; lexi xilo xi wa ta
nga xi nga mahekangi.
- 8 Na Hamori i lo wulawula zinwe na-
ho, naku, A muhefemulo wa nwana
wa mina Xekemi wa labatela nwa-
na wa wena: nza mu kombela, mu
nyikeni yena ku maha sati.
- 9 Mu maha ku tekana zinwe na hina;
nyikani banhwana ka hina, nwina-
wu tekani bana ba hina.
- 10 Nwina mu ta tsama zinwe na hina:
ni tiko gi ta ba mahlweni ka nwina;
akani mu xabisa ka gona, mu kuma
kufuma ka gona.
- 11 Na Xekemi i wa te ngalo ka raru
wakwe ni ka bamakabye ba yena,
Nga mina nzi kuma tomo mahlweni
ka nwina, lexi mu ta nga xi wula
ka mina nzi ta nyika.
- 12 Wutisani ka mina hambu nzowolo
ya hombe ni zinyikiwo, nzi ta nyika
kota lezi mu ta kombela ka mina:
kanilezi nzi nyikeni nhwana loyi a
sati.
- 13 A bana ba Jakobe ba lo hlamula
Xekemi ni raru wakwe Hamori hi
ku kohlisana, na ba wa wulawula, ha-
kuba a xakeleko Dina makweru wa-
bye,
- 14 Ba te ngalo ka bona, Hina a hi na
ku zi kota ku maha lexi xilo, a ku
nyika a nakulori wa hina ka nkuna;
hakuba lezo manyala ka hina.
- 15 Cukwana hi ka legi kilelo hi ta vu-
mela ka nwina: loku mu maha kota
lezi hi nga zona hina, kasi bamatsu-
ne bonkle ka nwina ba ta ba mi-
kwera;
- 16 Zonake hi ta nyika bana ba hina ka
nwina, hinawu hi ta teka bana ba
nwinawu, hi ta aka zinwe na nwina,
hi ta maha banhu banwe.
- 17 Kani loku mu nga ingisi ka hina, a
ku mahiwa mikwera; zonake hina
hi ta teka a nwana wa hina, hi ta
famba.
- 18 A timhaka tabye ti lo xalalisa Ha-
mori, na Xekemi nwana wa Hamori.
- 19 Na jaha a gi onwangi ku maha xilo,
hakuba a nga wa ranza nwana wa
Jakobe: na wa dzunzwa hi bona
hehla ka bonkle ba le ndlwini ka ra-
ru wakwe.
- 20 Na Hamori na Xekemi nwana wa-
kwe ba lota nyangweni ya muti wa-
bye, ba laya zinwe ni banhu ba muti
wabye, na baku,
- 21 Laba banhu mba kurula zinwe na
hina; hikwalaho a ba ake lomu ti-
kweni, ba xabisa kona; hakuba, la-
nguta, a tiko ga hombe hi ku ene-
leko ka bona; nga hina hi teka bana
babye a basati ka hina, nga hinawu
hi nyika bana ba hina ka bona.
- 22 Hi ka legi kilelo goce a banhu ba ta
vumela ku tsama na hina, hi maha
banhu banwe, loku a ba banuna xi-
kari ka hina aba be mikwera, kota
kona ba nga mikwera.
- 23 Ti nga taku a tihomu tabye ni kufu-
ma kabye ni zonkle zihari zabye zi be
za hina ke? nga hi vumela ba bona,
bona ba ta aka na hina.
- 24 Ni ka Hamori ni ka Xekemi nwana
wakwe ba lo ingisa bonkle laba ba
nga wa huma hi nyangwa ya muti
wabye; ni bonklelele a ba banuna
ba wa lo engeniselewa wukwera, bo-
nkle laba ba nga huma ka nyangwa
ya muti wakwe.
- 25 Na ku mabisile lezo hi siku gama-
nharu, laha makunu ku furileko, le-
zaku bambiri ba bana ba Jakobe,
Simeoni na Levi, a bamakabye ba
Dina, ba lo ti tekela loyi ni loyi a
supado yakwe, ba lo cikela hehla ka
muti na ba nga tibyiwi, ba lo daya
bonkle ba banuna.
- 26 Ba lo daya Hamori Xekemi nwana
wa yena hi wukla ga supada, ba lo
teka Dina lomo ndlwini ya Xeke-
mi, ba lo famba.
- 27 Ni bana Jakobe ba lo wuya hi le ku
hlaseleni, ba lo panga muti, hakuba
ba lo xekela makweru wabye.

- 28 Ba lo teka a miklambi yabye ni tihomu tabye ni timbongola tabye, ni lezo zi nga wa hi lomu mutini, ni lezo zi nga wa hi lehandle;
- 29 Ni konkle kufuma kabye, ni bonkle bana babye ni basati babye, ba lo maha tihlolo, ba lo ba panga, hambu zonkle lezi zi nga wa hi lomu tindlwini.
- 30 Jakobe i wa te ngalo ka Simeoni ni ka Levi, Nwina mu nzi karatekisi-leko, mu nzi mahile nzi ba nuhela a banhu ba tiko, xikari ka ma Kenani ni ma Perezi, ni, mina na hi tsengo wu tsongwani, ba ta tsombana wutsamo giawe ku vukela mina ba nzi hlasela; nzi ta lobyiswa, mina ni yindlu ya mina.
- 31 Na bona ba wa te ngalo, Nga yena a maha ka makweru kota xibayi ke?

XIPIMO 35.

- 1 Na Nungungulu i wa te ngalo ka Jakobe, Suka, u kanziya u ya Beteli, u ya aka kona: ni ku maha alati ka Nungungulu, loyi a nga woneka ka wena laha na u caba ngoheni ya nakuloni Esau.
- 2 Zonake Jakobe i te ngalo ka ngango wakwe, ni ka bonkle laba ba nga wa hi zinwe naye, Hoxani a banungungulu ba matiko laba ba nga xikari ka nwina, ni ku basisa wutsumbu ga nwina, mu hunzula tinguwo ta nwina:
- 3 Ni nga hi suka, hi famba Beteli; nzi taya maha kona a alati ka Nungungulu, loyi a nzi hlamuleko masikwini ya makombo ya mina, i wa hi zinwe na mina ndleleni leyi nzi nga wa yi fambile.
- 4 Na bona ba lo nyika ka Jakobe bonkle banungungulu ba matiko laba ba nga wa hi canjeni gabye, ni tipe-ra leti ti nga wa hi tindlebeni tabye; na Jakobe i lo ti fihla lahasi ka oaki leyi yi nga wa hi le Xekemi.
- 5 Na bona ba lo famba: ni kutsisa ka Nungungulu ku wa hi mitini leyi yi nga wa ranzele na bona, a ba hlongolisangi a bana ba Jakobe.
- 6 Na Jakobe i wa lo ta Luza, legi gi nga wa hi le tikweni ga le Kenani (kwaleyo Beteli), yena ni bonkle banhu laba ba nga wa hi zinwe na yena.
- 7 Yena i lo aka leyo a alati, i lo cula wutsamo El-beteli; hakuba leyo
- Nungungulu i lo woneka ka yena, laha na caba ngoheni ya nakulobyee.
- 8 Debora sungukati ga Rebeka gi lofa, yena i lo kelelwa le nzelelweni wa Beteli lahasi ka sinya ya ntamo ni bito ga kona ku lo culwa Alonbakoti.
- 9 Na Nungungulu i wa lo woneka ka Jakobe kambe, laha na wuya hi le Padanaramu, i wa lo mu katekisa.
- 10 Na Nungungulu i wa te ngalo ka yena, A bito ga wena hi Jakobe: a bito ga wena gi nga ta ha bitanwa kambe Jakobe, kanilezi Israeli ku taba bito ga wena: na yena i cula bito gakwe Israeli.
- 11 Na Nungungulu i wa te ngalo ka yena, Nzi mina Nungungulu wa Ntamo wonkle: nga u trala u enzelekiswa; a mufumo ni klawwa wa mifumo ku taba ka wena, ni tihosi ti ta huma hi le xiwunwini xa wena.
- 12 Ni tiko legi nzi nga nyika ka Abrahamani ni ka Isaka, ka wena nzi ta gi nyika, ka mbewu ya wena a nzako nzi ta gi nyika tiko.
- 13 Nungungulu i loya hehla le wutsanweni legi a nga wa wuluwula zinwe naye.
- 14 Na Jakobe i wa lo yimisa mhinga wutsanweni lego yena a nga wulawula zinwe na yena, a mhinga ya ri-byee: i lo culula minyikelo wa kunwa hehla ka gona, ni ku cululela mafura hehla ka gona.
- 15 Na Jakobe i wa lo cula a bito ga wutsamo legi Nungungulu a nga wa wulawulile naye, Beteli.
- 16 Bona ba wa lo suka hi le Beteli; ku wa hi pfuka kambe a kuta Efrata: na Raceli i wa lo lunwa, na yena i wa bayiseka nguvu.
- 17 Na ku mahisilwe lezo, laha a nga wa bayiseka hi kulunwa, lezaku a mutekeli i wa te ngalo ka yena, U nga cabi; hakuba u ta ku ba ni nisananyana munzwani.
- 18 Na ku mahisile lezo, kota lezi muhefemulo wa yena wu nga famba (hakuba i lofa), lezaku yena i lo cula bito gakwe Benoni: kanilezi raru wa mune i lo cula a ku Benjamini.
- 19 Na Raceli i lofa, i wa lo kelelwa le ndleleni ya kuya le Efrata (kwaleyo Betlehema).
- 20 Na Jakobe i wa lo beka mhinga laha keleni: ywaleyo i Mhinga ya kelele wa Raceli kala nyamukla legi.
- 21 Na Israeli i wa lo famba, na a wa lo

aka tenta gakwe klatukweni wa ta-
wa ya le Edere.

- 22 Na ku mahisile lezo, laba Israeli na akile lomo tikweni, Rubeni i loya eklela na Bilha a mundlakulu wa raru wakwe: na Israeli a wa zizwa. Makunu a bana ba Jakobe ba wa hi kume ni mambiri:
- 23 A banana ba Lea; Rubeni, a mati-wula ya Jakobe, na Simeoni, na Levi, na Juda, na Isakare, na Zebulun;
- 24 Ni banana ba Raceli: Josefa na Benjamini;
- 25 Ni banana ba Bilha, nanza ga xisati ga Raceli: Dani na Naftali;
- 26 Ni banana ba Zilpa, nanza ga xisati ga Lea: hi Gadi na Axera: laba hi barisanyana ba Jakobe, laba ba nga wa tralilwe ka yena le Padanaramu.
- 27 Na Jakobe i wa lota ka raru wakwe Isaka le Mamre, le Kiriataba (kwa-leyo Hebroni), laho Abrahamana na Isaka ba nga wa hi balubeli.
- 28 Ni masiku ya Isaka ma wa hi zana ni nkhanu wa makume ni makume manharu malembe.
- 29 Na Isaka i lo nyika moya wakwe, ni kufa, i wa lo petselwa ka banhu ba ka kabye, na kosuhele ni masiku yo tala: Esau na Jakobe bana ba yena ba lo mu lahla.

XIPIMO 36.

- 1 Makunu lezi hi zizukulwana za Esau (ba labo na nga ba Edome).
- 2 Esau i lo teka basati ka banhanyana ba le Kenani: Ada nwana wa Eloni a mu Hiti na Oholibama nwana wa Ana, a nga nwana wa Zibeoni a mu Hiti.
- 3 Na Basemati nwana wa Ixmaeli, a makweru wa Nebaiote.
- 4 Na Ada i lo trala ka Esau Elifaze; na Basemati i lo trala Reueli;
- 5 Na Oholibama i lo trala Jeuxa, na Jalama, na Kora: laba hi bana ba Esau, labo ba nga wa trelwe ka yena le tikweni ga le Kenani.
- 6 Na Esau i lo teka ba sati ba yena, ni barisanyana ba yena, ni banhanyana ba yena, ni mihefemulo yonkle ya yindlu yakwe, ni tihomu ta yena, ni zonkle zihari zakwe, ni bonkle kufuya kakwe, loko a nga wa ku tso-mbanyisile le tikweni ga le Kenani; i loya lomu tikweni a suka ka nakulobye Jakobe.
- 7 Hakuba kufuma kabye ku wa kutala

lezaku bona ba nga hi wutsamo gi-nwe: a tiko lego ba nga lubele ka gona gi wa nga ba eneli hi kota ya tihomu.

- 8 Na Esau i lo aka le xitsungeni xa le Seire: Esau hi Edome.
- 9 Ni lezi hi zizukulwana za Esau a raru wa ba Edome le xitsungeni xa le Seire:
- 10 Laya hi mabito ya bana ba Esau: Elifaze a nwana wa Ada a kata wa Esau, Reueli a nwana wa Basemati a kata wa Esau.
- 11 Ni bana ba Elifaze ba wa hi Temane, Omare, na Zefo, na Gatama, ni Keneza.
- 12 Timna i wa hi mundlukulu Elifaze a nwana wa Esau; yena i lo trala ka Elifaze Amaleki: laba hi bana ba Ada, a kata wa Esau.
- 13 Ni laba hi bana ba Reueli: Nahata, na Zera, Xama, na Miza: laba ba wa hi bana ba Basemati, a kata wa Esau.
- 14 Labo hi bana ba Oholibama nwana wa Ana, a nga nwana wa Zibeoni, a kata wa Esau: yena i lo trala ka Esau Jeuxa, na Jalama, na Kora.
- 15 Leti hi tihosi ta banana ba Esau a bana ba Elifaze a matewula ya Esau: hosi Temane, hosi Omare, hosi Zefo, hosi Keneza,
- 16 Hosi Kora, hosi Gatama, hosi Amaleki: leti hi tihosi ti huma ha Elifaze le tikweni ga le Edome; laba hi bana ba Ada.
- 17 Laba hi bana ba Reueli, a nwana wa Esau; hosi Nahata, hosi Zera, hosi Xama, hosi Miza: leti hi tihosi leti ti nga huma hi Reueli le tikweni ga le Edome; laba hi bana ba Basemati, a kata wa Esau.
- 18 Laba hi bana ba Oholibama, a kata wa Esau: hosi Jeuxa, hosi Jalama, hosi Kora: leti hi tihosi leti ti nga huma ha Oholibama a nwana wa Ana, a kata wa Esau.
- 19 Laba hi bana ba Esau, loti hi tihosi tabye: bona ba Edome.
- 20 Laba hi bana ba Seire a mu Hori, a benyi ba tiko: Lotani na Xobala na Zibeoni na Ana.
- 21 Na Dixoni na Ezeri na Dixani: leti hi tihosi ti nga huma hi ma Hori, a banana ba Seire le tikweni ga le Edome.
- 22 Ni banana ba Lotani hi Hori na Hemani; a nakulobye wa Lotani hi Timna.

- 23 Ni laba hi banana ba Xobala : Alva-
ni na Manahate na Ebala, Xefo na
Onama.
- 24 Laba hi banana ba Zibeoni : Aia, na
Ana; loyi hi Ana a nga kuma tihlo-
wo ta mati yo hisa lomu xiwuleni,
kota lezi a nga wa gisa timbongola
ta raru wakwo Zibeoni,
- 25 Ni laba hi banana ba Ana : Dixoni
na Oholibama nwana wa Ana.
- 26 Ni laba hi banana ba Dixoni : He-
mdani na Exbani na Itrana na Ce-
rani.
- 27 Laba hi banana ba Ezeri : Bilhani
na Zaavani na Akana.
- 28 Laba hi banana ba Dixani : Uza na
Arana.
- 29 Leti hi tihosi leti ti nga huma hi ma
Hori : hosi Lotani, hosi Xobala, ho-
si Zibeoni, hosi Ana,
- 30 Hosi Dixoni, hosi Ezeri, hosi Dix-
ani : leti hi tihosi ti nga huma hi ma
Hori, kota hi manganakana yabye
lomu tikweni ga Seire.
- 31 Leti hi tihosi leti ti nga ma fumile
lomo tikweni ga Edome, ni hosi na
yi nga se ku fuma ka banana ba
Israeli.
- 32 Na Bela nwana wa Beora i lo fuma
Edome ; ni bito ga muti wakwe wu
wa hi Dinhaba.
- 33 Na Bela i lofa, na Jobaba nwana wa
Zera wa Bozra i lo fuma xikundleni
xa yena.
- 34 Na Jobaba i lofa, na Huxama wa le
tikweni ga le Temane i lo fuma le
xikundleni xakwe.
- 35 Na Huxama i lofa, na Hadade a
nwana wa Bedade, loyi a nga daya
ma Midia le mikobeni ya le Moabi, i
lo fuma wutsanweni gakwe : ni bito
ga muti wakwe ku wa hi a Avita.
- 36 Na Hadade i lofa, na Samla wa le
Masreka i lo fuma xikundleni xa-
kwe.
- 37 Na Samla i lofa, na Xaule wa le Re-
hobote hi le Congweni i lo fuma wu-
tsanweni gakwe.
- 38 Na Xaule i lofa, na Baal-hanana a
nwana wa Akbora i lo fuma wutse-
nweni gakwe.
- 39 Na Baal-hanana a nwana wa Ak-
bora i lofa, na Hadara i lo fuma xi-
kundleni xakwe : ni bito ga muti
wakwe ku wa hi Pau; ni bito ga
sati wa yena i wa hi Mehetabale,
nwana wa Matrede, a nwana wa Me-
zahabe.
- 40 Laya hi mabito ya manganakana

laya ma nga huma hi ka Esau, kota
hi mingango yabye, hi wutsanweni
gabye, ni mabito yabye : hosi Ti-
mna, hosi Alva, hosi Jetete,
41 Hosi Oholibama, hosi Ela, hosi Pi-
nona,
42 Hosi Keneza, hosi Temane, hosi Mi-
bzare,
43 Hosi Magdieli, hosi Irama : leti hi
tihosi ta le Edome, hi kuaka kabye
lomo tikweni ga boni benyi. Loyi
hi Esau, a raru wa ba Edome.

XIPIMO 37.

- 1 Na Jakobe i wa lo aka lomo tikwe-
ni lego raru wakwe a nga wa hi mu
lubeli, lomo tikweni ga le Kenani.
- 2 Lezi hi zikukulwana za Jakobe. Jo-
sefa, i wa hi kume ni nklanu ni ma-
mbiri a malembe a wu kale, i wa lo
risa a miklambi ni ka makabye ; na
a wa hi mufanyana ni bana ba Bilha,
hi bana ba Zilpa, a basati ba raru wa
yena : na Josefa i lo bika kubiha ba-
bye ka raru wabye.
- 3 Makunu Israeli i wa lo ranza Josefa
ku hunza bonkle bana ba yena, ha-
kuba i wa hi nwana wa tanga ya
wukale gakwe : yena i lo mu mahe-
la a baji ga mabala yo tala.
- 4 Ni bamakabye ba yena ba lo zi wona
lezaku a raru wabye i wa lo mu ranza
ku hunza bonkle bamakabye ; na bo-
na ba lo mu benga, ba wa nga ba
nga koti ku wulawula a kuruleko
ka yena.
- 5 Na Josefa i wa lo lora a noro, i wa
lo wu byela bamakabye : bona ba lo
mu benga nguvu kambe.
- 6 Yena i wa te ngalo ka bona, Zwana-
ni, nza mu kombela nwina, lowu
noro mina nzi wu lorileko :
- 7 Hakuba, languta, hi wa kari hi boha
milumbi le masinwini, ni, manga-
bye, a numbi wa mina wa lo suka,
wu wa lo yima wukutse ; ni, langu-
ta, a ya nwina milumbi yi lota wu
ranzela, ni ku korama ka wa mina a
numbi.
- 8 Ni bamakabye ba yena, ba wa te
ngalo ka yena, Hakunene wena hi
wena u ta nga hi fumela ke? hambu
ni kufumela hehla ka hina ke? bona
ba lo mu benga hi ku hunzisileko hi
miloru yakwe, ni timbaka takwe.
- 9 Na a lo engeta kambe a lora mu-
nwani noro, i wa lo wu byela ka ba-
makabye bakwe, i wa te ngalo, La-
nguta, nzi lorile munwani noro ; ni,

- languta, a gambo ni hweti ni kume ni yinwe tinyeleti ti lo korama ka mina.
- 10 Yena i wa lo mu byela ka raru wakwe, ni ka bamakabye; ni raru wakwe i lo mu kawuka, i wa te ngalo ka yena, Kulora ka ku yini loku wena u ku lorileko ke? Kasi mina ni nyine wa wena ni bamakabye ba wena ha kunene hi ta korama wutsumbu ga hina ka wena misabeni ke?
- 11 Ni bamakabye bakwe ba lo mu benga; kanilezi a raru wakwe i lo hlalyisa ku wula kupima ka yena.
- 12 Ni bamakabye ba yena ba lova ku risa klambi wa raru wabye le Xekemi.
- 13 Na Israeli i wa te ngalo ka Josefa. A banakuloni a ba risi a klambi le Xekemi ke? ngona, nzi ta ku rumaya ka bona. Yena i wa te ngalo ka yena, Mina nzi laha.
- 14 Yena i wa te ngalo ka yena, Yana makunu, u ya wona lezaku ba hi batomi bamakabye ba wena, mbarisi ni muklambi; u wuya ni mhaka kambe ka mina. Zingaho i lo mu rumela hi le matsobyeni ya le Hebroni, na yena i lota le Xekemi.
- 15 Ni munhu wokari i wa lo kuma yena, ni, languta, yena i wa lo nzula mikobeni; ni munhu i lo mu wutisa, a ku ngalo ka yena, Wa ku laba yini ke?
- 16 Na yena i wa te ngalo, Mina nzi laba bamakabye ba mina; nzi byele, nza kombela wena, hi kwihi ba riselako kona a klambi ke.
- 17 Ni munhu i wa te ngalo, Bona ba sukile laha; hakuba nzi lo bazwa ba wula, A hi yena Dotani. Na Josefa i wa lo lanzela bamakabye, i wa lo ba kuma le Dotani.
- 18 Bona ba wa lo mu wona le kule, hi mahlweni na nga se kuta ku suhani ka bona, ba lo maha gujegu je ba hleba ku ta mu daya.
- 19 Bona ba wa te ngalo ka muzwe ni muzwani, Langutani, a nya muloro wata.
- 20 Ngonani makunu hikwalaho, a hi mu dayeni, hi mu hoxa ka ginwe ga marinzi, hina hi ta wula, A xibanza xo biha xi mu kadamule; hina hi ta wona lezaku ku ta ku yini hi miloro yakwe.
- 21 Na Rubeni i wa lo zizwa, i lo mu klaklisa canjeni gabye na wa te ngalo, Nga hina ha nga susi kuhanya ka yena.
- 22 Na Rubeni i wa te ngalo ka bona, Mu nga balati nkata; mu hoxeni ka rinzi lego gi nga lomo xiwuleni, kanilezi mu nga klateki canja hehla ka yena; kasi wa fela ku mu klaklisa canjeni gabye, ku mu klelisela ka raru wakwe.
- 23 Na ku mahisile lezo, laha Josefa a nga wa tile ka bamakabye bakwe, ba lo runzuwula a nganju ya Josefa, a baji ga mabala yo tala lego gi nga wa hi ka yena;
- 24 Na bona ba lo mu teka, ba lo mu hoxa lomo rinzini; ni rinzi ga wa hi xikwakwa, ku wa nga hi na mati ka gona.
- 25 Ba lo tsama lahasi kuga zibaba; ba lo klakusa mahlo ni ku cuwuka, ni, languta, a pfumka ga ka Ixmaeli gi wata hi Gileade, zinwe ni makameli yabye na ma rwele a hlakati ni mhaka ni mure, na ma rwele ba relela baya nazo le Gipite.
- 26 Na Juda i wa te ngalo ka bamakabye ba yena, Ku ta binzula yini loku hi daya makabye wa hina hi fihla nkata wakwe?
- 27 Ngonani, a hi mu xabiseni ka ba Ixmaeli, nga a canja ga hina gi nga hi hehla ka yena; hakuba yena hi makabye, wa nyama ya hina. Ni bamakabye ba lo ingisa ka yena.
- 28 Ni laho ku lo hunza ba Midiani, mahungani, bona ba lota humesa Josefa lomu rinzini, ba lo xabisa Josefa ka ba Ixmaeli a makume mambiri ya zipanze za siliva. Bona ba lo rumela Josefa le Gipite.
- 29 Na Rubeni i lo wuya le rinzini; ni, languta, Josefa i wa nga hi kona le rinzini; i lo hanzula tinguwo takwe.
- 30 I wa lo wuya ka bamakabye, i wa te ngalo, A nwanana a nga kona; na mina, nzi ta kuya ka kwihi ke?
- 31 Bona ba lo teka a baji ga Josefa, ba lo daya mhongo, ba lo peta a baji lomo nkateni;
- 32 Bona ba lo yisa baji ga mabala yo tala, ba lo gi neha ka raru wabye, na ba te ngalo, Legi hi gi kumile; tiba makunu kutani a hi baji ga nwana wa wena kutani a hi gona.
- 33 Na yena i wa lo gi tiba, na a wa te ngalo, I baji ga nwananga; ni xibanza xo biha xi mu kadamule; Josefa hi nga kanakaniwiko i pfemulwe zi panzanyana.
- 34 Na Jakobe i wa lo hanzula tinguwo

- takwe, i wa lo boha tinguwo ta ti sa-
kwa xiwunwini xakwe, i lo rilela
nwana wakwe masiku yo tala.
- 35 Bo barisanyana bakwe ni banhanya-
na bakwe ba losuka ba mu cabelela;
kanllezi yena i wa lo ala kucabele-
lwa; na yena i wa te ngalo, Hakuba
nzi ta relela nziya le Xcoli ka nwa-
nanga nzi ya rila. Ni raru wakwe i
wa lo mu rilela.
- 36 Ni ba Midiani ba lo mu xabisa le
Gipite ka Potifare, a nduna ya Faro
a kapitawu ya bahlayisi.

XIPIMO 38.

- 1 Na ku mahisile lezo ka lexo xika-
ti, Juda i lo relela a suka le ka bana-
kulobye, i lo hunzulukela ka wo kari
wa mu Adullama, a wihi a bito a
nga wa hi Hira.
- 2 Juda i wa lo wona laho a nhwana
wo kari wa mu Kenani loye a bito
ga yena a wa nga wa hi Xua; i lo
mu teka, i wa loya engena ka yena.
- 3 Yena i wa lo xura nyimba, i wa lo
trala nisanyana; i lo cula bito ga-
kwe Era.
- 4 Yena i wa lo xura nyimba kambe, i
wa lo trala nisanyana; yena i wa lo
cula bito ga yena Onane.
- 5 Yena i lo engeta a trala nisanyana,
i wa lo cula bito gakwe Xela yena i
wa hi le Cezibe, laha a nga wa trala
yena.
- 6 Na Juda i wa lo tekela wasati ka Era
matewula yakwe, ni bito gakwe i
wa hi Tamare.
- 7 Na Era, matewula ya Juda, i wa hi
munhu wa kubiha mahlweni ka Je-
hova; na Jehova i wa lo mu daya.
- 8 Na Juda i wa te ngalo ka Onane,
Engena ka sati wa nakuloni, uya mu
hlambela, ni ku vuxa mbewu ka na-
kuloni.
- 9 Na Onane i wa lo zi tiba lezaku mbe-
wu yi nga ta ku ba yakwe; na ku
mahisile lezo, laha na a yile ka sati
wa nakulobye, i wa lo halatela lahasi,
a nga taku ba nyika mbewu ka naku-
lobye.
- 10 Ni lexi xilo a nga wa xi mahile xi
wa hi kuonha mahlweni ka Jehova;
yena i wa lo daya yena kambe.
- 11 Zonake Juda i wa te ngalo ka Tama-
re katanwane wakwe, Tsama mbiri
le ndlwini ya raru wa wena, kala
Xela a nwananga a kula; hakuba i
wa te ngalo, A nga taku yenawu a
fa, kufana ni nakulobye Tamare i wa

lo famba aya tsama le ndlwini ka
raru wakwe.

- 12 Hi xikati xo nene nwana wa Xua,
a kata wa Juda, i lofa; na Juda i
wa lo cabelelwa yena, i lo kanziya
aya ka bakayi bakwe ba tiyivu le
Timna, yena ni mungana wakwe
Hira a mu Adullama.
- 13 Ku wa lo byelwa Tamare, lezaku,
Languta, a nwingi wa wena i ya le
Timna a ka kaya tiyivu ta yena.
- 14 Yena i wa lo susa a tinguwo ta
wumbiri, i wa lo fenengeta wutsu-
mbu gakwe hi veli, i wa ti bombi-
sa wutsumbu ga yena, i wa lo yima
le nyangweni ya Enaime yi hi kono
ndleni kuya Timna; hakuba yena
i wa lo wona lezaku Xela i wa
kulile, ni lezaku yena i ta nga nyi-
kwa ka yena a kuba sati wa yena.
- 15 Laha Juda a nga wa mu wonile, i
wa alakanya ha yena lezaku xibayi;
hakuba yena i wa lo fenengeta
ngohe yakwe.
- 16 Yena i wa lo hambukela ka yena,
na a te ngalo, Ngoni, nza kombela
wena, nga mina nzita ka wena: ha-
kuba yena i wa nga zi tibi lezaku
yena hi katamwane wakwe. Na
yena i wa te ngalo, Xini wena u ta
nga nzi nyika, lezaku wena u tata
ka mina ke?
- 17 Yena i wa te ngalo, Nzi ta kurume-
la a mbutana hi le klambini. Yena
i wa te ngalo, Wena u ta nzi tsu-
mbisa, u kala u yi rumela ke?
- 18 Yenawu i wa te ngalo, Xitsumbiso
muni nzi ta nga ku nyika wena ke?
yena i wa te ngalo, A pera ya wena
ni xingwabila xa wena, ni nhonga
ya wena canjeni ga wena, Yena i
wa lo zi nyika ka yena, i wa lota
ka yena, yena i wa lo xura nyimba
ha yena.
- 19 Yena i wa lo suka, a ti fambela, i
wa loya susa a veli yakwe, ni ku
ambala tinguwo ta wumbiri.
- 20 Na Juda i wa lo rumela a mbuta-
nyana hi canja ga mungana wakwe
a mu Adullama, a ku amukela a
xitsumbiso canjeni ga wasati: kani-
lezi a nga mu kumangi.
- 21 Yena i wa lo wutisa a banhu ba
wutsamo, a ku ngalo, Xi wihi a
bayi, lexi xi nga wa hi kona laha
Enaime hi klelo ga ndlela ke? bona
ba te ngalo, Laha ku wa nga hi na
xibayi.
- 22 Na yena i wa lo klelela ka Juda, i

- ba te ngalo, A nzi xi kumangi; ni kambe a banhu ba wutsamo ba te ngalo, Laho cima ku wa nga hi na xibayi.
- 23 Na Juda i wa te ngalo, Nga yena a yi teka ka yena, hi nga ta ku hina hi celwa tingana: languta, nzi rumela mbutanyana legi, na wena a ku mu kumangi.
- 24 Na ku mahisile lezo a nzako ka ti-hweti tinharu, ku wa lo byelwa Juda, lezaku, Tamare a katamwane wa wena hi yena a hlakanileko hi wubayi; klatakumbiri, languta, yena i xure nyimba hi wubayi. Na Juda i wa te ngalo, Nga yena a nehwa laha, ni ku nga a hiswa.
- 25 Ni laha yena a nga nehilwe, i wa te ngalo ka nwinyi wakwe, aku, Hi munhu, a nwinyi wa lezi, nzi xurisilwe hi yena: na yena i wa te ngalo, Cuwuka, nza kombela wena, za mani lezi ke? a pera, ni zingwabila, ni nhonga.
- 26 Na Juda i wa lo zi vumela, i wa te ngalo, Yena i wa lulamile ku hunza mina, hakuba mina a nzi mu nyikangi ka Xela a nwana wa mina. Yena cima a nga mu tibangi kambe.
- 27 Na ku mahisile lezo hi xikatini xa kulunwa ka yena, lezaku, languta, a mahabla ma wa hi lomu gulwini gakwe.
- 28 Na ku mahisile lezi, laha a nga wa lunwa, a muawani i wa lo humesa a canja: ni mutekeli i wa lo teka lihinza lo truka i wa lo li boha canjeni gakwe, aku, Loyi i humele kuranga.
- 29 Na ku mahisile lezo, kota lezi a nga wa nklelisile a canja gakwe, languta, a nakulobye i wa lo huma: yena i wa te ngalo, Ngahilezo u ti fohlele wutsumbu ga wena ke? hi-kwalaho a bito gakwe gi lo culwa Perezi.
- 30 Ni nzako ka lezo i lo huma makabye kambe, loye a nga wa hi ni lihinza lo truka canjeni gakwe: a bito gakwe gi wa lo culwa Zera.
- 2 Na Jehova i wa hi zizwe na Josefa, i wa hi munhu a vuvumako; yena i wa hi lomo ndlwini ya nwinyi wakwe a mu Gipiti.
- 3 Ni nwinyi wakwe i wa lo wonaleza-ku Jehova i wa hi naye, ni lezaku Jehova i wa maha zonkle lezi a zi mahako a ku vuvuma canjeni ga yena.
- 4 Na Josefa i wa lo kuma tomo mahlweni ka yena, na yena i wa lo kozela: i wa lo mu yimisa ku maha mu woneleli wa yindlu ya yena, ni zonkle lezi a nga wa hi nazo i wa lo zi beka canjeni gakwe.
- 5 Na ku mahisile lezo hi le xikatini a nga wa mu bekile ku maha mu woneleli wa yindlu ya yena, ni behla ka zonkle zilo a nga wa hi nazo, ni lezaku Jehova i wa lo katekisa a mu Gipiti hi kota ya Josefa; ni kuka-tekisa ka Jehova ku wa hi behla ka zonkle lezi a nga wa hi nazo, lomu ndlwini ni le masinwini.
- 6 I wa lo beka zonkle lezi a nga wa hi nazo canjeni ga Josefa; na a wa nga tibile zakwe lezo zi nga wa hi na yena, saseka zibaba lezi a nga waga. Na Josefa i wa hi nene, a cuwukeka kwatsi.
- 7 Na ku mahisile lezo a nzako ka lezo zilo, lezaku a sati wa nwinyi wakwe i wa lo cuwuka Josefa hi mahlo yakwe, i wa te ngalo, Eklela zizwe na mina.
- 8 Kanilezi yena i wa lo ala, i wa te ngalo ka sati wa nwinyi wakwe. Languta, a nwinyi wa mina a nga zi tibi lezi zonkle nzi nga nazo lomu ndlwini, yena i bekile zonkle lezi a nga nazo le canjeni ga mina:
- 9 Yena a hi wa hombe ka leyi yindlu ku hunza mina; cima a nga fihlangi ncumo ka mina kanilezi wena, hakuba wena u sati wakwe: nzi ta mahisa ku yini zonake loku kubihla ka hombe, nzi onha ka Nungungulu ke?
- 10 Na ku mahisile lezo, kota lezi a nga wa wulawula ka Josefa masiku hi masiku, lezaku yena a nga mu i ngisangi, a ku eklela naye, kutani ni ku ba zizwe na yena.
- 11 Na ku mahisile lezo hi ka lexi xikati, i wa lo engena lomo ndlwini a ku tira tiro wakwe; ni laho ku wa nga hi kona banhu ba yindlu zizwe naye kwalomo.
- 12 Yena i wa lo mu koma hi tinguwo

XIPIMO 39.

- 1 Josefa i wa lo relela a tiswa le Gipite; na Potifare, a nanza ga Faro, a nduna ya yimpi, a mu Gipite, i wa lo mu xaba canjeni ga ba Ixmactli, laba ba nga relela baya naye leyo.

takwe, na aku, Eklela zinwe na mina : na yena i wa lo siya nguwo canjeni gakwe, i wa lo caba, a huma le handle.

13 Na ku mahisile lezo, laha na a wonile lezaku i siyile nguwo yakwe canjeni gakwe, ni lezaku i lo wa caba a huma,

14 Yena i wa lo bitana ka banhu ba yindlu ya yena, i wa lo wulawula ka bona, na aku Wonani, yena i lo hi nehela mu Heberu ka hina ku ta tseketsela hina : i wa lota ka mina ku eklela na mina, na nzi lo rila hi gezu ga kukanyuluka :

15 Na ku mahisile lezo, laha na a zwile lezaku nzi klakusile gezu ga mina nzi rila, lezo i lo siya nguwo yakwe hi ka mina, ni ku caba, i wa lo huma.

16 Yena i wa lo beka nguwo yakwe hi ka yena, kala zwinyi wakwe a kilela kaya.

17 Yena i wa lo wulawula ka yena kotta leti timbaka, aku, A kumbi ya mu Heberu, leyi u nga wa lo yi neha ka hina, yi lota ka mina ku ta nzi tseketsela :

18 Na ku mahisile lezo, kota nzi nga wa klakusa a gezu ga mina nzi rila, i wa lo siya nguwo yakwe hi ka mina, i wa lo caba a huma.

19 Na ku mahisile lezo, laha na zwinyi wakwe a zwile leti timbaka ta sati wakwe, leti yena a nga wa ti wulawulile ka yena, na aku, Ni za kungahi a kumbi ya wena yi i lo zi maha ka mina ; ka lezo a zanga yakwe yi wa lo vindlukisa.

20 Ni zwinyi wa Josefa i wa lo mu teka, i wa lo mu beka paxweni, a wutsamo lego a tiperesu ta hosi ti kotswako kona : yena i wa hi leyo paxweni.

21 Kanilezi Jehova i wa hi zinwe na Josefa, i wa lo wonisa wuxinji ka yena, i wa lo mu nyika a tomo mahlweni ka murinzeli wa paxo.

22 Ni nduna ya paxo yi lo nyika canjeni ga Josefa tonke tiperesu leti ti nga wa hi lomo paxwenini ; ka yini lexi ka nga wa xi maha laho, ku wa mahiwa hi yena.

23 Ni nduna ya paxo yi wa nga cuwuki ka xili xilo xi nga wa hi lahasi ka canja ga yena, hakuba Jehova i wa hi zinwe naye ; ni ka lezi a zi mahako, Jehova i wa lo zi maha zi vuvuma.

XIPIMO 40.

1 Na ku mahisile lezo a nzako ka lezi zilo, lezaku a mu komi wa zibya za hosi ya le Gipite ni mu bikeli wakwe ka wa lo zangarisa hosi yabye a hosi ya le Gipite.

2 Na Faro i wa lo zangara hi tinduna takwe ha timbiri, a nduna ya bakomi ba zibya, ni nduna ya babikeli.

3 I wa lo ba engenisu makotsweni lomo ndlwini ya nduna ya bahlayisi lomo paxweni, wutsawweni, gwalego Josefa a nga wa bohilwe.

4 Ni nduna ya bahlayisi yi wa lo laya Josefa ha bona, yena i wa lo kozela bona : ba wa lo nonohisa a xikati xo kari lomo paxweni.

5 Bona bambiri ba lo lora a miloro, a munhu i wa lorile noro wakwewo, gona wusiku ginwe, a munhu ni munhu kota kuklamusela ka noro wakwe, a mu komi wa zibya ni mu bikeli wa hosi ya le Gipite, labo ba nga wa bohilwe lomo paxweni.

6 Na Josefa i wa lota ka/ye ni mixo, i wa lo ba wona, ni, languta, bona ba wa tsubile.

7 Yena i wa lo wutisa a tinduna ta hosi Faro labo ba nga wa hi naye lomo paxweni ndlwini ya zwinyi wakwe, na aku, Ngahilezo ma ku cuwukeka na mu tsubile nyamukla ke ?

8 Bona ba wa te ngalo ka yena, Hina hi lorile miloro, ni laho a ku kona loyi a kotako a ku hi klamuselela, wona, Na Josefa i wa te ngalo ka bona, A kuklamuselelwa a ku humi ka Nungungulu ke ? nzi byeleni, nza kombela zwina.

9 Ni mu komi wa zibya i wa lo byela a noro wakwe ka Josefa, na a wa te ngalo ka yena, Kuloreni ka mina, languta, a vina wu wa hi mahlweni ka mina ;

10 Ni le vineni ku wa hi ni marabi manharu : ku wa ku kwatsi ma hlukile, ni zitsangi za wona zi wa lo pfepfa ; ni zitata za kona zi wa lo horola magrepi ma buvileko :

11 Ni kopo ya Faro yi wa hi canjeni ga mina ; nzi wa lo teka magrepi, nzi ma kamela lomo kotreni ya Faro, nzi wa lo nyika a kopo canjeni ga Faro.

12 Na Josefa i wa te ngalo ka yena, Loku hi kuklamusela ka wona : a marabi manharu hi masiku manharu ;

13 Hi laha ka masiku manharu Faro i

- ta klakusa a hloko ya wena, i ta klelisela wena wutsanweni ga wena : wena u ta nyika Faro kopo lomo canjeni gakwe, ku ta ku kwatsi hi zalezo wena u nga wa hi mu komi wa zibya zakwe.
- 14 Kanilezi u wa nzi alakanya laha ku taku nga maha kwatsi ka wena, u kangeta a wuxinji, nza kombela wena ka mina, u kumbuka ka Faro ha mina, a ku nzi humesa ka leyi yindlu :
- 15 Hakuba mina hakunene nzi wa lo pfulwa le tikweni ga ma Heberu : ni laha kambe a hi ncumo nzi mahileko lezaku ba nzi engenisile lomu xikayileni lexi.
- 16 Laha a nduna ya ba bikeli na yi wonile lezaku a ku klamusela ku wa sasekile, i wa te ngalo ka Josefa, minawu kambe kuloreni ka mina, ni, languta, ni zirunzu zinharu za zibaba zo basa zi wa hi le hlokwani ya mina :
- 17 Ni le xirunzwini xa le hehla nguvu ku wa hi kona tixaka tonkle ta kuga kubikilweni ka Faro; ni tinyanyani ti wa lo kuga kona lomo xirunzwini le hlokwani ya mina.
- 18 Na Josefa i wa lo hlamula na te ngalo, Loku hi ku klamusela ka kona : a zirunzu zinharu hi masiku manharu ;
- 19 Hi laha ka masiku manharu Faro i ta klakusa hloko ya wena a yi susa ka wena, yena i ta kuhayeka sinyeni ; ni tinyanyani ti taga a nyama ya wena ka wena.
- 20 Na ku mahisile lezo hi siku ga manharu, gi nga wa hi siku ga ku tralwa ka Faro, i wa lo maha mubuzo ka malanza ya yena wonkle : i wa lo klakusa a hloko ya nduna ya bakomi ba zibya ni hloko ya nduna ya ba bikeli xikari ka malanza yakwe.
- 21 I wa klelisela a nduna ya ba komi ba zibya wukomeni ga yona ga zibya kambe; yena i wa lo nyika kopo canjeni ga Faro :
- 22 Kanilezi yena i wa lo hayeka a nduna ya ba bikeli : kota lezi Josefa a nga wa klamuselela ka bona.
- 23 Hambu lezo a nduna ya bakomi ba zibya a yi wa nga mu alakanyangi Josefa, kanilezi yi wa lo mu ribakelwa.

XIPIMO 41.

- 1 Na ku mahisile lezo kugumelweni ka malembe mambiri ma teleko, le-

- zaku Faro i wa lo lora : ni, languta, i wa yimile hi le congweni.
- 2 Ni, languta, laho ku lo huma hi le congweni a klanu wa tihomu ni timbiri, ti wa sasekile na ti kulukile ; ti wa loga a byanyi ga hlanga.
- 3 Ni, languta, a klanu ni timbiri a tihomu a nzako ka leto ti wa lo huma hi lomo congweni, na ti onzile ti hi mikotso, li wa lo yima hi ka tinwani tihomu laha tivutini la congo.
- 4 Ni tihomu ti onzileko ni ta mikotso ti wa loga leto to saseka ni ti kulukileko ta nklanu ni timbiri. Zingaho Faro i wa lo kindlumuka.
- 5 I wa lo eklela ni ku lora xikati xa wumbiri : ni, languta, a miponwani ya nklanu ni mimbiri yi wa lo huma lihlangeni liawe, na yi nyukile yi saseka.
- 6 Ni, languta, a nklanu ni mimbiri miponwani, yi wunine yi omile hi mheho ya xikobani, zi wa lo mila a nzako ka zona.
- 7 Ni lezi yi wunileko miponwani yi lo mita leyi yo nyuka na yi xombeke yi kuklikwi. Na Faro i wa lo kindlumuka, ni, languta, ku wa hi kulora.
- 8 Na ku mahisile lezo laha mixweni lezaku a moya wakwe wu wo karateka ; yena i wa lo rumela a ku ya bitana zonkle zitumbe za le Gipite, ni banhu ba kona : na Faro i wa lo byela bona a noro wakwe ; kanilezi ku wa nga hi kona loyi a nga wa kota ku klamusela yona ka Faro.
- 9 Zonake yi lo wula a nduna ya ba komi ba zibya ka Faro, na yiku, Mina nza alakanya a nanzu wa mina legi siku :
- 10 Faro i wa lo zangara hi malanza yakwe, i wa lo beka mina lomo paxweni lomo ndlwini ya nduna ya yimpi, mina ni nduna ya ba bikeli :
- 11 Hi wa lo lora miloro a wusiku giawe, mina na yenawu ; hina hi wa lo lora loyi ni loyi munhu ku kota ku klamuselwa ka noro wa yenawu.
- 12 Laho ku wa hi kona na hina a jaha laho, a mu Heberu, a nanza ga nduna ya bahlayisi ; hi wa lo mu byela yena, i wa lo klamusela ka hina a miloro ya hina ; ka munhu muawe kota noro wa yena i wa lo klamusela.
- 13 Na ku mahisile lezo, kota lezo a nga wa hi klamuselele, zi wa ngaho ; mina nzi lo kleliswa xikundleni xa mina, yena, i wa lo hayekwa.
- 14 Zonake Faro i wa lo rumela i lo bi-

- tana Josefa, ba lo mu neha hi ku hahlisa a huma hi le xikayileni: i wa lo cinga wutsumbu ga yena, i wa lo hunzula tinguwo takwe, i wa lo engena aya ka Faro.
- 15 Na Faro i wa te ngalo ka Josefa, Mina nzi lorile a noro, laho ku wa hi kona loye a kotako ku wu klamusela wona: mina nzi ba zwile ba wula ha wena, lezaku loku wena u zwa noro wa zi kota wena a ku wu klamusela wona.
- 16 Na Josefa i wa lo hlamula ka Faro, na aku, A hi ka mina: Nungungulu i ta nyika ku hlamula ka Faro hi kurula.
- 17 Na Faro i wa lo wulawula ka Josefa, kuloreni ka mina, languta, mina nzi wa lo yima hi laha livutini la congo:
- 18 Ni, languta, laho ku lo huma hi le congweni a nklanu ni timbiri tihomu, ti kulukile kwatsi na ti sasekile; tona ti loga hlanga:
- 19 Ni, languta, a nklanu ni timbiri tihomu ti wa lota hi le nzako ka tona, to soleka na ti hi mikotsoko na onzile, ta ku kwatsi cima a nzi tsami nzi ti wona lomo tikweni gonkle ga le Gipite hi swara:
- 20 Ni le ta mikotso ni leti ta ku onza tihomu ti wa loga leti ta kura ta ku luka a tihomu:
- 21 Laha na topa na ti gile, zi wa nga zi nga tibyiwi lezaku tona ti gile tona; kanilezi tona ti wa nonohisa, ti hi mikotso, kwatsi hi kusanguleni. Zingaho nzi wa kindlimuka.
- 22 Na nzi lo wona le norweni wa mina, ni, languta, a nklanu ni zimbiri zipfaki zi wa lo huma hi le lihlange ni linwe, zi xombele zi kukliwi zi sasekile.
- 23 Ni, languta, a nklanu wa miponwani ni mimbiri, yi wa wunile, yi hi mikotso, yi lo wuniswa hi mheho ya xikobani, zi wa lo mila a nzako ka zona:
- 24 Ni miponwani yi wunileko yi wa lo mita leyi ya nklanu ni mimbiri yi nga wa sasekile miponwani: mina nzi wa lo ku byela ka zitumbe; kanilezi ku wa nga hi kona loyi a nga zi kotako ku zi dlunya ka mina;
- 25 Na Josefa i wa te ngalo ka Faro, A noro wa Faro munwe: lezi Nungungulu a labako ku zi maha i zi kangetile ka Faro.
- 26 A nklanu ni timbiri tihomu to sase-
- ka hi nklanu ni mambiri malembe: a nklanu ni mimbiri miponwani yo saseka hi nklanu ni mambiri malembe: a noro munwe.
- 27 A nklanu ni timbiri leti ta mikotso ni ti onzileko leti ti nga huma a nzako ka tona hi nklanu ni mambiri malembe, ni kambe a nklanu ni miponwani ya mipombunzela yi wa lo omiswa hi mheho ya xikobani; ku ta ba nklanu ni mambiri malembe ya ndlala.
- 28 Lezo hi zilo nzi nga wa ta zi wulawula ka Faro: lezi Nungungulu a ta nga zi maha i zi kombisile ka Faro.
- 29 Languta, laho ka hata a malembe ya nklanu ni mambiri ya pfuno wa hombe tikweni gonkle ga le Gipite:
- 30 Laho ku ta suka ku huma a nzako ka wona a nklanu ni mambiri malembe ya ndlala; ni wonkle laya ya kupfuna ma ta kohlwa lomu tikweni ga le Gipite; ni ndlala yi ta mbetisa a tiko;
- 31 Ni pfuno wu nga ta tibyiwa lomo tikweni hi kota ya ndlala leyi yi lanzelako; hakuba yi ta tikisa nguvu.
- 32 Hakuba hi ka lezo a noro wu lo wuyela kumbiri ka Faro, hakuba loku ku yimisilwe hi Nungungulu, na Nungungulu hi ku komileko i ta maha loku ku hunza.
- 33 Makunu hikwalaho nga Faro a cuwuka a munhu a bangukileko ni wa ku tiba, a mu yimisa hehla ka tiko ga Gipite.
- 34 Nga Faro a maha lexi, nga a yimisa bawoneleli lomu tikweni, a ku teka a klelo ga wuklanu ga tiko ga Gipite ka malembe ya nklanu ni mambiri ma pfunileko.
- 35 Nga bona ba tsombanyisela konkle kuga laya malembe ya kusaseka laya matakona, ba beketela a mabele lahasi ka canja ga Faro kasi kuga lomu mitini, nga bona ba hlayisa wona.
- 36 Ni kuga ku ta beketelwa lomu tikweni kasi ku yimelana ni klanu wa malembe ni mambiri ya ndlala, leyi yi ta nga ba kona lomu tikweni ga Gipite; kasi a tiko gi nga lobyiswi hi kota ya ndlala.
- 37 Ni xilo xi wa sasekile mahlweni ka Faro, ni le mahlweni ka malanza yakwe.
- 38 Na Faro i wa te ngalo ka malanza ya yena, Hi nga mu kuma a munwe wa ku kwatsi hi loyi ke, a munhu

- loyi a moya wa Nungungulu wu nga ka yena ke?
- 39 Na Faro i wa te ngalo ka Josefa, Hakuba kwatsi hilezi Nungungulu a kombisileko ka wena zonkle zilo, a nga kona loyi a bangukile a tibako kwatsi hi wena:
- 40 Wena u ta ba hehla ka yindlu ya mina, na hi ka mhaka ya wena a banhu ba mina bonkle ba ta fume-lwa: hi wuhosi goce nzi taba wa hombe ku hunza wena.
- 41 Na Faro i wa te ngalo ka Josefa, Wona, mina nzi yimisile wena lomu tikweni gonkle ga Gipite.
- 42 Na Faro i wa lo humesa a pera ya marika yakwe le canjeni ga yena, i wa lo yi nehela le canjeni ga Josefa, i wa lo mu ambexa hi tinguwo ta mure to saseka, i wa lo engenisa mu-hono wa nzalama le nbanweni ya-kwe;
- 43 I wa lo mu maha a kilela a kareta yo gamela leyi a nga wa hi nayo; ba lo kuanyuluka mahlweni ka yena, Koramani dzolo: yena i mu yimi-sile tikweni gonkle ga Gipite.
- 44 Na Faro i wa te ngalo ka Josefa, Mina nzi mina Faro, hi lahandle ka wena a nga ta ba kona munhu a kla-kusana a canja gakwe kutani konzo wakwe lomu tikweni ga Gipite.
- 45 Na Faro i wa lo cula bito ga Josefa a ku hi Zafenatipanea; yena i wa lo nyika yena Asenate a ku ba sati, wa Potifera a mu pristi wa le Oni, Josefa i wa lo fambela tikweni ga le Gi-pite.
- 46 Josefa i wa hi ni makume manharu malembe a wukale laha a nga wa yimile mahlweni ka Faro a hosi ya le Gipite. Na Josefa i wa lo huma mahlweni ka Faro, i wa lo fambela gonkle a tiko ga le Gipite.
- 47 Hi malembe ya klanu ni mambiri ya pfuno a misaba yiwa la su tsinyama yi ku nembebele.
- 48 Yena i wa lo tsombanyisela a kuga konkle ka nklanu ni mambiri malembe loku ku nga wa hi lomo tikwe-ni ga le Gipite, i lo beketelela lomo a kuga lomo mitini: a kuga ka lo-mo masiawini, laya na nga wa re-nzelekele muti, i wa lo beketelela ka walowo.
- 49 Na Josefa i wa lo beketelela a mbe-wu kwatsi hi fungu wa bimbi, ku tala nguvu, a kala a nga hlavi; ha-kuba ti wa ngaha hi na ku hlaiwa.
- 50 Ni ka Josefa ku wa lo tralwa a bari-sanyana bambiri hi mahlweni na le-mbe ga ndlala na gi nga se kuta, laho Asenate, nhlwana wa Potifera a mu pristi wa le Oni, a nga wa tralele yena.
- 51 Na Josefa i wa lo cula a bito ga wa matewula aku hi Manasa: Hakuba, yena i wa te ngalo, Nungungulu i nzi mahile mina nzi ribalelwa hi zikarato za mina zonkle, ni yindlu yonkle ya dadani.
- 52 Ni bito ga nzisana i wa lo cula Efra-ime: Hakuba Nungungulu i nzi ma-hile nzi trala tikweni ga kuxaniseka ka mina.
- 53 Ni malembe ya nklanu ni mambiri ya pfuno, lowo wu nga wa hi lomo tikweni ga Gipite, ma lota kugume-lwe.
- 54 Ni nklanu ni mambiri malembe ya ndlala ma sangula ku cikela, kwatsi hilezi Josefa a nga wa wulile: laho ku wa hi kona ndlala lomo tikweni gonkle; kanelezi konkle lomu tikwe-ni ga le Gipite ku wa hi kona a zibaba.
- 55 Ni laha a tiko gonkle ga le Gipite gi nga wa ncoma hi ndlala, a banhu ba lo rilela a zibaba ka Faro: na Faro i wa te ngalo ka bonkle ka Gi-piti, Yanani ka Josefa; kani hi yini a wulako ka uwina, mahani.
- 56 Ni ndlala yi wa hehla ka ngohe yonkle ya misaba: na Josefa i wa lo vulula tonkle tiyindlu ta ku bekete-lela bona i wa lo xabisa ka ba Gipiti; ni ndlala yi wa hi ya hombe yi wa tsingisile tikweni ga le Gipite.
- 57 Ni matiko wonkle ma lota ka Josefa le Gipite ku xaba mabele, hakuba ndlala yi wa tsingisile misabeni yonkle.

XIPIMO 42.

- 1 Makunu Jakobe i wa lo wona ku kona mabele le Gipite, na Jakobe i wa te ngalo ka bana ba yena, Hi yini mu cuwukanako?
- 2 I wa te ngalo, Langutani, mina nzi zi zwile lezaku ku kona mabele le Gipite: relelani muya leyo, muya xabela hina leyo; kasi ha fela kuha-nya, hi ngafi.
- 3 Ni kume ga bamakabye ba Josefa ba lo relela kuya xaba mabele leyo Gipite.
- 4 Kanilezi Benjamini, a nakulobywa wa Josefa, Jakobe i wa nga mu rumela-

- ngi zinwe ni banakulobye bakwe; hakuba yena i wa te ngalo, Ku nga taku kutani a mhango yi mu humelela.
- 5 Ni bana ba Israeli ba lotta xaba xikari ka labo ba nga wata: hakuba ni ndlala yi wa hi lomo tikweni ga le Kenani.
- 6 Na Josefa i wa hi mufumeli lomo tikweni; hi yena a nga wa xabisa ka banhu bonkle ba tiko. Ni bamakabye ba Josefa ba lotta, ba lo korma wutsumbu gabye misabeni hi tingohe tabye ka yena.
- 7 Na Josefa i wa lo wona banakulobye bakwe, i wa lo ba tiba, kanilezi wa lo ti maha kota mupfumba ka bona, i wa lo wulawula xapi ka bona; yena i wa te ngalo ka bona, Muta hi kwihi nwina? Bona ba wa ta ngalo, Le tikweni ga le Kenani ku ta xaba za kuga.
- 8 Na Josefa i wa lo tiba banakulobye bakwe, kanilezi bona ba wa nga mu tibi.
- 9 Na Josefa i wa lo alakanya a miloro leyi a nga wa lorile ka bona, i wa te ngalo, Nwina mu tihloli; mu tela ku ta wona a wundengelenge ga tiko.
- 10 Na bona ba wa te ngalo ka yena, Ge, hosi ya mina, kanilezi a ku xaba za kuga malanza ya wena ma tile.
- 11 Hina honkle hi bana ba munhu munwe; hina hi banhu ba zinene, a malauza ya wena a hi tihloli.
- 12 Yena i wa te ngalo ka bona, Ge, mu tele ku ta wona a wundengelenge ga tiko ga nwina mu tile.
- 13 Na bona ba wa te ngalo, Hina malanza ya wena hi kume ga bamakabye ni bambiri, a bana ba munhu munwe lomo tikweni ga le Kenani; ni, languta, loyi wa tsongwana nyamukla i na ni raru wa hina, ni munwe a nga kona.
- 14 Na Josefa i wa te ngalo ka bona, Lezo hi lezo nzi wulileko ka nwina, nzi ku, Nwina mu tihloli:
- 15 Hi ka lexi nwina mu ta hlolwa: hi wutomi ga Faro nwina mu nga ta suka laha, saseka loku a nakuloni wa nwina loyi wa tsongwani a ta laha.
- 16 Rumani munwe wa nwina, nga aya teka nakuloni wa nwina, nwina mu ta bohwa, kasi timhaka ta nwina, ta fela ku hlolwa, lezaku tinene nzeni ka nwina ke: kutani hi klelo hi wutomi ga Faro hakunene nwina mu tihloli.
- 17 Yena i wa lo ba engenisa katiglwwe bonkle lomo paxweni masiku manharu.
- 18 Josefa i wa te ngalo ka bona hi siku ga manharu, Mahani loku, mu ta hanya: hakuba nza caba Nungungulu:
- 19 Loku nwina mu hi banhu ba zenene, nga munwe wa bamakabye ba nwina a bohiwa lomo ndlwini ya nwina ya paxo; kanilezi yanani nwina, rwalani mabele hakuba hi ndlala lomo tindlwini ta nwina:
- 20 Mu neha nakuloni wa nwina tso-ngwani laha ka mina; zingaho a timhaka ta nwina ti ta ba ti hi zine-ne ni nwina mu nga tafa. Ba wa lo maha za ku ngaho.
- 21 Bona ba wa te ngalo ka munwe ni munwani, Hina hi zinene hi gohile hi nakuloni wa hina, laho ni nga wona makombo ya muhefemulo wakwe, laho a nga wa hi kongotele hina, hi wa nga hi nga ingisi; hikwalaho legi kombo gita hehla ka hina.
- 22 Na Rubeni i wa lo ba hlamula bona, aku, Nzi wa nga wulangi ka nwina, na nziku, Mu nga mahi kuonha hi ka xihlangana; na nwina mu wa nga mu ngazwi? hikwalaho kambe, langutani, nkata wakwe wa labyiwa.
- 23 Bona ba wa nga zi tibi lezaku Josefa i wa lo bazwa; hakuba ku wa hi kona muklamuseli zikari kabye.
- 24 I wa lo hunzuluka a wutsumbu gabye ka bona, i wa lo rila; na yena i wa lo klelela ka bona, i wa lo wulawula ka bona; i wa teka Simeoni le xikari kabye, i wa lo mu boha mahlwani ka mahlo yabye.
- 25 Zonake i wa lo laya ku tatisa zibya zabye hi mabele, ni klelisa mali ya loyi ni loyi munhu lomo sakweni yakwe, ni ku ba nyika a mbuba ya ndlela: na si wa ngaho ku lo mahiwa kabye.
- 26 Na ba lo rwexa a timbongola tabye hi mabele, ba lo suka leyo.
- 27 Ni kwatsi hi lezi munwe wabye a nga wa vulula sakwa yakwe a ku nyika mbongola yakwe a kuga wutsanweni ba nga wa eklele ka gona, yena i wa kamba mali yakwe; ni, languta, yi wa hi nonwini wa sakwa ya yena.
- 28 Na yena i wa te ngalo ka banakulobye bakwe, A mali ya mina ma klelisile ni, mangabye, ma lomu sakwe-

ni ya mina : ni timbilu tabye ti wa lo hluleka ka bona, ba lo hunzuluka ba rurumela ka munwe ni munwani, na baku : Za ku yini lezi Nungungulu a zi mahileko ka hina ?

29 Bona ba wa lotta ka Jakobe raru wabye lomo tikweni ga le Kenani, ba wa lo mu byela zonkile lezi zi nga wa ba humelele bona, na baku,

30 A munhu, a hosi ya tiko, i wa lo wulawula hi kuzangarisilweko ha hina, i wa lo hi teka kota tihloli ta tiko.

31 Hina hi wa te ngalo ka yena, Hina hi banhu ba zinene; hina a hi tihloli;

32 Hina hi bamakabye ba kume ni bambiri, a bana ba raru wa hina; munwe a na nga kona, ni loye wa tsongwani i lo sala ni raru wa hina nyamukla le tikweni ga le Kenani.

33 Ni munhu, a hosi ya tiko, i wa te ngalo ka hina, Hi ka lexi nzi ta mu tiba leaku mu banhu ba zinene : siyani munwe wa nakuloni ba nwina zinwe na mina, mu teka mabele ya ndlala leyi yi nga tindlini ta nwina, mu ti fambela;

34 Muya neha nakuloni wa nwina loyi wa nzisana ka mina : zonake nzi ta zi tiba mina lezaku nwina a mu tihloli, kanilezi nwina mu banhu ba zinene : zingaho nzi mu ta klatlisela nakuloni wa nwina, mu ta xaba lomo tikweni.

35 Na ku mahisile lezo kota lezi ba nga wa pumunhile tisakwa tabye, lezaku, lunguta, yonkilelele a mifunge ya mali yi wa hi ka sakwa ya loyi ni loyi : laha bona ni raru wabye ba nga wa wonile a mifunge ya mali, bona ba wa lo caba.

36 Na Jakobe raru wabye i wa te ngalo ka bona, Ma nzi tekela mina a bana ba mina : Josefa a nga kona, na Simeoni a nga kona, nwina mu ta teka na Benjamini. Zonkile lezi zilo zi vukela mina.

37 Na Rubeni i wa lo wulawula ka raru wakwe, naku, Daya a bana ba mina ba bambiri, loku nzi nga mu nehi kambe ka wena : mu nyike canjeni ga mina nzi ta mu klatlisela ka wena kambe.

38 Na yena i wa te ngalo, A nwananga a nga ta relela a famba na nwina; hakuba a nakulobye i file, hi yena yece a seleko : loku a mhangho yi mu humela le ndleleni mu fambako

ha yona, zonake mu ta neha a wuvu ga mina hi kuxaniseka le Xeole.

XIPIMO 43.

1 Ni ndlala yi wa la su tsingisa lomo tikweni.

2 Na ku mahisile lezo, laha ba nga wa gile ba mbeta a mabele laya ba nga wa ma nehile hi le Gipite, ni raru wabye i wa te ngalo ka bona, Yana ni kambe, muya hi xabela a kugana kutsongwanyani.

3 Na Juda i wa lo wulawula ka yena, naku, A wanuna hi kutiyisisilweko, i wa la su wula, zi tibeka ka hina, Nwina mu nga ta wona ngohe ya mina, saseka loku a nakuloni wa nwina i ta ba zinwe na nwina.

4 Loku wena u ruma nakuloni na hina, hi ta relela hiya xabela wena zakuga;

5 Kanilezi loku wena u nga mu rumeli yena, hina hi nga ta relela hiya; hakuba a munhu i wa te ngalo ka hina, Nwina mu nga ta wona a ngohe ya mina, saseka loku a nakuloni a nga na hi zinwe na nwina.

6 Na Israeli i wa te ngalo, Ngahilezo mu mahileko kubihha ka mina, kota lezi mu nga byela munhu lezaku mu wa hahi ni nakuloni mufana kambe ?

7 Na bona ba wa te ngalo, A munhu i wa lo wutisa hi ku xungetisisilweko ka wutsumbu ga hina, ni ka lixaka la hina, na eku, A raru wa nwina wa ha hanya ke ? mu naye munwani nakuloni ke ? hina hi wa lo mu byela tsonameto wa leti timhaka : hi wa nga ka hi zi tiba lezaku i wa ta nga yena aku, Tekani nakuloni mu relela muta naye ke ?

8 Na Juda i wa te ngalo ka Israeli a raru wakwe, Rumela mufana zinwe na mina, hina hi ta suka hi famba; kasi ha fela ku hanya, hi ngafi, honkile hina, na wena, ni banana ba hina.

9 Nzi ta maha zinene ha yena; le canjeni ga mina wena u ta mu wutisa; loku mina nzi nga mu wuyisi kambe ka wena, nzi mu beka mahlweni ka wena, zonake nga mina nzi rukwe kala ku pinzuka.

10 Hakuba loku hi wa nga hlwelangi, nga makunu hi nga wuyele zikati zimbiri.

11 Ni raru wabye Israeli i wa te ngalo kabye, Loku zi nga zi hi lezo makunu, mahani lexi : tekani mihango

- yi hlawulilweko ya tiko lomo zibye-
ni za nwina, mu rwala mu relela
nazo a zinyikiwo za munhu, a hla-
kati yi tsongwani, ni wulombe wu
tsongwani, ni maka, ni mure, tima-
nga, ni ma almonde ;
- 12 Tekani mali yi engetilweko canjeni
ga nwina ; ni mali leyi yi nga wa
wuyile kambe le milonwini ya ti-
sakwa ta nwina rwalani kambe ca-
njeni ga nwina ; kutani ku wa lo
hohetwa.
- 13 Tekani nakuloni kambe, mu suka,
muya kambe ka loye munhu ;
- 14 Nungungulu wa Ntamowonke a
mu nyike a titralo ka munhu, kasi
wa fela ku mu klaklisela a makabye
muzwani wa nwina na Benjamini.
Loku nzi tekewe banana ba mina,
nzi tekewa.
- 15 Ni ba banuna ba wa lo teka a xi-
nyikiwo lexo, ba lo teka a mali yi
engetilweko canjeni gabye, na Be-
namini ; ba lo suka, ba loya relela
baya Gipite, ba lo yima mahlweni
ka Josefa.
- 16 Ni laha Josefa a nga wa wonile
Benjamini zinwe nabo, i wa te nga-
lo i nekwa ya yindlu ya yena. Ba
nehe banhu laba lomu ndlwini, ni
ku alaba, ni ku longisa ; hakuba a
banhu laba ba taga na mina laha
muzwini.
- 17 Ni munhu i wa lo maha kwatsi hi le-
zi Josefa a nga wa layile, ni munhu
i lo ba neha a banhu lomu ndlwini
ya Josefa.
- 18 Ni banhu ba wa lo caba, hakuba ba
wa lo nehwa le ndlwini ya Josefa ;
na bona ba wa te ngalo, Hakuba hi
mali leyi na hi nga ma klelile nayo
lomo tisakweni ni ta hina xikatini
xo ranga hina ha engiswa lomu ; le-
zaku i wa laba a xipinga xo vukela
hina, a wela hehla ka hina, ni ku hi
teka hi be tikumbi, ni timbongola ta
hina.
- 19 Na bona ba wa lota ka nekwa ya yi-
ndlu ya Josefa, ba wa lo wulawula
ka yena le nyangweni ya yindlu,
- 20 Na ba te ngalo, O, hosi ya mina, ha
kunene hi relele hi ta kuranga ku ta
xaba zakuga :
- 21 Na ku mahisile lezo, laha na hi tile
wutsanweni go eklela, lezaku hi wa
lo vulula a tisakwa ta hina, ni, la-
nguta, yonklelele mali ya loyi ni loyi
i wa hi nonwini wa sakwa yakwe, a
mali ya hina ya ha kotile kuringa-

- niswa ka yona : hina hi yi nehile ka-
mbe canjeni ga hina.
- 22 Ni yinwani mali hi yi nehile canje-
ni ga hina ku ta xaba zakuga : hina
a hi mu tibangi loyi a nga klela a
cela mali ya hina tisakweni ta hina.
- 23 Yena i wa te ngalo, A kurula nga
ku hi ka nwina, mu nga cabi : Nu-
ngungulu wa nwina, ni Nungungu-
lu wa raru wa nwina, i wa lo mu
nyika a tsomba tisakweni ta nwina :
nzi wa hi ni mali ya nwina. I wa lo
humesa Simeoni ka bona.
- 24 Ni munhu i wa lo neha ba banuna
lomu ndlwini ya Josefa, ba wa lo ba
nyika a mati, ba wa lo hlaza a miko-
nzo yabye ; i wa lo nyika timbongola
kuga ka tona.
- 25 Na bona ba wa lo longisela xinyiki-
wo kasi xi kohlana ni ku wuya ka
Josefa laha muzwini : hakuba ba
wa zwile lezaku ba taga zibaba laho.
- 26 Ni laha Josefa a nga wa wuyile ka-
ya, bona ba wa lo neha ka yena xi-
nyikiwo lexi xi nga wa hi canjeni
gabye lomu ndlwini, ba lo korama
wutsumbu gabye ka yena laha misa-
beni.
- 27 Yena i wa lo ba wutisa bona a ku-
hanya kabye kwatsi, i wa te ngalo,
A raru wa nwina wa hanya ke, a
munhu wa kale loye mu nga wa
wulawulile ha yena ke ? Wa ha hi
kona ke ?
- 28 Na bona ba te ngalo, A nanza ga
wena a raru wa hina, watsi, wa ha
hi kona. Bona ba lo koramisa ti-
hloko, ba lo maha kukongela.
- 29 Yena i wa lo klakusa mahlo ya ye-
na, i lo wona Benjamini a makabye
wa yena, nisananya wa nyine wa-
kwe, i wa te ngalo, Hi yena loyi a
nakuloni wa nwina wa tsongwani
ke, loyi mu nga wa wulawulile ha
yena ka mina ? Yena i wa te ngalo,
Nungungulu nga a hi ni wuxinji ka
wena, nwananga.
- 30 Na Josefa i wa lo haklisa ; hakuba a
kumbilukela kakwe : wa xuba ma-
kabye wakwe : yena i wa laba laho
a nga rilako kona ; yena i wa lo
engena lomo ndlwini yakwe, i wa
lo rila lomo.
- 31 Yena i wa hlaza ngohe yakwe, i wa
lo huma ; i wa lo ti tsimbeta wutsu-
mbu gakwe, i wa te ngalo, Nehani
za kuga.
- 32 Bona ba wa lo mu nyikela a wutsu-
mbu gakwe, na bona hi wutsumbu

gabye, ni ba Gipiti, labo ba nga waga zinwe naye, hi wutsumbu gabyewo: hakuba a ba Gipiti ba wa ta nga ba ngagi zibaba ni ina Heberu; hakuba lezo zinyenyeko ka ba Gipiti.

33 Bona ba wa lo tsama mahlweni ka yena, a matewula kota hi wutewula gakwe, ni tsongwanyani ku kota hi wutsongwani gakwe: ni banhu ba wa lo damiswa hi munwe ni munwani.

34 I wa lo teka a pamela bona lezi zi nga wa hi mahlweni kabye: kanilezi Benjamini i wa lo pamelwa nkla-nu ku engetilweko ku hunza bonkle babye. Bona ba wa lonwa, ni ba lo tsaka zinwe naye.

XIPIMO 44.

1 Yena i wa lo laya a nekwa ya yindlu yakwe, aku, Tatisa a tisakwa ta banhu kuga, kota lezi bona ba kotako ku rwala, ni ku beka ya bonklelele mali ya loyi ni loyi lomo nonwini wa sakwa yakwe.

2 Na u beka kopo ya mina, a kopo ya siliva, lomo nonwini wa sakwa ya loyi tsongwani, ni mali ya yena ya mabele. Na yena i wa lo maha kwatsi hi mhaka leyi Josefa a nga wa wulawulile.

3 Kota lezi lokuloku gi nga wa ha kuka ni mixo, a banhu ba wa lo fambiswa, bona ni timbongola tabye.

4 Laha na ba humele lomu mutini, na ba wa nga hi kule nguvu, Josefa i te ngalo ka nekwa ya yena, Haklisa, u lanzela banhu; laha na wena na u ba kumile, u taku ka bona, Ngahilezi nwina mu klelilele hi kubiha kusaseka ke?

5 Leyi a hi yona a hosi ya mina yi nwako ha yona ke, leyi a bulabo ha yona ke? nwina mu mahile kubiha hi ku maha lezo.

6 Na yena i wa lo ba kuma, na yena i wa lo wulawula babye leti timhaka.

7 Na bona ba te ngalo ka yena, Ngahilezi u wulawulela yini leti timhaka hosi ya hina ke? nga ku nga hi kule kona ka malanza ya wena ba nga ku maha ku xilo xa ku ngahi.

8 Languta, ni mali, leyi hi nga wa yi kumile lomo milonwini ya tisakwa ta hina, hi wa lo yi neha kambe hi le tikweni ga le Kenani: hi wa ta nga hi yibisa ku yini le ndlwini ya hosi ya wena a siliva kutani nzalama ke?

9 Kani hi ka wihi wa nanza ga wena yi kumiwako, nga yena afa, hina-wu kambe hi ta maha tikumbi ta hosi ya hina.

10 Na a wa te ngalo, Makunu nga ku maha kota a timhaka ta nwina: ni wihi yi ta nga kuniwa ka yena i ta maha kumbi ya mina, nwina mu ta nga bi na nanzu.

11 Bona ba wa lo haklisa, ba rula sakwa ya loyi ni loyi misabeni, ni ku vulula a munhu ni munhu sakwa yakwe.

12 Na a wa kambe, i wa lo sangula hi ka nhonzwa, kala aya cikela ka loyi wa tsongwani: ni kopo yi wa lo kunwa lomo sakwini ya Benjamini.

13 Zonake ba wa lo hanzula tinguwo tabye, i wa lo kilela loyi ni loyi a mbongola yakwe, ba klelela mutini.

14 Juda ni bamakabye bakwe ba wa lota le ndlwini ya Josefa; yena i wa ha hi laho: ba lowa mahlweni kakwe laha misabeni.

15 Na Josefa i wa te ngalo ka bona, Ximaho muni nwina lexi mu xi mahileko? a mu zi tibi lezaku a munhu wo nga hi mina wa kota ku vumba ke?

16 Na Juda i wa te ngalo, Hi ta wula yini ka hosi ya mina ke? hi ta wuluwula yini? hi ta pendlisa ku yini wutsumbu ga hina? Nungungulu i lo kuma kugoha ka malanza ya wena: languta, hina hi tikumbi ta hosi ya mina, hina honkle, na yena loyi a kopo yi kumilweko canjeni gakwe.

17 Na yena i wa ngalo, Nga lexo xihile kule na mina ku maha za ku ngaho: Munhu loyi a kopo yi nga wa kumilwe, yena i ta maha kumbi ya mina; kanilezi kwatsi ha nwina, ti fambeleni hi kurula ka raru wa nwina.

18 Zonake Juda i wa lota ku suhi naye, i wa te ngalo, O, hosi ya mina, nga a nanza ga wena, nza kombela wena, gi wulawula mhaka ndlebeni ya hosi ya mina, nga a zanga ya wena yi nga vuri ka nanza ga wena; hakuba wena hambu ku kwatsi hi yena Faro.

19 A hosi ya mina yi wa lo wutisa a malanza yakwe, yiku, Mu na ni raru ke, ni makabye ke?

20 Hina hi wa te ngalo ka hosi ya hina, Hi na ni raru, wa xikosana, ni xi-

hlangana xa tanga yakwe ya kale, wa tsongwanyani; ni nakulobye i lofa, hi yena yece a fileko ka nyine wakwe; ni raru wakwe wa mu ranza.

21 Wena u wa te ngalo ka malanza ya wena, Relelani mu neha ka mina, kasi nza fela ku hafula mahlo ya mina nzi wona yena.

22 Hina hi wa te ngalo ka hosi ya mina, A mufana a nga kota ku siya a raru wakwe: hakuba loku a siya raru wakwe, a raru wakwe, i ta ngafa.

23 Wena u wa te ngalo ka malanza ya wena, Saseka loku a nakuloni wa nwina wa tsongwani a relela ata zinwe na nwina, nwina mu nga ta wona ngohe ya mina kambe.

24 Na ku mahisile lezi laha na hi kanziyile hita ka nanza ga wena a raru wa hina, hina hi wa lo mu byela a timhaka ta hosi ya mina.

25 Na dadani i te ngalo, Yanani kambe, mu ya hi xabela kugana ku tso-
ngwani.

26 Hina hi wa ngalo, Hina a hi na ku relela hiya: loku a nakuloni wa hina wa tsongwani a nga hi zinwe, na hina hi ta relela hiya; hakuba hi nga ta wona a ngohe ya munhu, saseka loku a makabyana wa hina a hi zinwe na hina.

27 Ni nanza ga wena a raru wa hina i wa te ngalo ka hina, Nwina ma ziti-
ba lezaku a sati wa mina i wa la trala barisanyana bambiri:

28 Ni muawe i wa lo huma a suka hi le ka mina, mina nzi wa te ngalo, Ha kunene yena i wa pfemulwe fufanyi; mina a nzi mu wonangi cima ka lezo.

29 Ni loku nwina mu teka loyi hi le ka mina, ni mhango yi mu humelela yena, nwina mu ta relela mu neha a wuvu ga mina hi kuxaniseka le Xeole.

30 Makunu laha nzi ngata ka nanza ga wena raru wa mina, ni mufana na nga hi zinwe na hina; na u wona lezaku wutomi gakwe gi bohilwe gi wutomi ga mufana;

31 Ku taku na ku mahisile lezo, laha na wona lezaku a mufana a nga kona zinwe na hina, lezaku yena i tafa: ni malanza ya wena ma ta relelisa a wuvu ga nanza ga wena raru wa hina hi kuxaniseka le Xeole.

32 Hakuba malanza ya wena ma wa la

su ba tiyisa ka raru wa mina hi kota ya mufana, maku, Loku nzi nga mu nehi kambe ka wena, nzi ta rwala nzukano ka dadani kala ku pinzuka.

33 Makunu hikwalaho, nga nanza ga wena, nza ku kombela wena, gi sala ku maha kumbi ya hosi ya gona wutsanweni ga mufana; nga mufana a kanziha a famba ni bamakabye bakwe.

34 Hakuba nzi ta fambisa ku yini ka dadani, loku a nga a mufana a nga hi na mina ke? nzi nga ta ku nzi wona kubiha ku ta nga huma ka dadani wa mina.

XIPIMO 45.

1 Zonake Josefa i wa nga a nga ti tsimbetangi a wutsumbu gakwe mahlweni ka bona bonkle laba ba nga wa yini le ka yena; yena i wa lo laya, Humesani bonklelele ba huma ka mina. Laho ku wa nga yimangi munhu ka yena, zalezo na Josefa na ha tibekisa a wutsumbu gakwe ka bamakabye bakwe.

2 Yena i wa lo rila a kanyuluka: ni ba Gipiti ba wa lozwa, ni yindlu ya Faro yi wa lozwa.

3 Na Josefa i wa te ngalo ka bamakabye bakwe, Nzi mina Josefa; dadani wa mina i kona ke? ni bamakabye bakwe ba wa nga ba nga zi koti ku mu hlamula; hakuba bona ba wa dzebetana mahlweni ka yena.

4 Na Josefa i wa te ngalo ka bamakabye ba yena, Tsinelani ku suhane na mina, nza mu kombela. Na bona ba wa lota ku suhane. I wa te ngalo, Nzi mina Josefa nakuloni wa nwina, loyi nwina mu nga mu xabisa le Gipite.

5 Ni makunu mu nga zangariswi, ge mu nga bi ni kulo wutsumbyini ga nwina, lezaku mu lo nzi xabisa laha: hakuba Nungungulu i rumele mina mahlweni ka nwina ku lonzowota wutomi.

6 Hakuba laya malembe mambiri a ndlala yi kariko yi hi kona lomu tikweni ka ha hi kona kambe a nlanu wa malembe, laho ku ta nga kala ku nga hi kona kurima hambu ni kuhula.

7 Na Nungungulu i wa lo rumela mina mahlweni ka nwina ku ta lonzowota misasela ya nwina lomu misabeni, ni ku ta hanyisa wutomi ga hi ku klakliswa ka hombe.

- 8 Zingaho a hi *nwina* mu nga nzi ru-
mela laha, kanilezi Nungungulu: na
yena i nzi mahile nzi maha raru ka
Faro, ni hosi ya yindlu yakwe
yonkle, ni mufumeli behla ka tiko
gonkle ga Gipite.
- 9 Haklisani, *nwina* mu kanziya muya
ka dadani wa mina, mu yaku ka
yena. Za ku ngahi a zi wulako Jo-
sefa a *nwana* wa wena, Nungungu-
lu i nzi mahile a mufumeli wa tiko
ga Gipite gonkle: relekani muta ka
mina, mu nga hiweli;
- 10 Na wena u ta aka lomu tikweni ga
le Goxeni, wena u ta ba ku suhani
na mina, wena, ni bana ba wena, ni
banata ba bana ba wena, ni mikla-
mhi ya wena, ni tibomu ta wena, ni
lezi zonkle wena u nga nazo:
- 11 Leho nzi ta ku wunola kona wena;
hakuba ma ha hi kona a nklanu wa
mahlebe ya nola; u nga taku u
cikela ku vumaleni, wena, ni nga-
ngo wa wena, ni konkle loku u nga
nako.
- 12 Ni languta, a mahlo ya *nwina* ma
wona, ni mahlo ya makabyana wa
mina Benjamini, lezaku hi nomu wa
mina nzi wulawula ka *nwina*.
- 13 Mu ta byela dadani hi wuhosi ga
mina lomu Gipite, ni zonkle lezi
mu zi wonileko: *nwina* mu ta ha-
Alisa mu relela mu neha dadani
laha.
- 14 Yena i wa lo wela nhasweni ya ma-
kabyana wakwe Benjamini, i wa lo
rila; na Benjamini i wa lo rila nha-
sweni yakwe.
- 15 Yena i wa lo trotra bonkle bamaka-
bye ba yena, i wa lo ba rilela: nzako
ka lezo a bamakabye bakwe ba wa
lo wulawula ziawe naye.
- 16 Ni mubiko lowo wu wa zwilwa le
nolwini ya Faro, baku, a bamakabye
ba Josefa ba tile: zi wa lo xalalisa
Faro kwatsi, ni malanza ya yena.
- 17 Na Faro i wa te ngalo ka Josefa.
Wula ka bamakabye ba wena, Lezi
mahani *nwina*: yi-sani zibari za nwi-
na, fambani, mu ya le tikweni ga
Kenani;
- 18 Muya teka a raru wa *nwina* ni mi-
ngango ya *nwina*, muta ka mina:
mina nzi ta mu nyika kusaseka ka
tiko ga le Gipite, *nwina* mu taga a
kunona ka tiko.
- 19 Makunu wena u layilwe, mahani le-
zi *nwina*: tekani a tikareta ta lomo
tikweni ga Gipite ka banana ba *nwi-*

na, ni basati ba *nwina*, ni raru wa
nwina, muta.

- 20 Kambe mu nga celi kota hi nhunzu
ya *nwina*: hakuba kusaseka ka tiko
ga le Gipite konkle ka *nwina*.
- 21 Ni bana ba Israeli ba wa lo maha,
lezo: na Josefa i wa lo maha tikare-
ta, kwatsi hi kulaya ka Faro, i wa
lo ba nyika a timbuba ta ndlela.
- 22 Ni ka bona bonkle i wa lo ba nyika
a tinguwo ta ku hendleletana; ka-
nilezi ka Benjamini i wa lo mu nyi-
ka, a mazana manharu ya ripanze
za siliva, ni nklanu wa ku hendlele-
tana ka tinguwo.
- 23 Ni ka raru wakwe yena i wa lo ru-
mela kota lezi: kume ga timbongo-
la ni ti hi ni mirwalo ya zilo so sase-
ka za tiko ga Gipite, kume ga ma-
trele ya timbongola na ti rwele a
mabele ni zibaba ni mbuba ya raru
wakwe laha ndleleni.
- 24 Zingaho i wa lo rumela bamakabye
bakwe, ba lo famba; bona ba wa lo
suka yena i wa te ngalo kabye, Wo-
mani mu nga holoba laha ndleleni.
- 25 Bona ba wa lo kanziya ba huma hi
le Gipite, ba wa lota le tikweni ga le
Kenani ka Jakobe raru wabye.
- 26 Ba wa lo mu byela, baku, Josefa wa
ba hi kona, yena i hosi behla ka ti-
ko gonkle ga le Gipite. Ni mbilu
ya yena yi lo hluleka, hakuba a nga
ba kolwangi.
- 27 Na bona ba wa lo mu byela tonkle
timhaka ta Josefa, leto ba nga wa ti
wulawulile ka bona: ni laha a nga
wa wonile tikareta leti Josefa a nga
wa rumela kuya mu rwala, ni moya
wa Jakobe raru wabye u wa lo vu-
xiwa:
- 28 Na Israeli i wa te ngalo, Ku enele;
Josefa a *nwananga* wa ha hanya:
mina nzi taya mu wona hi mahlwe-
ni na nzi nga se kufa.

XIPIMO 46.

- 1 Na Israeli i wa lo teka lwenzo la-
kwe ni konkle loku a nga wa hi na-
ko, i wa lota cikela le Berexeba, i
wa lota nyikela mupahlelo ka Nu-
ngungulu wa raru wakwe Isaka.
- 2 Na Nungungulu i wa lo wulawula
ka Israeli hi muwoniso wa wusiku,
na a wa te ngalo Jakobe, Jakobe.
Na yena na a wa te ngalo, Mina nzi
laha.
- 3 Yena i wa te ngalo, Nzi mina Nu-
ngungulu, a Nungungulu wa raru

- wa wena : u nga cabi ku relela uya le Gipite ; hakuba leyo hi leyo nzi ta nga ku maha u maha mufumo wa hombe :
- 4 Mina nzi ta relela nzi famba na wena le Gipite ; ha kunene mina nzi ta ku ba kanziyisa nzi ku neha leno kambe : na Josefa i ta beka a canja gakwe hehla ka mahlo ya wena.
- 5 Na Jakobe i wa lo suka hi le Bere-xeba : ni banana ba Israeli ba wa lo rwala Jakobe raru wabye, ni bana-babye ni basati babye, lomo tika-reteni leto Faro a nga wa ti rumele ku ya mu rwala.
- 6 Bona ba wa lo teka a tihomu tabye, ni nhunzu yabye, leyi ba nga wa yi kumile lomo tikweni ga le Kenani, ba lota le Gipite, Jakobe, ni mbe-wu yakwe zinwe naye :
- 7 A bana bakwe, ni bana ba bana bakwe bona zinwe naye, ni banhanya-na bakwe, ni banhanyana ba bana bakwe, ni yonkle mbewu yakwe yena i wa lo yi neha le Gipite.
- 8 Laya hi mabito ya banana ba Isra-ell, laho ba ngata le Gipite, Jakobe ni bana bakwe : Rubeni, matewula ya Jakobe.
- 9 Ni banana ba Rubeni : hi Hanoke, na Palu, na Hezroni, na Karmi.
- 10 Ni banana ba Simeoni ; Jemueli, na Jamina, na Ohade, na Jaxina, na Zohare, na Xaule a nwana wa a sati wa mu Kenani.
- 11 Ni banana ba Levi : Gerxoni, Kohate, na Merari.
- 12 Ni bana ba Juda : Ere, na Onane, na Xela, na Perezi, na Zera ; kanile zi Ere na Onane ba wa lofa lomo tikweni ga le Kenani. Ni banana ba Perezi hi Hezroni na Hamula.
- 13 Ni banana ba Isakare : Tola, na Puva, na Ioba, na Ximroni.
- 14 Ni banana ba Zebuluni : Serede, na Eloni, na Jahlela.
- 15 Laba hi bana ba Lea, labo a nga tralele Jakobe le Padanaramu, zinwe na Dina nwana : yonkle mihefemulo ya barisanyana bakwe ni banhanyana ba yena yi wa hi makume manharu ni manharu.
- 16 Ni banana ba Gadi : Zifioni, na Hagi ; na Xuni, Ezboni, na Eri, na Arodi, na Areli.
- 17 Ni banana ba Axeri : Imna, na Ixvaha, na Ixhivi, na Beria, na Sera, a makweru wabye ; ni banana ba Beria : Hebere, na Malkieli.
- 18 Laba hi banana ba Zilpa, loyi Labani a nga wa nyikile ka Lea nwana wakwe, laba yena i wa lo tralela Jakobe, yona mihefemulo ya kume ni nklanu ni muzwe.
- 19 A barisanyana ba Raceli kata wa Jakobe : Josefa, na Benjamini.
- 20 Ni ka Josefa le tikweni ga le Gipite ku wa lo tralwa Manasa na Efraime, labo Asenate, nwana wa Potifera mupristi wa le One, a nga wa mu tralele.
- 21 Ni banana ba Benjamini : Bela, na Becera, na Axbeli, na Gera, na Nambani, na Ehi, na Roxa, Mupima, na Hupima, na Arda.
- 22 Laba hi bana ba Raceli, laho ba nga wa trelwe ka Jakobe : yonkle mihefemulo yi wa hi kumi ni mune.
- 23 Ni banana ba Dani : Huximu.
- 24 Ni banana ba Naftali : Jahezeli, na Guni, na Jezera, na Xilema.
- 25 Laba hi banana ba Bilha, loyi Labani a nga nyika ka Raceli a nwana wa yena, laba hi bona a nga tralela Jakobe : yonkle mihefemulo nklanu ni mimbiri.
- 26 Ni yonkle mihefemulo leyi yi nga wa tile na Jakobe le Gipite, leyo yi nga wa humile hi xiwunwini xakwe, hi le handle ba basati ba ka Jakobe, yonkle mihefemulo yi wa hi nklanu wa makumi ni ginwe ni nklanu ni muzwe ;
- 27 Ni banana ba Josefa, laba ba nga wa tralelwe lomo Gipite, ba wa hi mihefemulo mimbiri : yonkle mihefemulo ya yindlu ya Jakobe, leyo yi nga wa tile le Gipite, yi wa hi nklanu wa makumi ni makume mimbiri.
- 28 Na yena i wa lo rumela Juda mahlweni ka yena ka Josefa, ku kombisa ndlela mahlweni ka yena kuya Goxeni ; na bona ba wa lota le tikweni ga le Goxeni.
- 29 Na Josefa i wa lo longisa a kareta yakwe, i wa lo kanziya a kinga Israeli a raru wakwe, le Goxeni ; i wa lo ti wonkelisa wutsumbu gakwe ka yena, i wa lo wela nhanweni yakwe i wa lo rila le nhanweni yakwe a xikati xo leha.
- 30 Na Israeli i wa te ngalo ka Josefa, Makunu nga nzifa, cima nzi wonileko a ngohe ya wena, lezaku wena wa ha hi kona.
- 31 Na Josefa i wa te ngalo ka bamakabye bakwe, ni ka yindlu ya raru wakwe, Nzi ta kanziya, kuya byela Fa-

ro, ni ku ka yena, A bamakabye ba mina, ni yindlu ya raru wa mina, labo ba nga wa hi le tikweni ga le Kenani, ba tile ka mina;

- 32 Ni banhu mbarisi, hakuba bonambafuyi ba tihomu; bona ba nehile miklambi yabye ni tihomu tabye, ni zonkle lezi ba nazo.
- 33 Na ku mahisile lezo, laha Faro a ta nga bitana nwina, i ta ku ngalo, Hi yini a tiro wa nwina?
- 34 Lezaku nwina mu taku, A malanza ya wena mbarisi ba tihomu ku sukela wunwananeni gabye kala makunu, hina honkle, ni bararu ba hina: kasi ma fela kuaka lomo tikweni ga le Goxeni; hakuba bonkle barisi ba hi zinyenyeko ka ba Gipiti.

XIPIMO 47.

- 1 Zonake Josefa i wa lo famba a ya byela Faro, i wa te ngalo, A raru wa mina ni bamakabye ba mina, ni miklambi yabye, ni tihomu tabye, ni zonkle lezi ba nga nazo, ba tile ba huma hi le tikweni ga le Kenani; ni, languta, bona ba lomo tikweni ga le Goxeni.
- 2 Hi le xikari ka bamakabye bakwe i wa lo teka ntlanu wa ba banuna, i wa lo ba yimisa ka Faro.
- 3 Na Faro i wa te ngalo ka bamakabye bakwe, Hi yini a tiro wa nwina? bona ba te ngalo ka Faro, A malanza ya wena mbarisi, honkle hina, ni bararu ba hina.
- 4 Na bona ba wa te ngalo ka Faro, a kuta lubela lomu tikweni hina hi tile; hakuba leyo a ku kona a wuriselo ga miklambi ya malanza ya wena; hakuba a ndlala yi tsingile lomo tikweni ga le Kenani: makunu hikwalaho, ha kombela wena, nga malanza ya wena ma aka tikweni ga le Goxeni.
- 5 Na Faro i wa lo wulawula ka Josefa, aku, A raru wa wena ni bamakabye ba tile ka wena:
- 6 Ni tiko ga le Gipite gi le mahlweni ka wena; lomu tikweni gi sasekileko maha raru wa wena ni bamakabye ba wena ba aka tikweni; ga Goxeni lomu nga bona ba aka: ni loku u tiba a banhu ba mitiro xikari kabye, zonake maha bona ku fumela miklambi ya mina.
- 7 Na Josefa i wa lo engenisia Jakobe raru wakwe, i wa lo mu yimisa ma-

hlweni ka Faro: na Jakobe i wa lo katekisa Faro.

- 8 Na Faro i wa te ngalo ka Jakobe, Mangani masiku ya malembe ya wutomi ga wena ke?
- 9 Na Jakobe i wa te ngalo ka Faro, A masiku ya malembe ya kubunza ka mina i zana ni makume manharu: kutsongwani ni kubiha ku nga wa kari ku hi masikwini ya malembe ya wutomi ga mina, wona a ma cikelangi ka masiku ya malembe ya wutomi ga bararu ba mina masikwini ya kubunza kabye.
- 10 Na Jakobe i lo katekisa Faro, i wa lo huma mahlweni ka Faro.
- 11 Na Josefa i wa lo akisa a raru wakwa ni bamakabye bakwe, i wa lo ba akisa tiko tikweni ga le Gipite, lomo tikweni go saseka, lomu tikweni ga le Ramese, kwatsi hi ku laya ka Faro.
- 12 Na Josefa i wa lo wundla a raru wakwe, ni bamakabye bakwe, ni ngango wonkle wa raru wakwe, hi zibaba, kwatsi hi mingango yabye.
- 13 Ni laho ku wa nga hi kona zibaba lomo tikweni gonkle: hakuba a ndlala yi wa tsingile nguvu, lezaku a tiko ga Gipite ni tiko ga le Kenani gi wa lo hluleka hi kota ya ndlala.
- 14 Na Josefa i wa tsombanyisela yonkle a mali layi yi nga wa kumile lomu tikweni ga Gipite, ni lomu tikweni ga le Kenani, hi mabele laya ba nga wa xaba: na Josefa i wa neha a mali lomo ndlwini ka Faro.
- 15 Ni laha a mali yi nga wa mbelile lomo tikweni ga Gipite, ni lomo tikweni ga le Kenani, bonkle ba Gipiti ba wa lota ka Josefa, ba wa te ngalo, Hi nyike a zibaba: hakuba hi yini hi ta ngafa mahlweni ka wena? hakuba a mali ya hina yi mbetekile.
- 16 Na Josefa i wa te ngalo, Nyikani tihomu ta nwina; na minawu nzi ta mu nyika hi tihomu ta nwina, loku mu mbelelelwe hi mali.
- 17 Na bona ba wa lo neha a tihomu tabye ka Josefa; na Josefa i wa lo ba nyika a zibaba hi ku cicisana ni mahaxi, ni miklambi, ni tihomu, ni timbongola: yena i wa lo ba gisa hi zibaba hi ku ciciselana gonkle lego lembe.
- 18 Na laho lego lembe gi nga wa gumelwe, ba wa lota ka yena hi lembe ga wumbiri, ba te ngalo ka yena, Hi nga ta fihla le hosini ya hina, lezaku

- yi mbelisile ku yini mali ya hina, ni mklambe ya tihomu nja hosi ya mina; hi pumunhile zonkle mahlweni ka hosi ya mina, kanilezi a mimi-ri ya hina, a ni matiko ya hina:
- 19 Ngahilezo hina hi tafa mahlweni ka ya wena ke, honkle hina ni matiko ya hina? xaba hina ni matiko ya hina hi zibaba, hina ni matiko ya hina hi ta ba a malanza ka Faro: ni ku hi nyika mbewu, kasi ba fela ku hanya, hi ngafi, kasi a tiko gi nga hulukeli.
- 20 Zingaho Josefa i wa lo xabela tiko gonkle ga le Gipite ka Faro; hakuba a ba Gipiti ba wa lo xabisa bonklelele banhu a simu yakwe, hakuba a ndlala yi wa ba kubunyetile ba kanganyeka; tiko gi wa lo maha ga Faro.
- 21 Ni hi ka banhu, yena i wa lo ba susa kuya mitini kusukela ku gumelweni kunwe ka mbingano wa ba le Gipite ku kala kuya cikela kugumelweni kunwani ka kona.
- 22 Goce a saba ga bapristi yena a nga gi xabangi: hakuba bapristi ba na xiabelo hi le ka Faro, ba wa loga xiabelo xabye lexi Faro a nga wa nyika bona; ngahilezo a ba xabisangi saba gabye.
- 23 Zonake Josefa i wa te ngalo ka banhu, Langutani, mina nzi mu xabile nyamukla ni misaba ya nwina ya Faro: mangabye, hi leyi mbewu ya nwina, nwina mu ta byala misabeni.
- 24 Na ku mahisile lezo laba ku tsombanyiselani, lezaku mu ta nyika a ya wuklanu ka Faro, a xipanze xa wumune xi ta maha xa nwina benyi, a ku ba mbewu ya masimu, ni ku ba kuga ka nwina, na bona laba ba le mingangweni ya nwina, ni ku ba kuga ka banana ba nwina.
- 25 Na bona ba te ngalo, Wena u ponisile wutomi ga hina: nga hina hi kuma tomo kuwonweni ka hosi ya mina, hi na hi taba malanza ya Faro.
- 26 Na Josefa i wa lo ku maha kulaya lomo tikweni ga le Gipite kala nyamukla, lezaku Faro i ta teka a ya wuklanu, saseka tiko ga bapristi goce gi nga wa nga hi saba ga Faro.
- 27 Na Israeli i wa lo aka lomo tikweni ga le Gipite, le tikweni ga le Goxeni; bona ba wa lo kuma a saba gabye kona, ba wa la su trala ba

kupfe, ba wa lo anziswa hi ku enzelekisilweko.

- 28 Na Jakobe i wa lo hanya lomo tikweni ga le Gipite kume ni nklanu ni mambiri malembe: zingaho a masiku ya Jakobe, ni malembe ya wutomi gakwe, ma wa hi zana ni mune wa makume ni nklanu ni mambiri a malembe.
- 29 Xikati xi wa lo tsinela ku suhani lezaku Israeli i yimelwe hi kufa: i wa lo bitana a nwana wakwe Josefa, i wa te ngalo ka yena, Loku mina makunu nzi kumile a tomo mahlweni ka wena, engenisa, nza kombela wena, a canja ga wena lahasi ka hangaswa ga mina, u maha hi ku tralekileko ni ka zinene ba mina: u nga nzi lahli, nza kombela wena, lomo Gipite;
- 30 Kanilezi laba na nzi eklela ni bararu wa mina, wena u ta nzi rwala u nzi humesa lomu Gipite, u nzi kelela matsizeni yabye. Na yena i wa te ngalo, mina nzi ta maha kwatsi hilezi wena u wulileko.
- 31 Yena i wa te ngalo, Hlambanya ka mina: na yena i wa lo hlambanya ka yena. Na Israeli i wa korama wutsumbu gakwe le tihlokweni ta mubedi.

XIPIMO 48.

- 1 Na ku mahisile lezo a nzako ka lezi zilo, lezaku munwe i wa te ngalo ka Josefa, Languta, a raru wa wena wa babya: na yena i wa lo teka zizwe na yena barisanyana bakwe ha bambiri, Manasa na Efraime.
- 2 Ni munwe i wa lo byela Jakobe, na a wa te ngalo, Languta, a nwana wa wena Josefa wata ka wena: na a Israeli i wa lo ti tiyiseta wutsumbu gakwe, i wa lo tsama hehla ka mubedi.
- 3 Na Jakobe i wa te ngalo ka Josefa, Nungungulu Ntamowonkle i wa lo woneka ka mina le Luze le tikweni ga le Kenani, i wa lo nzi katekisa,
- 4 Na a wa te ngalo ka mina, Languta, nzi ku maha wena u trala wa anza, nzi ta enzelekisa wena, nzi ta maha ha wena a miklawa ya banhu, nzi ta nyika legi tiko ka mbewu ya wena a nzako ka wena a tsomba ya kupinzukela.
- 5 Ni makunu a barisanyana ba wena ha bambiri, laba ba nga wa tralelwa ka wena lomu tikweni ga Gipite hi

- mahlweni na nzi nga se kuta ka wena lomu Gipite, mba mina; Efraime na Manasa, hakuba ku kwatsi hi lezi Rubeni na Simeoni, ba nga ta ba mina.
- 6 Ni tralo wa wena, lowu wena u ta nga wu trala nzako ka bona, wu ta ba wa wena; bona ba ta bitanwa le nzako ka mabito ya bamakabye ka-bye le tsombeni yabye.
- 7 Na ha mina, laha nzi wata hi Pada-na, Raceli i wa lofa ka mina le tikweni ga le Kenani le ndleleni, laho ku nga wa ha hi pfuka a kuta le Efrate: mina nzi wa lo mu lahla laho hi ndlela ya kuta le Efrate (kwa-leyo Betlehema).
- 8 Na Israeli i wa lo wona a bana ba Josefa, i wa te ngalo, Mbamani laba ke?
- 9 Na Josefa i wa te ngalo ka raru wakwe, Laba hi bana ba mina, labo Nungungulu a nyikileko mina laha. Yena i wa te ngalo, Ba nehe, nza kombela wena, ka mina, na mina nzi ta ba katekisa bona.
- 10 Makunu a mahlo ya Israeli ma wa lutsuma hi wukale lezaku lezo i wa nga zi koti ku wona. Yena i wa lo ba neha kusuhani naye; yena i wa lo ba trotra, a ba angatela.
- 11 Na Israeli i wa te ngalo ka Josefa, Nzi wa nga ha hi na kualakanya a ku wona ngohe ya wena: ni, mangabye, Nungungulu i nzi mahile nzi wona mbewu ya wena kambe.
- 12 Na Josefa i wa lo ba humesa marumbini yakwe, i wa koramisa a wutsumbu gakwe hi ngohe yakwe laha misabeni.
- 13 Na Josefa i wa lo ba teka hi wumbiri gabye, Efraime hi ka ga xinene canja ku cuwukana ni canja ga xibaba ga Israeli, na Manasa canjeni ga xibaba ku cuwukana ni canja ga xinene ga Israeli, i wa lo ba tsineta kusuhani ka yena.
- 14 Na Israeli i wa lo klakusa a canja gakwe ga xinene, i wa lo gi klateka hehla hlokweni ya Efraime, loyi a nga wa hi nzisana, ni ga xibaba canja hehla ka hloko ya Manasa, i wa lo hambanyisa mandla ya yena ha womu; hakuba Manasa i wa hi matewula.
- 15 Yena i wa lo katekisa Josefa, i wa te ngalo, A Nungungulu mahlweni ka wihi a raru mina Abrahamana na Isaka ba wa lo famba, Nungungulu a wihi a nga wundla wutwomi ga mina xonkle xikati kala nyamukla.
- 16 Angelosi leyi yi nzi klaklisileko kubiheni konkle, katekisa bafana; nga a bito ga mina gi culwa ka bona, ni bito ga ba raru ba mina Abrahamana na Isaka; nga ba kula ba maha zidlemo xikari ka misaba.
- 17 Ni laha Josefa na a wonile lezaku a raru wakwe i klatekile a canja gakwe hehla ka hloko ya Efraime, a zi mu xalalisangi yena: na a lo koma canja ga raru wakwe, a ku gi susa le hlokweni ya Efraime gi klateka le hlokweni ya Manasa.
- 18 Na Josefa i wa te ngalo ka raru wakwe, A zi nge ngaho, dadani wa mina; hakuba loyi hi matewula; klateka canja ga wena ga xinene hehla ka hloko yakwe.
- 19 Na raru wa yena i lo ala, i wa te ngalo, Mina nza zi tiba lezo, nwananga, mina nza zi tiba; yenawu kambe i ta maha banhu, yenawu kambe i ta maha wa hombe: ahemba a nakulobye wakwe wa nzisana i ta mu hunza yena, ni mbewu yakwe yi ta ba xidlemo xa mufumo.
- 20 Yena i wa lo ba katekisa bona lego siku, na aku, Nzeni ka wena Israeli i ta katekisa, na aku, Nungungulu a maha wena kwatsi hi Efraime na Manasa: yena i wa lo yimisa Efraime mahlweni ka Manasa.
- 21 Na Israeli i wa te ngalo ka Josefa, Languta, mina nzafa: kanilezi Nungungulu i ta ba na nwina, i ta mu neha kambe le tikweni ga bararu ba nwina.
- 22 Klata-kumbiri mina nzi nyikile ka wena a xiabelo xinwe hehla ka bamakabye ba wena, lexi nzi nga wa lo teka canjeni ga ma Amori hi supado ya mina ni wura ga mina.

XIPIMO 49.

- 1 Na Jakobe i wa lo bitana a bana ba yena, i te ngalo: Tsombanani wutsumbu ga nwina katiginwe, kasi nza fela ku mu byela nwina lezi zi ta nga mu humelela nwina hi masiku ma ha tako.
- 2 Tsombanani wutsumbu ga nwina, muzweni, nwina bana ba Jakobe; ni ku ingisa ka Israeli raru wa nwina.
- 3 Rubeni, wena u matewula ya mina, ntamo wa mina, a kusan-gula ka ntamo wa mina;

- A wukulu ga kukumuxwa, ni wukulu ga ntamo.
- 4 Na u bila u cakacela kota mati, wena u nga ta ku ba na wukulu; Hakuba wena u lo kanziya mubedini wa raru wa wena; Zonake u ya wu bihisa wona: yena i wa kanziya kubarameni ka mina.
- 5 Simeoni na Levi mba makabye; A maklari ya kupanga hi tispado tabye.
- 6 O muhefemulo wa mina, u ngati le kungweni gabye; Le hlengeletanweni wabye, wukosi ga mina, u nga klangani nabo; Hakuba hi zanga ba lo daya munhu. Ni kuranza ka wutsumbu gabye ba lo kokobisa a kabi.
- 7 Yi rukatelwe a zanga yabye, hakuba yi wa cabeka; Ni kulo gabye, hakuba gi wa suhalata: Mina nzi ta ba abanisa ka Jakobe, Ni ku ba hangalasa ka Israeli.
- 8 Juda, wena a bamakabye ba wena ba ta dumisa: A canja ga wena gi ta ba nhanweni ya balala ba wena; Ni bana ba raru wa wena ba ta korama lahasi mahlweni ka wena.
- 9 Juda u hi role ga ngala; Le kudaweni, nwana wa mina, wena u kanziyile: Yena i lo vumba lahasi, i lo barama kota ngala, Ni kota makahase wa ngala; hi mani a ta nga mu vuxa ke?
- 10 A nhonga ya wukosi yi nga ta suka yi mbela ka Juda, Hambu ni mufumeli xikari ka mikonzo yakwe, Kala Xilo ata; Ni ka yena a kuingisa ka banhu ku ta ba kona.
- 11 A boha mbongolana yakwe vineni. Ni role ga mbongola le vineni gi hlawulilweko; Yena i hlazile tinguwo takwe wainini, Ni xiambalo xakwe nkateni wa magrepi:
- 12 Ni mahlo yakwe ma ta truka hi waini, Ni meno yakwe ma ta basa hi masi.
- 13 Zebulun i ta aka le suweni ga bi-mbi; Yena i ta ba suwa ga mataro; Ni suwa gakwe gi ta ba le Sidoni.
- 14 Isakare hi mbongola ya ntamo, Yi baramileko lahasi xikari ka klambi wa tiyivu:
- 15 Na yena i wa lo wona a wutsamo ga kuhumula lezaku gi wa sasekile, Ni misaba leyo yi nga wa sasekile; Na a lo koramisa kakla gakwe kurwala, Ni ku maha a nanza gi tirelako.
- 16 Dani i ta lamula banhu ba ka kabye Kota lezi a nga munwe wa mukuhu wa ba Israeli.
- 17 Dani i ta ba nyoka laha ndleleni, A xihihigani laha ndleleni, Lexo xi lumako a xirenze xa mahaxi, Lezaku a mukileli wa wona a ku gangatsala ha xinzakwana.
- 18 Mina nzi rinzele kuhanya ka wena, O Jehova.
- 19 Gadi, a yimpi yi ta tsimbeketa hehla ka yena; Kanilezi i ta tsimbeketa hehla ka zirenze zabye.
- 20 Hi Axeri a zibaba zakwe zi ta ba zi nonile, Ni ku humesa tifawufawu ta wukosi.
- 21 Naftali i nkati wu culwako; i nyika timhaka ti sasekisisilweko.
- 22 Josefa i rabi gi tralako, A rabi gi tralako le hlobyeni; A marabi ya yena ma kubunyeta kurisi.
- 23 A bafuli ba mu binyulukisile hi ku zangarisileko, Ni ku kwa klata ka yena, ni ku xanisa yena.
- 24 Kanilezi a wura gakwe gi tsamile ntanweni, Ni maklari ya mandla yakwe ma mahile ntamo, Hi mandla ya wa Munwe wa Ntamo wa Jakobe (Hi kwaleyo a murisi, a ribye ga Israeli).
- 25 Hambu Nungungulu wa raru wa wena, loyi a ta nga ku vuna wena, Na hi Ntamowonkile, loyi a ta nga ku katekisa wena, Hi zikatekiso za le tilweni le hehla. Hi zikatekiso za kueta lezo zi baramileko lahasi,

- Hi zikatekiso za zifuba, ni za marumbu.
- 26 A kukatekiswa ka raru wa wena Ku hiulile hehla ka zikatekiso za bakoko ba mina
Ka kwaleyo mbinganweni wa zitsungana za kuphuzukela:
Zona zi ta ba hiokweni ya Josefa.
Ni ka xidlolelo xa hloko yakwe lexo xi wa hambanyisilwe ka bamakanye ba yena.
- 27 Benjaminini i mhisi ya kobomu:
Ni mihlo i ta kadamula nyama.
Ni laha gambyeni i ta abanyisa mupango.
- 28 Yonke leyi hi kume ga mikuhu ni mimbiri ya Israeli: lezi hi lezo a nga wa wulawulile raru wanye ka bona ni ku katekisa bona: bonklelele kota zikatekiso zanye i lo ba katekisa bona.
- 29 Yena i lo ba laya, i te ngalo ka bona. Mina nzi ta petselwa ka banhu ba ka hina: nzi lahleni zizwe ni bararu ba mina le mbakweni ya lomo siawini ya Efroni a mu Hiti.
- 30 Lomu mbakweni leyo yi nga lomo siawini ga Makepela, leyi yi nga mahlweni ka Mamre lomo tikweni ga le Kenani, legi Abrahama i lo xaba zizwe ni simu ka Efroni a mu Hiti a kuba saba ga wutsamo ga ku lahlela kona.
- 31 Laho ba wa lo kelela Abrahama na Sara sati wa yena: laho ba keleko kona Isaka na Rebeka sati wa yena: leyo nzi nza kelela Lea.
- 32 A simu ni mbako leyi yi nga kona, leyo yi nga wa xabyilwe ka banana ba Hiti.
- 33 Na laha Jakobe a mahile kugumelwa kulaya bana ba yena, i lo petse mikonzo yakwe mubedini wa yena, i lo nyikele moya wakwe, na a lo petselwa ka banhu ba ka kanye.

XIPIMO 50.

- 1 Na Josefa i wa lo wela hehla ka ngohe ya raru wakwe, i lo rila hehla ka yena, i lo mu trotra.
- 2 Na Josefa i wa lo laya malanza ya yena a tizanga a ku longisela raru wa yena: ni tizanga ti wa lo longisela Israeli.
- 3 Ni mune wa makume masiku ma wa lo tatiseka ba yena: hakuba zingaho a ku tatisa ka masiku ya ku longisela: ni ba Gipiti ba wa lo

rilela yena nkhanu wa makume ni mambiri masiku.

- 4 Ni laha masiku ya xirilo xa yena ma nga wa hunzile, Josefa i wa lo wulawula ka yindlu ya Faro, aku. Loku mina makunu nzi kumile tomo mahlweni ka nwina, wulani, nza kombela nwina, tindlebeni ta Faro, muku.
- 5 A raru wa mina i wa lo nzi maha nzi hlambanya, nziku, Mangabye, mina nzafa: lomo keleni wa mina lowu nzi nga wu kelela mina le tikweni ga le Kenani, leyo wena u ta kelela mina. Makunu hi kwalaho nga mina nzi kanziya nzi ya nza kombela wena, nzi kelela raru wa mina, nzi kelela nzi wuya kambe.
- 6 Ni Faro i wa te ngalo, Kanziya uya, ni ku lahla raru wa wena, kota lezi yena a ku mahileko u hlambanya.
- 7 Na Josefa i lo kanziya aya kelela raru wa yena: ni zizwe na yena ma loya naye malanza ya Faro, a masingalakati ya yindlu ya yena, ni wonke masingalakati ya tiko gonke ga le Gipite.
- 8 Ni yonke yindlu ya Josefa, ni bamakanye bakwe, ni yindlu ya raru wa yena: saseka laba batsongwanyani banye, a miklambi yanye, ni tihomu tanye, bona ba lo zi siya le tikweni ga la Goxeni.
- 9 Laho ku lo famba zizwe naye bonke tikareta ni bakileli ba mahaxi: wona wu wa hi klawwa wa hombe nguvu.
- 10 Bona ba lo cikela le minzimayeni ya kuhulela ya le Atade, leyi yi nga klatukweni ka Jordani, bona ba lo rila na ba tsikwila hi xirilo xa hombe: yena i lo maha mikosi hi raru wakwe nkhanu wa masiku ni mambiri.
- 11 Ni laha a baaki ka tiko, a ma Kenani, ba lo wona mikosi le nzimayeni wa Atade, bona ba wa tengalo, Lowu hi kosi wa hlomulo ka ba Gipite: ngahilezo a bito ga kona gi lo culwa Abelmizraime, legi gi nga a klatukweni wa Jordani.
- 12 Ni bana bakwe ba lo maha ka yena ku kota lezi a nga wa ba layile:
- 13 Hakuba a bana ba yena ba wa lo mu rwala ba mu yisa le tikweni ga le Kenani, ba loya mu kelela le mbakweni lomo siawini ya le Makepela, leyo Abrahama a nga xaba zizwe ni sumu, a saba ga wutsamo go la-

EKSODUSE, 1.

- hlela kona ba Efroni ni mu Hiti, mahlweni ka Mamre.
- 14 Na Josefa i lo klela le Gipite, yena, ni bamakabye babye, ni bonkle laba nga kanziya zinwe naye ku ya lahla raru wakwe, a nzako ka ku ba na a lahlile raru wakwe.
- 15 Ni laha bamakabye ba Josefa ba nga wa wonile lezaku a raru wabye i file, ba wa te ngalo, kutani Josefa a nga a hi benga, ni ku teleko i ta hi klelisela a kubiha loku hi nga wa ku mahile ka yena.
- 16 Bona ba lo ruma a tsumi ka Josefa, baku, A raru wa wena i lo laya mahlweni na nga se kufa, aku,
- 17 Zingaho mu ta wula ka Josefa, Tsetselela nza ku kombela wena makunu, a zihambunyeto za bamakabye ba wena, ni zonho zabye, hakuba lezo ba nga lo zi maha ka wena ku onha. Ni makunu, hina ha kombela wena, tsetselela zihambunyeto za malanza ya Nungungulu wa ba raru ba wena. Na Josefa i wa lo rila laha ba nga wa wulawulile ka yena.
- 18 Ni bamakabye ba loya kambe ba ya wela mahlweni ka ngohe yakwe; ba wa te ngalo, Languta, hina hi malanza ya wena.
- 19 Na Josefa i wa te ngalo ka bona, Mu nga cabi: hakuba mina nzi le wutsanweni ga Nungungulu ke?
- 20 Kwatsi ha nwina, nwina mu wa su-

- ngwa hi kubiha hi kuvikela mina; kanilezi Nungungulu i wa lo su-ngwa hi ku sasa, kasi zi fola ku mabeka, kota zi nga kona legi siku, a ku ponisa wunyingi ga banhu ba hanya.
- 21 Makunu hikwalaho mu nga cabi: mina nzi ta mu wundla, ni banana ba nwina. Yena i lo ba tangalisa bona, i lo wulawula a titralo ka bona.
- 22 Na Josefa i lo aka lomo Gipite, yena, ni yindlu ya raru wakwe: na Josefa i lo hanya zana ni kume ga malembe.
- 23 Na Josefa i lo wona a xizukulu xa wunharu xa Efraime: ni banana ba Macira nwana wa Manasa ba lo tralelwa madzolweni ya Josefa.
- 24 Na Josefa i wa te ngalo ka bamakabye ba yena, Mina nzafa, kanilezi Nungungulu ha kunene i ta mu enzela, i ta mu humesa hi lomu tikweni legi a mu yisa ka tiko lego a nga hlambanya ha gona ka Abrahamama, ni ka Isaka, ni Jakobe.
- 25 Na Josefa i lo teka xifungo ka banana ba Israeli, aku, Nungungulu ha kunene i ta mu enzela, nwina mu ta rwala marambu ya mina ku sukela leno.
- 26 Zingaho Josefa i lofa, na a wa hi ni zana ni kume malembe a wukale: bona ba lo mu longisa, i lo bekwa lomo mhakweni ya le Gipite.

A BUKU GA WUMBIRI GA MOSI GI TLBYAKO

EKSODUSE.

XIPIMO 1.

- 1 Makunu laya hi mabito ya banana ba ka Israeli, labo ba ngata leyo Gipite (bonklelele banhu ni ngango wakwe ba lota zinwe na Jakobe):
- 2 Rubeni, Simeoni, Levi, na Juda,
- 3 Isakare, Zebulun, na Benjamini,
- 4 Dani na Naftali, Gadi na Axeri.
- 5 Ni yonkle leyi mihefemulo hi leyo, yi nga huma hi xiwanwini xa Jakobe yi wa hi nklanu wa makume ni mambiri ya mihefemulo: Josefa i wa si na a hi le Gipite.

- 6 Na Josefa i lofa, ni bamakabye bakwe bonkle, ni xonkle lexo xizukulwana.
- 7 Ni banana ba ka Israeli ba lo trala nguvu, ni ku enzeleka hi ku tatisisilweko, ni ku enzeleka ba hunzelela ba kula hi ntamo; ni tiko gi lo tatiswa ha bona.
- 8 Makunu ku lo huma a hosi yiswa le Gipite, leyo yi nga mu tibiko Josefa.
- 9 Yena i wa te ngalo ka banhu ba yena, Langutani, a banhu ba banana

EKSODUSE, 2.

- ba Israeli ba tele ba na ntamo ku hunza hina :
- 10 Ngonani, nga hi maha hina ka bona hi ku klarihileko ha bona, ku nga taku ba enzeleka, na ku mahisile lezo, lezaku, laha na ku dzuka ku hlo-mile yimpi, bonawu kambe ba nga klanganyisa wutsumbu gabye ka balala ba hina, ba hlasela hina, ba humalomo tikweni.
 - 11 Hikwalaho bona ba lo yimisa hehla ka bona a tinduna ta mitiro a ku ba xanisa hi mikinyabezo yabye. Ba lo mu akela Faro miti ya ku beketela, Pitome na Ramsesi.
 - 12 Kanilezi kwatsi hilezi ba nga wa engetela a ku ba hlokisa bona, ba wa ku engetelana ku enzelekela ni ku engetelana a ku hangalaka. Na bona ba lo xaniswa hakuba hi banana ba ka Israeli.
 - 13 Ni ba Gipiti ba lo maha banana ba Israeli ba tira hi titseku :
 - 14 Bona ba lo maha a kuhanya kabye ku hlomulwa hi mitiro yo karata, marepeni ni lomo zitinini, ni ka yonkle mitiro ya lomu masinwini, ni yonkle mitiro yabye, leyo ba nga maha bona ba tira hi titseku.
 - 15 Ni hosi ya le Gipite yi lo wulawula ka batekeli ba ma Heberu, a ba hi a bito ga muzwe hi Xifra, ni bito ga muzwani hi Pua :
 - 16 Na yena i wa te ngalo, Laha na mu kari mu tekela a wasati wa mu Heberu mu woneni na a ha hi wutsa-zweni ga ku tralela ; loku a hi nisananyana, zonake nwina mu ta mu daya ; kanilezi loku a hi nhanyana, zonake yena i ta hanya.
 - 17 Kanilezi a batekeli ba wa caba Nungungulu, a ba mahangi kota lezi a hosi ya le Gipite yi nga wa layile bona, kanilezi ba lo tsika a banana ba banuna ba hanya.
 - 18 Ni hosi ya Gipite yi lo bitana batekeli, na te ngalo ka bona, Za ku yini nwina mu mahileko lexi xilo, mu tsikileko zi banana za ba banuna zi hanya ke ?
 - 19 Ni batekeli ba wa te ngalo ka Faro hakuba a ba basati ba ma Heberu a be kwatsi hi ka basati ka ba Gipiti ; bona ba na ntamo, ba hefemula na mu tekeli na nga se ku cikela ka bona.
 - 20 Na Nungungulu i lo maha kwatsi hi batekeli : ni banhu ba lo anziswa, ba lo hunzelela a ntamo nguvu.
 - 21 Na ku mahisile lezo, hakuba batekeli ba lo caba Nungungulu, lezaku yena i lo ba maha mingango.
 - 22 Na Faro i lo laya bonkle banhu ba yena, aku, Bonkle barisanyana laba ba traliweko mu ta hoxa congweni ni bonklelele banhanyana mu ta ba tsika ba hanya.

XIIPIMO 2:

- 1 Laho ku lo suka a munhu wa yindlu ya ka Levi, i lo teka wasati nhanyana wa ka Levi.
- 2 Ni wasati i lo xura nyimba, i lo trala nisananyana : ni laha yena a nga wa lo mu wona lezaku i wa hi nwanana a sasekileko, i lo mu fihla tihweti tiharu.
- 3 Ni laha a nga wa nga a zi koti ku nonohisa a fihla yena, ba lo tekela yena taru ga mawungu, i lo gi tota hi piriwa ni tinta ; yena i lo beka lisana kona lomo i lo gi beka lomo tihlangeni laha livutini la congo.
- 4 Ni makwerwana wakwe i wa lo yima hi le kule, ku tiba lezaku ku ta nga ku maheka yini ka yena.
- 5 Ni nhanyana wa Faro i lo relela ahlamba le congweni ; ni banhanyana ba yena ba wa famba lomo mibirini ya congo ; i lo wona a tarwana xikari ka tihlanga, i lo rumela a nhanyana wakwe kuya gi teka gona.
- 6 Na yena i lo gi vulula, i lo wona lisana : ni, languta, a lisana li wa kurila. Yena i lo mahela titralo ka lona i wa te ngalo, Lolu linwe la tisana ta ma Heberu.
- 7 Zonake i wa te ngalo ka makwerwana wa yena ka nhanyana wa Faro, Nzi ta famba nziya bitana a muanwisi wa ba basati ba ma Heberu ke, kasi wa fela ku anwisela wena nwanana ke ?
- 8 Ni nhanyana wa Faro i wa te ngalo ka yena, Yana. Ni nhanyana i loya bitana a nyine wa lisana.
- 9 Ni nhanyana wa Faro i wa te ngalo ka yena, Tekaloyi nwanana, u ya mu a nwisela mina, mina nzi ta ku riha a nzihilo wa wena. Ni wasati i lo teka lisana i lo li a nwisela.
- 10 Ni lisana li lo kula, yena i lo li neha ka nhanyana wa Faro, yena i lo maha nwana wa yena. Yena i lo cula bito ga yena Mosi, na a te ngalo, Hakuba mina nzi mu humesile lomo matini.
- 11 Na ku mahisile lezo hi ka lawo

masiku, laha Mosi a nga wa kulile, lezaku i lo huma aya ka bamakabye bakwe, i lo cuwuka a mirwalo ya-bye: i lo wona a mu Gipiti na lamata mu Heberu, a munwe wa bamakabye ba yena.

- 12 Yena i lo cuwuka leyi ndlela ni leyo ndlela, ni laha a nga wa wonile lezaku laho a ku na munhu, i lo daya mu Gipiti, i lo mu fihla lomo vunyeni.
- 13 Yena i lo huma hi siku ga mambiri, ni, languta, a ba banuna bambiri ba ma Heberu ba wa holoba; na yena i wa te ngalo ka yena a nga wa bihisile, Ngahilezo u mu lamatela yini nakuloni ke?
- 14 Na yena i wa te ngalo, Hi mani a ku mahileko wena a hosi ni mulamuli wa hina ke? wena wa alakanya ku nzi daya mina, kwatsi hilezi wena u deleko a mu Gipiti ke? Na Mosi i lo caba, na te ngalo, ha kunelexi xilo xa tibyiwa.
- 15 Makunu laha Faro na a zwile le xi xilo, i wa lo hlota ku daya Mosi. Kanilezi Mosi i lo tsutsuma mahlweni ka Faro, i loya aka lomo tikweni ga le Midiani yena i lo tsama le hlobyeni.
- 16 Makunu a mapristi wa le Midiani i wa hi ni nklanu ni bambiri a banhanyana: bona ba lota ku ta kuka mati, ba lo tatisa zigowolo ku nwisla klambi wa raru wabye.
- 17 Ni barisi ba lota ba ba hlongola; kanilezi Mosi i lo suka i lo ba yimela, i lo nwisla a klambi wabye.
- 18 Ni laha na ba tile ka Reueli raru wabye, i te ngalo, Ku lo ku mahisa ku yini lezi ma ku wuya lokuloku ke?
- 19 Bona ba wa te ngalo, Hi mu Gipiti a nga hi klaklisa mandleni ya barisi, klatakumbiri yena i lo kela mati, i lo nwisla klambi.
- 20 Yena i wa te ngalo ka banhanyana ba yena, i kwihi yena ke? hi yini zwina mu siyileko a munhu ke? mu bitaneni, kasi a fela ku taga zibaba.
- 21 Na Mosi i wa lo eneliswa ku tsama ni loye munhu: yena i lo nyika Mosi Zipora nhanyana wa yena.
- 22 Yena i lo trala nisanyana, na a lo cula bito gakwe Gerxome, hakuba yena i wa te ngalo, Nzi wa kari nzi hi mulubeli tikweni ga bamatiko.
- 23 Na ku mahisile lezo hi magumo ka lawo masiku yo tala, lezaku a

hosi ya le Gipite yi lofa: hi banana ba Israeli ba lo tsanzaza hi kota ya wukumbi, ba lo rila, ni kurila kabye ku lota hehla ka Nungungulu hi kota ya wukumbi.

- 24 Na Nungungulu i lozwa a hlomulo wabye na Nungungulu i lo alakanya xivumelwano xakwe na Abrahamama, zinwe na Isaka zinwe na Jakobe.
- 25 Nungungulu i lo wona a banana ba ka Israeli, i lo teka kutiba ha bona.

XIPIMO 3.

- 1 Makunu Mosi i wa risa a klambi wa Jetro a dadani wakwe hi ka nayo, a mupristi wa le Midiani: yena i lo gula a klambi a wuyisa le nzako ka xiwula, i lota le xitsungeni xa Nungungulu, Horebe.
- 2 Ni ngelosi ya ka Jehova yi lo woneka ka yena le pingweni ga nzilo lomo xikari ka xihlahla: na yena i lo cuwuka, ni, languta, a xihlahla xa wa kuswa hi nzilo, ni xihlahla xi wa ngahi na ku mbeteka.
- 3 Na Mosi i wa te ngalo, Mina nzi ta hambuka makunu, nzi wona loku kuwoninga ka hombe hi yini a xihlahla xi nga swiko.
- 4 Na laha na Jehova na wona lezaku i hambukile ku wona, Nungungulu i lo bitana ka yena hi xikari ka xihlahla, na a te ngalo, Mosi, Mosi. Yena i te ngalo, Mina nzi laha.
- 5 Na te ngalo, U nga tsineli kusuhanila: susa zilato za wena mikonzwani ya wena, hakuba a misaba leyi wena u yimileko mbutsamo go basa.
- 6 Klatakumbiri i wa te ngalo, Nzi mina Nungungulu wa dadani wa wena, a Nungungulu wa Abrahamama, ni Nungungulu wa Isaka, ni Nungungulu wa Jakobe. Na Mosi i lo fibla ngohe ya yena hakuba yena i wa caba ku cuwuka Nungungulu.
- 7 Na Jehova i te ngalo, Mina ha kune nzi wonile kuxaniswa ka banhu laba ba nga le Gipite, nzi zwile kurila kabye hi kota ya tinduna tabye ta mitiro; hakuba nza tiba zixaniso zabye;
- 8 Mina nzi relela lahasi kuta ba klaklisa bona canjeni ga ba Gipite, ni ku ba humesa tikweni lego nzi ba neha tikweni go saseka ni ga hombe, le ka tiko gi kulungako a masi ni wulombe; le tikweni ga mu Kenani

ni mu Hiti, ni mu Amori, ni mu Perezi, ni mu Hivi, ni mu Jebusi.

- 9 Ni makunu, languta, a kurila ka banana ba ka Israeli ku cikele ka mina : klatakumbiri nzi wonile a kutsimbeketwa loku a ba Gipiti ba tsimbetako ha kona.
- 10 Ngona hikwalaho, nzi ta rumela wena ka Faro, kasi wa fela ku humesa banhu ba mina ba Israeli ba huma le Gipite.
- 11 Na Mosi i te ngalo ka Nungungulu, Nzi mina maniwo, wo kala nziya ka Faro ni lezaku nzi ta nga nzi humesa banana ba Israeli le Gipite ke ?
- 12 Na a wa te ngalo, Zinene futsi mina nzi ta ba na wena ; lexi xi ta ba xikombiso ka wena, lezaku mina nzi rumile wena ; laha na u humesile a banhu hi le Gipite, nwina mu ta kozela Nungungulu ka lexi xitsunga.
- 13 Na Mosi i wa te ngalo ka Nungungulu, Languta, laha na nzita ka banana ba ka Israeli, na nzi taku ka bona, A Nungungulu wa bararu ba nwina i nzi rumile ka nwina ; bona ba taku ka mina, Nzi mani bito ga yena ke, Nzi ta wula yini mina ka bona ke ?
- 14 Na Nungungulu i te ngalo ka Mosi, MINA NZI MINA LOYE NZI NG A MINA ; na te ngalo, Za kungahi wena u ta nga zi wula ka banana ba ka Israeli, MINA NZI MINA loye nzi rumele mina ka nwina.
- 15 Na Nungungulu klatakumbiri i wa lo wula ka Mosi, Zakungahi wena u ta nga wula ka banana ba Israeli, Jehova, Nungungulu wa bararu ba nwina, a Nungungulu wa Abrahama, a Nungungulu wa Isaka, a Nungungulu wa Jakobe, i rumile mina ka nwina ; legi hi bito ga mina kala ku pinzuka, lexi xialakanyiso xa mina ka zonkle zizukulwana.
- 16 Yana, uya tsombanyisa a masingalakati ya ka Israeli katiginwe, na u wula ka bona, Jehova, Nungungulu wa bararu ba nwina, a Nungungulu wa Abrahama, a Nungungulu wa Isaka, a Nungungulu wa Jakobe, i wonekile ka mina, aku, Hakunene mina nzi enzele nwina, nzi wonile lezo zi mahilweko ka nwina lomu Gipite.
- 17 Mina nzi wa te ngalo, Nzi ta mu humesa nwina zitsanweni za le Gipite nzi mu tisa le tikweni ga ma Kenani, ni ga mu Hiti, ni ga mu Amori, ni

ga mu Perezi, ni ga mu Hivi, ni ga mu Jebusi, a tiko lego gi kulungako a masi ni wulombe.

- 18 Na bona ba tazwa a gezu ga wena ; na wena u tata wena ni masingalakati ya ka Israeli, le ka hosi ya le Gipite, nwina mu taku ka yena, Jehova a Nungungulu wa ma Heberu, i klangene ziwwe na hina ; ni makunu nga hi famba, ha kombela wena, a lwenzo la masiku manharu le xiwuleni, kasi ha fela kuya pahlela ka Jehova Nungungulu wa hina.
- 19 Na nzi zi tiba lezaku a hosi ya le Gipite yi nga ta nyika nwina kuya, ge, na ku nga hi canja ga ntamo.
- 20 Na nzi ta klakusa a canja ga mina, nzi taba a ba Gipite hi zonkle zihlmaliso za mina lezi nzi ta nga zi maha xikari ka kona : a nzako ka lezi yena i ta mu vumela mu famba.
- 21 Mina nzi ta nyika laba banhu a tomo mahlweni ka ba Gipiti ; na ku mahisile lezo, lezaku, laha na mu famba, mu nga ta famba na mu hi panga.
- 22 Kanilezi bonklelele babasati bonkle ba ta wutisa a ba akelwano babye ni kaloyi a tsamako le ndlwini yakwe, a tinzalama ta siliva, ni tinzalama, ni tinguwo nwina mu ta mehela ba barisanyana ba nwina hi ba banhanyana ba nwina.

XIPIMO 4.

- 1 Na Mosi i lo hlamula i wa te ngalo, Kanilezi, languta, bona ba nga ta kolwa mina, ge hambu ni kuzwa gezu ga mina ; hakuba bona ba taku, Jehova a nga wonekangi ka wena.
- 2 Na Jehova i wa te ngalo ka yena, Xini lexo xi nga lomo canjeni ga wena ke ? Na te ngalo, I nhonga.
- 3 Na yena i wa te ngalo, Hoxa yona laha misabeni. Na yena i lo yi hoxa laha misabeni, ni ku hunzuka a nyoka ; na Mosi i lo tsutsuma mahlweni ka yona.
- 4 Na Jehova i wa te ngalo ka Mosi, Nauluta canja ga wena, u yi teka hi hi kila (yena i lo nauluta canja gakwe, i lo koma yona, yi lo maha nhonga canjeni gakwe) ;
- 5 Kasi bona ba fela ku kolwa lezaku Jehova, Nungungulu wa bararu babye a Nungungulu wa Abrahama, a

EKSODUSE, 4.

- Nungungulu wa Isaka a Nungungulu wa Jakobe, yena i wonekile ka wena.
- 6 Na Jehova i lo hunzeleta a wula, ka yena, Bekela a canja ga wena laha xifubeni xa wena, yena i lo beka canja gakwe xifubeni xa yena: laha na yena na a susile gona, languta, a canja gakwe gi wa hi hlokonho, gi wa basile kwatsi i mbera.
- 7 Na yena i te ngalo, Bekela canja ga wena laha xifubeni kambe. (Yena i lo beka a canja ga yena laha xifubeni kambe; ni laha na a gi susile xifubeni xakwe, languta, gi wa lo hunzuka kwatsi hi leyi yinwani nyama yakwe.)
- 8 Ku taku na ku mahisile lezo laba bona ba nga ku kolwi wena, hambu ni kuzwa gezu ga muwoniso wo ranga, kasi ba fela kuzwa a gezu ga muwoniso le nzako.
- 9 Na ku mahisile lezo, loku bona ba nga kolwi a ziwoniso lezi zimбири, hamba ni kuzwa gezu ga wena, leza-ku wena u ta teka a mati ya congo, u ma cululela muhanzeni wo oma: ni mati laya wena u ma tekileko le congweni ma ta maha nkata muhanzeni wo oma.
- 10 Na Mosi i wa te ngalo ka Jehova, O, Hosi, mina a nzi munhu wa dzumba, ge ni mahlweni ka lezo, hambu cima ka lezo wena u nga wulawula ni nanza ga wena: hakuba mina uzi na ni manghanghamela, nzi na ni xirimi.
- 11 Na Jehova i wa te ngalo ka yena, Hi mina a mahileko a nomu wa munhu ke? hi mina a mahako munhu a mbebebe, ni xiwiri, kutani kuwona, kutani mbukumu ke? a hi yena mina Jehova ke?
- 12 Makunu hikwalaho famba, mina nzi ta ba ni nomu wa wena, nzi ta ku gonzisa lezaku u ta wulisa ku yini.
- 13 Na yena i wa te ngalo, O, Hosi, rumela, nza kombela wena, hi canja ga wihi wena u ta nga rumela.
- 14 Ni zanga ya Jehova yi lo vukela Mosi, i wa te ngalo, Laho a nga kona Aroni a nakulobye wa wena a mu Levi ke? nza zi tiba lezaku yena a nga wulawula kwatsi. Ni kambe, languta, yena wa huma ata ku kinga wena: ni laha na a wona wena, i ta tsaka mbilweni ya yena.
- 15 Wena u ta wulawula ka yena, u beka timhaka nonwini wakwe: na mina nza taba ni nomo wa wena, ni nomo wa yena, mina nzi ta mu gonzisa lezi mu ta nga zi maha.
- 16 Yena ita ba mu wulawuleli wa wena ku mahisile lezo, yena i ta ba a nomu wa wena, u to kwatsi ka yena u Nungungulu.
- 17 Wena u ta teka canjeni ga wena leyi nhonga, a yihi wena u ta nga maha ha yona ziwoniso.
- 18 Na Mosi i lo klelela a wuya ka Jetro a raru wa yena hi ka nayo, i wa te ngalo ka yena, Nga mina nziya, nza kombela wena, nzi klelela ka bamakabye ba mina laba ba nga le Gipite, nzi ya wona leza-ku kutani ba ha hi kona ke, na Jetro i wa te ngalo ka Mosi, Yana hi kurula.
- 19 Na Jehova i wa te ngalo ka Mosi lomu Midiani, Yana, u klelela le Gipite; hakuba bonkle banana laba ba nga laba kuhanya ka wena ba file.
- 20 Na Mosi i lo teka a sati wa yena ni barisanyana ba yena, ni ku ba kilelisa mbongoleni, yena i klelela tikweni ga le Gipite: na Mosi i lo teka a nhonga ya Nungungulu canjeni gakwe.
- 21 Na Jehova i wa te ngalo ka Mosi, Laha na wena na u klela kambe le Gipite, wona lezaku wena u ta maha mahlweni ka Faro zonkle zihlamaliso lezi nzi zi bekileko canjeni ga wena: hakuba mina nzi ta nonohisa a mbilu ya yena, yena a nga ta vumela banhu ba famba.
- 22 Wena hi wena u ta nga wula ka Faro, Za ku ngahia wulako Jehova, Israeli hi nwananga, a matewula ya mina:
- 23 Mina nzi wulile ka wena, Nga a nwananga aya, kasi wa fela kuya nzi kozela; wena u alele yena kuya: languta, mina nzi ta daya nwana wa wena, a matewula ya wena.
- 24 Na ku mahisile lezo, laha ndleleni lomo wutsanweni ga ku eklela, lezaku Jehova i lo klangana na yena, i wa laba ku mu daya.
- 25 Zonake Zipora i lo teka a ribye go kariha, i lo tsema a dewu ga magumo ya nisanyana wakwe, i lo gi hoxa mikonzweni yakwe; yena i wa te ngalo, Wena u muyeni wa nkata ka mina.
- 26 Zonake yena i lo mu tsika yece. Zo-

- nake yena i te ngalo, A muyeni wa nkata hi wena, hakuba hi wutsiba.
- 27 Na Jehova i wa te ngalo ka Aroni, Yana le xiwuleni uya kinga Mosi. Na yena i loya, i loya klangana na yena le xitsungeni xa Nungungulu, yena i lo mu trotra.
- 28 Na Mosi i lo byela Aroni tonkle timhaka ta Jehova leto a nga wa mu rumile ha tona, ni ziwoniso lezo a nga wa mu layile ha zona.
- 29 Mosi na Aroni ba loya tsombanyisa katigizwe wonkle masingalakati ya banana ba ka Israeli;
- 30 Na Aroni i lo wulawula tonkle timhaka leti Jehova a nga wa ti wulawulile ka Mosi, i lo maba zihlamaliso mahlweni ka banhu.
- 31 Ni banhu ba lo kolwa; laha na ba zwile lezaku Jehova i enzele a banana ba Israeli, ni lezaku i wonile kuxaniseka kabye, zonake ba lo koramisa tihloko tabye ba kozela.

XIPIMO 5.

- 1 Ni nzako ka xikati Mosi na Aroni ba lotta, na ba te ngalo ka Faro, Za ku ngahi a wulako Jehova, Nungungulu wa ka Israeli, Nga banhu ba mina baya, ba maha mubuzo ka mina lomo xiwuleni.
- 2 Na Faro i wa te ngalo, Nzi mani Jehova, loye wa ku kasi nzi ingisa ka gezu gakwe nzi vumela ba ka Israeli baya ke? Mina a nzi mu tibi Jehova, klatakumbiri nzi nga ta vumela banana ba Israeli baya.
- 3 Bona ba te ngalo, A Nungungulu wa ma Heberu, i klanganile zinwe na hina: hi vumele hiya, ha kombele wena, a lwenzu la masiku manharu le xiwuleni, hi ya pahlela ka Jehova Nungungulu wa hina, a nga ta ku a wela ka hina hi nzhere, kutani hi supado.
- 4 Ni hosi ya le Gipite yi wa te ngalo ka bona, Ngahilezo mahani nwina, Mosi na Aroni, mu tsinimuxa banhu mu ba tsimbeta mitiro yabye? fambani mikinyabezweni ya nwina.
- 5 Na Faro i wa te ngalo, Langutani, a banhu ba tiko makunu ba teke, nwina mu ba maha ba humula mikinyabezweni yabye.
- 6 Gwalego siku Faro i lo laya a tinduna ta mitiro ya banhu, ni mangaukana ya kona, aku.
- 7 Nwina mu nga ha ba nyiki kambe a munhu a byanyi ga ku maha zitini,

- ku kota kuranguleni nga bona baya ba ya ti labela a byanyi a wutsumbu gabye.
- 8 Ni tsengo wa zitini, lezi ba nga wa zi maha kuranguleni, nwina ba mahiseni zo kota zona, mu nga zi kengeti mu hungula zona, hakuba bona ba loloha, hikwalaho ba rila, baku, Nga hina hi ya pahlela ka Nungungulu wa hina.
- 9 Nga mukinyabezo wu binzako wu bekiwa hehla ka banhu kasi ba fela ku tira lezo, na bona nga ba nga kupetwi hi timhaka ta mawunwa.
- 10 Ni tinduna ta mitiro ya banhu ti lo huma, ni manganakana, bona ba lo wulawula ka banhu, baku, Za ku ngahi a wulako Faro mina nzi nga ta mu nyika a byanyi.
- 11 Yanani wutsumbu ga nwina, mu ya laba a byanyi laha mu nga gi kumako, hakuba a mitiro ya nwina yi nga ta nyenyetelwa.
- 12 Zingaho a banhu ba wa la su fene mente ni tiko gonkle ga le Gipite ba wungeletela a zigurumbu a kuba byanyi.
- 13 Ni tinduna ta mitiro ti wa lo wulawulelwa, tiku, Tatisani mitiro ya nwina, a xibalu xa nwina xa masiku ni masiku a ku kwatsi hi laha gi nga waha hi kona a byanyi.
- 14 Na tinduna ta banana ba ka Israeli, labo a tinduna ta xibalu xa Faro ba nga wa ti yimisile hehla ka bona, ti wa ku biwa, ti wutiswa, Ngahilezo hi yini nwina mu nga kala ku tatisa mukinyabezo wa nwina wa tolo ni nyamunkla, aku maha zitini kwatsi hi kuranguleni ke?
- 15 Zonake a tinduna ta banana ba ka Israeli ba lotta rila ka Faro baku, Ngahilezo hi ku yini u mahako za ku ngahi ni malanza ya wena ke?
- 16 A ku kona a byanyi gi nyikilweko ka malanza ya wena, na bona ba te ngalo ka hina, Mahani zitini: ni languta, ni malanza ya wena ma bilwe; kanilezi a nanzu wu na ni banhu ba wena nwinyi.
- 17 Kanilezi yena i te ngalo, ka bona Nwina mu malolo, nwina mu malolo: hikwalaho nwina mu ngalo, Hi vumele hiya hi ya pahlela ka Jehova.
- 18 Yanani hikwalaho makunu, ni kuya tira hakuba byanyi gi nga ta nyikiwa ka nwina, hambulezo mu ta humesa a tsengo wa zitini.

EKSODUSE, 6.

- 19 Ni tinduna ta banana ba Israeli ti lo wona lezaku ba le kombyeni ga kubiha, ku nga wa wulilwe. Mu nga kiyeelelwi ha ncumo a zitini zi ringeneko za xibalu xa nwina, xa masiku wonkle.
 - 20 Bona ba lo klangana na Mosi na Aroni, a ba hi ba nga wa yimile ndleleni, kota lezi ba nga wa huma hi le ka Faro :
 - 21 Bona ba te ngalo ka bona, Jehova a cuwuke hehla ka nwina, a lamula ; hakuba mu mahile masema ya hina ma nuha mahlweni ka Faro, ni le mahlweni ka malanza ya yena, a ku beka supado canjeni gabye ku hi daya.
 - 22 Na Mosi i lo klelela ka Jehova, na te ngalo, Hosi, Ngahilezo wena u mahela yini kubiha hi laba banhu ke ? hi yini wena u nzi rumako ke ?
 - 23 Hakuba cima nza ngata ka Faro nzi ta wulawula hi bito ga wena, yena i mahile kubiha hi laba banhu ; cima wena a ku klaklisangi banhu ba nwi-na futsi.
- XIPIMO 6.**
- 1 Na Jehova i wa te ngalo ka Mosi, Makunu wena u ta wona lezi nzi ta nga zi maha ka Faro : Hakuba hi canja ga ntamo yena i ta ba maha baya, ni canja ga ntamo yena i ta hlongola ba huma lomo tikweni ga yena.
 - 2 Na Nungungulu i lo wulawula ka Mosi, na a te ngalo ka yena, Mina nzi mina Jehova.
 - 3 Nzi lo woneka ka Abrahamama, ni ka Isaka, ni ka Jakobe, kota Nungungulu wa Ntamowonkle ; kanilezi hi bito ga mina Jehova nzi wa nga ti-byiwi ka bona.
 - 4 Na mina nzi yimisile xivumelwano xa mina zinwe na bona, a ku ba nyika a tiko ga le Kenani, a tiko lego ba nga wa gi lubelele, ba nga wa hi ba tinzhubeti ka gona.
 - 5 Klatakumbiri mina nzi zwile a kureka ka banana ba Israeli, labo a ba Gipiti ba komako wukumbini ; mina nzi alakanyile a xivumelwano xa mina.
 - 6 Ngahilezo wula ka banana ba Israeli, Nzi mina Jehova, nzi ta mu humesa mikinyabezweni ya ba Gipiti, nzi ta mu susa wukumbini gabye, nzi ta mu alakanyisa nwina hi woko gi klakusilweko na hi kulamula ka hombe.
 - 7 Nzi ta teka nwina ka mina ku maha banhu, nzi taba ka nwina a Nungungulu ; nwina mu ta zi tiba lezaku nzi mina Jehova Nungungulu wa nwina, loyi a mu humesileko labasi ka mikinyabezo ya le Gipiti.
 - 8 Mina nzi ta mu neha lomu ka tiko lego nzi nga hlambanya ku nyika ka Abrahamama, ni ka Isaka, ni ka Jakobe ; nzi gi nyika ka nwina a ku ba tsomba : nzi mina Jehova.
 - 9 Na Mosi i lo wulawula za kungaho ka banana ba Israeli : kanilezi bona a ba ingisangi ka Mosi hi kuhleleleka ka moya, ni tikuruxu ta wukumbi.
 - 10 Na Jehova i lo wulawula ka Mosi, aku,
 - 11 Yana u ya engena, u wulawula ka Faro a hosi ya le Gipite, lezaku a vumele a banana ba Israeli ba huma lomo tikweni gakwe.
 - 12 Na Mosi i lo wulawula mahlweni ka Jehova, aku, Languta, a banana ba Israeli a ba ingisangi ka mina ; i ta zwisa ku yini Faro ka mina, loyi nzi nga hiko na milomu ya wutsiba ke ?
 - 13 Jehova i lo wulawula ka Mosi ni ka Aroni, i lo ba nyika kulaya ka banana ba Israeli, ni Faro a hosi ya le Gipite, a ku humesa a banana ba Israeli lomo tikweni ga le Gipite.
 - 14 Leti hi tihloko ta tindlu ta ba raru banye. A banana ba Rubeni a matewula ya Israeli ; Hanoke, na Palu, na Hezroni, na Karmi ; leyi hi mingango ya ka Rubeni.
 - 15 Ni banana ba ka Simeoni ; Jemueli, na Jamina, na Ohade, na Jaxina, na Zohare, na Xaule a banana ba wasati wa mu Kenani ; leyi hi mingango ya Simeoni.
 - 16 Ni laya hi mabito ya banana ba Levi kota hi zizukulwana zabye : Gerxoni, na Kohate, na Merari ; ni malembe ya wutomi ga Levi i zana ni makume manharu ni nklanu ni mambiri malembe.
 - 17 Ni bana ba Gerxoni : Libni, na Ximeci, kota hi mingango yanye.
 - 18 Ni banana ba Kohate : Amrama, na Izhare, na Hebroni, na Uziele ; ni malembe ya wutomi ga Kohate i zana ni makume mambiri ni manharu malembe.
 - 19 Ni banana ba Merari : hi Mahli, na Muxi. Leyi hi mingango ya Levi kota hi zizukulwana zabye.

EKSODUSE, 7.

- 20 Na Amrama i lo teka Jokebede a makweru wa raru wakwe a sati: yena i lo trala Aroni na Mosi: ni malembe ya wutomi ga Amrama i zana ni makume manharu ni nklanu ni mambiri malembe.
- 21 Ni banana ba Izhare: Kora, na Nafeg, na Zikri.
- 22 Ni banana ba Uziele: Mixaeli, na Elzafane, na Sitri.
- 23 Na Aroni i lo teka Elixeba, a nanyana wa Aminadaba, a makweru wa Nuhxoni, a sati; yena i lo tralela yena a barisanyana na Nadabe, Abihu, Eleazare, na Itamare.
- 24 Ni banana ba Kora: Asira, na Elkana, na Abiasafa; leyi hi mingango ya ka Kora.
- 25 Na Eleazare a nwana wa Aroni i lo teka munwe wa banbanyana ba Putieli a sati; ni ku mu tralela Fineasi. Leti hi tihloko ta tindlu ta bararu ba yindlu ya ka Levi ku kota hi mingango yabye.
- 26 Laba hi loye Aroni na Mosi, a ba hi Jehova a nga te ngalo, Humesani banana ba Israeli ba huma tikweni ga le Gipite kota hi mabandla yabye.
- 27 Laba hi bona ba nga wulawula ka Faro a hosi ya le Gipite, a ku humesa banana ba Israeli hi le Gipite: laba hi loye Mosi na Aroni.
- 28 Na ku mahisile lezo Jehova a nga wa wulawulile ka Mosi lomo tikweni ga le Gipite.
- 29 Lezaku Jehova i lo wulawula ka Mosi, aku, Mina nzi mina Jehova: wulawula ka Faro a hosi ya le Gipite zonkle lezi mina nzi ta nga wulawula ka wena.
- 30 Na Mosi i lo wula mahlweni ka Jehova, Languta, nzi na milomu ya wunkuna, Faro i ta ingisisa ku yini ka mina?

XIPIMO 7.

- 1 Na Jehova i wa te ngalo ka Mosi, Wona, nzi mahile wena kwatsi u Nungungulu ka Faro: na Aroni nakuloni wa wena i ta ba muprofeti wa wena.
- 2 Wena u ta wulawula zonkle lezi mina nzi ku layileko wena; na Aroni nakuloni wa wena i ta wulawula ka Faro, lezaku a vumela banana ba Israeli ba huma lomo tikweni gawe.
- 3 Mina nzi ta nonohisa a mbilu ya Faro, nzi enzelekisa ziwoniso za mina

ni zihlamlaliso za mina tikweni ga ba Gipite.

- 4 Kanilezi Faro a nga ta ingisa ka nwina, mina nzi ta klateka canja ga mina hehla ka Gipite, nzi humesa a mabandla ya mina, a banhu ba mina a banana ba Israeli, ba huma lomo tikweni ga le Gipite hi kulamula ka hombe.
- 5 Ni ba Gipiti ba ta zi tiba lezaku mina nzi mina Jehova, laha na nzi naluta canja ga mina hehla ka Gipite, ni ku humesa a banana ba ka Israeli xikari ka bona.
- 6 Mosi na Aroni ba lo maha lezo; kwatsi hi lezi Jehova i lo laya bona, zingaho ba lo maha bona.
- 7 Na a wa hi ni nklanu ni manharu wa makume a malembe a wukale, na Aroni i wa hi nklanu ni manharu makume ni manharu malembe a wukale, laha bona ba nga wa wulawulile ka Faro.
- 8 Na Jehova i lo wulawula ka Mosi ni ka Aroni, aku,
- 9 Laha Faro a ta nga wulawula ka nwina, aku, Kumbisanl xihlamlaliso xa nwina; zonake wena u ta wula ka Aroni, teka a nhonga ya wena, u yi hoxo lahasi mahlweni ka Faro, lezaku yi ta hunzuluka a nyoka.
- 10 Mosi na Aroni ba loya ka Faro, na bona ba lo maha lezo, kota lezi Jehova a nga wa ba layile: na Aroni i lo hoxa a nhonga mahlweni ka Faro ni mahlweni ka malanza ya yena, yi lo maha nyoka.
- 11 Zonake Faro i lo bitana a banhu bo klariba ni zitumbe; na bonawu kambe, a tinanga ta le Gipite, ba lo maha za ku ngaho hi kubula kabye.
- 12 Hakuba bona bonklelele ba lo hoxa lahasi a tinhonga tabye, ti lo maha tinyoka; kanilezi a nhonga ya Aroni yi lo mita tinhonga tabye.
- 13 Ni mbilu ya Faro yi lo nonohiswa, yena i wa nga ingisangi ka bona; kwatsi hi lezi Jehova a nga wa wulile.
- 14 Na Jehova i wa te ngalo ka Mosi, A mbilu ya Faro i bisi, yena i alile a ku nga banhu baya.
- 15 Yana wena ka Faro laha mixweni; mangabye yena i humele kuya matini; wena u ta yima hi laha mbirini ya congo ku klangana naye; ni nhonga leyi yi nga hunzuka a nyoka wena u ta yi teka canjeni ga wena.

- 16 Wena u taku ka yena, Jehova a Nungungulu wa ma Heberu i nzi rumile ka wena, aku, Vumela banhu ba mina baya, kasi ba fela ku ya nzi kozela leyo xiwuloni; ni, languta, hi laha kambe wena hi wena u nga ingisangiko.
- 17 Za ku ngahi a wulako Jehova, hi ka lezi wena u ta zi tiba lezaku mina nzi mina Jehova: languta, nzi taba hi nhonga leyi yi nga lomu canjeni ga mina hehla ka mamati laya ma nga lomo congweni, wona ma ta hunzuka a nkata.
- 18 Ni zidluwani lezo zi nga lomo congweni zi tafa, ni congo wu ta su tsutsutsu kunuha; ni ba Gipiti ba nyenya kunwa mati ya congo.
- 19 Na Jehova i wa te ngalo ka Mosi, Wena na Aroni, Teka nhonga ya wena, u nauluta canja ga wena hehla ka mamati ya le Gipite, hehla ka milambo yabye, ni hehla ka micongo yabye, ni hehla ka matiba yabye, ni hehla ka milonga yabye yonkle, kasi ma hunzuka a nkata; laho ku ta ba kona nkata ka gonkle tiko ga Gipite, zonkle zibya za tisinya ni ka zibya za mari-bye.
- 20 Mosi na Aroni balo maha zakungaho kwatsi hi kuleletela ka Jehova; yena i lo klakusa a nhonga, i loba a mamati lawa ma nga wa hi lomo congweni, i kuwoneni ka Faro ni kuwoneni ka malanza yakwe; ni wonkle a mamati laya ma nga wa hi lomo congweni ma hunzuka a nkata.
- 21 Ni zidluwani lezi zi nga wa hi congweni zi lofa; ni congo wu la su tsutsutsu kunuha, ni ba Gipiti a ba nwangi mati ya le congweni; ni nkata wu wa hi ka gonkle tiko ga Gipiti.
- 22 Ni tinanga tonkle ta le Gipiti ba lo maha zakungaho hi kubula kabye: ni mbilu ya Faro yi nonohiswa, yena a nga ingisangi bona; kwatsi hi lezi Jehova a nga wa wulile.
- 23 Na Faro i lo klela aya ndlwini ya yena, ge ni ku beka lexi mbilwini.
- 24 Ni ba Gipiti ba lo kela ba renzelekela congo ku sungwa hi mati ya kunwa; hakuba bona ba wa nga ba nga hi na kunwa a mati ya congo.
- 25 A nkalanu wa masiku ni mambiri ma wa tatisekile, a nzako ka ku ba Jehova a bile congo.

XIPIMO 8.

- 1 Na Jehova i lo wulawula ka Mosi, Yana ka Faro, u ya wulawula ka yena, Za ku ngahi a wulako Jehova, Vumela banhu ba mina baya, kasi ba fela ku ya nzi kozela.
- 2 Loku wena u ala ku vumela bona baya, languta, nzi taba yonkle mimbiningano ya wena hi makele:
- 3 Ni congo wu ta pandluka makele, laya ma ta huma ma kanziya ma ta le ndlwini ya wena ya ku eklela, ni hehla ka mubedi wa wena, ni lomo ndlwini ya malanza ya wena, ni hehla ka malanza ya wena, ni le makumbarini ka wena, ni ka zibya za wena za ku gela:
- 4 Ni makele ma tata hi wonkle maklelo ka wena, ni hehla ka banhu ba wena, ni hehla ka wonkle malanza ya wena.
- 5 Jehova i wa te ngalo ka Mosi, Wula ka Aroni, Nauluta a canja zinwe ni nhonga ya wena hehla ka milambo, ni hehla ka micongo, ni hehla ka matiba, ni ku maha makele ma huma ma kanziya hehla ka tiko ga ba Gipite.
- 6 Na Aroni i lo nauluta a canja gakwe hehla ka mamati ya le Gipite; ni makele ma lo huma, ma lo fenengeta a tiko gonkle ga le Gipite.
- 7 Ni tinanga ti wa lo maha za kungaho hi kubula kabye, ba lo humesa makele hehla ka tiko gonkle ga Gipite.
- 8 Zonake Faro i lo bitana Mosi na Aroni, i wa te ngalo, Kombelani ka Jehova, kasi wa fela ku susa makele ka mina, ni ka banhu ba mina; nzi ta vumela banhu baya, kasi ba fela ku ya pahlela ka Jehova.
- 9 Na Mosi i wa te ngalo ka Faro, Nga wena u hi legi wukosi hehla ka mina: hi gihi siku nzi ta kombelela wena, ni malanza ya wena, ni banhu ba wena, kasi a makele ma lobyiswa ka wena ni ka tindlu ta wena, ni ku tsama lomo congweni koce ke?
- 10 Na te ngalo, Hi ka manziko. Na yena i wa te ngalo, Ku maha kota mhaka ya wena; kasi wa fela ku zi tiba lezaku laho a ku kona wa ku kota Jehova Nungungulu wa hina.
- 11 Ni makele ma ta kawuka ka wena, ni le tindlwini ta wena, ni malanze-ni ya wena, ni le banhwini ba wena; wona ma ta tsama le congweni koca.

- 12 Mosi na Aroni ba lo huma ka Faro : na Mosi i lo rila ka Jehova hi kota ya makele laya a nga wa ma rumele hehla ka Faro.
- 13 Na Jehova i lo maha kwatsi hi mha-ka ya Mosi ; ni makele ma lofa le tindlwini le tihubenyi, le masikwini.
- 14 Bona ba lo ma wungeletela katigi-*nwe* hi tinhulu ; ni tiko gi lo nuha.
- 15 Ni laha na Faro a nga wa wonile le-zaku laho ku kona a nzongeleni, yena i lo nonohisa a mbilu yakwe, i wa nga ingisangi ka bona ; kwatsi hi lezi Jehova a nga wa wulile.
- 16 Na Jehova i wa te ngalo ka Mosi, Wula ka Aroni, Klakusa a nhonga ya wena, nga a tsuri wa misaba, kasi ku fela ku hunzuka tinhwala tikweni gonkle ga Gipite.
- 17 Bona ba lo maha zakungaho ; na Aroni i lo klakusa a canja gakwe *zi-nwe* ni nhonga yakwe, i loba a tsuri wa misaba, laho ku wa hi kona tinhwala hehla ka banhu, ni hehla ka zihari ; wonkle tsutsungwani wa misaba wu lo maha tinhwala ka gonkle tiko ga le Gipite.
- 18 Ni tinanga ti wa lo maha za kungaho hi kubula ka^{bye}, a ku humesa a tinhwala kanilezi ti wa nga ti nga zi koti : laho ku wa hi kona tinhwala hehla ka banhu, ni hehla ka zihari.
- 19 Zonake a tinanga ti wa te ngalo ka Faro, Lolu hi litiho la Nungungulu : ni mbilu ya Faro yi lo nonohiswa, yena a nga ingisangi bona ; kota lezo Jehova a wulileko.
- 20 Na Jehova i wa te ngalo ka Mosi, Suka u binzuka ni mixo, u ya yima mahlweni ka Faro ; mangabye, yena ita le matini ; u wula ka yena : Za kungahi a wulako Jehova, Vumela a banhu ba mina baya, kasi ba fela ku ya kozela mina.
- 21 Hi klelo, loku wena u nga vumela banhu ba mina baya, languta, mina nzi ta rumela a mitsunzu ya mabawani hehla ka wena, ni hehla ka malanza ya wena, ni hehla ka banhu ba wena, ni lomu tindlwini ta wena : ni lomu tindlwini ta ba Gipiti ti tala hi mabawani, ni misaba leyi ba nga ka yona bona.
- 22 Na nzi ta gi abanyisa lego siku a tiko ga Goxeni, gi nga lego a banhu ba mina ba akileko, lezaku a ku kona a mitsunzu ya mabawani yi ta ngaya kona ; kasi hi ku gumelwa wena u ta zi tiba lezaku mina nzi mi-na Jehova a nga kona xikari ka misaba.
- 23 Mina nzi ta beka kuhambana xikari ka banhu ba mina ni banhu ba wena : a manziko lexi xiwoniso xi ti ba kona.
- 24 Na Jehova i lo maha za kungaho ; ni laho ku lota a mitsunzu ya mabawani ya yi bayisako yi binyulukisa le ndlwini ya Faro, ni le tindlwini ta malanza ya yena : ni le tikweni gonkle ga le Gipite ni tiko gi wa lo botwa hi kota ya mitsunzu ya mabawani.
- 25 Na Faro i lo bitana Mosi na Aroni, na a te ngalo, Yanani *nwina*, mu ya pahlela ka Nungungulu wa *nwi*-na lomu tikweni.
- 26 Na Mosi i te ngalo, lexi a xi sasekile ku xi mahisa kungaho ; hakuba hina hi ta pahlela a mahanyela ya Gipiti ka Jehova Nungungulu wa hina : mangabye, hina hi ta pahlela a manyalataniso ya ba Gipiti mahlweni ka kuwona ka^{bye}, kaxana bona ba nga ta hi gandla ke ?
- 27 Hina hi taya a lwenzola masiku manharu lomo xiwuleni, hi ya pahlela ka Jehova Nungungulu wa hina, kota lezi yena a ta nga hi lelela hina.
- 28 Na Faro i te ngalo, Nzi ta mu vumela muya, kasi muya pahlela ka Jehova Nungungulu wa *nwina* lomo xiwuleni ; saseka mu ngayi kule nguvu : nzi kombelele *nwina*.
- 29 Na Mosi i te ngalo, Languta, mina nza huma ka wena, nzi ta kombela ka Jehova lezaku a mitsunzu ya mabawani yi suka ka Faro, ni ka malanza ya yena, ni ka banhu ba yena, manziko : ku mbela nga Faro, a kohlisilweko kambe a ku nga vumeli banhu a kuya pahlela ka Jehova.
- 30 Na Mosi i lo huma ka Faro, i lo kombela ka Jehova,
- 31 Na Jehova i lo maha kota mhaka ya Mosi ; yena i lo susa mitsunzu ya mabawani ka Faro, ni ka malanza ya yena, ni ka banhu ba yena ; laho a ku salangi ne ginwe.
- 32 Na Faro a lo nonohisa mbilu yakwe lexi xikati kambe, yena a nga vumelangi banhu kuya.

XIPIMO 9.

- 1 Zonake Jehova i te ngalo ka Mosi, Yana u ya engena ka Faro, ni ku ya byela yena, Za kungahi a wulako Jehova, a Nungungulu wa ma He-

- beru, Vumela banhu ba mina baya, kasi ba fela ku ya kozela mina.
- 2 Hakuba loku wena u ala ku ba vumela baya, u ba komeletela,
- 3 Languta, a canja ga Nungungulu gi hehla ka tihomu ta wena le ti nga le mikobeni, hehla ka mahaxi, ni hehla ka timbongola, ni hehla ka makameli, ni hehla ka tihomu, ni hehla ka miklambi: laho ku ta ba kona ku hihiritelwako bayisa nguvu.
- 4 Na Jehova i ta maha kuabanyisa xikari ka tihomu ta ba Israeli ni tihomu ta ba le Gipite; laho ku nga ta ku ba kona kufa ka lezo zonkle zi nga za banana ba ka Israeli.
- 5 Na Jehova i lo yimisa a xikati xo kari, aku, Manziko Jehova i ta maha lezo zilo lomu tikweni.
- 6 Na Jehova i lo maha lexo xilo maziko; ni tonkle tihomu ta ba Gipite ti lofa; kanilezi a tihomu ta banana ba ka Israeli a ti fangi ne yinwe.
- 7 Na Faro i lo rumela, ni, languta, laho ku wa nga hi kona ge ni yinwe a homu ya ba ka Israeli yi fileko. Kanilezi a mbilu, ya Faro yi wa hi bisi, yena a nga ba vumelangi banhu kuya.
- 8 Na Jehova i te ngalo ka Mosi na Aroni, Tekani ka uwina canja ga kuma ga kumbari, nga na Mosi a xwanya le tilweni kuwoneni ka Faro.
- 9 Gi hunzuka tsutsungwani hehla ka tiko gonkle ga le Gipite, ku ta vimba zindlayi zi kutunga hehla ka munhu ni hehla ka zihari, za gonkle tiko ga ba Gipite.
- 10 Bona ba lo teka a kuma ga kumbari, ba lo yima mahlweni ka Faro; na Mosi i lo xwanyela le tilweni; ku lo vimba zindlayi zinwe ni kukutunga hehla ka munhu, ni hehla ka zihari.
- 11 Ni tinanga ti wa nga zi koti ku yima mahlweni ka Mosi hi kota ya zindlayi; hakuba zindlayi zi wa hi hehla ka tinanga, ni hehla ka bonkle ba Gipiti.
- 12 Na Jehova i lo nonohisa a mbilu ya Faro, yena a nga ingisangi ka bona; kwatsi hilezi Jehova a nga wa wulile ka Mosi.
- 13 Na Jehova i te ngalo ka Mosi, Suka u binzuka ni mixo, u yima mahlweni ka Faro, u wula ka yena, Zakungahi a wulako Jehova, a Nungungulu wa ma Heberu, Vumela a banhu ba mina baya, kasi ba ya nzi kozela mina.
- 14 Hakuba ka lexi xikati nzi rumela yonkle mitungu ya mina hehla ka mbilu ya wena, ni hehla ka malanza ya wena, ni hehla ka banhu ba wena kasi wena wa fela ku zi tiba lezaku a nga kona wa ku fanana na mina ka yonkle ya misaba.
- 15 Hakuba makunu nzi klakusile a canja ga mina, nzi bile wena ni banhu ba wena hi nzhere, wena nga u tse-nwilwe laha misabeni:
- 16 Kanilezi ka kwaloku kona futsi hakuba nzi ku mahile u yima, a ku kombisa wena a ntamo wa mina, kasi a bito ga mina gi tibekiswa ka yonkle misaba.
- 17 Nga hilezi wena u ti kukumuxako ka wutsumbu ga wena ka banhu ba mina, lezaku wena u nga ta ba vumela baya ke?
- 18 Languta, manziko hi lexi xikati nzi maha kuna vula yi tsisako ya mari-byana, leyo ya ku cina yi wa nga hi kona lomo tikweni ga Gipite kuskela ka siku lego ku nga kumiwa kala makunu.
- 19 Makunu hikwalaho rumela, haklisisa tihomu ta wena ti wuya ni zonkle lezo u nga nazo lehandle; hakuba bonklelele banhu ni zikari lezo zi ta nga kumiwa le handle, zi nga ta wuyiswa kambe kaya, ni vula ya mari-byana yi tana hehla kabye, bona ba ta kufa.
- 20 Loyi a cabako Jehova xikari ka malanza ya Faro a mahe malanza yakwe ni tihomu takwe ku tsutsumela ndlwini;
- 21 Ni loyi a nga hiko na xicawo hi mhaka ya Jehova i lo siya malanza ya yena ni tihomu ta yena lomo handle.
- 22 Na Jehova i te ngalo ka Mosi, Nawuluta a canja ga wena u xungeta le tilweni, kasi ku fela ku ba kona vula ya mari-byana tikweni gonkle ga le Gipite, hehla ka banhu, ni hehla ka zihari, ni hehla ka kubanyi wonkle wa kwati, gonkle tiko ga Gipite.
- 23 Na Mosi i lo klakusa canja ga yena a xungeta le tilweni: na Jehova i lo rumela kudzinza ni vula ya mari-byani, ni nzilo wu lo relela wuta laha misabeni; na Jehova i lo nisa vula yamari-byana hehla ka tiko gonkle ga Gipite.

- 24 Zingaho laho ku wa hi kona a vula ya maribyana, ni nzilo wu vilinganyisene ni vula ya maribyana, yi tsi-sako nguvu, a ya ku kwatsi hi leyi ya ku cima yi wa nga hi kona lomo tikweni ga le Gipite ku sukela ka lezi ku nga ku ba mufumo.
- 25 Ni vula ya maribyana yi lo mbetisa ka gonkle tiko ga Gipite zonkle lezo zi nga wa hi lehandle, bonkle banhu ni zihari; ni vula ya maribyana yi lo mbetisa wonkle kubyanyi wa lehandle, yi tsobeletela tonkle tisinya ta kwati.
- 26 Saseka lomo tikweni ga Goxeni, laho a banana ba Israeli ba nga wa hi kona, laho ku wa nga hi na vula ya maribyana.
- 27 Na Faro i lo rumela, a bitana Mosi na Aroni, i te ngalo ka bona, Mina nzi onhile lexi xikati: Jehova i lulamile, mina ni banhu ba mina ni bihile.
- 28 Kombela ka Jehova; hakuba laho ku enele loku kudzinza ka ntamo ni vula ya maribyana; mina nzi ta mu vumela muya, na nwina mu nga ha nonohisi mu tsama.
- 29 Na Mosi i te ngalo ka yena, Lokuloku kwatsi hi lezi nzi ta nga huma mutini wa wena, nzi ta klakusa mandla ya mina nzi nabalata ka Jehova; a kudzinza ku ta kawuka, laho ku nga ta kuba kona kambe a vula ya maribyana; kasi wena wa fela ku tiba lezaku a misaba nja Jehova.
- 30 Kanilezi hi ka wena ni malanza ya wena, nza zi tiba lezaku mu nga ta mu caba Jehova Nungungulu.
- 31 A wuluba ni barle zi lo lobyiswa; hakuba mabele ma wa rumbukile, ni wuluba gi wa pfepile.
- 32 Kanilezi a kolweni ni mabele a zi lobiswangi: hakuba wona ma wa nga se ku kula.
- 33 Na Mosi i lo huma lomo mutini ka Faro, i lo klakusa mandla yakwe a nabalata ka Jehova: a kudzinza ni vula ya maribyana ku kawuka.
- 34 Ni laha Faro a nga wa wonile lezaku a vula ni vula ya maribyani ni kudzinza ku kawukile, yena i lo onha kambe, i lo nonohisa a mbilu yakwe, yena ni malanza ya yena.
- 35 Ni mbilu ya Faro yi lo nonohiswa, yena a nga vumelangi a banana ba Israeli baya: kota lezi Jehova a nga wa wulawulile ha Mosi.

XIPIMO 10.

- 1 Na Jehova i te ngalo ka Mosi, Yana u ya engena ka Faro; hakuba mina nzi nonohisile a mbilu ya yena, ni mbilu ya malanza ya yena, kasi nza fela ku kombisa lezi ziwoniso za mina xikari kabye.
- 2 Kasi wena wa fela ku wula tindlebeni ta banana ba nwina, ni ka banana ba bana ba nwina, zilo muni nzi nga wa zi mahile hehla ka ba Gipite, ni ziwoniso za mina lezi nzi mahileko xikari ka bona; kasi nwina ma fela ku zi tiba lezaku mina nzi mina Jehova.
- 3 Na Mosi na Aroni ba loya ka Faro na ba te ngalo ka yena, Zakungahi a wulako Jehova, a Nungungulu wa ma Heberu, Ku kala ku ku yini wena u nga ti koramisi wutsumbu ga wena mahlweni ka mina ke? u vumela a banhu ba mina baya, kasi ba fela ku ya kozela mina.
- 4 Hi klelo, loku wena u alela banhu ba mina kuya, languta, manziko nzi ta neha a humbi lomu mimbanganweni ya wena:
- 5 Yona yi ta fenengeta a nghohe ya misaba, lezaku a munwe a nga zi koti a ku wona misaba, yona yi taga a mitsekatshekana ya loku ku nga wa ponile loku ku nga wa siyilwe hi vula ya maribyana, yi taga tonklelele tisinya leti buvelako nwina lomu kwatini:
- 6 Ni tindlu ta wena ti ta tatiswa, ni tindlu ta wonkle malanza ya wena, ni tindlu ta bonkle a ba Gipiti; lezaku cima hambu ba raru ba nwina hambu bararu ba bararu ba nwina a ba yi wonangi, cima ka siku legi ba nga ku ba kona misabeni kala nyamukla lezi. Na yena i lo hunzuka a huma ka Faro.
- 7 Na malanza ya Faro ma te ngalo ka yena, Ku ta kala ku ku yini loye munhu a ta hi mapanya ka hina ke? vumela banhu baya, kasi ba fela ku ya kozela Jehova Nungungulu wabye; a ku tibi wena lezaku a Gipite gi lobyisilwe ke?
- 8 Mosi na Aroni ba lo nehwa kambe ka Faro; yena i te ngalo ka bona, Yanani, muya kozela Jehova Nungungulu wa nwina; kanilezi mbamani laba ba ta ngaya ke?
- 9 Na Mosi i te ngalo, Hina hi taya ni baswa ba hina ni ba kale ba hina; ni barisanyana ba hina ni banhanyana

- ba hina, ni miklambi ya hina, ni tihomu ta hina hi taya; hakuba hina hi yimelwe hi ku maha mubuzo ka Jehova.
- 10 Yena i te ngalo ka bona, Zingaho nga Jehova a hi na nwina, kota lezi mina nzi ta nga mu vumela nwina muya, ni banana ba nwina; cuwukani ka lexi; hakuba a kubiha ku kona mahlweni ka nwina.
- 11 Zingangaho: yanani nwina makunu laba mu nga ba banuna, ni ku ya kozela Jehova; hakuba lexo hi lexo mu xi xubako. Bona ba lo hlolongolwa lahandle mahlweni ka Faro.
- 12 Na Jehova i te ngalo ka Mosi, Nawuluta a canja ga wena hehla ka tiko ga Gipite hakuba hi humbi, kasi ya fela kuta hehla ka tiko ga Gipite, yi taga wonklelele a kubyanyi wa tiko, hambu zonkle lezo a vula ya mari-byani yi nga wa ku siyile.
- 13 Na Mosi i lo klakusa a nhonga yakwe hehla ka tiko ga Gipite, na Jehova i lo neha a mheho ya mutsuwukagambo ku pupuxa gonkle lego siku, ni gonkle wusiku; ni laha gi nga wa hi mixo, a mheho ya mutsuwukagambo yi lo neha humbi.
- 14 Ni humbi yi lo huma yi ya hehla ka tiko gonkle ga Gipite, yi la su mbamamela ka wonkle a mbingano wa Gipite; yi wa cabisisikile nguvu yona hi mahlweni ka yona ku wa nga hi kona humbi yo kotisa yona, ge hambu ni nzako ku nga ta ku ba kona a humbi ya kungaho.
- 15 Hakuba yona yi wa kubunyeta a ngohe ya misaba yonkle, zingaho lezo a tiko gonkle gi wa lo pfupeliswa; yona yi loga wonkle kubyanyi wa tiko, ni yonkle mihanzo ya tisinya leyi yi nga wa siyilwe hi vula ya mari-byana: a ku salangi laho ni xibi xa kunyuka, hambu sinye kutani lihunga la kwati, ka gonkle tiko ga Gipite.
- 16 Zonake Faro i lo bitana Mosi na Aroni hi ku haklisa; yena i wa te ngalo, Mina nzi onhile ka Jehova Nungungulu wa nwina, ni ka nwi-na kambe.
- 17 Makunu hikwalaho tsetselelani, nza kombela wena, gwalegi kati, ni ku kombela ka Jehova Nungungulu wa nwina, kasi wa fela ku susa ka mina loku kufa koce.
- 18 Na yena i lo suka le ka Faro, i lo kombela Jehova.
- 19 Na Jehova i lo hunzulusa a mheho ya ntamo yi ka muhlwagambo, yi lo kuma a humbi, yi lo ti hoxa bimbi-ni go Truka; ku wa nga sala a humbi yizwe mbingwaneni gonklelele ga tiko ga Gipite.
- 20 Kanilezi Jehova i lo nonohisa a mbilu ya Faro, na yena a nga vumelangi a banana ba ka Israeli ba famba.
- 21 Na Jehova i te ngalo ka Mosi, Nawuluta a canja ga wena le tilweni, hakuba a munyama gi lote hehla ka tiko gonkle ga Gipite, enaka munyama gi kotako ku kumbiwa.
- 22 Na Mosi i lo nawuluta a canja ga yena le tikweni, gi wa hi kona a munyama ga hombe tikweni gonklelele ga Gipite hi masiku manharu.
- 23 Ba wa nga kota ku wona munwe ni munwani, hambu ge munwe a nga vukangi wutsanweni ga yena hi masiku manharu: kanilezi bonklelele a banana ba ka Israeli ba wani kuwo-nekela tin'lwini talye.
- 24 Na Faro i lo bitana Mosi, a ku ngalo ka yena, Fambani nwina, kozelani Jehova; saseka a tiklambi ni tihomo ta nwina a zi tsamele: a batsongwani ba nwina a ba fambe na nwina.
- 25 Na Mosi i te ngalo, wena wa fela ku nyikela canjeni ga hina mipahlelo ni minyikelo yo hiswa, hi pahlele ka Jehova a Nungungulu wa hina.
- 26 Ni tihomu ta hina kambe ti taya na hina kambe; hakuba laho ku nga ta siywa na xikamba xa ku sala; hakuba hi lezo hi yimelwe hi kuya kozela Jehova Nungungulu wa hina; hakuba hina a hi zi tibi lezaku hi ta mu kozelisa ku yini kala hi cikela laho.
- 27 Kanilezi Jehova i lo nonohisa a mbilu ya Faro, yena i wa nga a nga ba vumeli baya.
- 28 Na Faro i te ngalo ka yena, Huma wena laha ka mina, Klariha a wutsumbu ga wena, u nga ha woni ngohe ya mina kombe; hakuba hi siku lego wa wona ngohe ya mina u tafa.
- 29 Na Mosi i te ngalo, Wena u wulawulile kwatsi; nzi nga ta ha engeta nzi wona ngohe ya wena kambe.

XIPIMO 11.

- 1 Na Jehova i te ngalo ka Mosi, Ka ha sele xixaniso rinwe kambe mina nzi ta nga neha hehla ka Faro, ni hehla ka Gipite; a nzako ka lezo yena i ta mu vumela mu suka laha:

- ni laha a ta nga mu vumela muya, yena ha kunene wa ha ta mu pauzanya mu huma laha katigizwe.
- 2 Wulawula makunu tindlebeni ta banhu, nga bona ba wutisa loyi ni loyi ka wa akelane wa yena ni loyi wasati wutisa ka wa akelane wakwe, a tinzalama ta siliva ni tinzalama ta nzalama.
- 3 Na Jehova i lo nyika tomo ka banhu mahlweni ka Gipiti. Alatakumbiri a munhu Mosi i wa hi munhu wa hombe tikweni ga ba Gipite, mahlweni ka malanza ya Faro, ni mahlweni ka banhu.
- 4 Na Mosi i te ngalo, Zakungahi a wulako Jehova, Hi laha xikari ka wusiku nzi ta huma nzi ya xikari ka ba Gipite:
- 5 Ni wonkle matewula xikari ka tiko ga Gipite ma ta kufa, kusukela ka matewula ya Faro laya ma tsamileko xitsazweni xakwe xa wukosi, hambu ka matewula ya malanza ya xisati lawo ma nga le nzako ka xigayo; ni wonkle matewula ya tihomu.
- 6 Laho ku ta ba kona kurila ka hombe ka tiko gonkle ga le Gipite, loko ka ku cima ku wa nga hi kona, cima ku nga ta ha kuba kona kambe.
- 7 Kanilezi a ka banana ba ka Israeli ni mbyana yi nga ta dakalamba lirimi la yona, ka banhu ni zihari: kasi nwina ma fela ku tiba lezaku Jehova wa maha kuabanyisa xikari ka ba Gipiti ni ba ka Israeli.
- 8 Na zonkle lezi a malanza ya wena ma tata lahasi ka mina, ba ta koramisa wutsumbu gabye ka mina, baku, Huma wena, ni bonkle banhu laba ba ku hanzelako wena a nzako ka lego nzi ta huma. Yena i lo huma ka Faro na a bila hi zanga.
- 9 Na Jehova i te ngalo ka Mosi, Faro a nga ta ingisa ka wena; kasi a zihlamaliso za mina za enzeleka tikweni ga Gipite.
- 10 Na Mosi na Aroni ba lo maha zonkle lezi zihlamaliso mahlweni ka Faro; na Jehova i lo nonohisa mbilu ya Faro, a nga vumelangi banana ba Israeli ba huma tikweni gakwe.
- 3 Wulawulani nwina ka wonkle nklangano wa ba ka Israeli, muku, Hi siku ga kume ga leyi hweti ba ta ti tekela bona munhu ni munhu a ivana, ku kota hi tindlu ta bararu babye, a ivana ya ngango:
- 4 Loku a bangango ba hi ba tsongwani ka ivana, zonake yena ni wa akelane wa yena loyi a gamelako ka yindlu yakwe a ba teke yinwe kota tsengo wa mihefemulo; kota kuga ka nwenklelele nwina mu ta hlalaya hi ivana.
- 5 Ni ivana ya nwina yi nga ta ku ba na bawa, a hambana ya lembe giawe: nwina mu ta yi teka le tiyivini, kutani timbutini:
- 6 Nwina mu ta gi hlalaya kala kume ga masiku ni mune ka ywaleyo hweti; ni wonkle a hlengeletalo wa muklangano wa ba Israeli a ba yi daye laha gambyeni.
- 7 Na bona ba ta teka nkata, ba ta patseka a timhanzeni timbiri marimba ni laho xikoranweni, hehla ka yindlu leyo ba ta nga gela ka yona.
- 8 Bona ba taga nyama ka lego wusiku, yi ocilwe hi nzilo, ni zibaba zi nga hiko na comelo; ku patsa ziawe ni kubanyu wu babako ba ta yiga.
- 9 Mu nga yigi yi mbisi, kutani yi bikilwe futsi hi mati, kanilezi ocani hi nzilo; a hloko ya yona ziawe ni milenge ya yona ni lomo nzeni ka yona.
- 10 Nwina mu nga ta siyani xihl neumo xa yona xi sala kala gica; kanilezi leyo yi ta nga sala ka yona kala gica nwina mu ta hisa hi nzilo.
- 11 Zakungahi mu ta yi gisa zona: ziawe na ziwunu za nwina zi bohilwe, ni zilato za nwina mikonzwani ya nwina, ni nhunzu ya nwina canjeni ga nwina; nwina mu yiga hi kuahlisa: yona i pasika ga Jehova.
- 12 Hakuba mina nzi taya tsemakanya tiko gonkle ga Gipite lego wusiku, nzi ta daya wonkle matewula le tikweni ga le Gipite, bonkle banhu ni zihari; ni ka bonklele banungungulu ba le Gipite nzi ta tsanza a kulamula: nzi mina Jehova.
- 13 Ni nkata wu taba xiwoniso ka nwi na hehla ka tindlu leti nwina mu nga ka tona: laha mina na nzi wona nkata, nzi ta hunza nzi klula nwina, ku nga taku ba xixaniso hehla ka nwina a ku mu lobisa nwina, laha na nzi daya tiko ga le Gipite.

XIIMO 12.

- 1 Jehova i te ngalo ka Mosi na Aroni lomo tikweni ga Gipite aku,
- 2 Leyi hweti yi ta ba ka nwina a hweti yo sangula tihweti: yi ta ba hweti yo sangula lembe ka nwina.

- 14 Legi siku gi ta kuba ka *nwina* a xi alakanyiso, *nwina* mu ta gi hlayisa a mubuzo ka Jehova: ka zonkle zizukulwana za *nwina* mu ta gi hlayisa a mubuzo ni xiyimiso kala kupinzuka.
- 15 Nklanu ni mambiri masiku *nwina* mu taga a zibaba zi nga hiko na comelo; ni siku go ranga *nwina* mu ta susa a comelo mu humesa lomu tindlwini ta *nwina*: hakuba kani hi wihi a gako a zibaba za comelo ku sukela sikwini go ranga kala ga nklanu ni mambiri loye muhefemulo wu ta tsenwa ka Israeli.
- 16 Hi siku go ranga laho ku ta ku ba ka bona a muklangano wo basa, ni siku ga wuklanu ni mambiri a muklangano wa ku basa; ku nga taku ba kona ni tiro wihi wu ta nga tiriwa ka wona, sasaka lezaku bonklelele ba fauelwe hi kuga, lezo *nwina* mu nga zi ma ha *nwina*.
- 17 *Nwina* mu ta lonzowotela a mubuzo wa zibaba zi nga hiko na comelo; hakuba nzeni ka gwalegi siku mina nzi lo humesa mabandla ya *nwina* hi le tikweni ga le Gipite; hikwalaho *nwina* mu ta lonzowotela legi siku ka zizukulwana za *nwina* zonkle hi xiyimiso kala ku pinzuka.
- 18 Hi hweti yo ranga, hi siku ga kume ni mune ga hweti laha gambyeni, *nwina* mu taga zibaba zi nga hiko na comelo, kala ku cikela a siku ga makume mambiri ni giawe ga hweti laha gambyeni.
- 19 Nklanu wa masiku ni mambiri ku ngata ku ka bona ku kunwa a zibaba za comelo lomu tindlwini ta *nwina*; hakuba kani hiwihi a gako lexi xi nga ni comelo lowo muhefemulo wu ta tsenwa le ka klangano wa ka Israeli, hambu ka ku ba, mulumbeli kutani muzwe loyi a tralweko lomu tikweni.
- 20 *Nwina* mu nga taga ncumo xa comelo; ka konkle kuaka ka *nwina* mu taga a zibaba zi nga hiko na comelo.
- 21 Zonake Mosi i lo bita wonkle masingalakati ya ka Israeli, i te ngalo ka bona, Yanani, mu ya teka tiivana kota hi mingango ya *nwina*, mu klabha a pasika.
- 22 *Nwina* mu ta teka a hlukuza ga hisope, mu gi peta lomo nkateni lowu wu nga lomu ngelweni, ni kuba mu patseka xikoramo ni timhanze timbiri ta marimba hi nkata lowo wu nga lomo ngelweni; ku nga taku ba kona wa *nwina* a ta nga huma lahandle ka libati gi kala gica.
- 23 Hakuba Jehova i ta klula a hunza ku ya daya ba Gipiti; ni laha na a wona nkata laha xikoranweni, ni laha timhanzeni timbiri ta marimba, Jehova i ta klula a hunza libati, a nga ta vumela a mu lobisa a ku ta ndlwini ya *nwina* ku ta daya *nwina*.
- 24 *Nwina* mu ta lonzowotela lexi xilo a ku ba xiyimiso ka *nwina* ni banana ba *nwina* kala kupinzuka.
- 25 Na ku mahisile lezo, laha na mu tile ka tiko lego Jehova a ta nga nyika *nwina*, ku kota lezi yena a tsumbisileko lezaku *nwina* mu ta hlayisa a nkozi leyi.
- 26 Na ku mahisile lezo, laha banana ba *nwina* ba ta ngaku ka *nwina*, Mu fela yini ka leyi nkozi ke?
- 27 Lezo *nwina* mu ta wula, Lowu mpahlelo wa pasika ga Jehova, loyi a nga klula a hunza a tiyindlu ta banana ba Israeli le Gipite, laha yena na i lo daya ba Gipiti, i lo klaklisa a tindlu ta hina. Ni banhu ba lo korama tihloko ba lo kozela.
- 28 Ni banana ba ka Israeli ba loya ba ya maha zakungaho; kota lezi Jehova a nga laya Mosi na Aroni zingaho ba lo maha bona.
- 29 Na ku mahisile lezo, laha xikari ka wusiku, lezaku Jehova i lo daya matewula wonkle lomo tikweni ga Gipite, ku sukela matewuleni ya Faro laya ma tsamileko xitsazweni xakwe xa wukosi kala matewula ya tikumbi laya ma nga lomo paxweni; ni wonkle a matewula ya tihomu.
- 30 Na Faro i lo vuka ni wusiku, yena, ni malanza yonkle ya yena ni bonkle ba Gipiti; laho ku wa hi kona kurila ka hombe le Gipite; hakuba ku wa nga hi kona a yindlu yo ba ku nga hiko kona a munwe a fileko.
- 31 Na yena i lo bitana Mosi ni Aroni wusiku, i te ngalo, Sukani, humani *nwina* xikari ka banhu ba mina, *nwina* nwenkle ni banana ba Israeli; yanani, mu ya kozela Jehova, kota lezi mu wulileko.
- 32 Tekani yonkle miklambi ya *nwina*, ni tihomu ta *nwina*, kwatsi hi lezi *nwina* mu wulileko, ni ku yanani; ni ku nzi katekisawu kambe.
- 33 Ni ba Gipiti ba lo lelalwa hi banhu, a ku ba humesa lomu tikweni hi ku

- haklisa; hakuba ba te ngalo. Hina honkle hi ta kuba banhu ba fileko.
- 34 Ni banhu ba lo teka a mapa yabye na ma nga seku ba na comelo, ni zibya zo hakasela bona na zi bohilwe tingubenyi tabye na ba ti klatekile makakleni yabye..
- 35 Ni banana ba ka Israeli ba lo maha ku kota mhaka ya Mosi; bona ba lo wutisa ka ba Gipiti a tinzalama ta siliva, ni tinzalama ta nzalama, ni tinguwo:
- 36 Na Jehova i lo nyika banhu a tomo mahiweni ba ka Gipiti, zingaho bona ba lo ba nyika ka zonkle ba wutisako. Na bona ba lo pangela a ba Gipiti.
- 37 Ni banana ba ka Israeli ba a ndlamuka hi le Ramesesi ba lota Sukote nklanu ni ginwe ya kumi ga mazana labo ba faumbako hi mikonzo ka ba banuna, hi lahandle ka banana.
- 38 Ni xindlelo xa mixangelwa xi lo kanziya zinwe na bona kambe; ni miklambi, ni tihomu, hambu ni tihomu to tala.
- 39 Na bona ba lo bika a zibaba zi nga hiko na comelo hi mapa laya ba ngata nawo hi le Gipite; hakuba ma wa nga se ku comelwa, hakuba bona ba wa hlongolwa le Gipite, ba wa nga ba nga ribateki, hambu ui ku longisela a wu tsumbu gabye a timbuba.
- 40 Makunu a xikati lexi a banana ba Israeli ba nga wa tsamile le Gipite mune wa mazana ni makume manharu malembe.
- 41 Na ku mahisile lezo hi kugumelweni ka mazana ya mune ni makume manharu malembe, hambu gwalego siku wutsumbu na ku mahisile lezo, wonkle mabandla ya Jehova ma lo huma ma famba tikweni ga Gipite.
- 42 Nguvu gona a wusiku u ku gi lonzowotelwa ka Jehova hi ku ba humesa bona tikweni ga Gipiti: legi hi lego wusiku ga Jehova, gi lonzowotwa hi bona bonkle a banana ba Israeli ka zonkle zizukulwana zabye zonkle.
- 43 Na Jehova i te ngalo ka Mosi na Aroni, Lexi hi xiyimiso xa pasika: laho ku ngata kuba kona a mulubeli a ta ngaga xona.
- 44 Kanilezi a malanza wonkle ya munhu laya ma xabyilweko hi mali laha wena na u nga na u ba mahile mikwera, zonake bona ba ta xiga xona.
- 45 A mulubeli ni nanza ga kurihwa gi nga ta xiga xona.
- 46 Ni lomo ndlwini yinwe xona xi ta gelwa bona; wena u nga ta rwala u huma a nyama ya bona na u klemerele lahandle ka yindlu; ge ni ku tsoba a rambo ga yona.
- 47 Wonkle a nklangano wa ba Israeli wu ta yi hlayisa yona.
- 48 Ni laha mupfumba a ta lukelela wena, ni ku ta hlayisa pasika ka Jehova, nga bonkle ba banuna ba yena ba maha zittiba, na zonake nga yena a tsinela kusahani a hlayisa pasika; yena i ta kwatsi hi munwe a tralelelweko lomu tikweni: kanilezi a ku na nkuna gi ta yiga.
- 49 Munwe nayo wu ta nyikiwa ka yena loye a tralelweko lomu kaya ndlwini, ni ka mupfumba loye a enzeleko xikari ka zwina.
- 50 Za kungahi ba lo maha zonkle a banana ba Israeli; kotalezi Jehova a nga lelele Mosi na Aroni, zingaho ba lo maha.
- 51 Na ku mahisile lezo, gwalago wutsumbu siku, lego Jehova a nga humesa a banana ba Israeli le tikweni ga le Gipite hi mabandla yabye.

XIPIMO 13.

- 1 Na Jehova i lo wulawula ka Mosi, aku,
- 2 Basisani ka mina a matewula wonkle, ni ka xibi lexi xi vululako a marumbu xikari ka banana ba Israeli, bonkle banhu ni zihari za mina.
- 3 Na Mosi i te ngalo ka banhu, Alakanyani legi siku, ka gona zwina mu nga huma le Gipite, hi lomu ndlwini ya wukumbi: hakuba hi canja ga ntamo Jehova i mu humesile ka legi wutsamo: ku nga taku ba kona xibaba xi comelweko ku giwa.
- 4 Legi siku mu nga huma ha gona a hweti hi Abibe.
- 5 Na ku ta ku ba, laha Jehova a ku neha tikweni ga mu Kenani, ni mu Hiti ni mu Amori, ni mu Hivi, ni mu Jebusi, legi a nga hlambanya ka bararu ba wena ku nyika wena, a tiko gi kulungako a masi ni wulombe, lezaku wena u ta hlayisa leyi kozo ka leyi hweti.
- 6 Nklanu ni mambiri wena u taga a zibaba zi nga comelwangiko, hi nklanu wa masiku ni mambiri ku ta ba mubuzo ka Jehova.

- 7 A zibaba zi nga comelwangiko zi ta giwa xikari ni ka nklanu wa masiku ni mambiri; ku nga taku ba kona a zibaba za comelo zi ta nga wonwa ka wena, ge ni comelo gi nga ta wonwa ka wena, lomu mbinganweni wa wena wonkle.
- 8 Na wena u ta byela a nwana wa wena ka lego siku, uku, Hakuba lexi hi lexo Jehova a maheleko mina laha na nzi huma hi le Gipite.
- 9 Ku ta ba xiwoniso ka wena hehla ka canja ga wena, a xialakanyiso xikari ka mahlo ya wena, kasi a nayo wa Jehova wu fela ku tsama nonwini wa wena: hakuba hi canja ga ntamo Jehova i lo humesa wena le Gipite.
- 10 Wena hikwalaho u ta hlaysia lexi xiyimiso hi ngubeni ya xona a lembe ni lembe.
- 11 Na ku ta kuba, laha Jehova a ta nga ku neha wena le tikweni ga le Kenani, kota lezi a hlambanyileko ka wena ni ka bararu ba wena, i ta gi nyika ka wena.
- 12 Lezaku wena u ta beka klelo ka Jehova zonkle lezi zi vululako a marumbu, wonklelele matewula laya u nga nawo ya zihari; a ba matsunc mba Jehova.
- 13 Ni matewula wonkle ya mbongola wena u i ta ma klakla zinwe ni ivana; ni loku wena u nga ma klaklisi, zonake u ta tsoba mhamo ya wona: ni matewula wonkle ya banhu xikari ka banana ba wena u ta ma klakla.
- 14 Na ku ta ku ba kona, laha na nisanzana wa wena a wutisa wena hi xikati xi tako, aku, Zaku yini lezi ke? wena u ta wula ka yena, Ihi canja ga ntamo Jehova i lo hi humesa hi le Gipite, hi le ndlwini ya wukumbi:
- 15 Na ku mahisile lezo, laha Faro a nga wa sihalala ku vumela hina hiya, lezaku Jehova i lo daya matewula le tikweni ga le Gipite, wonkle matewula ya banhu, ni matewula ya zihari: hikwalaho nzi pablela ka Jehova zonkle zi vululako marumbu, na zihi ba matsune; kanilezi wonkle matewula ya barisanyana uza klakla.
- 16 Ku ta ba xiwoniso hehla ka canja ga wena, na ku ta ba ximombyeni xikari ka mahlo ya wena: hakuba hi canja ga ntamo Jehova i lo humesa hina hi le Gipite.

- 17 Na ku mahisile lezo, laha Faro a nga wa vumela banhu baya, lezaku Nungungulu a nga ba rangelanghi hi ndlela ya tiko ga ma Filisti, hambulezi ku nga wa hi kusuhani; hakuba Nungungulu i te ngalo, Ku nga taku kutani a banhu ba hunzuluka loku ba wona yimpi, bona ba klelela le Gipite:
- 18 Kanilezi Nungungulu i lo rangela banhu, hi ndlela ya le xiwuleni hi Bimbi go Truka: ni banana ba Israeli ba lo kanziya baya na hlomile hi lomu tikweni ga Gipite.
- 19 Na Mosi i lo teka marambu ya Josefa zinwe naye: hakuba i lo hlambanya hi kutiyisa ka banana ba Israeli, aku, Nungungulu ha kunene i ta enzela nwina; mu ta rwala marambo ya mina hi leno zinwe na nwina.
- 20 Na bona ba lo teka a lwenzu labye hi le Sukote, ba loya goba le Etama, hi le wukleni ga xiwula.
- 21 Na Jehova i lo fumba mahlweni ka-bye hi mumu hi mhinga ya refu, a ku ba kombisa ndlela ni wusikwini hi mhinga ya nzilo, ku ba nyika kuwoninga; kasi ba fela ku famba mumu ni wusiku:
- 22 A mhinga ya refu hi mumu, ni mhinga ya nzilo hi wusiku, yi wa nga suki le mahlweni ka banhu.

XIPIMO 14.

- 1 Na Jehova i lo wulawula ka Mosi, aku,
- 2 Wulawula ka banana ba ka Israeli, lezaku a ba klele hi le nzako ba ya goba mahlweni ka Pi-hahirote, xikari ka Migdole ni bimbi, mahlweni ka Baale-zefoni: hi klatuko lowu wu cuwukeneko na kona nwina muta goba hi le bimbini.
- 3 Na Faro i ta wula hi banana ba Israeli, Bona ba kwekele lomu tikweni, ni xiwula xi ba valela.
- 4 Na mina nzi ta nonohisa a mbilu ya Faro, na yena i ta lanzela a nzako ka bona: mina nzi ta ku dzunziwa ka mina hehla ka Faro, ni hehla ka mabandla yakwe wonkle; ni ba Gipiti ba ta zi tiba lezaku mina nzi mina Jehova. Bona ba lo maha lezo.
- 5 Ku lo byelwa a hosi ya le Gipite lezaku a banhu ba tsutsumat: ni mbilu ya Faro ni mbilu ya banhu ba yena yi lo hunzuluka hakuba hi ngomama ya banhu, ba te ngalo, Zaku

- yini lezi hina hi zi mahileko, lezaku hi vumele ba Israeli baya ba nga hi kozeli ke ?
- 6 Yena i lo longisa a tikareta ta yena, i lo teka banhu ba yena zinwe na yena:
- 7 Yena i lo teka nklanu mazana ni ginwe ya tikareta ti hlawuliweko, tonkle tikareta ta le Gipite, ni tinduna ta tona tonkle.
- 8 Na Nungungulu i lo nonohisa a mbilu ya Faro a hosi ya le Gipite, yena i lo hlolongisa a lanza banana ba ka Israeli: hakuba a banana ba ka Israeli ba lo huma hi canja gi klakukileko.
- 9 Ni ba Gipiti ba lo hlongola le nzako ka bona, wonkle mahaxi ni tikareta ta Faro ni ba kileli mahaxi ba yena ni yimpi ya yena, ba lo ba kamanyeta na ba gobile le bimbini, hi klelo ga Pi-hahirote, mahlweni ka Baalezefoni.
- 10 Ni laha Faro a nga wa tsinele ku suhani, ni banana ba Israeli ba lo klakusa a mahlo yabye, ni, languta, a ba Gipiti ba wo makanya le nzako ka bona; bona ba wa la su neu hi kucaba: ni banana ba Israeli ba lo rila ka Jehova.
- 11 Na bona ba te ngalo ka Mosi, Hakuba ku wa ba haba mikele le Gipite, lezi wena u hi tekileko ku ta fela lomo xiwuleni ke? ngahilezo wena u mahile ka hina, a ku hi humesa hi le tikweni ga Gipite ?
- 12 A hi yona mhaka leyi hi nga yi wulawula ka wena le Gipite, hiku, Hi tsike hoce, kasi ha fela kukozela ba Gipiti? Hakuba ku sasekile ka hina a kukozela a ba Gipiti, ku hunza a ku ba hina hifa lomu xiwuleni.
- 13 Na Mosi i te ngalo ka banhu, Mu nga cabi nwina, yimani mu wona kuhanyiswa ka Jehova, loku a ta nga ku tirela ka nwina nyamuza; hakuba a ba Gipiti laba mu ba wonile nyamuza, nwina mu nga ta ba wona kambe kala ku pinzuka.
- 14 Na Jehova i ta lwela nwina na nwina mu ta rutisa mu miyela.
- 15 Na Jehova i te ngalo ka Mosi, Ngahilezo u rilako ka mina? wulawula ka banana ba Israeli, lezaku a baye ba komama mahlweni.
- 16 U klakusa wena a nhonga ya wena, ni ku nauluta canja ga wena hehla ka bimbi, u gi abanyisa; ni banana ba Israeli ba ta famba xikari ka bimbi muhanzeni wu omileko.
- 17 Na mina, languta, nzi ta nonohisa a mbilu ya ba Gipiti, bona ba taya ba lanzela bona: mina nzi ta ti tekela kudzunziwa hehla ka Faro, ni hehla ka wonkle mabandla yakwe, ni hehla ka tonkle tikareta takwe, ni hehla ka bakileli ba yena ba mahaxi.
- 18 Ni ba Gipiti ba ta zi tiba lezaku mina nzi mina Jehova, laha na nzi tekele mina a kudzunziwa hehla ka Faro ni tikareta takwe, ni bakileli ba yena ba mahaxi.
- 19 Ni ngelosi ya Nungungulu, leyi yi nga wa hi mahlweni ka zumbo ga ba Israeli, yi lo suka yiya le nzako ka bona; ni mbinga ya refu yi suka mahlweni yabye, yi loya yima le nzako ka bona:
- 20 Yi lo yima xikari ka wugobo ga ba Gipite ni Israeli; laho ku wa hi kona refu ni munyama, kasi ku nga nyiki kuwonekela ni wusiku: a yinwe ba wa nga tsineli ka yinwani gonkle wusiku.
- 21 Na Mosi i lo nauluta canja ga yena hehla ka bimbi; na Jehova i lo maha a bimbi gi klelela nzako hi mheho ya ntamo ya mutsuwuka gambo gonkle wusiku, a ku maha bimbi muhanza wo oma, ni mamati ma wa abanyisene.
- 22 Ni banana ba ka Israeli, ba lo engena xikari ka bimbi hehla ka muhanza wu omileko: ni mamati ma wa hi kurisi ka bona hi canjeni gabye ga xincene, na hi canjeni gabye ga xibaba.
- 23 Ni ba Gipiti ba lo ba lanzisa, ba lo hlongola le nzako kabye lomo xikari ka bimbi, wonkle mahaxi ya Faro, ni tikareta takwe, ni bakileli ba yena ba mahaxi.
- 24 Na ku mahisile lezo hi xirinzwa xa laha mixweni, Jehova i lo cuwuka a bandla ya ba Gipiti hi mbinga ya nzilo ni refu, i lo vilinganyisa a bandla ga ba Gipiti.
- 25 Yena i lo kunula a maranzani ya ti kareta tabye, zingaho ba lo ti fambisa hi ku tsanzisilweko; zingaho lezo a ba Gipiti ba te ngalo, Nga hina hi caba ngoheni ya ba Israeli; hakuba Jehova wa ba lwela bona ku hlula ba Gipiti.
- 26 Na Jehova i te ngalo ka Mosi, Nauluta canja ga wena hehla ka bimbi, kasi a mamati ma wuya kambe hehla ka ba Gipiti, hehla ka tikareta tabye, ni hehla ka ba kileli babye ba mahaxi.

- 27 Na Mosi i lo *klakusa* a canja gakwe hehla ka bimbi, ni bimbi gi lo *klelela ntaaweni* wa gona laha kuca ku nga wa wonekile, ni ba Gipiti ba tsutsu-ma lomo ka gona ni Jehova i lo mbe-tisa a ba Gipiti lomo xikari ka bi-mbi.
- 28 Ni mamati ma lo *klelela*, ma lota ta-lela tikareta ni bakileli ba mahaxi, hambu ni bonkle mabandla ya Faro laya ma nga eugena le nzako kabye lomo bimbini; laho a ku salangi hambu muawe wa bona.
- 29 Kanilezi a banana ba Israeli ba lo fa-mba muhanzeni wu omileko xikari ka bimbi: ni mamati ma wa hi kuri-si ka bona, le canjeni gabye ga xine-ne, ni le canjeni gabye ga xibaba.
- 30 Zingaho Jehova i lo hanyisa ba Isra-eli lego siku canjeni ga ba Gipiti, ni ba Israeli ba lo wona a ba Gipiti na ba file fungwini wa bimbi.
- 31 Ni ba ka Israeli ba lo wona mitiro ya hombe leyi Jehova a nga yi ma-ha ka ba Gipiti, ni banhu ba lo caba Jehova; bona ba lo kolwa ka Jeho-va, ui ka nanza gakwe Mosi.

XIIMO 15.

- 1 Zonake i lo yimbelela Mosi ni ba-nana ba ka Israeli lolu lisimu, ni ku wulawula, baku,
Nzi ta yimbelela ka Jehova, haku-ba yena i lo hlula hi ku dzunze-kisilweko:
A haxi ni mukileli wa gona i ho-xilwe bimbini.
- 2 Jehova hi ntamo wa mina ni lisi-mu la mina,
Yena i mahile kuhanyiswa ka mi-na:
Loyi hi Nungungulu wa mina, nzi ta dumisa yena;
Nungungulu wa dadani wa mina, nzita kukumuxa yena.
- 3 Jehova hi munhu wa kulwa:
Jehova hi bito gakwe.
- 4 A tikareta ta Faro ni bandla ga-kwe zi hoxilwe bimbini;
Ni tinduna takwe ti hlawulilweko tirikile Bimbini go Truka.
- 5 A kueta ku ba kubunyeta bona:
Bona ba lo relela ba rika lahasi ku-eteneni ku fanana ni ribye.
- 6 A canja ga wena ga xinene, O Je-hova, gi dzunzekile ntaaweni,
A canja ga wena ga xinene, O Jehova, ga konyomolela a ba-lala a fufanya.

[Sheetswa] 6

- 7 Na hi kukulisiweni ka wukulu ga wena wa ba hoxa kona ba vukelako wena:
Wena u rumelako a zanga ya we-na, ba mbetisa kota a ziguru-mbu.
- 8 Na hi kupupuxa ka tinhovu ta wena a mamati ma lo pulaka-nyeka, a mintalo yi lo yima ko-ta xitsunzulu;
A kueta ku lo sohwa mbilu ya bi-mbi.
- 9 Ni balala ba te ngalo,
Nzi ta hlolongolisa, nzi ta ba kama-nyeta, nzi ta abanyisa a mupa-ngo;
A kuxuba ka mina ku ta eneliswa hehla ka bona;
Nzi ta hlomula supado ya mina, ni canja ga mina gi ta ba lobisa bona.
- 10 Wena u lo kupeta hi mheho ya wena, a bimbi gi lo ba kubu-nyeta,
Bona ba lo rika kota dirita lomo matini ya ntamo.
- 11 Hi wihi a kotako wena, O Jehova, xikari ka banungungulu ke?
Hi wihi a kotako wena, kubasi-sweni u dumisekileko,
U bongwako hi kucabisekileko, a ku maha zihlamaliso ke?
- 12 Wena u *klakusisako* a canja ga wena ga xinene,
A misaba yi su ba mitile bona.
- 13 Wena hi kuranza ka wunene ga wena u rangele banhu laba we-na u ba *klaklisileko*;
Wena u ba heleketa bona hi ntamo wa wena a kaya ka wena ko basa.
- 14 A banhu ba zwile, ba rurumela
A hlanckero wu sohile bona ba aki-leko ba le Filistia.
- 15 Zonake a tihosi ta le Edome ti su mbela ntamo;
A banana ba tinhenha ba le Moa-bi, a kururumela ku sohile hehla kabye:
Bonkle ba akileko le Kenani ba nyikile ba njabaleka.
- 16 A bimbi ni kucabiseka ku lo we-la hehla kabye,
Hi kukulisisilweko ka woko ga wena bona ba dumarile kota ri-bye;
Kala ba *klatuka* banhu ba wena, O Jehova,
Kala ba *klatuka* banhu lezaku we-na u ba xabile.

- 17 Wena uta ba engenisa, ni ku ba byala bona xitsungeni xa tso-mba ya wena.
A wutsamo, O Jehova, lego wena u gi mafeleko wena ku tsama ka gona.
Ndlwini yo basa, O Hosi, leyi a canja ga wena gi yi yimisileko.
- 18 Jehova i ta fuma kala ku pinzuka ni ku pinzuka.
- 19 Hakuba a mahaxi ya Faro ma lo famba tikareta ta wona ni bakileli ba mahaxi lomo bimbini, na Jehova i lo klelisa a mamati ya bimbi hehla ka kona; kanilezi a banana ba ka Israeli ba lo famba muhanzeni wu omileko xikari ka bimbi.
- 20 Na Miriamu a muprofeti wa wasati, a makweru wa Aroni i lo teka a ngoma canjeni ga yena; ni bonkle babasati ba loya ba lanzela ba wa hi ni tingoma ni mikino.
- 21 Na Miriamu i lo hlamlula bona.
Yimbelelani nwina ka Jehova, hakuba yena hi kudzunzekisisileweko i hlulile;
A haxi ni mukileli wa gona gi hoxilwe bimbini.
- 22 Na Mosi i lo rangela a banana ba ka Israeli ba komama mahlweni hi le Bimbini go Tuka, na bona ba lo huma ba engena le xiwuleni xa le Xura, bona ba lo famba masiku manharu lomo xiwuleni, a ba kumangi na mati.
- 23 Ni laha bona ba nga wa cikele Mara, ba wa nga ba nga hi na kunwa a mamati ya le Mara, hakuba wona ma wa baba: hikwalaho a bito ga kona gi wa lo culwa Mara.
- 24 Ni banhu ba lo sangula a ku kono-na Mosi, baku, Hi ta kunwa yina xana?
- 25 Na yena i lo rila ka Jehova; na Jehova i lo kombisa a sinye, na yena i lo yi hoxa lomo mamatini, ni mamati ma wa lo tsembela. Laho i loma-ha ka bona a zilayelo ni ziyimiso, laho yena a nga ba ringa bona;
- 26 Na yena i te ngalo, Loku hi kutsonometilweko u ingisa a gezu ga Jehova Nungungulu, u ta maha lezo zi sasekileko kuwoneni ka yena, ni ku nyika ndlebe ka zilelelo zakwe, ni ku hlalisa konkle kulayela ka yena, mina nzi nga ta beka ni yihi ngube hehla ka wena, leyi nzi nga beka hehla ka ba Gipiti: hakuba nzi Jehova mina loyi a hanyisako wena.

27 Na bona ba lota le Elima, laho ku nga wa hi ni kume ga tihlowo ni timbiri ta mati, ni klanu wa makume ni mambiri a micinzu: ba lo goba laho mamatini.

XIPIMO 16.

- 1 Bona ba lo teka lwenzo labye ba suka hi le Elima, ni wonkle klangano wa banana ba Israeli ba lo cikela xiwuleni xa le Sina, lexi xi nga xikari ka Elima ni Sinai, hi ga kume ni klanu siku ga hweti ya wumbiri anzako ka kusuka kabye hi tikweni ga le Gipite.
- 2 Ni wonkle klangano wa banana ba Israeli ba lo tsanwa ha Mosi na Aroni lomo xiwuleni:
- 3 Ni banana ba Israeli ba te ngalo ka bona, Hi wa ta nga hi file hi canja ga Jehova lomo tikweni ga Gipite, laha hi nga wa tsama ni timbita ta nyama, laha hi nga waga zibaba hi xura; hakuba nwina mu hi tisile lomu xiwuleni, a ku ta daya wonkle lowu hlengelletano hi ndlala.
- 4 Zonake i lo wula Jehova ka Mosi, Languta, nzi ta nisa zibaba hi le ti-lweni ka nwina; ni banhu ba ta huma ba ya rolela a xiabelo xa siku wonklelele masiku, kasi nza fela ku ba ringa, kutani ba ta famba hi nayo wa mina, kutani ge.
- 5 Na ku mahisile lezo hi siku ga wun-klanu ni ginwe, lezaku ba longisela lezi ba ta nga wuya nazo kaya a zi wuyetwe kumbiri kotisa lezi ba rol-elako a siku ni siku.
- 6 Na Mosi na Aroni ba te ngalo ka banana ba ka Israeli bonkle, Laha gambyeni, zonake nwina ma ta tiba lezaku Jehova hi yena a mu humesileko le tikweni ga le Gipite;
- 7 Ni laha mixweni, zonake nwina mu ta wona a wukosi ga Jehova; hakuba yena wawza kutsanwa ka nwina ha Jehova: hi hina ba mani hina, lezaku mu tsanwako ha hina ke?
- 8 Na Mosi te ngalo, Laxi xi ta mafe-ka, laha Jehova a ta nga nyika nwi-na laha gambyeni a nyama fa kuga, ni laha mixweni a zibaba za ku xura; hakuba Jehova i ngisile ku tsanwa ka nwina loku mu tsanwako ha yena na hina hi maniwo ke? a kutsanwa ka nwina a hi ka hina, kanilezi mu tsanwa Jehova.
- 9 Na Mosi i te ngalo ka Aroni, Wula ka wonkle a klangano wa banana ba

- ka Israeli, Ngonani ka suhi mahlweni ka Jehova; hakuba yena i zwile kutsanwa ka nwina.
- 10 Na ku mahisile lezo, kwatsi hilezi Aroni a nga wa wulawula ka wonkle a klangano wa banana ba ka Israeli, lezako ba lo klakusa mahlo ba cuwuka xiwuleni, ni, languta, ni wukosi ga Jehova gi lo woneka refini.
- 11 Na Jehova i lo wulawula ka Mosi aku,
- 12 Mina nzi zwile kutsanwa ka banana ba Israeli: wulawula ka bona, aku, laha gambyeni nwina mu taga nyama, ni laha mixweni nwina mu to xura hi zibaba; na mu ta zi tiba lezaku mina nzi mina Jehova Nungungulu wa nwina.
- 13 Naku mahisile lezo laha gambyeni lezaku a tihwari ti lo kanziya, ti ya fenengeta a wugobo; ni laha mixweni a nzokati yiwa pomele yi renzelekela a wugobo.
- 14 Ni laha a nzokati leyi yi nga wa pomele yi nga wa klaklekile, languta, hehla ka ngohe ya xiwula a zilo zi tsongwani zo renzelekana, kota liklakla la tsutsu wu tiyileko kona misabeni.
- 15 Ni laha a banana ba Israeli ba nga wa ku wonile, ba te ngalo ka munwe ni munwani, Zini lezi ke? hakuba bona ba wa nga zi tibi a ku ziini. Na Mosi i te ngalo ka bona, Lezi hi zibaba lezi Jehova a nyikileko nwina a kuga.
- 16 Lezi hi zilo lezi Jehova a leleleko. Rolelani nwenklelele banhu kota hi kuga ka munhu; a homa a hloko, kwatsi hi tsengo wa banhu ba nwina, nwina mu ta rolela zona, bonklelele munhu ka banhu laba ba nga lomo tenteni ga yena.
- 17 Ni banana ba Israeli ba lo maha za ku ngaho, banwani ba rolela zo tala, banwani zi tsongwani.
- 18 Ni laha na ba ku riganisile hi homa, loye a nga rolela zo tala ku nga sali ncumo, ni loyi a nga rolela zi tsongwani a nga kiyeli ncumo; ba lo rolela bonklelele banhu ku kota kuga kabye.
- 19 Na Mosi i te ngalo ka bona, Nga a nga be kona munhu a zi siyako kala gica.
- 20 Ahemba bona a ba ingisangi ku Mosi; kanilezi banwani ba bona ba lo zi siya kala mixweni, ku lo mukanya ziwungwani, zi fura zi tsombola: na Mosi i lo zangarela na bona.
- 21 Bona ba lo rolela a mixo ni mixo, bonklelele munhu kota a kuga ka yena: ni laha a gambo gi nga wa hunzeleta ku hisa, zi wo nyeka.
- 22 Na ku mahisile lezo hi siku ga wunklanu ni ginwe ba lo rolela na zi wuyetilwe kumbiri kota zibaba, a tihoma timbiri ka ginwe ni ginwani: bonkle ba fumeli ba klangano ba lota byela Mosi.
- 23 Na yena i te ngalo ka bona, Lexi hi lexi Jehova a xi wulawulileko, manziko hi humula kunene, ba sabado go basa ga Jehova: katingani lezi mu ta nga zikatinga, bikani lezi mu ta nga zi bika; zonkle lezi zi ta nga sala zi bekeleni nwina zi hlayiseni kala manziko.
- 24 Na bona ba lo zi beka kala manziko, kota lezi Mosi a nga laya: zona a zi furangi zi tsombola, ge hambu ni ku makanya ziwungwani kona.
- 25 Na Mosi i te ngalo, Ganani lezo nyamukla; hakuba i nyamukla i sabado ga Jehova: i nyamukla mu nga ta zi kuma lomo handle.
- 26 Nklanu masiku ni ginwe nwina mu ta zi rolela; kanilezi hi siku ga nklanu ni mambiri hi sabado, ka gona zi nga ta ku ba kona.
- 27 Na ku mahisile lezo hi siku ga wunklanu ni mambiri, ku wa lo huma banwani ba banhu ku ya rolela, bona a ba zi kumangi.
- 28 Na Jehova i te ngalo ka Mosi, ku ta kala ku yini nwina mu ala a ku hlayisa zilelelelelo za mina ni milayo ya mina ke?
- 29 Wona, hakuba lezo Jehova i mu nyikile a sabado, hikwalaho yena wa mu nyika hi siku ga wunklanu ni ginwe a zibaba za masiku mambiri; tsamani nwina nwenklelele banhu wutsangweni ga nwina, nga a nga hi kona a munhu a humako hi siku ga nklanu ni mambiri.
- 30 Zingaho a banhu bo lo humula hi siku ga wunklanu ni mambiri.
- 31 Ni yindlu ya ka Israeli yi lo cula a bito ga zona i Mana: na zona zi wa fanana ni nyinge ya koriande, zi basile; ni kunanziha ka zona ku wa fanana ni xikeketselo xi mahilweko hi wulombe.
- 32 Na Mosi i te ngalo, Lexi hi xilo Jehova a xi leleteleko, Nga a homa gi teleko ga zona gi bekiwa ka zisuku-

lwana za *nwina*, kasi bona ba wona a zibaba lezi mina nzi gisileko *nwina* lomo xiwuleni; laha nzi mu nehi-leko *nwina* na mu huma hi le ti-kweni ga le Gipite.

- 33 Na Mosi i te ngalo ka Aroni, Teka a mbita, u cela a homa gi teleko ga mana a ka yona, u beka yona a mahlweni ka Jehova, a ku hlayiswa a zisukulwana zonkile za *nwina*.
- 34 Kwatsi hilezi Jehova a leleteleko Mosi, zingaho Aroni i lo beka yona mahlweni ka Wukustumunyu aku-ba ku hlayiswa.
- 35 Ni banana ba ka Israeli ba loga a mana mune makume malembe, ba kale bata le tikweni ga fumelo; bona ba wa loga a mana, kala ba lota le mbinganweni wa tiko ga Kenani.
- 36 Makunu a homa gi hi xipanxa xa kume xa efa.

XIPIMO 17.

- 1 Ni wonkile a klangano wa banana ba ka Israeli wu lo andlamuka hi le xiwuleni xa le Sina, hi tilwenzo tabye ku kotisa hi kuleletela ka Jehova, ba lota goba le Refidima: ni leyo ku nga wa hi kona a mati ya banhu a kunwa.
- 2 Hikwalaho a banhu ba lo kanetana ziwe na Mosi, ba te ngalo, Nyika hina a mati kasi ha fela a kunwa. Na Mosi i te ngalo, Hii yini mu kanetanako ziwe na mina ke? Nga-hilezo *nwina* mu ringa a Jehova ke?
- 3 Ni banhu ba zwile ntoro laho hi ku laba mati; ni banhu ba lo vukela Mosi, ba te ngalo, Ngahilezi wena u nehile hina leno hi huma Gipite, a kuta daya hina ni banana ba hina hi tihomo ta hina hi ntoro ke?
- 4 Na Mosi i lo rila ka Jehova, aku, Za ku yini nzi ta nga maha mina a ka laba banhu ke? bona kutsongwani ba laba ku nzi gan'la mina.
- 5 Na Jehova i te ngalo ka Mosi, Hunza uta mahlweni ka banhu, u teka ziwe na wena a masingalakati ya ka Israeli; ni nhonga ya wena, leyo ha yona u nga bile a congo, yi teka hi canja ga wena u famba.
- 6 Languta, mina nzi ta yima mahlweni ka wena laho behla ka ri'ye gi ka Horebe; na wena u taba a ri'ya, ni laho ku ta kulunga a mati hi ka gona, lezaku a banhu ba fela a kunwa. Na Mosi a ku maha zakunga-

ho a kuwoneni ka masingalakati yu ka Israeli.

- 7 Na yena i lo bitana a bito ga wutsa-mo lego Massa, ni Meriba, hakuba hi kukaneta ka banhu ba ka Israeli; kambe hakuba ba lo ringa Jehova, baku, Kasi Jehova i kona xikari ka hina ke? kutani ge?
- 8 Zonake i lota Amaleki, i lolwa na Israeli le Refidima.
- 9 Na Mosi i te ngalo ka Joxua, Langa a ka hina a ba banuna, mu huma, mulwa na Amaleki: na mina nzi ta yima le xitsungeni ziwe ni nhonga ya Nungungulu canjeni ga mina.
- 10 Zingaho Joxua i lo maha kwatsi hilezi Mosi a wulileko a ka yena, i lolwa ziwe na Amaleki: Mosi, Aroni, na Hura, ba lo kanziya le behla ka xitsunga.
- 11 Na ku mahisile lezo, laha Mosi a nga wa k'akusile a mandla yakwe, lezaku Israeli i lo hlula; na laha a nga wa releta mandla ya yena Amaleki i lo hlula.
- 12 Kanilezi a mandla ya Mosi ma binza; na bona ba lo teka a ri'ye ba gi beka lahasi ka yena, a mu'we hi k'ela gi'we ni mu'we hi gi'wani: ni mandla ya yena ma wa k'akusilwe kala ku peleni ka gambo.
- 13 Na Joxua i lo tsuwula Amaleki ni banhu ba yena hi wuk'la ga supado.
- 14 Na Jehova i te ngalo ka Mosi, Tsala lexi ku maha xialakanyiso bukwin, kasi ku nga fubi kuzwa tindlebeni ta Joxua: kasi nzita kuhlangulisisa a kualakanywa ka Amaleki lahasi ka tilo.
- 15 Na Mosi i lo aka a alati, i lo cula a bito ga gona Jehova-nisi;
- 16 Yena i te ngalo, Jehova i lo hlambanya: Jehova i talwa na Amaleki ka xizukulwani ka xizukulwana.

XIPIMO 18.

- 1 Makunu Jetro, a mupristi we le Midiano, a raru wa Mosi hi ka nayo, i lozwa zonkile lezi Nungungulu a nga wa zi mahile ka Mosi, ni ka Israeli a banhu bakwe, lezaku Jehova i ba humesisile ku yini ba Israeli hi le tikweni ga le Gipite.
- 2 Jetro, a raru wa Mosi hi ka nayo, i lo teka Zipora, a kata wa Mosi, ni nzako ka laha a nga wa mu rumele kuva,
- 3 Ni barisanyana ba yena ba bambiri;

- a bahi a bito ga munwani hi Gerxome; hakuba yena i te ngalo, Mina nzi wa hi mulubeli tikweni ga ba matiko:
- 4 Ni bito ga munwani i wa hi Eliezare; hakuba i te ngalo, A Nungungulu wa bararu ba mina hi wa kuvuna ka mina, i klaklisile mina hi la supadweni ya Faro.
- 5 Na Jetro, a raru wa Mosi hi ka nayo, i lota ni barisanyana ba yena ni sati wa yena ka Mosi le xiwuleni laho a nga wa gobile kona, le xitsungeni xa Nungungulu:
- 6 Yena i te ngalo ka Mosi, mina, a raru wa wena hi ka nayo Jetro, nzi tile ka wena, ni sati wa wena, ni barisanyana ba wena, ha bambiri ziwe naye.
- 7 Na Mosi i lo huma a kinga raru wa yena hi ka nayo, i lo ti koramisa, i lo mu trotra; bona ba lo ambisana a mahungu; na bona ba lota lomo tenteni.
- 8 Na Mosi i lo byela a raru wa yena hi ka nayo zonkle lezi Jehova a zi mahileko ka Faro ni ka ba Gipiti hi kota ya ka Israeli, ni tonkle tikuruxu leti ti nga ba humeleta laha ndleleni, ni lezaku Jehova i ba klaklisile ku yini bona.
- 9 Na Jetro i lo tsaka hi konkle kusasekisisilweko loku Jehova, a ku mahileko ka Israeli, ni ka lezo yena a ba klaklisileko canjeni ga ba Gipiti.
- 10 Na Jetro i te ngalo, A kukatekiswa nga ku hi ka Jehova, a wihi a klaklisileko nwina canjeni ga ba Gipiti, mu huma canjeni ga Faro; a wihi a klaklisileko a banhu lahasi ka canja ga ba Gipiti.
- 11 Makunu nza zi tiba lezaku Jehova ngwa hombe ku hunza a banungungulu bonkle; inaka, ni ka xilo lexo ba mahako hi ku kukumuxisilweko ku vukela bona.
- 12 Na Jetro, a raru wa Mosi hi ka nayo, i lo teka a munyikelo wo hiswa a pahlela ka Nungungulu: na Aroni i lota, ni wonkle masingalakati ya ka Israeli, ku taga zibaba ziwe na raru wa Mosi hi ka nayo mahlweni ka Nungungulu.
- 13 Na ku mahisile lezo hi manziko, lezaku Mosi i lo tsama ku lamula banhu: ba lo yima ba ranzela Mosi ku sukela ni mixo kala ku cikela gambyeni.
- 14 Ni raru wa Mosi hi ka nayo na a wonile lezo a nga wa zi maha ka banhu, yena i te ngalo, Za ku yini zilo lezi wena u zi mahako ka banhu ke? hi yini wena u tsamako a wutsumbu ga wena wece, ni banhu ba yima ka wena ku sukela mixo kala gambyeni ke?
- 15 Na Mosi i te ngalo ka raru wa yena hi ka nayo, Hakuba banhu bata ka mina ba ku wutisa ha Nungungulu:
- 16 Laha na bona na ba hi ni ziwulawula, bona bata ka mina; nzi lamula xikari ka munhu ni wa ake lane naye, mina nzi ba maha ba tiba a zilayelo za Nungungulu, ni milayo ya yena.
- 17 Ni raru wa Mosi hi ka nayo i te ngalo ka yena, A zilo lezi u zi mahako wena a zi sasekangi.
- 18 Wena ha kunene u ta karala, wena, ni bonkle banhu laba ba nga ziwe na wena: hakuba lexi xilo xa tsanza ka wena; wena a ku zi koti ku xi mbetisa wece.
- 19 Ingisa makunu ka gezu ga mina, mina nzi ta ku nyika a kulongama, na Nungungulu nga a hi na wena: nga wena u hi ni banhu mahlweni ka Nungungulu nawena na u neha milanzu ka Nungungulu.
- 20 Na wena u ta ba gonzisa zilayelo ni milayo, na wena na u ta ba komba ndlela leyi bona ba yimelweko hi ku famba ha yona, ni tiro lowu ba yimelweko hi ku ba wu maha.
- 21 Klatakumbiri wena u ta hlawula ka bonkle banhu a madota ma tralekisileko, kwatsi hi lawo ma na nga ni xicawo hi Nungungulu, a madota ya zinene, laba ba bengako a wuxokori; u beka a ba kungahi hehla kabye, ku maha bafumeli ba makume mazana, ni bafumeli bamazana, ni bafumeli ba minklanu wa makume, ni bafumeli ba makume:
- 22 Nga bona bata lamula banhu xonkle xikati: ku taku ba kona, lezaku yonklelele milanzu ya hombe ba ta yi neha ka wena, kanilezi a milanzwanyana ba ta ti tsanzela a wutsumbu gabye: zingaho zi ta behuka ka wutsumbu ga wena, bonawu kambe ba ta rwala nzwalo ziwe na wena.
- 23 Loku wona u ta maha lexi xilo, na Nungungulu a kulelela lezo, zonake wena u ta zi kota a kubeni u zi hlula, ni banhu bonkle ba taya wutsanweni ga bona kambe hi kurula.
- 24 Zingaho Mosi i lo ingisa ga raru wa

yena hi ka nayo, yena i lo maha kota lezi a nga wa wulile.

- 25 Na Mosi i lo hlaula a banhu ba tralekileko xikari ka Israeli, i lo maha tihloko xikari ka banhu, a bafumeli ba makume ya mazana, a bafumeli ba mazana, ni bafumeli ba miklanu makume ni bafumeli ba makume.
- 26 Ba lo lamula a banhu xikati xonkle; ni milanzu yo karata ba lo yi neha ka Mosi, kanilezi yonktelelele mi lanzwanyana ba la tsanza a wutsumbu gabye.
- 27 Na Mosi i lo vumela raru wakwe hi ka nayo a famba; yena i lo ti fambela le tikweni ga ka kabye.

XIPIMO 19.

- 1 Hi ka hweti ya wunharu a nzako ka ku ba a banana ba ka Israeli ba humele ba suka tikweni ga le Gipite gwalego siku ba lo cikela le xiwuleni xa le Sinai.
- 2 Ni laha ba nga wa sukile le Refidima, ba lo cikela xiwuleni xa le Sinai, bona ba lo goba lomo xiwuleni; leyo ba Israeli ba lo goba mahlweni ka xitsunga.
- 3 Na Mosi i lo kanziya aya ka Nungungulu, na Jehova i lo bitana yena hi lomo xitsungeni, aku, Zakungahi wena u ta wula ka yindlu ya Jakobe, u byela a banana ba ka Israeli:
- 4 Nwina mu zi wonile lezi nzi mahileko a ka ba le Gipiti, ni lezaku nzi rwalisile ku yini nwina hi tipapa ta gama, ni ku neha nwina ka wutsumbu ga mina.
- 5 Makunu hikwalaho, loku nwina mu ta ingisa a ka mhaka ya mina hizine, ni ku hlayisa, a xivumelwano xa mina, zonake mu ta kuba a tsomba ya mina a xikari ka banhu bonkle: hakuba yonkle a misaba nja mina:
- 6 Na nwina mu ta kuba a ka mina a mufumo wa bapristi, a lixaka li basileko. Leti hi timhaka leti u ta wulawula ka banana ba ka Israeli.
- 7 Na Mosi i lota bitana masingalakati ya banhu, i lo beka mahlweni ka bona tonkle leti timhaka leto Jehova a leleteleko yena.
- 8 Ni bonkle banhu ba lo hlamula kategizwe, ba te ngalo, Zonkle lezo Jehova a leleteleko hi ta zi maha. Na Mosi i loga bika a timhaka ta banhu a ka Jehova.
- 9 Na Jehova i te ngalo ka Mosi, Wa-
- ngabye, Min nzita a ka wena hi refu gi pumisilweko, kasi a banhu ba fela a kuzwa laha mina nza wulawula zizwe na wena, kasi kambe ba fela ku kolwa wena kala ku pinzuka. Na Mosi i lo byela a timhaka ta banhu a ka Jehova.
- 10 Na Jehova i te ngalo ka Mosi, Famba ka banhu uya ba basisa bona nyamukla ni manziko, nga bona ba hlaza a tinguwo tabye,
- 11 Mu ku longiselani hi siku ga manharu; hakuba hi siku ga munharu Jehova i ta relela lahasi a kuwoneni ka banhu hehle ka xitsunga Sinai.
- 12 Na wena u ta panza a mbingano ni banhu wu renzelekeleko, uku, Klarihani a wutsumbu ga nwina, lezaku mu nga kanziyi a kuna le xitsungeni, kutani ni ku kumba a mbingano wa kona: Kani ngwakumani a kumba ko a xitsunga i ta kufa:
- 13 A ku na canja gi ta nga kumba yena, yena hakunene i ta gandliwa hi maribye, kutani a fulwa; kutani xihari kutani munhu, yena a nga ta hanya: laha na punzu wu hunzelelako kuba, bona ba ta kanziya le hehla xitsungeni.
- 14 Na Mosi i lo relela hi le xitsungeni aya ka banhu, na a lo basisa banhu; na bona ba lo hlaza a tinguwo tabye.
- 15 Na yena i te ngalo ka banhu, Nga mu longela a siku ga manharu: mu nga tsineli ka babasati.
- 16 Na ku mahisile lezo hi siku ga wunharu, laha gi nga wa hi mixo, lezaku laho ku wa hi kona kudzinza ni zingwalangwanza, ni refu gi pumileko hehla ka xitsunga, ni gezu ga punzu gi su hunzelela gi tinga; ni bonkle banhu laba ba nga wa hi wugobelweni ba lo rumumela.
- 17 Na Mosi i lo neha banhu hi le gobelweni a ku klangana na Nungungulu; bona ba lo yima klelweni ga le kule ni xitsunga.
- 18 Ni xitsunga Sinai, xonkle xona, xi lo tubika musu, hakuba Jehova i lo relela ka xona hi nzilo; ni musu wa kona wu lo klakuka ku kwatsi i musu wa pingo ga nzilo, ni xitsunga xonkle xi tsekatsekiwa hi ku kulisi-lweko nguvu.
- 19 Ni laha a gezu ga punzu gi nga wa la su hunzelela gi kulumela ni kukulumela, Mosi i lo wulawula, na Nungungulu i lo mu hlamula hi gezu.
- 20 Na Jehova i lo relela ata le xitsunge-

**ni Sinai, le hehla ka xitsunga: na
Jehova i lo bitana Mosi le hehla ka
xitsunga; na Mosi i lo kanzuya.**

- 21 Na Jehova i te ngalo ka Mosi. Relela lahasi, uya laya banhu, ba nga taku ba tsoba ba engena ka Jehova ku mu hononolela, ni linyingi labye li lobyiswa.
- 22 Nga bapristi kambe, laba ba ta ngata ku suhani ka Jehova, basisa wutsumbu gabye, ku nga taku Jehova a hunzulukela bona.
- 23 Na Mosi i te ngalo ka Jehova. A banhu a ba koti kuta le lehla ka xitsunga Sinai: hakuba wena u hi lelele, aku, Panzani a mbingano hi xitsunga, ni ku wu basisa wona.
- 24 Na Jehova i te ngalo ka yena, Yana, wena u relela; wena u ta kanziya uta, wena, na Aroni zinwe na wena; kanilezi nga bapristi ni banhu ba nga tsobi ba engena kuta lehla ka Jehova, ku nga ta ku a hunzulukela lehla kabye.
- 25 Zingaho Mosi i lo relela aya ka banhu, ni ku ya ba dyela bona.

XIPIMO 20.

- 1 Na Nungungulu i lo wulawula to-
nkle leti timhaka, aku,
- 2 Nzi mina Jehova Nungungulu wa
wena, a wihi a nga ku humesa le
tikweni ga le Gipite, hi le ndlwini ya
wukumbi,
- 3 Wena u nga hi ni banungungulu
banwani mahlweni ka mina.
- 4 Wena u nga ta mahela wena a xifa-
naniso xi baklilweko, hambu ni xihi
xilo lexi xi nga le hehla le tilweni,
hambu lexi xi nga lahasi misabeni.
kutani lomo matini lahasi ka misaba :
- 5 Wena u nga to korama wutsumbu
ga wena ka zoma, ge ni ku zi kozela;
hakuba mina nzi Jehova Nungu-
ngulu wa wena nzi Nungungulu wa
mona, nzi enzeleko a zonho za bada-
dani hehla ka banana, ka ba xizu-
kulwana xa wunharu ni xa wumu-
ne xa bona labo ba bengako mina,
- 6 Na nzi kombisa wuranza ga wune-
ne ka makume mazama ya bona la-
bo ba ranzako mina ba hlayisa zile-
lelo za mina.
- 7 Wena u nga ta teka bito ga Jeho-
va Nungungulu wa wena hi ku nga
nyawuli; hakuba Jehova a nga ta
mu koma kota a nga gohangiko lo-
ye a tekako bito ga yena hi ku nga
nyawuli.

- 8 Alakanya siku ga sabado, ku gibasisa.
- 9 Ntlanu wa masiku ni ginwe wena u ta tira, ni ku maha yonkle mitiro ya wena ;
- 10 Kanilezi hi siku ga wunklanu ni mambiri hi sabado ka Jehova Nungungulu wa wena : ka gona wena u nga ta tira ni wihi tiro, wena, hambu ni nisanyana wa wena, hambu ni nhanyana wa wena, ni nanza ga wena ga wa nuna, ni nanza ga wena ga wa sati, hambu ni tihomu ta wena, ni mupfumba wa wena loyi a nga leyo tinywangweni ta wena :
- 11 Hakuba hi ntlanu wa masiku ni ginwe Jehova i lo maha tilo ni misaba, ni bimbi, ni zonkle lezo zi nga ka zonawu, i lo humula siku ga wunklanu ni mambiri : ngahilezo Jehova i katekisile a siku ga sabado, i lo basisa gona.
- 12 Cuba a raru wa wena ni nyine wa wena, kasi a masiku ya wena ma fela ku leha lomo tikweni lego Jehova a nyikileko wena.
- 13 Wena u nga dayi.
- 14 Wena u nga baya.
- 15 Wena u nga yibi.
- 16 Wena u nga mahi wukustumuny ga mawunwa hi wa akelane na wena.
- 17 Wena u nga nabeli yindlu ya wa akelane na wena, u nga nabeli a sati wa akelane na wena, ge ni nanza ga yena ga xinuna, ge ni nanza ga yena ga xisati, ge ni homu ya yena, ge ni mbongola ya yena, ge ni xihhi lexo xi nga xa wa akelane na wena.
- 18 Ni banhu bonkle ba lo tiba a kudzinza, ni xingwalangwanza, ni gezu ga punzu, ni xutsunga xi tubikako: laha na banhu na ba wonile kona, ba lo rurumela, ba lo yima leyo kule.
- 19 Bona ba te ngalo ka Mosi, Wulawula wena na hina, na hina hi ta kuzwa ; kanilezi nga Nungungulu a nga wulawuli na hina, hi nga ta ku hifa.
- 20 Na Mosi i te ngalo ka banhu, Mu nga cabi : Nungungulu i tile ku ta mu ringa zwina, ni lezaku a kuca/ya ka yena ku nga hi kona mahlweni ka zwina, lazaku mu nga ha onhi.
- 21 Ni banhu ba lo yima leyo kule, na Mosi i lo tsinela ku suhani ka munyama wu pumileko laho Nungungulu a nga wa hi kona.

- 22 Na Jehova i te ngalo ka Mosi, Zakungahi wena u ta nga zi wula ka banana ba Israeli, Nwina a wutsumbu ga nwina mu wonile lezaku mina nzi wulawulile na nwina hi le tilweni.
- 23 Nwina mu nga mahi banwani ba banungungulu zinwe na mina; banungungulu ba siliva, a banungungulu ba nzalama, mu nga maheli ka nwina.
- 24 Ni alati ga misaba wena u ta maha ka mina, u ta pahlela laho a muniykelo wa wena wa ku hiswa, ni mupaklelo wa kurula, a tiyivi ta wena, ni tikabi ta wena : ka gonkilelele wutsamo laho nzi ta nga kumbuxeta a bito ga mina nzi tata ka wena nzi ta ku katekisa.
- 25 Ni loku wena u mahela alati ga maribye, wena u nga gi aki hi maribye ma baklilweko; hakuba loku wena u klakusa a mbafo ya wena ka gona, wena u gi nyenyezisile gona.
- 26 U nga ku kanziya hi mayingo le hella ka alati ga mina, lezaku a wumbyiri ga wena gi nga fenengetwi laho.

XIPIMO 21.

- 1 Makunu lezi hi ziyimiso lezi u ta nga zi yimisa mahlweni ka bona,
- 2 Loku wena u xaba a kumbi ya mu Heberu, i nlanu ni ginwe malembe yena a ta nga kozela wena : hi ga wunlanu ni mambiri yena i ta klakleka na ku nga hi ncumo.
- 3 Ni loku a tile hi wutsumbu ga yena, i ta huma a wutsumbu gakwe : loku a nga a tekile, zonake a sati wakwe i ta huma zinwe na yena.
- 4 Loku a nwinyi wa yena a mu nyika a sati, yena a trala nisananya kutani i nhanyana; a wasati ni banana ba yena ba taba ba nwinyi wakwe, yena i ta su huma a wutsumbu ga yena.
- 5 Kanilezi loku a nanza gi ta wula zi ku/lunya. Mina nza ranza a nwinyi wa mina, ni sati wa mina, ni banana ba mina; nzi nga ta huma nzi klakleka :
- 6 Zonake a nwinyi wa yena i ta mu neha ka Nungungulu, ni ku i ta mu neha le nyangweni kutani le timhanzeni ta nyangwa; ni nwinyi wakwe i ta boxa nlebe yakwe hi li/la-wu; yena i ta mu kozela kala kupinzuka.
- 7 Ni loku munhu a xabisa nhanyana wa yena a ku ba nanza ga xisati, yena a nga ta ha klakleka kotalezi a wanuna a mahako.
- 8 Loku yena a nga xalalisi a nwinyi wa yena, loye a ti wuteleko a wutsumbu ga yena, zonake yena i ta mu maha a klakleka : ni ku mu xabisa ka banhu ba matiko yena a nga ta ku ba na ntamo, na u wona lezaku yena i mahile hi kukohlisilweko ka yena.
- 9 Kanilezi loku a mu wutela a nwana wa yena, yena i ta koma yena ku kota nhanyana wa yena.
- 10 Loku yena a mu tekela munwani wasati; a kuga kakwe, ni tinguwo takwe, ni kutekwa ka yena, ku nga ta aliwa.
- 11 Ni loku a nga mahi lezi zilo zinharu ka yena, zonake i ta huma, a famba na yi haba mali.
- 12 Yena loyi a bako munhu, zingaho lezo lezaku yena afa, ha kunene yena i ta dawa.
- 13 Ni loku munhu a nga mu rinzele, kanilezi Nungungulu a mu klaklise-la canjeni gakwe; zonake mina nzi ta ku yimisela a wutsamo lego yena a ta nga tsutsumela kona.
- 14 Ni loku munhu hawumu a vukela a muakelwane wa yena, a mu daya hi klanha; wena u ta mu susa yena alateni ga mina, lezaku kasi a fela kufa.
- 15 Loyi abako a raru wa yena, kutani nyine wa yena, ha-kunene i ta kufa.
- 16 Ni loyi a yibako munhu, a mu xabisa, kutani loku a kumiwa canjeni ga yena, yena ha kunene i ta dawa.
- 17 Ni loye a rukatelako a raru wakwe kutani a nyine wakwe, haku-nene yena i ta dawa.
- 18 Ni loku banhu ba holoba, ni mu-zwe a balesa munwani hi ribye, kutani hi xibakela xakwe, yena a ngati, kanilezi a eklela mubedini;
- 19 Ni loku yena a vuka kambe, a kwi-ta hi cetengelo wa yena, zoneka ni loye a bileko a klakleke : kumbela a rihe a ku lahlekelwa ka xikati xa yena, a mu cuma a kala a be a hanyisi-silweko.
- 20 Ni loku a munhu aba a nanza ga yena, kutani i nanza ga yena ga xisati, hi nhonga, na yena a fela canjeni ga yena; haku-nene yena i ta tsayisiwa.

- 21 Ahemba, loku yena a nonohisa a hi kona siku kutani mambiri, yena a nga ta tsayiyisiwa : hi kota ya mali ya yena.
- 22 Ni loku a banhu ba holoba katigizwe, ni ku bayisa a wasati a sikileko, lezaku a nyimba yi onheka, kasi lezo ku nga hi na mhango yi lanzelako ; hakunene yena i ta rihiwa, ku kotalezi a nuna wasati a ta nga mu yimisela ; yena i ta riha ku kotalezi a balamuli ba ta nga zi xuba ka yena.
- 23 Kanilezi loku yi hi kona mhango yi lanzelako, zonake wena u ta nyika wutomi hi wutomi,
- 24 A tihlo hi tihlo, a tino hi tino, a canja hi canja, a konzo hi konzo,
- 25 Kuhiswa hi kuhiswa, a mbanga hi mbanga, ni mbirimbi hi mbirimbi.
- 26 Ni loku munhu a aba a tihlo ga nanza ga yena, kutani i tihlo ga nanza gakwe ga xisati, a gi boxa gi ku tsidi ; yena i ta mu tsika a *klakleka* hakuba hi tihlo ga yena.
- 27 Ni loku a lamata a tino ga nanza ga yena, kutani i tino ga nanza ga yena ga xisati ; yena i ta mu *klaklise* hakuba hi tino ga yena.
- 28 Ni loku a kabi yi *klaba* a wanuna kutani ngwasati afa, a kabi ha kunene yi ta *gandlwe* hi maribye, ni nyama ya yona nga yi nga giwi ; kanilezi a *nwinyi* wa kabi i ta miyele.
- 29 Kanilezi ni loku a kabi yi wa kari yi *klaba* hi xikati xi hunzileko, na ku wa nga ku kustumunyilwe ka *nwinyi* wa yona, a wa nga yi hlayisangi a yi valela, kanilezi yi dele wanuna kutani ngwasati ; a kabi yi ta *gandliwa*, ni *nwinyi* wa yona kambe i ta dayiwa.
- 30 Ni loku laho ku bekiwa ka yena a nzhiho, zonake yena i ta nyika *kuklalelisa* ka wutomi ga yena ni ka xihilexi ba xi yimiseleko hehla ka yena.
- 31 Kutani yi *klabile* a nisanyana, kutani yi *klabile* a nhanyana, kota hi ka loku kulamula a ku mahiwa ka yena.
- 32 Ni loku a kabi yi *klaba* nanza ga xinuna, kutani i nanza ga xisati, zonake ku ta nyikiwa ka *nwinyi* wa gona a makume manharu yamaxekeli ya siliva, ni kabi yi ta *gandliwa*.
- 33 Ni loku munhu a funungula a kela, kutani a kela nkela a nga wu fenengeti, a homu kutani i mbongola yi wela kona,
- 34 Ni *nwinyi* wa kele a ku mahe kwa-

tsi ; yena i ta nyika a mali ka *nwinyi* wa yona, xifuyo xi fileko xi ta ba xa yena.

- 35 Ni loku a homu ya munwe yi bayisa ya munwani, zingaho kasi yifa, zonake ba xabisa a homu yi hanya-ko, ba abelana a tsengo wa kona ; ni yi fileko kambe ba ta abelana.
- 36 Ni loku ku tibyiwa lezaku a homu yi wa kari yi *klaba* hi xikati xi hunzileko, ni *nwinyi* wa yona a nga yi valelangi ; ha kunene yena i ta riha a homu hi homu, ni yi fileko xifuyo xi ta ba xa yena.

XIPIMO 22.

- 1 Ni loku a munhu a yiba a kabi, kutani yivu, a yi daya, kutani a yi xabisa ; yena i ta riha a *nkalanu* wa tikabi ha kabi yizwe, ni mune wa tiyivu ha yivu yizwe.
- 2 Ni loku a nkamba gi kumiwa na gi fohlile gi engena, a baleswa lezaku afa, ni nkata wa yena wu nga ta labyiwa ha yena.
- 3 Ni loku a gambo gi tsuwukile hehla ka yena ; ni nkata wu nga hiko na nanzu wu ta labyiwa ka yena ; yena i ta maha *kukleliselelwa* mulera : loku gi nga hi na ncumo, yena i ta xabyiswa hi wunkamba ga yena.
- 4 Loku ku yibylweko ku kumiwa canjeni ga gona na ka ha hanya, kutani ku ta ba kabi, kutani i mbongola, kutani i yivi ; yena i ta riha hi ku wuyetilweko.
- 5 Loku a manhu a maha a simu kutani i vina wu giwa, ni ku *klakla* xihari xa yena, xi gela *sinwini* ya munwani munhu ; kwatsi hi kusaseka ka simu ya loye *nwinyi*, kwatsi hi kusaseka ka xivina xa loye *nwinyi*, yena i ta *klleliselela* a mulera.
- 6 Loku a nhoba yiswa, yi tepela hi kukwela, lezaku a mifunge ya mabele, kutani ni mabele na ha yimileko, kutani ni simu ya nzanguka ; ha kunene loye a nga lumekela a nzilo i ta *klleliselela* a mulera.
- 7 Loku munhu i ta nyika ka wa *akelane* na yena a mali kutani i cuma ku beka, yona yi yibyiwa lomo *nolwini* ya munhu loye ; ni loku a nkamba gi kumiwa, gona gi ta riha hi kuwuyetilweko.
- 8 Ni loku a nkamba gi nga kumiwi, zonake a *nwinyi* wa yin~~du~~ i ta tsinela kusahani ka Nungungulu, ku

- ta wona lezaku yena a nga klatekangi canja ga yena ka nhunzu a wa akelwane wa yena.
- 9 Hakuba tonkilelele timbaka to zikubeko, kutani i kabi, kutani i mbongola, kutani i yivi, kutani i nguwo, kutani ni ka xihhi xilo, a munwe a wulako, Loku hi loku, ni milanzu ya maklelo wonkle ma tata mahlweni ka Nungungulu; ni loye Nungungulu a ta mu kona i ta riha a nakulobyе a akeleneko na yena hi ku wuyetilweko.
- 10 Ni loku a beketa ka wa akelwane wa yena a mbongola, kutani i kabi, kutani i yivu, kutani xifuyo, a ku xi hlaysia; na xona xifa, kutani xi bayisilwe, kutani xi gulilwe, na xi nga wonwi ha munhu xona:
- 11 Ni xifungo xa Jehova xi ta ba ka bona bonkle, lezaku yena a nga bekangi a canja gakwe hehla ka nhunzu ya wa akelwane wa yena; ni nwinyi wa xona i ta vumela, na yena a nga kletisela mulera.
- 12 Kanilezi loku yi yibylwe ka yena, yena i ta kletisela mulera ka nwinyi wa yona.
- 13 Loku yi pfemulwe fufanyi, nga yena a gi neba kasi hakuba wukustumunyu; yena a nga ta maha kurihwa hi lexo xi nga xi pfemulwe.
- 14 Ni loku a munhu a pemba ncumo ka wa akelwane wa yena, ni ku ba xi bayiswa, kutani xifa, na nwinyi wa xona na a nga hi naxo, yena ha kunene i ta kletisela mulera.
- 15 Loku a nwinyi na nga na a hi naxo, a nga ta maha nhunzu ha xona: loku xi hi xa kurihwa hi mali, xona xi tile hi mali ya xona.
- 16 Loku a munhu a xengetela a mubulwa lowu wu kalako wu nga se ku tekiwa, a eklela nawo, ha kunene yena a mu lowole kasi ku maha a sati wa yena.
- 17 Loku a raru wakwe a su tserama a ala a ku nyika yena, na yena i ta riha amali ku kota a nzowolo ya mibulwa.
- 18 Wena u nga vumeli xitumbe kuhanya.
- 19 Kani hiwihhi a eklelako ni xihari hakunene yena i ta dawa.
- 20 Yena loyi a pahlelako ka munwana nungungulu, ntsena Jehova yece, yena i ta lobyiswa hi kumbetekisisi lweko.
- 21 Ni mulubeli wena u nga mu bihisi, ge hambu ni ku mu tsimbeketa: hakuba nwina mu wa hi balubeli le tikweni ga le Gipite.
- 22 Nwina mu nga xanisi a noni, kutani a nwana wa xisiwana.
- 23 Loku wena u ba xanisa futsi, na bona futsi ba rila ka mina, mina ha kunene nzi tazwa kurila kabye;
- 24 Ni kulo ga mina gi ta hunzelela gi hisa, mina nzi ta daya wena hi supado; ni ba sati be wena ba ta ba tinoni, ni banana ba wena bazisiwana.
- 25 Loku wena u pemba a mali ka munwe wa banhu ba mina laba ba zisiwana, wena nga u nge kwatsi u wa nanzu ka yena; hambu ni ku beka hehla ka yena a xitsumbo.
- 26 Loku wena u tekile futsi a nguwo ya mu akelwane wa wena a ku yi lomba, wena u ta yi kletisela ka yena na gambo na gi nga se ku pela:
- 27 Hakuba loko hi kona koce ku kufhlako, leyi hi nguwo ya miri wa yena: ni luho a ta nga eklela kona? na ku mahisile lezo, ni laha yena a ta nga rila ka mina, lezaku mina nzi ta kuzwa; hakuba nzi mina wa wuxinji.
- 28 Wena u nga rukateli Nungungulu, kutani ni kubonzolota a mu fumeli wa banhu ba ka nwina.
- 29 Wena u nga nonoki a ku nyika ka mina a ka mabele ya wena, ni ka waini gi pupumako zigowolweni za wena. A matewula ya wena ya nisananya wena u ta nyika ka mina.
- 30 Zingahowo kambe wena u ta maha hi tikabi ta wena, na hi tiyivu ta wena: nklanu ni mambiri masiku xi ta ba ni nyine wa xona; hi siku ga wunklanu ni manbaru wena u ta xi nyikela ka mina.
- 31 Nwina mu ta ba banhu bobasa ka mina: hikwalaho nwina mu ngagi ni yihi nyama leyi yi pfemulweko hi zibanza le handle; nwina mu ta ku cukunyeta le timbyaneni.

XIIMO 23.

- 1 Wena u nga ti tekeli a mubiko wa mawuwa: u nga beki a canja ga wena zinwe ni ba kubihha a ku ba wukustumunyu gi nga lulamangiko.
- 2 Wena u nga lanzeli a xin/lemo ku maha kubihha; ge hambu ku wula.

- wula mahungu u ma hambukisa kilelweni u finyelela le nzako kota xidlemo ku hambukisa a nongameto :
- 3 Ge wena u nga vuvumisi a munhu wa xisiwana nanzwini wakwe ku hunza banwani.
 - 4 Loku wena u klángana ni kabi kutani i mbongola ya nala wa wena na yi kari yi penga, wena ha kunene u ta wuyisela ka yena kambe.
 - 5 Loku wena u wona mbongola ya loyi a bengako wena yi eklele lahasi ka nzwalo wa yona, wena u nga honisi u mu tsika, wena ha kunene u ta yi klakla zinwe na yena.
 - 6 Wena u nga hambukisi a nanzu wa xisiwana xa ka nwina le kuxuxweni ka wona.
 - 7 Ti hlaysisele kule milanzwini ya mawuna ; ni loyi a basileko ni a lulamileko wena u nga mu dayi : hakuba mina nzi nga ta basisa a muonhi.
 - 8 Wena u nga teki kurengelelwa : hakuba kurengelelwa ku pfupelisa bona labo ba nga ni kuwona, ku swonyolota a timhaka ta balulamileko.
 - 9 Ni mulubeli wena u nga mu tsimbeti : hakuba nwina ma yi tiba a mbilu ya mulubeli, na mu wona lezaku nwina mu wa hi balubeli lomo tikweni ga le Gipite.
 - 10 Nklanu wa malembeni ginwe wena u ta rima a misaba ya wena, ni ku wungeletela wonke a pfuno wa kona :
 - 11 Kanilezi hi lembe ga wunklanu ni mambiri wena u ta ku tsika ku humula ku tsama kuzluma, kasi a zisiwana za ba ka nwina zi fela kuga : ni lezi ba ta nga siya kasi a zihari za kwati za fela kuga. Ku fanana lezo wena u ta maha ka zivina za wena, na hi maoliva ya wena.
 - 12 Nklanu wa masiku ni ginwe wena u ta maha mitiro ya nwina, hi siku ga wunklanu ni mambiri nwina mu ta humula ; kasi a homu ya wena ni mbongola ya wena kasi za fela ku humula, kasi a nwana wa nanza ga wena ga xisati, ni mulubeli, kasi ba fela ku hefemula.
 - 13 Ni ka zilo zonke lezi nzi zi wulileko ka nwina celani kota : mu nga gi kumbuki a bito ga banwani banungungulu, ge nga gi nga zwiwi ni le nonwini wa wena.
 - 14 Zikati zinharu wena u ta hlaysa mubuzo ka mina hi lembe.
 - 15 A mubuzo wa zibaba zi nga comelwangiko wena u ta wu hlaysa : nklanu wa masiku ni mambiri wena u taga a zibaba zi nga comelwangiko, kotalezi nzi leleleko wena, hi xikati xi yimisilweko hi hweti ya Abibe (hakuba hi ka yona wena u humele u ta hi le Gipite) ; a nga ta ku ba kona a ta nga woneka mahlweni ka mina na a nga hi na neu-mo :
 - 16 A mubuzo wa kuhula, ni mubuzo mihanzo ya metiro ya wena, loku wena u ku rimileko lomo masinzwini : ni mubuzo wa ku wungeletela ndlwini, hi kugumelweni ka lembe, laha na wena u wungeletela mitirweni ya wena hi le masinzwini.
 - 17 Bonke banuna ba wena zikati zinharu hi lembe bona ba ta woneka mahlweni ka Hosi Jehova.
 - 18 Cima wena u nga pahleli a nkata wa mina ni zibaba zi comelweko ; cima ni mafura ya mubuzo wa mina ma nga tsami wusiku wonke ku kala kuca.
 - 19 Ni kuranga ka matewula ya misaba ya wena u ta yi neha le ndlwini ya Jehova Nungungulu wa wena. Wena u nga biki a ximbutana mafini ya nyine wa xona.
 - 20 Languta, nzi rumela a ngelosi mahlweni ka wena, a ku hlaysa wena laha ndleleni, a ku neha le wutsanweni legi mina nzi gi longiseleleko.
 - 21 Celani kota nwina mahlweni ka yona, ingisani nwina a gezu ga yona ; mu nga yi zangarisi ; hakuba yi nga ta tsetselela a zihambunyeto za nwina : hakuba a bito ga mina gi lomu ka yona.
 - 22 Kanilezi luku wena u ingisa a gezu ga yona, u maha zonke lezi mina nzi wulawulako ; zonake nzi ta ba nala ka balala ba wena, ni muhambunyeti wa laba ba ku hambunyetako.
 - 23 Hakuba a ngelosi ya mina yi ta famba mahlweni ka wena, yi ta ku neha le mu Amori, ni le mu Hiti, ni le mu Perezi, ni le mu Kenani, ni le mu Hivi, ni le mu Jebusi : mina nzi ta tsema bona.
 - 24 Wena u nga ta korama lahasi ka banungungulu babye, ge ni ku ba kozela bona, ge ni ku maha mitiro yabye ; kanilezi wena u ta ba hlula bona, hi ku mbetisisilweko, u gimbulela a zikenwana a timhazze tabye.

- 25 Na *nwina* mu ta kozela Nungungulu wa *nwina*, yena i ta katekisa a zibaba za *nwina*, ni mati ya wena; mina nzi ta susa a kubabya xikari ka wena.
- 26 Ku nga ta ba kona a onhelelwako ka *nwina*, ge ni ngonwa, lomo tikweni ga wena: ni tsengo wa musiku ya wena mina nzi ta ma tatisa.
- 27 Mina nzi ta rumela a kucabya ka mina mahlweni ka wena, mina nzi ta hlula a banhu laba wena u tako ka bona, mina nzi ta maha balala ba wena bonkle ba hunzuluka a hlana wabye ka wena.
- 28 Mina nzi ta rumela mifi mahlweni ka wena, leti ti nga hlongola a mu Hivi, a mu Kenani, ni mu Hiti, le mahlweni ka wena.
- 29 Mina nzi nga ta ba hlongola nzi ba humesa le mahlweni ya wena hi lembe ginwe, ku nga ta ku a tiko gi hangalaka, ni zibanza za kwati zi anziswa zi vukela wena.
- 30 Ha kutsongwani ha kutsongwani mina nzi ta ba hlongola nzi ba humesa mahlweni ka wena, ku kala u be u enzelekisilweko, nga tsomba ya tiko.
- 31 Nzi ta panza mbingano wa wena ku sukela le Bimbini go Truka ku kala ku eikela bimbini ga ma Filisti, ku sukela xiwuleni ku kala le Congweni: hakuba mina nzi ta nyikela a baakileko ba tiko canjeni ga wena; wena u ta ba hlongola ba huma mahlweni ka wena.
- 32 Wena u nga mahi xivumelwano zinwe na bona, ge ni banungungulu babye.
- 33 Bona ba nga ta aka lomu tikweni ga wena, ba nga ta ku bona ba maha wena u onha ka mina; hakuba loku u kozela banungungulu babye, ha kunene ku ta ba panya ka wena.

XIPIMO 24.

- 1 Na yena i te ngalo ka Mosi, Ngona hehla ka Jehova, wena, na Aroni, na Nadabe, na Abihu, ni nklanu ni mambiri wa makume ya masingalakati ya banana ba Israeli; kozela ni na *nwina* na mu hi leyo kule:
- 2 Na Mosi yece i ta eikela ku suhani ka Jehova; kanileci bona ba nga tata kusuhani: ge ni banhu ba ngayi hehla zinwe na yena.
- 3 Na Mosi lota i lo byela a banhu tonkle a timhaka ta Jehova, ni

zonkle ziyimiso: ni banhu bonkle ba lo hlamlula hi gezu ginwe, ba te ngalo, Tonkle timhaka leti Jehova a ti wulawulileko hina hi ta ti maha.

- 4 Na Mosi i lo tsala tonkle a timhaka ta Jehova, i lo vuka a binzuka ni mixo, i lo aka a alati lahasi ka xitsunga, ni kume ga mbinga ni timbiri, ku kota kume ni timbiri tixaka ta ka Israeli.
- 5 Yena i lo rumela a banhu baswa ba banana ba ka Israeli, labo ba nyikelako a mupahlelo wo hiswa, ba pahlelako a mupahlelo wa kurula wa tikabi ka Jehova.
- 6 Na Mosi i lo teka a kihlanya ga nkata, i lo gi beka lomo ngelweni; ni kihlanya ga nkata i lo gi *nwatsekela* lomo alateni.
- 7 Yena i lo teka a buku ga xivumelwano, i lo gonza kuingiseni ka banhu: bona ba te ngalo, Zonkle lezo Jehova a zi wulawulileko hi ta zi maha, hi be a ba ingisako.
- 8 Na Mosi i lo teka a nkata, i lo *nwatsekela* ka banhu, i te ngalo, Cuwukani a nkata wa xivumelwano, xona lexo Jehova a xi mahileko zinwe hi ka tonkle leti timhaka.
- 9 Zonake i lo kanziya Mosi, na Aroni, na Nadabe, na Abihu, ni nklanu ni mambiri wa makume ya masingalakati ya banana ba ka Israeli:
- 10 Bona ba lo wona Jehova Nungungulu wa Israeli; laho bona ba wa hi lahasi ka mikonzo yakwe ku wa ku kwatsi mitiro yi baklilweko yi lazelwa ya ribye ga safira, kona ku wa ku kwatsi hi kona tilweni hi kubangamelisisilweko.
- 11 Ni hehla ka tinjinga ta banana ba ka Israeli yena a nga klatekangi a canja ga yena: bona ba lo wona Nungungulu, ba loga ba lonwa.
- 12 Na Jehova i te ngalo ka Mosi, Kanziya u ta hehla ka mina leno xitsungeni, u ba kona laho: na mina nzi ta ku nyika a timbila ta maribye, ni nayo ni kulela, loku nzi ku tsalileko laho, lezo wena u ta gonzisa bona.
- 13 Na Mosi i lo suka, na Joxua a xikozeli xa yena: na Mosi i lo kanziya le xitsungeni xa Nungungulu.
- 14 Yena i te ngalo ka masingalakati, Labelalani hina laha, hi kala hina hi wuya ka *nwina* kambe: ni, languta, Aroni na Hura ba zinwe na

- zwina ; kani hiwihl a nga ni nanzu, a ate a tsinele ka bona.
- 15 Na Mosi i lo kanziya xitsungeni, ni refu gi kubunyeta a xitsunga.
- 16 Ni wukosi ga Jehova gi lo tsama xitsungeni xa Sinai, ni refu gi lo kubunyeta a xitsunga nklanu ni ginwe wa masiku : hi siku ga wunklanu ni mambiri yena i lo bitana Mosi hi lomo xikari ka refu.
- 17 Ni kuwona ka wukosi ga Jehova ku wa fanana ni nzilo wu babamelako hehla ka xitsunga ka mahlo ya banana ba ka Israeli.
- 18 Na Mosi i lo engena xikari ka refu, i lo kanziya aya xitsungeni : na Mosi i wa hi xitsungeni mune wa makume masiku ni mune wa makume a wusiku.

XIPIMO 25.

- 1 Na Jehova i lo wulawula ka Mosi, aku,
- 2 Wulawula ka banana ba ka Israeli, lezaku a ba nzi tekele mina a munyikelo : ka bonklelele banhu a bahi a mbilu yabye yi vumelako mu ta teka a munyikelo wa mina.
- 3 Lowu hi munyikelo lowu mu ta nga wu teka ka bona : a nzalama, ni siliwa, ni suku,
- 4 Ni kubaleleko, ni zirilako, ni kutrukileko, ni nguwo ya mure ya yo saseka, ni woya ga timbuti,
- 5 Ni mabeju ya tiyivu yo truka, ni mabeju ya macalo, ni sinya ya akakia,
- 6 Ni mafura kasi ku woninga, ni pepo wa mafura yo tota, ni ya libani lo tsombela,
- 7 Ni maribye yo kangeka, ni maribye laya ma ta nga yimiswa, a le efode, ni le tingenge.
- 8 Na nga bona ba nzi mahela mina a yindlu yo basa, kasi mina uza felu ku aka xikari ka bona.
- 9 Kota hi ka zonkle lezo nzi ta nga kangeta wena, ui dzumba ga tabernakele, ni dzumba ga ziya za yona, hambu lezoke zwina mu ta gi maha.
- 10 Zwina mu maha a nghaxa hi sinyi ya akakia : mikono mimbiri ni kihlanya a kunabalata ka yona, a kono ni kihlanya a kuanama ka yona a kono ni kihlanya a kuleha ka yona.
- 11 Wena u ta nameketa hi nzalama yi hlazekileko, lomo nzeni ni le handle
- wena u ta nameketa yona, wena u ta nameketa hehla ka yona a kwenge wa nzalama wu renzelekako.
- 12 Wena u ta fula mune wa zingwabila za nzalama za yona, u ti mehela lomo ka mune wa mikonzo ya kona ; ni zingwabila zimbiri ti ta ba ka ginwe klelo ga yona, ni zingwabila zimbiri zi ta ba ka giwani klelo ga yona.
- 13 Na wena u ta maha a mipingu hi sinyi ya akakia, u ti nameketa hi nzalama.
- 14 Wena u ta mehela a mipingu lomo zingwabileni lezo zi nga lomo maklelweni ya nghaxa, kasi kurwala a nghaxa ha yona.
- 15 Ni mipingu yi ta ba lomo nghaxeni : yona yi nga ta tekiwa ka yona.
- 16 Wena u ta mehela lomo nghaxeni a wukustumunyu legi nzi ta nga ku nyika wena.
- 17 Na wena u ta maha a xitsamo xa wuxinji hi nzalama yi hlazekileko : a mikono mimbiri ni kihlanya ku taba ku nabalata ka xona, a kono ni kihlanya a kuanama ka kona.
- 18 Wena u ta maha a macerubima mambiri ya nzalama ; hi tiro wo klomba wena u ta maha wona, hi magumelweni mambiri ya xitsamo xa wuxinji.
- 19 U maha a cerubima ginwe hi magumelweni ya ginwe klelo, ni giwani cerubima hi giwani klelo : hi xipanze xinwe zinwe ni xitsamo xa wuxinji zwina mu ta maha macerubima magumelweni mambiri ya kona.
- 20 Ni macerubima ma ta klatlasa tipapa ta wona ma xingeta le hehla, ma kubunyetile a xitsamo xa wuxinji hi tipapa ta wona, ni tingohe ta to na ka yizwe ni yizwani ; ti komamile xitsamo xa wuxinji ti ta ba ngaho a tingohe ta macerubima.
- 21 Wena u ta bekela a xitsamo xa wuxinji hehla ka arki ; ni lomo arkini wena u ta mehela a wukustumunyu legi mina nzi ta nga ku nyika wena.
- 22 Laho mina nzi ta klangana zinwe na wena, mina nzi ta wulawula na wena hi le hehla ka xitsamo xa wuxinji, hi le ka macerubima laya ma nga le hehla ka arki ya wukustumunyu, ka zonkle lezi nzi ta nga nyika wena ni zilelelo ka banana ba ka Israeli.
- 23 Wena u ta maha a meza hi sinyi ya akakia : a mikono mimbiri ku ta

- ba kunabalata ka yona, ni kono a kuanama ka yona, a kono ni kihlanya a kuleha ka yona.
- 24 Wena u ta nameketa hi nzalama yi hlazekileko, u maha ka yona a kwenge wa nzalama wu yi renzelekelako.
- 25 Wena u ta maha ka yona a mbingano wa kuanama ka canja wu yi renzelekelako; wena u ta beka a kwenge wa nzalama laho mbinganweni wu renzelekeleko.
- 26 Wena u ta mahela yona a mune wa zingwabila za nzalama, u mehela a zingwabila lomu magumo ka kona ka mune lezaku lomo ka mune wa mikonzo ya kona.
- 27 Kusuhani ni mbingano a zingwabila zi ta ba kona, a wutsamo kasi a mipingu ya rwalu meza.
- 28 Wena u ta maha mipingu hi sinyaya akakia, u nameketa hi nzalama, kasi a meza ya rwalwa hi yona.
- 29 Wena u ta maha a xibya xa kona, ni mikombe ya kona, ni mabotori ya kona, ni magombe ya kona, lawo ku ta nga kelelwa ha wona: hi nzalama yi hlazekileko wena u ta maha wona.
- 30 Wena u ta beka le hehla ka meza a eibaba zi kombisilweko ka mina xonkle xikatli.
- 31 Na wena u ta maha a tinhi ta ti kandiya hi nzalama yi hlazekileko: hi tiro wa kuklomba a tinhi ta kandiya ti ta mahiwa, hambu tsinya ga kona, ni mbingo wa kona; ni ti kopo ta kona, ni xivuvu za kona, ni zitsangi za kona, ku ta patswa katigiawe ka yona.
- 32 Ni laho ku ta ku ba kona a nklanu wa zitata ni xiawe zi ta nga huma hi laho klelweni ga kona; zitata zinharu za linhi la kandiya zi huma ka giawe klelo lego, ni zitata zinharu za linhi la kandiya zi huma hi ka giawani klelo ga laho.
- 33 Tikopo tinharu ti mahilweko ku fanana ni linyevu la almonde ka xitata xiawe: ni xivuvu ni tsangi, ti kopo tinharu ti mahilweko ku fanana ni linyevu la almonde ka xiawani xitata, ni xivuvu xa zitsangi: hi lezo ku kota nklanu zitata ni xiawe ku huma ka linhi la kandiya.
- 34 Ni nzeni ka linhi la kandiya mune wa tikopo ti lo mahwa ku kota a linyevu la almonde, ni xivuvu za kona, ni zitsangi za kona;
- 35 Ni xivuvu xi nga ka zitata zimbiri zi patsene na xona, ni xivuvu xi lahasi ka zitata zimbiri zi patsene na xona, ni xivuvu xi nga lahasi ka zitata zimbiri xi patsene xiawe na xona, hakuba a nklanu wa zitata ni xiawe zi huma hi laha ka linhi la kandiya.
- 36 A xivuvu za tona ni zitata za tona zi ta patsiwa zinwe na tona; a kumbela ka zona kuklombilwe hi nzalama yi hlazekileko.
- 37 Wena na ta maha a tikandiya ta kona, nklanu ni timbiri: bona ba ta lumeka a tikandiya ta kona, kasi tinyika a kuwoninga ka kona.
- 38 Ni zitimo za kona, ni mingelwana ya zitimo laho, zi ta ba a nzalama yi hlazekileko.
- 39 Hi talenta ya nzalama yi hlazekileko zi mahiwe, hi zonkle lezi zibya.
- 40 Wona lezaku wena u zi mahile kota kupatswa ka zona, loku kombisilweko wena le xitsungeni.

XIPIMO 26.

- 1 Klata-kumbiri wena u ta maha a tabernakele hi kume ga micacalato; hi wukene go saseka gi katilweko, ni kubalala, ni kuzirila, ni kutruka, xiawe ni macerubima a tiro wa munhu a tirako hi kuklarilhileko wena u ta zi maha zona.
- 2 A kunabalata ka cacalato muawe ku ta ba makume mambiri ni nklanu ni minhari mikono, ni kuanama ka cacalato ku ta ba mune wa mikono: ni yonkle micacalato yi ta ba kuccana kuawe.
- 3 Ni micacalato ya nklanu yi ta patswe katigiawe ka muawe ni muwani: ni yiawani a micacalato ya nklanu yi ta patswe katigiawe ka muawe ni muwani.
- 4 Wena u ta swula a ngoti yo balala hehla ka wukla ga muawe cacalato hi le klelweni lego gi patsilweko; ni zakungahi u ta swula le wukleni ga cacalato lezo hi zaku kwaleyo ku nga ni patswa wa wumbiri.
- 5 Nklanu wa makume ya tingoti wena u ta swula ka cacalato muawe, nklanu wa makume ya tingoti wena u ta swula le wukleni ga cacalato loko hi ku le ka patswa wa wumbiri; a micacalato yi ta cuwukana a muawe ni muwani.
- 6 Wena u ta maha nklanu wa makume mabariketo ya nzalama, ni ku patsa a micacalato a muawe ni mu-

- nwani hi mabariketo: ni tabernakele gi ta ba ginwe kumbela.
- 7 Wena u ta kata micacalato hi woya ga timbuti a kuba tenta hehla ka tabernakele: kume ni munwe micacalato wena u ta yi maha yona.
- 8 Ni kunabalata a ku ta ba munwe cacalato makume manharu ya mikono, ni kuanama ka cacalato munwe mune wa mikono: ni kume ni munwe micacalato yi ta ba kuecana kunwe.
- 9 Wena u ta patsa a nklanu wa micacalato wutsumbu ga yena, ni nklanu wa micacalato hi wutsumbu ga yona, u ta wuyeta hehla ka a cacalati ka nklanu ni munwe kona magumo ka ngohe ya tenta.
- 10 Wena u ta swula nklanu wa makume ya tingoti le wukleni ga cacalato munwe lezo hiku walowo a patswa wa kona wu humeleko nguvu, nklanu wa makume ya tingoti hehla ka wukla ga cacalato wa wumbiri lowo wu humeleko handle wa wumbiri patswa.
- 11 Wena u ta maha nklanu wa makume a mabariketo ya suku, u klomeka a mabariketo lomo lingotini, u patsa a tenta katiginwe, kasi gi fela ku maha ginwe.
- 12 Ni klelo lego gi lengalengako ga micacalato yi seleko ya tenta, ku ta sala a kihlanya ga cacalato, gi ta hayekwa le hehla hi le nzako ka tabernakele.
- 13 A kono munwe hi klelo ginwe, ni kono munwe hi giwani klelo, ka loko ku seleleko lomo kuabalateni ka micacalato ya tenta, ku ta hayekwa lomo makelweni ya tabernakele ni ka legi klelo ni ka legiya a klelo, kasi kufenengeta a gona.
- 14 Wena u ta kata a xifulelo xa tenta hi wuya ga tiyivu go truka, ni xulelo xa wuya ga macalo le hehla.
- 15 Wena u ta maha a tibakwa ta tabernakele hi sinya ya akakia, kuyimisa.
- 16 Kume a mikono ku ta ba a kunabalata ka tibakwa, ni ku hi a kono ni kihlanya a kuanama ka tibakwa.
- 17 A manghaxa mambiri ma ta ba ka bakwa yinwe, kasi kuklanganyisa a yinwe ni yinwani: zakungahi wena u ta nga maha ka tonkle tibakwa ta tabernakele.
- 18 Na wena u ta maha a tibakwa ta tabernakele, makume mambiri a tibia
- kwa hi le dzongeni klelo ga kona ku komamako dzonga.
- 19 Na wena u ta maha a mune wa makume ya timbingu ta siliva lahasi ka makume mambiri ya tibakwa; timbingu timbiri lahasi ka manghaxa ya bakwa yinwe, ni timbingu timbiri lahasi ka tinwani tibakwa ta manghaxa ya tona:
- 20 Na hi klelo ga wumbiri ga tabernakele, hi klelo ga nwalungu, makume mambiri ya tibakwa.
- 21 Ni mune wa makume ya timbingu ta wona ta siliva; timbingu timbiri lahasi ka bakwa yinwe, timbingu timbiri ka bakwa yinwani.
- 22 Na hi klelo ga le makutini ga tabernakele kona muhlwa gambo wena u ta maha nklanu ni yinwe a tibakwa.
- 23 A tibakwa timbiri wena u ta maha lomo magumo ya kuzu ga tabernakele hi klelo ga le makutini.
- 24 Na wona ma ta wuyetwa lahasi, kufanana lezo wona ma ta engena le xixungweni xa kona ka xingwabila zinwe: zi ta ba ngaho ka wona wonkle; ma ta ba makuzu mambiri.
- 25 Laho ku ta ba ni nklanu wa tibakwa ni tinharu, u manghaxa ya tona ya siliva, kume nklanu ginwe; manghaxa mambiri lahasi ka bakwa yinwe, ni manghaxa mambiri lahasi ka yinwani bakwa.
- 26 Wena u ta maha a tinhi hi sinya ya akakia; nklanu wa tona ta ti bakwa leti ta klelo ginwe ga tabernakele.
- 27 Ni nklanu wa tinhi ta klelo giwani ga tabernakele, nklanu wa tinhi ta tibakwa klelo ga tabernakele, ka klelo ga le makutini le muhlwa gambo.
- 28 Ni linhi la laba xikari le xikari ka tibakwa li ta hunza li tsemakanya kusukela magumo kala magumo.
- 29 Wena u ta nameketa a tibakwa hi nzalama, u maha zingwabila za wona za nzalama kasi a wutsamo ga tinhi: wena u ta nameketa a tinhi hi nzalama.
- 30 Wena u ta balula a tabernakele kota a kufananisa loko nzi kombisileko wena le xutsungeni.
- 31 Wena u ta maha a veli yo balala, ni yo zirila, ni yo truka, ni wukene go saseka gi katilweko: zinwe ni macerubima a tiro wa munhu a klarihileko kutireni yona yi ta mahiwa.

- 32 Wena u ta yi hayeka le hehla ka timhanze ta mune ta akakia ti nameketilweko hi nzalama; ni tiobe ta kona ti ta ba ta nzalama, hehla ka manghaxa ya siliva.
- 33 Wena u ta hayeka a veli le hasi ka mabariketo, ni ku neha laha velini a arki ga xivumelwano: ni veli yi abanyisa xikari ka a wutsamo go basa ni go basabasa.
- 34 Wena u ta beka a xitsamo xa wuxinji hehla ka arki ya wukustumunyu lomo wutsanweni go basabasa.
- 35 Wena u ta yimisa a meza hi le handle ka veli, ni tinhi ta kandiya hehla ka meza hi leno klelweni ga tabernakele le dzongeni: wena u ta beka a meza hi klelo ga nwalungu.
- 36 Wena u ta maha a nguwo ya libati la Tenta, ya ku balala, ni ku zirila, ni ku truka, ni wukene gi katilweko go saseka, tiro wa murungi.
- 37 Wena u ta mahela a veli a nklanu wa timhanze ta akakia, u nameketa tona hi nzalama; ni tiobe ta tona ti ta ba ta nzalama: wena u ta panza a nklanu wa manghaxa ya tona.

XIPIMO 27.

- 1 Na wena u ta maha a alati hi sinya ya akakia, nklanu wa mikono a kunabalata, ni nklanu wa mikono a kuanama; ni alati gi ta ba mune wa makuzu: ni kulcha ka gona ku ta ba mikono minharu.
- 2 Na wena u ta maha timhonzo ta gona hi makuzu ya mune ya kona; ni timhonzo ta kona ti ta patsanyetwa na gona: wena u ta gi nameketa gona hi suku.
- 3 Wena u ta maha a timbita ta gona kasi ku celetela kona kuma ga gona, ni mafoxola ya gona, ni mingelo ya gona, ni tisimelo to klaba nyama, ni mahati yo ola nzilo: zonkle zibya lezi wena u ta zi maha hi suku.
- 4 Wena u ta mahela gona a xibya xa tiro wukangekileko wa suku; hi suku wu sasekileko wena u ta maha zingwabila za mune za suku ka mune wa magumo ya kona.
- 5 Wena u ta beka lahasi ka xipimbisi xi ranzeleko a alati le hasi, kasi a suku wa fela ku cikela a kihlanya le aliteni.
- 6 Wena u ta maha tinhi ta alati, a tinhi ta sinya ya akakia, u ti nameketa hi suku.
- 7 A tinhi ta kona ti mehelwa lomo zingwabileni, ni tinhi ti ta ba a maklelo mambiri ya gona alati, na ti gi rwala.
- 8 U klabiketa hi mapulangu wena u ta maha gona: kota lezi ku kombilweko wena le xitsungeni, lezo wena u ta gi maha gona.
- 9 Wena u ta maha a hubye ya tabernakele: na hi klelo ga dzonga ngomameni ni le dzongeni laho ku ta hayekelwa a hubye a wukene gi sasekileko gi katilweko i zana ga mikono kunabalata ka ginwe klelo.
- 10 Ni timhanze ta kona ti ta ba makume mambiri, ni manghaxa ya kona makume, mambiti ya zona hi suku; a tiobe ta timhanze ni kuboha ka kona a zi be za siliva.
- 11 Ni ku ngaho lezo hi klelo ga le nwalungu hi kunabalata laho ku ta hayekwa a zana ga mikono kunabalata, ni timhanze ta kona makume mambiri, ni manghaxa makume mambiri, ya suku; a tiobe ta timhanze, ni boho za tona, za siliva.
- 12 Ni kuanama ka hubye le klelweni ga muhlwa gambo ku ta hayekwa a nklanu wa makume ya mikono; a timhanze ta kona kume, ni manghaxa ya kona kume.
- 13 Ni kuanama ka hubye le mutsuwuka gambo ngomameni ya le mutsuwuka gambo ku ta ba nklanu wa makume ya mikono.
- 14 Ni kuhayekwa ka klelo ginwe ga nyangwa ku ta ba kume ni nklanu wa mikono; a timhanze ta kona tinharu, ni manghaxa ya tona manharu.
- 15 Ni ka ginwani klelo ku ta hayekwa a kume ni nklanu wa mikono; a timhanze ta kona tinharu, a manghaxa ya tona manharu.
- 16 Na nyangwa ya hubye ku ta ba a veli ya makume mambiri a mikono, ya ku balala, ni ya ku zirila, ni ya ku truka, ni wukene go saseka gi lukilweko, a tiro wa murungi; a timhanze ta kona mune, ni manghaxa ya kona mune.
- 17 Ni tonkle a timhanze ti ranzeleko a hubye a ti titatiswe hi siliva; ni tiobe ta kona ta siliva, ni manghaxa ya kona nja suku.
- 18 Ni kunabalata ka hubye a ku be zana ga mikono, ni kuanama i nklanu

wa makume konklelele kwalaho, ni kuleha a nklanu wa mikono, ya wukene go saseka gi katilweko, ni manghaxa ya kona nja suku.

- 19 Zonkle zibya za tabernakele ni kuzozela ka kona, ni zi kongwani za kona, ni zonkle a zikongwani za hubye, ku ta ba a suku.
- 20 Wena u ta lelela a banana ba ka Israeli, lezaku a ba nehe a mafura ya oliva ma hlazekileko ma klobilweko a kuwoninga, ku maha kandiya yi simamisa yi vura.
- 21 Lomu tenteni ga muklangano, hi le handle ka veli leyi yi nga le mahlweni ka wukustumunyu, Aroni ni bana ba yena i ta ku sasisa ku sukela gambyeni kala mixweni mahlweni ka Jehova: ku ta ba a xilayelo kala ku pinzuka ka zonkle zizukulwana zabye hi klelo ga banana ba ka Israeli.

XIPIMO 28.

- 1 Tsineta wena ku suhani Aroni makabye wa wena, ni bana ba yena zinwe na yena, hi le xikari ka banana ba Israeli, kasi wa fela ku kozela ka mina xikundleni xa wupristi, yena Aroni, Nadabe, na Abihu, na Elezare, na Itamare, a bana ba Aroni.
- 2 Wena u ta maha a tinguwo to basa ta Aroni makabye wa wena, ta wukosi mi wumburi.
- 3 Wena u ta wulawula ka bonkle laba ba nga ni mbilu ti tibako, a bahi mina nzi ba tatisileko hi moya wa kutiba, kasi ba fela ku maha a tinguwo ta Aroni a ku basisa yena, kasi yena wa fela kukozela ka mina xikundleni xa wupristi.
- 4 Leti hi tinguwo leti bona ba ta nga ti maha: a ngenge, ni efode, ni nganju, ni baju gi komelweko, ni xihuku, ni bandi: bona ba ta maha a tiuguwo to basa ta Aroni nakuloni wa wena, ni bana ba yena, kasi ba fela ku kozela ka mina xikundleni xa wupristi.
- 5 Bona ba ta teka a nzalama, ni kubaleleko, ni kuzileko, ni trukileko, ni wukene go saseka.
- 6 Bona ba ta maha a efode hi nzalama, hi kubalala, hi kuzirila, hi kutruka, ni wukene go saseka gi katilweko, a tiro wa banhu ba tirako hi kuklarihileko.
- 7 Yona yi ta ba zi panze zimbiri za kakla zi klabiketwako hi magumelo

[Sheetswa]

lawo mambiri, kasi ka fela ku klabiketana katiginwe.

- 8 Na kulukilwe hi ku klarihisisilweko a bande, legi gi nga hehla ka yona, gi ta kona a tiro wa konawu laho na gi patsilwe kwalaho; hi nzalama, hi kubalala, hi kuzirila, ni kutruka, ni wukene go saseka gi katilweko.
- 9 Wena u ta teka a ribye gi bangamelako, u kehlela ka gona a mabito ya banana ba ka Israeli:
- 10 Nkulanu wa mabito yabye ma ta ba ribyeni ginwe, ni mabito ya nkulanu ni ginwe maseleko ka ginwani ribye, ku kwatsi hi kutralwa ka bona.
- 11 Hi tiro wa mukehli wa maribye, wu ta fanana ni mufuli wa tipera, wena u ta kehlela a maribye mambiri, ku kota hi mabito ya banana ba ka Israeli: wena u ta maha wona kucululwa ma tiyiswa hi nzalama.
- 12 Wena u ta mehela a maribye mambiri hehla ka zipanze lezi zimbiri za makakla za efode, kasi ku ba maribye ya xialakanyelo ka banana ba ka Israeli: na Aroni i ta rwala a mabito yabye mahlweni ka Jehova hehla ka makakla ya yena a ku ba xialakanyelo.
- 13 Wena u ta maha xitiyiso xa nzalama.
- 14 A mangenje mambiri ta ya nzalama yi hlazekileko; ku fanana ni tiketani wena u ta ma maha wona, a tiro wu klabiketelweko: wena u ta mehela a mangenje ma klabiketilweko lomo zitiyisweni.
- 15 Wena u ta maha a tingenge ta kulamula, a tiro wa nyamitiro a klarihileko; ku kotisa a tiro wa efode wena u ta maha yona; hi nzalama, hi kubalala, hi kuzirila, hi kutruka, ni wukene go saseka gi katilweko, wena u ta yi maha yona.
- 16 Ku ta ba mune wa makuzu ni kuwuyetwa; ni ku leha ka kona ku ta ba a ku nabalata ka kona, ni kuleha ku hi kuanama ka kona.
- 17 Wena u ta yimisa ka kona a zitiyiso za maribye, a mune wa tixaxa ta maribye: a lixaxa la sardiuse, topaza, karbunkle ku ta ba lixaxa i lo ranga;
- 18 Ni lo gamela lixaxa emeralde, safira, ni dayimoni;
- 19 Ni lixaxa la wunharu jasite a agati, ni ametiasti;
- 20 Ni lixaxa la wumune i berli, ni onikisi, na jaspere: wona ba ta lemela hi nzalama a zitiyiso za kona.

- 21 Ni maribye ma ta ba ku kota a mabito ya banana ba ka Israeli, kume ni mambiri, ku kota hi mabito ya-bye; ku fanana ni kufulwa ka pera, bonklelele ku kota a bito ga yena, bona ba ta ba kume ga tixaka ni timbiri.
- 22 Na wena u ta maha hehla ka ngenge a manguje ku fanana ni tiketani, ya tiro wuklabiketelweko hi nzalama yi hlazekileko.
- 23 Wena u ta beka hehla ka ngenge a masundula mambiri ya nzalama, wena u ta beka a masundula mambiri lomo magumelweni mambiri ya ngenge.
- 24 Wena u ta beka a manguje mambiri maklabitilweko ya nzalama ka masundula mambiri ya ngenge.
- 25 Mi manwani magumo ya manguje mambiri ma klabiketilweko u ta engenisa lomo zitiyisweni, ni ku zi mehela le zipanze ni za efode za kaka le mahlweni ka kona.
- 26 Wena u ta maha masundula mambiri ya nzalama, wena u ta mehela wona magumweni mambiri ya ngenge, hehla ka wuka ga kona, hi kelelo ga efode lego gi cuwukileko lomo ndlwini.
- 27 Wena u ta maha masundula mambiri ya nzalama, u ta ma mehela lomo ka zipanze zimbiri za kaka ni ka efode leyi ya lahasi, hi ngomameni ya kona ya se mahlweni, ku gamekene ni kuwuyetwa ka kona, hi le hehla ka kulukwa hi ku klarihisisilweko hi kuklangana ka efode.
- 28 Bona ba ta boha a ngenge hi masundula ya kona la masunduleni ya efode hi ngoti yo balala, kasi ku fela ku ba ka kulukwa hi ku klarihisisilweko kuklanganeni ka efode, lezaku a ngenge yi nga kaka liwa le efodeni.
- 29 Na Aroni i ta rwala a mabito ya banana ba ka Israeli le ngengeni ya kulamula hehla ka mbilu ya yena, laha na yena a engena wutsanweni go basa, a ku ba a xialakanyelo mahlweni ka Jehova hi kusimamisisilweko.
- 30 Wena u ta mehela le ngengeni a kulamula a Urima na Tumima; bona ba ta ba mbilwini ya Aroni, laha na engena lomo mahlweni ka Jehova; na Aroni i ta rwala a kulamula ka banana ba ka Israeli hehla ka mbilu ya yena mahlweni ka Jehova hi kusimamisisilweko.
- 31 Wena u ta maha a nguwo ya efode konkle kubalala.
- 32 Ku ta ba ni nyangwa ya hloko xikari ka yona; yi ta ba yi bobilwe hi tiro wa kulukwa ku renzelekela a nyangwa, ku kwatsi i nyangwa yi komelweko nzhambyanana wa baji, kasi yi nga klemuki.
- 33 Hehla ka nzhungo wa kona u ta maha pomegramu yo balala, ni yo zirila, ni yo truka, ku renzelekela a nzungo wa kona; ni banyangende nzalama xikari ka kona ku renzelekela:
- 34 A nyangende wa nzalama ni pomegramu, a nyangende wa nzalama ni pomegramu, hehla ka nzhambanana wa nguwo ku renzelekela.
- 35 Kona ku ta ba hehla ka Aroni ni kukozela: ni guwa ga kona gi ta zwiwa laha na yena na a kari aya lomo wutsanweni go basa mahlweni ka Jehova, ni laha yena a huma lahandla, kasi a nga ta kufa.
- 36 Wena u ta maha a ngelo hi nzalama yi hlazekileko, u kehlala ka yona, kufanana ni kukehlalwa ka pera, KUBASA KA JEHOVA.
- 37 Wena u ta mehela ka wona a lingoti lo balala, wona wu ta ba hehla ka xihuku; hehla ka ngomama ya leno ximombyeni wona wu ta ba kona.
- 38 Kona ku ta ba hehla ka ximombo xa Aroni, na Aroni i ta rwala a zibi za zilo zo kubasa, lezi a banana ba ka Israeli ba ta nga zi wungeletela zinyikiweni za-bye; ku ta ba xikati konkle ximombyeni xa yena, kasi bona ba fela kuamukeleka mahlweni ka Jehova.
- 39 Wena u ta luka a baji hi tiro wu komelweko wa wukene go saseka, wena u ta maha xihuku hi wukene go saseka, wena u ta maha a bandi, a tiro wa murungi.
- 40 Ka bana ba Aroni wena u ta maha a mabaji, wena u ta mahela bona a mabandi, ni zihuku wena u ta mahela bona, za wukosi ni za wumburi.
- 41 Wena u ta mehela ka Aroni maka-bye wa wena, ni hehla ka bana ba yena zinwe na yena, ni ku ba tota bona, ni ku ba nyikelisisa bona, ni ku ba basisa bona, kasi bona ba fela ku kozela mina xikundleni xa wupristi.

- 42 Wena u ba katela a mabuluku ya wukene a kufenengeta a nyama ya wumdyiri ga bona, ku sukela xiwunwini ku kala kuta mahangasweni wona ma ta cikela:
- 43 Wona ma ta kuba hehla ka Aroni, ni hehla ka bana ba yena, laha na baya tenteni ga muklangano, kambe ni loku bata laha kusuhi ni alati a ku ta kozela wutsanweni ga kubasa; kasi bona ba kala kurwala a zibi, ni kufa: kona ku ta ba xilayelo kala ku pinzuka ka yena ni ka mbewu ya yena anzako ka yena.

XIPIMO 29.

- 1 Ni lezi hi zilo wena u ta nga maha ka bona a ku hambanyisa bona, a ku kozela ka mina xikundleni xa wupristi: u teka a rolana ginwe giswa ni tihambana timbiri ti ngahiko na bawa,
- 2 Ni zibaba zi nga comelwangiko, ni zikeketselo zi hakaselweko ni zikeketselo zi nga comelwangiko u zi tota hi mafura: hi mapa ma jemi-lweko ma nanaselwa wena u ta zi maha zona.
- 3 Wena u ta zi mehela xirunzwini xinwe, ni ku zi neha hi lomo xirinzwini, zinwe ni rolana ni tihambana timbiri.
- 4 Na Aroni ni bana ba yena wena u ta ba neha le nyangweni tenteni ga muklangano, u ba hlaza hi mati.
- 5 Na wena u ta teka a tinguwo, u mehela a Aroni a baji, ni nguwo ya efode, ni efode, ni ngenge, ni ku boha yena hi bandi gi lukilweko hi kuklarihisisilweko ka efode:
- 6 Na wena u ta engenisa xihuku hlokweni ya yena, u mehela a xidlodlo xa kubasa hehla ka xihuku xa yena.
- 7 Zonake wena u ta teka a mafura ya kutota, u ma culula hehla ka hloko ya yena, na u mu tota yena
- 8 Wena u ta neha a bana ba yena, u mehe a mabaji hehla ka bona.
- 9 Wena u ta boha bona hi mabandi, Aroni ni bana ba yena, u engenisa xihuku ka bona: bona ba ta ba wupristini ga xilayelo xa pinzukulwa: u nyikelelisa Aroni ni bana ba yena.
- 10 Na wena u ta neha a rolana mahlweni ka tenta ga mu muklangano: Aroni ni bana ba yena ba ta klateka mandla yabye hehla ka hloko ya role.

- 11 Wena u ta daya a role mahlweni ka Jehova, le nyangweni ya tenta ga muklangano.
- 12 Wena u ta teka a nkata wa role, u wu teka u wu patseka hehla ka timhonzo ta alati hi titiho ta wena; wena u vulula wonkle nkata laha tsinyeni ga alati.
- 13 Na wena u ta namulela a mafura wonkle lawo ma nga lomo nzeni, ni pambani hehla ka xibinzi, ni tiswo timbiri, ni mafura mapambeleko to-na, u hisa zona hehla ka alati.
- 14 Kanilezi a nyama ya role, baji ga kona, ni swanyi wa kona, wena u ta hisa hi nzilo le handle ka wugobelo: kona mu nyikelo wa kuonha.
- 15 Wena u ta teka a hambana yinwe; Aroni ni bana ba yena ba ta klateka mandla yabye hehla ka hloko ya hambana.
- 16 Wena u ta klabana a hambana, wena u ta teka nkata wa yona, na u renzelekela u watsekela a alati.
- 17 Wena u ta tsemelela a hambana zihlubyana, u hlaza lomo nzeni, ni milenge ya yona, u zi beka ni zi klu-byana za kona, zinwe ni hloko ya kona.
- 18 Na wena u ta hisa a hambana yonkle hehla ka alati: yona munyikelo wa kuhu wa ka Jehova; wona masema yo tsombela, a munyikelo wu mahilweko hi nzilo ka Jehova.
- 19 Wena u ta teka leyi yinwani hambana, Aroni ni bana ba yena ba ta klateka a mandla yabye hehla ka hloko ya hambana.
- 20 Wena u ta daya a hambana, u teka a nkata wa yona, u patseka laha ka wukla ga xipapana xa ndlebe ya xinene ya Aroni, ni hela ka wukla ga xipapana xa ndlebe ya xinene ya bana ba Aroni, ni hehla ka litiho la hombe labye la canja ga xinene, ni hehla ka xikamba xa hombe xa konzo wabye wa xinene, ni ku watsekela a nkata u renzelekela a alati.
- 21 Na wena u ta teka a nkata lowo wu nga laha alatini, ni mafura ya kuto-ta, u watsekela hehla ka Aroni, ni hehla ka tinguwo ta yena, ni hehla ka bana ba yena, ni hehla ka tinguwo ta bana ba yena zinwe na yena: yena i ta ba a basisilwe, ni tinguwo ta yena, ni bana ba yena, ni tinguwo ta bana ba yena zinwe na yena.
- 22 Wenawu kambe u ta teka a hambana ni matura, ni mafura ya kila, ni

- mafura laya ma pomeleko lomo nze-
ni, ni pambani wa xibinzi, ni tiwa
timbiri, ni mafura laya ma nga hehla
ka tona, ni nyonga ya xinene (hakuba
yona i hambana ya ku ti kunyikelelisisisa).
- 23 Ni mbhunzu yizwe ya zibaba, ni xikeketselo xizwe celilweko mafura, ni xikeketselwana xizwe, hi lomo xirunzwini lexo xi nga ni zibaba zi nga comelwangiko lexo xi nga mahlweni ka Jehova:
- 24 Wena u ta cela zonkle man/leni ya Aroni, ni ku cela man/leni ya bana ba yena, ba ta ma nziwita a muniyikelo wa kunziwuta mahlweni ka Jehova.
- 25 Wena u ta teka kona man/leni ya bona, u ku hisa lomo alateni hehla ka muniyikelo wa kuhiswa, a ku ba masema yo tsombela mahlweni ka Jehova: kona muniyikelo wu mahilweko hi nzilo ka Jehova.
- 26 U teka a pfuba ga hambana ya ku ti nyikelisisisa Aroni, u ni ku nziwitela kona a muniyikelo wa ku nziwitela mahlweni ka Jehova: ku ta ba xiabelo xa wena.
- 27 Wena u ta basisa a pfuba ga muniyikelo wa kunziwitela, ni nyonga ya muniyikelo wa kunziwitela lowu wu nziwiteko, lowu wu nzulisilweko hehla, ka hambana ya ku ti nyikelisisisa, hambu kona loko ku nga ka Aroni, ni loko ku nga ka bana ba yena:
- 28 Kona ku ta ba ka Aroni ni bana ba yena kota xiabelo xa/bye kala kupinzuka hi ka banana ba ka Israeli: hakuba kona muniyikelo wa ku nzuliswa: kona ku ta ba muniyikelo wa kunzuliswa ka bana ba ka Israeli wa mupahlelo wa muniyikelo wa/bye wa kurula, hambu kona kunzulisa ka/bye ka Jehova.
- 29 Ni tinguwo to basa ta Aroni ti ta ba ta banana ba yena a nzako ka yena, ni ba a totwe ka bona, ni ku ba a nyikelelisiswa ka bona.
- 30 N/lanu wa masiku ni mambiri a wana loye a ta nga ba mupristi xikund/leni xa yena i ta tiambala, laha na ata tenteni ga muklangano a ku ta kozela wutsa/weni ga kubasa.
- 31 Wena u ta teka a hambana ya kunyikelisisisa, u bika nyama wutsa/weni ga kubasa.
- 32 Aroni ni bana ba yena be taga a nyama ya hambana, ni zibaba lezo zi nga lomo xirunzwini, le nya-ngweni ya tenta ga muklangano.
- 33 Na bona ba taga lezo zilo laho a nzhiho wu mahilweko ha zona, a ku ba nyikelisa ni ku ba basisa: kani-lezi a mupfumba a nga yigi yona, hakuba yona yi basile.
- 34 Loku a neumo wa nyama ya kunyikelelisisisa, kutani zibaba, zi sala ka-la gica, zonake wena u ta hisa a kuseleko hi nzilo: nga ku nga giwi, hakuba ku basile.
- 35 Ni zakungahi u ta zi maha ka Aroni, ni ka bana ba yena, ku kota hi ka zonkle lezo nzi keleko wena: n/lanu wa masiku ni mambiri wena u ta ba nyikelisisa bona.
- 36 Wonklelele masiku wena u ta nyikela a rolana ga muniyikelo wa kuonha kasi ku be a nzhiho: wena u ta basisa a alati, laha na u maha a nzhiho wa gona; wena u ta gi tota, a ku gi basisa.
- 37 N/lanu wa masiku ni mambiri wena u ta maha a nzhiho wa alati, u gi basisa gona: a alati gi ta yimelwe hi kubasa nguvu; kani xa ku yini xi kumbako a alati xi ta hi xi basileko.
- 38 Makunu lezi hi lezo u ta nga nyikela hehla ka a alati: tiivana timbiri ta lembe giawe a wukale a siku ni siku hi ku simamisisilweko.
- 39 Ni ivana yizwe wena u ta yi nyikela laha mixweni; ni yizwani ivana wena u ta nyikela laha gambiyeni:
- 40 Zizwe ni ivana yizwe a ka kume ka efa ka mapa ma nanaselweko na ma hakaselwe ni xipanze xa wumune xa hini ni mafura ma kamilweko; ni xipanze xa wumune xa hini ya waini a kuba muniyikelo wa kunwa.
- 41 Ni yizwani ivana wena u ta yi nyikela laha gambiyeni, wena u ta maha lahoke ku kota a muniyikelo wa xifihlulo xa mixo, ni ku kota a muniyikelo wa kunwa ka kona, a kuba masema yo tsombela, a muniyikelo wu mahilweko hi nzilo ka Jehova.
- 42 Wona wu ta simama wu hi muniyikelo wa kuhiswa ka zizukulwana za wina zonkle le nyangweni ya tenta ga muklangano mahlweni ka Jehova, laho mina nzi ta nga klangana na wina, a kuwulawula laho ka wina.
- 43 Lahe na nzi ta klangana ni banana

- ba ka Israeli; ni tenta gi ta basiswa hi wukosi ga mina.
- 44 Na mina nzi ta basisa a tenta ga muklangano, ni alati: Aroni kambe ni bana ba yena mina nzi ta mu basisa, a ku kozela ka mina xikundleni xa wupristi.
- 45 Mina nzi ta aka xikari ka banana ba ka Israeli, nzi ta ba Nungungulu wabye.
- 46 Bona ba ta zi tiba lezaku mina nzi mina Jehova Nungungulu, loyi a nga ba humesa hi le tikweni ga le Gipite, kasi nza fela ku tsama xikari kabye: nzi mina Jehova Nungungulu wabye.

XIPIMO 30.

- 1 Wena u ta maha a alati go hisela a libani kona: hi sinya ya akasia wena u ta maha gona.
- 2 A kono ku ta ba a kunabalata ka gona, a kona wu ta ba a kuanama ka gona; gona gi ta ku ba a makuzu ya mune; ni mikono mimbiri gi ta ku ba kuleha ka gona; ni timhonzozo ta kona ti ta patsanyetwa na gona.
- 3 Wena u ta gi nameketa hi nzalama yi blazekileko, a hehla ka kona, ni maklelo ya kona u renzelekela, ni timhonzozo ta kona; wena u ta maha ka gona a kwenge wa nzalama u renzelekela.
- 4 Ni masundula mambiri ya nzalama wena u ta ma mahela gona lahasi ka kwenge wa kona; hehla ka timbambo timbiri ta kona, hehla ka maklelo mambiri ya kona wena u ta ma maha wona; wona ma ta ba wutsamo ga mipingu leyo yi ta ngarwala gona.
- 5 Wena u ta maha a mipingu hi sinya ya akasia, u ta yi nameketa hi nzalama.
- 6 Ni Wena u ta gi beka hi laha ka veli leyo yi nga laho ka arki ga wukustumunyu, mahlweni ka xitsamo xa wuxinji lexi xi nga la hehla ka wukustumunyu, laho mina nzi ta klangana na wena kona.
- 7 Aroni i ta hisela kona a libani la pepo wo tsombela: yonketelele mixo, ni laha na lumeka a tikandiya, a hise gona.
- 8 Ni laha a Aroni a lumeka tikandiya laha gambyeni a ata hise gona, mu maha a munyikelo wa libani wa pinzikelwa ka Jehova wa zizukulwana za nwina zonkle.
- 9 Nwina mu nga ta nyikela laho a libani mu nga li tibiko, hambu ni munyikelo wa kuhiswa, hambu ni munyikelo wa xifihlulo, nwina mu nga ta cela hambu ni munyikelo wa kunwa kona.
- 10 Aroni i ta maha a nzhiho hehla ka timhonzozo ta gona kanwe hi lembe; zizwe ni nkata wa munyikelo wa kuonha ni wa nzhiho kanwe hi lembe yena i ta maha nzhiho ka gona ka zonkle zizukulwana za nwina: kona ku hunzisile kubasa ka Jehova.
- 11 Na Jehova i lo wulawula ka Mosi, aku,
- 12 Laha na wena u teka a tsengo wa banana ba ka Israeli, a ku kota labo ba hlayilweko, zonake a banuna bonkle ba ta nyikela a nzhiho hi muhefemulo wa yena ka Jehova, laha na wena na u hlanya bona; kasi ku fela ku kala ku nga hi kona anzhere xikari kabye, laha na wena na u hlanya bona.
- 13 Lexi bona ba ta nga xi nyikela, bonklelele labo ba hunzako bata ka bona labo ba hlayilweko: i kihlanya ga xekeli a xekeli lego gi basileko (a xekeli makume mambiri ya magera), a kihlanya ka xekeli ga munyikelo ka Jehova.
- 14 Bonklelele labo ba ta nga hunza ba ta ka labo ba hlayilweko, ku sukele ka ba makume mambiri malembe kuya hehla, ba ta nyika a munyikelo wa Jehova.
- 15 A ba fumileko ba nga ta nyika ku hunzisa, ni zisiwana ba nga ta nyika kutsongwani, a kuhunza a kihlanya ga xekeli, laha na nyika a munyikelo wa Jehova, a ku maha a nzhiho wa mihefemulo ya nwina.
- 16 Wena u ta teka a mali ya nzhiho ka banana ba ka Israeli, u ta yi yimisele a tiro wa tenta ga mu klangano; kasi ku fela ku maha xialakanyelo ka banana ba ka Israeli mahlweni ka Jehova, a ku maha nzhiho hi mihefemulo yabye.
- 17 Na Jehova i lo wulawula ka Mosi, aku,
- 18 Wena kambe u ta maha a xinamele xa suku, ni tsako ka kona ga suku, a kuhlambela kona. Na wena u ta xi beka xikari ka tenta ga muklangano ni alati, wena u ta cela mati lomo nzeni.
- 19 Aroni ni bana ba yena ba ta hlaza a

- mandla yabye ni mikonzo yabye kona ;
- 20 Laha na bona na ba engena lomu tenteni ga muklangano, bona ba ta hlamba hi mati, kasi ba nga ta kufa; ni laha na bata kusuhi ka alati a ku ta kozela, a ku ta hisa a munyikelo wu mahilweko hi nzilo ka Jehova.
- 21 Zingaho ba ta hlaza a mandla yabye ni mikonzo yabye, kasi ba nga ta kufa: ku taba a xilayelo kala kupinzuka ka bona, hambu ka yena ni ka mbewu ya yena ka zonkle zizukulwana zabye.
- 22 Klata-kumbiri Jehova i lo wulawula ka Mosi, aku,
- 23 Teka ka wena kambe a maka yo nanzuha nguvu; ya hlakati yi cililako ya nklanu wa mazana maxekeli, ya kinamoni yi tsombekeko ya kihlanya ga lezo, wona mazana mambiri ni nklanu wa makume, a kalamuse yi tsombelako mazana mambiri ni nklanu wa makume,
- 24 Ni wa kasia nklanu wa mazana, ni xekeli gi basileko, ni mafura ya Oliwa a hini;
- 25 Wena u ta maha kona a mafura ma basileko ya kutota, ma kiwa hi ku wuyetilweko kota a muki wa mafura, ma ta ba mafura ya kutota yo basa.
- 26 Wena u ta tota ha wona a tenta ga muklangano, ni arki ga wukustunyu,
- 27 Ni meza ni zibya zonkle za yona, ni linhi la kandiya ni zibya za yona, ni alati ga libani,
- 28 Ni alati ga munyikelo wa kuhiswa ni zibya za kona zonkle, ni xinamelo ni tsako ga xona.
- 29 Wena u ta zi basisa zona, kasi zona zi fela kubasa hi kuhunzeleleko: kani hi xihi xi kumbako zona a xi be xi basileko.
- 30 Wena u ta tota Aroni ni bana ba yena, ni ku kubasisa bona, kasi bona ba fela kukozela ka mina xikundleni xa wupristi.
- 31 Wena u ta wulawula ka banana ba ka Israeli, uku, Laya ma ta ba mafura ya kutota ko basa ka mina ka zonkle zizukulwana za nwina.
- 32 Hehla ka nyama ya munhu wona ma nga ta celwa, ge ni ku maha manwani yo kota wona, ni ku kuxangelana na wona: wona ma basile, na ma ta ba kubasa ka nwina.
- 33 Kani hiwihi a kako yo fanana na wona, kani hiwihi a celako wona ka mupfumba, yena i ta tsenwa ka banhu ba ka kabye.
- 34 Na Jehova i te ngalo ka Mosi, Teka ka wena a maka yo tsombela, stakte, ni onixa, ni galbanuma; a maka yo tsombela zinwe ni woni gi wonisisako: ka zona zonkle zi ta ba kuringana kunwe;
- 35 Wena u ta maha ha kona a libani, u kelela ku kota a mukeleli wa mafura, na ku lugilwe hi munyu, ma hlazekile na ma basisilwe:
- 36 Wena u ta kanyanga manwani ya wona ma maha ma tsongwanyanyani, u ma beka mahilweni ka wukustumunyu lomo ka tenta ga muklangano, laho mina nzi ta nga klangana zinwe na wena: wona a ma be ka nwina a kubasa ku hunzeleleko.
- 37 Ni libani lolu wena u ta nga li maha, ku kota a kuxangelana ka lona nwina mu nga ta li mahela wutsumbu ga nwina: a li be ka nwina a lo basa la Jehova.
- 38 Kani hiwihi a ta nga maha lo fanana na lona, a ku nuheta lona, i ta tsenwa ka banhu ba ka kabye.

XIIMO 31.

- 1 Na Jehova i lo wulawula ka Mosi, aku,
- 2 Wona, mina nzi bitanile hi bito Bezaleleli a nwana wa Uri, a nwana wa Hura, wa lixaka la Juda:
- 3 Mina nzi tatisile yena hi Moya wa Nungungulu, kutibeni, ni kupimeni, ni kutiba, ni ka tixaka tonkle ta wunyamitiro,
- 4 A kupola a mitiro yi klarihileko, a ku tira hi nzalama, ni siliva, ni suku,
- 5 Ni ku tsema a maribye ni ku ma yimisa, ni kehla a tisinya, a ku tira hi tonkle tixaka ta mandlamitiro.
- 6 Na nzi, languta, nzi langile na yena Oholiaba, a nwana wa Ahisamaka, wa lixaka la Dani; ni lomo timbilwini ta bonkle labo ba miklariho mina nzi bekile a wutibi, a ku ba maha zonkle lezo mina nzi leleleko wena:
- 7 A tenta ga muklangano, ni arki ga wukustumunyu, ni xitsamo xa wuxinji lexi xi nga hehla ka gona, ni konkle kubombiswa ka Tenta,
- 8 Ni meza ni zibya za yona, ni kandiya yi hlazekileko ni zibya za yona zonkle, ni alati ga libani,

- 9 Ni alati ga munyikelo wa kuhiswa ni ziya za gona zonkile, ni xinamelo ni xikatelo xa xona,
- 10 Kwatsi loko mu maha tinguwo, a tinguwo to basa ta Aroni a mupristi, ni tinguwo ta bana ba yena, a ku kozela xikundleni xa wupristi,
- 11 Ni mafura ya kutota, ni libani la maka ma tsombelako za wutsamo go basa: ku kota hi ka zonkile lezo nzi leleleko wena bona ba ta zi maha.
- 12 Na Jehova i lo wulawula ka Mosi, aku,
- 13 Wulawula wena kambe ka banana ba ka Israeli, uku, Hizinene nwina mu ta hlayisa masabado ya mina: hakuba gi hi xiwoniso mahlweni ka mina na nwina ka zonkile zizukulwana za nwina; kasi nwina ma fela ku zi tiba lezaku mina nzi mina Jehova a wihi a basisileko nwina.
- 14 Nwina mu ta hlayisa sabado hikwalaho; hakuba gi basile ka nwina: ni bonkilelele laba ba gi bihisako hakenene ba ta dawa; hakuba kani hiwihi a tirako tiro ka gona, lowo muhefemulo a wu tseuwe xikari ka banhu ba ka kabye.
- 15 Nkalanu wa masiku ni ginwe a mitiro yi ta mahiwa; kanilezi hi siku ga wunklanu ni mambiri i sabado ga ximuse xa kuhumula, gi basileko ka Jehova; kani hiwihi a mahako a tiro hi siku ga sabado, yena ha kunene i ta dawa.
- 16 Ngahilezo a banana ba ka Israeli a ba hlayise a sabado, a ku lonzowota sabado ka zizukulwana zabye zonkile, a xivumelwano xi nga gawukisiwiko.
- 17 Gona xiwoniso xikari ka mina ni banana ba ka Israeli kala kupinzuka: hakuba hi nkalanu wa masiku ni siku ginwe Jehova i lo maha a tilo ni misaba, hi siku ga wunklanu ni mambiri i lo humula, na wa su kupekupe.
- 18 Na yena i lo nyika ka Mosi, laha na a gumelwe a kuxuxa zinwe na yena le behila ka xitsunga Sinai, a timbila timbiri ta wukustumunyu, a timbila ta maribye, na ti tsalilwe hi litiho la Nungungulu.

XIPIMO 32.

- 1 Ni banhu laha na ba wonile lezaku Mosi wa hlwela a ku relela a wuya hi le xitsungeni, a banhu ba lo tso-
- mbana a wutsumbu gabye wutsamo ginwe le ka Aroni, ba te ngalo ka yena, Suka, mahela hina a banungungulu, laba ba ta ngu famba mahlweni ka hina; hakuba kwatsi hi loyi Mosi, a munhu loye a hi humesileko hi huma hi le tikweni ga le Gipite, hina a hi zi tibi lezi zi mahesileko ka yena.
- 2 Na Aroni i te ngalo ka bona, Anyulani a zingwabila za nzalama, lezi zi nga lomo tindlebeni ta basati ba nwina, ta ba barisanyana ba nwina, ni banhanyana ba nwina, mu zi neha ka mina.
- 3 Ni bonkile banhu ba lo anyulela a zingwabila za nzalama lezo zi nga wa hi lomo tindlebeni tabye, ba zi neha ka Aroni.
- 4 Yena i lo zi amukela le mandleni yabye, i lo fula hi nzhemo, i lo maha a role gi cululweko: na bona ba te ngalo, Laba hi banungungulu ba wena, O Israeli, laba ba humesileko wena u ta hi le tikweni ga le Gipite.
- 5 Laha na Aroni a wonile lexi, i lo aka a alati mahlweni ka xona; na Aroni i loba hungu, na te ngalo, Manziko ku ta ba mubuzo ka Jehova.
- 6 Na bona ba lo vuka ba binzuka ni mixo, ba lo nyikela a munyikelo wa kuhiswa, ba lo neha ni munyikelo wa kurula; ni banhu ba lo tsama lahasi ni kuga ni kunwa, ba lo suka ba hlakana.
- 7 Na Jehova i lo wulawula ka Mosi, Yana, u relela lahasi; hakuba a banhu ba wena, laba wena u nga ba humesa hi le tikweni ga le Gipite, ba botile wutsumbu gabye:
- 8 Bona ba hambukile hi ku haklisisilweko le ndleleni leyi mina nzi ba leleleko bona: bona ba timahela a role gi cululweko, ba gi kozele gona, ni ku pahlela ka gona, ba te ngalo, Laba hi banungungulu ba wena, O Israeli, loyi a ku humesileko wena u huma hi le tikweni ga le Gipite.
- 9 Na Jehova i te ngalo ka Mosi, Mina nzi wonile laba banhu, ni, languta, hi banhu bamhamu ya kunonoha:
- 10 Makunu hikwalaho nzi tsikenilwe nzoce, lezaku a zanga ya mina ya hunzelela yi hisa ku vukela bona, kasi nza fela ku ba mbetisa bona: mina nzi ta maha ha wena a mufumo wa hombe.
- 11 Na Mosi i lo kongotela Jehova Nu-

ngalo: a yena i te ngalo. Na a zanga va hosi ya mina yi nga hunzeleli yi hisa: wena wa ba tifa a banhu, lezaku bona ba tsamile kubiheni.

12 Nyanzima a ba Gipiti ba wulawula. Hosi ya mina yena i ba hume-
wa a ka ba daya le zitsingeni, ni ka ya ba mibela bona le ngoheni ya mibela? Hosi ya mina le zangeni ya wena yitshelana, u humzuka ka ya mina. Hosi ya mina ko vukela a banhu ka wena.

13 Amanya Abrahamu, na Isaku, na Israheli, a mibela ya wena, a bali wena u nga humela ya tsombu wa wena anyi na u te ngalo ka bona. Mibela nzi ta anzelela a mibela ya wena ka ya mina a mibela ya tifa, ni zanga lezo tifa nzi wulawulileko ka ya mina nzi nyika ka mibela ya wena bona ba tsamile tsomba ka ya mina.

14 Na yena i lo humzika ka kubiheni bona a nga wena ka ya mina a nga wena nga a ka mibela ka bona ka wena.

15 Na Mosi i lo fela, a reba a wu-
ya ngalo: ni le zitsingeni ni timbila banhu ba wena tsamile le canjeni ga yena a timbila leti ti tsamile mibela wena ya bona: ka giwe mibela ka giwani wena ma wa wena.

16 Na yena a ti wa hi tiro wa Nungu-
ngulu, ni kutsala ku wa hi kutsala ka Nungu ngulu, na ku kellewe he-
na ka timbila.

17 Na yena Jona a zwile a guwa ga
wena ku kotalezi ba nga wa hlale-
la yena i te ngalo ka Mosi. Laho ku
bona a guwa ga yimpi le wugobe-
weni.

18 Na yena i te ngalo. Lawo a hi ma-
gezu ya bona labo ba hlalelako hi
kutsala ge ni ku ba ma hi magezu
ya bona ba rilako hi kubihlwa: ka-
tisa i guwa ga bona labo ba yimbe-
lako nzi ma zwako.

19 Na ku mahisile lezo kwatsi hi loku-
na i na ba tsinela magobeleni,
yena i lo wena a role ni mibela: ni
zanga ya Mosi vi hunzelela kuhisa,
i lo bona a timbila leti ti nga wa hi
canjeni ga yena, i lo ti tsoba lahasi
ka ya mina.

20 Na yena i lo teka a role lego bona ba

nga wa gi mahisile, i lo gi hisa hi nzi
lo, i lo sika gona gi mahisile mapo, i lo
gi tsutsulela lomo mibela, i lo ma-
ha a tsamile ba ka Israheli kanwa
wena.

21 Na Mosi i te ngalo ka Aroni. Zini
leti ba mahisile bona banhu ka we-
na, lezaku wena u belile kugoba ka
bombe belile ka bona ka?

22 Na Aroni i te ngalo. Nona a zanga
va hosi ya mina yi nga hunzeleli yi
hisa: wena wa ba tifa a banhu, le-
zaku bona ba tsamile kubiheni.

23 Hukuba bona ba te ngalo ka mina,
Mibela a banungungulu ka hina,
lalo ka ta naya mahisile ka hina:
hukuba i yi Mosi, a mibela i ye a
nga humela hina hi bona le tikwe-
ni ga le Gipiti, hina a hi xi tibi lexi
xi mahisile ka yena.

24 Na mina nzi te ngalo ka bona. Kani
hiwili a nga ni nzalama, a ba yi
anyule: zingaho ba lo nyika ka
mina: mina nzi lo yi bona nzilwe-
ni, laho ke ku lo huma legi role ke.

25 Ni laha Mosi a nga wa wonile
lezaku a banhu ba hulukela ba hu-
mamoya hukuba Aroni i lo ba hu-
lukelisa ba xeluzwa xikari ka balala
ba ye.

26 Zonake Mosi i lo yima lomo nya-
ngweni ya wugobelo, na te ngalo,
Awihi a nga kelleweni ga Jehova,
nga ata ka mina. Ni bonke a ba-
nana ba ka Levi ba lo tso mbana wu-
tsumbu ga ye katigiwe ka yena.

27 Na yena i te ngalo ka bona. Zaku-
ngahi a wulako Jehova, a Nungu-
ngulu wa Israheli, k'lonkeni uwe-
nkilelele banhu a supado ya yena
lehla ka nyonga ya yena, mu ndle-
wuleka seno ni seno hi ka nyangwa
ni nyangwa ka gonke wugobelo,
bonkilelele banhu ba daya makabye
wa yena bonkilelele banhu muake-
lwane wakwe, bonkilelele banhu mu-
ngana wakwe.

28 Ni banana ba Levi ba lo maha ku
kota hi mhaka ya Mosi: laho ku lo
bihiritwa banhu lego siku mazana
manharu makume ya banhu.

29 Na Mosi i te ngalo. Nyikelisani a
wutsumbu ga zwina nyamukla ka
Jehova, ina, bonkilelele banhu ka a
zwana wa yena, ni ka makabye wa
yena: kasi a fela kukelisa a kuka-
tekiswa nyamukla.

30 Na ku mahisile lezo hi manziko,
lezaku Mosi i te ngalo ka banhu,

Nwina mu onhile a kuonha ka hombe: makunu mina nzi ta kanziya nziya ka Jehova; kutani nzi ta maha a nzhiho wa kuonha ka nwina.

- 31 Na Mosi i lo klelela ka Jehova, i tengalo, O, laba banhu ba onhile a kuonha ka hombe, ba lo ti mahela banungungulu ba nzalama.
- 32 Hambu makunu, loku wena u ta tsetselela a zionho zabye; ni loku zi ngengaho, hlangule mina, nza kombela wena, papilweni ga wena lego u gi tsalileko.
- 33 Na Jehova i te ngalo ka Mosi, Kani hiwihi a onhako ka mina, yena hi yena mina nzi ta nga mu hlangule lomo bukwiini ga mina.
- 34 Ni makunu yana, u ya rangela a banhu le wutsanweni lego mina nzi gi wulileko ka wena: languta, a ngelosi ya mina yi ta famba mahlweni ka wena; ahemba ni siku lego nzi ta nga enzela, nzi ta enzela a zionho zabye hehla ka bona.
- 35 Na Jehova i lo daya banhu, hakuba bona ba lo maha a role, lego Aroni a nga wa gi mahile.

XIPIMO 33.

- 1 Na Jehova i lo wulawula ka Mosi, Suka, u kanziya u famba laha, wena ni banhu laba wena u ba humesileko hi le tikweni ga le Gipite, ba ya ka tiko lego mina nzi nga wa hlambanyile ba gona ka Abraham, ni ka Isaka, ni ka Jakobe, nziku, A ka mbewu ya wena nzi ta nyika gona:
- 2 Na mina nzi ta rumela a ngelosi mahlweni ka wena; mina nzi ta hlongola a mu Kenani, ni mu Amori, ni mu Hiti, ni mu Perezi, ni mu Hivi, ni mu Jebusi:
- 3 Ka tiko lego gi kulungako a masi ni wulombe: hakuba mina nzi nga ta kanziya na nzi hi xikari ka nwina; hakuba nwina mu banhu ba mhamo ya kunonoha; nzi nga ta ku nzi mu lobisa lomo ndleleni.
- 4 Ni laha a banhu ba nga wa zwile laya mahungu ya kubiba, bona ba lo rila: na ku wa nga hi kona munhu a ti bombisako.
- 5 Na Jehova i te ngalo ka Mosi, Wula ka banana ba ka Israeli, nwina mu banhu ba nhamo ya kunonoha; loku mina nzi kanziya na nzi hi lomo xikari ka nwina hakuba hi xikatananyana, mina nzi ta kulobisa we-

na: makunu tsika wena a ku ti bombisa hi gobo ga wena, kasi mina nza fela ku tiba a ku xini nzi ta nga xi maha ka wena.

- 6 Ni banana ba ka Israeli ba lo susa a wutsumbu gabye a gobo ga bona le xitsungeni xa Horebe na baya.
- 7 Makunu Mosi i lo teka a tenta i loya gi gwimba hi le handle ka wugobelo, leyo kule ni wugobelo; yena i lo gi bitana, Tenta ga muklangano. Na ku mahisile lezo, bonklelele laba ba labako Jehova ba loya lomo tenteni ga muklangano, lego gi nga wa hi le handle ka wugobelo.
- 8 Na ku mahisile lezo, laha Mosi na a huma aya lomo Tenteni, lezaku bonkle banhu ba lo suka, ba yima, bonklelele banhu ba yima laho nyangweni ya yena nwinyi, ba lo cuwuka le nzako ka Mosi, kala a engena lomo Tenteni.
- 9 Na ku mahisile lezo, laha Mosi a nga wa engenile lomu Tenteni, a mhinnga ya refu yi lo relela, yi lo ta yima le nyangweni ya Tenta: na Jehova i lo wulawula na Mosi.
- 10 Ni bonkle banhu ba lo wona a mhinnga ya refu na yi yimile le nyangweni ya Tenta: ni banhu bonkle ba lo suka ba kozela, bonklelele banhu le nyangweni ya tenta ga yena.
- 11 Na Jehova i lo wulawula ka Mosi ni ngohe ni ngohe, kwatsi hi munhu a wulawula zinwe ni xaka ga yena. Yena i lo klelela kambe le wugobelweni: kanilezi a xikozeli xayena Joxua, a nwana Nuni, a jaha, a nga sukangi lomo Tenteni.
- 12 Na Mosi i te ngalo ka Jehova, Wona, wena hi wena u wulileko ka mina, Kanziyisa laba banhu: wena a ku nzi tibisangi hi mani u ta nga mu ruma zinwe na mina. Lezo na u wa te ngalo, Nza tiba wena hi bito, wena kambe u kumile a tomo mahlweni ka mina.
- 13 Makunu hikwalaho, nza kombela wena, loku mina nzi kumile a tomo mahlweni ka wena, nzi kombise makunu a tindlela ta wena, kasi mina nza fela ku tiba wena, a ku gumelwa kasi nza fela ku kuma a tomo mahlweni ka wena: ni kupima lezaku lowu mufumo ngwa banhu ba wena.
- 14 Na yena i te ngalo, A kubakona ka mina ku ta famba zinwe na wena, mina nzi ta ku nyika kuhumula.

- 15 Yena i te ngalo ka yena, Loku a kubakona ka wena ku nga fambi zinwe na mina, u nga suse hi laha.
- 16 Hakuba ku ta tibyiwa hi ku yini lezaku mina nzi kumile a tomo mahlweni ka wena, mina ni banhu ba wena ke? a hi ka lezo wena u fambako na hina lezi ke, lezaku hina hi hambanyisilwe, mina ni banhu ba wena, le ka banhu bonkle labo ba nga le ngoheni ya misaba yonkle ke?
- 17 Na Jehova i te ngalo ka Mosi, Mina nzi ta maha lezi zilo kambe wena u zi wulawulileko; hakuba wena u kumile a tomo mahlweni ya mina, mina nza tiba wena hi bito.
- 18 Na yena i te ngalo, Kombisa mina, nza kombela wena, a wukosi ga wena.
- 19 Na yena i te ngalo, Mina nzi ta maha konkle kusaseka ka mina kuhunza mahlweni ka wena, mina nzi taba hungu hi bito ga Jehova mahlweni ka wena; mina nzi ta ba ni wuxinji ka loyi nzi ta nga ba ni wuxinji, nzi ta ba ni titalo ka loyi nzi ta nga ba ni titalo.
- 20 Na i te ngalo, Wena u nga ta wona a ngohe ya mina; hakuba a munhu a nga ta wona a ngohe ya mina a hanya.
- 21 Na Jehova i te ngalo, Languta, laho gi kona wutsamo ka mina, wena u ta yima hehla ka ribye:
- 22 Ku ta ku na ku mahisile lezo, laha a wukosi ga mina gi ta nga nga gi kari gi hunza, mina nzi ta beka wena lomo kukayekeni ka ribye, nzi ta fenengeta wena hi canja ga mina nzi kala nzi hunzile:
- 23 Mina nzi ta funungula a canja ga mina, wena u ta wona a hlana wa mina; kanilezi a ngohe ya mina yi nga ta wonwa.

XIPIMO 34.

- 1 Na Jehova i te ngalo ka Mosi, Bakla a timbila timbiri ta maribye ku kota laya ya kuranga: na mina nzi ta tsala hehla ka timbila a timhaka leto ti nga wa hi lomo timbileni a kuranga, leti wena u nga ti tsoba.
- 2 U longisela a manziko, u ta hehla laha mixweni ka xitsunga Sinai, u ba kona wutsumbu ga wena laho ka mina le hehla ka xitsunga.
- 3 A ku na munhu a ta nga kanziya zinwe na wena; nga ni munhu a

nga hi wonwi xona xonkle a xitsunga; ge ni munhu wa ku yini nga a nga wonwi ka xonkle lexi xitsunga; ge ni miklambi kutani tihomu a kuriswa mahlweni ka lexi xitsunga.

- 4 Yena i lo bakla a timbila timbiri ta maribye ku kotisa ta kuranga; na Mosi i lo vuka a binzuka ni mixo nguvu, i lo kanziya le xitsungeni Sinai, kota lezi Jehova a nga wa lelelele yena, i lo teka canjeni ga yena a timbila timbiri ta ribye.
- 5 Na Jehova i lo relela hi refu, i lo yima zinwe na yena laho, i loba hungu hi bito ga Jehova.
- 6 Na Jehova i lo hunza mahlweni ka yena, ni kubahungu, Jehova, Jehova, a Nungungulu wa titalo ni wuxinji, a nonokako kuzangara, a pfunileko a kuranza ka wunene ni zine;
- 7 Na nzi hlayisa kuranza ka wunene ka makume mazana, na nzi tsetselela a kugoha ni zihambunye to ni kuonha; na ku nga hi ka lezo yena i sungwa hi kubasisa kugoha, i enzelela a zionho za bararu hehla ka banana, ni hehla ka banana ba banana, ka xizukulwana xa wunhari ni xa wumune.
- 8 Na Mosi i lo haklisa, i lo koramisa a ngohe ya yena laha misabeni, ni ku kozela.
- 9 Na yena i te ngalo, Loku mina makunu nzi kumile a tomo mahlweni ka wena, O Hosi, nga a Hosi, nza kombela wena, u famba xikari ka hina; hakuba hi banhu ba nhamo ya kunonoha; tsetselela a zigoho za hina ni kuonha ka hina, ni ku teka hina hi maha a tsomba ya wena.
- 10 Na yena i te ngalo, Languta, mina nzi maha xivumelwano: mahlweni ka banhu bonkle ba ka nwi-na nzi ta maha mangatsila, lawo yo kwatsi cima ma wa nga seku mahiwa ka yonkle misaba, ge ni ka wihi mufumo; ni bonkle a banhu laba wena u nga xikari ka bona ba ta yi wona a mitiro ya Jehova; hakuba xilo xi cabisekako lexi nzi mahako ba wena.
- 11 Lonzowota wena lezi nzi kulelelako wena legi siku: languta, mina nzi hlongola mahlweni ka wena mu Amori, na mu Kenani, na mu Hiti, na mu Perez, na mu Hivi, na mu Jebusi.
- 12 Cela kota a wutsumbu ga wena, ku

- nga taku wena u maha a xivumelwano zinwe ni baaki ba tiko lego wena u yako, ku nga taku kona ku hi panya xikari ka wena:
- 13 Kanilezi nwina mu ta tsoba lahasi a ma alati yabye mu kungumula zi panzanyana a timhinga tabye, nwina mu ta tsema Axerima wabye
- 14 (Hakuba wena u nga ta kozela munwani nungungulu: hakuba Jehova, a wihl a bito ga yena a nga Mona, hi Nungungulu wa mona);
- 15 Ku nga taku wena u maha xivumelwano ni baaki ba tiko, bona ba maha wubayi ku kota banungungulu babye, ba pahlela ka banungungulu babye, ni munwe a bita wena u yaga a kupahlwa ka yena;
- 16 Wena u teka banhwana babye ka banana ba wena, ni banhanya babye ba maha a wubayi ku kota banungungulu babye, ba maha bana ba wena ku maha a wubayi ku kota banungungulu babye.
- 17 Wena u nga mahi a banungungulu ba nyekisilweko.
- 18 A mubuzo wa zibaba zi nga comelwangiko nwina mu ta wu hlayisa. Nklanu wa masiku ni mambiri nwina mu taga a zibaba zi nga comelwangiko, ku kota lezi mina nzi leleleko wena, a xikatini xi yimisilweko hi hweti ya Abiba; hakuba hi ka hweti ya Abiba wena u humele hi le Gipite.
- 19 Konkle loku ku vululako marumbu ka mina; tonkle tihomu ta wena, ta matsuni a matewula ya tihomu ni ya tiyivi.
- 20 Ni matewula ya timbongola ta wena u ta ma klakla zinwe ni ivana: ni loku wena u nga ma klakli, zonake wena u ta sokorota a nhamo ya kona. Wonkle a matewula ya bana ba wena u ta ma klakla. Na ku nga bi kona a wonkakako ka mina na a nga hi na ncumo.
- 21 Nklanu wa masiku ni ginwe wena u ta tira, kanilezi hi nklanu ni mambiri a siku wena u ta humula: hi xikati xa kurima ni xikati xa kuhula wena u ta humula.
- 22 Wena u ta hlayisa a mubuzo wa tisonoto, wona mabele ya ku ranga xihulweni, ni mubuzo wa kuhlengetana ku gumelweni ka lembe.
- 23 Zikati zinhari hi lembe bonkle ba banuna ba ta woneka mahlweni ka Hosi Jehova, a Nungungulu wa Israeli.
- 24 Hakuba mina nzi ta hoxe kule mifumo mahlweni ka wena, nzi enzeleta a mbingano wa wena: ge ni munhu a nga ta xuba a tiko ga wena, loku wena u kanziya u ya woneka mahlweni ka Jehova Nungungulu wa wena a zikati zinharu hi lembe.
- 25 Wena u nga ta nyikela a nkata wa kupahlala ka mina zinwe ni zibaba zi comelweko; ge hambu a mupahlelo wa pasika a kusiywa gi kala gica.
- 26 Ni nzangunzangu wa mabele yo ranga lomo zinwini ya wena u ta neha lomu ndlwini ya Jehova Nungungulu wa wena. Wena u nga biki ximbutana mafini ya nyine wa xona.
- 27 Na Jehova i te ngalo ka Mosi, Tsala wena leti timhaka: hakuba a nzako ka ku simama ka leti timhaka mina nzi mahile a xivumelwano zinwe na wena na zinwe na Israeli.
- 28 Na yena i wa hi laho zinwe na Jehova mune wa makume masiku ni mune wa makume a wusiku; yena i wa nga gangi a zibaba, ge ni kunwa mati. Yena i lo tsala hehla ka timbila a timhaka ta xivumelwano, a kume ga milayo.
- 29 Na ku mahisile lezo, laha Mosi a nga wa relela hi le xitsungeni Sinai zinwe ni timbila ta wukustumunyu canjeni ga Mosi, laha na a relela hi le xitsungeni, lezaku Mosi i wa nga zi tibi lezaku a hlange ya ngohe ya yena yi wo ngangamela hi kota ya kuwulawula ka yena zinwe na yena.
- 30 Na laha na Aroni ni banana bonkle ba ka Israeli ba nga wona Mosi, languta, a hlange ya ngohe ya yena yi wo ngangamela; bona ba wo caba ku tsinela kusuhani ka yena.
- 31 Na Mosi i lo bitana bona; Aroni ni bonkle bafumeli ba klangano ba lo wuya ka yena: na Mosi i lo wulawula ka bona.
- 32 Anzako lezo bonkle a banana ba ka Israeli ba lota kusuhani: yena i lo ba nyika hi ku leletela konkle loko Jehova a wulawulileko zinwe na yena xitsungeni Sinai.
- 33 Ni laha na Mosi na a mbetile ku wulawula zinwe na bona, yena i lo fenengeta a ngohe ya yena hi veli.
- 34 Kanilezi laha na engena mahlweni ka Jehova a ku wulawula zinwe na yena, yena i lo susa a veli, kala ye-

na a huma; yena i lo huma le han-
dle, a ku ta wulawula ka banana
ba ka Israeli lezi a lelelweko.

- 35 Ni banana ba ka Israeli ba lo wona
a ngohe ya Mosi, lezaku a hlange ya
ngohe ya Mosi yi wo ngangamela;
na Mosi i lo bekela a veli hehla ka
ngohe ya yena kambe, kala a enge-
na ku ya wulawula ziawe na yena.

XIPIMO 35.

- 1 Na Mosi i lo tsombanyisa wonkle
a klangano wa banana ba ka Israeli,
i te ngalo ka bona, Leti hi timhaka
leti Jehova a leleleko, kasi wina
mu wa ta nga mu ti maha tona.
- 2 Nklanu wa masiku ni giawe a miti-
ro a yi mahiwe; kanilezi hi siku ga
nklanu ni mambiri laho ku ta ba a
siku go basa ka wina, i sabado ga
ximuse xo humula ka Jehova: kani
hiwili a tirako a tiro ha gona i ta
dawa.
- 3 Wina mu nga ta dzibela ni nzilo
mazumbyeni ya wina wonkle hi si-
ku ga sabado.
- 4 Na Mosi i lo wulawula ka wonkle
a klangano wa banana ba ka Israeli,
aku, Lexi hi xilo lexo Jehova a lele-
leko, aku,
- 5 Tekani xikari ka wina a muniyike-
lo ka Jehova; kani hiwili a nga ni
mbilu ya liranzo, nga a neha wona,
munyikelo wa Jehova: a nzalama,
ni siliva, ni suku,
- 6 Ni ko balala, ni ko zirila, ni ko tru-
ka, ni wukene go saseka, ni woya ga
timbuti,
- 7 Ni woya truka ga tihamba gi tru-
kisile, ni woya ga macalo, ni sinya
ya akakia,
- 8 Ni mafura ya kuwoninga, ni pepo
wa mafura ya kutota, ni ya libani lo
tsombela,
- 9 Ni maribye yo kangeka, ni maribye
ma ta nga yimisa, ya efode, ni ya
ngenge.
- 10 Na nga bonklelele laba ba nga ni
mbilu ta ku tiba a ba banuna xikari
ka wina a bate, ba ta maha zonkle
lezo Jehova a leleleko:
- 11 A tabernakele, a tenta ga gona, ni
kufulelwa ka gona, ni zikotselo za
gona, ni tabakwa ta gona, ni mipi-
ngu ya gona, ni timhinga ta gona,
ni timhingu ta kona;
- 12 A arki, ni mipingu ya kona, ni xi-
tsamo xa wuxinji, ni veli ya ku
fihla;

- 13 A meza, ni mipingu ya yona, ni zo-
nkle zibya za yona, ni zibaba za ku
kombisa;
- 14 Ni linhi la kandiya kambe a kuwo-
ninga, ni zibya za yona zonkle, ni
kandiya ya kona, ni mafura ya ku-
woninga;
- 15 Ni alati ga libani, ni mipingu ya go-
na, ni mafura ya kutota, ni libani lo
tsombela, ni veli ya libati, le nya-
ngweni ya tabernakele;
- 16 Ni alati ga munyikelo wa kuhiswa,
ni zibya za yona za suku, ni mipingu
ya gona, ni zibya za kona zonkle, a
xinamelo ni xikatelo xa xona;
- 17 A zihayeko za hubye, ni timhinga ta
kona, ni timhinga ta kona, veli ya
libati la nyangwa ya hubye;
- 18 Ni zikongwani za tabernakele, ni zi-
kongwani za hubye, ni tingoti ta
zona;
- 19 Kwatsi lezo a ku mahiwe a tinguwo,
ta ku kozela le wutsanweni go ba-
sa, a tinguwo to basa ta Aroni a
mupristi, ni tinguwo ta bana ba ye-
na, a ku kozela xikundleni xa wu-
pristi.
- 20 Ni wonkle a klangano wa banana
ba ka Israeli ba lo suka le mahlweni
ka Mosi.
- 21 Na bona ba lotta, bonklelele labo a
mbilu yabye yi vuxilweko, ni bo-
nklelele labo a moya wabye wu ma-
hilweko liranzo, ba lo neha a mu-
nyikelo wa Jehova, tirwini wa tenta
ga muklangano, ni ga yonkle a ko-
zelo ya kona, ni wa tinguwo to
basa.
- 22 Bona ba lotta, bonklelele ni babanuna ni
babasati, kwatsi hi wunyingi ga la-
bo ba nga ni timbilu ta liranzo a zi-
vilima, ni masuundula, ni zingwabila,
ni mahlokoma, zonkle zi wa hi ti-
nzalama ta nzalama, bona bonklelele
banhu laba ba nga nyikela a muni-
kelo wa nzalama ka Jehova.
- 23 Ni bonklelele, laba ku nga kumiwa
kabye a ko balala, ni ko zirila, ni ko
truka, ni wukene go saseka, ni woya
ga timbuti, ni woya ga tihamba gi
trukisile, ni woya ga macalo, ba lo
zi neha bona.
- 24 Ni bonklelele laba ba nga nyikela a
munyikelo wa siliva ni suku ba lo
neha a munyikelo wa Jehova; ni
bonklelele banhu, ka bahi ku nga
kuwa a sinya ya akakia ni ka wili
a tiro wa ku kozelo, ba neha kona.
- 25 Ni bonklelele a ba basati labo ba nga

- wa hi ni timbilu to tiba ba lo luka hi mandla yabye, ba lo neha loko ba nga wa ku lukilwe, a ko balala, ni ko zirila, ni ko truka, ni wukene go saseka.
- 26 Ni bonkle a ba basati labo a mbilu yi vuxileko bona hi wutibi ba lo luka a woya ga timbuti.
- 27 Ni bafumeli ba lo neha a maribye yo kangeka, ni maribye yo yimisa, ya efode, ni ya ngenge;
- 28 Ni pepo, ni mafura; ya kuwoni-nga, ni ya kutota a mafura, ni libani lo tsombela.
- 29 Ni banana ba ka Israeli ba lo neha a munyikelo wa liranzo lo klakleka ka Jehova; bonklelele ba banuna ni ba basati, labo a mbilu yi nga ba maha ba vumela a ku neha a ka wonkle a tiro, lowu Jehova a leleleko ku ha Mosi.
- 30 Na Mosi i lo wulawula ka banana ba ka Israeli, Wona, Jehova i bitanile hi bito Bezaleli a nwana wa Uri, a nwana wa Hura, wa lixaka la Juda;
- 31 Yena i tatisile yena hi Moya wa Nungungulu, ni miklahihweni, ni kupimeni, ni kutibeni, ni ka mitiro yonkle ya munhu wa nyamitiro;
- 32 Ni kupola a mitiro yi klarihisilweko, a ku tira hi nzalama, ni siliva, ni suku,
- 33 Ni ku tsema a maribye ya ku yimisa, ni ku kehlala a tisinya, ni ku tira hi mitiro yonkle yi klarihisilweko ya munhu wa nya mitiro.
- 34 Na yena i bekile le mbilwini ya yena kasi wa fela kugonzisa, yena, na Oholiaba, a nwana wa Ahisamaka, wa lixaka la Dani.
- 35 Bona yena i ba tatisile hi wutibi ga mbilu, a ku tira tixaka ta munhu wa nya mitiro, ni ku kehlala, ni mitiro ya munhu a klarisilweko, ni barungi, ba ko balala, ni ko zirila, ni truka, ni wukene go saseka, ni ya kuluka, ni ka yihi leyo a munhu wa nya mitiro a nga tirako, ni ka bonkle labo ba polako a mitiro yi klarihisilweko.

XIPIMO 36.

- 1 Na Bezaleli na Oholiaba ba ta tira, ni bonklelele banhu laba ba nga ni timbilu to klariha, a timbilwini ta bahi Jehova a celileko a kutiba ni kupima ni kitiba a ku kutiriswa ku yini a tiro wa yindlu yobasa ya ku-

kozela, ku kotisa hi ka zonkle lezo Jehova a leleleko.

- 2 Na Mosi i lo bita Bezaleli na Oholiaba, ni bonklelele a banhu ba mbilu yi tibako, a timbilwini ta bona Jehova a bekileko a wutibi, ni bonklelele labo a mbilu ya yena yi vuxilweko a kuta le tirweni a ku ta wu maha wona:
- 3 Bona ba lo amukela ha Mosi wonkle a munyikelo lowo a banana ba ka Israeli, ba lo zi neha za tiro wa kuzozela za yindlu ya kubasa, a ku maha yona. Bona ba lo tima ba ha neha ka yena a munyikelo wa liranzo li klaklileko yonklelele mixo.
- 4 Ni bonkle a banhu ba kutiba, labo ba nga tira wonkle a tiro wa yindlu yo basa, ba lota banhu bonklelele hi le tirweni wa yena lowo a wu tirileko;
- 5 Bona ba lo wulawula ka Mosi, baku, A banhu ba neha zo tala kuhunza ku enekeko ka tiro wa ku kozela lowu Jehova a leleleko ku wu maha.
- 6 Na Mosi i lo nyika kulaya, na bona ba lo ku maha ku biwa hungu ka gonkle wugobelo, aku, Ge nga ni wanuna kutani wasati a nga mahi ni tiro muni kambe wa munyikelo wa yindlu yo basa. Zingaho a banhu ba lo kobetwa kuneheni.
- 7 Hakuba a nhunzu ba nga wa hi na yona yi wa eneke ka wonkle tiro a ku maha wona, ni ku ba yi hunzisile.
- 8 Ni bonkle banhu labo ba timbilu ti tibako a xikari ka bona laba ba tirako a tiro ba lo maha a taberna-kele hi kume ga micacalato; ya wukene go katiwa go saseka, hi ko balala na hi ko zirila, na hi ko truka, ni macerubina a tiro wa munhu wa nyamitiro, Bezaleli i lo zi maha zona.
- 9 A ku wabalata ka muzwe a cacalato ku wa hi makume mambiri ni nklanu yinharu a mikono, ni kuanama ka muzwe a cacalato mune wa mikono: yonkle a micacalato yi wa hi lipimo liawe.
- 10 Yena i lo wuyeta a nklanu wa micacalato ka muzwe ni muzwani: ni yizwani a micacalato ya nklanu i lo yi wuyeta ka muzwe ni muzwani.
- 11 Yena i lo maha a nzambyanana wo balala hehla ka wukla ga cacalato muzwe kusukela le nzungweni wu wuyetilweko: zakungahi i lo maha

- le wukleni ga cacalato lowo wu nga hunzelela wu huma lahandle le kuwuyetweni ka wumbiri.
- 12 Nklanu wa makume ya minzambyanana yena i lo maha a ka cacalato muwwe, ni nklanu wa makume ya minzambyanana yena i lo maha ka wukla ga muwani a cacalato lowo wu nga kuwuyetweni ka wumbiri: a mikungatso yi wa lo cuwukana muwwe ni muwani.
- 13 Na yena i lo maha zitiyiso za nklanu wa makume za nzalama, i lo wuyeta a micacalato ka muwwe ni muwani hi zimanyo: zingaho a tabernakele gi wa hi ginwe.
- 14 Yena i lo maha a micacalato hi woya ga timbuti ya tenta hehla ka tabernakele: kume ni muwwe ga micacalato yena i lo yi maha.
- 15 A kunabalata ka muwwe a cacalato makume manharu ya mikono, ni mune wa mikono a kuanama ka muwwe a cacalato: ni kume ni muwwe a micacalato lipimo linwe.
- 16 Yena i lo wuyeta a nklanu wa micacalato hi wutsumbu ga yona, ni nklanu ni muwwe hi wutsumbu ga yona.
- 17 Na yena i lo maha a nklanu wa makume wa mikungatso lomo likirisini la cacalato lolo li nga wa humeleli hunzelela lomo kuwuyetweni kumbiri, ni nklanu wa makume ya mikungatso yena i lo yi maha hehla ka likirisi la cacalato lowo wu hunzisile a ku humelela ka kuwuyetwa ka wumbiri.
- 18 Yena i lo maha a zimanyo za nklanu wa makume za suku a kupatsa a tenta katiginwe, kasi gi fela ku maha ginwe.
- 19 Yena i lo maha a zifulelo za tenta hi woya ga tihamba go trukisile, ni kufulela ka woya ga macalo le hehla.
- 20 Yena i lo maha a tibakwa ta tabernakele, hi sinya ya akakia, ti lo yima.
- 21 Kume ga mikono ku wa hi kunabalata ka tibakwa, ku wa hi kono ni kihlanya a kuanama ka bakwa yinwe.
- 22 A yinwe a bakwa yi wa hi ni malongonzo mambiri, ma nklangene ginwe ni ginwani: zakungahi yena i lo maha wonkle a tibakwa ta tabernakele.
- 23 Yena i lo maha a tibakwa ta tabernakele: makume mambiri ya tibakwa hi klelo ga le dzonga ngomameni ni le dzonga;
- 24 Yena i lo maha timbingu ta siliva mune wa makume lahasi ka makume mambiri ya tibakwa; timbingu timbiri lahasi ka bakwa yinwe hi malongonzo ya yona mambiri, ni timbingu timbiri lahasi ka bakwa yinwani hi malongonzo ya yona mambiri.
- 25 Na hi rebe ga wumbiri ga tabernakele, hi rebe ga le nwalungu, yena i lo maha makume mambiri ya tibakwa,
- 26 Ni mune wa makume ya tona ya timbingu ta siliva; timbingu timbiri lahasi ka bakwa yinwe, ni timbingu timbiri lahasi ka yinwani bakwa.
- 27 Ni le klelweni ga le makutini ya tabernakele ngomameni ya muhlwa gambo yena i lo maha nklanu ni yinwe a tibakwa.
- 28 A tibakwa timbiri yena i lo maha hi makuzu ya tabernakele hi le makutini a klelo ga kona.
- 29 Wona ma wa wuyetilwe lahasi; ku fanana ni lezo tona ti lo engena le hehla leyo ka ngongola yinwe: zakungahi yena a nga maha ka tona tonkle makuzwini mambiri.
- 30 Laho ku wa hi kona a nklanu ni tinharu a tibakwa, ni timbingu ta tona ta siliva, kume ni nklanu ni yinwe a timbingu; lahasi ka tonklelele tibakwa ku wa hi timbingu timbiri.
- 31 Yena i lo maha a minaneko hi sinya ya akakia; nklanu ya tibakwa ta rebe ginwe ga tabernakele,
- 32 Ni nklanu kambe wa minaneko ya tibakwa ya ginwani rebe ga tabernakele, ni nklanu wa minaneko ya tibakwa ta tabernakele ye klelo ga se makutini a ngomama ni le muhlwa gambo.
- 33 Yena i lo maha a naneko a laha xikari a ku hunza wu tsemakanya xikari ka tibakwa ku sukela magumelo manwe ku cikela ka manwani.
- 34 Yena i lo nameketa a tibakwa hi nzalama, i lo maha a tingongola ta kona ta nzalama kasi a ku mehela a minaneko, i lo nameketa a minaneko hi nzalama.
- 35 Na yena i lo maha a veli hi ko balala, na hi ko zirila, na hi ko truka, ni wukene go saseka gi kati-lweko: zinwe ni macerubima, a tiro

wa munhu wa nyamitiro, i lo maha yona.

- 36 Yena i lo maha lahoke a mune wa timbinga ta akakia, i lo ti nameketa hi nzalama: ni tiobe ta kona ti wa hi ta nzalama; yena i lo engenisa ka tona a mune wa timbingu ta siliva.
- 37 Yena i lo maha libati la nyangwa ya Tenta, hi ko balala, ni ko zirila, ni ko truka, ni wukene go saseka gi kati-lweko, a tiro wa murungi:
- 38 Ni nkulanu wa timbinga ta kona ti hi ni zinwe ni tiobe ta tona: i lo nameketa a tihloko ta kona ni kubohwa ka kona hi nzalama; ni nkulanu wa timbingu ta kona ti wa hi ta suku.

XIPIMO 37.

- 1 Na Bezaleli i lo maha arki hi sinyanya ya akakia: mikono mimbiri ni kihlanya ku wa hi kunabalata ka gona, ni kono ni kihlanya ku wa hi kunama ka gona, ni kona ni kihlanya ku wa kuleha ka gona.
- 2 Yena i lo nameketa gona hi nzalama yi hlazekileko lomu nzeni ni lehandle, yena i lo maha a kwenge wa nzalama wu renzelekela gona.
- 3 Yena i lo engenisa ka gona mune wa tingongola ta nzalama, ka mune wa mikonzo ya kona; hambu tingongola timbiri ka rebe ginwe ga gona, ni timbiri tinwani tingongola ka ginwani rebe ga kona.
- 4 Yena i lo maha a mipingu ya sinyanya ya akakia, yena i lo yi nameketa yona hi nzalama.
- 5 Yena i lo mehela a mipingu lomo tingongoleni leto ti nga lomo rebeni ga arki, a kurwala a arki.
- 6 Yena i lo maha a xitsamo xa wuxinji hi nzalama yi hlazekileko: mikono mimbiri ni kihlanya ku wa hi kunabalata ka xona, ku wa hi kono ni kihlanya a kuanama ka xona.
- 7 Yena i lo maha a macerubima mambiri ya nzalama; hi tiro wa kuklomba i lo maha yena wona, hi magumelo mambiri ya xitsamo xa wuxinji;
- 8 A cerubima ginwe hi le magumo, ni giwani cerubima hi magumo manwani: hi xipanze xinwe ni xitsamo xa wuxinji i lo maha yena a macerubima ma patsanyetwa ni magumo ya kona.
- 9 Ni macerubima ma lo andlala a tipapa ta wona ma xungeta le hehla, na

ma kubunyeta a xitsamo xa wuxinji hi tipapa ta wona, tingohe wona ka ginwe ni ginwani; ngomameni ni xitsamo xa wuxinji ku wa cuwukile a tingohe ta macerubima.

- 10 Yena i lo maha a meza hi sinyanya ya akakia: a mikono mimbiri ku wa hi kunabalata ka yona, ni kono ku wa hi kuanama ka yona, a kono ni kihlanya ku wa hi kuleha ka yona.
- 11 Yena i lo yi nameketa hi nzalama yi hlazekileko, i lo maha laho a kwenge wa nzalama mbinganweni wu renzelekeleko.
- 12 Yena i lo maha ka yona a mbingano wa kuanama ka canja a renzelekela, i lo maha a kwenge wa nzalama a mbinganweni wa kona wu renzelekela.
- 13 Yena i lo engenisa ka yona a tingongola timbiri ta nzalama, ni ku engenisa a tingongola lomo maku-zwini ya mune lawo ma nga lomo ka mune wa mikonzo ya kona.
- 14 Ku subani ni mbingano ku wa hi tingongola, a wutsamo ga mipingu a ku rwala a meza.
- 15 Yena i lo maha a mipingu hi sinyanya ya akakia, i lo yi nameketa hi nzalama, a ku rwala a meza.
- 16 Yena i lo maha a zibye lezi zi nga wa hi hehla ka meza, a mingelo ya kona, ni mikombe ya kona ni mikubi ya kona, ni magombe ya kona, ni lezi za kuculula ha zona, zi wa hi nzalama yi hlazekileko.
- 17 Na yena i lo maha a linhi la kandiya hi nzalama yi hlazekileko: hi tiro wa kuklomba yena i lo maha a linhi la kandiya, xikatelo xa kona, ni linhi la kona; ni tikopo ta kona, ni zivuvu za kona, ni zitsangi za kona, zi wa patsanyetilwe katigina na lona.
- 18 Ni laho ku wa hi ni nkulanu wa marabi ni ginwe ma nga wa humelele lahandle ka marebe ya kona; marabi manharu ya linhi la kandiya ma lo humelela ka rebe ginwe ga kona, ni marabi manharu ya kandiya ma lo humelela ka ginwani rebe ga kona:
- 19 Tikopo tinharu ti mahiwa ku kota kupfepfa ka almonde ka rabi ginwe, a xivuvu, ni xitsangi; ni tikopo tinharu ti wa lo mahwa ku kota kupfepfa ka almonde ka rabi ginwani, a xivuvu ni xitsangi: zingaho lezo a marabi ya nkulanu ni ginwe ma lo mila ma huma ma hunzelela hi lala ka linhi la kandiya.

- 20 Ni lomo nzeni ka linhi mune wa ti-
kopo ti lo mabiwa ku fanana ni ku-
pfeffa ka alamonde, ni zivuvu za
kona, ni zitsangi za kona;
- 21 Ni xivuvu lahasi ka tirabi timbiri xi
patsilwe na tona, ni xivuvu lahasi
ka tinhi timbiri ti patsilwe zinwe na
xona, a xivuvu lahasi ka tirabi ti-
mbiri ti patsilwe zinwe na xona, ka
nklanu wa tirabi ni linwe ti hume-
leleko lahandle ka lona.
- 22 A zivuvu za tona ni marabi ya tona
ma wa patsilwe zinwe na tona: zon-
kle za zona zi wa hi tiro muwe wa
kuklombiwa za nzalama yi hlazeki-
leko.
- 23 Na yena i lo maha ni kandiya ta ko-
na, nklanu ni timbiri, ni xitimo xa
kona, ni mingelwana ya kona ya zi-
timo za kona, za nzalama yi hlazeki-
leko.
- 24 A talenta ya nzalama yi hlazekileko
yena i lo zi maha, ni zonkle a zibya za
kona.
- 25 Na yena i le maha a alati ga libani
hi sinyi ya akakia: a kono ku wa hi
kunabalata ka gona, ni kono a ku
anama ka gona, ku wa hi makuzu
ya mune; ni mikono mimbiri ku wa
hi kuleha ka gona; ni timhonzo ta
kona ti wa patsilwe katigawe zi-
nwe na gona.
- 26 Yena i lo nameketa gona hi nzalama
yi hlazekileko, le hehla ka kona, ni
marebe ya kona ku renzelekela, ni
timhonzo ta gona: na yena i lo ma-
ha ka gona a kwenge wa nzalama
wu renzelekako.
- 27 Yena i lo mahela gona a tingongola
timbiri tanzalama lahasi ka kwenge
wa kona, hehla ka timbambimbiri
ta kona hehla ka marebe mimbiri ya
gona, a wutsamo ga mipingu a ku-
rwala ha kona gona.
- 28 Na yena i lo maha a mipingu hi si-
nya ya akakia, i lo nameketa yona
hi nzalama.
- 29 Yena i lo maha a mafura yo basa ya
kutata, ni libani li hlazekileko la pe-
po wa tsambeleko, hi tiro wa muki
wa mafura.
- 2 Na yena i lo maha a timhonzo ta
kona hehla ka mune wa makuzu ya
kona; ni mune wa timhonzo ta kona
ti wa patsilwe katigawe na gona:
yena i lo gi nameketa hi suku.
- 3 Yena i lo maha zonkle a zibya za ala-
ti, a timbita, ni mafoxola, ni minge-
lo, ni ti simelo to klabha nyama, ni
mahati: ni zibya za kona zonkle ye-
na i lo zi maha hi suku.
- 4 Yena i lo mahela a alati a tiro wosa-
seka wa xikatelwa xa suku, hasi liki-
risi li renzelekako lahasi, a ku cikela
a kihlanya ga kuya hehla.
- 5 Yena i lo mehela a mune wa tingo-
ngola hi mune wa magumo ya xi-
katelo xa suku, a ku ba wutsamo
ga mipingu.
- 6 Yena i lo maha a mipingu hi sinyi
ya akakia, yena i yi nameketa hi
suku.
- 7 Yena i lo mehele a mipingu lomo ka
tingongola leto ti nga lomo marebe-
ni ya alati, kasi kurwala gona ha
yona; yena i lo yi maha mapulango.
- 8 Na yena i lo maha a xinamelo xa
suku, ni xikatelwa xa kona xa suku,
hi mawoni ya kukozela ka ba basati
labo ba kozelako le nyangweni ya
tenta ga mulangano.
- 9 Yena i lo maha a hubye: hi lelo
ga le dzonga le ngomameni ya dzo-
nga a kuhayekwa ka hubye ku wa
hi ka wukene go saseka gi lukilwe-
ko, a zana ga mikono;
- 10 A timbinga ta kona ti wa hi maku-
me mimbiri, ni timbingu ta kona
makume mimbiri, ta suku; ni tiobe
ta timbinga ni ku bohwa ka tona ku
wa hi ka siliva.
- 11 Na hi lelo ga le zwalungu i zana ga
mikono, a timbinga ta tona makume
mimbiri, ni timbingu ta kona maku-
me mimbiri, ta suku; ni tiobe ta ti-
mbinga, ni kubohwa, ka siliva.
- 12 Na hi lelo ga le mohlwa gambo ku
lo hayekwa a nklanu wa makume
ya mikono, a timbinga ta kona ku-
me, ni timbingu ta kona kume; ni
tiobe ta timbinga, ni kubohwa ka
kona, ka siliva.
- 13 Hi le mutsuwuka gambo ngomame-
ni ni le mutsuwuka gambo nklanu
wa makume a mikono.
- 14 A kuhayekwa ka lelo giawe ga
nyangwa ku wa hi kume ni nklanu
wa mikono: ni timbinga, tinbiri, ni
timbingu ta tona tinbiri;
- 15 Na zi wa ngaho ka giwani lelo.

XIPIMO 38.

- 1 Yena i lo maha a alati ga muni-
kela wa libani hi sinyi ya akakia:
kunabalata ka gona, ni kono a ku
anama ka gona, ku wa hi makuzu
ya mune; ni mikono mimbiri ku wa
hi kuleha ka gona; ni timhonzo ta
kona ti wa patsilwe katigawe zi-
nwe na gona.

- ka legi canja ni ka lego canja hi ka nyangwa ya hubye ku wa hi kuha-yekwa ka kume ni nklanu wa miko-no; a timhinga ta tona tinhari, ni timhingu ta tona tinhari.
- 16 Konkle kuhayekwa ka hubye kurenzelekeleko ku wa hi wa wukene go saseka gi lukilweko.
- 17 Ni timhingu ta timhinga ti wa hi ta suku; ni tiobe ta timhinga, ni kubohwa ka tona, za siliva; ni tonkle a timhinga ta hubye ti wa bohilwe hi siliva.
- 18 A libati la nyangwa ya hubye li wa hi tiro wa murungi, hi ko balala, hi ko zirila, hi ko truka, ni wukene go saseka gi katilweko: makume mambiri ya mikono ku wa hi kunabalata ka gona, a kuleha kuanameni nklanu wa mikono, a kuhlamlula a kuhayekwa ka hubye.
- 19 Ni timhinga ta kona ti wa hi mune, ni timhingu ta kona ti wa hi mune ta suku; a tiobe ta tona ta siliva, a kunamekwa ka tihloko ta tona, ni kubohwa ka tona, ka siliva.
- 20 Ni zonkle zikongwani zi tabernakele, ni zahubye a kurenzelekele, zi wa hi za suku.
- 21 Lezi hi tsengo wa zilo za tabernakele, gona a tabernakele ga wukustumunyu, ku kota lezi zona zi hlaiyilweko, ku kotisa hi kulelele ka Mosi, hi tiro wa ka Levi, hi canja ga Itamare, a nwana wa Aroni a mupristi.
- 22 Na Bezaleli a nwana wa Uri, a nwana wa Hura, wa lixaka la Juda, ba lo maha zonkle lezo Jehova a nga wa lelelele Mosi.
- 23 Na zinwe na Oholiaba, a nwana wa Ahisamaka, wa lixaka la Dani, a bakehli, ni mitiro yi klarihisilweko ya munhu wa nyamitiro ni barungi, ba ko balala, ni ko zirila, ni ko truka, ni wukene go saseka gi katilweko.
- 24 Ni yonkle a nzalama leyo yi nga tiriswa ka wonkle a tiro wa yindlu yo basa, yona a nzalama ya munyikelo, ku wa hi makume mambiri ni nklanu ni mune wa titalenta, ni nklanu ni mambiri mazana ni makume manharu ya maxekeli, kota maxekeli ya yindlu yo basa.
- 25 Ni siliva ya bona labo ba hlaiylweko ba klangano ku wa hi zana ga titalenta, ni kume ga mazana ni nklanu ni mambiri mazana ni nklanu ni mambiri wa makume ni nklanu ma-

xekeli, ku kota a xekeli ga yindlu yo basa:

- 26 A beka i hloko, loko hiku, i kihlanya ga xekeli, ku kota a xekeli ga yindlu yo basa, hakuba bonklelele labo ba hunza bata ka bona ba lo hlaiyiwa, kusukela ka ba makume mambiri ya malenge kuya lehla, ku wa hi nklanu ni ginwe a zana ga mazana ni makume manharu ya mazana ni nklanu wa mazana ni nklanu wa makume ya ba banuna.
- 27 Ni mazana ya titalenta ta siliva ma wa hi ya timhingu ta yindlu yo basa, ni timhingu ta veli; i zana ga timhingu, ta zana ga titalenta, a talenta ya mhingu.
- 28 Ni kume ga mazana ni nklanu ni mambiri mazana ni nklanu ni mambiri wa makume ni nklanu wa maxekeli yena i lo maha a tiobe ta timhinga, i lo nameketa a tihloko ta tona, i lo maha kutiyisa ka tona.
- 29 Ni munyikelo wa suku ku wa nklanu ni mambiri wa makume ya titalenta, ni makume mambiri mazana ni mune wa mazana ya maxekeli.
- 30 Na yena i lo maha ha wona i lo maha a timhingu ta le nyangwanl ya tenta ga muklangano, ni alati ga suku, ni xikatelo xa suku xa gona, ni zonkle a zibya za alati.
- 31 Ni timhingu ta hubye tirenzelekeleko, ni timhingu ta nyangwa ya hubye, ni zonkle zi kongwani za tabernakele, ni zonkle zi kongwani za hubye zirenzelekeleko.

XIPIMO 39.

- 1 Na hi ko balala, na hi zirila, na hi ko truka, bona ba lo maha kwatsi a tinguwo, ta kukozele wutsazweni ga kubasa, ni ku maha a tinguwo ta kubasa ta Aroni; kwatsi hi lezi Jehova a nga lelelele Mosi.
- 2 Na yena i lo maha a efode ya nzalama, ni kubalala, ni kuzirila, ni ku truka, ni wukene gi katilweko go saseka.
- 3 Bona ba lo klomba a nzalama yi maha a pama, ba yi koka ku maha wusenga, kasi kutira hi ko balala, ni ko zirila, ni ko truka, ni ka wukene go saseka, a tiro wu klarihisilweko wa munhu wa nyamitiro.
- 4 Bona ba lo maha a zipauze za kakla ha yona, ba zi klabiketa katiginwe; magumelweni mambiri zona zi wa lo klabiketwa katiginwe.

- 5 Na hi ku~~klari~~hisisilweko gi lo lukiwa a bandi, lego gi nga wa hi hehla ka yona, lego gi nga wa boha yona, gi wa patsanyetilwe gi hi ga tiro walowo; ga nzalama, ga kubalala, ga kuzirila, ga ku~~tru~~ka, ni wukene go saseka gi lukilweko; ku kota lezi Jehova a leleleko Mosi.
- 6 Bona ba lo maha a mari~~bye~~ ma kangekileko, ba ma pomela hi zitiyiso za nzalama, na ma kehlwe hi ku~~kehl~~ala ka pera, ku kota hi mabito ya banana ba ka Israeli.
- 7 Yena i lo ma ~~klate~~ka ka zipanze za ka~~kl~~a za efode, a ku ba mari~~bye~~ ya xialakanyelo ka banana ba ka Israeli; kwatsi hi lezi Jehova a leleleko Mosi.
- 8 Yena i lo maha a tingenge, a tiro wa munhu wa nyamitiro a ~~klari~~hisisilweko, ku fanana ni tiro wa efode; wa nzalama, ni kubalala, ni kuzirila, ni ku~~tru~~ka, ni wukene go saseka gi katilweko.
- 9 Yona yi wa hi mune wa makuzu: bona ba lo maha a ngenge yi wuyetwa: ni spani ku wa hi kunabalata ka kota, ni spani ku wa hi kuanama ka kona, na ku nga ku wuyetilwe.
- 10 Bona ba lo yimisa ka yona a mune wa tixaxa ta mari~~bye~~, A lixaxa la sardiuse, topaza, ni karbunkle ku wa hi lixaxa lo ranga.
- 11 Ni lixaxa la wumbiri, a emeralde, safira, ni dayimani;
- 12 Ni lixaxa la wunharu, jakinta, ya agate, ni ametisti;
- 13 Ni lixaxa la wumune, a berle, ni oniksi, ni jaspere: wona ma wa pomelwe hi kupomela ka nzalama kutiyisweni ka wona.
- 14 Ni mari~~bye~~ ma wa hi ku kotisa a mabito ya banana ba ka Israeli, kume ni mambiri, ku kota a mabito ya~~bye~~; kufanana ni pera yi kehlweko, won~~kehl~~elele wona ku kotisa a bito ga yena, a kume ga tixaka ni timbiri.
- 15 Na bona ba lo maha hehla ka ngenge a mangelje ku fanana ni tiketani, ta tiro wulukilweko wa nzalama yi hlazekileko.
- 16 Bona ba lo maha a zitiyiso zimbiri za nzalama, ni tingongola timbiri ta nzalama, ba lo mehela a tingongola timbiri ta nzalama le magumelweni mambiri ya ngenge.
- 17 Bona ba lo bekela a mangelje mambiri ma klabiketelweko ya nzalama ka ti ngongola timbiri lomo magumelweni ka ngenge.
- 18 Ni magumelweni mambiri man~~wani~~ ya mangelje mambiri ma klabiketelweko bona ba lo mehela ka wona a zitiyiso, ba bekela wona ka zipanze za ka~~kl~~a za efode, hi klelo ga seno ngoheni.
- 19 Na bona ba lo maha a zingwabila zimbiri za nzalama, ba lo mehela magumelweni mambiri ya ngenge, laho likirisini la kona, lolu li nga wa hi ngomameni ya klelo ga efode hi lomo nzeni.
- 20 Bona ba lo maha a zingwabila zimbiri za nzalama, ba zi mehela lomo ka zipanze zimbiri za ka~~kl~~a hi lahasi, hi seno ngoheni ka kona, ku gamekene ni patswa wa kona, hi le hehla ka bandi gi lukilweko hi ku~~klari~~hisisilweko ka efode.
- 21 Na bona ba lo boha a ngenge hi zingwabila za kona ka zingwabila za efode hi ngoti yo balala, lezaku kasi ku fela a ku ba hehla ka tiro wa bandi gi lukilweko hi ku~~klari~~hisisilweko ka efode, lezaku kasi a ngenge ya fela ku kala ku kulula le efodeni; kwatsi hi lezi Jehova a leleleko Mosi.
- 22 Bona ba lo maha a nganju ya efode hi tiro wu lukilweko, kon~~ke~~le kubalala;
- 23 Ni nyangwa ya nganju xikari ka yona, ku kota a nyangwa ya kukomelwa, na ku dayelelwe ku renzelekelwa a nyangwa ya kona, ka si ku fela ku nga klemuki.
- 24 Bona ba lo maha le nzungweni wa nganju a mapomegranate ya zingolongodwani hi kubalala, ni kuzirila, ni ku~~tru~~ka, ni wukene go saseka gi lukilweko.
- 25 Bona ba lo maha a banyangende hi nzalama yi hlazekileko, ba lo mehela a banyangende xikari ka mapomegranate hi le hehla ka nzungo wa nguwo kurenzelekela, xikari ka mapomegranate;
- 26 A nyangende ni pomegranate, a nyangende ni pomegranate, hehla ka nzungo wa nganju wu renzelekelako, a ku kozela lomo; ku kota Jehova a leleleko Mosi.
- 27 Na bona ba lo maha a mabaji hi wukene go saseka ga tiro wu lukilweko ya Aroni, ni ya bana ba yena.
- 28 Ni xihuku xa wukene go saseka, ni zihuku zo saseka za wukene go sase-

EKSODUSE, 40.

- ka, ni mabuluku ya wukene ya wukene go saseka gi katilweko,
- 29 Ni bandi ga wukene gi katilweko go saseka, go balala, go zirila, go truka, a tiro wa murungi; kwatsi hi lezi Jehova a nga lelelele Mosi.
- 30 Bona ba lo maha a pambati xa xi dlo dlo xo basa hi nzalama yi hlazekileko, ba lo tsala behla ka xona a mutsalo, ku fanana ni kukehlelwa ka pera, KUBASA KA JEHOVA.
- 31 Bona ba lo boha ka xona a ngoti yo balala, a kuklimbisa gona ka xihuku le hehla; kwatsi hi lezi Jehova a leleleleko Mosi.
- 32 Zakungahi a tiro wa tabernakele wu wa lo mbeteka a tenta ga muklangano: ni banana ba ka Israeli ba lo maha ku kota ka zonkle lezo Jehova a nga wa lelelele Mosi; singaho ba lo maha bona.
- 33 Bona ba lo neha a tabernakele ka Mosi, a Tenta, ni zonkle zibya za gona, a zimanyo za gona, ni tibakwa ta gona, ni minaneko ya gona, ni timbinga ta kona, ni timbingu ta kona;
- 34 Ni kufulela ka woya ga tihamba gi trukisilweko, ni kufulela ka woya ga macalo, ni veli ya libati;
- 35 Ni arki ga wukustumunyu, ni mipingu ya kona, ni xitsamo xa wuxinji;
- 36 A meza, ni zonkle a zibya za kona, ni zibaba za kukombiswa;
- 37 Ni linhi la kandiya li hlazekileko, ni tikandiya ta kona, tona ti tikandiya kasi kubeni ti xaxametwa, ni zonkle a zibya za kona, ni mafura ya kuwoninga;
- 38 Ni alati ga nzalama, ni mafura ya kutota, ni libani li tsombelako, ni libati la nyangwa ya Tenta;
- 39 A alati ga suku, ni zibya za yona za suku, ni mipingu ya gona, ni zonkle zibya za gona, a xinamelo ni xikatelo xa xona;
- 40 Ni kuheyekwa ka hubye, a timbinga ta kona, ni timbingu ta kona, ni libati la nyangwa ya hubye, ni tingoti ta kona, ni zi kongwa ni za kona, ni zonkle a zigotso za ku kozela ka tabernakele, ga tenta ga muklangano;
- 41 Kwatsi ba lo maha a tinguwo ta ku kozela le wutsanweni ga kubasa, ni tinguwo to basa ta Aroni a mupristi, ni tinguwo ta bana ba yena, a ku kozela wutsanweni ga wupristi.
- 42 Ku kotisa hi ka zonkle lezo Jehova a nga wa lelelele Mosi, zingaho a bana-

na ba ka Israeli ba lo maha wonkle a tiro.

- 43 Na Mosi i lo wona wonkle a tiro, ni, languta, ba wa wu mahile; ku kota lezi Jehova a leleleko, zingaho lezo bona ba wa wu mahile wona: na Mosi lo ba katekisa bona.

XIIMO 40.

- 1 Na Jehova i lo wulawula ka Mosi, aku,
- 2 Hi siku go ranga ga hweti go ranga wena u ta yimisa a tabernakele ga tenta ga muklangano.
- 3 Wena u ta engenisa kona a arki ga wukustumunyu, na wena u ta fihla a arki hi veli.
- 4 Wena u ta engenisa a meza, u xaxametela a zilo zonkle lezo zi nga hehla ka yona; wena u ta engenisa a linhi la kandiya, ni ku lumeka a tikandiya ta kona.
- 5 Wena u ta beka alati ga nzalama ga libani mahlweni ka arki ya wukustumunyu, u mehela a libati la nyangwa le tabernakeleni.
- 6 Wena u ta bekela a alati ga munyikelo wo hiswa mahlweni ka nyangwa ya tabernakele ga tenta ga muklangano.
- 7 Wena u ta bekela a xinamelo xikari ka tenta ga muklangano ni alati, wena u ta cela a mati lomo nzeni.
- 8 Wena u ta yimisa a hubye u renzelekela, u hayeka a libati la nyangwa ya hubye.
- 9 Wena u ta teka a mafura ya kutota, u tota a tabernakele, ni zonkle zi nga lomo nzeni, u ta zi wuyetela, ni zonkle zingolongoklo za kona: a yi be yi basile.
- 10 Wena u ta tota a alati ga munyikelo wa kuhiswa, ni zibya za kona zonkle, ni ku basisa a alati: ni alati a gi base hi ku hunzeleleko.
- 11 Wena u ta tota a xinamelo ni xikatelo xa kona, u basisa xona.
- 12 Wena u ta neha Aroni ni bana ba yena le nyangwa ya tenta ka muklangano, wena u ta hlaza hi mati.
- 13 Na wena u ta mehela Aroni a tinguwo to basa; wena u ta mu tota yena, u basisa yena, kasi yena wa kozela ka mina xikundleni xa wupristi.
- 14 Na wena u ta neha a bana ba yena, u mehela a mabaji hehla ka bona;
- 15 Wena u ta tota bona, kwatsi hilezi wena u totileko a raru wabye, kasi bona ba fela ku kozela ka mina xi-

- kundleni xa wupristi: a kutotwa kabye ku ta ku ba ka bona a ku mbupristi ga wupinzukelwa ka zonkle zizukulwana zabye.
- 16 Zakungahi i lo maha Mosi: ku kotisa hi ka zonkle lezo Jehova a leleleko ka yena, zingaho i lo maha yena.
- 17 Na ku mahisile lezo hi hweti yo ranga hi lembe ga wumbiri, hi siku go ranga ga hweti, lezaku a tabernakele gi wa lo yimiswa.
- 18 Na Mosi i lo yimisa a tabernakele i lo gwela a timhingu ta kona, i lo yimisa a tibakwa ta kona, i lo engenisa a minaneko ya kona, a yimisa timhinga ta kona.
- 19 Na yena i lo andlala a tenta hehla ka tabernakele, ni ku bekela xifengeto xa tenta hehla ka gona; ku kotisa lezo Jehova a leleleko Mosi.
- 20 Yena i lo teka i lo beka a wukustumunyulo lomo nzeni ka arki, a mehela a mipingu laho arkeni, i lo bela a xitsamo xa wuxinji le hehla ka arki:
- 21 I lo engenisa arke lomo tabernakeleni, yena i lo yimisa a veli ya libati, i lo valela a arki ya wukustumunyu; kwatsi hi lezi Jehova a nga wa lelelele ka Mosi.
- 22 Yena i lo engenisa a meza le tenteni ga muklangano, hi le rebeni ga tabernakele ngomameni ya le zwalungwiini, hi le handle ka veli.
- 23 Ni yena i lo xaxameta a zibaba hehla ka yona mahlweni ka Jehova; ku kotisa lezi Jehova a nga lelelele Mosi.
- 24 Yena i lo engenisa a linhi ka kandiya lomo nzeni ka tenta ga muklangano, hehla ka meza, hi lego kelelo ga meza ga ngomama ni dzonga.
- 25 Yena i lo lumeka a tikandiya mahlweni ka Jehova; ku kotisa lezi Jehova a leleleko Mosi.
- 26 Yena i lo engenisa a alati ga nzalama lomo nzeni ka tente ga muklangano mahlweni ka veli:
- 27 Yena i lo hisa hehla ka gona a libani la pepo wa kutsombela; ku kotisa lezo Jehova a leleleko Mosi.
- 28 Yena i lo bekela a libati la nyangwa ka tabernakele.
- 29 Na i lo yimisa a alati ga munyikelelo wa kuhiswa laha nyangweni ya tabernakele ga tente ga muklangano, i lo nyikela hehla ka gona a munyikelo wo hiswa ni munyikelo wa tinzoho: ku kotisa lezo Jehova a leleleko Mosi.
- 30 Na yena i lo beka a xinamelo xikari ka tenta ga muklangano ni alati, i lo cele a mati lomo nzeni, kasi kuhlamba ha wona.
- 31 Na Mosi na Aroni ni bana ba yena ba lo hlamba a mandla zabye ni mikonzo zabye ka xona;
- 32 Laba bona na baya lomo nzeni ka tenta ga muklangano, ni loku bata kusubi ni alati, bona ba lo hlamba; kwatsilezi Jehova a leleleko Mosi.
- 33 Yena i lo yimisa a hubye yi renzeleleka a tabernakele ni alati, i lo mehela libati laho nyangweni ya hubye. Zingaho Mosi i lo mbeta a tiro.
- 34 Zonake a refu gi lo kubunyeta a tenta ga muklangano, ni wukosi gi lo tatisa a tabernakele.
- 35 Mosi i wa nga zi koti kuengena lomo tabernakeleni ga muklangano, hakuba hi refu gi nga wa tsamile laho, ni wukosi ga Jehova gi lo tatisa a tabernakele.
- 36 Ni laha a refu gi nga wa susilwe hehla ka tabernakele, ni banana ba ka Israeli ba la su tsonomo ba famba, ka lonkle a ti lwenzo tabye:
- 37 Kanilezi loku a refu gi nga suswangi, zonake bona ba wa nga fambangi kala siku lego gona gi ta nga tekiwa.
- 38 Hakuba a refu ga Jehova gi wa hi tabernakeleni hi siku, laho bu wa hi kona nzilo hi wusiku, kuwoneni ka yonkle a yindlu ya Israeli, ka tonkle ti lwenzo tabye.

LEVI.

XIPIMO 1.

- 1 Na Jehova i lo bitana Mosi, i lo wulawula ka yena hi le tenteni ga muklangano, aku,
- 2 Wulawula ka banana ba ka Israeli, uku ka bona, Laha kani hi mani a munhu wa nwina a nyikela a xinyikiwo ka Jehova, nwina mu ta nyikela a xinyikiwo xa nwina xa tihomu, yona miklambi ya tihomu ni miklambi ya tiyivu.
- 3 Loku a xinyikiwo xa yena wa munyikelo wo hiswa wu klambi, yena i ta nyikela a matsune a ngu hi na bawa: yena i ta mu nyikela le nyangweni ya tenta ga muklangano, kasi wa fela ku amukelela mahlweni ka Jehova.
- 4 Yena i ta klataka a canja ga yena hehla ka hloko ya munyikela wo hiswa; wona wu ta amukeleka ka yena a ku maha nzihho wa yena.
- 5 Yena i ta klaba a role mahlweni ka Jehova: ni bana ba Aroni, mupristi, ba ta teka a nkata, ba nwatsekela a nkata ba renzelekela a alati lego gi nga laha nyangweni ya tenta ga muklangano.
- 6 Yena i ta hlahlala a munyikelo wo hiswa, a wu tsemelela ziklubyana.
- 7 Ni bana ba Aroni a mupristi ba ta nzibela nzilo hehla ka alati, ni ku wuyetela a tihunyi hehla ka nzilo;
- 8 Ni bana ba Aroni, a bapristi, ba ta klataka a ziklubyana, a hloko, ni mafura, hi kuxaxameta hehla ka tihunyi leto ti nga le nzilweni lowu wu nga le hehla ka alati:
- 9 Kanilezi lomo nzeni ka kona ni milenge ya kona yena i ta hlaza hi mati. A mupristi i ta hisa konkle le alatini, a munyikelo wo hiswa, a munyikelo wu mahilweko hi nzilo, wa masema yo tsombela ka Jehova.
- 10 Ni loku xinyikiwo xa yena xi hi xa klambi wa tiyivu, kutani ngwa timbuti, a kuba munyikelo wa kuhiswa; yena i ta nyikele a matsune a nga hiko na bawa.
- 11 Yena i ta wu klaba wona le rebeni ga alati ngomameni ya le nwalungu mahlweni ka Jehova: ni bana ba Aroni, a bapristi, ba ta nwatsekela a nkata wa yona ba renzelekela a alati.
- 12 Yena i ta yi tsemelela a ziklubyana, ziwwe ni hloko ya kona, ni mafura ya kona; a mupristi i ta yi beka a yi xaxameta hehla ka tihunyi leto ti nga lomo nzilweni lowu wu nga le hehla ka alati:
- 13 Kanilezi lomo nzeni ni milenge i ta hlaza hi mati. Ni mupristi i ta nyikela konkle, a hisa kona hehla ka alati: kona munyikelo wa kuhiswa, a munyikelo wu mahilweko hi nzilo, wa masema ya ku tsombela ka Jehova.
- 14 Ni loku a xinyikiwo ka Jehova xi hi munyikelo wa kuhiswa wa tinyanyani, zonake yena i ta nyikela a xinyikiwo xa yena xa tuba, kutani i vinyane ga zibomba.
- 15 Ni mupristi i ta gi ncha laha alatini, a sukuruta a hloko ya kona, ni ku hisa gona laha alatini; ni nkata wa kona a wu kamelwe lahandle rebeni ga alati;
- 16 Yena i ta susa a felelo ziwwe ni hingwani ya kona, a yi hoxa le klelweni ga alati hi klelo ga ngomama ni le mutsuwuka gambo, wutsanweni ga kuma:
- 17 Yena a yi puxute na tipapa na ti hi ka yona, kanilezi a nga pulakanyisi. Ni mupristi i ta yi hisa alatini, hehla ka tihunyi leto ti nga hehla ka nzilo: wona munyikelo wo hiswa, a munyikelo wu mahilweko hi nzilo, wa masema yo tsombela ka Jehova.

XIPIMO 2.

- 1 Ni laha kani hi mani muwwe a nyikela a munyikelo wa tinzoho ka Jehova, a munyikelo wa yena a wu be wa mapa ma nanaselweko; na yena i ta ceta a mafura hehla ka wona, ziwwe ni woni ka wona:
- 2 Na yena a wu nehe ka bana ba Aroni a bapristi; na yena a ta teke laho

- hi kutumbara a mapa mananeselweko kona, ni ka mafura ya kona, zinwe ni wonkle a mawoni ya kona. Ni mupristi i ta wu hisa ku kotisa a xialakanyelo xa kona hehla ka alati, a munyikelo wu mahilweko hi nzilo, wa masema ya kutsombela ka Jehova:
- 3 Ni loku ku seleko ka munyikelo wa tinzoho ku ta ba ka Aroni ni bana ba yena: lexi xilo xi basileko hi kuhunzeleleko xa munyikelo wa Jehova wu mahilweko hi nzilo.
 - 4 Ni laha wena u nyikeleko a munyikelo wa tinzoho xi katingilwe lomo kumbarini, ku ta ba a zikeketelo zi nga comelwangiko za mapa ma naneselweko ma vilinganyiselwe zinwe ni mafura, kutani ni mbunzu yi nga comelwangiko yi totilwe hi mafura.
 - 5 Ni loku a munyikelo wa wena wu hi wa munyikelo wa tinzoho wu hi wa xibaba xi ocilweko, a wu be wa mapa ma nanaselweko ma nga comelwangiko, na ma vilinganyisilwe ni mafura.
 - 6 Wena u ta kemelela a zikenwana, u ceta a mafura ka zona: kona munyikelo wa tinzoho.
 - 7 Ni loku a munyikelo wa wena wu hi munyikelo wa tinzoho wa xibaba xa kukatingiwa, kona ku ta mahiwe hi mapa ma nanaselweko zinwe ni mafura.
 - 8 Wena u ta neha a munyikelo wa tinzoho lowu wu mahilweko hi lezi zilo ka Jehova: wona wu ta nyikiwa ka mupristi, yena i ta wu neha le alatini.
 - 9 Ni mupristi i ta teka le munyikelweni wa tinzoho a xialakanyelo xa kona, ni ku xi hisa xona hehla ka alati, a munyikelo wu mahilweko hi nzilo, wa masema yo tsombela ka Jehova.
 - 10 Ni loku ku seleko hi munyikelo wa tinzoho zi ta ba za Aroni ni bana ba yena: xona xilo xi basileko hi kuhunzeleleko xa munyikelo wa Jehova wu mahilweko hi nzilo.
 - 11 A ku kona a munyikelo wa tinzoho, lowu nwina mu ta nga nyikela ka Jehova, wu ta nga mahiwa hi comelo; hakuba nwina mu nga ta hisa a comelo, ge ni wulombe, ku kotisa a munyikelo wu mahilweko hi nzilo ka Jehova.
 - 12 Kwatsi hi munyikelo wa mihanzo

- yo ranga nwina mu ta nyikela yona ka Jehova: kanilezi yona yi nga ta ta hehla ku kwatsi munyikelo wa masema yo tsombela ya alati.
- 13 Wonklelele a munyikelo wa tinzoho wena u ta lunga hi munyu; ge wena u nga ta vumela a munyu wa xivumelwano xa Nungungulu wa wena wu nga hi kona munyikelweni wa tinzoho: zinwe ni ncumo wa wena wonkle wena u ta lunga munyu.
 - 14 Ni loku wena u nyikela a munyikelo wa tinzohowa mihanzo yo ranga ka Jehova, wena u ta nyikela a munyikelo wa tinzoho wa mabele ya wena yo ranga a ponwanini wu ocilweko hi nzilo, a mabele ma sililweko a mipozwani ya matrandlani.
 - 15 Na wena u ta ceta a mafura ka kona, u klateka mawoni hehla ka kona: kona munyikelo wa tinzoho.
 - 16 Ni mupristi i ta hisa a xialakanyelo xa kona, a xipanze xa mabele ma sililweko xa kona, ni xipanze xa mafura ya kona, zinwe ni wonkle a mawoni ya kona: kona munyikelo wu mahilweko hi nzilo ka Jehova.

XIPIMO 3.

- 1 Ni loku a munyikelo wa yena wu ku kwatsi mupahlelo wa munyikelo wa kurula; loku a nyikela hi homu, kutani matsune kutani ngwakati a wu nyikele wona na wu nga hi na bawa mahlweni ka Jehova.
- 2 Yena i ta klateka a canja ga yena hehla ka bloko ya munyikelo wa yena, a wu klate le nyangweni ya tenta ga muklangano: ni bana ba Aroni a bapristi ba ta zwatsekela a nkata hehla ka alati ba renzelekela.
- 3 Na yena i ta nyikela a mupahlelo wa munyikelo wa kurula a munyikelo wu mahilweko hi nzilo ka Jehova; ni mafura laya ma pomeleko lomo nzeni, ni wonkle mafura laya ma zariyetileko lomo nzeni,
- 4 Ni ti swa timbiri, ni mafura laya ma ti pomeleko, laya ma nga laha xiwunwini, ni pambani lowu wu nga le xibinzini, zinwe ni ti swa, wena u ta zi susa.
- 5 Ni bana ba Aroni ba ta ku hisa lomo alatini hehla ka munyikelo wa ku hiswa, lowu wu nga le hehla ka tihunyi leto ti nga laha nzilweni: kona munyikelo wu mahilweko hi nzilo, wa masema yo tsombela ka Jehova.

- 6 Ni loku a minyikelo wa yena wu hi mupahlelo wa munyikelo wa kurula ka Jehova wu hi wa klambi; matsune kutani i nkati, yena a ta nyikela kona na ku nga hi na bawa.
- 7 Loku yena a nyikela a ivana ya munyikelo wa yena, zonake yena a nyikele yona mahlweni ka Jehova;
- 8 Yena i ta klateka a canja ga yena hehla ka hloko ya munyikelo wa yena, ni ku yi klabo yona mahlweni ka tenta ga muklangano: ni bana ba Aroni ba ta nwatsekela a nkata wa kona hehla ka alati ba renzelekela.
- 9 Yena i ta nyikela hi ka mupahlelo wa minyikelo ya kurula a munyikelo wu mahilweko hi nzilo ka Jehova; a mafura ya kona, ni mafura wonkle ya kila, a ta wu hukurula hi leyo ka rambo go nonoha ga hлана; ni mafura laya ma pomeleko lomo nzeni, ni wonkle a mafura laya mazariyetileko lomo nzeni,
- 10 Ni tiwo timbiri, ni mafura laya ma ti pomeleko, laya mazariyetileko a xiwunu, ni pambani wu pomeleko a xibinzi, zizwe ni tiwo, yena a zi susa.
- 11 Ni mupristi i ta ku hisa hehla ka alati: kona kuga ka munyikelo ku mahilweko hi nzilo ka Jehova.
- 12 Ni loku a munyikelo wa yena wu hi wa mbuti, zonake i ta wu nyikela mahlweni ka Jehova:
- 13 Na yena i ta klateka a canja ga yena hehla ka hloko ya yona, ni ku klabo wona mahlweni ka tenta ga muklangano; ni bana ba Aroni ba ta nwatsekela a nkata wa kona hehla ka alati ba renzelekela.
- 14 Na yena i ta nyikela laho a munyikelo wa yena, hambu wona a munyikelo wu mahilweko hi nzilo ka Jehova; a mafura laya ma pomeleko lomo nzeni, ni wonkle a mafura laya ma zayetileko lomo nzeni,
- 15 Ni tiwo timbiri, ni mafura laya ma ti pomeleko, laya ma nga zariyeta a xiwunu, ni pambani hehla ka xibinzi, zizwe ni tiwo yena, i ta zi susa.
- 16 Ni mupristi i ta hisa zona hehla ka alati: kona kuga ka munyikelo wu mahilweko hi nzilo, a kuba masema yo tsombela; wonkle mafura nja Jehova.
- 17 Kona ku ta ba xilayelo xi nga gomolisiwiko ka zonkle zizukulwana za nwina konkle kaya ka nwina, le-

zaku nwina cima mu nga taga mafura kutani i nkata.

XIIMO 4.

- 1 Na Jehova i lo wulawula ka Mosi, aku,
- 2 Wulawula ka banana ba ka Israeli, uku, Loku a hi kona munwe munhu a onhako hi ku nga hi hawomu, ni ka zihi zilo lezo Jehova a leleleko a kuba zi nga mahiwi, ni ku maha a xizwe xa zona:
- 3 Loku a mupristi a totilweko a onhisa ku ngaho kwatsi hi ku neha kugoha le banhwini, zonake nga yena a nyikela a kuonha ka yena, loku a ku onhileko, a honwana yiswa yi nga hiko na bawa ka Jehova a munyikelo wa kuonha.
- 4 Na yena i ta neha a honwana le nyangweni ya tenta ga muklangano mahlweni ka Jehova; na yena i ta klateka a mandla ya yena hehla ka hloko ya honwana, ni kuklaba a honwana mahlweni ka Jehova.
- 5 Ni mupristi a totilweko i ta teka a nkata wa honwana, i ta wu neha lomo nzeni ka tenta ga muklangano:
- 6 Ni mupristi i ta peta a litiho la yena lomo nkateni, a nwatsekela a nkalanu ni zimbiri zikati mahlweni ka Jehova, mahlweni ka velli ya yindlu ya kubasa.
- 7 Ni mupristi i ta patseka a nkata hehla ka timhonzo ta alati ta libani lo tsombela mahlweni ka Jehova, lego gi nga lomo nzeni ka tenta ga muklangano; wonkle a nkata wa role i ta culula hi laha xikatelweni xa alati ga munyikelo wo hiswa, legi gi nga laha nyangweni ya tenta ga muklangano.
- 8 Ni wonkle a mafura ya honwana ga munyikelo wa kuonha yena i ta ma susa ka gona; a mafura laya ma pomeleko lomo nzeni, ni wonkle a mafura laya ma zariyetileko lomo nzeni,
- 9 Ni tiwo timbiri, ni mafura laya ma ti pomeleko tona, lawo ma nga le xiwunwini, ni pambani lowu wu pomeleko a xibinzi, zizwe ni tiwo yena, i ta ku susa.
- 10 Ku kota lezi tona ti tekilweko hi le ka kabi ya mupahlelo wa munyikelo wa kurula: a mupristi i ta hisa zona hehla ka alati ga munyikelo wa kuhiswa.
- 11 Ni dzowo ga honwana, ni yonkle a

- nyama ya gona, ziwwe ni hloko ya kona, ziwwe ni milenge ya kona, ni lomo uzeni ka kona, ni swanyi wa kona.
- 12 Gona gonkile a honwana yena i ta gi rwala a gi lumesa le handle ka wugobelo wutsanweni gi basileko, laho a kuma gi halatelwako kona, a ya hisa hi tihunyi ziwwe ni nzilo: laho ku halatelwako a kuma gona a gi hiselwe kona.
- 13 Niloku wonkile a nklangano wa ba ka Israeli wu hambuka, ni xilo xi tihlala mahlweni ya mohlengeletano, na bona ba mahile a zilo lezo Jehova a leleleko a ku kala zi nga mahiwi, na ba gohile;
- 14 Laha a kuonha loko ba kuonhileko ku tibyiwa, zonake a mohlengeletano wu ta nyikela a honwana yiwa ya munyikelo wa kuonha, ba ta yi neha mahlweni ka tenta ga muklangano.
- 15 Ni masingalakati ya klangano ba klateka mandla yabye hehla ka hloko ya honwana mahlweni ka Jehova; ni honwana gi ta klabyiwa mahlweni ka Jehova.
- 16 Ni mupristi a totilweko i ta neha a nkata wa honwana le tenteni ga muklangano:
- 17 Ni mupristi i ta peta a litiho la yena lomo ka nkata, a zwatsekela nkalanu wa zikati ni zimbi mahlweni ka Jehova, mahlweni ka veli.
- 18 Yena i ta patseka a nkata hehla ka timhonzo ta alati legi gi nga mahlweni ka Jehova, lego gi nga lomo tenteni ga muklangano; ni wonkile a nkata yena i ta cululela hi laha xikatelweni xa alati ga munyikelo wa ku hiswa, legi gi nga laha nyangweni ya tenta ga muklangano.
- 19 Ni wonkile a mafura ya kona yena i ta ma teka ka gona, ni ku ma hisa hehla ka alati.
- 20 Zakungahi yena a ta nga maha hi honwana; kwatsi hilezi yena a mahileko hi honwana ga munyikelo wa kuonha, zingaho i ta mahawu kambe ni legi; ni mupristi i ta maha a nzhiho wa bona, na bona ba ta tsetselelwa.
- 21 Yena i ta rwala a honwana gi ya le handle ka wugobelo, a yi hisa ku kotisa lezi yena a hisileko leyo yoranga a honwana; kona munyikelo wa kuonha ka mohlengeletano.
- 22 Laha na mufumeli a onha, a nga mahi hawomu a ka xihhi xilo ziwwe xa lezi xa zonkile zilo lezo Jehova a Nungungulu wa yena a leleleko a kuba zi mahiwa, ni ku i gohile;
- 23 Loku kuonha ka yena, loku a onhileko ha kona, ku tibyiwa ka yena, yena i ta nehe a munyikelo wa yena a mbuti, a mhongo yi nga hiko na bawa.
- 24 Yena i ta klateka a canja ga yena hehla ka hloko ya mbuti, ni ku klabba yona wutsanweni lego ba klabelako a munyikelo wa kuhiswa mahlweni ka Jehova: kona munyikelo wa kuonha.
- 25 Ni mupristi i ta teka a nkata wa munyikelo wa kuonha hi litiho la yena, a wu patseka le hehla ka timhonzo ta alati ga munyikelo wa kuhiswa; ni nkata wa kona i ta wu culula hi laha ka xikatelo ka alati ga munyikelo wo hiswa.
- 26 Ni wonkile a mafura ya kona yena i ta ma hisa hehla ka alati, ku kota a mafura ya mupahlelo wa munyikelo wa kurula; ni mupristi i ta maha a nzhiho ha yena hi kota ya zonho za yena, yena i ta ba a tsetselelwe.
- 27 Ni kani loku a munhu wa cumbu hi banhu a onha na ku nga hi hawomu, a ku maha a ziwwe xa zilo lezi Jehova a leleleko ku ba xi nga mahiwi, ni ku i gohile;
- 28 Ni loku a kuonha ka yena, loku a kuonhileko, ku tibyiwa ka yena, zonake yena i ta neha a munyikelo wa yena a mbuti, a mhongo yi nga hiko na bawa, a kuba hi kuonha ka yena loko a ku mahileko.
- 29 Yena i ta klateka a canja ga yena hehla ka hloko ya munyikelo wa kuona, i ta klabba a munyikelo wa kuonha le wutsanweni ga munyikelo wa kuhiswa.
- 30 Ni mupristi i ta teka a nkata wa kona hi litiho la yena, a wu patseka le hehla ka timhonzo ta alati ga munyikelo wa kuhiswa; ni wonkile a nkata wa kona i ta wu culula hi lahasi ka xikatelo xa alati.
- 31 Ni wonkile a mafura ya kona i ta susa, ku kwatsi hilezi a mafura ma nga susiwa ka mupahlelo wa munyikelo wa kurula; ni mupristi i ta wu hisa hehla ka alati a kuba masema yo tsombela ka Jehova; ni mupristi i ta maha a nzhiho wa yena, yena i ta ba a tsetselelwe.
- 32 Ni loku yena a neha a ivana ku

kota a munyikelo wa yena wa munyikelo wa kuonha, yena i ta nehe a nkati wu nga hi ko na bawa.

- 33 Yena i ta klateka a canja ga yena hehla ka hloko ya munyikelo wa kuonha, i ta klaba a munyikelo wa kuonha wutsanweni lego ba klabe-lako a munyikelo wa kuhiswa.
- 34 Ni mupristi i ta teka a nkata wa munyikelo wa kuonha hi litiho la yena, a wu patseka hehla ka timhonzozo ta alati ga munyikelo wa kuhiswa; ni wonkle a nkata wa kona i ta culula laha ka xikatelo xa alati.
- 35 Ni wonkle a mafura ya kona yena i ta ma susa, ku kwatsi hi mafura ya ivana ma susilweko le mupahlelweni wa munyikelo wa kurula; ni mupristi i ta hisa wona le alatini, hehla ka munyikelo wa Jehova wu mahilweko hi nzilo; ni mupristi i ta maha a nzhiho wa yena hi ku kumbuka a zonho za yena lezo a zi onhileko, yena i ta kuba a tsetselelweko.

XIPIMO 5.

- 1 Ni loku a munwe a onha, lezaku wazwa a gezu ga mukawulo, yena na hi kustumunyu, hambu a kuwonile kutani a ku tibile, loku a nga ku wuli, i ta rwala a kugoha.
- 2 Kutani a munwe a koma a xilo xi nga hlazekangiko, kutani xirumbi xa xihari xi nga hlazekangiko, kutani xirumbi xa homu yi nga hlazekangiko, kutani xirumbi xa xilo xo kokakoka xi nga hlazekangiko, ni a kuba kutani xi fihlilwe ka yena, yena a hi loyi a nga hlazekangiko, zonake yena i ta ba a gohile.
- 3 Kutani loku yena a kumba a kungahlazekangi ka munhu, kani ku ta kuba yini a kungahlazekangi ka yena loko a nga hlazekangiko ha kona, kona ku fihlilwe ka yena; laha na yena na a kari a ku tiba, zonake yena i ta ba a gohile.
- 4 Kutani loku a munhu a haklisa a kuhlambanya hi milomu ya yena a ku maha kubiha, kutani ku maha kusasa, ni kani hi xibi xilo xa kona lexo munhu a ta nga wulawula hi ku haklisa hi xifungo, kona ku fihlilwa le ka yena; laha na yena na a kari a, ku tibyiwa ka yena kona, zonake yena i ta ba a gohile ka zinwe za lezi zilo.
- 5 Na ku taku, laha a ta nga ku ba a gohile ka xinwe xa lezi zilo, lezaku

yena i ta wulela laho a onhileko ha kona:

- 6 Na yena i ta neha a munyikelo wa yena wa zihambuko ka Jehova hi kota ya kuonha ka yena loku a kuonhileko, a nkati wa le klambini, a kundlu kutani i papakazi, a munyikelo wa kuonha; ni mupristi i ta maha a nzhiho wa yena hi kota ya kuonha kakwe.
- 7 Ni loku a nanzu wa yena wu nga eneli a wundlu, zonake i ta neha a munyikelo wa zihambuko zalezo yena a onhileko ha zona, a matuba mambiri, kutani mavinyani mambiri, ka Jehova; ginwe ga munyikelo wa kuonha, ni ginwani ga munyikelo wa kuhiswa.
- 8 Yena i ta ma neha ka mupristi, loye a ta nyikela loko ku nga ka munyikelo wa kuonha a kuranga, a suku-ruta a hloko ya gona le kolweni wa gona, kanilezi a nga gi pulakanyisi gi hambana:
- 9 Yena i ta papatela a nkata wa munyikelo wa kuonha le rebeni ga alati; ni wonkle a nkata i ta wu kamela hi laha xikatelweni xa alati: kona ku munyikelo wa kuonha.
- 10 Yena i ta nyikela a ga wumbiri ga munyikelo wa kuhiswa, ku kota helezi kulaya; ni mupristi i ta maha a nzhiho ha yena hi kota ya kuonha kakwe loku a kuonhileko, yena i ta ba a tsetselelwe.
- 11 Kanilezi loku a nanzu wa yena wu nga eneli ni matuba mambiri, kutani mavinyani mambiri, zonake yena i ta neha a munyikelo wa yena ku kota hi kuonha loko a onhileko ha kona, a ka kume ka efa ya mapama nanaselweko ya munyikelo wa kuonha: a nga ta cela a mafura ka wona, ge ni ku bekela ni mawoni ka wona; hakuba kona munyikelo wa kuonha.
- 12 Yena i ta neha ka mupristi, ni mupristi i ta tumbara hi canja ga yena wona kwatsi hi xialakanyelo xa kona, ni ku kuhisa le alatini, hehla ka munyikelo wa Jehova wu mahilweko hi nzilo: kona munyikelo wa kuonha.
- 13 Ni mupristi i ta maha a nzhiho wa yena ku kota hi kumbuka a zonho za yena lezi a zi onhileko ni ka xihhi xa lezi zilo, na yena i ta ba a tsetselelwe: ni ku seleko ku ta ba ka mupristi, kota munyikelo wa tinzoho.

- 14 Na Jehova i lo wulawula ka Mosi aku,
- 15 Loku a muzwe a maha zihambuko, ni kuonha hi ku nga tibiko, ka zilo zo basa za Jehova; zonake yena i ta neha a munyikelo wa yena wa zihambuko ka Jehova, a hamba yi nga hiko na bawa hi le klambini, ku kotisa hi wukulu ga wena ga siliva hi maxekeli, kota a xekeli ga yindlu yo basa, a kuba a munyikelo wa kuonha;
- 16 Yena i ta maha ku lelelisa a mulera ka lezo yena a zi mahileko hi kuhobeta ka zilo zo basa, i ta engeta a ka wuklanu ka kona, a nyike ka mupristi; ni mupristi i ta maha a nzhiho wa yena hi hamba ya munyikelo wa kuonha, yena i ta ba a tsetselelwe,
- 17 Ni loku a muzwe a onha, a maha ni xihhi a xilo lexo Jehova a leleleko a ku ba xi nga mahiwi; hambu loko a zi nga tibi, na zona lezo i gohile, a ta rwala kugoha ka yena.
- 18 Yena i ta neha a hamba yinga hi ko na bawa hi le klambini, ku kota hi wukulu ga wena, a kuba a munyikelo wa zihambuko, ka mupristi; ni mupristi i ta maha a nzhiho wa yena hi kota ya xilo lexo a kubekileko ha xona hi ku nga hi hawomu na a nga xi tibi, yena i ta tsetselelwa.
- 19 Kona munyikelo wa zihambuko: yena ha kunene i gohile ka Jehova.

XIPIMO 6.

- 1 Na Jehova i lo wulawula ka Mosi, aku,
- 2 Loku a muzwe a onha, a maha a xionho ka Jehova, a maha hi kukohlisisilweko hi muakelwane wa yena mahungwinini ma bekilweko, kutani ku kwengwezana kutani kupangilweko, kutani kutsimbeketa wa akelwane wa yena,
- 3 Kutani a kumile loko ku lahlekileko, a maha hi ku kohlisilweko ka kona, a hlambanya a mawunwa; ni ka zihhi zonkle la lezo zilo a munhu a mahako, wa onha ka zona;
- 4 Zonake ku ta ku laha, loku yena a onhile, a hi ni kugoha, lezaku yena i ta ku lelelisa loko a ku tekileko hi kupanga, kutani a xilo a xi tekileko hi kutsimbeta, kutani ni loku kubekilweko ku nga kumiwa ka yena,
- kutani xilo xi lahlekileko xi nga kumiwa ha yena,
- 5 Ni ka xihhi a xilo yena a hlambanyileko hi kukohlisisilweko; yena a ta xi lelelisele na xi tele, i ta engetela a xipanze xa wuklanu ka xona: ka yena loye xi nga xa yena a mu nyike kona, a sikwini lego a kumiwako na gohile.
- 6 Yena i ta neha a zionho za yena ka Jehova, a hamba yi nga hiko na bawa hi le klambini, ku kota a wukulu ga wena, hakuba munyikelo wa zionho, ka mupristi:
- 7 Ni mupristi i ta maha nzhiho ka yena mahlweni ka Jehova; na yena i ta ba a tsetselelwe ni ka zihhi zonkle yena a mahako lezaku lezo a gohileko a zona.
- 8 Na Jehova i lo wulawula ka Mosi, aku,
- 9 Lelela a Aroni ni banana ba yena, uku, Lowu hi nayo wa munyikelo wo hiswa: a munyikelo wa kuhiswa wu ta ba kumbarini hehla ka alati gonkle wusiku kala gica; ni nzilo wa alati wu ta hlaysiswa wu vura kona laho.
- 10 Ni mupristi i ta mehela a nguwo ya yena ya wukene, ni buluku ga yena ga wukene i ta mehela mirini wa yena; yena i ta ola a kuma lego a nzilo wu hisileko a munyikelo wa kuhiswa le alatini, yena i ta beka gona hi lelelweni ga alati.
- 11 Yena i ta humesa tinguwo ta yena, a ambala tiawani tinguwo, a rwala a kuma a ya nago le handle ka wugobelo le wutsawweni go basa.
- 12 Ni nzilo lowu wu nga le hehla ka alati, wu ta hlaysiswa na wu kari wu vura kona, wona wu nga ta timeka; ni mupristi i ta nzibela tihunyi ka wona mixo yonklelele: yena i ta xaxeka a munyikelo wa kuhiswa ka wona, yena i ta hisela kona a mafura ya munyikelo wa kurula.
- 13 Nzilo wu ta hlaysiswa na wu vura hehla ka alati hi kusimamisisilweko; wona wu nga ta timeka.
- 14 Ni lowu hi nayo wa munyikelo wa tinzoho: a banana ba Aroni ba ta wu nyikela mahlweni ka Jehova, mahlweni ka alati.
- 15 Yena i ta teka laho ka wona i ta wu tumbara, a mapa ma nanaselweko ya munyikelo wa tinzoho, ni wa mafura ya kona, ni wonkle mawoni lawo ma hehla ka munyikelo wa tinzoho,

- i ta wu hisa hehla ka alati a masema yo tsombela, ku kota a xialakanyelo xa kona, ka Jehova.
- 16 Ni loko ku ta nga siyiwa ka kona ku ta ba ka Aroni ni banana ba yena ba taga: a ku giwe na ku nga hi na comelo lomo wutsanweni go basa; lomo hubyeni ya tenta ga muklangano bona ba taga kona.
- 17 Kona ku nga bikiwi hi comelo. Mina nzi nyikile ka bona kota xiabelo xabye xa munyikelo wa mina wu mahilweko hi nzilo; kona kubasile hi kuhunzeleleko, kota munyikelo wa kuonha, ni ku kota munyikelo wa zionho.
- 18 Bonklelele ba banuna xikari ka banana ba ka Aroni ba taga kona, ku kota a xiabelo xabye kala ku pinzuka ka zonkle zizukulwana za nwina hi le ka munyikelo wa Jehova wu mahilweko hi nzilo: kani hiwihi a yi kumbako i ta ba a basile.
- 19 Na Jehova i lo wulawula ka Mosi, aku,
- 20 Lowu hi munyikelo wa Aroni ni banana ba yena, lowu ba ta wu nyikela ka Jehova hi siku lego yena a totilweko: a xipanze xa wukume xa efa xa mapa ma nanaselweko xa munyikelo wa tinzoho hi ku nga gawukisisiwo, ni kihlanya ga wona laha mixweni, ni kihlanya ga wona laha gambyeni.
- 21 Hi zibaba zi bikilweko zona zi ta nga zi mahilwe hi mafura; laha xi ta nga xi petilwe, wena u ta xi neha: a zi kezwana zi bikilweko wena u ta nyikela a munyikelo wa tinzoho wa masema yo tsombela ka Jehova.
- 22 A mupristi a totilweko loye a ta nga ba xikundleni xa yena bona a bana ba yena i ta ku nyikela kona: hi xilayelo kala kupinzuka kona ku ta su hiswa konkle ka Jehova.
- 23 Wonklelele munyikelo wa tinzoho wa mupristi wu ta hiswa wonkle: wona wu nga ta giwa.
- 24 Na Jehova i lo wulawula ka Mosi, aku,
- 25 Wulawula ka Aroni ni banana ba yena, uku, Lowu hi nayo ya munyikelo wa kuonha: wutsanweni lego a munyikelo wa kuhiswa wu khabyi-wako ni munyikelo wa kuonha wu ta khabyiwa mahlweni ka Jehova: wona wu basile nguvu.
- 23 A mupristi loye i nyikelako wona hi kuonha i taga wona: wutsanweni

go basa wona wu ta gelwa kona, le hubyeni ya tenta ga muklangano.

- 27 Kani hiwihi a ta nga kumba a nyama ya kona i ta ba a basile; ni laha laho na ku hi kona a ku nwatsekelwa ka nkata laho hehla ka nguwo, wena u ta hlaza loko ku nwatsekelweko wutsanweni go basa.
- 28 Kanilezi a mbita ya wumba leyi ku bikelweko kona yi ta dawa; ni loku yi bikelwe ka mbita ya suku, yona yi ta kuklwa, ni ku petwa lomo matini.
- 29 Bonklelele ba banuna xikari ka bapristi ba taga kona: kona kubasile nguvu.
- 30 A ku kona a munyikelo wa kuonha, lowo ku ta nga nehiwa a nkata wa kona lomo nzeni ka tenta ga muklangano a ku maha a nzhiho wutsanweni go basa, ku ta ba ku gilwe: ku ta nga ku hisilwe hi nzilo.

XIPIMO 7.

- 1 Lowu hi nayo wa munyikelo wa xionho: kona ku basile nguvu.
- 2 Kona wutsanweni laha na ba klababa a munyikelo wa ku hiswa bona ba ta klababa a munyikelo wa xionho; ni nkata wa kona wu ta nwatsekela hehla ka alati wu renzelekela.
- 3 Yena i ta nyikela wona ni mafura wonkle ya kona: ni mafura ya kila, ni mafura wonkle laya ma pomeleko lomo nzeni,
- 4 Ni tiswo timbiri, ni mafura laya ma ti pomeleko, laya mazariyetileko a xiwunu, ni pambani lowu wu pameleko a xibinzi, zinwe ni tiswo, yena i ta susa;
- 5 Ni mupristi i ta hisa zona hehla ka alati a munyikelo wu mahilweko hi ka Jehova: kona munyikelo wa xionho.
- 6 Bonklelele a ba banuna xikari ka bapristi ba ta kuga kona: kona ku ta giwa wutsanweni go basa: kona kubasile nguvu.
- 7 Kwatsi hi lezi ku nga munyikelo wa kuonha, zi ta ba ngaho ni munyikelo wa zihambuko; laho ku kona a nayo muuwe ka zona: a mupristi i ta maha a nzhiho ka laho ha zona, yena ku hi ka yena.
- 8 Ni mupristi loye a nyikelako a munyikelo wa munhu wa kuhiswa, yena mupristi i ta teka yena a wutsumbu gakwe a beju ga munyikelo wa kuhiswa lowo a wu nvikeleko.

- 9 Ni wonkilelele a munyikelo wa tinzoho lowo wu bikilweko lomo kumbarini, ni wonkile lowo wu katingilweko lomo panini, ni wu biki-lweko hi pani, wu ta ba wa mupristi loye a wu nyikelako.
- 10 Ni wonkilelele a munyikelo wa tinzoho, wu hakaselweko ni mafura, kutani wu omileko, ni bonkile bana na ba Aroni ku ta ba kabye, kota yinwe ka munwe ni munwani.
- 11 Ni lowu hi nayo wa mupahlelo wa munyikelo wa kurula, lowu a munwe a ta nga nyikela ka Jehova.
- 12 Ni loku yena a wunyikela wona hi kubongela, zonake yena i ta nyikela zinwe ni mupahlelo wa kubongela, a zikeketselo zi nga comelwangiko zi vilinganyisilweko ni mafura, ni mbunzu yi nga comelwangiko yi totilwe hi mafura, ni zikeketselo zi vilinganyisilwe ni mafura, ya mapa ma nanaselweko na ma nyongobelele.
- 13 Zinwe ni zikeketselo za zibaba za comelo yena i ta nyikela munyikelo wa yena zinwe ni mupahlelo wa munyikelo wa yena wa kurula wa kubongela.
- 14 Ili ka wona yena i ta nyikela a munwe wa yona a munyikelo wu nziwutelweko ka Jehova; kona ku ta ba ka mupristi loye a nwatseke-la ka nkata wa munyikelo wa kurula.
- 15 Ni nyama ya mupahlelo wa yena wa munyikelo wa kurula wa kubongela wu ta giwa hi siku lego ga munyikelo wakwe; yena a nga siyi a ncumo xa wona ku kala gica.
- 16 Kanilezi loku a mupahlelo wa munyikelo wa yena wu hi wa xifungo, kutani ngwa ku nyikela hi kuranza ku klatlekileko, wona wu ta giwa lego siku yena a nyikelako a mupahlelo wa yena; ni manziko loko ku seleko ka kona ku ta giwa.
- 17 Kanilezi loko ku seleko ka nyama ya mupahlelo hi siku ga manharu ku ta hiswa hi nzilo.
- 18 Ni loku kani hi yihi a nyama ya mupahlelo wa munyikelo wa yena wa kurula ku giwa hi siku ga manharu, wona wu nga ta amukeleka, cima wu nga ta hlavelwa ka yena loye a wu nyikeleko wona; wona wu ta ba a manyala, ni muhefemulo lowo wu ta ngaga wona i ta rwala a kugoha ka wona.
- 19 Ni nyama leyo yi kumbako a xilo xi nga hlazekangiko yi nga ta giwa; yi ta hiswa hi nzilo. Ni ku kwatsi hi nyama, bonkilelele labo ba basileko ba taga kona.
- 20 Kanilezi a muhefemulo lowo wu gako a nyama ya mupahlelo wa munyikelo wa kurula, leyo yi nga ya ka Jehova, na a nga a kunyeyeza ka yena kubi hehla ka yena, lowo muhefemulo wu ta tsenwa le banhwini ba wona.
- 21 Ni laha a munwe a kumba a xilo xi nga hlazekangiko, a kungahlazekangi ka munhu, kutani xihari xi nga hlazekangiko, ni ka xihari xilo xa manyala ma nga hlazekangiko, aga a nyama ya mupahlelo wa munyikelo wa kurula, lowu wu nga wa ka Jehova, lowo a muhefemulo a wu suswe ka banhu ba ka kabye.
- 22 Na Jehova i lo wulawula ka Mosi, aku,
- 23 Wulawula ka banana ba ka Israeli, uku, Nwina mu nga taga a mafura ya kabi, ya yivu, ya mbuti.
- 24 Ni mafura ya lexo xi tifeleko wutsumbu ga xona, ni mafura ya lexo xi pfemulweko hi zibanza, kutani ma nga tiriswa hi kunwani kuzozela; kanilezi nwina mu nga kugi kona.
- 25 Hakuba kani hiwihi loyi a gako a mafura ya xihari, lexo a banhu ba nyikelako a munyikelo wu mahilweko hi nzilo ka Jehova, ni muhefemulo wu gako kona wu ta tsenwa ka banhu ba ka kabye.
- 26 Nwina mu ngagi ni nkata, hambu wa kuba xinyanyani, kutanu ngwa xihari, konkile kuakeni ka nwina.
- 27 Kani hiwihi loye a ta nga kuba aga a nkata, lowo muhefemulo wu ta tsenwa ka banhu ba ka kabye.
- 28 Na Jehova i lo wulawula ka Mosi, aku,
- 29 Wulawula ka banana ba ka Israeli, uku, Yena loye a nyikelako a mupahlelo wa munyikelo ya kurula ka Jehova yena i ta neha a munyikelo wa yena ka Jehova hi le ka mupahlelo wa munyikelo ya kurula:
- 30 A mandla ya yena nwinyi ma ta neha a munyikelo wa Jehova wu mahilweko hi nzilo; a mafura zinwe ni pfuba yena i ta zi neha, lezaku kasi a pfuba ga nziwitelwa kasi a munyikelo wa kunziwita mahlweni ka Jehova.

- 31 Ni mupristi i ta hisa a mafura hehla ka alati; kanilezi a pfuba gi ta ba ga Aroni ni bana ba yena.
- 32 A nzambukulu ga xinene nwina mu ta nyika ka mupristi a kuba munyikelo wa kunziwitela hi le ka mupahlelo wa munyikelo wa nwina wa kurula.
- 33 Yena loye xikari ka banana ba Aroni loye a nyikelako a nkata wa munyikelo wa kurula, ni mafura, i ta teka a nzambukulu ga xinene a xiabelo.
- 34 Hakuba a xifuba xi nziwitelweko ni nzambukulu gi nzulisilweko mina nzi tekile hi ka banana ba ka Israeli hi le mupahlweni wa munyikelo wabye wa kurula, nzi ku nyikile kona ka Aroni a mupristi ni ka banana ba yena ku kwatsi xiabelo xabye kala kupinzuka ka banana ba ka Israeli.
- 35 Lexi hi xiabelo xi totilweko xa Aroni, ni xiabelo xi totilweko xa banana ba yena, hi le ka munyikelo wa Jehova wu mahilweko hi uzilo, ka lego siku yena a ta tisa kona a ku ta kozela ka Jehova xikundleni xa wupristi;
- 36 Loko Jehova a ku leleleko a ku nyikwa bona hi ka banana ba ka Israeli, lego a nga ba tota bona. Kona xiabelo xabye kala kupinzuka ka zonke zizukulwana xabye.
- 37 Lowu hi nayo wa munyikelo wa kuhiswa, wa munyikelo wa tinzoho, ni wa munyikelo wa kuonha, ni wa munyikelo wa zihambuko, ni wa kutinyikelelisisa, ni wa mupahlelo wa munyikelo wa kurula;
- 38 Lowu Jehova a nga lelelele Mosi le xitsungeni xa Sinai, a siku lego a nga leleletela a banana ba ka Israeli a ku nyikela a munyikelo wa bona ka Jehova, xiwuleni xa le Sinai.

XIPIMO 8.

- 1 Na Jehova i lo wulawula ka Mosi, aku,
- 2 Teka Aroni ni banana ba yena zizwe naye, ni tinguwo, ni mafura ya kutota, ni honwana ya munyikelo wa kuonha, ni tthamba timbiri, ni xirunzu xa zibaba zi nga comelwangiko;
- 3 U tsombanyisa wena wonke a klangano le nyangweni ya tenta ga muklangano.
- 4 Na Mosi i lo maha kwatsi hi kulele-

lela ka Jehova ka yena; ni klangano wu wa lo tsombana le nyangweni ya tenta ga muklangano.

- 5 Na Mosi i te ngalo ka muklangano, Lexi hi xilo Jehova a leleteleko a kuba xi maheka.
- 6 Na Mosi i lo neha Aroni ni banana ba yena, i lo ba hlambisa hi mati.
- 7 Na yena i lo mehela yena a baji, ni ku boha yena hi bandi, i lo ambexa yena a nganju, i lo mehela a efode hehla ka yena, yena i lo boha yena hi bandi gi lukilweko hi kuklarihisi-silweko ga efode, i lo boha ka yena lego.
- 8 Yena i lo engenisa a ngenge hehla ka yena; ni lomo ngengeneni yena i lo engenisa Urima na Tumima.
- 9 Yena i lo mehela a xihuku hehla ka hloko ya yena; ni hehla ka xihuku, seno mahlweni, a xipambati xa nzalama, a xidlo dlo xo basa; kwatsi hi kuleletela ka Jehova ka Mosi.
- 10 Na Mosi i lo teka a mafura ya kutota, i lo tota a tabernakele ni zonke lezo zi nga ka nzeni ka gona, i lo zi basisa zona.
- 11 Na yena i lo nwatsekela kona hehla ka alati nkalanu wa-zikati ni zimбири, i lo tota a alati ni zibya za gona zonke, ni xinamelo ni xikatelo xa xona, a ku basisa zona.
- 12 Na yena i lo culula a mafura hehla ka hloko ya Aroni, ni ku mu tota yena, a ku mu basisa yena.
- 13 Na Mosi i lo neha a banana ba Aroni, i lo ba ambexa hi mabaji, i lo ba boha bona hi mabandi, i lo engenisa a xihuku hehla ka bona; ku kotalezi Jehova a leleteleko Mosi.
- 14 Na yena i lo neha a honwana ya munyikelo wa kuonha: na Aroni ni banana ba yena ba lo klataka mandla yabye hehla ka hloko ya honwana ya munyikelo wa kuonha.
- 15 Na yena i lo yi klaba yona; na Mosi i lo teka a nkata, i lo wu patseka hehla ka timhonzo ta alati a renzelekela hi litiho la yena, i lo basisa alati, i lo cululela a nkata hi lala xikatelweni xa alati, i lo xi basisa xona, a ku maha a nzhiho wa gona.
- 16 Na yena i lo teka wonke a mafura lawo ma nga wa hi lomo nzeni, ni pambani wa xibinzi, ni tiswo timbiri, ni mafura ya tona; na Mosi i lo hisa zona hehla ka alati.
- 17 Kanilezi a honwana, ni dzowo ga

- kona, ni nyama ya kona, ni swanyi wa kona, i lo hisa hi nzilo le handle ka wugobelo; kwatsi hilezi Jehova a leleteleko Mosi.
- 18 Na yena i lo tisa a hamba ya munyikelo wa kuhiswa: na Aroni ni banana ba yena ba lo klateka a mandla hehla ka hloko ya hamba.
- 19 Na yena i lo yi klabi yona; na Mosi i lo nwatsekela a nkata hehla ka a alati a renzelekela.
- 20 Na yena i lo tsemelela a hamba a ziklubyana za yona; na Mosi i lo hisa a hloko, ni ziklubyana, ni mafura ya kona.
- 21 Na yena i lo hlaza lomo nzeni ni milenge ya kona hi mati; na Mosi i lo hisa yonke a hamba hehla ka alati: kona ku wa hi munyikelo wa kuhiswa wa masema yo tsombela: kona ku wa hi munyikelo wu mahilweko hi nzilo ka Jehova; kwatsi hilezi Jehova a leleteleko Mosi.
- 22 Na yena i lo tisa yinwani a hamba, a hamba ya kutinyikelelisisa: na Aroni ni banana ba ayena ba lo klateka mandla hehla ka hloko ya hamba.
- 23 Na yena i lo yi klabi yona; na Mosi i lo teka a nkata wa kona, i lo wu patseka hehla ka xipapana xa wukla ga ndlebe ya Aroni, ni hehla ka litiho la yena la hombe la canja ga xinene, ni hehla ka xikamba xa yena xa hombe xa konzo wa yena wa xinene.
- 24 Na yena i lo neha a banana ba Aroni; na Mosi i lo patseka hehla ka xipapana xa wukla ga ndlebe ya/ye ya xinene, ni hehla ka litiho la/ye la hombe la canja ga xinene, ni hehla ka xikamba xa/ye xa hombe xa konzo wa/ye wa xinene: na Mosi i lo nwatsekela a nkata hehla ka alati a renzelekela.
- 25 Na yena i lo teka a mafura, ni mafura ya kila, ni wonke a mafura lawo ma pomeleko lomo nzeni, ni pambani wa xibinzi, ni tlawo timbiri, ni mafura ya tona, ni nzambukulu ga xinene.
- 26 Na hi lomo ka xirunzu xa zibaba zi nga comelwangiko, lezo zi nga wa hi mahlweni ka Jehova, yena i lo teka a xinwe xikeketselo xi nga comelwangiko, ni xikeketselo xa zibaba zi totilweko, ni mbunzo yinwe, ni ku zi beka zona lomo mafureni, ni hehla ka nzambukulu ga xinene:
- 27 Yena i lo cela zonke mandleni ya Aroni, ni hehla ka mandla ya banana ba yena, ni ku nziwitela a munyikelo wa kunziwitela mahlweni ka Jehova.
- 28 Na Mosi i lo teka wona le mandleni yabye, i lo wu hisa le alatini hehla ka munyikelo wa kuhiswa: wona wu wa hi kunyikelelisisa ka masema yo tsombela: ku wa hi munyikelo wu mahilweko hi nzilo ka Jehova.
- 29 Na Mosi i lo teka a pfuba, i lo gi nziwitela a munyikelo wa kunziwitela mahlweni ka Jehova: kona ku wa hi a xiabelo xa Mosi xa hamba ya kunyikelelisisa; kwatsi hilezi Jehova a leleteleko Mosi.
- 30 Na Mosi i lo teka a mafura ya kutota, ni nkata lowo wu nga wa hi le hehla ka alati, i lo wu nwatsekela hehla ka Aroni, ni hehla ka tinguwo ta yena, ni hehla ka banana ba yena, ni hehla ka tinguwo ta banana ba yena zi/we na yena, ni kubasisa Aroni, ni tinguwo ta yena, ni bana ba yena, ni tinguwo ta banana ba yena zi/we na yena.
- 31 Na Mosi i te ngalo ka Aroni ni ka banana ba yena, Bilisani a nyama le nyangweni ya tenta ga muklangano: ni laho muga yona ni zibaba lezo zi lomo xirunzwini za kunyikelelisisa, kwatsi hilezi mina nzi leletelweko, aku, Aroni ni banana ba yena ba taga kona.
- 32 Ni loko ku ta nga sala ka nyama ni ka zibaba wina mu ta ku hisa hi nzilo.
- 33 Wina mu nga ta huma le handle ka nyangwa ya tenta ga muklangano nkalanu wa masiku ni mambiri, kala a masiku ya kunyikelelisisa ka wina ma tatiseka: hakuba yena i ta nyikelisa wina nkalanu ni mambiri masiku.
- 34 Kwatsi hilezi ku mahilweko legi siku, zingaho Jehova i leletele ku maha, a ku maha a nzhiho ha wina.
- 35 Le nyangweni ya tenta ga muklangano wina mu ta tsuma kona a siku ni wusiku a nkalanu wa masiku ni mambiri, mu hlavisa a kuwula ka Jehova, kasi ma fela ku kala kufa; hakuba zingaho mina i lo uzi leletelelwa.
- 36 Na Aroni ni banana ba yena ba lo maha zilo zonke lezo Jehova a nga leletelele ha Mosi.

XIPIMO 9.

- 1 Na ku mahisile lezo hi siku ga nklanu ni manharu, Mosi i lo bitana Aroni ni banana ba yena, ni masingalakati ya ba ka Israeli;
- 2 Yena i te ngalo ka Aroni, Teka a role ga klambi ga munyikelo wa kuonha, ni hamba ya munyikelo wa kuhiswa, zi nga hiko na bawa, ni ku nyikela zonkle mahlweni ka Jehova.
- 3 Ni ka banana ba ka Israeli wena u ta wulawula, uku, Tekani nwina a mhongo ya munyikelo wa kuonha; ni role ni ivana, konkle lembe ginwe a wukale, zi nga hi na bawa, a kuba a munyikelo wa kuhiswa:
- 4 Ni kabi ni hamba za munyikelo wa kurula, a kupahlela mahlweni ka Jehova; ni munyikelo wa tinzoho wu vilinganyisilwe ni mafura: hakuba i nyamukla Jehova wa woneka ka nwina.
- 5 Na bona ba lo neha lezo Mosi a leleteleko mahlweni ka tenta ga muklangano: ni wonkle a klangano wo lo tsinela kusuhi ba lo yima mahlweni ka Jehova.
- 6 Na Mosi i te ngalo, Lexi hi xilo Jehova a leleteleko kasi ku nga mu xi maha: ni wukosi ga Jehova gi ta woneka ka nwina.
- 7 Na Mosi i te ngalo ka Aroni, Tsinela kusuhi ni alati, u nyikela a munyikelo wa kuonha, ni munyikelo wa wena wa kuhiswa, u maha a nzhiho wa wutsumbu ga wena, ni wa banhu; u maha a nzhiho wa bona, ku kotisa lezi Jehova a leleteleko.
- 8 Zingaho Aroni i lo tsinela kusuhi ni alati, i lo klab a role ga munyikelo wa kuonha, lego gi wa hi mahlweni ka yena.
- 9 Ni banana ba Aroni ba tisa a nkata ka yena; yena i lo peta a litiho la yena lomo nkateni, i lo wu patseka hehla ka alati, i lo culula a nkata hi laha kaxikatel o xa alati:
- 10 Kanilezi a mafura, ni tiwo, ni pambani wa xibinzi wa munyikelo wa kuhiswa, yena i lo hisa hehla ka alati; kwatsi hi lezi Jehova a leleteleko Mosi.
- 11 Ni nyama ni dzowo ga kona yena i lo hisa hi le handle ka wugobelo.
- 12 Na yena i lo klab a munyikelo wa kuhiswa; ni banana ba Aroni ba lo nyika a nkata ka yena, na yena i lo zwatsekela a alati a gi renzelekela.
- 13 Na bona ba lo nyikela a munyikelo

wa kuhiswa ka yena, ziklubyana hi ziklubyana, ni hloko: yena i lo zi hisa hehla ka alati.

- 14 Na yena i lo hlaza lomo nzeni ni milenge, i lo hisa zona hehla ka munyikelo wa kuhiswa leyo alatini.
- 15 Na yena i lo tisa a munyikelo wa banhu, i lo teka a mhongo ya munyikelo wa kuonha leyo yi nga wa hi ya banhu, i lo klab a yona, i lo nyikela yona a kuonha, ku kotisa kuranga.
- 16 Na yena i lo tisa a munyikelo wa kuhiswa, i lo nyikela wona ku kotisa a zixaxameto.
- 17 Yena i lo tisa a munyikelo wa tinzoho, i lo tatisa a canja ga yena la wona, i lo wu hisa hehla ka alati, hi lahandle ka munyikelo wa kuhiswa wa manzikweni.
- 18 Yena kambe i lo klab a kabi ni hamba, a mupahlelo wa munyikelo wa kurula, lawo wu nga wa hi wa banhu: ni banana ba Aroni ba lo nyika ka yena a nkata, lowo yena a nga zwatsekelela a renzelekela a alati.
- 19 Ni mafura ya kabi ni ya hamba, ni mafura ya kila, ni loko ku nga wa pomele lomo nzeni, ni tiwo, ni pambani wa xibinzi:
- 20 Bona ba lo cela a mafura hehla ka pfuba, yena i lo hisa a mafura hehla ka alati:
- 21 Ni pfuba ni nzambukulu Aroni i lo nziwitela a munyikelo wa kunziwitela mahlweni ka Jehova; kwatsi hilezi Mosi a nga leletelela.
- 22 Na Aroni i lo klakusa a canja ga yena a xungeta ka banhu, i lo ba katekisa bona: yena i lo relela hi le kunyikeleni a munyikelo wa kuonha, ni munyikelo wa kuhiswa, ni munyikelo wa kurula:
- 23 Na Mosi na Aroni ba lo engena lomo tenteni ga muklangano, ba lo huma lahandle, ba lo katekisa banhu: ni wukosi ga Jehova gi lo woneka ka bonkle banhu.
- 24 Laho ku lota a nzilo hi le mahlweni ka Jehova, wu te mbetisa hehla ka alati a munyikelo wa kuhiswa ni mafura: ni laha banhu bonkle ba nga wa ku wonile kona, ba lo hlalela, ba lowa hi tingohe ta bona.

XIPIMO 10.

- 1 Na Nadabe na Abihu, a bana ba Aroni ba lo teka loyi ni loyi wa bona

- a libani la yena, ba lo wuyetela a nzilo laho, ba lo klateka a libani kona, ba lo nyikela a nzilo wa haba mahlweni ka Jehova, lowo yena a nga kala ku leletela bona.
- 2 Laho ku lotta a nzilo hi le mahlweni ka Jehova, wu lo ba kadamula bona, na bona ba lofa mahlweni ka Jehova.
- 3 Zonake Mosi i te ngalo ka Aroni, Lexi hi lexi Jehova a xi wulawulileko, aku, Mina nzi ta basiswa hi bona laba ba tako kusuhi, na mina, ni mahlweni ka bonkle mina nzi ta dumi-swa. Na Aroni i wa la su miyela.
- 4 Na Mosi i lo bitana Mixaeli na Elzafane a bana ba Uzieli a koko wa Aroni, i te ngalo ka bona, Tsinelani kusuhi, rwalani bamakabye wa nwina le mahlweni ka yindlu ya kubasa mu ba yisa le handle ka wugobelo.
- 5 Zingaho bona ba lo tsinela kusuhi, ba lo rwala bona tinganjwini tabye le handle ka wugobelo, ku kotisa lezo Mosi a nga wa wulawulile.
- 6 Na Mosi i te ngalo ka Aroni, ni ka Eleazare ni ka Itamare, a bana ba yena, Nga misisi ya tihloko ta nwina yi nga tsami haba, ge mu nga hanzuli a tingawo ta nwina; kasi ma kala kufa, kasi yena wa kala ku zangara hi wonkle a nklangano; kani-lesi nga bamakabye ba nwina, yonkle a yindlu ya ka Israeli, a ba rilele a kuhisa loku Jehova a ku lumekelako.
- 7 Nwina mu nga ta huma le nyangweni ya tenta ga muklangano, mu nga taku mufa; hakuba a kutotwa hi mafura ka Jehova ku le hehla ka nwina. Na bona ba lo maha ku kotisa a mhaka ya Mosi.
- 8 Na Jehova i lo wulawula ka Aroni, aku.
- 9 Unganwi a waini ge ni byala, wena, ni bana ba wena zinwe na wena, laba na nwina na muya le tenteni ga muklangano kasi mu ngafi: kona ku ta ba xilayelo kala kupinzuka ka zizukulwana za nwina zonkle:
- 10 Kasi nwina ma fela ku maha kuhambana xikari ka kubasa ni ku nga basi, ni xikari ka ku nga hlazeki ni kuhlazeka;
- 11 Ni kasi nwina ma gonzisa a banana ba ka Israeli zonkle zilayelo lezo Jehova a wulawulileko ka bona ba Mosi.
- 12 Na Mosi i lo wulawula ka Aroni, ni ka Eleazare ni ka Itamare, a bana ba yena labo ba nga wa sele, Tekani a munyikelo wa tinzoho lowo wu seleko hi ka minyikelo ya Jehova yi mahilweko hi nzilo, mu yiga na yi ngahi na comelo hi le klelweni ga alati; hakuba kona kubasile nguvu;
- 13 Nwina mu ta kuga kona le wutsanweni ga kubasa, hakuba kona xiabelo xa wena, ni xiabelo xa banana ba wena, xa minyikelo ya Jehova yi mahilweko hi nzilo: a kube ngaho mina nzi leletele.
- 14 A pfuba gi nziwitelweko ni nza-mbukulu gi nzulisilweko nwina mu taga wutsanweni go basa, wena, ni banana ba wena, ni banhanyana ba wena zinwe na wena: hakuba kona ku nyikilwe ku kota xiabelo ya wena, ni xiabelo xa bana ba wena, hi le ka mupahlelo wa minyikelo wa kurula wa banana ba ka Israeli.
- 15 A nzambukulu pfuba gi nziwitelweko ni gi nzulisilweko bona ba ta neha ni minyikelo yi mahilweko hi nzilo ya mafura, a ku nziwita kona a kuba kunziwitela mahlweni ka Jehova: kona ku ta ba ka wena, ni bana ba wena zinwe na wena, kwatsi xiabelo kala kupinzuka; ku kotisa lezi Jehova a leleteleko.
- 16 Na Mosi i la su tsononono a laba a mhongo ya munyikelo wa kuonha, ni, languta, wona wu wa hisilwe: yena i wa zangarile hi Eleazare na Itamare, a banana ba Aroni, labo ba nga wa sele, aku.
- 17 Ngahilezo nwina a mu gangi a munyikelo wa kuonha lomo wutsanweni ga yindlu yo basa, na mu wona lezaku kona kubasile hi kuhunzisi-leko, yena i nyikile kona nwina a ku rwala a kugoba ka nklangano, a ku maha wa bona mahlweni ka Jehova?
- 18 Languta, a nkata wa kona ku nga nehwangi lomo ka yindlu yo basa kona nzeni: nwina ha kunene nga ku wa gile lomo ndlwini yo basa, kota mina nzi nga leletela.
- 19 Na Aroni i lo wulawula ka Mosi, Languta, legi siku bona ba nyikela a munyikelo wabye wa kuonha ni munyikelo wabye wa kuhiswa mahlweni ka Jehova; laho nga ku humelele a ka mina a zilo zakungahi: ni loku mina nzi wa gile a munyikelo wa kuonha nyamukla, zi wa ta

nga zi xalalisile kwatsi kuwoneni ka Jehova ke?

20 Ni laha Mosi a nga zwile lezo, zi lo mu xalalisa kwatsi yena.

XIPIMO 11.

- 1 Na Jehova i lo wulawula ka Mosi ni ka Aroni, aku, ka bona,
- 2 Wulawulani ka banana ba ka Israel, mu ku, Lezi hi zilo zi hanyako lezo *nwina* mu nga zigako xikari ka zihari lezi zi nga laha misabeni.
- 3 Kani hixihi xi nga ni konzo ga patswa, xi nga ni mikonzo yi manyeneko, ni ku cakunya, xikari ka zihari, lexo *nwina* mu nga xiga.
- 4 Ahemba lezi *nwina* mu nga taga ka zona lezo zi cakunyako, kutani ka zona lezo zi nga ni konzo ga patswa: a kamelo hakuba ga kombisa a xikato kanilezi a gi pambuxekangi a xirenze, gona a gi hlazekangi ka *nwina*.
- 5 Ni manjhengwe, hakuba wa kombisa a konzo kanilezi a nga pambukanangi a xirenze, a yena a nga hlazekangi ka *nwina*.
- 6 Ni pfundla, hakuba wa kombisa a xikato kanilezi a wu pambukanangi a xirenze, wona a wu hlazekangi ka *nwina*.
- 7 Ni kumba, hakuba gi pambukene a xirenze, ni ku manyana akonzo, kanilezi a gi cakunyako, gona a gi hlazekangi ka *nwina*.
- 8 Ni nyama ya zona *nwina* mu nga ta yiga, ni zirumbi za zona *nwina* mu nga ta kumba; zona a zi hlazekangi ka *nwina*.
- 9 Lezi hi lezi *nwina* mu nga gako za zonkle lezo zi nga lomo mamatini: kani hiyini xi nga ni zipapilo ni mangwaru lomo nzeni ka mamati, lomo mabimbini, ni lomo micongweni, lo-ko *nwina* mu ngaga.
- 10 Ni lezo zi nga hiko na zipapilo ni mangwaru lomo mabimbini, ni lomo micongweni ni zonkle lezo zi makanyako lomo mamatini, ni ka zonkle zibangwa zi hanyako lomo mamatini, zona zi manyala ka *nwina*.
- 11 Na zona zi ta ba zinyenyeko ka *nwina*; *nwina* mu nga taga a nyama ya zona; ni zirumbi za zona zi nyenyeko ka *nwina*.
- 12 Kani hiyini xi nga hiko na zipapilo ni mangwaru lomo mamatini, lezo zinyenyeko ka *nwina*.
- 13 Ni laha hi manyala ka xikari zi-

[Sheetswa] 9

nyanyani; zona zi nga ta giwa, zona hi manyala: a gama, a likotani, ni ximbungu,

14 Ni kiti, ni likotani hi tixaka ta lona tonkle,

15 Zonklelele zikunguwa hi tixaka ta zona tonkle,

16 Ni mbhuwu, ni xihuhuluhuhu, ni nyawungonzwani, ni mangavi hi tixaka ta yena tonkle,

17 Ni xuhuhuluhuhu le xitsongwani, ni gotso, ni xihuhuluhuhu lexi xa hombe,

18 Ni kuhunhu, ni mbewulwani, ni ranzala,

19 Ni bamariyani, ni maxomuxomu a tixaka ta yena tonkle, ni dema, ni mangabilani.

20 Zonkle zilo zi kasako hi mune wa tiklawo zona manyala ka *nwina*.

21 Ili kuketa kasi loku lezi *nwina* mu ngaga zonkle lezi zi kasako hi mune wa milenge, lezo zi nanga ni ti klawo hehla ka mikonzo ya zona, leto zi klulako ha tona hehla ka misaba;

22 Hambu zona lezi mu ngaga: a humbi ku kota tixaka ta yona, ni timhera hi tixaka ta tona, ni banyatote hi tixaka ta bona, ni xigonwani hi tixaka ta xona.

23 Kanilezi zonkle zilo zi kasako za tipapa lezi zi nga ni mune wa tiklawo, zi hi manyalaka *nwina*.

24 Na hi lezi *nwina* mu ta ba ba nga hlazekangiko: kani hiwihi a kumbako a zirumbi za zona i ta ba a nga hlazekangiko kala gambyeni;

25 Kani hiwihi a rwalako a xa zona za zirumbi za zona i ta hlaza a tinguwo ta yena, a be a nga hlazekangiko kala laha gambyeni.

26 Zonklelele a zihari lezi zi nga ni ti klawo ta patswa, zi nga manyanangiko a xirenze, zi cakunyako, a zihlazekangi ka *nwina*: bonklelele labo ba kumbako zona ba ta ba ba nga hlazekangiko.

27 Ni kani hiyini lexi xi fambako hi tinyala ta xona, xikari ka zihari lezo zi fambako hi mune wa milenge, zona a zi hlazekangi ka *nwina*: kani hiwihi a kumbako a zirumbi za kona i taba a nga hlazekangiko kala gambyeni.

28 Ni loyi a rwalako a zirumbi za kona i ta hlaza a tinguwo ta yena, a be a nga hlazekangiko kala gambyeni: bona a ba hlazekangi ka *nwina*.

29 Lezi hi lezi zi nga hlazekangiko ka

- nwina* xikari ka zilo zi kokakokako lezo zi kokako hehla ka misaba: a uyakolozela, ni bonyani, ni kwahle hi taxaka ta wona,
- 30 Ni tsukunyani, ni ngwenya ya muhanza, xibaratata, ni nyakonje wa saba, ni livani.
- 31 Lezi hi zona zi nga hlazekangiko ka *nwina* xikari ka zonkle lezo makanyako: kani hiwili a zi kumbako zona, laha na zona zi file, yena i ta ba a nga hlazekangi kala gambyeni.
- 32 Kani ka yini a xizwe xa xona, laha na xi file, xi welako, ku ta ba ku nga hlazekangiko; kutani ka xibya xa sinya, kutani i nguwo, kutani i dzo-wo, kutani i sakwa, kani xa ku ba xibya muni, lexo xi a tiro wu nga tirelwako ka xona, xona a xi bekiwe lomo matini, xona xi ta ba xi nga hlazekangi kala gambyeni; zonake xona xi ta ba xi hlazekile.
- 33 Ni zonklelele a zibya za wumba, ka zona a xizwe xa zona xi welako, kani xini xi nga ka zona xi ta ba xi nga hlazekangi, *nwina* mu ta xi pafa.
- 34 Ni konkle kuga ka kona loko ku nga wa ta nga ku gilwe, lezaku lomo kutako hi mati, ku ta ba ku nga hlazekangi; ni konkle kuzwa loko ku ta nga *nwelwa* ka zonklelele zibya za kungahi ku ta ba ku nga hlazekangiko.
- 35 Ni zonklelele zibya lezo kani hi gihi a klelo ga xipauze xa zirumbi za kona gi welako zi ta ba zi nga hlazekangi; kutani kumbarini, kutani ku wuyetelweni ka makingelo, kona a kufayetelwe zikenwana: zona a zi hlazekangi, zi ta ba zi nga hlazekangi ka *nwina*.
- 36 Ahemba a hlowo kutani i rinzi laho kutsombanako kona a mati ku ta ba ku hlazekile: kanilezi lexo xi kumbako a zirumbi za kona zi ta ba zi nga hlazekangi.
- 37 Ni loku a xa zirumbi za zona zi wela ka mbewu leyo yi ta xwanyiwa, yona yi hlazekile.
- 38 Kanilezi loku a mati ma celwa le hehla ka mbewu, ni xa zona xi wela hehla ka yona, yona a yi hlazekangi.
- 39 Ni loku a xihari, xa loko *nwina* mu nga kugako, xifa: loye a kumbako a xirumbi xa kona yena a be a nga hlazekangiko ku kala gambyeni.
- 40 Ni loye a gako a xirumbi xa kona a hlaze a tinguwo ta yena, yena i ta ba a nga hlazekangi kala gambyeni: ni loye kambe a rwalako a xirumbi xa kona i ta hlaza a tinguwo ta yena, a be a nga hlazekangi kala gambyeni.
- 41 Ni zonklelele zilo lezi zi kokakokako hehla ka misaba zona manyala ka *nwina*; kona ku nga ta giwa.
- 42 Kani hi yini xi bulukutsako hi rumbu, ni kani hi yini xi fambako hi tiklawo tonkle ta mune, kutani kani hi yini xi nga ni milenge yo tala, ni zonkle a zilo lezo zi makanyako hehla ka misaba, zona *nwina* mu nga ta ziga; hakuba zona zi hi manyala.
- 43 *Nwina* mu nga mahi wutsumbu ga *nwina* a nyenyeko hi ka xihl a xilo xo makanya lexo xi makanyako, ge ni ku maha wutsumbu ga *nwina* mu hi ba nga hlazekangiko ba zona, kasi ma fela nyenyeziswa ba zona.
- 44 Hakuba mina nzi mina Jehova Nungungulu wa *nwina*: basisani wutsumbu ga *nwina* hikwalaho, *nwina* mu be basile; hakuba mina nzi basile: ge ni ku nyenyezisa wutsumbu ga *nwina* hi ka xihl xa zilo zi makanyako zi kasako hehla ka misaba.
- 45 Hakuba mina nzi mina Jehova loyi a nga ku humesa hi le tikweni ga le Gipite, kasi a kuba Nungungulu wa wena: *nwina* hikwalaho mu ta ba mu basile, hakuba minawu nzi basile.
- 46 Lowu hi nayo wa zihari, ni zinyanyani, ni zilo zonklelele zibangwa zi hanyako lomo matini, ni zonklelele zibangwa zi makanyako le hehla ka misaba;
- 47 A ku maha a kuhambana xikari ka ku nga hlazeki ni kuhlazeka, xikari ka zilo zi hanyako lezi zi ta nga giwa ni lezi zi hanyako zi ta nga kala zi nga giwi.

XIPIMO 12.

- 1 Na Jehova i lo wulawula ka Mosi, aku,
- 2 Wulawula ka banana ba ka Israeli, uku, Loku a wasati a xura nyimba ya mbewu, a trala a nwanana wa wanana, zonake yena i ta ba a nga hlazekangi nklanu ni mambiri wa masiku; ku kota masikwini ya zibi za wungoza ga yena yena i ta ba a nga hlazekangi.
- 3 Ili ka siku ga nklanu ni manharu

- yena i ta ba nkwer a magumo ka yena.
- 4 Na yena i ta nonohisa a ha hi lomo nkateni wa kubasisa ka yena makume manharu ni manharu masiku; yena a nga komi a xilo xi basileko, geni kuta lomo ka yind/lu ya kubasa, ma kala masiku ya kusiwa ka yena ma tatiseka.
 - 5 Kanilezi loku yena a trala a nwanana wa wasati, zonake yena i ta ba a nga hlazekile a tisono timbiri, ku kota wungozeni ga yena; na yena i ta nonohisa a hi lomo nkateni wa kubasiswa ka yena a nklanu wa makume ni ginwe ni nklanu ginwe masiku.
 - 6 Ni laha a masiku ya kubasiswa ka yena ma tatisekile, ya nisanyana, kutani nja nhanyana, yena i ta neha a ivana ya lembe a wukale ya munyikelo wa ku hiswa, ni vinyani ga tuba, kutani i tuba, a kuba a munyikelo wa kuonha, le nyangweni ya tenta ga muklangano, ka mupristi:
 - 7 Na yena i ta ku nyikela mahlweni ka Jehova, ni ku maha a nzhiho wa yena; na yena i ta hlazeka hlobyeni ya nkata wa yena. Lowu i nayo wa yena loye a tralako, kutani matsune kutani i nkati.
 - 8 Ni loku yena a nga hi a enecko ku kuma ivana, zonake yena i ta teka a matuba mambiri, kutani mavinyani mambiri; a ginwe gi hi ga munyikelo wa kuhiswa, ni ginwani ga munyikelo wa kuonha: ni mupristi i ta maha a nziho ha yena, na yena i ta ba a hlazekile.

XIPIMO 13.

- 1 Na Jehova i lo wulawula ka Mosi ni ka Aroni, aku,
- 2 Laha a munhu ku vimba laha mirini wa nyama ya yena, kutani i sakabeti, kutani i ranzabeti go kwezima, kona ku ta mirini wa nyama ya yena, kutani i ntungu wa hlokonho, zonake yena i ta nehwa ka Aroni a mupristi, kutani ka muawe wa bana ba yena a mupristi:
- 3 Ni mupristi i ta cuwuka a ntungu lomo hlongeni ya miri: ni loku a ma woya laya ma nga laha sakabetini ma hunzuka ma basa, ni kuwoneka ka sakabeti kuetile ku hunza a hlonge ya nyama, kona i tsase ga hlokonho; ni mupristi i ta cuwu-

- ka ka yena, a wulawula ka yena a yena a ku a nga hlazekangi.
- 4 Ni loku a sakabeti go kwezima gi basa lomo hlongeni ya miri wa yena, ni kuwoneka ka kona ku nga etangi ku hunza a hlonge, ni woya ga loho gi nga hunzukangi gi basa, zonake a mupristi i ta valela yena loye a nga ni tsase nklanu ni mambiri wa masiku:
 - 5 Ni mupristi i ta cuwuka yena hi siku ga nklanu ni mambiri: ni, languta, loku mahlweni ya yena a tsase gi ta tsama, ni tsase gi nga ta enzeleka lomo mirini, zonake a mupristi i ta mu valela a nklanu ni mambiri masiku kambe:
 - 6 Ni mupristi i ta cuwuka yena kambe hi siku ga nklanu ni mambiri, ni, languta, loku a tsase gi nwalala, ni tsase gi nga enzeleki lomo mirini, zonake a mupristi i ta wulawula ka yena a ku i hlazekile: kona mbuhaka: yena i ta hlaza a tinguwo ta yena, a be a hlazekileko.
 - 7 Kanilezi loku a sakabeti gi anzeleka lomo mirini, a nzako ka kuba yena a kombisile a wutsumbu ga yena ka mupristi a kuba kuhlazeka ka yena, yena i ta ti komba a wutsumbu ga yena ka mupristi kambe:
 - 8 Ni mupristi i ta cuwuka: ni, languta, loku a sakabeti gi enzeleka lomo mirini, zonake a mupristi i ta wulawula ka yena lezaku a nga hlazekangi: kona i hlokonho.
 - 9 Ni laha a tsase ga hlokonho gi le ka munhu, zonake yena i ta nehwa ka mupristi;
 - 10 Ni mupristi i ta cuwuka: ni, languta, loku laho ku hi ni sakabeti go basa lomo hlongeni, kona ku hunzula a mawoya ma basa, na laho na ku hi kona a ku khamalala a misiha ya nyama laha sakabetini,
 - 11 Kona i hlokonho ga kale gi nga lomo hlongeni ya nyama ya yena, ni mupristi i ta wulawula ka yena lezaku a nga hlazekangi: yena a nga ta mu valela; hilezi a nga hlazekangi.
 - 12 Ni loku a hlokonho gi enzeleka lomo hlongeni, ni hlokonho gi fenengeta a hlonge ya yena loye a nga ni matsase ku sukela le hlokwani ya yena kala ku eikela mikonzweni, kwatsi hi ku kotalezi ku wonkako ka mupristi;
 - 13 Zonake a mupristi i ta cuwuka; ni, languta, ni a hlokonho gi fenengeti-

- le yonkile a nyama yakwe, yena i ta wulawula ka yena i hlazekile loye a nga ni matsase: kona konkile ku hunzukele kubasa: yena i hlazekile.
- 14 Kanilezi ni laha loku a nyama yi bu-vileko yi wonoka ka yena, yena i ta ba a nga hlazekangi.
- 15 Yena mupristi i ta cuwuka lomo ranzabetini ga nyama, ni kuwulawula ka yena lezaku a nga hlazekangi: a tsase a gi hlazekangi: gona i hlokonho.
- 16 Kutani ni loku a tsase gi hinzuka kambe, gi cemula gi basa, zonake yena i tata ka mupristi;
- 17 Ni mupristi i ta cuwuka ka yena; ni, languta, ni loku a tsase gi hunzuka gi basa, zonake ni mupristi i ta wulawula i hlazekile loye a nga wa hi ni tsase: yena i hlazekile.
- 18 Ni laha loku a nyama lomo hlongeni ka yona ku wa hi ni xindlayi, xona xi holile,
- 19 Loku a wutsanweni ga xindlayi ku huma a sakabeti go basa, kutani i ranzabeti go kwezima, kutrukile kubasa, zonake kona ku ta kombiswa ka mupristi;
- 20 Ni mupristi i ta cuwuka; ni, languta, loku a kuwoneka ka kona ku zimamile kuhunza a hlonge, ni woya ga kona gi hunzuka kubasa, zonake a mupristi i ta wulawula ka yena a nga hlazekangi: kona i tsase ga hlokonho, kona ku trararile hi xindlayi.
- 21 Kanilezi loku a mupristi a cuwuka ka gona, ni, languta, laho a ku kona a woya go basa ka gona, kona a ku zimamangi kuhunza a hlonge, kanilezi ka wala; zonake a mupristi i ta valela yena nlanu ni mambiri a masiku:
- 22 Ni loku ku enzeleka lomo hlongeni, zonake a mupristi i ta wulawula ka yena lezaku a nga hlazekangi: kona i tsase.
- 23 Kanilezi loku a sakabeti go basa gi simamisa gi tsama wutsanweni ga gona, gi nga enzeleki, kona i bawa ga xindlayi; ni mupristi i ta wulawula ka yena a ku i hlazekile.
- 24 Kutani ni loku a nyama lomo hlongeni ka yona ku hi ni trarati ga nzilo, ni nyama yi vimbileko hi kuhiswa hi nzilo yi maha a sakabeti go kwezima, gi trukisilwe gi basa, kutani gi basile;
- 25 Zonake a mupristi i ta cuwuka ka gona; ni, languta, loku a woya lomo sakabetini go kwezima gi hunzuka gi basa, ni kuwoneka ka kona kuele kuhunza a hlonge; kona i hlokonho, gona gi trararele hi le traradini ga nzilo: ni mupristi i ta wulawula ka yena lezi a nga hlazekangi: kona i tsase ga hlokonho.
- 26 Kanilezi loku a mupristi a cuwuka ka gona, ni, languta, laho na ku nga hi na woya go basa lomo sakabetini go kwezima, kona ku nga zimamangi ku hunza a hlonge, kanilezi ku nyamalala; zonake a mupristi i ta valela yena a nlanu wa masiku ni mambiri:
- 27 Ni mupristi i ta cuwuka ka yena hi siku ga nlanu ni mambiri: loku kona ku enzeleka lomo hlongeni, zonake a mupristi i ta wulawula ka yena a nga hlazekangi: kona i tsase ga hlokonho.
- 28 Ni loku a sakabeti go kwezima gi tsama wutsanweni ga gona, gi nga enzeleki lomo hlongeni, kanilezi ku nyamalala; kona i trarati ga kuswa, ni mupristi i ta wulawula ka yena lezaku i hlazekile: hakuba kona i bawa ga kuswa.
- 29 Ni loku a wanuna kutani ngwasati a hi ni tsase behla ka bloko kutani ka xilevu,
- 30 Zonake a mupristi i ta cuwuka laho tsaseni; ni, languta, loku a kuwoneka ka gona ku etile kuhunza a hlonge, na laho ku hi kona a woya go balala ni woya go hlonganana, zonake a mupristi i ta wula ka yena a nga hlazekangi: kona i tsase, kona hlokonho ga lomo blokweni kutani lomo xilevini.
- 31 Ni loku a mupristi a cuwuka lomo ka tsase ga hlokonho, ni, languta, a kuwoneka ka kona ku nga etangi ku hunza a hlonge, laho ku nga hi kona a sisi wa tima ka kona, zonake a mupristi i ta valela yena loye a nga ni tsase ga hlokonho nlanu ni mambiri a masiku:
- 32 Hi nlanu ni mambiri a masiku a mupristi i ta cuwuka laho ka tsase; ni, languta, loku a tsase gi nga enzeleki, laho ku nga hi kona a woya go balala, ni kuwoneka ka tsase ku nga etangi ku hunza a hlonge,
- 33 Zonake yena i ta cingwa, kanilezi a tsase gi nga ta cingetelwa; ni mupristi i ta valela yena loye a nga ni tsase a nlanu wa masiku ni mambiri kambe:

- 34 Hi siku ga nklanu ni mambiri a mupristi i ta cuwuka a tsase kambe; ni, languta, loku a tsase gi nga enzeleki lomo hlongeni, ni kuwoneka ka kona ku nga eti ku hunza a hlonge; ni mupristi i ta wulawula ka yena i hlazekile: na yena i ta hlaza a tinguwo ta yena, a be a hlazekileko.
- 35 Kanilezi loku a tsase gi enzeleka lomo hlongeni ya yena a nzako ka kuhlazeka ka yena.
- 36 Zonake a mupristi i ta cuwuka ka yena; ni, languta, ni loku a tsase gi enzeleka lomo mirini, a mupristi a nga ta ha laba a woya go bulala; yena a nga hlazekangi.
- 37 Kanilezi le mahlwani ya yena a tsase gi yimile, ni woya ga tima gi ta kula laho; a tsase ku holile, yena i hlazekile: ni mupristi i ta wulawula ka yena i hlazekile.
- 38 Ni laha a wanuna kutani ngwasati lomo hlongeni ya nyama ya yena ku hi ni sakabeti gi kwezima, gona a sakabeti gi basa;
- 39 Zonake a mupristi i ta cuwuka; ni, languta, loku a tsase go kwezima lomo hlongeni ya nyama yaye kubasisile wubisi, kona mbuhaka, gi klukureleko lomo mirini; yena i hlazekile.
- 40 Ni loku munhu a kulubeka a misisi ya hloko ya yena, yena lihandla, lezo yena i hlazekile.
- 41 Ni loku a misisi ya yena yi kulubeka seno ximombyeni xa yena, yena i na ximombo xa lihandla; lezo yena i hlazekile.
- 42 Kanilezi loku ku nga ku hi kona laho hlokweni ya lihandla, kutani ximombo xa lihandla, a tsase go trukileko kubasa ka tsase; kona i hlokonho yi klukureleko lomo lihandleni la yena, kutani ximombyeni xa lihandla xa yena.
- 43 Zonake a mupristi i ta cuwuka hehla ka yena; ni, languta, loku a kuvimba ka tsase kutrukisilwe ku basa lomo lihandleni la yena, kutani lomo ximombyeni xa yena xa lihandla, kwatsi kuwoneka ka hlokonho lomo hlongeni ya nyama;
- 44 Yena munhu wa hlokonho, yena a nga hlazekangi: ni mupristi i ta wulawula ka yena a nga hlazekangi; a hlokonho ya yena yi lomo hlokweni ya yena.
- 45 A wa hlokonho loye a hlokonho yi nga ka yena, ni tinguwo ta yena

- ti ta hanzulwa, ni misisi ya hloko ya yena yi maha mapepe, yena i ta fihla a nomu wa yena wa le hehla, a ni kuba huwa, A nzi hlazekangi, a nzi hlazekangi.
- 46 Wonkle a masiku lawo a hlokonho gi nga ka yena i ta ba a nga hlazekangi; yena a nga hlazekangi: yena i ta aka yeccelele; ni lahandle kawugobelo ku ta ba kaya ka yena kona.
- 47 A tinguwo kambe leto a hlokonho gi nga ka tona, kutani ku ta ba tinguwo ta mawoya, kutani tinguwo ta wukene;
- 48 Kutani hi tingoti ta miluko yo yima, kutani hi leti ti hingakanyileko; ta wukene, kutani ya ma woya; kutani lomo hlongeni, kutani ni ka xihhi xilo xi mahilweko hi hlonge;
- 49 Loku a tunyu wunyukiswa kutani wutrukiswa le ngubyeni, kutani lomo mirini, kutani lomo kumenyeni, kutani lomo kuhingakanyeni, kutani ni ka yini xa hlonge; kona i tungu wa hlokonho, xi ta kombiswa ka mupristi.
- 50 Ni mupristi i ta cuwuka hehla ka tungu, ni ku valela lexo xi nga ni tungu nklanu ni mambiri a masiku:
- 51 Na i ta cuwuka ka tungu a nklanu ni mambiri wa masiku: ni loku a tungu wu enzeleka laha ngubyeni, kutani ka wumenyo, kutani ka ku hingakanya, kutani le hlongeni, ni ka xilo muni lexo a hlonge yi tiriswako ha xona; a tungu wona kuhlomukela ka hlokonho; kona a ku hlazekangi.
- 52 Yena a ta hise a nguwo, kutani ku menyilwe kutani yi hingakanyisilwe, lomo woyeni kutani wukeneneni, ni ka xihhi xilo xa hlonge, lexo a tungu wu nga ka xona: kona mbuhlomukela ga hlokonho; kona ku hiswa hi nzilo.
- 53 Ni loku a mupristi a cuwuka, ni, languta, a tungu a wu enzeleki lomo ngubyeni, kutani lomo kumenyweni, kutani lomo kuhingakanyeni, ni ka xihhi xilo xa hlonge;
- 54 Zonake a mupristi i ta leletela lezaku a ba hlaze a xilo lexo a hlokonho yi nga wa hi kona, yena i ta xi valela a nklanu ni mambiri masiku kambe:
- 55 Ni mupristi i ta cuwuka, a nzako ka kuba a hlokonho yi hlazelwe, ni, languta, loku a tungu wu nga hanzulangi mubala wa wona, ni tungu wu nga enzeleki, kona a ku hlazeki-

le; wena u ta ku hisa hi nzilo: kona i hlokonho, kutani kuklukukile hi lomo nzeni kutani hi le handle.

56 Ni loku a mupristi a cuwuka, ni, languta, a tungu wa nyamalala anza-ko ka kuhlaza ka kona, yena i ta ku hanzula laha ngubyeni, kutani le hlongeni, kutani le wumenyweni, kutani kuhingakanyisweni:

57 Ni loku kona ku nonoha ka ha woneka laho ngubyeni, kutani kumenyweni, kutani kuhingakanyeni, kutani ni ka xihhi xa hlonge, kunonoha ku kukleklemuka: wena u ta hisa loko ku nga ni hlokonho hi nzilo.

58 Ni nguwo, kutani kumenywa, kutani kuhingakanya, kutani xilo xa ku yini xa hlonge, lexo wena u ta nga xi hlaza, loku a tungu wu suka ka zona, zonake xi ta hlaziwa hi xikati xa wumbiri, xona xi ta ba xi hlazekile.

59 Lowu hi nayo wa tungu wa hlokonho le ngubyeni ya wona kutani nja wukene, kutani kumenywa, kutani kuhingakanya, ni ka xilo xa hlonge, a kuwulwawulwa ku xi hlazekile, kutani kuwulwawulwa ku a xi hlazekangi.

XIPIMO 14.

1 Na Jehova i lo wulawula ka Mosi, aku,

2 Leyi hi nayo wa hlokonho masikwini ya kuhlazeka kakwe: yena i ta nehwa ka mupristi:

3 Ni mupristi i ta famba a huma le wugobelweni; ni mupristi i ta cuwuka; ni, languta, loku a tungu wa hlokonho wu holisilwe lomo ka loye wa hlokonho,

4 Ni mupristi i ta leletela a ku teka yena loye a ta nga basiswa a zinyanyani zimbiri zo banya zi hlazekileko, ni sinya sedare, ni kutrukisilweko, ni hisope:

5 Ni mupristi i ta lelela a ku klaba a xizwe xa zinyanyani lomo xibye ni xa wumba ka wukulungelo ga mati.

6 Ku kotisa a xinyanyani xi hanyako, yena i ta xi teka xona, ni sinya ya sedare, ni kutrukileko, ni hisope, i ta zi peta zona a xinyanyani xi hanyako lomo nkatani wa xinyanyani xi klabyilweko hehla ka wukulungelo ga mati:

7 Yena i ta zwatsekela ka yena loye a ta nga ba a basisilwe hi le hloko-

nhweni nklanu wa zikati ni zimbiri, ni ku wulawula a ku i hlazekile, na yena i ta tsika a xinyanyani lexo xi hanyako xi puruma xiya lomo kwatini.

8 Ni a hlazekileko i ta hlaza a tinguwo ta yena, i ta cinga misisi ya yena yonkle, a hlamba wutsumbu ga yena lomo matini; yena i ta ba a hlazekile: a nzako ka lezo yena i ta wuya lomo wugobelweni, kanilezi yena i ta aka a tenta gakwe sehandle nklanu ni mambiri masiku.

9 Na ku ta maheka hi siku ga nklanu ni mambiri, lezaku yena i ta cinga yonkle a misisi ya hloko ya yena ni xilevu xa yena ni tisiyi ta yena yonkle a misisi ya yena yi ta cingwa: yena i ta hlaza a tinguwo ta yena, yena i ta hlamba a miri wa yena lomo matini, na yena i ta ba a hlazekile.

10 Ni ka siku ga nklanu ni manharu yena i ta teka a tihamba timbiri ti nga hiko na bawa, ni kundlu wa lembe giawe a wukale wu nga hiko na bawa, ni xipanze xa wunharu ka kume xa efa xa mapa ma nanaselweko xa munyikelo wa tinzoho, xihakaselwe ni mafura, ni linhi la mafura.

11 Ni mupristi loye a basisako yena i ta yimisa a munhu loye a basiswako, ni lezo zilo, mahlweni ka Jehova, le nyangweni ya tenta ga muklangano.

12 Ni mupristi i ta teka a hambana yizwe, a yi nyikela a munyikelo wa xionho, ni buwu ga mafura, i ta giniwitela a munyikelo wa nziwitela mahlweni ka Jehova:

13 Yena i ta klaba a hambana wutsanweni lego ba klabelako kona a munyikelo wa kuonha ni mu nyikelo wa kuhiswa, wutsanweni ga yindlu yo basa: hakuba a munyikelo wa kuonha ngwa mupristi, zingaho ni munyikelo wa zihambuko: kona ku basile hi kuhunzeleleko.

14 Ni mupristi i ta teka a nkata wa munyikelo wa zihambuko, ni mupristi i ta patseka hehla ka wukla ga xipapana xa ndlebe ya yena loye a basiswako ni hehla ka litiho la hombe la yena la canja ga yena ga xinene, ni hehla ka xikamba xa konzo wa yena wa xinene.

15 Ni mupristi i ta teka a buwu ga mafura, i ta ma cela wona lomo ka npa-

- ma ga yena *nwinyi* ga canja ga yena ga xibaba :
- 16 Ni mupristi i ta peta a litiho la yena la xinene lomo mafureni laya ma nga canjeni ga yena ga xibaba, i ta *nwatsekela* a mafura hi litiho la yena *nklanu* ni zimbiri a zikati mahlweni ka Jehova.
- 17 Ni mafura wonkle laya ma nga lomo canjeni gakwe i ta macela wukleni ga xipapana xa *ndlebe* ya xinene ya yena loye a basiswako, ni hehla ka litiho la hombe la yena la canja ga yena ga xine, ni hehla ka xikamba xa hombe xa konzo wa yena wa xinene, ni hehla ka nkata wa muniyikelo wa zihambuko :
- 18 Ni wonkle a nkata lowo wu nga lomo canjeni ga mupristi yena i ta wu cela lomo hlokwani ya yena loye a basiswako : ni mupristi i ta maha nzhiho wa yena mahlweni ka Jehova.
- 19 Ni mupristi i ta nyikela a muniyikelo wa kuonha, a maha a nzhiho ha yena loye a basiswako hakuba hi ku nga hlazekangi ka yena : anzako kalezo yena i ta *klaba* muniyikelo wa kuhiswa ;
- 20 Ni mupristi i ta nyikela a muniyikelo wa kuhiswa ni muniyikelo wa tinzoho hehla ka alati : ni mupristi i ta maha a nzhiho ha yena, yena i ta ba a hlazekile.
- 21 Ni loku yena a hi xisiwana, a nga zi koti ku kuma zakungahi, yena i ta teka a hamba *ziwe* a ku ba muniyikelo wa zihambuko a ku ba wunziwitelwa, a ku maha a nzhiho wa yena, ni xipanze xa ka kume ga efa mapa ma nanaselweko na vilinganyiselweko ni mafura a kuba muniyikelo wa tinzoho, ni buwu ga mafura ;
- 22 Ni matuba mambiri, ni mavinyani mambiri ; kota lawo a zi kotako ku ma kuma ; *giwe* gi ta ba a muniyikelo wa kuonha, ni *giwani* a muniyikelo wa kuhiswa.
- 23 Hi siku ga *nklanu* ni manharu yena i ta ma neha wona hakuba hi siku ga yena ga kuhlazeka ka mupristi, le nyangweni ya tenta ga muklangano, mahlweni ka Jehova :
- 24 Ni mupristi i ta teka a hambana ya muniyikelo wa zihambuko, ni buwu ga mafura, ni mupristi i ta nziwitela zona a muniyikelo wa ku nziwitela mahlweni ka Jehova.
- 25 Na yena i ta *klaba* a hambana ya muniyikelo wa zihambuko : ni mupristi i ta teka a nkata wa muniyikelo wa zihambuko, a patseka wona hehla ka wukla ga xipapana xa *ndlebe* ya yena ya xinene ya yena loye a ta nga basiswa, ni hehla ka litiho la yena la hombe la canja ga yena ga xinene, ni ka xi kamba xa hombe xa yena xa konzo wa yena wa xinene.
- 26 Ni mupristi i ta cela a mafura ka xipama wa canja ga yena *nwinyi* ga xibaba ;
- 27 Ni mupristi i ta *nwatsekela* hi litiho la yena la xinene a *manwani* ya mafura laya ma nga lomo canjeni ga yena ga xibaba *nklanu* ni zimbiri zikati mahlweni ka Jehova :
- 28 Ni mupristi i ta patseka a mafura laya ma nga lomo canjeni ga yena hehla ka wukla ga xipapana xa *ndlebe* ya yena ya xinene ya yena loye a ta nga hlazeka, ni hehla ka litiho la hombe la canja ga yena ga xinene, ni hehla ka xikamba yena xa konzo wa yena wa xinene, ni hehla ka wutsamo ga nkata wa muniyikelo wa zihambuko :
- 29 Ni wonkle a mafura laya ma nga lomo canjeni ga mupristi yena i ta ma cela hehla ka hloko ya yena loye a ta nga hlazeka, a ku maha a nzhiho ha yena mahlweni ka Jehova.
- 30 Na yena i ta nyikela a *giwe* ga matuba, kutani ya vinyani, go kota lego yena a kotako ku gi kuma,
- 31 Gona go ku kota lego a gi kumako, a *giwe* ga muniyikelo wa kuonha, ni *giwani* ga muniyikelo wa kuhiswa, *ziwe* ni muniyikelo wa tinzoho : ni mupristi i ta maha a nzhiho ha yena loye a nga basiswa mahlweni ka Jehova.
- 32 Lowu hi nayo wa yena loye a nga ni tungu wa hlokonho, loye a nga zi kotiko a ku kuma lezo zi a *eceneko* hi kuhlazeka ka yena.
- 33 Na Jehova i lo wulawula ka Mosi ni ka Aroni, aku,
- 34 Laha na *nwina* na mu tile le tikweni ga le Kenani, logo nzi gi nyikileko ka *nwina* a kuba ga *nwina*, mina nzi beka a tungu wa hlokonho lomo *ndlwini* ya tiko ga *nwina* ;
- 35 Zonake a *nwinyi* wa *yindlu* i tata a byela a mupristi, aku, Ko kwatsi ka mina ku kona a matsase lomo *ndlwini*.

- 36 Ni mupristi i ta leletela lezaku a ku humeswe zibya lomo ndlwini, hi mahlweni ka kuba a mupristi na-a nga se kuya wona a tsase, kasi zonkile lezo zi nga lomo ndlwini zi nga be zi nga hlazekangiko: a nzako ka lezo a mupristi i taya engena a cuwuka a yindlu:
- 37 Yena i ta cuwuka laho ku na nga ni tsase; ni, languta, loku a tsase gi lomo kurisini ga yindlu gi hi balabati ga mikwenge, gi balalisilwe gi trukisilwe, ni kuwoneka ka gona zimamile ku hunza kurisi;
- 38 Zonake a mupristi i ta huma lahanle ka yindlu a aya laha nyangweni ka yindlu, ni ku vala a yindlu nkalanu wa masiku ni mambiri.
- 39 Ni mupristi i tata kambe hi siku ga nkalanu ni mambiri, i ta cuwuka; ni, languta, loku a tsase gi enzeleka lomo kurisini ga yindlu;
- 40 Zonake a mupristi i ta leletela lezaku a ba suse a maribye lego a tsase gi nga ka gona, ba ma hoxa wutsanweni gi nga hlazekangiko le handle ka muti:
- 41 Yena i ta maha a yindlu yi halwe lomo nzeni yi renzelekelwa, ni ku hoxa kule a misaba, loku bona ba nga kuhala, le handle ka muti wutsanweni gi nga hlazekangiko:
- 42 Bona ba ta teka a manwani maribye, ni ku ma beka wutsanweni ga lawo maribye; yena i ta teka yinwani misaba, i ta tsula a yindlu.
- 43 Ni loku a tsase gita kambe, gi tratrarela lomo ndlwini, anzako kakuba na susile a maribye, ni nzako ka kuba ba halile a yindlu, ni nzako ka kuba yi yona yi tsulilwe;
- 44 Zonake a mupristi i ta engena a cuwuka: ni, languta, loku a tsase gi enzeleka lomo ndlwini, gona i hlokonho gi namulelako lomo ndlwini: yona a yi hlazekangi.
- 45 Na yena i ta kungumula a yindlu, ni maribye ya yona, ni minaneko ya kona, ni yonkile a misaba ya yindlu; yena i ta zi rwala a huma nazo le handle ka muti le wutsanweni gi nga hlazekangiko.
- 46 Klata-kumbiri loye a engenako lomo ndlwini laha na ya ba valilwe yena i ta a nga hlazekangi kala gambyeni.
- 47 Ni loye a eklelako lomo i ta hlaza a tinguwo ta yena; ni loye a gelako lomo ndlwini i ta hlaza a tinguwo ta yena.
- 48 Ni mupristi i ta engena, ni ku cuwuka, ni, languta, loku a tsase gi nga se ku enzeleka lomo ndlwini, anzako ka kuba a yindlu yi tsulilwe; zonake a mupristi i ta wulawula lezaku a yindlu yi hlazekile, hakuba a tsase gi cumilwe.
- 49 Yena i ta teka a kubasisa a yindlu a tinyanyani timbiri, ni sinye ya sedare, ni kutrukisilweko, ni hisope:
- 50 Yena i ta daya a yinwe ya tinyanyani lomo xibweni xa wumba hehla ka wukulungelo ga mati:
- 51 Na yena i ta teka a sinye ya sedare, ni hisope, ni kutrukika, ni xinyanyani xi hanyako, ni ku peta zona lomo nkateni wa xinyanyani xi delweko, ni wukulungelweni ga mati, a nwa-tsekela a yindlu nkalanu ni zimбири a zikati:
- 52 Yena i ta basisa a yindlu hi nkata wa xinyanyani, ni mati ma kulungako, na hi xinyanyani xi hanyako, ni sinye ya sedare, zinweni hisope, zinwe ni kutrukiswa:
- 53 Kanilezi i ta tsika a xinyanyani xi hanyako xi famba le handle ka muti lomo kwatini: zingaho yena i ta maha a nzhiho wa yindlu; yona yi ta ba yi hlazekile.
- 54 Lowu hi nayo wa tonkile tixaka ta tungu wa hlokonho, ni tsase,
- 55 Ni ya hlokonho ya nguwo, ni ya yindlu,
- 56 Ni kuvimba, ni bawa, ni sakabeti gi kwezimako;
- 57 A ku gonzisa kutani a ku hlazekangi, ni ku kutani kuhlazekile: Lowu ni nayo wa hlokonho.

XIPIMO 15.

- 1 Na Jehova i lo wulawula ka Mosi na Aroni, aku,
- 2 Wulawulani ka banana ba ka Israeli, muku ka bona, Laha loku a wanuna a hi ni kuhuma lomo nyameni ya yena, hakuba hi kuhuma ka yena yena a nga hlazekangi.
- 3 Ni loku ku taba kungahlazeki ka yena kuhumeni kakwe, kutani a nyama ya yena yi ta xilila hi kuhuma ka yena, kutani a nyama ya yena yi ta miyela hi kuhuma ka yena, kona kungahlazeki ka yena.
- 4 Yonkilelele mibedi leyo loye a nga ni kuhuma a eklelako ka yona yona a yi hlazekangi; ni zonkilelele zilo lezo yena a tsamako ka zona a zi hlazekangi.

- 5 Kani hi wili a kumbako a mubedi wa yena i ta hlaza a tinguwo ta yena, ni ku hlamba a wutsumbu ga yena hi mati, a be a nga hlazekangiko kala gambyeni.
- 6 Ni loyi a tsamako ni ka xibi lexo loye a nga ni kuhuma a tsamileko i ta hlaza a tinguwo ta yena, a hlamba wutsumbu ga yena lomo matini, a be a nga hlazekangiko kala gambyeni.
- 7 Ni loye a kumbako a nyama ya yena loye a nga ni kuhuma i ta hlaza a tinguwo ta yena a ta hlamba a wutsumbu ga yena lomo matini, a be a nga hlazekangi kala gambyeni.
- 8 Ni loku loye a nga ni kuhuma a pelela ka yena loye a hlazekileko, zonake yena i ta hlaza a tinguwo ta yena, a hlamba a wutsumbu ga yena lomo matini, a be a nga hlazekangiko kala gambyeni.
- 9 Ni kani xibi xigabatsa yena loye a ni kuhuma a kilalakako a xi ta nga hlazekangi.
- 10 Kani hiwili a komako a xibi xilo xi nga lahasi ka yena a nga hlazekangi i ta ba a nga hlazekangi kala gambyeni: ni loye a rwalako lezo zilo i ta hlaza a tinguwo ta yena, a ta hlamba wutsumbu ga yena lomo matini, ni ku ba e be a nga hlazekangi kala gambyeni.
- 11 Kani hiwili loye yena loye a nga ni kuhuma a mukomako, na a nga hlambangi mandla ya yena lomo matini, yena i ta hlaza a tinguwo ta yena, a hlamba a wutsumbu ga yena lomo matini, a be a nga hlazekangi kala gambyeni.
- 12 Ni xibya xa wumba, lexo loye a nga ni kuhuma a ta nga xi kumba, xi ta fayetelwa; zonkilelele zibya za tisi-nya zi ta hlaziwa hi mati.
- 13 Ni laha loye a nga ni kuhuma a basiswa kuhumeni ka yena, zoneke yena i ta ti hlalaya a wutsumbu ga yena a nkalanu ni mambiri a masiku ya kuhlazeka ka yena, ni ku hlaza a tinguwo ta yena; i ta hlamba a nyama ya yena le wukulungenweni ga mati, i ta ba a hlazekileko.
- 14 Na hi siku ga nkalanu ni manharu i ta ti tekela yena a matuba mambiri, kutani mavinyani mambiri, a ta mahlweni ka Jehova le nyangweni ya tenta ga muklangano, a ta zi nyika ka mupristi:
- 15 Ni mupristi i ta zi nyikela zona, a giawe ga munyikelo wa kuonha, a giuwani ga munyikelo wa kuhiswa; ni mupristi i ta maha nzihlo wa yena mahlweni ka Jehova hi kuhuma ka yena.
- 16 Ni loku kani hiwili wanuna a mbewu ya libeleko la yena yi huma ka yena, zonake yena i ta hlamba a miri wa yena wonkile lomo matini, a be a nga hlazekangi kala gambyeni.
- 17 Ni tonkilelele tinguwo, ni yonkilelele hlonge, leyo yi na nga ni mbewu ya libeleko, a yi hlaziwe hi mati, a be yi nga hlazekangi kala gambyeni.
- 18 Ni wasati kambe loye a wanuna a ta nga eklela naye hi mbewu ya libeleko bona bonkile ba ta hlamba wutsumbu gabye lomo matini, ba be ba nga hlazekangi kala gambyeni.
- 19 Ni loku a wasati a hi ni kuhuma, ni kuhuma ka yena ku hi nyameni ya yena ku hi nkata, yena a be zibini za yena a nkalanu ni mambiri a masiku: kani hiwili a kumbako yena i ta ba a nga hlazekangi kala gambyeni.
- 20 Ni zonkilelele zilo lezo a eklelako na hi zibini za yena zi ta ba zi nga hlazekangi: zonkilelele kambe a zilo lezo a tsamako ka zona a ta zi hlazekangi.
- 21 Kani hiwili a kumbako a mubedi wa yena i ta hlaza a tinguwo ta yena, a hlamba a wutsumbu ga yena lomo matini, a be a nga hlazekangi kala gambyeni.
- 22 Kani hiwili a ta nga kumba ni yini lexo a tsamelako i ta hlaza a tinguwo ta yena, a hlamba wutsumbu ga yena hi mati, a be a nga hlazekangi kala gambyeni.
- 23 Ni loku ku nga ku hi le mubedini, kutani ni ka xibi lexo yena a tsamileko, loku yena a xi kumba xona, i ta ba a nga hlazekangi kala gambyeni.
- 24 Loku kani hiwili wanuna a eklela na yena, ni kungahlazeki ka yena ku ni hehla ka yena, yena i ta ba a nga hlazekangi nkalanu wa masiku ni mambiri: yonkilelele mibedi leyi yena a eklelako a yi hlazekangi.
- 25 Ni loku a wasati a hi ni kuhuma ka nkata wa yena ku nga hi masukwini ya yena ya zibi, kutani ni loku yena a hi ni kuhuma a nkata kuhunza masiku ya yena ya ku teka zikhata; ni wonkile masiku yakwe ya kungahlazeki yena i ta tsama kotisa

masikwini ya ku teka ziklata: yena a nga hlazekangi.

- 26 Yonkhelele mibedi leyo yena a eklelako masikwini ya kihuma nkata ka yena yi ta ba ka yena ku kota mibedi ya ku teka ziklata ka yena: zonkhelele zilo lezo a ta nga zi tsamela zi ta ba zi nga hlazekangi, ku kota ku nga hlazeki ka ku teka a ziklata ka yena.
- 27 Kani hiwili a kumbako lezo zilo i ta ba a nga hlazekangi, i ta hlaza a tinguwo ta yena, a hlamba a wutsumbu gakwe lomo matini, a be a nga hlazekangi kala gambyeni.
- 28 Kanilezi loku yena a hlazeka kuhumeni ka nkata ka yena, zonake i ta ti hlalaya a wutsumbu ga yena a nkalanu ni mambiri a masiku, ni nza-ko ka lezo yena i ta a hlazekile.
- 29 Na hi siku ga klanu ni manharu yena i ta teka a matuba mambiri ya yena, kutani mavinyani mambiri, ni ku zi neha ka mupristi, le nyangweni ya tenta ga muklangano.
- 30 Ni mupristi i ta nyikela ginwe a munyikelo wa kuonha, ni ginwani a munyikelo wa kuhiswa; i ta maha a nzhiho wa yena mahlweni ka Jehova hi kuhuma nkata wa kungahlazeki ka yena.
- 31 Zakungahi awina mu ta hambanyisa a banana ba ka Israeli ku nga hlazekeni ka'bye, kasi ba fela ku kala ba ngafi le kungahlazekeni ka'bye, laha bona ba nyenyecisa a taberna-kele ga mina lego gi nga xikari ka bona.
- 32 Lowu i nayo wa yena loye a nga ni kuhuma nkata, ni ka yena loye a mbewu ya libeleko yi fambako ka yena, zingaho yena a nga hlazekangi hi lezo;
- 33 Ni ka yena loye a babyako hi ku teka a ziklata, ni ka yena loye a humesako a nkata, a wanuna, ni wasati, ni ka yena loye a eklelako ni loye a nga hlazekangiko.

XIPIMO 16.

- 1 Na Jehova i lo wulawula ka Mosi, anzako ka kufa ka bana bambiri ba Aroni, laho na bona na tsinela kusuli na Jehova, ni kufa;
- 2 Na a te ngalo ka Mosi, Wulawula na Aroni a nakuloni wa wena, lezaku yena a nga hati xon'le xikati lomo wutsanweni go basa lomo nzeni ka veli, mahlweni ka xitsamo xa wuxi-

nji lexi xi nga le hehla ka arke: kasi a fela ku kala a nga ta kufa: hakuba mina nzi woneka hi refu hehla ka xitsamo xa wuxinji.

- 3 A tisisa lezi Aroni le wutsanweni go basa: na hi zinwe ni honwana yiswa ya munyikelo wa kuonha, ni hamba-na ya munyikelo wa kuhiswa.
- 4 Yena i ta ambala a baji go basa ga wukene, na yena i ta ba ni buluku ga wukene nyameni ya yena, i ta ti boha i bandi ga wukene, zinwe ni xihuku xa wukene xo kwalala: tona hi tinguwo to basa; na yena i ta hlaza a miri wa yena lomo matini, ni ku ti gobisa.
- 5 Na yena i ta teka hi le ka klangano wa banana ba ka Israeli a timhongo timbiri ta munyikelo wa kuonha, ni hamba yinwe ya munyikelo wa kuhiswa.
- 6 Na Aroni i ta tisa a honwana ya munyikelo wa kuonha, leyo yi nga ya wutsumbu ga yena, a maha a nzhiho wa wutsumbu ga yena ni ya yindlu ya yena.
- 7 Na yena i ta teka a timhongo timbiri, a ti yimisa mahlweni ka Jehova le nyangweni ya tenta ga muklangano.
- 8 Na Aroni i ta vumbisa ka tona a timhongo leti timbiri; a yinwe yi vumbelwa Jehova, yinwani yi ta vumbelwa Azazeli.
- 9 Na Aroni i ta tisa a mhongo leyo yi vumbelweko Jehova, a nyikela yona a kuba munyikelo wa kuonha.
- 10 Kanilezi a mhongo, leyo yi vumbelweko Azazeli, yi ta tsikwa yi hanya mahlweni ka Jehova, a ku maha a nzhiho wa yena, a yi rumela yi famba ha Azazeli a kuya lomo xiwuleni.
- 11 Na Aroni i ta tisa a honwana ya munyikelo wa kuonha, leyi yi nga ya yena a wutsumbu, na a maha a nzhiho wa wutsumbu ga yena, ni yindlu yakwe, ni ku klabha a honwani ya munyikelo wa kuonha yona ya wutsumbu ga yena.
- 12 Na yena i ta teka a pani gi teleko hi makala ya nzilo ya le alatini mahlweni ka Jehova, ni mandla wa ma tele hi libani li tsombelako li kanzilwe, ni ku zi neha lomo nzeni ka veli:
- 13 Yena i ta cela a libani hehla ka nzilo mahlweni ka Jehova, kasi a refu ga libani ga fenengeta a xitsamo xa wuxinji lexi xi nga laha hehla ka

- wukustumunyu, kasi yena wa kala kufa :
- 14 Yena i ta teka a nkata wa honwana, a wu *nwatsekela* hi litiho la yena hehla ka *xitsamo* xa *wuxinji* hi le mutsuwuka gambo; ni mahlweni ka *xitsamo* xa *wuxinji* yena i ta *nwatsekela* a nkata hi litiho la yena nkalanu wa zikati ni zimbiri.
- 15 Zonake yena i ta khaba a mhongo ya munyikelo wa kuonha, leyo yi nga ya banhu, ni ku neha a nkata wa yona lomo nzeni ka veli, a maha hi nkata wa yona ku kotisa lezi a mahileko hi nkata wa honwana, a wu *nwatsekela* hehla ka *xitsamo* xa *wuxinji*, ni mahlweni ka *xitsamo* xa *wuxinji* :
- 16 Na yena i ta maha a nzhiho wa wutsamo go basa, hakuba hi ku nga hlazeki ka banana ba ka Israeli, ni hakuba hi zihambunyeto za bona, zona zonkle zionho za^ybye : na zingaho yena i ta maha hi tenta ga muklangano, legi gi tsamako zinwe na bona kungahlazekeni ka^yye.
- 17 Laho ku nga ta kuba kona munhu laha na yena a engena lomo tenteni ga muklangano laha na yena aya maha a nzhiho lomo wutsanweni go basa, kala yena a huma, na a mahile a nzhiho wa wutsumbu ga yena, wa ngango wa yena, ni wa wonkle a hlengetano wa ba ka Israeli.
- 18 Na yena i ta huma aya le alatini lego gi nga mahlweni ka Jehova, aya maha a nzhiho wa gona, ni ku ta teka a nkata wa honwana, ni nkata wa mhongo, a patseka le ti mhoⁿzweni ta alati a renzelekela.
- 19 Yena i ta *nwatsekela* hehla ka gona hi litiho la yena nkalanu ni zimbiri a zikati, ni ku gi basisa gona, ni kuwuyetela gona hi kungahlazekeni ka banana ba ka Israeli.
- 20 Na laha na gumelwa a nzhihelo wa wutsamo go basa, ni tenta ga muklangano, ni alati, yena i ta tisa a mhongo yi hanyako :
- 21 Na Aroni i ta klateka wonkle a mandla ya yena hehla ka hloko ya mhongo, a wulela hehla ka yona zonkle a zigoho za banana ba ka Israeli, ni zihambunyeto za^ybye zonkle, zona zionho za^ybye zonkle ; yena i ta bekela zona hehla ka hloko ya mhongo, a yi rumela yi famba hi canja ga munhu loye a longeleko leyo xiwuleni.
- 22 Ni mhongo yi ta rwala hehla ka yo-
- na zonkle zigoho leyo tikweni gi nga akiwangiko : na yena i ta fambisa a mhongo lomo xiwuleni.
- 23 Na Aroni i tata lomo nzeni ka tenta ga muklangano, i ta humesa a tinguwo ta wukene, leto a nga wa ti ambele laho na engena lomo wutsanweni go basa, ni ku i ta ti siya leno :
- 24 Yena i ta hlamba a nyama ya yena lomo matini wutsanweni go basa, a ambala kambe tinguwo ta yena, a huma, a ta nyikela a munyikelo wa yena wa kuhiswa, ni munyikelo wa kuhiswa wa banhu, a maha a nzhiho wa wutsumbu ga yena ni wa banhu.
- 25 Ni mafura ya munyikelo wa kuonha i ta ma hisa hehla ka alati.
- 26 Ni loye a tsikileko a mhongo ya ka Azazeli yi famba i ta hlaza a tinguwo ta yena, a hlamba a nyama ya yena hi mati, anzako ka lezo yena i tata lomo wugobelweni.
- 27 Ni honwana ya munyikelo wa kuonha, ni mhongo ya munyikelo wa munyikelo wa kuonha, leto a nkata wa tona wu nga nehwa a ku ta maha a nzhiho wutsanweni go basa, zi ta rwalwa zi yiswa le handle ka wugobelo; kona ku ta hiswa hi nzilo a madzowo ya kona, ni nyama ya kona, ni swanyi wa kona.
- 28 Ni loye a hisako kona i ta hlaza a tinguwo ta yena, a hlamba a nyama ya yena lomo matini, anzako ka lezo yena i tata lomo wugobelweni.
- 29 Kona ku ta ba a xilayelo ka *nwina* kala kupinzuka : hi hweti ya wuklanu ni timbiri, hi siku ga kume ga hweti, *nwina* mu ta bayisa a mihefemulo ya *nwina*, mu nga ta maha ni wili a tiro, a xiralwa xa le kaya, ni mupfumba loye a lubeleko xikari ka *nwina* :
- 30 Hakuba ka lego siku a nzhiho wu ta mahiwa ka *nwina*, a ku basisa *nwina* ; ka zionho za *nwina* zonkle *nwina* mu ta basiswa mahlweni ka Jehova.
- 31 Kona i sabado ga ximuse xo humula ka *nwina*, *nwina* mu ta bayisa a mihefemulo ya *nwina*; kona xilayelo kala kupinzuka.
- 32 Ni mupristi, loye a ta nga totwa loye a ta nga nyikelelisiswa a ku ba mupristi xikunⁿleni xa raru wa yena, i ta maha a nzhiho, i ta ambala a tinguwo ta wukene, tona tinguwo to basa :

- 33 Yena i ta maha a nzhiho wa yindlu yo basa; i ta maha a nzhiho wa tenta ga muklangano ni wa alati; na yena i ta maha a nzhiho wa mupristi ni wa bonkle a banhu ba hlengeletano.
- 34 Loku ku ta maha a xilayelo xi ta kutsonzoma ka *zwina*, a ku maha a nzhiho ka banana ba ka Israeli hakuba hi kota ya zonkle zionho zabye kaawe hi lembe. Yena i lo maha kota Jehova a leleteleko Mosi.

XIPIMO 17.

- 1 Na Jehova i lo wulawula ka Mosi, aku,
- 2 Wulawula ka Aroni, ni ka banana ba yena, ni ka bonkle a banana ba ka Israeli ni kuka bona: Lexi hi xilo lexo Jehova a leleteleko, aku,
- 3 Kani hiwihhi munhu laho wa banana ba yindlu ya ka Israeli a, klabako a kabi, kutani i hamba, kutani i mhongo, lomu wugobelweni, kutani loye a klabako le handle ka wugobelo,
- 4 Na a nga yi nehanghi le nyangweni ya tenta ga muklangano, ku ta yi nyikela ku kota a munyikelo ka Jehova mahlweni ka tabernakele ga Jehova: a nkata u ta laziwa ka loye munhu; yena i halatile a nkata; ni loye munhu i ta tsenwa xi kari ka banhu ba ka kabye.
- 5 Kasi hi kugumelwa a banana ba ka Israeli kasi ba fela ku neha a mupahlelo wa bona, loko ba pahlelako le handle kwatini, wonawu lowo ba fela ku wu nehawu ka Jehova, le nyangweni ya tenta ga muklangano, ka mupristi, a ku hisa a mafura ya munyikelo wa kutsombela ka Jehova.
- 6 Ni mupristi i ta zwatsekela a nkata lehla ka alati ga Jehova le nyangweni ya tenta ga muklangano, ni i ta hisa a mafura a masema ya kutsombela ka Jehova.
- 7 Bona ba nga ta ha engeta kambe ba pahlela a mupahlelo wabye ka mhongo, ku kota lezo bona ba nga wa mahile a wubayi. Loku ku ta ba a xilayelo ka bona kala kupinzuka ka zizukulwana zabye zonkle.
- 8 Wena u ta wula ka bona, Kani hiwihhi a munhu laho na a nga a hi wa yindlu ya ka Israeli, kutani mupfumba loye a lubeleko xikari ka bona, loye a nyikelo a munyikelo wa kuhiswa kutani mupahlelo,
- 9 A nga wu nehi le nyangweni ya te-

nta ga muklangano, a ku ta pahlela wona ka Jehova; loye munhu i ta tsenwa ka banhu ba ka kabye.

- 10 Ni kani hiwihhi a munhu wa yindlu ya ka Israeli, kutani a mupfumba loye a lubeleko xikari ka bona, a gako ni lihi lixaka la nkata, mina nzi ta yisa ngohe ya mina ka muhefemulo lowo wu gako a nkata, ni ku i ta tsenwa yena xikari ka banhu ba ka kabye.
- 11 Hakuba a wutomi ka nyama ku lomo nkateni; wona nzi wu nyikele ka *zwina* lehla ka alati a ku maha a nzhiho wa muhefemulo ya *zwina*: hakuba wona i nkata lowu wu mahako a nzhiho hi kota ya wutomi ga *zwina*.
- 12 Hikwalaho mina nzi wulile ka banana ba ka Israeli, A wu kona muhefemulo wa *zwina* wu ta ngaga a nkata, ge ni mupfumba loye a lubeleko xikari ka *zwina* a kuga a nkata.
- 13 Ni kani ngwa ku yini a munhu wa banana ba ka Israeli, ni wa mupfumba loye a lubeleko xikari ka *zwina*, loye a tekako lomo kuhloteni ka xihari, kutani xinyanyani lexo xi giwako; yena i ta halata a nkata wa kona, a wu seletela hi tsuri.
- 14 Hakuba ku kota a wutomi ga yonkle a nyama, a nkata wa kona wonkle muawe ni wutomi ga kona: hikwalaho mina nza wulile ka banana ba ka Israeli, *Zwina* mu nga taga a nkata ni wa xilo muni xa nyama; hakuba a wutomi ga yonkle hi nkata wa kona: kani hiwihhi a gako i ta tsenwa.
- 15 Ni wonklelele a muhefemulo lowo wu gako lexo xi ti feleko ha coce, kutani lexo xi pfemulweko hi xibanza, kutani xitralwa xa le kaya, kutani mulubeli, yena i ta hlaza a tinguwo, a hlamba wutsumbu ga yena lomo matini, a be a nga hlazekangiko kala gambyeni: zonake yena i ta ba a hlazekileko.
- 16 Kamilezi loku yena a nga hlazi tona, kutani a hlambi a nyama ya yena, zonake yena i ta rwala kuonla ka yena.

XIPIMO 18.

- 1 Na Jehova i lo wulawula ka Mosi, aku,
- 2 Wulawula ka banana ba ka Israeli, ni ku wula ka bona, Mina nzi mina Jehova Nungungulu wa *zwina*.

- 3 A ku kota a mahale ya tiko ga le Gipite, lego mu nga wa akile ka gona, *nwina* mu nga ta maha: a ku kota a ma mahela ya tiko ga le Kenani, leyo nzi yisako *nwina*, *nwina* mu nga mahi; ge *nwina* mu ta famba hi zilayelo zabya.
- 4 A ziyimiso za mina *nwina* mu ta zi maha, ni kulayela ka mina *nwina* mu ta ku hlayisa, mu famba ha kona: nzi mina Jehova Nungungulu wa *nwina*.
- 5 *Nwina* hikwalaho mu ta hlayisa a zilayelo za mina, ni ziyimiso za mina; lezi loku munhu a zi maha, i ta hanya ka zona: nzi mina Jehova.
- 6 A nga kona wa *nwina* a ta nga tsinela ku suhani ka wa lixaka la yena, a funungula a wumbyiri ga yena: nzi mina Jehova.
- 7 A wumbyiri ga dadani wa wena, na gona wumbyiri ga nyine wa wena, wena u nga gi funungule: yena i nyine wa wena; wena u nga ta funungula a wumbyiri ga yena.
- 8 A wumbyiri ga sati wa raru wa wena u nga gi funungule; gona mbumbyiri ga raru wa wena.
- 9 A wumbyiri ga makweru wa wena, a nhanyana wa raru wa wena, kutani a nhanyana wa nyine wa wena, kutani a trelwe le kaya, kutani yi a trelwe le handle, na gona a wumbyiri gabye wena u nga ta gi funungula.
- 10 A wumbyiri ga nhanyana wa *nwana* wa wena, kutana ga nhanyana wa nhanyana wa wena, na gona a wumbyiri gabye wena u nga ta gi funungula: hakuba a gabye mbumbyiri ga wena *nwinyi*.
- 11 Ni wumbyiri ga nhanyana wa sati wa raru wa wena, a trelweko hi raru wa wena, yena makweru wa wena, wena u nga ta funungula a wumbyiri ga yena.
- 12 Wena u nga ta funungula a wumbyiri ga makweru wa raru wa wena: hakuba yena ngwasati a gameneko zinwe ni raru wa wena.
- 13 Wena u nga ta funungula a wumbyiri ga makweru wa nyine wa wena: hakuba yena hi yena a gameneko ni nyine wa wena.
- 14 Wena u nga ta funungula a wumbyiri ga makabye wa raru wa wena, wena u nga tsineli ka sati wa yena: yena i tiya nyine wa wena.
- 15 Wena u nga ta funungula a wumbyiri

- ga nkatamwane wa wena: hakuba yena i sati wa *nwana* wa wena; wena u nga ta funungula a wumbyiri ga yena.
- 16 Wena u nga ta funungula a wumbyiri ga sati wa makabye wa wena: gona mbumbyiri ga makabye wa wena.
- 17 Wena u nga fununguli a wumbyiri ga wasati ni *nwana* wa yena; wena u nga ta teka a nhanyana wa *nwana* wa yena, kutani a nhanyana wa yena, a ku funungula a wumbyiri ga yena; bona mba basati ba nga kusuhani ni wuxaka: kona kubihla.
- 18 Wena u nga ta teka a wasati a makweru wa wasati wa wena, kasi ku maha a nkati-kulobye wa yena, a ku funungula a wumbyiri ga yena, hi lahandle ka yena na a nga na ha hanya.
- 19 Na wena u nga ta tsinela ka wasati a ku funungula a wumbyiri ga yena, na a nga na ha hi ni ku teka a ziklata hi ku nga hlazeki ka yena.
- 20 Wena u nga ta eklele ni sati wa akekwane wa wena hi kota ya ku tizwa ka nyama, a ku nyenyezisa wutsumbu ga wena ha yena.
- 21 Wena u nga ta nyikela ni yihi a mbewu ya wena a ku ba maha ba rimbiwa hi nzilo wa Moleke; ge wena u nga ta hanahanisa a bito ga Nungungulu wa wena: nzi mina Jehova.
- 22 Wena u nga eklele ni lixaka la *wana*, ku kota loku u eklele ni lixaka la wasati: kona zinyenyeko.
- 23 Wena u nga eklele ni xihhi a xihari a ku nyenyezisa a wutsumbu ga wena ha xona; ge ni wihi a wasati ku yima mahlweni ka xihari, a eklele na xona: kona mbuvulinganya.
- 24 Mu nga nyenyezisi a wutsumbu ga *nwina* hi lezi zilo: hakuba hi ka zonkle lezi a matiko ma onhekele lawo nzi hlongoleko mahlweni ka *nwina*;
- 25 Ni tiko gi onhekele: hikwalaho mina nza enzele a kugoha ka gona kona hehla ka gona, ni tiko gi ta hlata a ba akileko ba gona.
- 26 *Nwina* hikwalaho mu ta hlayisa a zilayelo za mina ni ziyimiso za mina, mu nga ta maha ni xihhi xa laya manyala; ge ni xitralwa xa le kaya, ge ni mupfumba loye a lubeleko xikari ka *nwina*.

- 27 Hakuba wonkle lawo a manyala a banhu ba tiko ba ma mahile, labo ba nga wa hi mahlweni ka nwina, ni tiko gi nyenyezisilwe;
- 28 Kasi a tiko gi fela ku kala gi nga mu hlali nwinawu kambe, laha na nwina mu gi nyenyezisa gona, ku kotisa lezi gi hlatileko a mifumo leyo yi nga wa hi kona mahlweni ka nwina.
- 29 Hakuba kani ngwa ku yini a ta nga maha ni xibi xa lezi zinyenyeko, na wona lowo a mihefemulo wu maho zona wu ta tsewa xikari ka banhu ba ka kabye.
- 30 Hikwalaho nwina mu ta hlalisa kuwula ka mina, lezaku mu nga tirisi ni xibi xa leyi mikuwo ya manyala, leyo yi nga wa tiriswa mahlweni ka nwina, lezaku mu nga nyenyezisi wutsumbu ga nwina la yona: nzi mina Jehova Nungungulu wa nwina.

XIPIMO 19.

- 1 Na Jehova i lo wulawula ka Mosi, aku,
 - 2 Wulawula ka wonkle a klangano wa banana ba ka Israeli, uku ka bona, Nwina mu ta ba basileko: hakuba mina Jehova Nungungulu wa nwina nzi basile.
 - 3 Nwina mu ta caba nwenlelele banhu a nyine wa wena, ni raru wa wena; na nwina mu ta hlalisa a sabado ga mina: nzi mina Jehova Nungungulu wa wena.
 - 4 Nwina mu nga hunzulukeli zifananiweni, ge ni ku mahela a wutsumbu ga nwina a banungungulu ba nyekisilweko: nzi mina Jehova Nungungulu wa wena.
 - 5 La ha na nwina na mu nyikela a mupahlelo wa kurula ka Jehova, nwina mu ta nyikela wona kasi ma fela ku amukeleka.
 - 6 Wona a wu giwe gwalego siku mu nyikelako gona, na hi manziko: ni loku ku sala neumo xa siku ga wunharu, xona xi ta hiswa hi nzilo.
 - 7 Ni loku futsi xi giwa hi siku ga wunharu, kona manyala; wona wu nga ta amukeleka:
 - 8 Kanilezi ni bonlelele laba ba gako kona ba ta rwala kugoha ka bona, hakuba yena i hanahanisile a xilo xo basa xa Jehova: ni lowo muhefemulo wu ta tsewa ka banhu ba ka kabye.
 - 9 Loku nwina mu tsobela a xihulo
- xa tiko ga nwina, wena u nga ta tsobela ni le magumo ka simu ya wena, ge ni ku kutsula a timhakaro ta simu ya wena.
 - 10 Na wena u nga kutsuli a xivina xa wena, ge ni kuwungeletela a mihanzo yi yiwako ya xivina xa wena; hakuba wena u ta ma siya wona xa nja zisiwana ni bafambi: nzi mina Jehova Nungungulu wa wena.
 - 11 Nwina mu nga yibe; ge ni ku maha hi kukohlisisileko, ni ku hamba ka muzwe ni munwani.
 - 12 Nwina mu nga hlambanyi hi bito ga mina hi kukohlisisileko, ni ku hanahanisa a bito ga Nungungulu: nzi mina Jehova.
 - 13 Wena u nga tsimbeketi a wa akelwane wa wena, ge ni ku mu panga: a kurihwa ka nanza gi tirileko ku nga tsami na wena gonkle wusiku kala gica.
 - 14 Wena u nga rukateli a xiwiri, kutani xikungubanyiso mahlweni ka xikumu; kanilezi wena u ta caba Nungungulu wa wena: nzi mina Jehova.
 - 15 Nwina mu nga mahi hi kungululami kulamuleni: wena u nga ta nyenyetela a munhu wa xisiwana, ni kudzunza a munhu wa ntamo; kanilezi hi kululamisisilweko wena u ta lamula a muakelwane wa wena.
 - 16 Wena u nga ta famba hehla ni lahasi kota a tsawuteli wa timhaka xikari ka banhu ba ka nwina: ge ni ku yima u vukela a nkata wa akelwane wa wena: nzi mina Jehova.
 - 17 Wena u nga ta beng a makabye wa wena mbilwini ya wena: wena ha kunene u ta kawuka a makabye wa wena u nga rwale kuonha ki kota ya yena.
 - 18 Wena u nga teki a kupota, ge ni ku rwala a timbiti ka banana ba banhu ba ka nwina; kanilezi wena u ta ranza a wa akelwane wa wena ku kotisa a wutsumbu ga wena: nzi mina Jehova.
 - 19 Nwina mu ta hlalisa a silayelo za mina. Wena u nga vumeli a homu ya wena yi kanziywa hi tixaka ti hambeneko: wena u nga xwanyia silawini ya wena a tixaka timbiri ta mbewu: ge laho a ku huma ka wena a nguwo ya tixaka timbiri yo nga yi vilinganyisene katigawe.
 - 20 Kani hiwili a eklelako ni wasati hi kuzwa ka nyama, loye a kumbi, a

- wutilwe hi wanuna, na a nga futsi a nga se ku *klakliwa*, hambu ku *klakliwa* ku nga se ku nyikwa ka yena; bona a babile ba ta tsayiswa; bona ba nga ta dawa, a hakuba i wa nga se ku *klakleka*.
- 21 Na yena i ta neha a munyikelo wa yena wa *zihambuko* ka Jehova, le nyangweni ya tenta ga muklangano, yona a hamba a ya munyikelo wa *zihambuko*.
- 22 Ni mupristi i ta maha *nzhiho* wa yena hi hamba ya munyikelo wa *zihambuko* mahlweni ka Jehova hi kuonha ka yena loku a kuonhileko: ni kuonha loku a kuonhileko ku ta tselelelwa ka yena.
- 23 Ni laba *nwina* mu ta nga cikela ka tiko, na mu *byalile* tonkle tixaka ta tisin'ya kasi kuga, zonake mu ta hlaya a mbanzo wa kona ku kotisa lezo yi nga mankuna: malembe manharu yi ta maha a mankuna ka *nwina*; yona yi nga ta giwa.
- 24 Kanilezi hi lembe ga wumune yonkle a mihanzo ya kona yi ta ba yi basile, a ku nyika kubonga ka Jehova.
- 25 Hi lembe ga wunklanu *nwina* mu taga a mihanzo ya kona, kasi ya trala ka *nwina* a mihanzo ya kona: nzi mina Jehova Nungungulu wa *nwina*.
- 26 *Nwina* mu ngagi ni xihl neumo *zinwe* ni nkata: ge ni ku maha a wutumbe, mu nga mahi a kutsungula.
- 27 *Nwina* mu nga cingi mu renzelekela a hloko ya *nwina*, ge ni kucenga u renzelekela a xilevu xa wena.
- 28 *Nwina* mu nga mahi a ku *klabela* a nyama ya *nwina* hi kota ya basileko, ge mu nga *klabeli* a madaranga-nya ya tihlanga hehla ka *nwina*: nzi mina Jehova.
- 29 U nga hanahanisi a nhanyana wa wena, u mu maha a xibayi; gi nga ta ku a tiko gi tala hi wiozwi, ni tiko gi tala hi kubiha.
- 30 *Nwina* mu ta hlayisa a sabado ga mina, mu dzunza a yindlu yo basa ya mina: nzi mina Jehova.
- 31 Mu nga hunzuluki mu ya ka bona labo ba nga ni mimoya ya wutumbe, ge ni ka bangoma; mu nga ba hloti bona, a ku nyenyeziwa ha bona: nzi mina Jehova Nungungulu wa wena.
- 32 Wena u ta suka u yima mahlweni ka ba hloko yi basileko wuvu, u dzunza a ngohe ya munhu wa kale, we-
- na u ta caba a Nungungulu wa wena: nzi mina Jehova.
- 33 Ni loku a mupfumba loye a lubeleko na wena lomo tikweni ga wena, wena u nga mahi kubiha ka yena.
- 34 Ni mupfumba loye a lubeleko *zinwe* na wena i ta ba ka wena ku kota a xitralwa xa le kaya ka wena xikari ka *nwina*, wena u ta ranza yena ku kotisa a wutsumbu ga wena; hakuba *nwina* mu wa hi bapfumba le tikweni ga le Gipite; nzi mina Jehova Nungungulu wa *nwina*.
- 35 *Nwina* mu nga mahi hi kungalamisisiwangiko kulamuleni, kuringaniseni ka kunabalata, ka binza, kutani ka kupfuniswa.
- 36 A tipimo ti longamileko, ni kubinza loku kulongamileko, ni efa yi longamileko, ni hina yi longamileko, mu ta ba nazo: nzi mina Jehova Nungungulu wa *nwina*, a wihi a mu humesileko hi le tikweni ga le Gipite.
- 37 *Nwina* mu ta hlayisa zonkle a ziyimiso za mina, ni zilayelo za mina, ni ku zi maha zona: nzi mina Jehova.

XIPIMO 20.

- 1 Na Jehova i lo wulawula ka Mosi, aku,
- 2 *Klata-kumbiri*, wena u ta wula ka bana ba ka Israeli, Kani hiwihi a ta nga ba wa banana ba ka Israeli, kutani ngwabapfumba labo ba ta nga lubela lomo ka Israeli, loye a nyikako a mbewu ya yena ka Moleke; yena ha kunene i ta dawa: a banhu ba tiko ba ta mu gandla hi maribye.
- 3 Minawu kambe nzi ta rumela a ngohe ya mina ka loye munhu, mina nzi ta tsema yena xikari ka banhu ba ka kabye; hakuba i nyikele a mbewu ya yena ka Moleke, a ku nyenyeziisa a yindlu ya mina yo basa, ni ku hanahanisa a bito ga mina go basa.
- 4 Ni loku a banhu ba tiko ba fihla a mahlo ya bye hi loye a munhu, laba na a nyikela a mbewu ya yena ka Moleke, na ba nga dayi yena;
- 5 Zonake nzi ta rumela a ngohe ya mina ha loye munhu, na hi ngango wa yena, mina nzi ta mu tsema, ni bonkle labo ba mahako a wuoswi kota yena, a ku maha wuoswi na Moleke, xikari ka banhu ba ka kabye.

- 6 Ni muhefemulo lowo wu hunzu-lukelako ka bona labo ba mahileko a mimoya ya wungoma, ni le baloyini, a maha a wuosi ku kota bona, mina hi kuketa nzi ta rumela a ngohe ya mina nzi vukela a muhefemulo lowo, mina nzi ta mu tsema xikari ka banhu ba ka kabye.
- 7 Basisani a wutsumbu ga nwina hikwalaho, nwina mu be a ba basileko; hakuba mina nzi mina Jehova Nungungulu wa nwina.
- 8 Nwina mu ta hlaysia zilayelo za mina, ni ku maha zona: mina nzi mina Jehova loye a mu basisileko nwina.
- 9 Hakuba bonklelele labo ba rukate-lako a raru wa yena kutani nyine wa yena ha kunene i ta dawa: yena i rukatele a raru wa yena kutani nyine wa yena; ni nkata wa yena wu ta hehla ka yena.
- 10 Ni munhu loye a mahako kuremba ni sati wa muzwani munhu, yena loye a mahako kuremba ni sati wa akelene na yena, a xirembi xa wanuna ni xirembi xa wasati ha kunene xi ta dawa.
- 11 Ni munhu loye a eklelako ni sati wa raru wa yena i funungule a wumbyiri ga raru wa yena, bona bambiri ha kunene ba ta dawa; ni nkata wabye wu ta ba hehla ka bona.
- 12 Lohu a munhu a ta eklela ni nkata-mwane wa yena, bona bambiri ha kunene ba ta dawa: bona ba mahile a vilinganya; ni nkata wabye wu ta ba hehla kabye.
- 13 Ni loku a wanuna a eklela ni nuna-kuloby, ku koti ku kwatsi ngwasati, bonkle bona mahile a manyala: bona ha kunene ba ta dawa; ni nkata wabye wu ta ba hehla ka bona.
- 14 Ni loku munhu a teka a sati ni nyine wa yena, kona kubiha: bona ba ta hiswa hi nzilo, yena na bona; kasi ku fela ku kala ku nga hi na kubiha xikari ka nwina.
- 15 Ni loku a munhu a eklela ni xihari, yena ha kunene i ta dawa: na nwina mu ta daya xihari.
- 16 Ni loku a wasati a tsinela ni ka xihari, a eklela lahasi ka xona, wena u ta daya wasati, ni xihari: yena na xona zi ta dayiwa; ni nkata wa zona wu ta ba hehla ka zona.
- 17 Ni loku a wanuna a teka a makweru wa yena, a nhanyana wa raru wa yena, ni nhanyana wa nyine wa yena, ni ku wona a wumbyiri ga yena; yenawu a wona a wumbyiri ga yena; kona xilo xa tingana: bona ba ta tsenwa kuwoneni ka banana ba banhu ba kakabye: yena i funungule a wumbyiri ga makabye wa yena; yena i ta rwala a kugoha ka yena.
- 18 Ni loku a munhu a eklela ni wasati na a nga a tekile a ziklata, a funungula a wumbyiri ga yena; i ta nga a funungule a hlowo ya yena, na yena a nga fenengetangi a hlowo ya nkata wa yena: bona bonkle ba ta tsenwa xikari ka banhu ba ka kabye.
- 19 Wena u nga ta funungula a wumbyiri ga makweru wa nyine wa wena, ge ni ga makweru wa raru wa wena; hakuba yena i mahile ku funungula a ximbyiri xa xaka ga yena: bona ba ta rwala a kugoha kabye.
- 20 Ni loku a munhu a eklela ni sati wa makabye wa raru wakwe, yena i yena i funungule a wumbyiri ga makabye wa raru wakwe: bona ba ta rwala a xionho xabye; ba tafa ba nga hi na nwana.
- 21 Ni loku a munhu a teka a sati wa makabye wa yena, kona a ku basangi: yena i funungule a wumbyiri ga makabye; bona ba nga ta ba na nwana.
- 22 Nwina hikwalaho mu ta hlaysia a zilayelo za mina, ni zonkle ziyimiso za mina, ni ku maha zona; kasi a tiko, lego nzi nehako nwina a ku ta aka ka gona, gi nga mu hlati nwina lahandle.
- 23 Nwina mu nga ta famba hi mikuwo ya lixaka, lolo nzi li hoxako mahlwani ka nwina: hakuba bona ba mahile zonkle lezi zilo, hikwalaho mina nza ba bonzolota bona.
- 24 Kanilezi mina nzi wulile ka wena, Nwina mu ta teka a tiko gabye, na mina nzi ta gi nyika ka nwina a ku babanyi ba gona, a tiko gi kulungako a masi ni wulombe: nzi mina Jehova Nungungulu wa wena, a wihi a hambanyisileko wena le bahnwini.
- 25 Nwina hikwalaho mu ta maha kuhambanyisa xikari ka xihari xi hlazekileko ni xihari xi nga hlazekangiko, ni xikari ka xinyanyani xi nga hlazekangiko ni xi hlazekileko: nwina mu nga ta maha a mihefemulo ya nwina yi nyenyezi swa hi xihari, ku-

tani hi xinyanyani, kutani ni ka xihhi a xilo lexa a misaba yi xi fuyileko, lexo nzi xihambanyisileko ka nwina a ku a xi hlazekangi.

26 Nwina mu ta ba basisilweko ka mina: hakuba mina, Jehova, nzi basile, mina nzi hambanyisile nwina le banhwini banwani, lezaku nwina mu ta nga mu hi ba mina.

27 A wanuna kutani ngwasati loye a nga ni moya wa wungoma, ni loye a loyako, ha kunene ba ta dawa: bona ba ta gandla bona hi maribye; ni nkata wabye wu ta ba hehla kabye.

XIPIMO 21.

1 Na Jehova i te ngalo ka Mosi, Wulawula ka bapristi, a bana ba Aroni, ni ku wula ka bona, Laho a nga kona a ta nga nyenyezisa a wutsumbu ga yena hi kufa xikari ka banhu ba ka kabye;

2 Saseka a xaka ga yena, lego gi nga ku suhani na yena, a kuba nyine wakwe, ni kuba raru wakwe, ni kuba nwana wakwe, ni kuba nanyana wakwe, ni kuba makabye wa yena.

3 Ni kuba makweru wakwe a mubulwa, lowo wu nga ku suhani na yena, loye a nga hiko na nuna: kakuba kutani ha yena a nga nyenyezisa a wutsumbu ga yena.

4 Yena a nga nyenyezise a wutsumbu ga yena, na a kari a hi wa hombe ka banhu ba ka kabye a ku hanahanisa a wutsumbu ga yena.

5 Bona ba nga ti mahi tihandla hehla ka zikanza zabye, ge ni kucinga ba kenyetela zilevu za bona, ba nga mahi ni xihhi xo klabela mimiri yabye.

6 Bona a ba be basileko ka Nungungulu wabye, ni ku nga hanahanisi a bito ga Nungungulu wabye; hakuba a muniyikelo wa Jehova wu mahilweko hi nzilo, a zibaba za Nungungulu wabye, bona a ba mahe ku nyikela: hikwalaho bona a ba be ba basileko.

7 Bona ba nga teki a wasati loye xi nga xibayi, ge nu muhanahanisi; ge ni ku teka a wasati wa kuba a tsikilwe ka nuna wa yena: hakuba yena wanuna i basile ka Nungungulu wa yena.

8 Wena u ta basisa yena hikwalaho; hakuba yena wa nyikela zibaba ka Nungungulu wa wena: yena i ta ba a basile ka wena; hakuba nzi mina

Jehova, loye a basisako wena, nzi basile.

9 Ni nhanyana wa mupristi wa mina, loku yena a ti nyenyezisa a wutsumbu ga yena hi ku maha a wubayi, yena i nyenyezisa a raru wakwe: yena i ta hiswa hi nzilo.

10 Loye a nga mupristi wa hombe xikari ka bamakabye ba yena, ka hloko ya wihi a mafura ya kutota ma celilweko, loye a nyikelisilweko a ku ambala a tinguwo, a nga fununguli ya hloko ya yena, ge ni ku hanzula tinguwo ta yena;

11 Ge yena a nga taya ni ka xihhi a xirumbu, a nga nyenyezisi a wutsumbu ga yena hi raru wa yena, kutani nyine wa yena:

12 Ge ni ku huma lahandle ka yindlu yo basa, ge ni ku hanahanisa a yindlu yo basa ya Nungungulu; hakuba a xidlolelo xa mafura ya kutota ya Nungungulu wa yena xi le hehla ka yena: nzi mina Jehova.

13 Na yena a teke a wasati wubulweni ga yena.

14 A noni, ni loye a hlongolweko, ni wasati a hanahanisako, xibayi, laba yena a nga teki: kanilezi a mu bulwa wa banhu ba bona benyi yena i ta teka a sati.

15 Yena a nga nyenyezisi a mbewu ya yena xikari ka banhu ba ka kabye: hakuba nzi mina Jehova loye a basisileko yena.

16 Na Jehova i lo wulawula ka Mosi, aku,

17 Wulawula ka Aroni uku, Kani hiwihi wa mbewu ya wena ka zizukulwana za wena zonke loye a ta nga kuba ni bawa, nga yena a nga tsineli a ku nyikela a zibaba ka Nungungulu wa yena.

18 Hakuba kani hiwihi a munhu loye a na nga ni bawa, yena a nga ta tsinela: a munhu wa xikumu, ni munhu wo kwita, ni loye a nga ni nhovu ya xibaratata, ni xihhi xo kota lezo.

19 Kutani munhu loye a tsobekileko a konzo, kutani a tsobekileko a canja,

20 Kutani a gombonyekileko a hlana, kutani xiburututwana, kutani loye a nga ni bawa tihlweni ga yena, kutani loye a na nga ni xinzeyanzeyani, kutani loye a nga ni mabawa, loye a kanyeneko makenze;

21 A nga kona munhu wa mbewu ya Aroni a mupristi, loye a ta nga ba ni bawa, a ta nga ta kusuhani a ku

nyikela munyikelo ka Jehova wu mahilweko hi nzilo; yena i na ni bawa; yena a nga tsinela a ku nyikela zibaba ka Nungungulu wa yena.

- 22 Yena i taga a zibaba za Nungungulu wa yena, zonkile za lomo ko kubasileko hi kuhunzisileko, ni lezo zo basa:
- 23 Kumbela yena a nga engeni lomo nzeni ka veli, a nga tsineli kusuhi ka alati, hakuba yena i na ni bawa; lezaku a nga hanahanisi a yindlu ya mina yo basa: hakuba nzi mina Jehova loye a basisileko bona.
- 24 Zingaho Mosi i lo wulawula ka Aroni, ni ka bana ba yena, ni ka bonkile a banana ba ka Israeli.

XIPIMO 22.

- 1 Na Jehova i lo wulawula ka Mosi, aku,
- 2 Wulawula ka Aroni ni ka banana ba yena, a kuba ba ti hambanyisa a wutsumbu gabye zilweni zo basa za banana ba ka Israeli, lezi ba zi mahileko ka mina, ni kasi ba nga hanahanisi a bito ga mina go basa: mina nzi mina Jehova.
- 3 Wula ka bona, Kani hiwili wa mbe-wu ya nwina ka zizukulwana za nwina zonkile, loye a tsineleko ka zilo za basa, lezo a banana ba ka Israeli ba zi mahileko ka Jehova, na hi ni ku nga hlazeki ka yena ehla ka yena, lowo muhefemulo wu ta tse-nwa mahlweni ka mina: nzi mina Jehova.
- 4 Kani ngwa ku yini munhu wa mbe-wu ya Aroni a nga ni hlokonho, kutani a hi ni kuhuma a nkata; yena a ngagi a zilo zo basa, a kala a hlazeka. Ni kani hiwili a kumbako ni xihl xi nga hlazekangiko hi kufa, kutani ni munhu a wihl a mbewu yi humeleko ka yena;
- 5 Kutani kani hiwili a kumbako a xilo xi kokakoka, lexo a mahiwako ha a kungahlazeki, kutani munhu loye a nga tekako ha yena a kungahlazeki, kani hi yini a xa kungahlazeki a nga yaxo;
- 6 A muhefemulo lowo wu kumbako xa kungaho wu ta ba wu nga hlazekangi kala gambyeni, wu nga taga a zilo zo basa, kumbela loku a hlambile a nyama ya yena lomo matini.
- 7 Ni loku a gambo gi pelile, yena i ta ba a hlazekile; a nzako kalezo a

ngaga a zilo zo basa, hakuba hi zona zibaba za yena.

- 8 Loko ku fileko a ha koce, kutani ku pfemulwe hi zibanza, yena a nga kuge, a ku nyenyezisa a wutsumbu ga yena ha kona: nzi mina Jehova.
- 9 Bona hikwalaho a ba hlalise a kuwula ka mina, ba nga ta ku la rwala kuonha ha kona, ni ku fela kona, loku ba hanahanisa kona: nzi mina Jehova loye a basisileko bona.
- 10 Laho a ku kona a mupfumba a ta ngaga a zilo zo basa: ni mulubeli wa mupristi, kutani i nanza gi tirako, gi nga ta kuga a zilo zo basa.
- 11 Kanilezi loku a mupristi a xaba a muhefemulo, wu xabyilwe hi mali ya yena, yena i ta kuga kona; ni bo kota labo ba tralelwa lomo ndlwini ya yena, bona ba taga zibaba.
- 12 Ni loku a nhanyana wa mupristi a tekiwa hi mupfumba, yena a nga taga a munyikelo wu nziwitelweko wa zilo zo basa.
- 13 Kanilezi loku a nhanyana wa mupristi a hi noni, kutani a hlolongolwe, a nga hi na nwanana, a klelela le ndlwini ya raru wa yena, ku kota wunwananeni ga yena, yena i taga a zibaba za raru wakwe: kanilezi laho ku nga ta ku ba kona a mupfumba a ta nga ziga zona.
- 14 Ni loku a munhu aga a zilo zo basa hawomu, zonake i ta cela a xi panze xa kona xa wunklanu ka kona, i ta nyika ka mupristi a xilo xo basa.
- 15 Na bona ba nga hanahanisi a zilo zo basa za banana ba ka Israeli, lezo bona ba zi nyikeleko ka Jehova.
- 16 Na zingaho maha bona kurwala kugoba ka bona labo ba nehako kugoba, laha na baga a zilo zo basa: nzi mina Jehova loye a basisileko bona.
- 17 Na Jehova i lo wulawula ka Mosi, aku,
- 18 Wulawula ka Aroni, ka banana ba yena, ni ka bonkile a banana ba ka Israeli, u wula ka bona, Kani ngwa-kuyini wa yindlu ya banana ba ka Israeli, kutani ngwa mulubeli lomo ka Israeli, loye a nyikelako a munyikelo wa yena, kutani ngwaxibi xifungo xabye, kutani ngwakubi a ku nyikela kabye kuklaklekileko, lo ko ba nyikelako ka Jehova a kuba a munyikelo wa kuhiswa;

- 19 Kasi *nwina* mu be ba amukelekako, *nwina* mu ta nyikela a matsune a nga hiko na bawa, wa tihonwana, ni wa tiyivu, ni wa timbuti.
- 20 Kanilezi ka hi yini xi ni bawa, lexo mu nga xi nyikeli: hakuba xi nga ta amukeleka ha *nwina*.
- 21 Ni kani ngwakuyini a nyikelako a mupahlelo wa kurula ka Jehova a ku mbetisa a xifungo, kutani mu-nyikelo wa kuranza ka matsenya, kutani ngwaklambi wa tihomu, kutani ngwaklambi wa tiyivu kona ku ta mbelela a ku amukeleka; laho ku ta ba ku nga hi na bawa ka kona.
- 22 A xikumu, kutani yi tsobyilweko, kutani yi kwitaka, kutani yi funzulukileko, kutani a kotso, kutani a ya xigwere, *nwina* mu nga ta nyikela lezi ka Jehova, mu nga maha a muniyikelo wa nzilo ha zona hehla ka alati ka Jehova.
- 23 Hambu a honwana kutani i yivi leyo yi nga ni xihl a xilo xa kungahi kutani xi kiyelwe hi kilelo ga xona, lexo wena u nga nyikelako a muniyikelo wa loranzo la matsenya; kani-lezi hi xifungo wona wu nga ta amukeleka.
- 24 Ni lexo xi gandlilweko a tsinya ga xona, kutani xi trinyilweko, kutani tsobyilweko, kutani xi tenilweko, *nwina* mu nga zi nyikeli ka Jehova, ge mu nga mahi zakungahi tikweni ga *nwina*.
- 25 Ge na hi canja ga bamatiko *nwina* mu nga ta nyikela a zibaba ka Nungungulu wa *nwina* ni ka xihl xa lezi zilo: hakuba a kubotwa ka zona ku kona ka zona, laho ku kona a bawa ka kona: kona ku nga ta a amukeleka ka wena.
- 26 Na Jehova i lo wulawula ka Mosi, aku,
- 27 Lahe a honwana, kutani a yivu, kutani a mbuti, yi nehiwa, zonake yi ta tsama nkalanu ni mambiri masiku labasi ka nyine wa yona; ku sukela ka nkalanu ni manharu masiku kuya mahlweni kona ku a amukeleka a kuba muniyikelo wa xinyikiwo xi mahilweko hi nzilo ka Jehova.
- 28 Kutani i nkatana wa homu kotani kundlu, *nwina* mu nga ta yi klaba ni tralo wa yona siku ginwe.
- 29 Loku *nwina* muniyikela a mupahlelo wa ku nyika kubongela ka Jehova, *nwina* mu ta wu pahlela kasi ma fe-la ku amukeleka.

- 30 Gwalego siku wona wu ta giwa; *nwina* mu nga siyi ka kona kala gica: nzi mina Jehova.
- 31 Hikwalaho mu ta hlaysia a kule-tela ka mina, mu ku maha; nzi mi-na Jehova.
- 32 *Nwina* mu nga hanahanisi a bito ga mina go basa; kanilezi mina nzi hlawulilwa xikari ka banana ba ka Israeli: nzi mina Jehova loye a hlawuli-leko *nwina*,
- 33 Loye a mu humesileko hi le tikweni ga le Gipite, a ku ba Nungungulu wa *nwina*: nzi mina Jehova.

XIPIMO 23.

- 1 Na Jehova i lo wulawula ka Mosi, aku,
- 2 Wulawula ka banana ba ka Israeli, u wula ka bona, A mibuzo yi yimisilweko ya Jehova, leyi *nwina* mu ta ngubahungu a ku ba miklangano yi basileko, ywaleyi mibuzo ya mi-na yi yimisilweko.
- 3 Nkalanu ni ginwe a masiku a tiro a wu ta mahiwe: kanilezi hi siku ga nkalanu ni mambiri i sabado ga ximuse xo humula, a muklangano wu basileko; *nwina* mu nga maha ni lihi lixaka la tiro: kona i sabado ga Jehova kuakiweni ka *nwina* konkle.
- 4 Leyi hi mibuzo yi yimisilweko ya Jehova, yona miklangano yi basileko, leyo *nwina* mu ta ngabahungu hi tinguba yi yimisilweko ta yona.
- 5 Ili hweti yo ranga, hi siku ga kume ni mune ga hweti laha gambyeni, i pasika ga Jehova.
- 6 Hi siku ga kume ni nkalanu ga ywaleyo hweti hi mubuzo wa zibaba zi nga comelwangiko ka Jehova: nkalanu wa masiku ni mambiri *nwina* mu taga a zibaba zi nga comelwangiko.
- 7 Ili siku go ranga *nwina* mu ta ba ni muklangano wa kubasa: *nwina* mu nga ta tira ni tiro ha gona.
- 8 Kanilezi *nwina* mu ta nyikela a muniyikelo wu mahilweko hi nzilo ka Jehova nkalanu ni mambiri masiku: hi siku ga nkalanu ni mambiri hi muklangano wu basileko; *nwina* mu nga ta tira ni tirwana.
- 9 Na Jehova i lo wulawula ka Mosi, aku,
- 10 Wulawula ka banana ba ka Israeli, uku ka bona, laha *nwina* mu ta ngata le tikweni lego mina nzi gi

- nyikileko ka *uwina*, ni kutsobela a kuhula ka kona, zonake *uwina* mu ta neha a nambi wa mihanzo ya ranga ya kuhula ka *uwina* ka mupristi :
- 11 Yena i ta nziwitela a numbi mahlweni ka Jehova lezaku kasi ku be ku amukelekako ha *uwina* : hi manziko anzako ka sabado a mupristi i ta nziwitela.
- 12 Ni ka siku lego laha na mu nziwitela a nimbi, *uwina* mu ta nyikela a hambana timbiri ta lembe a wukale ya muniyikelo wa kuhiswa ka Jehova.
- 13 Ni muniyikelo wa tinzoho wa kona a zipanze zimbiri za wukume za efa za mapa ma nanaselweko ma hakaselweko ni mafura, a muniyikelo wu mahilweko hi nzilo ka Jehova wa masema yo tsombela ; ni muniyikelo wonwa wa kona wu ta ba wa waini, ni xipanze xa wumune xa hiri.
- 14 *Uwina* cima mu nga ta kuga ni zibaba, ni mabele kutani ni mabele maomileko, kutani ni mipozwani ya ma trandlani, kala gwalego siku, kala *uwina* mu neha a muniyikelo ya *uwina* ka Nungungulu wa *uwina* : kona xilayelo kala kupinzuka ka zizukulwana za *uwina* zonkile, kuakeni ka *uwina* konkile.
- 15 *Uwina* mu ta hlaza ka *uwina* hi manziko a nzako ka sabado, hi le sikwini lego *uwina* mu nga neha a numbi wa muniyikelo wa ku nziwitela ; nklanu wa masabado ni mambiri ma ta mbetiswa :
- 16 Kona manziko anzako ka nklanu wa masabado *uwina* mu ta hlaza nklanu wa makume ya masiku ; na *uwina* mu ta nyikela a muniyikelo muswa wa tinzoho ka Jehova.
- 17 *Uwina* mu ta humesa hi banhwini ba *uwina* a mikowo mimbiri ya zipanze zimbiri za wukume za efa : zona a zi be mapa ma nanaselweko, zona a zi bikiwe hi comelo, a kuba mimbanzo yo ranga ka Jehova.
- 18 *Uwina* mu tisa zinwe ni zibaba nklanu ni timbiri tiyivana ti nga hiko na bawa a lembe a wukale, ni hozwana yiwa, ni tihamba timbiri : tona ti ta ku ba a muniyikelo wa kuhiswa ka Jehova, zinwe ni muniyikelo wa tona wa tinzoho, ni muniyikelo wa kona wa kunwa, wona a muniyikelo wu mahilweko hi nzilo, wa masema yo tsombela ka Jehova.
- 19 *Uwina* mu ta nyikela a mhongo yiwe ya muniyikelo wa kuonha, ni tihambana timbiri ta lembe a wukale ta mipahlelo ya kurulu.
- 20 Ni mupristi i ta nziwitela zona zinwe zibaba za mimbanzo yo ranga a muniyikelo wa kunziwitela mahlweni ka Jehova, zinwe ni tihambana timbiri : zona zi ta ba zo basa ka Jehova a kuba za mupristi.
- 21 *Uwina* mu ta kubahungu gwalego siku wutsumbu ; laho ku ta ba kona a muklangano wa kubasa ka *uwina* ; *uwina* mu nga ta tira na tiro muni : kona xilayelo kala ku pinzuka kuakeni ka *uwina* ka zizukulwana za *uwina* zonkile.
- 22 Ni laha na *uwina* na mu tsobela a xihulo xa tiko ga *uwina*, wena unga ta tsobela u mbeta magozwani ka simu ya wena, ge ni ku wungeletela a kutsulani wa simu ya wena : wena u ta tsika zona a kuba za zisiwana, ni za bafambi : mina nzi mina Jehova Nungungulu wa wena.
- 23 Na Jehova i lo wulawula ka Mosi, aku,
- 24 Wulawula ka banana ba ka Israeli, uku, Hi hweti ya nklanu ni timbiti, hi siku go ranga ga hweti, ku ta ba a ximuse xo humula ka *uwina*, a xialakanyelo xa kuba mipunzu, a muklangano wu basileko.
- 25 *Uwina* mu nga ta tira ni tiro ; *uwina* mu ta nyikela a muniyikelo wu mahilweko hi nzilo ka Jehova.
- 26 Na Jehova i lo wulawula ka Mosi, aku,
- 27 Ahemba hi ka kume a siku ga nklanu ni timbiri a hweti i siku ga nzhiho : ku ta ba muklangano wa kubasa ka *uwina*, na *uwina* mu ta bayisiwa a mihfefemulo ya *uwina* ; *uwina* mu ta nyikela a muniyikelo wu mahilweko hi nzilo ka Jehova.
- 28 *Uwina* mu nga ta tira na tiro muni gwalego siku ; hakuba gona i siku ga nzhiho, a ku maha a nzhiho wa *uwina* mahlweni ka Jehova Nungungulu wa *uwina*.
- 29 Hakuba kani hiwihi a muhfefemulo lowo wu ta nga kala wu nga bayiseki ka gwalego siku ; yena i ta tsezwawa ka banhu ba ka kabye.
- 30 Ni kani hiwihi a muhfefemulo lowo wu tirako a tiro hi gwalego siku, lewo muhfefemulo wu ta lobyiswa hi le xikari ka banhu ba ka kabye.
- 31 *Uwina* mu nga ta maha ni tiro mu-

- ni : kona xilayelo kala kupinzuka ka zonkle zizukulwana za nwina kua-keni ka nwina konkle.
- 32 Gona gi ta ba ka nwina a sabado ga ximuse xo humula, nwina mu ta bayisisisa a mihefemulo ya nwina : hi siku ga nklanu ni mune laha gambyeni, ku sukela gambyeni kala gambyeni, nwina mu ta hlayisa a sabado ga nwina.
- 33 Na Jehova i lo wulawula ka Mosi, aku,
- 34 Wulawula ka banana ba ka Israeli, uku, Hi siku ga kume ni nklanu ga hweti ya nklanu ni timbiri kona mubuzo wa matabernakele a nklanu ni mambiri masiku ka Jehova.
- 35 Hi siku go ranga ku ta ba a muklangano wa kubasa : nwina mu nga ta tira a tiro.
- 36 Nkulanu ni mambiri a masiku nwi-na mu ta nyikela a munyikelo wu mahilweko hi nzilo ka Jehova : hi siku ga nklanu ni manharu ku ta ba a muklangano wa kubasa ka nwina ; nwina mu ta nyikela a munyikelo wu mahilweko hi nzilo ka Jehova : kona i hlengaletano wa ximuse ; nwina mu nga ta tira ni tiro.
- 37 Leyi hi mibuzo yi yimisilweko ya Jehova, leyo yena a ta ngabahungu a kuba miklangano yo basa, a ku nyikela a munyikelo wu mahilweko ka Jehova a munyikelo wa kuhiswa, ni munyikelo wa tinzoho, a mupahlelo ni munyikelo wa kunwa, a ku-nwe ku ga gonawu siku ;
- 38 Hi lahandle ka sabado ga Jehova, hi lahandle ka zinyikiwo za nwina, na hi lahandle ka kufunga ka nwina, na hi lahandle ka munyikelo wa li-ranzo la matsenya la nwina, loku nwina mu ku nyikako ka Jehova.
- 39 Ahemba hi siku ga kume ni nkla-nu ga hweti ya nklanu ni timbiri, laha na muhlengetelele a mihanzo ya tiko, nwina mu ta hlayisa a mu-buzo wa Jehova nkulanu ni mambiri masiku : hi siku go ranga ku ta ba a ximuse xo humula, hi siku ga nkla-nu ni manharu ku ta ba a ximuse xo humula.
- 40 Na nwina mu ta teka hi siku ka nwina hi siku go ranga a miha-nzo ya tisinnya ti sasekisisilweko, a marabi ya micinzu, ni marabi ya tisinnya ti klimbeneno makluka, ni xihunze xa macongo ; nwina mu ta tsaka mahlweni ka Jehova

Nungungulu nkulanu ni mambiri ma-siku.

- 41 Nwina mu ta ku hlayisa a mubuzo ka Jehova nkulanu ni mambiri masi-ku hi lembe : kona xilayelo kala ku-pinzuka ka zonkle zizukulwana za nwina ; nwina mu ta hlayisa kona hi nkulanu ni timbiri a hweti.
- 42 Nwina mu ta tsama mixaxeni nkla-nu ni mambiri masiku ; bonkle labo ba tralelweko kaya ka ba ka Israeli ba tsama mixaxeni ;
- 43 Lezaku kasi a zizukulwana za nwina za tiba lezo mina nzi lo maha a bana-ba ka ka Israeli ba tsama lomo mi-xaxeni, laho na nzi ba humesa hi le tikweni ga le Gipite : mina nzi mina Jehova Nungungulu wa nwina.
- 44 Na Mosi i lo klamusela ka banana ba ka Israeli a mibuzo yi yimisilweko ya Jehova.

XIPIMO 24.

- 1 Na Jehova i lo wulawula ka Mosi, aku,
- 2 Leletela a banana ba ka Israeli, leza-ku bona a ba nehe ka wena a mafu-ra ma hlazekileko ya oliva ma kanya-ngilwe kasi kuwoninga, a ku maha a kandiya yi vura hi kusimamisisi-lweko.
- 3 Hi lahandle ka veli ya wukustumu-nyu, lomo nzeni ka tenta ga mukla-ngano, na Aroni i ta yi sasisi ku sukela gambyeni kala mixweni mah-lweni ka Jehova hi kusimamisisi-lweko : kona ku ta ba xilayelo kala kupinzuka ka zonkle zizukulwana za nwina.
- 4 Yena i ta sasisa a kandiya ehla ka linhi la kandiya li hlazekileko mah-lweni ka Jehova hi kusimamisisi-lweko.
- 5 Na wena u ta teka a mapa ma nanaselweko, u bika a kume ga zikeketselo za kona : aipanze zimbiri za wukume za efa zi ta ba ka xike-ketselo xizwe.
- 6 Na wena u te xaxamota zona hi ti-xaxa timbiri, nkulanu ni xizwe a li-xaxa, ehla ka meza yi basileko mah-lweni ka Jehova.
- 7 Na wena u ta beka a mawoni ma sasekileko ehla ka ka lolu ni lolu lixaxa, kasi ma be ka zibaba a kuha xialakanyelo, wona munyikelo wu mahilweko hi nzilo ka Jehova.
- 8 Wonklelele masabado yena i ta zi sasisa mahlweni ka Jehova hi kusi-

- mamisisilweko; kona ku hi ka banana ba ka Israeli, a xivumelwano xa kutsonzoma.
- 9 Xona xi ta ba mahlweni ka Aroni ni banana ba yena; bona ba taga kona lomo wutsanweni go basa: hakuba kona kubasile hi ku hunzeleleko ka yena a minyikelo ya Jehova yi mahilweko hi nzilo hi xilayelo xi nga gawukisiwiko.
- 10 Ni nwana wasati wa mu Israeli loye a raru wakwe na nga wa hi mu Gipiti, ba lo huma xikari ka banana ba ka Israeli; ni nwana wa wasati ba ni wa wanuna wa mu Israeli ba lo holoba lomo wugobelweni:
- 11 Ni nwana wa wasati wa mu Israeli i lo rukatela a Bito, ni nzokano; bona ba lo neha yena ka Mosi. Ni bito ga nyine wa yena i wa hi Xelomite, a nhanyana wa Dibri, wa lixaka la ka Dani.
- 12 Bona ba lo engeniswa yena lomo paxweni, kasi ka fela kutibyiwa ka bona hi le nonwini wa Jehova.
- 13 Na Jehova i lo wulawula ka Mosi, aku,
- 14 Neha yena loye a rukateleko le handle ka wugobelo; na nga bonkle labo ba nga wa muzwa ba klateka mandla yabye behla ka hloko ya yena, nga wonkle a klangano wu mu gandla hi maribye.
- 15 Na wena u ta wulawula ka banana ba ka Israeli, uku, Kaniliwihhi a rukatelako a Nungungulu wa yena i ta rwala a xionho xa yena.
- 16 Ni loye a nzukanako a bito ga Jehova, yena ha kunene i ta dawa; wonkle a klangano ha kunene wu ta mu gandla yena: kwatsi kambe ni mulubeli, ni xitralwa xa le kaya, loku yena a rukatela a bito ga Jehova, yena i ta dawa.
- 17 Loye a bako munhu afa ha kunene yena i ta dawa.
- 18 Ni loye a bako homu a daya a rihe, hi homu-kulobye.
- 19 Ni loku a bangela a wa akelwane naye a bawa; kwatsi hi lezo a mahileko, zingaho zi ta mahiwawu ka yena:
- 20 A kutsobeka hi kutsobeka, a tihlo hi tihlo, a tino hi tino; ku kotalezi yena a mahileko a xibawa ka munhu, zingaho ku ta mahiwawu ka yena.
- 21 Ni loye a dayako a homu a ta yi rihe: ni loye a dayako munhu a dawewo.
- 22 Nwina mu ta ba ni nayo munwe, ku kotisa ni ba lubeli kambe, ni labo ba kutralwa kaya: kakuba nzi mina Jehova Nungungulu wa wena.
- 23 Na Mosi i lo wulawula ka banana ba ka Israeli; bona ba lo neha yena loye a rukateleko le handle ka wugobelo, ni ku ta mu gandla yena hi maribye. Ni banana ba ka Israeli ba lo maha ku kota lezi Jehova a leleteleko Mosi.

XIPIMO 25.

- 1 Na Jehova i lo wulawula ka Mosi, le xitsungeni Sinai, aku,
- 2 Wulawula ka banana ba ka Israeli, u wula ka bona, Laha na nwina mu ta ngata le tikweni lego mina nzi nyikileko nwina, zonake a tiko a gi hlaysise a sabado ka Jehova.
- 3 Nklanu wa malembe ni mambiri wena u rima a masimu ya wena, nklanu ni ginwe malembe nwina mu ta tena a xivina xa nwina, mu rolela a mihanzo ya kona:
- 4 Kanilezi hi lembe ga nklanu ni wumbiri i sabado ga ximuse xo humula ka tiko, i sabado ka Jehova: wena u nga ta rima masimu ya wena, ge ni kutena a xivina xa wena.
- 5 Lexo xi ti kulelako ha xoce lomo sinwini ya wena u nga tsobeli, ni magrepi ya wena ma nga rimelwangiko wena u nga ta ma rolela: kona ku ta ba a sabado ga ximuse xo humula ka tiko.
- 6 Ni sabado ga tiko gi ta ba kuga ku nwina; ka wena, ni ka nanza ga wena ni ka nanza ga wena ga xisati, ni ka xitiri xa wena, ni ka mupfumba wa wena, ni loye a lubeleko ka wena.
- 7 Ni tihomu ta wena, ni zihari lezo zi nga lomo tikweni ga wena, wonkle a pfuno wa kona wu ta ba kuga.
- 8 Na wena u ta hlaysa a nklanu ni mambiri masabado ya malembe ka wena, nklanu wa malembe ni mambiri ma wuyetilweko ka nklanu ni kumbiri; laho ku ta ba kona ka wena a masiku ya nklanu ni mambiri masabado ya malembe, wona mune wa makume ni nklanu ni mune a malembe.
- 9 Zonake wena u ta rumela ku gafe a punzu wu yumako kutani hi siku ga kume ka hweti ya nklanu ni wumbiri; hi siku ga nzihlo nwina mu

- ta rumela a punzu wa ku gafe ka gonkle a tiko ga nwina:
- 10 Nwina mu ta hlawula a lembe ga kume ni wunklanu, mu bahungu hi kuklaleka ka gonkle a tiko ka bonkle labo ba akileko kona: ku ku ta ba mihlakano ka nwina; nwina mu ta klelela bonklelele banhu tikweni ga yena nwina mu ta klelela nwenklelele munhu le ngangweni wa yena.
- 11 A mihlakano yi ta ba lego lembe ga kume ni wunklanu ka nwina: nwina mu nga ta rima, ge ni kutsobela loko ku ti kuleleko kona ha koce, ge ni ku rolela a magrepi lomo xivina xi nga rimelwangiko.
- 12 Hakuba kona mihlakano: a gi be gi basile ka nwina: nwina mu taga a pfuno wa kona wa lomu masinwini.
- 13 Ka legi lembe ga kuhlakana nwina mu ta klelela nwenklelele banhu tikweni ga ka kabye.
- 14 Ni loku wena u xabisa xo xabisa ka wa akelwane wa wena, kutani u xabile canjeni ga wa akelwane wa wena, nwina mu nga kalabelani.
- 15 Ku kota a tsengo wa malembe anza-ko ka kuhlakana wena u ta xaba ka mu akelwane wa wena, ku kota a tse-ngo wa malembe ya kutsobela yena i ta xabisa ka wena.
- 16 Ku kotisa wunyingi ga malembe wena u ta kulisa a tsengo wa kona, ni ku kota a wutsongwani ga malembe wena u ta kengeza a tsengi wa kona; hakuba tsengo wa kutsobela yena i ta xabisa ha wona ka wena.
- 17 Nwina mu nga kalabelani munwe ni munwani; kanilezi wena u ta ca-ba Nungungulu wa wena: hakuba mina nzi mina Jehova Nungungulu wa wena.
- 18 Ngahilezo nwina mu ta maha a zila-yelo za mina, ni ku hlayisa zi ziyimi-so za mina u maha zona; nwina mu ta aka lomo kulaleni.
- 19 Ni tiko gi ta nyika a mihanzo ya gona, na nwina muga mu xuriswa, nwina mu aka leyo lomo kulaleni.
- 20 Ni loku nwina mu taku, Ili taga yi-ni hi lembe ga nklanu ni wumbiri? languta, hina hi nga ta rima, cima hi nga ta wungeletela pfuzweni wa hina;
- 21 Zonake mina nzi ta rumela kukate-kisa ka mina hi lembe nklanu ni ginwe hehla ka nwina, gona gi ta humesa a mabele ya malembe maharu.
- 22 Nwina mu ta rima hi lembe ga nkla-nu ni wunharu, muga mabele ya kona, a mabele ya kale; kala lembe ga nklanu ni wumune, kala mabele ya kona ma wuya tindlwini, nwina mu taga a mabele ya kale.
- 23 Ni tiko gi nga ta xabiswa gi nwa-latwa; hakuba a tiko ga mina: ha-kuba nwina mubapfumba ni balubeli ka mina.
- 24 Ni ka gonkle a tiko ga nwina mu ta vumela a kuklaliswa ka tiko.
- 25 Loku a makabye wa wena a hunze-lela ku maha xisiwana, a xabisa xi-panze xa saba ga yena, zonake a xa-ka ga yena loye a gameleko yena i tata, ni ku ta klaklisa loko a maka-bye wa yena a ku xabisileko.
- 26 Ni loku a munhu a nga hi ni munwe wa ku klaklisa gona, a hunzelela a fuma ni ku kuma kueneleko a ku klaklisa gona;
- 27 Zonake nga yena a hlayela a malembe lawo a xabileko ha wona, ni ku klelisela hi engetilweko ka yena loye a nga wa xabisile ka yena; yena i ta klelela le tikweni ga yena.
- 28 Kanilezi loku a nga zi koti ku gi kle-lisa kambe a tsumbu wa yena, zona-ake lego a gi xabisileko gi ta tsama lomo canjeni ga yena loye a gi xabi-leko kala a lembe ga kuhlakana: hi kuhlakaneni gona gi ta tsikiwa, ye-na i ta klelela le sabeni ga yena.
- 29 Ni loku a munhu a xabisa a yindlu ya ku tsama kona lomo mutini wa logingisi, zonake yena a nga klaklisa yona hi lembe gonkle anzako kaku-ba gi xabyisilwe; hi lembe gi teleko yena zi mu fanele a kuklaliswa.
- 30 Ni loku yona yi nga nkla-kliwi hi xipimo xa lembe ginwe gi teleko, zonake a yindlu leyo yi nga lomo mutini wa ligingisi yi ta tiyiswa a kuba ya yena loye a nga yi xaba hi ku nga gawukisiwiko, ka zonke zi-zukulwana za yena: yona yi nga ta huma hi kuhlakaneni.
- 31 Kanilezi a tindluta zimutana lezi zi nga hiko na tigingisi ku renzelekela tona, ti ta hlayelwa ni masumu ya tiko: tona ti nga klakliswa tona, ti ta huma hi xikati xa mihlakano.
- 32 Ahemba a muti wa ba Levi, a tindlu ta miti ya kuaka kabye, kutani a ba Levi ba nga ti klaklisa ni ka xihhi a xikati.
- 33 Ni loku a munwe wa ba Levi a kla-kliwa, zonake a yindlu leyo yi nga

- wa xabisilwe, ni muti wa tsomba yabye, ku ta huma hi xikati xa mihlakano; hakuba a tiyudlu ta miti ya ba Levi hi gona tsomba yabye xikari ka banana ba ka Israeli.
- 34 Kanilezi a misaba leyi yi gamekeneko ni miti yabye nga yi nga xabyiswi; hakuba yona i tsomba yabye yi nga gawukisiwiko.
- 35 Ni loku a makabye wa wena a hunzelela a wusiwana, ni canja ga yena gi hluleka ka wena; zonake wena u ta mu klakusa; kwatsi hi mufumba ni mulubeli yena i ta tsama na wena.
- 36 Wena u nga teki a ku u ta kuma binzu ha yena kutani ku anziwa, caba Nungungulu wa wena; kasi a makabye wa wena wa fela ku tsama na wena.
- 37 Wena u nga ta munyika a mali ya wena hi ku u ta binzula, ge ni ku mu nyika a kuga ka wena u ku ta anziwa.
- 38 Nzi mina Jehova Nungungulu wa wena, loye a humesileko wena hi le tikweni ga le Gipite, a ku ta nyika wena a tiko ga le Kenani, ni ku ta ba Nungungulu wa wena.
- 39 Ni loku a makabye a hunzelela a wusiwana na hi na wena, a xibisa wutsumbu ga yena ka wena; wena u nga mahi yena a tira ku kotisa a nanza ga ku kumbi konwa.
- 40 Ku kotisa a nanza ga kurihwa, ku kotisa a mulubelo, yena i ta ba ka wena; yena i ta kozela kala lembe ga mihlakano:
- 41 Zonake yena i ta famba ka wena, yena ni banana ba yena zinwe na yena, i ta klelela le ngangweni wa yena nwinyi, ni le tsonbeni ya raru wakwe yena i ta klelela.
- 42 Hakuba bona malanza ya mina, lawo nzi ma humesileko hi le tikweni ga le Gipite: bona ba nga ta xabyiswi ku kotisa tikumbi.
- 43 Wena u nga fumeli hehla ka yena hi tseku, kanilezi u ta caba Nungungulu.
- 44 Kanilezi ku kotisa a ti kumbi ta ba banana ba wena, ni tikumbi ta ba basati ba wena, leto wena u ta nga kuba nato; bumatiko lawo ma ku ranzeleko, ba bona labo nwina mu ta nga xaba a tikumbi ta ba banana ni tikumbi ta ba basati.
- 45 A lata-kumburi banana ba bapfumba labo ba lubeleko xikari ka nwina,
- ka bona nwina mu ta xaba, ni ba mingango yabye leyo yi nga zinwe na nwina, leyo ba yi treleko lomo tikweni ga nwina: bona ba ta ba a tsomba ya nwina.
- 46 Na nwina mu ta maha bona a tsomba ya banana ba nwina a nzako ka nwina, a ku ba koma ba be a tsomba; hakuba mu ta maha bona a kuba tikumbi ta nwina kala ku pinzuka: kanilezi hehla ka bamakabye ba nwina a banana ba ka Israeli nwina mu nga ta ba fumela, a muzwe hehla ka munwani, hi tseku.
- 47 Ni loku a mupfumba a lubeleko ka wena a hunzelela a fuma, ni makabye a hunzelela wusiwana hi lahandle ka yena, a xabisa a tsumbu wa yena ka mupfumba loye a lubeleko ka wena, kutani ku ti engenisa ngangweni wa mulubeli;
- 48 Anzako ka kuba a xabyisilwe yena a nga klakliswa: a muzwe wa ba bamakabye a nga mu klaklisa yena:
- 49 Kutani makabye wa raru wakwe, kutani i nwana wa makabye wa raru wa yena, ba nga mu klaklisa, kutani ni wihi wa lixaka li gamekeneko ngangweni wa wabye a nga mu klaklisa; kutani loku a hunzelela a fuma, a nga klaklisa wutsumbu ga yena.
- 50 Yena i ta hlalana na yena loye a mu xabileko ku sukela lembeni lego a nga ti xabisa yena wutsumbu a be ka yena kala lembe ga mihlakano: ni tsengo wa kuxabyiwa ka yena ku ta kotisa a tsengo wa malembe; ku kotisa a tsengo wa malembe ya nanza ga kurihwa yena i ta maha lezo ka yena.
- 51 Loku laho a malembe ma nga ma ha tele, ku kota hi ka wona yena i ta klelisa a tsengo wa kuklakliswa ka yena wa mali leyo a xabyilweko ha yona.
- 52 Kanilezi laho loku ku sala ma tsongwani le lembeni ga mihlakano, zonake yena i ta hlalana zinwe na yena; ku kotisa a malembe lawo yena i ta nyi a tsengo wa kuklakliswa ka yena.
- 53 Ku kotisa a nanza ga kurihwa hi lembe ni lembe yena i ta maha ha yena: yena a nga ta fumela hi tseku mahlwani ka wena.
- 54 Na yena loku a nga klakliswi hi loku ku maha, zonake yena i huma hi

lembe ga mihlakano, yena, ni bana-na ba yena zizwe na yena.

- 55 Hakuba ka mina a banana ba ka Israeli malanza; labo nzi ba humesileko hi le tikweni ga le Gipite: nzi mina Jehova Nungungulu wa wena.

XIIMO 26.

- 1 Nwina mu nga ta maha a zifana-niso ka nwina, ge ni ku ti yimisela a mufananiso wu baklilweko, kutani i mbinga, ge ni ku bekela a ri-bye ga mufananiso lomo tikweni ga nwina, a ku korama ka wona: hakuba mina nzi mina Jehova Nungungulu wa wena.
- 2 Nwina mu ta hlayisa a sabado ga mina, mu dzunza a yindlu ya mina yo basa: nzi mina Jehova.
- 3 Loku nwina mu famba kulayeni ka mina mu hlayisa kuleletela ka mina, ni ku maha kona;
- 4 Zonake mina nzi ta nyika nwina vula hi tinguba ta yona ni tiko gi nyika a pfuno wa gona, ni tisinya ta kwati ti ta trala mihanzo ya kona.
- 5 A kuphopho ka nwina ku ta cikela xikatini xa mavina, ni mavina ma ta cikela xikatini xa xirimo; nwina mu taga a zibaba za nwina mu xura, nwina mu ta aka tikweni ga nwina gi lalisilwe.
- 6 Mina nzi ta nyika kurula lomu tikweni, nwina mu ta eklela lahasi, na a nga hi kona wa ku maha nwina mu caba: na mina nzi ta maha zibanza zo biha zi miyela lomo tikweni, ge ni supado yi nga tsemakanya tikweni ga nwina.
- 7 Nwina mu ta hlongola a balala ba nwina, na bona ba tawa mahlweni ka nwina hi supado.
- 8 Ni nklanu wa nwina wu ta hlongolisa a zana, ni zana ga nwina gi ta hlongola kume makume ga mazana; ni balala ba nwina ba tawa mahlweni ka nwina hi supado.
- 9 Na mina nzi ta mu hlayisa nwina, nzi mu maha mu tralekana, ni ku enzelekisa nwina, mina nzi ta yimisa a xivumelwano xa mina zizwe na nwina.
- 10 Na nwina mu taga a mabele ya kekeloko, nwina mu ta humesa a ya kale hi kota ya maswa.
- 11 Mina nzi ta yimisa a tabernakele ga mina xikari ka nwina: ni muhefemulo wa mina wu nga ta swihala ha nwina.

- 12 Na mina nzi ta famba xikari ka nwina, mina nzi ta ba Nungungulu wa nwina, mu ta ba a baulu ba mina.
- 13 Mina nzi mina Jehova Nungungulu wa nwina, loye a humesileko nwina hi le tikweni ga le Gipite, kasi mu fela ku kala mu nga mahi tikumbu tabye; na mina nzi tsobile a makotso ya kubohwa ka nwina, nzi mu mahile mu kanziya mu longamile.
- 14 Kanilezi loku nwina mu nga zwisisi ka mina, na mu nga ta maha konkle loku kuleletela;
- 15 Ni loku nwina mu nyenyenya a zilayelo za mina, ni loku a mihefemulo ya nwina yi swihala hi ziyimiso za mina, kasi lezo nwina mu nga ta maha konkle kuleletela ka mina, kanilezi mu tsoba a xivumelwano xa mina;
- 16 Minawu kambe nzi ta maha lezi ka nwina: mina nzi ta yimisa a hlankero hehla ka nwina, ni kumbetiswa ni feberi, leyo yi ta nga mbetisa a mahlo, ni ku maha mihefemulo yi ta kwebeka; nwina mu ta byala mbewu ya nwina yi nga nyawuli, hakuba balala ba nwina ba taga yona.
- 17 Na mina nzi ta rumela a ngohe ya mina ku vukela nwina, nwina mu ta hlulwa mahlweni ka balala ba nwina: bona ba ta mu benga nwina ba fuma hehla ka nwina; nwina mu ta tsutsuma laba na mu nga hlongolwi ha ncumo.
- 18 Ni loku nwina hi lezi zilo mu nga ta zwisisa ka mina, zonake mina nzi ta hlongola nwina nklanu wa zikati ni zimbiri kambe hi kota ya zionho za nwina.
- 19 Mina nzi ta tsoba a matsanza ya ntamo wa nwina: na mina nzi ta maha a tilo ga nwina ku kota a xiketse, ni saba ga nwina ku kota a suku;
- 20 Ni ntamo wa nwina wu ta mbela hi ku nga nyawuli; hakuba a tiko ga nwina gi nga ta nyika a pfuno wa gona, ge ni tisinya ta tiko ti nga ta trala mihanzo.
- 21 Loku nwina mu famba hi kuha mbunyeta ka mina, mu nga ta ingisa ka mina, mina nzi ta neha a nklanu wa mitungu ni mimbiri hehla ka nwina ku kotisa zonho za nwina.
- 22 Mina nzi ta rumela a zibanza za kwa-

- ti xikari ka *nwina*, lezo zi ta nga mu pangela *nwina* a banana ba *nwina*, zi lobisa a miklambi ya *nwina*, zi maha *nwina* ba tsongwani tsengweni; ni tindlela ta *nwina* ti ta maha maphupha.
- 23 Ni loku hi lezi zilo *nwina* mu nga ti khliseli ka mina, kanilezi mu famba hi kuhambunyeta ka mina;
- 24 Zonake minawu kambe nzi ta famba hi kuhambunyeta ka *nwina*; na mihla nzi ta daya *nwina*, yena mina, nkhanu wa zikati ni zimhiri hi ku kota zionho za *nwina*.
- 25 Mina nzi ta neha a supado behla ka *nwina*, leyo yi ta nga tsanza a kupotwa ka xivumelwano; *nwina* mu ta tsombanyiswa wutsamo ginwe miti ni ya *nwina*; na mina nzi ta rumela a nzhere xikari ka *nwina*; *nwina* mu ta nyikelwa canjeni ga balala ba *nwina*.
- 26 Laha na nzi tsobile a nhonga ya zibaba za *nwina*, kume ga ba basati ba ta bika a zibaba za *nwina* kumbarini ginwe, ba ta nyika a zibaba hi kupima: na *nwina* mu taga, mu nga ta xuriswa.
- 27 Ni loku *nwina* hi ka zonkle lezi mu nga zwisisi ka mina, kanilezi mu famba hi kuhambunyeta ka mina;
- 28 Zonake minawu kambe nzi ta famba hi kuhambunyeta *nwina* hi zanga; minawu kambe nzi ta hlolongisa *nwina* nkhanu ni zimhiri zikati hi kota ya zionho za *nwina*.
- 29 Na *nwina* mu taga a nyama ya banana ba *nwina*, ni nyama ya banhanyana ba *nwina* *nwina* mu ta yiga.
- 30 Na mina nzi ta lobisa a wutsamo ga *nwina* legi gi khlakukileko, nzi tsemelela a zifananiso za *nwina* za gambo, ni ku hoxa a zirumbi za *nwina* behla ka mimbiri ya zifananiso za *nwina*; ni muhefemulo wa mina wu ta swirwa ha *nwina*.
- 31 Na mina nzi ta maha miti ya wena yi hahluka, nzi neha a yindlu yo basya ya wena khangalakeni, mina nzi nga ta nuheta a masema ya wena ya ku tsombela.
- 32 Na mina nzi ta neha a tiko khangalakeni; ni balala ba wena labo ba akileko lomo ba ta hlamliswa ha kona.
- 33 *Nwina* mu ta su fenemete xikari ka matiko, na mina nzi ta hlomula a supado le nzako ka wena; ni tiko ga wena gi ta ba khangalaka, ni miti ya wena yi ta ba kuhahluka.
- 34 Zonake a tiko gi ta tsakela a masabado ya gona, ku kota loko gi hangalakileko, *nwina* mu le tikweni ga balala ba *nwina*; kona lezoke a tiko gi ta humula, gi tsakela masabado ya gona.
- 35 Ku kota xonkle xikato lexo gi tsa-mileko na gi hangalakile gona gi ta humula, kona kuhumula loko gi nga wa kala gi nga hi nako masabadweni ya *nwina*, laho na mu akile behla ka gona.
- 36 Ni kota bona labo ba seleko ba *nwina*, mina nzi ta rumela kudzebetana timbilwini tabye matikweni ya balala babye: ni guwa ga kluka gi pengako gi ta ba hlolongisa bona, bona ba ta tsutsuma, ku kwatsi hi mu-nwe a tsutsumako a caba supado; bona ba tawa laha na a nga hi kona loyi a ba hlolongisako.
- 37 Bona ba ta hingakanyana behla ka munwe ni munwani, ku kota ku kwatsi hi mahlweni ka supado, laha a nga hi kona a ba hlolongako; na *nwina* mu nga ta kuba na ntamo kuyima mahlweni ka balala ba *nwina*.
- 38 *Nwina* mu ta mbeteka xikari ka matiko, ni tiko ga balala ba *nwina* gi taga *nwina*.
- 39 Na bona labo ba seleko ba *nwina* ba ta hokoloka ba kwebeka zigohweni babye leyo tikweni ga balala ba *nwina*; kambe ni zigoho za bararu babye ba ta hokolokiswa ba kwebekiswa ha zona.
- 40 Bona ba ta wulela a zigoho babye, ni zigoho za bararu babye, ka zihambunyeto lezo ba hambunyetileko ba vukela mina, ni lezaku kambe, bona mafambile hi kuhambunyeta ka mina.
- 41 Minawu kambe nzi famba hi ku hambunyeta ka bona, ni ku ba neha lomo tikweni ga balala babye: loku zonake a timbilu tabye ti nga hi ko mikwera ti hi ni ku ti koramisa, na bona ba amukela a kubiwa ba tsayiswa a kugoha kabye;
- 42 Zonake mina nzi ta alakanya a xivumelwano xa mina zinwe na Jakobe; kambe ni xivumelwano xa mina zinwe na Isaka, kambe ni xivumelwano xa mina zinwe na Abrahamama mina nzi ta alakanya; na nzi ta alakanya tiko.
- 43 Ni tiko kambe gi ta siywa ha bona, na gi ta tsakela masabado ya gona.

lego sileko gi hangalakile na gi hi haba bona : na bona ba ta vumela a kutsayiswa ka zigoho zabye ; haku-ba, hambu hakuba bona ba nyenile a ziyimiso za mina, ni mihefemulo yabye yi swihatilwe hi zilayelo za mina.

- 44 Ni hambu lezo a kuba bonkle labo, laha na hi le tikweni ga balala babye, mina nzi nga ta ba nyenya bona, ge ni ku swirwa ha bona, a ku lobyiswa bona hi ku nyamalalisisilweko, ni ku tsoba a xivumelwano xa mina zinwe na bona ; hakuba nzi mina Jehova Nungungulu wabye.
- 45 Kanilezi hi kota yabye nzi alakanya a xivumelwano xa bakoko babye, labo nzi ba humesileko hi le tikweni ga le Gipite kuwoneni ka matiko, kasi nza fela ku ba Nungungulu wabye : nzi mina Jehova.
- 46 Lezi hi zilayelo ni ziyimiso ni milayo, leyo Jehova a nga wa yi mahile xikari ka yena ni banana ba ka Israeli xitsungeni Sinai ha Mosi.

XIPIMO 27.

- 1 Na Jehova i lo wulawula ka Mosi, aku,
- 2 Wulawula ka banana ba Israeli, uku ka bona, Ni loku a munhu a mbetisa a xifungo, ni banhu mba Jehova hi wukulu ga bona.
- 3 Ni wukulu ga wena gi ta ba ga matsune ku sukela makume mambirini ya malembe kala ku cikela makumeni ya nklanu ni ginwe malembe a wukale, hambu gona a wukulu ga wena a gi be nklanu wa makume maxekeli ya siliva, ku kotisa a maxekeli ya yindlu yo basa.
- 4 Ni loku wu hi nkati, zonake a wukulu ga weni makume manharu maxekeli.
- 5 Ni ku sukela nklanwini wa malembe a wukale ku kala makume mambirini ya malembe a wukale, zonake a wukulu ga matsune ku ta ba makume mambiri a maxakeli, ni wasati i kume ga maxekeli.
- 6 Ni loku ku sukela hwetini yinwe a wukale ku kala ku cikela nklanwini wa malembe a wukale, zonake a wukulu ga matsune i nklanu wa maxekeli ya siliva, ni nkati ku ta ba maxekeli manhari ya siliva.
- 7 Ni loku ku ta sukela ka nklanu ni ginwe wa makume kuya behla ; loku ku hi matsune, zonake a wukulu

gi ta ba nklanu wa makume maxekeli ya siliva, ni nkati kume maxekeli ya siliva.

- 8 Kanilezi loku yena a hi xisiwana ku hunza a wukulu ga wena, zonake yena i ta yimiswa mahlweni ka mupristi, ni mupristi a mu ringanise ; ku kotisa a ntamo wa yena loye a fungileko a mupristi a mu ringanise.
- 9 Ni loku kona ku hi xihari, lexo a munhu a nyikelako a munyikelo ha xona ka Jehova, konkle loko a munhu a nyikelako ka Jehova ku ta ba kubasile.
- 10 Yena a nga ta wu nyikela, ge ni ku hunzula wona, a wo saseka hi wo biha, kutani wo biha hi wo saseka : ni loku yena futsi a ta hunzuluselana a xihari hi xihari, zonake zona zimbiri si hunzuluseneko a si be si basile.
- 11 Ni loku xi nga hi xihari xi hlazekileko, lexo ba nga nyikeliko a munyikelo ha xona ka Jehova, zonake i yisa a xihari mahlweni ka mupristi ;
- 12 Ni mupristi i ta xi ringanisa, kutani xi sasekile kutani xi bihile : ku kotisa lezo a mupristi a ta nga xi ringisisa zona, xi ta ba zalezo.
- 13 Kanilezi loku yena ha kunene a ta klaklisa xona, yena i ta engetela a xipanze xa wunklanu ka wukulu ga wena.
- 14 Ni loku a munhu i ta basisa a yindlu kasi yi basa ka Jehova, zonake ni mupristi i ta yi kulisa yona, kwatsi mupristi a ta yi kubisa zona, zingaho yona yi ta yima.
- 15 Ni loku loye a yi basisileko a ta klaklisa a yindlu ya yena, zonake yena i ta engeta a xipanze xa wunklanu xa mali xa wukulu ga wena ka yona, yona yi ta ba ya yena.
- 16 Ni loku munhu a basisa ka Jehova a xipanze xa simu ya tsomba yakwe, zonake a wukulu ga wena gi ta kotisa a mabele ya kona : a mabele ya homare ya barle ma ta ringaniswa a nklanu makume maxekeli ya siliva.
- 17 Ni loku yena a basisa a simu yakwe ku sukela lembeni ka mihlakano, ku kotisa a wukulu ga wena gona gi ta yima.
- 18 Kanilezi loku a basisa a simu ya yena anzako ka mihlakano, zonake a mupristi i ta hlazela ka yena a mali ya malembe lawo na seleko kala le-

MITSENGO, 1.

- mbe ga mihlakano; ni kubohliswa ku ta mahiwa hi wukulu ga wena.
- 19 Ni loku loye a basisileko a simu ha kunene a ta yi klaklisa gona, zonake yena i ta engetela a xipanze xa wuklanu xa mali xa wukulu ga wena ka gona, gona gi ta tiyiswa ka yena.
- 20 Ni loku yena a nga klaklisi a simu, ni loku a xabisile a simu ka muwani munhu, gona gi nga ta ha klakliswa kambe:
- 21 Kanilezi a simu, loku yi huma hi xikari xa mihlakano, yi taba yi basile ka Jehova, kota gi kangetilweko; a tsomba ya gona yi ta ba ya mupristi.
- 22 Ni loku yena a basisa ka Jehova a simu, leyo a yi xabileko, leyo yi nga hiko a simu ya tsomba ya yena:
- 23 Zonake a mupristi i ta hlalaya ka yena a tsongo wa wukulu ga kona kala ka lembe ga mihlako: yena i ta nyika a wukulu ga wena lego siku, kota xilo xo basa ka Jehova.
- 24 Hi lembe ga mihlakano a simu yi ta wuyela ka yena loye gi xabyilweko ka yena, kona ka yena loye a tsomba ya tiko yi nga ya yena.
- 25 Ni gonkle a wukulu ga wena gi ta kota a xekeli ga yin/lu yo basa: Makume mambiri ma gera ku ta ba a xekeli.
- 26 Kambela a matewula ya zihari, lawo ma nga matewula ya Jehova, a nga kona munhu a ta nga ma basisa; kani i kabi kutani i yivu, za Jehova.
- 27 Ni loku ku hi xihari xi nga hlazekangiko, zonake yena i ta rihela xona ku kotisa a wukulu ga wena, yena i ta engetela ka xona a xi panze xa wuklanu xa kona: kutani kona a kuklakliswangi, kona ku ta xabyiswa ku kota a wukulu ga wena.
- 28 Abemba a ku kona xilo xi kange-tilweko, lexo a munhu a ta xi kange-ta ka Jehova za zonkle lezo a na zona, kani munhu kutani xihari, kutani za simu ya tsomba ya yena, xi ta nga xabyiswa kutani xi klakliswa: zonkilelele zi kangetilweko zi basile nguvu ka Jehova.
- 29 A ku na munwe a ta nga kangeta, lezo zi ta nga kangetiwa hi le ka xikari ka banhu, zi ta riheliswa; yena ha kunene i ta dawa.
- 30 Konkle ka wukume ka tiko, kutani ka mbewu kutani ka tiko, kutani mihanzo kutani tisinya, ka Jehova: kona ku ta basa ka Jehova.
- 31 Ni loku a munhu a klaklisa a ka wukume ka yena, yena i ta engetela ka kona a xipanze xa wuklanu xa kona.
- 32 No gonkle a wukume ga tihomu ni ga mikhumbi, kani hi yini xi hunzako lahasi ka nhonga, a wukume gi taba gi basile ka Jehova.
- 33 A nga hlola a ku kutani xi sasekile kutani xi bihile, ge yena a nga ta xi hunzulusa xona: ni loku yena futsi a xi hunzulusa, zonake zimbiri zi hunzuluseneko zi ta ba zi basile; kona ku nga ta klakliswa.
- 34 Lezi hi zileletelo lezi Jehova a nga leletela Mosi ka banana ba ka Israeli le xi tsungeni Sinai.

A BUKU GA WUMUNE GA MOSI, GI KU

MITSENGO.

XIPIMO 1.

- 1 Na Jehova i lo wulawula na Mosi lomo xiwuleni xa le Sinai, lomu tenteni ga muaklangano, hi siku go-ranga ga hweti ya wumbiri, hi lembe ga wumbiri a nzako na ba humele hi le tikweni ga le Gipite, aku.
- 2 Tekani nwina muhlalaya a klangano wonkle wa banana ba ka Israeli, hi mingango ya/bye, hi tin/lu ta bararu ba/bye, ku kotisa hi ka tsengo wa mabito, bonkilelele ba banuna, hi wukulu ga/bye:
- 3 Ku sukela ka bamakume mambiri a wukale ku komama ehla, ni bonkle laba ba zi kotako ku hloma yimpi ka Israeli, wena na Aroni mu ta ba hlalaya hi maban/la ya/bye.
- 4 Na zinwe na nwina laho ku ta ba kona a munhu wa lixaka tonkilelele;

- bonklelele a hloko ya yindlu ya bararu babye.**
- 5 Ni laya hi mabito ya banhu labo ba ta nga yima zinwe na nwana. Ka Rubeni: Elizura a nwana wa Xedura.
- 6 Ka Simeoni: Xelumieli a nwana wa Zurixadayi.
- 7 Ka Juda: Nahxonia nwana wa Aminadaba.
- 8 Ka Isakare: Netaneli a nwana wa Zware.
- 9 Ka Zebuluni: Eliabe a nwana wa Heloni.
- 10 Ka banana ba ka Josefa: a ka Efraime: Elixama a nwana wa Amihudi. A ka Manasa: Gamalieli a nwana wa Pedazura.
- 11 A ka Benjamini: Abidani a nwana wa Gideon.
- 12 A ka Dani: Ahiezere a nwana wa Amixadai.
- 13 A ka Axeri: Paglieli a nwana wa Okrani.
- 14 A ka Gadi: Eliasafa a nwana wa Deueli.
- 15 A ka Naftali: Ahira a nwana wa Enane.
- 16 Laba hi bona laba ba bitanilweko ba le nklanganweni, a tihosana ta tixaka ta bararu babye; bona ba wa hi tihloko ta makume mazana ya ka Israeli.
- 17 Na Mosi na Aroni ba lo teka a madota laya ma wulilweko hi mabito:
- 18 Na bona ba lo tsombanyisa wonkle a nklangano katiginwe hi siku go ranga ga hweti ya wumbiri; ba lo hlawutela a bakoko babye hi mingango yabye, hi tindlu ta ba bararu babye, ku kotisa hi ka tsengo wa mabito, kusukela makume mabiri ni ya malembe a wukale ku komama le hehla, hi wukulu gabye.
- 19 Kwatsi hi lezi Jehova i lo leletela Mosi, zingaho i lo hlalaya bona lomo xiwuleni xa le Sinai.
- 20 Ni banana ba ka Rubeni, a matewula ya Israeli, hi zizukulwana zabye, hi mingango yabye, hi tindlu ta bararu babye, ku kota hi ka mitsengo ya mabito, hi wukulu gabye, bonklelele ba banuna kusukela ka makume mambiri ya malembe a wukale ku komama le hehla, bonkle labo ba nga wa zi kota ku hloma yimpi;
- 21 Labo ba nga wa hlalwe ka bona, ba lixaka la ka Rubeni, ba wa hi mune wa makume ni nklanu ni ginwe makume ya mazana ni nklanu wa mazana.
- 22 A ka banana ba ka Simeoni, a zizukulwana zabye, hi mingango yabye, hi tindlu ta bararu babye, labo ba nga hlalwe leyo ke, ku kotisa hi tsengo wa mabito, hi wukulu gabye, bonklelele ba banuna kusukela ka makume mambiri a malembe a wukale ku komama le hehla, bonkle labo ba zi kotako ku hloma a yimpi;
- 23 Labo ba nga wa hlalwe ka bona, ba lixaka la ka Simeoni, ba wa hi nklanu wa makume ni nklanu ni mune makume ya mazana ni mazana manharu.
- 24 A ka banana ba ka Gadi, a zizukulwana zabye, hi mingango yabye, ni tindlu ta bararu babye, ku kotisa hi tsengo wa mabito, kusukela ka makume mambiri ya malembe ku komama le hehla, bonkle labo la kotako ku hloma a yimpi;
- 25 Labo ba nga wa hlalwe ka bona, ba lixaka la Gadi, ba wa hi mune wa makume ni nklanu wa makume ya mazana ni nklanu ni ginwe mazana ni nklanu wa makume.
- 26 A ka banana ba ka Juda, hi zizukulwana, zabye hi mingango yabye, hi tindlu ta bararu babye, ku kotisa hi ka tsengo wa mabito, ku sukela ka makume mambiri ya malembe a wukale ku komama le hehla, bonkle labo ba zi kotako ku hloma a yimpi;
- 27 Labo ba nga wa hlalwe ka bona, ba lixaka la ka Juda, ba wa hi nklanu ni ginwe makume ni kume ni mune a makume ya mazana ni nklanu ni ginwe a mazana.
- 28 A ka banana ba ka Isakare, hi zizukulwana zabye, ni mingango yabye, hi tindlu ta bararu babye, ku kotisa hi ka tsengo wa mabito, kusukela ka makume mambiri a malembe ku komama le hehla, bonkle labo ba nga wa zi kota ku hloma a yimpi;
- 29 Labo ba nga wa hlalwe ka bona, ba lixaka la ka Isakare, ba wa hi nklanu wa makume ni mune wa makume ya mazana hi mune wa mazana.
- 30 A ka banana ba ka Zebuluni, a zizukulwana zabye, hi mingango yabye, hi tindlu ta bararu babye, ku kotisa hika tsengo wa mabito, ku sukela ka makume mambiri malembe

- ku komama le hehla, bonkle labo ba zi kotako ku hloma a yimpi ;
- 31 Labo ba nga wa hlayilwe ka bona, a ba lixaka la ka Zebuluni, ba wa hi nk'lanu wa makume ni ni nk'lanu ni mambiri wa makume ya mazana ni mune wa mazana.
- 32 A ka banana ba ka Josefa, a ka banana ba ka Efraime, a zizukulwana za'bye, hi mingango ya'bye, hi tin'dlu ta bararu ba'bye, kusukela ka makume mambiri ya malembe a wukale ku komama le hehla, bonkle labo ba zi kotako a ku hloma a yimpi ;
- 33 Labo ba nga wa hlayilwe ka bona, ba lixaka la Efraime, ba wa hi mune wa makume ya kume ga mazana ni nk'lanu wa mazana.
- 34 A ka banana ba ka Manasa, a zizukulwana za'bye hi mingango ya'bye, hi tin'dlu ta bararu ba'bye, ku kotisa hi tsengo wa mabito ya'bye, kusukela ka makume mambiri a malembe a wukale ku komama le hehla, bonkle labo ba zi kotako a ku hloma yimpi ;
- 35 Labo ba nga wa hlayilwe ka bona, ba lixaka la ka Manasa, ba wa hi makume manharu ni mambiri ya kume ga mazana ni mambiri mazana.
- 36 A ka banana ba ka Benjamini, a zizukulwana za'bye, hi mingango ya'bye, hi tin'dlu ta bararu ba'bye, ku kotisa hi tsengo wa mabito, kusukela ka makume mambiri a malembe a wukale ku komama le hehla, bonkle labo ba zi kotako a ku hloma a yimpi ;
- 37 Labo ba nga wa hlayilwe ka bona, a ba lixaka la ka Benjamini, ba wa hi makume manharu ni nk'lanu wa makume ya mazana ni mune wa mazana.
- 38 A ka banana ba ka Dani, a zizukulwana za'bye, hi mingango ya'bye hi tin'dlu ta bararu ba'bye, ku kotisa hi ka tsengo wa mabito, kusukela ka makume mambiri ya malembe a wukale ku komama le hehla, bonkle labo ba zi kotako a ku hloma a yimpi ;
- 39 Labo ba nga wa hlayilwe ka bona, ba lixaka la ka Dani, ba wa hi nk'lanu ni ginwe ya makume ni mambiri ya kume ga mazana ni nk'lanu ni mambiri a mazana.
- 40 A ka banana ba ka Axeri, a zizukulwana za'bye, hi mingango ya'bye, hi tin'dlu ta bararu ba'bye, ku kotisa hi ka tsengo wa mabito, kusukela ka makume mambiri ya malembe a wukale ku komama le hehla, bonkle labo ba zi kotako a ku hloma a yimpi ;
- 41 Labo ba nga wa hlayilwe ka bona, ba lixaka la ka Axeri, ba wa hi mune wa makume ni ginwe ya kume ga mazana ni nk'lanu wa mazana.
- 42 A ka banana ba ka Naftali, a zizukulwana za'bye, hi mingango, ya'bye, hi tin'dlu ta bararu ba'bye, ku kotisa hi tsengo wa mabito, ku sukela ka makume mambiri ya malembe a wukale ku komama le hehla, bonkle labo ba zi kotako a ku hloma a yimpi ;
- 43 Labo ba nga wa hlayilwe ka bona, ba lixaka la Naftali, ba wa hi nk'lanu wa makume ni makume manharu ya kume ga mazana ni mune wa mazana.
- 44 Laba hi bona labo ba nga wa hlayilwe, labo Mosi na Aroni ba nga wa hlayelele, ni tihosana ta ka Israeli, ti wa hi banhu ba kume ni mambiri : bona loyi ni loyi i wa hi wa yin'dlu ya raru wa yena.
- 45 Zingaho bonkle labo ba nga wa hlayilwe ba banana ba ka Israeli hi tin'dlu ta bararu ba'bye, ku sukela ka makume mambiri a malembe a wukale ku komama le hehla, bonkle labo ba nga wa zi kota ku hloma yimpi ka Israeli ;
- 46 Bona bonkle labo ba nga wa hlayilwe ba wa hi ya mazana ni makume manharu ya mazana nk'lanu wa mazana ni nk'lanu wa makume.
- 47 Kanilezi a ba ka Levi hi lixaka la bararu ba'bye ba wa nga hlayiwangi xikari ka bona.
- 48 Ilakuba Jehova i wa wulawulile ka Mosi, aku,
- 49 Ku mbela a lixaka la ka Levi u nga li hlaye, ge wena ni ku teka a tsengo wa'bye xikari ka banana ba ka Israeli ;
- 50 Kanilezi yimisa wena a ba ka Levi hehla ka tabernakele ga wukustumnyu, ni hehla ka nhunzu yonkle ya kona, ni hehla ka zonkle lezo zi nga za yona : bona ba ta rwala a tabernakele, ni nhunzu ya yonkle ya kona ; bona ba ta kozela ka gona, bona ba ta goba ba ranzela a tabernakele.
- 51 Ni laba na tabernakele na gi klakliwa, ni ba ka Levi ba ta gi klakla ; ni

laha na tabernakele na gi *klaklekwa*, a ba ka Levi ba ta gona: ni mupfumba loye a tsinelako ka gona a ta dawe.

- 52 Ni banana ba ka Israeli a ba ta yimise a matenta yabye, bonklelele banhu gobelweni gakwe yena *nwinyi*, ni bonklelele banhu hi xiwoniso xakwe yena *nwinyi*, kota hi mabandla yabye.
- 53 Kanilezi a ba ka Levi ba ta goba ba ranzela a tabernakele ga wukustumunyu, kasi ku fela ku kala ku nga hi kona a zanga laho hehla ku nklangano wa banana ba ka Israeli: ni ba ka Levi ba cela kota ku hlayisa a tabernakele ga wukustumunyu.
- 54 Zakungahi ba lo maha a banana ba ka Israeli; ku kotisa hi ka zonkle lezo Jehova a nga leletela Mosi, zingaho ba lo maha bona.

XIPIMO 2.

- 1 Na Jehova i lo wulawula ka Mosi ni ka Aroni, aku,
- 2 A banana ba ka Israeli ba ta goba bonklelele banhu hi muwoniso wakwe yena *nwinyi*, hi miwoniso ya le ndlwini ka raru wakwe: ba aka ba renzelekela a tenta ga muklangano, bona ba ta aka ba gi ranzela gona.
- 3 Labo ba ta aka hi klelo ge leyo musuwukagambo ngomameni ni leyo musukagambo ku ta ba bona labo ba muwoniso wa wugobelo ga ka Juda, ku kota hi mabandla yabye: ni hosana ya banana ba ka Juda ku ta ba Nahxoni a *nwana* wa Aminadaba.
- 4 Ni bandla ga yena, labo ba nga wa hlayilwe ka bona, ba wa hi nklanu ni ginwe a makume ni kume ni mune makume ya mazana ni nklanu wa mazana ni ginwe.
- 5 Ni labo ba ta goba ba gamela yena ku ta ba a lixaka la ka Isakare: ni hosana ya banana ba ka Isakare ku ta ba Netaneli a *nwana* wa Zuaire.
- 6 Ni mabandla ya yena, labo ba nga wa hlayilwe laho, ba wa hi nklanu wa makume ni mune wa makume ya mazana ni mune wa mazana.
- 7 Lixaka la ka Zebuluni: ni hosana ya banana ba ka Zebuluni ku ta ba Eliabe a *nwana* wa Heloni.
- 8 Ni bandla gakwe, ni bonkle labo ba nga wa hlayelwe laho, ba wa hi nklanu wa makume ni nklanu ni mambi-

ri a makume mazana ni mune wa mazana.

- 9 Bonkle labo ba nga wa hlayilwe ba wugobelo ga ba ka Juda ba wa hi zana ga mazana ni nklanu ni manharu makume ya mazana ni nklanu ni ginwe a kume ga mazana ni mune wa mazana, ku kotisa hi mabandla yabye. Bona ba ta huma kura.
- 10 Hi klelo ga le dzonga ku ta ba kona a muwoniso wa wugobelo ga ka Rubeni ku kota hi mabandla yabye: ni hosana ya banana ba ka Rubeni ku ta ba Elizura a *nwana* wa Xadura.
- 11 Ni bandla gakwe, ni labo ba hlayelweko laho, ba wa hi mune wa makume ni nklanu ni ginwe makume ya mazana ni nklanu wa mazana.
- 12 Labo ba ta nga goba ba gamela bona ku ta ba a lixaka la ka Simeoni: ni hosana ya banana ba ka Simeoni ku ta ba Xelumieli a *nwana* wa Zurixadayi.
- 13 Ni bandla ga yena, ni labo ba nga wa hlayelwe ka bona, ba wa hi nklanu wa makume ni nklanu ni mune wa makume ya mazana ni mazana manharu.
- 14 Ni ba lixaka la ka Gadi: ni hosana ya banana ba lixaka la ka Gadi ku ta ba Eliasafa a *nwana* wa Reueli.
- 15 Ni bandla ga yena, ni labo ba nga wa hlayelwe ka bona, ba wa hi mune wa makume ni nklanu wa makume ya mazana ni nklanu gi ginwe mazana, ni nklanu wa makume.
- 16 Ni bonkle labo ba nga wa hlayelwe ba wugobelo ga ka Rubeni ba wa hi a zana ga mazana ni nklanu wa makume ni kume ga mazana ni mune wa mazana ni nklanu wa makume, ku kotisa hi mabandla yabye. Na bona ba ta huma ba gamela.
- 17 Zonake a tenta ga muklangano gi ta yimiswa, zinwe ni wugobelo ga ba Levi xikari ka magobelo: kota lezi bona ba gobileko, zingaho bona ba ta yimisa, bonklelele banhu wutsawweni gakwe, hi miwoniso yabye.
- 18 Hi klelo ga le muhlwagambo ku ta ba kona a muwoniso wa wugobelo ga ka Efraime, ku kota hi mabandla yabye: ni hosana ya banana ba ka Efraime ku ta ba Elixama a *nwana* wa Amihudi.
- 19 Ni bandla ga yena, ni labo ba hlayelweko ka bona, ba wa hi mune wa

- makume ya mazana ni nk'lanu wa mazana.
- 20 A wo gamela yena ku ta ba a lixaka la ka Manasa: ni hosana ya banana ba ka Manasa ku ta ba Gamalieli a n'wana wa Pedazura.
- 21 Ni band'la ga yena, ni labo ba hlalweko ka bona, ba wa hi makume manharu ni mambiri makume ya mazana ni mazana mambiri.
- 22 Ni lixaka la ka Benjaminini: ni hosana ya lixaka la banana ba ka Benjaminini ku ta ba Abidani a n'wana wa Gideoni.
- 23 Ni band'la ga yena, ni labo ba nga wa hlalwe ka bona, ba wa hi makume manharu ni nk'lanu wa makume mazana ni mune wa mazana.
- 24 Ni bonkle labo ba nga wa hlalwe wugobelweni ga ba ka Efraime ba wa hi mazana ya mazana ni nk'lanu ni manharu makume ya mazana ni zana giwe, ku kotisa hi maband'la yabye. Bona ba ta huma hi ka wunharu.
- 25 Hi k'lelo ga le n'walungu ku ta kona a miwoniso wa wugobelo ga ka Dani ku kotisa hi maband'la yabye: ni hosana ya banana ba ka Dani ku ta ba Ahiezere a n'wana wa Amixadayi.
- 26 Ni band'la ga yena, ni labo ba nga hlalwe ba bona, ba wa hi nk'lanu ni giwe ni mambiri ya kume ga mazana ni nk'lanu ni mambiri a mazana.
- 27 Ni labo ba ta nga goba ba gamela yena ku ta ba a lixaka la ka Axera: ni hosana ya banana ba ka Axera ku ta ba Pagieli a n'wana wa Okrani.
- 28 Ni maband'la ya yena, ni labo ba nga wa hlalwe ka bona, mune wa makume ni giwe a kume ga mazana ni nk'lanu wa mazana.
- 29 Ni lixaka la ka Naftali: ni hosana ya banana ba ka Naftali ku ta ba Ahira a n'wana wa Enane.
- 30 Ni band'la ga yena, ni labo ba nga wa hlalwe ka bona, ba wa hi nk'lanu wa makume ya makume manharu ya kume ga mazana ni mune wa mazana.
- 31 Bonkle labo ba nga wa hlalwe ba wugobelo ga ka Dani ba wa hi zana ga kume ya mazana ni nk'lanu wa makume ni nk'lanu ni mambiri a kume ga mazana ni nk'lanu ni giwe mazana. Bona ba ta huma ha xinza kwana hi miwoniso yabye.
- 32 Laba hi bona labo ba nga wa hla-

- yilwe ka banana ba ka Israeli hi tindlu ta bararu banye: bonkle labo ba nga wa hlalwe wugobelweni ku kotisa hi maband'la yabye ba wa hi nk'lanu ni giwe a ga kume ya mazana ga mazana ni manharu ya kume ga mazana ni nk'lanu wa mazana ni nk'lanu wa makume.
- 33 Kanilezi a ba ka Levi ba wa nga hlalwe wangi xikari ka banana ba ka Israeli: ku kotisa lezi Jehova a nga leletela Mosi.
- 34 Zakungahi ba lo maha a banana ba ka Israeli: ku kotisa hi ka zonkle lezi Jehova a nga wa leletele Mosi, zingaho bona ba lo goba hi miwoniso yabye, bona ba lo huma, bonklelele hi mingango yabye, kotisa hi tindlu ta ba raru banye.

XIPIMO 3.

- 1 Makunu lezi hi zizukulwana za Aroni na Mosi masikwani laho Jehova i lo wulawula ka Mosi le xitsungeni xa Sinai.
- 2 Ni laya hi mabito ya banana ba ka Aroni: Nadabe a matewula, na Abihu, Eleazare, na Itamare.
- 3 Ni laya hi mabito ya banana ba ka Aroni, a mupristi loye a nga wa totilwe, a wihia a nga wa nyikelisisilwe a kukozela xikundleni xa wupristi.
- 4 Na Nadabe na Abihu, ba lofa mahlweni ka Jehova, laha na ba nyikelela a nzilo wa laba mahlweni ka Jehova, le xiwuleni xa le Sinai, bona ba wa nga hi na banana; na Eleazare na Itamare ba lo kozela xikundleni xa wupristi kuwoneni ka Aroni a raru wabye.
- 5 Na Jehova i lo wulawula ka Mosi, aku,
- 6 Neha a lixaka la ka Levi laha kusuhi, u ba yimisa mahlweni ka Aroni a mupristi, kasi ba fela ku kozela ka yena.
- 7 Bona ba ta hlalisa a kuwula ka yena, ni kuwula ka wonkle a nk'langano mahlweni ka tenta ga muklangano, a ku maha a nkozi ya tabernakele.
- 8 Na bona ba ta hlalisa yonkle a nhunzu ya tenta ga muklangano, ni kuwula ka banana ba ka Israeli, a ku maha a nkozi ya tabernakele.
- 9 Wena u ta nyikelela a ba ka Levi ka Aroni ni ka banana ba yena: bona ba nyikelwe ka yena hi ku mbeleleko hi k'lelo ga banana ba ka Israeli.

- 10 Wena u ta yimisa Aroni ni bana ba yena, bona ba ta hlalisa a wupristi gabye: ni mupfumba loye a tsinela-ko kusahani i ta dawa.
- 11 Na Jehova i lo wulawula ka Mosi, aku,
- 12 Ma mina, languta, nzi tekile a ba ka Levi xikari ka banana ba ka Israeli a wutsanweni ga wonkle matewula lawo na vululako a marumbu xikari ka banana ba ka Israeli; ni ba ka Levi ba ta ba ka mina:
- 13 Hakuba wonkle a matewula nja mina; hi sikwini lego nzi nga lo daya a matewula wonkle ya tiko ga le Gipite nzi ti wungeletelela a matewula wonkle ya ka Israeli bonkle bannhu ni zihari; bona ba taba ba mina: nzi mina Jehova.
- 14 Na Jehova i lo wulawula na Mosi le xiwuleni xa le Sinai, aku,
- 15 Hlayela a banana ba ka Levi hi tindlu ta bararu babye, hi mingango yabye: bonklelele ba banuna ku sukela ka lembe ginwe ku komana le hehla wena u ta ba hlalisa bona.
- 16 Na Mosi i lo hlalisa bona ku kotisa a mhaka ya Jehova, kwatsi hi lezi yena a nga wa leletele.
- 17 Laba hi banana ba ka Levi hi mabito yabye: Gerxoni, na Kohate, na Merare.
- 18 Ni laya hi mabito ya banana ba ka Gerxoni hi mingango yabye: Libni, na Ximei.
- 19 Ni banana ba ka Kohate hi mingango yabye: Amrama, na Izhare, na Hebroni, na Uziele.
- 20 Ni banana ba ka Merare hi mingango yabye: hi Mahli, na Muxi. Leyi hi mingango ya ba ka Levi hi tindlu ta bararu babye.
- 21 Gerxoni i wa hi ngango wa ka Libni, na ngango wa ka Ximei: leyi hi mingango ya ba ka Gerxoni.
- 22 Labo ba nga wa hlalilwe ka bona, ku kotisa a tsengo wa bonkle ba banuna, ku sukela ka hweti a wukale ku komana hehla, bona labo ba nga wa hlalilwe ka bona ba wa hi nklanu ni mambiri a kume ga mazana ni nklanu wa mazana.
- 23 Ni mingango ya ka Gerxoni yi ta goba hi le makutini ya tabernakele hi le muhlwaambo.
- 24 Ni hosana ya yindlu ya raru wa ba Gerxoni hi Eliasafa a nwana wa Laeli,
- 25 Ni kuhlayisa ka banana ba ka Ge-

[Sheetswa.] 11

- rxoni lomo tenteni ga muklangano ku ta ba a tabernakele, ni Tenta, ni kufulela ka gona, ni libati la nyangwa ya tenta ga muklangano,
- 26 Ni kuhlayekwa ka hubye, leyi yi nga laha tabernakeleni, ni laha alatini ku renzelekela, ni tingoti ta kona ni yonkle a nkozo ya kona.
- 27 Ni ba ka Kohate ku wa hi a ngango wa ka Amrama, ni ngango wa ka Izhare, ni ngango wa ka Hebroni, ni ngango wa ka Uziele, leyi hi mingango ya ka Kohate.
- 28 A ku kotisa a tsengo wa bonkle a banuna, ku sukela ka hweti ku komana le hehla, labo ku wa hi nklanu ni manharu ya kume ga mazana ni nklanu ni ginwe a mazana, ba hlalisa a tiro wa yindlu ya kubasa.
- 29 Ni mingango ya banana ba ka Kohate yi ta goba hi kelelo ga tabernakele ngomameni ni le dzonga.
- 30 Ni hosana ya yindlu ya raru wa mingango ya ka Kohate ku ta ba Elizafoni a nwana wa Uziele.
- 31 Ni tiro wabye ku ta ba a arke, ni meza, ni tinhi ta kandiya, ni alati, ni zibya za yindlu yo basa, lezo ba kozelako ha zona, ni libati, ni nkozo ya kona.
- 32 Na Elezare a nwana wa Aroni a mupristi i ta ba hosana hehla ka tohosana ta banana ba ka Levi, i ta cuwukela bona labo ba hlalisa a yindlu yo basa.
- 33 A ka Merare ba wa hi ba ngango wa ka Mahli, ni ngango wa ka Muxi: leyi hi mingango ya ka Merare.
- 34 Labo ba nga wa hlalilwe ka bona, ku kotisa hi ka tsengo wonkle wa ba banuna, ku sukela ka hweti a wukale ku komana le hehla, ku wa hi nklanu ni ginwe a kume ga mazana ni mambiri mazana.
- 35 Ni hosana ya yindlu ya raru wa mingango ya ka Merare ku wa hi Zurieli a nwana wa Abihiali: bona ba ta goba hi kelelo ga tabernakele ngomameni ni le nwalungwini.
- 36 Ni tiro wu yimisilweko a banana ba ka Merare ku ta ba a tibakwa ta tabernakele, ni mipingu ya kona, ni timhinga ta kona, ni malongonzo ya kona, ni yonkle a nhunzu ya kona, ni yonkle a nkozo ya kona.
- 37 Ni timhinga ta hubye ti renzelekeko, ni timhinga ta kona, ni mabariketo, ni tingoti ta wona.

- 38 Labo ba ta goba mahlweni ka tabernakele hi ngomameni ni le mutsuwukagambo, mahlweni ka tenta ga muklangano, nongameto ni le musukagambo, ku ta ba Mosi, na Aroni ni bana ba yena na ba hlalaya tiro wa yindlu ya kubasa a tiro wa banana ba ka Israeli; ni mupfumba loyi a ta nga tsinela ku subani i ta dawa.
- 39 Bonkle labo ba nga wa hlalilwe ka ba ka Levi, labo Mosi na Aroni ba nga wa hlalile le kuleleteleni ka Jehova, hi mingango ya'ye, bonkle ba banuna ku sukela ka hweti yi'we a wukale ku komama hehla, ba wa hi makume mambiri ni mambiri kume ga mazana.
- 40 Na Jehova i te ngalo ka Mosi, Hlayela wonkle matewula ya ba banuna ya banana ba ka Israeli ku sukela ka hweti yi'we a wu kale ku komama le hehla, ni ku teka a tsengo wa mabito ya'ye.
- 41 Na wena u ta teka a ba ka Levi ka mina (nzi mina Jehova) a wutsawweni ga wonkle a matewula xikari ka banana ba ka Israeli; ni tihomu ta ba ka Levi wutsawweni ga matewula wonkle xikari ka tihomu ta banana ba ka Israeli.
- 42 Na Mosi i lo hlalela, ku kotisa lezi Jehova a nga leletele yena, wonkle a matewula xikari ka banana ba ka Israeli.
- 43 Ni wonkle a matewula ya ba banuna ku kotisa hi tsengo wa mabito, ku sukela ka hweti a wukale ku komama le hehla, ka labo ba hlalilweko ka bona, ba wa hi makume mambiri ni mambiri a kume ga mazana ni mazana mambiri ni nk'lanu ni mambiri makume ni manharu.
- 44 Na Jehova i lo wulawula ka Mosi, aku,
- 45 Tek a ba ka Levi wutsawweni ga wonkle a matewula xikari ka banana ba ka Israeli, ni tihomu ta ba ka Levi a wutsawweni ga tihomu tabye; a ba ka Levi ba taba ba mina: nzi mina Jehova.
- 46 Na hi ku'la'liswa ka mazana mambiri ni nk'lanu wa makume ni mambiri ni manharu a matewula ya banana ba ka Israeli, lawo ma hunzisi'weko ku hunza a tsengo wa banana ba ka Levi.
- 47 Wena u ta teka a nk'lanu wa maxekeli hi xipanze xa wukulu; ku ko-

- ta hi xekeli ga yindlu yo basa wena u ta teka wona (a xekeli makume mambiri ya magera):
- 48 Wena u ta nyika a mali, laha ku nga a tsengo wa kona na wu k'la'lisilwe, ka Aroni ni bana ba yena.
- 49 Na Mosi i lo teka a mali yi k'la'lisi-lweko ka bona laba ba nga wa hunzelele ba sala labo ba nga wa k'la'lisilwe hi ba ka Levi;
- 50 Le ka matewula ya banana ba ka Israeli yena i lo teka mali, a kume ga mazana ni mazana manharu ni nk'lanu ni ginwe makume ni nk'lanu wa maxekeli, kota a maxekeli ya yindlu ya kubasa:
- 51 Na Mosi i lo nyika a mali yi k'la'lisi-lweko ka Aroni ni bana ba yena, ku kotisa a mhaka ya Jehova, kwatsi hi lezi Jehova a leleteleko Mosi.

XIPIMO 4.

- 1 Na Jehova i lo wulawula ka Mosi ni ka Aroni, aku,
- 2 Tek a tsengo wa banana ba ka Kohate xikari ka banana ba ka Levi, hi mingango ya'ye, hi tindlu ta bararu ba'ye,
- 3 Ku sukela malembeni manharu a wukale ku komama hehla, kona nk'la'wini wa makume ya malembe a wukale, bonkle labo ba ta nga engena nko'weni, a ku tira a tira lomo tenteni ga muklangano.
- 4 Le hi nkozo ya banana ba ka Kohate lomu tenteni ga muklangano, hi zilo zi hunzeleleko zi basa nguvu:
- 5 Ni laba laho a wugobelo na gi sangula kuan'lamuka, Aroni i ta engena, ni bana ba yena, na bona ba ta teka a veli ga libati, ni ku fenengeta a arke ga wukustumunyu ha yona.
- 6 Ni i ta fenengeta hehla ka kona a xifengeto xa wuya ga macalo, ni ku a n'la'lela hehla ka gona a tinguwo to balala, ni ku mehela a tinhi ta kona.
- 7 Ni hehla ka meza ya zibaba zi kombisi'weko bona ba ta a n'la'lele a nguwo yo balala, ba beka kona a mingelo, ni mikombe, ni magombe ni tikopo ta kona ta kuculula; ni zibaba zi simamisileko zi ta ba kona laho.
- 8 Bona ba ta a n'la'lela ka zona a nguwo trukiswa, ni ku fenengeta zalezo hi woya ga macalo, ba ta mehela a tinhi kona.
- 9 Bona ba ta teka a nguwo yo balala,

MITSENGO, 4.

- ba fenengeta a tinhi ta kandiya ta kuwoninga, ni tikandiya, ya tona ni kuvura ka tona, ni zitimo za tona, ni zibya za kona za mafura, lezo ba kozelako ha zona kona :
- 10 Bona ba ta beka kona ni zonk'le a zibya za kona lomu nzeni ka xifenengeto xa woja ga macalo, ni ku beka kona hehla ka mipingu.
- 11 Ni hehla ka alati ga nzalama bona ba ta andlalela a nguwo yo balala, ba fenengeta kona hi woja ga macalo, ba ta mehela a tinhi nzeni ka kona :
- 12 Bona ba ta teka zonk'la a zibya za kuzozela, lezo ba kozelako ha zona lomu ndlwini ya kubasa, ni ku zi bekela lomo ngubiyeni yo balala, ni ku zi fenengeta hi xifenengeto xa woja ga macalo, ni ku mehela zona le mipingwini.
- 13 Na bona ba ta ola a kuma laha alateni, ni ku andlalela a nguwo ya zirila kona :
- 14 Bona ba ta beka hehla ka gona a zibya zonk'le za kona, zona lezo ba kozelako ha zona ka gona, a mahati yo okela a nzilo, a tiobe ta nyama ma ni mafoxola, ni zinamelo, zonk'le a zibya za alati ; bona ba andlalela ka zona a kumba wa woja ga macalo, ba mehela a mipingu kona.
- 15 Ni laha Aroni ni bana ba yena na ba mahile kugumelwa a ku fengeta a yindlu ya kubasa ni yonk'le a nzhu-zu ya yindlu ya kubasa, kwatsi hi lezi a wugobelo gi wa ta andlamuka ; a nzako ka lezo, a banana ba ka Kohate ba tata ku ta rwala kona : kanilezi bona ba nga ta kumba kona ka kubasa, ba nga ta ku bafa. Lezi zilo hi nzwalo wa banana ba ka Kohate lomo tenteni ga muklangano.
- 16 Ni tiro wa Eleazare a nwana wa Aroni a mupristi ku ta ba a mafura ya kuwoninga, ni tibani li tsombe-leko, ni muniyikelo wa tinzoho wu simasisilweko, ni mafura ya kutota, a tiro wa tabernakele gonk'le, ni wa zonk'le lezo zi nga ka gona, a yindlu ya kubasa, ni nhunzu ya yona.
- 17 Na Jehova i lo wulawula ka Mosi ni Aroni, aku,
- 18 Mu nga tsemi nwinna a lixaha la mingango ya Kohate le ka ba ka Levi ;
- 19 Kanilezi maha zakungahi ka bona, kasi bona ba fela kuhanya, ba nga ta kufa, laha na ba tsinela ka zilo zi

- hunzeleleko zi basa : Aroni ni bana ba yena ba ta engena, ba nyika bona bonk'lelele a tiro wakwe ni nzwalo wa yena ;
- 20 Kanilezi bona ba nga ta engena a kuya wona a zilo zo basa hambu hi katanyanyana, ba nga ta ku bafa.
- 21 Na Jehova i lo wulawula ka Mosi, aku,
- 22 Tekawu a tsengo wa banana ba ka Gerxoni kambe, hi tindlu ta bararu babye, hi mingango yabye.
- 23 Ku sukela ka makume manharu malembe ku komama hehla ku kala nk'lanwini wa makume ya malembe a wukale wena u ta hl'aya bona ; bona laba ba engenako a ku rinzela a nkozo, a ku maha a tiro lomo tenteni ga muklangano.
- 24 Lowu hi tiro wa mingango ya ka Gerxoni, le nkozweni ni le kurwale-ni ka minzwalo :
- 25 Bona ba ta rwala a micacalato ya tabernakele, ni tenta ga muklangano, a kufulela ka gona, ni kufulela ka woja ga macalo legi gi nga hehla ka gona, ni libati la nyangwa ya tenta ga muklangano.
- 26 Ni kuhayekwa ka hubye, ni libati la nyangwa ya hubye, lolu li nga laha tabernakeleni li renzelekelako a alati, ni tingoti ta tona, ni yonk'le a nhunzu ya nkozo ya kona, ni kani hi yini lexi xi mahelwako bona : ka xona bona ba ta xi tira.
- 27 Hi kuleletela ka Aroni ni bana ba yena wu ta mahiwa a tiro wa banana ba ka Gerxoni, ka yonk'le a minzwalo yabye, ni ka yonk'le a nkozo yabye ; na nwinna mu ta kombisa ka bona a ku hl'ayisa a minzwalo yabye.
- 28 Leyi hi minzwalo ya mingango ya banana ba ka Gerxoni lomo tenteni ga muklangano : a tiro wabye wu ta ba lahasi ka canja ga Itamare a nwanwa wa Aroni a mupristi.
- 29 Kwatsi hi banana ba ka Merare, wena u ta hl'aya bona hi mingango yabye, hi tindlu ta bararu babye ;
- 30 Ku sukela ka ba makume manharu a wukale ku komama le hehla kona ka nk'lanu wa makume malembe a wukale wena u ta hl'aya bona, bonk'lelele laba ba ta nga engena nkozweni, a ku maha a tiro wa tenta ga muklangano.
- 31 Ni lowu hi tiro wa nzwalo wabye, ku kotisa hi ka nkozo yabye lomo tenteni ga muklangano : a tibakwa

- ta tabernakele, ni mipingu ya kona, ni timhinga ta kona, ni mabariketo ya kona,
- 32 Ni timhinga ta hubye ti renzelekeleko, ni mabariketo ya tona, ni timhingu ta kona, ni tingoti ta tona, ni nhunzu ya kona yonkle, ni nkozo ya kona yonkle : na hi mabito zwina mu ta abela a nhunzu yonkle ka ba rwali ba minzwalo.
- 33 Leyi hi nkozo ya mingango ya banana ba ka Merare, ku kotisa hi ka yonkle a nkozo yabye, lomo tenteni ga muklangano, lahiasi ka canja ga Itamare a nwana wa Aroni a mupristi.
- 34 Na Mosi na Aroni ni tihosana ta klangano ba lo hlayela a banana ba ka Kohate hi mingango yabye, hi tindlu ta bararu babye,
- 35 Ku sukela ka ba makume manharu a wukale ku komama le hehla kona ka nklanu wa makume malembe a wukale, bonklelele labo ba engenako le nkozweni, a tiro wa tenta ga muklangano :
- 36 Labo ba nga wa hlayilwe ka bona hi mingango yabye ba wa hi makume mambiri ya mazana ni nklanu ni mambiri mazana ni nklanu wa makume.
- 37 Laba hi bona ba nga wa hlayilwe ka banana ba ka Kohate, bonkle labo ba nga wa tira a nkozo lomo tenteni ga muklangano, a bali Mosi na Aroni ba nga wa hlayele kukotisa hi kuleletela ka Jehova ha Mosi.
- 38 Labo ba nga wa hlayilwe ba banana ba ka Gexoni, a mingango yabye, na hi tindlu ta bararu babye,
- 39 Kusukela ka ba makume manharu a wukale kukomama le hehla kona ka nklanu wa makume a malembe a wukale, bonklelele labo ba engenako le nkozweni, a ku tira lomo tenteni ga muklangano,
- 40 Bona labo ba hlayilweko ka bona, hi mingango yabye, hi tindlu ta bararu babye, ba wa hi makume mambiri ya mazana ni nklanu ni giawe mazana ni makume manharu.
- 41 Laba hi bona labo ba hlayilweko ba le mingangweni ya banana ba ka Gexoni, labo ba nga wa maha a nkozo lomo tenteni ga muklangano, labo Mosi na Aroni ba nga wa hlayele ku kotisa hi kuleletela ka Jehova.
- 42 Labo ba nga wa hlayilwe ba mingango ya banana ba ka Merare, hi mingango yabye, hi tindlu ta bararu babye,
- 43 Kusukela ka makume manharu a wukale ku komama le hehla kona ka nklanu wa makume malembe a wukale, bonklelele labo ba engenako le nkozweni, a ku tira lomo tenteni ga muklangano,
- 44 Bona labo ba nga wa hlayilwe ka bona hi mingango yabye, ba wa hi ya mazana makume manharu ni mazana mambiri.
- 45 Laba hi bona ba nga wa hlayilwe ka le mingangweni ya banana ba ka Merare, laha Mosi na Aroni ba nga wa hlayela kukotisa hi kuleletela ka Jehova ha Mosi.
- 46 Bonkle labo ba nga wa hlayilwe ka ka Levi, a bali Mosi na Aroni ni tihosana ta ka Israeli ti nga wa hlayile, hi mingango yabye, na hi tindlu ta bararu babye,
- 47 Kusukela ka makume manharu a malembe a wukale kukomama le hehla kona ka nklanu wa makume a malembe a wukale, bonklelele labo ba engenako a ku tira a tiro wa nkozo, ni tiro wa ku rwala a minzwalo lomo tenteni ga muklangano,
- 48 Bona labo ba nga wa hlayilwe ka bona, ba wa hi nklanu ni manharu ya kume ga mazana ni nklanu wa mazana ni nklanu ni manharu ya makume.
- 49 Kwatsi hi kuleletela ka Jehova, bona ba wa hlayilwe ha Mosi, bonklelele ku kotisa hi ka nkozo ya yena, ni kukotisa hi ka nzwalo wa yena : zakungahi bona ba wa hlayilwe ha yena, ku kotisa Jehova a nga wa leletele Mosi.

XIPIMO 5.

- 1 Na Jehova i lo wulawula ka Mosi, aku,
- 2 Laya a banana ba ka Israeli, kasi ba fela ku humesa laha wugobelweni gonkle a hlokonho, ni zonklelele lezo zi humako nkata, kani hixihi lexo xi nga hlazekangiko hi kufa :
- 3 Bonkle ba banuna ni ba basati bona ba ta huma, lhandle ka wugobelo zwina mu ta ba beka kona ; kasi ba nga nyenyezisi a wugobelo gabye, xikari ka kwihi mina nzi tsamako.
- 4 Ni banana ba ka Israeli ba lo maha lezo, ba lo ba humesa le handle ka wugobelo ; kwatsi hi lezi Jehova a

- nga wa wulawulile ka Mosi, zingaho ba lo maha a banana ba ka Israeli.
- 5 Na Jehova i lo wulawula ka Mosi, aku,
- 6 Wulawula ka banana ba ka Israeli, Laha a wanuna kutani wasati a maha ni xibi xionho lexo a munhu a xi mahako, zingaho a goha ka Jehova, ni lowu muhefemulo wuta ta ba wu gobile;
- 7 Zonake yena i ta wulela a xionho xa yena lexo a xi mahileko: yena i ta klelisela a mulera wa kugoha ka yena hi ku teleko, a engeta ka kona a xipanze xa wunklanu xa kona, ni ku nyika ka yena loye zi nga zakwe loye a mu gobileko.
- 8 Kanilezi loku a munhu a nga hi na wa ka kabye ka yena a kuklelisela a mulera ku ta nga mahiwa hi zigoho, a mulera wa xigoho lowu wu mahilweko ka Jehova wu ta ba wa mupristi; hi lahandle ka hamba ya nzhiho, leyo a nzhiho wu ta nga mahiwa wa yena.
- 9 Ni wonklelele a munyikelo wa kunziwitela wa zilo zonkle zo basa za banana ba ka Israeli, lezi bona ba tisileko ka mupristi, zi ta ba za yena.
- 10 Ni zonklelele zilo za banhu zi hlawulilweko za yena; kani hi xibi lexi a munhu a nyikako a mupristi, xi ta ba xa yena.
- 11 Na Jehova i lo wulawula ka Mosi, aku,
- 12 Wulawula ka banana ba ka Israeli, na ku ngalo ka bona, Loku a sati wa munhu a hambuka, a maha zionho ka yena,
- 13 Ni wanuna a eklele ziwwe naye hi kumbilukelisisilweko ka nyama, ku fihlala kuwoneni ka nuna wa yena, ku su hlaliska ku nyamalala, yena a nyenyeziswa, na laho ku nga hi kona a mboni ha yena, yena a nga tekwangi zi mahilweni;
- 14 Ni loku a moya wa wukuxu wu cikela hehla ka yena, yena a be ni wukuxu hi sati wa yena, na yena a nyenyeziswa: kutani loku a moya wa wukuxu wu cikela hehla ka yena, yena a be ni wukuxu hi sati wa yena, yena a nga nyenyeziswa;
- 15 Zonake a munhu i ta neha a sati wa yena ka mupristi, ni ku nehela yena a xinyikiwo xa yena, a xipanze xa wukume xa efa ya tinzoho wa barle; yena a nga ta cela a mafura ka tona, ge ni ku beka ni hlakati laho ka
- kona; hakuba kona munyikelo wa tinzoho wa mona, a munyikelo wa xialakanyelo, a ku neha a xigoho xi ta alakanywa.
- 16 Ni mupristi i ta neha yena ku suhani, a mu yimisa mahlweni ka Jehova:
- 17 Ni mupristi i ta teka a mati yo basa lomo ka xibya xa wumba; ni tsuri lowu wu nga lilonzeni la tabernakale a mupristi i ta wu teka, a wu cela lomo matini.
- 18 Ni mupristi i ta yimisa a wasati mahlweni ka Jehova, ni misisi ya wasati nga yi klatliwa, ni ku beka a munyikelo wa tinzoho lomo wa xialakanyelo lomo nzeni ka canja ga yena, lowu wu nga munyikelo wa tinzhoho wa mona: ni mupristi i ta nga a hi ni mati canjeni ga yena a mati ya kubaba ma mahako a kuhoxwa.
- 19 Ni mupristi i ta maha yena a hlambanya, na a taku ka wasati, Loku laho ku nga hi kona a wanuna a ekleleko ziwwe na wena, ni loku wena u nga hambukangi klelweni ka kungahlazekesisiwangiko, na u hi lahasi ka nuna wa wena, nga wena u be u klatlekileko ka laya mati ma babisisilweko laya ma mahako wena u hoxwa.
- 20 Kanilezi loku wena u hambukile klelweni, na u hi lahasi ka nuna wa wena, ni loku wena u be u nyenyezisilwe, ni munwani a eklele ka wena hi lahandle ka nuna wa wena:
- 21 Zonake a mupristi i ta maha a wasati a hlambanya hi xifungo xa ku rukutela, ni mupristi i taku ka wasati, Jehova i maha wena ku funga hi nzhokano xikari ka banhu ba wena, laha Jehova na maha a hangaswa ga wena ku wuna, ni miri wa wena kuvimba;
- 22 Ni laya mati ma mahako a nzhukano ma taya rumbyini ga wena, ma maha a miri wa wena wu vimba, ni hangaswa ga wena a ku ba giwa. Ni wasati i taku, Amen, Amen.
- 23 Ni mupristi i ta tsala leyi a nzhukano lomo bukwin, yena i ta hlanguka zona hi mati ma babisisilweko;
- 24 Yena i ta maha a wasati a kunwa a mati ya kubabisisilweko lawo ma a nzhukano; ni mati lawo ma mahako a nzhukano wa engena ka yena ma ku baba.

- 25 Ni mupristi i ta teka a munyikelo wa tinzhoho wa mona canjeni ga wasati ni ku nziwitela a munyikelo wa tinzhoho mahlweni ka Jehova, ni ku neha wona laha alatini :
- 26 Ni i ta tumbara a munyikelo wa tinzhoho ku kotisa xialakanyelo xa kona, a ku wu hisa hehla ka Alati, a nzako ka lezo i ta maha a wasati anwa a mati.
- 27 Ni laha yena a mahile yena a kuwza a mati, zonake ku ta ku na ku mahisile lezo, loku yena a nga a nyenyezisilwe, na a mahile a zigoho ka nuna wa yena, lezaku ni mati lawo ma mahako a nzhukano ma engena ka yena ma be ma babako, ni miri wa yena wu ta vimba, ni hangaswa ga yena gi ta wuna : ni wasati i ta rukwa xikari ka banhu ba ka kabye.
- 28 Ni loku a wasati a nga nyenyeziswangi, kanilezi a be a hlazekile ; zonake yena i ta ba a khlaklileko, i ta xura a nyimba ya mbewu.
- 29 Lowu hi nayo wa mona, laha a wasati, na a nga na a hi lahasi ka nuna wa yena, a hambukile khlweni, na a nyenyezisilwe ;
- 30 Ni loku a moya wa mona wu cikelela ka wanuna, yena a bengana ni sati wa yena ; zonake yena i yimisa a wasati mahlweni ka Jehova, ni mupristi i ta tsanza hi ka wonkle lowu nayo.
- 31 Ni wanuna i ta ba a khlaklileko le xigohweni, ni loye wasati i ta rwala a xigoho xa yena.

XIPIMO 6.

- 1 Na Jehova i lo wulawula ka Mosi, aku,
- 2 Wulawula ka banana ba ka Israeli, niku ka bona, Laha loku a wanuna kutani ngwasati a ta tsimbeketako ku maha a xifungo, a xifungo xa wu Nazereta, a ku hambanyisa a wutsumbu ga yena ka Jehova.
- 3 Yena i ta hambanyisa a wutsumbu ga yena wainini ni kuwza kupopako ; yena a nga tazwa ni viniga ga waini, ni viniga ga zilo zi popako, ge ni kuwza ni yihi a nhome ya magrepi, ge ni kuga a magrepi mazwa ni kutani ni kuwza.
- 4 Wonkle a masiku ya kuhambanyiswa ka yena a nga taga ni neumo lexo xi mahilweko hi mbanzo wa magrepi ya vina, a tinyunge kutani makamba.

- 5 Wonkle a masiku ya xifungo xa kuhambanyisela laho a ku kona a likari li ta nga bekiwa behla ka hloko ya yena : kala a masiku ma tatiseka, lawo ha wona a hambanyiseleko a wutsumbu ga yena ka Jehova, yena i ta ba a basile ; yena i ta tsika a tsitsi ga misisi ya yena gi leha.
- 6 Wonkle a masiku lawo a hambanyiselako a wutsumbu ga yena ka Jehova yena a nga ta tsinela kusuhani ni xirumbi.
- 7 Yena a nga ta maha a wutsumbu ga yena a be a nga hlazekangi hi kota ya raru wa yena, kutani hi nyine wa yena, kutani hi makabye, kutani hi makweru, laha na ba file ; hakuba a kuhambanyisela ka yena ka Nungungulu ku le hehla ka hloko ya yena.
- 8 Wonkle a masiku ya kuhambanyisela ka yena yena i basile ka Jehova.
- 9 Ni loku a munhu afa a xibanya hi laha khlweni ga yena, ni ku nyenyezisa a hloko ya kuhambanyisela ka yena ; zonake i ta cinga a hloko ya yena hi siku ga kubasiswa, hi siku ga nkhanu ni mambiri yena i ta cinga yona.
- 10 Na hi siku ga nkhanu ni manhari yena i ta nela a matuba mambiri, kutani mavinyani mambiri, ka mupristi le nyangweni ya tenta ga muklangano :
- 11 Ni mupristi i ta nyikela a giawe akuba a munyikelo wa kuonha, ni giawani a munyikelo wa kuhiswa, ni ku maha a nzhiho ha yena, akuba lezo a nga onhile hi kota ya kufa, i ta hambanyisela a hloko ya yena hi gwalego siku.
- 12 Na yena i ta tiabanyisela ka Jehova a masiku ya kuabanyiselisisa ka yena, ni ku i ta nahe a hamba ya lembe a wukale akuba munyikelo wakwe wa zigoho, kanilezi a masiku yakwe ya kuranga ma ta nyenyiwa, hakuba a kuhambanyiselisisa ka yena ku nyenyezisilwe.
- 13 Ni lowu hi nayo wa wu Nazereta, ni laha a masiku ya kuabanyiselelisisa ma tatisekisile : yena i ta nehwa le nyangweni ya tenta ga muklangano :
- 14 Na yena i ta nyikela a xinyikiwo ka Jehova, a hamba yiawe ya lembe a wukale yi nga hiko na bawa akuba a munyikelo wa kuhiswa, ni kunolu wa lembe giawe a wukale wu nga hiko na bawa akuba a munyikelo wa

- kuonha, ni hamba yinwe yi nga hiko na bawa ya munyikelo wa kurula,
- 15 Ni xirunzu xa zibaba zi nga comelwangiko, a zikeketselo za mapa ma nanaselweko, ma hakaselwe ni mafura, ni timbunzu ti nga comelwangiko ti totilwe ni mafura, ni munyikelo wa kona wa tinzhoho, ni munyikelo wa kona wa kunwa.
- 16 Ni mupristi i ta tisa zona mahlweni ka Jehova, ni ku i ta nyikela a munyikelo wa yena wa kuonha, munyikelo wa yena wa kuhiswa :
- 17 Na yena i ta nyikela a hanba akuba a mupahlelo wa munyikelo wa kurula ka Jehova, zinwe ni xirunzu xa zibaba zi nga comelwangiko : ni ku i ta nyikela kambe a munyikelo wa tinzhoho, kona laho, ni munyikelo wa kunwa kona laho.
- 18 Ni mu Nazereta i ta cinga a hloko ya kuhambanyiselisisisa ka yena le nyangweni ya tenta ga muklangano, ni ku i ta teka a misisi ya hloko ya ku ti hambanyiselisisisa ka yena, a yi beka laha nzilweni lowu wu nga lahasi ka mupahlelo wa munyikelo wa kurula.
- 19 Ni mupristi i ta teka a kakla gi biki-lweko ga hamba, ni xikeketselo xinwe xi nga comelwangiko hi lomo xirunzwini, ni mbunzu yinwe yi nga comelwangiko, ni ku i ta zi klateka behla ka mandla ya mu Nazereta, a nzako ka ku ba na a cingile a hloko ya ku ti abanyiselisisisa ka yena ;
- 20 Ni mupristi i ta nziwitela zona a munyikelo wa ku nziwitela mahlweni ka Jehova ; loku kubasile ka mupristi, katiginwe ni pfuba gi nziwitelweko, ni tsambukulu gi nzulisilweko : anzako ka lezi a mu Nazereta kutani a nganwa a waini.
- 21 Lowu hi nayo wa mu Nazereta loye a fungileko, ni wa xinyikiwo xa yena ka Jehova akuba kuhambanyiselisisisa ka yena, hi lahanle ka lezo a nga zi kotiko ku zi kuma : kukotisa hi xifungo xa yena lexo a xifungileko, zingaho yena i yimelwe hi ku maha ku kota nayo wa ku ti abanyiselelisisisa ka yena.
- 22 Na Jehova i lo wulawula ka Mosi, aku,
- 23 Wulawula ka Aroni ni ka bana ba yena, uku, Kazakungahi uwina mu ta katekisa a banana ba ka Israeli : uwina mu ta wula ka bona,

- 24 Jehova a katekise wena, ni ku ku hlayisa wena :
- 25 Jehova a mahe a ngohe ya yena a kuwoniuga hehla ka wena, a ku be a wuxinji ka wena :
- 26 Jehova a klakuse a ngohe ya yena ka wena, a ku nyike a kurula.
- 27 Zingaho ba ta bekela a bito ga mina hehla ka banana ba ka Israeli ; na nzi ta ba katekisa bona.

XIPIMO 7.

- 1 Na ku mahisile lezo hi lego siku lego Mosi a nga wa mahile kugumelwa a ku yimisa a tabernakele, na a gi totile gona na a basisile gona, ni yonkle a nhunzu ya kona, ni alati ni zibya za gona zonkle, na a zi totile zona na a zi basisile zona ;
- 2 Lezo a tihosana ta ka Israeli, a tihloko ta tindlu ta bararu babye, ba lo nyikela. Leti hi tihosana ta tixaka, laba hi bona labo banga wa hi hehla ka bona labo ba nga wa hlayilwe :
- 3 Bona ba lo neha a zinyikiwo za bona mahlweni ka Jehova, nkalanu ni yinwe tikareta ti fenengetilweko, ni kume ni timbiri a tikabi ; tonklelele tihosana timbiri ti hi ta kareta yinwe ni yinwe ya tona yi hi ya kabi yinwe : bona ba lo zi tisa mahlweni ka tabernakele.
- 4 Na Jehova i lo wulawula ka Mosi, aku,
- 5 Ku teka ka bona, kasi ku fela ku tiriswa ku maha a nkozi ya tenta ga muklangano ; na wena u ta nyika kona ka ba ka Levi, ka bonklelele kukotisa a nkozi ya yena.
- 6 Na Mosi i lo teka a tikareta, ni tikabi, ni ku i lo ti nyika ka ba ka Levi.
- 7 Timbiri tikareta ni mune wa tikabi ti lo nyikwa ka banana ba ka Gerxoni, kukotisa hi ka nkozi yabye :
- 8 Ni mune wa tikareta ni nkalanu ni tinharu a tikabi ti lo nyikwa ka banana ba Merare, kukotisa hi ka nkozi yabye, lahasi ka canja ga Itamare a uwana wa Aroni a mupristi.
- 9 Kanilezi ka banana ba ka Kohate yena a nga nyikangi, hakuba a nkozi ya yindlu ya kubasa njabye : bona yi rwala hi makakla yabye.
- 10 Ni tihosana ti lo nyika akuba kunyikelelisisisa ka alati ka lego siku gi nga totwa ha gona, tona tihosani ti lo nyikela a zinyikiwo za tona mahlweni ka alati.
- 11 Na Jehova i te ngalo ka Mosi, Bona

- ba ta nyika a zinyikiwo za bye, leyi ni leyi a hosana yi ta nyika sikwini ga yonawu, akuba a kunyikelelisisa ka alati.
- 12 Na yena loye a nga nyika xinyikiwo xa yena hi siku goranga, ku wa hi Nahxoni a nwana wa Aminadaba, wa lixaka la ka Juda :
- 13 Ni xinyikiwo xa yena ku wa hi a ngelo muwe wa siliva, a kubinza ka wona ku wa hi zana ni makume manharu maxekeli, a mukelo muwe wa siliva wa maxekeli ya nklanu ni mambiri makume, kota maxekeli ya yindlu ya kubasa; zona zimbiri zi wa tele hi mapa ma nanaselweko ma patsilwe ni mafura akuba munyikelo wa tinzhoho;
- 14 Kombe muwe wa nzalama wa kuma ga maxekeli, wu tele hi libani;
- 15 A honwana yinwe ya yiswa, ni hamba yinwe, ni hambana yinwe ya lembe a wukale, akuba munyikelo wa kuhiswa;
- 16 A mhongo yinwe ya munyikelo wa kuonha;
- 17 Kani akuba mupahlelo wa minyikelo ya kurula, tikabi timbiri, nklanu wa tihamba, nklanu wa timhongo, nklanu wa tihambana ta lembe a wukale: lezi zi wa hi zinyikiwo za Nahxoni a nwana wa Aminadaba.
- 18 Hi siku ga mambiri Netaneli a nwana wa Zuare, a hosana ya ka Isakare, i lo nyika:
- 19 I lo nyikela a xinyikiwo xa yena i ngelo muwe wa siliva, ni kubinza ka wona ku wa hi zana ni makume manharu ya maxekeli, a mukelo muwe wa siliva wa nklanu ni mambiri makume a maxekeli, kota a maxekeli ya yindlu ya kubasa; zona zimbiri za wa tele hi mapa ma nanaselweko ma patsilwe ni mafura akuba munyikelo wa tinzhoho;
- 20 A kombe muwe wa nzalama wa kume ga maxekeli, wu tele hi libani;
- 21 Honwana yinwe ya yiswa, a hamba yinwe, a hambana yine ya lembe a wukale, akuba a munyikelo wa kuhiswa;
- 22 A yinwe mhongo ya munyikelo wa kuonha;
- 23 Ni mupahlelo wa minyikelo ya kurula, tikabi timbiri, nklanu wa tihamba, nklanu wa timhongo, nklanu wa tihambana lembe ginwe a wukale: lexi xi wa hi xinyikiwo xa kale: lexi xi wa hi xinyikiwo xa Netaneli a nwana wa Zuare.
- 24 Hi siku ga manharu Eliabe a nwana wa Heloni, a hosana ya banana ba ka Zebuluni:
- 25 A xinyikiwo xa yena ku wa hi i ngelo muwe wa siliva, a kubinza ka wona ku wa hi zana ni makume manharu a maxekeli, a mukelo muwe wa siliva i nklanu ni mambiri makume a maxekeli, kota a maxekeli ya yindlu ya kubasa; Zona zimbiri zi wa tele hi mapa ma nanaselweko ma patsilwe ni mafura akuba a munyikelo wa tinzhoho;
- 26 A kombe muwe wa nzalama wa kume ga maxekeli, wu tele hi libani;
- 27 Honwana yinwe ya yiswa, hamba yine, ni hambana yinwe ya lembe a wukale, akuba munyikelo wa kuhiswa;
- 28 A mhongo yinwe ya munyikelo wa kuonha;
- 29 Kani akuba mupahlelo wa minyikelo ya kurula, tikabi timbiri, ni nklanu wa tihamba, ni nklanu wa timhongo, ni nklanu wa tihambana ta lembe a wukale: lexi xi wa hi xinyikiwo xa Eliabe a nwana wa Heloni.
- 30 Hi siku ga mune Elizura a nwana wa Xedura, a hosana ya banana ba ka Rubeni:
- 31 A xinyikiwo xa yena ku wa hi a ngelo muwe wa siliva, a kubinza ka wona ku wa hi zana ni makume manharu maxekeli, a mukelo muwe wa siliva i nklanu ni mambiri makume ya siliva, kota maxekeli ya yindlu ya kubasa; zona zimbiri zi wa tele hi mapa ma nanaselweko ma patsilwe ni mafura akuba munyikelo wa tinzhoho;
- 32 A kombe muwe wa nzalama wa kume ga maxekeli, wu tele hi libani;
- 33 Ni honwana yinwe ya yiswa, hamba yinwe, a hambana yinwe ya lembe a wukale, akuba munyikelo wa kuhiswa;
- 34 A mhongo yinwe ya munyikelo wa kuonha;
- 35 Kani akuba minyikelo ya mupahlelo wa kurula, tikabi timbiri, nklanu wa tihamba, nklanu wa timhongo, nklanu wa tihambana lembe ginwe a wukale: lexi xi wa hi xinyikiwo xa Elizura a nwana wa Xedura.

- 36 Hi siku ga nklanu Xelumieli a nwana wa Zurixadayi, a hosana ya banana ba ka Simeoni;
- 37 A xinyikiwo xa yena ku wa hi a ngelo munwe wa siliva, a kubinza ka wona ku wa hi zana ni makume manharu maxekeli, a mukelo munwe wa siliva nklanu ni mambiri makume a maxekeli, kota maxekeli ya yindlu ya kubasa; zona zimbiri zi wa tele hi mapa ma nanaselweko ma patsilwe ni mafura akuba munyikelo wa tinzhoho;
- 38 A kombe munwe wa nzalama kume maxekeli, wu tele hi libani;
- 39 A honwana yinwe ya yiswa, hamba yinwe, hambana yinwe ya lembe a wukale, akuba munyikelo wa kuhiswa;
- 40 A mhongo yinwe ya munyikelo wa kuonha;
- 41 Kani akuba a mupahlelo wa minyikelo ya kuhiswa, a tikaba timbiri, nklanu wa tihamba, nklanu wa timhongo, nklanu wa tihambana ta lembe a wukale: leyi xi wa hi xi nyikiwo xa Xelumieli a nwana wa Zurixadayi.
- 42 Hi siku ga nklanu ni ginwe Eliasafa a nwana wa Deueli, a hosana ya banana ba ka Gadi;
- 43 A xinyikiwo xa yena ku wa hi a ngelo munwe wa siliva, a kubinza ka wona ku wa hi zana ni makume manharu maxekeli, a mukelo munwe wa siliva nklanu ni mambiri makume, kota maxekeli ya yindlu ya kubasa; zona zimbiri zi wa tele hi mapa ma nanaselweko akuba munyikelo wa tinzhoho;
- 44 A kombe munwe wa nzalama wa kume ga maxekeli, wu tele hi libani;
- 45 A honwana yinwe ya yiswa, a hamba yinwe, ni hambana yinwe ya lembe a wukale, akuba munyikelo wa kuhiswa;
- 46 A mhongo yinwe ya munyikelo wa kuonha;
- 47 Kani akuba mupahlelo wa minyikelo ya kurula, a tikabi timbiri, nklanu wa tihamba, nklanu wa timhongo, nklanu wa tihambana ta lembe a wukale: leyi xi wa hi xinyikiwo xa Eliasafa a nwana wa Deueli.
- 48 Hi siku ga nklanu ni mambiri Elixama a nwana wa Amihudi, a hosana ya banana ba ka Efraime;
- 49 A xinyikiwo xa yena xi wa hi a ngelo munwe wa siliva, a kubinza ka wona ku wa hi zana ni makume manharu maxekeli, munwe mukelo wa siliva wa nklanu ni mambiri maxekeli, kota maxekeli ya yindlu ya kubasa; zona zimbiri zi wa tele hi mapa ma nanaselweko ma patsilwe ni mafura akuba munyikelo wa tinzhoho;
- 50 A kombe munwe wa nzalama wa kume ga maxekeli, wu tele hi libani;
- 51 A honwana yinwe ya yiswa, a hamba yinwe, ni hambana yinwe ya lembe a wukale, akuba munyikelo wa kuhiswa;
- 52 A mhongo yinwe a kuba munyikelo wa kuonha;
- 53 Kani akuba mupahlelo wa minyikelo ya kurula, tikabi timbiri, nklanu wa tihamba, nklanu wa timhongo, nklanu wa tihambana ta lembe a wukale: leyi xi wa hi xinyikiwo xa Elixama a nwana wa Amihudi.
- 54 Hi siku ga nklanu ni manharu Gamalieli a nwana wa Pedazura, a hosana ya banana ba ka Manasa;
- 55 A xinyikiwo xa yena ku wa hi a ngelo munwe wa siliva, a kubinza ka wona ku wa hi zana ni makume manharu ya maxekeli, a mukelo munwe wa nklanu ni mambiri makume a maxekeli, kota a maxekeli ya yindlu ya kubasa; zona zimbiri zi wa tele hi mapa ma nanaselweko ma patsilwe ni mafura akuba munyikelo wa tinzhoho;
- 56 A kombe munwe wa nzalama wa kume ga maxekeli, wu tele hi libani;
- 57 A honwana yinwe ya yiswa, a hamba yinwe, ni hambana yinwe ya lembe ginwe a wukale, akuba munyikelo wa kuhiswa;
- 58 A mhongo yinwe ya munyikelo wa kuonha;
- 59 Kani akuba mupahlelo wa minyikelo ya kurula, tikabi timbiri, nklanu wa tihamba, nklanu wa timhongo, nklanu wa tihambana ta lembe ginwe a wukale: leyi yi wa hi xinyikiwo xa Gamalieli a nwana wa Pedazura.
- 60 Hi siku ga nklanu ni mune Abidani a nwana Gideoni, a hosana ya banana ba ka Benjamini;
- 61 A xinyikiwo xa yena ku wa hi a ngelo munwe wa siliva, a kubinza ka wona ku wa hi zana ni makume manharu maxekeli, a mukelo munwe wa siliva wa nklanu ni mambiri makume maxekeli, kota maxekeli ya yindlu ya kubasa; zona zimbiri zi wa tele hi mapa ma nanaselweko ma patsilwe ni mafura akuba munyikelo wa tinzhoho;

- tsilwe ni mafura akuba munyikelo wa tinzhoho ;
- 62 A kombe muwe wa nzalama wa kume ga maxekeli, wu tele hi libani ;
- 63 A honwana yinwe ya yiswa, ni hamba yinwe, ni hambana yinwe ya lembe a wukale, akuba munyikelo wa kuhiswa ;
- 64 A mhongo yinwe ya munyikelo wa kuonha ;
- 65 Kani akuba mupahlelo wa minyikelo ya kurula, tikabi timbiri, nklanu wa tihamba, nklanu wa tihongo, nklanu wa tihambana ta lembe ginwe a wukale : leyi hi xinyikiwo xa Abidani a zwana wa Gideoni.
- 66 Hi siku ga kume Ahiezere a zwana wa Amixadayi, a hosana ya banana ba ka Dani :
- 67 A xinyikiwo xa yena ku wa hi ngelo wa siliva, a kubinza ka wona ku wa hi zana ni makume manharu ya maxekeli, amukelo muwe wa siliva wa nklanu ni mambiri makume ya maxekeli, kota maxekeli ya yindlu ya kubasa ; zona zimbiri zi tele hi mapa ma nanaselweko ma patsilweko ni mafura akuba munyikelo wa tinzhoho ;
- 68 A kombe muwe wa nzalama wa kume ga maxekeli, wu tele hi libani ;
- 69 A honwana yinwe ya yiswa, ni hamba yinwe, ni hambana ya lembe ginwe a wukale, akuba munyikelo wa kuhiswa ;
- 70 A mhongo yinwe ya munyikelo wa kuonha ;
- 71 Kani akuba mupahlelo wa minyikelo ya kurula, tikabi timbiri, nklanu wa tihamba, nklanu wa tihongo, nklanu wa tihambana ta lembe ginwe a wukale : leyi hi xinyikiwo xa Ahiezere a zwana wa Amixadayi.
- 72 Hi siku ga kume ni ginwe Pagieli a zwana Okrani, a hosana ya banana ba ka Axera :
- 73 A xinyikiwo xa yena ku wa hi a ngelo muwe wa siliva, a kubinza ka wona ku wa hi zana ni makume manharu ya maxekeli, a mukeli wa siliva wa nklanu ni mambiri makume maxekeli, kota maxekeli ya yindlu ya kubasa ; zona zimbiri zi tele hi mapa ma nanaselweko ma patsilweko ni mafura akuba munyikelo wa tinzhoho ;
- 74 A kombe muwe wa nzalama wa kume ga maxekeli, wu tele hi libani ;
- 75 A honwana yinwe ya yiswa, ni hamba yinwe, ni hambana yinwe ya lembe a wukale, akuba munyikelo wa kuhiswa ;
- 76 A mhongo yinwe ya munyikelo wa kuonha ;
- 77 Kani akuba mupahlelo wa minyikelo ya kurula, tikabi timbiri, nklanu wa tihamba, nklanu wa tihongo, nklanu wa tihambana ta lembe a wukale : leyi hi xinyikiwo xa Pagieli a zwana wa Okrani.
- 78 Hi siku ga kume ni mambiri Ahira a zwana wa Enane, a hosana ya banana ba ka Naftali :
- 79 A xinyikiwo xa yena ku wa hi ngelo muwe wa siliva, a kubinza ka wona ku wa hi zana ni makume manharu ya maxekeli, a mukelo muwe wa siliva wa nklanu ni mambiri makume a maxekeli, kota maxekeli ya yindlu ya kubasa ; zona zimbiri zi tele hi mapa ma nanaselweko ma patsilweko ni mafura akuba munyikelo wa tinzhoho ;
- 80 A kombe muwe wa nzalama wa kume ga maxekeli, wu tele hi libani ;
- 81 A honwana yinwe ya yiswa, a hamba yinwe, a hambana yinwe ya lembe a wukale, akuba munyikelo wa kuhiswa ;
- 82 A mhongo yinwe ya munyikelo wa kuonha ;
- 83 Kani a kuba mupahlelo wa munyikelo wa kurula, tikabi timbiri, nklanu wa tihamba, nklanu wa tihongo, nklanu tihambana ta lembe a wukale : leyi hi xinyikiwo xa Ahira a zwana wa Enane.
- 84 Lexi ku wa hi kunyikelelisisa ka alati, ka lego siku laba gi nga wa totilwe, hi tihosana ta ba ka Israeli : kume ni mimbiri a mingelo ya siliva, kume ni mimbiri mikelo ya siliva, kume ni mimbiri mikombe ya nzalama ;
- 85 A muwe a ngelo wa siliva wu binza zana ni makume manharu maxekeli, ni mukelo muwe nklanu ni mambiri makume ; ni yonke a siliva ya zibya ku wa hi mambiri mazana ya kume ga mazana ni mune wa mazana ya maxekeli, kota a maxekeli ya yindlu ya kubasa ;
- 86 Kume ni mambiri a mikombe ya nzalama, yi teleko hi libani, yi binzako kume ga maxekeli a muwe, kota a maxekeli ya yindlu ya kubasa ; yo-

- nkle a nzalama ya mikombe i zana ni inakuine mambiri maxekeli;
- 87 Tonkle a tikabi ta munyikelo wa ku hiswa kume ni timbiri tihonwana, a tihamba kume ni timbiri, a tihambana a lembe a wukale kume ni timbiri ni munyikelo wa zona wa tinzhoho; a timhongo akuba munyikelo wa kuonha kume ni timbiri;
- 88 Tonkle a tikabi ta mupahlelo wa munyikelo wa kurula makume mambiri ni mune wa tihonwana, a tihamba nkalanu ni ginwe makume, a timhongo nkalanu ni ginwe makume, a tihambana ta lembe ginwe a wukale nkalanu ni ginwe makume. Lexi ku wa hi kunyikelelisisa ka alati, anzako ka ku ba gi totilwe.
- 89 Ni laha Mosi a nga wa engenile lomo nzeni ka tenta ga muklangano a ku wulawula zinwe na yena, zonake i lozwa a Gezu gi wulawulako zinwe naye hi le hehla ni xitsamo xa wuxinji lexo xi nga wa hi hehla ka arke ya wukustumunyu, he le xikari ka macerebimu: yena i lo wulawula ka yena.

XIPIMO 8.

- 1 Na Jehova i lo wulawula ka Mosi, aku,
- 2 Wulawula ka Aroni, uku ka yena. Laha na wena na u lumeka tikandiya, a nkalanu wa tikandiya ni timbiri ti ta nyika ku woninga seno mahlweni ka tinhi ta tikandiya.
- 3 Na Aroni i lo maha zakungaho; yena i lo lumeka a tikandiya ta kona lezo kasi ku nyika kuwoninga mahlweni ya tinhi ta tikandiya, kwatsi hi kuleletela ka Jehova ka Mosi.
- 4 Lowu hi tiro wa tinhi ta ti kandiya a tiro wu klombilweko wa nzalama; ka xikatelo xa kona, ni ka zitsangi za kona ku wa hi tiro wu klombilweko: kukotisa kupimanyiswa loko Jehova a nga wa kangetile Mosi, zingaho yena i lo maha a tinhi ta tikandiya.
- 5 Na Jehova i lo wulawula ka Mosi, aku,
- 6 Teka a ba ka Levi xikari ka banana ba ka Israeli, ni ku basisa bona.
- 7 Zakungahi wena u ta nga maha ka bona, a ku basisa bona: u nwatsekela a mati ya ku tsungula hehla ka bona, ni ku nga bona ba teka likari ba halula nyama yabye yonkle, ni

- nga bona ba hlaza tinguwo tabye, ni kubasisa wutsumbu gabye.
- 8 Zonake a ba teke a honwana yiswa, ni munyikelo wa kona wa tinzhoho, a mapa ma nanaselweko ma patsilweko ni mafura; ni yinwani a honwana ya yiswa wena u ta teka akuba munyikelo wa kuonha.
- 9 Wena u ta tisa a ba ka Levi mahlweni ka tenta ga muklangano: wena u ta tsombanyisele wonkle a nklangano wa banana ba ka Israeli:
- 10 Wena u ta tisa a ba ka Levi mahlweni ka Jehova. Ni banana ba Israeli ba ta klateka a mandla yabye hehla ka ba ka Levi:
- 11 Na Aroni i ta nyikela a ba ka Levi mahlweni ka Jehova akuba munyikelo wa ku nziwitela, hi kota ya banana ba ka Israeli, kasi ku fela ku maha kabye a ku maha nkozo ya Jehova.
- 12 Ni ba ka Levi ba ta klateka a mandla yabye hehla ka hloko ya honwana: u nyikela wena a yinwe a munyikelo wa kuonha, ni yiwani ya munyikelo wa kuhiswa, ka Jehova, a ku maha a nzhiho wa ba ka Levi.
- 13 Na wena u ta yimisa a ba ka Levi mahlweni ka Aroni, ni mahlweni ka banana ba yena, ba nyikela bona akuba munyikelo wa kunziwitela ka Jehova.
- 14 Zakungahi wena u abanyisa a ba ka Levi le xikari ka banana ba ka Israeli; ni ba ka Levi ba taba ba mina.
- 15 Anzako ka lezo a ba ka Levi ba taya maha a nkozo ya tenta ga muklangano wena u ta basisa bona, u nyikela bona akuba munyikelo wa kunziwitela.
- 16 Hakuba bona ba nyikelwe ka mina hi kumbeleleko hi le xikari ka banana ba ka Israeli; wutsanweni ga bona bonkle labo ba vululako marumbu, wona a matewula wonkle ya banana ba ka Israeli, nzi ba tekile ka mina.
- 17 Hakuba wonkle a matewula xikari ka ba Israeli nja mina, bonkle bannhu ni zihari: ka lego siku nzi nga daya wonkle a matewula ya le tikweni ga le Gipite nzi basisile bona ka wutsumbuganga.
- 18 Na mina nzi tekile a ba ka Levi wutsanweni ga matewula wonkle xikari ka banana ba ka Israeli.
- 19 Na mina nzi nyikile a ba ka Levi ku-

kotisa lezi nzi nyikileko Aroni ni bana ba yena hi le xikari ka banana ba ka Israeli, a ku maha a nkozi ya banana ba ka Israeli lomo tenteni ga muklangano, ni ku maha a nzihlo wa banana ba ka Israeli; kasi ku fela a ku nga bi na nzhere xikari ka banana ba Israeli, laha na banana ba Israeli ba cikela ku sulani ni yindlu ya kubasa.

- 20 Zakungahi i lo maha Mosi, na Aroni, ni wonke aklangano wa banana ba ka Israeli, ka ba ka Levi: kukotisa zonke lezo Jehova a nga leletela Mosi hi ku kumbuka a ba ka Levi, zingaho ba lo maha a banana ba ka Israeli ka bona.
- 21 Ni ba ka Levi ba lo basisa wutsumbu gabye le kuonheni, na bona ba lo hlaza a tinguwo tabye: na Aroni i lo nyikela bona a muniyikelo wa kunziwitela mahlweni ka Jehova; na Aroni i lo maha a nzihlo wa bona a kubasisa bona.
- 22 Anzako ka lezo ba lo engena a ba ka Levi a kuya tira a nkozi lomo tenteni ga muklangano mahlweni ka Aroni, ni mahlweni ka bana ba yena: kwatsi hi kuleletela ka Jehova ka Mosi ha bona ba ka Levi, zingaho ba lo maha bona ka bona.
- 23 Na Jehova i lo wulawula ka Mosi, aku,
- 24 Lexi hi lezi zi nga za ba ka Levi: ku sukela ka makume mambiri ni nlanu a wukale ni ku komama le helila bona ba ta engena ba rinzela a nkozi lomo tirweni wa tenta ga muklangano:
- 25 Ni ku sukela ka nlanu wa makume malembe bona ba ta kawula a ku labelela a tiro, na ba nga ta ha kozela kambe.
- 26 Kanilezi ba ta kozela ni bamakabye banye lomo tenteni ga muklangano, a ku hlayisa milayo, ba nga ha mahi a nkozi. Zakungahi u ta maha ka Levi hi ku kumbuka a tiro wabye.

XIPIMO 9.

- 1 Na Jehova i lo wulawula ka Mosi, le xiwuleni xa le Sinai, ka hweti ya kuranga hi lembe ga wumbiri anzako ka ku ba na humele hi tikweni ga le Gipite, aku,
- 2 Alatakumbiri nga a banana ba ka Israeli ba hlayisa a pasika hi ka tinguba ti yimisilweko,
- 3 A kumeni ni mune siku ga leyi

hweti, laha gambyeni, nwina mu ta gi hlayisa hi mizukwana yi yimisilweko; kukotisa hi zilayelo za gona, ni kukotisa hi zonke ziyimiso za kona, nwina mu ta hlayisa gona.

- 4 Na Mosi i lo wulawula ka banana ba ka Israeli, lezo kasi ba fela ku hlayisa a pasika.
- 5 Na bona ba lo hlayisa a pasika hi hweti yo ranga, hi siku ga kume ni mune ga hweti, laha gambyeni, le xiwuleni xa Sinai: kukotisa lezo zonke Jehova a leleteleko Mosi, zingaho ba lo maha a banana ba ka Israeli.
- 6 Laho ku wa hi kona banhu bo kari, a bahi ba nga hlazekangi hi xigelo xa xirumbi xa munhu wa kufa, zingaho lezo bona ba wa nga ba nga hlayisangi a pasika hi lego siku: bona ba lota mahlweni ka Mosi ni ka Aroni hi lego siku:
- 7 Ni labo banhu ba te ngalo ka yena, hina a hi hlazekangi hi xigelo xa xirumbi xa munhu wa kufa: ngahilezo hina ha cibela ke, lezaku kasi hi fela ku kala hi nga nyikeli a zinyikiwo za hina ka Jehova hi muzukwana wu yimisilweko xikari ka banana ba ka Israeli ke?
- 8 Na Mosi i te ngalo ka bona. Tsamani nwina, kasi nza ha ta kuzwa a ku za ku yini Jehova a ta nga leletela hi kota ya nwina.
- 9 Na Jehova i lo wulawula ka Mosi, aku,
- 10 Wulawula ka banana ba ka Israeli, uku, Loku a nga munhu wa nwina kutani ngwa zizukulwana za nwina a be a nga hlazekile hi xigelo xa munhu wa kufa, kutani a hi lwenzweni la le kule, kesi lezo nga a hlayisa pasika ka Jehova.
- 11 Hi hweti ya wumbiri hi siku ga kume ni mune laha gambyeni bona ba ta yi hlayisa; bona ba taga yona ni zibaba zi nga comelwangiko ni kubyani wu babako:
- 12 Bona ba nga siyi za kona kala mixweni, ge ni ku tsoba a rambu ga kona: ku kota hi ka zonke zilayelo za pasika bona ba ta hlayisa gona.
- 13 Kanilezi a banhu labo ba hlazekileko, na ba nga hi lwenzweni, kanilezi ba ala ku hlayisa a pasika, lowu muhefemulo wu ta tsewa ka banhu ba ka kabye; hakuba yena a nga nyikelangi xinyikiwo xa Jehova hi muzukwana wu yimisilwe-

ko, loye munhu i ta rwala a xionho xa yena.

14 Loku a mupfumba a ta nga lubela xikari ka nwina, a ta hlayisa a pasika ka Jehova; kukotisa hi xilayelo xa pasika, ni kukotisa hi xiyimiso xa kouna, zingaho yena a mahe: nwina mu ta ba ni xilayelo xiawe, nwenkle ni bapfumba, ni loye a tre-lweko lomu tikweni.

15 Ni ka lego siku a tabernakele gi nga wa gingilwe ni refu gi lo fene-ngeta a tabernakele, gona a tenta ga muklangano: laha gambyeni gi wa hi hehla ka tabernakele ku wa ku kwatsi kuwoneka ka nzilo, kala gica.

16 Zingaho xonkle xikati: a refu gi wa ku gi fenengeta gona, ni wonkelo hi wusiku.

17 Ni kani hi rini laha a refu gi suswako hehla ka Tenta, zonake anzako ka lezo a banana ba ka Israeli ba su ku andlamuka: ni wutsuweni lego laho a refu gi yimako, zonake a banana ba ka Israeli ba ta su goba.

18 Hi kuleletela ka Jehova a banana ba ka Israeli ba wa ku andlamuka, na hi leletela ka Jehova bona ba wa ku goba: kwatsi hi lezi a refu gi nga wa ha tsamile hehla ka tabernakele ba lo sala ba lo goba.

19 Ni laha a refu gi nga wa hlwela hehla ka tabernakele masiku yo tala, zonake a banana ba ka Israeli ba wo hlayisa a nkozi ya Jehova, ba nga andlamuki.

20 Zinwani zikati a refu gi wa su masikwana matsongwani hehla ka tabernakele; zonake kukotisa kuleletela ka Jehova bona ba wo hlwela ba gobile, ni kukotisa kuleletela ka Jehova bona ba lo andlamuka.

21 Ni zinwani zikati a refu gi wa tsama gambyeni kala mixweni; ni laha a refu gi nga wa tekilwe laha mixweni, zonake bona ba lo andlamuka: kutani loku gona gi nonohisa a mu-mu ni wusiku, laha refu na gi teki-lwe, bona ba andlamuka.

22 Hambu ka ku ba masiku mambiri, kutani hweti, kutani lembe, leku a refu ga ha hlwela le hehla ka tabernakele, gi tsama hehla ka gona, ni banana ba ka Israeli ba wo su ala na ba gobile, ba nga andlamuki; kanilezi loku gi tekiwa, bona ba wo andlamuka.

23 Hi kuleletela ka Jehova bona ba wa

gobile, na hi kuleletela ka Jehova bona ba wo andlamuka: bona ba wa hlayisa a kuwula ka Jehova, hi kuleletela ka Jehova ka Mosi.

XIPIMO 10.

1 Na Jehova i lo wulawula ka Mosi, aku,

2 Mahela wena a mipunzu mimbiri ya siliva; hi tiro wa kuklomba wena u ta maha yona: wena u ta tirisa yona hi ku bitana a nklangano, ni ku andlamuka ka wugobelo.

3 Ni laha bona ba ta ngaba yona, wonkle a nklangano wu ta tsombana a wutsumbu ga/ye ka wena le nya-ngweni ya tenta ga muklangano.

4 Kanilezi loku bona baba munwe, zonake a tihosana, a tihlolo ta maku-me mazana ya ka Israeli, ba ta tsombana a wutsumbu ga/ye ka wena.

5 Laha na nwina na muba xitsuketi, ni wugobelo lego gi tsamileko hi klelo ga le mutsuwukagambo gi ta andlamuka.

6 Ni loku nwina muba a xitsuketi hi xikati xa wumbiri, a wugobelo lego gi nga klelo ga le dzongeni gi ta te-ka lwenzo la gona: bona ba taba xitsuketi hi tilwenzo tabye.

7 Kanilezi laha a hlengetano yi hi yi tsombanako katigizwe, nwina mu taba, kanilezi mu nga ta bisa a wutsuketi.

8 Ni bana ba Aroni, a bapristi ba taba a mipunzu; yona yi ta ba ka nwina a xilayelo kala kupinzuka ka zizukulwana za nwina zonkle.

9 Ni laha na nwina na mu hloma yimpi lomo tikweni ga nwina mu vukela a balala ba nwina labo ba tsimbeketako nwina, zonake nwina mu taba a xitsuketi hi mipunzu; nwi-na mu ta alakanywa mahlweni ka Jehova Nungungulu wa nwina, nwi-na mu ta poniswa le balaleni ba nwina.

10 Kambe masikwini ya kutsaka ka nwina, ni le mubuzweni ya nwina yi yimisilweko, ni le kusanguleni ka tihweti ta nwina, nwina mu taba a mipunzu hehla ka minyikelo ya nwina ya kuhiswa, ni hehla ka mipahlelo ya minyikelo ya nwina ya kurula; yona yi ta ba ka nwina akuba xialakanyelo mahlweni ka Nungungulu wa nwina: nzi mina Jehova Nungungulu wa nwina.

11 Na ku mahisile lezo hi lembe ga

- wumbiri, hi hweti ya wumbiri, hi siku ga makume mambiri ga hweti, lezaku a refu gi wa lo tekwa hehla ka tabernakele ga wukustumunyu.
- 12 Ni banana ba ka Israeli ba lo andlamuka kukotisa hi ka tilwenzo tabye ba humu hi le xiwuleni xa le Sinai; ni refu gi loya tsama le xiwuleni xa le Parani.
- 13 Bona hi kuranga ba teka lwenzo la-bye kukotisa hi kuleletela ka Jehova ha Mosi.
- 14 Ni le wutsanweni go ranga a muwoniso wa wugobelo ga banana ba ka Juda wu lo andlamuka kukotisa hi mabandla yabye: hehla ka bandla ga yena ku wa hi Nahxoni a nwana wa Aminadaba.
- 15 Ni hehla ka bandla ga lixaka la banana ba ka Isakare ku wa hi Netaneli a nwana wa Zuaire.
- 16 Ni hehla ka bandla ga lixaka la banana ba Zebuluni ku wa hi Eliabe a nwana wa Heloni.
- 17 Ni tabernakele gi lo simulwa; ni banana ba ka Gerxoni ni banana ka ba ka Merare, labo ba rwalako a tabernakele, ba lo andlamuka.
- 18 Ni muwoniso wa wugobelo ga banana ba ka Rubeni wu lo andlamuka kukotisa hi mabandla yabye: ni hehla ka bandla ga yena ku wa hi Elizura a nwana wa Xedura.
- 19 Ni hehla ka bandla ga lixaka la banana ba ka Simeoni ku wa hi Xelumieli a nwana wa Zurixadayi.
- 20 Ni hehla ka bandla ga lixaka la banana ba ka Gadi ku wa hi Eliasafa a nwana wa Deueli.
- 21 Ni ba ka Kohate ba lo andlamuka, na ba rwele lezi zi basisisilweko: ni banwani ba lo yinisa a tabernakele ba longisela kuta kabye.
- 22 Ni muwoniso wa lixaka la wugobelo ga banana ba ka Efraime ba lo andlamuka kukotisa hi mabandla yabye: ni hehla ka bandla ga yena Eli-xama a nwana wa Amihudi.
- 23 Ni hehla ka bandla ga lixaka la banana ba ka Manasa ku wa hi Gamalieli a nwana wa Pedazura.
- 24 Hehla ka bandla ga lixaka la ka Benjamini Abidani a nwana wa Gideoni.
- 25 Ni muwoniso wa wugobeli ga banana ba ka Dani, lowo wu nga wa hi ha xinzakwana ka wugobelo gonkile, wu lo andlamuka kukotisa hi bandla ya wona: ni hehla ka bandla ga yena ku wa hi Ahiezere a nwana wa Amixadayi.
- 26 Ni hehla ka bandla ga lixaka la banana ba ka Axeri ku wa hi Pagieli a nwana wa Okrani.
- 27 Ni hehla ka bandla ga lixaka la banana ba ka Naftali ku wa hi Ahira a nwana wa Enane.
- 28 Ku wa hi zakungahi a tilwenzo ta banana ba ka Israeli kukotisa hi mabandla yabye; bona ba lo andlamukiswa.
- 29 Na Mosi i te ngalo ka Hobaba, a nwana wa Reueli a Midiani, a raru wa Mosi hi ka nayo, Hina hiya tikweni lego Jehova a nga ku ngalo, Mina nzi ta nyika gona ka nwina: ngona wena ziwu na hina, hina hi ta kusasa wena; hakuba Jehova i wulawulile kusaseka ha Israeli.
- 30 Yena i te ngalo ka yena, Mina nzi nga ta kuya; kanilezi nzi ta suka lomo tikweni ga hina benyi, ni lomu ka ba ka hina.
- 31 Na yena a ku ngalo, u nga hi siyi, mina nza kombela wena; kwatsikalezo wena u zi tibako lezaku hina hi ta goba loma xiwuleni, wena u ta ku ba mahlo ya hina.
- 32 Na ku ta ku ba, loku wena uya na hina, ina, ku ta kuba, kani hikwihi kusaseka loko Jehova a ta nga ku maha ka hina, kwaloko hi ta ku maha ka wena.
- 33 Bona ba lo andlamuka hi le xitsungeni xa Jehova a lwenzo la masiku manharu; ni arke ga xivumelwano xa ka Jehova gi loya mahlweni kabye a lwenzo la masiku manharu, a ku laba a wutsamo ga kuhumula ka bona.
- 34 Ni refu ga Jehova gi wa hi hehla ka bona hi mumu, laha bona na andlamuka le wugobelweni.
- 35 Na ku mahisile lezo, laha na arke yi andlamuka, lezaku Mosi i wa te ngalo, Suka, O Jehova, nga balala ba wena ba hangalaka; ni nga bona labo ba bengako wena ba panzanyeka mahlweni ka wena.
- 36 Ni laha gi nga wa zumba, yena i te ngalo, A lelela, O Jehova, ka maku-me ya mazana ya mazana ya maku-me ya ba ka Israeli.

XIPIMO 11.

- 1 Ni banhu ba wa hi bamonyako, na ba wulawula kubila tindlebeni ta Jehova: ni laha na Jehova na a zi-

- zwile, a zanga ya yena yo lo vindlukiswa; ni nzilo wu lo vura mahlweni ka bona, wo lo kadamula kwaleyo xikari ka kelelo ga wugobelo.
- 2 Ni banhu ba lo rila ka Mosi; na Mosi i lo kombela ka Jehova, ni nzilo wu wombwa.
- 3 Ni bito ga lego wutsamo gi lo bitwa Tabera, hakuba nzilo wa Jehova wo lo vura xikari ka bona.
- 4 Ni xangelwa wa xidlemo lexo xi nga wa hi kona xikari ka bona xi lo mbilukela hi kuenzelekisisilweko: ni banana ba ka Israeli ba lo rila kambe, na ba te ngalo, Nzi mani a ta nga hiha nyama kuga ke?
- 5 Hina ha alakanya a zidluwana leti hi nga waga leyo Gipite hi nga tirangi ncumo; a mariwa, a maranga, a soboya, ni sobolinya, ni timbura:
- 6 Kanilezi makunu a muhefemulo wa hina wa ncoma; laho a ka ha hi na ncumo futsi saseka leyi mana ku cuwuka yona ntsena.
- 7 Ni mana yi wa fanana ni mbewu ya korianda, ni kuwoneka ka yona ku kotisa ku woneka ka bedelima.
- 8 Ni banhu ba wo famba, ba ya yi rolela, ba yi ngaya hi zigayo, kutani ya kanza hi macuri, ba yi bika lomo timbiteni, ni ku maha zikeketselo ha yona: ni kuzwala ka yona ku wa ku kwatsi kunuhela ka mafura maswa.
- 9 Ni laha a nzokati yi nga wela hehla ka wugobelo laha wusikwini, ni mana yi lo wela hehla ka yona.
- 10 Na Mosi i lozwa banhu na ba rila mingangweni yabye yonkle, bonklelele banhu le nyangweni ya tenta gawkewo: ni zanga ya Jehova yi wa vindlukisilwe hi kukulisisilweko; Mosi i lo zangariswa.
- 11 Na Mosi i te ngalo ka Jehova, Ngahilezo wena u maha kubiha hi nanza ga wena ke? ngahilezo mina a nzi kumangi tomo mahlweni ka wena, lezaku wena u beka a nzwalo wa hombe wa bonkle laba banhu hehla ka mina ke?
- 12 Mina nzi xurile a nyimba ya bonkle laba banhu ke? mina nzi ba trele ke, lezaku wena u wa ta nga ukuka mina, Ba rwale wena hi xifuba xa wena, ku kota raru a wundlako a rwalako a nzhumulwana yi anwako, a tikweni lego wena u hlambanyileko ka bararu babye ke?
- 13 Hi laha kwihhi nzi ta nga kuma a nyama ku nyika laba banhu ke? ha-
- kuba bona ba rile ka mina, baku, Nyika hina nyama, kasi ha fela kuga.
- 14 Mina a nzi zi koti ku rwala bonkle laba banhu nzoce, hakuba za binza ka mina.
- 15 Loku wena u maha zakungahi ka mina, daya mina, nza kombela wena, lahandle ka canja, loku nzi kumile a tomo mahlweni ka wena; nga mina a kuhlakala ka mina.
- 16 Na Jehova i te ngalo ka Mosi, Tsombanyisa ka mina a madota ya nklanu ni mambiri makume ya masingalakati ya ba ka Israeli, labo wena u ti tibisisako a ku ba masingalakati ya banhu, ni tinduna tabye; u ba ncha le tenteni ga muklangano, kasi ba fela ku yima laho zinwe na wena.
- 17 Mina nzi ta relela nzi ta wulawula zinwe na wena laho: mina nzi ta teka a Moya lowu wu nga hehla ka wena, ni ku wu beka hehla ka bona; bona ba ta rwala a mirwalo ya banhu zinwe na wena, kasi wena u nga rwali wena wece.
- 18 Na wena wula ka banhu, Basisani wutsumbu ga nwina ha manziko, nwina mu taga nyama; hakuba nwina mu rilile tindlebeni ta Jehova, muku, Hiiwihhi a ta hiha a nyama ya kuga ke? hakuba zi wa hi sasekele a ku ba le Gipite: hikwalaho Jehova i taha nwina nyama, nwina mu ta kuga.
- 19 Nwina mu nga taga siku ginwe, ge ni masiku mambiri, ge nklanu wa masiku, hambu ni kume ga masiku, ge ni makume mambiri ya masiku,
- 20 Kanilezi a hweti yonkle, yi kala yi huma hi lomu tinhovini ta nwina, ni ku hala yona yi swihata nwina; hakuba nwina mu alile Jehova loyi a nga xikari ka nwina, mu rilile mahlweni ka yena, muku, Hii humele yini hi le Gipite ke?
- 21 Na Mosi i te ngalo, A banhu, laba nzi nga xikari ka bona, ba hi nklanu ni ginwe a zana ga kume ga mazana banhu ba mikonzo; na wena u te ngalo, nzi ta ba nyika nyama, kasi ba fela kuga hweti yonkle.
- 22 Xana a miklambi ni tibomu zi ta zela-lyiwa ka bona, a kuxurisa akuenelisa bona ke? kutani a zinluwani zonkle za bimbi zi ta tsombana katiginwe ka bona ke a ku enelisa bona ke?

- 23 Na Jehova i te ngalo ka Mosi, Kasi a canja ga Jehova gi hunzelela gi koma ke? makunu wena u ta wona a kutani a mhaka ya mina yi nga ta hunza kutani a hi zona.
- 24 Na Mosi i lo huma, i loya byela a timhaka ta ka Jehova: na yena i lo tsombanyisa nklanu ni mambiri makume ya madota ya masingalakati ya banhu, i lo ba yimisa ba renzelekela a Tenta.
- 25 Na Jehova i lo relela ata lahasi hi refu, i lo wulawula ka yena, i lo susa a Moya lowo wu nga wa hi hehla ka yena, i lo wu beka hehla nklanu ni mambiri makume ya masingalakati: na ku mahisile lezo, lezaku, laha na Moya na wu kapamile hehla ka bona, bona ba lo profeta, kanilezi a ba ha mahangi zakungaho kambe.
- 26 Kanilezi laho ku lo sala a banhu bambiri lomo wugobelweni, a bito ga muwe hi Eldade, a bito ga muwani hi Medade: ni Moya wu lo kapama hehla ka bona; ni labo ba wa hi bona labo ba nga wa tsalilwe, kanilezi ba wa nga humangi baya lomo Tenteni; bona ba lo profeta lomo wugobelweni.
- 27 Ni laho ku lo tsutsuma a jaha, i lo byela Mosi, a ku ngalo, Eldade, na Medade ba profeta lomo wugobelweni:
- 28 Na Joxua a wana wa Nuni, a mu-kozi wa ka Mosi, a muwe wa banhu ba yena ba langilweko, i lo hlamula aku, A hosi yanga Mosi, i beletele bona.
- 29 Na Mosi i te ngalo ka yena, Wena u na mona hi kota ya mina ke? nzi ranza ku nga bonkle banhu ka Jehova ba hi baprofeti, kasi Jehova i wa ta nga a cela Moya wa yena hehla ka bona!
- 30 Na Mosi i lo mu yisa lomu wugobelweni, yena ni masingalakati ya ka Israeli.
- 31 Ni laho ku lota mheho hi ka Jehova, yi lo neha a tihwari hi le bimbi, a maha tona ti wela le wugobelweni, ku kwatsi i lwenzo la siku ka legi lelelo, ni lwenzo la siku ka ginwani lelelo, ku renzelekela a wugobelo, ni ku kwatsi mikono mimbiri le hehla ka ngohe ya misaba.
- 32 Ni banhu bonkle ba lo suka gonkle lego siku, ni gonkle wusiku, ni gonkle a siku gi gamelako, ba wunge-

letela a tihwari: loye a wungeleteko ku tsongweni i lo wungeletela kume ga tihoma: bona ba lo ti aneka gonkle wutsamo a kuba za wutsumbu gabye ba ranzela gonkle wugobelo.

- 33 Laha na nyama yi hi xikari ka meno yabye, na yi nga se ku caku nywa, ni zanga ya Jehova yi lo vindlekiswa hi ka banhu, na Jehova i lo lobisa bona hi nzhere wa hombe nguvu.
- 34 Ni bito ga lego wutsamo gi lo bitanwa Kibrotihatava, hakuba laho ba lo kelela banhu labo ba mbiluke-lako.
- 35 Hi le Kibrotihatava a banhu ba andlamukela le Hazerote; laho na bona ba lo tsama le Hazerote.

XIPIMO 12.

- 1 Na Miriamu na Aroni ba lo wulawula ba vukela Mosi hakuba hi wasati wa mu Kuxe loye Mosi a nga wa tekile; hakuba i wa tekile a wasati wa mu Kuxe.
- 2 Bona te ngalo, Jehova ha kunene i lo wulawula ka Mosi yece ke? a nga wulawulangi kambe ka hina ke? Na Jehova i lo zizwa.
- 3 Makunu a munhu Mosi i wa hi tsamba nguvu, hehla ka banhu bonkle laba ba nga ngoheni ya misaba.
- 4 Na Jehova i lo wulawula hi xikindlelimuxa ka Mosi, ni ka Aroni, ni ka Miriamu, Humani uwina banhu banharu lomu tenteni ga muklangano. Bona banharu ba lo huma.
- 5 Na Jehova i lo relela hi mhinga ya refu, i lo yima le nyangweni ya Tenta, ni ku bitana Aroni na Miriamu; na bona bambiri ba lo huma.
- 6 Na yena i te ngalo, Ingisani maku-nu a timhaka ta mina: loku laho ku nga ku hi kona muprofeti xikari ka uwina, mina Jehova nzi ta tibekiswa ka yena hi muwoniso, nzi ta wulawula zizwe na yena hi kulora.
- 7 Ni nanza ga mina Mosi a zingaho; yena i kolekile ka yonkle yindlu ya mina:
- 8 Ni zizwe na yena nzi ta wulawula nomu hi nomu, kona kuwonekelisilweko, na ku nga hi kuwulawula ka lomu munyameni; ni dzumba ga Jehova yena i ta gi wona: ngahile-zo zomake uwina a mu cabi a ku wulawula mu vukela a nanza ga mina, mu vukela Mosi?

- 9 Na zanga ya Jehova i lo vindluka kiswa ha bona; yena i lo suka.
- 10 Ni refu gi lo suka behla ka Tenta; ni, languta, Miriamu i wa hi hlokonho, a basa kwatsi hi mbera: na Aroni i lo cuwuka behla ka Miriamu, ni, languta, yena i wa hi hlokonho.
- 11 Na Aroni i te ngalo ka Mosi, O, hosi yanga, u nga beki, nza kombela wena, a xionho behla ka hina, hina hi mahile hi wupumbu, nga hi lezo hina hi onhile.
- 12 Nga yena a nga hi nago, nza kombela, kwatsi hi munwe a fileko, a wihi a nyama yi lobyisilweko kihlanya laha na huma hi lomo rumbyini ga nyine wa yena.
- 13 Na Mosi i lo rila ka Jehova, aku, Hanyisa yena, O Nungungulu, minna nza kongotela wena.
- 14 Na Jehova i te ngalo ka Mosi, Loku raru wa yena a mu pelele le mahlweni, a wuya a nga bi na tingana nklanu ni mambiri masiku? nga yena a valelwa lehandle ka wugobelo nklanu ni mambiri masiku, ni nzako ko lezo yena i ta engeniswa kambe.
- 15 Na Miriamu i lo valelwa lehandle ka wugobelo nklanu ni mambiri masiku, ni banhu a ba andlamukangi kala Miriamu a nehwa lomu kambe.
- 16 Ni nzako ka lezo a banhu ba lo andlamuka hi le Hazerote, ba loya goba le xiwuleni xa le Parani.
- 8 Ka lixaka la ka Efraime, Hoxea a nwana wa Nuni.
- 9 Ka lixaka la ka Benjamini, Palti a nwana Rafu.
- 10 Ka lixaka la ka Zebulun, Gadieli a nwana wa Sodi.
- 11 Ka lixaka la ka Josefa, li bitwako, a loxaka la ka Manasa, Gaddi a nwana wa Susi.
- 12 Ka lixaka la ka Dani, Amieli a nwana wa Gemali.
- 13 Ka lixaka la ka Axera, Setura a nwana wa Mikaeli.
- 14 Ka lixaka la ka Naftali, Nabi a nwana wa Vofsi.
- 15 Ka lixaka la ka Gadi, Geueli a nwana wa Maci.
- 16 Laya hi mabito ya banhu labo Mosi a nga wa ba rumile ku ya hlola a tiko. Na Mosi i lo cula Hoxea a nwana wa Nuni Joxua.
- 17 Na Mosi i lo ba rumela ku ya hlola a tiko ga le Kenani, i te ngalo ka bona, Yauani nwina hi leyi ndlela ya Dzonga, ba loya hi tiko ga mitsungana:
- 18 Mu ya wona a tiko, aku ga ku yini; ni banhu labo ba akileko ka gona, kutani mbantamo kutani a ba na ntamo, kutani mbatsongwani kutani ba tele;
- 19 Ni ku i tiko ga ku yini lego bona ba akileko ka gona, kutani gi sasekile kutani gi bihile; ni ku miti ya ku yini leyo ba akileko ka yona, kutani wugobelo, kutani tigingisi;
- 20 Ni ku i tiko ga ku yiniyini, kutani ga matsobo kutani masasala, kutani gi na ni makwati, kutani a gi nawo. Ni nga mu tiya-hlana, mu nehla a mihanzo ya tiko. Makunu a xikati ku wa hi xikati xi ranga kuklakla magrepi.
- 21 Zingaho bona ba lo kanziya haya, ba loya hlola a tilo ku sukela xiwuleni xa Zini kuya Rahabi, kuya wu-engenelweni ga le Hamate.
- 22 Bona ba lo kanziya hi le Dzonga, ba lo cikela le Hebroni; na Ahimani, Xexai, na Talmi, a banana ba ka Anake, ba wa hi laho. (Makunu Hebroni gi wa akilwe nklanu ni mambiri malembe mahlweni ka a Zoana lomu Gipite.)
- 23 Bona ba lota le nzelelweni wa le Exkole, ba lo tsema hi leyo a rabi gi hi ni xitata xa magrepi, na bona ba lo xi rwala xona a pingu xikari ka bambiri; bona kambe ba lo nehla a maronge, ni makuwu.

XIPIMO 13.

- 1 Na Jehova i lo wulawula ka Mosi, aku,
- 2 Wena rumela a banhu, kasi ba fela ku ya hlola a tiko ga Kenani, lego nzi nyikileko a banana ba ka Israeli: ka tixaka tonkle ta bararu babye wena u ta rumela a munhu, yona hosana yinwe xikari ka bona.
- 3 Na Mosi i lo ruma bona hi le xiwuleni xa le Parani kukotisa hi kuleletela ka Jehova: bonkle ba bona banhu laba ba nga wa hi tihloko ka banana ba ka Israeli.
- 4 Laya hi mabito yabye: ka lixaka la Rubeni, Xamua a nwana wa Zakura.
- 5 Ka lixaka ka la Simconi, Xafate a nwana wa Hori.
- 6 Ka lixaka la ka Juda, Kalebi a nwana wa Jefuna.
- 7 Ka lixaka ka la Isakare, Igali a nwana wa Josefa.

[Sheetswa] 12

- 24 Ni lego wutsamo gi lo bitanwa i nzelelo wa Exkole, hakuba a xitata lexo a banana ba ka Israeli ba nga wa tsobile hi leyo.
- 25 Bona ba lo wuya hi le kuhloleni ka tiko le kugumelweni ka mune wa makume masiku.
- 26 Bona ba loya ba wuya ka Mosi, ni ka Aroni, ni ka wonkle a nklangano wa banana ba ka Israeli, le xiwuleni xa le Parani, le Kadexe; ba lo neha a mhaka ka bona, ni ka wonkle a nklangano, ba lo komba bona a mbanzo wa tiko.
- 27 Bona ba lo mu byela yena, ba te ngalo, Hina hi lota lomu tikweni lego wena u rumeleko hina; ha kunene gona gi kulunga masi ni wulombe; lowu hi mbanzo wa kona.
- 28 Ahemba a banhu labo ba akileko lomo tikweni mba ntamo, ni miti yi gingisisilwe, nja hombe nguvu: klatakumbiri hina hi lo wona a banana ba ka Anake leyo.
- 29 Amaleki akileko lomo tikweni ga le Dzonga: na Hiti, na Jebusi, na Amori, ba akileko tikweni ga zitsunga; na Kenani a akile hi bimbi, ba lungelalana hi kelo ga Jordani.
- 30 Na Kalebi i lo miyeta banhu mahlwani ka Mosi, a ku ngalo, A hi kanziyeni hiya lokuloku, gi ta ku ba ga hina; hakuba hina hi ta gi hlula kwatsi.
- 31 Kanilezi a banhu labo ba nga kanziya zizwe na yena ba te ngalo, Hina hi nga ta zi kota ku kanziya hi ya vukela banhu; hakuba bona ba na ni ntamo ku hunza hina.
- 32 Na bona ba lo neha mubiko wa kubiha hi tiko legi bona ba nga wa gi hlolile ka banana ba ka Israeli, baku, A tiko, lego hina hi tsemakanyileko ku gi hlola, i tiko lego gi gelako a baaki ba kona; ni bonkle banhu hi ba wonileko ka gona hi banhu ba dzumba gi zimukileko.
- 33 Laho hi wona a Nefilime, a banana ba ka Anake, labo ba tako hi ka Nefilime: na hina kuwoneni ka hina benyi hi kukwatsi hi mhera, zingaho hi wa ngaho kuwoneni ka bona.

XIPIMO 14.

- 1 Ni wonkle a nklangano wu lo klatkusa a gezu ga wona, wu lo rila; ni banhu ba lo rila lego wusiku.
- 2 Ni bonkle a banana ba ka Israeli ba lo monya ba vukela Mosi ni kuvu-

- kela Aroni: ni klangano wonkle wu te ngalo ka bona, Hi wa ta nga hi fele le tikweni ga le Gipite! kutani hi wa ta nga hi fele lomu xiwuleni!
- 3 Na ngahilezo na Jehova i hi neha ka legi tiko, a ku tawa hi supado ke? a basati ba hina ni banana ba hina ba ta dawa: i cukwana ka hina a ku beni hi ktelela le Gipite ke?
- 4 Bona ba ku ka munweni munwani, Nga hi maha a nduna, ni nga hina hi ktelela le Gipite.
- 5 Zonake Mosi na Aroni ba lowa hi tingohe tabye mahlwani ka nklangano wonkle wa banana ba ka Israeli.
- 6 Na Joxua a wana wa Nuni na Kalebi wana wa Jefuna, ba nga wa hi bazwe ba labo ba nga wa hlolile a tiko, ba lo hanzula tinguwo tabye:
- 7 Na bona ba lo wulawula ka nklangano wa banana ba ka Israeli, baku, A tiko, legi hina hi tsemakanyileko ku gi hlola, i tiko gi hunzeleleko kusa-seka.
- 8 Loku Jehova a ranza hina, zonake i ta hi neha ka legi tiko, a gi nyika ka hina; a tiko gi kulungako a masi ni wulombe.
- 9 Kumbela mu nga hlubiki ka Jehova, ge wina mu nga cabi a banhu ba tiko; hakuba bona zibaba ka hina: ni tigingisi tabye ti susilwe hehla ka bona, na Jehova i zizwe na hina: mu nga cabi bona.
- 10 Kanilezi wonkle a nklangano wu lo laba ku ba gandla hi maribye. Ni wukosi ga Jehova gi lo wonoka lomo tenteni ga muklangano ka bonkle a banana ba Israeli.
- 11 Na Jehova i te ngalo ka Mosi, Ku ta kala ku yini laba banhu ba kanziya mina ke? na ku ta kala ku yini bona ba nga kolwi mina ke? ka zonkle ziwoniso lezi nzi mahileko xikari ka bona ke?
- 12 Mina nzi ta lobisa bona hi nzhere nzi ba tekela tsomba, nzi ta maha ha wena a mufumo wa hombe ni wa ntamo ku hunza bona.
- 13 Na Mosi i te ngalo ka Jehova, Zonake a ba Gipite ba ta zizwa: hakuba wena u humesile a banhu ba wena hi ntamo xikari ka bye;
- 14 Bona ba ta wula ka banana ba tiko legi. Bona na ba zwile lezaku wena Jehova u kona xikari ka laba banhu; hakuba wena Jehova u wonilwe ngohe ni ngohe, ni refu ga wena ga yima hehla ka bona, wena u

- famba mahlweni ka bona, hi mhi-
nga ya refu hi siku, ni mbinga ya
nzilo hi wusiku.
- 15 Makunu loku wena u daya laba ba-
nhu ku kotisa manhu munwe, ni
matiko laya mazwileko a wudumo
ga wena ma ta wulawula, maku,
- 16 Jehova i wo kala a nga zi koti a ku
neha laba banhu ka tiko lego a nga
hlambanyile ka bona, hikwalaho ye-
na i ba dele lomo xiwuleni.
- 17 Ni makunu, nza kombela wena, nga
a ntamo wa Hosi wu hi wa hombe,
kukotisa lezi a wulileko, aku,
- 18 Jehova wa nonoka ku zangara, i
pfunile hi wuranza ga wunene, a
tsetselela zigoho ni zihambunyeto;
ni lezaku na su ngwa hi kubasisa
labo ba ni nanzu, na enzela a zigoho
za bararu hehla ka banana, hi ba zi-
zukulwana zinharu ni za mune.
- 19 Ribalela, nza kombela wena, a zigo-
ho za laba banhu kukotisa hi ku ku-
lisisilweko ka wunene ga kuranza ga
wena, ni kukotisa lezi wena u tsetse-
leleko laba banhu, ku sukela le Gi-
pite kala makunu.
- 20 Na Jehova i te ngalo, Mina nzi
tsetselele kukotisa ka mhaka ya
wena:
- 21 Kanilezi ka kwaloku ku maha, kwa-
tsi hi lezi mina nzi hanyako, ni kwa-
tsi hi lezi a saba gi ta nga tala hi wu-
kosi ga Jehova;
- 22 Hakuba bonkle banhu labo ba woni-
leko a wukosi ga mina, ni ziwoniso
za mina, lezo nzi zi mahileko le Gipi-
te ni le xiwuleni kasi lezo ba ringile
mina legi kume ga zikati, a ba ingi-
sangi a ka gezu ga mina;
- 23 Na kunene bona ba nga ta gi wona
a tiko lego nzi nga wa tsumbisile ka
ba raru babye, ge munwe wa bona
laba ba nzi tsanwisileko ba nga ta
wona gona:
- 24 Kanilezi a nanza ga mina Kalebi,
hakuba yena i na munwani a moya
wu zinwe naye, yena i lanzele mina
hi ku teleko, loye hi yena nzi ta mu
neha ka tiko lego yena a nga yile;
ni mbewu ya yena gi ta ba babye.
- 25 Makunu a mu Amaleki na mu Ke-
nani ba wa akile lomo matsobyeni:
manziko Alelani nwina, mu ya enge-
na lomu xiwuleni hi ndlela ya Bi-
mbi lego go Truka.
- 26 Na Jehova i lo wulawula ka Mosi
ni ka Aroni, aku,
- 27 Ku ta kala ku yini timisela ni lowu
a nklangano wa kubiha, labo ba
monyako ba vukela mina? mina nzi
zwile ka kumouya ka banana ba ka
Israeli, loku ba monyako ba vukela
mina.
- 28 Wula ka bona, kwatsi hi lezi nzi ha-
nyako, ku wula Jehova, ha kwatsi
hi lezi nwina mu wulawulileko ti-
ndlebeni ta mina, zingaho nzi ta
maha ka nwina;
- 29 A zirumbi za nwina zi ta wela lomu
xiwuleni; bonkle labo ba hlalilwe-
ko ba nwina, kukotisa wonkle a tse-
ngo wa nwina, ku sukela ka maku-
me mambiri a malembe wukale ku
komama le hehla, bona ba monyile
ha mina,
- 30 Na kunene nwina mu nga tata lomu
tikweni, kukotisa lezi mina nzi hla-
mbanyileko mina nzi ta maha nwina
mu tsamisa zalezo, saseka Kalebi a
nwana wa Jefuna, na Joxua a nwa-
na wa Nuni.
- 31 Kanilezi a banana ba nwina, labo
nwina mu nga wula lezaku ba ku
ba ta dawa, bona nzi ta ba engenisa,
bona ba ta gi tiba a tiko lego nwina
mu gi alileko.
- 32 Kanilezi ha nwina, a zirumbi za nwi-
na zi ta wela lomu xiwuleni.
- 33 A banana ba nwina ba ta nzula lomu
xiwuleni mune wa makume male-
mbe, ba ta rwala wubayi ga nwina,
kala a zirumbi za nwina zi mbetiswa
lomo xiwuleni.
- 34 Kukotisa a tsengo wa masiku laya
mu hlolileko ha wona a tiko, wona
mune wa makume ya masiku, aku-
ba legi ni legi siku i lembe, nwina
mu ta rwala zigoho za nwina, wo-
na mune wa makume ya malembe,
nwina mu ta tiba a kufularela ka
mina.
- 35 Mina, Jehova, nzi wulawulile, lexi
nzi ta maha ka lowu a nklangano
wa kubiha, lowu wu nklangencko
katigilawe ku vukela mina: ka xona
lexi xiwula bona ba ta mbetisisiwa,
kona bona ba ta fela kona.
- 36 Ni banhu, labo Mosi a nga wa ba
rumule ku hlola tiko, labo ba nga
wuya, ku ta maha wonkle a nkla-
ngano wu monya wu vukela yena,
hi ku neha a mibiko wa kubiha hi
tiko.
- 37 Bona banhu labo ba lo neha a mubi-
ko wa kubiha hi tiko, ba lofa nzhere
mahlweni ka Jehova.
- 38 Kanilezi Joxua a nwana wa Nuni,

- na Kalebi a *nwana* wa Jefuna, ba lo sala ba hanya ba labo banhu labo ba nga wa yi le ku hlola a tiko.
- 39 Na Mosi i lo *byela* leti timhaka ka banana ba bonke ba ka Israeli: ni banhu ba lo rila hi ku kulisilweko.
- 40 Na bona ba lo vuka ba binzuka ni punzu wa mixo, ni kuya le hehla ka xitsunga, baku, Mangabye, hina hi laha, hi ta famba ka tiko lego Jehova a tsumbisileko: hakuba hina hi onhile.
- 41 Na Mosi i te ngalo, Ngahilezo *nwina* na hambinyeta a kuleletela ka Jehova, na mu wona lezaku ku nga ta vuvuma ke?
- 42 Mu nga kanziyi, hakuba Jehova a nga kona xikari ka *nwina*; lezaku *nwina* mu ta ya hlulwa mahilweni ka balala ba *nwina*.
- 43 Hakuba laho ba kona mu Amaleki na mu Kenani ba le mahilweni ka *nwina*, *nwina* mu tawa hi supado: hakuba *nwina* mu klelele le nzako ku lanzeleni Jehova, hikwalaho Jehova a nga ta ku ba na *nwina*.
- 44 Kanilezi bona ba lo kurumeta a kuya le hehla ka xitsunga: ahemba arke ya xivumelwano xa ka Jehova, na Mosi, a zi sukangi le wugobelweni.
- 45 Zonake Amaleki i lo releta ata, ni mu Kenani loye akileko ka lexo xitsunga, ba lo hlongola bona ba lo hlula bona, ba kala ba cikela Horra.

XIPIMO 15.

- 1 Na Jehova i lo wulawula ka Mosi, aku.
- 2 Wulawula ka banana ba ka Israeli, u wula ka bona, Laha mu ta nguta le tikweni ga kuaka ka *nwina*, legi nzi nyikileko ka *nwina*.
- 3 Ni ku maha a munyikelo wu mahilweko hi nzilo ka Jehova, wona a munyikelo wa kuhiswa, kutani mupahlelo, a ku mbetisa a xifungo, ni kutani kwatsi mu nyikelo wu klatlekileko, kutani mibuzweni ya *nwina* yi yimisilweko, a ku maha munyikelo wu tsombelako wu nuhela ka Jehova, wa miklambi ya tihomu, kutani ngwa miklambi ya tiyivi ni ya timbuti;
- 4 Zonake loye a nyikelako a xinyikiwo xa yena a nyikela ka Jehova a munyikelo wa tinzhoho a xipanze xa kume xa efa xa mapa ma nanaselwe

ko xi patsilwe ni xipanze xa wumune xa hini ya mafura:

- 5 Ni waini ga munyikelo wa *kunwa*, ni xipanze xa mune xa hini, wena u ta longisela ni munyikelo wa kuhiswa, ni mupahlelo wa leyi ni leyi a ivana.
- 6 Kutani i hamba, leyo yi ta nga longisela a munyikelo wa tinzhoho a zipanze zimbiri za kume za efa za pama ma nanaselweko ma patsilwe ni xipanze xa wunharu xa hini ya mafura:
- 7 Ni akuba a munyikelo wa *kunwa* wena u ta nyikela a xipanze xa wunharu xa hini ya waini, xa kutso mbela wu nuhela ka Jehova.
- 8 Ni wena u longisako a honwana ya munyikelo wa kuhiswa, kutani mupahlelo, wa kumbetisa a xifungo, kutani akuba mupahlelo wa kurula ka Jehova:
- 9 Zonake yena i ta nyikela zinwe ni honwana a munyikelo wa tinzhoho a zipanze zinharu za wukume za efa za pama ma nanaselweko zi patsilweko ni kihlanya ga hini ya mafura:
- 10 Na wena u ta nyikela akuba munyikelo wa *kunwa* a kihlanya ga hini ya waini, a munyikelo wu mahilweko hi nzilo, wutsombeleko wu nuhela ka Jehova.
- 11 Zakungahi ku ta nga mahiwa ka honwana *zinwe* ni *zinwani*, kutani i hamba *zinwe* ni *zinwani*, kutani i hambana *zinwe* ni *zinwani*, kutani hi leyi ni leyi mbutana.
- 12 Kukotisa hi ka tsengo lowo wena, u ta zi longisela, zingaho mu ta maha ka leyi ni leyi tonkilelele kukotisa a tsengo wa tona.
- 13 Bonke labo ba tralelweko le kaya ba ta maha lezi zilo zo kotisa lezi, ni kunyikela a munyikelo wu mahilweko hi nzilo, wa masema ya kutso mbela ka Jehova.
- 14 Ni loku a mupfumba loye a lubelelo ka *nwina*, kutani kani ngwa ku yini a nga xikari ka *nwina* ka zizukulwana za *nwina* zonke, a nyikela a munyikelo wu mahilweko hi nzilo, wa masema yo tsombela ka Jehova; kotta lezi *nwina* mu mahako, yenawu i ta maha.
- 15 Hi hlengaletano, ku ta ku ba kona a xilayelo *zinwe* ka *nwina*, ni ka mupfumba loye a lubeleko *zinwe* na *nwina*, a xilayelo kala kupinzika

- ka zizukulwana za zonkile : ku kwatsi hi *nwina* mu maho, ni mulubeli mahlweni ka Jehova.
- 16 Munwe nayo ni xiwe xiyimiso xi ta ba ka *nwina*, ni mupfumba loye lubeleko ka *nwina*.
- 17 Na Jehova i lo wulawula ka Mosi, aku,
- 18 Wulawula ka banana ba ka Israeli, uku ka bona, Laha na mu tile tikweni legi mina nzi mu nehako *nwina*,
- 19 Zonake ku ta ba ngaho, lezaku, laha na mu gile a zibaba za tiko *nwina* mu ta nyikela a munyikelo wa kunziwitela ka Jehova.
- 20 A ku ranga hi mapa ya *nwina* mu ta nyikela a xikeketselo xa munyikelo wa kunziwitela : ku kwatsi munyikelo wa kunziwitela wa nzhimbo wa kuhula, zingaho *nwina* mu ta nziwitela wona.
- 21 A mapa ya *nwina* ya kuranga *nwina* mu ta nyika ka Jehova a munyikelo wa kunziwitela ka zizukulwana za *nwina* zonkile.
- 22 Ni laha *nwina* mu ta nga kubeka, mu nga lonzowoti zonkile lezi zileletelo, lezi Jehova a wulawulileko ka Mosi,
- 23 Zona lezi Jehova a leleteleko *nwina* ba Mosi, ku sukela ka siku lego Jehova a nga wa nyikile kulaya, ku simama ku kutsonzoma ka zonkile zizukulwana za *nwina*;
- 24 Zonake ku ta ba ngaho, loku ku mabiwa hi ku nga tibiyiwiko, hi lahandle ka kutibisiswa ka nklangano, lezo wonkile a nklangano wu ta nyikela a honwana yinwe ya yiwa akuba munyikelo wa kuhiswa, akuba masema yo tsombela ka Jehova, zinwe ni munyikelo wa kona wa tinzhoho, ni munyikelo wa kunwa, kukotisa hi xiyimiso xa kona, ni mhongo yinwe ya munyikelo wa kuonha.
- 25 Ni mupristi i ta maha a nzhiho wa wonkile a nklangano wa banana ba ka Israeli, na bona ba ta tsitselelwa; hakuba kona ku wa hi kuhoheta, na bona na ba nehile a xinyikiwo xabye, a munyikelo wu mahilweko hi nzilo ka Jehova, ni zionho xabye mahlweni ka Jehova, hi kuhoheta xabye :
- 26 Ni wonkile a nklangano wa banana ba ka Israeli wu ta tsitselelwa, ni mupfumba loye a lubeleko ka bona; hakuba hi kuwoneni ka bonkile ba-
- nhu kona ku mahilwe na ku nga tibisisiwi.
- 27 Ni loku a munhu munwe a onha hi ku nga tibisisiko, zonake i ta nyikela a nkati wa mbuti a lembe ginwe a wukale a munyikelo wa kuonha.
- 28 Ni mupristi i ta maha a nzhiho wa loye munhu a onhileko, laha na onhile hi ku nga tibisisiwigiko, mahlweni ka Jehova, ni ku maha a nzhiho wa yena; na yena i ta tsitselelwa.
- 29 *Nwina* mu ta ba ni nayo munwe ka yena loye a mahako ncumo hi ku nga tibisisiwigiko, hakuba yena loye a tralelweko kaya xikari ka banana ba ka Israeli, ni bapfumba loye a lubeleko xikari ka *nwina*.
- 30 Kanilezi a muhefemulo lowu mahako a ncumo hi canja gi klakusilweko, hambu akuba wa ku tralelwa kaya, kutani mulubeli, ywaloye i rukatele Jehova; lowo muhefemulo wu ta tsenwa xikari ka banhu ba ka kabye.
- 31 Hakuba yena i kanyisile a mhaka ya Jehova, ni ku i tsobile a kuleletela ka yena, lowo muhefemulo hi ku lobisisilweko wu ta tsenwa, ni kuonha ka yena ku ta ba hehla ka yena.
- 32 Ni laha na banana ba ka Israeli na ba ha hi lomo xiwuleni, ba lo kuma a wanuna na a tsoba a tihunyi hi siku ga sabado.
- 33 Na bona labo ba nga kuma yena ba lo wungeletela a tihunyi ba lo mu neha ka Mosi ni ka Aroni, ni ka wonkile a nklangano.
- 34 Na yena i lo kotselwa, hakuba ku wa nga se kuwulwa lezaku ku ta mahwa yini ka yena.
- 35 Na Jehova i te ngalo ka Mosi, A wanuna ha kunene i ta dawa : ni wonkile a nklangano wu ta mu gandla lahandle ka wugobelo.
- 36 Ni wonkile a nklangano wu lo mu neha le handle ka wugobelo, ba lo mu gandla afa hi maribye; kukotisa Jehova a leleteleko Mosi.
- 37 Na Jehova i lo wulawula ka Mosi, aku,
- 38 Wulawula ka banana ba ka Israeli, ni ku ba laya lezaku bona nga ba rungela a nzhambyanana lomo mbinganweni wa tinguwo tabye ka zizukulwana xabye zonkile, ni lezaku ba beka hehla ka nzhambyanana wa

yonkile mimbiningano a kwenge wa kubalala :

- 39 Kona ku ta ba ka nwina a nzambya-nana, kasi nwina ma fela ku cuwu ka hehla ka wona, mu alakanya zonkile zileletelo za Jehova, ni ku zi maha zona ; kasi nwina mu nga lanzeli a timbilu ta nwina ni mahlo ya nwina, ka zihi nwina mu tolobeleko a wuoswi ;
- 40 Kasi nwina ma fela ku alakanya mu maha zonkile zileletelo za mina, ni ku ba ba basileko ka Nungungulu wa nwina.
- 41 Nzi mina Jehova Nungungulu wa nwina, loye a mu humesileko hi leyo tikweni ga le Gipite, a kuba Nungungulu wa nwina : nzi mina Jehova Nungungulu wa nwina.

XIPIMO 16.

- 1 Makunu Kora, a nwana wa Izhare, a nwana wa Kohate, a nwana wa Levi, zinwe na Datani, na Abiramu, a bana ba Eliabe, na Oni, nwana wa Peleti, a bana ba Rubeni, ba lo teka a banhu :
- 2 Kona ba lo suka mahlweni ka Mosi, ni bokari banana ba ka Israeli, mazana mambiri ni nklanu wa makume tihosana ta nklangano, ba lo bitana a muklangano, a madota ya wunhe-nha gi dumileko :
- 3 Bona ba lo hlangeletana wutsamo ginwe ba vukela Mosi ni kuvukela Aroni, ba te ngalo ka bona, nwina mu teka hi kuhunzisileko ka nwina, na mu wona lezaku wonkile a nklangano wu basile, bonkilelele ba bona, na Jehova i kona xikari kabye ; ngahilezo ma ti klakusa wutsumbu ga nwina hehla ka nklangano wa Jehova ke ?
- 4 Laha na Mosi na a zi zwile, i lowa hi ngohe ya yena :
- 5 I lo wulawula ka Kora ni ka bangana ba yena bonkile, aku, Laha mixweni Jehova i ta wonisa labo ba nga ba yena, ni hi bali laba ba basileko, ni ku mu wula ata ku suhani na yena : yena loye a mu hlawulileko, i ta mu wula a ta ku suhani na yena.
- 6 Mahani lezi : tekaniwo a tibani, Kora, ni bonkile banhu ba yena ;
- 7 Ni ku cela nzilo ka tona, ni cela libani ka zona mahlweni ka Jehova manziko : ku ta kuba lezo a munhu loye Jehova a mu hlawulileko yena,

i ta ba loye a basileko : mu teka hehla ka nwina hi ku hunzisileko nwina, bana ba Levi.

- 8 Na Mosi i te ngalo ka Kora, Zwani ni makunu, nwina bana ba ka Levi:
- 9 Kanilezi ku kwatsi xilo xitsongwani ka nwina, lezi Nungungulu wa Israeli abanyisileko nwina le ka nklangano wa ba ka Israeli, ni ku tsineta nwina ku suhani ka wutsumbu ga yena, a ku maha a nkozi ya Jehova, ni ku yima mahlweni ka nklangano mu kozela ka wona :
- 10 Ni lezaku yena i ku tsinetile ku suhani, ni bonkile bamakabye ba wena a banana ba ka Levi zinwe na wena ? nwina mu laba a xikundla xa wupristi kambe ke ?
- 11 Hikwalaho wena ni bangana ba wena bonkile mu tsombene katiginwe ku vukela Jehova : Aroni, nzi mani yenawuwo lezaku nwina mu ta nga monya ha yena ke ?
- 12 Na Mosi i lo rumela ku bitana Datani na Abiramu, a bana ba Eliabe ; na bona ba te ngalo, Hina hi nga ta kuta :
- 13 Lexi xilo xitsongwani lexi xo humesa hina le tikweni legi gi kulungako a masi ni wulombe, a ku ta daya hina lomu xiwuleni, wena u yimelwe hi ku ti maha hosana wutsumbu ga wena hehla ka hina ke ?
- 14 Klatakumbiri wena a ku hi nehangikweni legi gi kulungako a masi ni wulombe, ge ni ku nyika hina a tumba ya masimu ni xivina : wena hi wena u valako a mahlo ya laba banhu ke ? hina hi nga ta kuta.
- 15 Na Mosi i wa la su zangara nguvu, i te ngalo ka Jehova, U nga amukeli wena a kunyikela ka bona, mina a nzi tekangi ni mbongola yizwe ka bona, ge ni ku lamata muuwe wa bona.
- 16 Na Mosi i te ngalo ka Kora, Nga wena ni bonkile bangana ba wena mu hi kona mahlweni ka Jehova, wena, a na bona, na Aroni, manziko :
- 17 Mu teka wwenkilelele banhu a libano la yena, mu cela pepo hehla ka tona, mu neha ka Jehova wwenkilelele banhu a libani la yena, mazana mambiri ni nklanu wa makume a tibani ; wenawu kambe, na Aroni, muuwe ni muawani ni tibani ta nwina.
- 18 Ba lo teka bonkilelele a libani yabye ba lo cela a nzilo ka wona, ba lo kla-

- teka a libani kona, ba lo yima le nyangweni ya tenta ga muklangano zinwe na Mosi na Aroni.
- 19 Na Kora i lo tsombanyisela wonkle a nklangano wuvukelako bona le nyangweni ya tenta ga muklangano: ni wukosi ga Jehova gi lo woneka ka wonkle a nklangano.
- 20 Na Jehova i lo wulawula ka Mosi ni ka Aroni, aku,
- 21 Klalukani wutsumbu ga nwina xikari ka lowu nklangano, kasi nza fela ku ba mbetisa lokuloku.
- 22 Na bona ba lowa hi tingohe tabye, ba te ngalo, O Nungungulu, a Nungungulu wa moyo wa yonkle a nyama, xana loku munhu muzwe a onba, na wena u ta ba ni zanga hi wonkle a nklangano ke?
- 23 Na Jehova i lo wulawula ka Mosi, aku,
- 24 Wulawula ka nklangano, uku, Sukani nwina tabernakeleni ga Kora na Datani, ni ga Abiramu.
- 25 Na Mosi i lo suka i loya ka Datani ni ka Abiramu; ni masingalakati ya ka Israeli ba lo lanzela yena.
- 26 Na yena i lo wulawula ka nklangano, aku, Sukani, nza kombela nwina, le tenteni ga banhu ba kubiha, mu nga kumbi ni ncumo xabye, mu nga ku mu mbetiswa ka zonkle zonho xabye.
- 27 Zingaho ba lo klaluka le tenteni ga Kora, Datani, na Abiramu, ka wonklelele ma klelo: Datani na Abiramu ba lo huma, ba lo yima le matenteni yabye, ni basati babye, ni barisanyana babye, ni banana babye.
- 28 Na Mosi i te ngalo, Hi ka lexi nwina mu ta zi tiba lezaku Jehova i rumile mina a ku ta maha wonkle lowu tiro; hakuba a nzi tirangi yona hi kupima ka minawuwo.
- 29 Loku laba banhu bafa hi kufa kwatsi ka banhu bonkle, kutani ba ta enzelwa hi kuenzelwa ka banhu bonkle; zonake Jehova a nga rumangi mina.
- 30 Kanilezi loku Jehova a maha xilo xiswa, ni misaba yi vulula a nomu wa yona, wu mita bona, ni zonkle lezo zi nga za ka bona, bona ba relela na ba hanya le Xeoli; zonake mu ta tiba lezaku a banhu ba hanahanisile Jehova.
- 31 Na ku mahisile lezo, laho a nga wa mahile kugumelwa ku wulawula leti timhaka, a liranza bya li lo klemuka li abanyeka lolu li nga wa hi lahasi ka bona;
- 32 Ni misaba yi lo ahlama nomu wa yona, yi lo ba kadamula, ni mingango, ni bonkle banhu labo ba nga wa hi klelo ga Kora, ni yonkle nhunzu yabye.
- 33 Zingaho bona, ni bonkle labo ba nga wa hi ba ka bona, ba lo relela na ba hanya le Xeoli: ni misaba yi su sa la yi kuzula hehla ka bona, bona ba lo lobyiswa xikari ka nklangano.
- 34 Na ba ka Israeli labo ba nga wa ranzele ba lo tsutsuma hi tihuwa ta bona; hakuba ba te ngalo, Ku nga ta ku a misaba yi kadamula ma hinawu.
- 35 Ni nzilo wu lota hi ka Jehova, wu lo ta kadamula a zana ni nklanu wa makume labo ba nga nyikela a libani.
- 36 Na Jehova i lo wulawula ka Mosi, aku,
- 37 Wulawula ka Eleazare a nwana wa Aroni a mupristi, a teka amatatana le kuvureni, a ma hangulasela kule, hakuba wona ma basile.
- 38 Hambu wona laya malatanyana ya baonhi ba vukeleko wutomi gabye; nga wona ma mahiwa kuklombiwa a makingelo yo kubinyeta a alati: hakuba bona ba nyikele wona mahweni ka Jehova; hikwalaho wona ma basile; na wona ma ta ba ziwoniso ka banana ba ka Israeli.
- 39 Na Eleazare i lo teka a malatanyana ya suku, lawo bona laba ba swileko ba nga wa nyikele; bona ba lo ma klomba ku maha ku kubunyeta ka alati,
- 40 Kasi ku maha a xialakanyelo ka banana ba ka Israeli, hi kugumelwa kasi ku fela ku kala ku nga hi kona a mupfumba, loye wo kala a nga hi wa mbewu ya Aroni, ata kusubani a ku nyikela a libani ka Jehova; kasi a nga bi a kotako Kora, ni bangana ba yena: kwatsi hi Jehova a nga wulawula ha yena ha Mosi.
- 41 Kanilezi hi manziko wonkle a nklangano wa banana ba ka Israeli ba lo monya ba vukela Mosi ni ku vukela Aroni, baku, Nwina mu dele a banhu ba ka Jehova.
- 42 Na ku mahisile lezo, laha a nklangano na wu hlengeletene a ku vukela Mosi na ku vukela Aroni, lezaku bona ba lo cuwuka ni le tenta ni ga muklangano: ni, languta, a refu gi

- wa gi kubunyetilwe, ni wukosi ga Jehova gi lo woneka.
- 43 Na Mosi na Aroni ba lota ngoheni ya tenta ga muklangano.
- 44 Na Jehova i lo wulawula ka Mosi, aku,
- 45 Sukani nwina xikari ka lowu nklangano, kasi nza fela ku wu mbetisi-sa lokuloku. Na bona ba lowa hi tingohe ta bona.
- 46 Na Mosi i te ngalo ka Aroni, Teka alatanyana, u okela a nzilo hi le ka alati, u klateka libani hehla ka kona, u rwala uya le nklanganweni u ya maha a nzhiho wa bona, hakuba ku kona a zanga yi humileko hi ka Jehova; a tungu wu sangule.
- 47 Na Aroni i lo teka kwatsi hi kwula ka Mosi, i lo tsutsuma aya le xikari ka nklangano; ni, languta, a tungu wu wa sangule xikari ka banhu: yena i lo klateka a libani, i lo maha a nzhiho wa banhu.
- 48 Na yena i lo yima xikari ka bahanyako ni ba fileko; ni tungu wu su kawula.
- 49 Makunu bona labo ba ngafa hi tungu ba wa hi kume ni mune ya kume ga mazana ni klanu ni mambiri ya mazana, hi lahandle ka bona labo ba nga dawa hi mahungu ya Kora.
- 50 Na Aroni i lo kelelela ka Mosi le nyanweni ya tenta ga mu klangano: ni tungu wu lo kawula.

XIPIMO 17.

- 1 Na Jehova i lo wulawula ka Mosi, aku,
- 2 Wulawula ka banana ba ka Israeli, ba ti tekela bona a zigomba, a munwe a tekela a yindlu ya raru wakwewo, bonkle a kume ni timbiri tihosana kukotisa hi tindlu ta bararu babyewo, kume ni zimbiri zigomba: u tsala a mabito ya bonklelele banhu hehla ka zigomba xa yena.
- 3 Na wena u ta tsala a bito ga Aroni hehla ka zigomba xa ka Levi; hakuba laho ku taba kona a zigomba xizwe ka munwe wa hloko ya tindlu ta bararu babye.
- 4 Wena u beka zona lomu tenteni ga muklangano mahlweni ka wukustumunyu, laho mina nzi klanganako zizwe na nwina.
- 5 Ku taku na ku mahisile lezo, ni zigomba xa munhu loye mina nzi ta nga mu hlawula xi ta hluka: nzi ta ma-

184

- ha ku kawula ka mina a kumonya ka banana ba ka Israeli, loku ba monyako ba vukela wena,
- 6 Na Mosi i lo wulawula ka banana ba ka Israeli; ni tonkle tihosana tabye ba lo nyike zigomba, akuba a hosana yizwe xizwe, kukotisa hi tindlu ta bararu babye, kume ni zimbiri zigomba: ni zigomba xa Aroni xi wa hi xikari ka zigomba babye.
- 7 Na Mosi i lo beka a zigomba mahlweni ka Jehova lomu tenteni ga muklangano.
- 8 Na ku mahisile lezo ha manziko, i lo engena lomu tenteni ga muklangano; ni, languta, a xigomba xa Aroni xa yindlu ya ka Levi xi lo hluka, yi lo horola, yi lo pfeffa zitsangi, yi lo trala a ma almonde ma buvilleko.
- 9 Na Mosi i lo humesa zonkle a zigombe hi le mahlweni ka Jehova ka bonkle a banana ba ka Israeli: na bona ba lo cuwuka, ba lo teka bonklele banhu a xigomba xa yenawu.
- 10 Na Jehova i te ngalo ka Mosi. Klelisa a xigomba xa Aroni mahlweni ka wukustumunyu, a ku ba xi hlaiyiseka akuba xiwonelo ka banana ba kuhlubukisisilweko; kasi wena wa maha kugumelwa ka kumonya kabye ba vukela mina, kasi ba fela ku kala ba ngati.
- 11 Zakungahi i lo maha Mosi: kwatsi hi kuleletela ka Jehova ka yena, zingaho i lo maha yena.
- 12 Ni banana ba ka Israeli ba lo wulawula ka Mosi, baku, Languta, hina ha loba, hina a hi fanele, hina honkle a hi fanele.
- 13 Bonklelele labo ba tsinelako ku suhi, labo ba tsinelako ku suhi ni taberna-kele ga Jehova, bafa: hi ta loba hina honkle ke?

XIPIMO 18.

- 1 Na Jehova i te ngalo ka Aroni, Wena ni bana ba wena ni ba yindlu ya ka raru wa wena zizwe na wena mu ta rwala a kugoha ka yindlu ya kubasa; na wena ni bana ba wena zizwe na wena mu ta rwala a kugoha ka wupristi.
- 2 Ni bamakabye ba wena kambe, a lixaka la ka Levi, a lixaka la raru wa wena, ba tsinete ku suhi zizwe na wena, kasi ba fela a ku ba ba klanganiswa ka wena, ni ku kozela ka wena: kanilezi wena ni bana ba we-

- na mu ta ba mahlweni ka tenta ga wukustumunyu.
- 3 Bona ba ta hlaysia kuwula ka wena, ni kuwula ka gonkole a Tenta : kumbela bona ba nga ta tsinela ku suhani ni zibya za yindlu ya kubasa ni ka alati, kasi ba felu ku kala ba ngafi, ge bona, hambu nwina.
 - 4 Bona ba ta klanganiswa ka wena, ni ku hlaysia a mitiro ya tenta ga nklangano, ni ka yonkole a nkozi ya Tenta : ni mupfumba a nga ta tsineli ku suhani ka wena.
 - 5 Nwina mu ta hlaysia a tiro wa yindlu ya kubasa, ni tiro wa alati; kasi ku fela ku kala ku nga hi kona laho a zanga hehla ka banana ba ka Israeli.
 - 6 Na mina, languta, nzi tekile a bamakabye ba nwina a ba ka Levi xikari ka banana ba ka Israeli : ka nwina zinyikiwo, zi nyikilweko ka Jehova, a ku maha a nkozi ya tenta ga muklangano.
 - 7 Na wena ni bana ba wena zinwe na wena mu ta hlaysia a wupristi ga nwina ga zilo zonkole za alati, ni ka lezo zi nga lomu nzeni ka veli ; na nwina mu ta kozela : mina nzi mu nyika a wupristi kwatsi i nkozi ya xinyikiwo : ni mupfumba loye a tsinelako kusuhani ata dawo.
 - 8 Na Jehova i lo wulawula ka Aroni, Mina, nza languta, nzi ku nyikile wena a tiro wa munyikelo wa mina wa ku nziwitela, zona zilo zi hlawulilweko za banana ba ka Israeli ; ka wena mina nzi nyikile zona hi xigelo xa kutotwa, ni ka bana ba wena, kwatsi xiabelo kala kupinzuka.
 - 9 Lezi zi ta maha zilo za wena zi basile hi kuhunzisisilweko, zi saleleko le nzilweni : zonkolelele zinyikiwo za zabye, wona wonkolelele munyikelo wa tinzhoho wabye, ni yonkolelele amunyikelo wa kuonha wabye, ni yonkolelele munyikelo wa zihambuko zabye, leyi bona ba ta nga yi nyikela ka mina, ku ta ba ku basileko hi ku hunzisisilweko ka wena ni ka bana ba wena.
 - 10 Kwatsi hi lezi zi nga zilo zi hunzeleleko zi basa wena u taga ka zona ; bonkolelele ba banuna ba taga ka zona ; kona ku ta ba ku basileko ka nwina.
 - 11 Ni lezi hi za ka wena : a munyikelo wa ku nziwitela wa xinyikiwo, ni yonkole a munyikelo ya ku nzuliselwa ya banana ba ka Israeli ; mina nzi nyikile yona ka wena, ni ka barisanyana ba wena ni ka banhanyana ba wena zinwe na wena, kwatsi xiabelo kala kupinzuka ; bonkolelele labo ba hlazekileko lomu ndlwini ya wena ba taga ka yona.
 - 12 Ni wonkole mafura ma sasekileko, ni konkole kusaseka ka wuvina, ni ka mbewu, ni mihanzo yo ranga ya bona leyi ba nyikileko ka Jehova, ka wena mina nzi nyikile kona.
 - 13 Ni mihanzo yi buvako kuranga ya zonkole lezi zi nga lomu tikweni gabye, lezi bona ba nehako ka Jehova, zi ta ba za wena ; ni bonkolelele labo ba hlazekileko ba yindlu ya wena ba taga ka zona.
 - 14 Konkolelele loku ku nyikelisisileko ka Israeli ku ta ba ka wena.
 - 15 Konkolelele loku ku vululako a marumbu, yonkole a nyama leyi ba nyikelako ka Jehova, konkole ka banhu ni zihari ku ta kuba ka ka wena : ahemba wonkole a matewula ya banhu wena u ta klaklisa, ni matewula ya zihari zi nga hlazekangiko wena u ta klaklisa.
 - 16 Ni lezo zonkole zi ta nga klaklisa za kona za hweti zinwe a wukale wena u ta klaklisa, kukotisa hi kukoxa ka wena, ka mali ya nklaau wa maxekeli, kota a maxekeli ya yindlu ya kubasa (walawo ma hi makume mambiri magera).
 - 17 Kanilezi a matewula ya tihomu, kutani matewula ya tiyivu, kutani matewula ya timbuti, wena u nga ta klaklisa ; tona ti basile : wena u ta zwatsekela nkata wa tona hehla ka alati, ni ku hisa mafufa ya tona akuba munyikelo wu mahilweko hi nzilo, akuba masema yo tsombela ka Jehova.
 - 18 Ni nyama ya tona yi ta ba ya wena kwatsi hi pfuba gi nzulisilweko ni tsambukulu ga xinene, zi ta ba za ka wena.
 - 19 Wonkole munyikelo wa ku nziwitela wa zilo za kubasa, lezi a banana ba ka Israeli ba nyikelako ka Jehova, mina nzi nyikile wena, ni barisanyana ba wena ni banhanyana ba wena zinwe na wena, a xiabelo kala kupinzuka : lexi xivumelwano xa munyu mahlweni ka Jehova ka wena ni ka mbewu ya wena zinwe na wena.
 - 20 Na Jehova i te ngalo ka Aroni, Wena u nga ta kuba na tsomba le tikwe-

- ni gabye ge ni kuba ni xiabelo xikari ka bona: nzi mina xiabelo xa wena ni tsomba ya wena xikari ka banana ba ka Israeli.
- 21 Ni ka banana ba ka Levi, langu-ta, mina nzi nyikile konkle ka wukume ka Israeli akuba a tsomba, a ku klelisela a nkozo yabye leyi ba kozelako, yona a nkozo ya tenta ga muklangano.
- 22 Ni kusukela kalezi a banana ba ka Israeli ba nga ta tsinela ku suhani ka tenta ga muklangano, ba nga ta ku ba rwala xonho, ni kufa.
- 23 Kanilezi a ba ka Levi ba ta maha a nkozo ya tenta ga muklangano, na bona ba ta rwala a kugoba kabye: ku ta ku ba xilayelo kala kupinzuka ka zizukulwana xa nwina; ni xikari ka banana ba ka Israeli bona ba nga ta ku ba na tsomba.
- 24 Hakuba a ka wukume ka banana ba ka Israeli, loku ba ku nyikele kwatsi hi muniyikelo wa ku nziwitela ka Jehova, mina nzi nyikile a ba ka Levi ku kwatsi i tsomba ya bona: hikwalaho mina nzi wulile ka bona, Xikari ka banana ba ka Israeli bona ba nga ta kuba na tsomba.
- 25 Na Jehova i lo wulawula ka Mosi, aku,
- 26 Klatakumbiri wena u ta wulawula ka ba Levi, ni ku wula ka bona, Laha na mu teka a ka wukume ka banana ba ka Israeli loku ku nyikilweko nwina hi le ka bona akuba tsomba, zonake mu ta nyikela a mu nyikelo wa kunziwitela wa kona wa Jehova, a ka wukume ga wukume.
- 27 Ni muniyikelo wa ku nziwitela wu ta hlalwa ka nwina, kasi kwatsi loko ku kwatsi mabela ya nzhimbo wa kuhula, ni ku kwatsi kutala ka zigowolo za waini.
- 28 Zakungahi nwina mu ta nyikela kambe a muniyikelo wa kunziwitela ka Jehova ni konkle ka wukume ga nwina, loku nwina mu amukeleko hi ka banana ba ka Israeli; hi laho-ke nwina mu ta nyika muniyikelo wa ku nziwitela wa Jehova ka Aro-ni a mupristi.
- 29 Ili ka zon/le zi nyikiwo za nwina mu ta nyikela konklelele a muniyikelo wa ku nziwitela ka Jehova, ka zon/le zilo za kona zi sasekileko, gona klelo ga zona gi hlalwulileweko ka zona.
- 30 Hikwalaho wena u ta wula ka bona, Laha na mu nziwitela a klelo go saseka ga kona, zonake kona ku ta hlalwa ka ba ka Levi kwatsi ku anzisiswa ka za nzhimbo wa kuhula, ni ku kwatsi ku anzisiswa ka za zigowolo za waini.
- 31 Nwina mu taga kona ka gonkle a wutsamo, nwina ni ba mingango ya nwina; hakuba i ncacazelo wa nwina lomua ku kleliselwa lezi akuba hi nkozo ya nwina lomu tenteni ga muklangano.
- 32 Nwina mu nga ta rwala a xonho hi xigelo xa kona, loku nwina mu nziwitele ka kona loku kusasekileko ka kona: nwina mu nga hanahanisi a zilo zi basileko za banana ba ka Israeli, lazo kasi mu ngafi.

XIPIMO 19.

- 1 Na Jehova i lo wulawula ka Mosi ni ka Aroni, aku,
- 2 Lexi hi xilayelo xa nayo lexi Jehova a leleteko, aku, Wulawula ka banana ba ka Israeli, lezaku a ba nehe a tokazi go truka gi nga hiko na bala, legi gi nga hiko na bawa, ni behla ka gona ku nga bohewangiko jokwa.
- 3 Nwina mu ta nyika gona ka Eleazare a mupristi, na yena i ta gi neha le handle ka wugobelo, ni muawe i ta klabi gona mahlweni ka ngohe ya yena:
- 4 Na Eleazare a mupristi i ta teka a nkata wa gona hi litiho la yena a watsekela a nkata wa gona ngomameni ni ngohe ya tenta ga muklangano nkalanu ni zimbiro a zikati.
- 5 Ni muawe i ta hisa a tokazi mahlweni ka yena; a woya ga gona, ni nyama ya gona, ni nkata wa gona, zinwe ni swanyi wa kona, yena i ta hisa:
- 6 Ni mupristi i ta teka a sinyi ya sedare ni hisope, ni kutrukisilweko, a ku hoxa xikari ka kuvura ka tokazi.
- 7 Zonake a mupristi i ta hlaza a tinguwo ta yena, na yena i ta hlamba a nyama ya yena lomu matini, anzako ka lezo i tata lomu wugobelweni, ni mupristi i ta ba a nga hlazekile kala gambyeni.
- 8 Ni loye a hisileko gona i ta hlaza a tinguwo ta yena lomu matini, a hlamba wutsumbu ga yena lomu matini, i ta ba nga hlazekile kala ka gambyeni.

- 9 Ni munhu loye a hlazekileko i ta ku kuletela a kuma ga tokazi, a gi beka hi le handle ka wugobelo wutsanweni go basa: gona gi ta hlaysiselwa a nklangano wa banana ba Israeli a kuba mati ya kungabasisiswangiko: kona munyikelo wa xionho.
- 10 Ni loye a ku kuleteleko a kuma ga tokazi i ta hlaza a tinguwo ta yena, a be a nga hlazekile kala gambyeni: kona ku ta ba ka banana ba Israeli ni ka bapfumba labo ba lubeleko xikari kabye, a xilayelo kala kupinzuka.
- 11 Ni loye a kumbako a xirumbi xa munhu i ta ba a nga hlazekile nklanu ni mambiri masiku:
- 12 Ywaloye a ta basise a wutsumbu ga yena hi siku ga wunhari, zonake hi siku ga nklanu ni wumbiri i ta ba a hlazekile: kanilezi loku a nga basisi a wutsumbu ga yena hi siku ga wunharu, zonake hi siku ga wunklanu i ta ba a nga hlazekile.
- 13 Kanihiwihi a kumbako a xirumbu xa munhu, a miri wa munhu loye a fileko, a nga basisi a wutsumbu ga yena, a nyenyezisa a tabernakele ga Jehova; lowo muhefemulo wu ta tsenwa le ka Israeli: hakuba a mati ya kubasisa a ma zwatsekelwangi hehla ka yena, yena i ta ba a nga hlazekile; a kungahlazekisiswangiko ka yena ku le hehla ka yena.
- 14 Lowu hi nayo loku a munhu afa lomu tenteni: bonklelele labo ba takolomu tenteni, ni bonklelele labo ba nga lomo tenteni, ba ta ba nga hlazekile nklanu ni mambiri masiku.
- 15 Ni zibya zonkle zi nga kubunyetwangiko, lezo zi nga hiko na xikubunyeto, xi tsamo ka xona, a xi hlazekangi.
- 16 Kanihiwihi loye lomo kwatini a kumbako a xirumbi xa loye a klabyilweko hi supado, kutani xirumbi, kutani i koxo ga munhu, kutani i kele, i ta ba a nga hlazekangi nklanu ni mambiri masiku.
- 17 Na hi kuba ku nga hlazekangi bona ba ta teka a kuma ga kuswa ka munyikelo wa xionho; ni mati ma kulungako ma celwa lomo nzeni ka xibya:
- 18 Ni munhu a hlazekileko i ta teka a hisope, a yi peta lomu matini, a zwatsekela hehla ka tenta, ni hehla ka zibya, ni hehla ka banhu labo ba

nga laho, ni hehla ka munhu loye a kumbileko a koxo, kutani ngwa ku-klabyiwa, kutani xirumbi, kutani i kele:

- 19 Ni munhu a hlazekileko i ta zwatsekela a ku ngahlazekangiko hi siku ga manharu, ni siku ga nklanu ni mambiri: ni siku ga nklanu ni wumbiri yena i ta mu basisa; na yena i ta hlaza a tinguwo ta yena, a hlamba a wutsumbu ga yena lomu matini, na yena i ta ba a hlazekile laha gambyeni.
- 20 Kanilezi a munhu loye a nga hlazekangiko, a nga basisiko a wutsumbu ga yena, loye munhu i ta tsenwa xikari ka nklangano, hakuba yena i nyenyezisile a yindlu ya kubasa ya Jehova: ni mati ya ku zwatsekela ma wa nga hi kona le hlokweni ya yena; yena a nga hlazekangi.
- 21 Kona ku ta ba a xilayelo xi nga gwukisisiwiko ka bona: ni loye a zwatsekelako a mati ya ku ngahlezekangi i ta hlaza a tinguwo ta yena; ni loye a kumbako a mati ya kungabasisiswangiko i ta ba a nga hlazekangi kale gambyeni.
- 22 Kanixakuyini lexo munhu a xi kumbako xi nga hlazekangiko; ni muhefemulo lowu wu kumbileko xona wu ta ba wu nga hlazekangi kala gambyeni.

XIPIMO 20.

- 1 Ni banana ba ka Israeli, wona wonkle a nklangano, ba lota le xiwuleni xa le Zini hi hweti yo ranga: ni banhu ba lo tsama leyo Kadexe; na Miriamu i lofa leyo, yena i lo kelelwa leyo.
- 2 Laho ku wa nga hi na mati ya nklangano: bona ba lo tsombana wutsumbu gabye wutsamo ginwe kati ginwe ba vukela Mosi ni ku vukela Aroni.
- 3 Ni banhu ba lo kanetana na Mosi, na ba lo wulawula, baku, Hi wa ta nga hi file laha na ba makabye ba hina ba file mahlweni ka Jehova!
- 4 Hi yini zwina mu nehileko lowu a nklangano wa Jehova lomu nzeni ka xiwula lexi, kasi ha fela ku tafa leno, hina ni zihari za hina ke?
- 5 Na ngahilezo zwina mu mahile hina hi kanziya hi ta hi le Gipite, a ku neha hina ka legi wutsamo ga kubihake? gona a hi wutsamo ga mbe-

wu, kutani ga makuwu, kutani ga mavina, kutani ga mapomegranate; ge hambu wona mati a ma kona leno a kunwa.

- 6 Mosi na Aroni ba lo suka hi le kuwoneni ka nklangano kuya nyangweni ya tenta ga muklangano, na ba lo yawa hi tingohe tabye: ni wukosi ga Jehova gi lo woneka ka bona.
- 7 Na Jehova i lo wulawulaka Mosi, aku,
- 8 Teka a nhonga, u tsombanyisa a nklangano, wena na Aroni a makabye wa wena, mu wulawula nwina ka ribye mahlwani ka mahlo yabye, kasi ga fela kuhumesa a mati ya gona; na wena u ta nyika ka bona mati hi le ribyeni; zingaho wena u ta a nyika nklangano ni tihomu tabye a kunwa.
- 9 Na Mosi i lo teka a nhonga le mahlwani ka Jehova, kwatsi hi kuleletela ka yena kakwe.
- 10 Na Mosi na Aroni ba lo tsombanyisela a nklangano katigawe mahlwani ka ribye, yena i te ngalo ka bona, Zwanani makunu, nwina bahlubuki; hina hi ta humesela nwina a mati hi legi ribye ke?
- 11 Na Mosi i lo klakusa a canja ga yena, i loba ribye hi nhonga ya yena kumbiri; ni mati na su huma hi kutatisilweko, ni nklangano wu lonwa, ni tihomu tabye.
- 12 Na Jehova i te ngalo ka Mosi ni ka Aroni, Hakuba nwina a mu kolwangi ka mina, aku basisa mina lomu ka mahlo ya banana ba ka Israeli, hikwalaho nwina mu nga ta neha lowu a nklangano le tikweni legi mina nzi nyikileko bona.
- 13 Laya hi mati ya Meriba; hakuba a banana ba ka Israeli ba kanetana na Jehova, na yena i wa basisilwe ka bona.
- 14 Na Mosi i lo ruma a mitsumi hi le xiwuleni xa le Kadexe ka hosi ya le Edome, Zakungahi a wulako a makabye wa wena Israeli, Wena wa la ma tiba wonke a mafambafambelo lawo ma humeleleko ka hina:
- 15 Ezaku ba reletisile ku yini a bararu ba hina baya le Gipite, hina hi loya tsama le Gipite a xikati xo leha; ni ba Gipiti ba lo maha kubuha ha hina, ni bararu ba hina:
- 16 Ni laha hina hi nga rila ka Jehova, yena i lozwa a magezu ya hina i lo

rumela a ngelosi, ni ku ta hi humesa hi le Gipite; ni, languta, hina hi laha Kadexe, a muti lowu wu nga kwaleno mbinganweni na wena.

- 17 Nga hina hi hunza, nza kombela wena, hi tsemakanya a tiko ga wena: hi nga ta tsemakanya a masimu ya wena kutani hi tsemakanya xivina xa wena, ge ni kunwa a mati ya lomu tihlobyeni; hina hi ta famba hi magonzo ya hosi; hina hi nga ta hambuka hi ka ga xinene canja kutani hi ka ga xibaba, hi kala na hi hunzile a mbingano wa wena.
- 18 Na Edome i te ngalo ka yena, Wena u nga hunzi u tsemakanya lomu ka mina nzi nga ta ku nzi huma ni supado nzi talwa na wena.
- 19 Ni banana ba ka Israeli ba te ngalo ka yena, Hina hi ta famba hi magonzo; ni loku hina hinwa ka mati ya wena, mina ni tihomu ta mina, zona ke mina nzi ta riha a tsengo wa kona: kumbela nga mina, nzi nga mahi ni xihhi xiwani, a ku tsemakanya nzi hunza hi mikonzo ya mina.
- 20 Na yena i te ngalo, Wena u nga ta tsemakanya u hunza. Na Edome i lo huma ku ta vuka yena zinwe ni banhu ba kutala, na hi canja ga ntamo.
- 21 Zakungahi Edome i lo alisa a ndlela ku hunza hi mbingano wa yena: ngahilezo Israeli i lo klela ka yena.
- 22 Na bona ba lo andlamuka hi le Kadexe: ni banana ba ka Israeli wena wonke a nklangano, ba lota le xitsungeni xa le Hora.
- 23 Na Jehova i lo wulawula ka Mosi ni ka Aroni le xitsungeni xa le Hora, hi mbingano wa tiko ga le Edome, aku,
- 24 Aroni i ta petselwa ka banhu ba ka kabye; hakuba yena a nga ta engena ka tiko lego nzi nyikileko a banana ba ka Israeli, hakuba nwina mu lo hlubuka mu vukela mhaka ya mina leyo ka mamati ya leyo Meriba.
- 25 Teka Aroni na Eleazare a nwana wa yena, u ba neha le lehla ka xitsunga Hora:
- 26 Ni ku susa ka Aroni a tinguwo ta yena, u ti mehela ka Eleazare a nwana wa yena: na Aroni i ta petselwa ka banhu ba ka kabye, i ta kufa leyo.
- 27 Na Mosi i lo maha kukotisa lezi Jehova a leleteleko: na bona loya le

xitsungeni xa Hora kuwoneni ka wonkle a nklangano.

- 28 Na Mosi i lo susa Aroni a tinguwo ta yena, i lo ti mehela hehla ka ka Eleazare a nwana wa yena; na Aroni i lofa leyo hehla ka xitsunga: Na Mosi na Eleazare ba lo relela ba wuya hi le hehla ka xitsunga.
- 29 Ni laha wonkle a nklangano wu nga wa wonile lezaku Aroni i file, ba rilela Aroni makume manharu ya masiku, yona yonkle a yindlu ya ka Israeli.

XIIMO 21.

- 1 Ni ba ka Kenani, a hosi ya Arade, loye a akileko hi le Dzonga, i lozwa lezaku a ba ka Israeli bata hi ndlela ya le Atarima; na yena i lolwa na Israeli, i lo teka ba nwani bona ku maha a tiperesu.
- 2 Ni ba ka Israeli ba lo funga a xifungo ka Jehova, ni ku ngalo, loku wena ha kunene u klatlisa laba bannhu canjeni ga mina, nzi ta lobisa a miti yabye hi ku mbetisilweko.
- 3 Na Jehova i lo ingisa ka gezu ga ba ka Israeli, i lo klatlisela a ma Kenani; bona ba lo lobisa bona hi ku mbetisilweko ni miti yabye: ni bito ga wutsamo gi lo culwa Horma.
- 4 Bona ba lo andlamuka hi le xitsungeni xa Hora hi ndlela ya le Bimbini ga ku Truka, a ku a nga ba kubunyeta a tiko ga le Edome: ni muhefemulo wa banhu wu wa mbelile ntamo hi kota ya ndlela.
- 5 Ni banhu ba lo wulawula ba vuka Nungungulu, ni ku vuka Mosi, Ngahilezo mu hi humesile hi le Gipite a ku tafa lomu xiwuleni ke? leno a ku kona zibaba, leno a ku kona mati ya kunwa: ni muhefemulo wa swirwa hi lexi xibaba xo hehukana.
- 6 Na Jehova i lo rumela a tinyoka ticabisekako xikari ka banhu, tona ti lo luma a banhu; ni linyingi la ba ka Israeli li lofa.
- 7 Ni banhu ba lota ka Mosi, baku, Hina hi onhile, hakuba hina wulawulile hi vukela Jehova, ni ku vukela wena; kombela ka Jehova, kasi wa fela ku susa a tinyoka ka hina. Na Mosi i lo kombelela a banhu.
- 8 Na Jehova i te ngalo ka Mosi, Maha wena a nyoka yi cabisekako, u yi klateka mhanzeni: na ku ta ku na ku mahisile lezo, bonklelele labo ba

luawilweko, laha na ba wona, yena i ta hanya.

- 9 Na Mosi i lo maha a nyoka ya suku, i lo yi klateka le sinyeni: na ku mahisile lezo, lezaku kani hiwihi a munhu a nyoka yi mu lunako laha na cuwuka a nyoka ya suku, yena i lo hanya.
- 10 Ni banana ba ka Israeli ba lo andlamuka, ba lota goba le Obate,
- 11 Na bona ba lo andlamuka hi leyo Obate, ba lo ta goba le Iyeabarima, le xiwuleni xi nga mahlweni ka le Moabi, ngomameni ni le musukagambo.
- 12 Ku sukela leyo ba lo andlamuka, ba loya goba le mikobeni ya le Zereda.
- 13 Ku sukela leyo ba lo andlamuka, ba lota goba hi giwani klelo ga le Arnoui, legi gi nga lomu xiwuleni, lexi xi tako hi le mbinganweni wa ma Amori: hakuba Arnoui i mbingano wa le Moabi, xikari ka Moabi, ni ma Amori.
- 14 Ngahilezo kuwulilwe lomo ka buku ga tiyimpi ta Jehova,
Vaheba le Sufaha,
Ni le minzelelweni ya le Arnoui,
- 15 Le nzelelelweni wa kowokowoga laya ma kokobekeko ngomameni ni le kuakiweni ka Ara,
Wu kegeleko mbinganweni wa le Moabi.
- 16 Ni ku sukela leyo ba lo andlamuka baya Beyera: leyo hi hlowo leyo ha yona Jehova a nga te ngalo ka Mosi, Tsombanyisa a banhu katigizwe, mina nzi ta nyika bona mati.
- 17 Zonake i lo yimbelela Israeli lolu lisimu:
Vela, O hlowo; yimbelelani nwi na ka yona:
- 18 A hlowo, leyi a tihosana ti kelileko,
Hi nhonga ya wukosi, zinwe ni zikomba zabye.
Leti hi wudumo ga banhu ba kuhileko.
- Na hi leyo xiwuleni bona ba lo andlamukela le Matana;
- 19 Na hi leyo Matana ka Nahalieli; hi leyi ka Nahalieli ka Bamote;
- 20 Na hi le ka Bamote hi nzelelweni lowu wu nga le kwatini ga le Moabi, le hehla ka Pisga, leyi yi xunge-tako le hasi hehla ka xiwula.
- 21 Na Israeli i lo ruma a mitsumi yiya ka Sihoni a hosi ya ma Amori, aku,

- 22 Nga mina nzi hunza nzi tsemakanya a tiko ga wena : hina hi nga ta hambuka *klelweni* lomu masiawini, kutani lomu xivineni ; hina hi nga tanwa a mati ya tihlowo : hina hi ta famba hi gonzo ga hosi, hi kala hi hunza a mbingano wa wena.
- 23 Na Sihoni a nga vumelangi Israeli ku hunza a tsemakanya a mbingano wa yena : na Sihoni i lo tsombanyisa bonkle a banhu ba yena katigiawe, i lo huma aya vukela Israeli le xiwuleni, i lota le Jahaza ; na yena i lolwa na Israeli.
- 24 Na Israeli i lo lamata yena hi wukla ka supado, i lo fumela a tiko ga yena ku sukela hi le Arnoni ku cikela Jaboka, ku kala kuya ka banana ba ka Amoni ; hakuba a mbingano wa banana ba ka Amoni wu wa tiyile.
- 25 Na Israeli i lo teka yonkle leyi miti : na i lo tsama mitini yonkle ya ma Amori, le Hexboni, ni lomo mitane ni ya kona.
- 26 Hakuba Hexboni wu wa hi muti wa Sihoni a hosi ya ma Amori, loyi a ngalwa ni hosi ya kona ya le Moabi, na a lo teka gonkle tiko le canjeni ga yena, ku kala kuya le Arnoni.
- 27 Ngahilezo bona labo ba nga wulawula kuklariha ba ku,
Ngonani ka Hexboni ;
Nga a muti wa Sihoni wu akiwa ni ku ba wu gingiwa :
- 28 Hakuba a nzilo wu humile hi Hexboni,
A hlabingo hi le mutini wa Sihoni :
A ku kadamule Ara wa le Moabi, Ni hosi ya wutsamo gi klakukileko ga Arnoni.
- 29 Kombo ka wena Moabi!
Wena u hlulilwe, O zwina banhu ba le Cemoxe :
Yena loye a nyikako a banana ku kota bacabi.
Ni nhanyana wa yena kukonwani, Ka Sihoni a hosi ya ma Amori.
- 30 Hina hi balesile ka bona ; Hexboni gi lobile ku kala Diboni,
Na Hina hi hahlule ku kala Nofa, Legi gi cikelako leyo Medaba.
- 31 Zakungahi Israeli i lo aka leyo tikweni ga ma Amori.
- 32 Na lo rumela a ku ya hlola le Jazera ; bona ba lo teka a miti ya kona, ba lo hlongola a ma Amori laya ma nga wa hi leyo.
- 33 Ba lo hunzuluka ba klela hi ndle-

la ya le Baxani : na Ogi a hosi i lo huma a kulwa na bona, yena ni banhu ba yena bonkle, a kulwa le Edrei.

- 34 Na Jehova i te ngalo ka Mosi, Mu nga cabi yena : hakuba nzi mu nyikele canjeni ga wena, ni bonkle banhu ba yena, ni tiko ga yena ; u ta maha ka yena kukotisa lezi u nga maha ka Sihoni a hosi ya ma Amori, loye a nga wa akile le Hexboni.
- 35 Zingaho bona ba lo lamata yena, ni banana ba yena ni bonkle banhu ba yena, ku kala laho ku nga sinywangi ni muawe a mu hanyelako : na bona ba lo teka a tiko ga yena.

XIPIMO 22.

- 1 Ni banana ba ka Israeli hi lo andlamuka, bi loya goba le mikobeni ya le Moabi klatukweni wa Jordani hi le Jeriko.
- 2 Na Balake a nwana wa Zipora i lo wona zonkle lezo Israeli a zi mahileko ka ma Amori.
- 3 Na Moabi i wa la suncu hi kucaba hi banhu, hakuba bona ba wa tele : ni Moabi gi wa karateka hakuba hi banana ba ka Israeli.
- 4 Na Moabi i te ngalo ka masingalakati ya le Midiani, Makunu lexi xidlemo xi ta laza zonkle lezi zi hi ranzeleko, kwatsi hi kabi na yi laza gonkle a byanyi ga lomu kwatini. Na Balake a nwana wa Zipora i wa hi hosi ya le Moabi lexo xikati.
- 5 Yena i lo ruma a mitsumi ka Balami a nwana wa Beora, le Petora, legi gi nga le Congweni, le ka tiko ga banana ba banhu ba ka kabye, a ku bitana yena, aku, Languta, leno ku kona a banhu labo ba humako hi Gipite : languta, bona ba fenengetile a ngohe ya misaba, ba tsamile ba cuwukana na mina,
- 6 Ngona makunu hikwalaho, mina nza kombela wena, pungela mina laba banhu ; hakuba bona mbantamo ka mina : kutani nzi ta hlula, kasi ha fela kulamata bona, kasi mina nza fela ku ba hlongola lomo tikweni ; hakuba nza zi tiba loyi wena u mu katekisileko i katekisi-lwe, ni loyi u mu hoxako i hoxilwe.
- 7 A masingalakati ya le Moabi ni masingalakati ya le Midiani ma lo suka ziawe ni mincacazelo ya wu-

- tumbe canjeni gabye; bona ba lotta ka Balaami, ba lo wulawula ka yena a timhaka ta Balake.
- 8 Na yena i te ngalo ka bona, E khlani laha legi wusiku, na mina nzi ta neha a mhaka ka nwina kambe, kwatsi hi Jehova a ta nga wulawula ka mina: ni tihosana ta le Moabi ti lo tsama na Balaami.
- 9 Na Nungungulu i lotta ka Balaami, na te ngalo, Mbakuyini a banhu laba ba nga na wena ke?
- 10 Na Balaami i te ngalo ka Nungungulu, Balake a nwana Zipora, a hosi ya le Moabi, i rumele ka mina, aku,
- 11 Languta, a banhu labo ba tako hi le Gipite, ba fenenetile a ngohe ya misaba: makunu, ngona u pungela mina bona; kutani nzi ta zi kota a kulwa na bona, nzi ta hlongola bona ba famba.
- 12 Na Nungungulu i te ngalo ka Balaami, Wena u ngayi zinwe nabo; wena u nga pungu a banhu; hakuba bona ba katekisilwe.
- 13 Na Balaami i lo vuka ni mixo, i te ngalo ka tihosana ta Balake, Yanani nwina ka tiko ga nwina; hakuba Jehova i alisile mina a ku suka nzi famba zinwe na nwina.
- 14 Ni tihosana ta le Moabi ti lo suka, na bona ba loya ka Balake, ba ku, Balaami i alile kuta zinwe na hina.
- 15 Na Balake i lo engeta kambe lezo a rumela a tihosana, tinwani ta hombe ti hunzikelo, hi wudumo ku hunza tona.
- 16 Bona ba lotta ka Balaami, ba te ngalo ka yena, Zakungahi a wulako Balake a nwana wa Zipora, Nga ku nga hi na ncumo, mina nza kombela wena, xi ku tindekisako a kuta ka mina.
- 17 Hakuba nzi ta kuhlakusa kudzunweni ka hombe, ni kani xakuyini lexi wena u xi wulako ka mina mina nzi ta xi maha: ngona hikwalaho, mina nza kombela wena, u nzi pungela laba banhu.
- 18 Na Balaami i lo hlamula i te ngalo ka malanza ya Balake, loku Balake a wa ta nga a nzi nyika mina a yindlu ya yena yi teleko hi siliva ni nzalama, nzi nga famba nzi klatuka a mhaka ya Jehova Nungungulu wa mina, a ku maha zitsongwani kutani nzi engeta.
- 19 Makunu hikwalaho, nza kombela nwina, tsamani kambe laha legi wusiku, kasi nza fela ku tiba lezaku xini a ta nga wuwula ka mina Jehova kambe.
- 20 Na Nungungulu i lotta kambe ka Balaami ni wusiku, i te ngalo ka yena, Loku banhu ba ta bitana wena, suka, famba zinwe nabo; kanilezi kumbela a mhaka leyi nzi yi wulawulileko ka wena, wena u ta maha yona.
- 21 Na Balaami i lo suka ni mixo, i lo longisa xigabatsa xa buro ya yena, i lo famba ni tihosana ta le Moabi.
- 22 Ni zanga ya Nungungulu yi lo vindlukiswa, hakuba i lo famba; ni ngelosi ya Jehova yi lo tsanga wutsumbu ga yona laha ndleleni akuba ni vukela yena. Makunu yena i wa kilele le burhweni, ni malanza ya yena ha mambiri ma wa hi zinwe na yena.
- 23 Ni buro yi lo wona a engelosi ya Jehova ne yi yimile laha ndleleni, ni supado ya yona yi hlomulwe yi welwe lomu canjeni ga yona; ni buro yi lo hambuka khlweni ga ndlela, yi loya lomo kwatini: na Balaami i loba a buro, i lo yi khliselala laha ndleleni.
- 24 Zonake ni ngelosi ya Jehova yi wa lo yima laha ka pfuklaha wohlongana xikari ka xivina, a ligingisi li wa hi legi khlalo, ni ligingisi lego khlalo.
- 25 Ni buro gi lo wona a ngelosi ya Jehova, gi lo hoxa wutsumbu ga yona lomu ligingisini, yi lo retemula a konzo wa Balaami laho ligingisini: na yena i loba gona kambe.
- 26 Ni ngelosi ya Jehova yi lo tsinelela, yi lo yima laho wutsawweni gi hlonganileko, laho ku nga hiko kona a ndlela ya ku hambuka ge ni ka ga xinene canja kutani ka ga xibaba.
- 27 Ni buro yi lo wona a ngelosi ya Jehova, yi lo kizama lahasi ka Balaami: ni zanga ya Balaami yi lo vindlukiswa, yena i loba a buro hi nhongo ya yena.
- 28 Na Jehova i lo vulula a nomu wa buro, na yona yi te ngalo ka Balaami, Yini nzi mahileko ka wena, lezi wena u nzi bileko laya makati manharu ke?
- 29 Na Balaami i te ngalo ka buro, Hakuba wena u tseketele mina: nzi wa ku nga loku laho ku hi kona a supado lomu canjeni ga mina, mina nzi wa ta nga nzi delele wena.

- 30 Ni buro yi te ngalo ka Balaami, Mina a nzi buro ya wena, hehla ka yona wena u kileleko konkle kuhanya ka wena kala legi siku ke? cima nzi wa la nga ala ku maha lezo ka wena ke? Yena i te ngalo, Ge.
- 81 Zonake Jehova i lo vulula a mahlo ya Balaami, i lo wona a ngelosi ya Jehova na yi yimile laha ndleleni, zinwe ni supado ya yona yi hlomulwe yi welelwe canjeni ga yona; yena i lo koramisa a hloko ya yena, i lowa hi ngohe ya yena.
- 32 Ni ngelosi ya Jehova yi te ngalo ka yena, Ngahilezo wena u bile, a buro ya wena lezi zikati zinharu ke? lenguta, mina nzi tile hi wulala ka wena, hakuba a ndlela ya wena manyala mahlweni ka mina.
- 33 Ni buro yi lo wona mina, yi hambuka khlweni mahlweni ka mina lezi zikati zinharu: saseka lezi yi nga hambuka, ha kunene mina nzi wa ta nga hambu ku ku daya, nzi hanyisile yona.
- 34 Na Balaami i te ngalo ka ngelosi ya Jehova, Mina nzi onhile; hakuba nzi wa nga zi tibangi lezaku wena u yimile lomu ndleleni ku vukela mina: makunu hikwalaho, loku kona ku nga ku xalalasi wena, mina nzi ta klela hi le nzako.
- 85 Ni ngelosi ya Jehova i te ngalo ka Balaami, Yana zinwe ni banhu; ku mbela a mhaka leyi nzi ta yi wulawula ka wena, leyo hi yona u ta yi wulawula. Zingaho Balaami i lo famba ni tihosana ta le ka Balake.
- 36 Ni laha Balake a nga wa zwile lezaku Balaami i tile, yena i lo humu ku mu kinga le mutini wa le Moabi, lowu wu nga le mbinganweni wa le Aroni, lowu wu nga kweleyo magumo ka mbingano.
- 37 Na Balake i te ngalo ka Balaami, Mina hi kuxubuyisisilweko a nzi rumangi ka wena a ku bitana wena ke? ngahilezo wena a ku tangi ka mina? mina a nzi zi koti ha kunene kuklakusa wena kudzunziweni ke?
- 38 Na Balaami i te ngalo ka Balake, Mangabye, mina nzi tile ka wena: makunu a nzi na ntamo a ku wulawula ncumo ka wena? a mhaka leyo Nungungulu a ta nga wulawula hi nomu wa mina, leyo nzi ta wulawula.

- 39 Na Balaami i lo famba zinwe na Balake, yena i lota Kiratehuzote.
- 40 Na Balaami i lo pahlela a tikabi ni tiyivu, i lo rumela ka Balaami, ni ka tihosana leto ti nga wa hi zinwe na yena.
- 41 Na ku mahisile lezo laha mixweni, Balake i lo teka Balaami, i lo neha yena le wutsanweni gi klakukileko ga Baali; na yena i lo wona leyo kwaleyo dzumbeni ga banhu.

XIPIMO 23.

- 1 Na Balaami i te ngalo ka Balake, Akela mina laha a nklanu ni mambiri a maalati, ni ku longisela mina a nklanu ni timbiri a tihonwana ni nklanu ni timbiri a tihamba.
- 2 Na Balake i lo maha ku kotisa lezi Balaami a nga wa wulawulile; Balake na Balaami ba lo nyikela ka wona wonklelele a maalati a honwana ni hamba.
- 3 Na Balaami i te ngalo ka Balake, Yima hi le munyikelweni wa ku kuhiswa, na mina nzi ta famba: kutani Jehova i tata ku klangana na mina; ni kani xa ku yini lexi a ta nga kombeta mina nzi ta byela wena; lo kanziya le wutsanweni gi klakukileko gi nga haba ncumo.
- 4 Na Nungungulu i lo klangana na Balaami: na yena i te ngalo ka yena, mina nzi longiselele nklanu ni mambiri a maalati, mina nzi nyikele a honwana ni hamba hehla ka legi ni legi a alati.
- 5 Na Jehova i lo beka a mhaka nonwini wa Balaami, na te ngalo, Klela u ya ka Balake, zakungahi wena u ta nga wulawula.
- 6 Na yena i lo klelela ka yena, ni, mangabye, yena i wa yimile hi le munyikelweni wa kuhiswa, yena ni tihosana tonkle ta le Moabi.
- 7 Na yena i lo teka mufananiso wa yena, na te ngalo,
Hi le Arama Balake i nebile mina,
A hosi ya le Moabi hi le Xitsungeni xa le mutsuwukagambo:
Ngona, u ta pungela mina Jakobe,
Na uta, u ta tiyisa Israeli.
- 8 Mina nzi ta pungisa ku yini, a wihl Jehova a nga mu punga ngiko ke?
Na nzi ta tiyisisa ku yini, loye Jehova a mu tiyisileko ke?

- 9 Hakuba hi le hehla ka marišbye
mina nza wona yena,
Ni le hehla ka zitsungana mina
nza languta yena :
Mangabye, labo hi banhu labo ba
akileko boce,
Na ba nga hlayelwi xikari ka mi-
fumo.
- 10 A wihi a nga hlayako a tsuru wa
Jakobe,
Ni kuhlaya a xipanze xa wumu-
ne xa Israeli ke?
Nga mina nzifa hi kufa ku lula-
mileko,
Na nga a kugumelwa ka kugu-
mesa ka mina ku fanana na ye-
na!
- 11 Na Balake i te ngalo ka Balaami, za
ku yini lezi u zi mahileko ka mina?
Nzi ku tekele ku beni u puna ba-
lala ba mina ni, languta, wena kla-
takumbiri u ba katekisile.
- 12 Na yena i lo hlamlula i te ngalo, Mi-
na nzi yimelwe hi ku cela kota a ku
wulawula lezo Jehova a bekako no-
zwini wa mina ke?
- 13 Na Balake i te ngalo ka yena,
Ngonu, nza kombela wena, zinwe na
ka ginwani wutsamo, ka lego wu-
tsamo wena u ta nga fela ku ba wo-
na bona ; wena u ta wona kanilezi a
xipanze xonkle xa dzumba ga bona,
na u nga ta ba wona bonkle : u pu-
ngela mina bona hi leno.
- 14 Yena i lo mu teka le kwatini ga le
Zofima, le hehla ka Pisga, u ya aka
a nkalanu ni mambiri a maalati, ni
ku nyikela a honwana ka ginwe ni
ginwani ga wonklelele maalati.
- 15 Na yena i te ngalo ka Balake, Yima
hi laha ka munyikelo wa wena wa
kuhiswa, laha na mina na nzi klatu-
ka kuya klangana na Jehova.
- 16 Na Jehova i lo klangana na Balaami,
i lo beka a mhaka nonzwini wa yena
i te ngalo, Khelela ka Balake, ni za-
kungahi wena u ta nga wulawula.
- 17 Na yena i lota ka yena, ni, manga-
bye, yena i wa yimile hi le munyi-
kelweni wa yena wa kuhiswa, ni
tihosana ta le Moabi ti wa hi zinwe
na yena. Na Balake i te ngalo ka
yena, Za ku yini lezo Jehova a zi
wulawulileko ke?
- 18 Na yena i lo teka a mufananiso wa
yena, na te ngalo.
Suka, Balake, ni kuzwa ;
Ingisa ka mina, wena nzwana wa
Zipora :
- 19 Nungungulu a hi munhu, lezaku
i wa ta nga a hembra,
Ge ni kuba nzwana wa munhu, le-
zaku yena i ta hunzuluka :
Yena i wulile, a nga ta zi maha
lezo ke?
Kutani yena i wulawulile, yena a
nga mahi kona kusasekisa ke?
- 20 Languta, mina nzi nyikilwe a ku-
leletelwa ku katekisa :
Na, yena i katekisile, mina nzi nga
ta tsumbela kona.
- 21 Yena a nga kumangi a kugoha ka
Jakobe ;
Ge ni ku wona kuonhakalilisilwe-
ko nzeni ka Israeli :
Jehova Nungungulu wa yena i na
yena,
Ni kuhlalela ka hosi ku kona xi-
kari kabye.
- 22 Nungungulu i ba neha a ba hu-
mesa hi le Gipite ;
Yena i na ni ku kwatsi i ntamo wa
nyari.
- 23 Ha kunene a ku kona kubula ha
Jakobe ;
Ge a ku kona ni wutumbe ha Isra-
eli :
Makunu ku ta wuliwa ha Jakobe
na Israeli,
Xini lexi a xi mahileko Nungu-
ngulu!
- 24 Languta, banhu ba suka kwatsi hi
ngala,
Ni ku kwatsi i ngala yima yena
wa ti klakusa a wutsumbu ga
yena :
Yena a nga ta eklela lahasi kala
aga badayiwako,
Ni kunwa a nkata wa ba dayilwe-
ko.
- 25 Na Balake i te ngalo ka Balaami,
Hambu ni kuba puna ha kunene,
kutani ha kunene ku ba katekisa
bona.
- 26 Kanilezi Balaami i lo hlamlula i te
ngalo ka Balake, A nzi ku byelangi
wena, nziku, Zonkle lezo Jehova a
wulawulako, lezo nzi ta maha ke?
- 27 Na Balake i te ngalo ka Balaami,
Ngonu makunu, nzi ta teka wena ka
ginwani wutsamo ; kutani zi ta mu
xalalisa Nungungulu lezaku u nga
pungela mina bona hi leno.
- 28 Na Balake i lo teka Balaami le hehla
ka Peora, lego gi cuwukako lahasi
hehla ka xiwunza.
- 29 Balaami i te ngalo ka Balake, Akela
mina laha a nkalanu ni mambiri wa

maalati, i longisela mina laha a nkla-
nu ni timbiri wa tihonwana ni nkla-
nu ni timbiri a tihamba.

- 30 Na Balake i lo maha kwatsi hi lezi
Balaami a wulileko, i lo nyikela a
honwana ni hamba ka legi ni legi
alati.

XIPIMO 24.

- 1 Ni laha Balaami a nga wa wonile
lezaku za xalalisa Jehova a ku kate-
kisa Israeli yena, a nga fambangi ku
kotisa zinwani zikati, a ku klangana
zinwe ni kubula, kanilezi i lo xunge-
ta ngohe ya yena ngomameni ni le
xiwuleni.
- 2 Na Balaami i lo klakusa a mahlo ya
yena, i lo wona Israeli na akile ku
kotisa hi tixaka tabye; ni Moya wa
Nungungulu wu lo cikela hehla ka
yena.
- 3 Yena i lo teka a mufananiso wa ye-
na, i te ngalo,
Languta a zwana wa Beora i nga-
lo,
Ni munhu loye a mahlo ya yena
ma tsimbileko i ngalo;
- 4 Yena a wulako, hi mani a zwako
a timhaka ta Nungungulu,
Nzi mani a wonako a muwoniso
wa loye wa Ntamowonkle,
Na bawa lahasi, ni mahlo ya yena
na ma vululekile;
- 5 Gi sasekisile ku yini a tenta ga
wena, O Jakobe,
Ma tabernakeli ya wena, O Israeli!
- 6 Kwatsi hi minzelelo bona ba kla-
klasile,
Kwatsi masimu hi klelo ga congo,
Kwatsi hi tisinya leti Jehova a ti
byalileko,
Kwatsi tisinya ta sedara ma kletle-
ni ya mamati.
- 7 Ni mati ma ta kulunga hi lomu
buketini ga yena,
Ni mbewu ya yena yi taba mama-
ti ma nyingi,
Ni hosi ya yena yi ta ba ya hehla
ku hunza Agagi,
Ni mufumo wa yena wu ta ba wu
klakusilwe.
- 8 Na Nungungulu i humesile yena
hi le Gipite;
Yena i mahile ku kwatsi i ntamo
wa nyari;
Yena i taga i mifumo bona a bala-
la ba yena,
Yena i ta tsoba a marambu yabye
a fufanyi,

Ni ku ba lamata bona hi tugalala
ta yena.

- 9 Yena i lo nyanimelako, yena i lo
eklela lahasi kwatsi i ngala,
Ni ku kota tingala; hi mani a ta
nga vuxa yena ke?
Ba katekisilwe bonkle labo ba ka-
tekisako wena,
Ba pungilwe bonkle labo ba pu-
ngako wena.
- 10 Ni zanga ya Balake yi vindluki-
swa ha Balaami, yena i loba ama-
ndla ya yena katiginwe; na Balake
i te ngalo ka Balaami, Mina nzi ku
bitele wena ku ta punga balala ba
mina, ni, languta, wena u ba kate-
kisile bona lezi zikati zinharu.
- 11 Hikwalaho tsutsuma wena uya le
wutsanweni ga wena: mina nzi wa
ku alakanya ku klakusa wena ni ku-
dzunziwa ka hombe; kanilezi, ma-
ngabye, Jehova i tsumbela wena ku-
dzunziweni.
- 12 Na Balaami i te ngalo ka Balake,
Mina a nzi wulawulangi ka mitsu-
mi ya wena leyo wena u yi rumileko
ka mina, nziku,
- 13 Loku Balake a wa ta nga a nzi nyi-
kile a yindlu ya yena yi teleko hi si-
liva ni nzalama, mina a nzi na ku
famba nzi klatuka a mhaka ya Je-
hova, a ku maha kusasa kutani
kubiha hi kupima ka minawuwo;
ka zihhi lezo Jehova a ta nga zi wula-
wula, minawu nzi wulawula zona
ke?
- 14 Na makunu, languta, mina nzaya
ka banhu ba ka hina: ngona, nza
nga ta kuhapa wena lezi laba banhu
ba ta nga ta zi maha ka banhu ba ka
wena a masiku ma hatako.
- 15 Na yena i lo teka a mufananiso wa
yena, i te ngalo,
Balaami a zwana Beora i ngalo,
Ni munhu loye a mahlo ya yena
ma tsimbileko i ngalo;
- 16 Yena a wulako, loye a zwako a ti-
mhaka ta Nungungulu,
Ni kutiba a kutibyekisisiwa ka lo-
ye a Klakukileko hi Kuhunzisi-
silweko,
Loye a wonako a muwoniso wa
loye wa Ntamowonkle,
A kuwa lahasi, ni mahlo ya yena
ma vululweko;
- 17 Mina nza wona yena, kanilezi a hi
makunu;
Mina nzi languta yena, kanilezi na
a nga hi kusulhi;

- Laho ku ta huma a nyeleti hi le ka Jakobe,
 Ni nhonga ya wukosi yi ta huma hi ka Israeli,
 Ni ku lamata yi tsemakanya a magumo ya le Moabi,
 Yi tsoba lahasi bonkle a banana ba vilinganya,
 18 Na Edome i ta ku ba a tsomba, Siyari kambe gi ta ku ba tsomba, laba a nga wa hi bulala ba yena; Laho Israeli a mahako hi kugiyagiye kisisilweko.
 19 Na hi le ka Jakobe a muzwe i ta a fumisisa, Ni ku lobisa a misalela lomo mutini.
 20 Na yena i lo cuwuka a ba ka Amaleki, i lo teka a mufananiso wa yena, i te ngalo, Amaleki i wa kuranga mifuzweni; Kanilezi hi ku kugumelwa ka kugumesa ka yena i tata kulobyisweni.
 21 Na yena i lo cuwuka ka Kenate, i lo teka a mufananiso wa yena i te ngalo, A wutsamo ga kuaka ka wena gi tiyisilwe, Ni xisaka xa wena xi akilwe le ri-byeni.
 22 Ahemba Kaine i ta ba a bahlukile, A kala Axeri a ta rwala wena na u konwilwe.
 23 Na yena i lo teka a mufananiso wa yena, i te ngalo, Haha, hiwihi a ta nga hanya loku Nungungulu a maha lezi ke?
 24 Kanilezi a mataru ma ta huma hi le fungwini wa le Kitimu, Na wona ma ta maha tikuruxu ka Axeri, ni ma ta karatela Eberi; Na yena kambe i tata kulobyisweni.
 25 Na Balaami i lo suka, na a lo famba a Alelela wutsa weni ga ka kabye; na Balake kambe i ti fambela.

XIPIMO 25.

- 1 Ni ba ka Israeli ba lo tsama le Xitime; ni banhu ba lo sangula ku maha wuoswi ni banhwana ba le Moabi;
 2 Hakuba bona ba lo bitana a banhu mipahlelweni ya banungungulu babye: Ni banhu ba loga, ni ku korama lahasi ka banungungulu babye.
 3 Na Israeli i lo klangana a wutsumbu ga yena ka Baal-peora; ni zanga ya

- Jehova yi lo vintlukiswa yi vukela Israeli.
 4 Na Jehova i te ngalo ka Mosi, Teka wonkle a manganakana ya banhu, u hayeka bona mahlweni ka Jehova mahlweni ka gumbo, kasi a zanga yi cabisekako ya Jehova lezaku kasi ya renga ha Israeli.
 5 Na Mosi i te ngalo ka ba lamuli ba ka Israeli, Dayani uwina bonklelele banhu labo ba klanganileko wutsumbu gabye na Baal-peora.
 6 Ni, languta, a muzwe wa banana ba ka Israeli i lota a neha ka bamakabye ba yena a wasati wa mu Midiani kuwoneni ka Mosi, ni kuwoneni ka wonkle a klangano wa banana ba ka Israeli, laho na ba kari ba rila le nyangweni ya tenta ga muklangano.
 7 Ni laba Fineasi, a uwana wa Eleazare, a uwana wa Aroni mupristi, i lo wona kona, i lo suka xikari ka klangano, i lo teka a klari canjeni ga yena;
 8 Na yena i lo lanzela a munhu wa ka Israeli lomo xaxeni, i lo gwaza bona bambiri, a wanuna wa ka Israeli, ni wasati mirini wa yena. Zingaho a tungu wu lo kawula ka banana ba ka Israeli.
 9 Ni labo ba nga wa delwe hi tungu ba wa hi makume bambiri ni mune ya kume ga mazana.
 10 Na Jehova i lo wulawula ka Mosi, aku,
 11 Fineasi, a uwana wa Eleazare, a uwana wa Aroni a mupristi, i rengisile a zanga ya mina le ka banana ba ka Israeli, lezaku i lo zangara hi kulo ga mina xikari kabye, lezaku nzi nga mbetisi a banana ba ka Israeli hi kulo ga mina.
 12 Ngahilezo wula, Languta, nzi nyika a xivumelwano xa kurula ka yena:
 13 Na ku ta kuba ka yena, ni ka mbe-wu ya yena a nzako ka yena, xivumelwano xa wupristi gi te kutsonzoma; hakuba yena i mafele mona ha Nungungulu wa yena, ni ku maha a nzhiho wa banana ba ka Israeli.
 14 Makunu a bito ga munhu wa ka Israeli loye a nga wa delwe, loye ni wasati wa yena wa mu Midiani, ku wa hi Zimri, a uwana wa Salu, a hosana ya yindu ya raru wabye xikari ka ba Simeoni.
 15 Ni bito ga wasati wa mu Midiani loye a nga wa delwe ku wa hi Ko-

zbi, a nhanyana wa Zura; i wa hi wa hloko ya yindlu ya bararu babye le Midiani.

- 16 Na Jehova i lo wulawula ka Mosi, aku,
- 17 Kinyelela a ba Midiani u ba lamata bona;
- 18 Hakuba bona ba mu kukinyelela hi mikubyana yabye, ywaleyi ha yona ba gohisileko nwina hi mahungu ya Peora, ni ka mahungu ya Kozbi, a nhanyana wa hosana ya le Midiani, a makweru wabye, loye a delweko hi siku ga tungu hi ka mahungu ya Peora.

XIPIMO 26.

- 1 Na ku mahisile lezo a nzako ka tungu, na Jehova i lo wulawula ka Mosi ni ka Eleazare a nwana wa Aroni a mupristi, aku,
- 2 Tekani a tsengo wa nklangano wa banana ba ka Israeli, ku sukela ka ba makume mambiri malembe a wukale ku komama le hehla, hi tindlu ta bararu babye, bonkle labo ba zi kotako kuhloma a yimpi ka Israeli.
- 3 Na Mosi na Eleazare a mupristi ba lo wulawula zinwe nabo le mikobeni ya le Moabi hi le Jordani leyo Jeriko, baku,
- 4 Teka a tsengo wa banhu, ku sukela ka makume mambiri a malembe ku komama le hehla; kwatsi hi kuleletela ka Jehova ka Mosi ni ka banana ba ka Israeli, labo ba nga wa humile hi le tikweni ga le Gipite.
- 5 Rubeni, a matewula ya Israeli; a banana ba ka Rubeni: ba ka Hanoke, i ngango wa ka Hanoke; ba ka Palu, a ngango wa ka Palu;
- 6 Ba ka Hezroni, a ngango wa ka Hezroni; ba ka Karmi, a ngango wa ka Karmi.
- 7 Leyi hi mingango ya ka Rubeni; labo ba nga wa hlalwe ka bona ba wa hi mune makume ni manharu mazana ya kume ga mazana ni nklanu ni mambiri mazana ni makume manharu.
- 8 Ni banana ba ka Palu: i wa hi Eliabe.
- 9 Ni banana ba Eliabe: Nemueli, na Datani, ni Abiramu. Laba ku hi bona Datani na Abiramu, ba nga wa bitanilwe hi nklangano, labo ba nga kanetana ba vukela Mosi ni ku vukela Aroni, le ka bangana ba ka

Kora, laho bona ba nga wa kanetana na Jehova,

- 10 Ni misaba yi lo vulula a nomu wa yona, yi lo kadamula bona katiginye Kora, laho lowo a klawa wu nga wa file; xihhi xikati lexo a nzilo wu nga kadamula madota mazana mambiri ni nklanu wa makume, na bona ba maha muwoniso.
- 11 Hambulezoke, a banana ba ka Kora ba wa nga fangi.
- 12 Ni banana ba ka Simeoni hi mingango yabye: ba ka Nemueli, a ngango wa ka Nemueli; ba ka Jamina, a ngango wa ka Jamina; ba ka Jaxina, a ngango wa ka Jaxina;
- 13 Ba ka Zera, a ngango wa ka Zera; ba ka Xaule, a ngango wa ka Xaule.
- 14 Leyi hi mingango ya ka Simeoni, makume mambiri ni mazana mambiri ya kume ga mazana ni mazana mambiri.
- 15 Ni banana ba ka Gadi hi mingango yabye: Zefoni, a ngango wa ka Zefoni; ba ka Hagi, a ngango wa ka Hagi; ba ka Xuni, a ngango wa ka Xuni;
- 16 Ba ka Ozni, a ngango wa ka Ozni; ba ka Eri, a ngango wa ka Eri;
- 17 Ba ka Arodi, a ngango wa ka Arodi; ba ka Areli, a ngango wa ka Areli.
- 18 Leyi hi mingango ya banana ba ka Gadi kukotisa labo ba hlalweko ka bona, mune wa makume ya kume ga mazana hi nklanu wa mazana.
- 19 Laba hi banana ba ka Juda: Ere na Onane; ni Ere na Onane ba lofela le tikweni ga le Kenani.
- 20 Ni banana ba ka Juda kukotisa hi mingango yabye hi laba: ba ka Xela, a ngango wa ka Xela; ba ka Perezzi, a ngango wa ka Perezzi; ba ka Zera, a ngango wa ka Zera.
- 21 Ni banana ba ka Perezzi hi laba: ba ka Hezroni, a mingango ya ka Hezroni; ba ka Hamula, a banana ba ka Hamula.
- 22 Leyi hi mingango ya ka Juda kukotisa hi tsengo wa laba ba hlalweko ka bona, nklanu ni ginwe makume ni kume ni nklanu ni ginwe ga kume ga mazana ni nklanu wa mazana.
- 23 Ni banana ba ka Isakare hi mingango yabye: ba ka Tola, a ngango wa ka Tola; ba ka Puva, a ngango wa ka Puva;
- 24 Ba ka Jaxuba, a ngango wa ka Ja-

- xuba; ba ka Ximroni, a ngango wa ka Ximroni.
- 25 Leyi hi mingango ya ka Isakare kukotisa hi ka tsengo wa laba ba hlalweko ka bona, nkhanu ni giwe makume ni mune wa kume ga mazana ni mazana manharu.
- 26 Ni banana ba ka Zebuluni hi mingango yabye: ba ka Serede, a ngango wa ka Serede; ba ka Eloni, a ngango wa ka Eloni; ba ka Jahleeli, a ngango wa ka Jahleeli.
- 27 Laba hi banana ba ka Zebuluni kukotisa hi ka labo ba nga wa hlalwe ka bona, nkhanu ni giwe makume ya kume ga mazana ni nkhanu wa mazana.
- 28 Ni banana ba ka Josefa kukotisa hi mingango yabye: Manasa na Efraime.
- 29 Ni ba ka Manasa: ba ka Macira, a ngango wa ka Macira; na Macira i lo trala Gileade; ba ka Gileade, a ngango wa ka Gileade.
- 30 Laba hi banana ba ka Gileade: ba ba ka Iezere, a ngango wa ka Iezere; ba ka Heleke, a ngango wa ka Heleke;
- 31 Ni ba ka Asrieli, a ngango wa ba ka Asrieli; ni ba ka Xekemi, a ngango wa ka Xekemi;
- 32 Ni ba ka Xemida, a ngango wa ka Xemida; na ba ka Hefera, a ngango wa Hefera.
- 33 Na Zelofehade a nwana wa Hefera i wa nga hi na banana, kanilezi mbanhanyana: ni mabito ya banhanyana ba Zelofehade ku wa hi Mahla, na Noa, na Hogla, Milka, na Tirza.
- 34 Leyi hi mingango ya ka Manasa; ni labo ba nga wa hlalwe ka bona, ba wa nkhanu wa makume ni mambiri mazana ya kume ga mazana ni nkhanu ni mambiri mazana.
- 35 Laba hi banana ba ka Efraime hi mingango yabye: ba ka Xutela, ni mingango ya ka Xutela; ba ka Becera, a ngango wa ka Becera; ba ka Tahana, a ngango wa ka Tahana.
- 36 Laba hi banana ba ka Xutela: ba ka Erani, a ngango wa ka Erani.
- 37 Leyi hi mingango ya ka Efraime kukotisa labo ba hlalweko ka bona, makume manharu ni mambiri a kume ga mazana ni nkhanu wa mazana. Laba hi banana ba ka Josefa kukotisa mingango yabye.
- 38 A banana ba ka Benjamini kukotisa hi mingango yabye: Bela, a ngango wa ka Bela; Axbeli, a ngango wa ka Axbeli; ba ka Ahirima, a ngango wa ka Ahirima;
- 39 Ba ka Xefufama, a ngango wa ka Xefufama; ba ka Hufama, a ngango wa ka Hufama.
- 40 Ni banana ba ka Bela ba wa hi Ardana Naamani: ba ka Arda, a ngango wa ka Arda; Naamani, a ngango wa ka Naamani.
- 41 Laba hi banana ba ka Benjamini kukotisa hi mingango yabye, ni labo ba nga wa hlalwe ba bona ba wa hi mune wa makume ni nkhanu wa kume ga mazana ni nkhanu ni giwe mazana.
- 42 Laba hi banana ba ka Dani kukotisa hi mingango yabye: Xuhama, a ngango wa ka Xuhama. Leyi mingango ya Dani kukotisa hi mingango yabye.
- 43 Ni yonke a mingango ya ka Xuhama, kukotisa hi labo ba nga wa hlalwe ka bona, ku wa hi nkhanu ni giwe makume ni mune wa makume ya kume ga mazana ni mune wa mazana.
- 44 A banana ba ka Axeri hi mingango yabye: ba ka Imna, a ngango wa ka Imna; ba ka Ixvi, a ngango wa ka Ixvi; ba ka Beria, a ngango wa ka Beria.
- 45 A banana ba ka Beria: ba ka Hebera, a ngango wa ka Hebera; ba ka Malkieli, a ngango wa Malkieli.
- 46 Ni bito ga nhwana wa Axera hi Sera.
- 47 Leyi hi mingango ya banana ba ka Axera kukotisa hi labo ba nga wa hlalwe ka bona, nkhanu wa makume ni manhari mazana ya kume ga mazana ni mune wa mazana.
- 48 Ni banana ba ka Naftali hi mingango yabye: Jahzeeli, a ngango wa ka Jahzeeli; ba ka Guni, a ngango wa ka Guni;
- 49 Ba ka Jezera, a ngango wa ka Jezera; ba ka Xilima, a ngango wa ka Xilima.
- 50 Leyi hi mingango ya ka Naftali kukotisa hi mingango yabye; na bona labo ba hlalweko ka bona mune wa makume ni nkhanu ya kume ga mazana ni mune wa mazana.
- 51 Laba hi bona labo ba hlalweko ka banana ba Israeli, nkhanu ni giwe ga kume ga mazana, ni kume ga mazana ni nkhanu ni mambiri mazana ni makume manharu.

- 52 Na Jehova i lo wulawula ka Mosi, aku,
- 53 Ka laba a tiko gi ta abanyiselwa akuba tsomba kukotisa hi ka tsengo wa mabito.
- 54 Ka ba kutala wena u ta nyika a tsomba ya ku tala, ka batsongwani wena u ta nyika a tsomba yi tsongwani: ka bon'lelele kukotisa labo ba hlalweko ku ta ba ngaho a ku nyikwa ka tsomba yabye.
- 55 Hambulezoke, a tiko gi ta abanyiselwa hi tihlolo: kukotisa hi mabito ya bararu babye ba ta abanyiselwa.
- 56 Kukotisa hi tihlolo ni kuabelwa kabye ku ta ba ngaho ba abanyiselwa a ba kutala ni batsongwani.
- 57 Ni laba hi bona ba nga wa hlalwe ka Levi kukotisa hi mingango yabye: ba ka Gerxoni, a ngango wa ka Gerxoni; ba ka Kohate, a ngango wa ka Kohate; ba ka Merare, a ngango wa ka Merare.
- 58 Leyi hi mingango ya ka Levi: a ngango wa ka Libni, a ngango wa ka Hebroni, a ngango wa ka Mahli, a ngango wa ka Muxi, a ngango wa ka Kora. Na Kohate i lo trala Amrama.
- 59 Ni bito ga sati wa Amrama ku wa hi Jokebede, a nbanyana wa Levi, loye a nga wa mu trele leyo Gipite: yena i lo tralele ka Amrama Aroni na Mosi, na Miriamu makweru wabye.
- 60 Ni ka Aroni ku lo trala Nadabe na Abihu, Eleazare na Itamare.
- 61 Na Nadabe na Abihu balofa, laba na ba nyikela a nzilo wa haba mahlweni ka Jehova.
- 62 Ni labo ba nga wa hlalwe ka bona ba wa hi makume mambiri ni manharu a kume ga mazana, bon'lelele ba banuna ku sukela a hweti yizwe a wukale ku komama le hehla: hakuba bona a ba hlalwangi xikari ka banana ba ka Israeli, hakuba ku wa nga hi kona a tsomba yi nga wa nyikilwe bona xikari ka banana ba ka Israeli.
- 63 Laba hi bona ba nga wa hlalwe hi Mosi na Eleazare a mupristi, labo ba nga hlalwa a banana ba ka Israeli lomo mikobeni ya le Moabi le Jordani hi le Jeriko.
- 64 Kanilezi xikari ka laba laho wa nga hi kona a munhu na munwe wa bona labo ba nga hlalwa hi Mosi na Aroni a mupristi, labo ba nga wa

hlalwe hi ba ka Israeli lomo xiwuleni xa le Sinai.

- 65 Hakuba Jehova i wa te ngalo ha bona, Bona ha kunene ba tafa lomu xiwuleni. Laho ku wa nga siywangi na munhu wa bona, saseka Kalebi a nwana wa Jefuna, na Joxua a nwana wa Nuni.

XIPIMO 27.

- 1 Zonake ku lo tsinela kusuli a banhwana ba Zelofehade, a nwana Hefera, a nwana wa Gileade, a nwana wa Macira, a nwana wa Manasa, ba mingango ya ka Manasa a nwana wa Josefa; ni laya hi mabito ya banhwana ba yena: Mahla, Noa, na Hogla, na Milka, na Tirza.
- 2 Na bona ba lo yima mahlweni ka Mosi, ni mahlweni ka Eleazare a mupristi, ni mahlweni ka tihosana ni mahlweni ka won'le a nklanganano, la nyangweni ya tenta ga muklanganano, baku,
- 3 A raru wa hina i fele lomo xuwuleni, yena i wa nga hi kona klaweni wa bona labo ba nga tsombana katigawe wutsumbu gabye ba vuleka Jehova le klaweni wa Kora: kanilezi i file hi xonho xa yenawu; na a nga hi na barisanyana.
- 4 Hi yini a bito ga raru wa hina gi ta nga tekiwa xikari ka ngango wa yena, hakuba a nga haba nisanyana ke? Hi nyike hinawu a tsomba xikari ka bamakabye ba raru wa hina.
- 5 Na Mosi i lo neha a nanzu wabye mahlweni ka Jehova.
- 6 Na Jehova i lo wulawula ka Mosi, aku,
- 7 A banbanyana ba ka Zelofehade ba wulawula kwatsi: wena ha kunene u ta ba nyika a yabyewo a tsomba xikari ka bamakabye ba raru babye; na wena u ta maha a tsomba ya raru wabye a kletisa ka bona.
- 8 Na wena u ta wulawula ka banana ba ka Israeli, uku, Loku a munhu afa, na a ngahi na nisanyana, zonake nwina mu ta maha a tsomba ku nyikwa ka nbanyana wa yena.
- 9 Ni loku a nga hi na nbanyana, zonake mu ta nyika tsomba ya yena ka bamakabye.
- 10 Ni loku yena a nga hi na bamakabye, zonake mu ta nyika a tsomba ya yena ka bamakabye ba raru wa yena.
- 11 Ni loku a raru wa yena a nga hi na

- bamaka²ye, zonake mu ta nyika a tsomba ka maxaka ya yena laba ba gamekeneko na yena ngangweni wa kaka²ye, na yena yi ta ba yakwe: na kona ku ta ba ka ba ka Israeli a xilayelo ni xiyimiso, kwatsi hi kuleletela ka Jehova ka Mosi,
- 12 Na Jehova i te ngalo ka Mosi, Kanziya ka lexi xitsunga xa Abarime, ni languta a tiko lego mina nzi nyikileko a banana ba ka Israeli,
- 13 Laha na wena na u gi wonile gona, wenawu kambe u ta petselwa ka banhu ba ka nwina, kukotisa lezi Aroni makabye wa wena a petseleweko;
- 14 Hakuba nwina mu lo hlubuka ka mbaka ya mina le xiwuleni xa le Zini, le kukanetisaneni ka nklangano, a kubasisa mina le mamatini mahlweni ka mahlo yabye. (Laya hi mamati ya Meriba le Kadexe le xiwuleni xa le Zini.)
- 15 Na Mosi i lo wulawula ka Jehova, aku,
- 16 Nga Jehova, a Nungungulu wa mimoya ya nyama yonkle, a hlawula munhu hehla ka nklangano,
- 17 Loye a ta nga huma a famba mahlweni ka bona, ni a ta nga engena mahlweni ka bona, loye a ta nga rangela bona ba huma, loye a ta nga ba engisa; kasi wu fela a ku nklangano wa Jehova wu nge kwatsi i klambi wu nga hiko na murisi.
- 18 Na Jehova i te ngalo ka Mosi, Teka Joxua a nwana wa Nuni, a dota legi ka gona ku nga ni Moya, ni kuklateka a mandla ya wena hehla ka gona;
- 19 Ni ku mu yimisa mahlweni ka Eleazare a mupristi, ni mahlweni ka wonkle a nklangano; u mu nyika yena a tiro mahlweni ka kuwona kabye.
- 20 Na wena u ta beka konkle kudzunzwa ka wena hehla ka yena, kasi wonkle a nklangano wa banana ba ka Israeli wu fela ku ingisa.
- 21 Na yena i ta yima mahlweni ka Eleazare a mupristi, loye a ta wutisa ha yena hi kulamula ka le Urime mahlweni ka Jehova: hi ka mhaka ya yena bona ba ta huma, na hi ka mhaka yakwe bona ba ta engena, bonkle yena, ni bonkle a banana ba ka Israeli zinwe naye, wona wonkle a nklangano.

- 22 Na Mosi i lo maha kukotisa lezi Jehova a leleteleko yena; na yena i lo teka Joxua, i lo mu yimisa mahlweni ka Eleazare a mupristi, ni mahlweni ka nklangano.
- 23 Yena i lo klateka a mandla ya yena hehla ka yena, i lo mu nyika a tiro, kwatsi hi ku wula ka Jehova ha Mosi.

XIPIMO 28.

- 1 Na Jehova i lo wulawula ka Mosi, aku,
- 2 Leletela a banana ba ka Israeli, ni ku wula ka bona, A xinyikiwo xa mina, a kuga ka mina ka minyikelo ya mina yi mahilweko hi nzilo, ya masema ya kutsombela ka mina, nwina mu lodzowotela ku nyikela ka mina hi muzukwana wa kona.
- 3 Wena u ta wula ka bona, Lowu hi munyikelo wu mahilweko hi nzilo lowu nwina mu ta nga wu nyikela ka Jehova: a tihambana ya lembe ginwe a wukale yi nga hiko na bawwa, timbiri hi a siku ni siku, akuba munyikelo wu simamisileko.
- 4 A yinwe hambana wena u ta nyikele laha mixweni, ni yizwani hambana wena u ta nyikela laha gambyeni;
- 5 Ni xipanze xa kume xa efa xa mapa ma nanaselweko akuba munyikelo wa tinzhoho, na ma patsilwe ni xipanze xa wumune xa hini ya yi klombilweko hi mafura.
- 6 Kona munyikelo wa kuhiswa wu sinamisisileko, lowu wu yimisilweko le xitsungeni xa le Sinai akuba munyikelo wa masema ya kutsombela, a munyikelo wu mahilweko hi nzilo ka Jehova.
- 7 Ni munyikelo wa kona wa kunwa ku ta ba xipanze xa wumune xa hini akuba kundlwana munwe, wutsanweni ga kubasa wena u a culula munyikelo wa kunwa wa ntamo ka Jehova.
- 8 Ni munwani kundlwana u ta nyikele laha gambyeni: kwatsi hi munyikelo wa tinzhoho wa laha mixweni, ni ku kwatsi munyikelo wa kona wa kunwa, wena u ta nyikela kona, a munyikelo wu mahilweko hi nzilo, wa masema ya kutsombela ka Jehova.
- 9 Hi siku ga sabado tihambana timbiri ta lembe ginwe a wukale ti nga hiko na bawwa, a zipanze zimbiri

- za efa za mapa ma nanaseliweko ma muniyikelo wa kuhiswa, wa patsilweko ni mafura, ni muniyikelo wa koma wa kunwa.
- 10 U muniyikelo wa kuhiswa wa masaboti a tihamba hi la hantle ka muniyikelo wa kuhiswa wa simamisisileko, ni muniyikelo wa kona wa kunwa.
- 11 Ni kumbe lezi ka tihweti ta awina mu ta nyikela a muniyikelo wa kuhiswa ka Jehova: a hamba yawe, ni nlanu ni timbiri ti hamba ta lembe giwe a wukale ti za maha na tiro.
- 12 Ni zipanze zinharu za wukume ga efa za mapa ma nanaseliweko akuba muniyikelo wa tinzhoho, na ma patsilweko ni mafura, akuba ka levi ni levi a hawana: ni zipanze zimbiri za wukume za mapa ma nanaseliweko akuba muniyikelo wa tinzhoho, ma patsilweko giwe ni mafura, a akuba za hamba.
- 13 Ni xipanze xa wukume xa mapa ma nanaseliweko ma patsilweko ni mafura akuba muniyikelo wa tinzhoho ka tihamba tonkilelele, akuba muniyikelo wa kuhiswa wa masema vo tsontola, a muniyikelo wu mahilweko hi nzilo ka Jehova.
- 14 Ni muniyikelo ya kona ya kunwa ku ta ba a kuhiswa ga hini ya waini akuba a hawana yawe, ni xipanze xa zinharu xa hini akuba a hamba, ni kuba xipanze xa wumune akuba a hamba yawe: lowu hi muniyikelo wa kuhiswa wa tihweti tonkilelele ka tonke tihweti ta lembe.
- 15 Ni mhongo yawe ya muniyikelo wa kuonha ka Jehova: ku ta ba muniyikelo hi lahantle ka muniyikelo wu simamisisileko wa kuhiswa, ni muniyikelo wa kona wa kunwa.
- 16 Na hi hweti ya kuranga, hi siku ga kume ni mune ga hweti, i pasika ga Jehova.
- 17 Na hi siku ga kume ni nlanu ga levi hweti ku ta ba mubuzo: nlanu ni mambiri masiku ku ta giwa a zihaba zi nga comeliwangiko.
- 18 Hi siku ga kuranga ku ta ba muklangano wa kubasa: awina mu nga ta tira ni wini a tiro.
- 19 Kambezi awina mu ta nyikela a muniyikelo wa mahilweko hi nzilo, a muniyikelo wa kuhiswa ka Jehova:
- a tibo wana timbiri ta tiswa, ni hamba yawe, ni nlanu ni timbiri a tihambana ta lembe giwe a wukale: tonke ti taha ka awina ti nga hiko na bawa;
- 20 Ni muniyikelo wa kona wa tinzhoho, a mapa ma nanaseliweko ma patsilweko ni mafura: a zipanze zinharu za wukume awina mu ta nyikela ni hawana, ni zipanze zimbiri za wukume akuba za hamba;
- 21 A xipanze xa kume wena u ta nyikela akuba xa hamba tonkilelele ta nlanu ni timbiri tihambana;
- 22 Ni mhongo yawe ya muniyikelo wa kuonha, a ku maha a nzhiho wa awina;
- 23 Awina mu ta nyikela lezi hi la hantle ka muniyikelo wa kuhiswa, wa laha mubuzo, lowu wu ta nga maha muniyikelo wa kuhiswa wu simamisisileko.
- 24 Kwatsi hi laya mahanyela awina mu ta nyikela a siku ni siku nlanu ni mambiri masiku, a kuba ka muniyikelo wa kuhiswa wu mahilweko hi nzilo wa masema ya kutsombela ka Jehova: wona wu ta nyikela hi lahantle ka muniyikelo wa kuhiswa wu simamisisileko, ni muniyikelo wa kona wa kunwa.
- 25 Hi siku ga nlanu ni mambiri mu ta ba ni muklangano wa kubasa; awina mu nga ta maha na tiro.
- 26 Kambe ni sikwini ga mihanzo ya kuranga, laha na muniyikela a muniyikelo muswa wa tinzhoho ka Jehova mubuzweni wa awina wa tisonto, awina mu ta ba ni muklangano wa awina wu baidileko; awina mu nga ta tira ni tiro;
- 27 Kambezi awina mu ta nyikela a muniyikelo wa kuhiswa akuba masema ya kutsombela ka Jehova: tihawana timbiri ta tiswa, ni hamba yawe ni nlanu ni timbiri tihambana ta lembe a wukale.
- 28 Ni muniyikelo wa kona wa tinzhoho wu patsilweko ni mafura, a zipanze zinharu za wukume ka levi ni levi a hawana, a zipanze zimbiri za kume ka yawe a hamba.
- 29 A xipanze xiwe xa kume ka tonkilelele ta nlanu ni timbiri ta tihamba.
- 30 A mhongo yawe, a ku maha a nzhiho wa awina.
- 31 Hi lahantle ka muniyikelo wu simamisisileko wa kuhiswa, ni muniyikelo wa kona wa tinzhoho, awina mu ta

nyikela yona, (yona yi ta ba ka nwina yi nga hiko na bawa), ni muniyikelo ya kona ya kunwa.

XIPIMO 29.

- 1 Na hi hweti ya nkulanu ni wumbiri, hi siku ga kuranga ga hweti, nwina mu ta ba ni muklangano wa kubasa; nwina mu nga ta tira ni tiro: i siku ga kuba a mipunzu ka nwina.
- 2 Nwina mu ta nyikela a muniyikelo wa kuhiswa akuba masema ya kutsombela ka Jehova: a honwana yinwe ya yiswa, a hamba yinwe, nkulanu ni timbiri tihambana ta lembe a wukale ti nga hiko na bawa;
- 3 Ni muniyikelo wa zona wa kuhiswa, a mapa ma nanaselweko ma patsilweko ni mafura, a zipanze zinharu za wukume a kuba za honwana, a zipanze zimbiri za wukume akuba zahamba,
- 4 Ni xipanze xinwe xa wukume xa leyi ni leyi a hambana ta nkulanu ni timbiri tihambana;
- 5 Ni mhongo yinwe ya muniyikelo wa kuonha, a ku maha a nzhiho wa nwina;
- 6 Hi lahandle ka muniyikelo wa kuhiswa wa hweti yiswa, ni muniyikelo wa kona wa tinzhoho, ni muniyikelo wa kuhiswa wu simamisisileko ni muniyikelo wa kona wa tinzhoho, ni muniyikelo wa kona wa kunwa, kukotisa hi xiyimiso xa kona, akuba masema ya kutsombela, a muniyikelo wu mahilweko hi nzilo ka Jehova.
- 7 Na hi siku ga kume ga leyi hweti ya nkulanu ni timbiri nwina mu ta ba ni muklangano wa kubasa; nwina mu ta bayisisa mihefemulo ya nwina: nwina mu nga ta maha ni wihi a tiro;
- 8 Kanilezi nwina mu ta nyikela a muniyikelo wa kuhiswa ka Jehova akuba masema ya kutsombela: a honwana yinwe ya yiswa, a hamba yinwe, nkulanu ni timbiri tihambana ta lembe a wukale; kona ku ta ba ka nwina ku nga hiko ni bawa;
- 9 Ni muniyikelo wa kona tinzhoho, ni mapa ma nanaselweko ma patsilweko ni mafura, a zipanze zinharu za wukume a kuba za honwana, a zipanze zimbiri za wukume akuba zahamba,
- 10 Ni xipanze xinwe akuba xa leyi ni

leyi a hambana ta nkulanu ni timbiri tihambana:

- 11 A mhongo yinwe ya muniyikelo wa kuonha; hi lahandle ka mhongo ya muniyikelo wa kuonha wa nzhiho, ni muniyikelo wa kuhiswa wu simamisisileko, ni muniyikelo wa kona wa tinzhoho, ni muniyikelo wa kona wa kunwa.
- 12 Na hi siku ga kume ni wunkulanu ga hweti ya nkulanu ni timbiri nwina mu ta ba ni muklangano wa kubasa; nwina mu nga tira ni tiro, nwina mu ta hlayisa a mubuzo ka Jehova nkulanu ni mambiri masiku:
- 13 Na nwina mu ta nyikela a muniyikelo wa kuhiswa, a muniyikelo wu mahilweko hi nzilo, wa masema ya kutsombela ka Jehova; kume ni tinharu tihonwana tiswa, tihamba timbiri, kume ni mune tihambana ta lembe ginwe a wukale; tona ti ta ku ba ti nga hi na bawa:
- 14 Ni muniyikelo wa kona wa tinzhoho, a mapa ma nanaselweko na patsilweko ni mafura, a zipanze zinharu za wukume ka leyi ni leyi honwana ya kume ni tinharu tihonwana, zipanze zimbiri za wukume ga leyi ni leyi a hamba ya timbiri tihamba,
- 15 Ni xipanze xa wukume xa leyi ni leyi a hambana ya kume ni mune a tihambana;
- 16 Ni mhongo yinwe ya muniyikelo wa kuonha, hi lahandle ka ka muniyikelo wa kuhiswa wu simamisisilweko, ni muniyikelo wa kona wa tinzhoho, ni muniyikelo wa kona wa kuhiswa.
- 17 Na hi siku ga mambiri nwina mu ta nyikela a kume ni timbiri a tihonwana tiswa, ni tihamba timbiri, kume ni mune tihambana ta lembe a wukale ti nga hiko na bawa;
- 18 Ni muniyikelo wa kona wa tinzhoho, ni muniyikelo wa kona wa kunwa akuba wa tihonwana, akuba wa tihamba, akuba wa tihambana, kukotisa hi ka tsengo wa tona, ku kwatsi hi xiyimiso;
- 19 Ni mhongo ya muniyikelo wa kuonha; hi lahandle ka muniyikelo wa kuhiswa wu simamisisileko, ni muniyikelo wa tinzhoho wa kona, ni muniyikelo wa kunwa wa kona.
- 20 Na hi siku ga manharu kume ni yinwe tihonwana, tihamba timbiri, kume ni mune tihambana ta lembe a wukale ti nga hiko na bawa;

- 21 Akuba munyikelo wa kona wa tinzhoho wa tihonwana, ni wa tihamba ni wa tihambana, kukotisa hi ka tsengo wa kona, kwatsi hi xiyimiso ;
- 22 Ni mhongo yinwe ya munyikelo wa kuonha ; hi lahandle ka munyikelo wa kuhiswa wu simamisisileko, ni munyikelo wa kona wa tinzhoho, ni munyikelo wa kona wa kunwa.
- 23 Na hi siku ga mune kume ga tihonwana, tihamba timbiri, kume ni mune tihambana ta lembe a wukale ti nga hiko na bawa ;
- 24 Ni munyikelo wa tinzhoho wa kona ni munyikelo wa kunwa wa kona wa tihonwana, ni wa tihamba, ni wa tihambana, kukotisa hi ka tsengo wa tona, ku kwatsi hi xiyimiso ;
- 25 Ni mhongo yinwe ya munyikelo wa kuonha ; hi lahandle ka munyikelo wa kuhiswa wi simamisisileko, ni munyikelo wa kona wa tinzhoho, ni munyikelo wa kona wa kunwa.
- 26 Na hi siku ga wunclanu nclanu ni mune tihonwana, tihamba timbiri, kume ni mune tihambana ta lembe a wukale ti nga hiko na bawa ;
- 27 Ni munyikelo wa kona wa tinzhoho ni munyikelo wa kona wa kunwa akuba wa tihonwana, akuba wa tihamba, akuba wa tihambana, kukotisa hi ka tsengo wa kona, kwatsi hi xiyimiso ;
- 28 Ni mhongo yinwe ya munyikelo wa kuonha ; hi lahandle ka munyikelo wa kuhiswa wu simamisisileko, ni munyikelo wa kona wa tinzhoho, ni munyikelo wa kona wa kunwa.
- 29 Ni hi siku ga nclanu ni ginwe, nclanu ni tinharu tihonwana, tihamba timbiri, kume ni mune tihambana ta lembe a wukale ti nga hiko na bawa ;
- 30 Ni munyikelo wa tinzhoho wa kona ni munyikelo wa kona wa kunwa akuba wa tihonwana, akuba wa tihamba, akuba wa tihambana, kukotisa hi tsengo wa tona, kwatsi hi xiyimiso ;
- 31 Ni mhongo yinwe ya munyikelo wa kuonha ; hi lahandle ka munyikelo wakuhiswa wu simamisisileko ni munyikelo wa tinzhoho wa kona, ni munyikelo wa kunwa wa kona.
- 32 Na hi siku ga nclanu ni wumbiri nclanu timbiri a tihonwana, tihamba timbiri, kume ni mune tihambana a lembe a wukale ti nga hiko na bawa ;
- 33 Ni munyikelo wa tinzhoho wa kona ni munyikelo wa kunwa wa kona akuba wa tihonwana, akuba wa tihamba, akuba tihambana, kukotisa hi ka tsengo wa kona, kwatsi hi xiyimiso ;
- 34 Ni mhongo yinwe ya munyikelo wa kuonha ; hi lahandle ka munyikelo wa kuhiswa, ni munyikelo wa tinzhoho wa kona, ni munyikelo wa kunwa wa kona.
- 35 Hi siku ga nclanu ni manharu nwina mu ta ba ni hlengeletano wa ximuse : nwina mu nga ta maha ni tiro ;
- 36 Kanilezi nwina mu ta nyikela a munyikelo wa kuhiswa, a munyikelo wu mahilweko hi nzilo, wa masema ya kutsombela ka Jehova : a honwana yinwe, ni hamba yinwe, ni nclanu ni timbiri tihambana ta lembe a wukale ti nga hiko na bawa ;
- 37 Ni munyikelo wa kona wa tinzhoho ni munyikelo ya kona ya kunwa akuba wa honwana, akuba wa hamba, akuba wa tihambana, ku ta ba kwatsi hi tsengo wa kona, kwatsi hi xiyimiso ;
- 38 Ni mhongo yinwe ya munyikelo wa kuonha ; lahandle ka munyikelo wa kuhiswa wu simamisisileko, ni munyikelo wa tinzhoho wa kona, ni munyikelo wa kunwa wa kona.
- 39 Lezi nwina mu ta nyikela ka Jehova hi mubuzo ya nwina yi yimisi-lweko, hi lahandle ka zifungo wa za nwina, ni munyikelo ya nwina yi klatlekileko, ni munyikelo ya nwina ya kuhiswa, ni munyikelo ya nwina ya tinzhoho, ni munyikelo ya nwina ya kunwa, ni munyikelo ya nwina ya kurula.
- 40 Na Mosi i lo byela a banana ba ka Israeli kukotisa lezi Jehova a nga wa leletele Mosi.

XIPIMO 30.

- 1 Na Mosi i lo wulawula ka tihloko ta tixaka ta banana ba ka Israeli, aku, Lexi hi xilo lexo Jehova a leleteleko.
- 2 Laha a munhu a funga xifungo ka Jehova, kutani kuhlambanya a hlambanyo a ku boha muhefemulo wa yena hi xiboho, yena a nga ta tsoba a mhaka ya yena ; yena i ta maha zonkle lezo zi humileko hi le nonwini wa yena.
- 3 Kambe laha a wasati a fungile xi-

- fungo ka Jehova, ni ku boha a wu-
tsumbu ga yena hi xiboho, na a kari
a hi lomo ndlwini ya raru wakwe,
wusweni ga yena,
- 4 Ni raru wakwe azwa a xifungo xa
yena, ni xiboho xa yena lexo a bo-
hileko a muhefemulo wa yena ha
xona, ni dadani wa yena a su miye-
la a kurutisa ka yena ha yena; zo-
nake konkle kufunga ka yena ku ta
yima, ni konklelele ku funga loko a
fungileko ha kona muhefemulo wa
yena ku ta yima.
- 5 Kanilezi loku a dadani wa yena a
beletela hi sikwini lego a zizwileko
ha gona, a zi kona za zifungo za ye-
na, kutani za ziboho za yena lezo a ti
bohileko ha zona a muhefemulo wa
yena, zi ta nga yima: na Jehova i ta
tsetselela yena, hakuba a raru wa
yena i lo beletela yena.
- 6 Ni loku yena a nga tekilwe ka
wanuna, laho a zifungo za yena na
zita hehla ka yena, kutani hi kuha-
klisa ka mawulawulelo ya milomu
ya yena, lawo a ti bohileko muhefe-
mulo a wa yena ha yona,
- 7 Ni wanuna wa yena azwa kona, a
su ku miyela a rutisa ha yena hi si-
kwini lego a zizwileko ha gona; zo-
nake a zifungo za yena zi ta yima, ni
ziboho za yena lezo a bohileko a mu-
hefemulo wa yena ha zona zi ta
yima.
- 8 Kanilezi loku a wanuna wa yena a
beletela yena hi sikwini lego a zi-
zwileko ha gona, zonake ku nga ta
maha a ncumo hi xifungo lexo xi
nga hehla ka yena, ni mawulawule-
lo ya xihakla laya ma nga milozwi-
ni ya yena, lawo ha wona a bohileko
muhefemulo wa yena: na Jehova i
ta mu tsetselela yena.
- 9 Kanilezi a xifungo xa noni, ni xa
yena loye a alilweko, zona zonklele-
le zilo lezo a bohileko ha zona a mu-
hefemulo a yena, zi ta yima zi vuke-
la yena.
- 10 Ni loku yena a hlambanya ndlwini
ya nuna wa yena, kutani a bohile a
muhefemulo wa yena hi xiboho xa
kuhlambanya,
- 11 Ni wanuna wa yena a zwile kona, a
su ku miyela a rutisa ka yena, a nga
beleteli yena; zonake zonkle zifungo
za yena zi ta yima, ni zonklelele zi-
boho lezo a bohileko ha zona a mu-
hefemulo wa yena zi ta yima.
- 12 Kanilezi loku a wanuna wa yena a

nga zi maha zi nyenye hi siku lego
yena a zwileko zona ha gona, zonake
kani hi yini xi humileko milonwini
ya yena kukotisa hi zifungo za yena,
kutani kukotisa xiboho xa muhefe-
mulo wa yena, ku nga ta yima: a
nuna wa yena a zi maha zi nyenye
ha zona; na Jehova i ta mu tsetsele-
la yena.

- 13 Zonklelele zifungo, ni konklelele a
kubohwa ka zifungo a ku bayisisa
muhefemulo, a nuna wa kona a nga
ku tiyisa, kutani a nga ku nyenya.
- 14 Kanilezi loku zonklelele a nuna wa
yena a su ku rutisa a miyela ha ye-
na a siku hi siku, zonake yena wa
tiyisa konkle kufunga ka yena, ni zo-
nkle ziboho za yena, lezi zi nga hehla
ka yena: yena i zi tiyisile, hakuba i
miyele a rutisa ka lego siku lego ye-
na a nga wa zwile ha zona.
- 15 Kanilezi loku yena a nga zi nyenya
anzako kakuba na zi zwile, zonake
yena i ta rwala kugoha ka yena.
- 16 Lezi hi zilayelo, lezi Jehova a lelete-
leko Mosi, xikari ka wanuna ni sati
wa yena, xikari ka raru ni nhanya-
na wa yena, xikari ka wuswa ga ye-
na, lomo ndlwini ya raru wa yena.

XIPIMO 31.

- 1 Na Jehova i lo wulawula ka Mosi,
aku,
- 2 Potela a banana ba ka Israeli ka ma
Midiani: a nzako ka lezo wena u ta
petselwa ka banhu ba ka nwina.
- 3 Na Mosi i lo wulawula ka banhu,
aku, Hlomani nwina a babanuna xi-
kari ka nwina a yimpi, lezo kasi ba
fela ku ya vukela a ma Midiani, ka-
si kutsanza a kupota ka Jehova ka
ma Midiani.
- 4 Ka tixaka tonklelele, kume ga ma-
zana, ka tonkle tixaka ta ba ka
Israeli, nwina mu ta ba rumela yi-
mpini.
- 5 Zingaho laho ku lo hlomiswa hi ka
makume mazana ya ka Israeli, a ku-
me ga mazana ya tonklelele tixaka,
kume ni mambiri ga kumi ga maza-
na ba hlomileko a yimpi.
- 6 Na Mosi i lo rumela ka bona, a ku-
me ga mazana ka lolu ni lolu lixaka,
le yimpini, bona na Fincasi a nwa-
na wa Eleazare a mupristi, yimpini,
zinwe ni zibya za yindlu ya kubasa
ni mipunzu ya xitsuketi lomu ca-
njeni ga yena.
- 7 Na bona ba lolwa ni ma Midiani, ku

- kwatsi hi Jehova a leleteleko Mosi ;
bona ba lo daya a ba banuna bonkle-
lele.
- 8 Bona ba lo daya a tihosi ta le Midi-
ani zizwe ni bonkle ba delweko :
Evi, na Rekemu, na Zura, na Hura,
na Reba, a nklanu wa tihosi ta le
Midiani : na Balaami kambe a nwa-
na wa Beora ba lo daya hi supado.
- 9 Ni banana ba ka Israeli ba lo koma
tihloko a ba basati ba ma Midiani ni
banana ba bona ; ni tonkle tihomu
tabye, ni yonkle miklambi yabye, ni
yonkle nhunzhu zabye, bona ba lo
teka ba panga.
- 10 Ni yonkle miti yabye wutsanweni
lego ba nga wa akile bona, ni go-
nkle a wugobelo gabye, bona ba lo
hisa hi nzilo.
- 11 Na bona ba lo teka wonkle a mupa-
ngo, tonkle tihloko, tona ta banhu ni
ta zihari.
- 12 Na bona ba lo neha a bakozwi, ni le-
zi ba nga fula, ni mupango, ka Mo-
si, ni ka Eleazare a mupristi, ni ka
nklangano wa banana ba ka Israeli,
le wugobelweni le mikobeni ya le
Moabi leyi yi nga le Jordani hi le
Jeriko.
- 13 Na Mosi, na Eleazare a mupristi,
ni tihosana ta nklangano, ba lo huma
ba ba kinga le hanle ka wugobelo.
- 14 Na Mosi i wa lo zangara hi zigela za
mabandla, ni tinduna ta makume ma-
zana ni tinduna ta mazana, labo ba
nga wata hi le nkozweni ya yimpi.
- 15 Na Mosi i te ngalo ka bona, Nwina
mu ponisile bonkle ba basati ba ha-
nya ke?
- 16 Langutani, laba ba rukatelisile a ba-
nana ba ka Israeli, hi kungo ga Ba-
laami, a ku maha xikubeko ka
Jehova hi mahungu ya Peora, zi-
ngaho ni nzhere wu wa hi kona xi-
kari ka nklangano wa Jehova.
- 17 Hikwalaho dayani a ba banuna bo-
nkle xikari ka banana ba tsongwani,
dayani ba basati bonkle laba ba tibi-
leko a wanuna hi kuckelela zizwe na
yena.
- 18 Kanileci bonklelele a banana ba ba-
sati, laba ba nga tibiko a wanuna hi
ku eklela zizwe na yena, ba tsikeni
ba hanya a kuba ba wutsumbu ga
nwina.
- 19 Gobani nwina hi le hanle ka wugo-
belo nklanu ni mambiri masiku: kani
ngwakuyini loye a deleko a munhu,
ni kani ngwakuyini a kumbileko
- lexi delweko, basisani wutsumbu
ga nwina hi siku ga manharu, ni si-
ku ga nklanu ni wumbiri, nwina ni
tihloko ta nwina.
- 20 Ni kwatsi hi tinguwo tonklelele, to-
nkle ti mahilweko hi woya, ni wo-
nkle a tiro wa woya ga timbuti, ni
zonkle zilo zi mahilweko hi tisinya,
nwina mu ta basisa a wutsumbu ga
nwina.
- 21 Na Eleazare a mupristi i te ngalo
ka ba banuna ba yimpi labo ba nga
wa yile kulweni, Lexi hi xilayelo
xa nayo lowo Jehova a leleteleko
Mosi :
- 22 Ahemba a nzalama, ni siliva, a su-
ku, a ziketse, a malata, ni zifene-
ngeto,
- 23 Ni zonklelele lezi zi nga kotako ku
tsama nzilweni, nwina mu ta zi ba-
wulela hi nzilo, na kona ku ta ba ku
hlazekile ; hambulezoke kona ku ta
basiswa hi mati ya ncaka: zonkle le-
zo zi nga tsamiko nzilweni nwina
mu ta zi maha zi tsemakanya lomo
matini.
- 24 Na nwina mu ta hlaza tinguwo ta
nwina hi siku ga nklanu ni wumbi-
ri, na nwina mu ta ba mu hlazekile;
ni nzako ka lezo nwina mu tata lomu
wugobelweni.
- 25 Na Jehova i lo wulawula ka Mosi,
aku,
- 26 Teka a tsengo wa bakozwi laba ba
gotsilweko, bonkle banhu ni zihari,
wena, na Eleazare a mupristi, ni ti-
hloko ta tindlu ta bararu ba nkla-
ngano :
- 27 U abanyisa a bakozwi ka zipanze zi-
mbiri : xikari ka banhu laba ba kla-
rihisisilweko yimpini, labo ba nga
wa humile ba ya kulweni, ni wonkle
a nklangano.
- 28 U hlenga nzhubo ka Jehova ka bo-
na a ba banuna ba yimpi labo ba
nga wa yile kulweni : a muhefemu-
lo a muwe wa nklanu wa mazana,
bonkle ba banhu, ni ba tihomu, ni
timbongola ni miklambi :
- 29 Teka kona a kona kihlanya gabye,
u ku nyika ka Eleazare a mupristi,
akuba munyikelo wa Jehova wa ku
nziwitela.
- 30 Ni ka banana ba ka Israeli a kihla-
nya, wena u ta teka kuwe ku susi-
lweko ka lowu ni lowu a nklanu wa
makume, wa banhu, ni wa tihomu,
ni wa timbongola, ni wa miklambi,
wona wa tihomu tonklelele, u ku

- nyika ka ba ka Levi, labo ba hlai-sako a nkozo ya tabernakele ga Jehova.
- 31 Na Mosi na Eleazare a mupristi ba lo maha kwatsi hi kuleletela ka Jehova ka Mosi.
- 32 Makunu a mupango, lowo wu nga wa sela ka lezo zi fulilweko lezi a banuna ba yimpi ba nga wa zi tekile, ku wa hi nklanu ni ginwe ga zana ga kume ga mazana ni nklanu ni mambiri makume ya kume ga mazana ni nklanu wa kume ga mazana a tiyivu.
- 33 Ni nklanu ni ginwe makume ni kume ni mambiri a kume ga mazana a tikabi.
- 34 Ni nklanu ni ginwe makume ni ginwe ga kume ga mazana ga timbongola.
- 35 Makume manharu ni bambiri kume ga mazana ya banhu bonkle, ba basati labo ba nga tibangiko wanuna hi ku eklela zinwe na yena.
- 36 Ni kihlanya, ku wa hi xiabelo xa bona labo ba nga wa yile yimpini, ni tsengo wa kona mazana manharu ya kume ga mazana ni makume manharu ya kume ga mazana, ni nklanu ni mambiri a kume ga mazana, ni nklanu wa mazana a tiyivu:
- 37 Ni nzhubo ya Jehova ya tiyivi ku wa hi nklanu ni ginwe mazana ni nklanu ni mambiri makume ni nklanu.
- 38 Ni tihomu ku wa hi makume manharu ni nklanu ni ginwe kume ga mazana; ka tona a nzhubo ya Jehova ku wa hi nklanu ni mambiri makume ni mbiri.
- 39 Ni timbongola ku wa hi makume manharu ya kume ga mazana ni nklanu wa mazana; ka tona a nzhubo ya Jehova ku wa hi nklanu ni ginwe makume ni yinwe.
- 40 Ni banhu ba wa hi kume ni nklanu ni munwe a kume ga mazana; ka bona a nzhubo ya Jehova ku wa hi makume manharu ni bambiri banhu.
- 41 Na Mosi i lo nyika a nzhubo, leyo yinnga wa hi munyikelo wa ku nziwitela ya Jehova, ka Eleazare a mupristi, kwatsi hi kuleletela ka Jehova ka Mosi.
- 42 Ni ka kihlanya ga banana ba ka Israeli, lego Mosi a nga a banyisa ka ba banuna ba nga lwile
- 43 (Makunu a kihlanya ga nklangano ku wa hi mazana manharu ya kume ga mazana, ni makume manharu ya kume ga mazana, ni nklanu ni mambiri a kume ga mazana ni nklanu wa mazana a tiyivi,
- 44 Ni makume manharu ni nklanu ni ginwe kume ga mazana a tihomu,
- 45 Ni makume manharu a kume ga mazana ni nklanu wa mazana a timbongola,
- 46 Ni kume ni nklanu ni munwe a kume ga mazana ya banhu),
- 47 Kona ka kihlanya ga banana ba ka Israeli, i lo teka a susa kunwe ka lowu ni lowu a minkalanu ya makume, bonkle ba banhu ni konkle ka zihari, i lo nyika kona ka ba ka Levi, labo ba hlai-sako a nkozo ya tabernakele ga Jehova; kwatsi hi kuleletela ka Jehova ka Mosi.
- 48 Ni zigela lezi zi nga wa hi helha ka mukume mazana mabandla, ni tinduna ta makume mazana, ni tinduna ta mazana, ba tsinela ku suhi ka Mosi;
- 49 Na bona ba te ngalo ka Mosi, A malanza ya wena ma tekile a tsengo wa ba banuna ba yimpi labo ba nga lahasi ka hina, laho a ku kona ni munwe wa hina a vumalako.
- 50 Hina hi nehile a xinyikiwo xa Jehova, loko bonklelele banhu ba nga nako, a tinzalama ta nzalama, ni makadiyedo, ni zingwabila, ni tipera ta wukosi, ni pera ta tindlebe, ni mahlokoma, a ku maha kwiha ka mihlefemulo ya hina mahlweni ka Jehova.
- 51 Mosi na Eleazare a mupristi ba lo teka nzalama ya bona, tona tinzalama tonkle ti mahilweko.
- 52 Ni yonkle a nzalama ya munyikelo wa ku nziwitela leyo bona ba nga wa nyikele ka Jehova, ya tinduna ta makume mazana, ni ya tinduna ta mazana, ku wa hi kume ni nklanu ni ginwe makume mazana ni nklanu ni mambiri mazana ni nklanu wa makume maxekeli.
- 53 (Ka ba banuna ba yimpi loku ba fulile, loyi ni loyi a za wutsumbu wa yena.)
- 54 Na Mosi na Eleazare a mupristi ba lo teka a nzalama ka tinduna ta makume mazana ni ta mazana, ba lo neha kona lomo tenteni ga munklangano, a kuba xialakanyelo xa banana ba ka Israeli mahlweni ka Jehova.

XIPIMO 32.

- 1 Makunu a banana ba ka Rubeni ni banana ba ka Gadi ba wa hi ni xindlemo xa hombe xa tihomu : ni laha na ba wonile a tiko ga Jazera, ni tiko ga Gileade, lezaku, langutani, a wutsamo gi wa hi wutsamo ga tihomu :
- 2 A banana ba ka Gadi ni banana ba ka Rubeni ba lota wulawula ka Mosi, ni ka Eleazare a mupristi, hi ka tihosa ta nklangano, baku,
- 3 Atarote, a Diboni, ni Jazera, na Nimra, ni Hexboni, ni Eleale, ni Seba-ma, na Nebo, ni Beona,
- 4 A tiko legi Jehova a hlulileko hehla ka nklangano wa ba ka Israeli, i tiko ga tihomu ; ni malanza ya wena ma na ni tihomu.
- 5 Na bona ba te ngalo, Loku hina hi kumile a tomo mahlweni ka wena, nga legi tiko gi nyikwa ka malanza ya wena akuba a tsomba ; u nga nehi hina klatuko wa Jordani.
- 6 Na Mosi i te ngalo ka banana ba ka Gadi ni ka banana ba ka Rubeni, Ni bamakabye ba zwina ba taya ku yimpini, zwina mu ta tsama leno ke?
- 7 Na ngahilezo zwina mu mbeta ntamo a timbilu ta banana ba ka Israeli a ku klatuka baya tikweni lego Jehova a nyikeleko bona ke?
- 8 A zakungahi ba lo maha a bararu ba zwina, laho na nzi rumile bona hi le Kadexa-Barnea a ku wona a tiko.
- 9 Hakuba laho na bona na ba yile le mikobeni ya le Exkole ni ku ya wona a tiko, ba lo mbeta ntamo a timbilu ta banana ba ka Israeli, lezaku bona ba wa ta nga ba nga ta kuya lomo tikweni lego Jehova a nyikileko ka bona.
- 10 Ni zanga ya Jehova yi wa vindlukisilwe ka lego siku, na yena i lo hlambanya, aku,
- 11 Ha kunene a nga kona ni munwe wa banhu labo ba nga wa humele hi le Gipite ku sukela ka makume mambiri a wukale ku komama le hehla ba nga ta wona a tiko lezo nzi nga hlambanya ka Abrahamama, ni ka Isaka, ni Jakobe ; hakuba bona a ba lanzelangi mina hi ku mbelelisisilweko :
- 12 Saseka Kalebi a zwana wa Jefuna a mu Kenazi, na Joxua a zwana wa Nuni, hakuba bona ba lanzele Jehova hi ku mbelelisisilweko.
- 13 A zanga ya Jehova yi lo vindlukela Israeli, i lo ba maha ba nzula ba nje-njereka lomo xiwuleni a mune wa makume malembe, kala xonkle xizukulwana, lexo xi mahileko kubiha kuwoneni ka Jehova, xi wa lo lobyiswa.
- 14 Ni, langutani, zwina mu vuxile a xikundla ya bararu ba zwina, a ku enzelekiswa ka banhu ba onhakalisilweko, a ku anzisisisa a zanga ya Jehova hi klelo ga ba ka Israeli.
- 15 Hakuba loku zwina mu hambuka kule ka yena, yena kambewo i ta tsika bona lomo xiwuleni, zwina mu ta lobisa bonkle laba banhu.
- 16 Na bona ba lo tsinela ku suhi ka yena, na ba te ngalo, Hina hi aka a maranga ya tiyivu, ni ya tihomu ta hina ni miti ka banana ba hina :
- 17 Kanilezi hina a wutsumbu hi ta longela ku hloma hi famba mahlweni ku bamakabye ba ka Israeli, hi kala hi ba neha lomo wutsanweni gabye : Ni banana ba hina ba ta aka lomu mitini ya tigingisi, hakuba hi bakileko ba tiko.
- 18 Hina hi nga ta wuyela tindlwini ta hina, kala banana ba ka Israeli ba akakisilwe bonklelele banhu ka tsomba yabyewo.
- 19 Hakuba hina hi nga ta abelana na bona le klatuko wa Jordani, ni kuya mahlweni ; hakuba a tsomba ya hina yi nyikilwe ka leno klatuko wa Jordani ngomameni ni le mutsuwukagambo.
- 20 Na Mosi i te ngalo ka bona, Loku zwina mu ta maha lexi xilo, loku zwina mu ta hloma a wutsumbu a zwina mahlweni ka Jehova kuya le yimpini,
- 21 Ni bonklelele banhu ba hlomileko ba zwina ba ta hunza ba klatuka legi Jordani mahlweni ka Jehova, a kala yena a hlongola balala ba yena mahlweni ka yena,
- 22 Ni tiko gi hlulilwe mahlweni ka Jehova ; zonake anzako ka lezo zwina mu ta klela, mu nga hi na nanzu mahlweni ka Jehova, ni ka ba ka Israeli ; ni legi tiko gi ta ba ka zwina a tsomba mahlweni ka Jehova.
- 23 Kanilezi loku zwina mu nga mahi zakungahi, languta, zwina mu onhile mu vukela Jehova ; klarihani a kuonha ka zwina ku ta mu kuma zwina.
- 24 Akani a miti ya zwina ku beka banana ba zwina, ni maranga ya tiyivu

- ta *nwina*; ni ku maha lezo zi humeleko hi lomu milonwini ya *nwina*.
- 25 Ni banana ba ka Gadi ni banana ba ka Rubeni ba lo wulawula ka Mosi, baku, A malanza ya wena ma ta maha ku kotisa lezi a hosi ya mina yi leletelako.
- 26 A banana ba hina, ni basati ba hina, ni miklambi a hina ni tihomu ta hina, ti ta ku ba kona leyo mitini wa le Gilcade.
- 27 Kanilezi a malanza ya wena ma ta hunza ma klatuka, bonklelele banuna laba ba hlomileko a yimpi, mahlweni ka Jehova ku yalwa, kwatsi hi hosi yanga yi wulileko.
- 28 Zingaho Mosi i lo leletela Elcazare a mupristi, na Joxua a *nwana* wa Nuni, ni ka tihloko ta tindlu ta bararu ba tixaka ta banana ba ka Israeli.
- 29 Na Mosi i te ngalo ka bona, Loku a banana ba ka Gadi ni banana ba ka Rubeni ba ta hunza zinwe na *nwina* klatukweni wa Jordani, bonklelele ba banuna labo ba hlomileko a kulwa, mahlweni ka Jehova, ni tiko gi ta hlulwa mahlweni ka *nwina*; zonake *nwina* mu ta ba nyika a tiko ga Gilcade akuba a tsomba:
- 30 Kanilezi loku bona ba nga hunzi ba klatuka zinwe na *nwina* na ba hlomile, bona ba ta kuma tsomba xikari ka *nwina* tikweni ga le Kenani.
- 31 Ni banana ba ka Gadi ni banana ba ka Rubeni ba lo hlamlula, baku, Kwatsi hi Jehova a wulileko ka malanza ya wena, zingaho hina hi ta maha.
- 32 Hina hi ta hunza hi klatuka na hi hlomile mahlweni ka Jehova le tikweni ga le Kenani, ni tsomba ya xiabelo xa hina yi ta sala leno klatukweni wa Jordani ka hina.
- 33 Na Mosi i lo nyika bona, bona a banana ba ka Gadi, ni banana ba ka ka Rubeni, ni ka kihlanya ga lixaka la Manasa a *nwana* wa Josefa, a mufumo wa Sihoni a hosi ya ma Amori, ni mufumo wa Ogi a hosi ya le Baxani, a tiko, kukotisa hi miti ya kona ni mbingano ya kona, yona miti ya tiko gi ranzeleko.
- 34 Ni banana ba ka Gadi ba lo aka Diboni, ni Atarote, na Aroera,
- 35 Ni Atroxofane, ni Jazera, ni Joghbeha,
- 36 Ni Betnimra, ni Betharani, a miti

yi gingisisilweko, ni maranga ya tiyivu.

- 37 Ni banana ba ka Rubeni ba lo aka Hexboni, Elcale, ni Kiriataime,
- 38 Ni Nebo, ni Balameoni, (ni mabito ya yona na ma hunzulwe,) ni Sibma: na bona ba lo nyika a mabito yabye ka miti leyo ba akileko.
- 39 Ni banana ba ka Macira a *nwana* wa ka Manasa i loya le Gilcade, i loya teka gona, i lo hlongola a ma Amori laya ma nga wa hi kona leyo.
- 40 Na Mosi i lo nyika Gilcade ka Macira a *nwana* wa Manasa; na yena i lo aka kona leyo.
- 41 Na Jeara a *nwana* wa Manasa i loya teka a mitana ya kona leyo, i lo yi cula lezaku Havotejaira.
- 42 Na Noba i loya aya teka Kenate, ni mitana ya kona, i lo cula lezaku Noba, a cula bito ga yena uwinyo.

XIPIMO 33.

- 1 Leti hi tilwenzo ta banana ba ka Israeli, laho na ba humele hi leyo tikweni ga le Gipite hi mabandla yabye lahasi ka canja ga Mosi na Aroni.
- 2 Na Mosi i lo tsala a kufamba kabye kukotisa hi tilwenzo tabye hi kulelelele ka Jehova: leti hi tilwenzo tabye kukotisa hi kuhuma kabye ba famba.
- 3 Na bona ba lo famba hi le Ramesesi hi hweti yo ranga, hi kume ni nkalanu masiku hi hweti yo ranga, hi manziko anzako ka pasika a banana ba ka Israeli ba huma ba famba hi canja gi klatukileko kuwoneni ka ba Gipiti.
- 4 Zalezo na ba Gipiti na ba kelela wonkle a matewula yabye, lawo Jehova a ma deleko xikari kabye: ni hehla ka banungungulu babye Jehova i lo tsanza a kulamulisisilweko.
- 5 Ni banana ba ka Israeli ba lo andlamuka hi le Ramesesi, ba lota goba leyo Sukote.
- 6 Na bona ba lo andlamuka hi leyo Sukote, ba lo ta goba le Etama, legi gi nga leyo wukleni ga xiwula.
- 7 Na bona ba lo andlamuka hi le Etama, ba lo kelela baya le Pihahirote, legi gi kona mahlweni ka Baalzifana, bona ba lo goba mahlweni ka Migdola.
- 8 Na bona ba lo andlamuka hi le mahlweni ka Hahirote, ba lo hunza ba tsemakanya xikari ka bimbi ba enge-

- na xiwuleni: na bona ba lo famba a lwenzo la masiku manharu le xiwuleni xa le Etama, ba loya goba le Mara.
- 9 Na bona ba lo andlamuka le Mara, ba lota le Elima, ni le Elima ku wa hi ni kume ni timbiri tihlowo ta mati, ni nlanu ni mambiri makume ya tisinya ta micinzu; na bona ba lo goba leyo.
- 10 Na bona ba lo andlamuka hi le Elima, ba lo ta goba hi le Bimbini go Truka.
- 11 Na bona ba lo andlamuka le Bimbini go Truka, ba lota goba le xiwuleni xa le Sina.
- 12 Na bona ba lo andlamuka hi le xiwuleni xa le Sina, ba lota goba le Dofka.
- 13 Na bona ba lo andlamuka hi le Dofka, ba lota goba le Aluxa.
- 14 Na bona ba lo andlamuka hi le Aluxa, ni kuta goba le Refidima, leyo ku nga wa kala ku nga hi na mati ya banhu a kunwa.
- 15 Na bona ba lo andlamuka hi le Refidima, ba lota goba le xiwuleni xa le Sinai.
- 16 Na bona ba lo andlamuka ni le xiwuleni xa le Sinai, ba lota goba le Kibrotehatava.
- 17 Na bona ba lo andlamuka hi le Kibrotehatava, ba lota goba Hazerote.
- 18 Na bona ba lo andlamuka hi le Hazerote, ba lota goba le Ritma.
- 19 Na bona ba lo andlamuka hi le Ritma, ni kuta goba le Rimonpereza.
- 20 Na bona ba lo andlamuka hi le Rimonpereza, ba lo ta goba le Libna.
- 21 Na bona ba lo andlamuka hi le Libna, ba lo ta goba le Risa.
- 22 Na bona ba lo andlamuka hi le Risa, ba lo ta goba le Kehelalate.
- 23 Na bona ba lo andlamuka hi le Kehelalate, ni kuta goba le xitsungeni xa le Xefera.
- 24 Na bona ba lo andlamuka hile xitsungeni xa le Xefera, ba lo ta goba le Harada.
- 25 Na bona ba lo andlamuka hi le Harada, ba lo goba le Makhelote.
- 26 Na bona ba lo andlamuka hi le Makhelote, ba lo goba le Tahate.
- 27 Na bona ba lo andlamuka hi le Tahate, ni ku ta goba le Tera.
- 28 Na bona ba lo andlamuka le Tera, ba lo goba le Mitka.
- 29 Na bona ba lo andlamuka hi le Mitka, ba lo goba le Haxmona.
- 30 Na bona ba lo andlamuka hi le Haxmona, ba lo goba le Moserote.
- 31 Na bona ba lo andlamuka hi le Moserote, ba lo goba le Benejakani.
- 32 Na bona ba lo andlamuka hi le Benejakani, ba lo goba le Horhagidgade.
- 33 Na bona ba lo andlamuka hi le Horhagidgade, ba lo goba le Jotbatha.
- 34 Na bona ba lo andlamuka hi le Jotbatha, ba lo goba le Abrona.
- 35 Na bona ba lo andlamuka hi le Abrona, ba lo goba le Eziongebera.
- 36 Na bona ba lo andlamuka hi le Eziongebera, ba lo ta goba le xiwuleni xa le Zini (kwaleyo Kadexe).
- 37 Na bona ba lo andlamuka hi le Kadexe, ba lo ta goba le xitsungeni xa Hora, le wukleni ga tiko ga Edomi.
- 38 Na Aroni a mupristi i lo kanziya le lehla ka xitsunga Hora hi kuleletela ka Jehova, i lo yafa leyo, hi ka kume ni wumune a lembe a nzako ka kuba a banana ba ka Israeli ba humele hi le tikweni ga le Gipite, hi hweti ya wunlanu, hi sikwini go ranga ga liweti.
- 39 Na Aroni i wa hi ni zana ni makume mambiri ni manharu malembe a wukale laho yena a ngaya le xitsungeni xa Hora.
- 40 Ni ba ka Kenani, a hosi ya le Arade, loye a akileko le Dzonga le tikweni ga Kenani, i lozwa hi kuta ka banana ba ka Israeli.
- 41 Na bona ba lo andlamuka hi le xitsungeni xa Hora, ba lo goba le Zalmona.
- 42 Na bona ba lo andlamuka hi le Zalmona, ba lo goba le Punona.
- 43 Na bona ba lo andlamuka hi le Punona, ba lo goba le Obate.
- 44 Na bona ba lo andlamuka hi le Obate, ba lo goba le Iycabarima, le mbinganweni wa le Moabi.
- 45 Na bona ba lo andlamuka hi le Iyima, ba lo goba le Dibonigada.
- 46 Na bona ba lo andlamuka hi le Dibonigada, ni ku ta goba hi le Almondiblathaim.
- 47 Na bona ba lo andlamuka hi le Almondiblathaim, ba lo goba le xitsungeni xa le Abarima, mahlweni ka Nebo.
- 48 Na bona ba lo andlamuka le xitsungeni xa le Abarima, ba lo ta goba le mikoben i ya le Moabi, le Jordani hi le Jeriko.
- 49 Na bona ba lo goba hi le Jordani,

- ku sukela le Betjeximote kala le Abelxitimu, le mikobeni ya le Moabi.
- 50 Na Jehova i lo wulawula ka Mosi le mikobeni ya Moabi le Jordani hi le Jeriko, aku,
- 51 Wulawula ka banana ba ka Israeli, ni ku wula ka bona, Laha na mu hunza mu klatuka Jordani le tikweni ga le Kenani,
- 52 Zonake mu ta hlongola bonkle a bakileko ba tiko le mahlweni ka nwina, ni ku mbetisisa wonkle maribye yabye ma marikilweko, mu mbetisisa zonke zifananiso zabye za marole ma nyekisilweko, ni ku kungumulela gonkle a wutsamo gi klakukileko:
- 53 Nwina mu ta fumela a tiko, ni ku aka ka gona; hakuba ka nwina mina nzi nyikile a tiko a kuba ga nwina.
- 54 Na nwina mu ta akela a tiko hi tihlolo kukotisa hi mingango ya nwina; ka ba ku tala nwina mu ta nyika a tsomba ya ku tala, ka tsongwanyani nwina mu ta nyika a tsomba yi tsongwanyani: ni kwihlaho a tihlolo ti ta nga wela hehla ku munhu, laho ku ta ba ka yena; kukotisa hi tixaka ta mingango ya nwina nwina mu ta akela gona.
- 55 Kanilezi loku nwina mu nga hlongoli a ba akileko ba tiko le mahlweni ka nwina, zonake ku ta ku labo ba ta nga sala ba bona ba to kwatsi i ziporoketo mahlweni ya nwina, kukotisa mizwa marebeni ya nwina, ba karata nwina tikweni legi nwina mu akileko.
- 56 Ku ta ku na ku mahisile lezo, lezaku, kukotisa lezi mina nzi alakanyako ku maha ka bona, nzi ta maha ka wena.

XIPIMO 34.

- 1 Na Jehova i lo wulawula ka Mosi, aku,
- 2 Leletela a banana ba ka Israeli, ni ku wula ka bona Laha na nwina na mu tile le tikweni ga le Kenani (legi hi tiko legi gi ta nga wela ka nwina a kuba atsomba, gona a tiko ga le Kenani hi mibingano ya gona),
- 3 Zonake a hlohlolo ya nwina ya le dzonga ku ta sukela hi le xiwuleni xa le Zini, ku su kutsonono hi le ku senzileko ha kona Edome, na hi mibingano wa le dzongeni ku ta ba hi le

[Sheetswa.] 14

- kugumelweni ka Bimbi ga Munyu ngomameni ni le mutsuwukagambo;
- 4 Ni mbingano wa nwina mu ta renzeleka hi le ngomameni ni le mutsuwukagambo ku kanziya le Akra-bima, kuhunza ku xungeta leyo Zini; ni mafambela ya kona ku huma ku ta ba ngomameni ni mutsuwukagambo ka Kadexa-Barnea; kona ku ta komama le Hazaradara, ku hunza ku komama le Azmoni;
- 5 Ni mbingano wu ta tsetsereka hi le Azmoni hi le xicongwaneni xa le Gipite, ni mafambela yo humelela ka kona ku ta ba le bimbini.
- 6 Hi mbingano wa le muhlwagambo, nwina mu ta ba ni bimbi ga hombe ni mbingano wa gona: lowu ku ta ba a mbingano wa nwina muhlwagambo.
- 7 Ni lowu hi mbingano wa nwina wa le nwalungu: ku sukela hi le bimbini ga hombe nwina mu ta panza mu huma le handle ka xitsunga xa nwina Hora;
- 8 Ku sukela hi xitsungeni xa Hora nwina mu ta panza mu huma muya kuengeneni ka le Hamate; ni ku huma kuya le handle ka mbingano ku ta ba le Zedade;
- 9 Ni mbingano wu ta ba wu komama le Zifroni, ni ku huma ka wona lahandle ku ta ba le Hazarenane: lowu hi mbingano wa nwina wa le nwalungu.
- 10 Na nwina mu ta panza a mbingano wa nwina wa le mutsuwukagambo ku sukela Hazarenane kala Xefame;
- 11 Ni mbingano wu ta relela hi le Xefame wuya le Ribla, hi kilelo ga mutsuwukagambo ga le Aina; ni mbingano wu ta relela, wu ta cikela kilelweni ga bimbi ga Cinereta ngomameni ya le mutsuwukagambo;
- 12 Ni mbingano wu ta relela wuya le Jordani, ni ku huma wuya le handle ku ta ba le Bimbini go Munyu. Legi gi ta ba a tiko ga nwina kukotisa hi mibingano ya kona yi renzelekelako.
- 13 Na Mosi i lo leletela a banana ba ka Israeli, aku, Legi hi tiko lego nwina mu ta nga abelana hi tihlolo legi Jehova a leleteleko a ku nyika a nkhanu ni mune tixaka, ni ka kihlanya ga lixaka:
- 14 Hakuba a lixaka la banana ba ka Rubeni hi tindlu ta bararu, ni lixaka

la banana ba Gadi hi tindlu ta bararu, ti amukele, ni kihlanya ga lixaka la banana ba ka Manasa ba amukele a tsomba yabye:

- 15 Leti tixaka timbiri ni kihlanya ga lixaka ba amukele a tsomba yabye le klatukweni wa Jordani hi le Jeriko ngomameni ya le mutsuwukagambo, tsonameto ni musukagambo.
- 16 Na Jehova i lo wulawula ka Mosi, aku,
- 17 Laya hi mabito ya madota labo ba ta nga abanyisa a tiko ka nwina akuba a tsomba: Eleazare a mupristi, na Joxua a nwana wa Nuni.
- 18 Nwina mu ta teka a hosana yinwe ya lolu ni lolu lixaka, a ku abanyisa a tiko a kuba gi akiwa.
- 19 Ni laya hi mabito ya banhu: ka lixaka laka Juda, Kalebi a nwana wa Jefuna.
- 20 A wa lixaka la banana ba ka Simconi, Xemueli a nwana wa Amihudi.
- 21 A wa lixaka la ka Benjamini, Elidade a nwana wa Cisloni.
- 22 Ni wa lixaka la banana ba ka Dani a hosana, Buki a nwana wa Jogli.
- 23 A wa lixaka la ka Josefa: a ka lixaka la banana ba ka Manasa a hosana, Hanieli a nwana wa Efode.
- 24 Ni ka lixaka la banana ba ka Efraime a hosana, Kemueli a nwana wa Xiftani.
- 25 Ni ka lixaka la banana ba ka Zebuluni a hosana, Elizafane a nwana wa Parnake.
- 26 Ni ka lixaka la banana ba ka Isakare a hosana, Paltieli a nwana wa Azana.
- 27 Ni ka lixaka la banana ba ka Axera a hosana, Ahihudi a nwana wa Xelomi.
- 28 Ni ka lixaka la banana ba ka Naftali a hosana, Pedahela a nwana wa Amihudi.
- 29 Laba hi bona Jehova a nga wa leletele a kuabela a misaba ka banana ba ka Israeli leyo tikweni ga leyo Kenani.

XIPIMO 35.

- 1 Na Jehova i lo wulawula ka Mosi le mikobeni ya le Moabi le Jordani hi le Jeriko, aku,
- 2 Leletela a banana ba ka Israeli, lezaku ba fela ku nyika a banana ba ka Levi a tsomba ya kuaka ka bona a miti ya kuaka kona; ni mazunze

marenzelekeleko a miti yona nwina mu ta nyika ka ba Levi.

- 3 Ni miti ba ta ba nayo a kuaka ka yona; ni mazunze yabye ma ta ba ya ku gela a tihomu tabye, ni ya nhunzhu yabye, ni ya zonke a zihari zabye.
- 4 Ni mazunze ya miti, laya nwina mu ta nga nyika ka ba ka Levi, ku ta ba sukela hi le ligingisini la muti kuya handle kume ga mazana mikono ku renzelekela.
- 5 Na nwina mu pimela lahandle ka muti hi kelelo ga le mutsuwukagambo a mambiri a kume ga mazana, mikono ni le dzongeni mambiri a kume ga mazana mikono, ni muhlwagambo mambiri a kume gamaza a mikono, ni le nwalungu mambiri kume ga mazana mikono, ni muti na wu nga wu hi laha xikari. Legi ku ta maha a mazunze ya miti.
- 6 Ni miti leyi nwina mu ta nga nyika a ba ka Levi, a miti ya nklanu ni munwe ya wuponelo, leyi mu ta nga nyika a mu dayi wa banhu a kutsutsumela kona: hi lahandle ka yona nwina mu ta nyika a mune wa makume ni mimbiri a miti.
- 7 Yonke a miti leyi nwina mu ta nga nyika ka ba ka Levi ku ta ba a mune wa makume ni nklanu ni minbaru: yona nwina mu ta ba nyika ni mazunze ya yona.
- 8 Kukotisa a miti legi mu ta nga nyika a kuba a tsomba ka banana ba ka Israeli, ka ba kutala nwina mu ta teka ya kutala; ka batsongwanyani nwina mu ta teka a yitso-ngwanyani: ka loyi ni loyi kukotisa hi kuabelwa ka yena loko a abelweko i ta nyika miti ya yena ka ba ka Levi.
- 9 Na Jehova i lo wulawula ka Mosi, aku,
- 10 Wulawula ka banana ba ka Israeli, uku ka bona, Laha na mu klatukile Jordani muya le tikweni ga le Kenani,
- 11 Zonake nwina mu ta hlawula a miti a kuba a miti ya wuponelo ga nwina, lezaku a mudayi wa banhu loye a dayako munhu hi mliango ba fela ku tsutsumela layo.
- 12 Ni miti yi ta ba ka nwina a wuponelo ka mupoti, kasi a mudayi wa banhu a ngafi, a kala yena a yima mahlweni ka nklangano a lamulwa.
- 13 Ni miti laya mu ta nyika yona yi

- ta ba ka nwina nkalanu ni munwe a miti ya wuponelo.
- 14 Nwina mu ta nyika a miti minharu klatukweni wa Jordani, ni miti minharu nwina mu ta nyika lomu tikweni ga le Kenani; yona yi ta ba miti ya wuponelo.
- 15 Ya banana ba ka Israeli, ni ya bapfumba ni balubeli xikari ka bona, leyi miti ya nkalanu ni mimbiri yi ta ba ya wuponelo; lezaku bonkielele laba ba dayako a munhu hi mhango ba fela kutsutsumela leyo.
- 16 Kanilezi loku a lamata yena hi linhi la xiketse, lezoke afa, yena mudayi: a mudayi ha kunene a ta dawe.
- 17 Ni loku yena a lamata yena hi ribye lomu canjeni, ha gonake amunhu a nga ta ku afa, na yena afa, yena mudayi: a mudayi ha kunene a ta dawe.
- 18 Ni mupoteli wa nkata a wutsumbu ga yena i ta daya a mudayi: laha yena a klanganako zinwe na yena, yena i ta daya yena.
- 19 Kutani yena a mu daya hi mhonga ya sinya canjeni ga yena, leyo ha yona a munhu a nga fako, yena afa, yena mudayi: ni mudayi ha kunene a ta dawe.
- 20 Ni loku yena a nikinya yena hi libengo, kutani a susumeta yena, ni ku mu dembela, kasi lezo yena afa,
- 21 Kutani a nga hi na zanga a muba yena hiphama, lezo kasi afa; ni loye a mu bileko ha kunene i ta dawa; yena mudayi; ni mupoteli wa nkata i ta daya a mudayi, laha na a klangana zinwe naye.
- 22 Kanilezi loku a mu nikinya hi xitsuketi na ku nga hi libengo, kutani a susumetiwa na ku nga hi kudembelwa,
- 23 Kutani na ni gihi a ribye, lego a munhu a nga fako ha gona, na a nga na a nga mu wonangi, a hoxa gona hehla ka yena, lezo kasi afa, na yena i wa nga hi nala wa yena, cima na a nga xubangi a mhango ya yena;
- 24 Zonake a nklangano wu ta lamula xikari ka mudayi ni mupoteli wa nkata kukotisa hi ziyimiso;
- 25 Ni nklangano wu ta klaklisa a mudayi wa munhu hi le canjeni ga mupoteli wa nkata, ni nklangano wu ta mu klelisela ka muti wa yena wa wuponelo, lowo a tsutsumeleko ka wona; na yena i ta tsama leyo kala kufa ka mupristi wa hombe, loye a totilweko hi mafura ya kubasa.
- 26 Kanilezi loku a mudayi wa munhu a klatuka a mbingano wa muti wa wuponelo ga yena ni ka xihi xikati, leyo a tsutsumeleko kona,
- 27 Ni mupoteli wa nkata a mu kuma hi le handle ka mbingano wa muti wa wuponelo ga yena, ni mupoteli wa nkata a daya a mudayi wa munhu; yena a nga ta kuba na nanzu hi nkata,
- 28 Hakuba yena nga a tsamile lomo mutini wa yena wa wuponelo kala kufa ka mupristi wa hombe: kanilezi a nzako ka kufa ka mupristi wa hombe a mudayi wa munhu i ta klelela le tikweni ga tsomba ya yena.
- 29 Lezi zilo zi ta ba zilayelo ni ziyimiso ka zizukulwana za nwina zonkile kuakiweni ka nwina konkile.
- 30 Kawihi loye a dayako a munhu, a mudayi i ta dawa hi le nonwini wa ba kustumunyu: kanilezi a mboni yinwe a yi na kukustumunya hi munhu a kala a dayiwa.
- 31 Klatakumbiri nwina mu nga ta teka a nzhiho wa wutomi ga mudayi loye a na nga ni nanzu wa kufa; yena ha kunene i ta dawa.
- 32 Na nwina mu nga teka a nzhiho wa yena loye a cabeleko mutini wa yena wa xiponelo, lezaku a wuya kambe ku ta aka lomu tikweni, kala a kufa ka mupristi wa hombe.
- 33 Zingaho mu nga onhakalisi a tiko legi nwina mu nga ka gona: haku ba a nkata, wa onhakalisa a tiko; a kona na kurihwa ku ta nga mahelelwa a tiko ka nkata lowo wu halateleweko ka gona, kanilezi hi nkata wa yena loye a wu halatileko.
- 34 Wena u nga nyenyczisi a tiko lego nwina mu akileko, xikari ka gihi mina nzi akileko: hakuba, mina, Jehova, nzi akile xikari ka banana ba ka Israeli.

XIPIMO 36.

- 1 Ni tihloko ta tindlu ta bararu a banana ba ngango wa ka Gileade, a banana ba ka Macira, a banana ba ka Manasa, ba mingango ya banana ba ka Josefa, ba lo tsinela kusuhani, ba lo wulawula ka Mosi, ni ka tihosana ta tihloko ta bararu ba banana ba ka Israeli,
- 2 Na bona ba te ngalo, Jehova i lo letela a hosi ya mina a ku nyika a

DEUTERONOME, 1.

- tiko ga tsomba hi tihlolo ka banana ba ka Israeli: ni hosi ya mina yi wa leletelwe hi Jehova a ku nyika a tsomba ka Zelofehade a makabye wa hina ka banhwana ba yena.
- 3 Ni loku bona ba tekiwa hi bana ba tinwani tixaka ta banana ba ka Israeli, zonake a tsomba yabye yi ta tekiwa le tsombeni ya bararu ba hina, ni ku ba yi ta klanganiswa le tsombeni ya lixaka lolo ba nga ka lona: zingaho yi tekiwa le tihlolweni ta tsomba ya hina.
- 4 Ni laho a hlakano wa banana ba ka Israeli wu ta ngaba kona zonake a tsomba yabye yi ta engetelwa ka tsomba ya lixaka lolo ba nga ka lona: zingaho a tsomba yabye yi ta tekiwa le tsombeni ya lixaka la bararu ba hina.
- 5 Na Mosi i lo leletela a banana ba ka Israeli kukotisa hi mliaka ya ka Jehova, aku, A lixaka la banana ba Josefa ba wulawula kwatsi.
- 6 Lezi hi zilo lezi Jehova a leleteleko hi banhwana ba ka Zelofehade, aku, Nga bona ba tekiwa hi loye ba alakanyako a ku i sasekile: ku mbela le lixakeni la raru wabye bona ba ta tekiwa.
- 7 Zingaho a ku na tsomba ya lixaka la banana ba ka Israeli yi ta nga nzu-lanzula ka lixaka ni lixaka; hakuba a banana ba ka Israeli ba namarela loyi ni loyi ka lixaka la bararu ba yena.
- 8 Ni banhwana bonklelele, ba laba nga ni tsomba ni ka lihi lixaka la banana ba ka Israeli, i ta ba sati wa muzwe wa lixaka la ngango wa raru wakwe, lezaku kasi a banana ba Israeli, ba fela bonklelele banhu a tsomba ba kuma a tsomba ya bararu wabye.
- 9 Zingaho kasi a tsomba ya kala ku suka ka linwani lixaka yiya ka linwani; hakuba a tixaka ta banana ba ka Israeli ti ta namarela tonklelele ka tsomba ya bona benyi.
- 10 Hambu ku kwatsi hi lezo Jehova a leleteleko Mosi, zingaho ba lo maha a banhwana ba Zelofehade:
- 11 Hakuba Mahla, Tirza, na Hogla, na Milka, na Noa, a banhwana ba Zelofehade, ba lo tekiwa hi bana ba bamakabye ba raru wabye.
- 12 Bona ba lo tekiwa mingangweni ya ka Manasa a zwana wa Josefa; ni tsomba yabye yi lo tsama lomo ngangweni wa lixaka la raru wabye.
- 13 Lezi hi zileletelo ni ziyimiso lezi Jehova a nga leletela ha Mosi ka banana ba ka Israeli le mikobeni ya le Moabi le Jordani hi le Jeriko.

A BUKU GA WUNKLANU GA MOSI, GI KU

DEUTERONOME.

XIPIMO 1.

- 1 Leti hi timhaka leti Mosi a nga wa wulawulile ka bonkle a banana ba ka Israeli klatukweni wa Jordani lonu xiwuleni, le Araba klatuko wu xungeteneko ni Sufa, xikari ka Parani, ni Tofela, ni Labani, ni Hazerote, ni Dizababa.
- 2 Kona i lwenzo la kune ga masiku ni mambiri a ku suka hi le Horebe hi ntlela ya xitsunga xa Seira a ku ya Kadexbarna.
- 3 Na ku mahisile lezo hi lembe ga mune wa makume, hi hweti ya kune ni yinwe, hi siku ga kura nga ga hweti, lezaku Mosi i lo wulawula ka banana ba ka Israeli, kukotisa hi ka zonkle lezi Jehova a nyikileko yena hi kuleletela ka bona;
- 4 A nzako ka ku ba yena a dele Sihoni a hosi ya ma Amori, loye a akileko le Hexboni, na Ogi a hosi ya le Baxani, loye a akileko le Axtarote, le Edrei.
- 5 Klatukweni wa Jordani, le tikweni ga le Moabi, i lo sangula Mosi a ku klatkhambutela lowu nayo, aku,
- 6 Jehova Nungungulu wa hina i lo wulawula ka hina leyo Horebe, aku, Nwina mu akile a xikati xo leha hi kueneleko ka lexi xitsunga:

DEUTERONOME, 1.

- 7 *Klelani nwina*, mu teka a lwenzo la *nwina*, muya tikweni ga zitsungana ga ma Amori, ni ka wutsamo legi gi nga kusuhani ni leyo, le Araba, le tikweni ga zitsungana, ni le tikweni, ga mirelelo, le Dzongeni, hi fungu wa bimbi, a tiko ga ma Kenani, ni Lebanoni, kwatsi hi wukule ga le congweni wa hombe, a congo Eufrate.
- 8 Languta, mina nzi longisile a tiko mahlweni ka *nwina*: fambani muya fumela a tiko lego Jehova a longisileko ka bararu ba *nwina*, ka Abrahamama, ni ka Isaka, ni ka Jakobe, a ku nyika ka bona ni ka mbewu yabye a nzako ka bona.
- 9 Na mina nzi lo wulawula ka *nwina* lexo xikati, nziku, Mina a nzi zi koti a kurwala *nwina* nzoce:
- 10 Jehova a Nungungulu wa *nwina* i mu enzelekisile *nwina*, ni, languta, legi siku *nwina* mu kwatsi mu ti nyeleti ta tilo a wunyingi.
- 11 Jehova, Nungungulu wa bararu ba *nwina*, i mu mahile *nwina* a makume mazana kwatsi hi lezi mu nga zona, ni ku katekisa *nwina*, kwatsi hi lezi a tsumbisileko *nwina*!
- 12 Nzi ta rwalisa ku yini na nzi hi wutsumbu ganga nzoce a mikinyabezo ya *nwina*, ni minzwalo ya *nwina*, ni kukanetana ka *nwina* ke?
- 13 Tekani *nwina* a madota ya kutiba, na ma hi ni kupima, ma ti byiwako, kukotisa hi tixaka ta *nwina*, mina nzi ta ba maha a tihloko lehla ka *nwina*.
- 14 Na *nwina* mu lo hlamlula mina, na mu te ngalo, A xilo lexi wena u xi wulawulileko xi sasekile ka hina akuba hi xi maha.
- 15 Zingaho mina nzi lo teka a tihloko ta tixaka ta *nwina*, a banhu ba kutiba ba ti byiwako, ni ku ba maha a tihloko lehla ka *nwina*, a tinduna ta makume mazana, ni tinduna ta mazana, ni tinduna ta minklanu wa makume, ni tinduna ta kume, ni zigela kukotisa, hi tixaka ta *nwina*.
- 16 Na mina nzi lo leletela a balumuli ba *nwina* hi lexo xikati, nziku, Zwanani milanzu xikari ka bamakabye ba *nwina*, mu lamula hi ku lulamisisilweko xikari ka munhu ni makabye wa yena, ni mulubeli loye a nga lomu ka *nwina*.
- 17 *Nwina* mu nga hlawuli a munhu kulamuleni; *nwina* mu ta ingisa a titsongwani ni ta hombe kota yinwe; *nwina* mu nga ta caba a ngohe ya munhu; hakuba a kulamula ka Nungungulu: ni nanzu lowo wu tsanzako ka *nwina* mu ta wu neha ka mina, mina nzi tazwa wona.
- 18 Na mina nzi lo leletela *nwina* ka lexo xikati zonkile zilo lezo mu nga ta nga mu zi maha.
- 19 Na hina hi lo anllamuka hi leyo Horebe, hi lo famba hi tsemakanya xonkile lexo xiwula xa hombe ni xi cabisekako lexi *nwina* mu nga xi wona, hi ndlela ya zitsungana za ma Amori, kwatsi hi lezi Jehova Nungungulu wa hina a leleteleko hina; hina hi lota le Kadexbarnea.
- 20 Na mina nzi te ngalo ka *nwina*, *Nwina* mu tile tikweni ga zitsungana za ma Amori, legi Jehova a Nungungulu wa hina a nyikileko ka hina.
- 21 Languta, Jehova a Nungungulu wa wena i longisele a tiko mahlweni ka wena: kanziyani mu ya gi fumela, kwatsi hilezi Jehova, wa bararu ba wena, a wulawulileko ka *nwina*; mu nga cabi, mu nga mbeli a ntamo.
- 22 *Nwina* mu lo tsinela ku suhi ka mina loyi ni loyi wa *nwina*, mu te ngalo, Nga hina hi rumela a banhu mahlweni ka hina, kasi ba fela kuya hlolola hina a tiko, ni ku hi nehela a mhaka kambe ya ndlela leyi hina hi ta nga famba, ni miti leyi hina hi ta ngata.
- 23 Lezi zilo zi lo xalalisa mina kwatsi; na mina nzi lo teka a kume na bammbiri ga ba banuna ba *nwina*, a nuna muzwe wa lolu ni lolu lixaka:
- 24 Na bona ba lo renzeleka ba kanziya kuya leyo tikweni ga zitsunga, ba lota le matsobyeni ya le Exkole, ba lo gi hlola kona.
- 25 Na bona ba lo teka a mbanzo wa tiko mandleni yabye, ba lo relela ba neha wona ka hina, ba lo neha a mhaka ka hina kambe, na ba te ngalo, Gona i tiko ginene legi Jehova a Nungungulu wa hina a nyikako ka hina.
- 26 Kasilezoke *nwina* mu nga ta kuya, kanilezi ba hlubuka ba vukela a kuleletela ka Jehova Nungungulu wa *nwina*:
- 27 Na *nwina* mu monya matenteni ya *nwina*, mu te ngalo, Hakuba Jehova hi ku bengala hina, yena i nehile hina a hi humesa leyo tikweni ga le

- Gipite, a ku ta nyikela hina canjeni ga ma Amori, ku ta lobisa hina.
- 28 Hina hi ta kanziya hiya ke? ni bamakabye ba hina ba mahile a timbilu ta hina ti nyeka, baku, A banhu mba hombe ni kuleha ku hunza hina; ni miti ya hombe yi gingisisilwe yi cikele le hehla; klatumbiri hina hi wonile a banana ba ka Anakimu, leyo.
- 29 Zonake mina nzi te ngalo ka nwina, Mu nga tsemeke hlana, ge ni ku caba bona.
- 30 Jehova a Nungungulu wa nwina loye a fambako mahlweni ka nwina, i ta lwela nwina, kukotisa hi ka zonkle lezo a mahileko ka nwina leyo Gipite kuwoneni ka mahilo ya nwina.
- 31 Ni le xiwuleni, leyo wena u nga wa wonile lezaku i ku rwalisile ku yini Jehova a Nungungulu wa wena, kwatsi hi munhu a rwalako a nwanana, ni ka tonkle tindlela leto wena u fambileko, ku kala nwina mu ta ka legi wutsamo.
- 32 Kasi lezoke ka lezi zilo nwina a mu kolwangi ka Jehova Nungungulu wa nwina,
- 33 Loye a fambako mahlweni ka nwina laha ndleleni, a ku mu labela a wutsamo a kugwimba a matenta ya nwina, a nzilo hi wusiku, a ku kangeta nwina a ni yihi a ndlela mu ta nga famba ha yona, na hi refu hi siku.
- 34 Na Jehova i lozwa a magezu ya timbaka ta nwina, i wa lo zangara, i lo hlamlula, aku,
- 35 Ha kunene laho ku nga ta ku ba ni muwe munhu wa lexi xizukulwana a ta nga wona a tiko ga ku saseka, lego mina nzi hlambanyileko a ku nyika a bararu ba nwina,
- 36 Saseka Kalebi a nwana wa Jefuna; yena i ta wona gona; ni ka yena nzi ta nyika a tiko lego yena a nga kanziyela hehla ka gona, ni ka banana ba yena, hakuba yena i lo lanzela Jehova hi ku mbelelisisilweko.
- 37 Ni Jehova i lo zangara na mina hi kota ya nwina, aku, Wenawu kambe u nga taya leyo:
- 38 Joxua a nwana wa Nuni, loye a yimileko mahlweni ka wena, hi yena a ta ngaya leyo: tiyisisa yena wena; hakuba yena i ta maha Israeli a ake-la gona.
- 39 Klatakumbiri a banana ba nwina, labo nwina mu nga ku ba ta mbe-

- mba, ni banana ba nwina, laba legi siku ba nga ku tibiko a kusasa ni kubiba, bona ba taya leyo, ni ka bona mina nzi ta nyika gona, na bona ba ta fumela gona.
- 40 Kanilezi kwatsi ha nwina, klelani nwina, mu teka a lwenzo la nwina lomu xiwuleni hi ndlela ya kuya le Bimbiui go Truka.
- 41 Zonake nwina mu la ku hlamlula mu te ngalo ka mina, Hina hi onhile hi vukela Jehova, hina hi ta kanziya hi yalwa, kukotisa hi ka zonkle lezo Jehova a Nungungulu wa hina a leleteleko hina. Na nwina mu hlo-ma bonklelele ba banuna ba nwina a maklari ya kulwa, mu su kuya mu komama le matikweni ya zitsunga.
- 42 Na Jehova i te ngalo ka mina, Wula ka bona, Mu nga kanziyi muya, ge ni kulwa; hakuba mina a nzi kona xikari ka nwina; mu nga ya hlulwa mahlweni ka balala ba nwina.
- 43 Zingaho mina nzi lo wulawula ka nwina, na nwina a mu ingisangi; kanilezi nwina mu lo hlubuka mu vukela kuleletela ka Jehova, na mu kurumetisisisa, mu lo kanziya tikweni ga zitsungana.
- 44 Ni ma Amori laya ma akileko ka lego tiko ga zitsungana, ba lo huma ku talwa na nwina, ba lo mu hlongolisa, kwatsi hi tinyoxi, ba lo mu hlulela lehasi le Seira, kala le Horma.
- 45 Na nwina mu lo klela mu lota rila mahlweni ka Jehova; kanilezi Jehova a nga zwangi ha magezu ya nwina ge ni ku nyika a ndlebe ka nwina.
- 46 Zingaho nwina mu aka leyo Kadexe a masiku ya kutala, kukotisa hi masiku laya nwina mu nga aka leyo.

XIPIMO 2.

- 1 Zonake hina hi lo klela, hi lo teka a lwenzo la hina leyo xiwuleni hi ndlela ya Bimbi lego go Truka, kwatsi hi lezi Jehova a nga wa wulawulile ka mina; hina hi lo pomela a xitsunga xa le Seira a masiku ya kutala.
- 2 Na Jehova i lo wulawula ka mina, aku,
- 3 Nwina mu pomele lexi xiysunga hi xikati xo leha xi enelegeko: hunzulukelani ngomameni ni le nwalungu.
- 4 Na wena leletela a banhu, uku, Nwina mu ta hunza mu tsemakanya a mbingano wa bamakabye ba nwina

- a banana ba ka Esau, labo ba akileko leyo Seira, na bona ba ta maha a bangana ba nwina. K'larihani ka wutsumbu ga nwina hikwalaho;
- 5 Mu nga holobi zinwe na bona; hakuba mina nzi nga ta nyika nwina a tiko gabye, ge, hambu ku kwatsi xipama xa konzo a ku kanziyela ka gona; hakuba mina nzi nyikile a xitsunga xa le Seira ka Esau a kuba tsomba.
- 6 Nwina mu ta xaba a kuga ka bona hi mali, kasi ma fela kuga; nwina kambe mu ta xaba a mati ka bona hi mali, kasi ma fela kunwa.
- 7 Hakuba Jehova Nungungulu wa wena i katekisile wena ka wona wonkle a tiro wa canja ga wena; yena i tibile a kufamba ka wena u tsemakanya lexi xiwula xa hombe: laya mune wa makume wa malembe Jehova Nungungulu wa wena i wa kari a hi zinwe na wena; wena a ku vumalangi ncumo.
- 8 Zingaho hina hi lo hunza hi le ka bamakabye ba hina a banana ba ka Esau, labo ba akileko leyo Seira, hi le ndleleni ye le Araba hi le Elate ni le Eziongebera.
Hina hi lo klela hi hunza hi ndlela ya xiwula xa le Moabi.
- 9 Na Jehova i te ngalo ka mina, U nga hlaseli a Moabi, ge ni ku holoba na bona hi kulwa; hakuba mina nzi nga ta nyika wena a tiko gabye a kuba a tsomba; hakuba mina nzi nyikile Ara ka banana ba ka Loti a kuba a tsomba.
- 10 (Ba Emima ba lo tsama leyo hi mahlweni ka xikati, a banhu ba hombe, ni bo tala, ni bo leha, kwatsi hi ba ka Anakimu:
- 11 Laba kambe ba hlalwa ka Refaimu, kwatsi hi Anakimu; kanilezi a ba Moabi ba ba bitana aku mba Emima.
- 12 Ni ma Hori kambe ma wa akile le Seira hi mahlweni ka xikati, kanilezi a banana ba ka Esau ba lo hlula bona; bona ba lobisa bona le mahlweni ka bona, ba lo aka xikundleni xabye; kwatsi hi Israeli i lo maha tikweni ga tsomba yabye leyo Jehova a nyikileko ka bona.)
- 13 Makunu suka, u pela wena klatuko wa congwana Zerede, na hina hi lo ya le klatuko wa congwana Zerede.
- 14 Ni masiku laya hina hi ngata hi Kadexbarnea, hi kala hi ta klatuka a

- congwana wa Zerede, ma wa hi makume manharu ni nklanu ni manharu malembe; kala xonkle xizukulwana xa ba banuna ba yimpi xilo mbetisisiswa le xikari ka wugobelo, kwatsi hi kuhlambanya ka Jehova ka bona.
- 15 K'latakumbiri a canja ga Jehova gi wa kukinyelela bona, a kulobyiswa bona xikari ka wugobelo, kala bona ba mbetisisiswa.
- 16 Zingaho na ku mahisile lezo, laha na bonkle ba banuna ba yimpi na ba lobyisilwe ba lofa xikari ka banhu,
- 17 Lezo Jehova i lo wulawula ka mina, aku,
- 18 Wena legi siku u ta tsemakanya Ara, a mbingano wa Moabi:
- 19 Ni laho wena u ta nga tsinela u ta ka banana ba ka Amoni, u nga hlaseli bona, ge ni ku holobisana zinwe na bona; hakuba mina nzi nga ta nyika a tiko ga banana ba ka Amoni a kuba a tsomba; hakuba yena i nyikile ka banana ba Loti akuba a tsomba.
- 20 (Lego kambe gi hlalwa a tiko ga Refaimu: Refaimu i lo aka leyo mahlweni ka xikati; kanilezi a ba Amoni ba ku bitana Zamzumima,
- 21 A banhu ba dzumba, ni bo tala, ni bo leha, kwatsi hi Anakimu; kanilezi i lo lobisa bona mahlweni ka bona; bona ba lo hlula bona, ba lo aka xikundleni xabye;
- 22 Kwatsi hi lezi yena a nga maha ka banana ba ka Esau, labo ba akileko leyo Seira, leyo a nga lobisa a ma Hori le mahlweni ka bona; na bona ba lo hlula bona, ba lo aka xikundleni xabye kala legi siku.
- 23 Ni ma Avima, lawo ma akileko mitaneni kukotisa a kule ga le Gaza, a ma Kaftori, labo ba humako hi le Kaftori, ba lo lobisa bona, ni ba lo aka xikundleni xabye.)
- 24 Sukani nwina, mu teka a lwenzo la nwina, mu hunza mu tsemakanya a mikoba la Arnoni: languta, nzi nyikile le canjeni ga wena, Sihoni a mu Amori, a hosi ya le Hexboni, ni tiko ga yena; sangula a ku gi fumela gona, ni ku hlaselana naye hi kulwa.
- 25 Nyamukla legi mina nzi ta sangula ku beka kutsisa ka wena ni ku cabiseka ka wena lehla ka banhu laba ba nga lahasi ka gonkle a tilo, labo ba ta ngazwa a mubiko wa wena, ba ta rurumela, ba bayiseka ha wena.

DEUTERONOME, 3.

- 26 Na mina nzi lo rumela a mitsumi yi huma hi le xiwuleni xa le Kademote ka Sihoni a hosi ya le Hexboni hi timbaka ta kurula, nziku,
- 27 Nga mina nzi hunza nzi tsemakanya a tiko ga wena : mina nzi ta su tsonono nzi famba hi ndlela ya gonzo, mina nzi nga ta hambuka ge hi ka ga xinene canja, hambu ni ka ga xibaba.
- 28 Wena u ta xabisela mina a kuga hi mali, kasi nza fela kuga ; ni ku nyika mina a mati hi mali, kasi nza fela kunwa : ku mbela vumela mina nzi hunza hi mikonzo ya mina ;
- 29 Kwatsi hi ka banana ba ka Esau labo ba akileko leyo Seira, ni ma Moabi lawo ma akileko leyo Ara, ba lo maha ka mina ; hi kala hi klatuka Jordani le tikweni lego Jehova Nungungulu wa hina a nyikileko hina.
- 30 Kanilezi Sihoni a hosi ya Hexboni i wa nga a nga vumeli hina a ku hunza ha yena ; hakuba Jehova a Nungungulu wa wena i lo nonohisa a moya wa yena, na a mahile a mbilu ya yena yi tsotsomba, kasi wa ku mu nyikela yena canjeni ga wena, kwatsi hi nyamukla.
- 31 Na Jehova i te ngalo ka mina, Languta, mina nzi sangule a ku nyikela Sihoni ni tiko ga yena mahlweni ka wena : sangula a ku fumela, kasi wa fela akubeni u teka a tiko ga yena.
- 32 Zonake Sihoni i lo huma a ku talwa zinwe na hina, ni yena ni bonkle a banhu ba yena, hi sukulwi yimpi leyo Jahaza.
- 33 Na Jehova Nungungulu i lo mu nyikela mahlweni ka hina, hina hi lo lamata yena, ni banana ba ka yena, ni bonkle banhu ba yena,
- 34 Na hina hi lo teka yonkle a miti ya yena ka lexo xikati, ni ku mu lobisa hi kumbelelisisilweko ni yonklelele a miti yi akilweko, ni ba basati ni banana ; hina a hi siyangi neumo xi seleko :
- 35 Ku mbela a tihomu hina hi lo teka a ku maha a mupango wa wutsumbu ga hina, ni mupango wa miti leyi hi yi tekileko.
- 36 Hi le Aroera, legi gi nga wukleni ga mikoba ya le Arnoni, na hi le mitini leyi yi nga le mirelelweni, ku kala Gileade, leyo ku wa nga hi kona a muti wu nga yimela hina ; Jehova Nungungulu wa hina i lo yi nyikela mahlweni ka hina :

- 37 Kumbela ka banana ba ka Amoni wena u nga tsineli kusuhi : gonkle a klelo ga congo Jaboka, miti ya tiko ga zitsungana, ni kwihlaho Jehova a tsimbeteleko hina.

XIPIMO 3.

- 1 Zonake hina hi lo klela, hi lo kanziya hi ndlela hiya Baxani : na Ogi a hosi ya le Baxani yi lo huma ku talwa na hina, yena ni banhu ba yena bonkle a ku talwa le Edrei.
- 2 Na Jehova i te ngalo ka mina, Mu nga mu cabi yena ; hakuba mina nzi nyikele yena, ni bonkle a banhu ba yena, ni tiko ga yena, canjeni ga wena ; wena u ta maha ka yena kwatsi hi lezi wena u nga maha ka Sihoni a hosi ya ma Amori, loye a akileko leyo Hexboni.
- 3 Zingaho Jehova a Nungungulu wa hina i nyikela canjeni ga hina Ogi kambe, a hosi ya le Baxani, ni bonkle banhu ba yena : hina hi lo hlasela yena ku kala ku nga hi ni wa ku siywa a sala ka yena.
- 4 Na hina hi lo teka yonkle a miti ya yena ka lexo xikati ; laho ku wa nga hi kona miti leyo hi nga yi tekangiko ka bona : nkalanu ni ginwe makume ya miti gonkle tiko ga le Argoba, a mufumo wa Ogi le Baxani.
- 5 Yonkle leyi yi wa gingisisilwe hi kurisi go leha, a tinyangwa, ni malongonzo ; hi lahandle ka miti yi nga hiko na makurisi yi wa tele nguvu.
- 6 Na hina hi lo ba lobisa hi kumbelelisisilweko bona, kwatsi hi lezi hi mahileko ka Sihoni a hosi ya le Hexboni, hi kumbetekisisilweko ku lo lobyiswa yonklelele a miti yi akileko zinwe ni ba basati ni zibanana.
- 7 Kanilezi tonkle a tihomu, ni mupango wa miti, hina hi lo teka a kuba a mupango wa wutsumbu ga hina.
- 8 Na hina hi lo teka a tiko ka lexo xikati le canjeni ga tihosi timbiri ta ma Amori leto ti nga wa hi klatukweni wa Jordani, le xiwuweni xa Arnoni xitsungeni xa Hermoni
- 9 (Legi Hermoni a ba Sidoni ba bitako Sirioni, ni ma Amori ma bitana gona Senira) ;
- 10 Yonkle a miti ya koba, ni gonkle Gileade, ni gonkle Baxani, kala Saleka ni Edrei, a miti ya mufumo wa Ogi le Baxani.
- 11 (Hakuba kumbela Ogi a hosi ya le Baxani hi yena a nga wa sele ka mi-

DEUTERONOME, 4.

- salela ya Refalmu ; languta, a xikundla xa mubedi wa yena xi wa hi mubedi wa xiketse ; a xi kona le Rababa ka banana ba ka Amoni ke? nkla-nu ni mune a mikono a kunabalata ka wona, ni mune wa mikono a kuanama ka wona kukotisa a mikono ya munhu.)
- 12 Ni legi tiko hi lo teka ka lexo xikati a akuba a tsomba : ku sukela leyo a Aroera, legi gi nga minzelelo ya Arnoni, ni kihlanya ga matiko ya xitsunga xa Gileade, ni miti ya kona leyo, mina nzi lo nyika ka ba ka Rubeni ni ka ba ka Gadi :
- 13 Ni legi gonkile gi seleko ga Gileade, ni Baxani, a mufumo wa Ogi, mina nzi lo nyika ka kihlanya ga lixaka la ka Manasa ; wonkile a matiko ya Argoba, na gonkile Baxani (gwalego gi bitanwa lezaku Refaimu.
- 14 Jaira a nwana wa Manasa i lo teka wonkile a matiko ya le Argoba, kala mbinganweni wa ba le Gerxuri ni ba le Maakati, ba bitana wona, lezaku i Baxani, a cula a bito ga yena nwi-nyi, Havotijara kala legi siku.)
- 15 Mina nzi lo nyika Gileade ka ba ka ka Macira.
- 16 Ni ka ba ka Rubeni ni ka ba ka Gadi, mina nzi ba nyika ku sukela le Gileade ku kala kuya le minzelelweni ya Arnoni, xikari ka minzelelo, ni mbingano wa kona kala ka congo wa Jaboka, lowu wu nga mbingano ka banana ba ka Amoni ;
- 17 A Araba kambe, ni Jordani ni mbingano wa kona, ku sukela le Cinere-te kala bimbini ga le Araba, a Bimbi ga Munyu, hi lahasi ka korama ga le Pisga mutsuwukagambo.
- 18 Na mina nzi lo mu leletela ka lexo xikati, nziku, Jehova Nungungulu wa nwina i nyikile nwina legi tiko a ka gi fumela gona: nwina mu ta klatuka na mu hlomile mahlweni ka bamakabye ba nwina a banana ba ka Israeli, bontle a ba banuna ba tingwazi.
- 19 Kanilezi a basati ba nwina, ni banana ba nwina, ni tihomu ta nwina (mina nza zi tiba lezaku mu na ni tihomu to tala), ku ta tsama lomumitini ya nwina leyi mina nzi nyikileko nwina,
- 20 Kala Jehova a nyika a kuhumula ka bamakabye ba nwina, kwatsi hi nwina, na bonawu kambe ba ta fumela a tiko lego Jehova Nungungu-

- lu wa nwina a nyikileko ka bona klatukweni wa Jordani : zonake mu ta kilela a munhu ka tsomba ya yena, leyi nzi nyikileko nwina.
- 21 Na mina nzi lo leletela Joxua ka lexo xikati, nziku, A mahilo ya wenawu ma wonile zonkile lezo Jehova a Nungungulu wa yena a zi mahileko ka leti tihosi timbiri : zingaho Jehova i ta maha ka mifumo leyo wena u ta nga klatuka uya.
- 22 Nwina mu nga ta caba bona ; hakuba Jehova a Nungungulu wa nwina, hi yena loye a lwelako nwina.
- 23 Na mina nzi lo kongotela Jehova ka lexo xikati, nziku,
- 24 O Hosi Jehova, wena u sangule a ku kangeta a malanza yena a wukulu ga wena, ni canja ga wena ga ntamo : hakuba i kwilhi nungungulu laho le tilweni ni laha misabeni, loye a nga mahako kukotisa a mitiro ya wena, ni kukotisa a canja ga wena ga nya mintamo ke?
- 25 Nga mina nzi klatuka, nza kombela wena, nziya wona a tiko go saseka lego gi nga klatukweni wa Jordani, lexo xitsunga xi sasekisisilweko, ni Lebanoni.
- 26 Kanilezi Jehova i lo zangara na mina hi kota ya nwina, i wa nga ingisisa-angi ka mina ; na Jehova i te ngalo ka mina, Nga loku ku enelisa wena ; u nga wulawuli ka mina kambe hi laya mahungu.
- 27 Kanziya le behla ka Pisga, u klakusela a mahlo ya wena ngomameni ni muhlwagambo, ni ngomama ya le nwalungu, ni ngomama ya le dzonga, ni ngomama ya le mutsuwukagambo, u languta hi mahilo ya wena : hakuba wena u nga taya klatukweni wa legi Jordani.
- 28 Kanilezi leletela Joxua, ni ku tiyisisa yena, ni ku mu nyika ntamo yena ; hakuba yena a ta klatuka mahlweni ka laba banhu, na yena i ta maha bona ba panzelana a misaba leyo wena u ta nga yi wona.
- 29 Zingaho hina hi lo tsama le mikobeni klatuko wu xungeteneko Betpeora.

XIPIMO 4.

- 1 Na makunu, O Israeli, ingisa ka zilayelo ni ziyimiso, lezi mina nzi gonzisako wena, a ku maha zona ; kasi wena wa fela kuhanya, ni ku famba u ya fumela a tiko lego Jeho-

DEUTERONOME, 4.

- va, a Nungungulu wa bararu ba wena, a nyikileko wena.
- 2 Nwina mu nga ta engetela ka timhaka leti nzi mu leleteleko *nwina*, ge ni ku hungula tona *nwina*, kasi ma fela ku hlayisa a kuleletela ka Jehova a Nungungulu wa *nwina* loku nzi leleteleko *nwina*.
- 3 Ni mahlo ya *nwina* ma wonile lezo Jehova a nga wa mahile hakuba hi Baalpeora; hakuba bonkle a banhu labo ba lanzela Baalpeora, hakuba Jehova a Nungungulu i lo lobisisile bona le xikari ka wena.
- 4 Kanilezi *nwina* labo mu nga nama-rela ka Jehova a Nungungulu wa *nwina* ma ha hanya bonklelele ba *nwina* kala legi siku.
- 5 Langutani, mina nzi gonzisile *nwina* a zilayelo ni ziyimiso, hambu ku kwatsi hi lezi Jehova a Nungungulu wa mina a leleteleko mina, kasi ma fela ku maha leyo xikari ka tiko lego *nwina* muyako mu ya gi fumela.
- 6 Hlayisani hikwalaho mu maha zona; hakuba lezi hi kutiba ka *nwina* ni kupimisisa ka *nwina*, kuwoneni ka banhu bonkle, labo ba ta ngazwa zonkle lezi zilayelo, na baku, Ha kunene lowu mufumo ngwa hombe ngwa banhu ba tibako ni ba pimisisako.
- 7 Hakuba hi wihi mufumo wa hombe laho, lowo wu nga ni nungungulu a nga kusuhani ka bona, kwatsi hi Jehova a Nungungulu wa hina laho hi bitanako ka yena ke?
- 8 Na wu hi kwili a mufumo wa hombe laho, lowo wu na nga ni zilayelo ni ziyimiso zi lulamisisilweko kota wonkle lowu mayo, lowu mina nzi wu yimisileko ka *nwina* nyamukla ke?
- 9 Kumbela celani kota ka wutsumbu ga *nwina*, ni ku hlayisa a muhefemulo wa wena hi kutsonametisisilweko, u nga ta ku u kolhwa hi zilo lezi wena u zi wonileko hi mahlo ya wena, zi nga ta ku zi suka le mbilwini ya wena wonkle masiku ya wutomi ga wena; kanilezi maha zona zi tiyeyekiswa ka banana ba wena ni ka banana ba banana ba wena;
- 10 Ka siku lego wena u yimileko malilweni ka Jehova a Nungungulu wa wena leyo Horebe, laha Jehova a nga wa te ngalo ka mina, Tsomba-
- nyisela mina a banhu, mina nzi ta maha ba ingisa timhaka ta mina, kasi bona ba fela a kugonza a kuca-ba mina wonkle a masiku lawo bona ba hanyako laha misabeni, ni lezaku bona ba fela kugonzisa a banana babye.
- 11 Nwina mu lo tsinela ku suhi lahasi ka xitsunga; ni xitsunga xi wa kuswa hi nzilo kala le mbilwini ya tilo, hi munyama, refu, ni munyama wu pomisisilweko.
- 12 Na Jehova i lo wulawula ka *nwina* hi le xikari ka nzilo: *nwina* mu lozwa a gezu ga timhaka, kanilezi *nwina* a mu wonangi a dzumba; kumbela *nwina* mu lozwa a gezu.
- 13 Na yena i lo klaklambutela ka *nwina* lexi xivumelwano, lexi nzi leleteleko *nwina* a ku xi maha, yona a milayo ya kume; na yena i lo tsala yona hehla ka timbila timbiri ta maribye.
- 14 Na Jehova i lo nzi leletela ka lexo xikati a ku gonzisa *nwina* a zilayelo ni ziyimiso, kasi *nwina* ma fela ku maha zona tikweni lego *nwina* mu yako mu ya fumela gona.
- 15 Tekani hikwalaho a ku klarihisisisa ka wutsumbu ga *nwina*; hakuba *nwina* a mu wonangi ni xibiri xa dzumba lego Jehova a nga wa wulawulile zinwe na *nwina* leyo Horebe hi le xikari ka nzilo;
- 16 Ku nga ta ku *nwina* mu bota a wutsumbu ga *nwina*, ni ku maha zifananiso zi batlilweko hi dzumba gi marikilweko, hi kufananisa ni matsune kutani i nkati,
- 17 A kufananisa ka xihl xihari lexi xi nga laha misabeni, ni kufananisa ni ka xihl xi purumako leyo hehla,
- 18 A kufananisa ni ka xihl xi kasako laha misabeni, ni kufananisa ni ka yihl a nyama yi nga lomu matini lahasi ka misaba;
- 19 Ku nga ta ku wena u klakusa a mahlo ya wena le tilweni, ni laha wena u wonako a gambo ni hweti ni ti-nyeleti, hambu kona konkle loku ku nga le tilweni, wena u kokelwa kule u kozela zona, ni dumisela zona, loku Jehova a Nungungulu wa wena a banyiseleko ka yonkle mifumo leyl yi nga lahasi ka tilo.
- 20 Kanilezi Jehova i tekile *nwina*, ni ku i lo neha *nwina* mu huma pingweni ga xiketsi, mu huma hi le Gipite, a

- ku ba ka yena a banhu ba tsomba ya yena, kwatsi hi legi siku.
- 21 Mbuyawangalezo Jehova i wa lo zangara zinwe na mina hi kota ya nwina, i lo hlambanya lezaku nga mina nzi nga peli a Jordani, ni lezaku mina nga nzi ngayi leyo tikweni ga kusaseka, lego Jehova a Nungungulu wa wena a nyikako wena a kuba^a a tsomba :
- 22 Kanilezi mina nzi yimelwe hi kufa ka legi tiko, mina nzi yimelwe akuba nzi nga peli Jordani ; kanilezi nwina mu ta mu pela, mu ya fumela lego a tiko ga kusaseko.
- 23 Klaribisani ka wutsumbu ga nwina, mu nga ta ku mu kohlwa a xivumelwano xa Jehova a Nungungulu wa nwina, lexi yena a xi mahileko zinwe na nwina, ni ku maha a xifananiso xi baklilweko xa dzumba ga xihhi ni xihhi a xilo lexi Jehova a Nungungulu wa wena a tsimbeteleko wena.
- 24 Hakuba Jehova a Nungungulu wa wena hi nzilo wu kadamulako, a Nungungulu wa mona.
- 25 Ni laha wena u ta nga trala a banana, ni banana ba banana, na nwina mu ta ba a xikati xo leha lomo tikweni, na mu ta botisisa a wutsumbu ga nwina, ni ku maha a xifananiso xi baklilweko hi dzumba kani ga yini, ni ku maha lezo zi bihileko kuwoneni ka Jehova a Nungungulu wa wena, a ku vindlukisa yena a zangara ;
- 26 Mina nza bitana a tilo ni misaba a ku ta maha a timboni ta wena legi siku, lezaku nwina lokuloku mu ta lobyiswa hi kumbelelisisilweko le tikweni lego nwina mu ta nga pelela gona klatuko wa Jordani kuya gi fumela ; nwina mu nga ta longoloka ni masiku ya nwina hehla ka gona, kanilezi mu ta lobyiswa hi kumbelelisisilweko.
- 27 Na Jehova i ta hangalasa nwina xikari ka banhu, na nwina mu ta siywa ba tsongwani ba tsengwana xikari ka mifumo, leyo Jehova a ta nga mu hangalasela ka yona.
- 28 Laho nwina mu ta kozela a banungungulu, a tiro wa mandla ya banhu, a sinya, ni ribye, lezi cima zi nga woniko, ge ni kuzwa, ge ni kuga, ge ni kunuheta.
- 29 Kanilezi ku sukela laho wena u ta hlota Jehova a Nungungulu wa wena, na wena u ta mu kuma, laha na wena u labisisisa yena hi mbilu ya wena yonkle ni muhefemulo wa wena wonkle.
- 30 Laha na wena na u hi kukaratekeni, ni lezi zilo zonkle zi tile hehla ka wena, hi masiku ya le nzako u ta gungulela a kuta ka Jehova a Nungungulu wa wena, ni kuta zwisisa a gezu ga yena :
- 31 Hakuba Jehova a Nungungulu wa wena i Nungungulu wa titralo ; yena a nga ta hlulekisa wena, ge ni kukohlwa a xivumelwano xa bararu ba wena lexo a nga a hlambanya ka bona.
- 32 Hakuba wutisani makunu hi masiku laya mahunzileko, lawo ma nga wa hi mahlweni ka wena, cima ka lego siku Nungungulu a bangileko a munhu hehla ka misaba, ni kusukela ka ginwani a gumelo ga tilo kuya ka ginwani, lezaku cima ku wa la nga kuba kona a zilo za kungahi kwatsi hi lezi zilo za hombe, kutani zi wa la nga zwiwa zo fanana na zona ke?
- 33 Cima a banhu ba la ngazwa a gezu ga Nungungulu gi wulawula xikari ka nzilo, kwatsi hi lezi wena u zwileko gona, ba hanya ke?
- 34 Kutani Nungungulu i la nga ringa a kuya a ya teka a banhu ba yena xikari ka banwani banhu, hi ku ba gula hi tikuruxu, ni ziwoniso, ni zihlamaliso, na hi yimpi, na hi canja ga nya mintamo, na hi woko gi klakusilweko, na hi zicabyekiso za hombe, ni ka zonkle lezo Jehova a Nungungulu wa nwina a zi mahileko le Gipite mahlweni ya nwina ke?
- 35 Ni ka wena zi wa lo kangetwa, kasi wena u hi u felako a ku zi tiba lezaku Jehova hi yena Nungungulu ; laho a ku kona munwani hi lahandle ka yena.
- 36 Hi le tilweni ku humele a gezu ga yena u gizwa wena, kasi a fela ku gonzisa wena : ni le hehla ka misaba i mahile wena ku wona a nzilo wa yena wa hombe ; na wena u hi u zwisisileko a tamhaka hi le xikari ka nzilo.
- 37 Ni hakuba yena i lo ranza a bararu ba wena, zingaho i lo langa a mbe-wu yabye le nzako kabye, i lo humesa wena hi kubakona ka yena, zinwe ni ntamo wa yena wa kombe, hi le Gipite :

- 38 A ku hlongola a mifumo mahlweni ka wena, ya hombe ni ya ntamo ku hunza wena, a ku engenisa wena, a ku nyika wena a tiko ga^{bye} akuba a tsomba, kwatsi hi legi siku.
- 39 Tiba hikwalaho legi siku, u ku be- kela mbilwini ya wena, lezaku Je- hova nzi Nungungulu le tilweni le hehla ni misabeni lahasi; laho a ku kona a muzwani.
- 40 Wena u ta hlalisa a zilayelo za yena ni ziletelo za yena, lezi nzi leletela- ko wena nyamukla, lezo ku fela ku famba kwatsi ha wena, ni banana ba wena a nzako ka wena, kasi wena wa fela kulongoloka ni masiku ya wena laha tikweni, legi Jehova a nyikileko wena, kala kupinzuka.
- 41 Zonake Mosi i lo yimisa a miti minhari klatukweni wa Jordani ngomameni ya le mutsuwukaga- mbo;
- 42 Kasi a ba dayi ba banhu ba fela ku tsutsumela kona leyo, loye a daya- ako a mu akelwano wa yena hi xi- tsuketi, na a wa nga a nga mu bengi hi xikati xi hunzileko; ni lezaku lo- ye a tsutsumelako ka mu^{zwe} wa leyi a miti a fela kuhanya:
- 43 Yi bitanwako, Bezera lomo xiwule- ni, le matikweni ya mikoba, wa ba ka Rubeni; ni Remote leyo Gileade, wa ba ka Gadi, ni Galoni leyo Ba- xani, wa ba ka Manasa.
- 44 Lowu hi nayo lowo Mosi a wu yi- misileko mahlweni ka banana ba ka Israeli:
- 45 Legi mbu kustumunyu, ni zilayelo, ni ziyimiso lezi Mosi a nga wa wula- wulile ka banana ba ka Israeli, la- ha na bona na ba humele hi leyo Gi- pite,
- 46 Klatukweni wa Jordani, le minzele- lweni yi xungeteneko ni Betpeora, le tikweni ga Sihoni a hosi ya ma Amori, loye a akileko leyo Hexboni, loye Mosi ni banana ba ka Israeli ba nga hlasela, laho na bata ba huma hi le tikweni ga le Gipite.
- 47 Na bona ba lo teka a tiko ga yena a ku gi fumela, ni tiko ga Ogi a hosi ya le Baxani, a tihosi timbiri ta ma Amori labo ba nga wa hi klatukwe- ni wa Jordani hi mutsuwukagambo;
- 48 Ku sukela le Aroera, legi gi nga le wukleni ga minzelelo ya le Arnoni, kala xitsungeni xa Sioni (xwalexo xi Hermoni).
- 49 Ni gonk^{le} Araba klatuko wa Jordani

hi le ngomameni ni mutsuwukaga- mbo, kala kuya bimbi ga Araba, la- hasi ka mirelelo ya Pisga.

XIPIMO 5.

- 1 Na Mosi i lo bitana bonkle ba ka Israeli, na te ngalo ka bona, yizwa- ni O Israeli a zilayelo ni ziyimiso lezi nzi wulawulako ti ndlebeni ta ⁿwina nyamukla legi, kasi ⁿwina ma fela ku gonza zona, ni ku lonzowotela a ku maha zona.
- 2 Jehova a Nungungulu wa hina i ma- hile a xivumelwano ziⁿwe na hina leyo Horebe,
- 3 Jehova a nga mahangi lexi xivume- lwano ziⁿwe ni bararu ba hina, ka- nilezi ziⁿwe na hina, na hina futsi, labo bonkle ba hina ha hanyako nyamukla legi.
- 4 Jehova i wulawulile na ⁿwina ngohe ni ngohe le xitsungeni xikari ka nzilo
- 5 (Mina nzi lo yima xikari ka Jehova na ⁿwina ka lexo xikati, a ku kange- ta ⁿwina a mhaka ya Jehova: ha- kuba ⁿwina mu wa ku caba hi kota ya nzilo, mu nga kanziyi muya xi- tsungeni), aku,
- 6 Mina nzi mina Jehova a Nungu- ngulu wa wena, loye a ku humesi- leko wena le tikweni ga le Gipite, hi le ndlwini ya wubumbi.
- 7 Wena u nga hi ni banwani banu- ngungulu mahlweni ka mina.
- 8 Wena u nga ta mahi ka wena a xifananiso xi ba^{kl}ilweko, ge ni xihl xilo xo fanana xi nga le tilweni le hehla, kutani laha misabeni lahasi, kutani lexo lomu matini lahasi ka misaba:
- 9 Wena u nga korami a wutsumbu ga wena ka zona, ge ni ku kozela zona; hakuba mina, nzi Jehova a Nungu- ngulu wa wena, mina nzi Nungu- ngulu wa mona, nzi enzelako a zi- goho za badadani hehla ka banana, ni hehla ka xizukulwana xa wunha- ru ni xa wu mune xa bona labo ba bengako mina;
- 10 Nzi kangetako a kuranza ka wune- ne ka makume mazana ya bona labo ba ranzako mina ni ku hlalisa mi- layo ya mina.
- 11 Wena u nga teki a bito ga Jehova a Nungungulu wa wena hi ku gi ha- nahananisa: hakuba Jehova a nga ta mu koma kota a nga gohangiko loye a tekako a bito ga yena hi ku gi hanahanisa.

- 12 Lonzowota a siku ga sabado, u hlayisa gona gi basa, kwatsi hi lezi Jehova a Nungungulu wa wena a leleteleko wena.
- 13 Nkhanu ni ginwe masiku wena u ta tira, ni ku tira wonkle a tiro wa wena ;
- 14 Kanilezi hi siku ga nkhanu ni wumbiri hisabado ga Jehova a Nungungulu wa wena : ka gona wena u nga tiri ni wihi a tiro, wena, ge ni nisanyana wa wena, ge ni nhanyana wa wena, ge ni nanza ga wena ga xinuna, ge ni nanza ga wena ga xisati, ge ni homu ya wena, ge ni mbongola ya wena, ge ni yihi ya tihomu ta wena, ge ni mupfumba wa wena loye a nga laha nyangweni ya wena ; lezaku a nanza ga xinuna ga wena, ni nanza ga xisati ga wena ba fela ku humula kota wena.
- 15 Na wena u ta alakanya lezaku na wena u wa hi nanza le tikweni ga le tikweni ga le Gipite, na Jehova a Nungungulu wa wena i ku humesile hi leyo hi canja ga nya mintamo na hi woko gi klakusilweko : hikwalaho Jehova a Nungungulu wa wena i leletele wena a ku hlayisa a siku ga sabado.
- 16 Dzunza a raru wa wena ni nyine wa wena, kwatsi hi lezi Jehova a Nungungulu wa wena a leleteleko wena ; kasi a masiku ya wena ma anziswa, ni ku kasi ku fela ku famba kwatsi ha wena, lomu tikweni legi Jehova a Nungungulu wa wena a nyikileko wena.
- 17 Wena u nga dayi.
- 18 Ge wena ni ku maha a wubayi.
- 19 Ge wena u nga yibi.
- 20 Ge wena ni ku mahela a wukustumunyu ya mawunwa ka wa akelane wa wena.
- 21 Ge wena ni ku nabela a wasati wa akelwene wa wena ; ge wena u nga nabeli a yindlu ya wa akelwane wa wena, a masimu ya yena, ni nanza ga yena ga xinuna ge ni nanza ga yena ga xisati, a homu ya yena, ge ni mbongola, ya yena, ge ni ka xihhi a xilo lexi xi nga xa wa akelwane wa wena.
- 22 Leti timhaka Jehova i lo ti wulawula ka nkhangano wa nwina hi lomo xikari ka nzilo, wa refu, ni munyama wupumisilweko, zinwe ni gezu ga hombe : yena a nga engetlangi cumo. Na yena i lo tsala tona lehla ka timbila timbiri ta mari-bye, na a lo nyika tona ka mina.
- 23 Na ku mahisile lezo, laha na nwina na mu zwile a gezu hi le xikari ka munyama, laho na xitsunga na xa haswa hi nzilo, lezaku nwina mu lo tsinela kusuhi na mina, tona tihloko ta tixaka ta nwina, ni masingalakati ya nwina ;
- 24 Na nwina mu te ngalo, Languta, Jehova a Nungungulu wa hina i hi kangetile a wukosi ga yena ni wukulu ga yena, hina hi zwile a gezu ga yena hi le xikari ka nzilo : hina hi wonile legi siku lezaku Jehova wa wulawula zinwe ni munhu, na yena a hanya.
- 25 Makunu hikwalaho hi yini hi nga fa ke? hakuba lowu nzilo wa hombe wu ta kadamula hina : loku hina ha tazwa a gezu ga Jehova a Nungungulu wa hina kambe, zonake hina hi tafa.
- 26 Hakuba hi wihi laho wa nyama yonkle, loye a zwileko a gezu ga Nungungulu a hanyako na gi wulawula ka yena lomu xikari ka nzilo, kwatsi hilezi hina hi zwileko, hi hanyileko ke?
- 27 Tsinela wena ku suhani, u yazwa zonkle lezo Jehova a Nungungulu wa hina a ta nga wula : wena u wulawula ka hina zonkle lezo Jehova a Nungungulu wa hina a ta nga wulawula ka wena ; na hina hi ta ingisa kona, ni ku maha kona.
- 28 Na Jehova i lozwa a magezu ya timhaka ta nwina, laha nwina mu nga wa wulawulile ka mina ; na Jehova i te ngalo ka mina, Mina nzi zwile a gezu ga timhaka ta banhu leto bona ba wulawulileko ka wena : bona ba wulawulile kwatsi ka zonkle lezo ba zi wulawulileko.
- 29 O lezaku nga a mbilu ya kungaho yi hi kona ka bona, lezaku bona ba wa ta nga ba cuba mina, ni ku hlayisa konkle kuleletela ka mina a zikati zonkle, kasi ku fela ku maha kwatsi ka bona, ni ka banana babye kala kupinzuka!
- 30 Famba u ya wula ka bona, K'lelani matenteni ya nwina.
- 31 Kanilezi ha wena, yima laha ka mina, na mina nzi ta wulawula ka wena yonkle milayo, ni zilayelo, ni ziyimiso, lezo wena u ta nga gonzisa bona, kasi bona ba fela ku zi maha

- lomu tikweni lego nzi ta nga nyika bona mina ba fumela gona.
- 32 Nwina mu ta lonzowota ku maha hikwalaho kwatsihilezi Jehova a Nungungulu wa nwina a leleteleko nwina : nwina mu nga ta hambuka hi ka ga xinene canja kutani hi ka ga xibaba.
- 33 Nwina mu ta famba hi yonkle a ndlela leyi Jehova a Nungungulu wa nwina a leleteleko nwina, kasi nwina ma fela kuhanya, ni lezaku kasi ku fela ku be kwatsi ka nwina, ni lezaku kasi nwina ma fela kulongoloka ni masiku ya nwina le tikweni lego nwina mu ta nga gi fumela gona.

XIPIMO 6.

- 1 Makunu loku hi kuleletela, ni zilayelo, ni ziyimiso, lezo Jehova a Nungungulu wa nwina a leleteleko a ku gonzisa nwina, kasi ma ku zi maha lomu tikweni legi nwina mu klatukako kuya fumela gona ;
- 2 Kasi wena u be u cabako Jehova a Nungungulu wa wena, a ku hlayisa zonkle zilayelo za yena, ni zileletelo za yena, lezi mina nzi leletelako wena, wena, ni nwana wa wena, ni nwana wa nwana wena, wonkle a masiku ya wutomi ga wena, kasi a masiku ya wena ma be ma longolokosilwe.
- 3 Zwana hikwalaho, O Israeli, ni ku lonzowota ku maha kona ; kasi ku fela ku maha kwatsi ha wena, kasi nwina ma anzelekiswa hi kukulisiileweko, kwatsi hilezi Jehova, wa bararu ba wena, i tsumbisile ka wena lomu tikweni lego gi kulungako hi masi ni wulumbe.
- 4 Zwana, O Israeli, Jehova a Nungungulu wa hina nzi Jehova muawe :
- 5 Wena u ta ranza Jehova Nungungulu wa wena hi mbilu ya wena yonkle, ni muhefemulo wa wena wonkle, ni ntamo wa wena wonkle.
- 6 Ni leti timhaka, leti nzi leletelako wena nyamukla, ti ta ba hehla ka mbilu ya wena ;
- 7 Na wena u ta gonzisa zona hi kutsonametisisilweko ka banana ba wena, na wena u ta wulawula ha kona laha na wena u tsamileko lomu ndlwini ya wena, ni laha wena u fambako hi ndlela, ni laha wena u ekleleko lahasi, ni laha wena u sukako.
- 8 Na wena u ta boha kona ku kota xiwoniso hehla ka canja ga wena, kona ku ta tsama ximobyeni xikari ka mahlo ya wena,
- 9 Na wena u tsala kona le hehla timhanze ta libati ta yindlu ya wena, ni le tinyangweni ta wena.
- 10 Na ku ta ku ba kona, la Jehova a Nungungulu wa wena a ku neha le tikweni legi yena a nga hlambanya ka bararu ba wena, ka Abraham, ni ka Isaka, ni ka Jakobe, a ku nyika wena, ga hombe ni ga miti yi sasekisisilweko, leyo wena u nga yi akanngiko,
- 11 A tindlu ti teleko hi zonkle a zilo zo saseka, leti wena u nga tatangiko, ni miriyo yi baklilweko, leyi wena u nga yi baklangiko, a zivina ni tisinya ta mavina, leti wena u nga byalangiko, wena u taga u xuriswa ;
- 12 Zonake klariha u nga ta ku wena u kohlwa Jehova, loye a humesileko wena hi le tikweni ga le Gipite, le ndlwini ya wukumbi.
- 13 Wena u ta caba Jehova a Nungungulu wa wena ; yena hi yena wena u ta mu kozela, u ta hlambanya hi bito ga yena.
- 14 Nwina mu nga lanzela a banwani banungungulu, a banungungulu ba banhu labo ba ranzeleko nwina ;
- 15 Hakuba Jehova a Nungungulu wa wena a nga lomu xikari ka wena i Nungungulu wa mona ; ku nga taku a zanga ya Jehova a Nungungulu wa wena yi vindlukela wena, a lobisa wena u suka le ngoheni ya misaba.
- 16 Nwina mu nga ta ringa Jehova a Nungungulu wa nwina, kwatsi hilezi mu nga ringa yena leyo Masa.
- 17 Nwina hi kutsonometisisilweko mu ta hlayisa a zileletelo za Jehova a Nungungulu wa nwina, ni wukustumunyu ga yena, ni zilayelo za yena, lezi a leleteleko wena.
- 18 Na wena u ta maha lezo zinene ni zisaso mahlweni ka Jehova ; kasi ku fela ku maha kwatsi ha wena, ni ku kasi wena u be u felako a ku engena u ya fumela a tiko legi Jehova a hlambanyileko ka bararu ba nwina,
- 19 A ku panzauya kule bonkle a balala ba wena ba suka mahlweni ka wena, kwatsi hi lezi Jehova a wulawulileko.

DEUTERONOME, 7.

- 20 Ni laha a *nwana* wa wena a ta nga ku wutisa hi xikati xi tako, aku, A wukustumunyu gi wula yini, ni zilayelo, ni ziyimiso, lezi Jehova a Nungungulu wa hina a leleteleko *nwina* ke?
- 21 Zonake wena u ta wula ka *nwana* wa wena, Hina hi wa hi a tikumbi ta Faro leyo Gipite: na Jehova i lo humesa hina hi le Gipite hi canja ga nya mintamo;
- 22 Na Jehova i lo wonisa i kombisa a ziwoniso ni hlamaliso, za hombe ni zi cabisekakako, hehla ka Gipite, ni hehla ka Faro, ni hehla ka yindlu yakwe yonkle, mahlweni ka mahlo ya hina;
- 23 Na i lo humesa hina hi leyo, kasi a fela ku neha hina lomu, a ku nyika hina a tiko legi yena a nga hlambanya ka bararu ba hina.
- 24 Na Jehova i lo leletela hina a ku maha zonkle lezi zilayelo, ku caba Jehova a Nungungulu wa hina, akuba kusasa ka hina xonkle xikati, ni lezaku kasi wa lonzowota hina hi hanya, kala ka legi siku.
- 25 Na kona ku ta ba kululamisisa ka hina, loku hina hi lonzowotela a ku maha konkle loku a kuleletela mahlweni ka Jehova a Nungungulu wa hina, kwatsi hilezi yena a leleteleko hina.

XIPIMO 7.

- 1 La ha Jehova Nungungulu wa wena a ta nga ku neha wena ka tiko lego wena u fambako ku ya fumela gona, na a ta hoxa a mifumo yinyingi mahlweni ka wena, a ba ka Hiti, a ba ka Girgaxi, a ba ka Amori, a ba ka Kenani, a ba ka Perezi, a ba ka Hivi, a ba ka Jebusi, wona nklanu wa mifumo ni mimbiri ya hombe ni ntamo ku hunza wena;
- 2 Ni laha Jehova a Nungungulu wa wena a ta nga ba nyikela mahlweni ka wena, na wena u ta hlasela bona; zonake wena u ta ba lobisa hi ku mbetekisisilweko bona: wena u nga ta maha a xivumelwano zinwe na bona, ge ni ku kangeta a titalo ka bona;
- 3 Ge hambu ku maha mitekano zinwe na bona; a *nhwana* wa wena u nga ta nyika a ka *nwana* wabye, ge ni *nhwana* wabye wena u nga tekela a *nwana* wa wena,

- 4 Hakuba yena i ta hambukisa a *nwana* wa wena ku lanzeleni, kasi bona ba fela kukozela banwani banungungulu: zingaho a zanga ya Jehova yi ta vindlukiswa yi vukela hehla ka *nwina*, ni ku lobiswa *nwina* hi ku haklisisilweko.
- 5 Kanilezi zakungahi *nwina* mu ta nga maha ka bona: *nwina* mu ta tsobelelela a maalati yabye, ni ku kungumulelela wufufanyi a timlinga tabye, ni ku konyomulela a Axerime wabye, ni kuhisa a mifananiso yabye yibaklilweko hi nzilo.
- 6 Hakuba wena mu banhu ba kuba sa ka Jehova a Nungungulu wena: na Jehova a Nungungulu wa wena i langile wena a ku ba banhu ba mufumo wa yena *nwinyi*, hehla ka banhu bonkle laba ba nga le hehla ka ngohe ya misaba.
- 7 Jehova a nga bekangi a liranzo lakwe hehla ka wena, kutani ni ku langa wena, hakuba *nwina* mu nga wa hi a tsengo wa hombe ku hunza banwani banhu; hakuba *nwina* mu wa hi ba tsongwanyanyani ku hunzisa ka babanhu bonkle:
- 8 Kanilezi hakuba Jehova i lo ranza *nwina*, ni lezaku yena i ta hlaysia a xifungo lexi a nga hlambanya ka bararu ba *nwina*, na Jehova i humesile *nwina* hi canja ga nya mintamo, na a klaklilele *nwina* le ndlwini ya wukumbi, le canjeni ga Faro a hosi ya le Gipite.
- 9 Tiba hikwalaho lezaku Jehova a Nungungulu wa wena, yena i Nungungulu, A Nungungulu a kolekileko, loye a hlaysiaako a xivumelwano ni kuranzaka wunene ka bona labo ba ranzako yena ba hlaysiaako a kuleletela ka yena ba zizukulwana za makume mazana,
- 10 A kliselako bona labo ba bengako yena ngoheni yabye, a ku lobyliswa bona: yena a nga ta hobetiswa ka yena loye a bengako yena, i ta hlamula yena ngoheni ya yena.
- 11 Wena hikwalaho u ta hlaysia a kuleletela, ni zilayelo, ni ziyimiso, lezi nzi leletelako wena nyamukla, a legi ku maha zona.
- 12 Ku ta ku na ku mahisile lezo, hakuba *nwina* a mu ba nga ingisako ka lezi ziyimiso, ni ku hlaysia ni ku maha zona, kasi Jehova a Nungungulu wa wena wa hlaysia zinwe na

DEUTERONOME, 8.

- wena a xivumelwano ni kuranza ka wunene loku a nga hlambanya ka bararu ba wena:
- 13 Na yena i ta ranza wena, a katekisa wena, ni ku enzelekisa wena; yena kambe i ta katekisa a mihanzo ya miri wa wena ni mihanzo ya misaba ya wena, a mabele ya wena ni waini ga wena ga giswa ni mafura ya wena, ni ku anzisiswa ka tihomu ta wena ni mikundlwana ya miklambi ya wena, lomu tikweni legi a nga hlambanya ka bararu ba wena a ku nyika wena.
- 14 Wena u ta katekiswa hehla ka babanhu bonkle: laho ku nga ta ku ba kona a matsune ni nkati a ta nga ba ngonwa xikari ka nwina, kutani xikari ka tihomu ta nwina.
- 15 Na Jehova i ta susa ka nwina gonkle a wuba'bye; ku nga ta ku ba kona a tinghumbé to bilha ta le Gipite, leti wena u ti tibako, yena i ta beka hehla ka wena, kanilezi i ta klateka ka bonkle laba ba bengako yena.
- 16 Na wena u ta mbetisisa bonkle a banhu labo Jehova a Nungungulu wa wena a ta nga ba nyikela ka wena; ni tihlo ga wena gi nga hawukeli bona: ge wena u nga ta kozela a banungungulu ba'bye; hakuba loko ku ta ba a panya ka wena.
- 17 Ni loku u ta wula mbilwini ya wena, Leyi mifumo yi hunza mina; nzi ta hlolongisa ku yini bona ke?
- 18 Wena u nga ta caba ha bona: wena u ta alakanya kwatsi za kuyini Jehova a Nungungulu wa wena a mahileko ka Faro, ni ka bonkle ba Gipite;
- 19 A tikuruxu ta hombe leti wena u ti wonileko hi mahlo ya wena, ni ziwoniso, ni zihlamaliso, ni canja ga nya mintamo, ni woko gi klakusilweko, lezo Jehova a Nungungulu wa wena a ku humesileko ha zona: zingaho Jehova a Nungungulu wa wena i ta maha ka babanhu labo ha bona wena u ba cabako.
- 20 Klatakumbiri Jehova a Nungungulu wa wena i ta rumela a tinyoxi xikari ka'bye, ku kala bona labo ba seleko, ba fihlileko a wutsumbu ga'bye, ba lobyiswa le mahlweni ka wena.
- 21 Wena u nga ta dzukiswa ka bona; hakuba Jehova a Nungungulu i kona xikari ka wena, Nungungulu wa hombe ni a tsisako.
- 22 Na Jehova a Nungungulu wa wena i ta hoxa kule a mifumo leyo yi nga mahlweni ka wena ha kutsongwani ni kutsongwani: wena kutani u nga ta mbetisisa bona ha katiginwe, ku nga taku a zihari za kwati zi anzi-swa hehla ka wena.
- 23 Kanilezi Jehova a Nungungulu wa wena i ta nyikela bona mahlweni ka wena, na yena i ta hlula bona hi kuhlula ka hombe, na bona ba taba ba lobyisilweko.
- 24 Na yena i ta nyikela a tihosi tabye canjeni ga wena, na wena u ta maha a mabito ya'bye ma lobyiswa labasi ka tilo: laho a ku kona munhu a ta nga tiya ku yima mahlweni ka wena, ka wena u lobisile bona.
- 25 Zifananiso za banungungulu za'bye zi baklilweko nwina mu ta zi hisa hi nzilo: wena u nga ta nabela a siliva leyi yi nga ka zona ge ni nzalama leyo yi nga ka zona, ge ni ku ku teka ka wena, u nga ta ku wena u klabyi-wa laho; hakuba kona ku hi nyenyeko ka Jehova Nungungulu wa wena.
- 26 Na wena u nga ta ncha a zinyenye-ko lomu ndlwini ya wena, u nga maha a xilo xi hoxilweko ku kota kona: wena u ta ku munzulukisisilweko wena, u ta hlamuka kona, na wena hi kumunzulukisisilweko u ta swirwa ha kona; hakuba xi xilo xi hoxilweko.

XIPIMO 8.

- 1 Konkle loku kuleletela loku mina nzi leleteleko wena nyamukla legi nwina mu ta ku lonzowotela mu ku maha kasi nwina ma fela ku hanya, ni ku enzelekela, mu engena leyo a ku ya fumela a tiko lego Jehova a nyikileko a bararu ba nwina.
- 2 Na wena u ta alakanya yonkle a ndlela leyi Jehova a Nungungulu wa wena a rangeleko wena laya mune wa makume ya malembe lomu xiwuleni, kasi yena wa fela a kukoramisa wena, ni ku ringa wena, a ku tiba lezaku za ku yini zi nga lomu mbilwini ya wena, kutani wena u wa ta nga u hlaysa a kuleletela ka yena, kutani ge.
- 3 Na yena i koramisile wena, ni ku vumela wena a kuzwa ndlala, i lo gisa wena hi mana, leyi wena u nga yi tibiko, ge ni bararu ba wena a ku yi tiba; lezo a su ngwa hi ku

DEUTERONOME, 9.

- tibisa wena lezaku a manhu a nga hanyi hi zibaba zoce, kanilezi a zilo zonk'lelele lezi zi humako hi le no-
nwini wa Jehova zi maha munhu a hanya.
- 4 Zona za tsama a zi kuli zi kosahala hehla ka wena, ge ni konzo wa wena a wu vimbangi laya a mune wa makume ya malembe.
- 5 Na wena u ta pimisisisa lomu mbilwini ya wena, lezaku, kwatsi hi munhu a tsayisako a nwana wa yena, zingaho Jehova a Nungungulu wa wena wa tsayisa wena.
- 6 Wena u ta hlalisa a ku leletela ka Jehova a Nungungulu wa wena, ni ku famba hi tindlela ta yena, ni ku caba yena.
- 7 Hakuba Jehova Nungungulu wa wena i neha wena le tikweni ga kusaseka, tiko ga micongo ya mati, ga tihlowo ni zi buka, ku kulungako lomo minzelelweni ni lomo zitsunge-
ni ;
- 8 A tiko ga mabele ni barle, ni mavina ni mikuwu ni mapomegraneti ; a tiko ga tisinya ta maolivi ni wulombe ;
- 9 A tiko legi wena u ta ngaga a zibaba na u nga hi na zitumbe, wena u nga ta vumala ncumo ka gona ; a tiko legi a maribye ya kona ina nga zike-tse, ni zitsunga sa gona wena u ta kela a suku.
- 10 Na wena u taga u xuriswa, na wena u ta katekisa Jehova a Nungungulu wa wena hi tiko legi ginene a nyikileko wena.
- 11 Klariha u nga ta ku u kohlwa hi Jehova Nungungulu wa wena, a ku nga hlalisisini ka kuleletela ka yena, ni ziyimiso za yena, ni zilayelo za yena, lezi mina nzi leletelako wena nyamukla legi :
- 12 Ku nga taku, laha na wena na u gile u xiriswa, na wakile a tindlu ti sasekisisilweko, ni ku tsama ka tona ;
- 13 Ni laha a miklambi ya tihomu ya wena ni miklambi ya tiyivu ya wena yi enzelekisilwe, ni siliva ga wena ni nzalama ya wena ku enzelekisilwe ni zonk'le lezo u nga nazo wena zi enzelekisilwe ;
- 14 Zonake a mbilu ya wena yi ta kukumuxwa, na wena u kohlwa hi Jehova Nungungulu wa wena, loye a humesileko wena hi le tikweni ga le Gipite, le ndlwini ya wukumbi ;
- 15 Loye a rangeleko wena le xiwuleni lexi xa hombe ni cabekisako, leyo ku nga wa hi ni tinyoka ta munzulukisako ni tihume, a saba ga matoralaho ku nga hiko kona a mati ; loye a nga ku nehela a mati ma huma le ribyeni ga mbokota ;
- 16 Loye a nga gisa wena lomo xiwuleni hi mana, leyi a bararu ba wena ba nga yi tibangiko ; lezaku a nga ku koramisa wena, ni ku kasi a nga ringa wena, a ku maha kusasa hi xikati xa wena xa lanzako a ku gumelwa :
- 17 U nga taku wena u wula mbilwini ya wena, a ntamo wa mina ni ntamo wa canja ga mina gi nzi nyikile mina loku kufuma.
- 18 Kanilezi wena u ta alakanya Jehova a Nungungulu wa wena, hakuba loye hi yena a nyikako wena a ntamo a ku kuma kufuma ; kasi wa fela a ku yimisa a xivumelwano lexo a nga wa hlambanyile ka bararu ba wena, ku kala legi siku.
- 19 Na kona ku ta mahaka laha na wena na u ribakelwa hi Jehova a Nungungulu wa wena, wena u famba hi ka banwani banungungulu, ni ku kozela bona, ni ku dumisa bona, mina uza kustumunya ka wena legi siku lezaku nwina ha kunene mu lobyisiswa.
- 20 Kwatsi hi mifumo leyi Jehova a yi mahako ku loba mahlweni ka nwina, zingaho nwina mu ta lobyis-
swa ; hakuba nwina mu nga ingisi a gezu ga Jehova Nungungulu wa nwina.

XIIMO 9.

- 1 Zwana, O Israeli : wena hi wena u ta nga klatuka Jordani legi siku a kuya u ya hlongolisa a mifumo ya hombe ni ya nya mintamo ku hunza wutsumbu ga wena, a miti ya hombe ni yi gingisilweko yiya hehla,
- 2 A banhu ba hombe ni bo leha, a bana ba ka Anakimu, ba labo wena u ba tibako, hi balabo wena u zwileko ku ngalo, Hi mani a nga yimako mahlweni ka banana ba Ana-
ke ke?
- 3 Tiba hikwalaho legi siku, lezaku Jehova a Nungungulu wa wena hi yena a klatukako a famba mahlweni ka wena kwatsi i nzilo wu kadamulako ; yena i ta lobisa bona, na yena

DEUTERONOME, 9.

- i ta ba neha lahasi mahlweni ka wena : zingaho wena u ta hlongola bona ba huma, ni ku maha bona ba lobyiswa hi ku haklisisilweko, kwatsi hilezi Jehova a wulawulileko ka wena.
- 4 U nga wulawuli wena mbilwini ya wena, a nzako ka ku ba lezo Jehova Nungungulu wa wena a hoxile bona le mahlweni ka wena, uku, Hi kululamisisa ka mina Jehova i lo nzi neha a ku ta fumela legi tiko; hi kuonhakala ka leyi mifumo ha kona Jehova wa ba hlongola bona ba huma mahlweni ka wena.
- 5 Ge a hi kululamisisa ka wena, kutani hi kusasisa ka mbilu ya wena, u fambako wena u ya engena ku fumela a tiko gabye; kanilezi hi kuonhakala ka leyi mifumo Jehova Nungungulu wa wena wa hlongola yona ba huma mahlweni ka wena, kasi wa fela ku tiyisisa a mhaka leyi a nga wa wulawulile zinwe ni bararu ba wena, ka Abrahamama, ni ka Isaka, ni ka Jakobe.
- 6 Tiba hikwalaho, Jehova a Nungungulu wa wena a nga nyiki wena legi tiko go saseka a ku fumela gona hakuba hi kululamisisa ka wena; hakuba wena u munhu wa nhamo ya kunonoha.
- 7 Alakanya wena, u nga ribakelwi wena, lezaku u vindlukisile Jehova a Nungungulu wa wena kuzangara lomo xiwuleni; cima ka siku lego wena u nga huma ha gona leyo Gipite, ku kala nwina mu ta ka legi wutsamo, nwina mu wa kari mu hi ba hlubukisisako mu hlubuka ka Jehova.
- 8 Kambe leyo Horebe nwina mu lo vindlukisa Jehova zangeni, na Jehova i wa zangarile ha nwina a ku lobyiswa nwina.
- 9 Laho mina nzi nga wa kanziyile nziya behla a kuya amukela a timbila ta maribye, tona a timbila ta xivumelwano lexi Jehova a mahileko zinwe na nwina, zonake mina nzi lo tsama leyo xitsungeni mune wa makume ya masiku ni mune wa makume ya wusiku; mina nzi wa nga gangi zibaba ge nzi wa nga nwani na mati.
- 10 Jehova i lo nyikela ka mina a timbila timbiri ta maribye ti tsalilweko hi litiho la Nungungulu; ni ka wona ku wa tsalilwe kukotisa hi ka tonke timbaka, leti Jehova a nga wa wulawulile zinwe na nwina le xitsungeni hi lomo xikari ka nzilo leyo sikwini ga tsombano.
- 11 Na ku mahisile lezo hi kugumelweni ka mune wa makume ya masiku ni mune wa makume ya wusiku, lezo Jehova i lo nyika mina a timbila timbiri ta maribye, tona timbila ta xivumelwano.
- 12 Na Jehova i te ngalo ka mina, Suka, hi leno u relela hi ku haklisisilweko; hakuba a banhu ba wena labo wena u ba humesileko hi leyo Gipite ba botisisile a wutsumbu gabye; bona ba haklisisile a ku hambuka klelweni ka ndlela leyo mina nzi leleteleko bona; bona ba mahile a xifananiso xi nyekisilweko.
- 13 Klatakumbiri kambe Jehova i lo wulawula ka mina, aku, Mina nzi wonile laba banhu, ni, languta, mbanhu ba nhamo ya kunonoha;
- 14 Tsikani mina nzocewo, kasi nza fela ku lobosa bona, ni ku hlanguka a mabito yabye lahasi ka tilo; mina nzi ta maha wena a mufumo wa hombe ni wa nya mintamo ku hunza bona.
- 15 Zingaho mina nzi lo klela nzi relela hi le xitsungeni, ni xitsunga xi wa ku vura hi nzilo: ni timbila timbiri ta maribye ta xivumelwano nzi wa ti klemerele lomu mandleni ya mina ha mambiri.
- 16 Na mina nzi wa lo cuwuka, ni, languta, nwina mu onhile mu vukela Jehova a Nungungulu wa nwina; nwina mu wa mahile a role gi nyekisilweko: nwina mu wa hambukile klelweni hi ku haklisisilweko mu huma ndleleni leyi Jehova a leleteleko nwina.
- 17 Na mina nzi lo klemerele a timbila timbiri, nzi lo hoxa tona hi mandla ya mina ha mambiri, nzi lo panza tona mahlweni ka mahlo ya nwina.
- 18 Mina nzi lowa lahasi mahlweni ka Jehova, kwatsi hi kuranguleni, mune wa makume ya masiku ni mune wa makume ya wusiku; mina a nzi gangi zibaba ge ni ku nwa a mati; hakuba hi xionho xa nwina lexi mu onhileko, kumani ka lezi zi bihileko kuwoneni ka Jehova, a ku vindlukisa yena a zangara.
- 19 Hakuba mina nzi wa lo caba a zanga ni kuhisa ka kuhlumukisisa, loko

- ha kona Jehova a nga wa hlamukile a vukela wena a ku lobisa wena. Kanilezi Jehova i lo ingisa ka mina lexo xikati kambe.
- 20 Na Jehova i wa hlamukile nguvu ha Aroni a ku mu lobisa: na mina kambe nzi lo kombelela Aroni ka xwalexo xikati.
- 21 Na mina nzi lo teka a xionho xa nwina, role mu yi mahako, ni ku xi hisa hi nzilo, ni ku silisisa xona, ni ku xi cinzetelelela a fufanyi nguvu-nguvu, kala xona xi mahla linatsi kwatsi i tsutsungwani: ni ku hoxa a tsutsungwani lowoke le congweni, lowo wu nga buka hi leyo xitsungeni.
- 22 Ni le Tabera, ni le Masa, ni Kibrotehatava, nwina mu vindlukisile Jehova hakuba a be a zangarako.
- 23 Ni laho Jehova a nga wa mu rumile hi le Kadexebarnaa, aku, Kanziyani muya fumela a tiko legi mina nzi nyikileko nwina; zonake nwina mu lo hlubuka mu vukela a kuleletela ka Jehova a Nungungulu wa nwina, nwina a mu kolwangi ka yena, ge ni ku ingisisisa ka gezu ga yena.
- 24 Nwina mu wa kari mu hi bahlubukisisako mu vukela Jehova ku sukela lego siku mina, nzi nga tiba nwina.
- 25 Zingaho mina nzi lowa lahasi mahlweni ka Jehova a mune wa makume ya masiku ni mune wa makume ya wa wusiku lawo nzi nga wa wele lahasi, hakuba Jehova yena i wa te ngalo yena i wa ta nga a lobisile nwina.
- 26 Na mina nzi wa lo kombela ka Jehova, nzi te ngalo, O Hosi Jehova, u nga lobisi a banhu ba wena ni mufumo wa wena, labo u ba klaklileleko hi wukulu ga wena, leza ku wena u ba humesile ba huma hi leyo Gipite hi canja ga nya mintamo.
- 27 Alakanya a nanza ga wena, Abraham, na Isaka, na Jakobe; u nga cuwuki a wuklatwa ga laba banhu, ge ni ka kubihisisisa kabye, kutani ni xionho xabye,
- 28 Ku nga ta ku a tiko legi u hi nehileko hi huma ka gona giku, Hakuba Jehova i wa nga zi koti ku ba neha le tikweni lego yena a tsumbisileko gona bona, ni hakuba yena a bengako bona, yena i ba nehile

ba huma a ku ta ba daya lomu xiwuleni.

- 29 Kasi lezoke bona banhu ba wena ni mufumo wa wena, lowu wena u wu nehileko wu huma hi ntamo wa hombe na hi woko ga wena gi klakusilweko.

XIPIMO 10.

- 1 A ka lexo xikati Jehova i te ngalo ka mina, Bakla wena a timbila timbiri ta maribye ku fanana ni leti ta kurangula, u kanziya u ta ka mina le xitsungeni, ni ku maha wena a arke ga sinye.
- 2 Na mina nzi ta tsala laho timbileni a timhaka leto ti nga wa timbileni ta kurangula leto wena u ti panzileko, na wena u ata bekela tona lomo a arkeni.
- 3 Zingaho mina nzi lo maha a arke hi sinye ya Arkakia, nzi lo bakla a timbila timbiri ta maribye ku fanana ni leti ta kuranga, nzi lo kanziya le xitsungeni, na nzi hi ni maribye mambiri lomu canjeni ga mina.
- 4 Na yena i lo tsala lomo timbileni, kukotisa hi kutsala ka kuranguleni, a kume ga milayo leyo Jehova a wulawulileko ka nwina leyo Xitsungeni le xikari ka uzilo le sikwini ga kutsombana: na Jehova i lo nyika ka mina.
- 5 Na mina nzi lo klela nzi relela nzi wuya hi le xitsungeni, nzi lo ta beka a timbila lomu arkeni legi nzi nga wa gi mahile; na tona ti wa hi laho ku kwatsi Jehova a nga nzi leletela.
- 6 (Ni banana ba ka Israeli ba lo andlamuka hi le Beerote Benejakani kuta Mosera. La ho Aroni i lofa, ni leyo i wa lo keletwa; na Eleazara a nwana wa yena i lo engena nkozweni ya wupristi xikundleni xa yena.
- 7 Ku sukela leyo bona ba andlamukela kuya le Gudgoda; ku sukela le Gudgoda hi lota Jotbatha, a tiko ga micongo ya mati.
- 8 Ka lexo xikati Jehova i wa langile a lixaka la ka Levi, a ku rwala a arke ya xivumelwano xa ka Jehova, a ku yima mahlweni ka Jehova ni ku kozela mahlweni ka yena, ni ku katekisa a bito ga yena, kala legi siku.
- 9 Ngahilezo a ba ka Levi a ba na xibelo xa tsomba ziawe ni bamakabye; na Jehova hi tsomba ya yena, kuko-

DEUTERONOME, 11.

- tisa lezi Jehova a Nungungulu wa wena a wulileko ka yena.)
- 10 Mina nzi lo tsama leyo xitsungeni, kwatsi hi xikati xa kurangula, mune wa makume masiku ni mune wa makume a wusiku: na Jehova i lo ingisa ka mina lexo xikati kambe; Jehova i wa nga mu lobisangi nwina.
- 11 Na Jehova i wa te ngalo ka mina, Suka, u teka a lwenzo la wena mahlweni ka banhu; bona ba ta famba ba fumela, a tiko legi mina nzi nga wa hlambanyile ka bararu babye a ku nyika bona.
- 12 Ni makunu, Israeli, xini xana Jehova a Nungungulu wa wena a xi wutisako ka wena, kanilezi a kucaba Jehova a Nungungulu wa wena a ku famba hi tindlela tonkile ta yena, ni ku ranza yena, ni ku kozela Jehova a Nungungulu wa wena hi mbilu ya wena yonkile ni muhefemulo wa wena wonkile.
- 13 A ku hlayisa a kuleletela ka Jehova, ni kulayela ka yena, loku nzi kuleletelako wena legi siku akuba kusa ka wena ke?
- 14 Languta, ka Jehova Nungungulu njawena a gi ka yena a tilo ga matilo, ni misaba ni zonkile lezi zi nga ka yona.
- 15 Kumbela Jehova i lo tangaliswa hi bararu ba wena a ku baranza bona, na yena i lo langa labo ba mbewu ya bona anzako a bona, hambu nwina hehla ka babanhu bonkile, kwatsi hi ku kota legi siku.
- 16 Engenisani a wukwera a dewu ga magumo ya mbilu ya nwina, na mu nga ha engeti kambe a kunonohisa timhamo.
- 17 Hakuba Jehova a Nungungulu wa nwina, yena hi Nungungulu wa banungungulu, ni Hosi ya tihosi, a Nungungulu wa hombe, a nya mintamo, na a cabisekisako, loye a nga hlawuliko banhu, ge ni ku teka ncazelo.
- 18 Loye a tsanzako a nongameto ka banana ba zisiwanano ni tinoni, a ranzako a balubeli, a ku nyika yena a kuga ni ku ambala.
- 19 Ranzani a balubeli hikwalaho; hakuba nwina mu wa hi balubeli lomo tikweni ga le Gipite.
- 20 Wena u ta caba Jehova a Nungungulu wa wena; yena hi yena u ta nga kozela yena; ni ka yena wena u ta namarela, na hi bito ga yena wena u ta hlambanya.
- 21 Yena ku kubonga ka wena, yena hi Nungungulu wa wena, loye a mahileko lezi zilo za hombe ni zi cabekako, lezi a mahlo ya wenawu ma zi wonileko.
- 22 Ni bararu ba wena ba lo relela baya leyo Gipite ni banhu ba nklanu ni mambiri makume; makunu Jehova a Nungungulu wa wena i mahile wena u ku kwatsi u tinyeleti ta tilo hi wunyengi.

XIPIMO 11.

- 1 Hikwalaho wena u ta ranza Jehova Nungungulu wa wena, ni ku hlayisa kuwula ka yena, kulayela ka yena, ni ziyimiso za yena, ni kuleletela ka yena, xonkile xikati.
- 2 Tibani legi siku: hakuba a nzi wulawuli ni banana ba nwina laba ba nga tibiko, ni laba ba nga wonangiko a kutsayisa ka Jehova Nungungulu wa wena, a wukulu ga yena, ni canja ga yena ga ntamo, ni woko ga yena gi klakusilweko.
- 3 Ni ziwoniso za yena, ni mitiro ya yena, le a yi mahileko xikari ka ba Gipite na Faro a hosi ya le Gipite, ni ka gonkile a tiko:
- 4 Ni ku i mahisile ku yini ka yimpi ya ba le Gipite, ka mahaxi yabye, ni ka tikareta tabye; lezaku i mahisile ku yini a mati ya Bimbi go Truka ma kulunga hehla ka bona kwatsi hilezi ba nga wa hlongolisa nwina, lezaku Jehova i lobisile bona kala nyamukela;
- 5 Ni lezaku i mahisile ku yini ka nwi-na lomo xiwuleni, kala nwina mulota ka legi wutsamo;
- 6 Ni lezaku i mahisile ku yini ka Datani na Abiramu, a bana ba ka Eliabe a nwana ba ka Rubeni; lezaku a misaba yi lo ahlama a nomu wa yona, yi ba kadamula, ni mingango yabye, ni matenta yabye, ni zonkilelele zi hanyakako lezo zi nga wa lanzela bona, xikari ka bonkile a ba ka Israeli:
- 7 Kanilezi a mahlo ya nwina ma wonile yonkile leyi a mitiro ya hombe ya Jehova leyo yena a nga wa yi mahile.
- 8 Hikwalaho nwina mu ta hlayisa a kuleletela loku mina nzi leletelako wena legi siku, kasi nwina mafela ku ba ni ntamo, ni ku famba

- lomo muya fumela a tiko, lego nwina mu klatukako a ku ya gi fumela gona ;
- 9 Kasi nwina ma fela ku longoloka ni masiku ya nwina lomo tikweni, lego a hlambanyileko ka bararu ba nwina a ku nyika gona ka bona ni ka mbewu yabye, a tiko gi kulungako a masi ni wulombe.
- 10 Hakuba a tiko lego wena, u yako u ya fumela gona, a gi kwatsi hi tiko ga le Gipite, lego nwina mu humileko ka gona, laho u nga wa byala a mbewu ya wena, u celetela a mati hi konzo wa wena, kwatsi ka simu ga kubyanyi ;
- 11 Kanilezi a tiko, legi wena u klatukako kuya fumela gona, ga zitsungana ni minzelelelo, ga kunwa a mati ya vula ya tilo,
- 12 A tiko lego Jehova a Nungungulu wa wena a gi celako kota : hakuba a mahlo ya Jehova a Nungungulu wa wena ma le hehla ka gona xonkle xikati, ku sukela kusanguleni ka lembe ku kala kugumelweni ka lembe.
- 13 Na ku ta ku na ku mahisile lezo, loku nwina mu ingisisa hi kutsonametisisilweko ka zileletelo za mina le zi nzi leletelako wena legi siku, a ku ranza Jehova a Nungungulu wa wena, ni ku kozela hi mbilu ya wena yonkle ni muhefemulo wa wena wonkle,
- 14 Lezaku mina nzi ta nyika a vula ya tiko ga wena tinguba ta yona, a vula ya ku ranga ni vula ya ku mbela, kasi wena wa fela ku wungeletela a mbewu ya wena, ni waini ga wena ga giswa, ni mafura ya wena.
- 15 Na mina nzi ta nyika a byanyi lomu kwatini ga wena a kuga a tihому ta wena, na wena u taga u xuriswa.
- 16 Klarihani ka wutsumbu ga nwina, ku nga taku a mbilu ya nwina yi hi yi kohlisilweko, ni ku hambuka kletweni, mu kozela banungungulu banwani, ni ku ba dumisa bona ;
- 17 Ni kuhlamuka ka Jehova ku vindlekiswa ku vukela nwina, ni ku vala tilo, zingahoke laho ku ta ku ba ku nga hi na vula, ni tiko gi nga ta trala a mihanzo ya gona ; na nwina mu ta mbeteka hi ku haklisisilweko le tikweni lego ku saseka Jehova a nyikileko nwina gona.
- 18 Hikwalaho nwina mu ta beka leti timhaka ta mina lomu mbilwini ya nwina ni lomo muhefemulweni wa nwina ; na nwina mu ta boha tona a ziwoniso lomo canjeni ga nwina, tona ti ta ba zimoinbyeni ga nwina xikari ka mahlo ya nwina.
- 19 Na nwina mu ta gonzisa tona ka banana ba nwina, na mu hi mu wulako ha tona, ni laha wena u tsamileko lomo ndlwini ya wena, ni laha wena u fambako hi ndlela, ni laha na wena na u eklela laha lahasi, ni laha wena u sukako.
- 20 Na wena u ta tsala tona hehla ka timhanze ta libati la yindlu ya wena, ni hehla ka tinyangwa ta wena ;
- 21 Kasi a masiku ya wena ma enzelelekiswa, ni masiku ya banana ba wena, le tikweni lego Jehova a hlambanyileko ka bararu ba wena a ku nyika bona, kota masiku ya matilo le hehla ka misaba.
- 22 Hakuba loku nwina hi kutsonometisisilweko mu ta gongola a kuleletela, loku mina nzi leleteleko nwina, a ku maha kona, a kuranza Jehova a Nungungulu wa nwina, a ku famba hi tonkle a tindlela ta yena, ni ku namarela ka yena ;
- 23 Zonake Jehova i ta hlongola yonkle leyi mifumo mahlweni ka wena, na nwina mu ta hlongola a mifumo ya hombe yi nga nya mintamo ku hunza nwina wutsumbu.
- 24 Ni wutsamo gonktelele laho a xipama xa konzo wa wena xi ta nga kanziyela gi ta ba ga nwina gona : ku sukela hi le xiwuleni, ni Lebanoni, ku sukela le congweni, a cong Eufrate, kala bimbini ga le nzako ku ta ba a mbingano wa nwina.
- 25 La ho ku nga ta ku ba kona a munhu kotako ku mahlweni ka nwina : Jehova Nungungulu wa nwina i ta klateka a kucahya ka nwina ni kutsisa ka nwina hehla ka tiko, legi nwina mu ta nga kanziyela hehla ka gona, kwatsi hi lezi yena a wulawulileko ka nwina.
- 26 Langutani, nzi beka mahlweni ka nwina i legi siku a zikatekiso ni makombo ;
- 27 A zikatekiso, loku nwina mu ta zwisisa ka zileletelo za Jehova a Nungungulu wa nwina, lezi nzi leletelako nwina legi siku ;

- 28 Ni makombo, loku *nwina* mu nga zwisisi ka zileletelo za Jehova a Nungungulu wa wena, kanilezi u hambuka klatweni ndleleni leyi mina nzi leletelako wena legi siku, a kuya ka banwani banungungulu laba *nwina* mu nga ba tibiko.
- 29 Ku ta ku na ku mahisile lezo, laha na Jehova a Nungungulu wa wena na tisile leyo tikweni lego wena u yako ku ya fumela gona, lezaku wena u ta katekisa le hehla ka xitsunga Gerezima, ni kombo hehla ka xitsunga Ebale.
- 30 Zona a zi le klatukweni wa Jordani ke, hi le nzako ka kupela ka gambo, tikweni ga ma Kenani lawo ma a akileko le Araba, klatuko wu xungeteneko ni le Gilgale, hi lahandle ka tisinya ta le Mora ke?
- 31 Hakuba *nwina* mu ta klatuka Jordani mu ya fumela a tiko legi Jehova a nyikileko *nwina*, na *nwina* mu fumela gona, ni ku aka ka gona.
- 32 *Nwina* mu ta lonzowotela a ku maha konkle kuleletelo zonkle zilayelo ni ziyimiso lezi nzi bekileko ka *nwina* legi siku.

XIPIMO 12.

- 1 Lezi hi zilayelo ni ziyimiso lezi *nwina* mu ta nga zi lonzowota leyo tikweni lego Jehova, Nungungulu wa bararu ba wena, a nyikileko wena a ku fumela gona, wonkle masiku laya mu hanyako hehla ka misaba.
- 2 *Nwina* ha kunene mu ta lobisa a wutsamo lego ha gona matiko lawo mu ta nga mahlongola ma nga wa kozela a banungungulu babye, hehla ka zitsunga zo leha, ni hehla ka zitsungana, ni lahasi ka tisinya tonklelele to nyuka:
- 3 Na *nwina* mu ta tsobeletelela a malati ya/ye, mu kungumulela a fufanyi a timbinga ta/ye ni ku hisa Axerima wa bona hi nzilo; na *nwina* mu ta tsemelela a zifanaiso za/ye zi bafilileko za banungungulu babye; na *nwina* mu ta lobisa a bito ya zona wutsa/weni ga zona.
- 4 *Nwina* mu nga ta maha lezo ka Jehova a Nungungulu wa *nwina*.
- 5 Kanilezi ka wutsamo lego Jehova a Nungungulu wa *nwina* a ta nga langa ka tonkle a tixaka ta *nwina*, a ku beka a bito ga yena laho, kona

- ka ba akileko ba yena *nwina* mu ta laba, lenoke wena u tata;
- 6 Leno *nwina* mu ta neha a minyikelo ya *nwina* ya kuhiswa, ni mipahlelo ya *nwina*, ni ka wukume ka *nwina*, ni minyikelo ya kunziwitela ya canja ga *nwina*, ni zifungo za *nwina*, ni minyikelo ya *nwina* yiklatlekileko, ni matewula ya miklambi ya tihomu ya *nwina*, ni ya miklambi ya *nwina*:
- 7 Leyo *nwina* mu taga mahlweni ka Jehova a Nungungulu wa *nwina*, na *nwina* mu ta tsakiswa hi ka zonkle lezo *nwina* mu bekako a mandla ya *nwina* ka zona, *nwina* ni ti nghamu ta *nwina* hi ka loko Jehova a ha kona a katekisileko *nwina*.
- 8 *Nwina* mu nga ta maha a ku kota a zilo lezi hi mahako laha legi siku, bonklelele banhu ku kota zi sasekileko mahlweni ka *nwina*;
- 9 Hakuba *nwina* a mu se kuta le kuhumuleni ni fumulweni, legi Jehova Nungungulu wa wena a nyikileko wena.
- 10 Kanilezi laha *nwina* mu klatukile a Jordani, ni ku ta aka tikweni lego Jehova a Nungungulu wa *nwina* a maheleko *nwina* a tsomba, ni ku nyika *nwina* a kuhumula ka balala ba *nwina* bonkle ba mu renzelekeleko, lezo kasi mu fela kuaka na kulele;
- 11 Zonake ku ta mahisa lezo ka wutsamo lego Jehova a Nungungulu wa *nwina* a ta nga langa, a ku maha a bito ga yena a ku tsama laho, leyo hi kona mu ta nga neha zonkle lezi zi leletelweko ka *nwina*: a minyikelo ya *nwina* ya kuhiswa, ni mipahlelo ya *nwina*, ni za wukume za *nwina*, ni minyikelo ya ya kunziwitela ya le canjeni ga *nwina*, ni konkle kufunga ka *nwina* ku hlawulileko loko *nwina* mu fungileko ka Jehova.
- 12 Na *nwina* mu ta tsaka mahlweni ka Jehova a Nungungulu wa *nwina*, *nwina*, ni barisanyana ba *nwina*, ni banhanyana ba *nwina*, ni malanza ya *nwina* ya xinuna ni malanza ya *nwina* ya xisati, ni ba ka Levi labo ba nga laho tinyangweni ta *nwina*, hakuba kwatsihilo a nga hiko na xiabelo xikari ka tsomba ya *nwina*.
- 13 K'haribisisa ka wutsumbu ga wena lezaku u nga ta nyikela a minyikelo

- ya kuhiswa ga gonktelelele wutsumo legi wena u gi wonako;
- 14 Kanilezi ka tiko lego Jehova a ta langa ga liawe la tixaka ta nwina, leyo wena u ta nyikela kona minyikelo ya wena ya kuhiswa, ni leyo wena u ta maha lezi zonkle nzi leleteko wena.
- 15 Hambulezoke, wena u nga dayako uga nyama leyo tinyangweni ta wena tonkle, ku kota kuxuba konkle ka muhefemulo wa wena, kukotisa hi zikatekiso za Jehova a Nungungulu wa wena lezo a katekisileko wena: a ku nga hlazeki ni kuhlazekileko u ngaga leyo, a zo kwatsi mangulwe, ni mbabala.
- 16 Kumbela nwina mu nga taga a nkata; wena u ta halata wona hehla ka misaba kwatsi i mati.
- 17 Wena u nga ta kuga a za wukume za mbewu ya wena le nyangweni ya wena, kutani za waini giwa ga wena, kutani za mafura ya wena, kutani matewula ya tihomu ta wena, ni miklambi ya wena, kutani ni ka xihhi a xifungo xa wena lexi u xifungileko, ge ni munyikelo wa wena wu klaklekileko, ge ni minyikelo ya kunziwitela ya lomo canjeni ga wena;
- 18 Kanilezi wena u taga yona mahlweni ka Jehova Nungungulu wa wena wutsanweni lego Jehova a Nungungulu wa wena a ta langa, wena, ni nisanyana wa wena, ni nhanyana wa wena, ni nanza ga xinuna ga wena, ni nanza ga xisati ga wena, ni wa ka Levi loye a nga nyangweni ya wena: na wena u ta tsakiswa mahlweni ka Jehova a Nungungulu wa wena ka zonkle lezo wena u bekelako a canja ga wena ka zona.
- 19 Klarihisisa ka wutsumbu ga wena lezaku wena u nga tsiki a wa ka Levi kwatsi lezi wena wa ha tsamileko lomo tikweni ga wena.
- 20 Laha Jehova Nungungulu wa wena a ta nga kulisa a mbingano wa wena, kwatsi hi kutumbisa kakwe ka wena, na wena u ta ku ngalo, Nzi taga a nyama, hakuba a mbilu ya mina ya ranza a kuga a nyama: na wena u ta kuga a nyama, kwatsi hi konkle a kuxuba ka muhefemulo wa wena.
- 21 Loku a wutsumo lego Jehova a Nungungulu wa wena a ta nga langa, a ku beka a bito ga yena leyo, gi nga gi hi kule ku suka hi le ka nwina, zomake wena u ta klaba a homu ya wena kutani i klambi wa wena, lowo Jehova a nyikileko wena, kwatsi hilezi mina nzi leleteko wena; wena u ngaga le tinyangweni ta wena, kota kuxuba konkle ka muhefemulo wa wena.
- 22 Kwatsi hi lezi a mangulwe ni mbabala zi giwako, zingaho wena u ngaga zona: le zi nga hlazekangiko ni zi hlazekileko u ngagi leyo kota yizwe ka zona.
- 23 Kumbela wena klarihisisa lezaku wena u ngagi a nkata: hakuba a nkata mbutomi; na wena u ngagi a wutomi zizwe ni nyama.
- 24 Wena u nga taga wona; wena u ta halata wona kukotisa a mati hehla ka misaba.
- 25 Wena u nga ta kuga wona; kasi ku fela ku maha kwatsi ka wena, ni ka banana ba wena a nzako ka wena, ni laha wena u ta nga maha loku a kusasa mahlweni ka Jehova.
- 26 Kumbela a zibya za wena lezi zo basasa wena u nga nazo, ni zifungo za wena, wena u ta teka, u ta famba nazo leyo tikweni lego Jehova a ta nga langa;
- 27 Na wena u ta nyikela laho a minyikelo ya kuhiswa a nyama ni nkata, hehla ka alati ga Jehova a Nungungulu wa wena; ni nkata wa mipahlalo ya wena yi ta cululelwa le hehla ka alati ga Jehova Nungungulu wa wena; wena u taga a nyama.
- 28 Lonzowota uzwa tonkle timhaka leti nzi lelelako wena, kasi ku fela ku maha kwatsi ka wena, ni ka banana ba wena lenzako ka wena kala kupinzuka, laha u mahako lezo za kusasa ni tsonameto ka mahlo ya Jehova Nungungulu wa wena.
- 29 Laha Jehova a Nungungulu a ta nga tsema a matiko hi le mahlweni ka wena, lawo wena u yako ku ba hlongolisisa bona, na wena u ta hlongolisisa wona, ni ku aka tikweni gabye;
- 30 Klarihisisa ka wutsumbu ga wena lezaku wena u nga ta klabyiwa hi ku lanzela bona, a nzako kakuba bona ba lobyisilwe mahlweni ka wena; lezaku wena u nga ta wutisa hi banungungulu babye; uku, Ba kozelisa ku yini laba banhu banungungulu babye ke? lezoke minawu nzi ta mahawu zakungahi.

- 31 Wena u nga ta maha zakungaho ka Jehova a Nungungulu wa wena : hakuba wonklelele manyala ka Jehova, laya yena a ma bengako, bona ba mahile ka banungungulu babye ; hakuba hambu barisinyana babye ni banhanyana babye bona ba hisile nzilweni wa banungungulu babye.
- 32 Kani hixihi a xilo lexo mina nzi leleteleko xona ku xi maha : wena u nga ta engetela ka xona, ge ni kuhungula ka xona.

XIPIMO 13.

- 1 Loku leyo kuvumbuluka xikari ka wena a muprofeti, kutani mulori wa miloro, kutani a nyika wena a xiwoniso kutani xihlamaliso,
- 2 Ni xiwoniso kutani xihlamaliso xi mahisile lezo, lexo yena wulawulileko ha xona ka wena, aku, Nga hina hi lanzela banwani banungungulu, laba wena u nga ba tibiko, a ku nga hina hi kozela bona ;
- 3 Wena u ta ingisa ka timhaka ta loye a muprofeti, ge ni ka loye mulori wa miloro : hakuba Jehova a Nungungulu wa wena hi yena a ringako wena, a ku tiba lezaku wena wa ranza Jehova a Nungungulu wa wena hi mbilu ya wena ni muhefemulo wa wena.
- 4 Nwina mu ta famba ku lanzela Jehova a Nungungulu wa nwina, ni mu caba yena, ni ku hlayisa a ku leletela ka yena, ni ku ingisa a gezu ga yena, na mu ta kozela yena, ni ku namarela ka yena.
- 5 Ni loye a muprofeti, kutani loye a mulori wa miloro, yena i ta dawa, hakuba yena i wulawulile a hlubukusisisako ka Jehova a Nungungulu wa wena, loye a nga humesa nwina hi le tikweni ga le Gipite, ni ku kuklaklisa wena hi le ndlwini ya wukumbi, a ku kokela wena klelweni le ndlcleni leyi Jehova Nungungulu wa wena a leletelako wena a ku famba ha yona. Zingaho wena u ta susa a kubiha xikari ka wena.
- 6 Loku a makabye wa wena, a nwana wa nyine wa wena, kutani a nwana wa wena, kutani a sati wa xifuba xa wena, kutani i xaka ga wena, legi gi nga lomu muhefemulweni wa wena, a kucetela wena hi kufihleki-sisilweko, aku, Nga hi fambani hi

- ya kozela banwani banungungulu, labo wena u nga ba tibangiko, wena, ge ni bararu ba wena ;
- 7 A banungungulu ba banhu labo ba ranzeleko wena, ku suhani na nwina, kutani kule na wena, ku sukela hi gumelo giawe ga misaba ku kala ku cikela ka giwani gumelo ga misaba ;
 - 8 Wena u nga ta vumela ka yena, ge ni ku ingisa ka yena ; ge ni mahlo ya wena ma nga ta hawukela ka yena, ge wena u nga ta tsika yena, ge wena u nga ta xuxelana zinwe na yena :
 - 9 Wena ha kunene u ta daya yena ; ni canja ga wena gi ta ba ga kurannga a ku daya yena, ni nzako ka lezo a canja ga banhu bonkle.
 - 10 Wena u ta gandlela yena hi maribye kala afe, hakuba yena i wa laba ku ku kokela wena kule ka Jehova a Nungungulu wa wena, loye a humesileko wena hi le tikweni ga le Gipite, hi le ndlwini ya wukumbi.
 - 11 Ni bonkle ba ka Israeli ba ta zizwa, ba ta caba, ba su huhla ba zi tsika a ku maha a kubiha lomu xikari ka wena.
 - 12 Ni loku wena u tazwa ku byelwa hi munwani wa miti ya nwina, leyo Jehova a Nungungulu wa nwina a nyikileko nwina a ku aka kona, aku,
 - 13 A viyo ga banhu bo kari ba humele lomu xikari ka wena, ni ku ba kokele kule a banhu ba muti wabye, baku, Nga hina hi famba hi ya kozela banwani ba Nungungulu, labo wena u nga ba tibiko ;
 - 14 Zonake wena u ta wutisa, ni ku sangula kuhlola, ni ku wutisa hi kutsometisisilweko ; ni, languta, loku zi nga zi hi zinene, ni lexi xilo xi lasu dlunya, a xinyenyeko xa kungaho xi mahilwe lomu xikari ka wena,
 - 15 Wena ha kunene u ta hlasela a nghamu yonkle ya muti lowo hi wukla ga supado, wu lobyiswa wona hi kumbetisisilweko, zonkle lezo zi nga ka wona, ni tihomu ta kona, hi wukla ga supado.
 - 16 Na wena u ta wungeletela yonkle a nhunzhu ya kona xikari ka mapango ya kona, na wena u ta hisa hi nzilo a muti, ni yonkle a nhunzhu ya kona ku nga sali ncumo, ka Jehova a Nungungulu wa wena : kona ku

ta ba a xitsunzulu kala kupinzuka ; kona ku nga ta akiwa kambe.

- 17 Ni laho ku nga namareli ncumo xialisilweko canjeni ga wena; kazi Jehova wa fela kubohla kucabisekeni ka kulo ga yena, a kombisa wena a titalo, ni kuba ni hawukelwa hehla ka wena, ni ku enzelekisa wena, kwatsi hi lezi a hlambanyileko ka bararu ba wena;
- 18 Laha wena u ta nga zwisisa ka gezu ga Jehova a Nungungulu wa wena, a ku hlayisa konkle a kuleletela ka loku mina nzi leleteleko wena legi siku, a ku maha loku ku kusasa ka mahlo ya Jehova a Nungungulu wa wena.

XIIMO 14.

- 1 Nwina mu banana ba Jehova a Nungungulu wa nwina: nwina mu nga ta klabela a wutsumbu ga nwina, ni ku maha a timbirimbi xikari ka mahlo ya nwina hi kota ya bafileko.
- 2 Hakuba wena u banhu ba kubasa ka Jehova a Nungungulu wa wena, na Nungungulu i langile wena akuba a banhu ba tsomba ya yena, hehla ka banhu bonkle labo ba nga lomo ngo-heni yonkle ya misaba.
- 3 Wena u nga taga a xilo xi nyenyekeleko.
- 4 Lezi hi zihari lezi nwina mu nga zi gako: a homu, ni yivu, ni mbuti,
- 5 A mangulwe, ni mbala, ni hlangu, ni mhuti, a hlengani, ni xipene, a nbongo.
- 6 Ni zonkilelele a zihari lezi zi na nga ni kanzo ga patswa, ni kanzo ga kona gi patseneko mambiri, ni hlafunhako, xikari ka zihari, lezo nwina mu ngaga.
- 7 Ahemba lezi mu nga taga ka zona lezi zi hlafunhako, kutani ka zona lezi nga ni makanzo ma patseneko a mazonzo mu nga taga zona: a Kameli, ni pfundla, ni hlolhwe, hakuba zi hlafunhako na zi nga abanyekangi mazonzo, zona a zi hlazekangi ka wena.
- 8 Ni kumba, hakuba gi abanyekileko mazonzo kanilezi gi nga hlafunhiko, gona a gi hlazekangi ka wena: hi nyama ya zona nwina mu nga ta kuga, ni zirumbi za zona nwina mu nga ta zi kumba.
- 9 Lezi mu ngaga ka zona zonkle lezi zi nga lomu matini: kani hizihi zi

nga ni zipapilo ni magwaru nwina mu ngaga;

- 10 Ni kani hizihi zi nga hiko na zipapilo na magwaru nwina mu nga ta ziga; kona a ku hlazekangi ka nwina.
- 11 Zonkle zinyanyani zi hlazekileko nwina mu ngaga.
- 12 Kanilezi lezi hi zona nwina mu ta nga kala mu ngagi: a gama, ni ximhungu, ni likotani,
- 13 Ni xikoklwani, ni fokwani, ni mariyani kukotisa hi tixaka takwe,
- 14 Zonkilelele zikunguwe kukota hi tixaka ta zona,
- 15 Ni yinjwa, ni xihuhuluhuhu, ni mikukunambu, ni likotani lolu lahombe kota hi tixaka ta lona,
- 16 Ni xi koklwani xi tsongwani, ni xikoklwani lexi xa hombe, ni kuhunhu,
- 17 Ni makolekole, ni makoti, ni magotso,
- 18 Ni mahulwani, ni maxomuxomu ku kota hi tixaka ta yena, ni nyawu-ngonzwani, ni mangabilani.
- 19 Ni zonkle a zo kokakoka zi nga ni tipapa a zi hlazekangi ka nwina: zona zi nga ta giwa.
- 20 Ni zonkle a zinyanyani zi hlazekileko nwina mu nga ziga.
- 21 Nwina mu nga ta kuga kani hi yini lexi xi ti feleko ha xoce: kutani wena u nga nyika a mulubeli loye a nga lomu tinyangweni ta wena, kasi a fela a ku yena aga kona; kutani wena u nga ku xabisa ka wa matiko: hakuba wena mu banhu bo basa ka Jehova a Nungungulu wa wena. Wena u nga ta bika a ximbutana na xa hahi mafini ya nyine wa xona.
- 22 Wena ha kunene u ta abanyisa a ka wukume ka konkle a ku anzi-swa ka mbewu ya wena, leyi yi humako masinwini a malembe wonklelele.
- 23 Na wena u taga mahlweni ka Jehova a Nungungulu, le wutsanweni lego yena a ta langa, a ku maha a bito ga yena gi aka leyo, a ka kume ka mabele ya wena, a ka waini ga wena ga giwa, ni ka mafura ya wena, ni matewula ya wena ya ti-homu, ni ya miklambi: kasi wena wa gonza a kucaba Jehova xikati xonkle.
- 24 Ni loku a ntlela ku hi kule ka wena, lezaku wena u nga zi koti a

kurwala kona, hakuba a wutsamo gi le kule ka wena, lego Jehova a Nungungulu wa wena a ta nga langa gona, a ku beka a bito ga yena leyo, laha Jehova a Nungungulu wa wena a ta nga katekisa wena ;

25 Zonake wena u ta hunzula kona u ku maha a mali, u welela hi canja ga wena, na wena u ta ya ka wutsamo lego Jehova a Nungungulu wa wena a ta nga langa :

26 Na wena u ta nyikela a mali kani hi yini lexi a muhefemulo wa wena wu ta nga xi xubako, kutani i kabi, kutani i yivu, kutani i waini, kutani kunwa ka ntamo, kutani hi xihi lexo a muhefemulo wa wena wu wutisa-ko wena ; na wena u taga leyo malilweni ka Jehova a Nungungulu wa wena, na wena u ta tsaka, wena ni nghamu ya wena.

27 Ni wa ka Levi loye a nga lomo nyanweni ya wena, wena u nga ta tsika yena ; hakuba yena a hi xiabelo ge ni tsomba zizwe na wena.

28 Hi kugumelweni ka wonklelele a malembe manharu wena u ta neha konkle ka wukume ga kuanziswa ka wena ka gwalego lembe, na wena u ta beka kona laho nyanweni ya wena :

29 Ni wa ka Levi, hakuba yena a nga naxo a xiabelo ge ni tsomba zizwe na wena, ni mulubeli, ni bana ba zisiwana, ni tinoni, labo ba nga laho nyanweni ya wena, ba ta kuta, ba taga ba xuriswa ; kasi Jehova Nungungulu wa fela ku ku katekisa wena le tirweni wa canja ga wena wonkle lowu u wu mahako.

XIPIMO 15.

1 Hi ku gumelweni ka wonklelele a nklanu ni mambiri malembe wena u ta maha a kuklaklisa.

2 Ni levi hi ndlela ya kuklaklisa : ni wonkle mangaba ma ta klaklisa loko a pembileko ka mu akelwane wa yena ; yena a nga ta hlengula kona loko ka wa akelwane wa yena ni makabye wa yena ; hakuba a kuklakliswa ka Jehova kubilwe a hingu.

3 Ka wa matiko kutani wena u nga ku hlengula kona : kanilezi kani hi zihi za wena zi nga ni makabye wa wena u ta zi klaklisa.

4 Ahemba laho ku nga taku ba bazi-

siwana a ka wena (hakuba Jehova ha kunene i ta katekisa wena le tikweni lego Jehova a Nungungulu wa wena a nyikileko wena akuba a tsomba ya ku fumela kona),

5 Loku wena ntsena u zwisisa kutsonametisisilweko a gezu ga Jehova Nungungulu wa wena, u lonzowotela a ku maha konkleloku kulelete- la nzi leleteleko wena legi siku.

6 Hakuba Jehova a Nungungulu wa wena i ta katekisa wena, kukotisa lezi yena a tsumbisileko wena : na wena u ta pemba ka matiko manyi- ngi, kanilezi wena u nga ta pemba- wu ; na wena u ta fumela hehla ka matiko yo tala, kanilezi bona ba nga ta fumela wena.

7 Ni loku leyo ku nga ku kona a munhu wa xisiwana, a munwe wa bamakabye, a hi lomo ka yizwe ya tinyangwa ta wena, tikweni ga wena legi Jehova a Nungungulu wa wena a nyikileko wena, wena u nga nono- hisi a mbilu a wena, ge ni ku vala a canja ga wena ka makabye wa wena wa xisiwana ;

8 Kanilezi ha kunene wena u ta vulula a canja ga wena ka wena, ha kune- ne wena u ta lomba yena ku kota la- ba ka yena ka lezo yena a labako.

9 Klariha lezaku laho ku nga hi kona a ku alakanya ko kari le mbilwini ya wena, uku, A lembe ga nklanu ni mambiri, hi ga kuklaklisa, gi tsine- le ; a tihlo ga wena gi maha kubiha hi makabye wa wena wa xisiwana, wena u nga munyiki ncumo ; na ye- na a rila ka Jehova ha wena, kona ku taba kubiha ha wena.

10 Wena ha kunene u ta nyika yena, ni mbilu ya wena yi nga ta zangari- swa laha na wena na u nyika yena ; hakuba hi ka lezi zilo Jehova a Nu- ngungulu wa wena i ta katekisa we- na mitirweni yonkle, ni ka zonkle lezo wena u bekako a canja ga we- na ka zouna.

11 Hakuba a zisiwana zi nga ta kawula lomu tikweni : hikwalaho mina nzi leletela wena, nziku, Wena ha ku- nene u ta vulula a canja ga wena ka makabye wa wena, a labako ka wena, ni ka xisiwana xa wena, lomu tikweni ga wena.

12 Loku a makabye wa wena, a wa- nuna wa mu Heberu, kutani ngwa- sati wa mu Heberu, a xabyiswa ka wena, ni ku kozela a nklanu wa

DEUTERONOME, 16.

- malembe ni giawe; zonake hi nkla-
nu ni mambiri u ta tsika yena a fa-
mba na a klaklekile ka wena.
- 13 Ni laha wena u mu mahako a famba
na a klaklekile hi ka wena, wena u
nga ta maha yena a famba na a hi
panga :
- 14 Wena u ta longisa yena hi kuklakle-
kisisilweko hi le klambini wa wena,
ni le nzhimbyeni wa kuhula wa
wena, na hi le xigowolweni xa wena
xa waini; kwatsi hilezi Jehova a
Nungungulu wa wena a katekisile-
ko wena u ta nyika yena.
- 15 Na wena u ta alakanya lezaku wena
u wa hi kumbi le tikweni ga le Gi-
pite, na Jehova a Nungungulu wa
wena i klaklisile wena: hikwalaho
mina nzi leletele wena lezi a ku zi
maha nyamukla.
- 16 Na ku ta ba kona, loku yena a wu-
la ka wena, Mina nzi nga ta fa-
mba laha ka wena; hakuba yena a
ranzako wena ni yindlu ya wena,
hakuba yena i mahile kwatsi ka
wena;
- 17 Zonake wena u ta teka a liklawu,
ni ku boxa a ndlebe ya yena a nya-
ngweni, na yena i ta maha a nanza
ga wena kala kupinzuka. Kambe
ni ka nanza ga xisati wena u ta maha
kufanana ni lezo.
- 18 Kona ku nga taku to kwatsi kutsa-
nza ka wena, laho wena u mahako
yena a famba na a klaklekile hi le ka
wena; hakuba wena a ku kuriha ku
wuyetilweko ka miriho yena i tirele
nklanu ni giawe malembe: na Jeho-
va a Nungungulu wa wena i ta ku
katekisa ka zonkle lezo wena u ma-
hako.
- 19 Ni wonklelele a matewula laya
ma trelweko ka tihomu ta wena ni
ka miklambi ya wena u ta basisa
ka Jehova Nungungulu wa wena:
wena u nga ta tira ni tiro hi mate-
wula ya tihomu ta wena, ge ni ku-
kaya a matewula ya miklambi ya
wena.
- 20 Wena u taga kona mahlweni ka Je-
hova a Nungungulu ya wena a le-
mbe hi lembe wutsanweni lego Je-
hova a ta nga langa, wena ni ngha-
mu ya wena.
- 21 Ni loku yona yi nga yi hi ni bawa,
loku yona yi nga yi kwita kutani
xikumu, ni gihi a bawa ga ku babya,
wena u nga ta nyikela ka Jehova a
Nungungulu wa wena.

- 22 Wena u ta yiga le nyangweni ya
wena: a ku nga hlazekangiko ni ku
hlazekileko wena ba ta yiga kona a
kota yinwe, kwatsi hi mangulwe, ni
mbabala.
- 23 Ntsena wena u ngagi a nkata wa ko-
na; wena u ta culula wona hehla ka
misaba kwatsi i mati.

XIPIMO 16.

- 1 Lonzowota a hweti ya Abiba, u
hlayisa a pasika ga Jehova Nungu-
ngulu wa wena; hakuba hi hweti
ya Abiba Jehova Nungungulu wa
wena i lo humesa wena hi le Gipite
ni wusiku.
- 2 Na wena u ta pahlela a pasika ga
Jehova a Nungungulu wa wena, hi
klambi wa wena ni tihomu, le wu-
tsanweni lego Jehova i ta gi langa,
a ta nga maha a bito ga yena a ku-
aka leyo.
- 3 Wena u nga taga a zibaba zi ncome-
lweko zinwe na gona; nklanu ni
mambiri masiku wena u taga a ziba-
ba zi nga ncomelwangiko, hambu zo-
na zibaba za kubayiseka; hakuba
wena u lota huma hi le tikweni ga le
Gipite hi kubaklisa: kasi wena wa
fela a kualakanya a siku lego wena
u humileko ha gona hi le tikweni ga
le Gipite wonkle masiku ya kuhanya
ka wena.
- 4 Ni ku nga ta kuba kona a ncomelo
gi ta nga wonwa lomo mbinganweni
wa wena a nklanu wa masiku ni ma-
mbiri; ge na hi yihi a nyama, leyo
wena u ta nga pahlela hi siku go-
ranga ni wusiku, yi ta nga sala go-
nkle a wusiku ku kala gica.
- 5 Wena u nga ta pahlela a pasika ni
ka yihi ya tinyangwa ta wena, leto
Jehova a Nungungulu wa wena a
nyikileko wena;
- 6 Kanilezi wutsanweni lego Jehova a
Nungungulu wa wena a nga ta la-
nga, a ku maha a bito ga yena gi
aka kona, leyo hi kona wena u ta nga
nyikela a pasika laha gambyeni, hi
ku peleni ka gambo, hi muzukwa-
na lowo wena u humeleko hi ge Gi-
pite.
- 7 Wena u ta woca u gela lomo tikwe-
ni lego Jehova Nungungulu wa we-
na a nga langa: na wena u ta klela
laha mixweni, uya lomo ma tenteni
ya nwina.
- 8 Nklanu wa masiku ni giawe wena u
taga a zibaba zi nga ncomelwangi-

ko; na hi siku ga nklanu ni wumbiri ku ta ba a hlengeletano wa ximuse ka Jehova Nungungulu wa nwina; wena u nga ta tira tiro ha gona.

- 9 Nklanu ni mambiri masonto nwina mu ta hlayela ka wena: ku sukela xikatini lexo wena u engenisako ha xona a sikela lomo timbebyini ta wena ti yimileko wena u ta sangu-la ku hlaya a nklanu ni timbiri tiso-nto.
- 10 Na wena u ta hlayisa a mibuzo ya tiso-nto ka Jehova Nungungulu wa wena hi hlengo wa munyikelo wu klatlileko wa le canjeni ga wena yi ta wu nyika yona, kukotisa lezi Je-hova Nungungulu wa wena a kate-kisileko wena:
- 11 Na wena u ta tsaka mahlweni ka Je-hova Nungungulu wa wena, wena, ni nisananya wena, ni nhanyana wa wena, ni nanza ga xinuna ga wena, ni nanza ga xisati ga wena, ni wa ka Levi loye a nga le nyangweni ya wena, ni mulubeli, ni banana ba zisi-wana, ni noni, labo ba nga kona xi-kari ka wena, wutsanweni lego Je-hova Nungungulu wa wena a ta langa, a ku maha bito ga yena a ku-tsama leyo.
- 12 Wena u ta alakanya lezaku wena u wa hi kumbi leyo Gipite; wena u ta lonzowota u maha lezi zilele-telo.
- 13 Wena u ta hlayisa a mubuzo wa matabernakele nklanu ni mambiri a masiku, a nzako ka ku ba wena u hlengeletile hi minzhimbyeni ya xi-hulo xa wena ni le zigowolweni za wena za waini:
- 14 Na wena u ta tsaka mibuzweni ya wena, wena, ni nisananya wa wena, ni nhanyana wa wena, ni nanza ga xinuna ga wena, ni nanza ga wena ga xisati, ni wa ka Levi, ni mulu-beli, ni banana ba zisiwana, ni no-ni, laba ba nga laho nyangweni ya wena.
- 15 Nklanu ni mambiri a masiku wena u ta hlayisa a mubuzo ka Jehova ka Jehova Nungungulu wena le wutsa-nweni lego Jehova a ta nga langa; hakuba Jehova Nungungulu wa we-na i ta katekisa wena ka konkle a ku anziwa ka wena, ni ka yonkle a mi-tiro ya mandla ya wena, wena zo-nkleleleke u ta ba hi ku buma.
- 16 Zinharu zikati hi lembe zonkle a ba

banuna ka wena ba ta woneka ma-hlweni ka Jehova a Nungungulu la wutsanweni lego yena a ta nga la-nga: le mubuzweni wa zibaba zi nga ncomelwangiko, ni mibuzo ya tiso-nto, ni mubuzo wa matabernakele; nga yi nga hunzi ka Jehova ni ba haka cumo:

- 17 Bonklelele banhu ba ta nyika ku ko-tisa ba nga nazo, kukotisa hi zikate-kiso za Jehova lezo a katekisako we-na.
- 18 Abalamuli ni zigela wena u ta ma-ha lomu tinyangweni ta wena, leti Jehova a Nungungulu wa wena a nyikako wena, kukotisa hi tixaka ta nwina; na bona ba ta lamula banhu hi kulamula kululamisiweko.
- 19 Wena u nga ta hambukisi a nonga-meto: wena u nga ta hlawuli a mu-nhu; ge wena ni ku teka a mali ku vikela; hakuba a kuvikelela ku pfu-pelisa a mahlo ya ba tibako, ni ku hambukisa a timhaka ta a lulami-leko.
- 20 Lezo za ku saseka hi zona u ta nga lanzela zona, kasi wa fela ku kuya-nya, ni ku fumela a tiko lego Jehova Nungungulu wa wena a nyikileko wena.
- 21 Wena u nga ta byala ka wena a Axera wa lihi lixaka la sinyi hi laha kletweni ga alati ga Jehova Nungu-ngulu wa wena, legi wena u ta nga mahela wena.
- 22 Ge wena ni ku yimisa a mbinga; le-yi Jehova a Nungungulu wa wena a yi bengako.

XIIMO 17.

- 1 Wena u nga ta nyikela ka Jehova Nungungulu wa wena a kabi, ku-tani i yivu, leyo yi nga ni bawa, kutani kani hi xihhi xa kubiha; ha-kuba lexo manyala ka Jehova a Nu-ngungulu wa wena.
- 2 Loku laho ku kunwa lomu xikari ka wena, hi lomu xikari ka ti nya-ngwa ya wena leti Jehova a Nungu-ngulu wa wena a nyikileko wena, a wanuna kutani ngwasati loye a ma-hako lezo za kubiha kuwoneni ka Jehova a Nungungulu wa wena, le kuhambunyeteni ka xivumelwano xa yena,
- 3 Ni ku ba a fambile aya kozela ba-nwani ba Nungungulu, ni kozela bona, kutani i gambo, kutani i hwe-ti kutani, ni ka yini xa bandla ga le

DEUTERONOME, 17.

- tilweni, lexi mina nzi nga leletela-ngiko,
- 4 Na kona ku byeliwa wena, na wena na u nga u zwile ha kona; zonake wena u ta wutisisa hi kutsometisisilweko; ni, languta, loku a zilo zi nga zi hi zona, ni zilo zi hi zinene, lezaku a manyala ya ku ngaho ma mahilwe loku ka Israeli,
- 5 Zonake wena u ta neha loye wanuna kutani loye wasati, loye a mahileko lexi a xilo xa kubiha, le ti nyangweni ta wena, hambu yena loye wanuna kutani loye a wasati; na wena u ta gandla bona ku kala bafa hi maribye.
- 6 Hi nomu wa bakustumunyu bambiri, kutani mbanharu bakustumunyu, ni loye a ta nga kufa a dawwe; hi ka nomu wa kustumunyu munwe yena a nga ta dawa.
- 7 A canja ga bakustumunyu gi ta ranga a ku klateka hehla ka yena a ku mu daya, a nzako ka lezo canja ga banhu. Zingaho wena u ta susa a zonho lomu xikari ka wena.
- 8 Loku laho ku huma a zunga ga kutsanza ka wena kulamuleni, xikari ka nkata ni nkata, ni xikari ka nanzu ni nanzu, xikari ka kuba ni kuba, a timhaka ta timholobo tinyangweni ta wena; zonake wena u ta suka, uya wutsanzweni lego Jehova a ta nga langa;
- 9 Na wena u tata ka bapristi a ba ka Levi, ni ka balamuli labo ba ta nga ba hi kona lawo masiku: na wena u ta wutisa; bona ba ta kangeta wena a mukawulo wa kulamulisisisa.
- 10 Na wena u ta maha kukotisa hi lulamiso wa mukawulo lowo ba ta nga kangeta wena leyo ka lego wotsamo lego Jehova a ta nga langa; na wena u ta lonzowota a ku maha ka zonkle lezo bona ba ta nga gonzisa wena:
- 11 Kukotisa hi kululama ka nayo lowu bona ba ta nga gonzisa wena, ni kukotisa hi kululamisisisa loku ba ta nga gonzisa wena, wena u ta maha; wena u nga ta hambuka klelweni ka mukawulo lowu bona ba ta nga kombisa zwina, hi ka ga xinene a canja, kutani hi ka ga xibaba.
- 12 Ni munhu a mahako hi kukanyisisilweko, loye a nga ingisiko ka mupristi loye a yimako a ku koze-

- la mahlweni ka Jehova Nungungulu wa wena, ni ka balamuli, hambu loye munhu i ta kufa: na wena u ta hoxa kule a kubiha ka Israeli.
- 13 Ni bonkle a banhu ba ta kuzwa, ba ta caba, ba suhula ba zi tsika a ku maha hi kukanyisisilweko.
- 14 Na wena laha u ta ngata ka tiko lego Jehova a Nungungulu wa wena a nyikileko wena, ni ku ta fume-la gona, na wena ku ta aka ka gona, na wena uku, Mina nzi ta yimisa a hosi hehla ka mina leyo yi nga hehla ka mina, ku fanana ni mifumoyonkle leyi yi nzi renzelekeleko mina;
- 15 Wena ha kunene u ta yimisa yena ku maha hosi hehla ka wena, loye Jehova a Nungungulu wa wena a ta nga langa: a munwe xikari ka bamakabye wena u ta yimisa a hosi hehla ka wena; wena u nga ta beka wa matiko hehla ka wena, loye a nga hiko makabye wa wena.
- 16 Ntsena a nga enzelekisa a mahaxi ya wutsumbu ga yena, ge ni ku maha banhu ba klelela le Gipite, kasi hi ku gumelwa a nga enzelekisa a mahaxi; kwatsi hilezi Jehova a wulileko ka zwina, kusukela makunu zwina mu nga ta ha klelela kambe muya lego klelelo.
- 17 Ge ni enzelekisa a ba basati ba nyingi ka wutsumbu ga yena, kasi a mbilu ya yena yi fela ku kala yi nga hambukiswi: ge hi ku kulisisilweko a enzelekisa ka wutsumbu gakwe a siliva ni nzalama.
- 18 Na ku ta ku ba kona, laha na yena na tsamile xitsazweni xa mufumo, lezaku i ta tsala kambe a papilo ga nayo leyi bukwin, hi ka lego gi nga mahlweni ya mupristi a ba ka Levi:
- 19 Na kuta kuba kona ka yena, na yena i ta gonza gona a wonkle a masiku ya kuhanya ka yena; kasi wa fela ku gonza kucaba Jehova Nungungulu wa yena, a ku hlalisa tonkle a timhaka ta lowu nayo, ni zilayalo, ku zi maha zona:
- 20 Kasi a mbilu ya yena yi nga ti kukumuxi hehla ka bamakabye ba yena, ni lezaku a nga hambu klelweni hi le kuleleteleni, hi ka ga xinene canja, kutani ka ga xibaba: kasi hi kugumelwa kasi wa fela kulongoloka ya yena mufunweni wa yena,

zingaho wena u ta hoxa kule a kubiha xikari ka wena.

- 20 Ni labo ba seleko ba ta zizwa, ba ta caba, na ku sukela lezo ku nga ta ha engeta kambe a kubiha ka kungaho xikari ka wena.
- 21 Ni mahlo ya wenawu ma nga mu hawukeli; a wutomi gi ta famba hi wutomi, a tihlo hi tihlo, a tino hi tino, a canja hi canja, ni konzo hi konzo.

XIPIMO 20.

- 1 Laha wena u fambako kulweni u vukela a balala ba wena, u wonako a mahaxi, ni tikareta, ni banhu bo tala ku hunza wena, wena u nga ta caba ha bona; hakuba Jehova a Nungungulu wa wena i zizwe na wena, loye a humesileko wena hi leyo tikweni ga le Gipite.
- 2 Na ku taku ba kona, laha na nwina mu tsinela kusahani kulweni, lezaku a mupristi i ta tsinela a wulawula ka banhu,
- 3 Ni ku ngalo ka bona, Zwanani, O Israeli nwina mu tsinela kusahani legi siku a kulwa ni balala ba nwina: nga a mbilu ya wena yi nga mbeli a ntamo; mu nga cabi, ge ni kururule, ge nwina ni kudzukiswa ha bona;
- 4 Hakuba Jehova a Nungungulu wa nwina hi yena a fambako zizwe na nwina, a kulwela nwina mu vukela a balala ba nwina, a ku hanyisa nwina.
- 5 Ni zingela zi ta wulawula ka banhu, ziku, Hiwihi munhu leyo loye a akileko a yindlu yiwa, na a nga seku nyikelelisisa yona ke? nga yena a klelela a famba le ndlwini ya yena, ku nga ta ku yena a fela yimpini, a munzwani a nyikelelisisa yona.
- 6 Ni ku i kwihi munhu laho a byeleko a xivina, na a nga se kuga a mihanzo ya kona ke? nga yena a klelela le ndlwini ya yena, ku nga taku yena a fela yipimbini, ni munzwani munhu aga mihanzo ya kona.
- 7 Ni ku hiwihi munhu laho loye a wutileko a mulongwana, na a nga seku teka yena ke? nga yena a klelela le ndlwini ya yena, a nga taku yena a fela le yimpini, ni munzwani a munhu a teka yena.
- 8 Ni tinduna ti ta engeta kambe ti

wulawula ka banhu, na bona ba ta ku ngalo, I kwihi munhu laho loye a dzebetanako a tsemekileko hlana nga a famba a klelela le ndlwini ya yena, ku nga ta ku a mbilu ya bamakabye yi nyeka kwatsi hi ya yena a mbilu.

- 9 Na ku ta kuba kona, laha na tinduna ti gumesile a ku wulawula ka banhu, zonake bona ba ta hlawula a tinduna ta mabandla le tihlokweni ta banhu,
- 10 Ni laha wena u tsinelako ka muti a ku talwa zizwe nawo zonake bona ba taba hungu ga kurula ka wona.
- 11 Na ku ta kuba kona, loku wona wu hlamula wena hi kurula, wu vulula ka wena, zonake ku ta lezo, lezaku bonkle a banhu labo ba ta nga kumiwa ka wona ba ta maha mahlonga ya wena, ni malanza ya wena, ni malanza ya kozela wena,
- 12 Ni loku wona wu nga mahi a kurula zizwe na wena, kanilezi wu hloma a yimpi a ku vikela wena, zonake wena u ta vimbezela wona:
- 13 Ni laha Jehova a Nungungulu a ta nga nyikela wona mandleni canjeni ga wena, wena u ta hlasela bonkla ba banuna ba kona hi wukla ga supado:
- 14 Kanilezi a ba basati ni zibanana, ni tihomu, ni zonkle lezo zi nga lomo mutini, wona wonkle a mupango wa kona, wena u ta teka a ku maha a mufulo wa wutsumbu ga wena; na wena u taga a mufulo wa balala ba wena, lowo Jehova a Nungungulu wa wena a nyikileko wena.
- 15 Zakungahi wena u ta nga maha ka miti leyi yi nga kule nguvu na wena, leyi yi kalako yi nga hi miti ya leyi a mifumo.
- 16 Kanilezi a miti ya laba banhu, leyi Jehova a Nungungulu a nyikako wena akuba tsomba, wenu u nga ta siya a cumo xi hanya xa zonkle zi hefemulako;
- 17 Kanilezi wena ha kunene u ta lobisa bona: a ba ka Hiti, a ba ka Amori, a ba ka Kenani, ni ba ka Perezzi, ni ba ka Hivi, ni ba ka Jebusi; kwatsi hilezi Jehova a Nungungulu wa wena a leleteleko wena;
- 18 Kasi ba fela ku kala ba nga gonzisi wena a ku maha kota a manyala yehye, laya ba mahileko ka banungungulu babye; zingaho a ku nga

- muonha ka Jehova a Nungungulu wa *nwina*.
- 19 Laha na wena na u vimbezele a muti a xikati xo leha, a ku maha yimpi a ku vukela wona ku wu teka, wena u nga ta lobisi a tisinya ta kona, hi ku *klakusa* a xihloka mu remulela tona; hakuba wena u nga taga tona, na wena u nga tsemi tona hi lahasi; hakuba loku a sinya ya le *sinwini* a munhu, loye a ta nga vimbezelwe ha wena ke?
- 20 Ntsena a tisinya leti wena u ti tibatse lezaku a hi tisinya ta ku giwa, wena u ta lobisa tona u tsema tona hi lahasi; na *nwina* mu ta aka a tilingo u akela a muti lowo wu mahako a yimpi *zinwe* na wena, wu kala wona wu hahluka.

XIPIMO 21.

- 1 Loku a munwe a kumiwa na a delwe lomo tikweni lego Jehova a Nungungulu a nyikako wena a ku fumela gona, na a lasu canjala leyo handle, na ku nga tibyiwi lezaku hi mani a mu deleko;
- 2 Zonake a masingalakati ya wena ni balamuli ba wena ba tata, ba ringanisa ka miti leyi yi renzelekeleko loye a delweko;
- 3 Na ku ta ba kuba lezo, lezaku a muti lowo wu nga kusuhani nguvu ni loye a delweko, wona a masingalakati ya lowo muti ma ta teka a tokazi a ga homu, lego gi kalako gi nga seku tiriswa ha gona ni lego gi kalako gi nga se ku bohelelwa jokweni;
- 4 Ni masingalakati ya lowo muti ba ta neha lego a tokazi le nzelelweni wa mati ma kulungako, lego gi nga rimangiko ge ni kubyala, ni ku ta sokorota a mhamo ya tokazi leyo nzelelweni.
- 5 Ni bapristi a banana ba ka Levi ba ta tsinela kusuhani; hakuba bona hi bona Jehova a Nungungulu wa wena a langileko a kukozela ka yena, ni ku katekisa le bitweni ga Jehova; ni kukotisa hi mhaka yebye ku taku tonkilelele timholoba ni konkilelele a kubilweko ku ba lezo.
- 6 Ni wonkle a masingalakati ya lowo muti wu nga kusuhani nguvu ni munhu a delweko, ma ta hlaza a mandla ya wona hehla ka tokazi

[Sheetswa] 16

- lego gi sokorotilweko a mhamo ya gona lomo nzelelweni;
- 7 Na bona ba ta hlamula baku, a mandla ya hina a ma halatangilowu a nkata, ge ni mahlo ya hina a ku wona wona.
- 8 Tsetselela, O Jehova, a banhu ba wena Israeli, loye wena u mu *klaklisileko*, u nga vumeli a nkata wu nga hiko na nanzu wu tsama xikari ka banhu ba wena ba ka Israeli. Ni nkata wu ta tsetselelwa wena.
- 9 Zingaho wena u ta susa a nkata wu nga hiko na nanzu laha wena u mahako lezi zi sasako lomu ka mahlo ya Jehova.
- 10 Laha wena u hlomako a maklari a kulwa ni balala ba wena, na Jehova a Nungungulu wa wena a nyikela bona mandleni ya wena, wena u ba koma ba maha tihloko,
- 11 Na u cuwukisisa xikari ka bakonwi a wasati wa mbhuri, na wena u hi ni ku xubisisa yena, ni ku nga u laba ku teka yena a maha sati wa wena;
- 12 Zonake wena u ta neha yena kaya le ndlwini ya wena; na yena i ta halula a hloko ya yena, ni ku kenya a zikamba za yena;
- 13 Na yena i ta *klakla* a tinguwo ta wukumbi ga yena le ka yena, na yena i ta tsama lomo ndlwini ya wena, a be a rilelako a rarw ya yena ni nyine wa yena a hweti yi teleko: ni nzako ka lezo wena u ta kuya ka yena, u be nuna wa yena, na yenawu i ta ba a sati wa wena.
- 14 Ni ku taku ba lezo, loku wena u nga tangali ha yena zonake wena u ta mu tsika a famba laho a kuranzako; kanilezi wena ge futsi ni ku xabisa a mali ha yena, wena u nga mahi ka yena kwatsi i kumbi, hakuba wena u koramisile yena.
- 15 Loku a munhu a hi ni basati bambiri, a munwe a ranziwa, ni munwani a bengiwa, na bona na ba nga ba mu tralele a banana, bonkle loye a ranziwako ni loye a bengiwako; ni loku a matewula ya nisanjanya a hi wa loye a bengiwako;
- 16 Zonake ku ta ba lezo, ni lego siku a mahako a *nwana* wa yena a kuga a tsomba lezo a nga nazo, lezaku yena a nga ta maha a *nwana* wa loye a ranziwako a matewula mahlwini a ka *nwanana* wa loye a bengiwako, loye a nga wa matewula:

- 17 Kanilezi yena a tibisise a wutewula ga yena, a nwana wa loye a be-
ngiwako, hi ku mu nyika a xiabelo
xi wuyetilweko xa zonkle lezo a
nga na zona; hakuba yena hi kusa-
ngula ka ntamo wa yena: ni fanela
ya wutewula njakwe.
- 18 Loku a munhu a hi ni mufana wa
xiklalu a hlubikisilweko, loye a nga
ingisiko a gezu ga raru wa yena,
kutani i gezu ga nyine wa yena, na
hambu bona ba tsayisile yena, na a
wa nga ta ingisa ka bona;
- 19 Zonake a raru wa yena ni nyine wa
yena ba ta koma yena, ni huma naye
la handle ka masingalakati ya muti
wabye, ni ka nyangwa ya wutsamo
gabye;
- 20 Na bona ba ta wula ka masinga-
lakati ya muti wabye, loyi a nwana
wa hina xiklalu ni xihlubukisilweko,
yena a nga ingisi a gezu ga hina;
yena xifelembu, ni xidakwa.
- 21 Ni bonkle a banhu ba muti wabye
ba ta gandla yena a kufa hi maribye:
zingaho wena u ta susa kubiha xi-
kari ka wena; ni bonkle ba ka Isra-
eli ba ta zizwa, ba ta caba.
- 22 Ni loku a munhu a mahile a xio-
nho xi ringeneko ni kufa, yena a
dawa, wena u mu hayeka lomo si-
nyeni;
- 23 Xirumbi xa yena xi nga tsami a
wusiku gonkle leyo hehla ka sinya
kanilezi wena u ta kelela yena futsi
ka gwalego siku; hakuba yene loye
a hayekilweko i rukatelwe hi Nu-
ngungulu; lezaku wena u nga nye-
nyezisi a tiko ga wena legi Jehova
a Nungungulu wa wena a nyikileko
wena akuba a tsomba.

XIPIMO 22.

- 1 Wena u nga ta wona a homu ya
makabye wa wena kutani i yivu ya
yena yi penga, ni ku fihla a wu-
tsumbu ga wena ka tona: wena ha
kunene u ta yi kletisela ka makabye
wa wena.
- 2 Ni loku a makabye wa wena a nga
hi kusuhani na wena, kutani wena
u nga tibi yena, zonake wena u ta
yi neha le kaya ka yindlu ya wena,
yona yi ta ba zinwe na wena a ka-
la makabye wa wena a laba yona,
na wena u ta kletisela yona ka
yena.
- 3 Zingaho na wena u ta maha hi mbo-
ngola ga yena: zingaho na wena u

ta maha hi nguwo ya yena; zingaho
na wena u ta maha zonkilelele zilo
lezi zi lahlekileko za mu akelwane
wa wena, lezi yena a zi lahileko,
lezi wena u zi kumileko: na wena u
nga hi u fihlako a wutsumbu ga
wena.

- 4 Wena u nga ta wona a mbongola ya
makweru wa wena kutani i homu ya
yena na yi wile hi laha ndleleni, ni
ku fihla a wutsumbu ga wena ka
zona: wena ha kunene u ta vune-
tela yena a ku klakusa zona ka-
mbe.
- 5 A wasati a nga ambeli lezo zi nga
za wanuna, ge ni wanuna a nga
ambali a nguwo ya wasati; hakuba
kani ngwakuyini a mahako lezi zilo
zi nyenyeko ka Jehova a Nungungu-
lu wa wena.
- 6 Loku a xisaka xa xinyanyani xi
nga xi komamene mahlweni ka ndle-
la ya wena, le sinyeni, kutani laha
hasi, xi hi ni mavinyani, kutani ma-
nza, ni ngonzwe a kuhlehele hehla
ka mavinyani, kutani hehla ka ma-
nza wena, u nga ta teka a ngonzwe
zinwe ni mavinyani:
- 7 Wena ha kunene u ta tsika a ngo-
nzwe a famba, kanilezi a mavinyani
u nga tekela a wutsumbu ga wena;
kasi ku fela ku maha kwatsi ha we-
na, kasi wena wa fela ku longoloka
ni masiku ya wena.
- 8 Laha wena u akako a yindlu yi-
swa, zonake wena u ta maha a libi-
ngo la langwa la wena kasi wena
wa kala ku neha a nkata hehla ka
yindlu ya wena, loko munzwani mu-
nhu awa hi leyo.
- 9 Wena u ta nga ta byala a xivina
xa wena hi timbewu ta tixaka ti-
mbiri, kutani mbanzo wonkle wu
nga cuwungelwa, a mbewu leyi we-
na u byalileko, ni ku anzisiwa ka
xivina.
- 10 Wena u nga ta rima hi kabi ni mbo-
ngola katiginwe.
- 11 Wena u nga ta ambala a tinguwo
tivilinganyiseneko, a ta woya ni ta
wukene katiginwe.
- 12 Wena u ta komela a nzhambana-
na hehla ka mune wa nimbingano
ya nguwo ya wena, hi laho wena u
fenengetako a wutsumbu ga wena
ha kona.
- 13 Loku a wanuna a teka a wasati,
ni kuya ka yena, ni kubenga yena,
- 14 Ni ku beka ka yena a zilo za tinga-

- na, ni ku neha a bito ga kubiha hehla ka yena, na aku, Mina nzi tekile loyi wasati, ni laha na nzi tsinele kusuhani ka yena, a nzi kumangi na yena miwoniso ga wubulwa;
- 15 Zonake a raru wa *nwana* loye wa *nhwana*, ni nyine wa yena, ba ta neha miwoniso ya lowo a mubulwa ka masingalakati ya muti le *ngangweni*;
- 16 Ni dadani wa *nhwana* loye i ta ku ngalo ka masingalakati, Mina nzi lo nyika a *nwana* wa mina ka munhu a ku ba a sati wa yena, na yena i *be-nga* yena;
- 17 Ni, *manga*bye, i bekile a zilo za *tingana* hehla ka yena, aku, Mina a nzi kumangi kona ka *nwana* wa wena a muwoniso wa wubulwa; kasi lezo a miwoniso ya *nwana* wa mina ya wubulwa hi leyi. Na bona ba ta *andlala* tinguwo mahlweni ka masingalakati ya muti.
- 18 Ni masingalakati ya lowo muti ma ta teka loye a munhu ba mu *tsa-yisa*;
- 19 Na bona ba ta *rihisa* yena a zana ga *maxekeli* ya *siliva*, ni ku nyika wona ka raru wa *nhwana* hakuba yena i nehile a bito ga kubiha hehla ka mbulwa wa ka *Israeli*: na yena i ta ba a sati wa yena; na yena a nga ta mu tsika ka *wonkle* a masiku ya yena.
- 20 Kanilezi loku lezi zilo zi nga zi hi zona, lezaku a miwoniso ya wubulwa a yi kumiwangi ka loye a *nhwana*;
- 21 Zonake ba ta *humesa* loye a *nhwana* le *nyangweni* ya *yindlu* ya raru wa yena, ni banhu ba muti wa *kakabye* ba ta *gandlela* yena a kufa hi *mari*bye, hakuba yena i mahile loku *kudadabalisalweko* ka *Israeli*, a ku *hlakana* hi *wuoswi* lomo *ndlwi-ni* ya raru wa yena: *zingaho* wena u ta susa kule a kubiha lomu xikari ka wena.
- 22 Loku a munhu a *kunwa* na a *eklele* ni wasati a *tekilweko* hi *wanuna*, zonake *bonkle* bambiri ba ta kufa, a nuna loye a *ekleko* ni wasati, ni wasati: *zingaho* wena u ta susa a kubiha ka *Israeli*.
- 23 Loku laho ku nga ku hi kona a mubulwa lowo wu *wutilweko* hi nuna, ni *wanuna* a kuma yena lomo *mutini*, a *eklela* *zinwe* na yena;
- 24 Zonake mu ta neha bona bambiri le *handle* ka *nyangwa* ya muti, na *nwi-*

- na mu ta *gandla* bona bafa hi *mari*-bye; ni *nhwana*, hakuba yena a nga bangi huwa, na ku nga ku kari ku hi laha *mutini*; ni *wanuna*, hakuba i *koramisile* a wasati wa *akelwane* wa yena: *zingaho* wena u ta susa kubiha lomu xikari ka wena.
- 25 Kanilezi loku a munhu a kuma a *nhwana* loye a *wutilweko* le *handle*, ni *wanuna* a *tsimbeketa* yena, ni ku *eklela* *zinwe* naye; zonake a munhu loye a *ekleleko* *zinwe* naye i ta kufa:
- 26 Kanilezi ka *nhwana* wena u nga ta *maha ncumo*; hi lahoke ka mubulwa a nga na *nanzu* wu *feleko* a kufa; kwatsi hi loku a munhu a suka a vukela a *muakelwane* wa yena, a *daya* yena, *zingahowo* ka *laya* *ma-hungu*;
- 27 Hakuba yena i kumile yena lomo kwatini, ni *nhwana* a *wutilweko* i loba huwa, ni laho ku wa nga hi kona wa ku mu *hanyisa*.
- 28 Loku a munhu a kuma a *nhwana* loye wa mubulwa, loye a nga *wutwangiko*, ni ku koma yena, a *eklela* *zinwe* na yena, na bona ba *kunwa*;
- 29 Zonake a munhu loye a *ekleleko* *zinwe* naye, i ta nyika ka dadani wa *nhwana* a *nklanu* wa makume ya *maxekeli* ya *siliva*, na yena i ta ba a sati wa yena, hakuba yena i *koramisile* yena; yena a nga kala a nga mu *tsiki* *wonkle* masiku ya yena.
- 30 A munhu a nga teki a sati wa raru wakwe, u nga *fununguli* a *wumbyiri* legi gi nga ga dadani wa wena.

XIIMO 23.

- 1 Yena loye a *lameleko* makenze, ni loye a *wanuna* ga yena gi *tsenwilweko*, yena a nga ta engena *tsombanweni* wa *Jehova*.
- 2 A *nwana* wa wubayi a nga ta engena lomu *tsombanweni* wa *Jehova*; hambu ka kume ga *zizukulwana* a nga kona wa yena a ta nga engena lomu *tsombanweni* wa *Jehova*.
- 3 A wa ka *Amoni* kutani ngwa ka *Moabi* ba nga ta engena le *tsombanweni* wa *Jehova*; hambu ka kume ga *zizukulwana* a nga kona wa bona a nga ta engena le *tsombanweni* wa *Jehova*;
- 4 Hakuba bona a ba *kingangi* wena hi *zibaba* *zinwe* ni mati lomo *ndleleni*, laha na muta huma le *Gipite*, ni ha-

- kuba bona ba rihile Balaami a nwa-
na wa Beora a kuta, hi Pethora ga
le Mesopotamia, a kuta ku punga
wena.
- 5 Ahemba Jehova a Nungungulu wa
wena a nga ingisangi ka Balaami;
kanilezi Jehova Nungungulu wa
wena i hunzulusa a kupunga ku
maha zikatekiso ka wena, hakuba
Jehova a Nungungulu wa wena i lo
ranza wena.
- 6 Wena u nga ta laba a kurula kabye
ge ni ku laba a nhunzhu yabye
wonkle masiku ya wena kala kupi-
nzuka.
- 7 Wena u nga ta mu benga a wa ka
Edomi hakuba hi makabye wa we-
na: na wena u nga ta mu benga a
wa le Gipiti; hakuba wena u wa hi
mulubeli, leyo tikweni ga yena.
- 8 A banana ba xizukulwana xinharu
lexo xi trelweko ka bona ba ta enge-
na tsombanweni wa Jehova.
- 9 Laha wena u huma lomu wugobe-
lweni a ku yalwa ni balala ba wena
zonake wena u ta ti hlaysia wena ka
lexo xilo xi bihileko nguvu.
- 10 Loku ku nga ku hi kona leyo xikari
ka nwina u munhu, loye a nga bla-
zekangiko hi kota ya loku ku hu-
mako ka yena ni wusiku, zonake
yena i ta huma lahandle ka wugo-
belo, na yena a nga ta engena lomu
nzeni ka wugobelo;
- 11 Kanilezi na ku ta ku ba lezo, laha na
gambo na gi hlwile, yena i ta hla-
mba a wutsumbu ga yena lomu ma-
tini; ni laha na gambo na gi pelile,
yenake i tata lomu nzeni ka wugo-
belo.
- 12 Wena kambe u ta ba ni wutsamo hi
le handle ka wugobelo, laho nwina
mu ta nga humela kona:
- 13 Na wena u ta ba ni mbhanya xikari
ka maklari ya wena; ku ta kuba
lezo, ni laha wena u cucumako
unya, wena u ta kela ha wona, u ta
klela u seletela lezi zi humako hi ka
wena:
- 14 Hakuba Jehova a Nungungulu wa
famba xikari ka wugobelo ga wena,
a ku klaklisa, ni ku nyikela a balala
ba wena mahlweni ka wena; nga-
hilezo a wugobelo ga wena a gi ta
be gi basile, kasi yena wa fela ku
kala a nga woni a xilo xi nyenyezi-
leko ka wena, ni ku a suka ka we-
na.
- 15 Wena u nga ta nyikela a nanza
- lego gi cabileko hi le ka nwinyi wa
gona gi ta ka wena:
- 16 Yena i ta tsama zinwe na wena, le
xikari ka wena, lomo wutsanweni
lego yena a ta nga langa nzeni ka
yinzwe ya tinyangwa ta wena, labo
ku tangulisako yena nguvu: wena
u nga tsimbeketi yena.
- 17 Laho ku nga ta ba kona a xibayi
ka banhwana ba ka Israeli, ge ku
nga ta ba kona a xibayi ni barisa-
nyana ba ka Israeli.
- 18 Na wena u nga ta neha a kurihwa
ka wuoswi, kutani a kurihwa ka
mbyana, le ndlwini ya Jehova a Nu-
ngungulu wa wena a kuba a xifu-
ngo; hakuba zonkle lezi manyala
mahlweni ka Jehova Nungungulu
wa wena.
- 19 Wena u nga ta pemba a binzuluso
ka makabye wa wena; a binzuluso
ga mali, a binzuluso ga kuga, ni
binzuluso ga zonkle lezo zi pemi-
wako hi kubinzula.
- 20 Ka wa matiko wena u nga mu pe-
mba hi binzuluso; kanilezi ka ma-
kabye wa wena wena u nga ta pemba
hi binzuluso, kasi Jehova Nungu-
ngulu wa katekisa wena ka zonkle
lezo wena u klatekako mandla ya
wena ka zona, leyo tikweni lego we-
na u yako ku ya fumela gona.
- 21 Laha wena u ta nga hlambanya a
xifungo ka Jehova a Nungungulu
wa wena, wena u nga ta kiyelwa
a ku riha xona: hakuba Jehova Nu-
ngungulu wa wena ha kunene kona
ku ta labyiwa ka wena; na kona ku
taba xionho ka wena.
- 22 Kanilezi loku wena u nga fungangi
ncumo, ku nga ta ku ba xionho ka
wena.
- 23 Izaku lezo zi humeleko hi lomu mi-
lonwini ya wena u ta lonzowota a
ku zi maha; kukotisa lezo u fungi-
leko ka Jehova a Nungungulu wa
wena, a munyikelo wu klaklekileko,
lowo wena u tsumbisileko hi nomu
wa wena.
- 24 Laha wena u tako le xivineni xa
wa akelwane wa wena, u ngaga a
magrepi u xura kwatsi hi kura-
nza ka wena; kanilezi wena u nga
ta cela ni gihi lomo xibiyeni xa we-
na,
- 25 Laha na wena u tako timbebyini ta
mu akelwane wa wena ta ha yimi-
leko, zonake wena u nga teka a
micemu hi canja ga wena; kanilezi

wena u nga ta engenisa a sikela timbebyini ta mu akelwane wa wena ta ha yimileko.

XIPIMO 24.

- 1 Laha a munhu a tekako a wasati, a tekana na yena, zonake ku ta ba lezo, loku yena a nga kumangi tomo mahlweni ka yena, hakuba i kumile a zilo zi nga longamangiko ka yena, zonake yena i ta mu tsalela a papilo ga kuhambana, a gi nyika le canjeni ga yena, ni ku hlongola yena le ndlwini ya yena.
- 2 Ni laha yena a sukileko hi le ndlwini ya yena, yena a nga a ya maha a wasati wa munwanyani munhu.
- 3 Ni loku a nuna wa ku gumesa a benga yena, ni ku tsalela yena a papilo ga kuhambana, ni ku nyika gona canjeni gakwe, ni ku hlongola yena le ndlwini ya yena; kutani loku a nuna wa kugumesa afa, loye a tekileko yena a ku maha a sati wa yena;
- 4 Ni nuna wa yena wa kale loye a nga wa mu hlongole, a nga ha mu teke kambe a ku ba sati wa yena, anzako ka ku ba yena a nyenyezisilwe; hakuba lezo manyala mahlweni ka Jehova: na wena u nga ta maha a tiko gi onha, lego Jehova Nungungulu wa wena a nyikileko wena akuba tsomba.
- 5 Laha a munhu a tekako a mulongwana, yena a nga ta humi a hlo-ma a maklari, ge ni ku beni ku klatekwa ka yena a tiro: yena i ta klatekwa a tsama kaya lembe ginwe, i ta tangalisa a sati wa yena loye a mu tekileko.
- 6 A ku nga ta ku ba kona munhu loye a tekako a xigayo kutani a ri-bye ga le hehla ga xigayo a kufunga; hakuba yena wa teka a wutomi ga munhu a funga ha gona.
- 7 Loku a munhu a kunwa na a kari a yiba ni xihl xa wa bamakabye a ba banana ba ka Israeli, ni ku maha ka yena kwatsi i kumbi, kutani a xabisisa yena; zonake lego nkamba gi ta kufa: zingaho wena u ta susa a kubiha xikari ka wena.
- 8 Klarihisisisa hi ngumbe ya hloko-nho, lezaku wena u lonzowota hi kutsonometisisilweko, ni ku maha kukotisa hi lezo a bapristi a banana ba ka Levi ba ta nga gonzisa nwina: kwatsi hi lezi mina nzi leleteleko

bona, zingaho nwina mu ta lonzowota ku maha.

- 9 Alakanya lezaku i mahisile ku yini Jehova a Nungungulu wa wena ka Miriamu, hi laha ndleleni kwatsi hi lezi nwina mu nga wata hi leyo Gipite.
- 10 Laha u ta nga pembaga a wa akelwane naye ni xihl a xilo xa kupe-mba, wena u nga taya le ndlwini ya yena a ku ya teka a tsumbiso wa yena.
- 11 Wena u ta yima hi le handle, ni munhu loye u pembileko i ta a xitsumbiso lahandle ka wena.
- 12 Ni loku yena a hi munhu wa xisiwana, wena u nga ta eklela ni ngaba ga yena;
- 13 Wena ka kunene u ta riha a ngaba ga yena laha na gambo gi nga se ku pela, kasi yena wa fela ku eklela ngubeni yakwe, a katekisa wena: na kuona ku ta ba kululamisisisa ka wena mahlweni ka Jehova a Nungungulu we wena.
- 14 Wena u nga tsimbeketi a nanza ga ku tira lego ga wusiwana ni wuvumali, hambu a ku ba wa bamakabye ba wena, kutani a hi wa balubeli labo ba nga lomo tikweni ga wena nzeni ka tinyangwa ta wena:
- 15 Hi masikwini ya yena wena u ta mu nyika a kurihwa ka yena, ge ni gambo a gi nga peli na wa ha hi nako (hakuba yena xisiwana, i bekile a mbilu ya yena ka kona); ku nga taku a rila ha wena ka Jehova, kona ku maha a xionho ka wena.
- 16 A dadani wa muni a nga ta dawa hi kota ya banana, ge ni banana ba nga ta dawa hi kota ya dadani wa muni: bonkilelele banhu i ta dawa hi xionho xa yenawu nwinyi.
- 17 Wena u nga ta hambukisa a nongameto wa lezo za mulubeli, kutani i nwana wa xisiwana, kutani ku teka a nguwo ya noni a kuba tsombiso;
- 18 Kanilezi wena u ta alakanya lezaku wena u wa hi kumbi leyo Gipite na Jehova Nungungulu wa wena i klatekilelele wena leyo: mina nza leletelele wena ku maha lexi xilo.
- 19 Ni laha wena u hulako mabele ya wena leyo masinwini ka wena, na u ribele a numbi leyo masinwini, wena u nga ha funbi kambe uya teka wona: wona wu ta ba wa batenzi, ni banana bazisiwana, ni tinoni; kasi Jehova a Nungungulu

wa nga ku katekisa wena ka zonkile lezo wena u tirako za mandla ya wena.

- 20 Ni laha wena u *klaklako* a sinya ya wena oliva, wena u nga engeti kambe u dzombetela lomo marabini wonkile : kona ku taba ka baenzi, ka banana bazisiwana, ka tinoni.
- 21 Laha na wena na u *klakla* a magrepi ya xivina xa wena, wena u nga ta famba u dzombetela a nzako ka wena : kona ku ta ba ka baenzi, ka banana bazisiwana, ka tinoni.
- 22 Na wena u ta alakanya lezaku wenuw kambe u wa hi kumbi leyo Gipite ; hikwalaho nza leletela wena a ku maha lezi silo.

XIPIMO 25.

- 1 Loku laho ku nga ku hi kona timholoba xikari ka banhu, bona bata le kulamuleni, ni balamuli ba lamula bona ; zonake bona ba ta lulameta a lulamileko, ni ku kona a wa kubiha.
- 2 Na ku ta ku ba lezo, loku a munhu wa kubiha a fanelwe hi ku biwa, lezo a balamuli ba ta maha yena a eklela lahasi, ni kuba a biwa mahlweni ka ngohe ya yena, kukotisa hi kubihisa, hi ku hlalaya.
- 3 Mune wa wa makume ya timbirimbi yena a nga nyika yena, yena a nga hunzisi ; a nga taku, a hunzisa, aba yena hi lezi a timbirimbi to tala zonake a makabye wa wena a nga nga a hi ni kulo ha wena.
- 4 Wena u nga bekele a muka le kabini laha na hula a timbewu.
- 5 Loku a bamakabye ba akile katigizwe, ni munwe wa bona afa, na a nga hi na nisanyana, ni sati wa loye a fileko a nga tekwi hi wa mupfumba ; ni makabye wa nuna wa yena i ta engena ka yena, ni kuya hlambelela yena, a ya tira a tiro wa nakulobye ka yena.
- 6 Na ku taku ba lezo, ni matewula laya yena a ta nga matralla ma ta vuxa a bito ga nakulobye loye a fileko, kasi a bito ga yena gi nga hlanguwi ka ka Israeli.
- 7 Ni loku a manhu a nga ranzi a ku teka a sati wa nakulobye, zonake a sati wa nakulobye i ta famba a ya a kanziya le nyangweni ka masingalakati, ni ku ngalo, A nakulobye wa nuna wa mina wa ala a ku vuxela a makabye a bito lomu ka Israeli ;

yena a ngati ku ta tira a tiro wa nakulobye le ka mina.

- 8 Zonake a masingalakati ya muti wa yena ba ta bitana yena, ni ku wulawula ka yena : ni loku yena a yima, aku, Mina a nzi zi ranzi a ku teka yena ;
- 9 Zonake a sati wa nakulobye wa yena i tata ka yena kuwoneni ka masingalakati, a susa xilato xa yena konzweni wa yena, ni ku pelela lomu ngohe ni ka yena ; na yena i ta hlalula, aku, Zingaho ku ta maha lezo ka munhu loye a nga vuxeliko a makabye a yindlu yakwe.
- 10 Ni bito gi ta bitanwa lomu ka Israeli, I yindlu ya loye a *klaklileko* a xilato xa yena.
- 11 Laha a banhu ba holoba katigizwe a munwe ni munwani, ni sati wa munwani a tsinela a kuta *klaklisa* a nuna wa yena hi canjeni ga yena loye a bako yena, a nawuluta a canja ga yena, ni ku mu koka hi wutsamo gi fiheleko ;
- 12 Zonake wena tsema a canja ga yena, ni mahlo ya wena ma nga mu hawukeli.
- 13 Wena u nga ta ku ba kona lomo kwameni wa wena a ziringaniso zi hambeneko, a za hombe ni zi tsongwanyani.
- 14 Wena u nga ta ku ba ni tipimo ti hambeneko lomu ndlwini ya wena, a ta hombe ni ti tsongwanyani.
- 15 A ti mbeleleko ni ti longamileko a tipimo wena u ta ba nato, ni ku mbeleleko ni longamileko kuringanisa wena u ta ba nako : kasi a masiku ya wena ma fela ku engetelwa lomu tikweni lego Jehova a Nungungulu wa wena a nyikileko wena.
- 16 Hakuba bonkle laba ba mahako a zilo za ku ngahi, bona labo ba nga mahiko hi kululamiselweko, mba manyala ka Jehova Nungungulu wa wena.
- 17 Alakanya lezo Amaleki a mahileko ka wena laha na wena u nga wata hi leyo Gipite ;
- 18 Lezaku i ku kingisile ku yini laha ndloleni, ni ku hlasela la nzako ka wena bonklelele labo ba nga wa karele le nzako ka wena laho wena u nga wa mbelile a ntamo ni ku kureka ; na yena a nga cabangl Nungungulu.
- 19 Hikwalaho na kuta ba lezo, laha na

Jehova a Nungungulu wa wena na a nyikile wena a kuhumula, hehla ka balala ba wena ba renzeleleko, le tikweni lego Jehova a Nungungulu wa wena a nyikileko wena akuba a tsomba a ku fumela gona, lezaku wena u ta hlangula a misalela ya ba ka Amaleki le lahasi ka tilo; wena u nga ribakelwi.

XIPIMO 26.

- 1 Na ku taku ba lezo, laha na wena na u tata tikweni lego Jehova a Nungungulu wa wena a nyikileko wena akuba a tsomba, ni kuba u hi u fumelako gona, ni kuba u hi u akileko ka gona,
- 2 Lezaku wena u ta teka a mbanzo worangula wonkle wa masimu ya wena, lowo wena u ta nga wu nehla hi le misabeni ya wena leyo Jehova a Nungungulu wa wena a nyikileko wena; na wena u ta cela yona lomo xirunzwini, ni kuya ka wutsamo lego Jehova a Nungungulu wa wena a ta langa, a ku maha a bito ga yena a ku aka leyo.
- 3 Na wena u tata ka mupristi loye a ta nga nga a hi kona ka lawo masiku, ni ku ngalo ka yena, Mina nza bika ka Jehova a Nungungulu wa wena legi siku, lezaku mina nzi tile ka tiko legi Jehova a Nungungulu wa hina a hlambanyileko ka bararu ba hina a ku nyika hina.
- 4 Ni mupristi i ta teka a xirunzu canjeni ga wena, a xi yimisa ka a lahasi mahlweni ka a alati ga Jehova a Nungungulu wa wena.
- 5 Na wena u ta hlamlauku mahlweni ka Jehova a Nungungulu wa wena, A mu Siria a nga wa longele kulo dyiswa ku wa hi dadani wa mina; na yena i lo relela aya le Gipite, a be mulubeli leyo, ba wa hi tsengo wutsongwani; na yena leyo i hamile a mufumo, wa hombe, ni wa nyamintamo, ni banhu ba enzeleki silweko.
- 6 Ni ba le Gipite ba lo maha kubiba ha hina, ba lo tsekulela hina, ni ku klateka hehla ka hina a wukumbi gi kinyelelako:
- 7 Na hi lo rila ka Jehova, a Nungungulu wa bararu ba hina, na Jehova i lozwa ka magezu ya hina, i lo wona a kutsekulelisiswa ka hina, ni tikuruxu ta hina, ni kutsimbeke tisiswa ka hina;

- 8 Na Jehova i lo humesa hina hi leyo Gipite hi canja ga nyamintamo, zizwe ni woko gi klakusilweko, na hi wukulu ni kutsisa, zizwe ni miwoniso, zizwe zi zihlamaliso;
- 9 Na yena i hi nehile ka legi wutsamo, na a nyikile hina legi wutsamo, a tiko gi kulungako a masi ni wulombe.
- 10 Ni makunu, languta, mina nzi nehile a mbanzo wa kurangula wa tiko, legi wena, O Jehova, u nyikileko mina. Na wena u ta beka kona lahasi mahlweni ka Jehova a Nungungulu wa wena, u kozela mahlweni ka Jehova Nungungulu wa wena:
- 11 Na wena u ta tsakiswa hi konkle a kusasa loko Jehova Nungungulu wa wena a nyikileko wena, ni ka yindlu ya wena, wena, ni wa ka Levi ni mulubeli loye a nga lomo xikari ka wena.
- 12 Laha na wena na u gumelwe a ku nyikela konkle ka wukume ka ku enzelekiswa ka wena hi lembe ga wunhari; lego gi nga lembe ga ku nyika za wukume, zonake wena u ta nyika kona ka wa ka Levi, ni ka mulubeli, ni ka banana ba zisiwana, ni ka tinoni, kasi bona ba fela kuga le tinyangweni ya wena ba xuriswa.
- 13 Na wena u ta wula ka Jehova a Nungungulu wa wena, Mina nzi boxile kule a zilo zi hlawulilweko za mina le handle ka yindlu ya mina, ni kambe nzi nyikile zona ka ba ka Levi, ni ka mulubeli, ni ka banana ba zisiwana, ni tinoni, kukotisa hi ka nayo wa wena lowo wena u leleteleko mina: mina a nzi hambunyetangi ni muawe wa milelelelo ya wena ge mina ni kuribakelwa ha yona:
- 14 Mina a nzi gangi kona mikosini ya mina, na mina a nzi cibangi ncumo xa kona, xi nga hlazekangiko, ge ni ku nyika xa kona ka ba fileko: mina nzi ingisile ka gezu ga Jehova a Nungungulu wa mina; mina nzi mahile kukotisa lezo wena u leleteleko mina.
- 15 Cuwuka lahasi ka banana ba wena ba kubasa, hi le tilweni, u katekisa a banhu ba wena Israeli, ni misaba leyi wena u nyikileko hina, kwatsi hi lezi wena u hlambanyileko ka bararu ba hina, a tiko gi kulungako a masi ni wulombe.

- 16 Legi siku Jehova a Nungungulu wa wena wa kuleletela wena a ku maha lezi zilayelo ni ziyimiso: hikwalaho wena u ta maha ni ku hlayisa zona, hi mbilu ya wena yonk'le ni muhefemulo wa wena wonk'le.
- 17 Wena u tiyisisile ka Jehova legi siku a ku ba Nungungulu wa wena, ni lezaku wena u ta famba hi tindlela ta yena, ni ku hlayisa a zilayelo za yena, ni zileletelo za yena, ni ziyimiso za yena, ni ku zwisisa ka gezu ga yena:
- 18 Na Jehova i tiyisisile ka wena legi siku a ku ba a banhu ba tsomba ya yena *nwinyi*, kwatsi hi lezi yena a tsumbisileko wena, ni lezaku wena u wa ta ngawu u hlayisisa a kuleletelisisa ka yenawu:
- 19 Ni ku maha wena u *klakuka* ka mifumo yonk'le leyi yena a yi mahileko, le kudzunzweni, ni le bitweni, ni kudumisweni; ni lezaku kasi wena wa fela ku ba banhu ba basileko ka Jehova a Nungungulu wa wena, kwatsi hi lezi yena a wulawulileko.

XIPIMO 27.

- 1 Na Mosi ni masingalakati ya ka Israeli ba lo leletela a banhu, baku, Hlayisani konk'le kuleletela loku nzi leleteleko *nwina* legi siku.
- 2 Na ku taku ka siku lego laha *nwina* mu ta nga *klatukela klatuko* wa Jordani le tikweni lego Jehova a Nungungulu wa *nwina* a nyikileko *nwina*, lezaku wena u ta yimisa a maribye ya hombe, ni ku lemela wona hi kulemela:
- 3 Na wena u ta tsala hehla ka wona tonk'le a timhaka ta lowu nayo, laha na wena na u hunzile u *klatuka*; kasi wena wa fela kuya le tikweni lego Jehova a Nungungulu wa wena a nyikileko wena, a tiko gi kulungako a masi ni wulombe, kwatsi hi lezi Jehova, Nungungulu wa bararu ba wena, a tsumbisileko wena.
- 4 Na ku taku ba lezo, laha *nwina* mu ta nga hunza mu *klatuka* Jordani, lezaku *nwina* mu ta yimisa laya a maribye, laya nzi leletelako *nwina* legi siku, le xitsungeni xa Ebale, na wena u ta lemela wona hi nzho-pe.
- 5 Leyo wena u ta aka a alati ka Jehova a Nungungulu wa wena a ala-

- ti ga maribye: na wena u nga ta *klakusa* a *xibya xa xiketsi* ka wona.
- 6 Wena u ta aka a alati ga Jehova a Nungungulu wa wena hi maribye ma nga batlangiko; wena u ta nyikela a munyikelo wa ku hiswa hehla ka wona ka Jehova a Nungungulu wa wena:
- 7 Na wena u ta pahlela a mupahlelo wa munyikelo wa kuhiswa, na mu taga leyo: na wena u ta tsaka mahlwani ka Jehova a Nungungulu wa wena.
- 8 Na wena u ta tsala hehla ka la maribye tonk'le a timhaka ta lowu nayo hi kuwonekelisilweko *dlunya*.
- 9 Na Mosi ni bapristi a ba ka Levi ba lo wulawula ka bonk'le ba ka Israeli, baku, Ma nga miyela, mu ingisa, O Israeli: Legi siku wena u mahile a banhu ba Jehova a Nungungulu wa wena.
- 10 Wena hikwalaho u ta ingisa a gezu ga Jehova a Nungungulu wa wena, ni ku maha kuleletela ka yena zilayelo za yena, lezi mina nzi ku leleteleko legi siku.
- 11 Na Mosi i lo laya a banhu gwalogo siku, a ku,
- 12 Lezi zi ta yima hehla ka xitsunga Gerizima a ku katekisa a banhu, laha na *nwina* na mu hunzile mu *klatuka* a Jordani: Simeoni, na Levi, na Juda, na Isakare, na Josefa, na Benjamini.
- 13 Ni laba hi bona ba ta nga yima hehla ka Xitsunga Ebale akuba makombo: Rubeni Gadi, na Axeri, na Zebuluni, Dani, na Naftali.
- 14 Ni ba ka Levi ba ta hlamula, na ba ku ngalo ka bonk'le madota ya ka Israeli hi gezu ga hombe,
- 15 Kombo ka loye munhu loye a mahako a xifananiso xa nyekisilweko, xi nga manyala ka Jehova, a ntiro wa mandla ya banhu ba kunguhileko, ni ku yimisa gona ku fihlalani. Ni banhu bonk'le ba ta hlamula niku, Amen.
- 16 Kombo ka loye a nyenyako a dadani wa yena ni mamani wa yena. Ni banhu bonk'le ba ta hlamula baku, Amen.
- 17 Kombo ka loye a susako a marika ya timbinga ta misaba ya muakileko nayi. Ni bonk'le ba ta ku ngalo, Amen.
- 18 Kombo ka loye a mahako a xiku-

- mu a kuhambuka ndleleni. Ni bonkle ba banhu ba ta ku ngalo, Amen.
- 19 Kombo ka loye a hambukisako a nongameto wa yena loye wa mulubeli, ni banana bazisiwana, ni tinoni. Ni banhu bonkle ba ta ku ngalo, Amen.
- 20 Kombo ka loye a eklelako ni sati wa dadani wa yena, hakuba yena i funungule a wumbyiri legi gi nga ga raru wakwe. Ni bonkle banhu ba ta ku ngalo, Amen.
- 21 Kombo ka loye a eklelako ni lihi lixaka la xibari. Ni banhu bonkle ba ta ku ngalo, Amen.
- 22 Kombo ka loye a eklelako ni nakalobye, a nhanyana wa dadani wa yena, ni nhanyana wa mamani wa yena. Ni bonkle banhu ba ta ku ngalo, Amen.
- 23 Kombo ka loye a eklelako ni nyine wakwe hi ka nayo. Ni bonkle banhu ba ta ku ngalo, Amen.
- 24 Kombo ka loye a bako a mu ake-lwane wa yena ku fihlalani. Ni banhu bonkle ba ta ku ngalo, Amen.
- 25 Kombo ka loye a tekako kurihwa ku daya munhu a nga hiko na nanzu. Ni bonkle banhu ba ta ku ngalo, Amen.
- 26 Kombo ka loye a nga komisisiko a timhaka ta lowu nayo a ku maha tona. Ni bonkle banhu ba ta ku ngalo, Amen.
- XIPIMO 28.**
- 1 Na ku ta ku ba lezo, loku wena u ta ingisa hi kutsonometisisilweko ka gezu ga Jehova a Nungungulu wa wena, ku lonzowota ku maha konkle kuleletela loku mina nzi leletelako wena legi siku, lezaku Jehova a Nungungulu wa wena i ta ku klakusa wena hehla ka wonkle a matiko laya ma nga laha ka misabeni :
- 2 Ni zonkle a zikatekiso zi tata hehla ka wena, zi kubunyeta wena, loku wena u ta zwisisisa ka gezu ga Jehova a Nungungulu wa wena.
- 3 U ta katekiswa wena lomu mutini wa wena, ni ku katekiswa masiawini ya wena.
- 4 Kukatekiswa ku ta ba ka mihanzo ya miri wa wena, ni mihanzo ya simu ya wena, ni mihanzo ya zifuyo za wena, a ku anzisiswa ka tihomu ta wena, ni ku tralela ka miklambi ya wena.
- 5 Kukatekiswa ku ta ba ka xirunzu xa wena ni kwama wa wena wa zibaba.
- 6 A kukatekiswa ku ta ba ka wena laha wena u engenako, ni kukatekiswa ku ta ba ka wena laha wena u humako lahandle.
- 7 Jehova i ta maha a balala ba wena labo ba sukako ba vukela wena a ku ba lobyiswa mahlweni ka wena : na bona ba ta huma a ku vukela wena hi ndlela yizwe, na ba tsutsuma mahlweni ka wena hi nklanu ni timbiri tindlela.
- 8 Jehova i ta leletela a zikatekiso lomu nzeni ka tindlu to cela mabele ta wena, ni ka zonkle lezo wena u bekako a canja ga wena ka zona ; na yena i ta katekisa wena lomu tikweni lego Jehova Nungungulu wa wena a nyikileko wena.
- 9 Na Jehova i ta yimisa wena a ku ba mufumo wa kubasa wa wutsumbu ga yena, kwatsi hilezi a hlambanyikelo ka wena ; loku u ta hlaysia a kuleletela ka Jehova a Nungungulu, ni ku famba hi tindlela ta yena.
- 10 Ni bonkle banhu ba misaba ba ta wona lezaku wena u bitanwa hi bito ga Jehova ; na bona ba ta caba wena.
- 11 Na Jehova i ta ku maha wena u enzelekisako hi kusasa, hi ka mihanzo ya miri wa wena, ni ka mihanzo ya tihomu ta wena, ni ka mihanzo ya masimu ya wena, le tikweni lego Jehova a nga hlambanya ka bararu ba wena a ku nyika wena.
- 12 Jehova i ta vula ka wena a kusasa ka yena ni tsomba ya matilo, a ku nyika a vula tikweni ga wena hi tinguba ta yona, ni kukatekisa wonkle a tiro wa canja ga wena ; na wena u ta pemba a matiko manyingi, wena u nga ta lombela.
- 13 Na Jehova i ta maha wena a hloko, na u nga hi kila ; na wena u ta ba le hehla ntsena, na wena u nga ta ku ba lahasi ; loku wena u ta zwisisisa ka kuleletela ka Jehova a Nungungulu wa wena, loku mina nzi leletelako wena legi siku, a ku lonzowota ni ku maha kona.
- 14 Na u nga ta hambuka khlweni ni ka tihhi a timhaka leti nzi leletelako wena legi siku, a ka ga xinene a canja, kutani hi ka ga xibaba canja, a kuya ka bazwani banungungulu ni ku kozela bona.

- 15 Kanilezi ku taku na ku mahisile lezo, loku wena u nga ta zwisisa ka gezu ga Jehova a Nungungulu wa wena, a ku lonzowota a ku maha konkle kuleletelisisa ni zilayelo lei mina nzi leleteleko wena legi siku, ni wonkle a makombo ma tata ka wena hehla ka wena, ni ku kubu-nyeta wena.
- 16 Kombo gi ta ku ba lomu mutini wa wena, ni kombo gi ta ku ba masi-*n*wini ya wena.
- 17 Ni kombo gi ta ku ba xirunzwini xa wena ni lomu kwameni wa wena wa zibaba.
- 18 Ni kombo gi ta ku ba mihanzo ya miri wa wena, ni mihanzo ya misaba ya wena, ni mihanzo ya tihomu ta wena, ni kufralala ka miklambi ya wena.
- 19 Ni kombo gi taba ku engeneni ka wena, ni kombo gi ta ba ku humeni ka wena.
- 20 Jehova i ta rumela hehla ka wena a makombo, a kuhlulisiwa, ni ku kawuka, ni ka zonkle lezo wena u behako a canja ga wena a ku maha, kala wena u ta ba u loyisilwe, kala wena u mbetekisiwa hi kuha~~k~~lisisi-silweko; hakuba hi kubila ka zima-ho za wena, laho wena u tsikileko mina ha kona.
- 21 Na Jehova i ta maha a tinghumbe ku namarela ka wena, kala yena a mbembisisa wena leyo tikweni, lego wena u yako a kuya fumela gona.
- 22 Jehova i ta lamata wena hi kumbe-mbisisa, na hi mikuhlweni, zinwe hi ngengemelisisa, ni ku~~k~~lahula ku-cabekesisako, na hi supado, na hi hi xipupuri, na hi kukuruka; zona zi ta longoloka na wena kala u loyisi-siwa.
- 23 Ni tilo ga wena legi gi nga hehla ka wena gi ta ba a suku ka wena, ni misaba leyi yi nga lahasi ka wena yi ta ba a a xiketse.
- 24 Jehova i ta maha a vula ya tiko ga wena a wunga ni tsutsungwani; hi le tilweni yona yi tata hehla ka wena, u kala wena u be u loyisi-lweko.
- 25 Jehova i ta maha wena a ku be u hlulwa xikari ka balala ba wena; wena u ta huma hi ndlela zinwe a kuya vukela bona, na wena u ta panzanyeka hi n~~k~~lanu ni timbiri a tindlela mahlweni ka bona: na wena u tasu ndlengandlengiswa xikari ka yonkle a mifumo ya misaba.
- 26 Ni xirumbi xa wena xi ta ba kuga ka tonkle tinyanyani ta matilo, ni ka zibanza zonkle za misaba; ni laho ku nga ta ku ba kona ni munwe a ta nga dzuxa zona zi famba.
- 27 Jehova i ta kuba wena hi zindlayi za le Gipite, zinwe hi muna, zinwe hi xigwere, zinwe hi tisalo, lezo ha zona u ta nga kala u nga zi koti ku cumiwa.
- 28 Na Jehova i ta kulobisa wena hi kuhungukisisisa, ni wukumu, ni mabibi ya mbilu;
- 29 Na wena u ta pfupeliswa laha mu-*n*wini kwatsi hi xikumu xi pfupeli-swako munyameni, na wena u nga ta vuvuma tindleleni ta wena: na wena ntsena u ta tsimbeketwa ni kupangiwa, ni laho ku nga ta kuba kona a hanyisako wena.
- 30 Na wena u ta wuta wasati, ni mu-*n*wani wanuna i ta cklela zinwe na yena: wena u ta aka a yindlu, na wena u nga tsama ka yona: na we-na u ta byala a xivina, u nga taga a mihanzo ya kona.
- 31 Ni homu ya wena yi ta dawa ma-hlweni ka wena, na wena u nga taga yona: ni mbongola ya wena yi ta tekiwa hi kuwuklisisilweko le ma-hlweni ka ngohe ya wena, na yi nga ta ha wuyielwa ka wena kambe: ni tiyivu ta wena tita nyikiwa ka bala-la ba wena, wena a nga ta kuba ko-na wa kuhanyisa wena.
- 32 Barisanyana ba wena ni banhanyana ba wena ba ta nyikiwa ka banwani banhu; ni mahlo ya wena ma ta cu-wuka, ni kutsanzeka u xuba ha bo-na gonkle siku: ni laho ku nga ta kuba ncumo ntanweni wa canja ga wena.
- 33 Ni mihanzo ya saba ga wena, ni konkle kutira ka wena, yi ta ku a mifumo leyo wena u nga yi tibiko yiga yona; na wena u ta ntsena u u tsimbeketwako ni akinyelelwako:
- 34 Zingaho wena u ta ba u hungukileko hi kuwoneni ka mahlo ya wena loko wena u ta nga ku wona.
- 35 Jehova i ta lamata wena lomu ma-dzolweni, ni lomo milengeni, hi zi-lonza za zindlayi, lezo wena u ta nga kala u nga cumiwi, kusukela zi renzeni xa wena ku kala hehla ya magalo ya hloko ya wena.
- 36 Jehova i te nahela wena, ni hosi

- leyo wena u ta nga yi beka hehla ka wena, le ka tiko lego wena u nga gi tibiko, ge wena hambu ni badadani ba wena; leyo wena u ta kozela a banwani banungungulu, ba tisinya ni maribye.
- 37 Na wena u ta maha loye u hlamlisako, u xomololwako, ni ku ba u hlelelekileko, ka banhu bonkle labo Jehova a ta nga ku heleketa ka bona.
- 38 Wena u ta rwala a mbewu yo tala le masinwini, na wena u ta tsobela na yi hi yi tsongwanyani; habuka a humbi yi ta mbetisa yona.
- 39 Na wena u ta byala a zivina ni ku wundla zona, kanilezi wena u nga ta kunwa a waini, ge ni ku kuklakla magrepi; hakuba a ziwungwani zi taga wona.
- 40 Wena u ta ba ni tisinya ta maoliva ka wona yonkle a mimbingano wa wena, kanilezi wena u nga ta nga ti tota ha mafura; hakuba a maoliva ya wena ma ta klakleka.
- 41 Na wena u ta trala barisanyana ni banhanyana, kanilezi ba nga ta kuba ba wena; hakuba bona ba ta ya konwa tihloko.
- 42 Tonkle a tisinya ta wena ni mabele ya masimu ya wena zi ta giwa humbi.
- 43 A mulubeli loye a nga xikari ka wena i ta kanziya a kula ni kula hehla ka wena; na wena u ta relela lahasi ni lahasi u ncoma lahasi.
- 44 Yena i ta pemba wena, wena u nga ta mu pemba yena: yena i ta ku ba hloko, wena u ta kuba a kila.
- 45 Ni wonkle laya makombo ma tata hehla ka wena, na wona ma ta ku hlongolisa, ma ta ku kubunyeta wena, kala wena u be u lobyisilweko; hakuba wena a ku zwisisisangi ka gezu ga Jehova a Nungungulu wa wena, a ku hlayisa a kuleletela ka yena ni zilayelo za yena lezi mina nzi leletelako wena: legi siku
- 46 Zona zi ta ba hehla ka wena a zi woniso ni zihlamliso, hehla ka mbewu ya wena kala kupinzika.
- 47 Hakuba wena u nga kozeliko Jehova a Nungungulu wa wena hi kutsikisisa, na hi kubumisisa ka mbilu, hi xigelo xa kupfunisisa ka zilo zonkle;
- 48 Hikwalaho wena u ta kozela a balala ba wena labo Jehova a ta nga ba rumela ba ta vukela wena, ni le ntlaleni, ni le toreni, ni le wumbyirini ni le ku labeni ka zilo zonkle; na yena i ta bekela a joka ga xiketsi lomu nhazweni ya wena, kala wena u be u lobyisilweko.
- 49 Na Jehova i ta neha a mufumo wa ku talwa na wena hi le kule, ka kugumelweni ka misaba, kwatsi hi kupuruma ka gama; ni mufumo lowo a lirimi la wona u nga li ingisiko;
- 50 A mufumo wu na nga ni ti ngohe ti cabekisako, lawo wu ta nga kala wu nga celi kota hi munhu wa kale, ge ni ku kangeta a tomo ka baswa,
- 51 Ni ku ba wu taga a mihanzo ya tihomu ta wena, ni mihanzo ya misaba ya wena, kala bona ba maha wena u lobyiswa; kambe ba nga ta mu siyela timbewu, vinyu giswa, hambu mafura, ni kutralela ka miklambi ya wena, hambu zitsongwani za miklambi ya wena, kala bona ba maha wena u lobyiswa.
- 52 Na bona ba ta vimbezela wena tinyangweni ta wena tonkle, kala a kurisi ga wena gi gingisilweko giwa lahasi, gwalego wena u tumbako gona, ka gonkle a tiko ga wena; ba ta mu vimbezela tinyangweni tonkle ta wena, ka gonkle tiko ga wena, legi Jehova a Nungungulu wa wena a nyikileko wena.
- 53 Na wena u taga a mihanzo ya miri wa wena nwinyi, a nyama ya barisanyana ba wena ni banhanyana ba wena, labo Jehova a Nungungulu a nyikileko wena, lomu kuvumbezelweni ni lomo tikuruxwini leto ha tona ba ta nga tsekulela wena.
- 54 Ni banhu labo ba wunenana, ni wumbugana xikari ka nwina labo ba wumbugana nguvu, tihlo ga yena gi ta bonzolota hi kubiba ka nakalobye wakwe, ni ku bonzolota a sati wa xifuba xa yena, ni kubonzolota a misalela ya banana bakwe labo ba seleko;
- 55 Zingaho lezo a nga ta nyika ni mune wabye a nyama ya banana leyo a ta nga nga a kari aga, hakuba a ku na zilo zi siyelweko yena, lomo kuvimbezelweni ni lomo tikuruxwini leto u ta nga u tsekulelwa ha tona nzeni ka tinyangwa ta wena tonkle.
- 56 A wasati wa ku nenekana wa mbugana xikari ka nwina, loye a nga zi kotiko a ku beka a xipama xa konzo wa yena lahasi misabeni hi wu-

mbugana ga yena ni kunenekana ka yena, ni tihlo ga yena gi ta bonzolota a wanuna wa xifuba xa yena, ni ku bonzolota nisanyana wa yena, ni ku bonzolota a nhanyana wa yena,

57 Ni ku bonzolota a nwana wa yena loya a humelako hi laha xikari ka mikonzo ya yena, ni ku bonzolota a banana ba yena labo yena a ta nga trala; hakuba yena i taga bona hi kota ya ku laba zilo zonkile hi kufihlalisilweko, kuvimbezelweni ni tikuruxwini leto ha tona a balala ba wena ba ta nga ku tsekulela ha tona lomu tinyangweni ta wena.

58 Loku wena u nga ta lonzowota a ku maha tonkile a timhaka leti ta lowu nayo ti tsalilweko ka legi buku, kasi wena u be u felako a ku caba legi a bito ga wukosi ni gi cabisakako, JEHOVA NUNGUNGULU WA WENA;

59 Zonake Jehova i ta maha a mitungu ya wena yi hi yi hlmalisako, ni mitungu ya mbewu ya wena, hambu yona a mitungu yi kulisilweko, ni leyi yi simamisako, yi nga hunzi, a mitungu yi vunjukelako, yi tsamako hi kusimamisako.

60 Na yena i ta neha hehla ka wena konkile a kubabya ka le Gipite, loku wena u nga wa kucaba kona; na kona ku ta namarela hehla ka wena.

61 Kambe gonkilelele a wubabyi, ni yonkilelele a mitungu, ni yonkilelele a mitungu, leyi yi nga tsalwangiko lomu bukweni legi ga milayo, yona Jehova i ta yi neha hehla ka wena, ku kala wena u be u lobyisilweko.

62 Na nwina mu ta siyiwa na mu hi batsongwanyani le tsengweni, kasi lezowo nwina mu wa ku kwatsi mu tynyeleti ta tilo a wunyingi ga nwina; hakuba wena a ku zwisisisangi ka gezu ga Jehova a Nungungulu wa wena.

63 Ku taku na ku mahisile lezo, lezaku, kwatsi hi lezi Jehova a tsakako ha wena a ku maha kusasa wena, ni ku enzelekisa wena, zingaho Jehova i ta tsaka hi ku maha wena u lobyisiwa, ni kumbetisisa wena; na nwina mu ta hlomulwa lomu tikweni lego, lego mu yako mu ya fumela gona.

64 Na Jehova i ta hangalasa wena xikari ka bonkilelele banhu, ku sukela ka gumelo giawe ga misaba ku kala

kuya ka ginwani gumelo ga misaba; leyo hi leyo u ta nga ya kozela banwani banungungulu, labo wena u nga ba tibiko, wena, ge ni bararu ba wena, tona tisinya ni maribye.

65 Ni xikari ka laya a matiko wena u nga ta kuma kunara, ni laho ku nga ta kuba kona a ku humula ka xipama xa konzo wa wena: kanilezi leyo Jehova i ta ku nyika a mbilu ya rurumela, ni mahlo gi hlulekako, ni muhefemulo wu soholokelako;

66 Ni wutomi ga wena gi ta hayekwa kukanakaneni mahlweni ka wena; na wena u ta caba a wusiku ni mu, na wena u nga ta ku ba na zine ne hi wutomi ga wena.

67 Ni laha mixweni wena u ta ku ngalo, Nga gihlwa! ni laha gambyeni wena u ta ku ngalo, Nga gica! hi ku tsisa ka mbilu ya wena loku wena ku ta nga tsisa ha kona, hakuba hi kuwona ka mahlo ya wena loku wena u ta nga ku wona.

68 Na Jehova i ta neha wena kambe le Gipite, hi mataru, hi ndlela leyo mina nzi wulawulileko ka wena, Wena u nga ta ha gi wona kambe: leyo nwina mu ta xabisa a wutsumbu ga nwina ka balala ba nwina a kuba ba tikumbi ta ba banuna ni kuba tikumbi ta ba basati, a nga kona munhu a ta nga xaba nwina.

XIPIMO 29.

1 Leti hi timhaka ta xivumelwano leti Jehova a nga leletela Mosi a ku maha zinwe ni banana ba ka Israeli le tikweni ga le Moabi, hi lahanlele ka xivumelwano lexo a nga wa xi mahile na bona leyo Horebe.

2 Na Mosi i lo bitana bonkile ba ka Israeli, i te ngalo ka bona, Nwina mu wonile lezo Jehova a nga wa mahile ka nwina leyo tikweni ga le Gipite ka Faro, ni ka malanza ya yena wonkile, ni ka tiko ga yena gonkile:

3 A minzingo ya hombe leyo wena u yi wonileko hi mahlo ya wena, ni miwoniso, ni lezo zi hlmaliso za hombe:

4 Kanilezi Jehova a nga nyikangi wena a mbilu a tiba, ni mahlo a ku wona, ni tindle a ku ingisa, kala legi siku.

5 Na mina nzi lo rangele wena mune wa makume a malembe lomo xiwuleni: ni tiuguwo ta wena a ti hlaka-

- langi hehla ka wena, ni zilato a zi simamangi zi hlakala hehla ka konzo wa wena.
- 6 *Nwina* a mu se kuga a zibaba, ge *nwina* ni kunwa a waini kutani kunwa ku popako; kasi *nwina* ma fela a ku zi tiba lezaku mina nzi mina Jehova a Nungungulu wa wena.
- 7 Ni laba *nwina* ma nga wa tile ka legi wutsamo, Sihoni a hosi ya le Hexboni, na Ogi a hosi ya le Baxani, ba huma ni yimpi ba talwa na hina, na hina hi lo hlula bona:
- 8 Hina hi lo teka a tiko gabye, hi nyika gona a tsomba ka ba ka Rubeni, ka ba ka Gadi, ni ka kihlanya ga lixaka la ka Manasa.
- 9 Hlayisani hikwalaho a timhaka ta lexi xivumelwano, ni ku maha tona, kasi ma fela kuvuvuma ka zonkle lezo mu zi mahako.
- 10 *Nwina* mu yimile legi siku *nwenkle* ba *nwina* mahlweni ka Jehova Nungungulu; a tihloko ta ba ka *nwina*, ni tixaka ta ka *nwina*, ni masingalakati ya ka *nwina*, ni tinduna ta ka *nwina*, hambu bonkle ba banuna ba ka Israeli,
- 11 Ni banana ba *nwina*, ni basati ba *nwina*, ni balubeli ba *nwina* laba ba nga lomo wugelweni ga *nwina*, kusukela ka batsobi ba wena ba tihunyi ku kala ka baki ba wena ba mati;
- 12 Kasi wena wa fela ku engena xivumelwaneni xa wena zinwe na Jehova Nungungulu wa wena, ni ka xifungo xa yena, lezi Jehova a Nungungulu wa wena a maha zinwe na wena legi siku;
- 13 Kasi yena wa fela ku yimisa wena legi siku a ku ba banhu ba watsumbu ga yena, ni lezaku kasi yena wa fela a ku maha ka *nwina* a Nungungulu, kwatsi hi lezi a wulawulileko ka wena, ni ku kwatsi hi kuwulawula ka bararu ba *nwina*, ka Abraham, ni Isaka, ni Jakobe.
- 14 Ge a hi ka *nwina* nwece mina nzi mahako a xivumelwano xa mina ni xifungo,
- 15 Kanilezi ka yena loye a yimileko laha zinwe na hina legi siku mahlweni ka Jehova Nungungulu wa wena, ni kambe ni ka yena loye a nga hiko na hina laha legi siku
- 16 (Hakuba *nwina* ma zi tiba lezaku hi akisile ku yini leyo tikweni ga le Gipite, ni ku hina hi tisile ku yini
- hi tsemakanya a xikari ka matiko lawo mu nga hunza mu tsemakanya;
- 17 Na *nwina* mu wonile a manyala yabye, ni zifananiso zabye, a tisinya ni maribye, ni silva ni nzalama, lezi zi nga wa hi xikari ka bona);
- 18 Ku nga taku ku hi kona xikari ka wena wanuna, kutani wasati, kutani ingango, kutani lixaka, loye a mbiluyi hambukileko ka Jehova Nungungulu wa hina, a kuya kozela a banungungulu ba lawo matiko; ku nga taku ku hi kona laho xikari ka *nwina* a mutsu lowo wu ttralako a nyongwa ni pungwani wa mapowo;
- 19 Na ku ta mahisa lezo, laha na yena na azwa a timhaka ta laya makombo, lezaku a katekisa a wutsumbu ga yena le mbilwini ya yena, aku, Mina nzi nga ta ba ni kurula, hambu nza ku famba wuklalwini ga mbilu ya mina, a ku lobisa a nzokati hi kuoma.
- 20 Na Jehova a nga ta tsetselela yena, kanilezi zonake a zanga ya Jehova ni mona wa yena wu ta tubekela wu vukela loye a munhu, ni wonkle a makombo laya ma tsalilweko ka legi buku ma ta eklela hehla ka yena, na Jehova i ta blangula a bito ga yena lahasi ka tilo.
- 21 Na Jehova i ta mu beka klelweni ka kubiha ka tonkle a tixaka ta ka Israeli, kukotisa hi ka wonkle a makombo laya ma tsalilweko ka legi buku ga milayo.
- 22 Ni xizukulwana xi tako, ni banana ba *nwina* labo ba ta nga huma hi le nzako ka *nwina*, ni bamatiko labo ba ta nga ta hi le matikweni ya le kule, ba ta wula, laha na bona ba wona a mitungu ya lego tiko, ni wubabyi lego ha gona Nungungulu a ta ba babyisa;
- 23 Ni lezaku a tiko gonkle ga kona i sulufa, ni munyu, ni kuvura, lezaku gi nga ta rimiwa, ge ni kutrala, ge ni xa byanya ku kula ka gona, kufanana ni ku hoxiwa ka Sodoma ni Gomora, ni Adama ni Zeboiime, leyo Jehova a nga wa yi hoxile le zange-ni ya yena, ni kulweni ga yena:
- 24 Hambu wona wonkle a matiko ma ta ku ngalo, Ngahilezo Jehova i mahile lezi zilo ka legi tiko ke? u su ngwa hi ku yini a kuhisa ka loku kuzangara ka hombe ke?

- 25 Zonake a banhu ba ta ku ngalo, Hakuba bona ba lo tsika a xivumelwano xa Jehova, a Nungungulu wa badadani babye, lexo a nga wa xi mahile zinwe na bona laho a nga wa humesile hi leyo tikweni ga le Gipite,
- 26 Ni ba loya kozela banwani banungungulu, ni ba lo dumisa bona, a banungungulu labo ba nga tibiko, labo yena a nga nyikangiko ka bona :
- 27 Hikwalaho a zanga ya Jehova yi vintlukiswa yi vukela a tiko legi ga yena, a ku neha hehla ka yena wonkle a makombo laya ma tsalilweko bukweni legi ;
- 28 Na Jehova i ta tsuwula bona lomo tikweni gabye hi zanga ya yena, hi kulo, ni le kuhlumukisweni ka hombe, i lo ba hoxa bona le tikweni ginwani, kwatsi hi legi siku.
- 29 A zilo zifihleleko za ka Jehova a Nungungulu wa hina ; kanilezi a zilo lezi zi wonkakako zi hi za hina ni za banana ba hina kala kupinzuka, kasi ha fela a ku maha tonkle a timhaka ta lowu nayo.

XIPIMO 30.

- 1 Makunu ku taku na ku mahisile lezo, laha lezi zilo zonkle zi ta ngata hehla ka wena, a kukatekiswa, ni makombo, lezi mina nzi zi yimisileko mahlweni ka wena, wena u ta zi alakanyela ka wonkle matiko, laho Jehova a ta nga nga a ku hlolongelele ka wona,
- 2 Ni u ta klelela ka Jehova a Nungungulu wa wena, ni ku ingisa a gezu ga yena kukotisa lezi nzi leletelako wena legi siku, wena ni banana ba wena, hi mbilu ya wena yonkle, ni muhefemulo wa wena wonkle ;
- 3 Lezaku zonake Jehova a Nungungulu wa wena i ta hunzulusa a wuperesu ga wena, a be ni titralo hehla ka wena, i ta hunzuluka a tsombanyisa wena ka banhu bonkle, labo Jehova a Nungungulu wa wena a nga i wa hangalasele wena.
- 4 Ni loku a wihi ka wena na nga a hoxilwe le handle nguvu ka tilo, hi leyo Jehova a Nungungulu wa wena i ta mu wuyisa, na hi leyo yena i ta hlota wena :
- 5 Na Jehova a Nungungulu i ta neha wena lomo tikweni lego a bararu ba wena ba nga wa gi fumele ka gona,

na wena u ta fumela gona; na yena i ta maha ha wena kusasa, ni ku enzelekisa wena hehla ka badadani ba wena.

- 6 Na Jehova a Nungungulu wa wena i ta engenisa wukwera a mbilu ya wena, ni mbilu ya mbewu ya wena, ku ranza Jehova a Nungungulu wa wena hi mbilu ya wena yonkle, na hi wonkle a muhefemulo wa wena, kasi wena u be u hanyako.
- 7 Na Jehova a Nungungulu i ta beka wonkle laya makombo hehla ka balala ba wena, ni ka bona labo ba bengako wena, labo ba xaniseko wena.
- 8 Na wena u ta klelela u ta ingisa a gezu ga Jehova, ni ku maha kuleletela ka yena loku mina nzi leletelako wena legi siku.
- 9 Na Jehova a Nungungulu wa wena i ta maha wena u pfunisilweko ka wonkle a tiro wa canja ga wena, ni mihanzweni ya miri wa wena, ni mihanzo ya tihomu ta wena, ni mihanzo ya misaba ya wena, a kuba kusasa: hakuba Jehova i ta engeta kambe a tsaka ha wena hi ku kusasa, kwatsi hi lezi a nga wa tsakile hi bararu ba wena ;
- 10 Loku wena u ta lonzowota a gezu ga Jehova a Nungungulu wa wena, a ku hlalisa kuleletela ka yena ni zilayelo za yena lezi zi tsalilweko ka legi a buku ga nayo ; loku wena u ta wuyela ka Jehova a Nungungulu wa wena, hi mbilu ya wena yonkle, ni muhefemulo wa wena wonkle.
- 11 Hakuba a kuleletela loku nzi leletelako wena legi siku, a ku tsanzi ka wena, ge a ku le kule nguvu.
- 12 Kona a ku le tilweni, lezaku wena u taku, Hlalani a ta nga famba le tilweni a yela hina, aya ku neha ka hina, ni ku maha hina a kuingisa kona, kasi hina ha fela ku maha kona ke ?
- 13 Ge kona a ku le klatukweni wa bimbi, lezaku wena u taku, Hi mani a ta nga klatukela hina a bimbi, aya neha kona ka hina, ni ku maha hina a kuzwa kona, kasi hina ha fela ku maha kona ke ?
- 14 Kanilezi a mhlaka yi kona kusuhani nguvu ka wena, lomu nozwini wa wena, ni lomu mbilwini ya wena, kasi wena wa fela ku maha kona.
- 15 Cuwuka, nzi bekile mahlweni ka wena legi siku, a wutomi ni kusasa, a kufa ni kubihla ;

DEUTERONOME, 31.

- 16 Ka lezo mina nzi leletelako wena a kuranza Jehova a Nungungulu wa wena, a ku famba hi tindlela ta yena, ni ku hlalisa a kuleletela ka yena ni kulayela ka yena ni ziyimiso za yena, kasi wena wa fela ku hanya u be u enzelelekisilweko, kasi Jehova a Nungungulu wa wena wa katekisa wena le tikweni lego wena u yako ku ya fumela gona.
- 17 Kanilezi loku a mbilu ya wena yi hunzulukela kule, na wena u nga ta zwisisa, kanilezi u kokelwa kule, ni ku kozela banwani banungungulu, ni ku dumisa bona;
- 18 Mina nza klatlambutela ka wena legi siku, lezaku nwina ha kunene mu ta lobyiswa; nwina mu nga ta longoloka ni masiku ya nwina lomu tikweni, lego wena u hunzako u klatuka Jordani a kuya fumela gona.
- 19 Mina nzi bitana a tilo ni misaba akuba wukustumunyu ha wena legi siku, lezaku loku mina nzi bekile mahlweni ka wena a wuto-mi ni kufa, a kukatekiswa ni makombo: hikwalaho langa kuhanya, kasi wa fela kuhanya, wena ni mbe-wu ya wena;
- 20 A kuranza Jehova a Nungungulu wa wena, ni ku ingisa a gezu ga yena, ni ku namarela ka yena; hakuba yena mbutomi ga wena, ni ku nabalata ka masiku ya wena; kasi wena wa fela a kuaka lomo tikweni lego a nga wa hlambanyile ka badadani, ka Abrama, ni ka Isaka, ni ka Jakobe, a ku nyika bona.

XIPIMO 31.

- 1 Na Mose i loya wulawula leti timbaka ka Israeli wonkle.
- 2 Na yena i te ngalo ka bona, Mina nzi zana ni makume mambiri malembe legi siku; nzi nga ta ha zi kota a ku huma ni ku engena: na Jehova i te ngalo ka mina, wena u nga ta klatuka legi Jordani.
- 3 Jehova a Nungungulu wa wena, hi yena a ta nga famba mahlweni ka wena; yena i ta lobisa leyi a mifumo le mahlweni ka wena, na wena u ta hlolongisa bona: na Joxua, i ta famba klatuko mahlweni ka wena, kwatsi hilezi Jehova a wulawulileko.
- 4 Na Jehova i ta maha ka bona kwatsi hi lezi a mahileko ka Sihoni na

Ogi, a ni tilhosi ta ma Amori, ni ka matiko yabye; lawo yena a ma lobi-sileko.

- 5 Na Jehova i ta ba nyikela mahlweni ka wena, na nwina mu ta maha kukotisa hi ka kuleletela loku mina nzi leleteleko nwina.
- 6 Tiyisani mu nga mbeli ntamo, mu nga cabi, mu nga dzukiswi ha bona: hakuba Jehova a Nungungulu wa wena, yena hi yena a fambako zinwe na wena; yena a nga ta hluleka wena, ge ni kutsika wena.
- 7 Na Mosi i lo bitana Joxua, i te ngalo ka yena kuwoneni ka bonkle ba ka Israeli, Tiyisisa u nga mbeli ntamo: hakuba wena u ta famba ni laba banhu leyo tikweni lego Jehova a hlambanyileko ka ba raru banye a ku nyika bona; na wena u ta maha bona a ku fumela gona.
- 8 Na Jehova, yena hi yena a fambako mahlweni ka wena; na yena i ta kuba zinwe na wena, yena a nga ta hluleka wena, ge ni ku tsika wena: u nga cabi, ge ni ku mbela ntamo.
- 9 Na Mosi i lo tsala lowu a nayo, i lo nyika wona ka bapristi a banana ba ka Levi, labo ba rwalako a arke ga xivumelwano xa ka Jehova, ni ka wonkle a masingalakati ya ka Israeli.
- 10 Na Mosi i lo leletela bona, aku, Hi ku kugumelweni ka wonklelele nklanu ni mambiri a malembe, hi xikatini xi yimisilweko xa lembe ga kuklailisa, hi ka mubuzo wa matabernakele,
- 11 Laha a ba ka Israeli ba ta ngata wonke mahlweni ka Jehova Nungungulu wabye wutsanweni legi yena i ta langa, wena u ta gonza lowu nayo mahlweni ka Israeli wonkle kuzweni kabye.
- 12 Tsombanyisa banhu, a ba banuna ni ba basati ni banana, ni mulubeli wa wena loye a nga le tinyangweni ta wena, kasi bona ba fela kuzwa, ni kasi bona ba fela ku gonza, ni ku caba Jehova a Nungungulu wa wena, ni ku lonzowota ku maha tonkle a timhaka ta lowu nayo;
- 13 Ni kasi ku fela a ku a banana banye, labo ba kalako ba nga tibyiwi, ba fela kuzwa, ba gonza a ku caba Jehova a Nungungulu wa wena, kwatsi hi ku nabalata ka xonkle a xikati lexo nwina mu ta nga hanya lomu ka tiko lego nwina mu klatu-

- kako a Jordani kuya gi fumela go-
na.
- 14 Na Jehova i te ngalo ka Mosi, cu-
wuka, a masiku ya wena ma tsinela
lezaku wena u yimelwe hi kufa :
bitana Joxua, ni ku engena mu ba
kona lomo nzeni ka tenta ga mukla-
ngano, kasi nza fela a ku nyika ye-
na tiro. Na Mosi na Joxua ba loya,
a ba lo ti wonisa a wutsumbu ga-
bye lomo nzeni ka tenta ga mukla-
ngano.
- 15 Na Jehova i lo woneka lomo Tente-
ni hi mhinga ya refu : ni mhinga ya
refu yi lo yima le hehla ka libati la
Tenta.
- 16 Na Jehova i te ngalo ka Mosi, La-
nguta, wena u ta ekhela zinwe ni ba-
raru ba wena ; ni laba banhu ba ta
suka, ni ku hlakana wuosi ba la-
nzela a banungungulu ba laba ba
tiko, lego bona ba yako ba ya tsama
xikari kabye, na ba ta tsika mina, ni
ku tsoba a xivumelwano xa mina
lexi mina nzi mahileko zinwe na-
bo.
- 17 Zonake a zanga ya mina yi ta vi-
ndlukisa yi vukela bona lego siku,
minawu nzi ta tsika bona, na mina
nzi ta fihla a ngohe ya mina le ka
bona, na bona ba ta kadamulwa,
kubiha ko tala ni zikato ku tata he-
hla ka bona ; zingahoke bona ba ta
wula hi lego siku, Loku kubiha a
kuti hehla ka hina lezi Nungungu-
lu wa hina a nga hiko xikari ka
hina ke ?
- 18 Na mina ha kunene nzi ta fihla a
ngohe ya mina ka lego siku bona ba
ta nga maha konke a kubiha loko
ba ta nga nga ba ku mahile, laha ka
lezo bona ba hunzulukelako ka ba-
nwani banungungulu.
- 19 Makunu hikwalaho tsala lolu a lisi-
mu la nwina, u gonzisa wena a ba-
nana ba ka Israeli : beka lona milo-
nwini ka bona, kasi lolu a lisimu
li nga maha a wukustumunyu ka
mina kuvukela a banana ba ka Isra-
eli.
- 20 Hakuba laha mina nzi ta nga ba ne-
ha lomo tikweni lego mina nzi nga
wa hlambanyile ka bararu babye, gi
kulungako a masi ni wuhumbe, ni
laha bona ba ta nga nga ba gile ba
tatisile a wutsumbu gabye, ba su ku
kuluka ba borokelana : zonake bona
ba nga ta hunzulukela ka banwani
banungungulu, ni kukozela bona,
- ni ku nyenya mina, ku tsoba xivu-
melwano xa mina.
- 21 Na ku taku na ku mahisile lezo, la-
ha a kubiha ni zikarato za kutala zi
cikela hehla kabye, ni lolu lisimu li
ta kustumunya mahlweni ka bona
kwatsi i mboni ; hakuba lona li nga
ribakelwa milo/nwini ya mbewu ya-
bye : hakuba mina nza ma tiba a ma-
alakanya laya ba ma xubako legi si-
ku, hi mahlweni na nzi nga se ku
ba neha le tikweni lego mina nzi nga
hlambanya.
- 22 Zingaho Mosi i lo tsala lolu a lisimu
gwalego siku, ni ku gonzisa lona a
banana ba ka Israeli.
- 23 Ni ku nyika Joxua a nwana wa Nu-
ne, a ntiro, na a te ngalo, Nga u tiyi-
sisa u nga mbeli ntamo ; wena u ta
neha a banana ba ka Israeli lomo ti-
kweni lego mina nzi hlambanyileko
ka bona : na mina nzi ta ba na we-
na.
- 24 Na ku mahisile lezo, laha Mosi a
nga wa mahile kugumelwa a tsala
leti timhaka ta nayo lomu bukwini,
kala tona timbeteka,
- 25 Lezaku Mosi i lo leletela a ba ka
Levi, labo ba rwalako a arke ya xi-
vumelwano xa ka Jehova, aku,
- 26 Tekani legi a buku ga nayo, mu be-
ka gona hi kelelo ga arke ga xivume-
lwano xa ka Jehova a Nungungulu
wa nwina, kasi gi be leyo a wuku-
stumunyu a ku vukela nwina.
- 27 Hakuba mina nza ku tiba a ku hlu-
bukisisisisa ka wena, ni nhamo ya
wena ya ku kunonoha : languta, ha-
mbu nza ha hanya ka na nwina legi
siku, nwina mu wa kari mu hi ba
hlubukisisilweko mu vukela Jeho-
va : ku ta ku yini nguvu a nzako ka
kufa ka mina ke ?
- 28 Tsombanani ka mina nwina masi-
ngalakati wonke ya tixaka ta nwi-
na, ni tinduna ta nwina, kasi mina
nzi nga wulawula leti timhaka ti-
n/lebeni tabye, ni ku bitana a tilo ni
misaba a kuta maha wukustumunyu
mahlweni kuvukela bona.
- 29 Hakuba mina nza zi tiba lezaku a
nzako ka kufa ka mina nwina mu
ta botisa a wutsumbu ga nwina hi
kubotisisilweko, mu a hambuka kle-
lweni ka n/lela leyi mina nzi lele-
teleko nwina ; ni kubiha ku ta wela
hehla ka masiku ma tako ; hakuba
nwina mu ta ma ha lezo za kubiha
kuwoneni ka Jehova, a ku vinda-

kisa yena ku zangara hi tiro wa mandla ya nwina.

30 Na Mosi i lo wulawula tindlebeni ta tsombano wonkle wa ka Israeli a timbaka ta lolu lisimu, kala lona li mbeteka.

XIPIMO 32.

1 Nyika a ndlebe, nwina matilo, mina nzi ta wulawula ;
Na nga a misaba yizwa a timbaka ta nomu wa mina.

2 A kugonzisa ka mina ku ta dona kwatsi i vula ;
A kuwulawula ka mina ku ta nwanwasela kwatsi i nzokati, Kwatsi i vula ya tsutsubi hehla ka byanyi go nyuka,
Kwatsi manamula ngala hehla ka kubanyi.

3 Hakuba mina nzi ta bahungu hi bito ga Jehova :
Nyikani nwina a kukulisisiswa ka Nungungulu wa hina.

4 A Ribye, i tiro wa yena wu mbeleleko ;
Hakuba a tindlela ta yena tonkle mbunongameto :
A Nungungulu wa kukolekisisiswa a hi zigoho za yena,
A nongameto ni musasi hi yena.

5 Bona ba mahile hi kubotisisisilweko ha yena, bona a hi banana ba yena, hi wona mabango yabye ;
Bona xizukulwana xi hlamukisako ni xi gombonyekileko.

6 Mahani nwina zakungahi mu klelisela ka Jehova,
O zifelembu za banhu mu nga tibiko ?
A hi yena loye a dadani wa wena a xabileko wena ke ?
Yena i mahile wena, na a yimisile wena.

7 Alakanya a masiku ya kaleloko, Xubisisa hi malembe ya zizukulwana zinyingi :
Wutisa a raru wa wena, yena i ta kangeta wena ;
A masingalakati ya wena, wona ma ta byela wena.

8 Laha na loye a Klakusisilweko i lo nyika ka matiko a tsomba yabye,
Laha na yena na a habanyisile banana ba banhu,
A yimisako a mimbingano ya banhu

Kukotisa hi ka tsengo wa banana ba ka Israeli.

9 Hakuba a xiabelo xa Jehova hi banhu ba yena ;
Jakobe hi kutala ka banhu ba yena.

10 Yena i lo kuma yena leyo tikweni ga xiwunza,
Ni le xiwuleni xi hangalakileko xinyamalala ;
Yena i ranzele yena, a gongolako yena,
Yena i hlayisa ku kota kwatsi i nzololo ya tihlo ga yena.

11 Kwatsi hi gama lego gi kuhlunguko a xisaka xa gona,
Lezaku gi fukamelako hehla ka mavinyani yakwe,
Gi tsambulutako gi nabalata ti-papa ta gona, na gi lo teka wona,

Gona gi lo rwala wona hi mano ya gonawu.

12 Jehova yece hi yena a mu rangelako,
Ni laho ku wa nga hi kona a Nungungulu wa matiko zinwe naye.

13 Yena i mahile yena a kilela wutsanweni gi klakukileko ga misaba,
Na yena i loga a ku anzisiswa ka masimu ;

Yena i mahile yena a kuanwa wulombe ribyeni,
Ni mafura ribyeni ga xiketse :
A mawomba ya tihomu, ni masi ya miklambi,
Zinwe ni mafura ya mikundlu,
Ni tihamba ta lixaka la le Baxani, ni timbuti,
Zinwe ni ku nanaselwa ka mabele ;

Ni ka nkata wa magrepi wena a nwako vinyu.

15 Kanilezi Jexuruni a su kuluka a borokela, a dimbukela :
Wena hi wena u kulukileko u borokela, wena u kulile u dziba,

Wena u mahile u kaluteka ;
Zonake i lo tsika a Nungungulu loyi a mahileki yena,
Hi kunyenyekileko a nga kulisi a Ribye ga kuhanyiswa ka yena,

16 Bona ba lo vindlukisa yena a wukuxu hi banungungulu ba laba ;

- Hi manyala bona ba vindlukisile yena kuzangara.
- 17 Bona ba lo pahlela a mademoni, lawo ma nga hiko Nungungulu, Ka banungungulu labo ba nga batiko, Ka banungungulu baswa laba ba tako hi le nzako, Labo a bararu ba nwina ba nga ba cabangiko.
- 18 A ka Ribye lego gi nga kutrala wena a ku celangi kota, Na u ribakelwe hi Nungungulu loye a nga nyika wena kutrala,
- 19 Na Jehova i lo ku wona, i lo hlamuka ha bona, Hakuba hi kuvindlukiswa ka barisanyana ba yena ni banhanyana ba yena.
- 20 Na yena i te ngalo, Mina nzi ta fihla a ngohe ya mina mahlweni ka bona, Na mina nzi ta wona lezaku a kugumelwa kabye ku ta ba yini: Hakuba bona ba hi xizukulwana xi swirisisako nguvu, A banana laba ka bona ku nga hiko kona a kukolekisisisa.
- 21 Bona ba kumbile mina hi kuzangarisilweko hi lezo zi nga hiko Nungungulu; Bona ba vindlukisile mina a kuzangara hi ku nganyawuli kabye: Na mina nzi ta ba kumba ha zangarisisiswa hi labo ba kalako ba nga hi banhu; Na mina nzi ta ba vindlukisa ba zangara hi matiko ya zifelembu.
- 22 Hakuba a nzilo wu vindlukisilwe kuzangarenl ka mina nzwinyi, Ni ku vurela ka Xeole wa lahasi, Ni kukadamula a misaba zinweni ku anzisiswa ka yona, Ni kulumekela a ziseketelo za zitsunga.
- 23 Mina nzi ta gotsobanyisela kubiha hehla ka bona; Mina nzi ta hangalasa tigalala ta mina hehla ka bona:
- 24 Bona ba ta hahluka hi ndlala, ni ku kadamulwa hi kuhisa kuvurako
- Ni kulobyisisisisa kubabako; Ni meno ya zibanza mina nzi ta rumela hehla kabye, Zinwe ni wuxungu ga zilo zi kokakokako za tsuri.
- 25 Hi lahandle a supado yi ta ba tromulela, Ni lomu ndlwini a kutsisa; Kona ku ta lobyiswa bonkle a majaha ni mibulwa, Ni a anwako ni dota ga wuvu.
- 26 Mina nzi te ngalo, Nzi ta hangalasa bona kule, Mina nzi nga nzi mahile a kualakanywa ka bona ku kawula xikari ka banhu;
- 27 Loku ku wa nga ku kwatsi mina nzi caba a ku vindlukiswa ka balala Ku nga taku a balala ba bona ba nga lamula hi ku holheta, Banga taku, ba ta nga ba wula, A canja ga hina gi klakusilwe, Na Jehova a nga mahangi lezi zilo zonkle.
- 28 Hakuba bona matiko ma nga hiko na kungo ga kunyawula, Ni laho a ku kona a kupimisisisisa ka bona.
- 29 O lezaku bona ba tiba, ni lezaku bona ba lo pimisisa lexi, Kasi bona xubisisa hi kugumelwa ku lanzelako kabye!
- 30 Lezaku a muawe i ta hlongolisa kuyini a kume ga mazana, Ni bambiri maha a kume ga kume ga mazana ku panzanyeka, Saseka loku a Ribye gabye gi xabile bona, Ni Jehova i nyikele bona ke?
- 31 Hakuba a ribye gabye gi kwatsi i Ribye ga hina, Hambu balala ba hina wutsumbu gabye mbalamuli.
- 32 Hakuba zivina zabye zivina za le Sodoma, Ni za masimu ya le Gomora: Ni magrepi yabye magrepi ya nyongwa, Ni zitata za wona za baba: A waini ga zona mbuxungu ga tinyoka, Ni tikuruxu ta kona mbutsulu ka nyoka.
- 34 Ni lexi a nzi xi bekangi lomo ndlwini ya mabele zinwe na mina,

Nzi lemele xikari ka titsomba
ta mina ke ?
35 Kupotisisisa hi ka mina, ni kle-
liselo,
Leyo ka xikati lexo a konzo
wabye wu ta nga retemuka :
Hakuba a masiku ya kuhlakala
kabye ma tsineleko,
Ni zilo lezi zi ta nga ta hehla ka
bona zi ta maha xihakla.
36 Hakuba Jehova i ta lamula a
banhu ba yena,
Ni ku hunzuluka a wutsumbu
ga yena hi malanza ya yena ;
Laha na yena na wona lezaku a
ntamo wabye wu fambile,
Ni laho a nga kona a seleko, ba
valelwe a wutsumbu gabye na
ba tele.
37 Na yena i ta wula, Ba kwihi
banungungulu banye,
A ribye lego ba tekako a wuca-
belo gabye ;
38 Lego gi ngaga mafura ya mipa-
hlelo yabye,
Ni kunwa a waini gabye ga mi-
nyikelo ya kunwa ke ?
Nga bona ba suka ba vunetela
nwina,
Nga bona ba hi kuvikelisisisa
ka nwina.
39 Wonani makunu lezaku mina,
yena mina, nzi mina yena,
Laho a nga nungungulu zizwe
na mina :
Mina nza daya, mina nzi maha
kuhanya,
Mina nza balesa, nzi holisa ;
Laho a nga kona loye a klatli-
sako canjeu ga mina.
40 Hakuba mina nzi klatusa a ca-
nja ga mina le tilweni,
Nziku, Kwatsi hi lezi mina nzi
hanyako kala kupinzuka,
41 Loku mina nzi lota a supado
ya mina yi hatimako,
Ni canja ga mina gi koma a
kululamisisisa ;
Mina nzi ta maha kupotesilisi-
sa ka mina ka ba nzi benga-
ko,
Ni kulelisela ka labo ba benge-
kako mina.
42 Mina nzi ta maha tigalala ta
mina tinwa a nkata,
Ni supado ya mina yi ta kada-
mula a nyama ;
Hi nkata wu klabyetelweko ni
wa bakonwi,

Ku sukela ka hloko ta barange-
li ba mulalala.
43 Bumani, O nwina matiko, zi-
nwe ni banhu ba yena :
Hakuba yena i ta potela a nka-
ta wa malanza ya yena,
Ni ku maha kupotelisisisa ka
babengako yena,
Ni ku maha kurihelisisisa ka ti-
ko gakwe, ni ga banhu ba
yena,
44 Na Mosi i lota a ta wulawula a
timbaka ta lolu a lisimu tindlebeni
ta banhu, yena, na Hoxea a nwana
wa Nuni.
45 Na Mosi i lo maha kugumelwa ku
wulawula tonkle timbaka leti ka ka
ka Israeli wonkle ;
46 Na yena i te ngalo ka bona, Tiyi-
sani a timbilu ta nwina timhaka leti
mina nzi kustumunyako ka nwina
legi siku, leti nwina mu ta nga lele-
tela a banana ba nwina a ku lonzo-
wota a ku ti maha, hambu tona
tonkle a timhaka ta nayo lowu.
47 Hakuba tona a xilo xa ku kala ku-
nyawula ka nwina ; hakuba tona
mbutomi ga nwina, na hi lezi zilo
nwina mu ta longoloka ni masiku
ya nwina lomo tikweni, lego nwina
mu klatukako Jordani a kuya fume-
la gona.
48 Na Jehova i lo wulawula ka Mosi
gwalego siku a wutsumbu ga gona,
aku,
49 Kanziya wena ka lexi xitsunga xa
Abarime, le xitsungeni xa Nebo,
lexo xi nga lomo tikweni ga le Mo-
abi, lexi xixungeteneke ni Jordani ;
ni ku wona a tiko ga le Kenani, le-
go mina nzi nyikileko a banana ba
ka Israeli a kuba atsomba ;
50 Ni kufa kona laho xitsungeni lexo
wena u fambako, ni kupetselwa ka
banhu ba ka nwina, kwatsi hi Aroni
a nakuloni a fileko xitsungeni xa
Hora, na wa petselwe ka banhu ba
ka kabye ;
51 Hakuba nwina mu onhile mu vuke-
la mina xikari ka banana ba Israeli
le mati ya le Meriba le Kadexe, le
xiwuleni xa le Zini, habuka nwina a
mu basisangi mina xikari ka bana-
na ba ka Israeli.
52 Hakuba wena u ta wona a tiko gi
nga mahlweni ka wena ; kanilezi
wena u nga taya leyo nzeni ka ti-
ko lego mina nzi nyikileko ka ba-
nana ba Israeli.

XIPIMO 33.

- 1 Na lezi hi zikatekiso, lezi Mosi a
munhu wa Nungungulu a nga ka-
tekisa a banana ba ka Israeli hi ma-
hlweni na a nga se kufa.
- 2 Na yena i te ngalo,
Jehova i lota hi le Sinai,
Ni ku suka hi le Seira kuta ka
bona ;
Yena i woninga hi ka xitsunga
xa le Parani,
Na yena i lota ka makume ma-
zana ya basileko :
Hi ka canja ga yena ga xinene
ku wa hi ni nayo wucabise-
kako wa bona.
- 3 Inaka, yena a ranzako a banhu ;
Bonkle ba kubasa ba le canjeni
ga wena :
Na bona ba tsamile lahasi ka
mikonzo ya wena ;
Bonkilelele ba ta amukela hi ka
timhaka ta wena.
- 4 Mosi i lo leletela hina a nayo,
A tsomba ya hlengeletano wa
Jakobe.
- 5 Na yena i wa hi hosi leyo Jexu-
rune,
Laha a tihloko ta banhu ti nga
wa tsombene,
Tonkle a tixaka ta ka Israeli
katigizwe.
- 6 Nga Rubeni a hanye, a ngafi :
Ge ni ku maha banuna ba yena
a wutsongwani.
- 7 Ni lezi hi katekiso ka Juda : ye-
na i te ngalo,
Zwana, Jehova, a gezu ga Ju-
da,
Ni ku neha yena ka banhu ba
ka kabye.
Hi mandla yakwe i lwela a
wutsumbu ga yena ;
Na wena u ta be muvuni u vu-
kela ka ba benganako zinwe
na yena.
- 8 Ni ka Levi yena i te ngalo,
A Tumina wa wena ni Urima
wa wena ku le wunungungu-
lwini ga wena,
Loye wena u u vinda lukisileko
yena leyo Masa,
Loye wena u kaneteneko zinwe
naye leyo mati ya leyo Me-
riba ;
- 9 Loye a wulileko hi dadani wa
yena, ni mamani wa yena, mi-
na a nzi wonangi yena ;

- Ge yena ni kutibyekesisa ka ba-
makabye ba yena,
Ge ni kutiba a banana ba yena
nwinyi :
Hakuba bona ba lonzowotile a
mhaka ya wena,
Ni kuhlayisa a xivumelwano xa
wena.
- 10 Bona ba ta gonzisa Jakobe a zi-
yimisole za wena,
Na Israeli a nayo wa wena :
Bona ba ta hisa alibani hehla ka
wena,
Labo ba hisako a munyikelo wa
kuhiswa hehla ka alati ga
wena.
- 11 Katekisa, Jehova, ka tinhunzu
ta yena,
Ni ku amukela a tiro wa ma-
ndla ya yena :
Lamata ziwunwini za bona labo
ba sukako ba vukela yena,
Ni ka bona labo ba bengako ye-
na, kasi ba fela ku kala ba
nga suki kambe.
- 12 Ka Benjamini i te ngalo,
A ranzekako ka Jehova i ta tsa-
ma kuponeni ha yena ;
Yena i fenengeta yena gonkle
a siku.
Yena a aka xikari ka makatla
ya yena.
- 13 Ni ka Josefa yena i te ngalo,
A kukatekiswa ka Jehova hi ti-
ko ga yena,
Hakuba a zilo zibangamelisili-
lweko za tilo, za nzokati,
Ni kueta loku ku ku nyanime-
lako lahasi,
- 14 Ni ka zilo zi ba ngamelisilisi-
lweko, za gambo,
Ni ka zilo zi bangamelisililweko
za ku kula ka tihweti,
- 15 Ni zilo hombe za zitsunga za kale,
Ni zilo zi bangamelisililweko za
kutsonzoma ka zitsungana,
Ni zilo zi bangamelisililweko za
misaba ni kutala ka yona,
Ni kuranza ka kusaseka ka loye
a akileko lomo kwatini.
- 16 Nga kukatekiswa kuta le hehla
ka hloko ya Josefa,
Ni hehla ka magalo ya hloko ya
yena leyo yi hambanyisililweko
ka bamakabye ba yena.
- 17 A matewula ya tihomu ta yena,
mbukosi ga yena ;
Ni timhonzo ta wena timhonzo
ta nyari ;

Ha bona yena i ta nikinya ba-
nhu bonkle ba bona, kona ku-
gumelwa ka misaba :
Na bona i kume ga makume
mazana ya ka Ifraime,
Na makume mazana ya ba ka
Manasa.
18 Ni ka Zebuluni yena i te ngalo,
Tsaka, Zebuluni, a ku humeni
ka wena le handle ;
Na, Isakare, matenteni ya wena.
19 Bona ba ta bitana a banhu le zi-
tsungeni ;
Leyo i ta nyikela a minyikelo
ya kululamisisa :
Habuka bona ba ta aza a wu-
nyingi ga mabimbi,
Hi titsomba ti fhleleko ta mavu-
nye.
20 Ni ka Gadi yena i te ngalo,
I katekisilwe yena loye a enze-
lekisako Gadi :
Yena i tsama kukota a ngala,
Ni ku pfemula a mamlari, ina, a
magalo ya hloko.
21 Na yena a longiselako a wutsa-
mo go ranga ga yena wutsu-
mbu,
Hakuba leyo ku wa hi a munyi-
ki wa nayo wa xiabelo xi tsa-
misekileko ;
Na yena i lota ni tihloko ta ba-
nhu ;
Yena i lo tsanza kululamisisa
ka Jehova,
Ni ziyimiso za yena zinwe na
Israeli.
22 Ni ka Dani yena i te ngalo,
Dani i role ga ngala,
Lego gi klulako hi leyo Baxani.
23 Ni ka Naftali yena i te ngalo,
O Naftali, u eneliselwa hi to-
mo,
Ni kutatiswa hi kukatekiswa ka
Jehova,
Fumela wena a mhlwagambo
ni le dzongeni.
24 Ni ka Axeri i te ngalo,
I katekisilwe Axeri zinwe ni ba-
nana ;
Nga yena a amukeleka ka bama-
kabe ba yena,
Nga yena a peta a konzo wa ye-
na lomo mafureni.
25 A zilato za wena zi ta ba za zike-
tse ni za suku ;
Ni kukota masiku ya wena, zi-
ngaho a ntamo wu ta ba nga-
ho.

26 Laho a ku kona a kotako Nu-
ngungulu, O Jexuruni,
Loye a kileleko hehla ka matilo
ya wena a kuba kuvuna ka
wena,
Ni wukosi ga yena le hehla.
27 A Nungungulu wakutsoma hi
wutsamo ga kuaka ka wena,
Ni lahasi ku na ni mawoko
ya ku tsonzoma,
Yena a hoxako a balala le ma-
hlweni ka wena,
Yena i te ngalo, Lobisa.
28 Na Israeli i akile kuponeni,
A hlowo ya Jakobe yece.
Le tikweni ga mabele ni waini
giswa ;
Ina, a vula ya yena yina lahasi
a nzokati.
29 U tsakisilwe wena, O Israeli :
Himani a kotako wena, a banhu
ba hanyisilweko hi Jehova,
A xiklangu xa kuvuna ka we-
na,
Ni supado ya kusasisisisa ka
wena !
Ni balala ba wena ba ta koza a
wutsumbu gabye ka wena ;
Na wena u ta kanziyelela a wu-
tsamo gabye gi klakukileko.

XIPIMO 34.

1 Na Mosi i famba hi le mikobeni ya
le Moabi aya xitsungeni xa Nebo, le
hehla ka Pisga, lego gi nga le klatu-
kweni wa Jeriko. Na Jehova i lo
kangeta yena gonkle a tiko ga Gile-
ade, kala ku Dani,
2 Ni gonkle a Naftali, ni tiko ga ka
Ifraime ni ga ka Manasa, ni gonkle
a tiko ga ka Juda, kala le nzako ka
bimbi,
3 Ni le Dzongeni, ni Mikoba ya mi-
nzelelo ya Jeriko a muti wa tisinya
ta micinzu, a kala le Zoare.
4 Na Jehova i te ngalo ka yena, Legi
hi tiko lego mina nzi nga wa bla-
mbanyile ka Abrahamama, ni ka Isa-
ka, ni ka Jakobe, nziku, Mina nzi
ta nyika ka mbewu ya wena : mina
nzi mahile wena a ku gi wona hi
mahlo ya wena, kanilezi wena u nga
ta klatuka leyo.
5 Zingaho Mosi a nanza ga Jehova i
lofa leyo le tikweni ga le Moabi,
kwatsi hi ka gezu ga Jehova.
6 Yena i lo kelela yena le minzelelwe-
ni lomo tikweni ga le Moabi, hi le
klatuko ka le Betpeora : kanilezi a

- nga kona munhu a tibako a tsiza ga yena kala legi siku.
- 7 Na Mosi i wa hi zana ni makume mambiri malembe laha a nga wa file : a tihlo ga yena ma ga nga hi xilutsu, ge ni ziro za yena zi wa nga se ku kokobala.
- 8 Ni banana ba ka Israeli ba lo rilela Mosi le mikobeni ya le Moabi makume manharu ya masiku : zingaho a masiku ya xirilo xa mikosi ya Mosi xi wa gumelwe.
- 9 Na Joxua a zwana wa Nuni i wa tele hi moya wa kutiba : hakuba Mosi i wa klatekile a mandla ya yena hehla ka yena : ni banana ba ka Israeli ba lo ingisa ka yena, ba lo maha kwatsi hi lezi Jehova nga wa leletele Mosi.
- 10 Ni laho a ku humangi a muprofeti cima lomu ka Israeli wa kukota Mosi, loye Jehova a mu tibako ngohe ni ngohe,
- 11 Ni ka zonkle ziwoniso ni zihlamaliso, lezo Jehova a nga wa rumile yena ku maha leyo tikweni ga le Gipite, ka Faro, ni ka malanza ya yena wonkle, ni ka tiko ga yena gonkle,
- 12 Ni ka mitiro ya canja ga nyamintamo, ni ka konkle loku kucabisekisi-sako ha hombe, lezi Mosi a nga lo maha kuwoneni ka wonkle Israeli.

A BUKU GA JOXUA.

XIPIMO 1.

- 1 Makunu na ku mahisile lezo anza-ko ka kufa ka Mosi a nanza ga Jehova, lezaku Jehova i lo wulawula ka Joxua a zwana wa Nuni, a xikozeli xa ka Mosi, aku,
- 2 Mosi a nanza ga mina i file; makunu hikwalaho suka, uya klatukweni wa legi Jordani, wena, ni bonkle laba banhu, ka tiko legi mina nzi gi nyikileko ka bona, kona ka banana ba Israeli.
- 3 Gonklelele wutsamo lego a xirenze xa konzo wa wena xi ta nga kanziyela hehla ka gona, ka wena mina nzi nyikile gona, kwatsi hi lezi mina nzi wulawulileko ka Mosi.
- 4 Kusukela le xiwuleni, ni legi Lebanoni, kala le congweni wa hombe, a congo Ufrate, gonkle a tiko ga ma Hiti, ni ka bimbi ga hombe ngomameni ni kureleleni ka gambo, ku taba mbingano wa zwina.
- 5 Lahlo ku nga ta kuba kona a munhu a ta nga kota ku yima mahlweni ka wena wonkle a masiku ya wutomi ga wena: kwatsi hilezi mina nzi nga wa hi zizwe na Mosi, zingaho nzi taba zizwe na wena: mina nzi nga ta hluleka wena, ge ni ku tsika wena.
- 6 Tiyisa mbilu ni ku nga be na hlanekero; hakuba wena u ta maha laba banhu ba taga tsomba a tiko legi mina nzi hlambanyileko ka badadani ba/ye a ku nyika bona.
- 7 Kumbela nga u tiyiswa mbilu ni wunhenha gonklelele, a ku lonzowotela a ku maha kukotisa hi ka nayo wonkle, lowu Mosi a nanza ga mina a leleteleko wena: u nga hunzuluki ka wona hi ka ga xinene canja kutani ka ga xibaba, kasi wena u be u felako ku humelela nguvu ni ka kwihi laha wena u yako.
- 8 Legi a buku ga nayo gi nga ta suka le nonwini ka wena, kanilezi wena u ta alakanyela ka gona a mumu ni wusiku, kasi wena u be u felako a kulonzowotela a ku maha zonkle lezo zi tsalilweko ka gona: hakuba zonake wena u ta maha a ndlela ya wena yi hi leyi yi vuvumiswako, na zonake wena u taba ni kuhumelela ka hombe.
- 9 A nzi ku leletelangi mina xana wena ke? U nga be na hlanekero tiyisa mbilu; u ngabe u dzukisilweko, hambu ni ku mbeteka a ntamo: hakuba Jehova a Nungungulu wa wena i zinwe na wena ni ka kwihi laha wena uyako.
- 10 Zonake Joxua i lo leletela a tinduna ta banhu, aku,
- 11 Hunzelani mu tsemakanya xikari ka wugobelo, mu leletela a banhu, mu-ku, Longiselani a timbuba ta zwina; hakuba hi ka masiku manharu zwina mu hunza mu klatuka legi Jordani, a kuya fumela a tiko, legi Jehova a Nungungulu wa zwina a

nyikileko *nwina* a ku fumela gona.

- 12 Ni ka ba ka Rubeni, ni ka ba ka Gadi, ni ka kihlanya ga lixaka la ka Manasa, i lo wulawula Joxua, aku,
- 13 Alakanyani a mhaka leyi Mosi a nanza ga Jehova a leleteleko *nwina*, aku, Jehova a Nungungulu wa *nwina* a nyikako *nwina* kuhumula, na a ta nyika *nwina* legi tiko.
- 14 A basati ba *nwina*, ni zihlangana za *nwina*, ni tihomu ta *nwina*, ku ta tsama lomo tikweni lego Mosi a nyikileko *nwina* klatukweni wa Jordani; kanilezi *nwina* mu ta hunza mu klatuka mahlweni ka bamakabye ba *nwina* na mu hlomile, bonkle a babanuna ba tinhenha ta kulwa, ba ta vuna bona;
- 15 Ku kala Jehova i ta nyika a bamakabye ba *nwina* a kuhumula, kwatsi hilezi yena a nyikileko *nwina*, na bonawu kambe ba fumela a tiko legi Jehova a Nungungulu wa *nwina* a nyikileko bona: zonake mu ta wuyela tikweni ga tsomba ya *nwina*, mu fumumela gona, legi Mosi a nanza ga Jehova a nyikileko ka *nwina* klatukweni wa Jordani ngomameni ni mu suka gambo.
- 16 Na bona ba lo hlamlua Joxua, baku, Zonkle lezo wena u leleteleko hina hi ta zi maha, ni ka kwihi laha wena u hi rumako hi ta kuya.
- 17 Kukotisa kwatsi hi lezi hina hi ingisileko Mosi a ka zilo zonkle, zingaho hina hi ta ingisa wena: kumbela Jehova a Nungungulu wa wena a be na wena, kwatsi hilezi a nga wa hi zinwe na Mosi.
- 18 Kani hiwihi a ta nga hlubuka a vukela kuleletela ka wena, ni ku kala a nga ingisa ka mhaka ya wena ni ka zonkle lezo wena u leletelako yena, yena i ta dawa: kumbela u nga be na hlanekero tiyisa mbilu.

XIPIMO 2.

- 1 Na Joxua a *nwana* wa Nuni i lo rumela ba huma Xittime a banuna bambiri kwatsi tihloli hi kufihlakalisilweko, aku, Yanani, muya kamba tiko, ni Jeriko. Na bona ba loya, ba lotta ndlwini ya xibayi lexo a bito ga xona xi nga wa hi Rahabi, ni ku eklela leyo.
- 2 Kona ku wa lo byelwa ka hosi ya le Jeriko, aku, Languta, laho ku tile a babanuna leuo a wusiku legi

ba banana ba Israeli a ku hlola a tiko.

- 3 Ni hosi ya le Jeriko yi lo rumela ka Rahabi, aku, Humesa laba banhu ba tileko ka wena, labo ba engenileko lomo ndlwini ya wena; hakuba bona ba tile a kuta hlola a tiko gonkle.
- 4 Ni wasati i lo teka a banuna bambiri, i lo ba fihla; na yena i wa te ngalo, Hi zona, a babanuna ba wa tile ka mina, kanilezi a nzi ba tibi laha ba tako ha kona:
- 5 Na ku mahisile lezo hi xikatini xa kuvalwa ka nyangwa, laha ku nga wa hi munyama, lezoke a babanuna ba lo huma le handle; ni laha ba yileko a babanuna mina a nzi ku tibi: hlongolani le nzako kabye hi kuha-khlisisilweko; hakuba *nwina* mu ta kamanyeta bona.
- 6 Kanilezi yena i wa lo neha bona le langweni, yena i lo fihla bona lomo ka zikwenge za wukene, lezi a nga wa zi bekile a zi xaxameta lomo langweni.
- 7 Ni babanuna ba lo hlongola a nzako kabye ba su ni ndlela ya kuya Jordani le mapelweni: ni kwatsi hi xikanzakanya xa lezi laba ba nga wa ba hlota ba nga wa lumile ba famba, bona ba lo vala a nyangwa.
- 8 Na hi mahlweni na ba nga se ku eklela lahasi, yena i lo kanziya a kuta ka bona hehla ka langwa;
- 9 Na yena i wa te ngalo ka babanuna, Mina nza zi tiba lezaku Jehova i nyikile ka *nwina* legi tiko, ni lezaku a kucabya ka *nwina* ku wile hehla ka hina, ni lezaku bonkle ba akileko ba nyekisilwe mahlweni ka *nwina*.
- 10 Hakuba hina hi zwile lezaku Jehova i omisisile ku yini a mati ya Bimbi go Truka mahlweni ka *nwina*, laha *nwina* mu nga wata mu huma hi le Gipite; ni lezaku za ku yini mu mahileko ka tihosi timbiri ta ma Amori, leto ti nga wa hi klatukweni wa le Jordani, ka Sihoni ni Ogi, a bahi *nwina* mu kumbetisisilweko ba lobyisilweko.
- 11 Ni xikanzakanya xa lezi hina hi nga wa zwile lezo, a timbilu ta hina ti lo nyekiswa, ge ni ku engeta ka ha tsama a moya ni ka wihi a munhu, hakuba ha *nwina*: hakuba Jehova a Nungungulu wa *nwina* yena i Nungungulu a nga le tilweni le hehla, ni laha hasi misabeni.
- 12 Makunu hikwalaho, mina nza ko-

- mbela *nwina*, hlambanyani ka mina ha Jehova, cima nzi nga nga maha hi kutralekisisilweko ka *nwina*, kasi *nwinawu* kambe ma maha hi kutralekisisilweko ka yindlu ya dadani wa mina, mu nyika mina a xiwoniso xa zinene ;
- 13 Ni lezaku *nwina* mu ta ponisa a hanya a raru wa mina, ni nyine wa mina, ni bamakabye ba mina, ni bamakweru ba mina, ni zonkle lezo ba nga nazo, ni ku mu ta *klaklisa* a wutomi ga hina kufeni.
- 14 Ni babanuna ba wa te ngalo ka yena, A wutomi ga hina ga *nwina*, loku *nwina* mu nga tsawutelangi lo-wu a ntiro wa hina ; na ku ta kuba, laha Jehova a nyika hina legi tiko, lezaku hi ta maha hi kutralekisisilweko ni zinene ka wena.
- 15 Zonake yena i lo ba relelisa hi ngoti hi laha ka woni : hakuba a yindlu ya yena yi wa hi leyo *klelweni* ga kurisi, yena i wa lo tsama hi hehla ka kurisi.
- 16 Na yena i wa te ngalo ka bona, *Nwina* yanani le xitsungeni, ba nga taku a bahlongolisi ba kamanyeta *nwina* ; ni kuya fihla a wutsumbu ga *nwina* leyo a masiku manharu, kala a bahlongolisi ba be ba *klelileko* : ni nzako ka lezo *nwina* mu taya a ndlela ya *nwina*.
- 17 Ni banuna ba te ngalo ka yena, Hina hi nga ta kuba na nazunga hi lexi a xifungo xa wena lexi wena u mahileko hina a ku hlambanya.
- 18 Languta, ni loku hina hita lomu tikweni, wena u ta boha lolu lingoti lo truka la tihinja ka woni legi wena u mahileko hina hi relela ha gona : na wena u ta tsombanyisela a raru wa wena, ni nyine wa wena, ni bamakabye ba wena, ni bonkle ba le ngangweni wa raru wa wena.
- 19 Na ku taku ba lezo, lezaku kani hi-wihi loyi a ta nga huma le handle ka tibati ta yindlu ya wena aya pangweni, a nkata wa yena wu taba hehla ka hloko ya yena, hina hi taba hi nga hi na nanzu : ni kani hi-wihi a ta ngaba a hi na wena lomu ndlwini, a nkata wa yena wu taba ka tihloko ta hina, loku a hi kona a welako hehla ka yena.
- 20 Kanilezi loku wena u tsawutela lo-wu a ntiro wa hina, zonake hina hi nga ta kuba na nanzu hi xifungo xa wena lexi wena u mahileko hina hi hlambanya.
- 21 Na yena i te ngalo, Ku kotisa hi ka timhaka ta *nwina*, a zibe ngaho. Yena i lo andlamukisa bona, na bona ba lo suka : na yena i lo boha a ngoti yo truka laha wonini.
- 22 Na bona ba lo andlamuka, ba lota le xitsungeni, na bona ba lo tsama leyo masiku manharu, kala bahlongolisi ba *klela* ba wuya : ni bahlongolisi ba lo ba hlota yonkle a ndlela, kanilezi a ba ba kumangi.
- 23 Zonake a banuna ba mbiri ba lo *klela*, ba lo relela hi le xitsungeni, ba lo hunza ba *klatuka*, ba lota ka Joxua a *nwana* wa Nuni ; na bona ba lo hlawutela zonkle lezi zi weleko bona.
- 24 Na bona ba te ngalo ka Joxua, Hakunene Jehova i nyikele canjeni ga hina gonkle a tiko ; *klatakumbiri* bonkle ba a kileko ba tiko ba nyikisilwe hi kota ya hina.

XIPIMO 3.

- 1 Na Joxua i lo suka le punzwini wa miko ; na bona ba lo andlamuka hi le Xitime, na ba lota le Jordani, yena ziwe ni bonkle a banana ba ka Israeli ; bona ba lo eklela leyo hi mahlweni na ba nga seku hunza ba *klatuka*.
- 2 Na ku mahisile lezo anzako ka masiku manharu, a tinduna ti lo famba ti tsemakanya xikari ka gonkle a wugobelo ;
- 3 Na bona ba lo leletela a banhu, baku, Laha na mu wona a arke ga xivumelwano xa ka Jehova a Nungungulu wa *nwina*, a bapristi a ba ka Levi ba rwele gona, zonake *nwina* mu ta suka wutsanweni ga *nwina*, ni kuya le nzako ka gona.
- 4 Kasike ku taba kona a pfukana xikari ka *nwina* na gona, a makume mambiri mazana a mikono hi kuringanisa : mu ngati kusubani ka gona, kasi ma fela ku tiba andlela leyo mu ta nga famba ha yona ; hakuba *nwina* a mu seku famba hi leyi ndlela hi mahlweni ka lezo.
- 5 Na Joxua i wa te ngalo ka banhu, Basisani a wutsumbu ga *nwina* ; hakuba manziko Jehova i ta maha zihlamaliso xikari ka *nwina*.
- 6 Na Joxua i wa lo wulawula ka bapristi, aku, Tekani a arke ga xivumelwano, mu hunza mu *klatuka*

- mahlweni ka banhu. Na bona ba lo teka a arke ga xivumelwano, ba lo an/lamuka mahlweni ka banhu.
- 7 Na Jehova i te ngalo ka Joxua, Legi siku mina nzi ta sangula ku kulisa wena mahlweni ka bonkle Israeli, kasi bona ba fela ku tiba lezaku, kwatsi hilezi mina nzi nga wa hi na Mosi, zingahowo nzi taba zinwe na wenawu.
- 8 Na wena u ta leletela a bapristi laba ba rweleko a arke ga xivumelwano, uku, Laba na nwina na muta le likirisiini la mamati ya Jordani, nwina mu ta su yima mu kutre le Jordani.
- 9 Na Joxua i te ngalo ka banana ba ka Israeli, Ngonani laha, zwanani a timhaka ta Jehova a Nungungulu wa nwina.
- 10 Na Joxua i te ngalo, Hi kalezi nwina mu ta zi tiba lezaku Nungungulu a hanyako i kona xikari ka nwina, lezaku a nga ta hluleka a ku hlongo la kule mahlweni ka nwina ba ka Kenani, ni ba ka Hiti, ni ba ka Hivi, ni ba ka Perezi, ni ba ka Girgaxi, ni ba ka Amori, ni ba ka Jebusi.
- 11 Languta, a arke ga xivumelwano xa ka Hosi ya yonkle a misaba ga hunza gi klatuka mahlweni ka nwina giya le Jordani.
- 12 Makunu hikwalaho tekani ka nwina a kume ga babanuna ni bambiri lomo tixakeni ta ka Israeli, ka tonklelele tixaka a wanuna.
- 13 Na ku ta mahisa lezo, laha ku ta ngaku a zipama za mikonzo ya bapristi labo ba rweleko a arke ga Jehova, a Hosi ya yonkle a misaba, yi ta nga humula lomo mamatini ya Jordani, lezaku a mamati ya Jordani ma ta tsemekana, hambu wona mamati laya ma relelako mata hi le hehla; ma ta yima a kunguri ginwe.
- 14 Na ku mahisile lezo, laha a banhu na ba an/lamuka matenteni yabye, a ku hunza ba klatuka Jordani, a bapristi labo ba rweleko a arke ba wa hi mahlweni ka banhu;
- 15 Ni laha laho bona labo ba nga wa rwele a arke, ba nga wa tile lomo Jordani, ni mikonzo ya bapristi labo ba nga wa rwele a arke yi nga wa pelile lomo likirisini la mati (hakuba a Jordani wo kukumuka wu halakela wonkle a fungu wa kona xonkle xikati xa kuhula).
- 16 Lezaku a mati laya ma relelako mata hi le hehla ma lo yima, na ma lo

kukumuka a kunguri ginwe, maya kule, le Adama, a muti lowo wu nga le klelweni ga le Zaretani; ni lawo ma nga wa relela ma loya ngo-mameni ya bimbi ga le Araba, gona a Bimbi ga Munyu, ma wa lasu tsemekana futsi: ni banhu ba lo hunza ba klatuka tsonameto ni Jeriko.

17 Ni bapristi labo ba rweleko a arke ga xivumelwano xa ka Jehova ba wa lasu yima ba kutseka lomo liranabyeni li omileko xikari ka Jordani; ni wonkle Israeli i lo hunza a klatuka lomo liranabyeni li omileko, ku kala lixaka lonkle li hunza hi pumunhekileko klatukweni wa Jordani.

XIPIMO 4.

- 1 Na ku mahisile lezo, laha na lonkle a lixaka li nga hunza hi ku pumunhekileko ba klatuka Jordani, lezaku Jehova i lo wulawula ka Joxua, aku,
- 2 Tekani nwina a kume ga banhu ni bambiri lomo banhwini, ka tonklelele tixaka a wanuna,
- 3 Ni kuleletela bona nwina, muku, Tekani nwina hi laha lomu xikari ka Jordani, hi laha ka wutsamo legi a bapristi ba nga wa yimile ba kutseka, a kume ni bambiri maribye, mu rwala wona klatukweni zinwina, mu ya ma beketela lahasi wutsweni ga ku eklela, laho mu ta nga eklela kona legi wusiku.
- 4 Zonake Joxua i lo bitana a kume ni bambiri a babanuna, labo a nga wa ba longiselele hi ka banana ba ka Israeli, ku huma hi ka lixaka linwe a wanuna:
- 5 Na Joxua i te ngalo ka bona, Klatukani hi mahlweni ka a arke ga Jehova a Nungungulu wa nwina xikari ka Jordani, ni ku teka nwina loyi ni bonklelele banuna ba nwina a ribye ka kakla ga yena, kukotisa hi ka tsengo wa tixaka ta banana ba ka Israeli;
- 6 Lexi xi ta maha a xiwoniso xikari ka nwina, lezaku, laha a banana ba nwina ba ta nga wutisa hi xikati xi tako, baku, Nja ku yini laya maribye ke?
- 7 Zonake nwina mu ta wula ka bona, Hakuba a mamati ya Jordani ma wa lo tsemekana mahlweni ka a arke ga xivumelwano xa Jehova; laha na gona na gi hunza gi klatuka Jordani, ni mamati ya Jordani ma wa lo

tsemekana: ni laya maribye ma ta ba xialakanyiso ka banana ba ka Israeli kala kupinzuka.

- 8 Ni banana ba ka Israeli ba lo maha zakungaho kwatsihilezi Joxua a leleteleko, na ba lo teka a kume ni mambiri maribye hi laho xikari ka Jordani, kwatsihilezi Jehova a wulawulileko ka Joxua, kukotisa hi ka mitsengo ya tixaka ta banana ba ka Israeli; na bona ba lo rwala wona klatuko ziawe na bona le wutsanweni legi bona ba ta ngaya eklela, ba lo ma beketelela le hasi leyo.
- 9 Na Joxua i lo beketelela a kume ni mambiri a maribye le xikari ka Jordani, wutsanweni lego a mikonzo ya bapristi labo ba nga wa rwele a arke ga xivumelwano yi lo yima: na wona ma leyo kala legi siku.
- 10 Hakuba a bapristi labo ba nga wa rwele a arke ba wa lo yima lomo xikari ka Jordani, zi kala zilo zonkellele zi mbeteka lezo Jehova a nga wa leletele Joxua a ku zi wulawula ka banhu, ku kotisa hi ka zonkle lezo Mosi a nga wa leletele Joxua: ni banhu ba lo haklisa ba hunza ba klatuka.
- 11 Na ku mahisile lezo, laha a banhu bonkle ba nga pomunheka ba hunza ba klatuka, lezoke a arke ga Jehova gi hunza gi klatuka, ni bapristi, a kubakoneni ka banhu.
- 12 Ni banana ba ka Rubeni, ni banana ba ka Gadi, ni ka kihlanya ga lixaka la ka Manasa, ba lo hunza ba klatuka na ba hlomile mahlweni ka banana ba ka Israeli, kwatsi hilezi Mosi a nga wa wulawulile ka bona:
- 13 Ba wa hi mune wa makumi ya kume ga mazana ba hlomile ba longele a impi ba lo hunza ba klatuka mahlweni ka Jehova a kuya kulweni, le mikobeni ya le Jeriko.
- 14 Ka lego siku Jehova i wa klakusile Joxua mahlweni ka wonkle Israeli; na bona ba lo caba yena, kwatsi hilezi ba nga wa caba Mosi, wonkle a masiku ya wutomi ga yena.
- 15 Na Jehova i lo wulawula ka Joxua, aku,
- 16 Leletela a bapristi labo ba rwalako a arke ga wukustumunyu, kasi ba fela ku hume le handle ka Jordani.
- 17 Joxua hikwalaho i lo leletela a bapristi, aku, Humani la handle ka Jordani.
- 18 Na ku mahisile lezo, laho na bapri-

sti labo ba rwalako a arke ga xivumelwano xa ka Jehova ba nga wa humele la handle hi lomu xikari ka Jordani, ni zipama za mikonzo ya bapristi yi nga wa klakuselwe lomo liranza byeni li omileko, lezoke a mamati ya Jordani ma lo klelele wutsanweni ga wona, ma su halakela gonkle a wutsamo gakwe, kwatsi hi mahlweni ka xikati.

- 19 Ni banhu ba lo pela a Jordani hi siku ga kume ga hweti yo ranga, na ba gobile leyo Gilgale, leyo mbinganweni wa mutsuwukagambo wa le Jeriko.
- 20 Ni lawo a kume ga maribye ni mambiri, lawo bona ba nga wa ma tekile hi lomo Jordani, Joxua i lo ma beketelela leyo Gilgale.
- 21 Na yena i lo wulawula ka banana ba ka Israeli, aku, Laha a banana ba zwina ba ta nga wutisa a bararu babye hi xikatini xi tako, baku, Nja ku yini laya maribye ke?
- 22 Zonake mu ta maha a banana ba zwina ba tiba, aku, Israeli i lo klatuka legi Jordani misabeni yi omileko.
- 23 Hakuba Jehova a Nungungulu wa zwina i lo omisa a mamati ya Jordani hi mahlweni ka zwina, kala zwina mu hunza mu klatuka, kwatsi hilezi Jehova a Nungungulu wa zwina i lo maha le Bimbini go Truka, lego yena a nga wa gi omisile hi le mahlweni ka hina, hi kala hina hi hunza hi klatuka:
- 24 Kasi lezaku bonkle a banhu ba misaba ba fela a ku tiba a canja ga Jehova, lezaku gona ga nyamintamo; lezaku bona ba fela ku caba Jehova kala kupinzuka.

XIPIMO 5.

- 1 Na ku mahisile lezo, laha na tihosi tonkle ta ma Amoriti, leto ti nga wa hi klatukweni wa Jordani ngomameni ni le mahlwagambo, ni tihosi tonkle ta ma Kenani, leto ti nga wa hi le bimbini, ti lozwa lezaku i omisisile ku yini Jehova a mamati ya Jordani le mahlweni ka banana ba ka Israeli, ba kala hina ha hunza ha klatuka, lezaku a timbilu tabye ti wa nyekisilwe, cima ku wa nga ha hi kona a moya ka bona kambe, hakuba hi banana ba ka Israeli.
- 2 A ka lexo xikati Jehova i te ngalo ka Joxua, Maha mikwana hi timbo-

JOXUA, 6.

- kota, u engenisa wukwera kambe a banana ba ka Israeli a xikati xa wumbiri.
- 3 Na Joxua i lo ti mahela a mikwana ya timbokota, i lo engenisa a wukwera a banana ba ka Israeli le xitsunganini xa dewu ga magumo.
- 4 Lexi hi xigelo ha xona Joxua a nga engenisa ha xona a wukwera: bonkle laba banhu ba nga huma hi le Gipite, labo ba nga wa hi ba matsune, bona bonkle a babanuna ba impi, ba lofa lomo xiwuleni laha ndleleni, anzako kakuba na ba humele hi le Gipite,
- 5 Hakuba bonkle banuna laba ba nga wa humele ba wa kinile wukwera; kanilezi a banuna bonkle laba ba nga tralelwa lomo xiwuleni hi ndlela le-yi yi tako hi le Gipite, bona ba wa nga kinangi wukwera.
- 6 Hakuba a banana ba ka Israeli ba lo famba a mune wa makumi ya malimbe lomo xiwuleni, kala lonkle lixaka, bona bonkle banuna ba impi laba ba nga wa humele hi leyo Gipite, ba lo mbetekiswa, hakuba bona a ba zwangi ka gezu ga Jehova: ka bahi Jehova i lo hlambanya lezaku yena i wa ta nga a nga vumeli bona ku wona a tiko lego Jehova a nga wa hlambanyile ka badadani babye lezaku yena i wa a ta nga a nyikile hina, a tiko gi kulungako a masi ni wulombe.
- 7 Ni bana babye, labo yena a vuxileko xikundleni xabye, bona laho Joxua i ba maha mikwera: hakuba bona ba wa hi makuna, hakuba bona ba wa nga ba mahangi mikwera laha ndleleni.
- 8 Na ku mahisile lezo, laha na bona na ba mahile a ku engenisa lonkle lixaka, lezaku bona ba lo tsama wutsa-nweni gabye wugobelweni, kala bona ba holiswa.
- 9 Na Jehova i te ngalo ka Joxua, Legi siku mina nzi rulile kule a nzukano ya ba Gipite ka nwina. Ngahilezo a bito ga lego wutsamo gi culwa Gilgale, kala legi siku.
- 10 Ni banana ba ka Israeli ba lo goba leyo Gilgale; na bona ba lo hlaysia a pasika hi siku ga kumeni mune ga hweti laha gambyeni le timbaleni ta leyo Jeriko.
- 11 Bona ba loga ambanzo wa tiko hi manziko a nzako ka pasika, a zikeketsetelo a nga comelwangiko ni

mabele ma ocilweko, ka gwalego siku.

- 12 Ni mana yi wa lo kawuka hi manziko, a nzako ka kuba bona ba gile a mbhanzo wa tiko; cima a ba ha engetangi kambe ba kuma mana a banana ba ka Israeli kambe; kanilezi bona ba loga a mbhanzo wa tiko ga Kenani lego lembe.
- 13 Na ku mahisile lezo, laha Joxua a nga wa hi Jeriko, lezaku yena i lo klakusa a mahlo ya yena i lo cuwuka, ni, languta, labo ku wa lo yima a wanuna a xungeteneko na yena ni supado ya yena yi wa hlo-mulwe canjeni ga yena: Joxua i loya ka yena, i te ngalo ka yena, Wena u wa ka hina ke, kutani wena u nala wa hina ke?
- 14 Na yena i te ngalo, Ge; kanilezi ku kwatsi hi hosana ya impi ya Jehova makunu nzi tile mina. Na Joxua i lowa hi ngohe ya yena laha misabeni, na a lo kozela, i te ngalo ka yena, Za ku yini a wulako a hosi ka nanza ga yena ke?
- 15 Ni hosana ya impi ya Jehova i te ngalo ka Joxua, Susa xilato xa wena konzwani wa wena; hakuba a wutsamo legi wena u yimileko gi basile. Na Joxua i lo maha zukungaho.

XIPIMO 6.

- 1 Makunu a Jeriko hi wa kotsisisilweko gi wa lo valwa hi kota ya banana ba ka Israeli: ku wa nga hi kona a nga wa huma le handle, ku wa nga hi kona a nga wa engena nzeni.
- 2 Na Jehova i te ngalo ka Joxua, Wona, mina nzi nyikile le canjeni ga wena a Jeriko, ni hosi ya kona, ni tinhenha ta banuna ba kulwa.
- 3 Na nwina mu ta pomela a muti, bonkle a banuna ba impi, baya renzelekela a muti kanwe. Zakungahi wena u ta maha nklanu ni glawe masiku.
- 4 Ni bapristi ba nklanu ni hambiri ba ta rwala nklanu ni mimbiri a mipunzu ya timhonzo ta tihamba mahlwani ka a arke: le nklanu ni mambirini a masiku nwina mu ta pomela a muti nklanu ni zimbiri a zikati ni bapristi ba taba a mipunzu.
- 5 Na ku taba lezo, lezaku, laha ba ta nganga ba bile xikati xo leha hi timhonzo ta tihamba, ni laha nwina mu ta ngazwa a kuvuma ka punzu,

- ni banhu bonkle ba ta kanyuluka hi kanyuluko wa hombe ; ni kurisi ga muti gi tawa lahasi xibaratata, ni banhu bonklelele ba ta engena a xungetano mahlweni ka yenawu.
- 6 Na Joxua a *nwana* wa Nuni i lo bitana bapristi, i te ngalo ka bona, Tekani a arke ga xivumelwano, ni nga nklanu ni bambiri a bapristi ba rwala a nklanu ni mimbiri a mipunzu ya timhonzo ta tihamba mahlweni ka arke ga Jehova.
- 7 Na bona ba te ngalo ka banhu, Hunzani, muya pomela a muti, ni nga banhu ba hlomileko ba hunzela mahlweni ka a arke ga Jehova.
- 8 Na ku wa ngaho, lezaku, ni laha Joxua a nga wa wulawulile ka banhu, ni nklanu wa bapristi ni bambiri ba nga wa rwele a nklanu ni mimbiri a mipunzu ya timhonzo ta tihamba mahlweni ka Jehova ba lo hunza, ba loba a mipunzu : ni arke ga xivumelwano xa ka Jehova gi lo lanzela bona.
- 9 Ni babanuna ba hlomileko ba loya mahlweni ka bapristi labo bako a mipunzu, ni ba xinzakwana ba wo lanzela a anzako ka arke, ni bapristi labo ba nga waba a mipunzu ba wakari ba famba.
- 10 Na Joxua i lo leletela a banhu, aku, *Nwina* mu nga ta kanyuluka, nga ni magezu ya *nwina* ma nga zwali, ge na ni mliaka yi nga humi hi le nonwini wa *nwina*, kala lego siku nzi ta nga mu wula ku kanyuluka; zonake *nwina* mu ta kanyuluka.
- 11 Zingaho yena i lo maha a arke ga Jehova a kupomela a muti, gi wu renzelekela kanwe : bona ba lota wugobelweni, ba lota eklela wugobelweni.
- 12 Na Joxua i lo vuka punzwini wa mixo, ni bapristi ba lo teka arke ga Jehova.
- 13 Ni bapristi ba nklanu ni bambiri ba rweleko a nklanu ni mimbiri a mipunzu ya timhonzo ta tihamba ba loya mahlweni ka arke ga ka Jehova ba lo famba hi kusimamisisilweko, na ba loba a mipunzu : ni banhu babanuna ba hlomileko ba lo famba mahlweni ka bona ; ni ba xinzakwana ba lota hi nzako ka arke ga ka Jehova, ni bapristi ba loba a mipunzu kwatsi hilezi ba nga wa kari ba famba.
- 14 Ni ga wumbiri a siku ba lo pomela a muti kanwe, na bona ba lo kklelela le wugobelweni : zingaho ba lo maha a nklanu ni ginwe a masiku.
- 15 Na ku mahisile lezo hi siku ga nklanu ni mimbiri, bona ba lo suka le ku tsuwukeni ka wuronga ga kuca, ba lo pomela a muti kwatsi hi ma mahela walawo nklanu ni zimbiri zikati : kumbela lego siku bona ba lo pomela a muto a nklanu wa zikati ni zimbiri.
- 16 Na ku mahisile lezo hi xikatini xa wuklanu ni kumbiri, laha na bapristi na ba kari baba a mipunzu, Joxua i te ngalo ka banhu, Kanyulukani ; hakuba Jehova i nyikile *nwina* a muti.
- 17 Ni muti a wu pangiwe, hambu wona ni gonkle ku nga ka wona, ka Jehova : kumbela Rahabi a xibayi i ta hanya, yena ni bonkle labo ba nga lomo nllwini ya yena, hakuba yena i wa lo fhila a mitsumi leyo yi nga wa yile.
- 18 Kanilezi kwatsi ha wena, hlayisa a wutsumbu ga wena ka zilo zi pangilweko, ku nga taku laha na *nwina* na mu pangile zona, *nwina* mu teka a zilo zi pangilweko ; kasi mu nga ta nga mu maha wugobelo ga ba ka Israeli gi rukatelwa, ni ku karata gona.
- 19 Kanilezi yonkle siliwa, ni nzalama, ni zibya zonkle za suku ni ziketse, zi basile ka Jehova : zona zi tata xikwameni xa Jehova.
- 20 Zingaho a banhu ba lo kanyuluka, ni bapristi ba loba a mipunzu : na kona na ku mahisile lezo, ni laha na banhu na ba zwile a kuvuma ka mipunzu, ni banhu ba lo kanyuluka hi kukanyuluka ka hombe nguvu, ni kurisi gi lowa lahasi xibaratata, zingaho a banhu ba lo engena, bonklelele banhu xungetano na yenawu, na bona ba lo teka a muti.
- 21 Na bona hi kumbetisisilweko ba lo lobisa zonkle lezo zi nga wa lomo mutini, bonkle babanuna ni babasati, bonkle baswa ni ba kale, ni tihomu, ni tiyivu, ni timbongola, hi wukla ga supado.
- 22 Na Joxua i te ngalo ka babanuna labo bambiri ba nga wa humele a ku ya hlola a tiko, Yanani le nllwini ya xibayi, muya neha leno loye wasati, ni zonkle lezo yena a nga nazo, kwatsi hilezo *nwina* mu hlambanyileko ka yena.

- 23 Ni babanuna baswa a tihloli ba loya engena, ba lo humesa Rahabi, ni raru wa yena, ni nyine wa yena, ni bamakabye ba yena, ni zonkle lezo yena a nga wa hi nazo; ni wonkle makaxaka ya yena kambe bona ba lo ma humesa; na bona ba lo ba tsamisa hi le handle ka wugobelo ga ka Israeli.
- 24 Na bona ba lo hisa amuti hi nzilo, ni zonkle lezo zi nga wa hi ka wona; kumbela a siliva, ni nzalama, ni zibya zonkle za suku ni ziketse, bona ba lo zi beka lomo xikwameni xa yindlu ya Jehova.
- 25 Kanilezi Rahabi a xibayi, ni ngango wa raru wa yena, ni zonkle lezo yena a nga wa hi nazo, Joxua i lo zi ponisa zi hanya; yena i lo aka xikari ka ba ka Israeli kala legi siku, hakuba yena i wa lo fihla a mitsumi, leyo Joxua a nga wa rumile a kuya a hlola a Jeriko.
- 26 Joxua i wa wulawulile ka bona hi xifungo ka lexo xikati, aku, i rukatelilwe munhu mahlweni ka Jehova, loye a vuxako a aka a muti leyi wa Jeriko: hi kulahlekelwa ka matewula ya yena yena i ta bekela a xiseketelo xa kona, na hi kulahlekelwa ka nwana wa nzisana wakwe i ta yimisa a tinyangwa ta kona.
- 27 Zingaho Jehova i wa hi zinwe na Joxua; ni wudumo gakwe gi wa hi ka gonkle tiko.

XIPIMO 7.

- 1 Kanilezi a banana ba ka Israeli ba lo maha a zikubeko hi xilo xi pangilweko; hakuba Akana, a nwana wa Karmi, a nwana wa Zabdi, a nwana wa Zera, wa lixaka la ka Juda, i lo teka a xilo xi pangilweko; ni zanga ya Jehova yi lo vindlukiswa yi vukela banana ba ka Israeli.
- 2 Na Joxua i lo rumela a banhu hi le Jeriko kuya Ai, legi gi nga klelweni ga Betavane, hi le mutsuwuka gambo wa Beteli, i lo wulawula ka bona, aku, Yanani mu huma muya hlola a tiko. Ni babanuna ba loya ni kuya hlola Ai.
- 3 Na bona ba lo klelela ka Joxua, na ba te ngalo ka yena, Nga banhu bonkle ba nga kanziyi baya; kanilezi nga kutani makume mambiri kutani makume manharu mazana ba kanyiya baya hlasela a Ai, u nga mahi

- bonkle banhu ba karateka kuya kona; hakuba mba tsongwani.
- 4 Zingaho ba lo kanziya baya leyo a makume manharu mazana ya banhu: bona ba lo tsutsuma mahlweni ka babanuna ba le Ai.
- 5 Ni babanuna ba le Ai ba lo daya makume manharu ni nklanu ni munwe babanuna; na bona ba lo bablongolisa le nyangweni kala le Xebarime, ba lo daya bona le kurelengi: ni timbilu ta banhu ti lo nyeka, ti lo maha kwatsi i mati.
- 6 Na Joxua i lo hanzula a tinguwo ta yena, i lo wela misabeni hi ngohe ya yena mahlweni ka arke ga Jehova kala laha gambiyeni, yena ni masingalakati ka Israeli; na bona ba lo palatela a tsutsungwani hehla ka tihloko tabye.
- 7 Na Joxua i wa te ngalo, Hiyehiye, O Hosi Jehova, ngahilezo wena futsi u klatukisile laba banhu klatukweni wa Jordani, a ku ta nyikela hina mandleni ya ma Amori, a ku maha hina hi lobyiswa? Zi wa ta nga zi hi enelisile hina a kuaka le klatukweni wa Jordani!
- 8 O, Hosi, xana nzi ta wula yini mina, anzako ka kuba Israeli a fularile ka balala ba yena ke!
- 9 Hakuba a ma Kenani ni bonkle bakileko ba tiko ba tazwa ha kona, ba ta hi pomela hina ba hi ranzela, ni ku tsema a bito ga hina laha misabeni: na zakuyini u ta nga maha wena hi bito ga wena ga hombe ke?
- 10 Na Jehova i te ngalo ka Joxua, Vuka wena; ngahilezo wena hi wena u wisileko zakungahi hi ngohe ya wena ke?
- 11 Israeli i onhile; ina, bona ba kubekila ka xivumelwano xa mina lexi nzi leleteleko bona: ina, bona ba tekile a zilo xi pangilweko, ni kambe ba yibile, ba kanganyisile kambe; hambu ni ku beka kona le nhunzwi ni ya bona benyi.
- 12 Ngahilezo a banana ba ka Israeli a ba na ku zi kota a ku yima mahlweni ka balala banye; bona ba fularile a hlana mahlweni ka balala banye, hakuba bona ba nyenyezisilwe: mina nzi nga ha ta kuba na nwina kambe, saseka loku mu lobyisa a xilo xi pangilweko xikari ka nwina.
- 13 Suka, basisa a banhu, uku ngalo, Basisani a wutsumbu ku longela

manziko : hakuba zakungahi a wulako Jehova, a Nungungulu wa Israeli, Laho ku kona a xilo xi pangilweko xikari ka wena, O Israeli; wena a ku na ku zi kota ku yima mahlweni ka balala ba wena, kala nwina mu susa a xilo xi pangilweko le xikari ka nwina.

14 Ni laha mixweni nwina mu ta nehwa ku suhi hi tixaka ta nwina : ku ta kuba lezo, a lixaka lolu Jehova a tekako li tata hi mingango ya lona; ni ngango lowo Jehova a wu tekako wu tata hi tindlu ta wona; ni yindlu leyo Jehova a ta nga yi teka yi tata hi ku suhi hi munhu ni munhu wa yona.

15 Na ku ta kuba lezo, loye a ta nga tekiwa na hi ni xilo xi pangilweko i ta hiswa hi nzilo, yena ni zonkle lezo a nga nazo; hakuba yena i hambu nyetile a xivumelwano xa ka Jehova, ni hakuba yena i mahile hi wupupu ka Israeli.

16 Zingaho Joxua i lo vuka punzwi ni wa mixo, na a lo neha Israeli ku suhi hi tixaka tabye; ni lixaka la ka Juda li wa lo tekiwa :

17 Na yena i lo tsineta ku suhi a ngango wa ka Juda; i lo teka a ngango wa ka Zera-hiti : yena i lo tsineta ku suhi a ngango wa Zera-hiti a munhu hi munhu; na Zabdi i wa lo tekiwa :

18 Na yena i lo tsineta a yindlu ya yena a munhu hi munhu; na Akana a nwana wa Karimi, a nwana wa Zabdi, a nwana wa Zera, wa lixaka la Juda, i lo tekiwa.

19 Na Joxua i te ngalo ka Akana, Nwananga, nyika, nza kombela wena, a wukosi ka Jehova, a Nungungulu wa Israeli, u maha a wulelo ka yena; u byela mina makunu za kuyini wena u mahileko; u nga ku fihli mahlweni ka mina.

20 Na Akana i lo hlamlula Joxua, i te ngalo, Hakunene mina nzi onhile nzi vukela Jehova, a Nungungulu wa ka Israeli, zakungahi ni zakungahi mina nzi zi mahileko :

21 Laha na nzi wonile xikari ka mupango a nguwo wa zinjanijani zi kangekisisilewko ya le Babuloni, ni mazana mambiri ya maxekeli ya siliva, ni muhono wa nzalama wa nkhanu wa makume a kubinza, mina nzi lo ku mbilukela kona, nzi lo teka kona; ni, languta, kona ku

fihlilwe misabeni xikari ka tenta ga mina, ni silva yi lahasi ka kona.

22 Zingaho Joxua i lo rumela a mitsumi, yona yi lo tsutsumela le tenteni, ni, languta, kona ku wa fihlele lomo tenteni ga yena, ni siliva gi wa hi lahasi ka kona.

23 Na bona ba lo teka kona hi le xikari ka tenta, ba lo neha kona ka Joxua, ni ka bonkle a banana ba ka Israeli; na bona ba lo zi beka lahasi mahlweni ka Jehova.

24 Na Joxua, ni bonkle ba ka Israeli zinwe na yena, ba lo teka Akana a nwana Zera, ni siliva, ni nguwo, ni muhono wa nzalama, ni bana ba yena, ni banhanyana ba yena, ni tihomu ta yena, ni timbongola ta yena, ni tiyivu ta yena, ni tenta ga yena, ni zonkle lezo a nga wa hi nazo: bona ba lo neha bona le minzelelweni ya le Akora.

25 Na Joxua i te ngalo, Hi yini wena u hi karatileko ke? Jehova i ta karatawu wena legi siku. Na wonkle Israeli ba lo gandla yena hi maribye; bona ba lo hisa bona hi nzilo, ni ku gandla bona hi maribye,

26 Na bona ba lo klatekela lehla ka yena a nhulu ya hombe ya maribye, kala legi siku; na Jehova i lo bohla ku cabekeni ka zanga ya yena. Ngahilezo a bito ga wutsamo gi culwa, I nzelelo wa le Akora, kala legi siku.

XIPIMO 8.

1 Na Jehova i te ngalo ka Joxua, U nga cabe, u nga be u mbelileko ntamo : teka bonkle a babanuna ba impi zinwe na wena, ni ku suka, muya le Ai; wona, mina nzi nyikile canjeni ga wena a hosi ya le Ai, ni banhu ba yona, ni muti wa yona, ni tiko ga yona;

2 Na wena u ta maha ka Ai ni hosi ya kona kwatsi hilezi wena u nga maha le Jeriko ni hosi ya kona: kumbela a mupango wa kona, ni tihomu ta kona, nwina mu ta teka akuba mufulo wa wutsumbu ga nwina: bekani a xi jumani xa muti le nzako ka wona.

3 Zingaho Joxua i lo suka, ni bonkle a babanuna ba impi, a ku kanziya baya le Ai : na Joxua i lo hlawula a makume manharu ya kume ga mazana ya babanuna, a banhu ba ti-

- nhenha ta kulwa, yena i lo rumela ba famba ni wusiku.
- 4 Yena i lo leletela bona, aku, Langu-tani, nwina mu ta maha xijumani xa ku vukela a muti, hi le nzako ka muti; mu ngayi kule nguvu ni muti, kanilezi nga nwina nwenkle mu tsama na mu longele:
- 5 Na mina, ni bonkle banhu labo ba nga zinwe na mina, hi ta tsinelela lomo mutini. Kona ku taku na ku mahisile lezo, laha bona na huma a ku ta vukela hina, kwatsi hi kuranguleni, lezaku hina hi ta tsutsuma mahlweni ka bona;
- 6 Na bona ba ta huma ba lanzela a nzako ka hina, hi kala hina hi ba kokela kule ni le mutini; hakuba bona ba taku, Bona ba tsutsuma mahlweni, kwatsi hi kuranguleni: zingaho hina hi ta tsutsuma mahlweni ka bona;
- 7 Nwina mu ta su vumbuluka ka xijumani, ni ku potsuketa kugunyela a muti: hakuba Jehova a Nungungulu i ta nyikela wona canjeni ga nwina.
- 8 Na ku ta kuba lezo, laha na nwina na mu kamanyetile a muti, lezaku nwina mu ta hisa a muti hi nzilo; kwatsi hi ka mhaka ya Jehova nwina mu ta maha: wonani, mina nzi leletele nwina.
- 9 Na Joxua i lo ba rumela baya; bona ba loya xijumanini, ba loya tsama xikari ka Beteli ni Ai, hi mhlwagambo ka Ai: kanilezi Joxua i lo eklela lego wisiku xikari ka banhu.
- 10 Na Joxua i lo vuka punzwini wa mixo, i lo klanganisa a banhu, na a lo kanziya, yena ni masingalakati ya ka Israeli, mahlweni ka banhu baya Ai.
- 11 Ni bonkle banhu, bona a babanuna ba impi laba ba nga wa hi zinwe naye, ba lo kanziya, ni ku tsinela ku suhani, ni kuta mahlweni ka muti, ni kuta goba le nwalunga ka Ai: makunu ku wa hi kona a nzelelo xikari ka yena ni Ai.
- 12 Na yena i lo teka kutani nklanu wa makume ya mazana ya babanuna, i lo ba beka a xijumani xikari ka Beteli ni Ai, hi klelo ga mhlwagambo ga muti.
- 13 Zingaho bona ba lo beka a banhu, wona a mabandla laya ma nga wa hi le nwalungu wa muti, ni kuzumba kabye ba rinzela leyo yi nga wa hi mhlwagambo ka muti; na Joxua i lo famba lego wusiku xikari ka nzelelo.
- 14 Na ku mahisile lezo, laha na hosi ya Ai yi nga wonile kona, lezaku bona ba lo haklisela ba vuka ni punzu, ni banhu ba muti ba lo huma a ku vukela Israeli kulweni, yena ni banhu ba yena bonkle, hi xikatini xi yimisilweko, mahlweni ka Araba; kanilezi yena i wa nga zi tibi lezaku leyo ku kona xijumani ku vukela yena le nzako ka muti.
- 15 Na Joxua ni bonkle a banhu ba ka Israeli ba lo maha ku kwatsi ba lo hlulwa mahlweni ka bona, na ba lo tsutsumahi ndlela ya kuya xiwuleni.
- 16 Ni bonkle banhu lezaku labo ba nga wa hi lomo mutini ba lo bitanwa katiginwe a ku ta hlolongisa a nzako ka bona: na bona ba lo hlolongisa anzako ka Joxua, ba wa lo kokelwa kule ni le mutini.
- 17 Ni laho ku wa nga hi kona munhu a nga wa siyilwe le Ai kutani Beteli, loye a nga humangiko a lanza Israeli: bona ba lo siya a muti na wu nga valwangi, ba lo hlongola a nzako ka Israeli.
- 18 Na Jehova i te ngalo ka Joxua, Klakusela a hubula legi nga canjeni ga wena ngomameni ni le Ai; hakuba mina nzi ta nyikela gona canjeni ga wena. Na Joxua i lo klakusela a hubula lego gi nga wa hi canjeni ga yena ngomameni ni muti.
- 19 Ni xijumani xi lo vuka hi ku haklisilweko wutsa nweni ga xona, na bona ba lo tsutsuma kwatsi hi xikanzakanya xa lezi a nga wa klakusile a canja ga yena, ba lo engena lomo mutini, ba lo teka wona: na bona ba lo haklisa hu hisa muti hi nzilo.
- 20 Ni laha a babanuna ba Ai ba nga wa cuwukile le nzako kabye bona ba lo wona, ni, languta, a musi wa muti wu lo klakukela hehla le tilweni, na bona ba wa nga hi na ntamo a ku tsutsumela ka leyi ndlela kutani ka leyo: ni banhu labo ba nga wa tsutsume le xiwuleni ba klela hi le nzako hehla ka bahlongoli babye.
- 21 Ni laha Joxua ni bonkle ba Israeli ba nga wa wonile lezaku a xijumani xi tekile a muti, ni lezaku a musi wa muti, wu klakukike, zonake bonu ba lo klela kambe, ni ku hlasela a banhu ba le Ai.

- 22 Ni banwani ba lota ba huma lahan-dle ka muti a ku ta vukela bona ; zingaho bona ba wa hi xikari ka ba ka Israeli, banwani ka legi klelo ni banwani ka le giya klelo : bona ba lo hlasela bona, zingaho lezo a ba vumelangi ni munwe wa bona a ku sala kutani ku pona.
- 23 Ni hosi ya le Ai bona ba lo yi teka na yi hanya, ba lo yi neha ka Joxua.
- 24 Na ku mahisile lezo, laha na Israeli a gumelwe a ku hlasela bonkle ba akileko ba le Ai le handle, ni le xiwuleni le ba nga wa ba hlongolele kona bona, na bona bonkle ba wa lowa hi wukla ga supado, kala bona ba mbetekiswa, lezaku wonkle Israeli i lo klelela le Ai, ni ku ta hlasela wona hi wukla ga supado.
- 25 Ni zonkle lezo zi ngawa lego siku, bonkle babanuna ni babasati, ba wa hi mazana ya kume ga mazana ni makume mambiri ya mazana, hambu bona bonkle a banhu ba le Ai.
- 26 Hakuba Joxua a nga klelisangi a canja ga yena gi kobela, laho yena ha kona a nga wa klakusile a hubula ga yena, kala yena hi kumbetisisi-lweko i lo lobyisa bonkle ba akileko ba le Ai.
- 27 Kumbela a tihomu ni mupango wa lowo muti Israeli i lo teka ku maha a mufulo wa wutsumbu gabye, kukotisa hi ka mhaka ya Jehova a leleteleko Joxua.
- 28 Zingaho Joxua i lo hisa Ai, i lo maha wona a nhulu kala kupinzuka, kona kuhahluka, kala legi siku.
- 29 Ni hosi ya le Ai yena i lo yi hayeka le sinyeni kala laha gambiyeni: ni laha kureleleni ka gambo Joxua i lo leletela, na bona ba lo susa a xirumbi xa yena laha sinyeni, ba lo xi hoxa laho kuengeneni ka nyangwa ya muti, ba lo bingeretela laho a nhulu ya hombe ya maribye, kala legi siku.
- 30 Zonake Joxua i lo aka a alati ka Jehova, a Nungungulu wa ka Israeli, le xitsungeni xa le Ebale,
- 31 Kwatsi hilezi Mosi a nanza ga Jehova gi nga wa leletele a banana ba ka Israeli, kwatsi hilezi ku tsalilweko bukwin ga nayo wa Mosi, a alati ga maribye na nga baklwangiko, ka laha a munhu a nga klakusangiko ni xih xiketse: na bona ba lo nyike-la leyo a muniyikelo wa kuhiswa

ka Jehova, ni kupahlela a minyike-lo ya kurula.

- 32 Yena i lo tsala leyo hehla ka mari-bye lezo zi nga wa hi nayweni wa Mosi, lezo a tsalileko, kubakoneu ka banana ba ka Israeli.
- 33 Ni wonkle Israeli, ni wonkle masi-ngalakati ni tonkle tinduna, ni bala-muli babye, ba lo yima ka legi klelo ga arke hi klelo mahlweni ka bapristi a ba ka Levi, labo ba nga wa rwala a arke ga xivumelwano xa Jehova, kwatsi lezoke kambe a balubeli kwatsi hi ba tralelweko kaya; a kihlanya ga bona ba wa hi ngo-heni ka xitsunga Gerezima, ni kihlanya ga bona ba wa hi ngo-heni ka xitsunga Ebale; kwatsi hilezi Mosi a nanza ga Jehova gi nga wa leletele kuranguleni, lezaku bona ba wa ta-nga ba katekisa a banhu ba ka Israeli.
- 34 Ni nzako ka lezo yena i lo gonza tonkle a timhaka ta nayo, a zikate-kiso ni makombo, kukotisa zonkle lezo zi tsalilweko bukwin ga nayo.
- 35 Laho ku wa nga hi kona a mhaka ya lezo zonkle Mosi a nga wa zi lele-tele, lezo Joxua a nga kala a nga gonzangi mahlweni ka wonkle a klangano wa ka Israeli, ni ka babasati, ni ka batsongwani, ni ka balu-beli labo ba nga wa hi xikari ka bona.

XIPIMO 9.

- 1 Na ku mahisile lezo, laha tihosi tonkle leto ti nga wa hi klatukweni wa Jordani, le tikweni ga zitsungana, ni labo ba lomo minzelelweni, ni konkle lomo fungwini wa bimbi ga hombe ni le ngo-heni ka Lebanoni, a mu-Hiti, na mu-Amori, na mu-Kenani, na mu-Perezi, na mu-Hivi, na mu-Jebusi, ba ngazwa ha kona :
- 2 Lezaku bona ba lo tsombana wutsumbu gabye katiginwe, a kulwa na Joxua zinwe na Israeli, hi mbilu yinwe.
- 3 Kanilezi laha a banhu ba le Gibeoni na zwile lezo Joxua a zi mahileko le Jeriko ni Ai,
- 4 Bonawu kambe ba lo tira a wucunguhungu, ba lo famba ba lo ti maha ku kwatsi bona mbarunwi, ba lo teka a tisakwa ta kale hehla ka timbongola tabye, ni mikwama ya waini, njakale yi hanzukele ni lo yi bohelela,

- 5 Ni zilato za kale zi tibelweko hehla ka mikonzo yabye, ni tinguwo ta kale hehla ka bona; ni zonkile zibaba za timbuba ta bona zi wa omile zi kurukile.
- 6 Na bona ba loya ka Joxua le wugobelweni le Gilgale, na ba te ngalo ka yena, ni ka banhu ba ka Israeli, Hina hita hi le tikweni ga le kule: makunu hikwalaho nwina mahani xivumelwano zinwe na hina.
- 7 Ni banhu ba ka Israeli ba te ngalo ka ma Hivi, Kutani nwina mu akile xikari ka hina; hi ta mahisa ku yini a xivumelwano zinwe na nwina ke?
- 8 Na bona ba te ngalo ka Joxua, Hina hi malanza ya wena, Na a te ngalo ka bona, Mu ba mani nwina ke? na muta hi kwihl nwina ke?
- 9 Na bona ba te ngalo ka yena, Hi le tikweni ga le kule a malanza ya wena ma tile hakuba hi bito ga Jehova a Nungungulu wa wena: hakuba hina hi zwile a wudumo ga yena, ni zonkile lezo yena zi mahileko leyo Gipite,
- 10 Ni ka zonkile lezo a zi mahileko ka tihosi timbiri ta ma Amori, leto ti nga wa hi klatukweni wa Jordani, ka Sihoni a hosi ya Hexboni, na Ogi a hosi ye le Baxani labo ba nga wa hi le Axtarote.
- 11 Ni masingalakati ya hina ni bonkile banhu ba akileko ka tiko ga hina ba lo wulawula ka hina, baku, Tekani timbuba ta nwina canjeni ga nwina akuba ya lwenzo, mu famba mu ya klanganyela bona, na muku ka bona, Hina hi malanza ya nwina: ni makunu mahani a xivumelwano zinwe na hina.
- 12 Lezi zibaba hi zi tekile na zi hisa akuba za mbuba ya hina zi huma hi lomo tindlwini ta hina lego siku hi nga suka hi huma kuta ka nwina; kanilezi, makunu, languta, zona zi omile, zi kurukile:
- 13 Ni leyi a mikwama ya waini, leyi hina hi nga wa tatisile, yi wa hi yiswa; ni, languta, yona yi pfarukile: ni tinguwo ta hina ni zilato za hina zi mahile za kale hi kota ya lezi a lwenzo ngo leha nguvu.
- 14 Ni banhu ba lo teka a mbuba yabye, a ba wutisangi ni kungo hi le nozwini wa Jehova.
- 15 Na Joxua i lo maha kurula zinwe na bona, i lo maha xivumelwano zinwe na bona, a ku vumela bona ba ha-

nya: ni tihosana ta klangano ti lo hlambanya ka bona.

- 16 Na ku mahisile lezo hi ku gumelweni ka masiku manharu anzako ka kuba na ba mahile a xivumelwano zinwe na bona, ba lozwa lezaku bona ba wa hi baakelwane zina bona, lezaku bona ba akile xikari ka bona.
- 17 Ni banana ba ka Israeli ba lo andlamuka, ba lota cikela a mutini wabye hi siku ga manharu. Makunu a muti wabye ku wa hi Gibeoni, na Cefira, na Berote, na Kiriattjeaime.
- 18 Ni banana ba ka Israeli a ba hlaselangi bona, hakuba a tihosana ta klangano ti wa lo hlambanya ka bona ha Jehova, a Nungungulu wa Israeli. Ni wonkile a klangano wu lo kalala hi tihosana.
- 19 Kanilezi tonkile a tihosana ti te ngalo ka wonkile a klangano, Hina hi hlambanyile ka bona ha Jehova, a Nungungulu wa Israeli: makunu hikwalaho hina hi nga ba kumbeni bona.
- 20 Lezi hita maha ka bona, nga bona ba hanya; ku nga taku a zanga yita hehla ka hina, hakuba hi kuhlambanya loku hina hi hlambanyileko ka bona.
- 21 Ni tihosana ti te ngalo ka bona, Nga bona ba hanya: zingaho lezo bona ba lo maha ba tsemi ba tihunyi ni baki ba mati ka wonkile a klangano, kwatsi hilezi a tihosana ti nga wa wulile ka bona.
- 22 Na Joxua i lo bitana bona, yena i lo wulawula ka bona, aku, Ngahilezo nwina mu gohisile hina, muku, hina hi ba kule nguvu na nwina; laha na mu akile xikari ka hina ke?
- 23 Makunu hikwalaho nwina mu rukatelwe, laho cima ku nga tsanzeka ka nwina ku kala mu nga mahi tikumbi, a batsemi ba tinhi ni baki ba mati ta yindlu ya Nungungulu wa mina.
- 24 Na bona ba lo hlamula Joxua, ba te ngalo, Hakuba kona ku wa lasu ndlunya ku byelwa a malanza ya wena, lezaku Jehova i leletelisile ku yini ka Mosi a nanza ga yena a ku nyika nwina gonkile legi tiko, ni ku lobisa bonkile banhu ba tiko mahlwani ka nwina; hikwalaho hina hi wa caba nguvu a wutomi ga hina hi kota ya nwina, lezi hi mahileko lezi zilo.

- 25 Ni makunu, langutani, hina hi lomu canjeni ga nwina: kwatsi hilezi zi wonakako kwatsi kusasa ni nongameto mahlweni ka wena a ku maha ka hina, maha.
- 26 Zingaho i lo maha yena ka bona, i lo ba klatlisa le canjeni ga banana ba ka Israeli, lezaku bona ba nga dayi bona.
- 27 Na Joxua i lo ba maha lego siku a batsemi ba tihunyi ni baki ba mati ta klangano, ni ta a alati ga ka Jehova, kala legi siku, ka wutsamo lego yena a ta hlalwula.

XIPIMO 10.

- 1 Na Makunu na ku mahisile lezo, laha Adonizedeki a hosi ya le Jerusalema a zwile lezaku Joxua i tekisile ku yini Ai, ni ku maha hi kumbetisisilweko a kulobisa kona (kwatsi hilezi a mahileko a Jeriko ni hosi ya kona, ni lezi a mahileko a Ai ni hosi ya kona), ni lezaku ba mahisile ku yini a kurula a banhu ba le Gibeoni zinwe na Israeli, ni lezaku ba lomu xikari kabye;
- 2 Lezo bona ba lo caba hi kukulisilweko, hakuba Gibeoni wu wa hi muti wa hombe, kwatsi hilezi wu nga munwe wa xilubelo xa muti wa tihosi, ni hakuba wona wu wa hi wa hozana ku hunza Ai, ni bonkle banhu ba kona ba wa hi tinhenha.
- 3 Ngahilezo Adonizedeki a hosi ya Jerusalema i lo rumela ka Hohame a hosi ya le Hebroni, ni ka Pirame a hosi ya le Jarmute, ni ka Jafia a hosi ya Lakixi, ni ka Debira a hosi ya Egloni, aku,
- 4 Ngonani ka mina, ni ku ta vunetela mina, na nga hina hi hlasela Gibeoni; hakuba gona gi mahile a kurula zinwe na Joxua ni zinwe ni banana ba ka Israeli.
- 5 Hikwalaho a nkhanu wa tihosi ta ma Amori, a hosi ya le Jerusalema, ni hosi ya le Hebroni, ni hosi ya le Jarmute, ni hosi ya le Lakixi, ni hosi ya le Egloni, ba lo tsombana a wutsumbu gabye katigizwe, na ba kanziya, bona ni mabandla gabye wonkle, ba lo ya goba ba vukela le Gibeoni, ba lo maha a impi kulwa nago.
- 6 Ni banhu ba le Gibeoni ba rumela ka Joxua le wugobelweni ga leyo Gilgale, baku, U nga khamusi a ca-

nja ga wena ka malanza ya wena; kanziya uta ka hina hi kuhaklisisilweko, u ta ponisa hina, ni kuvunetela hina: hakuba tonkle a tihosi ta ma Amori leti ti akileko tikweni ga mitsurana ti tsombene katiginwe a ku vukela hina.

- 7 Zingaho i lo kanziya hi le Gilgale, yena, ni bonkle babanuna ba impi zinwe naye, ni bonkle babanuna ba tinhenha ta kulwa.
- 8 Na Jehova i te ngalo ka Joxua, U nga cabi bona: hakuba mina nzi nyikele bona canjeni ga wena; laho a ku kona na wanuna wa bona a ta nga yima mahlweni ka wena.
- 9 Na Joxua hikwalaho i lota hehla ka bona hi kuhaklisisilweko; hakuba yena i lo kanziya aya hi le Gilgale gonkle a wusiku.
- 10 Na Jehova i lo hlula bona mahlweni ka Israeli, na yena i lo daya bona hi kuriza ka hombe le Gibeoni, i lo panzanya bona hi ndlela yi kanziyako le Betehoroni, ni ku lobisa bona kala le Azeka, ni le Makeda.
- 11 Na ku mahisile lezo, kwatsi hilezi bona ba nga wa caba mahlweni ka Israeli, laho ba nga wa hi le hehla ka Betehoroni lezaku Jehova i lo hoxa a maribye ya hombe hi le ti-lweni hehla ka bona kala le Zeka, na bona ba lofa: bona ba wa tele laba ba nga dawa hi vula ya mari-byana ku hunza labo a banana ba ka Israeli ba nga daya hi supado.
- 12 Zonake i lo wulawula Joxua ka Jehova hi lego siku Jehova a nga nyikela a ma Amori mahlweni ka banana ba ka Israeli; yena i te ngalo kuwoneni ka banana ba ka Israeli,

Gambo, yima wena hehla ka Gibeoni;

Na wena, Hweti, le minzelelweni ya le Aijaloni.

- 13 Ni gambo gi wa lo yima, ni hweti yi su ku tsama,
Kala mufumo wu potela a wutsumbu ga wona ka balala ba bona.

Lexi a xi tsalwangi lomo bukwin ga Jaxara ke? ni gambo gi yima lomo xikari ka tilo, gi nga haklisi a kupela gonkle a siku.

- 14 Lahe ku wa nga hi kona a siku go fanana na gona hi mahlweni ka gona ge ni uzako ka gona, lezaku Je-

JOXUA, 10.

- hova i lo ingisa ka gezu ga munhu : hakuba Jehova i lo lwela Israeli.
- 15 Na Joxua i lo klela, ni bonkle ba ka Israeli zinwe naye, le wugobelweni ga le Gilgale.
- 16 Ni leti a nklanu wa tihosi ti lo caba, ba loya fihla a wutsumbu gabye, mhakweni ya le Makeda.
- 17 Na ku wa lo byelwa ka Joxua, aku, Ni nklanu wa tihosi ti kumilwe, ti fihlele le mhakweni ya le Makeda.
- 18 Na Joxua i te ngalo, Umbulutelani a ribye ga hombe le nonwini wa mhako, ni ku beka a babanuna a ku hlalisa bona :
- 19 Kanilezi mu nga tsami nwina, hlongolisani a balala ba nwina, ni ku hlalasa balabo ba xinzakwana ka bona ; mu nga vumeli ka bona aku engena mitini yabye : hakuba Jehova a Nungungulu wa nwina nyikile canjeni ga nwina.
- 20 Na ku mahisile lezo, laha Joxua ni banana ba ka Israeli na mahile kugumelwa a kuhlasela bona hi hlaselelo wa hombe, kala bona ba mbetekiswa, ni misalela leyo yi nga wa sela ka bona ba lo engena lomo mitini leyo yi gingisisilweko,
- 21 Lezaku bonkle ba lo klelela le wugobelweni le ka Joxua le Makeda hi kurula : ku wa nga hi kona a nga dambutela a lirimi lakwe a vukela ni muwe wa banana ba ka Israeli.
- 22 Zonake i te ngalo Joxua, Vululani a nomu wa mhako, mu humesa mu neha ka mina leto a nklanu wa tihosi hi lomu mhakweni.
- 23 Na bona ba lo maha zakungaho, ba lo neha leto a nklanu wa tihosi ka yena ti huma hi lomo mhakweni, a hosi ya le Jerusalema, ni hosi ya le Hebroni, ni hosi ya Jarmute, ni hosi ya le Lakixe, ni hosi ya le Egloni.
- 24 Na ku mahisile lezo, laha na bona na ba nehile leti tihosi ka Joxua, lezaku Joxua i lo bita ka bonkle babanuna ba ka Israeli, i te ngalo ka manganakana ya babanuna ba impi labo ba nga wa famba zinwe naye, Tsinelani ku suhau, ni ku bekela mikonzo ya nwina hehla ka mitanweni yabye. Ni ba bekela a mikonzo yabye hehla ka tinhamo ta tihosi. Na bona ba lo tsinela ku suhi, na ba lo bekela a mikonzo yabye hehla ka tinhamo ta bona,
- 25 Na Joxua i te ngalo ka bona, Mu nga cabi, ge ni ku mbeteka a ntamo ; tiyisani mbilu mu nga be na hlanekero : hakuba zakungahi Jehova a ta maha ka balala ba nwina bonkle labo nwina mu lwako.
- 26 Ni nzako ka lezo Joxua i lo, lamata bona, i lo ba maha bafa, i lo ba hayeka le nklanwini wa tinya : bona ba wa lo cikile le hehla ka tisinya kala gambyeni.
- 27 Na kona na ku mahisile lezo hi xikatini xa ku relela ka gambo, lezaku Joxua i lo leletela, na bona ba lo ba susa le tisinyeni, ba lo ba hoxa le mhakweni leyo ba nga fihlile a wutsumbu gabye, ba bingeretela a maribye ya hombe le nonwini wa mhako, kala ka gwalegi siku.
- 28 Na Joxua i lo teka Makeda ka lego suki, i lo lamata hi wukla ga supado, ni hosi ya kona : yena hi kumbetisisilweko i lo lobisa bona ni mihefemulo yonkle leyo yi nga wa hi lomu nzeni ; yena i lo siya na ku hi haba ni salela ; na yena i lo maha ka hosi ya le Makeda kwatsi hilezi a mahileko ka hosi ya Jeriko.
- 29 Na Joxua i lo hunza le Makeda, ni bonkle ba ka Israeli zinwe naye, ba lota Libna, ba lolwa ba vukela Libna :
- 30 Na Jehova i lo gi nyikela kambe, ni hosi ya kona, le canjeni ga ka Israeli ; na yena i lo gi lamata hi wukla ga supado, ni yonkle a mihefemulo leyo yi nga wa hi lomo ; yena i lo siya na ku nga hi a salela ka wona ; yena i lo maha ka hosi ya kona kwatsi hilezi a mahileko ka hosi ya le Jeriko.
- 31 Na Joxua i lo hunza le Libna, ni bonkle ba ka Israeli zinwe naye, ba lota Lakixe, ni ku ta goba ba vukela wona, ni kulwa na wona :
- 32 Na Jehova i lo nyikela Lakixe le canjeni ga ka Israeli ; yena i lo teka wona hi siku ga mambiri, ni ku lamata wona hi wukla ga supado, ni yonkle a mihefemulo leyo yi nga wa hi ka wona, kwatsi hilezi zonkle a mahileko le Libna.
- 33 Zonake Horama a hosi ya le Gezera yi lota yi kanziya ku ta vunetela a Lakixe ; na Joxua i lo lamata yena ni bonkle ni banhu ba yena, kala yena a siya yena na ku nga hi kona a seleko.

- 84 Na Joxua i lo hunza hi Lakixe, ni bonkle baka Israeli zinwe naye, le Egloni; na bona ba lo goba ba vukela wona, ni kulwa na wona;
- 85 Na bona ba lo teka wona lego siku, ni ku lamata wona hi wukla ga supado; ni yonkle a mihefemulo leyo yi nga wa ka wona yena hi kumbetisisilweko i lo yi lobisa lago siku, kukotisa zonkle lezo a mahileko le Lakixe.
- 86 Na Joxua i lo kanziya hi le Egloni, ni bonkle ba ka Israeli zinwe naye, le Hebroni; na bona ba lolwa ba vukela wona:
- 87 Na bona ba lo teka wona, ba lo wu lamata hi wukla ga supado, ni hosi ya kona, ni miti ya kona yonkle, ni yonkle a mihefemulo leyo yi nga wa hi ka wona; yena i wa nga siyangi ni munwe a seleko, kukotisa ka zonkle lezo a mahileko le Egloni; kanilezi yena hi kumbetisisilweko i lo lobisa wona, ni yonkle a mihefemulo leyo yi nga wa hi ka wona.
- 88 Na Joxua i lo klela, ni bonkle ba ka Israeli zinwe naye, le Debira, ni kulwa a vukela wona:
- 89 Na yena i lo teka wona, ni hosi ya kona, ni yonkle a miti ya kona; na bona ba lo lamata bona hi wukla ga supado, hi kumbetisisilweko i lo lobisa yonkle a mihefemulo ya kona; yena a nga siyangi ni munwe wu seleko: kwatsi hilezi a mahileko le Hebroni, zingaho i lo maha le Debira, ni ka hosi ya kona; kwatsi hi lezi yena a mahileko le Libna, ni ka hosi ya kona.
- 40 Zingaho Joxua i lo hlasela gonkle a tiko, a tiko ga mitsurana, ni le Dzongeni, ni tiko ga mapama, ni minzelelo, ni tihosi ta kona tonkle: yena a nga siyangi ni munwe a seleko, kanilezi hi kumbetekisisilweko i lo lobisa konkle loku ku hefemulako, kwatsi hilezi Jehova, a Nungungulu wa Israeli, a lelteteleko.
- 41 Na Joxua i lo hlasela bona ku sukela le Kadexbarnea ku kala Gaza, ni gonkle a tiko ga le Goxeni, kona le Gibeoni.
- 42 Ni tonkle leti tihosi ni tiko ga tona Joxua i lo teka hi xikati xinwe, hakuba Jehova, Nungungulu wa Israeli, i lo lwela Israeli.
- 43 Na Joxua i lo klela, ni bonkle ba ka Israeli zinwe naye, le wugobelweni le Gilgale.

XIIPIMO 11.

- 1 Na kona na ku mahisile lezo, laba Jabina a hosi ya le Hazora, yi zwileko ha kona, lezaku i lo rumela ka Jakobe a hosi Madoni, ni ka hosi ya le Ximroni, ni ka hosi ya le Akxafa,
- 2 Ni ka tihosi leto ti nga wa hi le nwalungu, le tikweni ga mitsurana, le Araba dzongeni ga le Xinnerote, ni le tikweni ga pama, ni lomu mitsurini ya le Dore le muhl wagambo,
- 3 Ka ma Kenani le mutsuwukagambo ni muhl wagambo, ni mu-Amori, na mu-Hiti, na mu-Perezi, na mu-Jebusi le tikweni ga mitsurana, ni mu-Havi lahasi ka Hermoni, le tikweni ga le Mizpa.
- 4 Na bona ba lo huma lahandle, bona ni mabandla ya bona zinwe nabo, ni banhu bo tala, ku kwatsi seka ga fungu wa bimbi hi wudlemo, ni mahaxi ni tikareta to tala nguvu.
- 5 Ni tonkle leti tihosi ti lo klangana katiginwe; na bona ba lotta goba katiginwe le mamati ya le Merome, a ku talwa zinwe na Israeli.
- 6 Na Jehova i te ngalo ka Joxua, U nga be u cabako hakuba ha bona; hakuba a manziko ka lexi xikati mina nzi nyikela bona na ba delwe bonkle mahlweni ka Israeli: wena u ta klewula a misiha ya mahaxi ya bona, ni ku hisa tikareta ta bona hi nzilo.
- 7 Zingaho Joxua i lotta, ni bonkle a banhu ba impi zinwe naye, ba ta vukela bona hi le mamatini ya le Merome hi ku haklisisilweko, ba lo wela behla ka bona.
- 8 Na Jehova i lo nyikela bona le canjeni ga ka Israeli, na bona ba lo hlasela bona, ni ku hlongolisa bona kala le Sidoni ga hombe, ni le Misesrefotmaime, ni le minzelelweni ya le Mizpe ngomameni ya le mutsuwukagambo; bona ba lo hlasela bona, kala bona a ba siyangi ge na munwe a seleko.
- 9 Na Joxua i lo maha ka bona kwatsi hilezi Jehova a wulileko yena: yena i lo klewula a misiha ya mahaxi ya-dye, na ku hisa a tikareta tabye hi nzilo.
- 10 Na Joxua i lo klela le nzako ka lexi xikati, i lo teka Hazora, i lo daya a hosi ya kona hi supado: hakuba Hazora hi mahlweni wu wa hi zinza ga yonkle leyi a mifumo.

- 11 Na bona ba lo daya yonkle a mihe-femulo leyo yi nga wa leyo hi wukla ga supado, hi kumbetekisisilweko a lobiso wa bona; laho ku wa nga hi kona xi siyilweko lexo xi he-femulako: na yena i lo hisa Hazora hi nzilo.
- 12 Ni yonkle a miti ya leto tihosi, ni tonkle a tihosi ta kona, i lo ti teka Joxua, yena i lo ti daya hi wukla ga supado, hi kumbetekisisilweko i lo lobisa bona; kwatsi hilezi Mosi a nanza ga Jehova a leleteleko.
- 13 Kanilezi kwatsi hi miti leyi yi yimileko lomo mitsurini ya yona, Israeli a nga hisangi ni munwe wa yona, saseka Hazora ntsena; lowo Joxua a nga lo hisa.
- 14 Ni mupango wa yonkle leyi a miti, ni tihomu, a banana ba ka ba lo teka a ku maha a mufulo wa wutsumbu gabye; kanilezi bonklelele bannhu ba lo daya hi wukla ga supado, kala bona ba lobyisa bona, hambu ni ku siya ni xihhi xi hefemulako.
- 15 Kwatsi hilezi Jehova a leleteleko Mosi a nanza ga yena ga yena, zingaho Mosi i lo leletela Joxua: zingaho Joxua i lo maha; yena a nga siyangi cumo xo kala a nga mahangni ka zonkle lezo Jehova a leleteleko Mosi.
- 16 Zingaho Joxua i lo teka gonkle lego tiko, a tiko ga mitsurana, ni gonkle a Dzonga, ni gonkle a tiko ga le Goxeni, ni tiko ga mapama, ni Araba, ni tiko ga mitsurana ga Israeli, ni tiko ga mapama ga kwaloko;
- 17 Ku sukela xitsungeni Halake, lexo xi yako hi le Seire, kala le Baalgade le minzelelweni ya le ya le Lebanoni lahasi ka Hermoni: ni tonkle tihosi tabye i lo teka, i lo daya tona, ni ku maha bona bafa.
- 18 Joxua i lo maha impi ni tonkle leto tihosi a xikati xo leha.
- 19 Lahe ku wa nga hi kona a muti lowo wu nga maha a kurula ni banana ba ka Israeli, saseka a ma Hivi a bannhu ba le Gibeoni: bona ba lo teka bonkle le impini.
- 20 Hakuba ku wa hi ka Jehova a ku nonohisa a timbilu tabye, a kuta vukela Israeli kulweni, lezaku yena a fela a ku mbetikesisisa bona hi kulobysisilweko, lezaku bona ba nga ha kumi na tomo, kanilezi yena a fela ku lobisa bona, kwatsi hilezi Jehova a leleteleko Mosi.

- 21 Na Joxua i lota ka lexo xikati, i lota tsema Anakime le tikweni ga mitsurana, le Hebroni, le Debira, le Anabe, ni le matikweni wonkle ya mitsurana ya ka Juda, ni le matikweni wonkle ya mitsurana ya ka Israeli: Joxua hi ku mbetekisisilweko i lo ba lobisa zinwe ni miti yabye.
- 22 Lahe ku wa nga hi kona na munwe wa Anakime a nga wa siyilwe lomo tikweni ga banana ba ka Israeli: kumbela le Gaza, ni Gati, ni le Axdo-de, ni bannwani ba wa lo sala.
- 23 Zingaho Joxua i lo teka a tiko gonkle, kwatsi hilezi Jehova a wulileko ka Mosi; na Joxua i lo nyika gona a kuba a tsumba ka banana ba ka Israeli kukotisa hi mikuhu yabye ni tixaka tabye. Ni tiko gi wa lo humula le kulweni.

XIPIMO 12.

- 1 Makunu leti hi tihosi ta tiko, leti a banana ba ka Israeli ba nga ti hlasele, ni ku teka a tiko gabye klatukweni wa Jordani ngomameni ni mutsuwukagambo, ku sukela le minzelelweni ya le Arnoni kuya le xitsungeni xa Hermoni, ni gonkle Araba ngomameni ni mutsuwukagambo:
- 2 Sihoni a hosi ya ma Amori, loye a nga wa akile leyo Hexboni, na a lo fumela ku sukela le Aroere, legi gi nga le wukleni ga minzelelo ya le Arnoni, ni miti leyo yi nga lomo xikari ka minzelelo, ni kihlanya ga Gileade, kala le congweni wa Jaboke, a mbingano wa ba banana ba ka Ammoni;
- 3 Ni Araba kuya le bimbini ga le Cinerote, ngomameni, ye la mutsuwukagambo, ni le bimbini ga le Araba, hambu kona leyo Bimbini ga Munyu, ngomameni, ni le mutsuwukagambo, a ndlela ya kuya le Betjeximote; ni le dzongeni, le hasi ka korama ga le Pisga:
- 4 Ni mbingano wa Ogi a hosi ya le Baxani, ni wa misalela ya le Refaim, loye a akileko leyo Axtarote ni le Edrei,
- 5 Na a wa fumele a xitsunga Hermoni, ni le Saleka, ni ka gonkle Baxani, le mbinganweni wa leyo Gexure ni le Makate, ni kihlanya ga le Gileade, ni mbingano wa Sihoni a hosi ya le Hexboni.
- 6 Mosi a nanza ga Jehova ni banana

ba ka Israeli ba lo hlasela bona : na Mosi a nanza i nyika ka ba ka Rubeni a kuba a tsomba, ni ka ba Gadi, ni ka kihlanya ga lixaka la ka Manasa.

- 7 Ni leti hi tihosi leti Joxua ni banana ba ka Israeli ba nga hlasela klatukweni wa Jordani ngomameni ni le muhl wagambo, ku sukela Baalgadele minzelelweni ya le Lebanoni kala ka xitsungeni Halake, lexo xi nga ka nziya xiya Seire; na Joxua i lo nyika gona ka banana ba ka Israeli akuba tsumba kukotisa hi mikuhu yabye;
- 8 Le tikweni ga mitsurana, le tikweni ga mikoba, ni le Araba, ni lomo makorani, ni lomo ziwuleni, ni le Dzongeni; a Hiti, a Amori ni a Kenani, a Perezi, a Hivi, a Jebusi;
- 9 A hosi ya le Jeriko, yinwe; ni hosi ya le Ai, leyi yi nga wa hi klelweni ga le Beteli, yinwe;
- 10 A hosi ya le Jerusalema, yinwe; a hosi ya le Hebroni, yinwe;
- 11 A hosi ya le Jarmute, yinwe; a hosi ya le Lakixe, yinwe;
- 12 A hosi ya le Egloni, yinwe; a hosi ya le Gezera, yinwe;
- 13 A hosi ya le Debira, yinwe; a hosi ya le Gederu, yinwe;
- 14 A hosi ya le Horma, yinwe; a hosi ya le Arada, yinwe;
- 15 A hosi ya le Libna, yinwe; a hosi ya le Adullama, yinwe;
- 16 A hosi ya le Makeda, yinwe; a hosi ya le Beteli, yinwe;
- 17 A hosi ya le Tappua, yinwe; a hosi ya le Hefera, yinwe;
- 18 A hosi ya le Afeke, yinwe; a hosi ya le Laxaroni, yinwe;
- 19 A hosi ya le Madoni, yinwe; a hosi ya le Hazora, yinwe;
- 20 A hosi ya le Ximroni-Meroni, yinwe; a hosi ya le Akxafa, yinwe;
- 21 A hosi ya le Tanaka, yinwe; a hosi ya le Megiddo, yinwe;
- 22 A hosi ya le Kedexe, yinwe; a hosi ya le Jekoneama le Karmeli, yinwe;
- 23 A hosi ya le Dora le mitsirini ya le Dora, yinwe; a hosi ya le Goime le Gilgale, yinwe;
- 24 A hosi ya le Tirza, yinwe; tonkle tihosi makume manhari ni yinwe.

XIIMO 13.

- 1 Makunu Joxua i wa kosahela na wa hi ni malembe yo tala; na Jehova i

te ngalo ka yena, wena u wa kale u na ni malembe yo tala, ni laho ka ha sele a tiko gi tala nguvu akuba gi hlaselwa.

- 2 Legi hi tiko lego ga ha seleko : wonkle a matiko ya ma Filisti, ni gonkle Gexure;
- 3 Ku sukela le Xihora, legi gi nga mahlweni ka Gipite, hambu kona le mbinganweni wa le Ekroni ngomameni ni le nwalungwini, lowo wu pambuxanako ni le ka ma Kenani; a nklanu wa tihosi ta ma Filisti; a ma Gaza, ni a ma Axdode, a ma Axkeloni, a ma Giti, a ma Ekroni, kambe ni Avima,
- 4 Le dzongeni; gonkle a tiko ga ma Kenani, ni Meara lego gi nga le ka Sidoni, kala Afeke, leyo mbinganweni wa ma Amori;
- 5 Ni tiko ga le Gebale, ni gonkle Lebanoni, ngomameni ni musukagambbo, ku sukela le Baalgade lahasi ka xitsunga Hermoni kala kuengeneni ka le Hamate;
- 6 Ni bonkle baakileko leyo tikweni ga mitsuri ku sukela le Lebanoni kala le Misrefotmaime, hambu gonkle ga ka Sidoni; bona nzi ta ba hlongola mahlweni ka banana ba ka Israeli: ku mbela abela gona ka banana ba ka Israeli akuba a tsomba, kwatsi hilezi mina nzi leleteleko wena.
- 7 Makunu hikwalaho abela legi tiko akuba a tsomba ka nklanu ni mune a tixaka, ni kihlanya ga lixaka la ka Manasa.
- 8 Zinwe na yena a ba ka Rubeni ni ba ka Gadi ba lo a mukela a tsomba yabye, leyo Mosi a nga nyika bona, le klatukweni wa Jordani ngomameni ni mutsuwukagambo, hambu ku kwatsi hilezi Mosi a nanza ga Jehova a nyikileko bona;
- 9 Ku sukela le Aroera, lego gi nga wukleni ga minzelelo ya le Arnoni, ni muti lowo wu nga lomo xikari ka minzelelo, ni yonkle a mikoba ya le Medeba kala Diboni;
- 10 Ni a miti ya Sihoni a hosi ya ma Amori, loye a fumileko leyo Hexboni, kala mbinganweni wa banana ba le Ammoni;
- 11 Ni le Gileade, kala le mbinganweni wa Gexure ni le Makate, ni xonkle xitsunga Hermoni, ni gonkle a Bazani kala Saleka;
- 12 Ni wonkle a mufumo wa Ogi le Bazani, loye a fumileko le Axterote ni

- le Edrei (kwaleyo ku wa siyilwe a misalela ya le Refaime); hakuba labo Mosi i lo ba hlasela, i lo panzanya bona ba huma.
- 13 Ahemba a banana ba ka Israeli a ba panzanyangi a ba ka Gexure, ge ni ba ka Makate: kanilezi Gexure na Makate ba lo aka lomo xikari ka banana ba ka Israeli ka legi siku.
- 14 Ku mbela a ka banana ba ka Levi yena a nga nyikingi a tsomba; a minyikelo ya Jehova, a Nungungulu wa ka Israeli, wu mahilweko hi nzi- lo hi tsomba ya yena leyo, kwatsi hilezi ye a wulileko ka yena.
- 15 Na Mosi i wa lo nyika ko banana ba ka Rubeni kukotisa hi mingango yabye.
- 16 Ni mbingano wabye wu wa sukela le Aroera, lego gi nga wukleni ga minzelelo ya le Arnoni, ni muti lowo wu nga le xikari ka minzelelo, ni yonkle a mikoba hi le Medeba;
- 17 Hexboni, ni miti ya wona yonkle leyo yi nga lomo mikobeni; Diboni, ni Bamotebaale, ni Bethaalmeoni,
- 18 Na Jahaza, na Kedemote, na Mefate,
- 19 Ni Kiriataima, ni Sibma, Zeretxahare, le xitsungeni xa minzelelo,
- 20 Ni Betpeora, ni makorama ya le Pitsga, ni le Betjeximote,
- 21 Ni yonkle a miti ya lomo mikobeni, ni wonkle a mufumo wa Sihoni a hosi ya ma Amori, loye a nga wa fumile leyo Hexboni, leyo Mosi a nga mu daya ni tinganakana ta le Midiani, Evi, na Rekema, na Zura, na Hura, na Reba, a tihosana ta Sihoni, leto ti nga wa akile lomo tikweni.
- 22 Balaami kambe a nwana wa Beora, a xitumbe, a banana ba ka Israeli ba lo mu daya, hi wukla ga Supado, xikari ka bonkle hlaselweko bafileko babye.
- 23 Ni mbingano wa banana ba ka Rubeni ku wa hi Jordani, ni mbingano wa kona. Leyi yi wa hi tsomba ya banana ba ka Rubeni kukotisa hi mingango yabye, a miti ni mitanya- na ya kona.
- 24 Na Mosi i lo nyika ka lixaka la ka Gadi, a ka banana ba ka Gadi, kukotisa hi mingango yabye.
- 25 Ni mbingano wabye ku wa hi Jeze- ra, ni yonkle a miti ya le Gileade, ni kihlanya ga tiko ga banana ba ka Ammoni, kala Aroera lego gi nga mahlweni ka Raba;
- 26 Ni ku sukela le Hexboni kuta le Ra- matemizpa, ni Betonima; ni ku su- kela le Mahanaime kala le mbinga- nweni wa Debira;
- 27 Ni le minzelelweni, Betharama, ni Betnimra, ni Sukote, ni Zefoni, ni wonkle a mufumo wa Sihoni a hosi ya le Hexboni, a Jordani ni mbinga- no wa kona, kwaleyo magumeso ka bimbi ga le Cinerete klatukweni wa Jordani ngomameni ni le mutsuwu- kagambo.
- 28 Leyi hi tsomba ya banana ka Gadi, kukotisa hi mingango yabye, a miti ni mitana ya kona.
- 29 Na Mosi i lo nyika a tsomba ka kihlanya ga lixaka la ka Manasa: yi wa hi ya lixaka la kihlanya ga Ma- nasa kukotisa hi mingango yabye.
- 30 Ni mbingano wa bona wu wa sukela hi le Mahanaime, gonkle a Baxani, ni wonkle a mufumo wa Ogi a hosi ya le Baxani, ni yonkle a mitana ya le Jaira, leyo yi nga leyo Baxano, nlanu ni giawe makume a miti:
- 31 Ni kihlanya ga le Gileade, ni le Axtarote, ni Edrei, a muti wa mu- fumo wa Ogi le Baxani, wu wa hi wa banana ba ka Macira, kukotisa hi mingango yabye.
- 32 Leyi hi tsomba leyo Mosi a nga abanyisela le mikobeni ya le Moabi, klatukweni wa Jordani le Jeriko, ngomameni ni le mutsuwukagambo.
- 33 Kanilezi ka banana ba ka Levi Mosi a nga nyikangi a tsomba, Jehova, a Nungungulu wa ka Israeli, hi tso- mba yabye, kwatsi hilezi yena a wulileko ka bona.

XIPIMO 14.

- 1 Leti hi titsomba leti a banana ba ka Israeli ba nga lo teka leyo Kenani, leto Eleazare a mupristi, na Jo- xua a nwana wa Nuni, ni tihloko ta tindlu ta hararu ba tixaka ta banana ba ka Israeli, ba nga abanyisela ka bona,
- 2 Hi kuvumbisa ka tsomba yabye, kwatsi hilezi Jehova a leleteleko ka Mosi, akuba ka nlanu ni mune a tixaka, ni ka kihlanya ga lixaka.
- 3 Hakuba Mosi i wa nyikile a tsomba ka tixaka leti timbiri ni ka kihlanya ga lixaka le klatukweni wa Jordani: kanilezi ka ba ka Levi yena a nga nyikangi a tsomba xikari ka bona.
- 4 Hakuba a banana ba ka Josefa ba wa hi tixaka timbiri, Manasa na

- Efraime: bona a nga nyikangi a xia-belo ka ba ka Levi lomo tikweni gabye, saseka a miti a ku aka ka yona, zinwe ni mazunze ya kona a kuba ya tihomu tabye ni nhunzu yabye.
- 5 Na kwatsi Jehova i lo letetela Mosi, zingaho bona a banana ba ka Israeli ba lo maha; na bona ba lo abanyisela a tiko.
- 6 Zonake a banana ba ka Juda ba lo tsinela ku suhi na Joxua le Gilgale: na Kalebi a nwana Jefuna a mu Keni i te ngalo ka yena, Wena wa zi tiba a zilo lezo Jehova a zi wulawulileko ka Mosi a munhu wa Nungungulu xungetano na mina ni xungetano na wena le Kadexabarnea.
- 7 Mina nzi wa hi munc wa makume a malembe laha Mosi a nanza Jehova a nga wa rumile mina hi le Kadexabarnea a kuya hlola a tiko; mina nzi lo neha a mhaika kambe kwatsi hilezi ku nga wa hi mbilwini ya mina.
- 8 Ahembalezo a bamakabye ba mina labo ba nga wa fambile zinwe na mina ba lo maha a timbilu ta banhu ti nykiswa; kanilezi mina hi ku mbelelisisilweko nzi lo lanzela Jehova a Nungungulu wa mina.
- 9 Na Mosi i lo hlanbanya ka lego siku, aku, Ha kunene a tiko lego a konzo wa wena wu kanziyeleko gi taba a tsomba ka wena ni ka banana ba wena kala kupinzuka, hakuba wena hi kumbelelisisilweko u lanzele Jehova a Nungungulu wa wena.
- 10 Ni makunu, wangabye, Jehova i nzi hlaysile nzi hanya, kwatsi hilezi a wulileko, laya munc makume ni ntlanu malembe, ku sukela xikatini lexo Mosi a nga wulawula leyi mhaika Mosi, laho Israeli a nga wa hi lomo xiwuleni: ni makunu, wangabye, mina ka legi siku nzi ntlanu ni manharu makume ni ntlanu malembe a wukale.
- 11 Kasike lezi nza ha hi ni ntamo legi siku kwatsi hi lego siku Mosi a nga rumela mina: kwatsi hilezi a ntamo wa mina wu nga wa hi lezo zonake, zingahowo kambe a ntamo wa mina makunu, a ku hloma impi, ni ku huma ni ku engena.
- 12 Makunu hikwalaho nyika mina legi a tiko ga mitsuri, gwalegi ha gona Jehova a nga wa wulawulile lego siku; hakuba wena hi wena u

zwisisileko lezaku lego siku lezaku Anakime i wa hi leyo, ni miti ya hombe yi gingisilweko: kutani lezo Jehova i ta nga a hi na mina, mina nzi ta hlomola bona ba huma, kwatsi hilezi Jehova a wulileko.

- 13 Na Joxua i lo katekisa yena; na yena i lo nyika Hebroni ka Kalebi a nwana wa Jefuna akuba a tso-mba.
- 14 Hikwalaho a Hebroni gi maha a tso-mba ya Kalebi a nwana wa Jefuna a mu Keni kala legi siku; hakuba yena hi kumbelelisisilweko i lo lanzela Jehova, a Nungungulu wa Israeli.
- 15 Makunu a bito ga Hebroni hi mahlwani ka xikati ku wa hi Kiriatarba; lego Arba a nga wa hi munhu wa hombe xikari ka ma Anakime. Ni tiko gi lo humula a kulwa.

XIPIMO 15.

- 1 Ni tihlolo ta lixaka la ka Juda la banana ba ka Juda kukotisa hi mbingano yabye ku wa hi le mbinganweni wa Edomi, kona le xiwuleni xa le Zine ngomameni ni le dzongeni, kwaleyo magumeso ya dzonga.
- 2 Ni mbingano wabye wa le dzongeni wu wa sukela kwaleyo klelwani ga magumeso ga Bimbi ga Munyu, ku sukela yitreni leyi yi nga cuwukeneko ni dzonga;
- 3 Na wu humele le handle hi ngomama ya dzonga hi le hehla ka Akrabima, wu hunza wu longoloka wuya Zina, wu kanziya hehla hi le dzongeni ka Kadexabarnea, wu hunza wu longoloka ni Hezroni, wu kanziya hehla wuya Adara, wu klelela le Karka;
- 4 Ni ku hunza wu longoloka wuya Azmoni, wu humelela handle le congweni wa le Gipite; ni kuhumelela ka wona wuya le handle a mbingano ku waya bimbi: lowu hi mbingano wa nwina wa le dzongeni.
- 5 Ni mbingano wa le mutsuwukagambbo ku wa hi Bimbi ga Munyu, ku kala ku eikela le kugumelweni ka Jordani. Ni mbingano wa xipanze xa le nwalungu ku wa sukela le trani ga nomu wa bimbi kala kugumelweni ka Jordani;
- 6 Ni mbingano wu lo kanziya wuya le Bethogla, wu hunza wu longoloka a nwalungu ka Betaraba; ni mbingano wu lo kanziya leyo ribye-ni ga Bohani a nwana wa Rubeni;

- 7 Ni mbingano wu lo kanziya wuya le Debira ku sukela le minzelelweni ya le Akora, zingaho ngomameni ni le *nwalungu*, kucuwukeneke a ngomama ni Gilgale, lezo ku nga *klatuko* ku xungeteneke hehla ka Adumima, legi gi nga *klelweni* ga dzonga ga congo; ni mbingano wu lo hunza wu longoloka wuya le mamatini ya Enxemexe, ni kuhumelela ka wona wuya le handle ku wa hi le Enrogele;
- 8 Ni mbingano wu lo kanziya hi le minzelelweni ya *nwana* wa Hinome hi le ka *klelo* ga le Jebusi ngomameni ni dzonga (kwaleyo Jerusalema); ni mbingano wu lo famba wuya le hehla ka xitsunga lexo xi yimileko mahlweni ka minzelelo ya Hinome ngomameni ni muhlwagambo, lexi xi nga kwaleyo magumesweni ya *klelo* ga nzelelo wa Refaime ngomama ni *nwalungu*;
- 9 Ni mbingano wu lo panza he hehla ka xitsunga ku kala le hlobyeni ya mamati ya le Neftoa, ni ku humelela le handle le mitini ya xitsunga Efroni; ni mbingano wu lo panza le Baala (kwaleyo Kiriatarba);
- 10 Ni mbingano wu lo *klela* wu renzeleka hi le Baala hi muhlwagambo kuya xitsungeni xa Seire, wu hunza wu longoloka a *klelweni* ga xitsunga Jejarime le *nwalungwini* (kwaleyo Cesalona), ni ku relela wuya Betxemexe, wu hunza wu longolo ka Timna;
- 11 Ni mbingano wu lo humelela le handle hi *klelo* ga Ekroni ngomameni ni *nwalungu*; ni mbingano wu lo panza le Xikeroni, wu lo hunza wu longoloka le Xitsungeni xa Baala, wuya wu humelela la handle ka Jabneli; ni ku humelela ka mbingano ku wa hi le bimbini.
- 12 Ni mbingano wa le muhlwagambo ku wa hi bimbini ga hombe, ni mbingano wa kona. Lowu hi mbingano wa banana ba ka Juda wu renzelekeleko kukotisa hi mingango yabye.
- 13 Ni ka Kalebi a *nwana* wa Jefuna yena i lo mu nyika a xiabelo xikari ka banana ba ka Juda, kukotisa hi kuleletela ka Jehova ka Joxua, kona Kiriatarba, lego Arba a nga wa hi raruwamuni wa Anake (kwaleyo Hebroni).
- 14 Na Kalebi i lo hlologo leyo a banana banharu ba Anake: Xexai, na Ahimani, na Talmai, a banana ba ka Anake.
- 15 Na yena i lo kanziya a sukela hi leyo aya vukela a banhu ba le Debira: makunu a bito ga Debira hi mahlweni ka xikati ku wa hi Kiriatsesera.
- 16 Na Kalebi i te ngalo, Yena loye a dayako Kiriatsesera a teka wona a ka yena mina nzi ta nyika Aksa a nwananga akuba a sati.
- 17 Na Otneli a *nwana* wa Keneza, a nakulobye wa Kalebi, i lo teka wona: na yena i lo nyika ka yena Aksa a nhanyana wa yena akuba a sati.
- 18 Na ku mahisile lezo, laha yena a nga wa tile ka yena, yena i lo kucetela yena a ku wutisa ka raru wakwe a tiko: yena i lo jatama hi le mbongolweni ya yena; na Kalebi i te ngalo, U wa ta nga u laba yini wena ke?
- 19 Yena a te ngalo, Nyika mina a katekiso; hakuba lezo wena u nzi rumele a tikweni ga le Dzongeni, nzi nyikewo kambe a hlowo ya mati. Na yena i lo mu nyika a ti hlowo ta le hehla ni ti hlowo ta lahasi.
- 20 Leyi hi tsomba ya lixaka la banana ba ka Juda kukotisa hi mingango yabye.
- 21 Ni miti leyo yi nga kwaleyo magumeso ya lixaka la banana ba ka Juda ngomameni ni mbingano wa le Edomi le Dzongeni ku wa hi Kabzeleli, ni Edera, ni Jagura,
- 22 Ni Kina, ni Dimona, ni Adada,
- 23 Ni Kedexi, ni Hazora, ni Itnane,
- 24 Ni Zifa, ni Telema, ni Bealote,
- 25 Ni Hazorhadata, ni Keriotezroni (kwaleyo Hazora),
- 26 Amema, ni Xema, ni Molada,
- 27 Ni Hazargada, ni Hexmoni, ni Betpelete,
- 28 Ni Hazarxuale, ni Berexeba, ni Biziotia,
- 29 Baala, ni Iima, ni Ezema,
- 30 Ni Eltolade, ni Cesile, ni Horma,
- 31 Ni Ziklagi, ni Madmana, ni Sansana,
- 32 Ni Lebaote, ni Xilhima, ni Aina, ni Rimoni: yonkle a miti makume mambiri ni nklanu ni mune, zinwe ni mitana ya kona.
- 33 Ni le tikweni ga lahasi, Extola, na Zora, ni Axnali,
- 34 Ni Zanoa, ni Enganima, ni Tapua, ni Enama,
- 35 Jarmute, ni Adullama, ni Soko, ni Azeka,

- 36 Ni Xaaraime, ni Aditaime, ni Geder-
ra, ni Gederotaime; kuni ni muni ga
miti ni zimitana za yona.
- 37 Zenane, ni Hadaxa, ni Migdalgada,
38 Ni Dileana, ni Mizpa, ni Jokteeli,
39 Laxixa, ni Bozkate, ni Egloni,
40 Na Kaboni, ni Lahmama, ni Xitlixé,
41 Ni Gederote, Petdegoni, ni Namaa,
ni Makeda; kume ni nk'lanu ni mu-
nwe a miti ni zimitana za yona.
- 42 Libna, ni Etera, ni Axane,
43 Ni Ifta, ni Axna, ni Neziba,
44 Ni Keila, ni Akziba, ni Marexa;
nk'lanu ni mune a miti ni zimitana za
yona.
- 45 Ekroni, zinwe ni miti ya kona ni
zimitana za yona;
- 46 Ku sukela hi le Ekroni ku kala ku-
ya bimbini, yon'kle leyo yi nga wa
hi le k'lelweni ga le Axdodi, zinwe
ni mitana ya kona.
- 47 Axdodi, a miti ya kona ni zimita-
nyana za kona; Gaza, miti ya kona
ni zimitanyana za kona; kala le co-
ngwanini wa le Gipite, ni ka bimbini
le ga hombe, ni mbingano wa kona.
- 48 Ni le matikweni ya mitsurana,
Xamira, ni Jatura, na Soko,
49 Ni Dana, ni Kiriatsana (kwaleyo
Debira),
50 Ni Anaba, ni Axtemo, ni Anima,
51 Ni Goxeni, ni Holoni, ni Gilo; ku-
me ni munwe miti zinwe ni zimitana
za yona.
- 52 Araba, ni Duma, ni Exana,
53 Ni Janima, ni Betapua, ni Afeka,
54 Ni Humta, ni Kiriatarba (kwaleyo
Hebroni), ni Ziora; nk'lanu ni mune
a miti ni zimitana za yona.
- 55 Maoni, Karmeli, ni Zifa, ni Juta,
56 Jezreeli, ni Jokdeama, ni Zanoa,
57 Kaine, ni Gibea, ni Timna; a kume
ga miti ni zimitana za yona.
- 58 Halhule, Betzura, ni Gedora,
59 Ni Maarate, ni Betanote, ni Elteko-
ne; nk'lanu ni munwe a miti ni zi-
mitana za yona.
- 60 Kiriatabaale (kwaleyo Kiriattjea-
rime), ni Ruba; a miti mimbiri ni
zimitana za yona.
- 61 Le xiwuleni, Bataraba, Midini, ni
Sekaka,
62 Ni Nibxane, ni Muti wa Munyu, ni
Angedi; nk'lanu ni munwe a miti ni
zimitana za yona.
- 63 Ni kwatsi hi ma Jebusi, a banhu
ba le Jerusalema, a banana ba ka
Juda a ba wa nga ba hlongolangi
ba ya handle; kanilezi a ma Jebusi

ma lo aka ni banana ba ka Juda le
Jerusalema kala legi siku.

XIPIMO 16.

- 1 Ni tihlolo ti lo huma hi banana ba
ka Josefa ku sukela Jordani hi le
Jeriko, le mamatini ya le Jeriko mu-
tsuwukagambo, kona le xiwuleni,
kuyako ku sukela le Jeriko ku tse-
makanya a matiko ya mitsuri kuya
Beteli;
- 2 Na wona na wu lo huma le handle
hi le Beteli kuya Luza, ni ku hunza
wu longoloka a kuya mbinganweni
wa le ba Arke kala Atarote;
- 3 Na wona wu relela ngomameni ni
muhlwagambo a kuya mbinganweni
wa ba Japhleti, kona mbinganweni
wa le Bethoroni, hi seno, kona le
Gezera; ni kuya ka wona wu huma
handle ku wa hi le bimbini.
- 4 Ni banana ba ka Josefa, Manasa na
Efraime, ba lo teka a tumba yabye.
- 5 Ni mbingano wa banana ba ka
Efraime kukotisa hi mingango wu
wa hi wa kungali; a mbingano wa
tsomba ngomameni ni mutsuwuka-
gambo Atarotadare, kala Bethoroni
hi le hehla;
- 6 Ni mbingano wu lo huma le handle
hi ngomama ya muhlwagambo hi le
Mikmetate leyo nwalungu; ni mbi-
ngano wu lo klala wu renzeleka hi
ngomama ya mutsuwukagambo ko-
na Taanatzilo, ni ku hunza wu lo-
ngoloka na kona le mutsuwukaga-
mbo ka Janoa;
- 7 Na wona wu lo relela hi le Janoa
kuya a Atarote, ni kuya Naara, na
wu lo cikela leyo Jeriko, wu lo hu-
mela le handle hi le Jordani.
- 8 Ku sukela hi Tapua a mbingano wu
loya ngomama ya muhlwagambo
kuya le xicongwaneni xa Kana; ni
ku huma lahandle ka wona ku wa
hi le bimbini. Leyi hi tsomba ya li-
xaka la banana ba ka Efraime kuko-
tisa hi mingango yabye;
- 9 Katiginwe ni miti leyi yi nga wa be-
kilwe k'lelweni akuba ya banana ba
ka Efraime xikari ka tsomba ya ba-
nana ba ka Manasa, yon'kle a miti ni
zimitana za yona.
- 10 Na bona a ba hlongolangi a ma Ke-
nani lawo ma akileko leyo Gezera;
kanilezi a ma Kenani ba lo aka lomo
xikari ka banana ba Efraime kala
legi siku, na ba lo maha malanza ya
kutira mukinyabezo.

XIPIMO 17.

- 1 Leti ti wa hi tihlolo ta banana ba ka Manasa; hakuba yena i wa hi matewula ya ka Josefa, Kwatsi hi Macira a matewula ya ka Manasa, a raru wa Gileade, hakuba yena i wa hi wanuna wa impi, hikwalaho yena i wa hi na Gileade na Baxani,
- 2 Zingaho a tihlolo ti wa hi ka banana bonkle ba ka Manasa kukotisa hi mingango yabye; hakuba a banana ba ka Abiezera, akuba a banana ba ka Heleka, ni kuba a banana ba ka Asrieli, a kuba a banana ba ka Xekemi, ni kuba a banana ba ka Hefera, ni kuba a banana ba ka Xemida: laba ba wa hi banana ba bananuna ba ka Manasa a nwana wa Josefa kukotisa hi mingango yabye.
- 3 Kanilezi Zelofchade, a nwana wa Hefera, a nwana wa Gileade, a nwana wa Macira, a nwana wa Manasa, i wa nga hi na barisanyana, kanilezi mbanhanyana: ni laya hi mabito ya banhanyana ba yena: Mahla, na Noa, na Hogla, na Milka, na Tirza.
- 4 Bona ba lo tsinela ku suhani mahlweni ka Eleazare a mupristi, ni mahlweni ka Joxua a nwana wa Nuni, ni mahlweni ka tihosana, baku, Jehova i leletele Mosi a ku hi nyika a tsomba xikari ka bamakabye ba hina: hikwalaho kukotisa hi kuleletela ka Jehova yena i lo nyika bona a tsomba xikari ka bamakabye ba dadani wabye.
- 5 Ni laho ku lo wela ka Manasa a zipanze za kume, hi lahandle ka Gileade ni Baxani, lego gi nga le klatukweni wa Jordani;
- 6 Hakuba a banhanyana ba ka Manasa ba ni tsomba xikari ka barisanyana ba yena. Ni gonkle a tiko ga Gileade gi wa hi ga banana ba ka Manasa.
- 7 Ni mbingano wa ka Manasa wu wa sukela hi Axeri kala le Micmetate, lego gi nga mahlweni ka Xekemi; ni mbingano wu lo longoloka hi canja ga xinene, ku kala le baakileko ba Entapua.
- 8 A tiko ga le Tapua gi wa hi ga ka Manasa; kanilezi Tapua leyo mbinganweni ni ba ka Manasa gi wa hi ga banana ba ka Efraime.
- 9 Ni mbingano wu lo huma le handle ka xicongwana xa Kana, mutsuwukagambo ka xicongwana: lowu mu-

- ti wu wa hi wa banana ba ka Efraime xikari ka miti ya ka Manasa: ni mbingano wa ka Manasa wu wa hi klelo ga nwalungu ga xicongwana, ni ku huma ka wona wuya handle wa hi le bimbini:
- 10 Ngomameni ya dzonga ku wa hi ka Efraime, ni ngomama ni nwalungwini ku wa hi ka Manasa ni bimbigi wa hi a mbingano wa yena; na bona ba lo cikela leyo Axeri leyo nwalungu, ni kuya Isakare hi le mutsuwukagambo.
- 11 Na Manasa i wa nayo le Isakare ni le Axeri Betxeani ni miti ya kona, ni Ableani ni miti ya kona, ni baakileko ba le Dora ni miti ya kona, ni baakileko ba le Endora ni miti ya kona, ni baakileko ba Taanaka ni miti ya kona, ni baakileko ba le Megido ni miti ya kona, hambu a minganga leyi minharu.
- 12 Kasike lezo a banana ba ka Manasa a ba hlongolangi a baakileko ka ba leyo miti; kanilezi a ma Kenani ma wa nga ma akile lomo tikweni.
- 13 Na ku mahisile lezo, laha a banana ba ka Israeli ba nga wa hunzelele ku kuma ntamo, ba lo maha a ma Kenani mitirweni ya mukinyabezo, na hi kumbetekisisilweko a ba ba hlongolangi bona.
- 14 Ni banana ba ka Josefa ba lo wulawula ka Joxua, baku, Hi yini wena u nyikileko mina a kanilezi a hlolo yinwe ni klelo ginwe akuba a tsomba, na u wona lezaku mina nzi munhu wa ku tala, hakuba kwatsi hilezi lahawu kembe Jehova i katekisile mina?
- 15 Na Joxua i te ngalo ka bona, Loku wena u wa nga u wa hi munhu wa hombe, suka wena u kanziya lomo makwatini, u ya ti tsemela a wutsumbu ga wena laho lomo tikweni ga ma Perezi ni Refaime; cima ka kuba a tiko ga ma Efraime gi hlongile nguvu ka wena.
- 16 Ni banana ba ka Josefa ba te ngalo, A tiko ga mitsuri a gi na ku enela ka hina: ni wonkle a ma Kenani la ya ma akileko tikweni ga minzelelo ma na ni tikareta ta ziketse, kanilezi bona labo ba nga le Betxeani ni miti ya kona, na bona labo ba nga le minzelelweni ya le Jezreeli.
- 17 Na Joxua i lo wulawula ka yindlu ya ba ka Josefa, yena Efraime na Manasa, aku, wena u munhu wa ho-

mbe, u na ni ntamo wa hombe; wena u nga ta kuba ni hlolo yinwe ntsena:

- 18 Kanilezi a tiko ga mitsuri gi ta kuba ga wena; hakuba hambu lezo gi nga makwati, wena u ta gi tsema lahasi, ni ku huma ka gona kuya handle ku taba ka wena; hakuba wena u ta hlongola a ma Kenani, hambu lezo bona ba nga ni tikareta ta ziketse, hambulezo bona kambe ba na ni ntamo.

XIPIMO 18.

- 1 Ni wonkle a klangano wa ka Israeli wu lo tsombana wutsumbu gabye katinwe leyo Xilo, ni ku ku bekela a tenta ga muklangano leyo: ni tiko gi wa hlulilwe mahlweni ka bona.
- 2 Ni leyo ku lo sala xikari ka banana ba ka Israeli a nklanu ni timbiri a tixaka, leto ti nga kala ti nga seku abanyiselelwa a tsomba ya tona.
- 3 Na Joxua i te ngalo ka banana ba ka Israeli, Ku ta kala ku ku yini mu ribateka a kuya mu ya teka a tiko, legi Jehova, a Nungungulu wa nwina a nyikileko a badadani ba nwina, i nyikile nwina ke?
- 4 Yimisani ka nwina a banhu banharu ka tixaka tonkle: na mina nzi ta rumela bona, na bona ba ta suka, ba famba ba tsemakanya a tiko, ba panzelela gona kukotisa hi tsomba yabye; na bona ba tata ka mina.
- 5 Na bona ba abanyisela gona ka nklanu ni zimbiri a ziabelo: Juda i ta tsama mbinganweni wa yena leyo dzongeni, ni yindlu ya ka Josefa yi ta tsama mbinganweni wa yona le nwalungu.
- 6 Na nwina mu ta panzelela a tiko ka klanu ni zimbiri wa ziabelo, ni ku neha a kutsalelwa ka gona laha ka mina; mina nzi ta hlalloba ka nwina a tihlolo mahlweni ka Jehova a Nungungulu wa hina.
- 7 Hakuba a ba ka Levi a ba na xiabelo xikari ka nwina; hakuba a wupristi ga Jehova i tsomba yabye: na Gadi na Rubeni ni kihlanya ga lixaka la ka Manasa ba amukelile a xiabelo xabye klatuko wa Jordani ngomama ni mutsuwukagambo, lexo Mosi a nanza ga Jehova a nyikileko bona.
- 8 Ni banuna ba lo suka, ba loya: na Joxua i lo lelela bona labo ba fambi-

leko a kuya tsalela a tiko, aku, Yanani mu ya tsemakanya a tiko, ni ku tsalela gona, ni ku wuya kambe ka mina; mina nzi ta hlalloba a tihlolo laha mahlweni ka Jehova leno Xilo.

- 9 Ni babanuna ba lo loya ba hunza ba tsemakanya a tiko, ni ku panzelela gona hi miti ka nklanu ni zimbiri ziabelo lomo bukwin; na bona ba lota ka Joxua le wugobelweni leyo Xilo.
- 10 Na Joxua i lo hlalloba tihlolo ka bona leyo Xilo mahlweni ka Jehova: leyo Joxua i lo abanyisela a tiko ka banana ba ka Israeli kukotisa hi mikuhi yabye.
- 11 Ni tihlolo taxaka ga banana ba Benjameni ti lota hehla kukotisa hi migango yabye: ni mbingano wa tihlolo tabye wu lo huma lahandle ka xikari ka banana ba ka Juda ni banana ba ka Josefa.
- 12 Ni mbingano wabye hi zipanze xa le nwalungu ku wa suka hi le Jordani; ni mbingano wu lo kanziya hehla ka klelo ga leyo Jeriko leyo nwalungu, wu kanziya hi matiko ya mitsurana ngomameni ni mhlwagambo; ni ku huma ka wona wuya handle ku wa hi le xiwuleni Betavane.
- 13 Ni mbingano wu lo hunza longoloka hi leyo wuya Luza, ka leno klelweni ga Luza (kwaleyo Beteli), ngomameni ya dzonga; ni mbingano wu lo relela wuya le Tarotadare, hi le xitsungeni lexi xi yimileko le dzongeni ka Bethoroni kwaleno.
- 14 Ni mbingano wu lo panza hi leno, wu klela wu renzeleka leyo mhlwagambo ka xipanze ni ngomama ya dzonga, ku sukela le xitsungeni lexi xi yimileko le Bethoroni ngomama ni dzonga; ni ku huma handle ka wona ku wa hi le Kiriathbaala (kwaleyo Kiriathjearime), a muti wa banana ba ka Juda: lexi xi wa hi xipanze xa le mhlwagambo.
- 15 Ni xipanze xa le dzongeni xi wa sukela klelweni ga kwaleyo magumeso ka Kiriathjearime; ni mbingano wu lo huma ngomameni ya le handle ka mhlwagambo, ni ku huma le handle ka tihlowo ya mamati yale Neftoa;
- 16 Ni mbingano wu lo relela wuya kwaleyo klelweni ga magumeso ya xitsunga lexo xi yimileko mahlweni ka minzelelo ya nwana wa Hinnome,

- lexo xi nga minzelelweni ya Refaime ngomama ni nwalungu; wona wu lo relela wuya minzelelweni ya Hinnome, leno klelweni ga Jebusi ngomameni ni dzonga, wu relela wuya le Enrogeli;
- 17 Na wona wu panza hi mgomama ya le nwalungu, ni ku huma le handle Enxemexe, ni ku huma le handle wuya le Gelilote, le ku nga klatukweni lowo wucwukeneko ni le hehla ka Adunima; na wona wu huma wu relela wuya le ribyeni ga Bohani a nwana wa Rubeni;
- 18 Wona wu lo hunza wu longoloka klatukweni ku cuwukeneko ni Araba ngomameni ni nwalungu, ni kuya wu relela wuya le Araba;
- 19 Ni mbingano wu lo hunza wu longoloka le klelweni ga Betihogla ngomameni ni nwalungu; ni ku huma ka wona wuya handle a mbingano ku wa hi le trani ya nwalungu ya Bimbi ga Munyu, hi magumelweni ya le dzonga ya le Jordani: lowu wu wa hi mbingano wa le dzongeni.
- 20 Ni Jordani ku wa hi mbingano wa kona le mutsuwukagambo a klelo. Leyi hi tsomba ya banana ba ka Benjamini, hi mbingano wa kona wu renzelekeleko, kukotisa hi mingango yabye.
- 21 Makunu a miti ya lixaka la banana ba ka Benjamini kukotisa hi mingango yabye ku wa hi Jeriko, ni Betihogla, ni Amekeziza,
- 22 Ni Betaraba, na Zemarime, na Beteli,
- 23 Ni Avvima, ni Para, ni Ofra,
- 24 Ni Cefaramoni, ni Openi, ni Geba; kume ni mimbiri a miti ni zimitana za yona:
- 25 Gibeoni, ni Rama, ni Beerote,
- 26 Ni Mizpa, ni Cefira, ni Moza,
- 27 Ni Rekema, ni Irpeeli, ni Tarala,
- 28 Ni zela, ni Elfa, ni Jebusi (kwaleyo Jerusalema), Gibeate, ni Kirlate; kume ni mune a miti ni zimitana za kona. Leyi hi tsomba ya banana ba ka Benjamini kukotisa hi mingango yabye.

XIPIMO 19.

- 1 Ni hlolo ya wumbiri yi lo huma hi ba ka Simeoni, lona a lixaka la banana ba ka Simeoni kukotisa hi mingango yabye: ni tsomba yabye yi wa hi xikari ka tsomba ya banana ba ka Juda,

- 2 Bona ba wa hi nayo a tsomba yabye le Berexeba, kutani Xeba, ni Mola-dade,
- 3 Ni Hezarxuale, ni Bala, ni Ezeme,
- 4 Ni Eltolada, ni Betula, ni Horma,
- 5 Ni Ziklagi, ni Betimarkabote, ni Hazarsusa,
- 6 Ni Betlebaote, ni Xaruheni; i kume ga miti ni minharu ni zimitana za yona:
- 7 Aina, Rimoni, ni Etere, ni Axani; mune wa miti ni zimitana za yona:
- 8 Ni yonkle a mitanyana leyi yi nga wa renzelekele leyi a miti kala le Baalatbeera, ni Rama ga le Dzongeni. Leyi hi tsomba ya lixaka la banana ba ka Simeoni kukotisa hi mingango yabye.
- 9 Hi xipanze xi humako hi le ka banana ba ka Juda xona xi wa hi tsomba ya banana ba ka Simeoni; hakuba axiabelo xa banana ba ka Juda xi wa hunzeletile a lipimo labye: hi-kwa laho a banana ba ka Simeoni ba wa hi tsomba xikari ka tsomba yabye.
- 10 Ni hlolo ya wunharu yi lo huma hi banana ba ka Zebuluni kukotisa hi mingango. Ni mbingango wa tsomba yabye wu wa hi le Saride;
- 11 Ni mbingano wabye wu wa ku kanziya hi le muhlwagambo a ngomama ya kona, kala Marala, wu cikela le Debexete; wona wu cekela le xicongwaneni lexi xi nga le mahlweni ka Jokneame;
- 12 Na wona wu klela hi Sarida hi ngomama ya le mutsuwukagambo a ngomama ni musukagambo kala le mbinganweni ni le Cislottitabora; wona wu lo huma le handle ka le Daberate, ni ku kanziya wuya le Jafia;
- 13 Ni ku sukela leyo, wona wu hunza wu longoloka ngomameni ni mutsuwukagambo a kuya Gatehare, kuya Etikazini; wona wu huma le handle hi le Rimoni, legi gi hunzeleleko gi huma le Nea;
- 14 Ni mbingano wu lo klela wu renzeleka wuya nwalungu leyo Hanatoni; ni ku humelela ka wona wuya handle hi le minzelelweni ya Ifta-heli;
- 15 Ni Katate, ni Nahalala, ni le Ximroni, ni le Idala, ni le Betlehema; kume ni mimbiri a miti ni zimitana za yona.
- 16 Leyi hi tsomba ya banana ba ka Ze-

- buluni kukotisa hi mingango yabye, leyi a miti ni zimitana za yona.
- 17 Ni hlolo ya wumune yi huma hi banana ba ka Isakare, bona a banana ba ka Isakare kukotisa hi mingango yabye.
- 18 Ni mbingano wabye wu wa hi le Jereeli, ni Cesulota, ni le Xunemu,
- 19 Ni le Hafaraime, ni le Xioni, ni le Anaharate,
- 20 Ni Rabita, ni Kixoni, ni Ebeze,
- 21 Ni Remete, ni Enganime, ni Enhada, ni Betipazeze,
- 22 Ni mbingano wu cikela leyo Tabora, ni le Xahazuma, ni Betixemexe; ni ku huma le handle ka mbingano wabye ku wa hi le Jordani: kume ni klanu ni munwe a miti ni zimitana za yona.
- 23 Leyi hi tsomba ya lixaka la banana ba ka Isakare kukotisa hi mingango yabye, a miti ni zimitana za yona.
- 24 Ni hlolo ya wunklanu yi lo huma hi lixaka la banana ba ka Axeri ku kotisa hi mingango yabye.
- 25 Ni mbingano wabye ku wa hi le Helkate, ni Hali, ni Betene, ni Axafa,
- 26 Ni Alameleke, ni Amada, ni Mixale; wona wu cikela le Karmeli le muhlwegambo, ni Xihoralibnate;
- 27 Na wona wu lo klela wu komama le kusukako gambo le Betidagoni, ni ku cikela le Zebuluni, ni le minzelelweni ya le Iftaheli ngomameni ni zwalungu le Betemeka ni le Neieli; wona wu lo huma le handle le Kabule hi canjeni ga xibaba,
- 28 Ni Ebroni, ni Rehoba, ni Hamoni, ni Kana, ni le Sidoni wa hombe;
- 29 Ni mbingano wu lo klelela le Rama, le mutini wu gingisisilweko wa Tire; ni mbingano wu klelela le Hosa; ni ku huma ka wona wuya le handle hi le bimbini hi matikwaneni ya le Akziba;
- 30 Uma kambewo, ni Afeka, ni Rehoba: makume mambiri ni mimbiri a miti ni zimitana za yona.
- 31 Leyi hi tsomba ya lixaka la banana ba ka Axeri kukotisa hi mingango yabye, leyi a miti ni mitana ya yona.
- 32 A hlolo ya wunklanu ni yinwe yi lo huma hi lixaka la banana ba ka Naftali, bona a banana ba ka Naftali kukotisa hi mingango yabye.
- 33 Ni mbingano wabye wu wata hi Helefe, ku sukela hi Oake wa le Zaunanimi, ni Adaminekeba, ni Jabneeli, kala Lakuma; ni ku huma handle ka wona ku wa hi le Jordani;
- 34 Ni mbingano wu klelela hi ngomama ya muhlwegambo kuya Aznotabora, ni ku huma le handle hi leyo wuya le Hukoka; na wona wu lo cikela leyo Zebuluni hi le dzongeni, ni ku cikela leyo Axeri hi le muhlwegambo, ni ka Juda leyo Jordani hi ngomama ya musukagambo.
- 35 Ni miti yi gingisisilweko ku wa hi Zidima, Zera, ni Hamate, Rakate, ni Cinerete,
- 36 Ni Adama, ni Rama, ni Hazora,
- 37 Ni Kedexe, ni Edrei, ni Nhezora,
- 38 Ni Ironi, ni Migdalela, ni Horema, ni Betanate, ni Betixemexe; kume ni klanu ni mune a miti, ni mitana ya yona.
- 39 Leyi hi tsomba ya lixaka la banana ba ka Naftali kukotisa hi mingango yabye, a miti ni mitanyana ya yona.
- 40 Ni hlolo ya klanu ni wumbiri yi lo huma hi lixaka la banana ba ka Dani kukotisa hi mingango yabye.
- 41 Ni mbingano wa tsomba yabye ku wa hi Zora, ni Extali, ni Irxemexe,
- 42 Ni xaalabini, ni Aijaloni, na Ithla,
- 43 Na Eloni, na Timna, na Ekroni,
- 44 Ni Elteke, ni Gibetoni, ni Baalate,
- 45 Ni Jehuda, ni Beneberake, ni Gethrimoni,
- 46 Ni Mejarkoni, ni Rakoni, ni mbingano wu cungeteneko ni klatuko wa Jopa.
- 47 Ni mbingano wa banana ba ka Dani wu lo huma le handle klatukweni wabye; hakuba a banana ba ka Dani ba lo huma le handle ba yalwa ba vukela Lexema, ni ku teka wona, ni ku hlasela gona hi wukla ga supado, ni ku fumela gona, ni kuaka kona, ni ku bita Lexema, Dani, anzako ka bito ga Dani raru wabye.
- 48 Leyi hi tsomba ya lixaka la banana ba ka Dani kukotisa hi mingango yabye, leyi a miti ni mitana ya yona.
- 49 Zingaho ba lo gumelwa a kuabanyiselela a tiko a kuba tsomba hi mimbiningano ya gona; ni banana ba ka Israeli ba lo nyika a tsomba ka Joxua a zwana wa Nuni xikari kabye;
- 50 Kukotisa hi kuleletela ka Jehova bona ba lo mu nyika a muti lowo yena a nga wu wutisile wona, Timnatesera le tikweni ga mitsurana ga le Efraime; na yena i lo aka a muti, i lo tsama ka wona.

51 Leyi hi tšomba, leti Eleazare a mupristi, na Joxua a nwana wa Nuni, ni tihloko ta tindlu ta bararu ba tixaka ta banana ba ka Israeli, ba nga wa abanyiselele hi tihlolo a kuba tsomba leyo Xilo mahlweni ka Jehova, le nyangweni ya ntenta ga muklangano. Zingaho bona ba lo gumelwa a ku abanyiselele a tiko.

XIPIMO 20.

- 1 Na Jehova i lo wulawula ka Joxua, aku,
- 2 Wulawula ka banana ba ka Israeli, uku, Langanani nwinani a miti ya ziponelo, leyo ha yona mina nzi nga wa wulawulile ka nwinani ba Mosi,
- 3 Lezaku a mudayi wa munhu loye a dayako kani hiwili munhu hi kuhohetisisilweko na ku nga hi hawomu a fela kuabela leyo: yona yi ta kuba ka nwinani a kuba ziponelo a ka mupoteli wa nkata.
- 4 Na yena i taabela ka munwe wa leyo miti, ni ku yima laho kuengeneni ka nyangwa ya muti, a klatlambutela a nanzu wa yena tindlebeni ta masingalakati ya lowo a muti; na bona ba ta teka yena baya naye lomo mutini ka bona, ni ku nyika yena a wutsamo, lezaku yena aka xikari ka bona.
- 5 Ni loku a mupoteli wa nkata a hlongolisa le nzako ka yena, zonake bona ba nga ta muniyikela a mudayi wa munhu le mandleni ya yena; hakuba yena a nga dayangi wa akelwane wa yena hawomu, yena a nga mu bengangi hi mahlweni ka xikati.
- 6 Yena i ta tsama ka lawo a muti, kala yena a yima mahlweni ka klangano akuba a lamulwa, kala a kufa ka mupristi loye a nga ka lawo masiku; zonake a mudayi wa munhu i ta klelela, ata leyo mutini wa ka kabye, ni le ndlwini ya ka kabye, ka lowo muti yena a tsutsumileko hi ka wona.
- 7 Na bona ba lo yimisa Kedexe leyo Galile le tikweni ga mitsurana ga le Naftali, ni Xecema le tikweni ga mitsurana ga le Efraime, ni Kiriatarba (kwaleyo Hebroni) lomo tikweni ga ka Juda.
- 8 Ni klatuko wa Jordani leyo Jeriko ngomameni ni mutsuwukagambo, bona ba lo langa Bezera le xiwuleni le mikobeni lomo lixakeni la ka Rubeni, ni Remote le Gileade lomo

lixakeni la ka Gadi, ni Golani ni Baxani lomo lixakeni la ka Manasa.
 9 Leyi yi wa hi miti leyi yi nga wa langilwe ka bonkile a banana ba ka Israeli, ni mulubeli loye a lubeleko xakari ka bona, lezaku ka ngwakyini a dayako a munhu na ku hi hi kuhohetisisilweko a fela a ku tsutsumela leyo; a ngafi hi canja ga mupoteli wa nkata, kala yena a yima mahlweni ka klangano.

XIPIMO 21.

- 1 Zonake ku tsinela ku suhani a tihloko ta tindlu ta bararu ta ba ka Levi ka Eleazare a mupristi, ni ka Joxua a nwana wa Nuni, ni ka tihloko ta tindlu ta bararu ta maxaka ya banana ba ka Israeli;
- 2 Na bona ba lo wulawula ka bona leyo Xilo le tikweni ga le Kenani, baku, Jehova i leletele ha Mosi a ku nyika hina a miti a ku tsama kona, zinwe ni mazunze ya kona akuba ya tihomu ta hina.
- 3 Ni banana ba ka Israeli ba lo nyika ka ba Levi le tsombeni yabye, kukotisa hi kuleletela ka Jehova, leyi a miti ni mazunze ya yona.
- 4 Ni hlolo yi lo huma hi minganga ya ka Kohate: ni banana ba ka Aroni a mupristi, labo ba nga wa hi ba ka Levi, ba wa kuma hi tihlolo lomo ka lixaka la ka Juda, ni lomo lixakeni la ka Simeoni, ni ka lixaka la ka Benjamini, kume ni minharu a miti.
- 5 Ni bonkile a banana ba ka Kohate ba lo kuma hi tihlolo lomo mingangweni ya lixaka la ka Efraime, ni lomo lixakeni la ka Dani, lomo lixakeni la kihlanya la ka Manasa, a kume ga miti.
- 6 Ni banana ba ka Gerxoni ba lo kuma hi tihlolo lomo mingangweni ya lixaka la ka Isakare, ni lomo lixakeni la ka Axeri, ni lomo lixakeni la ka Naftali, ni ka lixaka la kihlanya la ka Manasa leyo Baxani, kume ni minharu a miti.
- 7 Ni banana ba ka Merari kukotisa hi mingango yabye ba lo kuma lomo lixakeni la ka Rubeni, ni lomo lixakeni la ka Gadi, ni lomo lixakeni la ka Zebuluni, kume ni mimbiri a miti.
- 8 Ni banana ba ka Israeli ba nyika hi tihlolo ka ba ka Levi leyi a miti zinwe ni mazunze ya yona, kwatsi hilezi Jehova a leleteleko ha Mosi.

- 9 Na bona ba lo nyika lomo ka lixaka la banana ba ka Juda, ni ka lixaka la banana ba ka Simeoni, a miti leyi laha yi kumbuxetilweko hi mabito :
- 10 Yona yi wa hi ya banana ba ka Aro-ni, ya mingango ya ba Kohate, labo ba nga wa hi banana ba ka Levi ; hakuba a hlolo ya kuranga yi wa hi yabye.
- 11 Bona ba lo nyika bona Kiriatarba, lowu Arba a nga wa hi raruwamuni wa Anake (kwaleyo Hebroni), ti-kweni ga mitsurana ya ka Juda, ni mazunze ya kona ma wu ranzeleko wona.
- 12 Kanilezi a masimu ya muti, ni zimi-tana za kona, ba lo nyika bona ka Kalebe a nwana wa Jefuna akuba a tsomba ya yena.
- 13 Ni ka banana ba ka Aroni a mu-pristi bona ba lo nyika Hebroni zi-nwe ni mazunze ya kona, a muti wa wucabelo ga mudayi wa munhu, ni Libna zinwe ni mazunze ya kona,
- 14 Ni Jatira zinwe ni mazunze ya kona, ni Extemoa zinwe ni mazunze ya kona,
- 15 Na Holoni zinwe ni mazunze ya kona, ni Debira zinwe ni mazunze ya kona,
- 16 Ni Aini zinwe ni mazunze ya kona, ni Juta zinwe ni mazunze ya kona, ni Betixemexe zinwe ni mazunze ya kona ; nk'lanu ni mune a miti ya lomo ka tixaka zimbiri.
- 17 Ni lomo lixakeni la ka Benjamini, Gibeoni zinwe ni mazunze ya kona, ni Geba zinwe ni mazunze ya kona,
- 18 Antote zinwe ni mazunze ya kona, ni Almoni zinwe ni mazunze ya kona ; mune wa miti.
- 19 Yonkle a miti ya banana ba ka Aro-ni, a mupristi, yi wa hi kume ni mi-nharu ni mazunze ya yona.
- 20 Ni mingango ya banana ba ka Ko-hate, a ba ka Levi, bona bonkle a banana ba ka Kohate, bona ba wa hi ni miti hi tihlolo tabye lomo lixakeni la ka Efraime.
- 21 Na bona ba lo nyika bona Xekema zinwe ni mazunze ya kona lomo ti-kweni ga mitsuri ya le Efraime, a miti ya wucabeli ga mudayi wa munhu, ni Gezera ni mazunze ya wona,
- 22 Ni Kibzaima ni mazunze ya kona, ni Bethoroni zinwe ni mazunze ya kona ; mune wa miti.
- 23 Ni lomo lixakeni la ka Dani, Elteke zinwe ni mazunze ya kona, Gibetoni zinwe ni mazunze ya kona,
- 24 Aijaloni zinwe ni mazunze ya kona, Gatirimoni zinwe ni mazunze ya ko-na ; mune wa miti.
- 25 Ni lomo ka kihlanya ga lixaka la ka Manasa, Taanake zinwe ni mazunze ya kona, ni Gatirimoni zinwe ni ma-zunze ya kona ; miti mimbiri.
- 26 Yonkle a miti ya mingango yonkle ya banana bonkle ba ka Kohate yi wa hi kume ni mazunze ya kona.
- 27 Ni ka banana ba ka Gerxoni, ba mingango ya ba ka Levi, lomo ka lixaka la kihlanya la ka Manasa bona ba lo nyika Golani lomo leyo Baxani zinwe ni mazunze ya kona, a muti wa ku cabela a mudayi wa munhu, ni Bexetera zinwe ni mazunze ya kona, a miti mimbiri.
- 28 Ni le lixakeni la ka Isakare, Kixioni zinwe ni mazunze ya kona, Daberate zinwe ni mazunze ya kona,
- 29 Jermuta zinwe ni mazunze ya kona, Enganima zinwe ni mazunze ya ko-na ; mune wa miti.
- 30 Ni lomo lixakeni la ka Axeri, Mi-xali zinwe ni mazunze ya kona, ni Abdoni zinwe ni mazunze ya kona,
- 31 Helkata zinwe ni mazunze ya kona, ni Rehoba zinwe ni mazunze ya ko-ka ; mune wa miti.
- 32 Ni lomo lixakeni la ka Naftali, Ke-dexe leyo Galile zinwe ni mazunze ya kona, a muti wa wucabelo ga mudayi wa munhu, ni Hamotadora zinwe ni mazunze ya kona, ni Ka-rtani zinwe ni mazunze ya kona ; miti minharu.
- 33 Yonkle a miti ya ba ka Gerxoni ku-kotisa hi mingango yabye yi wa hi kume ni minhari a miti ni mazunze ya yona.
- 34 Ni ka mingango ya banana ba ka Merari, bonkle a ba ka Levi, hi lomo lixakeni la ba ka Zebuluni, Joknea-mu, zinwe ni mazunze ya kona, ni Karta zinwe ni mazunze ya kona,
- 35 Dimna zinwe ni mazunze ya kona, Nahalala zinwe ni mazunze ya kona ; mune wa miti.
- 36 Ni lomo lixakeni ka Rubeni, Bezera zinwe ni mazunze ya kona, ni Ja-baza zinwe ni mazunze ya kona,
- 37 Kedemote zinwe ni mazunze ya ko-na, ni Mefate zinwe ni mazunze ya kona ; mune wa miti.
- 38 Ni lomo ka lixaka la ka Gadi, Ra-mote leyo Gileade zinwe ni mazunze

- ya kona, a muti wa wucabelo ga mudayi wa munhu, ni Mahanaime ni mazunze ya kona,
- 39 Hexbani zinwe ni mazunze ya kona, Jazera zinwe ni mazunze ya kona; mune wa miti ka konkle.
- 40 Yonkle yi wa hi a miti ya banana ba ka Merari, kukotisa hi mingango yabye, yona yonkle a mingango ya ba ka Levi; ni hlolo yabye yi wa hi a kume ni mimbiri a miti.
- 41 Ni yonkle a miti ya ba ka Levi leyi yi nga lomo xikari ka tsomba ya banana ba ka Israeli yi wa hi mune wa makume ni nkhanu ni minharu a miti ni mazunze ya yona.
- 42 Leyi a miti yonklelele zinwe ni mazunze ya yona ma yi renzelekeleko: zi wa kungahl ka yonkle leyi a miti.
- 43 Zingaho Jehova i lo nyika ka Israeli gonkle atiko lego yena a nga wa hlambanyile a ku nyika ka badadani babye; na bona ba lo teka gona, ni ku tsama ka gona.
- 44 Ni Jehova i lo nyika bona a kuhumula ka wonkle maklelo, kukotisa ka lezo a nga wa hlambanyile ka badadani babye: laho kuwa nga yimangi a munhu wa bonkle a balala babye mahlweni ka bona; na Jehova i lo nyikela bonkle a balala babye le canjeni babye.
- 45 Leyo a ku tsanzekangi ni xilo xa zilo zi faneleko ni xihi xosasa lexo Jehova a nga wa wulawulile ka yindlu ya ka Israeli; zonkle zi wa lo mabheka.

XIPIMO 22.

- 1 Zonake Joxua i lo bitana a ba ka Rubeni, ni ba ka Gadi, ni ba kihlanya ga lixaka la ka Manasa,
- 2 Na te ngalo ka bona, Nwina mu hlaysile zonkle lezo Mosi a nanza ga Jehova a leleteleko nwina, na mu ingisile ni ka gezu ga mina a ka zonkle lezo mina nzi leleteleko nwina:
- 3 Nwina a mu tsikangi a bamakabye ba nwina laya masiku yo tala kala legi siku, kanilezi nwina mu hlaysile a kuwula ka kuleletela ka Jehova a Nungungulu wa nwina.
- 4 Makunu Jehova a Nungungulu wa nwina i nyikile a kuhumula ka bamakabye ba nwina, kwatsi hilezi a wulileko ka bona: hikwalaho klelani nwina makunu, muya nwina matenteni ya nwina, le tikweni ga tsomba ya nwina, lego Mosi a nanza

ga Jehova a nyikileko klatukweni wa Jordani.

- 5 Kumbela teka a ku tsonameta u klariba a ku maha a kuleletela ka nayo lowo Mosi a nanza ga Jehova a leleteleko wena, a ku ranza Jehova a Nungungulu wa wena, a ku famba hi tindlela ta yena, ni ku hlaysa a zileletelo za yena, ni ku namarela ka yena, ni kukozela yena hi mbilu ya wena yonkle ni muhefemulo wa wena wonkle.
- 6 Zingaho Joxua i lo katekisa bona, i lo ba fambisa; na bona ba loya le matenteni yabye.
- 7 Makunu ka linwe a kihlanya la lixaka la ka Manasa Mosi i wa nyikile a tsomba leyo Baxani; kanilezi ka ginwani a kihlanya i lo nyika Joxua xikari ka bamakabye babye klatukweni wa Jordani ngomama ni muhlwagambo. Klatakumbiri laha Joxua nga wa ba rumele matenteni yabye, yena i lo katekisa bona.
- 8 I lo wulawula ka bona, aku, Kleleleni mu hi ni pfuno wa hombe le matenteni ya nwina, na mu hi ni tihomu to tala nguvu, zinwe ni siliva, zinwe ni nzalama, zinwe ni suku, na zinwe ni ziketse, zinwe ni tinguwo to tala nguvu: abelanani a mupango wa balala ba nwina zinwe ni bamakabye ba nwina.
- 9 Ni banana ba ka Rubeni ni banana ba ka Gadi ni ka kihlanya ga lixaka la ka Manasa ba lo klela, ba lo suka ka banana ba ka Israeli leyo Xilo, lego gi nga wa hi tikweni ga le Kenani, a kuya le tikweni ga le Gileade, le tikweni ga tsomba ya bona, lego bona ba nga wa gi tekile, kukotisa hi kuleletela ka Jehova ha Mosi.
- 10 Ni laha ba nga wa tile matikwani ni ya kwaleyo Jordani, lezaku lomu tikweni ga le Kenani, a banana ba ka Rubeni ni banana ba ka Gadi ni kihlanya ga lixaka la ka Manasa ba lo aka a alati hi le Jordani, a alati ga hombe a ku cuwuka hehla ka gona.
- 11 Ni banana ba ka Israeli ba lozwa ku wulwa, Languta, a banana ba ka Rubeni ni banana ba ka Gadi ni ka kihlanya ga lixaka la ka Manasa ba akile a alati ngoheni ya tiko ga le Kenani, matikwanini ma nga leyo Jordani, hi klelo legi gi nga ga banana ba ka Israeli.
- 12 Ni laha a banana ba ka Israeli ba nga wa zwile ha kona, a klangano

- wonkle wa banana ba ka Israeli ba lo tsombana a wutsumbu gabye katiginye leyo Xilo, a ku kanziya baya vukela bona hi impi.
- 13 Ni banana ba ka Israeli ba lo rumela ka banana ba ka Rubeni, ni ka ba ka Gadi, ni ka kihlanya ga lixaka la ka Manasa, le tikweni ga le Gileade, Fincasi a nwana wa Eleazare a mupristi,
- 14 Ni zinwe na yena a kume ga tihosana, a hosana yinwe ya yindlu ya raru ka linwe ni linwani la tixaka tonkle ta banana ba ka Israeli; na bona bonk'elele ba bona a bloko ya yindlu ya bararu xikari ka makume mazana ya ka Israeli.
- 15 Na bona ba lota ka banana ba ka Rubeni, ni ka banana ba ka Gadi, ni ka kihlanya ga lixaka la ka Manasa, le tikweni ga le Gileade, na bona ba lo wulawula zinwe na bona, baku,
- 16 Zakungahi wu wulako wonkle a klangano wa ka Jehova, Zihambuko za ku yini lezi nwina mu zi mahileko mu vukela ka Nungungulu wa ka Israeli, a ku hunzulukela kule legi siku le ku lanzeleni Jehova, ka lezo nwina mu ti akeleko ka nwina a alati, a ku hlubuka legi siku mu vukela Jehova ke?
- 17 Ka xana a xigoho xa ka Peora xi tsongwani ka hina ke, ka xona lexo hina a hi basisangi a wutsumbu ga hina kala legi siku, hambutana lezo ku lota a tungu hehla ka klangano wa ka Jehova,
- 18 Lezaku nwina mu fela yini a ku hunzulukela kule ku lanzeleni Jehova legi siku ke? ko wonwa lezaku, nwina ma hlubuka nyamukla mu vukela Jehova, lezaku manziko i taba a zangara hi wonkle a klangano wa ka Israeli.
- 19 Ahemba, loku gi nga a tiko ga tsomba ya nwina gi nga hlazekangi, hunzani mu klatuka mu ya tikweni ga tsomba ya ka Jehova, laho tabernakele ga Jehova gi tsamileko, ni ku teka a tsomba xikari ka hina: kanilezi mu nga hlubuki mu vukela Jehova, ge ni ku hlubuka mu vukela hina, laha ka kuaka a alati hi lahandle ka alati ga Jehova a Nungungulu wa hina.
- 20 Xana Akana a nwana wa Zera a nga mahangi a xikubeko zilo zipangilweko, ni zanga yi wela hehla ka wonkle a klangano wa ka Israeli ke?
- ni loye a munhu a nga loyiswangi yece lomo zonzweni za yena.
- 21 Zonake a banana ba ka Rubeni ni banana ba ka Gadi ni ka lixaka la kihlanya ga ka Manasa ba lo hlamula, ni ku wulawula ka tihloko ta makume mazana ya ka Israeli,
- 22 A Nyamintamo Munwe, Nungungulu, Jehova, A Nyamintamo Munwe, Nungungulu, Jehova, yena a tibako; na Israeli i ta tiba: loku kona ku nga ku hi a hlubuko, kutani loku ku nga ku hi hambuko ka ku vukela Jehova (mu nga hi ponisa hina wena legi siku),
- 23 Lezaku hina a hi akile ka hina a alati a ku hunzuluka kule ku lanzeleni Jehova; kutani ku nyikela a muniyikelo wa kuhiswa kutani a muniyikelo wa tinzoho, kutani a kupahlela a miniyikelo ya kurula kona, nga na Jehova a wutsumbu ga yena a ku wutisa kona;
- 24 Ni loku hina hi kuhlolisiseni hi nga lo ku maha kona, na hawomu, hiku, Hi xikatini xi tako a banana ba nwina ba ta wulawula ka banana ba hina, baku, Xini nwina mu ta nga maha na Jehova, a Nungungulu wa ka Israeli ke?
- 25 Hakuba Jehova i mahile a Jordani a mbingano mahlweni ka nwina na hina, nwina banana ba ka Rubeni na nwina banana ba ka Gadi; nwina a mu na xiabelo ka Jehova: zingaho kasi ba fela a ku a banana ba nwina ba maha a banana ba hina ba kawula a ku caba Jehova.
- 26 Hikwalaho hina hi te ngalo, Nga na hina hi longisa kuakela hina a alati, na gi nga hi ga muniyikelo wa kuhiswa, ge ni kuba mu pahlelo:
- 27 Kanilezi gi taba a wukustumunyu xikari ka hina na nwina, ni xikari ka zizukulwana za hina anzako ka hina, kasi hina ha fela ku maha ankozo ya Jehova mahlweni ka hina, hi miniyikelo ya hina ya kuhiswa, zinwe ni pahlelo ya hina, zinwe ni miniyikelo ya hina ya kurula; kasi a banana ba nwina ba kala kuwula ka banana ba hina hi xikatini xi tako, Nwina a mu na xiabelo ka Jehova.
- 28 Hikwalaho ku lo wula hina, Ku taba lezo, laha bona na ba wula lezo ka hina kutani ka zizukulwana za hina hi xikatini xi tako, lezaku hina hi ta wula, Langutani a xipimanyeto xa

- alati ga Jehova, lexo a bararu ba hina ba xi mahileko, na xi nga hi xa munyikelo wa kuhiswa, ge ni xa mupahlelo; kanilezi mbukustumunyu xikari ka hina na nwina.
- 29 A kube kule kona ka hina lezaku hi wa tanga hi hlubuka hi vukela Jehova, ni ku hunzulukela kule legi siku ku lanzeleni Jehova, a ku aka a alati ga munyikelo wa kuhiswa, ni munyikelo wa tinzoho, kutani mupahlelo, hi lahandle ka alati ga Jehova a Nungungulu wa hina lego gi mahlweni ka tabernakele ga yena.
- 30 Ni laha Fineasi a mupristi, ni tihosana ta klangano, tona a tihloko ta makume mazana ya Israeli labo ba nga wa hi zinwe naye, ba zwile timhaka leto a banana ba ka Rubeni ni banana ba ka Gadi ni banana ba ka Manasa ba wulawulileko, ti lo tangalisa bona kwatsi.
- 31 Na Fineasi a nwana wa Eleazare a mupristi i te ngalo ka banana ba ka Rubeni, ni ka banana ba ka Gadi, ni ka banana ba ka Manasa, Legi siku ha zi tiba lezaku Jehova i kona xikari ka hina, hakuba nwina a mu mahangi lexi xihambuko ku vukela Jehova: makunu nwina mu klaklisile a banana ba ka Israeli canjeni ga Jehova.
- 32 Na Fineasi a nwana wa Eleazare a mupristi, ni tihosana ba lo klela, le ka banana ba ka Rubeni, ni ka banana ba ka Gadi, lomo tikweni ga le Gileade, baya tikweni ga le Kenani, ka banana ba ka Israeli, ba lo neha ka bona a mhaka kambe.
- 33 Ni xilo xi lo xalalisa a banana ba ka Israeli; ni banana ba ka Israeli ba lo katekisa a Nungungulu, a ba ha engetangi kambe ba wulawula a ku kanziya baya vukela hi impi, a ku ya hlasela a tiko lego a banana ba ka Rubeni ni banana ba ka Gadi ba tsamileko.
- 34 Ni banana ba ka Rubeni ni banana ba ka Gadi ba lo cula a alati Edi: Hakuba, ba wa te ngalo, mbukustumunyu xikari ka hina lezaku Jehova nzi Nungungulu.

XIPIMO 23.

- 1 Na ku mahisile lezo anzako ka masiku yo tala, laha Jehova a nga wa nyikile khumula ka Israeli le ka bonkle a balala babye ba renzele-

- keleko, na Joxua i wa hi wa kale na kosahle malembeni;
- 2 Lezo Joxua i bitana Israeli wonkle, a masingalakati yabye ni tihloko tabye, ni balamuli babye ni tinduna tabye, na a te ngalo ka bona, Mina nzi wa kale nzi kosahle malembeni:
- 3 Na nwina mu wonile lezo zonkle Jehova a Nungungulu wa nwina a zi mahileko ka wonkle laya matiko hakuba ha nwina; hakuba Jehova a Nungungulu wa nwina, yena hi yena loye a lweleko nwina.
- 4 Langutani, mina nzi mu hlalhubele laya matiko ma seleko, akube mabe a tsomba ka tixaka ta nwina, ku sukela le Jordani, zinwe ni tonkle tixaka leto mina nzi ti tsemileko, ku kala ku cikela le bimbini ga hombe ngomameni ya ku relela ka gambo.
- 5 Na Jehova a Nungungulu wa nwina, yena i ta ba panzanya bona ba suka mahlweni ka nwina, ni ku hlongola bona ba suka kuwoneni ka nwina; na nwina mu ta teka a tiko gabye, kwatsi hilezi Jehova a Nungungulu wa a wulileko ka nwina.
- 6 Hikwalaho nga nwina mu tiyisa nguvu a mbilu a ku hlaysia ni ku maha zonkle lezo zi tsalilweko lomo bukweni ga, nayo wa Mosi, lezaku nwina mu nga hambuki ku suka ka kona a ka ga xinene canja ni ka ga xibaba;
- 7 Lezaku nwina mu ngati xikari ka laya matiko, laya ma seleko xikari ka nwina; ge ni ku kumbuka a bito ga banungungulu babye, kutani ku maha ku hlambanya ha bona, ge ni kukozela bona, ge ni korama a wutsumbu ga nwina ka bona;
- 8 Kanilezi namarelani ka Jehova a Nungungulu wa nwina, kwatsi hilezi nwina mu mahileko kala legi siku.
- 9 Hakuba Jehova i hlongolisile le mahlweni ka nwina a matiko ya hombe ma nga ni ntamo: kanilezi kwatsi ha nwina, a nga kona a munhu a yimako mahlweni ka nwina kala legi siku.
- 10 A munwe munhu wa nwina i ta hlongola a kume ga mazana; hakuba Jehova a Nungungulu wa nwina, yena hi yena a lwelako nwina, kwatsi hi kuwulawula ka yena ka nwina.

- 11 Tekani a tsonameto wa ku~~l~~arilha hikwalaho ka wutsumbu ga *nwina*, kasi *nwina* ma ranza Jehova a Nungungulu wa *nwina*.
- 12 Kasike loku *nwina* mu *klela* ha xinzakwana, ni ku namarela ka misalela ya laya matiko, bona laba ba seleko xikari ka *nwina*, mu maha kutekana zinwe na bona, muya ka bona, na bonawu ka *nwina*;
- 13 Zi tibeni ha kunene lezaku Jehova a Nungungulu wa *nwina* a nga ta ha hlongola laya a matiko ma suka ma huma kuwoneni ka *nwina*; kanilezi bona ba ta maha a mapanya ni miklamu ka *nwina*, ni timbirimbi marebeni ya *nwina*, ni mizwa mahlweni ya *nwina*, kala *nwina* mu lobyiswa ka legi tiko go saseka legi Jehova a Nungungulu wa *nwina* a nyikileko *nwina*.
- 14 Ni, langutani, legi siku mina nza famba hi *nlela* ya yon~~kle~~ a misaba: *nwina* ma zi tiba timbilwini ta *nwina* tonkle ni lomo mihefemulweni ya *nwina* yon~~kle~~, lezaku a ku kona ni xilo xinwe xi tsanzekileko xa zon~~kle~~ a zilo za nongameto lezo Jehova a Nungungulu wa *nwina* a wulawulileko xungetano na *nwina*; zon~~kle~~ zi mahékile ka *nwina*, a ku kona na xilo xinwe xi tsanzekileko ka zona.
- 15 Kona ku taku na ku mahisile lezo, kwatsi hilezi a zilo zon~~kle~~ za kusasa zi ta ngata hehla ka *nwina* zalezi Jehova a Nungungulu wa *nwina* a wulawulileko ka *nwina*, zingaho Jehova i ta neha hehla ka *nwina* zon~~kle~~ a zilo za kubihla, kala yena a lobisa *nwina* mu suka kule ka legi tiko ga kusaseka legi Jehova a Nungungulu wa *nwina* a nyikileko *nwina*.
- 16 Laha na *nwina* mu hambunyeta a xivumelwano xa Jehova a Nungungulu wa *nwina*, lexi yena a leleteleko *nwina*, ni kuya mu ya kozela a banwani banungungulu, ni ku korama a wutsumbu ga *nwina* ka bona; zonake a zanga ya Jehova yi ta vin~~lukis~~wa yi vukela *nwina*, na *nwina* mu ta mbetiswa hi kuha~~klis~~isweko ka legi tiko ga kusaseka legi yena a nyikileko ka *nwina*.

XIPIMO 24.

- 1 Na Joxua i lo tsombanyisa tonkle a tixaka ta ka Israeli le Xekemi i lo bitana a masingalakati ya ka Israeli, ni tihloko tabye, ni balamuli babye,

ni tinduna tabye; na bona ba lo tisa a wutsumbu gabye mahlweni ka Nungungulu.

- 2 Na Joxua i te ngalo ka bonkle a banhu, Zakungahi a wulako Jehova, a Nungungulu wa ka Israeli, A badadani ba *nwina* a ba lo aka hi xikatini xa kale klatuko wa Congo, yena Tera, a dadani wa Abrahamama, ni dadani wa Nahori: na bona ba lo kozela banwani banungungulu.
- 3 Na mina nzi lo teka a dadani wa *nwina* Abrahamama le klatukweni wa Congo, nzi mu kangeta a tsemakanya gon~~kle~~ a tiko ga Kenani, ni ku enzelekisela a mbewu ya yena, nzi lo nyika yena Isaka.
- 4 Na mina nzi lo nyika ka Isaka Jakobe na Esau: na mina nzi nyikile ka Esau a xitsunga Seire, a ku teka xona; na Jakobe ni banana ba yena ba lo relela baya le Gipite.
- 5 Na mina nzi yimisile Mosi na Aroni, mina nzi lo yele le Gipite, kukotisa lezo nzi mahileko xikari ka kona: anzako ka lezo mina nzi lo neha *nwina* mu huma.
- 6 Na mina nzi lo neha a badadani ba *nwina* ba huma le Gipite: na *nwina* mu lota le bimbini; ni ba Gipite ba lo hlongolisa le nzako ka bararu ba *nwina* hi tikareta zinwe ni ba kileli ba mahaxi kala le Bimbini go Truka.
- 7 Laha bona ba rilile ka Jehova, yena i lo beka a munyama xikari ka *nwina* ni ba Gipite, na a lo neha a bimbi hehla ka bona, i lo fenengeta bona; ni mahlo ya *nwina* ma wonile lezo mina nzi zi mahileko leyo Gipite: *nwina* mu lo tsama lomo xiwuleni masiku yo tala.
- 8 Na mina nzi lo mu neha lomo tikweni ga ma Amori, lawo ma akileko klatukweni wa Jordani: laho ba ngalwa na *nwina*; na mina nzi lo nyikela wona canjeni ga *nwina*, na *nwina* mu lo teka a tiko gabye; na mina nzi lo lobisa bona ba suka ba huma mahlweni ka *nwina*.
- 9 Zonake Balake a *nwana* wa Zipora, a hosi ya le Moabi, i lo suka i lolwa na Israeli: yena i lo rumela i lo bitana Balaami a *nwana* wa Beora a ku ta pungela *nwina*:
- 10 Kanilezi mina nzi wa nga nzi nga ingisi ka Balaami; hikwalaho yena i su tsonono a katekiswa *nwina*:

- zingaho mina nzi lo klatlisa nwina mu huma le canjeni ga yena.
- 11 Na nwina mu loya le klatuko wa Jordani, mu lota le Jeriko : ni banhu ba le Jeriko ba lolwa ba vukela nwina, mu Amori, ni mu Perezi, mu Kenani, ni mu Hiti, ni mu Gigraxi, ni mu Hivi, ni mu Jebusi ; na mina nzi lo nyikela bona le canjeni ga wena.
- 12 Na mina nzi lo rumela a nyoxi mahlweni ka nwina, leyo yi nga hlongola bona ba huma mahlweni ka nwina, tona a tihosi timbiri ta ma Amori ; ge a hi supado ya wena, ge ni wura ga wena.
- 13 Na mina nzi ku nyikile a tiko lego wena u nga tirangiko, ni miti leyi wena u nga akakingiko, nwina mu aka ka yona ; a xivina ni maolivia laya nwina mu nga byalangiko nwina ma maga.
- 14 Makunu hikwalaho cabani Jehova, ni kukozela yena hi kuranzisisa ni zinene ; ni ku beka kule a banungungulu laba a bararu ba nwina ba nga wa kozela klatukweni wa Congo, ni le Gipite ; ni ku kozela nwina Jehova.
- 15 Ni loku zi nga zi ku kwatsi kubiha ka nwina a ku kozela Jehova, hlawulani legi siku loye mu ta nga mu kozela ; kutani mbanungungulu labo a badadani ba nwina ba nga wa kozela labo ba nga wa hi klatukweni wa Congo, kutani mbanungungulu ba ma Amori, a bahi nwina mu akileko tikweni gabye : kanilezi kwatsi ba mina ni yindlu ya mina, hina hi ta kozela Jehova.
- 16 Ni banhu ba lo hlamula ba te ngalo, Loko a ku be kule na hina lezaku hina hi wa tanga hi tsika Jehova, a ku kozela a banwani banungungulu ;
- 17 Hakuba Jehova a Nungungulu wa hina, yena hi yena loyi a nehileko hina zinwe ni bararu ba hina hi kanziya hi ta hi le tikweni ga le Gipite, le ndlwini ya wukumbi, ni lezaku i mahile laya masingita mahlweni ka hina, ni ku i lonzowotile hina ka yontle a ndlela leyo hi fambileko ha yona, ni xikari ka bonkle a banhu labo xikari kabye hina hi tsemakanyileko hi hunza ;
- 18 Na Jehova i lo hlongola ba huma mahlweni ka hina bonkle a banhu, wona a ma Amori laya ma akileko lomo tikweni : hikwalaho hinawu kambeli ta kozela Jehova ; hakuba yena nzi Nungungulu wa hina.
- 19 Na Joxua i te ngalo ka banhu, Nwina a mu na ku kozela Jehova ; hakuba yena Nungungulu a basileko ; nzi hi Nungungulu wa mona ; yena a nga ta tsetselela a zihambunyeto za nwina ge ni zionho za nwina.
- 20 Loku nwina mu tsika Jehova, ni ku kozela a banungungulu ba matiko, zonake yena i ta hunzuluka a maha ha nwina kubiha, ni ku mbetisa nwina, anzako ka kuba yena a mahile ha nwina kusasa.
- 21 Ni banhu ba te ngalo ka Joxua, Korkwili ; kanilezi hina hi ta kozela Jehova.
- 22 Na Joxua i te ngalo ka banhu, Nwina ma bakustumunyu ba wutsumbu ga nwina lezaku mu hlalwile nwina Jehova, a ku kozela yena. Na bona ba te ngalo, Hina hi bakustumunyu.
- 23 Makunu hikwalaho susani, ku wula yena, a banungungulu ba matiko labo ba ngo xikari ka nwina, ni ku pumunha a timbilu ta nwina ka Jehova, a Nungungulu wa ka Israeli.
- 24 Ni banhu be te ngalo ka Joxua, Jehova a Nungungulu wa hina hina hi ta kozela yena, ni ka gezu ga yena hina hi ta gi ingisa.
- 25 Zingaho Joxua i lo maha a xivumelwano ni banhu lego siku, ni ku beka ka bona zilayelo ni ziyimiso leyo Xekemi.
- 26 Na Joxua i lo tsala leti timhaka lomu bukwi ga nayo wa Nungungulu ; na i lo teka a ribye ga hombe, i lo gi beka leyo lahasi ka oak lowo wu nga wa hi hila ha ndlwini ya Jehova.
- 27 Na Joxua i te ngalo ka banhu, Langutani, legi a ribye gi taba a wukustumunyu a ku vukela hina ; hakuba gona gi zwile tonkle a timhaka ta Jehova leto yena a wulawulileko ka hina : gona hikwalaho gi ta maha a wukustumunyu a ku vukela nwina, ku nga taku nwina mu vukela a Nungungulu wa nwina.
- 28 Zingaho Joxua i lo fambisa a banhu, bonklelele banhu baya tsombeni yabye.
- 29 Na ku mahisile lezo anzako ka lezi zilo, lezaku Joxua a nwana wa Nuni, a nanza ga Jehova, i lofa, na a

- wa hi ni zana ni kume ga malembe a wukale.
- 30 Na bona ba lo kelela yena lomo mbinganweni wa tsomba ya yena leyo Timnatesera, leyo tikweni ga mitsuri ya Efraime, le nwalungu wa xitsunga Gaaxa.
- 31 Na Israeli i lo kozela Jehova wonkle a masiku ya Joxua, ni wonkle masiku ya masingalakati lawo mahanyile anzako ka kuhunza Joxua, ba nga wa tibile wonkle a tiro wa Jehova, lowo a nga wa mahile ka Israeli.
- 32 Ni marambu ya Josefa, laya a banana ba ka Israeli ba nga wa manehile hi leyo Gipite, ba lo kelela wona leyo Xekemi, ka xipanze xa saba lexo Jakobe a nga wa xi xabile ka banana ba ka Hamori a raru wa Xekemi hi zana ga zipanze za mali: bona ba lo maha a tsomba ya banana ba ka Josefa.
- 33 Na Eleazare a nwana wa Aroni i lofa; na bona ba lo kelela yena leyo tsurini wa le Fineasi a nwana wa yena, lowo wu nga wa nyikilwe yena tikweni ga mitsurana ya Efraime.

A BUKU GA BALAMULI.

XIIMO 1.

- 1 Na ku mahisile lezo anzako ka kufa Joxua, lezaku a banana ba ka Israeli ba lo wutisa ka Jehova, baku, Himani a ta nga famba a kanziya ka hina kuranga a ya vukela a ma Kenani, a kulwa a vukela bona ke?
- 2 Na Jehova i te ngalo, Juda i ta kanziya: langutani, mina nzi nyikile a tiko canjeni ga yena.
- 3 Na Juda i te ngalo ka Simeoni a makabye wa yena, Ngona u kanziya ziawe ni hlaliluya ka mina, kasi ha fela a kulwa ni ma Kenani; minawu kambe nzi ta famba ziawe na wena kuhlahlubyeni ka wenawu. Zingaho Simeoni i lo famba ziawe na yena.
- 4 Na Juda i lo kanziya; Jehova i lo nyikela a ma Kenani ni ma Perezi canjeni ga bona: na bona ba lo hlasela bona leyo Bezeki a kume ga kume ga mazana a ba banuna.
- 5 Na bona ba lo kuma Adonibezeki lomo Bezeka; na bona ba lolwa ziawe na yena, ba lo daya a ma Kenani ni ma Perezi.
- 6 Kanilezi Adonibezeki i lo tsutsuma; na bona ba lo hlongolisa le nzako ka yena, ni kuya koma yena, ba lo tsema a tnyala le hombe ni titiho le ta hombe ta mikonzo.
- 7 Na Adonizedeki i te ngalo, nlanu ni mambiri makume tihosi, labo a tnyala tabye ni titiho tabye ti tsemilweko, ba nga wa wungeletele a kuga kabye lahosi ka meza ya mina: kwatsi hilezi mina nzi mahileko,
- zingaho Nungungulu i ku wutisile ka mina. Na bona ba lo neha yena le Jerusalema, yena i lofa leyo.
- 8 Ni banana ba ka Juda ba lolwa ba vukela a Jerusalema, ni ku teka gona, ba lo hlasela gona hi wukla ga supado, ba lo hisa a muti.
- 9 Anzako ka lezo a banana ba ka Juda ba lo relela a ku yalwa ni ma Kenani lawo ma akileko le matikweni ya mitsuri, ni le Dzonga, ni lomo matitikweni ya minzelelo.
- 10 Na Juda i loya vukela ma Kenani lawo ma akileko leyo Hebroni (nakunu a bito ga Hebroni hi mahlweni ka xikati ku wa hi Kiriatarba); na bona ba lo hlasela Xexai, na Ahimani, na Talmai.
- 11 Ni ku sukela leyo bona ba loya ka baakileko ba le Debira (makunu a bito ga Debira hi mahlweni ka ku xikati ku wa hi Kiriatesefera).
- 12 Na Kalebi i te ngalo, Loye a hlase-lako Kiriatesefera, ni ku teka wona, ka yena mina qzi ta nyika Aksa a nhwana mina a sati.
- 13 Na Otnieli a nwana wa Keneza, a makabye wa nzizana wa Kalebi, i lo teka wona: yena i lo nyika yena Aksa nhwana wa yena a a sati.
- 14 Na ku mahisile lezo, lala yena a nga wa tile ka yena, lezaku yena i lo mu kucetela a ku kombela a tiko ka raru wa yena: na yena i lo jatama hi le mbongolweni ya yena; na Kalebi i te ngalo ka yena, u wa ta nga u laba yina xana ke?

- 15 Na yena i wa te ngalo, Nyika mina a katekiso ; hakuba wena u rumile mina le tikweni ga le Dzonga, nyika mina kambewo a tihlowo ta mati. Na Kalebi i lo nyika yena a tihlowo ta le hehla ni tihlowo ta leno hasi.
- 16 Ni banana ba mu Kenani, a makabye wa Mosi hi ka nayo, ba lo huma ba kanziya la handle hi le mutini wa le tisinyeni ta micinzu zinwe ni banana ba ka Juda le xiwuleni xa ka Juda, lexi xi nga le dzongeni ga Arade ; na bona ba loya aka zinwe ni banhu.
- 17 Na Juda i loya na Simeoni a makabye wa yena, ba loya hlasela a ma Kenani lawo ma akileko leyo Zefate, hi kumbetisisilweko bona ba lobisa kona. Ni bito ga muti gi lo bitanwa Horma.
- 18 Kambe Juda i lo teka Gaza zinwe ni mbingano wa kona, ni Axkeloni zinwe ni mbingano wa kona, ni Ekroni mbingano wa kona.
- 19 Na Jehova i wa hi zinwe na Juda ; yena i hlongolisa a baakileko ba matikweni ya migangana ; hakuba yena i wa nga a nga hlongoli ba huma a ba akileko ba lomo minzelelweni, hakuba bona ba wa hi ni ti kareta ta ziketse.
- 20 Na bona ba lo nyika Hebroni ka Kalebi, kwatsi hilezi Mosi a wulileko yena i lo hlongola leyo a bana ba nharu ba ka Anake.
- 21 Ni banana ba ka Benjamini a ba hlongolangi a ma Jebusi lawo ma akileko leyo Jerusalema ; kanilezi a ma Jebusi ba lo tsama ni banana ba ka Benjamini le Jerusalema kala legi siku.
- 22 Ni yindlu ya ka Josefa, bonawur kambe ba lo kanziya ku vukela Beteli ; na Jehova i wa hi zinwe na bona.
- 23 Ni yindlu ya ka Josefa yi lo rumela a ku ya hlola Beteli (makunu a bito ga muti mahlweni ka xikati ku wa hi Luza).
- 24 Ni barinzeli ba lo wona a munhu na ta la handle ka muti, na bona ba te ngalo ka yena, Kombeta hina, ha kombela wena, a wuengeno ga muti, hi ta maha kwatsanyana ha wena.
- 25 Na yena i lo kombeta a wuengeno ga nyangwa ya muti ; na bona ba lo hlasela a muti hi wukla ga supado ; kanilezi ba lo vumela a munhu a famba ni wonkle a ngango wa yena.
- 26 Ni munhu i loya le tikweni ga ma Hiti, i lo aka a muti, i lo cula a bito ga wona Luza, lego hi bito ga wona kala legi siku.
- 27 Na Manasa i wa nga hlongolangi la handle a baakileko ba le Betexani ni mitanyana ya kona, ge li Taanake ni mitanyana ya kona, ge ni baakileko ba le Dora ni mitanyana ya kona, ge ni baakileko ba le Ibleami ni mitanyana ya kona, ge ni baakileko ba le Megido ni mitanyana ya kona ; kanilezi a ma Kenani ma wa nga ma akile lego tiko.
- 28 Na ku mahisile lezo, laha na Israeli na a hunzelele a kuma ntamo, lezaku bona ba lo beka a ma Kenani ka mitiro ya mi kinyabezo, hi kumbelelisisilweko a ba wa nga ba hlongolangi la handle.
- 29 Na Efraime i wa nga ma hlongolangi ma huma a ma Kenani lawo ma akileko leyo Gezera ; kanilezi a ma Kenani ma lo aka nabo leyo Gezera xikari kabye.
- 30 Zebuloni i wa nga hlongolangi a baakileko ba leyo Kitroni, ge ni baakileko ba le Nahalola ; kanilezi a ma Kenani ma lo aka xikari kabye, ba lo maha a malanza ya mitiro ya miki-nyabezo.
- 31 Axeri i wa nga ba hlongolangi a baakileko ba Ako, ni baakileko ba le Sidoni, ge ni ba le Ahlaba, ge ni ba le Akziba ge ni ba le Helba, ge ni ba le Afika, ge ni ba le Rehoba ;
- 32 Kanilezi Axeri i lo aka xikari ka ma Kenani, a baakileko ba tiko ; hakuba bona ba wa nga hlongolangi bona la handle.
- 33 Naftali i wa nga hlongolangi a baakileko ba le Betixemexe, ge ni baakileko ba le Betanate ; kanilezi yena i lo aka xikari ka ma Kenani, a baakileko ba tiko : ahembalezo a baakileko ba Betixemexe ni Betanate ba lo maha malanza ya mitiro ya miki-nyabezo.
- 34 Ni ma Amori ma lo tsimbeketa a banana ba ka Dani leyo matikweni ya migangana ; hakuba bona ba wa nga vumeli bona a ku relela le minzelelweni ;
- 35 Kanilezi a ma Amori ma wa nga ma akile le xitsungeni Heresi, leyo Aijaloni, ni le Xualbima : kasi lezo a canja ga yindlu ya Josefa gi lo hlula, zingaho bona ba lo

maha a malanza ya mitiro ya miki-nyabezo.

- 36 Ni mbingano wa ma a Amori wu wa hi le hehla ka Akrabima, ku sukela le ribyeni, ku komama le hehla.

XIPIMO 2.

- 1 Ni ngelosi ya Jehova yi lo kanziya yita hi Gilgale ka Bocima. Yona yi te ngalo, Mina nzi mahile nwina mu kanziya mu huma le Gipite, mina nzi mu nehile ka tiko legi mina nzi hlambileko ka bararu ba nwina; na nzi te ngalo, Mina cima nzi nga ta tsoba a xivumelwano xa mina zinwe na nwina:
- 2 Na nwina mu nga mahi a xivumelwano ni baakileko ba legi tiko; nwina mu ta tsoba lahasi a maalati yabye. Kanilezi nwina a mu ingisangi ka gezu ga mina: hi yini nwina mu mahileko lezi ke?
- 3 Ngahilezo minawu kambe nzi te ngalo, Mina nzi nga ta hlongola bona ba huma le handle mahlweni ka nwina; kanilezi bona ba to kwatsi i mizwa marebeni ya nwina, ni banungungulu babye ba taba mpanya ka nwina.
- 4 Na ku mahisile lezo, laha a ngelosi ya Jehova yi wulawulileko leti timhaka ka bona bonkle a banana ba ka Israeli, lezaku a banhu ba lo klakusa a gezu gabye, ba lo rila.
- 5 Na bona ba lo bitana a bito ga lego wutsamo i Bocima: na bona ba lo pahlela leyo ka Jehova.
- 6 Makunu laha Joxua na a fambisile banhu, a banana ba ka Israeli ba lo famba bonklelele banhu tsombeni yabye a kuya teka a tiko.
- 7 Ni banhu ba lo kozela Jehova wonkle a masiku ya Joxua, ni wonkle a masiku ya masingalakati lawo ma nga hanya ku klula Joxua, labo ba nga wa wonile a mitiro ya hombe ya Jehova leyo a nga wa yi mahele ka ba ka Israeli.
- 8 Na Joxua a nwana wa Nuni, a nanza ga Jehova, i lofa, na a wa hi ni zana ni kume ga malembe a wukale.
- 9 Na bona ba lo kelela yena le mbinganweni wa tsomba ya yena leyo Timmateheresi, leyo matikweni ya mitsurana ya ka Efraime, le walu-ngu wa xitsunga xa le Gaxa.
- 10 Ni kambe xonkle leyo a xizukulwana

xi wa lo petselwa ka bararu wabye: leyo ku lo vuka a ximbe xizukulwana anzako ka bona, lexo xi nga mu tibiko Jehova, ge lezo ni mitiro leyo Jehova a yi mahileko ka Israeli.

- 11 Ni banana ba ka Israeli ba lo maha lezo zi nga wa bihile kuwoneneni ka Jehova, ni ku kozela Baalima;
- 12 Na bona ba lo tsika Jehova, a Nungungulu wa bararu babye, loye a nehileko bona hi tikweni ga le Gipite, ni ku lanzela banwani banungungulu, a banungungulu ba banhu labo ba ranzeleko bona, ba lo korama a wutsumbu gabye lahasi ka bona: na bona ba lo vindlukisa Jehova a ku zangara.
- 13 Na bona ba lo tsika Jehova, ni ku kozela Baali na Axtarote.
- 14 Ni zanga ya Jehova yi wa lo vindlukiswa yi vukela Israeli, yena i lo nyikela bona mandleni ya bapani ba lo pfula bona; na yena i lo xabisa bona mandleni ya balala ba ranzeleko, zingaho lezo ba wa nga ba nga zi koti a ku nonoha ba yima mahlweni ka balala babye.
- 15 Ba kani hikwihi laho ba humako baya kona, a canja ga Jehova gi wa ku vukela bona hi kubiha, kwatsi hilezi Jehova a wulileko, ni ku kwatsi hilezi Jehova a hlambanyileko ka bona: bona ba wa suncu tikuruxwini.
- 16 Na Jehova i lo vuxa a balamuli, labo ba nga ba hanyisa canjeni ga labo ba nga wa panga bona.
- 17 Na hambulezo bona ba wa nga ingisangi ka balamuli babye; hakuba bona ba lo hlakana a wuoswi ni banwani banungungulu, ni ku korama lahasi a wutsumbu gabye ka bona: bona ba lo hambukela klalweni hi kuhaklisisilweko le handle ka ndlela leyo a badadani babye ba nga famba ha yona, ba ingisako a kuleletela ka Jehova; kanilezi bona a ba wa ngu mahangi lezo.
- 18 Ni laha Jehova a nga wa vuxele bona a balamuli, zonake Jehova i wa hi ni mulamuli, ni ku ponisa bona canjeni ga balala babye wonkle a masiku ya mulamuli: hakuba kona ku lo hunzulusa Jehova hakuba hi kota ya hlomulo wabye hi kota ya labo ba tsimbeketako bona ni ku tsekulela bona.

- 19 Kanilezi kona na ku mahisile lezo, laba na mulamuli a file, lezaku bona ba lo ktelele le nzako, ba lo engeta a ku maha hi kubolisisilweko a ku hunza a bararu babye, a ku lanzela banwani banungungulu ni ku kozela bona, ni ku korama lahasi ka bona; bona a ba kawulangi zimahweni zabye, ge ni le tindeleni tabye ta kukaneta.
- 20 Ni zanga ya ka Jehova yi vindlukiswa yi vukela Israeli; na yena i te ngalo, Hakuba laba banhu ba hambunyetile a xivumelwano xa mina lexo mina nzi nga wa leletele a bararu babye, na ba nga ingisangi a gezu ga mina;
- 21 Minawu kambewo ku sukela makunu lezi nza nga ta ha hlomola ma huma a mahlwani ka bona a matiko laya Joxua a nga siya laha nafa;
- 22 Lezaku kasi ha wona mina nza hlola Israeli, kutani bona ba ta hlalisa a ndlela ya Jehova a ku famba ha yona ke, kwatsi hi bararu babye ba nga wa hlalile yona, kutani ge.
- 23 Zingaho Jehova i lo siya lawo matiko, a nga ma hlomolisangi ma huma hi kuhaklisisilweko; ge yena ni ku ma nyikela le canjeni ga Joxua.

XIPIMO 3.

- 1 Makunu laya hi matiko laya Jehova a nga wa ma siyile, a ku hlola Israeli ha wona, kwatsi hilezi a banyingi ba ka Israeli ba wa ku kwatsi ba wa nga ti tibi a tiimpi tonkle ta le Kenani;
- 2 Kumbela lezaku a zizukulwana za banana ba ka Israeli zi fela ku tiba, a ku gonzisa bona a impi, kutsongo kwatsi hi mahlwani ka xikati bona ba wa nga tibi ncumo ha kona:
- 3 Mabito ya tona, a nkalanu wa tihosi ta ma Filisti, ni wonkle a ma Kenani, ni ma Sedoni, ni ma Hivi, lawo ma akileko le xitsungeni xa le Lebanoni, ku sukela le xitsungeni xa le Baalhermoni, kala kuengeneni ka le Hamate.
- 4 Na bona ba lo siywa, a ku hlola Israeli ha bona, a kutiba lezaku bona ba wa ta nga ba ingisa a kuleletele ka Jehova, loko a leleteleko a bararu babye ke ha Mosi.
- 5 Ni banana ba ka Israeli ba lo aka xikari ka ma Kenani, a ma Hiti, ni ma Amori, ni ma Perez, ni ma Hivi, ni ma Jebusi:

- 6 Na bona ba lo teka a banhwana ba bona a ku maha basati babye, ni ku nyikela a banhwana babyewo a ka barisanyana babye ni ku kozela a banungungulu babye.
- 7 Ni banana ba ka Israeli ba lo maha lezo zi bihileko kuwoneni ka Jehova, ba lo kohlwa Jehova a Nungungulu wabye, ba lo kozela Baalima na Axtarote.
- 8 Hikwalaho a zanga ya Jehova yi wa vindlukisilwe yi vukela Israeli, yena i lo xabisa bona le cajeni ga Kuxanirixataime a hosi ya le Mesopotamia: ni banana ba ka Israeli ba lo kozela Kuxanirixataime nkalanu ni manharu malembe.
- 9 Ni laha a banana ba Israeli ba nga wa rilile ka Jehova Jehova i lo vuxa a muhanyisi ka banana ba ka Israeli, loye a nga wa ponisa bona, yena Otnieli a nwana wa Keneza, a nzisana ya Kalebi.
- 10 Ni Moya wa ka Jehova wu lota hella ka yena, yena i lo lamula Israeli; yena i lo huma la handle na a hlomile, na Jehova i lo nyikela Kuxanirixataime a hosi ya le Mesopotamia le canjeni ga yena: ni caja ga yena gi lo klula gi kinyelele Kuxanirixataime.
- 11 Ni tiko gi lo humula a mune wa makume malembe. Na Otnieli a nwana Keneza i lofa.
- 12 Ni banana ba ka Israeli kambe ba lo maha lezo zi bihileko kuwoneni ka Jehova: na Jehova i lo tiyisa Egloni a hosi ya le Moabi a ku vukela Israeli, hakuba bona ba mahile lezo zi bihileko kuwoneni ka Jehova.
- 13 Yena i tsombanyisela ka yena a banana ba ka Amoni ni ba ka Amaleki; yena i lo famba aya hlasela Israeli, na bona ba lo teka a muti wa le tisi nyeni ta micinzu.
- 14 Ni banana ba ka Israeli ba lo kozela Egloni a hosi ya ma Moabi kume ni nkalanu ni manharu malembe.
- 15 Kanilezi laba na banana ba ka Israeli ba rilile ka Jehova, Jehova vuxa ka bona a muhanyisi, Ehudi a nwana wa Gera, a mu Benjamini, a munhu wa xibaba. Ni banana ba ka Israeli ba lo rumela a nzubo ha yena le ka Egloni a hosi ya le Moabi.
- 16 Na Ehudi i wa lo ti mahela a supado leyi yi nga ni wuklaga mбири, a nkono munwe a ku nabulata; yena i lo bohelele yona lahasi ka nguwo

- ya yena hehla ka nyonga ya yena ya xine.
- 17 Na yena i lo nyikela a nzubo ka Egloni a hosi ya le Moabi : makunu Egloni i wa hi munhu loye a nga wa kubukile nguvu.
- 18 Ni laba a nga wa gumelwe a ku luba a nzubo, yena i lo rumela ba famba a banhu labo ba rweleko a nzubo.
- 19 Kanilezi yena a wutsumbu gakwe i lo klela a wuya le nzako hi le makele ni lawo ma nga wa hi le Gilgale, ite ngalo. Mina nzi na hungu ga wunye lambyana ka wena, O hosi. Yena i te ngalo, wa nga miyela. Ni bonkle labo ba nga wa hi ka yena ba lo humu lahanle ka yena.
- 20 Na Ehudi i lota ka yena ; yena i wa tsamile hi wutsumbu gakwe yeye le ndlwini ya le hehla yi pepileko. Na Ehudi i te ngalo. Mina nzi na ni mhaka nzi ruwivilweko hi Nungungulu ka wena. Na yena i lo suka lahanle ka xitsamo xa yena.
- 21 Na Ehudi i lo engenisa a canja ga yena ga xibaba, i lo teka a supado ya yena le nyongeni ya xine, i lo yi hoxa lomo mirini wa yena :
- 22 Ni piselo wu la su nyupela a nzako ka songoti ; ni mafura ma lasu zala hehla ka songoti, hakuba yena a nga hlomulangi a supado lomo mirini ; yona yi wa hlokoloka hi le nzako.
- 23 Zonake Ehudi i wa lo famba a humu le nyangweni i lo vala a tibati ta yindlu ya le hehla ka yena, i lo kotsa tona.
- 24 Makunu laba yena a nga wa humela a famba, ni malanza yakwe a ma lota ; na bona ba lo wona, ni, languta, a tibati ta yindlu ya le hehla ti wa valilwe ; na bona ba ta ngalo, Ila kunene yena i fenengetile a mikonzo ya yena le ndlwini ya le hehla.
- 25 Na bona ba lo hlwela kala bona ba wa hi ni tingana ; ni, languta, yena i wa nga vululangi a tibati ta yindlu ya le hehla : hikwalaho bona ba lo teka a tipfungulo, ni ku vulula tona ; ni, languta, a hosi ya-bye yi wa wile lahasi misabeni yi file.
- 26 Na Ehudi i wa lo pona laba bona na hlwela, i lo hunza a klatuka makeleni, na a lo cabela leyo Seira.
- 27 Na kona na ku mahisile lezo, laba yena a nga wa tile, yena i loba a paratana le tikweni ga miganga ya le

- Efraime ; ni banana ba ka Israeli ba lo relelela ziwe naye ba suka matikweni ya migangana, na yena i wa hi mahlwani ka bona.
- 28 Na yena i te ngalo ka bona, Lanze-lani anzako ka mina ; hakuba Jehova i nyikele a balala ba nwina a Moabi canjeni ga nwina. Na bona ba lo relele le nzako ka yena, ba loya teka a pelo ga leyo Jordani ba vukela a ma Moabi, a ba vumelangi a munhu a ku hunza ma klatuka.
- 29 Na bona ba lo hlasela Moabi ka lexo xikati a xipimo xa kume ga kume ga mazana ya ba banuna, bonklelele ba banuna ba zimukileko, ni bonklelele ba banuna ba kulwa ; laho a ku ponangi hambu ni wanuna.
- 30 Zingaho Moabi i wa hlulilwe lego siku lahasi ka canja ga ka Israeli. Ni tiko gi lo humula a nklanu ni manharu makume malembe.
- 31 Ni nzako ka yena ku wa Xamgare a zwana wa Anate, loye a nga hlasela a ma Filisti nklanu ni giawe mazana hi mugomba wa tikabi : yenawu kambe i lo hanyisa Israeli.

XIIMO 4.

- 1 Ni banana ba ka Israeli ba lo maha kambe lezi zi bilileko kuwoneni ka Jehova, laba Ehudi a nga wa file.
- 2 Na Jehova i lo xabisa bona canjeni ga Jabina a hosi ya le Kenani, leyo yi fumileko leyo Hazora ; ni nduna ya impi ya yena ku wa hi Sisera, loye a akileko leyo Haroxete wa le Matiko.
- 3 Ni banana ba ka Israeli ba lo rila ka Jehova : hakuba yena i wa hi ni nklanu ni mune mazana ya tikareta na ziketse ; makume mambiri a malembe hi kukinyelelisisilweko i wa lo tsimbeketa a banana ba ka Israeli.
- 4 Makunu Debora, muprofeti wa wasati, a sati wa Lapidota, yena i lo lamula Israeli ka lexo xikati.
- 5 Na yena i wa lo aka lahasi ka sinye ya cinzu ya Debora xikari ka Rama ni Beteli le tikweni ga migangana ya Efraime ; ni banana ba ka Israeli ba lo kanziya bata ka yena a kulamulwa.
- 6 Na yena i rumela a bitana Barake a zwana wa Abinoame le Kedexinaftali, na te ngalo ka yena, Yena Jehova, a Nungungulu wa ka Israeli, a nga leletelangi, aku, Yana u tsinela le xitsungeni xa Tabora, u teka zinwe na wena a kume ga kume ga

- mazana ya ba banuna ya banana ba ka Naftali ni banana ba ka Zebuloni ke ?
- 7 Na minawu nzi ta tsinela ka wena, le congo Kixoni, Sisera, a nduna ya impi ya Jabina, zinwe ni tikareta ta yena ni zindlema za yena; na mina nzi ta nyikela yena canjeni ga wena.
- 8 Na Barake i te ngalo ka yena, Loku wena u famba zinwe na mina, zonake mina nzi ta famba; kanilezi loku wena u nga fambi zinwe na mina, mina nzi ngi ta famba.
- 9 Na yena i te ngalo, Mina ha kunene nzi ta famba zinwe na wena; ahembalezo, a lwenzo lolo u ta nga li teka u famba a hi la kudzunziwa ka wena; hakuba Jehova i ta xabisa Sisera le canjeni ga wasati. Na Debora i lo suka, ni ku famba na Barake le Kedexe.
- 10 Na Barake i lo bitana Zebuluni na Naftali katiginwe le Kedexe; leyo ku loya a kume ga kume ga mazana ya ba banuna le ka mikonzo ya yena: na Debora i lo kanziya zinwe na yena.
- 11 Makunu Hebera a mu Keni i wa hambanyisile a wutsumbu ga yena le ka ma Keni, kona ka banana ba ka Hobaba a makabye wa Mosi hi ka nayo, na yena i wa gwimbile a tenta ga yena kwatsi hi wukule go kwatsi hi oaki ya Zaananime, leyi yi nga leyo Kedexe.
- 12 Na bona ba lo byela Sisera lezaku Barake a nwana wa Abinoame i wa humele a ya le xitsungeni Tabora.
- 13 Na Sisera i lo tsombanyisela katiginwe tonkle tikareta ta yena, tona nklanu ni mune mazana ya tikareta ta ziketse, ni bonkle a banhu labo ba nga wa hi zinwe na yena, ba suka Haroxite ga ba Matiko, le congweni Kixoni.
- 14 Na Debora i te ngalo ka Barake, Kanziya; hakuba legi hi siku legi Jehova a nyikeleko Sisera lomo canjeni ga wena; kasi Jehova nga a nga humangi a famba mahlweni ka wena ke? Zingaho Barake i lo relela hi le xitsungeni xa le Tabora, ni kume ga kume ga mazana ya ba banuna le nzako ka yena.
- 15 Na Jehova i lo hlula Sisera, ni tonkle a tikareta ta yena, ni wonkle a mabandla ya yena, hi wukla ga supado mahlweni ka Barake; na Sisera i lo jatama hi le kareteni ya yena, i lo tsutsuma hi mikonzo ya yena.
- 16 Kanilezi Barake i lo hlongolisa le nzako ka kareta, ni nzako ka mabandla ya yena, kala le Haroxete ga ba Matiko: ni wonkle a mabandla ya Sisera ma lowa hi wukla ga supado; laho ku wa nga kona a munhu a nga siyilwe.
- 17 Ahemba Sisera i wa lo caba hi mikonzo ya yena aya tenteni ga Jaeli a sati wa Hebera a mu Keni; hakuba laho ku wa hi kona a kurula xikari ka hosi Jabina wa Hazora ni yindlu ya Hebera a mu Keni.
- 18 Na Jaeli i lo huma a kinga Sisera, i te ngalo ka yena, Klela, u engena hosi yanga, klela u engena lomo ka mina; u nga cabe. Na i lo klela a engena ka yena lomo tenteni, na yena i lo fenengeta yena hi nguwo.
- 19 Na yena i te ngalo ka yena, Nyika mina, nza kombela wena, a matana matsongwani ya kunwa; hakuba nzi na ni tora. Na yena i lo vulula a botori ga masi, i lo nyika yena a kunwa, i lo fenengeta yena.
- 20 Na yena i te ngalo ke yena, Yima laha nyangweni ya tenta, kona ku taku na ku mahisile lezo, laha ngwa-kuyini a munhu ata a ta wutisa wena, a ku ngalo, Lahe i kona a munhu laha ke? lezaku wena u ta ku ngalo, Ku haba.
- 21 Zonake Jaeli a sati wa Hebera i lo teka xikongwani xa tenta, i lo teka, nkono canjeni ga yena, hi kunyanimelisisilweko i loya ka yena, na yena i lo belela a xikongwani lomo ziklongweni za yena, xi su poreketa xi tsemakanya xi zima liranza byeni; hakuba yena i wa eklele hi tsongotsongo; zingaho yena i wa lo lelemela afa.
- 22 Ni, languta, kwatsi hilezi Barake a hlongolisako Sisera, Jaeli i lo huma a ku kinga yena, i te ngalo ka yena, Ngona, mina nzi ta komba a munhu loye wena u mu labako. Na yena i lota ka yena; ni, languta, Sisera i wa eklele na a file, ni xikongwani xa tenta xi wa hi lomo ziklongweni za yena.
- 23 Zingaho Nungungulu i lo hlula lego siku Jabina a hosi ya le Kenani mahlweni ka banana ba ka Israeli.
- 24 Ni canja ga banana ba ka Israeli gi

hlula kambe ni kambe hehla ka
Jabina a hosi ya le Kenani, kala
bona ba lobisa Jabina a hosi ya le
Kenani.

XIPIMO 5.

- 1 Zonake ba lo yimbelela Debora na
Barake a nwana wa Abinoame lego
siku, baku,
- 2 Hakuba lezo a murangeli i lo
teka a kurangela lomo ka
Israeli,
Hakuba lezo a banhu ba nyikela
a wutsumbu gabye hi kura-
nzisisilweko,
Katekisani nwina Jehova.
- 3 Zwanani, O tihosi; nyikani a
ndlebe, O nwina tihosana;
Mina, yena mina, nzi ta yimbe-
lela ka Jehova;
Nzi ta yimbelela a kudumisa
ka Jehova, a Nungungulu wa
ka Israeli.
- 4 Jehova, laha wena u yako u hu-
ma hi le Seire,
Laha wena u kangatako le ma-
kwatini ya le Edome,
Ni misaba yi lo rurumela, ni
matilo ma wa donile,
Inaka, ni marefu ma dona mati.
- 5 A zitsunga za tsekatekiswa hi
kubakoneni ka Jehova,
Hambu wena Sinai a kubakone-
ni ka Jehova, a Nungungulu
wa ka Israeli.
- 6 A masikwini ya Xamgare a
nwana wa Anate,
A masikwini ya Jaeli, a ma-
gonzo ma wa umisilwe,
Ni bafambafambi ba lo famba
ba tsemakanya mipfuklana.
- 7 Ni bafumeli ba lo kawula ka
Israeli, bona ba lo kawula,
Kala lezo mina Debora nzi suka,
Lezaku nzi suka a wunyine wa-
muni ka Israeli.
- 8 Bona ba hlawula a banungu-
ngulu baswa;
Zonake a impi yi wa hi tinya-
ngweni:
Laho ku wa nga hi kona a xi-
klangu kutani i klari gi nga
wa wonwa
Xikari ka mune wa makume ya
kume ga mazana ka Israeli
ke?
- 9 A mbilu ya mina yi komama ka
bafumeli ba ka Israeli,
Labo ba nyikelako a wutsumbu

300

- gabye hi kuranzisisilweko xi-
kari ka banhu:
Katekisani nwina Jehova.
- 10 Byelani ha kona, nwina labo
mu kileleko timbongoleni to
basa,
Nwina labo mu tsamileko zite-
beni zikomelweni zipfuna,
Na nwina labo mu fambako hi
ndlela.
- 11 Kule le guweni ga bafuli,
Le wutsanweni ga kuka a mati,
Leyo bona ba ta tsawutela a
zimaho zi lulamileko za Je-
hova,
Hambu zimaho za kusaseka za
kulaya ka yena ka Israeli,
Zonake a banhu ba ka Jehova
ba ta relela baya tinyangweni.
- 12 Vuka, vuka, Debora;
Vuka, vuka, u tsawutela a li-
simu:
Suka, Barake, ni ku rangela
a bakonwi ba wena, wena
nwana wa Abinoame.
- 13 Zonake ku ta relela a misalela
ya badzunzisisilweko ni banhu;
Jehova i lota a relela hakuba
ba mina ata vukela a mintamo.
- 14 A huma Efraime i lo relela ata
bona labo a mutsu wabye wu
nga leyo Amaleki;
Anzako ka wena, Benjamini,
xikari ka banhu;
Le ka Macira kuta ku huma a
barumeli,
Na le Zebuhuni ku huma bona
labo ba welelako a lirabyana
la zitsangi.
- 15 Ni tihosana ta le Isakare ti wa
hi na Debora;
Kwatsi hilezi Isakare, zingaho
na Barake;
Le minzelelweni bona ba lo tsu-
tsumela le mikonzweni yakwe.
Hi le ka mati ya micongo ya ka
Rubeni
Laho ku wa hi kona a ku ala-
kanyela ka hombe ka mbilu.
- 16 Iii yini wena u tsamako xikari
ka maranga ya tiyivu,
A kuzwa a kukulumela ka mi-
klambi ke?
Le ka mati ya micongo ya ka
Rubeni
Leyo ku wa hi kona a kulaba
ka hombe ka mbilu.
- 17 Gileade i lo tsama klatukweni
wa Jordani:

Na Dani, hiyini i lo sala mata-
rwini ?
Na Axeri wa su tsama a ku
tsaka lomo tisiweni ta bimbi,
I lo tsama lomo tisuwaneni ta
yena.
18 Zebukuni u hi banhu labo ba
pfokometako a wutomi gabye
kufeni,
Na Naftali, wutsweni gi klaku-
kileko ga kwati.
19 Ni hosi yi lota yi talwa ;
Zonake yi lolwa a hosi ya le
Kenani,
Le Taanake hi le mamatini ya
le Megido :
Bona a ba tekangi a binzulo ga
mali.
20 Hi le tilweni ku lolwa a tinye-
leti,
Hi manweni ya tona tona ti
lowa na Sisera.
21 Ni congo Kixoni wu lo swiyela
bona ba famba,
Lowo a congo wa kale, a congo
Kixoni.
O muhefemulo wa mina, wu lo
kangata hi ntamo.
22 Zonake a makanzo ya mahaxi
ma lo pfukula
Hi kota ya kuklula, a kuklula
ka wona ka ntamo.
23 Rukatelani nwina Meroza, ku
wula a ngelosi ya Jehova,
Rukatelani hi kubabisisilweko
a baakileko ba kona,
Hakuba bona a ba tangi ka vu-
netelo wa Jehova,
A vunetelo wa Jehova a ku vu-
kela a nyamintamo.
24 A kukatekiswa hehla ka ba-
basati ku taba ka Jaceli,
A sati wa Hebera a mu Keni ;
A kukatekiswa ku taba ka yena
hehla ka babasati lomo ma-
tenteni.
25 Yena i lo kombela a mati, yena
a mu nyika a masi ;
Yena i lo neha a mawomba lomo
ngelweni wa wukosi.
26 Yena i lo klateka a canja ga
yena ka xikongwani xa tenta,
Ni canja ga yena ga xinene
ka nkono wa banhu ba nya-
mitiro ;
Na hi nkono yena i lo ngwaza
Sisera, yena i lo gwaza a po-
ndlisa a hloko ya yena ;
Inaka, yena i lo poroketa aba a

tsemakanya a ziklongo za ye-
na.
27 Le mikonzweni ya yena yena i
lo korama, yena i lowa, i lo
eklela ;
Le mikonzweni ya yena i lo ko-
rama, yena i lowa :
Laha na a korama, leyo yena i
lo wela lahasi a file.
28 A hlomela hi laha wonini ye-
na i lo cuwuka, ni kuba huwa,
Ni nyine wa Sisera i loba huwa
a pondlisa malingweni,
Hi yini a tikareta takwe ti hlwe-
lako kuta ke ?
Hiyini ma hlwelako a maranza-
ni ya tikareta ta yena ke ?
29 A wasati wa yena a tibako ba
hlamula yena,
Ina, yena i lo hlamula ka wu-
tsumbu ga yena,
30 Bona a ba kumangi, bona a ba
abelangi a mupango ?
A nhwana, a banhwana ba-
mbiri ka loyi ni loyi wa nuna ;
A ka Sisera a mupango wa ti-
nguwo ta mabala,
A mupango wa tinguwo ta ma-
bala ti komelweko,
Hi tinguwo ta mabala tikome-
lweko ka wonke maklelo, lo-
mo tinhanweni ta mupangao
ke ?
31 Zingaho nga bonke a balala ba
wena ba lobyiswa,
O Jehova :
Kanilezi nga bona labo ba ranza-
ko yena nga ba ku kwatsi i
gambo laha na gi famba hi
ntamo wa gona.
Na a tiko gi lo humula a mune
wa makume ya malembe.

XIPIMO 6.

- 1 Ni banana ba ka Israeli ba lo ma-
ha lezo zi bibileko kuwoneni ka Je-
hova : na Jehova i lo nyikela bona
le canjeni ga ma Midiani nklanu ni
mambiri a malembe.
- 2 Ni canja ga ma Midiani gi lo kinye-
lela gi vukela ba ka Israeli ; na hi
kota ya ma Midiani a banana ba ka
Israeli, ba lo ti mahela a timhako
leto ti nga lomo zitsungeni, ni lomo
mihumeni, ni lomo wutsanweni ga
mikobofo ya makokola.
- 3 Na zi wa ngaho, laho ba ka Israeli
ba nga wa byalile, lezaku a ma Mi-
diani ma lo kanziya mata, ni ma

- Ameleki, ni banana ba le mutsuwu-kagambo; bona ba lo kanziya ba ta vukela bona;
- 4 Na bona ba lotta goba ba vukela bona, ni ku mbetisa yonkile a miha-nzo ya misaba, kala wena u ta le Gaza, ba nga siyi ni xitsotso ka Israeli, hambu ni yivu, ge ni homu, ge ni mbongola.
- 5 Hakuba bona ba lo kanziya ni tiho-mu tabye ni matenta yabye; bona ba lotta kwatsi hi humbi a wunyingi; bonkile bona ni makameli yabye ba wa nga hi na ku hlaywa: na bona ba lotta lomu tikweni ku ta lobisa gona.
- 6 Na Israeli i lo nehwa lahasi nguvu hi kota ya Midiani; ni banana ba ka Israeli ba loba huwa ka Jehova.
- 7 Na ku mahisile lezo, laha a banana ba ka Israeli ba nga wa rilile ka Je-hova hi kota ya Midiani,
- 8 Na Jehova i lo rumela a muprofeti ka banana ba ka Israeli: na yena i te ngalo ka bona, Zakungahi a wu-lako Jehova, a Nungungulu wa ka Israeli, mina nzi lo neha nwina mu kanziya mu ta hi le Gipite, nzi lo mu neha nwina mu huma le ndlwini ya wukumbi;
- 9 Mina nzi lo mu klatlisa canjeni ga ba le Gipite, nzi lo mu humesa canjeni ga bonkile labo ba tsimbeketako nwina, nzi lo ba hlongola bonkile la-handle mahlweni ka nwina, ni ku nyika nwina a tiko gabye;
- 10 Na mina nzi wa te ngalo ka nwina, Mina nzi mina Jehova a Nungungu-lu a wa nwina; nwina mu nga ta caba a banungungulu ba ma Amori, labo nwina mu akileko lomo tikweni gabye. Kanilezi nwina a mu ingisa-ngi ka gezu ga mina.
- 11 Ni ngelosi ya Jehova yi lotta, ni kuta tsama lahasi ka oaki leyi yi nga le Ofra, leyi yi nga le ka Joaxi a mu Abiezri: ni nwana wa yena Gideoni i wa popa a mabele le xigowolweni xa wa waini, a fihla wona ka ma Midiani.
- 12 Ni ngelosi ya ka Jehova yi woneka ka yena, yi te ngalo ka yena, Je-hova i ziwwe na wena, wena munhu wa nhenha ya kulwa.
- 13 Na Gideoni i te ngalo ka yena, O, hosi ya mina, loku a wa nga a hi zi-
nwe na hina, hiyini zonkile zi weleko hina ke? yi kwihl yonkile a mitiro yakwe yi damisisako leyo a bararu ba hina ba lo byela hina ha yona, ba-
- ku, Nungungulu a nga lo hi neha hi huma hi le Gipite? makunu Je-hova i hoxile hina kule, i nyikele hina canjeni ga ma Midiani.
- 14 Na Jehova i lo cuwuka hehla ka yena, i te ngalo, Yana wena lezi nhe-nha ya wena, u ya hanyisa Israeli canjeni ga ma Midiani: mina a nzi ku rumangi ke?
- 15 Na yena i te ngalo ka yena, O, Hosi, hi laha ka yini ka ku kala nza ku hanyisa a ba ka Israeli ke? languta, a ngango wa ka hina ngwawusiwa-na ka Manasa, na mina nzi mina si-bamarumbu lomo ndlwini ka da-dani.
- 16 Na Jehova i te ngalo ka yena, Ha ku-nene mina nzi taba ziwwe na wena, wena u ta hlasela a ma Midiani kwa-tsi munhu muwwe.
- 17 Na yena i te ngalo ka yena, Loku mina nzi wa nga makunu nzi kumile a tomo kuwoneni ka wena, kangeta mina a xiwoniso lezaku wena hi we-na u wulawulako ziwwe na mina.
- 18 U nga suki laba, nza kombela wena, kala mina nzita ka wena, nzi neha a xinyikiwo xa mina, ni ku xi beka mahlweni ka wena. Yena i te ngalo, Nzi ta tsama kala wena u wuya kambe.
- 19 Na Gideoni i lo engena ndlwini, i lo longisa a mbutanyana, ni zikeke-tselo zi nga comelwangiko za mapa ya efa: ni nyama i lo yi beka lomo xirunzwini, i lo cela a muro lomo mbiteni, na a lo neha lahandle ka yena lahasi ka oaki, i lo nyika kona.
- 20 Ni ngelosi ya ka Nungungulu yi te ngalo ka yena, Teka a nyama ni zikeketselo zi nga comelwangiko, u klateka zona hehla ka legi ribye, u culula a muro. Yena i lo maha lezo.
- 21 Zonake a ngelosi ka Jehova yi lo kla-teka le magumo ka nhonga leyi a nga wa hi nayo lomo canjeni ga yena, i lo kumba a nyama ni zikeke-tselo zinga comelwangiko; labo ku lo vura a nzilo wu huma hi lomo ri-byeni, wu lo mbetisa a nyama ni zikeketselo zi nga comelwangiko; ni ngelosi ka Jehova yi lo suka ma-hlweni ya yena.
- 22 Na Gideoni i lo wona lezaku yona yi wa hi ngelosi ya ka Jehova; na Gi-deoni i wa te ngalo, Ha, O Hosi Je-hova! hakuba kwatsi hilezi mina

- nzi wonileko a ngelosi ya ka Jehova a ngohe ni ngohe.
- 23 Na Jehova i te ngalo ka yena, A kura a kube ka wena; u nga cabe: hakuba wena u nga ta kufa.
- 24 Zonake Gideon i lo aka a alati laho ka Jehova, ni ku cula gona Jehovaxalome: kala legi siku gona ga ha hi kona le Ofra ga ba Abiezri.
- 25 Na ku mahisile lezo gwalego wusiku, lezaku Jehova i te ngalo ka yena, Teka a honwana ya raru wa wena, yona a honwana ya wumbiri ya nklanu ni mambiri a malembe a wukale, ni ku hoxa lahasi a alati ga Baali legi a raru wa wena a nga nago, ni ku tsemelela Axera loye a nga ka gona;
- 26 Ni ku aka a alati ka Jehova a Nungungulu wa wena hehla ka wutsamo legi ga kokola, kwatsanyana, u teka a honwana ya wumbiri, ni ku nyikela a munyikelo wa kuhiswa zinwe ni sinyi ya le Axera leto wena u ta nga ti tsema.
- 27 Zonake Gideon i lo teka a kume ga babanuna ba malanza ya yena, i lo maha kwatsi hilezi Jehova a wulileko ka yena: na ku mahisile lezo, hakuba yena i wa caba ba le ngangweni ka raru wa yena ni banhu ba muti, zingaho lezi i wa nga hi na ku maha ni munu, lezaku yena i lo maha laha wisikwini.
- 28 Na laha a banhu ba muti ba nga wa vukile manzikweni ni mixo, languta, a alati ga Baali gi wa tsobiyilwe lahasi, ni Axera i wa tsemilwe lahasi loye a nga laho ka gona, ni honwana ya wumbiri yi nyikelwe laha ka alati lego gi akilweko.
- 29 Na bona ba te ngalo ka munwe ni munwani, Hi mani a mahileko lexi xilo ke? Ni laha ba nga wa labile ba wutisa, bona ba te ngalo, Gideon i nwanwa wa Joaxi hi yena a mahileko lexi xilo.
- 30 Zonake a banhu ba muti ba te ngalo ka Joaxi, Humesa lahandle a nwanwa wa wena, kasi a fela a kuba afo, hakuba yena i tsobile lahasi a alati ga Baali, ni hakuba yena i tsemile lahasi Axera loye a nga wa hi ka gona.
- 31 Na Joaxi i te ngalo ka bona bonkle labo ba yimileko ba vukela yena, Nwinawu mu ta eneliswa ha Baali ke? kutani nwinawu mu ta hanyisa yena ke? loye a eneliswa ha yena,

- nga yena a dawwe na ga ha hi mixo: loku yena a wa ngu a hi Nungungulu, nga a yimela a wutsumbu gakwe, hakuba a munwe i tsobile lahasi a alati ga yena.
- 32 Hikwalaho ka lego siku bona ba lo mu bitana Jerubbaali, baku, Nga na Baali a yimela a wutsumbu ga yena. hakuba yena i tsobile a alati ga yena.
- 33 Zonake a bonkle ba ma Midiani ni ma Meleki ni banana ba le mutsuwukagambo ba lo tsombanyisa a wutsumbu gabye katiginwe; na bona ba lo klatuka klatukweni, ni ku ta goba le minzelelweni ya le Jezreeli.
- 34 Ni Moya wa Jehova wu lota hehla ka Gideon; yena i loba a paratana; ni Abiezera gi lo tsombana katiginwe ku lanzela yena.
- 35 Na yena i lo rumela a mitsumi ka gonkle ga ka Manasa; na bonawu kambe ba wa lo tsombana wutsumbu gabye ba lanzela yena; na yena i lo rumela a mitsumi le Axeri, ni le Zebuluni, ni le Naftali; na bona ba lo kanziya a ku ta klangana na bona.
- 36 Na Gideon i te ngalo ka Nungungulu, Loku wena u ta nga u hanyisa Israeli hi canja ga mina, kwatsi hilezi wena u wulileko,
- 37 Languta, mina nzi ta beka a dzowo ga woya laha lilonzeni la nzimbo; loku ku nga ku hi kona a mbera laha ka dzowo basi, ku hi kona a kuoma ka liranza bya lonkle, zonake mina nzi ta zi tiba lezaku wena u ta hanyisa hi canja ga mina, kwatsi hilezi wena u wulileko.
- 38 Na kona ku wa hilezo; hakuba yena i lo binzuka ni mixo manziko, i lo kama a woya katiginwe, ku lo glururuka a nzokati hi le dzobyeni, ni mukelo wu lo tala hi mati.
- 39 Na Gideon i te ngalo ka Nungungulu, Nga a zangu ya wena a nga vindlukiswi yi vukela mina, na mina nzi ta wulawula kanilezi loku kanwe: nga mina nzi ringa kambe, nza kombela wena, kanilezi gwalegi ginwe kati hi dzowo; nga kona kuoma a dzowo goce, ni hehla ka liranza bya lonkle nga ku hi kona a nzokati.
- 40 Nungungulu i wa lo maha zakungaho lego wusiku: hakuba kona ku wa omile dzobyeni kooce, ni laho ku wa hi kona a nzokati liranza byeni lonkle.

XIPIMO 7.

- 1 Zonake Jerubbaali, loye a nga Gideoni, ni bonkle a banhu labo ba nga wa hi zinwe na yena, ba lo vuka manzikweni wa punzu, ba loya goba le klelweni ga hlowo ya le Harode : ni wugobelo ga Midiani gi wa hi klelweni ga nwalungu ga bona, hi le migangeni ya More, le minzelelweni.
- 2 Na Jehova i te ngalo ka Gideoni, a banhu labo u nga nabo ba hunzelile a ku tala ka mina a ku nyikela a ma Midiani canjeni ga wena, ba nga taku ba ka Israeli ba ti dadabalisa a wutsumbu gabye ba vukela mina, baku. A canja ga mina nwi-nyi gi nzi hanyisile.
- 3 Makunu hi kwalaho banani hungu lomo tindlebeni ta banhu, muku, Kani hiwihi loye a klambako lirurwati ni kururumela, nga yena klela a suka xitsungeni xa le Gileade. Laho ku le klela hi le ka banhu a kume ni mambiri ya kume ga mazana ya ba banuna ; leyo ku lo sala a kume ni ginwe ya kume ga mazana.
- 4 Na Jehova i te ngalo ka Gideoni, A banhu lezo ba ha tele ; relela nabo le matini, na mina nzi ta hlola bona ka wena leyo : na ku taba lezi, loye mina nzi ta nga wula ka wena, Loye i ta kuya na wena, ywaloye i ta famba zinwe na wena ; na kani hiwihi loye nzi ta nga wula ka wena, Loyi a nga ta kuya na wena, ywaloye a nga ta kuya.
- 5 Zingaho yena i lo neha a banhu le matini : na Jehova i te ngalo ka Gideoni, Bonklelele labo ba kapitelako a mati hi lirimi lakwe, kwatsi hilezi a mbyana yi kapitelako, ba labo wena u ta ba yimisa hi wutsumbu gabye, zingahowo labo ba koramako ba kasa hi madzolo yabye a kunwa.
- 6 Ni tsengo wa bona labo ba kapiteleko, ba klatekileko a mandla yabye milonwini ya bona, ku wa hi mazana manharu ya ba banuna : kanilezi bonkle labo ba seleko banhu ba lo korama lahasi ba kasa hi madzolo yabye a kunwa a mati.
- 7 Na Jehova i te ngalo ka Gideoni, Hi mazana manharu laya ma kapiteleko mina nzi ta hanyisa nwiina, nzi ta nyikela a ma Midiani canjeni ga wena ; nga bonkle banhu ba famba loyi ni loyi le tenteni ga yena.
- 8 Zingaho a banhu ba lo teka a timbuba canjeni gabye, ni ti paratana tabye ; yena i lo rumela bonkle banhu ba ka Israeli bonklelele matenteni yabye, kanilezi ku su tsetselele a ba mazana manharu ba banuna : ni wugobelo ga ma Midiani gi wa hi lahasi minzelelweni.
- 9 Na ku mahisile lezo gwalego wusiku, lezaku Jehova i wa te ngalo ka yena, Suka, relela uya le hasi wugobelweni ; hakuba mina nzi nyikele canjeni ga wena.
- 10 Kanilezi loku wena u caba a ku relela lahasi, famba na Pura a nanza ga wena le wugobelweni :
- 11 Na wena u tazwa lezi ba ta nga zi wula bona ; anzako ka lezo mandla ya wena ma ta tiyiswa a ku relela uya lahasi wugobelweni. Zonake i loya a relela zinwe ni nanza ga yena Pura aya kwaleyo klelweni ga magumo ga banhu ba hlomileko labo ba nga wa hi wugobelweni.
- 12 A ma Midiani ni ma Amaleki ni banana ba le mutsuwukagambo ba wa lo mbambamela maklelweni ya minzelele kwatsi hi humbi a wunyingi ; ni makameli yabye ma nga hiko na ku hlaiyiwa, kwatsi hi seke lego gi nga le fungwini wa bimbi a ku tala.
- 13 Ni laha Gideoni a nga wata, languta, laho ku wa hi kona a munhu a nga wa byela a noro ka wa ka kabye ; na yena i wa te ngalo, Languta, mina nzi lo lora a noro ; ni, mangabye, a xikeketselo ga xibaba xa barle gi lo kingirikela lomo wugobelweni ga ma Midiani, ni kuta lomo ka tenta, gi loba gona lezaku gona lezo gi lowa, gi su ku hunzuluka gi ku gangatsala, lezaku a tenta gi lo barama xibaratata.
- 14 Ni wa ka kabye i lo hlamula na te ngalo, Lezi a hi ncumo xinwani saseka a supado ya Gideoni a nwana wa Joaxi, a wanuna wa ka Israeli : le canjeni ga yena Jehova i nyikele a ma Midiani, ni mabandla ya wona wonkle.
- 15 Na kona ku wa hi lezo, laha na Gideoni a zwile a ku byela ka noro, ni khamuselelo ya wona, yena i lo kozela ; ni ku klelela wugobelweni ga ka Israeli, i te ngalo, Sukani ; hakuba Jehova i nyikele canjeni ga nwiina a mabandle ya ma Midiani.

16 Na yena i lo abanyisela a mazana manharu ya ba banuna ka miklawa minharu, yena i lo beka canjeni ga bonkle a miparatana, ni pica ga pangang, ni nwenge wu wa hi lomo nzeni ka mapica.

17 Na yena i te ngalo ka bona, Cuwukani ka mina, ni ku maha zakungahi: ni, langutani, laha na nzita kwaleyo magumeso ka wugobelo, kona ku ta kuba lezaku, kwatsi hilezi nzi ta nga maha, mahaniwo lezo.

18 Laha na mina na nziba a paratana, mina ni bonkle laba ba nga zinwe na mina, zonake bananiwo a miparatana wu kambe, ka wonkle a maklelo ya wugobelo, ni ku wula, Hi ka Jehova na Gideoni.

19 Zingaho Gideoni, ni zana ga ba banuna labo ba nga wa hi zinwe na yena, ba lota kwaleyo magumeso ya wugobelo hi kusanguleni ka xirinzoxa laha xikari, kanilezi laha na ba ha ku vuxeta ba longisa a xirinzoxa: na bona ba loba a miparatana, ba lo trandlesa zipanzana a mapica laya ma nga wa mandleni yabye.

20 Ni miklawa minharu yi loba a miparatana, ni kutrandlesa a mapica, ni ku koma a minwenge lomo canjeni gabye ga xibaba laho ba bako ha kona; na bona ba lo bahuwa, A supado ya Jehova ni ya Gideoni.

21 Bona ba lo yima loyi ni loyi lomo wutsanweni gabye ba ranzele a wugobelo; ni wonkle a mabandla ma lo tsutsuma; bona ba lo kanyuluka, ku maha bona ba tsutsuma.

22 Na bona ba loba a mazana manharu ya miparatana, na Jehova i lo rumela a supado ya loyi ni loyi a vukela a wa ka kabye, ni vukela wonkle a mabandla; ni mabandla ma lo tsutsuma a wukule go kota Betixeta ngomameni ya Zerera, kwatsi hi wukule go kota le mbinganweni wa le Abelemehola, hi le Tabata.

23 Ni banhu ba ka Israeli ba wa lo tsombana katiginwe, ba huma le Nafthali, ni Axeri, ni bonkle ba ka Manasa, ba lo hlongola le nzako ka ma Midiani.

24 Na Gideoni i lo rumela batsutsumi ka gonkle ga mitsurana ya ka Efraime, aku, Relelani mu ta hi ta vukela Midiani, ni ku teka mahlweni ka bona a mamati, ku kwatsi hi wukule ga le Betebara, kona le Jordani. Zingaho a banana ba ka

[Sheetswa.] 20

Efraime ba lo tsombana katiginwe, ba lo teka a mamati a wukule go kota Betebara, kono Jordani.

25 Na bona ka lo teka a tihosana timbiri ta ma Midiani, Oreba na Zeebe; na bona ba lo daya Oreba le ribyeni ga le Oreba, na Zeebe ba lo mu daya le xigowolweni xa waine xa le Zeebe, ni ku hlongolisa a ma Midiani: na bona ba lo neha tihloko a ya Oreba ni Zeebe ka Gideoni le klatukweni wa Jordani.

XIPIMO 8.

1 Ni banhu ba ka Efraime ba te ngalo ka yena, Zakuyini zi mahisileko kungahi, lezaku wena a ku hi bitanangi, laha wena na uya a ku yalwa ni ma Midiani ke? ba lo klotlisana zinwe na yena hi kukarihisilweko.

2 Na yena i wa te ngalo ka bona, Xana xilo muni mina nzi mahileko xa ku ringana na nwina ke? Kunene a kukhukla a magrepi ya le Efraime a hi cukwana ku hunza a xivini xa le Abiezera ke?

3 Nungungulu i nyikele a canjeni ga nwina a tihosana ta le Midiani, Oreba na Zeebe: xini nzi nga ta nga nzi zi kota a kuringana na nwina ke? Zonake a zanga yabye yi wa lo renga hi klelo ga yena, laha yena a nga wa wulile lezo.

4 Na Gideoni i lota leyo Jordani, i lo hunza a klatuka, yena, ni mazana manharu ya banuna laba ba nga wa hi zinwe na yena, ba karele, na ba ha hlongolisa.

5 Na yena i te ngalo ka banhu bale Sukote, Nyikani, nza kombela nwina, a mikowo ya zibaba ka banhu laba ba lanzelako mina; hakuba bona ba karele, mina nzi hlongolisa Zeba na Zalmuna, a tihosi ta ma Midiani.

6 Ni tihosana ta le Sukote ti wa te ngalo, A hi mandla ya Zeba na Zalmuna, makunu ma nga canjeni ga wena, lezaku hina hi wa ta nga hi nyika a zibaba ka impi ya wena ke?

7 Na Gideoni i wa te ngalo, Iikwalaho laha Jehova na nyikelile Zeba na Zalmuna le canjeni ga mina, mina nzi ta pfemula a nyama ya nwina hi mizwa ya le xiwuleni zinwe ni mipumbulu.

8 Na yena kusukela leyo i lo kanziya le Penueli, yena i lo wulawula ka bona kwatsi hi zalazo; ni banhu ba le Penueli ba lo blamula yena kwatsi

- hilezi a banhu ba le Sukote ba nga wa hlamlule.
- 9 Yena kambe i lo wulawula ka banhu ba le Penueli, aku, Laha na nzita kambe hi kurula, nzi ta tsoba lahasi lowu a muti.
- 10 Makunu Zeba na Zalmuna ba wa hi leyo Karkora, ni mabandla yabye zizwe nabo, a xipimo xa kume ni nklanu ga kume ga mazana ya ba banuna, bonkle labo ba nga wa sele ka wonkle a mabandla ya banana ba le mutsuwukagambo; hakuba leyo ku wa wile a zana ni makume mambiri ya kume ga mazana ya ba banuna labo ba kokako a supado.
- 11 Na Gideoni i lo kanziya hi ndlela ya bona laba ba tsamako lomo matente ni le mutsuwukagambo ka Noba ni Jogheba, i lo hlasela a mabandla; hakuba a mabandla ma wa ponile.
- 12 Zeba na Zalmuna ba lo tsutsuma; yena i lo ba hlolongisa hi le nzako; na yena i lo teka a tibosi timbiri ta ma Midiani, Zeba na Zalmuna, i lo hlula wonkle a mabandla.
- 13 Na Gideoni a nwana wa Joaxi i lo klela hi le kulweni hi le kukanziyeni ka le Heresi.
- 14 Na yena i lo koma a jaha ga banhu ba le Sukote, i lo wutisa ba yena: yena i lo hlawutela yena hi tihosana ta le Sukote, ni masingalakati ya kona, nklanu ni mambiri makume ni nklanu ni mambiri a banhu.
- 15 Na yena i lo ka banhu ba le Sukote, i te ngalo, Langutani Zeba na Zalmuna, xungetano na bona nwina mu lo giyela mina, muku, A hi mandla ya Zeba na Zalmuna makunu ma nga canjeni ga wena ke, lezaku hi ta nyika a zibaba ka banhu ba wena laba ba kareleko ke?
- 16 Na yena i lo teka a masingalakati ya muti, na hi mizwa ya le xiwuleni ni mipumbulu, na ha yona yena i lo gonzisa a banhu ba le Sukote.
- 17 Yena i lo tsoba lahasi a tawa ya le Penueli, i lo hlasela a banhu ba muti.
- 18 Zonake ku lo wula yena ka Zeba ni Zalmuna, Mbanhu ba ku yini labo nwina mu nga ba hlasela leyo Tabora? Na bona ba lo hlamlula, Kwatsi hi wena, zi wa ngaho na bonawu; loyi ni loyi ba wa fanana ni banana ba hosi.
- 19 Na yena i te ngalo, Ba wa hi bamakabye ba mina, a barisanyana ba mamani wa mina: kwatsi hi lezi Jehova a hanyako, loku nwina mu wa ba tsikile ba hanya, nzi wa ta nga mina nzi nga mu dayangi nwina.
- 20 Na yena i te ngalo ka Jetera a mawula yakwe, Suka, u gwaza bona. Kanilezi a jaha a gi kokangi a supado ya gona; hakuba yena i wa caba, hakuba i wa ha hi tsongwani.
- 21 Zonake Zeba na Zalmuna ba te ngalo, Suka wena, u wela hehla ka hina; kwatsi hilezi a munhu a nga lezo, ni ntamo wa yena hizalezo. Na Gideoni i lo suka, i lo daya Zeba na Zalmuna, ni ku teka zi ngolongo-khwani lezi zi nga wa mikolweni ya makameli yabye.
- 22 Zonake a banhu ba ka Israeli ba te ngalo ka Gideoni, Fumela wena hehla ka hina, nwenkle wena, ni nwana wa wena, ni nwana wa nwana wa wena kambe; hakuba wena u hanyisile hina le canjeni ga ma Midiani.
- 23 Na Gideoni i wa te ngalo ka bona, Mina nzi nga ta fumela heha ka nwina, ge ni nwana wa mina a nga ta fumela hehla ka nwina, Jehova i ta fumela hehla ka nwina.
- 24 Na Gideoni i wa te ngalo ka bona, Mina nzi ta nga nzi maha kuwutisa ka nwina, lezaku nwina mu wa ta nga mu nyika loyi ni loyi munhu a tipera ta ndlebe ta mupango wa yena. (Hakuba bona ba wa hi ni tipera ta nzalama, hakuba bona ba wa hi ba Ismaeli.)
- 25 Na bona ba lo hlamlula, Hi kuranzi-sisilweko hina hi ta nyika tona. Na bona ba lo andlala a nguwo, ni ku hoxa laho bonklelele banhu a tipera ta mufulo wa yena.
- 26 Ni kutika ka tipera ta tindlebe ta nzalama leto yena a nga wa wutisile ka bona ku wa hi kume ga mazana ni nklanu ni mambiri mazana a maxekeli ya nzalama; hi lahandle ka zingolongo-khwani, ni tiketani, ni tinguwu to truka leto ti nga wa hi tihosini ta le Midiani, ni lahandle ka mungenje laya ma nga wa hi lomo mikolweni ya makameli yabye.
- 27 Na Gideoni i lo maha a efodi ba kona, i lo beka yona lomo mutini wa yena, kona leyo Ofra: ni bonkle a ba ka Israeli ba lo hlakana hi wu-owwi hi kota ya kona leyo; na kona ku lo maha a panya ka Gideoni, ni ka yindlu ya yena.

- 28 Zingaho a ma Midiani ma wa hlulilwe mahlweni ka banana ba ka Israeli, na bona a ba ha engetangi kambe ba klakusa tihloko tabye. Ni tiko gi lo humula a mune wa makume ya malembe masikwini ya Gideoni.
- 29 Na Jerubbaali a nwana wa Joaxi i loya tsama lomo ndlwini ya yena nwinyi.
- 30 Na Gideoni i wa ni nklanu ni mambiri a makume ya barisanyana ba trelweko hi miri wa yena; hakuba yena i wa hi ni basati bo tala.
- 31 Ni mundhlukulu wa yena lowo wu nga wa leyo Xekemi, yenawu kambe i trala nisanyana, i lo cula a bito gakwe Abimeleki.
- 32 Na Gideoni a nwana wa Joaxi i lofa na hi tangeni ya wukosana, na yena i wa lo kelelwa xilahleni xa Joaxi a raru wa yena, le Ofra ga ba Abiezri.
- 33 Na ku mahisile lezo, kwatsi hi xikanzakanya xa lezi Gideoni a nga wa file, ni banana ba ka Israeli ba lo klelela kambe, ba lo hlakana hi wu-
oswi anzako ka Baalima, ba lo ma-
ha Baalberite a nungungulu wabye.
- 34 Ni banana ba ka Israeli a ba alakanyangi Jehova a Nungungulu wabye, loye a klaklisileko ka bonkle a balala babye ka wonkle maklelo;
- 35 Ge bona ni ku wonisa wunene ka yindlu ya Jerubbaali, loye a nga Gideoni, kukotisa konkle a kusasa loko a kukombisileko ka ba ka Israeli.

XIPIMO 9.

- 1 Na Abimeleki a nwana wa Jerubbaali i loya le Xekemi ka bamakabye wa nyine wa yena, i lo wulawula zinwe na bona, ni zinwe ni ngango wonkle wa yindlu a raru wa nyine wa yena, aku,
- 2 Wulawulani, nza kombela nwina, lomo tindlebeni ta bonkle a banhu ba le Xekemi, lezaku i kwatsi ka nwina ke, lezaku bonkle a banana ba Jerubbaali, labo ba nga nklanu ni mambiri makume ya banhu, ni ku fumela hehla ka nwina, kutani a munwe a fumela hehla ka nwina ke? alakanyani lezaku mina nzi marambo ya nwina ni nyama ya nwina.
- 3 Ni bamakabye ba nyine ba lo wulawula ha yena ni tindlebeni ta bonkle a banhu ba le Xekemi tonkle leti timbaka: ni timbilu tabye ti wa xu-

bile a ku lanzela Abimeleki; hakuba bona ba te ngalo, Yena makabye wa hina.

- 4 Na bona ba lo nyika nklanu ni mambiri a makume ya zipanze za siliva zi huma lomo ndlwini ya Baaliberite, ha yona Abimeleki i lo kuma a zifelembu ni banhu ba nga nyawuliko labo ba lanzela yena.
- 5 Na yena i loya le Ndlwini ya raru wa yena le Ofra, i lo daya a bamakabye ba yena a banana ba Zerubbaali, na ba wa hi nklanu ni mambiri makume ya banhu, ribyeni ginwe: kanilezi Jotamu a nwana wa nzisanyana wa Jerubbaali i wa lo siywa; hakuba yena i wa lo fihla a wutsumbu ga yena.
- 6 Ni bonkle a banhu ba le Xekemi ba lo tsombana a wutsumbu gabye katiginwe, ni yonkle a yindlu ya ka Millo, ni ku famba ba ya maha a Abimeleki a hosi, hi laha ka oak i ya mhanze leyi yi nga wa hi leyo Xekemi.
- 7 Ni laha bona ba nga wa byelile kona ka Jotamu, yena i loya yima le hehla ka xitsunga Gerezima, i lo klakusa a gezu ga yena, i lo bahungu, i te ngalo ka bona, Ingisani ka mina, nwina banhu ba le Xekemi, lezaku Nungungulu a fela kuingisa ka nwina.
- 8 A tisinya ti lo suka a xikatini kuya tota a hosi hehla ka tona; na tona ti te ngalo ka sinye ya oliva, Fumela wena hehla ka hina.
- 9 Kanilezi a sinye ya oliva yi te ngalo ka tona, Mina nzi wa ta nga nzi tsika a kunona ka mina, hi ka kona ha mina ba dzunzako a Nungungulu ni munhu, nzi famba nzi ya nzulanzula hehla ka tisinya ke?
- 10 Ni tisinya ti te ngalo ka sinye ya kuwu, Ngona wena, u ta fumela hehla ka hina.
- 11 Kanilezi a sinye ya kuwu yi te ngalo ka tona, Mina nzi wa ta nga nzi tsika a kutsombela ka mina, ni miha-nzo ya mina yo saseka, nzi famba nzi ya nzulanzula hehla ka tisinya ke?
- 12 Ni tisinya ti te ngalo ka vina, Ngona wena, u ta fumela hehla ka hina.
- 13 Ni vina wu te ngalo ka tona, Mina nzi wa ta nga nzi tsika a waini ga mina giswa, legi nzi xalalisako ha gona Nungungulu ni munhu, nzi famba a ku nzulanzula hehla ka tisinya ke?

- 14 Zonake ti te naglo tisinya tonkle ka munga, Ngona wena, u ta fumela hehla ka hina.
- 15 Ni munga wu te ngalo ka tisinya, Loku ha kunene *nwina* mu tota mina a hosi hehla ka *nwina*, zonake ngonani mu ta teka kucabela lahasi ka nzuti wa mina; loku zi nge ngaho, nga nzilo wu huma hi lomo mungeni, wu kadamula a ma sedare ya le Lebanoni.
- 16 Makunu hikwalaho, loku *nwina* mu nga mu mahile hi ka zinene ni kulongametisilweko, ka lezo *nwina* mu nga maha Abimeleki a hosi, loku *nwina* mu nga mu mahile kwatsi ka Jerubbaali ni yindlu yakwe, na mu mahile ka yena kukotisa hi kufanela ka mandla ya yena
- 17 (Hakuba a raru wa mina i lo lwela *nwina*, i pfokometile a wutomi a wutomi ga yena, i lo klatlisa *nwina* mu huma ka canje ga ma Midiani :
- 18 Na *nwina* mu sukile mu vukela a yindlu ya raru wa mina legi siku, *nwina* mu dele a barisanyana ba yena, a nklanu ni mambiri a makume ya banhu, hehla ka ribye girwe, mu mahile Abimeleki, a *nwana* wa nanza ga yena ga xisati a hosi, a hosi hehla ka banhu ba le Xekemi, hakuba yena makabye wa *nwina*);
- 19 Loku *nwina* zonake mu nga mu mahile a zinene ni kulongametisilweko ha Jerubbaali ni yindlu ya yena legi siku, zonake tsakani *nwina* hi ka Abimeleki, nga yenawu kambe a tsaka ha *nwina* :
- 20 Kanilezi loku zi nge ngaho, nga a nzilo wu huma hi ka Abimeleki, wu kadamula a banhu ba le Xekemi, ni yindlu ya ka Millo; ni nga nzilo wu ta wu huma hi le ka banhu ba le Xekemi, ni ku huma le yindlwini ya ka Millo, wu kadamula Abimeleki.
- 21 Na Jotamu i lo tsutsuma, i lo caba, i loya le Beera, i loya tsama ka kona, hi kucaba Abimeleki a makabye wakwe.
- 22 Na Abimeleki i wa hi hosi hehla ka Israeli a malembe manharu.
- 23 Ni Nungungulu i lo rumela a moya wa kubiha xikari ka Abimeleki ni banhu ba le Xekemi; ni banhu ba le Xekemi ba lo maha hi kukanganyisilweko ha Abimeleki :
- 24 Lezaku a kupangwa loko ku mahilweko ka nklanu ni mambiri makume ya banana ba ka Jerubbaali kasi ku fela kuta, ni lezaku a nkata wu bekwa hehla ka Abimeleki a makabye wabye, loye a nga daya bona, ni hehla ka banhu ba le Xekemi, labo ba nga tiyisa a canja ga yena a ku daya bamakabye ba yena.
- 25 Ni banhu ba le Xekemi ba lo rumela a balabaleli ha yena le hehla ka zitsunga, na bona ba lo panga bonkle labo ba tako ba longoloka hi ndlela ba nga ka yona bona : kona ku wa lo byelwa Abimeleki.
- 26 Na Gaali a *nwana* wa Ebedi i lota zinwe ni bamakabye ba yena, i loya leyo Xekemi: ni banhu ba le Xekemi ba lo beka kutsumba ka yena.
- 27 Na bona ba lo huma baya masi-nwini, ba tsombanyisela a mavina yabye, ba lo kamela magrepi, ba lo maha a mubuzo, ba loya le ndlwini ya Nungungulu wabye, ba lo yaga ni kunwa, ba lo rukatela Abimeleki.
- 28 Na Gaali a *nwana* wa Ebedi i te ngalo, Nzi mani Abimeleki, nzi mani Xekemi, loye hina hi ta nga kala hi kozela yena ke? a hi yena a *nwana* wa Jerubbaali ke? na Zebula a nduna ya yena ke? kozelani *nwina* banhu ba Hamora a raru wa Xekemi: kanilezi hi yini hina hi ta nga kozela yena ke?
- 29 Na ku wa ta nga laba banhu ba hi lahasi ka canja ga mina! zonake mina nzi wa ta nga nzi susa Abimeleki. Yena i te ngalo ka Abimeleki, Hlomisa a impi ya wena, u huma.
- 30 Ni laba Zebula a mufumeli wa muti a zwile a timhaka ta Gaali a *nwana* wa Ebedi, ni zanga ya yena yi wa lo vindlukiswa.
- 31 Na yena i lo rumela a mitsumi ka Abimeleki hi kunyemukisilweko, aku, Languta, Gaali a *nwana* wa Ebedi, ni bamakabye ba yena bata leyo Xekemi; ni, languta, bona ba kurumeta a muti a ku teka a klelo ga ku vukela wena.
- 32 Makunuhikwalaho, vuka ni wusiku, wena ni banhu labo ba nga zinwe na wena, mu ya labelela lomo kwatini :
- 33 Na kona na ku taba lezo, laba mixweni, kwatsi hi xikanzakanya xa lezi a gambo gi tsuwukako, wena u ta vuka manzikweni wa punzu, mu huhulukela mutini; ni, languta, laba yena ni banhu laba nga zinwe naye bata ku ta vukela wena, wena

- u ta maha ka bona kukotisa le lezi wena u kumleko a xikati.
- 34 Na Abimeleki i lo suka, ni bonkle a banhu labo ba nga wa hi zinwe na yena, ni wusiku, na bona ba loya labelela ba vukela Xekemi mune wa miklawa.
- 35 Na Gaali a nwana wa Ebedi i lo huma, i loya yima le wuengenweni ga nyangwa ya muti: na Abimeleki i lo suki, na banhu bonkle laba ba nga wa hi zinwe naye, hi le xijumanini.
- 36 Ni laha Gaali a nga wa wonile a banhu, i te ngalo ka Zebula, Languta, kuta banhu lahasi hi le hela ka zitsunga. Na Zebula i te ngalo ka yena, wena u wona a nzuti wa zitsunga a ku kwatsi ngwa banhu.
- 37 Na Gaali i lo wulawula kambe i te ngalo, Wona, laho kuta banhu ba relela hi le xikari ka tiko, ni munwe klawa wu ta hi ndlela ye oaki wa le Meonenime.
- 38 Zonake ku lo wula Zebula ka yena, Hiwihi a nomu wa wena, lowo wena u wulako, Nzi mani Abimeleki, lezaku hina hi wa ta nga hi kozela yena ke? loyi a hi yena munhu loyi u mu kanyisako ke? suka u huma makunu, mina nza kombela wena, u yalwa zinwe na bona.
- 39 Na Gaali i lo huma mahlweni ka banhu ba le Xekemi, i lolwa na Abimeleki.
- 40 Na Abimeleki i lo hlolongisa yena, yena i lo caba mahlweni ka yena, leyo ku lowa bo tala ba nga wa kubazilwe, ku kala le wuengenweni ga nyangwa.
- 41 Na Abimeleki i lo aka leyo Aruma: na Zebula i lo hlongola Gaali a huma ni bamakabye ba yena, lezaku bona ba wa ta nga banga ha aki leyo Xekemi.
- 42 Na ku mahisile lezo ha manziko, lezaku a banhu ba lo huma le handle, masinwini; na bona ba lo byela Abimeleki.
- 43 Na yena i lo teka a banhu, i lo ba hambanyisela ka miklawa minharu, i loya labelela lomo kwatini; yena i lo cuwuka, ni, languta, ni banhu ba lota ba huma hi lomu mutini; na yena i lo suka a vukela bona, i lo hlasela bona.
- 44 Na Abimeleki, ni miklawa leyo yi nga wa hi zinwe na yena, ba lo hululukela mahlweni, ba lo ya yima wuengenweni ga nyangwa ya muti: ni miklawa mimbiri yi lo vumbulukela bonkle laba ba nga wa hi le handle, ni ku hlasela bona.
- 45 Na Abimeleki i lolwa a vukela a muti wonkle lego siku; na yena i lo teka a muti, ni ku daya bonkle a banhu labo ba nga wa hi ka wona: i lo kungumula lahasi a muti, i lo wu xwanyela hi munyu.
- 46 Ni laha banhu bonkle ba le kokoleni ga le Xekemi ba nga wa zwile ha kona, bona ba lo engena le xikanekisweni xa yindlu ya Elberite.
- 47 Na kona ku wa lo byelwa Abimeleki lezaku bonkle banhu ba kokola ga le Xekemi ba wa tsombene katigiawe.
- 48 Na Abimeleki i lo kanziya le xitsungeni xa le Zelmoni, yena ni banhu bonkle labo ba nga wa hi zinwe na yena; na Abimeleki i lo teka a xihloka canjeni ga yena, i lo tsema a rabi le tisinyeni, i lo teka gona, i lo klateka makakleni ya yena: yena i te ngalo ka banhu labo ba nga wa hi zinwe na yena, Lezo nwina mu wonako mini nzi mahile, haklisani, mu maha kwatsi hilezi nzi mahileko.
- 49 Ni bonklelele banhu zi wa ngaho ba lo tsemawu lahsi bonklelele banhu a rabi ga yena, ni ku lanzela Abimeleki, ba loya beka wona le xikanekisweni ba sudzi nzilo hehla ka wona: zingaho lezo bonkle banhu ba lomo kokoleni ga Xekemi ba lofa kambe, a xipimo xa kume ga mazana ya ba banuna ni ba basati.
- 50 Zonake i loya Abimeleki le Tebeza, i loya goba a vukela Tebeza, i lo teka wona.
- 51 Kanilezi leyo ku wa hi ni kokola ga ntamo leyo mutini, leno ba lo tsutsumela kona bonkle ba banuna ni ba basati, ni bonkle bona ba muti, ni ku ya valela a wutsumbu gabye nzeni, ba lo kanziya baya le xixungweni xa tawa.
- 52 Na Abimeleki i lota le taweni, i lolwa na yona, i lo tsinela ku suhani ka nyangwa ya tawa ni ku hisa yona hi nzilo.
- 53 Ni wasati wo kari i lo hoxa a ribye ga le hehla ka xigayo hehla ka hloko ya Abimeleki, yena i lo klotlora xikuwakuwa xa yena.
- 54 Zonake yena i lo bitana hi kuha-klisilweko a jaha ga mukomi wa maklari ya yena, yena i te ngalo ka

yena, Hlomula a Supado ya wena, ni ku daya mina, lezaku a ba banuna ba nga wuli ha mina, A wasati i lo daya yena, ni jaha ga yena gi lo klaba gi pondlisa yena, yena i lofa.

- 55 Ni laha a banhu ba ka Israeli ba nga wa wonile lezaku Abimeleki i file, bona ba lo suka bonklelele banhu ku ya wutsanweni ga yena.
- 56 Na Nungungulu i lo kletisela a kubiha ka Abimeleki, loko a ku mahileko ka raru wa yena, lezo a nga daya a nklanu ni mambiri makume ya bamakabye ba yena;
- 57 Ni konkle a kubiha ka banhu ba le Xekemi Nungungulu i lo kletisela hehla katihloko tabye : hehla ka bona ku lota a kurukatela ka Jotamu a nwana wa Jerubbaali.

XIPIMO 10.

- 1 Ni nzako ka Abimeleki laho ku lo suka a ku hanyisa Israeli Tola a nwana wa Pua, a nwana wa Dodo, a munhu wa ka Isakari; yena i lo aka le Xamira le tikweni ga mitsurana ya ka Efraime.
- 2 Yena i lo lamula Israeli a makume mambiri ni manharu malembe, i lofa, a kelelwa leyo Xamira.
- 3 Ni nzako ka yena ku vuka Jaira, a mi Gileade; yena i lo lamula Israeli a makume mambiri ni mambiri malembe.
- 4 Na yena i wa hi ni makume manharu ya banana labo ba nga wa kilela lomo ka timbongola ta makume manharu a marogana, bona ba wa hi ni makume manharu ya miti, leyo yi bitwako aku Havvotajaira kala legi siku, leyo yi lomo tikweni ga le Gileade.
- 5 Na Jaira i lofa, i wa lo kelelwa loma Kamoni.
- 6 Ni banana ba ka Israeli ba lo engeta kambe a ku maha lezi zi bihileko mahiweni ka Jehova, ba lo kozela Baalima, na Axtarote, ni banungungulu ba le Siria, ni banungungulu ba le Sidoni, ni banungungulu ba le Moabi, ni banungungulu ba banana ba ka Amoni, ni banungungulu ba ma Filisti; na bona ba lo tsika Jehova, na ba nga kozelangi yena.
- 7 Ni zanga ye ka Jehova yi lo vintlukiswa yi vukela Israeli, na yena i lo xabisa bona canjeni ga ma Filisti, ni le canjeni ga banana ba ka Amoni.
- 8 Na bona ba wa lo tsekulela ni kutsimbeketa a banana ba ka Israeli lego lembe : kuine ni nklanu ni manharu malembe ba tsimbeketa bona a banana ba ka Israeli labo ba nga wa hi le klatukweni wa Jordani lomo tikweni ga ma Amori, leyo yi hi Gileade.
- 9 Ni banana ba ka Amoni ba lo hunza ba klatuka Jordani a ka telwa kambe ba vukela Juda, ni ku vukela Benjamini, ni ku vukela a yindlu ya Efraime; zingaho lezo Israeli i wa la su ncu tikuruxwini.
- 10 Ni banana ba ka Israeli ba lo rila ka Jehova, baku, Hina hi onhile hi vukela wena, ha kona hakuba hina hi tsikileko a Nungungulu wa hina, hina hi kozela Baalima.
- 11 Na Jehova i te ngalo ka banana ba ka Israeli, A hi mina nzi mu hanyisileko ka ba le Gipite ke, ni le ka ma Amori, ni le ka ma Filisti ke ?
- 12 Ni ma Sidoni kamba, ni ma Amaleki, ni Maoni, ba lo tsimbeketa nwina; na nwina mu rilile ka mina, na mina nzi wa lo mu hanyisa canjeni gabye.
- 13 Kasilezo nwina mu tsikile mina, mu kozela banwani banungungulu : hikwalaho mina nzi nga ta engeta kambe nzi hanyisa nwina.
- 14 Yanani mu rila ka banungungulu labo nwina mu hlawulileko; nga bona ba mu hanyisa xikatini xa tikuruxu ta nwina.
- 15 Ni banana ba ka Israeli ba te ngalo ka Jehova, Hina hi onhile : maha wena ka hina kani hizihi lezo zi sasekileko ka wena; kumbela klatlisa hina, hina ha kombela wena, legi siku.
- 16 Na bona ba beka kule a banungungulu ba matiko lomo xikari ka bona, ba lo kozela Jehova; na muhefemulo wa yena wu wa karatekile hi kutsekulelwa ka Israeli.
- 17 Zonake a banana ba ka Amoni ba wa lo tsombana katiginwe, ba wa loya goba leyo Gileade. Ni bananana ba ka Israeli ba wa lo hlengetana a wutsumbu gabye katiginwe, ba lo ya goba te Mizpa.
- 18 Ni banhu, a tibosana ta le Gileade, ba te ngalo ka muzwe ni muzwani, Nzi mani a wanuna yena loye a ta

nga sangula a kulwa a vukela a banana ba ka Amoni ke? yena i taba hloko ya bonkole a banhu ba le Gileade.

XIPIMO 11.

- 1 Makunu Jafete a mu Gileade i wa hi wanuna wa nhenha ya kulwa, na yena i wa hi nwana wa xibayi: na Gileade i lo trala Jafete.
- 2 Ni sati wa Gileade i wa lo tralele yena barisanyana; ni laha a barisanyana ba yena ba nga wa kulile, bona ba lo hlongola Jafete, ba te ngalo ka yena, Wena u nga ta kuba na tsomba lomu ntlwini ka raru wa hina; hakuba wena u nwana wa muzwani wasati.
- 3 Zonake Jafete i lo pfobola a suka ka bainakabye ba yena, i loya aka leyo tikweni ga le Toba: ni leyo ku lo tsombana a banhu ba nga nyawuliko ka Jafete, na bona ba lo huma lahandle zinwe naye.
- 4 Na ku mahisile lezo hi nzako ka xikati, lezaku a banana ba ka Amoni ba lo maha a impi ba vukela Israeli.
- 5 Na kona ku wa hi lezo, lezaku, laha a banana ba ka Amoni ba lo maha impi ba vukela Israeli, a masingalakati ya le Gileade ba loyela Jafete leyo tikweni ga le Toba;
- 6 Na bona be te ngalo ke Jafete, Ngona wena u ta maha a wa hombe wa hina, kasi ha fela a kulwa ni banana ba ka Amoni.
- 7 Na Jafete i te ngalo ka masingalakati ya ka Gileade, Nwina a mu a mu bengangi mina ke, mu lo hlongola mina ntlwini ya dadani wa mina ke? hi yini nwina makunu mu tako ka mina laba nwina na mu tikurixwini?
- 8 Ni masingalakati ya Gileade ma te ngalo ka Jafete, Hikwalaho hina hi klelela kambe ka wena makunu, kasi wena u be u felako a ku famba na hina, a kulwa ni banana ba ka Amoni; na wena u taba a hloko ya hina ehla ka bonkole a banhu ba le Gileade.
- 9 Na Jafete i te ngalo ka masingalakati ya Gileade, Loku nwina mu neha mina kaya kambe a ku talwa ni banana ba ka Amoni, na Jehova nyikela bona mahlweni ka mina, mina nzi ta ba hloko ya nwina ke?
- 10 Ni masingalakati ya le Gileade ma te ngalo ka Jafete, Jehova i ta ba

a kustumunyu xikari ka hina; ha kunene kukotisa hi ka mhaka ya wena hina hi ta maha.

- 11 Zonake Jafete i loya zinwe ni masingalakati ya ka Gileade, ni banhu ba lo mu maha a hloko ni wa hombe ehla ka bona: na Jafete i lo wulawula tonkole a timhaka ta yena mahlweni ka Jehova leyo Mizpa.
- 12 Na Jafete i lo rumela a mitsumi ka hosi ya banana ba ka Amoni, aku, Zakuyini wena u labako ku maha ha mina, lezaku wena u tile ka mina a ku talwa u vukela a tiko ga mina ke?
- 13 Ni hosi ya banana ba ka Amoni yi lo hlamula a mitsumi ya ka Jafete, Hakuba Israeli i lo teka a tiko ga mina, laha na a kanziya a huma ata hi le Gipite, ku sukela le Arnoni ku kala ku cikela le Jaboke, ni ku kala le Jordani: makunu hikwalaho klelisani lego tiko kambe hi kurutisisileweko.
- 14 Na Jafete i lo rumela kambe a mitsumi ka hosi ya banana ba ka Amoni;
- 15 Na yena i te ngalo ka yena, Zakungahi a wulako Jafete: Israeli a nga tekangi a tiko ga le Moabi, ge ni tiko ga banana ba ka Amoni;
- 16 Kanilezi laha bona ba nga wa kanziya huma hi le Gipite, Israeli i lo famba a tsemakanya a xiwula kuya Bimbini go Truka, ni kuta le Kadexe;
- 17 Zonake Israeli i lo rumela a mitsumi ka banana ba ka Edomi, aku, Vumela mina, nza kombela wena, nzi tsemakanya nzi hunza a tiko ga wena; kanilezi a hosi ya Edomi a yi ingisangi. Ni kotiza lezowo kambe ba lo rumela ka hosi ya le Moabi; kanilezi yenawu i wa nga a nga vumeli: na Israeli i wa lo tsama leyo Kadexe.
- 18 Zonake bona ba lo famba ba tsemakanya a xiwula, ba loya ba renzelekela a tiko ga Edome, ni tiko ga le Moabi, ba lota bi rebe ga mutsuwukagambo ga tiko ga Moabi, na bona ba lo goba hi giwani klele ga le Arnoni; kanilezi bona a ba tangi leyo mbinganweni wa leyo Moabi, hakuba Arnoni ku wa hi mbingano wa Moabi.
- 19 Na Israeli i lo rumela a mitsumi ka Sihoni a hosi ya ma Amori, a hosi ya le Hexboni; na Israeli i te ngalo

- ka yena, Vumela hina hi hunza, ha kombela wena, nzi tsemakanya a tiko ga wena nziya ka wutsamo ga mina.
- 20 Kanilezi Sihoni i wa nga tsumbangi Israeli a ku hunza tsemakanya a mbingano wa yena; kanilezi Sihoni i lo tsombanyisa bonkle banhu ba yena katigizwe, i lo ya goba le Jahaza, i lolwa a vukela Israeli.
- 21 Na Jehova, a Nungungulu wa ka Israeli, i nyikela Sihoni ni banhu ba yena le canjeni ga ka Israeli, na bona ba lo hlasela bona: zingaho Israeli i lo teka a tiko gonkle ga ma Amori, a baakileko ba tiko.
- 22 Na bona ba lo teka wonkle a mbingano wa ma Amori, kusukela leyo Arnoni ku kala leyo Jaboke, ni ku sukela xiwuleni ku kala le Jordani.
- 23 Zingaho makunu Jehova, a Nungungulu wa ka Israeli, i hlolongile a ma Amori ma suka le mahlweni ka banhu wa yena Israeli, na u ta nga wena u tekela bona ke?
- 24 Wena u nga ta teka lego Cimoxe a nungungulu wa wena a ku nyikileko wena a ku fumela ke? Zingaho kani hi bahi labo a Nungungulu a hi hlolongeleko ba suka mahlweni ka hina, labo hi taba tekela.
- 25 Ni makunu wena hi wena u nga wa ncumo kwatsi a ku hunza Balake a wana Zipora, a hosi ya le Moabi ke? yena i wa ha timile a pikisana a vukela Israeli, kutani wa timile a alwa a vukela bona ke?
- 26 Laha Israeli a nga wa tsamile le Hexboni ni miti ya kona, ni lomo Aroera ni miti ya kona, ni ka yonkle a miti leyo yi longolokileko hi klelo ga Arnoni, mazana manharu malembe; ngahilezo wina a mu wuyisangi wona hi lexo xikati ke?
- 27 Mina hikwalaho a nzi onhang'i nzi vukela wena, kanilezi wena u maha a xionho loku wena u hloma impi kulwa na mina: Jehova, a Mulamuli, abe mulamuli legi siku xikari ka banana ba ka Israeli ni banana ba ka Amoni.
- 28 Ahemba a hosi ya banana ba ka Amoni a ba ingisangi ka timhaka leto Jafete a nga wa ti rumele ka yena.
- 29 Zonake a Moya wa Jehova wu lota hehla ka Jafete, i lo hunza a klatuka Gileade na Manasa, ba lo klatuka klatukweni wa Mizpa ga Gileade, ni ku suka hi Mizpa wa le Gileade yena i lo klatuka klatukweni wa banana ba Amoni.
- 30 Na Jafete i lo funga a xifungo ka Jehova, na te ngalo, Loku wena a ha kunene u nyikela a banana ba ka Amoni canjeni ga mina.
- 31 Zonake kona ku ta kuba lezo, lezaku kani hiyini lexo xi tako xi huma le tibatini ta yindlu ya mina a ku kinga mina, laha na mina na nzi klela hi kurula, hi le ka banana ba ka Amoni, kona ku taba ka Jehova, mina nzi ta nyikela kona a kuba munyikelo wa ku hiswa.
- 32 Zingaho Jafete i lo hunza a klatuka aya ka banana ba ka Amoni a ku yalwa zinwe na bona; na Jehova i nyikela bona canjeni ga yena.
- 33 Na yena i lo hlasela bona ku sukela le Aroera ku kala ku cikela le Minuite, yona makume mambiri ya miti, kala Abelaciramime, hi hihiritwa ka hombe nguvu. Zingaho a banana ba ka Amoni ba wa hlulilwe mahlweni ka banana ba ka Israeli.
- 34 Na Jafete i lota le Mizpa le ndlwini ya yena; ni, languta, ni nhanyana wa yena i lota a ku mu kinga ni tingomana ni mikino: na yena i wa hi wana wa yena yece; hi lahandle ka yena yena i wa nga hi ni nisanyana ge ni nhanyana.
- 35 Na ku mahisile lezo, laha yena a nga wa wonile yena, yena i hanzula a tinguwo ta yena, na te ngalo, Ha, nhanyana wa mina l wena u nehile mina lahasi nguvu, wena u munwe wa bona labo ba karatako mina; mina nzi vululile a nomu wa mina ka Jehova, na mina nzi nga ta zi kota ku klelela nzako.
- 36 Na yena i te ngalo ka yena, Dadani wa mina, wena u vululile a nomu wa wena ka Jehova; maha ka mina kukotisa lezo zi humeleko hi lomu nowini wa wena, hakuba kwatsi hilezo Jehova a tekileko a potelo wa wena ka balala ba wena, kona ka bona a banana ba ka Amoni.
- 37 Yena i te ngalo ka dadani wa yena, Nga lezi zilo zi maheka ha mina: hi nga nzi tsika nzi tsama tihweti timbiri, kasi nza fela ku suka nzi famba lahasi hehla ka zitsunga, nziya rilela a wubulwa ga mina, mina ni bangana ba mina.
- 38 Na yena i te ngalo, Yana. Na yena i lo fambisa yena a tihweti timbiri:

na yena i lo suka, yena ni bangana ba yena, ba lo rilela a wubulwa gawe hehla ka zitsunga.

- 39 Na ku mahisile lezo hi gumelweni ka tihweti timbiri, lezo yena i lo klelela ka dadani wa yena, loye i lo maha ka yena kukotisa ka xifungo lexo a nga wa xi fungile: na yena i wa nga tibangi a wanuna. Na kona ku wa hi mukuwo ka Israeli,
- 40 Lezaku a banhwana ba ka Israeli ba loya malembe wonkle a ku ya nengisa a nhanyana wa Jafete a mu Gileade a mune wa masiku hi lembe.

XIPIMO 12.

- 1 NI banhu ba ka Efraime ba wa lo tsombana katigizwe, ba lo hunza hi ngomama ya nwalungu; na ba te ngalo ka Jafete, Ngahilezo wena u hunzako u klatuka a ku yalwa u vukela a banana ba ka Amoni, na wena a ku hi bitanangi a kuya zinwe na wena ke? hina hi tahisa a yindlu ya wena hehla ka wena hi nzilo.
- 2 Na Jafete i te ngalo ka bona, Mina ni banhu ba ka mina hi wa hi kupikisaneni ka hombe ni banana ba ka Amoni; ni laha mina nzi bitanile nwina, nwina a mu ponisangi nzi huma canjeni gabye.
- 3 Ni laha mina na nzi wonile lezaku a mu nzi hanyisangi, mina nzi lo beka a wutomi ga mina canjeni ga mina, nzi lo hunza nzi klatuka a kuvukela a banana ba ka Amoni, na Jehova i nyikele bona canjeni ga mina: ngahilezo zonake nwina mu tile ka mina legi siku, a ku talwa mu vukela mina ke?
- 4 Zonake Jafete i lo tsombanyisa katigizwe bonkle ba banuna ba le Gileade, ba lolwa na Efraime; ni banhu ba le Gileade ba lo hlula Efraime, hakuba bona ba te ngalo, Nwina mu bacabi ba ka Efraime, nwina ba ka Gileade, ni xikari ka Efraime, ni xikari ka Manasa.
- 5 Ni ba ka Gileade ba lo teka a mapelo ya le Jordani ba lo vukela ba ka Efraime. Na kona ku wa hi lezo, laho, kani hiwibi wa bacabi ba ka Efraime a nga wa te ngalo, Nga mina nziya klatukweni, zona a banhu ba ka Gileade ba te ngalo ka yena, Wena hi wena mu Efraime ke? Loku a te ngalo, Ge;
- 6 Zonake ba wula bona ka yena,

Wula makunu Xibbolete; yena i te ngalo Sibbolete; hakuba yena i wa nga a nga hi na kuccetela a ku gi wula kwatsi: zonake bona ba lo koma yena, ni ku daya yena le mapelweni ya leyo Jordani. Ni leyo ku lo wela ka lexo xikati a ba ka Efraime a mune wa makume ni mambiri ya kume ga mazana.

- 7 Na Jafete i lo lamula Israeli nklanu ni ginwe malembe, zonake i lofa Jafete a mu Gileade, i lo kelelwa le mutini munwe wa le Gileade.
- 8 Ni nzako ka yena Izbani wa le Betlehema i lo lamula Israeli.
- 9 Na yena i wa hi ni makume manharu ya barisanyana, ni makume manharu ya banhanyana yena i lo ba rwalela, ni makume manharu ya banhwana yena i lo tekela barisanyana ba yena. Na yena i lo lamula Israeli nklanu ni mambiri malembe.
- 10 Na Izbani i lofa, i lo kelelwa le Betlehema.
- 11 Ni nzako ka yena Eloni a mu Zebuluni i lo lamula Israeli; na yena i lo lamula Israeli kume ga malembe.
- 12 Na Eloni a mu Zebuluni i lofa, yena i lo kelelwa leyo Aijaloni le tikweni ga le Zebuluni.
- 13 Ni nzako ka yena Abdoni a nwana wa Hilleli a mu Piratoni i lo lamula Israeli.
- 14 Na yena i wa hi ni mune wa makume ya barisanyana, ni mune wa makume ya bazukulwana, labo ba nga wa kilela lomo ka nklanu ni mambiri makume a marogana ya timbongola: na yena i lo lamula Israeli nklanu ni manharu malembe.
- 15 Na Abdoni a nwana wa Hilleli a Piratoni i lofa, i lo kelelwa la lomo Piratoni le tikweni ga le Efraime, le tikweni ga miganga ya le Amuleki.

XIPIMO 13.

- 1 Ni banana ba ka Israeli ba lo maha lezo zi bihileko kuwoneni ka Jehova, na Jehova i lo ba nyikela canjeni ga ma Filisti mune wa makume a malembe.
- 2 Ni layo ku wa hi kona a munhu wo kari wa le Zora, wa le ngangweni ka Dani, a bito ga yena a nga wa hi Manoa; ni sati wakwe i wa hi ngonwa i wa nga trali.
- 3 Ni ngelosi ka Jehova yi lo woneka

- ka wasati, na yi te ngalo ka yena, Languta makunu, wena u ngonwa, a kutrali; kanilezi wena u ta xura nyimba, ni ku trala nisanyana.
- 4 Makunu hikwalaho klariha, mina nza kombela wena, u nganwi a waini hambu ni byala, u ngagi ni xihhi xilo xi nga hlazekangiko:
- 5 Hakuba, wanga/ye, wena u ta xura nyimba, u ta trala a nisanyana; ni likari li nga tata hehla ka hloko ya yana; hakuba a nwauana i taba mu Nazareta ka Nungungulu ku sukela rumbyini: na yena i ta sangula a ku hanyisa Israeli le canjeni ga ma Filisti.
- 6 Zonake a wasati i lota byela a nuna wa yena, aku, A munhu wa Nungungulu i lota ka mina, ni ngohe ya yena yi wo kwatsi i ngohe ya ngelosi ya Nungungulu, yi wo cabiseka nguvu; mina a nzi mu wutisangi lezaku u ta hikwihi, ge yena hambu ku byela mina a bito ga yena:
- 7 Kanilezi yena i te ngalo ka mina, Languta, wena u ta xura nyimba, u ta trala a nisanyana; ni makunu u nganwi a waini ge ni byala, u ngagi ni xihhi xilo xi nga hlazekangiko; hakuba a nwanana i taba mu Nazareta ka Nungungulu ku sukela rumbyini ga yena kala kufeni ka yena.
- 8 Zonake Manoa i lo kombela ka Jehova, na te ngalo, O, Hosi, nza kombela wena, nga munhu wa Nungungulu loyi wena u nga wa mu rumele ate kambe ka hina, ni kuta gonzisa hina a ku hi ta maha yini hi nwanana loye a ta nga tralwa.
- 9 Na Nungungulu i lo ingisa ka gezu ga Manoa; ni ngelosi ya Jehova yi lota kambe ka wasati ku kota lezi a nga wa tsamile masiawini: kanilezi Manoa a nuna wa yena i wa nga hi zinwe na yena.
- 10 Ni wasati i lo maha xihakla, i lo tsutsuma, ni ku ya byela nuna wa yena, i te ngalo ka yena, Languta, a munhu i wonekile ka mina, loye a nga wa tile ka mina gizwani siku.
- 11 Na Manoa i lo suka, ni kuya le nzako ka sati wa yena, i lota ka munhu, na te ngalo ka yena. Wena hi wena a munhu loye a wulawulileko ka wasati ke? yena i te ngalo, Nzi mina yena.
- 12 Na Manoa i te ngalo, Makunu nga timhaka ta wena i mahcka: zi zilongiselo muni za nwanana, zaku-
- yini hina hi ta nga zi maha ka yena ke?
- 13 Ni ngelosi ya ka Jehova yi te ngalo ka Manoa, Ka zonkle lezo mina nzi wulileko ka wasati nga a klariha.
- 14 Yena i fela ku kala a ngagi ni xihhi xilo lexo xi humako hi le vineni, ge yena ni kunwa a waini hambu a byala, ge ni kuga a xilo xi nga hlazekangiko; zonkle lezo nzi leleteleko yena nga yena a zi lonzowota.
- 15 Na Manoa i te ngalo ka ngelosi ya ka Jehova, Mina nza kombela wena, nga hina hi tindekisa wena, kasi ha fela ku longisela wena a mbutanyana.
- 16 Ni ngelosi ka Jehova yi te ngalo ka Manoa, Hambu wena u tindekisa mina, mina nzi nga taga a xibaba xa wena; ni loku wena u maha ku longiselela a munyikelo wa kuhiswa, wena u fanele ku nyikela ka Jehova, Hakuba Manoa i wa nga zi tibi lezaku yona yi wa hi ngelosi ya Jehova.
- 17 Na Manoa i te ngalo ka ngelosi ya Jehova, Hi wena mani a bito ga wena ke, lezaku, laha a timhaka ta wena na ti mahckile, kasi ha fela ku maha kudzunza ka wena?
- 18 Ni ngelosi ka Jehova yi te ngalo ka yena, Ngahilezo wena u wutisako a bito ga mina, na u wona lezaku gona kuhlmalalisa ke?
- 19 Zingaho Manoa i lo teka a mbutana ni zinwe ni mu nyikelo wa tinzoho, i lo nyikela kona hehla ka ribye ka Jehova: ni ngelosi yi lo maha hi kuhlmalalisisilweko; Manoa ni sati wa yena ba la su cuwukisisa.
- 20 Hakuba na ku mahisile lezo, laha a kungengemela ku nga famba hehla le tilweni ku suka hi laha alatini, lazaku a ngelosi ya Jehova yi lo klakukela hi lomo kungengemeleni ka alati: Manoa ni sati wa yena ba wa la su cuwuka; na bona ba lowa hi tingohe tabye laha liranza/nyeni.
- 21 Kanilezi a ngelosi ya Jehova a ya ha wonekangi kambe ka Manoa ni na sati wa yena. Zonake Manoa i wa lo tiba lezaku yona yi wa hi ngelosi ya Jehova.
- 22 Na manoa i wa te ngalo ka sati wa yena, Hina ha kunene hi tafa, hakuba hina hi wonile a Nungungulu.
- 23 Kanilezi a sati wakwe i wa te ngalo ka yena, Loku Jehova a wa xalalisilwe a ku daya hina, nga yena a amukelile a munyikelo wa hina wa

kuhiswa ni munyikelo wa hina wa tinzoho caujeni ga hina ke, ge nga a wa nga kangetangi hina zonkle lezi zilo, ge nga ni lexi xikati a nga byelangi hina lezi zilo.

- 24 Ni wasati i lo trala nisanyana, ni kucula yena nzi Samsoni: ni xihlangana xi lo kula, na Jehova i lo katekisa yena.
- 25 Ni Moya wa Jehova wu lo sangula ku kucetela yena leyo Mahanehdani, xikari ka Zora ni Extali.

XIPIMO 14.

- 1 Na Samsoni i lo relela aya le Timna, i loya wona a wasati leyo Timna wa banhwana ba ma Filisti.
- 2 Na yena i lo kanziya ata, i lota byela a raru wa yena ni nyine wa yena, na te ngalo, Mina nzi wonile a wasati le Timna wa banhwana ba ma Filisti: makunu tekani yena ka mina akuba sati.
- 3 Zonake a raru wa yena ni nyine wa yena ba te ngalo ka yena, Laho a ku kona a wasati xikari ka banhwana ba bamakabye ba wena ke, kutani xikari ka bonkle banhu ba ka hina, lezaku wena u wa taya u ya teka a wasati ka ma Filisti laya mankuna ke? Na Samsoni i te ngalo ka raru wa yena, Tekela yena ka mina; hakuba yena wa xalalisa mina kwatsi.
- 4 Kanilezi a raru wa yena ni nyine wa yena ba nga zitibi lezaku hi Jehova; hakuba yena i wa laba licacaso lo vukela ma Filisti. Makunu ka lexo xikati a ma Filisti ma wa fumele behla ka Israeli.
- 5 Zonake Samsoni i lo relela, ni raru wa yena ni nyine wa yena, le Timna, ni kuta le xivineni xa le Timna: ni, languta, a role ga ngala gi dzuma gi vukela yena.
- 6 Ni Moya wa ka Jehova wu lota hi wunhenha behla ka yena, yena i lo pfemula yona kwatsi hi loku a wa ta nga a pfemula mbutanyana; yena i wa nga hi na ncumo canjeni ga yena: kanilezi yena a nga byelangi a raru wakwe kutani nyine wakwe lezi a zi mahileko.
- 7 Na yena i lo relela, i loya wulawula ni wasati; na yena i lo xalalisa Samsoni kwatsi.
- 8 Ni nzako ka xikati yena i lo kelela a ku ta teka yena; yena i lo hambuka a wona a nyacanjale wa ngala, ni, languta, leyo ku wa pomele a tsu-

nzu wa tinyoxi lomo mirini wa ngala, ni wulombe.

- 9 Na yena i lo teka gona lomo mandleni ya yena, i lo famba, na aga kota a fambako; na yena i lota ka raru wa yena ni ka nyine wa yena, i lota nyika ka bona, na bona ba loga: kanilezi yena i wa nga ba byelangi lezaku i wa tekile a wulombe hi ka miri wa ngala.
- 10 Ni raru wa yena i relela aya ka wasati: na Samsoni i lo maha leyo a mubuzo; hakuba lezo ma wa tolobele a majaha ku maha.
- 11 Na kona na ku mahisile lezo, laha bona ba nga wa wonile yena, bona ba lo neha a makume manharu ya bangana a ku taba ziwe naye.
- 12 Na Samsoni i te ngalo ka bona, Nga mina makunu nzi beka a liteketelo ka nwina: loku nwina mu ta tsawutela lona ka mina hi masikwini ya nklanu ni mambiri ya mubuzo, ni ku kuma lona, zonake mina nzi ta mu nyika makume manharu ya tinguwo ta mure ni makume manharu ya kuhendleletana ka tinguwo;
- 13 Kanilezi loku nwina mu nga ku klaklambuteli ka mina, zonake nwina mu ta nzi nyika mina a makume manharu ya tinguwo ta mure ni makume manharu ya kuhendleleta ya tinguwo. Na bona ba ta ngalo ka yena, tsawutela liteketelo la wena, kasi hina ha fela kuzwa lona.
- 14 Na yena i te ngalo ka bona,
 Hi le ka mugi ku lota ku huma a kuga,
 Hi le ntawweni ku lota a ku tsonbela.
 Bona ba wa nga zi kotangi hi masiku manharu a ku klaklambutela liteketelo.
- 15 Na ku mahisile lezo hi siku ga nklanu ni mambiri, lezaku bona ba te ngalo ka sati wa Samsoni, Ku cetela a nuna wa wena, kasi wa fela a ku klaklambutela ka hina a liteketelo, hina hi nga taku hi hisa wena ni yindlu ya raru wa wena hi nzilo: mu hi rambele ku ta kalabela hina ke? zingaho ke?
- 16 Ni sati wa Samsoni i lo rila mahlweni ka yena, na te ngalo, Wena u maha kanilezi a ku benga mina, wena a ku ranzi mina: wena u bekile a liteketelo ka banana ba banhu ba ka hina, wena a ku nzi byelangi mina. Na yena i te ngalo

- ka yena, Languta, mina a nzi byelangi lona ka dadani wa mina ni ka mamani wa mina, mina nzi ta byela wena ke?
- 17 Na yena i lo rila mahlwani ka yena a nkalanu wa masiku ni mambiri, lawo ba nga maha ha wona a mubuzo wa bona: na ku mahisile lezo hi siku ga nkalanu ni mambiri, lezaku yena i byela yena, hakuba yena i lo kurumeta yena nguvu; na yena i lo byela a liteketelo ka banana ba banhu ba ka kabye.
- 18 Ni banhu ba muti ba te ngalo ka yena hi siku ga wunkalanu ni mambiri na gambo na gi nga seku relela basi, Xini xi tsombekeko ku hunza wu wulombe? xini xa ntamo ku hunza ngala? Na yena i te ngalo ka bona,
 Loku nwina mu nga rimangi hi marogana ya mina,
 Nwina a mu kumangi a liteketelo la mina.
- 19 Ni Moya wa Jehova wu lota hi wunhenha hehla ka yena, yena i lo relela aya le Axkeloni, i lo daya makume manharu ya banhu ba bona, na a lo teka a mupango wabye, i lo nyika a tinguwo ta ku hendletana ka bona labo ba nga khlakhlambutela a liteketelo la yena, Ni zanga ya yena yi wa lo vindlukiswa, na yena i lo kanziya le ndlwini ya raru wa yena.
- 20 Kanilezi a sati wa Samsoni i wa lo nyikwa ka tanga ya yena, loye a nga wa maha ku kwatsi i mungana wa yena.

XIPIMO 15.

- 1 Kanilezi na ku mahisile lezo anzako ka xikati, hi xikati ni xa kuhula mabele, lezaku Samsoni i lo enzela a sati wa yena hi mbutanyana; na yena i te ngalo, Mina nzi taya ka sati wa mina lomo ndlwini. Kanilezi a raru wa yena i wa nga vumeli yena a ku engena lomo ndlwini.
- 2 Ni raru wakwe i te ngalo, Hizinene mina nzi wa alakanya lezaku kumbetisisilweko wena u bengile yena; hikwalaho mina nzi nyikele yena ka tanga ya wena: a makwarwana wa yena a hi mbugana ku hunza yena ke? teka yena, nza kombela wena, xikundleni xa yena.
- 3 Na Samsoni i te ngalo ka bona, Lexi xikati a nzi na nanzu hi kilelo

- ga ma Filisti, laba mina nzi maha ka bona kuonhakalisa.
- 4 Na Samsoni i loya koma a mazana manharu ya tihlati, na yena i lo teka a zihlahle za nzilo, i lo hunzulusa a kila ni kila, i lo bekela a xihlahle xa nzilo ka yonkolelele mikila mimbiri yi klabiketeneko.
- 5 Ni laha a nga wa lumেকে a zihlahle hi nzilo, yena i lo maha tona ti famba lomo mabeleni ma yimileko ya ma Filisti, na yena i lo hisa ni mimulu ni mabele ma yimileko, kambe ni zivina.
- 6 Zonake a ma Filisti ma te ngalo, Nzi mani a mahileko lezi? Na bona ba te ngalo, Samsoni, a nwana hi ka nayo wa ma Timna, hakuba yena i tekile a sati wa yena, ni ku nyikela yena ka tanga ya yena. Ni ma Filisti ma lo kanziya mata, ba lota hisa yena ni raru wa yena hi nzilo.
- 7 Na Samsoni i te ngalo ka bona, Loku nwina mu maha zakungabi, ha kunene mina nzi ta potelwa ha nwina, ni nzako ka lezo mina nzi ta kawula.
- 8 Na yena i lo daya bona a nyonga ni nenge hi kuhlasela ka hombe: yena i lo relela aya aka le ka hlohlolo ya ribye ga Etame.
- 9 Zonake a ma Filisti ma lo kanziya, ba loya goba leyo Juda, ni ku mbambamela a wutsumbu gabye leyo Lehi.
- 10 Na banhu ba ka Juda ba te ngalo, Hi yini nwina mu kanziyako mu ta vukela hina ke? na bona ba te ngalo, A ku boha Samsoni hina hi tile, ni ku maha ka yena kwatsi hilezi a mahileko ka hina.
- 11 Zonake a manharu ya kume mazana a banhu ba ka Juda ba lo relela le hlohlolweni ya ribye ga le Etame, na ba te ngalo ka Samsoni, A ku zitibi wena lezaku a ma Filisti ba fumele hehla ka hina? zakuyini zonake lezi wena u zi mahileko ka hina ke? Na yena i wa te ngalo ka bona, Kwatsi hilezi bona ba mahileko ka mina, zingaho mina nzi mahilewo ka bona.
- 12 Na bona ba te ngalo ka yena, Hina hi relele a ku ta boha wena, kasi ha fela a ku nyikela canjeni ga ma Filisti. Na Samsoni i wa te ngalo ka bona, Hlambanyani ka mina, lezaku nwina mu nga ta wela ka mina a wutsumbu ga nwina.

- 13 Na bona ba lo wulawula ka yena, ba waku, Kokwihi; kanilezi hina hi ta boha wena hi ku tiyisa, ni ku nyikela wena le canjeni gabye: kanilezi ha kunene hi nga ta daya wena. Na bona ba lo boha hi magota maswa, na bona ba lo neha yena ba kanziya bata hi ribyeni.
- 14 Ni laha yena a nga wa tile le Lehi, ni ma Filisti ba lo hlalela kwatsi hilezi ba nga wa klanganyeta yena: ni Moya wa Jehova wu lota hi wunhena hehla ku yena, ni magota laya ma nga wa hi mawokweni ya yena ma lo maha ku kwatsi wuluba legi gi hiswako hi nzilo, ni kuranywa ka yena ku lowa hi lomo mandleni ka yena.
- 15 Na yena i lo kuma rambu giswa ga hlalaya wa mbongola, yena i lo nehele canja ga yena, i lo teka gona, i lo daya a kume ga mazana ya babanuna ha wona.
- 16 Na Samsoni i te ngalo,
Zinwe hi rambu ga hlalaya wa mbongola, a tinhulu hehla ka tinhulu,
Zinwe hi rambu ga hlalaya wa mbongola mina nzi dele a kume ga mazana ya ba banuna.
- 17 Na kona na ku mahisile lezo, laha a nga wa mahile kugumelwa kuwulawula, i lo hoxa a rambu ga hlalaya canjeni ga yena; ni lego wutsamo gi wa lo bitanwa Rematelehi.
- 18 Yena i wa lasu kayeka hi tora, i lo bitana Jehova, i te ngalo, Wena u nyikileko loku kuklakliswa ka hombe hi canja ga nanza ga wena; ni makunu mina nzi tafa hi tora ke, ni ku wela canjeni ga mankuna ke?
- 19 Na Nungungulu i lo kuha wutsamo ga kowokowo ga le Lehi, leyo ku lota a mati ma huma hi leyo; ni laha yena a nga wa nwile, ni moya wa yena wu lo wuya kanibe, i lo kalamuka: hikwalaho a bito ga kona gi lo bitanwa Enhakora, legi gi nga le Lehi, kala legi siku.
- 20 Na yena i lo lamula Israeli masikwini ya ma Filisti makume mambiri malembe.

XIPIMO 16.

- 1 Na Samsoni i loya le Gaza, i lo wona leyo a xibayi, i loya engena ka xona.
- 2 Na kona ku lo byeliwa a ba ka Gaza, aku, Samsoni i tile leno. Na bona ba

lo ranzela yena lomo, ba lo labelela yena gonkle wusiku leyo nyangweni ya muti, na ku wa su tiwitiwibi gonkle wusiku, baku, A nga kube ku kala gica kuwonekela, zonake hi ta daya yena.

- 3 Na Samsoni i lo eklela kala xikari ka wusiku, na yena i lo vuka xikari ka wusiku, i lo welela a koma a tibati ta nyangwa ya muti, ni timhanze timbiri, i lo kunula tona, a zikwinyaro ni konkle, i lo zi klateka le makakleni ya yena, i lo zi rwala a zi yisa le hehla ka xitsunga lexo xi nga hi mahlweni ka Hebroni.
- 4 Na ku mahisile lezo a nzako ka lezo, yena i lo ranza a wasati lomo minzelelweni ya le Soreka, loye a bito ga yena a nga wa Delila.
- 5 Ni tihosi ta ma Filisti ti lo kanziya tita ka yena, na ti te ngalo ka yena, Kucetela yena, ni ku wona lezaku a ntamo wa yena wa hombe wu tsamile kwihi, na hi ka zulezo hina hi ta hlula hi vukela yena, lezaku kasi ha fela ku mu boha hi mu tsekulela: na hina hi ta nyika loyi ni loyi wa hina a zana ni kume ga mazana a zipanze za siliva.
- 6 Na Delila i te ngalo ka Samsoni, Byela mina, nza kombela wena, hikwihi, laho ku tsamileko a ntamo wa wena wa hombe ke, hikwihi laho wena u ta nga bohiwa kasi wa fela kuxaniswa wena.
- 7 Na Samsoni i wa te ngalo ka yena, Loku ba nzi boha nkalanu ni kumbiri hi tingoti to nyuka leto cima ti nga omangiko, zonake minanzi ta rereka, nzi be ku kota bazwani banhu.
- 8 Zonake a tihosi ta ma Filisti ti lo neha ka yena nkalanu ni timbiri a tingoti to nyuka leto cima ti nga omangiko, na yena i lo boha yena ha tona.
- 9 Makunu yena i wa hi ni laba ba nga wa labele ba tsamile lomo nzeni ka yindlu. Na yena i te ngalo ka yena, A ma Filisti ma hehla ka wena, Samsoni. Na yena i lo tsema a tingoti, kwatsi hi lingoti la xikwenge laha na li kumbilwe hi nzilo. Zingaho a ntamo wa yena wu wa nga tibiyiwi.
- 10 Na Delila i te ngalo ka Samsoni, Languta, wena u tseketsela mina, ni ku byela mina mawunwa: makunu byela mina, nza kombela wena, hikwihi laho wena u nga bohiwako ha kona.

- 11 Na yena i wa te ngalo ka yena, Loku bona ntsena ba boha mina, hi magota laya ba nga mahangiko ka wona a tiro, zonake mina nzi ta rereka, nzi ta kuba ku kwatsi hi munwani munhu.
- 12 Zingaho Delila i lo teka a magota maswa, a lo mu boha yena ha wona, i te ngalo ka yena, A ma Filisti ma hehla ka wena, Samsoni. Ni bala-beleli ba wa tsamile lomu nzeni ka yindlu. Na i lo tsema tona mawokweni ya yena ku fanana ni tihinza.
- 13 Na Delila i te ngalo ka Samsoni, Laha kambewo wena u tseketsela mina, na u byelile mina mawunwa: hikwihi laho wena u nga felako a kubohiwa ha kona. Na yena i wa te ngalo ka yena, Loku wena u lukela a nklanu wa minzambyanana ni mimbiri hi kasila.
- 14 Yena i lo lukela yona hi nyalifanyeti, na te ngalo ka yena. A ma Filisti ba le hehla ka wena Samsoni. Na yena i lo vuka hi le kuckleleni ka yena, i lo hlomula a nyalifanyeti wa nzambyanana, ni kasila.
- 15 Na yena i wa te ngalo ka yena, U ta wulisa ku yini wena, Mina nza ranza wena, laha a mbilu ya wena yi nga hi zinwe na mina ke? wena u tseketsela mina laya makati manharu, wena a ku byelangi mina laho a ntamo wa wena wa hombe wu tsamako ha kona.
- 16 Na ku mahisile lezo, laha yena na tsimbeketile yena hi kuranzekileko hi timhaka ta yena, i lo kongotela yena, lezaku a muhefemulo wa yena wu lo karateka ka kufa.
- 17 Na yena i lo byela yena yonkle a mbilu ya yena, na te ngalo ka yena, Laho a ku engenangi likari hlokweni ya mina; hakuba mina nzi wa kari nzi hi mu Nazareta ka Nungungulu ku sukela rumbyini ga nyine wa mina: loku mina nzi taba nzi cingiwa, zonake a ntamo wa mina wu ta suka ka mina, na mina nzi ta rereka, nzi fanana kani wihi munwani munhu.
- 18 Ni laha Delila a nga wa wonile lezaku i mu byelile a mbilu ya yena yonkle, yena i lo rumela a ku bitana a tihosi ta ma Filisti, aku. Kanzi yani muta, lezi kazwe, hakuba yena i byelile mina a mbilu ya yena. Zonake a tihosi ta ma Filisti ti lo kanziya tita ka yena, ni ku neha a mali canjeni ga bona.
- 19 Na yena i lo maha yena a eklela madozweni ya yena; yena i lo bitana a munhu, i lo cinga a nklanu ni mimbiri a minzambyanana ya hloko ya yena; yena i lo sangula a ku xanisa yena, ni ntamo wa yena wu lo famba le ka yena.
- 20 Na yena i te ngalo, A ma Filisti ma le hehla ka wena, Samsoni. Na yena i lo vuka kuckleleni ka yena, na te ngalo, Mina nzi ta huma kwatsi hi manwani makati, ni ku kucunga a wutsumbu ga mina na nzi klatlekile. Kanilezi yena i wa nga zi tibi lezaku Jehova i sukile ka yena.
- 21 Ni ma Filisti ma lo klateka ma koma yena, ni ku boxa mahlo ya yena; na ba lo relela ba neha yena Gaza, ba lo mu boha hi wusenga ga suku; na yena i lo gaya lomu ndlwini ya paxo,
- 22 Ahemba a misisi ya hloko ya yena yi lo sangula ku kula kambe a nzako ka kuba yi nga wa cingilwe.
- 23 Ni tihosi ta ma Filisti ti lo tso mbana a wutsumbu gabye katiginwe a ku ta nyikela a mupahlelo wa hombe ka Dagoni a nungungulu wabye, ni ku huma; hakuba bona ba te ngalo, A nungungulu wa hina i hi nyikile Samsoni a nala wa hina canjeni ga hina.
- 24 Ni laha banhu ba nga wa wonile yena, bona ba lo dumisa a nungungulu wabye; hakuba ba te ngalo, A nungungulu wa hina i nyikele canjeni ga hina a nala wa hina, ni mulobisi wa tiko ga hina, loyi a hla-seleko ba nyingi ba hina.
- 25 Na ku mahisile lezo, Laha a timbilu tabye ti nga wa klanga, lezaku bona ba te ngalo, Bitanani Samsoni, lezaku a fela ku ta maha hina lihleko, Na bona ba lo bitana Samsoni hi lomo ndlwini ya paxo; yena i lo maha lihleko mahlweni ka bona. Na bona ba lo mu yimisa xikari ka timhanze:
- 26 Na Samsoni i te ngalo ka murangeli loye a mukokako hi canja, Vumela mina ku welela a timhanze leti a yindlu ha tona yi tiyileko, kasi nza fela ku kegele ka tona.
- 27 Makunu a yindlu yi wa tele hi ba banuna ni ba basati; ni tonkle a tihosi ta ma Filisti ti wa hi lomo; ni lomo ku wa hi kona hehla ka langwa a xipimo xa manharu a

kume ga mazana a ba banuna ni ba basati, labo ba nga wa wona laha Samsoni a maha lihleko.

- 28 Na Samsoni i lo bitana ka Jehova, na a te ngalo, O Hosi Jehova, alakanya mina, nza kombela wena, tiyiseta mina, nza kombela wena ka kwaloku kuzwe ntsena, O Nungungulu, kasi nza fela ku xikanwe nzi potela a ma Filisti a mahlo ya mina mambiri.
- 29 Na Samsoni i lo koma a timhanze timbiri ti nga laha xikari leto a yindlu yi tiyisilweko ha tona, a kegeleko ka tona, ni yinwe yi wa hi canjeni gakwe ga xinene ni yinwani yi wa hi ka ga xibaba.
- 30 Na Samsoni i te ngalo, Nga mina nzifa ni ma Filisti. Na yena i lo korama a wutsumbu ga yena hi ntamo wa yena wonkle; ni yindlu yi lo wela hehla ka tihosi, ni hehla ka bonkle a banhu labo ba nga wa hi lomo. Zingaho a banhu laba a nga wa ba dele hi kufa ka yena ba wa hunza labo a nga wa ba dele hi kuhanya ka yena.
- 31 Zonake a bamakabye ba yena ni yonkle a yindlu ya raru wa yena ba lo relela bata, ba lo teka yena, ba lo kanziya ba mu Neha, ba lota kelela yena xikari ka Zora ni Extaoili wutsanweni go kelela ga ka Manoa a raru wa yena. Na yena i lo lamula Israeli makume mambiri malembe.

XIPIMO 17.

- 1 Ni laho ku wa hi kona a munhu wa tiko ga mitsuri ya ka Efraime loye a bito ga yena a nga wa hi Mika.
- 2 Na yena i te ngalo ka nyine wa yena, Azana ni kume ga mazana ya zipanze lezo za siliva zi nga wa tekilwe ka wena, ha wena u wulileko a tihlamba, u lo wulawula ha yona kambe tindlebeni ta mina, languta, a siliva yi na mina; nzi lo yi teka yona. Ni nyine wa yena i te ngalo, U katekisilwe a nwana wa mina ha Jehova.
- 3 Yena i lo klelisela a zana ni kume ga mazana ya zipanze za siliva ka nyine wa yena; ni nyine wa yena i te ngalo, Mina ha kunene nzi ta nyikelisa a siliva ka Jehova hi le canjeni ga mina ha nwana wa mina, a ku maha a xifananiso xi baklilweko ni xifananiso xi nyekisilweko; makunu hikwalaho nzi ta klelisela yona ka wena.

4 Ni laha yena a nga wa klelisela a mali ka nyine wakwe, a nyine i lo yi teka a mazana mambiri ya zipanze za siliva, yena i lo nyika yona ka wa nyunzo, loye a nga maha ha yona a xifananiso xi baklilweko, ni xifananiso xi nyekisilweko: zona zi wa hi lomo ndlini ka Mika.

- 5 Ni munhu Mika i wa hi ni yindlu ya banungungulu, na yena i lo maha a efodi, ni terafime, i wa nyikelelisisile a muwe wa barisanyana ba yena, loye a nga maha a mupristi wa yena,
- 6 Ka lawo masiku ku wa nga hi kona a hosi ka Israeli: loyi ni loyi munhu i wo maha loko ku sasekileko mahlweni ka yena.
- 7 Ni laho ku wa hi kona a jaha gi humako hi le Betlehema-juda, wa le ngangweni ka Juda, loye a nga wa hi mu Levi; na yena i wa hi mulubeli leyo.
- 8 Ni munhu i lo suka a huma mutini, a huma le Betlehema-juda, a ku ya lubela laho a nga kumako wutsamo; yena i lota tikweni ga mitsuri ka Efraime le ndlwini ka Mika, kwatsi hilezi a nga wa fambile.
- 9 Na Mika i te ngalo ka yena, Hikwihi wena u tako ha kona wena? na yena i te ngalo ka yena, Mina nzi mu Levi wa le Betlehema-juda, mina nzi famba ku lubela laho nzi ta nga kuma a wutsamo.
- 10 Na Mika i te ngalo ka yena, Tsama zinwe na mina, ni ku ba ka mina a raru ni mupristi, na mina nzi ta ku nyika a kume ga zipanze za siliva hi lembe, ni xipanze xa tinguwo, ni kuga ka wena. Zingaho a mu Levi i lo engena.
- 11 Ni mu Levi i wa eneliselwe a ku tsama zinwe ni munhu; ni jaha gi wa hi ka yena kwatsi hi munwe wa banana ba yena.
- 12 Na Mika i lo nyikelelisisisa a mu Levi, ni jaha gi lo maha a mupristi wa yena, na yena i wa hi lomu ndlwini ya ka Mika.
- 13 Zonake a kungalo Mika, Makunu nza tiba lezaku Jehova i ta maha ha mina kusasa, wona nzi na ni mu Levi a mupristi wa mina.

XIPIMO 18.

- 1 Ka lawo masiku ku wa nga hi Kona a hosi ka Israeli: ka lawo masiku a lixaka la ka Dani li lo laba a tso-

- nta a kuka ka yona: hakuba kala ka lego tiku a tsimba yaye i wa nga wela gi ka bona xikari ka tixaka ya wa Israheli.
- 2 Ni banana ba ka Dani ba lo rumela hi ka ngango wabye ntlanu wa banu ba su kela hi tsengweni wabye a ba banuna ba kuliwa, ba suka hi le Zora, ni le Extali, a kuya hlola a tiko, ni ku ya kambele gona: na bona ba kungalo ka bona, Yanani, mu ya hlola tiko. Na bona ba lota tikweni ga mitsuri ya ka Efraime, le ndlwini ka Mika, ba lo eklela leyo.
- 3 Laha bona ba nga wa hi le ndlwini ya ka Mika, ba lo tiba a gezu ga jaba a mu Levi: na bona ba lo hunzulukela a kelo ga seyo, ba te ngalo ka yena, Hi mani a nehileko wena leno ke? na xi hi xini u mahako ka legi wutsamo ke? na xi hi xini u nga naxo laba?
- 4 Na yena i te ngalo ka bona. Zaku ngahi ni zakungahi Mika a mahako a ka mina, yena i pembile mina, na mina nzi mahile mupristi wa yena.
- 5 Na bona ba te ngalo ka yena, Wutisa a mano, ha kombela wena, ka Nungungulu, kasi ha fela ku zi tiba kutani a ndlela ya hina leyi hi fambako yi ta vuvumiswa.
- 6 Ni mupristi i te ngalo ka bona, Yanani hi kurula: a ndlela ya wina mahlwani ka Jehova leyo mu fambako ha yona.
- 7 Zonake a ntlanu wa ba banuna ba lo suka, ba lota le Laixa, a ba lo wona a banu labo ba nga wa hi leyo, lezaku ba wa akile le kulaleni, hi matsamela ya ma Sidoni na kurengile na kulele: hakuba leyo ku wa nga hi kona lomu tikweni, a nga wa hi ni ntamo, kasi ku maha bona a tingana ni ka xihl a xilo, na bona ba wa hi kule ni ma Sidoni, ba wa ngahi na tisanza na munhu.
- 8 Na bona ba lota ka bamakabye ba bye le Zora ni Extali: ni bamakabye ba bona ba te ngalo ka bona, Zini mu wulako wina ke?
- 9 Na bona ba te ngalo, Sukani, nga hima hi kanziya hi ya vukela bona: hakuba hina hi wonile a tiko, ni, languta, gona gi sasekile nguvu: wina ma su miyela ke? mu ngabe ba lolohako a kuya ni ku ya teka a tiko.
- 10 Laha na wina mu yako, mu tata ka banu labo gi leleko, ni tiko ga lombor: hakuba Jehova i nyikile gona canjeni ga wina, a wutsamo lego ku nga biko kona a ku laba neumo xa lala misabeni.
- 11 Labo ba lo rumela ku sukela leyo a ba le ngangweni wa ka Dani, ba huma hi le Zora ni le Extali, a ntlanu ni giawe mazana ya ba banuna ba hlomileko a maklari ya impi.
- 12 Na ba lo kanziya, ni ku ta goba le Kiriatejearime, le Juda: ngahilezo bona ba lo bitana lego wutsamo Mahanebdani kada legi siku: languta, gona gi le nzako ka Kiriatejearime.
- 13 Na bona ba lo hunza leyo ba ta le tikweni ga migangana ya Efraime, ba lota le ndlwini ya ka Mika.
- 14 Zonake ku lo hlamula a ntlanu wa ba banuna labo ba nga wa yile a kuya hlola a tiko ga le Laixa, ba te ngalo ka bamakabye ba bye, Nwina ma zitiba muku ku kona a efodi ka leti tinlu ke, ni terafime, ni xifananiso xi baklilweko, ni xifananiso xi nyekisilweko ke? makunu hikwalahlo pimani lezi wina mu ta nga maha.
- 15 Na bona ba lo hambukela leyo, ba lota le ndlwini ya jaba a mu Levi, kona le ka yindlu ya ka Mika, bona ba lo wutisana ziawe naye a mahungu.
- 16 Ni ntlanu ni giawe mazana ya ba banuna ba hloma a maklari ya bye ya impi, labo ba nga wa hi a banana ba a Dani, ba lo yima hi le wungenweni ga nyangwa.
- 17 Ni ntlanu wa ba banuna labo ba nga wa yile ku ya hlola a tiko ba lo kanziya baya, ba lota leno, ba lo teka a xifananiso xi baklilweko, ni efodi, ni terafime, ni xifananiso xi nyekisilweko, ni mupristi i lo yima hi le wungenweni ga nyangwa ziawe ni ntlanu ni giawe mazana ya ba banuna ba hlomileko a maklari ya impi.
- 18 Ni laha laba na ba engenile lomu ndlwini ka Mika, ni ku ya laba a xifananiso xi baklilweko, a efodi ni terafime, ni xifananiso xi cululweko, ni mupristi i te ngalo ka bona, Za ku yini mu mahako wina ke?
- 19 Na bona ba te ngalo ka yena, Rutisa u miyela, klateka a canja ga wena hehla ka nomu wa wena, famba ziawe na hina, u be ka hina a raru ni mupristi: zi sasekilo ka

- wena a kuba a mupristi lomu ndlwi-
ni ya munhu muuwe, kutani a kube
mupristi wa lixaka ni ngango lomu
ka Israeli ke ?
- 20 Ni mbilu ya mupristi yi wa tsaka,
na yena i lo teka a efodi, ni terafi-
me, ni xifananiso xi baklilweko, i lo
engena lomu xikari ka banhu.
- 21 Zingaho bona ba lo klela ba lo
andlamuka, bona ba lo beka laba ba
tsongwani ni tihomu ni nhunzu le
mahlweni ka bona.
- 22 Laha bona ba nga wa kalutile a pfu-
kana ku suka le ndlwini ya Mika,
ni ba banuna labo ba nga wa hi lo-
mu tindlwini leto ti nga wa hi ku
subi ni yindlu ya ka Mika ba lo tso-
mbana katigine, ba lo kamanyeta
a banana ba ka Dani.
- 23 Na bona ba lo bitana ka banana ba
ka Dani, Na bona ba lo hunzuluka
a tingohe tabye, ba te ngalo ka Mi-
ka, U sungwa xini wena, lezi wena
u tako ni klawa wa kungahi ke ?
- 24 Na yena i te ngalo, Nwina mu te-
kile a banungungulu ba mina labo
mina nzi mahileko, ni mupristi, mu
fambile nazo, na xi hi xini nzi nga
naxo kambe ke ? na xi hi xakuyini
nwina mu wulako ka mina, U su-
ngwa xini wena ke ?
- 25 Ni banana ba ka Dani ba te ngalo
ka yena, Nga a gezu ga wena gi
nga zwale xikari ka hina, ku nga
taku a zanga yi lanzela hehla ka
wena, na wena u lahlekelwa hi wu-
tomi ga wena, ni wutomi ga ba le
ndlwinini ka wena.
- 26 Ni banana ba ka Dani ba loya ndle-
la tabye: ni laha Mika a nga wa
wona bona mbantamo ku hunza ye-
na, i lo hunzuluka a klela le nzako
ndlwinini ya yena.
- 27 Na bona ba lo teka lezo Mika a
nga wa zi mahile, ni mupristi loye
a nga wa hi naye, ba lota le Laixa,
ka banhu ba rutisileko ni kulala,
ba lo hlasela bona hi wukla ga su-
pado; na bona ba lo hisa a muti
wabye hi nzilo.
- 28 Leyo ku wa nga hi na muklaklisi,
hakuba ku wa hi kule ni le Sidoni,
na bona ba wa nga hi na xikungo
ni banwani banhu; kona ku wa hi
minzelelweni leyo yi a ndleleko le
Beterehoba. Na bona ba lo aka a
muti, ba lo tsama kona.
- 29 Na bona ba lo bitana a bito ga muti
Dani, a nzako ka bito ga Dani a ra-
[Sheetawa.]

ru wabye, loye a nga wa trelwe ka
Israeli: ahemba a bito ga muti ku
wa hi Laixa kuranguleni.

- 30 Ni banana ba ka Dani ba lo yimisa
ka wutsumbu gabye a xifananiso xi
baklilweko; na Jonatani, a nwana
Gerxome, a nwana wa Mosi, yena
ni banana ba yena ba wa hi bapri-
sti ka lixaka la ka Dani kala ka
siku lego ku nga konwa ha gona a
tiko.
- 31 Zingaho bona ba lo yimisa a zifana-
niso lezo zi baklilweko lezo a nga
wa zi mahile hi Mika, xonkle a xi-
kati lexo a yindlu ya Nungungulu
yi nga wa hi le Xilo.

XIPIMO 19.

- 1 Na ku mahisile lezo ka lawo ma-
siku, laha laho ku nga wa kala ku
nga hi kona a hosi ka Israeli, le-
zo laho ku wa hi ni mu Levi wo
kari loye a nga wa hi mulubeli hi
klelo ga kuli wa yena le tikweni ga
mitsurana ya ka Efraime, loye a nga
teka ka yena a mundlukulu le Be-
tlehema-juda.
- 2 Ni mundlukulu wa yena wu hlaka-
na hi wuoswi wu vukela yena, wu
lo famba ka yena wu loya le ndlwi-
ni ya raru wa yena le Betlehem-juda,
bona ba wa hi a xipimo xa mune wa
tihweti.
- 3 Ni nuna wa yena i lo suka, i lo yela
yena, ni ku wulawula hi wuxinji
ka yena, a ku neha yena kambe, na
hi zinwe ni nauza ga yena, ni pa-
tswa wa timbongola: na yena i lo
neha ka yindlu ya raru wa yena; ni
laha a raru wa loye wasati a nga wa
wonile yena, yena i lo tsaka ku kla-
ngana na yena.
- 4 Ni raru wa yena hi ka nayo, a raru
wa loye wasati, i lo tindekisa yena;
na yena i lo tsama zinwe na yena a
masiku maharu; zingaho bona ba
loga ni kunwa, ba lo eklela leyo.
- 5 Na kona na ku mahisile lezo hi siku
ga wumunc, lezaku bona ba lo suka
punzwini wa mixo, yena i lo vuka
a suka a famba: ni raru wa loyi
wasati i te ngalo ka nwana wa yena
hi ka nayo, Tiyisa a mbilu ya wena
hi xikemu xa xibaba, ni nzako ka
lezo nwina mu ta famba a ndlela ya
nwina.
- 6 Zingaho bona ba lo tsama lahasi, ba
loga ba lonwa, bona bonkle katigi-
nwe: na raru wa loyi wasati i te ngalo

- kawanuna, Ngau xalaliswe, minanza kombela wena, a kuba gonkle wusiku, ni mbilu ya wena nga yi tsaka.
- 7 Ni munhu hi lo suka a famba; kanilezi a raru wa yena hi ka nayo i lo kongotela yena, na yena i lo ktelea leyo kambe.
- 8 Na yena i lo vuka hi siku ga wunklanu punzwini wa mixo a ku famba; na raru wa loyi wasati i te ngalo, Tiyiseta a mbilu ya wena, minanza kombela wena, tsama kaha a siku gi belela; bona ba loga, bonkle ba bona.
- 9 Ni laba a munhu a nga wa sukile a ku famba, yena, ni mundlukulu wa yena, ni nanza ga yena, ni raru wa yena hi ka nayo, a raru wa loyi wasati, na te ngalo ka yena, Langu-ta, a siku gi tsinele kuhlweni, nza kombela wena ku tsama gonkle wusiku: languta, a siku ga kula gi gumelwa, eklela laba, kasi a mbilu ya wena yi be yi tsakako; na manzi-ko u ta binzuka u ti fambela, kasi wa fela kuya kaya.
- 10 Kanilezi a munhu i wa nga a nga tsamangi lego wusiku, kanilezi yena i lo suka a famba, i lota klatukweni wu cuwukeneke ni Jebusi (kwaleyo Jerusalem): laho ku wa hi zinwe naye na timbongola ti nga wa gabatselwe: ni mundlukulu wa yena wu wa hi zinwe na yena.
- 11 Laha bona ba nga wa hi le Jabusi, ni siku gi wa mbetekile; ni nanza gi te ngalo ka nwinyi wa gona, Ngona, mina nza kombela wena, nga hina hi hambuka lomo mutini wa ma Jebusi, hi eklela ka wona.
- 12 Ni nwinyi wa yena i te ngalo ka yena, Hina hi nga hambukela ka muti wa ba matiko, labo ba nga biko a banana ba ka Israeli; kanilezi hina hi ta hunza hiya le Gibe-a.
- 13 Na yena i te ngalo ka nanza ga yena, Ngona nga hina hi tsinela ka ginwe ga legi wutsamo; na hina hi ta eklela le Gibe-a, kutani le Rama.
- 14 Zingaho bona ba lo hunza ba lo famba a ndlela yabye; ni gambo gi lo pela hehla kabye laha na bona na ba tsinele Gibe-a, lego gi nga ga ka Benjamini.
- 15 Na bona ba lo hambukela leno, a kuya eklela le Gibe-a: na yena i lo engena, i loya tsama leyo pangweni ga muti; hakuba leyo ku wa nga hi kona a munhu loye a nga wa hi rurele lomu ndlwini ya yena ku eklela.
- 16 Ni, Languta, laho a xikosana hi le tirweni wa yena le masinzwini ya yena laba gambyeni: makunua munhu i wa hi wa matiko ya mitsuri ya ka Efraime, yena i wa hi mulubeli le Gibe-a; kanilezi a banhu ba wutsamo mba ka Benjamini.
- 17 Na yena i lo klatusa a mahlo ya yena, i lo wona a munhu wa mupfumba lomo pangweni ga muti; ni xikosana xi te ngalo, Hikwihi laho u yako wena ke; na u ta hikwihi wena ke?
- 18 Na yena i te ngalo ka yena, Hi hunza le Betlehema-juda kteleweni ga kule matikweni ya mitsuri ya ka Efraime; ku nga leyo mina nzi tako ha kona, mina nzi wa yile le Betlehema-juda: na mina makunu nzi ya le ndlwini ya Jehova; ni laho a nga kona munhu a nzi rurelako lomu ndlwini ya yena.
- 19 Kasi lezo laho ku kona a byanyi ni mbuba ya timbongola ta hina; ni laho ku kona a waini ni zibaba za mina kambe, ni za nanza ga wena ga xisati, ni ka jaha legi gi nga ni malanza ya wena: laho a ku kona ku laba ncumo.
- 20 Ni xikosana xi te ngalo, a kurula a kube ka wena; kwatsi hi lokeke zonkle lezi u zi labako a zi be behla ka mina; kumbela u nga ekleli laha pangweni.
- 21 Zingaho yena i lo neha yena lomu ndlwini yakwe, i lo nyika a timbongola za kuga; na bona ba lo hlaza mikonzo yabye, ba loga ba lonwa.
- 22 Kwatsi hilezi bona ba nga wa maha a timbilu tabye ku tsaka, languta, a ba banuna ba muti, a banhu bo kari ba zihunzamilayo, ba lo ranzela yindlu, na baba libati; na bona ba lo wulawula ka nwinyi wa yindlu, a xikosana, baku, Humesa loyi munhu a tileko lomu ndlwini ya wena, kasi hina ha fela ku tiba yena.
- 23 Ni munhu, a nwinyi wa yindlu, i lo huma lahandle ka bona, na te ngalo ka bona, Kokwihi, bamakabye, mina nza kombela nwina, mu nga mahi hi kubihisisilweko; na mu wona lezaku loyi munhu i tile lomu ndlwini ya mina, mu nga mahi legi wupupulu.
- 24 Langutani, hi loyi a nhwana wa mina wa mubulwa, ni mundlukulu

wa yena; bona mina nzi ta ba humesa makunu, *zwina* koramisani bona, mahani ha bona lezi zi wonekako kwatsi kusasa mahlweni ka *zwina*: kanilezi ka loyi munhu mu nga mahi ni xihl xa wupumbu ga kungaho.

- 25 Kanilezi a banhu ba wa nga ba ingisangi ka yena: zingaho munhu i lo koma a mundlukulu wa yena, i lo humesa ka bona; na bona ba lo tiba yena, ni ku muonha gonkle wusiku kala mixweni: ni laha gi nga wa sangula kuca, ba lo tsika yena a famba.
- 26 Zonake i loya a wasati laha punzwinwa kuca, i lowa lahasi le nyangweni leyo a hosi ya yena yi nga hi kona, kala ku klamuka.
- 27 Ni hosi ya yena yi lo vuka ni mixo, i lo vulula a libati la yindlu, a ku huma lahandle a famba a ndlela ya yena; ni languta, a wasati a mundlukulu wa yena i wa wile lahasi le nyangweni ya yindlu, zinwe hi mandla ya yena hehla ka xinene xa yena.
- 28 Na yena i te ngalo ka yena, Vuka, na nga hina a hi fambeni; kanilezi ku wa nga hi kona a hlamuleko: zonake yena i lo mu teka a beka hehla ka mbongola; ni munhu i lo suka, i lo mu tisa le wutsanweni ga yena.
- 29 Ni laha yena a nga wa tile le ndlwini ya yena, yena i lo teka a mukwana, i lo klateka hehla ka mundlukulu wa yena, i panzelela yena, a tonga hi tonga, ka kume ni zimbiri zipanze, ni ku rumela ka yonkle a mimbiningano ya ka Israeli.
- 30 Na ku wa ngaho, lezaku bonkle laba ba nga wona kona ba te ngalo, Laho a ku kona xa kungaho xi mahoxi mahilweko kutani xi wonilweko ku sukela ka siku lego a banana ba ka Israeli ba kanziya ba huma le tikweni ga le Gipite kala legi siku: pimani kona, tsemani kungo, ni ku wulawula.

XIPIMO 20.

- 1 Zonake bonkle a banana ba ka Israeli ba lo huma, ni wonkle a klangano wu lo gotsobanyana kwatsi munhu muuwe, ku sukela le Dani kala le Berexeba, zinwe ni tiko ga le Gileade, ka Jehova le Mizpa.
- 2 Ni ba hombe ba bonkle banhu, ba tona tonkle a tixaka ta ka Israeli, ba

lo tisa a wutsumbu gabye le hlengelletwaneni wa banhu ba Nungungulu, mune wa mazana ya kume ga mazana ya ba banuna ba mikonzo labo ba komako Supado.

- 3 (Makunu a banana ba ka Benjamini ba lozwa lezaku a banana ba ka Israeli ba yile le Mizpa.) Ni banana ba ka Israeli be te ngalo, Byela hina loku kubiha ko lu mahisa ku yini ke?
- 4 Ni wa ka Levi, a nuna wasati loye a delweko, i lo hlamula i te ngalo, Mina nzi lota le Gibeale legi gi nga ga ka Benjamini, mina ni mundlukulu wa mina, a kuta eklela.
- 5 Ni ba banuna ba le Gibeale ba lo suka ba vukela mina, ni ku ranzela a yindlu leyi nzi nga wa hi ka yona ni wusiku; mina ba wa laba ku nzi daya, ni mundlukulu wa mina ba lo mu kurumeta, na yena i file.
- 6 Na mina nzi lo teka mundlukulu wa mina, ni ku tsemelela yena zipanzana, ni ku rumela ka tiko gonkle ga baakileko ba ka Israeli; hakuba ba mahile a wuhunzamilayo ni wupupulu ka Israeli.
- 7 Langutani, *zwina* banana ba ka Israeli, *nwenkle* ba *zwina*, nyikani laha a kululeka ka *zwina* ni kungo ga *zwina*.
- 8 Ni banhu bonkle ba lo suka kwatsi munhu muuwe, baku, Hina ni muuwe wa hina a nga ta kuya ka tente ga yena, ge ni muuwe wa hina a ku hambukela le ndlwini ya yena.
- 9 Kanilezi makunu lexi hi xilo hi ta nga maha le Gibeale: hina hi ta kanziya hi ya vukela wona hi tihlolo;
- 10 Na hina hi ta teka a kume ga ba banuna ba laha ka zana ka tonkle a tixaka ta ka Israeli, ni zana ga laha ka kume ga mazana, ni kume ga mazana gi huma hi laha ka kume ga kume ga mazana, a ku laba a timbuba ta banhu, kasi ba fela ku maha, laha na bona na ba tile le Gibeale ga ka Benjamini, kukotisa hi gonkle wupupulu lego ba gi mahileko ka Israeli.
- 11 Zingaho bonkle banhu ba ka Israeli ba lo tsombana katiginwe ku vukela a muti, ba su klangana katiginwe kwatsi munhu muuwe.
- 12 Ni tixaka ta ka Israeli ba lo rumela a ba banuna ba tsemakanya ka tixaka lonkle la ka Benjamini baku,

- tsatsha ka ku yini loku mu ku matshoko lomu ka zwina ke?
- 11 Makumu hikwalaho nyikelani ka hina a ba banuna, a ba banuna ba zihonzamilayo, labo ba nga lomo Gibe'a, kasi ha fela ku ba daya bona, ni ku susa kule a kubisha lomu ka Israeli. Kanilezi a ba ka Benjamini ba wa nga ba nga ingisangi ka gezu ga bamakabye babye a banana ba ka Israeli.
- 14 Ni banana ba ka Benjamini ba lo tsombana a wutsumbu gabye kati-giawe ba huma mitini bata Gibe'a, a ku huma ba hloma impi ku vukela a banana ba ka Israeli.
- 15 Ni banana ba ka Benjamini ba lo hlalwelwa lego siku ba humako hi lomo mitini makume mambiri ni nk'lanu ni giawe a kume ga mazana ya ba banuna laba ba komako supado, hi la handle ka baakileko ba le Gibe'a, labo ba nga wa hlalwelwe nk'lanu ni mambiri mazana ya ba banuna ba hlawulilweko.
- 16 A xikari ka bonkle laba ba banuna labo ku wa hi kona nk'lanu ni mambiri mazana ya banhu ba hlawulilweko ba libaba; bonklelele ba wa nga ba zi kota ku xililita maribye le misisini, ba nga hi na timboxi.
- 17 Ni banhu ba ka Israeli, hi lahandle ka ba ka Benjamini, ba wa hlalwelwe mune wa mazana ya kume ga mazana a ba banuna labo ba zi kotako a ku koma a supado: bonkle laba ba wa hi ba banuna ba impi.
- 18 Ni banana ba ka Israeli ba lo suka, ba loya le Beteli, ba ya wutisa a mano ka Nungungulu; bona ba te ngalo, Nzi mani a ta ngaya kuranga a kulwa ni banana ba ka Benjamini ke? na Jehova i te ngalo, Juda i ta famba kuranga.
- 19 Ni banana ba ka Israeli ba lo vuka ni mixo, ni kuya goba ba vukela Gibe'a.
- 20 Ni ba banuna ba ka Israeli ba lo huma kulwa ba vukela ba ka Benjamini; ni banana ba ka Israeli longisa a impi a maklari ni ku vukela bona le Gibe'a.
- 21 Ni banana ba ka Benjamini ba lo huma ba ta hi lomu Gibe'a, ba lo loyiswa lahasi liranzebyeni a ba ka Israeli ka lego siku makume mambiri ni mambiri a kume ga mazana ya ba banuna.
- 22 Ni banhu, ba banuna ba ka Israeli, ba lo tiyiseta wutsumbu gabye, ba lo longisa a impi kambe yi hloma maklari ka gwalego wutsamo ba nga wa longisile ku hloma maklari sikwini go ranga.
- 23 Ni banana ba ka Israeli ba lo kanziya baya rila mahlweni ka Jehova kala gambyeni; na zonake ba lo wutisa ka Jehova, baku, Nzi ta engeta kambe nzi tsinela a kulwa nzi vukela a banana ba ka Benjamini a makabye wa mina ke? Na Jehova i te ngalo, Kanziya u ya vukela yena.
- 24 Ni banana ba ka Israeli ba lota kambe ku suhani ku ta vukela a banana ba ka Benjamini hi siku ga wumbiri.
- 25 Na Benjamini i lo huma lahandle a kuya vukela bona le Gibe'a hi xikati xa wumbiri, ni ku loyisa lahasi liranzebyeni ba banana ba ka Israeli kambe a zana ni nk'lanu ni manharu makume ya kume ga mazana; bonkle labo ba welelako supado.
- 26 Zonake bonkle a banana ba ka Israeli, ni bonkle banhu, ba lo kanziya, ba lota le Beteli, ba lota rila, ni ku tsama leyo mahlweni ka Jehova, ba lo yila lego siku kala gambyeni; na bona ba lo nyikela a minyikelo ya kuhiswa ni wa minyikelo ya kurula ka Jehova.
- 27 Ni banana ba ka Israeli ba lo kombe-la ka Jehova (hakuba a arke ga xivumelwano xa ka Jehova gi wa hi kona hi lawo masiku,
- 28 Na Fineasi, a zwana wa Eleazare, a zwana wa Aroni, i wa yimile mahlweni ka gona ka lawo masiku), aku, Mina nzi ta engeta nzi famba kambe a ku yalwa nzi vukela a banana ba ka Benjamini makabye wa mina ke, kutani nzi ta kawula ke? Na Jehova i te ngalo, kanziya uya; hakuba manziko nzi ta mu nyikela yena canjeni ga wena.
- 29 Na ba Israeli ba lo rumela a bala-beleli ba vukela Gibe'a ba renzele-kela.
- 30 Ni banana ba ka Israeli ba lo kanziya baya vukela a banana ba ka Benjamini hi siku ga wunharu, ba lo hloma a maklari a wutsumbu gabye ba vukela Gibe'a, ku kota zizwani zikati.
- 31 Na banana ba ka Benjamini ba lo huma lahandle a ku vukela banhu,

- ba wa lo kokelwa kule ba huma mutini; na bona ba lo sangula a kulobisa ni kudaya, kwatsi hi zinwani zikati, lomo magonzweni, lawo a ginwe ginga kanziya giya le Beteli ni, ginwani gi ya Gibeá, le masinwini, a xipimo xa makume manharu xa ba banuna ba ka Israeli.
- 32 Ni banana ba ka Benjamini ba te ngalo, Bona ba loyisilwe lahasi mahlweni ka hina, kwatsi hi kuranguleni, Kanilezi a banana ba ka Israeli ba te ngalo, nga hina hi tsutsuma, hi ba kokela kule ni muti kuta le magonzweni.
- 33 Ni bonkle ba ka Israeli ba lo suka hi lomo wutsweni gabye, ba lo hloma a wutsumbu gabye a maklari le Baaltamara: ni balabeleli ba ka Israeli ba lo sangula kuvumbuluka hi lomo wutsanweni gabye, kona le Maarehgeba.
- 34 Ni labo ku wa lotta a kuta vukela Gibeá a kume ga kume ga mazana a ba banuna ba hlalulilweko ba huma ka wonkle Israeli, ni kulwa ku wa tsingile; kanilezi bona ba wa nga zitibi lezaku a kubiha ku wa kamanyetile ka bona.
- 35 Na Jehova i lo hlula Benjamini mahlweni ka Israeli; ni banana ba ka Israeli ba lo lobisa a ba ka Benjamini lego siku makume mambiri ni nklanu wa kume ga mazana ni zana ga ba banuna: bonkle labo ba komako supado.
- 36 Zingaho a banana ba ka Benjamini ba lo wona lezaku bona ba hlulilwe; hakuba a ba banuna ba ka Israeli ba lo nyike a wutsamo ka Benjamini hakuba bona ba wa tumba ka balabeleli labo bona ba ba rumeleko a ku vukela Gibeá.
- 37 Ni balabeleli ba lo haklisela, ba su huluhukela hehla ka Gibeá; ni balabeleli ba lo kangata wutsumbu gabye ba longoloka, ni ku hlasela a muti hi wukla ga supado.
- 38 Makuna a muwoniso wu nga wa yimisilwe xikari ka banhu ba ka Israeli ni balabeleli ku wa hi lowu, lazaku bona ba ta tubikisa a refu ga hombe ga musi gi ta tubika lahandle ka muti.
- 39 Ni banhu ba ka Israeli ba lo klela le kuhlaseleni, ni ba ka Benjamini ba lo sangula ku hlasela ni ku daya banhu ba ka Israeli makume manharu ya ba banuna; hakuba bona ba te ngalo, Ha kunene bona ba hlulilwe lahasi mahlweni ka hina, kwatsi hi xikari xa impi yo ranga.
- 40 Kanilezi laha na refu na gi sangula ku lubika hi le mutini na hi mbinga ya musi, ni ba ka Benjamini ba lo cuwuka le nzako ka bona; ni, langu-ta, ni konkle ka muti ku lo tubika hehla tilweni.
- 41 Ni banhu ba ka Israeli ba lo klela, ni ba banuna ba ka Benjamini ba lo mbela ntamo; hakuba bona ba lo wona lezaku a kubiha ku tile hehla ka bona.
- 42 Hikwalaho bona ba lo renzeleta a hlana wabye mahlweni ka ba banuna ba ka Israeli kuya le ndleleni ya le xiwuleni; kanilezi a impi yi lo tsimbeketa yi lanzela anzako ka bona; na bona labo ba nga wa huma hi lomo mutini ba lo hlasela bona lomo xikari loko.
- 43 Bona ba su kangata ba ka Benjamini ba ranzela, ni ku hlolongisa bona, ni ku kanziyela bona lahasi wutsanweni gabye ga ku humula, kwatsi hi wukule ga le ku cuwukeneko ni Gibeá ngomama ni mutsuwukagambo.
- 44 Ni laho ku lo wela ba ka Benjamini a kume ni nklanu ni manharu ya kume ga mazana ya ba banuna; labo bonkle ba nga wa hi ba banuna ba kulwa.
- 45 Na bona ba lo renzeleka ba tsutsumela ngomameni ya xiwula le ribye-ni ga Rimmoni: ni labo ba nga wa kutsulelwa ka bona lomo magonzweni nklanu wa kume ga mazana ya banhu, ba lo kurumeta ku lanzela bona kala le Gidomi, ni ku daya bona a mambiri a kume ga mazana ba banuna.
- 46 Zingaho bonkle labo ba wileko lego siku ba ka Benjamini ba wa hi makume mambiri ni nklanu wa kume ga mazana bonkle ba banuna labo ba komako supado; bonkle laba ba wa hi ba banuna ba kulwa.
- 47 Kanilezi nklanu ni ginwe mazana ya ba banuna ba lo klela ba tsutsuma ba komama xiwuleni le ribyeni ga Rimmoni, ni kuya tsama lomo ribyeni ga Rimmoni mune wa tihiweti.
- 48 Ni banana ba ka Israeli ba lo klelela kambe hehla ka banana ba ka Benjamini, ni ku hlasela bona hi wukla ga supado, wonkle muti wa lomu

xikari, ni tihomu, ni zonkle lezo bona ba zi kumako: *klatakumbiri* ni yonkle a miti leyo ba yi kumako ba lo yi hisa hi nzilo.

XIPIMO 21.

- 1 Makunu a banuna ba ka Israeli ba wa hlambanyile le Mizpa, baku, Laho a ku kona wa hina a ta nga nyikela a nhwana wa yena ka Benjamini a sati.
- 2 Ni banhu ba lota le Beteli, ba lo tsama leyo kala gambyeni mahlweni ka Nungungulu, ba lo klakusa a magezu yabye, ba lo rila ba tsikwila.
- 3 Na bona ba te ngalo, O Jehova, a Nungungulu wa ka Israeli, hi yini ku mahlekileko lezi ka Israeli, lezaku laho ku ta nga ku hi kona nyamukla a lixaka liwe li labekako ka Israeli ke?
- 4 Na ku mahisile lezo hi manziko, lezaku a banhu ba lo vuka punzwini wa mixo, ba lo aka leyo a alati, ni ku nyikela a minyikelo ya kuhiswa ni minyikelo ya kurula.
- 5 Ni banana ba ka Israeli ba te ngalo, Nzi mani laho xikari ka tonkle tixaka ta ka Israeli loye a nga kanziyangiko ata klanganweni wa Jehova ke? Hakuba bona ba wa mahile a xifungo xa hombe xungetano ni loye a nga kanziyiko ata ka Jehova le Mizpa, baku, Ha kunene yena i ta kufa.
- 6 Ni banana ba ka Israeli ba lo hunzuluka zonake hi makabye wa yena Benjamini, na te ngalo, Laho ku kona lixaka liwe li tsemilweko ka Israeli legi siku.
- 7 Hi ta ku yini hi ba basati ka bona laba ba seleko, na mu wona lezaku hina hi hlambanyile ha Jehova lezaku hina hi nga ta nyika bona a nhwana ba hina a basati ke?
- 8 Na bona ba te ngalo, Hiiwihi muzwe wa lixaka la ka Israeli laho a nga tangiko ka Jehova le Mizpa ke? Ni, languta, laho ku wa nga tangi hi le Jebexi-gileade a wa kuta hlengetanweni.
- 9 Hakuba laha banhu ba nga wa hlaiylwe, languta, laho ku wa nga hi kona wa banhu ba le Jebexi-gileade leyo,
- 10 Ni klangano wu lo rumela leyo a kume ni mambiri a kume ga mazana ya ba banuna ba tingwazi, ni

ku leletela, bona, baku, Yanani mu ya hlasela a banhu ba le Jebexi-gileade hi wukla ga supado, zinwe ni ba basati ni zihlangana.

- 11 Ni lexi hi xilo lexi nwina mu ta nga xi maba: nwina hi kumbetekisilweko nwina mu hihirita ba matsunc, ni bonkle a ba basati labo ba ekleleko ni ba banuna.
- 12 Na bona ba lo kuma ka banhu ba le Jebexi-gileade a mune wa mazana a mibulwa yiswa, leyo ni nga tibangiko wanuna hi ku eklela zinwe nayo; na bona ba lo neha yona le wugobelweni le Xilo, leyo ku nga wa hi le tikweni ga le Kanani.
- 13 Ni wonkle a klangano wu lo rumela a ku wulawula ni ka banana ba ka Benjamini labo ba nga le ribyeni ga Rimmoni, ni kubahungu hi kurula ka bona.
- 14 Na Benjamini i lo klela hi lexo xikati; na bona ba lo nyika bona a ba basati labo ba nga wa ba tsikile ba hanya ka ba basati ba le Jebexi-gileade: ni kasi lezo ba wa nga ba enelisangi.
- 15 Ni banhu ba lo hunzuluka bona hi ba ka Benjamini, hakuba Jehova i wa mahile a mole ka tixaka ta ka Israeli.
- 16 Zonake a masingalakati ya klangano ma te ngalo, Hi ta ku yini hi ba basati ba bona ba seleko ke, na mu wona lezaku a ba basati ba delwe ka Benjamini ke?
- 17 Na bona ba te ngalo, Laho kufanele lezaku a ku be kona tsomba ya bona laba ba ponileko ba ka Benjamini, kasi a lixaka li nga fubiswi ka Israeli.
- 18 Ahemba hina hi nga nyiki bona basati ka banana ba hina; hakuba a banana ba ka Israeli ba wa hlambanyile, baku, I rukatelwe yena loye a nyikako wasati ka Benjamini.
- 19 Na bona ba te ngalo, Languta, ku kona a mubuzo wa Jehova, a lembe hi lembe le Xilo, lego gi nga le nwalungu wa Beteli, hi klelo ga mutsuwukagambo ga gonzo lego gi kanziyako giya Beteli le Xekeni, ni le dzongeni le Lebona.
- 20 Na bona ba lo leletela a banana ba ka Benjamini, baku, Yanani muya eklela mu labelela lomo zivineni;
- 21 Ni ku wona, ni, languta, loku a banhwana ba le Xilo ba huma ku ta kina a mikino, zonake humani nwina

- hi lomo zivineni, mu ti komela nwina bonklelele ba nwina a sati wakwewo ka banhwana ba le Xilo, ni kuya le tikweni ga ka Benjamini.
- 22 Na ku taba lezo, laha a bararu babye kutani bamakabye babye ba ta ngata ku ta kecara ka hina, lezaku hina hi ta wula ka bona, Vumelani bona hi kutralekisisilweko ka hina; hakuba a hi tekangi ka bonkle loyi ni loyi wa bona a sati wa yena le impi-ni, ge nwinauwa a mu nyikangi bona ka bona; kasike mu nga ta nga na mu gohile.
- 23 Ni banana ba ka Benjamini ba lo maha zakungaho, ba lo ti tekela a basati, kukotisa hi ka tsengo wa bona, ka bona labo ba nga wa kina, labo ba nga wa ba pfulile: na bona ba loya ba klelela tsombeni yabye, ba loya aka a miti, ni ku tsama ka yona.
- 24 Ni banana ba ka Israeli ba lo suka leyo ka lexo xikati, bonklelele banhu ka lixaka la ka kabye ni ka ngango wa ka kabye, na bona ba lo suka hi leyo bonklelele banhu titsombeni ta-byewo.
- 25 Ka lawo a masiku laho ku wa nga hi kona a hosi ka Israeli: bonklelele banhu ba wa maha loku kusa-sako mahlweni ya yenawu.

A BUKU GA RUTE.

XIPIMO 1.

- 1 Na ku mahisile lezo masikwini laha a balamuli ba nga wa lamula, lezaku laho ku wa hi kona a ndlala lomo tikweni. Ni munhu wokari wa le Betlehema-juda i loya lubela lomo tikweni ga le Moabi, yena, ni sati wa yena, ni barisanyana ba yena bambiri.
- 2 Ni bito ga munhu i wa hi Elimeleki, ni bito ga sati wa yena i wa hi Noami ni mabito ya barisanyana ba yena bambiri Mahloni na Cilioni, mba Efrate ga le Betlehema-juda. Na bona ba lota le tikweni ga le Moabi, ni ku nonohisa leyo.
- 3 Na Elimeleki, a nuna wa Noami, i lofa; na yena i wa lo siywa, ni barisanyana ba yena ha bambiri.
- 4 Na bona ba lo ba tekela a basati ka ba basati ba le Moabi; ni bito ga munwani ku wa hi Orpa, ni bito ga munwani ku wa hi Rute: na bona ba lo tsama leyo a xipimo xa kume ga malembe.
- 5 Mahloni na Cilioni bona bambiri ba lofa; ni wasati i wa lo siywa hi barisanyana bakwe bambiri ni nuna wa yena.
- 6 Zonake yena i lo suka ni bakatamwane bakwe, lezakut yena i wa ta klelela hi le tikweni ga Moabi: hakuba i wa zwile hi le tikweni ga le Moabi lezaku i nzelisile ku yini Jehova a banhu ba yena hi ku ba nyika a zibaba.
- 7 Ba lo suka hi le ka wutsamo lego yena a nga wa hi ka gona, ni bakatamwane bakwe ha bambiri zinwe naye; na bona ba lo famba lomo a ku klelela le Juda.
- 8 Na Noami i te ngalo ka bakatamwane ba yena ha bambiri, Fambani, mu klelela loyi ni loyi wa nwina le ndlwini ya nyine wa yena: Jehova a mahe hi wuxinji ka nwina, kwatsi hilezi mu nga wa maha ka batileko, ni ka mina.
- 9 Jehova a vumele lezaku nwina mu ta kuma kuhumula, loyi ni loyi wa nwina ndlwini ya nuna wa yena. Zonake yena i lo trotra bona, na bona ba lo klakusa a gezu gabye, ba lo rilala.
- 10 Na bona ba te ngalo ka yena, Kokwihi, kanilezi hina hi ta klelela zinwe na wena ka banhu ba ka nwina.
- 11 Na Noami i te ngalo, Klelani kambe, bananga: hiyini nwina mu ta nga famba zinwe na mina ke? nza ha hi nabo a banana lomo rumbyini ga mina, lezaku bona ba ta maha a banuna ba nwina ke?
- 12 Klelani kambe, bana banga, fambani ndlela ya nwina; hakuba mina nzi wa kale a kuba nzi hi ni wanuna. Loku mina nzi wa ta nga, nziku, Nzi na ni kutsumba, loku nzi wa ta nga nzi hi ni wanuna wu

- ... ku nga nzi trala barisa-
- 13 A wina lukwaho mu ta labelela kala bona ba kulile ke? mu wa ta nga wina mu tsama ku kala mu nga hi na ba banuna ke? kokwili bama ba mina; kona i hlomulo ka mina hi kota ya wina, hakuba a canja ga Jehova gi humela gi vukele mina.
- 14 Na bona ba lo klakusa gezu gabye, ba lo rila kambe: na Orpa na i lo trotra a nwingi wa yena; kanilezi Rute i lo namarela ka yena.
- 15 Na yena i te ngalo, Languta, a katakuloni i klelele ka banhu ba ka kabye, ni ka nungungulu wa ka kabye: klelele wena kota nakuloni.
- 16 Na Rute i te ngalo, U nga kongoteli mina a tsika wena, ni ku klelele a ku lanzeleni a nzako ka wena; hakuba ni kwili laho u yako, minawu, nzi taya; ni kwili laho wena i ta nga eklelele, minawu nzi ta eklelele; ni banhu ba wena ba ta maha a banhu ba minawu, ni Nungungulu wa wena i ta maha a Nungungulu wa minawu;
- 17 Laho wena u felako, kona, minawu nzi ta fela kona, leyo mina nzi ta keletwa: Jehova a mahe lezo ka mina, ni klatakumbiri kambe, kufanela kanilezi kufa ku hanyisa wena na mina.
- 18 Ni laha yena a nga wa wonile lezaku yena i namarelisile a xuba ku famba na yena, yena i lo tsika ku wula-wula ziawe naye.
- 19 Zingaho bona bambiri ba lotta kala ba ta cikela le Betlehema. Na ku mahisile lezo, laha bona ba nga wa tile le Betlehema, lezaku a muti wonkle wu lo maha nyenganyenga ha bona, ni ba basati ba te ngalo, Loyi nzi Naomi ke?
- 20 Na yena i te ngalo ka bona, Mu nga ha bitani mina a ku Naomi kambe, bitanani mina Mara; hakuba a Nyamintamo i hi mahile hi kubabisisileweko ha mina.
- 21 Na mina nzi fambile na nzi tele, Jehova i nehile mina leno kaya na nzi hi panga; hi yini wina mu bitako mina Naomi, na mu wona i kustumunyile a vukela mina, ni Nyamintamo i hlomule mina ke?
- 22 Zingaho Naomi i lo klelele, na Rute a mu Moabi, a katamwane wa yena, ziawe na yena, loye a kleleleko hi le

tikweni ga le Moabi: bona ba lotta le Betlehema hi xikatini ba sangu-lako kuhula barle.

XIIMO 2.

- 1 Na Naomi i wa hi ni nhombe a xaka ga nuna wa yena, a munhu a nhenha yi fumileko, wa le ngangwenika ka Elimeleki; ni bito ga yena i wa hi Boazi.
- 2 Na Rute a mu Moabi i te ngalo ka Naomi, Nga mina makunu nziya masinwini, nziya kutsula xikari ka mipupu ya mabele le nzako ka yena loye mina nzi ta nga kuma a tomo. Na yena i te ngalo ka yena, Famba, wana wa mina.
- 3 Na yena i loya, i lo ta kutsula lomu masinwini anzako ka batsobeli: ni xitsuketi xa yena i loya lomo ka xiabelo xa simu leyi yi nga ya ka Boazi, loye a nga wa hi wa le ngangweni ka Elimeleki.
- 4 Ni, languta, Boazi i wa lotta hi le Betlehema, na te ngalo ka batsobeli Jehova nga a be ziawe na wina. Na bona ba lo hlamula, Jehova a katekise wena.
- 5 Zonake ku lo wula Boazi ka nanza ga yena lego gi nga wa yimisilwe hehla ka batsobeli, Nzi wamani a tratsana loyi ke?
- 6 Ni nanza lego gi nga wa yimisilwe hehla ka batsobeli gi hlamula gi te ngalo, Yena i tratsana ngwa ma Moabi loyi a nga klelele a wuya na Naomi a huma hi le tikweni ga le Moabi:
- 7 Na yena i te ngalo, Nga mina nzi kutsula, nza kombela wena, nzi hle-ngeletela a nzako ka batsobeli xikari ka milumbi, Zingaho yena i lotta, i lo simamisa ku sukela ni mixo kala makunu, saseka lezo a nga wa sele kutsongwani le ndwini.
- 8 Zonake ku lo wula Boazi ka Rute, A ku zizwi wena ke, nhanyaha wa mina ke? U ngayi ku ya kutsula ka giwani simu, cima u nga hunzi leno, kanilezi tsama u tiyisa ka malanza ya mina ya xisati.
- 9 Nga a mahlo ya wena ma hi masinwini laya bona ba tsobelako, na wena yana hi le nzako ka bona: a nzi leletelangi a majaha xana lezaku bona ba nga ku kumbi wena ke? ni laha wena u zwako tora, yana zibweni, u yanwa laya ma kilweko hi majaha.

- 10 Zonake yena i lowa hi ngohe ya yena, i lo koramisa wutsumbu ga yena laba liranzyeni, i te ngalo ka yena, Hi yini mina nzi kumileko a ntomo mahlweni ka wena, lezaku wena u wa ta nga u tiba aku tiba mina, na u wona lezaku mina nzi wa matiko ke?
- 11 Na Boazi i lo hlamula i te ngalo ka yena, Kona hi kutatisilweko ku kombisilwe ka mina, zonkle lezo wena u mahileko ka nwingi wa wena cima ka kufa ka nuna wa wena; ni lezaku wena u siyile a dadani wa wena ni mamani wa wena, ni tiko ga wusimbulwa ga wena, na u tile ka banhu laba wena u nga ba tibangiko hi mahlweni.
- 12 Jehova a kletsele a mitiro ya wena, a cacezelo wu teleko a wu nyikiwe ka wena nzi Jehova, a Nungungulu wa ka Israeli, lahasi ka tipapa ta wihi wena u tileko ku ta ponela.
- 13 Zonake yena i te ngalo, Nga mina nzi kuma a tomo mahlweni ka wena, hosi ya mina; hakuba hi lezo wena u tangalisileko mina, hakuba lezaku wena u wulawulileko hi kutralekisisilweko ka nanza ga wena, hambu lezi nzi nga biko yena a munwe wa malanza ya xisati ya wena.
- 14 Ni xikatini xa xilalelo Boazi i te ngalo ka yena, Ngona laha, u taga zibaba, u cobela a xikemu xa wena lomo ka viniga. Na yena i lo tsama kletweni ga ba tsobeli; na bona ba lo nyika a mabele ma ocilweko, na yena i loga, i lo xura, i lo tsanzeka.
- 15 Laha yena a nga wa sukile a kuya tsobela, na Boazi i lo leletele a majaha yakwe, aku, Nga yena a kutsula xikari ka milumbi, mu nga karati yena.
- 16 Ni kambe mu wa kokela yena hi lomu milumbini, mu tsika kona, kasi yena wa kutsula, mu nga mu kawuki yena.
- 17 Zingaho yena i lo kutsula lomu siawini kala gambyeni; na yena i lo popa lawo a nga wa ma kutsule, wona ma wa hi xipimo xa Efa ga barle.
- 18 Na yena i lo teka kona, i loya lomu mutini; ni nwingi wa yena i lo wona loko a nga wa kutsule: na yena i lo neha loko a nga wa ku tsanzekile a nzako ka kuba a xure.
- 19 Ni nwingi wa yena i te ngalo ka yena, Hikwihi laho wena u kutsuleko nyamukla ke? hikwihi laho wena u

- tirileko kona ke? i katekisilwe yena loye a tibileko wena. Na yena i lo kombisa a nwingi lezaku hi ka wihi yena a tirileko, na te ngalo, A bito ga munhu loye nzi tirileko yena nyamukla nzi Boazi.
- 20 Na Noami i te ngalo ka katamwane wa yena, I katekisilwe nzi Jehova, loye a nga tsikangiko a wunene ga yena ka bahanyako ni bafileko. Na Noami i te ngalo ka yena, A munhu i ku suhani ka wuxaka na hina, a munwe a nga kusuhani ka hina.
- 21 Na Rute a mu Moabi i te ngalo, Ina, yena i te ngalo ka mina, Wena u ta hlayisa ku namarela ka majaha ya mina, kala bona ba gumelwa kutso-bela ka mina.
- 22 Na Noami i te ngalo ka Rute a katamwane wa yena, Kona kusaseka, zwana wa mina, lezaku wena famba ni malanza ya xisati ya yena, lezaku bona ba nga klangani na wena ka mazwani masimu.
- 23 Zingaho yena i lo hlayisa ku namarela hi malanza ya xisati ya Boazi, a ku kutsula kala kugumelweni ka kuhulula a barle ni popa ka mabele; na yena i lo tsama ni nwingi wa yena.

XIPIMO 3.

- 1 Na Noami a nwingi wa yena i te ngalo ka yena, nwananga mina a nzi labi kuhumula ka wena ke, kasi ku fela ku maha kwatsi ka wena ke?
- 2 Na makunu Boazi a xaka ga hina, loye wena u nga wa hi ni malanza ya yena ya xisati ke? Languta, yena i yela kupopela mabele a wusiku legi le li lonzeni la nzimbo.
- 3 Hlamba a wutsumbu ga wena hi kwalaho, u ti tota, ni ku ambala tinguwo ta wena, u relela uya le lilonzeni la nzimbo; kanilezi u nga mahi a wutsumbu ga wena u tibyiwa ka munhu, a kala yena a mbeta kuga ni kunwa.
- 4 Na kona ku ta kubalezo, laha na yena na a eklela, wena u ta pima hi wutsamo lego yena a ta nga eklela, na wena u ta engena, uya funungula a mikonzo ya yena, u eklela lahasi; na yena i ta byela wena lezi u ta nga zi maha.
- 5 Na yena i te ngalo ka yena, Zonkle lezo wena u wulako, zonkle nzi ta zi maha.

- lo ringanisela yena a nklanu ni xi-
nwe ziringaniso za barle, i lo klateka
ka yena : yena i loya le mutini.
- 16 Ni laha yena a nga wa tile ka nwi-
ngi wa yena, yena i te galo, Zaku-
yini ka wena, nwananga ke ? yena i
lo byela yena zonkle lezo a wanuna a
nga wa mahile ka yena.
 - 17 Na yena i te ngalo, Lezi nklanu ni
xiawe ziringaniso za barle yena i lo
nyika ka mina ; hakuba yena i te
ngalo, Wena u ngayi na u nga hi na
ncumo ka nyine wa wena.
 - 18 Zonake ku wula yena, Tsama u mi-
yela, nhanyana wa mina, kala u tiba
lezaku a mahungu, ma ta mahisa ku
yini ke ; hakuba a wanuna loyi a
nga ta humula, kala a mbetisa a xilo
lexi legi siku.
- XIPIMO 4.
- 1 Makunu Boazi i lo kanziya aya le
nyangweni, i lo ya tsama lahasi laho :
ni, languta, a nhombe ya kona ya
laha ku suhi leyo Boazi a nga wa
yi wulile yi lota laho ; ka yena i
te ngalo, I sawe, wena sawe ! hi
nga hambuka, tsama laha. Na
yena i lo hambuka klelweni, i lo
tsama.
 - 2 Na yena i lo teka a kume ga ba ba-
nuna ba masingalakati ya muti, i te
ngalo, Tsamani zwina lahasi laha,
Na bona ba lo tsama lahasi.
 - 3 Na yena i te ngalo ka nhombe ya
laha ku suhani, Noami, loye a kleli-
leko a wuya hi le tikweni ga le
Moabi, wa xabisa a xipanze xa saba,
lexi xi nga wa hi xa Elimeleki maka-
bye wa hina :
 - 4 Mina nzi alakanya ku kala nzi nga
gi wonisa ka wena, nziku, Xaba
gonah mahlweni ka bonkle ba tsami-
leko laha, ni mahlweni ka masinga-
lakati ya banhu ba hina. Loku u
ta gi klaklisa, klaklisa gona : kanile-
zi loku wena u nga labi kuklaklisa
gonah, zonake byela mina, kasi mina
nza fela ku zi tiba ; hakuba laho a
ku kona wa ku klaklisa gona hi la-
handle ka wena ; na mina nzi le
nzako ka wena. Na yena i te nga-
lo, Mina nzi ta klaklisa gona.
 - 5 Zonake ku wula Boazi, Hi gihi siku
lego wena u xaba a simu mandleni
ya Noami, wena u fela ku xaba ka-
mbe ka Rute a mu Moabi, a wasati
wa loyi a fileko, a ku vuxela a bito
ga loyi a fileko tsombeni ya yena.

RUTE, 4.

- 6 Ni nhombe ya kona ya laha ku suhani nguvu yi te ngalo, Mina nzi nga ta *klaklisa* gona ka wutsumbu ga mina, nzi nga taku nzi onha a tsoмба ya mina *nwinyi*: teka wena a fanelo ya mina ya *kuklaklisa* gona ka wena; hakuba mina nzi nga ta *klaklisa* gona.
- 7 Makunu lowu ku wa hi mukuwo wa kale wa ka Israeli wa xungetano ni *kuklaklisa* ni xungetano ni ku ciselana, a ku tiyisa zilo zonkile: a munhu i wo susa xilato xa yena, a xi nyika ka wa akelwane wa yena; leti ti wa hi timhaka ta wumboni ka Israeli.
- 8 Zingaho a nhombe ya laha kusubi yi te ngalo ka Boazi, Xaba gona akuba ga wutsumbu ga wena. Yena i lo susa a xilato xa yena.
- 9 Na Boazi i te ngalo ka masingalakati, ni ka bonkile a banhu, *Nwina* mu timboni legi siku, lezaku mina nzi xabile zonkile lezi zi nga wa hi za ka Elimeleki, ni zonkile lezi zi nga wa za ka Cilioni na Mahloni, hi canja ga Noami.
- 10 Klatakumbiri na Rute a mu Moabi, a sati wa Mahloni, mina nzi xabile a kuba sati wa mina, a ku vuxa a bito ga a fileko hehla ka tsoмба ya yena, kasi a bito ga a fileko gi fela ku kala gi nga tsemiwi xikari ka bamakabye banye ni le nyangweni ya wotsamo gabye; *nwina* mu ba timboni legi siku.
- 11 Ni bonkile banhu laba ba nga wa hi le nyangweni, ni masingalakati, ba te ngalo, Hina hi timboni. Jehova a mahe wasati loye a ta nguta lomo ndlwini ya wena ku fanana Raceli ui ku fanana na Lea, labo bambiri ba nga fa na ba akile a yindlu ya ka Israeli: na wena nga u fanela lomu Efrata, u be u dumileko lomu Betlehema:
- 12 Ni nga a yindlu ya wena yi kotisa a yindlu ya Perezi, loye a Tamare a nga tralela ka Juda, ni mbewu leyi Jehova a ta nga nyika wena ka loyi tratsana.
- 13 Zingaho Boazi i lo teka Rute, na yena i lo maha a sati wa yena; na yena i loya ka yena, na Jehova i lo nyika a kuxuranyimba, na yena i lo trala nisanyana.
- 14 Na ba basati ba te ngalo ka Noami, I katekisilwe Jehova, loyi a nga kala ku tsika wena legi siku na u nga hi na xaka ga ku suhani; nga bito gi hi gi zweleko ka Israeli.
- 15 Na yena i ta ba ka wena a mu kleli-seli wa wutomi, ni muwundli wa tanga ya wena ya kale; hakuba a katamwane wa wena, loye a ranzako wena, loye a nga cukwana ka wena ku hunza nkhanu ni bambiri barisanyana, i tralele yena.
- 16 Na Noami i lo teka xihlangana, i lo xi klateka xifubeni xa yena, i lo maha muwundli wa xona.
- 17 Ni ba basati a ba akelwane ba yena ba lo xi nyika a bito, baku, Laho ku kona a nisanyana a trelweko ka Noami; na bona ba lo bitana a bito ga yena Obedi: yena hi raru wa Jesse, a raru wa Davida.
- 18 Makunu lezi hi zizukulwana za Perezi: Perezi i lo trala Hezroni,
- 19 Na Hezroni i lo trala Rama, na Rama i lo trala Aminadaba,
- 20 Na Aminadaba i lo trala Nahxoni, Nahxoni i lo trala Salmoni,
- 21 Salmoni i lo trala Boazi, na Boazi i lo trala Obedi,
- 22 Na Obedi i lo trala Jese, na Jese i lo trala Davida.

SAMUELI.

XIPIMO 1.

- 1 Makunu ku wa hi kona munhu wokari wa e Ramataimezofime, wa tikweni ga mitsurana ya ka Efraime, ni bito ga yena ku wa hi Elkana, a *nwana* wa Jerohama, a *nwana* wa Elihu, a *nwana* wa Tohu, a *nwana* wa Zufa, a mu Efraime:
- 2 Yena i wa hi ni basati bambiri; ni bito ga mu~~n~~wani ku wa hi Hana, ni bito ga mu~~n~~wani ku wa hi Penina: Penina i wa hi na banana, kanilezi Hana i wa ngi hi na banana.
- 3 Ni loyi munhu i wa lo kanziya a humu mutini wa~~y~~e a malembe ni malembe a kuya k~~o~~zela ni kupahlela ka Jehova wa maban~~d~~la le Xilo. Ni banana bambiri ba Eli, Hofeni na Fineasi, ba wa hi bapristi ka Jehova, ba wa hi leyo.
- 4 Ni laha siku gi nga wa cikele lezaku Elkana a pahlelele, yena i lo nyika ka Penina a sati wa yena, ni ka bon~~l~~e barisanyana ni bauhanyana ba yena, a ziabelo:
- 5 Kanilezi ka Hana yena i lo mu nyika a xiabelo xi wuyetilweko; hakuba yena i wa nanza Hana, kanilezi Jehova i wa valile a marumbu ya yena.
- 6 Ni ceti ya yena yi wa lo mu zangarisa ngu~~v~~u, i lo maha yena ku hlamuka, hakuba Jehova a valileko a marumbu ya yena.
- 7 Kwatsi hilezi yena a nga wa maha lezo malembe hi malembe, laha yena a nga wa yile le n~~d~~lwini ya Jehova, zingaho yena i lo vin~~d~~lukisa yena; hikwalaho yena i lo rila, i lo kala ni kuga.
- 8 Na Elkana a nuna wa yena i te ngalo ka yena, Hana, u rilela yini wena xana ke? hi yini wena u nga giko-ke? hiyini a mbilu ya wena yi karatekileko ke? mina a nzi mahi kwatsi ka wena ku hunza kume ga banana ke?
- 9 Zingaho Hana i lo suka anzako ka kuba ba gile leyo Xilo, ni nzako ka kuba ba *nwile*. Makunu Eli a mu-
pristi i wa tsamile xitsa~~n~~weni xa ye-
- na hi laha nyangweni ya temple ya ka Jehova.
- 10 Na yena i wa hi kubabisisiseni ka muhefemulo, i lo kombela ka Jehova, ni ku rila a tsikwila.
- 11 Na yena i lo funga a xifungo, i te ngalo, O Jehova wa maban~~d~~la, loku wena ha kunene u ta cuwuka a hlo-
mulo wa nanza ga wena, ni ku ala-
kanya mina, u nga kohlwi hi nanza
ga wena, kanilezi u nyika ka nanza
ga wena a xihlangana xa nisanyana,
zonake mina nzi ta nyika ka Jehova
won~~k~~e a masiku ya wutomi ga xo-
na, laho ku nga ta kuba kona a lika-
ri li ta ngata hehla ka hloko ya yena.
- 12 Na ku mahisile lezo, kwatsi hilezi a nga wa simamisile a kombela ma-
hlweni ka Jehova, Eli i lo hlohlosa
a nomu wa yena.
- 13 Makunu Hana, yena i wa ku wula-
wula lomu mbilwini ya yena; sase-
ka a milomu ya yena yi wa ku ni-
nginika, kanilezi a gezu ga yena gi
wa nga zwiwangi: hikwalaho Eli
i lo alakanya lezaku yena i wa po-
pilwe.
- 14 Na Eli i te ngalo ka yena, Ku ta
kala ku kuyini wena u popiwa ke?
susa kule a waini ga wena le ka
wena.
- 15 Na Hana i lo hlamula i te ngalo,
Kokwihi, hosi yanga, mina nzi wa-
sati wa moya wu karatekako: mina
a nzi nwangi ge ni waini hambu ni
byala, kanilezi mina nzo culula a
muhefemulo wa mina mahlweni ka
Jehova.
- 16 U nga hlayi a nanza ga wena ga
xisati a ku ngwasati wa kubiha;
hakuba hi ku tala ka kukalala ka
mina ni ku vin~~d~~lukiselwa ka mina
nzi ku wulawulile laha.
- 17 Zonake i lo hlamula i te ngalo, Fa-
mba hi kurula; na Nungungulu wa
ka Israeli a vumela a kongelelo wa
wena lowu u wu wutisileko ka yena.
- 18 Na yena i te ngalo, Nga a nanza ga
wena gi kuma tomo mahlweni ka
wena, Zingaho a wasati i loya a
n~~d~~lela ya yena, i lo yaga; ni ngohe

ya yena yi wa nga engetangi kambe yi tsuba.

- 19 Na bona ba lo suka ni punzu wa mixo, ba lo kozela mahlweni ka Jehova, na ba lo klela, ba lota le ndlwini yabye le Rama. Na Elkana i lo tiba Hana a sati wa yena; na Jehova i lo alakanya yena;
- 20 Na ku mahisile lezo, ni laha a xikati xi nga wa nga xi cikele, lezaku Hana i lo xura nyimba, i lo trala nisananya; yena i lo cula a bito ga yena Samuelli, aku, Hakuba mina nzi wutisile hi le ka Jehova.
- 21 Ni manhu Elkana, ni yonkle a yindlu ya yena, ba lo kanziya ba nyikela ka Jehova a munyikelo wa lembe hi malembe, ni xifungo xa yena.
- 22 Kanilezi Hana a nga kanziyangi; hakuba yena i wa te ngalo ka nuna wa yena, mina nzi nga ta kanziya nziya ku kala a xihlangana xi lumulwa; na zonake mina nzi naha yena leyo, kasi yena a woneka mahlweni ka Jehova, ni leyo aya tsama kala kupinzuka.
- 23 Na Elkana a nuna wa yena i te ngalo ka yena, Maha lezi zi nge kwatsi kusasa mahlweni ka wena; tsama u kala wena u lumula yena; kumbela nga Jehova a tiyisa a nhaka ya yena. Zingaho a wasati i lo tsama i lo nyika a xihlangana a kuanwa, kala yena a lumula yena.
- 24 Ni laha yena a nga wa lumule yena, yena i lo teka yena a kanziya zinwe na yena, ni tihonwana tinharu, ni efa yinwe ya tinzoho, ni botori ga waini, ba lo neha kona le ndlwini ya ka Jehova le Xilo; ni xihlangana xi wa ha hi xiswa.
- 25 Na bona ba lo daya a honwana, ba lo neha a xihlangana ka Eli.
- 26 Na yena i te ngalo, O, hosi ya mina, kwatsi hilezi a muhefemulo wa wena wu hanyako, hosi yanga, mina nzi wasati loyi a nga wa yimile mahlweni ka wena laha, na nzi kombe la ka Jehova.
- 27 Hakuba loyi hi nwanana loyi nzi nga kombela; hakuba Jehova a kongelelo wa mina lowu nzi nga wa wu tisile ka yena:
- 28 Hikwalaho minawu nzi nyikele ka yena Jehova; kwatsi hi xikati xonkle lexi yena a hanyako yena i nyikelwe ka Jehova. Na yena i lo kozela Jehova leyo.

XIPIMO 2.

- 1 Na Hana i lo kombela, i te ngalo:
A mbilu ya mina yi klakukile ka Jehova;
A limhonzo la mina li klakukile ka Jehova;
Ni nomu wa mina wu kulisisilwe hehla ka balala ba mina;
Hakuba mina nza buma lomu ku hanyisweni ka wena.
- 2 Laho a ku kona a basileko kwatsi nzi Jehova;
Hakuba laho a ku kona hi le handle ka wena,
Hambu ni kuba kona ribye laho go kota a Nungungulu wa hina.
- 3 U nga ha engeti kambe a wulawula hi ku hunzelela ku kumuxisilwe;
Nga ni wuxezi gi nga ha humi hi le nonwini wa wena;
Hakuba Jehova nzi Nungungulu wa kutiba,
Na ha yena a zimaho zi ringanisi-lwe.
- 4 Ni mawura ya tinhenha ma tso-byilwe;
Na bona laba ba retemukileko ba bohilwe hi ntamo.
- 5 Na bona labo ba teleko ba pembele a wutsumbu gabye a zibaba;
Na bona labo ba na nga ni ndlala ba kawulile a ndlala:
Ina, a tingonwa ti trele a nklanu ni kumbiri;
Yena loye a nga ni banana ba ku tala hi yena a hlokako.
- 6 Jehova wa daya, a mahako wutomi:
Yena a nehako lahasi le Xeoli, hi yena a nahako le hehla.
- 7 Jehova a mahako xisiwana, ni ku a mahako a fumako:
Yena a nehako lahasi, yena a klakusako kambe.
- 8 Yena a klakusako xisiwana a humma le tsurini,
Yena a klakusako a muvumali a suka hi tsurini wa koho,
Ni ku maha bona ku tsama ni tihosana,
Ni kuga tsomba ya xitsamo xa wukosi:
Hakuba a timlinga ta misaba ta Jehova,
Na yena i yimisile a misaba hehla ka tona.

GO SANGULA GA SAMUELI, 2.

- 9 Yena i ta hlayisa a mikonzo ya laba ba yena bo basa ;
Kanilezi a ba kubiha ba taba kudumarisweni le munyameni ;
Hakuba hi ntamo a munhu a nga ta humelela.
- 10 Bona labo ba pikisanako na Jehova ba ta tsoyiwa fufanyi ;
A vukela bona yena i ta dzinza le tilweni :
Jehova i ta lamula a kugumelwa ka misaba ;
Yena i ta nyika a ntamo ka hosi ya yena,
Ni ku klakusa limhonzo li totilweko.
- 11 Na Elkanai loya le Rama le ndlwinini ya yena. Ni nwanana i lo kozela ka Jehova mahlweni ka Eli a mupristi.
- 12 Makunu a barisanyana ba Eli ba wa hi banhu ba zihunzamilayo ; bona ba wa nga mu tibi Jehova.
- 13 A mukuwo wa bapristi zizwe ni banhu wu wa hi lowu, lezaku, laha kani hiwili munhu a nyikelako a mupahlelo, a nanza ga mupristi gi wa kuta, laha a nyama ya ha bilako, ni liobe la nyama la meno manharu canjeni ga yena ;
- 14 Yena a klaba lona le xibyaneni, kutani xiyyeni, kutani lihisweni, ni le mbiteni ; ni konkle loko ku olobyiwako hi liobe a mupristi i wa ku teka kona. Zingaho bona ba wo maha leyo Xilo ka bonkle ba ka Israeli laba ba tako leno.
- 15 Ina, hi mahlweni na bona ba nga seku hisa mafura, a nanza ga mupristi gi wota, gi te ngalo ka wanuna loye a pahlelako. Nyika a nyama a kuya katingela a mupristi ; hakuba yena a nga teka a nyama yi biki-lweko ka wena, kanilezi yi mbisi.
- 16 Ni loku a munhu a ku ngalo ka yena, Bona ha kunene ba ta hisa mafura kuranga, zonake u ta teka yo tala kwatsi hi lezi a muhefemulo wa wena wu xubako ; zonake yena i wa a te ngalo, Kokwihi, kanilezi wena u ta nyika yona ka mina makunu : ni loku zi nga ngaho, mina nzi ta wukla.
- 17 Ni kuonha ka majaha ku wa hi ka hombe nguvu mahlweni ka Jehova ; na ba hanahanisa a munyikelo wa Jehova.
- 18 Kanilezi Samueli i wo kozela mahlweni ka Jehova, na a nga na hi nwanana, i wa lo boha a wutsumbu ga yena hi efodi ga wukene.
- 19 Klatakumbiri a nyine wa yena i lo mu mahela a nganjwanyana, a kanziya nehla ka yena a lambe hi lembe, laha na yena a kanziya zizwe ni numa wa yena, a ku ta nyikela a munyikelo wa pahlelo wa malembe wonkle.
- 20 Na Eli i lo katekisa Elkana ni sati wa yena, i te ngalo, Jehova a nyike wena a mbewu ya loyi wasati a mukongelo lowo a wutisileko ka Jehova. Na bona ba loya a kaya kabye.
- 21 Na Jehova i lo enzela Hana, na yena i lo xura nyimba, i lo trala barisanyana banharu ni banhanyana bambiri. Ni nwanana Samueli i lo kula mahlweni ka Jehova.
- 22 Makunu Eli i wa kosahle nguvu ; yena i lozwa zonkle lezo bana ba yena ba mahako ka Israeli, lezaku bona ba eklelisa ku yini ni ba basati labo ba mahako a nkozo le nyangweni ya tenta ga muklangano.
- 23 Na yena i te ngalo ka bona, Hi yini nwina mu mahako zilo zakungahi ke ? hakuba mina nzi zwile hi zima-ho za nwina za kubiha zi wulwa hi bonkle laba banhu.
- 24 Kokwihi, bana banga ; hakuba a hi mubiko wa kusasa lowu nzi wu zwako ; ha nwina mu maha banhu ba Jehova ku hambunyeta.
- 25 Loku a munhu muwwe a onha ku vukela a muzwani, Nungungulu i ta lamula yena ; loku a munhu a onha a vukela Jehova, nzi mani a ta nga kongotela ha yena ke ? ahembaloko, bona a ba ingisangi ka gezu ga raru wabye, hakuba Jehova i wa xubile kudaya bona.
- 26 Ni nwanana Samueli i la su kula, i lo enzeleka tonweni ga Jehova, zizwe ni banhu.
- 27 Ni laho ku lota a munhu wa Nungungulu ka Eli, i te ngalo ka yena, Zakungahi a wulako Jehova, Mina nzi wonkelisile a wutsumbu ga mina le ndlwini ya raru wa wena, laha na bona ba hi le Gipite le wukumbini ga yindlu ya Faro ke ?
- 28 Na mina nzi lo hlawula yena ka tonkle a tixaka ta ka Israeli a kuba a mupristi wa mina, a ku kanziya aya alatini ga mina, a ku hisa pepo, a ku ambala a efodi mahlweni ka mina ke ? na mina nzi lo nyika ka yindlu ya raru wa wena yonkle a minyikelo

GO SANGULA GA SAMUELI, 3.

ya banana ba ka Israeli yi mahilweko hi nzilo ke ?

29 Ngahilezo vindlelani nwina a mupahlelo wa mina ni munyikelo wa mina, lowu mina nzi wu leleteleko ka banhu ba mina, ni kudzunza bana ba wena hehla ka mina, a ku maha wutsumbu ga nwina mu kuluka hi minyikelo yi langilweko ya banhu ba mina ke ?

30 Hikwalaho Jehova, a Nungungulu wa ka Israeli, hi yena a wulako, Mina nzi wulile ha kunene lezaku a yindle ya wena, ni yindle ya raru wa wena, yi wa ta nga yi famba mahlweni ka mina kala kupinzuka : kanilezi makunu Jehova i ngalo, Nga loko ku hi kule na mina ; hakuba bona labo ba dzunzako mina minawu nzi ta ba dzunza, na bona labo ba hanahanisako hi kuhehukisilweko ba ta pewulwa.

31 Languta, a masiku mata, lezaku mina nzi ta tsema a woko ga wena, ni woko ga yindle ya raru wa wena, lezaku laho ku nga ta kuba kona a munhu wo kale ka yindle ya wena.

32 Na wena u ta ku wona konkle kuhlokiswa ka banhu ba mina, ka konkle kufuma loko Nungungulu a ta nga nyika ka Israeli ; laho ku nga ta kuba kona a xikosana lomu ndlwini ya wena kala kupinzuka.

33 Ni munhu wa ka wena, loye nzi ta nga kala nzi nga mu tsemi a alatini ga mina, ku nga ta kuba kumbetisa a mahlo ya wena, ni hlomula a mbilu ya wena ; ni konkle a kuanzisi-lweko ka yindle ya wena ku tafa ba cinywa wudoten ga tanga yabye.

34 Ni loku ku taba muwoniso ka wena, loko ku ta nga ta hehla ka bana ba wena bambiri, ka Hofeni na Fincasi : hi siku ginwe bona ba tafa wumbiri gabye.

35 Na mina nzi ta ti vuxela a mupristi a kolekileko, loye a ta nga maha kukotisa lezo zi nga lomu mbilwini ya mina ni lomu kupimeni ka mina : na mina nzi ta akela yena a yindle ya zinene ; ya yena i ta famba mahlweni ka a totilweko wa mina kala kupinzuka.

36 Na kona ku taku na ku mahihisile lezo, ni bonklelele laba ba ta nga sinywa lomu ndlwini ya wena ba tata ba korama lahasi mahlweni ka yena ba laba xipanxe xa siliva ni kowo wa xibaba, ba ta wula, Bekela mina,

nza kombela wena, ka wutsamo ginwe ga mupristi, kasi nza fela kuga a tumbaro wa xibaba.

XIPIMO 3.

1 Ni nwanana Samueli i lo kozela ka Jehova mahlweni ka Eli. Ni mhaka ya Jehova yi wa sasekisisile ka lawo masiku ; laho ku wa nga kanzakanyi a ziwoniso.

2 Na ku mahisile lezo ka lexo xikati, laha Eli a nga wa eklele lomu wutsa nweni ga yena (makunu a mahlo ya yena na wa lasu hunzelela xilutsu, zingaho lezo yena i wa nga a nga woni),

3 Ni kandiya ya Nungungulu yi wa nga yi nga seku timeka, na Samueli i wa ti nawule lahasi ku eklele, lomo templeri ya Jehova, laho a arke ga Jehova gi nga wa hi kona ;

4 Lezaku Jehova i lo bitana Samueli : yena i te ngalo, Mina nzi laha.

5 Yena i lo tsutsuma aya ka Eli, i te ngalo, Mina nzi laha ; hakuba wena u bitanako mina. Na yena i te ngalo, Mina a nzi bitanangi ; eklele kambe. Na yena i loya eklele.

6 Na Jehova i lo engeta a bitana kambe, Samueli, Na Samueli i lo vuka aya ka Eli, na te ngalo, Mina nzi laha ; hakuba wena u bitanako mina. Yena i lo hlamula, A nzi ku bitanangi, nwananga ; eklele kambe.

7 Makunu Samueli i wa nga a nge seku mu tiba Jehova, ge hambu mhaka ya Jehova yi wa nga yi nga seku vululwa ka yena.

8 Na Jehova i lo bitana Samueli kambe hi xikati xa wunharu. Na yena i lo vuka ni kuya ka Eli, na te ngalo, Mina nzi laha ; hakuba wena u nzi bitanako mina. Na Eli i lo wona lezaku Jehova i bitanile xinwanana.

9 Hikwalaho Eli i te ngalo ka Samueli, Yana, u ya ti nawula lahasi : na kona ku taba lezo, loku yena a bitana wena, wena u ta wula, Wulawula, Jehova ; hakuba a nanza ga wena gazwa. Zingaho Samueli i loya ti nawula lahasi wutsa nweni ga yena.

10 Na Jehova i lota, i lota yima, i lo bitana kwatsi hi ziwani zikati, Samueli, Samueli. Zonake Samueli i te ngalo, Wulawula ; hakuba a nanza ga wena gazwa.

11 Na Jehova i te ngalo ka Samueli, Languta, mina nzi maha xilo ka

GO SANGULA GA SAMUELI, 4.

- Israeli, ka xona a tindlebe timbiri ta bonklelele laba ba ta ngazwa ha xona ba ta sanganiwa.
- 12 Ka lego siku nzi ta maha ku vukela Eli zonkle lezo nzi wulileko xungetano ni yindlu ya yena, ku sukela kusanguleni kala kugumelweni.
 - 13 Hakuba mina nzi byelile yena lezo nzi ta nga lamula yindlu ya yena kala kupinzuka, hakuba hi kugoha loko yena a ku tibako, hakuba a banana ba yena ba nehile a nzukano hehla ka wutsumbu ga bona, na yena a nga kawukangi bona.
 - 14 Hikwalaho na mina nzi hlambanyile ka yindlu ya ka Eli, lezaku a kugoha ka yindlu ya ka Eli ku nga ta ribelwa kutani hi mupahlelo kutani munyikelo kala kupinzuka.
 - 15 Na Samueli i lo ti nawula kala mixweni, i lo vulula a tibati ta yindlu ya ka Jehova. Na Samueli i lo caba ku byela Eli muwoniso.
 - 16 Zonake Eli i lo bitana Samueli, i te ngalo, Samueli, Nwananga. Yena i te ngalo, Mina nzi laba.
 - 17 Na yena i te ngalo, Xakuyini a xilo lexi Jehova a xi wulawulileko ka wena ke? mina nza kombela wena, u nga fihli kona mahlweni ka mina: Nungungulu a mahe zakungaho ka wena, ni ku engetela kambe, ni loku wena u fihla ni xibi xilo ka mina xa zonkle zilo lezo yena a zi wulawulileko ka wena.
 - 18 Na Samueli i lasu korisela zonklelele a byela yena, na a nga a fihlangi ncu-mo ka yena. Na yena i te ngalo, yena nzi Jehova: nga yena a maha ka yena lezi zi wonkakako kusasa.
 - 19 Na Samueli i lo kula, na Jehova i wa hi zinwe na yena, na a wa nga mahangi ni zinwe ya timhaka ta yena a kuwa laha liranza byeni.
 - 20 Ni wonkle Israeli kusukela Dani kala Berexeba ba wa lo tiba lezaku Samueli i sangulisilwe ku maha mu-profeti wa Jehova.
 - 21 Ni Jehova i lo ti wonkelisile kambe leyo Xilo; hakuba Jehova i wa vulule a wutsumbu ga yena ka Samueli leyo Xilo hi mhaka ya Jehova.

XIPIMO 4.

- 1 Ni mhaka ya Samueli yi lota ka wonkle Israeli.
Makunu Israeli i loya vukela ma Filisti le kulweni, ba loya goba le

- kulweni ga le Eben-ezera: ni ma Filisti ma lo goba leyo Afeka.
- 2 Na ma Filisti ma lo hloma a wutsumbu ga wona a maklari ma vukela Israeli: ni laha bona ba nga wa klangene a kulwa, Israeli i wa lo hlulwa mahlweni ka ma Filisti; na bona ba lo daya labo ba nga wa hlomile a xipimo xa mune wa kume ya kume ga mazana ya ba banuna.
 - 3 Ni laha banhu ba nga wa tile le wugobelweni, ni masingalakati ya ka Israeli ma te ngalo, Nguhilezo Jehova i hlulile hina mahlweni ka ma Filisti nyamukla ke? nga hi hiya teka a arke ga xivumelwano xa ka Jehova leyo Xilo gita leno ka hina, lezaku gona gi ta ba xikari ka hina, kasi gi fela ku ta hi hanyisa gi hi humesa canjeni ga balala ba hina.
 - 4 Zingaho a banhu ba lo rumela leyo Xilo; na bona ba lo neha hi leyo a arke ga xivumelwano xa ka Jehova wa mabandla, loye a tsamako le hehla ka macerabima: ni bana bambiri ba Eli, Hofeni na Fineasi, ba wa zinwe ni a arke ga xivumelwano xa ka Nungungulu.
 - 5 Ni laha a arke ga xivumelwano xa ka Jehova gi nga wa tile leyo wugobelweni, ni wonkle Israeli i hlalela hi kukanyuluka ka hombe, zingaho ni misaba yi lo tinga kambe.
 - 6 Ni laha a ma Filisti ma nga wa zwile a gezu ga kuhlalela, bona ba te ngalo, Gi wula yini a gezu ga kuhlalela lomo wugobelweni ga ma Heberu ke? na bona ba lo pima lezaku a arke ga Jehova gi tile lomo wugobelweni.
 - 7 Ni ma Filisti ma wa lo cabysiswa, hakuba bona ba te ngalo, Nungungulu u tile lomu wugobelweni, Na bona te ngalo, Kombo ka hina! hakuba kona ku wa nga ku nga hi kona xilo xa kungahi hi mahlweni ka lezi.
 - 8 Kombo ka hina! nzi mani a ta klaklisa hina canjeni ga laba banungungulu ba ntamo ke? laba hi banungungulu laba ba nga lamata a ba Gipiti hi tixaka ta minzhere lomo xiwuleni.
 - 9 Nga mu hi tinhenha, mu dzuma wutsumbu ga nwina kota ba banuna, O nwina ma Filisti, lezaku nwi-na mu nga mahi a malanza ka ma Heberu, kwatsi hilezi bona ba nga wona ka nwina: dzumani wutsum-

- mbu ga nwina kota ba banuna, ni kulwa.
- 10 Ni ma Filisti ma lolwa, na Israeli i wa lo hlulwa, na bona ba su panzanyeka bonk'lelele ba banuna le tenteni ga yenawu: ni leyo ku wa hi kubihiritwa ka hombe; hakuba leyo ku lo wela ka Israeli a makume manharu ya kume ga mazana a ba banuna ba mikonzo.
- 11 Ni a arke ga ka Jehova gi wa tekilwe; ni bana bambiri ba Eli, Hofeni na Fineasi ba lo dawa.
- 12 Leyo ku lo tsutsuma a wanuna wa ka Benjamini a huma impini, i lota le Xilo gwalego siku, zinwe na tinguwo ta yena na ti hanzulwe, ni misaba yi hehla ka hloko ya yena.
- 13 Ni laha yena a nga wa tile, mangabye, Eli i wa tsamile hehla ka xitsamo xa yena hi klelo ga ndlela na a rinzela; hakuba a mbilu ya yena yi wa rurumela hi kota ya a arke ga ka Nungungulu. Ni wanuna a nga wa tile lomu mutini, na a lo byela kona, wonk'le muti wu lo rila.
- 14 Ni laha Eli a nga wa zwile a guwa ga kurila, yena i te ngalo, Gi wula yini a guwa ga leyi a pfilupfilu ke? Na a munhu i lo haklisa, i lota byela Eli.
- 15 Makunu Eli i wa hi ni nklanu ni mune makume ni nklani ni manharu malembe a wukale; ni mahlo yakwe ma wa hi ni lituri, zingaho lezo yena i wa nga a nga woni.
- 16 Ni munhu i te ngalo ka Eli, Mina nzi mina loyi nzi tako hi le impini, mina nzi tsutsumile hi impini, Na yena i te ngalo, Ku fambisile ku yini a kulwa, nwananga ke?
- 17 Na yena loye a nga wa nehile a mahungu i lo hlamula i te ngalo, Na Israeli i panzanyekile mahlweni ka ma Filisti, ni laho ku wa hi kona kubihiritwa ka hombe xikari ka banhu, ni bana ba wena bambiri kambe, Hofeni na Fineasi, ba file, ni a arke ga ka Nungungulu gi tekilwe.
- 18 Na ku mahisile lezo, laha yena a nga kumbukile a arke ya ka Nungungulu, lezaku Eli i la su gatsala ba xinzakwana hi laha klelweni ga nyangwa; ni nhamo ya yena yi tso-beka, yena i lofa: hakuba yena i wa hi xikosana, ni ku kokoba, Na yena i lo lamula Israeli mune wa makume malembe.
- 19 Ni nhanyana wa yena hi ka nayo,

[Sheetawa.] 22

a sati wa Fineasi, i wa hi sikile, ku suhani ni ku hefemula: ni laha yena a nga wa zwile a mahungu ya ku a arke ga ka Nungungulu yi tekilwe, ni a raru wa yena hi ka nayo ni nuna wa yena i file, yena i lo korama wutsumbu ga yena i lo trala; hakuba a kulunwa ka yena ku lota hehla ka yena.

- 20 Na hi xikatini xa kufa ka yena ni ba basati laba ba nga wa yimile ba te ngalo ka yena, U nga cube; hakuba wena u tralile nisanyana, kanilezi yena a nga hlamulangi, ge yena ni ku cela kota ha yena.
- 21 Na i cula a xiwanana Icabode, aku, A wukosi gi sukile ka Israeli; hakuba a arke ya ka Nungungulu yi tekilwe, ni hakuba a raru wa yena hi ka nayo na hi nuna wa yena.
- 22 Na yena i te ngalo, A wukosi gi sukile ka Israeli; hakuba a arke ga ka Nungungulu gi tekilwe.

XIPIMO 5.

- 1 Makunu a ma Filisti ma wa nga ma tekile a arke ga ka Nungungulu, na bona ba lo neha gona hi le Eben-ezera ba gi tisa le Axdode.
- 2 Ni ma Filisti ma lo teka a arke ga ka Nungungulu, ba lo neha gona lomo ndlwini ya Dagoni, ni ku beka gona hi laha ka Dagoni.
- 3 Ni laha bona ba le Axdode ba vukile manzikweni ni mixo, languta, Dagoni i wa wile hi ngohe ya yena laha liranza byeni mahlweni ka a arke ga ka Jehova, Na bona ba lo teka Dagoni, ba lo beka yena wutsazweni ga yena kambe.
- 4 Ni laha bona na ba vukile manziko ni mixo kambe, languta, Dagoni i wa wile hi ngohe ya yena laha liranza byeni mahlweni ka a arke ga ka Jehova; ni hloko ya Dagoni ni zimhiri a zi pama za mandla ya yena ma klatekile laha xipimbisini xa yena: kumbela a tsinya ga Dagoni gi wa lo sinyiwa ka yena.
- 5 Hikwalaho ge ni bapristi ba ka Dagoni, ge ni wihi loye a tako le ndlwini ya Dagoni, ba kanziyelako lomu xipimbisini xa Dagoni le Axdode kala siku legi.
- 6 Ni canja ga Jehova gi wa binzile hehla ka bona ba le Axdode, na yena i lo lobisa bona, i lo ba riza hi zin'la-yi, kona Axdode ni mbingano wa kona.

- 7 Ni laha a banhu ba le Axdode ba nga wa wonile lezaku ku wa ngaho, bona ba te ngalo, A arke ga Nungungulu wa ka Israeli gi nga ta tsama na hina; hakuba a canja ga yena ga su tsinga hehla ka hina, ni hehla Dagoni a nungungulu wa hina.
- 8 Bona hikwalaho ba lo rumela ba tsoimbanyisa tonkle tihosi ta ma Filisti ka bona, ba te ngalo, Za kuyini hina hi ta nga maha hi a arke ga Nungungulu wa ka Israeli ke? na bona ba lo hlamula, Nga a arke ga Nungungulu wa ka Israeli gi rwaliwa giya le Gati. Na bona ba rwala a arke ga Nungungulu wa ka Israeli leno.
- 9 Na kona ku wa ngaho, lezaku, a nzako ka kuba bona ba rwele gona, ni canja ga Jehova gi wa vukela a muti hi kurizisisisa ka hombe: yena i lo hihirita banhu ba muti, bonkle ba batsongwani, ni ba hombe; ni zindlayi zi su vimbelana hehla ka bona.
- 10 Zingaho bona ba lo rumela a arke le Ekroni. Na kona na ku mahisile lezo, kwatsi hilezi a arke ga ka Jehova gi nga wa tile leyo Ekroni, lezaku a ma Ekroni ma lo rila, baku, Bona ba nehile a arke ga Nungungulu wa ka Israeli ka hina, a ku daya hina ni banhu ba hina.
- 11 Bona ba lo rumela ba lo tsoimbanyisa katigiawe a tihosi ta ma Filisti, na bona ba te ngalo, Rumelani a arke ga Nungungulu wa ka Israeli, nga gona gi famba kambe wutsa-aweni ga gona, lezaku gona gi nga dayi hina, ni banhu ba ka hina. Hakuba laho ku wa kuhihiritisisile a kurizisisisa a wonkle a muti; hakuba a canja ga Nungungulu gi wa tsingile leyo.
- 12 Ni banhu labo ba nga wa file ba nga lobyiswani hi zindlayi; ni kurila ka muti ku lo kanziya kuya le tilweni.

XIPIMO 6.

- 1 Ni a arke ga ka Jehova gi wa hi lomo tikweni ga ma Filisti nklanu ni timbiri tihweti.
- 2 Ni ma Filisti ma lo bitana a bapristi ni zitumbe, maku, Zakuyini hina hi ta nga maha ni a arke ga Jehova? kombisani hina laha hi ta nga gi rumela ha kona giya wutsaaweni ga gona.
- 3 Na bona ba te ngalo, Loku nwina

mu ta rule a arke ga Nungungulu wa ka Israeli, mu nga gi rumeli na gi hi panga; kanilezi ka konkle loku ku wula kleliselani ka gona a munyikelo wa zihambuko: zonake nwina mu ta cumiwa, na kona ku ta tibyiwa ka nwina lezaku a canja ga yena a gi suki ka nwina.

- 4 Zonake ku wula bona, Ngwakuyini a munyikelo wa zihambuko lezaku hina hi ta klelisela gona? Na bona ba te ngalo, A zindlayi za nklanu za nzalama, ni nklanu wa makondlo ya nzalama, kukotisa hi ka tsengo wa tihosi ta ma Filisti; hakuba a tungu munwe wu wa hi ka nwina nwenkle, ni ka tihosi ta nwina.
- 5 Hikwalaho nwina mu ta maha a xifananiso xa zindlayi za nwina, ni zifananiso za makondlo ya nwina laya ma babisako a tiko; na nwina mu ta nyika a wukosi ka Nungungulu wa ka Israeli: kutani kanzakalezo yena i ta hehukisa a canja ga yena hehla ka nwina, ni hehla ka banungungulu ba nwina, ni hehla ka tiko ga nwina.
- 6 Ngahilezo nwina mu maha a timbilu ta nwina ti nonoha ke, kwatsi hi ba Gipiti na Faro ba nga wa lo nonohisa a timbilu ta bye ke? Laha yena na a tirile hi kuhlamalisisisilweko xikari ka bye, na bona ba wa nga mahangi a banhu ku famba ke, na bona a ba sukangi ke?
- 7 Makunu hikwalaho tekani mu longisela nwina a kareta ya yiswa, ni matrele ya tihomu mambiri maanwisako, lawo wona ma nga bekelwangiko a joka; ni ku boha a matregana kareteni, ni ku neha tihonwana ta wona le kaya;
- 8 Ni ku teka a arke ga ka Jehova mu klateka lomo ka kareta; ni ku beka a tinzalama ta nzalama, leti nwina mu kleliselako gona a munyikelo wa zihambuko, lomo xingaxanini hi laho klelweni ga kona, ni kurumela gona gi famba, kasi gona gi fela kuya.
- 9 Wonani; loku gona gi famba hi ntlela ya mbingano wa gonawu le Betixemexe, zonake yena i mahile hina loku kubuha ka hombe: kani-lezi loku zi nga ngaho, hina hi ta zitiba lezaku a canja ga yena a gi hlaselangi hina; kona ku wa hi xihalwa xi nga humelela ka hina.
- 10 Ni banhu ba lo maha zakungaho,

- na ba lo teka a matregana mambiri ma anwisako, ba lo boha wona le ka kareta, ba lo valela a tihonwanyana ta wona le kaya ;
- 11 Na bona ba lo beka a arke ga Jehova hehla ka kareta, ni ngaxana na yi hi ni makondlo ya nzalama ni zifanano za zindlayi.
- 12 Ni matregana ma la su gwirigwiri ni ndlela leyo yi yako Betixemexe ; wona ma loya ma longoloka ni gonzo, ma boma kota ma fambako, a ti hambukangi hi ka ga xinene canja kutani hi ka ga xibaba ; ni tihosi ta ma Filisti ti loye le nzako ka tona ti cikela le mbinganweni wa le Betixemexe.
- 13 Na bona ba le Betixemexe ba wa ku hulula a mabele yabye lomo minzelelweni ; na bona ba lo klakusa a mahlo yabye, ba lo wona a arke, ba lo tsaka a ku wona gona.
- 14 Ni kareta yi lota lomo sinwini ga Joxua a mu Betixemexe, yi lota yima leyo, leyo ku nga wa hi kona a ribye ga hombe : na bona ba lo klacula a tihunyi ta kareta, ba lo nyikela a matregana akuba munyikelo wa kuhiswa ka Jehova.
- 15 Ni ba ka Levi ba lo teka ba beka lahasi a arke ga ka Jehova, ni ngaxana leyi yi nga wa hi zinwe na gona, lomo nzeni ku wa hi a tinzalama ta nzalama ti wa hi kona, ni ku beka tona le ribyeni ga hombe : ni banhu ba le Betixemexe ba lo nyikela a minyikelo ya kuhiswa ni ku pahlela a mipahlelo gwalego siku ka Jehova.
- 16 Ni laha a tihosi ta nklanu ta ma Filisti ti nga wa nga ti wonile kona, ti lo klelela le Ekroni gwalego siku.
- 17 Ni lezi hi zindlayi za nzalama lezi ma Filisti ma nga wa kleliselele a kuba munyikelo wa zihambuko ka Jehova : a Axdode munwe, a Gaza munwe, a Axkeloni munwe, a Gati munwe, ni Ekroni munwe ;
- 18 Ni makondlo ya nzalama, kukotisa hi yonkle a miti ya ma Filisti leyi yi nga ya nklanu wa tihosi, yonkle yi wa gingisisilwe a miti ni ya zimintanyana za tiko, hambu kona ka ribye ga hombe, laho bona ba nga beka a arke ga ka Jehova, lego ribye gi tsamile kala legi siku lomo masinwini ya Joxua a mu Betixemexe.
- 19 Na yena i lo daya a banhu ba le

Betixemexe, hakuba bona ba lo cuwuka lomo arkeni ga ka Jehova, yena i lo daya a nklanu ni mambiri makume ya ba banuna, ni kume ni nklanu ya kume ga mazana ya ba banuna ; ni banhi ba lo rila, hakuba Jehova i lo daya banhu hi kuhihirita ka hombe.

- 20 Ni banhu ba le Betixemexe ba te ngalo, Nzimani a kotako ku yima mahlweni ka Jehova, loyi a Nungungulu a basileko ? Na ku hi mani a ta nga kanziya hi leno ka hina ?
- 21 Na bona ba lo rumela a mitsumi ka banhu ba le Kiriategearime, baku, A ma Filisti ma klelisile a arke ga ka Jehova ; relelani nwina, mu ta gi teka gi ta leyo ka nwina.

XIPIMO 7.

- 1 Ni banhu ba le Kiriategearime ba lota, ba lota teka a arke ga ka Jehova, ba lo gi neha lomu ndlwini ka Abinadaba le tsurini, ni kubasisa Eleazare a nwana wa yena a ku hlalyisa a arke ga ka Jehova.
- 2 Na kona na ku mahisile lezo, ku sukela ka siku lego a arke gi nga wa tsamile le Kiriategearime, lezaku a xikati xi wa nabalatile ; hakuba ku wa hi makume mambiri malembe : ni bonkle a banana ba ka Israeli ba lo rilela Jehova.
- 3 Na Samueli i lo wulawula ka yonkle a yindlu ya ka Israeli, aku, lo ku nwina mu maha ku klelela ka Jehova hi mbilu ya nwina yonkle, zonake susani a banungungulu ba bamatiko na a Axtarote xikari ka nwina, ni kululeka a timbilu ta nwi na hi ka Jehova, mu kozela yena ntsena ; na yena i ta klakelisa nwina mu huma canjeni ga ma Filisti.
- 4 Zonake a banana ba ka Israeli ba susa kule Baalima na Axtarote, ni ku kozela Jehova ntsena.
- 5 Na Samueli i te ngalo, Tsombanyiselani wonkle Israeli le Mizpa, na mina nzi ta kombelela nwina ka Jehova.
- 6 Na bona ba lo tsombana katiginwe le Mizpa, ba loka mati, ba culula wona mahlweni ka Jehova, ba lo yila ka lego siku, ba te ngalo leyo, Hina hi onhile hi vukela Jehova. Na Samueli i lo lamula a banana ba ka Israeli le Mizpa.
- 7 Ni laha a ma Filisti ma nga wa zizwile lezaku a banana ba ka Israeli

ba tsombene katiginwe le Mizpa, ni tihosi ta ma Filisti ti lo kanziya ti vukela Israeli. Ni laha a banana ba ka Israeli ba nga wa zwile kona, bona ba wa la su caba hi kota ya ma Filisti.

- 8 Ni banana ba ka Israeli be te ngalo ka Samueli, U nga kawuli a ku kombela ka Jehova a Nungungulu wa hina ha hina, lezaku a fela ku ponisa hina canje ha ma Filisti.
- 9 Na Samueli i lo teka a kundlwana wa yivu, i lo nyikela wonkle a kuba munyikelo wa kuhiswa ka Jehova: na Samueli i lo rilela ka Jehova ha Israeli; na Jehova i lo hlamula yena.
- 10 Na kwatsi hilezi Samueli a nga wa nyikela a munyikelo wa kuhiswa, ni ma Filisti ma lo tsinela kusuhani a ku talwa ba vukela Israeli; kanilezi Jehova i lo dzinza hi kudzinza ka hombe ka lego siku hehla ka ma Filisti, yena i lo hlulela bona; na bona wa hihiritwa labasi mahlweni ka Israeli.
- 11 Ni ba banana ba ka Israeli ba lo huma hi le Mizpa, ba lo hlolongisa a ma Filisti, ba lo riza bona, ba kala bona ba cikela le lahasi ka Betikare.
- 12 Zonake Samueli i lo teka a ribye, i lo beka gona xikari ka Mizpa ni Xena, i lo bitana a bito ga wutsamo lego Eben-ezer, aku, Lenowowo Jehova i vunetele hina.
- 13 Zingaho a ma Filisti ma wa hlulilwe, bona a ba engetangi bata kambe mbinganweni wa ka Israeli: ni canja ga Jehova gi wa vukela a ma Filisti wonkle a masiku ya Samueli.
- 14 Ni miti leyo a ma Filisti ma nga wa tekile ka ba Israeli yi lo wuyiselwa ka ba Israeli, ku sukela le Ekroni ku kala ku cikela le Gati; ni mbingano wa kona ba lo wu klaklisa ba ka Israeli le canjeni ga ma Filisti. Laho ku wa hi kona kurula xikari ka ba Israeli ni ma Amori.
- 15 Na Samueli i lo lamula Israeli wonkle masiku ya wutomi ga yena,
- 16 Na yena i lo famba malembe hi melembe a renzelekela, aya Beteli, ni Gilgale, ni Mizpa; na yena i lo lamula Israeli ka gonkle lego wutsamo.
- 17 Ni kuklelela ka yena ku wa hi le Rama, hakuba leyo ku wa hi kona yindlu yakwe; ni leyo yena i lo lamula Israeli: na yena i wa akile a alati leyo ka Jehova.

XIPIMO 8.

- 1 Na ku mahisile lezo, ni laha Samueli a nga wa hi wa kale, lezaku yena i lo maha bana ba yena kulamula ba ka Israeli.
- 2 Makunu a bito ga nwana wa yena wa matiwula i wa hi Joeli; ni bito ga wa wumbiri, i wa hi Abija: bona ba wa hi balamuli le Berexeba.
- 3 Ni barisanyana ba yena a ba fambangi hi tindlela ta yena, kanilezi ba lo hambukela klelweni a kubinza, ni ku kukanyara, ba hambukisa nongameto.
- 4 Zonake wonkle masingalakati ya ka Israeli ma lo tsombana a wutsumbu gabye katiginwe, ba lota ka Samueli leyo Rama;
- 5 Na bona ba te ngalo ka yena, Languta, wena u kosahcele, ni bana ba wena a ba fambi hi tindlela ta wena: makunu maha ka hina a hosi a ku lamula hina kwatsi wonkle matiko.
- 6 Kanilezi a xilo a xi xalalalisangi Samueli, laha na bona ba te ngalo, Nyika a hosi a ku lamula hehla ka hina. Na Samueli i lo kombela ka Jehova.
- 7 Na Jehova i te ngalo ka Samueli, Ingisa ka gezu ga banhu ka zonkle lezo bona ba wulako ka wena; hakuba bona a ba alangi wena, kanilezi bona ba alile mina, lezaku mina nzi nga hi hosi hehla ka bona.
- 8 Kukotisa hi ka mitiro leyo bona ba yi mahileki cima ka siku lego mina nzi nga humesa bona ba kanziya bata hi le Gipite hambu ku kala legi siku, a ka lezo bona ba tsikileko mina, ni ku kozela banwani banungungulu, zingaho kambewo bona ba mahawu ka wena.
- 9 Makunu hikwalaho ingisa ka gezu ga bona: ahemba wena u ta kwe-ngwezetana hi kulayisisilweko ka bona, na u ta kombisa hi ma fumela ya hosi leyo yi ta nga fuma hehla ka bona.
- 10 Na Samueli i lo byela tonkle timhaka ta ka Jehova ka bonkle banhu labo ba wutisileko a hosi.
- 11 Na yena i te ngalo, Leyi ku ta ba ma fumela ya hosi leyo yi ta nga fumela hehla ka nwina: yena i ta teka a banana ba nwina, a ba beka akuba ba tikareta ta yena, ni kuba a ba mahxi ba yena; na bona ba ta tsutsuma mahlweni ka tikareta ta yena;

- 12 Na yena i ta hlawula ka yena a tinduna ta makume mazana, ni ta min-
nlanu wa makume; na yena i ta
yimisa banwani a ku rima a masimu
ya yena, ni kuhula a masimu ya ye-
na, ni ku fula a maklari ya impi, ni
ngalowotso ya tikareta ta yena.
- 13 Na yena i ta teka a banhanyana ba
nwina kuba ba tiri sende, ni babiki,
ni bakatingi.
- 14 Na yena i ta teka a masimu ya nwi-
na, ni zivina za nwina, ni maolivia
ya nwina, wona laya malangilweko
ka wona, a nyika wona ka malanza
ya yena.
- 15 Na yena i ta teka a za kume za mbe-
wu ya nwina, ni za zivina za nwina,
a nyika ka tinduna ta yena ni ka
malanza ya yena.
- 16 Na yena i ta teka a malanza ya
nwina ya ba banuna, ni malanza ya
nwina ya ba basati, ni timbhuri ta
nwina ta majaha, ni timbongola ta
nwina, ni ku beka tona ka tiro wa
yena.
- 17 Na yena i ta teka a sakume za mi-
klambi ya nwina: na nwina mu ta
ba a malanza ya yena.
- 18 Na nwina mu ta rila ka lego siku hi
kota ya hosi y nwina leyo nwina
mu ta nga yi hlawula ka nwina; na
Jehova a nga ta hlamlula nwina ka
lego siku.
- 19 Kanilezi a banhu ba lo ala a ku
ingisa a gezu ga Samueli; na bona
ba te ngalo, Kokwihi; kanilezi hina
hi ta laba hosi hehla ka hina,
- 20 Kasi hinawu kambe ha kota a mati-
ko wonkle, ni lezaku a hosi yi ta
lamula hina, ni ku huma yi famba
mahlweni ka hina, ni kulwa tiyimpi
ta hina.
- 21 Na Samueli i lozwa tonkle a timba-
ka ta banhu, na yena i lo ti hlawute-
la kambe lomo tindlebeni ta Jehova.
- 22 Na Jehova i te ngalo ka Samueli,
Ingisa ka gezu gabye, u maha ka
bona a hosi. Na Samueli i te ngalo
ka ba banuna ba ka Israeli, Fambani
nwina nwenklelele mitini ya nwina.

XIPIMO 9.

- 1 Makunu laho ku wa hi kona a wa-
nuna ka ba Benjamini loye a bito ga
yena a nga wa hi Kixi, a nwana wa
Abieli, a nwana wa Zerora, a nwana
wa Bekorate, a nwana wa Afia, a
nwana wa ka Benjamini, munhu a
wanuna wa nhenha ya kulwa.

- 2 Na yena i wa hi ni nisanyana, loye
a bito ga yena a nga wa hi Saule,
a jaha ga liroklola: ni laho ku wa
nga hi kona xikari ka banana ba ka
Israeli a munhu wa lirorombola ku
hunza yena: ku sukela makakleni
ya yena ku ya hehla ku wa klakukile
kuhunza ni wihi munhu.
- 3 Ni timbongola ta Kixi, a raru wa
Saule, ti lo lahleka. Na Kixi i te
ngalo ka Saule a nwana wa yena,
Tekka makunua munwe wa malanza
zinwe na wena, ni ku suka, u famba
u ya laba a timbongola.
- 4 Na yena i lo hunza a tiko ga mitsu-
ri ya ka Efraime, ni ku hunza tse-
makanya a tiko ga Xalixa, kanilezi
bona a ba kumangi tona: zonake
ba lo hunza ba tsemakanya tiko ga
Xaalima, a ba ti kumangi: na yena
i lo hunza a tsemakanya a tiko ga
ka Benjamini, kanilezi bona a ba ti
kumangi.
- 5 Ni laha bona ba nga wa tile le
tikweni ga le Zufa, Saule i te ngalo
ka nanza lego gi nga wa zinwe na
yena, Ngona, na nga hina hi klela,
ku nga taku dadani wa mina a tsika
ku cela kota hi timbongola, a xube-
lelisa ha hina.
- 6 Na yena i te ngalo ka yena, Languta
makunu, laho ku kona ka lowu muti
a munhu wa Nungungulu, yena hi
munhu loye a komilweko hi kudzu-
nzwa; ni zonkle lezo a zi wulako ha
kunene za maheka; makunu nga hi-
ya leno; kutani yena a nga byela
hina xungetano ni lwenzo la hina
lolu ha lona ha fambako.
- 7 Zonake ku lo wula Saule ka nanza
ga yena, Kanilezi, languta, loku hina
hiya, xini hi ta nga nehela a munhu
ke? hakuba zibaba zi mbelile zibye-
ni za hina, ni laho a ku kona a xinyi-
kiwo a ku neha ka munhu wa Nungu-
ngulu: xini hi nga naxo hina?
- 8 Ni nanza gi lo hlamlula Saule ka-
mbe, gi te ngalo, Languta, mina nzi
nago lomu mandleni ka mina a xi-
panze xa mune xa xekeli ga siliva:
lexo mina nzi ta nyika ka munhu
wa Nungungulu, a ku byela hina hi
ndlela ya hina.
- 9 (Hi mahlweni ka xikati lomu ka ba
Israeli, laho munhu a nga wa waya
ku ya wutisa ha Nungungulu, za-
kungahi yena a wulako, Ngona, a
hi fambeni ka muwoni; hakuba lo-
yi makuuu a bitanwako muprofeti

- hi mahlweni ka xikati yena i wa tibyako hi Muwoni).
- 10 Zonake a ku wula Saule ka nanza ga yena, Ku wulilwe kwatsi ; ngona, a hi fambe. Zingaho bona ba loya le mutini laho a munhu wa Nungungulu a nga wa hi kona.
- 11 Kwatsi hilezi ba nga waya hehla le mutini, bona ba lo kuma a ba tratsana na baya kuka mati, ba te ngalo ka bona, i kona muwoni leho ke ?
- 12 Na bona ba lo hlamula bona, ba te ngalo, Yena i kona ; languta, yena i kona mahlweni ka wena : maha xihakla makunu, hakuba yena i tile nyamukla lomu mutini ; hakuba banhu ba na ni mupahlelo nyamukla lomu wutsanweni gi klakukileko.
- 13 Kwatsi hi xikanzakanya lexi nwina mu mutako lomu mutini, nwina kalekale mu ta su kuma yena, hi mahlweni na a nga se kuya wutsanweni gi klakukileko ku yaga ; hakuba a banhu ba nga ta kuga na yena na a nga se kuta, hakuba yena wa katekisa a mupahlelo ; a nzako ka lezo bona бага loko a ba rambilweko. Makunu hikwalaho kanziyani nwina ; hakuba ka lexi xikati nwina mu ta mu kuma yena.
- 14 Na bona ba lo kanziya le mutini ; kwatsi hilezi bona ba nga wa hata nzeni ka muti, languta, Samueli i lo huma lahandle aya ku komama bona, a ku kanziya le wutsanweni gi klakukileko.
- 15 Makunu Jehova i wa nga a wonekelisile ka Samueli hi siku ga mahlweni na Saule na a nga se kuta, aku,
- 16 Manziko hi lexi xikati mina nzi ta rumela wena a munhu hi tikweni ga ka Benjamini, na wena u ta tota yena a kuba hosana hehla ka banhu ba mina ba ka Israeli ; na yena i ta hanyisa banhu ba mina ba huma canjeni ga ma Filisti : hakuba mina nzi cuwukile hehla ka banhu ba mina, hakuba kurila ka bona ku tile hehla ka mina.
- 17 Ni laha Samueli a nga wa wonile Saule, Jehova i te ngalo ka yena, Languta, a munhu a wihi mina nzi wulawulileko ka wena ! ywaloyi i ta ba ni ntamo hehla ka banhu ba mina.
- 18 Zonake Saule i lo tsinela ka Samueli le nyangweni, i te ngalo, Byela mina, nza kombela wena, hi kwihi laha ku na nga ni yindlu ya muwoni.
- 19 Na Samueli i lo hlamula Saule, na te ngalo, Mina nzi mina muwoni ; famba hehla mahlweni ka mina le wutsanweni gi klakukileko, hakuba nwina mu taga zinwe na mina nyamukla : na manziko nzi ta vumela nwina mu famba, ni ku byela wena zonkle lezo zi nga lomo mbilwini ya wena.
- 20 Ni ku kwatsi hi timbongola ta wena leti ti lahlekileko a masiku manharu mahunzileko, wena u nga ha kanakani ha tona ; hakuba tona ti kumilwe. Na zili za mani lezo zi xubekako ka ba Israeli ? zona a hi za wena, ni yonkle a yindlu ya raru wa wena ke ?
- 21 Na Saule i lo hlamula i te ngalo, Mina a nzi wa ka Benjamini kaxana, wa nzisanyana ka tixaka ta ka Israeli ? ni ugango wa ka hina i sibamarumbu ka yonkle a mingango ya ka Benjamini ? ngahilezo wena u wulawulisako zakungahi ka mina ke ?
- 22 Na Samueli i lo teka Saule ni naza ga yena, i lo neha bona lomu ndlwini ya mangolanyama, na yena i lo maha bona ba tsama wutsanweni ga hombe ga bona laba ba rambilweko, labo ba nga wa hi xipimo xa makume manharu ya banhu.
- 23 Na Samueli i te ngalo ka mubiki, Neha a xiabelo lexi mina nzi nyikileko wena, ka xona mina nzi te ku ngalo ka wena, beka xona hi ka wena.
- 24 Ni mubiki i lo teka a tsambukulu, ni zihlube za gona, na a lo beka gona mahlweni ka Saule, na Samueli i te ngalo, Languta, leyi hi yona yi nga wa lonzowotelwe ! yi bekiwe mahlweni ka wena gana ; hakuba hi xikati xi yimisilweko kona ku wa hlayiselelwe wena, hakuba mina nzi wa te ngalo, Mina nzi rambile banhu. Zingaho Saule i loga na Samueli lego siku.
- 25 Ni laha bona ba nga wa relele hi le wutsanweni go klakuka bata mutini, yena i lo wulawula zinwe na Saule le hehla ka yindlu.
- 26 Na bona ba lo vuka manzikweni wa mixo : na ku mahisile lezo hi laha ga ha kucako siku, lezaku Samueli i lo bitana ka Saule le hehla ka yindlu, aku, Vuka, kasi mina

nza fela ku ku heleketa. Na Saule i lo suka, bona bambiri ba lo huma ba famba, yena na Samueli, hi le handle.
 27 Kwatsi hi lezi bona ba nga wa relela baya magumo ya muti, Samueli i te ngalo ka Saule, Byela a nanza gi hunza gi famba mahlweni ka hina (na yena i lo hunza), kanilezi wena yima u kutseka kuranga, kasi mina nza maha wena kuzwa a mhaka ya Nungungulu.

XIPIMO 10.

- 1 Zonake Samueli i lo teka xikunzana xa mafura, i lo culula xona behla ka hloko ya yena, i lo trotra yena, a ku ngalo, hi zona lezo Jehova a hlawulileko wena a kuba a hosana behla ka tsomba ya yena ke?
- 2 Laha wena u sukile hi laha ka mina nyamuŋla. Zonake wena u ta kuma bambiri hi le tsizeni ga Raceli, le mbinganweni wa Benjamini na Zelza; na bona ba ta wula ka wena, A timbongola leti wena u nga wa fambile a ku ya laba ti kumilwe; ni, wangabye, a dadani i tsikile ku katalela hi timbongola, ni ku xubelela wena, aku, Zakuyini nzi ta nga mahaha nwananga ke?
- 3 Zonake wena u ta famba ngomama ni mahlweni ku sukela leyo, na wena u tata ka Oaki wa le Tabora; leyo ku ta klangana na wena a banhu banharu leyo ba kanziyako baya ka Nungungulu le Beteli, a munwe na a rwele a zimbutana zinharu, ni munwani na a rwele a mikowo minharu ya zibaba, na munwani a rwele a botori ga waini:
- 4 Na bona ba ta losa wena, ni ku nyika wena a mikowo mimbiri ya zibaba lezi wena u ta nga zi amukela hi le canjeni ga bona.
- 5 A nzako lezo wena u tata le tsurini wa Nungungulu, leyo ku na nga ni viyo ga ma Filisti: kona ku ta mahisa lezo, laha na wena na uta leno mutini, wena u ta klangana ni klawwa wa baprofeti na ba relela bata hi le wutsanweni gi klakukileko zinwe ni mbila, ni tingomana, ni maxaba, ni magubu, mahlweni ka bona; na bona ba wa ta nga ba profeta:
- 6 Ni Moya wa Jehova wu tata wu tsingisisilwe hehla ka wena, na wena u ta profeta zinwe na bona, na u ta hunzuluswa u maha munhu munwani.

- 7 Nga kona ku ta kuba lezo, ni laha lezi ziwoniso zi tata ka wena, lezaku wena maha kwatsi hilezi zi kamanyetileko wena lexo xikati; hakuba Jehova i zinwe na wena.
- 8 Na wena u ta relela mahlweni ka mina uya le Gilgale; ni, languta, mina nzi ta relela nzita ka wena, a kuta nyikela a minyikelo ya kuhiswa, ni ku pahlela a mipahlelo ya minyikelo ya kurula: nklanu ni mambiri masiku wena u ta nga tsama, kala mina nzi ta ka wena, ni ku kombisa za ku yini u ta nga zi maha.
- 9 Na kona ku wa hi lezo, lezaku, laha na yena a fularele a hlana wa yena a ku famba ka Samueli, na Nungungulu i lo mu nyika yinwani mbilu: ni zonke lezi ziwoniso zi lo maheka lego siku.
- 10 Ni laha bona ba nga wa tile leyo le mugangeni, languta, a klawwa wa baprofeti ba lo klangana na yena; ni Moya wa ka Nungungulu wu lota wu tsingisisilwe hehla ka yena, na yena i lo profeta xikari kabye.
- 11 Na kona na ku mahisile lezo, laho labo ba nga wa mu tibihi mahlweni ka xikati ba lo wona lezaku, languta, yena wa profeta zinwe ni baprofeti, zonake a banhu ba te ngalo ka munwe ni munwani, Zakuyini lezi zi tileko ka nwana wa Kixi ke? Saule kambewo i lomo xikari ka baprofeti ke?
- 12 Ni munwe wa gwalego wutsamo i lo blamula i te ngalo, Nzi mani a dadani wabye ke? Hikwalaho ku lo tibiysiswa, Saule wo kambe i kona xikari ka baprofeti ke?
- 13 Ni laha yena a nga wa gumelwe a kuprofeta, yena i loya wutsanweni gi klakukileko.
- 14 Ni kokwani wa xinyine wa Saule i te ngalo ka Saule ni nanza ga yena, Mu wa yile kwibi nwina? Na yena i te ngalo, A kuya laba timbongola; ni laha hi nga wa wonile lezaku tona ti wa nga kumiwangi, hina hi lota ka Samueli.
- 15 Ni kokwani wa Saule i te ngalo, Byela, nza kombela, lezo Samueli a wulileko ka wena.
- 16 Saule i te ngalo ka kokwani wa xinyine wa yena, Yena i lo byela hina zi kudlunya lezaku a timbongola ti kumilwe. Kanilezi xungetano ni mahungu ya mufumo, walawo

- Samueli a nga wulawulile, yena a nga byelangi yena.
- 17 Na Samueli i lo bitana a banhu katiginwe ka Jehova leyo Mizpa ;
- 18 Na yena i te ngalo ka banana ba ka Israeli, Zakungahi a wulako Jehova, a Nungungulu wa ka Israeli, mina nzi humesile Israeli a kanziya ata hi le Gipite, mina nzi klaklisile nwina mu huma canjeni ga ba le Gipiti, ni ku huma lahandle ka mufumo lowo wu nga wa tsimbeketile nwina :
- 19 Kanilezi nwina legi siku mu alile a Nungungulu wa nwina, loyi a wutsumbu ga yena a hanyisileko nwina mu huma tikuruxwini ta nwina tonkle ni lomu kuhlokisweni ka nwina : na nwina mu te ngalo ka yena, Kokwihi, kanilezi beka hosi hehla ka hina. Makunu tisanu wutsumbu ga nwina ka Jehova hi tixaka ta nwina, ni lomu makumeni mazana ya nwi-na.
- 20 Zingaho Samueli i lo neha tonkle a tixaka ta ka Israeli kusahani, ni lixaka la ka Benjamini li wa teki-lwe.
- 21 Na yena i lo neha kusahani a li-xaka ka Benjamini hi mingango ya lona, ni ngango wa ka Matre wu la-ku tekewe ; na Saule a nwana wa Kixi i laku tekewe : kanilezi laha bona ba nga wa laba yena, i wa nga a nga kuzwangi.
- 22 Hikwalaho bona ba lo nonoha ba wutisa Jehova, Wa ha hi kona munhu wa kuengeta ata laha ke ? Na Jehova i lo hlamula, Languta, yena i fihlile a wutsumbu ga yena xikari ka nhunzu.
- 23 Na bona ba lo tsutsuma ba ya teka yena leyo ; ni laha yena a nga wa yimile mahlweni ka banhu, yena i wa klakukile ku hunza ni wihi wa banhu ku sukela makakleni ya yena kuya hehla.
- 24 Na Samueli i lo wula ka bonkle banhu, Wonani yena loye Jehova a hlawulileki, lezaku a ku koma wa fanana na yena xikari ka bonkle banhu ke ? Ni bonkle banhu ba lo hlalela, ba ku ngalo, Longoloka yi hanya hosi.
- 25 Zonake Samueli i lo byela a banhu a matsamela ya mufumo, i lo tsala koma lomu bukwinu, i lo beka gona mahlweni ka Jehova. Na Samueli i lo fambisa a banhu, a munhu kuya le ndlwini ya yena.
- 26 Na Saule kambe i loya le ndlwini ya yena le Gibea ; leyo ku loya zinwe naye a bandla, labo timbilu tabye Nungungulu a kumbileko.
- 27 Kanilezi a banhu bokari ba nga nya-wuliko ba te ngalo, I ta hanyisa hi-na hi ku yini loyi munhu ke ? Na bona ba lo kanyisa yena, a ba neha-ngi ka yena ni zinyikiwo. Kanilezi yena i lasu tsobakolo a miyela.

XIPIMO 11.

- 1 Zonake Nahaxi a mu Ammoni i lo kanziya ata, i lota goba a vukela Jebexe-gileade : ni banhu bonkle ba le Jebexe ba te ngalo ka Nahaxi, Maha xivumelwano zinwe na hina, hina hi ta kozela wena.
- 2 Na Nahaxi a mu Ammoni i te ngalo ka bona, A ka lexi xigelo mina nzi ta maha zinwe na nwina, lezaku, wonkle a mahlo ya xinene maxokolwa ; na mina nzi ta beka leyi a nzukano hehla ka wonkle Israeli.
- 3 Na masingalakati ya Jebexe ma te ngalo ka yena, Nyika hina a nklanu ni mambiri masiku ya kuhlohlosa, lezaku kasi hina ha fela ku ruma a mitsumi ka yonkle mimbiningano ya ka Israeli ; na zonake, loku laho ku nga hi kona wa kuhanyisa hina, hi-na hi ta huma hi ta ka wena.
- 4 Zonake ku lota a mitsumi le Gibea wa Saule, ni ku wula leti tinhaka lomu tindlebeni ta banhu : ni bonkle banhu ba lo klakusa a gezu gabye ba lo rila.
- 5 Na, languta, Saule i lota na a lanze-la a tikabi hi le masinwini ; na Saule i te ngalo, Xini xi pfluxako banhu lezaku bona ba rila ke ? Na bona ba lo byela yena a timhaka ta banhu ba le Jebexe.
- 6 Ni Moya wa Nungungulu wa lote wu tsingisisilwe hehla ka Saule laha na yena na zwile leto timhaka, ni zanga ya yena yi wa vindlukisilwe hi kukulisilweko.
- 7 Na yena i lo teka a joka ga tikabi, i lo tsema a fufanyi, i lo rumela yo-na ka yonkle a mimbiningano ya ka Israeli hi canja ga mitsumi, aku, Kani ngwakuyini a nga tiko a nza-ko ka Saule ni nzako ka Samueli, zingaho ku ta mahisa lezo ka tikabi ta yena. Ni xicabya xa Jehova xi lo wela hehla ka banhu, na bona ba lo huma le handle kwatsi munhu muuwe.

GO SANGULA GA SAMUELI, 12.

- 8 Na yena i lo hlalwela bona le Bezeka; ni banana ba ka Israeli ba hi mazana manharu ya kume ga mazana, ni ba banuna ba ka Juda ba wa hi maku-me manharu ya kume ga mazana.
- 9 Na bona ba te ngalo ka mitsumi leyo yi nga wa tile, Zakungahimu ta nga wula ka banhu ba Jebexe-gileade, Manziko, hi xikatini laha gambo gi hisako. *uwina* mu taba ni kuklakli-swa. Ni mitsumi yi lota byela a banhu ba le Jebexe; na bona ba wa ku tsaka.
- 10 Hikwalaho a banhu ba le Jebexe ba te ngalo, Manziko hina hi ta huma lahandle ka *uwina*, na *uwina* mu ta maha ka hina lezi zonkle zi woneko kusasa ka *uwina*.
- 11 Kona ku wa ngaho hi manziku, leza ku Saule i lo pakela banhu hi mabu-tu; na bona ba lota xikari ka wugo-belo hi xirinzwa xa mixo, ni ku hlasela a ma Ammoni kala laha kuhiseni ka siku: na kona na ku mahisile lezo, lezaku bona labo ba nga wa sele ba lo hangalaka, zingaho lezo ku wa nga hi kona bambiri ba bona ba nga wa siyilwe katigizwe.
- 12 Ni banhu ba te ngalo ka Samueli, Nzi mani loye a te ku ngalo, Kasi Saule i ta fuma hehla ka hina ke? neha a banhu, kasi hi fela ku ba daya.
- 13 Na Saule i te ngalo, Laho ku nga ta kuba kona munhu a ta nga dawa nyamukla; hakuba Jehova i tirile kuklakliswa lomu ka Israeli!
- 14 Zonake ku lo wula Samueli ka ba-nhu, Ngonani, a hi fambeni le Gilgale, ni kuya hinzula mufumo leyo.
- 15 Ni bonkle banhu ba loya le Gilgale; ni leyo ba loya maha Saule a hosi mahlweni ka Jehova le Gilgale: leyo ba lo nyikela a mipahlelo ya minyikelo ya kurula ka Jehova; leyo Saule ni bonkle banhu ba ka Israeli ba lo tsaka ba buma hi kukulisisilweko.

XIPIMO 12.

- 1 Na Samueli i te ngalo ka wonkle Israeli, Languta, mina nzi ingisile a gezu ga *uwina* ka zonkle lezo *uwina* mu wulileko ka mina, nzi mahile a hosi hehla ka *uwina*.
- 2 Ni makunu, languta, a hosi yi famba mahlweni ka *uwina* na mina nzi kosahele nzi basile wuvu hlokweni; ni languta, a bana ba mina ba zi-nwe na *uwina*: na mina nzi fambile

- mahlweni ka *uwina* ku sukela wu-*nwaneni* ga mina kala legi siku.
- 3 Nzi laha mina: kustumunyani ha mina mahlweni ka Jehova, ni mahlweni ka a totilweko wa yena: njamani a kabi leyi mina nzi tekileko ke? njamani a mbongola leyi mina nzi tekileko ke? kutani nzi pangile ke? nzimani mina nzi mu tsimbeke-tileko ke? kutani hi gamani a canja legi mina nzi ti tekeleko a nziho a ku pfupelisa a mahilo ya mina ha wona ke? mina nzi ta wuyisela ka *uwina*.
- 4 Na bona ba te ngalo, Wena a ku pangangi hina, ge ni ku ba u tsimbe-kelele hina, ge hambu ni ku teka a ncumo ni ka wihi a munhu.
- 5 Na yena i te ngalo ka bona, Jehova hi mboni ya kuvukela *uwina*, ni a totilweko wa yena i mboni legi siku, lezaku *uwina* a mu kumangi ncumo canjeni ga mina. Na bona ba te ngalo, Yena i mboni.
- 6 Na Samueli i te ngalo ka banhu, Jehova hi loye a nga wa yimisile Mosi na Aroni, labo ba nga ba neha bararu ba *uwina* ba huma le tikweni ga le Gipite.
- 7 Makunu hikwalaho yimani mu kutseka, kasi nza fela kutsawutela a zinwe ka *uwina* mahlweni ka Jehova xungetano ni zonkle zimaho za Jehova, lezi yena a zi mahileko ka *uwina* ni ka badadani ba *uwina*.
- 8 Laho Jakobe a nga wa tile leyo Gipite, ni badadani ba *uwina* ba lo rila ka Jehova, zonake Jehova i lo rumela Mosi na Aroni, ba lo neha badadani ba *uwina* ba huma hi le tikweni ga le Gipite, na a lo maha bona kuaka ka legi wutsamo.
- 9 Kanilezi bona ba lo kohlwa Jehova a Nungungulu wabye; na yena i lo xabisa bona le canjeni ga Sisera, a nduna ya impi ya Hazora, ni le canjeni ga ma Filisti, ni le canjeni ga hosi ya le Moabi; na bona ba lolwa ba vukela bona.
- 10 Na bona ba lo rila ka Jehova, na ba te ngalo, Hina hi onhile, hakuba hina hi tsikile Jehova, hi kozelile Balaami na Axtarote: kanilezi klaklisa hina ka canje ga balala ba hina, na hina hi ta kozela wena.
- 11 Na Jehova i lo rumela Jerubbaali, na Bedane, na Jafete, na Samueli, i lo klaklisa *uwina* mu huma canjeni ga balala ba *uwina* lomu maklelwe-

- ni wonklelele; na *nwina* mu lo aka kuponeni.
- 12 Ni laha *nwina* mu nga wa wonile lezaku Nahaxi a hosi ya banana ba ka Ammoni wata a ta vukela *nwina*, *nwina* mu te ngalo ka mina, Kokwili, kanilezi a hosi yi ta fumela hehla ka hina; laho Jehova a Nungungulu a nga wa hi hosi ya *nwina*.
- 13 Makunu hikwalaho langutani a hosi leyi *nwina* mu yi hlawulileko, leyo *nwina* mu yi wutisileko: ni, languta, Jehova i yimisile a hosi hehla ka *nwina*.
- 14 Loku *nwina* mu ta caba Jehova, ni ku kozela yena, ni kuzwa a gezu, mu nga hlubuki mu vukela kuleletela ka Jehova *nwenkle* *nwina* ni hosi leyi yi ta nga fuma hehla ka *nwina* mu be ba lanzeli ba Jehova a Nungungulu wa *nwina*, kwatsi:
- 15 Kanilezi loku *nwina* mu nga ingisi ka gezu ga Jehova, ni hlubuka mu vukela kuleletela ka Jehova, zonake a canja ga Jehova gi ta vukela *nwina*, kwatsi hilezi gi nga we vukele badadani ba *nwina*.
- 16 Makunu hikwalaho yimani mu kutseka mu wona zilo za hombe, lezo Jehova a ta nga zi maha mahlweni ka *nwina*.
- 17 A hi kona a siku ga kuhula mabele i nyamukle ke? mina nzi wa ta bitana ka Jehova, lezaku yena a rumele a kudzinza ni vula; na *nwina* mu ta zi tibi ni ku zi wona lezaku a kubihisisisa ka *nwina* ka hombe, loku *nwina* mu ku mahileko kuwoneni ka Jehova, a ku kombela ka *nwina* a hosi.
- 18 Zingaho Samueli i lo bitana ka Jehova; Jehova i lo rumela kudzinza ni vula lego siku: ni banhu bonkle hi kukulisilweko ba lo caba Jehova na Samueli.
- 19 Ni banhu ba te ngalo ka Samueli, kombelela a malanza ya wena ka Jehova a Nungungulu wa wena, kasi hina ha fela ku kala hi ngali; hakuba hi engetele ka zionho za hina loku kubihla, a ku wutisa ka hina a hosi.
- 20 Na Samueli i te ngalo ka banhu, Mu nga cabyiswa: *nwina* hakunene mu mahile loku kubihla konkle: kasike mu nga hambuki khlweni kulauzeneni Jehova, kanilezi kozelani Jehova hi timbilu ta *nwina* tonkle:
- 21 Na *nwina* mu nga hambukeli khlwe-

- ni; hakuba zonake mu ta nga famba hi zilo zi nga nyawuliko lezi zi nga vuniko ncumo ge ni kuklaklisa *nwina*, hakuba a hi nyawulo.
- 22 Hakuba Jehova a nga ta tsika banhu hi kota ya bito ga yena ga hombe, zona zi xalalisile Jehova a ku maha *nwina* a banhu ka wutsumbu ga yena.
- 23 Klatakumbiri kwatsi ha mina, ku wa ta nga ku be kule na mina a kuba nzi ouha nzi vukela Jehova a kukawula a ku kombelela *nwina*: kanilezi mina nzi ta gonzisa *nwina* a kusasa ni ndlela ya nongameto.
- 24 Kumbela cabani Jehova, ni ku kozela ka zinene zinwe hi mbilu ya *nwina* yonkle; hakuba pimani zi kulisile ku yini a zilo lezo ka mahleleko *nwina*.
- 25 Kanilezi loku *nwina* mu ta su tima ma ha maha hi kubihisisilweko, *nwina* mu ta ba mu mbetekisilwe, *nwenkle* *nwina* ni hosi ya *nwina*.

XIPIMO 13.

- 1 Saule i wa hi (mune wa makume) malembe a wukale laha yena a nga wa sangule a kufuma; ni laha yena a nga wa fumile a mambiri malembe hehla ka Israeli,
- 2 Saule i lo ti hlawulela ka yena a manharu a kume ga mazana ya ba banuna ba ka Israeli, a mambiri kume ga mazana ma wa zinwe na Saule le Micemaxe ni le xitsungeni xa Beteli, ni kume ga mazana ba wa hi na Jonatani le Gibeja ga ka Benjamini: bonkle i lo ba fambisa matenteni ya-bye bonklelele.
- 3 Na Jonatani i lo hlasele a viyo ga ma Filisti lawo ma nga wa lomu Geba; ni ma Filisti ma lozwa ha kona. Na Saule i loba a paratana ka gonkle tiko, aku, Nga a ma Heberu mazwa.
- 4 Ni wonkle Israeli i lozwa aku lezaku Saule i hlasele a viyo ga ma Filisti, ni kambe Israeli i wa hi ni manyala zinwe ni ma Filisti. Ni banhu ba lo tsombana wutsamo ginwe a nzako ka Saule le Gilgale.
- 5 Na ma Filisti ma lo tsombana wutsumbu gabye wutsamo ginwe a kulwa ni ba ka Israeli, makume manharu ya kume ga mazana tikareta, ni nklanu ni ginwe a kume ga mazana a bakileli bamahaxi, ni banhu kwatsi hi fungu wa le bimhini a

- wundlemo: na bona ba lo kanziya, bata ni kuta gobe le Micemaxe, ngomama ni mutsuwukagambo wa le Betavane.
- 6 Laha a ba banuna ba ka Israeli ba nga wa wonile lezaku bona ba laha moleni (hakuba banhu ba wa karati-lwe), zonake a banhu ba lo fihla wutsumbu gabye lomu timhakweni, ni lomo tikwareni, ni lomo mariobyeni, ni lomo kukweleni, ni lomo marinzini.
- 7 Makunu banwani ba ma Heberu ba wa yile ba klatukile Jordani kuya tikweni ga le Gadi ni le Gileade; kanilezi kwatsi hi Saule, yena i wa ha hi le Gilgale, ni bonkle banhu ba wa ku lanzela yena na ba rurumela.
- 8 Na yena i lo tsama a nklanu ni mambiri a masiku, kwatsi hi ku bekwa ka xikati lexo Samueli a nga wa xi yimisile: kanilezi Samueli i wa nga tangi le Gilgale; ni banhu ba wa lasu hangalaka ka yena.
- 9 Na Saule i te ngalo, Nehani laha ka mina a muniyikelo wa kuhiswa ka mina, ni muniyikelo ya kurula. Na yena i lo nyikela a muniyikelo wa kuhiswa.
- 10 Na kona na ku mahisile lezo lezaku, kwatsi hilezi yena a nga wa maha kugumelwa a ku nyikela a muniyikelo wa kuhiswa, languta, Samueli i lota; na Saule i lo huma ku klanganyeta yena, lezaku kasi a fela ku losa yena.
- 11 Na Samueli i te ngalo, Zakuyini lezi wena u mahileko ke? Na Saule i te ngalo, Hakuba mina nzi lo wona lezaku a banhu ba hangalaka ka mina, ni lezaku wena a ku tangi hi siku gi yimisilweko, ni lezaku a ma Filisti ma tsombana wutsumbu gabye kati-ginwe leyo Micemaxe;
- 12 Hikwalaho nzi te ngalo mina, Makunu a ma Filisti ba ta relela hehla ka mina a Gilgale, na mina a nzi kombelangi a tomo ga Jehova: mina nzi lo ti kurumeta a wutsumbu ga mina hikwalaho, nzi nyikela a muniyikelo wa kuhiswa.
- 13 Na Samueli i te ngalo ka Saule, Wena u mahile hi kukoblakalisilweko, wena a ku hlayisangi a kuleletela ka Jehova a Nungungulu wa wena, lo-ku yena a leleteleko wena: hakuba makunu i wa ta nga Jehova a yimisile a mufumo wa wena hehla ka Israeli kala kupinzuka.
- 14 Makunu a mufumo wa wena wu nga ta simamisa: Jehova i labile a munhu ka yena anzako ka mbilu ya yena awinyi, na Jehova i longiselele a ku maha hosana hehla ka banhu ba yena, hakuba wena a ku hlayisangi lezo Jehova a leleteleko wena.
- 15 Na Samueli i lo suka, ni ku kanziya le Gilgale aya le Gibeja wa ka Benjamini.
- Na Saule i lo hlayela a banhu labo ba nga wa hi zinwe na yena, ba wa hi nklanu ni ginwe mazana banuna.
- 16 Saule, na Jonatani a nwana wa yena, ni banhu labo ba nga wa hi kona zinwe na bona, ba lo tsama leyo Geba wa ka Benjamini: ni ma Filisti ma wa gobile le Micemaxe.
- 17 Ni bapangi ba lota hi wugobelweni ga ma Filisti hi mabutu manharu: ni ginwe butu gi lo hambuka hi ndlela leyi yi yako le Ofra, le tikweni ga le Xuale;
- 18 Ni ginwani butu gi hambuka hi ndlela leyo yi yako Betehoroni; ni giwani butu gi lo hambuka hi le ndleleni ya mbingano lowu wu cuwukeneke ni le hehla ka minzelelo ya le Zeboime ngomameni ni xiwula.
- 19 Makunu laho ku wa nga hi kona a nyunzo yi nga wa kumiwa ka gonkle a tiko ga ka Israeli; hakuba a ma Filisti ma wa te ngalo, Ku nga taku a ma Heberu ba fula tisupado kutani maklari:
- 20 Kanilezi bonkle ba ka Israeli ba wo relela le ka ma Filisti, a kuya banzuta bonklelele banhu, a minjawa ya yena, ni zikomu za yena, ni zihloka za yena, ni timbaklo ta yena;
- 21 Kasi lezoke bona ba wa hi ni zilotelo za timbaklo, ni za zikomu, ni foloko, ni za zihloka, ni ku sasisa a mimbanya.
- 22 Zingaho na ku mahisile lezo hi masikwini ya impi, lezaku laho ku wa nga hi kona ge ni supado hambu ni klari gi nga wa kumiwa lomo canjeni ga banhu labo ba nga wa hi zinwe na Saule na Jonatani kanilezi ba Saule na Jonatani a nwana wa yena laho ku wa kunwa.
- 23 Ni viyo ga ma Filisti gi lo loya lahandle le moleni wa Micemaxe.

XIPIMO 14.

- 1 Makunu ku lo maheka ka siku go kari, lezaku Jonatani a nwana wa Saule i te ngalo ka jaha ga yena le-

- go gi rwalako a maklari ya yena, Ngona, nga hi klatuka hiya le viyweni ga ma Filisti, lego gi nga le klelweni ga le klatuko. Kanilezi yena i wa nga byelang i raru wa yena.
- 2 Na Saule i wa lo tsama kwaleyo klelweni ga magumeso ga le Gibeale basi ka sinya ya pomegranate leyi yi nga le Migroni: hi banhu labo ba nga wa hi ziwe na yena ba wa hi nkhanu ni giwe mazana ya ba banuna;
- 3 Na Ahija a nwana wa Ahituba, a nakulobe wa Ikabode, a nwana wa Fineasi, a nwana wa Eli, a mupristi wa Jehova le Xilo, i wa ambele a efodi. Ni banhu a ba zitibangi lezaku Jonatani i fambile.
- 4 Xikari ka mimole yo hunza ha yona leyo ha yona Jonatani a labako ku hunza ha yona aya le ka maviyo ya ma Filisti, laho ku wa hi a ribye ga klokloloto hi legi giwe rebe, ni ribye ga klokloloto hi le giya rebe giwani: ni bito ga giwe gi wa hi Bozeza, ni bito ga giwani Sena.
- 5 A klokloloto muwani wu wa klokloloto hehla le uwalungu le ngohe ni ya Micemaxe, ni muwani wu dzongeni ngohe ni ya Geba.
- 6 Na Jonatani i te ngalo ka jaha lego gi welelako a maklari ya yena, Ngona, a hi tsemakanye hiya le viyweni ga makuna: ku nga ta nga kutani Jehova a fela ku tirela hina; hakuba laho a ku kona ku tsanzekisako Jehova a ku hanyisa hi bo tala kutani mba tsongwani.
- 7 Ni muweleli wa yena wa maklari i te ngalo ka yena, Maha zonzle lezo zi nga lomo mbilwini ya wena: hambukela wena, languta, mina nzi ziwe na wena ku kotisa hi mbilu ya wena winyi.
- 8 Zonake ku lo wula Jonatani, Languta, hina hi ta hunza hi klatukela se banhwini, hi nga sireteli a wutsumbu ga hina ka bona.
- 9 Loku bona ba wula zakungahi ka hina, Yimani hi kala hita ka wina: zonake hina hi ta yima hi kutseka lomo wutsa weni ga hina, na hina hi nga ta kanziya hehla ka bona.
- 10 Kanilezi loku bona ba wula zakungahi, Ngonani hehla ka hina; zonake hina hi ta kanziya hehla; hakuba Jehova i nyikele canjeni ga hina: lexi xi taba xi woniso ka hina.
- 11 Na bona bambiri a ba siretangi wu-
- tsumbu gabye ka viyo ga ma Filisti: ni ma Filisti ma te ngalo, Languta, a ma Heberu mata hi lomo timhakweni leto ba nga wa ti tumbetile a wutsumbu gabye ka tona.
- 12 Ni ba banuna ba viyo ba lo hlamula Jonatani ni muweleli wa maklari ya yena, ba te ngalo, Kanziya uta ka hina, na hina hi ta komba wena a xilo. Na Jonatani i te ngalo ka mukomi wa maklari ya yena, Ngona u kanziya u lanzela mina; hakuba Jehova i nyikele bona canjeni ga ka Israeli.
- 13 Na Jonatani i lo noma hehla hi mandla ya yena ni mikonzo ya yena, ni mukomi wa maklari yena a nzako ka yena: na bona ba lo wela mahlweni ka Jonatani; ni mukomi wa yena wa maklari i lo hlasela bona a nzako ka yena.
- 14 Ni loko kuhihlrita ko ranga, loko Jonatani ni mukomi wa yena wa maklari ba mahileko, ku wa hi makume mambiri ya ba banuna, kwalomo ku wa ku kwatsi i kihlanya ga mbanzula wa nzima ya simu.
- 15 Ni laho ku wa hi kona kururumela lomo wugobelweni, ni lomo handle, xikari ka banhu bonkle; a maviyo, ni bapangi, ba wa ku rurumela kambewo; ni kutsekatseka ka misaba: zingaho laho ku wa hi kona a kururumela kutsingisilweko ku kula.
- 16 Ni barinzeli ba Saule le Gibeale ka Benjamini ba lo cuwuka; ni, languta, a xillemo xi wa la su cceka, bona ba wa ku famba ba pilinganyeta laha ni lahaya.
- 17 Zonake i lo wula Saule ka banhu labo ba nga wa hi ziwe na yena, Hlayani makunu, ni ku wona lezaku nzi mani a fambileko leno ka hina. Ni laha bona ba nga wa hlayile, languta, Jonatani ni mukomi wa yena wa maklari ba wa hi haba laho.
- 18 Na Saule i te ngalo ka Ahija, Neha a arke ga ka Nungungulu. Hakuba a arke ga Nungungulu gi wa hi leyo ka lexo xikati ni banana ba ka Israeli.
- 19 Na kona na ku mahisile lezo, laha na Saule na ha wulawula ni mupristi, lezaku a pilupfilu leyo yi nga wa hi lomo wugobelweni ga ma Filisti yi la su simasima ni kuenzelekelana: na Saule i te ngalo ka mupristi, Susa a canja ga wena.
- 20 Saule ni bonkle a banhu labo ba nga

- wa hi ziwwe na yena ba wa lo tso-
mbana katigizwe, ba lotta le impini :
ni, languta, tonklelele tisupado ta
ba banuna ti wo vukela banakulo-
bye, ni laho ku wa hi kona kuhlulwa
ka hombe nguvu.
- 21 Makunu a ma Heberu laya ma nga
wa hi ni ma Filisti hi mahlweni ka
xikati, ni labo ba nga kanziya ziwwe
na bona le wugobelweni ba sukela le
tikweni legi gi renzelekeleko, hambu
bona kambewo ba lo hunzuluka
akuba ba hi na ba ka Israeli labo ba
nga wa hi na Saule na Jonatani.
- 22 Zi wa ngahowo ni bonkle a ba ka
Israeli labo ba nga wa ti tumbele le
tikweni ga mitsuri ga ka Efraime,
laha na bona na ba zwile lezaku a
ma Filisti ma panzanyekile, na bo-
nawu ba lo lanzela ba tsimbeketa le
nzako ka bona lomo kulweni.
- 23 Zingaho Jehova i lo hanyisa Israeli
leyo siku : ni impi yi lo hunza yi
klatuka hi Betavane.
- 24 Ni banhu ba ka Israeli ba wa hlo-
kisilwe lego siku ; hakuba Saule i
wa lo fungisa banhu, aku, I rukate-
lwe a munhu loye a gako kala ga-
mbyeni, na mina nzi ta potela ka
balala ba mina. Zingaho ku wa nga
hi kona wa banhu a nga wa ringile
kuga.
- 25 Ni bonkle banhu ba lotta lomo kwa-
tini ; laho ku wa hi kona a wulombe
hehla ka liranza/ya.
- 26 Ni laha banhu ba nga wa tile le ma-
kwatini, languta, a wulombe gi wa
donile : kanilezi ku wa nga hi kona
munhu a nga beka canja ga yena
nonwini wa yena ; hakuba banhu ba
lo caba a xifungo.
- 27 Kanilezi Jonatani i wa nga zizwangi
laha na raru wa yena a byela banhu
hi xifungo : hikwalaho yena i lo pe-
ta hi wugumelweni ga nhonga ya
yena leyo yi nga wa hi lomu canje-
ni ga yena, i lo peta yona lomu zihah-
leni za wulombe, na a lo beka a
canja ga yena lomu nonwini wa
yena ; ni mahlo ya yena ma wa lo
wonekeliswa.
- 28 Zonake ku lo hlamula a muwe wa
banhu, na te ngalo, A raru wa wena
hi kutsonomefisisilweko i lo byetele-
la banhu hi xifungo, aku, I rukate-
lwe loye agako kuga leyi siku. Ni
banhu ba wa lo mbeteka ntamo.
- 29 Zonake ku wula Jonatani, A raru wa
mina i karatile a tiko : wonani, nza

- kombela nwina, wonani a mahlo ya
mina lezaku ma wonekelisilwe, ha-
kuba mina nzi ringile legi a wulo-
zana gi tsongwani.
- 30 Ku wa ta nga ku te yini xana,
loku banhu ba wa gile nyamu/la
a mupango wa balala babye lowu
bona ba wu kumileko ? hakuba
laho cima ku wa nga hi kona a
bihirito wa hombe xikari ka ma
Filisti.
- 31 Na bona ba lo hlasela a ma Filisti
lego ku sukela le Micemaxe kala le
Aijaloni. Ni banhu ba wa karele
nguvu ;
- 32 Ni banhu ba lo tsutsumela hehla ka
mupango, ba lo teka tiyivu, ni tiho-
mu, ni marole, ba lo daya tona laha
liranza/nyeni ; ni banhu ba loga tona
ni nkata.
- 33 Zonake bona ba lo byela Saule, aku,
Languta, a banhu ba onha ba vukela
Jehova, a ka lezo bona ba gako ni
nkata. Na te ngalo, Nwina mu ma-
hile hi kukohlisisilweko : umbulu-
tani a ribye ga hombe ka mina legi
siku.
- 34 Na Saule i te ngalo, Hangalakani
wutsumbu ga nwina lomo banhwini,
muku ka bona, Neha laha bon-
klelele banhu a homu ya yena, ni
bonklelele banhu a yivu ya yena, ni
ku ta daya tona laha, muga ; mu
nga mu vukela Jehova hi kuga ni
nkata. Ni bonklelele banhu ba lo
neha a homu ya yena lego wusiku,
ba lo daya tona leyo.
- 35 Na Saule i lo aka a alati ka Jehova :
gwalego gi wa hi a alati go sangula
lego yena a akileko ka Jehova.
- 36 Na Saule i te ngalo, Nga hina hi
relela hiya ka ma Filisti ni wusiku,
hi ya teka mupango xikari kabye
kala gica ni mixo, na hi nga siyi ni
munhu wa bona. Na bona ba te
ngalo, Maha kani hiyini xi wone-
kako kwatsi kusasa ka wena. Zo-
nake ku lo wula a mupristi, Nga
hina hi tsinela ku suhi laha ka Nu-
ngungulu.
- 37 Na Saule i lo wutisa a mano hi ka
Nungungulu, Minake nzi ta relela
anzako ka ma Filisti ke ? wena u ta
nyikela canjeni ga ka Israeli ke ?
Kanilezi yena i lo hlamula yena a
hihi ka lego siku.
- 38 Na Saule i te ngalo, Tsinelani ku
suhi laha, nwenkle nwina ba hombe
ba banhu ; mu tiba ni ku wona hi

- laha lexi xionho xi nga kari xi kona lego siku.
- 39 Hakuba, kwatsi hilezi Jehova a hanyako, loyi a hanyisileko Israeli, hambu kona ku nga wa hi lomu ka Jonatani a nwana wa mina yena ha kunene, i tafa nzeni. Kanilezi ku wa nga hi kona munhu xikari ka bonkle banhu loye a hlambulileko yena.
- 40 Zonake ku lo wula yena ka bonkle ba ka Israeli, Nwina a mu be ka klelo ginwe na mina na Jonatani a nwana wa mina ka klelo ginwani. Ni banhu ba te ngalo ka Saule, Maha lezo zi wonekako kusasa ka wena.
- 41 Hikwalaho Saule i te ngalo ka Jehova, a Nungungulu wa ka Israeli, Kombisa nongameto. Jonatani na Saule ba wa lo hlalubya hi tihlolo; kanilezi a banhu ba wa ponile.
- 42 Na Saule i te ngalo, hlalubani tihlolo xikari ka mina na Jonatani a nwana wa mina. Na Jonatani i wa lo hlalubya.
- 43 Zonake Saule i te ngalo ka Jonatani, Byela mina zakuyini u mahileko. Na Jonatani i lo mu byela, na te ngalo, Mina ha kenene nzi lo ringa a wulombe hi kugumelweni ka nhonga leyo yi nga wa hi lomu canjeni ga mina; ni, mangabye, mina nzi fanelwe hi kufa.
- 44 Na Saule i te ngalo, Nungungulu a mahe lezo a engetele kamba; haku ba wena ha kunene u ta kufa, Jonatani.
- 45 Ni banhu ba te ngalo ka Saule, Jonatani i ta kufa, loyi a mahileko loku kuhanyiswa ka hombe ka Israeli? ku kule loko: kwatsi hilezi Jehova a hanyako, laho ku nga ta kuba kona ni muzwe a sisi wa hloko ya yena wu ta nga kuwa liranza-byeni; hakuba yena i tirile na Nungungulu legi siku. Zingaho a banhu ba lo ponisa Jonatani, kasi a fela ku kala a ngafi.
- 46 Zonake Saule i lo kanziya a wuya kulanzeleni a ma Filisti; ni ma Filisti ma loya wutsawweni ga wona.
- 47 Makunu laha Saule a nga wa fumele a mufumo hehla ka Israeli, yena i lolwa ni balala ba yena wonkle ma/klelo, alwa ni Moabi, alwa ni banana ba Ammoni, alwa ni Edomi, alwa ni tihosi le Zoba, alwa ni ma Filisti: ni kani hikwihi laha yena a hambukelako a wutsumbu ga yena, i wo ba hlokisa.
- 48 Na yena i lo maha hi kupfupfisisi-lweko, i loya hlasela a ma Amaleki, i lo klaklisa Israeli mandleni yadbye labo ba pangako bona.
- 49 Makunu a barisanyana ba Saule ku wa hi Jonatani, na Ixvi, na Malkixua; ni mabito ya banhanyana ba yena ha bambiri ma wa hi laya: a bito ga matewula Merabe, ni bito ga nzisana Mikali:
- 50 Ni bito ga sati wa Saule i wa hi Ahinoame nwa Ahimaaze. Ni bito ga nduna ya yena ya impi hi Abnere a nwana wa Nere, a koko wa xinyinc wa Saule.
- 51 Na Kixi i wa hi raru wa Saule; na Nere a raru Abnere i wa hi nwana wa Abieli.
- 52 Ni laho ku wa tsingile a kulwa ni ma Filisti wonkle a masiku ya Saule; ni laha Saule a nga wa wona a munhu wa nhenha, kutani nyatinghitsi wa wanuna, yena i wo teka a fanela yena.

XIPIMO 15.

- 1 Na Samueli i te ngalo ka Saule, Jehova i lo ruma mina a ku ta tota wena, a kuba a hosi hehla ka banhu ba yena, hehla ka Israeli: makunu bikwalaho ingisa ka gezu ga timhaka ta Jehova.
- 2 Zakungahi a wulako Jehova wa mabandla, Mina nzi hlolowotile lezo Amaleki a nga wa zi mahile ka Israeli, lezaku i humisile ku yini a vukela yena laha ndleleni, laha yena a nga wa kanziya a huma ata hi le Gipite.
- 3 Makunu fumba uya hlasela Amaleki, hi kulobyisisilweko u bihirita zonkle lezo ba nga nazo, u nga nye-nyeteli zona; kanilezi daya bonkle ba banuna ni ba basati, a tisana ni baaawako, a homu ni yivu, a kame-li ni mbongola.
- 4 Na Saule i lo hlomisa a banhu, ni kuhlayela bona le Telaime, mambiri mazana ya kume ga mazana ya ba fambako hi mikonzo, ni kume ga kume ga mazana a ba banuna ba ka Juda.
- 5 Na Saule i lota le mutini wa ma Amaleki, i loya labelela le minzelo-lweni.
- 6 Na Saule i te ngalo ka ma Keni, Fambani, sukani, sukani lahasi laha xikari ka ma Amaleki, ku nga taku mina nzi mu hlasela zinwe na bona;

- hakuba *nwina* mu wonisile a wune-
ne ka bona bonkle a banana ba ka
Israeli laha na bona, bata ba humale
Gipite. Zingaho a ma Keni ma lo su-
ka ka ma Amaleki.
- 7 Na Saule i lo hlasela a ma Amaleki,
ku sukela le Havila kwatsi hilezi
wena u yako le Xura, lego gi nga
mahlweni ka le Gipite.
- 8 Na yena i lo teka Agagi a hosi ya
ma Amaleki na a hanya, hi kulobyi-
sisilweko i lo hihirita a banhu hi wu-
kla ga supado.
- 9 Kanilezi Saule ni banhu ba lo nye-
nyetela Agagi, ni wulangelwa ga ti-
yivi, ni ga tihomu, ni konkle kuno-
nisilweko, ni tiyivana, ni zonkle lezo
si nga wa sasekile, yena i wa nga a
nga hihiritangi zona hi kulobyisili-
lweko: kanilezi zonklelele zilo za zi-
nyenyeko zi nga nyawuliko, lezo
bona ba lo zi hihirita hi kulobyisili-
lweko.
- 10 Zonake ku lota a mhaka ya Jeho-
va ka Samueli, yiku,
- 11 Kona ku hunzulusa mina lezi nzi
hlawuleko Saule a kube hosi; haku-
ba yena i klelele nzako kulanzeleni
mina, na yena a nga mahangi a ku-
leletela ka mina. Na Samueli i wa
lo zangara; na yena i wa lo rila ka
Jehova gonkle wusiku.
- 12 Na Samueli i lo vuka punzwini a ku
klanganyeta Saule ni mixo; kona ku
lo byela Samueli, lezaku, Saule i tile
Karmeli, ni, languta, yena i yile xi-
tsungeni, ni ku hunzuluka, a ku si-
masima a hunza, i lo relela aya le
Gilgale.
- 13 Na Samueli i lota ka Saule; na Saule
i te ngalo ka yena, U katekisilwe we-
na hi Jehova: mina nzi mahile kule-
letela ka Jehova.
- 14 Na Samueli i te ngalo, Hiyini ku-
wulako loku kukulumela ka tiyivu
tindlebeni ta mina ke, ni kuboma ka
tihomu leti mina nzi tizwahoke?
- 15 Na Saule i te ngalo, Bona ba nehile
kona hi ka ma Amaleki: hakuba
a banhu ba nyenyetele a wulange-
lwa ga tiyivu ni ga tihomu, a ku
nyikela ka Jehova a Nungungulu
wa wena; konkleke ku hihiritilwe
hi kulobyisilweko.
- 16 Zonake Samueli i te ngalo ka Saule,
Tsama, mina nzi ta byela wena za
ku yini Jehova a ta nga byela mina
legi wusiku. Yena i te ngalo ka
yena, Wula.
- 17 Na Samueli i te ngalo, Hambulezi
wena u nga wa hi tsongwani kuwo-
neni ka wena *nwinyi*, wena u wa
nga mahangi a hloko ya tixaka ta ka
Israeli ke? na Jehova i lo tota wena
hosi hehla ka Israeli;
- 18 Na Jehova i lo ruma wena lwe-
nzweni, na te ngalo, Famba, hi ku-
hihiritisilweko lobisa zionho za ma
Amaleki, ni kulwa u vukela bona
kala bona ba mbetisisiswa.
- 19 Ngahilezo wena a ku ingisangi a
gezu ga Jehova, kanilezi wena u la
su hahamela mupangweni, ni ku
maha lezo zi bihileko kuwoneni ka
Jehova?
- 20 Na Saule i te ngalo ka Samueli,
Inaka, mina nzi ingisile a gezu ga
Jehova, nzi fambile hi ndlela leyi
Jehova a rumileko mina, mina nzi
nehile Agagi a hosi ya ma Amaleki,
nzi lolobyisilweko mina nzi bihi-
ritile a ma Amaleki.
- 21 Kanilezi a banhu ba tekile a mupa-
ngo, a tiyivu ni tihomu, ni wula-
ngelwa ga zilo zi fulilweko, a ku
nyikela ka Jehova a Nungungulu
wa wena leno Gilgale.
- 22 Na Samueli te ngalo, kasi Jehova
wa tsakiswa hi ya hombe a minyi-
kelo ya kuhiswa ni mipahlelo, kwa-
tsi hi loku kuingisa a gezu ga
Jehova ke? Languta, a kuingisa
i cukwana ku hunza mupahlelo, ni
kuzwa ku hunza tihamba ti noni-
leko.
- 23 Hakuba a kuhlubuka ku kwatsi
xionho xa zitumbe, a xikanikani ku
kwatsizikwembu ni zifananiso. Ha-
kuba wena u alile a mhaka ya Je-
hova, na yenawu kambe i alile a
kuba u hi hosi.
- 24 Na Saule i te ngalo ka Samueli,
mina nzi onhile; hakuba mina nzi
hambunyetile a kuleletela ka Je-
hova, ni timhaka ta wena, hakuba
mina nzi lo caba a banhu, ni kuingi-
sa a gezu gabye.
- 25 Makunu hikwalaho, mina nza ko-
mbela wena, ribalela xionho xa mi-
na, ni klela kambe na mina, kasi
mina nza fela kukozela Jehova.
- 26 Na Samueli i te ngalo ka Saule, mi-
na nzi nga ta klela ziwe na wena;
hakuba wena u alile a mhaka ya Je-
hova, na Jehova i alile wena a kuba
hosi hehla ka Israeli.
- 27 Na Samueli na i lo renzeleka a klela
a famba, na Saule i lo koma le hehla

ka nzhungo wa nguwo ya yena, i lo hanzula wona.

- 28 Na Samueli i te ngalo ka yena, na Jehova i ta hanzule a mufumo wa ka Israeli ka wena legi siku, i nyikile wona ka muakelwane wa wena, loyi a nga cukwana ku hunza wena.
- 29 Kambe ni Ntamo wa ka Israeli a nga ta hamba kutani a ta nga hunzuluka; hakuba yena a hi munhu, lezaku i wa ta nga a hunzuluka.
- 30 Zonake yena i te ngalo, Mina nzi onhile: nga na u dzunza mina makunu, nza kombela wena, mahlweni ka masingalakati ya banhu ba ka hina, ni mahlweni ka Israeli, ni ku klela kambe zinwe na mina, kasi mina nzi nga kozela Jehova a Nungungulu wa wena.
- 31 Zingaho Samueli i lo klelela kambe anzako ka Saule; na Saule i lo kozela Jehova.
- 32 Zonake ku lo wula Samueli, Nehani nwina laha ka mina Agagi a a hosi ya ma Amaleki. Na Agagi i lota ka yena hi kutangala. Na Agagi i te ngalo, Ha kunene a kubabisisa ka kufa ku hunzile.
- 33 Na Samueli i te ngalo, Kwatsi hilezi a supado ya wena yi lo maha a ba basati a ba nga hi na banana, zingaho ni nyine wa wena be a nga hiko na nwanana xikari ka ba basati. Na Samueli i lo tsemelela a Agagi a fufanyi mahlweni ku Jehova leyo Gilgale.
- 34 Zonake Samueli i loya le Rama; na Saule i loya le ndlwini ya yena le Gibe'a wa Saule.
- 35 Na Samueli a nga ha tangi kambe ku ta wona Saule kala sikwini ga kufa ka yena; hakuba Samueli i lo rilela Saule: na Jehova i lo hunzuluka yena a nga wa mahile Saule hosi hehla ka Israeli.

XIPIMO 16.

- 1 Na Jehova i te ngalo ka Samueli, Ku ta kala ku yini wena u silela Saule, na u wona lezaku mina nzi mu alile lezaku a be a hosi hehla ka Israeli ke? tatisa a limbonzo la wena hi mafura, u famba: mina nzi ta ku rumela ka Jese a mu Betlehema; hakuba mina nzi langele mina a hosi xikari ka barisanyana ba yena.
- 2 Na Samueli i te ngalo, Nzi ta fa-

mbisa ka yini xana? loku Saule azwa kona, yena i ta daya mina. Na Jehova i te ngalo, Teka a xikudzana zinwe na wena, uku ngalo, Mina nzi ta kuta pahlela ka Jehova.

- 3 Ni ku bitana Jese le mupahlweni, na mina nzi ta kombisa wena lezi wena u ta nga zi maha: na wena u ta tota yena ka mina loye mina nzi ta nga mu wula ka wena.
- 4 Na Samueli i lo maha lezo Jehova a wulileko, i lota le Betlehema. Ni masingalakati ya muti ma lota klanganyeta yena na ma rurumela, na ma te ngalo, Wena uta hi kuritisilweko ke?
- 5 Na yena i te ngalo, Hi kuritisilweko; mina nzi tile ku pahlela ka Jehova: basisani a wutsumbu ga awina, muta zinwe na mina le mupahlweni. Na yena i lo basisa Jese ni barisanyana ba yena, i lo bitana bona le mupahlweni.
- 6 Na kona na ku mahisile lezo, ni laha bona ba nga wa tile, lezaku yena i lo cuwuka ka Eliabe, na a te ngalo, Ha kunene, a kutota ka Jehova ku mahlweni ka yena.
- 7 Kanilezi Jehova i te ngalo ka Samueli, U nga cuwuki a ngohe ya yena, ge ni dzumba ga kuzimuka ka yena: hakuba mina nzi alile yena: hakuba Jehova a nga woni kwatsi hilezi a munhu a wonako; hakuba a munhu i wona a dzumba ga kuwonekela ka leno handle, kanilezi Jehova i cuwuka a mbilu.
- 8 Zonake Jese i lo bitana Abinadaba, i lo maha yena a hunza mahlweni ka Samueli. Na yena i te ngalo, Ge hambu Jehova a nga hlawulangi loyi.
- 9 Zonake Jese i lo maha Xama a ku hunza laho. Na yena i te ngalo, Ge Jehova a nga hlawulangi loyi.
- 10 Na Jese i lo maha a barisanyana ba yena banlanu ni bambiri ku hunza mahlweni ka Samueli. Na Samueli i te ngalo ka Jese, Jehova a nga hlawulangi laba.
- 11 Na Samueli i te ngalo ka Jese, Ba kona laha bonkle a banana ba wena ke? na yena i te ngalo, Laho ka sele a nzisanyana, na, languta, yena i hlalisa a tiyivu. Na Samueli i te ngalo ka Jese, Rumela uya teka yena; hakuba hina hi nga ta tsama lahasi kala yena ata laha.

- 12 Na yena i lo rumela, i lo neha yena leyo. Makunu yena i wa hi trunga, ka zonke lezo i wa hi ni ngohe ya wumburi, a sasekilwe kucuwukekeni. Na Jehova i te ngalo, Suka, u tota yena; hakuba loyi hi yena.
- 13 Zonake Samueli i lo teka a limhonzo la mafura, i lo tota yena xikari ka bamakabye ba yena: ni Moya wa Jehova wu lota hi kutsingisilweko ka Davida ku sukela lego siku kukomama mahlweni. Zingaho Samueli i lo suka i loya le Rama.
- 14 Makunu a Moya wa Jehova wu wa sukile ka Saule, ni moya wa kubiha hi le ka Jehova wu lo karata yena.
- 15 Ni malanza ya Saule ma te ngalo ka yena, Languta makunu, A moya wa kubiha wu tako hi le ka Jehova wa karata wena.
- 16 Nga a hosi ya hina makunu yi lelela malanza ya yona, laya ma nga mahlweni ka yona, a ku hlota munhu loye a nga muhlakani a klarihisilweko hi gubu: ku ta ku na ku mahisile lezo, laha a moya wa kubiha hi le ka Nungungulu wuta behla ka wena, lezaku yena i ta hlakana hi canja ga yena, wena u ta kalamuka.
- 17 Na Saule i te ngalo ka malanza ya yena, Nzi labeleni makunu a munhu loye a kotako a ku hlakana kwatsi, ni ku neha yena ka mina.
- 18 Zonake ku lo blamula muzwani wa majaba, na te ngalo, Languta, mina nzi wonile a nwana wa Jese a mu Betlehema, lezaku i klarihisilweku hlakaneni, a munhu wa nhenha ya kulwa, ni wanuna wa impi, ni tsumo kuwulawuleni, a munhu a tralekisolweko, Jehova a nga zinwe na yena.
- 19 Ngahilezo Saule i lo rumela a mitsumi ka Jese, na te ngalo, Rumela ka mina Davida a nwana wa wena, loye a nga ni tiyivu.
- 20 Na Jese i lo teka a mbongola na yi hi ni nzwalo wa zibaba, ni botori ga waini, ni mbutana, i lo rumela zona ha Davida a nwana wa yena ka Saule.
- 21 Na Davida i lota ka Saule, i lota yima mahlweni ka yena: na yena i lo ranza yena hi ku kulisilweko; i lo maha yena a mukomi wa matlari.
- 22 Na Saule i lo rumela ka Jese, aku, Nga Davida, nza kombela wena, a yima mahlweni ka mina; hakuba

yena i kumile tomo mahlweni ka mina.

- 23 Na ku mahisile lezo, laha a moya wa kubiha wa le ka Nungungulu wu nga wa hi lehla ka Saule, zonake Davida i lote a gubu, i lo hlakana hi mandla ya yena: na Saule i wa lo cumiwa, na a wa kalamukile, ni moya wa kubiha wu lo suka ka yena.

XIPIMO 17.

- 1 Makunu a ma Filisti ma lo tso-mbanyisa katiginwe a timpi tabye kulweni; na bona ba lo tsombana katiginwe le Soko, lego gi nga ga ka Juda, ba lo goba xikari ka Soko ni Azeka, leyo Afesdammime.
- 2 Na Saule ni banhu ba ka Israeli ba lo tsombana katiginwe, ba lo goba le minzelelweni ya le Ela, ba lo hlo-misa a impi a matlari ba vukela a ma Filisti.
- 3 Ni ma Filisti ma lo yima le xitsungeni hi klelo ginwani, ni ba ka Israeli ba lo yima xitsungeni hi klelo ginwani; laho ku wa hi kona a koba xikari ka/ye.
- 4 Ni leyo ku lo huma a nghwazi hi le wugobelweni ga ma Filisti, a bitwako Golia, wa le Gati, loye a kuleha ku wa mikono ya nklanu ni munwe ni xipima xe canja.
- 5 I wa hi ni xihuku xa suku hehla ka hloko ya yena, na yena i wa hulu-xetile a baji ga ziketse; ni ku binza ka baji ga kona ku wa hi nklanu wa kume ga mazana a maxekeli ya suku.
- 6 Na yena i wa hi ni mivubo ya suku milengeni ya yena, ni zikatawu xikari ka makala ya yena.
- 7 Ni mbingo wa klari ga yena wu wo fanana ni nzambyanana wa baluki; ni klari ga yena gi wa binza nklanu ni ginwe mazana maxekeli ya ziketse: ni mukomi wa xiklangu xa yena i wa ku famba mahlweni ka yena.
- 8 Na yena i lo yima i lo bahuwa ka impi ya ka Israeli, na te ngalo ka bona, Hi yini nwina mu humako a ku ta longisa impi ya nwina ku hlo-ma matlari ke? mina a nzi mu Filisti na nwina a mu malanza ya Saule ke? hlawulani nwina a wanuna wa nwina, nga yena a relela ata ka mina.
- 9 Loku yena a zi kota a kulwa zinwe na mina, ni ku daya mina, zonake hina hi taba malanza ya nwina; kanilezi loku mina nzi hlula yena, ni

- ku daya yena, zonake nwina mu taba a malanza ya hina, ni kukozela hina.
- 10 Ni mu Filisti i te ngalo, Mina nza klangamela a impi ya ka Israeli legi siku; nyikani mina a wanuna, kasi ha fela kulwa katiginwe.
- 11 Ni laha Saule, ni banhu bonkle ba zwile leto timhaka ta mu Filisti, na bona ba wa lo mbela ntamo, na hi kukulisilweko ba lo cabyiswa.
- 12 Makunu Davida i wa hi nwana wa mu Efrate wa le Betlehema-juda, loye a bito a nga wa hi Jese; yena i wa hi ni nklanu ni banharu barisanyana: ni nuna loyi i wa kosahela masakwini ya Saule, i wa hlalwe hi malembe xikari ka banhu.
- 13 Ni barisanyana ba yena banharu ba majaha ba wa yile le nzako ka Saule impini: ni mabito ya barisanyana ba yena laba ba nga wa hlomile a impi ku wa hi Eliabe a matewula, a wa ku gamela hi Abinadaba, ni wa wunharu nzi Xama.
- 14 Na Davida i wa hi nzisana ya magumo; ni tinhunzwa leti tinharu ti lo lanzela Saule.
- 15 Makunu Davida i lo nzula a kuya ka Saule ni kuya risa a tiyivu ta raru wa yena le Betlehema.
- 16 Ni mu Filisti i lo tsinela kususani a mixo ni gambo, a tisa a wutsumbu ga yena a mune wa makume ya masiku.
- 17 Na Jese i te ngalo ka Davida a nwana wa yena, Teka makunu u yisa ka bamakabye ba wena a efa ya laya mabele ba katingilweko, ni legi a kume ga zibaba, u rwala zona hi kuhlaklisilweko u yisa ka bamakabye ba wena le wugobelweni ka bamakabye ba wena:
- 18 Ni legi a kume ga zikeketselo za masi ka nduna ya makume mazana, ni ku cuwuka lezaku a bamakabye ba wena mbatsi, u tiba wutomi gabye.
- 19 Makunu Saule, na bona, ni bonkle a banhu ba ka Israeli, ba wa hi minzelelweni ya Ela, ba nga walwa ni ma Filisti.
- 20 Na Davida i lo vuka punzwini wa mixo, i lo siya tiyivu ni muhlayisi, i lo teka, i lo famba, kwatsi hilezi Jese a leteleko yena; na yena i lota wutsanweni ga tikareta, kwatsi hilezi a banzla legi gi nga waya kulweni gi wo yimbelela a muhubo wa kulwa.
- 21 Na Israeli ni ma Filisti ba lo kuca impi yi hloma maklari, a impi yi wa lasu hloma yi kukliklini yi cuwukana.
- 22 Na Davida i lo siya kwama wa yena lomo mandleni ya muhlayisi ya mikwama, i lo tsutsuma aya impini, na a lota a losa bamakabye ba yena.
- 23 Kwatsi hilezi a nga wa wulawula zinwe na bona, languta, ku lota a nghwazi, a mu Filisti wa le Gati, a bito hi Golia, a humako hi le ka tisiriri ta ma Filisti, i lo wulawula kukotisa twaletu timhaka: na Davida i lozwa tona.
- 24 Ni bonkle banhu ba ka Israeli, laha na ba wonile a munhu, ba wa lasu ne u hi ku cabyiswa.
- 25 Ni ba banuna ba ka Israeli ba te ngalo, Ma mu wona a nuna loyi a kanziyako ate ke? ha kunene a ku ta klangamela Israeli yena wa kanziya ata: na ku taba lezo, lezaku a wanuna loyi a dayako yena, a hosi yi ta fumisa yena hi kufuma ka hombe, na yona yi nyika yena a nanyana wa yona, ni ku maha yindlu ya raru wa yena yi klatleka lomu ka Israeli.
- 26 Na Davida i lo wulawula ka banhu laba ba nga wa hi ku suhi na yena aku, Zakuyini zi ta nga mahiwa ka wanuna loye a dayako loyi a mu Filisti, ni ku susa a nzhukano ka Israeli ke? hakuba nzi mani loyi a mu Filisti wa nkuna, lezaku yena i wa ta klangamela a impi ya Nungungulu a hanyako ke?
- 27 Ni banhu ba lo hlamlula yena zaku ngahi, baku, Zingaho ku ta mahaka ka munhu loye a dayako yena.
- 28 Na Eliabe a nhonzwa yabye ya hombe i lozwa lezo yena a nga wa zi wulawulile ka banhu; ni zanga ya Eliabe yi wa lo vindlukiswa yi vukela Davida, na yena i te ngalo, U relelele yini uta leno wena xana ke? nzi mani loye wena u mu siyeleko ni klambana wa tiyivu wutso ngwani le xiwuleni ke? Mina nza na tiba matsaratsarana ya wena, ni matsanzana ya mbilu ya wena; hakuba wena relele uta kasi wa fela ku ta wona a impi.
- 29 Na Davida i te ngalo, Xini mina makunu nzi mahileko ke? A hi yona a mhaka leyo ke?
- 30 Na yena i lo hunzuluka kilelweni ka yena ngomameni ni munzwani, na

- yena i lo wulawula zakungahi: ni banhu ba la hlamula yena kwatsi hi kuranguleni.
- 31 Ni laha a timhaka leti ti nga wa zwilwe leti Davida a nga wulawula bona, ba lo ti hlawutelelela kambe ka Saule; na yena i lo rumela ha yena.
- 32 Na Davida i te ngalo ka Saule, Nga a mbilu ya wanuna yi nga cabysiswi ha yena; a nanza ga wena gi ta famba gi yalwa ni loyi a mu Filisti.
- 33 Na Saule i te ngalo ka Davida, Wena a ku zi koti a kuya u yalwa ni loyi a mu Filisti ulwa na yena; hakuba kanilezi wena wa ha hi muswa, na yena ngwanuna wa kulwa ku sukela wusweni ga yena.
- 34 Na Davida i te ngalo ka Saule, A nanza ga wena gi wa risa a tiyivu ta raru wa yena; ni laho laha na ku tile a ngala, kutani i kamba, ni ku ta teka a ivana le klambini.
- 35 Na mina nzi lanzela a nzako ka yona, nzi lo hlwehlwenha yona, nzi lo klaklisa yona le nonwini wa yona; laha na yona, yi nga suka yi vukela mina, mina nzi la su yi wulungeto hi xilevu xa yona, nzi su kehesela yona, nzi su daya yonake.
- 36 A nanza ga wena gi lo daya zona zimbiri a ngala ni kamba: ni loyi a mu Filisti wa nkuna i taba muwwe wa xa zona, na u wona lezaku yena i klangamele a impi ya Nungungulu a hanyako.
- 37 Na Davida i te ngalo, Nungungulu loye a nzi klaklisile mina le tinyaleni ta ngala, ni le tinyaleni ta kamba, na yena i ta klaklisa mina canjeni ga loyi a mu Filisti. Na Saule i te ngalo ka Davida, Yana, na Jehova i taba na wena.
- 38 Na Saule i lo hulexeta Davida a nguwo ya yena, na yena i lo mu bekela a xihuku xa suku hebula ka bloko ya yena, na i lo huluxeta yena hi baji ga ziketse.
- 39 Na Davida i lo boha a supado ya yena hebula ka nguwo ya yena, yena i lo ringa ku famba; hakuba yena ti wa nga mu ringani tona. Na Davida i te ngalo ka Saule, mina a nzi na ku zi kota ku famba ni lezi; hakuba zona a nzi zi i ringani; na Davida i lo susa tona.
- 40 Na yena i lo teka a nhonga ya yena hi canja ga yena, na a lo hlawula yena a nkalanu wa maribyana ya timbikota le congwanini, i lo beka wona lomu ka kwama wa ku risela kona, lowu a nga wa hi nawo, lomu xikatawanini xa yena; ni lingoti la wundandi la ku nziwitela li wa hi canjena ga yena: na yena i lo tsinela ku suhi ni mu Filisti.
- 41 Ni mu Filisti i lota a tsinela ku suhi na Davida; na wanuna loye a nga wa rwala a xiklangu xa yena i lo famba mahlweni ka yena.
- 42 Na laha a mu Filisti a nga walunguzile a cuwuka, i lo wona Davida, i lo kanya yena; hakuba yena i wa ha hi muswa na hi trunga, ni zonkle lezo i wa hi ni ngohe ya kubangamela.
- 43 Ni mu Filisti i te ngalo ka Davida, mina nza kuba mbyana ke, lezi u tako ka mina ni zigomba? ni mu Filisti i lo rukatela Davida hi banungungulu ba yena.
- 44 Ni mu Filisti i te ngalo ka Davida, Ngoni ka mina, na mina nzi ta nyika a nyama ya wena ka tinyanyani ta tilo, ni ka zibanza za kwati.
- 45 Zonake ku lo wula Davida ka mu Filisti, Wena uta ka mina zinwe ni supado, zinwe ni klari, ni hi hubula: kanilezi mina nzi ta ka wena hi bito ga Jehova wa mabandla, a Nungungulu wa impi ya ka Israeli, loyi wena u mu klangameleko.
- 46 Legi siku Jehova i ta ku klaklisa wena canjeni ga mina; na mina nzi ta daya wena, ni ku susa a bloko ya wena le ka wena; mina nzi ta nyika a zirumbu za mabandla ya ma Filisti nyamuha ka tinyanyani ta matilo, ni ka zibanza za kwati za misaba; kasi yonkle a misaba ya zi tiba le lezaku kasi laho ku kona a Nungungulu ka Israeli.
- 47 Kasi wonkle lowu a hlengeleteno wa zi tiba lezaku a Nungungulu a nga feli kuhanyisa hi supado ni klari: hakuba a impi nja Jehova, na yena i ta nyikela wena canjeni ga hina.
- 48 Na kona na ku mahisile lezo, laha a mu Filisti a nga wa sukile, i lota a tsinela ku suhi na Davida, lezaku Davida i lo klaklisa, i lo tsutsuma a komama impini a ku klanganyeta a mu Filisti.
- 49 Na Davida i lo engenisa a canja ga yena kwameni wa yena, i lo teka lomo a ribyana, i lo gi nziwitela, i lo klaklora a mu Filisti ximombyeni xa yena; ni ribye gi lo nyupela ximo-

mbyeni xa yena, na yena i lowa hi ngohe ya yena laha misabeni.

- 50 Zingaho Davida i lo hlula a mu Filisti hi lingoti la wurimbani ni ribyana, i lo klotlora a mu Filisti, i lo daya yena; laho ku wa nga hi kona a supado lomu canjeni ga Davida.
- 51 Zonake Davida i lo tsutsuma, i lo yima hehla ka mu Filisti, i lo teka a supado ya yena i lo hlomula yona lomo kocelweni wa yona, i lo daya yena, i lo tsema a hloko ya yena ha yona. Na ma Filisti laha ma nga wa wonile lezaku a nghwazi ya wona yi file, bona ba lo panzanyeka.
- 52 Ni ba banuna ba ka Israeli ni ba ka Juda ba lo suka, ba lo hlalela, ba lo hlolongisa a ma Filisti, kala wa cikela le Gai, ni le nyangweni ya le Ekroni. Ni tikuberi ta ma Filisti ti lo mbambamela lahasi ntleleni ya kuya Xaaraima, kala le Gati, ni Ekroni.
- 53 Ni banana ba ka Israeli ba lo klela hi le ko hlolongisa ma Filisti, ba lo hahlula a wugobelo ga wona.
- 54 Na Davida i lo teka a hloko ya mu Filisti, i lo neha yona le Jerusalema; kanilezi yena i lo beka maklari ya yena lomu tenteni ga yena.
- 55 Ni la Saule a nga wa wonile Davida a kuya vukela a mu Filisti, yena i te ngalo ka Abnere, a nduna ya impi, Abnere, i nwana wa mani loyi nisanyana xana ke? na Abnere i te ngalo, Kwatsi hi lezi a muhefemulo wa wena wu hanyako, O hosi, mina a nzi na ku ku byela.
- 56 Ni hosi yi te ngalo, Wutisa wena lezaku loyi i nwana wa mani loyi murisana.
- 57 Kwatsi hilezi Davida a nga wa klela hi ko hlasela a ma Filisti, na Abnere i lo teka yena, i lo neha yena mahlweni ka Saule ni hloko ya mu Filisti canjeni ga yena.
- 58 Na Saule i te ngalo ka yena, U nwana wa mani wena ke? wena jaha nziwena ke? na Davida i lo hlamula i te ngalo ka yena, Mina nzi nwana wa nanza ga wena Jese a mu Betlehema.

XIPIMO 18.

- 1 Na ku mahisile lezo, laha a nga wa mahile ku gumelwa a ku wulawula na Saule, lezaku a muhefemulo wa Jonatani wu lo klangana ni muhefemulo wa Davida, na Jonatani i

lo ranza yena kwatsi hi muhefemulo wa yena nwinyi.

- 2 Na Saule i lo teka yena lego siku, i wa nga ha vumeli kambe yena a kuya le ndlwini ya raru wa yena.
- 3 Zonake Jonatani na Davida ba lo maha xivumelwano, hakuba yena i wa lo ranza yena kwatsi hi muhefemulo wa yena nwinyi.
- 4 Na Jonatani a wutsumbu ga yena i lo susa a nguwo leyi yi nga wa hi hehla ka yena, i lo nyika yona ka Davida, ni ambala ka yena, hambu supado ya yena, ni ka wura ga yena, ni ka bandi ga yena.
- 5 Na Davida i lo huma lahandle ni kani ka yini laho Saule a mu rumako, i lo lonzowota a wutsumbu ga yena hi kutibisilweko: na Saule i lo rumela yena hehla ka banhu ba impi, na kona ku wa sasekile kuwoneni ka banhu bonkle, kambe le kuwone ni ka malanza ya Saule.
- 6 Na ku mahisile lezo kwatsi hilezi ba nga wa hata ba klela ba wuya hi le ko hlasela a ma Filisti, lezaku a ba basati ba huma hi yonkle a miti ya ka Israeli, na ba yimbelela na ba kina a ku klanganyeta a hosi Saule ni tingomana, zinwe hi kutsaka, ni zinwe wucenje ga timbila.
- 7 Ni ba basati ba lo yimbelela ka mu nwe ni muwani kwatsi hilezi ba nga wa hlakana, ba te ngalo,
Saule i dele a makume mazana ya yena,
Na Davida i dele a kume ga makume mazana ya yena.
- 8 Na Saule i wa lo zangara nguvu, ni loku kuwula a ku xalalisangi yena; na yena i te ngalo, Bona ba wulile ka Davida makume ya makume ya mazana, kanilezi a ka mina ba wulile a makume mazana: xini xizwani a ta nga ba a hi naxo kambe kanilezi a hi mufumo ke?
- 9 Na Saule i lo cuwuka Davida ku sukela lego siku ku komama mahlweni.
- 10 Na ku mahisile lezo hi manziko, lezaku a moya wa kubiha hi le ka Nungungulu wu lota wu tsingisisiwe hehla ka Saule, na yena i lo profeta xikari ka yindlu: na Davida i lo hlakana hi mandla ya yena, kwatsi hilezi a nga wa maha masiku hi masiku. Na Saule i wa hi ni nklari canjeni ga yena;
- 11 Na Saule i lo hoxa a klari; hakuba

- yena i wa te ngalo, Mina nzi ta gwa-
za Davida nzi mu patsanyeta ni ku-
riri. Na Davida i lo huluka kuba-
koneni ka yena kumbiri.
- 12 Na Saule i wa lo cabyiswa ha Davi-
da, hakuba Jehova i wa hi ziwwe na
yena, na yena i wa lo suka mahlwe-
ni ka Saule.
- 13 Hikwalaho Saule i lo mu susa ku su-
hi na yena, i lo maha yena a nduna
behla ka kume ga mazana; na yena
i lo huma lahandle na engena ma-
hlweni ka banhu.
- 14 Na Davida i lo lonzowota a wutsu-
mbu ga yena hi kutibisilweko ka to-
nkle tindlela ta yena; na Jehova i wa
hi ziwwe na yena.
- 15 Ni laha Saule a nga wa wonile leza-
ku yena i lonzowotile a wutsumbu
ga yena hi kutibisileko, i lo yima hi
xicafo ka yena.
- 16 Kanilezi wonkle Israeli na Juda ba lo
ranza Davida; hakuba yena i wa ku
huma a engena mahlweni ka bona.
- 17 Na Saule i te ngalo ka Davida, La-
nguta, a nhwana wa mina wa nho-
nzwa Merabe, yena mina nzi nyika
wena a sati: kumbela nga u hi
ngwazi ka mina, ulwa a impi ya
ka Jehova. Hakuba Saule i wa te
ngalo, Nga canja ga mina gi nga be
behla ka yena, kanilezi nga a canja
ga ma Filisti gi be behla ka yena.
- 18 Na Davida i te ngalo ka Saule, Nzi
mina maniwo, na xini wutomi ga
mina, kutani a ngango wa raru wa
mina lomu ka Israeli, lezaku mina
nzi wa ta nga nzi hi ka hosi ke?
- 19 Kanilezi na ku mahisile lezo hi xika-
tini la xo Merabe, nwa Saule, a nga
wa ta nga a nyikilwe ka Davida, le-
zaku yena i wa lo nyikiwa ka Adrie-
li a mu Meholate a sati.
- 20 Na Mikali, a nwana wa Saule i lo
ranza Davida; na bona ba lo byela
Saule, ni xilo xi lo xalalisa yena.
- 21 Na Saule i te ngalo, Mina nzi ta mu
nyika yena, kasi wa fela a kuba li-
cacaso ka yena, ni lezaku kasi a ca-
nja ga ma Filisti gi nga vukela ye-
na. Ngahilezo Saule i te ngalo ka
Davida, Wena legi siku u ta ba nwa-
na wa mina hi ka nayo hi zikati zi-
mbiri.
- 22 Na Saule i lo leletela a malanza ya
yena, aku, Wulawulani na Davida
xikundleni, muku, Languta, a hosi
yi na ni kuranza ha wena, ni wonkle
a malanza ya yona ma ku ranza we-
na: makunu nga u hi nwana wa ho-
si hi ka nayo.
- 23 Ni malanza ya Saule ma lo wulawu-
la leto timbaka tindlebeni ta Davida,
Na Davida i te ngalo, Zo kwatsi ku
heliuka ka nwana kani a kuba nwa-
na wa hosi hi ka nayo, na mu wona
lezaku mina nzi wa nuna wa xisiwa-
na, hi kupurukelilweko a nzi dzu-
nziwi ha ncumo ke?
- 24 Ni malanza ya Saule ma lo byela ye-
na, maku, Zakungahi i lo wulawula
Davida.
- 25 Na Saule i te ngalo, Zakungahi nwi-
na mu ta nga wula ka Davida, A
hosi a yi xubi na nzohowolo, kanile-
zi a zana ga mikwama ya wunkuna
ga ma Filisti, a ku potelwa a balala
ba hosi. Makunu Saule i lo alaka-
nya lezaku Davida i nga ta wela ma-
ndleni ya ma Filisti.
- 26 Ni laha a malanza ma nga wa bye-
lile Davida leti timbaka, kona ku
lo xalalisa Davida a kuba nwana wa
hosi hi ka nayo. Ni masiku ma wa
nga se ku hitiseka.
- 27 Na Davida i lo suka i lo famba, ye-
na ni banhu ba yena, ni ku daya a
ma Filisti a mazana mambiri ya ba
banuna; na Davida i lo neha a mi-
kwama ya wunkuna gabye ni ku
nyika yona hi tsengo wu teleko ka
hosi, kasi wa fela a kuba yena a hi
nwana wa hosi hi ka nayo. Na
Saule i lo nyika Mikali nhanyana
wa yena a sati.
- 28 Na Saule i lo wona lezaku Jehova i
wa hi na Davida; Mikali, hanyana
wa Saule i lo ranza yena.
- 29 Na Saule i wa ha su simama a caba
Davida na Saule i wa hi nala wa Da-
vida hi kusimamisilweko.
- 30 Zonake a tihosana ta ma Filisti ti
lo huma: na ku mahisile lezo, kwa-
tsi hi xikanzakanya lexi bona ba nga
wa huma, lazaku Davida i wa ku lo-
nzowota a wutsumbu ga yena hi ku-
tibisilweko ku hunza wonkle a ma-
lanza ya Saule; zingaho lezo a bito
ga yena gi wa su zwala a tsumo.

XIPIMO 19.

- 1 Na Saule i lo wulawula ka Jona-
tani a nwana wa yena, ni ka wonkle
a malanza ya yena, lezaku bona ba
wa ta nga ba daya Davida. Kanile-
zi Jonatani, a nwana wa Saule, i wa
rauzanile nguvu na Davida.
- 2 Na Jonatani i lo byela Davida, aku,

- Saule a raru wa mina wa hlota ku
daya wena: makunu hikwalaho, mi-
na nza kombela wena, klariha ka
wutsumbu ga wena mixweni, ni ku
tsama lomo wutsanweni ga xiku-
ndla, ni ku fihlala a wutsumbu ga
wena:
- 3 Na mina nzi ta huma nzi ya yima hi
klelo ga dadani le han/le leyo wena
u nga kona, na mina nzi ta wulawu-
la na dadani ha wena; na mina loku
nzi wona neumo, nzi ta byela wena.
- 4 Na Jonatani i lo wulawula hi kusasa
ha Davida ka Saule raru wa yena, i
te ngalo ka yena, Nga a hosi yi nga
onhi yi vukela a nanza ga yena, a ku
vukela Davida; hakuba yena a nga
onhang i a vukela wena, hakuba a
mitiro ya yena hi ngomama na wena
nja kusasa nguvu:
- 5 Hakuba wa beka wutomi ga yena
canjeni ga yena, ni ku hlasela a ma
Filisti, na Jehova i lo maha a hlulo
wa hombe ka bonkle ba ka Israeli na
wena u wonile kona, u lo bumisisa;
ngahilezo wena u ta onha nkateni
wu ngahiko-na-nanzu, a ku daya
Davida hi lahan/le ka cumo ke?
- 6 Na Saule i lo ingisa ka gezu ga Jo-
natani: na Saule i lo hlambanya,
kwatsi hilezi Jehova a hanyako, ye-
na a nga ta kufa.
- 7 Na Jonatani i lo bitana Davida, na
Jonatani i lo kombisa yena zonkle le-
zi zilo. Na Jonatani i lo neha Davida
ka Saule, na yena i wa hi kubakone-
ni ka yena, kwatsi hi mahlweni ka
xikati.
- 8 Ni laho ku wa hina a impi kambe:
na Davida i lo huma lahan/le, i lo-
lwa ni ma Filisti, ni ku hlasela bona
hi lihirito wa hombe; na bona ba lo
tsutsuma mahlweni ka yena.
- 9 Ni moya wa kubiha hi le ka Jehova
wu wa hi hehla ka Saule, kwatsi hi-
lezi a nga wa tsamile lomu n/wini
zinwe ni klari ga yena lomo canjeni
ga yena; na Davida i wa ku hlaka-
na hi canja ga yena.
- 10 Na Saule i lo laba ku gwaza Davida
a mu patsanyeta ni kurisi hi klara;
kanilezi yena i lo huluka kule kuba-
koneni ka Saule, na yena i la su ya
gwelela klari laho kurisini: na Da-
vida i lo trumuka, a tsutsuma lego
wusiku.
- 11 Ni Saule i lo rumela a mitsumi le
n/wini ya Davida, a ku rinzela ye-
na, ni ku daya yena luha mixweni:
- na Mikali, a sati wa Davida i lo bye-
la yena, aku, Loku wena u nga ha-
nyisi a wutomi ga wena wusiku
legi, manziko wena u taba u delwe.
- 12 Zingaho Mikali i lo reletisa Davida a
cika hi laha wonini: na yena i lo
famba, i lo caba, i lo pona.
- 13 Na Mikali i lo teka a xifananiso, i lo
leta le mubedini, i lo beka a xitsike-
lo xa woya ga timbuti laho tihlo-
kweni ta xona, i lo fenengeta xona
hi tinguwo.
- 14 Ni laha Saule a nga wa rumele a mi-
tsumi a ku ya teka Davida, yena i te
ngalo, Yena wa babya.
- 15 Na Saule i lo rumela a mitsumi a ku
ya wona Davida, aku, Mu neheni
ka mina lomu mubedini, kasi mina
nza fela ku daya yena.
- 16 Ni laha a mitsumi yi nga wa tile ku
engena, languta, a mufananiso wu
wa hi lomo mubedini, zinwe ni xiki-
gelo xa woya ga timbuti ka bloko
ya kona.
- 17 Na Saule i te ngalo ka Mikali, Hi
yini wena u kohlisileko mina hiku-
ngahi, ni ku vumela a nala wa mina
a famba, zingaho lezo yena i ponile
ke? Na Mikali i lo hlamula Saule,
yena i te ngalo ka mina, Nga mina
nzi famba; hi yini mina nzi ta nga
daya wena ke?
- 18 Makunu Davida i lo pfobola, na a
ponile, i lota ka Samueli le Rama, i
lo byela yena zonkle lezo Saule a nga
wa mahile ka yena. Yena na Samu-
eli ba loya tsama le Naiote.
- 19 Na kona ku wa lo byelwa ka Saule,
aku, Languta, Davida i le Naiote le
Rama.
- 20 Na Saule i lo rumela a mitsumi a ku
ya teka Davida: ni laha bona ba
nga wa wonile a klawa wa baprofeti
ba nga wa profeta, na Samueli i-
kwatsi i hloko hehla ka bona, ni
Moya wa Nungungulu wu lota hehla
ka mitsumi ya ka Saule, na bonawu
kambe ba lo profeta.
- 21 Ni laha kona ku nga wa byelilwe
Saule, na yena i lo rumela yinwani
a mitsumi, na bonawo kambewo ba
lo profeta. Na Saule i lo rumela
kambe a mitsumi hi xikati xa wu-
nharu, na bonawu kambewo ba pro-
feta.
- 22 Zonake i lo famba yenawu le Rama,
i lota le hlobyeni ya hombe leyo yi
nga leyo Seku: na yena i lo wutisa i
te ngalo, Ba kwihl ba Samueli na

- Davida ke? Ni munwani i te ngalo, Languta, bona ba le Naiote le Rama.
- 23 Na yena i loya leyo le Naiote le Rama: ni Moya wa Nungungulu wu lota hehla ka yenawu kambewo, na ye i lo nonoha a famba, i lo profeta, kala yena i lota le Naiote le Rama.
- 24 Na yenawu i lo susa a tinguwo ta yena, na yena i lo profeta mahlweni ka Samueli, i lo eklela lahasi na hi ximbyiri gonkle lego siku ni gonkle lego wusiku. Ngahilezo bona te ngalo, Kasiwo Saule kambewo i kona xikari ka baprofeti.

XIPIMO 20.

- 1 Na Davida i lo tsutsuma le Naiote le Rama, i lota wula mahlweni ka Jonatani, Zakuyini mina nzi mahileko xana? hikwihi kugoha ka mina ke? hi xihhi xionho xa mina mahlweni ka raru wa wena ke, lezi yena a hlotako a wutomi ga mina ke?
- 2 Na yena i te ngalo ka yena, Nga u hi kule ni loko, wena u nga ta kufa: languta, a nga mahi ncumo ge xa hombe kutani xi tsitsongwani, lezaku yena a nga xi kubunyeta ka mina; hi ku yini dadani a nga wa ta nga a fihla lezi silo ka mina ke? loku a zingaho ke?
- 3 Klatakumbiri Davida i lo hlamula, i te ngalo, A raru wa wena wa zi tiba kwatsi lezaku mina nzi kumile a tomo mahlweni ka wena; na yena i lo ngalo, Nga Jonatani a nga tibi loku, ku nga taku yena a zangari-swa: kanilezi kwatsi hi lezi Jehova a hanyako, na kwatsi hilezi a muhefemulo wa wena wu hanyako, ku kona a xizwe xikanziyelo basi xikari ka mina ni kufa.
- 4 Zonake ku wula Jonatani ka Davida, kani zakuyini lezi a muhefemulo wa wena wu zi xubako, mina nzi ta su ku tserama nzi mahela wena.
- 5 Na Davida i te ngalo ka Jonatani, Languta, manziko hi hweti yiswa, mina nzi wa ta nga nzi nga tsanzeki a ku tsama ni hosi le kugeni, kani-lezi nga mina nzi famba, nzi ya fihla a wutsumbu ga mina le masinwini kala a siku ga wunharu laha gambiyeni.
- 6 Loku a raru wa wena a nga a nwalatile ha mina cumo, zonake u taku, Davida hi kukolekisilweko i lo wutisa mina a ku suka lezaku a fela ku tsutsuma aya le Betlehema a muti wabye; hakuba leyo ku kona a mupahlelo wa lembe leyo ka yonkle mingango.
- 7 Loku yena a wula zakungahi, Matsenya; nanza ga wena gi taba ni kurula: kanilezi loku yena a zangara, zonake tiba lezaku a zanga yi xubylwe ha yena.
- 8 Hikwalaho maha hi ku tralekisilweko hi nanza ga wena; hakuba wena u nehile a nanza ga wena ka xivumelwano xa ka Jehova zinwe na wena: kanilezi loku ka mina ku wa hi kona a kubiha, daya mina a wutsumbu ga wena; lezaku hi yini wena u nzi nehako ka raru wa wena ke?
- 9 Na Jonatani i te ngalo, A kube kule loko ka wena; hakuba mina nzi wa ta nga nzi ku tiba konkle lezaku a kubiha kuxubylwe hi dadani wa mina a kuta hehla ka wena, zonake mina nzi ta nga nzi nga ku byeli wena ke?
- 10 Zonake ku lo wula Davida ka Jonatani, Nzimani a nga byela mina loku si ngatiti a raru wa wena a hlamula wena hi kuklatanyisilweko ke?
- 11 Na Jonatani i te ngalo ka Davida, Ngona, nga hina hiya lehandle. Na bona ba lo huma le handle a wumbiri gabye.
- 12 Na Jonatani i te ngalo ka Davida, Jehova, a Nungungulu wa ka Israeli, a be kustumunyu: laha na mina na nzi tsebetete dadani wa mina manziko hi lexi xikati, kutani hi siku ga manharu, languta, loku laho ku hi kona kusaseka ngomama na Davida, nzi nga ta rumela zonake ka wena, ni ku kubunyeta kona ka wena ke?
- 13 Jehova a mahe lezo ka Jonatani, a simame lezo kambe, ku wa ta nga ku xalalisa dadani a ku maha kubiha ha wena, loku mina nzi wa nga kubunyeta kona ka wena, ni ku rumela wena u famba, kasi wena wa fela ku famba hi kurula: Jehova a be na wena, kwatsi hilezi yenawu a nga hi ni raru wa mina.
- 14 Na wena u nga taku laha na nza ha hanya koce u komba mina a wuranzagawunene ga Jehova, kasi nza fela kube nzi ngafi;
- 15 Kanilezi kambe wena u nga ta tsema a wunene ga wena le ndlwini ya mina kala kuyinzuka; ge, kokwihi laha Jehova a tsemile a balala ba

le ngoheni ya mi-

- 17 Na ku mahisile hi manziko anzako ka hweti yiswa, lego gi nga wa hi a siku ga mambiri, lezaku a wutsamo ga Davida gi wa hulukela: na Saule i te ngalo ka Jonatani a nwana wa yena, Ngahilezo a nga tangi a nwana wa Jese za kugeni, ge a tolo, hambu ni nyamukla?
- 18 Na Jonatani i lo hlamula Saule, Davida hi kukolekisiwewo i lo wutisa a ku suka a ya le Betlehema:
- 19 Na yena i te ngalo, Nga mina nziya, nza kombela wena; hakuba a ba le ngangweni ka hina ba na ni mupahlelo lomu mutini; ni makabye wa mina, i leletele mina a kuba laho: ni makunu, loku mina nzi kumile a tomo mahilweni ka wena, nga mina nzi famba, nza kombela wena, ni ku ya wona bamakabye ba mina. Hikwalaho yena a ngati mezeni ya hosi.
- 20 Zonake a zanga ya Saule yi wa lo vindlukiswa yi vukela Jonatani, na yena i te ngalo ka yena, Wena nisananya wa xiklalu xa wasati a hlubikisisisako a alako, u nga lo mina a nzi tibi lezaku wena u hlawule a nwana wa Jese akuba tingana wena nwinyi, ni tingana ta wumbyiri ga mamani wa wena ke?
- 21 Hakuba kwatsi hilezi a nwana wa Jese a ha nonohako a hanya hehla ka liranzye, wena u nga taba u yimisilweko, ge ni mufumo wa wena. Ngahilezo rumela u ya hlota yena a ta ka mina, hakuba ha kunene yena i ta kufa.
- 22 Na Jonatani i lo hlamula Saule a dadani wa yena, i te ngalo ka yena, Ngahilezo yena i ta dawa? i mahile yini ke?
- 23 Na Saule i lo hoxa a klari le ka yena a ku gwaza yena; hikalezo Jonatani i lo tiba lezaku ku wa xubylwe hi raru wa yena aku daya Davida.
- 24 Zingaho Jonatani i lo suka hi laho mezeni na vunjukela hi zanga, i wa nga gangi a za kuga hi siku ga wumbiri ga hweti; hakuba yena i wa karatekisiwe akuba ha Davida, hakuba a raru wakwe i mahile yena tingana.
- 25 Na ku mahisile lezo laha mixweni, lezaku Jonatani i lo huma aya lomo kwatini xikatini lexo a xi yimisileko na Davida, ni mufana wa tsongwani ziwwe na yena.
- 26 Na yena i te ngalo ka mufana wa
- 17 Na ku mahisile hi manziko anzako ka hweti yiswa, lego gi nga wa hi a siku ga mambiri, lezaku a wutsamo ga Davida gi wa hulukela: na Saule i te ngalo ka Jonatani a nwana wa yena, Ngahilezo a nga tangi a nwana wa Jese za kugeni, ge a tolo, hambu ni nyamukla?
- 18 Na Jonatani i lo hlamula Saule, Davida hi kukolekisiwewo i lo wutisa a ku suka a ya le Betlehema:
- 19 Na yena i te ngalo, Nga mina nziya, nza kombela wena; hakuba a ba le ngangweni ka hina ba na ni mupahlelo lomu mutini; ni makabye wa mina, i leletele mina a kuba laho: ni makunu, loku mina nzi kumile a tomo mahilweni ka wena, nga mina nzi famba, nza kombela wena, ni ku ya wona bamakabye ba mina. Hikwalaho yena a ngati mezeni ya hosi.
- 20 Zonake a zanga ya Saule yi wa lo vindlukiswa yi vukela Jonatani, na yena i te ngalo ka yena, Wena nisananya wa xiklalu xa wasati a hlubikisisisako a alako, u nga lo mina a nzi tibi lezaku wena u hlawule a nwana wa Jese akuba tingana wena nwinyi, ni tingana ta wumbyiri ga mamani wa wena ke?
- 21 Hakuba kwatsi hilezi a nwana wa Jese a ha nonohako a hanya hehla ka liranzye, wena u nga taba u yimisilweko, ge ni mufumo wa wena. Ngahilezo rumela u ya hlota yena a ta ka mina, hakuba ha kunene yena i ta kufa.
- 22 Na Jonatani i lo hlamula Saule a dadani wa yena, i te ngalo ka yena, Ngahilezo yena i ta dawa? i mahile yini ke?
- 23 Na Saule i lo hoxa a klari le ka yena a ku gwaza yena; hikalezo Jonatani i lo tiba lezaku ku wa xubylwe hi raru wa yena aku daya Davida.
- 24 Zingaho Jonatani i lo suka hi laho mezeni na vunjukela hi zanga, i wa nga gangi a za kuga hi siku ga wumbiri ga hweti; hakuba yena i wa karatekisiwe akuba ha Davida, hakuba a raru wakwe i mahile yena tingana.
- 25 Na ku mahisile lezo laha mixweni, lezaku Jonatani i lo huma aya lomo kwatini xikatini lexo a xi yimisileko na Davida, ni mufana wa tsongwani ziwwe na yena.
- 26 Na yena i te ngalo ka mufana wa

- yena, Tsutsuma, u ya laba a tugalala leti mina nzi pandileko. Kwatsi hilezi a mufana a nga wa tsutsuma, yena i lo panda ligalala li ya klatuko wa yena.
- 37 Ni laha a mufana a nga wa tile ka wutsamo lego Jonatani a nga wa pandile ligalala, Jonatani i lo bitana a mufana, i te ngalo, A ligalala a li le klatuko wa wena ke?
- 38 Na Jonatani i lo bitana a mufana, Tsutsuma, u haklisa, u nga tsame. Nimufana wa Jonatani i lo rolela tugalala, i lota ka nzwinyi wa yena.
- 39 Kanilezi a mufana i wa nga tibi ncumo: saseka Jonatani na Davida a ba nga wa tiba ncumo.
- 40 Na Jonatani i lo nyika a maklari ya yena ka mufana wa yena, i te ngalo ka yena, Famba, u rwala wona uya na wona le mutini.
- 41 Kwatsi hi xilokuloku xa lezi mufana a nga wa fambile, Davida i lo suka wutsanweni i lo komama le Dzongeni, na a lowa hi ngohe ya yena lomo liranabyeni, i lo korama a wutsumbu ga yena makati manharu, ba lo trotrana a munwe ni munwani, ba lo rila a munwe ni munwani, a kala Davida a klatusa.
- 42 Na Jonatani i te ngalo ka Davida, Famba hi kurula, kwatsi hilezi hina bambira hi hlambanyileko ha hina bitweni ga Jehova, hiku, Jehova i taba xikari ka mina na wena, ni xikari ka mbewu ya mina ni mbewu ya wena, kala kupinzuka. Na i lo suka i lo famba: na Jonatani i loya lomo mutini.
- XIPIMO 21.**
- 1 Zonake i lota Davida le Nobe ka Ahimeleki a mupristi: na Ahimeleki i lota klanganyeta Davida na rurumela, i te ngalo ka yena, Hiyini wena u nga wece, a nga kona munhu zinwe na wena ke?
- 2 Na Davida i te ngalo ka Ahimeleki a mupristi, A hosi yi leletele mina a tiro, yi te ngalo ka mina, Nga ni munhu a nga tibi ncumo hi tiro lowu nzi rumelako wena, ni lego nzi ku leletele ha kona: mina nzi leletele a majaha ka wutsamo go kari ni go kari.
- 3 Makunu hikwalaho xini xi nga lahasi ka canja ga wena ke? nyika mina a nklanu wa mikowo ya zibaba canjeni ga mina, kutani kani xa ku yini lexi xi nga kona.
- 4 Ni mupristi i lo hlamlula Davida, na te ngalo, Laho a ku kona cumbu hi zibaba lahasi ka canja ga mina, kani-lezi laho ku kona a zibaba za kubasa; kumbela loku a majaha ma hlayisile a wutsumbu gabye ka ba basati.
- 5 Na Davida i wa lo hlamlula a mupristi, i te ngalo ka yena, Zi la su dlu-nya lezaku a ba basati ba hlayisekile ka hina laya masiku manharu; laha na mina na nzi humele, ni zibya za majaha zi basile, hambu lezi ku nga wa hi lwenzwanyana; ku ta ku yini nguvu nyamukla a zibya zabye zi nga ta basa ke?
- 6 Zingaho a mupristi i lo nyika a zibaba zo basa; hakuba laho ku wa nga hi kona a zibaba kanilezi lezi za kukombiswa zibaba, lezo zi nga wa tekilwe mahlweni ka Jehova, a ku beka lezi zo hisa hi sikwini lego zona zi tekiwako.
- 7 Makunu a munhu wo kari wa malanza ya Saule i wa hi kona lego siku, a kamekile mahlweni ka Jehova; ni bito ga yena i wa hi Doegi a mu Edomi, a wa hombe nguvu ka barisi ba ka Saule.
- 8 Na Davida i te ngalo ka Ahimeleki, Ni laho ke a ku kona a klari kutani supado lahasi ka canja ga wena ke? hakuba mina a nzi nehangi a supado ge maklari ya zinwe na mina, hakuba a tiro wa hosi wu wo laba xiha-klala.
- 9 Ni mupristi i te ngalo, A supado ya Golia a mu Filisti, loyi wena u mu deleko la minzelelweni ya Ela, languta, yona yi kona laha yi tsonze-lweko lomo ngubyeni hi le nzako ka efodi: loku wena u wa ta nga u teka yona, teka yona: hakuba laho a ku kona yinwani saseka yona laha. Na Davida i te ngalo, Laho a ku kona yo kota yona; nzi nyike mina yona.
- 10 Na Davida i lo suka, i lo tsutsuma lego siku hi ku caba Saule, i loya le ka Akixi a hosi ye le Gati.
- 11 Ni malanza ya Akixi ma te ngalo ka yena, Loyi a hi yena Davida a hosi ya tiko ke? bona a ba yimbelelangi ka munwe ni munwani ke ha yena kukineni, baku,
- Saule i dele a makume mazana ya yena,
Na Davida a kume ga makume mazana ya yena?

- 12 Na Davida i lo beka leti timbaka lomo mbilwini ya yena, i wa la su caba nguvu hi a Akixi a hosi ya le Gati.
- 13 Na yena i wa lo hunzulusa matsamela ya yena mahlweni ka bona, i lo xengetela a wutsumbu i hungukile mandleni yabye, i lo dadabala le tibatini ta nyangwa, i lo maha tizamila ti pomapoma xilevini xa yena.
- 14 Zonake ku lo wula Akixi ka malanza ya yena, Mangabye, nwina ma wona lezaku a munhu wa hlanya; ngahilezo nwina mu lo neha yena ka mina ke?
- 15 Mina nza vumala a banhu ba kuhunguka, lezaku nwina mu ta neha a munhu loyi a ku ta hlakana hi kuhunguka mahlweni ka mina ke? loyi munhu i tata ndlwini ya mina ke?

XIPIMO 22.

- 1 Na Davida hikwalaho i lo suka leyo, ni ku ya ponela le muhumeni wa le Adullama: ni laba a bamakabye ba yena ni ba yindlu ya raru wabye ba nga wa zwile zona, ba lo relela leno ka yena.
- 2 Ni bonklelele labo ba nga wa hi kuhlokisweni, ni bonklelele labo ba nga hi ni milanzu, ni bonklelele labo ba nga wa kala ba nga encliswi, ba lo tsombana a wutsumbu gabye ka yena; na yena i lo maha nduna hehla ka bona: ni laho ku wa hi zizwe na yena mune wa mazana ya ba banuna.
- 3 Na Davida i lo suka leyo i loya le Mizpe wa le Moabi: yena i te ngalo ka hosi ya le Moabi, Nga raru wa mina ni nyine wa mina, nza kombele wena, bata leno, a ku taba zizwe na wena, kala mina nzi tiba zakuyini Nungungulu a ta nga maha ha mina.
- 4 Na yena i lo neha bona mahlweni ka hosi ya le Moabi: bona ba lo tsama zizwe xonkle xikati lexo Davida a nga wa hi lomo makokoloni.
- 5 Ni muprofeti Gadi i te ngalo ka Davida, u nga tsami lomo makokoloni; suka, uya le tikweni ga ka Juda, Zonake Davida i lo suka, i lota le kwatini ga le Herete.
- 6 Na Saule i lozwa lezaku Davida i kumilwe, ni banhu labo ba nga zizwe na yena: makunu Saule i wa tsamile leyo Gibea, lahasi ka sinya

- ya zitsangi le Rama, zizwe ni Idari ga yena canjeni ga yena, ni wonkle a malanza ya yena ma wa yimile ma mu ranzela yena.
- 7 Na Saule i te ngalo ka malanza ya yena lawo ma yimileko ma mu ranzela, Zwanani makunu, nwina ba ka Benjamini; kasi a nwana wa Jese i ta nyika nwina a masimu ni zivina, yena i ta mu maha a tinduna ta makume mazana, ni tinduna ta mazana,
- 8 Hakuba bonkle ba nwina mu hlebile hi kuvukela mina hakuba a kona a nga zi funungula ka mina laha na nwana wa mina mahako xifungo kuklangana ni nwana wa Jese, laho a ku kona ni muzwe wa nwina wa kuba a xanisekako ha mina, kutani a mu funungulangi ka mina lezaku a nwana wa mina i hlohlotela a naza ga mina a ku vukela mina, a ku nzi labelela, kwatsi hi legi siku ke?
- 9 Zonake ku lo hlamlula Doegi a mu Edomi, loye a nga wa yimile hi ka malanza ya Saule, na te ngalo, mina nzi lo wona a nwana wa Jese ata le Nobe, ka Ahimeleki a nwana Ahituba.
- 10 Na yena i lo wutisela yena Jehova, i lo nyika yena zakuga, i lo nyika yena a supado ya Golia a mu Filisti.
- 11 Zonake a hosi yi lo rumela ku bita Ahimeleki a mupristi, a nwana wa Ahituba, ni bonkle ba yindlu ya raru wa yena, a bapristi laba ba nga wa hi le Nobe: bona ba lota bonkle ba bona le hosini.
- 12 Na Saule i te ngalo ka yena, Zwana makunu, wena nwana wa Ahituba. I lo hlamlula, Mina nzi laba, hosi yanga.
- 13 Na Saule i te ngalo ka yena, Hi yini nwina mu hlebileko mina, wena ni nwana wa Jese, ka lezo wena u nyikileko yena zibaba, ni supado, ni ku wutisela ka Nungungulu ha yena, kasi yena wa suka a vukela mina, a ku labelela mina, kwatsi hi ka legi siku ke?
- 14 Zonake Ahimeleki i lo hlamlula a hosi, na te ngalo, Nzi mani wa yonkle malanza ya wena a kolekileko kwatsi nzi Davida, loye a nga nwana wa hosi hi ka nayo, loye a tekilweko kungweni ga wena, na yena i dzunzekile lomu ndlwini ya wena ke?

- 15 Mina nyamukla nza ha kusangula a ku wutisa ka Nungungulu ha yena ke? nga loko ku hi kule le ka mina : nga a hosi yi nga beki ni xihi xa xilo xa mholobo ka nanza ga yona, ge ni ka yonkle a yindlu ya raru wa mina ; hakuba a nanza ga wena gi wa nga tibi ncumo xa lezi, a zitso-ngo ni za ku tala.
- 16 Ni hosi yi te ngalo, Wena ha kunene u tafa, Ahimeleki, wena, ni bonkle ba yindlu ya raru wa nwina.
- 17 Ni hosi yi te ngalo ka ba rinzeli, labo ba nga wa yimile hi ka yena, Hunzulukani ni ku daya a bapristi ba ka Jehova; hakuba a canja ga-bye kambe gi zinwe na Davida, hakuba bona ba lo zi tiba lezaku yena i tsutsumile, bona ba kubunyeta kona ka mina. Kanilezi malanza ma wa nga ma nga klakusi a canja ku wela hehla ka bapristi ba ka Jehova.
- 18 Ni hosi yi te ngalo ka Doegi, Hunzuluka wena, u wela hehla ka bapristi. Na Doegi a mu Edomi i lo hunzuluka, na yena i lo wela hehla ka bapristi, yena i lo daya lego siku a nkhanu ni manharu makume ni nkhanu a banhu labo ba ambalako a ngowo ya wukeni ni efodi.
- 19 Ni Nobe, a muti wa bapristi, i lo hlasela yona hi wukla ga supado, ba banuna ni ba basati, a zihlangana ni baanzwako, tihomu ni timbongola ni tiyivu, hi wukla ga supado.
- 20 Ni munwe wa banana ba Ahimeleki, a nwana wa Ahituba, a bito nzi Abiatar, i lo pona, ni ku tsutsuma a lanzela Davida.
- 21 Na Abiatar i lo byela Davida lezaku Saule i dele a bapristi ba ka Jehova.
- 22 Na Davida i te ngalo ka Abiatar, Mina nzi wa lo zitiba, hi lego siku laba Doegi a mu Edomi a nga hi laho, lezaku yena ha kunene i ta nga byela Saule: mina nzi mina nzi bangileko a kufa ka bonkle banhu ba yindlu ya raru wa wena.
- 23 Tsama wena zinwe na mina, u nga cabe ; hakuba loyi ahlotako wutomi ga mina i hlota a wutomi ga wena : hakuba zinwe na mina u ta rinkelwa u pona.
- 2 Hikwalaho Davida i lo wutisa ka Jehova, aku, Nzaya ke nzi ya hlasela laya a ma Filisti? Na Jehova i te ngalo, Famba, uya hlasela a ma Filisti, ni ku ponisa Keila.
- 3 Ni ba banuna ba Davida ba te ngalo ka yena, Languta, hina ha caba laba Juda : ku ta ku yini nguvu loku hina hi ya Keila hi yalwa ni impi ya ma Filisti ke?
- 4 Zonake Davida i lo wutisa ka Jehova kambe. Na Jehova i lo hlasela, i te ngalo, Suka, u relela uya Keila ; hakuba mina nzi ta nyikela a ma Filisti lomo canjeni ga wena.
- 5 Na Davida ni banhu ba yena ba lo relela baya le Keila, ba lolwa ni ma Filisti, ba lo teka a tihomu, tabye, ba lo hlasela bona hi kuhihirita ka hombe. Zingaho Davida i lo ponisa a banhu ba le Keila.
- 6 Na ku mahisile lezo laba, laba na Abiatar a nwana wa Ahimeleki na tsutsumele ka Davida le Keila, lezaku yena i lo relela na efodi lomo canjeni ga yena.
- 7 Na ku wa lo byelwa Saule lezaku Davida i tile le Keila. Na Saule i te ngalo, Nungungulu i nyikele yena lomo canjeni ga mina ; hakuba yena i valelwe nzeni, hi ku engena mutini lowo wu nga ni tinyangwa ni zikwi-nyaro.
- 8 Na Saule i lo hlomisa bonkle banhu ba kulwa, a ku relela baya Keila, a ku ya vimbezela Davida ni banhu ba yena.
- 9 Na Davida i lo zitiba lezaku Saule i tsemile a kungo ga tindipo a ku vukela yena ; na yena i te ngalo ka Abiatar a mupristi, Neha laba a efodi.
- 10 Zonake ku lo wula Davida, O Jehova, a Nungungulu wa ka Israeli, a nanza ga wena gi zwile ha kunene lezaku Saule i hlota kuta leno Keila, a ku ta lobisa a muti hi kota ya mina.
- 11 Ni banhu ba le Keila ba ta nyikela mina lomo canjeni ga yena ke? yena Saule i ta relela ata, kwatsi hilezi a nanza ga wena gi zwileko ke? O Jehova, a Nungungulu wa ka Israeli, mina nza kongotela wena, byela a nanza ga wena. Na Jehova i te ngalo, Yena i ta relela ata.
- 12 Zonake ku lo wula Davida, Ni banhu ba le Keila ba ta nyikela mina ni banhu ba mina le canjeni ga Saule

XIPIMO 23.

- 1 Na bona ba lo byela Davida, baku, Languta, a ma Filisti malwa ma vukela Keila, na bona ba panga lomo minzimbyeni ya wuhulelo.

- ke? Na Jehova i te ngalo, Bona ba ta nyikela wena.
- 13 Zonake Davida ni banhu ba yena, labo ba nga wa hi nklanu ni ginwe mazana, ba lo suka ba lo famba le Keila, ba lo famba kani hikwihi ba nga zi kotako a ku famba. Na kona ku wa lo byelwa Saule lezaku Davida i cabile le Keila; yena i tindeka kuya leyo.
- 14 Na Davida i lo tsama le xiwuleni lomo mikoboklweni, i lo tsama lomo tikweni ga mitsuri le xiwuleni xa le Zife. Na Saule i wa ku hlota yena wonklelele masiku, kanilezi Nungungulu i wa nga nyikelangi yena canjeni ga yena.
- 15 Na Davida i lo wona lezaku Saule i lo huma le handle a ku hlota a wutomi ga yena: na Davida i wa hi lomo xiwuleni xa le Zife lomo kwatini.
- 16 Na Jonatani, a zwana Saule, i lo suka, i lota ka Davida lomo kwatini, i lo tiyisa a canja ga yena hi ka Nungungulu.
- 17 Na yena i te ngalo ka yena, U nga cabe: hakuba a canja ga Saule dadani wa mina gi nga ta kuma wena; na wena u taba hosi hehla ka Israeli, na mina nzi ta ba wo gamela wena; lezo Saule dadani wa mina wa zi tiba.
- 18 Na bona bambiri ba lo maha a xivumelwano mahlweni ka Jehova: na Davida i lo tsama lomo kwatini, na Jonatani i loya le ndlwini ya yena.
- 19 Zonake ku lota a ma Zife ka Saule le Gibe'a, baku, Kasi Davida a nga fihlalani a wutsumbu ga yena zizwe na hina lomo mikoboklweni ni lomo kwatini, le mitsurini ya le Hakila, leyi yi nga le dzongeni ga xiwula ke?
- 20 Makunu hikwalaho, O hosi, relela, kukotisa konkle a kuxuba ka muhefemulo wa wena relela uta; ni klelo ga hina hi ku nyikela yena canjeni ga hosi.
- 21 Na Saule i te ngalo, Mu katekisilwe zwina ha Jehova; hakuba zwina mu na titalo ka mina.
- 22 Fambani, mina nza kombela zwina, mu ya tiyisa zinene, ni kuya tiba ni ku wona a wutsamo lego laho a nzwu ya yena yi nga kona, ni ku hi mani a wonileko yena leyo: hakuba ku lo byelwa mina lezaku yena i maha hi wu cinguhungu.
- 23 Wonani hikwalaho, ni ku teka konkle a kutiba ni ku wona a wutsamo ga zicoco lezi a tumbelako kona a wutsumbu ga yena, ni ku engeta nwina muta ka mina hi ka zinene, na mina nzi ta famba zinwe na nwinna: na kona ku ta ku na ku mahisile lezo, loku yena a hi lomo tikweni, lezaku nzi ta hlota yena xikari ka makume mazana ya ka Juda.
- 24 Na bona ba lo suka, ba loya le Zife mahlweni ka Saule: kanilezi Davida ni banhu ba yena ba wa hi lomo xiwuleni xa le Maone, le Araba leyo le xuwunzeni xa dzonga.
- 25 Na Saule ni banhu ba yena ba loya hlota yena. Na bona ba lo byela Davida: hikwalaho yena i lo relela lahasi le ribyeni, ni ku ta tsama le xiwuleni xa Maone. Ni laha Saule a nga wa zwile lezo, yena i lo hlongolisa Davida le xiwuleni xa le Maone.
- 26 Na Saule i loya hi legi klelo ga xitsunga, na Davida ni banhu ba yena ba lota hi legi leno a klelo ga xitsunga: na Davida i lo haklisa a suka a famba hi kucaba Saule; hakuba Saule ni banhu ba yena ba wa lo kangata Davida ni banhu ba yena ku teka bona.
- 27 Kanilezi laho ku lota a tsumi le ka Saule, wuku, Haklisa wena, u wuya; hakuba a ma Filisti ma mahile a xijumani lomo tikweni.
- 28 Zingaho Saule i lo klela hi ku lanzeneni ka Davida, i loya kulwa ni ma Filisti: hikwalaho bona ba lo bitana lego wutsamo Selahammahlekote.
- 29 Na Davida i lo kanziya hi leyo, i loya tsama le mikoboklweni ya le Engedi.

XIPIMO 24.

- 1 Na kona na ku mahisile lezo laha Saule a nga wa klelile hi le ku lanza ma Filisti, lezaku ku wa lo byelwa yena, aku, Languta, Davida i le xiwuleni xa le Engedi.
- 2 Zonake Saule i lo teka a manharu kume ga mazana ya ba banuna ba hlawulilweko ka wonkle Israeli, ba lo hlota Davida ni banhu ba yena hehla ka maribyana ya zihari.
- 3 Yena i lota le marangeni ya tiyivu hi laha ndleleni, leyo ku nga wa hi kona a muhume; na Saule i lo engeta kona ku ya fenengeta mikonzo ya yena. Makunu Davida ni banhu

- ba yena ba wa tsamile kwaleyo nze-
ni ka magumeso ka muhume.
- 4 Ni banhu ba ka Davida ba te ngalo
ka yena, Languta, legi hi siku Jeho-
va a te ku ngalo ka wena, Languta,
mina nzi nyikela a nala wa wena ca-
njeni ga wena, na wena u ta maha
kwatsi hi lezi zi wonekako kwatsi ku-
sasa ka wena. Zonake Davida i lo
suka, ni ku ya tsema a nzhungo wa
nguwo ya Saule hi kunganimelisi-
lwako.
- 5 Na kona na ku mahisile lezo a nzako
ka lezo, lezaku a mbuli ya Davida yi
lo raglama ka yena, hakuba yena i
wa tsemile a nzhungo wa Saule.
- 6 Na yena i te ngalo ka banhu ba ye-
na, Jehova wa beleta mina lezaku
nzi wa ta nga nzi maha lexi xilo ka
hosi ya mina, a totilweko wa Jehova,
a ku humesa a canja ga ku vukela
yena, na mu wona yena i totilweko
wa Jehova.
- 7 Zingaho Davida i lo tsanwisa banhu
ba yena hi leti timhaka, a nga vu-
melangi bona a ku suka ba vukela
Saule. Na Saule i lo suka a huma
lomo muhumeni, i loya hi ndlela ya
yena.
- 8 Davida kambe i lo suka anzako ka
lezo, i lo huma lomo muhumeni, i lo
bitana anzako ka Saule, a ku ngalo,
Hosi ya mina a hosi. Ni laha Saule
a nga wa cuwukile le nzako ka yena,
Davida i lo korama hi ngohe ya yena
lahe misabeni, i lo maha xicabyo.
- 9 Na Davida i te ngalo ka Saule, Nga-
hilezo wena u yingisako a timhaka
ta banhu, baku, Languta, Davida
wa hlota a ku lamata wena ke?
- 10 Languta, legi siku a mahlo ya we-
nawu ma wonile lezaku Jehova i
nyikele wena nyamukla canjeni ga
mina lomu muhumeni: ni banwani
ba wula mina ku daya wena; kani-
lezi a tihlo ga mina gi hanyisa wena;
ni mina nzi te ngalo, Mina nzi nga
ta humesa a canja ga mina nzi vu-
kela a hosi ya mina; hakuba yena
hi a totilweko.
- 11 Klatakumbiri, raru wanga, wona,
inaka, wona a nzhungo wa nguwo
ya wena lomu canjeni ga mina; ha-
kuba ka lezo mina nzi nga tsema a
nzhungo wa nguwo ya wena, a nzi
dayangi wena, tiba u wona lezaku
laho a ku kona kubiha ka zihambu-
nyeto lomu canjeni ga mina, na mi-
na a nzi onhangi nzi vukela wena,
- hambu lezo wena u hlota a wuto-
mi ga mina a ku teka gona.
- 12 Jehova a lamule xikari ka mina na
wena; kanilezi a canja ga mina gi
nga ta kuba hehla ka wena.
- 13 Kwatsi hi kuwula ka bavumbi ka
bakale, Hi ka wa kubiha ka huma a
kubihisisisa; kanilezi a canja ga mi-
na gi nga ta kuba hehla ka wena.
- 14 Anzako ka mani xana a hosi ya ba
ka Israeli yi kalako yi huma handle
ke? anzako ka mani xana wena u
hlongolisako ke? anzako ka mbyana
yi fileko, anzako ka nhongani.
- 15 Jehova hikwalaho a be mulamuli, a
nyika kutsanza xikari ka mina na
wena, ni ku wona, ni kongelela a
mhaka ya mina, ni ku klaklisa mina
lomo canjeni ga wena.
- 16 Na ku mahisile lezo, laha Davida
a nga wa gumelwe a ku wulawula
leti timhaka ka Saule, lezaku Saule i
te ngalo, Lego a hi gona a gezu ga
wena, nwananga Davida ke? Na
Saule i lo klakusa a gezu ga yena, i
lo rila.
- 17 Na yena i te ngalo ka Davida, Wena
u lulamile ku hunza mina; hakuba
wena u mahile ka mina a kusasa, la-
hoke na mina nzi mahile ka wena a
kubiha.
- 18 Na wena u klaklambutele legi siku
lezaku wena u ranzisile kwatsi ha
mina, kwatsi hilezo laho Jehova a
nyikele mina canjeni ga wena, le-
zaku wena a ku dayangi mina.
- 19 Hakuba loku a munhu a kuma anala
wa yena, i ta maha yena a famba
kwatsi ke? ngahilezo. Jehova a ca-
cazele wena hi kusasa hakuba hi-
lezo wena u mahileko ka mina legi
siku.
- 20 Ni makunu, languta, mina nza zi
tiba lezaku wena ha kunene u taba
hosi, ni lezaku a mufumo wa ka
Israeli wu yimiswa canjeni ga wena.
- 21 Hlambanya makunu hikwalaho ka
mina ha Jehova, lezaku wena u nga
ta tsema a mbewu ya mina, lezaku
wena u nga lobisi a bito ga mina
ndlwini ka raru wa mina.
- 22 Na Davida i lo hlambanya ka Saule.
Na Saule i loya kaya; kanilezi Da-
vida ni banhu ba yena ba kanziya le
mikoboklwini.

XIPIMO 25.

- 1 Na Samueli i lofa; ni wonkile
Israeli i lo tsombana a wutsumbu

- katigizwe, ba lo rilela yena, ni ku kelela yena lomo la Rama. Na Davida i lo suka, i lo relela le xiwuleni xa le Parani.
- 2 Na leyo ku wa hi kona a munhu le Maone, a wihi a pfuno wa yena wu nga hi le Karmeli; ni munhu i wa hi hombe nguvu, na yena i wa hi ni mauharu ya kume ka mazana ya tiyivu, ni kume ga mazana a timbuti: na yena i wa kari a kaya tiyivu ta yena le Karmeli.
- 3 Makunu a bito ga munhu i wa hi Nabali; ni bito ga sati wa yena i wa hi Abigaili; ni wasati i wa hi ni kupima ka kusaseka, i wa hi ni ngohe ya wumburi: kanilezi a wa nuna i wa hi ni mathluti i wa hi ni kubiha zimahweni za yena; na yena i wa hi wa yindlu ya Kalebi.
- 4 Na Davida i lozwa lomo xiwuleni lezaku Nabali i kaya a tiyivu ta yena.
- 5 Na Davida i lo ruma kume ga majaha, na Davida i te ngalo ka majaha, Kanziyani muya le Karmeli, ni kuya ka Nabali, ni kuya losetela yena hi bito ga mina:
- 6 Zakungahi mu ta nga wula ka yena loyi a tsamako kuvuvumisweni, A kurula nga ku hi ka wena, ni kurula nga ku hi le ndlwini ya wena, ni kurula nga ku hi ka lezo wena u nga nazo.
- 7 Na makunu mina nzi zwile lezaku wena u na ni bakayi: ni barisi ba wena ba wa hi zinwe na hina, na hina a hi mahangi kulamata bona, ge hambu xilo xa ku nwalala ka bona, xonkle a xikati na ba ha hi lomu Karmeli.
- 8 Wutisa a majaha ya wena, na bona ba ta byela wena: ngahilezo nga a majaha ma kuma a tomo mahlweni ka wena; hakuba hina hi tile hi siku ga kusaseka: nyika, mina nza kombela wena, kani hi xihi lexi xi tako canjeni ga wena, ka malanza ya wena, ni ka zwana wa wena Davida.
- 9 Ni laba a majaha ya ka Davida ma nga wa tile, bona ba lo wulawula ka Nabali kukotisa hi tonkle leto timhaka le bitweni ga Davida, ba lo ka wula.
- 10 Na Nabali i lo hlamula a malanza ya Davida, i te ngalo, Nzi mani Davida? nzi mani a zwana Jese ke? laho ku kona malanza yo tala ma-
- kunu masikwana laya labo ba pfo-bolako bonklelele ka benyi babye.
- 11 Xana mina mayowako nzi ta teka a zibaba za mina, ni mati ya mina, ni nyama ya mina leyo nzi dayeleko a bakayi ba mina, nzi nyika ka banhu nzi nga batibiko laho ba na nga na kona ke?
- 12 Zingaho a majaha ya Davida ba lo hunzulukela ndleleni yabye, ba lo klela le nzako, ba lota byela yena kukotisa tonkle leti timhaka.
- 13 Na Davida i te ngalo ka ba banuna ba yena, Bohani zwina wwenklelele ba banuna a supado ya yena; ba lo bohela bonklelele supado yakwe; na Davida wu kambe i lo boha a supado ya yena: laho ku kanziya na Davida a xipimo xa mune mazana ba banuna; ni mazana mambiri ma lo sala le nhunzwini.
- 14 Kanilezi a muwe wa majaha i lo byela Abigaili, a sati wa Nabali, aku, Languta, Davida i lo rumela a mitsuni hi lomo xiwuleni a kuta losetela a hosi ya hina; yena i lo kanyisa ka bona.
- 15 Kanilezi a banhu ba wa maha kwatsi nguvu ka hina, hina hi wa nga na ku lamatwa, ge ni ku nwalalelwa hi ncumo hina, kwatsi hilezi hi nga wa ha famba na bona, laba hina hi nga wa hi lomo handle:
- 16 Na bona ba wa hi kurisi ka hina hi wusiku na hi mumu, xonkle xikati lexi hina hi nga wa hi zinwe na bona ba hlayisa a tiyivu.
- 17 Makunu hikwalaho tibani lezaku wena u ta maha yini; hakuba a kubiha ku xubylwe a ku vukela a zwinyi wa hina, ni vukela yonkle a yindlu ya yena: hakuba yena hi munhu a nga vuniko ncumo, lezaku a muwe a nga ta wulawula ka yena.
- 18 Zonake Abigaili i lo maha xihacla, i lo teka mazana mambiri ya miko-wo, ni mabotori mambiri a waini, ni nklanu wa tiyivu ti longisilweko, ni ziringaniso za klanu za mabele ba ocilweko, ni zana ga zitata za tisote ta magrepi, ni mazana mambiri ya zikeketselo za makuwu, i lo klateka zona timbongolweni.
- 19 Na yena i te ngalo ka majaha ya yena, rangani mu famba mahlweni ka mina; languta, mina nzata le nzako ka zwina. Kanilezi yena i wa nga byelangi a nuna wa yena Nabali.

- 20 Na kona ku wa hi lezo, kwatsi hilezi yena a nga wa kilele mbongolweni ya yena, hi xitsunga xi fenegetilweko, lezaku, languta, Davida ni banhu ba yena ba lota ba relela hi ngomama na yena; na yena i lo klangana zinwe na bona.
- 21 Makunu Davida i wa te ngalo, Futsi mina hi mahala nzi hlaysile lezi loyi-munhu a nga nazo lomo xiwuleni, zingaho lezi ku nga nwalali ncumo lezi zi nga za yena: na yena i hlisele mina a kubiha hi kusasa.
- 22 Nungungulu a mahe zingaho ka balala ba Davida, a engeta kambe, loku mina nzi tsika lezi zi nga za yena hi kuca ka mixo zingaho kwatsi hi nwanana wa munhu munwe.
- 23 Ni laha Abigaili a nga wa wonihe Davida, yena i lo haklisa, i lo jatama le mbongolweni ya yena, i lowa mahlwani ka Davida hi ngohe ya yena, i lo korama a wutsumbu ga yena laha liranzyeni.
- 24 Na yena i lowa le mikonzweni ya yena, na te ngalo, Hehla ka mina, hosi yanga, hehla, ka mina a ku be kona a kugoha; nga a nanza ga wena, nza kombela wena, gi wulawula tindlebeni ta wena, u ingisa wena a timhaka ta nanza ga xisati ga wena.
- 25 Nga hosi ya mina, nza kombela wena, nga u nga katali hi loyi-munhu a nga vuniko ncumo, yena Nabali; kwatsi hilezi a bito ga yena gi nga lezo, zingaho yenawu; Nabali gi hi bito ga yena, ni wupupulugika yena: kanilezi mina nanza ga wena a nzi wonangi a majaha ya hosi ya mina, labo wena u ba rumileko.
- 26 Makunu hikwalaho, hosi ya mina, kwatsi hilezi Jehova a hanyako, ni lezi a muhefemulo wa wena wu hanyako, na u wona lezaku i kaketile wena le xigohweni xa nkata, ni ku ti potela a wutsumbu ga wena hi canja ga wena nwinyi, makunu hikwalaho nga a bahala ba wena, na bona labo ba hlotako a kubiha ka hosi ya mina, ba ku kwatsi nzi Nabali.
- 27 Na makunu lexi xinyikiwo lexi a nanza ga wena gi nehileko ka hosi ya gona, nga xona xinyikiwa majaha laya ma lanzelako a hosi ya mina.
- 28 Tsitselela, mina nza kombela wena, azihambuko za nanza ga wena ga wasati: hakuba Jehova ha kunene i ta mahela a hosi ya mina a yindlu ya zinene, hakuba a hosi ya mina yilwa a impi ya ka Jehova; ni kubiha ku nga ta kumiwa ka wena wonke masiku ya wena.
- 29 Na hambu banhu ba suka ba hlongolisa wena, ni ku hlota wutomi ga wena, kasike a muhefemulo wa hosi ya mina wu ta bohiwa numbini wa wutomi zinwe na Jehova a Nungungulu wa wena; ni mihefemulo ya balala ba wena, yena i ta yicukunyeta, kwatsi hi xinziwanziwani.
- 30 Na kona ku taku na ku mahisile lezo, laha na Jehova na mahile ka hosi ya mina kukotisa hi kusasa loko yena a wulawulileko xungetano na wena, ni ku ta yimisa wena a kuba hosana hehla ka Israeli.
- 31 Lezaku lexi xi nga mahi a xihlokiso ka wena, ge xi nga be xizangariso xa mbilu ka hosi ya mina, ge ni ku halata a nkata hi lahantle ka nanzu, kutani a hosi ya mina yi ta potela a wutsumbu ga yona. Laaha Jehova a ta nga a mahile kwatsi ni hosi ya mina, zonake alakanya a nanza ga xisati ga wena.
- 32 Na Davida i te ngalo ka Abigaili, A katekiswe Jehova, a Nungungulu wa ka Israeli, loye a rumileko wena legi siku a ku klanganyeta mina:
- 33 A wu katekiswe a tsonameto wa wena, ni ku katekiswa wena, lezaku u hlaysile mina lezaku nzi nga hi na xigoho xa nkata, ni kupotela a wutsumbu ga mina hi canja ga mina nwinyi.
- 34 Hakuba ni ka zi maho zonkolelele, kwatsi hilezi Jehova, a Nungungulu wa ka Israeli, a hanyako, loyi a kakametileko mina kulamateni wena, saseka lezi wena u haklisileko a kuta ka mina ha kunene ku wa ta nga ku nga siywangi le ka Nabali hi la kuceni ka mixo a xo kwatsi nwanana wa munhu munwe.
- 35 Zingaho Davida i lo amukela hi canja ga yena lezo yena a nga nehele yena: na yena i te ngalo ka yena, Kanziya hi kurula le ndlwini ya wena; wona, na mina nzi zwile ka gezu ga wena, mina nzi amukele a wunhu ga wena.
- 36 Na Abigaili i lota ka Nabali; ni, languta, yena i wa hi ni mubuzo le ndlwini ya yena, ku fanana ni mu-

- buzo wa hosi; ni mbilu ya Nabali yi wa narile hi ka yena, hakuba yena i wa la su popiwa nguvu: ngahilezo yena a nga byelangi yena ncumo, xitsongo kutani xikulu, kala manzikweni wa mixo.
- 37 Na ku mahisile lezo laha mixweni, laha a waini gi nga wa kalamukile ka Nabali, lezaku a sati wa yena i lo byela yena lezi zilo, ni mbilu ya yena yi lofa hi lomo nzeni ka yena, yena i lo maha kwatsi i ribye.
- 38 Na ku mahisile lezo anzako ka kume ga masiku anzako ka lezo, lezaku Jehova i lo daya Nabali, zingaho yena i lofa.
- 39 Ni laha Davida a nga wa zwile lezaku Nabali i file, yena i te ngalo, A katekiswe Jehova, loye a ekhleleko a nzukano ya mina hi le canjeni ga Nabali, a beleteleko a nanza ga yena le kubiheni: ni ku maha kubihla ka Nabali Jehova i ku khliselele hehla ka hloko ya yena nwinyi. Na Davida i lo rumela a wulawula xungetano na Abigaili, a ku teka yena a kuba ka yena a sati.
- 40 Ni laha a malanza ya Davida ma nga wa tile ka Abigaili le Karmeli, na bona ba lo wulawula ka yena, baku, Davida i runile hina ka wena, a ku teka wena ka yena akuba sati.
- 41 Na yena i lo suka, ni ku koramisa a wutsumbu ga yena hi ngohe ya yena laha misabeni, na te ngalo, Languta, a nanza ga wena ga wasati i nanza ga ku hlaza a mikonzo ya malanza ya hosi ya mina.
- 42 Na Abigaili i lo haklisa, i lo suka, i lo kelela le mbongolweni, ni banhanya ba nkhanu labo ba lanzelako yena; na i loya hi le nzako ka mitsumi ya Davida, i lo maha sati wa yena.
- 43 Na Davida kambe i lo teka Ahinoame wa Jezreeli; na bona bambiri ba wa hi basati ba yena.
- 44 Makunu Saule i wa nga a nyikele Mikali a nwana wa yena a sati wa Davida, ka Palti a nwana wa Laixa, loye a nga wa hi wa le Gallima.
- 2 Zonake Saule i lo suka, i lo relela aya le xiwuleni xa le Zife, na hi ni manharu a kume ga mazana ya ba banuna ba hlawulileweko ba ka Israeli zinwe na yena, a ku hlota Davida lomo xiwuleni xa Zife.
- 3 Na Saule i lo goba le tsuranini wa Hakila, lowo wu nga mahilweni ka xiwunza, hi le ndleleni. Kanilezi Davida i lo ya tsama lomo xiwuleni, na yena i lo wona lezaku Saule ita le nzako ka yena lomo xiwuleni.
- 4 Davida hikwalaho i lo rumela a tihloli, na a lo pima lezaku Saule i tile ha zinene.
- 5 Na Davida i lo suka, i lota ka wutsamo lego Saule a nga wa gobile; na Davida i lo wona a wutsamo lego Saule a ekleleko, na Abnere a nwana wa Nere, a nduna ya impi ya yena: na Saule i wa eklele lomo nzeni ka wutsamo ga tikareta, ni banhu ba wa gobile ba ranzela yena.
- 6 Zonake ku lo hlamula Davida ka Ahimeleki a mu Hiti, ni ka Abixai a nwana wa Zerua, a nakulobywa Joabe, aku, Nzi mani a ta nga relela aya na mina le wugobelweni ga Saule ke? Na Abixai i te ngalo, Mina nzi ta relela nziya zinwe na wena.
- 7 Zingaho Davida na Abixai ba lota ka banhu ni wusiku: ni, languta, Saule i wa eklele lomo nzeni ka wutsamo ga tikareta, zinwe ni klari ga yena gi jimile lomu misabeni hi le hlakweni ya yena; na Abnere ni banhu ba wa eklele ba mu ranzele.
- 8 Zonake ku lo wula a Abixai ka Davida, Nungungulu i nyikele a nala wena lomu canjeni ga wena legi siku: makunu hikwalaho nga mina nzi gwaza yena, mina nza kombela wena, hi klari gi pondlisa misabeni hi valo ginwe, na mina nzi nga ta gwaza yena hi makati mambiri.
- 9 Na Davida i te ngalo ka Abixai, u nga lobisi yena; hakuba nzi ta nga humesa a canja ga yena ka a totilweko wa Jehova, a nga bi na nanzu ke?
- 10 Na Davida i te ngalo, Kwatsi hilezi Jehova a hanyako, Jehova i ta daya yena; kutani ni masiku ya yena ma tata ya kufa, kutani yena i ta relela a aya impi, aya lobyisa.
- 11 Jehova i beletile lezaku mina nzi ta humesa a canja ga mina nzi vukela a totilweko wa Jehova: kanilezi ma-

XIPIMO 26.

- 1 Ni ma Zife ma lota ka Saule le Gibe, baku, Davida kasi a nga fhlangi a wutsumbu ga yena le mugangeni wa Hakila, legi gi nga mahilweni ka xiwula ke?

- kunu teka, nza kombela wena, a klari lego gi nga le hlokwani ya yena, ni xinghotswana xa mati, a hi fambeni.
- 12 Zingaho Davida i lo teka a klari ni xinghotswana xa mati le hlokwani ya Saule; na bona ba lo suka ba famba: ku wa nga hi kona munhu a nga wa wonile kona hambu a ku tiba, hambu ni munwe wa kuvuka; hakuba bona bonkle ba wa eklele, hakuba a wurongo gi etileko hi le ka Jehova gi wa wele hehla ka bona.
- 13 Zonake Davida i lo klatuka a yima hi ginwani klelo, i loya yima le hehla ka xitsunga le kule leyo; ni mumangwa wa hombe wu wa hi xikari kabye;
- 14 Na Davida i lo bitana ka banhu, ni ka Abnere a nwana wa Nere, aku, A ku hlamuli wena ke, Abnere? Zonake Abnere i lo hlamula i te ngalo, Hi wena mani loyi u bitako ka hosi ke?
- 15 Na Davida i te ngalo ka Abnere, Wena a hi wena wanuna wa tinghisi ke? nzi mani a fananako na wena lomu ka Israeli ke? ngahilezo wena a ku hlyisangi hehla ka nwinyi wa wena a hosi ke? hakuba ku lota a munwe wa banhu a ku daya a wa hombe wa wena a hosi.
- 16 Lexi xilo a hi kusasa lexi wena u xi mahileko. Kwatsi hilezi Jehova a hanyako, wena u wa fanelwe hi kufa, hakuba a ku nonohangi u hlayisa a ku rinzela hehla ka hosi ya wena, a totilweko wa Jehova. Ni makunu wona gi kwihi a klari ga hosi ke, kutani a nghotswana ya mati leyi yi nga wa hi hlokwani ya yena ke.
- 17 Na Saule i lo tiba a gezu ga Davida, i te ngalo, Lego a hi gona a gezu ga wena, nwananga Davida ke? Na Davida i te ngalo, Gona i gezu ga mina, dadani wa mina, O hosi.
- 18 Na yena i te ngalo, Ngahilezo a hosi ya mina u hlongolisa anzako ka nanza ga yona ke? hakuba xini mina nzi mahileko ke? kutani kubiha ka ku yini ku nga lomu canjeni ga mina ke?
- 19 Makunu hikwalaho, mina nza kombela wena, nga a dadani a hosi a ingisa a timhaka ta nanza ga yena. Loku a nga a hi Jehova loye a vintlusileko wena a kuvukela mina, nga yena a amukela a munyikelo:

[Sheetswa] 24

- kanilezi loku ku nga ku hi a banana ba banhu, ba rukatelwe bona mahlweni ka Jehova; hakuba bona ba hlongole mina legi siku lezaku mina nzi nga ta namarela lomu tsombeni ya Jehova, baku, Famba, u ya kozela banwani banungungulu.
- 20 Makunu hikwalaho, nga ankata wa mina wu nga weli kule misabeni kule kubakoneni ka Jehova; hakuba a hosi ya ka Israeli yi huma yi ta hlota a nhongani, kwatsi hi munhu munwe loyi a hlotako tihwari lomo zitsungeni.
- 21 Zonake ku lo wula Saule, mina nzi onhile: wuya, nwananga Davida; hakuba mina nzi nga ta maha wena a mhango, hakuba a wutomi ga mina gi wa hi malongo mahlweni ka wena legi siku: languta, mina nzi hlakanile hi wupupulu, nzi kubekile hi kuhunzeletisisilweko.
- 22 Na Davida i lo hlamula i te ngalo, Languta a klari, O hosi! nga zonake a munwe wa majaha a klatuka ata leno a ta teka gona.
- 23 Jehova i wuyisela ka loyi ni loyi a munhu a kululamisa ka yena ni kukolekesisa ka yena; hakuba kwatsi hilezi Jehova a ku nyikeleko canjeni ga mina legi siku, na mina nzi wanga ta nga nzi humesa a canja nzi vukela a totilweko wa Jehova.
- 24 Na, languta, kwatsi hilezi a wutomi ga wena gi nga wa hi malongo legi siku mahlweni ka mina, zingaho nga a wutomi ga mina gi hi malongo mahlweni ka Jehova, ni lezaku yena nga a klatlisa mina lezikaratweni.
- 25 Zonake Saule i te ngalo ka Davida, Katekiswa wena, nwananga Davida: wena u ta maha hi wunhenha, wena ha kunene u ta hlula. Zingaho Davida i loya a ndlela ya yena, na Saule i lo klelela wutsa nweni ga yena.

XIPIMO 27.

- 1 Na Davida i te ngalo lomo mbilwini ya yena, mina makunu nzi ta labysiswa ginwe siku hi canja ga Saule: laho a ku kona a ncumo xi nga cikwana ha mina a ku hunza lezaku mina nzi taabela lomo tikweni ga ma Filisti; na Saule i ta honisa ha mina, a nga ha hlota mina kambe lomo mimbanganweni ya ka Israeli: zingaho mina nzi ta pona le canjeni ga yena.

369

- 2 Na Davida i lo suka, i lo hunza a tsemakanya, na yena i wa hi ni nklanu ni ginwe a mazana ya ba banuna labo ga nga wa zinwe na yena, le Akixi a zwana wa Maoke, a hosi ya le Gati.
- 3 Na Davida i lo tsama na Akixi le Gati, yena zinwe ni banhu ba yena, bonklelele banhu ni mingango yabye, yenawu Davida ni basati ba yena bambiri, Alinoame a mu Jezreeli, na Abiguili a mu Karmeli, a sati wa Nabali.
- 4 Na kona ku wa lo byelwa Saule lezaku Davida i cabele le Gati: na a yena a nga ha engetangi a laba yena kambe.
- 5 Na Davida i te ngalo ka Akixi, Loku makunu mina nzi kumile a tomo mahlweni ka wena, nga bona ba nyika mina ka muzwe wa miti ya tiko, kasi mina nza fela kuaka leyo: hakuba hi yini a nauza ga wena gi nga wa ta nga gi tsama na wena lomu mutini wa wena wa wukosi ke?
- 6 Zonake Akixi i lo nyika yena Ziklagi legosiku: ngahilezo Ziklagi ka tihosi ta ka Juda kala legi siku.
- 7 Ni tsengo wa masiku lawo Davida a nga wa akile lomo tikweni ga ma Filisti ku wa a lembe gi teleko ni mune wa tihweti.
- 8 Na Davida ni banhu ba yena ba lo kanziya, ba maha xijumani hehla ka ma Gexuri, ni ma Girze, ni ma Amaleki; hakuba lawo a matiko ma wa hi baakileko ba tiko, labo ba nga wa hi ba kale ba lomo, kwatsi hilezi wena uyako le Xura, kona le tikweni ga le Gipite.
- 9 Na Davida i lo hlasela a tiko, a nga tsikangi hambu wanuna kutani wasati a kuhanya, ni ku teka a tiyivu, ni tihomu, ni timbongola, ni makameli, ni tinguwo; bona ba lo klela, ni kuta ka Akixi.
- 10 Na Akixi i te ngalo, Mu lo huma a xijumani mu ya vukela mani nyamukla ke? Na Davida i te ngalo, Hi ya vukela le Dzongeni ka Juda, ni kuya vukela le Dzongeni ka ma Jerameeli, ni kuya vukela le Dzongeni ka ma Keni.
- 11 Na Davida i te ngalo hambu a wanuna ge ni wasati a hanyako, a ku neha bona le Gati, aku, Ba nga taku ba wula ha hina, baku, Zingaho i lo maha Davida, zingaho ku wa hi ma-

tsameia yakwe laha na yena na a tsamile lomo tikweni ga ma Filisti.

12 Na Akixi i lo kolwa Davida, aku, Yena i mahile banhu ba ka kabye ba Israeli ba zirwa ha yena; liikwalaho yena i ta maha nanza ga mina kala kupinzuka.

XIPIMO 28.

- 1 Na ku mahisile lezo ka lawo masiku, a ma Filisti ba lo tsombanyisa a impi yabye katiginwe a ku hloma maklari, a kulwa ni ba ka Israeli. Na Akixi i te ngalo ka Davida, Tiba wena kwatsanyana, lezaku wena u ta huma u famba na mina le mabandleni, wena ni banhu ba wena.
- 2 Na Davida i te ngalo ka Akixi, Hikwalaho wena u ta zi tiba lezaku a nauza ga wena gi ta maha zakuyini. Na Akixi i te ngalo ka Davida, Hikwalaho mina nzi ta maha wena mu hlayisi wa bloko ya mina kala kupinzuka.
- 3 Na makunu Samueli i wa file, ni bonkle ba ka Israeli ba lo kelela yena le Rama, kona le muti wa yena zwinyi. Na Saule i wa susile kule labo ba na nga ni mandiki, ni baloyi ba huma lomu tikweni.
- 4 Ni ma Filisti ma lo tsombana a wutsumbu gabye a wutsamo ginwe, ni kuta goba le Xunemu; na Saule i lo tsombanyisa wonkle Israeli katiginwe, na bona ba lo goba le Gilboa.
- 5 Ni laha Saule a nga wa wonile a mabandla ya ma Filisti, i wa lo cabysiswa, ni mbilu ya yena yi lo dzebetana hi ku kuliselweko.
- 6 Ni laha Saule a nga wa wutisile ha Jehova, Jehova i nga wa blamulangi yena, hambu hi miloro, ge ni Urime, ge ni baprofeti.
- 7 Zonake ku lo wula Saule ka malanza ya yena, Labelani mina a wasati a nga ni mandiki, kasi mina nza fela a kuya ka yena, ni kuya wutisa ka yena. Ni malanza ya yena ma te ngalo ka yena, Languta, laho ku kona a wasati loye a nga ni mandiki leyo Endora.
- 8 Na Saule i lo fihla a wutsumbu ga yena, i lo mehela tiwani a tinguwo, na a lo famba, yena ni banhu bambiri zinwe na yena, na bona ba lota ka wasati ni wusiku: na yena i te ngalo, Vumba ka mina, mina nza kombela, hi mandiki ya wena, ni ku

- neha ka mina kani hi mani nzi ta nga mu wula ka wena.
- 9 Ni wasati i te ngalo yena, Languta, wena wa zi tiba lezi Saule a zi mahileko, lezaku yena i tsemile labo ba nga wa hi ni mandiki, ni baloyi, ba huma lomu tikweni: ngahilezo wena u bekela yini a panya ka wutomi ga mina ke, a ku maha mina a kufa ke?
- 10 Na Saule i lo hlambanya ka yena ha Jehova, aku, Kwatsi hilezi Jehova a hanyako, laho a ku na kutsayiswa ku ta nga humelela ka wena hakuba hi lexi xilo.
- 11 Zonake i lo wula a wasati, Nzi mani nzi ta nga neha yena ka wena ke? Na yena i te ngalo, U nzi nehela Samueli.
- 12 Ni laha a wasati a nga wa wonile Samueli, yena i lo bitana hi gezu ga kwanguluka; ni wasati i lo wula-wula ka Saule, aku, Hi yini wena u kohlisileko mina ke? hakuba wena hi wena Saule.
- 13 Ni hosi yi te ngalo ka yena, Wena u nga cabe: ni zili u zi wonako wena ke? Ni wasati i te ngalo ka Saule, nzi wona a nungungulu a kanziya hi laha misabeni.
- 14 Na yena i te ngalo ka yena, Ngwa dzumba muui yena ke? Na yena i te ngalo, A nuna wa kale a tako hehla; na yena i fenengetilwe hi nguwo. Na Saule i lo pima lezaku kona ku wa hi Samueli, na yena i korama hi ngohe ya yena laha liranzyeni, i lo maha a xicabyo.
- 15 Na Samueli i te ngalo ka Saule, Hi yini wena u henyahenyako mina ke, A nzi kanziyisa ke? Na Saule i te ngalo, Hakuba nzi la su neuceka hi ku karateka; hakuba ma Filisti ma maha impi ma vukela mina, ni Nungungulu i sukile le ka mina, a nga ha hlamluli mina kambe, ge ni bapofeti, hambu hi miloro: hikwalaho mina nzi bitanile wena, lezaku wena kasi wa tibekisa ka mina za kuyini nzi ta nga zi maha.
- 16 Na Samueli i te ngalo, Ngahilezo wena u wutisa ka mina, na u wona lezaku Jehova i sukile ka wena, na yena i mahile a nala wa wena ke?
- 17 Na Jehova i mahile ka wena, kwatsi hilezi a nga wa wulawulile ha mina: na Jehova i ku tekele a mufumo le canjeni ga wena, i wu nyikele ka mu akelwane wa wena, kona ka Davida.
- 18 Hakuba wena a ku ingisangi ka gezu ga Jehova, wena a ku tatisangi a zanga ya yena yi cabekako ka Amaleki, hikwalaho Jehova i mahile lexi xilo ka wena legi siku.
- 19 Klatakumbiri Jehova i ta nyikela Israeli zinwe na wena kambe le canjeni ga ma Filisti; ni manziko wena zinwe ni banana ba wena u taba zinwe na mina: na Jehova i ta nyikela a mabandla ya ka Israeli canjeni ga ma Filisti.
- 20 Zonake Saule a su lalanza konkle kunabalata ka dzumba ga yena behla misabeni, i wa la su tsingelwa hi ku caba, hakuba hi timhaka ta Samueli: hikwalaho ku wa nga hi kona a ntamo ka yena; hakuba yena i wa nga gangi xibaba gonkle a siku, ni gonkle wusiku.
- 21 Ni wasati i lota ka Saule, i wa lo wona lezaku i wa la su tsingelwa hi kukarateka, na te ngalo ka yena, Languta, a nanza ga wena ga xisati gi ingisile ka gezu ga wena, na mina nzi bekile wutomi ga mina canjeni ga mina, nzi ingisile ka timhaka ta wena leti u wulawulileki ka mina.
- 22 Makunu hikwalaho, nza kombela wena, ingisa wena ka gezu ga nanza ga wena ga xisati, ni ku vumela mina nzi beka a xikemu xa xibaba mahlweni ka wena; ni ku u taga, kasi wena wa fela ku kuma ntamo, laho wena u fambako a ndela ya wena.
- 23 Kanilezi yena i lo ala, i te ngalo, Mina nzi nga ta kuga. Kanilezi malanza, katiginwe zinwe ni wasati, ba lo kongotela yena; na yena i lo ingisa ka gezu gabye. Zingabo yena i lo suka laha misabeni, i lo tsama hehla ka mubedi.
- 24 Ni wasati i wa hi ni role gi nonisilweko lomu ndlwini; na yena i lo haklisa, i lo daya gona; na yena i lo teka a mapa, i lo kanyanga wona, i lo bika a zibaba zi nga comelwangiko ha wona:
- 25 Na yena i lo neha kona mahlweni ka Saule, ni mahlweni ka malanza; na bona ba loga. Zonake bona ba lo suka, ba lo famba lego wusiku.

XIPIMO 29.

- 1 Makunu ni ma Filisti ma lo tso mbanyisa a katiginwe wonkle mabandla yabye le Efeka: ni ba ka Israeli ba wa gobile hi le hlobyeni leyi yi nga le Jezreeli.

- 2 Ni tihosi ta ma Filisti ti lo hunza hi mazana, ni makume mazana; na Davida i lo hunza ni banhu ba yena ha xinzakwana zinwe na Akixi.
- 3 Zonake ku lo wula a tihosana ta ma Filisti, Zakuyini lezi a mahako loyi a mu Heberu laha? Na Akixi i te ngalo ka tihosana ta ma Filisti, Loyi a hi yena Davida ke, a nanza ga Saule a hosi ya ba Israeli, loyi a kario a hi na mina laya masiku, kutani hi nga taku gwaleyi milembe, mina a nzi kumangi a nanzu ha yena cima a nga panzanyekela ka mina kala legi siku ke?
- 4 Kanilezi a tihosi ta ma Filisti ti wa lo zangara ha yena; ni tihosi ta ma Filisti ti wa te ngalo ka yena, Maha loyi a munhu a klela, lezaku a fela kuya a klela wutsanweni ga yena laho wena u kombileko yena, nga yena a nga releli aya na hina le impini, ku nga taku le impini a hunzuluka a maha a nala wa hina: hakuba hi ka lezo loyi munhu a nga ta wuyisela a wutsumbu ga yena ka hosi ya yena ke? kona ku nga ta nga ku hi tihloko ta banhu ke?
- 5 Loyi a hi yena loyi Davida, ba nga wa yimbelele a munwe ka munwani mikhweni, baku,
Saule i dele a makume mazana ya yena,
Na Davida a kume ga makume mazana ya yena ke?
- 6 Zonake Akixi i lo bitana Davida, i te ngalo ka yena, Kwatsi hilezi Jehova a hanyako, wena u munhu a lulamileko, a kuhuma ka wena ni kuengena ka wena lomu mabandleni kusasekile kuwoneni ka mina; hakuba mina a nzi kumangi kubiha ka wena cima ka siku u tileko ka ha gona ka mina kala legi siku: aheмба a tihosi a hi tomo ha wena.
- 7 Ngahilezo klelela, ni ku famba hi kurula, lezaku wena u nga be u nga xalalisiko a tihosi ta ma Filisti.
- 8 Na Davida i te ngalo ka Akixi, Kanilezi xini mina nzi mahileko ke? na xihl xini u xi kumileko wena ka nanza ga wena xonkle xikati lexi nzi nga wa hi mahlweni ka wena kala legi siku, lezaku mina nzi nga ta ya nzi yalwa a impi ya balala ba winyi wa mina a hosi ke?
- 9 Na Akixi i lo hlamlula i te ngalo ka Davida, Mina nza tiba lezaku wena u sasekile le mahlweni ka mina, kwa-
- tsi i ngelosi ya Nungungulu: hambukanzakalezo a tihosi ta ma Filisti, ti te ngalo, Yena a nga taya behla na hina le impini.
- 10 Ngahilezo suka manzikweni wa mixo zinwe ni malanza ya hosi ya wena laya ma nga ngata zinwe na wena; ni kwatsi hi xilokuloku lexi nwina mu vukileko manzikweni wa mixo, mu hi ni kuwonekela, sukani.
- 11 Zingaho Davida i lo vuka mixweni, yena ni banhu bakwe, ku suka manzikweni wa mixo, a ku klelela le tikhweni ga ma Filisti. Ni ma Filisti ma lo kanziya maya le Jezreeli.

XIIMO 30.

- 1 Na kona na ku mahisile lezo, Laha Davida ni banhu ba yena ba nga wa tile Ziklagi hi siku ga manharu, lezaku a ma Amaleki na wa mahile a xijumani hehla le Dzongeni, hehla ka Ziklagi, ni ku hlasela Ziklagi, ni ku hisa hi nzilo,
- 2 Na ba wa lo teka a tihloko a ba basati ni zonkle lezo zi nga wa hi lomo, bonkle batsongwani ni bahombe: bona a ba dayangi ni munwe, kanilezi ba lo gula bona, ni ku famba a ndlela yabye.
- 3 Ni laha Davida ni banhu ba yena ba nga wa tile mutini, languta, wona wu wa hisilwe hi nzilo, ni basati babye, ni barisanyana babye, ni banhanyana babye, ba wa tekilwe tihloko.
- 4 Zonake Davida ni banhu labo ba nga wa hi zinwe na yena ba lo klakusa a gezu gabye ba lo rila, kala bona ba nga kuni kembe ni ntamo a kurila.
- 5 Ni basati bambiri ba Davida ba wa tekilwe tihloko, Ahinoame a mu Jezreeli, na Abigaili asati wa Nabali a mu Karmeli.
- 6 Na Davida hi kukulisilweko i wa karatekile; hakuba a banhu ba wa ku wulawula hi ku gandla yena, hakuba a muhefemulo wa banhu bonkle wu wa hlomulilwe, bonklelele ba banuna hi barisanyana ba yena ni banhanyana ba yena: kanilezi Davida i lo tiyiseta a wutsumbu ga yena hi Jehova a Nungungulu wa yena.
- 7 Na Davida i te ngalo ka Abiatara a mupristi, a nwana wa Ahimeleki, mina nza kombela wena, nehela mina laha a efodi. Na Abiatara i lo neha a efodi leno ka Davida.
- 8 Na Davida i lo wutisa ha Jehova,

- aku, Loku nzi hlolongolisa hi le nzako ka mabutu, mina nzi ta kamanyeta wona ke? Na yena i lo hlamlula yena, Hlolongolisa; hakuba wena hakunene u ta kamanyeta bona, na wena u nga ta tsanzeka a ku klaklisa konkle.
- 9 Zingaho Davida i loya, yena zinwe ni nklanu ni ginwe mazana a ba banuna labo ba nga wa hi zinwe na yena, na ba lo lota le xicongwanini Besora, laho labo ba nga siyilwe le nzako ba nga wa tsamile.
- 10 Kanilezi Davida i lo hlolongolisa, yena ni mune wa mazana ba banuna; hakuba mazana mambiri na lo sala le nzako, labo ba nga wa karele lezaku bona ba nga ba wa nga klatuka a xicongwana Besora.
- 11 Na bona ba lo kuma a mu Gipiti le handle, ba lo neha ka Davida, ni ku nyika a zibaba, i loga; na bona ba lo mu nyika a mati yena a kunwa.
- 12 Na bona ba lo nyike a xikemu xa xikeketselo xa makuwu, ni zitata zimbiri za tisote ta magrepi: ni laha a nga wa gile, ni moya wa yena wu lo klelele kambe ka yena; hakuba yena i wa nga gangi a xibaba, kutani kunwa mati, a masiku manharu ni wusiku ginharu.
- 13 Na Davida i te ngalo ka yena, Wena u wa ka mani ke? na u hi wo kwihhi wena ke? Na yena i te ngalo, Na mina nzi jaha ga le Gipite, a nanza ga mu Amaleki; ni nwinyi wa mina i lo siya mina, hakuba masiku manharu ma hunzileko mina nzi wa kari nzi babya.
- 14 Hina hi wa lo maha xijumani le Dzongeni ga le Cereti, ni hehla ka lego gi nga ga ka Juda, ni hehla ka le Dzongeni ka Kalebi; na hina hi lo hisa Ziklagi hi nzilo.
- 15 Na Davida i te ngalo ka yena, Wena u nga zi kota kurelelisa mina nziya ka mabutu ke? Na yene i te ngalo, Hlambanya ka mina ha Nungungulu, lezaku wena u nga ta daya mina, kutani ni ku nyikela mina le canjeni ga zwinyi wa mina, na mina nzi ta relelisa wena uta le mabutwini laya.
- 16 Ni laha yena a nga relele a neha yena, languta, bona wa la su mbamamela ba nabalata hehla liranza byeni, na бага, na banwa, na ba nkina, hakuba hi mupango wa hombe lowo bona ba tekileko leyo tikweni ga ma Filisti, ni leyo tikweni ga ka Juda.
- 17 Na Davida i lo hlasela bona ku sukela le ku tsuwukeni ka wuronga kala le gambyeni ga siku gi game-lako: ni laho a ku ponangi hambu ni munhu wa bona, saseka mune wa mazana ya majaha, labo ba nga wa kilele a makameli ba lo tsutsuma.
- 18 Na Davida i lo klaklisa zonkle lezo a ma Amaleki ma nga wa tekile; na Davida i lo ponisa a basati ba yena ha bambiri.
- 19 Ni laho ku wa nga hi kona a xilo xi nga wa nwalele ka bona, hambu xitsango hambu xikulu, ge ni bari-sanya hambu ni banhanyana, ge ni mupango, hambutana ni xihhi a xilo lexo bona ba nga wa tekile ka bona: Davida i lo wuyisela zona zonkle.
- 20 Na Davida i lo teka yonkle a muklambi ni ya tihomu miklambi, leyo bona ba nga wa gulile ka tihomu ti-zwani, na ba te ngalo, Leyi hi mupango wa Davida.
- 21 Na Davida i lota ka mazana mambiri ya ba banuna, labo ba wa nga ba karele lezaku ba wa nga ba nga lanzelang Davida, labo kambe ba nga maha ku tsama le xicongwanini xa le Besora; na bona ba lo koma-ma ba huma ku klanganyeta Davida, ni klanganyeta a banhu labo ba nga wa zinwe na yena: na Davida i lota ku suhani ni banhu, i lo losa bona.
- 22 Zonake ku lo hlamlula bonkle a banhu ba kubiha ni zihunzamilayo za banhu, ba labo ba nga wa fambile zinwe na Davida, ba te ngalo, Hakuba bona ba wa nga fambangi zizwe na hina, hina hi nga ta nyika bona a mupango wa xiabelo xabye lowo mu nga wa tanga wu hi wa bona lowu hina hi wu amukeleko, saseka ku nyika bonkle banhu a sati wa yena ni banana ba yena, lezaku yena i ta teka bona, a ti fambela.
- 23 Zonake ku wula Davida, Nwina mu nga ta maha lezo, bamakabye ba mina, hi ka lezi Jehova a nyikileko ka hina, loyi a lonzowotileko hina, ni ku nyikela a mabutu lawo ma ngata ma ta vukela hina lomo canjeni ga hina.
- 24 Nzi mani a ta nga ingisa ka zwina ka leyi mhaka ke? hakuba kwatsi hi xiabelo xa loyi a nga wa relele aya kulweni, zingaho ku ta maha

- lezo ni xiabelo xa loyi a nga sele hi le mikwameni ya timbuba; ni kua-belwa kabye ku ta fanana.
- 25 Na kona na ku wa ngaho, ku sukela kalego siku kuya mahlweni, lezaku yena i lo maha kona a xilayelo ni xiyimiso akuba ka Israeli kala legi siku.
- 26 Ni laha Davida a nga wa tile le Ziklagi, yena i lo rumela a mupango ka masingalakati ya ka Juda, kona ka bangana ba yena, aku, Languta, a xinyikiwo xa uwina xa mupangweni wa balala ba ka Jehova:
- 27 A ka bona labo ba nga wa hi le Beteli, ka bona labo ba nga wa hi le Remote wa Dzonga, ni ka bona labo ba nga wa le Jattira,
- 28 Ni ka bona labo ba nga wa hi le Aroere, ni ka bona labo ba nga wa hi lomo Sifemone, ni ka bona labo ba nga wa hi lomo Exitemon,
- 29 Ni ka bona labo ba nga le Rakale, ni ka bona labo ba nga le mitini ya Jerameeli, ni ka bona labo ba nga wa hi le mitini ya ma Keni,
- 30 Ni ka bona laba ba nga le Horma, ni ka bona laba ba nga wa hi Boraxane, ni ka bona laba ba nga wa hi le Ataka,
- 31 Ni ka bona laba ba nga wa hi le Hebronni, ni ka gonkle a wutsamo lego Davida a wutsumbu ga yena ni banhu ba yena ba nga wa tolobebe.

XIPIMO 31.

- 1 Makunu a ma Filisti ma lolwa ma vukela Israeli: Ni ba banuna ba ka Israeli ba lo tsutsuma mahlweni ka ma Filisti, ba lo mbambamela na ba klabyetelwe le xitsungeni xa Gilboa.
- 2 Ni ma Filisti ma lo tsimbeketa ku lanzela le Saule ni barisanyana ba yena; ni ma Filisti ma lo daya Jonatan, na Abinadaba, na Malkixua, a barisanyana ba Saule.
- 3 Ni impi yi wa tsingisisilwe ku vukela Saule, ni laba bumikutsu ba lo mukamanyeta; yena hi kukulisilweko i wa lo karuteka hi kota ya laba bamikutsu.
- 4 Zonake ku lo wula Saule ka mukomi wa yena wa maklari, hlomula supado ya wena, u gwaza mina u tse-makanyisa hi konalaha, ku nga ta-

ku laya mankuna mata gwaza mina ba pondlisa, ba xanula mina. Kani-lezi a mukomi wa yena wa maklari i wa nga a nga vumeli; hakuba yena i wa tsingelwe hi kucaba. Hikwalaho Saule i lo teka a supado ya yena, i lo wela hehla ka yona.

- 5 Ni laha a mukomi wa yena wa maklari a nga wa wonile lezaku Saule i file zi wa ngahowo na yenawu i lo wela hehla ka supado ya yena, i lofa zinwe na yena.
- 6 Zingaho Saule i lofa, ni bana ba yena banharu, ni mukomi wa yena wa maklari, ni bonkle banhu ba yena, gwalego siku katiginwe.
- 7 Ni laha banhu ba ka Israeli laba ba nga wa hi klelweni ginwani ga minzelelo ni labo ba nga wa hi klaturweni wa Jordani, ba nga wa wonile lezaku a ba banuna ba ka Israeli ba tsutsumile, ni lezaku Saule ni barisanyana ba yena ba file, na bona ba lo tsika a miti, ba pandlula ba panzanyeka; ni ma Filisti ma lota ma tsama ka yona.
- 8 Na ku mahisile lezo hi manziko, laha a ma Filisti ma nga wa tile a ku kaza a ba delweko, lezaku ba lo kuma Saule ni bana ba yena banharu ba wile le xitsungeni xa le Gilboa.
- 9 Na bona ba lo tsema a hloko ya yena, ba lo kaza a maklati ya yena, ni ku rumela le tikweni ga ma Filisti gi renzelekeleko, ni ku yisa mahungu le ndlwini ya zifananiso zabye, ni ka banhu babye.
- 10 Na bona ba lo beka a maklari ya yena lomo ndlwini ka Axtarote; na bona ba lo tsikelela a xirumbi xa yena le kurisini ga le Betexane.
- 11 Ni laha a banhu ba le Jebexegileade ba nga wa zwile xungatanona yena lezo a ma Filisti ma mahileko ka Saule.
- 12 Bonkle a banuna ba tinhenha ba lo suka, ba loya gonkle wusiku, ba lota teka a xirumbi xa Saule ni xirumbi za barisanyana ba yena le kurisini ga le Betexane; na bona ba lota le Jebexa, ba lo ta hisa zona leyo.
- 13 Na bona ba lo teka a marambu yabye, ni ku kelela lahasi ka sinye ya tamariska la Jebexa, na ba lo yila a nkhanu ni mambiri a masiku.

SAMUELI.

XIPIMO 1.

- 1 Na ku mahisile lezo anzako ka kufa ka Saule, laha na Davida a klelile hi le kuya hlasela a ma Amaleki, na Davida i wa tsamile masiku mambiri le Ziklagi ;
- 2 Na ku mahisile lezo hi siku ga manharu, lezaku, languta, ni wanuna i lota hi le wugobelweni hi le ka Saule, na zinwe a tinguwo ta yena na ti hanzulwe, ni misaba yi polongelene hehla ka bloko ya yena : na zi wangaho, ni laha yena a nga wa tile ka Davida, lezaku yena i lowa misabeni, na a lo maha xicabyo.
- 3 Na Davida i te ngalo ka yena, Hi kwihi wena u tako ha kona ke? Na yena i te ngalo ka yena, Nzi huma hi le wugobelweni ga ka Israeli mina nzi mina nzi ponileko.
- 4 Na Davida i te ngalo ka yena, Ma fambisile kuyini mahungu ke? mina nza kombela wena, byela mina. Na yena i lo hlamula, a banhu ba tsutsumile le impini, ni linyingi la banhu li wile li file ; Saule na Jonatani a nwana wa yena ba file kambe.
- 5 Na Davida i te ngalo ka jaha lego gi byelileko yena, U zitiba hi kuyini wena lezaku Saule na Jonatani a nwana wa yena ba file ke?
- 6 Ni jaha lego gi byelileko yena gi te ngalo, Kwatsi hilezi nzi nga wa te homomo hi ku koklana hehla ka xitsunga Gilboa, languta, Saule i wa kegele hehla ka klari ga yena ; ni, mangabye, a tikareta ni ba mahaxi ba lo tsimbeketa ba lanzela le nzako ka yena.
- 7 Ni laha yena a nga wa cuwukile le nzako ka yena, yena i lo wona mina, i lo bitana mina. Na mina nzi lo hlamula, Mina nzi laha.
- 8 Na yena i te ngalo ka mina, Hi wena mani ke? Na mina nzi lo hlamula yena, Mina nzi mu Amaleki.
- 9 Na yena i te ngalo ka mina, Yima, nza kombela wena, hi laha rebeni ga mina, u daya mina ; hakuba a kutsisa ku kamanyetile mina, hi ci-
- nya xa wutomi xa ha hiko kona ka mina.
- 10 Zingaho mina nzi lo yima hi le rebeni ga yena, ni ku daya yena, hakuba mina futsi nzi wa la su zi wona lezaku yena i wa nga a nga ta hanya a nzako ka kuba na yena na a wile : na mina nzi lo teka a xidlodlo lexi xi nga wa hi lomo hlokwani ya yena, ni xingwabila lexi xi nga wa hi lomu wokweni ga yena, na mina nzi nehile zona leno ka hosi ya mina.
- 11 Zonake Davida i la su klemerele a koma tinguwo ta yena, i lo hanzula tona ; na zi wa ngaho ni bonkle banhu laba ba nga wa hi zinwe na yena :
- 12 Na bona ba lo hlomula, ni kurila, ba lo yila kala gambyeni, hakuba ha Saule, ni hakuba ha Jonatani a nwana yena, ni banhu ba ka Jehova, ni yindlu ya ka Israeli ; hakuba bona ba wa wile hi supado.
- 13 Na Davida i te ngalo ka jaha lego gi byelileko yena, U wo kwihi wena ke? Na yena i lo hlamula, Mina nzi nwana wa mulubeli, wa mu Amaleki.
- 14 Na Davida i te ngalo ka yena, Hi yini wena u nga kala ku caba a ku humesa a canja ga wena u lobisa a totilweko wa Jehova ke?
- 15 Na Davida i lo bitana a muzwe wa majaha, i te ngalo, Tsinela ku suhi, u wela hehla ka yena. Yena i lo daya yena, lazo yena i lofa.
- 16 Na Davida i te ngalo ka yena, Ni nkata wa wena a wu be hehla ka hloko ya wena ; hakuba a nomu wa wena wu kustumunyile ku vukela wena, aku, Mina nzi dele a totilweko wa Jehova.
- 17 Na Davida i lo rila hi lowu nkosi hehla ka Saule ni hehla ka Jonatani a nwana wa yena
- 18 (Na yena i lo wula bona ku gonzisa a banana ba ka Juda a lisimu la wura : languta, lona li tsalilwe le bukwini ga Jaxara) :
- 19 A wukosi ga wena, O Israeli, gi

- hlaselwe hehla ka wutsamo gi
klakukileko!
- 20 Ti wisile ku yini a tinhenha!
Mu nga byeli kona le Gati,
Ku nga zwatiswi kona le mapangweni ya le Axkeloni;
Ku nga taku a banhwana ba ma Filisti ba buma,
Ku nga taku a banhwana ba mankuna ba nkana.
- 21 Nwina zi tsunga za le Gilboa,
Nga laho ku nga hi kona a nzo-kati ni vula hehla ka nwina,
hambu ni kuba ma kwati ya minyikelo:
Hakuba leyo a ziklangu za tinhenha hi mbaxumbaxu zi hoxilwe,
A xiklangu xa Saule, xi nga totwangiko hi mafura.
- 22 Hi le nkateni wa ba delweko, hi le kukulukeni ka tinhenha,
A wura ga Jonatani a ga ha klelangi gi wuya,
A supado ya Saule a ya ha wuyangli na yi hi panga.
- 23 Saule na Jonatani ba wa ranzeka ni ku xalalisa kuhanyeni kabye,
Ni kufeni kabye bona a ba hambanyiswangi:
Na bona ba wa haha ku hunza magama,
Na bona ba wa hi ni ntamo ku hunza tingala.
- 24 Na nwina banhanyana ba ka Israeli, rilalani hehla ka Saule,
Loye a ambexileko nwina hi ko truka ni kutangalisilweko,
Loye a nga beka a tinzalama ta nzalama hehla ka tinguwo ta nwina.
- 25 Ti wisile ku yini a tinhenha xikari ka impi!
Na Jonatani i delwe le hehla ka wutsamo gi klakukileko.
- 26 Mina nzi hlokisilwe ha wena, makabye wa mina Jonatani:
Hi kuxalalisa nguvu wena u wa kari u hi ka mina:
A liranzo la wena ka mina li wa hlamalisile,
Li hunzako a ku ranza ka wasati.
- 27 Ti wisile kuyini a tinhenha,
A matlari ya impi ma lobyisilwe!

XIPIMO 2.

- 1 Na kona na ku mahisile lezo a nza-ko ka lezi, lezaku Davida i lo wutisa ha Jehova, aku, Mina nza ta kanzela ka muzwe muti wa ba ka Juda ke?

Na Jehova i te ngalo ka yena, Kanziya uya. Na Davida i te ngalo, Hi kwilhi laho nzi ta nga kanziya nziya kona ke? Na yena i te ngalo, Le Hebroni.

- 2 Zingaho Davida i lo kanziya le hehla leyo, ni basati ba yena ha bambiri kambe, Abinoame a mu Jezreeli, na Abigaili a sati wa Nabali a mu Karimeli.
- 3 Ni banhu labo a nga wa zinwe na bona Davida i lo ba neha leyo, bonklelele banhu ni mingango yabye-wo: na bona ba lo aka le mitini ya le Hebroni.
- 4 Ni banhu ba ka Juda ba lotta, leyo ba lo tota Davida a hosi hehla ka yindlu ya ka Juda.

Na bona ba lo byela Davida, ba te ngalo, A banhu ba le Jebexegileade hi bona ba keleleko Saule.

- 5 Na Davida i lo rumela a mitsumi ka banhu ba le Jebexegileade, i te ngalo ka bona, Nwina mu katekisilwe ki Jehova, lezaku nwina mu kombisile legi a wuxinji ka hosi ya nwina, kona ka Saule, mu keleleko yena.
- 6 Makunu Jehova a kombise a kuranza ka wunene ni zinene ka nwina: na minawo kambe nzi ta klelisela ka nwina legi wunene, hakuba nwina mu mahile lezi zilo.
- 7 Makunu hikwalaho nga a canja ga nwina gi hi ni ntamo, nwinawu a mu be tingwazi; hakuba Saule a hosi ya nwina i file, ni kambe a yindlu ya ka Juda yi totile mina a ku maha a hosi hehla kabye.
- 8 Makunu Abnere a nwana wa Nere, a nduna ya impi ya ka Saule, i wa tekile Ixboxete a nwana wa Saule, i lo neha yena le Mahanaime;
- 9 Na yena i lo mu maha hosi hehla ka le Gileade, ni hehla ka ma Axuri, ni hehla ka Jezreeli, ni hehla ka Efraime, ni hehla ka Benjamini, ni hehla ka wonkle Israeli.
- 10 Ixboxete, a nwana wa Saule, i wa hi ni mune wa makume a malembe laha yena a nga wa sangule ku fuma hehla ka Israeli, na yena i lo fuma malembe mambiri. Kanilezi a yindlu ya ka Juda yi lo lanzela Davida.
- 11 Ni xikati lexo Davida a nga wa hi hosi le Hebroni hehla ka yindlu ya ka Juda i nklanu ni mambiri malembe ni nklanu ni yinwe tihwetl.
- 12 Na Abnere a nwana wa Nere, ni

- malanza ya Ixboxete a nwana wa Saule, ba lo suka ba huma le Mahanaima baya Gibeoni.
- 13 Na Joabe a nwana wa Zerula, ni malanza ya Davida, ba lo huma, ba lo klangana na bona le tibeni ga le Gibeoni; na bona ba lo tsama lahasi, a munwe ka ginwe a rebe ga tiba, ni munwani hi ka ginwani rebe ga tiba.
- 14 Na Abnere i te ngalo ka Joabe, Nga a majaha, mina nza kombela wena, ma suka ma hlakana mahlweni ka hina. Na Joabe i te ngalo, Nga bona ba suka.
- 15 Zonake ba lo suka ba klatuka ba hlayelana mitsengo: kume ni bambiri ba ka Benjamini, ba nga ba ka Ixboxete a nwana wa Saule, ni kume ni bambiri ba malanza ya Davida.
- 16 Na bona ba lo komana bonklelele a nakulobye wa yena hi hloko, ni ku gwazana hi supado ya yena le rebeni ga nakulobye: zingaho bona ba lowa lahasi katiginwe: hikwalaho lego wutsamo gi lo bitanwa Helkateh-hazzurime, lego gi nga le Gibeoni.
- 17 Ni impi yi wa tsingisisilwe lego siku; ni Abnere i wa hlulilwe, ni ba banuna ba ka Israeli, mahlweni ka malanza ya Davida.
- 18 Ni banana banharu ba Zerula ba wa laho, Joabe, na Abixai, na Asaheli, na Asaheli i wa ni mikonzo ya mapenga kwatsi i mhuti.
- 19 Na Asaheli i lo hlolongisa le nzako ka Abnere; ni ku fambeni yena a nga hunzulukangi hi ka ga xinene ni ka ga xibaba canja ku lanzeleni Abnere.
- 20 Zonake Abnere i lo cuwuka le nzako ka yena, na te ngalo, Hi wena, Asaheli ke? Na yena i lo hlamula, Nzi mina yena.
- 21 Na Abnere i te ngalo ka yena, Hunzulukela klelweni ka canja ga wena ga xinene kutani ka ga xibaba, ni kuya koma a munwe wa majaha, u teka wena a maklari ya yena. Kanilezi Asaheli i wa nga hambukangi klelweni ku lanzeleni yena.
- 22 Na Abnere i te ngalo kambe ka Asaheli, Hambuka wena klelweni ku lanzeleni mina; hikwalaho mina nzi ta gwaza wena laha liranabyeni? hi ku yini zonake nzi ta lunguziza ku yini a ngohe ya mina ka Joabe a nakuloni ke?
- 23 Ahemba yena i ala a ku hambuka klelweni: ngahilezo Abnere hi le magumo ya klari i lo gwaza yena lomo mirini, zingaho a klari gi lo pondlisa le nzako ka yena; yena i lowa le hasi laho, i lofa ka gwalego wutsamo: na ku malisile lezo, leza-ku kwatsi hi banyingi labo ba tako ka wutsamo lego Asaheli a weleko a file kona ba lo yima ba kutseka.
- 24 Kanilezi Joabe ni Abixai ba lo hlolongisa Abnere: ni gambo gi wa lo pela laha bona ba nga wa cikele le mitsuranini ya le Amma, leyo yi nga mahlweni ka Gia hi ndlela ya le xiwuleni xa le Gibeoni.
- 25 Ni banana ba ka Benjamini ba lo tsombana a wutsumbu gabye katiginwe a nzako ka Abnere, na ba lo maha klawwa miawe, na ba lo yima le hehla ka tsurana.
- 26 Zonake Abnere i lo bitana ka Joabe, na te ngalo, Kasi a supado yi ta kadamula kala kupinzuka? wena a kutibi kaxana ke kona ku ta babisisisa hi xikati xa kugumelwa? ku ta kala ku kuyini ku hi kona zonake, a mahlweni kakuba wena u byela banhu ba kawula kulanzeleni bamakabye babye ke?
- 27 Na Joabe i te ngalo, kwatsi hilezi Jehova a hanyako, loku ko wo kwatsi wena u wa nga wulangi, zonake nga manziko nga banhu ba fambile, ba lauzele bonklelele makabye wa yena.
- 28 Zingaho Joabe i loba paratana; ni bonkle banhu ba lo yima ba ku gutsu, a ba engetangi kambe, ku hlolongisa le nzako ka Israeli, ge ni kulwa bona kambe.
- 29 Na Abnere ni banhu ba yena ba lo famba gonkle lego wusiku ba lo tsemakanya Araba; na bona ba lo hunza ba klatuka Jordani, ba lo famba ba tsemakanya gonkle Bitironi, ba lota Mahanaima.
- 30 Na Joabe i klela hi ku lanzeleni Abnere: ni laha a nga wa tsombanyisile bonkle banhu katiginwe, laho ku lo vumalwa a ba malanza ya Davida nkhanu ni munwe ba banuna na Asaheli.
- 31 Kanilezi a malanza ya Davida ma wa hlulile Benjamini, ni ba banuna ba ka Abnere, zingaho lezo mazana manharu ni nkhanu ni ginwe a maku-me ya ba banuna ba lofa.
- 32 Na bona ba lo teka Asaheli, ba lo mu kelela kona lomo xilahleni xa

raru wa yena, lexo xi nga wa hi leyo Betlehema. Na Joabe ni banhu ba yena ba lo famba gonk'le wusiku, ni siku gi loca ka bona laha ba nga wa hi le Hebroni.

XIPIMO 3.

- 1 Makunu laho ku wa hi kona a impi yo nabalata xikari ka yindlu ya Saule ni yindlu ya Davida: na Davida i lo hunzelele kulu ni kukula, kanilezi a yindlu ya Saule yi hunzelela a ku mbeteka ni kumbeteka.
- 2 Ni ka Davida ku wa lo tralwa barisanyana le Hebroni: ni matewula ya yena ku wa hi Amnoni, wa Abinoame a mu Jezreeli;
- 3 Ni wo gamela ku wa hi Kileaba, wa Abigaili a sati wa Nabali a mu Karmeli; ni wa wunharu Absalome a nisanyana wa Maaka a nhanyana wa Talmai a hosi ya le Gexura;
- 4 Ni wa wumune, Adonija a nisanyana wa Haggite; ni wa wuklanu, Xefatia a nwana wa Abitali;
- 5 Ni wa wu nk'lanu ni munwe, Itreama, wa Egla, a sati wa Davida. Laba ba wa tralelwe ka Davida le Hebroni.
- 6 Na ku mahisile lezo, laho ku nga wa hi kona a impi xikari ka yindlu ya Saule ni yindlu ya Davida, lezaku Abnere i lo maha a wutsumbu ga yena a ntamo lomo n'lwini ya Saule.
- 7 Makunu Saule i wa hi ni mundlukulu, loye a bito a nga wa hi Rizpa, a nhanyana wa Aia: na Ixboxete i te ngalo ka Abnere, Ngahilezo wena u yile u ya engena ka mundlukulu wa dadani ke?
- 8 Zonake Abnere i wa zangile nguvu hi timhaka ta Ixboxete, na te ngalo, Mina nzi hlolo ka mbyana leyi yi nga ya ka Juda ke? Legi siku mina nzi kombisa a wuxinji ka yindlu ya Saule a raru wa wena, ka bamakabye ba yena, ni ka maxaka ya yena, na mina a nzi nyikelangi wena le canjeni ga Davida; kasi ke lezo wena u wulawulela mina legi siku hi nanzu xungetano ni loyi wasati.
- 9 Nungungulu a mahe zakungaho ka Abnere, a engete kambe, loku, kwatsi hilezi Jehova a hlambanyile ka Davida, mina a nzi na ku maha neu-mo kona ka yena;
- 10 A kuhunzulusa a mufumo le n'lwini ya Saule, ni ku yimisa xitsamo xa wukosi xa Davida hehla ka Israeli na Juda, ku sukela le Dani kaia le Berexeba.
- 11 Na yena i wa nga a nga hlamuli Abnere hambu ni mhaka, hakuba yena a nga wa caba yena.
- 12 Na Abnere i lo rumela a mitsumi ka Davida hi klelo ga yena, aku, Ga mani a tiko ke? a wulako kambe, Maha a klangano na mina, ni, langu-ta, a canja ga mina gi taba zinwe na wena, a ku neha wonk'le Israeli ka wena.
- 13 Na yena i te ngalo Kwatsanyana; mina nzi ta maha klangano zinwe na wena; kanilezi xilo zinwe nzi wutisako ha wena: lexo xaku, wena u nga ta wona a ngohe ya mina, saseka loku wena u neha Mikali, a nhanyana wa Saule, laha wena na u ta ku wona a ngohe ya mina.
- 14 Na Davida i lo rumela a mitsumi ka Ixboxete, a nwana wa Saule, aku, Nyika mina a sati wa mina Mikali, loyi nzi nga ti wutela hi zana ga mikwana ya ma Filisti.
- 15 Na Ixboxete i lo rumela, i loya teka yena le nuneni wa yena, kona ka Paltieli a nwana wa Laixa.
- 16 Ni nuna wa yena i lo famba zinwe na yena, na a rila kwatsi hilezi a nga wa famba, i lo lanzela yena kala le Bahurima. Zonake ku lo wula Abnere ka yena, Famba, u klela; na yena i lo klela.
- 17 Na Abnere i wa hi ni xikungo ni masingalakati ya ka Israeli, aku, Hi xikati xi hunzileko nwina mu lo hlota Davida a kuba hosi hehla ka nwina;
- 18 Makunu mahani kona; hakuba Jehova i wulawulile ha Davida, aku, Hi canja ga nanza ga mina Davida mina nzi ta hanyisa a munhu wa mina Israeli le canjeni ga ma Filisti, ni ku ba humesa canjeni ga bonk'le balala babye.
- 19 Na Abnere kambe i lo wulawula lomo tindlebeni ta ba ka Benjamini: na Abnere kambe i loya wulawula lomo tindlebeni ta Davida le Hebroni zonk'le lezo zi nge kwatsi kusasa ka Israeli, ni ka yonk'le yindlu ya ka Benjamini.
- 20 Zingaho Abnere i lota ka Davida le Hebroni, ni makume mambiri ya ba banuna ba nga wa hi zinwe na yena. Na Davida i mahela Abnere ni ba

- banuna labo ba nga wa hi zinwe na yena a mubuzo.
- 21 Na Abnere i te ngalo ka Davida, Mina nzi ta suka nzi famba, nzi ta tsombanyisa wonkle Israeli ka nwi-nyi wa mina a hosi, lezaku kasi bona ba fela ku maha xivumelwano zinwe na wena, kasi wena wa fela ku fumela ka konkle loku a muhefemulo wa wena wu xubako. Na Davida i lo rumela Abnere a famba; na yena i lo famba hi kurula.
- 22 Ni, languta, a malanza ya Davida na Joabe ba wata ba wa wuya hi le boxweni, ba lo neha a mupango wa hombe zinwe na bona: kanilezi Abnere i wa nga hi zinwe na Davida leyo Hebroni; hakuba i wa mu rumele a famba na yena i wa fambile hi kurula.
- 23 Laha Joabe ni mabandla laya ma nga wa hi zinwe na yena ma nga wa tile, bona ba lo byela Joabe, baku, Abnere a nwana wa Nere i wa tile le hosini, na yena i rumele yena a famba, na yena i fambile hi kurula.
- 24 Zonake Joabe i lota le hosini, na te ngalo, Zakuyini lezi wena u mahileko? languta, a Abnere i wa tile ka wena; hiyinilezo wena u rumeleko yena a famba, na yena wa andlamukile ku su kapekape?
- 25 Wena wa mu tiba Abnere a nwana wa Nere, lezaku yena i tile ku kohisa wena, a ku ta tiba ku humaka wena ni ku engena ka wena, ni ku ta tiba zonkle lezo wena wa tirako.
- 26 Ni laha Joabe a nga humele le ka Davida, na yena i lo rumela a mitsumi le nzako ka Abnere, na bona ba lo klelisa yena hi le hlobyeni ya Sira: kanilezi Davida i wa nga zitibi lezo.
- 27 Ni laha Abnere a nga wa klelele le Hebroni, na Joabe i lo teka yena le klelweni lomo xikari ka tinyangwa i lo wulawula zinwe ya yena hi ku nga zwatisisiwiko, i lo gwaza yena laho lomo mirini, zingaho lezo yena i lofa, hakuba hi nkata wa Asaheli a makabye wa yena.
- 28 Ni nzako kalezo laha Davida a nga wa zwile kona, yena i te ngalo, Mina ni mufumo wa mina a hi na nanzu mahlweni ka Jehova kala kupinzuka hi nkata wa Abnere a nwana wa Nere:
- 29 Nga wona wu wela hehla ka hloko ya Joabe, ni hehla ka yindlu ya raru wa yena yonkle; nga kona ku nga tsanzeki lezaku ku nga hi kona munwe wa le ndlwini ka Joabe loye a nga tungu wa humesa nkata, kutani loye a nga ni hlokonho, kutani, ni loye a kegeleko nhongeni, kutani loye a weleko supadweni, kutani ni loye a vumalako zibaba.
- 30 Zingaho Joabe ni nakulobye Abixai ba daya Abnere, hakuba yena i dele a nakulobye Asaheli leyo Gibeoni le impini.
- 31 Na Davida i te ngalo ka Joabe, ni ka bonkle banhu labo ba nga wa hi zinwe na yena, Hanzulani tinguwo ta nwina, tiboheni nwina hi tinguwo ta tisakwa, mu rilela Abnere. Ni hosi Davida i lo lanzela a tsatso.
- 32 Na bona ba lo kelela Abnere le Hebroni: ni hosi yi lo klakusa a gezu ga yona, na yi lo rila le keleni wa Abnere; ni bonkle banhu ba lo rila.
- 33 Ni hosi yi lo rilela Abnere, na yi te ngalo,
I wa ta nga Abnere afa kwatsi i kufa ka pupulu ke?
- 34 Amandla ya wena ma wa nga bohwangi, hambu ni mikonzo ya wena yi wa nga raranywangi hi tisinga:
Kwatsi hi munhu a welako xikari ka banana ba kuonha, zingaho wena u wile.
- Ni banhu bonkle ba lo rila kambe hehla ka yena.
- 35 Ni banhu bonkle ba lota ku maha Davida a kuga zibaba laha na ga ha hi mumu; kanilezi Davida i lo hlambanya, aku, Nungungulu a mahe lezo ka mina, ni ku engeta kambe, loku mina nzi ta ringa zibaba, kutani xi-nwani xilo, kala a gambo gi be gi pelileko.
- 36 Ni bonkle banhu ba lo hlohlosa kona, na kona ku lo xalalisa bona; ni kani hi yini lexo a hosi yi mahako xi lo xalalisa a banhu.
- 37 Zingaho bonkle banhu ni wonkle Israeli ba lo pima lego siku lezaku kona ku wa nga hi ka hosi a ku daya Abnere a nwana wa Nere.
- 38 Ni hosi yi te ngalo ka malanza ya yona, A mu zitibi nwina lezaku laho ku kona a hosana ni munhu wa hombe a wileko nyamukla lomu ka Israeli ke.
- 39 Mina legi siku nzi mbelile a ntamo, hambu lezo nzi totilweko a hosi; laba ba banuna a barisanyana ba Zerua mba kunonoha ka mina: Jeho-

va i ta cacazela a bamahi ba kuonha kukotisa hi kubihisisisa ka yena.

XIPIMO 4.

- 1 Ni laha Ixboxete, a nwana wa Saule, na a zwile lezaku Abnere i file leyo Hebroni, ma lo dzebetana amandla ya yena, ni bonkle ba ka Israeli ba wa lo karateka.
- 2 Na Ixboxete, a nwana wa Saule, i wa hi ni banhu bambiri labo ba nga wa hi tinduna ta miklawa: ni bito ga munwe i wa hi Baana, ni bito ga munwani i wa hi Rekabe, a nwana wa Rimmoni a mu Beerote, wa banana ba ka Benjamini (hakuba Beerote kambe gi wa hi ga ku hlalwa ka Benjamini:
- 3 Ni ma Beerote ba loabela le Gittaim, ba ya kuba balubeli leyo kala legi siku).
- 4 Makunu Jonatani, a nwana wa Saule, i wa hi ni nisananya loye a nga wa lamele amikonzo ya yena. Yena i wa hi ni nkhanu wa malembe laha a mahungu ya Saulo na Jonatani ma nga wa tile ma huma le Jezreeli; ni muwundli wa yena i lo teka yena, i lo tsutsuma: na kona na ku mahisile lezo, kwatsi hi lezi yena a nga wa maha xihakla xa kutsutsuma, lezaku yena i lowa, i lo lamala. Ni bito ga yena ku wa hi Metiboxete.
- 5 Ni bana ba Rimmoni a mu Beerote, Rekabe na Baana, ba loya, ba lota hi laha kuhiseni ka siku mumu le ndlwini ya Ixboxete, kwatsi hilezi a nga wa ti humulele laha munwini.
- 6 Na bona ba lota leyo lomu xikari ka yindlu, a ku kwatsi hambulezo bona bo laba a mabele; na bona ba lo gwaza yena lomo mirini: na Rekabe na Baana a nakulobye ba lo pfobola.
- 7 Makunu laha bona ba nga wa tile le ndlwini, kwatsi hilezi a nga wa ti nawule lomu mubedini wa yena lomo ndlwini ya mubedi, na bona ba lo gwaza yena, ni ku daya yena, ba lo tsema a hloko ya yena, ba lo teka a hloko ya yena, ba lo famba hi ndlela ya le Araba gonkle a wusiku.
- 8 Na bona ba lo neha a hloko ya Ixboxete ka Davida le Hebroni, na te ngalo ka hosi, Languta, a hloko ya Ixboxete, a nwana wa Saule, a nala wa wena, loye a nga hlota a wutomi ga wena; Jehova i potele a wa hombe wa mina a hosi legi siku ha Saule, ni mbewu ya yena.

- 9 Na Davida i lo hlamula Rekabe na Baana a makabye wa yena, a banana ba Rimmoni a mu Beerote, i te ngalo ka bona, Kwatsi hilezi Jehova a hanyako, loye a klaklileleko a muhefemulo wa mina wu huma ka wonkle makombo ya mina.
- 10 Laha munwe a nga wa nzi byelile, aku, Languta, Saule i file, na a alakauya ku neha mahungu ya kusaseka, mina nzi lo koma yena, nzi daya yena leyo Ziklagi, loko ku nga wa hi ncacazelo nzi lo nyika hi mahungu ya yena.
- 11 Ku ta kuyini xana ha hombe, laha a banhu ba kubiha ba dele a munhu a lulamileko lomu ndlwini ya yena hehla ka mubedi wa yena, mina nzi nga ta laba a nkata wa yena canjeni ga zwina ke, ni ku susa zwina laha misabeni?
- 12 Na Davida i lo leletela a majaha ya yena, na bona ba lo daya bona, ba lo tsema a mandla yabye ni mikonzo yabye, ba lo hayeka bona le rebeni ga tiba ga Hebroni. Kanilezi bona ba lo teka a hloko ya Ixboxete, ba lo kelela yona lomo keleni wa Abnere le Hebroni.

XIPIMO 5.

- 1 Zonake ku lota tonkle a tixaka ta ka Israeli le ka Davida le Hebroni, ba lo wulawula, baku, Languta, hina hi marambu ya wena ni nyama ya wena.
- 2 Hi xikatini xi hunzileko, laha Saule a nga wa hi hosi hehla ka hina, kona ku wa hi wena u nga wa rangela ku huma ni kuengena lomu ka Israeli: na Jehova i te ngalo ka wena, Wena u ta maha murisi wa banhu ba mina ba ka Israeli, na wena u taba hosana hehla ka Israeli.
- 3 Zingaho wonkle a masingalakati ya ka Israeli ma loya ka hosi le Hebroni; ni hosi Davida i lo maha a xivumelwano na bona le Hebroni mahlwani ka Jehova: na bona ba lo tota Davida a kuba hosi hehla ka Israeli.
- 4 Na Davida i wa hi makume manharu a malembe laha yena a nga wa sangule ku fuma, yena i lo fuma a mune wa makume malembe.
- 5 Lomu Hebroni yena i lo fumela hehla ka Juda nkhanu ni mambiri malembe ni nkhanu ni yizwe tihweti; ni le Jerusalema yena i lo fuma ma-

- kume manharu ni manharu malembe hehla ka Israeli wonkle na Juda.
- 6 Ni hosi ni banhu ba yona ba loya le Jerusalema ba ya vukela a ma Jebusi, a banhu ba tiko, labo ba nga wulawula ka Davida, baku, Saseka wena u te susa zikumu ni balameleko, wena u nga ta kuta leno; na ba alakanya, Davida a nga ta kuta leno.
 - 7 Ahembalezo Davida i wa tekile a kokola ga le Zion; kwaleyo mutini wa Davida.
 - 8 Na Davida i te ngalo lego siku, Kani ngwakuyini loye a hlaselako a ma Jebusi, nga yena aya hi se zibukeni za mati, aya hlasela a balameleko ni zikumu, labo ba bengwako hi muhefemulo wa Davida. Ngahilezo bona ba te ngalo, Lahaya a zikumu ni balameleko; yena a nga na kuta lomu ndlwini.
 - 9 Na Davida i lo tsama lomu kokoleni, i lo bitana gona a muti wa Davida. Na Davida i lo aka a renzelekela ku sukela Millo ni ku kala nzeni.
 - 10 Na Davida i lo hunzelela a kula ni kukula; hakuba Jehova, a Nungungulu wa mabandla, i wa hi zinwe na yena.
 - 11 Na Hiram a hosi ya le Tire yi lo rumela a mitsumi ka Davida, ni tisinya ya sedare, ni babakli, ni bameseri ba maribye, na bona ba lo aka a yindlu ya Davida.
 - 12 Na Davida i lo pima lezaku Jehova i yimisile yena a ku maha a hosi hehla ka Israeli, ni lezaku yena i klakusile a mufumo wa yena hi kota ya munhu wa yena Israeli.
 - 13 Na Davida i lo teka a engetela kambe a mindlukulu ni basati le Jerusalema, a nzako ka kuba na a tile hi le Hebroni; ni laho kambewo ku wa hi kona ku tralwa barisanyana ni banhanyana ka Davida.
 - 14 Ni laya hi mabito ya labo ba nga tralelwa ka yena le Jerusalema: Xammua, na Xobaba, na Natani, na Solomoni,
 - 15 Na Ibhara, na Elixua, na Nafega, na Jefaya,
 - 16 Na Elixama, na Eliada, na Elifalete.
 - 17 Ni laha a ma Filisti ma nga wa zwile lezaku bona ba totile Davida a hosi hehla ka Israeli, wonkle ma Filisti ma lo kanziya ku ya hlota

- Davida; na Davida i lozwa ha kona, i lo relela aya le kokoleni.
- 18 Makunu a ma Filisti ma wa tile ma ta mbambamela a wutsumbu ga wona le mikobeni ya Refaime.
 - 19 Na Davida i lo wutisa ha Jehova, aku, Nzi taya mina nzi ya vukela ma Filisti ke? wena u ta nyikela wona canjeni ga mina ke? Na Jehova i te ngalo ka Davida, Kanziya uya; hakuba mina hakunene nzi ta nyikela a ma Filisti canjeni ga wena.
 - 20 Na Davida i lota le Baali-perazimu, na Davida i lo hlasela bona leyo; na yena i te ngalo, Jehova i tsobile a balala ba mina mahlweni ka mina, kufanana ni kupuxuka ka mamati. Hikwalaho yena i lo cula a bito ga lego wutsamo Baali-perazimu.
 - 21 Na bona ba lo siya a zifananiso zabye leyo; na Davida ni banhu ba ba lo teka.
 - 22 Ni ma Filisti ma engeta kambe ma kanziya mata kambe, ba lota mbambamela a wutsumbu gabye le mikobeni ya le Refaime.
 - 23 Ni laha Davida a nga wa wutile ka Jehova, na yena i te ngalo, Wena u nga kanziyi uya: mahani xiranzela hi xinzakwana kabye, mu ta ka bona hi le ko xungetana ni tisinya ta timora.
 - 24 Na kona na ku taba lezo, laha na wena u zwako a guwa ga kufamba le hehla ka tisinya ta timora, lezaku zonake wena u ta su banguka a wutsumbu ga wena; hakuba zonake Jehova i fambile mahlweni ka wena a ku hlasela a mabandla ya ma Filisti.
 - 25 Na Davida i lo maha zakungaho, kwatsi hilezi Jehova a leleteleko yena, i lo hihirita a ma Filisti ku sukela Geba kala wena uta le Gezera.

XIPIMO 6.

- 1 Na Davida kambe i lo tsombanyisa katigizwe bonkle a banhu ba hlalwulileweko ba ka Israeli, makume manharu ya kume ga mazana.
- 2 Na Davida i lo suka, i lo famba ni bonkle a banhu laba ba nga wa hi zinwe na yena, bata hi le Baale-juda, a ku neha leyo a arke ga ka Nungungulu, lego gi bitanwako hi Bito, gona a bito ga Jehova wa mabandla loye a tsamako le hehla ka macerubima.
- 3 Na bona ba lo mehela a arke ga ka

- Jehova hehla ka kareta yiswa, ba lo humesa gona hi lomu ndlwini ka Aminadaba leyo yi nga wa hi le tsuranini: na Uzza na Ahio, a banana ba Aminadaba, ba wa lo cayela a kareta yiswa.
- 4 Na bona ba lo humesa gona lomu ndlwini ka Aminadaba, leyo yi nga wa hi le tsuranini, zinwe ni a arke ga ka Nungungulu: na Ahio i lo famba mahlweni ka a arke.
 - 5 Na Davida ni yonkle a yindlu ya ka Israeli ba wa ku hlakana mahlweni ka Jehova hi tixaka tonkle ta kuvuma ti mahiwako hi sinya ya Fira, zinwe ni zitende, zinwe ni timbila, zinwe ni tingomana, ni tinanga, ni zikoriyo.
 - 6 Ni laha ba nga wa tile le lilonzeni la nzimbo wa kuhula wa Nakoni, Uzza ilo humesa a canja ga yena le ka a arke ga ka Nungungulu, i lo welela gona; hakuba a tikabi ti lo retemuka.
 - 7 Ni Zanga ya ka Jehova yi vindluki-swa yi vukela Uzza; na Jehova i lo lobisa yena laho hakuba yena i lo maha kuhambuka; laho yena hi laha arkeni ga ka Nungungulu.
 - 8 Na Davida i wa nga xalaliswangi, hakuba Jehova i lo vunjukela hi kōta ya Uzza; na yena i lo bitana a wutsamo Perez-uzza, kala legi siku.
 - 9 Na Davida i wa lo cabyiswa ha Jehova lego siku; na yena i te ngalo, Gi ta tisa kuyini a arke ga Jehova ka mina ke?
 - 10 Zingaho Davida i wa nga a nga tisi a arke ga ka Jehova ka yena le mutini wa ka Davida; kanilezi Davida i lo gi rwala a gi hambukisa klelweni le ndlwini ya Obed-edome a mu Giti.
 - 11 Ni a arke ga Jehova gi lo sala le ndlwini ya Obed-edome a mu Giti tihweti tinharu: na Jehova i lo katekisa Obed-edome, ni yonkle a yindlu ya yena.
 - 12 Na kona ku wa lo byelwa a hosi Davida, aku, Jehova i katekisile a yindlu ya Obed-edome, ni zonkle lezo zi nga za klelo ga yena, hi kota ya a arke ga ka Nungungulu. Na Davida i loya aya neha a arke ga ka Nungungulu le ndlwini ya Obed-edome le mutini wa le mutini wa Davida hi litsako.
 - 13 Na kona ku wa ngaho, lezaku, laha bona labo ba rweleko a arke ga ka
 - Jehova ba fambile a nklanu ni kunwe kukanziyela, yena i lo nyikela a kabi ni kunonosilweko.
 - 14 Na Davida i lo kina mahlweni ka Jehova hi ntamo wa yena wonkle; na Davida i wa bohile a nguwo ya efodi.
 - 15 Zingaho Davida ni yindlu yonkle ya ka Israeli ba lo neha a arke ga ka Jehova hi kukanyuluka, na hi guwa ga punzu.
 - 16 Na kona ku wa ngaho, kwatsi hilezi a arke ga ka Jehova gi nga wata lomu mutini wa Davida, lezaku Mikali a nhanyana wa Saule i lo cuwuka le handle hi laha wonini, i lo wona a hosi Davida na a tinhenga, na a nkina mahlweni ka Jehova; na yena i lo manya ha yena lomu mbilwini ya yena.
 - 17 Na bona ba lo naha ndlwini a arke ga ka Jehova, ba lo mehela gona wutsanweni ga gona, lomo xikari ka tenta lego Davida a gwimbeleko gona; na Davida i lo nyikela a minhikelo ya kuhiswa ni nyikelo ya kurula mahlweni ka Jehova.
 - 18 Ni laha Davida a nga wa mahile a kugumelwa a ku nyikela a minyikelo ya kuhiswa ni minyikelo ya kurula, na yena i lo katekisa a banhu le bitweni ga Jehova wa mandla.
 - 19 Na yena i lo maha xikari ka bonkle, kona xikari ka xonkle a xidlemo xa ka Israeli, bonkle ba banuna ni ba basati, ka bonklelele a xikeketselo xa xibaba, ni xiabelo xa nyama, ni xikeketselo xa tisonde ta magrepi. Zingaho a banhu bonkle ba lo suka a kuya le ndlwini ya yena.
 - 20 Zonake Davida i lo klelela a ku katekisa a ngango wa yena. Na Mikali a nhanyana wa Saule i lo huma a kuta klanganyeta Davida, na te ngalo, Mbukosi ga yini ka hosi ya ka Israeli nyamukla, loye a nga fenengetangiko a wutsumbu ga yena nyamukla le mahlweni ka malanza ya xisati ya malanza ya yena, kwatsi hi munwe wa banhu ba zihunzamilayo hi ku nga biko na tingana a nga fenengetangi a wutsumbu ga yena!
 - 21 Na Davida i te ngalo ka Mikali, kona ku wa hi mahlweni ka Jehova, loye a hlawulileko mina hehla ka raru wa wena, hi hehla ka yindlu ya yena yonkle, a ku hlawula mina

GA WUMBIRI GA SAMUELI, 7.

hosana hehla ka banhu ba ka Jehova, hehla ka Israeli: hikwalaho mina nzi ta hlakana mahlweni ka Jehova.

- 22 Mina nzi taba mugohi ku hunza lezi, nzi ta ba xihunzamilayo kuwoneni ka mina: kanilezi ka malanza ya xisati laya wena u ma wulako, ka wona mina nzi taba kudzunziweni.
- 23 Na Mikali a nhanyana wa Saule i wa nga hi na nwanana kala sikwini ga kufa ka yena.

XIPIMO 7.

- 1 Na ku mahisile lezo, laha a hosi yi nga wa tsamile lomo ndlwini ya yona, na Jehova na a nyikile yona a kuhumula ka bonkle balala ba yona ba yi ranzeleko,
- 2 Lezaku a hosi yi te ngalo ka Natani a muprofeti, Wona makunu, mina nzi tsama lomu ndlwini ya sedare, kanilezi a arke ga ka Jehova gi tsama lomu ndlwini ya micacalato.
- 3 Na Natani i te ngalo ka hosi, Yana, u maha zonkle lezi zi nga lomu mbilwini ka wena; hakuba Jehova i zinwe na wena.
- 4 Na ku mahisile lezo gwalego siku, lezaku a mhaka ya ka Jehova yi lota ka Natani, yiku,
- 5 Yana u ya byela a nanza ga mina Davida, Zakungahi a wulako Jehova, Wena u ta aka a yindlu ya mina a kuba mina nzi tsamo lomo ke?
- 6 Hakuba mina a nzi seku tsama lomo ndlwini cima ka siku legi mina nzi nga humesa a banana ba ka Israeli hi le Gipite, kala ka legi siku, kanilezi nzi fambile matenteni ni mata-bernakeleni.
- 7 Ni ka goukle a wutsamo lego mina nzi fambileko zinwe ni banana, bonkle ba ka Israeli, nzi lo nga wulawula na mhaka ni ka wihi wa tixaka ta ka Israeli, labo minan nzi rumeleko a ku maha barisi ba banhu ba mina ba Israeli, aku, Hi yini nwina mu nga nzi akelangiko a yindlu ya sedare ke?
- 8 Makunu hikwalaho zakungahi wena u ta nga wula ka nanza ga mina Davida, Zakungahi a wulako Jehova wa mabandla, mina nzi tekile wena le rangeni ga tiyivu le ku lanzeleni ka tiyivu, lezaku wena u ta maha hosana hehla ka banhu ba mina, hehla ka Israeli;

- 9 Na mina nzi wa kari nzi hi zinwe na wena ni ka gihi a wutsamo laho wena uyako, na mina nzi tsemile bonkle a balala ba wena ba suka le mahlweni ka wena; na mina nzi ta maha wena a bito ga hombe, ku fanana ni bito ga bona ba hombe laba ba nga lomu misabeni.
- 10 Na mina nzi langela a wutsamo ga banhu ba mina ba Israeli, na nzi ta tikireta bona, kasi bona ba fela ku tsama wutsanweni ga bona benyi, ba nga ha engeti kambe ba rura; ge hambu a banana ba kubiha ba nga ta blokisa bona kambe, kwatsi hi kuranguleni.
- 11 Kwatsi hi masiku lawo mina nzi nga wa leletele balamuli a kuba hehla ka banhu ba mina Israeli; na mina nzi ta maha wena kuhumula ka bonkle a balala ba wena. Klatakumbiri Jehova a byelako wena aku Jehova i ta mahela wena a yindlu.
- 12 Ni laha a masiku ya wena ma tatisekile, na wena u ta eklela zinwe ni bararu ba wena, mina nzi ta yimisa a mbewu ya wena a nzako ka wena, leyo i ta nga huma hi lomo marumbyini ya wena, na mina nzi ta tiyisisa a mufumo wa yena.
- 13 Yena a ta nga aka a yindlu ya bito ga mina, na mina nzi ta yimisa xitsamo xa wukosi xa mufumo wa yena kala kupinzuka.
- 14 Na mina nzi taba raru wa yena, na yena i taba a nwanana wa mina; lo ku yena a maha kuona, na mina nzi ta tsayisa yena hi nhonga ya banhu, na hi limhika la banana ba banhu;
- 15 Kanilezi a kuranzakawunene ga mina ku nga ta suka ka yena, kwatsi hi hilezi mina nzi susileko ka Saule, loye mina nzi nga mu panzanya mahlweni ka wena.
- 16 Ni yindlu ya wena ni mufumo wa wena wu ta maha kutiyisa kala kupinzuka mahlweni ka wena: ni xitsamo xa wena xa wukosi xi ta yimiswa kala kupinzuka.
- 17 Kukotisa hi ka tonkle lati timhaka, ni kukotisa ka wonkle lowu a muwoniso, zingaho Natani i lo wulawula ka Davida.
- 18 Zonake Davida a hosi i lo enge na lomo, i lo tsama mahlweni ka Jehova; yena i te ngalo, Mina nzi mina maniwo, O Hosi Jehova, na xi hi xini a yindlu ya mina, lezo wena

- u nehileko mina a kule ka kungahi ke?
- 19 Na kasike lezi lexi xi wa hi xi tso-
ngwani mahlweni ka wena, O Hosi
Jehova; kanilezi wena u wulawu-
lile kambe hi yindlu ya nanza ga
wena a ku maha ya hombe hi xikati
xi tako; ni lezi kambe anzako ka ma-
mahela ya banhu, O Hosi Jehova!
- 20 Zakuyini Davida a ta nga engeta a
wula ka wena ke? hakuba wena wa
gi tiba a nanza ga wena, O Hosi Je-
hova.
- 21 Hakuba hi kota ya mbaka ya wena,
ni kukotisa hi ka mbilu ya wena
nwinyi, wena u mahile konkle loku
kukulisisisa, a ku maha nanza ga
wena gi tiba kona.
- 22 Ngahilezo wena u wa hombe, O Je-
hova Nungungulu: hakuba laho a
ku kona wo fanana na wena, ge laho
a ku kona Nungungulu hi lahandle
ka wena, kukotisa hi ka zonkle lezo
hina hi zi zwileko hi tindlebe ta
hina.
- 23 Na hi wihi a mufumo muwe lomu
misabeni wu fananako ni banhu ba
wena, bona ba Israeli, labo Nungu-
ngulu a lo ba klaklilele ka wutsumbu
ga yena a kuba banhu ba yena, ni ku
maha yena a bito, ni ku maha a zilo
za hombe za wena, ni zilo zi tsisako za
tiko ga wena, mahlweni ka banhu ba
wena, labo wena u klakliseleko ka
wena ba huma le Gipite, le mifu-
nweni ni banungungulu ba yona
ke?
- 24 Na wena hi wena u yimisileko a wu-
tsumbu ga wena a munhu wa wena
Israeli a kuba munhu ka wena kala
kupinzuka; na wena, Jehova, u ma-
hile a Nungungulu wabye.
- 25 Ni makunu, O Jehova Nungungulu,
a mhaka leyo wena u yi wulawuli-
leko xungetano ni nanza ga wena, ni
xungetano ni yindlu ya yena, yi ti-
yise wena kala kupinzuka, ni ku
maha kwatsi hilezi wena u wulawu-
lileko.
- 26 Na nga a bito ga wena gi kulisa kala
kupinzuka, aku, Jehova wa maba-
ndla i Nungungulu hehla ka Isra-
eli; ni yindlu ya nanza ga wena
Davida yi ta yimiswa mahlweni ka
wena.
- 27 Hakuba wena, O Jehova wa maba-
ndla, a Nungungulu wa ka Israeli,
wena u wonkelisile ka nanza ga
wena, uku, Mina nzi ta akela wena
a yindlu: hikwalaho gi kumile mbi-
lwini ya gona a nanza ga wena a
ku kombela lowo a mukombelo ka
wena.
- 28 Na makunu, O Hosi Jehova, wena
hi wena Nungungulu, ni timhaka ta-
zinene, na wena u tsumbisile lezi zilo
zo saseka ka nanza ga wena:
- 29 Makunu hikwalaho nga kona ku xa-
lalisa wena a ku katekisa yindlu ya
nanza ga wena, kasi yona yi fela ku-
nonohisa kala kupinzuka mahlweni
ka wena; hakuba wena, O Hosi Je-
hova, u wulile kona; hi zikatekiso
za wena nga a yindlu ya nanza ga
wena yi katekiswa kala kupinzuka.

XIPIMO 8.

- 1 Ni nzako ka lezi na ku mahisile
lezo, Davida i lo hlasela a ma Filisti,
i lo kozisa bona: na Davida i lo teka
a matomu ya muti wa mamani le
canjeni ga ma Filisti.
- 2 Na yena i lo hlasela a Moabi, na
yena i lo ringanyeta bona hi tixaxa,
i lo maha bona a ku eklela lahasi li-
ranzabyeni; na yena i lo ringanisa a
tixaxa timbiri a ku maha tona a ku-
fa, ni liawe lixaxa li tela a maha li
hanya. Ni ma Moabi ma lo maha ma-
lanza ya Davida, ba lo neha a nzubo.
- 3 Na Davida kambe i lo hlasela Ha-
dadezera a nwana wa Rehoba, a ho-
si ya Zoba, kwatsi hilezi a nga wa
famba kuya funungula a mufumo
wa yena le Congweni.
- 4 Na Davida i lo teka ka yena a kume
ga mazana ni nkalanu ni mambiri a
mazana ya ba banuna ba na mahaxi,
ni mambiri a kume ga mazana ya ba
banuna ba fambako hi mikonzo: na
Davida i lo haklulela yonkle misiha
ya mahaxi ya tikareta tabye, kanilezi
i lo lonzowota ka tona a zana ga ti-
kareta.
- 5 Ni a ma Siria ya Damaskusi ma nga
wa tile kuta vumetela Hadadezera a
hosi ya le Zoba, na Davida i lo hibi-
rita a ma Siria a makume mambiri
ya kume ga mazana ni mazana ma-
mbiri ya ba banuna.
- 6 Zonake Davida i beka a maviyo le
Siria ga le Damaskusi; ni ma Siria
ma lo maha malanza ya Davida, na
ba lo neha a nzubo. Na Jehova i lo
nyika a kuhlula ka Davida ni kani
hikwihi laho a yako.
- 7 Na Davida i lo teka a ziklangu za
nzalama lezo zi nga wa hi ka mala-

- nza ya Hadadezera, i lo neha zona le Jerusalema.
- 8 A ka le Beta ni le Beritai, a miti ya Hadadezera, a hosi Davida i teka a suku wu hunzeleleko kutala.
- 9 Ni laha Toi a hosi ya le Hamate a nga wa zwile lezaku Davida i kozi-sile wonkle a mabandla ya Hadadezera.
- 10 Zonake Toi i lo rumela Joram u a nwana wa yena ka hosi Davida, a ku losa yena, ni ku katekisa yena, hakuba yena i lwile na Hadadezera ni ku i kozi-sile yena: hakuba Hadadezera i wa hi ni timpi na Toi. Na Joram u i lota zinwe ni wutsumbu ga yena a zibya za siliva, ni zibya za nzalama, ni zibya za suku:
- 11 Lezi kambe a hosi Davida i lo zi nyikelelisisa ka Jehova, zinwe ni siliva ni nzalama leyo a nga wa nyikelelisile ya mifumo yonkle leyi a nga wa yi kozi-sile;
- 12 Ya le Siria, ni ya le Moabi, ni ya banana ba ka Aminoni, ni ya ma Fili-sti, ni ya ma Amaleki, ni mupango wa Hadadezera, a nwana wa Rehoba, a hosi ya le Zoba.
- 13 Na Davida i lo kumela yena a bito laha a nga wa wuyile hi le ko hlase-la a ma Siria le Mikobeni ya Munyu, hambu a kume ni nkalanu ni banhu-ru a kume ga mazana ya ba banuna.
- 14 Na yena i lo beka a maviyo le Edomi; ka gonkle ga ma Edomi yena i lo beka a maviyo, ni wonkle ma Edomi ma lo maha malanza ya ka Davida. Na Jehova i lo nyika a kuhlula ka Davida ni kwihlaha ya yako.
- 15 Na Davida i lo fumela wonkle Israeli; na Davida i lo tsanza a nongameto ni lulamisisiso ka bonkle banhu ba yena.
- 16 Na Joabe a nwana wa Zerua i wa hi hehla ka impi; na Jehoxafate a nwana wa Ahiluda i wa hi mukumbuxeti;
- 17 Na Zadoke a nwana wa Ahituba, na Ahimeleki a nwana wa Abiatar, ba wa hi bapristi; na Seraia i wa hi mutsali;
- 18 Na Benai a nwana wa Jehoiada i wa hi hehla ka ma Cereti ni ma Peleti; ni bana ba Davida ba wa hi manganakana ya hombe.

XIPIMO 9.

- 1 Na Davida i te ngalo, I kona wa [Sheetawa]

- kuba a siyilweko wa le ndlwini ka Saule, lezaku mina nzi kombisa yena a wuxinji hi kota ya Jonatani?
- 2 Ni laho ku wa hi kona a nanza ga yindlu ya Saule a bito ga yena ku nga wa hi Ziba, na ba lo bitana yena ka Davida; ni hosi yi te ngalo ka yena, Wena hi wena Ziba ke? Yena i te ngalo, A nanza ga wena gi yena.
- 3 Ni hosi yi te ngalo, Laho a ka hi kona wa yindlu ya ka Saule ke, kasi mina nza fela a ku kangeta a wuxinji ga Nungungulu ka yena ke? Na Ziba i te ngalo le hosini, Jonatani i na ni nwana, loye a nga xilema hi mikonzo.
- 4 Na hosi yi te ngalo ka yena, I kwihlaha yena ke? Na Ziba i te ngalo ka hosi, Languta, yena i le ndlwini ya Macira a nwana wa Ammieli, le Lo-debara.
- 5 Zonake a hosi Davida i lo rumela, i loya teka le ndlwini ya Macira a nwana wa Ammieli, le Lo-debara.
- 6 Na Mefiboxete, a nwana wa Jonatani, a nwana wa Saule, i lota ka Davida, i lowa hi ngohe ya yena, i lo maha xicabyo. Na Davida i te ngalo, Mefiboxete. Na yena i lo hlamura, Languta, a nanza ga wena!
- 7 Na Davida i te ngalo ka yena, U nga cabe; hakuba mina ha kunene nzi ta kombisa wena a wuxinji hi kota ya Jonatani a dadani wa wena, mina nzi ta klelisela ka wena yonkle a saba ga Saule a raru wa wena; na wena u taga a zibaba mezeni ya mina hi kusimasisilweko.
- 8 Na yena i lo maha a xicabyo, na a te ngalo, Xini a nanza ga wena, lezaku wena u wa ta nga u cuwuka hehla ka mbyana yi fileko minawu ke?
- 9 Zonake a hosi yi lo bitana Ziba, a nanza ga Saule, na te ngalo ka yena, Zonkle lezi zi nga za ka Saule ni za yonkle a yindlu ya yena mina nzi zi nyika ka nwana wa hosi ya wena.
- 10 Na wena u ta rima a masimu ya yena, wena, ni badana ba wena, ni malanza ya wena; na wena u ta neha a mibanzo, kasi a nwana wa hosi ya wena wa fela ku kuma zibaba a ku-ga: kanilezi Mefiboxete a nwana wa winye ya wena i taga zibaba xonkle xikati mezeni ya mina. Makunu Ziba i wa hi ni kume ni nkalanu a barisanyana ni makume mambiri a malanza.

- 11 Zonake ku lo wula Ziba ka hosi, Ku-

kotisa ka zonkle lezo a nwinyi wa mina a hosi yi leleteleko a nanza ga yona, zingaho a nanza ga wena gi ta maha. Kwatsi ha Mefiboxete, ku wulileko a hosi, yena i taga mezeni ya mina, kwatsi hi muzwe wa bana ba hosi.

- 12 Na Mefiboxete i wa hi ni nisanyana muswa, loye a bito ga yena a nga wa hi Mika. Ni bonkle labo ba nga wa tsamile lomo ndlwini ka Ziba ba wa hi malanza ka Mefiboxete.
- 13 Zingaho Mefiboxete i lo tsama le Jerusalema; hakuba i loga hi kusimamisiweko le mezeni ya hosi. Na yena i wa hi xilema mikonzwini yonkle ya yena.

XIPIMO 10.

- 1 Na ku mahisile lezo a nzako ka lezi, lezaku a hosi ya banana ba ka Ammoni yi lofa, na Hanuna a nwana wa yena i lo fuma xikundleni xa yena.
- 2 Na Davida i te ngalo, Mina nzi ta kombisa a wuxinji ka Hanuna a nwana wa Nahaxi, kwatsi hilezi a raru wa yena a nga wa kombisile a wuxinji ka mina. Zingaho Davida i lo rumela hi malanza ya yena a ku cabelela hi xungetano ni dadani wa yena. Ni malanza ya Davida ma lota lomo tikweni ga banana ba ka Ammoni.
- 3 Kanilezi a tihosana ta banana ba ka Ammoni ba te ngalo ka Hanuna a hosi yabye, U alakanya wena lezaku Davida i maha kudzunza a raru wa wena ke, a ka lezo yena a rumeleko a kucabelela ka wena? yena Davida a nga rumangi a malanza a yena a ku ta hlola a muti, ni kuta kambela wona, ni ku ta hangalasa wona ke?
- 4 Zingaho Hanuna i lo teka a malanza ya Davida, i lo cinga bona a kihlanya ga zilevu zabye, i lo tsema a tinguwotabye hi laha xikari, kala kuta laha xikabeni zabye, i lo rumela bona ba fumba.
- 5 La ha bona ba nga wa byelile kona ka Davida, yena i lo rumela ku kinga bona; hakuba a ba banuna ba wa tsingelwa hi tingana. Ni hosi yi te ngalo, Tsamani le Jeriko kala a zilevu za nwina zi kulie, na zonake mu ta wuya.
- 6 Ni laha a banana ba ka Ammoni ba nga wa wonile lezaku bona ma-

hile a libengo ka Davida, ni banana ba ka Ammoni ba rumela a kuya riha a ma Siria ya le Bete-rehoba, ni ma Siria ya le Zoba, makume mambiri ya kume ga mazana a ba banuna ba mikonzo, ni hosi ya le Maaka yi wa hi ni kume ga mazana ya ba banuna, ni ba banana ba Toba kume ni mambiri a kume ga mazana ya ba banuna.

- 7 Ni laha Davida a nga wa zwile ha kona, yena i lo rumela Joabe, ni wonkle a mabandla ya banhu ba tihlenha.
- 8 Ni banana ba ka Ammoni ba lo huma lahandle, ba lo hlomisa impi a maklari le wuengenweni ga nyangwa: ni ma Siria ya le Zoba ni ya le Rehoba, ni ba banuna ba le Toba ni ba le Maaka, ba loya a wutsumbu gabye le kulweni.
- 9 Makunu laha Joabe a nga wa wonile lezaku a impi yi longele ku vukela yena a mahlweni ni le nzako, yena i lo hlawula bonkle ba banuna ba langelweko ka Israeli, ni ku ba hlomisa a maklari ba vukela a ma Siria:
- 10 Ni bonkle ba banuna ba seleko i lo ba nyikela canjeni ga Abixai a nakulobye wa yena, na yena i lo ba hlomisa maklari ba vukela a banana ba ka Ammoni.
- 11 Na yena i te ngalo, Loku a ma Siria ma hi ni ntamo ku hunza mina, sonake wena u ta vunetela mina; kanilezi loku a banana ba ka Ammoni ba hi ni ntamo ku hunza wena, sonakemina nzi tatanzi ta-vuna wena.
- 12 U nga be nahlanekero, nga hina hi mahe hi wununa hi banhu ba ka hina, ni muti wa Nungungulu wa hina: na Jehova a mahe lezo zi wonekako kwatsi kusasa ka yena.
- 13 Zingaho Joabe ni ba banuna labo ba nga wa hi zizwe na yena ba lo tsinela kusuhaneni le impini a ku ya vukela ma Siria; na wona ma lo tsutsuma mahlweni ka yena.
- 14 Ni laha a banana ba ka Ammoni ba nga wa wonile lezaku a ma Siria ma panzanyikile, bonawu kambe ba lo tsutsuma mahlweni ka Abixai, ba lo engena lomu mutini. Zonake Joabe i lo hlola hi le ka banana ba ka Ammoni, i lota le Jerusalema.
- 15 Ni laha a ma Siria ma nga wa wonile lezaku wona ma bekiwe tikuruxwini mahlweni ka banana ba ka

- Israeli, bona ba lo tsombanyisela a wutsumbu gabye katiginwe.
- 16 Na Hadarezera i lo rumela, ni ku ya neha a ma Siria lawo ma nga wa hi klatukweni wa Congo: na bona ba lota le Helama, zinwe na Xobaka a nduna ya impi ya Hadarezera a hi hloko yabye.
- 17 Na kona ku wa lo byelwa Davida; na yena i lo tsombanyisela wonkle Israeli katiginwe, ni ku hunza a klatuka Jordani, ba lota le Helama. Ni ma Siria a ma lo hloma maklari a wutsumbu gabye ba vukela Davida, na yena i lolwa zinwe na bona.
- 18 Ni ma Siria ma tsutsuma mahlweni ka Israeli; na Davida i lo hlasela a ba banuna ba ma Siria a ba banuna ba nklanu ni mambiri mazana ya tikareta, ni mune wa makume ya kume ga mazana a ba banuna ba mahaxi, ba lo daya Xobaka a nduna ya impi ya bona, lezoke yena i lofa leyo.
- 19 Ni laha a tihosi leto ti nga wa hi malanza ya Hadarezera ma nga wa wonile lezaku bona ba bekilwe tikuruxwini mahlweni ka Israeli, bona ba lo maha kurula zinwe na Israeli, ni kukozela bona. Zingaho a ma Siria ma wa cabysisilwe a ku engeta ba vuna a banana ba ka Ammoni kamba.

XIPIMO 11.

- 1 Na ku mahisile lezo, kuklelweni ka lembe, hi xikati lexo a tihosi ti nga huma tiya le impini, lezaku Davida i lo rumela Joabe, ni malanza ya yena zinwe na yena, ni wonkle Israeli; na bona ba lo lobisa a banana ba ka Ammoni, ba lo vimbezela Raba. Kanilezi Davida i wa sele le Jerusalema.
- 2 Na ku mahisile lezo laha gambyeni, lezaku Davida i lo suka hi laha mubedini wa yena, i lo famba le hehla ka langwa la yindlu ya hosi: hi le langweni yena i lo wona a wasati na a harl a hlamba; ni wasati i wa hi ni wumburi ku cuwukekeni.
- 3 Na Davida i lo rumela a kuya wutisa le nzako ka wasati. Ni muzwe i te ngalo, A hi yena Bate-xeba, a nanyana wa Eliama, a sati wa Uria a mu Hiti ke?
- 4 Na Davida i lo rumela a mitsumi, a kuya teka yena; na yena i lota lomo

ndlwini ka yena, na yena i lo eklela zinwe na yena (hakuba yena i wa basisilwe ku kungahlazekangiko ka yena); na yena i lo kclelela le ndlwini ya yena.

- 5 Ni wasati i lo xura nyimba; na yena i lo rumela a byela Davida, na a te ngalo, Mina nzi na ni nyimba.
- 6 Na Davida i lo rumela ka Joabe, aku, Rumela ka mina Uria a mu Hiti. Na Joabe i lo rumela Uria ka Davida.
- 7 Ni laha Uria a nga wa tile ka yena, Davida i lo wutisa ha yena lezaku Joabe i mahisa kuyini, ni lezaku a banhu ba tsamisile kuyini, ni lezaku a impi yi vuvumisa ku yini.
- 8 Na Davida i te ngalo ka Uria, Famba u relela uya le ndlwini ya wena, ni ku hlaza a mikonzo ya wena. Na Uria i lo suka le ndlwini ya hosi, ni laho ku lo lanzela yena a ngelo wa kuga kuta hi le ka hosi.
- 9 Kanilezi Uria i lo eklela le nyangweni ya hosizizwe ni wonkle a malanza ya hosi ya yena, yena a i wa nga relelangi aya le ndlwini ya yena.
- 10 Ni laha bona ba nga wa byelile Davida, aku, Uria a nga relelangi aya le ndlwini ya yena, Davida i te ngalo ka Uria, Wena a ku tangi hi le lwezweni ke? Ngahilezo wena a ku yangi le ndlwini ya wena ke?
- 11 Na Uria i te ngalo ka Davida, A arke, ni ba ka Israeli, na Juda, ba tsamile mixaxeni; ni hosi Joabe, ni malanza ya hosi ya mina, ba gobile le handle le mikobeni; minake nzi ta famba le ndlwini ya mina, a ku yaga ni ku yanwa, ni ku eklela ni sati wa mina ke? kwatsi hilezi wena u hanyako, kwatsi hilezi a muhefemulo wa wena wu hanyako, mina nzi nga ta maha lexi xilo.
- 12 Na Davida i te ngalo ka Uria, tsama laha i nyamukla kamba, na manziko nzi ta maha wena u famba. Zingaho Uria i lo tsama le Jerusalema lego siku, na manziko.
- 13 Ni laha Davida a nga wa bitanile yena, yena i loga i lonwa mahlweni ka yena; na yena i lo mu popiwisa: ni laha gambyeni yena i loya mubedini wa yena zinwe ni malanza ya hosi, kanilezi yena a nga relelangi aya le ndlwini ya yena.
- 14 Na ku mahisile lezo laha mixweni, lezaku Davida i lo tsala a papilo ka

- Joabe, ni ku rumela gona hi canja ga Uria.
- 15 Na yena i lo tsala lomu papilweni, aku, Rumela Uria kwaleyo nghangheni laho yi hisisako kona impi, *nwina* mu su tsikeleta yena, lezaku yena a gwaziwa, afa.
- 16 Na kona na ku mahisile lezo, ni laha Joabe a nga wa hlalisa ku rinzela a muti, lezaku yena i lo pfokometa Uria wutsanweni lego a gi tibako lezaku laho hi laho ku na nga ni ba banuna ba makawulo.
- 17 Ni ba banuna ba muti ba lo huma, ba lolwa zizwe na Joabe: laho ku lowa banwani ba banhu, bona ba malanza ya Davida; na Uria a mu Hiti i lofa kambe.
- 18 Zingaho Joabe i lo rumela a byela Davida zonkle zilo xungatano ni impl;
- 19 Na yena i lo lelela a mitsumi, aku, Laha *nwina* na mu gumesile a ku byela a zilo zonkle za xungetano ni impi ka hosi,
- 20 Na kona ku ta kuba lezo lezaku, lo-ku a zanga ya hosi yi biluka, yena a ku ngalo wa wena, Ngahilezo *nwina* mu loya laha ku suhani ni muti mu yalwa ke? mu wa nga zi tibi lezaku bona ba nga ta panda hi le kurisini ke?
- 21 Nzi mani a nga daya Abimeleki a *nwana* wa Jerubbexete? a hi wasati loye a nga wa hoxile a ri/ye ga kugaya hehla ka yena hi le kurisini, zingaho lezo yena i lofa le Tebeza ke? hi yini *nwina* mu tsineleko ku suhani nguvu ni kurisi ke? zonake wena u ta ku ngalo, A nanza ga wena Uria a mu Hiti i filewo kambe.
- 22 Zingaho a tsumi wu lo famba, i lota a ta kombisa Davida zonkle lezo Joabe a mu rumelako zona.
- 23 Ni tsumi wu te ngalo ka Davida, Ni ba banuna ba lo hlula ba vukela hina, ba lo huma bata ka hina le hanelle, hina hi wa hi hehla ka bona kwaleyo kuengeneni ka nyangwa.
- 24 Ni bapandi ba lo fula hehla ka malanza ya wena hi le kurisini; ni ba *nwani* ba malanza ya hosi ba file, ni nanza ga wena Uria a mu Hiti i file kambe.
- 25 Zonake Davida i te ngalo ka tsumi, Zakungahi wena u ta nga wula ka Joabe, Nga lezi zilo zi nga be zi nga xalalisiko wena, hakuba supado yi
- kadamula mu~~n~~we nguvu kwatsi hi mu~~n~~wani; maha impi ya wena a ku tiyiseta mu vukela a muti, ni ku halilula wona: wena tiyisa yena wena.
- 26 Ni laha a sati wa Uria a nga wa zwile lezaku Uria a nuna wa yena i file, yena i lo maha mikosi hi nuna wa yena.
- 27 Ni laha a xirilo xi nga wa hunzile, na Davida i lo rumela ku ya teka yena kaya aya ndlwini ya yena, na yena i lo maha sati wa yena, na yena i lo tralela yena a nisanyana. Kanilezi a xilo lexo Davida a xi mahileko a xi xalalisangi Jehova.

XIPIMO 12.

- 1 Na Jehova i lo rumela Natani ka Davida. Na yena i lota ka yena, na te ngalo ka yena, La ho ku wa hi kona ba banuna bambiri lomu mutini; ni mu~~n~~we i wa fumile, ni mu~~n~~wani i wa hi xisiwana.
- 2 Ni munhu a fumileko i wa hunzeletile a kupfuna a muklambi ni maranga ya tihomu;
- 3 Kanilezi a munhu wa xisiwana i wa nga hi na ncumo, saseka a kundlwana mu~~n~~we, lowo yena i lo wu xabileko i lo wundla: na wona wu lo kula katigane na yena, *zizwe* ni banana ba yena; na wona wu loga a xipanzana xa yena *nwinyi*, wu lonwa lomo kotreni ya yena *nwinyi*, ni ku eklela laha xifubeni xa yena, wu su kwatsi ka yena xinhanyatana xa yena.
- 4 Ni laho ku lota a baenzi ka munhu wa kupfuna, yena i lo tsika a ku teka yivu ya yena ni homu ya yena *nwinyi*, a ku fihluta a muenzi loye a nga wa tile ka yena, kanilezi i lo teka a ivana ya munhu wa xisiwana, a fihluta ha yona a munhu loye a nga wa tile ka yena.
- 5 Ni zanga ya Davida yi wa vindluki-silwe hi kukulisisilweko hi loye a munhu; na ku lo wula Natani, Kwatsi hilezi Jehova a hanyako, a munhu loye a mahileko lexi xilo i fanelwe hi kufa:
- 6 Na yena i ta wuyisela a ivana hi ku engetilweko ka mune, hakuba yena i mahile lexi xilo, hakuba yena a nga na titalo.
- 7 Na Natani i te ngalo ka Davida, Wena hi wena munhu loye. Zakungahi a wulako Jehova, a Nungungulu wa ka Israeli, mina nzi mu to-

GA WUMBIRI GA SAMUELI, 12.

- tile wena a hosi hehla ka Israeli, na mina nzi klaklisile le canjeni ga Saule;
- 8 Na mina nzi nyikile wena a yindlu ya hosi ya wena, ni basati ba hosi ya wena xifubeni xa wena, ni ku nyika wena a yindlu ya ka Israeli ni ya ka Juda; ni loku wena u wa nga enelisiwanga, mina nzi wa ta engetela a zakungahi ni zakungahi zilo.
- 9 Ngahilezo wena u tsawisile a mha-ka ya Jehova, a ku maha lezo zi bihileko kuwoneni ka yena ke? Wena u dele Uria a mu Hiti hi supado, u tekile ni sati wa yena a kuba sati wa wena, wena u dele yena hi supado ya banana ba ka Ammoni.
- 10 Makunu hikwalaho a supado yinga cima yi ta suka lomu ndlwini ya wena, hakuba wena u kanyisile mina, u tekile a wasati Uria a mu Hiti a kuba sati wa wena.
- 11 Zakungahi a wulako Jehova, Languta, mina nzi ta vuxa a kubika ku vukela wena lomu ndlwini ya wena; mina nzi ta teka basati ba wena mahlweni ka ngohe ya wena, ni ku nyika bona ka mu akelwane wa wena, na yena i ta eklela ni basati ba wena kuwoneni ka legi gambo.
- 12 Hakuba wena u ku mahile xikundleni: kanilezi mina nzi ta maha lexi xilo mahlweni ka wonke Israeli, ni mahlweni ka gambo.
- 13 Na Davida i te ngalo ka Natani, Mina nzi onhile nzi vukela Jehova. Na Natani i te ngalo ka Davida. Jehova kambe i susile kule xionho xa wena; wena u nga ta kufa.
- 14 Ahemba, hakuba hi lexi ximaho wena u nyikile a xibango xa hombe ka balala ba ka Jehova a kurukatelela, ni nwanana kambe loye a ta nga tralelela ka wena ha kunene i ta kufa.
- 15 Na Natani i lo suka aya le ndlwini ya yena.
Na Jehova i wa loba a xinwanana lexi a sati wa Uria a tralele ka Davida, xi wa tsingelwe hi kubabya.
- 16 Davida hikwalaho i lo kongotela Nungungulu hi kota ya nwana; na Davida i lo yila, i lo engena ndlwini, i lo eklela lahasi misabeni gonke wusiku.
- 17 Ni masingalakati ya yindlu ya yena ma lo suka, ma lo yima hi laha rebeni ga yena, a ku vuxa yena laha misabeni: kanilezi yena i wa nga a nga vumeli, ge yena hambu a kuga zibaba ziwe na bona.
- 18 Na ku mahisile hi siku ga nkani ni mambiri a xinwanana xi lofa. Ni malanza ya Davida ma lo cala ku byela yena lezaku a xinwanana xi file; hakuba bona ba te ngalo, Languta, hambu a xinwanana xi nga wa kari xi hanya, hina hi lo wulawula ka yena, yena i wa nga ingisangi ka gezu ga hina: ku ta ku yini zonake a kuhloka ka wutsumbu ga yena, loku hina hi byela yena lezaku a xinwanana xi file!
- 19 Kanilezi laha Davida a nga wa wonile lezaku a malanza ya yena ma hlebelana katigiwe, Davida i lo pima lezaku a xinwanana xi file; na Davida i te ngalo ka malanza yena, A xinwanana xi file ke? na bona ba te ngalo, Yena i file.
- 20 Zonake Davida i lo suka hi laha misabeni, na lo hlamba, i lo tota a wutsumbu ga yena, i lo hendleleta a tinguwo; yena i lota lomo ndlwini ka Jehova, i lo ta kozela: zonake yena i lota le ndlwini ya yena nwyni; laha yena na wutisile, bona ba lo beka zibaba mahlweni ka yena, yena i lo kuga.
- 21 Zonake ku lo wula a malanza ya yena ka yena, Za kuyini zilo za lezi wena u mahileko? Wena u lo yila ni kurilela a xinwanana, laha na xona na xa ha hanya; kanilezi laha a xinwanana na xi file, wena u lo suka nga zibaba.
- 22 Na yena i te ngalo, Laha a xinwanana xi nga wa ha hanya, mina nzi lo yila nzi lo rila: hakuba nzi te ngalo, Nzi mani a zitibako lezaku Jehova a nga ta kuba na wuxinji ka mina, lezaku a nwanana kutani a nga hanya ke?
- 23 Kanilezi makunu yena i file, Ngahilezo mina nzi wa ta nga nzi yila ke? mina nzi ta zi kota ku mu kellela a wuya kambe ke? mina nzi taya ka yena, kanilezi yena a nga ta ha kellela kambe a wuya ka mina.
- 24 Na Davida i lo cabelela Bate-xeba a sati wa yena, yena i lo engena ka yena, i lo eklela ziwe na yena: yena i lo trala nisananya, na yena i lo cula bito ga yena Solomoni. Na Jehova i lo ranza yena;
- 25 Na yena i lo ruma hi canja ga Natani a muprofeti; na yena i lo cula

GA WUMBIRI GA SAMUELI, 13.

- a bito ga yena Jedidia, hakuba hi kota ya Jehova.
- 26 Makunu Joabe i lolwa a vukela Raba ga banana ba ka Ammoni, i lo teka a muti wa xilubelo.
- 27 Na Joabe i lo rumela a mitsumi ka Davida, i te ngalo, Mina nzi lwile nzi vukela Raba; ina, mina nzi tekile a muti wa mamati.
- 28 Makunu hikwalaho tsombanyisa bonkle banhu ba seleko katiginwe, ni ku goba ba vukela a muti, ni ku teka wona; ku nga taku mina nzi nga ku teka a muti, na wona wu culiwa hi bito ga mina.
- 29 Na Davida i lo tsombanyisa bonkle banhu katiginwe, i loya le Raba, ba lolwa ba vukela wena, ba lo teka wona.
- 30 Na yena i lo teka a xidlodlo xa hosi ya bona hlokweni ya yena; ni kubi-nza ka xona ku wa hi a talenta ga nzalama, ni ha xona ku wa hi mari-bye ma sasekileko; na xona xi wa mehelwe lomo hlokweni ya Davida. Na yena i lo neha a mupango wa muti, wu wa hunzeletile ku tala.
- 31 Na yena i lo humesa a banhu labo ba nga wa hi lomo, i lo beka bona lahasi ka tisaruti, ni lahasi ka miklo-nga ya ziketse, ni lahasi ka zikloka za ziketse, i lo maha ba hunza ba tse-makanya le ndlwini ya zitini: za-kungahi yena i lo maha ka yonkle a miti ya ba Ammoni. Na Davida ni banhu ba bonkle ba lo klelela le Je-rusalema.

XIPIMO 13.

- 1 Na ku mahisile lezo a nzako ka lezi, lezaku Absalome a nwana wa Davida i wa hi ni litrikla la makweru, loye a bito a nga wa hi Tamara; na Ammoni a nwana wa Davida i lo ranza yena.
- 2 Na Ammoni i wa lo hlokiwa lezaku yena i lowa a babya hakuba hi makweru wa yena Tamara; hakuba yena i wa hi mubulwa; zona zi wa ku tsanza ka Ammoni a ku maha ncumo ka yena.
- 3 Kanilezi Ammoni i wa hi ni mungana, loye a bito a nga wa Jonadaba, a nwana wa Ximea, a nakulobye wa Davida: na Jonadaba i wa hi munhu a nga wa hi nrori ya hombe nguvu.
- 4 Na yena i te ngalo ka yena. Hiyini, O nwana wa hosi, wena zakungahi

wa onza hi masiku ke? wena u nga ta byela mina ke? Na Ammoni i te ngalo ka yena, Mina nzi ranza Tamara, a makweru wa nakulobye wa mina Absalome.

- 5 Na Jonadaba i te ngalo ka yena, Eklela wena le mubedini wa wena, u xengetela a wutsumbu ga wenu ku kwatsi wa ku babya: ni laha a raru wa wena a ta nga ku wona wena, wula ka yena, Nga makweru wa mina Tamara ata, nza kombela wena, ni ku nyika mina a zibaba a kuga, a ta bika kuga kuwoneni ka mina, kasi mina nza fela ku wo-na kona, ni kuga kona canjeni ga yena.
- 6 Zingaho Ammoni i lo eklela lahasi, ni kuxengetela wutsumbu ga yena ku babya: ni laha a hosi yi nga wa tile ku wona yena, na Ammoni i te ngalo ka hosi, Nga makweru wa mina Tamara ata, mina nza kombela wena, a ta maha ka mina a zikeke-tselo zimbiri kuwoneni ka mina, kasi mina nza fela kuga le canjeni ga yena.
- 7 Zonake Davida i lo rumela kaya ka Tamara, aku, Famba makunu le ndlwini ya makwenu Ammoni, u ya bikela yena kuga.
- 8 Zingaho Tamara i loya le ndlwini ya makwenu wa yena Ammoni; na yena i wa eklele. Na yena i lo teka a mapa, i lo kanyanga wona, i lo maha zikeketselo kuwoneni ka yena, i lo bika zikeketselo.
- 9 Yena i lo teka a ngelo, i lo nukula zona mahlweni ka yena; kanilezi yena i lo ala kuga. Na Ammoni i te ngalo, Humesa bonkle banhu laha ka mina. Na bona ba lo huma bonkle banhu ka yena.
- 10 Na Ammoni i te ngalo ka Tamara, Neha zakuga lomu ndlwini, kasi mina nza fela kuga le canjeni ga wena. Na Tamara i lo teka a zikeke-tselo lezi yena a nga wa zi mahle, i lo neha zona lomu ndlwini ka Ammoni a makwanu wa yena.
- 11 Ni laha yena a nga wa nehle zona ku suhi ka yena a kuga, yena i lo koma yena, yena i te ngalo ka yena, Ngona, u eklela na mina, makweru wanga.
- 12 Na yena i lo hlamula yena, Kokwihi, makabye wa mina, u nga kurumeti mina; hakuba a kuna xilo xakungahi xi faneleko ku mahiwa ka

- Israeli: u nga mahi wena lego wu-pupulu.
- 13 Na mina, hikwihi laha mina nzi ta nga rwala tingana ta mina ke? na kwatsi hi wena, u taba wa ku ko-ta munwe wa mapupulu lomo ka Israeli. Makunu hikwalaho, mina nza kombela wena, wulawula ka hosi; hakuba yona yi nga ta tsimbetela mina ka wena.
- 14 Ahemba yena i wa nga ingisangi a ka gezu ga yena; kanilezi na a nga na hi ni ntamo kuhunza yena, i lo kurumeta yena, i lo eklela zinwe na yena.
- 15 Zonake Amnoni i lo benga yena hi libengo li hunzeleleko li kula; hakuba a libengo lolu yena a nga wa benga yena li wa hi la hombe ku hunza kuranza loku a nga wa muranza ha kona. Na Amnoni i te ngalo ka yena, Suka, u ti fambela.
- 16 Na yena i te ngalo ka yena, A zingaho, hakuba lexi kugoha ka hombe a ku hlongola mina kona ku bihile ku hunza kuwani loku wena u mahileko ka mina. Kanilezi yena i wa nga a nga ingisangi ka yena.
- 17 Zonake yena i lo bitana a nanza ga yena lego gi nga wa yimelela yena, i te ngalo, Humesa loyi a wasati a huma laha ka mina, ni ku kwinyara libati lenzako ka yena.
- 18 Na yena i wa hi ni nguwo ya mubala wuhambeneko hehla ka yena; hakuba a tinguwo ta kungahi ti wa ambalwa hi banhanyana ba hosi labo ba nga mibulwa yi bombiswako. Zonake a nanza ga yena gi lo ncha yena le hantle, gi lo kwinyara a libati anzako ka yena.
- 19 Na Tamara i lo mehela a kuma le hlokweni ya yena, i lo hanzula a nguwo ya yena ya mabala leyo yi nga wa hi hehla ka yena; na yena i lo klateka a mikono ya yena hlokweni ya yena, na a lo famba, na a rila a kanyuluka kwatsi hilezi a nga wa famba.
- 20 Na Absalome a makwenu wa yena i te ngalo ka yena, A Amnoni a makwenu wa wena a nga wa kari a hi na wena ke? kanilezi makunu miyela, makweru wanga: yena makwenu wa wena; u nga teki lezi zilo mbi-lwini. Zingaho Tamara i lo tsama na te curwa lomo ndlwini ya makabye wa yena Absalome.
- 21 Kanilezi laha a hosi Davida a nga wa zwile hi lezi zilo zonkle, yena i wa lasu tsingelwa hi kuzangara.
- 22 Na Absalome i wa nga wulawulangi ka Amnoni hambu kusasa hambu kubiha; hakuba Absalome i wa lo benga Amnoni, hakuba yena i kurumetile a makwerwana wa yena Tamara.
- 23 Na ku mahisile lezo anzako ka malembe mambiri ma teleko, lezaku Absalome i wa hi ni bakayi ba tiyivu ke Baal-hazora, legi gi wa hi le ka Efraime: na Absalome i wa lo ramba bonkle a ba barisanyana ba hosi.
- 24 Na Absalome i lota le ka hosi, na te ngalo, Languta makunu, a nanza ga wena gi na ni bakayi ba tiyivu; nga a hosi, mina nza kombela wena, ni malanza ya yona ma famba zinwe ni nanza ga yona.
- 25 Ni hosi yi te ngalo ka Absalome, Kokwihi, wana wanga, nga hina bonkle hi nga fambi, ku nga taku hina hi minzwalo ka wena, Yena i lo tsimbeketa yena: ahemba yena i wa nga a nga fambangi, kanilezi i lo katekisa yena.
- 26 Zonake ku lo wula Absalome, Loku u ala, mina nza kombela wena, nga a makabye wa mina Amnoni a famba zinwe na hina. Ni hosi yi te ngalo ka yena, Hi kuyini yena a nga ta nga a famba zinwe na wena ke?
- 27 Kanilezi Absalome i tsimbeketa yena, yena i lo vumela Amnoni ni bonkle barisanyana ba hosi ku famba zinwe na yena.
- 28 Na Absalome i lo leletela a malanza ya yena, aku, Hlohlosani wina makunu, laha a mbilu ya Amnoni yi narileko hi waini; ni laha mina nzi ta nga wula ka wina, Dayani Amnoni, zonake dayani yena; mu nga cabbe; a hi mina nzi leleteleko wina ke? mu nga be na hlanekero, nga mu be ni makawulo.
- 29 Ni malanza ya ka Absalome ma lo maha ka Amnoni kwatsi hi lezi Absalome a leleteleko. Zonake a bonkle a banana ba hosi ba lo suka, ni bonklelele ba banuna ba lo kilela timbongola tabye, ba lo tsutsuma.
- 30 Na ku mahisile lezo, laha ba nga wa hi lomo ndleleni, lezaku a mahungu ma lota ka Davida, aku, Absalome i dele bonkle a banana ba hosi, ni laho a ku kona wa bona a seleko.

- 31 Zonake a hosi yi lo suka, yi lo hanzula a tinguwo ta yona, i lowa laha misabeni; ni malanza ya yena ma lo yima hi laho na tinguwo ta wona na ti hanzulwe.
- 32 Na Jonadaba, a nwana wa Ximea, a makabye wa Davida, i lo hlamula i te ngalo, Nga a hosi ya mina yi nga kanakaneli lezaku bona ba dele wonkle a majaha a barisanyana ba hosi; hakuba a Ammoni yece a fileko: hakuba hi kuhlrawula ka Absalome loku ku wa xubyilwe ku sukela ka siku lego yena a nga wa kurumetile makwaru wa yena Tamara.
- 33 Makunu hikwalaho nga a raruwamuni a hosi a nga teki le xilo mbilwini ya yena, a ku alakanya bonkle barisanyana ba hosi ba file; hakuba nzi Ammoni yece a fileko.
- 34 Kanilezi Absalome i lo tsutsuma. Ni jaha lego gi nga wa hlayisa kurinzela i lo klakusa a mahlo ya yena, na a lo cuwuka, ni, languta, laho ku lota banhu bo tala hi ndlela ya klelo ga mitsurana le nzako ka yena.
- 35 Na Jonadaba i te ngalo ka hosi, Languta, a barisanyana ba hosi bata: kwatsi hilezi a nanza ga wena gi wulileko, zingaho lezo.
- 36 Na ku mahisile lezo, kwatsi hi xilokuloku xa lezi a nga wa mahile kugumelwa a kuwulawula, lezaku, languta, a barisanyana ba hosi ba lota, na ba lo klakusa a gezu gabye, ba lo rila: a hosiwo kambe ni wonkle a malanza ya yona ba lo rila hi kutsikwilisilweko.
- 37 Kanilezi Absalome i lo caba, na a loya le ka Talmai a nwana wa Ammihura, a hosi ya le Gexura. Na Davida i lo rilela a nwana wa yena wonklelele masiku.
- 38 Zingaho Absalome i lo cabela, i loya le Gexura, na a wa hi le malembe manharu.
- 39 Ni muhefemulo wa hosi Davida wu wo xuba a ku suka wuya ka Absalome: hakuba yena i wa cabelelwe hi xungetano na Ammoni, na wona lezaku yena i wa file.

XIPIMO 14.

- 1 Makunu Joabe a nwana wa Zerula i lo pima lezaku a mbilu ya hosi yi wa mbulukelela a Absalome.
- 2 Na Joabe i lo rumela ka Tekoa, i loya teka leyo a wasati wa kutiba,

na a te ngalo ka yena, Nza kombela wena, xengetela a wutsumbu ga wena a kuba murili, u ambala a tinguwo ta kurila, mina nza kombela wena, u nga toti a wutsumbu ga wena hi mafura, kanilezi ti mahe a wasati loye hi xikat! xa hombe a rilelako wa kufa:

- 3 Ni ku ni kuya engena ka hosi, ni ku wulawula hi laya maxuxela ka yena. Zingaho Joabe i lo beka timhaka no-nwini wa yena.

- 4 Ni laha a wasati wa le Tekoa a wulawulile ka hosi, yena i lowa hi ngohe ya yena laha liranzyeni, i lo maha xicabyo, i te ngalo, Vuna, O hosi.

- 5 Ni hosi yi te ngalo ka yena, Wa ku sungwa xini wena ke? Na yena i lo hlamula, Ha kunene mina nzi noni, ni nuna wa mina i file.

- 6 Ni nanza ga wena ga xisati gi wa hi ni barisanyana bambiri, bona bambiri ba lo holoba katiginwe seyo handle, ni laho ku wa nga hi kona a wa ku abanyisa bona, kanilezi munwani i lo lamata munwani, i lo daya yena.

- 7 Ni, languta, wonkle a ngango wu lo suka wu vukela a nanza ga xisati ga wena, na bona ba te ngalo, Nyikela yena loye a deleko makabye, kasi hina ha fela ku daya yena hi wutomi ga makabye loye yena a mu deleleko na zingaho kulobisa a xitralwa kambe. Zingaho ba ta su pfita a nkala ga mina gi seleko, na ba ta siya ka nuna wa mina ge hambu bito ga salela hehla ka ngohe ya misaba.

- 8 Ni hosi yi te ngalo ka wasati, Yana le ndlwini ya wena, mina nzi ta nyika ku layela ha wena.

- 9 Ni wasati wa le Tekoa i te ngalo ka hosi, Nwinyi wanga, O hosi, a kugoha nga ku hi ka mina, ni le ndlwini ya raru wa mina; a hosi ni xitsamo xa wukosi xa yena uga a nga be nananzu.

- 10 Ni hosi i te ngalo ka yena, Kani nzi mani a wulako cilo ka wena, neha yena ka mina, na yena a nga ta ha engeta a kumba wena kambe.

- 11 Zonake ku lo wula yena, Mina nza kombela wena, nga a hosi yi alakanya Jehova a Nungungulu wa yona, lezaku a kulobisa ka nkata ku nga ha engeti kambe, ku nga taku ba lobisa a nwana wa mina. Na ye-

- na i te ngalo, Kwatsi hilezi Jehova a hanyako, laho ku nga ta kuba kona a sisi munwe wa nwana wa wena wu ta nga kuwa laha misabeni.
- 12 Zonake a wasati i te ngalo, Nga a nauza ga wena ga xisati, mina nza kombela wena, gi wula a mhaka ka nwinyi wa mina a hosi, Na yena i te ngalo, Wulawulake.
- 13 Ni wasati i te ngalo, Ngahilezo wena zonake wena u hile mano hi zilo zakungahi u vukela banhu ba ka Nungungulu ke? hakuba hi ku wulawula leyi mhaka a hosi ku kwatsi hi munwe loye a onhileko, a ka lezo a hosi yi nga yeliko a wuya kaya kambe loye a kwabekako wa yena.
- 14 Hakuba a ku sungwi hi ku laba kufa, ni ku kwatsi hi mati ma hala-keleko liranzyeni, lawo ma nga hiko na ku wungeletelwa kambe; ge hambu Nungungulu a nga susi a wutomi, kanilezi a mano ya mala-nga, lezaku loye a kwabekako a nga be a hoxelwe magomo ka yena.
- 15 Makunu hikwalaho na u wona leza-ku mina nzi tile nzi ta wulawula a timhaka leti ka raruwamuni a hosi, kona hilezi a banhu ba nga wa mahile mina nzi caba: ni nanza ga xisati ga wena gi te ngalo, Mina makunu nzi ta wulawula ka hosi; kona ku fela ku a hosi yi ta humele-lisa a kuwutisa ka nanza ga yona.
- 16 Hakuba a hosi yi tazwa, ni ku khalisa a nanza ga yona le canjeni ga banhu labo ba ta nga daya mina ni nisanyana wa mina le tsombeni ya Nungungulu.
- 17 Zonake a nanza ga xisati ga wena gi te ngalo, Vumela, mina nza kombela wena, a timhaka ta nwinyi wa mi-na a hosi ti be ti tangalisako; haku-ba ku kwatsi i ngelosi ya Nungu-ngulu, zingaho a hosi ya mina a ku tiba kusasa ni kubiha: na Jehova a Nungungulu wa wena a be zinwe na wena.
- 18 Zonake a hosi yi lo hlamula yi te ngalo ka wasati, U nga filhi ka mi-na, mina nza kombela wena, a ncumo lexo mina nzi nga wa ta wutisa wena. Ni wasati i te ngalo, Nga a nwinyi wa mina a hosi makunu a wulawula.
- 19 Ni hosi yi te ngalo, A canja ga Joabe gi zinwe na yena ka lezi zonkle ke? Ni wasati i lo hlamula i te ngalo, Kwatsi hilezi a muhefemulo wa wena wu hanyako, nwinyi wa mina a hosi, a nga ta kuba kona a ta nga hambuka kileweni hi ka ga xi-nene canja kutani hi ka ga xibaba ka ncumo xihhi a raruwamuni a ho-si a wulawulileko; hakuba a na-nza ga wena Joabe, i lo layela mi-na, ni ku beka tonkle leti timhaka lomo nonwini wa nanza ga wena ga xisati;
- 20 Ni ku hunzulusa a ngohe ya timha-ka a nanza ga wena Joabe hi yena a mahileko lexi xilo: ni hosi ya mi-na ya tiba, kukotisa hi kutiba ka ngelosi, ya Nungungulu, a ku tiba zonkle zilo lezo zi nga laha misabeni.
- 21 Ni hosi yi te ngalo ka Joabe, La-nguta makunu, mina nzi mahile lexi xilo: famba hikwalaho, uya neha a jaha Absalome a wuya.
- 22 Na Joabe i lowa liranzyeni hi ngo-he ya yena, i lo maha xicabyo, ni ku katekisa a hosi; na Joabe i te ngalo, I nyamukla a nanza ga wena ga zi tiba lezaku mina nzi kumile a tomo kuwoneni ka wena, nwinyi wa mi-na, O hosi, a ka lezo a hosi yi mahi-leko a ku wutisa ka nanza ga yona.
- 23 Zingaho Joabe i lo suka i loya le Ge-xura, i lo neha a Absalome le Jeru-salema.
- 24 Ni hosi yi te ngalo, Nga yena a re-nzeleke aya le ndlwini yena, kani-lezi nga yena a nga woni a ngohe ya mina. Zingaho Absalome i lo ha-mbukela le ndlwini ya yena, na a nga wonangi a ngohe ya hosi.
- 25 Makunu ka Israeli wonkle i wa nga hi kona a nga wa babazwa ku fanana na Absalome hi wumburi ga yena; kusukela xirenzeni xa konzo wa yena ku kala le magalweni ya hloko ya yena laho ku wa nga hi na bawa ka yena.
- 26 Ni laha yena a nga wa kaya a misisi ya hloko ya yena (makunu ku wa hi kugumelwa ka malembe wonkle ye-na a nga wa kaya yona; hakuba yona yi wa ku binza ka yena, hi-kwalaho yena i wa ku tsema yona); yena i wa ku ringanisa a misisi ya hloko ya yena ku wa hi mazana ma-mbiri maxekeli, a nzako ka ku ri-nganisa ka hosi.
- 27 Ni ka Absalome ku wa trelwe bari-sanyana banharu, ni nbanyana mu-nwe, loye a bito a nga wa hi Tamara: yena i wa hi wasati wa ngohe ya wu- mburi.

- 28 Na Absalome i lo tsama a malembe mambiri ma teleko lomu Jerusalema; yena i wa nga wonangi a ngohe ya hosi.
- 29 Zonake Absalome i lo rumela ka Joabe, a ku yisa yena le hosini; kanilezi yena i wa nga a ngati ka yena: na yena i lo rumela kambe hi xikati xa wumbiri, kanilezi yena i wa nga a ngati.
- 30 Hikwalaho yena i te ngalo ka malanza ya yena, Wonani, a simu ga Joabe gi ku suhani ni ga mina, na yena i na ni mabele leyo; fambani mu ya hisa wona. Ni malanza ya ka Absalome ba lo hisa a simu hi nzilo.
- 31 Zonake Joabe i lo suka, ni kuta ka Absalome le ndlwini ya yena, i te ngalo ka yena Ngahilezo a malanza ya wena ma hisile a simu ya mina hi nzilo ke?
- 32 Na Absalome i lo hlamula Joabe, Languta, mina nzi rumele ka wena, nziku, Ngona leno, kasi mina nza rumela wena le ka hosi, a ku wula, Ngahilezo mina nzi wuyile hi le Gexura ke? ku wa hi cukwana ka mina a kuba nzi simamile nzi tsama leyo. Makunu hikwalahonga mina nzi wona a ngohe ya hosi; ni loku ku nga ku hi kona kugoha ka mina, nga yena a daya mina.
- 33 Zingaho Joabe i lota ka hosi, i lo byela yena; ni laha yena a nga wa bitanile Absalome, yena i lota ka hosi, i lo korama a wutsumbu ga yena hi ngohe ya yena liranabyeni mahlweni ya hosi: ni hosi yi lo trotra Absalome.
- 3 Na Absalome i te ngalo ka yena, Wona, a mahungu ya wena ma sasekile ma longamile; kanilezi a ku na xirunwa xa hosi a kuzwa ha wena.
- 4 Absalome klatakumbiri i lo wula, O loku mina nzi wa mahwa a mulamuli lomu tikweni, lezaku bonklelele banhu laba ba nga wa hi ni keco kutani i nanzu ba wa ta nga ba fanela kuta ka mina, na mina nzi wa ta nga mu maha nongametol
- 5 Na ku wa ngaho, lezaku, laha munhu na ata ku suhi a ku ta maha a xicabyo, yena i lo humesa a canja ga yena, i lo koma yena, ni ku trotra yena.
- 6 Hi ka laya ma mahela i lo maha a Absalome ka bonkle ba ka Israeli labo ba tako le hosini ku ta kulamulwa; zingaho Absalome i lo yiba a timbilu ta banhu ba ka Israeli.
- 7 Na ku mahisile lezo hi kugumelweni ka mune wa makume a malembe, lezaku Absalome i te ngalo ka hosi, mina nza kombela wena, nga mina nzi famba nzi ya riha a xifungo xa mina, lexi mina nzi fungileko ka Jehova, le Hebroni.
- 8 Hakuba a nanza ga wena gi fungile a xifungo laho nzi nga wa tsamile le Gexura le Siria, nziku, Loku Jehova ha kunene a ta neha mina leyo Jerusalema, zonake mina nzi ta kozela Jehova.
- 9 Ni hosi yi te ngalo ka yena, Famba hi kurula. Zingaho yena i lo suka, i loya le Hebroni.
- 10 Kanilezi Absalome i lo ruma a mitsukano ka tonkle a tixaka ta ka Israeli, aku, Na kwatsi hi xikanzakanya xa lezi nwina muzwako a kuvuma ka paratana, zonake nwina mu taku, Absalome i hosi lomu Hebroni.
- 11 Na zinwe na Absalome ku loya a mazana mambiri ya banhu ba huma hi le Jerusalema, labo ba nga wa rambilwe, na ba lo famba nyalidede, ba bona ba wa nga tibi ncumo.
- 12 Na Absalome i lo rumela Abitofeli a mu Giloni, a wa kungo ga Davida, le mutini wa ka kabye, le Gilo, laha na a ha nyikela a mipahlelo. Na hlebo gabye gi wa tsingisilwe; hakuba a banhu ba wa enzelekelana hi kusimamisisilweko ka Absalome.
- 13 Ni laho ku lota a tsumi ka Davi-

XIPIMO 15.

- 1 Na ku mahisile lezo a nzako ka lezi, lezaku Absalome i lo ti longiselela yena a kareta ni mahaxi, ni nklanu wa makume ya ba banuna a ku tsutsuma mahlweni ka yena.
- 2 Na Absalome i lo vuka manzikweni wa mixo, i lo yima hi laha kletweni ga ndlela ya nyangwa: na kona na ku wa ngaho, lezaku, laha kani hiwili a munhu a nga ni keco leyi yi nga wa ta nga yita ka hosi a ku ta kulamulwa, zonake Absalome i lo bitana ka yena, na te ngalo. U wa ka wili a muti wena ke? Na yena i te ngalo, A nanza ga wena gi hi ga liawe la tixaka ta ka Israeli.

- da, wuku, A timbilu ta banhu ba ka Israeli ti le nzako ka Absalome.
- 14 Na Davida i te ngalo ka wonkle a malanza lawo ma nga wa hi zinwe na yena le Jerusalem, Sukani, nga hina hi tsutsuma; hakuba a nga kona ni munwe wa hina a ta nga pona ka Absalome: mahani mazambo mu raxela, ku nga taku yena a kamanjeta hina hi kuha klisilweko, ni ku neha lahasi a kubiha ba hina, ni ku hlasela a muti hi wukla ga supado.
- 15 Ni malanza ya hosi ma te ngalo ka hosi, Languta, a malanza ya wena ma longile a ku maha kani hi yini a zwinyi wa hina a hosi a ta nga hlawula.
- 16 Ni hosi yi lo famba, ni wonkle a ngango wa yena le nzako ka yena. Ni hosi yi lo siya a kume ga ba basati, labo ba nga wa hi mindlukulu, a ku hlayisa a yindlu.
- 17 Ni hosi yi lo huma yi andlamuka, ni bonkle banhu le nzako ka yena; na bona ba wa lo ya tsama le Betimerake.
- 18 Ni wonkle malanza ma lo hunza hi lahandle ka yena; ni wonkle ma Cereiti, ni wonkle ma Peleti, ni wonkle ma Giti, ni nklanu ni ginwe mazana ya ba banuna labo ba tako hi le Gati, ba lo hunza mahlweni ka hosi.
- 19 Zonake ku lo wula a hosi ka Ittai a mu Giti, Ngahilezo wena u fambawu zinwe na hina ke? klela, ni ku ya tsama zinwe ni hosi: hakuba wena u wa matiko, ni kambe u wa kumbewo; klelela wutsanweni ga wena.
- 20 Hi rini wena u tileko atolo kanilezi, nzi wa ta nga mina legi siku nzi ku maha u kanziya ni ku relela zinwe na hina, na u wona lezaku mina nziya laba nzi nga zi kotako ke? klela wena, uya wuyela bamakabye ba wena, a titalo ni zinene a zi be zinwe na wena.
- 21 Na Ittai i lo hlamula a hosi, na te ngalo, Kwatsi bilezi Jehova a hanyako, ni lezi a raru wa mina a hosi a hanyako, ha kunene ni ka gihi a wutsamo lego a raru wa mina a hosi ya mina yi ta nga ba ka kona, hambu ga kufa kutani ga wutomi, hambu lahowo kambe a nanza ga wena gi taba kona.
- 22 Na Davida i te ngalo ka Ittai, Famba u hunza u klatuka, Na Ittai a mu Giti i lo hunza a klatuka, ni bonkle banhu ba yena, ni zonkle zihlangana lezo zi nga wa hi zinwe na yena.
- 23 Ni gonkle a tiko gi lo rila hi gèzu ga hombe, ni bonkle banhu ba lo hunza ba klatuka, ni hosi wutsumbu ga yona yi lo hunza yi klatuka a xicongwana xa Kidroni, ni bonkle ba lo klatuka klatukweni, ngomameni ni ndlela ya xiwula.
- 24 Ni, mangabye, Zadoke kambe i leta, ni bonkle ba ka Levi zinwe na yena, na ba rwele a arke ga xivumelwano xa ka Nungungulu; na bona ba lo beka lahasi a arke ga ka Nungungulu; na Abiatar i lo kanziya aya, kala bonkle banhu ba hunza ba huma lomo mutini.
- 25 Ni hosi yi te ngalo ka Zadoke, Rwala u klelisa a arke ga ka Nungungulu giya mutini: loku mina nzi ta kuma a tomo kuwoneni ka Jehova, yena i ta neha mina kambe, na ta kombisa mina na wona, ni yindlu ya yena:
- 26 Kanilezi loku yena a wula zakungahi, Mina a nzi na kuranza ha wena; languta, laba nzi na nga kona mina, nga yena a maha ka mina kwatsi hi ku wonkako kwatsi kusasa ka yena.
- 27 Ni hosi yi te ngalo kambe ka Zadoke a mupristi, Wena a hi wena muwoneleli ke? klelela mutini hi kurula, ni bana ba wena bambiri zinwe na wena, Ahimaaza a nwana wa wena, na Jonatani a nwana wa Abiatar.
- 28 Wona, mina nzi ta tsama le mapelelweni ya le xiwuleni, kala kuta a mhaka hi le ka wena ya wumboni ga mina.
- 29 Zadoke hikwalaho na Abiatar ba lo rwala a arke ga ka Nungungulu le giya le Jerusalem kambe: na bona ba lo tsama leyo.
- 30 Na Davida i lo kanziya hi kuklakuka ka xitsunga xa ma Olivia, na a rila kwatsi hi lezi a nga wa kanziya; na yena a hloko ya yena yi wa kubunyetilwe, i wa nga ambalangi mikonzo: ni bonkle banhu labo ba nga wa hi zinwe na yena ba lo kubunyeta bonklelele ba bona ti tihloko tabye, na bona ba lo kanziya na ba rila kota ba nga waya hehla.
- 31 Ni munwe i lo byela Davida, aku, Ahitofeli i lomo xikari ka bamahlebyana zinwe na Absalome. Na Davida i te ngalo, O Jehova, mina

- nza kombela wena, hunzula a xikungo xa Ahitofeli wupupulwini.
- 32 Na ku mahisile lezo, Jezaku, laha Davida a nga wa tile le hehla ka nzelelo, laho Nungungulu a nga wa kozelwa, languta, Huxai a mu Arke i lota kukhanganyeta yena ni baji ga yena gi wa hanzulwe, ni misaba hehla ka hloko ya yena.
- 33 Na Davida i te ngalo ka yena, Loku wena u ta hunza ziawe na mina, zonake wena u taba nzwalo ka mina.
- 34 Kanilezi loku wena u klelela mutini, ni ku wula ka Absalome, Mina nzi ta maha a nanza ga wena, O hosi; kwatsi hilezi mina nzi nga wa hi a nanza ga raru wa wena hi xikatini xi hunzileko, zingahowo mina nzi taba a nanza ga wena; zonake wena u ta hlulela mina a xikungo xa ka Ahitofeli.
- 35 Na wena a ku naye leyo ziawe na wena Zadoke na Abiataru a mupristi ke? hikwalaho ku ta kuba lezo, lezaku kani xilo xa ku yini lexo wena u ta nga xizwa xi huma lomo ndlwi ni ya hosi, wena u ta byela kona ka Zadoke ni ka Abiataru a bapristi.
- 36 Languta, bona ba na bona ziawe nabo a bana ba'bye bambiri, Ahimaaza, a nwana wa Zadoke, na Jonatani, a nwana wa Abiataru; na ha bona nwina mu ta rumela ni xihl xilo lexi nwina mu ta nga xizwa.
- 37 Zingaho Huxai, a mungana wa Davida, i lota le mutini; na Absalome i lota le Jerusalema.

XIPIMO 16.

- 1 Ni laha Davida a nga wa hunzile kutsongwani le hehla ka xitsungana, languta, Ziba a nanza ga Mefiboxete i lo khanganyeta yena, ziawe ni timbongola timbiri ti gabatselweko, ni hehla ka toma ku wa hi kona mazana bambiri ya mikowo ya zababa, ni zana ga zitata za tisonte ta magrepi, ni zana ga mihanzo ya ximunu, ni karafawu ya waini.
- 2 Ni hosi yi te ngalo ka Ziba, U wula yini hi lezi wena ke? Na Ziba i te ngalo, A timbongola to kilelisa a ba le ngangweni wa hosi; a zibaba ni mihanzo ya ximunu kasi a majaha ya hosi maga; ni waini, ga labo ba ta nga karala lomo xiwuleni a ku nwa.
- 3 Ni hosi yi te ngalo, I kwili a nwana wa hosi ya wena ke? Na Ziba i te ngalo ka hosi, Languta, yena i tsamile le Jerusalema; hakuba i te ngalo, I nyamukla a yindlu ya ka Israeli i ta wu yisela ka mina a mufumo wa raru wa mina.
- 4 Zonake ku lo wula a hosi ka Ziba, Languta, za wena zonke lezo zi nga za ka Mefiboxete. Na Ziba i te ngalo, Mina nza maha xicabyo; nga mina nzi kuma a tomo kuwoneni ka wena, nwinyi wanga, O hosi.
- 5 Ni laha hosi Davida a nga wa tile le Bahurima, languta, laho ku lota a wanuna wa le ngangweni wa yindlu ya Saule, loye a bito a nga wa hi Ximeci, a nwana wa Gera; yena i lo huma ata, na a rukatela kwatsi hilezi a tako.
- 6 Yena i lo hoxa a maribye ka Davida, ni ka wonke a malanza ya hosi Davida: ni bonke ba banhu ni bonke ba banuna ba tinhenha ba wa hi canjeni ga yena ga xinene ni ka ga xibaba.
- 7 Na zihl zakungahi a nga wa wula Ximeci laha yena a nga wa rukatela, Nga u famba, nga u famba, nisanziwena wa nkata, ni xihunzami layo:
- 8 Jehova i klelisele hehla ka wena wonke a nkata wa yindlu ya ka Saule, loyi wena u fumileko xikundleni xa yena; na Jehova i nyikele a mufumo ka Absalome a nwana wa wena; ni, languta, wena u lomu ticibongweni ta wena nwinyi, hakuba wena u wanuna wa nkata.
- 9 Zonake a ku ngalo Abixai a nwana wa Zerua ka hosi, Hi yini leyi mbyana yi fileko yi rukatela a wa hombe wa mina a hosi ke? nga mina nzi klatuka nziya, nza kombela wena, nziya gimbula yi suka a hloko ya yena.
- 10 Ni hosi yi te ngalo, Nzi ta maha yini na nwina, nwina barisanyana ba Zerua ke? Hakuba yena a rukatelako, hakuba Jehova a wulileko ka yena, Rukatela Davida; nzimaniso nakewo a ta nga wula, Ngahilezo wena u mahile lezo ke?
- 11 Na Davida i te ngalo ka Abixai, ni ka wonke a malanza yena, Languta, a nwana wa mina, loye a humeleko hi lomu marumbyini ya mina, a hlotako a wutomi ga mina: ku ta ku yini xana a ka loye a mu Benjamini makunu a ku maha lezo ke? hi nga mu tsika yecewo, nga yena

- a rukatela; hakuba Jehova i wulile yena.
- 12 Kona kasi Jehova i fela ku cuwuka a conho lexi xi mahilweko ka mina, ni lezaku Jehova a fela ku wutisa ku-sasa ha mina hi leyi a nzukano ya mina legi siku.
- 13 Zingaho Davida ni banhu ba yena ba lo famba hi ndlela; na Ximei i lo longoloka a ayanakuya hi klelo ga mitsurana ngomameni na yena, na a rukatela kwatsi hi lezi a nga waya-nakuya, ni ku hoxa maribye ka ye-na, ni kupalata tsutsungwaní.
- 14 Ni hosi, ni bonkle a banhu labo a nga wa hi zizwe na yena, ba la suta karala; yena i lo zumba a wutsu-mbu ga yena leyo.
- 15 Na Absalome, ni ba banuna ba ka Israeli, labo ba nga wa hi zizwe na yena ba lota le Jerusalema, na Ahitofeli zizwe na yena.
- 16 Na ku mahisile lezo, laha na Huxai a mu Arke, a mungana wa Davida a nga wa tile ka Absalome, lezaku Huxai i te ngalo ka Absalome, A yi longoloke yi hanya a hosi, A yi longoloke yi hanya hosi.
- 17 Na Absalome i te ngalo ka Huxai, Legi a hi gona a wunene ga mungana wa wena ke? hiyini wena a ku fambangi ni mungana wa wena ke?
- 18 Na Huxai i te ngalo ka Absalome, kokwihi; loyi Jehova, ni laba bonkle banhu ba ka Israeli ba mu hlawuleko, mina nzi ta kuba wa yena, ni ka yena mina nzi ta tsama.
- 19 Ni kambe, nzi mani loye mina nzi ta nga mu kozela ke? mina nzi nga ta kozela a kubakoneni ka nwana wa yena ke? kwatsi hilezi mina nzi nga wa koele a kubakoneni ka raru wa yena, Zingaho mina nzi ta maha akubakoneni ka wena.
- 20 Zonake ku lo wula Absalome ka Ahitofeli, Nyika a xikungo xa wena zakuyini hina hi ta nga zi maha.
- 21 Ahitofeli i te ngalo ka Absalome, Yana ka mindlukulu ya dadani wa wena, leyo yena a yi siyileko a ku hlaysia a yindlu; ni wonkle Israeli i tazwa wena hi wena u tsikilweko hi dadani wa wena: zonake a mandla ya laba ba nga zizwe na wena ma ta tiyisetwa.
- 22 Zingaho bona ba lo gwimbela a Absalome a tenta hi le hehla ka yindlu; na Absalome i loya engena

- mindlukulwini ya dadani wa yena le kuwoneni ka wonkle Israeli.
- 23 Ni xikungo xa ka Ahitofeli, lawo a nga nyika lawo masiku, ku wa kwatsi hi loku a munhu a hunzelwe hi milayo ya Nungungulu: xi wa ngaho xonkle a xikungo xa Ahitofeli ka bona bambiri Davida na Absalome.

XIIPIMO 17.

- 1 Klatakumbiri Ahitofeli i te ngalo ka Absalome, Nga mina makunu nzi hlawula a mambiri ya kume ga mazana, na mina nzi ta suka nzi hlongolisa le nzako ka Davida a wusiku legi:
- 2 Na mina nzi tata nzi kamanyeta yena laha yena a kareleko ni laha canja ga yena gi mbelileko a ntamo, na nzita maha yena a caba; ni bonkle banhu labo ba nga zizwe na yena ba ta panzanyeka; na mina nzi ta daya hosi yoye.
- 3 Na mina nzi ta nehla bonkle banhu ba klela ka wena: ni munhu loyi wena u mu hlotako hi yena kwatsi hi loku bonkle ba wuyile: zingaho a banhu bonkle ba ta ba kuruleni.
- 4 Ni kuwula ku lo xalalisa Absalome kwatsi, ni wonkle masingalakati ya ka Israeli.
- 5 Zonake ku lo wula Absalome, Bitani nwina Huxai a mu Arke kambe-wo, na nga hina hi zwawu a manowo wa yena.
- 6 Ni laha Huxai a nga wa tile ka Absalome, Absalome i lo wulawula ka yena, aku, Ahitofeli i wulawulisile zakungahi: hina hi ta maha kwatsi hi loku kuwula ke? loku zi nga ngaho, wulawula wena.
- 7 Na Huxai i te ngalo ka Absalome, A xikungo xa Ahitofeli lexi a nyikileko lexi a xikati a xi sasekangi.
- 8 Klatakumbiri Huxai i lo wula, Wena wa mu tiba a raru wa wena ni ba banuna ba yena, lezaku bona mbanuna ba tinkrenha, na bona ba cibirikile kupimeni kabye kwatsi hi bera gi pangilwe a mabearana ya gona lomo kwatini; ni raru wa wena ngwanuna wa impi, na yena a nga ta eklela zizwe ni banhu.
- 9 Languta, yena i fihlele makunu lomu marinzini, kutani lomo ka gi-zwani a wutsamo: ku taku na ku mahisile lezo, laha ba zwani ba bona ba wile kuranga, kani ngwa kuyini

- a ta nga kuzwa kona i taku, Laho ku kona kuhlasela ka banhu labo ba lanzelako Absalome.
- 10 Na yena loye a nga ni makawulo, loye a mbilu ya yena yi nge kwatsi i mbilu ya ngamfamo yi ta vunjukela yi nyekiswa, hakuba bonkle ba ka Israeli ba tiba lezaku a raru wa wena i ngwazi ya wanuna, ni bonkle laba ba nga zinwe na yena mbamajubamakawulo ya ba banuna.
- 11 Kanilezi a kungo ga mina hi lego lezaku bonkle Israeli ka wena, ku sukela Dani kala le Berexeba, kwatsi hi seke ga fungu wa bimbi a wudlemo; ni lezaku wena u taya kulweni wena nisanziwena wutsumbu.
- 12 Zingaho hina hi tata hehla ka yena ka ginwani wutsamo laho yena a ta nga kuzwa kona, hina hi ta su pomela hehla ka yena kwatsi hi nzo-kati yi wako laha liranzyeni; a ka yena ni ka bonkle a ba banuna labo ba nga wa zinwe na yena hina hi nga siya hambu ni wa ku tsangila.
- 13 Klatakumbiri, loku yena a engena mutini, zonake bonkle ba ka Israeli ba ta neha a tingoti lomo mutini, hina hi ta kokela wona lomo congweni, ku kala laho ku nga ha kumiwi ni ginwe a ribye ga ku tsangila laho.
- 14 Na Absalome ni bonkle ba banuna ba ka Israeli ba te ngalo, A xikungo xa Huxai a mu Arke xi longamile ku hunza xa Ahitofeli. Hakuba Jehova i wa longele a kuhlula a xikungo xo saseka xa ka Ahitofeli, kasi hi xigelo lezaku Jehova a neha a ku-biha ka Absalome.
- 15 Zonake ku wula Huxai ka Zadoke ni Abiatar a bapristi, Zakungahi ni zakungahi a xikungo xa Ahitofeli ka Absalome ni ka masingalakati ya ka Israeli; zakungahi ni zakungahi lexi mina nzi hileko a xikungo.
- 16 Makunu hikwalaho rumelani hi kuha-khlisilweko, ni ku byela Davida, aku, U nga ealeli legi wusiku le mapelweni ya xiwula, kanilezi na hi ka yaha a malanga klatuka klatukweni; yi nga taku a hosi yi zariyelwa, ni banhu bonkle labo ba nga zinwe na yona.
- 17 Makunu Jonatani na Ahimaaza ba wa tsama hi Enrogeli; ni nanza ga xisati gi wa tolebele a kuya byela bona; na bona ba loya byela hosi Davida: lezaku bona ba nga wonwi a kuta lomu mutini.
- 18 Kanilezi a mufana i lo wona bona, na a i lo byela Absalome: na bona bambiri ba lo famba kule hi ku ha-khlisilweko, na ba lota le ndlwini ya munhu le Bahurima, loye a nga wa hi ni hlowo le hubyeni ya yena: bona ba lo relela bata leno.
- 19 Ni wasati i lo teka i lo andlala a xifenengeto hehla ka nomu wa hlowo, a nyunyetela a mabele magayilweko laho; ku wa nga hi kona ncumo xi nga wa tibyiwa.
- 20 Ni malanza ya ka Absalome ma lota ka wasati le ndlwini; na bona ba te ngalo, Ba kwili Ahimaaza na Jonatani ke? Na wasati i te ngalo ka bona, bona ba fambile klatuko wa congwana wa mati. Ni laha bona ba nga wa hlotile ba nga kumangi bona, na bona ba lo klelela le Jerusalema.
- 21 Na ku mahisile lezo, a nzako ka kuba bona ba nga wa sukule, lezaku bona ba lo huma le handle ka hlowo, ba loya byela a hosi Davida; na bona ba te ngalo ka Davida, Sukani nwina, mu hunza hi kuha-khlisilweko mu klatuka mati; hakuba zakungahi Ahitofeli a kungileko hi ku vukela nwina.
- 22 Zonake Davida i lo suka, ni bonkle banhu labo ba nga wa hi zinwe na yena, na bona ba lo hunza ba klatuka Jordani, hi laha kuklamukeni ka mixo laho a ku vumalwangi ni mu-nwe wa bona loye a nga kala a nga klatukangi klatukweni wa Jordani.
- 23 Ni laha Ahitofeli a nga wa wonile lezaku a xikungo xa yena a xi lanze-lwangi, yena i lo gabatsela a mbo-ngola ya yena, na a lo suka, i loya kaya ka yena, le mutini wa ka ka-bye, i lo longisela a yindlu ya yena, i loya hayeka a wutsumbu ga yena; na yena i lofa, i wa lo kelelwa lomu xilahleni xa raru wa yena.
- 24 Zonake Davida i lota Mahanaime. Na Absalome i lo hunza a klatuka Jordani, yena ni banhu bonkle ba ka Israeli zinwe na yena.
- 25 Na Absalome i lo yimisa Amasa hehla ka impi xikundleni xa Joabe. Makunu Amasa i wa hi nwana wa munhu, loye a bito a nga wa Itara a mu Israeli, loye a nga wa yile ka Abigaili a nhanyana wa Nahaxi a

makweru wa Zeruia, a nyine wa Joabe.

26 Na Israeli na Absalome ba lo goba le tikweni ga le Gileade.

27 Na ku mahisile lezo, laha Davida a nga wa tile le Mahanaima, lezaku Xobi a nwana wa Nahaxi wa le Raba wa banana ba ka Ammoni, na Macira a nwana wa Ammieli wa le Lo-debara, na Barzillai a mu Gileade wa le Rogelima,

28 I lo neha mibedi, ni zinamelo, ni zibya za wumba, ni mabele, ni barle, tinzoho, ni mabele ma ocilweko, ni tinyawa, ni xinyawani, ni wuputsu,

29 Ni wulombe, ni mawomba, ni tiyivu, ni fuma wa mulaza wa tihomu, akuba za Davida, ni kuba za banhu labo ba nga wa hi zinwe na yena, a kuga: hakuba ba te ngalo, A banhu bazwa ndlala, ni kukarala, ni kuzwa tora, lomo xiwuleni.

XIPIMO 18.

1 Na Davida i lo hlaya a tsengo wa banhu labo ba nga wa hi zinwe na yena, i lo yimisa a tinduna ta makume mazana ni tinduna ta mazana behla ka bona.

2 Na Davida i lo rumela a banhu, ni xipanze xa wunharu lahasi ka canja ga Joabe, ni xipanze xa wunharu lahasi ka Abixai nwana wa Zeruia, a nakulobye wa Joabe, ni xipanze xa wunharu lahasi ka Ittai a mu Giti. Ni hosi yi te ngalo ka banhu, mina ha kunene nzi ta famba zinwe na nwina a wutsumbu ganga kambe.

3 Kanilezi a banhu ba te ngalo, Wena unga taya wuyo: hakuba hina loku hi tsuwukile, bona ba nga ta cela kota ha hina; ge hambu loku a kihlanya ga hina gi file, bona ba ta cela kota ha hina ke: kanilezi wena u ringana ni kume ga kume ga mazana ya hina; hikwalaho makunu kona i cukwana lezaku wena u longela a kuponisa hina laha mutini.

4 Ni hosi yi te ngalo ka bona, Lezi mu zi wonako kwatsi kusasa ka nwina mina nzi ta maha. Ni hosi yi lo yima hi laha kilelweni ga nyangwa, ni banhu bonkle ba huma handle hi mazana ni makume mazana.

5 Ni hosi yi lo leletela Joabe ni Abixai na Ittai, aku, Mahani kwatsi hi kota ya mina hi jaha, yena Absalome. Ni bonkle banhu ba lozwa laha a

hosi yi nyika tinduna tonkle a kula-ya xingatano na Absalome.

6 Zingaho banhu ba lo huma le handle a kulwa ni ba ka Israeli: ni impi yi wa hi le makwatini ya Efraime.

7 Ni banhu ba ka Israeli ba wa tsuwukile mahlweni ka malanza ya Davida, ni laho ku wa hi kona a kuhihiritwa ka hombe leyo lego siku makume mambiri ya kume ga mazana ya ba banuna.

8 Hakuba a impi yi wa lo pomela ka ngohe gonkle tiko; ni kwati gi lo kadamula banhu bo tala lego siku ku hunza labo ba nga wa kadamulwe hi supado.

9 Na Absalome i lo koklonyeta na ni ku klangana ni malanza ya Davida. Na Absalome i wa kilele le mbongolweni, ni mbongola yi lo famba hi laha hasi ka marabi maklimbeneko ya oaki wa hombe, ni bloko ya yena yi lo kwekela laha ka oaki, na yena i wa la su hakamela xikari ka tilo ni misaba; ni mbongola leyo ni nga wa hi lahasi ka yena yi suyanakuya.

10 Ni munhu wo kari i lo wona kona, na lo byela Joabe, ni te ngalo, Languta, mina nzi wonile Absalome na a langalenga lomo ka oaki.

11 Na Joabe i te ngalo ka wanuna loye a nga wa byelile yena, Na, languta, wena u ku wonile loko ke, hiyini wena u nga kala kugwaza u pondlisa misabeni ke? na mina nzi wa ta nga nzi ku nyikile a kume ga zipanze za maxekeli ya siliva, ni likalo.

12 Ni wanuna i te ngalo ka Joabe, Hambu mina nza ku amukela a kume ga mazana ya zipanze za siliva canjeni ga mina, mina nzi wa nga ta nga nzi humesa a canja ga mina nzi vukela a nwana wa hosi: hakuba kuzweni a hosi yi lo leletela wena na Abixai na Ittai, aku, Klaribani a nga bi kona a kumbako a jaha lego Absalome.

13 Klatakumbiri loku mina nzi maha hi kukohlisilweko hi wutomi ga yena (ni laho a ku na mhlaka yi ta nga fihlala le hosini), zonake hambu wena u wa ta nga u yimisa a wutsumbu ga wena a ku vukela mina.

14 Zonake ku wula Joabe, Mina nzi nga ta ha ribateka laha na wena, Na yena i lo teka a zijulu zinharu mandleni ya yena, i lo xiririta zona

- lomo mbilwini ya Absalome, laho yena a nga wa ha hanya lomo xikari ka oaki.
- 15 Ni kume ga majaha lawo ma rwalako a maklari ya Joabe ba lo mu pomela yena ba lo gwaza Absalome, ba lo daya yena.
- 16 Na Joabe i loba a paratana, ni banhu ba lo klela hi le ko hlongolisa a ka ba Israeli; hakuba Joabe i wa himbeta a banhu.
- 17 Na bona ba lo teka Absalome, ba lo hoxa yena lomo rinzini ga hombe lomo kwatini, ba lo bingeretela hehla ka yena a nhulu ya hombe ya maribye: ni bonkle ba ka Israeli ba lo tsutsuma bonklelele le tetenti ga yena.
- 18 Makunu Absalome xikatini xa wutomi ga yena, yena i wa tekile a ku ti bingeretelela a wutsumbu ga yena a mbinga, leyo yi nga hi kobeni wa hosi; hakuba yena i te ngalo, mina a nzi na zwana a ku hlalisa a bito ga mina a kualakanywa: na yena i lo bitana a mbinga a nzako bito ga yena nwinyi; yona yi bitanwa hi ku xialakanyelo xa ka Absalome, kala legi siku.
- 19 Zonake ku wula Ahimaaza a zwana wa Zadoke, nga mina makunu nzi tsutsuma, ni ku ambela a hosi a mahungu, ni lezaku Jehova i potisile ku yini ka balala ba yena.
- 20 Na Joabe i te ngalo ka yena, Wena u nga ta kuba a murwali wa mahungu legi siku, kanilezi wena u ta rwala a mahungu ginwani siku; kanilezi legi siku u nga ta rwala a mahungu, hakuba a zwana wa hosi i file.
- 21 Zonake ku lo wula Joabe ka mu Kuxe, Famba, ni kuya byela a hosi lezi wena u zi wonileko. Ni mu Kuxe i lo korama a wutsumbu ga yena ka Joabe, i lo tsutsuma.
- 22 Zonake ku lo wula Ahimaaza zwana wa Zadoke kambe ka Joabe, Kanilezi ngona nzi fela ku yini, nga mina, nza kombela wena, kambewo nzi tsutsuma a nzako ka mu Kuxe. Na Joabe i te ngalo, Ngahilezo wena u ta tsutsuma, zwana wa mina, na u wona lezaku wena a ku na neacazelohi mahungu ke?
- 23 Kanilezi abati lezoke, ku wula yena, Mina nzi ta tsutsuma. Na yena i te ngalo ka yena, Tsutsuma, Zonake Ahimaaza i lo tsutsuma hi ndlela ya Timbala, i lo rangela a mu Kuxe,
- 24 Makunu Davida i wa tsamile xikari ka tinyangwa timbiri: ni ba murinzeli le hehla manambanini le kurisini, na i lo klakusa a mahlo yakwe, na i lo cukuwa, ni, languta, a wanuna a tsutsumako yece.
- 25 Ni murinzeli i lo bitana, i lo byela a hosi. Ni hosi yi te ngalo, Loku yena a nga a hi yece, laho ku kona a mahungu lomo nonwini wa yena. Na yena i lo tsinela zikanziyelo, i lo tsinela ku suhi.
- 26 Na murinzeli i lo wona muzwani wanuna a tsutsumako; ni murinzeli i lo bitana ka muvali wa nyangwa, i te ngalo, Languta, muzwani munhu a tsutsumako yece. Ni hosi yi te ngalo, Yenawu i neha a malungu.
- 27 Ni murinzeli i te ngalo, Mina nzi alakanya loye a rangileko mahlweni ko kwatsi kutsutsuma ka Ahimaaza a zwana wa Zadoke. Ni hosi yi te ngalo, Yena munhu wo saseka, i tata ni mahungu yo saseka.
- 28 Na Ahimaaza i lo bitana, na a te ngalo ka hosi, Bonkle mbatsi. Na yena i lo korama a wutsumbu ga yena mahlweni ka hosi hi ngohe ya yena laha misabeni, i te ngalo, I kattekisilwe Jehova a Nungungulu wa wena, loye a nyikeleko a banhu labo ba nga klakusa a canja gabye a ku vukela a nwinyi wa mina a hosi.
- 29 Ni hosi yi te ngalo, I kwatsi ha gona jaha Absalome ke? Na Ahimaaza i lo hlamlala, Laha Joabe a nga rumela a nanza ga hosi, yena mina a nanza ga wena, mina nzi lo wona a pflupfilu ya hombe, kanilezi mina nzi wa nga zi tibi a ku kona ku wa hi yini.
- 30 Ni hosi yi te ngalo, Hambuka klelweni, ni ku yima laha. Na yena i lo hambuka klelweni, i lo yima a ku tseka.
- 31 Ni, languta, ku lo cikela a mu Kuxe; ni mu Kuxe i te ngalo, Mahungu ya nwinyi wa mina a hosi; hakuba Jehova i potele legi siku ka bonkle labo ba sukako ba vukela wena.
- 32 Ni hosi yi te ngalo ka mu Kuxe, Kona i kwatsi hi jaha Absalome ke? Ni mu Kuxe i lo hlamlala, A balala ba nwinyi wa mina a hosi, ni bona bonkle labo ba sukako ba vukela a

ku kulamata wena, a ba be ku kota lego jaha gi nga lezo.

- 38 Ni hosi yi wa lo tsekatekiswa ha hombe nguvu, na lo kanziya le ndlwini hehla ka nyangwa, na a lo rila: na kwatsi hilezi yena a nga wayanakuya, zakungahi i te ngalo, O nwananga Absalome, nwananga, nwananga Absalome! mina nzi wa ta nga nzi fela wena, O Absalome, nwananga, nwananga!

XIPIMO 19.

- 1 Na kona ku wa lo byelwa Joabe, Languta, a hosi ya rila yi hlomula ha Absalome.
- 2 Ni kuhlula ka lego siku ku lo hunzuluka kurila ka bonkle banhu; hakuba banhu ba wa zwile ku wulwa lego siku, Hosi yi wa lo hlomula hi nwana wa yona.
- 3 Ni banhu ba lo nyanima lego siku ba engena mutini, kwatsi hi banhu labo ba nga ni tingana loku ba nyanima ba tsuwukile impini.
- 4 Ni hosi yi lo fenengeta a ngohe ya yona, ni hosi yi lo rila hi gezu ga hombe, O nwananga Absalome, O Absalome, nwananga, nwananga!
- 5 Na Joabe i lotta le ndlwini ka hosi i te ngalo, Wena u mahile a tingana legi siku a tingohe ni ta malanza ya wena wonkle, lawo legi siku ma hanyisileko a wutomi ga wena, ni wutomi ga barisanyana ba wena ni banyanyana ba wena, ni wutomi ga basati ba wena, ni wutomi ga mindlukulu ya wena;
- 6 A ka lezo wena u ranzako bona labo ba bengako wena: na u bengalabo ba ranzako wena. Hakuba wena u klaklambutele legi siku, lezaku a tibosana ni malanza a tinyawuli ka wena: hakuba a siku legi mina nza wona, lezaku loku ku wo kwatsi Absalome i wa hanyile, hina honkle nga hi file legi siku, zonake nga wena u xalalisilwe kwatsi.
- 7 Makunu hikwalaho suka, u huma, ni ku wulawula hi kutangalisilweko ka malanza ya wena wonkle; hakuba nza funga ha Jehova, loku wena u nga humi u kubaba, laho ku nga ta kuba kona a munhu a ta nga tsama na wena legi wusiku: ni lezo ku taba kubiha ka wena kuhunza konkle a kubiha loko ku weleko wena ka sukela wusweni ga wena kala makunu.

[Sheetswa] 26

- 8 Zonake a hosi yi lo suka, yi lo ya yi tsama le nyangweni. Na bona ba lo byela ka banhu bonkle, baku, Languta, a hosi yi tsamile le nyangweni: ni bonkle banhu ba lotta mahlweni ka hosi.

Makunu Israeli i wa tsuwukile loyi ni loyi a kuya tenteni ga yena.

- 9 Ni bonkle banhu ba wa hi kukanetisaneni ka tonkle a tixaka ta ka Israeli, tiku, A hosi yi klaklisile hina a ku huma lomo canjeni ga balala ba hina, na yena i ponisile hina hi huma canjeni ga ma Filisti; na makunu yena i tsutsumile lomu tikweni a caba Absalome.
- 10 Na Absalome, loye hina hi mu totileko hehla ka hina, i fele impini. Makunu hikwalaho hi yini nwina mu nga wuliko a mhaka ya kuklelisa a hosi yi wuya ke?
- 11 Ni hosi Davida i lo rumela ka Zadoke ni ka Abiatar a bapristi, aku, Wulawulani ka masingalakati ya Juda, muku, Hiyini nwina mu seloko le nzako a ku neha a hosi yi klelela le ndlwini ya yona? na mu wona lezaku konkle kuwulawula ka bonkle ba ka Israeli ku tile le hosini, a ku neha yena le ndlwini ya yena.
- 12 Nwina mu bamakabye ba mina, nwina mu marambo ya nyama ya mina: ngahilezo nwina mu ba lenzako a ku neha a hosi yi klelela yi wuya ke?
- 13 Wulani nwina ka Amasa, Wena a ku marambo ya mina ni nyama ya mina ke? Nungungulu a mahe lezo ka mina, a engete kambe, loku wena u nga hi nduna ya impi mahlweni ka mina hi kusimamisilweko wutsanweni ga Joabe.
- 14 Na yena i lo koramisa a mbilu ya banhu bonkle ba ka Juda, kona ku kwatsi i mbilu ya munhu muwe; zingaho lezo bona ba wa ta rumela ka hosi, baku, Klelela u wuya wena, no wonkle malanza ya wena.
- 15 Zingaho a hosi yi lo klelela yi wuya, yi lotta le Jordani. Na Juda i lotta le Gilgale, a kuya klanganyeta a hosi, a ku klatukisa a hosi klatukweni wa Jordani.
- 16 Na Ximeia nwana wa Gera, a mu Benjamini, loye a nga wa hi wa Bahurima, i lo haklisa a kuta a relela ni banhu ba ka Juda a ku klanganyeta a hosi Davida.

- 17 Ni laho ku wa hi ziwwe na yena a kume ga mazana ya ba banuna ba Benjamini na yena, Ziba a nanza ga yindlu ga ka Saule, ni kume ni nklanu ga yena barisanyana ni makume mambiri ya yena ya malanza ziwwe na yena; na bona ba lo famba ba tsemakanya kubakoneni ka hosi.
- 18 Ni laho ku la su klamalala a zitatari za tingalaba a kuya neha ba klatuka a ba le ngangweni wa hosi, a ku maha ka lezi yona a zi alakanyako kwatsi kusasa. Na Ximei a nwana wa Gera i lowa lahasi mahlweni ka hosi, laha yona yi nga wa klatukile klatukweni wa Jordani.
- 19 Na yena i te ngalo ka hosi, Nga a hosi ya mina yi nga hlaieli a kuonha ka mina, ge hambu ni ku alakanya lezo a nanza ga wena gi nga lo maha hi kuonhakulisilweko a siku lego a hosi ya mina yi nga wa humile lahandle ka Jerusalema, lezaku a hosi yi ta teka kona le mbi-lwini ya yona.
- 20 Hakuba a nanza ga wena ga zitiba lezaku mina nzi onhile: hikwalaho, languta, mina nzi tile legi siku ku rangela bonkle ba yindlu ya Josefa a ku relela nzi ta klanganyeta a nwinyi wa mina a hosi.
- 21 Kanilezi Abixai a nwana wa Zerua i lo hlamula na te ngalo, Kasi Ximei a nga ta dawa hi lezi, hakuba yena i rukatele a totilweko wa Jehova ke?
- 22 Na Davida i te ngalo, Xana nzi ta ku maha yini na nwina ke? barisanzinwina ba Zerua, lezaku nwina i nyamukla mu ta balala ba mina ke? kasi laho ku taba kona a munhu a ta nga dawa legi siku ka Israeli ke? hakuba mina nza ku kala nzi nga zi tibi lezaku mina nzi hosi ehla ka Israeli ke?
- 23 Ni hosi yi te ngalo ka Ximei, Wena u nga ta kufa. Ni hosi yi lo hlambanya ka yena.
- 24 Na Mefiboxete a nwana wa Saule i lo relela ata ku kinga a hosi; yena ge ni ku umbala a mikonzo ya yena, a nga kayani ni xilevu xa yena, ge ni ku hlaza a tinguwo ta yena, ku sukela ka siku lego a hosi yi nga wa fambile ha gona ku kala ka siku lego a hosi yi nga wuya hi kurula.
- 25 Na ku mahisile lezo, ni laha yena a nga wa tile le Jerusalema a ku klanganyeta a hosi, lezaku a ho-
- si yi te ngalo ka yena, Ngahilezo hi yena u nga kala ku famba na mina, wena Mefiboxete ke?
- 26 Na yena i lo hlamula, Nwinyi wa mina, O hosi, a nanza ga mina gi lo kohlisela mina: hakuba a nanza ga wena gi te ngalo, Mina nga nzi gabatsela a mbongola ya mina, lezaku mina nzi ta kilela ka yona, ni ku famba ziwwe ni hosi; hakuba a nanza ga wena gi nga xilema.
- 27 Yena i retemukisile a nanza ga wena a ka nwinyi wa mina a hosi; kanilezi a nwinyi wa mina a hosi i kwatsi i engelosi ya Nungungulu: maha hikwalaho loku ku wonkakako kusasa kuwoneni ka wena.
- 28 Hakuba a yundlu ya dadani wa mina kanilezi mbanhu ba fileko mahlweni ka nwinyi wa mina a hosi; kasi lezo wena u yimisile a nanza ga wena a ku ba munwe loyi a nga gako mezeni ya wena nwinyi hosi. Kusasa muni loko ka mina lezaku nza ha ta engeta nzi rila kambe le hosini ke?
- 29 Ni hosi yi te ngalo ka yena, Hi yini wena wa ha engetako kambe ku wula mhaka ya wena ke? Mina nza wula, Wena na Ziba abelanani a tiko.
- 30 Na Mefiboxete i te ngalo ka hosi Ina, nga yena a teka konkle, hakuba kwatsi hilezi a nwinyi wa mina a hosi i tile hi kurula le ndlwini ya yena.
- 31 Na Barzillai a mu Gileade i lo relela ata hi Rogelima; yena i lo klatuka a Jordani ziwwe ni hosi, a ku yi klatukisa a pela Jordani.
- 32 Makunu Barzillai i wa kosahale nguvu, i wa hi nklanu ni manharu makume malembe a wukale: na yena i lo nehela a hosi a timbuba laha yona yi nga wa hi le Mahanaima; hakuba yena i wa hi munhu wa hombe nguvu.
- 33 Ni hosi yi te ngalo ka Barzillai, Ngona wena u klatuka ziwwe na mina, na mina nzi ta rwala wena ziwwe na mina le Jerusalema.
- 34 Na Barzillai i te ngalo ka hosi, Mangani a masiku ya malembe ya wutomi ga mina, lezaku mina nzi ta kanziya ziwwe ni hosi ka Jerusalema ke?
- 35 Mina legi siku nzi nklanu ni manharu makume malembe wukale: nzi nga zi kota a ku hambanyisa kusasa ni kubila ke? kasi a nanza ga wena

gi nga zi kota ku ringa kuga kutani kunwa ke? nza ha zi kota a kuzwa mina a gezu ga ku yimbelela ka wanuna ni kuyimbelela ka wasati ke? ngaholezo gi ta kala a nanza ga wena gi ta nga gi hi nzwalo ka wena nwinyi wa gona a hosi ke?

36 A nanza ga wena gi ta su klatuka kunene Jordani zinwe ni hosi: hi-yini a hosi yi klaliselako hi ncacazelo wa kungahi ke?

37 Nga a nanza ga wena, mina nza kombela wena, gi klela gi wuya, kasi mina nza fela kufa le mutini wa ka bina, hi le keleni wa dadani wa mina ni wa mamani wa mina. Kani- lezi languta, a nanza ga wena Cimhame; nga yena a klatuka zinwe ni nwinyi wa mina a hosi; ni ku maha ka yena lezo zi nge kwatsi kusasa ka wena.

38 Ni hosi yi lo hlamula, Cimhame i ta klatuka zinwe na mina, na mina nzi ta maha ka yena lezo zi wonekako kwatsi kusasa ka wena: ni kani hi-yini lexo wena u xi wutisako ka mina, lezaku lexo nzi ta xi mahela wena.

39 Ni bonkle banhu ba loya klatukweni wa Jordani, ni hosi yi lo klatuka: ni hosi yi lo trotra Barzillai, ni ku katekisa yena; na yena i lo klelela wutsanweni ga yena nwinyi.

40 Zingaho a hosi yi lo klatuka klatukweni wa le Gilgale, na Cimhame i lo klatuka zinwe naye: ni bonkle banhu ba ka Juda ba klatukisa a hosi klatukweni, kambe ni kihlanya ga banhu ba ka Israeli.

41 Ni, languta, bonkle ba banuna ba ka Israeli ba lotta ka hosi, ba te ngalo ka hosi, Hiyini a bamakabye ba hina a ba banuna ba ka Juda ba yibileko wena, ni ku neha a hosi, ni ba le ngangweni wa yena, leno klatuko wa Jordani, ni bonkle a ba banuna ba Davida zinwe na yena ke?

42 Ni bonkle a ba banuna ba ka Juda ba lo hlamula a ba banuna ba ka Israeli, Hakuba a hosi i xaka ga le kusuhi ka hina: ngahilezo nwina mu zangarile hi laya mahungu ke? hina hi la kuga yini futsi xa binzu ga hosi ke? kasike yena i la ku nyika hina a xinyikiwo ke?

43 Ni ba banuna ba ka Israeli ba lo hlamula a ba banuna ba ka Juda, ba te ngalo, Hina ni xipanxe xa kume le hosini, hinawu kambe hi na ku fa-

nelo ka Davida kwatsi ku hunza nwina: hi yini nwina mu tsanwisa-ko hina, lezaku a mano ya hina ma nga hiko wona ma rangako ma wuyisa a hosi ya hina yi klela yi wuya ke? Ni timhaka ta ba banuna ba ka Juda ti wo cabiseka a ku hunza a timhaka ta ba banuna ba ka Israeli.

XIPIMO 20.

1 Ni laho ku lo mahaka lezaku ku hi kona laho a nyamijiri wa wanuna, loye a bito ga yena a nga wa hi Xeba, a nwana wa Bikri, a mu Benjamini: na yena i loba a paratana, i te ngalo, Hina a hi na Xiabelo ka Davida, ge hambu ni tsomba hina ka nwana wa Jese:

2 Zingaho bonkle a ba banuna ba ka Israeli ba lo tsika ku kanziya ba lanzela Davida, ba lo lanzala Xeba a nwana wu Bikri; kanilezi a babanuna ba ka Juda ba lo namarela le hosi yabye, kusukela le Jordani ku kala le Jerusalema.

3 Na Davida i lotta le ndlwini ya yena le Jerusalema; ni hosi yi lo teka a kume ga ba basati a mindlukulu ya yena, leyo a nga wa yi siyile ku hlayisa a yindlu ya yena, i lo ba engenisa paxweni, i lo ba heleketela za kuga, kanilezi yena i wa nga ha yangi ka bona. Zingaho bona ba lo valelwa kala sikwini ga kufa kabye, ba lo tsama hi wunoni.

4 Zonake i lo wula a hosi ka Amasa, Bitana ka mina a ba banuna ba ka Juda katiginwe hi laha masikwini manharu, na wena u be kona lahawu.

5 Zingaho Amasa i lo famba a ku bitana a ba banuna ba ka Juda katiginwe; kanilezi yena i lo hlwela a nabalata ku hunza a xikati lexo yena a nga yimiselwe yena.

6 Na Davida i te ngalo ka Abixai, Makunu Xeba a nwana wa Bikri a nga maha hina a mhango ku hunza lezi a mahileko Absalome: teka wena a malanza ya hosi ya wena, ni ku hlongolisa le nzako ka yena, ku nga taku yena a ti tekela amiti yigingisilweko, ni ku ponela kona kuwone- ni ka hina.

7 Na ku lo famba le nzako a ba banuna ba Joabe, ni ma Cereti, ni ma Peleti, ni bonkle ba banuna ba tinhenba; na bona ba lo huma ba fa-

mba hi le Jerusalema, a ku hlongo-
lisa Xeba a nwana wa Bikri.

8 Ni laha bona ba nga wa hi le ribyeni
ga hombe lego gi nga wa hi le Gi-
beoni, na Amasa i lotta ku klanganye-
ta bona. Na Joabe i wa bohile hi
nguwo ya yena ya impi leyo a nga
wa yi huluxetile, na kona laho ku
wa bohelelwe ni supado yi tiyisilwe
laha xiwunwini xa yena laho ka ko-
celo wa kona; kwatsi hi lezi a nga
wa famba yona yi lowa handle.

9 Na Joabe i te ngalo ka Amasa, I
kwatsi ka wena ke, makabye ke?
Na Joabe i lo teka Amasa hi xi-
levu hi canja ga xinene a kutrotra
yena.

10 Kanilezi Amasa i wa nga a nga kla-
rihanghi hi supado leyi yi nga wa hi
lomo canjeni ga Joabe: zingaho ye-
na i lo gwaza yena ba yona lomo
mirini, ma su halaka a marumbu ya
yena ma suhwe laha liranzyeni,
a nga gwazangi yena kambe; na
yena i lofa.

Na Joabe na Abixai a makabye wa
yena ba lo hlolongisa le nzako ka
Xeba a nwana wa Bikri.

11 Ni laho ku lo yima hi ka yena a
munwe wa majaha ya ka Joabe, na
te ngalo, Loye a tomolokako ha
Joabe, ni loye a nga wa ka Davida,
nga yena a lanzela Joabe.

12 Na Amasa i la su canjala na polo-
ngelene ni nkata laha xikari ka go-
nzo. Ni laha a wanuna a nga wa
wonile lezaku a ba banuna ba su yi-
ma ba ku tseka, yena i lo rwala
Amasa laho gonzweni i lo mu yisa
lomo kwatini, i lo hoxa anguwo hehla
ka yena, laha a nga wa wonile le-
zaku bonklelele ba hunzako ha yena
ba ku yima ba kutseka.

13 Ni laha yena a nga wa susilwe laha
gonzweni, ni bonkle banhu ba loya
le nzako ka Joabe, ku hlolongisa
Xeba a nwana wa Bikri.

14 Na yena i loya a tsemakanya a
tixaka ta Israeli a kuya Abela, ni
Bete-maaka, ni bonkle ba Bera: na
bona ba lo tsombana katigawe, ba
lo famba kambe ba lanzela le ka
yena.

15 Na bona lotta vimbezela yena lomo
Abela ga Bete-maaka, na bona ba lo
hoxa a hlaliribya ba vukela a muti,
na lona li loyima lo vukela a xi-
kanekiso; ni bonkle a banhu labo
ba nga wa hi zinwe na Joabe ba wa

gungunusela a kurisi, a ku kungu-
mula gona.

16 Zonake ku lo bitana a wasati wa
kutiba hi lomo mutini, Zwanani,
zwanani; wula, mina nza kombela
nwina, ka Joabe, Wa nga tsinela
leno ku suhani, kasi mina nza fela
ku wulawula zinwe na wena.

17 Na yena i lo tsinela kusuhani ka
yena; ni wasati i te ngalo, Hi wena
Joabe ke? Na yena i lo hlamula,
Nzi mina yena. Zonake yena i te
ngalo ka yena, Zwana a timhaka ta
nanza ga xisati ga wena. Na yena
i lo hlamula, Mina nzazwa.

18 Zonake yena i lo wulawula, a ku nga-
lo, Bona ba wa hama ba wula hi xi-
katini xa kale, baku, Bona hakunene
ba ta wutisa a xikungo le Abela: zi-
ngaho bona ba lo gumelwa a mhaka.

19 Mina nzi munwe wa bona labo ba
rutisileko ni ba kolekileko ka Israeli:
wena u laba a kuba u lobisa a muti
ni nyine ka ka Israeli: hi yini wena
u labako a kukadamula a tsomba
ya ka Jehova ke?

20 Na Joabe i lo hlamula i te ngalo, A
ku be kule loko, a ku be kule loko
le ka mina, lezaku mina nzi ta ka-
damula kutani nzi ta lobisa.

21 A mahungu a ma ngaho; kanilezi a
wanuna wa tiko ga mitsurana ya ka
Efraime a nga Xeba a nwana wa
Bikri hi bito, a nga yena a klakusi-
leko a canja ga yena a vukela a hosi,
yena Davida; nyikelani yena ntse-
na, na mina nzi ta suka lomo muti-
ni. Ni wasati i te ngalo ka Joabe,
Languta, a hloko ya yena yi ta ho-
xiwa ka wena le hehla ka kurisi.

22 Zonake a wasati i loya ka bonkle ba-
nhu hi kutiba ka yena. Na bona ba
tsema a hloko ya Xeba a nwana wa
Bikri, ni ku hoxa yona ka Joabe.
Na yena i loba paratana, na bona ba
su gafe ba suka mutini, bonklelele
ba banuna baya matenteni yabye.
Na Joabe i lo klelela le Jerusalema
le hosini.

23 Makunu Joabe i wa hi hehla ka
yonkle a impi ya ka Israeli; na Be-
naia a nwana wa Jeholada i wa hi
hehla ka ma Cereti, ni ma Peleti;

24 Na Adorama i wa hi hehla ka ba-
nhu ba mitiro ya mikinyabezo; na
Jehoxafate a nwana wa Ahiluda i
wa hi mukumbuxeti;

25 Xeva i wa hi mutsali; na Zadoke na
Abiatar ba wa hi bapristi;

26 Ni kambe Ira a mu Jaira i wa hi nduna ya hombe ka Davida.

XIPIMO 21.

- 1 Ni laho ku wa hi kona a ndlala masikwini ya Davida malembe manharu, a malembe ma gamanako; na Davida i hlota a ngohe ya Jehova. Na Jehova i te ngalo, Kona nzi Saule, ni yindlu ya yena ya nkata, hakuba yena i lo daya ma Gibeoni.
- 2 Ni hosi yi lo bitana a ma Gibeoni, i te ngalo ka wona (makunu a ma Gibeoni ba wa nga hi bona a banana ba ka Israeli, kanilezi misalela ya ma Amori; ui banaua ba ka Israeli ba wa hlambanyile ka bona; na Saule i lo xuba a kudaya bona hi kupangama ka banana ba ka Israeli na Juda);
- 3 Na Davida i te ngalo ka ma Gibeoni, Xini mina nzi ta nga xi maha ka nwina ke? lexo mina nzi ta nga maha a nzhiho ha xona, kasi nwina ma fela kukatekisa a banhu ba ka Jehova ke?
- 4 Ni ma Gibeoni ma wa te ngalo ka yena, Kona ku wangahi a mahungu ya siliva ni nzalama zinga xikari ka hina na Saule, kutani yindlu ya yena: kambe a hi ka hina a ku daya ni wihi a munhu lomu ka Israeli. Na yena i te ngalo, Xini nwina mu ta nga wula, lezo mina nzi ta nga mahela nwina.
- 5 Na bona ba te ngalo ka hosi, a munhu loye a rizileko hina, ni loye a kungileko a vukela hina, lezaku hina hi taba hi loyisilwe kusaleni ka hina ni ka wihi a mbingano wa ka Israeli,
- 6 Nga a nklanu ni bambiri a bana ba yena ba nyikelwa ka hina, hina hi ta hi yeka bona mahlweni ka Jehova le Gibeon wa Saule, a ba hlawulileko ba Jehova. Ni hosi yi te ngalo, Mina nzi ta nyikela bona.
- 7 Kanilezi a hosi yi nga hanyiza Mefiboxete, a nwana wa Jonatani a nwana wa Saule, hakuba hi xifungo xa ka Jehova lexo xi nga wa hi xikari ka bona, xikari ka Davida na Jonatani a nwana wa Saule.
- 8 Kanilezi a hosi yi lo teka a bana bambiri ba Rizpa a nhanyana wa Aia, labo yena a nga wa tralele ka Saule, Armoni na Mefiboxete; ni nklanu wa barisanyana ba Mikali a nhanya-

na wa Saule, labo yena a nga trele na Adrieli a nwana wa Barzillai a mu Meholate.

- 9 Na yena i lo nyikela bona canjeni ga ma Gibeoni, na bona ba lo hayeka bona ka xitsunga mahlweni ka Jehova, na bona ba lowa hi wunklanu ni bambiri katigizwe. Na bona ba lo dawa masikwini ya ku xihulo, hi siku ga kuranga, le kusanguleni ka xihulo xa Barle.
- 10 Na Rizpa a nhanyana wa Aia i lo teka a nguwo ya tisakwa, i lo a ndlalela yona ka yena hehla ka ribye, ku sukela le kusanguleni ka xihulo kala a mati ma halakela hehla ka wona hi le tilweni, na yena i wa nga vumeli a tinyanyani ta matilo a kuhumula hehla ka wona hi siku, ni zihari za kwati hi wusiku.
- 11 Na kona ku wa lo byela a Davida lezi Rizpa a nhanyana wa Aia, a mndlukulu wa Saule, lezi a zi mahileko.
- 12 Na Davida i lo famba i lo teka a marambu ya Saule ni ya ni marambu ya Jonatani a nwana wa yena le ka ba banuna ba Jebexegileade, loye a nga wa yibile wona le mapangweni ya le Beti-xane, laho a ma Filisti ma nga wa hayekile wona, a sikwini lego a ma Filisti ma nga wa dele Saule le Gilboa;
- 13 Na yena i lo neha hi leyo a marambu ya Saule ni marambu ya Jonatani a nwana wa yena: na bona ba lo wungeletela a marambu ya bona labo ba nga wa hayekilwe.
- 14 Na bona ba lo kelela a marambu ya Saule ni ya Jonatani a nwana wa yena le tikweni ga ka Benjamini le Zela, le xilahleni xa Kixi a raru wa yena: na bona ba lo maha zonkle lezo a hosi yi leleteleko. Ni nzako ka lezo a hosi yi wa lo kombelelwa hi kota a tiko.
- 15 Ni ma Filisti ma lo maha impi kambe zinwe na Israeli; na Davida i lo relela aya, a malanza ya yena zinwe na yena, ni kulwa ba vukela ma Filisti. Na Davida i lo hunzelela a karala;
- 16 Na Ixibe-nobe loye a nga wa hi wa nwana wa tingwazi, ni kubinza ka klari ga yena ku wa hi mazana manharu ya maxekeli ya suku a kubi-nza, na yena na a wa nga a bohile hi supado yiswa, ku wo alakanywa ku nga a dele Davida.

GA WUMBIRI GA SAMUELI, 22.

- 17 Kanlezi Abixai a nwana wa Zeruia i lo ponisa yena, i lo gwaza a mu Filisti, i lo daya yena. Zonake a ba banuna ba ka Davida ba lo hlambanya ka yena, baku, Wena u nga ha engeti u famba zinwe na hina uya kulweni, lezaku wena u nga timi a kandiya ya ka Israeli.
- 18 Na ku mahisile lezo a nzako ka lezi, lezaku laho kambe ku wa hi kona a impi kambe ni ma Filisti le Goba : zonake Sibbekai a mu Huxate i lo daya Sefa, loye a nga wa hi wa nwanwa wa tingwazi.
- 19 Ni laho ku wa hi kona kambe impi ni ma Filisti le Goba ; na Elhanana a nwana wa Jaareoregime a mu Betlehema i lo daya Golia a mu Giti, loye a mbingo wa klari ga yena wu nga wa ku kwatsi i nza-mbyanana wu lukilweko.
- 20 Ni laho ku wa hi kona a impi le Gati, laho ku wa nga wa hi kona a munhu wa dzumba ga hombe, loye a nga wa hi munhu ni wonklelele mandla nklanu ni linwe a litiho, ni mikonzweni yonkle nklanu ni linwe linjala, ku wa hi makume mambiri ni muni tinyala a tsengo ; yenawu kambe i wa lo tralwa na hi ngwazi.
- 21 Ni laha yena a nga wa rukatela Israeli, Jonatani a nwana wa Ximei, a nakulobywa wa Davida, i lo daya yena.
- 22 Laba ba mune ba wa tralelwe wungwazini le Gati ; na bona ba lowa canja ga Davida, ni canja ga malanza ya yena."

XIPIMO 22.

- 1 Na Davida i lo wulawula ka Jehova a timhaka ta lolu lisimu a sikwini lego Jehova a nga wa klaklisile yena a huma la handle canjeni ga bonkle a balala ba yena, ni le canjeni ga Saule :
- 2 Na yena i te ngalo,
Jehova hi ribye ga mina, ni xiponelo xa mina, ni muklaklisi wa mina, mgwaminawu ;
- 3 Nungungulu, a ribye ga mina, a ka yena mina nzi ta teka a wuponelo ;
A xiklangu xa mina, ni limhonzo la kuhanyiswa ka mina, a tawa ya mina yi klakukileko, ni xiponelo xa mina ;
Muhanyisi wa mina, wena u hanyisako mina kuhlokisweni.

- 4 Na mina nzi ta bitana ka Jehova, loye a faneleko ku dumiswa ; Zingaho mina nzi ta poniswa le balaleni ba mina.
- 5 Hakuba a mabyandlati ya kufa ma wa pomele mina ;
A mintalo ya ku nga hi wunungungulu yi wa mahile mina nzi caba :
- 6 A lingoti la Xeole li wa ranzele mina ;
A mapanya ya kufa ma wa pomele mina.
- 7 Nzeni ka tikuruxu ta mina nzi lo bitana ka Jehova ;
Ina, mina nzi bitanile ka Nungungulu wa mina :
Na yena i lozwa a gezu ga mina hi lomo templeri ya yena,
Ni kurila ka mina ku lota tindlebeni ta yena.
- 8 Zonake a saba gi ta tsekatseka gi rurumela,
A ziseketelo za tilo zi tsekatsekisilwe
Na zona zi wa tsekatsekisilwe, hakuba yena i wa zangarisilwe.
- 9 Ni laho ku lo tubika a musu wu huma hi lomo tinhovini ta yena,
Ni nzilo wu humako hi lomo kanwini ka yena wu kadamulile :
Ni makala ma wa nzibelwe ha wona.
- 10 Yena i koramisile a matilo kambe, a relela lahasi ;
Ni munyama wu pumisisilweko wu wa lahasi ka mikonzo ya yena.
- 11 Ni uhonga hehla ka Cerube, yi lo puruma ;
Ina, yena i wa wonilwe hehla ka tipapa ta mhebo.
- 12 Ni ku maha a munyama a zikupe zi ranzeleko yena,
A hlengeletano wa mamati, a marefu ma klimbeneko timhehweni.
- 13 Le ka kungangamelisisa mahlweni ka yena
A makala ya nzilo ma dzibelilwe.
- 14 Jehova a dzunzako hi le tilweni,
Ni loye a Hunzeleleko Hehla a tsawutela a gezu ga yena.
- 15 Na yena a rumelako tugalala, ni ku hangalasa tona ;
A xingwalangwanza, a tsuwukisileko bona.
- 16 Zonake a milonga ya bimbi yi lo wonkeliswa,

- Ni ziseketelo sa tiko zi wa lo beke-
lwa dIunya,
Hi kukawuka ka Jehova,
Lekupupuxeni ka muhefemulo wa
tinhovu ta yena.
- 17 Yena i lo rumela mina hi le he-
hla, yena i lo teka mina;
Yena i lo humesa mina hi le ma-
matini na teleko;
- 18 Yena i klaklisile mina le balaleni
ba mina ba ntamo,
Le ka bona labo ba bengako mina;
hakuba bona ba wa hi tinhenha
ku hunza mina.
- 19 Na bona ba lotta ku pomela mina
le sikwini ga ngu wukuwu ya
mina;
Kanilezi Jehova hi kutiyisa ka
mina.
- 20 Yena i lo neha mina kambe wu-
tsanweni ga hombe;
Yena i klaklisile mina, hakuba ye-
na a ranzileko mina.
- 21 Jehova i ncacazele mina kwatsi hi
kululamisisa ka mina;
Kukotisa hi kubasisisa ka canja
ga mina yena i klelisele mina.
- 22 Hakuba mina nzi hlaysile a ndle-
la ya Jehova,
Hi kubihisilweko a nzi sukangi
Nungungulu wa mina.
- 23 Hakuba zonkle a ziyimiso za yena
zi wa hi mahlweni ka mina;
Kanilezi kwatsi hi zilayelo za yena,
mina a nzi sukangi ka zona.
- 24 Minawu kambe nzi wa mbelele
mahlweni ka yena;
Na nzi hlaysile a wutsumbu ga
mina zigohweni za mina.
- 25 Hikwalaho Jehova i ncacazele mi-
na kukotisa hi kululamisisa ka
mina,
Kukotisa hi kubasisa ka mina ka
makayi ya kuwona ka yena.
- 26 Hi titalo wena u ta kombisa a wu-
tsumbu ga wena hi kutralekisi-
lweko;
Hi munhu a mbeleleko wena u ta
ti kombisa akumbelela ka wena;
- 27 Hi labo bo basa wena u ta kombisa
a kubasa ka tsumbu wa wena;
Na hi kuonhakala wena u ta ko-
mbisa wutsumbu ga wena hi
makulo;
- 28 Ni banhu ba hlokisilweko wena u
ta ba hanyisa;
Kanilezi a mahlo ya wena ma le
ka ba ti kukumuxako, kasi wena
wa fela ku neha bona lahasi.
- 29 Hakuba wena u kandiya ya mina,
O Jehova;
Na Jehova i ta woninga a munya-
ma wa mina.
- 30 Hakuba ha wena mina nza jatama
mabutwini;
Ha Nungungulu wa mina nzi ma-
ha kuklula hehla ka kurisi.
- 31 Kwatsi hi Nungungulu, a ndlela
ya yena yi mbelele;
A mhaka ya Jehova yi hlolilwe;
Yena u hi xiklangu xa bona bo-
nkle labo ba tekako wucabelo ka
yena.
- 32 Hakuba nzimani Nungungulu, sa-
seka Jehova ke?
Nzimani a ribye, saseka a Nungu-
ngulu wa hina ke?
- 33 Nungungulu hi muti wa mina
xa ntamo;
Na yena a rangelako a bambeleli
ndleleni ya yena.
- 34 Yena a mahako mikonzo ya yena
ku fanana ni mikonzo ya trele
ya mhuti,
Ni ku tsamisa mina a wutsanweni
ga mina gi klakukileko.
- 35 Yena a gonzisako a mandla ya
mina a kulwa,
Zingaho lezo kasi a mawoko ya
mina ma petsa a wura ga suku.
- 36 Wenawu kambe u nyikile mina a
xiklangu xa kuhanyiswa ka
wena;
Ni kuolobisisa ka wena ku nzi
mahile wa hombe.
- 37 Wena u enzelekisile a zikanziyelo
za mina lahasi ka mina;
Ni mikonzo ya mina a yi retemu-
kangi.
- 38 Mina nzi hlongolisile a balala ba
mina, ni nzi lobisile bona;
Ge ni klela kambe kala bona ba
mbetisilwe.
- 39 Na mina nzi mbetisile bona, nzi su-
hihirita bona hloswa, zingaho
lezo bona ba nga ta ha vuka:
Ina, bona ba wile lahasi ka miko-
nzo ya mina.
- 40 Hakuba wena u bohile mina hi
wurena le impini;
Wena u koziseleko lahasi ka mina
labo ba sukako ba vukela mina.
- 41 Na wena u mahile a balala ba mi-
na ba hunzuluka a hlana wabye
ka mina,
Kasi mina nza fela a ku tsema bo-
na labo ba bengako mina.
- 42 Bona ba lo cuwuka, kanilezi laho

- ku wa nga hi kona wa kuha-
nyisa ;
Hambu ka Jehova yena, kanilezi
yena a nga hlumulango bona.
- 43 Zonake nzi lo ba cumbalakanyisa
wutsongo kwatsi i tsutsungwani
wa saba,
Mina nzi lo kwanganya bona kwa-
tsi hi marope ya laha mapan-
gweni, ni ku hangalasa bona
ga fe.
- 44 Wena u kambe u klaklisile mina
le kukanetisaneni ka banhu ba
ka hina ;
Wena hi wena u hlaysileko mina
a kuba hloko ya mifumo :
Ni banhu labo mina nzi nga ba ti-
biko ba ta kozela mina.
- 45 Ni bamatiko ba ta koza a wutsu-
mbu gabye ka mina :
Kwatsi hi xikanzakanya xa lezi
bazwako mina, bona ba ta ingi-
sa mina.
- 46 A bamatiko ba ta cucekela ma-
gumo,
Na ba tata na ba rurumela ba hu-
ma wutsanweni gabye gi kli-
mbeneko.
- 47 Jehova wa hanya ; a gi katekiswe
a ribye ga mina ;
A klakuswe Nungungulu, a ribye
ga kuhanyiswa ka mina,
- 48 Yena Nungungulu loye a tsanzako
a potelo ha mina,
Na yena a reletako a banhu ba ta
lahasi ka mina,
- 49 Yena loye a nehako mina nzi hu-
ma hi ka balala ba mina :
Ina, wena u klakusile mina le he-
hla ka bona labo ba sukako ba
vukela mina ;
Wena u klaklisako mina ka banhu
ba titseku.
- 50 Hikwalaho mina nzi ta nyika ku-
bonga ka wena, O Jehova, xi-
kari ka mifumo yonkle,
Mina nzi ta yimbelela a kudumi-
siswa hitweni ga wena.
- 51 A klakliselo wa hombe i nyikile
yena ka hosi ya yena,
Ni ku kombisa a kuranzakawu-
nene ka a totilweko wa yena,
Ka Davida ni ka mbewu ya yena,
kala kupinzuka kambe.

XIPIMO 23.

- 1 Makunu leti hi timhaka to gumesa
ta Davida.
Davida a zwana wa Jese i te ngalo,

- Ni munhu loye a klakusilweko le
hehla i te ngalo,
A totilweko wa Nungungulu wa
Jakobe,
Ni muyimbeleli wa tisimu to tso-
mbela ta ka Israeli :
- 2 A Moya wa Jehova wulawulile ha
mina,
Ni mhaka ya yena yi wa hi hehla
ka lirimi la mina.
- 3 A Nungungulu wa ka Israeli i te
ngalo,
A Ribye ga ka Israeli gi lo wula-
wula ka mina :
A muawe loye a fumelako hehla
ka mina hi kululamiselweko,
Loye a fumelako hi xicawo xa Nu-
ngungulu,
- 4 Loye a nge kwatsi kuwoninga ka
mixo, laho gambo gi sukako,
A mixo yi nga hiko na marefu,
Laha a byanyi gi olobako gi mi-
lako misabeni,
Hi kuxwengula anzako ka kuba a
vula yi nile.
- 5 Hazinene a yindlu ya mina a yi
ngaho ha Nungungulu ;
Kasike yena wa ha mahile ha mi-
na a xivumelwano xa pinzu-
kelwa,
I longisile ka zilo zonkle, ni ku zi
tiyisa :
Hakuba kona konkle kuhanyiswa
ka mina, ni kuxuba ka mina ko-
nkle,
Hambulezoke a nga mahangiko
kona ku kula.
- 6 Kanilezi a ba nga hiko wunungu-
ngulwini bona bonkle ba tabe
kota mizwa yi hoxwako,
Hakuba bona a ba na ku tekwa hi
canja ;
- 7 Kanilezi a munhu loye a kumbako
bona
A be a hlomileko hi siketse ni
mbingo wa klari :
Na bona hi kunzangukisilweko ba
ta hiswa hi nzilo wutsanweni
gabye.
- 8 Laya hi mabito ya ba banuna ba
tinhenha labo Davida a nga wa hi
nabo : Joxeb-basxebete a mu Tahe-
cemoni, a nduna ya tinduna ; ywa-
loye i wa hi Adino a mu Ezne, ba
vukela a nkhanu ni manharu mazana
ma dalweko hi xikati xinwe.
- 9 A nzako ka yena ku wa hi Elea-
zare a zwana wa Dodai a zwana wa
mu Ahohe, a muawe wa tinhenha ta

- ba banuna zinwe na Davida, laho bona ba nga wa kanyisile a ma Filisti lawo ma nga wa tsombene kati-giawe a kulwa, ni ba banuna ba ka Israeli ba wa nga ba fambile.
- 10 Yena i lo suka, i lo hlasela a ma Filisti kala a canja ga yena gi karala, ni canja ga yena gi wa lo namarela supadweni; na Jehova i lo maha kuhlula ka hombe lego siku; ni banhu ba lo klela ba wuya ntsena ka yena ku ta teka a mupango.
- 11 Ni nzako ka yena ku wa hi Xama a nwana wa Agee a mu Harare. Ni ma Filisti ma wa tsombene a wutsamo giawe a ku maha a bandla, laho ku nga wa hi kona a mapuwa ya masimu ma tele hi tinyawa; ni banhu ba wa la su tsuwuka mahlweni ka ma Filisti.
- 12 Kanilezi yena i lo yima laho xikari ka mapuwa, i lo vikela wona, i lo hlasela a ma Filisti; na Jehova i lo tira a kuhlula ka hombe.
- 13 Ni banharu ba makume manharu ya tinduna ba lo relela baya, ba lota ka Davida hi xikati xa xihulo le muhumeni wa le Adullama; ni mabutu ya ma Filisti ma wa gobile le mikobeni ya le Refaime.
- 14 Makunu Davida zonake i wa hi lomo mikoboklweni; ni maviyo ya ma Filisti zonake ma wa hi le Betlehema.
- 15 Na Davida i lo xuba, na te ngalo, O lezaku a muawe i wa ta nga nyika mina a mati ya kunwa ya le hlobyeni ya le Betlehema, leyo yi nga le nyangweni!
- 16 Ni tinhenha tinharu ta ba banuna, ba lo panza ba tsemakanya a mabandla ya ma Filisti, ba lo yaka a mati le hlobyeni ya le Betlehema, leyo yi nga wa hi hi le nyangweni, ba lo teka wona, ba lo ma neha ka Davida: kanilezi yena i wa nga a nga nwangi ka wona, kanilezi yena i lo culula wona ka Jehova.
- 17 Na yena i te ngalo, Nga loko ku hi kule na mina, O Jehova, lazaku nga nzi wa ta maha lezi mina: mina nzi tanwa a nkata wa ba banuna labo ba yileko ku pfokometa a wutomi gabye ke? hikwalaho yena i wa nga a nga nwangi wona. Lezi zilo ti lo si maha a tinhenha tinharu ta ba banuna.
- 18 Na Abixai a makabye wa Joabe, a nwana wa Zerula, i wa hi wa hombe ka laba banharu. Na yena i lo klakusa a klari ga yena a kulwa ni mazana manharu i lo hlasela wona, i wa hi ni bito xikari ka banharu.
- 19 Yena i wa nga hi loye a hunzeleko a kudzunziwa xikari ka banharu ke? hikwalaho yena i lo mahiwa a nduna yabye: ahemba yena i wa nga ciketelangi ka laba bo ranga banharu.
- 20 Na Benaia a nwana wa Jehoiada, a nwana wa wanuna wa makawulo wa le Kabzeeli, loye a nga wa mahile a mitiro ya ntamo, yena i lo daya a bana bambiri ba Arieli wa le Moabi: yena i lo relela i lo daya a ngonyamo le xikari ka rinzi hi xikatini xa xirami.
- 21 Na yena i lo daya a mu Gipiti, a wanuna wa li rorombola; na mu Gipiti i wa hi ni klari canjeni ga yena; kanilezi yena i lo relela zinweni muciso, i lo wukla a klari canjeni ga mu Gipiti, i lo gwaza yena hi klari ga yena nwinyi.
- 22 Lezi zilo i lo maha Benaia a nwana wa Jehoiada, na yena i wa hi ni bito xikari ka tingwazi tinharu.
- 23 Yena i wa dzunzekile nguvu kuhunza laba ba makume manharu, kanilezi yena i wa nga ciketelangi ka laba bo ranga banharu. Na Davida i lo yimisa yena hehla ka kulangutela ka yena.
- 24 Asaheli a makabye wa Joabe i wa hi muawe wa bamakume manharu; Elhanana a nwana wa Dodo wa le Betlehema.
- 25 Xama a mu Harode, Elik a mu Harode,
- 26 Hezeli a mu Palte, Ira a nwana wa Ikkexa a mu Tekoi,
- 27 Abiezera a mu Anatoti, Mebunnai a mu Huxate,
- 28 Zelmani a mu Ahohe, Maharai a mu Netofate,
- 29 Heleba a nwana wa Baana a mu Netofate, Ittai a nwana wa Ribai wa le Gibe a wa banana ba ka Benjamini,
- 30 Benaia a mu Piratoni, Hiddai wa le zicongwaneni za Gaaxa,
- 31 Abialboni a mu Arbate, Azmavete a mu Barxume,
- 32 Elialba amu Xaalboni, a nwana wa Jaxeni, Jonatani,
- 33 Xama a mu Harare, Ahima a nwana wa Xarare a mu Arare,
- 34 Elifeleti a nwana wa Ahasibai, a nwana wa Maakate, Eliama a nwana wa Ahitofeli a mu Giloni,

- 35 Hezro a mu Karmeli, Paarai a mu Arbe,
 36 Igali a nwana wa Natani, wa Zoba, Bani a mu Gadi,
 37 Zeleke a mu Ammoni, Naharai a mu Beerote, a mukomi wa maklari ya Joabe a nwana wa Zerua,
 38 Ira a mu Itri, Garebe a mu Itri,
 39 Uria a mu Hiti: makume manharu ni nklanu ni bambiri ka bonkle.

XIPIMO 24.

- 1 Ni kambe a zanga ya Jehova yi wa vindlukisilwe yi vukela Israeli, yena i lo kuhlunga Davida ku vukela bona, aku, Famba, uya hlava Israeli na Juda.
- 2 Ni hosi yi te ngalo ka Joabe a nduna ya impi, loye a nga wa hi zinwe na yena, Famba makunu u nzulanzula u tsemakanya ka tonkle a tixaka ta ka Israeli, ku sukela Dani kala le Berexeba, ni ku hlavela zwina banhu, kasi mina nza fela a ku tiba a tsengo wa banhu.
- 3 Na Joabe i te ngalo ka hosi, Makunu Jehova a Nungungulu wa wena i engetele ka wena a banhu, kani bona mbatsengo wa kutalisa kuyini, a makume mazana ma wuyetilweko; a mahlo ya winyi wa mina a hosi ma ku wone loko, kanilezi hiyini a winyi wa mina a hosi a mahako ka lezi zilo ke?
- 4 Ahembalokoke, mhaka ya hosi yi wa lo kanyameta kuklula Joabe, ni klula a tinduna ta mabandla. Na Joabe ni tinduna ta mabandla ti loya ti huma hi le kubakoneni ka hosi, a ku ya hlavela a banhu ba ka Israeli.
- 5 Na bona ba lo hunza ba klatuka Jordani, ni gobile le Aroera, hi le khlweni ga xinene ga muti lowo wu nga lomo xikari ka mikoba ya ka Gadi, ni le Jazera:
- 6 Zonake bona ba lota le Gileade, ni le tikweni ga Tahtimhodxi: na bona ba lota le Danjaani, ni kurenzeleka baya Sidoni.
- 7 Ba lota le mikobohlweni ya le Tire, ni ka yonkle a miti ya ma Hivi, ni ma Kenani; na bona ba lo huma le dzongeni ga ka Juda, le Berexeba.
- 8 Zingaho laho bona ba nga wa nzulanzulile a ku tsemakanya gonkle a tiko, bona ba lota le Jerusalema hi kugumelweni nklanu ni mune a tihweti ni makume mambiri ya masiku.

- 9 Na Joabe i lo nyika a xihlayo xa tsengo wa banhu ka hosi: ni laho ku wa hi kona ka Israeli a nklanu ni manharu mazana ya kume ga mazana ya ba banuna ba maklari labo ba komako a supado; ni ba banuna ba ka Juda ba wa hi nklanu wa mazana ya kume ga mazana ya ba banuna.
- 10 Ni mbilu ya Davida yi lo gabatana ka yena a nzako ka lezo a nga wa hlavile a banhu. Na Davida i te ngalo ka Jehova, Mina nzi onhile hi kukulisilweko a ka lezo mina nzi mahileko: kanilezi makunu, O Jehova, susa kule, mina nza kongotela wena, a kugoha ka nanza ga wena; hakuba mina nzi mahile hi kupupulutisilweko.
- 11 Ni laha Davida a nga wa vukile ni mixo laha mixweni, ni mhaka ya ka Jehova yi lota muprofeti Gadi, a muwoneli wa Davida, yiku,
- 12 Famba ni ku a wulawula ka Davida, Zakungahi i ku Jehova, Mina nzi nyika wena a zilo zinharu: hlavula a xinwe xa zona, kasi nza fela ku maha xona ka wena.
- 13 Zingaho Gadi i lota ka Davida, lo ta byela yena, na te ngalo ka yena, Na hlavula a nklanu ni mambiri a malembe kuta andlala ka wena lomu tikweni ke? kutani wena u ta tsutsu ma tihweti tinharu mahlweni ka balala ba wena laho na bona na ba hlongolisa wena ke? kutani laho ku taba a masiku manharu ya tungu lomu tikweni ke? makunu alakanyela wena, u pima lezaku i hlumulo muni nzi ta nga khliselala ka yena loye a nzi rumileko mina.
- 14 Na Davida i te ngalo ka Gadi, Mina nzi kanyametilwe nguvu: nga hina ha wela makunu le canjeni ga Jehova; hakuba a wuxinji ga yena ga hombe; nga mina nzi nga weli canjeni ga munhu.
- 15 Zingaho Jehova i lo rumela a tungu hehla ka Israeli ku sukela mixweni kala xikatini xi lo longisilweko; ni laho ku lofa a banhu ku sukela le Dani kala le Berexeba a nklanu ni mambiri makume ya kume ga mazana ya ba banuna.
- 16 Ni laha a ngelosi yi nga wa klakusile a canja ngomameni ni Jerusalema aku lobisa gona, Jehova i lo hunzuluka ka loko kubiha, i te ngalo ka ngelosi leyo yi lobisileko a ba-

GO SANGULA GA TIHOSI, 1.

- nhu, kona ku enele; makunu tsamisana a canja ga wena. Ni ngelosi ya ka Jehova yi wa hi lilonzeni la nzimbo wa Arauna a mu Jebusi.
- 17 Na Davida i lo wulawula ka Jehova laha yena a nga wa wonile a ngelosi leyo yi hihiritileko a banhu, i te ngalo, Wangabye, mina nzi onhile, mina nzi mahile hi kukohlakalisiweko; kanilezi leti a tiyivu, ti mahile yini ke? nga a canja ga wena, mina nza kombela wena, a gi vukela mina, ni ku vukela a yindlu ya ka dadani wa mina.
- 18 Na Gadi i lota lego siku ka Davida, na te ngalo ka yena, Kanziya uya hehla, ni ku aka a alati ka Jehova le lilonzeni la nzimbo wa Arauna a mu Jebusi.
- 19 Na Davida i lo kanziya kukotisa hi kuwula ka Gadi, kwatsi hilezi Jehova a leleteleko.
- 20 Na Arauna i lo cuwuka leyo, i lo wona a hosi ni malanza ya yona ma suta ma komama ka yena: na Arauna i lo huma handle, i lo korama a wutsumbu ga yena mahlweni ka hosi hi ngohe ya yena laha liranza-byeni.
- 21 Na Arauna i te ngalo, Ngahilezo a nwinyi wa mina a hosi i tile ka malanza ya yena ke? na Davida i te ngalo, A ku ta xaba a lilonze la nzimbo wa wena, a ku aka a alati ka Jehova, kasi a tungu wu fela ku kawula ka banhu.
- 22 Na Arauna i te ngalo ka Davida, Nga a nwinyi wa mina a hosi a teka a nyikela kwatsi hilezi zi wonakako a kusasa ka yena: languta, a tikabi ta munyikelo wa kuhiswa, ni zibya za kuhula ha zona ni majoka ya tikabi a kuba tihunyi:
- 23 Zonkle lezi, O hosi, wa nyika Arauna ka hosi. Na Arauna i te ngalo ka hosi, Jehova a Nungungulu wa wena a amukele wena.
- 24 Ni hosi yi te ngalo ka Arauna, Korkwihi; kanilezi futsi nzi ta xaba hi tsengo wa kona; ge hambu a ku nyikela a munyikelo wa kuhiswa ka Nungungulu wa mina lowo wu nga nzi tekelangiko ncumo. Zingaho Davida i lo xaba a lilonze la nzimbo wa kuhula ni tikabi hi nklanu wa makume a maxekeli ya siliva.
- 25 Na Davida i lo aka leyo a alati ka Jehova, i lo nyikela aminyikelo ya kuhiswa ni minyikelo ya kurula. Zingaho Jehova i wa kombelilwe hi tiko, ni tungu wu wa kawulile ka ka Israeli.

A BUKU GO SANGULA GA TIHOSI.

XIPIMO 1.

- 1 Makunu Davida a hosi i wa hi wa kale na kosabele malembeni; na bona ba lo fenengeta yena hi tinguwo, kanilezi yena i wa nga hi ni kukufumela.
- 2 Ngahilezo a malanza ya yena ma te ngalo ka yena, Nga laho ku labyelwa a hosi ya mina a mubulwa muswa: na nga yena a yima mahlweni ka hosi, a yi tangalisa yona; na nga yena a eklela xifubeni xa yena, kasi a fela a ku a nwinyi wa mina a hosi a fela ku kuma ku kufumetwa.
- 3 Zingaho bona ba lo laba a nhwana wa kusaseka ka wonkle a mbingano wa ka Israeli, ba lo kuma Abixaga a mu Xunamme, ba lo neha yena le hosini.
- 4 Ni nhwana i wa sasekile nguvu; na yena i lo tangalisa a hosi, i lo kozela ka yona; kanilezi a hosi a yi mu tibangi yena.
- 5 Zonake Adonija a nwana wa Haggite i lo kukumuxa a wutsumbu ga yena, aku, Mina nzi ta maha a hosi: yena i lo ti longiselela a tikareta ni ba banuna ba mahaxi, ni nklanu wa makume ya ba banuna a ku tsutsuma mahlweni ka yena.
- 6 Ni raru wa yena i wa nga kawukangi yena ni ka xihhi xikati a ka lezo zaku, Hiyini wena u mahako zakuningaho ke? yenawu kambe i wa hi

GO SANGULA GA TIHOSI, 1.

- wanuna wa nene ; a nga wa trelwe a nzako ka Absulome.
- 7 Na yena i lo maha a gujegu je zinwe na Joabe a nwana wa Zerua, na Abiatar a mupristi : na bona ba lo lanzela Adonija ba lo vunetela yena.
- 8 Kanilezi Zadoke a mupristi, na Benaia a nwana wa Jehoiada, na Natani a muprofeti, na Ximei, na Rei, a tinhenha ta ba banuna leto ti nga ta ka Davida, ti wa nga hi zinwe na Adonija.
- 9 Na Adonija i lo daya a tiyivu ni tihomu ni kunonisilweko hi le ribyni ga le Zohetele, lego gi nga wa hi khlweni ga le Enrogeli ; yena i lo bitana bonkle a bamakaye ba yena, a banana ba hosi, ni bonkle a ba banuna ba ka Juda, a malanza ya hosi :
- 10 Kanilezi Natani a muprofeti, na Benaia, ni ba banuna ba tinhenha, na Solomoni a nakulobye, i wa nga ba bitanangi.
- 11 Zonake Natani i lo wulawula ka Bate-xeba a nyine wa Solomoni, a aku, Wena a ku zi zwangi lezaku Adonija a nwana wa Haggite wa fuma ke, na Davida a hosi ya hina a yi zi tibi zona ?
- 12 Makunu hikwalaho gona nga mina, nza kombela wena, nzi nyika wena xikungo, kasi wena wa fela ku hanyisa a wutomi ga wutsumbu ga wena, ni wutomi ga nisanyana wa wena Solomoni.
- 13 Famba u ti yisa wena ka hosi Davida, ni kuwula ka yena, A hi wena u teku, hosi ya mina, O hosi, u hlambanyileko ka nanza ga wena ga xisati, uku, Hizinene Solomoni a nwana wa wena i ta fuma le nzako ka mina, na yena i ta tsama le hehla ka xitsamo xa wukosi xa mina ke? hiyini zonake Adonija a fumako ke?
- 14 Languta, laha wena na wa ha wulawula zinwe ni hosi, minawu kambe nzi tata le nzako ka wena, nzi ta tiyisa a timhaka ta wena.
- 15 Na Bate-xeba i loya le hosini le ndlwini : ni hosi yi wa kosahela nguvu ; na Abixagi a mu Xunamme i wa kozela a hosi.
- 16 Na Bate-xeba i lo korama, i lo maha xica/yo ka hosi. Ni hosi yi te ngalo, U wa ta nga u laba yini wena ke?
- 17 Na yena i te ngalo ka yena, Hosi ya mina, wena a hi wena u hlambanyileko ha Jehova a Nungungulu wa
- wena ke a ka nanza ga xisati ga wena, uku, Hizinene Solomoni a nwana wa wena i ta fuma le nzako ka mina ke, yena i ta tsama le hehla ka xitsamo xa wukosi.
- 18 Ni makunu, languta, Adonija afumako ; na wena, nwinyi wa mina a hosi, a ku zi tibi wena :
- 19 Na yena klabetele a tihomu ni kunonisilweko ni tiyivu na ti tele, i bitanile bonkle a banana ba hosi, na Abiatar a mupristi, na Joabe a nduna ya impi ; kanilezi Solomoni a nanza ga wena yena a nga mu bitanangi.
- 20 Na wena, a nwinyi wa mina a hosi, ni mahlo ya wonkle Israeli ma cuwukile wena, lezaku wena u ta byela bona nzimani a ta nga tsama xitsa nweni xa wena xa wukosi anzako ka nwinyi wa mina hosi.
- 21 Zimbekambe ku nga ta maheka, laha a nwinyi wa mina a hosi a eklela ni bararu ba yena, lezaku mina ni nwana wa mina Solomoni hi ta hlayelwa a bahlamukisi.
- 22 Ni, mangabye, laho yena na a ha wulawula zinwe ni hosi, Natani a muprofeti i lo engena lomo.
- 23 Na bona ba lo byela a hosi, baku, Languta, Natani a muprofeti, Ni laha yena a nga wa tile ndlwini mahlwini ka hosi, yena i lo korama a wutsumbu ga yena mahlwini ka hosi hi ngohe ya yena liranzyeni.
- 24 Na Natani i te ngalo, Nwinyi wa mina, O hosi, wena hi wena u wulileko lezaku, Adonija i ta fuma le nzako ka mina, ni ku yena i ta tsama le hehla ka xitsamo xa wukosi xa mina ke?
- 25 Hakuba yena i relele lahasi legi siku, yena i klabetela a tihomu ni kunonisilweko ni tiyivu to tala, na yena i bitanile bonkle barisanyana ba hosi, ni tinduna ta impi, na Abiatar a mupristi ; ni, languta, bona бага ni kuwa mahlwini ka yena, na baku, A yi longoloke yi hanya a hosi Adonija.
- 26 Kanilezi mina, yena mina a nanza ga wena, na Zadoke a mupristi, na Benaia a nwana wa Jehoiada, ni nanza ga wena Solomoni, yena a nga bitanangi.
- 27 Kunene lezi zilo zi mahilwe hi nwinyi wa mina a hosi ke, na wena a ku kombisangi ka malanza ya wena nzimani a nga wa ta nga a tsama

GO SANGULA GA TIHOSI, 1.

- xitsanweni xa wukosi xa nwinyi wa mina a hosi a nzako ka yena ke?**
- 28 Zonake a hosi Davida i lo hlamula i te ngalo, Bitana ka mina Bate-xeba. Na yena i lota a kubakoneneni ka hosi, i lo yima mahlweni ka hosi.
- 29 Ni hosi yi lo hlamula, na yi te ngalo, Kwatsi hilezi Jehova a hanyako, loye a ~~klaklisileko~~ a muhefemulo wa mina wu huma ka bonkle a balala ba mina.
- 30 Hizinene kwatsi hilezi mina nzi hlamanyileko ka wena ha Jehova, a Nungungulu wa ka Israeli, aku, Hizinene Solomoni a nwana wa wena i ta fuma le nzako ka mina, yena i ta tsama le xitsanweni xa mina xa wukosi xikundleni xa mina; hizinene mina nzi ta maha legi siku.
- 31 Zonake Bate-xeba i lo korama hi ngohe ya yena laha misabeni, i lo maha xicabyo ka hosi, na a te ngalo, Nga a nwinyi wa mina a hosi Davida a hanye kala kupinzuka.
- 32 Ni hosi Davida i te ngalo, Bitanani ka mina Zadoke a mupristi, na Natani a muprofeti, na Benaia a nwana wa Jehoiada. Na bona ba lota mahlweni ka hosi.
- 33 Ni hosi yi te ngalo ka bona, Tekani zinwe na nwina a malanza ya hosi ya nwina, ni ku maha Solomoni a ku kilela hehla ka mbongola ya mina, ni ku neha yena a relela ata le Gihoni:
- 34 Nga Zadoke a mupristi na Natani a muprofeti ba tota yena laho a kuba hosi hehla ka Israeli; ni kuba nwina a punzu, muku, A longoloke a hanya a hosi Solomoni.
- 35 Zonake nwina mu ta kanziya muta hi le nzako ka yena, na yena i tata a ta tsama hehla xitsanweni xa mina xa wukosi; hakuba yena i ta kuba xikundleni xa mina; na mina nzi mu yimisile a kuba hosana hehla ka Israeli ni hehla ka tiko ga ka Juda.
- 36 Na Benaia a nwana wa Jehoiada i lo hlamula a hosi, i te ngalo, Amen: Jehova, a Nungungulu wa nwinyi wa mina a hosi, i wula zakungaho kambe.
- 37 Kwatsi hilezi Jehova a nga wa hi ni nwinyi wa mina a hosi, zingahowo a abe zinwe na Solomoni, ni ku maha a xitsamo xa wukosi xa yena a kula ku hunza a xitsamo xa nwinyi wa mina a hosi Davida.
- 38 Zingaho Zadoke a mupristi, na Natani a muprofeti, na Benaia a nwana wa Jehoiada, ni ma Cereti, ni ma Peleti, ba lo relela baya, ba lo maha Solomoni a ku kilela hehla ka mbongola ya hosi Davida, ba lo neha yena le Gihoni.
- 39 Na Zadoke a mupristi i lo teka a limhonzola mafura lomo Tenteni, i lo tota Solomoni. Na bona ba loba a punzu; ni bonkle banhu ba te ngalo, A longoloke a hanya a hosi Solomoni.
- 40 Ni bonkle a banhu ba lota le nzako ka yena, ni banhu ba loba a tinanga, ba lo buma hi kutsaka ka hombe, zingaho lezo a misaba yi lo cwangula hi guwa ga bona.
- 41 Na Adonija ni wonkle a tsombano lowo wu nga wa hi zinwe na yena ba lozwa ha kona kwatsi hilezi ba nga gumelwe a kuga. Ni laha Joabe a nga wa zwile a guwa ga punzu, yena i te ngalo, Legi a hi guwa ka muti wu vindlukisilweko ke?
- 42 Laha yena na ha wulawula, languta, Jonatani a nwana wa Abiatar a mupristi i lota: na Adonija i te ngalo, Engena ndlwini; hakuba wena u kwatsi u munhu a fanceleko, u nehako a mahungu ya ku saseka.
- 43 Na Jonatani i lo hlamula i te ngalo ka Adonija, Hizinene a nwinyi wa hina a hosi Davida i mahile Solomoni a hosi:
- 44 Ni hosi yi rumele zinwe na yena Zadoke a mupristi, na Natani a muprofeti, na Benaia a nwana wa Jehoiada, ni Cereti, ni Peleti; na bona ba mahile yena a ku kilela mbongilweni ya hosi;
- 45 Na Zadoke a mupristi na Natani a muprofeti, ba totile yena a hosi le Gihoni; na bona bata hi leyo na ba tsaka, zingaho lezo kasi a muti wa cwangula kambe. Legi hi guwa lego nwina mu gi zwileko.
- 46 Ni kambe Solomoni i tsamile le xitsanweni xa wukosi xa mufumo.
- 47 Na klatakumbiri a malanza ya hosi ma tile kuta katekisa a hosi Davida, maku, A Nungungulu wa wena a mahe a bito ga Solomoni a cukwana ku hunza a bito ga wena, ni ku maha xitsamo xa wukosi ku kula ku hunza xa wena xitsamo xa wukosi: ni hosi yi lo korama a wutsumbu ga yona hehla ka mubedi.
- 48 Ni kambe zakungahi a wulileko a hosi, A katekiswa Jehova, a Nungu-

ngulu wa ka Israeli, loye a nyikileko munwe a ku tsama le xitsanweni xa wukosi xa mina legi siku, ni mahlo ya mina ma kuwona kona.

- 49 Ni wonkle a tsombano wa Adonija wu lo cabysiswa, ba lo suka, ba famba bonklelele banhu a ndlela ya yena.
- 50 Na Adonija i lo caba hakuba ha Solomoni; na yena i lo suka, i lo famba, ni kuya koma lomo timhonzweni ta alati.
- 51 Na kona ku wa lo byelwa Solomoni, aku, Languta, Adonija wa caba a hosi Solomoni; hakuba, mangabye, yena i klatekile a koma a timhonzo ta alati, aku, Nga a hosi Solomoni yi hlambanya ka mina a kuranga lezaku yena a nga ta daya a nanza ga yena hi supado.
- 52 Na Solomoni i te ngalo, Loku yena a kombisa a wutsumbu ga yena lezaku ngwanuna a faneleko, laho a ku kona a sisi wa hloko ya yena wu ta ngawa misabeni; kanilezi loku a kubihisisisa ku kumiwa ka yena, yena i ta kufa.
- 53 Zingaho a hosi Solomoni i lo rumela, na bona ba lo mu releta ata hi le alatini. Na yena i lo maha a xicabyo ka hosi Solomoni; na Solomoni i te ngalo ka yena, Yana le ndlwini ya wena.

XIPIMO 2.

- 1 Makunu a masiku ka Davida ma lo tsinela kusuhi lezaku yena i wa ta nga afa; na yena i lo leletela ka Solomoni a nwana wa yena, aku,
- 2 Na mina nza famba a ndlela ya yonkle a misaba; nga wena u be ni ntamo hikwalaho, ni kukombisa a wutsumbu ga wena a wanuna;
- 3 Ni ku hlaysa a kuwula ka Jehova a Nungungulu wa wena, aku famba hi tindlela ta yena, a ku hlaysa a ziyimiso za yena, ni zileleletelo za yena, ni ziyimiso za yena, ni kukustumunyela ka yena, kukotisa hi ka lezo zi tsalilweko nayweni wa Mosi, lezaku kasi wena wa fela kuvuvuma ni ka zonkle lezi wena u zi mahako, ni kani hikwili laho u yako a wutsumbu ga wena;
- 4 Kasi Jehova wa tiyisa a mhaka ya yena leyo yena a wulawulileko a xungetaro na mina, aku, Loku a banana ba wena ba tlariha ndleleni ya-

bye, a ku famba mahlweni ka mina hi ka zinene zinwe hi mbilu yabya ni zinwe ni muhefemulo wabye wonkle, laho ku nga ta tsanzeka (ku lo wula yena) a wanuna xitsanweni xa wukosi xa ka Israeli.

- 5 Klatakumbiri wena hi wena u zi tibako kambe lezaku zakuyini a nga wa mahile Joabe a nwana wa Zeruia ka mina, zona lezo a mahileko ka tinduna timbiri ta impi ta ka Israeli, a ka Abnere a nwana wa Nere, ni ka Amasa a nwana wa Jetera, labo yena a deleko, a halata a nkata wa impi kuruleni, ni ku beka a nkati wa impi ehla ka lifunga la yena lolo li nga wu hi ziwunwini za yena, ni lomo zilatweni za yena lezo zi nga wa hi mikonzweni ya yena.
- 6 Maha hikwalaho kukotisa hi ka ku tiba ka wena, nga a bloko ya yena ya wuvu yi nga releli Xeole hi kurula.
- 7 Kanilezi kombisa a wunene ka banana ba ka Barzillai a mu Gileade, nga bona ba hi ba labo ba gako mezeni ya wena; hakuba lezo ba lota klanganyeta mina laha na mina na nzi tsutsumile ka Absalome a makabye wa wena.
- 8 Na, languta, laho ku kona Ximei a nwana wa Gera, a mu Benjamini, wa le Bahurima, loye a nga wa rukatele mina hi nzukano yi zangarisako ka lego siku mina nzi nga wa yile le Mahanaime; kanilezi yena i lota kuklanyeta mina leyo Jordani, na mina nzi wa lo hlambanya ka yena ha Jehova, nziku, Mina nzi nga ta daya wena hi supado.
- 9 Makunu hikwalaho u nga komi yena kwatsi hi loyi a nga biko na nanzu, hakuba wena u wanuna a tibako; na wena u ta zi tiba lezo u ta nga maha ka yena, na wena u ta neha a wuvu ga hloko ya yena le Xeole hi nkata.
- 10 Na Davida i lo eklela zinwe ni badadani ba yena, na yena i wa lo kelelwa le mutini wa Davida.
- 11 Ni masiku lawo Davida a nga wa fumile hehla ka Israeli ma wa hi mune wa makume ya malembe: ntlanu ni mambiri a malembe yena i lo fumela le Hebroni, a makume manharu ni manharu malembe yena i lo fumela lomu Jerusalema.
- 12 Na Solomoni i lo tsama hehla ka xitsamo xa wukosi xa Davida a da-

- daniwa yena; ni mufumo wa yena wu wa tiyisilwe hi kukulisilweko.
- 13 Zonake Adonija a nwana wa Haggite i lotta ka Bate-xeba a mamani wa Solomoni. Na yena i te ngalo, Wena u ta hi kurutisilweko ke? na yena i te ngalo? Hi kurutisilweko.
- 14 Yena klatakumbiri i te ngalo, mina nzi ni xa ku wulawula zinwe na wena. Na yena i te ngalo, Wulawulake.
- 15 Na yena i te ngalo, Wena wa zi tiba lezaku a mufumo wu wa hi wa mina, ni lezaku wonkle Israeli u wa cuwukele a ngohe ya yena ka mina, lezaku mina nzi wa ta nga nzi fumile: ahemba a mufumo wurenzeletilwe, ngwamakabye wa mina; hakuba wona ngwayena wu sukela ka Jehova.
- 16 Na makunu mina nzi wutisa a mufumo munwe ka wena; u nga kaneti mina. Na yena i te ngalo ka yena, Wulawulake.
- 17 Na yena i te ngalo, Wulawula nza kombela wena, ka Solomoni a hosi (hakuba yena a nga ta wula ka wena kokwihi), lezaku yena a nyika mina Abixagi a mu Xunamme a kuba sati.
- 18 Na Bate-xeba i te ngalo, Matsenya: mina nzi ta wulawulela wena ka hosi.
- 19 Bate-xeba hikwalaho i loya ka hosi Solomoni, a kuya wulawulela Adonija ka yena. Ni hosi yi lo suka a kuklanganyeta yena, i lo koramisa a wutsumbu ga yena ka yena, i lo tsama lomo xitsanweni xa yena, i lo maha a xitsamo xa wukosi a ku longiselelwa a nyine wa hosi; na yena i lo tsama hi le canjeni ga yena ga xinene.
- 20 Zonake yena i te ngalo, Mina nza wutisa a kombelwana wutsongwani ka wena; u nga kaneti mina. Ni hosi yi te ngalo ka yena, Wutisake, mamani wa mina; hakuba mina nzi nga ta kaneta wena.
- 21 Na yena i te ngalo, Nga Abixagi a mu Xunamme anyikiwa ka Adonija a nakuloni wa wena a sati.
- 22 Ni hosi Solomoni i wa lo hlamlula i te ngalo ka mamani wa yena, Hi yini wena u wutisako Abixagi a mu Xunamme akuba wa Adonija ke? wutisela yena a mufumo kambe; hakuba yena makabye wa mina wa nhonzwa; nzi wula ha yena,
- na Abiatar a mupristi, na Joabe a nwana wa Zerua.
- 23 Zonake a hosi Solomoni i lo hlambanya ha Jehova, i te ngalo, Nungungulu a mahe lezo ka mina, ni ku engeta kambe, loku Adonija a wa nga a nga wulawulangi lezi zilo a ku vukela a wutomi ga yena nwyni.
- 24 Makunu hikwalaho kwatsi hilezi Jehova a hanyako, loye a yimisileko mina, ni beka mina lomu xitsanweni xa wukosi xa Davida dadani wa mina, ni loye a mahileko mina a yindlu, kwatsi hilezi yena a tsumbisileko, hakunene Adonija i ta dawa legi siku.
- 25 Ni hosi Solomoni i lo rumela Benaia a nwana wa Jehoiada; yena i lo wela hehla ka yena, zingaho lezo yena i lofa.
- 26 Ni ka Abiatar a mupristi, ku lo wula a hosi, Yana wena le Anatote, le masinwini ya wena nwyni; hakuba wena u fanelwe hi kufa: kanilezi mina ka lexi xikati nzi nga ta daya wena, u nga wa rwala a arke ga Hosi Jehova mahlwani ka Davida dadani wa mina, ni hakuba wena u wa hlokisilwe hi kaloko a dadani wa mina a nga wa hlokisilwe.
- 27 Zingaho Solomoni i lo hoxa Abiatar a kuba abe a hi mupristi ka Jehova, kasi yena a fela kutatisa a mhaka ya Jehova, leyo yena a nga wa yi wulawulile hi yindlu ya Eli le Xilo.
- 28 Ni timhaka ti lotta ka Joabe; hakuba Joabe i wa lo renzeleka le nzako ka Adonija, hambu lezo a nga wa kala a nga renzelekangi le nzako ka Absalome. Na Joabe i loabela le Tenteni ga Jehova, i loya koma le timhonzweni ta alati.
- 29 Na kona ku wa lo byelwa a hosi Solomoni, Joabe i tsutsumele le Tenteni ga Jehova, ni, languta, yena i laha a alatini. Zonake Solomoni i lo rumela Benaia a nwana wa Jehoiada, aku, famba, u ya wela hehla ka yena.
- 30 Na Benaia i lotta le Tenteni ga Jehova, i te ngalo ka yena, Zakungahi a wulako a hosi, Suka uta. Na yena i te ngalo, Kokwihi; kanilezi mina nzi ta fela laha. Na Benaia i lo nehela a hosi a mhaka, aku, Zakungahi a wulako Joabe, ni zakungahi yena i lo hlamlula mina.
- 31 Ni hosi yi te ngalo ka yena, Maha

- kwatsi hilezi yena a wulileko, u we-
la hehla ka yena, ni ku kelela yena ;
kasi wena wa fela a kususa a nkata,
lowo Joabe a wu halatileko na ku
ngahi na nanzu, wu suka ka mina ni
le ntlwini ya dadani wa mina.
- 32 Na Jehova i ta klelisela a nkata wa
yena hehla ka hloko ya yena *nwinyi*,
hakuba yena i wele hehla ka ba ba-
nuna bambiri ba lulamileko ba nga
cukwana ku hunza yena, i lo daya
bona hi supado, na dadani Davida i
wa nga tibangi kona, a kuba mboni,
Abnere a *nwana* wa Nere, a nduna
ya impi ya ka Israeli, na Amasa a
nwana wa Jetera, a nduna ya impi
ya ka Juda.
- 33 Zingaho a nkata wabe wu klelela
hehla ka hloko ya Joabe, ni hehla ka
mbewu ya yena kala kupinzuka :
kanilezi a ka Davida, ni ka mbewu
ya yena, ni ka yindlu ya yena, ni ka
xitsamo xa wukosi xa yena, laho ku
nga taba kona kala kupinzuka ka le
ka Jehova.
- 34 Zonake Benaia a *nwana* wa Jehoia-
da i lo kanziya, i loya wela hehla
ka yena, i lo daya yena ; na yena
i wa lo kelelwa le ntlwini ya yena
ntlwini ya yena *nwinyi* lomo xiwu-
leni.
- 35 Ni hosi yi lo beka Benaia a *nwana*
wa Jehoia le xikunleni xa yena
hehla ka impi, na Zadoke a mupri-
sti a hosi yi lo mu beka le xiku-
nleni xa Abiatar.
- 36 Ni hosi yi lo rumela a kuya bitana
Ximei, i te ngalo ka yena, Aka yi-
ndlu ya wena lomu Jerusalema, ni
ku tsama laho, u nga sukasihi hi
leyo uya wuyo.
- 37 Hakuba ka siku lego wena u ta nga
huma u famba, ni ku klatuka a xi-
congwana Kidroni, wa su zi tiba ha
kunene lezaku wena futsi u ta kufa :
ni nkata wena wu ta kuba hehla ka
hloko ya wena *nwinyi*.
- 38 Na Ximei i te ngalo ka hosi, A ku-
wula kusasekile : kwatsi hilezi a *nwi-
nyi* wa mina a hosi a wulileko, zi-
ngaho a nanza ga wena gi ta maha.
Na Ximei i lo tsama lomu Jerusa-
lema a masiku yo tala.
- 39 Na ku mahisile lezo a ku gume-
lweni ka malembe manharu, leza-
ku a bambiri ba malanza ya Xi-
mei ba lo tsutsuma ba loya le ka
Akixi, a *nwana* wa Muaka, a hosi ya
le Gati. Na bona ba lo byela Xi-
mei, aku, Languta, a malanza ya
wena ma le Gati.
- 40 Na Ximei i lo suka, i lo gabatsela a
mbongola ya yena, i loya le Gati ka
Akixi, na a laba a malanza ya yena ;
na Ximei i loya, i lo neha a malanza
a yena hi le Gati.
- 41 Na kona ku wa lo byelwa Solomoni
lezaku Ximei i sukile le Jerusalema
aya le Gati, ni lezaku i wuyile ka-
mbe.
- 42 Ni hosi yi lo rumela a kuya bitana
Ximei, na a te ngalo ka yena, A nzi
fungisangi wena ha Jehova, ni ku-
komamisa wena, nziku, Zitibe ha
zinene, a ka legosiku wena u ta nga
huma lahandle, ni ku famba ni kuya
ni ka gihi wuyo, wena futsi u ta ku-
fa ke? na wena u te ngalo ka mina.
A kuwula loku nzi ku zwileko ku
sasekile.
- 43 Hiyini wena zonake u nga hlaysia-
ngiko a xifungo xa ka Jehova, ni
kuleletela loku mina nzi leleteleko
wena ha kona ke?
- 44 Ni hosi yi lo wula klatakumbiri ka
Ximei, Wena wa ku tiba kubihisi-
sisa konkle kuvumbamileko lomu
mbilwini ya wena, loku wena u ku
mahileko ka Davida a dadani wa
mina : hikwalaho Jehova i ta kleli-
sela a kubihisisisa ka wena hehla ka
hloko ya wena *nwinyi*.
- 45 Kanilezi a hosi Solomoni i taba akate-
kisiwe, ni xitsamo xa wukosi xa Da-
vida xi ta tiyiswa mahlweni ka Je-
hova kala kupinzuka.
- 46 Zingaho a hosi i lo leletela a Benaia
a *nwana* wa Jehoia ; na yena i lo
huma handle, i lo wela hehla ka ye-
na, zingaho lezo yena i lofa. Ni mu-
fumo wu wa yimisilwe lomo canjeni
ga Solomoni.

XIPIMO 3.

- 1 Na Solomoni i lo maha a wuko-
nwana na Faro a hosi ya le Gipite, i
lo teka a nhanyana wa Faro, i lo
neha yena le mutini wa Davida, a
kala yena maha kugumelwa kuaka
a yindlu ya yena *nwinyi*, ni yindlu
ya ka Jehova, ni ligingisi la le Je-
rusalema li renzelekeleko.
- 2 Ntsena a banhu ba wa ku nyikela
wutsanweni gi klakukileko, hakuba
leyo ku wa nga hi kona a yindlu yi
akelweko a bito ga Jehova ku kala
lawo a masiku.
- 3 Na Solomoni i lo ranza Jehova, i lo

- famba hi zilayelo za Davida dadani wa yena : ntsena i wo pahlala a libani li hisilweko lomo wutsanweni gi klakukileko.
- 4 Ni hosi yi loya le Gibeoni a kuya pahlala leyo ; hakuba gi wa hi wutsamo ga hombe gi klakukileko : a kume ga mazana ya minyikelo ya kuhiswa i lo nyikela leyo Solomoni i lo nyikela hehla ka alati leyo.
- 5 Le Gibeoni na Jehova i lo woneka ka Solomoni le norweni wa wusiku ; na Nungungulu i te ngalo, Wutisa xini mina nzi ta nga nyika wena.
- 6 Na Solomoni i te ngalo, Wena u kombisile ka nanza ga wena Davida a raru wa mina a kuranzakawunene ka hombe, kukotisa hilezi yena a fambileko mahlweni ka wena hi ka zinene, ni ka kululamisisisa, ni ka nongametisiso ka mbilu zinwe na wena ; na wena u hlayisele yena loku a kuranzakawunene ka hombe, lezaku wena u nyikile yena a nwana a ku tsama lomu xitsanweni xa wukosi xa yena, kwatsi hi legi siku.
- 7 Ni makunu, O Jehova a Nungungulu wa mina, wena u mahile a nanza ga wena a hosi xikundleni xa Davida dadani wa mina : na mina kanilezi nzi nwanana tsongwanyani ; mina a nzi zitibi a ku huma handle ni ku engena lomu.
- 8 Ni nanza ga wena gi lomu xikari ka banhu ba wena laba wena u ba hlawulileko, a banhu ba hombe, labo ba nga kotiwiko ku hlayilwa hi ku mahiwa mitsengo hi wundlemo.
- 9 Nyika a nanza ga wena hikwalaho a mbilu ya kupimisisa a ku lamula banhu ba wena, kasi nza fela kuwona xikari ka kusasa ni kubihla ; hakuba nzi mani a zi kotako a ku lamula a banhu laba ba wena ba ku tala ke?
- 10 Ni kuwulawula ku lo xalalisa a Hosi, lezo Solomoni a wutisileko lexi xilo.
- 11 Na Nungungulu i te ngalo ka yena, Hakuba wena u wutisile lexi xilo, a ku wutisangi ka wutsumbu ga wena a wutomi go nabalata, ge a ku wutisangi a mipfuno ya wutsumbu ga wena, ge a ku wutisangi a wutomi ga balala ba wena, kanilezi u wutisile a wutsumbu ga wena a kupimisisa a kutsanza a nongameto ;
- 12 Languta, mina nzi mahile kukotisa hi ka mhaka ya wena : wangabye,

- mina nzi nyikile wena a kutiba ni mbilu ya kupimisisa ; zingaho lezo laho a ku wa nga hi kona wo kota wena hi mahlweni ka wena, ge ni nzako ka wena laho ku nga ta huma wo fanana na wena.
- 13 Na mina kambe nzi nyikile wena lezo wena u nga wutisangiko, konkle kudzunzwa ni mipfuno, zingaho lezo laho ku nga ta kuba kona ni wihi xikari ka tihosi wa ku fanana na wena, wonkle masiku ya wena.
- 14 Ni loku wena u ta famba hi tindlela ta mina, a ku hlayisa a zilayelo za mina ki ziletelo za mina, kwatsi hilezi a dadani wa wena Davida a fambileko, zonake mina nzi ta nabalata a masiku ya wena.
- 15 Na Solomoni i lo kindlimuka ; ni, languta, kona ku wa hi kolora : na yena i lota le Jerusalema, i lota yima le mahlweni ka a arke ga xivumelwano xa ka Jehova, i lo nyikela a minyikelo ya kuhiswa, i lo nyikela a minyikelo ya kurula, i lo maha a mubuzo ka wonkle a malanza ya yena.
- 16 Zonake laho ku lota a ba basati bambiri labo ba nga wa hi zibayi, ka hosi, ba lo yima mahlweni ka yona.
- 17 Ni munwe a wasati i te ngalo, O, nwinyi wa mina, mina ni loyi wasati hi lo tsama a yindlu yinwe ; mina nzi lo trala a nwanana zinwe na yena lomu ndlwini.
- 18 Na ku mahisile lezo hi siku ga manharu a nzako ka kuba mina nzi hefemule, lezaku loyi a wasati wa lo hefemulawu kambe ; na hina hi wa hi katiginwe ; ni laho ku wa nga hi kona a mupfumba zinwe na hina lomu ndlwini, ntsena hina bambiri lomu ndlwini.
- 19 Ni nwana wa loyi wasati i lofa ni wusiku, hakuba yena i wa lo mu eklelela.
- 20 Na yena i lo vuka xikari ka wusiku, i lo teka a nwanana wa mina khlweni ga mina, laha na nanza gaxisati ga wena na ga ha eklele, i lo lata yena le xifubeni xa yena, ni ku lata a nwanana wa yena a fileko xifubeni xa mina.
- 21 Ni laha mina nzi nga wa vukile ni mixo a ku nyika a nwanana wa mina a kuanwa, languta, yena i wa file ; kanilezi laha mina nzi nga wa cuwukile ka yena laha mixweni, la-

- nguta, yena i wa nga nisanyana wa mina, loye mina nzi treleko.
- 22 Ni munwani wasati i te ngalo, Kokwihi; kanilezi loyi a hanyako i nisanyana wa mina, ni loyi a fileko i nisanyana wa wena. Ni loyi i te ngalo, Ge; kanilezi a fileko i nisanyana wa wena, ni a hanyako i nisanyana wa mina. Zakungahi bona ba lo wulawula mahlweni ka hosi.
- 23 Zonake ku lo wula a hosi, A munwe i ngalo, Loyi i nisanyana wa mina loyi a hanyako, ni nwana wa wena hi loyi a fileko; ni munwani wa wula, Kokwihi; kanilezi a nisanyana wa wena hi loye a fileko, ni nisanyana wa mina hi loye a hanyako.
- 24 Ni hosi yi te ngalo, Labelani mina a supado. Na bona ba lo neha a supado mahlweni ka hosi.
- 25 Ni hosi yi te ngalo, Abanyisani a nwanana a hanyako a kuba bambiri, ni ku nyika kihlanya ka munwe, ni kihlanya ka munwani.
- 26 Zonake ku lo wulawula a wasati loyi wa nwanana a hanyako a nga wakwe ka hosi, hakuba a mbilu ya yena yi wa xubisisa hehla ka nisanyana wa yena, na yena i te ngalo, O, nwinyi wa mina, nyika yena a nwanana a hanyako, u nga kale u daya yena. Kanilezi loyi munwani i te ngalo, Yena a nga ta kuba wa mina ge wa wena; abanyisa yena.
- 27 Zonake a hosi yi lo blamula yi te ngalo, Nyika yena a nwanana a hanyako, u nga kale wena u daya yena: yena hi nyine wa yena.
- 28 Ni bonkle ba ka Israeli ba lozwa hi kulamula loko a hosi yi lamuleko; na bona ba lo caba a hosi: hakuba bona ba lo wona lezaku a kutibisisa ka Nungungulu ku wa hi zinwe na yena, a ku maha a nongametisiso.
- hi hehla ka tinduna; na Zabuda a nwana wa Natani i wa hi hosana ya hombe, ni mungana wa hosi;
- 6 Na Ahixara i wa hi hehla ka yindlu; na Adoniram a nwana wa Abda, i wa hi hehla ka malanza ya kutirisa a mikinyabezo.
- 7 Na Solomoni i wa hi ni kume ni timbiri tinduna hehla ka Israeli, a kuhlenga a kuga ka hosi ni ka ngango wa yena: a munhu munwe i wo maha a hlengo wa hweti hi lembe.
- 8 Ni laya hi mabito yabye: Bene-hura, le tikweni ga mitsuri ya ka Efraime;
- 9 Bene-dekera, le Makaza, ni le Xaalbima, ni Bete-xemexe, ni Eloni-betehanani;
- 10 Bene-heseda, le Arubbote (a ka yena i wa hlenga ni le Soko, ni gonkle tiko ga le Hefera);
- 11 Bene-abinadaba, le ka yonkle a mitsuri ya le Dora (yena i wa hi na Tafara a nhanyana wa Solomoni a kuba sati);
- 12 Baana a nwana wa Ahiluda, le Taanaka ni le Megiddo, ni gonkle Bete-xeani legi gi nga klelweni ga le Zaretane, lahasi ka Jezreeli, ku sukela Bete-xeani kala Abele-mahola, kwatsi hi wukule go kota le klatukweni wa Jokmeame;
- 13 Bene-gebera, le Ramote-gileade (a ka yena i wa hlenga a miti ya Jaira a nwana wa Manasa, leyo yi nga wa hi le Gileade; kona ka yena i wa hlenga a matikwana ya le Argoba, leyo yi nga wa hi leyo Baxani, nklanu ni ginwe makume a miti ya hombe zinwe ni tigingisi ni zikwilyaro za suku);
- 14 Na Ahinadaba a nwana wa Iddo, le Mahanaime;
- 15 Ahimaaza, le Naftali (Yenawu kambe i lo teka Basemati a nhanyana wa Solomoni a sati);
- 16 Na Baana a nwana wa Huxai, le Axeri ni le Bealote;
- 17 Na Jehoxafate a nwana wa Parua, le Isakare;
- 18 Na Ximel a nwana Ela, le Benjamini;
- 19 Na Gebera a nwana wa Uri, le tikweni ga le Gileade, a tiko ga Sihoni a hosi ya ma Amori na Ogi a hosi ya le Baxani; na yena yeci i wa hi nduna leyo yi nga wa hi lomu tikweni.
- 20 Juda na Israeli ba wa tele kwatsi hi seke lego gi nga lomo bimbini hi

XIPIMO 4.

- 1 Ni hosi Solomoni i wa hi hosi hehla ka Israeli wonkle.
- 2 Ni leti ku wa hi tihosana leti a nga wa hi nato: Azaria a nwana wa Zadoke, a mupristi;
- 3 Elihorefa na Ahija, a nwana wa Xixa, a batsali; Jehoxafate a nwana wa Ahiluda, a mukumbuxeti;
- 4 Na Benaia a nwana wa Jehoiada i wa hi hehla ka impl; na Zadoke na Abiatar ba wa hi bapristi;
- 5 Na Azaria a nwana wa Natani i wa

- wundlemo, na бага na banwa na ba maha ku tangala.
- 21 Na Solomoni i lo fuma hehla ka yonkle a mifumo ku sukela le Congweni kala le tikweni ga ma Filisti, kala le mbinganweni wa le Gipite: bona ba lo neha a nzubo, ni ku kozela Solomoni wonkle masiku ya wutomi ga yena.
- 22 Ni kuga ka Solomoni ka siku ginwe ku wa hi makume manharu ya zipimo za mapa, ni nklanu ni ginwe makume ya zipimo za tinzoho.
- 23 Kume ga tikabi ti kulukileko, ni makume mambiri ya tikabi ti humako hi le ka barisi, ni zana ga tiyivu, hi lahandle ka ba mahobebe ba timbuti, ni timhuti, ni bamangulwe, ni tihuku tinonileko.
- 24 Hakuba yena i wa hi ni mufumo hehla ka wonkle matiko le klelweni ga leno ga Congo, ku sukela Tifsa kala le Gaza, hehla ka tonkle tihosi klelweni ga leno ga Congo: yena i wa hi ni kurula ka yonkle minbingano yi renzelekeleko.
- 25 Juda na Israeli ba lo tsama na ku lalasilwe, bonklelele banhu lahasi ka vina wa yena ni lahasi ka sinye ya yena ya kuwu, kusukela Dani kala le Berexeba, wonkle masiku ya Solomoni.
- 26 Na Solomoni i wa ni mune wa makume ya kume gamazana a maranga ya mahaxi ya tikareta ta yena, ni kume ni bambiri a kume ga mazana ya ba banuna ba mahaxi.
- 27 Ni leto tinduna ti lo hlenga a kuga ka hosi Solomoni, ni ka bonkle labo ba tako ka meza ya hosi Solomoni, loyi ni loyi munhu hi hweti ya yena; bona ba wa nga mahi ncumo xi vumaleka.
- 28 Barle kambe ni byanyi ga mahaxi ni mahaxi ya kutsutsumisa ba neha bona le wutsanweni lego a tinduna ti na nga kona, bonklelele banhu kwatsi hi tiro wa yena.
- 29 Na Nungungulu i lo nyika Solomoni a kutibisisisa ni kupimisisisa kuhunzeleleko kukula, ni kuenzelekisa ka mbilu, kona ku kwatsi hi seke lego gi nga lomo fungwini wa bimbi.
- 30 Ni kutibisisisa ka Solomoni ku kula a kutibisisisa ka bonkle a banana ba le mutsuwukagambo, ni konkle a kutibisisisa ka le Gipite.
- 31 Hakuba yena i wa hi mutibi ku hu-

- nza ba banuna bonkle; ku hunza Etana a mu Ezrahe, na Hemani, na Kalkola, na Darda, a banana ba Mahola: ni wudumo ga yena gi wa hi ka yonkle mifumo yi renzelekeleko.
- 32 Na yena i lo wulawula a makume manharu ya kume ga mazana a mabingu; ni tisimu ta yena ti wa hi kume ga mazana ni nklanu.
- 33 Yena i lo wulawula hi tisinya, hi ka sedare lowo wu nga le Lebanoni ni ka hisope leyo yi hlukako kurisini: yena i lo wulawula kambe hi zibanza, ni zinyanyani, ni zilo zi kokakako, ni zindluwani.
- 34 Ni laho ku lota a banhu bonkle a kuzwa a kutibisisisa ka Solomoni, bata hi le mifuzweni yonkle ya misaba, labo ba zwileko hi kutibisisisa ka yena.

XIPIMO 5.

- 1 Na Hiram a hosi ya le Tire i lo rumela a malanza ya yena ka Solomoni; hakuba yena i wa zwile lezaku bona ba totile yena a hosi wutsanweni ga dadani wa yena: hakuba Hiram i wa la su tsoma a hi muranzi wa Davida.
- 2 Na Solomoni i lo rumela ka Hiram, aku,
- 3 Wena wa zitiba hi ku yini lezaku Davida dadani wa mina i wa nga a nga zi koti a ku akela a yindlu a bito ga Jehova a Nungungulu wa yena hi tiyimpi leto ti nga wa mu ranzela yena ka wonkle maklelo, a kala Jehova a beka bona lahasi ka xipama xa konzo wa yena.
- 4 Kanilezi makunu Jehova i nyikile mina a ku humula lomo maklelweni wonkle, laho a ku kona a balala, ge ni tikeco ta kubihla.
- 5 Ni, languta, mina nzi xubile a ku akela a yindlu a bito ga Jehova a Nungungulu wa mina, kwatsi hilezi Jehova a wulawulileko ku Davida dadani wa mina, aku, A zwana wa wena, loye mina nzi ta nga mu beka le xitsanweni xa wukosi xa wena wutsanweni ga wena, yena i ta aka yindlu akuba ya bito ga mina.
- 6 Makunu leletela wena lezaku bona ba tsemela a tisinya ta sedare lomo Lebanoni; ni milanza ya mina ma ta kuba ni malanza ya wena; na mina nzi ta nyika wena a kuriha ka malanza ya wena kukotisa ka zonkle lezo wena u ta nga wula: hakuba wena

GO SANGULA GA TIHOSI, 6.

wa zi tiba lezaku a ku kona xikari ka hina loye a zitibako a ku tsema a tihhi ku fanana ni ma Sidonia.

- 7 Na ku mahisile lezo laha Hiram u a nga wa zwile a timhaka ta ka Solomoni, yena i wa lo tsaka hi ku kulisilweko, na te ngalo, A katekiswa Jehova legi siku, loye a nyikileko ka Davida a nisa wa kutibisa hehla ka laba banhu bo tala.
- 8 Na Hiram u i lo rumela ka Solomoni, aku, Mina nzi zwile a tsukano lowo wena u rumeleko ka mina: na mina nzi ta maha xungetano ni kuxuba ka wena hi tinhi ta sedare, ni xungetano ni kuxuba tinhi ta fira.
- 9 Ni malanza ya mina ma ta relela mata nato hi le Lebanoni kala bimbini; na mina nzi ta ti klekeklelela hi tingalaba a kuya hi bimbi le ka wutsamo lego wena u ta nga langela mina, na mina nzi ta maha tona ti klaklelelwa leyo, na wena u ta amukela tona; na wena u ta mbetisela kuxuba ka mina, hi ka ku nyika a kuga ka ngango wa mina.
- 10 Zingaho Hiram u i lo nyika Solomoni a tinhi ta sedare ni tinhi ta fira kukotisa hi ka konkle kuxuba ka yena.
- 11 Na Solomoni i lo nyika ka Hiram u a makume mambiri ya kume ga mazana a ziringaniso za mabele a kuga ka ngango wa yena, ni makume mambiri ziringaniso za mafura ma basileko: zakungahi i wo nyika Solomoni ka Hiram u malembe hi malembe.
- 12 Na Jehova i lo nyika Solomoni a kutibisisa, kwatsi hilezi yena a nga wa tsumbisile yena; laho ku wa hi kona kurula xikari ka Hiram u na Solomoni; bona ba banuna bambiri ba lo maha a xitolobetano katigizwe.
- 13 Ni hosi Solomoni i lo ramba a ba banuna ba xibalu ba huma ka wonkle Israeli; ni xibalu xi wa hi makume manharu ya kume ga mazana ya ba banuna.
- 14 Na yena i lo rumela bona le Lebanoni, a kume ga kume ga mazana hi hweti ba nyiketanako; a hweti bona ba wa hi le Lebanoni, ni tihweti timbiri le kaya; na Adoniram u i wa hi le hehla ka ba banuna ba malanza ya mikinyabezo.
- 15 Na Solomoni i wa hi ni nklanu wa makume ni mambiri ya kume ga mazana ya labo ba rwalako minzwalo, ni nklanu ni manharu makume ya

kume ga mazana ya labo ba tsema ko lomo zitsungeni.

- 16 Hi lahandle ka tinduna ta Solomoni ta hombe leto ti nga wa hi hehla ka mitiro, ba wa hi manharu a kume ga mazana ni mazana manharu labo ba nga wa komile ku fumela a banhu labo ba nga wa tira a mitiro.
- 17 Ni hosi yi lo leletela, na bona ba lo bakla a maribye ya hombe, a maribye ya karu, a ku beka a xiseketelo xa yindlu, hi maribye ma baklilweko.
- 18 Ni baaki ba Solomoni ni baaki ba Hiram u ni ba Gebali ba lo kulutela wona, ba lo longisela a tinhi ni maribye a kuaka yindlu.

XIPIMO 6.

- 1 Na ku mahisile lezo hi laha ka mune wa mazana a ni nklanu ni manharu makume malembe a nza ko ka kuba a banana ba ka Israeli ba humele bata hi le Gipite, hi ka mune wa malembe ya kufuma ka Solomoni hehla ka Israeli, hi hweti ya Ziva, leyo yi nga a hweti ya wumbiri, lezaku yena i lo sangula a kuaka a yindlu ya ka Jehova.
- 2 Ni yindlu leyo Solomoni a nga aka akuba ya ka Jehova, a kunabalata ka yona ku wa hi nklanu ni ginwe makume a mikono, ni kuanama ka yona ku wa makume mambiri a mikono, ni kuleha ka yona ku wa hi makume manharu a mikono.
- 3 Ni nyangwa mahlweni ka tempele ya yindlu, makume mambiri ya kunabalata ka kona kukotisa hi kuanama ka yindlu; ni kume ga mikono ku wa hi kuanama ka kona mahlweni ka yindlu.
- 4 Na hi yindlu yena i lo maha a mawoni ba lo kulutelwa hi tiro wu senzeletelweko.
- 5 Na hi laha makurisini ga yindlu yena i lo aka a matsawu marenzeleleko, hi laha kurisini kurenzeleleko, kona kumbiri ka tempele ni zibya; na yena i lo maha a matsawu ya yindlu ma renzeleleko.
- 6 Ni tsawu ga kwaleno gi wa hi nklanu wa mikono a kuanama, ni ga laha xikari i nklanu ni muzwe mikono a kuanama, ni ga wunharu ku wa hi nklanu ni mambiri a mikono a kuanama; hakuba hi klelo ga lahandle yena i lo maha zikegetelo lomo kurisini ga yindlu kurenzelekela, kasi a waliingo ma wa ta nga ma nga ma-

GO SANGULA GA TIHOSI, 6.

- hi a mimole lomu makurisini ya yindlu.
- 7 Ni yindlu, laha yona yi nga wa ha akiwa, yi wa ku akiwa hi maribye ma nga wa longiselelwe leyo makelwako; ni laho ku wa nga hi kona a kono kutani xibloka ge hambu ni lisumba la xiketse li nga wa zwala lomo ndlwini, laha na yona na ya ha akiwa.
 - 8 A libati la klelo ga xikari ga matsawu li wa hi klelweni ga xinene ga yindlu: na bona ba lo kanziya le hehla hi mayingo ya woni a kuya xikari ka tsawu, ba huma hi lomo xikari baya ka ya wunharu.
 - 9 Zingaho yena i lo aka a yindlu, i lo mbeta yona; na yena i lo kubunyeta a yindlu hi malingo ni tibakwa ta sedare.
 - 10 Na yena i lo aka a matsawu ka yonkle a yindlu, wonkle nkhanu mikono kuleha: na wona ma lo tiyiswa lomo ndlwini hi minaneko ya sedare.
 - 11 Ni mhaka ya ka Jehova yi lota ka Solomoni, yiku,
 - 12 Xungetano ni yindlu leyi wena u akako, loko wena u ta famba hi zilayelo za mina, ni kutsanza a ziyimiso za mina zwinyi, ni ku hlayisa konkle kuleletela ka mina ni ku famba ha kona; zonake mina nzi ta tiyisa a mbaka ya mina zizwe na wena, leyi mina nzi nga wa wulile ka Davida dadani wa wena.
 - 13 Na mina nzi ta tsama xikari ka banana ba ka Israeli, na mina nzi nga ta tsika a banhu ba mina Israeli.
 - 14 Zingaho Solomoni i lo aka a yindlu, i lo mbeta yona.
 - 15 Yena i lo aka a makurisi ya yindlu hi tibakwa ta sedare: kusukela lilonzeni la yindlu kala le makurisini ya hehla, yena i lo kubunyeta wona hi lomo nzeni hi tisinya; na yena i lo kubunyeta a lilonze la yindlu hi tibakwa ta fira.
 - 16 Na yena i lo aka a makume mambiri ya mikono le makutini ya yindlu hi tibakwa ta sedare kusukela lilonzeni ku kala makurisini ya le hehla: yena i lo akela yona hi lomo nzeni, a kuba ya mucapa, ni kuba a wutsamo gi hunzeleleko kubasa.
 - 17 Ni yindlu, loko hiku, a tempele mahlweni ka mucapa, ku wa hi mune wa makume a kunabalata.
 - 18 Ni laho ku wa hi kona a sedare le ndlwini hi lomo nzeni, kukehlelwe a xikari ni zitsangi zi pfepfleko; konkle ku wa hi sedare; laho ku wa nga hi kona a ribye gi nga wa wonwa.
 - 19 Na yena i lo longisela a mucapa lomo nzeni ka yindlu, a ku beka laho a arke ga xivumelwano xa ka Jehova.
 - 20 Hi laha mucapeni ku wa hi kona a wutsamo ga makume mambiri a mikono kunabalata, ni makume mambiri a mikono kuanama, ni makume mambiri a mikono a kuleha ka kona: na yena i lo nameketa kona hi nzalama yi hlazekileko: yena i lo kubunyeta a alati hi sedare.
 - 21 Zingaho Solomoni i lo nameketa a yindlu hi nzalama yi hlazekileko: na yena i lo koka a mangelje ya nzalama ma tsemakanya le mahlweni ka mucapa; na yena i lo nameketa kona hi nzalama.
 - 22 Ni yindlu yonkle i lo nameketa yona hi nzalama, kala yonkle yindlu yi wa mbetekile: ni kambe gonkle a alati lego gi nga ga mucapa yena i lo nameketa hi nzalama.
 - 23 Ni le mucapeni yena i lo maha a macerubima mambiri ya sinye ya olivia, wonkle ku wa hi kume ga mikono kuleha.
 - 24 A nkhanu wa mikoni ku wa hi lipapa liawe la cerubima, ni nkhanu wa mikono ku wa hi lizwani lipapa la cerubima: kusukela le kwaleyo magumeso ka klelo ga liawe lipapa ku kala kwaleyo magumeso ka klelo ga lizwani lipapa ku wa hi kume ga mikono.
 - 25 Ni giwani cerubima gi wa hi kume ga mikono: wonkle a macerubima ma wa hi xiringaniso xiawe ma wa hi xiyo xiawe.
 - 26 Ni kuleha ka cerubima giawe ku wa hi a kume ga mikono, na zi wa ngaho lezo ka giwa ni cerubima.
 - 27 Na yena i lo beka a macerubima hi lomo nzeni ka yindlu ya xikari; ni tipapa ta macerubima ti wa klakukile, zingaho lezo kasi a lipapa la giwa li kumba a kurisi giawe, ni lipapa la giwani cerubima li kumba a giwani kurisi; ni tipapa ta wona ti lo kumbana ka giawe ni giwani xikari ka yindlu.
 - 28 Na yena i lo nameketa a macerubima hi nzalama.
 - 29 Na yena i lo kehlela gonkle a makurisi ya kona ma renzelekeleko hi

ku kehelelwa ka mufananiso wa macerubima ni tisinya ta micinzu ni zitsangi zi pfepeleko, hi lomu nzeni ni laho handle.

- 30 Ni lilonze la yindlu yena i lo li nameketa hi nzalama, lomu nzeni laho ni handle.
- 31 Na hi laha nyangweni ya mucapa yena i lo maha tibati ta sinya ya olivia; a xikoramo ni malingo ya tibati ku wa hi xipanze xa wunklanu xa kurisi.
- 32 Zingaho yena i lo maha tibati timbiri ta sinya ya olivia; na yena i lo kehelela hehla ka tona a wukehelelwa ga macerubima ni sinya ya cinzu ni zitsangi zi pfepeleko, na ba lo nameketa zona hi nzalama; na yena i lo pomela a nzalama hehla ka macerubima, ni hehla ka tisinya ta micinzu.
- 33 Zingaho yena i lo mahela a wuengeno ga tempele a malingo ya libati ya sinya ya olivia, hi lomo ka kelelo ga wumune ga kurisi;
- 34 Ni tibati timbiri ta sinya ya fira: a kupetswa kumbiri ka libati liwe ku wa ku kanyana, ni kupatswa kumbiri ka lizwani libati ku wa kukanyana.
- 35 Na yena i lo kehelela laho a macerubima ni tisinya ta micinzu ni zitsangi zi pfepeleko; ni yena i lo nameketa hi nzalama yi ciceneko ni tiro wa kukehelelwa.
- 36 Na yena i lo aka a hubye ya lomo nzeni hi tixaxa tinharu ta maribye ma baklilweko, ni lixaxa la malingo ya sedare.
- 37 Hi ka mune wa malembe a xiseketelo xa yindlu ya ka Jehova xi wa bekilwe, hi hweti ya Ziva.
- 38 Na hi lembe ga kume ni giwe, hi hweti ya Buli, leyi ya nklanu ni tinharu tihweti, ni yindlu yi wa lo mbeteka ka wonke a maklelo ya yona, ni ka konke a kubombiswa ka yona, Zingaho ku wa hi nklanu ni mambiri malembe a kuaka yona.

XIPIMO 7.

- 1 Na Solomoni i lo aka a yindlu ya yena zwinyi a kume ni manharu malembe, na yena i lo mbetisa yonke a yindlu ya yena.
- 2 Hakuba yena i lo aka a yindlu ya kwati ga le Lebanoni; ni kunabalata ka yona ku wa hi zana ga mikono, ni kuanama ka yona ku wa hi nklanu wa makume a mikono, ni kuleha

ka yona makume manharu a mikonono, hehla ka mune wa tixaxa ta timhanze, zinwe hi malingo ya sedare hehla ka timhanze.

- 3 Na tona ti wa pomelwe hi sedare ku klatekwa hehla a mune wa makume ni nklanu a malingo, lawo ma nga wa hi hehla ka timhanze; kume ni nklanu hi tixaxa.
- 4 Ni laho ku wa hi kona a malingo hi tixaxa tinharu, ni woni gi wo cuwukana ni woni hi titoto tinharu.
- 5 Ni tonke tibati ni timhanze ti ecetelwa hi malingo: ni woni gi wo cuwukana ni woni lomo titotweni tinharu.
- 6 Na yena i lo maha a nyangwa ya timhanze; a kuleha ka kona ku wa hi nklanu wa makume ya mikono, ni kuanama ka kona ku wa hi makume manharu ya mikono; ni nyangwa mahlweni ka tona; a timhanze ni malingo hehla ka kona.
- 7 Na yena i lo maha a nyangwa ya xitsamo xawukosi laho a nga wa ta lamula, yona a nyangwa ya kulamula: na kona ku wa kubunyetilwe hi sedare kusukela ka lilonze hi lilonze.
- 8 Ni yindlu ya yena laho a nga wa ta tsama, ni yizwani hubye xikari ka nyangwa yi wa hi ya tiro wu fanako. Na yenawu kambe i lo maha a yindlu ya nhanyana wa Faro (loye Solomoni a nga wa mu tekile a sati), ku fanana ni leyi nyangwa.
- 9 Zonke zi wa mahilwe hi maribye ya karu, wona maribye ma baklilweko, kukotisa hi kuringanisa, ma wo sahiwa hi tisaruti, lomu nzeni ni lehandle, kona ku sukelako xiseketelweni kala le hehla, zingaho le kelelweni ga le handle kala hubyeni ya hombe.
- 10 Ni xiseketelo xi wa hi xa maribye ya karu, wona maribye ya hombe, a maribye ya kume ga mikono, a maribye ya nklanu ni minharu mikono.
- 11 Hi le hehla ku wa hi maribye ya karu, wona maribye ma baklilweko, kukotisa hi kucetela, ni sinya ya sedare.
- 12 Ni hubye ya hombe yi renzelekeleko yi wa hi ni tixaxa tinharu ta ribye gi baklilweko, ni lixaxa la malingo ya sedare; ku fanana ni hubye ya lomo nzeni ya yindlu ya ka Jehova, ni nyangwa ya yindlu.
- 13 Na Solomoni i lo rumela i loya teka Hiram le Tire.

- 14 Na yena i wa *nwana* wa noni ya ka Naftali, ni raru wa yena i wa hi *wana* wa le Tire, a mutiri wa suku; na yena i wa tatisilwe hi kutibisisa ni kupimisisa ni kuklariha, a ku tira *yonkle* a mitiro ya suku. Na yena i lota ka hosi Solomoni, i lota tira *wonkle* a tiro wa yena.
- 15 Hakuba yena i lo bombisa a timhanze timbiri ta suku, kume ni *nklanu* ni minharu a mikono kuleha a lixaxa lo *klakuka*: ni nzati wa kume ni mimbiri a mikono yi pomeleko tona yi renzelekela.
- 16 Na yena i lo maha a tihloko timbiri hi suku wu nyekisilweko, a ku bekela le hehla ka zi hloko za timhanze: ni kuleha ka yizwani hloko *nklanu* wa mikono, ni kuleha ka yizwani hloko *nklanu* wa mikono.
- 17 Laho ku wa hi kona a hluto wa tiro wa kukomelwa, ni kulukwa ka tiri wa mangelje hakuba a zihloko zi wa *klatekilwe* le hehla ka timhanze, *nklanu* ni kumbiri ka hloko yizwe, ni *nklanu* ni kumbiri ka hloko yizwani.
- 18 Zingaho yena i lo maha timhanze, laho ku wa hi kona tixaxa timbiri ti renzelekeleko hehla ka tiro munwe wa hluto, a kufengeta a zihloko lezo zi nga le hehla ka timhanze: lezo i lo maha ka *xizwani* xihloko.
- 19 Ni zihloko lezo zi nga le hehla ka zihloko le nyangweni zi wa za tiro wa makonwa, i mune wa mikono.
- 20 Ni laho ku wa hi kona a zihloko kambe le hehla ka timhanze timbiri, ku suhani ni rumbu legi gi nga *klelweni* ga tiro wa hluto: ni mapomegrate ma wa hi mazana mambiri, hi tixaxa ti renzelekeleko hehla ka *xizwani* xihloko.
- 21 Na yena i lo yimisa a timhanze le nyangweni ya tempele: yena i lo yimisa a mhanze ya xinene, ni ku cula a bito ga yona Jakina: na yena i lo yimisa a mhanze ya xibaba, i lo cula a bito ga yona Boazi.
- 22 Ni hehla ka timhanze ku wa hi tiro wa makonwa: zingaho a tiro wa timhanze wu wa mbetekile.
- 23 Na yena i lo maha a bimbi gi nyekisilweko ga kume ga mikono kusekela likirisini kala likirisini kuranzele hi kupomelwa, ni kuleha ka kona ku wa hi *nklanu* wa mikono; ni nzati wa makume manharu a mikono wu lo pomela kona wu ranzela.
- 24 Ni lahasi ka likirisi la kona le lirenzwani la laho ku wa hi kona a zivuvu lezi zinga wa ranzele kona, akuba kume ga mikono, a kupomela a bimbi ku renzelekela: ni zivuvu zi wa ka tixaxa timbiri, a kuklombyeni laha ti nga *klombya*.
- 25 Kona ku lo yima hehla ka kume ga tikabi ni timbiri, tinharu ti lo cuwuka le *nwalungu*, ni tinharu ti lo cuwuka le muhlwigambo, ni tinharu ti lo cuwuka le dzongeni, ni tinharu ti lo cuwuka le mutsuwukakambo; ni bimbi gi wa lo bekelwa hi laha xikari, ni *klelo* ga kona ga se makutini gi wa hi lomo nzeni.
- 26 Na kona ku wa hi kuanama ka canja a kudziba; ni likirisi la kona li wa lo mahiwa ku fanana ni likirisi la kopo, ku fanana ni zitsangi za makonwa: gona gi lo kangatela a mambiri kume ga mazana zinamelo za ku hlamba.
- 27 Na yena i lo maha a zikatelo za kume za suku; a mune wa mikono ku wa hi kunabalata a zikatelo xizwe, ni mune wa mikono a kuana ma ka kona, ni mikono minharu a kuleha ka kona.
- 28 Ni tiro wa zikatelo wu wa hi wa lixaka lolu: zona zi wa hi ni zikuleketo; ni laho ku wa hi ni zikuleketo xikari ka misenzo;
- 29 Ni zikuleketo lezo zi nga wa hi xikari ka misenzo ku wa hi tingonyamo, tikabi, ni macerubima; ni le hehla ka misenzo laho ku wa hi kona a zikatelo le hehla; ni lahasi ka tingonyamo ni tikabi ku wa hi a wulukelwa ga tiro wu hayekwako.
- 30 Ni zonkle zikatelo zi wa hi ni mune wa maranzani ya misuku, ni *dunzu* ga suku; ni mune wa mikonzo ya kona yi wa hi ni zibekelo za lahasi: lahasi ka zinamelo laho ku wa hi ni zibekelo zi nyekisilweko, lezi zi lukelweko *klelweni* ga lexi ni lexi.
- 31 Ni nomu wa kona wu wa hi le ka xihloko ni le hehla ku wa hi kono: ni nomu wa kona wu wa ranzele ku kota a tiro wa zikatelo, i kono ni kihlanya; ni kambe hehla ka nomu wa kona ku wa kehlelwe, ni zilukelolo za kona ku wa hi mune wa makuzu, ku wa nga hi ranzani.
- 32 Ni mune wa maranzani ma wa hi lahasi ka wulukelo; ni *dunzu* ga tisinga ta maranzani ti wa hi laha xi-

- katelweni: ni ku tlakuka ka ranza-
ni ku wa hi kono ni kihlanya.
- 33 Ni tiro wa maranzani ku wa ku
fanana ni tiro wa manzani ya kare-
ta ya kulwa: ni dunzu ga tisinya ta
kona, ni mafeloesi ya kona, ni ziruti
za kona, ni wugungo ga kona, zo-
nkle zi wa hi za kunyikiswa.
- 34 Ni laho ku wa hi kona a mune wa
zibekelo za lahasi a ka mune wa ma-
kuzu ya xikatelo xinwe: ni xibeke-
lo xa kona laho xi wa hi ni xikatelo
xa wutsumbu ga xona.
- 35 Ni le hehla ka xikatelo lahoke ku
wa ranzelwe kupomelwa a kihlanya
ga kono a ku tlakuka; ni le hehla ka
xikatelo a wutikirelwa ga kona ni
wukuleketelwa ga kona ku wa hi
kwaloko.
- 36 Ni le wugungweni ga wutikiretelwa
ga kona, ni le wukuleketweni ga ko-
na, yena i lo kehlala macerubina, ni
tingonyamo, ni tisinya ta micinzu,
kwatsi hi ku tlakulasa ka kunwe, zi-
nwe ni wulukelwa gi ranzeleko.
- 37 Hi ka lolu lixaka yena i lo maha zi-
katelo: zonkle za zona zi wa hi ni
ku klombya kunwe, xiringaniso xi-
nwe, xiyimo xinwe.
- 38 Na yena i lo maha a kume ga zi-
namelo za suku: a xina melo xi ka-
ngatelako a mune wa makume ya
wuhlambo; ni zonkle zinamelo zi
wa hi mune wa mikono; ni hehla
ka zonklelele a kume ga zikatelo a
xina melo xinwe.
- 39 Na yena i lo bekela a zikatelo, a
nklanu hi klelo ga xinene ga yindlu,
ni nklanu hi klelo ga xibaba ga yi-
ndlu: na yena i lo bekela a bimbi hi
klelo ga xinene ga yindlu hi ngoma-
na ya mutsuwukagambo, ngoma-
meni ya dzonga.
- 40 Na Hiram u i lo maha a zinamelo,
ni mafoxola, ni mingelo yo hlamba-
la, Zingaho Hiram u i lo maha kugu-
melwa a ku maha wonkle a tiro lowo
a wu tirileko ka hosi Solomoni lomu
ndlwinini ya Jehova:
- 41 Ni timhanze timbiri, ni mikubi mi-
mbiri ya zihloko lezi zi nga wa hi le
hehla ka timhanze; ni tiro wumbiri
wa mihluto a kukubunyeta a miku-
bi mimbiri ya zihloko lezo zi nga wa
hi le hehla ka timhanze;
- 42 Ni mune wa mazana ya mapome-
granate ya mitiro ya mihluto mi-
mbiri; ni tixaxa timbiri ta mapome-
granate ta tiro muwe wa hluto, a
ku fenengeta a mikubi mimbiri ya
zihloko lezo zi nga wa hi le hehla ka
timhanze;
- 43 Ni kume ga zikatelo, ni kume ga zi-
namelo zi nga lomo zikatelweni;
- 44 Ni bimbi ginwe, ni kume ni timbiri
ga tikabi ti nga lahasi ka bimbi;
- 45 Ni timbita, ni mafoxola, ni zikatelo.
zona zonkle a zibya, lezi Hiram u a zi
maheleko a hosi Solomoni, lomu
ndlwinini ya ka Jehova, zi wa hi za
suku wu kwezimako.
- 46 Le mikoben i ya Jordani a hosi yi lo
klomba zona, lomo liranabyeni la
nzope xikari ka Sukote ni Zaretane.
- 47 Na Solomoni i lo siya a zibya zonkle
zi nga ringanisiwangi, hakuba zona
zi wa hunzeletelwe a ku tala: a ku
ringanisa ka suku wa nga ku nga
kumiwangi.
- 48 Na Solomoni i lo maha zonkle a
zibya lezo zi nga lomo ndlwinini ya Je-
hova: a alati ga nzalama, ni timeza
leti a zibaba za kukombiswa zi nga
wa hi kona, hi nzalama;
- 49 Ni tinhi ta tikandiya, a nklanu hi
klelo ga xinene, ni nklanu hi ka ga
xibaba, hi mahlwini ka mucapa, wa
nzalama yi hlazekileko; ni zitsangi,
ni tikandiya, ni mahati, ya nzalama;
- 50 Ni tikopo, ni zitimo, ni zinamelo, ni
mikombe, ni mahati yo la nzilo, za
nzalama yi hlazekileko; ni zihaye-
ko, zonkle za tibati ta lomu nzeni ka
yindlu, a wutsanweni gi hunzeleko
kubasa, ni tibati ta yindlu, a ku, ga
tempele, za nzalama.
- 51 Zakungahi wonkle a tiro lowo a
hosi Solomoni a wu tirileko lomu
ndlwinini ya Jehova wu wa mbeteki-
le. Na Solomoni i lo neha a engeni-
sa a zibya lezo Davida a raru wa ye-
na a nga wa leletelele, yona siliva,
ni nzalama, ni zibya, ni ku beka zona
lomu zikwameni za yindlu ya ka Je-
hova.

XIPIMO 8.

- 1 Zonake Solomoni i lo tsombanyi-
sela wonkle a masingalakati ya ka
Israeli, ni tonkle a tihloko ta tixaka,
ni hosana ta tindlu ta bararu ba ba-
nana ba ka Israeli, le ka hosi Solo-
moni le Jerusalema, a ku neha a
arke ga xivumelwano xa ka Jeho-
va gi huma le mutini wa Davida,
lowu wu nga Zion.
- 2 Ni bonkle a banhu ba ka Israeli ba
lo tsombana a wutsumbu ga bye le

- ka hosi Solomoni le mubuzweni, hi hweti ya Etanime, leyo yi hweti ya nklanu ni timbiri.
- 3 Ni wonkle a masingalakati ya ka Israeli ma lotta, ni bapristi ba lo teka a arke.
- 4 Na bona ba lo kanziya ba neha a arke ga ka Jehova, ni tenta ga muklangano, ni zonkle a zibya zo basa lezo zi nga wa hi lomo Tenteni ; zona lezi a mapristi ni ba ka Levi ba lo zi neha leno.
- 5 Ni hosi Solomoni ni wonkle a klangano wa ka Israeli, lowo wu nga wa tsombanile ka yena, wu wa hi zinwe na yena mahlweni ka arke, na ba pahlela a tiyivu ni tikabi, leto ti nga hiko na kuhlayiwa ge hambu ni ku mahiwa mitsengo hi wundlemo.
- 6 Ni bapristi ba lo neha ba engenisa a arke ga xivumelwano xa ka Jehova le wutsanweni ga gona, le mucapeni wa yindlu, le wutsanweni legi gi hunzeleleko kubasa, kona lahasi ka tipapa ta macerubima.
- 7 Hakuba a macerubima ma wa ku andlala a tipapa ta wona hehla ka wutsamo ga arke, ni macerubima ma wa ku kubunyeta a arke ni mipingu ya kona.
- 8 Ni mipingu yi wa lehile lezaku le magumo ka mipingu ku wa ku wonwa ni hi lomo wutsanweni go basa le mucapeni ; kanilezi tona ti wa nga wonwi hi lahandle ; na tona ti laho kala legi siku.
- 9 Laho ku wa nga hi na cumo lomo ka arke saseka a timbila timbiri ta maribye leto Mosi a nga wa bekile lomo le Horebe, laha Jehova a nga wa mahile a xivumelwano zinwe ni banana ba ka Israeli, laha bona ba nga wa humele hi le tikweni ga le Gipite.
- 10 Na kona na ku mahisile lezo, laha na bapristi na ba humele hi le wutsanweni ga ku basa, lezaku a refu gi lo tatisa a yindlu ya ka Jehova.
- 11 Zingaho lezo a bapristi ba wa nga a kotl a ku yima ba kozela hi kota ya refu ; hakuba a wukosi ga Jehova gi lo tatisa a yindlu ya ka Jehova.
- 12 Zonake ku lo wulawula Solomoni, Jehova i wulile lezaku yena i ta nga tsama lomo munyameni wu pumileko.
- 13 Mina hakuba nzi akele wena a yindlu ya wuakelo, a wutsamo ga wena ku tsama kona kala kupinzuka.
- 14 Ni hosi yi lo hunzulusa a ngohe ya yona, yi lo katekisa wonkle a hlangeletano wa ka Israeli : ni wonkle a hlangeletano wa ka Israeli wu lo yima.
- 15 Na i te ngalo, I katekisilwe Jehova, a Nungungulu wa ka Israeli, loye a wulileko hi nomu wa yena ka Davida a dadani wa mina, na hi canja ga yena i tatisile kona, aku,
- 16 Cima ka lego siku mina nzi nga neha nzi humesa a banhu ba mina ba ka Israeli hi le Gipite, mina a nzi langangi a muti ka tonkle a tixaka ta ka Israeli a kuaka a yindlu, kasi a bito ga mina gi fela a kuba leho ; kanilezi mina nzi langile Davida akuba hehla ka banhu ba mina Israeli.
- 17 Makunu kona ku wa hi mbilwini ya Davida a dadani wa mina a kuaka a yindlu a kuba ya bito ga Jehova, a Nungungulu wa ka Israeli.
- 18 Kanilezi Jehova i te ngalo ka Davida a dadani wa mina, Kwatsi hilezi laho ku nga wa hi kona a mbilwini ya wena a ku akela a yindlu a bito ga mina, wena u mahile kwatsi hakuba loko ku wa lomo nzeni ka mbilu ya wena :
- 19 Ahembalezo wena u nga ta aka a yindlu ; kanilezi a nwana wa wena loye a ta nga huma hi le xiwunwini xa wena, yena i ta akela a yindlu a kuba ya bito ga mina.
- 20 Na Jehova i tiyisile a mhaka ya yena leyi a yi wulawulileko ; hakuba mina nzi vukile xikundleni xa Davida a dadani wa mina, ni ku tsama xitsanweni xa wukosi xa ka Israeli, kwatsi hilezi Jehova a tsumbisileko, nzi akile a yindlu ya bito ga Jehova, a Nungungulu wa ka Israeli.
- 21 Ni laho mina nzi longisile a wutsamo ga arke, lego xi nga kona a xivumelwano xa ka Jehova, lexo yena a mahileko ni badadani ba hina, laha yena a nga neha a humesa bona le tikweni ga le Gipite.
- 22 Na Solomoni i lo yima mahlweni ka a alati ga ka Jehova a kubakoneni ka wonkle a hlangeletano wa ka Israeli, i lo andlalata a mandla ya yena ngomama ni le tilweni ;
- 23 Na yena i te ngalo, O Jehova, a Nungungulu wa ka Israeli, laho a ku kona a Nungungulu wo fanana na wena, le tilweni le hehla, ni laha misabeni lahasi ; loye a hlaysako a xivumelwano ni kuranzakawunene zinwe ni malanza ya wena, lawo ma

- famba mahlweni ka wena hi mbilu yonkle ya wona;
- 24 U loye a hlaysileko zinwe na Davida a nauza ga wena a dadaui wa mina lezo wena u tsumbisileko yena: inaka, wena u wulawulileko hi nomu wa wena, na u tatisile kona hi canja ga wena, kwatsi hilezi zi nga lezo legi siku.
- 25 Makunu hikwalaho, O Jehova, a Nungungulu wa ka Israeli, hlaysa zinwe ni nanza ga wena Davida a dadani wa mina lezo wena u tsumbisileko yena, uku, Laho ku nga ta tsanzeka ka wena, a wanuna kuwoneneni ka mina a ku tsama xitsanweni xa wukosi xa ka Israeli, loku ntsena a banana ba wena ba klariha tindleni tabye, a ku famba mahlweni ka mina kwatsi hilezi wena u fambileko mahlweni ka mina.
- 26 Makunu hikwalaho, O Nungungulu wa ka Israeli, nga a timhaka ta wena, mina nza kombela wena, a tibe zinene, leto wena u wulawulileko ka Davida a dadani wa mina.
- 27 Kanilezi Nungungulu hizinene futsi a wa tsama misabeni ke? langu-ta, a tilo ni tilo ga matilo a ma zi koti a ku kangatela wena; mbutsongo ga kuyini ga leyi yindlu mina nzi akileko!
- 28 Hambu lezo wena wa amukela a kombelo wa nanza ga wena, ni ka mukongotelo wa yena, O Jehova a Nungungulu wa mina, a kuzwa ka kurila ni mukombelo lowu a nanza ga wena gi kombelako legi siku:
- 29 Lezaku a mahlo a ma vululeke ma wona leyi yindlu a wusiku ni siku, kona a ku komama wutsanweni legi ha gona wena u te ku ngalo, A bito ga mina gi taba laho; a kuzwa a mukombelo lowo a nanza ga wena gi ta nga kombela ngomameni ni legi wutsamo.
- 30 Na ingisa wena a mukombelweni wa nanza ga wena, ni wa banhu ba wo wena ba ka Israeli, laha bona ba ta nga kombela ngomama ni legi wutsamo: inaka, ingisa wena le tilweni leyo ku nga wutsamo ga wuakelo ga wena; ni laha wena u ingisako, tsetsela.
- 31 Loku a munhu a onha a vukela a muakelwano wa yena, ni loko a xifungo xi bekilwe ka yena a ku maha yena a hlambanya, na yena ata a ta hlambanya a mahlweni ka alatini ga wena lomu ndlwini;
- 32 Zonake zwana wena leyo tilweni, ni ku maha, ni ku lamula a malanza ya wena, na u kona a ba kubiha, a ku neha a tindlela ta yena hehla ka hloko ya yena nwinyi, na u longameta a lulamileko, a ku nyika yena kukotisa hi kululamisisa ka yena.
- 33 Ni laha a banhu ka wena Israeli a hlulwa lahasi mahlweni ka nala wa yena, hakuba bona ba onhile ba vukela wena; loku bona ba wuyela kambe ka wena, ni ku ta wulela a bito ga wena, ni ku kombela a maha a mukongelelisiso ka wena lomu nzeni ka leyi yindlu:
- 34 Zonake ingisa wena le tilweni, ni ku tsetselela a xionho xa banhu ba wena Israeli, ni ku ba neha kambe ka tiko lego wena u nyikileko ka badadani babye.
- 35 Laha a tilo gi valilweko, ni laho ku nga hi kona a vula, hakuba bona ba onhileko ba vukela wena; loku bona ba kombela ngomama ni legi wutsamo, ni ku vumela a bito ga wena, ni ku klela le kuonheni kabye, laha wena u hlokisako bona:
- 36 Zonake zwana wena leyo tilweni, ni ku tsetselela a kuonha ka malanza ya wena, ni ka banhu ba wena Israeli, laha wena u ba gonzisako a ndlela ya saseko layo ha yona ba ta nga famba; ni ku rumela a vula lomu tikweni, legi wena u nyikileko ka banhu ba wena akuba tsomba.
- 37 Ni laho loku ku nga ku hi kona lomu tikweni a ndlala, loku ku nga ku hi kona a mitungu, loku ku nga hi kona laho a xihuhuri kutani mabalabati, ni humbi kutani mbanyamongole; loku a balala babye ba ba vimbezela loma tikweni ga miti ya-bye; na kani i nzhere wa ku yini, na kani i ngumbe yi nga kuba ya xingwa wuyini;
- 38 Kani ngwakuyini a mukombelo ni mukongelelisiso lowo loko wu ta nga wu mahiwa na hiwihl munhu, kutani hi banhu ba wena bonkle ba ka Israeli, loye a ta nga tiba bonklelele banhu a nzhere wa mbilu ya yena nwinyi, ni ku andlalata a mandla ya yena ngomama ni leyi a yindlu:
- 39 Zonake ingisa wena leyo tilweni wutsanweni ga wuakelo ga wena, ni ku tsetselela, ku maha, ni kuwuyisela ka bonklelele banhu kwatsi ku-

GO SANGULA GA TIHOSI, 8.

- kotisa hi tonkle tindlela takwe, labo a timbilu wena u ti tibako; (hakuba wena, yena wena wece, u ti tibako a timbilu tonkle ta banana ba banhu;)
- 40 Kasi bona ba fela kucaba wena wonkle masiku lawo bona ba hanyako lomu tikweni legi wena u nyikileko a badadani ba hina.
- 41 K'latakumbiri xungetano ni bamatiko, labo ba kalako ba nga hi a banhu ba wena ba ka Israeli, laha a ta ngata a huma hi le tikweni ga le kule hi kota ya bito ga wena
- 42 (Hakuba bona ba tazwa hi bito ga wena ga hombe, ni canja ga wena ga nyamintamo, ni ga wena a woko gi klakusilweko); laha yena a ta ngata a ta kombela ngomama ni leyi a yindlu;
- 43 Zwana wena le tilweni wutsanweni ga wuakelo ga wena, ni ku maha kukotisa hi ka lezo a bamatiko ba bitana wena ha zona; kasi bonkle banhu ba misaba ba fela ku tiba a bito ga wena, a ku caba wena, kwatsi hilezi a mahako a banhu ba wena Israeli, ni lezaku bona ba fela kutiba lezaku leyi yindlu leyi mina nzi akileko yi bitanilwe hi bito ga wena.
- 44 Loku a banhu ba wena ba huma lahandle a kulwa ba vukela a nala wabye, kani hiyihi a ndlela wena u ta rumela bona, na bona ba kombela ka Jehova ngomameni ni muti lowu wena u langileko, ni ngomameni ni yindlu leyi mina nzi akileko hi bito ga wena;
- 45 Zonake ingisa wena leyo tilweni a mukombelo wabye ni mukongelelisiso wabye, ni kuhlanguta mhaka wabye.
- 46 Loku bona ba onha ba vukela wena (hakuba a ku kona munhu loye a nga onhiko), na wena u zangara zingwe ha bona, ni ku ba nyikela ka nala wabye, zingaho lezo kasi bona ba konwa bona a hloko le tikweni ga nala, a kule kutani kusuhi;
- 47 Kanilezi loku bona ba ta alakanya hi wutsumbu gabye lomo tikweni lego wena u ta nga ba kukuleta a wuhloko, ni ku hunzuluka kambe, ni ku maha a mikongelelisiso ka wena lomo tikweni ga bona labo ba komileko a wuhloko, baku, Hina hi onhile, na hi mahile hi kukohlakalilweko, hina hi mahile hi kubihisilweko;
- 48 Loku bona ba klelela ka wena hi mbilu wabye yonkle ni muhefemulo wabye wonkle lomo tikweni ga bala la babye, labo ba komileko bona ti hloko, ni ku kombela ka wena ngomama ni tiko gabye, lego wena u nyikileko ka badadani babye, a muti lowu wena u langileko, ni yindlu leyi mina nzi akeleko a bito ga wena;
- 49 Zonake zwana wena a mukombelo wabye ni mukongelelisiso wabye le tilweni wutsanweni ga kuaka ka wena, ni ku hlanguta a mhaka wabye;
- 50 Ni ku tsetselela a banhu ba wena labo ba onhileko ba vukela wena, ni zonkle a zihambunyeto wabye lezi ba hambunyetileko ba vukela wena; ni ku nyika bona a kuhawukelwa hi bona labo ba komileko bona a wuhloko, kasi bona ba fela kuhawukelisisa bona
- 51 (Hakuba bona mbanhu ba wena, ni tsomba ya wena nwinyi, leyi wena u yi nehileko yi huma hi le Gipite, hi xikari ka pingo ga ziketse);
- 52 Lezaku a mahlo ya wena ma fela ku vululeka ka kukongelelisisa ka nanza ga wena, ni ka kukongelelisisa ka munhu wa wena Israeli, a ku ingisa ka bona laho-loko ba kombela ka wena.
- 53 Hakuba wena u ba kubanisile bona le xikari ka banhu bonkle ba misaba, akuba a tsomba ya wena nwinyi, kwatsi hilezi wena u wulawulileko ha Mosi a nanza ga wena, laha wena u lo humesa a badadani ba hina le Gipite, O Hosi Jehova.
- 54 Na zi wa ngaho, lezaku, laha na Solomoni na a gumelwe a kukombela wonkle lowu a mukombelo ni mukongelelisiso ka Jehova, yena i lo suka le ka a alati ga ka Jehova, le kukizamani hi madzolo ya yena ni mandla ya yena ma andlalatile ma xungeta tilweni.
- 55 Na yena i lo yima, i lo katekisa wonkle a hlengoletano wa ka Israeli hi gezu ga hombe, aku,
- 56 Kukatekiswa a kube ka Jehova, loye a nyikelo kuhumula ka banhu ba yena ba ka Israeli, ku kotisa hi ka zonkle lezo a tsumbisileko: laho a ku wangi ni mhaka yizwe ya ku tsumbisa ka yena kusasekileko, loko yena a tsumbisileko ha Mosi a nanza ga yena.
- 57 Jehova Nungungulu wa hina nga u hi na hina, kwatsi hilezi yena a nga

XIPIMO 10.

- 1 Na lala a mazinza wa Xeta a nga wa zote hi wudumo ga Solomon a ruzetane ni tito ga Jehova, yena i lala lala yena hi miwutiso yo tsanza nzwu.
- 2 Na yena i lala le Jerusalem a siwea hi ni makamala yo tala, ni makamela marweleko a maha, ni nzalama yo tala nzwu, ni marirye ma sasakileleho; ni lala yena a nga wa tile le ka Solomon, yena i lo maha siwea na yena zote lezo zinga wa hi mbi-lwini ya yena.
- 3 Na Solomon i lo byela yena yonile a miwutiso ya yena: laho ku wa nza hi kona a aho xi nza wa dhilele hosi lexi a nza wa kala a nga byela-nzi yena.
- 4 Ni lala a mazinza wa le Xeta a nga wa wonele kuni wa kutibisisa ka Solomon, ni yinzi leyo yena a nga wa aane.
- 5 Ni kuga ka meza ya yena, ni kutsa-ma ka malanza ya yena, ni kungisa ka mangamkana ya yena, ni tingu-wo takwe, ni bakoni ba kopo la ye-na, ni kukanziya ka yena loko ha kona a nza waya lomo nzwini ya Jehova: laho ku wa nga hi kona a moya kambe ka yena.
- 6 Na yena i te nzwu ka hosi, Kona mubiko wa zinene lowu mina nzi nga wuzwa lomo tikweni ga mina zwinyi ya loku ku maha, ni ka kutibisisa ka wena.
- 7 Ahenda minanzi wa nga kolwangi a timbaka, kala mina nzita, ni mahlo ya mina ma ku wonile kona: ni, la-nguta, ni kihlanya gi wa nga byelwa-nzi mina; a kutibisisa ka wena ni ku-vuvumisisa ka wena ku hunzelele ku hunza wudumo legi nzi gi zwileko.
- 8 Ba tsaka a banhu ba wena, ma tsaka a malanza ya wena, labo ba yimako hi kusinamdi-lweko mahlweni ka wena, ni ku ingisa a kutibisisa ka wena.
- 9 A katekiswa Jehova a Nungungulu wa wena loyi a nongelako hi ka we-na, ni ku beka wena lomu xitsa-we-ni xa wukosi xa ka Israeli, hakuba Jehova wa ranza Israeli kala kupi-nzuka, hikwalaho yena i mahile a hosi, a ku maha a nongametiso ni bulamiso.
- 10 Na yena i lo nyika a hosi a zana ni makume mambiri titalenta ta nzalama, ni maka ma beketelelweko ku-tala, ni marirye ma sasakileko: laho a ka ka emetani kuta kambe a pfumo wa maha kwasi hi lawo a mazinza wa le Xeta a nga wa nyi-kile ka hosi Solomon.
- 11 Ni matari kambe ya Hiram, la-wo ma nza wa mahile a nzalama hi le Odra ma le nza hi le Odra a talo wa kambe wa tisinya ta almuga, ni marirye yo sasaka.
- 12 Ni hosi yi lo maha hi tisinya ta almuga a timanze ta yindlu ya ka Jehova, ni yindlu ya bisi, a zitende kambe ni marirye za bayimbeteli: laho a ku tansi a tisinya ta almuga, ge ni kwonwa kala leri siku.
- 13 Na Solomon i lo nyika ka muzi-nza wa le Xeta kambe kuruba ka yena kani hi yini lexi yena a wuti-sako, hi lala le ka leri Solomon a nyaleko yena ta wunyingi ga xilu-le lo xa yena. Zinaho yena i lo Alala, i lo famba le nzwini ga yena zwinyi, yena ni malanza ya yena.
- 14 Makunu a kutinza ka nzalama le-yi yi nza wata ka Solomon hi lembe giwe ku wa hi nzwani ni giwe ma-zana nzwani ni giwe makume ni nzwani ni giwe titalenta ta nza-lama.
- 15 Hi lahandle ka leyo a baxabisi ba nza wa nzwani, ni wukweu ga ba-mahungani, ni ka gonile ga hosi ga banhu ba vilinganyiseneko, ni ga bafumeli ba tiko.
- 16 Ni hosi Solomon i lo maha a maza-na mambiri ya tingenge ta nzalama yi kiontyilweko; nzwani ni giwe mazana maxekeli ya nzalama ma le-ya ka ngenge yinawe.
- 17 Na lo maha a mazana manharu ya xiklangu za nzalama yi kiontyilwe-ko; ziringaniso zinharu za nzalama a xiklangu xiwe: ni hosi yi lo be-ka zona le nzwini ya le kwatini ga le Lebanoni.
- 18 Kiatakumbiri a hosi yi lo maha a xitsamo xa wukosi xa hombe xa ti-nhonzo ta nzwani, i lo nameketa xo-na hi nzalama yi bangamelisako.
- 19 Laho ku wa hi kona a zikanziyelo za nzwani ni xiwe kuva xitsa weni xa wukosi, ni le hehla ka xitsamo xa wukosi xi wa gwegwe le nzako; ni laho ku wa hi kona wutsamo hi lo-mu ma kilelweni ya kona mambiri ya wutsamo, ni tingonyamo timbiri ti lo yima makilelweni mambiri ya wu-tsamo.

- 20 Ni kume ni timbiri a ti ngonyamo ti lo yima laho hi ka klelo ginwe ni ka ginwani klelo hehla ka zikanziyelo za nk'lanu ni xinwe: ni laho ku wa nga hi kona zo fanana ni lezo ni ka wihi a mufumo.
- 21 Ni zonkle a zibya za kunwa za hosi Solomoni zi wa hi za nzalama, ni zonkle a zibya za yindlu ya lomo kwatini ga Lebanoni zi wa hi za nzalama yi hlazekileko, ge ni xinwe xa siliwa; gona gi wa nga hlalwini ncumo masikweni ya Solomoni.
- 22 Hakuba a hosi yi wa hi nawo le bimhini a mataru ya le Tarxixi ni mataru ya ka Hiram: kanwe hi malembe manharu ku lota a mataru ya le Tarxixi, ma neha nzalama, ni siliwa, a timhonzo ta ndluvu, ni tifenhe, ni tipavawu.
- 23 Zingaho a hosi Solomoni i wa hunzile tonkle tihosi ta misaba ni mipfuno ni ku tibisisa.
- 24 Ni yonkle a misaba i wa lo hlota a kubakona ka Solomoni, aku a kuzwa a kutibisisa ka yena, loko Nungungulu a ku bekileko mbilwini ya ni ya yena.
- 25 Ni bonk'lelele banhu ba lo neha a nzubo, a zibya za siliwa, ni zibya za nzalama, ni tinguwo, ni maklari, ni maka, ni mahaxi, ni mbongola, hi malembe ni malembe.
- 26 Na Solomoni i lo tsombanyisa katiginwe a tikareta ni ba banuna ba mahaxi: na yena i wa hi ni kume ga mazana ni mune wa mazana a tikareta ta kulwa, ni kume ni bambiri a ba banuna ba mahaxi, labo a ba bekileko mitini ya tikareta ta kulwa, ni zinwe ni hosi le Jerusalema.
- 27 Ni hosi yi lo maha a siliwa a kuba le Jerusalema kwatsi maribye, tisedare i lo ti maha yena ku kwatsi tisinya ta makuwu leto ti lomo tikweni ga minzelelo, hi wunyingi.
- 28 Ni mahaxi lawo Solomoni a nga wa hi nawo ma wa tiswa hi le Gipite; ni bamahungani bahosi ba lo amukela wona hi wucayelo, a cayelo ginwe i tsengo munwe.
- 29 Ni kareta yi lota yi kanziya yi humana hi le Gipite hi nk'lanu ni ginwe mazana ya maxekeli ya siliwa, ni ku wa hi zana ni nk'lanu wa makume; ziwangaho ni tonkle a tihosi ta ma Hiti, ni tihosi ta le Siria, na bona ba lo neha kona kwatsi hi malanga ya-bye.

XIPIMO 11.

- 1 Makunu a hosi Solomoni i lo ranza ba basati bo tala ba ba matiko, katiginwe ni nhanyana wa Faro, a ba basati ba ma Moabi, ni ba ma Amori, ni ba ma Edomi, ni ba ma Sidoni, ni ba Hiti;
- 2 Ba xungetano ni matiko lawo Jehova a te ku ngalo ka banana ba ka Israeli, Nwina mu nga taya xikari ka-bye, ge na bona a kuta xikari ka nwina; hakuba ha kunene bona ba ta hunzula a timbilu ta nwina a ku lanzela banungungulu ba-bye: na Solomoni i lo namarela ka bona hi liranzo.
- 3 Na yena i wa hi ni nk'lanu ni bambiri mazana ya ba basati, a bazinza, ni mazana manharu ya mundlukulu; ni basati ba yena ba lo hambukisa kule a mbilu ya yena.
- 4 Hakuba kona na ku mahisile lezo, laha Solomoni a nga wa hi wa kale, a basati ba yena ba lo hambukisa a mbilu ya yena a nzako ka banwani banungungulu; ni mbilu ya yena yi wa nga mbelelangi zinwe na Jehova a Nungungulu wa yena, kwatsi hi mbilu ya Davida dadani wa yena.
- 5 Hakuba Solomoni i loya i kozela Axtorete a Nungungulu wa wasati wa ma Sidonia, ni ka Milkome a manyala ya ma Amori.
- 6 Na Solomoni i lo maha lezo zi bihileko kuwoneni ka Jehova, i wa nga fambangi hi ku teleko a nzako ka Jehova, kwatsi hilezi a mahileko Davida a dadani wa yena.
- 7 Zonake Solomoni i lo maha a wutsamo gi klakukileko akuba ga Cemoxe a manyala ya ba le Moabi, le xitsungeni lexo xi nga mahlweni ka le Jerusalema, ni ka Moleke a manyala ya banana ba Ammoni.
- 8 Zingaho i lo maha yena ka basati ba yena ba ba matiko, labo ba nga wa hisa a libani ni kukozela ka banungungulu ba-bye.
- 9 Na Jehova i wa zangarile zinwe na Solomoni, hakuba a mbilu ya yena yi wa hambukile kule ka Jehova, a Nungungulu wa ka Israeli, loye a nga wa wonekile ka yena kumbiri,
- 10 Na a leletele yena xungetano ni lezi zilo, lezaku yena i wa ta nga a nga fambi le ka banwani banungungulu: kanilezi yena a nga hlalwini lezo Nungungulu a leleteleko.
- 11 Ngahilezo Jehova i te ngalo ka Solo-

- moni, Kwatsi hilezi lezi zilo zi mahilwe ha wena, wena a ku hlayisangi a xivumelwano xa mina ni zileletelo za mina, lezi mina nzi leleteleko wena, minawu ha kunene mina nzi ta ku wuklela a mufumo ka wena, ni ku nyika wona ka nanza ga wena.
- 12 Ahembalokoke masikwini ya wena, mina nzi nga ta maha kona, hi kota ya Davida a dadani wa wena : kani- lezi mina nzi ta wukla wona canjeni ga nwanana wa wena.
- 13 Ahemba mina nzi nga wukla wonkle a mufumo; mina nzi ta nyika a lixa- ka liawe ka nwana wa wena, hi ko- ta ya Davida a nanza ga mina, na hi kota ga Jerusalema legi mina nzi gi hlawulileko.
- 14 Na Jehova i lo vuxa a balala ka Solomoni, Hadade a mu Edomi : ye- na i wa hi wa mbewu ya hosi ya le Edome.
- 15 Hakuba na kona na ku mahisile lezo, laha Davida a nga wa hi le Edome, na Joabe a nduna ya impi i wa lo famba aya kelela a ba delweko, na a dele bonkle ba banuna leyo Edome.
- 16 (Hakuba Joabe ni bonkle ba ka Isra- eli ba lo tsama leyo nklanu ni yinwe a tihweti, kala yena a tsemile bonkle a ba banuna leyo Edome);
- 17 Lezaku Hadade i lo tsutsuma, yena ni ma Edomi yo kari ba malanza ya ruru wa yena zinwe na yena, a kuya le Gipite, Hadade zonake i wa nga a hi nwanana tsongwanyani.
- 18 Na bona ba lo suka ba huma hi le Midiani, ba lota le Parani; na bona ba lo teka a ba banuna zinwe nabo ba huma le Parani, ba lota le Gipite, a ka Faro a hosi ya le Gipite, loye i lo nyika yena a yindlu, i lo nyika yena a zakuga, i lo nyika a tiko.
- 19 Na Hadade i lo kuma a tomo ga ho- mbe ka Faro, a hosi ya le Gipite, zingaho lezo yena i lo nyika yena a sati a makweru wa sati wa yena nwi- nyi, a makweru wa Tahpenesi a mu- zinza.
- 20 Ni makweru wa Tahpenesi i lo tra- lela yena Genubate a nisanyana wa yena, loye Tahpenesi a nga wa mu wundla lomu ndlwini ya Faro; na Genubate i wa hi lomo ndlwini ya Faro xikari ka barisanyana ba Faro.
- 21 Ni laha Hadade a nga wa zwile ko- na lomo Gipite lezaku Davida i ekle- le zinwe ni badadani ba yena, ui le- zaku Joabe a nduna ya impi i file, na Hadade i te ngalo ka Faro, Nga mina nzi suka, lezaku mina nzi ta famba tikweni ga mina nwinyl.
- 22 Zonake Faro i te ngalo ka yena, Ka- nilezi xini lexi wena u vumalako hi zinwe na mina, lezaku, languta, we- na u hlotako kuya le tikweni ga we- na nwinyl ke? na yena i te ngalo, A hi ncumo : ahemba nga mina nzi famba.
- 23 Na Nungungulu i lo vuxa mu nwa- ni a nala ka yena, Rezoni a nwana wa Eliada, loye a nga wa cabile hi le ka hosi ya yena Hadadezera a hosi ya le Zoba.
- 24 Na yena i lo tsombanyisela a ba ba- nuna ba yena, i lo maha a nduna ya butu, laha Davida a nga wa dele bo- na le Zoba : na bona ba loya le Da- maskusi, ba lo aka leyo, ni ku fu- ma leyo Damaskusi.
- 25 Na yena i wa hi nala ka Israeli wo- nkle masiku ya Solomoni, hi laha handle ka kubiba loko ku mahilwe- ko hi Hadade : na yena i lo swiriwa hi Israeli i lo fumela hehla ka Siria.
- 26 Na Jeroboamu a nisa wa Nebate, a mu Efraime wa le Zereda, a nanza ga Solomoni, loye a bito ga nyine a nga wa hi Zerua, a noni, i lo klakusa a canja ga yena a vukela a hosi.
- 27 Ni lexi hi xigelo leho ha xona hiyini yena a nga klakusa a canja ga yena a vukela a hosi : Solomoni i lo aka a Millo, i lo kletisela a maklari ya Da- vida dadani wa yena.
- 28 Ni munhu Jeroboamu i wa hi wa- nuna wa nhenha ya kulwa; na So- lomoni i lo wona lego jaha gi wa gi pangamileko, na yena i lo nyika ye- na a kuwumbelwa hehla ka utiro ya yindlu ya ka Josefa.
- 29 Na kona na ku mahisile lezo a ka le- xo xikati, laha Jeroboamu a nga wa humele le Jerusalema, lezaku a mu- profeti Ahija a mu Xiloni i lo kuma yena lomo ndleleni; makunu Ahija i wa ambele a wutsumbu ga yena hi tinguwo tiwa; na bona bambiri ba wa hi boce lomo kwatini.
- 30 Na Ahija i lo kona a tinguwo tiwa leto ti nga wa hi lomo kakwe, ni ku hanzula tona a kume ni zimbiri a zicangala.
- 31 Na yena i te ngalo ka Jeroboamu, Tekka wena a kume ga zicangala; zakungahi a wulako Jehova, a Nu- ngungulu wa ka Israeli, Languta,

- mina nzi ta wukla a mufumo wu huma lomo canjeni ga Solomoni nzi ta nyika a kume ga tixaka ka wena
- 32 (Kanilezi yena i ta kuba ni lixaka liawe, hi kota ya nauza ga mina Davida na hi kota ya Jerusalema, a muti lowu nzi wu langileko ka tonkle a tixaka ta ka Israeli);
- 33 Hakuba bona ba tsikileko mina, ba koele Axtorete a nungungulu wa wasti wa ma Sidonia, na Cemoxe a nungungulu wa ma Moabi, na Milkome a nungungulu wa banana ba ka Ammoni; na bona a ba fambanghi hi tindlela ta mina, a ku maha lezo zi sasekileko mahlweni ya mina, a ku hlayisa a silayelo za mina, ni ziyimiso za mina, kwatsi Davida a raru wakwe.
- 34 Ahemba mina nzi nga ta teka wonkle a mufumo le canjeni ga yena; kanilezi mina nzi ta maha yena a hosana wonkle a masiku ya wutomi ga yena, hi kota ya Davida a nanza ga mina loye mina nzi mu langileko, loye a hlayisileko a zileletelo za mina ni silayelo za mina;
- 35 Kanilezi mina nzi ta teka a mufumo wu huma lomo canjeni ga nisa wa yena mina nzi ta nyika wona ka wena, tona a kume ga tixaka.
- 36 Ni ka nisa wa yena mina nzi ta nyika a liawe lixaka, kasi Davida a nanza ga mina wa kuma a kandiya zonkle zikati mahlweni ka mina lomu Jerusalema, a muti lowu mina nzi wu hlawulileko ka mina a ku beka a bito ga mina laho.
- 37 Na mina nzi ta teka wena, na wena u ta fuma kukotisa hi ka konkle kuxuba ka muhefemulo wa wena, na wena u ta ba hosi hehla ka Israeli.
- 38 Na kona na ku taba lezo, loku wena u tazwa zonkle lezo mina nzi leleteleko wena, na u ta famba tindleleni ta mina, ni ku maha lezo zi sasekako kuwoneni ka mina, a ku hlayisa a silayelo za mina ni zileletelo za mina, kwatsi hilezi Davida a nanza ga mina a mahileko; lezaku mina nzi taba zinwe na wena, mina nzi ta akele a yindlu ya zinene, kwatsi hilezi mina nzi akileko ka Davida, na nzi ta nyika Israeli ka wena.
- 39 Mina hi ka lexi nzi ta hlokisa a mbe-wu ya Davida, kanilezi a hi kala kupinzuka.
- 40 Solomoni hikwalaho i lo hlota a ku [Sheetswa]

daya Jeroboamu; kanilezi Jeroboamu i lo suka, i lo cabela le Gipite, ka Xixaka a hosi ya le Gipite, yena i wa hi le Gipite ku kala a kufa ka Solomoni.

- 41 Makunu zonkle a zimaho za Solomoni, ni zonkle lezo a zi mahileko, ni kutibisisa ka yena, zona a si tsalwangi lomo bukwiini ga zimaho za Solomoni ke?
- 42 Ni xikati lexo Solomoni a nga wa fumile le Jerusalema hehla ka Israeli ku wa hi mune wa makume ya malembe.
- 43 Na Solomoni i lo eklela zinwe ni badadani ba yena, na yena i wa lo ke-lelwa lomo mutini wa Davida a dadani wa yena: na Rehoboamu a nisa wa yena i lo fuma xikundleni xa yena.

XIPIMO 12.

- 1 Na Rehoboamu i loya le Xekemi; hakuba wonkle Israeli wu wa tile le Xekemi a ku maha yena a hosi.
- 2 Na ku mahisile lezo, laha Jeroboamu a nisa wa Nebate na zwile lezo (hakuba kasi lezo yena i wa hi le Gipite, leyo yena a nga tsutsumele a caba a kubakona ka hosi Solomoni, na Jeroboamu i lo tsama leyo Gipite,
- 3 Na bona ba lo rumela ba lo ya bitana yena), lezo Jeroboamu i lota ni wonkle a hlengeletano wa ka Israeli, ba lo wulawula ka Rehoboamu, baku,
- 4 Ni raru wa wena i lo maha a joka ga hina gi hi gi hlokisisako: maku-nu maha wena a tiro wu hlokisisako wa dadani wa wena, ni joka ga yena gi binzako lego yena a klatekile hehla ka hina, gi hehuka, na hina hi ta kozela wena.
- 5 Na yena i te ngalo ka bona, Sukani nwina a masiku manharu, zonake ngonani kambe ka mina. Ni banhu ba lo suka.
- 6 Ni hosi Rehoboamu i lo tsema xikungo ni banhu ba kale, labo ba nga wa yimile ka Solomoni a dadani wa yena laho yena a nga wa ha hanya, aku, Xikungo muni mu nzi nyikako nwina mina a ku klelisa a hlamulo ka banhu ke?
- 7 Na bona ba lo wulawula ka yena, baku, loku wena u taba nanza ka laba banhu legi siku, na u ta kozela bona, ni ku hlamula bona, ni ku wulawula a timhaka to saseka ka bona,

- zonake bona ba ta maha malanza ya wena kala kupinzuka.
- 8 Kanilezi yena i lo tsika a xikungo xa banhu ba kale lexi bona ba nga nyikile yena, i lo teka a xikungo zinwe ni majaha lawo ma nga wa kulile zinwe na yena, labo ba yimileko mahlweni ka yena.
- 9 Na yena i te ngalo ka bona, Xikungo muni mu nyikako nwina, kasi mina nza klelisa a hlamulo ka laba banhu, labo ba wulawulileko ka mina, baku, Maha joka lego a dadani wa wena a klatekileko hehla ka hina gi hehuka ke?
- 10 Ni majaha lawo ma nga wa kulile zinwe na yena ma lo wulawula ka yena, maku, Zakungahi u ta nga wulawula ka banhu labo ba wulawulileko ka wena, baku, A dadani wa wena i mahile joka ga hina gi binza, kanilezi maha wena gi hehuka ka hina; zukungahi wena u ta nga wula ka bona, a linyala lakanu la mina li dzibile kuhunza a ziwunu za dadani wa mina.
- 11 Ni makunu kwatsi hilaho dadani wa mina a mu rangeleko hi joka go binza, mina nzi ta engeta ka joka ga nwina: dadani wa mina i lo tsayisa nwina hi timhika, kanilezi mina nzi ta tsayisa nwina hi tihume.
- 12 Zingaho Jeroboamu ni bonkle banhu ba lotta ka Rehoboamu hi siku ga manharu, kwatsi hilezi a hosi yi leleleko, yiku, Ngonani ka mina kambe hi siku ga manharu.
- 13 Ni hosi yi lo hlamula a banhu hi kuklatisisilweko, i lo tsika a xikungo xa zikosana lexo ba nyikileko yena,
- 14 Na a lo wulawula ka bona a nzako ka xikungo xa majaha, aku, Dadani wa mina i lo maha joka ga nwina a kubinza, kanilezi mina nzi engetela ka joka ga nwina: dadani wa mina i tsayisile nwina hi timhika, kanilezi mina nzi ta tsayisa nwina hi tihume.
- 15 Zingaho a hosi a yi ingisangi ka banhu; hakuba kona ku wa hi xilo lexo xi nga wa nehilwe hi Jehova, kasi wa fela kutiyisa a mhaka, leyo Jehova a nga wa wulawulile ha Ahija a mu Xiloni ka Jeroboamu nwanwa wa Nebate.
- 16 Na laha bonkle ba ka Israeli ba nga wa wonile lezaku a hosi a yi ingisangi ka bona, ni banhu ba lo hlamula a hosi, baku, Xiabelo muni hi nga naxo na Davida ke? ge hina a hi na tsomba zinwe ni nwana wa Jese: matenteni ya nwina, O Israeli: makunu cuwuka a yindlu ya wena nwinyi, Davida. Zingaho Israeli i lo suka aya matenteni ya yena.
- 17 Kanilezi kwatsi hi banana ba ka Israeli labo ba a kileko lomu mutini wa Jerusalema, Rehoboamu i lo fumela bona.
- 18 Zonake a hosi Rehoboamu i lo rumela Adorama, loye a nga wa hehla ka ba banuna ba mitiro ya mikanyebezo; ni wonkle Israeli wu lo gandla yena afa hi maribye. Ni hosi Rehoboamu i lo tsutsuma a kuya teka yena lomo kareteni ya yena, a tsutsuma aya Jerusalema.
- 19 Zingaho Israeli ba lo hlubuka ba vukela a yindlu ya Davida kala legi siku.
- 20 Na kona na ku mahisile lezo, laha wonkle Israeli a nga wa zwile lezaku Jeroboamu i klelile, lezaku ba lo rumela ba lo bitana yena le ka klangano wabye, ba lo maha yena a hosi hehla ka Israeli wonkle: laho ku wa nga kona loye a lanzelako a yindlu ya ka Davida, kanilezi a lizaka la ka Juda loce.
- 21 Ni laha Rehoboamu a nga wa tile le Jerusalema, yena i lo tsombanyisa yonkle a yindlu ya ka Juda, ni lizaka la ka Benjamini, i zana ni nklanu ni manharu makume ya kume ga mazana ya ba banuna ba langilweko, labo ba nga tingwazi, a kulwa ba vukela a yindlu ya ka Israeli, a ku neha a mufumo kambe ka Rehoboamu a nwana wa Solomoni.
- 22 Kanilezi a mhaka ya Jehova yi lotta ka Xemaia a munhu wa Nungungulu, yiku,
- 23 Wulawula ka Rehoboamu a nwana wa Solomoni, a hosi ya ka Juda, ni ka yonkle a yindlu ya ka Juda na Benjamini, ni ka bonkle banhu, uku,
- 24 Zakungahia wulako Jehova, Nwina mu nga ta kanziya, ge ni ku yalwa ni bamakabye ba nwina a banana ba ka Israeli: klelani nwenklelele ba banuna le tindlwini ta nwina; hakuba lexi xilo xa le ka mina. Zingaho bona ba lo ingisa ka mhaka ya ka Jehova, ba lo ti fambela a tindlela tabye, kukotisa hi ka mhaka ya ka Jehova.
- 25 Zonake Jeroboamu i lo ya Xekemi le tikweni ga mitsuri ga ka Efraime,

- i lo aka leyo; na yena i lo suka hi leyo, i lo aka Penueli.
- 26 Na Jeroboamu i te ngalo lomu mbilwini ya yena, Makunu a mufumo wu nga ta nga wu klelela le ndlwini ya Davida:
- 27 Loku laba banhu ba kanziya ba pahlela a mipahlelo lomo ndlwini ya ka Jehova le Jerusalema, zonake a timbilu ta banhu ti ta hunzuluka kambe ka hosi yabye, kona ka Rehoboamu a hosi ya ka Juda; bona ba ta daya mina, ni klelela ka Rehoboamu a hosi ya ka Juda.
- 28 Hehla ka lezo a hosi yi tsema xikungo, i lo maha a marolana mambiri ya nzalama; na yena i te ngalo ka bona, Kona za tsanza ka nwina a kukanziya mu ya kule le Jerusalema: langutani banungungulu ba nwina, O Israeli, laba ba nga nehile nwina mu kanziya muta hi le tikweni ga le Gipite.
- 29 Yena i lo yimisa a munwe le Beteli, ni munwani i lo beka le Dani.
- 30 Ni lexi a xilo xi lo maha a xionho; hakuba a banhu ba lo kozela a munwe, leyo Dani.
- 31 Na yena i lo maha a tindlu ta wutsamo gi klakukileko, i lo maha a bapristi hi ka bonkle banhu, labo bo kala ba hi bana ba ka Levi.
- 32 Na Jeroboamu i lo yimisa a mubuzo hi hweti ya nklanu ni timharu, hi siku ga kume ni nklanu ga hweti, kwatsi hi mubuzo lowo wu nga lomo Juda, na yena i lo kanziya le hehla ka alati; zingaho yena i lo maha yena le Beteli, i lo pahlela ka marolana laya yena a mahileko; na yena i lo beka le Beteli leyo a bapristi ba wa tsamo gi klakukileko lego yena a gi mahileko.
- 33 Na i lo kanziya aya ka alati legi a gi mahileko le Beteli hi siku ga kume ni nklanu ga hweti ya nklanu ni timharu, ka yona hweti leyo ka a ti langileko mbilwini ya yena nwinyi, na yena i wa yimisile, mbuzo ka banana ba ka Israeli, ni ku kanziya alatini, a ku ya hisa a libani.

XIPIMO 13.

- 1 Ni, languta, laho ku lota a munhu wa Nungungulu a humu le Juda hi mhaka ya ka Jehova i lota le Beteli: na Jeroboamu i wa yimile hi laha alatini a ku hisa a libani.
- 2 Na yena i loba huwa a vukela a alati

- hi mhaka ya Jehova, aku, O alati, alati, zakungahi a wulako Jehova: Languta, a nisananya i ta tralwa le ndlwini ya Davida, nzi Josia hi bito; ni hehla ka wena i ta pahlela a bapristi ba wutsamo gi klakukileko labo ba hisako a libani hehla ka wena, ni marambu ya banhu bona ba ta hisa hehla ka wena.
- 3 Na yena i lo nyika a xiwoniso gwalogo siku, aku, Lexi hi xiwoniso lexi Jehova a wulawulileko ha xona: Languta, a alati gi ta panzeka, ni kuma lego gi nga hehla ka gona gi ta halaka lahasi.
- 4 Na ku mahisile lezo, laha na hosi na yi zwile a kuwula ka munhu wa Nungungulu, loye a nga wa bile huwa hi alati le Beteli, lezaku Jeroboamu i lo nawuluta a canja ga yena hi le a alatini, aku, Koma yena. Ni canja ga yena, lego yena a nga wa gi nawulutile a vukela, gi la su kokotsolo, zingaho lezo yena i wa nga gi kotangi a ku gi klelisa kambe ka yena.
- 5 Ni alati kambe gi lo panzeka, ni kuma gi halaka hi a alatini, kukotisa hi ka muwoniso lowo a munhu wa Nungungulu a nyikileko hi mhaka ya ka Jehova.
- 6 Ni hosi yi lo hlamlu ya te ngalo ka munhu wa Nungungulu, Kombela makunu a tomo ga Jehova a Nungungulu wa wena, ni ku kombela mina, lezaku a canja ga mina gi klelela ka mina kambe. Ni munhu wa Nungungulu i lo kombela ka Jehova, ni canja ga hosi gi lo wuyiselwa ka yena kambe, gi lo maha kwatsi hi mahlweni.
- 7 Ni hosi yi te ngalo ka munhu wa Nungungulu, Ngona kaya zinwe na mina, ni kuya humula a wutsumbu ga wena, mina nzi ta nyika wena ncacazelo.
- 8 Ni munhu wa Nungungulu i te ngalo ka hosi, Loku wena u wa ta nyika a kihlanya ga yindlu ya wena, mina nzi nga ta famba zinwe na wena, ge mina nzi wa nga ta kuga zibaba ni kunwa a mati ka legi wutsamo;
- 9 Zingaho kona ku lo leletelwa mina hi mhaka ya ka Jehova, yiku, Wena u nga ta kuga a zibaba, ge ni kunwa mati, ge ni ku klela hi ndlela leyi wena u tako ha yona.
- 10 Zingaho yena i lo famba hi yinwani ndlela, i wa nga klelangi hi ndlela leyo a nga wa tile ha yona le Beteli.

- 11 Makunu leyo ku wa lo aka a xikosana xa muprofeti le Beteli; ni muuwe wa barisanyana ba yena i lotta byela yena a mitiro leyo a munhu wa Nungungulu a yi mahileko lego siku le Beteli; a timhaka leto a ti wulawulileko ka hosi, bona kambe ba lo byela tona ka raru wabye.
- 12 Ni raru wabye i te ngalo ka bona. Hi yihi ndlela a fambileko ha yona yena ke? Makunu ni barisanyana ba yena ba yi wonile a ndlela leyi yena a fambileko ha yona a munhu wa Nungungulu, loye a tako hi le Juda.
- 13 Na yena i te ngalo ka barisanyana ba yena, gabatselani mina mbongola, Zingaho bona ba lo gabatsela a mbongola; na yena i lo kilela ka yona.
- 14 Na yena i lo famba le nzako ka munhu wa Nungungulu, i lo kuma yena na a tsamile lahasi ka sinye ya oaki; na yena i te ngalo ka yena, Wena hi wena a munhu wa Nungungulu loye a tako hi le Juda ke? na yena i te ngalo, Nzi mina yena.
- 15 Zonake yena i te ngalo ka yena, Ngona kaya zinwe na mina, u taga zibaba.
- 16 Na yena i te ngalo, Mina a nzi faneli ku klela zinwe na wena, ge ni ku famba zinwe na wena; ge mina a kuga zibaba ni kunwa a mati zinwe na wena wutsanweni legi:
- 17 Hakuba ku wa wulilwe ka mina hi mhaka ya ka Jehova, Wena u nga taga zibaba ge ni kunwa mati leyo, ge ni ku klela kambe hi ndlela leyo wena u tako ha yona.
- 18 Na yena i te ngalo ka yena, minawu kambe nzi muprofeti kwatsi hi wena; ni ngelosi yi wulawulile ka mina hi mhaka ya ka Jehova, yiku, Neha yena a wuya kambe le ndlwi ni ya wena, kasi yena wa fela kuga zibaba ni kunwa mati. Kanilezi yena i lo hamba wunwa ka yena.
- 19 Zingaho yena i lo klela a famba zinwe na yena, i lo yaga zibaba lomo ndlwi ni ya yena, ni kunwa mati.
- 20 Na kona na ku mahisile lezo, na ba tsamile mezeni, lezaku a mhaka ya ka Jehova yi lotta ka muprofeti loye a nga wa klelisile yena a wuya:
- 21 Na yena i loba huwa ka munhu wa Nungungulu loye a tileko hi le Juda, aku, Zakungahi a wulako Jehova, Hakuba kwatsikaloko wena a ku ingisisangi ka nomu wa ka Jehova, a ku zwisangi ku hlaysisa a kuleletela loku Jehova a leleteleko wena,
- 22 Kanilezi wena u klelile u wuya, ni lezaku wena u gile zibaba u nwile a mati le wutsanweni legi mina nzi leleteleko wena, U ngagi zibaba, u nganwi a mati; a miri wa wena wu nga tata le xilahleni xa bararu wa wena.
- 23 Na kona na ku mahisile lezo, anzako ka kuba yena a gile zibaba, ni ka kuba yena a nwile, lezaku bona ba lo gabatsela yena a mbongola, a wumboni, ga muprofeti leye a klelilileko yena a wuya.
- 24 Ni laha yena a nga wa fambile, ni ngonyamo yi lo klangana zinwe na yena laha ndleleni, ni ku daya yena: ni miri wa yena wu na su hoxwa laha ndleleni, ni mbongola yi wa lo yima ha wona; ni ngonyamo kambe yi wa lo yima suhani ni miri.
- 25 Ni, languta, a banhu ba hunzile hi laho, ba lo wona a xirumbi na xi te canjala laha ndleleni, ni ngonyamo yi wa lo yima laha xirumbini; na bona ba lo ta byela lomo mutini lo wo a muprofeti wa kale a nga wa hi tsama kona.
- 26 Ni laha a muprofeti loye a nga klelisile yena wuya hi ndleleni na a zwile hi loko, yena i te ngalo, Kona munhu wa Nungungulu, loye a nga ingisisangiko ka a ka nomu wa ka Jehova; hikwalaho Jehova i nyikele yena le ngonyanweni, leyo yi pfemuleko yena, yi deleko yena, kukotisa hi ka mhaka ya ka Jehova, leyo yena a wulawulileko ka yena.
- 27 Na yena i lo wulawula ka barisanyana ba yena, aku, Gabatselani mina a mbongola, na bona ba lo gabatsela yona.
- 28 Yena i loya a kuma a xirumbi xa yena xi te canjala laha ndleleni, ni mbongola ni ngonyamo zi wa yimile laha xirumbini; ni ngonyamo yi wa nga gangi a xirumbi, ge ni kupfemula a mbongola.
- 29 Ni muprofeti i lo teka a xirumbi xa munhu wa Nungungulu, i lo klateka xona helu ka mbongola, i lo klela a wuya naxo; yena i lotta mutini a muprofeti wa kale, a ku rila, ni ku nkelela yena.
- 30 Na yena i lo beka lomu nkeleni wa yena uwinyi; na bona ba lo rilelela

- behla ka yena, baku, Ha, makabye wa mina!
- 31 Na ku mahisile lezo, anzako ka kuba yena a nkelele yena, lezaku yena i lo wulawula ka banana ba yena, aku, Laha loku mina nzifa nkelelani mina laba xilahleni lexi a munhu wa Nungungulu a nkelelweko; ni ku beka a marambu ya mina klelweni ga marambu ya yena.
- 32 Hakuba hi kuwula loku yena a bileko huwa bi mhaka ya ka Jehova a vukela a alati legi gi nga leyo Beteli, ni ku vukele yonkle miti ya wutsamo gi klakukileko lego gi nga le mitini ya le Samaria, hakuene zi ta mahaka.
- 33 Anzako ka lezi silo Jeroboamu a nga klelangi ndleleni yo biha ya yena, i lo maha kambe ka bonkle banhu a bapristi ba wutsamo gi klakukileko: kani hiwihl a zi ranzako, yena i lo nyikelelisa yena, kasi ku fela kuba kona a bapristi ba wutsamo gi klakukileko.
- 34 Ni lexi xilo xi lo maha kuonha ka yindlu ya ka Jeroboamu, kala ku yi tsema, ni ku lobisa yona le ngoheni ya misaba.

XIPIMO 14.

- 1 A ka lexo xikati Ahija a nwana wa Jeroboamu i lo babya.
- 2 Na Jeroboamu i te ngalo ka sati wa yena, Suka, mina nza kombela wena, ni ku fihla a wutsumbu ga wena, lezaku wena u nga tibyiwi lezaku wena u sati wa Jeroboamu; wena u ya le Xilo: languta, leyo ku kona Ahija a muprofeti, loye a nga wa wulawulile xungatano na mina lezaku nzi ta nga ba hosi hehla ka laba banhu.
- 3 Teka zinwe na wena a kume ga mikowo, ni zikeketselo, ni nghotso ya wulombe, uya ka yena: hi yena a ta byela wena lezaku ku ta mahaka yini hi nwanana.
- 4 Ni sati wa Jeroboamu i lo maha lezo, i lo suka, i loya le Xilo, i lota le ndlwini ya Ahija. Makunu Ahija i wanga a nga woni; hakuba a mahlo ma wa lu lutsuma hi wukosana.
- 5 Na Jehova i te ngalo ka Ahija, Languta, a sati wa Jeroboamu i ta a ta wutisa a xungetano ni nisananyana wa yena; hakuba yena wa babya; zakungahi ni zakungahi wena u ta nga wula ka yena; hakuba ku ta kuba

lezo, laha na yena na a engena, lezaku yena i ta xengetela a wutsumbu ga yena a kukwa hi wasati munwani.

- 6 Na kona na ku wangaho, ni laha a Ahija a nga wa zwile a guwa ka mikonzo ya yena, kwatsi hilezi yena a nga wa engile le nyangweni, i te ngalo, Engena, wena wasati wa Jeroboamu; yini u xengetelako a wutsumbu ga wena kwatsi hi munwani ke? hakuba mina nzi runwelwe ka wena ni timhaka to binza.
- 7 Famba, u ya byela Jeroboamu, zakungahi a wulako Jehova, a Nungungulu wa ka Israeli: Hakuba kwatsilokoke mina nzi klakusileko wena u hunza xikari ka banhu, nzi lo ku maha hosana hehla ka banhu ba mina Israeli.
- 8 Nzi wukla a mufumo kule ka yindlu ya Davida, ni ku nyika wona ka wena; kasike wena a ku wa nga kari u maha kwatsi hi nanza ga mina Davida, loye a hlaysile a mileletelo ya mina, loye a lanzeleko mina hi mbilu ya yena yonkle, a ku maha lezo zoce zi nga wa hi kusasa kuwone ni ka mina,
- 9 Kanilezi u mahile a kubiha a kuhunza bonkle labo ba nga wa hi mahlwani ka wena, na u fambile u ya mahela wena a banwani banungungulu, a zifananiso zi nyikisilweko, a ku vindlukisa mina kuzangara, na u hoxile mina le makutini ka hlana wa wena:
- 10 Hikwalaho, languta, mina nzi ta neha a kubiha hehla ka yindlu ya ka Jeroboamu, nzi ta tsema ka Jeroboamu bonklelele banana ba banuna, ni loye a valelweko ni loye a seleko lahandle lomu ka Israeli na hi ku trumulisilweko nzi ta swiyela yi suka a yindlu ya ka Jeroboamu, kwatsi hi loku munhu a swiyela a nkoho, kala wona wonkle wu oliwe.
- 11 Loye a fako wa Jeroboamu lomu mutini a timbyana ti taga; ni loye a felako lomo kwatini a zinyanyani za tilo zi taga: hakuba Jehova i wulile kona.
- 12 Suka wena hikwalaho, uya wena le ndlwini ya wena: ni laha mikonzo ya wena yi ta nga engena mutini, ni nwanana i ta kufa.
- 13 Ni wonkle Israeli ba ta rilela yena, ni ku nkelela yena; hakuba yena hi

- yena yece wa ka Jeroboamu a ta ngata nkeleni, hakuba a ka yena ku kumilwe a zilo zo sasa ngomameni na Jehova, a Nungungulu wa ka Israeli, lomo ndlwini ya ka Jeroboamu.
- 14 *Klatakumbiri Jehova i ta ti vuxela a hosi hehla ka Israeli, loye a ta nga tsemaa yindlu ya ka Jeroboamu lego siku: kanilezi a rini ke? maku-nu lezi.*
- 15 *Hakuba Jehova i ta hlasela Israeli, kwatsi hi lihlanga li tsekatsekiswako lomo matini; na yena i ta tsuwula Israeli a suka lomu tikweni legi go saseka lego yena a nyikileko ka badadani babye, na yena i ta hangalasa miklatukweni, ya Congo, hakuba bona mahile a Axerima wabye, ba vindlukiselako Jehova a zangara.*
- 16 *Na yena i ta nyikela Israeli hi kota ya wuonhi ga ka Jeroboamu, legi yena a gi wonhileko, na'ha gona yena a mahileko Israeli a onha.*
- 17 *Ni sati wa Jeroboamu i lo suka, i lo famba, i lota le Tirza: kwatsi hilezi yena a nga wata zipimbisini za nyangwa, a nwanana i lofa.*
- 18 *Ni wonkle Israeli i lo nkelela yena, ni ku rilela yena, kukotisa hi ka mhaka ya ka Jehova, leyo a yi wulileko hi nanza ga yena Ahija a mu-profeti.*
- 19 *Ni yonkle yi selako a mitiro ya Jeroboamu, ni ku i lwisile kuyini, ni ku i fumisile kuyini, languta, kona ku tsalilwe lomo bukwini ga kronekeli ga tihosi ta ka Israeli.*
- 20 *Ni masiku lawo a nga wa fumile Jeroboamu makume mambiri ni mambiri malembe: yena i lo eklela zinwe ni badadani ba yena, na Nadabe a nwana wa yena i lo fuma xikundleni xa yena.*
- 21 *Na Rehoboamu a nwana wa Solomoni i lo fuma lomu Juda. Rehoboamu i wa hi mune wa makume ni ginwe malembe laba yena a nga wa sangule a ku fuma, yena i lo fuma a kume ni nklanu ni mambiri malembe lomu Jerusalema, a muti lowo Jehova a wulawulileko ka tonkle tixaka ta ka Israeli, a ku beka a bito ga yena kona: ni bito ga mamani wa yena i wa hi Naama a mu Amori.*
- 22 *Na Juda i lo maha lezo zi bihileko kuwoneni ka Jehova, na bona ba lo zangarisela yena moneni hi zionho zabye lezo bona ba zionhileko, hehla*
- ka zonkle lezo a badadani babye ba nga wa zi mahile.*
- 23 *Hakuba bonawu kambe ba lo ti ake-la a wutsako gi klakukileko, ni timhinga, na Axerima, ka zonklelele zitsungana, ni lahasi ka tonklelele tisinya to nyuka;*
- 24 *Ni laho kambe ku wa hi kona a ma Sodoma lomo tikweni: bona ba lo maha kukotisa hi ka manyala ya matiko ya mifumo leyo Jehova a nga wa yi hlongole yi huma mahlwani ka banana ba ka Israeli.*
- 25 *Na ku mahisile lezo hi lembe ga nklanu ga hosi Rehoboamu, lezaku Xixaka a hosi ya le Gipite yi lo kanziya yita vukela a Jerusalema;*
- 26 *Yena i lo teka a mabako ya yindlu ya ka Jehova, ni mabako ya yindlu ya hosi; yena i la su teka wonkle: na yena i lo teka a ziklangu za nzalama lezo Solomoni a nga wa zi mahile.*
- 27 *Na hosi Rehoboamu i lo maha wutsanwini ga zona a ziklangu za suku, ni ku nyikela ka mandleni ya tinduna ta impi, labo ba hlayisa a libati la yindlu ya hosi.*
- 28 *Na kona na kuwangaho, lezaku, kwatsi hi xikauzakanya lexo a hosi yi nga waya lomo ndlwini ya Jehova, a ba rinzeli ba lo welela zona, ni ku klelisa ba zi tisa lomo ndlwini ya ba rinzeli.*
- 29 *Makunu a yonkle a mitiro ya ka Rehoboamu, ni zonkle lezo a zi mahileko, zona a zi tsalwangi lomo bukwini ga kronekeli ka tihosi ta ka Juda ke?*
- 30 *Ni laho ku wa hi kona a impi xikari ka Jeroboamu na Rehoboamu hi kusimamisisilweko.*
- 31 *Na Rehoboamu i lo eklela zinwe ni badadani ba yena, na yena i wa lo nkelelwa ni dadani wa yena le mutini wa Davida: ni bito ga mamani wa yena i wa hi Naama a mu Amori. Na Abijamu a nwana wa yena i lo fuma xikundleni xa yena.*

XIPIMO 15.

- 1 *Makunu hi lembe ga kume ni nklanu ni manharu ga Jeroboamu a nwana wa Nebate i lo sangula Abijamu a ku fumela Juda.*
- 2 *Malambe manharu yena a nga fume-la lomu Jerusalema: ni mamani wa yena a bito i wa hi Maaka a nbanyana wa Abixalome.*

GO SANGULA GA TIHOSI, 15.

- 3 Na yena i lo famba lomo ka zonkle a zionho za dadani wa yena, lezo yena a nga wa zi mahile mahlweni ka yena; ni mbilu ya yena yi wa nga mbelelangi zinwe na Jehova a Nungungulu wa yena, kwatsi hi mbilu ya Davida a dadani wa yena.
- 4 Ahembaloko hi kota ya Davida i lo nyika Jehova a Nungungulu wa yena i lo nyika yena a kandiya lomu Jerusalema, aku bekela a nwana wa yena a nzako ka yena, ni ku tiyisa a Jerusalema;
- 5 Hakuba Davida i wa lo maha lezo zi sasekile kuwoneni ka Jehova, i wa hambukangi klelweni ka zilo lezi a leleteleko yena wonkle masiku ya wutomi ga yena, saseka yona a mha-ka ya Uria a mu Hiti.
- 6 Makunu laho ku wa hi kona a kulwa xikari ka Rehoboamu na Jeroboamu wonkle masiku ya wutomi ga yena.
- 7 Ni yonkle a mitiro ya Abijamu, ni zonkle lezo a mahileko, zona a zi tsalwangi lomo bukwinu ga kronekeli ga tihosi ta ka Juda ke? Ni laho kuwa hi kona a kulwa xikari ka Abijamu na Jeroboamu.
- 8 Na Abijamu i eklela zinwe ni badadani ba yena; na bona ba lo nkelela yena lomo mutini wa Davida: na Asa a nwana wa yena i lo fuma lomu xikundleni xa yena.
- 9 Na ka lembe ga makume mambiri ga ku fuma ka Jeroboamu a hosi ya ka Israeli i lo sangula Asa a ku fumela Juda.
- 10 Mune wa makume ni ginwe malembe yena i lo fumela lomu Jerusalema: ni bito ga mamani wa yena i wa hi Maaka a nhanyana wa Abixalome.
- 11 Na Asa i lo maha lezo zi sasekileko kuwoneni ka Jehova, kwatsi hi Davida a dadani wa yena.
- 12 Na yena i lo hlengola a ma Sodoma lomu tikweni, i lo susa zonkle a zifananiso a dadani wa yena a nga wa zi mahile.
- 13 Na Maaka kambe a mamani i lo suswa a kuba a ngabe a muzinza, hakuba yena i wa mahile a zinyenyeko za xifananiso xa Axera; na Asa i lo tema a xifananiso xa yena, i lo hisa zona le congwanani wa Kidroni.
- 14 Kanilezi a wutsamo gi klakukileko gi wa nga suswangi: ahemba a mbilu ya Asa yi wa mbelele ka Jehova wonkle masiku ya yena.
- 15 Na yena i lo neha lomu ndlwini ya ka Jehova a zilo lezo a dadani wa yena a nga wa zi nyikelelisile, ni zilo lezi a wutsumbu ga yena a nga wa zi nyikelelisile, a siliva, ni nzalama, ni zibya.
- 16 Ni laho ku wa hi kona a kulwa xikari ka Asa na Baaxa wonkle masiku yabye.
- 17 Na Baaxa a hosi ya ka Israeli i lo kanziya a vukela Juda, i lo aka Rama, kasi yena a fela ku kala a nga vumeli ni munwe a ku huma ni ku engena ka Asa a hosi ya ka Juda.
- 18 Zona Asa i lo teka gonkle siliva ni nzalama leyi yi nga wa siyilwe lomo mabakweni ya yindlu ya ka Jehova, ni mabako ka yindlu ya hosi, i lo myikela yona canjeni ga malanza ya yena; ni hosi Asa i lo rumela yona ka Ben-hadade, a nwana wa Tabrimmone, a nwana wa Hezloni, a hosi ya le Siria, leyo yi akileko le Damas-kusi, aku,
- 19 La ho ku kona aku klangana xikari ka mina na wena, ni xikari ka dadani wa mina ni dadani wa wena: languta, mina nzi rumele ka wena a zinyikiwo za siliva ni nzalama; yana, u ya tsoba a ku klangana ka wena na Baaxa a hosi ya ka Israeli, kasi yena a fela ku suka leno ka mina.
- 20 Na Ben-hadade i lo ingisa ka hosi Asa, i lo rumela a tinduna ta impi ya yena a ku ya vukela a muti wa ka Israeli, ba lo ya hlasela Ijoni, na Dani, ni Abel-bete-maaka, ni gonkle Cinnerote, ni gonkle a tiko ga le Naftali.
- 21 Na ku mahisile lezo, laba Baaxa a nga wa zwile ha kona, lezaku i tsika a kuaka Rama, i loya tsama le Tirza.
- 22 Zonake a hosi Asa i lobahungu ka gonkle Juda; i wa nga hi kona a nga wa klaklekile: na bona ba lo rwala kule a maribye ya le Rama, ni minaneke ya kona, leyo Baaxa a nga wa akile ha yona; ni hosi Asa i lo aka ha yona a Geba ga ka Benjamini, ni Mizpa.
- 23 Makunu yonkle a mitiro yi seliko ya Asa, ni ntamo wa yena, ni zonkle lezo yena a zi mahileko, ni miti leyi yena a nga wa akile, a zi tsalwangi lomo bukwinu ga kronekeli ga tihosi ta ka Juda ke? Kanilezi xikatini xa wukosana ga yena i wa hi tinghumbemikonzweni ya yena.
- 24 Na Asa i lo eklela zinwe ni bada-

dani ba yena, na yena i wa lo nkelelwa ziwwe ni badadani ba yena lomu mutini wa Davida a dadani wa yena; na Jehoxafate a nwana wa yena i lo fuma le xikundleni xa yena.

- 25 Na Nadabe a nwana wa Jeroboamu i lo sangula a ku fuma hehla ka Israeli hi lembe ga wumbiri ga Asa a hosi ya ka Juda; na yena i lo fumela hehla ka Israeli malembe mambiri.
- 26 Na yena i lo maha lezo zi bihileko kuwoneni ka Jehova, i lo famba lomo tindloleni ta dadani wa yena, ni ka kuonha ka yena loku a maha Israeli a ku onha.
- 27 Na Baaxa a nwana wa Ahija, wa yindlu ya ka Isakare, i lo maha a hlebo a vukela yena; na Baaxa i daya yena le Gibetoni, legi gi nga ga ma Filisti; hakuba Nadabe ni wonkle Israeli ba wa kangatile ba vimbezela le Gibetoni.
- 28 Kona ka lembe ga wunharu ga Asa a hosi ya ka Juda Baaxa i lo daya yena, i lo fuma le xikundleni xa yena.
- 29 Na ku mahisile lezo lezaku, kwatsi hi xilokuloku xa lezi yena a nga wa hi hosi, yena i lo hlasela yonkle a yindlu ya ka Jeroboamu? yena i wa nga siyangi ni xa ku tsangila xa muhefemulo, le ndlwini ya ka Jeroboamu, a kala yena a lobisile yena; kukotisa hi kuwula ka Jehova, loku yena a nga wa wulawulile hi nanza ga yena Ahija a mu Xiloni;
- 30 Hakuba hi zionho za Jeroboamu lezi a nga wa onhile, lezo ha zona a nga maha ba ka Israeli ba onha, kwatsi hi zangarisiso wa yena lowo a vunjukelisileko Jehova, a Nungungulu wa ka Israeli, a zangara.
- 31 Makunu zonkle zimaho za Nadabe, ni zonkle lezo a zi mahileko, zona a zi tsalwangi lomo bukwi ni ka kronekeli ga tihosi ta ka Israeli ke?
- 32 Ni laho ku wa hi kona a kulwa xikari ka Asa na Baaxa a hosi ya ka Israeli wonkle masiku yabye.
- 33 Hi ka lembe ga wunharu ga kufuma ka Asa a hosi ya ka Juda i lo sangula Baaxa a nwana wa Ahija a kufuma hehla ka Israeli le Tirza, na yena i lo fuma a makume mambiri ni mune a malembe.
- 34 Na yena i lo maha lezo zi bihileko kuwoneni ka Jehova, i lo famba lomo ndloleni ya Jeroboamu, ka zionho

za yena lezo yena a nga wa mahile Israeli a onha.

XIPIMO 16.

- 1 Ni mhaka ya ka Jehova yi lota ka Jehu a nwana wa Hanani yi vukela Baaxa, yiku,
- 2 Hakuba kwatsilokoke mina nzi ku kumukisile wena hi lahasi ka tsutsungwani, nzi mahile wena a hosana hehla ka banhu ba mina Israeli, na wena u fambile le ndloleni ya Jeroboamu, wena u mahile a banhu ba mina Israeli a kuonha, a ku vindlukisa mina a kuzangara hi zionho za bona;
- 3 Languta, mina nzi swiyela kule Baaxa ziwwe ni yindlu ya yena; na mina nzi ta maha a yindlu ya wena kwatsi i yindlu ya Jeroboamu a nwana wa Nebate.
- 4 Loye a fako wa ka Baaxa lomu mutini a timbyana ti taga; ni love a felako leyo handle a tinyanyani ta tilo ti taga.
- 5 Makunu zonkle zinwani zimaho za Baaxa, ni lezo a zimahileko, ni ntamo wa yena, zona a zi tsalwangi bukwi ni ga kronekeli ga tihosi ta ka Israeli ke?
- 6 Na Baaxa i lo eklela ziwwe ni badadani ba yena, na yena i lo nkelelwa leyo Tirza; na Ela a nwana wa yena i lo fuma xikundleni xa yena.
- 7 Klatakumbiri hi muprofeti Jehu a nwana wa Hanani yi lota a mhaka ya ka Jehova yi vukela Baaxa, ni ku vukela a yindlu yena, hakuba hi zonkle zionho lezo a zi mahileko kuwoneni ka Jehova, a ku vindlukisa yena a kuzangara hi mitiro ya mandla ya yena, hi ka ku fanana ni yindlu ya ka Jeroboamu, ni lezaku yena i dele yena.
- 8 Hi lembe ga makume mambiri nkalanu ginwe ga Asa a hosi ya ka Juda i lo sangula Ela a nwana wa Baaxa a ku fumela hehla ka Israeli le Tirza na wa lo fuma malembe mambiri.
- 9 Ni nanza wakwe Zimri, a nduna ya kihlanya ga tikareta ta yena ta kulwa, i lo hleba a vukela yena. Makunu yena i wa hi le Tirza, i wa kunwa a wutsumbu ga yena a popiwa le ndlwini ya Arza, loye a nga wa hi hehla ka ngungo wa le Tirza:
- 10 Na Zimri i lo engena a ya mu hlasala aya daya yena, hi lembe ga maku-

- me mambiri ni nkalanu ni mambiri ga Asa a hosi ya ka Juda, yena i lo fuma lomo xikundleni xa yena.
- 11 Na ku mahisile lezo, laha yena a nga wa sangula ku fuma, kwatsi hi xilokuloku xa lezi yena a nga tsamile xitsanweni xa yena xa wukosi, leza ku yena i lo hlasela yonkole a yindlu ya ka Baaxa: yena a nga siyangi ni wanunana wa ku tsangila, ge hambu wa maxaka ya yena, ge ni wa banga na ba yena.
- 12 Zakungahi Zimri i lo lobisa yonkole a yindlu ya ka Baaxa, kukotisa hi ka mhaka ya ka Jehova, leyo yena a nga wa wulawulile a vukela Baaxa ha Jehu a muprofeti.
- 13 Hakuba hi zonkole a zionho za Baaxa, ni zionho za Ela a nwana wa yena, lezo bona ba onhileko, na ha zona ba lo maha wonkole Israeli a onha, a kuvunjukelisa Jehova, a Nungungulu wa ka Israeli, a zangara hi kunganyawulisiko kabye.
- 14 Makunu zinwani zimaho za Ela, ni zonkole lezo a zi mahileko, zona a zi tsalwangi lomo bukwini ga kronekeli ka tihosi ta ka Israeli ke?
- 15 Hi ka lembe ga makume mambiri ni nkalanu ni mambiri ga Asa hosi ya ka Juda Zimri i lo fumela la Tirza a nkalanu ni mambiri a masiku. Makunu banhu ba wa gobile ba vukela Gibetoni, lego gi nga ga ma Filisti.
- 16 Ni banhu labo ba nga wa gobile ba lozwa lezaku, Zimri i hlebile, ni kambe i dele a hosi: Ngahilezo wonkole Israeli ba lo maha Omri, a nduna ya impi, a hosi hehla ka Israeli lego siku lomo wugobelweni.
- 17 Na Omri i lo kanziya a suka hi le Gibetoni, ni wonkole Israeli zinwe na yena, na bona ba lota vimbezela Tirza.
- 18 Na ku mahisile lezo, laha Zimri a nga wa wonile lezaku a muti wu tekilwe, i lo engena xilubelweni xa yindlu ya hosi, i lo hisa a yindlu ya hosi hehla ka yena hi nzilo, i lofa,
- 19 Hakuba hi zionho za yena lezo a onhileko hi ku maha lezo zi bihileko kuwoneni ka Jehova, hi ku famba hi ndlela ya Jeroboamu, ni ka zionho za yena lezo a zi mahileko, a ku maha Israeli a onha.
- 20 Makunu zonkole a zimaho za Zimri, ni wulala ga yena lego a gi mahileko, zona a zi tsalwangi lomo bukwini ga kronekeli ga tihosi ka Israeli ke?
- 21 Zonake a banhu ba ka Israeli ba lo hambana zipanze zimbiri: ni kihlanya ga banhu ba lo lanzela Tibni a nwana wa Ginate, a ku maha yena a hosi; ni kihlanya gi lo lanzela Omri.
- 22 Kanilezi a banhu labo ba lanzelako Omri ba lo hlula ku hunza labo ba lanzelako Tibni a nwana wa Ginate: zingaho Tibni i lofa, na Omri i lo fuma.
- 23 Hi lembe ga makume manharu ni ginwe ga Asa a hosi ya ka Juda i lo sangula Omri a ku fumela hehla ka Israeli, i lo fuma a kume ni mambiri malembe: nkalanu ni ginwe malembe yena i lo fumela le Tirza.
- 24 Yena i lo xaba a mitsurana Samaria ka Xemara hi titalanta timbiri ta siliva; na yena i lo aka le tsuraneni, i lo cula a bito ga muti lowu yena a kileko, hi bito ga Xemara, a nwinyi wa tsurana, Samaria.
- 25 Na Omri i lo maha lezo zi bihileko kuwoneni ka Jehova, i lo maha hi kubihisilweko kuhunza bonkole labo ba nga wa hi mahlweni ka yena.
- 26 Hakuba yena i lo famba tindloleni tonkole ta Jeroboamu a nwana wa Nebate, ni ka zionho za yena lezo ha zona a nga wa mahile Israeli a ku onha, a ku vindlukisa Jehova, a Nungungulu wa ka Israeli, a zangara hi kunganyawulisiko kabye.
- 27 Makunu zinwani zimaho za Omri lezo yena a zi mahileko, ni ntamo wa yena lowo a wu wonisileko, zona a zi tsalwangi lomo bukwini ga kronekeli ga tihosi ta ka Israeli ke?
- 28 Na Omri i lo eklela zinwe ni badadani ba yena, i wa nkelelwe le Samaria; na Ahabi a nwana wa yena i lo fuma xikundleni xa yena.
- 29 Hi ka lembe ga makume manharu ni nkalanu ni manharu ga Asa a hosi ya Juda i lo sangula Ahabi a nwana wa Omri a ku fuma hehla ka Israeli: na Ahabi a nwana wa Omri i lo fuma le hehla ka ka Israeli le Samaria makume mambiri ni mambiri malembe.
- 30 Na Ahabi a nwana wa Omri i lo maha lezo zi bihileko mahlweni ka Jehova ku hunza bonkole labo ba nga wa hi mahlweni ka yena.
- 31 Na ku mahisile lezo, kwatsi hilezi ku nga wa xilo xo hehuka ka yena a ku

famba ka zonk'le zionho za Jeroboamu a zwana wa Nebate, lezaku yena i lo teka a sati Jezebeli a nhanyana wa Etebaali a hosi ya ma Sidonia, i lo famba aya kozela Baali, ni ku dumisa yena.

- 32 Yena i lo longisela a alati ga Baali lomo ndlwini ya ka Baali, leyo yena a nga wa yi akile le Samaria.
- 33 Na Ahabi i lo maha Axera; na Ahabi i lo maha a engetela a ku vunjukelisa Jehova, a Nungungulu wa ka Israeli, a ku zangara ku hunza tonk'le a tihosi ta ka Israeli leto ti nga wa hi mahlweni ka yena.
- 34 Hi masikwini ya yena Hieli a mu Beteli i lo aka a Jeriko: yena i lo bekela a xiseketelo xa kona hi kulahlekelwa hi Abiramu a matewula ya yena, ni ku bekelwa ka tinyangwa ta kona hi zwana wa yena wa uzisana Seguba, kukotisa hi ka mhaka ya ka Jehova, leyo yi a nga wa wulawulile hi Joxua a zwana wa Nuni.

XIPIMO 17.

- 1 Na Elija a mu Tixebeti, loye a nga wa hi wa tinzhubeti wa le Gileade, i te ngalo ka Ahabi, Kwatsi hilezi Jehova, a Nungungulu wa ka Israeli, a hanyako, mahlweni ka wihi mina nzi yimileko, laho ku nga ta kuba kona a nzokati ni vula laya malembe, kanilezi kukotisa hi ka mhaka ya mina.
- 2 Ni mhaka ya ka Jehova yi lota ka yena, yiku,
- 3 Suka wena leno, u hunzuluka uya ngomama mutsuwukagambo, ni kuya fiblala a wutsumbu ga wena hi congwanini Cerite, lowo wu nga mahlweni ka Jordani.
- 4 Na kona na ku taba lezo, lezaku wena u tanwa ka lowo congo; mina nzi leletele a zikunguwa a ku gisa wena leyo.
- 5 Zingaho yena i lo famba i lo maha kukotisa hi ka mhaka ya ka Jehova; hakuba i lo famba i lo tsama le congwanini Cerite, lowo wu nga mahlweni ka Jordani.
- 6 Ni zikunguwa zi lota zi neha ka yena a zibaba ni nyama laha mixweni, ni zibaba ni nyama laha gambyeni; yena i lonwa le congwanini.
- 7 Na ku mahisile lezo a nzako ka xikati, lezaku a xicongwana xi lota, hakuba laho ku wa nga hi na vula lomo tikweni.

- 8 Ni mhaka ya ka Jehova yi lota ka yena, yiku,
- 9 Suka, uya a wutsumbu ga wena le Zerefate, legi gi nga ma Sidoni, uya tsama leyo; languta, mina nzi leletele a noni a kuhlanguta wena.
- 10 Zingaho yena i lo suka i loya le Zerefate; ni laha yena a nga wa tile le nyangweni ya muti, languta, a noni yi wa hi laho yi tsobako mahlahla: na yena i lo bitana ka yena, a ku ngalo ka yena, Labela mina, nza kombela wena, a matana ma tsongwani lomu xibweni, kasi mina nza fela ku nwa.
- 11 Ni kwatsi hilezi yena a nga waya kuka wona, yena i lo bitana ka yena, na a te ngalo, Nzi nehela, nza kombe la wena, a buwu ga xibaba canjeni ga wena.
- 12 Na yena i te ngalo, Kwatsi hilezi Jehova a Nungungulu wa wena a hanyako, mina a nzi na xikeketselo, kanilezi i canja gi teleko ga tinzowo lomo guwanini, ni mafurana ma tsongwanyanyani lomo ka xigutsana: ni, languta, mina nzi tsoba leti tihunyi timbiri, kasi mina nza fela ku famba nzi ya bikela mina ni nisanyana wa mina, kasi hina ha fela a kuga, ni hifa.
- 13 Na Elija i te ngalo ka yena, U nga cabe; famba uya maha kwatsi hilezi wena u wulileko; kanilezi mahela mina ha wona a xikeketselwana kuranga, wa nehisa xona ka mina, ni nzako ka lezo maha a ka wena ni ka nisanyana wa wena.
- 14 Hakubazakungahi a wulako Jehova, a Nungungulu wa ka Israeli, A guwana ga tinzowo ti nga ta mbeteka, ge hambu lexi xikutsana xa mafura xi nga ta tsanzeka, kala sikwini ga Jehova a rumelako a vula ehla ka misaba.
- 15 Na yena i lo famba i loya maha kukotisa hi kuwula ka Elija: na yena, yenawe, ni ba yindlu ya yena, ba loga a masiku yo tala.
- 16 Ni guwana ga tinzowo a ti mbetekingi, ge hambu a xikutsana xa mafura a xi tsanzekangi, kukotisa hi ka mhaka ya ka Jehova, leyo yena a nga wa yi wulawulile ha Elija,
- 17 Na ku mahisile lezo a nzako ka lezi zilo, lezaku a nisanyana wa wasati, a nyinewamuni wa yindlu, i lo babya; ni wubabyi ga yena gi wa tsiugisilwe, lezaku laho ku wa nga

- hi na muhefemulo wu nga siylwe ka yena.
- 18 Na yena i te ngalo ka Elija, Mina nzi ta maha yini zinwe na wena O wena munhu wa Nungungulu ke? wena u tile ka mina kuta neha a zionho za mina kualakanyweni, ni ku daya a nisanyana wa mina!
- 19 Na yena i te ngalo ka yena, Nyika mina a nisanyana wa wena. Na yena i lo teka yena xifubeni xakwe, i lo famba na yena le ndlwini, lomo a nga wa tsama kona, i loya eklelisa hehla ka mubedi wa yena nwinyi.
- 20 Na yena i lo bitana ka Jehova, na te ngalo, O Jehova, a Nungungulu wa mina, wena hi wena u nehileko a kubiba hehla ka noni leyi mina nzinga nzhubeti ka yona, hi kudaya a nwanana wa yena ke?
- 21 Yena i lo kapama a wutsumbu ga yena hehla ka nisanyana sikati zinharu, i lo bitana ka Jehova, i te ngalo, O Jehova, a Nungungulu wa mina, mina nza kombela wena, nga a muhefemulo wa nwanana wa loyi wu klela kambe ka yena.
- 22 Na Jehova i lo iugisa ka gezu ga Elija; ni muhefemulo wa nwanana wu lota ka yena kambe, yena i lo tilimuka.
- 23 Na Elija i lo teka a nwanana, yena i lo relola zinwe naye lomo nzeni ka yindlu, i lota nyika yena ka mamani wa yena; na Elija i te ngalo, Wona, a nisanyana wa wena wa hanya.
- 24 Ni wasati i te ngalo ka Elija, Makunu mina nza zi tiba lezaku wena u munhu wa Nungungulu, ni lezaku a mhaka ya ka Jehova lomu nonwini wa wena njinene.

XIPIMO 18.

- 1 Na ku mahisile lezo a nzako ka masiku yo tala, lezaku a mhaka ya ka Jehova yi lota ka Elija, hi lembe ga wunharu, yiku, Famba, u ya kombisa a wutsumbu ga wena ka Ahabi; na mina nzi ta rumela a vula hehla ka misaba.
- 2 Na Elija i lo kombisa a wutsumbu ga yena ka Ahabi. Ni ndlala yi wa tsingisile le Samaria.
- 3 Na Ahabi i lo bitana Obadia, loye a nga wa hehla ka yonke yindlu, (Makunu Obadia i wa caba Jehova hi ku kulisilweko:
- 4 Hakuba ku wa ngaho, laho Jezebeli a nga wa tsema a baprofeti ba ka

Jehova, lezaku Obadia i lo teka a zana ga baprofeti, i lo fihla bona hi nklanu wa makume le muhumeni, i lo gisa bona hi zibaba ni mati.)

- 5 Na Ahabi i te ngalo ka Obadia, Famba u tsemakanya lomu tikweni, ka tonkle a tihlowo ta mati, ni ka zonkle a zicingwana: kutani hi ngaya kuma a byanyi a ku hanyisa a mahaxi ni timbongola ti pona, lezaku hina hi nga lahli zonkle a zifuyo.
- 6 Zingaho bona ba lo abanyiselana a tiko xikari kabye ba tsemakanya gona: Ahabi i lo famba a ndlela yinwe hi wutsumbu ga yena, na Obadia i lo famba yinwani a ndlela hi wutsumbu ga yena.
- 7 Ni lezi Obadia a nga wa hi ndleleni, languta, Elija i lo klanganyeta yena: na yena i lo tiba yena, i lowa hi ngohe ya yena, i te ngalo, Kona a hi wena, a hosi ya mina Elija ke?
- 8 Na yena i lo hlamula yena, Nzi mina yena: famba, u ya byela a hosi, languta, Elija i laha.
- 9 Na yena i te ngalo, Nza ta ti onhela yini mina, lezaku wena u wa ta nga u nyika a nanza ga wena canjeni ga Ahabi, a ku daya mina ke?
- 10 Kwatsi hilezi Jehova a Nungungulu wa wena a hanyako, laho a kukona a tiko kutani mufumo, laho a hosi ya mina a nga rumelangiko ku hlota wena: ni loku bona ba ku ngalo, Yena a nga kona laha, yena i lo teka a xifungo xa mufumo ni tiko, lezaku bona a ba kumangi wena.
- 11 Ni makunu wena u wulako, Famba, uya byela a hosi ya wena, Languta, Elija i laha.
- 12 Kona ku ta ku na ku mahisile lezo, kwatsi hi lezi mina nzi fambileko laha ka wena, ni Moya wa ka Jehova wu ta ku yisa laha mina nzi nga ku tibiko; na zi ta ba ngaho laho mina nzi tileko byela Ahabi, yena a nga zi koti ku kuma wena, yena i ta daya mina: kanilezi mina nanza ga wena nza caba Jehova ku sukela wuzwanani ga mina.
- 13 Kasi kona ku wa nga byelwangi a hosi lezi mina nzi nga wa mahile laha Jezebeli a nga wa daya a baprofeti ba ka Jehova, lezaku mina nzi fihlisile ku yini a zana ga baprofeti ba ka Jehova hi nklanu wa makume le muhumeni, nzi gisa bona zinwe hi zibaba ni mati ke?
- 14 Ni makunu wena u ngalo, Famba,

- uya byela hosi ya wena, languta, Elija i kona laha; na yena i ta daya mina.
- 15 Na Elija i te ngalo, Kwatsi hilezi Jehova wa mabandla a hanyako, mahlweni ka wihi mina nzi yimileko, mina hakunene nzi ta kangeta a wutsumbu ga mina ka yena nyamukla.
- 16 Zingaho Obadia i loya a ku klangana na Ahabi, i lo byela; na Ahabi i loya ku klangana na Elija.
- 17 Na kona ku mahisile lezo, laha Ahabi a nga wa wonile Elija, lezaku Ahabi i te ngalo ka yena, Hi yena wena, wena mukarati wa Israeli ke?
- 18 Na yena i lo hlamula, Mina a nzi karatangi Israeli; kanilezi wena, ni yindlu ya ka raru wa wena, a ka lezo nwina mu tsikileko a zileletelo za ka Jehova, na wena u lanzele Baalima.
- 19 Makunu hikwalaho rumela, uya tsoimbanyisela ka mina won'le Israeli le xitsungeni Karmeli, ni baprofeti ba ka Baali mune wa mazana ni nklanu wa makume, ni baprofeti ba ka Axera mune wa mazana, labo ba gako mezeni ya Jezebeli.
- 20 Zingaho Ahabi i lo rumela ka bon'le a banana ba ka Israeli, i lo tsoimbanyisela a baprofeti katiginwe le xitsungeni Karmeli.
- 21 Na Elija i lota ku suhani ka bon'le banhu, i te ngalo, Hiyini nwina mu mahako wutetenyeteny xikari ka maklelo mambiri ke? loku Jehova a hi Nungungulu, lanzelani yena; kanilezi loku a hi Baali, lanzelani yena. Ni banhu a ba nga wa hlamulangi yena ni mhaka.
- 22 Zonake ka lo wula Elija ka banhu, Mina, yena mina nzoce, nzi siyilweko a muprofeti wa ka Jehova; kanilezi Baali i mune wa mazana ni nklanu wa makume ya ba banuna.
- 23 Nga bona hikwalaho ba nyika hina a tihozwana timbiri; na nga bona ba langa a hozwana ya wutsumbu gabye, ni ku tsemelela yona a ziklubyana, ni ku klateka yona laho tihunyini, ba nga beki a nzilo lahasi ka tona; na mina nzi ta longisa a yizwani hozwana, ni ku yi klateka laha tihunyini, nzi nga beki a nzilo lahasi.
- 24 Ni bitanani nwina le bitweni ga nungungulu wa nwina, minawu nzi ta bitana lomu bitweni ga Jehova: ni Nungungulu loye a hlamulako hi nzilo, nga yena a hi Nungungulu.
- Ni bon'le banhu ba lo hlamula ba te ngalo, kona ku wulawulilwe kwatsi.
- 25 Na Elija i te ngalo ka baprofeti ba ka Baali, Langani nwina hozwana yinwe a kuba ya wutsumbu ga nwina, ni ku pahlela kuranga; hakuba nwina mu tele; ni ku bitana bitweni ga nungungulu wa nwina, kanilezi mu nga beki nzilo lahasi.
- 26 Na bona ba lo teka a hozwana leyo yi nga wa nyikilwe bona, na bona ba lo yi pahlela, ba lo bitana bitweni ga Baali kusukela mixweni kala munwini, baku, O Baali, zwana hina. Kanilezi laho ku wa hi na gezu, ni munwe loye a nga wa hlamule. Na bona ba lo klulela le alatini lego gi nga wa mahilwe.
- 27 Na ku mahisile lezo laha munwini, lezaku Elija i lo tseketsela bona, i te ngalo, Bitani nguvu; hakuba yena nzi nungungulu: kutani yena wa ha alakanyela, kutani yena i hambukile, kutani i le lwenzweni, kutani yena i eklele i fanelwe hi ku vuxiwa.
- 28 Na bona ba lo rila ba kanyulukelana, bona ba lo tsemelela a wutsumbu gabye kota matsamela yabye hi mikwana ni tikari, kala nkata wu cilla hehla ka bona.
- 29 Na kona ku wa ngaho, laha xikari ka mumu ku nga wa hunzile, lezaku bona ba lo profeta kala xikatini xa munyikelo wa nzhiho wa laha gambyeni; kanilezi laho ku wa nga hi na gezu, ge ni munwe a hu hlamula, ge ni munwe a nga wa katalela.
- 30 Na Elija i lo wula ka bon'le banhu, Ngonani kusuhi ka mina: ni bon'le banhu ba lo tsinela kusuhi ka yena. Na yena i lo akisa a alati ga Jehova lego gi nga wa fohlolowe.
- 31 Na Elija i lo teka a kume ni mambiri a maribye, kukotisa hi ka tsengo wa tixaka ta banana ba Jakobe, a ka bahi a mhaka ya ka Jehova yi tileko, yiku, Israeli ku taba a bito ga wena.
- 32 Na hi maribye i lo aka a alati le bitweni ga Jehova; na yena i lo maha a rinzi hi laha a alatini, gi wa hi ga hombe a ku kangatela a ziringaniso zimbiri za mbewu.
- 33 Na yena i lo beketela tihunyi a tixaxametele, i lo tsemelela a hozwana a

- siklubyana**, i lo **klateka** zona laha ti-hunyini. Na yena i te ngalo, tatisa-ni mune wa maguwana hi mati, ni ku cела wona ka munyikelo wa kuhiswa, ni lomu tihunyini.
- 34 Na yena i te ngalo, Mahani loku makati mambiri; na bona ba lo maha a makati mambiri. Na yena i te ngalo, Mahani makati manharu; na bona ba lo maha makati manharu.
- 35 Ni mati ma wa la su hlafala ma renzelekela a alati; na yena i lo tatisa a nyangwa kambe hi mati.
- 36 Na ku mahisile lezo hi xikatini xa ku nyikela a munyikelo wa nzhiho wa laha gambyeni, lezaku Elija a muprofeti i lo tsinela kusahani, i te ngalo, O Jehova, a Nungungulu wa Abrahamama, wa Isaka, ni wa Israeli, nga kona ku tibyiwa legi siku lezaku wena u Nungungulu wa ka Israeli, ni lezaku mina nzi nanza ga wena, ni lezaku mina nzi mahi lezi zilo hi ka mhaka ya wena.
- 37 Zwana mina, O Jehova, zwana mina, ni lezaku laba banhu ba fela kutiba lezaku wena, Jehova, hi wena Nungungulu, ni lezaku wena u hunzulusile a mbilu yabye ba klelela la nzako kambe.
- 38 Zonake a nzilo wa Jehova wu lowa, wu lota mbetisa a munyikelo wa kuhiswa, ni tihunyi, ni maribye, ni tsutsungwani, wu kwengela ni mati wonkle lawo ma nga wa hi lomo ka rinzi.
- 39 Ni laha bonkle banhu ba nga wa wonile kona, na bona ba lowa hi tingohe tabye: na bona ba te ngalo, Jehova, nzi Nungungulu; Jehova, nzi Nungungulu.
- 40 Na Elija i te ngalo ka bona, Tekani a baprofeti ba ka Baali; nga a nga hi kona ni munwe wabye a ponako. Ni bona ba lo teka bona; na Elija i lo relela a ta nabo le congwanini wa Kixoni, i lo daya bona leyo.
- 41 Na Elija i te ngalo ka Ahabi, Kanziya wena, gana, nwana; hakuba laho ku kona xiwuta xa vula ya talo.
- 42 Zingaho Ahabi i lo kanziya a yaga ni ku yanwa. Na Elija i lo kanziya le hehla ka xitsunga xa Karmeli; yena i lo koramisa a wutsumbu le hehla, ka misaba, i lo beka ngohe ya yena xikari ka madzolo ya yena.
- 43 Na yena i te ngalo ka nanza ga yena, Kanziya makunu, u cuwuka a ngomama ni bimbi. Na yena i lo kanziya hehla, i lo cuwuka, i te ngalo, Laho a ku na ncumo. Na yena i te ngalo, Famba kambe nklanu ni zimbiri a zikati.
- 44 Na ku mahisile hi xikati xa nklanu ni wumbiri, lezaku yena i te ngalo, Languta, laho kuklakuka a refu hi lomo biimbini, gona gi tsongwani kwatsi hi canja ga munhu. Na yena i te ngalo, Yana hehla, u ya wula ka Ahabi, Maha ku longisa a kareta ya wena, ni ku relela wena u famba, lezaku a vula yi nga kala yi nga ku kamanyeti wena.
- 45 Na ku mahisile hi xikatanyana xitsongwani, lezaku a tilo gi la su kiriba gi puniswa hi marefu ni mheho, ni laho ku wa hi kona a vula ya hombe. Na Ahabi i lo kilela, i loya le Jezreeli.
- 46 Ni canja ga Jehova gi wa hi ka Elija; na yena i lo bolha a ziwunu za yena, i lo tsutsuma mahlweni ka Ahabi kuya nyangweni ya le Jezreeli.

XIPIMO 19.

- 1 Na Ahabi i lo byeletela Jezebeli zonkle lezo Elija zi mahileko, ni ka zonkle lezaku yena i dele a baprofeti ba ka Baali hi supado.
- 2 Zonake Jezebeli i lo rumela a tsukano ka Elija, aku, Zingaho nga banungungulu ba maha ka mina, ni ku engeta kambe, loku mina nzi nga mahi a wutomi ga wena kwatsi hi wutomi ga munwe wa bona ha manziko hi ka lexi xikati.
- 3 Ni laha yena a nga wa wonile lezaku, yena i lo suka, i lo famba hi wutomi ka yena, i lota le Berexeba lego gi nga ga ka Juda, i lo siya a nanza ga yena leyo.
- 4 Kanilezi a wutsumbu ga yena i lo famba a lwenzo la siku lomo xiwuleni, i lota tsama lahasi ka sinya ya junipera: i lo wutisa a wutsumbu ga yena lezaku yena a fela kufa, na te ngalo, Ku enele; makunu, O Jehova, susa wutomi ga mina; hakuba mina a nzi cukwana ku hunza badadani wa mina.
- 5 Na yena i lo ti nawula lahasi i lo eklela lahasi ka sinya ya junipera; ni, languta, a ngelosi yi lo kumba yena, i te ngalo ka yena, Suka gana.
- 6 Na yena i lo cuwuka, ni, languta, laho ku wa hi kona hi le hlokweni ya yena a xikeketselo xi nga kati-

- ngilwe hi makala, ni nghotso ya mati. Na yena i lo kuga na a lo kunwa, i lo ti nawula lahasi kambe.
- 7 Ni ngelosi ya ka Jehova yi lota kambe hi kati ga wumbiri, yi lota kumba ka yena, yi te ngalo, Suka uga, hakuba a lwenzo ngahombe ka wena.
- 8 Na yena i lo suka, i loga i lonwa, na a lo famba hi ntamo wa loka kuga a mune wa makume ya masiku ni mune wa makume ya wusiku aya Horebe a xitsunga xa Nungungulu.
- 9 Yena i lota leyo le muhumeni, i lo eklela leyo; ni, languta, ni mhaka ya ka Jehova yi lota ka yena, na i te ngalo ka yena, Xini wena u mahako laha, Elija?
- 10 Na yena i te ngalo, Mina nzi wa kari nzi hi ni mona ha Jehova, a Nungungulu wa mabandla; hakuba a banana ba ka Israeli ba tsikile a xivumelwano, ba hoxile lahasi a malati ya wena, ba dele a baprofeti ba wena hi supado: na mina, yena mina nzoce, nzi seleko; na bona ba hlota a wutomi ga mina, a ku susa gona.
- 11 Na yena i te ngalo, Suka u famba, uya yima le behla ka xitsunga xa Jehova, ni, languta, Jehova wa hunza laho, ni mheho ya hombe ni ya ntamo ya tsekatekisa a zitsunga, yi trandlesa fufanyi a maribye mahlwani ka Jehova; kanilezi Jehova i wa nga hi lomo mhehweni: ni nzako ka mheho hi ku tsekateka ka misaba; kanilezi Jehova i wa nga hi lomo ka kusekatseka ka misaba:
- 12 Ni nzako ka kutsekateka ka misaba a nzilo; kanilezi Jehova i wa nga hi lomo uzilweni: ni nzako ka nzilo a gezu gi tsongwanyani gi rengileko.
- 13 Na kona na ku wa ngaho, ni laha Elija a nga wa gi zwile, lezaku yena i lo fenengeta a ngohe ya yena hi nguwo ya yena, i lo huma, i lo ya yima le nyangweni ya muhume. Ni, languta, laho ku lota a gezu ka yena, na gi te ngalo, Xini u mahako laha, Elija ke?
- 14 Na yena i te ngalo, Mina nzi wa kari nzi hi ni mona ha Jehova, a Nungungulu wa mabandla; hakuba a banana ba ka Israeli ba tsikile a xivumelwano xa wena, ba hoxile lahasi a maalati ya wena, ba dele a baprofeti ba wena hi supado; na mina, yena mina nzoce, nzi seleko; na bona ba hlota a wutomi ga mina, a ku teka gona.
- 15 Na Jehova i te ngalo ka yena, Famba, u klela a ndlela ya wena le xiwuleni xa le Damaskusi: ni laha wena u tako, wena uta tota Hazaeli a kuba hosi behla ka Siria;
- 16 Na Jehu a nwana wa Nimxi u ta tota a kuba hosi behla ka Israeli; na Elixa a nwana wa Xafate wa le Abela-mehola u ta mu tota muprofeti lomo xikundleni xa wena.
- 17 Na ku mahisile lezo, loye a ponako lomo supadweni ya Hazaeli Jehu i ta mu daya; ni loye a ponako lomo supadweni ya Jehu Elixa i ta mu daya.
- 18 Kasike mina nzi ta ti siyela a nklanu ni mambiri ya kume ga mazana lomo ka Israeli, labo a madzolo yabye ma nga kizamangiko ka Baali, ni milomu ya bahi yonkolelele yi nga mu trotrangiko yena.
- 19 Zingaho yena i lo suka laho, i lota kuma Elixa a nwana wa Xafate, loye a nga wa kari a rima, hi kume ni mambiri majoka ya tikabi mahlwani ka yena, yena ni kume ni timbiri: na Elija i lo hunza hi laha ka yena, i lo hoxa a nguwo ya yena behla ka yena.
- 20 Na yena i lo siya a tikabi, i lo tsumma le nzako ka Elija, i te ngalo, Nga mina, nza kombela wena, nziya trotra dadani wa mina, na mamani wa mina, na zonake mina nzi ta lanzela wena. Na yena i te ngalo ka yena, Klela kambe; hakuba xini mina nzi mahileko ka wena ke?
- 21 Na yena i lo klela hi kulanzeleni yena, ni ku ya teka a joka ga tikabi, i lo daya tona, i lo bika a nyama ya tona hi zibya za tikabi, i lo nyika ka banhu, na bona ba loga. Zonake yena i lo suka, i lo lanzela ka Elija, i loya kozela yena.

XIPIMO 20.

- 1 Na Ben-hadade a hosi ya le Siria i lo tsombanyisela yonkle a impi ya yena katigilawe; ni laho ku wa hi ni makume manharu ni timbiri tiho-si zinwe na yena, ni mahaxi ni tikareta ta kulwa; i loya vimbezela le Samaria alwa a vukela gona.
- 2 Na yena i lo rumela a mitsukano ka Ahabi a hosi ya ka Israeli, lomo mutini, i te ngalo ka yena, Zakungahi a wulako Ben-hadade.

- 3 A siliva ya wena ni nzalama ya wena njamina; a basati ba wena kambe ni banana ba wena, zona zonkile lezi zi sasekileko, za mina.
- 4 Ni hosi ya ka Israeli yi lo hlamula yi te ngalo, Kona kukotisa hi ka nanza ga wena, hosi yanga, O hosi; mina nzi wa wena ni zonkile lezo nzi nga nazo.
- 5 Ni mitsukano yi lo wuya kambe, yi te ngalo, Zakungahi a wulako Benhadade, aku, Mina nzi lo ruma ka wena, nziku, Wena u ta nyika ka mina a siliva ya wena, ni nzalama ya wena, ui basati ba wena, ni banana ba wena;
- 6 Na mina nzi ta ruma malanza ya mina ka wena manziko hi ka xikati lexi, na bona ba ta hanza a yindlu ya wena, ni tindlu ta malanza ya wena; na ku taba lezo, lezaku kani hiyini xa kusaseka le mahlweni ya wena, bona ba ta xi beka mandleni yabye, ni ku xi teka ka wena.
- 7 Zonake a hosi ya ka Israeli yi lo ruma yi bitani wonkile a masingalakati ya tiko, i te ngalo, Bobo hlohlo-sani, mina nza kombela nwina, ni ku wona lezaku loyi munhu i laba a onhakalo: hakuba yena i rumela ka mina a basati ba mina, ni banana ba mina, ni siliva ya mina, ni nzalama ya mina; mina nzi kanetangi yena.
- 8 Ni wonkile a masingalakati ya banhu ba te ngalo ka yena, U nga ingisi wena, ge hambu ku vumela.
- 9 Ngahilezo yena i te ngalo ka mitsukano ya ka Benhadade, Byelani a nwinyi wa mina a hosi, Zonkile lezo wena u nga rumela ka nanza ga wena kuranga mina nzi ta zi maha; kanilezi lezi zilo mina nzi nga ta zi maha. Ni mitsukano yi lo suka, ba lo neha ka yena a mhaka kambe.
- 10 Na Benhadade i lo rumela ka yena, i te ngalo, A banungungulu a ba mahe zingaho ka mina, ni ku engeta kambe, loku a tური wa le Samaria wu nga ta enela a canja gi teleko ka bonkile banhu labo ba lanzelako mina.
- 11 Ni hosi ya ka Israeli yi lo hlamula yi te ngalo, Byelani yena, Nga yena loye a hlomako a maklari ya yena a nga ti kukumuxi a wutsumbu ga yena, kwatsi hi loyi a bekako.
- 12 Na ku mahisile lezo, laha na Benhadade a zwile leti timbaka, kwatsi hilezi yena a nga wa kari anwa, yena ni tihosi, lomo magobeleni, lezaku yena i te ngalo ka malanza ya yena, Hlomani a wutsumbu ga nwina a maklari. Na bona ba lo hloma a wutsumbu gabye maklari ni ku vukela a muti.
- 13 Ni, languta, a muprofeti i lota kusuhi ka Ahabi a hosi ya ka Israeli, i te ngalo, Zakungahi a wulako Jehova, Wena wa wona lexi a xindlema xa hombe ke? languta, mina nzi ta xi nyikela a canjeni ga wena legi siku; na wena u ta zi tiba lezaku mina nzi mina Jehova.
- 14 Na Ahabi i te ngalo, Ha mani ke? Na yena i te ngalo, Zakungahi a wulako Jehova, Hi majaha ya tihosana ta matiko. Zonake yena i te ngalo, Nzimani a ta nga sangula a impi ke? Na i te ngalo, Wena.
- 15 Zonake yena i lo hlalaya a majaha ya tihosana ta matiko, na bona ba wa hi mazana mambiri ni makume manharu ni bambiri: ni uzako ka lezo yena i lo hlalaya bonkile banhu, bona bonkile a banana ba ka Israeli, na ba hi nkhanu ni mambiri ya kume ga mazana.
- 16 Na bona ba lo huma lahandle laha muzwini. Kanilezi Benhadade i wa nwana a wutsumbu ga yena na a popilwe lomo magobelweni, yena zizwe ni tihosi, makume manharu ni timbiri a tihosi leto ti nga wa vuntela yena.
- 17 Ni majaha ya tihosana ta matiko ti huma ti famba kurangula; na Benhadade i lo rumela, na bona ba lo byela yena, baku, Laho ku kona ba banuna ba tako hi le Samaria.
- 18 Na yena i te ngalo, Ahati kutani bona ba tela kurula, tekani bona na ba ha hanya; kutani bona ba huma ba ta impini, tekani bona na ba hanya.
- 19 Zingaho laba ba lo huma lahandle ka muti, a majaha ya tihosana ta matiko, ni impi leyi yi lanzelako bona.
- 20 Na bona ba lo daya loyi ni loyi a manhu ya wenawu; ni ma Siria ma lo tsuwuka, ni ba ka Israeli ba lo hlongola le nzako ka bona; na Benhadade a hosi ya le Siria i lo pona na kilele a haxi zinwe ni ba banuna ba yena ba mahaxi.
- 21 Ni hosi ya ba ka Israeli yi huma, yi lo hlasela a mahaxi ni tikareta ta kulwa, ni ku kudaya a ma Siria hi kuhihirita ka hombe.

- 22 Ni muprofeti i lota kusuhi ni hosi ya ka Israeli, i te ngalo ka yena, Famba, u ya tiyiseta a wutsumbu ga wena, uya hlolowota, lezaku wena zini u zi mahako; hakuba hi kurenzelekeni ka lembe a hosi ya le Siria yi ta wuya yi ta vukela wena.
- 23 Ni malanza ya hosi ya le Siria ma te ngalo ka yena, A nungungulu wabye i nungungulu wa zitsunga; hikwalaho bona ba wa hi ni ntamo kuhunza hina: kanilezi nga hina hilwa zinwe nabo lomo mikobeni, hakunene hina hi ta kuba ni ntamo ku hunza bona.
- 24 Ni ku maha lezi zilo: tekani a tihosi kule, bonklelele ba banuna ba suka wutsanweni gabye, ni ku bekela a tinduna nzawini ya bona;
- 25 Ni ku hlaya a impi, ku fanana ni impi leyo wena u lahlileko, a haxi hi haxi, ni kareta hi kareta; na hina hi talwa zinwe na bona lomo mikobeni, hakunene hina hi taba ni ntamo kuhunza bona. Na yena i lo ingisa ka gezu gabye, i lo maha zingaho.
- 26 Na ku mahisile lezo hi ku mbeleni ka lembe, lezaku Ben-hadade i lo hlaiyela a ma Siria, i lo kanziya aya le Afeka, a ku yalwa ni ba ka Israeli.
- 27 Ni banana ba ka Israeli ba wa lo hlaiyelwa, ba wa lo hiwa timbuba, ba loya ba yalwa zinwe nabo: kanilezi a banana ba ka Israeli ba wa lo goba mahlweni ka bona ku fanana ni zimbutana zimbiri; kanilezi a ma Siria ma wa tatisile a tiko.
- 28 Ni munhu wa Nungungulu i lota kusuhi i lota ku wulawula ka hosi ya ka Israeli, a ku ngalo, Zakungahi a wulako Jehova, hakuba a ma Siria ma wulileko, Jehova nzi Nungungulu wa zitsunga, kanilezi yena a hi Nungungulu wa mikoba; hikwalaho mina nzi ta nyikela lexi a xidle-mo canjeni ga wena, na nwina mu ta zitiba lezaku mina nzi mina Jehova.
- 29 Na bona ba lo goba ba cuwukana muuwe ni muwani nklanu ni mambiri masiku. Na zi wangaho, hi siku ga wunklanu ni mambiri a impi yi lo klangana; ni banana ba ka Israeli ba lo daya a ma Siria a zana ga kume ga mazana a ba banuna ba mikonzo hi siku ginwe.
- 30 Kanilezi a ba kusala ba lo tsutsu-mela le Afeka, lomo mutini; ni kusi gi lo wela ka nklanu ni mambiri a mazana ni kume ni mambiri a kume ga mazana ya ba banuna labo ba nga wa sele. Na Ben-hadade i lo tsutsuma, i lota le mutini, i lo engena lomo nzeni ka yindlu.
- 31 Ni malanza ya yena ma te ngalo ka yena, Languta makunu, hina hi zwile lezaku a tihosi ta yindlu ya ka Israeli i tihosi ta titralo: nga hina, ha kombela wena, hi boha a tinguwo ta tisakwa ziwunwini za hina, ni tingoti hehla ka tihloko ta hina, ni kuya ka hosi ya ka Israeli: kutani yena i ta hanyisa a wutomi ga wena.
- 32 Zingaho bona ba lo boha hi nguwo ya tisakwa lomo ziwunwini zabye, ba lo bekela a tingoti tihlokweni tabye, ba lota ka hosi ya ka Israeli, ba te ngalo, A nanza ga wena Ben-hadade i ngalo, Mina nza kombela wena, vumela mina nzi hanya. Na yena i te ngalo, Yena wa ha hanya ke? yena makabye wa mina.
- 33 Makunu ni ba banuna ba lo hlolowotela kwatsi, na ba lo hakiisa ku koma lezaku loku ku wa huma hi kupimeni ka yena ke; na bona ba te ngalo, A nakuloni wa wena Ben-hadade. Zonake i te ngalo, Fambani nwina, mu ya neha yena. Zonake Ben-hadade i lota ka yena; yena i lo maha a ku kanziya ata le kareteni.
- 34 Na Ben-hadade i te ngalo ka yena, a muti lowu a dadani wa mina a nga tekile ka dadani wa wena mina nzi ta klelisa; na wena u ta maha a mapango ya wena le Damaskusi, kwatsi hilezi dadani wa mina a nga wa mahile le Samaria. Na mina, ku wula Ahabi, nzi ta vumela wena u famba zinwe ni xivumelwano. Zingaho i lo maha xivumelwano zinwe na yena, i lo tsika a famba.
- 35 Ni munhu wo kari wa barisanyana ba haprofeti i lo wula ka nakulobyehi mhaka ya ka Jehova, Daya mina, mina nza kombela wena. Ni munhu i lo ala a ku daya yena.
- 36 Zonake i lo wula ka yena, Hakuba wena a ku ingisangi ka mhaka ya gezu ga ka Jehova, languta, kwatsi xi wena u ta nga suka ka mina, a ngala yi ta daya wena. Ni xikanzakanya xa lezi yena a nga wa sukile ka yena, ni ngala yi lo mu kuma yena, yi lo dala yena.
- 37 Zonake yena i lo kuma a muwani

GO SANGULA GA TIHOSI, 21.

- munhu, i te ngalo, Daya mina, mina nza kombela wena. Ni munhu i lo daya yena, i lo mulamata a mu bale-sa panja.
- 38 Zingaho a muprofeti i lo suka, i loya rinzela a hosi hi laha ndleleni, i lo ti totelela a wutsumbu ga yena ni hloko ni mahlo hi xikubunyeto kuma.
- 39 Ni kwatsi hilezi a hosi yi nga wa hunza, yena i lo bitana ka hosi; na te ngalo, A nanza ga wena gi lo huma lomo xikari ka impi; ni, langu-ta, a munhu i lo hambuka, i lo neha a munhu ka mina, i te ngalo, Hlayi-sa loyi a munhu: loku a nga kani hi yini a be a nwaleleko, zonake a wu-tomi ga wena a gibe ga yena, kuta-mi loku zi nga titi wena u ta riha a talenta ya siliva.
- 40 Na kwatsi hilezi a nanza ga wena gi nga wa tira laha ni lahaya, yena i wa fambile. Ni hosi ya ka Israeli yi te ngalo ka yena, Zingaho a kulamu-lwa ka wena ku ta lezo; a wutsu-mbu ga wena u si na u tsanzile kona.
- 41 Na yena i lo hakisla, i lo funungula i lo susa a xifenengeto le mahlweni ka yena; ni hosi ya ka Israeli yi lo wona lezaku yena i wa hi muprofeti.
- 42 Na yena i te ngalo ka yena, Zaku-ngahi a wulako Jehova, Hakuba we-na u vumele yena a huma a famba le canjeni ga wena a munhu nzi nga wa mu nyikelisile kulobyisisweni, hikwalaho a wutomi ga wena gi ta famba hi wutomi ga yena, ni banhu ba wena hi banhu hi ga ba yena.
- 43 Ni hosi ya ka Israeli yi lo famba le ndlwini ya yena yi binzilwe na yi nga xalaliswangi, yi lota le Samaria.

XIPIMO 21.

- 1 Na ku mahisile lezo a nzako ka lezi zilo, Naboti a Jezreeli i wa ni xivina, lexo xi nga wa hi le Jezreeli, xi wa hi kusuhani ni xilubelo xa Ahabi a hosi ya le Samaria.
- 2 Na Ahabi i lo wulawula ka Naboti, aku, Nyika mina a xivina xa wena, kasi mina uzi fela a kuba naxo xibe simu ya ku byanyi, hakuba xona xi ku suhani ni yindlu ya mina; mina nzi ta nyika wena a xivina xo sase-ka ku hunza xona: kutani loku zi sasekile ka wena, mina nzi ta nyika wena a fanelo ya xona hi mali.
- 3 Na Naboti i te ngalo ka Ahabi, Jehova i beletele mina lezo, lezaku mi-

[Sheetawa.]

- na nzi wa ta nga nzi nyikela a tso-mba ya badadani wa mina ka wena.
- 4 Na Ahabi lota le ndlwini ya yena a binzilwe na a nga xalaliswangi ha-kuba hi timhaka ta Naboti a mu Je-zreeli leti a nga wa ti wulawulile ka yena; hakuba yena i wa te ngalo, Mina nzi nga ta nyika wena a tsomba ya badadani ba mina. Yena i lo ti-lata a wutsumbu ga yena hehla ka mubedi wa yena, na a wa lo cuwuka kurisini a ngohe ya yena, i wa nga a ngagi zibaba.
- 5 Kanilezi Jezebeli a sati wa yena i lota ka yena, i te ngalo ka yena, Hiyini a moya wa wena wu tsubile-ko, lezaku wena a kugi zibaba ke?
- 6 Na yena i te ngalo ka yena, Hakuba mina nzi wulawulile ka Naboti a mu Jezreeli, na nzi te ngalo ka yena, Nyika mina a xivina xa wena hi ma-li; kutani kambe, loku zi ku xalalisa wena, mina nzi ta nyika wena xi-nwani xivina ha xona: na yena i lo hlamula, Mina nzi nga ta nyika we-na a xivina xa mina.
- 7 Na Jezebeli a sati wa yena i te ngalo ka yena, Wena a hi wena a mufu-meli wa mufumo wa ka Israeli ke? suka, gana zibaba, ni mbilu ya wena nga yi nara: mina nzi ta nyika wena a xivina xa Naboti a mu Jezreeli.
- 8 Zingaho yena i lo tsala a papilo hi ka bito ga Ahabi, ni kuma gona hi kulema ka yena, ni kurumela a pa-pilo ka masingalakati ni ka badzu-nzekileko ba wa ho kona mutini wa-kwe, ni ka labo ba akileko zinwe na Naboti.
- 9 Na yena i lo tsala lomo mapapilweni, aku, Banani hungu ga kuyila, ni ku rumela Naboti xikari hehla ka ba-nhu:
- 10 Na a lo bekela a banhu bambiri, abanyamijiri ba banuna, mahlweni ka yena, na nga bona maha a wumboni, baku, Wena hi wena u rukateleko a Nungungulu ni hosi. Zonake mu ta mu rwala le handle mu ya mu ga-ndla afa.
- 11 Ni banhu ba muti wa ka kabye, a masingalakati ni banhu ba dzunze-kako ba wa tsamako mutini wakwe, ba lo maha kwatsi hilezi Jezebeli a nga wa rumile ka bona, kukotisa hi lezi yena a nga wa tsalile lomo ma-papilweni lawo yena a nga wa rume-le wona ka bona.
- 12 Na bona ba lobahungu ga kuyila, ba

- lo bekela Naboti hehla xikari ka banhu bonkle.
- 13 Ni banhu bambiri, a ba banuna ba nyamijiri, ba lo engena ba lo ta tsama mahlweni ka yena; ni ba banuna ba nyamijiri ba lo maha a wumboni ba vukela yena, ba vukela yena Naboti, lomo xikari ka banhu, baku, Naboti i lo rukatela a Nungungulu ni hosi. Zonake bona ba lo rwala yena lahandle ka muti, ni ku ya gandlela yena a kufa hi maribye.
- 14 Zonake bona ba lo rumela ka Jezebeli, baku, Naboti i gandlilwe, i file.
- 15 Na ku mahisile lezo, laha Jezebeli a nga wa zwile lezaku Naboti i gandlilwe, i wa i file, lezaku Jezebeli i te ngalo ka Ahabi, Suka, u teka a xivina xa Naboti a mu Jezreeli, leyo yena a nga ala a ku nyika wena hi mali; hakuba Naboti a nga ha hanyi, kanilezi i file.
- 16 Na ku mahisile lezo, laha Ahabi a nga wa zwile lezaku Naboti i file, lezaku Ahabi i lo suka a relela aya le xivineni xa Naboti a mu Jezreeli, a ku ya teka a tsomba xona.
- 17 Ni mhaka ya Jehova yi lotta ka Elija a mu Tixebeti, yiku,
- 18 Suka, relela uya klangana na Ahabi a hosi ya ka Israeli, loye a akileko le Samaria: languta, yena i lomo xivineni xa Naboti, leyo a releleko a ku ya teka a tsomba ya xona.
- 19 Na wena u ta wulawula ka yena, uku, Zakungahi a wulako Jehova, Wena hi wena u deleko, kambe u tekile a tsomba ke? Na wena u ta wulawula ka yena, uku, Zakungahi a wulako Jehova, A ka wutsamo lego a timbyana ti lazako a nkata wa Naboti tonawu ti ta laza a nkata wa wena, na wa wena.
- 20 Na Ahabi i te ngalo ka Elija, Wena hi wena u kumileko mina, Onala wa mina ke? Na yena i lo hlamula, mina nzi kumile wena, hakuba wena u xabisile a wutsumbu ga wena a maha lezi zi bileko a mahlweni ka Jehova.
- 21 Languta, mina nzi ta neha a kubiha hehla ka wena, na hi kumbetekisilweko mina nzi ta swiyela wena, na mina nzi tsema le ka Ahabi bonklelele a banana ba batsune, loye a valweko ni laba ba siyilweko lehandle ka Israeli:
- 22 Na mina nzi ta maha a yindlu ya wena kwatsi i yindlu ya ka Jeroboa-
- mu a nwana wa Nebate, ni ku fanana ni yindlu ya Baaxa a nwana wa Ahija hakuba hi vintlukelisiso leyi wena u vunjuleko mina nzi zangara, na u mahile Israeli a kuonha.
- 23 Ni ka Jezebeli kambe i lo wulawula Jehova, aku, A timbyana ti taga Jezebeli hi laha ligingisini la le Jezreeli.
- 24 Ni loye a fako wa ka Ahabi lomo mutini a timbyana ti ta taga; ni loye a felako lomo kwatini a tinyanyani ta tilo ti taga.
- 25 (Kanilezi laho ku wa nga hi kona wa ku fanana na Ahabi, loye a nga xabisile a wutsumbu ga yena a ku maha lezi zibihileko kuwoneni ka Jehova. loye a nga wa hlhotelwa hi Jezebeli a sati wa yena.
- 26 Na yena i lo maha hi kunyalatanisilweko a ku lanzela a zifananiso, kukotisa hi ka zonke lezo a ma Amori ma mahileko, labo Jehova a ba hoxileko a mahlweni ka banana ba ka Israeli.)
- 27 Na ku mahisile lezo, laha Ahabi a nga wa zwile leto timhaka, lezaku yena i lo hanzula a tinguwo ta yena, i lo ambala a tinguwo ta tisa kwa hehla ka nyama ya yena, i lo yila, i lo eklela lomo tingubyeni ta tisakwa, i lo famba hi kunyamimisi-lweko.
- 28 Ni mhaka ya ka Jehova yi lotta ka Elija a mu Tixebeti, yiku,
- 29 Wena wa wona lezaku Ahabi i ti koramisile a wutsumbu ga yena mahlweni ka mina? hakuba yena a koramisileko wutsumbu mahlweni ka mina mina nzi nga ta neha a kubiha masikwini ya yena; kanilezi masikwini ya nwana wa yena mina nzi neha loku kubiha hehla ka yindlu ya yena.

XIPIMO 22.

- 1 Na bona ba lo simamisa malembe manharu hi na ku haba kulwa xikari ka Siria na Israeli.
- 2 Na ku mahisile lezo hi lembe ga wunharu, lezaku Jehoxafate a hosi ya ka Juda i lo relela ata ka hosi ya ka Israeli.
- 3 Ni hosi ya ka Israeli a ku ngalo ka malanza ya yena, Ma tiba zwina lezaku le Ramote-gileade ka hina, na hina ha miyele, a hi teki gona le canjeni ga hosi ya le Siria ke?
- 4 Na yena i te ngalo ka Jehoxafate,

- Wena u nga ta famba zinwe na mina le impini le Ramote-gileade ke? na Jehoxafate i te ngalo ka hosi ya ka Israeli, mina nzi kwatsi hi wenawu, a banhu ba mina mbanhu ba wena, ni mahaxi ya mina kwatsi njawena mahaxi.
- 5 Na Jehoxafate i te ngalo ka hosi ya ka Israeli, wutisa kurangula, mina nzi kombela wena, a mhaka ya ka Jehova.
- 6 Zonake a hosi ya ka Israeli yi lo tso-mbanyisa a baprofeti katigizwe, ba wa hi mune wa mazana ya ba banuna, i te ngalo ka bona, Mina nzi ta ya vukela le Ramote-gileade a kulwa, kutani uzi tsika ke? Na bona ba te ngalo, Kanziya uya; hakuba a Hosi yi ta nyikela gona canjeni ga hosi.
- 7 Kanilezi Jehoxafate i te ngalo, Kasi laho a nga kona laha a muprofeti wa ka Jehova hi klelo ga laba, lezaku hina hi fela kuwutisa ba yena ke?
- 8 Ni hosi ya ka Israeli i te ngalo ka Jehoxafate, La ho ku kona a munhu ba yena hina hi nga wutisako ka Jehova, Mikaia a nwana wa Imla: kanilezi mina nza beng a yena; hakuba yena a nga profeti kusasa ha mina, kanilezi kubiha. Na Jehoxafate i te ngalo, Nga a hosi yi nga wuli lezo.
- 9 Zonake a hosi ya ka Israeli yi lo bitana a nduna, i te ngalo, Yela hi kuha klisilweko Mikala a nwana wa Imla.
- 10 Makunu a hosi ya ka Israeli na Jehoxafate a hosi ya Juda ba wa tsamile loyi ni loyi xitsanweni xa wukosi xa yena, na ba ambele hi tinguwu ta bona, le handle le wue-ngenweni ga nyangwa ya le Samaria; ni bonkle a baprofeti ba wa ku profeta mahlweni ka bona.
- 11 Na Zedekia a nwana Cenaana i lo mahela yena a timhonzo ta ziketse, na te ngalo, Zakungahi a wulako Jehova, Ha leti wena u ta panzanya a ma Siria, kala bona ba mbetekiswa.
- 12 Ni bonkle baprofeti ba lo profetisa ku ngaho, baku, Kanziya uya le Ramote-gileade, u taya vuvuma; hakuba Jehova i ta nyikela gona le canjeni ga hosi.
- 13 Ni tsumi lowo wu ngaya bitana Mikaia wu lo wulawula ka yena, wuku, Languta makunu, a timhaka ta baprofeti ti klaklambutela kusa-sa zinwe hi hosi hi nomu munwe: nga a mhaka ya wena, mina nza kombela wena, yi fanana ni mhaka ya munwe wa bona, ni ku wulawula wena kusasa.
- 14 Na Mikaia i te ngalo, Kwatsi hi lezi Jehova a hanyako, lezi Jehova a ta nga wula ka mina, lezo mina nzi ta wulawula.
- 15 Ni laha yena a nga wa tile le ka hosi, ni hosi yi te ngalo ka yena, Mikaia, hi taya hina le Ramote-gileade a ku yalwa, kutani hina ha tsika ke? Na yena i lo hlamlula yena, Kanziya uya ni ku ya vuvuma; na Jehova a nga ta nyikela gona a canjeni ga hosi.
- 16 Ni hosi yi te ngalo ka yena, Ku ta kala hi zikati zingani mina nzi lelela wena lezaku wena a ku wulawuli ka mina a ncumo kanilezi a zinene hi ka bito ga ka Jehova ke?
- 17 Na yena i te ngalo, Mina nzo wona ba ka Israeli ba ndlewuleka ba ku fenemete helula ka zitsunga, kwatsi hi tiyivu leto ti nga hiko na murisi: na Jehova i te ngalo, Laba a ba na nwinyi; nga bonkle ba klela ndlwi-ni yaoye hi kurula.
- 18 Ni hosi ya ka Israeli i te ngalo ka Jehoxafate, Mina a nzi byelangi wena lezaku yena a na kuprofeta kusa-sa ha mina, kanilezi kubiha ke?
- 19 Na Mikaia i te ngalo, Hikwalaho ingisa wena a mhaka ya ka Jehova: mina nzi wonile Jehova na a tsamile lomo xitsanweni xa wukosi xa yena, ni wonkle a mabandla ya le tilweni ma yimile zinwe na yena hi canjeni ga yena ga xinene ni ka canja ga yena ga xibaba.
- 20 Na Jehova i te ngalo, Nzimani a ta nga kupeta Ahabi, lezaku yena i wa ta kanziya a ya wela le Ramote-gileade ke? Ni munwani i lo wulisa lezi; ni munwani a wulisa leziya.
- 21 Ni laho ku lota a moya, wu lo yima mahlweni ka Jehova, na wu te ngalo, Mina nzi ta kupeta yena.
- 22 Na Jehova i te ngalo ka yena, Hi ku yini ke? Na yena i te ngalo, Mina nzi ta huma nziya, nzi ta maha a moya wa mawunwa le nonwini wa baprofeti ba yena bonkle. Na yena i te ngalo, Wena u ta kupeta yena, u ta mu klula kambe: huma, u ya maha lezo.
- 23 Makunu hikwalaho, languta, Jehova i bekile a moya wa mawunwa ka bonkle laba baprofeti; na Jehova i

- wulawulile kubiha xungetano na wena.
- 24 Zonake Zedekia a nwana wa Cennaana i lota kusubi, i loba Mikaia laha hlayeni, na te ngalo, Hi yihi ndlela a Moya wa ka Jehova wu sukileko hi le ka mina wu ta wulawula ka wena ke?
- 25 Na Mikaia i te ngalo, Languta, wena u ta wona lego siku, laha wena u ta nga engena lomo nzeni ka yindlu ku fihla a wutsumbu ga wena.
- 26 Ni hosi ya ka Israeli yi te ngalo, Tekani Mikaia, mu mu rwala a klela aya ka Amoni a mufumeli wa muti, ni ka Joaxi a nwana wa hosi;
- 27 Ni ku wula, Zakungahi a wula a hosi, Engisa loyi murisa lomo uzeni ka paxo, u gisa yena hi zibaba za kuxaniseka ni nati ya kuxaniseka, nzi kala mina nzi wuya hi kurula.
- 28 Na Mikaia i te ngalo, Loku wena ha kunene futsi u klela hi kurula, Jehova a nga wulawulangi ha mina. Na yena i te ngalo, Zwanani, nwina banhu, nwenkle ba nwina.
- 29 Zingaho a hosi ya ka Israeli na Jehoxafate hosi ya ka Juda ba loya le Ramote-gileade.
- 30 Ni hosi ya ka Israeli i te ngalo ka Jehoxafate, Mina nzi ga ta ambexa a wutsumbu ga mina, kasi nzaya engena lomo impini; kanilezi wena huxeta a nguwo ya wena. Ni hosi ya ka Israeli yi tsika kuambala a wutsumbu ga yona, i lo engena lomo impini.
- 31 Makunu a hosi ya le Siria yi wa leletele a makume manharu ni timbiri a tinduna ta yena ta tikareta ta kulwa, aku, Mu ngalwi ge hambu a tsongwani kutani wa hombe, saseka yena yece a hosi ya ka Israeli.
- 32 Na ku mahisile lezo, laha a tinduna ta tikareta ta kulwa ti wonile Jehoxafate, lezaku bona ba te ngalo, Hakuene yene hi yena a hosi ya ka Israeli, bona ba lo hambuka le klelweni a ku talwa ba vukela yena; na Jehoxafate i loba a huwa.
- 33 Na ku mahisile lezo, laha a tinduna ta tikareta ta kulwa ti wonile lezaku i wa nga hi hosi ya ka Israeli, lezaku ba lo klela le nzako ku hlongoliseni yena.
- 34 Ni wanuna wokari i lo kwaya a wuraga yena hi makuwulo, i lo fula a hosi ya ka Israeli hi lomo mahlanga-nweni ya baji ga yena ka xiketse;
- hikwalaho yena i te ngalo ka muca-yeli wa yena wa kareta ya kulwa, Renzeleta canja ga wena, ni ku rwala mina nzi huma impini, hakuba mina nzi kubazilwe nguvu.
- 35 Ni impi yi wa lo enzelekelana lego siku: ni hosi yi wa tsamile lomo kareteni ya yena a kegele ka mu Siria, i lofa laha gambyeni; ni nkata wu lo kulunga hi laha mbangeni wuya le hasi ka kareta.
- 36 Ni laho ku lo biwa huwa ka impi yonkle hi kupeleni ka gambo, giku, Bonklelele banhu le mutini wa ka kabye, ni bonklelele banhu le tikweni ga ka kabye.
- 37 Zingaho a hosi yi lofa, yena i wa lo nehwa le Samaria; na bona ba lo nkelela a hosi le Samaria.
- 38 Na bona ba lo hlaza a kareta hi le tibeni ga le Samaria, ni timbyana ti lo laza a nkata wa yena (makunu a zibayi zi wo hlaza a tsumbu wa zona leyo); kukotisa hi ka mbaka ya ka Jehova leyi yena a yi wulawulileko.
- 39 Makunu zonkle a mahaho za Ahabi, ni zonkle lezo yena a zi mahileko, ni yindlu ya timhonzo ta ndlovu leyo yena a nga wa akile ni yonkle miti a akeleko, a zitsalwangi lomo bukwini ga kronekeli ga tihosi ta ka Israeli ke?
- 40 Zingaho Ahabi i eklela zinwe ni dadani ba yena; na Ahazia a nwana wa yena i lo fuma xikundleni xa yena.
- 41 Na Jehoxafate a nwana wa Asa i lo sangula a ku fuma le Juda hi lembe ga wumune ga Ahabi a hosi ya ka Israeli.
- 42 Jehoxafate i wa hi ni makume manharu ni nkalanu malembe laha yena a nga wa sangule a ku fuma; i lo fuma a makume mambiri ni nkalanu a malembe le Jerusalema. Ni bito ga mamani wa yena i wa hi Azuba a nhanyana wa Xilhi.
- 43 Na yena i lo famba hi tindlela ta Asa a dadani wa yena; yena a nga hambukangi klelweni ka tona, na a maha lezo zi sasekileko mahlweni ka Jehova; ahemba a wutsamo gi klakukileko gi wa nga tekwangi; a banhu ba wa lu simamisa ba hisa a tibani wutsamweni gi klakukileko.
- 44 Na Jehoxafate i lo maha a kurula zinwe ni hosi ya ka Israeli.
- 45 Makunu zonkle zimaho za Jehoxafate, ni ntamo wa yena lowo a ko-

GA WUMBIRI GA TIHOSI, 1.

- mbisileko, ni ku i lwisile ku yini, zona a zi tsalwangi lomo bukwinu ga kronekeli ga tihosi ta ka Juda ke?
- 46 Ni misalela ya ma Sodoma, leyo yi seleko masikwini ya dadani wa yena Asa i lo yi hlongola yi huma lomo tikweni.
- 47 Ni laho ku wa nga hi kona a hosi le Edome: ni nduna yi wa hi hosi.
- 48 Jehoxafate i lo maha a mataru le Tarxixi a kuya le Ofira ma yela a nzalama: kanilezi wona a ma yangi; hakuba a mataru ma lo panzeka le Ezioni-gebera.
- 49 Zonake ku lo wula Ahazia a nwana wa Ahabi ka Jehoxafate, Nga malanza ya mina na famba ni malanza ya wena le matarwini. Kanilezi Jehoxafate i wa nga a nga vumelanghi.
- 50 Na Jehoxafate i lo eklela zinwe ni badadani ba yena, i wa lo nkelelwa zinwe ni badadani ba yena a mutini
- wa Davida a dadani wa yena; na Jehoram a nwana wa yena i lo fuma xikundleni xa yena.
- 51 Na Ahazia a nwana wa Ahabi i lo sangula ku fuma behla ka Israeli le Samaria hi ka lembe ga kume ni nkla-nu ni mambiri ga ku fuma ka Jehoxafate a hosi ya ka Juda, yena i lo fuma malembe mambiri behla ka Israeli.
- 52 Na yena i lo maha lezo zi bihileko mahlweni ka Jehova, i lo famba le ndleleni ya dadani wa yena, ni lomo ndleleni ya mamani wa yena, ni lomo ndleleni ya Jeroboamu a nwana wa Nebate, laha ha kona a mahileko Israeli a kuonha.
- 53 Na yena i lo kozela Baali, i lo kozela yena, i lo vindlekisa kuzangara Jehova, a Nungungulu wa ka Israeli, kukotisa hi ka zonke lezo a dadani wa yena a mahileko.

A BUKU GA WUMBIRI GA

TIHOSI.

XIPIMO 1.

- 1 Na Moabi i lo hlubuka a vukela Israeli a nzako ka kufa ka Ahabi.
- 2 Na Ahazia i lowa hi le wonini ga yindlu ya yena ya le hihla leyo yi nga wa hi le Samaria, i lo babya: na yena i lo ruma a mitsukano, i te ngalo ka yona, Fambani, mu ya wutisa ka Baal-zebuba, a nungungulu wa le Ekroni, kutani nzi ta kalamuka ka legi wubabyi.
- 3 Kanilezi a ngelosi ya Jehova yi te ngalo ka Elija a mu Tixebeti, Suka, u famba a ku klanganyeta a mitsukano ya hosi ya le Samaria, ni ku wula ka yona, Hi lezi laho hakuba ku nga haba a Nungungulu ka Israeli, lezaku nwina mu yako mu ya wutisa ka Baal-zebuba a nungungulu wa le Ekroni ke?
- 4 Makunu hikwalaho zakungahi a wulako Jehova, Wena u nga ta relela lahasi laho mubedini lowo wena u kanziyileko, kanilezi hakunene wena u tafa. Na Elija i lo suka.
- 5 Ni mitsukano yi lo klelela ka yena, na yena i te ngalo ka yona, Hiyini lezo nwina mu wuyileko ke?
- 6 Na bona ba te ngalo ka yena, Laho ku lota a munhu a ku ta klanganyeta hina, i te ngalo ka hina, Fambani, klelani kambe ka hosi leyo yi rumileko nwina, ni ku wula ka yona, Zakungahi a wulako Jehova, hi lezi laho hakuba ku nga haba a Nungungulu ka Israeli ke, lezi u rumelako u wutisa ka Baal-zebuba, a nungungulu wa le Ekroni ke? hikwalaho wena u nga ta relela lahasi le mubedini lowo wena u kanziyileko, kanilezi wena hakunene u ta kufa.
- 7 Na yena i te ngalo ka bona, Ngwa ku tsamisa kuyini a munhu wa kona loye a nga wa tile ku klanganyeta nwina, ni ku dyela nwina leti timhaka ke?
- 8 Na bona ba lo hlamula yena, Yena munhu wa mafefeleti, a bohile hi bandi ga dzowo lomo ziwunwini za yena, Na yena i te ngalo, Kona nzi Elija a mu Tixebeti.

- 9 Zonake a hosi yi lo rumela a nduna ya n~~n~~lanu wa makume ni n~~n~~lanu wa makume wa yena. Yena i lo kanziya aya ka yena: ni, languta, yena i wa tsamile le hehla ka xitsungana. Yena i lo wulawula ka yena, O munhu wa Nungungulu, a hosi yi rumele, relela uta.
- 10 Na Elija i lo hlamula i te ngalo ka nduna ya n~~n~~lanu wa makume, Loku mina nzi wa nga nzi hi munhu wa Nungungulu, nga a nzilo wuta wu relela hi le tilweni, wu ta lobisa wena ni n~~n~~lanu wa makume wa wena. Laho ku lota a nzilo wu relela wuta hi le tilweni, wu lota lobisa yena ni n~~n~~lanu wa makume wa yena.
- 11 Ni kambe yena i lo rumela ka yena a nduna ya n~~n~~lanu wa makume zizwe ni n~~n~~lanu wa makume wa yena. Na yena i lo hlamula i te ngalo ka yena, O munhu wa Nungungulu, zakungahi a hosi yi wulileko, Relela uta lokuloku.
- 12 Na Elija i lo hlamula i te ngalo ka bona, Loku mina nzi wa hi munhu wa Nungungulu, nga a nzilo wu relela hi le tilweni, wuta mbetisa wena ni n~~n~~lanu wa makume wa wena. Ni nzilo wa Nungungulu wu lo relela wuta hi le tilweni, wu lota mbetisa yena ni n~~n~~lanu wa makume wa yena.
- 13 Ni kambe yena i lo ruma a nduna a kunharu ya n~~n~~lanu wa makume ni n~~n~~lanu wa makume wa yena. Ni nduna ya wunharu ya n~~n~~lanu wa makume yi lo kanziya, i lota wela hi madzolo ya yena mahlweni ka Elija, ni ku kongotela yena, i te ngalo ka yena, O munhu wa Nungungulu, mina nza kombela wena, nga a wutomi ga mina, ni wutomi ga lowu a n~~n~~lanu wa makume wa malanza ya wena, a ku be malongo kuwoneni ka wena.
- 14 Languta, laho ku lota a nzilo hi le tilweni, wu lo lobisa a tinduna to rangangula timbiri ta n~~n~~lanu wa makume ni min~~n~~lanu ya makume ni n~~n~~lanu wa makumi ya tona; na makunu nga a wutomi ga mina gi hi malongo kuwoneni ka wena.
- 15 Ni ngelosi ya ka Jehova yi te ngalo ka Elija, Relela u famba zizwe na yena: u nga cabi yena. Na yena i lo suka, i lo relela aya zizwe naye le hosini.
- 16 Na yena i te ngalo ka yena, Zaku-

ngahi a wulako Jehova, Hakuba kwatsiloko wena u rumeleko a mitsukano u ya wutisa ka Baal-zebub, a nungungulu wa le Ekroni, hi lezi hakuba laho ku nga hiko kona a Nungungulu lomu ka Israeli a ku wutisa ka yena a mliaka ke? hikwalaho wena u nga ta relela lahasi hi le ka mubedi lowu wena u kanziyileko, kanilezi hakunene wena u ta kufa.

- 17 Zingaho yena i lofa kwatsi hi ka mliaka ya ka Jehova leyo Elija a yi wulawulileko. Na Jehoram i lo sangula a ku fuma lomo xikundleni xa yena hi lembe ga wumbiri ga Jehoram a zwana wa Jehoxafate a hosi ya ka Juda; hakuba yena i wa nga hi na zwana.
- 18 Makunu zizwani zonkle a zimaho za Ahazia lezo yena a zi mahileko, zona a zi tsalwangi lomo bukwini ga kronekeli a ka tihosi ta ka Israeli ke?

XIPIMO 2.

- 1 Na ku mahisile lezo, laha Jehova a nga wa ta teka Elija hi xipupuri-xa mhecho aya tilweni, lezaku Elija i lo famba zizwe na Elija le Gilgale.
- 2 Na Elija i te ngalo ka Elija, Tsama laha, mina nza kombela wena; hakuba Jehova i rumela mina a wukule go kota le Beteli. Na Elija i te ngalo, Kwatsi hi lezi Jehova a hanyako, ni kwatsi hilezi a muhefemulo wa wena wu hanyako, mina nzi nga ta tsika wena. Zingaho bona ba loya le Beteli.
- 3 Ni barisanyana ba baprofeti labo ba nga wa hi le Beteli ba lota ka Elija, ba te ngalo ka yena, Wa zi tiba lezaku Jehova i ta teka a hosi ya wena le hlokweni ya wena nyamukla ke? yena i te ngalo, Ina, mina nza zi tiba lezo; rutisani mu miyela.
- 4 Na Elija i te ngalo ka yena, Elija, tsama laha, mina nza kombela wena; hakuba Jehova i rumele mina le Jeriko. Na yena i te ngalo, Kwatsi hilezi Jehova a hanyako, kwatsi hilezi a muhefemulo wa wena wu hanyako, mina nzi nga hambana zizwe na wena. Zingaho bona ba lota Jeriko.
- 5 Ni barisanyana ba baprofeti laba ba nga wa hi le Jeriko ba lota ka ku suhi ka Elija, na ba te ngalo ka ye-

- na, Wa zi tiba lezaku Jehova i laba ku teka a hosi ya wena le hlokweni ya wena nyamukla ke? yena i lo hlamula, Ina, mina nza zi tiba lezo; rutisani mu miyela.
- 6 Na Elija i te ngalo ka yena, Tsama laha, mina nza kombela wena; hakuba Jehova i rumele mina le Jordani. Na yena i te ngalo, Kwatsi hilezi Jehova a hanyako, na kwatsi hilezi a muhefemulo wa wena wu hanyako, mina nzi nga ta hambana zinwe na wena. Bona bambiri ba loya.
- 7 Ni nklanu wa makume ya barisanyana ba baprofeti ba loya, ba lo yima hi xungetano zinwe na bona hi le kule: na bona bambiri ba lo yima hi le Jordani.
- 8 Na Elija i lo teka a nguwo ya yena, i lo songelelela yona katiginwe, i loba a mamati, ba lo abanyisana seno ni seyi, zingaho lezo bona bambiri ba lo famba klatukweni lomo liranza-byeni li omileko.
- 9 Na ku mahisile lezo, laho bona ba nga wa yile ba klatuka, lezaku Elija i te ngalo ka Elixa, wutisa xini mina nzi nga wa ta maha ka wena, hi mahlweni na nzi nga seku tekiwa hi le ka wena. Na Elixa i te ngalo, Mina nza kombela wena, nga a xiabelo xi wuyetilweko xa moya wa wena xi be hehla ka mina.
- 10 Na yena i te ngalo, Wena u wutisa a xilo xo tsanza: ahemba loko ke, loku wena u wona mina loku nzi tekiwa mahlweni ka wena, ku taba ngaho ka wena; kanilezi loku zi nge ngaho, kona ku nga ta kuba ngaho.
- 11 Na ku mahisile lezo, kwatsi hilezi bona ba nga wa ha simama a ba yanakuya, na ba lo wulawula, lezaku, languta, laho ku lo woneka a kareta ya nzilo, ui mahaxi ya nzilo, leyi yi nga pulakanyisa bona ba hambana; na Elija i loya hehla hi xipupuri-xamheho le tilweni.
- 12 Na Elixa i lo wona kona, i lo bahuwa, Dadani wa mina, dadani wa mina, a tikareta ta ka Israeli ni ba banuna ba mahaxi ba kona!
- Na yena a nga ha engetangi a wona yena: na yena i lo klemerele a tinguwu ta yena nwinyi, i lo hanzula tona a micangala mimbiri.
- 13 Na yena i lo teka kambe a nguwo ya Elija leyo yi wileko hi le ka yena, i lo klela a famba, i lo yima hi le rebeni ga congo Jordani.
- 14 Na yena i lo teka a nguwo ya Elija leyo yi wileko hi ka yena, i loba a mamati, i te ngalo, I kwihi Jehova, a Nungungulu wa Elija ke? ni laha yena kambe a nga wa bile a mamati, ba lo abanyeka leno ni seyi; Elixa i lo klatuka.
- 15 Ni laba a barisanyana ba baprofeti labo ba nga wa hi le Jeriko klatukweni wa xungetano zinwe na bona ba nga wa wonile yena, na bona ba te ngalo, A moya wa Elija wu le hehla ka Elixa. Na bona ba lota ku klanganyeta yena, ba lo koramisa a wutsumbu gabye liranza-byeni mahlweni ka yena.
- 16 Na bona ba te ngalo ka yena, Languta, makunu, laho ku kona zinwe ni malanza ya wena a nklanu wa makume ya ba banuna ba ntamo; nga bona baya, hina ha kombela wena, baya laba a hosi ya wena, ku nga taku a Moya wa Jehova wu tekile yena hehla, ni kuba wu hoxile yena le hehla ka xitsunga, kutani ka nzelelelo. Na yena i te ngalo, Nwina mu nga ta rumela.
- 17 Ni laha bona ba nga wa kongotele yena a kala yena a telwa hi tingana, yena i te ngalo, Rumelani. Bona hikwalaho ba lo rumela a nklanu wa makume ya ba banuna; na bona ba lo hlota masiku manharu, bona a ba kumangi yena.
- 18 Na bona ba lo klela ba wuya ka yena, laha yena na a tsamile le Jeriko; yena i te ngalo ka bona, Mina nzi wa nga wulangi ka nwina, lezaku mu nga fambi ke?
- 19 Ni banhu ba muti ba te ngalo ka Elixa, Languta, hina ha kombela wena, laha mutini i rulani i ndende, kota lezi a hosi ya mina yi wonako: kanilezi a mati ma bihile, ni tiko ga hulukela.
- 20 Na yena i te ngalo, nehani ka mina a nghotso yiswa, ni ku cela a munyu nzeni ka yona. Na bona ba lo neha yona ka yena.
- 21 Na yena i loya kuka a mamati, ni ku hoxa a munyi nzeni ka wona, i te ngalo, Zakungahi a wulako Jehova, mina nzi cumile laya mamati; laho ku nga ta kuba kona kusukela a hi lezi a kufa ni kuhulukela.
- 22 Zingaho a mamati ma wa cumilwe kala legi siku, kukotisa hi ka mhaka ya ka Elixa leyo yena a yi wulawulileko.

- 23 Na yena i lo kanziya a suka hi le-
yo i lota le Beteli; kwatsi hi hilezi
yena a nga waya hehla hi ndlela, la-
ho ku lota a bafanyana ba huma hi
lomo mutini, ba lo mu hleka, na ba
te ngalo ka yena, Yana hehla, nya-
lihandlanziwena; yana hehla, nya-
lihandlanziwena.
- 24 Na yena i lo cuwuka le nzako i lo
wona bona, i lo rukatela bona hi
bitweni ga ka Jehova. Ni laho ku
lo huma a matrele mambiri ya ma-
bera, hi lomo kwatini, ma lo pfemu-
la a mune wa makume ni bambiri ya
bafana ba bona.
- 25 Na yena i lo suka leyo aya xitsunge-
ni Karmeli, ni ku sukela leyo i lo
klelela le Samaria.

XIPIMO 3.

- 1 Makunu Jehoramu a nwana wa
Ahabi i lo sangula ku fuma le Sama-
ria hi ka kume ni nklanu ni manharu
a lembe ga kufuna ka Jehoxafate a
hosi ya ka Juda, na yena i lo fuma
kume ni mambiri a malembe.
- 2 Na yena a nga maha ngi lezo zi
sasekileko kuwoneni ka Jehova, ka-
nilezi i wa nga fanani ni dadani wa
yena, ni mamani wa yena; hakuba
yena i lo susa a mbinga ya Baali
leto a dadani wa yena a nga wa ti
mahile.
- 3 Ahembalokoke yena i lo namarela
zionhweni za Jeroboamu a nwana
wa Nebate, lezo ha zona a nga wa
mahile Israeli a kuonha; yena i wa
nga sukangi ka zona.
- 4 Makunu Mexa a hosi ya le Moabi
i wa hi a nwinyi wa tiyivu; yena i
wo luba ka hosi ya ka Israeli a wo-
ya ga zana ga kume ga mazana ya
mikundlu, ni zana ga kume ga ma-
zana a tihamba.
- 5 Kanilezi na ku mahisile lezo, laha
Ahabi a nga wa file, lezaku a hosi
ya le Moabi yi lo hlubuka yi vukela
a hosi ya ka Israeli.
- 6 Ni hosi Jehoramu i lo huma hi lomo
Samaria ka lexo xikati, i lo hlomisa
wonke Israeli.
- 7 Na yena i loya a ya rumela ka Je-
hoxafate a hosi ya ka Juda, aku, A
hosi ya le Moabi yi hlubukile yi vu-
kela mina: wena u nga ta famba zi-
nwe na mina a kuya vukela Moabi
a kulwe ke? Na yena i te ngalo,
Mina nzi ta kanziya: mina nzi kwa-
tsi hi wena, ni banhu ba mina mba

- wena, ni mahaxi ya mina me kwatsi
nja wena a mahaxi.
- 8 Na yena i te ngalo, Hi yihi ndlela hi-
na hi ta nga kanziya kuya ke? Na
yena i lo hlamula, A ndlela ya le xi-
wuleni xa le Edome.
- 9 Zingaho a hosi ya ka Israeli yi loya,
ni hosi ya ka Juda, ni hosi ya ka
Edome; na bona ba lo maha a wu-
renzelekela ga lwenzo la nklanu wa
masiku ni mambiri: ni laho ku wa
nga hi kona a mati ya mabandla, ge
hambu ya zihari lezo zi ba lanze-
lako.
- 10 Ni hosi ya ka Israeli yi te ngalo,
Ha! hakuba Jehova i bitanile leti
tihosi tinharu a ku ta nyikela tona
mandleni ya ka Moabi.
- 11 Kanilezi Jehoxafate i te ngalo, laho
a ku kona laha a muprofeti wa ka
Jehova, lezaku hina kasi ha fela ku
wutisa ka Jehova ha yena ke? Ni
munwe wa malanza ya hosi ya ka
Israeli i lo hlamula yena i te ngalo,
Elixa a nwana wa Xafate i kona la-
ha, loye a nga wa halatile a mati lo-
mo mandleni ya Elija.
- 12 Na Jehoxafate i te ngalo, A mhaka
ya ka Jehova yi zinwe na yena. Zi-
ngalo a hosi ya ka Israeli na Jeho-
xafate ni hosi ya ka Edome ba lo re-
lela baya ka yena.
- 13 Na Elixa i te ngalo ka hosi ya ka
Israeli, Zakuyini nzi nga wa ta nga
mina nzi zi maha ka wena ke? fa-
mba wena ka baprofeti ba dadani
wa wena, ni ka baprofeti ba mama-
ni wa wena. Ni hosi ya ka Israeli i
te ngalo ka yena, Kokwihi; hakuba
Jehova i bitanile leti a tihosi tinha-
ru katigizwe a kuta ti nyikela ca-
njeni ga Moabi.
- 14 Ni Elixa i te ngalo, Kwatsi hi lezi
Jehova wa mabandla a hanyako, a
mahlwani ka wihi mina nzi yimile-
ko, hakunene, loku ku wa nga hi
lezi mina nzi cabako a kubakona ka
Jehoxafate a hosi ya ka Juda, mina
nzi wa nga wa ta nga nzi cuwukile
ka ngomama ya wena, ge hambu ni
wona wena.
- 15 Kanilezi ma nga nzi nehelani a mu-
bi wa gubu. Na ku mahisile lezo,
ni laha a mubi wa gubu a nga wa
bile, lezaku a canja ga Jehova gi lota
hehla ka yena.
- 16 Na yena i te ngalo, Zakungahi a
wulako Jehova, Mahani leyi minze-
lelo kukuha a minkegana.

- 17 Hakuba zakungahi a wulako Jehova, *Nwina* mu nga ta wona a mheho, ge hambu ni ku wona a vula; kasike le minzelelelo yi ta tatisiwa hi mati, na *nwina* mu ta kunwa, *nwenkle* *nwina* ni tihomu ta *nwina* ni zihari za *nwina*.
- 18 Kanilezi lexi xilo xi hehukileko kuwoneni ka Jehova: yena kambe i ta nyikela a ma Moabi lomo canjeni ga *nwina*.
- 19 Na *nwina* mu ta hlasela yonklelele a miti yi gingisilweko, ni yonklelele a miti yi langilweko, na ku ta wela tonkle a tisinya to saseka, ti ta kawula tonklelele a tihlowo ta mati, lezaku, ni ku bihisa gonkle a tiko hi maribye.
- 20 Na ku mahisile lezo laha mixweni, hi xikatini xa ku nyikela a nzhiho, lezaku, languta, laho ku lota a mati hi ndlela ya le Edome, ni tiko gi wa lo tatiswa hi mati.
- 21 Makunu ni laha a ma Moabi ma nga wa zi zwile lezaku a tihosi ti kanziyile a ku talwa zinwe na bona, na bona ba lo tsombanyisa a wutsumbu gabye katigawe, bonkle labo ba nga wa zi kota a ku hloma maklari, ni ba hehla, ba wa la su suka ba komama ba ya yima le mbinganweni.
- 22 Na bona ba lo suka punzwini wa mixa, ni gambo gi hatima hehla ka mati, ni ma Moabi ma lo wona a mati ma xungeteneko zinwe na bona na ma trukile kwatsi i nkata:
- 23 Na bona ba te ngalo, Lowu i nkata; a tihosi hakunene ti lobyisilwe, na bona ba dayene ha boce munwe ni munwani: makunu hikwalaho, Moabi, yi kombe mufulweni.
- 24 Ni laha bona ba nga wa tile le wugobelweni ga ka Israeli, hi ba ka Israeli ba lo suka a ku hlasela a ma Moabi, zingaho lezo bona ba lo tsutsuma mahlweni ka bona; na bona ba lo famba ba engena lomo tikweni na ba hlasela a ma Moabi.
- 25 Na bona ba lo kunzumula lahasi a miti; ka zonklelele zipanze zo saseka za saba ba lo hoxa bonklelele a banhu a ribye ga yena, ba lo tatisa gona; na bona ba lo kawulisa tonklelele a tihlowo ta mati, ba lo wisa tonkle a tisinya to saseka, kala le Kir-harsete kumbela bona ba lo siya a maribye ya kona; ahemba a bahoxi ba maribye ba loya kona, ba ya hlasela kona.

- 26 Ni laha a hosi ya le Moabi yi nga wa wonile lezaku a impi yi tsingisilwe ka yena, yena i lo teka a nklanu ni mambiri a mazana ya ba banuna, labo ba komako a supado, a kuba ba fohla ba huma kuya ka hosi ya le Edome; kanilezi ba wa nga ba nga zi koti.
- 27 Zonake yena i lo teka a *nwana* wa yena wa nhonzwa loye a nga wa ta nga a fumile xikundleni xa yena, i lo nyikela yena a muniyikelo wa kuhiswa hehla ka kurisi. Ni laho ku wa hi kona zanga ya hombe ku vukela Israeli: na bona ba lo suka le ka yena, ba lo klelele le tikweni ga bona benyi.

XIPIMO 4.

- 1 Makunu ku lobahuwa a wasati wokari wa ba basati ba baprofeti ka Elix, aku, A nanza ga wena a nuna wa mina i file; ni lezaku wena hi wena u zitibako lezaku a nanza ga wena gi lo caba Jehova: ni nanzu wuta kuta teka ka yena a banana ba mina bambiri a kuba tikumbi.
- 2 Na Elix i te ngalo ka yena, Mina nzi wa ta nga nzi maha yini ka wena ke? *dyela* mina; xini wena u nga naxo lomu ndlwini ke? Na yena i te ngalo, A nanza ga xisati ga wena a gi na ncumo lomu ndlwini, saseka a mbita ya mafura.
- 3 Zonake yena i te ngalo, Famba, uya lomba a zibya ka ba akelwane ba wena bonkle, zona zibya za mapanga; u nga lombi sitsongwani.
- 4 Na wena u taya lomo ndlwini, ni ku ya vala libati hehla ka wena ni hehla ka banana ba wena, ni ku cululela ka zonkle lezo zibya; na wena u ta zi beka le klelweni lezo zi teleko.
- 5 Zingaho yena i lo famba ka yena, i lo ti valela libati ni ku valela a barisanyana ba yena; na bona ba lo neha a zibya ka yena, yena i lo cululela.
- 6 Na ku mahisile lezo, ni laha a zibya zi nga wa tele, lezaku yena i te ngalo ka nisanyana wa yena, Hi nga nzi nehela kambe a zibya. Na yena i te ngalo ka yena, Laho a ka hi kona a zibya kambe. Ni mafura ma lo tiya.
- 7 Zonake yena i lota i lo *dyela* a munhu wa Nungungulu. Na yena i te ngalo, Famba, u ya xabisa a mafura, ni ku riha a nanzu wa wena, ni ku

tsama wena ni barisanyana ba wena hi wona ma seleko.

- 8 Ku su ku kanza ka lego siku, lezaku Elix a i wa hunza aya le Xunemu, laho ku nga wa hi kona a wasati wa hombe; na yena i lo kongotela yena a kuga zibaba, na kona na ku wa ngaho, kwatsi hi xikanzakanya xa lezi yena a nga wa hunza, yena i hambukela leyo a kuga a zibaba.
- 9 Na yena i te ngalo ka nuna wa yena, Languta makunu, mina nza wona lezaku loyi munhu wa kubasa wa Nungungulu, loye a hunzako hi laha ka hina hi kusimamisilweko.
- 10 Nga hina hi maha, nza kombela wena, a yindlwanyana yi tsongwana hi laho kurisini; na nga hina hi bekele a mubedi wa yena lomo, ni meza, ni xitsamo, ni linhi la kandiya: na ku taba lezo, laha yena na ata ka hina, lezaku yena i ta hambukela lomo ndlwini.
- 11 Na kona ku la su kanza ka a siku, lezaku yena i lota leno, yena i lo hambukela lomo ndlwini i lo eklela lomo.
- 12 Na yena i te ngalo ka Gehazi a nanza ga yena, Bitana loyi a mu Xuname. Ni laha yena a nga wa bitanile yena, yena i lo yima mahlweni ka yena.
- 13 Na yena i te ngalo ka yena, Wula ka yena, Languta, wena u wa kari u celakota ha hina hi konkle ku katala; xini xi nga ta mahilweko ka wena ke? wena u wa ta nga u wulawulwa ka hosi, kutani ka nduna ya impi ke? na yena i lo hlamlula, Mina nzi aka xikari ka banhu ba ka hina.
- 14 Na yena i te ngalo, Xini zonake xi ta nga mahelwa ka yena ke? na Gehazi i lo hlamlula, Hizinene yena a nga nisanyana, ni nuna wa yena xikosana.
- 15 Na yena i te ngalo Bitana yena. Ni laha yena a nga wa bitanile yena, yena i lo yima le libatini.
- 16 Na yena i te ngalo, A ka leyi nguba, laha na xikati xi renzelekile, wena u ta wukarela a nisanyana. Na yena i te ngalo, Ge kokwihi, hosi yanga, wena munhu wa Nungungulu, u nga hembu wunwa ka nanza ga xisati ga wena.
- 17 Ni wasati i lo xura nyimba ilo trala a nisanyana ka leyo nguba, laha a xikati xi nga wa renzelekile, kwatsi hilezi Elix a nga wa wulile ka yena.
- 18 Ni laha a xihlangana xi nga wa ku-

lile, ku la su kanza ka a siku, lezaku yena i wa humele lahandle ka dadani wa yena ka batsobeli.

- 19 Na yena i te ngalo ka dadani wa yena, Hloko ya mina, Hloko ya mina. Na yena i te ngalo ka malanza ya yena, klakulani yena aya ka mamani wa yena.
- 20 Ni laha yena a nga wa tekile yena, a mu tisa ka mamani wa yena, yena i lo tsama madzolweni ya yena kala munwini, na zonake yena i lofa.
- 21 Na yena i lo kanziya i loya eklelisa yena le mubedini wa munhu wa Nungungulu, ni ku valela yena a libati, i lo huma lahandle.
- 22 Na yena i lo bitana a nuna wa yena, i te ngalo, Rumela, nza kombela wena, a munwe wa malanza, ni giawe ga timbongola, kasi mina nza fela ku tsutsuma nziya ka munhu wa Nungungulu, ni ku wuya kambe.
- 23 Na yena i te ngalo, Ngahilezo wena u ta famba ka yena nyamukla ke? kona a hi hweti yiswa kutani sabado. Na yena i te ngalo, Ku taba kwatsi.
- 24 Zonake yena i lo gabatsela a mbongola, i te ngalo ka nanza ga yena, Cayela, ni ku tsonono hi famba; u nga hlwetisi ku kukilela, saseka loku mina nzi wula wena.
- 25 Zingaho yena i loya, i lota ka munhu wa Nungungulu le xitsungeni Karmeli.
Na ku mahisile lezo, laha a munhu wa Nungungulu a nga wa wonile yena le a ha hi kule, lezaku yena i te ngalo ka Gehazi a nanza ga yena, Languta, le klatuko a mu Xuname:
- 26 Tsutsuma, nza kombela wena, makunu u klanganyeta yena, wula ka yena, U kwatsi wena ke? i kwatsi a nuna wa wena ke? i kwatsi a nwanana ke? na yena i lo hlamlula, Kona i kwatsi.
- 27 Ni laha yena a nga wa tile ka munhu wa Nungungulu le tsunganini, na yena i lo koma a mikonzo ya yena. Na Gehazi i lo tsinela ku suhani a ku ta nikinya yena; kanilezi a munhu wa Nungungulu wa i te ngalo, Hi nga mu tsika yece: hakuba a muhefemulo wa yena wu hlokisillwe nzeni ka yena; na Jehova i fihlile kona ka mina, na yena a nga nzi byelangil mina.

- 28 Zonake yena i te ngalo, Mina nzi wa lo ruba a nisanyana ka hosi ya mina ke? mina nzi wa nga wa wulangi ke, U nga kohlisi mina ke?
- 29 Zonake yena i te ngalo ka Gehazi, Ti bohe a ziwunu za wena, u teka a nhonga ya mina lomo canjeni ga wena, ni ku famba a ndlela ya wena: ni loku wena u klangana ni munhu, u nga losi yena; ni loku a munhu a ku losa wena, u nga hlamluli yena kambe: ni ku klateka a nhonga ya mina hehla ka bloko ya xihlangana.
- 30 Ni mamani wa xihlangana i te ngalo, Kwatsi hi lezi Jehova a hanyako, na kwatsi hilezi a muhefemulo wa wena wu hanyako, mina nzi nga ta siya wena. Na yena i lo suka, i lo lanzela yena.
- 31 Na Gehazi i lo hunza a famba mahlweni ka bona, i loya klateka a nhonga lomo ngoheni ya xihlangana; kanilezi laho ku wa nga hi kona ni gezu, ge kuzwa. Ngahilezo yena i lo klelela a ku klanganyeta yena, i lo byela yena, aku, A xihlangana a xi vukangi.
- 32 Ni laha Elixa a nga wa tile lomo ndlwini, languta, a xihlangana xi wa file, xi wa klatekilwe hehla ka mubedi wa yena.
- 33 Yena i lo engena lomo hikwalaho, i lo vala a libati ka bona ba bambiri, ni ku kombela ka Jehova.
- 34 Na yena i loya hehla, i lo ti nawula hehla ka xihlangana, i lo bekela a nomu wa yena hehla ka nomu wa yena, ni mahlo ya yena hehla ka mahlo ya yena, ni mandla ya yena hehla ka mandla ya yena; na yena i lo nabalata a wutsumbu ga yena ka yena; ni nyama ya xihlangana yi lo hunzelela yi kufumela.
- 35 Zonake yena i lo renzeleka, a ti tolo la lomo ndlwini aya seno ni seno; i loya hehla kambe, i lo ti nawuluta a wutsumbu ga yena hehla ka yena: ni xihlangana xi lo wetsemula nkla-nu ni zimbiri zikati, ni xihlangana xi lo vulula a mahlo ya xona.
- 36 Na yena i lo bitana Gehazi, i te ngalo, Bitana a mu Xuname. Zingaho yena i lo bitana yena. Ni laha yena a nga wa tile ka yena, yena i te ngalo, Teka a nisanyana wa wena.
- 37 Zonake yena i lo engena ndlwini, i lo wela mikonzweni ya yena, i lo ti koramisa wutsumbu gabye misabe-

- ni, i lo teka yena a nisanyana wa yena, i lo huma lahandle.
- 38 Na Elixa i lota kambe le Gilgale. Ni laho ku wa hi kona andlala lomo tikweni; ni barisanyana ba baprofeti ba wa tsamile mahlweni ka yena; na yena i te ngalo ka nanza ga yena, Bekela lomu mbita ya hombe, u bika a marobyati ya barisanyana ba baprofeti.
- 39 Ni munawe i lo huma aya handle aya kaya a kubanyi, i loya kuma a tihlambuti ta lomo kwatini, yena i lo kolela a tihaka ta kona i lo bohela ngubiyeni ya yena yi tala, i lota a ta peta wona lomo mbitani ya marobyati; hakuba bona ba wa nga tibi wona.
- 40 Zingaho bona ba lo pamela a banhu a kuga. Na kona na ku mahisile lezo, kwatsi hilezi ba nga wa haga a marobyati, lezaku bona ba lo bahuwa, ba te ngalo, O munhu wa Nungungulu, laho ku kona kufa lomu mbiteni. Bona ba wa nga ba nga hagi kambe kona.
- 41 Kanilezi yena i te ngalo, Nehani a tinzhoho. Na yena i lo cela tona lomo mbiteni; na yena i te ngalo, Pamelani banhu, kasi bona ba fela kuga. Ni laho ku wa nga hi kona amhango lomu mbiteni.
- 42 Ni laho ku lota a munhu hi le Baal-xalixa, i lo neha ka munhu wa Nungungulu a zibaba za mihanzo yo rangula, makume mambiri ya mikowo ya barle, ni mabele ya zipfaki zo tsakama lomo kwameni wa yena. I te ngalo, Nyika ka banhu, kasi ba fela kuga.
- 43 Ni nanza ga yena gi te ngalo, Hiyini, mina nzi ta beka loku mahlweni ka zana ga banhu ke? Kanilezi yena i te ngalo, Nyika banhu, kasi ba fela kuga, hakuba zakungahi a wulako Jehova, Bona ba ta kuga, ni ku tsanzeka kona.
- 44 Zingaho yena i lo bekela kona mahlweni ka bona, na bona ba loga, na ba lo tsanzeka kona, ku kotisa hi ka mhaha ya ka Jehova.

XIPIMO 5.

- 1 Makunu Naamana, a nduna ya impi ya hosi ya le Siria, i wa hi munhu wa hombe ka hosi ya yena, a dzunzekileko, hakuba ha yena Jehova i lo nyika kublula ka ma Siria: yenawu kambe i wa hi wanuna wa

- nhenha ya kulwa, kanilezi yena i wa hi hlokonho.
- 2 Ni ma Siria ma wa humile lahandle hizijumani, ba wa lo koma le tikweni ga ka Israeli a hloko ya xinhanatanyana; na yena i wa ku labelela ka sati wa Naamana.
- 3 Na yena i te ngalo ka muzinza zwinyi wa yena, Mina nzi wa ku loku ku wa nga a hosi ya mina yi wa hi zinwe ni muprofeti loye a nga le Samaria! zonake yena i wa ta nga a ncuma yena a hlokonho ga yena.
- 4 Ni munwe i lo engena, i lo byela a hosi ya yena, i te ngalo, Zakungahi ni zakungahi a wulako a nhanyatana wa le tikweni ga ka Israeli.
- 5 Ni hosi ya le Siria i te ngalo, Famba makunu, mina nzi rumela a papilo ka hosi ya le ka Israeli. Na yena i lo suka, i lo teka zinwe na yena a kume ga maxekeli ya siliva, ni nklanu ni giawe a kume ga mazana ya zipanze za nzalama, ni kume ga wuhendeleletano ga tinguwo.
- 6 Na yena i lo neha a papilo ka hosi ya ka Israeli, aku, Na makunu laha legi a papilo legi gi tile ka wena, languta, mina nza rumela Naamana a nanza ga mina ka wena, kasi wena wa fela ku ncuma yena a hlokonho ga yena.
- 7 Na ku mahisile lezo, laha na hosi ya ka Israeli na yi gonzile a papilo, lezaku yena i lo hanzula a tinguwo ta yena, i te ngalo, Mina nzi mina Nungungulu, a ku daya ni ku maha ku wutomi, lezaku loyi i rumela ka mina a ku ta ncuma a munhu ni hlokonho ga yena ke? kanilezi hlohlosani, mina nza kombela zwina, ni ku wona lezaku yena i labisa ku yini a kuholoba zinwe na mina.
- 8 Na kona na ku wa ngaho, ni laha Elix a munhu wa Nungungulu a nga wa zwile lezaku a hosi ya ka Israeli yi hanzule a tinguwo ta yona, lezaku yena i lo rumela le hosi ni, aku, Ngahilezo wena u hanzuleko a tinguwo ta wena ke? nga yena makunu ata ka mina, yena i ta zi tiba lezaku laho ku kona a muprofeti ka Israeli.
- 9 Zingaho Naamana i leta zinwe ni mahaxi ya yena ni tikareta ta yena, i leta yima le libatini la yindlu ya Elix.
- 10 Na Elix i lo rumela a tsukano ka yena, aku, Famba u ya hlamba le Jordani a nklanu ni zimbiri a zikati, a nyama ya wena yi tata kambe ka wena, na wena u taba u hlazekile.
- 11 Naamana i wa lo zangara, i lo sukaa famba, na te ngalo, Languta, mina nzi wo alakanya, Yena hakunene i ta huma ata ka mina, ni ku ta yima, ni ku bitana le bitweni ga Jehova a Nungungulu wa yena, ni kupuputela a canja ga yena helila ka leyo nzawu, ni ku ncuma a hlokonho.
- 12 A ku kona Abina na Farpara, a micongo ya le Damaskusi, i cukwana ku hunzu yonkle a micongo ya ka Israeli ke? mina nzi wa nga ta nga nzi hlambile ka yona, nzi hlazekile ke? Zingaho i lo hunzuluka a famba le kuvindlakeni.
- 13 Ni milanza ya yena gi lo tsinela ku suhi, gi lo wulawula ka yena, gi te ngalo, Dadani wa mina, loku ku wo kwatsi a muprofeti i lo wula wena ku maha xilo xa hombe, wena u wa nga ta nga u mahile xona ke? zi hunzisile hi ku yini lezo zonake? laha na yena na te ngalo ka wena, Hlamba, u be u hlazekileko ke?
- 14 Zonake i lo relela, i lo ti peta a wutsumbu ga yena nklanu ni zimbiri a zikati lomu Jordani, kukotisa hi ku wula ka munhu wa Nungungulu; ni nyama ya yena yi leta kambe kwatsi hi nyama ya xinwanana xi tsongwani, na yena i wa hlazekile.
- 15 Na yena i lo klelela ka manhu wa Nungungulu, ni wonkle a klawwa wa yena, ba leta, ba lo yima mahlweni ka yena; na yena i te ngalo, Languta makunu, mina nza tiba lezaku a ku kona a Nungungulu a ka yonkle a misaba, kanilezi a ka Israeli: makunu hikwalaho, mina nza kombela wena, teka a xinyikiwo xa nanza ga wena.
- 16 Kanilezi yena i te ngalo, Kwatsi hilezi Jehova a hanyako, mahlweni ka wihi mina nzi yimileko, mina nzi nga ta amukela ni ncumo. Na i lo kurumeta a ku teka kona: kanilezi yena i lo ku ala.
- 17 Na Naamana i te ngalo, Kasike, loku u ala, mina nza kombela wena, nga laho ku nyikiwa ka nanza ga wena a timbongola timbiri ti hi nzwalo wa misaba; hakuba a nanza ga wena kusukela lezi gi nga ta ha nyikela a muuyikelo wa kuhiswa kutani a mu-

GA WUMBIRI GA TIHOSI, 6.

- pahlelo ka banwani banungungulu, kanilezi ka Jehova.
- 18 A ka lexi xilo Jehova a ribalele a nanza ga wena : ni laha a hosi ya mina yi yako lomo ndlwini ya Rimmoni a kuya kozela kona, na yena a kegetele canjeni ga mina, na mina nzi koramisa a wutsumbu ga mina lomo ndlwini ya Rimmoni, laha nzi koramisa wutsumbu ga mina ndlwini la Rimmoni, Jehova a ribalele a nanza ga wena ka lexi xilo.
- 19 Na yena i te ngalo ka yena, Famba hi kurula, Zingaho yena i lo suka ka yena a pfukanyana.
- 20 Kanilezi Gehazi, a nanza ga Elix a munhu wa Nungungulu, i te ngalo, Languta, a hosi ya mina yi tsikile Naamana a mu Siria, laho ka ku kala a nga amukelang i le mandleni ya yena lezo a nehileko : kwatsi hilezi Jehova a hanyako, mina nzi ta tsutsuma hi le nzako ka yena, nzi ya teka a ncumo ka yena.
- 21 Zingaho Gehazi i lo lanzela Naamana. Ni laha Naamana a nga wa wonile a muwe a nga wa tsutsuma le nzako ka yena, yena i lo cika lomo kareteni a ku klanganyeta yena, i te ngalo, Bonkle mbatsi ke?
- 22 Na yena i te ngalo, Bonkle mbatsi. A winyi wa mina i rumile mina, aku, Languta, laho ku tile le ka mina hi tikweni ga mitsuri ya ka Efraime a majaha mambiri ya barisanyana ba baprofeti ; nyika bona, mina nza kombela wena, a talenta ya siliwa, ni wuhendleletano gimbiri ga tinguwo.
- 23 Na Naamana i te ngalo, Nga u xalaliwe ku teka matalenta mambiri. Yena i lo kongotela yena, i lo neha a matalenta mambiri ya siliwa lomo mikwameni mimbiri, ni wuhendleletano gimbiri ga tinguwo, i lo klateka zona hehla bambiri ba malanza ya yena; na bona ba lo rwala kona mahlweni ka yena.
- 24 Ni laha yena a nga wa tile le xitsunganani, yena i lo teka kona canjeni gabye, i lo engenisa kona lomo ndlwini, yena i maha ba banuna ba famba, na bona ba lo suka.
- 25 Kanilezi yena i lo engena ndlwini, ni ku ya yina mahlweni ka hosi ya yena na Elix a i te ngalo ka yena, U ta hi kwihi wena, Gehazi ke? Na yena i te ngalo, A nanza ga wena gi wa nga yangi ka wuyo.
- 26 Na yena i te ngalo ka yena, A mbilu ya mina a yi wa nga fambangi zinwe na wena ke, laha a muhu a nga renzeleka hi le kareteni ya yena ku klanganyeta wena ke? Lexi hi xona a xikati xo amukela a mali, ni ku amukela tinguwo, kutani maolivia ni mavina, ni tiyivu ni tihomu, ni malanza ya xinuna ni malanza ya xisati ke?
- 27 A hlokonho hikwalaho ga Naamana gi namarela ka wena, ni ka mbewu ya wena kala kupinzuka. Na yena i lo suka a kubakoneneni ka yena a hi hlokonho a la su basa a kwalala kwatsi i mbera.

XIPIMO 6.

- 1 Ni barisanyana ba baprofeti ba te ngalo ka Elix a, Languta makunu, a wutsamo legi hi tsamileko mahlweni ka wena gi tsongo nguvu ka hina.
- 2 Nga hina hi famba, hina ba kombela wena, le Jordani, ni ku ya rwala leyo bonklelele ba banuna a linhi, na nga hina hi maha wutsamo leyo laho hi ta nga tsama kona. Na yena i lo hlamula, Fambani wina.
- 3 Ni muwe i te ngalo, Nga u xalaliwe, mina nza kombela wena, a ku famba ni malanza ya wena. Na yena i lo hlamula, Nzi ta famba.
- 4 Zingaho yena i lo famba zinwe na bona. Na laha bona ba nga wa tile le Jordani, bona ba lo tsema a tinhi.
- 5 Kanilezi kwatsi hilezi muwani a nga wa tsema a linhi, a xibloka xi lo kunukela lomo matini; na yena i lo bitana, i te ngalo, Ha, hosi ya mina! hakuba xona xi wa hi xa ku lombiwa.
- 6 Ni muhu wa Nungungulu i te ngalo, Xi wile hi kwihi xona ke? na yena i lo kangeta yena a wutsamo. Na yena i lo tsema a linhi, yena i lo li hoxa lomo, ni ku maha a xiketse xi deluka.
- 7 Na yena te ngalo, Teka xona ka wena, Zingaho yena i lo klakusa a canja ga yena, i lo teka xona.
- 8 Makunu a hosi ya le Siria yi wa ku hlomelana ni Israeli; yena i lo tsema a xikungo zinwe ni malanza yena, aku, A ka wutsamo lego ni lego a wugobelo ga mina gi taba ka gona.
- 9 Ni muhu wa Nungungulu i lo rumela ka hosi ya ka Israeli, aku, A la riha wena u nga hunzi ka wutsamo

- go kari; hakuba hi leyo a ma Siria ma relela mata ha kona.
- 10 Na hosi ya ka Israeli yi lo rumela ka wutsamo lego a munhu wa Nungungulu a byelileko yena ni lego a leleleko yena ha gona; na yena i lo hanyisa a wutsumbu ga yena leyo, ku nga hi kanwe kutani ni kumbiri.
- 11 Ni mbilu ya hosi ya le Siria yi wa lo tsingelwa hi kukarateka hi lezi zilo; na yena i lo bitana a malanza ya yena, i te ngalo ka bona, Nwina mu nga ta kangeta mina lezaku hi wihi wa hina a nga wa ka hosi ya ka Israeli ke?
- 12 Ni munwe wa malanza ya yena i te ngalo, Kokwihi, nwinyi yanga, O hosi; kanilezi Elixu, a muprofeti loye a nga lomo ka Israeli, a byelako a hosi ya ka Israeli a timhaka leto wena u ti wulawulako lomo ndlwini ya wena ya ku eklela.
- 13 Na i te ngalo, Famba u ya wona laho yena a na nga na kona, kasi mina nza fela ku rumela nzi ya teka yena. Na kona ku wa lo byelwa yena, lezaku, Languta, yena i le Dotani.
- 14 Hikwalaho yena i lo rumela leyo a mahaxi, ni tikareta, ni impi ya hombe: na bona ba lotta ni wusiku, ba lotta ranzela a muti.
- 15 Ni laha a nanza ga munhu wa Nungungulu gi nga wa vukile ni punzwini, gi ku hi famba, languta, a impi ni mahaxi ni tikareta yi wa ranzele a muti. Ni nanza ga yena gi te ngalo ka yena, Ha, hosi ya mina! hi ta mahisa kuyini hina ke?
- 16 Na yena i lo hlamlula, U nga cabi; hakuba laba ba nga zinwe na hina ba tele hunza labo ba nga zinwe na bona.
- 17 Na Elixu i lo kombela, i te ngalo, Jehova, mina nza kombela wena, vulula a mahlo ya yena, kasi yena wa fela ku wona. Na Jehova i lo vulula a mahlo ya jaha; na yena i lo wona: ni, languta, a xitsunga xi wa lo tala hi mahaxi ni tikareta ta nzilo ti ranzele Elixu.
- 18 Ni laha bona ba nga wa relele bata ka yena, na Elixu i lo kombela ka Jehova, i te ngalo, Lamata laba bannhu, mina nza kombela wena, hi wukumu. Na yena i lo lamata bona hi wukumu kukotisa hi ka mahaka ya ka Elixu.
- 19 Na Elixu i te ngalo ka bona, Leyi a
- hi yona a ndlela, ge hambu lowu a hi wona a muti: lanzelani mina, na mina nzi ta mu neha ka munhu loye nwina mu mu hlotako. Na yena i lo rangela bona le Samaria.
- 20 Na ku mahisile lezo, laha bona nga wa tile le Samaria, lezaku Elixu i te ngalo, Jehova culula a mahlo ya laba bannhu, kasi bona ba fela ku wona. Na Jehova i lo vulula a mahlo yabye, na bona ba lo wona; ni, languta, bona ba wa hi xikari ka Samaria.
- 21 Ni hosi ya ka Israeli yi te ngalo ka Elixu, laha yena a nga wa wonile bona, Dadani wa mina, nzi ta daya bona ke? nzi ta daya bona ke?
- 22 Na yena i lo hlamlula, wena u nga ta daya bona: wena u wa nga ta nga u daya laba wena u komileko a tipe-resu ke hi supado ya wena ni wuraga wena ke? bekela zibaba ni mati mahlweni ka bona, kasi bona ba fela kuga ni kunwa, ni kuya ka hosi yabye.
- 23 Na yena i lo longiselela a kuga ka bona ko tala; ni laha bona ba nga wa gile ba nwile, yena i lo fambisa bona ba suka, na bona ba loya ka hosi yabye. Ni mandla ya ma Siria a maha engetangi kambe mata lomo tikweni ga ka Israeli.
- 24 Na ku mahisile lezo a nzako ka lezi, lezaku Ben-hadade a hosi ya le Siria i lo tsombanyisela yonkle a impi ya yena, i lo kanziya, i lotta vimbezela a Samaria.
- 25 Ni laho ku wa hi kona a ndlela ya hombe le Samaria: ni, languta, bona ba wa vimbezela wona, ku kala a hloko ya mbongola yi xabyiwa hi nklanu ni manharu a makume ya zipanze za siliva, ni xipanze xa mune wubeketse ga swanyu wa tuba xi wa hi nklanu wa zipanze za siliva.
- 26 Ni ku kwatsi hilezi a hosi ya ka Israeli yi nga wa hunza hehla ka lingigisi, ni laho ku lo bitana a wasati ka yena, aku, Vunetela, nwinyi wa mina, O hosi.
- 27 Na yena i te ngalo, Loku Jehova a nga vuneteli wena, mina nzi ta ku vunetela hi kwihi wena ke? hi le nzhimbyeni wa kuhula, kutani hi le xigowolweni wa waini ke?
- 28 Ni hosi yi te ngalo ka yena, Wa ku sungwa ha yini wena ke? Na yena i lo hlamlula, Loyi wasati i te ngalo ka mina, Nyika a nisanyana wa we-

na, kasi hina ha fela kuga yena nya-mukla, hina hi taga a nisanyana wa mina manziko.

29 Zingaho hina hi lo bika a nisanyana wa mina, hi loga yena: na mina nzi te ngalo ka yena hi siku gi gamelaka, Nyika a nisanyana wa wena, kasi hina ha fela kuga yena; na yena i fihlile a nisanyana wa yena.

30 Na ku mahisile lezo, ni laha a hosi a nga wa zwile a timhaka ta wasati, lezaku yena i lo hanzula a tinguwo ta yena (makunu yena i wa kuhunza hi ligingisi la laha handle); ni banhu ba lo cuwuka, ni, languta, yena i wa hi ni nguwo ya tisakwa behla ka nyama ya yena.

31 Zonake yena i te ngalo, Nungungulu a mahe zakungaho ka mina, ni engeta kambe, loku a hloko ya Elix a nwana wa Xafate yi ta yima ka yena legi siku.

32 Kanilezi Elix a i wa tsamile lomo ndlwini ya yena, ni masingalakati ma wa tsamile zinwe na yena; ni hosi yi lo ruma a wanuna hi le mahlweni ka yena: kanilezi hi mahlweni ka a tsukano wu nga se kuta ka yena, yena i te ngalo ka masingalakati, Wonani hi kuyini loyi a nisananya wa mudayi a rumeleko a kuta susa kule a hloko ya mina ke? cuwukani, loku a tsukano wuta, valani libati, ni ku koma libati litiya ku beletela yena: a guwa ga mikonzo ya hosi ya yena a gi le nzako ka yena ke?

33 Ni laha yena a nga wa ha wulawula zinwe na bona, languta, a tsukano wu lo relela wuta ka yena: na yena i te ngalo, Languta, loku kubiha ka Jehova; hiyini mina nzi nga wa ta nga nza ha nonohisa nzi rinzela kambe ke?

XIPIMO 7.

1 Na Elix a i te ngalo, Zwanani nwi-na mhaka ya ka Jehova: Zakungahi a wulako Jehova, manziko hi xipimo xa xikati xa kota lezi a xiringaniso xa mapa ma nanaselweko ma ta xabyiwa hi xekeli, ni ziringaniso zimбири za barle zi ta xabyiwa hi xekeli, lomo tinyangweni ta Samaria.

2 Kanilezi a nduna leyi a canja ga hosi gi kegeleki i lo hlamula a munhu wa Nungungulu, i te ngalo, Languta, loku Jehova a nga ta maha a mimole le tilweni, kasi lezi silo zi fela

kuba lezo ke? Na yena i te ngalo, Languta, wena u ta wona kona hi mahlo ya wena, kanilezi wena u nga ta kuga kona.

3 Makunu laho ku wa hi kona a mune wa banhu ba hlokonho le wuengenweni ga nyangwa: na bona ba te ngalo ka munwe ni munwani, Hi yini hina hi nga laha kala hina hifa ke?

4 Loku hina hiku, Hina hi ta engena lomo mutini, zonake a ndlala yi lomo mutini, na hina hi ta kufa laho: loku hina hi su tsama hi kutseka laha, hina hi tafa kambe. Makunu hikwalaho ngonani, nga hina hi wela impi ni ya ma Siria: Loku bona ba hi tsika hi hanya, hina hi ta hanya; ni loku bona ba daya hina, hina hi ta kufa.

5 Na bona ba lo suka le punzwini wa kuca, a kuya le wugobelweni ga ma Siria; ni laha bona ba nga wa cikele klelweni ga kwaleyo magumeso ka wugobelo ga ma Siria, languta, laho ku wa nga hi kona munhu leyo.

6 Hakuba a hosi yi wa mahile a impi ya ma Siria a kuzwa a guwa ga tikareta, ni guwa ga mahaxi, gona a guwa ga impi ya hombe: na bona ba te ngalo ka munwe ni munwani, Manga'ye, a hosi ya ka Israeli yi pembele ha hina a tihosi ta ma Hiti, ni tihosi ta ba Gipiti, a kuta pomela hina.

7 Hikwalaho bona ba lo suka ba tsutsuma le mayingwini ya wuca, na ba lo siya a matenta yabye, ni mahaxi yabye, ni timbongola tabye, hambu gona a wugobelo na gi tsumile, ba lo tsutsuma hi kota a wutomi gabye.

8 Ni laha leti tihlokonho ti nga wa tile le klelweni ga kwaleyo magumeso ya wugobelo, na bona ba lo engena ka tenta ginwe, ba loga ba lonwa, na ba lo rwala lomo a siliva ni nzalama, ni tinguwo ba lo famba ba ya fihla kona; na bona ba lo klela ba wuya, ni ku ta engena ka ginwani tenta, ni ku ta rwala kambe leyo, ba lo famba ni kuya fihla kona.

9 Zonake bona ba te ngalo ka munwe ni munwani, Hina a hi mahi kwatsi; legi siku i siku ga mahungu yo saseka, hina ha su rutisa hi miyela: loku hina hi ribateka kala mayingwini ya wuca, a kutsayiswa ku ta teka hina; makunu hikwalaho ngo-

- nani, a hi fambeni hi ya byela a ba le ngangweni wa hosi.
- 10 Zingaho bona ba lotta bitana a murinzeli wa nyangwa ya muti; na bona ba lo byela bona, baku, Hina hi lotta wugobelweni ga ma Siria, ni, languta, laho ku wanga hi kona munhu leyo, ge hambu ni gezu ga munhu, kanilezi a mahaxi ma bohilweko, ni timbongola ti bohilweko, ni matenta na ma tsumile.
- 11 Na yena i lo bitana a barinzeli ba tinyangwa; na bona ba lo byela kona ka ba le ngangweni wa hosi lomo nzeni.
- 12 Ni hosi yi lo suka ni wusiku, i te ngalo ka malanza ya yena, Mina nzi ta kangeta *nwina* lezo a ma Siria ma zi mahileko ka hina. Bona ba zitiba lezaku hina hi na ni ndlala; hikwalaho bona ba sukile ba huma le wugobelweni a ku fihla a wutumbu gabye lomo kwatini, baku, Laha bona ba humele le mutini, hina hi ta teka bona na ba hanya, hi engena lomo mutini.
- 13 Ni munwe wa malanza ya yena i lo hlamlula i te ngalo, Nga banwani ba teka, mina nza kombela wena, a nklanu wa mahaxi lawo maselako, laya maseleko lomu mutini (languta, wona ma kwatsi hi xidlemo xonkle xa ka Israeli lexi xi seleko kona; languta, wona ma kwatsi xidlemo xa ka Israeli lexi xi mbetisilweko); na nga hina hi rumela hi ya wona.
- 14 Hikwalaho bona ba lo teka a tikareta timbiri zinwe ni mahaxi; ni hosi yi lo rumela a nzako ka impi ya ma Siria, aku, Fambani ni ku ya wona.
- 15 Na bona ba lo famba a nzako ka bona kala le Jordani: ni, languta, ni yonkle a ndlela yi wa lo tala hi tinguwo ni mucapa, lowo a ma Siria ma nga wa wu hoxile hi ku haklisa. Ni mitsukano yi klela, yi lotta byela a hosi.
- 16 Ni banhu ba lo huma lahandle, ba lo panga a wugobelo ga ma Siria. Zingaho a xiringaniso xa mapa manaselweko xi wa xabyiwa hi xekeli, ni ziringaniso zimbiri za barle zi wa xabyiwa hi xekeli, kukotisa hi ka mhaka ya ka Jehova.
- 17 Ni hosi yi lo hlawula a nduna leyo yena a kegeleko canjeni ga yona a ku hlavisa a nyangwa: ni banhu ba lo kanziyelela hehla ka yena le nyangweni yena i la kufa kwatsi hilezi a munhu wa Nungungulu a nga wa wulile, loye a nga wa wulawulile laha a hosi yi nga relele yita ka yena.
- 18 Na ku mahisile lezo, kwatsi hilezi a munhu wa Nungungulu a nga wa wulawulile ka hosi, aku, Zimbiri ziringaniso za barle zi ta xabyiwa hi xekeli, ni xiringaniso xa mapa manaselweko ma ta xabyiwa hi xekeli, ku taba manziko hi xipimo xa lexi xikati le nyangweni ya le Samaria;
- 19 Ni leyo a nduna yi hlamlula a munhu wa Nungungulu, aku, Makunu, languta, loku Jehova i wa ta nga a maha a mimole ya le tilweni, a xilo xa ku ngahi xi nga ba lezo ke? na yena i te ngalo, Languta, wena u ta ku wona hi mahilo ya wena, kanilezi wena u nga ta kuga kona:
- 20 Na ku mahisile lezo zi wa ku ngaho ka yena; hakuba a banhu ba lo kanziyelela hehla ka yena le nyangweni, na yena i lofa.

XIPIMO 8.

- 1 Makunu Elix a i wa wulawulile ka wasati, loye a nisanyana wa yena a nga wa mu kleliselele a wutomi, aku, Suka, famba wena ni ngango wa wena, uya maha nzhubeti laho kani hikwihi wena u nga lubelako kona: hakuba Jehova i bitanile a ndlala; na yona yi ta ba lomo tikweni nklanu ni mambiri a malembe.
- 2 Ni wasati i lo suka, i lo maha kukotisa hi ka mhaka ya munhu wa Nungungulu; na yena i lo famba ni ngango wa yena, i loya lubela lomo tikweni ga ma Filisti nklanu ni mambiri a malembe.
- 3 Na ku mahisile lezo hi kugumelweni ka nklanu ni mambiri a malembe, lezaku a wasati i lo klela hi le tikweni ga ma Filisti: na yena i loya bitana ka hosi hi yindlu ya yena ni misaba ya yena.
- 4 Makunu a hosi yi wa wulawula na Gehazi a nanza ga munhu wa Nungungulu, aku, Byela mina, mina nza kombela wena, zonkle a zilo za hombe lezo Elix a zi mahileko.
- 5 Na ku mahisile lezo, kwatsi hilezi a nga wa byela a hosi lezaku i klelisisile ku yini a wutomi ga loye a fileko, lezaku, languta, a wasati, loye a nisanyana wa yena a kleliselweko a wutomi, i bita ka hosi a yindlu ya yena ni masimu ya yena. Na Geha-

- zi, i te ngalo, Nwinyi wa mina, O hosi, loyi hi wasati, ni loyi hi nisananya wa yena, loye a Elix a mu hanyisileko.
- 6 Ni laha a hosi yi nga wa wutisile a wasati, yena i lo byela yena. Zingaho a hosi yi lo komba yena a nduna yo kari, aku, K'lelisani ka yena zonkle lezo zi nga za ka yena, ni yonkle a mihanzo ya masimu cima ka lezi yena a nga nga suka lomo tikweni, hambu kala makunu.
- 7 Na Elix a i lota le Damaskusi; na Ben-hadade a hosi ya le Siria i wa babya; na kona ku wa lo byelwa yena, aku, A munhu wa Nungungulu i tile leno.
- 8 Ni hosi yi te ngalo ka Hazaeli, Teka a xinyikiwo lomo canjeni ga wena, famba, ni kuya klanganyeta a munhu wa Nungungulu, ni ku wutisa ha Jehova ha yena, uku, Mina nzi ta kalamuka ke ka legi wubabyi ke?
- 9 Zingaho Hazaeli i loya ku klanganyeta yena, i lo teka a xinyikiwo zizwe naye, xona xa zilo za malongo ya le Damaskusi, a nzwalo wa mune wa makume ya makameli, i lota ni kuta yima mahlwani ka yena, i te ngalo, A nisanyana wa wena Ben-hadade a hosi ya le Siria i rumile mina ka wena, aku, Mina nzi ta kalamuka ka legi wubabyi ke?
- 10 Na Elix a i te ngalo ka yena, Famba, ni ku ya wula ka yena, Wena hakunene u ta kalamuka; ahemba Jehova i kangetile ka mina lezaku yena hakunene i ta kufa.
- 11 Na yena a su cwalalala a nghohe ya yena a honokela yena, kala yena a be ni tingana: ni munhu wa Nungungulu i lo rila.
- 12 Na Hazaeli i te ngalo, Hiyini u rilako hosi yanga ke? Na yena i lo hlamula, Hakuba nza ku tiba a kubiha loku wena u ta nga maha ka banana ba ka Israeli: a tigingisi ta/ye wena u ta hisa hi nzilo, ni majaha ya/ye wena u ta gwaza hi tisupado, u ta momosa a zibanana za kona a fufany, u ta hanzula a basati ba/ye ba tinyimba.
- 13 Na Hazaeli i te ngalo, Kanilezi nzi mani a nanza ga wena, kanilezi a mbyana, lezaku yena i wa ta nga a maha lexi xilo xa hombe ke? Na Elix a i lo hlamula, Jehova i kangetile mina lezaku wena u taba hosi hehla ka Siria.
- 14 Zonake yena i lo suka le ka Elix a, na a lota ka hosi ya yena; loye a te ngalo ka yena, Zakuyini Elix a wulileko ka wena ke? Na yena i lo hlamula, Yena i lo byela mina lezaku wena hakunene u ta kalamuka.
- 15 Na ku mahisile lezo ha manziko, lezaku yena i lo teka a kumba, i lo petawona lomo matini, i lo andlala wona lomo nghoheni ya yena, zingaho lezo yena i lofa: na Hazaeli i lo fuma xikundleni xa yena.
- 16 Na hi lembe ga nk'lanu ga Joram u a nisa wa Ahabi a hosi ya ka Israeli, na Jehoxafate zonake i wa hi hosi ya ka Juda, Jehoram u a nisa wa Jehoxafate a hosi ya ka Juda i lo sangula kufuma.
- 17 Makume manharu ni mambiri malembe laha yena a nga wa sangule kufuma; na yena i lo fuma a nk'lanu ni manharu wa malembe le Jerusalema.
- 18 Na yena i lo famba hi ndlela ya tihosi ta ka Israeli, kwatsi hilezi yi mahileko a yindlu ya ka Ahabi: hakuba yena i wa hi ninhanyana wa Ahabi a kuba sati; na yena i lo maha lezo zi bihileko kuwoneni ka Jehova.
- 19 Ahemba Jehova i wa nga a nga lobisangi Juda, hi kota ya Davida a nanza ga yena, kwatsi hilezi a nga wa tsumbisile yena a ku nyika ka yena a kandiya ka banana ba yena xonkle xikati.
- 20 A masikwini ya yena Edome i lo hlubuka a suka lahasi ka canja ka ga Juda, ni ku maha a hosi hehla ka wutsumbu ga/ye.
- 21 Zonake Joram u i lo hunza a klatuka le Zaira, ni tonkle tikareta ta yena ti wa hi zizwe na yena: na yena i lo suka ni wusiku, i lo daya a ma Edome laya ma mu ranzeleko, ni tinduna ta tikareta; ni banhu ba lo tsuwula baya matenteni ya bona.
- 22 Zingaho Edome i lo hlubuka lahasi ka canja ga ka Juda kala legi siku. Zonake na Libna i lo hlubuka ka xwalexo xikati.
- 23 Ni zonkle a zimaho za ka Joram u, ni zonkle lezo yena a zi mahileko, zona a zi tsalwangi lomo bukweni ga kro-nekele ga tihosi ta ka Juda ke?
- 24 Na Joram u i lo eklela zizwe ni badadani ba yena, na yena i wa lo nkelwa zizwe ni babadani ba yena lomo mutini wa Davida; na Aluzia a ni-

sanyana wa yena i lo fuma xikundleni xa yena.

- 25 Hi lembe ka kume ni mambiri ga Joramu a nwana wa Ahabi a hosi ya ka Israeli, na Ahazia a nwana wa Jehoram a hosi ya ka Juda i lo sangula a ku fuma.
- 26 Makume mambiri ni mambiri a malembe a wukale Ahazia laha a nga wa sangule a ku fuma; yena i lo fuma lembe ginwe le Jerusalema. Ni bito ga mamani wa yena i wa hi Atalia a nhanyana wa Omri a hosi ya ka Israeli.
- 27 Na yena i wa lo famba le ndleleni ya yindlu ya ka Ahabi, i lo maha lezo zibihileko kuwoneni ka Jehova, kwatsi hilezi yi mahileko a yindlu ya ka Ahabi; hakuba yena i wa hi zukulu wa yindlu ya ka Ahabi.
- 28 Na yena i lo famba na Joramu a nwana wa Ahabi a ku yalwa ba vukela Hazaeli a hosi ya ma Siria le Ramote-gileade; ni ma Siria ma lo kubaza Joramu.
- 29 Ni hosi Joramu i klela ata ncumiwa le Jezreeli a mbanga leyo a ma Siria ma nga wa nyikele yena le Rama, laho yena a nga walwa a vukela Hazaeli a hosi ya le Siria. Na Ahazia a nwana wa Jehoram a hosi ya ka Juda i lo relela a ya wona Joramu a nwana wa Ahabi le Jezreeli, hakuba yena a nga wa babya.

XIPIMO 9.

- 1 Na Elix a muprofeti i lo bitana a munwe wa banana ba baprofeti, i te ngalo ka yena, Boha a ziwunu wa wena, ni ku teka lolu a limhonzo la mafura lomo canjeni ga wena, ni kuya le Ramote-gileade.
- 2 Ni laha wena u ta ngata leno, cuwuka laho Jehu a nwana wa Jehoxafate a nwana wa Nimxi, ni ku engena ndlwini, ni ku maha yena a yima xikari ka bamakabye ba yena, ni ku rwala yena lomo ndlwini ya laha xikari.
- 3 Zonake ni ku teka a xikudzana xa mafura, ni ku cela wona lomo hlokweni ya yena, uku, Zakungahi a wulako Jehova, Mina nzi totile wena a hosi hehla ka Israeli. Zonake vulula a libati, ni kutsutsuma, u nga ba tsame.
- 4 Zingaho a jaha, gona a jaha ga muprofeti, i loya le Ramote-gileade.
- 5 Ni laha yena a nga wa tile, languta,

a tinduna ta impi ti wa lo tsama; na yena i te ngalo, Mina nzi ranza kuxuxa na wena, O nduna. Na Jehu i te ngalo, A ka mani wa hina laba honkle ke? Na yena i te ngalo, A ka wena, O nduna.

- 6 Na yena i lo suka, i lo famba lomo ndlwini; na yena i lo cela a mafura le hlokweni ya yena, na te ngalo ka yena, Zakungahi a wulako Jehova, a Nungungulu wa ka Israeli, mina nzi totile wena a kuba hosi hehla ka banhu ba ka Jehova, na hehla ka Israeli.
- 7 Na wena i ta lobisa a yindlu ya ka Ahabi a hosi ya wena, kasi mina nza fela a kupotela a nkata wa malanza ya mina a baprofeti, ni nkata wa wonkle a malanza ya ka Jehova, le canjeni ga Jezebeli.
- 8 Hakuba a yindlu yonkle ya ka Ahabi yi ta lobyiswa; na mina nzi ta tsema le ka Ahabi bonkle ba banuna barisanyana ni loye a valelweko ni loye a siyilweko lahandle ka Israeli.
- 9 Na mina nzi ta maha a yindlu ya ka Ahabi kwatsi i yindlu ya ka Jeroboamu a nwana wa Nebate, ni ku fanana ni yindlu a Baaxa a nwana wa Ahija.
- 10 Ni timbyana ti taga Jezebeli le xibelweni xa le Jezreeli, ni laho ku nga ta kuba kona a ku mu kelela yena. Na yena i lo vulula a libati, i lo tsutsuma.
- 11 Zonake Jehu i lo huma ata ka malanza ya hosi ya yena: ni munwe i te ngalo ka yena, Bonkle mbatsi ke? ngahilezo i lota loyi munhu wo hunguka ka wena ke? na yena i te ngalo ka bona, Nwina ma mu tiba a munhu ni ku a ku wulawula ka yena ka ku yini.
- 12 Na yena i te ngalo, Kona mawunwa. Zakungahi ni zakungahi yena a wulawulileko ka mina, aku, Zakungahi a wulako Jehova, mina nzi totile wena a hosi hehla ka Israeli.
- 13 Zonake bona ba lo haklisa, ni ku teka a bonklelele banhu a nguwo ya yena, ba lo ti beka labasi ka yena le hehla ka mayingo, ba loba a punzu, baku, Jehu i hosi.
- 14 Zingaho Jehu a nwana wa Jehoxafate a nwana wa Nimxi i lo maha hlebo a vukela Joramu. Makunu Joramu i wa klayisa a Ramote-gileade, yena ni wonkle Israeli, hakuba hi Hazaeli a hosi ya le Siria;

- 15 Kanilezi a hosi Joramu i wa lo klela a kuta ncumiwa le Jezreeli a mbanga leyo a ma Siria ma nyikileko yena, laha a nga walwa na Hazaeli a hosi ya le Siria). Na Jehu i te ngalo, Loku lexi xi wa hi kupimeni ka wena, nga ni munwe a nga poni a huma lahandle ka muti, a ku ya byela kona le Jezreeli.
- 16 Zingaho Jehu i lo kilela lomo kareteni, i loya le Jezreeli; hakuba Joramu i wa eklele leyo. Na Ahazia a hosi ya ka Juda i wa relele ata ku ta wona Joramu.
- 17 Makunu a barinzeli ba wa yimile le hehla ka tawa ya le Jezreeli, yena i lo hlola a klawwa wa ka Jehu kwatsi hilezi a nga wata, i te ngalo, Mina nza wona a klawwa. Na Joramu i te ngalo, Teka a ba banuna ba mahaxi, u rumela kuklanganyeta bona, na nga yena wula, Kona kurula ke?
- 18 Zingaho laho ku loya munwe akileleko a haxi ku klanganyeta yena, i te ngalo, Zakungahi yi wulako aho-si, Kona kurula ke? Na Jehu i te ngalo, Xini u ta nga maha wena ni kurula ke? hambuka wena le nzako ka mina. Na murinzeli i lo byela bona, aku, A tsukano wu lota ka bona, kanilezi wona a wa ha klelangi kambe le uzako.
- 19 Zonake yena i lo rumela a wa wumbiri a kileleko a haxi, loye a nga watile ka bona, i te ngalo, Zakungahi a wulako a hosi, Kona kurula ke? Na Jehu i lo hlamlula, Xini wena u ta maha ni kurula ke? hambuka wena le nzako ka mina.
- 20 Ni murinzeli i lo byela, aku, Yena i lota kona ka bona, a nga ha klalelangi kambe a wuya: ni kucayela ko fanana ni ku cayela ka Jehu a nwana wa Niimxi; hakuba yena i cayela hi kucabekisisilweko.
- 21 Na Joramu i te ngalo, Longisela-ni. Na bona ba lo longisa a kareta ya yena. Na Joramu a hosi ya ka Israeli na Ahazia a hosi ya ka Juda ba lo huma baya le handle, loyi ni loyi a hi le kareteni ya yenawu, na bona ba lo huma a ku klanganyeta Jehu, ba lota kuma yena le xiabelweni xa Naboti a Jezreeli.
- 22 Na ku mahisile lezo, laha Joramu a nga wa wonile Jehu, lezaku yena i te ngalo, Kona kurula. Jehu ke? Na yena i lo hlamlula, Xini kurula, lesi ka ha longolokako ku hi ni wo-swi ga mamani wa wena Jezebeli ni wutsumbe ga yena ga ha teleko ke?
- 23 Na Joramu i lo renzeleta a mandla ya yena, i lo tsutsuma, i te ngalo, ka Ahazia, Laho ku kona a wudayi, O Ahazia.
- 24 Na Jehu i lo kwaya wura ga yena hi ntamo wa yena wu teleko, i lo fula Joramu hi laha xikari ka mawoko ya yena; ni li galala li lo pondlisa le le mbilwini ya yena, na yena i lo lowa lahasi lomo nzeni ka kareta ya yena.
- 25 Zonake ku lo wula Jehu ka Bidkare a nduna ya yena, Kusani, mu role u mu hoxa lomo sinwini ga Naboti a mu Jezreeli; hakuba alakanya lezaku, laha mina na wena hi nga wa kilele a nzako ka Ahabi a dadani wa yena, Jehova i lo klateka a nzwalo lowu hehla ka yena:
- 26 Hakunene mina nzi wonile a tolo a nkata wa Naboti, ni nkata wa banana ba yena, ku wula Jehova; na mina nzi to klelisa wena ka gwallegi rangaba, ku wula Jehova. Makunu hikwalaho teka ni ku hoxa yena lomo liranzyeni la rangaba, kukotisa hi ka mhaka ya ka Jehova.
- 27 Kanilezi laha Ahazia a hosi ya ka Juda yi nga wa wonile lezi, yena i lo tsutsuma hi ndlela ya simu-ga-yindlu. Na Jehu i lo lanzela le nzako ka yena, i te ngalo, Daya yena kambewu lomo kareteni: na bona ba lo daya yena le wukanziyweni ga le Gura, legi gi nga le Ibleame. Na yena i loabela Megiddo, i lo fela leyo.
- 28 Ni malanza ya yena ma lo rwala yena lomo kareteni baya le Jerusalema, ni kuya nkelela yena lomo nkeleni wa yena zinwe ni bararu ba yena lomo mutini wa Davida.
- 29 Ni ka lembe ga kume ni ginwe ka Joramu a nwana wa Ahabi i lo sangula a kufuma Ahazia le Juda.
- 30 Ni laha Jehu a nga wa tile le Jezreeli, Jezebeli i wa zwile ha kona; na yena i lo totela a mahlo ya yena, i lo bombisa a hloko ya yena, i lo cuwuka le handle hi laho moleni.
- 31 Kwatsi hilezi Jehu a nga wa engena nzeni hi le nyangweni, yena i te ngalo, Kona kurula, wena Zimri, mudayi wa hosi ya wena ke?
- 32 Na yena i lo klakusa a nghohe ya yena laha moleni, i te ngalo, Nzi ma-

- ni loye a nga le klelweni ga mina ke? nzimani ke? ni laho ku lo cuwuka ka ye a malanza mambiri kutani manharu.
- 83 Na yena i te ngalo, Hoxani yena lahasi. Lezo ba mu hoxa lahari; munwani a nkata wa yena wu lo pandlukela labo kurisini, ni lomo mahaxini: na yena i lo kanziyelela yena lahasi ka konzo.
- 84 Ni laha yena a nga wa engenile lomo nllwini, i loga i louwa; na yena i te ngalo, Wonani makunu ka loyi wasati a rukatelweko, ni ku nkelela yena; hakuba yena i nhanya wa hosi.
- 85 Na bona ba lo famba kuya nkelela yena; kanilezi a ba ha kumangi kambe yena a zo hunza koxo ga hloko, ni mikonzo, ni zipama za mandla ya yena.
- 86 Ngahilezo bona ba lo klela ba wuya, ba lotta byela yena. Na yena i te ngalo, Layi hi mhaka ya ka Jehova, leyo a nga wa wulile hi nanza ga yena Elija a mu Tixebeti, aku, Le xlabelweni xa Jezreeli a timbyana ti taga a nkata wa Jezebeli;
- 87 Ni miri wa Jezebeli wu taba ku kwatsi i nkoho hehla ka simu ga xiabelo xa ka Jezreeli, zingaho lezo bona lezaku ba nga ta wula, Loyi nzi Jezebeli.

XIPIMO 10.

- 1 Makunu Ahabi i wa ni nkalanu ni mambiri a makume ya barisanyana le Samaria. Na Jehu i lo tsala a mapapilo, i lo ma rumela le Samaria, ka bafumeli ba le Jezreeli ni ka masingalakati, ni ka bona labo ba nga wundla a barisanyana ba ka Ahabi, aku,
- 2 Ni makunu kwatsi hi xilokuloku xa legi a papilo gi ta ngata ka wina, na mu wona lezaku a barisanyana ba hosi ya wina ba zinwe na wina, ni laho ku kona zinwe na wina a tikareta ni mahaxi, ni miti yi gingisilweko kambe, ni maklari;
- 3 Ma nga cuwukani wina a wa ku saseka a faneleko wa barisanyana ba hosi ya wina, ni ku beka yena xitsanweni xa wukosi xa dadani wa yena, ni ku lwela a yindlu ya hosi ya wina.
- 4 Kanilezi bona hi kuhunzelelilweko ba wa lo caba, ba te ngalo. Languta, a tihosi tumbiri a ti yimangi ma-

hlweni ka yena: hina hi ta yimisa ku yini ke?

- 5 Ni loye a nga wa hi hehla ka ngo, ni loye a nga wa hi hehla ka muti, ni masingalakati, ni labo ba nga wa wundlile zihlangana, ba lo rumela ka Jehu, baku, Hina hi malanza ya wena, na hina hi ta maha zonkle lezo wena u ta nga wula ka hina; hina hi nga ta maha a munhu a hosi: maha wena loko ku sasekile ko ku woneni ka wena.
- 6 Zonake yena i lo tsala a papilo hi xikati xa wumbiri ka bona, aku, Loku wina mu wa nga mu hi ka klelo ga mina, ni loku wina mu tazwa ka gezu ga mina, tekani a tihloko ta banuna ta barisanyana ba hosi ya wina, ni kuta ka mina le Jezreeli manziko hi lexi xikati. Makunu a barisanyana ba hosi ba wa hi nkalanu ni mambiri a makume ya banhu, ba wa hi zinwe ni banhu ba hombe ba muti, labo ba nga wa wundlile bona.
- 7 Na ku mahisile lezo, ni laha a papilo gi nga wa tile ka bona, lezaku bona ba lo teka a barisanyana ba hosi, ba lo daya bona, wona nkalanu wa makume ni mambiri ya banhu, ba lo cela a tihloko tabye lomo zirunzwini, ba lo ti rumela ka yena le Jezreeli.
- 8 Ni laho ku lotta a tsukano, wu lo ta byela yena, wuku, Bona ba nehile a tihloko ta banana ba hosi. Na yena i te ngalo ti bingereteleni a nhulu le wuengenweni ga nyangwa kala manziko.
- 9 Na ku mahisile lezo ha manziko, lezaku yena i lo huma le handle, i lo yima, i te ngalo ka bonkle a banhu, Wina mu lulamile: languta, mina nzi mahile hlebo nzi vukela a hosi ya mina, ni ku daya yena; kanilezi nzi mani loye a nga daya bonkle laba ke?
- 10 Tibani makunu lezaku labo ku nga ta kuwa misabeni ge ni ncumo xa mhaka ya ka Jehova, lezo Jehova a wulawulileko xungetano ni yindlu ya ka Ahabi: hakuba Jehova i mahile lezo yena a nga wa wulawulile ba Elija a nanza ga yena.
- 11 Zingaho Jehu i dayela yonkle a misalela ya yindlu ya ka Ahabi le Jezreeli, ni bonkle banhu ba yena ba hombe, ni bonkle a bangana a nga wa tolobelene zinwe na bona, ni ba-

- pristi ba yena a nga wa nga siyangi ni xa ku tsangila.
- 12 Na yena i lo suka i lo famba, i lo-ya le Samaria. Na kwatsi hilezi yena a nga wa hi le ndlwini ya ku kayela ya barisi lomo ndleleni.
- 13 Jehu i lo klangana ni bamakabye ba Ahazia a hosi ya ka Juda, i te ngalo. Hi nwina bamani nwina ke? Na bona ba lo hlamula, Hina hi bamakabye ba Ahazia : hina hi relela kuta losetela a banana ba hosi ni banana ba muzinza.
- 14 Na yena i te ngalo, Tekani na ba hanya. Na bona ba lo teka bona na ba hanya, ba lo dayela bona le rinzini ga yindlu ya ku kayela, bona mune wa makume ni bambiri a ba banuna : ge ni ku siya yena na wihi wa bona.
- 15 Ni laha yena a nga wa sukile leyo, yena i lo kumana na Jehonadaba a nwana wa Rekaba na ata ku ta klanganyeta yena ; na yena i lo xeweta yena, i te ngalo kakwe. A mbilu ya wena yi nene, kwatsi hilezi a mbilu ya mina yi nga zinwe ni mbilu ya wena ke? Na Jehonadaba i lo hlamula, Yi ngaho, Loku yi hi lezo, nyika mina a canja ga wena. Na yena i lo nyika yena a canja ga yena ; na yena i lo teka yena le helila le kareteni ya yena.
- 16 Na yena i te ngalo, Ngona zinwe na mina, u ta wona a ku pangama ka mina ka ha Jehova. Zingaho ba lo maha yena a ku kilela lomo kareteni.
- 17 Ni laha yena a nga wa tile le Samaria, yena i lo lobisa yonkle a misalela ya ka Ahabi le Samaria, kala yena a lobisa yena, kukotisa hi ka mhaka ya ka Jehova, leyo a nga wa yi wulawulile ha Elija.
- 18 Na Jehu i lo tsombanyisa bonkle banhu katigiawe, i te ngalo ka bona, Ahabi i lo kozela Baali ku tsongwani ; kanilezi Jehu i ta kozela yena nguvu.
- 19 Makunu hikwalaho bitanani ka mina bonkle a bapofeti ba ka Baali, bonkle a bakozeli ba yena, ni bonkle a bapristi ba yena ; a nga hi kona wa kuba a lahyiwako : hakuba mina nzi ni mupahlelo wa hombe a ku maha ka Baali ; kani ngwakuyini loye a ta nga lahyiwa, yena a nga ta hanya. Kanilezi Jehu i lo maha lexi hi wunzuri, kasi hi xigelo a fela ku lobisa bonkle bakozeli ba ka Baali.
- 20 Na Jehu i te ngalo, Basisani a hlangeletano wokari ka Baali. Na bona ba loba hungu ha kona.
- 21 Na Jehu i lo rumela gonkle Israeli : ni bonkle bakozeli ba Baali ba lota, zingaho lezo ku wa nga hi kona munhu a nga sinywa wo kala a nga tangi. Na bona ba lota le ndlwini ya ka Baali, yi wa lo tala le magumeso munwe kala ni ku kala manwani.
- 22 Na yena i te ngalo ka yena loye a nga wa hi helila ka yindlu, Neha u tisa a tinguwo akuba ta laba ba bakozeli ba ka Baali. Na yena i lo ba nehela a tinguwo.
- 23 Na Jehu i loya, na Jehonadaba a nwana wa Rekaba, lomo ndlwini ka Baali ; na yena i te ngalo ka bakozeli ba ka Baali, Kambani, ni kucuwuka lezaku a nga kona laha na munwe a wa malanza ya ka Jehova, kanilezi a bakozeli ba ka Baali ntsena.
- 24 Na bona ba lo eugena ndlwini a ku ya nyikela a mipahlelo ya minyikelo ya kuhiswa. Makunu Jehu i wa hlawulile ka yena a nklanu ni manharu makume ya ba banuna le handle, i te ngalo, Loku a hi kona wa banhu laba nzi ta nga ba nehaka canja ga nwina a ta nga pona, ni loye a tsikako yena a famba, ni wutomi ga yena gi taba a wutomi ga yena.
- 25 Na ku mahisile lezo, kwatsi hi xilokuloku xa yena a nga wa gumelwa a ku nyikela a munyikelo wa kuhiswa, lezaku Jehu i te ngalo ka muhlayini ni ka tinduna, Engenani, ni ku daya bona ; a nga be kona wa kuba a ta huma, na bona ba lo hlasele bona hi wukla ga supado ; ni muhlayini ni tinduna ba lo hoxa bona lahandle, ni ku famba le mutini ya yindlu ya ka Baali.
- 26 Na bona ba lo neha a timbinga leto ti nga wa hi lomo ndlwini ya ka Baali, ni ba lo hisa tona.
- 27 Na bona ba lo tsobeletela lahasi a timbinga ta ka Baali, ni ku kungumula a yindlu ya ka Baali, bo lo maha yona a yindlu yinganyawuliko, kala legi siku.
- 28 Zakungahi Jehu i lo lobisa Baali ka Israeli.
- 29 Ahemba kusukela ka zionho za Jeroboamu a nwana wa Nebate, lezo ha zona yena a mahileko Israeli a ku onha, Jehu i wa nga sukangi ku lanzenleni zona, a wumboni, a ma role ya

- nzalama lego gi nga wa hi le Beteli, ni lowo ma nga wa le Dani.
- 30 Na Jehova i te ngalo ka Jehu, Haku-ba wena u mahile kwatsi a ka lezi u tsanzileko kwatsanyana mahlweni ya mina, na u mahile ka yindlu ya ka Ahaba kukotisa hi ka zonkle lezo zi nga lomo mbilwini ya mina, a nisa-nyana wa wena wa xizukulwana xa wumune i ta tsama xitsanweni xa wukosi xa ka Israeli.
- 31 Kanilezi Jehu i wa nga celangi kota hi ku famba hi nayo wa ka Jehova, a Nungungulu wa ka Israeli, hi mbi-lu ya yena yonkle: yena i wa nga sukangi kuonheni ka Jeroboamu, lezo ha zona yena i wa mahile Israeli a ku onha.
- 32 A ka lawo masiku Jehova i lo sa-ngula a ku tsema ba suka ka Isra-eli: na Hazael i lo hlasela bona ka yonkle a mimbingano ya ka Israeli:
- 33 Ku sukela le Jordani a ngomama ya mutsuwukagambo, gonkle a tiko ga le Gileade, a ga ka ma Gadi, ni ga ka ma Rubeni, ni ga ka ma Manasa, kusukela le Aroera, lego gi nga le minzelelweni ya le Arnoni, gona Gi-leade ni Baxani.
- 34 Makunu zonkle a zimaho za ka Jehu, ni zonkle lezo yena a mahileko, ni go-nkle a wunhenha ga yena, zona a zi tsanwangi lomo bukuni ga krone-kele ga tihosi ta ka Israeli ke?
- 35 Na Jehu i lo eklela zinwe ni badada-ni ba yena: na bona ba lo nkelela yena lomo Samaria. Na Jehoahaza a nisananyana wa yena i lo fuma xiku-ndleni xa yena.
- 36 Ni xikati lexo Jehu a nga wa fumele hehla ka Israeli le Samaria maku-me mambiri ni nklanu ni manharu malembe.

XIPIMO 11.

- 1 Ni laha Atalia a mamani wa Ahazia a nga wa wonile lezaku a nisananyana wa yena i file, yena i lo suka i lo da-yetela yonkle a mbewu ya wukosi.
- 2 Kanilezi Jehoxeba, a nisananyana wa hosi Joram, a makweru wa Ahazia, i lo teka Joaxi a nisananyana wa Aha-zia, i lo nyemukisa yena xikari ka barisananyana ba hosi labo ba delwe-ko, yena i wa hi muwundli wa yena, i lo beka bona lomo ndlwini ya mu-bedi; na bona ba lo filila le ka Ata-lia, zingaho lezo yena i wa nga da-wangi;

- 3 Na yena i wa hi zinwe na yena na a fihlilwe ndlwini ya Jehova nklanu ni ginwe malembe. Na Atalia i lo fumela hehla ka tiko.
- 4 Na hi ka nklanu ni mambiri a ma-lembe Jehoiada i lo rumela aya laba a tinduna hehla ka mazana a ma Kare ni barangeli, i lo neha bona ka yena lomo ndlwini ya ka Jehova; na yena i lo maha a xivumelwano zinwe na bona, i lo teka a xifungo ka bona lomo ndlwini ya ka Jehova, i lo ka-ngeta bona a nisananyana wa hosi.
- 5 Na yena i lo leletela bona, aku, Lexi hi xilo lexi nwina mu ta nga xi ma-ha: a xipanze xa wunharu xa nwina, lexo xi tako lomu hi siku ga sa-bado, xi taba bahlayisi ba ku rinzela a yindlu ya hosi;
- 6 Ni xipanze xa wunharu xi taba ka nyangwa Sura; ni xipanze xa wunharu xi taba ka nyangwa ya le nza-ko ka barangeli, zingaho mu ta hla-yisa a yindlu ya barinzeli, ni kuba ba beleti.
- 7 Ni miklawa mimbiri ya nwina, bona labo bonkle ba yako sabadweni, ba ta hlayisa a xirinzozo xa yindlu ya ka Jehova ba ranzela a hosi.
- 8 Na nwina mu ta pomela a hosi mu yi renzelekela, ni bonklelele ba ba-nuna zinwe ni maklari ya yena can-jeni ga yena; ni loye a tako lomo nzeni ka lirengo, nga yena a dawwe: na nwina nga mu hi ni hosi laha yi humako, ni laha yona yi engenako.
- 9 Ni tinduna ta mazana ti lo maha kukotisa hi ka zonkle lezo Jehoiada a leleteleko; bona a ba banuna bonklelele ba lo teka a banhu babye, labo ba nga wata lomo hi siku ga sabado, zinwe ni labo ba nga wa hu-ma hi siku ga sabado, ni kuta ka Jehoiada a mupristi.
- 10 Ni mupristi i lo nyika ka tinduna hehla ka mazana a maklari ni zikla-ngu lezo zi nga wa kari zi za hosi Davida, lezo zi nga wa hi lomo ndlwini ya ka Jehova.
- 11 Ni barangeli ba lo yima, bonklelele banhu ni maklari babye lomu can-jeni gabye, kusukela le kklelweni ga xinene ga yindlu ku kklela ku cike-la le kklelweni ga xibaba ga yindlu, ba longoloka hi le alatini ga yindlu, hi laha ka hosi ba yi ranzele.
- 12 Zonake yena i lo humesa lahandle a nisananyana wa hosi, i lo beka a xidlo-dlo xa wukosi hehla ka yena, i lo nyi-

ka a wukustumunyu na bona ba lo maha yena a hosi, ba lo tota yena: na bona ba pakatela mandla yabye, ba te ngalo, A yi longoloke yi banya a hosi.

- 13 Ni laha Atalia a nga wa zwile a guwa ga barangeli ni guwa ga banhu, yena i lota ka banhu lomo ndlwini ya ka Jehova:
- 14 Na yena i lo lunguza, ni, languta, a hosi yi wa yimile hi laha mbingeni kwatsi hilezi a mukuwo wu nga wa ngaho, ni tinduna ni bamipunzu ba wa hi laha hosini; ni bonkle banhu ba tiko ba wa ku tsaka, ni kuba mipunzu. Zonake Atalia i lo hanzula a tinguwo ta yena, i lo bahuwa, Mahlebo! mahlebo!
- 15 Na Jehoiada a mupristi i lo leletela a tinduna ta mazana leto ti nga wa hi hehla ka impi, i te ngalo ka bona, Humesani yena xikari ka lirenzo; na bona labo ba lanzelako yena ba dayeni hi supado. Hakuba a mupristi i wa te ngalo, Nga yena a nga dawu lomu ndlwini ya ka Jehova.
- 16 Zingaho bona ba lo hendlela yena a ndlela; na yena i lo famba hi ndlela ya wuengeno ga mahaxi le ndlwini ya hosi: ni laho yena i lo dawa.
- 17 Na Jehoiada i lo maha a xivumelwano xikari ka Jehova ni hosi ni banhu, lezaku bona ba wa ta nga ba hi banhu ba Jehova: xikari ka hosi kambe ni banhu.
- 18 Ni bonkle banhu ba tiko ba loya le ndlwini ya ka Baali, ba kungumula yona lahasi; a maalati ya yena ni zifananiso za yena bona ba lo trandlela a fufanyi hi kusiliselweko, ba lo daya Mattani a mupristi wa ka Baali mahlweni ka a maalati. Ni mupristi i lo hlawula a tinduna hehla ka yindlu ya ka Jehova.
- 19 Na yena i lo teka a tinduna ta hehla ka mazana, ni ma Kare, ni barangeli, ni bonkle a banhu ba tiko; na bona ba lo neha ba relelisa a hosi hi le ndlwini ya ka Jehova, na ba lota hi ndlela ya nyangwa ya barinzeli bata lomu ndlwini ya hosi. Na yena i wa lo tsama lomu xitsanweni xa wukosi xa tihosi.
- 20 Zingaho bonkle banhu ba tiko ba lo tsaka, ni muti wu wa la su rutisa. Na Atalia bona ba wa dele hi supado le ndlwini ya hosi.
- 21 Na Jehoaxi i wa ni nklanu ni ma-

mbiri a malembe laha a nga wa sangule a kufuma.

XIPIMO 12.

- 1 Hi lembe ga nklanu ni mambiri ga Jehu i lo sangula Jehoaxi a kufuma; na yena i lo fuma mune wa makume le Jerusalema: ni bito ga mamani wa yena i wa hi Zibia wa le Berexeba.
- 2 Na Jehoaxi i lo maha lezi zi sasekileko mahlweni ka Jehova ka wonkle masiku ya Jehoiada a mupristi a gonzisileko yena.
- 3 Ahemba a wutsamo gi klakukileko gi nga suswangi; ni banhu ba ku simama ba pahlela ni kuhisa a tibani wutsanweni gi klakukileko.
- 4 Na Jehoaxi i te ngalo ka mupristi, Yonkle a mali ya zilo zi basileko leyo yi nga wa nehilwe le ndlwini ya ka Jehova, a mali ya siku, a mali ya bonkle banhu labo ba yi humesileko, ni yonkle a mali leyo yi nga tako lomo mbilwini ya munhu a ku yi neha le ndlwini ya ka Jehova,
- 5 Nga a mupristi a teka yona ka bona, bonklelele banhu kwatsi hi lezi ba xubileko; na bona ba ta akisa a baba ga yindlu, kani hikwili laho a baba gi ta nga kumiwa.
- 6 Kanilezi na kona ku wa ngaho, hi laha ka makume mambiri ni manharu ya Jehoaxi a bapristi ba wa nga seku akisa a baba ga yindlu.
- 7 Zonake a hosi Jehoaxi i lo bitana Jehoiada a mupristi, ni banwani bapristi, i te ngalo ka bona, Hi yini zwina mu nga akisangiko a wubaba ga yindlu ke? makunu hikwalaho mu nga teki kambe a mali ka labo mutolobeleneko na bona, kanilezi nyikelani yona akuba ya kurisi ga yindlu.
- 8 Ni bapristi ba lo vumela lezaku bona ba wa nga ta teka kambe a mali le ka banhu, hambu kuakisa a baba ga yindlu.
- 9 Kanilezi Jehoiada a mupristi i lo teka a ngaxa, i lo boxa a mole le ka xikubunyeto xa kona, i lo beka yona hi laha klelweni ga alati, hi klelo ga xinene kwatsi hilezi a munwe a engenako lomu ndlwini ya ka Jehova: ni mupristi loye a hlayisa a nyangwa i lo engenisa lomo nzeni yonkle a mali leyi yi tako lomo ndlwini ya ka Jehova.
- 10 Na kona na ku wa hi lezo, ni laha

- bona ba nga wa wonile lezaku laho ku wa hi kona mali yo tala lomo ngaxeni, lezaku a mutsali wa hosi ni mupristi ba lo kanziya bata, na ba lo bekela mikwameni ni ku hlalaya a mali leyi yi nga wa kumilwe lomu ndlwini ya ka Jehova.
- 11 Na bona ba lo nyikela a mali leyo yi nga wa pimelelwe le mandleni ya bona labo ba mahako a tiro, ka labo ba nga ba wonelile ba yindlu ya ka Jehova : na bona ba lo riha a bameseri ni baaki, labo ba nga wa tira hehla ka yindlu ya ka Jehova,
- 12 Ni ka ba baluli, ni ka bapapi bamaribye, ni ku xaba minaneko, ni maribye ma bakililweko a ku akisa a baba ga yindlu ya ka Jehova, ni zonkile lezo zi hohlololweko za yindlu akuba zi akiswa zona.
- 13 Kanilezi laho ku wa nga mahelwangi a yindlu ya ka Jehova a tikopo ta siliva, ni zitimo, ni zinamelo, ni mipunzu, ni zibya za nzalama, ni zibya za siliva, za mali leyo yi nga wa nehilwe lomu ka Jehova ;
- 14 Hakuba bona ba lo nyika leyo ka banhu labo ba mahako a tiro, ba lo akisa ha yona a yindlu ya ka Jehova.
- 15 Klatakumbiri bona ba wa nga kulumeli a banhu, labo a canjeni gabye ku nga wa bekilwe a mali a nyika ka bona labo ba mahako a tiro; hakuba bona ba lo maha hi kukolekisilweko.
- 16 Ni mali ya minyikelo yazi hambuko, ni mali ya minyikelo ya zionho, yi wa nga nehwangi lomu ndlwini ya ka Jehova : yona yi wa hi ya bapristi.
- 17 Zonake Hazaeli a hosi ya le Siria i lo kanziya, i lo yalwa a vukela Gati, i lo teka gona ; na Hazaeli i lo cuwuka a nghohe ya yena a kuya le Jerusalema.
- 18 Na Jehoaxi a hosi ya ka Juda i lo teka zonkile a zibya zo basa lezo Jehoxafate na Jehoram na Ahazia, a badadani ba yena, a tihosi ta ka Juda, ba nga wa zi nyikelelisile, ni zibya za yena zi basileko, ni yonkile a nzalama leyo yi nga wa kumilwe mabakweni ya yindlu ya ka Jehova, ni lomo ndlwini ya hosi, i lo rumela yona ka Hazaeli a hosi ya le Siria : na yena i lo suka le Jerusalema.
- 19 Makunu zonkile a zi maho za Joaxi, ni zonkile lezo a mahileko, zona a zi tsalwangi le bukweni ga kronekele ga tihosi ta ka Juda ke?
- 20 Ni malanza ga yena ma lo suka, ma lo maha a mahlebo, ma lo daya Joaxi le ndlwini ya Millo, hi ka ndlela leyo yi relelako yiya le Silla.
- 21 Hakuba Jozakara na a nwana wa Ximate, na Jehozabada a nwana wa Xomera, a malanza ya yena, ma lo daya yena, yena i lo kufa ; na bona ba lo nkelela yena zinwe ni badadani ba yena le mutini wa Davida : na Amazia a nisanyana wa yena i lo fuma xikundleni xa yena.

XIPIMO 13.

- 1 A ka lembe ga makume mambiri ni manharu ga Joaxi a nwana wa Ahazia, a hosi ya ka Juda, Jehoahaza a nwana wa Jehu i lo sangula a kufuma hehla ka Israeli le Samaria, na yena i lo fuma kume ni nklanu ni mambiri a malembe.
- 2 Na yena i lo maha lezo zi bihileko kuwoneni ka Jehova, i lo lanzela a zionho za Jeroboamu a nwana wa Nebate, lezo ha zona a mahileko Israeli a ku onha ; yena i wa nga sukangi ka zona.
- 3 Ni zanga ya ka Jehova yi vintlukiswa yi vukela Israeli, yena i lo nyikela bona ka Hazaeli a hosi le Siria, ni canje ga Ben-hadade a nisanyana wa Hazaeli, hi kusimamisilweko.
- 4 Na Jehoahaza i lo hlota Jehova, na Jehova i lo ingisa ka yena ; hakuba yena i lo wona a kutsimbeketwa ka Israeli, lezaku a hosi ya le Siria yi ba tsimbeketisa kuyini bona.
- 5 (Na Jehova i lo nyika ka Israeli a muhanyisi, zingaho lezo bona ba lo huma lahasi ka canja ga ma Siria ; ni banana ba ka Israeli ba lo tsama lomo matenteni kwatsi hi xikati xa le mahlweni.
- 6 Ahembalezoke bona a ba sukangi le zionhweni za yindlu ya ka Jeroboamu, lezo ha zona yena a mahileko Israeli ku onha, kanilezi ba lo famba ha zona : laho ku wa lo sula Axera kambe le Samaria kambe.)
- 7 Hakuba yena i wa lo siya ka Jehoahaza a ka banhu saseka nklanu wa makume a bamahaxi, ni kume ga tikareta, ni kume ga kume ga maza-na ba banuna ba mikonzo ; hakuba a hosi ya le Siria yi lo lobisa bona, ni ku maha bona ku kwatsi i tsutsungwani wa le nzhimbyeni.
- 8 Makunu zonkile a zi maho za ka Jehoahaza, ni zonkile lezo a zi mahileko,

GA WUMBIRI GA TIHOSI, 14.

- ni wunhenha ga yena, zona a zi tsalwangi lomo bukwinu ga kronekele ga tihosi ta ka Israeli ke?
- 9 Na Jehoahaza i lo eklela zinwe ni badadani ba yena; na bona ba lo nkelela yena lomo Samaria: na Joaxi a nisanyana wa yena i lo fuma xikundleni xa yena.
- 10 A ka lembe ga makume manharu ni nkhanu ni mambiri ga Joaxi a hosi ya ka Juda i lo sangula Jehoaxi a nwana wa Jehoahaza a ku fumela hehla ka Israeli le Samaria, na yena i lo fuma kume ni nkhanu ni ginwe a malembe.
- 11 Na yena i lo maha lezo zi bibileko kuwoneni ka ka Jehova; yena i wa ngasukangi zionhweni za Jeroboamu a nwana Nebate, lezo ha zona yena a mahileko Israeli ku onha; kanilezi yena i lo famba ka zona.
- 12 Makunu zonke a zimaho za ka Joaxi, ni zonke lezo a zi mahileko, ni wurena ga yena lego ha gona a lwileko na Amazia a hosi ya Juda, zona a zi a tsalwangi lomo bukwinu ga kronekele ga tihosi ta ka Israeli ke?
- 13 Na Joaxi i lo eklela zinwe ni badadani ba yena; na Jeroboamu i lo tsama xitsanweni xa wukosi xa yena: na Joaxi i wa nkelelewe le Samaria zinwe ni tihosi ta ka Israeli.
- 14 Makunu Elixu i wa wile hi kubabya a wubabyi ga yena lego ye a ngafa ha gona: na Joaxi a hosi ya ka Israeli i lo relela ata ka yena, i lota rila hehla ka yena, i te ngalo, Dadani wa mina, dadani wa mina, a tikareta ta ka Israeli, ni ba banuna ba mahaxi ya kona!
- 15 Na Elixu i te ngalo ka yena, Teka a wura ni tugalala ta gona; na yena i lo teka a wura ni tugalala.
- 16 Na yena i te ngalo ka hosi ya ka Israeli, Bekela a canja ga wena hehla ka wura; na yena i klateka a canja ga yena hehla ka gona. Na Elixu i lo klateka a mandla ya yena le hehla ka mandla ya hosi.
- 17 Na yena i te ngalo, vulula a woni ngomama ni mutsuwukagambo; na yena i lo vulula gona. Zonake Elixu i te ngalo, Panda; na yena i lo panda. Na yena i te ngalo, A ligalala la Jehova la kuhlula, lona ligalala la ku hlula hehla ka ma Siria; hakuba wena u ta hlasele a ma Siria le Afe-ka, kala wena u mbetisile bona.
- 18 Na yena i te ngalo, Teka a tugalala; na yena i lo teka tona, Na yena i te ngalo ka hosi ya ka Israeli Fula laha liranabyeni; na yena i lo fula kunharu, a su kawula.
- 19 Ni munhu wa Nungungulu i wa lo zangara zinwe na yena, i te ngalo, Wena u wa ta nga u fulile ku nkhanu kutani ku nkhanu ni kunwe a zikati: zonake wena u wa ta nga u hlasele a ma Siria kala wena u mbetisile wona; kwatsi hlaloke wena u ta hlasele a ma Siria kanilezi kunharu.
- 20 Na Elixu i lofa, na bona ba lo nkelela yena. Makunu a maviyo ya ma Moabi ba lo hlasele a tiko hi ku sanguleni ka lembe.
- 21 Na kona na ku mahisile lezo, kwatsi hilezi bona ba nga wa nkelela a munhu, lezaku, languta, bona ba lo hlo- la a butu; na bona ba lo hoxa a munhu lomo xilahleni xa Elixu: kwatsi hi xikanzakanya xa lezi a munhu a nga wa kumbile a marambu ya Elixu, i lo vuka, i lo yima hi mikonzo ya yena.
- 22 Na Hazaeli a hosi ya le Siria i wa tsimbeketile Israeli wonke masiku ya Jehoahaza.
- 23 Kanilezi Nungungulu i wa hi ni wuxinji ka bona, i wa hi ni ku hawu- keliso ha bona, na a wa hi ni kudzu- nza bona, hakuba hi xivumelwano xa yena zinwe na Abrahamu, Isaka, na Jakobe, i wa nga a lobisi bona, ge hambu ni ku ba hoxa yena kubakoni ka yena kwatsi hi kanzakalezo.
- 24 Na Hazaeli a hosi ya le Siria i lofa; na Ben-hadade a nisanyana wa yena i lo fuma le kundleni xa yena.
- 25 Na Jehoaxi a nwana wa Jehoahaza i lo teka kambe le canjeni ga Ben-hadade a nwana wa Hazaeli a miti leyo a nga wa tekile le canjeni ga Jehoahaza a dadani wa yena hi kulwa. Makati manhari Jehoaxi i lo hlula yena, i lo hlalisela a miti ya ka Israeli.

XIPIMO 14.

- 1 A ka lembe ga wumbiri ga Joaxi a nwana wa Jehoahaza a hosi ya ka Israeli i lo sangula Amazia a nwana wa Joaxi a hosi ya ka Juda ku fuma.
- 2 Yena i wa hi ni makume mambiri ni nkhanu a malembe laha yena a nga wa sangule kufuma; na yena i lo fuma a makume mambiri ni nkla-

- nu ni mune a malembe le Jerusalema a biti ya nyini wakwe i wa hi Jehoaddin wa Jerusalema.
- 3 Na yena i lo maha lezo zi sasekileko kuwoneni ka ka Jehova, kasike i wa nga fanani na Davida a dadani wa yena: yena i lo kukotisa hi ka lezo Joaxi a dadani wa yena a nga wa zi mahile.
- 4 Ahemba a wutsamo gi klakukileko gi wa nga tekiwangi: a banhu ku wa tima ba ha pahlela ni kuhisa a tibani wutsanweni gi klakukileko.
- 5 Na kona na ku mahisile lezo, kwatsi hi xilokuloku xa lezi a mufumo wu nga tiyisilwe canjeni ga yena, yena i lo daya a malanza ya yena laya ma nga wa dele a hosi dadani wa yena:
- 6 Kanilezi a banana ba badayi yena i wa nga ba dayangi; kukotisa lezo ku tsalilweko lomo bukwini ga naya wa Mosi, kwatsi hilezi Jehova a leleteleko, aku, A badadani ba nga ta dawa hi kota ya banana, ni banana ba nga ta dawa hi kota ya badadani; kanilezi bonklelele banhu ba ta dawa hi kota ya zionho za bona benyi.
- 7 Na yena i lo daya Edome le Mikobeni ya Munyu kume ga kume ga mazana, i lo teka Sela hi kulwa, i lo cula a bito ga kona Jokteele kala legi siku.
- 8 Zonake Amazia i lo rumela a mitsumi ka Jehoaxi, a nwana wa Jehoahaza a nwana wa Jehu, a hosi ya ka Israeli, aku, Ngona, nga hi cuwukana munwe ni munwani hi ngohe.
- 9 Na Jehoaxi a hosi ya ka Israeli i lo rumela ka Amazia a hosi ya ka Juda, aku, A mhangani leyo yi nga wa hi le Lebanoni yi lo rumela ka sinya ya sedare leyo yi nga wa hi le Lebanoni, yiku, Nyika a nhanyana wa wena ka nwana wa mina a kuba sati: ni laho ku lo hunza a xibanza xa kwati lexo xi nga wa hi lomo Lebanoni, xi lo kanziyela a mhangani lahasi.
- 10 Wena ha kunene u hlulile Edome, ni mbilu ya wena ya wena yi kukumuxilwe: mbukosi ka yona, tsama le kaya; hakuba hi yini u ta nga ti tokometa ku lamatweni ka wena, lezi wena u ta nga u wile, yena wena, na Juda zinwe na wena ke?
- 11 Kanilezi Amazia i wa nga a nga ingisi, Zingaho Joaxi a hosi ya ka Israeli i lo kanziya; na yena na Amazia a hosi ya ka Juda ba lo cuwukana munwe ni munwani hi ngohe le Bete-xemexe lego gi nga ga ka Juda.
- 12 Na Juda i lo tsuwulwa mahlweni ka Israeli; na bona ba lo tsutsuma bonklelele banhu le tenteni ga yena.
- 13 Na Jehoaxi a hosi ya ka Israeli i lo teka Amazia a hosi ya ka Juda, a nwana wa Jehoaxi a nwana wa Ahazia, le Bete-xemexe, i lota le Jerusalema, i lo kungumula lahasi a ligingisi la le Jerusalema ku sukela le nyangweni ya le Efraime kala le nyangweni ye le kuzwini, mune wa mazana ya mikono.
- 14 Na yena i lo teka yonkle a nzalama ni siliva, ni zonkle a zibya lezo zi nga wa kumilwe lomo ndlwini ya ka Jehova, ni lomo mabakweni ya yindlu ya hosi, ni ba yi gongolako kambe, i lo klelela le Samaria.
- 15 Makunu zonkle a zimaho za Jehoaxi lezo yena a zi mahileko, ni wunheha ga yena, ni lezaku i lwisile ku yini na Amazia a hosi ya ka Juda, zona a zi tsalwangi ka kronekele ka tihosi ta ka Israeli ke?
- 16 Na Jehoaxi i lo eklela zinwe ni badadani ba yena, i wa lo nkelele le Samaria zinwe ni tihosi ta ka Israeli; na Jeroboamu a nwana wa yena i lo fuma xikundleni xa yena.
- 17 Na Amazia a nwana wa Jehoaxi a hosi ya ka Juda i lo hanya a nzako ka kufa ka Jehoaxi a nwana wa Jehoahaza a hosi ya ka Israeli a kume ga malembe ni nklanu.
- 18 Makunu zonkle a zi maho za Amazia, zona a zi tsalwangi lomo bukwini ga kronekele ga tihosi ta ka Juda ke?
- 19 Na bona ba lo maha a xihlebo ba vukela yena lomu Jerusalema; na yena i lo tsutsumela le Lakixe: kanilezi bona ba lo rumela le nzako ka yena le Lakixe, ba lo daya yena leyo.
- 20 Na bona ba lo neha behla ka mahaxi; na yena i wa lo nkelelwa le Jerusalema zinwe ni badadani ba yena lomo mutini wa Davida.
- 21 Ni bonkle banhu ba ka Juda ba lo teka Azaria, loye a nga wa hi kume ni nklanu ni giawe malembe wukale, ba lo maha a hosi le nzawini ya dadani wa yena Amazia.
- 22 Yena i lo aka Elate, ni ku klelisela gona ka Juda, a nzako ka lezo a hosi

- yi lo eklela zinwe ni badadani ba yena.
- 23 A ka kume ni nklanu a malembe ya Amazia a nwana Joaxi a hosi ya ka Juda Jeroboamu a nwana wa Joaxi a hosi ya ka Israeli i lo sangula ku fuma le Samaria, na yena i lo fuma a mune wa makume ni ginwe malembe.
- 24 Na yena i lo maha lezo zi bihileko kuwoneni ka Jehova: yena i wa nga sukangi ka zonkle a zionho za Jeroboamu a nwana wa Nebate, lezo ha zona yena i lo maha Israeli a kuonha.
- 25 Yena i lo wuyisela a mbingano wa ka Israeli ku sukela wuengenweni ga Hamate ku kala le bimbini ga le Araba, kukotisa hi ka mhaka ya ka Jehova, a Nungungulu wa ka Israeli, leyo a nga wa yi wulawulile hi nanza ga yena Jona a nwana wa Amittai, a muprofeti, loye a nga wa hi wa le Gate-hefera.
- 26 Hakuba Jehova i wa lo wona a kuhlokiswa ka Israeli, lezaku kona ku wa babisilwe nguvu; hakuba laho ku wa nga hi kona wa kuba a nga wa valelwe kutani siyilwe lahandle, hambu ku nga wa hi ko ni muvuni ka Israeli.
- 27 Na Jehova i wa nga wulangi lezaku yena i nga ta hlangula a bito ga Israeli labasi ka tilo; kanilezi yena i lo hanyisa bona hi canja Jeroboamu a nwana wa Joaxi.
- 28 Makunu zonkle a zimaho za Jeroboamu, ni zonkle lezo yena a zimahileko, ni wunhenha ga yena, lezaku i lwisile ku yini, ni lezaku i lo tekisa ku yini Damaskusi, ni Hamate, lego gi nga wa hi ga ka Juda, akuba ga ka Israeli, zona a zi tsalwangi lomo bukwini ga kronekele ga tihosi ta ka Israeli ke?
- 29 Na Jeroboamu i lo eklela zinwe ni badadani ba yena, tona a tihosi ta ka Israeli; na Zakaria a nwana wa yena i lo fuma xikundleni xa yena.

XIPIMO 15.

- 1 A ka lembe ga makume mambiri ni nklanu ni mambiri ga Jeroboamu a hosi ya ka Israeli i lo sangula Azaria a nwana wa Amazia a hosi ya ka Juda a ku fuma.
- 2 Kume ni nklanu ni ginwe malembe yena laba a nga wa sangule a kufuma; na yena i lo fuma a nklanu wa makume ni mambiri malembe le Je-

- rusalema: ni bito ga mamani wa yena i wa hi Jekolia wa le Jerusalema.
- 3 Na yena i lo maha lezo zi sasekileko kuwoneni ka Jehova, kukotisa hi ka zonkle lezo Amazia a dadani wa yena a zi mahileko.
- 4 Ahemba a wutsamo gi klakukileko gi wa suswangi: ni banhu ba wa ku simama ka pahlela a tibani to hiswa wutsa nweni gi klakukileko.
- 5 Na Jehova i loba a hosi, zingaho lezo yena i wa hi hlokonho kala sikwini ga kufa ka yena, na yena i lo tsama le ndlwini yi hambanyisilweko. Na Jotamu a nwana wa hosi i wa wumbelwe le hehla ka ngango, na a lamula a banhu ba tiko.
- 6 Makunu zonkle a zi maho za Azaria, ni zonkle lezo a zi mahileko, zona a zi tsalwangi lomo bukwini ga kronekele ga tihosi ta ka Juda ke?
- 7 Na Azaria i lo eklela zinwe ni badadani ba yena; na bona ba lo nkelela yena ka badadani ba yena le mutini wa Davida: na Jotamu a nisanyana wa yena i lo fuma xikundleni xa yena.
- 8 A ka lembe ga makume manharu ni nklanu ni manharu ga Azaria a hosi ya ka Juda i lo fuma Zakaria a nwana wa Jeroboamu hehla ka Israeli le Samaria nkulanu ni yinwe a tihweti.
- 9 Na yena i lo maha lezo zi bihileko kuwoneni ka Jehova, kwatsi hilezi badadani ba yena a nga wa mahile: yena i wa nga sukangi zionhweni za Jeroboamu a nwana wa Nebate, lezo ha zona yena i lo maha Israeli kuonha.
- 10 Na Xalluma a nwana wa Jebexe i lo hleba a vukela yena, i lo daya yena mahlweni ka banhu, i lo daya yena, i lo fuma xikundleni xa yena.
- 11 Makunu zonkle a zimaho za Zakaria, languta, zona zi tsalilwe lomo bukwini ga kronekele ga tihosi ta ka Juda.
- 12 Leyi ku wa hi mhaka ya ka Jehova leyo a nga wa yi wulawulile ka Jehu, aku, A nwana wa wena wa xizukulwana xa mune i ta tsama hehla ka xitsamo xa wukosi xa ka Israeli. Na zi wa ngaho ku lo maheka.
- 13 Xalluma a nwana wa Jebexe i lo sangula a kufuma hi lembe ga makume manharu ni nklanu ni mune ga Uzzia a hosi ya ka Juda; yena i lo fuma a xipimo xa hweti le Samaria.

- 14 Na Menahema a *nwana* wa Gadi i lo huma ata hi le Tirza, i lota le Samaria, i lo daya Xalluma a *nwana* wa Jebexe le Samaria, i lo daya yena, i lo fuma le xikundleni xa yena.
- 15 Makunu zonkle a zi maho za Xalluma, ni ihlebo ya yena lawo a nga wa mahile, languta, kona ku tsalilwe ka kronekele wa tihosi ta ka Israeli.
- 16 Zonake Menahema i lo hlasela a Tifsa, ni zonkle lezo zi nga wa hi lomo, ni mbingano wa kona, ku sukele le Tirza: hakuba bona ba wa nga vululangi ka yena, hikwalaho yena i lo hlasela gona; ni bonkle a ba basati ba kona labo ba nga wa hi ni tinyimba i lo ba hanzula.
- 17 A ka lembe ga makume manharu ni nkhanu ni mune ga Azaria a hosi ya ka Juda i lo sangula Menahema a *nwana* wa Gadi a ku fumela hehla ka Israeli, na yena i lo fumela kume ga malembe le Samaria.
- 18 Na yena i lo maha lezo zi bihileko kuwoneni ka Jehova: na yena i wa nga sukangi masikwini ya yena wonkle zionhweni za Jeroboamu a *nwana* wa Nebate, lezo ha zona yena i wa mahile Israeli ku onha.
- 19 Laho ku lota vukelwa a tiko Pule a hosi ya le Asiria; na Menahema i lo nyika Pule a kume ga maza-na ya titalenta ta siliva, lezaku kasi a canja ga yena gi ba zinwe na yena a kutiyisa a mufumo canjeni ga yena.
- 20 Na Menahema i lo kupisa a mali ka Israeli, kona ka bonkle ba banuna ba tinhenha ta kufuma, ka bonklelele i nkhanu wa makume a maxekeli ya siliva, a ku nyika ka hosi ya le Asiria. Zingaho a hosi ya le Asiria yi lo klela, i wa nga tsamangi leyo lomo tikweni.
- 21 Makunu zonkle a zimaho za Menahema, ni zonkle lezo a zi mahileko, zona a zi tsalwangi ka kronekele ka tihosi ta ka Israeli ke?
- 22 Na Menahema i lo eklela zinwe ni badadani ba yena; na Pekahia a nisananya wa yena i lo fuma xikundleni xa yena.
- 23 A ka lembe ga nkhanu wa makume ga Azaria a hosi ya ka Juda Pekahia a *nwana* wa Menahema i lo sangula kufume hehla ka Israeli le Samaria, na yena i lo fuma malembe mambiri.
- 24 Na yena i lo maha lezo zi bihileko kuwoneni ka Jehova: yena i wa nga wa sukangi zionhweni za Jeroboamu a *nwana* wa Nebate, lezo ha zona yena i wa mahile Israeli a ku onha.
- 25 Na Peka a *nwana* wa Remalia, a nduna ya yena, i lo hleba a vukela yena, i lo daya yena le Samaria, lomu xilubelweni xa yindlu ya hosi, zinwe na Argoba na Arie; zinwe na yena ku wa hi ni nkhanu wa makume ya ba banuna ba ma Gileade: na yena i lo daya yena, i lo fuma xikundleni xa yena.
- 26 Makunu zonkle a zimaho za Pekahia, ni zonkle lezo a zi mahileko, languta, zi tsalilwe lomo bukwini ga kronekele ga tihosi ta ka Israeli.
- 27 A ka lembe ga nkhanu wa makume ni mambiri ka Azaria a hosi ya ka Juda Peka a *nwana* Remalia i lo sangula kufuma hehla ka Israeli le Samaria, na yena i lo fuma a kumi mambiri malembe.
- 28 Na yena i lo maha lezo zi bihileko a kuwoneni ka Jehova: yena i wa nga sukangi zionhweni za Jeroboamu a *nwana* Nebate, lezo ha zona i lo maha Israeli ku onha.
- 29 A masikwini ya Peka a hosi ya ka Israeli i lota Tiglate-pilesera a hosi ya le Asiria, i lo teka Ijoni, ni Abelabete-maaka, ni Janoa, ni Kedexe, ni Hazora, ni Gileade, ni Galile, ni gonkle a tiko ga ka Naftali; na yena i lo koma bona a tihloko a kuya le Asiria.
- 30 Na Hoxea a *nwana* wa Ela i lo maha a hlebo a ku vukela Peka a *nwana* wa Remalia, i lo daya yena, a hlasela yena, i lo fuma xikundleni xa yena, hi lembe ga makume mambiri ga Jotamu a *nwana* wa Uzzia.
- 31 Makunu zonkle a zimaho za Peka, ni zonkle lezo a zimahileko, languta, zona zi tsalilwe lomo kronekele ga tihosi ta ka Israeli.
- 32 A ka lembe ga wumbiri ka Peka a *nwana* Remalia a hosi ya ka Israeli i lo sangula Jotamu a *nwana* wa Uzzia a hosi ya ka Juda a ku fuma.
- 33 Makume mambiri ni nkhanu a malembe a wukule gakwe laha yena a nga wa sangule a ku fuma; na yena i lo fuma kume ni nkhanu ni ginwe malembe le Jerusalema; ni bito ga mamani wa yena i wa hi Jeruxa a nhanyana wa Zadoke.
- 34 Na yena i maha lezi zi sasekileko ku-

woneni ka Jehova; na yena i lo maha hi ka zonkile lezo a dadani wa Uzzia a zi mahileko.

- 35 Ahemba a wutsamo gi klakukileko gi wa nga tekiwangi: ni banhu ba wa simama ba pablela a kuhisa a tibani lomo wutsanweni gi klakukileko. Na yena i lo aka a nyangwa ya le hehla ya yindlu ya ka Jehova.
- 36 Makunu zonkile a zimaha za ka Jotamu, ni zonkile lezo a zi mahileko, zoma a zi tsalwangi lomo bukwini ga kronekele ga tihosi ta ka Juda ke?
- 37 A ka lawo masiku Jehova i lo sangula a ku rumela a kuvuka Juda Rezini a hosi ya le Siria, na Peka a nwana wa Remalia.
- 38 Na Jotamu i lo eklela zinwe ni badadani ba yena, i wa lo nkelelwa zinwe ni badadani ba yena lomo mutini wa Davida a dadani wa yena: na Ahaza a nisananya wa yena i lo sangula a ku fuma xikundleni xa yena.

XIPIMO 16.

- 1 A ka lembe ga kume ni nklanu ni mambiri ga Peka a nwana wa Remalia Ahaza a nwana wa Jotamu a hosi ya ka Juda i lo sangula a ku fuma.
- 2 Makume mambiri a malembe a wukale yakwe laha yena a nga wa sangule a ku fuma; na i lo fuma a kume ni nklanu ni ginwe malembe le Jerusalema: na yena i wa nga mahangi lezo zi sasekileko ku woneni ko Jehova a Nungungulu wa yena, kufanana na Davida a dadani wa yena.
- 3 Kanilezi yena i lo famba hi tindlela ta tihosi ta ka Israeli, ina, i lo maha a nisananya wa yena ku hunza hi nzilo, kukotisa hi zinyenyeko za matiko, lawo Jehova a hlolongoleko a ma hoxa handle mahlweni ka banana ba ka Israeli.
- 4 Na yena i lo pablela ni kuhisa a tibani wutsanweni gi klakukileko, ni lomo migangeni, ni lahasi ka tonkilelele tisinya to nyuka.
- 5 Zonake Rezini a hosi ya le Siria na Peka a nwana wa Remalia a hosi ya ka Israeli ba lotta le Jerusalema ku talwa: Na bona ba lo vimbezela Ahaza, kanilezi ba nga wa hlulangi yena.
- 6 A ka lexo xikati Rezini ahosi i lo teka Elate a kuba ga Siria, i lo hlongola a ba Juda le Elate; ni ma Siria

ma lotta le Elate, ba lo aka leyo, kala legi siku.

- 7 Zingaho Ahaza i lo ruma a mitsumi ka Tiglate-pilesera a hosi ya Asiria, aku, mina nzi nanza ga wena, ni nwana wa wena: kanziya uta, u nzi ponise mina ka canja ga hosi ya le Siria, ni ka canja ga hosi ya ka Israeli, labo ba sukileko ba vukela mina.
- 8 Na Ahaza i lo teka a siliva ni nzalama leyo yi kumiwako lomo ndlwini ya ka Jehova, ni lomo mabakweni ya yindlu ya hosi, i lo rumela a xinyikiwo ka hosi ya le Asiria.
- 9 Ni hosi ya Asiria yi lo ingisa ka yena; ni hosi yi loya yi vukela le Damaskusi, i lo teka gona, i lo koma a banhu ba gona a tihloko a tisa Kira, i lo daya Rezini.
- 10 Ni hosi Ahaza i loya le Damaskusi a ku klanganyeta Tiglate-pilesera a hosi ya le Asiria, i lo wona a alati lego gi nga wa hi le Damaskusi; ni hosi Ahaza i lo rumela ka Urija a mupristi a bombo ga alati, ni kuba xibiri xa gona, kukotisa hi ka banyamitiro ba kona.
- 11 Na Urija a mupristi i lo aka alati: kukotisa hi ka zonkile lezo a hosi Ahaza a nga wa rucelele le Damaskusi, zingaho i lo maha Urija a mupristi a longiselela a kuta ka Ahaza a hosi le Damaskusi.
- 12 Ni laha a hosi yi nga wa tile hi Damaskusi, a hosi yi lo wona a alati: ni hosi yi lo tsinela kusahani ni alati, i lo nyikela kona.
- 13 Na yena i lo hisa a munyikelo wa yena wa kuhiswani ni munyikelo wa yena wa tinzhoho, i lo cela a munyikelo wa yena wa kunwa, i lo zwa-tsekela a nkata wa yena wa munyikelo wa kurula, hehla ka alati.
- 14 Ni alati ga suku, lego gi nga wa hi mahlweni ka Jehova, yena i lo neha hi kwaleyo mahlweni ka yindlu, i lo susa hi le xikari ka yindlu ya yena ni ya ka Jehova, ni ku beka le khlweni ga nwalungu ga yindlu ya yena.
- 15 Ni hosi Ahaza i lo leletela Urija a mupristi, aku, Hehla ka alati ga hombe hisela kona a munyikelo wa mioxo wa kuhiswa, ni munyikelo wa tinzhoho wa gambo, ni munyikelo wa hosi wa kuhiswa, ni munyikelo wa yena wa tinzhoho, zinwe ni munyikelo wa kuhiswa wa banhu bo-

- nkle ba tiko, ni munyikelo wabye wa tinzhoho, ni munyikelo wabye wa kunwa; ni kunwatsekela ka gona wonkle nkata wa munyikelo wa kuhiswa, ni wonkle nkata wa mupahlelo: kanilezi a alati ga suku gi taba ga mina a kuwutisa ha gona.
- 16 Zakungahi i lo maha Urija a mupristi, kukotisa hi ka lezo a hosi Ahaza a leleteleko.
- 17 Ni hosi Ahaza i lo tsema a magalo ya zikatelo, i lo susa a xinamelo xiya kule ka zona, i lo susa a bimbi le tikabini ta suku lego gi nga wa hi lahasi ka kona, i lo beka tona le hehla ka maribye ma xaxametilweko.
- 18 Ni xifenengeto xa sabado lexo ba nga wa akile lomo ndlwini, ni wuengeno ga hosi hi lahandle, i lo zi susa yena a ka yindlu ya ka Jehova, hakuba hi hosi ya le Asiria.
- 19 Makunu a zimaho zonkle za Ahaza lezo yena a zi mahileko, zona a zi tsalwangi lomo bukweni ga kronekele ga tihosi ta ka Juda ke?
- 20 Na Ahaza i lo eklela zinwe ni badadani ba yena, na yena i wa lo nkelelwa zinwe ni badadani ba yena le mutini wa Davida: na Hezekia a nwana wa yena i lo fuma lomo xikundleni xa yena.
- XIPIMO 17.**
- 1 Hi ka kume ni mambiri a lembe ga Ahaza a hosi ya ka Juda i lo sangula Hoxea a nwana wa Ela a ku fuma le Samaria hehla ka Israeli, i lo fuma nklanu ni mune a malembe.
- 2 Na yena i lo maha lezo zibihileko kuwoneni ka Jehova, kasike ku wa nge kwatsi hi tihosi ta ka Israeli leto ti nga wa hi mahlwani ka yena.
- 3 A kulwa na yena ku lota Xalmanesera a hosi ya le Asiria; na Hoxea i lo maha a nanza ga yena, i lo neha a nzhubo.
- 4 Ni hosi ya le Asiria yi lo kuma a hlebo ka Hoxea; hakuba yena i wa rumile a mitsukano ka So a hosi ya le Gipite, i wa nga lubi a nzhubo ka hosi ya le Asiria, kwatsi hilezi a nga wa maha hi lembe ni lembe: hikwalaho a hosi ya le Asiria yi lo valala yena, i lo kotsa yena lomo paxweni.
- 5 Zomake a hosi ya le Asiria yi lo kanziya yita yi goboza yi kangata gonkle tiko, i lo kanziya a ya le Samaria, i loya vimbezela gonaa malembe manharu.
- 6 Hi ka lembe ga nklanu ni mune ga Hoxea a hosi ya le Asiria yi lo teka a Samaria, i lo koma a ba ka Israeli le ka Asiria, i loya beka bona le Hala, ni le Habora, a congo wa le Gozani, ni le mitini ya ba Medi.
- 7 Na zi wa ngaho, hakuba a banana ba ka Israeli ba wa onhile ba vukela Jehova a Nungungulu wabye, loye a nga wa humesile bona a ba neha hi le tikweni ga le Gipite lahasi ka canja ga Faro a hosi ya le Gipite, ni ba wa cabile bazwani banungungulu,
- 8 Na ba wa lo famba hi zilayelo za matiko, lawo Jehova a ma hlongoleko mahlwani ka banana ba ka Israeli, ni ka tihosi ta ka Israeli, leto bona ba ti mahileko.
- 9 Ni banana ba ka Israeli hi kufihlalisilweko a zilo lezo zi nga longamangiko ba vukela Jehova a Nungungulu wabye: na bona ba lo akela ka bona a wutsamo gi klakukileko a ka yonkle a miti yabye, ku sukela le taweni ya barinzeli ku kala ku cikelamutini yi gingisilweko.
- 10 Ni bona ba lo yimisela bona a timbinga na Axerima hehla ka wutsamo gonkle gi klakukileko, ni lahasi ka tisinya tonkle to nyuka.
- 11 Ni leyo bona ba lo hisa a tibani ka gonkle a wutsamo gi klakukileko kwatsi hilezi ku mahileko a tihosi leto Jehova a ti hlongolileko mahlwani ka bona; na bona ba lo maha a zilo zo biha a ku vindlukelisa Jehova a ku zangara;
- 12 Na bona ba lo kozela a zifananiso, lezo ha zona Jehova a nga wa te ngalo ka bona, Nwina mu nga ta maha lezi zilo.
- 13 Kasike Jehova i wa kustumunyele ka Israeli, ni ka Juda, hi baprofeti bonklelele, ni bawoni bonklelele, aku, Hunzulukani hi tindleleni ta nwina to biha, mu hlayisa a kuleletela ka mina, ni zilayelo za mina kukotisa hi nayo lowo mina nzi leleteleko badadani ka nwina, ni lowo nzi rumeleko ka nwina hi malanza ya mina baprofeti.
- 14 Ahembalokeke, bona ba wa nga ba nga hi na kuzwa, kanilezi ba lo nonohisa a tinhamu tabye, kufanana ni tinhamu ta badadani babye, labo ba nga kolwangiko ka Jehova a Nungungulu wabye.
- 15 Na bona ba lo ala a zilayelo za yena.

- ni xivumelwano xa yena lexo yena a mahileko ni badadani ba bona, ni wumboni lego a kustumunyileko ka bona; na bona ba lo lanzela a kunganyawuli, ba su ku maha ba nga nyawuliko, ba lo huma ka matiko lawo ma ranzeleko bona, hi xungetano na wona Jehova a leleteleko lezaku bona ba wa ta nga ba nga mahi kufanana zinwe na wona.
- 16 Na bona ba lo tsika konkle a kuleletela ka Jehova a Nungungulu wabye, ba lo mahela ka bona a zifaniso zi nyekisilweko, wona marole mambiri, ba lo maha Axera, ba lo kozela wonkle mabandla ya tilo, ni ku kozela Baali.
- 17 Na bona ba lo maha a barisanyana ba bona ni banhanyana ba bona ku hunza ba tsemakanya a nzilo, a mandiki ni kubula mimbhulo, ba lo xabisa a wutsumbu gabye a ku maha lezo zi bihileko kuwoneni ka Jehova, a vundukelisa yena ku zangara.
- 18 Hikwalaho Jehova i wa lo zangara nguvu ha Israeli, i lo susa bona kuwoneni ka yena: laho ku wa nga hi kona a seleko kanilezi a lixaka la ka Juda loce.
- 19 Kambe Juda a nga leletelangi a zileletelo za Jehova a Nungungulu, kanilezi i lo famba zilayelweni za ka Israeli lezo bona ba zi mahileko.
- 20 Na Jehova i lo ala yonkle a mbewu ya ka Israeli, i lo hlokisa yena, i lo nyikela yona canjeni ga bapangi, a kala yena a ba hoxa kule kuwoneni ka yena.
- 21 Hakuba i lo hanzula Israeli le ndlwini ya ka Davida; na bona ba lo maha Jeroboamu a nwana wa Nebate a hosi: Na Jeroboamu i lo kurumeta ba ka Israeli ba suka kulanzeleni Jehova, i lo maha bona a kuonha a zionho za hombe.
- 22 Ni banana ba ka Israeli ba lo famba zionhweni za Jeroboamu lezo a zi mahileko; bona a ba wa nga sukangi ka zona;
- 23 A kala Jehova a susa Israeli a humu kuwoneni ka yena, kwatsi hilezi yena a nga wa wulawulile hi malanza ya yena baprofeti. Zingaho Israeli i wa lo konwa a fambiswa a humu tikweni ga yena nwyni aya le Asiria kala legi suku.
- 24 Ni hosi ya le Asiria yi lo neha banhu ba tako hi le Babuloni, ni le Kuta, ni Avva, ni le Hamate ni le Sefarvaim, i lota beka bona le mitini ya le Samaria a xikundleni xa banana ba ka Israeli; na bona ba lo teka Samaria, ni ku aka lomo mitini ya kona.
- 25 Na zi wangaho, hi kusanguleni ka kuaka kabye leyo, lezaku bona ba wa nga cabangi Jehova: hikwalaho Jehova i lo rumela a tingonyamo xikari ka bona, leto ti nga wa dele banwani ba bona.
- 26 Ngahilezo bona ba lo wulawula ka hosi ya le Asiria, baku, A banhu labo wena u ba komileko, u ba bekileko lomo mitini ya le Samaria, a ba yi tibi a milayo ya nungungulu wa tiko; hikwalaho yena i rumele a tingala xikari ka bona, ni, languta, tona ti dele bona, hakuba bona a ba wu tibi a nayo wa nungungulu wa tiko.
- 27 Zonake a hosi ya le Asiria yi lo leletela, yiku, Komani muzwe wa bapristi laba nwinu mu nga wa ba nehile hi leyo; na ngana bona ba ya tsama leyo, na nga yena a gonzisa bona a nayo wa nungungulu wa tiko.
- 28 Zingaho a muzwe wa bapristi loye ba nga wa mu komile le Samaria i lota a ta aka le Beteli, ni kugonzisa bona lezaku ba wa ta nga ba mu cabisa ku yini Jehova.
- 29 Ahemba tonklelele tixaka ba lo maha a banungungulu babyewo benyi, ni ku beka bona lomo tindlwini ta wutsamo gi klakukileko lego a ma Samaria ma nga wa gi mahile, tonklelele tixaka mitini ya tona leyo ti tsamako ka yona.
- 30 Ni banhu ba le Babuloni ba lo maha Sukote-benote, ni banhu ba le Kuta ba lo maha Nergale, ni banhu ba le Hamate ba lo maha Axima.
- 31 Ni ma Avva ba lo maha Nibhaza na Tartaka; ni ma Sefarva ba lo hisa a banana babye nzilweni ka Adrammeleki na Anammeleki, a banungungulu ba ma Sefarvaim.
- 32 Zingaho bona ba lo caba Jehova, ba lo maha ka bona xikari ka wutsumbu gabye a bapristi ba wutsamo gi klakukileko, labo ba nga wa pahlelela bona lomo tindlwini ta wutsamo gi klakukileko.
- 33 Bona ba lo caba Jehova, ba lo kozela a banungungulu babye bonabenyi, ba lanza a nzako ka mahanyela ya tixaka leto bona ba kunwilweko ka xikari ka tona.

- 34 Kala legi siku bona ba maha zalezo za kale ; bona a ba mu cabi Jehova, ge hambu ni ku maha a nzako ka zilayelo zabye, kutani a nzako ka ziyimiso zabye, kutani a nzako ka nayo kutani a nzako ka kuleletela loku Jehova a leleteleko a banana ba ka Jakobe, loye yena a culileko Israeli ;
- 35 A zinwe na bahi Jehova a mahileko a xivumelwano, i lo lelela ka bona, aku, Nwina mu nga ta kozela banwani banungungulu, ge ni kukorama a wutsumbu ga nwina ka bona, ge ni kukozela bona, ge ni ku pahlela ka bona :
- 36 Kanilezi Jehova, loye a nehileko nwina mu huma le tikweni ga le Gipte hi ntamo wa hombe na hi woko gi klakusilweko, yena hi yena mu ta nga mu caba, ni ka yena nwina mu ta koramisa a wutsumbu ga nwina, ni ka yena nwina mu ta pahlela.
- 37 Ni zilayelo ni ziyimiso, ni nayo ni zileletelo, lezi yena nzi tsaleleko nwina, nwina mu ta lonzowotela ku maha zona kala kupinzuka kambe ; na nwina mu nga ta caba banwani banungungulu :
- 38 Ni xivumelwano lexo mina nzi mahileko zinwe na nwina mu nga ta xi ribakelwa ; ge hambu ni ku caba banwani banungungulu :
- 39 Kanilezi Jehova a Nungungulu yena hi yena mu ta nga mu caba ; na yena i ta klaklisa nwina mu huma canjeni ga balala ba nwina,
- 40 Ahemba bona a ba wa nga ingisangi, kanilezi bona ba lo maha kukotisa hi mahanyela yabyewo.
- 41 Zingaho leti tixaka ti lo caba Jehova, ti lo kozela a zifananiso za tona zi baklilweko ; ziwangaho ni banana babye, ni banana ba banana babye, kwatsi hilezi ba mahileko badadani ba babye, zingaho ba lo maha bona kala legi siku.

XIPIMO 18.

- 1 Makunu na ku mahisile lezo hi ka lembe ga wunharu ga Hoxea a nwana wa Ela a hosi ka Israeli lezaku Hezekia a nwana wa Ahaza a hosi ya ka Juda i lo sangula a kufuma.
- 2 Makume mambiri ni nkhanu a malembe a wukale laha yena a nga wa sangule a kufuma ; na yena i lo fuma makume mambiri ni nkhanu ni mune le Jerusalema : ni bito ga nyine

wa yena i wa hi Abi a nhanyana wa Zakaria.

- 3 Na yena i lo maha lezo zi sasekileko mahlweni ya ka Jehova, kukotisa hi ka zonkle lezo Davida a dadani wa yena a mahileko.
- 4 Na yena i lo susa a wutsamo gi klakukileko, i lo tsobeletela a timbinga, i lo tsema lahasi Axera : na yena i lo tsoba a fufanyi a nyoka ya suku leyo Mosi a nga wa yi mahile ; hakuba ka lawo masiku banana ba ka Israeli ba lo hisa a tibani ka yona ; na yena i lo bitana yona Nehuxtani.
- 5 Na yena i lo tsumba ka Jehova, a Nungungulu wa ka Israeli ; zingaho lezo a nzako ka yena i wa nga hi kona wo fanana na yena ka tonkle a tihosi ta ka Juda, ge hambu ni mune wa bona labo ba nga wa hi mahlweni ka yena.
- 6 Hakuba yena i lo namarela ka Jehova ; yena i wa nga sukanzi ku lanteleni yena, kanilezi i lo hlalisa a kuleletela ka yena, loko Jehova a leleteleko Mosi.
- 7 Na Jehova i wa hi zinwe na yena ; kani hikwihi laho a humako aya i wa kuvuvuma : na yena i lo hlubuka a vukela a hosi ya le Asiria, i wa kozelangisa yena.
- 8 Na yena i lo daya ma Filisti kala le Gaza ni mbingano wa kona, kusukela le taweni ya barinzeli kala mutini wu gingisilweko.
- 9 Na ku mahisile lezo hi ka lembe ga mune ga hosi Hezekia, lego gi nga lembe ga nkhanu ni mambiri ga Hoxea a nwana wa Ela a hosi ya ka Israeli, lezaku Xalmanesera a hosi ya le Asiria i lo kanziya a ta vukela a Samaria, i lota vimbezela gona.
- 10 Hi kugumelweni ka malembe mambiri bona ba lo teka gona : hi ka nkhanu ni giawe malembe ya Hezekia, lego ku nga wa hi lembe ga nkhanu ni mune ga Hoxea a hosi ya ka Israeli, a Samaria gi wa lo tekiwa.
- 11 Ni hosi ya le Asiria yi lo koma ba ka Israeli yi ba yisa le Asiria, yi loya beka le Hala, ni le Habora, a congo Gozani, ni le mutini ya ba Medi,
- 12 Hakuba bona a ba wa nga ingisankagi gezu ga Jehova a Nungungulu wabye, kanilezi ba lo hambu nyetile a xivumelwano, xona lexo Mosi a nanza ga Jehova a leleteleko,

- ba wa nga ba nga ingisi xona, ge ni ku maha xona.
- 13 Makunu hi lembe ga kume ni mune ga hosi Hezekia i lota Sennakeribe a hosi ya le Asiria i lo kanziya ata a ta vukela yonkle a miti yi gingisilweko ya ka Juda, i lo teka yona.
- 14 Na Hezekia a hosi ya ka Juda i lo rumela ka hosi ya le Asiria le Laki-xe, aku, Mina nzi onhile; klela kuta ka mina: kani hiyini wena u ta nga beka ka mina nzi ta xi rwala. Ni hosi ya Asiria yi lo yimisela ka Hezekia a hosi ya ka Juda a mazana manharu ya titalenta ta siliva ni makume manharu ya titalenta ta nza lama.
- 15 Na Hezekia i lo nyika yena gonkle a siliva lego gi nga wa kumilwe lomo ndlwini ya ka Jehova, ni le mabakweni ya yindlu ya hosi.
- 16 A ka lexo xikati Hezekia i lo tsema a nzalama le tibatini ta tempele ya ka Jehova, ni le timhingeni leto Hezekia a hosi ya ka Juda yi nga wa ti namaketile, i lo nyika gona ka hosi ya le Asiria.
- 17 Ni hosi ye le Asiria i lo rumela Tartani na Rab-sarisi na Rabxeka ba suka hi le Laki-xe ba ta aka hosi Hezekia ni impi ya hombe bata le Jerusalema. Na bona ba lo kanziya ba lota le Jerusalema. Ni laha bona ba nga wa kanziyile bata, ba lota yima hi le hehla ka tiba gi nkelilweko, lego gi nga wa hi gonzweni ga simu ya muhlazi.
- 18 Ni laha bona ba nga wa bitanile ka hosi, laho ku lo huma bata ka bona Eliakimu a nwana wa Hilkia, loye a nga wa wumbelwe hehla ka yindlu, na Xebna a mutsali, na Joa a nwana wa Asafa a mukumbuxeti.
- 19 Na Rabxeka i te ngalo ka bona, Wulani nwina makunu ka Hezekia, Zakungahi yi wulako a hosi ya hombe, a hosi ya le Asiria, I tsumbo muni xana lowo wena u tsumbako ke?
- 20 Wena u wulako (kanilezi tona ti hi tsena timhaka ti nga nyawuliko), La ho ku kona a xikungo ni ntamo wa impi. Makunu ka mani wena u tsumbako, lezi wena u hlubukileko u vukela mina ke?
- 21 Makunu, languta, wena u tsumbako ka libhanga li fufekileko, kona le Gipite; leyo ha kona loku munhu a
- kegela, lona li ta engena canjeni ga yena, ni ku klabi gona: singaho Faro a hosi ya le Gipite bonkle labo ba tsumbako yena.
- 22 Kanilezi loku nwina mu wula ka mina, Hina hi tsumba ka Jehova a Nungungulu wa hina; a hi yena loye, a hi yena loye a wutsamo gi klakukileko ni malati Hezekia a si susileko, na a te ngalo ka Juda ni Jerusalema, Nwina mu ta kozela mahlweni ka a alati legi le Jerusalema ke?
- 23 Makunu hikwalaho, mina nza kombela wena, nyika a xitiyiso ka hosi nwinyi wa mina a hosi ya le Asiria, na mina nzi ta ku nyika a mambiri a kume ga mazana ya mahaxi, loku wena u zi kota hi klelo ga wena a ku humesa bakileli hehla ka wona.
- 24 Hi yini makunu wena u ta nga hunzulusa kule a nghohe ya nduna yinwe ya laba ba tsongwani ba malanza ya hosi ya mina, ni ku beka kutsumba ka wena le Gipite hi tika-reta ni ba banuna ba mahaxi ke?
- 25 Mina makunu nzi tile laha hi lahandle ka Jehova a ku vukela legi wutsamo ni ku gi lobisa ke? Jehova i te ngalo ka mina, Kanziya u ya vukela legi tiko, ni ku lobisa gona.
- 26 Zonake ku lo wula Eliakimu a nwana wa Hilkia, na Xebna, na Joa, ka Rabxeka, Wulawula, mina nza kombela wena, ka malanza ya wena hi lirimu la xi Asiria; hakuba hina ha lizwa lona; u nga wulawule ka hina hi lirimu la xi Juda, le tindlebeni ta banhu labo ba nga lomo ligingisini.
- 27 Kanilezi Rabxeka i te ngalo ka bona, A hosi ya mina yi rumile mina ka hosi ya nwina, ni ka wena, a ku wulawula leti a timhaka ke? yena a nga rumangi mina ka banhu labo ba tsamileko ligingisini ke, a kuga a koho wa bona benyi, ni kunwa a mati ya bona benyi zinwe na wena ke?
- 28 Zonake Rabxeka i lo yima, i lo kanyuluka hi gezu ga hombe hi lirimu la xi Juda, i lo wulawula, aku, Zwanani nwina a mhaka ya hosi ya hombe, a hosi ya le Asiria.
- 29 Zakungahi a wulako a hosi, Nga Hezekia a nga kohlisi nwina; hakuba a nga ta zi kota ku klaklisa nwina mu huma le handle ka canja ga yena:
- 30 Ga hambu Hezekia a nga mu mahi

nwina mu tumba ka Jehova, muku, ha kunene Jehova i ta *klaklisa* hina, ni lowu a muti wu nga ta nyikelwa canjeni ga hosi ya le Asiria.

- 31 Mu nga ingisi ka Hezekia: hakuba zakungahi a wulako a hosi ya le Asiria: Mahani kurula ka *nwina* *zi-nwe* na mina, ni huma mu ta ka mina; mu tagu *nwenklelele* ba *nwina* a xivina xa yena, ni bonklelele a sinyi ya yena ya kuwu, mu tanwa bonklelele ba *nwina* a mati lomo fukweni ya yena *nwinyi*;
- 32 Kala mina nzi ta susa *nwina* ka tiko lego gi fananako ni tiko ga *nwina* benyi, a tiko ga mabele ni waini giswa, tiko ga zibaba ni xivina, a tiko ga tisinya ta olivia ni wulombe, kasi *nwina* ma fela ku hanya, mu ngafi: mu nga ingisi ka Hezekia, laha yena na kongotela *nwina*, aku, Jehova i ta *klaklisa* hina.
- 33 Xana ba kona banwani banungungulu ba yinwani mifumo ba *klaklisileko* matiko yabye ma huma lahandle ka canja ga hosi ya le Asiria ke?
- 34 Ba kwihi a banungungulu ba le Hamate, ni ba le Arpade ke? ba kwihi a banungungulu ba le Sefarvaima, a ba le Hena, ni ba le Ivva ke? bona ba *klaklisile* a Samaria gi huma canjeni ga mina ke?
- 35 Mbamani bona xikari ka banungungulu bonkle ba laya matiko, labo ba *klaklisileko* a tiko gabye yi huma le canjeni ga mina, lezaku Jehova i wa ta nga a *klaklisa* Jerusalema le canjeni ga mina ke?
- 36 Kanilezi a banhu ba lo rutisa ba miyela, a ba wa nga hlamulangi yena hambu ni mhaka; hakuba a kuleletela ka hosi ku wa hi. aku. Mu nga hlamule yena.
- 37 Zonake ku lota Eliakimu a *nwana* wa Hilkia, loye a nga wa wumbelwe hehla ka ngango, na Xebna a mutsali, na Joa a *nwana* wa Asafa a mukumbuxeti, ba loya ka Hezekia *zi-nwe* na tinguwo tabye ti hanzulwe, ba loya byela yena a timhaka ta ka Rabxeka.

XIPIMO 19.

- 1 Na ku mahisile lezo, laha a hosi Hezekia a nga wa zwile kona, lezaku yena i lo hanzula a tinguwo ta yena, na a lo fengeta a wutsumbu ga yena hi tinguwo ta tisakwa, i loya le ndlwini ya ka Jehova.

- 2 Na yena i lo rumela Eliakimu, loye a nga wa wumbelwe hehla ka yindlu, na Xebna a mutsali, ni masingalakati ya bapristi, na ba fenenge-tilwe hi tinguwo ta tisakwa, a ka Isaya a muprofeti a *nwana* wa Amozl.
- 3 Na bona ba te ngalo ka yena, Zakungahi a wulako Hezekia, Legi i siku ga zihlokoso, ni ga ku kawukwa, ni ga blomulo; hakuba a banana ba tile kutralweni, ni laho a ku na ntamo lezaku ba nga tralwa.
- 4 Kasike Jehova a Nungungulu wa wena a fela kuzwa a timhaka ta ka Rabxeka, loye a hosi ya le Asiria a rumileko a ku ta rukatela a Nungungulu a hanyako, ni ku kawuka a timhaka leti Jehova a Nungungulu wa wena a ti zwileko: hikwalaho klakusa a gezu ga wena hi misalela leyi yi seleko.
- 5 Zingaho a malanza ya hosi Hezekia ma lota ka Isaya.
- 6 Na Isaya i te ngalo ka bona, Zakungahi *nwina* mu ta nga ya wula ka hosi ya *nwina*, Zakungahi a wulako Jehova, U nga be na ku caba hi timhaka leto wena u ti zwilileko, leto ha tona a malanza ya hosi ya le Asiria ma rukateleko mina.
- 7 Languta, mina nzi ta beka a moya ka yena, na yena i tazwa a mahungu, na a ta klela le tikweni ga yena *nwinyi*; mina nzi ta maha a kuwa hi supado lomo tikweni ga yena *nwinyi*.
- 8 Zingaho Rabxeka i lo klela, na a lota kuma a hosi ya le Asiria na yilwa ni Libna; hakuba yena i wa zwile lezaku yena i sukile le Lakixe.
- 9 Ni laha a nga wa zwile ku wulwa ha Tirhaka a hosi ya le Etiopia, languta, yena wata ku talwa zinwe na wena, yena i lo rumela a mitsumi kambe ka Hezekia, aku,
- 10 Zakungahi mu ta nga ya wulawula ka Hezekia a hosi ya ka Juda, muku, Nga Nungungulu loye wena u tsumbako ka yena a nga kohlisa wena, aku, a Jerusalema gi nga ta nyikelwa canjeni ga hosi ya le Asiria.
- 11 Languta, wena u zi zwile lezaku a hosi ya le Asiria yi mahisile ku yini ka wonkle matiko, hi ku lobisa bona hi kumbetisilweko: na wena u ta *klakliswa* ke?
- 12 A banungungulu ba mifumo ba yi *klaklisile* ke, leyo a badadani wa mi-

- na ha yi lobisileko, Gozani, na Harani, na Rezefa, ni banana ba ka Edeni labo ba nga le Telassara ke?
- 13 Yi kwihi a hosi ya le Hamate, ni hosi ya le Arpada, ni hosi ya muti wa Sefarvaima, ya le Hena, ni le Ivva ke?
- 14 Na Hezekia i lo amukela a papilo hi canjeni ga mitsukano, na yena i lo gonza gona; na Hezekia i lo kanziya aya le ndlwini ya ka Jehova, i lo ya andlala gona mahlweni ka Jehova.
- 15 Na Hezekia i lo kombela mahlweni ka Jehova, i te ngalo, O Jehova, a Nungungulu wa ka Israeli, loye u tsamileko hehla ka Cerubima, wena hi wena Nungungulu, yena wena wece, wa yontle a mifumo ya misaba; wena u mahile a tilo ni misaba.
- 16 Pumunha a ndlebe ya wena O Jehova, i kuzwa; vulula a mahlo ya wena, O Jehova, ni ku wona; ni kuzwa a timhaka ta Sennakeribe, leto ha tona yena a rumeleko a ku a klamala wena Nungungulu u hanyako.
- 17 Ha kunene, Jehova, a hosi ya le Asiria yi hahlule a mifumo ni matiko ya wona,
- 18 Ba hoxile a banungungulu ba bona le nzilweni; hakuba ba wa nga hi banungungulu, kanilezi a mitiro ya mandla ya banhu, a tisinya ni maribye; hikwalaho bona ba lobisile bona.
- 19 Makunu hikwalaho, O Jehova a Nungungulu wa hina, hanyisa wena hina, mina nza kongotela wena, a ku huma canjeni ga yena, kasi yontle a mifumo ya misaba yi fela ku tiba lezaku wena Jehova hi wena Nungungulu wece.
- 20 Zonake Isaya a nwana wa Amози i lo rumela ka Hezekia, aku, Zakungahi a wulako Jehova, a Nungungulu wa ka Israeli, kwatsi hi laho wena u kombeleko ka mina u vukela Sennakeribe a hosi ya le Asiria, mina nzi zwile wena.
- 21 Leyi hi mhaka ya ka Jehova leyi a yi wulawileko xungetano zinwe na yena: a nhwana wa mubulwa wa le Zion i nyenyile wena i hlekile a ku tseketsela; ni nhwana wa le Jerusalema i zibizile a mandla ya yena ka wena.
- 22 Nzimani loye wena u klangameleko ni ku mu rukatela ke? na hi ka mani u klakusileko a gezu ga wena ni ku klakusa a mahlo ya wena le hehla ke? kona a kuvukela yena Loye wa ku Basa wa ka Israeli.
- 23 Hi mitsumi ya wena u klangamelile a Hosi, na u te ngalo, Na hi wudlemo ga tikareta ta mina nzi ta kanziya hehla ka ku leha ka zitsunga, kwaleyo xikari ka kwati ga le Lebanoni, na mina nzi ta tsema tisedare to leha ta kona, ni tisinya ta kuwu ti langilweko, na mina nzi ta engena kwaleyo xikari ka wutsamo ga yena ga ku eklela, ni kwaleyo mihanzweni ya masimu ya yena.
- 24 Mina nzi nkelile nzi nwile a mamati maswa, na hi xirenze xa mikonzo ya mina nzi ta omisa a micongo ya le Gipite.
- 25 Wena a ku zizwangi lezo mina nzi mahileko hi xikati xa kaleloko, nzi lo ku maha mina hi xikatini xa kale ke? makunu mina nzi zi nehilezi hunza ke, lezaku ku taba ka wena a ku hahlula a miti yi gingisilweko a ku ba a tindhulu ti kungumukeleko.
- 26 Hikwalaho a baakileko ba kona ba wa hi ni ntamo wu tsongwani, na bona ba mbela-ntamo na ba wa hakasekile; na bona ba wa ku kwatsi i byanyi ga kwati, ni ku kwatsi i kubyanyi wa ku tsakama, ni ku kwatsi i byanyi ga le xixungweni xa yindlu, kwatsi i hi mabele ma rumbukako hi mahlweni na ma nga se ku kula.
- 27 Kanilezi mina nza tiba a ku tsama ka wena lahasi, ni kuhuma ka wena, ni ku engena ka wena, ni makulo ya wena ha mina.
- 28 Hakuba hi makulo ya wena u vukela mina, ni hakuba a ku ti kukumuxa wena ku tile hehla ka tindlebe ta mina, mina nzi ta bekela a ximemba xa mina, lomo nhovini ya wena, ni matomu ya mina milonwini ya wena, mina nzi ta klelisa wena le nzako hi ndlela leyi wena u tileko ha yona.
- 29 Ni loku ku taba a muwoniso ka wena: nwina mu taga legi lembe loko ku ti kuleleko a wutsumbu ga kona, ni lembe ga wumbiri loko ku ti hlukaleko ha koce; ni ka lembe ga wunharu byalani nwina, ni kuhula, ni ku byala zivina, ni kuga a mihanzo ya kona.
- 30 Ni misalela leyo yi ponileko ya yindlu ya ka Juda, yi ta engeta kambe yi hluka hi le mutswini lahasi, ni ku trala mihanzo hi le hehla.
- 31 Hakuba ku huma hi le Jerusalema

- ku ta huma a misasela, ni le xitsungeni xa le Zioni bona ba ta pona : a kupangama ka Jehova ku ta mbelisa loku.
- 32 Hikwalaho zakungahi a wulako Jehova xungetano ni hosi ye le Asiria, yena a nga tata ka lowu a muti, ge ni ku kwaklata ligalala ka wona, ge hambu ni kuta mahlweni ka wona ni xiklangu, a nga ta hoxa ka wona a xikunguinulo a vukela wona.
- 33 Na hi ndlela leyo yena a tileko ha yona, hi ywaleyo yena i ta klela ha yona, na yena a nga tata ka lowu muti, ku wula Jehova.
- 34 Hakuba mina nzi ta vikela lowu a muti a ku hanyisa wona, hi kota ya mina zwinyi, na hi kota ya nanza ga mina Davida.
- 35 Na ku mahisile lezo lego wusiku, a ngelosi ya ka Jehova yi lo huma, yi lo hlasela a wugobelo ga ma Asiria a zana ni klanu wa makumi ni munwe wa makumi ni klanu wa kumi ga mazana : ni laha banhu ba nga wa vukile ni mayingwini ya mixo, languta, laba bonkle ba wa hi zirumbi.
- 36 Zingaho Sennakeribe a hosi ya le Asiria yi li suka, i lo famba a klela, i loya aka le Nineve.
- 37 Na ku mahisile lezo, kwatsi hilezi a nga wa kozela lomo ndlwini ya Nisroko a nungungulu wa yena, lezaku a Adrammeleki na Xarceza ba lo daya yena hi supado: na bona baabela le tikweni ga le Ararate. Na Esarhaddon a nisanyana wa yena i lo fuma xikundleni xa yena.

XIPIO 20.

- 1 A ka lawo masiku Hezekia i lo banyela a kufa. Na Isaya a muprofeti a zwana wa Amozi i lotta ka yena, i te ngalo ka yena, Zakungahi a wulako Jehova, Longisela a yindlu ya wena; hakuba u ta kufa, u nga ta hanya.
- 2 Zonake yena i lo hunzulusele a ngohe ya yena le kurisini, i lo kombela ka Jehova, aku,
- 3 Alakanya makunu, O Jehova, mina nza kongotela wena, lezaku mina nzi fambile ka wena hi ka zinene ni mbilu yi mbeleleko, na nzi mahile lezo zisasekileko kuwoneni ka wena. Na Hezekia i la su rila a tsikwila.
- 4 Na ku mahisile lezo, hi mahlweni na Isaya na a nga se ku famba huma handle kwalomo mahlweni ya mu-

ti, lezaku a mhaka ya ka Jehova yi lotta ka yena, yiku,

- 5 Klela, u famba u ya wula ka Hezekia a hosana ya banhu ba mina, Zakungahi a wulako Jehova, a Nungungulu wa Davida a dadani wa wena, mina nzi zwile a mukombelo wa wena, mina nzi wonile a mihloti ya wena: languta, mina nzi ta ncuma wena; hi siku ga manharu wena u ta kanziya uya le ndlwini ya ka Jehova.
- 6 Na mina nzi ta engetela ka masiku ya wena a kume ni uklanu a malembe; mina nzi ta klaklisa wena ni lowu a muti le canjeni ga hosi ya le Asiria; na mina nzi ta vikela lowu muti hi kota ya mina zwinyi, na hi kota ya nanza ga mina Davida.
- 7 Na Isaya i te ngalo, Teka a xikeketselo xa makuwu. Na bona ba lo teka ba xi bika, yena i lo kalamuka.
- 8 Na Hezekia i te ngalo ka Isaya, Ku ta kuba a muwoniso wa ku yini lezaku Jehova i ta hanyisa mina, ni lezaku mina nzi ta kanziya nziya le ndlwini ya ka Jehova hi siku ga manharu ke?
- 9 Na Isaya i te ngalo, Lowu ku taba a muwoniso ka wena wa le ka Jehova, lezaku Jehova a xilo lexo yena a wulawulileko: a nzhuti wu ta famba mahlweni a kume ga zikanziyelo, ni ku famba nzako kume ga zikanziyelo ke?
- 10 Na Hezekia i lo hlamula, Kona xilo xo behuka ka nzhuti a ku relela a kume ga zikanziyelo: kokwili, kanilezi nga a nzhuti wu klela a nzako a kume ga zikanziyelo.
- 11 Na Isaya muprofeti i lo bitana ka Jehova; yena i lo neha a nzhuti a kume ga nzikayelo wuklela le nzako, wu lo relela wu famba lahasi ka xipembati xa ka Ahaza.
- 12 A ka lexo xikati Berodak-baladani a nisanyana wa Baladani, a hosi ya le Babuloni, i lo rumela a papilo ni zinyikiwo ka Hezekia; hakuba i wa zwile lezaku Hezekia i wa kari a banya.
- 13 Na Hezekia i lo ingisa ka bona, i lo kombisa bona a yindlu ya yena ya zonkle zilo za yena za malongo, a siliva, ni nzalama, ni mipepo, ni mafura ma nuhelako, ni yindlu ya maklari, ni zonkle lezo zi nga wa kumilwe lomo mabakweni ya yena: laho ku wa nga hi kona ncumo lomo

nɔlwini ya yena, ge ni ka wonkle a mufumo wa yena, lexo Hezekia a nga kombangiko bona.

- 14 Zonake ku lota Isaya a muprofeti ka Hezekia a hosi, i te ngalo ka yena. Ma wula yini laya madota ke? hi kwihi laha batako ha kona ka wena ke? Na Hezekia i te ngalo, Bona bata hi le tikweni ga le kule, kona leyo Babuloni.
- 15 Na i te ngalo, Zini lezi ba zi wonileko lomo nɔlwini ya wena ke? Na Hezekia i lo hlamula, Zonkle lezo zi nga lomu nɔlwini ya mina bona ba zi wonile: laho a ku kona ncumo xikarika mabako ya mina lezi nzi nga kombangiko bona.
- 16 Na Isaya i te ngalo ka Hezekia, Zwana a mhaka ya ka Jehova.
- 17 Languta, a masiku mata, lezaku zonkle lezo zi nga lomo nɔlwini ya wena, ni lezaku zonkle lezo zi nga lomo nɔlwini ya ka dadani wa wena zi klatekelweko lomo nɔlwini ya kubeketelela kala legi siku, zi ta rwalwa zi yisiwa le Babuloni: a ku na ncumo xi ta nga siyiwa, ku wula Jehova.
- 18 Ni barisanyana ba wena laba ba ta nga huma hi le ka wena, labo wena u ta nga ba trala, ba ta ba koma bona; ba ta maha a mitenwa le xilubelweni xa hosi ya le Babuloni.
- 19 Zonake ku lo wula Hezekia ka Isaya, Yi sasekile a mhaka ya ka Jehova leyo wena u yi wulawulileko. Klatakumbiri yena i lo wula lezi, Kona nga ku nge ngaho, loku a kurula ni zinene kube masikwini ya mine ke?
- 20 Makunu zonkle a zimaho za ka Hezekia, ni gonkle a wunhenla ga yena, ni lezaku yena i mahisile ku yini a tiba, ni minkele, ni ku neba a mati lomo mutini, zona a zi tsalwangi lomo ka kronekele ga tihosi ta ka Juda ke?
- 21 Na Hezekia i lo eklela zinwe ni badadani ba yena; na Manasa a nisananyana wa yena i lo fuma xikundleni xa yena.

XIPIMO 21.

- 1 Manasa i wa hi kume ni mambiri a malembe laha yena a nga wa sangule a ku fuma; na yena i lo fuma nklanu wa makume ni nklanu malembe le Jerusalema: ni bito ga nyine wa yena i wa hi Hefziba.
- 2 Na yena i lo maha lezo zi bihileko kuwoneni ka Jehova, a nzako ka

manyala ya matiko lawo Jehova a mahlongolileko mahlweni ka banana ba ka Israeli.

- 3 Hakuba yena i wa akile kambe a wutsamo gi klakukileko lego a dadani wa yena a nga wa gi kungumule, na yena i akisa a maalati ya ka Baali, i lo maha ma Axera, kwatsi hilezi a nga wa mahile Ahabi a hosi ya ka Israeli, i lo kozela wonkle a mabandla ya tilo, i lo dumisa wona.
- 4 Na i lo aka a maalati lomu nɔlwini ya ka Jehova, laho Jehova a nga wa te ngalo, Le Jerusalema mina nzi ta beka a bito ga mina.
- 5 Na yena i lo aka a maalati ya wonkle a mabandla ya tilo lomo tihubenyi timbiri ta yindlu ya ka Jehova.
- 6 Na yena i lo maha a zwana wa yena a ku rimbiwo hi nzilo, i lo maha a kunyenyeza, i lo maha a wutumbe, i lo klangana zinwe na bona labo ba nga ni mandiki, zinwe ni baloyi: yena i lo maha kubiha ka hombe kuwoneni ka Jehova, a kuvindluke-lisa yena ku zangara.
- 7 Na yena i lo yimisa a xifananiso xi baklilweko xa ma Axera, lexo yena a xi mahileko, lomo nɔlwini leyo Jehova a nga wa te ngalo ka Davida na Solomoni a nisananyana wa yena, ka leyi yindlu, ni lomo Jerusalema, legi mina nzi hlawulileko ka tonkle a tixaka ta ka Israeli, mina nzi ta beka a bito ga mina kala kupinzuka;
- 8 Ge cima nzi nga ta maha a mikonzo ya ka Israeli ku nzula kambe lomo tikweni legi mina nzi nyikileko badadani babye, loku bona ba ta lonzowota a ku maha kukotisa hi ka zonkle lezo mina nzi leleteleko bona, ni kukotisa hi ka wonkle a nayo loku a nanza ga mina Mosi a leleteleko bona.
- 9 Kanilezi bona a ba ingisangi: na Manasa i lo kucetela bona a ku maha lazo zi bihileko ku hunza mifumo leyo Jehova a yi lobisileko hi mahlweni ka banana ba Israeli.
- 10 Na Jehova i lo wulawula hi malanza ya yena a baprofeti, aku,
- 11 Hakuba Manasa a hosi ya ka Juda i mahile laya a manyalatanisiso, i lo maha hi kubihisisilweko a ku hunza zonkle lezo a ma Amori na nga wa zi mahile, lawo na nga wa hi mahlweni ka yena, i lo maha Juda a onha hi zifananiso za yena;
- 12 Hikwalaho zakungahi a wulako Je-

- hova, A Nungungulu wa ka Israeli, Languta, Mina nzi ta neha loku kubiha hehla ka Jerusalema ni hehla ka Juda, lezaku kani hi mani a zwa-ko kona, tonkle tindlebe ta yena ti ta cakeliswa.
- 13 Mina nzi ta nawuluta hehla ka Jerusalema a ngoti ya le Samaria, ni xipimanyiso xa yindlu ya ka Ahabi; mina nzi ta kulula a Jerusalema kwatsi hi munhu a kululako a nge-lo, nzi hlangua wona wu hunzuluka wu ku gangatsala.
- 14 Na mina nzi ta hoxa a misalela ya banhu ba mina, nzi ta nyikela bona lomu canjeni ga balala babye;
- 15 Hakuba bona ba mahile lezo zi bihileko kuwoneni ka mina, ba vunjuke-lisileko mina ku zangara, cima ka si-ku lego a badadani babye ba nga nga huma hi leyo Gipite, ku kala ka legi siku.
- 16 Klatakumbiri kambe Manasa i lo halata nkata wu ngahikonananzu ha hombe nguvu, kala yena a tatisile Jerusalema ku sukela magumeso munwe kala magumeso manwani; hi lahandle ka zionho za yena lezo yena a mahileko Juda a kuonha, hi ku maha lezo zi bihileko kuwoneni ka Jehova.
- 17 Makunu zonkle a zimaho za ka Manasa, ni zonkle lezo a zi mahileko, ni kuonha ka yena loko a kuonhileko, zona a zi tsalwangi lomo bukwinini ga kronekele ga tihosi ta ka Juda ke?
- 18 Na Manasa i lo eklela zinwe ni badadani ba yena, i lo nkelelwa lomo sinwini ya yindlu ya yena nwinyi, lomo sinwini ya Uzza: na Amoni a nisanyana wa yena i lo fuma lomo xikundleni xa yena.
- 19 Na Amoni i wa hi ni makume mambiri ni nkalanu laha yena a nga wa sangule a ku fuma; na yena i lo fuma malembe mambiri lomo Jerusalema: ni bito ga mamani wa yena i wa hi Mexullemete a nhanyana wa Haruza wa le Jotha.
- 20 Na yena i lo maha lezo zi bihileko kuwoneni ka Jehova, kwatsi hilezi a mahileko Manasa a dadani wa yena.
- 21 Na yena i lo famba hi ka yonkle a ndlela leyo a dadani wa yena a fambileko ha yona, i lo kozela a zifananyiso lezo a dadani wa yena a zi kozelileko, i lo dumusa zona:
- 22 Na yena i lo tsika Jehova, a Nungungulu wa badadani ba yena, i wa nga fambangi hi tindlela ta Jehova. Ni malanza ya ka Amoni ma wa lo hleba ha yena, ma lo daya a hosi lomo ndlwini ya yena nwinyi.
- 24 Kanilezi a banhu ba tiko ba lo daya bona labo ba hlebileko ba vukela hosi Amoni; ni banhu bonkle ba tiko ba lo maha Josia a nisanyana wa yena a hosi lomo xikundleni xa yena.
- 25 Makunu a zimaho za Amoni lezi a zi mahileko, zona a zi tsalwangi lomo bukwinini ga kronekele ga tihosi ta ka Juda ke?
- 26 Na i wa lo nkelela lomo xilahleni xa yena lomo sinwini ya Uzza: na Josia a nisanyana wa yena i lo fuma lomo a xikundleni xa yena.

XIPIMO 22.

- 1 Na Josia i wa hi nkalanu ni manharu a malembe labo yena a nga wa sangule a ku fuma; na yena i lo fuma makume manharu ni ginwe malembe lomo Jerusalema: ni bito ga mamani wa yena i wa hi Jedida a nhanyana wa Adaja wa le Bozkate.
- 2 Na yena i lo maha lezo zi sasekileko kuwoneni ka Jehova, i lo famba hi tonkle a tindlela ta Davida a dadani wa yena, i wa nga hambukangi Alelweni hi ka ga xinene canja na hi ka ga xibaba.
- 3 Na ku mahisile lezo hi ka lembe kume ni nkalanu ni manharu ga kufuma ka hosi Josia, lezaku a hosi yi lo rumela Xafani, a nisanyana wa Azalia a nisanyana wa Mexullamu, a mutsali, le ndlwini ka Jehova, aku,
- 4 Kanziya uya ka Hilkia a mupristi a wa hombe, kasi yena wa fela ku hlanya a mali leyi yi nehilweko lomo ndlwini ya ka Jehova, leyi a muhlayisi wa nyangwa a yi hlengeleteleko hi le ka banhu:
- 5 Nga bona ba nyikela yona canjeni ga ba banuna ba mitiro labo ba wumbelweko ku cuwukela a yindlu ya ka Jehova, na nga bona ba nyika yona canjeni ga banyamitiro labo ba nga lomo ndlwini ya ka Jehova, a ku akisa a wubaba ga yindlu,
- 6 A ka bameseri ni baaki, ni ba baluli, ni ku xaba a tibakwa ni ma maribye ma bakilweko a kuakisa a baba.

- 7 Ahemba laho ku wa nga hi kona a kuwutiselwa ku nga wa mahilwe ha bona hi mali leyo yi nga wa nyikilwe mandleni yabye; hakuba bona ba wa ku tira hi kukolekisilweko.
- 8 Na Hilikia a mupristi wa hombe i te ngalo ka Xafani a mu mutsali, Mina nzi tumbile a buku ga nayo lomu ndlwini ya ka Jehova. Na Hilikia i lo nyikela a buku ka Xafani, na yena i lo gonza gona.
- 9 Na Xafani a mutsali i lotta le hosini, i lo neha ka hosi a mhaka kambe, i te ngalo, malanza ya wena ma pumunhile yonkle a mali leyo yi kumilweko lomo ndlwini ya ka Jehova, i nyikile yona ka canja ga ba banuna ba mitiro labo ba wumbelweko a ku wonelela a yindlu ya ka Jehova.
- 10 Na Xafani a mutsali i lo byela a hosi, aku, Hilikia a mupristi i nyikile mina a buku. Na Xafani i lo gonza gona mahlweni ka hosi.
- 11 Na kona na ku mahisile lezo, laha a hosi yi nga wa zwile a timhaka ta buku ga milayo, lezaku yena i lo hanzula a tinguwo ta yena.
- 12 Ni hosi yi lo leletela Hilikia a mupristi, Na Ahikamu a nisanyana wa Xafani, na Akbora a nisanyana wa Mikala, na Xafani a mutsali, na Asaya a nanza ga hosi, aku,
- 13 Fambani nwina, mu ya wutisa ka Jehova ba mina, na hi ka banhu, na hi gonkle Juda, hi xungetano ni timhaka ta legi buku gi tumbilweko; hakuba nja hombe a zanga ya ka Jehova leyo yi vindlukelisilweko yi vukela hina, hakuba a badadani ba hina ba nga ingisangi ka mhaka ya buku ga yena, a ku maha kukotisa hi ka zonkle lezo yena a tsalileko xungetano zinwe na hina.
- 14 Zingaho Hilikia a mupristi, na Ahikamu, na Akbora, na Xafani, na Asaya, ba loya ka Hulda a muprofeti wa wasati, a sati wa Xalluma a nisanyana wa Tikva, a nisanyana wa Harhasa, a muhlayisi wa tinguwo (makunu yena i wa akile le Jerusalema hi wutsanweni ga wumbiri); na bona ba lo wulawula zinwe na yena.
- 15 Na yena i te ngalo ka bona, Zakungahi a wulako Jehova, A Nungungulu wa ka Israeli: Byelani nwina a wanuna loye a rumileko nwina ka mina,
- 16 Zakungahi a wulako Jehova, La-
- nguta, mina nzi ta neha a kubiha hehla ka le wutsamo, ni hehla ka banhu ba kona, tona a timhaka ta buku lego a hosi ya ka Juda yi gonzileko.
- 17 Hakuba bona ba tsikileko mina, na ba hisile a tibani ka banwani banungungulu, lezaku kasi bona ba fela ku vindlukisa mina nzi zangara hi yonkle a mitiro ya mandla yabye, hikwalaho a zanga ya mina yi ta vunjukeliswa hi legi wutsamo, yona yi nga ta timiwa.
- 18 Kanilezi ka hosi ya ka Juda, loye a rumileko nwina a ku wutisa ha Jehova, zakungahi nwina mu ta nga wula ka yena, Zakungahi a wulako Jehova, a Nungungulu wa ka Israeli: Kwatsi hi ku kumbuka a timhaka leti wena u ti zwileko,
- 19 Hakuba a mbilu ya wena yi olobileko, na wena u koramisile a wutsumbu ga wena mahlweni ka Jehova, laha na wena na u zwile lezo mina nzi wulawulileko nzi vukela legi wutsamo, ni kuvukela a banhu ba kona, lezaku bona ba ta maha a hangalakisisiso ni nzhukano, ni lezi wena u hanzuleko a tinguwo ta wena, u lo rila mahlweni ka mina; minawu kambe nzi zwile wena, ku wula Jehova.
- 20 Hikwalaho, languta, mina nzi ta petsela wena ka badadani ba wena, na wena u ta petselwa lomo xilahleni xa wena hi kurula, ge hambu mahlo ya wena ma nga ta wona a kubiha loku mina nzi ta nga ku neha ka legi wutsamo. Na bona ba lo neha a mhaka ka hosi kambe.

XIPIMO 23.

- 1 Ni hosi yi lo rumela, bona ba lo tsombanyisela ka yena wonkle a masingalakati ya ka Juda ni Jerusalema.
- 2 Ni hosi yi lo kanziya yiya le ndlwini ya ka Jehova, ni bonkle banhu ba ka Juda ni bonkle ba akileko ba le Jerusalema zinwe na yena, ni bapristi, ni baprofeti, ni bonkle banhu, bonkle batsongwani ni bahombe: yena i lo gonza tindlebeni tabye tonkle a timhaka ta buku ga xivumelwano lego gi nga wa tumbilwe lomu ndlwini ya ka Jehova.
- 3 Ni hosi yi lo yima hi laha mHINGENI, yena i lo maha xivumelwano mahlweni ka Jehova, a ku famba le

- nzako ka Jehova, ni ku gongola a mileletelo ya yena, ni wukustumunyelo ga yena, ni milayelo ya yena, hi mbilu ya yena yonkle, ni muhefumulo wa yena wonkle, a ku tiyisa a timhaka ta lexi xivumelwano lexo xi tsalilweko lomu bukwini: ni bonkle banhu ba lo yima hi le xivumelwaneni.
- 4 Ni hosi yi lo leletela Hilikia a mupristi wa hombe, ni ba bapristi ba lixaxa la wumbiri, ni bahlayisi ba nyangwa, a ku humesa lomo tempe leni zonkle a zibya lezo zi nga wa mahelwe Baali, na ma Axera, ni ka wonkle a mabandla ya le tilweni; yena i lo hisa zona le handle ka Jerusalema le masiwini ya le Kidroni, i lo yisa a kuma ga zona le Beteli.
- 5 Na yena i lo beka lahasi a bapristi ba zifananiso, labo a tihosi ta ka Juda ti nga wa ba hlawulile a ku hisa a tibani lomo wutsanweni gi klakukileko lomo mitini ya ka Juda, ni lomo wutsanweni gi ranzeleko Jerusalema; ni labo kambe ba hisako a tibani ka Baali, a ka gambo, ni ka hweti, ni ka zimilwa, ni ka wonkle mabandla ya le tilweni.
- 6 Na yena i lo humesa Axera lomo ndlwini ya ka Jehova, a mu yisa le handle ka Jerusalema, a yisa congwaneni Kidroni, i lo hisa le xicongwaneni Kidroni, i lo klomba xona a tsutsungwani, i lo hoxa a tsutsungwani wa kona zilahleni za banhu ba talo.
- 7 Na yena i lo kungumula lahasi a tiyindlu ta ma Sodoma, leto ti nga wa hi lomo ndlwini ya ka Jehova, laho a ku lukelwa ka ba basati ku nga wa hayekelwe Axera.
- 8 Na yena i lo naha a bapristi a ba humesa ba huma lomo mitini ya ka Juda, i lo hohlolola a wutsamo gi klakukileko laho a bapristi ba nga hisela a tibani, ku sukela Geba kala le Berexeba, na yena i lo tsobeletela a wutsamo gi klakukileko ga tinyangwa leto ti nga wa hi le wuengenweni ga nyangwa ya Joxua a mufumeli wa muti, lego gi nga wa canjeni ga xibaba ga munhu ga nyangwa ya muti.
- 9 Ahembalokoke a bapristi ba wutsamo gi klakukileko a ba wa nga tangi le a alatini ga ka Jehova le Jerusalema, kanilezi bona ba loga a cibaba zi nga comelwangiko xikari ka bamakabye ba bona.
- 10 Yena i lo hohlolola Tofete, loye a nga wa minzelelweni ya banana ba ka Hinnome, lezaku kasi ku fela ku kala ku nga hi kona a munhu a mahako a nisanyana wa yena kutani nhanyana wa yena a hunza a rimbiwa hi nzilo ka Moleke.
- 11 Na yena i lo susa a mahaxi lawo a tihosi ta ka Juda ti nga wa nyikele le gambyeni, le wuengenweni ga yindlu ya ka Jehova, hi le ndlwini ya Natani-meleki a nduna ya muti, lego gi nga wa le handle; na yena i lo hisa a tikareta ta gambo hi nzilo.
- 12 Ni maalati lawo ma nga wa hi le behla ka yindlu ya ka Abaza, lawo a tihosi ta ka Juda ti mahileko, ni maalati lawo Manasa a nga wa ma mahile lomo tihubweni timbiri ta yindlu ya ka Jehova, a hosi yi lo kungumulela lahasi, i lo klomba zona lahasi hi laho, i lo hoxa a tsutsungwani wa zona le congwaneni Kidroni.
- 13 Ni wutsamo gi klakukileko lego gi nga wa hi mahlweni ka Jerusalema, legi gi nga wa hi canja ga xinene ga xitsunga xa bolisiso, lego Solomoni a hosi ya ka Israeli a nga wa akile akela Axtorete a manyalatanisiso ya ma Sidonia, na Cemoxe a manyalatanisiso ya le Moabi, na Milkome a manyalatanisiso ya banana ba Ammoni, a hosi yi lo zi hangala.
- 14 Na yena i lo tsoba a fufanyi a timhinga, i lo tsoba a Axerima, i lo tatisa a wutsamo ga zona hi marambu ya banhu.
- 15 Klatakumbiri ni alati lego gi nga wa hi le Beteli, ni wutsamo gi klakukileko lego Jeroboamu a nisanyana wa Nebate, loye a mahileko Israeli a ku onha, a nga wa gi mahile, gona lego a alati ni wutsamo gi klakukileko yena i lo tsobeletela lahasi; yena i lo hisa a wutsamo gi klakukileko, i klomba gona tsutsungwani, i lo hisa ma Axera.
- 16 Ni kwatsi hilezi Josia a nga wa hunzulusa a wutsumbu ga yena, yena i lo hlola a zilahla lezo zi nga wa hi konalaho lomo xitsungeni, na yena i lo rumela, i loya teka a marambu lomo zilahleni, i lo hisa wona behla ka alati, i lo hangalasa kona, kukotisa hi ka mhaka ya Jehova leyo a munhu wa ka Nungungulu a yi klambuteleko, loye a bilekohungu hi lezi zilo.

- 17 Zonake i te ngalo, Xibiyela xa yini lexo mina nzi xi wonako ke? ni bahu ba muti ba lo byela yena, Kona xilahla xa munhu wa ka Nungungulu, loye a nga wa tile hi le Juda, i lo bahungu lezi zilo wena u zi mahileko u vukela Beteli.
- 18 Na yena i te ngalo, Nga yena a tsi-kwa; nga a nga hi kona a susako marambu ya yena, Zingaho bona ba lo tsika marambu ya yena woce, zi-nwe ni marambu ya muprofeti loye a nga humela ata hi le Samaria.
- 19 Ni tonkle a tindlu ta wutsamo gi klakukileko leto ti nga lomo Samaria, leto a tihosi ta ka Israeli ti nga wa ti mahile a ku vunjukelisa Jehova aku zangara, Josia i lo ti susa, i lo maha kukotisa hi ku maha loko yena a nga wa mahile le Beteli.
- 20 Na yena i lo daya bonkle a bapristi ba wutsamo gi klakukileko labo ba nga wa hi leyo, hehla ka maalati, i lo hisa marambu hehla ka wona; na yena i lo klelela le Jerusalema.
- 21 Ni hosi yi lo leletela bonkle a bahu, yiku, Hlayisa a pasika ka Jehova a Nungungulu wa nwina, kwatsi hilezi ku tsalilweko lomo bukwini ga xivumelwano.
- 22 Hakunene futsi laho ku wa hlayiswangi a pasika ga kungaho kusukela masikwini ya balamuli labo ba nga wa lamule Israeli, ge ni masikwini ya tihosi ta ka Israeli, ge hambu ni tihosini ta ka Juda;
- 23 Kanilezi hi ka lembe ga kume ni nklanu ni manharu ga hosi Josia legi a pasika gi wa hlayisilwe a ka Jehova le Jerusalema.
- 24 Klatakumbiri bona labo ba nga wa hi ni mandiki, ni baloyi, ni zikwembu, ni zifananiso, ni wonkle a manyalatanisisiso lawo na nga wa wonilwe lomo tikweni ga ka Juda ni le Jerusalema, i lo zi susa Josia, kasi yena a fela a ku tiyisa a timhaka ta nayo leto ti tsalilweko lomo bukwini lego Hilkia a mupristi a gi tumbileko lomo ndlwini ya ka Jehova.
- 25 Ni ku fananisa na yena laho ku wa nga hi kona a hosi hi mahilweni ka yena, loye a hunzulukeleko ka Jehova hi mbilu ya yena yonkle, na hi muhefemulo wa yena wonkle, na hi ntamo wa yena wonkle, a kukotisa hi wonkle nayo wa ka Mosi; ge hambu ni nzako ka yena a ku human-gi wa ku fanana na yena.
- 26 Ahembalokoke, Nungungulu i wa nga klelangi a renga le tsisisisweni wa zanga ya yena ya hombe, leyo ha yona a zanga ya yena yi nga wa vunjukele yi vukela Juda, na hakuba ha yonkle a vindlukelisisiso leyo Munasa i vindlukelisile yena.
- 27 Na Jehova i te ngalo, Minawu nzi ta susa Juda kuwoneni ka mina, kwatsi hilezi nzi susileko Israeli, na mina nzi ta hoxa lowu muti lowu mina nzi wu langileko, wona Jerusalema, ni yindlu leyi mina nzi te ku ngalo, A bito ga mina gi ta ba laho.
- 28 Makunu zonkle a zi mahlo za ka Josia, ni zonkle lezo yena a zi mahileko, zona a zi tsalwangi lomo bukwini ga kronekele ga tihosi ta ka Juda ke?
- 29 Ni masikwini ya yena Faro-neko a hosi ya le Gipite i lo kanziya a kuya vukela a hosi ya le Asiria le congweni Eufate: ni hosi Josia i lo famba a yalwa zinwe na yena; na Faro-neko i lo daya yena le Megiddo, laha yena a nga wa wonile yena.
- 30 Ni malanza ya yena na lo rwala yena lomo kareteni na a file hi le Megiddo, ba lo mu neha lomo Jerusalema, ba lo nkelela yena lomo xilahleni xa yena nwyni. Ni banhu ba tiko ba lo teka Jehoahaza a nisananya wa Josia, ba lo tota yena, ba lo maha yena a hosi lomo xikundleni xa dadani wa yena.
- 31 Jehoahaza i wa hi makume mambiri ni manharu a malembe a wukale laha a nga wa sangule a kufuma; yena i lo fuma tihweti tinharu lomo Jerusalema: ni bito ga mamani wa yena i wa hi Hamultali a nisananya wa Jeremia wa le Libna.
- 32 Na yena i lo maha lezo zi bihileko kuwoneni ka Jehova, kukotisa hi ka zonkle a lezo a badadani ba yena ba si mahileko.
- 33 Na Faro-neko i lo kotsa yena makotsweni le Ribla lomo tikweni ga le Hamate, kasi yena a fela ku kala a nga ha fumi lomo Jerusalema, i lo beka a tiko kutreni wa zana ga titalentata siliva, ni talenta ya uzaluma.
- 34 Na Faro-neko i lo maha Eliakimu a nisananya wa Josia a kufuma nzwini ya Josia a dadani wa yena, i lo hunzula a bito ga yena aku nzi Je-

hoiakimu: kanilezi yena i lo susa Jehoshaza, na yena i lota le Gipite, i lota fela leyo.

- 35 Na Jehoiakimu i lo nyika a siliva ni nzalama ka Faro; kanilezi yena i lo kupisa a tiko a ku nyika a mali kukotisa kuleletela ka Faro: na yena i lo kupisa a siliva ni nzalama ka banhu ba tiko, ka bonklelele kukotisa hi kupo wa yena, a ku nyika ka Faroneko.
- 36 Jehoiakimu i wa hi makume mambiri ni nklanu a malembe a wukale laha yena a nga wa sangule a kufuma; na yena i lo fuma kume ni ginwe a malembe le Jerusalema: ni bito ga mamani wa yena i wa hi Zebida a nhanyana wa Pedaia wa le Ruma.
- 37 Na yena i lo maha lezo zi bihileko kuwoneni ka Jehova, kukotisa hi ka zonkle lezo a badadani ba yena ba mahileko.

XIPIMO 24.

- 1 A masikwini ya yena Nebukadnezzare a hosi ya le Babuloni yi lota, na Jehoiakimu i lo maha a nanza ga yena malembe manharu: zonake yena i lo hlubuka a vuka yena.
- 2 Na Jehova i lo ruma kuvuka yena a mabandla ya ma Kaldea, ni mabandla ya ma Siria, ni mabandla ya ma Moabi, ni mabandla ya banana ba ka Ammoni, i lo rumela a kuvuka Juda ni ku lobisa gona, kukotisa hi mhaka ya ka Jehova, leyo yena a wulawulileko hi malanza ya yena a baprofeti.
- 3 Ha kunene futsi hi kuleletela ka Jehova loku ku lota hehla ka Juda, a kuta susa yena kuwoneni ka yena, hakuba hi zionho za ka Manasa, kukotisa hi ka zonkle lezo yena a mahileko,
- 4 Ni kambe hi nkata lowu wu ngahiko na nanzu a wu halatiko; hakuba yena i wa tatisile a Jerusalema hi nkata wu ngahiko na nanzu: Jehova i wa nga a nga hi na ku ribalela.
- 5 Makunu zonkle a zi maho za ka Jehoiakimu, ni zonkle lezo yena a zi mahileko, zona a zi tsalwangi lomo bukwini ga kronikele ga tihosi ta ka Juda ke?
- 6 Zingaho Jehoiakimu i lo eklela zinwe ni badadani ba yena; na Jehoiakina a nisanyana wa yena i lo fuma xikundleni xa yena.

7 A hosi ya le Gipite yi wa nga ha engetangi yita kambe hi le tikweni ga yena; hakuba a hosi ya le Babuloni yi wa tekile, ku sukela le congwanini wa le Gipite kala ka congo Eufrate, wonkle lawo ma nga wa hi ya hosi ya le Gipite.

- 8 Na Jehoiakina i wa hi kume ni nklanu ni manharu malembe laha yena a nga wa sangule a kufuma; yena i lo fuma lomo Jerusalema tihweti tinharu: ni bito ga mamani wa yena Nehuxta a nhanyana wa Elnatani wa le Jerusalema.
- 9 Na yena i lo maha lezo zi bihileko kuwoneni ka Jehova, kukotisa hi ka zonkle lezo badadani ba yena ba si mahileko.
- 10 A ka lexo xikati a malanza ya Nebukadnezzare a hosi ya le Babuloni ma lota le Jerusalema, ni muti wu wa lo vimbezelwa.
- 11 Na Nebukadnezzare a hosi ya le Babuloni yi lota engena lomo mutini, laha na malanza ya yena na ma ha wu vimbezele wona;
- 12 Na Jehoiakina a hosi ya ka Juda i loya ka hosi ya le Babuloni, yena, ni mamani wa yena, ni malanza ya yena, ni tihosana ta yena, ni tinduna ta yena: ni hosi ya le Babuloni i lo teka bona ka lembe ga nklanu ni manharu ya ku fuma ka yena.
- 13 Na yena i lo rwala hi wonkle a mabako ya yindlu ya ka Jehova, ni mabako ya yindlu ya hosi, i lo tsema a zipanze zonkle a zibya sa nzalama, lezo Solomoni a hosi ya ka Israeli a nga wa zi mahile lomo tempeleni ya ka Jehova, kwatsi hilezi Jehova a wulileko.
- 14 Na yena i lo koma bonkle ba suswa Jerusalema, tonkle tihosana, ni bonkle banhu ba tinhenha ta kulwa, gona a kume ga kume ga mazana a tihloko, ni bonkle banhu ba miklariho, ni bafuli banyunzo: i wa nga hi kona wa kuba a nga wa sele, saseka a banhu ba zisiwana ba tiko.
- 15 Na yena i lo koma Jehoiakina a mu yisa le Babuloni; ni mamani wa hosi, ni basati ba hosi, ni tinduna ta yena, ni banhu ba hombe ba tiko, i lo ba koma yena a tihloko hi le Jerusalema bata le Babuloni.
- 16 Ni bonkle ba banuna ba tinhenha, bona ba wa hi nklanu mambiri ya kume ga mazana, a ba wuklari ni bafulu banyunzo i kume ga maza-

- na, bonkle ba bona ba ntamo ba fa-
neleko a impi, bonawu kambe a hosi
ya le Babuloni yi lo ba neha a wu-
kumbi le Babuloni.
- 17 Ni hosi ya le Babuloni yi lo maha
Mattauta, a makabye wa dadani wa
Jehoiakina, a hosi xikundleni xa ye-
na, i lo hunzula a bito ga yena aku
nzi Zedekia.
- 18 Zedekia i wa makume mambiri ni
ginwe lembe a wukale laha yena a
nga wa sangule a ku fuma, na yena
i lo fuma a kume ni ginwe malembe
le Jerusalema; ni bito ga mamani
wa yena i wa hi Hamultali a nha-
nyana wa Jeremia wa le Libna.
- 19 Na yena i lo maha lezo zi bihileko
kuwoneni ka Jehova, kukotisa hi
ka zonkle lezo Jehofakimu a mahi-
leko.
- 20 Hakuba hi ka zanga ya ka Jehova
kona ku lo maheka le Jerusalema
na Juda, kala yena hoxa bona laha-
ndle ka kubakona ka yena.
- Na Zedekia i lo hlubuka a vukela
a hosi ya le Babuloni.

XIPIMO 25.

- 1 Na kona na ku mahisile lezo hi
lembe ga nklanu ni mune ga ku fu-
ma ka yena, hi hweti ya kume, hi
siku ga kume ga hweti, lezaku Ne-
bukadnezzare a hosi ya le Babuloni
yi lotta, yena ni impi ya yena yonkle,
ku vukela Jerusalema, ba lotta goba
ba vukela gona; bona ba lo aka a
tingingisi kulwa na gona ti renzeleke-
la.
- 2 Zingaho a muti wu wa vimbezelwe
kala kume ni ginwe lembe ga Zede-
kia.
- 3 Hi ka siku ga nklanu ni mune ga
hweti ya mune a ndlala yi wa tsingi-
sisilwe lomo mutini, zingaho lezo ku
wa nga hi kona zibaba ka banhu ba
tiko.
- 4 Zonake a kufohlwa ku lo mahiwa
lomo mutini, bonkle ba banuna ba
impi ba panzanyeka ni wusiku hi
ndlala ya nyangwa xikari ka ma-
kurisi mambiri, lawo ma nga wa hi
le sinwini ya hosi (makunu a ma
Kaldea ma wa kangatile a lirenzo ni
kulwa ma vukela muti); ni hosi yi
lo famba hi ndlala ya kuya le Araba.
- 5 Kanilezi a impi ya ma Kaldea yi lo
hlongolisa le nzaka ka hosi, ba lo
kamanyeta yena le mikobení ya le
Jeriko; ni yonkle a impi ya yena

- yi wa la su fenemete yi suka ka
yena.
- 6 Zonake bona ba lo teka a hosi, ba lo
koma yena ba mu yisa le ka hosi ya
le Babuloni le Ribla; na bona ba lo
tsanza kulamula hehla ka yena.
- 7 Na bona ba lo daya a banana ba Ze-
dekia ngoheni ya mahlo ya yena, ba
lo xokola a mahlo ya Zedekia, ba lo
boha yena hi tisinga, ba koma yena
ba mu yisa le Babuloni.
- 8 Makunu hi ka hweti ya nklanu, a
ka siku ga kume ni nklanu ni ma-
mbiri ga hweti, lego ku nga wa a
kume ni nklanu ni mune a lembe ga
Nebukadnezzare, a hosi ya le Babu-
loni, i lotta Nebuzaradani a nduna ya
murangeli, a nanza ga hosi ya le Ba-
buloni, le Jerusalema.
- 9 Na yena i lo hisa a yindlu ya ka Je-
hova, ni yindlu ya hosi; ni tonkle a
tiyindlu ta le Jerusalema, tona tonkle
a tiyindlu tonklelele ta hombe i lo
hisa tona yena hi nzilo.
- 10 Ni yonkle a impi ya ma Kaldea, leyo
yi wa nga wa hi ni nduna ya mura-
ngeli, ba lo kungumula a ligingisi
la Jerusalema li renzelekeleko.
- 11 Ni misalela ya banhu labo ba nga
wa siyilwe lomo mutini, ni labo ba
nga wa pfukile, ba nga wa pfukile
ka hosi ya le Babuloni, ni xidlemo
xa misalela, i lo maha Nebuzaradani
a nduna ya murangeli a ku koma
tikumbi.
- 12 Kanilezi a nduna ya murangeli i wa
lo siya a zisiwana nguvu za tiko a
kuba barimi ba zivina ni barimi.
- 13 Ni timhinga ta suku leto ti nga wa
hi lomo yaka Jehova, ni zikatelo ni
bimbi ga suku lego gi nga wa hi lo-
mo ndlwini ya ka Jehova, a ma Ka-
ldea ma lo tsoba a zipanzana, ba lo
rwala a suku wa zona ba yisa le Ba-
buloni.
- 14 Ni timbita, ni mafoxola, ni zitimo,
ni mikombe, ni zonkle a zibya za su-
ku zonkle lezo ba nga wa kozela ha
zona, ba lo teka zona bona.
- 15 Ni mahati, ni zinamelo, lezo zi nga
wa hi za nzalama, zi hi nzalama, ni
lezo zi nga wa hi za siliva, zi hi siliva,
a nduna ya murangeli yi lo teka zona.
- 16 A timhinga timbiri, ni bimbi ginwe,
ni zikatelo, lezo Solomoni a nga wa
zi mahele a yindlu ya ka Jehova, ni
suku wa lezi zonkle zibya wu wa nga
hi na kuringaniswa.
- 17 A kulcha ka mhanze yinwe ku wa

- hi kume ni nkalanu a mikono, ni xihloko xi nga wa hi hehla ka yona ku wa hi suku; ni kuleha ka xihloko ku wa hi mikono yinharu, ni tiro wukomelwako ni mapomegranate ma renzelekeleko, wonkle nja suku: kufana na ni ka lezi yi wa hi nazo a mbinga ya ya wumbiri a tiro wukomelwako.
- 18 Ni nduna ya murangeli i lo teka Seraia a mupristi wa hombe, na Zefania a mupristi a gamelako, ni banharu ba hlaysi ba nyangwa:
- 19 Ni lomo mutini i lo koma a nduna leyo yi nga wa wumbelwe hehla ka babanuna ba impi; ni nkalanu wa ba banuna ba bona labo ba nga wa wonile a nghohe ya hosi, labo ba nga wa kumilwe lomo mutini; ni mutsali, ni nduna ya maban/la, loye a hlo misako a banhu ba tiko; ni nkalanu ni giawe makume ya ba banuna ba banhu ba tiko, labo ba nga wa kumilwe lomo tikweni.
- 20 Na Nebuzaradani a nduna ya murangeli i lo teka bona, i lo ba neha ka hosi ya le Babuloni le Ribla.
- 21 Ni hosi ya le Babuloni yi lo daya bona, i lo daya bona le Ribla tikweni ga le Hamate. Zingaho Juda i wa konwa wukumbi a suka le tikweni ga ka kabye.
- 22 Ni ku kwatsi hi banhu labo ba nga wasiyilwe lomo tikweni ga ka Juda, labo Nebukadnezzare a hosi ya le Babuloni yi nga wa ba siyile, kona hehla ka bona yena i lo wumbela Gedalia a nwana wa Ahikamu, a nwana wa Xafani, a mufuli.
- 23 Makunu laha tonkle a tinduna ta impi, bona ni banhu babye, ba nga wa zwile lezaku a hosi ya le Babuloni yi mahile Gedalia a mufumeli, bona ba lotta ka yena le Mizpa, yena Ixmaeli a nwana wa Natania, na Johananani a nwana Karea, na Seraia a nwana wa Tanhumete a mu Netofate, na Jaazania a nwana wa Maakate, bona ni banhu babye.
- 24 Na Gedalia i lo hlambanya ka bona ni ka banhu babye, i te ngalo ka bona, Mu nga cabe hakuba hi malanza ya ma Kaldea: akani lomu tikweni, ni kukozela a hosi ya le Babuloni, kona ku maha kwatsi ka nwina.
- 25 Kanilezi na kona na ku mahisile lezo hi ka hweti ya nkalanu ni timbiri, lezaku Ixmaeli a nwana wa Natania, a nwana wa Elixama wa mbewu ya le wukosini, i lotta, ni kume ga banhu zinwe na yena, ba lo daya Gedalia, zingaho lezo yena i lotta, a ma Juda ni ma Kaldea lawo ma nga wa zinwe na yena le Mizpa.
- 26 Ni bonkle banhu, bonkle ba tsongwani ni bahombe, ni tinduna ta maban/la, ba lo suka, ba lotta le Gipte; hakuba ba wa ku caba a ma Kaldea.
- 27 Na kona na ku mahisile lezo hi ka makume manharu ni nkalanu ni mambiri a malembe ya kukonwa ka Jehoiakina a hosi ya ka Juda, hi ka kume ni yinwe a tihweti, hi ka makume mambiri ni nkalanu ni mambiri masiku ya hweti, lezaku Evil-merodeki a hosi ya le Babuloni, a ka lembe lego yena a nga wa sangule a kufuma, yena i lo klakusa a hloko ya Jehoiakina a hosi ya ka Juda a huma paxweni;
- 28 Na yena i lo wulawula hi wuxinji ka yena, i lo yimisa a xitsamo xa wukosi xa yena hehla ka tihosi tonkle leto ti nga wa hi zinwe na yena lomo Babuloni,
- 29 I lo hunzula a tinguwo ta wuperesu. Na Jehoiakina i loga zibaba mahlweni ka yena hi kusimamisilweko wonkle masiku ya wutomi ga yena.
- 30 A pakelo wa yena, laho ku wa hi kona a pakelo wusimamisileko wu nyikilweko yena hi hosini, wonklelele masiku a xiabelo, wonkle masiku ya wutomi ga yena.

A BUKU GO RANGA GA KRONEKELE.

XIPIMO 1.

- 1 Adamu, Sete, Enoxl,
- 2 Kenani, Mahalaleli, Jaredi,
- 3 Enoke, Matusela, Lameka,
- 4 Noa, Xemi, Hamu, na Jafete.
- 5 A barisanyana ba Jafete: Gomora, na Magoge, na Madayi, na Javani, na Tubale, na Mexexe, na Tirase.
- 6 Ni barisanyana ba Gomora: Axkac-naze, na Difate, na Togarma.
- 7 Ni barisanyana ba Javani: Elixu, Tarxixi, na Kitime, na Rodanime.
- 8 A barisanyana ba ka Hamu: Kuxe, na Mizraime, Puti, na Kenani.
- 9 Ni barisanyana ba Kuxe: Seba, na Havila, na Sabita, na Raama, na Sabiteka. Ni barisanyana ba Raama: Xeba, na Dedani.
- 10 Na Kuxe i lo trala Nimrode; yena i lo sangula a kuba wanuna wa nhe-nha laha misabeni.
- 11 Na Mizraime i lo trala Ludime, na Anamime, na Lehabime, na Naptulime,
- 12 Na Paturusime, na Kasluhime (hi ka loye ku nga wa humele ma Filisti), ni na Kaptorime.
- 13 Na Kenani i lo trala Sidoni a mate-wula ya yena, na Heti,
- 14 Ni mu Jebusi, ni mu Amori, ni mu Girgaxi,
- 15 Ni mu Hivi, ni mu Arki, ni mu Sini,
- 16 Ni mu Arvade, ni mu Zemarini, na mu Hamate.
- 17 A barisanyana ba ka Xemi: Elame, na Asure, na Arpaxade, na Luda, na Arame, na Uza, na Hula, na Geteri, na Mexeke.
- 18 Na Arpaxade i lo trala Xela, na Xela i lo trala Eberi.
- 19 Ni ka Eberi ku lo tralwa barisanyana bambiri: ni bito ga muzwe i wa hi Pelegi; hakuba masikwini ya yena a misaba yi wa la ku abanyiselwa; ni bito ga makabye wa yena i wa Joktani.
- 20 Na Joktani lo trala Almodade, na Xelefe, na Hazarmavete, na Jera,
- 21 Na Hadorame, na Uzale, Dikla,
- 22 Na Ebala, na Abimacli, na Xeba,
- 23 Na Ofira, na Havila, na Jobabe. Bo-

- nkle laba ba wa hi barisanyana ba ka Joktani.
- 24 Xemi, Apaxade, Xela,
- 25 Eberi, Pelegi, Reu,
- 26 Serugi, Nahori, Tera,
- 27 Abrama (ywaloye a nga Abrahamama).
- 28 A barisanyana ba ka Abrahamama: Isaka, na Ixmaeli.
- 29 Lezi hi zizukulwana zabye: a mate-wula ya ka Ixmaeli, Nebaioti; zonake Kedare, na Adbeelee, na Mibsame,
- 30 Mixma, na Duma, Masa, Hadade, na Tema,
- 31 Jeture, Nafixi, na Kedema. Laba hi barisanyana ba ka Ixmaeli.
- 32 Ni barisanyana ba ka Ketura, a mundlukulu wa ka Abrahamama: yena i lo trala Zimrani, na Jokxani, na Medani, na Midiani, na Ixibake, Xua. Na barisanyana ba ka Jokxani: Xeba, na Dedani.
- 33 Ni barisanyana ba ka Midiani: Efa, na Eferi, na Hanoke, na Abida, na Elda. Laba bonkle barisanyana ba Ketura.
- 34 Na Abrahamama i lo trala Isaka. Ni barisanyana ba ka Isaka: nzi Esau, na Israeli.
- 35 Ni barisanyana ba ka Esau: Elifaze, Reueli, na Jeuxa, na Jalama, na Kora.
- 36 Ni barisanyana ba ka Elifaze: Temane, na Omare, na Zefi, na Gatama, na Keneza, na Timna, na Amaleki.
- 37 A barisanyana ba ka Reueli: Nahata, Zera, Xamma, na Miza.
- 38 Ni barisanyana ba ka Seire: Lotani, na Xobala, na Zibeoni, na Ana, na Dixoni, na Ezeri, na Dixani.
- 39 Ni barisanyana ba ka Lotani: Hori, na Homama; na Timna i wa hi makweru wa Lotani.
- 40 Ni barisanyana ba ka Xobala: Aliani, na Manahate, na Ebala, na Xefi, na Onama. Ni barisanyana ba ka Zibeoni: Aia, na Ana.
- 41 Laba hi barisanyana ba Ana: Dixoni. Ni barisanyana ba ka Dixoni: Hamrani, na Exbani, na Itrana, na Cerani.

- 42 Ni barisanya ba ka Ezeri : Bilhani, na Zaavani, Jaakani. Ni barisanyana ba ka Dixani : Uza, na Arana.
- 43 Makunu leti hi tihosi leti ti nga wa fumile lomo tikweni ga Edome, hi mahlweni na ku nga seku fuma a hosi hehla ka banana ba ka Israeli : Bela a nisanyana wa Beora ; ni bito ga muti wa yena wu wa Dinhaba.
- 44 Na Bela i lofa, na Jobaba a nisanyana wa Zera wa le Bozra i lo fuma xikundleni xa yena.
- 45 Na Jobaba i lofa, na Huxama wa le tikweni ga ma Temane i lo fuma lomu xikundleni xa yena.
- 46 Na Huxama i lofa, na Hadade a nisanyana wa Bedade, loye a nga wa hlasele Midiani le mikobeni ya le Moabi, i lo fuma xikundleni xa yena ; ni bito ga muti wa yena ku wa hi Avita.
- 47 Na Hadade i lofa, na Samla wa le Masreka i lo fuma lomo xikundleni xa yena.
- 48 Na Samla i lofa, na Xaule wa le Rehobote hile Congweni i lo fuma lomo xikundleni xa yena.
- 49 Na Xaule i lofa, na Baal-hanana a nisanyana wa Akborai lo fuma lomo xikundleni xa yena.
- 50 Na Baal-hanana i lofa, na Hadade i lo fuma lomo xikundleni xa yena ; ni bito ga muti wa yena ku wa hi Pai : ni bito ga sati wa yena ku wa Mehatabule, a nhanyana wa Matrede, a nhanyana wa Mezahaba.
- 51 Na Hadade i lofa.
Ni tihosi ta ka Edome ti wa hi tihosi ta kona, Timna, a hosi Alia, a hosi Jetete.
- 52 Hosi Oholibama, hosi Ela, hosi Pinona.
- 53 Hosi Keneza, hosi Temane, hosi Mibzare.
- 54 Hosi Magdieli, hosi Irama. Leti hi tihosi ta ka Edome.
- 4 Na Tamara a katanwana wa yena i lo tralela yena Perezi na Zera. Bonkle barisanyana ba Juda ba wa hi nklanu.
- 5 A barisanyana ba Perezi : Hezroni, na Hamula.
- 6 Ni barisanyana ba ka Zera : Zimri, na Etane, na Hemani, na Kalkole, na Dara ; ba wa hi nklanu ka bonkle.
- 7 Ni barisanyana ba ka Karmi : Akare, a mukarati wa ka Israeli, loye a nga wa mahile zihambuko hi zilo si nyikelisilweko.
- 8 Ni barisanyana ba ka Etane : Azaria.
- 9 Ni barisanyana ba ka Hezroni, labo ba nga wa tralelwe ka yena : Jerahmeeli, na Rama, na Celubai.
- 10 Na Rama i lo trala Aminadaba, na Aminadaba i lo trala Nahxoni, a hosana ya banana ba ka Juda ;
- 11 Na Nahxoni i lo trala Salma, na Salma i lo trala Boazi,
- 12 Na Boazi i lo trala Obedi, na Obedi i lo trala Jese ;
- 13 Na Jese i lo trala a matewula ya yena Eliabe, na Abinadaba a wugamele, na Ximea wa wunharu,
- 14 Na Netaneli a wa wumune, Radai wa wunklanu,
- 15 Ozemi a wa wunklanu ni munwe, Davida wa wunklanu ni bambiri ;
- 16 Ni bamakweru babye Zeruia na Abigaili. Ni barisanyana ba ka Zeruia : Abixai, na Joabe, na Asaheli, mbanharu.
- 17 Na Abigaili i lo trala Amasa ; ni dadani wa Amasa i wa hi Jetera a mu Ixmaeli.
- 18 Na Kalebi a nisanyana wa ka Hezroni i lo trala ha Azuba a sati wa yena, na Jeriote ; ni laba ba wa hi barisanyana ba yena : Jexera, Xobaba, na Ardoni.
- 19 Na Azuba i lofa, na Kalebi i lo teka ka yena Efrate, loye a nga wa tralele vena Hura.
- 20 Na Hura i lo trala Uri, na Uri i lo trala Bezaleli.
- 21 A nzako ka lezo Hezroni i engena ka nhanyana wa ka Macira a dadani wa Gileade loye a nga wa mu tekile sati lalo yena a nga wa hi nklanu ni giwe makume malembe a wukale ; na yena i lo tralela yena Seguba.
- 22 Na Seguba i lo trala Jaira, loye a nga wa hi ni makume bambiri ni minharu a miti lomo tikweni ga Gileade.
- 23 Gexura na Arama ba lo teka a mita-

XIPIMO 2.

- 1 Laba hi barisanyana ba ka Israeli : Rubeni, Simconi, Levi, Juda, Isakara, na Zebuluni.
- 2 Dani, Josefa, na Benjamini, Naftali, Gadi, na Averi.
- 3 A barisanyana ba ka Juda : Eri, na Omani, na Nola ; laba ba banharu ba wa tralelwe ka ha Xa a nhanyana wa mu Kensani. Na Eri a matewula va Juda, i wa hi wa kateba kuwoneni ka Jehova ; na vana i lo daya yena.

- nyana ya ka Jaira hi le ka bona, ziwe ni Kenate ni mitana ya kona, yona nklanu ni giwe a makume a miti, yonkle yi wa hi ya barisanyana ba ka Macira a dadani wa Gileade.
- 24 Ni nzako ka lezo Hezroni i lofa le Kaleb-ifrate, zonake Abija a sati wa Hezroni i lo tralela yena Axhura a dadani wa Tekoa.
- 25 Ni barisanyana ba Jerahmeeli : a matewula ya Hezroni, ku wa hi Rama a matewula, na Buna, na Oreni, na Ozemi, na Ahija.
- 26 Na Jerahmeeli i wa hi ni muzwani wasati, loye a bito a nga Atara ; yena i wa hi mamani wa Onama.
- 27 Ni barisanyana ba Rama a matewula ya Jerahmeeli ku wa hi Maaza, na Jamina, na Ekeru.
- 28 Ni barisanyana ba ka Onama ba wa hi Xammal na Jada. Na barisanyana ba Xammal : Nadabe, na Abixura.
- 29 Ni bito ga sati wa Abixura ku wa hi Abibaile ; na yena i lo tralela yena Ahbana, na Molida.
- 30 Ni barisanyana ba ka Nadabe : Seleda, na Appaime ; kanilezi Seleda i lofa na a nga hi na banana.
- 31 Ni barisanyana ba ka Appaime : Ixi. Ni barisanyana ba ka Ixi : Xexana. Ni barisanyana ba Xexana, Ahlal.
- 32 Ni barisanyana ba ka Jada a makabye wa Xammal : Jetera, na Jonatani ; na Jetera i lofa na nga hi na banana.
- 33 Ni barisanyana ba ka Jonatani : Pelete, na Zaza. Laba hi barisanyana ba Jerahmeeli.
- 34 Makunu Xexana i wa nga hi na barisanyana, kanilezi mbanhanyana. Na Xexana i wa hi ni nanza ga mu Gipite, loye a bito a nga wa hi Jarha.
- 35 Na Xexana i lo nyika a nhanyana wa yena ka Jarha nanza yakwe a sati ; na yena i lo tralela yena Attai.
- 36 Na Attai i lo trala Natani, na Natani i lo trala Zabada.
- 37 Na Zabada i lo trala Efiata, na Efiata i lo trala Obedi,
- 38 Na Obedi i lo trala Jehu, na Jehu i lo trala Azaria,
- 39 Na Azaria i lo trala Helezi, na Helezi i lo trala Eleasa,
- 40 Na Eleasa i lo trala Sismai, na Sismai i lo trala Xalluma,
- 41 Na Xalluma i lo trala Jekamia, na Jekamia i lo trala Elixama.
- 42 Ni barisanyana ba Kalebi a makabye wa Jerahmeeli ku wa hi Mexa a matewula ya yena, loye a nga wa hi dadani wa Zife ; ni barisanyana ba ka Marexa a dadani wa Hebroni.
- 43 Na barisanyana ba Hebroni : Kora na Tappua, na Rekema, na Xema.
- 44 Na Xema i lo trala Rahama, a dadani wa Jorkeama ; na Rekema i lo trala Xammal.
- 45 Ni barisanyana ba ka Xammal ku wa hi Maoni ; na Maoni i wa hi dadani wa Bet-zura.
- 46 Na Efa, a mundlukulu wa Kalebi, wu lo trala Harani, na Moza, na Gazeze ; na Harani i lo trala Gazeze.
- 47 Ni barisanyana ba ka Jahdai : Regema, na Jotani, na Gexani, na Pelete, na Efa, na Xaafa.
- 48 Maaka, a mundlukulu wa Kalebi i lo trala Xebera, na Tirhana.
- 49 Yenawu kambe i lo trala Xaafa a dadani wa Madmanna, na Xeva a dadani Makbena, ni dadani wa Gibea ; ni nhanyana wa Kalebi i wa hi Aksa.
- 50 Laba ba wa hi barisanyana ba ka Kalebi, a nisanyana wa Hura, a matewula ya Efrate : Xobala dadani wa Kiriat-jearimu,
- 51 Salma a dadani wa Betlehema, Harafa dadani wa Bet-gadera.
- 52 Na Xobala a dadani wa Kiriat-jearimu i wa hi ni barisanyana : Haroa, a kihlanya ga Menuhote.
- 53 Ni mingango ya ka Kiriat-jearimu : a ma Itri, ni ma Puti, ni ma Xumate, ni ma i Mixrai ; a ka bona ku lota a ma Zorate ni ma Extali.
- 54 A barisanyana ba ka Salma : Betlehema na Betofate, Atrot-bet-Joabe, ni kihlanya ha Manabate, a ma Zora.
- 55 Ni mingango ya batsali labo ba nga wa tsama le Jabeza : a ma Tirate, a ma Ximeate, a ma Sukate. Laya hi ma Keni lawo ma nga wa tile le Hamate a dadani wa yindlu ya ka Rekabe.

XIPIMO 3.

- 1 Makunu laba hi barisanyana ba Davida, labo ba nga wa trelelwe ka yena le Hebroni : a matewula, Ammoni, wa Ahinoame a mu Jezreeli : a wa wumbiri, Daniele, wa ka Abigaili a mu Karmeli ;
- 2 A wa wunharu, Absalome nisanyana wa Maaka a nhanyana wa Talmai

- a hosi ya le Gexura; a wa mune, Adonija a nisanyana wa Haggite;
- 3 A wa wun~~kl~~anu, Xefatia wa ka Abitali; a wa n~~kl~~anu ni mu~~n~~we, Itreama ha Egla sati wa yena;
 - 4 N~~kl~~anu ni mu~~n~~we ba nga wa tralelwe ka yena le Hebroni; leyo yena i lo fuma n~~kl~~anu ni mambiri malembe ni n~~kl~~anu ni yinwe a tihweti. Le Jerusalem a i lo fuma makume manharu ni manharu malembe;
 - 5 Ni laba hi laba ba nga wa trelwe ka yena lomo Jerusalem: Ximea, na Xobaba, na Natani, na Solomoni, mune, ba ka Bete-xua a nbanyana wa Ammieli;
 - 6 Na Ibbara, na Elixama, na Elifelete,
 - 7 Na Noga, na Nafega, na Jafia,
 - 8 Na Elixama, na Eliada, na Elifelete, n~~kl~~anu ni mune.
 - 9 Bon~~kl~~e laba ba wa hi barisanyana ba ka Davida, hi lahandle ka barisanyana ba mundlukulu; na Tamara i wa hi makweru wabye.
 - 10 Ni nisanyana wa ka Solomoni i wa hi Rehoboamu, Abija nisanyana wa yena, Asa nisanyana wa yena, Jehoxafate nisanyana wa yena,
 - 11 Joram nisanyana wa yena, Ahazia nisanyana wa yena, Joaxi nisanyana wa yena,
 - 12 Amazia nisanyana wa yena, Azaria nisanyana wa yena, Jotamu nisanyana wa yena,
 - 13 Ahaza nisanyana wa yena, Hezekia nisanyana wa yena, Manasa nisanyana wa yena,
 - 14 Amoni nisanyana wa yena, Josia nisanyana wa yena.
 - 15 Ni barisanyana ba ka Josia: a matewula Johanani, a wo gamela, Jehoiakimu, a wa wunharu, Zedekia, a wa wume, Xalluma.
 - 16 Ni barisanyana ba ka Jehoiakimu: Jekonia nisanyana wa yena, Zedekia nisanyana wa yena.
 - 17 Ni barisanyana ba ka Jekonia, a bakonwi: Xealtieli nisanyana wa yena.
 - 18 Na Malxirama, na Pedaia, na Xinzare, Jekamia, Hoxama, na Nedabia.
 - 19 Ni barisanyana ba ka Pedaia: Zerubabeli, na Ximei. Ni barisanyana ba ka Zerubabeli: Mexullamu, na Hanania; na Xelomite i wa hi makweru wabye;
 - 20 Na Haxuba, na Ohela, na Beracia, na Hasadia na Juxa-heseda, n~~kl~~anu.
 - 21 Ni barisanyana ba ka Hanania: Pe-

- latia, na Jexaia; ni barisanyana ba ka Refaia, ni barisanyana ba ka Arnana, a barisanyana ba ka Obadia, ni barisanyana ba ka Xekania.
- 22 Ni barisanyana ba ka Xekania: Xemaia. Ni barisanyana ba ka Xemaia: Hattuxa, na Igali, na Baria, na Nearia, na Xafate, n~~kl~~anu ni mu~~n~~we.
 - 23 Ni barisanyana ba ka Nearia: Elioenai, na Hizkia, na Azrikamu, manharu.
 - 24 Ni barisanyana ba Elioenai: Hodavia, na Eliaxiba, na Pelaia, na Akkuba, na Johanani, na Delaia, na Anani, n~~kl~~anu ni mambiri.

XIIMO 4.

- 1 A barisanyana ba ka Juda: Perezzi, Hezroni, na Karmi, na Hura, na Xobala.
- 2 Na Reaia a nisanyana wa Xobala i lo trala Jahate; na Jahate i lo trala Ahumai na Lahada. Leyi hi mingango ya ma Zorate.
- 3 Ni laba hi barisanyana ba dadani wa Etama: Jezreeli, a Ixma, na Idbaxa; ni bito ga makweru wabye i wa hi Hazzalelponi;
- 4 Na Penueli a dadani wa Gedora, na Ezeri dadani wa Huxa. Laba hi barisanyana ba Hura, a matewula i wa hi Efrate, a dadani wa Betlehema.
- 5 Na Axhura a dadani wa Tekoa i wa hi ni basati bambiri, Hela na Naara.
- 6 Na Naara i lo tralela yena Ahuzzama, na Hefera, na Temeni, na Hahaxtari. Laba ba wa hi barisanyana ba Naara.
- 7 Ni barisanyana ba Hela ku wa Zereita, Izhare, na Etnane.
- 8 Na Hakkoza i lo trala a Anuba, na Zobeba, ni mingango ya ka Aharheli a nisanyana wa Haruma.
- 9 Na Jabeza i wa dzunzekile ku hunza bamakabye ba yena: ni mamani wa yena i lo cula bito ga yena Jabeza, aku, Hakuba mina nzi lo trala yena hi hlomulo.
- 10 Na Jabeza i lo bitana a Nungungulu wa ka Israeli, aku, O lezaku wena u wa ta nga u katekisile mina ha kunene, ni ku engetela a mbingano wa mina, ni lezaku a canja ga wena gi wa ta nga gi hi zinwe na mina, ni lezaku wena u wa ta nga u hlayisa mina kubiheni, kasi ku fela a akuba ku ngabe a hlokiso ka mina! Na

- Nungungulu i lo vumela ka yena lo-
ko a ku wutisileko.
- 11 Na Celuba a makabye wa Xuha i lo
trala Mehira loye a nga wa hi dada-
ni wa Extoni.
- 12 Na Extoni i lo trala Bet-rafa, na Pa-
sea, na Tehinna, a dadani wa Ir-na-
haxe. Laba hi ba banuna ba le Re-
ka.
- 13 Ni barisanyana ba ka Keneza: Otni-
eli, na Seraia. Ni barisanyana ba
Otnieli: Hatati.
- 14 Na Meonotai i lo trala Ofra: na Se-
raia i lo trala Joabe a dadani wa Ge-
haraxima; hakuba mbabanuna ba
mbaklo.
- 15 A barisanyana ba Kalebi a nisanyana
wa Jefuua: Iru, Ela, na Naama;
ni barisanyana ba ka Ela; na Ke-
neza.
- 16 Ni barisanyana ba ka Jehallalela:
Zife, na Zifa, na Tiria, na Asureli.
- 17 Ni barisanyana ba ka Ezra: Jetera,
na Merede, na Eferi, na Jaloni; na
yena i lo trala Miriamu, na Xammai,
na Ixha a dadani wa Extemoa.
- 18 Ni sati wa yena wa mu Juda i lo
trala Jerede a dadani wa Gedora,
na Hebera a dadani wa Soko, na Je-
kutieli a dadani wa Zanoa. Ni laba
hi barisanyana ba Bitia a nbanya-
na wa Faro, loye Merede a nga wa
tekile.
- 19 Ni barisanyana ba sati wa Hodia, a
makweru wa Nahama, i wa hi da-
dani wa Keila a mu Garmete, na
Extemoa a mu Maakate.
- 20 Ni barisanyana ba ka Ximoni:
Ammoni, na Rinna, na Ben-hanani,
na Tiloni. Ni barisanyana ba ka
Ixi: Zohate, na Ben-zohate.
- 21 Ni barisanyana ba ka Xela a nisanya-
na wa Juda: Era a dadani wa Leka,
na Laada a dadani wa Marexa, ni
mingango ya tindlu ta bona labo ba
nga wa kata wukene, a ba ka yindlu
ya ka Axbea;
- 22 Na Jokimu, ni ba banuna ba le Ko-
zeba, na Joaxi, na Sarafa, loye a nga
wa hi ni mufumo le Moabi, na Ja-
xubilehema. Ni kumbuxeto lowu
ngwakale.
- 23 Laba hi bawumbi, ni baakileko ba le
Netaime ni Gedera: leyo ba lo aka
ni hosi ni tiro wa yona.
- 24 Ni barisanyana ba ka Simeoni:
Namuela, na Jamina, Jariba, Zera,
Xaule;
- 25 Xalluma a nisanyana wa yena, Mi-
[Sheetswa]
- bsamu a nisanyana wa yena, Mixma
a nisanyana wa yena.
- 26 Ni barisanyana ba ka Mixma: Ha-
mmueli a nisanyana wa yena, Ze-
kura a nisanyana wa yena, Ximei
nisanyana wa yena.
- 27 Na Ximei i wa hi ni kume ni nklanu
ni muzwe barisanyana, ni nklanu ni
munwe banlhanyana; kanilezi a ba-
makabye ba yena ba wa nga hi ni
banana ba ku tala, ge hambu a mi-
ngango yabye a yi enzelekelangi ku
fana ni mingango ya ka Juda.
- 28 Na bona ba lo tsama le Berexeba,
ni le Molada, ni le Hazara-xuala,
- 29 Ni le Bilha, ni le Ezema, ni le Tola-
da,
- 30 Ni le Betueli, ni le Horma, ni le Zi-
klagi,
- 31 Ni le Bet-markabote, ni le Hazara-
susima, ni le Bet-biri, ni le Xaraime.
Leyi yi wa hi miti yabye kala kufu-
meni ka Davida.
- 32 Ni zimitana za bona ku wa hi Eta-
ma, ni Aini, Rimmoni, ni Tokeni, ni
Axani, nklanu wa miti;
- 33 Ni yonkle a mitana yabye leyi yinga
wa ranzele ywaleyi a miti, kala Ba-
ali. Leyi ku wa hi wuakelo gabye,
na bona ba wa hi ni wuzukulu ga-
bye.
- 34 Na Mexobaba, na Jamleke, na Joxa
a nisanyana wa Amazia,
- 35 Na Joeli, na Jehu a nisanyana wa
Joxibia, a nisanyana wa Seraia, a
nisanyana wa Asieli,
- 36 Na Elioenai, na Jaakoba, na Jexo-
hala, na Isaya, na Adieli, na Jesimi-
eli, na Benaia,
- 37 Na Ziza, a nisanyana wa Xifi, a ni-
sanyana wa Alloni, a nisanyana wa
Jedaia, a nisanyana wa Ximri, a ni-
sanyana wa Xemaia.
- 38 Laba ba kumbukilweko hi mabito
ba wa hi tihosana lomu mingangweni
yabye: ni tindlu ta badadani babye
ti wa ku enzelekelano ha hombe
nguvu.
- 39 Na bona ba loya le wuengenweni ga
le Gedora, kwaleyo kletweni ga mu-
tsuwukagambo ga koba, a ku laba a
wuriselo ga miklambi yabye.
- 40 Na bona ba lo kuma a wuriselo gatsi
ni go saseka, ni tiko gi wa anamile,
na gi lalile, na gi rutisilwe; labo ba
nga wa akile leyo hi xikati xa ma-
hlweni ba wa hi ba ka Hamu.
- 41 Laba ba tsalilweko hi mabito ba lo-
ta le masikwini ya Hezekia a hosi ya

ka Juda, ba lo hlasela a matenta ya-bye, ni Meunime laya ma nga wa kumilwe leyo, ba lo lobisa wona hi ku mbetisilweko kala legi siku, ba lo tsama lomo nzaweni yabye; layo ku wa hi kona laho a wuriselo ga mklambe yabye.

42 Ni banwani ba bona, bona ba barisanyana ba ka Simeoni, a nkhanu wa mazana ya ba banuna, ba loya le xitsungeni Seira, na ba wa hi ni tinduna tabye Pelatia, na Nearia, na Refaia, na Uziele, a barisanyana ba ka Ixi.

43 Na bona ba lo hlasela a misalela ya ma Amaleki labo ba nga wa ponile, a ba nga wa akile leyo kala legi siku.

XIPIMO 5.

1 Ni barisanyana ba ka Rubeni a matewula ya ka Israeli (hakuba i wa hi matewula, kanilezi, kwatsi hi lezi yena a nga wa nyenyezisile a mubedi wa dadani wa yena, a wutewula ga yena gi wa nyikilwe ka barisanyana ba ka Josefa a nisanyana wa ka Israeli, ni wuzukulu a gi timulwi kwatsi hi nzako ka wutewula.

2 Hakuba Juda i wa lo humelela hehla ka bamakabye ba yena, hi ka yena ku lo huma a hosana; kanilezi a wutewula gi wa hi ga Josefa),

3 Ni barisanyana ba ka Rubeni a matewula ya ka Israeli: Hanoke, na Palu, Hezroni, na Karmi.

4 Ni barisanyana ba ka Joeli; Xemaia a nisanyana wa yena, Gogo a nisanyana wa yena, Ximeia a nisanyana wa yena,

5 Mika nisanyana wa yena, Reaia nisanyana wa yena, Baali nisanyana wa yena,

6 Beera nisanyana wa yena, loye Tilgate-pilnesera a hosi ya le Asiria a nga wa komile a hloko: yena i wa hi hosana ya ka Rubeni.

7 Ni bamakabye babye hi mingango yabye, ni laha a wuzukulu ga zizukulwana zabye gi hlambanyisilwe: a hosi, Jeieli, na Zakaria,

8 Na Bela a nisanyana wa Azaza, a nisanyana wa Xema, a nisanyana wa Joeli, loye a akileko leyo Aroera, kona le Nebo ni le Baal-meoni:

9 Le mutsuwukagambo yena i lo aka kala wuengenweni ga xiwula kuya le congweni Eufate, hakuba a tihomu tabye ti wa enzelekelene le tikweni ga le Gileade.

10 Ni le masikwini ya ka Saule, bona ba lo maha impi ni ma Hagrete, la-wo ma nga wa wile hi canja gabye; na bona ba wa lo aka lomo matente ni yabye ka gonkle a tiko ga le Gileade.

11 Ni barisanyana ba ka Gadi ba lo aka klatuko wa xungetano zinwe nabo, le tikweni ga le Baxani kala le Saleka:

12 Joeli a hosana, na Xafani a wo gamela, na Janai, na Xafate le Baxani.

13 Ni bamakabye babye ba tindlu ta badadani babye: Mikaeli, na Mexullamu, na Xeba, na Jorai, na Jakani, na Zia, na Eberi, nkhanu ni bam-biri.

14 Laba ba wa hi barisanyana ba Abihaili, a nisanyana wa Huri, a nisanyana wa Jaroa, a nisanyana wa Gileade, a nisanyana wa Mikaeli, a nisanyana wa Jexixai, a nisanyana wa Jahdo, a nisanyana Buza;

15 Ahi a nisanyana wa Abdieli, a nisanyana wa Guni, a hosana ya tindlu ta badadani babye.

16 Na bona ba lo aka le Gileade leyo Baxani, ni lomo mutini, ni ka wonkle mazunze ya le Xaroni, kwatsi hi wukule ga le mimbiningano yabye.

17 Bonkle laba ba wa hlambanyiselwe hi wuzukulu masikwini ya Jotamu a hosi ya ka Juda, ni masikwini ya Jeroboamu a hosi ya ka Israeli.

18 Ni barisanyana ba ka Rubeni, ni ma Gadi, ni kihlanya ga lixaka la ka Manasa, ba banuna ba tinhenha, a ba banuna ba zi kotako a ku koma a tingenge ni maklari, ni ku fula hi mawura, a banhu ba klarhisilweko kulweni, ba wa hi mune wa makumeni mune ya kume ga mazana ni nkhanu ni mambiri a mazana ni nkhanu ni ginwe makume, labo ba nga wa zi kota ku huma ba hlama baya impini.

19 Na bona ba lo maha impi ni ma Hagrete, zinwe na Jetura, na Nodaba.

20 Na bona ba wa lo vunetelwa a ku vukela bona, ni ma Hagrete ma wa lo nyikelwa le canjeni gabye, ni bonkle labo ba nga wa hi zinwe na bona; hakuba ba lo rila ka Nungungulu le kulweni, na yena i wa lo ingisa ha bona, hakuba bona ba wa lo beka kutsumba kabye ka yena.

21 Na bona ba lo gotsela a tihomu ta-bye; ni makameli yabye nkhanu wa makume ya kume ga mazana, a tiyiyivu mazana mambiri ni nkhanu wa

- makume ya kume ga mazana, ni tmbongola mambiri kume ga mazana, na hi banhu i zana ga kume ga mazana.
- 22 Hakuba laho ku wa lowa banyingi ba nga wa delwe, hakuba a impi yi wa hi ya Nungungulu. Na bona ba lo aka le nzaweni yabye kala hi kukonweni kabye.
- 23 Ni banana ba kihlanya ga lixaka laka Manasa ba lo aka lomo tikweni: bona ba lo enzelekelana ku sukela Baxani kala Baal-hermoni ni le Senira ni le xitsungeni Hermoni.
- 24 Leti ku wa hi tihloko ta tindlu ta badadani babye: yena Efa, na Ixi, na Elieli, Azrieli, na Jeremia, na Hodavia, na Jahdieli, a ba banuna ba tinhenha ta kulwa, a ba banuna ba dumileko, a tihloko ta tindlu ta badadani babye.
- 25 Na bona ba lo kubeka ba vukela a Nungungulu wa badadani babye, ba lo hlakana hi wubayi ba lanzela a ba banungungulu ba banhu ba tiko, labo Nungungulu a ba lobisileko mahlweni ka bona.
- 26 Ni Nungungulu wa ka Israeli i lo vuxela a moya wa ka Pule a hosi ya le Asiria, ni moya wa Tilgate-pilnecera a hosi ya le Asiria, yena i lo koma bona bakonwi, wona ma Rubeni, ni ma Gadi, ni kihlanya ga lixaka la ka Manasa, i lo neha bona le Hala, ni Habora, ni le Hara, ni le congweni ga Gozani, kala legi siku.

XIPIMO 6.

- 1 A barisanyana ba ka Levi: Gerxomi, na Kohate, na Merari.
- 2 Ni barisanyana ba ka Kohate: Amrama, Izhare, na Hebroni, na Uziele.
- 3 Ni barisanyana ba ka Amrama: Aroni, na Mosi, na Miriamu. Ni barisanyana ba ka Aroni: Nadabe, na Abihu, Eleazare, na Itamare.
- 4 Na Eleazare i lo trala Fineasi, na Fineasi i lo trala Abixua.
- 5 Na Abixua i lo trala Buki, na Buki i lo trala Uzzi,
- 6 Na Uzzi i lo trala Zerahia, na Zerahia i lo trala Meraiote,
- 7 Na Meraiote i lo trala Amaria, na Amaria i lo trala a Ahituba,
- 8 Na Ahituba i lo trala Zadoke, na Zadoke i lo trala Ahimaaze,
- 9 Na Ahimaaze i lo trala Azaria, na Azaria i lo trala Johanani,
- 10 Na Johanani i lo trala Azaria (hi ye-

- na loye a nga wa tsama a wupristi lomo ndlwini ya Solomoni yi nga wa akilwe le Jerusalema),
- 11 Na Azaria i lo trala Amaria, na Amaria i lo trala Ahituba,
- 12 Na Ahituba i lo trala Zadoke, na Zadoke i lo trala Xalluma,
- 13 Na Xalluma i lo trala Hilkia, na Hilkia i lo trala Azaria,
- 14 Na Azaria i lo trala Serala, na Serala i lo trala Jehozadaki;
- 15 Na Jehozadaki i lo konwa wuhloko, laha Jehova a nga wa komile Juda ni Jerusalema hi canja ga Nebukadnezzare.
- 16 A barisanyana ba ka Levi: Gerxomi, Kohate, na Merari.
- 17 Laya hi mabito ya barisanyana ba ka Gerxomi: Libni na Ximei.
- 18 Ni barisanyana ba ka Kohate ku wa hi Amrama, na Izhare, na Hebroni, na Uziele.
- 19 Ni barisanyana ba ka Merari: Mahli, na Muxi. Ni leyi hi mingango ya ka Levi kukotisa hi tindlu ta badadani babye.
- 20 Ka ba ka Gerxomi: Libni a nisanyana wa yena, Jahate a nisanyana wa yena, Zimna a nisanyana wa yena.
- 21 Joa a nisanyana wa yena, Iddo a nisanyana wa yena, Zera a nisanyana wa yena, Jeaterai a nisanyana wa yena.
- 22 Ni barisanyana ba ka Kohate: Aminadaba a nisanyana wa yena, Kora a nisanyana wa yena, Assira a nisanyana wa yena,
- 23 Elkana a nisanyana wa yena, Ebiasafa a nisanyana wa yena, na Assira a nisanyana wa yena,
- 24 Tahate a nisanyana wa yena, Urieli a nisanyana wa yena, na Uzzia a nisanyana wa yena, na Xaule a nisanyana wa yena.
- 25 Ni barisanyana ba ka Elkana: Amasai, na Ahimote.
- 26 Kwatsi hi Elkana, a barisanyana ba ka Elkana: Zofai a nisanyana wa yena, na Nahate a nisanyana wa yena,
- 27 Eliabe a nisanyana wa yena, Jerohamu a nisanyana wa yena, Elkana a nisanyana wa yena.
- 28 Ni barisanyana ba ka Samuelli: a matewula, ku wa hi Joeli, ni nzisana ku wa hi Abija.
- 29 Ni barisanyana ba ka Merari: Mahli, Libni a nisanyana wa yena, Ximei a nisanyana wa yena, na Uzza a nisanyana wa yena.

- 30 Ximeca a nisanyana wa yena, Hagia a nisanyana wa yena, na Asaia a nisanyana wa yena.
- 31 Laba hi bona laba Davida a nga wa ba wumbele hehla ka nkozi ya kuyimbelela le ndlwini ya ka Jehova, a nzako ka kuba a arke gi kumele a nzawu.
- 32 Na bona ba lo kozela hi kuyimbelela mahlweni ka tabernakele ga tenta ga muklangano, kala Solomoni a akile a yindlu ya ka Jehova lomu Jerusalema, na bona ba lo tsama lomo wutsanweni gabye kukotisa hi kuxaxametwa kabye.
- 33 Ni laba hi bona labo ba nga wa xamele, ni barisanyana banye, ni barisanyana ba ka Kohate: Hemania muyimbeleli, a nisanyana wa Joeli, a nisanyana wa Samueli,
- 34 A nisanyana wa Elkana, a nisanyana wa Jerohamu, a nisanyana wa Elieli, a nisanyana wa Toa,
- 35 A nisanyana wa Zufa, a nisanyana wa Elkana, a nisanyana wa Mahate, a nisanyana wa Amasai,
- 36 A nisanyana wa Elkana, a nisanyana wa Joeli, a nisanyana wa Azaria, a nisanyana wa Zefania,
- 37 A nisanyana wa ka Tahate, a nisanyana wa ka Assira, a nisanyana wa ka Ebiasafa, a nisanyana wa Kora,
- 38 A nisanyana wa ka Izhare, a nisanyana wa Kohate, a nisanyana wa Levi, a nisanyana wa Israeli.
- 39 Ni makabye wa yena Asafa, loye a nga wa yimile canjeni ga yena ga xinene, yena Asafa a nisanyana wa Berecia, a nisanyana wa Ximeca,
- 40 A nisanyana wa Mikaeli, a nisanyana wa Baaseia, a nisanyana wa Malkija,
- 41 A nisanyana wa Etni, a nisanyana wa Zera, a nisanyana wa Adala,
- 42 A nisanyana wa Etane, a nisanyana wa Zimma, a nisanyana wa Ximeci,
- 43 A nisanyana wa Jahate, a nisanyana wa Gerxomi, a nisanyana wa Levi.
- 44 Na hi ka canja ga xibaba a bamakabye banye a barisanyana ba Merari: Etane a nisanyana wa Kixi, a nisanyana wa Abdi, a nisanyana wa Malluka,
- 45 A nisanyana wa Haxabia, a nisanyana wa Amazia, a nisanyana wa Hilkia,
- 46 A nisanyana wa Amzi, a nisanyana wa Bani, a nisanyana wa Xemera,
- 47 A nisanyana wa Mahli, a nisanyana wa Muxi, a nisanyana wa Merari, a nisanyana wa Levi.
- 48 Ni bamakabye banye a ba ka Levi ba wa yimiselwe a nkozi yonke ya tabernakele ya yindlu ya ka Jehova.
- 49 Kanilezi Aroni ni barisanyana ba yena ba lo nyikela hehla ka alati a munyikelo wa kuhiswa, ni hehla ka alati ga libani, ka wonke a tiro wa wutsamo gi hunzeleleko ku basa, ni ku maha a nzhiho ka ka Israeli, kukotisa hi ka zonke lezo Mosi a nanza ga Nungungulu a leleteleko.
- 50 Ni laba hi barisanyana ba ka Aroni: Eleazare a nisanyana wa yena, Fineasi a nisanyana wa yena, Abixua a nisanyana wa yena,
- 51 Buki a nisanyana wa yena, Uzzi a nisanyana wa yena, Zerabia a nisanyana wa yena,
- 52 Meraiote a nisanyana wa yena, Amaria a nisanyana wa yena, Abituba a nisanyana wa yena,
- 53 Zadoke a nisanyana wa yena, Ahimaza a nisanyana wa yena.
- 54 Makunu legi hi wutsamo ga kuka kabye kukotisa hi kugoba kabye lomo mimbinganweni yabye: a ka barisanyana ba ka Aroni a ba le mingangweni ya ka Kohate (hakuba a hlolo yabye yi wa hi ya kuranga),
- 55 Ka bona ku wa nyikilwe Hebroni lomo tikweni ga ka Juda, ni mazunze ya kona na ranzeleko kona;
- 56 Kanilezi a masimu ya muti, ni zimutana za kona bona ba lo nyika ka Kalebi a nisanyana wa Jefuna.
- 57 Ni ka barisanyana ba ka Aroni bona ba lo nyika a miti ya wucabelo, Hebroni; Libua kambe zinwe ni mazunze ya kona na Jattira, na Extemoa zinwe ni mazunze ya kona,
- 58 Na Hileni zinwe ni mazunze ya kona, Debira zinwe ni mazunze ya kona,
- 59 Ni Axani zinwe ni mazunze ya kona, ni Bete-xemexe zinwe ni mazunze ya kona;
- 60 Ni le lixakeni laka Benjamini, Geba zinwe ni mazunze ya kona, ni Alletete zinwe ni mazunze ya kona, ni Anatote zinwe ni mazunze ya kona, Yonke a miti yabye ya yonke a mingango yabye i kume ni minharu a miti.
- 61 Ni ka bonke a barisanyana ba ka Kohate ba seleko ba wa lo nyikiwa hi tihlolo, hi lomo ngangweni wa lixaka, hi lomo ngangweni wa kihla-

- nya ga lixaka, a kihlanya ga ka Manasa, kume ga miti.
- 62 Ni ka barisanyana ba ka Gerxomi, kukotisa hi ka mingango yabye, hi ka lixaka la ka Isakare, ni ka lixaka la ka Axera, ni ka lixaka la ka Naftali, ni ka lixaka la ka Manasa lomo Baxani, kume ni minharu a miti.
- 63 Ni ka barisanyana ba ka Merari ba wa nyikilwe hi tihlolo, kukotisa hi ka mingango yabye, hi lomo lixakeni la ka Rubeni, ni lomo lixakeni la ka Gadi, ni ka lixaka la ka Zebuluni, kume ni mimbiri a miti.
- 64 Ni banana ba ka Israeli ba lo nyika ka lixaka la ka Levi a miti ni mazunze ya kona.
- 65 Na bona ba lo nyika hi tihlolo hi lomo ka lixaka la banana ba ka Juda, ni lomo ka lixaka la banana ba ka Simeoni, ni lomo ka lixaka la banana ba ka Benjamini, a miti ley i kumbukilweko hi mabito.
- 66 Ni banwani ba mingango ya barisanyana ba ka Kohate ba wa hi ni miti ya minbingano yabye hi lomo lixakeni la ka Efraime.
- 67 Ni bona ba lo nyika ka bona a miti wa wucabelo, Xekemi lomo tikweni ga mitsuri ya ka Efraime zinwe ni mazunze ya kona; ni Gezera zinwe ni mazunze ya kona.
- 68 Ni Jokmeane zinwe ni mazunze ya kona, ni Bete-horoni zinwe ni mazunze ya kona.
- 69 Ni Aijaloni zinwe ni mazunze ya kona, ni Gat-rimmoni zinwe ni mazunze ya kona.
- 70 Ni lomo ka kihlanya ga lixaka la ka Manasa, Anera zinwe ni mazunze ya kona, na Bileama ni mazunze ya kona, akuba ka wonke a ngango wa seleko wa barisanyana ba ka Kohate.
- 71 A ka barisanyana ba ka Gerxomi ku wa nyikilwe, lomo lixakeni la kihlanya la ka Manasa, Golani le Baxani zinwe ni mazunze ya kona, ni Axtarote zinwe ni mazunze ya kona;
- 72 Ni lomo lixakeni la ka Isakare, Kedexi zinwe ni mazunze ya kona, Daberate zinwe ni mazunze ya kona.
- 73 Na Ramote zinwe ni mazunze ya kona, na Anema zinwe ni mazunze ya kona;
- 74 Hi ka lixaka la ka Axeri, Maxali zinwe ni mazunze ya kona, ni Abdoni zinwe ni mazunze ya kona,
- 75 Ni Hukoka zinwe ni mazunze ya kona, na Rehoba zinwe ni mazunze ya kona;
- 76 Ni lomo ka lixaka la ka Naftali, Kedexi le Galile zinwe ni mazunze ya kona, na Hammoni zinwe ni mazunze ya kona, na Kiriataime zinwe ni mazunze ya kona.
- 77 A ka bonkele a baseleko ba ka Levi, a barisanyana ba ka Merari, ba nyikilwe, ka lixaka la ka Zebuluni, Rimmono zinwe ni mazunze ya kona, Tabora zinwe ni mazunze ya kona;
- 78 Hi klatuko wa Jordani le Jeriko, hi kelelo ga mutsuwukagambo ga le Jordani, ku wa nyikilwe bona, hi lomo lixakeni la ka Rubeni, Bezera le xiwuleni zinwe ni mazunze ya kona, ni Jahza zinwe ni mazunze ya kona.
- 79 Ni Kedemote zinwe ni mazunze ya kona, ni Mafaate zinwe ni mazunze ya kona;
- 80 Ni lomo lixakeni la ka Gadi, Ramote le Gileade zinwe ni mazunze ya kona, ni Mahanaime zinwe ni mazunze ya kona.
- 81 Hexboni zinwe ni zimitana za kona, Jazera ni zimitana za kona.

XIPIMO 7.

- 1 Ni ka barisanyana ba ka Isakare: Tola, na Pua, Jaxuba, na Ximroni, mune.
- 2 Ni barisanyana ba ka Tola: Uzzi, no Refaia, na Jerieli, na Jahmai, na Ibsamu, na Xemueli, a tihloko ta tindlu ta badadani babye, mbumboni, ga Tola; a ba banuna ba tinhenha ta kulwa le zizukulwaneni zabye: ni tsengo wabye masikwiini ya Davida ku wa hi makume mimbiri ni bimbiri a kume ga mazana ni nklanu ni zinwe mazana.
- 3 Ni barisanyana ba ka Uzzi: Izrahia. Ni barisanyana ba ka Izrahia: Mikaeli, na Obadia, na Joeli, Isshia, nklanu; bonkele babye manganakana ya ba banuna.
- 4 Ni zinwe na bona, hi zizukulwana zabye, a nzako ka tindlu ta badadani babye, ku wa hi kona a miklawe ya mabandla ya impi, makume manharu ni nklanu ni muwe a kume ga mazana; hakuba bona ba wa hi ni basati bo tala ni barisanyana.
- 5 Ni bamakabye babye xikari ka mingango ya ka Isakare, a ba banuna

- ba tinhenha ta kulwa, ba timulweko hi ka gonkle zizukulwana, ba wa hi nklanu ni manharu a makume ya kume ga mazana.
- 6 Ni barisanyana ba ka Benjamini: Bela, na Becera, na Jediaeli, mbanharu,
- 7 Ni barisanyana ba ka Bela: Ezboni, na Uzzi, na Uziele, na Jerimote, na Iri, nklanu; a tihloko ta tindlu ta badadani babye, a ba banuna ba tinhenha ta kulwa; na bona ba hlambanyiswa hi wuzukulwana makume mambiri ni bambiri a kuma ga mazana ni makume manharu ni mune.
- 8 Ni barisanyana ba ka Becera: Zemira, na Joaxi, na Eliezare, na Elioenai, na Omri, na Jeremote, na Abija, na Anatote, na Alemete. Laba ba wa hi barisanyana ba ka Becera.
- 9 Na bona hi ku hlambanyiswa hi zizukulwanazabye, a nzako ka zizukulwana za babye, a tihloko ta tindlu ta badadani babye, a ba banuna ba tinhenha ta kulwa makume mambiri ya kume ga mazana ni mazana mambiri.
- 10 Ni barisanyana ba ka Jediaeli: Bilhani. Ni barisanyana ba ka Bilhani: ku wa hi Jeuxi, na Benjamini, na Ehuda, na Cenaana, na Zetana, na Tarxixi, na Ahixahara.
- 11 Ni laba ku wa hi barisanyana ba ka Jediaeli, kukotisa hi tihloko ta tindlu ta badadani wabye, a ba banuna ba tinhenha ta kulwa, kume ni nklanu ni bambiri a kume ga mazana ni mazana mambiri, labo ba kotako ku huma ba hloma mabandla yi impi.
- 12 Xuppima kambe, na Huppima, a barisanyana ba Iri, Huxima, a barisanyana ba Ahera.
- 13 A barisanyana ba ka Naftali: Jehzieli, na Guni, na Jezera, na Xalluma, a barisanyana ba ka Bilha.
- 14 A barisanyana ba ka Manasa: Asrieli, loye wa mundlukulu wa yena Arame a nga wa mu tralele; yena i lo trala Macira a dadani wa Gileade.
- 15 Na Macira i lo teka a wasati wa ka Huppima ni wa ka Xuppima, loye a makweru wa yena a nga wa hi Maaka; ni bito ga wa wumbiri Zelofehade: na Zelofehade i wa hi ni banyana.
- 16 Maaka a sati wa Macira i lo trala a nisanyana, yena i lo cula a bito ga
- yena Perexi; ni bito ga makabye wa yena i wa hi Cerexi; ni barisanyana ba yena i wa hi Ulama na Rakema.
- 17 Ni barisanyana ba ka Ulama: Bedane, Laba ba wa hi barisanyana ba ka Gileade a nisanyana wa ka Macira, a nisanyana wa ka Manasa.
- 18 Ni makweru wa yena Hammoleketa i lo trala Ixhoda, na Abiezera, na Mahla.
- 19 Ni barisanyana ba ka Xemida ku wa hi Ahiana, na Xekemi, na Likhi, na Aniamana.
- 20 Ni barisanyana ba ka Efraime: Xutela, na Beredi a nisanyana wa yena, na Tahate a nisanyana wa yena, na Eleada a nisanyana wa yena, na Tabate a nisanyana wa yena,
- 21 Na Zabada a nisanyana wa yena, na Xutela a nisanyana wa yena, na Ezerana na Eleade, loye a ba banuna ba ka Gati labo ba nga wa trelele lo mu tikweni ba lo daya, hakuba bona ba lo relela ku ta gotsa a miklambi ya tihomu.
- 22 Na Efraime a dadani wabye i lo rila masiku yo tala, ni bamakabye ba yena ba lota kuta cabelela yena.
- 23 Na yena i lo engena ka sati wa yena, na yena i lo xuranyimba, i lo trala nisanyana, na yena i lo cula a bito ga yena Beria, hakuba ku wa mahilwe kubilha hi yindlu ya yena.
- 24 Ni nhanyana wa yena i wa hi Xeera, loye a nga wa akile Bet-horoni, leno ni leyo, ni Uzzeni-Xcera.
- 25 Na Refa ku wa hi a nisanyana wa yena, na Rexefa, na Tela a nisanyana wa yena, na Tahani a nisanyana wa yena,
- 26 Ladani a nisanyana wa yena, Amihudi a nisanyana wa yena, Elixama a nisanyana wa yena,
- 27 Nuni a nisanyana wa yena, Joxua a nisanyana wa yena.
- 28 Ni tsomba ya bona ni kuaka ka bona ku wa hi Beteli ni miti ya kona; ni le mutsuwukagambo Naarani, ni le muhlwigambo Gezera, zizwe ni miti ya kona; Xekemi ni miti ya kona, kala Azza zinwe ni miti ya kona;
- 29 Ni mbingano wa banana ba ka Manasa, Bet-xeani ni miti ya kona, Tanaka ni miti ya kona, Megiddo ni miti ya kona, Dora ni miti ya kona. A ka leyi ku lo tsama a banana ba ka Josefa a nisanyana wa ka Israeli.
- 30 A barisanyana ba ka Axeri: Imna,

- na Ixva, na Ixvi, na Beria, na Sera a makweru wa bona.
- 31 Ni barisanyana ba ka Beria: Hebera, na Malkieli, loye a nga wa hi dadani wa Birzaite.
- 32 Ni barisanyana ba ka Beria: Hebera, i lo trala Jaflete, na Xomera, na Hota-mu, na Xua a makweru wa bona.
- 33 Ni barisanyana ba Jaflete: Pasaca, na Bimhala, na Axvate. Laba hi ba-nana ba ka Jaflete.
- 34 Ni barisanyana ba ka Xemera: Ahi, na Rogha, Jehubba, na Arama.
- 35 Ni barisanyana ba ka Helema a ma-kabye wa yena: Zofa, na Imna, na Xelexi, na Amali.
- 36 Ni barisanyana ba ka Zofa: Sua, na Harnefera, na Xuale, na Beri, na Imra,
- 37 Bezera, na Hoda, na Xamma, na Xil-xa, na Itrani, na Beera.
- 38 Ni barisanyana ba ka Jetera: Jefu-na, na Pispas, na Ara.
- 39 Ni barisanyana ba ka Ulla: Ara, na Hanieli, na Rizia.
- 40 Bonkle laba i banana ba Axeri, a tihloko ta tindlu ta badadani babye, ba langilweko a tinhenha ta ba ba-nuna ba kulwa, a tinhonza ta tihosana. Ni tsengo wabye kukotisa lezi ku timulweko hi wuzukulwana ga nkozo ya kulwa ku wa hi makume mambiri ni nkalanu ni muwe a kume ga mazana ya ba banuna.

XIPIMO 8.

- 1 Na Benjamini i lo trala Bela a matewula ya yena, Axbeli a wo gamela, na Ahara a wa wunharu,
- 2 Noha a wa wumune, na Rafa a wa wunklanu.
- 3 Na Bela i wa hi ni barisanyana: Addare, na Gera, na Abihuda,
- 4 Na Abixua, na Naamana, na Ahoa,
- 5 Na Gera, na Xefufana, na Hurama.
- 6 Ni laba hi barisanyana ba ka Ehuda: laba hi tihloko ta tindlu ta badadani ta banhu ba le Geba, na bona ba lo konwa tihloko ka Manahate:
- 7 Na Naamana, na Ahija, na Gera, yena i lo koma bona tihloko; yena i lo trala Uzza na Ahihuda.
- 8 Na Xaharaima i lo trala a banana le kwatini ga le Moabi, a nzako ka kuba yena a fambisile bona; Huxima na Baara ba wa hi basati ba yena.
- 9 Na yena i lo trala hi ka Hodexa a sati wa yena, Jobaba, na Zibia, na Mexa, na Malkamu,

- 10 Na Jeuza, na Xacia, na Mirma. Laba ku wa hi barisanyana ba yena, a tihloko ta tindlu ta badadani babye.
- 11 Ni ka Huxima yena i lo trala Abituba na Elpaala.
- 12 Ni barisanyana ba ka Elpaala: Eberi, na Mixama, na Xemedede, loye a nga wa akile Ono na Loda, zinwe ni miti ya kona;
- 13 Na Beria, na Xema, labo ba nga wa tihloko tatindlu ta badadani ta banhu ba le Aijaloni, labo ba nga wa hlongolisile a banhu ba le Gati;
- 14 Na Ahio, Xaxake, na Jeremote,
- 15 Na Zebadia, na Arade, na Edera,
- 16 Na Mikaeli, na Ixpa, na Joha, a barisanyana ba Beria,
- 17 Zebadia, na Mexullamu, na Hizki, na Hebere,
- 18 Na Ixmerai, na Izlia, na Jobaba, a nisananyana wa Elpaala,
- 19 Na Jakimu, na Zikri, na Zabdi,
- 20 Na Elienai, na Zilletai, na Eliela,
- 21 Na Adaia, na Beraia, na Ximrate a barisanyana ba Ximeci,
- 22 Na Ixpani, na Eberi, na Eliela,
- 23 Na Abdoni, na Zikri, na Hanani,
- 24 Na Hanania, na Elami, na Antotija,
- 25 Na Ifadeia, na Penueli, a barisanyana ba ka Xaxake,
- 26 Na Xamuxerai, na Xeharia, na Atalia,
- 27 Na Jaarexia, na Elija, na Zikri, a barisanyana ba ka Jerohama.
- 28 Laba ku wa hi tihloko ta tindlu ta badadani hi zizukulwana babye, a banhu ba hombe: laba ba wa akile le Jerusalema.
- 29 Ni le Gibeoni ku wa akile a dadani wa Gibeoni, Jeieli, loye a bito ga mamani wa yena a nga wa hi Maaka;
- 30 Ni matewula ya nisananyana wa yena Abdoni, na Zura, na Kixi, na Baali, a na Nadabe,
- 31 Na Gedora, na Ahio, na Zecera.
- 32 Na Mikloti i lo trala Ximea. Na bonawu kambe ba lo aka lomo Jerusalema, na ba cuwukene ni bama-kabye babye.
- 33 Na Nere i lo trala Kixi; na Kixi i lo trala Saule; na Saule i lo trala Jonatani, na Malxi-xua, na Abinadaba, na Ex-baali.
- 34 Ni barisanyana ba ka Jonatani ku wa hi Merib-baali; na Merib-baali i lo trala Mika.
- 35 Ni barisanyana ba ka Mika: Pitoni, na Meleci, na Tarea, na Ahaza.

- 36 Na Ahaza i lo trala Jehoadda; na Jehoadda i lo trala Alemete, na Azmavete, na Zimri; na Zimri i lo trala Moza.
- 37 Na Moza i lo trala Binea; Rafa i wa hi nisanyana wa yena, Eleasa a nisanyana wa yena, Azeli nisanyana wa yena.
- 38 Na Azeli i wa hi nklanu ni munwe a nisanyana, labo a mabito yabye hi laya: Azrikamu, Bokeru, Ixmaeli, na Xearia, na Obadia, na Hanani. Bonkle laba ba wa hi barisanyana ba ka Azeli.
- 39 Ni barisanyana ba ka Exeke a makabye wa yena: Ulama a matewula ya yena, Jeuxa a wa ku gamela, na Elifelete a wa wunharu.
- 40 Ni barisanyana ba ka Ulama ba wa hi ba banuna ba tinhenba ta kulwa, a bafuli, i wa hi ni barisanyana bo tala, ni bazukulu ba yena ba wa hi zana nklanu wa makume. Bonkle laba ba wa hi ba barisanyana ba ka Benjamini.

XIPIMO 9.

- 1 Zingaho bonkle ba ka Israeli ba wa ku hlambanyiselwa hi wuzukulu; ni, languta, bona ba tsalilwe lomo bukwinu ga tihosi ta ka Israeli. Na Juda i wa lo kowwa a yiswa le Babuloni hi zihambunyeto zabye.
- 2 Makunu a baaki bo ranga labo ba akileko lomo titsombeni tabye ni lomo mitini yabye ba wa hi ba ka Israeli, a bapristi ni ba ka Levi, ni ba ka Netinime.
- 3 Ni le Jerusalema ku lo aka a banana ba ka Juda, ni banana ba ka Benjamini, ni banana ba ka Efraime ni ba ka Manasa:
- 4 Utai a nisanyana wa ka Amihudi, a nisanyana wa ka Omri, a nisanyana wa ka Imri, a nisanyana wa ka Bani, wa banana ba ka Perezi a nisanyana wa ka Juda.
- 5 Ni na Xiloni: Asaia a matewula, ni barisanyana ba yena.
- 6 Ni barisanyana ba ka Zera: Jeueli, bamakabye babye, i nklanu ni ginwe mazana ni nklanu ni mune makume.
- 7 Ni barisanyana ba ka Benjamini: Sallu a nisanyana wa Mexullamu, a nisanyana wa Hodavia, a nisanyana wa Hassenua.
- 8 Na Ibnea a nisanyana wa Jerohamu, na Ela a nisanyana wa Uzzi, a nisanyana wa Mikri, na Mexullamu a ni-

- sanyana wa Xefatia, a nisanyana wa Reueli, a nisanyana wa Ibnija;
- 9 Ni bamakabye babye, kukotisa hi zizukulwana za bona, i nklanu ni mune mazana ni nklanu wa makume ni nklanu ni munwe. Bonkle laba ba banuna ba wa hi tibloko ta tindlu ta badadani babye.
- 10 Ni ka bapristi; Jedaia, na Jehoia-riba, Jakina,
- 11 Na Azaria a nisanyana wa Hilkia a nisanyana wa Mexullamu, a nisanyana wa Zadoke, a nisanyana wa Meraiote, a nisanyana wa Ahituba, a mufumeli wa yindlu ya ka Nungungulu;
- 12 Na Adaia a nisanyana wa Jerohamu, a nisanyana wa Paxhura, a nisanyana wa Malkija, na Massai a nisanyana wa Adieli, a nisanyana wa Jahzera, a nisanyana wa Mexullamu, a nisanyana wa Mexillemite, a nisanyana wa Immera;
- 13 Ni bamakabye babye, a tibloko ta tindlu ta badadani babye, i kume ga mazana ni nklanu ni mambiri mazana ni nklanu wa makume ni giawe; a ba banuna ba kotekako nguvu hi nkozo ya yindlu ya ka Nungungulu.
- 14 Ni ba ka Levi: Xemaia a nisanyana wa Hasxuba, a nisanyana wa Azrikamu, a nisanyana wa Haxabia, wa barisanyana ba ka Merari;
- 15 Bakbakkara, Herexa, na Galala, na Mattania a nisanyana wa Mika, a nisanyana wa Zikri, a nisanyana wa Asafa,
- 16 Na Obadia a nisanyana wa Xemaia, a nisanyana wa Galala, a nisanyana wa Jedutuni, na Berecia, a nisanyana wa Asa, a nisanyana wa Elkana, laba ba akileko le mitini ya ma Netofate.
- 17 Ni barinzeli ba nyangwa: Xalluma na Akkuba, na Talmoni, na Ahimani, ni bamakabye babye (Xalluma i wa hi hosana),
- 18 Loye kambewo a nga wa yima le nyangweni ya hosi, mutsuwukagambho: bona ba wa hi barinzeli ba nyangwa ya wugobelo ga banana ba ka Levi.
- 19 Na Xalluma a nisanyana wa Kora, a barisanyana ba ka Eblasafa, a barisanyana ba ka Kora, ni bamakabye ba yena, ba yindlu ya ka dadani wabye, a ba ka Korate, ba wa wumbelwe hehla ka tiro wa nkozo, a bahlayisi ba nyangwa ya tenta: ni

- badani babye ba wa wumbelwe hehla ka wugobelo ga ka Jehova, a bahlalanyi ba nyangwa.
- 20 Na Fineasi a nisanyana wa Eleazare i wa hi hosana hehla ka bona a xikatini xi huuzileko, na Jehova i wa hi zinwe na yena.
- 21 Zakaria a nisanyana wa Mexelemia, i wa hi murinzeli wa libati la tenta ga muklangano.
- 22 Bonkle laba ba nga wa hlalulilwe ku maha barinzeli ba nyangwa laho wuengenweni ba wa hi mazana mambiri ni kume ni bambiri. Laba ba wa hlambanyiselwe hi wuzukulu gabye mitini yabye, bona Davida na Samueli a muwoni ba ba yimisile wutsanweni gabye ga kutsumbya.
- 23 Zingaho bona ni barisanyana babye ba wa hi bawoneleli ba tinyangwa ta yindlu, yona a yindlu ya tenta, hi kurinzela.
- 24 Lomo maklelweni ya mune ku wa hi kona barinzeli ba nyangwa, hi ngomama ya mutsuwukagambo, mulhwagambo, ni nwalungu, ni dzonga.
- 25 Ni bamakabye babye, le mitini yabye, ba wo ta engena ka wonklelele a nklanu ni mambiri a masiku ku sukela xikatini kala xikatini a ku taba zinwe na bona :
- 26 Hakuba mune wa barinzeli ba tinyangwa ba tihosana, labo ba nga wa hi ba ka Levi, ba wa hi wutsanweni ga kutsumbya, na bona ba wa wumbelwe hehla ka yindlu ni hehla ka mabako lomo ndlwini ya ka Nungungulu.
- 27 Na bona ba lo eklela ba ranzela a yindlu ya ka Nungungulu. Hakuba a tiro lowo wu wa hi hehla ka bona; ni ka bona ba wa vulula kona a mixo hi mixo.
- 28 Ni bokari ba bona ba wa hlalansi a zibya za nkozo; hakuba hi ku hlalansiwa zona si wa engeniswa na hi ku hlalansiwa zona si wa humeswa lahlandle.
- 29 Ni banwani ba bona ba wa hlalulilwe a nhunzu, ni ku wumbelwa hehla ka zibya zonkle za yindlu ya ku basa, ni hehla ka mapa mananaseleweko, ni hehla ka waini, ni hehla ka mafura, ni hlakati, ni pepo.
- 30 Ni banwani ba barisanyana ba bapristi ba lo longiselela a mafura ya pepo.
- 31 Na Mattitia, a muwone wa ba ka Levi, a matewula ya Xalluma a muKorate, i wa hi ni xikundla xa kutsumbya hehla ka zilo lezo zi bikilweko hi mapani.
- 32 Ni banwani ba bamakabye babye, ba barisanyana ba ka Kohate, ba wa wumbelwe hehla ka zibaba zikomibilweko, a ku longiselela zona masabado wonklelele.
- 33 Ni laba hi bayimbeleli, tihloko ta tindlu ta badadani babye a ba ka Levi, laba ba tsamako lomo ndlwini, na ba wa khalakile ka yinwani nkozo; hakuba bona ba wa nyikilwe a mitiro yabye a mumu ni wusiku.
- 34 Laba ku wa hi tihloko ta tindlu ta badadani babye ta ba ka Levi, hi zizukulwana zabye zonkle, a banhu ba hombe: laba ba lo aka le Jerusalema.
- 35 Ni Gibeoni layo ku wa lo tsama a dadani wa Gibeoni, Jeieli, loye a sati wa yena a nga wa hi Maaka;
- 36 A matewula ya nisanyana wa yena i wa hi Abdoni, na Zura, na Kixi, na Baali, na Nere, na Nadabe,
- 37 Na Gedora, na Ahio, na Zakaria, na Mikloti.
- 38 Na Mikloti i lo trala Ximeami. Na bonawu kambe ba lo aka zinwe ni bamakabye babye le Jerusalema, hi seyo ko cuwukana ni bamakabye babye.
- 39 Na Nere i lo trala Kixi; na Kixi i lo trala Saule; na Saule i lo trala Jonatani, na Malkixua na Abinadaba, na Exbaali.
- 40 Ni barisanyana ba ka Jonatani ku wa hi Merib-baali; na Merib-baali i lo trala Mika.
- 41 Ni barisanyana ba ka Mika: Pitoni, na Meleki, na Tahrea, na Ahaza.
- 42 Na Ahaza i lo trala Jara; na Jara i lo trala Alimete, na Azimavete, na Zimri; na Zimri i lo trala Moza;
- 43 Na Moza i lo trala Binea; na Refaia nisanyana wa yena, Eleasa nisanyana wa yena, Azeli a nisanyana wa yena.
- 44 Na Azeli i wa hi ni nklanu ni muwone a barisanyana, labo a mabito yabye ma nga wa hi laya: Azrikamu, Boxeru, na Ixmali, na Xearia, na Obadia, na Hanani: laba ba wa hi barisanyana ba Azeli.

XIIMO 10.

- 1 Makunu a ma Filisti ma lolwa ma vukela Israeli: ni ba banuna ba ka Israeli ba lo tsuwuka le mahlweni

- ka ma Filisti, ba lowa lahasi na ba delwe le xitsungeni Gilboa.
- 2 Ni ma Filisti ba la su tsimbeketa ma lanzela a nzako ka Saule ni nzako ka barisanyana ba yena; ni ma Filisti ma lo daya Jonatani, na Abinadaba, na Mulkixua, a barisanyana ba ka Saule.
- 3 Ni impi yi wa tsingisilwe yi vukela Saule, ni bafuli ba wa lo kamanyeta yena; na yena i wa la su karateka hi kota ya bafuli.
- 4 Zonake ku lo wula Saule ka mukomi wa yena wa maklari, Hlomula supado ya wena, ni ku klaba mina u pondlisa ha kona laha, ku nga taku laya a mankuna ma nzi nyenyezisa mina. Kanilezi a mukomi wa yena wa maklari i wa nga a nga vumeli; hakuba yena i wa tsingelwe hi kucaba. Iikwalaho Saule i lo teka a supado ya yena, i lo wela hehla ka yona.
- 5 Ni laha a mukomi wa maklari ya yena a nga wa wonile lezaku Saule i file, yenawuwo i lo wela hehla ka supado ya yena, i lofa.
- 6 Zingaho Saule i lofa, ni barisanyana ba yena ba banharu; ni yonkle a yindlu ya yena yi lofa katigizwe.
- 7 Ni laha a banhu ba ka Israeli laba ba nga a hi lomo mikobeni ba nga wa wonile lezaku a ba banuna ba ka Israeli ba tsuwukile, ni lezaku Saule ni barisanyana ba yena ba file, bona ba lo tsika a miti, ba lo caba; ni ma Filisti ma lota ma ta tsama ka yona.
- 8 Na ku mahisile lezo ha manziko, laho a ma Filisti ma nga wata ku ta kaza a ba fileko, lezaku ba lo ta kuma Saule ni barisanyana ba yena na ba wile le xitsungeni Gilboa.
- 9 Na bona ba lo kaza, ba lo tsema a hloko ya yena, ni maklari ya yena, ba rumela yona lomo tikweni ga ma Filisti ba renzelekela nayo, a ku rwala a mahungu ya kona ka zifanano zabye, ni ka banhu.
- 10 Ni bona ba lo beka a maklari yabye ka yindlu ya banungungulu babye, ba lo klomeka a hloko ya yena lomo ndlwini ya Dagoni.
- 11 Ni laha gonkle Jebexe-gileade gi nga wa zwile zonkle lezo a ma Filisti ma mahileko ka Saule,
- 12 Bonkle ba banuna ba tinhenha ba lo suka, ba loya teka a xirumbi xa Saule, ni zirumbi za barisanyana ba yena, ba lo neha zona le Jabexe, ba lo nkelela a marambu ya bona lahasi ka Oaki le Jabexe, ba lo yila nklanu ni mambiri a masiku.
- 13 Zingaho Saule i lofa hi zihambuko za yena lezo a nga wa zi mahile a vukela Jehova, hakuba hi ka mhaka ya ka Jehova, leyo yena a nga wa nga yi hlaysangiko; ni lezo kambe yena a nga wa wutisile a xikungo ka munwe loye a nga wa hi ni moya wa mandiki, a ku wutisa ka yena,
- 14 A nga wutisangi ka Jehova: hikwalaho yena i lo daya yena, i lo renzeleta a mufumo ka Davida a nisanyana wa Jese.

XIIMO 11.

- 1 Zonake bonkle ba ka Israeli ba lo tsombana a wutsumbu gabye katigizwe ka Davida le Hebroni, baku, Languta, hina hi marambo ya wena ni nyama ya wena.
- 2 Hi xikati xi hunzileko, hambu lezi Saule a nga wa hi hosi, kona ku wa hi wena loye u nga wa rangela u humesa ni ku rangela u engenisa Israeli: na Jehova a Nungungulu wa wena i te ngalo ka wena, Wena u ta ba murisi wa munhu wa mina Israeli, na wena u ta ba a hosana hehla ka banhu ba mina Israeli.
- 3 Zingaho wonkle a masingalakati ya ka Israeli ma lota le hosini le Hebroni; na Davida i lo maha a xivumelwano zinwe na bona le Hebroni mahlweni ka Jehova; na bona ba lo tota Davida a hosi hehla ka Israeli, kukotisa hi ka mhaka ya Jehova ha Samuelli.
- 4 Davida ni wonkle Israeli ba loya le Jerusalema (kwaleyo Jebusi); ni ma Jebusi, a baakileko ba tiko, ba wa hi leyo.
- 5 Ni banhu ba Jebusi ba te ngalo ka Davida, Wena u nga ta engena uta leno. Ahembalokoke Davida i lo teka a kokola ga Zion; kwaleyo mutini wa Davida.
- 6 Na Davida i te ngalo, Kani ngwakuyini a gwazako a ma Jebusi i taba a hosi ni nduna. Na Joabe a nisananyana wa ka Zerula i loya ku ranga, i lo mahiwa a hosana.
- 7 Na Davida i lo tsama lomo kokoleni; hikwalaho bona ba lo bitana gona muti wa Davida.
- 8 Na yena i lo aka a muti wu renzelekako, wu sukela Millo, kona ku re-

- nzelekela; na Joabe i lo akisa wonk'le a muti.
- 9 Na Davida i lo hunzelela ku kula ni ku kula; hakuba Jehova wa mabandla i wa hi zinwe na yena.
- 10 Makunu laba hi tihosi ta tinhenha ta ba banuna labo Davida a nga wa hi na bona, labo ba nga wa kombisile a wutsumbu gabye a ntamo zinwe na yena lomo mufunweni wa yena, katiginwe zinwe ni bonk'le ba ka Israeli, a ku maha yena a hosi, kukotisa hi ka mliaka ya ka Jehova xungetano na Israeli.
- 11 Ni lowu hi tsengo wa ba banuna ba tinhenha labo Davida a nga wa hi na nabo: Jaxobeamu, a nisanyana wa ka Hacmoni, a hosi ya ba makume manharu; yena i lo klakusa a klari ga yena a hlasela a mazana manharu i lo hlasela bona hi xikati xinwe.
- 12 Ni nzako ka yena ku wa hi Elcazare a nisanyana wa Dodo, a mu Ahohi, loye a nga wa hi wa laba banharu ba banuna ba tinhenha.
- 13 Yena i wa hi na Davida le Pasdamima, ni leyo a ma Filisti ma wa tsombene katiginwe a kulwa, leyo ku nga wa hi ni mapuwa ma nga wa tele hi mabele; ni banhu ba lo tsutsuma mahlweni ka ma Filisti.
- 14 Na bona ba lo yima le xikari ka mapuwa, ba lo vikela wona, ba lo daya a ma Filisti; na Jehova i lo hanyisa bona hi hlulelo ya hombe.
- 15 Ni banharu ba laba ba tihosi ta ba makume manharu ba lo relela baya le ribyeni kala ku Davida, le muhumeni wa le Adullama; ni mabandla ya ma Filisti ma wa gobile le mikobeni ya le Refaime.
- 16 Na Davida zonake i wa hi le kokoleni, ni maviyo ya ma Filisti zonake ma wa hi le Betlehema.
- 17 Na Davida i wa lo xuba, i te ngalo, O lezaku a munwe i wa ta nga a nyika mina a mati ya kunwa le hlobyeni ya le Betlehema, leyo yi nga hi le nyangweni!
- 18 Ni banharu ba lo pambuka ba tsemakanya a mabandla ya ma Filisti ba lo yaka mati le hlobyeni ya le Betlehema, leyo yi nga wa hi le nyangweni, ba lo teka wona, ba lo manela le ka Davida: kanilezi Davida i wa nga a nga nwangi wona, kanilezi i lo culula wona ka Jehova,
- 19 I te ngalo, A Nungungulu wa mina i beletele mina, lezaku nzi wa ta nga nzi maha lezi: mina nzi tanwa a nkata wa laba ba banuna laba ba pfokometileko ba hayeka a wutomi gabye ke? hakuba hi kupfokometa a wutomi gabye ba nehile wona. Hikwalaho yena i wa nga a nganwi wona. Lezi zilo ba lo zi maha a tinhenha tinharu ta ba banuna.
- 20 Na Abixai, a makabye wa Joabe, i wa hi hosi ya banharu; hakuba yena i lo klakusa a klari ga yena a hlasela mazana manharu i lo daya wona, i wa hi ni bito xikari ka banharu.
- 21 A ka banharu, yena i wa hunzisile kudzunziwa ku hunza laba bambiri, na yena i wa lo maha a nduna yabye: ahemba yena i wa nga ciketeli ka laba banharu bo ranga.
- 22 Na Benaia a nisanyana wa Jehoiada, a nisanyana wa wanuna wa nhenha wa le Kabzeeli, loye a mahileko a zimaho za wungwazi, yena i lo daya a barisanyana bambiri ba Arieli wa le Moabi: yena kambe i lo relela i loya daya a ngonyamo lomo xikari ka rinzi hi xikatini xa xiram.
- 23 Na yena i lo daya a mu Gipite, a munhu wa dzumba ga hombe, i nk'lanu wa mikono a ku klakuka kakwe; ni lomo canjeni ga mu Gipite ku wa hi kona a klari go fanana ni mbingo wa muluki; yena i lo relela ka yena zinwe ni nhonga, i lo wukla a klari lomo canjeni ga mu Gipite, i lo gwa za yena hi klari ga yena zwinyi.
- 24 Lezi zilo i lo zi maha Benaia a nisanyana wa Jehoiada, na yena i wa hi ni bito xakari ka banharu ba tinhenha ta ba banuna.
- 25 Languta, yena i wa hunzelele kudzunziwa ku hunza a ba makume manharu, kanilezi yena i wa nga ciketelangi ka laba banharu bo ranga: na Davida i lo mu wumbela hehla ka wurangeli ga yena.
- 26 Kambe a tinhenha ta ba banuna ba maklari ya impi: Asaheli a makabye wa Joabe, Elhanana a nisanyana wa Dodo wa Betlehema,
- 27 Xammote a mu Harore, Helezi a mu Peloni,
- 28 Ira a nisanyana wa Ikkexa a mu Tekoi, Abiezera a mu Anatote,
- 29 Sibbekai a mu Huxate, Ilai a mu Ahohi,
- 30 Maharai a mu Netofate, Helede a nisanyana wa Baana a mu Netofate,
- 31 Itai a nisanyana wa Ribai wa le Gibe

- wa barisanyana ba Benjamini, Benaia a mu Piratoni,
- 32 Hurai wa le congwaneni wa le Gaxa, Abieli a mu Arbate,
- 33 Azmavete a mu Baharumi, Eliaba a mu Xaalboni,
- 34 A barisanyana ba Haxuma a mu Gizoni, Jonatani a nisanyana wa Xagee a mu Harare,
- 35 Abiama a nisanyana wa Sakara a mu Harare, Elifali a nisanyana wa Uri,
- 36 Hefera a mu Meccerate, Ahija a mu Peloni,
- 37 Hezro a mu Karmeli, Naarai a nisanyana wa Ezbai,
- 38 Joeli a makabye wa Natani, Mibhara a nisanyana wa Hagri,
- 39 Zeleke a mu Ammoni, Naharai a mu Berote, a mukomi wa maklari ya Jobe a nisanyana wa ka Zeruia,
- 40 Ira a mu Itri, Gareba a mu Itri,
- 41 Uria a mu Hiti, Zabada a nisanyana wa Ahlai,
- 42 Adina a nisanyana wa Xiza a mu Rubeni, a hosi ya ba ka Rubeni, hi makume manharu ha yena,
- 43 Hanana a nisanyana wa Maaka, na Jehoxafate a mu Mitni,
- 44 Uzzia a mu Axterate, Xama na Jeieli a barisanyana ba ka Hotamu a mu Aroere,
- 45 Jediaeli a nisanyana wa Ximri, na Joha makabye wa yena, a mu Tizi,
- 46 Elieli a mu Mahavi, Jeribai, na Joxavia, a nisanyana wa Elinaama, na Itma a mu Moabi,
- 47 Elieli, na Obedi, na Jaasieli a mu Mezobai.

XIPIMO 12.

- 1 Makunu laba hi laba ba nga wa tile ka Davida le Ziklagi, laha yena na a ha hlalisa a wutsumbu ga yena ku tihlalani hi kota ya Saule a nisanyana wa Kixi; na bona ba wa hi xikari ka ba banuna ba tinhenha, a bavuni ba yena le impini.
- 2 Bona ba wa hlomile hi mawura, ba wa zi kota ku tirisa wonkle a canja ga xinene ni ga xibuba ni ku nziwiteha ba hoxa maribye, ni ku panda tugalala laha wureni: bona ba wa hi bamakabye ba Saule ba ka Benjamini.
- 3 A hosi ku wa hi Abiezera; Zonake Joaxi, a barisanyana ba Xema a mu Gibeate, na Jezieli, na Pelete, a barisanyana ba Azmavete, na Beraka, na Jehu a mu Amatote,

- 4 Na Ixmaia a mu Gibeoni, a ba banuna ba tinhenha xikari ka makume manharu, ni hehla ka makume manharu, na Jeremia, na Jebazieli, na Johanani, na Jozabada a mu Gederate,
- 5 Eluzai, na Jeremote, na Bealia, na Xemaria, na Xefatia a mu Harufe,
- 6 Elkana, na Isshia, na Azareli, na Joezera, Jaxobeamu, a mu Korate,
- 7 Na Joela, na Zebadia, a barisanyana ba Jerohamu wa le Gedora.
- 8 Ni ba ka Gadi bona ba lo hambanyisa a wutsumbu gabye ka Davida le kokoleni lomo xiwuleni, a ba banuna ba tinhenha ta kulwa, a ba banuna ba gonzisilweko a impi, labo ba zi kotako a klemerele a xiklangu ni miklari; labo a tingohe tabye ti nga wa ku kwatsi tingohe ta tingonyamo, bona ba wa hazambula kwatsi hi timhuti hehla ka zitsunga:
- 9 Ezeri a hosi, Obadia wa ku gamela, Eliabe a wa wunharu,
- 10 Mixmanna a wa wumune, Jeremia wa wunklanu,
- 11 Attai wa nklanu ni muawe, Elieli i nklanu ni bambiri,
- 12 Johanani wa nklanu ni banharu, Elzabada a nklanu ni mune,
- 13 Jeremia a wa wukume, Makbannai wa wukume ni muawe,
- 14 Laba hi barisanyana ba ka Gadi ba wa hi tinduna ta mabandla: loye a nga wa hi tsongwani i wa ecana ni zana, ni loye a nga wa hi wa hombe a kume ga mazana.
- 15 Laba hi bona ba nga wa pelile ba klatuka Jordani hi hweti yo ranga, laha na kona na ku tatisilwe lonkle a livuti; kanilezi bona ba lo hlongo la bona lomo mikobeni, bonkle ngomama ni mutsuwukagambo ni ngomama ni muhlwa gambo.
- 16 Ni laho ku lota a banana ba ka Benjamini ni ba ka Juda le kokoleni ka Davida.
- 17 Na Davida i lo huma aya klangangeta bona, i lo hlamula i te ngalo ka bona, loku wina mu ta hi kurutisilweko ka mina a kuta vunetela mina, ni mbilu ya mina yi ta klangangeta ka wina; kanilezi loku wina mu ta nyikela mina ka balala ba mina, na mu wona lezaku laho a ku kona a kubihla lomo mandleni ya mina, na Nungungulu wa badadani ba hina wa cuwuka kona, ni ku kawuka kona.

- 18 Zonake a Moya wu lota hehla ka Amasai, loye a nga wa hi hosi ya ba makume manharu, na yena i te ngalo, Hina hi ba wena, Davida, hi le klelweni ga wena, wena nisanyana wa Jese: kurula, kurula a kube ka wena, ni kurula a kube ka bavuni ba wena; hakuba a Nungungulu wa wena i vunetela wena. Zonake Davida i lo amukela bona, i lo ba maba tinduna hehla ka mikhawa.
- 19 A ka Manasa banwani ba lo keme-ka baya ka Davida, laho yena a nga wata ni ma Filisti a yalwa a vukela Saule impini: kanilezi bona ba wa nga vunetelangi bona; hakuba a ti-hosi ta ma Filisti hi hehla ka ku hlohlosa ba lo klelisa yena, baku, Yena i ta kemekela ka hosi ya yena Saule a kupfokometa a tihloko ta hina.
- 20 Kwatsi hilezi yona a nga waya le Ziklagi, laho ku lo cikela ka yena a ba ka Manasa, Adna, na Jozabada, na Jediaeli, na Mikaeli, na Jozabada, na Elihu, na Zilletai, a tinduna ta makume mazana ya ka Manasa.
- 21 Na bona ba lo vunetela Davida ku vukela a khawa wa bapangi: haku-ba bona bonkle ba wa hi ba banuna ba tinhenha ta kulwa, na ba wa hi tinduna laha impini.
- 22 Hakuba kusukela ka masiku ni ma-siku a ba banuna ba lota ka Davida a ku vunetela yena, kala laho ku wa hi impi ya hombe, ku fanana ni impi ya Nungungulu.
- 23 Ni leyi hi mitsengo ya bona labo ba tihloko ba nga wa hlomele a ku-lwa, labo ba nga wa tile ka Davida le Hebroni, a ku hunzulusa a mufu-mo wa Saule ka yena, kukotisa hi ka mhaka ya ka Jehova.
- 24 A banana ba ka Juda labo ba nga wa komile a ziklangu ni maklari ba wa hi nkhanu ni ginwe a kume ga mazana ni nkhanu ni manharu a mazana, ba nga wa hlomele a impi.
- 25 A ka banana ba ka Simeoni, a ba banuna ba tinhenha ta kulwa a impi, nkhanu ni mambiri a kume ga mazana ni zana ginwe.
- 26 A ka banana ba ka Levi mune wa kume ga mazana ni nkhanu ni ginwe mazana.
- 27 Na Jehoiada i wa hi murangeli wa yindlu ya ka Aroni; ku wa zinwe na yena a manharu a kume ga mazana nkhanu ni mambiri mazana,
- 28 Na Zadoke, a jaha ga nhenha ya ku-lwa, ni ba le ndlwini ya dadani wa yena ku wa hi makume mambiri ni timbiri a tinduna.
- 29 A ka banana ba ka Benjamini, a ba-maka/ye ba ka Saule, manharu a kume ga mazana: hakuba laba hi labawu kambe a tsengo wabye wa hombe wu wa hi klelo ga ku yimela bona a yindlu ya ka Saule.
- 30 A ka banana ba ka Efraime mambi-ri a kume ga mazana ni nkhanu ni manharu a mazana, a ba banuna ba tinhenha ta kulwa, a banhu ba du-mileko mingangweni ya badadani babye.
- 31 Ni ba kihlanya ga lixaka la ka Ma-nasa a kumi na nkhanu ni manharu a kume ga mazana, labo ba kumbu-kilweko hi mabito, a ku ta maha Davida a hosi.
- 32 Ni ka banana ba ka Isakare, a ba banuna labo ba na nga ni pinisisiso wa zikati, a ku tiba lezaku za kuyini Israeli a fanelako a ku zi maha, a ti-hloko tabye ti wa hi mazana mambi-ri: ni bonkle bamakabye babye ba wa hi kuleleteleni kabye.
- 33 A ka ba ka Zebulun, a tsamo ga la-bo ba zi kotako a ku huma ba ya impini, labo ba zi kotako ku hloma maklari ya impi, hi tonkle tixaka ta ma hlomela ya impi, ba wa hi nkha-nu wa makume ya kume ga maza-na, labo ba nga wa zi kota ku longi-sa a impi yi hloma, na ba wa nga hi ba timbilu timbiri.
- 34 A ka Naftali i kume ga mazana ya tinduna, zinwe na bona laba ba nga wa hi ni ziklangu ni maklari maku-me manharu ni nkhanu ni mambiri a kume ga mazana.
- 35 Ni ba ka Dani labo ba nga ba zi kota a ku xaxameta impi yi hloma, makume mambiri ni nkhanu ni ba-nharu a kume ga mazana ni nkhanu ni ginwe mazana.
- 36 Ni ba ka Axeri, labo ba zi kotako a ku huma ba hloma a impi, labo ba zi kotako a kuxaxameta a impi yi hlo-ma, mune makume a kume ga ma-zana.
- 37 Hi le klatukweni banwani wa Jo-rdani, wa ba ka Rubeni, ni ba ka Gadi, ni ba ka kihlanya ga lixaka la ka Manasa, zinwe ni tonkle tixaka ta mahlomela ya impi ya kulwa, a za-na ni makume mambiri a kume ga mazana.

- 38 Bonkle laba, ba wa hi banhu ba impi, labo ba nga wa zi kota a ku xaxameta a impi yi hloma, ba lota hi mbilu yi mbeleleko le Hebroni, ba lota maha Davida a hosi ehla ka Israeli wonkle: ni bonkle ba seleko ba ka Israeli kambe ba wa hi ba mbilu yizwe a ku maha Davida a hosi.
- 39 Na bona ba wa hi leyo zinwe na Davida masiku manharu, na бага na banwa; hakuba a bamakabye babye ba wa mahile kulongiselela ka bona.
- 40 Klatakumbiri labo ba nga wa hi kusuhi na bona, kona wukule ga le Isakare ni le Zebuluni ni le Naftali, ba lo neha a zibaba hi timbongola, ni makameli, ni maesela, ni tikabi, a mbuba ya tinzhoho, ni zikeketselo za makuwu, ni zitata za tisote ta magrepi, ni waini, ni mafura, ni tikabi, a tiyivu ta wunyingi: hakuba laho ku wa hi kona ku tsaka ka Israeli.

XIIMO 13.

- 1 Na Davida i lo xuxa ni tinduna ta makume mazana ni tinduna ta mazana, na bona bonklelele barangeli.
- 2 Na Davida i te ngalo ka wonkle a gotsobanyano wa ka Israeli, loku zi woneka a kusasa ka zwina, ni loku kona ku hi ka Jehova a Nungungulu wa hina, nga hina hi rumela ga fenemete ka bamakabye ba hina konklelele laho ba nga kona labo ba seleko lomo tikweni ga ka Israeli, labo a bapristi ni ba ka Levi ba lomo mitini yabye labo ba nga ni mazunze, kasi bona ba fela a ku tsombana a wutsumbu gabye ka hina;
- 3 Nga hina hi neha kambe arke ga Jehova a Nungungulu wa hina ka hina: hakuba a hi hlotalangi gona masikwini ya Saule.
- 4 Ni wonkle a gotsobanyano wu te ngalo bona ba wa ta nga ba maha lezo; hakuba lexi xilo xi wa sasekile kuwoneni ka bonkle banhu.
- 5 Zingaho Davida i lo tsombanyisela wonkle Israeli katigizwe, ku sukhela Xihore le xicongwanini xa le Gipite ku kala le wuengweneni ga le Hamate, a ku neha arke ga ka Nungungulu hi le Kiriath-jearimu.
- 6 Na Davida i lo kanziya, ni wonkle Israeli, kuya Baala, loku hi lezaku, le Kiriath-jearimu, lego gi nga ga ka Juda, a ku ya neha hi leyo a arke ga

Nungungulu Jehova loye a tsamako ehla ka macerubima, lego gi bitwako hi Bito.

- 7 Na bona ba lo rwala a arke ga ka Jehova lomo kareteni yiswa, ba lo gi humesa hi lomo ndlwini ya Abinadaba: na Uzza na Ahio ba wa cayela a kareta.
- 8 Na Davida ni wonkle Israeli ba wa ku hlakana mahlweni ka Nungungulu hi ntamo wabye wonkle, hi kuyimbelela, ni zitende, ni timbila, ni tingomana, ni maxaba, ni mipunzu.
- 9 Ni laha bona ba nga wa tile lilonzeni la nzhimbo wa Cidoni, Uzza i lo klakusa a canja ga yena a ku koma a arke; hakuba a tikabi ti wa retemukile.
- 10 Ni zanga ya ka Jehova yi wa lo vintlukiswa yi vukela Uzza, yena i lo daya yena, hakuba yena i lo klakusela a canja ga yena laha a arkeni; ni laho yena i lola mahlweni ka Jehova.
- 11 Na Davida i wa nga xalaliswangi, hakuba Jehova i vunjukele ehla ka Uzza: yena i lo cula lego wutsamo Perez-uzza, kala legi siku.
- 12 Na Davida i lo caba ha Nungungulu lego siku, aku, Nzi ta nehisa ku yini a arke ga ka Nungungulu le kaya ka mina ke?
- 13 Zingaho Davida i wa nga nehang i arke ka yena le mutini wa Davida, kanilezi i lo rwala a hambukisa gona leyo le ndlwini ya Obed-edome a mu Giti.
- 14 Ni a arke ga ka Nungungulu gi lo tsama lomo ndlwini ya Obed-edome a tihweti tinharu: na Jehova i lo kattekisa a yindlu ya Obed-edome, ni zonkle lezo a nga wa hi nazo.

XIIMO 14.

- 1 Na Hiram a hosi ya le Tire yi lo rumela a mitsukano ka Davida, ni tisinya ta sedare, ni babaluli, ni bamaseri, a ku akela yena a yindlu.
- 2 Na Davida i lo pima lezaku Jehova i yimisile yena a hosi ehla ka Israeli; hakuba a mufumo wa yena wu wa lo klakuswa le ehla, hi kota munhu wa yena Israeli.
- 3 Na Davida i lo engetela ku teka ba basati le Jerusalema; na Davida i lo engetela kutrala barisanyana ni banhanyana.
- 4 Laya hi mabito ya banana labo yena a nga wa hi nabo le Jerusalema: Xa-

mmua, na Xobaba, Natani, na Solomon, na Ibhara, na Elixua, na Elipelete,

6 Na Noga, na Nafega, na Jafia,

7 Na Elixama, na Beeliada, na Elifelete.

8 Ni laha a ma Filisti ma nga wa zwile lezaku Davida i lo totiwa a hosi hehla ka Israeli wonkle, ni wonkle a ma Filisti ma lo kanziya a ku hlota Davida: na Davida i lozwa ha kona, i lo huma a yalwa na bona.

9 Makunu a ma Filisti ma wa tile ma ta maha a xijumani le mikobeni ya le Refaime.

10 Na Davida i lo wutisa ha Nungungulu, aku, Mina nza kanziya nziya vukela a ma Filisti ke? na wena u ta nyikela wona le canjeni ka ga mina ke? na Jehova i te ngalo ka yena, Kanziya uya, hakuba mina nzi ta nyikela bona canjeni ga wena.

11 Zingaho bona ba lo kanziya bata le Baal-perazimu, na Davida i lo hlasela bona laho; na Davida i te ngalo, Nungungulu i tsobile a balala ba mina hicanja ga mina, ku fanana ni likirisi la mamati. Hikwalaho ba lo cula a bito ga lego wutsamo Baal-perazimu.

12 Na bona ba lo siya banungungulu babye leyo; na Davida i lo nyika kuleletela, na bona ba wa hisilwe hi nzilo.

13 Ni ma Filisti ma wa laku engeta kambe ma maha a xijumani lomo mikobeni.

14 Na Davida i lo wutisa kambe ha Nungungulu; na Nungungulu i wa te ngalo ka yena, Wena u nga ta kanziya a nzako ka bona; hambuka kule u suka ka bona, uta u kamanyeta bona u ba vukela le sinyeni ya mulbere.

15 Na kona ku ta lezo, ni laha wena u zwako a guwa ga ku famba le hehla ka tisinya ta mulbere, zonake wena u ta huma uya kulweni; hakuba Jehova i humele a famba mahlweni ka wena a ku hlasela a impi ya ma Filisti.

16 Na Davida i lo maha kwatsi hilezi Nungungulu a leleteleko yena: na bona ba lo hlasela a impi ya ma Filisti ku sukela Gibeoni kala Gezera.

17 Ni wudumo ga Davida gi lo huma gi famba matikweni wonkle; na Jehova i lo neha a xicabyo xa yena hehla ka wonkle mifumo.

XIPIMO 15.

1 Na Davida i lo ti mahela yena a tindlu le mutini wa Davida; na yena i lo longiselela a wutsamo ga a arke ya ka Nungungulu, i lo gwimbela gona a tenta.

2 Zonake Davida i te ngalo, A nga kona a kotako ku rwala a arke ga ka Nungungulu kanilezi a ba ka Levi; hakuba bona hi bona Jehova a hlawulileko a kurwala a arke ga ka Nungungulu, ni ku kozela ka yena kala kupinzuka.

3 Na Davida i lo tsombanyisa wonkle Israeli le Jerusalema, a ku kanziya ba neha a arke ga ka Jehova wutsanweni ga gona, lego yena a gi longiseleko gona.

4 Na Davida i lo tsombanyisa katigizwe a barisanyana ba ka Aroni, ni ba ka Levi:

5 A ka barisanyana ba ka Kohate, Urieli a hosi, ni bamakabye ba yena ba wa hi zana ni makume mambiri;

6 A ka barisanyana ba ka Merari, Asaia a hosi, ni bamakabye mazana mambiri ni makume mambiri;

7 A ka barisanyana ba ka Gerxome, Joeli a hosi, ni bamakabye ba yena ba hi zana ni makume manharu;

8 A ka barisanyana ba ka Elizafani, Xemaia a hosi, ni bamakabye ba yena mazana mambiri;

9 A ka barisanyana ba ka Hebron, Elieli a hosi, ni bamakabye nkhanu ni manharu makume;

10 A ka barisanyana ba ka Uziele, Aminadaba a hosi, ni bamakabye ba yena i zana ni kume ni mambiri;

11 Na Davida i lo bitana Zadoke na Abiatar a bapristi, ni ba ka Levi, yena Urieli, Asaia, na Joeli, Xemaia, na Elieli, na Aminadaba,

12 I te ngalo ka bona, Nwina hi nwina tihloko ta tindlu ta badadani ba ka Levi: basisani a wutsumbu ga nwina, nwina nwenkle ziwe ni bamakabye ba nwina, kasi nwina ma fela ku kanziya mu neha a arke ga ka Jehova, a Nungungulu wa ka Israeli, le wutsanweni lagi mina nzi longiseleko gona.

13 Hakuba nwina a mu rwalako gona kuranga, Jehova a Nungungulu wa hina i lo maha a xigirimuka hehla ka hina, hakuba lezo hina hi lo hlota yena na ku ngahi hi kukotisa hi xiyimiso.

14 Zingaho a bapristi ni ba ka Levi ba

- lo basisa a wutsumbu ga bona a ku kanziya ba neha a arke ga ka Jehova, a Nungungulu wa ka Israeli.
- 15 Ni banana ba ka Levi ba lo rwala a arke ga ka Nungungulu hehla ka makakla yabye hi mipingu ya kona, ku kotisa lezi Mosi a nga wa leletele kukotisa hi ka mhaka ya ka Jehova.
- 16 Na Davida i lo wulawula ka tihosi ta ka Levi a ku hlawula a bamakabye ba bona bayimbeleli, zinwe ni tishunzu wa kuvuma, timbila ni zitenge ni tingomana, a guwa ga kukanyuluka ba tlakusa a magezu hi litsako.
- 17 Zingaho a ba ka Levi ba lo langa Hemani a nisanyana wa Joeli; ni bamakabye ba yena, na Asafa a nisanyana wa Berecia; ni barisanyana ba ka Merari makabye wabye, na Etane a nisanyana wa Kuxaia;
- 18 Zinwe na bona a bamakabye babye ba lixaxa la wumbiri, Zakaria, Beni, na Jaazieli, na Xemiramote, na Jehieli, na Unni, Eliabe, na Benaia, na Maaseia, na Mattitia, na Elifelehu, na Mikneia, na Obed-edome, na Jeieli, a muhlayisi wa nyangwa.
- 19 Zingaho bayimbeleli, Hemani, Asafa, na Etane, ba wa langilwe, zinwe ni zingomana za suku a ku gidibela zi vuma;
- 20 Na Zakaria, na Azieli, na Xemiramote, na Jehieli, na Unni, na Eliabe, na Maaseia, na Benaia, zinwe ni mihambi ba angela le Alamote;
- 21 Na Mattitia, na Elifelehu, na Mikneia, na Obed-edome, na Jeieli, na Azaria, zinwe hi zitende ba lo angela le Xeminite a ku rangela.
- 22 Na Cenania, a hosi ya ba ka Levi, i wa wumbelwe hehla ka kuyimbelela: i wa ku gonzisa a kuyimbelela, hakuba yena i wa tlarihile.
- 23 Na Berecia na Elkana ba wa hi ba hlayisi balibati la a arke.
- 24 Na Xebania, na Jehoxafate, na Netaneli, na Amasai, na Zakaria, na Benaia, na Eliezare, a bapristi, ba loba a mipunzu mahlweni ka arke ga ka Nungungulu; na Obed-edome na Jehia ba wa hi balilayisi ba nyangwa ya a arke.
- 25 Zingaho Davida, ni masingalakati ya ka Israeli, ni tinduna ti wumbelweko hehla ka makume mazana, ba lo famba baye neha a arke ga xivumelwano xa ka Jehova gi huma le ndlwini ya ka Obed-edome zinwe hi litsako.
- 26 Na ku mahisile lezo, laha na Nungungulu a vunetele a ba ka Levi labo ba nga wa rwele a arke ga xivumelwano xa ka Jehova, lezaku bona ba lo pahlela a nklanu ni timbiri tihonwana ni nklanu ni timbiri a tihamba.
- 27 Na Davida i wa lo ambala hi nguwo ya wukene go saseka, ni bonkle a ba ka Levi labo ba rweleko a arke, ni bayimbeleli, na Cenania a hosi ya kuyimbelela zinwe ni bayimbeleli; na Davida i wa bohile hehla ka a efodi ga wukene.
- 28 Zakungali wonkle Israeli i lo kanziya a neha a arke ga xivumelwano xa ka Jehova hi kukanyuluka, zinwe ni guwa ga ziorireto, zinwe ni mipunzu, zinwe ni tingoma, zi vuma nguvu zinwe ni timbila ni zitende.
- 29 Na ku mahisile lezo, kwatsi hilezi a arke ga xivumelwano xa ka Jehova xi nga wa tile mutini wa Davida, lezaku Mikali a nhanya wa Saule i lo cuwuka lahandle hi la wonini, i lo wona a hosi Davida na a kari a nkinana na a hlakana; yena i lo monya yena lomo mbilwini ya yena.

XIPIMO 16.

- 1 Na bona ba lo engenisa a arke ga ka Nungungulu, ba lo beka gona lomo xikari ka tenta lego Davida a nga wa gwimbele gona: na bona ba lo nyikela a minyikelo ya kuhiswa ni minyikelo ya kurula mahlweni ka Nungungulu.
- 2 Ni laha Davida a nga wa mahile ku gumelwa a ku nyikela a minyikelo ya kuhiswa ni minyikelo ya kurula, yena i lo katekisa a banhu lomu bitweni ga ka Jehova.
- 3 Yena i lo maha ka bonklelele ba ka Israeli, bonkle ba banuna ni ba basati, ka bonklelele a kowo wa xibaba, a xiabelo xa nyama, xikeketselo xa tisote ta magrepi.
- 4 Na yena i lo hlawula bo kari ba ka Levi a ku kozela mahlweni ka arke ga ka Jehova a kukulisa ni kubonga ni kudumisa Jehova, a Nungungulu wa ka Israeli:
- 5 Asafa a hosi, loye a gamelako yena nzi Zakaria, Jeieli, na Xemiramote, na Jehieli, na Mattitia, na Eliabe, na Benaia, na Obed-edome, na Jeieli, zinwe hi timbila zinwe hi zitende; na

- Asafa ni xingomana, a gidibela nguvu ;
- 6 Na Benaia na Jehazileli a bapristi zizwe hi kuba mipunzu hi kusimamisiweko, mahlweni ka arke ga xivumelwano xa ka Nungungulu.
- 7 Zonake ka lego siku Davida i lo rangula a ku yimisa ku nyika kubonga ka Jehova, hi canja ga Asafa ni bamakabye ba yena.
- 8 O nyikani a kubonga ka Jehova, bitanani hehla ka bito ga yena ; Mahani ku tibyiwa a zimaho za yena xikari ka banhu.
- 9 Yimbelelani ka yena, yimbelelani a midumiso ka yena ; Wulani nwina yonkle mitiro ya yena ya mahanjalati.
- 10 Dumisani nwina ka bito ga yena go basa ; Nga mbilu ya bona yi buma labo ba hlotako Jehova.
- 11 Hlotani nwina Jehova ni ntamo wa yena ; Hlotani nghohe ya yena kala kupinzuka kambe.
- 12 Alakanyani a mitiro ya yena ya mahanjalati leyo ye a yi mahileko, A mihlamaliso ya yena, ni milamulisiso ya nomu wa yena,
- 13 O nwina mbewu ya ka Israeli a nanza ga yena, Nwina banana ba ka Jakobe, nwinaba ba yena bahlawuliweko.
- 14 Yena nzi Jehova a Nungungulu wa hina ; A milamuliso ya yena yi lomo misabeni yonkle.
- 15 Alakanyani xivumelwano xa yena kala kupinzuka, A mhaka leyi a yi leleteleko ka kume ga mazana ya zizukulwana,
- 16 A xivumelwano lexo a xi mahileko na Abrahama, Ni xifungo xa yena ka Isaka,
- 17 I lo tiyisa kwaloku ka Jakobe akuba xilayelo, Ka Israeli akuba xivumelwano xi pinzukulisiweko,
- 18 Aku, A ka wena mina nzi ta nyika wena a tiko ga le Kenani, A hlolo ya tsomba ya wena ;
- 19 Laha nwina mu nga wa hi ba tsongo le tsengweni, Ina, ba tsongo nguvu, ni tinzubeti ka gona ;
- 20 Na bona ba nzula ka tiko ni tiko, Ba sukela ka mufumo muawe ni ka bazwani banhu.
- 21 Yena a nga vumelangi ni munhu ku maha bona kubihla ; Inaka, yena i lo kawuka a tihosi hi kota ya bona,
- 22 Aku, Mu nga kumbi a batotilweko ba mina, Mu nga mahe mhango ka baprofeti ba mina.
- 23 Yimbelelani ka Jehova, nwenkle misaba ; Kangetani a hanyisisiso wa yena ku sukela ka siku ni siku.
- 24 Klambutelani a wukosi xikari ka mifumo, A mitiro ya yena ya mahanjalati xikari ka banhu bonkle.
- 25 Hakuba a wa hombe nzi Jehova, hi kukulisilweko a be a dumisiweko ; Yena a be a cabyiwako hehla ka banungungulu bonkle.
- 26 Hakuba bonkle a banungungulu ba banhu ba hi zifananiso ; Kanilezi Jehova i mahile a matilo.
- 27 A kudzunziwa ni kukuliswa ku le mahlweni ya yena ; A ntamo ni kutsakiwa ku le wutsanweni ga yena.
- 28 Klamuselani ka Jehova, nwina maxaka ya banhu, Klamuselani ka Jehova a wukosi ni ntamo ;
- 29 Klamuselani ka Jehova a wukosi ga fanalo ka bito ga yena ; Nahani a munyikelo, ngonani mahlweni ka yena ; Dumisani Jehova hi bombelo yi basileko.
- 30 Rurumelani mahlweni ka yena, nwenkle misaba ; A tiko kambe gi yimisilwe lezaku gi nga ta tsekatsesiswa.
- 31 Nga a matilo ma be ma tsakisilweko, nga misaba yi be yi bumako ; Na nga bona ba wula xikari ka mifumo, Jehova a fumileko.
- 32 Nga a bimbi gi dzinza, ni ku tala ka gona ; Nga a kwati gi kukumuka, ni zonkle lezo zi nga ka gona ;
- 33 Zonake a tisinya ta kwati ti ta yimbelela a tsakiso mahlweni ka Jehova ; Hakuba yena a tako a ku ta lamula a misaba.

- ...kubonga ka Jehova,
...yena i sasekile;
...kuranzakawunene ga
...ku tsamako kala kupinzu-
...wina, Hanyisa hina, O
...Nungungulu wa kuhanyisa ka
...
...katsombanyisa hina katigizwe
...hanyisa hina mifunweni,
A ku nyika kubonga ka bito ga
wena go basa,
Ni kugiya a klangelweni wa we-
na.
A be a katekisilweko Jehova, a
Nungungulu wa ka Israeli,
Kusukela kupinzukelisweni kala
kupinzukelisweni.
Ni bonkle banhu ba te ngalo, Ame-
ni, ba lo dumisa Jehova.
37 Zingaho yena i lo siya laho, ma-
hlweni ka arke ga xivumelwano xa
ka Jehova, Asafa ni bamakabye ba
yena, a ku kozela mahlweni ka arke
hi kusimamisilweko, kwatsi hi tiro
wa siku ni siku wu labekako;
38 Na Obed-edome zinwe ni bamakabye
banye, i nklanu ni ginwe makumeni
nklanu ni banharu; na Obed-edome
na hi a nisanyana wa Jedutuni na
Hosa akuba ba hlaysi ba libati;
39 Na Zadoke a mupristi, zinwe ni ba-
makabye ba yena a bapristi, ma-
hlweni ka tabernakele ga ka Jeho-
va wutsanweni gi klakukileko lego
gi nga wa hi leyo Gibeoni,
40 A ku nyikela a minyikelo ya kuhi-
swa ka Jehova hehla ka alati ga
munyikelo wa kuhiswa hi kusima-
misilweko a mixo ni gambo, kona
kukotisa hi ka bonkle lezo si tsali-
lweko naweni wa ka Jehova, lowo
wu leletelweko Israeli;
41 Na zinwe nabo Hemani na Jedutuni,
ni bonkle ba langilweko, labo ba ku-
mbukilweko hi mabito, a ku nyika
kubonga ka Jehova, hakuba a kura-
nzakawunene ga yena ku simamile
kala kupinzuka;
42 Na zinwe nabo Hemani na Jedutuni
zinwe ni mipunzu ni tingomana ta
labo ba nga wa ta nga ba gidibela ba
vumisa, zinwe ni nzumba wa tisimu
ta Nungungulu; ni barisanyana ba
Jedutuni ba wa hi le nyangweni.
43 Ni bonkle banhu ba lo suka bonkle-
lele le ndlwini ya yena: na Davida
i wuya a ta katekisa a yindlu ya
yena.

XIPIMO 17.

- 1 Na ku mahisile lezo, laha Davida
a nga wa tsamile loma ndlwini ya
yena nwinyi, lezaku Davida i te nga-
lo ka Natani a muprofeti, Mangabye,
mina nzi tsama lomu ndlwini ya se-
dare, kanilezi a arke ga xivumelwano
xa ka Jehova gi tsama lahasi ka mi-
cacalato.
- 2 Na Natani i te ngalo ka Davida ma-
ha wena lezo si nga lomu mbilwini
ya wena; hakuba Nungungulu i zi-
nwe na wena.
- 3 Na ku mahisile lezo ka gwalego wu-
siku, lezaku a mhaka ya Nungungu-
lu yi la kuta ka Natani, yiku,
- 4 Famba uya byela Davida a nanza ga
mina, Zakungahi a wulako Jehova,
Wena u nga ta aka yindlu ya mina
a ku tsama lomo:
- 5 Hakuba mina a nzi se ku tsama lo-
mu ndlwini cima ka siku lego mina
nzi humetileko Israeli, kala legi si-
ku, kanilezi nzi wa kuyanakuya ka
tenta hi tenta, ni ku suka ga ginwe
a tabernakele ka ginweni.
- 6 A ka gonkle a wutsamo laha mina
nzi fambileko zinwe ni ba ka Israeli,
nzi lo wula mhaka yinwe ni banwa-
ni balamuli ba Israeli mina nzi ba
leleteleko ku maha barisi ba banhu
ba mina, nziku, Hi yini nwina mu
nga akeliko mina a yindlu ya sedare
ke?
- 7 Makunu hikwalaho zakungahi wena
u ta nga wula ka nanza ga mina Da-
vida, Zakungahi a wulako Jehova
wa mabandla, Mina nzi lo teka wena
le wuriselweni ga tiyivu, le kulanze-
leni ka tiyivu, lezaku wena u taba
hosana hehla ka munhu wa mina
Israeli:
- 8 Na mina nzi wa kari nzi hi zinwe na
wena kani hi kwili laho u yileko,
nzi lo tsema bonkle a balala ba wena
ba suka mahlweni ka wena; na mina
nzi ta maha wena a bito, ku fanana
ni bito ga banwe ba hombe laba ba
nga laha misabeni.
- 9 Na mina nzi ta langa a wutsamo ga
banhu ba mina Israeli, nzi ta tikireta
bona, kasi bona ba fela ku tsama lo-
mo wutsanweni gabye bona benyi,
ba nga be ba ha suka kambe; ge
hambu banana ba kubiba ba nga ta
ba hlokisa kambe, kwatsi hi kura-
nguleni.
- 10 Ni ku kwatsi hi ku sukela sikwint
lego nzi nga wa leletele a balamuli a

- ku wumbelwa helila ka banhu ba mina Israeli; na mina nzi ta kozisa bonkle a balala ba wena. Klataku mbiri mina nzi byela wena lezaku Jehova i ta aka wena a yindlu.
- 11 Na ku ta mahisile lezo, laha na masiku ya wena na matatisekile lezaku wena u ta famba a ku ya kuba ni badadani ba wena, lezaku mina nzi ta yimisa a mbewu ya wena a nzako ka wena, loye a ta nga kuba wa barisanyana ba wena; na mina nzi ta yimisa a mufumo wa yena.
- 12 Yena hi yena a ta nga akela mina a yindlu, na mina nzi ta yimisa a xitsamo xa yena kala kupinzuka.
- 13 Mina nzi ta kuba a dadani wa yena, na yena i ta kuba a nisanyana wa mina: na mina nzi nga ta susa a kuranzakawunene ga mina ka yena, kwatsi hilezi nzi tekileko ka yena loye a nga wa hi mahlweni ka wena:
- 14 Kanilezi mina nzi ta tsamisa yena lomu ndlwini ya mina ni lomu mufuaweni wa mina kala kupinzuka; ni xitsamo xa wukosi xi ta tiyiswa kala kupinzuka.
- 15 Kukotisa hi ka tonkle leti timhaka, kukotisa hi ka wonkle lowu a muwoniso? zingaho Natani i lo wulawula ka Davida.
- 16 Zonake Davida a hosi i lo engena ndlwini, i lo tsama mahlweni ka Jehova; na yena i te ngalo, Mina nzi mina maniwowo, O Jehova Nungungulu, na cihhi cini a yindlu ya minawu, lezi wena u nehako mina a kule ka kungaho ke?
- 17 Lexi xi wa hi xilo xitsongwana mahlweni ka wena, O Nungungulu; kanilezi wena u wulawulile hi yindlu ya nanza ga wena akuba ya hombe bi xikati xi tako, na u mahile ka mina kukotisa hi ka munhu wa xikundla xa hombe, O Jehova Nungungulu.
- 18 Xini Davida a nga wa ta ha wula ka wena kukotisa hi ka kudzunzwa lo ku wena u ku mahileko ka nanza ga wena ke? hakuba wena wa gi tiba a nanza ga wena.
- 19 O Jehova, hakuba hi kota ya nanza ga wena, na hi kukotisa hi ka mbilu ya wena nwinyi, wena u mahile gonkle legi a wukulu, a ku maha kutibye kiwa zonkle lezi zilo za hombe.
- 20 O Jehova, laho a nga kona wo fanana na wena, ge cima laho a nga kona a Nungungulu hi lahandle ka wena, kukotisa hi ka zonkle lezo hina hi zizwileko hi tindlebe ta hina.
- 21 Hi wihi a munwe a mufumo wo fanana ni banhu ba wena Israeli loye Nungungulu a labako ku klaklisa ka wutsumbu ga yena akuba banhu, a ku maha wena a bito hi kukula ni zilo zi cabekako, hi ka ku hlongola a mifumo mahlweni ka banhu ba wena, labo wena u ba ba klaklisileko ba huma le Gipite ke?
- 22 Hakuba a banhu ba wena Israeli wena u lo maha munhu wa wena nwinyi kala kupinzuka; na wena, Jehova, u mahile a Nungungulu wabye.
- 23 Ni makunu, O Jehova, nga mhaka leyi wena u yi wulawulileko xungetano ni nanza ga wena, ni xungetano ni yindlu ya yena, a yibe yi tiyisilweko kala kupinzuka, ni ku ku maha kwatsi hilezi wena u wulawulileko.
- 24 Na nga a bito ga wena a gibe gi yimisilweko gi kulisilweko kala kupinzuka, giku, Jehova wa mabandla nzi Nungungulu wa ka Israeli, yena nzi Nungungulu ka Israeli: ni yindlu ya ka Davida a nanza ga wena a yibe yi yimisilweko mahlweni ka wena.
- 25 Hakuba wena, O Nungungulu wa mina, u vululile ka nanza ga wena lezaku wena u ta akela yena a yindlu: hikwalaho a nanza ga wena gi kumile nzeni ka mbilu ya gona, a ku kombela mahlweni ka wena.
- 26 Ni makunu, O Jehova, wena hi wena Nungungulu, u tsumbisile lexi xilo xo saseka ka nanza ga wena:
- 27 Ni makunu kona ku xalalisile wena a ku katekisa a yindlu ya nanza ga wena, lezaku kasi kona ku fela ku sinamisa kala kupinzuka mahlweni ka wena: hakuba wena, O Jehova, u katekisile, na kona ku katekisilwe kala kupinzuka.

XIPIMO 18.

- 1 Ni nzako ka lezi kona na ku mahisile lezo, lezaku Davida i lo hlasela a ma Filisti, i lo kozisa wona, i lo teka Gati ni miti ya kona canjeni ga ma Filisti.
- 2 Na yena i lo hlasela Moabi; ni ma Moabi ma lo maha a malanza ka Davida, ma lo neha a nzubo.
- 3 Na Davida i lo hlasela Hadarezera a hosi ya le Zoba kala Hamate, kwa-

- tsi bilezi a nga wa tsambalaza ku yimisa a mufumo wa yena le congweni Euftrate.
- 4 Na Davida i lo teka le ka yena a kume ga mazana ya tikareta, ni nlanu ni bambiri a kume ga mazana ya ba banuna ba mahaxi, ni makume bambiri a kume ga mazana ya ba banuna ba mikonzo; na Davida i lo paklula a misiha ya mahaxi ya tikareta, kanilezi i lo siya ka wona a zana ga tikareta.
- 5 Ni laha a ma Siria ya le Damaskusi ma nga wa tile a kuta vumetela Hadarezera a hosi ya le Zoba, Davida i lo daya a ba ma Siria a makume bambiri ni bambiri a kume ga mazana ya ba banuna.
- 6 Zonake Davida i lo beka a maviyo le Siria ga le Damaskusi; ni ma Siria ma lo maha a malanza ka Davida, ba lo neha a nzubo. Na Jehova i lo nyika a kuhlula ka Davida kani hi kwihi laho yena a yako.
- 7 Na Davida i lo teka a ziklangu za nzalama lezo zi nga wa hi ni malanza ya Hadarezera, i lo neha zona le Jerusalema.
- 8 Na hi le Tibhate, na hi le Kuna, a miti ya Hadarezera, Davida i lo teka a suku wo tala nguvu, lowo ha wona Solomoni i lo maha ha wona a bimbi ga suku, ni timbinga, ni zibya za suku.
- 9 Ni laha Tou a hosi ya le Hamate a nga wa zwile lezaku yena Davida lezaku i hlasele tonkle a timpi ta Hadarezera a hosi ya le Zoba,
- 10 Yena i lo rumela Hadaramu a nisanyana wa yena ka hosi Davida, a ku losetela yena, ni ku katekisa yena, hakuba yena i lwile na Hadarezera ni ku i hlulile yena (hakuba Hadarezera i wa hi ni timpi na Tou); na yena i wa hi ziwe naye tonkle tixaka ta zibya ta nzalama ni siliva ni suku.
- 11 Lezi kambe a hosi Davida i lo zi nyikelelisisa ka Jehova, ziwe ni siliva ni nzalama leyo yena a yi fulileko hi lomo mifuzweni yonkle; hi le Edome, ni le Moabi, ni le ka banana ba ka Ammoni, ni hi le ka ma Filisti, ni le ka ma Amaleki.
- 12 Klatakumbiri Abixai a nisanyana wa Zerua i lo hlasele a ba ka Edomi le Mikobeni ya Munyu kume ni nlanu ni banharu a kume ga mazana.
- 13 Na yena i lo beka a maviyo le Edome; ni wonkle a ma Edome ma lo maha a malanza ka Davida. Na Jehova i lo nyika kuhlula ka Davida kani hikwihi laho ayako.
- 14 Na Davida i lo fumela hehla ka wonkle Israeli; na yena i lo tsanza a nongumeto ni lulamisiso ka bonkle banhu ba yena.
- 15 Na Joabe a nisanyana wa Zerua i wa wumbelwe hehla ka impi; na Jehoxafate a nisanyana wa Ahiluda i wa hi mukumbuxeti;
- 16 Na Zadoke a nisanyana wa Ahituba, na Abimeleki a nisanyana wa Abiatar, ba wa hi bapristi; na Xavxa i wa hi mutsali;
- 17 Na Benaia a nisanyana wa Jeholada i wa wumbelwe hehla ka ma Cereti ni ma Peleti; ni barisanyana ba ka Davida ba wa hi tihosana laha hosini.

XIPIMO 19.

- 1 Na ku mahisile lezo a nzako ka lezi, lezaku Nahaxi a hosi ya banana ba ka Ammoni i lofa, ni nisanyana wa yena i lo fuma lomo xikunleni xa yena.
- 2 Na Davida i te ngalo, Mina nzi ta wonisa a titralo ka Hanuna a nisanyana wa Nahaxi, hakuba dadani wa yena i lo kombisa a titralo ka mina. Zingaho Davida i lo rumela a mitsukano ku ya cabelela yena hi xungetano ni dadani wa yena. Ni malanza ya ka Davida ma lota le tikweni ga banana ba ka Ammoni ka Hanuna, a kuta cabelela yena.
- 3 Kanilezi a tihosana ta banana ba ka Ammoni ba te ngalo ka Hanuna, U alakanya wena lezaku Davida i dzunza a dadani wa wena, a ka lezo yena a rumeleko a kucabelela ka wena ke? a malanza ya yena a ma telangi ku kamela, ni ku ta hoxa, ni kuta hlola a tiko ke?
- 4 Zingaho Hanuna i lo teka a malanza ya ka Davida, i lo kaya wona, i lo cinga wona, i lo tsema a tinguwo ta wona hi laha xikari, kala lo magumo ka nzhungo, i lo ma fambisa.
- 5 Zonake ku loya a banhu bo kari, ba lo byela Davida lezaku a ba banuna ba komisilwe ku yini. Na yena i lo rumela kukinga bona; hakuba ba banuna ba wa hi ni tingana nguvu. Ni hosi yi te ngalo, Tsamani le Jeriko kala a silevu za

- zwina zi bezi kulileko, na zonake mu ta wuya.
- 6 Ni laha a banana ba ka Ammoni ba nga wa wonile lezaku bona ba mahile a libengo ka Davida, Hanuna ni banana ba ka Ammoni ba lo rumela a kume ga mazana ya titale-nta ta siliva a kuya pembe a tikareta ni ba banuna ba mahaxi ba le Mesopotamia, ni ba le Aram-maaka, ni ba humako hi le Zoba.
- 7 Zingaho bona ba lo pemba bona makume manharu ni timbiri a kume ga mazana ya tikareta, ni hosi ya le Maaka ni banhu ba yona, labo ba nga wa humele ba lo goba mahlweni ka Medeba. Ni banana ba ka Ammoni ba lo tsombanyisa a wutsumbu gabye katigiwe ba huma hi lomo mitini yabye, na ba lota impini.
- 8 Ni laha Davida a nga wa zwile ha kona, yena i lo rumela Joabe, ni yonkle a impi ya ba banuna ba tinhenha.
- 9 Ni banana ba ka Ammoni ba lo huma lahandle, ba lo hlomisa a impi maklari le nyangweni ya muti: ni tihosi leto ti nga wa tile ti wa hi ka wutsumo ga wutsumbu ga tonawu toce leyo handle.
- 10 Makunu laha Joabe na nga wa wonile lezaku a impi yi kangatile yi ranzela yena hi le mahlweni na hi le nzako, yena i lo langa bonkle ba banuna ba laugilweko ka Israeli, i lo hlomisa bona maklari ba vukela a ma Siria.
- 11 Ni bonkle ba banuna ba seleko i lo ba beka canjeni ga Abixai a makabye wa yena; na bona ba lo hloma a wutsumbu gabye a maklari balwa ni banana ba ka Ammoni.
- 12 Na yena i te ngalo, Loku a ma Siria ma nga ma hi ni ntamo ku hunza mina, zonake wena u ta vunetela mina; kanilezi loku a banana ba ka Ammoni ba hi ni ntamo ku hunza wena, zonake mina nzi ta vunetela wena.
- 13 Mu nga be na blanekero, nga hina ha nga hlakana hi wununa hakuba hi banhu ba ka hina, na hakuba hi muti wa Nungungulu wa hina: na Jehova a mahle lezo zi wonakako kwatsi kusasa ka yena.
- 14 Zingaho Joabe ni ba banuna labo ba nga wa hi zinwe naye ba lo tsinela kusuhi mahlweni ka ma Siria kasi a kulwa; na bona ba lo tsuwuka mahlweni ka yena.
- 15 Ni laha a banana ba ka Ammoni ba nga wa wonile lezaku a ma Siria ma tsuwukile, bonawu kambe ba lo tsuwuka mahlweni ka Abixai a makabye wa yena, ba lo engena lomo mutini. Zonake Joabe i lota le Jerusalem.
- 16 Ni laha a ma Siria ma nga wa wonile lezaku bona ba mahilwe a tsuwuko mahlweni ka Israeli, bona ba lo rumela a mitsukano, ba loya hlomisa wonkle a ma Siria laya ma nga wa hi klatuko Congo, zinwe na Xofake a nduna ya Hadarezera a hi hloko.
- 17 Na kona ku wa lo byelwa Davida; na yena i lo tsombanyisa wonkle Israeli katigiwe, i lo klatuka a klatukweni wa Jordani, i lota kamanyeta bona, i lo hlomisa a impi a maklari yilwa zinwe nabo. Zingaho laho Davida a nga wa hlomisile a impi maklari kulwa ni ma Siria, na bona ba lolwa zinwe nabo.
- 18 Ni ma Siria ma lo tsuwuka mahlweni ka Israeli; na Davida i lo daya a ka ma Siria a ba banuna ba nklanu ni bambiri ba kume ga mazana ya tikareta, ni mune wa makume a kume ga mazana a ba banuna ba mikonzo, i lo daya Xofake a nduna ya impi.
- 19 Ni laha a malanza ya Hadarezera ma nga wa wonile lezaku bona ba mahilwe a tsuwuko mahlweni ka Israeli, bona ba lo maha kurula zinwe na Davida, balo kozela yena: cima ba wa nga ba nga ha engetangi kambe a ma Siria a ku vunetela a banana ba ka Ammoni kambe.

XIPIMO 20.

- 1 Na ku mahisile lezo, hi xikatini xa ku renzeleka ka lembe, hi ka xikati a tihosi ti humako tiya impini, lezi Joabe i lo rangela a impi, i lo hahlula a tiko ga banana ba ka Ammoni, i lota vimbezela Raba. Kanilezi Davida i wa lo siwuka le Jerusalem. Na Joabe i lo hlasela Raba, i lo hahlula wona.
- 2 Na Davida i lo teka a xihuku xa wukosi xa hosi yabye le hlokweni ya yena, i lo kuma xona na xi ringana ni talenta ya nzalama hi kubinza, ni laho ku wa hi ni malongo ya maribye ka xona; na xona xi wa lo klatekwa hehla ka hloko ya Davida: na yena i lo neha a mupango wa muti, wu wa hunzelele ku tala.

- 3 Na yena i lo humesa a banhu labo ba nga wa hi lomo, i lo tsema bona hi tisaruti, ni mikengeklu ya ziketse, ni zikloka, zakungahi i lo maha Davida ka yonkele a miti ya banana ba ka Ammoni. Na zinwe ni banhu bonkele ba lo klelela le Jerusalema.
- 4 Na ku mahisile lezo a nzako ka lezi, laho ku lo vuka i impi leyo Gezera zinwe ni ma Filisti: zonake Sibbekai a mu Huxate i lo daya Sippai, wa barisanyana ba tingwazi; na nona ba wa lo hlulwa.
- 5 Ni laho ku wa hi kona kambe a impi zinwe ni ma Filisti; na Elhanana a nisanyana wa Jairo i lo daya Lahmi a makabye wa Golia a mu Giti, a mbingo wa klari ga yena ku wo fanana ni piselo wu komelweko.
- 6 Ni laho ku wa hi kona kambe a impi le Gati, laho ku nga wa hi kona a wanuna wa dzumba ga hombe, loye a titiho ta yena ni tinyala ta yena ti nga wa makume mambiri ni mune, nklanu linwe ka legi ni legi a canja, ni nklanu ni linwe ka lowo ni lowo a konzo; na yenawu kambe i lo tralelwa ka tingwazi.
- 7 Ni laba yena a nga wa klangamelile Israeli, Jonatani a nisanyana wa Ximea a makabye wa Davida i lo daya yena.
- 8 Laba hi laba ba nga wa trelwe ka ngwazi ya le Gati; bona ba lowa hi canja ga Davida, ni canja ga malanza ya yena.

XIPIMO 21.

- 1 Na Satani i losuka a yima a vukela Israeli, i lo vuxela Davida a ku hlaya ba ka Israeli.
- 2 Na Davida i tengalo ka Joabe ni ka tihosana ta banhu, Fambani, mu ya hlaya Israeli kusukela le Berexeba kala le Dani; ni ku neha ka mina a mhaka, kasi mina nza fela a ku tiba a tsengo wa bona.
- 3 Na Joabe i te ngalo, Jehova i mahile a banhu ba yena a mazana a ku tala kwatsi hilezi ba teleko: kanilezi, a winyi wa mina a hosi, bona bonkele hi malanza ya winyi wa mina a hosi ke? hiyini a hosi ya mina yi wutisako a zilo zakungahi ke? hiyini a ta nga bitana a xigoho ka Israeli ke?
- 4 Ahembalokoke a mhaka ya hosi yi lo pala Joabe. Ngahilezo Joabe i lo suka, i lo famba a tsemakanya wonkele Israeli, i lota le Jerusalema.

- 5 Na Joabe i lo nyika a tsengo wa xihlayo xa banhu ka Davida. Ni bonkele ba ka Israeli ba wa hi kume ga mazana ga kume ga mazana ni zana ga kume ga mazana laba ba zi kotako ku koma a supado: na Juda ku wa hi mune wa makume ni nklanu ni mambiri makume ya kume ga mazana a ba banuna labo ba zi kotako ku koma a supado.
- 6 Kanilezi Levi na Benjamini yena i wa nga hlayangi xikari ka bona; hakuba a mhaka ya hosi yi wa hi manyalataniso ka Joabe.
- 7 Na Nungungulu i wa nga xalalishwani hi xilo; hikwalaho yena i lo hlasela Israeli.
- 8 Na Davida i te ngalo ka Nungungulu, mina nzi onhile hi ku kulisilweko, a ka lezo mina nzi mahileko lexo xilo: kanilezi makunu susa, mina nza kongotela wena, a kugoha ka nanza ga wena; hakuba mina nzi mahile hi kupupulutisilweko.
- 9 Na Jehova i lo wulawula hi ka Gadi, a muwoni wa Davida, aku,
- 10 Famba u ya wulawula ka Davida, uku, Zakungahi a wulako Jehova, mina nzi nyika ka wena a zilo zinharu: langa a zinwe xa zona, kasi mina nza fela ku maha xona ka wena.
- 11 Zingaho Gadi i lota ka Davida, i te ngalo ka yena, Zakungahi a wulako Jehova, Teka lexi wena u xi ranzako:
- 12 Kutani a malembe manharu ya ndlala; kuta ni a tihweti tinharu ta ku riziwa mahlweni ka balala ba wena, laho a supado ya balala ba wena yi kamanyetile wena; kutani a masiku manharu ya supado ya ka Jehova, wona a tungu lomu tikweni, ni ngelosi ya ka Jehova yi ta daya yi tsemakanya wonkele a mbingano wa ka Israeli. Makunu hlohlosa a ku ka kuyini a kuhlamlala loku nzi ta klelisela ka loye a rumileko mina.
- 13 Na Davida i te ngalo ka Gadi, mina nzi le kutsimbeketweni ka hombe: nga mina nzi wela, mina nza kombele, lomo canjeni ga ka Jehova; hakuba a titralo ta yena ta hombe nguvu; nga mina nzi nga weli canjeni ga munhu.
- 14 Zingaho Jehova i lo rumela a tungu behla ka Israeli; laho ku lowa lomu ka Israeli nklanu ni mambiri a kume ga mazana ya banhu.

- 15 Na Jehova i lo rumela a ngelosi le Jerusalema a ku lobisa wona: kwa-tsi hilezi yi nga wa ha laba kulobisa wona, Jehova i lo languta, yena i lo hunzuluka kubiheni ka yena, i te ngalo ka ngelosi yi lobisako, Kona ku enele; makunu yimisa canja ga wena. Ni ngelosi ya ka Jehova yi wa yimile le lilonzeni la nzhimbo wa ka Ornani a mu Jebusi.
- 16 Na Davida i lo klukusa a mahlo ya yena, i lo wona a ngelosi ya ka Jehova xikari ka misaba ni tilo, yi komile a supado lomo canjeni ga yona yi klakusile hehla ka Jerusalema. Zonake Davida ni masingalakati, ba lo ambala a tinguwo ta tisakwa, ba lo wa hi tingohe ta bona.
- 17 Na Davida i te ngalo ka Nungungulu, A nzi mina nzi leleteleko a banhu a kuba ba hlaiwa ke? nzi mina loye nzi onhile nzi mahileko hi kubihisisilweko; kanilezi leti tiyivi, zini lezi tona ti mahileko ke? nga a canja ga wena, mina nza kombela wena, O Jehova a Nungungulu wa mina, vukela mina, ni ku vukela a yindlu ya dadani wa mina; kanilezi u nga vukeli a banhu ba ka wena, lezaku bona ba wa ta nga ba hi le nzhereni.
- 18 Zonake a ngelosi ya ka Jehova yi lo leletela Gadi a ku wula ka Davida, lezaku Davida i wa ta nga a kanziya, aya aka a alati lomo lilonzeni la nzhimbo wa Ornani a mu Jebusi.
- 19 Na Davida i lo kanziya hi ka kuwula ka Gadi, loko yena a wulawulileko bitweni ga ka Jehova.
- 20 Na Ornani i lo hunzuluka le nzako, i lo wona a ngelosi; ni barisanyana ba yena ba mune labo ba nga wa fihlile a wutsumbu gabye. Makunu Ornani i wa ku popa mabele.
- 21 Kwatsi hilezi Davida a nga wata ka Ornani, Ornani i lo cuwuka i lo wona Davida, i lo huma lahandle ka lilonze la nzhimbo, i lo korama a wutsumbu ga yena ka Davida hi nghohe ya yena lomo liranzyeni.
- 22 Zonake Davida i te ngalo ka Ornani, Nyika mina a wutsamo ga lilonze lanzimbo, kasi mina nza fela kuaka a lati ga ka Jehova: hi tsengo wu teleko wena u ta nyika kona ka mina, kasi a tungu wa fela kukawula le ka banhu.
- 23 Na Ornani i te ngalo ka Davida, Tekona kona ka wena, na nga a zwinyi

- wa mina a hosi a mahe lezo zi nga kusasa mahlweni ka wena: wanga-bye, mina nzi nyika a tikabi akuba minyikelo ya kuhiswa, ni nhunzu ya nzhimbo akuba tihunyi, ni mabele a kuba munyikelo wa tinzhoho; mina nzi ta nyika kona konkle.
- 24 Ni hosi Davida i te ngalo ka Ornani, Ge; mina hizinene nzi ta xaba kona hi tsengo wuteleko; hakuba mina nzi nga ta teka lezo zi nga za wena akuba za ka Jehova, ge ni ku nyikela a munyikelo wa kuhiswa na hi lahandle ka kuba nzi gekile.
- 25 Zingaho Davida i lo nyika Ornani hi wutsamo nklanu ni ginwe mazana ya maxekeli ya nzalama hi hi kuringanisa.
- 26 Na Davida i lo aka leyo a alati ka Jehova, i lo nyikela amunyikelo minyikelo ya kuhiswa ya minyikelo ya kurula, i lo bitana hehla ka Jehova; na yena i lo hlamlula hi le tilweni hi nzilo hehla ka alati ga munyikelo wa kuhiswa.
- 27 Na Jehova i lo leletela a ngelosi; na i lo mehela a supado ya yona lomo kotelweni wa yona.
- 28 A ka lexo xikati, laha Davida na wonile lezaku Jehova i lo hlamlula yena le lilonzeni la nzimbo wa ka Ornani a mu Jebusi, zonake yena i pahlela leyo.
- 29 Hakuba a tabernakele ga ka Jehova, lego Mosi a nga wa gi mahile le xiwuleni, ni alati ga munyikelo wa kuhiswa, a ka lexo xikati gi wa hi le wu tsanweni gi klakukileko ga le Gibeoni.
- 30 Kanilezi Davida i wa nga yangi mahlweni ka gona a ku ya wutisa wutisa ka Nungungulu; yena i wa lo caba hakuba hi supado ya ngelosi ya ka Jehova.

XIIMO 22.

- 1 Zonake Davida i te ngalo, Leyi hi yindlu ya ka Jehova Nungungulu, legi hi a alati ga munyikelo wa kuhiswa wa ka Israeli.
- 2 Na Davida i lo leletela a ku tso-mbanyisa katiginwe a tinzhubeti leto ti nga lomo tikweni ga ka Israeli; na yena i ruma a ba baluli a ku tira ku bakla maribye a ku aka a yindlu ya ka Nungungulu.
- 3 Na Davida i lo longiselela a ziketse za talo akuba za tikoko ta tibati ta tinyangwa, ni ta mipatswa; ni siku

- wa talisiso wu nga hiko na kuringa-niswa.
- 4 Ni tisinya ta sedare ti nga hiko na mitsengo : hakuba a ma Sidonia na bona ba le Tire ba lo neha a tisinya ta sedare hi talisiso ka Davida.
- 5 Na Davida i te ngalo, Solomoni a nisanyana wa mina wa ha hi muswa wa ranzeka, ni yindlu leyo yi ta nga akelwa akuba ya Jehova yi fela ku hunzelela a kubombiswa, ni wudumo ni wukosi ka wonkle matiko : mina hikwalaho nzi ta maha kulongiselela yona. Zingaho Davida i lo longiselela hi kutalisilweko hi mahlweni ka kufa ka yena.
- 6 Zonake yena i lo bitana Solomoni a nisanyana wa yena, i lo leletela yena a ku akela a yindlu ya ka Jehova, a Nungungulu wa ka Israeli.
- 7 Na Davida i te ngalo ka Solomoni a nisanyana wa yena, Kwatsi nzi mina, kona ku wa hi kona mbilwini ya mina a kuakela a yindlu ka bito ga Jehova a Nungungulu wa mina.
- 8 Kanilezi a mhaka ya ka Jehova yi lotta ka mina, yiku, Wena u halatile nkata hi kutalisilweko, u lo maha a timpi ta hombe : wena u nga ta aka a yindlu ka bito ga mina, hakuba wena u halatile a nkata wo tala behla ka misuba kuwoneni ka mina.
- 9 Languta, a nisanyana i ta trulwa ka wena, loye a ta nga kuba a wanuna wa kuhumula; na mina nzi ta nyika yena a kuhumula ka bonkle balala ba mu ranzeleko; ni bito ga yena i ta kuba Solomoni, mina nzi ta nyika kurutisa ni lalisiso ka Israeli masikwini ya yena.
- 10 Yena hi yena a ta nga akela a yindlu akuba ya bito ga mina; na yena i ta kuba a nisanyana wa mina, na mina nzi ta kuba a dadani wa yena; na mina nzi ta yimisa a xitsamo xa wukosi xa yena xa mufumo wa yena behla ka Israeli kala kupinzuka.
- 11 Makunu, nisanyana wa mina, Jehova a abe ziwwe na wena; ni ku vuvumisa wena, ni kuaka wena a yindlu ya ka Jehova a Nungungulu wa wena, kwatsi hilezi yena a wululeko a xungetano ziwwe na wena.
- 12 Ntsena Jehova a ku nyike a malanga ni kupimisisa, a nyike wena a kuwumbelwa xungetano ni ba ka Israeli; lezo zingaho wena kasi wa fela ku hlayisa a nawo wa Jehova a Nungungulu wa wena.
- 13 Zonake wena u ta vuvuma, loku wena u lonzowotela a ku maha zilayelo ni ziyimiso lezo Jehova a leleteleko Mosi xungetano ziwwe na Israeli : tiyiseta, u nga be na hlanekero; u nga cabe, hambu ni mbela ntamo.
- 14 Makunu, languta, le hlokisisweni ya mina nzi longiselele a kuba za yindlu ya ka Jehova a zana ga kume ga mazana titalanta ta nzalama, ni kume ga mazana ya kume ga mazana titalanta ta siliva, a suku ni ziketse zi nga ringanisiwiko; hakuba zona zi hi le talisisweni : a tisinya ni maribye mina nzi zi longiselele; wena u fanele ku engetela ka zona.
- 15 Klatakumbiri laho ku kona a ba banuna ba mitiro ziwwe na wena mbanyingi, a ba bakli ni batiri ba maribye ni tibakwa, ni bonkle banhu labo ba klarihileko ka tonkle tixaka ta mitiro :
- 16 Ba nzalama, ni siliva, ni suku, ni ziketse, laho a ba na ku hlayiwa. Suka u be u tirako, Jehova i taba ziwwe na wena.
- 17 Davida kambe i lo leletela tonkle tihosana ta ka Israeli a ku vunetela Solomoni a nisanyana wa yena, aku,
- 18 Yena Jehova a Nungungulu wa nwina a nga ziwwe na nwina ke? na yena a nga nyikangi nwina a kuhumula maklelweni wonklelele ke? hakuba yena i lo nyikela a baakileko ba tiko lomo canjeni ga mina; ni tiko gi kozisilwe mahlweni ka Jehova, ni mahlweni ka banhu ba yena.
- 19 Makunu longisani a timbilu ta nwina ni mihefemulo ya nwina a ku hlota a nzako ka Jehova a Nungungulu wa nwina; sukani hikwalaho, mu aka a yindlu ya kubasa ya Jehova Nungungulu, a ku neha a arke ga xivumelwano xa ka Jehova, ni zibya za kubasa za ka Nungungulu, a ka yindlu leyo yi ta nga a akelwa a bito ga ka Jehova.

XIPIMO 23.

- 1 Makunu Davida i wa kosahale ni masiku mateleko; na yena i lo maha Solomoni a nisanyana wa yena a hosi behla ka Israeli.
- 2 Na yena i lo tsombanyisa katigizwe tonkle a tihosana ta ka Israeli, ziwwe ni bapristi ni ba ka Levi.
- 3 Ni ba ka Levi ba wa ku hlaywa ku sukela ka ba makume manharu a wukale kuya le behla : ni tsengo

- wabye hi wulangelwa gabye, a munhu hi munhu, ba wa hi makume manharu ni nkhanu ni banharu a kume ga mazana.
- 4 A ka laba, a makume mambiri ni mune a kume ga mazana ba wa hi ba woneleli ba tiro wa yindlu ya ka Jehova; ni nkhanu ni gize mazana ba wa hi tinduna ni balamuli;
- 5 Ni mune wa makume a kume ga mazana ba wa hi bahlayisi ba tibati; ni mune wa makume a kume ga mazana a ba dumise Jehova hi nhunzu leyi mina nzi mahileko, ku lo wula Davida, a ku dumisa ha zona.
- 6 Davida i lo hambanyisela zona ka zixaneto kotisa ka barisanyana ba ka Levi: Gerxoni, na Kohate, na Merari.
- 7 A ba ka Gerxoni: Ladani na Ximei.
- 8 Ni barisanyana ba Ladani: Jehieli a hosi, na Zetamu, na Joeli, mbanharu.
- 9 A barisanyana ba ka Ximei: Xelomote, na Hazieli, na Harani, mbanharu. Laba ti wa hi tihloko ta tindlu ta badadani ba ka Ladani.
- 10 Ni barisanyana ba ka Ximei: Jahate, na Zina, na Jeuxa, na Beria. Laba bamune ba wa hi barisanyana ba ka Ximei.
- 11 Na Jahate i wa hi hosi, na Ziza a wo gamela; kanilezi Jeuxa na Beria ba wa nga hi na barisanyana bo tala; hikwalaho bona ba lo maha a yindlu ya badadani hi kutimulwe kuwe.
- 12 Ni barisanyana ba ka Kohate: Amrama, na Izhare, Hebroni, na Uziele, mune.
- 13 A barisanyana ba ka Amrama: Aroni na Mosi; na Aroni i wa lo hambanyiselwa, kasi wa fela a ku basisa a zilo zi hunzeleleko kubasa, yena zize ni barisanyana ba yena, kala kupinzuka, a kuhisa a libani mahlweni ka Jehova, a kukozela ka yena, ni ku katekisa ka bito ga yena, kala kupinzuka.
- 14 Kanilezi kwatsi ha Mosi a munhu wa Nungungulu, a barisanyana ba yena ba wa lo hlalwa xikari ka lixaka la ba ka Levi.
- 15 Ni barisanyana ba ka Mosi: Gerxome na Eliezare.
- 16 A barisanyana ba ka Gerxome; Xebueli a hosi.
- 17 Ni barisanyana ba ka Eliezare ba wa hi: Rehabia a hosi; na Eliezare i wa nga hi na banwani barisanyana; kanilezi a barisanyana ba ka Rehabia ba wa tele nguvu.
- 18 A barisanyana ba ka Izhare: Xelomite a hosi.
- 19 Ni barisanyana ba ka Hebroni: Jeria a hosi, Amaria a wo gamela, Jahazieli a wa wunharu, na Jekameamu a wa wumune.
- 20 Ni barisanyana ba ka Uziele: Mika a hosi, na Isshia a wo gamela.
- 21 A barisanyana ba ka Merari: Mahli na Muxi. A barisanyana ba ka Mahli: Eleazare na Kixi.
- 22 Na Eleazare i lofa, na nga hi na barisanyana, kanilezi mbanhanyana ntsena: ni bamakabye babye a banana ba ka Kixi ba lo teka bona basati.
- 23 A barisanyana ba ka Muxi: Mahli, na Edera, na Jeremote, mbanharu.
- 24 Laba hi barisanyana ba ka Levi a nzako ka tindlu ta badadani babye, tona a tihloko ta tindlu ta badadani ta bona labo ba hlalweko, lomo tsengweni wa mabito ya mikuhu yabye, labo ba nga tira a tiro wa nkozo ya yindlu ya ka Jehova, ka sukela ka ba makume mambiri a malembe ku komama le hehla.
- 25 Hakuba Davida i te ngalo, Jehova a Nungungulu wa ka Israeli, i nyikile kulumula ka banhu ba ka yena; bona ba ta aka lomu Jerusalema kala kupinzuka:
- 26 Kambe ni ba ka Levi ba nga ta ha labeka kambe a kurwala a taberna-kele ni zonke zibya za gona za nkozo ya kona.
- 27 Akuba hi timhaka to gumesa ta Davida a barisanyana ba ka Levi ba wa la ku hlalwa, kusukela ka ba makume mambiri malembe a wukale ku komama le hehla.
- 28 Hakuba a xikundla xabye ku wa hi ku labelela ka barisanyana ba ka Aroni hi kota ya nkozo ya yindlu ya ka Jehova, le tihubweni, ni lomo tindlwini, ni kubasiseni ka zilo za kubasa, wona a tiro wa yindlu ya Nungungulu;
- 29 Ba hi ba zibaba zi kombisilweko kambe, ba mapa mananaselweko ya munyikelo wa tizhloho, ni wa zibaba zi nga comelwangiko, hambu wa lezo zi katingelweko bikilweko lomo panini, ni wa lezo zi petilweko, ni wa tonke tixaka ta kuringanisa ni lipimo;
- 30 Ni ku yima yonkelelele mixo a kubo-

nga ni ku kesela Jehova, ziwangahowo ni laha gambyeni;

- 31 Ni ku nyikela a minyikelo ya kuhi-swa ka Jehova, hi ka sabado, na hi ka tihweti tiwa, ni ka mibuzo yi xaxametilweko, hi tsengo ziyimiso za xungatano zinwe na bona, hi kusimainisilweko mahlweni ka Jehova;
- 32 Kasi ba fela ku hlayisa a ziyimiso za tiro wa tenta ga muklangano, ni tiro wa zilo zo basa, ni tiro wa barisanyana ba ka Aroni a bamakabye babye, zi nga za nkozo ya yindlu ya ka Jehova.

XIPLMO 24.

1. A klawwa wa barisanyana ba ka Aroni wu wa hi lowu. A barisanyana ba ka Aroni: Nadabe na Abihu, Eleazare na Itamare.
- 2 Kanilezi Nadabe na Abihu ba lofa hi mahlweni ka dadani wabye, ba wa nga hi na banana: hikwalaho Eleazare na Itamare ba wa wumbelwe xikundleni xa wupristi.
- 3 Davida na Zadoke wa barisanyana ba ka Eleazare, na Ahimeleki wa barisanyana ba ka Itamare, ba lo abanyisela bona kukotisa hi ka zixaxameto zabye lomo nkozweni yabye.
- 4 Ni laho ku wa kumilwe nguvu a ba banuna ba tihosi le ka barisanyana ba ka Eleazare kuhunza barisanyana ba ka Itamare; zingahi bona ba lo abanyiselela: a ka barisanyana ba ka Eleazare ba wa hi kume ni nklanu ni muzwe, a tihloko ta tindlu ta badadani, ni ka barisanyana ba ka Itamare, kukotisa hi tihloko ta tindlu ta badadani, i nklanu ni banharu.
- 5 Zakungahi bona ba wa lo abanyiselela hi tihloko, bazwani hi bazwani; hakuba bona ti wa hi tihosana ta yindlu ya kubasa, a tihosana ta ku Nungungulu, bonkle a barisanyana ba ka Eleazare, ni barisanyana ba ka Itamare.
- 6 Na Xemaia a nisanyana wa Netaneli a mutsali, loye a nga wa hi wa ba ka Levi, i lo tsulela bona a kubakoneni ka hosi, ni tihosana, na Zadoke a mupristi, na Ahimeleki a nisanyana wa Abiatara, ni tihloko ta tindlu ta badadani ta bapristi ni ta ba ka Levi; ni yindlu yinwe ya badadani yi wa tekilwe akuba ya ka Eleazare, ni yinwani yi wa tekilwe akuba ya ka Itamare.

- 7 Makunu a hlolo yo rangula yi lo-ta ka Jehoiariba a yo gamela Jedaia,
- 8 A ya wunharu ka Harima, a ya wumune ka Seorima,
- 9 A ya wunklanu ka Malkija, a ya nkla-nu ni yinwe Mijamini,
- 10 A ya wunklanu ni timbiri ka Hakkooza, a ya wunklanu ni tinharu ka Abija,
- 11 A ya wundlanu ni mune ka Jexua, a ya wukume ka Xekania,
- 12 A ya wukume ni yinwe ka Elia-xiba, a ya wukume ni timbiri ka Jakimu,
- 13 A ya wukume ni tinharu ka Huppa, a ya wukume ni mune ka Jexebeabe,
- 14 A ya wukume ni nklanu ka Bilga, a ya wukume ni nklandi ni yinwe ka Immera,
- 15 A ya wukume ni nklandi ni timbiri ka Hezire, a ya wukume ni nklandi ni tinharu ka Happizzeze,
- 16 A ya wukume ni nklandi nu mune ka Petahia, a ya makume mambiri ka Jehezekeli,
- 17 A ya makume mambiri ni yinwe ka Jakina, a ya makume mambiri ni timbiri ka Gamula,
- 18 A ya makume mambiri ni tinharu ka Delaia, a ya makume mambiri ni mune ka Maazia,
- 19 Loku ku wa hi kuxaxametwa ka bona le nkozweni yabye, a kuta lomo ndlwini ya ka Jehova kukotisa hi kuxaxametwa ku nyikilweko ka bona hi Aroni a dadani wabye, kwatsi hilezi Jehova, a Nungungulu wa ka Israeli, a leleteleko bona.
- 20 Ni ka baseleko bonkle hi barisanyana ba ka Levi: hi ka barisanyana ba ka Amrama, Xubaeli; a ka barisanyana ba ka Xubaeli, Jehdeia.
- 21 A ba ka Rehabia: a barisanyana ba ka Rehabia, Isshia a hosi.
- 22 A ba ka Izhare, Xelomote; ni barisanyana ba ka Xelomote, Jahate.
- 23 Ni barisanyana ba ka Hebroni: Jeria a hosi, Amaria wo gamela, Jahazieli a wa wunharu, Jekameamu a wa wumune.
- 24 Ni barisanyana ba ka Uziele, hi Mika; a barisanyana ba ka Mika, Xamira.
- 25 A makabye wa Mika, Isshia; a barisanyana ba ka Isshia, Zakaria.
- 26 A barisanyana ba ka Merari: Mahli na Muxi; a barisanyana ba ka Jaazia: Beno.

- 27 A barisanyana ba ka Merari: Jaazia, Beno, na Xohamu, na Zekura, na Ibri.
- 28 A ba ka Mahli, Eleazare, loye a nga wa nga hiko na barisanyana.
- 29 A ba ka Kixi; a barisanyana ba ka Kixi: Jerahmeeli.
- 30 Ni barisanyana ba ka Muxi: Mahli, na Edera, na Jerimote. Laba ba wa hi barisanyana ba ka ba Levi hi nza-ko ka tindlu ta badadani ba'ye.
- 31 Laba kambewo ba lo hlhluba tihlo-
lo kwatsi bi bamakabye ba'ye a ba-
risanyana ba ka Aroni mahlwani ka
Davida a hosi, na Zadoke, na Ahime-
leki, ni ka tihloko ta tindlu ta bada-
dani ba'ye a bapristi ni ba ka ba
Levi; tindlu ta badadani ta tihosi
kwatsi hi bona labo ba tinzisana ta
makabye.

XIPIMO 25.

- 1 Klatakumbiri Davida ni tinduna
ta impi ba lo hambinyisela klelo a
nkozo ka bokari ba barisanyana ba
Asafa, ni ka Hemani, ni Jedutuni, la-
bo ba nga wa ta nga baprofeta hi
zitende, zinwe hi timbila, zinwe ni
tingoma: ni tsengo wa bona labo ba
mahileko a tiro wa nkozo wu wa hi:
- 2 A ka barisanyana ba ka Asafa: Ze-
kura, na Josefa, na Natania, na Axa-
rela, a barisanyana ba ka Asafa, la-
hasi ka canja ga Asafa, labo ba nga
wa profetile a nzako ka xixaxameto
za hosi.
- 3 A ba ka Jedutuni; a barisanyana ba
ka Jedutuni: Gedalia, na Zeri, na
Jexaia, Haxabia, na Mattitia, nklanu
ni mu'we, lahasi ka canja ga dada-
ni wa'ye Jedutuni zinwe ni zitende,
loye a nga wa profeta a ku nyika ku-
bonga ni kudumisa Jehova.
- 4 A ba ka Hemani; a barisanyana ba
ka Hemani: Bukkia, Mattania, Uzi-
ele, Xebueli, na Jeremote, Hanania,
Hanani, Eliata, Giddalti, na Roma-
mtiezera, Joxbekaxa, Malloti, Ho-
tira, Mahaziote.
- 5 Bonkle laba ba wa hi barisanyana ba
ka Hemani a muwoni wa hosi le
mhakeni ya ka Nungungulu, a ku
klakusa hehla limhonzo. Na Nungu-
ngulu i lo nyika ka Hemani kume ni
mune barisanyana ni banhanyana ba-
nharu.
- 6 Bonkle laba ba wa hi lahi ka ca-
nja ga badadani ba'ye a kuyimbela
lomu ndlwini ya ka Jehova, zinwe
ni tingoma, na zinwe ni timbila, zi-
nwe ni zitende, akuba za nkozo ya
yindlu ya ka Nungungulu; Asafa,
na Jedutuni, na Hemani na ba nga
ba kari ba hi lahasi ka xixaxameto
za hosi.
- 7 Ni tsengo wa bona, zinwe ni bama-
kabye ba'ye labo ba nga wa gonzisi-
lwe a ku yimbelela ka Jehova, bona
bonkle labo ba nga wa hi ni miklari-
ho, ba wa hi mazana mambiri ni
nklanu ni manharu makume ni nkla-
nu ni banharu.
- 8 Na bona ba lo hlhluba a tihlolo hi
zikundla za'ye, bonkle bafanana a
tsongwani kwatsiwo hi bahombe, a
mugonzisi kwatsi hi mugonzi.
- 9 Makunu a hlolo ya kurangula yi
lota ka Asafa ka Josefa: a ya wu-
mbiri ka Gedalia, yena ni bamakabye
ni barisanyana ba wa hi kume ni
bambiri:
- 10 A ya wunharu ka Zekura, a barisa-
nyana ba yena ni bamakabye ba ye-
na, kume ni bambiri.
- 11 A ya wumune ka Izri, a barisanyana
ba yena ni bamakabye ba yena, i ku-
me ni bambiri:
- 12 A ya wunklanu Natania, a barisa-
nyana ba yena ni bamakabye ba ye-
na, i kume ni bambiri:
- 13 A ya wunklanu ni yinwe ka Bukkia,
a barisanyana ba yena ni bamakabye
ba yena, kume ni bambiri:
- 14 A ya nklanu ni timbiri ka Jexarela,
a barisanyana ba yena ni bamakabye
ba yena, kume ni bambiri:
- 15 A ya wunklanu ni tinharu Jexaia, a
barisanyana ba yena ni bamakabye
ba yena, kume ni bambiri:
- 16 A ya wunklanu ni mune Mattania, a
barisanyana ba yena ni bamakabye
ba yena, kume ni bambiri:
- 17 A ya wukume ka Ximei, a barisa-
nyana ba yena ni bamakabye ba ye-
na, kume ni bambiri:
- 18 A ya kume ni yinwe ka Azareli, a
barisanyana yena ni bamakabye ba
yena, kume ni bambiri:
- 19 A ya wukume ni bambiri ka Haxa-
bia, a barisanyana ba yena ni bama-
kabye ba yena, kume ni bambiri:
- 20 A ya wukume ni tinharu Xubaeli, a
barisanyana ba yena ni bamakabye
ba yena, kume ni bambiri:
- 21 A ya kume ni mune Mattitia, a ba-
risanyana ba yena ni bamakabye ba
yena, kume ni bambiri:
- 22 A ya kume ni nklanu Jeremote, a

barisanyana ba yena ni bamakabye ba yena, kume ni bambiri:

- 23 A ya kume ni nk'lanu ni yinwe hi Hanania, a barisanyana ba yena ni bamakabye ba yena, kume ni bambiri:
- 24 A ya wukume ni nk'lanu ni timbiri Joxbekaxa, a barisanyana ba yena ni bamakabye ba yena, kume ni bambiri:
- 25 A ya wukume ni nk'lanu ni tinharu ka Hanani, a barisanyana ba yena ni bamakabye ba yena, kume ni bambiri:
- 26 A ya kume ni nk'lanu ni mune ka Malloti, a barisanyana ba yena ni bamakabye ba yena, kume ni bambiri:
- 27 A ya makume mambiri ka Eliata, a barisanyana ba yena ni bamakabye ba yena, kume ni bambiri:
- 28 A ya makume mambiri ni munwe ka Hotira, a barisanyana ba yena ni bamakabye ba yena, kume ni bambiri:
- 29 A ya makume mambiri ni timbiri ka Gidalti, a barisanyana ba yena ni bamakabye ba yena, kume ni bambiri:
- 30 A ya makume mambiri ni tinharu Mahaziote, ni barisanyana ba yena ni bamakabye ba yena, kume ni bambiri:
- 31 A ya makume mambiri ni mune Romanti-ezera, a barisanyana ba yena ni bamakabye ba yena, kume ni bambiri.

XIPIMO 26.

- 1 A zixaxameto za bahlayisi batibati: a ba ka Korate, Mexelexia a nisanyana wa Kora, wa barisanyana ba ka Asafa.
- 2 Na Mexelexia i wa hi ni barisanyana: Zakaria a matewula, Jediaeli wo gamela, Zebadia a wa wunharu, Jatanieli a wa wumune.
- 3 Elami a wa nk'lanu, Johanani a wa wun'lanu ni mu'we, Elicheonai a wa wun'lanu ni bambiri.
- 4 Na Obed edome i wa hi ni barisanyana: Xemaia a matewula, Jehoazabada a wo gamela, Joa a wa wunharu, na Sakare a wa wumune, na Netaneli a wa nk'lanu.
- 5 Ammieli a wa nk'lanu ni munwe, Isakare a wa wun'lanu ni bambiri, Peulletai a wa wun'lanu ni banharu: hakuba Nungungulu i wa katekisile yena.
- 6 Kambe Xemaia a nisanyana wa yena

ku lo tralwa a barisanyana, labo ba nga wa fumele a yindlu ya dadani wabye; hakuba bona ba wa hi ba banuna ba tinhenba ta kulwa.

- 7 A barisanyana ba ka Xemaia: Otni, na Refueli, na Obedi, na Elzabada, loye a bamakabye ba nga wa hi tinghitsi, Elihu, na Xemakia,
- 8 Bonkle laba ba wa hi ba barisanyana ba ka Obed-edome: bona ni barisanyana bona ni bamakabye ba bona, ba wa hi ba banuna ba kotekako ba tinghitsi le nkozweni; nk'lanu ni gi'we makume ni bambiri ba ka Obed-edome.
- 9 Na Mexelexia i wa hi ni barisanyana ni bamakabye, a ba banuna ba tinghitsi, kume ni nk'lanu ni banharu.
- 10 Kambewo Hosa, wa barisanyana ba Merari, i wa hi ni barisanyana: Ximri a hosi (hambu lezoke yena a nga wa kala a nga hi matewula, a dadani wa yena i lo maha yena a hosi).
- 11 Hilkia a wo gamela, Tebalia a wa wunharu, Zakaria a wa wumune: bonkle barisanyana ni bamakabye ba Hosa ba wa hi kume ni banharu.
- 12 A ka laba ku wa hi zixaxameto xa ku hlaysa a tibati, bona a ba banuna ba tinhonzwa, ba wa hi ni zikundla ku fanana ni bamakabye banye, a ku kozela lomo ndlwini ya ka Jehova.
- 13 Na bona ba lo hlhluba a tihlolo, a ka batsongwani kwatsi hi ka ba hombe, kukotisa hi ka tindlu ta badadani ka tonklelele tinyangwa.
- 14 A hlolo ya le mutsuwukagambo yi lo koma Xelelexia. Zonake ha Zakaria a nisanyana wa yena, a wa xikungo a tibisako, bona ba lo hlhluba a tihlolo; ni hlolo ya yena yi lota hi ngomameni ya nwalungu.
- 15 A ka Obed-edome hi le ngomameni ya dzonga; a ka nisanyana wa yena a mukoini wa yindlu ya mabele.
- 16 Ka Xuppima ni ka Hosa i ngomama ni muhlwagumbo, hi laha nyangweni ya le Xallekete, hi laho ndleleni leyo yi kanziyako, a xirinzo xi komameneko ni xirinzo.
- 17 Hi mutsuwukagambo ku wa hi nk'lanu ni mu'we a baka Levi, a ngomama ni nwalungu mune a siku, a ngomama ni dzonga mune a siku, na hi yindlu ya ku bekala mabele bambiri hi bambiri.
- 18 Ha Parbara ngomama ni muhlwaga-

- mbo, mune hi laha ntleleni ya ku kanziya, ni bambiri le Parbara.
- 19 Lezi ku wa hi zixaxameto za bahlayisi batibati; za barisanyana ba ka ma Korate, ni barisanyana ba ka Merari.
- 20 A ka ba ka Levi, Ahija i wa wumbelwe hehla ka mabako ya yindlu ya ka Nungungulu, ni hehla ka mabako ya zilo zi nyikelelisilweko.
- 21 A barisanyana ba ka Ladani, a barisanyana ba ka Gerxoni mba ka Ladani, a tihloko ta tindlu ta badadani mba ka Ladani a mu Gerxoni: Jehieli.
- 22 Ni barisanyana ba ka Jehieli: Zetama, na Joeli a makabye wa yena, ba wa wumbelwe hehla ka mabako ya yindlu ya ka Jehova.
- 23 A ba ka Amrami, a ba ka Izhari, a ba ka Hebroni, a ba ka Uzieli:
- 24 Na Xebueli a nisanyana wa Gerxome, a nisanyana wa Mosi, i wa hi mufumeli wa mabako.
- 25 Ni bamakabye ba yena: a ka Eliezare ku lo huma Rehabia a nisanyana wa yena, na Jexaia a nisanyana wa yena, na Joram a nisanyana wa yena, na Zikri a nisanyana wa yena, na Xelomote a nisanyana wa yena.
- 26 Loyi Xelomote ni bamakabye ba yena ba wa wumbelwe hehla ka wonkle a mabako ya zilo zi nyikelelisilweko, lezo Davida a hosi, ni tihloko ta tindlu ta badadani, ni tinduna ti wumbelweko hehla ka makume mazana ni hehla ka mazana, ni tinduna ta impi, ba nyikelelisileko.
- 27 Hi ka mupango lowo wu fulilweko le tiimpini bona ba lo nyikelelisisa a kuaka a yindlu ya ka Jehova.
- 28 Ni zonkle lezo Samueli a muwoni, na Saule a nisanyana wa Kixi, na Abner a nisanyana wa Nere, na Joabe a nisanyana wa Zeruia, ba nga wa zi nyikelelisile, kani ngwakuyini loye a nyikelelisileko a xilo, xona xi wa hi lahasi ka canja ga Xelomote, ni bamakabye ba yena.
- 29 A ba ka Izhari, Cenania ni barisanyana ba yena ba wa hi ba tiro wa lahandle hehla ka Israeli, a kuba tinduna ni balanuli.
- 30 A ba ka Hebroni, Haxabia ni bamakabye ba yena, a ba banuna ba tinghisi, i kume ga mazana ni nkalanu ni mambiri mazana, ba wa cuwukela a ba ka Israeli klatukweni wa Jordani hi ngomama ya muhlwaga-

- mbo, hi tiro wonkle wa ka Jehova, na hi nkozi ya hosi.
- 31 A ka Hebroni ku wa hi Jerija a hosi, kona a ka ma Hebroni, kukotisa hi zizukulwana zabye hi tindlu ta badadani babye. Hi ka mune wa makumi a lembe ga ku fuma ka hosi Davida bona ba lo labyiwa, ni laho ku lo kumiwa xikari kabye a ba banuna ba tinhenha ta kulwa le Jazera wa le Gileade.
- 32 Ni bamakabye ba yena, a ba banuna ba tinhenha, ba wa hi mambiri kume ga mazana ni nkalanu ni mambiri a mazana, a tihloko ta tindlu ta badadani, labo hosi Davida a nga wa ba wumbele a ba wonelile hehla ka ba ka Rubeni, ni ba ka Gadi, ni ka kihlanya ga lixaka la ka Manasa, ka wonkle mitiro leto ti kangeteneko na Nungungulu, ni timhaka ta hosi.

XIPIMO 27.

- 1 Makunu a banuna ba ka Israeli a nzako ka tsengo wabye, a ku ba wumboni, a tihloko ta tindlu ta badadani ni tinduna ta makume mazana ni mazana, ni tindunana tabye leto ti nga wa kozele hosi, ni ka tihi titsanza ta zixaxameto leti ti tako ti engena ni leto ti humako handle a hweti hi hweti ka tonkle a tihweti ta lembe—a ka tonklelele titsanza ku wa hi makume mambiri ni mune a kume ga mazana.
- 2 A xaxameto wa kurangula hi hweti yo ranga ku wa hi Jaxobeamu a nisanyana wa Zabdieli: hi lixaxa la yena ku wa hi makume mambiri ni mune a kume ga mazana.
- 3 Yena i wa hi wa banuna ba ka Perezzi, a hosi ya tonkle a tinduna ta impi i wa hi wa hweti yo rangula.
- 4 Ni hehla ka lixaxa la hweti ya wumbiri ku wa wumbelwe Dodai a mu Ahobi, ni lixaxa la yena; na Mikloti a mufumeli: ni le lixaxeni la yena ku wa hi makume mambiri ni mune a kume gamazana.
- 5 Ni nduna ya wunharu ya impi akuba ya hweti ya wunharu ku wa hi Benaia, a nisanyana wa Jehoiada a mupristi, a hosi: ni le lixaxeni la yena ku wa hi ni makume mambiri ni mune a kume ga mazana.
- 6 Loyi ku wa hi Benaia loye, a nga wa hi wanuna wa nhenha ya ba makume manharu, a nga wa wumbelwe ka ba makume manharu ya yena:

ni ka lixaxa la yena ku wa hi Ammi-zabada a nisanyana wa yena.

- 7 A nduna ya wumune ya hweti ya wumune ku wa hi Asaheli a makabye wa Joabe, na Zebadia a nisanyana wa yena a nzako ka yena : ni ka lixaxa la yena ku wa makume mambiri ni mune a kume ga mazana.
- 8 A nduna ya wunklanu ya hweti ya wunklanu ku wa hi Xambuta a mu Izra : ni ka lixaxa la yena ku wa hi makume mambiri ni mune a kume ga mazana.
- 9 A nduna ya wunklanu ni yinwe ya hweti ya nklanu ni yinwe, ku wa hi Ira a nisanyana wa ka Ikkexa a mu Tekoi : ni lixaxa la yena ku wa hi makume mambiri mune a kume ga mazana.
- 10 A nduna ya wunklanu ni timbiri ya hweti ya wunklanu ni timbiri ku wa hi Helezi a mu Peloni, wa banana ba ka Efraime : ni lixaxa la yena ku wa hi makume mambiri ni mune a kume ga mazana.
- 11 A nduna ya wunklanu ni tinharu ya hweti ya nklanu ni tinharu ku wa hi Sibbekai a mu Huxate, wa ka Zera ; ni lixaxa la yena ku wa hi makume mambiri ni mune a kume ga mazana.
- 12 A nduna ya wunklanu ni mune ya hweti wunklanu ni mune ku wa hi Abiezera a mu Anatote, wa ka Benjamini : ni lixaxa la yena ku wa hi makume mambiri ni mune a kume ga mazana.
- 13 A nduna ya wukume ya hweti ya wukume ku wa hi Maharai a mu Netofate, wa ka Zera : ni ka lixaxa la yena ku wa makume mambiri ni mune a kume ga mazana.
- 14 A nduna ya kume ni yinwe ya hweti ya kume ni yinwe ku wa hi Benaia a mu Piratoni, wa banana ba Efraime : ni lixaxa la yena ku wa hi makume mambiri ni mune a kume ga mazana.
- 15 A nduna ya wukume ni timbiri ya hweti ya kume ni timbiri ku wa hi Heldaia a mu Netofate, wa ka Otnieli : ni lixaxa la yena ku wa hi makume mambiri ni mune a kume ga mazana.
- 16 A kanzakalezo kambe hehla ka tixaka ta ka Israeli : hehla ka lixaka la ka Rubeni ku wa hi Eliezare a nisanyana wa Zikri a mufumeli : a

ka Simeoni, Xefatia a nisanyana wa Maaka :

- 17 A ka Levi, Haxabia a nisanyana wa ka Kemueli : a ka Aroni, Zadoke :
- 18 A ka Juda, Elihu, a muzwe wa bamakabye ba Davida : a ka Isakare, Omri a nisanyana wa ka Mikaeli :
- 19 A ka Zebulun, Ixmaia a nisanyana wa Obadia : a ka Naftali, Jeremote a nisanyana wa Azrieli :
- 20 A ka banana ba ka Efraime, Hoxea a nisanyana wa Azazia : a ka kihlanya ga lixaka la ka Manasa, Joeli a nisanyana wa Pedaia :
- 21 A ka kihlanya ga lixaka la ka Manasa leyo Gileade, Iddo a nisanyana wa Zakaria : a ka Benjamini, Jaasieli a nisanyana wa Abnere :
- 22 A ka Dani, Azareli a nisanyana wa Jerohamu. Leti ku wa hi tinduna ta tixaka ta ka Israeli.
- 23 Kanilezi Davida a nga tekangi a tsengo wa bona labo ba nga ni makume mambiri malembe ku la hasi, haku-ba Jehova i wa te ngalo i nga ta enzelekisa Israeli ku fanana ni tinyeleti ta tilo.
- 24 Joabe a nisanyana wa ka Zeruia i lo sangula ku hlalaya, kanilezi yena i wa nga mbetangi ; ni laho ku lota zanga hi kota ya lexi ka Israeli ; ge hambu ni tsengo a wu bekwangi lomo ku tsalelwako a zikumbuxeto za hosi Davida.
- 25 Ni hehla ka mabako ya hosi ku wa hi Azmavete a nisanyana wa Adieli : ni hehla ka mabako lomo kwatini, ni lomo mitini, ni lomo mitaneni, ni lomo makokoleni, ku wa hi Jonatani a nisanyana wa Uzzia :
- 26 Hehla ka bona labo a nga wa tira a tiro wa lomo masinwini a xirimo xa misaba ku wa hi Ezri a nisanyana wa Celuba :
- 27 Ni hehla ka zivina ku wa hi Ximei a mu Ramate : hehla ka mihanzo ya mavina ni zigowolo za wuvina Zabdi mu Xifini :
- 28 Ni hehla ka tisinya ta mivina ni tisinya ta mikuwu leto ti nga wa hi lomo tinyakeni Baal-hanani a mu Gederu : ni hehla ka zigowolo za mafura ku wa hi Joaxi :
- 29 Ni hehla ka miklambi ta tihomu leyo yi nga wa gela le Xaroni ku wa hi Xitrai a mu Xaroni : ni hehla ka miklambi leyo yi nga wa hi lomo mikobeneni ku wa hi Xafate a nisanyana wa Adlai :

- 30 Ni hehla ka makameli ku wa Obile a mu Ixmaeli: ni hehla ka timbongola ku wa hi Jehdeia a mu Mero-note: hehla ka miklambi ya tiyivu ku wa hi Jazizi a mu Hagri.
- 31 Bonkle laba ba wa hi bafumeli ba nhunzu leyo yi nga wa hi ya hosi Davida.
- 32 Kambe Jonatani, a koko wa Davida, i wa hi wa xikungo, a wanuna a nga wa hi ni pimisiso, a mutsali, na Jehieli a nisanyana wa Hacmoni i wa hi zinwe ni barisanyana ba hosi:
- 33 Na Ahitofeli i wa hi wa xikungo xa hosi: na Huxai a mu Arke i wa hi mungana wa hosi:
- 34 Ni nzako ka Ahitofeli ku wa Jehoiada a nisanyana wa Benala, na Abiata: ni nduna ya impi ya hosi ku wa hi Joabe.

XIPIMO 28.

- 1 Na Davida i lo tsombanyisela tonkle a tihosana ta ka Israeli, a tihosana ta tixaka, ni tinduna ta miklawa labo ba kozela a hosi hi taxaxa, ni tinduna ta makume mazana, ni tinduna ta mazana, ni bafumeli ba yonkle a nhunzuni titsomba ta hosi ni ta barisanyana ba yena, zinwe ni tinduna, ni ba banuna ba tinhenha zinwe ni ba banuna ba tinhenha ta kulwa, le Jerusalema.
- 2 Zonake Davida a hosi i lo yima hi mikonzo ya yena, i te ngalo, Zwana ni mina, bamakabya ba mina, ni bannhu ba mina: kwatsi ha mina, kona ku wa hi kona lomu mbilwini ya mina a kuaka a yindlu ya kuhumula ka a arke ga xivumelwano xa ka Jehova, ni xikegetelo xa konzor wa Nungungulu wa hina; mina nzi longiselele a yindlu.
- 3 Kanilezi Nungungulu i te ngalo ka mina, Wena u nga ta aka a yindlu ya bito ga mina, hakuba wena u wanuna wa impi, u halatile nkata.
- 4 Ahemba Jehova, a Nungungulu wa ka Israeli, i lo langa mina ka yonkle a yindlu ya ka dadani wa mina a kuba hosi hehla ka Israeli kala kupinzuka: hakuba yena i langile Juda a kuba hosana; ni lomu ndlwini ka Juda, a yindlu ya dadani wa mina, ni xikari ka barisanyana ba dadani wa mina yena i lo teka a kuxalala ka mina a ku maha mina a hosi a hehla ka Israeli wonkle;
- 5 Ni ka bonkle a barisanyana ba mina

(hakuba Jehova i nyikile mina a barisanyana bo tala) yena i langile Solomoni a nisanyana wa mina a ku tsama hehla ka xitsamo xa wukosi xa mufumo wa Jehova hehla ka Israeli.

- 6 Yena i te ngalo ka mina, Solomoni a nisanyana wa wena, yena hi yena a ta nga aka a yindlu ya mina ni tihubye ta mina; hakuba mina nzi langile yena akuba a nisanyana wa mina, na mina nzi taba a dadani wa yena.
- 7 Na mina nzi ta yimisa a mufumo kala kupinzuka, loku a ku tsotsobongo a ku maha mileletelo ya mina ni miyimo ya mina, kwatsi hi legi siku.
- 8 Makunu hikwalaho, a ka kuwoneni ka wonkle Israeli, a gotsobanyano wa ka Jehova, ni le kuingiseni ka Nungungulu wa hina, lonzowotani mu hlota yonkle mileletelisiso ya Jehova a Nungungulu wa nwina; kasi nwina ma fumela legi tiko go saseka, ni ku siya gona a tsomba ka banana ba nwina a nzako ka nwina kala kupinzuka.
- 9 Na wena, Solomoni nwananga, ti ba wena a Nungungulu wa dadani wa wena, kozela hi mbilu yi mbeleleko ni malanga ma vumelako; hakuba Jehova a kambako tonkle timbilu, a pimisiso wonkle maalakanya ya mbilu. Loku wena u hlota yena, yena i ta kumiwa ha wena; kanilezi loku wena u tsika yena, yena i ta hoxa wena kule kala kupinzuka.
- 10 Teka ku celakota makunu; hakuba Jehova i langile wena ku aka a yindlu yo basa: nga u su ku tiyiseta, u aka yona.
- 11 Zonake Davida i lo nyika ka Solomoni a nisanyana wa yena a xiwoniso xa nyingwa ya tempele, ni xa tindlu ta kona, ni xa mabako ya kona, ni xa tindlu ta le hehla ta kona, ni xa tindlu ta lomu nzeni ta kona, ni xa wutsamo ga xitsamo xa wuxinji;
- 12 Ni ka xiwoniso lexo a nga wa hi naxo hi Moya, a xa tihubye ta yindlu ya ka Jehova, ni xa tonkle tindlu ti renzelekeleko, ni xa mabako ya yindlu ya ka Nungungulu, ni xa mabako ya zilo zi nyikelelililweko;
- 13 Kambe na ya zixaxameto za bapristi ni ba ka Levi, ni za wonkle tiro wa nkazo ya yindlu ya ka Jehova, ni za

zonkle zibya za nkozo ya yindlu ya ka Jehova;

- 14 Ni nzalama yi ringanisilweko ya zibya za nzalama, ni xa tonkle tixaka ta zibya za nkozo; a xa siliva ni ka tonkle tixaka ta zibya za siliva hi kuringanisa, akuba ka tonklelele tixaka ta nkozo;
- 15 Hi kuringanisa kambe a tinhi ta tikandiya ta nzalama, na kuwoninga ka kona, a kuba ta nzalama, hi kuringanisa tonklelele tinhi ta tikandiya ni ku woninga ka kona; ni tinhi ta tikandiya ta siliva, a siliva hi kuringaniswa ni tonklelele tinhi ta tikandiya ta kona ni kuwoninga ka tona, kukotisa hi ku tirisa ka tonklelele tinhi ta tikandiya;
- 16 Ni nzalama hi kuringanisa a timeza ta zibaba zikombisilweko, ka tonklelele timeza; a siliva ka tonklelele a timeza ta siliva;
- 17 Ni tiobe ta nyama, ni ziuamelo, ni tikopo, za nzalama yi hlutekileko; ni magombe ya nzalama hi kuringanisa ka wonklelele magombe; ni ka magombe ya siliva hi kuringanisa ka wonklelele magombe;
- 18 Na akuba hi alati ga libani a nzalama yi nyekisilweko hi kuringanisa; ni nzalama ya xiwoniso xa kareta, gona cerubima, lego gi anlalatileko a tipapa ta gona, gi kubunyeta a arke ga xivumelwano xa ka Jehova.
- 19 Zonkle lezi, ku wula Davida, Mina nzi lo mahiwa a ku pimisisa a ka kutsala hi canja ga Jehova, wona wonkle a tiro wa lowu muwoniso.
- 20 Na Davida i te ngalo ka Solomoni a nisanyana wa yena, Tiyiseta u nga be na hlanekero, ni ku maha kona: u nga cabe, ge hambu ku mbela nta-mo; hakuba Jehova a Nungungulu, yena a Nungungulu wa mina, i ziwe na wena; yena a nga ta tsanze kisa wena, hambu ni ku tsika wena, kala wonkle a tiro wa yindlu ya ka Jehova wu be wu mbetekileko.
- 21 Ni, languta, laho kukona a zixaxameto za bapristi, ni ba ka Levi, za yonkle a nkozo ya yindlu ya ka Nungungulu: ni laho ku taba ziwe na wena a ka tonkle tixaka ta tiro bonklelele ba banuna ba labo ba nga ni wuflari, ni ka lihi lixaka la nkozo: kambewo ni tinduna ni bonkle banhu hi kumbeleleko ba taba kuleletelweni.

XIPIMO 29.

- 1 Na Davida a hosi i te ngalo ka wonkle a gotsobanyano, Solomoni a nisanyana wa mina, loye yece Nungungulu a mu langileko, wa ba hi muswa ni wutsongwani, ni tiro ngwahombe; hakuba a xilubelo a hi xa munhu, kanilezi xa Jehova Nungungulu.
- 2 Makunu mina nzi longiselele hi nta-mo wa mina a za yindlu ya ka Nungungulu a nzalama hi zilo za nzalama, a siliva hi zilo za siliva, a suku hi zilo za suku, a ziketse hi zilo za ziketse, a tisinya hi zilo za tisinya; a maribye ya oniksi, ni maribye ma ta nga klatekelelwa, a maribye ya tiro wu ta nga bekelwa lomo nzeni, ni ya mibala yi ambeneko, ni tonkle tixaka ta malongo ya maribye, a maribye ya timbokota ma wa hi taliso.
- 3 Klatakumbiri kambe, hakuba mina nzi mehele a kuranza ka mina hi ka yindlu ya ka Nungungulu wa mina, na mu wona lezaku mina nzi na ni bako ga mina zwinyi ga nzalama ni siliva, mina nzi nyikile gona ka yindlu ya ka Nungungulu wa mina, hehla ni ka zonkle lezo nzi longiseleleko akuba za yindlu yo basa,
- 4 Wona manharu a kume ga mazana ya titalenta ta nzalama, ta nzalama ya le Ofira, ni nklanu ni mambiri a kume ga mazana ya siliva yi hlutlweko, lego ba gona ba ta nga nameketa a kurisi ga yindlu;
- 5 A nzalama ya zibya za nzalama, ni ka siliva a zibya za siliva, ni ka tixaka ta wonkle a tiro wu ta nga mahiwa hi manla ya banyamitiro. Nzimani zonake a nyikelako wutsumbu ga yena hi kuvumelisilweko a ku nyikelisa a wutsumbu ga yena legi siku ka Jehova ke?
- 6 Zonake a tihosana ta tihloko ta tindlu ta badadanini, tihosana ta tixaka ta ka Israeli, ni tinduna ta makume mazana ni ta mazana, ni bafumeli ba tiro wa hosi, ba lo ti nyikela hi kuvumelisilweko;
- 7 Na bona ba lo nyika akuba za nkozo ya yindlu ya ka Nungungulu a nzalama nkalanu wa kume ga mazana titalenta ni kume ga kume ga mazana ya madarike, ni siliva kume ga kume ga mazana a titalenta, a suku kume ni nkalanu ni tinharu a kume

- ga mazana a titalenta, a ziketse i zana ga kume ga mazana a titalenta.
- 8 Na bona a ka loye a maribye ya malongo a kumiwako ba lo nyika wona ka bako ga yindlu ya ka Jehova, lahasi ka canja ga Jehieli a mu Gerxoni.
- 9 Zonake a banhu ba lo tsakiswa, hakuba bona ba lo nyikela hi kuvi-melelililweko, hakuba hi mbilu yi mbeleleko ba lo nyikela ka hi kuvimelelililweko ka Jehova: na Davida a hosi i lo tsakiswa hi litsako la hombe.
- 10 Ngahilezo Davida i lo katekisa Jehova mahlweni ka wonkle a gotsobanyano; na Davida i te ngalo, U katekisilwe wena, O Jehova, a Nungungulu wa ka Israeli a dadani wa hina, kala kupinzuka ni kupinzuka.
- 11 Ga wena, O Jehova, a wukulu, ni ntamo, ni wukosi, ni hlulisiso, ni kuclakuka: hakuba zonkle lezo zi nga le tilweni ni laha misabeni za wena; ngwa wena ni mufumo, O Jehova, wena u klakusilwe kwatsi hi hloko hehla ka bonkle.
- 12 Konkle a pfunisiso ni kudzunziwa zita ba wena, wena u fumelako hehla ka zonkle; ni le canjeni i ntamo ni wunhenha; ni ka canja ga wena ku maha a ku kula, ni ku nyika a ntamo ka bonkle.
- 13 Makunu hikwalaho, Nungungulu wa hina, hina ha bonga wena, ni ku kesetela a bito ga wena ga wukosi.
- 14 Kanilezi nzi mina mani mina, zini banhu ba mina, lezaku hina hi nga nyikela hi kuvimelelililweko a nzako ka laya matsamela ke? hakuba zilo zonkle zi ta ha wena, a za wena nwinyi hina hi nyikile wena.
- 15 Hakuba hina hi bapfumba mahlweni ka wena, ni tinzhubeti, kwatsi hilezi bonkle badadani ba hina ba nga wa lezo; a masiku ya hina laha misabeni kwatsi xiruti, ni laho a ku kona ku tsama.
- 16 O Jehova a Nungungulu wa hina, yonkle leyi nhunzu hi longiseleleko akuba hi aka a yindlu ya bito ga wena go basa yita hi le canjeni ga wena, yona yonkle nja wena nwi nyi.
- 17 Mina nza zi tiba kambe. Nungungulu wa mina, lezaku wena u ringako a mbilu, u na ni ku xalaliswa hi nongametiso. Kwatsi ha mina, hi ka nongametiso wa mbilu ya mina hi ku ziranzisileko nzi nyikele zonkle lezi zilo: ni makunu mina nzi wonile hi litsako a banhu ba wena, laba ba nga kona laha, ba nyikela ko hi kuranzisileko ka wena.
- 18 O Jehova, a Nungungulu wa ka Abrahamama, wa ka Isaka, wa ka Israeli, a badadani ba hina, hlayisa loku kala kupinzuka kupimisiseni ka kusalanya ka mbilu ya banhu ba wena, ni ku longiselela a mbilu yabye ka wena;
- 19 Ni ku nyika ka Solomoni a nisanyana wa mina a mbilu yi mbeleleko, a ku hlayisa a zileletelo za wena, ni mikustumunyelo ya wena, ni zilayelo za wena, ni ku maha zonkle lezi zilo, ni kuaka a xilubelo, lexi mina nzi xilongiseleleko.
- 20 Na Davida i te ngalo ka wonkle a gotsobanyano, Makunu katekisani Jehova a Nungungulu wa wina, Ni wonkle a gotsobanyano wu lo katekisa Jehova, a Nungungulu wa badadani babye, ba lo koramisa lahasi tihloko tabye, ba lo dumisa Jehova, ni hosi.
- 21 Na bona ba lo pahlela a mipahlelo ka Jehova, ba lo nyikela a minyikelo ya kuhiswa ka Jehova, ha manziko a nzako ka lego siku, gona kume ga mazana ya tihonwana, ni kume ga mazana ya tihamba, ni kume ga mazana a tivana, ziwe ni minyikelo ya zona ya kunwa, a mipahlelo ya talisiso ya bonkle ba ka Israeli.
- 22 Ba loga ba lonwa mahlweni ka Jehova ka lego siku hi kutsaka ka hombe.
- Na bona ba lo maha Solomoni a nisanyana wa Davida a hosi hi xikati xa wumbiri, ba lo tota yena ka Jehova a kuba a hosana, na Zadoke a kuba a mupristi.
- 23 Zonake Solomoni i lo tsama lomo xitsanweni xa wukosi xa Jehova kota hosi a xikundleni xa Davida a dadani wa yena, i lo vuvuma; ni wonkle Israeli wu lo ingisa yena.
- 24 Ni tonkle a tihosana, ba banuna ba tinhenha, ziwangaho ni bonkle bari-sanyana ba hosi Davida, ba lo koramisa a wutsumbu gabye ka Solomoni a hosi.
- 25 Na Jehova i lo kukumukisa Solomoni hi kuhunzelelililweko kuwoneni ka Israeli, i lo bingeretela hehla ka yena a kuclakuka ka wukosi

- kwatsi hi loko ku nga nga ku nga wa hi kona ni ka yihi hosi hi mahlweni ka yena a ka Israeli.
- 26 Makunu Davida a nisanyana wa Jese i lo fumela wonkle Israeli.
- 27 Ni xikati lexo a nga wa fumele hehla ka Israeli mune wa makume a malembe; nkalanu ni mambiri malembe yena i lo fumela le Hebroni, makume manharu ni manharu malembe yena i lo fumela le Jerusalema.
- 28 Na yena i lofa na a kosahela hi kufancleko, na a tele hi masiku, a pfu-
- no, ni kudzunziwa: na Solomoni nisanyana wa yena i lo fuma lomo xikundleni xa yena.
- 29 Makunu a zimaho za Davida a hosi, zo rangula ni zo gumesa, languta, zona zi tsalilwe lomo timhakeni ta Samueli a muwoni, ni timhakeni ta Natani a muprofeti, ni timhakeni ta Gadi a muwoni.
- 30 Zinwe ni kufuma ka yena konkle ni wunhenha, ni zikati lezo zi nga wa hi hehla ka yena, ni hehla ka Israeli, ni hehla ka mifumo yonkle ya matiko.

A BUKU GA WUMBIRI GA KRONEKELE.

XIPIMO 1.

- 1 Na Solomoni a nisanyana wa Davida i lo tiyisetwa mufunweni wa yena, na Jehova Nungungulu i wa hi zinwe na yena, i lo kukumukisa yena hi kuenzelekisilweko.
- 2 Na Solomoni i lo wulawula ka wonkle Israeli, ka tinduna ta makume mazana, ni ta mazana, ni ka balamuli, ni ka tonklelele tibosana lomo ka Israeli, a tihloko ta tindlu ta badadani.
- 3 Zingaho Solomoni, ni wonkle a gotsobanyano zinwe naye, ba loya wutsaweni gi klakukileko lego gi nga wa hi le Gibeoni; hakuba leyo ku wa hi kona a tenta ga muklano wa Nungungulu, lego Mosi a nanza ga Jehova a gi mahileko le xiwuleni.
- 4 Kanilezi a arke ga ka Nungungulu Davida i wa gi nehile hi Kiriat-jearimu a ka wutsamo lego Davida a longiseleko gona; hakuba yena i wa gwimbile a tenta ga gona le Jerusalema.
- 5 Klatakumbiri a alati ga suku, lego Bezaleli a nisanyana wa Uri, a nisanyana wa Hura, a nga wa gi mahile, gi wa hi leyo mahlweni ka tabernakele ga Jehova: na Solomoni ni gotsobanyano ba lo hlota gona.
- 6 Na Solomoni i lo kanziya le hehla laba a ka alati ga suku mahlweni ka Jehova, lego gi nga wa hi le tenteni
- ga muklangano, i lo nyikela a kume ga mazana a minyikelo ya kuhiswa lehla ka gona.
- 7 Ni wusiku Nungungulu i lo woneka ka Solomoni, na te ngalo ka yena; Wutisa lexo mina nzi ta nga nyika wena.
- 8 Na Solomoni i te ngalo ka Nungungulu, Wena u kombisile a kuranzakawunene ka Davida a dadani wa mina, u mahile mina hosi lomu xikundleni xa yena.
- 9 Makunu, O Jehova Nungungulu, nga a tsumbiso wa wena ka Davida a dadani wa mina wu be wu yimisi-lweko; hakuba wena u mahile mina hosi hehla ka banhu laba bafananako ni tshuri hi wudlemo.
- 10 Nyika mina makunu a kutibisisa ni kupimisisa, kasi mina nza fela ku huma handle ni ku engena nzeni mahlweni ka laba banhu; hakuba nzimani a lamulako laba a banhu ba wena, lezo ba nga ba hombe hi kungahi ke?
- 11 Na Nungungulu i te ngalo ka Solomoni, Hakuba loku ku wa hi lomu mbilwini ya wena, wena a ku wutisangi a kufuma, ni kupfuna, ni kudzunziwa, gehambu wutomi ga bona labo ba bengako wena, gehambu lezo a ku wutisa a wutomi go nabalata; kanilezi u wutisile a wutibi ni kupimisisa, akuba ka wutumbu ga

wena kasi wena wa fela ku lamula a banhu ba mina, hehla ka bona mina nzi mahileko wena hosi:

- 12 A wutibi ni kupimisisa ku nyikelwe ka wena; na minanzi ta nyika wena a kufuma, ni kupfuna, ni kudzunziwa, loko ku wa nga hi ko kona a wa tihosi a nga wa hi nako leto ti nga wa hi kona hi mahlweni ka wena; ge hambuni ku ba kona a nzako ka wena yo fanana lezo.
- 13 Zingaho Solomoni i lotta hi wutsa-
nweni gi klakukileko lego gi nga wa hi le Gibeoni, a suka le tenteni ga muklangano, ata le Jerusalema; na yena i lo fumela hehla ka Israeli.
- 14 Na Solomoni i lo tsombanyisa a tikareta ni ba banuna ba mahaxi: na yena i wa ni kume ga mazana ni mune wa mazana a tikareta, ni kume ni mambiri a kume ga mazana ya ba banuna ba mahaxi, labo i lo ba beka lomo mitini wa tikareta, na zinwe ni hosi le Jerusalema.
- 15 Ni hosi yi lo maha a siliva ni nzalama a kuba le Jerusalema kwatsi maribye, ni sedare yena i lo maha kwatsi tisinya ta mikuwu leto ti nga lomo tinyakeni, hi wunyingi.
- 16 Ni mahaxi labo Solomoni a nga wa hi nawo wa wata hi le Gipite; ni bamahungani ba hosi ba wa ku amukela wona hi mapfumba, a pfumba ginwe i tsengo.
- 17 Na bona ba loya teka ba neha hi le Gipite a kareta i nklanu ni ginwe mazana maxekeli ya siliva, a haxi i zana ni nklanu wa makume: na zi wangaho ka tonkle a tihosi ta Hiti, ni tihosi ta ma Siria, ba lo neha wona hi mamahela yabyewo.

XIPIMO 2.

- 1 Makunu Solomoni i lo xuba a ku aka a yindlu ya bito ga ka Jehova, ni yindlu ya mufumo wa yena.
- 2 Na Solomoni i hlaiyela a nklanu wa makume ni mambiri a kume ga mazana ya ba banuna ba kurwala a mikinyabezo, ni nklanu ni manharu a makume ya kume ga mazana labo ba nga wa hi batsemi lomo zitsunge-
ni, ni manharu a kume ga mazana ni nklanu ni ginwe mazana akuba hehla ka kuwonelela bona.
- 3 Na Solomoni i lo rumela ka Huramu a hosi ya le Tire, aku, Kwatsi hilezi wena u mahileko na Davida a dadani wa mina, u mahileko ku rumela

ka yena a tisedare a kuakela yena a tindlu a ku tsama nzeni ka yona zingahowo mahawu ka mina.

- 4 Languta, mina nzi laba ku aka a yindlu ya bito ga Jehova a Nungungulu wa mina, a ku nyikelisisa yona ka yena, ni kuhisa mahlweni ka yena a libani la pepo wo tsombela, ni ya zibababa zi simamisilweko zi kombiswa, ni ya minyikelo ya kuhiswa ya mixo ni gambo, hi ka masabado, ni ka tihweti tiwa, ka mibuzo yi yimisilweko ya Jehova a Nungungulu wa hina. Lezi hi zixaxameto kala kupinzuka ka Israeli.
- 5 Ni yindlu leyi nzi akako nja hombe nguvu; hakuba ngwahombe a Nungungulu wa hina hehla ka banungungulu bonkle.
- 6 Kanilezi nzimani a zi kotako a kuakela yena a yindlu, na mu wona lezaku a tilo ni tilo ga matilo a ma mu kangateli yena ke? nzi mina man makunu, loye nzi nga wa ta nga nzi akela yena a yindlu, saseka a kuhisela a libani mahlweni ka yena ke?
- 7 Makunu lezo rumela mina a ba banuna ba klarihisilweko a ku tira hi ka nzalama, ni ka siliva, ni ka suku, ni ka ziketse, ni ka zirila, ni ko truka, ni ko balala, ni ka labo ba zitibako a ku keklela tonkle tixaka ta ku klabela, a ku ta ba zinwe ni ba banuna ba klarisilweko laba ba nga zinwe na mina leno Juda ni Jerusalema, labo Davida dadani wa mina a ba longiseleko.
- 8 Rumela mina kambe a tisinya ta sedare, ni tisinya ta tira ni tisinya ta a alguma, hi lomo Lebanoni; hakuba mina nza zi tiba lezaku a malanza ya wena ma zi tiba ku tsema tinhi lomo Lebanoni. Ni, languta, a malanza ya mina ma taba zinwe ni malanza ya wena,
- 9 Kona ku longiselela mina tona tinhi tinyingi; hakuba a yindlu leyi mina nzi labako kuaka yi taba ya hombe ni yi hlamlisako.
- 10 Ni, languta, mina nzi ta nyika ka malanza ya wena, a batsemi labo ba tsemako tinhi a ziringaniso za makume mambiri ya kume mazana za mabele ma kkokolweko, ni makume mambiri ya kume ga mazana ya barle, ni makume mambiri ya kume ga mazana a tikarafau ta waini, ni makume mambiri ya kume ga mazana a tikarafau ta mafura.

madunzu mambiri laya ma nga wa hi hehla ka timhanze, ni wumbiri a tiro wa ku komelwa a ku fenengeta a madunzu mambiri ma nga wa hi hehla ka timhanze,

- 13 Ni mune wa mazana ya mapomegranate ya mitiro mimbiri yikomeleweko; tixaxa timbiri ta mapomegranate ta lowu ni lowu a tiro wukomelweko, a ku kubunyeta a magombe ya madunzu ma hehla ka timhanze.
- 14 Yena i lo maha kambe a zikatelo, ni zinamelo i lo zi maha yena hehla ka zikatelo;
- 15 A bimbi ginwe, ni kume ga tikabi lahasi ka gona.
- 16 Ni timbita kambe, ni mafoxola, ni tiobe ta nyama, ni zonkle a zibya za kona, Huramu dadani wa yena i lo maha ka hosi Solomoni, akuba za yindlu ya ka Jehova, hi suku wu ngangamelako.
- 17 A ka le mikobeni ya Jordani a hosi yi lo klomba zona, le marupeni ya liranza ya xikari ka Sukote na Zereda.
- 18 Zakungahi Solomoni i lo maha a zibya hi wunyingi ga hombe; hakuba a xiringaniso xa suku xi wa nga hi na ku kumiwa.
- 19 Na Solomoni i lo maha zonkle a zibya lezo zi nga lomu ndlwini ya ka Nungungulu, ni alati ga nzalama kambe, ni timeza leto a zibaba za kombilweko zi nga ka tona;
- 20 Ni tinhi ta tikandiya zinwe ni kuwoninga ka tona, a ku vura kukotisa hi xixaxamato mahlweni ka mucapa, wa nzalama yi hlutekileko;
- 21 A zitsangi, ni kuwoninga, ni mahati, za nzalama, lezo zi wa hi za nzalama yi mbeleleko.
- 22 Ni zitimo, ni zinamelo, ni mikombe, ni mahati ya nzilo, zi wa hi za nzalama yi hlutekileko. Kambe hi wu-eugen ga yindlu, ni tibati ta lomo nzeni ta kona laho kuhunzeleleko wutsamo gobasa, ni tibati ta yindlu, ya wumboni, ga tempele, ti wa hi ta nzalama.

XIPIMO 5.

- 1 Zakungahi a tiro lowo Solomoni a nga wa wu mahile a kuba wa yindlu ya ka Jehova wu wa mbetekile. Na Solomoni i lo neha lomo nzeni a zilo lezo Davida dadani wa yena a nga wa nyikelelisile, yona siliva, ni

nzalama, ni zibya zonkle, i lo ta beka zona lomu mabakweni ya yindlu ya ka Nungungulu.

- 2 Zonake Solomoni i lo tsombanyi-sela a masingalakati ya ka Israeli, ni tonkle a tihloko ta tixaka, ni tihosana ta tindlu ta badadani ba banana ba ka Israeli, ba lota le Jerusalema, a ku neha a arke ga xivumelwano xa ka Jehova le mutini wa Davida, lowu hi Zioni.
- 3 Bonkle a banhu ba ka Israeli ba lo tsombana wutsumbu gabye katigizwe le ka hosi le mubuzweni, lowo wu nga wa hi hwetini ya nkalanu ni timbiri.
- 4 Ni wonkle a masingalakati ya ka Israeli ma lota: ni ba ka Levi ba lo rwala a arke;
- 5 Na bona ba lo kanziya ba neha a arke, ni tenta ga muklangano, ni zonkle zibya zo basa lezo zi nga wa hi lomo Tenteni; lezi ba lo neha a bapristi a ba ka Levi.
- 6 A hosi Solomoni ni wonkle a klangano wa ka Israeli, lowo wu nga wa tsombene ka yena, ba wa hi mahlweni ka a arke, ba wa ku pahlela a tiyivu ni tikabi, leto ti nga wa nga ti nga hlaiwi hambu ni mitsengo hi wudlemo.
- 7 Ni bapristi ba lo neha ba engenisa a arke ga xivumelwano xa ka Jehova wutsanweni ga yona, lomo mucapeni wa yindlu, le wutsanweni gi hunzeleleko kubasa, kona lahasi ka tipapa ta macerubima.
- 8 Hakuba a macerubima ma wa la ku andlalata tipapa ta wona hehla ka a wutsamo ga arke, ni macerubima ma lo kubunyeta a arke ni mipingu ya kona hi le hehla.
- 9 Ni mipingu yi wa lehile lezaku a magumo ya mipingu yi wa ku wonwa yi hi laho arkeni mahlweni ka mucapa; kanilezi yona yi wa nga woniwi hi le handle: yona yi laho kala legi siku.
- 10 La ho ku wa nga hi na ncumo lomo a arkeni saseka a maribye mambiri lawo Mosi a nga wa bekile lomo le Horebe, laha Jehova a nga wa maha a xivumelwano zinwe ni banana ba ka Israeli, laha na bona ba nga wa huma hi le Gipite.
- 11 Na ka mahisile lezo, laha a bapristi ba nga wa humele hi lomo wutsanweni ga kubasa (hakuba a bapristi labo ba nga wa hi kona ba

GA WUMBIRI GA KRONEKELE, 6.

- wa basisile a wutsumbu gabye, ba wa nga hlayisangi a tixaxa tabye;
- 12 Kambe ni ba ka Levi labo banga wa hi bayimbelele, bonkle ba bona, yena Asafa, Hemani, Jedutuni, ni barisanyana babye ni bamakabye ba bona, ba wa lo ambala hi tinguwota wukene go saseka, zinwe ni ngoma, ni timbila, ni zitende, ba lo yiina hi le magumo kamutsuwukagambo ka a alati, zinwe na bona i zana ni makume mambiri ya bapristi ba bako a mipunzu);
- 13 Na ku mahisile lezo, laha a mipunzu ni bayimbeleli ba nga wa ku kwatsi munwe, a ku maha wuce-nje ginwe a kuzwiwa ku dumiseni ni kubongeni Jehova; laho bona na ba klakusa gezu gabye hi mipunzu ni tingoma ni wucenje gonkle ga kuvuma, ni kudumisa Jehova, baku, Hakuba kusasa ka yena; hakuba kuranzakawunene ga yena kusimamile kala kupinzuka; lezo zonake a yindlu yi wa lo tatiswa hi refu, yona yindlu ya ka Jehova.
- 14 Zingaho lezo a bapristi ba wa nga hi na ku yima ba kozela hi kota ya refu: hakuba a wukosi ga Jehova gi wa tatisile a yindlu ya ka Nungungulu.

XIPIMO 6.

- 1 Zonake ku lo wula Solomoni, Jehova i te ngalo yena i wa ta nga a aka lomo munyamani wu pumisi-lweko.
- 2 Kanilezi mina nzi a akele wena a yindlu ya wuakelo, a wutsamo ga ku-aka ka wena kala kupinzuka.
- 3 Ni hosi yi lo renzeleta a nghohe ya yona, i lo katekisa wonkle a gotsobanyano wa ka Israeli: ni wonkle a gotsobanyano wa ka Israeli wu la ku yima.
- 4 Na yena i te ngalo, A kukatekiswa a kube ka Jehova, a Nungungulu wa ka Israeli, loye a wulileko hi nomu wa yena ka Davida a dadani wa mina, na hi canja ga yena i ta tisile kona, aku,
- 5 Cima ka siku lego mina nzi nga humesa nzi neha a banhu ba mina hi le tikweni ga le Gipite, mina a nzi langangi ni muti ka tonkle tixaka ta ka Israeli a kuaka yindlu kona, kasi a bito ga mina gi fela akuba laho; ge mina a nzi langangi ni wihi a munhu akuba hosana hehla ka munhu wa mina Israeli:

- 6 Kanilezi mina nzi langile a Jerusalema, kasi a bito ga mina gi fela akuba leyo, nzi langile Davida a ku wumbelwa hehla ka munhu wa mina Israeli.
- 7 Makunu kona ku wa hi lomo mbilwini ya Davida a ku akela ya bito ga Jehova, a Nungungulu wa ka Israeli.
- 8 Kanilezi Jehova i te ngalo ka Davida a dadani wa mina, Kwatsi hilaho ku nga wa hi mbilwini ya wena a ku akela yindlu a bito ga mina, wena u mahile kwatsi lezo kona ku wa hi lomo mbilwini ya wena:
- 9 Ahembalezoke wena u nga ta aka a yindlu; kanilezi a nisanyana wa wena loye a tanga huma hi lomo ziwunuwini za wena, yena hi yena a ta nga aka a yindlu ya bito ga mina.
- 10 Na Jehova i mbelelile a mbaka ya yena leyo a yi wulileko; hakuba mina nzi vuxilwe lomu xikundleni xa Davida dadani wa mina, nzi tsamile lomu xitsanweni xa wukosi xa ka Israeli, kwatsi hilezi Jehova a tsumbisileko, nzi akile a yindlu ya bito ga ka Jehova, a Nungungulu wa ka Israeli.
- 11 Ni laho mina nzi bekile a arke, lomo nzeni ka gona ku kona a xivumelwano xa ka Jehova, lexo yena a mahileko zinwe ni ba Israeli.
- 12 Na yena i lo yima mahlweni ka a alati ga ka Jehova a kubakoneni ka wonkle a gotsobanyano wa ka Israeli, i lo andlalata a nawuluta mandla ya yena
- 13 (Hakuba Solomoni i wa mahile a xitsamelo xa suku, xi wa hi nklanu wa mikono kunabalata, ni nklanu wa mikono kuanama, ni mikono minharu a ku klakuka, i wa yimisile gona lomo xikari ka hubye; ni hehla ka gona yena i lo yima, i lo kizama madzolweni ya yena mahlweni ka gotsobanyano wa ka Israeli, i andlalata a nawuluta mandla ya yena a xungeta le tilweni);
- 14 Na yena i te ngalo, O Jehova, a Nungungulu wa ka Israeli, laho a ku kona a Nungungulu wa ku fanana na wena, le tilweni, kutani laha misabeni; loye a hlayisako a xivumelwano ni kuranzakawunene zinwe ni malanza ya yena, lawo ma fambako mahlweni ka wena hi timbilu ta wona tonkle;
- 15 A wihi u hlayisileko zinwe ni nanza

- ga wena Davida dadani wa mina lezo wena u mahileko ku tsumbisa yena: ina, wena u lo wulawula hi nomu wa wena, u tatisileko kona hi canja ga wena, kwatsi hi legi siku.
- 16 Makunu hikwalaho, O Jehova, a Nungungulu wa ka Israeli, hlayisa ni nanza ga Davida a dadani wa mina lezo wena u tsumbisile ziwwe naye, uku, Laho ku nga ta hluleka a munhu kuwoneni ka mina a ku tsama xitsazweni xa wukosi xa ka Israeli, utsena loku banana ba wena ba teka kucelakota hi tindlela ta'bye, a ku famba hi nayo wa mina kwatsi hilezi wena u fambileko mahlweni ka mina.
- 17 Makunu hikwalaho, O Jehova, a Nungungulu wa ka Israeli, nga a mhaka ya wena a yi tatiseke, leyo wena u wulileko ka nanza ga wena Davida.
- 18 Kanilezi Nungungulu zinene futsi i ta tsama ziwwe ni banhu laha misabeni ke? languta, a tilo ga matilo a zi koti ku kangatela wena; wutso-ngo ga ku yiniyini a yindlu leyi mina nzi akeleko wona ke!
- 19 Kasike wena wa celakota ka mukombelo wa nanza ga wena, ni ka mukongelisiso wa yena, O Jehova Nungungulu wa mina, a kuzwa a ka kurila ni ka mukombelo lowu a nanza ga wena gi kombelako mahlweni ka wena;
- 20 Lezaku a mahlo ya wena a ma vululeka hehla ka leyi yindlu a siku ni wusiku, kona ngomama na gona wutsamo legi wena u te ku ngalo u wa ta uga u beka kona a bito ga wena laho; ni kuzwa ka mikombelo leyo a nanza ga wena gi ta nga kombela na gi xungetile ka ngomama ni legi wutsamo.
- 21 Na ingisa wena ka mikongelelisiso ya nanza ga wena, ni ka banhu ba wena Israeli, laho bona ba ta nga kombela ngomama ni legi wutsamo: inaka, ingisa wena hi wutsazweni ga kuaka ka wena, kona le tilweni; ni laha wena u zwako, tsitselela.
- 22 Loku a munhu a onha a vukela a wa akelwane wa yena, ni xifungo xi klatekilwe hehla ka yena a ku maha yena a hlambanya, yena ata hlambanya mahlweni ka alati ga wena ka leyi yindlu;
- 23 Zonake zwana wena hi le tilweni, maha, ni ku lamula wena a malanza,
- u wutisako a wa kubiba, a ku neha a ndlela ya yena hehla ka hloko ya yena zwinyi; ni ku longameta a lulamileko, a ku nyika ka yena kukotisa hi kululamisisa ka yena.
- 24 Ni loku a banhu ba wena ba ka Israeli ba tsuwuka lahasi mahlweni ka nala we yena, hakuba bona ba onhileko ba vukela wena, ni loku ba hunzuluka kambe ba wulela azionho za'bye, ni ku kombela ni ku maha mikongelelisiso mahlweni ka wena ka leyi yindlu;
- 25 Zonake zwana wena hi le tilweni, ni ku tsitselela a zionho za banhu ba wena Israeli, ni ku neha bona kambe ka tiko lego wena u nyikileko bona ziwwe ni badadani ba'bye.
- 26 Ni loku a tilo gi valilwe, ni laho ku nga hi kona a vula, hakuba bona ba onhileko ba vukela wena; loku bona ba kombela ngomama ni legi wutsamo, ni ku wulela a bito ga wena, ni ku hunzuluka le kuonheni ka'bye, laha wena u mahako ku hlokiwa ka bona:
- 27 Zonake ingisa wena hi tilweni, a ku tsitselela a kuonha ka malanza ya wena, ni ka banhu ba wena ba Israeli, laha wena u ba gonzisako a ndlela yo saseka leyo bona ba nga wa ta nga ba famba ha yona; ni ku rumela a vula lomu tikweni ga'bye, legi wena u nyikileko ka banhu ba wena akuba tsomba.
- 28 Loku laho ku nga ku hi kona a ndlala lomu tikweni, loku ku hi kona a tungu, loku laho ku nga ku hi kona a bubutsa ga xihuhuri, a humbi kutani ziwungwani; loku a balala ba'bye ba ba vimbezela bona lomo tikweni ga miti ya'bye; kani i tungu wa ku yini kani mbu-ba'yi ga ku yiniyini gi ta nga ba lezo;
- 29 Kani ngwakuyini a mukombelo ni mukongeliso wu ta nga mahiwa hi munhu loyewo, kutani hi bonkle banhu ba wena ba ka Israeli, labo ba ta nga tiba bonklelele banhu a tungu wa bonawu ni zihlokiso za bona benyi, ni ku i ta a ndlalata a nawuluta man'la ya ngomama ni leyi yindlu;
- 30 Zonake ingisa wena hi le tilweni wutsazweni ga kuaka ka wena, ni ku tsitselela, ni ku maha ka bonklelele banhu kukotisa hi tindlela tonkle ta yena, labo a mbilu wena u tibako (hakuba wena, wena wece,

GA WUMBIRI GA KRONEKELE, 7.

- u tibako a timbilu ta banana ba banhu);
- 31 Kasi bona ba fela kucaba wena, a ku famba hi tendlela ta wena, ku longoloka ni xonkle xikati xa wutomi lego ba hanyako lomo tikweni legi wena u nyikileko ka badadani babye.
- 32 Klatakumbiri hi xungetano ni bamatiko, labo ba nga hiko ba banhu ba wena ba ka Israeli, loku yena i tata hi tiko ga le kule hi kota ya bito ga wena ga hombe, ni ncanja ga wena ga nyamintamo, ni woko ga wena ni klakusilweko; laha bona ba nga ta ba kombela xungetano ni le-nyi yindlu:
- 33 Zonake ingisa wena hi le tilweni, kona leyo wutsanweni ga kuaka ka wena, ni ku maha ka zonkle lezo a bamatiko ba zi bitanako ka wena; kasi bonkle a banhu ba misaba ba fela ku tiba a bito ga wena, ni ku caba wena, kwatsi hilezi ba mahako banhu ba wena ba ka Israeli, na kasi ba fela a ku tiba lezaku leyi a yindlu nzi yi akileko yi bitanilwe hi bito ga wena.
- 34 Ni loku abanhu ba wena ba huma lahandle ku hloma impi a ku yalwa ni balala babye, ni kani hi yihi ndlela wena u ta nga rumela bona, ni loku bona ba kombela ka wena ngomama ni lowu muti lowu wena u wu langileko, ni ka yindlu leyi mina nzi akileko ka bito ga wena;
- 35 Zonake ingisa wena hi le tilweni a mukombelo wabye ni mukongelo wabye, ni ku hlanguta a tikuruxu tabye.
- 36 Loku bona ba onha ba vukela wena (hakuba laho a ku kona munhu a nga onhiko), na wena u be u zangarileko zinwe nabo, u nyikela bona ka nala, zingaho lezo ba koma bona kuya ka tiko ga le kule kutani ga laha kusahani;
- 37 Kasike loku bona ba ti alakanyela a wutsumbu gabye lomo tikweni lego bona ba golilweko bakonwi, ni ku klela kambe, ni ku maha a mikongelisiso ka wena leyo tikweni ga kukonwa kabye, baku, hina hi onhile, hina hi mahile hi kuonhakalisilweko, na hi mahile hi kubihisisilweko.
- 38 Loku bona ba klelela kambe ka wena hi mbilu yabye yonkle muhefumulo wabye wonkle lomo tikweni ga wukonwi gabye, leyo barweleko bona ba konwi, ni kukombela ngomama ni tiko gabye, lego wena u nyikileko ka badadani babye, ni muti lowu wena u wu langileko, ni ngomama ni yindlu leyi mina nzi akile ka bito ga wena.
- 39 Zonake ingisa wena hi le tilweni, kona le wutsanweni ga kuaka ka wena, a mukombelo wabye ni mikongelilisiso yabye, ni ku hlanguta a tikuruxu tabye, ni ku tsetselela banhu ba wena laba ba onhileko ba vukela wena.
- 40 Makunu, O Nungungulu wa mina, vumela, mina nza nkongotela wena, a mahlo ya wena a ma vululeke, nga ni tindlebe ta wena ti pumunhekaka ka mukombelo lowu wu mahiwako ka legi wutsamo.
- 41 Makunu hikwalaho suka, Jehova Nungungulu, ka wutsamo ga kuhumula ka wena, wena, ni a arke ga ntamo wa wena; nga bapristi ba wena, O Jehova Nungungulu, a ba be ba ambexilweko hi kuhanyiswa, nga ba basileko ba ni litsako hi ka kusasa.
- 42 O Jehova Nungungulu, u nga hunzulusi kule a nghohe ya a totilweko wa wena: alakanya kuranzakawunene ga wena ka Davida a nanza ga wena.

XIIMO 7.

- 1 Makunu laha Solomoni a nga wa mahile kugumelwa a kukombela, ni nzilo wu lo relela wu ta hi le tilweni, wu lota tromula a munyikelo wa kuhiswa ni mipahlelo; ni wukosi ga ka Jehova gi lo tatisa a yindlu.
- 2 Ni bapristi ba wa nga hi na ku engena lomu ndlwini ya ka Jehova, hakuba a wukosi ga ka Jehova gi wa tatisile a yindlu ya ka Jehova.
- 3 Ni bonkle a banana ba ka Israeli ba wa la su tsonono ba cuwuka, laha a nzilo wu nga wa relela lahasi, ni wukosi ga ka Jehova gi wa hehla ka yindlu; na bona ba lo koramisa a wutsumbu gabye hi tinghohe tabye kona liranzyeni hehla ka lilonze, ba lo kozela, ni ku nyika kubanga ka Jehova baku, Hakuba yena kusasa; ni kuranzakawunene ga yena ku simamisile kala kupinzuka.
- 4 Zonake a hosi ni bonkle banhu ba lo nyikela a mupahlelo mahlweni ka Jehova.
- 5 Ni hosi Solomoni i lo nyikela a mu-

GA WUMBIRI GA KRONEKELE, 7.

- pahlelo wa makume mambiri ni timbiri a kume ga mazana ya tikabi, ni zana ni makume mambiri a kume ga mazana a tiyivu. Zingaho a hosi ni banhu bonkle ba lo nyikelelisisa a yindlu ya ka Nungungulu.
- 6 Ni bapristi ba lo yima, kukotisa hi zikundla zabye, ni ba ka Levi kambe ba angele a wucenje ga kuvuma ka Jehova, lego Davida a nga wa gi mahile a kunyika kubonga ka Jehova (hakuba kuranzakawunene ga yena ku simamisile kala kupinzuka), laho Davida a nga wa dumisa hi kozelisiso yabye: ni bapristi ba loba mipunzu mahilweni ka bona; ni bonkle ba ka Israeli ba lo yima.
- 7 Klatakumbiri Solomoni i lo basisa a habye ya laha xikari leyo yi nga wa mahilweni ka yindlu ya ka Jehova; hakuba laho yena i lo nyikela a minyikelo wa kuhiswa, ni mafura ya minyikelo ya kurula, hakuba a alati ga suku lego Solomoni a nga wa gi mahile gi wa nga zi koti a ku amukela amunyikelo wa kuhiswa, ni munyikelo wa tinzhoho, ni mafura.
- 8 Zingaho Solomoni i lo koma a mubuzo ka lexo xikati nkhanu ni mambiri masiku, bonkle ba ka Israeli zinwe na yena, a gotsobanyano wa hombe nguvu, kusukela wuengweneni ga le Hamate kala le congwaneni wa le Gipite.
- 9 Hi siku ga nkhanu ni manharu bona ba lo maha a muklangano wu basileko: hakuba bona ba lo hlaysia a nyikelelisiso wa alati nkhanu ni mambiri masiku, ni mubuzo nkhanu mambiri masiku.
- 10 A ka makume mambiri ni manharu masiku ya hweti ya nkhanu ni timbiri i lo hangalakisa banhu ba famba baya matenteni yabye, na ba buma hi tsakiso wa mbilu hi kusasekisisa loko Jehova a kombisileko ka Davida, ni ka Solomoni, ni ka Israeli a banhu ba yena.
- 11 Zakungahi Solomoni i wa mbetile a yindlu ya ka Jehova, ni yindlu ya ka hosi: ni zonkle lezo zi tako mbilwini ya ka Solomoni a ku maha a yindlu ya ka Jehova, ni yindlu ya yena nwinyi, yena hi kuvuvumisisileweko i la su ku mbetisa.
- 12 Na Jehova i lo woneka ka Solomoni ni wusiku, i te ngalo ka yena, Mina nzi zwile a kukombela ka wena, nzi langile legi a wutsamo ka wutsumbu ga mina akuba yindlu ya mupahlelo.
- 13 Loku mina nzi vala a matilo lezaku zingaho laho ku nga bi kona a vula, kutani loku mina nzi leletela a humbi a ku kadamula a tiko, kutani loku nzi rumela a tungu xikari ka banhu;
- 14 Loku banhu ba mina, labo ba bitanilweko hi bito ga mina, ba ta ti koramisa a wutsumbu gabye, ni ku kombela, ni kuhlota a nghohe ya mina, ni ku klela hi le tindleni tabye ta kubuha; zonake mina nzi tazwa hi le tilweni, nzi ta tsetselela a zionho zabye, nzi ta ncuma a tiko gabye.
- 15 Makunu a mahlo ya minawu ma ta vululeka, ni tindlebe ta mina ti ta pumunheka ti panga, a ka mikongelo leyi yi mahilweko ka legi wutsamo.
- 16 Hakuba makunu mina nzi langile nzi basisile leyi yindlu, kasi a bito ga mina gi fela a kuba kona kala kupinzuka; ni mahlo ya mina ni mbilu ya minawu yi ta ba laho hi kungakawulisileweko.
- 17 Na kwatsi ha wena, loku wena u ta famba mahilweni ka mina kwatsi ha Davida a dadani wa wena a fambileko, ni ku maha kukotisa hi ka zonkle lezo mina nzi leleleteleko wena, ni ku hlaysia a milayelo ya mina ni miyimiso ya mina;
- 18 Zonake mina nzi ta yimisa a xitsamo xa wukosi xa mufumo wa wena, kukotisa hilezi nzi lo vumelanisileko na Davida a dadani wa wena, nziku, La ho ku nga ta hluleka ka wena a wanuna akuba a mufumeli a ka Israeli.
- 19 Kanilezi loku nwina mu hambuka kule, ni ku tsika a zilayelo za mina ni zileletelo za mina, lezi mina nzi zi bekileko mahilweni ka nwina, ni ku mu ta famba muya kozela banwani banungungulu, ni kukozela bona;
- 20 Zonake mina nzi ta runzhuwula bona hi mitsu ba suka lomu tikweni legi mina nzi nyikileko bona; ni leyi yindlu, leyi mina nzi yi basisileko akuba ya bito ga mina, mina nzi ta hoxa bona lahandle ka kuwona ka mina, mina nzi ta yi maha a makiyala ni kuxeluzwa xikari ka bonkle banhu.
- 21 Ni yindlu leyi, yi klakukileko nguvu, ni bonklelele laba ba ta nga hunza hi ka yona ba taba ba hlamalasilweko, na ba ta wula, Hi yini Jehova

a mahileko zakungahi ka legi tiko, ni ka leyi yindlu ke?

- 22 Na bona ba ta hlamula, Hakuba bona ba lo tsika Jehova, a Nungungulu wa badadani babye, loye a humesileko bona a ba neha hi tikweni ga le Gipite, ba lo komelela ka banwani banungungulu, ba lo kozela bona, ba lo dumisa bona: hikwalaho yena i nehle konkle loku kubiha hehla ka bona.

XIPIMO 8.

- 1 Na ku mahisile lezo hi kugumelweni ka makume mambiri a malembe, lawo ha wona Solomoni a nga wa akile ha wona a yindlu ya ka Jehova, ni yindlu ya yena wwiinyi,
- 2 Lezaku ni miti leyo Huramu a nga wanyikile ka Solomoni, Solomoni i lo aka yona, i lo maha a banana ba ka Israeli a kuaka ka yona.
- 3 Na Solomoni i loya le Hamate-zoba, i lo hlula hehla ka gona.
- 4 Na yena i lo aka Tadmora le xiwuleni, ni yonkle a miti ya mabako, leyo yena a yi akileko leyo Hamate.
- 5 Kambe yena i lo aka Bete-horoni wa le hehla, ni Bete-horoni wa la hasi, a miti yi gingisilweko, zizwe ni makurisi, tinyangwa, ni zikwinyaro;
- 6 Ni Baalate, ni yonkle a miti ya mabako leyo Solomoni a nga wa hi nayo, ni yonkle a miti ya tikareta ta yena, ni miti ya ba banuna ba mahaxi ba yena, ni zonkle lezo Solomoni a nga wa xubile a ku zi aka a kuxalaliswa ka yena le Jerusalema, ni le Lebanoni, ni ka gonkle a tiko ga mufumo wa yena.
- 7 Na kwatsi hi banhu bonkle labo ba nga wa siyilwe hi ma Hiti, ni ma Amori, ni ma Perezi, ni ma Hivi, ni ma Jebusi, labo ba nga wa nga ba nga hi ba ka Israeli;
- 8 A ba banana babye labo ba nga wa siyilwe a nzako ka bona lomo tikweni, labo a banana ba ka Israeli ba nga wa nga ba lobisangi, a ka bona Solomoni i vuxa a xibalu xa malanza ya mikinyabezo kala legi siku.
- 9 Kanilezi a ka banana ba ka Israeli Solomoni a nga mahangi malanza ya tiro wa yena; kanilezi bona ba wa hi ba banuna ba impi, a tihosi ta tinduna ta yena, a bafumeli ba tikareta ta yena ni ba banuna ba yena ba mahaxi.
- 10 Ni leti ti wa hi tihosi ta tinduna ta

hosi Solomoni, tona ti wa hi mazana mambiri ni nklanu wa makume, labo ba nga wa wumbelwe kufumela hehla ka banhu.

- 11 Na Solomoni i lo neha a nhanyana wa hosi Faro a huma lomo mutini wa ka Davida ata leyo ndlwini leyo yena a akeleko yena; hakuba yena i te ngulo. A sati wa mina a nga ta tsama lomo mutini ka Davida a hosi ya ka Israeli, hakuba a wutsamo gi basile, a ka gona a arke ga ka Jehova gi tileko.
- 12 Zonake Solomoni i lo nyikela a minyikelo ya kuhiswa ka Jehova leyo a alatini ga ka Jehova, lego yena a nga wa gi akile mahlweni ka nyangwa,
- 13 Kona kukotisa hi ka lezi a tiro wa masiku wonklelele wu labekako, a kunyikela kukotisa hi kuleletela ka Mosi hi ka masabado, na hi ka tihwetitiswa, ni ka mibuzo yi yimisilweko, makati manhari hi lembe, wona amubuzo wa zibaba zi nga comelwangiko, ni mubuzo wa masonto, ni mubuzo wa ma tabernakele.
- 14 Na yena i lo yimisa kukotisa hi zixaxameto za Davida a dadani wa yena, a tixaxa ta bapristi ka nkozi yabye, ni ba ka Levi lomo xikundleni xabye, a ku kesetela, ni kozelisa a mahlweni ka bapristi, kwatsi hi tiro wa masiku wonklelelele wu labekako; ni bahlayisi ba tinyangwa kambe hi tixaxa tabye kambe ka tinyangwa tonkle: hakuba zingaho Davida a munhu wa Nungungulu a leleteleko.
- 15 Na bona a ba sukangi le kuleleteleni ka hosi a ka bapristi ni ba ka Levi xungetano ni ka yihi mhaka, kutani hi xungetano ni mabako.
- 16 Zingaho wonkle a tiro wa ka Solomoni wu wa longiselwa kala sikwini ga ku sangula ka xiseketelo xa yindlu ya ka Jehova, kala yona yibe yi mbetekileko. Zingaho a yindlu ya ka Jehova yi wa lo mbetekiswa.
- 17 Zonake i lo famba Solomoni le Ezioni-gebera, ni le Elote, le fungwini wa bimbi ga le Edome.
- 18 Na Huramu i lo runela mataru ka yena hi canja ga ya malanza ya yena, a malanza lawo ma nga ni kutibisisa hi bimbi; na bona ba lota zizwe ni malanza ya ka Solomoni le Ofira, ba lo hanza leyo a mune wa mazana ni nklanu wa makume titalenta ta nzalama, ba lo tisa tona ka hosi Solomoni.

XIPIMO 9.

- 1 Ni laha a muzinza wa le Xeba a nga wa zwile hi wudumo ga ka Solomoni, yena i lota hlola Solomoni hi miwitiso yo tsanza le Jerusalema, zi-zwe ni makamaka wa hombe nguvu, ni makameli lawo ma rweleko a maka, ni nzalama hi wunyingi, ni mari-bye ya malongo : ni laha yena a nga wa tile ka Solomoni, na yena i lo xu-xa zinwe na yena zonkile lezo zi nga wa hi lomo mbilwini ya yena.
- 2 Na Solomoni i lo byela yena yonkile a miwutiso ; ni laho ku wa nga hi kona a xilo xi fihlilweko ka Solomoni lexo a nga wa nga a nga byelangeni yena.
- 3 Ni laha a muzinza wa le Xeba a nga wa wonile a kutibisisa ka Solomoni, ni yindlu leyo yena a yi akileko,
- 4 Ni kuga ka meza ya yena, ni kutsama ka malanza ya yena, ni koramekisi wa manganakana ya yena, ni tinguwo ta wona, a bakomi ba kopo ya yena kambe, ni tinguwo tabye, ni kukanziya ka yena loku ayako ha kona le ndlwini ya ka Jehova ; ni laho ku wa ngaho kona a moya ka yena.
- 5 Na yena i te ngalo ka hosi, kona ku wa hi mubiko wa zinene lowo mina nzi wuzwileko le tikweni ga mina zwinyi hi zimaho za wena, ni wa kutibisisa ka wena.
- 6 Ahemba mina nzi wa nga kolwangi a ka timbaka tabye, kala mina nzita, ni mahilo ya minawu ma wonile kona ; ni, languta, ni kihlanya ga kulisiso wa kutibisisa ka wena a ku wa nga byelwangi mina : wena u hunzisile ka wudumo lego mina nzi gi zwileko.
- 7 Bakatekisilwe a banhu ba wena, ma katekisilwe a malanza ya wena, lawo ma simamisileko ma yima mahlwini ka wena, mazwa a kutibisisa ka wena.
- 8 I katekisilwe Jehova a Nungungulu wa wena loye a tangalako ha wena, a ku tsamisa wena xitsanweni xa wukosi xa yena, akuba hosi ha Jehova a Nungungulu wa wena : hakuba a Nungungulu wa wena wa ranza Israeli, a ku yimisa bona kala kupinzuka, hikwalaho i mahile wena hehla ka bona, a ku maha nongametiso ni lulametisiso.
- 9 Na yena i lo nyika a hosi a zana ni makume mambiri a titalenta ta nzalama, ni pepo wa nhunzu yo tala, ni maribye ya malongo : cima laho ku wa nga hi kona a pepo wo kwatsi hi lowo a muzinza wa le Xeba a nga wa nyikile a hosi Solomoni.
- 10 Ni malanza ya Huramu kambe, ni malanza ya ka Solomoni, lawo ma nga wa nehile a nzalama hi Ofira, ba lo neha a sinye ya alguma ni maribye ya malongo.
- 11 Ni hosi yi lo maha hi tisinya ta alguma a zitsula za yindlu ya ka Jehova, ni za yindlu ya hosi, ni zitende ni timbila ta bayimbeleli : ni laho ku wa nga hi tona kota lezo ti nga wa wonilwe lomo tikweni ga ka Juda.
- 12 Ni hosi Solomoni i lo nyika ka muzinza wa le Xeba konkile a kuxuba ka yena, kani hi yini lexo a xi wutisako, hi lahandle ka lezo yena a zi nehileko ka hosi. Zingaho yena i lo renzeleka, i lo klelela le tikweni ga yena nwinyi, yena zinwe ni malanza ya yena.
- 13 Makunu a kuringanisa ka nzalama leyo yi nga wata ka Solomoni hi lembe ginwe ku wa hi nklanu ni ginwe mazana ni nklanu ni ginwe makume ni nklanu ni ginwe titalenta ta nzalama.
- 14 Hi lahandle ka lezo a bamahungani ni badzilaxi ba nehako : tonkile tiho-si ta le Arabia ni bafumeli ba tiko ba lo neha a nzalama ni siliva ka Solomoni.
- 15 Ni hosi Solomoni i lo maha a mazana mambiri ya tingenge ta nzalama yi klombilweko ; nklanu ni ginwe mazana ya maxekeli ya nzalama yi klombilweko yi loya ka ngenge yinwe.
- 16 Na yena i lo maha mazana manharu ya ziklangu za nzalama zi klombilweko ; mazana manharu ya maxekeli ya nzalama ma loya ka xinwe xiklangu : ni hosi yi lo beka zona lomo ndlwini ya kwati ga le Lebanoni.
- 17 K'latakumbiri a hosi yi lo maha a xitsamo xa wukosi xa timhonzo ta ndlovu, i lo nameketa xona ni nzalama yi nyekisilweko.
- 18 Ni laho ku wa hi nklanu ni xi xiawe zi kanziyelo a kuya xitsanweni xa wukosi, zinwe ni xikegetelo xa mikonzo xa nzalama, lexi xi tiyisetilwe xitsanweni xa wukosi, ku wa lo yima seno maklelweni hi marebeni ya wutsamo, a tingonyamo timbiri ti yimileko maklelweni ya zikanziyelo.

- 19 Ni kume ni timbiri tingonyamo ti wa lo yima laho hi ka klelo ginwe ni ka klelo ginwani ti longolokile ni nklanu ni xizwe zi kanziyelo: laho ku wa hi kona zo fanana ni lezo ni ka wihi mufumo.
- 20 Zonkle a zibya za kunwela kona za hosi Solomoni zi wa hi za nzalama, zonkle zibya za yindlu ya kwati ga le Lebanoni zi wa hi za nzalama yi nyekisilweko: a siliva gi wa nga hlalwe-lwi xilo xa ncumo masikwini ya a Solomoni.
- 21 Hakuba a hosi yi wa hi mataru laya ma nga waya le Tarxixi zinwe ni malaza ya Huramu; kanwe hi wonklelele a malembe manharu ma lota mataru le Tarxixi, na ma neha a nzalama, ni siliva, ni timhonzotadlovu, ni tifenhe, ni tifawufawu.
- 22 Zingaho a hosi i lo hunza tonkle a tihosi ta misaba hi kufuma ni kutibisisa.
- 23 Ni tonklea tihosi ta misaba ti lo klota a kubakona ka Solomoni, a kuzwa a kutibisisa ka yena, loko Nungungulu a bekileko mbilwini ya yena.
- 24 Na bona ba lo neha bonklelele banhu a nzhubo ya yenawu, a zibya za siliva, ni zibya za nzalama, ni tinguwo, ni maklari, ni mipepo, ni mahaxi, ni maesela, ba su simasima malembe hi malembe.
- 25 Na Solomoni i wa hi ni mune wa kume ga mazana a maranga ya mahaxi ni ya tikareta, ni kume ni bambiri a kume ga mazana ya ba banuna ba mahaxi, labo a ba tsombekeko lomo mitini ya tikareta, ni kuba zinwe ni hosi le Jerusalema.
- 26 Na yena i lo fumela hehla ka tonkle tihosi kusukela le Congweni ku kala le tikweni ga ma Filisti, ni le mbinganweni wa le Gipite.
- 27 Ni hosi i lo maha a siliva a kuba le Jerusalema kwatsi maribye, ni tisi-nya ta sedare i lo maha yena ku fanana ni tisiya ta mikuwu leyo yi nga lomo tinyakeni, a wunyingi.
- 28 Ni laho ba lo neha a mahaxi ya Solomoni hi le Gipite, ni ka wonkle matiko.
- 29 Makunu zonkle a zimaho za Solomoni, a za kuranga ni za kugumesa, zona a zi tsalwangi lomo ka mahungu ya Natani a muprofeti, ni lekuprofeteni ka Ahija a mu Xiloni, ni miwonisweni ya Iddo a muwoni hi

xungetano na Jeroboamu a nisanyana wa Nebate ke?

- 30 Na Solomoni i lo fuma lomo Jerusalema hehla ka Israeli mune wa makume malembe.
- 31 Na Solomoni i lo eklela zinwe ni badadani ba yena, na yena i wa lo nkelelwa le mutini wa Davida a dadani wa yena: na Rehoboamu a nisanyana wa yena i lo fuma xikundleni xa yena.

XIPIMO 10.

- 1 Na Rehoboamu i loya le Xekemi; hakuba bonkle ba ka Israeli ba lota le Xekemi a ku ta maha yena a hosi leyo.
- 2 Na ku mahisile lezo, laha Jeroboamu a nisanyana wa Nebate a zwile kona (hakuba yena i wa hi le Gipite, leyo a nga wa cabele kona kubakoneni ka hosi Solomoni), lezaku Jeroboamu i lo klela a wuya hi le Gipite.
- 3 Na bona ba lo rumela ba lo bitana yena; na Jeroboamu ni bonkle ba ka Israeli ba lota, na bona ba lo wulawula ka Rehoboamu, baku,
- 4 A dadani wa wena i lo maha joka ga hina gi hi gi kinyelelako: makunu maha a nkozo wu kinyelelako wa dadani wa wena ni joka ga yena gi binzako lego yena a klatekileko hehla ka hina, gi be gi hehukiswako, hina hi ta kozela wena.
- 5 Na yena i te ngalo ka bona, Ngona ni ka mina a nzako ka masiku manharu. Ni banhu ba lo suka.
- 6 Ni Rehoboamu i lo teka a xikungo zinwe ni banhu ba kale, labo ba nga wa yimile mahlweni ka Solomoni a dadani wa yena laha yena a nga wa ha hanya, baku, Xikungo muni muni nzi nyikako zwina mina nzi ta nzi ta klela nziya hlalula ka banhu ke?
- 7 Na bona ba lo wulawula ka yena, baku, Loku wena u nga maha a wunene ka laba banhu, ni ku xalalisa bona, ni ku wulawula a timhaka to kusasa ka bona, zonake bona ba ta maha malanza ya wena kala kupinzuka.
- 8 Kanilezi yena i lo sika a xikungo xa banhu ba kale lexo ba nga wa nyikile yena, na a lo teka a xikungo xa majala lawo ma nga wa kulile zinwe na yena, labo ba nga wa yimile mahlweni ka yena.
- 9 Na yena i te ngalo ka bona, Xikungo

muni mu nyikako nwina, kasi hina ha kletisa a hlamulo ka banhu, labo ba wulawulileko ka mina, baku, maha joka lego a dadani wa wena a klatekileko hehla ka hina a ku kuhuhu-ka ke?

- 10 Ni majaha laya ma nga wa kulile zizwe na yena ma lo wulawula ka yena, maku, Zakungahi wena u ta nga wulawula ka banhu labo ba wulawulileko ka wena, baku, A dadani wa wena i lo maha a joka ga hina kubinza, kanilezi wena maha gona kuhuhuka ka hina: zakungahi wena u ta nga wulawula ka bona, A litiho la kanu la mina li dzimbile kuhunza a ziwunu za ka dadani wa mina.
- 11 Na makunu kwatsi ka laho a dadani a klatekileko hehla ka nwina a joka gi binzako, mina nzi ta engetela ka joka ga nwina; a dadani wa mina i lo tsayisa nwina hi timhika, kanilezi mina nzi ta tsayisa nwi hi tihume.
- 12 Zingaho Jeroboamu ni bonkle banhu ba lotta ka yena hi siku ga manharu, kwatsi hilezi yi wulileko, yiku, Ngonani kambe hi siku ga manharu.
- 13 Ni hosi yi lo hlamula bona hi kuklatisisilweko; ni hosi Rehoboamu i lo tsika a xikungo xa banhu ba kale,
- 14 I lo wulawula ka bona a nzako ka xikungo xa majaha, aku, A dadani i lo maha a joka ga nwina a kubinza, kanilezi mina nzi ta engetela ka gona: a dadani wa mina i lo tsayisa nwina hi timhika, kanilezi mina nzi ta tsayisa nwina hi tihume.
- 15 Zingaho a hosi a yi ingisangi ka banhu; hakuba ku wa ku neha hi le ka Nungungulu, kasi Jehova a fela ku tatisa a mhaka ya yena, leyo a yi wulawulileko ha Ahija a mu Xiloni ka Jeroboamu a nisanyana wa Nebate.
- 16 Ni wonkle Israeli a nga wa zwile lezaku a hosi a yi ingisangi ka bona, ni banhu ba lo hlamula a hosi, baku, Xibelo muni hi nga naxo hina ka Davida ke? ge hina a hi na tsomba ka nisanyana wa Jese: nweklelelele ba banuna matenteni ya nwina, O Israeli: makunu wona ka yindlu ya wena nwinyi, Davida. Zingaho wonkle Israeli i lo suka aya matenteni yabye.
- 17 Kanilezi kwatsi hi ka banana ba ka Israeli labo ba akileko lomo mitini ya

ka Juda, Rehoboamu i lo fumela hehla ka bona.

- 18 Zonake a hosi Rehoboamu i lo rume-la Hadoramu, loye a nga wumbelwe hehla ka ba banuna ba mitiro ya mukonyabezo; ni banana ba Israeli ba lo gandla yena afa hi maribye. Ni hosi Rehoboamu i lo pona hi mazambu a ya engena lomo kareteni ya yena, a ku tsutsuma aya le Jerusalema.
- 19 Zingaho Israeli i lo hlubuka a ku vukela a yindlu ya ka Davida kala legi siku.

XIPIMO 11.

- 1 Ni laha Rehoboamu a nga wa tile le Jerusalema, i lo tsombanyisa yena a yindlu ya ka Juda na Benjamini, a zana ni nklanu ni manharu makune ya kume ga mazana a banhu ba langilweko, a tingwazi, a kulwa zizwe na Israeli, a ku neha a mufumo kambe ka Rehoboamu.
- 2 Kanilezi a mhaka ya ka Jehova yi lotta ka Xemaia a munhu wa ka Nungungulu, yiku,
- 3 Wulawula ka Rehoboamu a nisanana ka Solomoni, a hosi ya ka Juda, ni ka bonkle ba ka Israeli lomo Juda na Benjamini, aku,
- 4 Zakungahi a wulako Jehova, Nwina mu nga ta kanziya, muya hehla, ge ni kulwa mu vukela a bamakabye ba nwina: kletani bonklelele banhu tindlwini ta nwina; hakuba lezi zilo za mina. Zingaho bona ba lozwa a ka mhaka ya ka Jehova, ba lo klela a kuya kulweni na Jeroboamu.
- 5 Na Rehoboamu i lo aka lomo Jerusalema, i lo aka a miti yo kuvikele ya wuvikelo ga ka Juda.
- 6 Na yena i lo aka Betlehema, na Etama, na Tekoa,
- 7 Na Bet-zura, na Soko, na Adullama,
- 8 Na Gati, na Marexa, na Zife,
- 9 Na Adoraima, na Lakixe, na Azeka,
- 10 Na Zora, na Aijaloni, na Hebroni, leyi yi nga wa hi le Juda na Benjamini, a miti yi gingisilweko.
- 11 Na yena i lo gingisisa a makokola, i lo beka a tinduna ka wona, ni tindlu to beketelela timbuba kona ni mafura ni waini.
- 12 Ni ka yonklelele miti yena i lo beka ziklangu ni maklari, i lo maha bona ku hunzelela ntamo. Juda na Benjamini wa ba hi ba yena.
- 13 Ni bapristi ni ba ka Levi laba ba

nga wa hi kona ka gonkle a tiko ga ka Israeli ba lo tsombana ka yena ba huma hi ka yonkle a mimbingano yabye.

- 14 Hakuba a ba ka Levi ba lo siya a mazunze yabye ni tsomba yabye, ba lota le Juda ni le Jerusalema: haku-ba Jeroboamu ni barisanyana ba yena ba lo panzanya bona, lezaku bona ba wa nga ta ha tsanza a xikundla xa wupristi ka Jehova;
- 15 Na yena i lo ti langele a bapristi ba wutsamo gi klakukileko, ba timbuti ta yena, ni ba marolana laya yena a mahileko.
- 16 Ni nzako ka bona, ba lo huma hi ka tonkle a tixaka ta ka Israeli, bona bo kwatsi hi labo ba tsonometileko a timbilu tabye a ku hlota Jehova, a Nungungulu wa ka Israeli, ba lota le Jerusalema a kuta pahlela ka Jehova, a Nungungulu wa badadani babye.
- 17 Zingaho bona ba lo tiyiseta a mufumo wa ka Juda, ba lo maha Rehoboamu a sinyana wa ka Solomon i ntamo, malembe manharu; hakuba bona ba lo famba malembe manharu lomo ndleleni ya Davida na Solomon.
- 18 Na Rehoboamu i lo teka ka yena a sati, Mahalate a nhanyana wa Jerimote a nisanyana wa Davida, na ka Abihaili a nhanyana wa Eliabe a nisanyana wa Jese;
- 19 Na yena i lo tralela yena a barisanyana: Jeuxi, na Xemaria, na Zahama.
- 20 Ni nzako ka yena i lo teka Maaka a nhanyana wa ka Absalome; yena i tralela yena Abija, na Attai, na Ziza, na Xelomite.
- 21 Na Rehoboamu i ranza Maaka a nhanyana wa ka Absalome kuhunza bonkle basati ba yena ni mindlukulu wa yena (hakuba yena i wa tekile kume ni nklanu ni banharu basati ni nklanu ni ginwe makume mindlukulu i lo trala makume mambiri ni nklanu ni banharu barisanyana ni nklanu ni ginwe makume ya banha-nyana).
- 22 Na Rehoboamu i lo langa Abija a nisinyana wa Maaka a kuba a hosi, akuba a hosana xikari ka bamakabye ba yena; hakuba yena i wo xuba a ku maha yena a hosi.
- 23 Na yena i lo maha hi kutibisisileko, i lo akisela bonkle a banana ba yena ka gonkle tiko ga ka Juda na Benja-

mini, a ka leyo miti yi gingisilweko: na yena i lo ba nyika a zakuga za talisiso. Na yena i tekela bona a ba basati bo tala.

XIPIMO 12.

- 1 Na ku mahisile lezo, laha na mufumo wa Rehoboamu wu yimisilweko, na yena i wa hi ni ntamo, lezaku yena i lo tsika a nayo wa ka Jehova, bonkle ba ka Israeli zinwe na yena.
- 2 Na ku mahisile lezo hi ka lembe ga nklanu ga hosi Rehoboamu, Xixaka a hosi ya le Gipite yi lo kanziya yi ta vukela a Jerusalema, hakuba bona ba onhileko ba vukela Jehova,
- 3 Zinwe ni kume ni mambiri a mazana ya kume ga mazana a tikareta, ni nklanu ni ginwe makume ya kume ga mazana a ba banuna ba mahaxi, ni banhu ba wa nga hi na ku hlaiyiwa labo a nga wa humele a ata nabo hi le Gipite: a Lubima, ni Sukkima ni, ba le Etiopia.
- 4 Na yena i lo teka a miti yi gingisilweko leyo yi nga ya ka Juda, i lota le Jerusalema.
- 5 Makunu Xemaia a muprofeti i lota ka Rehoboamu, ni ka tihosana ta ka Juda, leto ti nga wa tsombene katinginwe hi kota ya Xixaka, i te ngalo ka tona, Zakungahi a wulako Jehova, Nwina mu tsikile mina, hikwalaho minawu nzi siyile nwina lomo canjeni ga Xixaka.
- 6 Zonake a tihosana ta ka Israeli ni hosi ba lo koramisa a wutsumbu ga bona; na bona ba te ngalo, Jehova i lulamile.
- 7 Na laha Jehova a nga wa wonile lezaku bona ba koramisile a wutsumbu gabye, ni mhaka ya ka Jehova yi lota ka Xemaia, yiku, Bona ba koramisile a wutsumbu gabye mina nzi nga ta lobisa bona; kanilezi mina nzi ta nyika ka bona a klakiselelisiso, ni zanga ya mina yi nga cululeka hehla ka Jerusalema hi canja ga Xixaka.
- 8 Ahembalokoke bona ba ta kuba a malanza ya yena, kasi bona ba fela kutiba a nkozeliso ya mina, ni nkozeliso ya mifumo ya matiko.
- 9 Zingaho Xixaka a hosi ya le Gipite yi lo talwa yi vukela a Jerusalema, yi lo teka a mabako ya yindlu ya ka Jehova, ni mabako ya yindlu ya

hosi; yena i lo susa wona wonkle: yena i lo teka kambe a ziklangu za nzalama lezo Solomoni a nga wa zi mahile.

- 10 Ni hosi Rehoboamu i lo maha xikundleni xa zona ziklangu za suku, i lo nyika zona ka mandla ya tinduna ta barangeli, labo ba hlaysako a libati la yindlu ya hosi.
- 11 Na kona ku wangaho, lezaku, kwatsi hi xikanzakanya xa lezi a hosi yi nga wa engena lomo ndlwini ya ka Jehova, ni murangeli i lota a ta koma zona, i lo klela a zi neha lomo ndlwini ya murangeli.
- 12 Ni laha a nga wa koramisile a wutsumbu ga yena, a zanga ya ka Jehova yi lo renga ka yena, zingaho a ku kwatsi i ta lobisa katiginwe a mbela: klatakumbiri a ka Juda zi wa hi kona a zilo zo saseka zi nga wa kumilwe.
- 13 Zingaho a hosi Rehoboamu i lo tiyiseta a wutsumbu ga yena le Jerusalema, i lo fuma: hakuba Rehoboamu i wa hi ni mune wa makume malembe ni lembe ginwe a wukale laha yena a nga wa sangule a kufuma, na yena i lo fuma a kume ni nklanu ni mambiri malembe le Jerusalema, a muti lowo Jehova a langileko ka tonkle a tixaka ta ka Israeli, a ku beka a bito laho: ni bito ga mamani wa yena i wa hi Naama a mu Ammoni.
- 14 Na yena i lo maha lezo zi bihileko, hakuba yena i wa nga longisangi a ku hlota Jehova.
- 15 Makunu a zimaho za ka Rehoboamu, a zo ranga ni zo gumesa, zona a zi tsalwangi lomo ka timhaka ta Xemaia a muprofeti na Iddo a mufumoni, a nzako ka matsamela ya wuzukulwana ke? Ni laho ku wa hi kona a impi xikari ka Rehoboamu na Jeroboamu hi kusimamisilweko.
- 16 Na Rehoboamu i lo eklela zinwe ni badadani ba yena, i wa nkelclwe lomo mutini wa Davida: na Abija a nisanyana wa yena i lo fuma lomo xikundleni xa yena.

XIPIMO 13.

- 1 A ka lembe ga kume ni nklanu ni manharu ga hosi Jeroboamu i lo sangula a Abija kufuma behla ka Juda.
- 2 Malembe manharu i lo fuma yena lomo Jerusalema: ni bito ga mama-

ni wa yena i wa hi Maaka a nhanya-na wa Urieli wa le Gibe. Ni laho ku wa hi kona a impi xikari ka Abija na Jeroboamu.

- 3 Na Abija i lo engena impini ya ba banuna ba tinheha ta impi, bona a mune wa mazana ya kume ga mazana a ba banuna ba langilweko: na Jeroboamu i lo hloma maklari a kulwa zinwe na yena zinwe ni nklanu ni manharu mazana ya kume ga mazana a ba banuna ba langilweko, labo ba nga wa hi ba banuna ba tinheha ta kulwa.
- 4 Na Abija i lo yime hehla ka xitsunga Zemaraime, lexo xi nga wa tikweni ga mitsuri ya ka Efraime, i te ngalo, Zwanani mina, O Jeroboamu ni wwenkle Israeli:
- 5 Nwina a mu fanele a kuba mu zitiba lezaku Jehova, a Nungungulu wa ka Israeli, i lo nyika a mufumo hehla ka Israeli ka Davida kala kupinzu-ka, a ka yena ni ka barisanyana ba yena hi xivumelwano xa munyu ke?
- 6 Kasi lezoke Jeroboamu a nisanyana wa Nebate, a nanza ga Solomoni a nisanyana wa Davida, i lo suka, a vukela a hosi ya yena.
- 7 Ni laho a ba banuna ba mijiri, ni zi hunzamileyo za ba banuna, labo ba nga wa tiyisetile a wutsumbu gabye ba vukela Rehoboamu a nisanyana wa Solomoni, laho Rehoboamu a nga wa hi tsongwani, ni mbilu ya wuzwanana, i wa nga hi na ku zi kota ku yimelana zinwe na bona.
- 8 Ni makunu nwina mu alakanya a ku yimelana ni mufumo wa ka Jehova lomo canjeni ga barisanyana ba ka Davida; na nwina mu xidlemo xa hombe, ni laho ku kona zinwe na nwina a marole ya nzalama lawo Jeroboamu a mahileko a kuba a banungungulu ka nwina.
- 9 Nwina a mu hlongolangi ke a bapristi ba Jehova, a barisanyana ba ka Aroni, ni ba ka Levi, mu ti mahela nwina bapristi a nzako ka mahela ya banhu ba matiko manzwani ke? zingaho lezo loye a tako a ku ta nyikelelisa a wutsumbu ga yena zinwe ni honwana yiswa ni nklanu ni timbiri a tihamba, ywaloye i fela a ku ba mupristi wa bona labo ba nga hiko banungungulu.
- 10 Kanilezi kwatsi ha hina, Jehova nzi Nungungulu wa hina, hina a hi tsikangi yena; hina ni bapristi ba ko-

**zelako ka Jehova, a barisanyana ba
ka Aroni, ni ba ka Levi tirweni
wabye :**

- 11 Na bona ba hisa ka Jehova a mixo yonktelelele ni gambo gonktelelele a minyikelo ya kuhiswa ni libani li tso-mbelako: zibaba zi kombisilweko kambe bona ba xixaxameta zi klateka ka meza yi basileko; ni tinhi ta tikaundiya ta nzalama ni kuwoni-nga ka tona, a kuhisa gonkle gambo: hakuba hina hi hlaysia a kuwula ka Jehova a Nungungulu wa hina; ka nilezi nwina mu tsikile yena.
- 12 Ni, languta, Nungungulu i na hina akuba hloko ya hina, ni bapristi ba yena ba ni mipunzu xigirumuka a kuba a xigirimuka yi vukela nwina. O banana ba ka Israeli, mu ngalwi nwina mu vukela Jehova, a Nungungulu wa badadani ba nwina; hakuba nwina mu nga ta vuvuma.
- 13 Kanilezi Jeroboamu i wa pambule a xijumani a kuta hi le nzako ka bona: zingaho bona ba wa hi mahlweni ka Juda, ni xijumani xi wa hi le nzako ka bona.
- 14 Ni laha Juda a nga wa cuwukile le nzako, languta, a impi yi wa hi le mahlweni ni le nzako ka bona; na bona ba lo bitana ka Jehova, ni bapristi ba loba a mipunzu.
- 15 Zouake a ba banuna ba ka Juda ba lo nyika a kubahuwa: kwatsi hilezi a banhu ba ka Juda ba nga wa bahuwa, na ku mahisile lezo, Jehova i lo hlasela Jeroboamu ni bonkle a ba banuna ba ka Israeli mahlweni ka Abija na Juda.
- 16 Ni banana ba ka Israeli ba lo tsuwuka mahlweni ka Juda; Jehova i lo nyikela bona canjeni gabye.
- 17 Na Abija ni ba banuna ba yena ba lo hlasela bona hi kuhihirita ka hombe: zingaho lezi ku lo wela lahasi ba delweko ba ka Israeli a nklanu wa mazana ya kume ga mazana a ba banuna ba langilweko.
- 18 Zakungahi a banana ba ka Israeli ba lo kokelwa lahasi ka lexo xikati, ni banana ba ka Juda ba lo hlula, hakuba bona ba lo tumba ka Jehova, a Nungungulu wa badadani babye.
- 19 Na Abija i lo hlongolisa le nzako ka Jeroboamu, i lo teka a miti le ka yena, Beteli, zinwe ni mitana ya kona, na Jexana zinwe ni mitana ya kona, na Efroni zinwe ni mitana ya kona.

20 Ge cima Jeroboamu i wa nga ha ku-
mangi kambe a ntamo laho masi-
kwini ya Abija : na Jehova i lo la-
mata yena, yena i la kufa.

21 Kanilezi Abija i lo hunzelela a wu-
nhenha, i lo teka ka wutsumbu ga
yena kume ni mune ba basati, i lo
trala makume mambiri ni bambiri
barisanyana, ni kume ni nklanu mu-
nwe banhanyana.

22 Ni zonk'le a zimaho za ka Abija, ni
tindlela ta yena, ni kuwula ka yena,
a zi tsalwangi lomo ka klamuselelo
wa muprofeti Iddo.

XIPIMO 14.

- 1 Zingaho a Abija i lo eklela zinwe ni badadani ba yena, bona ba lo nkelela yena lomo mutini wa Davida; na Asa a nisunyana wa yena i lo fuma xikundleni ya yena. A masikwini yena a tiko gi lo rutisa kume ga malembe.
- 2 Na Asa i lo maha lezo zi sasekileko ni ku lulama mahlweni ya Jehova a Nungungulu wa yena:
- 3 Habuka yena i lo susa a maalati ya bamatiko, ni wutsamo gi klakukileko, i tsobeletela lahasi a timbinga, i lo tsema lahasi Axerima,
- 4 I lo leletela Juda a hlota Jehova, a Nungungulu wa badadani babye, ni ku maha milawo ni zileletelo za yena.
- 5 Kambe yena i lo susa ka yonkle a miti ya ka Juda a wutsamo gi klakukileko ni mifananiso ya gambo: ni mufumo wu wa lele mahlweni ka yena.
- 6 Na yena i lo aka a miti yi gingisilweko le Juda; hakuba a tiko gi wa lalisilwe, na yena i wa nga hi na impi ka lawo masiku, hakuba Jehova i wa nyikile yena a kuhumula.
- 7 Hakuba yena i te ngalo ka Juda, Nga hina hi aka leyi a miti, hi maha ka yona a tigingisi, ni matawa, ni tinyangwa, ni zikwinyaro: ni tiko kasike gi le mahlweni ka hina, hakuba hina hi hlotile Jehova a Nungungulu wa hina; hina hi hlotile yena, yena i nyikile hina ku humula ka wonklelele maklelo. Zingaho ba lo aka ba lo vuvuniswa.
- 8 Na Asa i wa hi ni impi leyo yi nga wa rwala a tingenge ni maklari, ba ku huma hi ka Juda manharu mazana ya kume ga mazana: na ku lo huma ka Benjamini, labo ba nga wa rwala a ziklangu ni ma-

wura, mazana mambiri ni nklanu ni manharu makume ya kume ga mazana: bonkle laba ba wa hi ba banuna ba tinhenha ta kulwa.

- 9 Ni laho ku lo huma ku talwa na bona laho Zera a mu Etiopia zinwe a impi ya kume ga mazana ga makume ga mazana, ni mazana manharu ya tikareta; yena i lota le Marexa.
- 10 Zonake Asa i lo huma a ku klanganyeta yena, na bona ba lo hlomisa a impi a maklari lomo mikobeni ya Zefata le Marexa.
- 11 Na Asa i lo rilela ka Jehova a Nungungulu wa yena, i te ngalo, Jehova, laho a ku kona hi lahandle ka wena a ku vunetela, xikari ka nhenha ni loye a nga hiko na ntamo: vuna hina, O Jehova a Nungungulu wa hina; hakuba hina hi tsumba ka wena, ni ka bito ga wena hina hi tile a ku ta vukela lexi xidlemo. O Jehova, wena hi wena Nungungulu wa hina; nga a nga hi kona munhu a hlulako a vukela wena.
- 12 Zingaho Jehova i lo daya a ba le Etiopia mahlweni ka Asa, ni mahlweni ka Juda; ni ma Etiopia ma lo tsuwuka.
- 13 Na Asa ni banhu labo ba nga wa hi zinwe na yena ba lo hlolongisa bona kala le Gerare: leyo ku lo wela a ma Etiopia yo tala lezaku ba wa nga zi koti a kuponisa a wutsumbu ga bona; hakuba bona ba lo lobyiswa mahlweni ka Jehova, ni mahlweni ka impi ya yena; bonklele ba banuna ba lo tsinyama hi mupango wa hombe.
- 14 Na bona ba lo hlasela yonkle a miti yi ranzeleko Gerare; hakuba a xica-oyo xa ka Jehova xi lota hehla ka bona; na bona ba lo hahlula yonkle a miti; hakuba ku wa hi kona a mupango wa wunyingi ka yona.
- 15 Bona ba lo panga wonkle a maranga ya tihomu, ba lo gotsela a tiyivu ta makamaka, ni makameli, ni ku klelela le Jerusalema.

XIPIMO 15.

- 1 Ni Moya wa ka Nungungulu wu lota hehla ka Azaria a nisanyana wa Odeda:
- 2 Na yena i lo famba a ku klanganyeta Asa, i te ngalo ka yena, Zwanani mina, Asa, ni nwenkle Juda na Benjamini: Jehova i zinwe na nwina, laha

na nwina na mu hi zinwe na yena; loku nwina mu hlota yena, i ta kumiwa ha nwina; kanilezi loku nwina mu tsika yena, yenawu i ta tsikawu nwina.

- 3 Na makunu i nguba yi nabalatileko ni ba ka Israeli na ba hi lahandle ka Nungungulu wa zinene, na ba nga hi na bapristi kuba gonzisa, na ba hi lahandle ka nawo:
- 4 Kanilezi laha le tikuruxwini tabye ba klelela ka Jehova, a Nungungulu wa ka Israeli, ni ku hlota yena, yena i wa kumilwe ha bona.
- 5 Ni ka lawo masiku ku wa nga hi kona a kurula ka loye a nga wa humele lahandle, ge ni ka loyi a engenileko ndlwini; kanilezi a tsekuleliso wa hombe wu wa hi hehla ka banhu bonkle.
- 6 Na bona ba wa tsobylwe zipanzana, a mufumo wu vukela a mufumo, ni muti wu vukela a muti; hakuba Nungungulu i lo hlokisa bona hi konkle a kuala.
- 7 Kanilezi nga nwina mu be ni ntamo; nga a mandla ya nwina ma nga kanyetwi; hakuba a tiro wa nwina wu ta ncacazelwa.
- 8 Ni laha Asa a nga wa zwile leti timhaka, ni mhaka ya Odeda a muprofeti, yena i lo tiyisa hlana, i lo hoxa kule wonkle a manyalataniso ka gonkle a tiko ga ka Juda na Benjamini, ni lomo mitini leyo yena a tekileko le mitsurini ya ka Efraime; na i lo sasisa a alati ga ka Jehova, lego gi nga wa hi mahlweni ka nyangwa ya ka Jehova.
- 9 Na yena i lo tsombanyisela wonkle Juda na Benjamini, na bona labo ba tileko ba ta lubela ka bona ba humako hi le Efraime ni ka Manasa, hi le ka Simeoni: habuka bona ba wa la su pfulepfule ka yena ba huma hi ka Israeli na ba tele, laha ba nga wa wonile lezaku Jehova a Nungungulu wa yena i zinwe na yena.
- 10 Zingaho bona ba tsombanyisa a wutsumbu gabye katiginwe le Jerusalema hi hweti ya wunharu, hi ka kumu ni nklanu lembe ga kufuma ka Asa.
- 11 Na bona ba lo pahlela ka Jehova ka lego siku, hi mufulo lowu bona ba nga wa nehile, i nklanu ni mambiri mazana tikabi ni nklanu ni mambiri kume ga mazana tiyivu.
- 12 Na bona ba lo engena xivumelwa-

neni a ku hlota Jehova, a Nungungulu wa badadani babye, zinwe hi mbilu yabye yonkle ni muhefemulo wabye wonkle;

- 13 Kani ngwakuyini loye a nga hlotako Jehova, a Nungungulu wa ka Israeli, i wa ta nga a dawa, hambu a kuba tsongo kutani ngwahombe, kutani ngwanuna kutani ngwasati.
- 14 Na bona ba lo hlambanya ka Jehova hi gezu ga guwa, ni kukanyuluka, zinwe ni mipunzu, zinwe ni zikoriyo.
- 15 Ni wonkle Juda i lo tsaka hi xifungo; habuka bona ba wa hlambanyile hi tonkle a timbilu tabye, ba lo hlota yena hi kuxuba kabye konkle; na yena i wa kumilwe ha bona: na Jehova i lo nyika bona a kuhumula ma klelweni wonkle.
- 16 Na kambe Maaka, a nyine wa Asa a hosi, yena i lo suswa a kuba muzinza, hakuba yena i lo maha a mufananiso wu nyalatanisako wa Axera; na Asa i lo tsema a mufananiso wa yena, i lo maha tsutsungwani ha wona, i lo hisa wona le congwani wa Kidroni.
- 17 Kanilezi a wutsamo gi klakukileko gi wa nga suswangi a ka Israeli: ahembalokoke a mbilu ya ka Asa yi mbelele wonkle masiku ya yena.
- 18 Na yena i lo neha lomo ndlwini ya ka Jehova a zibya lezo dadani wa yena a zi nyikelelisileko, lezo a wutsumbu ga yena a zi nyikelelisileko, a siliva, ni nzalama, ni zibya.
- 19 Ni laho ku wa nga hi kona kambe a impi ka makume manharu ni nklanu ya kufuma ka Asa.

XIIMO 16.

- 1 Akamakume manharu ni nklanu ni ginwe malembe ya kufuma ka Asa, Baaxa a hosi ya ka Israeli i lo kanziya a ya vukela Juda, i lo aka Rama, lezaku yena i wa nga vumelangi hambu ni munhu aku huma lahandle ni engena ka Asa a hosi ya ka Juda.
- 2 Zonake Asa i lo humesa a siliva ni nzalama hi lomo mabakweni ya yindlu ya ka Jehova ni ya yindlu ya hosi, i lo rumela ka Ben-hadade a hosi ya ke Siria, leyo yi akileko le Damaskusi, aku,
- 3 Laho ku kona kuklangana xikari ka mina zinwe na wena, kwatsi hilezi ku nga wa hi xikari ka dadani wa wena ni dadani wa mina, languta,

mina nzi rumela ka wena a siliva ni nzalama; famba, u ya tsoba a kuklangana ka wena na Baaxa a hosi ya ka Israeli, kasi yena wa fela ku suka leno ka mina.

- 4 Na Ben-hadade i lo ingisa ka hosi Asa, i lo rumela a tinduna ta tiimpi ta yena aya vukela miti ya ka Israeli; na bona ba lo hlasela Ijoni, na Dani, ni Abel-maime, ni yonkle a miti ya kubingeretela ya le Naftali.
- 5 Na ku mahisile lezo, laha Baaxa a nga wa zwile ha kona, i lo tsika a kuaka Rama, i lo maha a tiro wa yena wu kawula.
- 6 Zonake Asa a hosi ya ka Juda i lo teka wonkle Juda; na bona ba lo tsutsela wonkle maribye ya le Rama, ni tisinya ta kona, leto Baaxa a nga wa a akile ha tona; yena i lo aka Geba na Mizpa.
- 7 Ni ka lexo xikati Hanania muwoni i lota ka Asa a hosi ya ka Juda, i te ngalo ka yena, Habuka wena u tsumbileko ka hosi ya le Siria, a ku tsumbangi ka Jehova a Nungungulu wa wena, hikwalaho a mabandla ya hosi ya le Siria ma ponile le canjeni ga wena.
- 8 A ma Etiopia ni ma Lubima ma wa nga impi ya makamaka, zinwe ni tikareta ni ba banuna ba mahaxi ba teleko nguvu ke? kasike, hakuba wena u nga wa tsumbile ka Jehova, na yena i nyikela bona canjeni ga wena.
- 9 Hakuba a mahlo ya ka Jehova ma hlohlosa ka gonkle wutsamo ka yonkle misaba, a ku kombisa a wutsumbu ga yena a ntamo hi klelo ga bona a mbilu yabye yi mbeleleko hi ngomama na yena. Hilaha kalexi wena u mahile hi kupupulutisilweko; hakuba kusukela hi ka lezi wena u taba ni timpi.
- 10 Zonake Asa i wa lo zangara zinwe ni muwoni, i lo engenisa yena lomo ndlwini ya paxo; hakuba yena i wa ni zanga zinwe naye, habuka hi lexi xilo. Na Asa i lo tsimbeketa bawani banhu hi ka lexo xikati.
- 11 Ni, languta, a zimaho za ka Asa, a zo ranga ni zo gumesa, mangabye, zona zi tsalilwe lomo bukwini ga tihosi ta ka Juda ni ta ka Israeli.
- 12 Ni ka lembe ga makume manharu ni nklanu ni mune Asa i wa hi ni zilonza lomo mikonzwani ya yena; ni zilonza za yena zi wa lo vunjukela ma-

koro : kasike ka makoro ya yena i wa nga hlotangi Jehova, kanilezi ka tinanga.

- 13 Na Asa i lo eklela zinwe ni badadani ba yena, i lofa hi ka lembe ga mune wa makume ni ginwe ga ku fuma ka yena.
- 14 Na bona ba lo nkelela yena lomo xilahleni xa yena nwinyl, lexo yena a kehleleko ka wutsumbu ga yena lomo mutini wa Davida, ba lo eklelisa yena mubedini lowo wu teleko hi masema yo nuhela ni tixaka ti hambeneko ta mipepo ti longiselweko hi wuklari ga banyamitiro : bona ba lo mu mahela a kuhisa ka hombe.

XIPIMO 17.

- 1 Na Jehoxafate a nisanyana wa yena i lo fuma lomo xikundleni xakwe, i lo tiyiseta a wutsumbu ga yena a vukela Israeli.
- 2 Na yena i lo bekela a maviyo ka yonkle a miti yi gingisilweko ya ka Juda i lo rumela maviyo lomo mitini ya ka Juda, ni lomo mitini ya ka Efraime, leyo Asa a dadani wa yena a nga wa tekile.
- 3 Na Jehova i wa hi zinwe na Jehoxafate, hakuba yena i lo famba a kuranga hi tindlela ta Davida a dadani wa yena, i wa nga hlotangi ka Baalima.
- 4 Kanilezi i lo hlota ka Nungungulu wa dadani wa yena, i lo famba hi kuleleteleni ka yena, na ku nga hi a nzako ka zimaho za ka Israeli.
- 5 Hikwalaho Jehova i lo tiyiseta mufumo a ka canja ka yena; ni wonkle ba lo neha a nzhubo ka Jehoxafate; na yena i wa ni mipfuno ni kudzu-nziwa ka wunyingi.
- 6 Ni mbilu ya yena yi wa klakusilwe le ntleleni ya ka Jehova : ni kanza kalezo yena i lo susa a wutsamo gi klakukile kona a Axerima a huma le Juda.
- 7 Ni ka lembe ga wunharu ga kufuma ka yena i lo rumela a thosana ta yena, yena Ben-haile, na Obadia, na Zakaria, na Netaneli, na Mikaia, a ku gonzisa lomo mitini ya ka Juda;
- 8 Na zinwe na bona a ba ka Levi, yena Xemaia, Netania, na Zebadia, na Asuheli, na Xemiramote, na Jehonatani, na Adonija, na Tobija, na Tobadonija, a ba ka Levi; na zinwe

na bona Elixama na Jehoram, a bapristi.

- 9 Na bona ba lo gonzisa lomu Juda, na ba hi ni buku ga nawo wa ka Jehova zinwe na bona; na bona ba lo nzulanzula ka yonkle a miti ya ka Juda, ba lo gonzisa xikari ka banhu.
- 10 Ni xicabyo xa ka Jehova xi lo wela hehla ka wonkle matiko laya ma ranzeleko Juda, zingaho bona a mahangi impi kulwa na Jehoxafate.
- 11 Ni bazwani ba ma Filisti ba lo neha ka Jehoxafate a zinyikiwo, ni siliva a kuba a nzhubo; ni ma Arabia ba lo neha yenawu kambe a miklambi, i nkalanu ni timbiri a kume ga mazana ni nkalanu ni mambiri mazana ya tihamba, ni nkalanu ni timbiri a kume ga mazana ni nkalanu ni mambiri mazana ya tihamba.
- 12 Na Jehoxafate i la su hunzelela a kula hi kucenzelekisilweko; na yena i aka lomo Juda a makokola ni miti ya ku beketela.
- 13 Na yena i wa hi ni mitiro yo tala lomo mitini ya ka Juda; ni ba banuna ba impi, a ba banuna ba tinhenha ta kulwa, le Jerusalema.
- 14 Ni lowo wu wa hi tsengo wa bona kukotisa hi ka tindlu ta badadani ba/ye: Ta ka Juda, a tindua ta makume ga mazana: Adna a nduna, na zinwe na yena a ba banuna ba tinhenha ta kulwa manharu mazana ya kume ga mazana;
- 15 Ni wo gamela Jehohanani a nduna, na zinwe na yena mambiri mazana ni nkalanu ni manharu makume ya kume ga mazana;
- 16 Ni wo klatameta Amasia a nisanyana wa Zikri, loye hi kuvumelekileko i lo nyikela a wutsumbu ga yena ka Jehova; na zinwe na yena mambiri mazana ya kume ga mazana a ba banuna ba tinhenha ta kulwa.
- 17 Ni ba ka Benjamini: Eliada a wanuna wa uhenha ya kulwa, na zinwe a mambiri mazana ya kume ga mazana a ba hlomileko hi mawura ni ziklangu;
- 18 Ni wo klatameta ka yena Jehoza-bada, na zinwe na yena i zana ni nkalanu ni manharu makume ya kume ga mazana ba hlomileko ba longela impi.
- 19 Laba hi bona labo ba nga wa kari ba labelela ka hosi, hi lahandle ka labo a hosi a nga wa ba bekile lomo mi-

tini yi gingisilweko ka yontle a miti ya gonkle Juda.

XIPIMO 18.

- 1 Makunu Jehoxafate i wa hi ni kufuma ni kudzunziwa kunyingi; i lo klangana a wukonwana zinwe na Ahabi.
- 2 Ni nzako ka lembe yo kari yena i lo relela aya ka Ahabi le Samaria. Na Ahabi i lo daya tiyivu ni tikabi ha yena ta wunyingi, na hi ta banhu labo ba nga wa hi zinwe na yena, i lo kucetela yena a ku kanziya zinwe na yena le Ramote-gileade.
- 3 Na Ahabi a hosi ya ka Israeli i te ngalo ka Jehoxafate a hosi ya ka Juda, wena u ta famba zinwe na mina le Ramote-gileade ke? na yena i lo hlamlula yena, Mina nzi kwatsi hi wena, ni banhu ba mina kwatsi hi banhu ba wena; na hina hi taba zinwe na wena le impini.
- 4 Na Jehoxafate i te ngalo ka hosi ya ka Israeli, Wutisa kuranga, nza kombela wena, a mhaka ya ka Jehova.
- 5 Zonake a hosi ya ka Israeli yi tso-mbanyisa a baprofeti katiginwe, mune wa mazana ya ba banuna, i te ngalo ka bona, Hina haya le Ramote-gileade a kuya hlasele, kutani mina nzi ta tsika ke? Na bona ba te ngalo, Kanziya uya; hakuba Jehova i ta nyikela gona lomo canjeni ga hosi.
- 6 Kanilezi Jehoxafate i te ngalo, Laho a ku kona a muprofeti wa ka Jehova hi lahandle ka laba ke, kasi hina ha fela a ku wutisa ka yena ke?
- 7 Ni hosi ya ka Israeli i te ngalo ka Jehoxafate, Laho kuko a munhu munwe ha yena hina hi nga wutisako ka Jehova: kanilezi mina nza benga yena; hakuba yena cima a nga profetangi kusasa hi xungetano zinwe na mina, kanilezi xonkle xikati kubiha: ywaloye nzi Mikaia a nisanyana wa Imla. Na Jehoxafate i te ngalo, Nga a hosi yi nga wuli lezo.
- 8 Zonake a hosi ya ka Israeli yi lo bitana a nduna, i te ngalo, Bitana hi kuhlaklilweko Mikaia a nisanyana wa Imla.
- 9 Makunu a hosi ya ka Israeli na Jehoxafate a hosi ya ka Juda ba wa lo tsama loyi ni loyi xitsanweni xa wukosi xa yena, ba wa lo ambala hi

tinguwo tabye, na bona ba wa lo tsama le handle hi le wuengenweni ga nyangwa ya le Samaria; ni bonkle a baprofeti ba wa ku profeta mahlweni ka bona.

- 10 Na Zedekia a nisanyana wa Cenaana i lo mabela yena a timhonzo ta zike-tse na a te ngalo, Zakungahi a wulako Jehova, Hi leti wena u ta ninkinya a ma Siria, kala bona ba be ba mbetekileko.
- 11 Ni bonkle a baprofreti ba lo profeta lezo, baku, Kanziya uya le Ramote-gileade, u ya vuvuma; hakuba Jehova i ta nyikela wona lomo canjeni ga hosi.
- 12 Ni tsukano lowo wu nga wa yile ku ya bitana Mikaia wu lo wulawula ka yena, wuku, Languta, a timhaka ta baprofeti ti klaklambutela kusasa ka hosi hi nomu munwe: nga a mhaka ya wena hikwalaho, mina nza kombela wena, yi be yi fananako ni yinwe ya yabye, na wena wulawula kusasa.
- 13 Na Mikaia i te ngalo, Kwatsi hi lezi Jehova a hanyako, lezo a ta nga wula Nungungulu wa mina, lezo mina nzi ta wula.
- 14 Na laba yena a nga wa tile ka hosi, a hosi yi te ngalo ka yena, Mikaia, hina hi ta famba le Ramote-gileade a ku yalwa, kutani nzi ta tsika ke? Na yena i te ngalo, Kanziyani muya, ni kuya vuvuma; na bona ba ta nyikelwa canjeni ga zwina.
- 15 Ni hosi yi te ngalo ka yena, Ku taba zikati zi ngani mina nzi beleta wena lezaku wena a ku wulawuli ka mina ancumo kanilezi a zinene lomo bitweni ga Jehova ke?
- 16 Na yena i te ngalo, Mina nzi lo wona bonkle ba ka Israeli ba su gafe ba ndlewuleka hehla ka zitsunga, kwatsi hi tiyivu leto ti nga hiko na murisi: na Jehova i te ngalo, Laba a ba na hosi; nga bona ba klelela bonkle ba banuna le ndlwini ya yena hi kurula.
- 17 Ni hosi ya ka Israeli yi te ngalo ka Jehoxafate, Mina nzi wa nga byelanghi wena lezaku yena a nga ta profeta hi xungetano zinwe na mina a kusasa, kanilezi kubiha ke?
- 18 Na Mikaia i te ngalo, Hikwalaho ingisani zwina a mhaka ya ka Jehova: mina nzi lo wona Jehova a tsamile hehla ka xitsamo xa wukosi xa yena, ni wonkle a mabandle ya le tilweni

- ma wa la ku yima hi ka canja ga xine ne ni ka ga xibaba.
- 19 Na Jehova i te ngalo, Nzi mani a ta kucetela Ahabi a hosi ya ka Israeli, kasi wa fela ku kanziya aya wela le Ramote-gileade ke? Ni munwe i lo wulawula a nzako ka mawulela, ni munweni i lo wulawula hi laya ma wulela.
- 20 Ni laho ku lo ta a moya, wu lo yima mahlweni ka Jehova, wuku ngalo, Mina nzi ta kucetela yena, Na Jehova i ngalo ka wona, Hi laha ka yini ke?
- 21 Na wona wu te ngalo, Na mina nzi taya, nzi ya ku kwatsi nzi moya wa mawunwa ka nomu wa bonkle bapropeti ba yena. Na yena i te ngalo, Wena u ta kucetela yena, wena u ta pala kambe: yana, ni ku maha lezo.
- 22 Makunu hikwalaho, languta, Jehova i bekile a moya wa mawunwa ka laba bapropeti ba wena; na Jehova i wulawulile kubiha hi xungetano na wena.
- 23 Zonake Zedekia a nisanyana wa Cenaana i lota ku suhani, i loba Mikaia laha hlayeni, i te ngalo, Hi yihi ndlela wu ngaya a Moya wa ka Jehova wu nga suka ka mina wu ta wulawula ka wena ke?
- 24 Na Mikaia i te ngalo, Languta, wena u ta wona a ka lego siku, laha wena u ta nga engena nzeni ka yindlu u fihla a wutsumba ga wena.
- 25 Ni hosi ya ka Israeli yi te ngalo, Tekani nwina Mikaia, mu koma mu mu yisa ka Ammoni a mufumeli wa muti, ni ka Joaxi a nisanyana wa hosi:
- 26 Ni ku wula, Zakungahi a wulako a hosi, Engenisani i naloye lomo paxweni, ni ku gisa yena hi zibaba za hlokiselo ni mati ya hlokiselo, nzi kala mina nzi wuya hi kurula.
- 27 Na Mikaia i te ngalo, Loku wena u ta klela futsi hi kurula, Jehova a nga wulawulangi ka mina. Na yena i te ngalo, Zwani, nwina banhu, bonkle ba nwina.
- 28 Zingaho a hosi ya ka Israeli na Jehoxafate a hosi ya ka Juda ba lo kanziya baya le Ramote-gileade.
- 29 Ni hosi ya ka Israeli i te ngalo ka Jehoxafate, Mina nzi ambexa a wutsumbu ga mina, nzi taya impini; kanilezi ambala wena a tinguwo ta wena. Zingaho a hosi ya ka Israeli
- yi lo kumula a tinguwo ta yena wutsumbu; na bona ba loya impini.
- 30 Makunu a hosi ya le Siria yi wa leletela a tinduna ta tikareta ta yena, aku, Mu ngalwi ni wa tsongwani kutani wa hombe, saseka a hosi ya ka Israeli yoce.
- 31 Na ku mahisile lezo, ni laha a tinduna ta tikareta ti nga wa wonile Jehoxafate, na bona ba te ngalo, Yena hi yena a hosi ya ka Israeli. Hikwalaho bona ba lo hambuka a kulwa ba vukela yena: kanilezi Jehoxafate i lo bahuwa, na Jehova i lo vunetela yena; na Jehova i lo susa bona ba ku suka ka yena.
- 32 Na ku mahisile lezo, laha a tinduna ta tikareta ti nga wa wonile lezaku yena a hi hosi ya ka Israeli, lezaku bona ba lo hambukela le nzako kulanzeleni yena.
- 33 Ni wanuna wo kari i lo kwaya wura ga yena hi xitsuketi, i lo fula a hosi ya ka Israeli xikari ka wutlangano ga ngenge ya yena: hikwalaho i te ngalo ka mucayeli wa kareta, Kleli-sa canja ga wena, u humesa mina lomo impini; hakuba mina nzi ku-bazilwe nguvu.
- 34 Ni impi yi wa la su ku enzelekelana lego siku: ahemba a hosi ya ka Israeli yi lo tsama wutsumbu ga yona lomo kareteni yilwa ni ma Siria kala gambyeni; hi xikatini xa mu pela gambo yena i lofa.

XIPIMO 19.

- 1 Na Jehoxafate a hosi ya ka Juda i lo klela hi kurula le ndlwini ya yena le Jerusalema.
- 2 Na Jehu a nisanyana wa Hanani a muwoni i lo famba ku ya klanyeta yena, na yena i te ngalo ka hosi Jehoxafate, Wena u wa ta nga u vuna a wa kubiha, ni kuranza bona labo ba bengako Jehova ke? hakuba hi lexi xilo a zanga yi kona behla ka wena hi mahlweni ka Jehova.
- 3 Ahembalokoke laho ku kona zilo zo saseka zi kumilweko ka wena, a ka lezo wena u susileko Axerote lomo tikweni, na u longisile a mbilu ya wena a ku hlota Nungungulu.
- 4 Na Jehoxafate i lo aka le Jerusalema: i lo famba kambe xikari ka banhu a suka hi le Berexeba aya ka tiko ga zi tsunga za le Efralme, i lo neha bona ba wuya ka Jehova, a Nungungulu wa badadani babye.

- 5 Na i lo wumbela a balamuli lomo tikweni ka miti yonkle yi gingisilweko ya ka Juda, a muti hi muti.
- 6 I te ngalo ka balamuli, Pimani lezi nwina mu mahako : hakuba nwina a mu lamuleli munhu, kanilezi Jehova ; na yena i zinwe na nwina kulamuleni.
- 7 Makunu hikwalaho nga a cicabyo ca ka Jehova ci hi hehla ka nwina ; celanikota ni ku maha kona : hakuba laho a kukona a kubiha ha Jehova a Nungungulu wa hina, ge ni kuhlawula banhu, ge a nga teki kurihwa.
- 8 Klatakumbiri lomo Jerusalema Jehoxafate i lo yimisa a ba ka Levi ni bapristi, ni tihloko ta tindlu ta badadani ba ka Israeli, akuba hi kulamulisisa ka Jehova, ni timholoba. Na bona ba lo wuyela le Jerusalema.
- 9 Na yena i lo leletela bona, aku, Zakungahi nwina mu ta nga maha hi ka xicabyo xa ka Jehova hi kukolekiselweko, na hi mbilu yi mbeleleko.
- 10 Ni laha kani hi yihi a mholoba yi ta ngata hi ka bamakabye ba nwina labo ba akileko lomo mitini, hi xikari ka nkata ni nkata, hi xikari ka nawo ni kuleletela, a zilayelo ni ziyimiso, nwina mu ta laya bona, lezaku bona ba wa ta nga ba hi na kuonha hi ngomama na Jehova zingaho a zanga yita lehla ka nwina ni hehla ka bamakabye ba nwina : mahani lexi, kasi ma fela ku kala mu nga na nanzu.
- 11 Ni, languta, Amaria a mupristi wa hombe i wumbelwe hehla ka nwina hi timhaka ta ka Jehova ; na Zebadia a nisanyana wa Ixmaeli, a mufumeli wa yindlu ya ka Juda, hi ka tonkle a timhaka ta hosi : kambewo ni ba ka Levi ba ta ba tinduna mahlweni ka nwina. Mahani ba banuna ba buvisisilweko, na Jehova i zinwe ni ba kusasa.

XIPIMO 20.

- 1 Na ku mahisile lezo a nzako ka lezi, lezaku a banana ba ka Moabi, ni banana ba ka Ammoni, zinwe na bona ni banwani ba ma Ammoni, ba lota vukela Jehoxafate hi ka maklari.
- 2 Zonake laho ku lota banwani labo ba nga wa byelile Jehoxafate, baku, Laho kuta a xidlemo xa hombe a

ku vukela wena hi le klatukweni wa bimbi hi le Siria ? ni, languta, bona ba le Hazazon-tamara (kwaleyo Engedi).

- 3 Na Jehoxafate i lo caba, i lo yimisela a wutsumbu ga yena a kuhlota ka Jehova ; na yena i loba hungu ga ku yila ka wonkle Juda.
- 4 Na Juda i lo tsombana a wutsumbu gabye, ku kombela kuvuna ka Jehova : kona ka miti yonkle ya ka Juda leyo yi nga wa tile a hlota Jehova.
- 5 Na Jehoxafate i lo yima le gotso-banyweni wa ka Juda ni Jerusalema, lomo ndlwini ya ka Jehova, mahlweni ka hubye yiswa ;
- 6 Na yena i te ngalo, O Jehova, a Nungungulu wa badadani ba hina, wena a hi wena a Nungungulu le tihweni ke ? wena a hi wena mufumeli wa mifumo ya matiko ke ? ni le canjeni ga wena ku kona a ntamo ni wunhenha, zingaho lezo a nga kona a kotako a ku yimelana zinwe na wena.
- 7 Wena a ku lo maha, O Nungungulu wa hina, a ku hlongola a baakileko ba mahlweni ka banhu ba wa wena Israeli, ni ku nyika gona ka mbewu ya Abraham a mu ngana wa wena kala kupinzuka ke ?
- 8 Na bona ba lo aka ka gona, ba lo aka a yindlu ya ku basa ya wena ka gona a kuba ya bito ga wena, baku,
- 9 Loku a kubiha ku kamanyeta hina, a supado, ni kulamula, kutani i tungu, kutani i ndlala, hina hi ta yima mahlweni ka leyi yindlu, ni mahlweni ka wena (hakuba a bito ga wena gi lomo ndlwini leyi), ni ku rila ka wena kuhlokisweni ka hina, na wena u tazwa ni ku hanyisa hina.
- 10 Ni makunu, languta, a banana ba ka Ammoni ni Moabi ni xitsunga Seire, labo wena a ku vumelangi a banana ba ka Israeli a kuba hlasela, laho bona ba nga wa humu hi le tikweni ga le Gipite, kanilezi bona ba lo hambuka le kletweni hi le ka bona, ba wa nga lobisangi bona ;
- 11 Languta, lezaku bona ba kletisela hi kuyini hina, a kuta hlongola hina lomu tikweni ga tsomba ya wena, legi wena u nyikileko hina a kuba ha hina.
- 12 O Nungungulu wa hina, wena u nga ta lamula bona ke ? hakuba a hi hina a hi na ntamo wa kulwa ni

- lowu a klawu wa hombe lowu wu tako wu talwa zinwe na hina ; ge a hi zi tibi lezi hi ta nga zi maha : kanilezi a mahlo ya hina ma cuwukile wena.
- 13 Ni wonkle Juda ba lo yima mahlweni ka Jehova, zinwe ni batsongwani babye, ni basati babye, ni banana babye.
- 14 Zonake hehla ka Jahazieli a nisananya wa Zakaria, a nisananya wa Benaia, a nisananya wa Jeieli, a nisananya wa Mattania, a mu Levi, wa barisananya ba ka Asafa, ku lota a Moya wa ka Jehova xikari ka gotsobanyano ;
- 15 Na yena i te ngalo, Zwanani nwina, nwenklelele ba ka Juda na nwina ba baakileko ba le Jerusalema, na wena hosi Jehoxafate ; Zakungahi a wulako Jehova ka nwina, Mu nga cabe nwina, hambu ni mbela ntamo hi kota ya xindlemo lexi xa hombe ; hakuba a maklari a hi ya nwina, kanilezi nja ka Nungungulu.
- 16 Manziko relelani nwina mu ya vukela bona : langutani, bona ba kanziya bata hi le tsurini wa Zizi : na nwina mu ta kuma bona le kugumelweni ka koba, mahlweni ka xiwula Jerueli.
- 17 Nwina a mu labeki a kuba mulwa ka leya maklari : blomani wutsumbu ga nwina, yimani nwina mu kutseka, mu wona a hanyiselisiso wa ka Jehova zinwe na nwina, O Juda ni Jerusalema ; munga cabe, hambu ni ku mbela ntamo : manziko fambani mu vuka bona ; hakuba Jehova i zinwe na nwina.
- 18 Na Jehoxafate i lo koramisa a bloko ya zinwe ni ngohe laha liranabyeni ; ni gonkle Juda ni baakileko ba Jerusalema ba lowa lahasi mahlweni ka Jehova, ba dumisa Jehova.
- 19 Ni ba ka Levi, ba banana ba ka Kohate ni banana ba ka Korate, ba lo yima a ku dumisa Jehova, a Nungungulu wa ka Israeli, hi gezu gi hunzeleleko kukanyuka.
- 20 Na bona ba lo suka manzikweni wa mixo, ba loya le xiwuleni xa le Tekoa : na kwatsi hilezi bona ba nga wa famba, Jehoxafate i lo yima i te ngalo, Zwanani mina, O Juda, na nwina a baakileko ba le Jerusalema : kolwani ka Jehova Nungungulu wa nwina, zingaho nwina mu taba mu yimisilweko ; kolwani a baprofeti
- ba yena, zingaho nwina mu ta vuvumiswa.
- 21 Ni laha na yena a xuxile a xikungo zinwe ni banhu, yena i lo hlawula bona labo ba nga wa ta nga ba yimbelela ka Jehova, ba lo nyika a kubonga ka maklari yo basa, kwatsi hilezi bona ba nga wa huma handle mahlweni ka impi, baku, Nyikani kubonga ka Jehova ; hakuba a kuranzakawunene ga yena ku simamile kala kupinzuka.
- 22 Ni laha bona nga wa sangule a ku yimbela ni ku dumisa, Jehova i lo yimisa a balabeli ba vukela a banana ba ka Ammoni, ni ma Moabi, ni le xitsunga Seire, labo ba nga wata a kuta vukela Juda ; na bona ba wa lo lobyiswa.
- 23 Hakuba a banana ba ka Ammoni ni ma Moabi, ba lo yima ba vukela a ba xitsunga Seire, hi kuhiliritilweko a ku dayela ni ku lobisa bona : laha bona na ba nga ba mahile kugumelwa hi banhu ba Seire, bonklelele ba lo vunetelana a ku dayana munwe ni munwani.
- 24 Ni laha Juda a nga wa tile le taweni ya barinzi ba le xiwuleni, bona ba lo cuwuka hehla ka xindlemo ; ni, languta, bona ba wa hi zirumbi zi wileko misabeni, ni laho ku wa nga hi kona loye a nga wa ponile.
- 25 Ni laha Jehoxafate ni banhu ba yena ba nga wa tile a kuta teka a mupango wa bona, na bona lo kuma xikari kabye a kufuma ka kunyingi ni zirumbi, ni tinzalama ta malongo, leto bona ba kazele a wutsumbu gabye zi wa tele kuhunza akuba ba nga zi rwalako ; na ku wa hi masiku manharu na ba klekeklela a mupango, wona wu wa tele.
- 26 Ili ka siku ga wumune bona ba lo tsombanyisa a wutsumbu gabye le tsungeni Beraka ; hakuba leyo bona ba lo katekisa Jehova : hikwalaho a bito ga wutsamo lego gi bitanwa A koba wa le Beraka kala legi siku.
- 27 Zonake bona ba lo klela, bonklelele banhu ba ka Juda ni ba le Jerusalema, na Jehoxafate hi wa kurangeni ka bona, a ku wuya kambe le Jerusalema hi litsako ; hakuba Jehova hi mahile bona litsako hehla ka balala babye.
- 28 Na bona ba lota le Jerusalema zinwe ni mihambi ni zitende ni mipunzu le ndlwini ya ka Jehova.

- 29 Ni xicabyo xa ka Jehova xi wa hi lomo ka mifumo yonkle ya matiko, laba na ba zwile lezaku Jehova i lwile a vukela a balala ba ka Israeli.
- 30 Zingaho a mufumo wa Jehoxafate wu wa rutisile; hakuba a Nungungulu i lo nyika yena a kuhumula maklelweni wonkle.
- 31 Na Jehoxafate i lo fumela hehla ka Juda: yena i wa hi makume manharu ni nklaau malembe laba yena a nga wa sangule kufuma; na yena i lo fuma makume mambiri ni nklaau malembe lomo Jerusalema: ni bito ga mamani wa yena i wa hi Azuba a nbanyana wa Xilhi.
- 32 Na yena i lo famba hi ndlela ya Asa a dadani wa yena, i wa nga hambukangi a suka ka yona, i lo maha lezo zi sasekileko mahlweni ka Jehova.
- 33 Ahemba a wutsamo gi klakukileko gi wa nga suswangi; ge kasike hambu ni banhu ba wa nga yimisangi a timbilu tabye a ka Nungungulu wa badadani babye.
- 34 Makunu zonkle a zimaho xa ka Jehoxafate, a zo ranga ni zo gumesa, languta, zona zi tsalilwe lomo timhakeni ta Jehu a nisanyana wa Hanani, leto ti xuxwako lomo bukwini ga tihosi ta ka Israeli.
- 35 A nzako ka lezi i lo maha kulangana Jehoxafate a hosi ya ka Juda a wutsumbu ga yena zinwe na Ahazia a hosi ya ka Israeli; ywaloye i lo maha hi kubisisilweko:
- 36 Yena i lo klangana wutsumbu ga yena zinwe na yena a ku maha mataru maya le Tarxixi; na bona ba lo maha a mataru le Ezioni-gebera.
- 37 Zonake Eliezare a nisanyana wa Dodaahu wa le Marexa i lo profeta a vukela Jehoxafate, aku, Hakuba wena u klanganyisile a wutsumbu ga wena zinwe na Ahazia, Jehova i lo bisile a mitiro ya wena. Ni mataru ma wa lo tsobyiwa, zingaho lezo ma wa nga hi na ku zi kota a kuya le Tarxixi.

XIPIMO 21.

- 1 Na Jehoxafate i lo eklela zinwe ni badadani ba yena, na yena i wa lo nkelewa zinwe ni badadani ba yena le mutini wa Davida: na Jehoramu a nisanyana wa yena i lo fuma xikunleni xa yena.
- 2 Na yena i wa hi ni bamakabye, a barisanyana ba ka Jehoxafate: Azaria,

na Jehieli, na Zakaria, na Azaria, na Mikaeli, na Xefatia; bonkle laba ba wa hi barisanyana ba ka Jehoxafate a hosi ya ka Israeli.

- 3 Ni dadani wabye i lo ba nyika a zinyikiwo za hombe, za siliva ni nzalama, ni ya zilo za malongo, ni miti yi gingisilweko lomu Juda: kani- lezi a mufumo i lo nyika ka Jehoramu, hakuba yena a nga wa hi matewula.
- 4 Makunu laba Jehoramu a nga wa klakusilwe ka mufumo wa dadani wa yena, na a tiyisetile a wutsumbu ga yena, yena i lo daya bonkle a bamakabye ba yena hi supado, ni banwani kambe ba tihosana ta ka Israeli.
- 5 Jehoramu i wa hi makume manharu ni manibiri malembe laba yena a nga wa sangule a kufuma; na yena i lo fuma nklaau ni manharu malembe le Jerusalema.
- 6 Na yena i lo famba hi ndlela ya tiho- si ta ka Israeli, kwatsi hi hilezi yi mahileko a yindlu ya ka Ahab; hakuba yena i wa hi ni nbanyana wa ka Ahab a akuba sati: na yena i lo maha lezo zi bihileko kuwoneni ka Jehova.
- 7 Ahemba Jehova i wa nga a nga lobi- si a yindlu ya ka Davida, hakuba hi xivumelwano lexo yena a mahileko zinwe na Davida, kwatsi hilezi a ku nyika a kandiya ka yena ni banana ba yena xonkle xikati.
- 8 A masikwini ya yena Edome i lo hlubuka akuba lahasi ka canja ga Juda, ba lo maha a hosi hehla ka wutsumbu gabye.
- 9 Zonake Jehoramu i lo klatuka klatu- kweni zinwe ni tinduna ta yena, zi- nweni tikareta tonkle ta yena, na yena i lo suka ni wusiku, i lo hlasela a ma Edome laya maranzeleko yena, ni tinduna ta tikareta.
- 10 Zingaho a ma Edome ma lo hlubuka lahasi ka canja ga Juda kala legi siku: Zonake na Libna i lo hlubuka ka xwalexo xikati lahasi ka canja ga Juda, hakuba yena i lo tsika Jeho- va, a Nungungulu wa badadani.
- 11 Klatakumbiri yena i lo maha a wu- tsamo gi klakukileko le zitsungeni za ka Juda, i lo maha a banhu ba le Je- rusalema a kuhlakana hi wubayi, ba su rangela Juda a penga.
- 12 Ni laho ku lota a mutsalo ka yena hi ka Elija a muprofeti, aku, Zakunga-

- hi a wulako Jehova, a Nungugulu wa Davida a dadani wa wena, Hakuba wena u nga fambangiko lomo ndloleni ya Jehoxafate a dadani wa wena, ge ni le ndloleni ya Asa a hosi ya ka Juda,
- 13 Kanilezi u fambile hi ndlela ya tihosi ta ka Israeli, u mahile Juda ni baakileko ba le Jerusalema a ku hlakana hi wuoswi, kwatsi hilezi a yindlu ya ka Ahabi yi malfileko, na kambe wena u dele a bamakabye ba wena ba yindlu ya ka dadani wa wena, labo ba nga wa hi cukwana a ku hunza a wutsumbu ga wena:
- 14 Languta, Jehova i ta kuba a banhu ba wena hi tungu wa hombe, na banana ba wena, ni basati ba wena, ni konkle kufuma ka wena;
- 15 Na wena u taba ni wubabyi ga hombe hi zilonza za marumbu ya wena, ma kala marumbu ya wena macupukela hi kota ya wubabyi, masiku hi masiku.
- 16 Na Jehova i lo vuxa a moya kuvukela Jehoramu a moya wa ma Filisti, ni wa ma Arabia labo ba nga klelmeni ka ma Etiopia:
- 17 Na bona ba lo kanziya bata vukela Juda, ba lo tsoba gona, ba lo gotsela yonkle nhunzu leyo yi nga wa kumilwe lomo ndlwini ya hosi, ni bari-sanyana ba yena, ni basati ba yena; zingaho lezo laho a ku wa nga hi koma a nisanyana a nga wa siyelwe yena, saseka Jehoahaza, a nisanyana ya bari-sanyana ba yena.
- 18 Ni nzako ka lezi Jehova i lo lama-ta yena lomo nzeni ka marumbu ya yena hi kubabya ka lisikesike.
- 19 Na ku mahisile lezo, hi nzako ka xikati, hi le kugumelweni ka malembe mambiri, ni marumbu ya yena ma lo cupukela hi kota wubabyi, yena i lofa hi kubabya ka hombe ni banhu ba yena cima a ba mahangi a kuhisa ha yena, ku fanana ni kuhisa ka badadani ba yena.
- 20 Makume manharu ni mambiri a malembe laha yena a nga wa sangule a kufuma, na yena i lo fuma le Jerusalema nkanu ni manharu malembe: yena i lo suka na a nga xubiyiwi; na bona ba lo nkelela yena lomo mutini wa Davida, kanilezi na ku nga hi lomo xilahleni xa tihosi.
- maha Ahazia a nisanyana wa yena wa nzisana a hosi xikundleni xa yena; a hakuba a klawa wa banhu wuwu ngata ni ma Arabia lomo wugobelweni ba lo daya a tinhonzwa. Zingaho Ahazia a nisanyana wa Jehoramu a hosi ya ka Juda i lo fuma.
- 2 Mune wa makume ni mambiri a malembe laha Ahazia a nga wa sangule a ku fuma; na yena i lo fuma lembe ginwe lomo Jerusalema: ni bito ga nyine wa yena i wa hi Atalia a nanyana wa Omri.
- 3 Yenawu kambe i lo famba hi lomo tindloleni ta yindlu ya ka Ahabi; hakuba a nyine wa yena i wa gujegu-ge i ga yena ku maha hi kubihisi-lweko.
- 4 Na yena i lo maha lezo zi bilileko kuwoneni ka Jehova, kwatsi hilezi yi mahileko a yindlu ya ka Ahabi; hakuba bona ba wa hi ba xikungo xayena a nzako ka kufa ka dadani wa yena, a ka loyiselelo wa yena.
- 5 Yena i lo famba kambe a nzako ka gujegu-ge gabye i lo famba na Jehoramu a nisanyana wa ka Ahabi a hosi ya ka Israeli le impini kulwa na Hazaeli a hosi ya le Siria le Ramote-gileade: ni ma Siria ma lo kubaza Joramu.
- 6 Na yena i lo klela a kuta cumiwa le Jezreeli ambanga leyo yena a nga wa kubazilwe le Rama, laha yena a nga walwa na Hazaeli a hosi ya le Siria. Na Azaria nwana wa Jehoramu a hosi ya ka Juda i lo relela ku ya wona Jehoramu a nisanyana wa ka Ahabi le Jezreeli, hakuba yena a nga babya.
- 7 Makunu a kulobyiswa ka Ahazia ku wa hi ka Nungungulu, a ka lezo yena a nga wa yile ka Joramu: hakuba laha yena a nga wa tile, yena i lo huma zinwe na Jehoramu a kulwa Jehu, a nisanyana wa Ninxi, loye Jehova a mu totileko a ku tsema a yindlu ya ka Ahabi.
- 8 Na ku mahisile lezo, laha Jehu a nga wa tsanza a lamulisiso hi ka yindlu ya ka Ahabi, lezaku yena i lo kuma a tihosana ta Juda, ni bari-sanyana ba bamakabye ba ka Ahazia, ba kozelako ka Ahazia, yena i lo daya bona.
- 9 Na yena i lo hlota Ahazia, na bona ba lo koma yena (makunu yena i wa fihlele le Samaria), na bona ba lo

neha yena ka Jehu, i lo daya yena; na bona ba lo nkelela yena, hakuba ba te ngalo, Yena i nisanyana wa Jehoxafate, loye a nga wa hlotile Jehova hi mbilu ya yena yonkle. Ni yindlu ya ka Ahazia yi wa nga hi na ntamo a ku koma a mufumo.

10 Nilaha Atalia a mamani wa Ahazia a nga wa wonile lezaku a nisanyana wa yena i file, yena i lo suka a lobi-sa yonkle a mbewu ya wukosi ya yindlu ya ka Juda.

11 Kanilezi Jehoxabeate, a nhanyana wa hosi Jerohamu, i lo teka Joaxi a nisanyana wa Ahazia, i lo mu nyemukisa kule xikari ka barisanyana ba hosi labo ba nga wa kari ba dayelwa, i lo beka yena ni muanwisi wa yena lomo ndlwini ya mubedi. Zingaho Jehoxabeate, a nhanyana wa hosi Jehoram, a sati wa Jehoiada a mupristi (hakuba yena i wa hi makweru wa Ahazia), i lo fihla yena le ka Atalia, zingaho lezo kasi yena a nga dayi yena.

12 Na yena i wa fihlile ziwwe na bona lomo ya ka Nungungulu nkhanu ni ginwe malembe: na Atalia i lo fuma behla ka tiko.

XIPIMO 23.

1 Ni ka nkhanu ni mambiri a malembe Jehoiada i lo tiyiseta a wutsumbu ga yena, i lo teka a tinduna ta mazana, Azaria a nisanyana wa Jerohamu, na Ixmaeli a nisanyana wa Jehohanani, Azaria a nisanyana wa Obedi, na Maaseia a nisanyana wa Adala, na Elizafate a nisanyana wa Zikri, a ka xivumelwano ziwwe na yena.

2 Na bona ba lo famba gonkle Juda, ba lo tsombanyisa a ba ka Levi ka yonkle a miti ya ka Juda, ni tihloko ta tindlu ta badadani ba ka Israeli, na bona ba lota le Jerusalema.

3 Ni wonkle a gotsobanyano wu lo maha a xivumelwano ziwwe ni hosi lomo ndlwini ya ka Nungungulu, Na yena i te ngalo ka bona, Languta, a nisanyana wa hosi i ta fuma, kwatsi hilezi Jehova a wulawulileko xungatano ni barisanyana ba ka Davida.

4 Lexi hi xilo lexi nwina mu ta nga xi maha: a xipanze xa wunharu xa nwina, lexo xi engenako ndlini hi siku ga sabado, xa bapristi ni xa ba ka Levi, ba taba ba ranzele ba nyangwa ya laha wuengenweni;

5 Ni xipanze xa wunharu xi taba le ndlwini ya hosi; ni xipanze xa wunharu xi taba le ka nyangwa ya xiseketelo: ni bonkle banhu ba taba le hubyeni ya yindlu ya ka Jehova.

6 Kanilezi a nga hi kona a tako lomo nzeni ka yindlu ya ka Jehova, saseka bapristi, na bona bakozeli ba ka Levi; bona ba ta engena nzeni, hakuba bona basile; kanilezi bonkle banhu ba ta hlalisa a kuwula ka Jehova.

7 Ni ba ka Levi ba ta ranzele a hosi, bonklele banhu ziwwe ni maklari ga yena lomo canjeni ga yena; na kani ngwakuyini loye a tako lomo ndlwini, nga yena a dawwe: nga nwina mu hi ni hosi laha yi engenako, ni laha yona yi humako.

8 Zingaho a ba ka Levi ni wonkle Juda ba lo maha kukotisa hi lezo zonkle Jehoiada a mupristi a leleteleko: bona ba lo teka a wanuna loyi ni loyi a munhu wa yena, labo ba nga wa ta nga ba tile hi siku ga sabado, ni labo ba nga wa ta nga ba humele hi siku ga sabado; hakuba Jehoiada a mupristi i wa nga andlamukisangi a miklawa.

9 Na Jehoiada a mupristi i lo nyika ka tinduna ta mazana a maklari, ni tingenge, ni ziklangu, lezo zi nga wa hi za hosi Davida, lezo zi nga wa hi lomo ndlwini ya ka Nungungulu.

10 Yena i lo longisela bonkle banhu, bonklelele ba banuna ba wa hi ni klari ga yena lomo canjeni, kusukela klelweni ga xinene ga yindlu kala le klelweni ga xinene ga yindlu, ba longoloka hi laha alatini ni laha ndlwini, hi laha hosini ba yi ranzele.

11 Zonake bona ba lo humesa lahandle a nisanyana wa hosi, ba lo mehela a xidlodlo hehla ka yena, ba lo nyika yena a kustumunyele, ba lo maha yena hosi: Jehoiada ni barisanyana ba yena ba lo tota yena; ba te ngalo, A yi longoloke yi hanya a hosi.

12 Ni laha Atalia a nga wa zwile a guwa ga banhu ba tsutsumako ba dumisa a hosi, yena i lota ka banhu le ndlwini ya ka Jehova:

13 Na yena i lo cuwuka, ni, languta, a hosi yi wa lo yima hi laha mhanzeni le wuengenweni, ni tinduna ni bamipunzu ba wa hi laha hosini; ni bonkle banhu ba tiko ba wa ku tsaka, ba loba a mipunzu; a bayi-mbeleli kambe ba lo blakana hi wu-

cenje ga timbila, ba lo rangela a kuyimbelela ka kudumisa. Zonake Atalia i lo hanzula a tinguwo ta yena, i te ngalo, Xihlebo! xihlebo!

- 14 Na Jehoiada a mupristi i lo humesa a tinduna ta mazana leto ti nga wa wumbelwe hehla ka impi, i te ngalo ka tona, Humesani yena xikari ka maviyo; ni wihi a lanzelako yena, nga yena a dawa hi supado: hakuba a mupristi i wa te ngalo, Mu nga dayi yena laha ndlwini ya ka Jehova.
- 15 Zingaho ba lo mahela yena a ndlela; yena i lo famba le wuengenweni ga nyangwa ya mahaxi a kuya ka yindlu ya hosi: na bona ba lo daya yena leyo.
- 16 Na Jehoiada i lo maha a xivumelwano xikari ka wutsumbu ga yena, zinwe ni banhu bonkle, ni hosi, lezaku bona ba ta maha banhu ba ka Jehova.
- 17 Ni bonkle banhu ba loya le ndlwini ya ka Baali, ba loya tsoba yona lahasi, ba loya tsobelelela a maalati ya yena ni zifananiso za yena a zipanzana, ba lo daya Mattani a mupristi wa ka Baali mahlweni ka maalati ya yena.
- 18 Na Jehoiada i lo hlawula a tinduna ta yindlu ya ka Jehova lahasi ka canja ga bapristi a ba ka Levi, labo Davida a ba xaxameteleko lomo ndlwini ya ka Jehova, a ku nyikelela a muniyikelo wa kuhiswa ka Jehova, kwatsi hilezi ku tsalilweko lomo bukweni ga Mosi, zinwe hi litsako ni kuyingelela, kukotisa hi kuxaxameta ka Davida.
- 19 Na yena i lo yimisa a barinzeli ba nyangwa le tinyangweni ta yindlu ya ka Jehova, lezaku i wa nga hi kona loye a nga nyenyezisilwe hi ncumo a nga wa engena lomo.
- 20 Na yena i lo teka a tinduna ta mazana, ni badzunzwako, ni bafumeli ba banhu, na banhu bonkle ba tiko, i ba lo relelisa a hosi hi le ndlwini ya ka Jehova: na bona ba lota hi nyangwa ya le hehla a kuta le ndlwini ya hosi, ba lo bekela a hosi le xitsanweni xa wukosi xa mufumo.
- 21 Zingaho bonkle banhu ba tiko ba lo tsaka, ni muti wu wa rutisile. Na Atalia bona ba wa dele hi supado.

XIPIMO 24.

- 1 Na Joaxi i wa hi ni nkalanu ni ma-

mbiri malembe a wukale laha yena a nga wa sangule kufuma; i lo fuma mune wa makume malembe le Jerusalema: ni bito ga mamani wa yena i wa hi Zibia, wa le Berexeba.

- 2 Na Joaxi i lo maha lezo si sasekileko mahlweni ka Jehova wonkle masiku ya Jehoiada a mupristi.
- 3 Na Jehoiada i lo tekela yena a basati bambiri; na yena i lo trala barisanyana ni banhanyana.
- 4 Na ku mahisile lezo a nzako ka lezi, lezaku Joaxi i lo alakanya a kuakisa yindlu ya ka Jehova.
- 5 Na yena i lo tsombanyisa katigina we a bapristi ni ba ka Levi, i te ngalo ka bona, Fambani ka miti ya ka Juda, muya hlenga ka bonkle ba ka Israeli a mali a ku akisa a yindlu ya ka Nungungulu wa hina lembe hi lembe; wonani lezaku uwina mu ta haklisisa a mhaka. Ahemba a ba ka Levi ba wa nga haklisangi.
- 6 Ni hosi yi lo bitana Jehoiada a hombe, i te ngalo ka yena, Hi yini wena a ku wutisangi ka ba ka Levi a ku neha leno hi le ka Juda ni Jerusalema a hlengo wa ka Mosi a nanza ga ka Jehova, ni wa tsombano wa ka Israeli, akuba ya tenta ka muklangano ke?
- 7 Hakuba a barisanyana ba ka Atalia, a wasati wa kubiha, ba hahlule a yindlu ya ka Nungungulu; ni kambe zonkle zibya za ku nyikelelisisa za yindlu ya ka Jehova ba zi bingeretela ka baalima.
- 8 Zingaho a hosi yi lo leletela, bona ba lo maha ngaxa, ba lo yi beka hi le handle ka nyangwa ya yindlu ya ka Jehova.
- 9 Na bona ba lo maha kubahungu ka gonkle Juda ni Jerusalema, a ku neha a hlengo lowo Mosi a nanza ga ka Nungungulu a nga wa klatekile ka Israeli lomo xiwuleni.
- 10 Ni tonkle tihosana ni bonkle banhu ba lo tsaka, ba lo neha lomo, ba lo ceta lomo ngaxeni, kala mahile kugumelwa.
- 11 Na kona ku wa hi lezo, lezaku, a ka xibi xikati laho a ngaxa yi nga ka tinduna ta hosi hi canja ga ba ka Levi, ni laho ba nga wa wonile lezaku laho ku kona a mali yo tala, a mutesali wa hosi ni nduna ya mupristi wa hombe ba lota pangaa ngaxa, ba lo teka yona, ba lo yi yisa ka

- wutsamo ga yona kambe. Zaku-ngahi bona ba lo maha masiku ni masiku, ba lo hlengeletela a mali yinyingi.
- 12 Ni hosi na Jehoiada ba lo nyika ka bona labo ba tirako a nkozi ya yindlu ya ka Jehova; na bona ba lo riha a bameseri ni babaluli, a ku vureta a yindlu ya ka Jehova, ni kambe labo ba zi kotako ku maha a siketze ni suku a kuakisa a yindlu ya ka Jehova.
- 13 Zingaho a ba banuna nyamitiro ba lo tira, ni tiro wa kuakisa wu komama mahlweni lomo mandleni yabye, na bona ba lo yimisa a yindlu ya ka Nungungulu xiylaweni xa yona, na ba lo tiyiseta yona.
- 14 Ni laha bona ba nga wa mahile kugumelwa, bona ba lo neha yonke a mali mahlweni ka hosi na Jehoiada, lahoke ba lo maha a zibya za yindlu ya ka Jehova, ha yona a ku kozela ni ku nyikela, a mikombe, ni zibya za nzalama ni siliva. Na bona ba lo nyikela minyikelo lomu ndlwini ya ka Jehova hi kusimamisisilweko wonke masiku ya Jehoiada.
- 15 Kanilezi Jehoiada i lo hunzelela ku kosahala ni masiku ma teleko, na yena i lofa; i wa hi ni zana ni makume manharu ya malembe laha yena a nga wa file.
- 16 Na bona ba lo nkelela yena lomo mutini wa Davida xikari ka tihosi, hakuba yena i wa mahile a kusasa ka Israeli, ngomama na Nungungulu ni yindlu ya yena.
- 17 Makunu a nzako ka kufa ka Jehoiada ti lota a tihosana ta ka Juda, ba lo maha a xicabyo ka hosi. Zonake a hosi yi lo ingisa ka bona.
- 18 Na bona ba lo tsika a yindlu ya ka Jehova, a Nungungulu wa badadani babye, ni kukozela Axerima ni ifananiso: ni zanga yi lota hehla ka Juda ni Jerusalema hi kota ya loku kugoha ka kabye.
- 19 Kasike yena i lo rumela a muprofeti ka bona, a ku neha bona kambe ka Jehova; na bona ba lo kustumunyela ba vukela bona: kanilezi ba wa nga ba nga hi na ku nyika a ndlebe.
- 20 Ni Moya wa ka Nungungulu wu lota hehla ka Zakaria a nisanyana wa ka Jehoiada a mupristi; na yena i lo yima le xikari ka banhu, i te ngalo ka bona, Zakungahi a wulako Jehova, Hi yini nwina mu
- hambunyetako a kuleletela ka Jehova, Zingaho lezo nwina mu wa nga ta vuvuma ke? hakuba nwina mu tsikile Jehova, yenawu kambe i tsikile nwina.
- 21 Na bona ba lo maha gujegu je ba vukela yena, ba lo gandla yena hi maribye, hi kuleletela ka hosi le hubyeni ya yindlu ya ka Jehova.
- 22 Zakungahi Joaxi a hosi i wa nga alakanyangi a wuxinji legi Jehoiada a dadani wa yena a nga wa gi mahile a ka yena, kanilezi i lo daya yena. Ni laha yena a nga wa file, yena i te ngalo, Jehova cuwuka hehla ka kona, ni ku wutisa kona.
- 23 Na ku malisile lezo hi kugumelweni ka lembe, lezaku a impi ya ma Siria yi lota vukela yena: na bona ba lota le Juda ni Jerusalema, ba lota lobisa a tihosana tonke ta banhu lomo xikari ka banhu, ba lo rumela wonke a mupango wa bona ka hosi ya le Damaskusi.
- 24 Hakuba a impi ya ma Siria yi lota hi klawana wu tsongwani wa banuna; na Jehova i lo nyikela a impi ya hombe a canjeni gabye, hakuba bona ba tsikileko Jehova, a Nungungulu wa badadani babye. Zingaho bona ba lo tsanza kululamisisa hehla ka Joaxi.
- 25 Ni laha ba nga wa sukile ka yena (hakuba ba lo siya yena na a babya nguvu), a malanza ya yena nwinyi ma wa lo hleba ba vukela yena hakuba hi nkata wa nisanyana wa Jehoiada a mupristi, ba lo daya yena le mubedini wa yena, na yena i lofa; na bona ba lo nkelela yena le mutini wa Davida, kanilezi bona a ba wa nga nkelelangi yena lomo xilahleni xa tihosi.
- 26 Ni laha hi bona ba nga wa hlebile ba vukela yena: Zabada a nisanyana wa Ximeate a mu Ammoni, na Jehozabada a nisanyana wa Ximrite a mu Moabi.
- 27 Makunu xungetano ni barisanyana ba yena, ni mukinyabezo wa hombe wu lo klatekwa hehla ka yena, ni kuakiswa kambe ka yindlu ya ka Nungungulu, languta, kona ku tsalilwe lomo timhakeni ta tihosi. Na Amazia a nisanyana wa yena i lo fuma xikundleni xa yena.

XIPIMO 25.

- 1 Amazia i wa hi ni makume ma-

mbiri ni mambiri a malembe laba yena a nga wa sangule kufuma; yena i lo fuma makume mambiri ni mune malembe le Jerusalema: ni mamani wa yena i wa hi Jehoaddani, wa le Jerusalema.

- 2 Na yena i lo maha lezo zi sasekileko lomo kuwoneneni ka Jehova, kanilezi ku wa nga hi mbilu yi mbeleleko.
- 3 Makunu na ku mahisile lezo, ni laba a mufumo wu nga wa tiyisetilwe ka yena, lezaku yena i lo daya a malanza ya yena lawo ma nga wa dele a hosi a dadani wa yena.
- 4 Kanilezi yena i wa nga dayangi a banana babye, kanilezi i lo maha kukotisa hi ka lezo zi tsalilweko lomo bukwini ga Mosi, kwatsi hilezi Jehova a leleteleko, aku, A badadani ba nga ta kufa hi kota ya banana, ge hambu ni banana ba nga ta kufa hi kota ya badadani; kanilezi bonklelele banha ba ta kufa hi xionho xa yena.
- 5 Klatakumbiri Amazia i lo tsombanyisa Juda katiginwe, i lo xaxameta bona kukotisa hi tindlu ta badadani babye, lahasi ka tinduna ta makume mazana ni lahasi ka tinduna ta mazana, yena wonkle Juda na Benjamin: na yena i lo hlayela bona kusuka hi ka makume mambiri malembe a wukale kukomama le hehla, i lo kuma bona na ba hi manharu a mazana ya kume ga mazana ya ba banuna ba langilweko, ba kotako a ku bloma a impi, labo ba nga wa zi kota ku klemerele maklari ni ziklangu.
- 6 Na yena i lo rihisa a zana ga kume ga mazana ya ba banuna ba tinhenha ta kulwa a ka Israeli hi zana ga titalenta ta siliva.
- 7 Kanilezi laho ku lotta a munhu wa ka Nungungulu ka yena, aku, O hosi, nga a impi ya ka Israeli yi nga fambi zinwe na wena; hakuba Jehova a nga zinwe ni ba ka Israeli, a wumboni, zinwe ni bonkle a banana ba ka Efraime.
- 8 Kanilezi loku wena u ta famba, maha hi kukurumetisilweko, nga u hi ni ntamo wa kulwa: Nungungulu i ta hoxa wena lahasi mahlweni ka balala; hakuba Nungungulu i na ni ntamo a kuvunetela, ni ku hoxa lahasi.
- 9 Na Amazia i te ngalo ka munhu wa Nungungulu, Kanilezi hina hi ta

maha yini hi zana ga titalenta leti mina nzi lombileko ha tona a impi ya ka Israeli ke? Ni munhu wa Nungungulu i lo hlamula, Jehova wa zi kota ku nyika zo tala ku hunza lezi.

- 10 Zonake Amazia i lo abanyisela bona, a wumboni, a impi leyo yi nga wa tile ka yena hi le Efraime, a kuya kaya kambe: ngahilezo a zanga ya-bye yi lo fevukelana hi kukulisilweko yi vukela Juda, na bona ba lo klela baya kaya hi zanga yi fexukeleneko.
- 11 Amazia i lo teka ku tiyiseta mbilu, i lo rangela a banhu ba yena, ba loya le Kobeni wa Munyu, ba lo hlasela a banana ba le Seire kume ga kume ga mazana.
- 12 Ni munwani a kume ga kume mazana a banana ba ka Juda ba gola na ba hanya, ba lo ba neha le hehla ka ribye, zingaho lezo bonkle ba lo tso-dyiwa zi panzana.
- 13 Kanilezi a ba banuna ba impi labo Amazia a nga wa klelisile, lezaku ba wa nga taya zinwe na yena le impini, ba lo wela le mitini ya ka Juda, ku sukela le Samaria kala le Bete-horoni, ba lo daya ba bona manharu a kume ga mazana, ba lo teka a mufulo wo tala.
- 14 Makunu na ku mahisile lezo, a nzako ka kuba Amazia a nga wa tile hi le ko hlasela a ma Edomi, lezaku yena i lo neha a banungungulu banana ba le Seire, i lo ta ba yimisa ba maha banungungulu ba yena, i lo korama a wutsumbu ga yena ka bona, i lo hisa a tibani ka bona.
- 15 Ngahilezo a zanga ya ka Jehova yi vindlukiswa yi vukela Amazia, na yena i lo rumela ka yena a muprofeti, loye a nga wa te ngalo ka yena, Hiyini u blotileko ka banungungulu ba banhu, labo ba nga klaklisangiko a banhu babye canjeni ga wena ke?
- 16 Na ku mahisile lezo, kwatsi hilezi yena a nga wa wulawula zinwe na yena, lezaku a hosi yi te ngalo ka yena, Hina hi mahile wena a sungukati ga hosi ke? bowe; xana u ta nga u dayelwa yini lezi ke? Zonake a muprofeti i lo tsika, i te ngalo, Mina nza zi tiba lezaku Nungungulu i xubile kulobisa wena, hakuba wena u mahile lexi, na wena a kuzwangi ka wusungukati ka mina.

- 17 Zonake Amazia a hosi ya ka Juda i lo teka a gujegu, i lo rumela ka Joaxi, a nisananyana wa Jehoahaza a nisananyana wa Jehu, a hosi ya ka Israeli, aku, Ngona, nga hi cuwukana munwe ni munwani hi nghohe.
- 18 Na Joaxi a hosi ya ka Israeli i lo rumela ka Amazia a hosi ya ka Juda, aku, A pumbulu lowo wu nga wa hi le Lebanoni, wuku, Nyika a nhananyana wa wena ka nisananyana wa mina akuba sati: ni laho ku lo hunza a xibanza xa kwati lexo xi nga wa hi lomo Lebanoni, xi lo kanziyela a pumbulu.
- 19 Wena hi wena u wulako, Wangabye, wena u hlesele Edome; makunu ni mbilu ya wena yi klakukile hi matsanza; tsama makunu le kaya; hiyini wena u ta nga u ti pfokometa ku lobyisweni ka wena, leaku wena u wa ta nga u wile, yena wena, Juda zinwe na wena ke?
- 20 Kanilezi Amazia i wa nga a nga hi na kuzwa; hakuba kona ku wa hi ka Nungungulu, kasi wa fela a ku nyikela bona lomo canjeni ga balala babye, hakuba bona ba hlotile ko ka banungungulu ba le Edome.
- 21 Zingaho Joaxi a hosi ya ka Israeli i loya; yena na Amazia a hosi ya ka Juda ba lo cuwukana munwe ni munwani lomo nghoheni le Bete-xemexe, lego gi nga ga ka Juda.
- 22 Na Juda i wa lo bekwa tsuwukweni mahlweni ka Israeli; bona ba lo tsutsuma bonklele banhu ka tenta ga yena.
- 23 Na Joaxi a hosi ya ka Israeli i lo teka Amazia a hosi ya ka Juda, a nisananyana wa Joaxi a nisananyana wa Jehoahaza, le Bete-xemexe, i lo neha le Jerusalema, i lota kungula a ligingisi la Jerusalema kusukela le nyangweni ya le ka Efraime kala le ka nyangwa ya kuzu, mune wa mazana ya mikono.
- 24 Na yena i lo teka gonkle nzalama ni siliwa, ni sonkle zibya lezo si nga wa kumilwe lomo ndlwini ya Nungungulu zinwe na Obed-edome, ni mabako ya yindlu ya hosi, ni zibingeretelweko kambe, i lo klelela le Samaria.
- 25 Na Amazia a nisananyana wa Joaxi a hosi ya ka Juda i lo hanya a nzako ka Joaxi a nisananyana wa Jehoahaza a hosi ka Israeli kume ni nklanu malembe.

- 26 Makunu sonkle a si maho sa Amazia, a so rangula ni so gumesa, languta, zona zi tsalilwe a bukwini ga tihosi ta ka Juda ni ta ka Israeli ke?
- 27 Makunu kusukela xikatini lexo Amazia a hambuka ku lanzeni Jehova na bona ba lo maha a xikungo ba vukela yena le Jerusalema; na yena i loabela le Lakixe: kanilezi bona ba lo rumela le nzako ka yena le Lakixe, ba lo daya yena leyo.
- 28 Na bona ba lo nela yena hehla ka mahaxi, ba lo nkelela zinwe ni badadani ba yena lomo mutini wa Juda.

XIPIMO 26.

- 1 Ni bonkle banhu ba ka Juda ba lo teka Uzzia, loye a nga wa hi ni kume ni nklanu ni ginwe a malembe a wukale, ba lo maha yena a hosi xikundleni xa Amazia a dadani wa yena.
- 2 Na yena i lo aka Elote, i lo klelisela gona ka Juda, a nzako ka lezo a hosi yi eklela zinwe ni badadani ba yena.
- 3 Kume ni nklanu ni ginwe a malembe a wukale laba Uzzia a nga wa sangule a kufuma; na yena i lo fuma nklanu wa makume ni mambiri malembe le Jerusalema: ni mamani wa yena a bito i wa hi Jecilia, wa le Jerusalema.
- 4 Na yena i lo maha lezo zi sasekileko kuwoneni ka Jehova, kukotisa hi ka sonkle lezo dadani wa yena Amazia a nga wa si mahile.
- 5 Yena i lo yimisela a wutsumbu ga yena a kuhlota Jehova masikwini ya Zakaria, loye a nga wa lfi ni kupimisisa hi miwoniso ya ka Nungungulu: ni xonkle xikati lexo yena a nga hlota Jehova, Nungungulu i lo maha a vuvuma.
- 6 Na yena i lo huma a ku yalwa ni ma Filisti, i lo kungumula a ligingisi la le Gati, ni ligingisi la le Jebne, ni ligingisi la Axdode; na yena i lo aka a miti lomo tikweni ga Axdode, ni xikari ka ma Filisti.
- 7 Na Nungungulu i lo vunetela yena a kuvukela a ma Filisti, ni ku vukela a ma Arabia, lawo ma akileko le Gur-baali, ni Meunime.
- 8 Ni ma Ammoni ma lo luba a nzhubo ka Uzzia: ni wudumo ga yena gi la si hangalaka kala wuengenweni ga le Gipite; hakuba i lo hunzelela a ntamo.

- 9 Klatakumbiri Uzzia i lo aka a mitawa le Jerusalema ni le kuzinwe ga nyangwa, ni le nyangweni ya mikoba, ni le kurenzelekako hi ligingisi, i lo gingisisa tona.
- 10 Na yena i lo aka a mitawa lomo xiwuleni, i lo nkela a tihlowo tinyingi, hakuba yena i wa hi ni tihomu to tala; lomo tinyakeni kambe, ni lomo mikobeni: na yena i wa hi ni barimi ni ba bakameli ba wuvina lomo zitsungeni ni lomo matsobyeni ya masimu: hakuba yena i wo ranza a kurima.
- 11 Klatakumbiri Uzzia i wa ni impi ya ba banuna ba kulwa, labo ba nga wa famba lahandle a kulwa hi miklawa, kukotisa ka tsengo wa hlalwa ka bona wu nga wa mahilwe hi Jeieli a mutsali na Maaseia a nduna, lahasi ka canja ga Hanania, a muawe wa tinduna ta hosi.
- 12 A tsengo wonkle wa tihloko ta tindlu ta badadani, bona ba banuna ba tinhenha ta kulwa, ba wa mambiri kume ga mazana ni nklanu ni ginwe mazana.
- 13 Ni lahasi ka canja gabye ku wa hi kona a impi, ku wa hi manharu mazana ya kume ga mazana ni nklanu ni mambiri a kume ga mazana ni nklanu wa mazana, labo ba nga wa maha impi ni ntamo wa hombe, a ku vunetela a hosi kulwa ni balala.
- 14 Na Uzzia i lo longiselela bona, wona wonkle a mabandla, a ziklangu, ni maklari, ni tingenge, mabaji ya ziketze, ni mawura, ni maribye yo nziwitela.
- 15 Na yena i lo maha le Jerusalema a makina, ma fulilweko hi banhu ba klarihisilweko, akuba le titaweni le behla ka zikanekiso, laho ba nga wa ta panda a magalala ni maribye ya hombe. Ni bito ga yena gi su hangulaka gafe; hakuba yena hi ku kubanjalatisilweko i lo vunetelwa, a kala yena a be a tsingileko.
- 16 Kanilezi yena laha a nga wa hi ni ntamo, ni mbilu ya yena yi wa lo kukumuka, zingaho yena i lo maha hi ku botisilweko, na yena i lo onha a vukela Jehova a Nungungulu wa yena; hakuba yena i lo engena lomo tempeleni ya ka Jehova a kuhisa a libani behla ka alati ga libani.
- 17 Na Azaria a mupristi i lo engena a nzako ka yena, zizwe na yena nklanu ni manharu makume ya bapristi

ba ka Jehova labo ba nga wa hi banuna ba tinghisi.

- 18 Na yena ba lo yimelana na Uzzia a hosi, na bona ba te ngalo ka yena, Kona a hi tiro wa wena, Uzzia, a kuhisa a libani ka Jehova, kanilezi ka bapristi a barisanyana ba ka Aroni, labo ba nyikelisilweko a kuhisa a libani: huma lahandle ka yindlu yo kubasa; hakuba wena u hambunyetile; ge kona a hi ka kudzunzwa ka wena mahlweni ka Jehova Nungungulu.
- 19 Zonake Uzzia i wa lo zangara; i wa hi ni pepo lomo canjeni ga yena a kuhisa a libani; ni laha yena a nga wa ha zangara zinwe ni bapristi, a hlokonho gi lo woneka laha ximombyeni xa yena mahlweni ka bapristi lomo ndlwini ya ka Jehova, laha klelweni ga alati ga pepo.
- 20 Na Azaria a mupristi wa hombe, ni bonkle bapristi, ba lo cuwuka yena, ni, languta, yena i wa hi hlokonho ximombyeni xa yena, na bona hoxa yena hi ku haklisisilweko laho; ina, yena a wutsumbu ga yena i lo hatlisa a ku huma lahandle, hakuba Jehova i wa lamatile yena.
- 21 Na Uzzia a hosi wa hi hlokonho kala sikwini ga kufa ka yena, i lo tsama le ndlwini yi hambanyisilweko, na karia hi hlokonho; hakuba yena i wa tsewile le ndlwini ya ka Jehova: na Jotamu a nisanyana wa yena i wa behla ka yindlu ya hosi, na a lamula banhu ba tiko.
- 22 Makunu zonkle zimaho za ka Uzzia, za kurangula ni za kugumesa, Isaya a muprofeti, a nisanyana wa Amosi, i lo tsala.
- 23 Zingaho Uzzia i lo eklela zinwe ni badadani ba yena; na bona ba lo nkelela yena lomo zilahleni sa kunkele lezi zi nga za tihosi; hakuba bona ba te ngalo, Yena i hlokonho: Jotamu a nisanyana wa yena i lo fuma a xikundleni xa yena.

XIPIMO 27.

- 1 Jotamu i wa makume mambiri ni nklanu malembe laha yena a nga wa sangule a kufuma; na yena i lo fuma kume ni nklanu ni ginwe malembe le Jerusalema: ni bito ga mani wa yena i wa hi Jeruxa a nhanyana wa Zadoke.
- 2 Na yena i lo maha lezo zi saakileko kuwoneni ka Jehova, kukotisa hi ka

sonkle lezo a dadani wa yena Uzzia a mahileko : ahemba yena i wa nga engenangi lomo tempeleni ya ka Jehova. Ni banhu ba lo maha hi kubotekisilweko.

3 Na yena i lo aka a nyangwa ya le hehla ya yindlu ya ka Jehova, ni le kurisini ga Ofeli yena i lo aka nguvu.

4 Alatakumbiri yena i lo aka a miti lomo tikweni ga mitsuri ya ka Juda, ni makwati ni yena i lo aka makokola ni zikanekiso.

5 Ni yena kambe i lolwa ni hosi ya banana ba ka Ammoni, i lo hlula bona. Ni banana ba ka Ammoni ba nyika yena ka gwalego lembe a zana ga titalenta ta siliva, ni kume ga kume ga mazana a ziringaniso za mabele, ni kume ga kume ga mazana a barle. Zakungahi a banana ba ka Ammoni ba lo nyika ka yena, ni ka lembe ga wumbiri kambe, ni ka ga wunharu.

6 Zingaho Jotamu i wa hi ni wunhenha, hakuba yena i lo luleka a ndlela ya yena mahlweni ka Jehova a Nungungulu wa yena.

7 Makunu zonkle a simaho za ka Jotamu ni tonkle a tiimpi ta yena, ni tindlela ta yena, languta, kona ku tsalilwe lomo bukwin ga tihosi ta ka Israeli na Juda.

8 Yena i wa hi makume mambiri ni nkhanu laha yena a nga wa sangule ku fuma, yena i lo fuma kume ni nkhanu ni ginwe malembe le Jerusalema.

9 Na Jotamu i eklela zinwe ni badadani ba yena, na bona ba lo nkelela yena le mutini wa Davida : na Ahaza a nisanyana wa i lo fuma.

XIPIMO 28.

1 Ahaza i wa hi makume mambiri a malembe laha yena a nga wa sangule a ku fuma ; na yena i lo fuma nkhanu ni ginwe malembe le Jerusalema : na yena i wa nga mahangi lezo si sasekile mahlweni ka Jehova, kwatsi nzi Davida a dadani wa yena ;

2 Kanilezi yena i lo famba hi tindlela ta tihosi ta ka Israeli, na a lo maha kambe a mifananiso yi nyeksilweko ya Baalima.

3 Alatakumbiri yena i lo hisa a libani lomo minzelelweni ya nisanyana ba ka Hinnome, i lo hisa a banana ba yena laha nzilweni, kukotisa hi ka

manyalataniso ya mifumo leyo Jehova a yi hoxileko mahlweni ka banana ba ka Israeli.

4 Na yena i lo pahlela ni kuhisa a tiban lomo wutsanweni gi klakukileko, ni lomo zitsungeni, ni lomo basi ka tisinya tonklelele to nyuka.

5 Ngahilezo Jehova a Nungungulu i lo nyikela yena ka canja ga hosi ya le Siria ; i lo hlasela yena, i gola yena a xidlemo xa hombe xa yena xa bakonwi, ba lo naha le Dama-skusi. Na yenawu kambe i wa lo nyikelwa canjeni ga hosi ya ka Israeli, loye a nga wa hlasela yena hi kuhihirita ka hombe.

6 Hakuba Peka a nisanyana wa Remalia i lo daya le Juda a zana ni makume mambiri ya kume ga mazana hi siku ginwe, bonkle ba bona ba wa hi ba tinhenha ta ba banuna ; hakuba bona ba tsikileko Jehova, a Nungungulu wa badadani babye.

7 Na Zikri a nhenha ya wanuna ya ka Efraime, i lo daya Maaseia a nisanyana wa hosi, na Azrikamu a mufumeli wa yindlu, na Elkana loye a nga wa gamela ka hosi.

8 Ni banana ba ka Israeli ba lo gotsa tihloko a ka bamakabye babye mambiri mazana ya kume ga mazana, ba basati, a barisanyana, banhanyana, ba lo teka kambe a mupango wa hombe hi le ka bona, ba lo naha a mupango le Samaria.

9 Kanilezi a muprofeti wa ka Jehova i wa hi laho, loye a bito ga yena a nga wa ho Odedi : na yena i lo humala laha kuklanganyeta a mabandla lawo ma nga wata le Samaria, i te ngalo ka bona. Languta, hakuba Jehova, a Nungungulu wa badadani ba nwina, a nga zangarile zinwe na Juda, yena i nyikele bona le canjeni ga nwina, nwina mu dela bona hi zanga leyi yi cikeleko le tilweni.

10 Makunu nwina mu hlaysela lahasi a banana ba ka Juda ni Jerusalema a kuba tikumbi ta ba banuna ni kuba tikumbi ta ba basati ka nwina ; kanilezi laho a ku zinwe na nwina a zihambunyeto za nwina benyiwo mu vukela Jehova a Nungungulu wa nwina ke?

11 Makunu zwanani mina hikwalaho, mu kelelisa a tihloko, leto nwina mu gotsile bakonwi ka bamakabye ba nwina ; hakuba zanga yi cabekako ya ka Jehova yi le hehla ka nwina.

- 12 Zonake a bokari ba tihloko ta bana-na ba ka Efraime, Azaria a nisanyana wa Johanani, Berecia a nisanyana wa Mexillemote, na Jehezkia a nisanyana wa Xalluma, na Amasa a nisanyana wa Hadlai, ba lo yima ba vukela bona labo ba nga wata hi le impi, ni.
- 13 Ba te ngalo ka bona, Nwina mu nga ta neha a tihloko leno: hakuba nwi-na mu xuba leso si ta nga neha a hehla ka hina zihambuko a kulwa na Jehova, a ku engetela a zionho za hina ni ka zihambuko za hina; hakuba a zihambuko za hina za hombe, ni laho ku kona a zanga ya hombe a kuvukela Israeli.
- 14 Zingaho a ba banuna ba impi ba lo siya a tihloko ni mupango ka tihosana ni ka wonkle a klangano.
- 15 Ni ba banuna labo ba sinako ba kumbukilwe hi mabito ba lo suka, ba lo teka a tihloko, zinwe ni wonkle a mupango ni kuembexa bonkle labo ba nga wa hi zimbyiri xikari kabye, ba lo ambalisa bona, ba lo gobisa bona, ba lo nyika bona a kuga ni kunwa, ba lo tota bona, ba lo rwala a tikuberi ta bona hi timbongola, ba lo neha bona le Jeriko, a muti wa tisinya ta micinzu, a ka bamakabye babye: zonake bona ba lo klelela le Samaria.
- 16 A ka lexo xikati a hosi Ahaza i lo rumela ka hosi ya le Siria a ku vundetela yena.
- 17 Hakuba a ma Edome ba lota engeta kambe ku hlasela Juda, ba lo gotse-la a tihloko ba famba nato.
- 18 Ni na Filisti kambe ma wa hlasele a miti ya tikweni ga mikoba, ni le Dzongeni ka Juda, na ba wa tekile Bete-xemexe, ni Aijaloni, na Gederote, na Soko, zinwe ni mitana ya kona, na Timna zinwe ni mitana ya kona, Gemzo kambe zinwe ni mitana ya kona: na bona ba lo aka leyo.
- 19 Hakuba Jehova i lo neha Juda lahasi hakuba ha Ahaza a hosi ya ka Israeli; hakuba yena i lo maha hi ku munzulukisilweko ka Juda, ni ku hambunyeta hi ku tsingisilweko a vukela Jehova.
- 20 Na Tilgate-pilnesera a hosi ya le Siria i lota ka yena, i lota hlokisa yena, kanilezi i wa nga tiyisangi yena.
- 21 Hakuba Ahaza i lo teka a xiabelo xa yindlu ya ka Jehova, ni xa yindlu

ya ka hosi ni xa tihosana, i lo nyika zona ka hosi ya le Asiria: kanilezi a kuvunangi yena ncumo.

- 22 Ni xikatini xa hlokiselelo ya yena i la su simama a hambunyata a vukela Jehova, ywaleyi hosi Ahaza.
- 23 Hakuba yena i lo pahlela ka banungungulu ba le Damaskusi, labo ba hlaseleko yena; na yena i te ngalo, Hakuba a banungungulu ba hosi ya le Siria ba vunetele bona, hikwalaho mina nzi ta pahlela ka bona, kasi bona ba fela ku vunetela mina. Kani-lezi bona ba wa hi ba hahluli ba yena, ni wonkle Israeli.
- 24 Na Ahaza i lo tsombanyisa katigizwe a zibya za yindlu ya ka Nungungulu, i lo tsema a zipanze a zibya za yindlu ya ka Nungungulu, i lo vala a tibati ta yindlu ya ka Jehova; na yena i lo mahela a wutsumbu ga yena a maalati lomo ka wonklelele magumo ya Jerusalema.
- 25 Ni ka yonklelele a miti ya ka Juda yena i lo maha a wutsamo gi klakukileko a kuhisena kona a tibani a ka banungungulu banwani, i lo vindlu-kelisa ku zangara Jehova, a Nungungulu wa badadani ba yena.
- 26 Makunu a zimaho za yena zonkle, ni tindlela takwe tonkle, a kurangula ni kugumesa, languta, zona si tsalilwe bukweni ga tihosi ta ka Juda ni ta ka Israeli.
- 27 Na Ahaza i lo eklela zinwe ni badadani ba yena, na bona ba lo nkelela yena le mutini, kona le Jerusalema; hakuba bona a ba nehangeni yena lomo zilahleni za tihosi ta ka Israeli: na Hezekia a nisanyana wa yena i lo fuma xikundleni xa yena.

XIPIMO 29.

- 1 Na Hezekia i lo sangula a kufuma laba a nga wa makume mambiri ni nklaau a malembe a wukale: yena i lo fuma a makume mambiri ni nklaanu ni mune malembe le Jerusalema: a bito ga mamani wa yena i wa hi Abija, a nhanyani wa Zakaria.
- 2 Na yena i lo maha lezo zi sasekileko kuwoneni ka Jehova, kukotisa hi ka zonkle lezo Davida a dadani wa yena a zi mahileko.
- 3 A ka lembe ga kusangula ga kufuma ka yena, a ka lweti yo ranga, i lo vulula a tibati ta yindlu ya ka Jehova, i lo akisa tona.
- 4 Na yena i lo engenisa a bapristi ni

- ba ka Levi, i lo tsombanyisela lomo wutsanweni lego ba hangalakakileko ka gona le mutsuwukagambo,
- 5 Na yena i te ngalo ka bona, Zwana ni mina, nwina ba ka Levi; makunu basisani a wutsumbu ga nwina, ni ku basisa a yindlu ya ka Jehova, a Nungungulu wa badadani ba nwina, ni mu tsutsela lahandle a zibi zonkle lomo wutsanweni ga kubasa.
- 6 Hakuba a badadani ba hina ba hambunyetile, ba mahile lezo zi bihileko kuwoneni ka Jehova a Nungungulu wa hina, na ba tsikile yena, na ba hambukile a nghohe ya bona le ndlwini ya ka Jehova, na ba lo hunzuka a mihlana yabye.
- 7 Kambe bona ba valile a tibati ta nyangwa, ba tima ul tikandiya, bona a ba hisangi a tibani ge hambu ni minyikelo ya kuhiswa lomo wutsanweni a ka Nungungulu wa ka Israeli.
- 8 Ngahilezo a zanga ya ka Jehova yi wa hi hehla ka Juda ni Jerusalema, yena i lo nyikela akuba ba nzulanzuliswa ni le mabanjalatini ni kuxeluzweni, kwatsi hilezi nwina mu wonako hi mahlo ya nwina.
- 9 Hakuba, mangabye, a badadani ba hina ba wile hi supado, a barisanyana ba hina ni banhanyana ba hina ni basati ba hina ba gotsilwe tihloko hakuba hi lezi.
- 10 Makunu kona ku kona mbilwini ya mina a ku maha a xivumelwano zinwe na Jehova, a Nungungulu wa ka Israeli, kasi a zanga zohisa ya yena yi fela ku klela leno ka hina.
- 11 Barisanyana ba mina, u nga be maku-nu mu tsikako; hakuba Jehova i lo hlawula nwina a ku yima mahlweni ka yena, a kukozela ka yena, kasi ma fela a kuba zikozeli za yena, ni kuhisa tibani.
- 12 Zonake a ba ka Levi ba lo suka, Mahate, a nisananyana wa Amasai, na Joeli a nisananyana wa Azaria, ba barisanyana ba ka Kohate; ni ba barisanyana ba ka Merari, Kixi a nisananyana wa Abdi, na Azaria a nisananyana wa Jehallalela; ni ba ka Gersoni, ba Joa a nisananyana wa Zimma, na Edeni a nisananyana wa Joa;
- 13 Ni ka barisanyana ba ka Elizafana, Ximri na Jeueli; ni ka barisanyana ba ka Asafa, Zakaria na Mattania;
- 14 Ni ka barisanyana ba ka Hemani,

- Jehueli na Ximei; ni ka barisanyana ba ka Jedutuni, Xemala na Uzicle.
- 15 Na bona ba lo tsombanyisa a bamakabye ba bona, ba lo basisa a wutsumbu gabye ba lo engena, kukotisa hi kuleletela ka hosi ni mhaka ya ka Jehova, a kubasisa a yindlu ya ka Jehova.
- 16 Ni mupristi i lo engena lomo ka klelo ga xikari ka yindlu ya Jehova, a kubasisa yona, a ku humesa yonkle fenze leyo bona ba yi kumileko lomo tempeleni ya ka Jehova yita lahandle ka huoye ya ka Jehova. Ni ba ka Levi ba lo teka yona, ba lo rwala yona le handle ka xicongwana Kidroni.
- 17 Makunu bona ba lo sangula go ranga ga hweti yo ranga a kubasisa, hi ka siku ga wunklanu ni manharu ba lotta le nyangweni ya Jehova; na bona ba lo basisa a yindlu ya ka Jehova hi siku ga wunklanu ni manharu: a ka kume ni nklanu ni ginwe a masiku ya hweti yo ranga bona ba lo maha kugumelwa.
- 18 Zonake bona ba lo engena lomo ka Hezekia a hosi le xilubelweni, ba te ngalo, Hina hi pumunhile konkle lomo ndlwini ya ka Jehova, ni a alati ga munyikelo wa kuhiswa, zinwe ni zibya zonkle za kona, ni meza ya zibaba zi kombisilweko, ni zinwe ni zonkle a zibya za kona.
- 19 Klatakumbiri zonkle a zibya, lezi a hosi Ahaza hi kufumeni ka yena i lo zi hoxa laba yena a nga wa tsimbe- ketwa, hina hi zi longiselele hi zi basisile; na, languta, zona zi le mahlweni ka alati ga ka Jehova.
- 20 Zonake Hezekia a hosi i lo vuka punzwini wa mixo, i lo tsombanyisa a tihosana ta muti, ba lo kanziya ba ya le ndlwini ya ka Jehova.
- 21 Na bona ba lo nelha a nklanu ni timbiri a tihonwana, ni nklanu ni timbiri a tihamba, ni nklanu ni timbiri a mikundlu, ni nklanu ni timbiri a timbuti, akuba za munyikelo wa kuonha wa mufumo ni wa yindlu ya kubasa ni wa ka Juda. Na yena i lo leletela a bapristi a barisanyana ba ka Aroni a ku nyikela zona laho a alatini ga ka Jehova.
- 22 Zingaho bona ba lo daya a tihonwana, ni bapristi ba lo amukela a nkata, ba lo nwatsekela wona hehla ka alati: na bona ba lo daya a hamba, ba lo nwatsekela a nkata hehla ka

alati: na bona ba lo daya a kundlu kambe, ba lo *watsekela* wona le hehla ka alati.

- 23 Na bona ba lo neha kusahani a timbuti ta munyikelo wa kuonha mahlweni ka hosi ni ka *klangano wonkle*; na bona ba lo *klateka* a mandla yabye hehla ka tona:
- 24 Ni bapristi ba lo daya tona, na bona ba lo maha a munyikelo wa kuonha hi nkata wa tona hehla ka alati, akuba ku maha nzhiho wa bonkle ba ka Israeli; hakuba a hosi yi wa leletele lezaku a munyikelo wa kuhiswa ni munyikelo wa kuonha wu ta mahelwa wonkle Israeli.
- 25 Na yena i lo yimisa a ba ka Levi ndlwini ya Jehova *zinwe* ni tingoma, *zinwe* ni timbila, *zinwe* ni zitende, kukotisa hi kuleletela ka hosi Davida, ni ka Gadi a muwoni wa hosi, na Natani a muprofeti; hakuba a kuleletela ku wa hi ka Jehova hi muprofeti wa yena.
- 26 Ni ba ka Levi ba lo yima ni wucenja ga ka Davida, ni bapristi *zinwe* ni mipunzu.
- 27 Na Hezekia i lo leletelela a ku nyikela munyikelo wa kuhiswa hehla ka alati. Ni laha a munyikelo wa kuhiswa wu nga wa sangule, a lisi-mu la ka Jehova li lo sangula kambe, ni mipunzu, katigi*zinwe* *zinwe* ni wucenje ga Davida a hosi ya ka Israeli.
- 28 Ni wonkle a tsombano wu lo kozela, ni bayimbeleli ba lo yimbelela, ni mipunzu yi lo biwa; zonkle lezi zi lo simamisa kala a munyikelo wa kuhiswa wu mbetekile.
- 29 Ni laha bona ba nga wa gumelwe a ku nyikela, a hosi *zinwe* ni bonkle laba ba nga wa hi *zinwe* na yena ba lo koramisa a wutsumbu gabye ba lo kozela.
- 30 Klatakumbiri Hezekia a hosi ni tihosana ti lo leletela a ba ka Levi a ku yimbelela a kudumisa ka Jehova *zinwe* ni timhaka ta ka Davida, ni ta Asafa a muwoni. Na bona ba lo yimbelela a dumiselo hi tsakisiso, na bona ba lo koramisa a tihoko tabye ba lo kozela.
- 31 Zonake Hezekia i lo hlammula i te ngalo, Makunu *zwina* mu nyikelelile a wutsumbu ga *zwina* ka Jehova; makunu tsinelani ku suhi mu neha a mipahlelo ya minyikelo ya kuhiswa ka yindlu ya ka Jehova. Ni tsombano wu lo neha a mipahlelo

ya minyikelo ya kubonga; kwatsi hi banyingi laba ba nga ba timbilu ti vumelako ba lo neha a minyikelo ya kuhiswa.

- 32 Ni tsengo wa minyikelo ya kuhiswa leyo a tsombano wu nebileko nkalanu ni mambiri makume a tihonwana, ni zana ga tihamba, ni mazana mambiri ya mikundlu: zonkle lezi zi wa hi za munyikelo wa kuhiswa ka •Jehova.
- 33 Ni zilo zi nyikelelilelweko ku wa hi nkalanu ni giawe mazana tikabi ni kume ga manharu mazana ya tiyivu.
- 34 Kanilezi a bapristi ba wa hi batso-ngwani nguvu, zingaho lezo ba wa nga zi koti a sumbulula a minyikelo ya kuhiswa: ngahilezo a bamakabye babye a ba ka Levi ba lo vuetela bona, kala a tiro wu be wu gumelweko, ni ku kala a bapristi ba be basileko a wutsumbu gabye; hakuba a ba ka Levi ba longamile nguvu timbilwini tabye a kubasisa a wutsumbu gabye ku hunza a bapristi.
- 35 Ni kambe a minyikelo ya kuhiswa yi wa hi talisiso, *zinwe* ni mafura ya minyikelo ya kurula, ni minyikelo ya kunwa ya yonklelele a minyikelo ya kuhiswa. Zingaho a nkozi ya yindlu ya ka Jehova yi wa lo xaxametwa kambe.
- 36 Na Hezekia i lo tsaka, *zinwe* ni bonkle banhu, hakuba ha zonkle lezo Jehova a longiseleko a banhu: hakuba a xilo xi lo mahiwa hi xikanzakanya.

XIPIMO 30.

- 1 Na Hezekia i lo rumela ka wonkle Israeli na Juda, i lo tsala a mapapilo kambe ka Efraime na Manasa, kasi bona ba ta nga bata ka yindlu ya ka Jehova le Jerusalema, a ku ta hlavisa a pasika ka Jehova, a Nungungulu wa ka Israeli.
- 2 Hakuba a hosi yi wa tsemile a xikungo, ni tihosana ta yena, ni wonkle a tsombano le Jerusalema, a ku hlavisa a pasika hi hweti ya wumbiri.
- 3 Hakuba bona ba wa nga hi na ku zi kota kuhlayisa gona ka lexo xikati, hakuba a bapristi ba nga se ku basisa a wutsumbu gabye hi tsengo wuceneleko, ge hambu ba wa nga seku tsombano wutsumbu gabye katigi*zinwe* le Jerusalema.
- 4 Ni xilo xi wa sasekile mahlweni ya hosi ni ya wonkle a hlengeletano.

- 5 Zingaho bona ba lo yimisa a kutsalelwa a ku maha kubiwahungu ka wonke Israeli, kusukela le Berexeba kala le Dani, lezaku bona ba wa ta nga ba ta hlayisa a pasika ka Jehova, a Nungungulu wa ka Israeli, le Jerusalema: hakuba bona ba wa nga hlayisangi gona hi mitsengo yo tala hi lixaka lo kota lolo li tsalilweko.
- 6 Zingaho a mitsukano yi wa hi ni mapapilo ma tako hi le hosini ni le tihosanini ka gonke Israeli na Juda, ni kukotisa hi kuleletela ka hosi, yi aku, Nwina banana ba ka Israeli, hunzulukani kambe ka Jehova, a Nungungulu wa ka Abrahama, na Isaka, na Israeli, kasi yena wa fela ku klelela ka misalela leyo yi ponileko lomo canjeni ga hosi ya le Asiria.
- 7 Na nwina mu nga fanani ni badadani ba nwina, ni ku fanana ni bamakabye ba nwina, labo ba hambunyetileko ba vukela Jehova, a Nungungulu wa badadani babye, zingaho lezo yena i lo nyikela bona kuhahlukeni, kwatsi hilezi nwina mu wonako.
- 8 Makunu nwina mu nga nonohisi a nhamo, kwatsi hilezi ba nga wa ngaho a badadani ba nwina; kanilezi nyikelani a wutsumbu ga nwina ka Jehova, ni kuengena lomo ndlwini ya kubasa ya yena, leyo yena a yi basisileko kala kupinzuka, ni kukozela Jehova a Nungungulu wa nwina, kasi a zanga ya yena yi cabekako ya fela ku klelela kule ka nwina.
- 9 Hakuba loku nwina mu klelela kambe ka Jehova, a bamakabye ba nwina ni banana ba nwina ba ta kuma kuhawukelwa mahlweni ka bona labo ba golileko a wukonwi, na ba ta wuya kambe lomo tikweni: hakuba Jehova a Nungungulu wa nwina ngwa titralo ni wuxinji uguvu, a nga ta hunzuluka kule a nghohe ya yena le ka nwina, loku mu hunzulukela ka yena.
- 10 Zingaho a mitsukano yi lo hunza yi tsemakanya a muti hi muti yi lo tsemakanya a tiko ga ka Efraime na Manasa, kala le Zebuluni; kanilezi bona ba lo hleka bona a ku ba tseketsela, ba lo kiyala bona.
- 11 Ahembaloko ke a bokari ba ka Axeri ni ba ka Manasa ni ba ka Zebuluni, ba lo koramisa a wutsumbu gabye, ba lota le Jerusalema.
- 12 Kambe ni ka Juda, a canja ga Nungungulu gi lo nyika bona a mbilu yinwe, a ku maha a kuleletela ka hosi ni ka tihosana hi ka mhaka ya ka Nungungulu.
- 13 Ni laho ku tsombana a banhu bo tala le Jerusalema a kuta hlayisa a mubuzo wa zibaba zi nga hiko na comelo hi ka hweti ya wumbiri, wu wa hi muklangano wa hombe nguvu.
- 14 Na bona ba lo suka ba lo teka a maalati laya ma nga wa hi le Jerusalema, ni a maalati ya tibani ba lo masusa bona, ba lo hoxa le xicongwanini Kidroni.
- 15 Zonake bona ba lo daya a pasika hi kume ni mune masiku ya hweti ya wumbiri; a bapristi ni ba ka Levi ba wa hi ni tingana, ba lo basisa a wutsumbu gabye, na ba lo neha a minyikelo ya kuhiswa ka yindlu ya ka Jehova.
- 16 Na bona ba lo yima lomo wutsanweni gabye a nzako ta tixaxa tabye, kukotisa hi nawo wa Mosi a munhu wa ka Nungungulu: ni bapristi ba lo nwatsekela a ukata lowo ba wu kumileko hi canja ga ba ka Levi.
- 17 Hakuba laho ku wa hi kona banyingi le hlengeletanweni labo ba nga wa nga basisangiko a wutsumbu gabye: hikwalaho a ba ka Levi ba wa hi ni wa kudayela a pasika ka bonklelele labo ba nga wa kala ba nga hlazekangi, a ku basisa a wutsumbu gabye ka Jehova.
- 18 Hakuba a xidlemo xa banhu, bona banyingi ba ka Efraime na Manasa, Zebuluni na Isakare, ba wa nga ba sisangi a wutsumbu gabye, kasike bona ba wa kuga a pasika loku zi ngatitina ku nga hi lezi zi tsalilweko. Hakuba Hezekia i wa kombelele bona, aku, Jehova wa kususeka ribalele bonklelele babye.
- 19 Labo ba yimisileko a mbilu yabye a ku hlota Nungungulu, Jehova, a Nungungulu wa badadani ba yena, hambuloko a nga hlazekangi kukotisa hi ka kubasisa ka yindlu ya kubasa.
- 20 Na Jehova i lo ingisa ka Hezekia, i lo neuma a banhu.
- 21 Ni banana ba ka Israeli labo ba nga wa hi kona leyo Jerusalema ba lo hlayisa a mubuzo wa zibaba zi nga comelwangiko nklanu ni mambiri masiku zinwe hi tsakisiso wu kulisi-

lweko; a ba ka Levi ni bapristi ba lo dumisa Jehova a masiku ni masiku, ba lo yimbelela hi wucenje ga hombe a ka Jehova.

22 Na Hezekia i lo wulawula wunene ka bonkle ba ka Levi labo ba nga wa hi ni kupimisisa kwatsanyana hi nkozo ya ka Jehova. Zingaho bona ba loga ka wonkle a mubuzo nklanu ni mambiri masiku, ba wa nyikela a mipahlelo ya minyikelo ya kurula, na ba maha a wuleliso ka Jehova, a Nungungulu wa badadani babye.

23 Ni gotsobanyano wonkle wu lo maha a xikungo a ku hlayisa a mawani a nklanu ni mambiri a masiku; na bona ba lo hlayisa a mawani nklanu ni mambiri a masiku hi tsakisiso.

24 Na Hezekia a hosi ya ka Juda i lo nyika ka gotsobanyano a minyikelo ya kume ga mazana ya tihonwana ni nklaunu ni mimbiri a kume ga mazana tiyivi; ni tihosana ti lo nyika ka gotsobanyano a kume ga mazana a tihonwana ni kume ga kume ga mazana tiyivu: ni tsengo wa hombe wa bapristi wu lo basisa a wutsumbu ga wona.

25 Ni wonkle a gotsobanyano wa ka Juda, zinwe ni bapristi ni ba ka Levi, ni wonkle a gotsobanyano lowo wu nga wa tile wu huma ka Israeli, ni tinzhubeti leto ti nga wa tile ti huma le tikweni ga ka Israeli, ni labo ba nga wa akile le Juda, ba lo tsakiswa.

26 Zingaho laho ku wa hi kona kutsaka ka kombe lomo Jerusalema; hakuba cima ka masiku ya ka Solomoni a nisananyana wa ka Davida a hosi ya ka Israeli laho ku wa nga hi kona ko fanana ni lezo le Jerusalema.

27 Zonake a bapristi ni ba ka Levi ba lo suka ba katekisa a banhu: ni magezu ya/ye ma wa lo zwala, ni mukombelo ya/ye wu lo kanziya hehla wutsawweni ga kubasa, kona le tiweni.

XIPIMO 31.

1 Makunu laha zonkle lezi zi nga wa mbetekile, bonkle ba ka Israeli labo ba nga wa hi kona ba lo huma baya mitini ya ka Juda ba lo ya tsoba a fufanyi a timbinga, ba lo tsema Axerima, ba kungumulela a wutsamo gi Alakukileko ni maalati ka gonkle a tiko ga ka Juda na Benjami-

ni, ni na Efraime kambe na Manasa, na bona ba wa lobisile zona zonkle. Zonake bonkle a banana ba ka Israeli ba lo klela, bonklelele banhu ba tsomba ya yenawu, le mutini wa bona benyi.

2 Na Hezekia i lo xaxame a tixaxa ta bapristi ni ba ka Levi a nzako ka mizlawwa ya/ye, bonklelele ba banuna kukotisa hi nkozo ya yena, bona bapristi ni ba ka Levi, akuba hi minyikelo ya kuhiswa ni minyikelo ya kurula, a kukozele, ni kunyika kubonga, ni kudumisa le nyangweni ya wugobelo ga ka Jehova.

3 Na yena kambe i lo hlawula a xiabelo xa hosi xa uhunzu ya minyikelo ya kuhiswa, a kuba wumboni, akuba minyikelo kuhiswa ya mixo ni ya gambo, ni minyikelo ya kuhiswa ya masabado, ni ya tihweti tiswa, ni ya mibuzo yi misilweko, kwatsi hilezi ku tsallilweko lomo bukweni ga ka Jehova.

4 Klatakumbiri yena i lo leletela a banhu labo ba akileko lomu Jerusalema a ku nyika a xiabelo xa bapristi ni ba ka Levi kasi bona ba fela ku nyikela a wutsumbu gabye ka nayo wa ka Jehova.

5 Kwatsi hi xikanzakanya xa lezi a kuleletela ku nga wa te gafe, a banana ba ka Israeli ba lo nyika na yi tele a mihanzo yo ranga ya mabele, a waini giswa, ni mafura, ni wulombe, ni wonkle a pfuno wa lomo masiwini; ni ka kume ka zonkle zilo ba lo neha bona hi kutalisilweko.

6 Ni banana ba ka Israeli na Juda, labo ba akileko lomo mitini ya Juda, bonawu kambe ba lo nyika a ka wukume ka tikabi ni tiyivu, ni ka wukume ka zilo zi nyikelelisilweko lezo zi nyikelelisilweko ka Jehova a Nungungulu wa/ye, ba lo beketelela zona hi tinhulu.

7 Hi ka hweti ya wunharu bona ba lo sangula a kubeketelela a xiseketelo tinhulu, ba lo mbeta zona hi hweti ya nklaunu ni timbiri.

8 Ni laha Hezekia ni tihozana ba nga wa tile a kuta wona a tinhulu, ba lo katekisa Jehova, ni banhu ba yena Israeli.

9 Zonake Hezekia i lo wutisa a bapristi ni ba ka Levi hi xungetano zinwe hi tinhulu.

10 Na Azaria a mupristi wa hombe wa yindlu ya ka Zadoke, i lo hlamlula

yena i te ngalo, Cima a banhu ba nga sangula a ku neha a zinyikiwo sa yindlu ya ka Jehova, hina hi gile hi enelisiwe, hi siyile ku teleko: hakuba Jehova i katekisile a banhu ba yena; ni lezo zi seleko zi bingere-telwe ka hombe.

11 Zonake Hezekia i lo lelela a ku longisela a tindlu lomo ndlwini ya ka Jehova; na bona ba lo longisela to-na;

12 Na bona ba lo neha a zinyikiwo ni ka wukume ni zilo zi nyikelelisilweko hi kukolekisilweko. Ni hehla ka zona Konania a mu Levi i wa wumbelwe akuba mufule, na Ximei a makabye wa yena a wa wumbiri;

13 Na Jehieli, na Azazia, na Nahate, na Asaheli, na Jerimote, na Jozabada, na Eliela, na Ismacia, na Mahate, na Benaia, ba wa wumbelwe le hehla ka wu woneleli lahasi ka canja ga Konania na Ximei a makabye wa yena, hi kuhlawula ka Hezekia a hosi, na Azaria a mufumeli wa yindlu ya ka Nungungulu.

14 Na Kora a nisanyana wa ka Imna a mu Levi, a murinzeli wa nyangwa ya mutsuwukagambo, i wa wumbelwe hehla ka minyikelo ya liranzo la matsenya ya ka Jehova, a kuabela a zinyikiwo sa ka Jehova, a zilo zi hunzeleleko kubasa.

15 Ni lahasi ka yena ku wa hi Edeni, na Miniamini, na Jexua, na Xemaia, na Amaria, na Xekania, lomu mitini ya bapristi, ni lomo zikundleni sa kutsumbya kabye, a ku nyika ka bamakabye babye hi tixaxa, kwatsi hi ka ba hombe ni ka ba tsongwani:

16 Hi lahandle ka bona laho ku wa timulilwe hi kuklatametana kabye ka bamatsune, kusukela ka ba malembe manharu a wukale ku komama le hehla, ni bonklelele labo ba engena-ko lomo ndlwini ya ka Jehova, kwatsi hilezi a tiro wa masiku wonklelele wu labekako, a nkozi zikundleni zabye kukotisa miklawa yabye.

17 Na bona labo ba timulweko hi wuzukulu ga bapristi hi tindlu ta badadani babye, ni ba ka Levi ba sukela hi ka makume mambiri ya malembe kukomama le hehla, hi ka zikundla zabye hi ka miklawa yabye;

18 Na bona labo ba timulweko hi wuzukulwana ga bonkle laba ba tsongwanyani babye, ni basati babye, ni barisanyana babye, ni banhanya-

na babye, ka wonkle a klangano: hakuba a ka zikundla sa ku tsumbya kabye bona ba lo basisa a wutsumbu gabye ka basisiselo.

19 Hi ka barisanyana ba ka Aroni a mupristi, labo ba nga wa hi lomo mikuhwini ya mazunze ya miti yabye, lomo mitini yonklelele, leyo ku wa hi kona a ba banuna laba ba kumbukilweko hi mabito yabye, a ku nyika a xiabelo ka bamatsune xikari ka bapristi, ni ka bonkle labo ba timulweko hi wuzukulu ga ba ka Levi.

20 Zakungahi Hezekia i lo maha ka gonkle Juda; na yena i lo maha lezo zi sasekileko zi longamileko zi kolekileko mahlweni ka Jehova a Nungungulu wa yena.

21 Ni wonklelele a tiro lowo yena a nga wa sangulile lomo ndlwini ya nkozi ya yindlu ya ka Nungungulu, ni le naweni, ni le mileletelweni, a ku hlota a Nungungulu wa yena, yena i lo maha hi mbilu ya yena yonkle, i lo vuvumiswa.

XIPIMO 32.

1 A nzako ka lezi zilo, ni leyo a kolokelisiso, Sennakeribe a hosi ya le Asiria i lota, i lota engena Juda, i lota goba a vukela a miti yi gingisilweko, i lolwa a ku teka yona a kuba ya wutsumbu ga yena.

2 Ni laha Hezekia a nga wa wonkle lezaku Sennakeribe i wa tile, ni lezaku i xubile a kulwa ni Jerusalema,

8 Yena i lo tsema a xikungo zinwe ni tihosana ni ba banuna ba yena ba tinhenha a ku beleta a mati ya tihlowo leti ti nga wa hi lahandle ka muti; na bona ba lo vundetela yena.

4 Zingaho ni laho ku wa hi kona a tsombano wa banhu banyingi katiginwe, na bona ba lo beletela tonkle a tihlowo, ni congwana lowo wu kulungelako wutsemakanya xikari ka tiko, baku, Hiyini a hosi ya le Asiria yi ta nga ta, ti kuma a mati yo tala ke?

5 Na yena i lo teka a kutitiyiseta, i lo aka lonkle a ligingisi lolo li nga wa tsobylwe lahasi, i lo klakusa lona a ku maha a makokola, ni lizwani a ligingisi la lahandle, i lo tiyiseta a Millo lomo mutini wa Davida, i lo maha a maklari ni ziklangu za talisiso.

6 Na yena i lo yimisa a tinduna ta

- impi behla ka banhu, i lo tsomba-nyisa bona katiginwe ka yena lomo wutsanweni gi te ku fenemete kuta le nyangweni ya muti, i lo wulawula hi kutangalisilweko ka bona, aku,
- 7 Tiyisetani mu nga be na nkinunki-nu, mu nga be mu cabako a hosi ya le Asiria, ge hambu ka xonkle a xidlemo lexo xi nga zinwe na yena; hakuba laho i kona a wa hombe zinwe na hina a kuhunza loye a nga zinwe na yena.
- 8 Xinwe na yena a woko ga nyama; kanilezi zinwe na hina Jehova a Nungungulu wa hina a ku vuna hina, ni kulwa a impi ya hina. Ni banhu ba lo humula ka wutsumbu gabye ka timhaka ta Hezekia a hosi ya ka Juda.
- 9 A nzako ka lezi Sennakeribe a hosi ya le Asiria i lo rumela a malanza ya yena le Jerusalema (makunu yena i wa hi mahlweni ka Lakixe, ni wonkle a ntamo wa yena zinwe na yena), Hezekia a hosi ya ka Juda, ni ka wonkle Juda loye a nga wa hi le Jerusalema, baku,
- 10 Zakungahi a wulako Sennakeribe a hosi ya le Asiria, Hikwihi laho nwina mu tsumbako kona, lezi nwina mu tiyisako a ligingisi la le Jerusalema ke?
- 11 A hi yena Hezekia a kucetelako nwina ke, a ku nyika nwina a kufa hi ndlala ni tora, aku, Jehova a Nungungulu wa hina i ta hi klaklisa hina hi huma le canjeni ga hosi ya le Asiria ke?
- 12 A hi yena ywaloyi Hezekia a wutsamo gi klakukileko ni maalati ya yena, i lo leletela a Juda ni Jerusalema, aku, Nwina mu ta kozela mahlweni ka alati giawe, ni behla ka gona nwina mu ta hisa tibani ke?
- 13 A mu zi tibi lezaku za kuyini nzi zi mahileko mina ni badadani ba mina hi mahileko ka banhu bonkle ba matiko ke? Kasi a banungungulu ba mifumo ya matiko ni ka baha bati-bisisako ba zi kotile a ku klaklisa yabye ma huma lomu canjeni ga mina ke?
- 14 Ho wihi laho a xikari ka banungungulu bonkle ba leyo mifumo leyi a badadani ba mina ba yi lobisileko hi kuhihiritisileko, labo ba nga wa ta nga ba kotile a ku klaklisa a banhu babye canjeni ga mina, lezaku a Nungungulu wa nwina i wa ta nga a zi kota a klaklisa nwina mu huma canjeni ga mina ke?
- 15 Makunu hikwalaho nga Hezekia a nga be a kohlisako nwina, ge hambu ni kukongotela nwina hi lolo a lixaka, ge mu nga kolwi yena nwina, hakuba a ku kona a nungungulu wa gihi tiko kutani wa wihi a mufumo loye a zi kotako a klaklisa a banhu ba yena lomo canjeni ga mina, ni le ku huma lo canjeni ga badadani ba mina: mbutsongo ga ku yini go kala Nungungulu a klaklisa nwina mu huma canjeni ga mina ke?
- 16 Ni malanza yena ma lo wulawula ma engeta kambe a ku vukela Jehova Nungungulu, ni ku vukela a nanza ga yena Hezekia.
- 17 I lo tsala mapapilo kambe, ku rukutela Jehova, a Nungungulu wa ka Israeli, ni ku wulawula a vuka yena, aku, Kwatsi hi banungungulu ba mifumo ya matiko, labo ba nga wa nga klaklisangiko a banhu babye canjeni ga mina, zingaho ni Nungungulu wa ka Hezekia a nga ta klaklisa banhu ba yena lomo canjeni ga mina.
- 18 Na bona ba lo kanyuluka hi gezu ga huwa hi lirimu la xi Juda ka banhu ba le Jerusalema labo ba nga wa hi le ligingisini, a kudzukisa bona, ni ku karata bona; kasi bona ba fela ku teka a muti.
- 19 Na bona ba lo wulawula hi Nungungulu wa le Jerusalema, kwatsi banungungulu ba misaba, labo ba nga wa tiro wa mandla ya banhu.
- 20 Na Hezekia a hosi, na Isaya a muprofeti a nisan'wana wa ka Amosi, ba lo kombela hi kota ya lexi, ba lo bitana le tilweni.
- 21 Na Jehova i lo rumela a ngelosi, yi lo tsema bonkle a ba banuna ba tihnenha ta kulwa, ni tinduna ta barangeli, ni wugobelo ga hosi ya le Asiria. Zingaho yena i lo klela hi tingana nghoheni ka tiko ga yena. Ni laha yena a nga wa tile le ndlwi-ni ya nungungulu wa yena, labo ba nga wa humele hi le marumbyini ya wutsumbu ga yena ba lo klabo yena leyo hi supado.
- 22 Zakungahi Jehova i hanyisa a Hezekia ni banhu ba le Jerusalema le canjeni ga Sennakeribe a hosi ya le Asiria, ni le canjeni ga bonkle banwani, ba lo vikela bona ka wonkle-lele marche.

- 23 Ni banyingi ba lo neha a nzhubo ka Jehova le Jerusalema, ni zilo za malongo ka Hezekia a hosi ya ka Juda; zingaho yena i wa klakusilwe ka yonkle a mifumo kusukela lezo.
- 24 A ka lawo masiku Hezekia i wa babya hambu kona kufa: na yena i lo kombela ka Jehova; na yena i lo wulawula ka yena, i lo nyika yena a xiwoniso.
- 25 Kanilezi Hezekia i wa nga ha mahangngi kambe kwatsi hi sigelo lezi zi nga wa nyikilwe ka yena; hakuba a mbilu ya yena yi wa klakusilwe: hikwalaho laho ku wa hi kona a zanga hehla ka yena, ni hehla ka Juda ni Jerusalema.
- 26 Ahembalokohe Hezekia i lo koramisa a wutsumbu ga yena hi ka matsanza ya mbilu ya yena, bonkle yena ni baakileko ba le Jerusalema, zingaho lezo a zanga ya Jehova a yi tangi hehla ka bona hi ka masiku ya ka Hezekia.
- 27 Na Hezekia i wa hunzelele nguvu kufuma ni kudzunziwa: na yena i lo ti akela a mabako ya siliva ni ya nzalama, ni ya maribye ya malongo, ni ya mipepo, ni zihlangu, ni ya zibye zi sasekisisilweko;
- 28 Ni tindlu ta kubingeretelela kambe hi pfunisiso wa mabele ni waini giswa ni mafura; ni maranga ya tixaka tonkle ta zihari, ni miklambi ni makamaka.
- 29 Klatakumbiri yena i lo ti akela a miti, ni mifumo ya miklambi ni maranga ya tihomu hi zi wa hi makamaka; hakuba Nungungulu i wa nyikile a tson'la yo tala nguvu.
- 30 Ywaloyi Hezekia hi yena a nga wa kawulisile a tihlowo ta le hehla ta mati ya le Gihoni, i lo neha wona ma tsonometa ma relela mata hi le muhlwagambo ka muti wa Davida. Na Hezekia i wa vuvumile ka yonkle a mitiro ya yena.
- 31 Ahemba hi ka tiro wa mitsukano ya tihosana ta le Babuloni, labo ba nga wa runele a ka yena a ku ta wutisa hi zihlamaliso lezo zi nga wa mahilwe lomo tikweni, Nungungulu i lo siya yena, a ku ringa yena, kasi yena wa fela a kutiba zonkle lezo zi nga wa hi lomo mbilwini ya yena.
- 32 Makunu zonkle a zimaho za ka Hezekia, ni zimaho za yena zo saseka, languta, zona zi tsalilwe lomo wonisweni wa Isaya a muprofeti a nisa-

nyana wa Amosi, lo bukweni ga tihosi ta ka Juda ni ta ka Israeli.

- 33 Na Hezekia i lo eklela zinwe ni badadani ba yena, na yena ba lo mu nkelela ka lowu wa kukanziya a nkelela wa barisanyana ba ka Davida: wonkle Juda ni banhu ba Jerusalema ba lo maha yena a kudzunziwa le kufeni ka yena. Na Manasa a nisananyana wa yena i lo fuma xikundleni xa yena.

XIPIMO 33.

- 1 Na Manasa i wa hi kume ni mambiri a malembe laha yena a nga wa sangule a kufuma; na yena i lo fuma a nklanu wa makume ni nklanu malembe le Jerusalema.
- 2 Na yena i lo maha lezo zi bihileko kuwoneni ka Jehova, a nzako ka manyalataniso ya matiko lawo Jehova a ma hlolongileko mahlweni ka banana ba ka Israeli.
- 3 Hakuba yena i lo aka kambe a wutsamo gi klakukileko lego Hezekia a dadani wa yena a nga wa kungumulele; na yena i aka a alati ga Baalina, i lo maha Axerote, i lo kozela wonkle a mabandla ya le tilweni, i lo duhisa wona.
- 4 Na yena i lo aka a maalati lomo ndlwini ya ka Jehova, leyo Jehova a te ku ngalo, Lomu Jerusalema ku taba kona a bito ga mina kala kupinzuka.
- 5 Yena i lo aka a maalati ya wonkle mabandla ya tilo lomo tihubiyeni timbiri ta yindlu ya ka Jehova.
- 6 Yenawu kambe i lo maha a banana ba yena a ku hunza ba tsemakanya a nzilo le minzelelweni ya nisananyana wa Hinnome; yena i lo maha nyamusolo, yena i lo tirisa a wutumbe, a tirisa kuvumba, i lo klangana na bona labo mimoya ya mandiki, zinwe ni baloyi: yena i lo maha kubiha ka hombe kuwoneni ka Jehova, a kuvunjukelisa yena a zangara.
- 7 Na yena i lo yimisa a xifananiso xi baklilweko xa vule, lexo yena a mahileko, lomo ndlwini ya ka Nungungulu, a ka xihi Nungungulu a te ku ngalo ka Davida na Solomoni a nisananyana wa yena. Nzeni ka leyi yindlu, ni lomu Jerusalema, legi mina nzi gi hlawulileko a ka tonkle a tixaka ta ka Israeli, mina nzi ta beka a bito ga mina kala kupinzuka:
- 8 Cima nzi nga ta ha susa a ukonzo

kambe wa ka Israeli wu suka lomu tikweni legi mina nzi lungeleko a badadani *nwina*, ntsena loku bona ba nga ta hlalisa a zonke lezo mina nzi leleteleko bona, yona milawo ni milayelo ni miyimiso yi nyikilweko ha Mosi.

- 9 Na Manasa i lo hlohlotella Juda ni baakileko ba le Jerusalema, zingaho lezo bona ba lo maha kubuha ba engetela kuhunza a matiko lawo Jehova a nga wa ma lobisile hi mahlweni ka banana ba ka Israeli.
- 10 Na Jehova i lo wulawula ka Manasa, ni ka banhu ba yena; kanilezi a ba celangi kota.
- 11 Ngahilezo Jehova i lo neha hehle ka bona a tinduna ta mabandla ya le hosi ya le Asiria, loye a nga wa tekile Manasa hi mangenje, i lo boha yena hi tisinga, i lo yisa yena le Babuloni.
- 12 Ni laha yena a nga wa hi lomo tikuruxwini, yena i lo hlota Jehova a Nungungulu wa yena, i lo karamisa a wutsumbu ga yena hi kukulisilweko ka Jehova a Nungungulu wa badadani ba yena.
- 13 Na yena i lo kombela ka yena, na yena i wa lo hawukelwa ha yena, na yena i lozwa a mikonglelo ya yena, na a lo neha yena kambe le Jerusalema mufuzweni wa yena. Zonake Manasa i wa lo tiba lezaku Jehova i wa hi Nungungulu.
- 14 Makunu a nzako ka lezi yena i lo aka a ligingisi la lahandle ka muti wa ka Davida hi kelelo ga muhlwa-gambo ga le Gihoni, le minzelelweni, kona le wuengenweni ga nyangwa ya zinlwuani; na yena i lo renzelekela a Ofeli ha lona, i lo klakusa lona kuya le hehla nguvu: na yena i lo beka a tinduna ta wurena ka yonke a miti yi gingisilweko ya ka Juda.
- 15 Na yena i lo susa a banungungulu ba matiko, ni zifananiso zi ka lomo ntlwini ya ka Jehova, ni maalati wonke lawo a nga wa ma akile a zi tsunzulu lomo ntlwini ya ka Jehova, ni lomo Jerusalema, i lo boxa wona lahandle ka muti.
- 16 Na yena i lo aka a alati ga ka Jehova, i lo nyikela hehla ka gona a mipahlelo ya minyikelo ya kurula ni ya ku nyika kubonga, i lo leletela Juda ku kozela Jehova, a Nungungulu wa ba Israeli.
- 17 Ahembalokoke a banhu ba simamile

a ku pahlela ka wutsamo gi klakukileko, kanilezi ntsena ka Jehova a Nungungulu wabye.

- 18 Makunu zonke zimaho za ka Manasa, ni mukombelo wa yena ka Nungungulu wa yena, ni timhaka ta bawoni leto ba nga wa wulawulile ka yena le bitweni ga ka Jehova, a Nungungulu wa ka Israeli, languta, kona ku tsalilwe xikari ka zimaho za tihosi ta ka Israeli.
- 19 Ni mukombelo wa yena kambe, ni lezaku Nungungulu i hawukelisile ku yini ha yena, ni zonke zionho za yena ni zi hambunyetso za yena, ni wutsamo lego yena a akileko a wutsamo gi klakukileko, i lo yimisa Axerima ni zifananiso zi bakililweko, hi mahlweni na a nga seku koramisa a wutsumbu ga yena, languta, zona zi tsalilwe lomo timhakeni ta Hozai.
- 20 Zingaho Manasa i lo eklela sinwe ni badadani ba yena, na bona ba nkelela yena lomo ntlwini ya yena *nwinyi*: na Amoni a nisanyana wa yena i lo fuma xikundleni xa yena.
- 21 Na Amoni i wa hi ni makume mambiri ni mambiri a malembe a wukale laha yena a nga wa sangule a kufuma: na yena i lo fuma malembe mambiri le Jerusalema.
- 22 Na yena i lo maha lezo zi bihileko kuwoneni ka Jehova, kwatsi hilezi a mahileko Manasa a dadani wa yena; na Amoni i lo pahlela ka zonke a zifananiso zi bakililweko lezo a dadani wa yena Manasa a nga wa zi mahile, i lo kozela zona.
- 23 Na yena i wa nga koramisangi a wutsumbu ga yena mahlweni ka Jehova, kwatsi hilezi Manasa a dadani wa yena a nga wa ti koramisile; kanilezi ywaloyi Amoni i lo hambunyetso kambe ni kambe.
- 24 Ni malanza ya yena ma lo maha gujegu je ma vukela yena, ba lo daya yena lomo ntlwini ya yena *nwinyi*.
- 25 Kanilezi a banhu ba tiko ba lo daya bonke ba nga wa hi ni gujegu je ba vukela Amoni a hosi; ni banhu ba tiko ba lo maha Josia a nisanyana wa yena a hosi lomo xikundleni xa yena.

XIPIMO 34.

- 1 Na Josia i wa hi ntlanu ni manharu malembe laha yena a nga wa sangule a ku fuma; yena i lo fuma

- makume manharu ni ginwe malembe le Jerusalema.
- 2 Na yena i lo maha lezi zi sasekileko mahlweni ka Jehova, i lo famba tindleni ta Davida a dadani wa yena, i wa nga hambukangi khlweni hi ka ga xinene canja na hi ka ga xibaba.
- 3 Hakuba hi ka nklanu ni manharu malembe ya kufuma ka yena, laho yena a nga wa ha hi muswa, yena i lo sangula a ku hlota Nungungulu wa Davida a dadani wa yena; ni ka makume mambiri a malembe yena i lo sangula ku basisa Juda ni Jerusalema ba suka le wutsanweni gi klakukileko, na Axerima, ni le mifananisweni yi baklilweko, ni le mifananisweni yi nyekisilweko.
- 4 Na bona ba lo tsobeletela a maalati ya ka Baalima kubakoneni ka yena; ni mifananiso ya gambo leyo yi nga wa klakukile hehla ku hunza yona yena i lo tsema; na Axerima, ni mifananiso yi baklilweko, ni mifananiso yi nyekisilweko, yena i lo kemelela yona fufanyi, i lo maha tsutsungwani ha yona, i lo tsutsuxela kona le zilahleni za labo ba ngwa pahlele ka zona.
- 5 Na yena i lo hisa a marambu ya bapristi hehla ka maalati, ya bona i lo basisa Juda ni Jerusalema.
- 6 Zingaho i lo maha yena lo mitini ya ka, Manasa na Efraime na Simeoni, na kona le Naftali, lomo marumbini yabye mahahlukileko.
- 7 Na yena i lo kungumulela a maalati, i lo klomba Axerima ni mifananiso yi baklilweko a zikenwana, i lo tsemelela a mifananiso ya gambo ka gonkle a tiko ga ka Israeli, na a lo klelela le Jerusalema.
- 8 Makunu a kume ni nklanu ni manharu malembe ya kufuma ka yena laha yena, a nga wa basisile a tiko ni yindlu, yena i lo ruma Xafani a nisananya wa Azalia, na Maaseia a mufumeli wa muti, na Joa a nisananya wa Joahaza a mukumbuxeti, a ku akisa yindlu ya ka Jehova a Nungungulu wa yena.
- 9 Na bona ba lota ka Hilkia a mupristi wa hombe, ba lota nyikela a mali leyo yi nga wa nehilwe lomo ndlwini ya ka Nungungulu, leyo a ba ka Levi, a bahlayisi ba wuengeno, ba nga wa hlengeletele hi canja ga ka Manasa na Efraime, ni ka yonkle a misalela ya ka Israeli, ni wonkle Juda na Benjamini, ni ka baakileko ba le Jerusalema.
- 10 Na bona ba lo nyikela yona le canjeni ga ba banuna ba tirako labo ba wumbelweko hehla ka wuwoneli ga yindlu ya ka Jehova; ni ba banuna ba mitiro labo ba titako a yindlu ya ka Jehova ba lo nyika yona a kuakisa a baki ba yindlu.
- 11 Kona ka bameseri ni baaki ba lo nyika bona yona, a ku xaba a maribye ma baklilweko, ni tisinya to klabiketela, ni ku maha a zipimbisi za tindlu lezo a tihosi ta ka Israeli ti nga wa zi lobisile.
- 12 Ni ba banuna ba lo maha a tiro hi kukolekisisilweko; ni ba woneleli ba bona ba wa hi Jahate na Obadia, a ba ka Levi, ba barisanyana ba ka Merari; na Zakaria na Mexullamu, ba barisanyana ba ka Kohate, a ku wu fambisa mahlweni; ni banwan ba ka Levi, bonkle labo ba nga wa klarihisilwe hi wucenje ga kuvuma.
- 13 Bonawu kambe ba wa wumbelwe hehla ka bamirwalo, ba komama mahlweni bonkle labo ba nga wa tira tonklelele a tixaka ta mitiro ya nkozo; ni ba ka Levi laho ku wa ni batsali, ni tinduna, ni barinzeli ba tinyangwa.
- 14 Ni laha bona ba nga wa nehile lahandle a mali leyo yi nga wa nehilwe lomo ndlwini ya ka Jehova, Hilkia a mupristi i lo tumba a baku ga nawo wa ka Jehova wu nyikilweko ha Mosi.
- 15 Na Hilkia i hlamula i te ngalo ka Xafani a mutsali, Mina nzi tumbile a buku ga nayo lomo ndlwini ya ka Jehova. Na Hilkia i lo nyikela a buku canjeni ga Xafani.
- 16 Na Xafani lo rwala a buku a gi yisa ka hosi, klatakumbiri i lo neha a mhaka kambe ka hasi, aku, Zonkle lezo zi bekilweko ka malanza ya wena, bona ba zi maha.
- 17 Na bona ba culule a mali leyo yi kumiwako lomo ndlwini ya ka Jehova, ba nyikele yona canjeni ga bawoneleli, ni le canjeni ga ba banuna ba mitiro.
- 18 Na Xafani a mutsali i lo byela a hosi, aku, Hilkia a mupristi i nyikile ka mina a buku. Na Xafani i lo gonza ka gona mahlweni ka hosi.
- 19 Na ku mahisile lezo ni laha a

- hosi a nga wa zwile a timhaka ta nawo lezo i lo hanzula atinguwo ta yena.
- 20 Ni hosi yi lo leletela Hilkia, na Ahikamu a nisanyana wa Xafani, na Abdoni a nisanyana wa Mika, na Xafani a mutsali, na Asaya a nanza ga hosi, aku,
- 21 Fambani *nwina*, mu ya wutisa ka Jehova ha mina, na ha bona labo ba siyilweko lomo ka Israeli na ka Juda, hi xungetano ni timhaka ta buku lego gi tumbilweko; hakuba nja hombea zanga ya ka Jehova leyo yi ta cululelwa hehla ka hina, hakuba a badadani ba hina ba wa nga yi hlayisangi a mhaka ya ka Jehova, a ku maha hi ka zonkle lezo zi tsalilweko ka legi buku.
- 22 Zingaho Hilkia, zinwe na bona labo a hosi yi leleteleko, ba loya ka Hulda a muprofeti wa wasati, a sati wa Xalluma a nisanyana wa Tokhate, a nisanyana Hasra, a muhlayisi wa tinguwo (makunu yena i wa akile le Jerusalema hi xipanze xa wumbiri); na bona ba lo wulawula ka yena hi lolo lirini.
- 23 Na yena i te ngalo ka bona, Zukungahi a wulako Jehova, a Nungungulu wa ka Israeli: Byelani *nwina* a munhu loye a rumileko *nwina* ka mina,
- 24 Zukungahi a wulako Jehova, Languta, mina nzi neha a kubiha hehla ka legi a wutsamu, ni hehla ka banhu ba kona, tona tonkle tixaxa ta kuxanisa leto titalilweko lomo bukwini lego ba gi gonzileko mahlweni ka hosi ya ka Juda.
- 25 Hakuba bona ba tsikile mina, ba hisile a tibani ka bazwani banungungulu, kasi bona ba fela ku vunjula mina nzi zangara hi yonkle a mitiro ya man/la yabye; hikwalaho a zanga ya mina yi halakele hehla ka legi wutsamo, yona yi nga ta time-lwa.
- 26 Kanilezi a ka hosi ya ka Juda, loye a rumeleko *nwina* a ku ta wutisa ha Jehova, zukungahi *nwina* mu tanga wula ka yena, Zukungahi a wulako Jehova, a Nungungulu wa ka Israeli: kwatsi hi kumbuka a timhaka leti wena u ti zwileko,
- 27 Hakuba a mbilu ya wena yi olobanileko, na wena u koramisile a wutsumbu ga wena mahlweni ka Nungungulu, laha na wena na u zwile a
- mhaka ya yena yi vukelako legi a wutsamo ni kuvukela a banhu ba kona, u koramisile a wutsumbu ga wena mahlweni ka mina, na u hanzule a tinguwo ta wena, u lo rila mahlweni ka mina; minawu kambe nzi zwile wena, ku wula Jehova.
- 28 Languta, mina nzi ta petsela wena ka badadani ba wena, na wena u ta petselwa lomo nkeleni wa wena hi kurula, ge hambu a mahlo ya wena ma nga ta ku wona a kubiha loku nzi ta nga ku neha ka legi a wutsamo, ni hehla ka baakileko ba kona. Na bona ba lo klela ba neha a mha-ka ka hosi.
- 29 Zonake a hosi yi lo rumela yi tsombanyisa katiginwe wonkle a masingalakati ya ka Juda ni Jerusalema.
- 30 Ni hosi yi lo kanziya le *nɔlwini* ya ka Jehova, ni bonkle banhu ba ka Juda ni baakileko ba le Jerusalema, ni bapristi, ni ba ka Levi, ni bonkle banhu, bonkle ba hombe ni batsongwani: yena i lo gonza lomo tindlebeni tabye tonkle a timhaka ta buku ga xivumelwano xa buku lego gi nga wa tumbilwe lomo *nɔlwini* ya ka Jehova.
- 31 Ni hosi yo lo yima wutsanweni gayona, i lo maha a xivumelwano mahlweni ka Jehova, a ku famba le nzako ka Jehova, ni ku hlayisa a kuleletela ka yena, ni wukustumunyelolo ga yena, ni milayelo ya yena, zinwe hi mbilu yonkle ya yena, ni muhefemulo wonkle wa yena, a ku maha a timhaka ta xivumelwano leto ti tsalilweko lomo bukwini.
- 32 Na yena i lo maha bonkle labo ba kumilweko le Jerusalema ni Benjamin a ku yima hi ka xona, ni banhu ba le Jerusalema ba lo maha kukotisa hi ka xivumelwano xa ka Nungungulu, a Nungungulu wa badadani babye.
- 33 Na Josia i lo susa wonkle a manyalatanisiso ya wonkle matiko lawo ma longolokako ma hi ya lomo tikweni ga banana ba ka Israeli, i lo maha zonkle lezo zi kumiwako lomo ka Israeli a ku kozela, kona a kukozela Jehova a Nungungulu wabye. Wonkle a masiku ga yena bona a sukangi ku lanzeleni Jehova, a Nungungulu wa badadani babye.

XIPIMO 35.

- 1 Na Josia i lo hlayisa a pasika ka Jehova le Jerusalema: na bona ba lo klabo a pasika hi ka kume ni mune a masiku ya hweti yo ranga.
- 2 Na yena i lo xaxameta a bapristi zikundleni zabye, i lo tiyiseta bona ka nkozo ya yindlu ya ka Jehova.
- 3 Na yena i te ngalo ka ba ka Levi labo ba gonzisako wonkle Israeli, labo ba nga wa basile ka Jehova, Engenisani a arke lo basa lomo ndlwini leyo Solomonu a nisanyana wa ka Davida a hosi ya ka Israeli a nga wa akile; laho ku nga ta kuba kona kambe a nzwalo lehla ka makakla ya nwina. Makunu kozelani Jehova a Nungungulu wa nwina, ni munhu wa yena Israeli;
- 4 Longisani a wutsumbu ga nwina a nzako ka tindlu ta badadani ba nwi-na hi tixaxa ta nwina, kukotisa hi ka kutsala ka Davida a hosi ya ka Israeli, ni kukotisa hi ka kutsala ka Solomonu a nisanyana wa yena.
- 5 Ni ku yima lomo wutsanweni ga ku basa kukotisa hi kuabanyisela ka tindlu ta badadani ba bamakabye ba nwina a banana ba banhu, nga laho ka nwenklelele ku hi kona a xiabelo xa tindlu ta badadani ba ka Levi.
- 6 Ni daya a pasika, ni basisa a wutsumbu ga nwina, ni ku longiselela a bamakabye ba nwina, a ku maha kukotisa hi ka mbaka ya ka la Mosi.
- 7 Na Josia i lo nyika ka banana ba banhu, ka klambi, a tiivana ni zimbutana, bonkle ba bona akuba za minyikelo ya pasika, a ka bonkle labo ba nga wa hi kona, ku wa hi tsengo wa makume manharu a kume ha mazana, ni manharu a kume ha mazana ya tihonwana: lezi ku wa hi a nhunzu ya hosi.
- 8 Ni tihosana ta yena ti lo nyika a munyikelo wa karanza ka matse-nya a ka banhu, a ka bapristi, ni ba ka Levi. Hilkia na Zakaria na Jehieli, a bafumeli ba yindlu ya ka Nungungulu, ba lo nyika ka bapristi akuba a minyikelo ya pasika mambiri a kume ga mazana ni nklanu ni giawe a mazana ya tihomu leti tsongwani, ni mazana manharu tikabi.
- 9 Konania kambe, na Xemaia na Netaneli, a makabye wa yena, na Haxabia na Jeieli na Jozabada, a tihosi ta ka Levi, ba lo nyika ka ba Levi,

- akuba za minyikelo ya pasika nklanu wa kume ga mazana a tihomu leti tsongwani, ni nklanu wana mazana a tikabe.
- 10 Zingaho a nkozo yi wa longiselelwe, ni bapristi ba lo yima lomo wutsanweni gabye ni ba ka Levi hi tixaxa tabye, kukotisa hi kuleletela ka hosi.
- 11 Na bona ba lo klabo a pasika, ni bapristi ba lo nwatsekela a nkata lowo bona ba wu amukeleko hi canja gabye, ni ba ka Levi ba lo sumbululela tona.
- 12 Na bona ba lo susa a minyikelo ya kuhiswa, kasi ba fela a ku nyika yona kukotisa kuabanyiselela ka tindlu ta badadani ba banana ba banhu, a ku nyikela ka Jehova, kwatsi hilezi ku tsalilweko bukwinu ga Mosi. Zingaho ba lo maha bona hi tikabi.
- 13 Na bona ba lo oca a pasika hi nzilo kukotisa hi ka xilayelo: ni minyikelo yi basileko yi lo bikiwa hi timbita, ni timbitana, ni mapani, ba lo rwala hi ku haklisa ka bonkle a banana ba banhu.
- 14 Ni nzako ka lezo ba lo longiselela a wutsumbu gabye, ni bapristi, haku-ba a bapristi a banana ba ka Aroni ba wa tira a ku nyikela a minyikelo ya kuhiswa ni mafura kala wusikwini: hikwalaho a ba ka Levi ba lo longiselela a wutsumbu gabye, ni bapristi a barisanyana ba ka Aroni.
- 15 Ni bayimbeleli a barisanyana ba ka Asafa ba wa hi wutsanweni gabye, kukotisa hi kuleletela ka Davida, Asafa, na Hemani, na Jedutuni a muwoni wa hosi; ni barinzeli batinyangwa ba wa hi tityangweni tonkle: bona ba wa nga labeki akuba ba suka laho nkozweni yabye; hakuba a bamakabye babye ba ka Levi ba wa longisele bona.
- 16 Zingaho yonkle a nkozo ya ka Jehova yi lo longiselwa gwalego siku a ku hlayisa a pasika, a ku nyikela a munyikelo wa kuhiswa alatini ya Jehova, kukotisa hi kuleletela ka hosi Josia.
- 17 Ni bana ba ka Israeli labo ba nga wa hi kona ba lo hlayisa a pasika ka lezo zikati, ni mubuzo wa zibaba zi nga comelwangiko nklanu ni mambiri a masiku.
- 18 Ni laho ku wa nga hi na pasika ga kota lego gi nga wa hlayisilwe lomo

ka Israeli kusukela masikwini ya ka Samueli a muprofeti; ge hambu munwe wa tihosi ta ka Israeli a hlalileko a pasika ga ku ngaho kwatsi hilezi Josia a nga wa gi hlalile, ni bapristi, ni ba ka Levi, ni bonkle ba ka Juda ni ba ka Israeli labo ba nga wa hi kona, ni banhu ba le Jerusalem.

19 A ka kume ni nkhanu ni manharu a lembe ga ku fuma ka Josia a pasika gi wa hlalile.

20 Ni nzako ka zonkle lezi, ni laha Josia a nga wa longisile a tempele, Neko a hosi ya le Gipite i lo kanziya a ku yalwa Carxemixe hi le Eufate: na Josia i lo huma lahandle a ya vukela.

21 Kanilezi yena i lo rumela a mitsukano ka yena, aku, Zakuyini mina nzi ta nga maha na wena, hosi ya ka Juda ke? mina a nziti ku vukela wena legi siku, kanilezi a ku vukela a yindlu leyi mina nzi nga ni impi na yona; na Nungungulu i leletele mina a ku maha xihakla: tsika wena a hlamelana zinwe na Nungungulu, loye a nga zinwe na mina, kasi yena wa kala a ku lobila wena.

22 Ahembalokoke Josia i wa nga a nga hunzuluki a nghohe ya yena ka yena, kanilezi i wa hlomile a wutsumbu ga yena, kasi wa fela akulwa zinwe na yena, i wa nga zwangi ka timbaka ta Neko hi le nozwini wa ka Nungungulu, i lota ku talwa le mikobenl ya le Megiddo.

23 Ni ba mawura ba lo fula le ka hosi Josia; ni hosi yi te ngalo ka milanza yakwe, Nzi fambiseni; hakuba mina nzi kubazilwe nguvu.

24 Zingaho a malanza ya yena ba lo humesa yena lomo kareteni, ba lo bekela yena lomo ka kareta yo gamela leyo a nga wa hi nayo, ba lo neha yena le Jerusalem; na yena i lofa, na yena i lo nkelelwa lomo nkeleni wa badadani ba yena. Gonkle Juda ni Jerusalem ba rilela Josia.

25 Na Jeremiah i lo rilela Josia, ni bonkle ba banuna ba bayimbelel ni ba basati ba bayimbelel ba wa ku wulawula ha Josia kurileni ka/ye kala legi siku; na bona ba lo maha ka bona a xilayelo ka Israeli: ni, languta, kona ku tsalilwe mikosini.

26 Makunu zonkle a zimaho za ka Josia, ni zimaho za yena zo saseka kukoti.

sa hi ka zonkle lezo zi tsalilweko lomo naweni wa ka Jehova,

27 Ni zimaho za yena, zo rangula ni zo gumesa, languta, zona zi tsalilwe lomo bukwinl ga tihosi ta ka Israeli na Juda.

XIPIMO 36.

1 Zonake a banhu ba tiko ba lo teka Jehoahaza a nisanyana wa ka Josia ba lo maha yena a hosi lomo xikundleni xa dadani wa yena le Jerusalem.

2 Joahaza i wa hi ni makume mambiri ni manharu a malembe a wukale laha yena a nga wa sangule a kufuma; yena i lo fuma tihwetl tinharu lomo Jerusalem.

3 Ni hosi ya le Gipite i lo susa yena le Jerusalem, i lo kupisa a tiko i zana ga titalenta ta siliva ni talenta ya nzalama.

4 Ni hosi ya le Gipite yi lo maha Eliakimu a maka/ye wa yena a hosi hehla ka Juda ni Jerusalem, i lo hunzulusa a bito gakwe ka Jehoiaakimu. Na Neko i lo teka Jehoahaza a maka/ye wa yena, i lo gula yena a ya le Gipite.

5 Jehoiaakimu i wa hi makume mambiri ni nkhanu malembe laha yena a nga wa sangule a kufuma; na yena i lo fuma kume ni ginwe a malembe le Jerusalem: na yena i lo maha lezo zi bihileko kuwoneni ka Jehova a Nungungulu wa yena.

6 A kulwa na yena ku lota Nebukadnezzare a hosi ya le Babuloni, i lo boha yena hi tisinga, i lo koma yena i lo mu yisa le Babuloni.

7 Nebukadnezzare i lo rwala kambe a zibya za yindlu ya ka Jehova a zi yisa le Babuloni, i loya beka zona lomo tempeleni ya yena le Babuloni.

8 Makunu zonkle a zimaho za ka Jehoiaakimu, ni mapyalatanisiso laya yena a mahileko, ni lezo zi nga wa kumilwe ka yena, languta, zona zi tsalilwe lomo bukwinl ga tihosi ta ka Israeli: na Juda na Jehoiaakima a nisanyana wa yena i lo fuma lomo xikundleni xa yena.

9 Jehoiakima i wa hi ni nkhanu ni manharu malembe laha yena a nga wa sangule a kufuma; yena i lo fuma tihwetl tinharu ni kume ga masiku le Jerusalem: na yena i lo maha lezo zi bihileko kuwoneni ka ka Jehova.

- 10 Ni ka laha ku renzelekeni ka lembe a hosi Nebukadnezzare i lo rumela, i lo neha yena le Babuloni ziwwe ni zibya zi sasekisisilweko za yindlu ya ka Jehova, i lo maha Zedekia a nisananyana makabye wa yena a hosi hehla ka Juda ni Jerusalema.
- 11 Zedekia i wa hi makume mambiri ni giawe lembe laha yena a nga wa sangule a ku fuma; na yena i lo fuma kume ni giawe malembe le Jerusalema:
- 12 Na yena i lo maha lezo zi bihileko kuwoneni ka Jehova a Nungungulu wa yena; yena i wa nga koramisangia wutsumbu ga yena mahlweni ka Jeremia a muprofeti a wulawulako hi le nonwini wa Jehova.
- 13 Na yenawu kambe i lo hlubuka a vukela a hosi Nebukadnezzare, loye a mahileko yena a hlambanya ha Nungungulu: kanilezi yena i lo nonohisa a nhamo ya yena, i lo sihalalisa a mbilu ya yena a vukela a kuhunzuluka ka Jehova, a Nungungulu wa ka Israeli.
- 14 Klatakumbiri tonkle a tihosana ta bapristi, ni banhu, ba lo hambunye-ta hi kukulisilweko nguvu a nzako ka wonkle a manyalataniso ya matico, na bona ba lo nyenyezisa a yindlu ya ka Jehova leyo yena a yi hlawulileko lomo Jerusalema.
- 15 Na Jehova, a Nungungulu wa badadani babye, i lo rumela ka bona hi mitsumi ya yena, i vuxela bona na ba ha rumela, hakuba yena a nga wa hi ni hawukeliso hi banhu ba yena, ni lomo wutsanweni ga kuaka ka yena:
- 16 Kanilezi bona ba zinyala a mitsumi ya ka Nungungulu, ba lo tseketsela a timbaka ta yena, ba lo kiyala a ka baprofeti ba yena, kala a zanga ya ka Jehova yi lo suka yi vukela banhu, kala laho ku nga hi kona a ku nyenyetelwa.
- 17 Hikwalaho yena i lo neha hehla ka bona a hosi ya ma Kaldea, loye a nga wa dela a majaha yabye hi supado lomo ndlwini yo basa yabye, ba wa nga ni kuhawukela a majaha ge hambu ni mibulwa, a banhu ba kale ni zikosana za wuvu: yena i lo nyikela bona canjeni ga yena.
- 18 Ni zonkle a zibya za yindlu ya ka Jehova, a za hombe ni zi tsongwani, ni mabako ya yindlu ya ka Jehova, ni mabako ya yindlu ya ka hosi, ni tihosana ta yena, zonkle lezi yena i lo zi neha le Babuloni.
- 19 Ilo hisa a yindlu ya ka Nungungulu, i lo kungumula a ligingisi la le Jerusalema, i lo hisa zonkle a zilubelo za kona hi nzilo, i lo lobisa zonkle a zibya zi sasekisisilweko za kona.
- 20 Na bona labo ba ponileko le supadweni yena i lo ba gola baya le Babuloni; bona ba wa hi malanza ya yena ni ya nisananyana wa yena kala a ku fuma ka mufumo wa Persia:
- 21 A ku tatisa a mhaka ya ka Jehova hi nomu wa Jeremia, kala a tiko gi tsaka hi masabado ya gona: hakuba kwatsi hi xonkle xikati lexo gona gi tsamileko na gi marumbi gona gi hlalaya a marumbi, a ku tatisa a nkalanu ni mambiri makume malembe.
- 22 Makunu hi lembe ga kuranga ga Kurusi a hosi ya le Persia, kasi a mhaka ya Jehova hi nomu wa Jeremia kasi ya fela ku mbetiseka, na Jehova i lo vuxu a moya wa Kurusi a hosi ya le Persia, zingaho lezo yena i lo maha kubiwahungo ka wonkle a mufumo, na a lo beka kona kambe kutsalweni, aku,
- 23 Zakungahia a wulako Kurusi a hosi ya le Persia, Yonkle a mufumo ya misaba nja Jehova, a Nungungulu wa tilo, yi nyikilwe ka mina; na yena i layile mina a ku akela yena a yindlu le Jerusalema, lego gi nga Juda. Kanihiwihi laho a nga xikari ka zwina wa bonkle banhu ba ka yena, Jehova a Nungungulu wa yena a abe ziwwe na yena, ni ku maha a kanziya aya.

E Z R A.

XIPIMO 1.

- 1 Makunu hi lembe go ranga ga Kurusi a hosi ya le Persia, lezaku a mhaka ya ka Jehova hi nomu wa Jeremia yi fela ku mbetiseka. Jehova i vuxa a moya wa Kurusi a hosi ya le Persia, Zingaho lezo yena i lo maha kubiwahungu gi tsemakanya ka wona wonkle a mufumo wa yena, i lo beka kona kutsalweni kambe, aku,
- 2 Zakungahi a wulako Kurusi a hosi ya le Persia, Yonkle a mufumo ya misaba Jehova, a Nungungulu wa tilweni, i nyikile mina; yena i leletele mina a ku akela yena yindlu le Jerusalema, lego gi le Juda.
- 3 Kani ngwakuyini a nga xikari ka nwina a nga kona ka bonkle banhu ba ka kabye, a Nungungulu wa yena a be zinwe na yena, na nga yena a kanziya le Jerusalema, lego gi nga le Juda, a kuya aka a yindlu ya ka Jehova, a Nungungulu wa ka Israeli (yena nzi Nungungulu), loye a nga le Jerusalema.
- 4 Kani ngwakuyini a siyilweko, ni ka gihi a wutsamo laho yena a nga nzubeti, nga a banhu ba wutsamo ga ka kabye ba vuna yena hi ni siliya, ni nzalama, ni nhunzu, ni zihari, hi lahandle ka munyikelo wa kuranza ka matsenya akuba za yindlu ya ka Jehova leyo yi nga le Jerusalema.
- 5 Zona ku lo suka a tihloko ta tindlu ta badadani ba ka Juda na Benjimini, ni bapristi, ni ba ka Levi, bona labo Jehova a vuxileko a bona a ku kanziya ba ya aka a yindlu ya ka Jehova leyo yi nga le Jerusalema.
- 6 Na bona bonkle labo ba nga wa ba ranzele bona, ba lo tiyiseta a canja hi zibya za siliya, ni za nzalama, zinwe ni nhunzu, zinwe ni zihari, zinwe ni zibya za malongo, hi lahandle ka lezo zi nga wa nyikelwe hi kuvumelelisilweko.
- 7 Kambe Kurusi a hosi i lo neha a zibya za yindlu ya ka Jehova, lezo Nebukadnezzare a nga wa zi nehile

hi le Jerusalema, i wa lo zi beka lomo ndlwini ba nungungulu babye;

- 8 Na zona lezo Kurusi a hosi ya le Persia i lo zi neha hi canja ga Mitredate a mukomi wa bako, i lo hlalaya zona ka Xexbazzare, a hosana ya ka Juda.
- 9 Ni lowu hi tsengo wa zona: makume manharu ya zibya za nzalama, i kume ga mazana a zibya za siliya, makume mambiri ni nklanu ni mune a mikombe.
- 10 Makume manharu a magombe ya nzalama, ni magombe ya lixaxa la wumbiri mune wa mazana ni kume, ni zinwani zibya i kume ga mazana.
- 11 Ni zonkle a zibya za nzalama ni za siliya i nklanu wa kume ga mazana ni mune wa mazana, zonkle lezi i lo zi neha Xexbazzare, laha bona a bakunwo ba nga wa nehile hi le Babuloni ba ta leno Jerusalema.

XIPIMO 2.

- 1 Makunu laba hi banana ba tiko, labo ba nga wa kanziyile baya ba bakonwi labo ba nga wa golilwe, labo Nebukadnezzare a hosi ya le Babuloni ba nga wa konilwe ba yisawa le Babuloni, ni labo ba lo klelela le Jerusalema ni le Juda, bonklelele ka muti wa ka kabye;
- 2 Labo ba nga wa wuyile la Zerubabeli, Jexua, na Nehemia, na Seraia, Reelaia, Mordekai, Bilxani, Mispare, Bigvai, Rehuma, Baana.
A tsengo wa ba banuna ba banhu ba ka Israeli:
- 3 A banana ba ka Paroxa, mambiri a kume ga mazana ni sana giawe ni nklanu ni mambiri a makume ni mambiri.
- 4 A banana ba ka Xefatia, mazana manharu ni nklanu wa makume ni mambiri.
- 5 A banana ba ka Ara, i nklanu ni mambiri mazana ni nklanu ni mambiri makume ni nklanu.
- 6 A banana ba ka Pahat-moabi, a banana ba ka Jexua na Joabe, mambiri a kume ga mazana ni nklanu

- ni manharu mazana ni kume ni bambiri.
- 7 A banana ba ka Elami, kume ga mazana mambiri ni nklanu wa makume ni mune.
- 8 A banana ba ka Zattu, i nklanu ni mune mazana ni mune wa makume ni nklanu.
- 9 A banana ba ka Zakkai, i nklanu ni mambiri mazana ni nklanu ni ginwe.
- 10 A banana ba ka Bani, i nklanu ni ginwe mazana ni mune wa makume ni bambiri.
- 11 A banana ba ka Bebai, i nklanu ni ginwe mazana ni makume mambiri ni banharu.
- 12 A banana ba ka Azgade, i zana ni makume ni mazana mambiri ni makume mambiri ni bambiri.
- 13 A banana ba ka Adonikamu, i nklanu ni ginwe mazana ni nklanu ni munwe.
- 14 A banana ba ka Bigvai, mambiri kume ga mazana ni nklanu wa makume ni nklanu ni munwe.
- 15 A banana ba ka Adina, mune mazana ni nklanu wa makume ni mune.
- 16 A banana ba ka Atera, ba ka Hezekia, i nklanu ni mune makume ni nklanu ni manharu.
- 17 A banana ba ka Bezai, mazana manharu ni makume mambiri ni banharu.
- 18 A banana ba ka Jora, i zana ni kume ni bambiri.
- 19 A banana ba ka Haxuma, mazana mambiri ni makume na banharu.
- 20 A banana ba ka Gibbare, i nklanu ni mune makume ni nklanu.
- 21 A banana ba ka Betlehema, i zana ni makume mambiri ni banharu.
- 22 A ba banuna ba ka Netofa, i nklanu wa makume ni nklanu ni munwe.
- 23 A ba banuna ba ka Anatote, i zana ni makume mambiri ni nklanu ni banharu.
- 24 A banana ba ka Azmavete, mune makume ni bambiri.
- 25 A banana ba ka Kiriat-arimu, Xesira, na Beerote, i nklanu ni mambiri mazana ni mune wa makume ni banharu.
- 26 A banana ba ka Rama na Geba, i nklanu ni ginwe mazana ni munwe.
- 27 A ba banuna ba ka Micmase, i zana ni makume mambiri ni bambiri.
- 28 A ba banuna ba ka Beteli ni Ai, mazana mambiri na makume mambiri ni banharu.
- 29 A banana ba ka Nebo, i nklanu wa makume ni bambiri.
- 30 A banana ba ka Magbixa, i zana ni nklanu wa makume ni nklanu ni munwe.
- 31 A banana ba munwani Elami, i kume ga mazana ni mazana mambiri ni nklanu wa makume ni mune.
- 32 A banana ba ka Harima, mazana manharu ni makume mambiri.
- 33 A banana ba ka Loda, Hadida, na Ono, i nklanu ni mambiri mazana ni makume mambiri ni nklanu.
- 34 A banana ba ka Jeriko, manharu mazana manharu ni mune makume ni nklanu.
- 35 A banana ba ka Senaa, manharu kume ga mazana ni nklanu ni ginwe mazana ni makume manharu.
- 36 A bapristi : a banana ba ka Jedai, ba yindlu ya ka Jexua, i nklanu ni mune mazana ni nklanu ni mambiri makume ni banharu.
- 37 A banana ba ka Immera, i kume ga mazana ni nklanu wa makume ni banharu.
- 38 A banana ba ka Paxhura, i kume ga mazana ni mazana mambiri ni mune wa makume ni nklanu ni bambiri.
- 39 A banana ba ka Harima, i kume ga mazani ni kume ni nklanu ni bambiri.
- 40 A ba ka Levi : a banana ba ka Jexua na Kadmieli, ba banana ba ka Hodavia, i nklanu ni mambiri makume ni bane.
- 41 A bayimbeleli : a banana ba ka Asafa, i zana ni makume mambiri ni nklanu ni banharu.
- 42 A banana ba barinzeleli ba tinyangwa : a banana ba ka Xalluma, ni banana ba ka Atera, a banana ba ka Talmoni, a banana ba ka Akkuba, a banana ba ka Hatita, a banana ba ka Xobai, ka bonkle i zana ni makume manhari ni nklanu ni mune.
- 43 A ba ka Netinime : a banana ba ka Ziha, a banana ba ka Hasufa, a banana ba ka Taboate,
- 44 A banana ba ka Kerosi, a banana ba ka Siaha, a banana ba ka Padoni,
- 45 A banana ba ka Lebana, a banana ba ka Hagaba, a banana ba ka Akkuba,
- 46 A banana ba ka Hagaba, a banana ba ka Xamlai, a banana ba ka Hanana,
- 47 A banana ba ka Giddeli, a banana ba ka Gahara, a banana ba ka Reaia,
- 48 A banana ba ka Rezini, a banana ba ka Nekoda, a banana ba ka Gazzama,

- 49 A banana ba ka Uzza, a banana ba ka Pasea, a banana ba ka Besai,
 50 A banana ba ka Asna, a banana ba ka Meunime, a banana ba ka Nefisima,
 51 A banana ba ka Bakbuke, a banana ba ka Hakufa, a banana ba ka Harhure,
 52 A banana ba ka Bazlute, a banana ba ka Mehida, a banana ba ka Harxa,
 53 A banana ba ka Barkosi, a banana ba ka Sisera, a banana ba ka Tema,
 54 A banana ba ka Nezia, a banana ba ka Hatifa.
 55 A banana ba malanza ya ka Solomoni : A banana ba ka Sotai, a banana ba ka Hassofarete, a banana ba ka Peruda,
 56 A banana ba ka Jaalaa, a banana ba ka Darkoni, a banana ba ka Giddeh,
 57 A banana ba ka Xafatia, a banana ba ka Hattili, a banana ba ka Poce-ret-hazzebaime, a banana ba ka Ami,
 58 Bonkle ba ka Netinime, ni banana ba malanza ya ka Solomoni, ba wa hi mazana manharu ni nklanu ni mune a makume ni bambiri.
 59 Ni laba hi bona laba ba nga wa humela baya hi Tel-mela, Tel-harxa, Cerube, Addani, ni Immera ; na bona ba wa nga ba nga kombangi a tindlu ta badadani babye, ni mbewu yabye, kutani bona mbambewu ya ka Israeli :
 60 A banana ba ka Delaia, a banana ba ka Tobia, a banana ba ka Nekoda, i nklanu ni ginwe a mazana ni bambiri.
 61 Ni ka banana ba bapristi : a banana ba ka Habaia, a banana ba ka Hakkoza, a banana ba ka Barzillai, loye a nga wa tekile a wasati ka banha-nyana ba ka Barzillai a mu Gileade, na a wa lo culwa le nzako ka bito gabye.
 62 Laba ba lo hlota a tsungwa xikari ka lobo ba nga wa timulwe hi wuzukulu, kanilezi bona ba wa nga kuzwangi : hikwalaho bona ba wa nga celilwa caka, lo humeswa le wupristini.
 63 Ni mufumeli i te ngalo ka bona, lezaku bona ba wa nga ta nga бага a zilo zi hunzeleleko kubasa, kala laho ku yima a mupristi zinwe na Uri-ma na zinwe na Tumima.
 64 A hlengeletano wonkle katiginwe wu wa hi mune wa makume ni bambiri a kume ga mazana ni mazana manharu ni nklanu ni ginwe makume.
 65 Hi lahandle ka malanza yabye ya xinuna ni malanza yabye ya xisati, a bahi ba nga wa hi nklanu ni mambiri a kume ga mazana ni mazana manharu ni makume manharu ni nkla-nu ni bambiri : na bona ba wa hi ni mazana mambiri ya ba banuna ba ku yimbelela ni ba basati ba kuyimbelela.
 66 Ni mahaxi yabye ma wa hi nkla-nu ni mambiri mazana ni makume manharu ni nklanu ni ginwe ; a maesela yabye, mazana mambiri nu mune wa makume ni nklanu.
 67 A makameli yabye, mune wa mazana ni makume manharu ni nklanu ; ni timbongola tabye, nklanu ni ginwe a kume ga mazana ni nklanu ni mambiri a mazana ni makume mambiri.
 68 Ni banwani ba tihloko ta tindlu ta badadani, ni laha ba nga wa tile le ndlwini ya ka Jehova leyo yi nga wa hi le Jerusalema, ba lo nyikela hi koranza hakuba hi yindlu ya ka Nungungulu a ku yimisa yona laho wutsanweni ga yona :
 69 Bona ba lo nyika kwatsi hi ntamo wabye lomo bakweni ga tiro i zana ni nklanu ni ginwe makume ni kume ginwe ya kume ga mazana a maderiki ya nzalama, ni nklanu wa kume ga mazana a ziringaniso za siliva, ni zana ga tinganju ta bapristi.
 70 Zingaho a bapristi, ni ba ka Levi, ni banwani ba banhu, ni bayimbeleli, ni barinzeli ba tinyangwa, ni ba Netinime, ba lo tsama lomo mitini yabye, ni bonkle ba ka Israeli lomo mitini yabye.

XIPIMO 3.

- 1 Ni laha nklanu ni timbiri a tihweti ti nga wa tile, ni banana ba ka Israeli ba wa hi lomo mitini, ni ba lo tsombanyisa a wutsumbu gabye katiginwe kwatsi munhu munwe le Jerusalema.
- 2 Zonake ku lo yima Jexua a nisanyana wa Jozadake, ni bamakabye a bapristi, na Zerubabeli a nisanyana wa Xeateali, ni bamakabye, ba lo aka a alati ga Nungungulu wa ka

- Israeli, a ku nyikela a munyikelo wa kuhiswa behla ka gona, kwatsi hilezi ku tsalilweko bukwinini ga Mosi a munhu wa Nungungulu.
- 3 Na bona bo yimisa a alati hehla ka xiseketelo; hakuba a kucaba ku wa hi hehla ka bona hi kota ya banhu ba matiko: na bona ba lo nyikela a minyikelo ya kuhiswa ka Jehova hehla ka gona, wona munyikelo a mixo ni gambo.
- 4 Na bona ba lo hlalisa a mubuzo wa matabernakele, kwatsi hilezi ku tsalilweko, ba lo nyikela a minyikelo ya masiku hi masiku hi zigaba, kukotisa hi xixaxameto, kwatsi hilezi a tiro wa masiku wu wonklelele wu labekako;
- 5 A nzako ka lezo a munyikelo wa kuhiswa wu simamisileko, ni minyikelo ya tihweti tiswa, ni yonkle a mibuzo yi yimisilweko ya ka Jehova leyo yi nga wa nyikelelisilwe, ni ya bonklelelelabo ba nga wa nyikela hi kuranzekisilweko ba lo nyikela a munyikelo wa kuranza ka matse-nya ka Jehova.
- 6 Kusukela a sikwini go ranga ga hweti ya wunklanu ni timbiri ba lo sangula bona a ku nyikela a minyikelo ya kuhiswa ka Jehova: kanilezi a xiseketelo xa yindlu ya ka Jehova xi wa nga seku bekelwa.
- 7 Ba lo nyika a mali kambe ka babaluli, ni ka bameseri; ni kuga, ni kuzwa, ni mafura, ka bona ba le Sidoni, ni ka bona ba le Tire, a ku neha a tisinya ta sedare hi le Lebanona a kuta bimbini, le Joppa, kukotisa hi kuvumela loku ba nga wa hi nako ka Kurusi a hosi ya le Persia.
- 8 Makunu hi ka lembe ga wumbiri ga kuta kabye le ndlwini ya ka Nungungulu le Jerusalema, a ka hweti ya wumbiri, i lo sangula Zerubabeli a nisanyana wa Xealteali, na Jexua a nisanyana wa Jozadake, ni bonkle bamakabye ba yena a bapristi ni ba ka Levi, ni bonkle labo ba nga wa humele bata hi le kukonweni ba tileko Jerusalema, na ba lo hlawula a ba ka Levi, kusukela ka ba inakume mambiri malembe a wukale ku komama le hehla, a ku wumbelwa hehla ka wuwoneleli ga yindlu ya ka Jehova.
- 9 Zonake ku lo yima Jexua zinwe ni barisanyana ba yena ni bamakabye

- ba yena, Kadmieli ni barisanyana ba yena, a barisanyana ba ka Juda, katiginwe, a ku wumbelwa hehla ka wuwoneleli hehla ka ba banuna ba mitiro lomu ndlwini ya ka Nungungulu: a banana ba ka Henadade, zinwe ni barisanyana babye ni bamakabye a ba ka Levi.
- 10 Ni laha a baaki ba klatekile a xiseketelo xa tempele ya ka Jehova, bona ba lo yimisa a bapristi na ba ambele a tinguwo tabye zinwe ni mipunzu, a ba ka Levi a barisanyana ba ka Asafa zinwe ni tingomana, a kudumisa Jehova, a nzako ka xixaxameto za ka Davida a hosi ya ka Israeli.
- 11 Bona ba lo yimbelela a muzwe ni muzwani hi ka kudumisa ni ku nyika kubonga a ka Jehova, baku, Hakuba yena hi kusasa, hakuba a kuranzakawunene ga yena ku simamisile kala kupinzuka ngomama na Israeli. Ni banhu bonkle ba lo kanyuluka hi guwa ga hombe, laha bona ba nga wa dumisa Jehova, hakuba a xiseketelo xa yindlu ya ka Jehova xi wa bekilwe.
- 12 Kanilezi banyingi ba bapristi ni ba ka Levi ni tihloko ta tindlu ta tindlu ta badadani, a banhu ba kale labo ba nga wa wonile a yindlu ya kuran-gula, laha a xiseketelo xa yindlu xi nga wa klatekilwe mahlweni ka mahlo yabye, ba lo rila hi magezu ya hombe; ni banyingi ba lo kanyuluka hi guwa hi litsako:
- 13 Zingaho lezo a banhu a wa nga ba nga zi koti ku hambanyisa a guwa ga kukanyuluka hi kutsaka ni guwa ga kukanyuluka hi kurila ka banhu: hakuba a banhu ba wa ku kanyuluka hi guwa ga hombe, ni guwa gi wa zwilwe kule.

XIPIMO 4.

- 1 Makunu laha a balala ba ka Juda na Benjaminini ba zwile lezaku a banana ba kukonwa ba wa aka a tempele ka Jehova, a Nungungulu wa ka Israeli;
- 2 Zonake bona ba lo tsinela ku suhani ka Zerubabeli, ni ka tihloko ta tindlu ta badadani, na ba te ngalo ka bona, Nga hina hi aka zinwe na zwina; hakuba hina ba hlota a Nungungulu wa zwina, kwatsi hilezi zwina mu mahako; na hina hi pahlela ka yena cima ka siku ga Esar-haddoni

- a hosi ya le Asiria, loye a nehileko hina leno.
- 3 Kanilezi Zerubabeli, na Jexua, ni tonkle a tihloko ta tindlu ta badadani ba ka Israeli, ba te ngalo ka bona, Nwina a mu na ncumo zinwe na hina a kuaka a yindlu ka Nungungulu wa hina; kanilezi a wutsumbu ga hina katiginwe hi ta aka ka Jehova, a Nungungulu wa ka Israeli, kwatsi hilezi Kurusi a hosi ya le Persia a leleteleko hina.
- 4 Zonake a banhu ba tiko ba lo lolo-hisa a mandla ya banhu ba ka Juda, ba lo karatela bona kuakeni.
- 5 Ba lo rihela a xikungo xo vukela bona, a kuvinyetela a kuxuba ka-bye, wonkle masiku ya Kurusi a hosi ya le Persia, ku kala kufumeni ka Dariusi a hosi ya le Persia.
- 6 Ni le kufumeni ka Ahasuerusi, le kusanguleni ka kufuma ka yena, ba lo tsala bona a gujegu a ku vukela a baakileko ba Juda ni Jerusalema.
- 7 Ni le masikwini ya Artaxerxes i lo tsala Bishlamu, Mitredate, Ta-beeli, ni bonkle bangana ba yena, ka Artaxerxes a hosi ya le Persia; ni kutsala ka papilo ku wa tsalilwe hi lirimi la ma Asiria, gi wa rumelwa hi lirimi la ma Asiria.
- 8 Rehuma a wa xikungo na Ximxai a mutsali i lo tsala a papilo a vukela a Jerusalema ka Artaxerxes a hosi hi zilo zo kota lolo lixaka:
- 9 Zonake i lo tsala Rehuma a wa xikungo, na Ximxai a wa mutsali, ni bonkle ba lexo xingana, a ma Dinate, ni ma Afarsateite, ni ma Tarpe-lite, ni ma Afarsite, ni ma Arcebite, ni ma Babuloni a ma Xuxankite, a ma Debate, a ma Elamite,
- 10 Ni yonkle a mifumo leyo a wa hombe ni a dzunzekako Osnappera i lo neha leno, i lo ba beka le mutini wa le Samaria, ni ka yonkle a miti ya klatuko wa Congo, na zi wa ngaho.
- 11 Loku ku susilwe laho papilweni lego gi nga wa rumelwe ka Artaxerxes a hosi: A malanza ya wena a banhu klatukweni wa Congo, na ziwangaho.
- 12 Nga loku kutibyekiswa ka hosi, lezaku a ba Juda labo ba kanziyileko bata hi le ka wena ba tile ka hina leno Jerusalema; bona ba aka muti wa kuhubuka ni wa kubiha, na bona ba mbetile a tigingisi, ba akisile a xiseketelo.
- 13 Nga kona ku tibyekiswa makunu ka hosi, lezaku loku lowu a muti wu akilwe, ni ligingisi li mbetekile, bona ba nga ta luba a nzhubo, ni kupo, ni hlengo, hi kugumelwa kona ku taba libengo la hombe ka tihosi.
- 14 Makunu hakuba hina hi gako a munyu wa xilubelo, kona a hi kusasa ka hina a kuwona labo ba nga dzungiko a hosi, hikwalaho hina hi rumele a ku tibisa a hosi;
- 15 Lezaku a kuhlola nga ku mahiwa lomo bukwini ga ku kumbuxeta ga dadani wa wena; zingaho wena u ta kuma lomo bukwini ga ku kumbuxeta, u ta zi tiba lezaku lowu a muti hi muti wa kuhlubuka, ngwa libengo ka tihosi ni mifumo, ni lezaku bona ba tatisilwe hi kuhlubuka ka walowu xikatini xa kaleloko; haku-ba hi ka lexi xigelo lowu a muti wu hohlolokile.
- 16 Hina ha tibekisa ka hosi lezaku, loku lowu a muti wu akiwa, ni ligingisi li mbetekisilwe, hi ka lezi wena u nga ta kuba na xiabelo klatukweni wa Congo.
- 17 Zonake i lo rumela a hosi a hlama ka Rehuma a wa xikungo, ni ka Ximxai a mutsali, ni ka bonkle bangana ba yena, labo bonkle ba akileko lomo Samaria, ni ka gonkle a tiko klatukweni wa Congo: A kurula, ni za kungaho.
- 18 A papilo lego nwina mu rumeleko ka hina gi gonzilwe hi kudlunyati-lweko mahlweni ka hina.
- 19 Na mina nzi bilehungu, ni kuhlola ku wa mahilwe, kona ku kumilwe lezaku lowu a muti a xikatini xa kaleloko wu wa mahile a kuhlubuka wu vukela a tihosi, ni lezaku a hlu-bukisiso ni vilinganya kona ku wa mahilwe kona.
- 20 Laho kambe ku wa hi kona a tihosi ta wunhenha hehla ka Jerusalema, leto ti nga wa fumele gonkle a tiko klatukweni wa Congo; a nzhubo, kupo, ni hlengo, ku wa rihelwa ka bona.
- 21 Mahani nwina makunu a kubahungu a ku maha laba banhu ba kawula, ni lezaku lowu a muti wu nga akiwi, kala a kubiwahungu ku mahiwa ha mina.
- 22 A'larihani lezaku nwina mu nga ru-

mukelwi hi kona laho : hi yini a kuhahluka ku ta nga kula ku lamata a tihosi ke ?

- 23 Zonake laha a timhaka ta papilo ga hosi Artaxerxes gi wa lo gonzwa mahlweni ka Rehuma, na Ximxai a mutsali, ni ka bangana ba yena, bona ba lo famba hi xihakla la Jerusalema ka ba Juda, ba lo maha bona a ku kawula hi wurena ni ntamo.
- 24 Zonake ku lo kawula a tiro wa yindlu ya Nungungulu leyo ni nga le Jerusalema ; yona yi lo kawula kala a lembe ga wumbiri ga kufuma ka Dariusi a hosi ya le Persia.

XIPIMO 5.

- 1 Makunu a baprofeti, Haggai a muprofeti, na Zakaria a nisananya wa Iddo, ba lo profeta ka ba Juda labo ba nga wa hi le Juda ni Jerusalema ; a bitweni ga ka Nungungulu wa ka Israeli ba lo profeta bona ka bona.
- 2 Zonake ku lo suka Zerubabelli a nisananya wa Xeatleali na Jexua a nisananya wa Jozadake, ba lo sangula a ku aka a yindlu ya ka Nungungulu leyo yi nga wa hi le Jerusalema ; na zinwe nabo ni baprofeti ba ka Nungungulu, ba lo vundetela bona.
- 3 Ka xwalexo xikati ku lota ka bona Tattenai, a mufumeli klatukweni wa Congo, na Xetar-bozenai, ni bangana babye, ba lo wula zakungahi ka bona, Nzi mani a nyikileko nwina a hungu ga kuaka a yindlu, ni ku mbetisa lolu a ligingisi ke ?
- 4 Zonake hina hi lo byela bona a nzako ka laya mahungu, mbamani a mabito ya ba banuna laba ba akako leyi a yindlu.
- 5 Kanilezi a tihlo ga Nungungulu wabye gi wa hi hehla ka masingalakati ya ba Juda, na bona ba wa nga mahangi bona ku kawula, kala a mahungu ma lota ka Dariusi, na zonake a hlamlulo wu wa mahiwa hi papilo rungetano nayo.
- 6 A mahungu ya papilo lego Tattenai, a mufumeli klatukweni wa Congo, na Xetar-bozenai, ni bangana ba yena ma Afarsateite, labo ba nga wa hi klatukweni wa Congo, ba lo rumela ka Dariusi a hosi ;
- 7 Bona ba lo rumela a papilo ka yena, lego gi nga wa tsalilwe zakungahi : A ka Dariusi a hosi, konkle kurula.

- 8 Nga kona ku tibekiswa ka hosi, lezaku hina hi wa yile le tikweni ga ka Juda, a ka yindlu ya Nungungulu wa hombe, leyo yi akilweko hi maribye ya hombe, ni tisinya ti klatekilwe lomo tigingisini ; lowu a tiro wu famba hi tsonameto ni ku vuvuma lomo mandleni yabye.
- 9 Zonake hi lo wutisa hina ka lawo masingalakati, hi lo wula ka wona zakungahi, Nzi mani a nyikileko nwina a hungu a ku aka leyi a yindlu, ni ku mbetisa lolu a ligingisi ke ?
- 10 Hina hi lo wutisa bona a mabito yabye kambe, a ku tibekisa ka wena, kasi ba fela a ku tsala a mabito ya ba banuna labo ba nga tihloko.
- 11 Zakungahi bona ba kletisa a hlamlulo ka hina, baku, Hina hi malanza ya Nungungulu wa tilo ni misaba, hina hi aka a yindlu leyi yi nga wa akilwe a malembe yo tala ma hunzileko, leyi a tihosi ta hombe ta ka Israeli ti nga wa akile ti mbeta.
- 12 Kanilezi a nzako ka lezo a badadani ba hina ba lo vintlukisa a Nungungulu wa tilo kuzangareni, yena i lo nyika bona ka Nebukadnezare a hosi ya le Babuloni, a mu Kaldea, loye a nga wa lobisile leyi a yindlu, i lo koma banhu ba ya kule le Babuloni.
- 13 Kanilezi ka lembe ga kurangula ka Kurusi a hosi ya le Babuloni, Kurusi a hosi i lo lobahungu a ku aka leyi a yindlu ya Nungungulu.
- 14 Ni nzalama ni siliva ni zibya za yindlu ya ka Nungungulu, lezo Nebukadnezare a nga wa tekile le tempeleni leyo yi nga wa hi le Jerusalema, na a wa lo zi neha le tempeleni ya le Babuloni, lezo Kurusi i lo zi teka lomo tempeleni ya le Babuloni, na zona zi wa lo nyikiwa ka munwe loye a nga wa hi Xexbazzare, loye yena a nga wa mu mahile a mufumeli ;
- 15 Na yena i te ngulo ka yena, Teka lezi zibya, u famba, u ya beka zona lomo tempeleni leyi yi nga wa hi le Jerusalema, nga a yindlu ya yi akiwa wutsawweni ga yona.
- 16 Zonake ku lota ywaloye Xexbazzare, i lo beka a xiseketelo xa yindlu ya Nungungulu leyo yi nga le Jerusalema : kusukela lexo xikati kala makunu yona ya kari ya akiwa, kasike lezo yona a yi seku mbeteka.

- 17 Makunu hikwalaho, loku kona ku kwatsi kusasa ka hosi, nga laho ku hi kona kuhlolisisa lomo ndlwini ya bako ga hosi, leyo yi nga leyo Babuloni, kutani kona zi ngaho ke, lezaku a kubiwahungu ku wa mahilwe hi Kurusi a hosi a ku aka a yindlu leyi ya ka Nungungulu le Jerusalema; na nga a hosi yi rumela a kutsaka ka yona a xungetano zizwe leyi a mhaka.

XIIMO 6.

- 1 Zonake Dariusi a hosi i lo maha a kubiwahungu, ni kuhlolwa ku lo mahiwa lomo ndlwini ya mapapilo, laho a mabako ba nga wa bekilwe leyo Babuloni.
- 2 Ni laho ku wa kumilwe le Akemeta, le xilubelweni lexo xi nga wa hi tikweni ga le Media, ni kuhlayelwa, ni lahoke zakungali ku nga wa tsalilwe a kukumbuxeta:
- 3 A ka lembe ga kuranga ga hosi Kurusi, Kurusi a hosi i lo maha kubiwahungu: hi xungatano ni yindlu ya ka Nungungulu leyo yi nga le Jerusalema, nga a yindlu yi akiwa, a wutsamo lego bona ba nyikelako a mipahlelo, na nga a xiseketelo xa kona a xi be xi bekilweko hi kutiyisisilweko; a kuleha ka kona nklanu ni ginwe makume a mikono, ni a kuanama ka kona i nklanu ni ginwe makume a mikono;
- 4 Zizwe ni tixaxa tinharu ta maribye ya hombe, ni lixaxa la tisinya tiwa: ni mali nga yi nyikiwa hi lomo ndlwini ya hosi.
- 5 Na kambe nga a zibya za nzalama ni siliva yindlu ya ka Nungungulu, lezo Nebukadnezare a nga wa zi tekile a zi humesa lomo tempeleni leyo yi nga le Jerusalema, ni ku zi neha le Babuloni, a zi kletiswe, ni ku neliwa kambe le tempeleni leyo yi nga le Jerusalema, zonketelele ka wutsamo ga zona; wena u ta beka zona lomo ndlwini ya Nungungulu.
- 6 Makunu hikwalaho, Tattenai, a mufumeli klatukweni wa Congo, Xetar-bozenai, ni bangana ba zwina a ma Afarsateite, labo ba nga le klatukweni wa Congo, nga zwina mu hi kule hi ka lezi:
- 7 Nga tiro wa yindlu ya Nungungulu u wu tsika woco; nga a mufumeli wa ba Juda ni masingalakati ya ba
- Juda ba aka a yindlu ya ka Nungungulu wutsa zwini ga yona.
- 8 Klatakumbiri mina nza maha a kubiwahungu lezi zwina mu ta nga maha ka laya masingalakati ya ba Juda a kuba za ku akiwa ka yindlu ya ka Nungungulu: lezaku a ka nhunzu ya hosi, yona yonkle a nzhubo klatukweni wa Congo, a mali a yi nyikwe hi tsonameto wonkle ka laba ba banuna, kasi bona ba fela ku kala ba nga hungatelwi.
- 9 Ni ka lezi bona ba zi labako, tona a tihonwana tiwa, ni tihamba, ni tiyivu, akuba za munyikelo wa kuhiswa a ka Nungungulu wa tilo; kambewo a mabele, a munyu, waini, ni mafura, kukotisa hi ka mhaka ya bapristi labo ba nga le Jerusalema, nga kona ku nyikiwa ka bona hi masiku ni masiku hi lahandle ka kuba ku tsanzekiwa;
- 10 Kasi bona ba fela a ku nyikela a mipahlelo ya masema yo nanziba ka Nungungulu wa tilo, ni kukombelela a wutoni ga hosi, ni ga barisanayana ba yena.
- 11 Kambe mina nzi mahile a kubiwahungu, lezaku kani ngwakuyini a ta nga hinzula leti timhaka, nga a tsanza wu kokiwa le ndlwini ya yena, na nga yena a klakuswa a bohelelwa ka wona; na nga a yindlu yi maha a nhulu ya koho hi lexi:
- 12 Na Nungungulu loye a mahileko a bito ga yena a ka tsama leyo i lo lobisa tonkle a tihosi ni banliu labo ba nga wa ta nga ba beka canja gabye a ku hinzula kwaloku, a ku lobisa a yindlu ya ka Nungungulu leya yi nga le Jerusalema. Mina Dariusi nzi mahile a kubiwahungu; nga yona yi mahiwa hi wonkle a tsonameto.
- 13 Zonake Tattenai, a mufumeli klatuko wa Congo, na Xetar-bozenai, ni bangana babye, bakuba hi lezo Dariusi a hosi a rumeleko, ba lo maha hi kukotisisilweko hi ka wonkle a tsonametisiso.
- 14 Ni masingalakati ya ka Juda ma lo aka ma lo vuvumiswa, hi kuprofe-ta ka Haggai a muprofeti na Zakaria a nisanyana wa Iddo. Na bona ba lo aka ba lo mbetisa yona, kukotisa hi kuleletela ka Nungungulu wa ka Israeli, ni ku kotisa hi kubiwahungu ka Kurusi, na Dariusi, na Artaxerxes a tihosi ta le Persia.

- 15 Ni leyi a yindlu yi wa lo mbeteka hi ka siku ga manharu ga hweti Adara, leyo yi nga wa hi ka nklanu ni ginwe malembe ya kufuma ka Dariusi a hosi.
- 16 Ni banana ba ka Israeli, a bapristi ni ba ka Levi, ni bonkle a banana ba kukonwa, ba lo hlayisa a kunyikelelisisa ka yindlu ya ka Nungungulu hi litsako.
- 17 Na bona ba lo nyikela le kunyikelelisiseni ka yindlu ya ka Nungungulu a zana ga tihonwana, mazana mambiri a tibamba, mune wa mazana tiivana; ni kuba a munyikelo wa kuonha ka bonkle ba ka Israeli, kume ni timbiri a timhongo, kukotisa hi ka tsengo wa tixaka ta ka Israeli.
- 18 Na bona ba lo xaxameta a bapristi hi miklawa yabye, ni ba ka Levi hi tixaxa tabye, hakuba hi nkozi ya ka Nungungulu, leyi yi nga wa hi le Jerusalema; kwatsi hilezi kutsalilweko bukwini ga Mosi.
- 19 Ni banana ba kukonwa ba lo hlayisa a pasika hi siku ga kume ni mune ga hweti yo ranga.
- 20 Hakuba a bapristi ni ba ka Levi ba wa basisile a wutsumbu gabye katigawe; bonkle ba bona ba wa basile; na bona ba lo klaba a pasika ga bonkle a banana ba kukonwa, ni ga bamakabye banye a bapristi, ni ga wutsumbu gabye.
- 21 Ni banana ba ka Israeli labo ba nga wa wuyile kambe hi kukonweni, ni bo kwatsi hi labo ba hambanyiseleko a wutsumbu gabye ka bona hi le zibini za banhu ba tiko, a ku hlota Jehova, a Nungungulu wa ka Israeli, ba loga,
- 22 Na ba lo hlayisa a pasika ga zibaba zi nga comelwangiko nklanu ni mambiri a masiku hi litsako: hakuba Jehova i lo maha a tsakisisele, i lo hunzulusa a mbilu ya hosi ya le Asiria ka bona, a ku tiyiseta a canja gabye ka tiro wa yindlu ya ka Nungungulu, a Nungungulu wa ka Israeli.

XIPIMO 7.

- 1 Makunu a nzako ka lezi zilo, a ka kufumeni ka Artaxerxes a hosi ya le Persia, Ezra a nisanyana wa Serala, a nisanyana wa Azaria, a nisanyana wa Hilikia,
- 2 A nisanyana wa Xalluma, a nisa-

nyana wa Zadoke, a nisanyana wa Ahituba,

- 3 A nisanyana wa Amaria, a nisanyana wa Azaria, a nisanyana wa Meraiote,
- 4 A nisanyana wa Zerahia, a nisanyana wa Uzzi, a nisanyana wa Buki,
- 5 A nisanyana wa Abixua, a nisanyana wa Fineasi, a nisanyana wa Eleazare, a nisanyana wa Aroni mupristi wa hombe—
- 6 Loyi Ezra i lo kanziya hi le Babuloni. Na yena i wa hi mutsali a longeleko naweni wa Mosi, lowu Jehova, a Nungungulu wa ka Israeli, a nga wa nyikile; ni hosi yi lo nyika yena konkle kuwutisa ka yena, kukotisa hi ka canja ga Nungungulu wa yena hehla ka yena.
- 7 Ni laho ku lo kanziya banwani ba banana ba ka Israeli, ba bapristi, ni ba ka Levi, ni bayimbeleli, ni bari-nzeli ba tinyangwa, ni ba Netinime, le Jerusalema, hi ka lembe ga wunklanu ni mambiri ga Artaxerxes a hosi.
- 8 Na yena i lota le Jerusalema hi hweti ya wunklanu, leyo yi nga wa hi ya nklanu ni mambiri malembe ya hosi.
- 9 Hakuba yena hi ka siku go ranga ga hweti yo ranga i lo sangula yena a ku kanziya hi le Babuloni; a ka siku go ranga ga hweti ya wunklanu, i lota yena le Jerusalema, kukotisa hi ka canja go sasiso ga Nungungulu wa yena hehla ka yena.
- 10 Hakuba Ezra i wa lo tiyisa a mbilu ya yena a ku hlota a nawo wa Jehova, ni ku maha wona, ni ku gonzisa a ba ka Israeli milayelo ni miyimiso.
- 11 Makunu laya hi mahungu ya papilo legi a hosi Artaxerxes a nga wa nyikile ka Ezra a mupristi, yena a mutsali a wumbelweko hehla ka wutsali ga timhaka ta mileletelo ya ka Jehova, ni wa milayelo ya yena ka Israeli:
- 12 Artaxerxes, a hosi ya tihosi, a ka Ezra a mupristi, a mutsali wa mha-ka ya ka Nungungulu wa tilo, a kumbelela, ni zakungaho.
- 13 Mina nza maha kubahungu, lezaku bonkle bona ba banhu ba ka Israeli, ni bapristi banye, ni ba ka Levi, lomu mufuwweni wa mina, labo ba xubileko a kuklaleka ka bona benyi a kuya le Jerusalema, a ba fambe ziuwe na wena.

- 14 Kwatsikaloko ke wena u rumilweko hi hosi ni baxikungo ba yena ba nklanu ni bambiri, a kuwutisa a xungetano na Juda ni Jerusalema, kukotisa hi ka nawo wa Nungungulu wa wena lowo wu nga lomu canjeni ga wena,
- 15 Ni ku rwala a siliva ni nzalama, lego a hosi ni baxikungo ba yena ba nyikileko hi matsenya a ka Nungungulu wa ka Israeli, loye a kuaka ku nga le Jerusalema.
- 16 Ni gonkle a siliva ni nzalama leyi wena u ta yi kuma ka gonkle a tiko ga le Babuloni, ni munyikelo wa kuranza ka matsenya wa banhu, ni wa bapristi, ba nyikelako hi matsenya akuba wa yindlu ya Nungungulu wabye leyo yi nga lomu Jerusalema;
- 17 Hikwalaho wena hi tsonameto wonkle u ta xaba hi leyi a mali a tihonzwana, tihamba, tiivana, zinwe ni minyikelo ya zona ya tinzhoho ni minyikelo ya zona ya kuwua, na u ta nyikela zona hehla ka a alati ga yindlu ya ka Nungungulu wa wena leyo nga le Jerusalema.
- 18 Kani zakuyini lezo zi woneko kwatsi kusasa ka wena ni ka bamakabye ba wena a ku maha hi siliva ni nzalama, lazo mahani a nzako ka kuranza ka Nungungulu wa nwina.
- 19 Ni zibya lezi zi nyikilweko wena akuba za nkozo ya yindlu ya Nungungulu wa wena, nyikela mahlweni ka Nungungulu wa le Jerusalema.
- 20 Na kani zakuyini zi ta nga engeta kulabyiwa akuba za yindlu ya Nungungulu wa wena, lezi wena u felako a ku ba nazo, hi zipinga u ta zitsutsela, tsutsela zona lomo bakweni ga yindlu ya hosi.
- 21 Na mina, mina Artaxerxes a hosi, nzi maha a kubahungu ka wonkle a mabako lawo me nga klatukweni wa Congo, lezaku kani zakuyini lezo Ezra a mupristi, a mutsali wa nayo wa ka Nungungulu wa tilo, a ta nga wutisa ka nwina, nga kona ku mahiwa hi wonkle a tsonameto,
- 22 A ka zana ga titalenta ta siliva, ni ka zana ga ziringaniso za mabele, ni ka zana ga mapipa ya waini, ni ka zana ga zihambu za mafura, ni munyu wu nga hiko na ku hlalwa hi wunyini.
- 23 Kani zakuyini zi leletelweko hi Nungungulu wa tilo, nga kona ku mahiwa kwatsanyana hakuba hi Nungungulu wa tilo; hakuba hi yini laho ku ta nga kuba kona a zanga ku vukela a mufumo wa hosi ni barisanyana ba yena ke?
- 24 Kambe hina ha tibekisa ka nwina, a ku kumba ni bali ba bapristi ni ba ka Levi, ni bayimbeleli, ni barinzeli ba tinyangwa, ni ma Netinime, kutani ngwamalanza ya leyi a yindlu ya ka Nungungulu, a hi fanelo a ku ba hlenga nzhubo, a kupo, ni hlengo, hehla ka bona.
- 25 Na wena, Ezra, a nzako ka kutibisisa ka Nungungulu wa wena loko ku nga lomo canjeni ga wena, yimisa a mikuhu, ni balamuli labo ba ta nga lamula a tiko lego gi nga leyo klatukweni wa Congo, honkle kwatsi hi labo ba tibako a nawo wa Nungungulu wa wena; ni kugonzisa nwina loye a tibiko yona.
- 26 Kani ngwakuyini a ta nga kala ku maha a nawo wa ka Nungungulu, ni nawo wa hosi, nga a kulamulisisa ku tsanziwa hehla ka yena hi tsonametiso wonkle, kutani ka kufa, kutani ka hlolongiswa, kutani ka kugiwa a nhunzu, kutani ka le makotsweni.
- 27 A katekiswe Jehova, a Nungungulu wa badadani ba hina, loye a bekileko a zilo za kungahi lomo mbilwini ya hosi, a ku bombisa a yindlu ya ka Jehova leyi yi nga lomo Jerusalema;
- 28 I nyikile a wuranzagawunene ka mina mahlweni ka hosi, ni ka baxikungo ba yena, ni mahlweni ka ba banuna ba tinhenha batibhosana ta hosi. Na mina nzi wa tiyisetilwe kukotisa hi ka canja ga Jehova hehla ka mina, na mina nzi lo tsombanyisela ka Israeli a ba banuna ba ti hosi a ku famba zinwe na mina.

XIPIMO 8.

- 1 Makunu leti hi tihloko ta tindlu ta badadani ba'ye, ni legi hi wuzukulu ga'ye labo ba nga wa kanziyile zinwe na mina hi suka le Babuloni, a kufumeni ke Artaxerxes a hosi:
- 2 A ka barisanyana ba ka Fineas, Gerxome. A ka barisanyana ba ka Itamare, Danieli. A ka barisanyana ba ka Davida, Hattuxa.
- 3 A ka barisanyana ba ka Xekania, wa barisanyana ba ka Paroxa, Zaka-

- ria; na zinwe na yena ku lo hlamba-nyiselwa hi wuzukulu ga bathatsune, i zana ni nkhanu wa makume.
- 4 A ka barisanyana ba ka Pahat-moabi, Eliehoenai a nisanyana wa Zerahia; zinwe ni mazana mambiri ya yena ya ba matsune.
- 5 A ka barisanyana ba ka Xekania, a nisanyana wa Jahazieli; zinwe ni mazana manharu ya ba matsune.
- 6 A ka barisanyana ba ka Adina, Ebedi a nisanyana wa ka Jonatani; zinwe ni nkhanu wa makume ya yena ya ba matsune.
- 7 A ka barisanyana ba ka Elami, Jexaia a nisanyana wa ka Atalia; na zinwe na yena nkhanu ni mambiri a makume ya ba matsune.
- 8 A ka barisanyana ba ka Xefatia, Zebadia a nisanyana wa ka Mikaeli; na zinwe nkhanu ni manharu makume ya ba matsune.
- 9 A ka barisanyana ba ka Joabe, Obadia a nisanyana wa ka Jehieli; na zinwe na yena mazana mambiri ni kume ni nkhanu ni banharu ba matsune.
- 10 Ni ka barisanyana ba ka Xelomite, a barisanyana ba ka Josefia; na zinwe na yena i zana ni nkhanu ni ginwe makume a ba matsune.
- 11 A ka barisanyana ba ka Bebai, Zakaria a nisanyana wa Bebai; na zinwe ni makume mambiri ni nkhanu ni banharu ba matsune.
- 13 Ni ka barisanyana ba ka Azgade, Johanani a nisanyana wa ka Hakkatani; zinwe na i zana ni kume ga ba matsune.
- 13 Ni ka barisanyana ba ka Adonikamu, labo ba nga wa hi ba kugumessa; ni laya hi mabito yabye: Elifeleti, Jeueli, na Xemaia; na zinwe na bona nkhanu ni ginwe makume a ba matsune.
- 14 A ka barisanyana ba ka Bigvai, Utai na Zabuda; na zinwe na nkhanu ni mambiri makume a ba matsune.
- 15 Na mina nzi lo tsombanyisela bona katigzinwe ka Congo lowo wukulungelako le Ahava; ni leyo hina hi wa lo goba masiku manharu: na mina nzi wa lo hlola a banhu, ni bapristi, nzi lo kuma leyo lezaku a nga kona wa barisanyana ba ka Levi.
- 16 Zonake nzi lo rumela ka Eliezare, a ka Arieli, a ka Xemala, a ka Elnatani, ni ka Jeriba, ni ka Elnatani, ni ka Natani, ni ka Zakaria, ni ka Mexullamu, a tihosi ta ba banuna; kambe ni ka Joiariba, ni ka Elnatani, labo ba nga wa hi bagonzisi.
- 17 Na mina nzi lo rumela bona ka Iddo a hosi ya wutsamo Casifia; nzi lo dyela bona lezi ba nga wa ta nga ba wula ka Iddo, ni laba bamakabye a ma Netinime, le wutsanweni Casifia, kasi bona ba wa ta nga ba neha ka hina bakozeli ba yindlu ya ka Nungungulu wa hina.
- 18 Na kukotisa hi ka canja ga kusasa ga Nungungulu wa hina hehla ka hina bona ba lo neha ka hina a wanuna wa malanga, wa barisanyana ba ka Mahli, a nisanyana wa Levi, a nisanyana wa ka Israeli; na Xerebia, zinwe ni barisanyana ba yena ni bamakabye ba yena, kume ni nkhanu ni banharu;
- 19 Na Haxabia, na zinwe na yena Jexaia wa barisanyana ba ka Merari, a bamakabye ba yena ni barisanyana ba babye, makume mambiri;
- 20 Ni ba ka Netinime, labo Davida ni tihosana ba nga wa nyikile a kuba ba nkozi ya ba ka Levi, mazana mambiri ni makume mambiri a ma Netinime: bonkle babye ba wa hlambanyiselwe hi mabito.
- 21 Zonake mina nzi loba hungu hi ku yila leyo le congweni Ahava, kasi ha fela kukoramisa a wutsumbu ga hina mahlweni ka Nungungulu wa hina, a ku hlota ka yena a ndlela ya tsononiso ka hina, ni banana ba hina, ni ka yonkle a nhunzu ya hina.
- 22 Hakuba mina nzi wa hi ni tingana a ku wutisa ka hosi a klawwa wa bandla ni ba banuna ba mahaxi a ku vumetela hina ku vukela a balala ba hina lomo ndleleni hakuba hina hi wa wulawulile ka hosi, hiku, A canja ga Nungungulu wa hina gi le hehla ka bona labo ba hlota ka yena, hi kusasa; kanilezi a ntamo wa yena ni zanga ya yena yi hehla ka bona labo bonkle ba tsikileko yena.
- 23 Zingaho hina hi wa lo yila hi lo hlota a Nungungulu wa hina hi lezi: na yena i wa kumiwa ka hina.
- 24 Na mina nzi lo beka a klelo a kumeni bambiri ba bapristi ba hombe, yena Xerebia, Haxabia, ni kume ga bamakabye babye zinwe nabo.
- 25 Ni kuringanisa ka bona a siliva, ni nzalama, ni ziba, wona a munyike-lo wa yindlu ya Nungungulu wa

hina, leyo a hosi ni baxikungo ba yena, ni tihosana ta yena, ni bonkle ba ka Israeli a zinyikiwo zabye, ba nga wa nyikele:

- 26 Na mina nzi lo ringanisa lomo canjeni gabye nklanu ni ginwe mazana ni nklanu wa makume ya titalenta ta siliva, ni zibya za siliva i zana ga titalenta; a ta nzalama i zana ga titalenta;
- 27 Ni makume mambiri magombe ya nzalama, hi kume ga mazana mada-rike; ni zibya zimbiri za suku wunykisilweko wu hatimako, wu hi malongo kwatsi i nzalama.
- 28 Na mina nzi te ngalo ka bona, Nwina mu basile ka Jehova, a Nungungulu ni zibya kambe zi basile; a siliva ni nzalama minyikelo ya kuranza ka matsenya ka Jehova, a Nungungulu wa badadani ba nwina.
- 29 Rinzalani nwina, ni ku hlayisa zona, kala nwina mu ringanisa zona mahlwani ka bapristi ba hombe ni ka ba ka Levi, ni bapristi ba tindlu ni tihosana ta tindlu ta badadani ba ka Israeli, le Jerusalema, lomo tindlwini ya yindlu ya ka Jehova.
- 30 Zingaho a bapristi ni ba ka Levi ba lo amukela a ziringaniso za siliva ni nzalama, ni zibya, a ku neha zona le Jerusalema ka yindlu ya Nungungulu wa hina.
- 31 Zonake hina hi lo suka le congweni Ahava ka siku ga kume ni mambiri ga hweti yo ranga, a kuya le Jerusalema: ni canja ga Nungungulu wa hina gi wa hi hehla ka hina, na yena i lo klaklisa le canjeni ga balala ba hina ni balabeleli lomo ndleleni.
- 32 Na hina hi lotta le Jerusalema, hi lo tsama leyo masiku manharu.
- 33 A ka siku ga mune a siliva ni nzalama ni zibye zi lo ringanisa laho lomo ndlwini ya ka Nungungulu hi ka canja ga Meremote a nisanyana wa Uria a mupristi (na zinwe na yena Eleazare a nisanyana wa Fineasi: na zinwe na bona Jozabada a nisanyana wa Jexua, na Noadia a nisanyana wa Binui, a ba ka Levi)—
- 34 Gonkle hi tsengo ni kuringanisa: ni konkle kuringanisa ku lo tsalwa hi lexo xikati.
- 35 A banana ba kukonwa, labo ba nga wa wuyile hi leyo ka bambe, ba

lo nyikela a minyikelo ka Nungungulu wa ka Israeli, kume ni timbiri tihonzwana ta bonkle ba ka Israeli, nklanu ni mune makume ni nklanu ni zinwe tihamba, nklanu ni mambiri makume ni nklanu ni timbiri tiivana, kume ni timbiri timhongo ta munyikelo wa kuonha: zonkle lezi zi wa hi munyikelo wa kuhiswa ka Jehova.

- 36 Na bona ba lo nyikela a zilayelo za hosi ka manganakana ya hosi, ni ka bafumeli klaturweni wa Congo: na bo ba lo heleketa banhu ni yindlu ya ka Nungungulu.

XIPIMO 9.

- 1 Makunu laha lezi silo zi nga wa mahekile, ni tihosana ti lo tsinela kusuhani ka mina, tiku, A banhu ba ka Israeli, bapristi ni ba ka Levi, a ba hambanyisangi a wutsumbu gabye ka banhu ba matiko, ba mala kwatsi hi manyalataniso yabye, bona ma Kenani, a ma Hiti, a ma Perezi, ni ma Jebusi, ni ma Ammoni, ni ma Moabi, ni ma Gipite, ni ma Amori.
- 2 Hakuba ba tekile a banhanyana banye ka wutsumbu ni ka barisanyana banye, zingaho lezo a mbewu leyo yi basileko yi vilinganyisene a wutsumbu ga yona zinwe ni banhu ba tiiko: ina, a canja ga tihosana ni bafumeli gi wa kari gi tsingisile ka lezi zihambuko.
- 3 Ni laha mina nzi nga wa zwile lexi xilo, nzi lo hanzula a tinguwo ta mina ni nganju ya mina, nzi lo tsuwula a misisi ya hloko ya mina ni ya xilevu xa mina, nzi lo tsama lahasi nzi kanganyisilwe.
- 4 Zonake ku lo tsombana ka mina bonklelele labo ba rurumelako a ka mhaka ya Nungungulu wa ka Israeli, hakuba hi xihambuko xa bona ba bakonwi; na mina nzi lo tsama na nzi kanganyisilwe kala a munyikelo wa nzhiho wa laha gambyeni.
- 5 Ni laha munyikelweni wa nzhiho wa laha gambyeni mina nzi lo suka hi le ku ti koramisiseni ka mina, hambu ni tinguwo ta mina na ti hanzulwe; na mina nzi lowa hi madzolo, nzi lo andlalata a munda ya mina a ka Jehova a Nungungulu wa mina;
- 6 Na mina nzi te ngalo, O Nungungulu wa mina, mina nzi na tingana nzi tsuibikile a ku klakusa a nghohe ya

- mina ka wena, Nungungulu wa mina; hakuba a zigoho za hina za enzeleka hehla ka tihloko ta hina ni zibi za hina zi kulile zi cikela le tilweni.
- 7 Cina ka masiku ya badadani ba hina hina ha su ku hunzelela kugoha kala legi siku; hakuba hi kugoha ka hina, a tihosi ta hina, ni bapristi ba hina, ba wa nyikelwe le canjeni ga tihosi ta matiko, a ka supado, ka wukonwi, ni kupangiwa, ni ka villnganya ya nghohe, kwatsi hi legi siku.
- 8 Na makunu hi xikanyakanyana xi tsongwani a wuxinji gi kombilwe ka hina hi le ka Jehova a Nungungulu wa hina, a kutsika hina a misalela ya kupona, ni ku nyika hina a koko le wutsanweni ga kubasa, kasi a Nungungulu wa hina wa fela a ku woninga a mahlo ya hina, a ku nyika a kuvuxelelwa ka hina wukumbini ga hina.
- 9 Hakuba hina hi ba banuna ba tikumbi; kasike Nungungulu wa hina i wa nga tsikangi hina wukumbini ga hina, kanilezi i nyikile a kuranzakawunene ka hina a kuwoneni ka tihosi ta le Persia, a ku nyika a vuxelelo, a ku yimisa a yindlu ya ka Nungungulu, ni kuakisa a ku kungumuka ka yona, ni ku nyika hina a kurisi lomu Juda ni Jerusalem.
- 10 Ni makunu, O Nungungulu wa hina, za ku yini hi ta nga wula a nza-ko ka lezi ke? hakuba hina hi tsikile a mileletelo ya wena,
- 11 Leyo wena u leleteleko hi malanza ya wena a baprofeti, uku, A tiko lego, nwina mu yako a kuya fumela gona, i tiko gi nga hlazekangiko hi kota ya ku nga hlazekangiko ka banhu ba matiko, hi kota ya manyalataniso yahe, laya ma tatisileko le magumo kala le ka manwani magumo hi kumunzulukisa kabye:
- 12 Makunu hikwalaho mu nga nyiki a banhanyana ba nwina ka barisanyana ba bona, ge ni ku teka a banhanyana ba kabye ka barisanyana ba nwina, ge hambu ku hlota a kurula kutani nhunzu yahe kuvuvumiswa kabye kala kupinzuka; kasi nwina ma fela ku kuma a ntamo, ni kuga a kusasa ka tiko, ni ku siya gona akuba a tsomba ka barisanyana ba nwi-na kala kupinzuka.
- 13 Ni ka zonke zi tile hehla ka hina hi

- kota ya zimaho za hina, hi zigoho za hina za hombe, na u wona lezaku wena Nungungulu u tsayisile hina ha kutsongwani hi ka fanelo ya zigoho za hina, na u nyikela hina labo hi ngu misalela,
- 14 Hina kambe ha tsoba mileletelo ya wena, ni kuklangana wukwaxi ni banhu laba ba mahako laya a manyalataniso ke? wena u wa nga ta nga u zangarisilwe ha hina kala wena u mbetisa hina, zingaho lezo lezaku laho ku nga ta kuba kona a salela, ge ni munwe a kupona ke?
- 15 O Jehova, a Nungungulu wa ka Israeli, wena hi wena u lulamileko; hakuba hina hi siyilwe a misalela leyi yi ponileko, kwatsi hilezi legi siku: languta, hina hi kona mahlweni ka wena zigohweni za hina; hakuba a nga kona a kotako ku yima mahlweni hi hakuba hi lezi.

XIPIMO 10.

- 1 Makunu laha Ezra na a kombela a maha a kuvumela, na rila na hoxa a wutsumbu ga yena lahasi mahlweni ka yindlu ya ka Jehova, laho ku wa lo tsombana a katiginwe ka yena ba huma hi ka Israeli a tsombano wa hombe wa ba banuna ni ba basati ni wa banana; hakuba rila a banhu ba lo hi ku tsingisa nguvu.
- 2 Na Xekania a nisananyana wa Jehieli, a munwe wa barisanyana ba ka Elami, i lo hlamula i te ngalo ka Ezra, Hina hi onhile hi vukela a Nungungulu wa hina, hi tekile a ba basati ba ba matiko ba banhu batiko: kasike laho ku kona kutsumba ka ka Israeli hi xungetano ni lezi zilo.
- 3 Makunu nga hina hi maha a xivumelwano zinwe na Nungungulu wa hina a ku tsika kule laba ba basati, ni labo ba trelweko ha bona, kwatsi hi xikungo xa hosi ya yina, ni ka labo ba rurumelako a ka kuleletela ka Nungungulu; na nga kona ku mahiwa kukotisa hi ka nawo.
- 4 Sukani; hakuba a mahungu nja wena, na hina hi zinwe na wena: nga u tiyiseta, ni ku maha kona.
- 5 Zonake i lo suka Ezra, i lo maha a tihosi ta bapristi ni ba ka Levi, ni ba ka Israeli bonke, a ku hlambanya lezaku bona ba ta maha kukotisa hi ka leyi a mhaka. Zingaho bona ba lo hlambanya.

- 6 Zonake Ezra i lo suka lahasi le mahlweni ka yindlu ya ka Nungungulu, i loyalomo ndlwini ya Jehohanani a nisanyana wa ka Eliaxiba : ni laha yena a nga wa tile leyo, yena i wa nga gangi ge xibaba, ge ni kunwa a mati; hakuba yena i wa kurila hi kuhambuka ka bona labo ba bako-nwi.
- 7 Na bona ba lo maha kubiwahungu ka gonkle Juda ni Jerusalema a ka bonkle a banana ba kukonwa, lezaku bona ba wa ta nga ba tsombanyisa a wutsumbu gabye le Jerusalema;
- 8 Ni lezaku kani ngwa kuyini a nga tiko hi ka masiku manharu, kukotisa hi ka xikungo xa tihosana ni masingalakati, ni yonkle a nhunzu ya yena yi ta giwa, ni wutsumbu ga yena i ta hambanyiswa ka hlengeletano wa bako-nwi.
- 9 Zonake bonkle a banhu ba Juda na Benjamini ba lo tsombanyisa a wutsumbu gabye katiginwe le Jerusalema hi ka masiku manharu (kona ku wa hi hweti ya nkhanu ni mune, hi ka siku ga makume mambiri ga hweti); ni bonkle banhu ba lo tsama ba mbaunbamele mahlweni ka yindlu ya ka Nungungulu, ba wa rurumela hi kota ya leyi mhaka, na hi vula ya hombe.
- 10 Na Ezra a mupristi i lo yima, i te ngalo ka bona, Nwina mu hambunyetile, mu tekanile ni ba basati ba ba matiko, a kuenzelekisa a kugoha ka Israeli.
- 11 Makunu hikwalaho mahani kuwulelisisa ka Jehova, a Nungungulu wa badadani ba nwina, ni ku maha, kuxalala ka yena; ni ku hambanyisa a wutsumbu ga nwina le ka banhu ba tiko, ni ka ba basati ba ba matiko.
- 12 Zonake wonkle a hlengeletano wu lo hlumula hi gezu ga hombe, Kwatsi hilezi wena u wulileko a xungetano ziawe na hina, zingaho hina hi ta maha.
- 13 Kanilezi a banhu mbanyingi, kona xikati xa vula yo tala, hina a hi zi koti ku yima lahanle; ge lowu a hi tiro wa siku giawe kutani mambiri; hakuba hina hi kukulisilweko hi hambunyetile a ka laya mahungu.
- 14 Nga makunu a tihosana ta hina ti hlawulwa hi ka wonkle a tsombano, na nga bonkle bona labo ba nga lomo mitini ya hina labo ba tekeneko ni ba basati ba bamatiko ba hi zikati zi hlawulilweko, na ziawe na bona a masingalakati ya miti yonkle, ni ba lamuli ba kona, kala a zanga yi cabekako ya Nungungulu wa hina yi ka hina, kala laya mahungu ma gomoliswa.
- 15 Ntsena Jonatani a nisanyana wa ka Asaheli na Jahzeia a nisanyana wa Tikva ba lo suka ba vukela a mhaka: na Mexullamu na Xabbetai a ba ka Levi ba lo vunetela bona.
- 16 Ni banana ba bako-nwi ba lo maha zakungaho. Na Ezra a mupristi, ni bokari ba tihloko ta tindlu ta badadani, a nzako ka tindlu ta badadani banye, ni bonkle ba bona hi mabito, ba lo tsama a klelo; na bona ba lo tsama lahasi hi ka siku go ranga ga hweti ya kume a kuhlola a mhaka.
- 17 Na bona ba lo maha kugumelwa hi bonkle ba banuna labo ba tekeneko ni ba basati ba bamatiko, hi siku go ranga ga hweti yo ranga.
- 18 Ni xikari ka barisanyana ba bapristi laho ku wa kumilwe labo ba tekeneko ni ba basati ba bamatiko: ku wulako, a ka barisanyana ba ka Jexua, a nisanyana wa ka Jozadake, ni bamakabye ba yena, Maaseia, na Eliezare, na Jariba, na Gedalia.
- 19 Na bona ba lo nyika a canja gabye lezaku ba wa ta nga bona ba hoxa kule a basati banye; na ba kariko ba gohileko, bona ba lo nyikela hamba ya klambi hi kugoha kabye.
- 20 Ni ka barisanyana ba ka Immera: Hanani na Zebadia.
- 21 Ni ka barisanyana ba ka Harima: Maaseia, na Elija, na Xemaia, na Jehieli, na Uzzi.
- 22 Ni ka barisanyana ba ka Paxhura: Elioenai, Maaseia, Ixmaeli, Netaneli, Jozabada, na Elasa.
- 23 Ni ba ka Levi: Jozabada, na Ximei, na Kelaia (ywaloye nzi Kelita), Petahia, Juda, na Eliezare.
- 24 Ni ka bayimbeleli: Eliaxiba. Ni barinzeli ba tinyangwa: Xalluma, na Telema, na Uri.
- 25 Ni ka Israeli: A ka barisanyana ba ka Paroxa: Ramia, na Izzia, na Malkija, na Mijamini, na Eleazare, na Malkija, na Benaia.
- 26 Nika barisanyana ba Elami: Matta-

- nia, Zakaria, na Jehieli, na Abdi, na Jeremote, na Elija.
- 27 A ka barisanyana ba ka Zattu: Elioenai, Eliaxiba, Mattania, na Jeremote, na Zabada, na Aziza.
- 28 A ka barisanyana ba ka Bebai: Jehobanani, Hanania, Zabbai, Attai.
- 29 A ka barisanyana ba ka Bani: Mexullamu, Malluku, na Adaia, Jaxuba, a na Xeali, Jeremote.
- 30 A ka barisanyana ba ka Pahat-moabi: Adna, na Celali, Benaia, Maaseia, Mattania, Bezaleli, na Binnui, na Manasa.
- 31 Ni ka banana ba ka Harima: Eliezare, Isxija, na Malkija, Xemaia, Ximeoni,
- 32 Benjamini, Malluku, Xemaria.
- 33 A ka barisanyana ba ka Haxuma: Mattenai, Mattatta, Zabada, Elifelete, Jeremai, Manasa, Ximei.
- 34 A ka barisanyana ba ka Bani: Maadai, Amrama, na Ueli,
- 35 Benaia, Bedeia, Celuhi,
- 36 Vania, Meremote, Eliaxiba,
- 37 Mattania, Mattenai, na Jaasu,
- 38 Na Bani, na Binnui, Ximei,
- 39 Na Xelemia, na Natani, na Adaia,
- 40 Macanadebai, Xaxai, Xarai,
- 41 Azareli, Xelemia, Xemaria,
- 42 Xalluma, Amaria, Josefa.
- 43 A ka barisanyana ba ka Nebo: Jeieli, Mattitia, Zabada, Zebina, Iddo, na Joeli, Benaia.
- 44 Bonke laba ba wa tekile a ba basati ba bamatiko; ni banwani ba bona ba wa ni ba basati labo ba traleleko a banana.

A BUKU GA

NEHEMIA.

XIPIMO 1.

- 1 A timhaka ta ka Nehemia a nisananyana wa Hacalia.
- Makunu na ku mahisile lezo a ka hweti Cislevi, hi ka lembe ga makume mambiri, kwatsi hilezi mina nzi nga wa hi lomo Xuxani a xilubelweni,
- 2 Lezaku Hanani, a munwe wa bamakabye ba mina, i lotta, yena ni banhu bokari ba huma hi le Juda; na mina nzi lo wutisa bona xungetano ni ba Juda labo ba ponileko, labo ba nga wa siyilwe hi bakonwi, ni xungetano zinwe ni Jerusalema.
- 3 Na bona ba te ngalo ka mina, a misalela leyo yi siyilweko hi bakonwi leyo tikweni yi le kuxanisekeni ka hombe ni nzhukanweni: ni lingingisi la Jerusalema kambe li kungumulwe, ni tinyangwa ta kona ti lisilwe hi nzilo.
- 4 Na ku mahisile lezo, laha na mina nzi nga wa zwile leti timhaka, lezaku mina nzi lo tsama lahasi nzi lo rila, nzi wa lo rila a masiku yo kari; na mina nzi lo yila ni ku kombela mahlweni ka Nungungulu wa tilo,
- 5 Na nzi te ngalo, Mina nza kongotela wena, O Jehova, a Nungungulu wa tilo, a wa hombe ni Nungungulu a cabekako, loye a hlaysako a xivumelwano ni kuranzakawuncene zinwe na bona labo ba ranzako yena ni kuhlayisa a mileletelo ya yena:
- 6 Nga a ndlebe ya wena makunu yi pumunhekayipanga, ni mahilo ya wena a ma vululeke, kasi wa fela a kuzwa a ku kombela ka nanza ga wena, loku mina nzi kombelako ka wena a ka lexi xikati, a siku ni wusiku, hakuba hi banana ba ka Israeli malanza ya wena, laha na mina na nzi wulela a zionho za banana ba ka Israeli, lezi hina hi zi onhileko hi vukela wena. Ina, mina ni yindlu ya ka dadani wa mina hi onhile:
- 7 Hina hi mahile hi kubotisiweko hi vukela wena, a hi hlaysangi a mileletelo, ge ni milayelo, ge ni miyimi-so, leyo wena u leleteleko a nanza ga wena Mosi.
- 8 Alakanya, mina nza kongotela wena, a mhaka leyo wena u leleteleko a nanza ga wena Mosi, uku, loku nwi-na mu hambunyeta, mina nzi ta ha-

ngalasa nwina ga fenemete xikari ka banhu :

- 9 Kanilezi loku nwina mu klelela ka mina, ni ku hlayisa a mileletelo ni ku maha yona, hambu a kuhoxwa ka nwina ka kuba kwaleyo mage-metamusi ya klelo ga matilo, kasike mina nzi ta tsombanyisela bona hi leyo, nzi ta neha bona a ka wutsa-mo lego mina nzi hlawulileko, a ku maha a bito ga mina a ku tsama laho.
- 10 Makunu laba hi malanza ya wena ni banhu ba wena, labo wena u ba klatlisileko hi ntamo wa hombe, ni canja ga ntamo.
- 11 O Hosi, mina nza kongotela wena, nga makunu a ndlebe ya wena yi pumunhekayipanga a ka kombelo wa nanza ga wena, loye a xalaliswa-ko hi kucaba a bito ga wena; ni kuvuvumiswa, mina nza kongotela wena, a nanza ga wena legi siku nyika yena a titralo mahlweni ka laba banhu. (Makunu mina nzi wa hi mukomi wa kopo ka hosi.)

XIPIMO 2.

- 1 Na ku mahisile lezo hi hweti ya Nisani, hi lembe ga makume mambiri ga Artaxerxes a hosi, laha a waini gi nga wa hi mahlweni ka yena, lezaku mina nzi lo teka a waini, nzi lo nyika gona ka hosi. Makunu mina hi xikati xa mahlweni nzi wa nga tsubangi a kubakoneni ka yena.
- 2 Ni hosi yi te ngalo ka mina, Hi yini a nghohe ya wena yi tsubileko, na u wona lezaku wena a kubabyi ke? lexi a hi ncumo kanilezi kuxaniseka ka mbilu. Zonake mina nzi wa tsi-ngelwa hi kucaba.
- 3 Na mina nzi te ngalo ka hosi, Nga a hosi yi hanya kala kupinzuka: hi-yini a nghohe ya mina yi wa ta nga nga yi tsubile, laha na muti, a wutsa-mo ga zilahla za badadani ba hina, wu hahlukile, ni tinyangwa ta kona ti hisilwe hi nzilo ke?
- 4 Zonake a hosi yi te ngalo ka mina, Hakuba xini lexi wena u xi wutisa-ko ke? Zingaho mina nzi lo kombela ka Nungungulu wa tilo.
- 5 Na mina nzi te ngalo ka hosi, Loku kona ku hi ku xalalisa ka hosi, lo-ku a nanza ga wena gi kumile a tomo kuwoneni ka wena, lezaku wena u wa ta nga u rumela mina le

Juda, le mutini wa zilahla za bada-dani ba mina, kasi mina nza fela ku-aka wona.

- 6 Ni hosi yi te ngalo ka mina (a muzi-nza kambe i wa tsamile hi ka yena), Hakuba ku taba kule ka ku yini a lwenzo la wena ke? na hi rini wena u ta nga wuya ke? Zingaho kona ku wa lo xalalisa a hosi a ku rumela mina; na mina nzi wa lo yimisela a xikati.
- 7 Klatakumbiri mina nzi wa te ngalo ka hosi, Loku kona ku xalalisa a ho-si, nga a papilo gi nyikiwa ka mina a ka mufumeli klatukweni wa Co-ngo, lezaku kasi bona ba fela a ku tsika mina ku hunza nzi kala nzi cikela le Juda;
- 8 Ni papilo a ka Asafa a muhlayisi wa kwati ga hosi, kasi yena wa fela ku nyika mina a tisinya a ku maha mi-naneko ya tinyangwa ta kokola lego gi nga ga yindlu ni ta kurisi ga mu-ti, ni ta yindlu leyo nzi ta nga enge-na ka yona. Ni hosi yi lo vumela mina, kukotisa hi ka canja ga ku-sasa ga Nungungulu wa mina gi nga wa hi hehla ka mina.
- 9 Zonake mina nzi lota ka ba mu-fuleli klatukweni wa Congo, nzi lo nyika bona a mapapilo ya hosi. Makunu a hosi yi wa rumela zinwe na mina a tinduna ta impi zinwe ni ba banuna ba mahaxi.
- 10 Ni laha Sanballati a mu Horoni, na Tobia a nanza, a mu Ammoni, ba zwile ha kona, kona ku lo zangarisa bona hi kuenzelekesilweko, hakuba laho ku wa kuta a wanuna a ku ta hlota a ku tsameka kwatsi ka bana-na ba ka Israeli.
- 11 Zingaho mina nzi lota le Jerusale-ma, na mina nzi wa hi leyo masiku manharu.
- 12 Na mina nzi lo suka ni wusiku, mi-na ni banwani ba banuna ba tso-ngwani zinwe na mina; ge nzi wa nga byelangi ni wihi a munhu lezo Nungungulu a bekileko lomo mbi-lwini ya mina a ku mahela Jerusa-lemma; ge hambu laho ku wa nga hi kona ni xihari xihari zinwe na mina, saseka a xihari lexo mina nzi nga wa kilele ka xona.
- 13 Na mina nzi lo huma lahandile ni wusiku hi nyangwa ni minzelelo, yona ngomama ta hlowo ya mhisi, na ka nyangwa ya koho, nzi tsebe-tela a ligingisi la Jerusalema, lolo li

- nga wa kungumulwe, ni tinyangwa ta kona ti wa hisilwe hi nzilo.
- 14 Zonake mina nzi loya le nyangweni ya tihlowo ni le tibeni ga hosi: Kanilezi laho ku wa nga hi kona a wutsamo ka xihari lexo xi nga wa hi lahasi ka mina a ku hunza.
- 15 Zonake ku lo kanziya mina behla hi wusiku hi le congwaneni, a ku tsebetela a ligingisi; nzi lo klateka ha xinzakwana, nzi lo engena hi nyangwa ya minzelelo, na ziwangaho nzi lo wuya.
- 16 Ni mufumeli i wa nga zitibangi lezaku mina nzi wa yile, kutani lezaku nzi mahile yini; ge mina kwatsi lezi nzi wa nga se ku byela kona ka ba Juda, ge ni ka bapristi, ge ni ka ba dzunzekileko, ge ni ka bawumbelweko, ge ni ka bonkle labo ba mahako a tiro.
- 17 Zonake ku lo wula mina ka bona, Awina ma wona a nanzu wa kubiha lowu hi nga ka wona, lezaku gi tsamisile ku yini a Jerusalema na gi hahlukile, ni tinywangwa ta kona ti hisilwe hi nzilo: ngonani, na nga hina hi aka a ligingisi la Jerusalema, kasi ha fela ku kala hi nga mahiwi a nzhlukano kambe.
- 18 Na mina nzi lo byela bona a canja ga Nungungulu wa legi gi nga wa hi kusasa behla ka mina, kwatsi hilezi kambe a timbaka ta hosi leto a ti wulawulileko ka mina. Na bona ba te ngalo. Nga hina hi suka hi aka. Zingaho bona ba lo tiyiseta a canja gabye hi tiro wa kusaseka.
- 19 Kanilezi laha Sanballati a mu Horoni, na Tobia a nanza, a mu Ammoni, na Gexemi a mu Arabia, ba zwile kona, bona ba lo hleka kwatsi kutseketsela, ba lo kanyisa hina, na ba te ngalo. Zakuyini lezi zilo nwina mu mahako ke? nwina a mo hlubuka mu vukela a hosi ke?
- 20 Zonake nzi lo ba hlamula nzi te ngalo ka bona, A Nungungulu wa tilo, yena hi yena a ta nga vuvumisa hina; hikwalaho hina malanza ya yena a hi sukeni hi aka: kanilezi nwina a mu na xiabelo, ge ni fanelo, ge ni alakanyelo, lomo Jerusalema.

XIIMO 3.

- 1 Zonake Ellaxiba a mupristi wa hombe i lo suka zinwe ni bamakabye ba yena a bapristi, na bona ba

- lo aka a nyangwa ya tiyivu; na bona ba lo basisa yona, ba lo yimisa a tibati ta yona; kona le taweni ya le Hammea, bona ba lo basisa yona, kala le taweni ya le Hananeli.
- 2 A kugamela yena ba lo aka a ba banuna ba le Jeriko. A wo gamela bonawu i lo aka Zakkura a nisanyana wa Imri.
- 3 Ni nyangwa ya zindluwani a bari-sanyana ba ka Hassena ba lo aka; na bona ba klateka a minaneke ya kona, ba lo yimisa a tibati ta kona, ni zibanana za kona, ni zikwinyaro za kona.
- 4 Ni wo gamela bona i lo akisa Mere-mote a nisanyana Uria, a nisanyana wa ka Hakkoza. Ni wo gamela bona i lo akisa Mexullamu a nisanyana wa ka Berecia, a nisanyana wa Mexezabeli. Ni wa kugamela i lo akisa Zadoke a nisanyana wa Baana.
- 5 Ni wo gamela ka bona a ma Tekoi ma lo akisa; kanilezi a manganakana yabye a ba bekangi a tinhamo tabye tirweni wa hosi yabye.
- 6 A nyangwa ya kale i lo akisa Jolada a nisanyana wa Pasea na Mexullamu a nisanyana wa Besodeia; bona ba lo klateka a minaneke ya kona, ba lo yimisa a tibati ta kona, ni zibanana ba kona, ni zikwinyaro za kona.
- 7 Ni wo gamela bona i lo akisa Melatia mu Gibeoni, na Jadoni a mu Meronote, banuna wa Gibeoni, ni wa Mizpa, loye wa xitsamo xa mufumeli loye a nga wa hi le klatukweni na Congo.
- 8 Ni wo gamela yena Uziele a nisanyana wa Harhaia, a mufuli wa nzalama. Ni wo gamela i lo akisa Hanania a muwe wa bapoli ba mitiro, na bona ba lo gingisisa Jerusalema kala le ligingisini la le handle.
- 9 Ni wo gamela bona i lo akisa Refala a nisanyana wa ka Hura, a mufumeli wa kihlanya ga mukuhu wa le Jerusalema.
- 10 Ni wo gamela bona Jedaia a nisanyana wa Harumafu, behla ka xungetano ni yindlu ya yena. Ni wo gamela ka yena i lo akisa Hattuxa a nisanyana wa Hexabneia.
- 11 Malkija a nisanyana wa Harima, na Hasxuba nisanyana wa Pahat-moabi, i lo akisa xinwa xiabelo, ni tawa ya mapingo.
- 12 Ni wo gamela ka yena i lo akisa Xa-

- lluma a nisanyana wa Hallohexa, a mu mufumeli wa kihlanya ga mukuhu wa le Jerusalema, yena ni nhanyana wa yena.
- 13 A nyangwa ya minzelelo yi lo akiswa hi Hanuna, ni baakileko Zanoa; bona ba lo aka yona, ba lo yimisa a tibati ta kona, ni zibanana za kona, ni zikwinyaro za kona, ni kume ga mazana ya mikono ya ligingisi kala nyangweni ya koho.
- 14 Ni nyangwa ya koho i lo akisa Malkija a nisanyana wa Rekabe, a mufumeli wa tiko ga le Bet-hakere-mu; yena i lo aka yona, i lo yimisa a tibati ta kona, a zibanana za kona, ni zikwinyaro za kona.
- 15 Ni nyangwa ya hlowo i lo akisa Xalluna a nisanyana wa Kol-hoze, a mufumeli wa tiko ga le Mizpa; yena i lo aka yona, i lo nameketa yona, i lo yimisa a tibati ta kona, a zibanana za kona, ni zikwinyaro za kona ni kurisi ka tiba ga le Xela hi simu ya hosi, kona le mayingweni laya ma relelako mata hi le mutini wa Davida.
- 16 A nzako ka yena i lo akisa Nehemia a nisanyana wa Azbuka, a mufumeli wa kihlanya ga tiko ga le Bet-zura, kala ka wutsamo lego gi cuwukene-ko ni xihlala xa Davida, ni ka tiba lego gi nga wa mahilwe, kala ka yindlu ya ba banuna ba tinhenha.
- 17 A nzako ka yena ba lo akisa a ba ka Levi, Rehuma a nisanyana wa Bani. Ni wo gamela yena i lo akisa Haxabla, a mufumeli wa kihlanya ga tiko Keila, akuba tiko ga yena.
- 18 A nzako ka yena ba lo akisa a bama-kabye ba yena, Bavai a nisanyana wa Hemadade, a mufumeli wa kihlanya ga tiko ga Keila.
- 19 Ni wo gamela yena i lo akisa Ezera a nisanyana wa Jexua, a mufumeli wa le Mizpa, a xiwani xiabelo, xi cuwukeneko ni le kukhukukeni kala le makharini le a kurisi gi yako gi ya renzeleka ha kona.
- 20 A nzako ka yena Baruke a nisanyana wa Zabbai hi kulabisileko yena i lo akisa a xiwani xiabelo, ku sukela le ku renzelekako a kurisi kala le libatini la yindlu ya ka Eliaxiba a mupristi wa hombe.
- 21 A nzako ka yena i lo akisa Meremote a nisanyana wa Uria a nisanyana wa Hakkoza a xiabelo xiwani, kusukela libatini la yindlu ya Eliaxiba ku kala ku gumelweni ka yindlu ya ka Eliaxiba.
- 22 A nzako ka yena ba lo akisa a bapristi, a ba banuna ba mikoba.
- 23 A nzako ka bona ba lo akisa Benjamini na Hasxuba, hi xungetano ni yindlu ya bona. A nzako ka bona i lo akisa Azaria a nisanyana wa Maaseia a nisanyana wa ka Anania hi lahandle ka yindlu ya yena zwinyi.
- 24 A nzako ka yena i lo akisa Binnui a nisanyana wa ka Henadade xiabelo xiwani, kusukela le ndlwini ya ka Azaria kala kurenzelekeni ka kurisi, kala le kuzwini.
- 25 Na Palala a nisanyana wa Uzai i lo akisa le ko xungetana ni kurenzeka ka kurisi, ni ka tawa leyo yi yimileko hi le hehla ka yindlu ya hosi, leyi yi nga leyo nyangweni ya muringeli. Ni ka yena Pedaia a nisanyana wa Puroxa i lo akisa.
- 26 (Makunu a ma Netinime ma wa lo aka le Ofeli, a ka wutsamo le gi xungeteneko ni nyangwa ya mati a ngomama ni mutsuwukagambo, ni tawa leyo yi humeleleko.)
- 27 A nzako ka yena a ma Tekoi ma lo akisa a xiwani a xiabelo, hehla ka cuwukana ni tawa ya hombe leyo yi yimileko yi hunzelela, ni kala le ligingisini la le Ofeli.
- 28 Le hehla ka nyangwa ya mahaxi ku lo akisa a bapristi, bonkilelele a xungetano ni yindlu ya yena.
- 29 A nzako i lo akisa Zadoke a nisanyana wa Immera hehla ko xungetana ni yindlu ya yena zwinyi. Ni nzako ka yena i lo akisa Xemaia a nisanyana wa ka Xekania, a muhlayisi a wa nyangwa ya mutsuwukagambo.
- 30 A nzako ka yena i lo akisa Hanania a nisanyana wa Xelemia, na Hanuna a nisanyana wa nkhanu ni muwe wa Zalafa, a xiabelo xiwani. A nzako ka yena i lo akisa Mexullanu a nisanyana wa Berecia hehla a cuwukano ni yindlu ya yena.
- 31 A nzako ka yena i lo akisa Malkija a muwe wa mufuli wa nzalama le ndlwini ya Netinime, ni ya bamahungani, hehla ka cuwukano ni nyangwa ya Hammifkada, ni le kukhukukeni ka kuzu.
- 32 Ni xikari ka kuzu ni nyangwa ya tliyivu i lo akisa a mufuli wa nzalama bamahungani.

XIPIMO 4.

- 1 Kanilezi na kona na ku mahisile lezo lezaku, laha Sanballati a zwileko lezaku hina hi akisa a kurisi, yena i wa lo zangara, i lo teka a kutikulisa nguvu, i lo tseketsela a ba Juda.
- 2 Na yena i lo wulawula mahlweni ka bamakabye ba yena ni ka impi ya le Samaria, na te ngalo, Zakuyini lezi a ba Juda laba ba mikoxa ba maha-ko ke? kunene bona ba ta gingisisa a wutsumbu ga bona ke? kunene ba ta pahlela ke? kunene bona ba ta maha kugumelwa hi ka siku ke? kunene bona ba vixisa a zitolo hi ka fenze leyi yi kungumukeleko ke? na mu wona lezaku tona ti hisilwe ke?
- 3 Makunu Tobia a mu Ammoni i wa hi ka yena, na yena i te ngalo, Zona lezi ba akako, loku a hlali wu kanzi-ya lehla, wona wuta kugumula a ribye ga ligingisi.
- 4 Zwana, O Nungungulu wa hina; hakuba hina hi nyenyilwe: hunzula a nzhukanō ya bona benyi lehla ka hloko yabye bo benyi, ni ku ba nyikela a mupango lomo tikweni ga wukonwi ga gabye;
- 5 U nga kubunyeti a zigoho zabye, nga ni kuonha kabye ku nga kululwi mahlweni ka wena; hakuba bona ba vindlukisile wena a ku zangara, mahlweni ka ba baaki.
- 6 Zingaho hina hi lo aka a kurisi; ni gonkle a kurisi gi wa lo klangana katigizwe hi laha xikari ka kuklakuka ka kona; hakuba a banhu ba wa xubile a kutira.
- 7 Kanilezi na ku mahisile lezo lezaku, laha Sanballati, na Tobia, ni ma Arabia, ni ma Ammoni, ni ma Axodidi, ba zwile lezaku a kuakisa ka kurisi ga le Jerusalema ku komama mahlweni, ni lezaku a mimole yi dibetelwe, zonake bona ba wa la su tsingelwa hi zanga;
- 8 Na bona ba lo kungela bonkle ba bona katigizwe a kuta ba talwa ba vukela a Jerusalema, ni ku maha a vilinganya leyo.
- 9 Kanilezi hina hi lo maha a kombelo wa hina ka Nungungulu wa hina, hi lo rumela a barinzeli ba bona a siku ni wusiku, hakuba ha bona.
- 10 Na Juda i te ngalo, A ntamo wa barwali baminzwalo wu mbetckile, ni labo ku kona a fenze yo tala; zingabo lezo hina hi wa nga zi koti a ku aka a kurisi.
- 11 Ni balala ba hina ba te ngalo, Bona ba nga ta zi tiba, ge hambu ni ku wona, kala hina hita xikari ka bona, ni ku ta hlasela bona, ni ku maha a tiro a ku kawula.
- 12 Na ku mahisile lezo lezaku, laha a ba Juda labo ba nga wa akile hi ka bona ba nga wa tile, bona ba lo wula ka kume ga zikati hi ka gonkle a wutsamo, Nwina mu fanela a ku wuya ka hina.
- 13 Hikwalaho nzi lo beka lomo klelweni ga lahasi ga wutsamo le nzako ka kurisi, le wutsamweni ga le handle, mina nzi lo beka leyo banhu a nzako ka mingango yabye zizwe ni ti-supado tabye, ni maklari yabye, ni mawura yabye.
- 14 Na mina nzi lo cuwuka, na nzi lo suka, nzi te ngalo ka manganakana, ni ka bafumeli, ni ka bonkle banhu, nga mu nga cabviswi ha bona: alukanyani a Hosi, loye a nga wa hombe ni a cabekako, ni kulwela a bamakabye ba nwina, a barisanyana ba nwina, ni banhanyana ba nwina, ni basati ba nwina, ni tindlu ta nwina.
- 15 Na ku mahisile lezo, laha a balala ba hina ba nga wa zi tibile lezaku kona ku tibyekisilwe ka hina, ni lezaku Nungungulu i mahile a guje-guje gabye gi nga nyawuli, ni lezaku hina honkle hi klelele le ligingisini, honklelele le tirweni wa hina.
- 16 Na ku mahisile lezo ku sukela lexo xikati kukomama mahlweni lezaku a kihlanya ga malanza ya mina ma lo tira a tiro, ni kihlanya ga malanza ya mina ma lo koma a maklari, ziklangu, ni mawura, mabaji ya ziketse; bafumeli ba wa hi le nzako ka yonkle a yindlu ya ka Juda.
- 17 Na bona bonkle labo ba akileko a ligingisi na bona bonkle labo ba rwalako a mirwalo ba lo rangela a wutsumbu gabye; bonklelele hi ginwe ga mandla ya yena i lo tira a tiro, na hi ginwani yena i lo klemerele a maklari ya yena;
- 18 Ni baaki, bonklelele ba bona ba wa hi ni supado ya yena yi bohilweko le nyongeni ya yena, na zingaho ba lo aka. Ni loye a nga waba a paratana i wa hi laha ka mina.
- 19 Na mina nzi te ngalo ka manganakana, ni ka bafumeli ni ka bonkle banhu, A tiro ngwahombe wu kuli-le, hina hi hangalakile gawabila he-

hla ka lingisingi, a ka munwe ni munwani:

- 20 Kani hi ka gihi a wutsamo nwina mu ta ngazwa a kubiwa ka paratana, wuyelelanani leno ka hina; a Nungungulu wa hina i ta lwela hina.
- 21 Zingaho hina hi lo tira a tiro: a kihlanya ga bona ba lo klemerele a maklari ku sukela kuceni ka mixo kala a tinyeleti ti wonkela.
- 22 Ziwangaho ka xwalexo a xikati mina nzi te ngalo ka banhu, Nga bonklelele zinwe ni malanza yabye ba eklelele lomo Jerusalema, kasi laha wusikwini ba fela ku maha barangeli ka hina, kasi ba fela ku tira hi siku.
- 23 Zingaho ge hambu mina, ge hambu a bamakabye ba mina, ge ni malanza ya mina, ge hambu ba banuna barangeli labo ba lanzelako mina, ge ku wa nga hi kona wa hina nga wa susa a tinguwo ta yena, bonklelele ba wa ku famba ni maklari ya yena le matini.

XIPIMO 5.

- 1 Zonake laho ku wa lo vuka kubiwa huwa ya hombe hi la banhwini ni le ka basati babye ba vukela a bamakabye babye a ba Juda.
- 2 Hakuba laho ku wa hi kona labo ba nga wa te ngalo, Hina, ni barisanyana ba hina ni banhanyana ba hina, hi tele: nga hina hi teka timbewu kasi ha fela kuga hi hanya.
- 3 Bazwani kambe laho ku wa hi kona labo ba nga wa te ngalo, Hina hi tsumbisile hi masimu ya hina, ni zivina za hina, ni tin/lu ta hina: nga hina hi kuma a mabele, hakuba hi ndlala.
- 4 Laho ku wa hi kona kambe labo ba nga wa te ngalo, Hina hi pembile a mali ya nzhubo ya hosi hi hehla ka masimu ya hina ni hehla zivina za hina.
- 5 Kasike a nyama ya hina yo kwatsi hi nyama ya bamakabye ba hina, ni banana ba hina kwatsi hi banana babye: ni, mangabye, hina ba neha a barisanyana ba hina ni banhanyana ba hina akuba malanza, ni bazwani ba banhanyana ba hina ba tisilwe wukumbini kalakale: ge kona a ku lomo ntaweni wa hina aku vuntela kona; hakuba bazwani ba banuna ba na ni masimu ya hina ni zivina za hina.

- 6 Na mina nzi wa lo zangara nguvu laho na nzi zwile a huwa yabye ni leti a timhaka.
- 7 Zonake nzi lo klabana nzeni ka wutsumbu ga mina, na nzi vumelana ni manganakana ni bafumeli, ni nzi te ngalo ka bona, Nwina ma tirisa kukalabela, nwenklelele a makabye wa yena. Ni ku maha a tsombano wa hombe wa ku vukela bona.
- 8 Na mina nzi te ngalo ka bona, Hina a nzako ka ntamo wa hina hi klatlisile a lixaka la hina la ba Juda, lezaku hina hi xabyisilwe ka bamatiko; nwinawu kambe mu wa ta nga mu xabisa a bamakabye ba nwina, ni kuba bona ba wa ta nga ba xabyiswa ka hina ke? Zonake bona ba wa lo rutisa ba ti miyelele, bona ba wa nga kumangi ni mhaka.
- 9 Kambe mina nzi wa te ngalo, A xilo lexi nwina mu mahako a hi kusasa: a mu fanele hi ku yini nwina a ku famba hi xicawo xa Nungungulu wa hina, hakuba hi nzhukano ya matiko a balala ba hina ke?
- 10 Ziwangaho na minawu kambe, bamakabye ba mina ni malanza ya mina, nzi pembile bona a mali ni mabele. Mina nza kombela nwina, nga hina hi tsika loku kukalabela.
- 11 Klelisani, mina nza kombela nwina, ka bona, gona legi siku, a masimu yabye, ni zivina yabye, ni wuolivia gabye, ni tin/lu tabye, ni xipanze xa zana xa mali ni xa mabele, ni waini giwa, ni mafura, lezo nwina mu tekileko ka bona.
- 12 Zonake ku lo wula bona, Hina hi ta klelisela wona, hi nga ta wutisa ncumo xa le ka bona; zingaho hina hi ta maha, kona ku kwatsi hilezi wena u wulileko, Zonake mina nzi bitana a bapristi, nzi lo teka a xifungo ka bona, lezaku bona ba wa ta nga ba maha kwatsi hi loku kutsumbisa.
- 13 Kambe mina nzi lo zuza a nguwo ya mina, na nzi te ngalo, Zingaho Nungungulu i ta zuza bonklelele banhu hi le ndlwini ya yena, na hi le tirweni wa yena, loye a nga mahiko lexi xitsumbiso; hambu zona zakungahi yena i ta zuziwa, a be panga. Ni wonkle a tsombano wu te ngalo, Amen, ni kudumisa Jehova. Ni banhu ba lo maha kukotisa hi ka lexi a xitsumbiso.
- 14 A latakumbiri a ka lexo a xikati

- mina nzi nga wa hlawulwe a ku maha a mufumeli wabye le tikweni ga le Juda, ku sukela ka makume mambiri malembe kala ka makume manharu ni mambiri a malembe ya Artaxerxes a hosi, lezaku, kume ni mambiri malembe, mina ni bamakabye ba mina hi wa nga gangi a zibaba za mufumeli.
- 15 Kanilezi a bafumeli ba ku ranga labo ba nga wa hi mahlweni ka mina ba wa binzisa banhu, ba wa lo teka ka bona a zibaba ni waini, hi lahandle ka mune wa makume ya maxekeli ya siliva; ina, ni malanza ma wa wumbelwe ku fuma hehla ka banhu: kanilezi mina a nzi mahangi a zakungahi, bakuba mina nzi lo caba a Nungungulu.
- 16 Ina, na mina nzi lo simamisa lomo tirweni wa ligingisi, ge hina hi wa nga xabangi ni tiko: ni wonkle a malanza ya mina ma wa tsombene katiginwe le leno ka mina tirweni.
- 17 Klatakumbiri laho ku wa hi kona laho mezeni ya mina a ka ba Juda ni bafumeli, a zana ni nkulanu wa makume ya ba banuna, hi lahandle ka labo ba tako ka hi ka matiko lawo ma nga xikari ka hina ma ranzeleko hina.
- 18 Makunu lezi zi nga wa longiselelwe a siku ginwe ka wa hi a kabi yinwe ni nkulanu ni yinwe a tiyivi ti langilweko; kambe ni tihuku ti wa longiselelwe mina, ni kanwe hi kume ga masiku a xaka ga tixaka tonkle ta waini: kasike ka zonkle lezi mina nzi wa nga labangi a zibaba za wufumeli, bakuba a wukumbi gi wa binzisiwe hehla ka banhu.
- 19 Alakanya ka mina, O Nungungulu wa mina, hi kusasa konkle loku nzi ku mahileko ka laba banhu.

XIPIMO 6.

- 1 Makunu na ku mahisile lezo, labo kona ku nga wa bikilwa ka Sanballati na Tobia, ni ka Gexemi, a mu Arabia, ni ka bonkle a balala ba hina, lezaku mina nzi akile a ligingisi, ni lezaku laho ku wa nga hi kona a mole wu nga wa siyilwe (hambu ka lexo a xikati mina nzi wa nga se ku yimisa a tibati lomo tinyangweni).
- 2 Lezaku Sanballati na Gexemi ba la ku rumela ka mina, baku, Ngona, nga hina hi klangana katiginwe a ka

- munwe wa mitana ya mikobeni ya le Ono. Kanilezi bona ba wa ku alakanya a ku hlawula mina.
- 3 Na mina nzi lo rumela a mitsukano ka bona, nziku, Mina nzi tira a tiro wa hombe, zingaho mina nzi nga ta relela nzita; hiyini a wu ta nga kawula, laha mina na nza ha tsikile wona, ni kurelela nzi ta ka nwina ke?
- 4 Na bona ba lo rumela ka mina a mune wa zikati hi nzako ka laya mamabela; na mina nzi lo hlamlula bona hi ywaleyo ndlela.
- 5 Zonake i lo rumela Sanballati a naza ga yena ka mina hi ku fanana ni lezo hi xikati xa wunklanu ni papilo gi vululekileko canjeni ga yena,
- 6 Lahoke ku wa tsalilwe, Kona ku bikilwe xikari ka mifumo, na Gaxmu wa wula, lezaku wena ni ba Juda mu alakanya a ku hlubuka; bakuba hi ka lexi wena wa aka a ligingisi: na wena u ta maha a hosi yabye, kukotisa hi ka timhaka leti.
- 7 Na wena u yimisile a baprofeti a ku kanela ha wena le Jerusalema, baku, Lahe ku kona a hosi le Juda: makunu kona ku ta bikiwa ka hosi kukotisa hi ka timhaka leti. Ngona wena hikwalaho, na nga hina hi maha a xikungo katiginwe.
- 8 Zonake mina nzi wa lo rumela ka yena, nziku, Lahe a ku kona a xilo xi mahlekileko kwatsi hilezi wena u wulako, kanilezi wena wa kukohliisa hi le lomo mbilwini ya wena.
- 9 Hakuba bona bonkle ba wa ta nga ba maha hina a ku caba, baku, A mandla ma ta mbela ntamo le tirweni, kasi wona wu fela ku kala wu nga mahiwi. Kanilezi makunu, O Nungungulu, tiyiseta wena a mandla ya mina.
- 10 Na mina nzi engena lomo ndlwini ya Xemaia a nisanyana wa Delaia a nisanyana wa Mehetabele, loye a nga wa valelwe; na yena i wa te ngalo, Nga hina hi klangana katiginwe lomo ndlwini ya ka Nungungulu, lomo tempeleni, na nga hina hi vala a tibati ta tempele: bakuba bona ba wa ta nga ba ta daya wena; ina, laha wusikwini ba wa ta nga ba ta daya wena.
- 11 Na mina nzi te ngalo, A munhu wo kwatsi nzi mina i wa ta nga a caba ke? Nzi mani a nga laho, lezaku, a

wo kwatsi nzi mina, a nga wa ta nga a ya lomu tempeleni a kuponisa a wutomi ga yena ke? mina nzi nga ta engena.

- 12 Na mina nzi lo pima, ni, mangabye, Nungungulu i wa nga rumangi yena; kanilezi yena i lo wulawula loku a profeta a vukela mina: na Tobia na Sanballati ba rihile yena.
- 13 Hakuba hi ka leyi mhaka yena i wa rihilwe, lezaku mina nzi wa ta nga nzi cabisilwe, nzi maha lezo, nzi onha, kasi bona ba fela ku kuma a mhaka ya ku wula kubiha, kasi bona ba fela ku rukatela mina.
- 14 Alakanya, O Nungungulu wa mina, Tobia na Sanballati kukotisa hi mitiro leyi yabye, kambe ni muprofeti wa wasati Noudia, ni bonkle a baprofeti, labo bonkle ba nga wa ta beka mina kucabeni.
- 15 Zingaho a ligingisi li wa mbeteki. le hi ka siku ga makume mambiri ni nkhanu ga hweti Eluli, hi ka nkhanu wa makume ni mambiri masiku.
- 16 Na ku mahisile lezo, laha bonkle a balala ba hina ba nga wa zwile ha kona, lezaku tonkle a tixaka leto ti nga wa hi ranzele ti lo caba, ti wa lo hoxwa lahasi kuwoneni kabye; hakuba bona ba wa lo pima lezaku lowu a tiro wu wa tirilwe hi Nungungulu wa hina.
- 17 Klatakumbiri ka lawo masiku a manganakana ya ba Juda ma lo rumela a mapapilo yo tala ka Tobia, ni mapapilo ya Tobia ma lota ka bona.
- 18 Hakuba loko ba wa hi banyingi le Juda ba nga wa hlambanyile ka yena, hakuba yena i wa hi nisanyana hi ka nayo Xekania a nisanyana wa Ara; ni nisanyana wa yena Jehohanani i wa tekile a nhanyana wa Mexullamu a nisanyana wa Berecia a sati.
- 19 Kambe bona ba lo wulawula hi kusasa ka yena mahlweni ka mina, ni kubika a timhaka ta yena mahlweni ka mina, ba lo bika a timhaka ta mina ka yena. Na Tobia i lo rumela a mapapilo a ku maha mina nzi caba.

XIPIMO 7.

- 1 Makunu na ku mahisile lezo, laha a ligingisi li nga wa akilwe, na mina na nzi yimisile a tibati, ni barinzeli ba tinyangwa, ni bayi-

mbeleli ni ba ka Levi ba wa yimisilwe,

- 2 Lezaku mina nzi lo nyika a makabye wa mina Hanani, na Hanania, a mufumeli wa kokola, a ku wumbelwa ku hlaysia Jerusalema; kakuba yena i wa hi munhu a kolekileko, i wa lo caba a Nungungulu hehla ka banyingi.
- 3 Na mina nzi te ngalo ka bona, Nga a tinyangwa ta Jerusalema ti nga vululwi kala a gambo gi hisa; ni laha na bona na ba ha yimile ba rinzela, nga bona ba vala tibati, ni ku kwinyara zwina tona: mu hlawula a barinzeli a ka baakileko ba le Jerusalema, bonklelele kurinzeleni kabye, bonklelele a ku cuwukela a yindlu yabye.
- 4 Makunu a muti wu wa anamile wu kulile; kanilezi a banhu ba wa hi batsongwani lomo, ni tindlu ti wa nga se ku akiwa.
- 5 Na Nungungulu wa mina i lo beka lomu mbilwini ya mina a kutso-mbanyisa katigizwe a manganakana, ni bafumeli, ni banhu, kasi bona ba fela ku hlambanyisela a wuzukulu gabye. Na mina nzi lo kuma a buku ga wuzukulu gabye labo ba nga wa tile kuranga, na mina nzi lo kuma a ku tsalwa ka kona:
- 6 Ni laha hi banana ba tiko, labo ba nga wa kanziyile hi le kukonweni ba labo ba nga wa rwelwe kule, labo Nebukadnezzare a hosi ya le Babuloni a nga wa gotsile ba famba, ni labo ba nga wa klelele le Jerusalema na Juda, bonklelele mutini wa ka kabye;
- 7 Labo ba nga wa tile na Zerubabelli, na Jexua, na Nehemia, na Azaria, na Raamia, na Nahamani, Mordekai, Bilxani, Misperete, Bigvai, Nehuma, Baana.
- A tsengo wa ba banuna ba banhu ba ka Israeli:
- 8 A banana ba ko Paroxa, mambiri mazana ya kume ga mazana ni zana ni nkhanu ni mambiri makume ni bambiri.
- 9 A banana ba ka Xefatia, mazana manharu ni nkhanu ni mambiri makume ni bambiri.
- 10 A banana ba ka Ara, i nkhanu ni gizwe a makume mazana ni nkhanu wa makume ni bambiri.
- 11 A banana ba ka Pahat-moabi, ba banana ba ka Jexua na Joabe, mambiri

NEHEMIA, 7.

- a kume ga mazana ni nklanu ni manharu mazana ni kume ni nklanu ni banharu.
- 12 A banana ba ka Elami, i kume ga mazana ni mazana mambiri ni nklanu ni mune.
- 13 A banana ba ka Zattu, i nklanu ni manharu mazana ni mune wa makume ni nklanu.
- 14 A banana ba ka Zakkai, i nklanu ni mambiri mazana ni nklanu ni ginwe makume.
- 15 A banana ba ka Binnui, i nklanu ni ginwe mazana ni mune wa makume ni nklanu ni banharu.
- 16 A banana ba ka Bebai, i nklanu ni ginwe mazana ni makume mambiri ni nklanu ni banharu.
- 17 A banana ba Azgade, mambiri a kume ga mazana ni mazana manharu ni makume mambiri ni bambiri.
- 18 A banana ba ka Adonikamu, i nklanu ni ginwe mazana ni nklanu ni ginwe makume ni nklanu ni bambiri.
- 19 A banana ba ka Bigvai, mambiri a kume ga mazana ni nklanu ni ginwe makume ni nklanu ni bambiri.
- 20 A banana ba ka Adina, i nklanu ni ginwe mazana ni nklanu wa makume ni nklanu.
- 21 A banana ba ka Atera, ba ka Hezekia, i nklanu ni mune makume ni nklanu ni banharu.
- 22 A banana ba ka Haxuma, manharu mazana ni makume mambiri ni nklanu ni banharu.
- 23 A banana ba ka Bezai, mazana manharu ni makume mambiri ni mune.
- 24 A banana ba ka Harifa, i zana ni kume ni bambiri.
- 25 A banana ba ka Gibeoni, i nklanu mune makume ni nklanu.
- 26 A ba banuna ba le Betlehema ni le Netofa, i zana ni nklanu ni manharu makume ni nklanu ni banharu.
- 27 A ba banuna ba ka Anatote, i zana ni makume mambiri ni nklanu ni banharu.
- 28 A ba banuna ba ka Bet-azmavete, mune wa makume ni bambiri.
- 29 A ba banuna ba ka Kiriath-jearimu, Cefira, na Beerote, i nklanu ni mambiri a mazana ni mune wa makume ni manharu.
- 30 A ba banuna ba le Rama ni Geba, i nklanu ni ginwe mazana ni makume mambiri ni munwe.
- 31 A ba banuna ba le Micemasi, i zana ni makume mambiri ni bambiri.
- 32 A ba banuna ba le Beteli ni Ai, i zana ni makume mambiri ni banharu.
- 33 A ba banuna ba munwani Nebo, i nklanu wa makume ni bambiri.
- 34 A banana ba munwani Elami, i kume ga mazana ni mazana mambiri ni nklanu wa makume ni mune.
- 35 A banana ba ka Harima, mazana manharu ni makume mambiri.
- 36 A banana ba ka Jeriko, mazana manharu ni mune wa makume ni nklanu.
- 37 A banana ba ka Loda, Hadida, na Ono, i nklanu ni mambiri mazana ni munwe.
- 38 A banana ba ka Senaa, manharu a kume ga mazana ni nklanu ni mune mazana ni makume manharu.
- 39 A bapristi; A banana ba ka Jedai, ba yindlu ya ka Jexua, i nklanu ni mune mazana ni nklanu ni mambiri makume ni banharu.
- 40 A banana ba ka Immera, i kume ga mazana ni nklanu wa makume ni bambiri.
- 41 A banana ba Paxhura, i kume ga mazana ni mazana mambiri ni mune wa makume ni nklanu ni bambiri.
- 42 A banana ba ka Harima, i kume ga mazana ni kume ni nklanu ni mambiri.
- 43 A ba ka Levi: a banana ba ka Jexua, ba ka Kadmieli, a banana ba ka Hodeva, i nklanu ni mambiri makume ni mune.
- 44 A bayimbeleli: a banana ba ka Asafa, i zana ni mune wa makume ni nklanu ni banharu.
- 45 A barinzeli ba tinyangwa: a banana ba ka Xalluma, a banana ba ka Atera, a banana ba ka Talmoni, a banana ba ka Akkuba, a banana ba ka Hatita, a banana ba ka Xobai, i zana ni makume manharu ni nklanu ni banharu.
- 46 A ma Netinime: a banana ba ka Ziha, a banana ba ka Hasufa, a banana ba ka Tabaote,
- 47 A banana ba ka Kerosi, a banana ba ka Sia, a banana ba ka Padoni,
- 48 A banana ba ka Lebana, a banana ba ka Hagaba, a banana ba ka Salmai,
- 49 A banana ba ka Hanani, a banana ba ka Giddeli, a banana ba ka Gahara,
- 50 A banana ba ka Reaia, a banana ba ka Rezini, a banana ba ka Nekoda,

- 51 A banana ba ka Gazzama, a banana ba ka Uzza, a banana ba ka Pasea,
 52 A banana ba ka Besai, a banana ba ka Meunime, a banana ba ka Nefuxesima,
 53 A banana ba ka Bakbuke, a banana ba ka Hakufa, a banana ba ka Harhura,
 54 A banana ba ka Bazlite, a banana ba ka Mehida, a banana ba ka Harxa,
 55 A banana ba ka Barkosi, a banana ba ka Sisera, a banana ba ka Tema,
 56 A banana ba ka Nezia, a banana ba ka Hatifa.
 57 A banana ba malanza ya ka Solomoni: a banana ba ka Sotai, a banana ba ka Soferete, a banana ba ka Perida,
 58 A banana ba ka Jaala, a banana ba ka Darkoni, a banana ba ka Giddeli,
 59 A banana ba ka Xefatia, a banana ba ka Hattila, a banana ba ka Pocerethazzebaime, a banana ba ka Amoni.
 60 Bonkle ma Netinime, ni banana ba malanza ya ka Solomoni, ba wa hi mazana manharu ni nkulanu ni mune makume ni bambiri.
 61 Ni laba hi bona laba ba nga wa kanziyile ba suka hi le Tel-mela, Telharxa, Cerube, Addoni, ni Immera; kanilezi bona ba wa nga ba zi kotangi a ku kombisa a tindlu ta badadani babye, ge ni mbewu yabye, lezaku kutani bona ba wa hi ba ka Israeli:
 62 A banana ba ka Delaia, a banana ba ka Tobia, a banana ba ka Nekoda, i nkulanu ni ginwe mazana ni mune wa makume ni bambiri.
 63 Ni ka bapristi: a banana ba ka Hobai, a banana ba ka Hakkoza, a banana ba ka Barzillai, loye a nga wa tekile wasati wa banhanyana ba ka Barzillai a mu Gileade, na ba lo cula le nzako ka mabito yabye.
 64 Laba ba lo hlota a kutimulwa kabye xikari ka labo ba nga wa timulwe hi wuzukulu, kanilezi ku wa nga kuzwangi: hikwalaho bona ba wa lo alakanywa hi ku awihatilweko, ba lo suswa wupristini.
 65 Ni mufumeli i te ngalo ka bona, lezaku bona ba wa nga taga a zilo zi hunzeleleko kubasa, kala laho ku yima a mupristi zinwe na Urima na Tummima.
 66 Ni wonkle a gotsobanyano katigizwe ku wa hi mune wa makume ni

mambiri a kume ga mazana ni mazana manharu ni nkulanu ni ginwe makume,

- 67 Hi lahandle ka malanza yabye ya xinuna ni malanza yabye ya xisati, a bahi ku wa hi nkulanu ni mambiri a kume ga mazana ni mazana manharu ni nkulanu ni bambiri: na bona ba wa hi ni mazana mambiri ni mune wa makume ni nkulanu a ba banuna ba ku yimbelela ni ba basati ba ku yimbelela.

- 68 Ni mahaxi yabye ma wa hi nkulanu ni mambiri a mazana ni makume manharu ni nkulanu ni ginwe; a maesela yabye, mazana mambiri ni mune wa makume ni nkulanu;

- 69 A makameli yabye, mune wa mazana ni makume manharu ni nkulanu; ni timbongola tabye, i nkulanu ni ginwe a kume ga mazana, ni nkulanu ni mambiri mazana ni makume mambiri.

- 70 Ni banwani ba tihloko ta tindlu ta badadani ba lo nyika akuba za tiro. Ni mufumeli i lo nyika le bakweni a kume ga mazana madarike ya nzalama, nkulanu wa makume a zinamelo, nkulanu wa mazana ni makume manharu a tinguwo ta bapristi.

- 71 Ni banwani ba tihloko ta tindlu ta badadani ba lo nyika le bakweni ga tiro a makume mambiri a kume ga mazana a madarike ya nzalama, ni mambiri a kume ga mazana ni mazana mambiri a ziringaniso za siliva.

- 72 Ni lezo bonkle banhu ba nga wa nyikile ku wa hi makume mambiri a madarike ya nzalama, ni mambiri a kume ga mazana a ziringaniso ya siliva, ni nkulanu ni ginwe a makume ni nkulanu ni timbiri a tinguwo ta bapristi.

- 73 Zingaho a bapristi, ni ba ka Levi, ni barinzeli ba tinyangwa, ni bayimbeleli, ni banwani ba banhu, ni ma Netinime, ni wonkle Israeli, ba lo aka lomo mitini yabye.

Ni laha a nkulanu ni timbiri a tihweti ti nga wa tile, a banana ba ka Israeli ba wa hi lomo mitini yabye.

XIPIMO 8.

- 1 Ni bonkle banhu ba lo tsombanyisa a wutsumbu gabye katigizwe kwatsi munhu muawe le wutswaweni ga le handle lego gi nga wa mahlweni ka nyangwa ya mati; na bona ba lo wulawula ka Ezra a mu-

- tsali, a ku neha a buku ga nayo wa Mosi, lego Jehova a leleteleko ka Israeli.
- 2 Na Ezra a mupristi i lo neha a buku ga nawo mahlweni ka gotsobanyano, bonkle ba banuna ni babasati, ni ka bonkle labo ba nga wa ta nga bazwa hi pimisisiso, hehla ka siku go ranga ga hweti ya nklanu ni timbiri.
- 3 Na yena i lo gonza mahlweni ka wutsamo ga le enama lego gi nga wa hi mahlweni ka nyangwa ya mati ku sukela laha punzwini wa mixo kala laha muzwini, a kubakoneni ka ba banuna ni ba basati, ni ka labo ba nga wa ta nga ba pimisisa; ni tindlebe ta bonkle banhu ti lo panga tizwa a ka buku ga nawo.
- 4 Na Ezra a mutsali i lo yima laha xitsuleni xa tinhi, lexo ba nga wa xi mahele lowo tiro; na hi lahandle ka yena i lo yima Mattitia, na Xema, na Anaia, na Uria, na Hilikia, na Maaseia, hi ka canja ga yena ga xinene; ni ka canja ga yena ga xibaba, Pedaiia, na Mixaeli, na Malkija, na Haxuma, na Haxbaddana, na Zakaria, na Mexullamu.
- 5 Na Ezra i lo vulula a buku kuwoneni ka bonkle banhu (hakuba yena i wa hi hehla ka bonkle banhu); ni laha yena a nga wa vulele gona, ni bonkle banhu ba lo yima.
- 6 Na Ezra i lo katekisa Jehova, a Nungungulu wa hombe; ni bonkle banhu ba lo hlamula, Amen, Amen, hi ku klakusa a mandla yabye: na bona ba lo koramisa a tihloko tabye, ba lo kozela Jehova hi tinghohe tabye laha liranzyeni.
- 7 Kambe Jexua, na Bani, na Xerebia, na Jamini, Akkuba, Xabbatai, Hodia, Maaseia, Kelita, Azaria, Jozabada, Hanani, Pelaia, ni ba ka Levi, ba maha a banhu a kupimisisa a nawo: ni banhu ba lo yima lomo wutsanweni gabye.
- 8 Na bona ba lo gonza lomo bukwin, lomo naweni wa ka Nungungulu, hi kutinzabetilweko; na bona ba lo nyika a kupima, zingaho lezo kasi bona ba fela a kupimisisa hi kugonza.
- 9 Na Nehemia, loye a nga wa hi mufumeli, na Ezra a mupristi a mutsali, ni ba ka Levi labo ba nga wa gonzisa a banhu, ba te ngalo ka banhu, Legi siku gi basile ka Jehova a Nungungulu wa nwina; mu nga rili, ge ni ku hlomula. Hakuba bonkle banhu ba wa kurila, laha na bazwa timhaka ta nawo.
- 10 Zonake yena i te ngalo ka bona, Fambani a ndlela ya nwina, mu yaga a kunona, ni kunwa kutsombela, ni ku rumela a ziabelo ka yena loye a nga longiselangiko ncumo; hakuba legi siku gi basile ka Hosi ya hina: ge nga nwina mu nga bi mu hlokisilweko; hakuba a tsakisiso wa Jehova hi ntamo wa nwina.
- 11 Zingaho a ba ka Levi ba lo miyeta a banhu bonkle, baku, Rutisani mu miyela, hakuba a siku gi basile; gehambu ni kuba mu hlokisilweko.
- 12 Ni bonkle banhu ba lo famba a ndlela yabye ku yaga, ni ku yanwa, ni ku rumela a ziabelo, ni ku maha a litsako la hombe, hakuba bona ba zwile a mhaka leyo yi nga wa klaklambutelwa ka bona.
- 13 A ka siku ga wumbiri ti lo tso mbana katigiawe a tihloko ta badadani ta bonkle banhu a bapristi, ni ba ka Levi, na Ezra a mutsali, kona ku nyika a ingisiso hi ka timhaka ta nawo.
- 14 Na bona ba lo kuma na ku tsalilwe lomo naweni, lezaku i leletelisile ku yini Jehova ha Mosi, lezaku a banana ba ka Israeli ba wa ta nga ba tsama lomo mixaxeni a ka mubuzo wa nkla ni timbiri a tihweti;
- 15 Kasi bona ba wa ta nga kusanguliswa kubiwahungu a ka yonkle a miti yabye, ni le Jerusalema, baku, Fambani le xitsungeni, mu ya laha a marabi ya olivia, ni marabi ya olivia wa kwati, ni marabi ya tihlambuti, ni marabi ya micinzu, ni marabi ya tisinya ti klimbeneke, a ku maha a mixaxa, kwatsi hilezi ku tsalilweko.
- 16 Zingaho a banhu ba lo famba, ba loya nelha zona, ba lo mahela a wutsumbu gabye a mixaxa, bonklelele hehla ka langwa la yindlu ya yena ni lomo tihubyeni tabye, ni hehla ka hubye ya yindlu ya ka Nungungulu, ni lomo wutsanweni ga le handle le nyangweni ya mati, ni wutsanweni ga le handle ga nyangwa ya ka Efraime.
- 17 Ni wonkle a tsombano wa bona labo ba tileko kambe hi le kukonweni ba lo maha mixaxa, ba lo tsama lomo mixaxeni; hakuba cima ka siku ga Jexua a nisanyana wa Nuni kala ka

lego siku ba wa nga a banana ba ka Israeli ba nga mahangi zakungaho. Ni laho ku wa hi litsako ta hombe.

- 18 Kambe a siku hi siku, ku sukela hi ka siku go ranza kala ka siku go gumesa, yena i wa lo gonza lomo bukwinini ga nawo wa Nungungulu. Na bona ba lo hlayisa a mubuzo nkhanu ni mambiri masiku; na hi ka siku ga nkhanu ni manharu; ku wa hi kona a muklangano wa kubasa kukotisa hi ka xiyimiso.

XIPIMO 9.

- 1 Makunu hi ka makume mambiri ni mune a siku ga hweti ni banana ba ka Israeli ba lo tsoimbana hi kuyila, ziwe ni tinguwo ta tisakwa, ni misaba hehla ka bona.
- 2 Ni mbewu ya ka Israeli yi lo hambanyisa a wutsumbu ga yona ka bamatiko, ba lo yima ba wulela a zionho zabye, ni zigoho za badadani banye.
- 3 Na bona ba lo yima lomo wutsawweni gabye, ba lo gonza lomo bukwinini ga nawo wa Jehova a Nungungulu wabye a hi ka xipanze xa wune xa siku; ni xiwani xipanze xa wumune bona ba lo wulela, ba lo dumisa Jehova a Nungungulu wabye.
- 4 Zonake ba lo suka ba yima hehla ka mayingo a ba ka Levi, Jexua, na Bani, Kadmieli, Xebania, Buni, Xerebia, Bani, Cenani, ba lo bahuwa hi magezu ya hombe ka Jehova a Nungungulu wabye.
- 5 Zonake a ba ka Levi, Jexua, na Kadmieli, Bani, Haxabneia, Xerebia, Hodia, Xebania, na Petahia, ba te ngalo, Yimani mu katisa Jehova a Nungungulu wa zwina kusukela kupinzukelisweni kala kupinzukelisweni; a gi katekiswe a bito ga wena gi ngangamelako, lego gi kha-kusileweko kuhunza kukatekiswa ni kudumiswa.
- 6 Wena hi wena Jehova, yena wena wece; wena u mahile a tilo, a tilo ga matilo, ziwe ni mabanla ya kona wonkle, a misaba ni zilo zonkle zi nga ka yona, ni bimbi ni zonkle zi nga ka gona, wena u lonzowotako zona zonkle; ni mabanla ya tilo na kozela wena.
- 7 Wena hi wena Jehova a Nungungulu, wena loye u lungileko Abrama, u lo u nehileko yena hi le Uri ga ma

Kaldea, u lo nyika yena a bito ga Abrahamama,

- 8 U kumileko a mbilu ya yena na yi kolekile mahlweni ka wena, u mahileko a xivumelwano ziwe na yena a ku nyika yena a tiko ga ka Kenani, ni ga ka Hiti, ni ga ka Amori, ni ga ka Perezi, ni ga ka Jebusi, ni ga ka Girgaxi, a ku nyika gona ka mbewu ya yena, u mahileko hi ka timbaka ta wena; hakuba wena u lulamileko.
- 9 Na wena u wonileko a blokiselelo ya badadani ba hina le Gipite, u zwileko a huwa yabye le Bimbini go Truka.
- 10 U wonisileko a ziwoniso ni ziblamaliso hehla ka Faro, ni hehla ka wonkle a malanza ya yena, ni ka bonkle bahu ba tiko ga yena; hakuba wena u tibileko lezaku bona ba lo maha hi kukumuxisileweko ba vukela bona, wena u lo tikela a bito, kwatsi hi legi siku.
- 11 Na wena u abanyisileko a bimbi mahlweni ka bona, zingaho lezo kasi ba tsemakanya xikari ka bimbi lomo muhanzeni wu omileko; a bahlongo-li banye wena u lo ba hoxa lomo kuateni, kwatsi i ribye lomo xikari ka mamati ya ntamo.
- 12 Klatakumbiri hi ka mhinga ya refu wena u rangelileko bona hi siku; ni ka mhinga ya nzilo hi wusiku, a ku nyika kuwoninga hi ka ndlela leyi bona ba nga fambako.
- 13 Wena u relelileko kambe hi le xitsungeni xa Sinai, u wulawulileko ziwe na bona hi le tilweni, u nyikileko bona a ziyimiso zi longamileko ni milawo ya zinene, a zilayelo za sasiso ni zileletelo.
- 14 U mahileko ku tibekiswa ka bona a sabado ga wena go basa, u leleteleko bona a mileletelo, a milayelo, ni nawo, ha Mosi a nanza ga wena.
- 15 U nyikileko bona a zibaba hi le tilweni hi ndlala yabye, u nehileko a mati hi lomo ribyeni hi tora gabye, u leleteleko bona lezaku bona ba wa ta nga baya teka a tiko u hlambanyileko ku nyika bona.
- 16 Kanilezi bona ni badadani ba hina ba lo maha hi kukumuxileweko, ba lo nouhisa a mhamo yabye, a ba ingisangi ka mileletelo ya wena,
- 17 Ba lo nyenya a kuzwa, ge hambu ku cela kota hi miblamaliso leyo wena u mahileko xikari ka bona,

- kanilezi ba lo nonohisa a mhamo ya-
bye, na hi hlubukisiso wabye u lo
yimisa a nduna a ku ba wuyisa wu-
kumbini gabye. Kanilezi wena hi
wena Nungungulu u longeleko a
kuribalela, wa wuxinji ni titralo, u
nonokako kuzangara, na u hi talisi-
so wa kuranzakawunene, u nga tsi-
kangiko bona.
- 18 Ina, laha ba mahele bona a role gi
nyekisilweko, ba te ngalo, Loyi nzi
Nungungulu wa wena loye a nehile-
ko u huma le Gipite, na ba lo maha
a vunjukelisiso wa hombe ;
- 19 Ina wena hi ka titralo ta wumunhu
ga wena a ku tsikangi bona lomo
xiwuleni : a mbinga ya refu a yi
sukangi le hehla ka bona hi siku,
a ku rangela bona ndleleni ; ge ha-
mbu ni inhinga ya nzilo hi wusiku,
a kukombisa bona kuwoninga, ni
ndlela leyo ha yona ba nga wa ta nga
ba famba.
- 20 Wena kambe u nyikileko a Moya wa
wena wo saseka a kugonzisa bona, u
nga tsimbetelangiko a mana ya wena
le nonwini wabye, u nyikileko bona
a mati hi tora gabye.
- 21 Ina, mune wa makume a malembe
wena u gongola bona lomo xiwuleni,
na bona a ba vumalangi neumo ; a
tinguwo tabye a ti hunzelelangi ti
hlakala, ni mikonzo yabye a vimba-
ngi.
- 22 Klatakumbiri wena u lo ba nyika a
mifumo ni banhu, labo wena u ba
hlahlubileko a nzako ka ziabelo za-
bye : zingaho bona ba lo teka a tiko
ga Sihoni, gona a tiko ga hosi ya le
Hexboni, ni tiko ga Ogi a hosi ya le
Baxani.
- 23 Ni banana babye wena u enzelekisi-
leko kwutsi tinyeleti ta tilo, u ba
nehileko lomu tikweni lego wena u
wulileko ka badadani babye, lezaku
bona ba wa ta nga ba famba kuya
fumela gona.
- 24 Zingaho a banana ba lo engena ba lo
fumela a tiko, wena u lo kozisileko
mahlweni ka bona a banhu ba tiko,
a ma Kenani, u lo nyikeleko bona
mandleni yabye, zinwe ni tihosi ta-
bye, ni banhu ba tiko, lezaku bona
ba fela ku maha ka bona lezo ba nga
wa ta nga ba zi ranza.
- 25 Na bona ba lo teka a miti yi gisilwe-
ko, ni tiko ga matsobo, ni ku teka a
tinflu tonkle ti teleko hi zilo zonkle
za kusaseka, tihlowo ti kuhilweko,
- a zivina, ni wuoliviva, a tisinya ta
mimbanzo ta talisiso : zingaho bona
ba loga, ba wa xurile, ba su kulu-
kelana, ba su xalaliswa a wutsumbu
gabye hi ka sasisiso wa wena wa
hombe.
- 26 Ahembalezoke bona ba wa hi ba
nga ingisisisiko, na ba hlubukile ba
vukela wena, ba lo hoxa a nawo wa
wena le makutini ya hlana wabye,
ni ba lo daya a baprofeti ba wena
labo ba nga wa kustumunya ba vu-
kela bona a ku hunzula bona kambe
ka wena, bona ba lo maha a vindlu-
kelisiso wa hombe.
- 27 Hikwalaho wena u lo nyikela bona
canjeni ga balala babye, labo ba hloki-
sileko bona : ni le xikatini xa karate-
ko yabye, laha bona ba rilileko ka we-
na, wena u ba lozwa hi le tilweni ; ni
kukotisa hi ka titralo ta wumunhu
ga wena, wena u lo nyika bona a ha-
nyisi loye labo ba hanyisileko bona
canjeni ga balala babye.
- 28 Kanilezi a nzako ka kuba bona ba
humulile, bona ba lo maha kubihla
kambe mahlweni ka wena ; hikwa-
laho wena u lo ba tsikileko canjeni
ga balala babye, zingaho lezo kasi
bona ba fela ku maka kufuma hehla
ka bona : kasike laha bona na ba
klelela, ni ba lo bahuwa ka wena,
wena u lozwa hi le tilweni ; ni zikati
zinyingi wena u klaklisileko bona
kukotisa hi ka titralo ta wena.
- 29 Na u kustumunyile u vukela bona,
lezaku kasi wena wa fela ku neha
bona lomo naweni wa wena. Ina,
bona ba mahile hi kukumuxisilweko,
a ba zwangi ka mileletelo ya wena,
kanilezi ba lo onha ba vukela a mi-
yimiso ya wena (leyo loku a manhu
a yi maha, yena i ta hanya hi ka
yona), ba lo tsukwata a kafla gabye,
ba lo nonohisa a nhamo yabye, na ba
wa nga ba ngazwi.
- 30 Kasike malembe yo tala wena u lo
tinisela ha bona, u kustumunyako
u vukela bona hi Moya wa wena hi
baprofeti ba wena : kasi lezo ba wa
nga ba nga nyiki a ndlebe : hikwa-
laho wena u nyikeleko bona ka ba-
nhu ba matiko.
- 31 Ahembalezoke hi titralo tinyingi ta
wena wena a ku mahangi a kugu-
melwa kabye ku mbeteka ka bona,
ge ni ku tsika bona ; hakuba wena
u wa wuxinji ni titralo ti trahekisi-
lweko Nungungulu.

- 32 Makunu hikwalaho, Nungungulu wa hina, a wa hombe, a nyamintamo, na Nungungulu a tsisako, loye a hlaysako a xivumelwano ni kuranzakawunene, nga tonkle a tikuruxu ti nga kwatsi titsongo mahlweni ka wena, leto ti weleko hehla ka hina, a ka tihosi ta hina, ni ka tihosana ta hina, ni ka bapristi ba hina, ni ka baprofeti ba hina, ni ka badadani ba hina, ni ka bonkle banhu ba wena, cina ka siku ga tihosi ta le Asiria kala legi siku.
- 33 Ahemba wena u longamile ka zonkle lezo zi welako hehla ka hina; haku-ba wena u mahile hi ka zinene, kanilezi hina hi mahile hi kubihisilweko;
- 34 Ge hambu tihosi ta hina, ni tihosana ta hina, ni bapristi ba hina, ni badadani ba hina, ba hlaysile a nawo wa wena, ge ni hi lo ingisisa ka miyimiso ya wena ni mikustumunyelo ya wena leyo wena u kustumunyileko u vukela bona.
- 35 Hakuba bona a ba kozelangi wena lomu mufumweni wabye, ni lomo sasekisisweni wabye wa hombe lowo wena u nyikileko bona, ni lomo kukuleni ni kunoneni ka tiko lego wena u nyikileko ka bona, ge hambu ni ku klela bona mitirweni yabye ya kubihla.
- 36 Languta, hina hi malanza legi siku, na kwatsi hi tiko legi wena u nyikileko a badadani ba hina a kuga mihanzo ya gona ni kusasa ka gona, languta, hina hi malanza ka gona.
- 37 Na gona gi trala a mihanzo yo tala ka tihosi leto wena u rumeleko hehla ka hina hakuba hi zionho za hina: kambe bona ba na ni ntamo hehla ka miri wa hina, hehla ka tihomu ta hina, hi ka kuranza kabye, hina hi le hlokisweni ya hombe.
- 38 Na kasike hi ka zonkle lezi hina ha maha a xivumelwano xa zinene, ni ku tsala xona; ni tihosana ta hina, ni ba Levi ba hina, bapristi ba hina, ba umile ka xona.
- 6 Danieli, Ginnetoni, Baruke,
7 Mexullamu, Abija, Mijamini,
8 Maazia, Bilgai, Xemala; laba ba wa hi bapristi.
9 Ni ba ka Levi: hi mabito, Jexua a nisanyana wa ka Azania, na Binnui wa barisanyana ba Henadade, Kadmieli;
10 Ni bamakabye babye, Xebania, Hodia, Kelita, Pelaia, Hanana,
11 Mika, Rehoba, Haxabia,
12 Zakkura, Xerebia, Xebania,
13 Hodia, Bani, Beninu.
14 A tihosi ta banhu: Paroxa, Pahatmoabi, Elami, Zattu, Bani,
15 Buni, Azgade, Bebai,
16 Adonija, Bigvai, Adina,
17 Atera, Hezekia, Azzura,
18 Hodia, Haxuma, Bezai,
19 Harifa, Anatote, Nobai,
20 Magpiaxi, Mexullamu, Hezire,
21 Mexezabeli, Zadoke, Jaddua,
22 Pelatia, Hanana, Anaia,
23 Hoxea, Hanania, Hasxuba,
24 Hallohexa, Pilha, Xobeka,
25 Rehuma, Haxabna, Maaseia,
26 Na Ahia, Hanana, Anani,
27 Malluku, Harima, Baana.
28 Ni bonkle banhu, a bapristi, ni ba ka Levi, ni barinzeli ba tinyangwa, ni bayimbeleli, ni ma Netinime, ni bonkle labo ba nga wa hambanyisele a wutsumbu gabye leka banhu ba tiko bata ka nawo wa ka Nungungulu, a basati babye, ni barisanyana babye, ni banhanyana babye, bonklelele labo ba nga wa hi ni kutibisosa ni kupimisisa;
29 Bona ba lo namarela ka bamakabye babye, a manganakana yabye, ba engena meketeleni ni xifungweni, a ku famba hi nawo wa Nungungulu, lowo wu nga wa nyikilwe ha Mosi a nanza ga Nungungulu, a kulonzowota ni ku maha konkle a kuleletela ka Jehova a Hosi ya hina, ni ziyimiso za yena ni zilayelo za yena;
30 Ni lezaku hina hi wa nga ta nyika a banhanyana ba hina ka banhu ba tiko, ge ni ku teka a banhanyana babye ka barisanyana ba hina;
31 Ni loku a banhu ba tiko ba neha xuma kutani ni hi mabele hi ka siku ga sabado a kuxabisa, lezaku hina hi wa nga ta xaba ka bona hi sabado, kutani hi ka siku go basa; ni lezaku hina hi ta tsika a lembe ga nklanu ni mambiri, ni tikeco ta yonklelele milanzu.

XIPIMO 10.

- 1 Makunu labo ba nga wa umile ba wa hi: Nehemia a mufumeli, a nisanyana wa Hacalia, na Zedekia,
2 Seraia, Azaria, Jeremia,
3 Paxhura, Amaria, Malkija,
4 Hattuxa, Xebania, Malluku;
5 Harima, Meremote, Obadia,

- 32 Kambe hina hi lo ti mahela ziyi-miso hina, a ku ti humesela a wu-
tsumbu ga hina a xipanze xa wu-
nharu xa xekeli akuba xa nkozi ya
Nungungulu wa hina ;
- 33 Akuba za zibaba zi kombilweko, ni
munyikelo wa tuzhoho wu simami-
leko, akuba za munyikelo wu sima-
misileko wa kuhiswa, akuba wa ma-
sabado, akuba wa tihweti tiwa,
akuba wa mibuzo yi yimisilweko,
akuba wa zilo zo basa, ni wa minyi-
kelo ya kuonha a ku maha a nzhi-
ho ka Israeli, akuba wonkle a tiro
wa yindlu ya ka Nungungulu wa
hina.
- 34 Na hina hi lo hlaluba tihlolo, ba-
pristi, ni ba Levi, ni banhu, akuba
munyikelo wa tihunyi, a ku neha to-
na lomo ndlwini ya Nungungulu
wa hina, kukotisa hi ka tindlu ta
badadani ba hina, a ka xikati xiyi-
misilweko, a malembe hi malembe,
a kuhisa lehla alati ga ka Jehova a
Nungungulu wa hina, kwatsi hilezi
ku tsalilweko lomo naweni ;
- 35 Ni ku neha a mihanzo yo ranga ya
misaba, ni mihanzo yo ranga ya to-
nkle tixaka ta tisiya, a malembe hi
malembe, le ndlwini ya ka Jehova ;
- 36 Kambe ni matewula ya barisanyana
ba hina, ni ya tihomu ta hina, kwa-
tsi hilezi ku tsalilweko lomo naweni,
ni mati wula ya tihomu ni ya mikla-
mbi ya hina, a ku neha le ndlwini
ya Nungungulu wa hina, a ka ba-
pristi labo ba kozelako lomo ndlwini
ya ka Nungungulu wa hina ;
- 37 Ni lezaku hi wa ta nga li neha a ku
ranga ka mihanzo ya mapa ya hina,
ni minyikelo ya hina ya kunziwitela,
ni mihanzo ya tonkle tixaka ta tisi-
nya, a waini giswa ni mafura, a ka
bapristi, lomo nzeni ka yindlu ya
Nungungulu wa hina ; ni ka wu-
kume ga masimu ya hina ka ba ka
Levi, a ku teka a ka wukume ga
yonkle a miti ya hina ya xirimo xa
hina.
- 38 Ni mupristi a nisanyana wa Aroni
a taba zinwe ni ba ka Levi, laba a
ba ka Levi ba teka ka wukume : ni
ba ka Levi ba ta neha a wukume ga
za wukume le ndlwini ya ka Nungu-
ngulu wa hina, lomo tindlwini, ka
yindlu ya bako.
- 39 Hakuba a banana ba ka Israeli ni
banana ba ka Levi ba ta neha a mi-
nyikelo ya kunziwitela ya mabele,

ya waini giswa, ni ya mafura, lomo
tindlwini, lomo ku na nga ni zibya
za yindlu ya kubasa, ni bapristi la-
bo ba kozelako, ni barinzeli ba ti-
nyangwa, ni bayimbeli ; hina hi
nga ta tsika a yindlu ya Nungu-
ngulu wa hina.

XIPIMO 11.

- 1 Ni tihosana ta banhu ti lo tsama
lomo Jerusalema : ni bonkle banhu
ba lo hlahlubye tihlolo, a ku neha a
munwe wa ba kume a ku tsama lo-
mo Jerusalema mutini wa kubasa,
ni zipanze xa nkhanu ni mune xi
tsama lomo mitini yinwani.
- 2 Ni banhu ba lo katisa a banhu labo
hikuvumelisilweko ba vumelako ku
tsama a wutsumbu gabye lomo Je-
rusalema.
- 3 Makunu leti hi tihosi ta matiko
letu ti nga wa vumele a kuaka lomo
Jerusalema : kanilezi lomo mitini ya
ka Juda ku aka bonklelele tsombeni
ya yenawu lomu mutini wa ka ka-
bye, a wumboni, Israeli, a bapristi,
ni ba ka Levi, ni ma Netinime, ni
banana ba malanza ya ka Solomoni.
- 4 Ni le Jerusalema ku a ka 'bokari
ba banana ba ka Juda, ni ba banana
ba ka Benjamini. A ka banana ba
ka Juda : Ataia a nisanyana wa
Uzzia, a nisanyana wa ka Zakaria, a
nisanyana wa ka Amaria, a nisanya-
na wa ka Xefatia, a nisanyana wa
ka Mahalaleli, wa barisanyana ba ka
Perezi ;
- 5 Na Maaseia a nisanyana wa ka Ba-
ruke, a nisanyana wa ka Kol-hoze, a
nisanyana wa ka Hazaiia, a nisanya-
na wa ka Adaia, a nisanyana wa ka
Joiariba, a nisanyana wa ka Zakaria,
a nisanyana wa mu Xiloni.
- 6 Bonkle laba ba wa hi barisanyana
ba ka Perezi labo ba nga akile lomo
Jerusalema ba wa hi mune wa ma-
zana ni nkhanu ni ginwe makume ni
nkhanu ni banharu a tinhenha ta ba
banuna.
- 7 Ni laba hi barisanyana ba ka Be-
njamini : Sallu a nisanyana wa ka
Mexullamu, a nisanyana wa ka Joe-
da, a nisanyana wa Pedaiia, a ni-
sanyana wa Kolaia, a nisanyana wa
ka Maaseia, a nisanyana wa Itieli, a
nisanyana wa ka Jexaia,
- 8 A nzako ka yena Gabbai, Sallai, i
nkhanu ni mune mazana ni makumi
mambiri ni nkhanu ni banharu.

- 9 Na Joeli a nisanyana wa ka Zikri i wa wumbelwe hehla ka wuwoneleli gabye; na Juda a nisanyana wa Hassenua hi wa hi wo gamela a wumbelweko hehla ka muti.
- 10 A ka bapristi: Jedaia a nisanyana wa ka Joiariba, Jakina,
- 11 Seraia a nisanyana wa ka Hilkia, a nisanyana wa Mexullamu, a nisanyana wa Zadoke, a nisanyana wa Meraïote, a nisanyana wa Ahituba a mufumeli wa yindlu ya ka Nungungulu,
- 12 Ni bamakabye babye labo ba mahileko a tiro wa yindlu, nkhanu ni manharu mazana ni makume mambiri ni bambiri: na Adaia a nisanyana wa Jerohamu, a nisanyana wa ka Pelalia, a nisanyana wa Amzi, a nisanyana wa ka Zakaria, a nisanyana wa ka Paxhura, a nisanyana wa Malkija,
- 13 Ni bamakabye ba yena, a tihloko ta tindlu ta badadani, mazana mambiri ni mune wa makume ni bambiri; na Amassai a nisanyana wa ka Azareli, a nisanyana wa Ahzai, a nisanyana wa Mexillemote, a nisanyana wa ka Immer,
- 14 Ni bamakabye babye, a ba banuna ba tinhenha ta kulwa, i zana ni makume mambiri ni nkhanu ni banharu. Ni loye a nga wa wumbelwe a wuwoneleli gabye Zabdieli, a nisanyana wa ka Haggadolimu.
- 15 Ni ba ka Levi: Xemaia a nisanyana wa Hassuba, a nisanyana wa ka Azrikamu, a nisanyana wa Haxabia, a nisanyana wa Buni;
- 16 Na Xabbetai, na Jozabada, ba tihosi ta ka Levi, labo ba nga wa wumbelwe hehla ka mitiro ya lahan/le ya yindlu ya Nungungulu;
- 17 Na Mattania a nisanyana wa Mika, a nisanyana wa Zabdi, a nisanyana wa Asafa, loye a nga wa hi hosi a kusangulwa kunyikakubonga kukombeleni, na Bakbukia, a wo gamela xikari ka bamakabye ba yena; na Abda a nisanyana wa ka Xammua, a nisanyana wa Galala, a nisanyana wa ka Jednani.
- 18 Bonke ba ka Levi lomo mutini wa kubasa ba wa hi mazana mambiri ni nkhanu ni manharu makume ni mune.
- 19 Khatakumbiri a barinzeli ba tinyangwa, Akkuba, Talmoni, ni bamakabye babye, labo ba rinzelako lomo tinyangweni, ba wa hi zana ni nkhanu ni mambiri makume ni bambiri.
- 20 A misalela ya ka Israeli, ka bapristi, ba ka Levi, ba wa hi ka yonke a miti ya ka Juda, bonkelele tsombeni ya yenawu.
- 21 Kanilezi ma Netinime ma lo aka le Ofeli; na Ziha na Gixpa ba wa wumbelwe hehla ka ma Netinime.
- 22 Ni muwoneleli wa ba Levi kambe le Jerusalema ku wa hi Uzzi nisanyana wa ka Bani, a nisanyana wa Haxabia, a nisanyana wa Mattania, a nisanyana wa ka Mika, wa barisanyana ba ka Asafa, a bayimbeleli, hehla ka tiro wa yindlu ya Nungungulu.
- 23 Hakuba laho ku wa hi kona a kuleletela ka le ka hozi hi xungetano na bona, ni kuga ku longisilweko ka bayimbeleli, kwatsi hi masiku wonkelele ku labekako.
- 24 Na Petahia a nisanyana wa Mexezabeli, wa barisanyana ba ka Zera a nisanyana wa Juda, i wa hi le canjeni ga hosi ka tonke a timhaka hi xungetano zinwe ni banhu.
- 25 Na kwatsi hi lomo zimutaneni, zinwe ni masimu yabye, banwani ba banana ba ka Juda ba lo aka le Kiriatarba, ni zimitana za kona, ni le Diboni ni zimitana za kona, ni le Jekabzeeli ni zimitana za kona.
- 26 Ni Jexua, ni le Molada, ni le Betpelete,
- 27 Ni Hazarxuali, ni le Berexeba, ni mitana ya kona,
- 28 Ni le Ziklagi, ni le Mekona, ni le mitaneni ya kona,
- 29 Ni le Enrimmoni, ni Zora, ni le Jarmute,
- 30 Zanoa, Adullama, ni mitana ya kona, Lakixe ni mitaneni ya kona, Azeka ni mitana ya kona, zingaho bona ba lo goba le Berexeba le mikobeni ya le Hinnome.
- 31 Ni banana ba Benjamini kambe ba lo ku sukela le Geba ku komama mahlweni, le Micmaxe ni Aija, ni le Beteli, ni mitana ya kona,
- 32 Le Anatote, Noha, Anania,
- 33 Hazora, Rama, Gittaime,
- 34 Hadida, Zeboime, Neballate,
- 35 Loda, ni Ono, a minzelelo ya ba banuna bamikunguho.
- 36 Ni ka ba Levi, ni miklawa yokari ka Juda yi lo engenela ka ka Benjamini.

XIPIMO 12.

- 1 Makunu laba hi bapristi ni ba Levi labo ba nga wa kanziyile zizwe na Zerubabeli a nisanya wa Xealteali, Jexua: Seraia, Jeremia, Ezra.
- 2 Amaria, Malluku, Hattuxa,
- 3 Xekania, Rehuma, Meremote,
- 4 Iddo, Ginnetoi, Abija,
- 5 Mijamini, Maadia, Bilga,
- 6 Xemaia, na Joiariba, Jedaia,
- 7 Sallu, Amoka, Hilkia, Jedaia, Laba ku wa hi tihosi ta bapristi ni ta bamakabye babye masikwini ya Jexua.
- 8 Klatakumbiri a ba Levi: Jexua, Binnui, Kadmieli, Xerebia, Juda, na Mattania, loye a nga wa wumbelwe behla ka kunyikakubonga, yena ni bamakabye ba yena.
- 9 Kambe Bakbukia na Unno, a bamakabye babye, ba wa hi hehla ka bona kukotisa hi zi kundla za bona.
- 10 Na Jexua i lo trala Joiakimu, na Joiakimu i lo trala Eliaxiba, na Eliaxiba i lo trala Joiada,
- 11 Na Joiada i lo trala Jonatani, na Jonatani i lo trala Jaddua.
- 12 Ni le masikwini ya ka Joiakimu ku wa hi bapristi, a tihloko ta tindlu ta badadani babye: ta Seraia, Meraia; ta Jeremia, Hanania;
- 13 Ezra, Mexullamu; a ka Amaria, Jehohanani;
- 14 A ka Malluci, Jonatani; a ka Xebania, Josefa;
- 15 A ka Harima, Adna; a ka Meralote, Helkai;
- 16 A ka Iddo, Zakaria; a ka Ginnetoni, Mexullamu;
- 17 A ka Abija, Zikri; a ka Miniamini, a ka Moadia, Piltai;
- 18 A ka Bilga, Xammua; a ka Xemaia, Jehonatani;
- 19 A ka Joiariba, Mattenai; a ka Jedaia, Uzzi;
- 20 A ka Sallai, Kallai; a ka Amoka, Eberi;
- 21 A ka Hilkia, Haxabia; a ka Jedaia, Netaneli.
- 22 Kwatsi hi ba ka Levi, masikwini ya ka Eliaxiba, Joiada, na Johanani, ka Jaddua, laho wu wa lo timulwe a tihloko ta tindlu ta badadani; kambe a bapristi, a kufumeni ka ni ka Dariusi a mu Persia.
- 23 A barisanyana ba ka Levi, a tihloko ta tindlu ta badadani, ba wa tsalilwe lomo bukuni ga Kronekele, ku kala masikwini ya Johanani a nisanyana wa Eliaxiba.

- 24 Ni tihosi ta ba ka Levi: Haxabia, Xerebia, na Jexua a nisanyana wa ka Kadmieli, zizwe ni bamakabye babye ba wumbelweko hehla ka bona, a kudumisa ni ku nyika kubonga, kukotisa hi kuleletela ka Davida a munhu wa Nungungulu, a kurinza ku gamela kurinza.
- 25 Mattania, na Bakbukia, Obadia, Mexullamu, Talmoni, Akkuba, ba wa hi barinzeli ba tinyangwa ba hlaysako a xirinzole na ndwini ya kubiengeretela ya tinyangwa.
- 26 Laba ba wa hi masikwini ya Joiakimu a nisanyana wa Jexua, a nisanyana Jozadake, ni le masikwini ya ka Nehemia a mufumeli, na Ezra a mupristi ni mutsali.
- 27 Ni le kunyikelelisiseni ka ligingisi la le Jerusalema bona ba lo hlota a ba ka Levi ka gonkle a wutsamo gabye, a ku neha bona le Jerusalema, a ku ta hlaysa a kunyikelelisisa hi tsakisiso, ni konkle a kunyikakubonga, na zizwe hi kuyimbelela, zizwe hi tingoma, hi timbila, na zizwe hi zitende.
- 28 Ni barisanyana ba bayimbeleli ba lo tsombana a wutsumbu gabye katinginwe, bonkle hi lomo mikobeni yi ranzeleko a Jerusalema, ni ku huma hi le mitini ya le Netofate;
- 29 Kambe hi le Bet-gilgali, ni ku huma le kwatsini ga le Geba, ni le Azmavete: hakuba a bayimbeleli ba wa akile a mitana yabye ba ranzela a Jerusalema.
- 30 Ni bapristi ni ba ka Levi ba lo basisa a wutsumbu gabye; na bona ba lo basisa a bahu, ni tinyangwa, ni ligingisi.
- 31 Zonake mina nzi lo neha hehla a tihosana ta ka Juda hehla ka ligingisi, na nzi lo hlawula a miklawa mimbiri ya hombe leyo yi nyikako a kubonga ma lo ranga ma famba, laha lowo muwua wu lo famba hi canja ga xinene hehla ka ligingisi ngomama nyangweni ya tala:
- 32 Ni nzako ka bona i loya Hoxaia, ni kihlanya ga tihosana ta ka Juda,
- 33 Na Azaria, Ezra, na Mexullamu,
- 34 Juda, na Benjamini, na Xemaia, na Jeremia,
- 35 Ni banwani bokari ba barisanyana ba bapristi zizwe ni mipunzu: Zakaria a nisanyana wa Jonatani, a nisanyana wa ka Xemaia, a nisanyana wa ka Mattania, a nisanyana wa ka

- Mikaia, a nisanyana wa ka Zakkura, a nisanyana wa ka Asafa;
- 36 Ni bamakabye ba yena, Xemaia, na Azareli, Milalai, Gilalai, Maai, Neta-neli, na Juda, Hanani, zinwe ni wu-cenje ga kuvuma ka Davida a mu-nhu wa ka Nungungulu; na Ezra matsall i wa hi mahlweni ka bona.
- 37 Na hi ka nyangwa ya hlowo, leyo yi te ku tsonono ka bona, bona ba lo kanziya hi mayingo yoya mutini ka Davida, le kuklakukeni ka ligi-ngisi, hehla ka yindlu ya ka Davida, kala ka nyangwa ya mati hi ngoma-ma ya mutsuwukagambo.
- 38 Ni muzwani a klawwa wa bona labo ba nga wa nyika kubonga ba loya ku kuklanganyeta bona, ni mina nzako ka bona, zinwe ni kihlanya ga banhu, hehla ka ligingisi, hehla ka tawa ya mapingo, kala ka ligingi-si la handle.
- 39 Ni le hehla ka nyangwa ya ka Efra-me, na hi le nyangweni ya kale, na hi le nyangweni ya zindluwani, ni le taweni ya le Hananeli, ni le ta-weni ya le Hammea, ku kala le nya-ngweni ya tiyivu; bona ba lo yima ba ku tseka la nyangweni ya mura-ngeli.
- 40 Zingaho ku lo yima a mitlawwa mi-mbiri ya bona labo ba nyikako a ku-bonga lomo ndlwini ya ka Nungu-ngulu, na mina, zinwe ni kihlanya ga bafumeli zinwe na mina;
- 41 Ni bapristi, Eliakimu, Maaseia, Mi-niamini, Mikaia, Elioenai, Zakaria, na Hanania, zinwe ni mipunzu;
- 42 Na Maaseia, na Xemaia, na Eleazare, na Uzzi, na Jehohanani, na Malkija, na Elami, na Ezeri. Ni bayimbeleli ba lo yimbelela nguvu, zinwe na Jezrahia a muwoneleli wabye.
- 43 Na bona ba lo nyikela mipahlelo ya hombe lego siku, na ba wa lo tsaki-swa; hakuba i wa lo maha bona ba tsaka hi litsako la hombe; a ba ba-sati kambe zinwe ni bamana ba lo tsaka: zingaho lezo a litsako li wa lo zwiwa kule nguvu.
- 44 Ni ka lego siku a banhu ba wa lo yimiswa a ku wumbelwa hehla ka tindlu ta mabako, akuba minyikelo ya kunziwitela, ya mihanzo ya ku-ranga, ni ka za wukume, a ku hla-ngeletela ka bona, kukotisa hi ka masimu ya miti, a ziabelo zi yimisi-lweko hi mayo za bapristi ni za ba ka Levi: hakuba Juda i wa ku tsaka hi

- bapristi ni ba ka Levi labo ba labe-leko.
- 45 Na bona ba lo hlayisa a kuwula ka Nungungulu wabye, ni kuwula ka kubasiswa, zingaho ba lo maha a ba-yimbeleli ni barinzeli ba tinyangwa, kukotisa hi ka kuleletela ka Davi-da, ni ka Solomoni a nisanyana wa yena.
- 46 Hakuba hi ka masikwini ya ka Da-vida na Asafa wa kaleloko labo ku wa hi kona a hos! ya bayimbeleli, a tisimu ta kudumisa ni kunyikaku-bonga ka Nungungulu.
- 47 Bonke ba ka Israeli masikwini ya ka Zerubabeli, ni le masikwini ya ka Nehemia, ba lo nyika a ziabelo za bayimbeleli ni barinzeli ba tinya-ngwa, kwatsi hilezi a siku gonke ku labekako: na bona ba lo beka kelelo lezo zi nga za ba ka Levi; ni ba ka Levi ba lo beka kelelo lezo zi nga za barisanyana ba ka Aroni.

XIPIMO 13.

- 1 A ka lego siku bona ba lo gonza lomo bukwini ga Mosi a kuingiseni ka banhu; ni lomo nzeni ku wa ku-miwa na ku tsalilwe, a Ammoni ni Moabi i wa nga ta engena klanga-nweni wa ka Nungungulu kala ku-pinzuka,
- 2 Hakuba bona ba wa nga klanganye-tangi a banana ba ka Israeli hi ziba-ba ni zinwe ni mati, kanilezi ba lo rihela Balaami ku vukela bona, a kupunga bona: ahemba a Nungu-ngulu wa hina i lo hunzulusa a ku-rukwatelo kabye gi hi katekiso ka bona.
- 3 Na ku mahisile lezo, laba ba nga wa zwile a nawo, lezaku bona ba lo ha-mbanyisela ka Israeli wonke a xa-ngelwa wa zidlemo.
- 4 Makumu a mahlweni ka lezi, Elia-xiba a mupristi, loye a nga wa yimi-silwe hehla ka tindlwini ta yindlu ya Nungungulu wa hina, i wa kla-ngene na Tobia,
- 5 I wa longisele yena a yindlu ya ho-mbe, laho hi xikati xa le mahlweni bona ba nga wa bekile a minyikelo ya tinzhoho, ni mipepo, ni ziya, ni za wukume za mabele, a waini gi-swa, ni mafura, lezo zi nga wa nyi-kilwe hi kuleletela ka Levi, ni bayi-mbeleli, ni barinzeli ba tinyangwa; ni minyikelo ya kunziwitela ya ba-pristi.

- 6 Kanleesi a ka xonkle lexi xikati mina nzi wa nga hi le Jerusalema; haku-ba hi makume manharu ni mambiri a lembe ya Artaxerxesi a hosi ya le Babuloni mina nzi wa yile le hosi: na ka masiku yokari mina nzi lo wutisa a ku siya a hosi,
- 7 Na mina nzi lota le Jerusalema, nzi lo tazwa a kubiha loko Eliaxiba a nga wa ku mahile ka Tobia, a ku longiseleleni yena a yindlu lomo tihubiyeni ta yindlu ya ka Nungungulu.
- 8 Na kona ku lo zangarisa mina kutsingisisa: hikwalaho mina nzi lo hoxa yonkle a nhunzu ya le ndlwini ka Tobia lahandle ka yindlu.
- 9 Zonake mina nzi lo leletelela, bona ba lo swiyela a tindlu: ni lomu kambe mina nzi lo neha a zibya za yindlu ya Nungungulu, zinwe ni minyikelo ya tinzhoho ni mipepo.
- 10 Na mina nzi wa lo wona lezaku a zibelo za ba ka Levi zi wa nga kari zi nyikiwa bona; zingaho lezo a ba ka Levi ni bayimbeleli, labo ba nga wa maha a tiro, ba wa panzanyekile bonktelele zinwini ya yena.
- 11 Zonake mina nzi lo wulawilisana zinwe ni bafumeli, na nzi te ngalo, Hi yini a yindlu ya ka Nungungulu yi tsikilweko ke? na mina nzi lo tsombanyisa bona katiginwe, nzi lo yimisa bona lomo wutsanweni gabye.
- 12 Zonake ba lo neha a ba ka Juda a za wukume za mabele ni waini giwana mafura le mabakweni.
- 13 Na mina nzi lo maha bakomi ba mabako hehla ka mabako, Xelemla a mupristi, na Zadoke a mutsali, a ka ba ka Levi, Pedaia, ni wo gamela ka bona Hanani a nisanyana wa Zakkura, a nisanyana wa ka Mattania; hakuba bona ba wa hlalwe na ba kolekile, ni tiro wabye ku wa hi khabela ka bamakabye babye.
- 14 Alakanya mina, O Nungungulu wa mina, hi xungetano ni lezi, u nga kululi a tiro wa mina yo saseka lowo nzi wu mahileko ka yindlu ya ka Nungungulu wa mina, ni milonzowotiso ya kona.
- 15 Ka lawo masiku mina nzi lo wona leyo Juda a banwani banhu na ba kamela a waini zigowolweni hi siku ga sabado, na ba engenisa a milumbi, na ba rwexa a timbongola ha yona; kambe lezo kwatsi hi waini, magrepi, ni makuwu, ni tonkle a tixaka ta mirwalo, leto bona ba nga wa nehile le Jerusalema hi siku ga sabado: mina nzi lo kustumunya nzi vukela bona a ka siku lego bona ba nga wa xabisile a za kuga.
- 16 Ni laho ku wa lo aka a banhu ba le Tire lomo, labo ba nga nehile ku engenisa zidluwani, ni tonkle tixaka ta nhunzu, ha lo xabisile hi siku ga sabado ka banana ba ka Juda, ni Jerusalema.
- 17 Zonake mina nzi lo wulawulisana zinwe ni manganakana ya ka Juda, na nzi te ngalo ka bona, Kubiha ka ku yini loku zwina mu ku mahako, ni ku nyenyezisa a siku ga sabado ke?
- 18 A mahangi a badadani ba zwina a zakungahi, a Nungungulu a nga nehangi ka hina loku kubiha hehla ka hina, ni hehla ka lowu muti ke? kasi ke zwina neha ku engetela a kubiha ka Israeli hi ku nyenyezisa a siku ga sabado.
- 19 Na ku mahisile lezo lezaku, laha a tinyangwa ta Jerusalema laha gi nga wa sangula a kupuma hi mahlweni ka sabado, mina nzi wa lo leletele lezaku a tibati ti wa ta nga ti valiwa, na nzi wa leletele lezaku tona ti wa ta nga ti vululwa kala ku linzako ka sabado: ni banwani ba malanza ya mina ba lo wumbelwa hehla ka tinyangwa, lezaku laho ku wa nga ta nga ku hi kona a mirwalo yi nehilweko hi siku ga sabado.
- 20 Zingaho a bamahungani ni baxabisi ba tonkle a tixaka ta nhunzu ba lo rulela le handle ka Jerusalema kanwe kutani kumbiri.
- 21 Zonake mina nzi lo kustumunya nzi vukela bona, na nzi te ngalo ka bona, Hi yini mu tsutselako laha hlobyeni ke? loku zwina mu maha lezi kambe, mina nzi ta klateka a mandla ka zwina. Kusukela ka lezo xikati bona a ba wa nga hatangi kambe hi sabado.
- 22 Na mina nzi lo leletelela a ba ka Levi lezaku bona ba wa ta nga ba basisa a wutsumbu ga bona, ni lezaku bona ba wa ta ba ta hlalwa a tinyangwa, a kubasisa a siku ga sabado. Alakanya ka mina, O Nungungulu wa mina, lezi kambe, a ku vumela mina kukotisa hi kulisiso wa kuranzakawunene ga wena.
- 23 A ka lawo masiku kambe mina nzi

- lo wona mina a ba Juda labo ba te-
kileko a ba basati ba ka Axdode, ni
ba ma Ammoni, ni ba ma Moabi:
- 24 Ni banana babye ba lo wulawula a
kihlanya ga kuwulawula ka ma
Axdode, ba wa nga ba nga zi koti a
ku wulawula hi lirimi la ma Juda,
kanilezi kukotisa hi ka lirimi la lolu
ni lolu a lirimi la banhu.
- 25 Na mina nzi lo wulawulisana zinwe
na bona, nzi lo hoxa bona, nzi hlase-
la bokari ba bona, nzi lo wukla a
tsomba yabye, nzi lo maha bona ba
blambanya ha Nungungulu, baku,
nwina mu wa nga ta nyika a banha-
nyana ba babye ka barisanyana ba
nwina, ge hambu banhanyana babye
ka barisanyana ba nwina, kutani
mhanwina wutsumbu.
- 26 Kasi Solomoni a hosi ya ka Israeli a
onha hi kota ya lezi zilo ke? kasike
xikari ka matiko ku wa nga hi kona
a hosi yo kota yena, yena i wa hi a
ranzekako ka Nungungulu wa ye-
na, na Nungungulu i lo maha ye-
na a hosi behla ka Israeli wonkle:
- ahembalokoke a ba basati ba matiko
ba lo maha yena a onha.
- 27 Hina zonake hi wa ta nga hi ingisa ka
nwina a ku maha konkle loku a ku-
biha ka hombe, a ku hambunyeta mu
vukela a Nungungulu wa hina a ku
tekana ni ba basati ba bamatiko ke?
- 28 Ni munwe wa barisanyana ba ka
Joiada, a nisanyana wa ka Eliaxiba
a mupristi wa hombe, i wa hi nisa-
nyana hi ka nawo ka Sanballati a
mu Horoni: hikwalaho mina nzi lo
hlongola yena a suka ka mina.
- 29 Alakanya bona, O Nungungulu wa
mina, hakuba bona ba nyenyezesile
a wupristi, ni xivumelwano xa wu-
pristi, ni xa wu Levi.
- 30 Zakungahi mina nzi lo basisa bona
ka bonkle bamatiko, nzi lo yimisa a
mitiro ya bapristi ni ya ba ka Levi,
bonklelele tirweni wa yenawu.
- 31 Ni kuba a munyikelo wa tihunyi, a
ka xikati xi yimisiweko, ni kuba
mihanzo ya kuranga. Alakanya mi-
na, O Nungungulu wa mina, hi ku-
sasa.

A BUKU GA

ESTERE.

XIPIMO 1.

- 1 Makunu ku mahisile lezo hi masi-
kwini ya ka Ahasuerusi (loyi hi ye-
na Ahasuerusi loye a nga wa fumele
kusukela le India ni le Etiopia, hehla
ka zana ni makume mambiri ni nkla-
nu ni mambiri a matiko).
- 2 Lezaku a ka lawo, masiku, laha
Ahasuerusi a hosi a nga wa tsamile
le xitsanweni xa wukosi xa mufu-
mo wa yena, lexo xi nga wa hi le
Xuxani a xilubelweni,
- 3 A ka lembe ga wunharu ga ku fuma
ka yena, na yena i lo maha a mubuzo
a ka tihosana ta yena tonkle ni ka
malanza ya yena; a ntamo wa le
Persia ni le Media, a manganakana
ni tihosana ta matiko, na ba hi ma-
hlweni ka yena;
- 4 Ni laha yena a nga wa kombisa a
mafumela ni mufumo wa yena wa
wukosi ni kudzunzeka ka wukulu
- ga yena gi dumileko a masiku yo
tala, gona zana ni nklanu ni manha-
ru a masiku.
- 5 Ni laha laya masiku ma nga wa ta-
tisekile, ni hosi yi lo maha a mubuzo
ka banhu laba ba nga wa hi kona
lomo Xuxani a xilubelo, bonkle ba
hombe ni batsongwani, nklanu ni
mambiri a masiku, leyo hubyeni ya
simu ya xilubelo xa hosi.
- 6 Laho ku wa hi kona kuhayekwa ka
tinguwo to basa, leto nyuka, ni leto
balala, ti bohilweko hi tingoti ta
wukene go saseka ni ko zirila a
siliva a tipera ni timhinga ta mari-
bye yo saseka: ni mibedi ya wa hi
ya nzalama ni siliva, hehla ka lilonze
lo truka, ni lo basa, ni ka maklaka-
klaka, ni muribye ya ntima.
- 7 Na bona ba lo nyika bona kunwa
lomo zibyni za nzalama (ni a sibya-
zi wa hambene ka xizwe ni xizwa-

- ni), a waini ga ka hosi gi hi tali-
siso, kukotisa hi ka pfuno wa ka
hosi.
- 8 Ni kunwa ku wa kukotisa hi nawo;
ku wa nga hi kona ni munwe a nga
wa kurumetwa: hakuba zingaho a
hosi yi lo wula ka tonkle tinduna ta
yindlu, lezaku bona ba wa ta nga ba
maha kukotisa hi kuxalala ka banhu
bonklelele.
- 9 Kambe Vaxti a muzinza i lo maha
a mubuzo wa ba basati le ndlwini
ya wukosi leyo yi nga ya ka hosi
Ahasuerusi.
- 10 A ka siku ga wunklanu ni mambiri,
laha a mbilu ya hosi yi nga wa tsa-
kile hi waini, yena i lo leletela Me-
humani, Bizta, Harbona, Bigita, na
Abagata, Zetare, na Karcasi, a tine-
kwa ta nklanu ni timbiri leto ti nga
wakozela a kubakoneni ki Ahasueru-
si a hosi,
- 11 A ku neha Vaxti a muzinza mahlwe-
ni ka hosi zinwe ni xidlodlo xa wu-
kosi wukosini, a ku kombisa a ba-
nhu ni tihosi a wunbhuri ga yena;
hakuba yena i wa hi litrika kucu-
wukekeni.
- 12 Kanilezi a muzinza Vaxti i lo ala a
kuta hi ka kuleleteleni ka hosi hi ti-
nekwa: hikwalaho a hosi yi wa lo
zangara, ni zanga ya yena yi wa lo
vura nzeni ka yena.
- 13 Zonake a hosi yi te ngalo ka ba
banuna ba tibako, labo ba tibako a
zikati (hakuba zi wa ngaho a mama-
hela ya hosi ngomama ni bonkle labo
ba tibako nawo ni kulamula;
- 14 Ni wo gamela yena i wa hi Carxana,
Xetara, Admata, Tarxixi, Meresi, Ma-
rsena, na Memukani a nklanu ni ti-
mbiri a tihosana ta le Persia ni le Me-
dia, labo ba nga wa wonile a nghohe
ya hosi, na ba wa tsamile kuranga le
munweni),
- 15 Zakuyini hina hi ta nga maha ka
muzinza Vaxti kukotisa hi ka nawo,
hakuba yena i wa nga mahangi a ku
rambiwa ka hosi Ahasuerusi hi tine-
kwa ke?
- 16 Na Memukani i lo wula mahlweni
ka hosi ni ka tihosana, Vaxti a mu-
zinza a nga mahangi a kubiha a ka
hosi yoce, kanilezi kambe ka tonkle
a tihosana, ni ka bonkle a banhu
laba ba nga lomo mufunweni wa
hosi Ahasuerusi.
- 17 Hakuba lexi a ximaho xa muzinza
xi ta su fenemete ka bonkle a ba
[Sheetswa]
- basati, a ku maha a ba banuna ba-
bye a xikanya le mahlweni yabye,
laha ku ta nga kubikilwe, A ho-
si Ahasuerusi i lo leletela Vaxti a
muzinza akuba a nehwa mahlwe-
ni ka yena, kanilezi yena i wa nga
tangl.
- 18 Legi a siku a bazinzana ba lomu
Persia ni Media labo ba zwileko hi
zimaho za muzinza ba ta wula zo
fanana ni lezo ka tonkle a tihosana ta
hosi. Zingaho laho ku vuxa a ku-
tsanwa ka hombe ni zanga.
- 19 Loku kona kutsakisa a hosi, nga
laho ku famba a kuleletela ka wuko-
si hi le ka yona, na nga kona ku
tsaliwa xikari ka milawo ya le Persia
ni ya ma Mede, lezaku kona ku wa
nga ta ha kawula, lezaku Vaxti i wa
nga ta ha engeta kambe ata mahlwe-
ni ka hosi Ahasuerusi; na nga a hosi
yi nyika a xikundla xa wukosi xa
yena a ka munwani loye a nga cu-
kwana kuhunza yena.
- 20 Ni laha a kubiwahungu ka hosi loku
ku ta nga tibyekiswa a ka wonkle a
mufumo wa yena (hakuba kona ka
hombe), bonkle a ba basati ba ta nyi-
ka ka banuna babye a kudzunzwa,
bonkle ba hombe ni batsongwani.
- 21 Ni kuwula ku lo xalalisa a hosi ni
tihosana; ni hosi yi lo maha kukoti-
sa hi ka mhaka ya Memukani:
- 22 Hakuba yena i wa lo rumela a ma-
papilo a ka wonkle matiko ya hosi,
ka legi ni legi a tiko kukotisa hi
kutsala ka gona, ni ka banhu bonkle-
lele kukotisa hi lirimi labye, kasi a
banhu bonklelele ba fela a kurwala
a nawo lomo ndlwini ya yena nwi-
nyi, ni ku i wa ta nga a wulawula
kukotisa hi ka lirimi la banhu ba ka
kabye.

XIPIMO 2.

- 1 A nzako ka lezi zilo, laha a zanga
ya hosi Ahasuerusi yi nga wa ruti-
sile, yena i wa lo alakanya Vaxti,
ni lezi yena a nga wa zi mahile, ni
lezo zi nga wa bilwehungu zi vukela
yena.
- 2 Zonake ku lo wula a malanza ya ka
hosi lawo ma nga wa kozele ka
yena, Nga laho ku hi kona a mu-
bulwa wa litrika wa labyelweko a
hosi:
- 3 Na nga hosi li langa a tinduna ka
wonkle a matiko ya mufumo wa
yena, lezaku bona ba wa ta nga ba

- tsombanyisela yonkile a mibulwa yisawa ya titrikla le Xuxani a xilubelo, le ndlwini ya ba basati, a ka wulanguteli ga Hegai a nekwa ya hosi, a muhlayisi wa ba basati; nga zilo sabye za kubasisa bona zinyikiwa ka bona;
- 4 Na nga a nhwana loye a xalalisako a hosi a be muzinza a xikundleni xa Vaxti. Ni xilo xi wa lo xalalisa a hosi; na yena i wa lo maha.
- 5 Laho ku wa ni mu Juda wo kari leyo Xuxani a xilubelo, loye a bito a nga wa hi Mordekai, a nisanyana wa Jaira, a nisanyana wa Ximei, a nisanyana wa Kixi, a mu Benjamini.
- 6 Loye a nga wa konwilwe le Jerusalema zinwe ni bakonwi labo ba nga wa konwilwe zinwe na Jekonia a hosi ya ka Juda, labo Nebukadnezare a hosi ya le Babuloni a nga wa ba komile.
- 7 Na yena i lo neha Hadassa, lezaku, Estere, a nhanyana wa koko wa yena: hakuba yena i wa nga hi na dadani ge hambu ni nyine, ni nhwana i wa hi litrikla a wumbhuru; ni laha a dadani wa yena ni mamani wa yena ba nga wa file, Mordekai i lo teka yena a ku maba a nhanyana wa yena nwinyi.
- 8 Zingaho na ku mahisile lezo, laha a kuleletela ka hosi ni kubahungu ka yena, ni laha a banhwana banyingi ba nga wa tsombanyisile katiginwe le Xuxani a xilubelo, lahasi ka wulanguteli ga ka Hegai, lezaku Estere i wa lo tekwa le ndlwini ya ka hosi, hi lahasi ka wulanguteli ga ka Hegai, a muhlayisi wa ba basati.
- 9 Ni nhwana i lo xalalisa yena, na yena i lo kuma a wuxinji ka yena; yena hi kuhaklisa yena i lo nyika yena a zilo za yena za ku basisa ka yena, zinwe ni ziabelo zakwe ni nklanu ni bambiri mibulwa labo zi nga wa hi fanelo a ku nyika yena ba le ndlwini ya ka hosi: na yena i lo susa yena zinwe ni banhanyana ba yena a ba yisa ka wutsamo gi saseka lomo ndlwini ya ba basati.
- 10 Estere i wa nga tibekisa a banhu ba ka kabye ge ni maxaka ya yena; hakuba Mordekai i wa layile yena lezaku yena i wa nga ta nga a maha lona li tibekiswa.
- 11 Na Mordekai i lo famba wonkilelele masiku mahlweni ka hubye ya yindlu ya ba basati, a ku tiba lezaku Estere i mahisa kuyini, ni le lezaku zini zi nga wa ta nga zi maheka ka yena.
- 12 Makunu laha a xikati xa bonkilelele banhwana xi nga wa tile a kuya ka hosi Ahasuerusi, a nzako ka kuba ku mahilwe ka yena kukotisa hi ka nawo wa ba basati kume ni timbiri tihweti (hakuba zi wa ngaho a masiku ya kubasisa ka yena ma mbetekile, a wumboni, nklanu ni yinwe tihweti zinwe ni mafura mure, nklanu ni yinwe tihweti hi zilo zi tsombelako ku nuheta zinwe ni zilo za kubasisa ka ba basati).
- 13 Zonake a banhwana ba wa tisa hi ku kotisa lezi a ka hosi: Ka xa kuyini lexo yena a xubako ku wa nyikwa yena a ku hi lomo ndlwini ya babasati a kuta lomo ndlwini ya hosi.
- 14 Hi laha gambyeni yena i wa kuya, na ha manziko yena i wo wa kuya lomo ndlwini ya wumbiri ya ba basati, ya lahasi ka wulanguteli ga Xaaxgasi, a nekwa ya hosi loye, a hlayisako a mundlukulu: yena i wa nga ta ha engena ka hosi kambo, saseka loku a hosi yi xalaliswa ha yena, na yena i wa ku bitanwa hi bito.
- 15 Makunu laha a xikati xa ka Estere, a nhanyana wa ka Abihaili a koko wa ka Mordekai, loye a nga wa tekile a ku maha nhanyana wa yena, xi wa lota lezaku i wa ta nga aya lomo ndlwini ya hosi, yena i wa nga wutisangi ncumo kanilezi zalezo Hegai a nekwa ya hosi, a muhlayisi wa yindlu ya ba basati, a nga wa mu yimisele. Na Estere i wa lo kuma a tomo mahlweni ka bonkile labo ba nga wa cuwukile hehla ka yena.
- 16 Zingaho Estere i wa lo tekiwa aya le hosini Ahasuerusi lomu ndlwini ya yena ya wukosi hi ka hweti ya wukume, leyo yi nga wa hi hweti Tebeti, hi ka lembe ga nklanu ni bambiri ga kufuma ka yena.
- 17 Ni hosi yi lo ranza Estere hehla ka bonkile ba basati, na yena i lo kuma a tomo ni wuxinji hehla ka yonkile a mibulwa; zingaho lezo yena i lo klateka a xidlodlo xa wukosi hehla ka hloko ya yena, i lo maha yena a muzinza xikundleni xa ka Vaxti.
- 18 Zonake a hosi yi lo maha a mubuzo

wa hombe a ka tonkle a tihosana ta yena ni malanza ya yena, wona a mubuzo wa Estere; yena i lo maha a kuklaklisa lomo mufunweni, i lo nyika a zinyikiwo, kukotisa hi wunyingi ga hosi.

- 19 Ni laha a mibulwa yi nga wa tso-mbanile katiginwe hi xikati xa wumbiri, zonake Mordekai i wa tsamile le nyangweni ya hosi.
- 20 Na Estere i wa nga se ku tibekisa a lixaka la yena ge ni banhu ba ka kabye; kwatsi hilezi Mordekai a nga wa leletele yena: hakuba i wa mahile a kuleletela ka Mordekai, kwatsi hi xikati a nga wa ha mu wundla.
- 21 A ka lawo masiku, laha Mordekai a nga wa tsamile le nyangweni ya hosi, a bambiri ba tinekwa ta hosi, Bigtani na Terexi, labo ba hlaysako a wuengeno, ba wa lo zangara, na ba lo hlota a ku beka a mandla a ka hosi Ahasuerusi.
- 22 Ni xilo xi lo tibyekiswa ka Mordekai, loye a nga wa wonisile xona ka Estere a muzinza; na Estere i lo byela a hosi ha kona bitweni ga ka Mordekai.
- 23 Ni laha kona ku wa wutiselilwe hi mhaka, kona ku wa lo kumiwa na ku ngaho, bona bambiri ba lo hayekwa laha sinyeni: na kona ku wa lo tsalilwe bukwin ga ku kumbuxeta mahlweni ka hosi.

XIPIMO 3.

- 1 A nzako ka lesi a Ahasuerusi i lo klakusa Hamani a nisanyana wa Hammedata a mu Agagi, na a wa lo kulisa yena, i lo yimisa a xitsamo xa yena hehla ka tonkle a tihosana leto ti nga wa hi zinwe na yena.
- 2 Ni wonkle a malanza ya hosi, lawo ma nga wa hi le nyangweni ya hosi, ma lo korama lahasi, ma lo maha a xicawo ka Hamani; hakuba zingaho a hosi yi wa lo leletela hi xungetano zinwe na yena. Kanilezi Mordekai i wa nga koramangi lahasi, ge hambu yena a ku maha xicawo ka yena.
- 3 Zonake a malanza ya hosi, lawo ma nga wa hi nyangweni ya hosi, ma wa te ngalo ka Mordekai, Hi yini wena u hambunyetako a kuleletela ka hosi ke?
- 4 Makunu na ku mahisile lezo laha bona ba nga wa wulawula masiku

ni masiku ka yena, na yena i wa nga ingisangi ka bona, lezaku bona ba wa lo byela Hamani, a ku wona lezaku a mahungu ya ka Mordekai ma wa ta yima ke: hakuba yena i wa byelile bona lezaku yena i wa hi mu Juda.

- 5 Ni laha Hamani a nga wa wonile lezaku Mordekai a i wa nga korami lahasi, ge hambu ku maha xicawo, zonake Hamani i wa tatiswa hi zanga.
- 6 Kanilezi yena i lo alakanya kutseke-tsela a ku beka a mandla ya yena a ka Mordekai yece; hakuba bona ba wa tibekisile ka yena a banhu ba ka Mordekai: hikwalaho Hamani i lo hlota a ku lobisa a ba Juda labo bonkle ba nga wa hi ka wonkle a mufumo wa ka Ahasuerusi, bona a banhu ba ka Mordekai.
- 7 A ka hweti yo ranga, leyo yi nga hweti Nisani, hi ka kume ni mambiri a malembe ya hosi Ahasuerusi, bona ba lo hlaliluba Pure, lezo hi, a tihlolo, mahlweni ka Hamani hi masiku ni masiku, ni ka tihweti ni tihweti, kala ka kume ni timbiri, leyi yi nga a hweti Adare.
- 8 Na Hamani i te ngalo ka hosi Ahasuerusi, laho ku kona a banhu bokari bate ku gafe ba hangalakileko xikari ka banhu a ka wonkle a matiko ya mufumo wa wena; ni milawo yabye yi hambanile ka milawo ya banhu bonklelele; ge hambu bona a ku hlayisa a milawo ya hosi: hikwalaho kona a hi kunzula ka hosi a ku tsika bona.
- 9 Loku kona ku xalalisa a hosi, nga kona ku be ku tsalilweko ka bona kasi bona ba be ba lobyisilweko: na mina nzi ta riha a kume ga kume ga mazana a siliva mandleni ya labo ba nga wa wumbelwe hehla ka mitiro ya hosi, a ku neha yona mabakweni ya hosi.
- 10 Ni hosi yi lo teka a pera ya yena lomo lithweni la yena, i lo nyika yona a ka Hamani a nisanyana wa ka Hammedata a mu Agagi, a nala wa ba Juda.
- 11 Ni hosi yi te ngalo ka Hamani, A siliva yi nyikilwe ka wena, ni banhu kambe, a ku maha ha loku ku wonkakako kwatsi kusasa ka wena.
- 12 Zonake a mu tsali wa hosi i lo bitanwa hi ka hweti ya ku ranga, a ka kume ni nkalanu a siku ga kona; ni

- laho ku wa lo tsalwa kukotisa hi ka zonkle lezo Hamani a leleteleko a ka tinduna ta hosi, ni ka bafumeli labo ba nga wa wumbelwe ka wonklelele matiko, ni ka tihosana ta banhu bonklelele, a ka yonkle, a mifumo kukotisa hi ku tsala ka yona, ni ka bonklelele banhu kukotisa hi tirimi ta bona; a bitweni ga hosi Ahasuerusi kona ku wa la ku tsalwa, na kona ku wa la uniswa hi pera ya hosi.
- 13 Ni mapapilo na wa la ku runwa hi mitsukano ka wonkle a matiko ya hosi, a ku lobisa, ni ku daya, ni ku maha kumbiswa, bonkle a ba Juda, bonkle ba tsongwani ni ba hombe, a zibanana zitsongwani ni ba basati, a ka siku ginwe, kona ka siku ga kume ni manharu ga kume ni timbiri a tihweti, leyo yi nga lweti Adare, ni ku teka a mufulo wa bona akuba mupango.
- 14 A xifananiso xa papilo ga ku tsalwa, lego a kubiwahungu ku nga wa ta nga ku nyikiwa a kuya ka matiko wonklelele, ku wa lo tibyekiswa ka bonkle banhu, lezaku bona ba wa ta nga ba longiselela lego siku.
- 15 A mitsukano yi lo huma yi famba hi xihakla hi kuleletela ka hosi, kubahungu ku wa nyikilwe le Xuxani xilubelweni. Ni hosi na Hamani i wa lo tsama lahasi a kunwa; kanilezi a muti wa le Xuxani wu wa lo kanganyiswa.

XIPIMO 4.

- 1 Makunu laha Mordekai a nga wa zwile zonkle lezo zi nga wa mahékile, Mordekai i lo hanzula a tinguwo ta yena, i lo mehela a tinguwo ta tisa-kwa zinwe ni kuma, i lo huma lomo xikari ka muti, i lo rila hi kuketa ka hombe ku tsikwilako;
- 2 Na yena i lota kona ka nyangwa ya hosi: hakuba ku wa nga hi kona a nga wa ta nga engena nzeni ka nyangwa ya hosi na a zinwe ni nguwo ya tisakwa.
- 3 Ni ka wonklelele a matiko, kani hikakuyini laho a hosi yi leleteleko a kubahungu ka yena ku wakuta, laho ku wa hi kona a kurila ka hombe xikari ka ba Juda, ni kuyila, ni kurila, ni mikosi; ni banyingi ba wa la ku puluwunza tinguwoyi ta tisa-kwa ni kuma.
- 4 Ni banhanyana ba ka Estere ni nekwa ya yena ba lo ta byela kona

ka yena; ni muzinza i wa hunzeleli-sisilwe kuxaniseka: na yena i lo rumela a nguwo a ku embexa Mordekai, ni susa a tinguwo ta tisakwa hehla ka yena; kanilezi yena i wa nga amukelangli tona.

- 5 Zonake Estere i lo bitana Hatace, a munwe wa tinekwa ta hosi, loye yena a nga wa langile a ku yimelela yena, i lo lelela yena a kuya ka Mordekai, a ku ya tiba lezaku lexi ku wa hi yini, ni lezaku za kuyini lezi xana.
- 6 Zingaho Hatace i loya ka Mordekai le wutsanweni ga le handle ka muti, lego gi nga wa hi mahlweni ka nyangwa ya hosi.
- 7 Na Mordekai i lo byela yena zonkle lezo zi nga wa humele ka yena, nzi ni xihlayo xa tsengo wa mali leyo Hamani a ta nga xa riha ka mabako ya hosi hi kota ya ba Juda, a ku lobisa bona.
- 8 Na kambe yena i lo nyika yena a xifananiso xa papilo ga ku tsaliwa ga kubahungu loko ku nga wa nyikilwe leyo Xuxani a kulobisa bona, a ku kombisa kona ka Estere, ni ku klaklambutela kona ka yena, ni ku byela yena lezaku yena i wa ta nga aya le hosini, ni kuwula yena lezaku yena i wa ta nga aya le hosini, a ku maha a mukongeleliso ka yena, ni maha kuwutisa mahlweni ka yena, hi banhu ba ka kabye.
- 9 Na Hatace i lo ta a ta byela Estere a timhaka ta ka Mordekai.
- 10 Zonake Estere i lo wulawula ka Hatace, i lo nyika yena a mhaka ka Mordekai, aku:
- 11 Wonkle a malanza ya hosi, ni banhu ba matiko ya hosi, ba tiba, lezaku kani ngwakuyini, kutani ngwa nuna kutani ngwa sati, a ta ngata a ka hosi lomo nzeni ka hubye, loye a nga bitanwangiko, laho ku kona a nawo munwe ha yena, lezaku yena i ta dawa, saseka labo a hosi a ba komisileko ba klakuka a nhonga ya nzalama, kasi a fela ku hanya: kanilezi mina a nzi bitanwangi a ka hosi laya makume manharu ya masiku.
- 12 Na bona ba lo byela ka Mordekai a timhaka ta Estere.
- 13 Zonake Mordekai i lo wula bona a klelisa a hlamulo ka Estere, U nga alakanye zinwe hi wutsumbu ga wena lezaku wena u ta pona lomo ndlwini ya hosi, ku hunza bonkle ba Juda.

- 14 Hakuba loku wena u su ku rutisa u miyela katigiawe a ka lexi xikati, zonake a kuponiswa ni *klakliselelo* wu ta vuka ka ba Juda hi ka ginwani a wutsamo, kanilezi wena ni in/lu ya dadani wa wena mu ta loyiswa: hakuba nzi mani a tibako lezaku wena u tile engena mufunweni hi ka xikati xa kungahi ke?
- 15 Zonake Estere i lo wula bona ba *klelisa* a hlamulo ka Mordekai,
- 16 Famba, u ya tsombanyisa bonkle a ba Juda laba ba nga kona lomu Xuxani, ni ku yila nwinu ha mina, na mu nga ta kuga ge ni kuzwa a masiku manharu, a wusiku ni siku: minawu kambe ni banhanyana ba mina hi ta yilisawu zalezo; na zingaho mina nzi ta famba ka hosi, loku ku nga hiko kukotisa hi ka nawo: loku mina nzi ta tafa, nzife.
- 17 Zingaho Mordekai i lo famba ndlela ya yena, i lo maha kukotisa hi ka zonkle lezo Estere a leleteleko yena.

XIPIMO 5.

- 1 Makunu na ku mahisile lezo a ka siku ga manharu, lezaku Estere i lo ambala a tinguwo ta yena ta wukosi, i lo yima lomo nzeni ka hubye ya yin/lu ya hosi, xungetano na yin/lu ya hosi: ni hosi yi wa tsamile xitsanweni xa yona xa ka hosi lomo ndlwini ya ka hosi, xungetano ni wuengeno ga nyangwa.
- 2 Na kona na ku wa ngaho, ni laha a hosi yi nga wa wonile Estere a muzinza a yimileko lomu hubyeni, lezaku yena i lo kuma tomo mahlweni ka yena; ni hosi yi lo nyiketela ka Estere a nhonga ya wukosi ya nzalama leyo yi nga wa hi lomu canjeni ga yena. Zingaho Estere i lo tsinela kusahani, i lo koma le magumo ka nhonga.
- 3 Zonake ku lo wula a hosi ka yena, Xini u xi ranzako, muzinza Estere ke? na ku hi kwihhi kuwutisa ka wena ke? na kona ku ta nyikiwa ka wena hamba ka kuba a kihlanya ga mufumo.
- 4 Na Estere i te ngalo, Loku zi ku kwatsi kusasa a ka hosi, nga a hosi na Hamani bata legi siku a ka maxangwani lawo mina nzi longiseleleko yona.
- 5 Zonake a hosi yi te ngalo, Mahani Hamani a ku maha a xihakla, lezaku kasi ku fela ku mahwa kwatsi hilezi
- Estere a wulileko. Zingaho a hosi na Hamani ba lota ka maxangwani lawo Estere a ma longiseleleko.
- 6 Na hosi na yi te ngalo ka Estere le maxangwanini ya waini, Hi kwihhi a kukombela ka wena ke? na kona ku ta vumelwa ka wena: hi kwihhi a kuwutisa ka wena? hambu ka kuba a kihlanya ga mufumo ku ta nyikiwa ka wena ku ta mahaka ka wena.
- 7 Zonake ku lo hlamula Estere, na te ngalo, A kukombela ka mina ni kuwutisa ka mina hi loku:
- 8 Loku mina nzi kumile a tomo mahlweni ka hosi, loku zi xalalisa a hosi a kunyika kukombela ka mina, ni ku maha a kuwutisa ka mina, nga Hamani ni hosi a bate maxangwanini lawo nzi ta nga longiselela bona, mina nzi ta maha manziko kwatsi hilezi a hosi yi wulileko.
- 9 Zonake i lo famba Hamani lego siku hi litsako ni kubuma ka mbilu: kanilezi laha Hamani a nga wa wonile Mordekai lomo nyangweni ya hosi, lezaku yena a i wa nga yimi kutani ku tihenyahenya ha yena, yena i wa lo tatiswa hi zanga a vukela Mordekai.
- 10 Ahembalokoke Hamani i lo koma a wutsumbu ga yena, i loya kaya; yena i lo rumela i loya bitana a bangana ba yena na Zerexi a sati wa yena.
- 11 Na Hamani i lo hlalaya ka bona a pfuno wa wukosi ga yena, ni wudlemo ga banana ba yena, ni zilo zonkle lezo a hosi yi klakusileko yena, ni lezaku yena i wa kulisisilwe ku yini hehla ka tihosana ni ka malanza ya hosi.
- 12 Hamani i lo wula klatakumbiri, Ina, Estere a muzinza i wa nga vumelangi mawu a ku engena zinwe ni hosi a ka maxangwani lawo yena a longiseleleko kanilezi a ka wutsumbu ga mina; na manziko kambe mina nzi rambilwe ha yena zinwe ni hosi.
- 13 Kasike lezi a zi eneli mina ncumo, lezi nza ha longolokako nzi wona Mordekai mu Juda a tsamile le nyangweni ya hosi.
- 14 Zonake ku lo wula Zerexi a sati wa yena ni bonkle a bangana ba yena a ka yena, Nga a linhi i mahiwa la nklanu wa makume a mikono a ku leha, ni laha mixweni wena wula-wula ka hosi lezaku Mordekai i wa

ta nga a hayekwa ka lona: zonake u famba wena hi kubombela lomo maxangwanini ya hosi. Ni xilo xi lo xalalisa Hamani; na yena i lo maha tinhi a kuba li akiwa.

XIPIMO 6.

- 1 Ka lego a wusiku a hosi yi wa nga yi nga eklelangi; na yena i lo leletela a ku neha a buku ga ku hlalaya a mikumbuxeto, na bona ba lo gonza mahlweni ka hosi.
- 2 Ku wa kumelwa ni lezaku Mordekai i wa byelile ka Bigtani na Terexi, a timbiri a tinekwa ta hosi, ta labo bahlayisako a wuengeno ga nyangwa, labo ba nga wa hlottle a kubeka a mandla ka hosi Ahasuerusi.
- 3 Ni hosi yi te ngalo, Hi gihi wudumo ni kudzunwa ku nga wa nyikilwe ka yena Mordekai hi ka lexi ke? Zonake ku lo wula a ka hosi a malanza lawo ma nga wa kozela ka yena, laho a ku kona ncumo xi mahilweko ka yena.
- 4 Ni hosi yi te ngalo nzi mani loye a nga lomu hubyeni ke? makunu Hamani i wa kuta ka hubye ya le handle ya yindlu ya hosi a kuta wulawula ka hosi a ku hayeka Mordekai hi ka tinhi leto yena a longiseleleko yena.
- 5 Ni malanza ma te ngalo ka yena, Languta, Hamani i yimile le hubyeni. A hosi yi te ngalo, Nga yena a engena.
- 6 Zingaho Hamani i lo engena. Ni hosi yi te ngalo ka yena, Ku ta mahiwa yini ka munhu loye a hosi yi tsakako a kuba a dzunziwa ke? Makunu Hamani i wa ku wula le mbilwini ya yena, Ku wa ta nga ku hi mani loye a hosi yi xalaliswako a ku muha yena ku dzunzwa a kuhunza a wutsumbu ga mina ke?
- 7 Na Hamani i wa te ngalo ka hosi, Akuba a manhu loye a hosi yi xalaliswako a kudzunza yena.
- 8 Nga a nguwo ya wukosi yi nehiwa leyo a hosi a tolobeleko a ku ambala, ni haxi lego a hosi yi kilelako ka gona, ni xodlodo xa wukosi lexo xi tsamako hlokweni ya yona:
- 9 Na nga a tinguwo ni haxi a ti nyikiwe ka muzwe wa tihosana ti hunzeleleko a wudumo, kasi ba fela a ku ambexa a munhu loye a hosi yi xalalisweko a ku mu dzunza, ni ku maha yena a kilela le hehla ka haxi

ni ku famba a tsemakanya a mapangangi ya muti, ni kubahungu mahlweni ka yena, Zakungahi zi ta nga mahiwa ka munhu loye a hosi yi xalaliswako a ku mu dzunza.

- 10 Zonake a hosi yi te ngalo ka Hamani, Maha xihakla, ni ku teka a nguwo zinwe ni haxi, kwatsi hilezi wena u wulileko, ni ku maha zakungaho ka Mordekai a mu Juda, loye a tsamileko le nyangweni ya hosi: ni ncumo xi nga tsanzeki xa zilo lezi wena u zi wulawulileko.
- 11 Zonake i lo teka Hamani a nguwo ni haxi, i lo ambalisa Mordekai, ni ku maha a kilela a tsemakanya a mapango ya muti, ni kubahungu mahlweni ka yena, Zakungahi ku ta nga mahiwa ka munhu loye a hosi yi xalaliswako a ku mu dzunza.
- 12 Na Mordekai i lota kambe le nyangweni ya hosi. Kanilezi Hamani i lo haklisisa ka ndlini yakwe, na a rila ni hloko ya yena na yi fenengetilwe.
- 13 Na Hamani i wa la su tsotsobongo ka Zerexi a sati wa yena ni ka bangana yena bonkle zonklelele lezo zi mahékileko ka yena. Zonake ku lo wula a ba banuna ba yena bo tibisisa na Zerexi a sati wa yena a ka yena, Loku Mordekai, a mahlweni ka wihi wena u sangulako a kuwa, a hi wa mbewu ya ba Juda, wena u nga ta humelela hehla ka yena, kanilezi wena hakunene u tawa mahlweni ka yena.
- 14 Laha ba nga wa wulawula zinwe na yena, ku lota a tinekwa ta hosi ti lo haklisisa Hamani a kuta maxangwanini ye Estere lawo a ma longiseleleko.

XIPIMO 7.

- 1 Zingaho Hamani ni hosi ba lota le maxangwanini ya Estere a muzinza.
- 2 Ni hosi yi te ngalo ka Estere hi siku ga wumbiri le maxangwanini ya waini, Ili kwibi a kukombela ka wena, muzinza Estere ke? na kona ku ta nyikiwa ka wena: na ku hi kwibi a kuwutisa ka wena ke, hambi kona a ka kihlanya ga mufumo ku ta vumelwa,
- 3 Zonake Estere a hosi i lo hlamlula i te ngalo, Loku mina nzi kumile a tomo a ka kuwoneni ka wena, O hosi, ni loku kona ku xalalisa a hosi, nga wutomi ga mina gi nyikiwa ka

- mina kukombeleni ka mina, ni banhu ba ka hina kuwutiseni kamina:
- 4 Hakuba hina hi xabyisilwe, mina ni banhu ba ka hina, a kuba hi lobyswa, ni kuba hi dawa, ni kumbellawa. Kanilezi loku hina hi wa nga hi xabyisilwe a kuba tikumbi ta ba banuna ni tikumbi ta ba basati, nzi wa ta nga mina nzi rutisile nzi miyela, hambuzonklele a nala a nga wa ta nga a ringanisile a ku onheka ka hosi.
 - 5 Zonake i lo wulawula a hosi Ahasuerusi a ka Estere a muzinza, Nzamani loye, hikwihi yena, a nga kona, loye a hlokolokelako a mbilwini ya yena a ku maha zakungaho ke?
 - 6 Na Estere i te ngalo, A mubengi ni nala, yena loyi wa kubiha Hamani. Zonake Hamani i lo sangula a kucaba mahlweni ka hosi ni muzinza.
 - 7 Ni hosi yi lo suka le zangeni ya hi le maxangwanini ya waini i loya le xilubelweni xa le sinwini: na Hamani i lo yima a wutisa a wutomi ga yena a ka Estere a muzinza; hakuba yena i lo wona lezaku laho ku wa hi kona a kubiha kuxibylweko ha yena hi hosi.
 - 8 Zonake a hosi yi lo klela hi sinwini ya xilubelo ata le wutsanweni ga maxangwani ya waini, na Hamani i wa la kuwela laha tsatsweni legi Estere a nga wa hi ka gona. Zonake ku lo wula a hosi, Kasi yenawuwo i wa ta kurumeta a muzinza mahlweni ka mina lomu ndlwini ke? Kwatsi hilezi a mhaka yi nga wa huma hi lomu nonwini wa hosi, ba lo fenengeta a ngohe ya Hamani.
 - 9 Zonake ku lo wula Harbona, a munwe wa tiuekwa labo ba nga wa hi kona mahlweni ka hosi, languta kambe, a linhi la nklanu ya makume a mikono kuleha, lolo Hamani a li maheleko Mordekai, loye a nga wa wulawulile a kusasa hi hosi, li yimile lomo ndlwini ya ka Hamani. Ni hosi yi te ngalo, Hayekani yena ka lona.
 - 10 Zingaho bona ba lo hayeka Hamani a ka linhi lolo yena a nga wa li longisele Mordekai. Zonake a zanga ya hosi yi lo rutiswa.

XIPIMO 8.

- 1 A ka lego i lo nyika a hosi Ahasuerusi a yindlu ya ka Hamani a nala wa ba Juda a ka Estere a muzinza.

- Na Mordekai i lo ta mahlweni ka hosi; hakuba Estere i wa byelile lezaku yena i wa hi yini ka yena.
- 2 Ni hosi yi lo teka a pera ya yona, leyo a nga wa yi tekile hi le ka Hamani, i lo nyika yona ka Mordekai. Na Estere i lo yimisa Mordekai hehla ka yindlu ya ka Hamani.
 - 3 Na Estere i lo wulawula kambe mahlweni ka hosi, i lowa lahasi mikonzwani ya yena, i lo kongotela yena hi mihloti a ku susa kule a kukohlakala ka Hamani a mu Agagi, ni gujegu je ga yena lego a nga wa hlebile a ba Juda.
 - 4 Zonake a hosi nyiketela a nhonga ya nzalama. Zingaho Estere i lo suka, i lo yima mahlweni ka hosi.
 - 5 Na yena i te ngalo, Loku kona ku hi kuxalalisa ka hosi, ni loku mina nzi kumile a tomo kuwoneni ka hosi, loku a xilo xi woneka kwatsi kusasa kuwoneni ka hosi, ni loku mina nzi xalalisa mahlweni ka yena, nga kona ku be kutsalilweko a ku hunzulusela a mapapilo laya ma nga wa hlebyilwe nzi Hamani, a nisanyana wa Hammedata a mu Agagi, lawo yena a nga wa tsalile a kulobisa a ba Juda labo ba nga ka wonkle a matiko ya wena:
 - 6 Hakuba mina nzi ta tiyisa ku yini a ku wona a kubiha loko ku tako ka banhu ba ka hina ke? kutani mina nzi wa ta nga nzi tiyisa kuyini a ku wona kulobyswa ka banhu ba ka hina ke?
 - 7 Zonake a hosi Ahasuerusi i te ngalo ka Estere a muzinza ni ka Mordekai a mu Juda, Langutani, mina nzi nyikile Estere a yindlu ya ka Hamani, yena loye ba mu hayekileko hehla ka tinhi, hakuba yena a klatekileko a mandla ya yena hehla ka ba Juda.
 - 8 Tsalani nwina kambe ka ba Juda, kwatsi hilezi kona ku tsakisako nwi na hi ka bito ga hosi, ni umisa kona hi ka pera ya hosi; hakuba a kutsalwa loko ku tsalilweko hi bito ga hosi, ni kuuma loko ku umisilweko hi ka pera ya hosi, a nga kona a munhu a ta nga kuhunzula.
 - 9 Zonake a batsali ba hosi ba lo bitanwa a ka lexo xikati, a ka hweti ya wunharu, leyi yi nga wa hi hweti Sivani, hi ka makume mambiri ni manharu masiku ya kona; na kona ku wa lo tsaliwa kukotisa hi ka

- sonkle lezo Mordekai a leletelako hi ka ba Juda, ni ka tinduna, ni ka bafumeli ni ka tihosana ta mifumo leyo yi sukelako le India kala le Etiopia, i zana ni makume mambiri ni klanu ni mambiri ya mifumo a ka yonklelele a mifumo, kukotisa hi ka kutsala ka kona, ni ka banhu bonklelele kukotisa hi tirimi tabye, a ka ba Juda kukotisa hi kutsala ka-bye, ni kukotisa hi lirimi labye.
- 10 Na yena i lo tsala a ka bito ga hosi Ahasuerusi, na ba lo uma kona hi pera ya hosi, ba lo rumela a mapapilo himitsukano yi kileleko a mahaxi, ba wa lo kilela hi mazambo ya kuha klisisa loku ku wa tirisa hi nkozo ya hosi, ni mipurana ya mikwamana:
- 11 Hi ka laho a hosi yi vumeleko a ba Juda labo ba nga wa hi mitini a ku tsombana a wutsumbu gabye katigizwe, ni ku yimela a wutomi gabye, a ku lobisa, ni ku hlaselela, ni ku maha ku lobyiswa, wonkle a ntamo lowo wu nga wa ta nga wu nwalata bona, a banana babye ni ba basati, ni ku teka a mupango wa mufulo wabye,
- 12 Hehla ka siku ginwe a ka yonkle a mifumo ya hosi Ahasuerusi, hehla ka siku ga kume ni manharu ga hweti go kumi ni timbiri, ley i yi nga hweti Adare.
- 13 Ni papilo ga kutsalwa, kasi kubi-wahungu ku wa ta ku nyikilwe a ka yonklelele mifumo, ku wa lo tibye-kiswa a ka banhu bonkle, ni lezaku a ba Juda ba wa ta nga ba longile a ku vukela lego siku a kupota a wutsumbu gabye a ka balala babye.
- 14 Zingaho a mitsukano labo ba kilelako hehla ka mahaxi ya mazambu lawo ma tiriswako le nkozweni ya hosi ma lo huma ma famba, na ba haklisisilwe na ba tsimbeketilwe hi kuleletela ka hosi; ni kubahungu ku wa nyikiwa ku huma le Xuxani a xilubelo.
- 15 Na Mordekai i lo famba le kuba-koneni ka hosi a ni tinguwo ta ka hosi a to balala ni to basa, ni xidlo dlo xa wukosi xa hombe xa nzalama, zinwe ni nguwo ya wukena go saseka nguvu ni ko zirila: ni muti wa le Xuxani wu wa ku kanyuluka na ba wa kutsakiswa.
- 16 Ni ba Juda ba wa hi mapenga hi litsako, ni kubuma ni kudzuunzeka.
- 17 Ni ka yonklelele a mifumo, ni ka yonklelele a miti, kani hikwihi laho a kuleletela ni kubahungu ka hosi ku tileko, a ba Juda ba wa ni tsakiselo wa kubuma, a mubuzo ni siku ga kusasa. Ni banyingi xikari ba banhu ba tiko ba lo maha ba Juda; hakuba a xicabyo xa ba Juda xi wa lo wela hehla ka bona.

XIPIMO 9.

- 1 Makunu hi ka hweti ya kume ni timbiri, leyo yi nga hweti Adare, a ka kume ni manharu ga ywaleyi, laha a kuleletela ka hosi ku nga wa tsinele kusubi a ku maha a hihiriti-siso, a ka lego siku a balala ba ba Juda ba nga wa ta fumela hehla ka bona (kwatsi hilaho kona ku lo hunzulwa kuhambunyeta, lezaku a ba Juda ba ta fumela hehla ka bona labo ba bengako bona),
- 2 Ni ba Juda ba lo tsombana a wutsumbu gabye katigizwe a mitini ya ka hosi Ahasuerusi, a ku klateka a mandla a ka bonkle labo ba hlotalo a kulamatwa kabye: na ku wa nga hi kona a munhu a nga wa kota ku yimelana zinwe na bona; hakuba a kucabya ka bona ku wa wele hehla ka banhu bonkle.
- 3 Ni tonkle a tihosana ta mifumo, ni tinduna, ni bafumeli, na bona bonkle labo ba mahako a tiro wa hosi, ba lo vunetela a ba Juda; hakuba a kucabya ka Mordekai i lo wela hehla ka bona.
- 4 Hakuba Mordekai i wa hombe lomu ndlwini ya hosi, ni wudumo ga yena gi wa la su gafe ka wonkle a matiko; hakuba a munhu i wa su ku hunzelela a kukula ni kuenzeleka.
- 5 Ni ba Juda ba lo daya bonkle a balala babye hi kuba ka supado, na hi ku kuhihirita ka hombe ni kulobyi-sisisa, na ba wa lo maha lezo ba nga wa ta nga ba ranza a ka bona labo ba bengako bona.
- 6 Ni le Xuxani a xilubelo a ba Juda ba lo daya ba lobisa a uklanu wa mazana ya ba banuna.
- 7 Ni Parxandata, na Dalfoni, na Aspatata,
- 8 Na Porata, ni Adalia, ni Aridata,
- 9 Ni Parmaxta, na Arisai, na Aridai, ni Valzata,
- 10 A kume ga barisanyana ka Hamani a nisananyana wa ka Hammedata, a nala

ESTERE, 9.

- wa ba Juda, ba lo hlasela bona, kanilezi le mupangweni a ba klatekangeni a canja gabye.
- 11 A ka lego siku a tsengo wa labo ba nga wa delwe lomo Xuxani a xilubelo ba wa lo nehwa mahlweni ka hosi.
- 12 Ni hosi yi te ngalo ka Estere a muzinza, a ba Juda ba dela ba lobisile a nklanu wa mazana lomu Xuxani a xilubelo, ni kume ga barisanyana ba ka Hamani; xini zonake bona ba mahileko ka wonkle a mufumo yonkle a mifumo ya hosi ke! Maku-nu kwihi a kukumbela ka wena ke? na kona ku ta vumelwa ka wena: kutani kukwihi a kuwutisa wa ha ta ku nonohako u wutisa ke? na kona ku ta mahelwa.
- 13 Zonake ku lo wula Estere, Loku kona ku xalalisa a hosi, nga kona ku vumelwa a ka ba Juda laba ba nga lomo Xuxani a ku maha a manziko kukotisa hi lezi hi kubahungu ka nyamukla, na nga a kume ga barisanyana ba ka Hamani ba hayekwa hehla ka tisiya.
- 14 Ni hosi yi lo leletela a ku zingaho a ku mahiwe: ni kubahungu ku wa lo nyikiwa le Xuxani; na bona ba lo hayeka kume ga barisanyana ba Hamani.
- 15 Ni ba Juda laba ba nga wa hi lomo Xuxani ba lo tsombana a wutsumbu gabye a ka siku ga kume ni mune ga hweti Adare, ba lo daya a mazana manharu ya banhu lomo Xuxani; kanilezi le mupangweni bona a ba klatekangi a mandla yabye.
- 16 Ni banwani ba Juda labo ba nga wa mifunweni ya hosi ba lo tsombayisa a wutsumbu gabye katiginwe, ba lo yimela a wutomi gabye, ni kuba ni kumula hi le ka balala banye, ba lo daya ka bona labo ba bengako bona nklanu ni mambiri makume ya kume ga mazana; kanilezi le mupangweni bona a ba klatekangi a canja gabye.
- 17 Lexi xi wa mahilwe a ka kume ni manharu a siku ga hweti Adare; a ka siku ga kume ni mune ga ywaleyi bona ba lo humula, ba lo maha gona a siku ga mubuzo ni ga litsako.
- 18 Kanilezi a ba Juda labo ba nga wa hi le Xuxani ba lo tsombana a wutsumbu katiginwe hi ka siku ga kume ni manharu ga kona, ni ka ga kume ni mune ga kona; ni ka siku ga kume ni nklanu gwaleyo ba lo humula, ba lo maha gona a siku ga mubuzo ni litsako.
- 19 Hikwalaho ba lo maha a ba Juda ba lomo zimitani, labo ba akileko lomo mitini yi nga gingisiswangiko, ba lo maha a siku ga kume ni mune ga hweti Adare a litsako ni mubuzo, ni siku ga kusasa, ni ga ku nyikana kurumelana a ziabelo ka munwe ni muzwani.
- 20 Na Mordekai i lo tsala lezi zilo, i lo rumela a mapapilo ka bonkle a ba Juda labo ba nga wa hi ka yonkle a mifumo ya hosi Ahasuerusi bonkle ba le kule ni ba laha kusuhi,
- 21 A ku kwatsabanyisa bona kasi ba fela a ku hlaysia a siku ga kume ni mune ga hweti Adare, ni siku ga kume ni nklanu ga ywaleyo, a malembe hi malembe,
- 22 Kwatsi hi siku lego a ba Juda ba humuleko ka balala banye, ni hweti leyi yi hunzuleko ka bona a kuxaniseka a kuba litsako, na hi xirilweni akuba siku ga kusasa; kasi bona ba fela ku ta nga ba maha wona a masiku ya mubuzo ni litsako, ni ya ku kurumela a ziabelo ka muzwe ni muzwani, ni ziyikiwo ka zisiwana.
- 23 Ni ba Juda ba lo ringa ku maha kwatsi hilezi bona ba sanguleko, na kwatsi hilezi Mordekai a tsalileko ka bona;
- 24 Hilezi Hamani a nisanyana wa Hammedata, a mu Agagi, a nala wa bonkle ba Juda, a nga hlebile a ba Juda a kulobisa bona, na ba lo hlahluba Pure, lezaku, a hlolo, a kumbetisa bona, ni kulobisa bona;
- 25 Kanilezi ni laha a mahungu ma nga wa tile mahlweni ka hosi, yena i lo leletela hi mapapilo lezaku a guje-guje ga yena ga kubiba, lego yena a hlebileko a vukela a ba Juda, ku wa ta nga ku klelela hehla ka hloko ya yena zwinyi, lezaku yena ni barisanyana ba yena ba wa ta nga ba hayekwa laha tisiyeni.
- 26 Hikwalaho bona ba lo bitana lawo masiku Purime, a nzako ka bito ga Pure. Hikwalaho a nzako ka timhaka ta papilo legi, ni ka lezo bona ba zi wonile hi xungetano zinwe ni leyi a mhaka, ni ka zonkle lezo zi tileko ka bona.
- 27 A ba Juda ba lo yimisa, na ba lo teka hehla ka bona, ni hehla ka mbe-wu yabye, ni hehla kwatsi hi labo ba

klanganisako a wutsumbu gabye a ka bona, zingaho lezo lezaku kona ku wa nga ta tsanzeka, lezaku bona ba wa nga ta nga ba hlayisa laya a masiku mambiri kukotisa hi ka kutsala ka kona, ni kukotisa hi xikati xi yimisilweko xa kona, a malembe wonklelele;

28 Ni lezaku laya a masiku ma ta nga ma hlayiswa ka zizukulwana zonklelele, yonklelele mingango, yonklelele mifumo, yonklelele a miti; ni lezaku laya a masiku ya Purime ma wa ta nga ma nga tsanzeka ka xikari ka ba Juda, ge hambu akualakanywa ka wona a mbeteka le ka mbewu yabye.

29 Zonake Estere a muzinza, a nyanana wa ka Abihaili, na Mordekai a mu Juda, ba lo tsala hi ntamo wa ka hosi a ku tiyisa legi a papilo ga wumbiri ga Purime.

30 Na yena i lo rumela a mapapilo ka bonkle a ba Juda, a ka zana ni makume mambiri ni nklanu ni mambiri a matiko ya mufumo wa Ahasuerusi, hi timhaka ta kurula ni zinene,

31 A ku tiyisa laya a masiku ya Purime

hi zikati za wona zi yimisilweko, kukotisa hi ka Mordekai a mu Juda ni Estere a muzinza lezi ba tsemisileko zona, kwatsi hilezi ba yimisileko a wutsumbu gabye ni ka mbewu yabye, a ka mahungu ya kuyila ni kurila.

32 Ni kuleletela ka Estere ku lo tiyiseta leti a timhaka ta Purime; na kona ku wa tsalilwe lomo bukwini.

XIPIMO 10.

1 Ni hosi Ahasuerusi i lo hlenga nzhubo hehla ka tiko, ni hehla ka zihlale za bimbi.

2 Ni zimaho zonkle za ntamo wa yena ni wunhenha ga yena, ni talisiso wa wukulu ga ka Mordekai, lego a hosi yi kulisileko yena, zona a zi tsalwangi le bukwini ga mikumbuxeto xa tihosi ta le Media ni le Persia ke?

3 Hakuba Mordekai a mu Juda i wa hi wo gamela ka hosi Ahasuerusi, i wa hi wa hombe xikari ka ba Juda, i lo amukelwa hi linyingi la bamakabye ba yena, ba hlotako a kusasa ka banhu ba ka kabye, ni kuwulawula a kurula a ka yonkle a mbewu.

A BUKU GA

JOB A.

XIPIMO 1.

1 Laho ku wa hi kona a munhu lomo tikweni ga Uzi, loye a bito a nga wa hi Joba; loye a munhu i wa mbelele a lulamile, a muzwe loye a cabako a Nungungulu, a hambukileko kubiheni.

2 Ni laho ku la ku tralelwa ka yena a nklanu ni bambiri barisanyana ni banhanyana banharu.

3 Ni kufuma ka yena kumbe ku wa hi nklanu ni mambiri a kume ga mazana tiyivu, ni manharu a kume ga mazana a makameli, ni nklanu wa mazana a majoka ya tikabi, ni nklanu wa mazana a matrele ya timbo-ngola, ni ngango wa hombe nguvu; zingaho lezo loyi munhu i wa hi wa hombe nguvu ku hunza bonkle banhu ba le mutsuwukagambo.

4 Ni barisanyana ba yena ba loya ba maha a mubuzo lomu ndlwini ya muzwe ni munwani hi ka siku ga yenawu; na bona ba lo rumela ba lo bitana a bamakweru babye ku taga ni kunwa zinwe na bona.

5 Na kona ku wa ngaho, ni laha a masiku ya kubuza kabye ma nga wa mbetekile, lezaku Joba i lo rumela aya basisa bona, i lo suka a punzwi-ni wa mixo, a uyikela a minyikelo ya kuhiswa kukotisa hi ka tsengo wabye wonkle; hakuba Joba i wa te ngalo, Kutani a barisanyana ba inina ba onhile ba tsikile a Nungungulu lomo timbilwini tabye, zaku-ngahi Joba a nga wa maha hi kusi-mamisilweko.

6 Makunu na ku mahisile lezo a ka lego siku a barisanyana ba ka Nu-

- ngungulu ba nga wa tile a ku ti wonisa a wutsumbu mahlweni ka Jehova, lezaku Satani kambe i lota xikari ka'bye.
- 7 Na Jehova i te ngalo ka Satani, Wa kuta hikwihi wena ke? zakungahi Satani i lo hlamula Jehova, i te ngalo, Hi le kunzulanzuleni laha misabeni, a kukanziyeni ni kureleleni hehla ka yona.
- 8 Na Jehova i te ngalo ka Satani, Wena u pimile hi nanza ga mina Joba ke? hakuba a nga kona a kotako yena lomo misabeni, a mbeleleko a munhu a lulamileko, a muzwe loye a cabako a Nungungulu, a hambukileko a ku maheni kubihla.
- 9 Zonake Satani i lo hlamula Jehova, i te ngalo, Kasi Joba wa ku caba Nungungulu halahala ke?
- 10 Wena a hi wena u mahileko a libingo li ranzela yena ke, ni ka yindlu ya yena, ni ka zonkle lezo yena a nga nazo, hi ka maklelo wonkle ke? na wena u katekisile a tiro wa mandla ya yena, ni kufuma ka yena ka ku enzelekelana lomu tikweni.
- 11 Kanilezi hi nga tsambuluta a canja ga wena makunu, ni ku kumba zonkle lezo a nga nazo, na yena i ta tsika wena lomu nghoheni ka wena.
- 12 Na Jehova i te ngalo ka Satani, Languta, zonkle lezo yena a nga nazo zi lomo ntaawweni na wena; ntsena a wutsumbu ga yena u nga beki a canja ga wena. Zingaho Satani i lo suka a kubakoneni ka Jehova.
- 13 Na ku ko wela a ka siku laha a barisanyana ba yena ni banhanyana ba yena ba wa loga ni banwa a waini le ndlwini ya nhonzwa ya'bye.
- 14 Lezaku laho ku lota a tsumi ka Joba, i te ngalo, A tikabi ti wa kurima, ni timbongola na ti waga hi le khlweni ga tona;
- 15 Ni ma Sabeani ma lo wela hehla ka tona, ba lo teka tona: ina, bona ba hlasele a malanza hi wukla ga supado; mina nzi mina nzoce nzi ponile a kuta byela wena.
- 16 Ni laha a nga wa ha wulawula, laho ku lota kambe muzwani, na a te ngalo, A nzilo wa ka Nungungulu wu tile hi le tilweni, wu hisile a tiyivu ni malanza, wu mbetisile bona; na mina nzi mina nzoce nzi ponileko a kuta byela wena.
- 17 Laha yena a nga wa ha wulawula, laho ku lota kambe muzwani, i te

- ngalo, a ma Kaldea ma mahile a mi-klawa yinharu, ba wele hehla ka makameli, ba tekile wona, ina, ba dele a malanza hi wukla ga supado; mina nzi mina nzoce nzi ponile a kuta byela wena.
- 18 Laha yena a nga wa ha wulawula, laho ku lota kambe muzwani, na te ngalo, A barisanyana ba wena ni banhanyana ba wena ba wa kuga ni kunwa a waini lomo ndlwini ya nhonzwa ya'bye.
- 19 Ni languta, laho ku lota a xipupuri xa hombe hi le xiwuleni, xi lo niki-nya a mune wa makuzu ya yindlu, yona yi lo wela hehla ka majaha, wona ma file; na mina nzi mina nzoce nzi ponileko a kuta byela wena.
- 20 Zonake Joba i lo suka, a hanzula a nguwo ya yena, i lo cinga a hloko ya yena, i lowa labasi hehla ka misaba, i lo kozela;
- 21 Na yena i te ngalo, Wumbyirini nzi lo huma mina hi lomu rumbyini ga mamani wa mina, ni lomu wumbyirini mina nzi ta klela leno: Jehova i lo nyika, Jehova a tekileko; a gi katekiswe a bito ga Jehova.
- 22 Aka zonkle lezi Joba i wa nga onhanggi, ge hambu ku wula a Nungungulu hi wupumbu.

XIPIMO 2.

- 1 Kambe na ku mahisile lezo a ka siku lego a barisanyana ba ka Nungungulu ba nga wa tile ku ti wonisa a wutsumbu ga'bye mahlweni ka Jehova, lezaku Satani i lota kambe a ku ti wonisa a wutsumbu ga yena mahlweni ka Jehova.
- 2 Na Jehova i te ngalo ka Satani, Hikwihi wena u tako ha kona ke? Na Satani i lo hlamula Jehova, i te ngalo, Hi le kunzulanzuleni laha misabeni, hi le ku kanziyeni ni le kureleleni ka yona.
- 3 Na Jehova i te ngalo ka Satani, Wena u pimisile hi nanza ga mina Joba ke? hakuba laho a ku kona wo fanana zinwe na yena lomu misabeni, a mbeleleko a munhu a lulamileko, a muzwe a cabako a Nungungulu, a hambukako kule le kubiheni: na yena wa ha simamile a komisa ku tikirela kulongameni, hambu lezo wena kucetelako mina a vukela yena, a kulobisa na hi haba nanzu.
- 4 Na Satani i lo hlamula Jehova, i te

- ngalo, A hlonge hi hlonge, ina, zomkē lezo a munhu a nga nazo zi ta nyikiwa hi wutomi ga yena.
- 5 Kanilezi klateka a canja ga wena makunu, ni ku kumba a marambu ya yena ni nyama ya yena, na yena i ta ku tsika wena ngholweni ya yena.
- 6 Na Jehova i te ngalo ka Satani, Languta, yena i lomo canjeni ga wena; ntsena u nga susi a wutomi ga yena.
- 7 Zingaho Satani i lo famba a kubakoneni ka Jehova, i loya lamata Joba hi zindlayi zi vunjukeleko kusukela xipameni xa konzo wa yena kala le tsubatsabeni ga yena.
- 8 Yena i lo teka a xirengele a ku ti tsubela a wutsumbu ga yena ha xona, na yena i lo tsama xikari ka makuma.
- 9 Zonake ku lo wula a sati wa yena ka yena, Na wena wa ha dimamisile kulongameni ka wena ke? rukatela a Nungungulu, ufa.
- 10 Kanilezi yena i te ngalo ka yena, Wena u wulawula ku kwatsi hi munwe wa ba basati ba mapupulu a wulawulako. U yini ke? hina hi ta amukela a kusasi le canjeni ga ka Nungungulu, hina hi wa nga ta amukela a kubihla ke? A ka zonkē lezi Joba i wa nga onhanghi hi milomu ya yena.
- 11 Makunu a bangana banharu ba Joba ba lozwa hi konkē loku kubihla ku weleko hehla ka yena, bona ba lota bonkēlele le wutsawweni ga yena awinyi; Elifaze a mu Temane, na Bildade a mu Xuhi, na Zofare a mu Naamate; na bona ba lo klangana ba ti yomisela katigiwe a ku rilela yena ni cablela yena.
- 12 Ni laha bona ba nga wa klatkusile a mahlo yabye hi le kule, ba wa nga mu tibi yena, na bona ba lo klatkusa a gezu gabye, ba lo rila; na bona ba lo hanzula bonkēlele a nguwu ya yena, na ba lo tsutsuxela a tsutsungwani hehla ka tihloko tabye ngomama ni tilweni.
- 13 Zingaho bona ba lo tsamazizwe laha liranza byeni nlanu ni mambiri masiku ni nlanu ni gimhiri wusiku, ku wa nga hi kona a nga wa wulawulile a mhaka ka yena; hakuba ba wa lo wona lezaku a kuhlokiswa ka yena gi wa hi ga hombe.

XIIMO 3.

- 1 A nzako ka lezi i lo vulula a nomu

wa yena Joba, i lo rukatela a masiku ya yena.

- 2 Na Joba i lo hlamula i wa te ngalo:
- 3 Nga a masiku ma lobyiswa lawo ha wona mina nzi nga wa trelwe, Ni wusiku lego gi nga wa te ngalo, Laho ku kona a lisana le wanuna li xurweko nyimba.
- 4 Nga lego siku gi be munyama: Nga a Nungungulu wa le hehla a nga hloli gona, Ge hambu kuwoninga a ku woningi hehla ka gona.
- 5 Nga a munyama ni nzliuti wa kufa ku teka gona akuba ka wutsumbu ga kona; Nga a refu gi tsama hehla ka gona; Nga konkē loku ku mahako a siku ntima kudzukisa gona.
- 6 Kwatsi hi lego a wusiku, nga a munyama wu pumusiweko wu pfupelisa hehla ka gona. Nga gona gi nga tsakisiwi xikari ka masiku ya lembe; Nga gona gi ngati le tsengweni wa milomu.
- 7 Mangabye, nga lego wusiku gi be ngonwa; Nga ni gezu ga litsako gi ngati nzeni ka gona.
- 8 Nga bona ba rukatela gona labo ba rukatelako a siku, Labo ba longeleko a ku vuxa a xibanza.
- 9 Nga a tinyeleti ta ku xirabatsa ka kona ti pfupeliswa: Nga kona kucuwuka a kuwoninga, kanilezi a ku nako; Ge hambu nga ku nga languti a tisiyi ta tihlo ga mixo:
- 10 Hakuba gona a gi valangi a tibati ta lomo rumbyini ga mamani wa mina, Ge ni ku fihla zikarato zi suka le mahlweni ya mina.
- 11 Hi yini nzi nga kala kufa mina lomo rumbyini ke? Hi yini nzi nga kala a ku nyikela a moya wa mina laha mamani wa mina a nga trala mina ke?
- 12 Hi yini a madzolo ma amukeleko mina ke? Kutani hiyini a mabele, lawo nzi nga wa nga nzi awileko ke?
- 13 Hakuba mina nzi wa ta nga nzi ti nawule, na nzi rutisile; Mina nzi wa ta nga nzi eklele; zonake nzi wa ta nga nzi hi kuhumuleni,

- 14 Zinwe ni tihosi ni masungukati ya misaba,
Labo ba a akileko a wutsamo ga ku hahluka ka bona wutsumbu ;
- 15 Kutani hi tihosana leto ti nga ti nza-lama,
Labo ba nga wa tatile a tindlu tabye hi siliva ;
- 16 Kutani kwatsi hi kutralwa ku fihli-lweko hi ku nga nyawuliko mina nzi wa nga ta kuba kona,
Kwatsi hi tisana leto ti nga wona-ngiko kuwonekela.
- 17 Laho a wa kubiha i lo gomola ku-karatweni ;
Ni leyo a ba kareleko ba le kuhu-muleni,
- 18 Laho a tiperesu ti le kuhumuleni katiginwe ;
Bona a bazwi a gezu ga ba banuna ba mikinyabezo.
- 19 A batsongo ni ba hombe ba leyo :
Nanza gi klaklekile ka zwinyi wa gona.
- 20 Hiyini a kuwonekela ku nyikilwe ka yena loye a nga le kuhloki-sweni.
Ni wutomi ka loye a ketako muhe-femulweni ;
- 21 Loye a xubako a kufa, kanilezi ko-na ku ngati,
Ni ku kela kona ku hunza a mabako ma fihlilweko :
- 22 Labo ba tsakako hi kuenzelekisilwe-ko,
Na ba tsakisilwe, laha bona ba nga kumako a nkele ke?
- 23 Hi yini a kuwonekela ku nyikilweko ka manhu loye a ndlela ya yena yi thleleko,
Ni loye Nungungulu a mu biyele-ko ke?
- 24 Hakuba a hika ga mina gi tako hi mahlweni na nziga,
Ni kuhlomulwa ka mina ku halake-la lahasi kwatsi hi mati.
- 25 Hakuba a xilo lexo mina nzi xi ca-bako xi tile hehla ka mina,
Ni lexo mina nzi xi rurumelako xi tile mahlweni ka mina.
- 26 Mina a nzi na ku retsebele, ge mina a nzi rutisile, ge hambu ni kuhu-mula ;
Kanilezi a sikarato si tako.

XIPIMO 4.

- 1 Zonake ku lo hlamula Elifaze a mu Temane, i te ngalo,
2 Loku a munwe a ringa a ku wula

- wula zinwe na wena, wena u ta hlokiswa ke?
Kanilezi nzi mani a tsimbetako a wutsumbu ga yena le kuwulawu-
leni ke?
- 3 Languta, wena u gonzisile banyingi,
Na wena u tiyisetile a canja gi nga biko na ntamo.
- 4 A timhaka ta wena ti kamukele ye-na loye a nga wa tawa,
Na wena u tiyisetile a madzolo ma kutsakutsako.
- 5 Kanilezi makunu kona ku tile ka wena, wena u rerekako ;
Kona ku kumba wena, na wena u karatekile.
- 6 A hi kona kucaba ka Nungungulu wa wena ku kutiyisa ka wena,
Ni kulongama ka tindlela ta wena a kutsumba ka wena ke?
- 7 Alakanya, mina nza kombela wena, loye a mbembako, na a nga hi na nanzu ke?
Kutani hikwihi labo ba lulamileko ba tsenwako ke?
- 8 Kukotisa hi lezi mina nzi woni-leko, bona labo ba rimako a ku-goha,
Ni kuxwanyela a zikarato, ba hula kwaloko.
- 9 Hi xikuhe xa Nungungulu bona ba lo mbemba,
Na hi kupuxuka ka zanga ya yena bona ba mbetisilwe.
- 10 A kudzuma ka ngonyamo, ni gezu ga ngonyamo yi cabisekako,
Ni meno ya role ga ngonyamo, ma tsobylwe.
- 11 A ngonyamo ya hombe yi mbemba hi vumala a nyama,
A zinhalana za matrele zi su ku ha-ngalaka ga fe.
- 12 Makunu a xilo xi kufihleleko xi wa lo nehwa ka mina,
Ni ndlebe ya mina yi zwile a ku hle-byelwa ka kona.
- 13 Na mina nzi lo alakanya hi le mu-wonisweni wa wusiku,
Laha a wurongo ga hombe gi nga wele hehla ka banhu,
- 14 A kucaba ku lota hehla ka mina, ni kururumela,
Loko ku nga wa mahile wonke a marambu ya mina ku tsekatsaka.
- 15 Zonake a moya wu lo hunza hi le nghoheni ya mina ;
Ni mafefeleti ya nyama ya mina ma lo yima.
- 16 Wona ma lo yima ma ku tseka, ka-

- nilezi mina nzi wa nga pimangi hi
woneka ka wona;
A xiruti xi wa hi mahlweni ka ngohe
ya mina:
Ni laho ku wa hi kona kumiyela, na
mina nzi lozwa gezu, giku,
17 Kasi a munhu a cucekako i taba a
longamile a ku hunza a Nungu-
ngulu ke?
Kasi munhu i wa ta nga a basile ku
hunza a Mumahi wa yena ke?
18 Languta, yena a nga bekiko a kutsu-
mba ka yena ka malanza ya yena;
Ni tingelosi ta yena a ti hlalako a
wupupulu:
19 Ku ta kuyini ku hunzeleta ka laba
ba tsamako lomo ndlwini ya ku
tsulwa,
A bahi a xiseketelo xabye wu nga
tsuri,
Labo ba putsuketilweko mahlweni
ka sumba!
20 A xikari ka mixo ni gambo bona
ba lobyisilwe:
Bona ba mbembisilwe kala kupinzu-
ka na ba haba ku cela kota kona.
21 A tingoti ta matenta ya bona ti su-
silwe nzeni ka bona ke?
Bona bafa, hi lahandle ka kutibisisa.

XIPIMO 5.

- 1 Bitana makunu; lezo laho a nga ko-
na loye a nga ta hlalako wena ke?
Ni ka wihi a wa kubasa wena u ta
nga wuyela ke?
- 2 Hakuba a zikarato zi daya a munhu
wa pupulu,
Ni wuxezi gi daya a mu panzi wa
gona.
- 3 Mina nzi wonile a pupulu a zimile a
mutsu:
Kanilezi hi xikanzakanya a nzi wa
rukatele a wuakelo ga yena.
- 4 Hakuba a banana ba yena ba le kule
kuponeni,
Na bona ba ta mbembiswa laha nya-
ngweni,
Ni laho a ku kona wa kuba a ta nga
klaklisa bona:
- 5 Loye a masimu ya yena a wa ndlala
a gako,
Na a tekako kona ku huma le mi-
zweni;
Ni bandlala ba wulungetela a nhu-
nzu yabye.
- 6 Hakuba atikuruxu a humi hi tshu-
rini,
Ge hambu a tikarato a titi hi le lira-
nzabyeni;

- 7 Kanilezi a munhu i tralelwe zikara-
tweni,
Kwatsi hilezi a tihlahle ti balekako.
- 8 Kanilezi kwatsi ba mina, mina nzi
ta hlota ka Nungungulu,
A ka Nungungulu mina nzi ta nyi-
ketela a mhaka ya mina;
- 9 Loye a mahako a zilo sa hombe zi
nga kambiwiko,
A zilo zi hlalaliswako zi nga hiko
na kuhlaywa:
- 10 Loye a nyikako a vula hehla ka mi-
saba,
Ni ku rumela a mati hehla ka masi-
mu;
- 11 Zingaho lezo yena a klakusako he-
hla labo ba nga lahasi,
Na bona labo ba rilako ba klakusi-
lwe kuponeni.
- 12 Yena a kanganyisako a gujegu je ga
ba kunguhako,
Zingaho lezo kasi a mandla yabye na
nga zi koti a ku tira a mitiro yabye.
- 13 Yena a tekako a ba tibisisi le wufro-
treni gabye;
Ni gujegu je ga timbyori gi susume-
tiwa.
- 14 Bona ba ta klanganyetwa hi munya-
ma laha xikatini xa siku,
Ni ku gwalagwala laha munwini
kwatsi bi laha wusikwini.
- 15 Kanilezi yena wa hanyisa hi le su-
padweni ya nomu wabye,
Bona bavumali le canjeni ga tinbe-
nha.
- 16 Zingaho a zisiwana zi na ni kutsu-
mba,
Ni kudumara a nomu wa kona.
- 17 Languta, i xalalisilwe a munhu lo-
ye Jehova a mu lulekako:
Hikwalaho wena u nga klangalate
wena a kutsayiwa ka Nyaminta-
mo.
- 18 Hakuba yena a mahako kuvunjuke-
la, ni kuwa a boha;
Yena a kubazako, ni mandla ya yena
maha kucuma.
- 19 Ya yena i ta klaklisa wena ka nklanu
ni xiawe zikarato;
Ina, a ka nklanu ni kumbiri labo zi
nga ta kumba wena.
- 20 A ndlaleni yena i ta klaklisa wena le
kufeni;
A impini le u suka ntawweni wa su-
pado.
- 21 Wena u ta fihlala le timbirimbini ta
lirini;
Ge wena u nga ta caba a kulobyswa
laha na kona kuta.

- 22 Le kulobyisweni ni le kuvumala wena u ta hleka;
Ge wena u nga ta caba hi zibanza za misaba.
- 23 Hakuba wena u nga ta ni kugumulwa zinwe hi maribye ya kwati;
Ni zibanza za kwati si ta ni kurula zinwe na wena.
- 24 Na wena u ta si tiba lezaku a tenta ga wena gi le kuruleni;
Na wena u ta enzela a klambi wa wena, na wena u nga nwalalelwa i ncumo.
- 25 Wena u ta si tiba kambe lezaku a mbewu ya wena yi taba yi kulisilweko,
Ni bazukulu ba wena kwatsi i byanyi ga misaba.
- 26 Wena u tata le nkeleni wa wena le tangeni ya wena ya wukale,
Kwatsi hi mhumhu ya mabele yi kumukako hi nguba ya yona.
- 27 Wangabye lexi, hina hi hlolile, kona si wangaho;
Zwana kona, ni kutiba kona a kuba kusasa ka wena.

XIPIMO 6.

- 1 Zonake Joba i lo hlamula i te ngalo,
2 O lezaku a tikuruxu ta mina ti nga ringanisilwe,
Ni kutsekulela ka mina ku klateki-lwe tipinweni!
- 3 Hakuba kona ku ta binza ku hunza seka ga mabimbi:
Hikwalaho ni timbaka ta mina ti wa hi ta bilabila.
- 4 Hakuba a titalala ta Nyamintamo ti lomo nzeni ka mina,
Ni wutsulu legi a moya wa mina wu gi nwileko:
A kutsisa ka Nungungulu ku ti yimisela a wutsumbu ga kona ku hlomela mina.
- 5 Kunene a mbongola a kwati ya cwa-nga laha byanyini ke?
Kutani ya boma a kabi na hi bihlako ke?
- 6 Ga kona ku giwa lezo za tsonze na ku nga hi na munyu ke?
Kutani ku kona ku nuhela lomo ko basa ka tanza ke?
- 7 A muhefemulo wa mina wa ala a kumumba zona;
Zona si hi kuga ka mina ku swihatako mina,
- 8 O lezaku mina nzi wa ta nga nzi hi ni kuwutisa ka mina;

- Lezaku Nungungulu i wa ta nga a vumela mina a zilo lezo nzi si xubako!
- 9 Kona ku nga ku xalalisa a Nungungulu a mbembisa mina;
Lezaku i wa ta nga a wululisa a canja ga yena ka mina, ni ku tsama mina!
- 10 Na kona ku ta miyelisa a litsako la mina,
Ina, nga mina nzi klakuswa kubayisani ka mina lezaku u nga neneki mina,
Lezaku mina a nzi kanetangi a timbaka ta Loye wa a Basileko.
- 11 Xini a ntamo wa mina, lezaku mina nzi wa ta rinzela ke?
Ku yini a kugumelwa ka mina, lezaku mina nzi wa taba ni lihlazambilu ke?
- 12 Kasi a ntamo wa mina i ntamo wa maribye ke?
Kutani a nyama ya mina nja suku ke?
- 13 A hi lezo nzi nga hiko na kuvuna hina ka mina,
Ni lezaku a kutibisisa ku la su susi-wa ka mina ke?
- 14 A ka yena loye a longeleko a ku rereka ni wuxinji gi wa ta nga gi kombiswa hi le banganeni ba yena;
Konaka yena loye a sikako a xicawo Nyamintamo.
- 15 A bamakabye ba mina ba mahile hi ku ohlisileko kwatsi i congwana,
Kwatsi hi kulungelo ka congwana ma hunzako;
- 16 Lowu wu nga ntima hi kota ya xirami,
Ni laho ha kona a mbera yi fihlako a wutsumbu ga yona:
- 17 Hi xihhi xikati bona ba ta nga dzunuka ba furumela;
Laha kona ku hisako, bona ba nyekiswa wutsanweni gabye.
- 18 A mapfumba ma lungelako hi ndlela ya bona ba hambuka;
Bona ba kanziya baya hi le xiwunzeni, ba suya mbemba;
- 19 A mapfumba ya le Tema ma lo cuwuka,
Ni miklawa ya Xeba yi lo rinzela bona.
- 20 Bona ba lo wiswa tingana hakuba bona ba tsumbile:
Bona ba lota leno, ba lota haka-seka.

- 21 Hakuba makunu *nwina* a mu ncu-
mo;
Na *nwina* mu wona kutsisa, na mu
cabyiswa.
22 Mina nzi wa te ngalo, Nyikani ka
mina ke?
Kutsani, Nyikani a zinyikiwo ka
mina za nhunzu ya *nwina* ke?
23 Kutani, *Klaklisani* mina le canjeni
xa nala wa mina ke?
Kunani, *Klaklisani* mina le canjeni
ga batsimbeketi ba mina ke?
24 Gonzisa mina, mina nzi ta rutisa
nzi miyela;
Ni ku maha mina nzi pimisisa hi la-
ho ha kona nzi hambukileko.
25 Ti tsimbeketisisa ku yini a timhaka
ta kululamisisa!
Kanilezi a kutsebetela ka wena, hi
kona loko kona kutsebetelako!
26 *Nwina* mu laba a kutsebetela a ti-
mhaka ke,
Na mu wona lezaku a kuwulawula
ka muwe wa ngwangangwa ku
kwatsi i mbeho ke?
27 Ina, *nwina* mu wa ta hlaluba tihlo-
lo hehla ba nga hiko na badadani,
Ni ku maha zinjaninjani za xaka ga
wena.
28 Makunu hikwalaho nga u tsakiswa
a ku cuwuka hehla ka mina :
Hakuba ha kunene mina nzi nga ta
hemba wunwa ka nghohe ya wena.
29 Hunzuluka, mina nza kombela we-
na, nga laho ku nga bi kunga lo-
ngamangiko ;
Ina, hunzuluka kambe, a nanzu wa
mina wu lulamile.
30 Kasi laho a hi nongameto nzeni ka
lirimi la mina ke?
A ku zi koti a kuringa ka mina a ku-
pima hi zilo za kohlakalo ke?

XIPIMO 7.

- 1 Laho a ku kona a mabutu ya impi
hehla ka munhu laha misabeni ke?
Kasi i masiku ya yena a me kwatsi
masiku ya kuriwa ke?
2 Kwatsi hi nanza gi celako kota hi
kuxuba a xiruti,
Ni ku kwatsi xitiri lexo xi cuwuka-
ko a kurihwa ka xona ;
3 Zingaho mina nzi mahilwe a ku
teka a tihweti ta tikuruxu,
Ni wusiku ga ku karala gi kangeti-
lwe mina.
4 Ni laha mina nzi ti nawulako lahasi,
nza wula,
Nzi ta vuka rini ke?

- Na mina nzi tele hi kunzula nzula
kala kupeleni ka siku.
5 A nyama ya mina yi makanya ziwu-
ngwani ni marukwani ya tsuri ;
A hlouge ya mina yi tsimbeketilwe,
ni ku kayelela nyama ya mina.
6 Masiku ya mina ma tsutsuma kuhu-
nza a xindombani xa mukati,
Ni ku mbeteka na ku nga hi kona a
kutsumba.
7 Oalakanya lezaku a wutomi ga mina
i moya :
Ni mahlo ya mina ma nga ta ha
engeta ma wona a kusasa ka-
mbe.
8 A tihlo ga yena loye a blotako mi-
na a nga ta ha languta mina ka-
mbe ;
Kanilezi ni mahlo ya wena ma taba
hehla ka mina, kanilezi mina nzi
nga ta kuba kona.
9 Kwatsi hi loku a refu gi mbetiswa
ni kunyamalala kule,
Zingaho loye a relelelako le Xeole a
nga ta ha wuya kambe.
10 Yena a nga ta ha klela kambe ka yi-
ndlu ya yena,
Ge hambu a wutsamo ga yena gi
nga ta ha engeta kambe gi tiba
yena.
11 Hikwalaho mina nzi nga ta miye-
ta a nomu wa mina ;
Mina nzi ta wula wula hlomulweni
wa moya wa mina ;
Mina nzi ta tsanwa kubabisiseni ka
muhefemulo wa mina.
12 Mina nzi hi bimbi, kutani munyame
wa bimbi,
Lezo wena u bekelako a xiranzo he-
hla ka mina ke?
13 Laha mina nzi wula, a mu bedi wa
mina wu ta tangalisa mina,
Ni tsatse ga mina gi ta rengisa a ku-
kalala ka mina ;
14 Zonake wena u dzukisile mina hi
miloro,
Ni ku munzulukisa mina hi miwo-
niso :
15 Zingaho lezo a muhefemulo wa mina
wu hlawula a ku kucungelwa,
Ni kufa a ku hunza laya a marambu
ya mina.
16 Mina nzi swihatwa hi wutomi ga
mina ; mina nzi wa nga ta nga
nzi hanya xonkle xihati :
Tsika mina nzoce; hakuba a masiku
ya mina a manyawuli.
17 Xini a munhu, lezaku wena u wa ta
nga u kukumukisile yena,

- Ni lezaku wena u wa ta nga u ru-
mele a malanga ya wena hehla ka
yena,
18 Ni lezaku wena u wa ta nga u enzela
yena yonkclelele mixo,
Ni kuhlola yena xonkclelelele xikata-
nyana ke?
19 Ku ta kala ku yini wena u nga ta
hunzuluka kule ka mina,
Kutani ku tsika mina nzoce nzi mi-
ta a mari ya mina ke?
20 Loku mina nzi nga nzi onhile, xini
nzi ta nga maha mina ka wena,
O wena a murinzeli wa banhu ke?
Hi yini wena u yimisileko mina
kwatsi xibango ka wena.
Lezaku mina nzi taba nzwalo wa ku
ngaho ka wutsumbu ga mina ke?
21 Na ku hi ku yini wena u nga tsetse-
leleko a zihambunyeto za mina, ni
ku teka kule a zigoho za mina ke?
Hakuba makunu mina nzi ta eklela
lahasi misabeni;
Na wena u ta hlota mina kwatsanya-
na, kanilezi nzi nga ta kuba kona.

XIPIMO 8.

- 1 Zonake ku lo hlamula Bildade a
mu Xuhi, i te ngalo,
2 Ku ta longoloka ku yini na wena
wa ha wulawula lezi zilo ke?
Na ku ta longoloka ku yini a timha-
ka ta wena ti fanana ni mheho ya
ntamo ke?
3 Kunene Nungungulu wa vinyetela
a nongameto ke?
Kutani a Nyamintamo wa vinyetela
a kululamisisa ke?
4 Loku a banana ba wena ba onile a ku
vukela yena,
Na yena a nyikele bona lomo canje-
ni ga zihambunyato zabye;
5 Loku wena u wa ta nga u hlota kwa-
tsanyana a ka Nungungulu,
Ni ku maha a mikongeleliso ya we-
na ka Nyamintamo;
6 Loku wena u wa basile u longamile:
Hakunene futsi yena i wa ta nga a
vuxela wena.
Ni ku maha a wutsamo ga kululami-
sisisa ka wena ku hi kuvuvumako.
7 Na hambu lezo a kusangula ka we-
na ku nga wa hi ku tsongwani,
Kasike a ku gumesa ka wena ku wa
ta nga ku hi ku kulisilweko ku
enzelekelana.
8 Hakuba wutisa, mina nza kombela
wena, a tangeni ya kaleloko,
Ni ku yimisela a wutsumbu ga wena

[Sheetswa.] 40

- a ka lezo a badadani wa wena ba
zi hlolileko
9 (Hakuba hina hi ba tolo, a hi tibi
ncumo,
Hakuba a masiku ya hina hehla ka
misaba ma hi xiruti);
10 Bona ba wa nga ta gonzisa wena,
ni ku byela wena,
Ni kuwulawula a timhaka ti huma
hi lomo mbilwini yabye ke?
11 Li nga kota a ku kula livuti hi la-
handle ka marope ke?
Ni lihunga la kula ku nga hi kona a
mati ke?
12 Laho na kona na ka ha hi kunyuke-
ni ka kona, na ku nga seku tse-
nwa,
Lona li wuna ku hunza munwa a
kubyanyi.
13 Zingaho a ndlela ya bona labo ba ri-
bakelwako hi Nungungulu;
Ni kutsumba ka ba nga hiko wunu-
ngungulu ku ta mbembiswa:
14 Labo a kutsumba kabye ku ta nga
tsobyiwa kupulakanyiswa,
Labo a kutsumba kabye ku nga
wupe ga xitoli.
15 Yena i ta kegela hehla ka yindlu ya
yena, kanilezi yona yi nga ta yima:
Kanilezi yena i ta namarela hehla
ka yona, kanilezi yona yi nga ta
tiyiseta.
16 Yena i nyukile mahlweni ka gambo,
Ni kubalesa ka yena kuya hehla ka
simu ya yena.
17 Ni mitsu ya yena yi tsonzelene a
nhulwini ya maribye,
Yena a langutako a wutsamo ga
maribye.
18 Loku yena a lobyiswa le wutsanwe-
ni,
Zonake kona ku ta kaneta yena,
aku,
Mina a nzi wonangi wena.
19 Languta, loku hi tsaka ka ndlela ya
yena;
Na hi lomo misabeni banwani ba ta
huma.
20 Languta, Nungungulu i wa nga ta
hoxa kule a munhu a mbeleleko,
Ge yena a nga ta bangetela a munhu
wa ku maha kubiha.
21 Yena kasike i ta tatisa a nomu wa
wena hi lihleko,
Ni milomu ya wena hi kukanyuluka.
22 Bona labo ba bengako wena ba ta
ambexwa hi tingana;
Ni tenta ga wa kubiha gi nga ta ha
kuba kona.

XIPIMO 9.

- 1 Zonake Joba i hlamula i te ngalo.
- 2 Ha kupene mina nza zi tiba lezaku zingaho :
Kanilezi a munhu i wa ta longamisa ku yini zizwe na Nungungulu ke?
- 3 Loku yena a xalaliswa a ku eneliwa zizwe ha yena,
Yena a zi koti a ku hlamula yena a muwwe wa kume ga mazana.
- 4 Yena wa tiba nzeni ka mbili, i na ni wunhena le ntawweni :
Loye a nonohisileko a wutsumbu ga yena a vukela yena, ni ku i vuvu-
misilwe ke?
- 5 Yena loye a susileko a zitsunga, na bona ba nga tibi kona,
Laha na hunzulusa zona kuzangara:
- 6 Lezaku ya tsekatekisa a misaba le wutsawweni ga yena,
Ni timbinga ta kona ta tsekateki-
swa ;
- 7 Lezaku a lelelako a gambo, gona gi nga tsuwuki,
Ni ku umisa a tinveleti ;
- 8 Loye yece a anlalatileko a matilo,
Ni ku famba hehla ka mabyan/lati ya mabimbi ;
- 9 Loye a mahako a ma Arkto, Orion, ni ma Pleiadesi,
Ni tindlu ta le dzongeni ;
- 10 Loye a mahako a zilo za hombe zi hunzileko a ku kumiwa,
Ina a zilo za mahanjalati zi nga hiko na ku hlayiwa.
- 11 Manga'ye, yena hi laha ka mina, na mina nzi nga mu woni :
Yena a hunzako kambe, kanilezi mi-
na nzi nga tibi yena.
- 12 Languta, yena a pangako, nzi mani a nga mu tindekisako ke?
Nzi mani a ta nga wula ka yena, Za ku yini wena u mahako ke?
- 13 Nu i wa nga ta kobeta a zanga ya yena :
A bavuneteli ba ka Rahabi ba ta ma-
ha kukoroma labasi ka yena.
- 14 Mbotsongo ga ku yini mina nzi ta nga hlamula yena,
Ni ku langa a timbaka ta a ku wula-
wula zizwe na yena ke?
- 15 Loye, a hambu lezi mina nzi nga wa lulamile, kasike nzi wa nga ta nga mina nzi hlamule ;
Mina nzi wa ta nga nzi maha a mu-
kongeliso wa mina ka mu lamuli wa mina.
- 16 Loku mina nzi bitanile, na yena na a hlamulile mina ;
- 17 Kasike mina nzi wa nga kolwi leza-
ku yena i zwile ka gazu ga mina.
Hakuba yena i putseketa mina hi xihuhuri.
A enzelekisako a timbinga ta mina hi laban'le ka nanzu.
- 18 Yena a nga ta vumela mina a ku te-
ka a kuhufemula ka mina.
A tatisileko mina hi kuhabisisa.
- 19 Loku hina hi wulawula hi ntamo,
manga'ye, yena i na ni wunhena!
Na hi nongameto, Nzimani, a wula-
ko yena, i ta bitana mina ke?
- 20 Hambu loku mina nzi lulamile, a nomu wa mina awinyi wu ta ko-
na mina :
Hambu loko mina nzi mbelele, ko-
na ku ta kombisa mina a kohla-
kalo.
- 21 Mina nzi mbeleleko : mina a nzi ka-
tali hi wutsumbu ga mina :
Mina nzi solisa a wutomi ga mina.
- 22 Kona konkle kuwe; hikwailaho mi-
na nza wula,
Yena a lobisako a tambeleleko ni
bakubina.
- 23 Loku a kubiwa ku daya hi xiloku-
loku,
Yena i ta hleka le kutsanzweni ka a
nga hiko na nanzu.
- 24 A misaba yi nyikilwe canjeni ga ba
kubiba ;
Yena a kubunyetako a tingohe ta ba
lamuli ba kona :
Loku a nga hi yena, himani zonake
loye ke?
- 25 Makunu a masiku ya mina ma tsu-
tsuma ku hunza tsukano :
Wona ma tsutsuma kule, wona a ma
woni a kusasi.
- 26 Wona ma hunzileko kwatsi hi mata-
ru ma haklisako :
Kwatsi hi gama lego gi huhulukela-
ko a hehla ka xiharana.
- 27 Loku mina nzi wula, Nzi ta kohlwa
a zitsawwo za mina,
Mina nzi susa a nghohe ya kutsuba
ka mina, nzi hi ni litsako la ho-
mbe ;
- 28 Mina nzi cabako hi kona konkle a
kuxaniseka ka mina,
Mina nza zi tiba lezaku wena u nga
ta koma mina na nzi hi haba na-
nzu.
- 29 Mina nzi taba nzi konilweko :
Hi yini mina makunu nzi tirileko
mahala?
- 30 Loku mina nzi hlaza a wutsumbu
ga mina hi mati ya xirami,

- Ni ku maha a mandla ya mina ma
nga hlazeki nguvu,
31 Kasike wena u ta hoxa mina lomo
nkeleni,
Ni tinguwo ta mina awinyi ti ta
swirwa ha mina.
32 Hakuba yena a hi munhu, kwatsi
nzi mina, lezaku mina nzi wa ta
nga nzi hlamlula yena,
Lezaku mina nzi wata katiginwe le
kulamuleni.
33 Laho a nga kona a mutsanzi xikari
ka hina,
Loye a nga wa ta klateka a mandla
ya yena ka hina honkle.
34 Nga yena a susa a nhonga ya yena
hehla ka mina,
Na nga ni kutsisa ka yena ku nga
nzi cabisi mina;
35 Zona mina nzi wa ta wulawula, nzi
wa nga ta caba yena;
Hakuba mina a nzi ngaho lomo nze-
ni ka wutsumbu ga mina.

XIPIMO 10.

- 1 A muhefemulo wa mina wu rereki-
le hi wutomi ga mina;
Mina nzi ta nyika a nanzu wuklakle-
kileko ka kutsa nwa ka mina;
Na mina nzi ta wulawula kubabise-
ni ka muhefemulo wa mina.
2 Mina nzi ta wula ka Nungungulu,
wena u nga koni mina;
Nzi kombe mina hikwalaho laha
wena u vukelanako zinwe na mi-
na.
3 Lezo ku saseka ka wena lezaku we-
na u wa ta tsimbeketa,
Lezaku wena u wa ta nga u nzenya
a tiro wa mandla ya wena,
Ni kuwoninga hehla ka xikungo xa
ba kubiha ke?
4 Wena u na ni mahlo ya nyama?
Kutani wena u wona kwatsi hileel a
munhu a wonako ke?
5 Kasi a masiku ya wena me kwatsi
masiku ya munhu,
Kutani a malembe ya wena me kwa-
tsi malembe ya munhu,
6 Lezaku wena u wa ta wutisa a nza-
ko ka kubiha ka mina,
Ni kuhlota a nzako ka kuonha ka
mina.
7 Hambuzonkle lezo wena u zi tibako
lezaku mina a nzi wa kubiha,
Ni laho a ku kona lexo xi nga klakli-
sako le canjeni ga wena ke?
8 A mandla ya wena ma ecetele mina
ma bombisile mina

- Katiginwe u nzi senzeletela, kasike
wena u lobisile mina.
9 Alakanya, mina nza kongotela wena,
lezaku wena u nzi bombisile kwa-
tsi hi wumba;
Na wena u ta neha mina a tsuri
kambe ke?
10 Wena a hi wena u cululeko mina
kwatsi i masi,
Na u nzi kurungele kwatsi lubisi
ke?
11 Wena hi wena u ambexileko mina
hi hlange ni nyama,
Ni ku klanganyisa mina katiginwe
hi marambu ni misiha.
12 Wena u vumele mina a wutomi ni
kuranzakawunene;
Na kuenzelwa ka wena ku lonzowo-
tile a moya wa mina.
13 Kasike lezi zilo wena u lo zi fihla lo-
mo mbilwini ya wena;
Mina nza zi tiba lezaku lezi zi lomo
nzeni ka wena:
14 Loku mina nzi onha, zonake wena u
nzi langutela mina,
Na wena u nga ta tsika mina le ku-
goheni ka mina.
15 Loku ku nga ku hi kubiha, kombo
ka mina;
Ni loku mina nzi nga nzi lulamile,
kasike mina nzi wa nga klakusa a
bloko ya mina,
Na nzi tatisilwe hi tingana,
Na cuwuka hehla ka tikuruxu ta
mina.
16 Ni loku a bloko ya mina yi klaku-
sa a wutsumbu ga yona, wena u
hlotako mina kwatsi i ngala;
Ni kambe wena u kombako a wu-
tsumbu ga wena hi ku hlamlisa-
ko hehla ka mina.
17 Wena u klelisako a bakustumunyu
ba wena hehla ka mina,
Ni ku enzelekisa a zanga ya wena
hehla ka mina:
Ni ku hunzuluka ni mabutu ya ma-
klari ma hehla ka mina.
18 Ngahilezo wena hi wena u humesi-
leko mina hi lomo rumbyini ke?
Mina nzi nyikele a moya, ni tiblo a
gi wonangi mina.
19 Na mina nzi ta nga nzi ku kwatsi
nzi wa nga nzi nga hi lezo;
Mina nzi wa ta nga na nzi rwelwe
le rumbyini ka nkele.
20 Kasi a masiku ya mina a hi matso-
ngo, kawula zonake,
Tsika mina nzoce, kasi mina nza
teka a kutangaliswa kutsongwani,

- 21 Hi mahlweni na nzi nga seku famba leno mina nzi ta nga wuya, Kona le tikweni ga munyama ni zuti wa kufa ;
- 22 A tiko ga munyama kwatsi hi laha xikari ka wusiku, A tiko ga nzuti wa kufa, ku nga hiko na ku lulameta, Ni laho a kuwonekela ku nge kwatsi hi laha xikari ka wusiku.

XIPIMO 11.

- 1 Zonake ku lo hlamula Zofare a mu Naamate, i te ngalo,
- 2 A timhaka ta wudlemo ti wa ta nga ti nga hlamuliwi ke? Ni munhu a tatisilweko hi ku wulawula a basiswa ke?
- 3 A ku ti kukumuxa ka wena ku ta maha banhu ba miyela ke? Ni laha wena u hlekako, a munhu a nga ta maha wena a tingana ke?
- 4 Hakuba wena u wulako, Kugonzisa ka mina ku basile, Na mina nzi hlazekile a mahlweni ka wena.
- 5 O lezaku Nungungulu i wa ta nga a wulawula, A ku vulula a milomu ya yena a vukela wena,
- 6 Ni lezaku yena i wa ta nga a kombisa wena a mifihlakalo ya kutibisisa! Hakuba munhu wa pfono wa kupimisisa. Zi tibe hikwalaho lezaku Nungungulu i tsanza ka wena ku hunza lezi a kugoha ka wena ku faneleko.
- 7 Wa zi kota wena hi ku hlota a ku kuma a Nungungulu ke? Wa zi kota wena a ku kuma a Nyamintamo le kumbelelisisweni ke?
- 8 Kona ku Alakukile kwatsi a tilo; zakuyini wena u ta nga maha ke? Ku tileko ku hunza Xeole; zini wena u ta nga zi tiba ke?
- 9 A xiringaniso xa kona xi nabalatiko ku hunza a misaba, Xi anamileko a ku hunza a bimbi.
- 10 Loku yena a hunza a tsemakanya, ni ku vala, Ni kubitana a kulamula, zonake nzi mani a nga ta mu tsimbeta ke?
- 11 Hakuba yena wa ba tiba a banhu ba mawunwa: Yena a wonako a kugoha kambe, hambulezo yena a nga xubiko ha kona.
- 12 Kanilezi a munhu wa mahala a nga nyawuluko kupimisisani,

- Ina, a munhu i trelwe kwatsi a role ga mbongola ya kwati.
- 18 Loku wena u longeta a mbilu a ya wena yi longama, Nawuluta a mandla ya wena ngomama na yena;
- 14 Loku a kugoha ku hi kona canjeni ga wena, susa kona kule, Nga a kungalulamisisiko ku nga tsami nzeni ka matenta ya wena.
- 15 Hakunene wena zonake u ta klakusa a nghohe ya wena u ngahi na bala; Ina, wena u taba u enclisilweko, u nga caba;
- 16 Hakuba wena u ta kohlwa hi hlomulo wa wena; Wena u ta alakanya kona kwatsi hi mati laya ma hunzako.
- 17 Ni wutomi ga wena gi taba gi xwenguleko kwatsi hi laha munzwini; Hambulezo ku hi kona munyama kona ku ta ku kwatsi hi laha mi-xweni.
- 18 Na wena u ta pona, hakuba laho ku kona a kutsumba; Ina, na wena u ta kamba u ti renzelekela wena, na wena u ta teka a kuhumula ka wena kuponeni.
- 19 Kambe wena u ta nawula lahasi, a nga ta ba kona a nga ta maha wena kucaba; Ina, ni banyingi ba ta maha a fanelo ka wena.
- 20 Kanilezi mahlo ya wa kubiba ma ta hluleka, Na bona ba nga ta kuma a ndlela ya ku tsutsuma; Ni kutsumba kabye ku ta nyikwa kufeni.

XIPIMO 12.

- 1 Zonake Joba i lo hlamula i te ngalo,
- 2 Kanilezi hi ku nga kanakaniwiko nwina mu banhu, Ni kutibisisa ku tafa zinwe na nwi-na.
- 3 Kanilezi mina nzi na kupimisisa kwatsi ha nwina; Mina a nzi na kuzlulwa ha nwina: Ina, nzi mana a nga zi tibiko a zilo za kungahi kwatsi hi lezi ke?
- 4 Mina nzi munwe loye a kiyalwako ka wa akelene wa yena, Mina nzi mina loye a bitanako ka Nungungulu, yena i lo hlamula: A longamileko, a munhu a mbeleleko hi loye a kiyalwako.

- 5 A kulakanyeni ka yena loye a tsa-
mekileko ku kona a manyanga hi
kota dadabala;
Kona ku longele ka bona labo a ko-
nzo wabye wu retemukako.
- 6 A matenta ya bapangi ma vuvuma,
Na bona labo ba vindlukiselako Nu-
ngungulu ba ponile;
A ka ga bahi canja Nungungulu a
nehako hi kutalisilweko.
- 7 Kanilezi wutisani makunu a zihari,
zona zi ta gonzisa wena;
Ni zi nyanyani za tilo, zona zi ta
byela;
- 8 Kutani wulawula ka misaba yona,
yi ta gonzisa wena;
Ni zindluwani za bimbi zona zi ta
klaklambutela.
- 9 Himani loye a nga tibi zonkle lezi,
Lezaku a canja ga Jehova gi mahile
lezi,
- 10 A ka canja ga wihl a muhefemulo
wa zilo zonkle zi hanyako wu nga
kona,
Ni ku hefemula ka gonkle a wumu-
nhu ke?
- 11 Kasi a ndlebe a yi ringi a timhaka,
Ni lomo kanwini a kuringi a kuga
ka kona ke?
- 12 Zinwe ni wa kale ku kona a wuklari,
Ni kunabalateni ka masiku kupimi-
sisa.
- 13 Zinwe na Nungungulu mbu tibisisi
ni wunhenha;
Yena i na ni kungo ni kupimisisa.
- 14 Languta, yena a tsobeletelako laha-
si, na kona ku nga akiwi kambe;
Yena a valako a munhu, ni laho ku
nga hi kona a kuvulula.
- 15 Languta, yena a wulungeteko a ma-
ti, na wona ma omiswa;
Kambe, yena a rumela wona ma hu-
ma,
Na wona ma kulungela a misaba.
- 16 Zinwe na yena i ntamo ni kutibi-
sisa;
A kohlisilweko ni mukohlisi mba-
yena.
- 17 Yena a rangeleko a baxikungo na
kazilwe,
Ni balamuli yena i ba maha a zipu-
mbu.
- 18 Yena a klaklako a kubohwa ka ti-
hosi,
Yena a bohako a ziwunu zabye hi
mabandi.
- 19 Yena a rangelako a bapristi ba fa-
mba na ba kazilwe,
A hoxako a ba wunhenha.
- 20 Yena a susako a kuwulawula ka ka
ba tsumbyako,
A susako a kupima ka masingala-
kati.
- 21 Yena a celako a manyanga ka tiho-
sana,
Ni kuklakla a ku raranywa ka tinhe-
nha.
- 22 Yena a funungulako a zilo zi etileko
hi lomo munyamani,
A nehako lahandle wutomini a nzhu-
ti wa kufa.
- 23 Yena a enzelekisako a mifumo, ni
ku lobisa yona;
Yena a enzelekisako a mifumo, a ra-
ngelako yona kukonweni.
- 24 Yena a tekako kule a kupima ku su-
ka le ka tihosi ta banhu ba misaba,
Ni ku maha bona ba nzula le xiwu-
leni laho ku nga hiko kona a ndlela.
- 25 Bona bagwelagwela munyamani la-
ho ku nga hiko kona a kuwoneke-
la;
Yena a ba mahako ba dedereka kwa-
tsi hi munhu a popilweko.

XIPIMO 13.

- 1 Mangabye, a mahlo ya mina ma wo-
nile zonkle lezi.
A ndlebe ya mina yi zwile yi pimi-
sile ha kona.
- 2 Zini mu zi tibako, zalezo minawu nza
zi tiba kambe;
Mina a nzi klulwi ha nwina.
- 3 Hakunene mina nzi ta wulawula ni
Nyamintamo,
Mina nza xuba a ku xuxisana zinwe
na Nungungulu.
- 4 Nwina mu ba hembu ba mawunwa;
Nwina nwenkle mu tinanga ti nga
nyawuliko.
- 5 O lezaku nwina zonkileleleke mu wa
ta rutisa mu miyela!
Na kona ku wa ta nga ku hi kutiba
ka nwina.
- 6 Zwanani makunu a kuwulawula ka
mina,
Ni kuzwa a kukombelisisa ka milo-
mu ya mina.
- 7 Nwina mu ta wulawula hi ku nga
lulamisiwangiko ka Nungungulu,
Ni kuwulawula a kukohlisilweko ka
yena ke?
- 8 Nwina mu ta kombisa a kuhambu-
nyetana na yena ke?
Nwina mu ta kwakwana zinwe na
Nungungulu ke?
- 9 Na kona kusasa lezaku yena i wa ta
nga a hlota nwina mu huma ke?

- Kutani kwatsi hi munwe loye a kohlisako a munhu, nwina mu kohlisa yena ke?
- 10 Yena hakunene i ta tsebetela nwina, Loku nwina hi le xikundleni mu kombeta a wulala.
- 11 A kasi a wukulu ga yena gi nga ta maha yena nwina mu caba, Ni kutsisa ka yena ku ta wela hehla ka nwina ke?
- 12 A mawulawulela ya nwina ma kumbuxetako ku hi mabingu ya kuma, Ni kuvukelwa ka nwina kuvikelwa ka wumba.
- 13 Rutisani kumiyela ka nwina, nga mina nzoce, lezaku mina nzi nga wulawula; Na nga kuta ka mina loku ku nga kona.
- 14 Ngahilezo nzi wa ta nga nzi teka a nyama ya mina menweni ya mina, Ni ku beka a wutomi ga mina lomo canjeni ga mina ke?
- 15 Languta, kutani wa nzi daya; na lezo nzi nga ta mu rinzela; Ahembalezo mina nzi ta gongola a tindlela ta mina mahlweni ka yena.
- 16 Loku kambe ku taba a kuhanyiswa ka mina, Lezaku a munhu a nga hiko a wungungulu a nga tata mahlweni ka yena.
- 17 Ingisa hi kutsononometilweko a ku wulawula ka mina, Na nga a klaklambulutelisiso a wube tindlebeni ta nwina.
- 18 Languta a makunu, mina nzi bekile a nanzu wa mina kululekweni; Mina nza zi tiba lezaku nzi lulumile.
- 19 Hi mani yena loye a ta nga kwawana zinwe na mina ke? Hakuba zonake mina nzi wa ta nga nzi hi ni kurula ka mina ni ku nyikela a moya wa mina.
- 20 Ntsena u nga mahi a zilo zimbiri ka mina; Zonake mina nzi wa nga ta fihla a ngohe ya wutsumbu ga mina le nghoheni ka wena;
- 21 Susa a canja ga wena a kule ni le ka mina; Na nga a kutsisa ka wena ku nga mahi mina a kucaba.
- 22 Zonake bitana wena, mina nzi ta hlamlula; Kutani nga mina nzi wulawula, wena u ku hlamlula;

- 23 Zi talisile ku yini a zigoho za mina ni kuonha ke? Maha mina a ku tiba a zihambunye-to za mina ni kuonha.
- 24 Ngahilezo u fihlako wena a nghohe ya wena, Ni ku koma mina a kuba nala wa wena ke?
- 25 Wena u ta holobisa a kluka gi pengileko ke? Kutani wena u ta hlolongolisa a xitsinga xi omileko ke?
- 26 Hakuba wena u tsalako a zilo si babako zi vukela mina, Ni ku maha a ku telwa hi kugoha ka wuswa ga mina;
- 27 Wena u engenisako a mikonzo ya mina kambe lomo makotsweni. A marikako tonkle a tindlela ta mina; Wena u mahako a kubohwa le zipameni za mikonzo ya mina;
- 28 Hakuba lezo mina nzi fananako ni xilo xi bolileko lexo xi mbetekako. Ku fanana ni nguwo leyo a sumba yi gileko.

XIPIMO 14.

- 1 A munhu loye a trelweko hi wasati, Yena ngwa masiku ma tsongwani, ni ku tala hi zikarato.
- 2 Yena a tako kwatsi xitsangi, ni ku tsenwa; Yena i tsutsuma kambe kwatsi hi xiruti, yena a bi a simamisako.
- 3 Na wena u vululile a mahlo ya wena hehla ka munwe wa kungaho, U nehako mina kulamuleni zinwe na wena ke?
- 4 Nzi mani a nga humesako a zilo zi hlazekileko zi huma ka zilo zi nga hlazekangiko ke? ge ne munwe.
- 5 Na u wona lezaku a masiku ya yena ma xubyilwe, A tsengo wa tihweti ta yena wu zinwe na wena, Wena u leleteleko a kubohwa ka yena lezaku yena a nga koti ku hunza;
- 6 Cuwuka kule hi ka yena, kasi yena a fela ku humula, Kula yena a mbeta, kwatsi a rihe-lwako, a siku ga yena.
- 7 Hakuba laho ku kona a kutsumba ka sinye, Loku yona yi tsenwa lahasi, yona yi ta hluka kambe,

- Ni lezaku a marabyanyana ya kona
ma nga ta kawula.
- 8 Hambulokoke a mutsu wa kona wu
hunzelela a wukale lomo misa-
beni,
Ni tsinya ga kona gi nzeni ka lira-
nzabya ;
- 9 Kasike hi kuna ka mati gona gi ta
hluka,
Gi tapaka a tirabi ku fanana ni xi
byalwa.
- 10 Kanilezi a munhu afa, na a lo bekwa
lahasi :
Ina, a munhu wa nyikela a moya
wa yena, na hi kwihi yena ke?
- 11 Kwatsi hi mati ma tsanzekako le bi-
mbini,
Na kwatsi hi congo wu trako wu
cakacela ;
- 12 Zingaho a munhu i eklela lahasi a
nga ha suki :
Kala a matilo ma nga ha kona, bona
ba nga ta vuka,
Ge hambu a ku suka le ku ekleleni
kabye.
- 13 O lezaku wena u wa ta nga u fihla
mina le Xcole,
Lezaku wena u wa ta nga u hlayisa
mina ku fihlalani, kala a zanga ya
wena yi be yi mbetekileko,
Lezaku wena u wa ta nga u langela
mina a xikati xi yimisilweko, ni ku
alakanya mina!
- 14 Loku a munhu afa, yena i ta hanya
kambe ke?
Wonkle a masiku ya butu ga mina
nzi wa ta nga nzi rinzela,
Kala a kuklakliswa ku wa ta nga
kuta.
- 15 Wena u wa ta nga u bitana, na mina
nzi wa ta nga nzi hlamula wena :
Wena u wa ta nga u xuba a tiro wa
mandla ya wena.
- 16 Kanilezi makunu wena u hlayako a
sikanziyelo za mina :
Wena a ku rinzeli kuonheni ka mina
ke?
- 17 A zihambunyetiso za mina zi umisi-
lwe lomo kwameni,
Wena u dibelako a zigoho za mina.
- 18 Kanilezi a xitsunga xiwa xita ku
nga nyawulini ;
Ni ribye gi susilwe le wutsanweni
ga gona ;
Mamati ma mbetisa maribye,
- 19 A kukulunga ka kona ku hlazile a
tshuri wa misaba :
Zingaho wena u lobisa a kutumba
ka banhu.

- 20 Wena u hlulako kala kupinzuka u
vukela yena, na yena a hunzako ;
Wena u hunzulako a ngohe ya yena.
u rumelako yena kule.
- 21 A barisanyana ba yena bata kudzu-
nzweni, na yena a nga tibi kona ;
Na bona ba nehilwe lahasi, yena na
nga ku tibiko ha bona.
- 22 Kanilezi a nyama ya yena hehla ka
yena ya bayisa,
Ni muhefemulo wa yena nzeni ka
yena wu hlomulako.

XIPIMO 15.

- 1 Zonake ku lo hlamula Elifaze a mu
Temane, i te ngalo,
- 2 I wa ta nga a munhu a tibako a ma-
ha kuhlamlula ka kutiba ku nga
nyawuliko,
Ni ku tatisa wutsumbu ga yena hi
mbeho ya le dzongeni ke?
- 3 I wa ta nga yena a xuxa hii ku wu-
lawula ku nyawuliko,
Kutani hi kukanela loku ku nga ma-
hiko kusasa ke?
- 4 Ina, wena u susile a kucaba,
Ni hungatela a nyikelisiso mahlwe-
ni ka Nungungulu.
- 5 Hakuba a kugoha ka wena ku go-
nzisa a nomu wa wena,
Wena u hlawulako a lirimi la ba ku
kunguha.
- 6 A nomu wa wena winyi wu kona-
ko wena, na ku nga hi mina ;
Ina, a milomu ya wena winyi yi
kustumunyile yi vukela wena.
- 7 Wena hi wena munhu wo ranga
loye a trelweko ke?
Kutani wena u lo tralwa mahlweni
ka zitsunga ke?
- 8 Wena hi wena u zwileko a mifihlaka-
lo ya xikungo xa Nungungulu ke?
Na wena u kangetako a kutibisisa
ka wutsumbu ga wena ke?
- 9 Zini lezo wena u zi tibako, lezo hina
hi nga zi tibiko ke?
Ku kwihi a kupima ka wena, loku
hina hi nga pimikowo ke?
- 10 Zinwe na hina honkle hi basile a
wuvu tihlokweni ni banhu ba ko-
sahaleko nguvu,
Hi tinhonzwa nguvu ku hunza da-
dani wa wena.
- 11 Kasi a kucabyelelwa ka Nungungu-
lu kutsongo ka wena,
Hambu tona a timhaka leto ti olobi-
leko ka wena ke?
- 12 Hi yini a mbilu ya wena yi rwalako
wena kule ke?

- Hi yini a mahlo ya wena ma kwezi-
mako,
13 Lezaku u vukela a Nungungulu
wena u hunzulusak o a moya wa
wena,
Na nga na a timhaka ti huma lomo
nonwini wa wena ke?
14 Xini a munhu, lezaku yena i wa ta
nga a hlazekile ke?
Na yena loye a trelweko hi wasati,
lezaku yena i wa ta nga a be a lu-
lamileko ke?
15 Languta, yena a nga bekako a kutsu-
mba ka ba kubasa;
Ina, a matilo a ma basangi kuwone-
ni ka yena:
16 Ku taba wutsongo ga ku yini ga
munwe loye a nyalatanisako ni ku
bola,
A munhu loye a nwako a zigoho
kwatsi i mati!
17 Mina nzi ta kombiwa wena, zwana
wena mina;
Ni lezo mina nzi zi wonileko nzi ta
klatlambuta
Kusukela hi ka badadani babye, bo-
na a ba fihlangi kona;
18 (Lezi a banhu ba kutiba ba byeli-
leko
19 A ka yena yece a tiko gi wa nyiki-
lwe,
A wa nga hi na mupfumba a nga
wa hunza xikari ka bona):
20 A munhu wa kubila wa hlokiswa
hi kubayisa wonke a masiku ya
yena,
Wona a tsengo wa malembe laya ma
bekelweko a batsimbeketi.
21 A guwa ga kucabiseka gi lomo ti-
ndlebeni ta yena;
Le kuvuvumisweni a mulobisi i tata
hehla ka yena.
22 Yena a nga kolwiko lezaku i te kle-
lela le munyamani,
Na yena a rinzelako a supado.
23 Yena a nzulanzulako le handle a la-
ba zibaba, aku, Zi kwili ke?
Yena a nga zi tibi lezaku a masiku
ya munyama ma longele le canje-
ni ga yena.
24 Kuhllokiswa ni hlomulo za su ku
maha yena a rurumela;
Zona zi hlula hehla ka yena, kwatsi
hi hosi yi longele a kulwa.
25 Hakuba yena i nawulutile a canja
ga yena a vukela a Nungungulu,
Ni ku ti koma a wutsumbu ga yena
hi kukumuxilweko a vukela a
Nyamintamo;
- 26 Yena tsutsumelako hehla ka yena hi
nhamo ya kunonoha,
Zinwe hi madunzu maklimbeneko
ya ziklangu;
27 Hakuba yena i fenengetile a nghohe
ya yena hi kukuluka,
Ni ku hlengeletela a mafura hehla
ka ziwunu za yena;
28 Ni laba ba akileko lomo mitini yi
hahlukileko,
Nzeni ka tindlu leto ti nga akiwa-
ngiko hi munhu,
Leyo yi longeleko a ku maha tinhu-
lu;
29 Yena a nga ta kuba na kufuma, ge
hambu kufuma ka yena ku nga ta
simamisa,
Ge hambu ni kufuma kabye ku nga
ta enzeleka laha misabeni.
30 Yena a nga ta suka lahandle ka mu-
nyama;
A pingo gi ta omisa a marabi ya
yena,
Na hi xikube xa Nungungulu a no-
mu wu ta famba.
31 Nga yena a nga tsumbu ku nga
nyawulini a kohlisako a wutsu-
mbu ga yena;
Hakuba a ku nga nyawuli ku taba a
kukleliselwa ka yena.
32 Kona ku ta gumelwa hi mahlweni
ka xikati xa yena,
Ni rabi ga yena gi nga ta kuba gi
nyukile.
33 Yena i ta hurumukela a magrepi ya
yena ma nga buvangiko kwatsi i
vina,
Na a ta klatleka a makluka ya yena
kwatsi i siny a ya Olivia.
34 Hakuba a klaw a wa ba nga hiko a
wunungungulu wu taba tingo-
nwa,
Ni nzilo wu ta trumula a matenta ya
ku onhakala.
35 Na bona ba xura kukohlakala, ni
kutrala a zigoho,
Ni timbilu tabye ti longisele a ku-
kohlisa.

XIPIMO 16.

- 1 Zonake Joba i lo hlamula i te nga-
lo,
2 Mina nzi zilo zakungahi zo tala:
A tikuruxu mu bacabeleli nwina
nwekle.
3 Kasi a timhaka ti nga nyawuliko ti
taba ni kugumelwa ke?
Kutani xini xi vindlukelisako wena
lezi wena u hlamulako?

- 4 Minawu kambe nzi wa ta nga nzi wulawula kwatsi hilezi nwina mu mahako ;
Loku a mihefemulo ya nwina yi wa hi xikundleni xa muhefemulo wa mina,
Mina nzi wa ta nga nzi klangani ni timbaka katiginwe nzi vukela nwina,
Ni ku zibiza a bloko ya mina ka nwina.
- 5 Kanilezi mina nzi ta tiyiseta nwina zinwe hi nomu wa mina,
Ni kutangalisa ka milomu ya mina ku wa pepisa a hlomulo wa nwina.
- 6 Hambu loku mina nzi wulawula, a hlomulo wa mina a wu pepiswa ngi ;
Hambu loku mina nzi timisela, mina nzi humutwa hi ku yini ke?
- 7 Kanilezi makunu yena i mahile mina a ku rereka :
Wena u mahileko yi hangalaka yonke a miklawu ya mina.
- 8 Na wena u klatekile u komisa hehla ka mina nzi tiya, loko ku nga wukustumunyu ku vukela mina :
Ni kuonza ka mina ka suka ku vukela mina,
Kona kukustumunyela nghoheni ka mina.
- 9 Yena i hanzule mina le zangeni ya yena, i xanisile mina ;
Yena i getsele hehla ka mina hi meno ya yena :
A balala ba mina ba ndlwandlwama mahlo yabye hehla ka mina.
- 10 Bona ba a hlamukile ka mina hi milomu yabye ;
Na bona ba bile mina hehla ka rama hi kurukatelsilweko :
Bona ba tsumbanyisa a wutsumbu gabye a katiginwe ba vukela mina.
- 11 Nungungulu i nyikele mina ka ba nga hiko wunungungulwini,
I hoxile mina le lomo mandleni ya bakubiha.
- 12 Mina nzi wa te tinja, na yena i lo tsoba mina nzi pulakanyeka ;
Ina, yena i tekile mina hi nhamo, i lo hoxa mina a fufanyi :
Yena i yimisile mina kambe akuba a xikombiso.
- 13 A batigalala ba yena ba ranzele mina ;
Yena a abanyisako a tiwo ta mina ti pulakanyeka, a nga ti neneki ;
Yena a cululako a nyongwa ya mina hehla ka misaba.

- 14 Yena a tsobako mina zinwe hi zunga hehla ka zunga ;
Yena a tsutsumiako hehla ka mina kwatsi i ngwazi.
- 15 Mina nzi rungile a nguwo ya tisa kwa heha hlange ya mina,
I bekile a limhonzo la mina lomo tsurini.
- 16 A nghohe ya mina yi trukile hi kurila, ni lomo nzeni ka lisiyi la ku kona a nzuti wa kufa ;
- 17 Hambulezo ku nga hi kona a kupanga mandleni ya mina,
Ni mukombelo wa mina wa hlazekile.
- 18 O misaba, u nga kubunyeti wena a nkata wa mina,
Na nga a kurila ka mina ku nga bi na wutsamo ga kuhumula.
- 19 Hambu makunu, languta, a wukustumunyu ga mina gi tilweni,
Ni loye a longametako mina i le hehla.
- 20 A maxaka ya mina ma hlekela ka mina :
Kanilezi a tihlo ga mina ga halaka a mihlo ka Nungungulu,
- 21 Kasi yena wa fela a kugongola a nongameto wa munhu zinwe na Nungungulu,
Ni wa nisanyana wa munhu zinwe ni wa akelwane nayel
- 22 Hakuba laha na malembe matsongwani ma tile,
Mina nzi ta famba a ndlela leyo nzi ta nga kala nzi nga ha kleli.

XIPIMO 17.

- 1 A moya wa mina wu mbetekile, masiku ya mina ma mbetekile,
A nkele wu longele mina.
- 2 Hakunene laho ku kona a batseketsetsi zinwe na mina,
Ni tihlo ga mina gi tsamile hehla ka kuvindlukelisa kabye.
- 3 Nyika makunu a tsumbiso, tiyisa ha mina hi wutsumbu ga wena ;
Hi mani a nga laho loye a ta ngaba mandla zinwe na mina ke?
- 4 Hakuba wena i fihlile a mandla yabye le kupineni :
Hikwalaho wena u nga ta klakusa bona.
- 5 Yena loye a nyikelako a maxaka ya yena a kupangiwa,
Na wona a mahlo ya banana ba yena ma ta hluleka.
- 6 Kanilezi yena i nzi mahile a ku kiyalwa hi banhu ;

- Na bona ba pelela lomo ngoheni ya mina.
- 7 A tihlo ga mina gi pfupele hi kota ya zixaniso,
Ni zonkle a ziro za mina kwatsi hi xiruti.
- 8 A banhu ba lulamileko ba ta hlamliswa a ka lexi,
Ni a nga hiko na nanzu i ta vuka a wutsumbu a vukela a ba nga hiko wunungungulwini.
- 9 Kasike a lulamileko i ta komelela le ndleleni ya yena,
Ni loye a nga ni mandla ma hlazekileko i ta hunzelela ku kula ni ku kula.
- 10 Kanilezi kwatsi hi nwina nwenkle, ngonani makunu kambe;
Na mina nzi nga ta kuma a munhu wa kutiba xikari ka nwina.
- 11 A masiku ya mina ma hunzile, ni kuxuba ka mina kutsobyilwe,
Hambu kona kualakanya ka mbilu ya mina.
- 12 Bona ba hunzula a wusiku akuba siku:
A kuwonekela, ku wula bona, ku le kusuhi ni munyama.
- 13 Loku mina nzi cuwuka a Xeole kwatsi hi yindlu ya mina;
Loku mina nzi andlele a tsatse ga mina lomo munyameni;
- 14 Loku mina nzi wulile kubotekisweni,
Wena hi wena dadani wa mina;
A ka ziwungwani, wena hi wena mamani wa mina, ni makweru wa mina;
- 15 Ku kwihi a kutsumba ka mina zonake ke?
Na kwatsi hi kutsumba ka mina, nzimani a nga ta wona kona ke?
- 16 Kona ku ta relela le zikwinyarweni za Xeole,
Laho kanwe ku nga wa hi kona a kuhumula le tsurini.

XIPIMO 18.

- 1 Zonake ku lo hlamlula Bildade a mu Xuhi, i te ngalo,
- 2 Ku ta kala ku kuyini nwina mu ta hlota hi timbaka ke?
Pimisisani, a nzako ka lezo hi ta wulawula,
- 3 Ngabilezo hinake hi hlalwe kwatsi zihari,
Na kutani a hlazekangi kuwoneni ka wena ke?
- 4 Wena loye u hanzulako a wutsu-

- mbu ga wena le zangeni ya wena nwinyi,
Yi ta tsikiwa a misaba ha wena ke?
Kutani a ribye gi susiwa le wutsa nweni ga gona ke?
- 5 Ina, ni kuwonekela ka wa kubiha ku ta ku susulwe kule,
A kuketiketi ka nzilo wa yena ku nga ta ngangamela.
- 6 A kuwonekela ku taba a munyama lomo tenteni ga yena,
Ni kandiya ya yena hehla ka yena yi ta timiwa.
- 7 A zikanziyelo za ntamo wa yena zi ta kanyaniswa,
Ni xikungo xa yena nwinyi xi ta hoxa yena lahasi.
- 8 Hakuba yena i hoxwa likokeni hi mikonzo ya yena nwinyi,
Yena i famba hehla ka kukarateka.
- 9 A wutseku gi ta koma yena hi xirenze xa yena,
Ni panya gi kangatela gi koma yena.
- 10 A ziyo gi fihlalele yena laha liranza-byeni,
Ni nklanu ha yena laha ndleleni.
- 11 A kutsisa ku ta maha yena a rurumela maklelweni wonklelele,
Na ku ta hlongolisa yena le sirenze ni za yena.
- 12 Ni ntamo wa yena wu ta mbeteka hi ndlala,
Ni kuhahluka ku ta longela maklelweni yabye.
- 13 Ni ziro za miri wa yena si ta kadamulwa,
Ina, ni matewula ya kufa ma ta kadamula a ziro za yena.
- 14 Yena i ta tsuwulwa lomo tenteni ga yena lego yena a tsumbako;
Na yena i ta nehwa ka hosi ya kutsisa.
- 15 Laho ku ta aka lomo tenteni ga yena loye a nga hiko wa yena:
A sulufa yi ta hangalaka hehla ka wuakelo ga yena.
- 16 A mitsu ya yena yi ta oma lahasi misabeni,
Ni le hehla a marabi ya yena ma ta tsemiwa.
- 17 A kulakanywa ka yena ku ta lobyswa lomu misabeni,
Na yena a nga ta kuba na bito lomu mapangweni.
- 18 Yena i ta hoxiwa le kuwonekeleni aya munyameni,
Ni ku hlongolwa a huma lomu tikweni.

- 19 Yena a nga taba ni nisanyana ge ni zukulwana xikari ka banhu ba ka kabye,
A nga taba kona a nga ta sala laho a lubeleko kona.
- 20 Labo ba ta nga lanza yena ba ta hlmaliswa hi ka siku ga yena,
Kwatsi hi bona labo ba nga wa hi mahlweni ba cabyisilweko.
- 21 Hakunene a wa kungali hi muti wa ba nga lulamangiko,
Nilegi hi wutsamo ga yena loye a nga tibiko a Nungungulu.

XIPIMO 19.

- 1 Zonake Joba i lo hlamlula i te ngalo,
- 2 Ku ta kala ku yini nwina mu karata a muhefemulo wa mina ke,
Ni ku tsoba mina zipanzana hi timhaka ta nwina ke?
- 3 Lezi kume ga zikati nwina mu rukatele mina;
Nwina a mu na tingana lezo lezi mu mahako hi kutsimbeketilweko ha mina.
- 4 Na mina hakunene nzi hambukile,
A kuhambuka ka mina ku tsamile ka wutsumbu ga mina.
- 5 Loku nwina hakunene mu ta ku kumuxa a wutsumbu ga nwina mu vukela mina,
Ni ku kombela mu vukela mina a kurukatelwa ka mina;
- 6 Tibani makunu lezaku Nungungulu i tsikelele mina mbakeni ya mina,
I pambele mina hi likoka la yena.
- 7 Languta mina nzi rilile hi kubiha ka mina, kanilezi mina a nzi zawangani:
Mina nzi rilela a kuvuzwa, kanilezi laho ku wa nga hi na nongameto.
- 8 Yena i gingisile a ndlela ya mina lezaku mina nzi wa nga ta hunza,
Yena i bekile a munyama le ti ndleleni ta mina.
- 9 Yena i wuklele mina a wukosi ga mina,
I tekile a xidlo dlo xa wukosi hehla ka hloko ya mina.
- 10 Yena i tsobile mina maklelweni wonkle, na mina nzi fambile;
Ni kutsumba ka mina yena i ku tsuwule kwatsi i sinye.
- 11 Yena kambe i vindlele a zanga ya yena a vukela mina,
Yena a hlalako mina ka yena kwatsi hi muwe wa balala ba yena.

- 12 A mabutu ya yena ma tile katigizwe,
Ni ku haxa a tindlela tabye ba vukela mina,
Ni kugoba ba ranzela a tenta ga mina.
- 13 Yena i bekile a bamakabye ba mina kule zinwe na mina,
Ni batolobeleneko na mina ba palalekile kule ka mina.
- 14 A maxaka ya mina ma hlulekile,
Ni maxaka ya mina nzi zwananako nawo ma nzi ribakelwe mina.
- 15 Bona ba akile lomo ndlwini ya mina, ni malanza ya mina ya xisati, ma hlalele mina a mupfumba:
Mina nzi nwalatilwe kuwoneni kabye.
- 16 Mina nzi bitana ka nanza ga mina, gona a gi nyiki mina a hlamlulo,
Hambuloko mina nzi kongotela yena hi nomu wa mina.
- 17 A muhefemulo wa mbumbe a ka sati wa mina,
Ni mukongeliso wa mina ka banana ba mamani wa mina nwinyi.
- 18 Hambu bona a banana batsongwani ba nyanya mina;
Loku mina nzi suka, bona ba wulawula ba vukela mina.
- 19 Bonkle a bangana ba mina nzi tolobeteneko nabo ba swirwa ha mina.
Na bona labo mina nzi ba ranzako ba hunzuluka ka vukela mina.
- 20 Ni marambu ya mina ma namarela ka hlange ya mina ni ka nyama ya mina,
Na mina nzi ponile zinwe hi hlange ya meno ya mina.
- 21 Nga mu hawukela mina, nga mu hawukela mina, O maxaka ya mina:
Hakuba a canja ga Nungungulu gi kumbile mina;
- 22 Hiyini nwinawu mu xanisako mina kwatsi nzi Nungungulu,
Na mu nga eneliswi hi nyama ya mina ke?
- 23 O lezaku a timhaka ta mina maku-nu ti wa taba ti tsalilwe!
O lezaku tona ti wa ta nga ti gandlilwe bukwinil
- 24 Lezaku hi peni ya xiketse ni tsovu
Tona ti kehlelewa ribyeni kala kupinzuka!
- 25 Kanilezi kwatsi ha mina nza zi tiba lezaku a muklalelisi wa mina wa hanya,
Na hi kugumesa yena i ta yima hehla ka misaba:

- 26 A nzako a hlonge ya mina, wona lo-
wu a miri, wu lobyisilwe,
Zonake hi lahandle ka nyama ya
mina, uzi ta wona a Nungungulu;
27 Yena mina, minawu, uzi ta wona,
hi klelo ga mina,
Ni mahlo ya mina ma ta languta,
na ku nga hi ku kwatsi nzi mu-
mbe.
A mbilu ya mina yi lobyisilwe nze-
ni ka mina.
28 Loku nwina mu wula, hi ta mu xa-
nisisa ku yini yena!
Ni lezaku a mutsu wa mhaka wu
sangulilwe ka mina;
29 Nwina mu cabyisilwe hi supado:
Hakuba a zanga yi neha a kutsayi-
swa ka supado,
Kasi nwina ma fela kutiba lezaku
laho ku kona a kulamula.

XIPIMO 20.

- 1 Zonake ku lo hlamula Zofare a mu
Naamate, i te ngalo,
2 Hikwalaho a kualakanya ka mina
ku nyika a hlamulo ka mina,
Ha kona hi kota ya xibakla lexo xi
nga lomo nzeni ka mina.
3 Mina nzi zwile a kuringwa loku ku
celileko mina a tingana;
Ni moya wa kupima ka mina wu hla-
mula mina.
4 A ku zi tibi wena le za xikatini xa
kaleloko,
Cima ka lezi a munhu a nga wa be-
kilwe hehla ka misaba,
5 Lezaku a kukana ka wa kubiha ku
komile,
A kutsaka ka a nga hiko na wun-
ngungulu ku hi xikatanyana ke?
6 Hambuloko a wunene ga yena gi ci-
kelela le matilweni,
Ni hloko ya yena yi cikelela le ma-
refini;
7 Kasike yena i ta mbembiswa kala
kupinzuka kufanana ni tala ga
yena nwinyi;
Bona labo ba wonileko yena ba taku,
Ikwili yena ke?
8 Yena i ta puruma kwatsi i noro a
nga ta ha kuwwa kambe;
Ina, yena i ta hlongolwa kule kwatsi
hi muwoniso wa wusiku.
9 A tihlo lego gi wonileko yena gi
nga ta ha wona yena kambe;
Ge hambu ni wutsamo ga yena ka-
mbe gi nga ta ha languta yena.
10 A banana ba yena ba ta hlota a tomo
ga zisiwana.

- Ni mandla ya yena ma ta hlalisa a
kufuma ka yena.
11 A marambu ya yena ma tele hi wu-
swa ga yena,
Kanilezi gona gi ta eklela zinwe na
yena lomu tsurini.
12 Hambu loku a kubihisisa kutso-
mbela lomo kanwini ka yena,
Hambu loku a fhla kona lahasi ka
lirimi la yena,
13 Hambu loku a tsumbela kona, a nga
vumeli kona ku famba,
Kanilezi a hlalisa kona lomo nzeni
ka nomu wa yena;
14 Kasike a kuga yena lomo marumbyi-
ni ya yena ku hunzulwe,
Kona i nyongwa ya wutsulu ga ti-
nyoka nzeni ka yena.
15 Yena i mitile a kufuma, na a ta ku-
hlata kambe kuhuma;
Nungungulu i ta hoxa bona le ru-
mbyini gabye.
16 Yena i ta rikisa a wuxungu ga ti-
nyoka:
A lirimi la piri li ta daya yena.
17 Yena a nga ta cuwuka hehla ka mi-
congo,
A micongo yi kulungako hi wulo-
mbe ni mawomba.
18 Lezaku ni loku a tireleko kona i ta
ku hlalisa, na yena a nga ta mita
kona kurelela;
Kukotisa hi kufuma loku yena a ku
kumileko, yena a nga ta tsaka.
19 Hakuba yena i tsimbeketile i tsikile
zisiwana;
Yena hi wurena i wukile a yindlu,
yena a nga ta aka yona kambe.
20 Hakuba yena a nga kutibi a kuru-
tisa ku nga lomo nzeni ka yena,
Yena a nga ta hlalisa loku ku fane-
leko loku yena a ku xalalelako.
21 Lahoa ku kona a xilo xi seleko yena
a nga xi kadamulangiko;
Hikwalaho a kuvuvumiswa ka yena
ku nga simamisa.
22 A ka talisiso wa kueneliswa ka yena
yena i taba a tsimbeketilwe;
A canja ga bonklelele laba ba nga
kuhlokisweni gi tata hehla ka ye-
na.
23 Laha a nga wa ta nga a ha ku tatisa
a xingwengwe xa yena,
Nungungulu i ta hoxa a tsisisiso wa
zanga ya yena hehla ka yena,
I ta nisa kona hehla ka yena laha na
yena a haga,
24 Yena i ta tsutsuma a caba a klari ga
xiketse,

- Ni wura ga suku gi taba yena gi tsemakanyisa.
- 25 Yena a kwayako gona, na gona gi huma hi lomo mirini wa yena; Ina, a wukla gi kwezimako gi huma hi lomu nyongweni ya yena: A kutsisa ku le hehla ka yena.
- 26 Wontle a munyama wu bketelwe a kuba titsomba ta yena: A nzilo wu nga buvetwangiko hi munhu wu ta mu kadamula yena; Wona wu ta kadamula lezo zi siyilweko lomo tenteni ga yena.
- 27 A matilo ma ta wonkelisa a kugoha ka yena, Ni misaba yi ta suka yi vukela yena.
- 28 A pfuno wa yindlu ya yena wu ta suka, A nhunzu ya yena yi ta nwalala a si kwini ga zanga ya yena.
- 29 Lexi hi xiabelo xa munhu wa kubiha xa le ka Nungungulu, Ni tsomba leyo a nyikilweko hi Nungungulu.

XIPIMO 21.

- 1 Zonake Joba i lo hlamula i te ngalo,
- 2 Zwana hi kutsononometilweko a kukanela ka mina; Na nga loku ku hi kucabyelelwa ka wena.
- 3 Vumela mina, minawu kambe nzi ta wulawula; A nzako ka kuba mina nzi wulawulile, hlekanike.
- 4 Kwatsi nzi mina, a kutsanwa ka mina ka munhu ke? Na hi yini mina nzi nga timiseliko ke?
- 5 Cuwukani ha mina, ni kuba ba hlamalisilweko, Ni ku klateka a canja ga nwina hehla ka nomu wa nwina.
- 6 Kona laha loku mina nzi alakanya nzi karatilwe, Ni kumunzulukiwa ka ku komelela ka nyama ya mina.
- 7 Ngahilezo a wa kubiba wa hanya, A maha a kosahleko ke, ina, a hnzelela ntamo wunheneni ke?
- 8 A mbewu yabye yi yimisilwe ziwwe na bona kuwoneni kabye, Ni sizukulwana mahlweni ka mahlo yabye.
- 9 A tindlu tabye ti ponile le kuabeneni, Gehambu a nbonga ya Nungungulu yi nga taba ka bona.

- 10 A kuzi ya bona yi bebeza, yi nga tsanzeki; A komazi ya kona yi nga handli.
- 11 Bona ba humesa ba ruma a banana babye kufanana ni ntlambi, Ni banana babye ba kina.
- 12 Bona ba yimbelela hi tingoma ni zitende, Ni kutsaka hi kuvuma ka timbila.
- 13 Bona ba halata a masiku lomo kuvuvumeni, Bona hi xitsuketi ba relela ba ye le Xeole.
- 14 Na bona baku ka Nungungulu, Suka ka hina; Hakuba hina a hi xubi a kutibisa hi tendlela ta wena.
- 15 Xini a Nyamintamo, lezo hi nga wa ta nga hi kozela yena? Na gi hi binzu ga ku yini hi nga wa ta nga hi nago, loku hina hi komela ka yena ke?
- 16 Mangabye, a kuvuvuma ka bona a ku kona lomo canjeni gabye: A gujegu je ga wa kubiba gi le kule ziwwe na mina.
- 17 Xikanzakanya xi ngani lezaku a kandiya ya wa kubiba yi ta timiwa! Lezaku a kuhahluka kabye ku hehla ka bona ke? Lezaku Nungungulu i nyika a za kuxaniseka kuzangareni ka yena ke?
- 18 Lezaku bo kwatsi i linhonhombyana mahlweni ka mheho. Ni ku kwatsi hi i mungu lowu a bubutsa gi wukukuletako ke?
- 19 Nwina mu ngalo, Nungungulu wa bekela a zigoho za yena ka banana ba yena. Nga yena a kletisela kona a ka wutsumbu ga yena, kasi yena wa fela a kutiba kona:
- 20 Nga a mahlo ya yena nwinyi a wona a kulobyisiwa ka yena, Na nga yena anwa a zanga ya Nyamintamo.
- 21 Hakuba i katala hi kuyini hi yindlu ya yena a nzako ka yena, Laha a mitsengo ya tihweti ta yena yi tseawilwe ke?
- 22 I ta ba kona a ta nga gonzisa a Nungungulu a kutiba ke, Na mu wona lezaku yena i lamula labo ba klakukileko ke?
- 23 A munwe wafa le ntanweni wu teleko, Na a nga na tsumile kwatsana na kurulile:

- 24 A mabele ya yena na ma tatisilwe hi masi,
Ni magunyungu ya marambu ma hi ni olobana.
- 25 Ni munzwani ifa hi kubaba ka muhefemulo,
Ge hambu na ku nga cumbutelwa hi kusaseka.
- 26 Bona ba eklela labasi hi kufanana misabeni,
Ni ziwungwani zi ba pomela bona.
- 27 Languta, mina nza tiba a mi alakanya ya wena,
Ni gujegu je legi mu nga ta nzi onha ha gona mina.
- 28 Hakuba nwina mu ngalo, Gi kwihi a yindlu ya hosana ke?
Na gi hi kwihi a tenta lego a wa kubiha a nga wa tsama ke?
- 29 A mu se ku wutisa ka banhu ba hunzako ke?
Na nwina a mu se ku tiba a kuwoneka kabye ke,
- 30 Lezaku a banhu ba kubiha ba lonzowotelwe ka siku ga ku hahluka ke?
Lezaku bona ba rangelwa ka siku ga zanga ke?
- 31 Nzi mani a ta nga klaklambuta a ndlela ya yena ngholeni ya yena ke?
Na a hi mani a nga ta riha yena lezi yena a mahileko ke?
- 32 Kasike yena i taba a rexwa lenkeleni,
Na yena i ta hlayisa kurinzela hehla ka tsiza.
- 33 A marukwani ya minzelelo ma ta kutsombela ka yena,
Ni bonkle a banhu ba ta tsinela a nzako ka yena,
Kwatsi hilezi ba nga hlayiwiko mahlweni ka yena.
- 34 Hi ku yini zonake nwina mu cabelelako mina mahala,
Na mu wona kuhlamuleni ka nwina ku sala a mbupumbu ke?

XIPIMO 22.

- 1 Zonake ku lo hlamula Elifaze a mu Temane, i te ngalo.
- 2 A nga zi kota a munhu a kuba a hi a binzulako ka Nungungulu ke?
Zinene loye a tibako wa binzula ka wutsumbu ga yena.
- 3 Kona ku kona kuxalaliswa ka Nyamintamo, lezo wena u lulamileko ke?
Kutani ku binzula ka yena, lezi wena u mahako a tindlela ta wena ti mbelela ke?

- 4 Kona ku hi xicabyo xa wena ka yena loyi a ringako wena,
Lezi yena a engenako zinwe na wena le kulamulweni ke?
- 5 A hi lezi a kubihisisa ka wena ku nga ka hombe ke?
Ga a ku kona laho a kugumelwa ka zigohisiso za wena.
- 6 Hakuba wena u tekile a ku kombela ka makabye wa wena mahala,
Na runzuwule a tinguwo ta wumbyiri gabye.
- 7 Wena a ku nyikangi a mati ka ba rekileko a kunwa,
Na wena u beletele a zibaba ka wa kuzwa ndlala.
- 8 Kanilezi kwatsi hi munhu wa wunhenha, yena i wa hi ni misaba;
Ni munhu a dzunzekileko, i tsamile ka yona.
- 9 Wena u fambisile a noni na yi nga hi na ncumo,
Ni mawoko ya ba hiko na badani wabye ma tsobyilwe.
- 10 Hikwalaho a mapanya ma ranzele wena,
Ni kudzebetana ka xitsuketi ku ta cabisa wena.
- 11 Kutani munyama, zingaho lezo wena u nga zi koti ku wona,
Ni talisiso wa mati wu ta kubunye-ta wena.
- 12 Kasi Nungungulu a nga kona le ku klakukeni ka tilo ke?
Ni ku klemerele a ku klakuka ka tinyeleti, ti klakukisile ku yini ke!
- 13 Na wena u ta wula, Nungungulu a tibako xini ke?
A nga kota ku lamula yena a pondlisa munyama wu klimbeneko ke?
- 14 A marefu ma klimbeneko ma fengengetile ka yena, zingaho lezo yena a nga koti ku wona;
Yena a fambako le wulewini ga tilo.
- 15 Wena u ta hlayisa a ndlela ya kale
Leyi a banhu ba kubiha ba fambileko ke?
- 16 Labo ba nga wa la su wa katsanganyo ba mbemba hi mahlweni ka xikati xabye,
Labo a xiseketelo xabye xi halatilweko kwatsi i mati wa congo,
- 17 Loye a wulako ka Nungungulu,
Suka ka hina;
Ni, Ku xini a nga wa ta nga a maha ka hina a Nyamintamo ke?
- 18 Kasike yena i tatisile a tindlu tabye hi zilo zo saseka:

- Kanilezi a gujegu ba kubiha gi kule ka mina.
- 19 A balulamileko ba ku wona kona, ba be ni kutsaka;
Ni a nga hiko na nanzu i hleka bona a ba tseketsela,
- 20 Aku, Bona labo ba sukileko ba vukela hi ba tsewilewe,
Ni misalela ya bona a nzilo wi kadamulile.
- 21 Tolobeta makunu a wutsumbu ga wena ka yena, u taba ni kurula;
Ha konalaho a kusasa ku tata ka wena.
- 22 Amukela, nza kombela wena, a nawo wa nomu wa yena,
Ni ku beketelela a timhaka ta yena a mbilwini ya wena.
- 23 Loku wena u klelela ka Nyamintamo, wena u ta akiwa,
Loku wena u beka kule a ku nga lulamisa ku suka le tenteni ga wena,
- 24 Ni ku beka a bako ga wena laha tsurini,
Ni nzalama ya le Ofira xikari ka maribye ya micongwana;
- 25 Ni Nyamintamo i taba a bako ga wena,
Ni siliwa ya malongo ka wena.
- 26 Hakuba zonake wena u ta xaliswa a wutsumbu ga wena ka Nyamintamo,
U ta kuklakusa a nghohe ya wena ka Nungungulu.
- 27 Wena u ta maha a mukombelo wa wena ka yena, na yena i tazwa wena;
Na wena u ta riha a zifungo za wena.
- 28 Wena kambe u ta kubahungu hi xilo, na xona xi ta yimisiwa ka wena;
Ni kuwonekela ku ta woninga hehla ka tindlela ta wena.
- 29 Laha bona ba hoxa wena lahasi,
Wena u ta wula, Laho ku kona kuklakuswa hehla;
A munhu a tikoramisako yena i ta mu hanyisa.
- 30 Yena i ta klaklisa yena loye a nga hiko ni nanzu:
Ina, yena i taba a klaklisilwe hi kota ya kubasa ka mandla ya wena.

XIPIMO 23.

- 1 Zonake Joba ilo hlamula i te ngalo,
2 Hambu nyamukla a kutsanwa ka mina kuhlubuka:
A kubiwa ka mina kubinzile ku hunza a hlomulo wa mina.

- 3 O lezaku nzi wa ta tiba laho nzi nga ta kumako yena!
Kasi nza fela kuta ka xitsamo xa yena.
- 4 Mina nzi ta nga beka a nanzu wa mina wu longamile mahlweni ka yena,
Nzi ta nga tatisa a nomu wa mina hi milayelo.
- 5 Mina nzi wa ta nga nzi tiba a timhaka leti yena a nga wa ta nga a hlamula mina,
Ni kupimisisa lezo a nga wa ta nga a wula ka mina.
- 6 Yena i wa ta nga a holoba na mina le wukulwini ga ntamo wa yena ke?
Ge; kanilezi yena i wa ta nga a cela kota ha mina.
- 7 Laho a lulamileko a fela ku wulawulisana ziawe na yena;
Zingaho mina nzi wa ta nga nzi klakliswa kala kupinzuka ka mulamuli wa mina.
- 8 Languta, mina nzi komama mahlweni, kanilezi yena a nga kona laho;
Na ha xinzakwana, kanilezi mina a nzi na kupima ha yena;
- 9 A ka canja ga xibaba, laho yena a tirako, kanilezi mina a nzi na ku languta yena;
Yena a fihlako a wutsumbu ga yena hi ka canja ga xinene, kasi nzi nga zi koti a ku wona yena.
- 10 Kanilezi yena a tibako a ndlela leyo mina nzi tekako;
Laha yena a hlolileko mina, na mina nzi huma kwatsi i nzalama.
- 11 A konzo wa mina wu namarele ka zikanziyelo za yena;
A ndlela ya yena mina nzi yi hlaysile, a nzi hambukangi kletweni.
- 12 Mina a nzi kletlangi hi kuleleteleni ka milomu ya yena;
Mina nzi beketelele a timhaka ta nomu wa yena ku hunza kuga ku labekako ka mina.
- 13 Kanilezi yena ngwa langa giawe, nzi mani a nga ta kletlisa yena ke?
Ni ka lezo a muhefemulo wa yena wu xubako, zalezo wa zi maha.
- 14 Hakuba yena hi yena a mahako lezo zi yimisilweko mina:
Ni zilo zo tala za kungahi zi na na yena.
- 15 Hikwalaho mina nza dzudzumela a kubakoneneni ka yena;
Laha na mina nzi pima, nza dzudzumela ka yena.

- 16 Hakuba Nungungulu i mahile a mbilu ya mina yi karala,
Ni Nyamintamo i dzudzumelisile mina;
17 Hakuba mina nzi wa nga tsewangi mahlweni ka munyama,
Ge yena a fenengetangi a munyama wu pumisilweko mahlweni ka nghohe ya mina.

XIPIMO 24.

- 1 Hi yini a zikati zi nga bekwangiko hi Nyamintamo ke?
Na hi ku yini labo ba tibako yena ba nga woniko a masiku ya yena ke?
2 Laho ku kona labo ba susako a zibango za tiko;
Bona hi wurena ba wukla a miklambi, ba gisa yona.
3 Bona ba hlolongisa a timbongola ta ba nga hiko na babadani ba'bye;
Bona ba teka kabi ya noni akuba xitsumbiso.
4 Bona ba susa a muvumali laha ndleleni:
A zisiwana za misaba zonkle zi fihla a wutsumbu ga zona.
5 Languta, kwatsi hi timbongola ta kwati lomu xiwunzeni
Bona ba huma baya le tirweni wabye, na ba hlota kuga ka'bye hi kutso-nonometilweko;
A xiwula xi nyika a zibaba za banana ba'bye.
6 Bona ba hlota a wuhanza gabye lomo kwatini;
Na bona ba kutsula a xivineni xa wa kubihla.
7 Bona ba eklela gonkle wusiku ba te dlunya na ba nga hi na tinguwo,
Ba nga hi na xifengelo lomo xiramini.
8 Bona ba tsakama hi madzubi ya zitsunga,
Ba karela a ri'bye hi kuvumala xo ti fenengeta.
9 Laho bona lezo ba wuklela a ba nga hiko na babadani le kuanweni.
Ni ku teka a xitsumbiso xa zisiwana.
10 Zingaho lezo bona ba su nzulanzula na ba hi zimbyiri ba nga hi na tinguwo,
Na ba kari bazwa n'hlala bona ba lo rwala a mifunge.
11 Bona ba maha a mafura lomo nzeni ka makurisi ya laba banhu;
Bona ba vubela a zigowolo za'bye, bazwa tora.

- 12 Hi le ka muti wuakilweko a banhu ba blokiswa,
Ni muhefemulo wa loye a kubazilweko wu bahuwa;
Kasike Nungungulu a nga katall hi xipumbu.
13 Laba hi bona laba ba hlubukako ba vukela kuwonekela;
Bona a ba yi tibi a ndlela ya kona,
Ge ni ku tsama lomo tindloleni ta kona.
14 A mudayi wa suka zinwe ni kuwonekela;
Yena a daya a zisiwana ni bavumali;
Laha wusikwini yena i kwatsi i nkamba.
15 A tihlo ga xibayi gi rinzela a kuxiribatsa,
Aku, A gi kona a tihlo gi ta nga wona mina:
Yena a ti fihla a nghohe ya yena.
16 A munyamani bona ba nkela ba pondlisa a tindlu:
Bona ba valela a wutsumbu gabye hi xikati xa siku;
Bona a ba ku tibi a kuwonekela.
17 Hakuba a mixo ka bonkle ba bona ku kwatsi munyama wu pumisilweko;
Hakuba bona ba tiba a kutsisa ka munyama wu pumileko.
18 Hi kuahlisilweko bona ba hunza hehla ka nghohe ya mamati;
A xiabelo xa'bye xi rukatelwe lomu misabeni:
Bona a klelango laho ndleleni ya wuvina.
19 A xikwakwa ni ku balela ka mbetisa a mati ya xirami:
Zingaho a mahako Xcole ka labo ba na nga ba onhile.
20 A marumbu ma kohlekelwa yena;
A ziwungwani zi taga hi ku kupangelana a ka yena;
Yena a nga ta ha alakanywa kambe;
Ni ku nga lulami ku ta tsobyiwa kwatsi i sinya.
21 Yena a kadamulako a ngonwa leyo yi nga truliko,
A nga mahiko a kusasa ka noni.
22 Kasike Nungungulu wa hlayisa a ba wunhenha hi ntamo wa yena:
Yena a vuxako, na i laba munhu a tiyisako wutomu gakwe.
23 Nungungulu a nyikako bona a kuba ba hi lomo xiponelweni, na bona ba humula kona;
Ni mahlo ya yena ma hehla ka tindlela ta'bye.

- 24 Bona ba klakusilwe; kasike hi xika-tanyana, na bona ba fambile;
Ina, bona ba reletilwe lahasi, bona ba susilwe le ndleleni kwatsi hi banwani,
Na ba tsenwilwe kwatsi hi le hehla ka zipupu za mabele.
- 25 Ni loku kona ku nge ngaho maku-nu, nzi mani a ta nga tiyisa lezaku nza ku hembra,
Ni ku maha a kuwulawula ka mina ku nga nyawuli ncumo ke?

XIPIMO 25.

- 1 Zonake ku lo hlamula Bildade a mu Xulhi, i te ngalo,
2 A mufumo ni xicabyo zi zinwe na yena;
Yena a mahako kurula wutsanzweni ga yena gi klakukileko.
- 3 Ku kona laho a tsengo wa impi ya yena ke?
Ni hehla ka wihi a mahako a kuwo-nekela ka yena ku nga tsuwuki ke?
- 4 Hikwihi zonake a zi kotako a munhu akuba a longamile zinwe hi ka Nungungulu ke?
Kutani i wa ta nga a basisa ku yini a munhu loye a trelweko hi wasati ke?
- 5 Languta, hambu a hweti a yi na ku-ngangamela,
Ni tincyleti a ti basangi kuwoneni ka yena:
- 6 Mbutsongo ga ku yini ka munhu, loye a nga pungwani!
Ni nisanyana wa munhu, loye a nga pungwani!

XIPIMO 26.

- 1 Zonake Joba i lo hlamula i te ngalo,
2 U haklisisa ku yini wena a ku vune-tela yena loye a nga hiko na ntamo!
U haklisisile ku yini a ku hanyisa a woko lego gi nga hiko na ntamo!
- 3 U haklisisile ku yini a kuhawusu-ngukati ka loye a nga hiko na ku-tibisisa,
Hi kupfunisilweko u klaklambutile a kutiba kwatsanyana!
- 4 A ka loye wena u klaklambuteleko a timbaka ke?
Ni ka moya wa wihi wu tako hi leyo ka wena ke?
- 5 Bona ba conileko ba dzudzumela.
Lahasi ka mamati ni baakileko ba kona.

[Sheetswa.]

- 6 A Xeole mbumbyiri mahlweni ka Nungungulu,
Ni Abaddoni a gi na xifenengeto.
- 7 Yena a tiyisako a nwalungu hehla ka wutsamo ga panga,
Ni ku hayeka a misaba hehla ka ndengelenge.
- 8 Yena a bohako a mamati marefni ma pumileko;
Ni refu gi trandleki hehla ka wona.
- 9 Yena a valako a nghohe ya xitsamo xa wukosi xa yena,
Ni kuandlalata a marefu ya yena hehla ka xona.
- 10 Yena a bileko a zibango za mbinga-no hehla ka nghohe ya mati,
A kugunwelweni ka kuwonekela ni munyama.
- 11 A timhinga ta tilo ta rurumela
Na ti hlamala hi kukawuka ka yena.
- 12 Yena a vindlukisako a bimbi hi nta-mo wa yena,
Na hi kupima ka yena i lamatile a pondlisa Rahabi.
- 13 Hi Moya wa yena a matilo ma bo-mbisilwe;
A canja ga yena gi poroketile a nyoka yi haklisisako.
- 14 Mangabye, lezi loku kanilezi ku hi likirisi la tindlela ta yena:
Kutsongwani a kuhleba loku hina hi zwako ha yena!
Kanilezi a kudzinza ka ntamo wa yena nzi mani a nga ta kupima ke?

XIPIMO 27.

- 1 Na Joba kambe i lo teka a mufaniso, i te ngalo,
2 Kwatsi hilezi Nungungulu a hanya-ko, loye a tekileko a nongameto wa mina,
Ni Nyamintamo, loye a karatileko a muhefemulo wa mina
- 3 (Hakuba a wutomi ga sina gi hi kona ka mina,
Ni moya wa ka Nungungulu wu lo-mo tinhovini ta mina);
- 4 Hakunene a milomu ya mina yi nga ta wulawula a kungalulami,
Ge hambu a lirimi la mina li nga ta wulawula a kukohlisa.
- 5 A kube ka mina kule lezaku nga mina nzi ta basisa nwina:
Kala nzi nzifa mina nzi nga ta susa a kulongama ka mina.
- 6 A kulululamisa ka mina nzi ku kle-merele, a nzi nga ta kutsika ku famba:

- A mbulu ya mina yi nga ta rukatela
muna lezi nza ha longolokako nzi
hanya.
- 7 Nga a nala wa mina abe ku kwa-
tsi ngwakubiha,
Na nga loye a sukako a vukela mina
abe ku kwatsi hi a ngalulamiko.
- 8 Hakuba hi kwihi a kutsumba ka a
nga hiko wunungungulwini, ha-
mbu a ku kuma yena kambe,
Laha Nungungulu a susako a mu-
hefemulo wa yena ke?
- 9 Nungungulu i tazwa a kurila ka
yena,
Laha a kukarata kuta hehla ka ye-
na ke?
- 10 Yena i ta xalalisa wutsumbu ga ye-
na ka Nyamintamo,
Ni kubitana ka Nungungulu hi ka
xonkle xikati ke?
- 11 Mina nzi ta gonzisa nwina a xunge-
tano ni canja ga Nungungulu ;
Lezaku lezo zi nga ziawe ni Nya-
mintamo mina nzi nga ta zi tsu-
mbela.
- 12 Languta, nwenkle nwina a wutsu-
mbu ga nwina mu wonile kona :
Hi yini nwina mu mahako katiginwe
a ku nga nyawuli ke?
- 13 Lexi hi xiabelo xa munhu wa kubi-
ha xa le ka Nungungulu,
Ni tsomba ya banhu ba batsimbeke-
ti, leyo bona ba yi ka Nyaminta-
mo :
- 14 Loku a banana ba yena ba enzeleke-
lana, bona mba supado ;
A zizukulwana za yena zi nga ta ene-
liswa hi zibaba,
- 15 Labo ba seleko ba yena ba ta nkele-
lwa kufeni,
Ni tinoni ta yena ti nga ta maha a
xirilo.
- 16 Hambu yena a ku tsombanyisela a
siliva kwatsi hi tsuru,
Ni ku longiselela a tinguwo kwatsi
i nzhope ;
- 17 Yena a nga ti longiselela tona, ka-
nilezi a lulamileko i ta ambala to-
na,
Ni a lulamileko i ta abela a siliva.
- 18 Yena a akako a yindlu ya yena kwa-
tsi i sumba,
Kwatsi hi xikupe lexi xi akilweko
hi mu rinzeli.
- 19 Yena a bingeretela a kufuma, kani-
lezi yena a nga ta petselwa ka ba-
dadani ba yena ;
Yena a vululako a mahlo ya yena,
na yena a nga kona.

- 20 A kutsisa kukamanyeta yena kwatsi
hi mati ;
A xihuhuri xi nyemusako yena ni
wusiku.
- 21 A mheho ya mutsuwukambo yi rwa-
lako, na yena a suka ;
Ni ku swiyela yena a suka wutsa-
nweni ga yena,
- 22 Hakuba Nungungulu i ta bubutsa
yena, a nga ta nenekiwa :
I ta nga yena a xengetela a ku kwa-
tsi wo tsutsuma a huma canjeni
ga yena.
- 23 Banhu ba ta pakatela a mandla ya-
bye ka yena,
Ni kutrakisa yena wutsanweni ga
yena.

XIPIMO 28.

- 1 Hakunene laho ku kona a nkele wa
siliva,
Ni wutsamo ga nzalama laha yi nye-
kiswa ko kona.
- 2 A ziketse zi tekiwa zi huma lomo mi-
sabeni,
Ni suku wa ticapau wu nyekisiwa
lomo maribye.
- 3 A munhu a bekako a kugumelwa ka
munyama,
Ni ku hlolisisa, le mbinganweni wa
magumo,
A maribye ma pfupelisilweko ni mu-
nyama wupumisilweko.
- 4 Yena a tsobako wu vululeka a nkele
laho munhu a lubele kona ;
Bona ba kohlilwe hi nkonzo ;
Bona ba hayekilwe kule hi le ka ba-
nhu, bona ba nzulanzula.
- 5 Na kwatsi hi misaba, hi ka yona ku
huma a zibaba ;
Ni lahasi ka yona ka hunzululwa
ku kwatsi ku mahile hi nzilo.
- 6 A maribye ya kona mbutsamo ga ma
safira,
Kona ku na ni tsuru wa nzalama.
- 7 Leyo i ndlela a zinyanyani zi nga yi
tibiko,
Ge hambu a tihlo ga gama gi nga yi
wonangiko yona :
- 8 A zibanza za wurena zi nga famba-
ngiko ka yona,
Ge hambu ngala yi cabisekako a yi
wa nga hunzakako hi laho.
- 9 Yena a nawulutako a canja ga yena
hehla ka ribye ga ntamo ;
Yena a hunzululako a zitsunga zi
kugangatsala.
- 10 Yena a tsemako a wukulungelo ga
mati xikari ka maribye ;

- Ni mahlo ya yena ma wona a zilo
zonkile za malongo.
- 11 Yena a bohako a micongo lezaku yi
nga vuti;
Ni zilo lezo zi fihleleko yena wa zi
neha kuwonekeleni.
- 12 Kanilezi hi kwihi laho a wutibi gi
ta nga kumiwa ke?
Na gi hi kwihi a wutsamo ga kupi-
misisa ke?
- 13 A munhu i wa nga tibi a tsengo ya
kona;
Ge hambu ku kumiwa le tikweni ga
wutomi.
- 14 A kueta ka wula, Kona a hi nzeni
ka mina;
Ni bimbi ga wula, Kona a hi lomo
nzeni ka mina.
- 15 Kona a ku zi koti ku kumiwa hi
nzalama,
Hambu a siliva gi wa nga ta ringa-
niswa hi tsengo wa gona.
- 16 Kona ku nga ta binzululwa hi nza-
lama ya Ofira,
Ziawe hi malongo onekisi, kutani
safira.
- 17 A nzalama ni mawoni a zi na kuene-
la kona,
Ge hambu kona ku wa nga ta hu-
nzuluswa hi tinzalama ta nzalama
yi nyekisilweko.
- 18 Ge ni kumbukwa ku wa nga ta ma-
hiwa hi korali ni krustali:
Ina, a tsengo wa kutiba wu hunza
a marubi.
- 19 A topaze ya le Etiopia yi wa nga ta
ecana na kona,
Ge gona ku wa ecanyiswa ni nzala-
ma yi nyekisilweko.
- 20 Kuta hi kwihi a kutiba ke?
Na gi hi kwihi a wutsamo ga kupi-
misisa ke?
- 21 Na mu wona lezaku kona ku fihli-
lwe ka mahlo ya bonkle ba ha-
nyako,
Ku tumbetilwe le tinyanyaniui ta
matilo.
- 22 A Kulobyiswa ni Kufa ka wula,
Hina hi zwile a ngumbungumbu ya
kona hi tindlebe ta hina.
- 23 Nungungulu a pimako a ndlela ya
kona.
Na yena wa tiba a wutsamo ga kona.
- 24 Hakuba wa wona le kugumelweni
ka misaba,
Ni kuwona konkle lahasi ka tilo go-
nkle.
- 25 A ku maha kuringanisa a mheho;
Ina, a ringanisako a mati hi lipimo.

- 26 Laha yena na maha a kubahungu hi
vula,
Ni ndlela ya xingwalangwanza xa
kudzinza;
- 27 Zonake yena i lo wona kona i lo kla-
klambutela kona;
Yena a yimisileko kona, inaka, i lo i
hlotile kona lahandle.
- 28 Ni ka banhu yena i te ngalo,
Languta, a kucabeka ka hosi, loko
ku nga kutiba;
Ni ku suka kubiheni mbu kupima.

XIPIMO 29.

- 1 Na Joba kambe i lo teka a mufa-
naniso wa yena, i te ngalo,
- 2 O lezaku mina nzi wo kwatsi nzi le
tihwetini ta kaleloko,
Kwatsi hi masikwini lawo Nungu-
ngulu a nga wa rinzele hehla ka
mina;
- 3 Laha a kandiya ya yena yi nga wa
woninga hehla ka hloko ya mina,
Na hi kuwonekela ka yena mina nzi
lo tsemakanya a munyama;
- 4 Kwatsi hilezi mina nzi nga wa hi
masikwini ya kubuva ka mina,
Laha a wungana ga ka Nungungulu
gi nga wa vulule hehla ka tenta
ga mina;
- 5 Laha a Nyamintamo a nga wa ha hi
zinwe na mina,
Ni banana ba mina ba wa hi zinwe
na mina;
- 6 Laha a zikanziyelo za mina zi nga wa
hlaziwa hi mawomba,
Ni ribye gi wa cululekela mina a mi-
congo ya mafura!
- 7 Laha nzi nga wa huma le nyangwe-
ni ya muti,
Laha mina nzi nga wa longiselela a
wutsamo ga mina le pangweni.
- 8 Ni majaha ma wa ku wona mina ma
lo fihla a wutsumbu ga bona,
Ni ba kale ba lo suka ba yima;
- 9 A tihosana ti kawula le kuwulawu-
leni,
Ba su beka a canja gabye lomo no-
zwini wabye;
- 10 A magezu ya banhu ba dzunzekile-
ko ma wa lo miyetwa,
Ni lirimi la'ye li wa lo namarela le
wuxinyinyini ga lo mukanwini ka
kabye.
- 11 Hakuba hi laha a ndlebe yi nga wa
zwile mina, zonake yona yi lo ka-
tekisa mina;
Ni laha a tihlo gi nga wa wonile mina,
gi lo nyika a wumboni ka mina;

- 12 Hakuba mina nzi *kla*klisile a xisiwa-
na lexo xi rilako,
Ni ba nga hiko na badadani ka-
mbe, labo ba nga ni wa vunetela
bona,
- 13 A kukatekiswa ka yena kambe loye
a nga wa longele kumbemba ku
tile hehla ka mina;
Na mina nzi lo maba a mbilu ya no-
ni a yimbelela a litsako.
- 14 Mina nzi mehele a kululamisisa, na
kona ku ambexile mina;
A nongameto ya mina yi kwatsi i
nguwo ni ku kwatsi i kanzani.
- 15 Mina nzi wa hi mahlo ka xikumu,
A mikonzo ku wa hi mina ka xiku-
rubu.
- 16 Mina nzi wa hi dadani ka bavu-
mali:
Ni mhaka ya munhu loye nzi nga
mu tibiko nzi wa ku yi hlola.
- 17 Na mina nzi tsoba a mihlaya ya a
nga lulamangiko,
Ni ku kaka~~kl~~lulela a nyama le me-
nweni ya yena.
- 18 Zonake nzi te ngalo, Mina nzi tafa
lomu likokeni la ga mina,
Na mina nzi ta enzelekisa a masiku
ya kwatsi hi seke:
- 19 A mutsu wa mina wu nabalatile wu
huma hi le mamatini,
Ni yi pomele gon~~le~~le wusiku hehla
ka rabi ga mina:
- 20 A wukosi ga mina ga ha hi giswa
nzeni ka mina,
Ni wura ga mina ga ha hi giswa ca-
njeni ga mina.
- 21 A ka mina a banhu ba nyika a n~~le~~-
be, ni kurinzela,
Ni ku rutisa ba miyela ka wusungu-
kati ga mina.
- 22 A nzako ka timbaka ta mina bona
ba nga wulawuli kambe;
Ni kuwulawula ka mina ku lo go-
mela bona.
- 23 Na bona ba lo rinzela mina kwatsi
hi ku hlota a vula;
Na bona ba su vulula a milomu ya-
bye yi ahlama kwatsi i vula go
gumesa.
- 24 Mina nzi lo nuheta ka bona, laha bo-
na ba wa nga hi na kutsumba;
Ni kuwonekela ka nghohe ya mina
bona a ba kuhoxangi lahasi.
- 25 Mina nzi lo langa a tin~~le~~lela ta~~bye~~,
nzi lo tsama kwatsi nzi hosi,
Ni ku tsama kwatsi nzi hosi impini,
Kwatsi hi mu~~z~~we loye a cabelelako
a murili.

XIPIMO 30.

- 1 Kanilezi makunu bona laba baswa
zonake nzi nabo mina a kukiya-
lweni,
Labo a badadani ba~~bye~~ nzi nga wa
nga ba yimisangiko a ku tsama ni
timbyana ta *klambi* wa mina.
- 2 Ina, a ntamo wa mandla ya~~bye~~, lowo
ha wona wu ta nga vunetela mina
ke?
A banhu bali a tanga ya kubuva
ka~~bye~~ kumbimbileko.
- 3 Bona kutseka hi kulaba ni ndlala;
Bona ba funyela a misaba yi omile-
ko, le pungeni ga kuhahluka ni
kuhangalaka.
- 4 Bona ba ya kaya a kaka le kwatini;
Ni mitsu ya zinjomi hi kuga ka~~bye~~.
- 5 Bona ba hlolongolilwe xikari ka ba-
nhu;
Bona ba rila a nzako ka bona kwatsi
i nzako ka kamba;
- 6 Zingaho lezo bona ba wa ta tsama lo-
mo minzelelweni ya kudzukiswa,
Lomo timhakweni ta misaba ni lomo
maribiyeni.
- 7 Xikari ka makwati bona ba cwanga;
Lahasi ka kaka~~kl~~lwani bona ba wulu-
ngetana katiginwe.
- 8 Bona mbanana ba zipumbu, ina, a
banana ba banyamijiri;
Bona ba ro~~kl~~lelwe ba huma tikwe-
ni.
- 9 Na makunu mina uzi mahile a lisi-
mu la~~bye~~,
Ina, mina uzi wa kuxeluzwa ka bo-
na.
- 10 Bona baswirwa ha mina, ba yima hi
le kule na mina,
Ba nga tsiki a ku pelela lomo ngho-
leni ka mina.
- 11 Hakuba yena i *klaklile* a ngoti ya
yena, a hlokisa mina;
Bona ba a matomu mahlweni ka mi-
na.
- 12 Hehla ka canja ga mina ga xinene
ku suka a pfilupfilu;
Bona ba hoxa *kl*elweni a mikonzo ya
mina,
Na bona ba hoxa ba vukela mina a
n~~le~~lela ya~~bye~~ ya kulobyiswa.
- 13 Bona ba vinyetela a n~~le~~lela ya mina.
Bona ba lo hlolithela a hlomulo wa
mina,
Bona a banhu labo ba nga hiko na
muvuni.
- 14 Kwatsi hi ku tsemakanya a mole wa
hombe bona bata;
A xikari ka ku hahluka bona ba ki-

ngirika wutsumbu gabye hehla ka mina.
 15 A kutsisa ku hunzulukele hehla ka mina;
 Bona ba hlongolisa a kudzunzeka ka mina kwatsi i mheho;
 Ni butu ga mina gi hunzile kwatsi i refu.
 16 Na makunu a muhefemulo wa mina wu halakele nzeni ka mina;
 A masiku ta tikuruxu ma tekele ku klemerele mina.
 17 A xikati xa laha wusikwini a marambu ya mina ma poriketile nzeni ka mina.
 Ni kubayisa loko trongako mina a ku teki a kuhumula.
 18 Hi ntamo wa hombe wa ngumbe ya mina a tinguwo ta mina ti onhekile;
 Tona ti boha kwatsi mubala wa baji ga mina.
 19 Yena i hoxile mina le maropeni,
 Mina nzi mahile a tsutsungwani ni kuma.
 20 Mina nza rila ka wena, na wena a ku hlambulangi mina;
 Mina nzi yinile, na wena u cuwuka ko mina.
 21 Wena u hunzulukile u maha kutsekulela ka mina;
 Ziwe hi ntamo wa canja ga wena wena u xanisako mina,
 22 Wena u klakusako mina le mhehweni, wena u mahako mina nzi kilela hehla ka yona;
 Wena u petako mina le xipupurini.
 23 Hakuba mina nza zi tiba lezaku wena u ta neha mina kufeni,
 Ni ka yindu leyo u longiseleko bonke ba hanyako.
 24 Ahemba a manwe a nga mahi a kunawula a canja ga yena kuweni ka yena,
 Kutani hi le tikuruxwini ta yena wa bahuwa ya vunetelwa ke?
 25 Mina nzi wa nga mahi a kurila ha yena loye a nga kukaratweni ke?
 Ni muhefemulo wa mina wu wa nga hlomulwi hi ba bavumali ke?
 26 Laha na nzi cuwuka hi kusasa, zonake a kubiha ku lota;
 Ni laha mina nzi nga wa rinzele hi kuwonekela, laho ku lota a munyama.
 27 A mbilu ya mina yi karatilweni, yi wa nga hi na ku humuliswa;
 A masiku ya kuhlokiswa ma tile hehla ka mina.

28 Mina nza famba na nzi rila na haba gambo;
 Mina nza yima blengeletanweni, na nzi bahuwa ya kuvunwa.
 29 Mina nzi nakulobywa wa mahlolwa,
 Ni mungana wa timbuwu.
 30 A hlonge ya mina nja ntima, ya su ku hululeka le ka mina,
 Ni marambu ya mina ma swile hi kubalela.
 31 Hikwalaho a xitende xa mina xi hunzulukile a kurila,
 Ni timbila ta ti hunzulukile akuba gezu ga bona labo ba rilako.

XIPIMO 31.

1 Mina nzi mahile a xivumelwa ziwe ni mahlo ya mina winyi;
 Hi ku yini makunu mina nzi nga wa ta cuwuka hehla ka mubulwa ke?
 2 Hakuba xini a xiabelo xa le ka Nungungulu le hehla,
 Ni tsomba ya le ka Nyamintamo le hehla ke?
 3 Kona a hi kuhlomulwa ka a nga lulamangiko,
 Ni wulala ka batiri ba kugoha ke?
 4 Kasi yena i wa nga woni a ntlela ya mina,
 Ni ku hlalala zonke a zikanziyelo za mina ke?
 5 Loku mina nzi fambile hi ku hamba mawunwa,
 Ni nkonzo wa mina wu haklisisile ku kohisa
 6 (Nga mina nzi pimanyiswa lomo lipiweni lo nene,
 Kasi Nungungulu wa fela ku tiba a ku longama ka mina);
 7 Loku a kukanziyela ka mina ku hambukile le ntleleni,
 Ni mbilu ya mina yi fambile a nzako ka mahlo ya mina,
 Ni loku ni xihl a xibawa xi namarele manleni ya mina;
 8 Zonake nga mina nzi xwanyela, nga a muzwani a taga;
 Inaka, nga a pfuno wa sinu ya mina wu tsuwulelwa.
 9 Loku a mbilu ya mina yi nga yi mbilukele a wasati,
 Ni kuba nzi labelele ka libati la wa akelwane wa mina;
 10 Zonake ngana a sati wa mina a ya gaya ka muzwani,
 Na nga banwani ba korama hehla ka yena.
 11 Hakuba lowo i nanzu wa hombe;

- Inaka, kona kugoha ka hombe a ku tsayiswa hi balamuli :
- 12 Hakuba kona i nzilo lowu wu kadamulako Kulobyisweni,
Na wu wa ta nga wu simula konkle a kuenzeleka ka mina.
- 13 Loku mina nzi nga nzi nyenyile a mhaka ya nanza ga xinuna ni nanza ga xisati ga mina,
Laha bona ba nga wa kwakwene zizwe na mina ;
- 14 Xana mina nzi ta maha yini laha Nungungulu na vuxile mina ke?
Ni laha a nzi enzelako, xini nzi nga ta hlamlula yena ke?
- 15 Kasi loye a mahileko mina lomo rumbyini a i wa nga mahangi yena?
Ni muzwe i wa mahile kubombisa kwatsi hi lomo rumbyini ke?
- 16 Loku nzi beletele a xisiwana le kuxubeni ka xona,
Kutani nzi mahile a mahlo ya noni ma tsanzeka.
- 17 Kutani mina nzi gile a ngelo wa mina nzoce,
Ni ba nga hiko na badadani ba wa nga gangi kona ke
- 18 (Kokwili, ku sukela wusweni ga mina yena i lo kula zizwe na mina kwatsi i zinwe ni dadani wa yena,
Na yena nzi mu rangele ku sukela le rumbyini ga mamani wa mina) ;
- 19 Loku mina nzi wonile a kumbembi-swa ka mina hi kulaba a ku umbala,
Kutani lezaku a muvumali a nga na xifenengelo ;
- 20 Loku a ziwunu za yena zi nga katekisangi mina,
Ni loku yena a wanga kari a kufumetwa hi xikatawu xa tiyivu ta mina:
- 21 Loku mina nzi tlakusile a canja ga mina nzi vukela a ba nga hiko na badadani,
Hakuba mina nzi wonile a kuvuna ka mina le nyangweni :
- 22 Zonake nga a kakla ga mina giwa gi suka hi le ka xikakla xa kakakla,
Ni woko ga mina nga gi tsohyiwa le rambyini.
- 23 Hakuba a mholoba ya ka Nungungulu ya tsisa ka mina,
Na hi kofa ya wukulu ga yena mina a nzi kotl' ku maha neumo.
- 24 Loku mina nzi mahile a nzalama a kutsumba ka mina,
Na nzi wulile ka nzalama yi nyekisilweko,
Wena u kutsumba ka mina ;
- 25 Loku mina nzi wa bumile haku-ba nzi wa hi ni kufuma ka hombe,
Na hakuba a canja ga mina gi nga wa nzi pfunisile ;
- 26 Loku laha mina na nzi wonile a gambo laha gi ngangamelako,
Kutani ni hweti laha yi fambako kungangameleni,
- 27 Ni mbilu ya mina hi kunyanimeli-lweko yi lo yi wa xengilwe,
Ni nomu wa mina wu trotrile a canja ga mina :
- 28 Loku kambe ku wa hi kugoha akuba kutsayiswa hi balamuli ;
Hakuba mina nzi wa ta nga nzi kanetile a Nungungulu loye a nga le hehla.
- 29 Loku mina nzi tsakile le kulobyiswani ka yena loye a bengako mina,
Kutani ni kuklakusa a wutsumbu ga mina laha na kubiha na ku kumlwe ka yena
- 30 (Inaka, mina nzi wa nga vumelangi a nomu wa mina a kuonha,
Hi kuwutisa a wutomi ga yena a kurukatelwa) ;
- 31 Loku a banhu ba tenta ga mina ba wa nga wulangi,
Hi mani a ta nga kuma munwe loye a nga tatiswangiko hi nyama ya yena ke?
- 32 (A muenzi i wa nga eklelangi lomo mapangweni ;
Kanilezi mina nzi lo vulula a libati la mina ka ba fambafambi) ;
- 33 Loku nzi fanana a Adamu mina nzi kubunyetile a zibambunyetiso,
Hi ku filha a zigoho za mina lomo xifubeni xa mina,
- 34 Hakuba mina nzi cabile a xidlemo xa hombe,
Ni kudzukisa ka mingango ku lo cabisa mina,
Zingaho mina nzi la su rutisa nzi miyela, nzi nga humi labandle ka nyangwa--
- 35 O lezaku ku wa ta nga ku hi kona a muzwe a kuzwa mina!
(Mangabye, laha hi laha ku a nga ni xitiyiso xa mina, nga a Nyamintamo a hlamlula mina)
Ni lezaku mina nzi nako a kublekulweni loku a balala ba mina ba ku tsalileko!
- 36 Hakunene mina nzi wa ta nga nzi rwele kona hehla ka kakla ga mina ;

- Mina nzi ta boha kona ka mina kwatsi xidlo^olo xa wukosi:
- 37 Mina nzi wa ta nga nzi klaklambu-
tela ka yena a tsengo wa zika-
nziyelo za mina;
Kwatsi hi hosana mina nzi wa ta
nga nziya kusahani ka yena.
- 38 Loku a canja ga mina gi bahuwa
gi vukela mina.
Ni minzati ya kona yi rila katigi-
nwe;
- 39 Loku mina nzi ngana na nzi gile a
mihanzo ya kona hi laba mali.
Kutani ku maha a benyi ba yona
ba lahlekelwa hi wutomi gabye:
- 40 Nga mizwa yi kula wutsanweni
ga mabele.
Nga a byanyi gi kula wutsanweni
ga barle.
A timhaka ta Joba ti gumelwe.

XIPIMO 32.

- 1 Zingaho labo banhu banharu ba
lo kawula a ku hlamula Joba, haku-
ba yena i wa lulamile le mahlweni
ya yena nwinyi.
- 2 Zonake yi lo vindlukiswa a zanga
ya Elihu a nisanyana wa Baraceli a
mu Buzi, wa ngango wa ka Rama :
a ku vukela Joba a zanga ya yena
yi lo vindlukiswa, hakuba yena i ba-
sisile a wutsumbu ga yena ku hunza
a Nungungulu.
- 3 Kambe ni ku vukela a bangana ba
yena ba banharu a zanga ya yena yi
wa lo vindlukiswa, hakuba bona ba
wa nga kumangi a kuhlamula, kasi-
ke ba wa lo kona Joba.
- 4 Makunu Elihu i wa rinzelele a ku
wulawula ka Joba, hakuba bona ba
wa hi masingalakati ku hunza yena.
- 5 Ni laha Elihu u nga wa wonile
lezaku laho a ku kona a hlamulo
a ka nomu wa laba banhu banha-
ru, a zanga ya yena yi wa lo vindlu-
kiswa.
- 6 Na Elihu a nisanyana wa Baraceli
a mu Buzi i lo hlamula i te ngalo,
Mina nzi muswa nwina mu kosa-
hele nguvu ;
Ngahilezo mina nzi lo ti tsimbeta,
nzi wa nga ringangi a ku ko-
mbisa nwina a mano ya mina.
- 7 Mina nzi te ngalo, Amasiku ma
wa ta nga ma wulawula,
Ni xidlemo xa malembe xi wa ta
nga xu gonzisa a kutibisisa.
- 8 Kanilezi laho ku kona a moya
nzeni ka munhu,

- Ni muhefemulo wa Nyamintamo wu
nyika bona a kupimisisa.
- 9 Kona a hi bona laba ba hombe labo
ba nga tibisisako,
Ge hambu a ba kale a kupimisisa a
nongameto.
- 10 Hikwalaho mina nzi te ngalo, Ingi-
sani ka mina ;
Minawu kambe nzi ta kombisa a
mano ya mina.
- 11 Languta, mina nzi rinzele a timba-
ka ta nwina,
Mina nzi rinzele a kuwulawula ka
nwina,
Laha na ma ha laba lezaku yini mu
ta nga wula.
- 12 Inaka, mina nzi ingisile ka nwina,
Ni, languta, laho ku wa nga hi kona
loye a kotsoleko Joba,
Kutani loye a hlamuleko a timhaka
ta yena xikari ka nwina.
- 13 Celani kota nwina mu nga taku,
Hina hi kumile a kutibisisa ;
Nungungulu a nga mu hlokisileko,
a hi munhu :
- 14 Hakuba yena a nga seku xunge-
tisa a timhaka ta yena ti vukela
mina :
Ge mina nzi nga ta hlamula yena
hi kukanela ka wena.
- 15 Bona ba damisilwe, bona a ba enge-
tangi kambe ba hlamula :
Bona ba wa nga ha hi na mhaka a
kuwula.
- 16 Mina nzi ta rinzele, hakuka bona ba
nga ha wulawuliko,
Hakuba bona ba su ku yima ba ku
tseka, ba ha hlamuli ncumo!
- 17 Mina kambe nzi ta hlamula a klelo
ga mina,
Minawu kambe nzi ta kombisa a
mano ya mina.
- 18 Hakuba mina nzi tele hi timhaka ;
A moya lomu nzeni ka mina wu tsi-
mbetile mina.
- 19 Languta, a xifuba xa mina xi kwa-
tsi i waini lego gi nga hiko na
mole ;
Kwatsi hi mikwama yiswa ya waini
xona xi longile a ku puxuka.
- 20 Mina nzi ta wulawula, kasi nza fela
akuba nzi kalamukile ;
Mina nzi ta hlama a milomu ya mina
nzi ta hlamula.
- 21 Nga mina nziku, nza kombela nwi-
na, nzi nga hi na ku hlawula mu-
nhu ;
Ge ni ku nyika a mabito ya kunyata
ni ka wili a munhu.

- 22 Hakuba a nzi zi tibi a ku nyika a mabito ya kunyata;
Ku nga taku a Mumahi wa mina a i ta nga susa mina.

XIPIMO 33.

- 1 Ahemba, Joba, mina nza kombela wena, zwana a kuwulawula ka mina,
Ingisa ka tonkle a timbaka ta mina.
- 2 Languta makunu, mina nzi vululile a nomu wa mina;
A lirimi la mina li wulawulile lomu nonwini wa mina.
- 3 A mbaka ya mina yi ta klaklambuta a nongametiso wa mbilu ya mina;
Ni lezo nzi zi tibako hi milomu ya mina zona mina nzi ta wulawula hi litralo.
- 4 A Moya wa Nungungulu wu mahile mina,
Ni xikuhe xa Nyamintamo xi nyikile mina a wutomi.
- 5 Loku wena u hi u zi kotako, hlamula wena mina;
Bekela u xaxameta a timhaka ta wena mahilweni ka mina, suka u yima.
- 6 Languta, mina nzi komamile ka Nungungulu kwatsi hi wenawu:
Minawu kambe nzi mahilwe hi nzo-pe.
- 7 Languta, a kutsisa ka mina ku nga ta maha wena u dzudzumela,
Ge hambu kutsimbeketwa ka mina ku wa nga ta binza hehla ka wena.
- 8 Hakunene wena u wulawulile le kuzweni ka mina,
Na mina nzi zwile a gezu ga timhaka ta wena, giku,
- 9 Mina nzi basile, na nzi nga hi na zihambunyetiso;
Mina nzi basile, a ku kona a zigoho ka mina:
- 10 Languta, yena a kumako a xipinga ha mina,
Yena i hlalaya mina a kuba nala wa yena;
- 11 Yena a engenisako a mikonzo ya mina makotsweni,
Yena a bako zibango konkle tindlele-ni ta mina.
- 12 Languta, mina nzi ta hlamula wena, a ka lezi wena u nga longamangiko;
Hakuba a Nungungulu ngwahombe a ku hunza a munhu.
- 13 Hi yini wena u kwengwezetanako zinwe na yena,

- Hakuba yena i wa nga kataleli ni ka zihhi za mahungu ya yena ke?
- 14 Hakuba a Nungungulu i wulawula kanwe,
Inaka kumbiri, hambu loku a munhu a nga katali.
 - 15 A kuloreni, ni le muwonisweni wa wusiku,
Laha a tsongotsongo gi wele hehla ka munhu,
Na nzi lasu kongoro hehla ka mubedi;
 - 16 Zonake yena i vulula a tindlebe ta banhu,
Ni ku umisa a kugonza kabye.
 - 17 Kasi yena a fela a kukobeta a munhu le kuxubeni ka yena,
Ni ku fihla a manyanga le ka munhu;
 - 18 Yena a tumbelako a muhefemulo wa yena le rinzini,
Ni wutomi ga yena le kumbembi-sweni hi supado.
 - 19 Yena kambe i tsayisilwe hi kuba-yisa hehla ka mubedi wa yena,
Ni zinwe ni simamiselo wa kaneta marambyini ya yena;
 - 20 Zingaho lezo a wutomi ga yena gi swiriwa hi zibaba,
Ni muhefemulo wa yena hi kuga ka malongo.
 - 21 Ni nyama ya yena yi mbetisilwe kule, lezaku yona yi wa nga ta wonwa;
Ni marambu yaye lezaku ma nga ta wonwa na ma la su kwalala le handle.
 - 22 Inaka, ni muhefemulo wa yena wu tsinela ku suhani le rinzini,
Ni wutomi ga yena ka balobiso.
 - 23 Loku laho ku nga ku hi zinwe na yena a ngelosi,
A muklamuseli, muzwe xikari ka kume ga mazana,
A kukombisa ka munhu lezaku xini xi sasekileko ka yena;
 - 24 Zonake a Nungungulu ngwa wuxinji ka yena, wa wula,
Klaklisanani yena le kuyeni ka yena le rinzini,
Mina nzi kumile a nzhiho.
 - 25 Ni nyama ya yena, yi taba yiswa kuhunza a nwanana;
Yena a klelela masikwini ya wuswa ga yena.
 - 26 Yena a kombelako ka Nungungulu, na yena i na ni tomo ka yena,
Zingaho lezo kasi yena wa wona a nghohe yakwe hi litsako:

- Na yena a kletlisako ka munhu a kulamisisa ka yena,
 27 Yena a yimbelelako mahlweni ka banhu ni aku,
 Mina nzi onhile, na nzi nyenyezisile lezo zi sasekileko,
 Na kona a nga vunwangi mina neu-mo:
 28 Yena a klatlisileko a muhefemulo wa mina le kureleleni wuya rinzini,
 Ni wutomi ga mina gi ta languta a kuwonekela.
 29 Mangabye, zonkle lezi a zilo a Nungungulu wa tira,
 Kumbiri, ina kunharu, zinwe ni banhu.
 30 A ku kletisa a muhefemulo wa yena le rinzini,
 Kasi yena wa fela a kuwonekeliswa hi kuwonekela ka wutomi.
 31 Pima kwatsi, O Joba, ingisa ka mina:
 Rutisa u miyela, mina nzi ta wulawula.
 32 Loku wena u nga u hi ni xa ku wula, hlamula mina:
 Wulawula, hakuba mina nza xuba a kubasisa wena.
 33 Loku zi nge ngaho, ingisa wena ka mina:
 Rutisa u miyela na mina nzi ta gonzisa wena a kutiba.

XIPIMO 34.

- 1 Klatakumbiri Elihu i lo hlamula i te ngalo,
 2 Zwanani a timhaka ta mina, nwina banhu ba kutibisisa;
 Ni ku nyika a ndlebe ka mina, nwina labo mu nga ni ku tibisisa.
 3 Hakuba a ndlebe ya ringa a timhaka,
 Kwatsi hiloku a hokwe a ringa a zitsotso.
 4 Nga hina hi langa ka hina lezo zi lulamileko:
 Nga hina hi tiba xikari ka wutsumbu ga hina lezo zi lulamileko.
 5 Hakuba Joba i wa te ngalo, Mina nzi lulamile,
 Kanilezi Nungungulu i tekile a ku longama ka mina:
 6 Ahembalezoloko a kulongama ka mina nzi hlayelwa a mawunwa;
 A mbanga ya mina a yi na ku cumiwa,
 Hambu lezi nzi nga hiko na zihambunyetiso.

- 7 I kwihi a munhu a fananako na Joba,
 Loye a nwako a kutseketsela kwatsi i mati,
 8 Loye a fambako le klaweni wa batiro ba kubiha,
 A fambako zinwe ni bakubiha ke?
 9 Hakuba yena i te ngalo, kona a ku binzuli cumo ka munhu
 Lezaku yena i wa ta nga a xalaliswa a wutsumbu ga yena zinwe na Nungungulu.
 10 Hikwalaho zwanani ka mina, nwi-na banhu ba kupimisisa:
 Nga kona ku hi kule ka Nungungulu, lezaku yena i wa ta nga a maha a kubihisisa,
 Ni le ka Nyamintamo, lezaku yena i wa ta nga a maha a kugoha.
 11 Hakuba a tiro wa munhu yena i ta kletisela ka yena,
 Ni ku maha bonkilelele banhu ni ku maha kwatsi hi tindlebe ta yena.
 12 Ina, hi ka zinene, Nungungulu i wa nga ta maha hi kubihisilweko,
 Ge hambu Nyamintamo a nga ta hambukisa a nongameto.
 13 Himani a nyikeleko yena a ku fumela hehla ka misaba ke?
 Kutani a ecanyisileko a tiko gonkle ke?
 14 Loku yena a yimisa a mbilu ya yena hehla ka wutsumbu ga yena.
 Loku yena a tsombanyisela ka yena wutsumbu a moya wa yena ni muhefemulo wa yena;
 15 Yonkle a nyama yi ta mbembiswa katigiwe,
 Ni munhu i ta kletlela kambe a maha tsuru.
 16 Loku makuuu, wena u hi ni kupimisisa, zwana lexi:
 Ingisa ka gezu ga timhaka ta mina.
 17 A muzwe loye a bengako a nongameto i ta fumela ke?
 Na wena u ta kona yena loye a lulamileko ni wunhena ke?—
 18 Yena loye a wulako ka hosi, Wena u nyatimbuxwani,
 Kutani ka manganakana, Nwina mu ba kubiha;
 19 Loyi a nga dzunziko a banhu ba tihosana,
 Kutani loye a nga kataliko hi banhu ba fuma ku hunza zisiwana;
 Hakuba bona bonkle i tiro wa mandla yakwe.
 20 A ka xikatanyana bona bafa, kona a xikari ka wusiku;

- A banhu ba tsekatsekiswa zonake ba hunza ba nyamalala,
Ni ba wunhenha ba tekwa ba nyamalala hi landle ka canja.
- 21 Hakuba a mahlo ya yena ma vulula a tindlela ta banhu,
Na yena i wona konkle a ku famba ka yena.
- 22 Laho a ku kona a munyama, ge ni kupuma kungulumelako,
Laho a batiri ba kubiha ba ta nga tumbeta a wutsumbu gabye.
- 23 Hakuba yena a ka labeko a ku a simamisa a xuba hi munhu,
Lezaku yena i wa ta nga a famba mahlweni ka Nungungulu hi kulamulisisa.
- 24 Yena a tsobako a zipanzana a banuna ba tinhenha a tindleleni leti ti hunzako ku kumiwa,
Ni ku yimisa a bazwani a xikundleni xabye.
- 25 Hikwalaho yena wa teka a kutibisisa ka mitiro yabye;
Na yena a hunzulusakona bona laha wusikwini, zingaho lezo bona ba lobysisilwe.
- 26 Yena a bako bona kwatsi banhu bo biha
A kubaseni ka kuwona ka bazwani;
- 27 Hakuba ba hambukile klelweni kulanzeleni yena,
Na bona ba nga ta nga katala ni ka yihi ndlela ya tindlela ta yena:
- 28 Zingaho lezo ba maha a kurila ka zisiwana a kuta ka yena,
Yena a zwileko a ku rila ka ba hlo-kisilweko.
- 29 Loye a nyikako a kulatisisa, hi mani a ta kona ke?
Na laha yena a fihlako a ngohe ya yena, himani a nga ta wona yena ke?
Ku fanana ni loku kona ku nga wa ta nga ku mahilwe ka mufumo, kutani ka munhu:
- 30 Kutani ka munhu kasi a nga hiko na wunungungulu a fela ku nga fumf,
Kasi bona ba fela ku nga mahi licacaso ka banhu.
- 31 Hakuba i kona muawe a wulileko ka Nungungulu,
Mina nzi rwele a kutsayiswa, mina nzi nga ta ha onha kambe ke?
- 32 Lezo nzi nga zi woniko gonzisa mina wena:
Loku mina nzi mahile a kugoba, nzi nga ha ku mahi kambe ke?

- 33 A ku ta nga a poteliso wa yena wu ku kwatsi hi lezi wena u ranzako, Lezaku wena u wa ta ala kona ke? Hakuba wena u yimelwe hi ku langa, na ku nga hi mina:
Hikwalaho wena wulawula lezi u si tibako.
- 34 Banhu ba kupimisisa ba ya wula ka mina,
Inaka, bonklelele banhu ba kutibisisa labo ba zwileko ka mina:
- 35 Joba i wulawula hi landle ka kutibisisa,
Ni timhaka ta yena ti labandle ka kutibisisa.
- 36 Ku wa ta nga Joba a nga hloliwa kala kugumelwa,
Hakuba hi kuhlamlula ka yena kwatsi banhu bo biha.
- 37 Hakuba yena i engeta a kuhlubukisisa ka kuonha ka yena;
Yena wa pakata a mandla ya yena xikari ka hina,
Ni ku enzelekisisa a timhaka ta yena a vukela a Nungungulu.

XIPIMO 35.

- 1 Klatakumbiri Elihu i lo hlamula i te ngalo,
- 2 U alakanya wena lexi akuba a nngameto ya wena,
Kutani u wulako wena, A kululamisisa ka mina ku hunza a Nungungulu,
- 3 Lezaku wena u ta wula, i binzu muni gi ta nga ba ka wena ke?
Ni, I fanelo muni mina, nzi ta nga ba nayo ku hunza lezi mina nzi onhileko ke?
- 4 Mina nzi ta hlamula wena,
Ni bangana ba wena zinwe na wena.
- 5 Cuwuka le matilweni, ni ku wona;
Ni ku languta a tilo, lego gi klakukileko a ku hunza wena.
- 6 Loku wena u onhile hi yini wena, u ti mahisako a ku vukela yena ke?
Ni loku a zihambungeto za wena zi enzelekelene, zini lezi u mahako wena ka yena ke?
- 7 Loku u hi u lulamileko, xini lezi wena u nyikako ka yena ke?
Kutani xini lexi yena a amukelako hi canja ga wena ke?
- 8 A kubihisisa ka wena ku nga lama-ta a munhu kwatsi hi wenawu;
Ni kululamisisa ka wena ku ta binzula kwatsi munhu.
- 9 Hi xigelo xa wudlemo ga mitsimbeketiso ba bahuwa;

- Bona ka rilela a kuvuniwa hi kota
ya woko ga ba wunhenha.
- 10 Kanilezi i haba a wulako, I kwili a
Nungungulu a Mumahi wa mina,
Loye a nyikako a ku yimbelela a
wusikwini,
- 11 Loye a gonzisako hina ku hunza a
zihari za misaba,
Ni ku maha hi tibisa a ku hunza a
zinyanyani za matilo ke?
- 12 Laho bona ba rila, i wa nga hi kona
a nyikako a hlamlulo,
Hakuba hi manyanga ya banhu ba
kubiha.
- 13 Hakunene Nungungulu a nga tazwa
a kurila ku nga nyawuliko,
Ge hambu a Nyamintamo a nga ta
katala ha kona.
- 14 Ku ta ba wutsongo ga ku yiniyini,
laha wena u wulako wena u nga
langutiko yena,
A mhaka yi le mahlweni ka yena,
na wena u rinzelako mahlweni ka
yena!
- 15 Kanilezi makunu, hakuba yena i
wa nga enzelangi le zangeni ya
yena,
Ge hambu yena hi kukulisilweko a
ku katala hi ba ti kukumukisako ;
- 16 Hikwalaho Joba i vululile a nomu
wa yena ku dadabaleni ;
Yena a enzelekisako a timhaka hi
lahandle ka kutibisisa.

XIPIMO 36.

- 1 Zingaho Elihu i la su tsotsobongo,
i te ngalo,
- 2 Hi nga vumela kutsongwani, nza
nga ta kombisa wena ;
Hakuba mina nzi na ni xilo a kuwu-
lawula hi klelo ga ka Nungungu-
lu.
- 3 Mina nzi ta hlota a kutiba ka mina
hi le kule,
Nzi ta klamusa a kululamisisa ka
Mumahi wa mina.
- 4 Hakuba a kunene a timhaka a hi ta
mawunwa :
A munwe loye a mbeleleko kutibi-
siseni i kona zinwe na wena.
- 5 Languta, a Nungungulu i na ni
ntamo, na yena a nga nyenyi a
munhu :
Yena hi nhenha ntanweni wa kupi-
misisa.
- 6 Yena a nga lonzowotiko a wutomi
ga wa kubiba,
Kanilezi i nyika ka ba hlokisilweko
a fauelo yabye.

- 7 Yena a nga tsopetiko a mahlo ya
yena ka a lulamileko :
Kanilezi hi tihosi hehla ka xitsamo
xa wukosi
Yena a tsamisako bona kala kupi-
nzuka, na bona ba hi ba klakusi-
lweko.
- 8 Loku bona ba bohiwa hi tisinga,
Ni ku tekiwa lomo tingotini ta ku-
hlokiswa ;
- 9 Zonake yena i kombisa bona a tiro
wabye,
Ni hambunyeto zabye, kasi ba fela
ku koramisa a wutsumbu gabye
matsanzeni.
- 10 Yena a kambe a vululako a ndlebe
yabye zigonzisweni,
A leletelako lezaku bona ba klela zi-
gohweni.
- 11 Loku bona ba ingisa ni ku kozela
yena,
Bona ba ta mbetisa a masiku yabye
kuvuvumeni,
Ni malembe yabye kutangalisweni.
- 12 Kanilezi loku bona ba nga ingisi,
bona ba ta mbembiswa hi su-
pado,
Na bona ba tafa na ba ngahi na ku-
tibisisa.
- 13 Kanilezi bona labo ba nga hiko na
wungungulu mbilwini ba ti beke-
telela hehla kabye a zanga :
Bona a ba bahuwa ya kuvuniwa
laha na yena a bohako bona.
- 14 Bona bafa na ba hahi baswa,
Ni wutomi gabye gi mbembiswa xi-
kari ka ba nga hlazekangiko.
- 15 Yena a klaklisako a ba hlokisilweko
hi hlokisisiso yabye,
A vululako a ndlebe yabye le tsimbe-
ketisisweni.
- 16 Inaka, yena i wa ta nga a susile we-
na le tikuruxwini
A ka wutsamo ga le handle laho ku
nga hiko kona a kumanyana ;
Ni lezo zi ta nga bekwa zi wa ta nga
zi tele hi kunona.
- 17 Kanilezi wena u tele hi kululamisi-
sa ka wa kubiha :
A lulamisisiso ni nongametisiso zi
komelele ka wena.
- 18 Hakuba a zanga ya wena yi nga vi-
ndlukisi wena a ku vukela tsayi-
siso ;
Ge hambu a wukulu ga nziho gi nga
hambukisi wena klelweni.
- 19 Bona ba ta bahuwa hi binzulelo,
kasi wena wa fela a kuba u nga hi
kona le hlokisweni,

- Kutani a kutsuma ka ntamo wa wena ke?
- 20 U nga xubi a wusiku,
Laha banhu na ba tsewile wutsanweni gabye.
- 21 Cela kota, u nga katali hi kugoba :
Hakuba lexi wena u hlawulile a ku hunza a kuhlokiswa.
- 22 Languta, Nungungulu i maha hi kuzlakusilweko le ntanweni wa yena :
Himani a nga mugonziso wa kufanana na yena ke?
- 23 Himani a mu polelako a tindlela ta yena?
Kutani hi mani a nga kotako kuwula.
Wena u mahile a kungalulami ke?
- 24 Alakanya lezaku wena u wonkelisa a tiro wa yena,
Laho ha kona a banhu ba yimbeleleko.
- 25 Bonkle a banhu ba cuwukile kona ;
A banhu ba langutile kona na ka ha hi kule.
- 26 Languta, Nungungulu ngwahombe, na hina a hi mu tibi yena ;
A tsengo wa malembe ya yena ma hi ma nga hloliwiko.
- 27 Hakuba yena a kako a madona ya mati,
Laya ma glururukako a vula hi le kukutungeni ka yena,
- 28 Leyi a tilo gi halatako lahasi
Ni ku donela hlehla ka hi kutalisisilweko.
- 29 Ina, i kona muwe a nga ta nga a pimisisa hi kuanlalata ka marefu,
A kudzinza ka hombe ka gobela ga yena ke?
- 30 Languta, yena a andlalako a kuwonekela ka yena a ranzela yena ;
Yena a fenengetako le tsakweni ga bimbi.
- 31 Hakuba ha lexi yena i lamula a banhu ;
Yena a nyikako a kuga hi kutalisi-sweni.
- 32 Yena a fenengetako a mandla ya yena hi xingwalangwanza,
A nyikako xona a xilelelo kasi xa fela a kuba a xibango.
- 33 A guwa ga kona gi byela hi xungetano zizwe na yena,
A tihomu kambe hi xungetano ni xipupuri lexi xi tako hi le hehla.

XIPIMO 37.

- 1 Inaka, a ka lexi a mbilu ya mina ya dzebetana.

- Na yona yi nikinyilwe le wutsanweni ga yona.
- 2 Zwana, O, zwana a guwa ga gezu ga yena,
Ni duwa lego gi humako hi le nzwini wa yena.
- 3 Yena a rumelako gona lahasi ka gonkle a tilo,
Ni xingwalangwanza xa yena magumelweni wonkle ya misaba.
- 4 A nzako ka xona a gezu gi su kudzinza ;
Yena a dzinzako hi gezu ga wa wukosi ga yena ;
Na yena a nga finyelelika a xingwalangwanza laha na gezu ya yena gi zwalisilwe.
- 5 Nungungulu wa dzinza hi kuhanjalatisilweko hi gezu ga yena ;
Zilo za hombe a mahako yena, lezi hina hi nga hiko na ku zikangatela zi tibekana.
- 6 Hakuba yena wa wula ka mbera,
Wela wena hehla ka misaba :
Zingahowo ke a ka refu ga vula,
Ni ka refu ga vula ya yena ya ntamo.
- 7 Yena a umisako a canja ga banhu bonklelele,
Kasi bonklelele banhu labo yena a ba mahileko ba fela a kutiba kona.
- 8 Zonake a zibanza zi su ku kuya kuhunzulukeni,
Ni kutsama lomo timhakweni ta zona.
- 9 Hi le ndlwini ya le dzonga ku huma a xipupuri,
Ni xiramxi xi huma hi le nwalungu.
- 10 Hi xikuhe xa Nungungulu a xibabe xa nyikiwa :
Ni kuanama ka mati ku manyanisi-lwe.
- 11 Ina, yena a rangelako a refu gi pumisilweko hi kutsakama ;
Yena a andlalatako gi hangalaka a refu ga xingwalangwanza xa yena :
- 12 Xona xi renzelekela hi kona ya kuran-gela ka yena,
Lezaku kasi bona ba fela ku mahani xihi lexo yena a leletelako kona
Hehla ka nghohe ya tiko gi akilweko ;
- 13 Kutani hi kulongametisa ka yena,
kutani hi tiko ga yena,
Kutani hi kuranzakawunene, lesi a mahako kona kuta.

- 14 Ingisa ka lexi, O Joba,
Yima u ku tseka, u alankanyela hi
mitiro yi hlmalisako ya Nungu-
ngulu.
- 15 Wena wa zi tiba laha Nungungulu
a wulako nayo wa yena hehla ka
yona,
Ni maha a xingwalangwanza xa refu
ga yena a woninga ke?
- 16 Wena wa ku tiba a kuringanisa ka
marefu ya yena.
A mitiro yi hlmalisako ya yena lo-
ye a mbeleleko kutibeni ke?
- 17 A tinguwo ta wena ti kufumelisa ku
yini,
Laha a misaba yi rutisile hi mheho
ya dzonga ke?
- 18 Wa zi kota wena zinwe na yena a ku
andlalata a tilo,
Legi gi na nga hi ntamo a ku hunza
a woni gi nyekisilweko ke?
- 19 Gonzisa hina lezo hina hi ta nga zi
wula ka yena;
Hakuba hina hi nga ta xaxameta a
kuwulawula ka hina hi kota ya
munyama.
- 20 Ku ta dyelwa yena kona lezaku mi-
na nzi wa ta nga nzi wulawulile
ke?
Kutani a munhu i wa ta xuba lezaku
yena i wa ta nga a mitilwe ke?
- 21 Na makunu a banhu ba nga woni a
kuwonekela loko ku ngangameli-
sisako le hehla;
Kanilezi a mheho ya hunza, yi xwe-
ngulisa wona.
- 22 Hi le nwalungu ku huma a ka nza-
lama yi bangamelako:
Nungungulu i vulule ka yena a wu-
kosi gi tsisako.
- 23 Hi ku kumbuka a Nyamintamo, hi-
na a hi na ku hlola yena;
Yena i hunzelele ntanweni;
Ni nongametiso ya yena ni pfunisi-
selo wa kululamisisa ka yena a
nga ta blokisa.
- 24 A banhu hikwalaho ba caba yena;
Yena a nga kataliko hi loye a tibako
hi mbilu.

XIPIMO 38.

- 1 Zonake Jehova i lo hlamula Joba hi
le mhehweni ya xipupuri, i te ngalo,
- 2 Hi mani loye a pfupelisako a wusu-
ngukati
Hi timhaka ti nga hiko na kutiba
ke?
- 3 Boha makunu a ziwunu za wena ku
fanana ni wanuna;

- Hakuba mina nzi ta wutisa ka wena,
wena klaklambutela ka mina.
- 4 U wa hi kwilhi wena laha na mina
na nzi bekile a ziseketelo za misa-
ba ke?
Tsawutela, loku wena u wa nga u
karl u wa hi ni kupima.
- 5 Hi mani a xubileko a ziringaniso za
kona, loku wena u wa zi tiba ke?
Kutani hi mani loye a nawulutileko
a nzati hehla ka kona ke?
- 6 I hehla kayini a ziseketelo za kona
zi boheleleweko ke?
Kutani hi mani a klatekileko a ribye
ga makuzu ya kona.
- 7 Laha a tinyeleti ta mixo ti yimbelela
a lisimu katigawe,
Ni bonkle barisanyana ba ka Nu-
ngungulu ba kanyuluka hi kutsa-
ka ke?
- 8 Kutani hi mani a valileko a bimbi
hi tibati,
Laha tona ti tsobekako, kwatsi ti
huma hi lomu rumbyini;
- 9 Laha na mina na nzi maha a marefu
a tinguwo ta kona,
Ni munyama wu pumisilweko i gu-
lu ga kona,
- 10 Nzi tsema zibango ka gona za mbi-
ngano wa mina,
Ni ku yimisa zikwinyaro ni tibati,
- 11 Ni ku ngalo, Leno kambe wena i ta-
ta, kanilezi u nga hunzeleli;
Ni laha kambe a mabyandlati ya
wena ma mbekukako ma ta ka-
wula ke?
- 12 Wena hi wena u leleteleko a kuca
cina a masiku ya wena ma sa-
ngula,
Ni ku maha a kuca ka siku ku tiba
a wutsamo ga kona;
- 13 Kasi kona ku fela ku komelela a ku-
gumelwa ka misaba,
Ni ba kubuha ba zuzwa ba huma ka
gona ke?
- 14 Kona ku hunzulwe lahasi ka ku umi-
swa;
Ni zonkle zilo zi yima zi ku tseka
kwatsi i nguwo;
- 15 Hi ka wa kubuha a kuwonekela ka
tsimbetelwa,
Ni woko gi klakukileko gi tsoyil-
we.
- 16 Wena u eugenile lomu zibukeni za
bimbi ke?
Kutani wena u fambile le magumo
ya kueta ke?
- 17 A tnyangwa ta kuwonekela ti wo-
nekelisilwe ka wena ke?

- Kutani wena u wonile a tinyangwa ta nzhuti wa kufa ke?
- 18 Wena u pimileko a misaba a kuana-meni ka yona ke?
Tsawutela, loku wena u tiba kona konkle.
- 19 Yi kwihi a ndlela ya kuya wutsa-zweni ga kuwonekela ke?
Kwatsi hi munyama, gi kwihi a wutsamo ga wona,
- 20 Lezaku wena u wa ta ngana u teka kona le mbinganweni wa kona,
Ni lezaku wena u wa ta nga na u pima hi tindlela ta tindlu ta kona ke?
- 21 Hi ku nga kanakanwi, wena wa zi tiba, hakuba wena zonake u wa trelwe,
Ni tsengo wa masiku ya wena ngwahombe!
- 22 Wena u engenile lomo mabakweni ya xirami,
Kutani wena u wonile a mabako ya vula ya maribyana,
- 23 Laya mina nzi lonzowoteleko a ku vukela a xikati xa zikarato,
A kuvukela a xikati xa impi ni kulwa ke?
- 24 Hi yihi a ndlela leyo a munyama wu sukileko,
Kutani a mheho ya mutsuwukagambo yi hangalakako hehla ka misaba ke?
- 25 Hi mani a nga hambanyiselako a wukulungelo ga swinga wa mati,
Kutani a ndlela ya xingwalangwanza xa kudzunza;
- 26 A ku maha kona a kuna laho tikweni lego ku nga hiko kona munhu;
Kutani le xiwuleni, laho ku nga hiko kona a munhu;
- 27 A kutsakamisa a zisapa ni liranza bya li hulukelako,
Ni maha a byanyi go nyuka gi pandluka ku hluka ke?
- 28 A yi naye a vula a dadani ke?
Kutani hi mani a treleko a madona ya nzokati ke?
- 29 I rumbyini ga mani a sibabe xi humako ke?
Ni mbera ya kubasa ya le tilweni, hi mani a bangileko yona ke?
- 30 A mati ma fihla a wutsumbu ga wona ni ku maha kufana ni ri/ye,
Ni ngohe ya kueta yi tiyile.
- 31 Wena u nga zi kota a kuboha a zitata za ma Pleiade,
Kutani u tlakla a kubohwa ka Orio-ni ke?

- 32 Wa zi kota wena a kurangela a Mazzarote tingubeni ta tona ke?
Kutani u nga rangela a Arkto zinwe ni ziarktana za gona ke?
- 33 Wena wa yi tiba a miyimiso ya le tilweni ke?
Kutani hi wena u yimisileko a mufumo wa kona laha misabeni ke?
- 34 Wena wa zi kota a kuklakusa a gezu ga wena le marefini,
Kasi a talisiso wa mati wa kubunyetawena ke?
- 35 Weni hi wena u zi kotako a ku rumela a zingwalangwanza, kasi za fela a kufamba,
Ni ku wula ka wena, Hina hi laha ke?
- 36 Himani loye a bekileko a ku tiba ngomama ni klelo ga lomu nzeni ke?
Kutani himani loye a nyikileko a kupimisisa malangeni ke?
- 37 Himani a nga zi kotako a ku hlayela a marefu hi kutibisisa ke?
Kutani a nga cululako a mabotori ya tilo,
- 38 Laha na tsutsungwani wu tsutsumela a vunye,
Ni marukwani ma namarelana katingwe ke?
- 39 Wena hi wena u zi kotako a ku hlota a nyama ya matrele ya ngala,
Kutani u xurisako a mahlokoti ya ngagana,
- 40 Laha na ti vumbamile mabakweni ya tona,
Na ti tsamile lomo tinzawini na ti rinzele ke?
- 41 Hi mani a nyikako a zikunguwe a kuga ka zona ke,
Laha a mavinyani ya kona ma keta ka Nungungulu,
Ni kunzula hi ku vumala ka za kuga ke?

XIPIMO 39.

- 1 Wa zi tiba wena loku a timbuti ta lomo maribyeni ti trala ke?
Kutani wa zi tiba wena loku a timbabela ti maha zimbabalana ke?
- 2 Wena wa zi kota a ku hlayela a tsengo wa tihweti leti tona ti tatisileko ke?
Kutani hi wena u zi tibako a xikati lexi tona ti tralako ke?
- 3 Tona to korama a wutsumbu ga tona, tona ti su ku trala a timbabalana ta tona,

- Tona ti hoxa lahandle a kubayisa ka tona.
- 4 A timbalalana ta kona ti su kuma a ntamo, tona ti su kula le handle ;
Tona ti su ku famba, ti nga ha wuyi kambe.
- 5 Hi mani a klaklileko a timbongola ta kwati ti klaklilewe ke?
Kutani hi mani a klaklileko a siboho sa timbongola ta mazambo.
- 6 Leto a kaya mina nzi mahileko le xiwuleni,
Ni le mikobeni ya munyu a tinzawu ta kuaka ka tona ke?
- 7 Yena a tseketselako a vilinganya ga le mutini,
Ge ni kuzwa yena a kukanyuluka ka mucayeli.
- 8 A tsungwa wa sitsunga hi wuriselo ga yena,
Na yena a hlotako sontlelele a zilo so nyuka.
- 9 Kasi a nyari yi wa ta vumela a kukozela wena ke?
Kutani yona yi ta tsama xigowolweni xa wena ke?
- 10 U ta zi kota a ku boha a nyari hi canja ga yona lomo tsatini ke?
Kutani yena i ta hula a minzelelo a nzako ka wena ke?
- 11 Wena u tsumba yena, hakuba a ntamo wa yena ngwahombe ke?
Kutani wena u ta tsika ka yena a tiro wa wena ke?
- 12 Wena u ta tsumba ka yena, kasi a neha a kaya a mbewu ya wena,
Ni hlengeletela a mbewu ya lilonze la nzhimbo wa wena ke?
- 13 A tipapa ta timbuwu ti nguwatana hi kubombisilweko ;
Kanilezi tona tipapa ni tisiba ta liranzo ke?
- 14 Hakuba yona ya bekela a manza ya yona hehla misabeni,
Ni ku kufumeta wona laha tsurini,
- 15 Ni ku ribakelwa lezaku a nkonzo wu trandlesa wona,
Kutani a xibanza xa kwati xi nga buma wona,
- 16 Wona wu koma hi kutsanza a mavinyani ya wona, a ku kwatsi a hi wona :
Hambulezo a tiro wa wona wu ta nga ku mahala, wona a wu cabi ;
- 17 Hakuba a Nungungulu i wa nga nyikango wona a kutibisisa,
Ge hambu ku beka ka wona a kupimisisa.
- 18 Xikati muni wona wu klakusako a wutsumbu ga wona le hehla,
Wona wu tseketsela a haxi ni mukileli wa gona.
- 19 Wena hi wena u nyikeleko a haxi a ntamo wa gona ke?
Wena u bombisile a nhamu ya yena hi tshiba wu tsekatssekako ke?
- 20 Wena u mahile wona a klula kwatsi u humbi ke?
Ni wukosi ga mamvoromvoro gi tsi-sako.
- 21 Wona wu palakaxa lomo mikobeni, ku tsaka ntanzweni wa wona :
Wona wu huma a kuklanganyeta a wa nuna a hlomileko.
- 22 Wona wu tseketselako hi kucaba, a wu na hlanekero ;
Ge ni klela ha xinzakwana le supadweni.
- 23 A kocoelo wu koklongela wu vukela wona,
A klari gi kwezimako ni hubula.
- 24 Wona wu mitako a liranza bya hi kuhi kucabisisisa ni kuvonzomuteka ;
Ge hambu ni kukolwa lezaku gona i revu ga punzu.
- 25 Kwatsi hi xikanzakanya xa lezi a punzu wu bako wona, wuku, Hahla!
Na wona wu femba a impi na ha hi le kule leyo,
A kudzunza ka tinduna, ni ku kanyuluka.
- 26 Kona hi kutiba ka wena lezaku a mangavu wa puruma,
Ni kutsambuluta a tipapa ta yena ngomama ni le dzongeni ke?
- 27 Kona hi ka ku leletela ka wena lezaku a gama ga purumela hehla,
Ni ku mahla a xisaka xa gone leyo hehla ke?
- 28 Le tsurini gona ga tsama, ni ku mahla a kaya ka gona,
Hehla ka klotlolo to wa xitsunga, ni le mikoboklweni.
- 29 Ku sukela hi leyo gona gi klotlako a nyama ya gona ;
Ni mahlo ya gona ma su languta na hi kwaleyo kule.
- 30 A mavinyani ya gona ma su ku anwa hi nkata :
Ni laha ku nga kona xi delweko, lahowo gi konawu.

XIPIMO 40.

- 1 Klatak umbiri Jehova i lo hlamlula Joba, i te ngalo.

- 2 Kasi loyi a kanetako i wa ta kwe-
ngwezetana zinwe ni Nyamintamo
ke?
Yena loyi a tsanzisanako zinwe na
Nungungulu, nga yena a hlamula
kona.
- 3 Zonake Joba i lo hlamula Jehova,
i te ngalo,
- 4 Languta, mina nzi nga xitsotswani
xitsongo; zakuyini lezi mina mi-
nawuwo nzi ta nga hlamula wena
ke?
Mina nza ku beka a canja ga mina
hehla ka nomu wa mina.
- 5 Ku hi kanwe nzi wulawulileko, na
mina nzi nga ta hlamula;
Inaka, kumbiri, kanilezi mina nzi
nga ta hunzelela kuengeta kambe.
- 6 Zonake Jehova i lo hlamula Joba
hi lomo xipupurini, i te ngalo,
- 7 Boha ziwunu za wena makunu ku-
fanna ni wanuna:
Mina nzi ta wutisa wena, wena tsa-
tsambutela ka mina.
- 8 Wena u ta vinyetela a kulamulisisa
ka mina ke?
Wena u ta kona mina, kasi u be u
basileko ke?
- 9 Kasi wenawu u na ni woko go fana
na Nungungulu ke?
Na kuba wena u zi kota a kudzinza
hi gezu go fanana na yena ke?
- 10 Bombisa a wutsumbu ga wena ma-
kunu hi kudzunziwa ni kudumi-
swa;
Ni gobisa a wutsumbu ga wena hi
kudzunzwa ni wukosi.
- 11 Halata ku huma a kupupuma ka za-
nga ya wena;
Ni ku cuwuka ka bonklelele labo ba
ti kukumuxako u ba releta,
- 12 Cuwuka ka bonklelele labo ba ti ku-
kumukisako, ni ku ba releta la-
hasi;
Ni ku kanziyelela lahasi a bakubiha
laho ba yimileko kona.
- 13 Fihla bona lomo tsurini katiginwe;
Boha a tingohe tabye lomo wutsa-
nweni gi fihleleko.
- 14 Zonake mina nzi ta wulela wena
Lezaku a canja ga wena nwinyi ga
xinene ga zi kota ku hanyisa wena.
- 15 Languta makunu, a vuwu, leyi nzi
yi mahileko kwatsi hi wena;
Yona yiga byanyi kwatsi i kabi.
- 16 Mangabye makunu, a ntamo wa yo-
na wu lomo ziwunwini za yona,
Ni kungura ka yona ku lomo tsa-
mbukolweni ga yona.
- 17 Yona yi xamula a kila wa yona
kwatsi i sedare :
A misiha ya mahangaswa ya yona yi
la su kwada katiginwe.
- 18 A marambu ya yona kwatsi mipuba
ya suku ;
A magalo ya kona kwatsi zikwinya-
ro za ziketse.
- 19 Yena hi hosi ya tindlela ta ka Nu-
ngungulu :
Yena yece loye a mahileko yona a
nyikako yona a supado ya yona.
- 20 Hizinene a zitsunga zi nehela yona a
kuga,
Laho zonkle a zibanza za kwati zi
hlakanako.
- 21 Yona yi eklelako lahasi ka sinya ya
lotusi,
Lomo nzeni ka livutini la hlanga, ni
majeka.
- 22 A tisinya ta lotusi ti kubunyeta yo-
na hi nzuti wa tona ;
A mbunga wa congo wu su ku ku-
bunyeta yona.
- 23 Languta, loku a nambu wu pupu-
ma, yona a yi rurumeli ;
Yona yi na kutiya, hambu Jordani
a kukumuka a kuklikwi hi nomu
wa yona.
- 24 Kasi i kona a wa kuba a nga ta yi
teka laha yona yi rinzileko,
Kutani a kuklaba a nhovu ya yona
hi ziyo ke?

XIPIMO 41.

- 1 Wena wa zi kota a ku klukula a le-
viatani hi ximemba ke?
Kutani a kutsembeketa lahasi a liri-
mi la kona hi ngoti ke?
- 2 Wena wa zi kota a ku engenisa a
goronyi lomo nhovini ya kona ke?
Kutani a kuporoketa a hlava wa ko-
na hi ximemba ke?
- 3 Yena i ta maha a mikongelisiso yo
tala ka wena ke?
Kutani yena i ta wulawula a timha-
ka to oloba ka wena ke?
- 4 Yena i ta maha a xivumelwano zi-
nwe na wena,
Lezaku wena u wa ta teka a nanza
kala kupinzuka ke?
- 5 Wena u ta hlakana zinwe kwatsi hi
xinyanyani ke?
Kutani wena u ta boha yena a mala-
nza ya wena ga xisati ke?
- 6 Kasi a klawa baringeli wu ta xabisa
ha yena ke?
Bona ba ta patisa yena le ka bama-
hungani ke?

- 7 Wena wa zi kota aku tatisa a hlange
ya yena hi ziketse za mbanya,
Kutani a hloko ya yena hi maklari
ya zindluwani ke?
- 8 Klateka a mandla ya wena hehla ka
yena ;
Alakanya a impi, u nga ha engeti u
maha lezo.
- 9 Languta, a kutsumba ka yena ku le
ku nga nyawiliini :
- Kasi a muzwe a nga ta hoxwa laba-
si kona kuwonehi ka yena ke?
- 10 A nga kona a tsisako loye a nga ti-
yako a kuya kucetela yena ;
Hi mani loye a nga tiyako a ku yi-
ma mahlweni ka mina ke?
- 11 Hi mani loye kuranga a nyikeleko
ka mina, lezaku mina nzi wa ta nga
nzi hlamlula yena ke?
- Kani za kuyini lezi zi nga lahasi ka
tilo za mina.
- 12 Mina nzi wa nga ta miyela xunge-
tano ni ziro za yena,
Hambu ni wunhenha ga ntamo wa
yena, ge hambu kufraleka ka wu-
mbhuri.
- 13 Himani a nga ta nga a runzuwula a
tinguwo ta lahandle ta yena ke?
Himani a nga ta nga a engena nzeni
ka mihlaya ya yena ke?
- 14 Himani a ta vulula a libati la ngohe
ya yena ke?
Le maklelweni ya meno ya yena ku
hi kutsisa.
- 15 A magwaru ya yena ya ntamo hi
manyanga ya yena,
Ma valilwe katiginwe kwatsi hi ku-
uma ku nameketilweko.
- 16 A ginwe gi le ku suhi ni ginwani,
Lezaku a ku kona a mheho yi enge-
nako xikari ka wona.
- 17 Wona ma namaretene a ginwe ni
ginwani ;
Wona ma su patsana katiginwe, zi-
ngaho lezo wona a ma na ku ha-
mbana.
- 18 A kuwetsemula ka yena ku lo hati-
ma a kuwonekela,
Ni mahlo ya yena ma kwatsi lisiyi
la laba mixweni.
- 19 Hi le nonwini wa yena ku huma a
lingehla livurako,
Ni tihlahle ti baleka ti klula.
- 20 Ku huma hi le mamvoromvorweni
ya yena a musu wa tubika,
Kwatsi hi mbita yi bilako ni nhoba
yi swako.
- 21 A xikuhe xa yena xi dzibelako a
makala,

[Shootswa]

- Ni pingo gi humako gi famba hi le
nonwini wa yena.
- 22 A kolweni wa yena ku tsama a nta-
mo,
Ni kutsisa kukina a mahlweni ka
yena.
- 23 A tingumo ta nyama ya yena ti kla-
ngene katiginwe ;
Tona ti patsene ka yena a ti na tse-
katsekiwa.
- 24 A mbilu ya yena yi tiyile kwatsi i
ribye ;
Ina, ku tiyile kwatsi i ribye ga xiga-
yo ga leno.
- 25 Laha yena a sukako a wutsumbu ga
yena, a tinhenha ta dzudzumela :
Hi xigelo xa cabysisilelo bona ba le
klelweni ga wutsumbu gabye.
- 26 Loku a hi kona a klatekako ka yena
hi supado ya yena, yona yi nga ta
mu lamata ;
Ge hambu ni klari, ge ni xijulu, ge
ni sebe wu yimisilweko.
- 27 Yena a hlalalako a ziketse kwatsi i
byanyi,
Ni suku kwatsi i puwo.
- 28 A ligalala a li na ku maha yena a
tsutsuma ;
A ribye ga kunziwitela gu hunzaka
ka yena kwatsi i fenze:
- 29 A zigomba zi hlalalwa kwatsi i fe-
nze :
Yena wu hleka kuxiriritweni ga hu-
bula.
- 30 A klelo ga yena ga lahasi kwatsi xi-
rengele xo karila xa timbita :
Yena a anlalatako kwatsi hi le wu-
kamelweni ga waini hehla ka ku-
tsakama.
- 31 Yena a mahako a kueta kubila kwa-
tsi i mbita :
Yena a mahako a bimbi kwatsi i
mbita ya mafura.
- 32 Yena a mahako a ntlela a ku nga-
ngamela a nzako ka yena ;
Muzwani i nga ta alakanya a kueta
kubasile.
- 33 Hehla ka misaba a ku kona wo fa-
nana zinwe na yena,
Lexo xi mahilweko hi lahandle ka
kucaba.
- 34 Yena a langutako a zilo zonklelele
lezo zi klakukileko :
Yena i hosi hehla ka barisanyana
bonkle ba matsanza.

XIPIMO 42.

- 1 Zonake Joba i lo hlamlula Jehova,
i te ngalo,

- 2 Mina nza zi tiba lezaku wena wa zi kota ku maha zilo zonkle, Ni lezaku a ku kona a kuxuba ka wena ku ta nga tsimbeteliwa.
- 3 Hi mani loye a fihlako a kungo gi nga hi na kutibyiwa ke? Hikwalaho mina nzi wulawulile lezo mina nzi nga zi tibiko, Zilo za hlmalisisa ka mina, lezi mina nzi nga zi tibiko.
- 4 Ingisa, mina nza kongotela wena, na mina nzi ta wulawula; Mina nzi ta wutisa ka wena, tsa-wutela wena ka mina.
- 5 Mina nzi zwile ha wena hi kuzwa ka ntlebe; Kanilezi a mahlo ya mina ma wona wena:
- 6 Ngahilezo mina nza swirwa hi wutsumbu ga mina, Ni ku hunzuka a tsuri ni kuma.
- 7 Na ku wa ngaho, lezaku, a nzako ka kuba Jehova a wulawulile leti a timbaka ka Joba, Jehova i te ngalo ka Elifaze a mu Temane, A zanga ya mina yi vindlukisilwe yi vukela wena, ni ku vukela a bangana ba wena ha bambiri; hakuba nwina a mu wulawulangi ha mina zilo lezo zi longamileko, kwatsi hi nanza ga mina Joba.
- 8 Makunu hikwalaho, tekani ka nwina a nklanu ni timbiri a tihonwana ni nklanu ni timbiri a tihamba, ni kuya ka nanza ga mina Joba, ni ku nyike-la a ka wutsumbu ga nwina a mu-nyikelo wa kuhiswa; ni nanza ga mina Joba i ta kombelela nwina; hakuba ha yena mina nzi ta mu amukela, lezaku mina nzi nga mahi ka nwina kota a wupumbu ga nwina; hakuba nwina a mu wulawulangi ha mina a zilo lezi zi longamileko, kwa-tsi hilezi a nanza ga mina Joba gi wulawulileko.
- 9 Zingaho Elifaze a mu Temane na Bildade a mu Xuhi na Zofare a Naa-mate ba loya, ba lo maha kwatsi hi

658

- lezi Jehova a leleteleko bona: na Je-hova i lo vumela Joba.
- 10 Na Jehova i lo hunzulusa a wuku-mbi ga Joba, laha yena a nga wa kombelele a bangana ba yena: na Jehova i lo nyika Joba hi kuengeti-lweko kuhunza lezo a nga wa hi nazo hi mahlweni.
- 11 Zonake ku lota laho a ka yena bonkle, a bamakabye ba yena, ni bamakweru ba yena bonkle, na bona labo bonkle ba nga wa tolobelene naye a kuranga, ba lo taga zibaba zinwe lomu ndlwini: na bona ba lo rilela yena, ni cabelela yena hi xungetano kubuha loko Jehova a nga wa ku nehile a xungetano zinwe na yena: bonklelele banhu ba lo nyika yena a xipanze xa mali, bonklelele a pera ya nzalama.
- 12 Zingaho Jehova i lo katekisa a kugu-melwa ka Joba ku hunza kurangula ka yena: yena i wa hi ni kume ni mune a kume ga mazana a tiyivu, ni nklanu ni giawe a kume ga mazana a makameli, ni kume ga mazana a majoka ya tikabi, ni kume ga maza-na a trele ya tombongola.
- 13 Yena i wa hi nabo kambe nklanu ni bambiri a barisanyana ni banhanya-na banharu.
- 14 Na yena i lo cula a bito ga mate-wula, Jemima, a bito ga wo gamela, Kezia, ni bito ga wa wunharu, Ke-ren-happuca.
- 15 Ni ka wonkle a matiko ku wa nga hi kona a ba basati ba titrikla kwa-tsi hi banhanyana ba ka Joba: ni dadani wabye i lo nyika bona a tsomba xikari ka bamakabye ba-bye.
- 16 Ni nzako ka lezi Joba i lo banya a zana ga malembe ni mune wa ma-kume, i lo wona a barisanyana ba yena, ni bazukulu ba yena, zana a zizukulwana za wumune.
- 17 Zingaho Joba i lofa, na a kosabele na a hi ni masiku ma teleko.

A TISIMU.

BUKU I.

LISIMU 1.

- 1 I katekisirwe a munhu loye a nga fambiko lomo xikungweni xa ba kubiha,
Ge a nga yimako lomo ndleleni ya baonhi,
Ge a nga tsamiko lomo xitsanweni xa batseketseli :
- 2 Kanilezi a kuxalala ka yena ku le naweni wa Jehova ;
Ni le naweni wa yena yena wa gugutsela a siku ni wusiku.
- 3 Na yena i ta fanana ni sinya yi byelweko le micongweni ya mati,
Leyo yi tralako a mbanzo wa yona hi nguba ya yona,
Leyo a kluka ga yona gi nga wuniko ;
Na kani zakuyini lezo a zi mahako zi ta vuvuma.
- 4 A wa kubiha a ngengaho,
Kanilezi i fanana ni mungu lowo a mheho yi wu kukuletako.
- 5 Hikwalaho a wa kubiha a nga ta yima le kulamuleni,
Ge ni baonhi le klanganweni wa balulamileko.
- 6 Hakuba Jehova a tibako a ndlela ya balulamileko ;
Kanilezi a ndlela ya wa kubiha yi ta mbemba.

LISIMU 2.

- 1 Hi yini a mifumo yi vunjuke-lako,
Ni banhu ba mbilukela a zilo zi nga nyawuliko ke?
- 2 A tihosi ta misaba ti longisile a wutsumbu ga tona,
Ni bafumeli ba tekile a xikungo katigirwe,
A ku vukela Jehova, ni ku vukela a totilweko wa yena, tiku,
- 3 Nga hina hi bewula a kubohwa ka-bye ku tsemeka,
Ni ku hoxa kule a tingoti tabye ti suka ka hina.
- 4 Yena loye a tsamileko le matilweni i ta hleka :
A Hosi yi taba na bona hi kukiyalweni.

- 5 Zonake yena i ta wulawula ka bona hi ka zanga ya yena,
Ni ku hlokisa bona le kungaxalali-sweni ka yena ku tsingileko :
- 6 Kasike mina nzi yimisile a hosi ya mina
Hehla ka tsuri wa kubasa wa mina wa le Zioni.
- 7 Mina nzi ta byela hi kubahungu :
Jehova i te ngalo ka mina, Wena u nisanyana wa mina ;
Legi siku mina nzi tralileko wena.
- 8 Wutisa ka mina, na mina nzi ta nyika wena a matiko ya tsomba ya wena,
Ni kwaleyo magemetamusi ya misaba a kuba tsomba ya wena.
- 9 Wena u ta tsoba bona hi nhonga ya xiketse ;
Wena u ta trandlela bona zikenwana kwatsi xibya xa mbita.
- 10 Makunu hikwalaho celani kota, O nwina tihosi :
Nga mu hi ba gonzisilweko, nwina balamuli ba misaba.
- 11 Kozelani Jehova hi kudzudzumela,
Ni mubuma hi kururumela.
- 12 Trotrani a nisanyana, a nga taku a zangara, na nwina mu mbemba lomo ndleleni,
Hakuba a zanga ya yena yi ta vindlukiswa lokuloku.
Bakatekisirwe bonkle labo ba tekako a wuponelo ka yena.

LISIMU 3.

- 1 Jehova, ba enzelekisile ku yini a balala ba mina!
Mbanyingi bona labo ba sukileko ba vukela mina.
- 2 Mbanyingi labo ba wulako hi muhefemulo wa mina,
Laho a ku kona a kuvunwa ka yena ka le ka Nungungulu. [Sela
- 3 Kanilezi wena, O Jehova, wena hi wena a xiklangu xa mina xi ranzeleko mina ;
A wukosi ga mina, ni muklakusa hehla a hloko ya mina.
- 4 Mina nzi bahuwa ka Jehova hi gezu ga mina,

- Yena a hlamula mina hi le xitsunge-
ni xa yena xa kubasa. [Sela
5 Mina nzi lo nawula mina lahasi
nzi lo eklela; mina nzi lo kindli-
muka, hakuba Jehova a wukarele-
ko mina.
6 Mina nzi nga ta caba hi kume ga
kume ga mazana ya banhu
Labo ba yimisileko a wutsumbu ga-
bye a kuvukela mina ba nzi ranze-
la.
7 Vuka, O Jehova; hanyisa mina, O
Nungungulu wa mina:
Hakuba wena u lamatile bonkle a
balala ba hi rambu ga hlanya;
Wena u tsobileko a meno ya ba ku-
biha.
8 A kuhanyiswa ku hi ka Jehova:
A kukatekiswa ka wena nga ku hi
hehla ka banhu ba wena. [Sela

LISIMU 4.

- 1 Hlamula mina laha nzi bitanako,
O Nungungulu wa kululamisisa ka
mina;
Wena u nehile mina wukulwini la-
ha mina nzi nga wa hi kuhloki-
sweni:
Nga u hi ni titalo hehla ka mina, ni
kuzwa a ku kombela ka mina.
2 O nwina barisanyana ba banhu, ku
ta kala kuyini a wukosi ga mi-
na gi hunzulwa a ku nga dzunzi-
wi ke?
Ku ta kala kuyini nwina mu ranza
a ku nga nyawuli, ni ku hlota a
nzako ka mawunwa ke? [Sela
3 Kanilezi tibani lezaku Jehova i be-
kile kelelo a wutsumbu ga yena
loye a nga wa wunungungulu:
Jehova i tazwa laha mina laha na
nzi bahuwa ka yena.
4 Yimani xicabyeni, mu nga onhi:
Xuxani ni mbilu ta nwina benyi he-
hla ka mibedi ya nwina, ni ku ru-
tisa, [Sela
5 Nyikelani a mipahlelo ya kulula-
misisa,
Ni ku beka a kutsumba ka nwina
ka Jehova.
6 Mbanyingi labo ba wulako, Hi ma-
ni a nga ta kombiso hina a kusasa
ke?
Jehova, klakusa a kuwoninga ka
ngohe ya wena hehla ka hina.
7 Wena hi wena u bekileko a litsako
mbilwini ya mina,
A ku hunza loku bona ba hi ni ma-
bele ni walni giswa gi anzisilwe.

- 8 Hi kuruleni mina nzi ta tolola laha-
si ni ku eklela;
Hakuba wena, Jehova, wena wece u
mahile mina nzi tsama kuponeni.

LISIMU 5.

- 1 Nyika a ndlebe ka timbaka ta mi-
na, O Jehova,
Zwana kuxubisisa ka mina.
2 Ingisa a ka gezu ga ku rila ka mina,
Hosi ya mina, ni Nungungulu wa
mina;
Hakuba a ka wena mina nza maha
a kukombela.
3 O Jehova, laha mixweni wena u ta-
zwa a gezu ga mina;
Laha mina nzi ta yimisa a kukombe-
la ka mina ka wena, a mixweni na
nzi ta hlaysia a xirinzio.
4 Hakuba wena a hi wena a Nungu-
ngulu loye u tekako a kuxalala hi
kubiha:
A kubiha ku nga ta lubela a ka we-
na.
5 A ba matsanza ba nga ta yima ku-
woneni ka wena:
Wena u bengako yonkle a mitiro ya
kugoha.
6 Wena u ta lobisa bona labo ba wu-
lawulako a mawunwa;
Jehova a swiriwako hi bazwako a to-
ra ga nkata ni munhu a kohlisako.
7 Kanilezi kwatsi ba mina, hi ka tali-
siso wa kuranzakawunene ga we-
na mina nzi tata lomo ndlwini ya
wena:
A ka xicabyo xa wena mina nzi ta
kozela ngomama ni tempele ya
wena ya kubasa.
8 Rangela mina, O Jehova, hi ka ku-
lulamisisa ka wena hakuba hi ba-
lala ba mina;
Maha a tindlela ta wena ti kutsono-
no mahlweni ka ngohe ya mina.
9 Hakuba a ku kona a kukolekisisa
lomo milonwini yabye;
A ngomama ni lomo nzeni kabye ku
hi bihisiso nguvu;
A mikolo yabye yi hi zilahla zi ahla-
mileko;
Bona ba xengetela hi lirimi labye.
10 Koma bona a zigohi, O Nungungulu;
Nga bona bawa hi ma gujegu je ya
bona benyi;
Susumeta bona lahandle hi kota ya
wudlemo ga zihambunyetiso za-
bye;
Hakuba bona ba hambunyetile ba
vukela wena.

TISIMU, 7.

- 11 Kanilesi ngana bonkle labo ba teka-
ko a wuponelo ka wena ba hi ni
litsako,
Nga bona ba buna hi kutsaka, ha-
kuba wena u vikela bona :
Nga bona labo ba ranzako a bito ga
wena ba hi ni kutsaka ka wena.
- 12 Hakuba wena u ta katekisa a ba lu-
lamileko ;
O Jehova, wena u ranzela yena hi
tomo kwatsi hi xiklangu.

LISIMU 6.

- 1 O Jehova, u nga kawuke mina lo-
mo nzeni ka zanga ya wena,
Ge ni kutsayisa mina le kuhiseni ka
ku nga xalaliswi ka wena.
- 2 Maha titralo ka mina, O Jehova ; ha-
kuba mina nzi wunile nzi sokoma :
O Jehova, cuma mina ; hakuba a
marambu ya mina ma karateka.
A muhefemulo wa mina wu tsinge-
lwe hi kukarateka.
- 3 Na wena, O Jehova, ku ta kala ku-
yini ke ?
- 4 Klela, O Jehova, klaklisa a muhefe-
mulo wa mina :
Hanyisa mina hi kota ya kuranzaka-
wunene ga wena.
- 5 Hakuba le kufeni a ku kona a kua-
lakanywa ka wena :
Le Xeole hi mani a ta nga nyika
wena a mibongo ke ?
- 6 Mina nzi karele hi hlomulo wa mina ;
Gonklelele a wusiku nza maha mina
a mubedi wa mina a kudeluka ;
Mina nza tsakamisa a tsatse ga mina
hi mihloti.
- 7 A mahlo ya mina mo hokoloka ha-
kuba hi hlomulo wa mina ;
Wona mahunzelela a wukale haku-
ba hi bonkle a balala ba mina.
- 8 Sukani ka mina, zwina zwenkle ba-
mahli ba kubiha ;
Hakuba Jehova i zwile a gezu ga
kurila ka mina.
- 9 Jehova i zwile a mukongeleliso wa
mina ;
Jehova i ta amukela a mukombelo
wa mina.
- 10 Bonkle a balala ba mina ba ta wiswa
tingana ba ta tsingelwa hi kuka-
rateka :
Bona ba ta klelela nzako, bona ba ta
wiswa a tingana hi xitsuketi.

LISIMU 7.

- 1 O Jehova a Nungungulu wa mina,
a ka wena a kuponela ka mina :

- Hanyisa mina ka bona bonkle labo ba
hlongolisako mina, klaklisa mina,
- 2 Ku nga taku bona ba pfemula a mu-
hefemulo wa mina kwatsi i ngala.
Ba hanzula wona zikenwana, laho
na ku nga hi na wa ku wuklaklisa.
- 3 O Jehova a Nungungulu wa mina,
loku mina nzi mahile loku ;
Loku laho ku nga ku hi kona a ku-
biha lomo canjeni ga mina ;
- 4 Loku nzi nga mina nzi klelisela a
kubiha a ka yena loye a nga ni
kurula zinwe na mina
(Ina, mina nzi nyikele yena loye a
nga hiko na nanzu ba tile a balala
ba mina) ;
- 5 Nga a kubiha kuhlongolisa a muhe-
femulo wa mina, ni ku kamanye-
ta wona ;
Inaka, nga yena a kanziyela a wu-
tomi ga mina lahasi misabeni,
Ni wukosi ga mina lomo tsutsu-
ngwanini. [Sela
- 6 Suka, O Jehova, le zangeni ya wena ;
Klakusa a wutumbu ga wena u vu-
kela a kuzangara ka balala ba mi-
na,
Vumbuluka ha mina ; wena u lele-
teleko a kulamula.
- 7 Na nga muklangano wa banhu wu
ranzela wena ;
Ni hehla ka bona klelela wena hi le
hehla.
- 8 Jehova a tirako a kulamula a ka ba-
nhu :
Lamula mina, O Jehova, kukotisa
hi kululamisisa ka mina, ni ka no-
ngameto wa mina lowo wu nga
lomo nzeni ka mina.
- 9 O nga a kubihisisa ka wa kubiha ku
ta kugumelweni, kanilezi yimisa
loye a lulamileko :
Hakuba a lulamileko Nungungulu
wa ringa a malanga ya timbilu.
- 10 A xiklangu xa mina xi zinwe na
Nungungulu,
Loye a hanyisako a longamileko
mbilwini.
- 11 Nungungulu hi mulamuli a lulami-
leko,
Ina, a Nungungulu loye a nga ni
kufexukelana wonklelele masiku.
- 12 Loku a munhu a nga hunzuluki, i
ta lota a supado ya yena ;
Yena loye a kondlakile a wura ga
yena, ni ku mahile gona a ku lo-
ngela ;
- 13 Yena i longiselele yena a maklari ya
kufa ;

Yena a mahako a tugalala ti fula hi cabisekako.

- 14 Languta, yena a karatekako hi kugoha;
Ina, yena i xure hi kukohlakala, yena wa pandluka a mawunwa.
- 15 Yena i mahile a rinzi, i nkelile gona,
Na yena i wele nkeleni lowu a wu mahileko.
- 16 A kukohlakala ka yena ku ta klelela hlokweni ya yena nwinyi,
Ni kupanga ka yena ku tata lahasi hehla ka hloko ya yena.
- 17 Mina nzi ta nyika a kubonga ka Jehova kukotisa hi kululamisisa ka yena,
Na mina nzi ta yimbelela a kudumisa a ka bito ga Jehova a Hunzeleleko Kuclakuka.

LISIMU 8.

- 1 O Jehova, a Hosi ya hina,
Gi sasekisile ku yini a bito ga wena ka yonkle a misaba,
- 2 Hi le milowini ya zibanana ni zianwako wena u yimisileko antamo,
Hakuba hi balala ba wena,
Kasi wena wa fela a ku miyeta a nala ni mupoti.
- 3 Laha na nzi pima hi matilo ya wena,
a tiro wa titiho ta wena,
A hweti ni tinceleti, leto wena u ti mahileko;
- 4 Xini a munhu, loye wena u katalako ha yena ke?
Ni nisanyana wa munhu, loye wena u enzeleko yena ke?
- 5 Hakuba wena u mahile yena ka lahasi kutsongo ku hunza Nungungulu,
U bombisako yena hi wukosi ni kudzunziwa.
- 6 Wena u mahako yena a kuwumbelwa hehla ka mitiro ya mandla ya wena;
Wena hi wena u bekileko a zilo zonkle lahasi ka mikonzo ya yena:
- 7 Tonkle tiyivu ni tikabi,
Inaka, ni zibanza za kwati,
- 8 A tinyanyani ta matilo, ni zindluwani za bimbi,
Ni zonkle lezo zi hunzako zi tsemakanya a misoko ya bimbi,
- 9 O Jehova, a Hosi ya hina,
Gi longamisile ku yini a bito ga wena misabeni yonkle!

LISIMU 9.

- 1 Mina nzi ta nyika a kubonga ka Jehova hi mbilu ya mina yonkle;

Mina nzi ta kombisa yi woneka yonkle a mitiro ya wena ya mahanjalati.

- 2 Mina nzi ta tsaka ni ku kulisa ka wena;
Nzi ta yimbelela a kudumisa ka bito ga wena,
O wena u Hunzeleleko Kuclakuka.
- 3 Laha a balala ba mina ba kleleleko le nzako,
Ba klelele le nzako ni kumbemba le kubakoneni ka wena.
- 4 Hakuba wena u ekilele a kulongama ka mina ni nanzu wa mina;
Wena u tsamako xitsanweni u lamula hi kululamisiweko.
- 5 Wena u kawukileko a mifumo, wena u lobisileko a ba kubiha;
Wena hi wena u fubisile a mabito yabye kala kupinzuka ni kupinzuka.
- 6 A balala ba ta kugumelwa,
Bona ba hangalakile kala kupinzuka;
Ni muti lowo wena u wu hoxileko,
Konklelele a kualakanywa ka bona ku mbembisilwe.
- 7 Kanilezi Jehova i tsamile kwatsi i hosi kala kupinzuka:
Yena a longisileko a xitsamo xa wukosi xa yena a kulamula;
- 8 Na yena i ta lamula a tiko hi kululamisisa,
Yena i tsanza a lamulisiso ka banhu hi nongametiso,
- 9 Jehova i taba tawa yi klakukileko ka ba tsimbeketilweko,
A tawa yi klakukisileko a xikatini xa zikarato;
- 10 Na bona bonkle labo ba tibako a bito ga wena ba ta beka a kutsumba kabye ka wena;
Hakuba wena, Jehova, a ku tsikangi bona labo ba hlotako wena.
- 11 Yimbelela a kudumisa ka Jehova, loye a kileko leyo Zioni:
Tsawutela xikari ka banhu a zimaho sa yena.
- 12 Hakuba yena loye a hlohlosako hi nkata a alakanyako bona;
Yena a nga kohlekelwi hi huwa ya zisiwana.
- 13 Nga u hi ni titralo ka mina, O Jehova;
Languta a kuhlokiswa ka mina loko mina ku nzi hlomulako ka labo ba bengako mina,
Wena u klakusako mina hi le tinyangweni ta kufa;

- 14 Kasi mina nza fela ku kombisa ku woneka konkle a kudumiswa ka wena,
Le tinyangweni ta nhanyana wa le Zioni,
Mina nzi ta hlakona kana hi kuhan-
nyisa ka wena.
- 15 A mifumo ya rikiswa lahasi marinzi-
ni laya yi nkelileko :
A likokeni lolo bona ba fihlileko a
nkonzo wa bona benyi wu kwe-
kele.
- 16 Jehova i mahile a wutsumbu ga
yena ku tibiya, yena a tsanzileko
a lamulisiso :
A wa kubiha i pasiwa hi mitiro ya
mandla ya yena winyi. [Sela
- 17 A wa kubiha i ta su gangatsala le
Xeole,
Yona yonkle a mifumo yi ta kohlwa
a Nungungulu.
- 18 Hakuba a bavumali ba nga ta kohle-
kelwa a xikati xonkle,
Ge ni xubisiso wa zisiwana wu nga
ta mbembiswa kala kupinzuka.
- 19 Vuka, O Jehova ; nga a munhu a
giyi :
Nga a mifumo yi lamulwa a kuwo-
neni ka wena.
- 20 Bekela bona kudzebetaneni, O Jeho-
va :
Nga mifumo yi tiba a wutsumbu ga
yona a kuba mbanhu ntsena.

[Sela

LISIMU 10.

- 1 Hi yini u yimako wena le kule le-
yo, O Jehova ke?
Hi yini u fihlako a ngohe ya wena a
zikatini za zikarato ke?
- 2 A matsanzeni ya ba kubiha a xisi-
wana xa su hlolongiswa hi hakli-
silweko ;
Nga bona ba tekiwa lomo maguje-
gujeni lawo bona ba hlebileko.
- 3 Hakuba a wa kubiha i kukumuxa a
kuxuba ka mbilu ya yena,
Ni wa kumbilukelisisa wa ola, ina, a
klangamela Jehova.
- 4 A wa kubiha, a ka matsanza ya
ngohe ya yena, aku, Yena a nga
ta wutisa ha kona.
Wonkle maalakanya ya yena hi la-
ya, Laho a ku kona a Nungungu-
lu.
- 5 A tindlela ta yena ti tiyile xonkle a
xikati ;
A kulamula ka wena ku le hehla
nguvu kuwoneni ka yena :

- Akuba hi balala ba yena bonkle, ye-
na a buvetako ka bona.
- 6 Yena i te ngalo lomo mbilwini ya
yena, Mina nzi nga ta tsekatseki-
swa ;
A ka zonkle a zizukulwana mina nzi
nga ta kuba a kombyeni.
- 7 A nomu wa yena wu tele hi ku kuru-
katela ni kukohlisa ni kutsiketa :
Lahasi ka lirimi la yena i kohlakalo
ni kugoha.
- 8 Yena a tsama wutsanweni gi tumble-
leko ga zimitana ;
A wutsanweni gi fihleleko yena wa
daya a ba nga hiko na nanzu ;
A mahlo ya yena hi kufihleleko ma
bonzolota a ba nga hiko na ntamo.
- 9 Yena a xiya kufihlalani kwatsi i
ngala lomo nzaweni ya yona :
Yena a xiya a ku koma a zisiwana :
Yena a koma a xisiwana, na xikwe-
ketile lomo likokeni la yena.
- 10 Yena a nyanimako, yena a korama
lahasi,
A ba nga hiko na ntamo bawa hi ti-
nhenha ta yena.
- 11 Yena wa wula lomo mbilwini ya ye-
na : Nungungulu i ribakelwe,
Yena a fihlako a ngohe ya yena, ye-
na cima a nga ta ha yi wona ka-
mbe.
- 12 Vuka, O Jehova, O Nungungulu,
klakusa a canja ga wena :
U nga kohlekelwi hi zisiwana.
- 13 Hikuyini a kubiha a klangamela a
Nungungulu,
Na a wula mbilwini ya yena, Wena
u nga ta wutisa ha kona ke?
- 14 Wena u wonileko kona ; hakuba
wena u wonile a kohlakalo ni tse-
ku, a ku yi labyiwa lomo hi canja
ga wena :
A ba nga hiko na ntamo ba nyika
wutsumbu gabye ka wena ;
Wena u wa kari u hi muvuni wa ba
nga hiko na badadani.
- 15 Tsoba wena a woko ga wa kubiha ;
Kwatsi hi munhu wa kubiha, wena
hlota a kubihisisa ka yena kala
wena u nga ha kumi.
- 16 Jehova i Hosi kala kupinzuka ni ku-
pinzuka :
A matiko ma mbembiswa lomo ti-
kweni ga wona.
- 17 Jehova, wena u zwile a kuxuba ka
ba koramekileko :
Wena u ta longisela a timbilu tabye,
Wena u ta maha a endlebe ya wena
a kuzwa ;

- 18 A kulamula a ba nga hiko na bada-
dani ni batsimbeketilweko,
Kasi a munhu loye a nga wa mi-
saba a fela ku kala a nga tsisiko
kambe.

LISIMU 11.

- 1 A ka Jehova mina nzi ta maha a
wucabelo :
Mu wulisa ku yini *nwina* a ka mu-
hefemulo wa mina,
Purumani kwatsi nyanyani le xi-
tsungeni xa *nwina* ;
- 2 Hakuba, mangabye, a wa kubiha i
konola a wura,
Bona ba su paka a tugalala tabye la-
ha lisingeni,
Lezaku ba ta fula hi le munyamani
ka a longamileko mbilwini ;
- 3 Loku a ziseketelo zi be zi lobyisilwe-
ko,
A lulamileko i ta kota ku maha yini
ke?
- 4 Jehova hi tempeleni ya yena yo basa;
Jehova, a xitsamo xa wukosi xa
yena xi le tilweni ;
A mahlo ya yena ma wona, ni lisiyi
la tihlo ga yena la ringa, a banana
ba banhu.
- 5 Jehova wa ringa a lulamileko ;
Kanilezi a wa kubiha ni loye a ra-
nzako a kupanga a muhefemulo
wa yena wa benga.
- 6 Hehla ka wa kubiha yena i ta nisa a
maziyo ;
A nzilo ni sulufa ni meho yi hisako
ku taba a xiabelo xa kopo yabye.
- 7 Hakuba Jehova i lulamile, yena wa
ranza a kululamisisa :
A langamileko i ta wona a ngohe ya
yena.

LISIMU 12.

- 1 Vuna, Jehova; hakuba a munhu
wa wunungungulu a kawulako ;
Hakuba a bakolekileko ba wenala
xikari ka banana ba banhu.
- 2 Bona ba wulawula a mawunwa bo-
nklelelele ziawe hi wa akelwane wa
yena :
Hi nomu ga wukuwungelako, na hi
timbilu timbiri, bona maha kuwu-
lawula.
- 3 Jehova i ta tsema yonkle a milomu
yi kuwungelako,
A lirimi lolo li wulawulako a zilo za
hombe ;
- 4 Mba mani ba wulako, Ili lirimi la
hina hi ta kana ;

A milomu ya hina nja hina benyi :
hi mani a nga hosi hehla ka hina
ke?

- 5 Hakuba hi kutsimbeketwa ka bazi-
siwana, hakuba hi tsikwila ka ba-
vumali,
Makunu nzi ta suka, ku wula Je-
hova ;
Mina nzi ta beka yena lomo kupo-
neni loko a ku xubileko.
- 6 A timhaka ta ka Jehova ku hi ti-
mhaka ti basileko ;
Kwatsi hi siliva gi hlutilweko lomo
pingweni ga misaba,
Gi hlutilweko nklanu ni mambiri a
makati.
- 7 Wena u ta hlayisa bona, O Jehova,
Wena u ta lonzowota bona ku suke-
la ka lexi xizukulwana kala kupi-
nzuka.
- 8 A wa kubiha wa famba maklelweni
wonklelele,
Laha a nzukano na yi klakuka xika-
ri ka banana ba banhu.

LISIMU 13.

- 1 Ku ta kala kuyini, O Jehova ke?
wena u ta kohlwa mina kala kupi-
nzika ke?
Ku ta kala kuyini wena u ta fihla a
ngohe ya wena le ka mina ke?
- 2 Ku ta kala kuyini mina nzi teka a
wusungukati nzeni ka muhefemu-
lo wa mina,
Na nzi hi ni kuxaniseka a mbilwini
ya mina gonkle a siku ke?
Ku ta kala ku yini a nala wa mina
i klakuswa hehla ka mina ke?
- 3 Pima ni ku blamula mina, O Jeho-
va a Nungungulu wa mina :
Woningisa a mahlo ya mina, nzi nga
taku mina nzi eklela a wurongo
ga kufa ;
- 4 Ku nga taku a nala aku, Mina nzi
kanile hehla ka yena ;
Ku nga taku a nala wa mina a bu-
ma laha na mina na nzi susilwe.
- 5 Kanilezi mina nzi tsumbile kuranze-
nikawunene ga wena ;
A mbilu ya mina yi ta tsaka a ku-
hanyiseni ka wena.
- 6 Mina nzi ta yimbelela ka Jehova,
Hakuba yena i mahile hi kupfunisi-
lweko ha mina.

LISIMU 14.

- 1 A xipumbu xi wulile le mbilwini
ya xona, Laho a ku kona a Nu-
ngungulu.

TISIMU, 16.

- Bona ba bolile, bona ba mahile a mitiro yi nyalatanako;
Laho a ku kona ni loye a mahileko kusasa.
- 2 Jehova wa cuwuka lahasi hi le tiweni hehla ka banana ba banhu,
A ku wona lezaku laho i kona loye mahako a kupimisisa,
Loye a hlotelako a Nungungulu.
- 3 Bonklelele ba la su hutsetse ba hambuka; bona bonkle katiginwe ba nyenyezisilwe;
A ku kona na munwe loye mahileko a kusasa, ge, hambu ni munwe.
- 4 Bonkle ba ni mitiro ya kubiha a ba na kutiba,
Labo ba gako a banhu ba mina kwatsi hi loku бага a xibaba,
Na ba nga bitani hehla ka Jehova ke?
- 5 Laho bona ba kona kudzebetaneni ka hombe;
Hakuba Nungungulu i le xizukulwaneni xa ba lulamileko.
- 6 Nwina mu wisa tingana a wusungukati ga zisiwana,
Hakuba Jehova hi wucabelo ga yena.
- 7 O lezaku a kuhanyisa ka Israeli ku nga humile hi le Zioni!
Laha Jehova a nehako le nzako a kukonwa ka banhu ba yena,
Zonake Jakobe i ta tsaka, na Israeli i ta buma.

LISIMU 15.

- 1 Jehova, hi mani a ta nga lubela lomo tabernakele ga wena ke?
Hi mani a ta nga aka le tsurini wa kubasa ka wena ke?
- 2 Yena loye a fambako hi kulongamisilweko, ni a tirako a kululamisisa,
Ni kuwulawula zinene ka mbilu ya yena,
- 3 Yena loye a nga wungujiko hi liri mi la yena,
Ge ni ku maha a kubiha ka mungana wa yena,
Ge ni ku teka a nzhukano a vukela a muakelwane wa yena;
- 4 A mahlweni ka wihi a kurukiwa ku tseketselwe,
Kanilezi loye a dzunzako bona labo ba cabako Jehova;
Loye a hlambanyako ku ti tsanza yena, a nga hunzuli;
- 5 Loye a nga bekiko a mali ya yena le kubinzulusweni,

Ge ni ku teka a ncacazelo a nga hiko na nanzu.
Loye a mahako zilo lezi cima a nga ta tsekatsekiswa.

LISIMU 16.

- 1 Lonzowota mina, O Nungungulu: hakuba a ka wena mina nza teka wucabelo.
- 2 O muhefemulo wa mina, wena hi wena u wulileko ka Jehova,
Wena hi wena a hosi ya mina:
Mina a nzi na kusasa hi lahandle ka wena.
- 3 Kwatsi hi ba kubasa labo ba laha misabeni,
Bona mba longamileko a ka yena konkle kuxalala ka ku nga kona.
- 4 A kuxaniseka kabye ku ta enzelekelana bona labo ba nyikako a zinyikiwo ka bazwani banungungulu:
A minyikelo yabye ya nkata ya kunwa mina nzi wa nga ta yi nyikela,
Ge ni ku teka a mabito yabye hehla ka milomu ya mina.
- 5 Jehova hi xiabelo xa tsomba ya mina ni xa kopo ya mina:
Wena hlanguta a xiabelo xa mina.
- 6 A minzati yi wile a ka mina a wutsanweni gi nga nene;
Inaka, mina nzi na ni tsomba yi sasekisilweko.
- 7 Mina nzi ta katekisa Jehova, loye a niyikileko mina wusungukati;
Ina, a mbilu ya mina yi gonzisa mina hi ka tinguba ta wusiku.
- 8 Mina nzi bekile Jehova xonkle xikati mahlweni ka mina:
Hakuba yena i le canjeni ga mina ga xinene, mina nzi nga ta tsekatsekiswa.
- 9 Hikwalaho a mbilu ya mina ya tsakiswa, ni wukosi ga mina ga tangelisa:
A nyama ya mina yi ta tsama lomo kuponeni.
- 10 Hakuba wena u nga ta tsika a muhefemulo wa mina le Xeole;
Ge wena u nga ta vumela a wa kubasa wa wena a ku wona a kubola.
- 11 Wena u ta kangeta mina a ndlela ya wutomi:
A kubakoneni ka wena i kona kutalasiso wa litsako;
A ka canja ga wena ga xinene laho ku kona a mixalalo kala kupinzuka kambe.

LISIMU 17.

- 1 Zwana a nongamo, O Jehova, ingisa ka huwa ya mina;
Nyika a ntlebe ka kombelo wa mina, lowo wu humako hi lomu ka milomu yi nga hiko na ku xenge-tela.
- 2 Nga a kutsanzwa ka mina ku huma hi le kubakoneni ka wena;
Nga a mahlo ya wena ma cuwuka hehla ka nongamo.
- 3 Wena hi wena u hlolileko a mbilu ya mina; wena u enzele mina laha wusikwini;
Wena u hlolile mina, a ku kumangi ncumo;
Mina nzi xubile lezaku a nomu wa mina wu nga ta hambunyeta.
- 4 Kwatsi hi mitiro ya banhu, hi mhaka ya milomu ya wena
Mina nzi hlaysile le tindleleni ta ba pangako.
- 5 A kukanziyela ka mina ku namarele tindleleni ta wena,
A mikonzo ya mina a yi retemuka-ngi.
- 6 Mina nzi bile huwa ka wena, haku-ba wena u ta hlamula mina, O Nungungulu:
Pumunha a ntlebe ya wena ka mina, ni kuzwa a kuwulawula ka mina.
- 7 Kombisa a mahanjalatiso ya kura-nzakawunene ga wena,
O wena loyi u hanyisako hi canja ga wena ga xinene labo ba cabe-lako ka wena
Ba sukako hi ka labo ba sukako ba vukela bona.
- 8 Hlayisa mina kwatsi i mbanzho wa tihlo;
Fihla mina lahasi ka nzuti wa tipapa ta wena.
- 9 A kusuka ka ba kubiha labo ba tsi-mbaketako mina,
A balala ba mina ba kutsisa, labo ba ranzeleko mina.
- 10 Bona ba ti dibeke hi mafura ya bona benyi;
Hi milomu yabye bona ba wulawula hi kukumuxisilweko.
- 11 Bona makunu ba pomele hina kuka-nziyeleni ka hina;
Bona ba swolile a mahlo yabye a ku hoxa hina lahasi misabeni.
- 12 Yena i kota a ngala leyo yi nga ni mahlokoti hi nyama ya yona,
Ni ku kwatsi hi role ga ngala gi xiyelelako lomo wutsanweni gi fihleleko.

- 13 Suka, O Jehova, Xiya yena, hoxa yena lahasi:
Klatlisa a muhefemulo wa mina ba kubiha hi supado ya wena;
- 14 Hi le ka banhu hi canja ga wena, O Jehova,
Hi le ka banhu ba tiko,
Labo a xiabelo xabye xi nga xa legi wutomi,
Labo a xingwengwe xa bona u xi tatisileko hi tsomba ya wena:
Bona ba enelisilwe hi banana.
Ni ku siya a nhunzu yabye yonkle ka tisana.
- 15 Kwatsi ha mina, mina nzi ta languta a ngohe ya wena a nzeni ka kulu-lanisisa;
Mina nzi ta ba nzi enelisilwe, laha na nzi kindlimuka, hi kulanguta ka dzumba ga wena.

LISIMU 18.

- 1 Mina nza ranza wena, O Jehova, ntamo wa mina.
- 2 Jehova hi ribye ga mina, ni nkoko-la ga mina, ni muklatlisi wa mina.
Nungungulu wa mina, a ribye ga mina, a ka wihi mina nzi ta nga teka a wucabelo;
A xiklangu xa mina, ni limhonzo la kuhanyiswa ka mina, a tawa ya mina yi klakukileko.
- 3 Mina nzi bitana a ka Jehova, loye a faneleko a kudumiswa:
Zingaho lezo mina nzi ta hanyiswa le balaleni ba mina.
- 4 A tingoti ta kufa ti pomile mina,
Ni mintalo ya ba nga hiko na wunu-ngungulu yi cabisile mina.
- 5 A tingoti ta Xeole ti reuzelekele mina;
A mapanya ya kufa ma tile hehla ka mina.
- 6 A kuhlokisweni ka mina nzi lo ba-huwa ka Jehova,
Ni kubahuwa ka Nungungulu wa mina:
Yena i zwile a gezu ga mina hi le tempeleni ya yena,
Ni kubahuwa ka mina mahlweni ka yena ku tile tindlebeni ta yena.
- 7 Zonake a misaba yi lo tsekatssekiswa ni kururumela;
Ni ziseketelo kambe za zitsunga zi lo ninginizwa
Na zi wa lo tsekatssekiswa, hakuba yena a nga wa zangarile.
- 8 Laho ku lo tubika a musi wu huma hi lomo tinhuveni ta yena,

- Ni nzilo wu huma hi lomo kanwini
ka yena wu lo kadamula:
Ni makala ma wa la su dzibelwa ha
wona.
- 9 Yena a kungileko a matilo kambe,
a relela lahasi;
Ni munyama wu pumisilweko lahasi
ka mikonzo ya yena.
- 10 Yena a kilelako hehla ka ceruba, i
lo puruma;
Inaka, yena a hahako hehla ka tipa-
pa ta mheho.
- 11 Yena i lo maha a munyama a wutsa-
mo ga kutihlala ka yena, a xaxa
ranzeleko yena,
A munyama wa mamati, a kupuma
ka marefu ya le behla.
- 13 A kungangameliseni mahlweni ka
yena a marefu ya yena ma hunza,
A maribyana ya vula ni makala ya
nzilo.
- 13 Jehova kambe a wa dzinza le mati-
lweni,
Ni loye a Hunzeleko Ku klakuka a su
tsawutela a gezu ga yena;
A maribyana ya vula ni makala ya
nzilo.
- 14 Na yena a rumelako a tugalala ta
yena, i hangalasile bona;
Ina, hi zingwalangwanza zinyingi ga
yena, i tsuwulile bona.
- 15 Zonake a milonga ya mati yi wone-
ka,
Ni ziseketelo za misaba zi wa su glu-
nyaglunga,
A kawukeni ka wena, O Jehova,
A kupupuxeni ka xikuhe xa tinho-
vu ta wena.
- 16 Yena i rumile hi le hehla, yena i lo
teka mina;
Yena i humesile mina mamatini yo
tala.
- 17 Yena i klaklisile mina le nalení wa
mina wa ntamo,
Ni le ka bona labo ba bengako mina;
hakuba bona ba hunzele ntamo ya
mina.
- 18 Bona ba lota hehla ka mina a sikwini
ga hlokielo ya mina;
Kanilezi Jehova i wa hi kutsama ka
mina.
- 19 Yena i lo neha mina kambe le wu-
tsanweni gi anamileko;
Yena i lo klaklisa mina, hakuba yena
a xalaliswako ka mina.
- 20 Jehova i ncacazelile mina kukotisa
hi ka kululamisa ka mina;
Kukotisa hi kuhlazeka ka mandla ya
mina yena i klelisele ka mina.
- 21 Hakuba mina nzi hlayisile a ndlela
ya ka Jehova,
Na hi kubihisilweko a nzi sukangi
le ka Nungungulu wa mina.
- 22 Hakuba zonke ziyimiso za yena zi
wa hi mahlweni ka mina,
Na mina a nzi bekangi kule a zila-
yelo za yena zi suka ka mina.
- 23 Minawu kambe nzi wa mbelele zinwe
na yena,
Ni kuhlayisa a wutsumbu ga mina
le zigohweni.
- 24 Hikwalabo Jehova i klelisele ka mina
kukotisa hi kululamisa ka mina,
Kukotisa hi kuhlazekisa ka mandla
ya mina le kuwoneni ka yena.
- 25 Hi ba titralo wena u ta kombisa a
wutsumbu ga wena na u hi wa
titralo;
Hi ka munhu a mbeleleko wena u
ta kombisa a wutsumbu ga wena
na u mbelele;
- 26 Zinwe ni babasileko wena u ta ko-
mbisa a wutsumbu ga wena na u
basile;
Hi bakohlakeleko wena u ta kombi-
sa a wutsumbu hi ngomama.
- 27 Hakuba wena u ta hanyisa a banhu
ba hlokielweko;
Kanilezi labo ba mahlo ya manyanga
wena u ta ba releta lahasi.
- 28 Hakuba wena u ta lumeka a kandiya
ya mina:
Jehova a Nungungulu wa mina i ta
woninga a munyama wa mina.
- 29 Hakuba ha wena mina nza tsutsuma
hehla ka mabutu;
Ha Nungungulu wa mina mina nza
klula hehla ka ligingisi.
- 30 Kwatsi hi Nungungulu, a tindlela ta
yena timbelele:
A mhaka ya yena yi longamile;
A xiklangu xa yena xi ka bona bo-
nkle labo ba tekako a wuponelo ka
yena.
- 31 Habuka hi mani a Nungungulu, sa-
seka Jehova ke?
Na ku hi mani a ribye, lahandle ka
Nungungulu wa hina,
- 32 A Nungungulu loye a kungileko
mina hi ntamo,
Ni ku maha a tindlela ta mina ti-
mbelele ke?
- 33 Yena a mahileko a mikonzo ya mina
kwatsi matrele ya timhuti:
Yena a bekelako mina hehla ka wu-
tsamo gi klakukileko.
- 34 Yena a gonzisako a mandla ya mina
a kulwa;

- Zingaho lezo a mawoko ya mina ma petsa a wura ga suku.
- 35 Wenawu kambe u nyikile mina a xiklangu xa kuhanyiswa;
Ni canja ga wena ga xinene gi komile mina,
Ni ku sasenyetela ka wena ku mahile mina nzi wa hombe.
- 36 Wena u kulisile a zikanziyelo za mina lahasi ka mina,
Ni mikonzo ya mina a yi retemukangi.
- 37 Mina nzi ta hlongolisa a balala ba mina, ni kuhlula bona;
Ge cima nzi nga ta kela kambe kala bona ba mbetekiswa.
- 38 Mina nzi ta hlasela bona nzi pondlisa, zingaho lezo ba nga ha zi koti a kuvuka;
Bona ba tawa lahasi ka mikonzo ya mina.
- 39 Hakuba wena u angile mina hi ntamo le impini;
Hakuba wena u hlulile lahasi ka mina labo ba sukileko ba vukela mina.
- 40 Wenawu kambe u mahile a balala ba mina ba fulara mihlana yabye a ka mina.
Kasi mina nza fela a ku tsema bona labo ba bengako mina.
- 41 Bona ba rilile, kanilezi laho ku wa nga hi kona wa kuponisa;
Kona a ka Jehova, kanilezi yena i wa nga hlambulangi bona.
- 42 Zonake mina nzi lo klomba bona wutsongwani kwatsi i tsutsungwani mahlweni ka mheho;
Mina nzi lo ba hoxa lahandle kwatsi litretereka la tsutsungwani wa le mapangweni.
- 43 Wena u klaklile mina le magujegujeni ya banhu;
Wena u mahile mina a hloko ya mifumo;
- 44 Kwatsi hi xilokuloku xa lezi bona ba zwako ba mina bona ba ta ingisa mina;
Ni bamatiko ba ta koza a wutsumbu gabye ka mina.
- 45 Ni bamatiko ba ta wuna ba zwalala, Ba tata na barurumela hi wutsanzweni gabye ba tumbekelo.
- 46 Jehova a hanyako; a gi katekiswe a riye ga mina;
A ku klakuswa a kube ka Nungungulu wa kuhanyiswa ka mina,
- 47 Yena a Nungungulu loye a tsanzako a potelelo ha mina,
Ni kukozisa a banhu lahasi ka mina.
- 48 Yena a hlangutako mina le ka balala ba mina;
Ina, wena u klakusleko mina hehla ka bona labo ba sukileko ba vukela mina;
Wena u klaklisako mina a ka ba banuna ba titseku.
- 49 Hikwalaho mina nzi ta nyika a kubonga wena, O Jehova, xikari ka mifumo,
Ni ku yimbelela a kudumisa a ka bito ga wena.
- 50 A klaklilelelo wa hombe i nyikile yena a ka hosi ya yena,
Ni ku kombisa a kuranzakawunene a ka a totilweko wa yena,
A ka Davida ni ka mbewu ya yena, kala kupinzuka kambe.

LISIMU 19.

- 1 A matilo ma klaklambuta a wukosi ga Nungungulu;
Ni mbingano wu kombako a tiro wa canja ga yena.
- 2 A siku hi siku gi tsawutelako a kwulawula,
Ni ka wusiku hi wusiku gi kombako a kutibisisa.
- 3 Laho a ku kona ni mawulawulela ge ni lirimi,
Ni gezu gabye a gi zwiwangi.
- 4 A nzati wabye wu humile wu tsemakanya gonkle a saba,
Ni timhaka tabye le kugumelweni ka tiko.
A ka tona yena i yimisile a taberna-kele ga gambo,
- 5 Lego a nga kota na muyeneni a tako hi le nhangeni ya yena,
Gi tsakako kwatsi hi nhenha ya wanuna yi tsutsumelako ndlela ya yona.
- 6 A kufamba ka gona kusukela le kugumelweni ka matilo,
A kurenzelekela ka gona kugumelweni ka gona;
A ku kona a xi fihleleko kuhiseni ka gona.
- 7 A nawo wa Jehova wumbelele, wu wuyisela a muhefemulo;
A wukustumunyelo ga Jehova gi hi gi nene, gi mahako a wa kutiba a nga tibi.
- 8 A milayelo ya Jehova yi longamile, yi tsakisako a mbilu;
A kuleletela ka Jehova ku basile, kuwoningisako a mahlo.

- 9 A xicawo xa Jehova xi hlazekile, xi simamako kala kupinzuka :
A ziyimiso xa Jehova hizinene, xi lulamile katiginwe.
- 10 Zona xa nabelekeka kambe ku hunza nzalama, ina, a ku hunza nzalama yo tala yi hlutekileko ;
Zi tsombelako ku hunza wulombe ni madona ya zihahla xa wulombe.
- 11 Klatakumbiri ha zona a nanza ga wena gi layilwe :
Hi ku hlaysela zona ku kona a ncazelo wa hombe.
- 12 Hi mani a tibako a zigoho xa yena ke?
Basisa wena mina zigohweni zi fihleleko.
- 13 Himbeta a nanza ga wena le zionhweni xa makloti ;
Nga zona zi nga hi na ku fumela hehla ka mina :
Zonake mina nzi taba nzi longamile,
Zonake mina nzi taba nzi basile le zihambunyetisweni xa hombe.
- 14 Nga a timhaka ta lomo nonwini wa mina ni wualakanya ga mbilu ya mina
Gi be gi amukelekako a kuwoneni ka wena,
O Jehova, a ribye ga mina, ni muklaklisi wa mina.

LISIMU 20.

- 1 Jehova wa hlamula wena hi siku ga kukarateka ;
A bito ga Nungungulu wa Jakobe gi klakusile wena hehla ;
- 2 I rumele wena a kuvunwa hi le ndlwini ya kubasa,
Ni ku tiyiseta wena hi le Zioni ;
- 3 Alakanya yonkle a minyikelo ya wena,
Ni ku amukela a mupahlelo wa wena wa kubiswa ; [Sela
- 4 I vumela wena a kuxuba ka mbilu ya wena,
Ni kutatisa gonkle a wusungukati ga wena.
- 5 Hina hi ta kana a hanyiselelweni wa wena,
A ka bito ga Nungungulu wa hina hi ta vumelela a migiyo ya hina :
Jehova i ta tatisa konkle a kukombela ka wena.
- 6 Makunu mina nza zi tiba lezaku Jehova i hanyisa a totilweko wa yena ;
Yena i ta hlamula yena hi le tilweni ga yena ga kubasa

- Zinwe hi ntamo wa kuhanyisa wa canga ga xinene ga yena.
- 7 Banwani ba tsumba tikareteni, banwani lomo mahaxini ;
Kanilezi hina hi ta maha a kumbuketa a bito ga Jehova a Nungungulu wa hina.
- 8 Bona ba koramile lahasi ba wile ;
Kanilezi hina hi yimile, na hi kutseka na hi longamile.
- 9 Ponisa, Jehova :
Nga a Hosi yi hlamula hina laha na hina na hi bitana.

LISIMU 21.

- 1 A hosi yi ta tsaka a ntanweni wa wena, O Jehova ;
Ni le kuhanyiseni ka wena i ta tsakisa kuyini hi kukulisilweko!
- 2 Wena hi wena u nyikileko yena a kuxuba ka mbilu ya yena,
Na u nga kobetangi a kuwutisa ka milomu ya yena. [Sela
- 3 Hakuba wena u klanganyetako yena hi zikatekiso xa sasisiso :
Wena u klatekako a xilodlo xa wukosi xa nzalama yi hlutekileko hehla ka hloko ya yena.
- 4 Yena a wutisako a wutomi ga wena, wena u nyikako gona ka yena,
Wona masiku ma nabalatileko kala kupinzuka ni kupinzuka.
- 5 A wukosi ga yena ga hombe a kuhanyiseni ka wena :
A kudzunziwa ni wukosi wena u klatekile hehla ka yena.
- 6 Hakuba wena u mahako yena a hunzelela a kukatekiswa kala kupinzuka :
Wena u mahako yena a tsaka hi kubuma kubakoneni ka wena.
- 7 Hakuba a hosi yi tsumbako ka Jehova ;
Na hi kota ya wuranza ga loye a Hunzeleleko Kuklakuka yena a nga ta tsekatekiswa.
- 8 A canja ga wena gi ta kuma bonkle a balala ba wena ;
A canja ga wena ga xinene gi ta kuma bonkle labo ba bengako wena.
- 9 Wena u ta maha bona kwatsi hi kungengemela ka pingo hi xikatini xa zanga ya wena :
Jehova i ta kadamula bona lomo zangeni ya yena.
Ni nzilo wu ta mita bona.
- 10 A mihanzo yabye wena u ta yi lobisa yi suka misabeni,

- Ni mbewu yabye yi suka xikari ka banana ba banhu.
- 11 Hakuba bona ba xubile a kubiha ba vukela wena;
Bona ba xurisilwe hi gujegu je lego bona ba nga zi kotiko akuba ba gi tiyisa.
- 12 Hakuba wena u ta maha bona a kufulara a hlana wabye;
Wena u ta longisa hi tisinga ta mawura ya wena u vukela a ngohe yabye.
- 13 Nga wena u be u klakusilweko, O Jehova, hi ka ntamo wa wena:
Zingaho hina hi ta yimbelela ni kudumisa a ntamo wa wena.

LISIMU 22.

- 1 Nungungulu wa mina, Nungungulu wa mina, hiyini wena u tsikileko mina ke?
Hiyini wena u nga kule leyo a ku vuneteleni mina, ni kuhlokiswa ka mina ke?
- 2 O Nungungulu wa mina, nza bahuwa hi xikatini xa siku, kanilezi wena a ku hlamulangi;
Na hi nguba ya laha wusikwini, mina a nzi miyelangi.
- 3 Kanilezi wena hi wena u basileko,
O wena loye u akako a kudumiswa ka Israeli.
- 4 A badadani ba hina ba lo tumba ka wena;
Bona ba lo tumba, na wena u lo klaklisa bona.
- 5 Bona ba lo bahuwa ka wena, na bona ba wa klaklisilwe;
Na bona ba wa lo tumba ka wena, na bona ba wa nga wiswangi a tingana.
- 6 Kanilezi mina nzi xiwungwani, na nzi nga hi yena munhu;
A nzukano ya banhu, ku klangamelwa ka banhu.
- 7 Bonkle labo ba wonako mina ba hleka mina ba tseketsela;
Bona ba su kengekenge a milomu, ba zibiza a tihloko, baku,
- 8 Nyikela a wutsumbu ga wena a ka Jehova;
Nga yena a hlanguta yena: na u wona lezaku yena wa xalaliswa hi ka yena.
- 9 Kanilezi wena hi wena u tekile mina hi lomo rumbyini;
Wena u mahako mina a kutsumba laha na nza ha hi hehla ka xifuba xa mamani wa mina.
- 10 Nzi wa lo loxwa hehla ka wena hi le rumbyini;
Wena hi wena Nungungulu wa mina cima a mamani wa mina a nga wa trele mina.
- 11 U nga bi kule na mina hakuba; hakuba a zikarato zi hi ku suhani;
Hakuba laho a ku kona a nga vunetelako.
- 12 A tikuzi to tala ti pomele mina;
A tikabi ta ntamo ta le Baxani ti tsamile ti ranzela mina.
- 13 Bona ba kiyala hehla ka mina hi milomu yabye,
Kwatsi hi ngala yi pamileko ni yi dzumako.
- 14 Mina nzi halatilwe labasi kwatsi i mati,
Ni wonkle a marambu ya mina ma kuyukile maklanganweni:
A mbilu ya mina kwatsi i sera;
Yona yi nyekisilwe nzeni ka mina.
- 15 A ntamo wa mina wu omile kufana na ni xirengele;
Ni lirimi la mina li namarele tihlayeni ta mina;
Na wena u nehle mina le tsutsungwanini wa kufa.
- 16 Hakuba a timbyana ti pomele mina:
A klawwa wa batiri ba kubiha wu kamanyetile mina;
Bona ba poroketile a mandla ya mina ni mikonzo ya mina.
- 17 Mina nzi hlaza a marambo ya mina wonkle.
Bona ba lo cuwuka ba honokela mina;
- 18 Bona ba lo abelana a tinguwo ta mina xikari ka bona,
Ni hehla ka nganju ya mina bona ba lo hlahluba a tihlolo.
- 19 Kanilezi nga wena u nga hi kule nguvu, O Jehova:
O wena a muhlanguti wa mina, haklisa wena a ku vunetela mina.
- 20 Klaklisa a muhefemulo wa mina le supadweni,
A ranzekako wa mina le ntazweni wa mbyana.
- 21 Ponisa mina le milonwini ya tingala;
Ina, le timhonzweni ta tinyari wena hi wena u hlamuleko mina.
- 22 Nzi ta klaklambutela a bito ga wena xikari ka bamakabye ba mina:
A xikari ka gotsobanyano nzi ta dumisa wena,
- 23 Nwina labo mu cabako Jehova, dumisani yena;

- Nwina nwenkle a mbewu ya Jakobe, dumisani yena;*
Yimani xicabyeni xa yena, nwina nwenkle a mbewu ya ka Israeli.
 24 *Hakuba yena i wa nga nyenyangi ge ni kuswihata a kuhlokiswa ka a hlokisilweko;*
Ge yena ni ku fihla a ngohe ya yena a ka yena;
Kanilezi laha yena a bahuwa ka yena, wa zizwa.
 25 *Hi ka wena kuta a kudumisa le go-tsabanyanweni wa hombe:*
Nzi ta riba a zifungo za mina mahlweni ka bona labo ba cabako yena.
 26 *Ni barulileko ba taga ba ta xuriswa;*
Ba ta dumisa Jehova labo ba hlotako ka yena:
Nga a mbilu ya nwina yi hanya kala kupinzuka.
 27 *Konkle a kugumelwa ka misaba ku ta alakanya ni ku wuyela ka Jehova;*
Ni tonkle a tixaka ta misaba ti ta kozela mahlweni ka wena.
 28 *Hakuba a mifumo nja Jehova;*
Na yena hi mufumeli hehla ka mifumo.
 29 *Bonkle ba kulukileko ba misaba ba taga ni kukozela;*
Bonkle labo ba fambileko lahasi ba ta korama mahlweni ka yena,
Hambu loye a nga zi kotiko a kuhlayisa a muhefemulo wa yena wu hanya.
 30 *A mbewu yi ta kozela yena;*
Kona ku ta byeliwa hi Hosi a ka xizukulwana xi gamelako.
 31 *Bona ha tata ni ku klaklambuta a kululamisisa ka yena*
A ka banhu labo ba ta nga tralwa, lezaku yena i mahile kona.

LISIMU 23.

- 1 *Jehova hi murisi wa mina; nzi nga ta vumala.*
Wa nzi eklelisa mikobeni yo nyuka;
A nzi rangelako mina mamatini ya malenga.
- 3 *A wuyiselako a muhefemulo wa mina:*
A rangelako mina lomo ndleleni ya kululamisisa hi kota ya bito ga yena.
- 4 *Ina, hambu mina nza ku famba nzi tsemakanya a nzelelo wa nzhuti wa kufa,*

- Nzi nga ta caba a kubiha; hakuba wena u nga zinwe na mina;*
A nhonga ya wena ni cetengelo wa wena, za cabelela mina.
 5 *Wena u longiselako a meza a kubakoni ka balala ba mina:*
Wena hi wena u totileko a hloko ya mina hi mafura;
A kopo ya mina ya pupuma.
 6 *Hakunene a kusasa ni kuranzakawunene ku ta lauzela mina wonkle a masiku ya wutomi ga mina;*
Mina nzi ta tsama ndlwini ya ka Jehova kala kupinzuka.

LISIMU 24.

- 1 *A misaba nja Jehova, ni talisiso wa yona;*
A tiko, ni bonkle labo ba tsamako ka gona.
- 2 *Hakuba yena i sangulile yona hehla ka mabimbi,*
Ni yi tiyiseta yona hehla ka mintalo.
- 3 *Hi mani a ta kanziya le tsurini wa Jehova?*
Na a hi mani a ta nga yima le wutsanweni ga yena ga kubasa?
- 4 *Yena loye a na nga ni mandla ma hlazekileko, ni mbilu yi basileko;*
Loye a nga klakusangiko a muhefemulo wa yena le kohlakalweni,
Loye a nga hlambanyangiko hi kukohlisilweko.
- 5 *Yena i ta amukela a kukatekiswa hi le ka Jehova,*
Ni kululamisisa ka le ka Nungungulu wa kuhanyiswa ka yena.
- 6 *Lexi hi xizukulwana ya bona labo ba hlotako ka yena,*
Loye a hlotako a ngohe ya wena, yena Jakobe. [Sela]
- 7 *Klakusani a tihloko ta nwina, O nwina tinyangwa:*
Na nga nwina mu be mu klakusilweko, nwina tibati ti pinzukelisilweko:
Ni Hosi ya wukosi yi ta engena.
- 8 *Hi mani a Hosi ya wukosi?*
Jehova wa ntamo ni wunhenha, Jehova i nhenha le kulweni.
- 9 *Klakusani a tihloko ta nwina, O nwina tinyangwa;*
Ina, klakusani tona, nwina tibati ti pinzukelisilweko:
Ni Hosi ya wukosi yi ta engena.
- 10 *Hi mani a hosi ya wukosi?*
Jehova wa mabandla,
Yena hi yena a na nga a Hosi ya wukosi. [Sela]

LISIMU 25.

- 1 A ka wena, O Jehova, nza maha mina a kuklakusa a muhefemulo wa mina.
- 2 O Nungungulu wa mina, a ka wena mina nzi tsumbile,
Nga mina nzi nga wiswa a tingana;
Nga ni balala ba mina ba nga kani lehla ka mina.
- 3 Ina, a nga kona loye a rinzeleko wena a ta nga wiswa a tingana:
Bona ba ta wiswa a tingana labo ba wulawulako hi kuhlebyilweko na i haba nanzu.
- 4 Kombisa mina a tindlela ta wena, O Jehova;
Gonzisa mina a misoko ya wena.
- 5 Rangela mina lomo zineneni za wena, ni kugonzisa mina;
Hakuba wena hi wena a Nungungulu wa kuhanyisa ka mina;
Hakuba nza rinzela wena gonkle a siku.
- 6 Alakanya, O Jehova, a titralo ta wunene ga wena ni kuranzakawunene ga wena;
Hakuba bona ba wa sina ba hi ba kaleloko.
- 7 U nga alakanyi a zionho za wuswa ga mina, ge hambu zihambunyetiso za mina;
Kukotisa hi kuranzakawunene ga wena alakanya wena mina,
Hi kota ya kusasa ka wena, O Jehova.
- 8 A kusasa ni kulongama hi Jehova:
Hikwalaho yena i ta gonzisa a bano hi le ndleleni.
- 9 A ba wunene i ta ba rangela yena hi nongameto;
Ni ba wunene i ta ba gonzisa a ndlela ya yena.
- 10 Yonkle a misoko ya Jehova yi hi kuranzakawunene ni zinene
A ka labo ba hlaysako a xivumelwano xa yena ni wukustumunye lo ga yena.
- 11 Hakuba hi kota ya bito ga wena, O Jehova,
Ribalelela a kugoha ka mina, hakuba ka hombe.
- 12 Hi wili a munhu loye a cabako Jehova?
Yena i ta mu gonzisa lomo ndleleni leyo yena a ta nga famba ha yona leyo yena a ta nga langa.
- 13 A muhefemulo wa yena wu ta tsama kuhumuleni;
- Ni mbewu ya yena yi ta fumela a tiko.
- 14 A wungana ga ka Nungungulu gi zi nwe na bona labo ba cabako yena;
Na yena i ta kangeta bona a xivumelwano xa yena.
- 15 A mahlo ya mina ma la su tsoma ma ku tsonono ka Jehova;
Hakuba yena i ta tsusa a mikonzo ya mina le yi huma kukwekeleni ka likoka.
- 16 Hunzuluka wena ka mina, ni ku maha a titralo ka mina;
Hakuba mina nzi hahlukile nzi hlo kisilwe.
- 17 A zikarato za mbilu ya mina zi enzelelelene:
O humesa wena mina lahandle ka tikuruxu ta mina.
- 18 Pimisisa hi kuhlokiswa ka mina ni kubayisa ka mina;
Ni kutsetselela konkle a kugoha ka mina.
- 19 Pimisisa hi balala ba mina, hakuba bona ba tele;
Na bona ba benga mina hi libengo la timbiti.
- 20 O hlaysa a muhefemulo wa mina, ni kuklaklisa mina:
Nga mina nzi nga wiswi a tingana, hakuba uza teka a wucabelo ka wena.
- 21 Nga a kulongama ni nongameto zi lonzowota mina,
Hakuba mina nzi rinzele ka wena.
- 22 Klaklisa Israeli, O Nungungulu,
A huma ka konkle a kukarateka ka yena.

LISIMU 26.

- 1 Lamula mina, O Jehova, hakuba mina nzi fambile kulongameni ka mina:
Mina nzi tsumbile ka Jehova na i haba kundlengandlengiswa.
- 2 Hlola mina, O Jehova, ni ku ringa mina;
Tsebetela a mbilu ya mina ni malanga ya mina.
- 3 Hakuba a kuranzakawunene ga wena ku le mahlweni ka mahlo ya mina;
Na mina nzi fambile zineneni za wena.
- 4 Mina a nzi tsamangi ni banhu ba mawunwa;
Ge mina nzi nga ta famba ni bakala beli.
- 5 Mina nza a benga a tsombano wa bamahi ba kubiha.

- Mina a nzi nga ta tsama zinweni ba-kubiha.
- 6 Mina nzi ta hlaza a mandla ya mina nzi nga bi na nanzu ;
Zingabo mina nzi ta wukarela a alati ga wena, O Jehova ;
- 7 Kasi mina nza fela a ku maha a gezu ga kunyika a kubonga akuba gi zwiwa.
Ni ku byela hi ka yonkle a mitiro ya wena yi hlalalisako.
- 8 Jehova, mina nza ranza a wutsamo ga lomo ndlwini ya wena,
A wutsamo lego a wukosi ga wena gi akeleko.
- 9 U nga tsumbanyisi a muhefemulo wa mina zinwe ni baonhi,
Ge a wutomi ga mina zinwe ni banhu ba nkata ;
- 10 A ka labo a canja gabye gi nga kubihisisa,
Ni ka canja gabye ga xinene gi tele hi kukalabela.
- 11 Kanilezi kwatsi ha mina, mina nzi ta famba kulongameni ka mina ;
Klaklisa mina, ni kuba ni titralo ka mina.
- 12 A konzo wa mina wa yima le wutsanweni gatsi :
Le tsombanweni mina nzi ta katekisa Jehova.

LISIMU 27.

- 1 Jehova hi kuwonekela ka mina ni kuhanyiswa ka mina ;
Himani nzi ta nga mu caba ?
Jehova ni ntamo wa wutomi ga mina ;
Na ku hi mani loye mina nzi ta nga dzudzumela ke ?
- 2 Laha a ba mahi kubiha ba kama-nyeta mina a kuga a nyama ya mina,
Bona a babengi ba mina ni balala ba mina, bona ba retemukile ba lo-wa.
- 3 Hambu loko a mabandla ba gobile ma rauzela mina,
A mbilu ya mina a yi nga ta caba :
Hambu loko a impi yi suka yi vukela mina,
Hambuloko ke mina nzi taba ni kutsumba.
- 4 Xilo xinwe lexo mina nzi wutisile-ko ka Jehova, lexo mina nzi hlota a nzako ka xona :
Lezaku kasi nza fela a kutsama lomo ndlwini ya ka Jehova wonkle a masiku ya wutomi ga mina,

[Sheetswa.] 43

- A kulanguta a wumburi ga Jeho-va,
Ni kuwutisa lomo tempeleni ya ye-na.
- 5 Hakuba hi masikwini ya kukarate-ka yena i ta blayisa mina le wunyelambyana ga xaxa wa yena :
A ka nzhuti wa tabernakele ga yena yena i ta nzi fihla mina ;
Yena i ta klakusa mina hehla ka ribye.
- 6 Na makunu a hloko ya mina yi ta klakuswa hehla ka balala ba mina ba ranzeleko mina ;
Na mina nzi ta nyikela nzeni ka tabernakele ga yena a mupahlelo wa litsako ;
Mina nzi ta yimbelela, ina, nzi ta yimbelela a kudumisa ka Jehova.
- 7 Zwana, O Jehova, laha na mina na nzi bahuwa hi gezu ga mina :
Nga u hi ni titralo ka mina, ni hlamula mina.
- 8 Laha wena u wulako, Hlotani nwina a ngohe ya mina ; ni mbilu ya mina yi te ngalo ka wena,
A ngohe ya wena, Jehova, mina nzi ta yi hlota.
- 9 U nga fihli a ngohe ya wena le ka mina ;
U nga hlongoli a nanza ga wena le zangeni :
Wena u wa kari u hi kuvuna ka mina ;
U nga hoxi mina kule, ge ni ku tsika mina, O Nungungulu wa kuhanyisa ka mina.
- 10 Laha a dadani wa mina ni mamani wa mina ba tsikileko mina,
Zonake Jehova i ta kamukela mina.
- 11 Gonzisa mina a ndlela ya wena, O Jehova ;
Rangela mina le ndleleni yi dlunya-tilweko,
Hakuba hi balala ba mina.
- 12 U nga nyikeli mina le kuranzeni ka balala ba mina :
Hakuba bakustumunyu ba mawunwa ba sukile ba vukela mina,
Kwatsi hi labo ba hefemulako a tiseku.
- 13 Mina nzi rerekile, saseka loku mina nzi kolilwe a ku wona a kusaea ka Jehova
A tikweni ga bahanyako.
- 14 Rinzela ka Jehova :
U be ni kutiyiseta, nga a mbilu ya wena yi ni kutiya hlana ;
Ina, rinzela wena ka Jehova.

LISIMU 28.

- 1 A ka wena, O Jehova, nzi ta bitana:
Ribye ga mina, u ngabi mbebebe
ka mina;
Ku nga taku, loku wena u miyela
ka mina,
Mina nzi maha kota bona labo ba
relelako lahasi rinzi.
- 2 Zwana a gezu ga mikongelelisiso ya
mina, laha na nzi bahuwa ka
wena,
Laha na nzi klakusa a mandla ya
mina ngomama ni mucapa wa we-
na wa kubasa.
- 3 U nga kokeli mina kule zinwe ni ba
kubiha,
Ni zinwe ni batiri kugoha;
Labo ba wulawulako a kurula zinwe
ni baalakelwane babye,
Kantlezi i kohlakalo ku nzeni ka ti-
mbilu babye.
- 4 Nyika bona kukotisa hi ka tiro wa-
bye, ni kukotisa hi ka kubihisisa
ka zimaho babye:
Nyika bona kukotisa hi ka tiro wa
mandla yabye:
Nyika ka bona a kukohlisa kabye.
- 5 Hakuba bona a ba katali hi mitiro
ya Jehova,
Ge ni zimaho za mandla ya yena,
Yena i ta tsoba bona a nga ha enge-
ti ku aka bona.
- 6 A katekiswe Jehova,
Hakuba yena i zwile a gezu ga mi-
kongeleliso ya mina.
- 7 Jehova hi ntamo wa mina ni xikla-
ngu xa mina;
A mbilu ya mina yi tsumbile a ka
yena, mina nzi vunetelwe;
Hikwalaho a mbilu ya mina ya tsi-
kiswa hi kukulisilweko;
Na hi lisinu la mina nzi ta dumisa
yena.
- 8 Jehova hi ntamo wabye,
Na yena hi kokola ga kuhanyiswa
ka a totilweko wa yena.
- 9 Hanyisa wena a banhu ba wena, ni
kukatikisa a tsomba ya wena:
Nga u hi murisi wa bona kambe, ni
kurwala bona kala kupinzuka.

LISIMU 29.

- 1 Tsawutelani a ka Jehova, O nwina
a barisanyana ba tinhenha,
Tsawutelani a ka Jehova a wukosi
ni ntamo.
- 2 Tsawutelani a ka Jehova a wukosi
gi faneleko ka bito ga yena:
Kozelani Jehova hi gobo gi basileko.

- 3 A gezu ga ka Jehova gi le hehla ka
mamati:
A Nungungulu wa wukosi a dzi-
nzako,
Yena Jehova hehla ka mamati yo
tala.
- 4 A gezu ga Jehova gi na ntamo wu
tsingileko;
A gezu ga Jehova gi tele hi wukosi.
- 5 A gezu ga Jehova gi tsobako a tise-
dare;
Ina, Jehova wa tsoba a zipanzana a
tisedare ta le Lebanoni.
- 6 Yena a mahako bona kambe a ku-
klula kwatsi i rolana;
Lebanoni na Sirioni kwatsi hi nya-
rana yiswa.
- 7 A gezu ga Jehova gi wombisa a
kungengemela ka nzilo.
- 8 A gezu ga Jehova a ninginiza a xi-
wula;
Jehova a ninginizako a xiwula xa le
Kadexe.
- 9 A gezu ga ka Jehova gi mahako a
matrele ya timhuti a ku klotlora,
Ni klakleka a makwati a zisapa:
Ni lomo tempeleni ya yena a zilo zo-
nklelele zi wulawula, a wukosi.
- 10 Jehova i lo tsama kwatsi i Hosi le
Ntalweni;
Ina, Jehova i tsama kwatsi i Hosi
kala kupinzuka.
- 11 Jehova i ta nyika a ntamo ka banhu
ba yena:
Jehova i ta katekisa a banhu ba yena
zinwe hi kurula.

LISIMU 30.

- 1 Mina nzi ta dzumeleta wena, O Je-
hova, hakuba wena u klakusileko
mina hehla,
Na u nga mahangi a balala ba mina
a kutsaka hehla ka mina.
- 2 O Jehova a Nungungulu wa mina,
Mina nzi bilehuwa ka wena, wena u
cumile mina.
- 3 O Jehova, wena u nehile a muhufe-
mulo wa mina hi le Xeole;
Wena hi wena u hlaysileko mina nzi
hanya, lezaku mina nzi wa ta nga
nzi yile le nzelelweni wa rinzi.
- 4 Yimbelelani a ka Jehova, O nwina
bobasa ba yena,
Ni ku nyika a kubonga a ka bito ga
yena gi kumbuketwako hi kubasa.
- 5 Hakuba a zanga ya yena hi nja xi-
katanyana;
A tomo ga yena ga xikati xa wu-
tomi:

- A kurila kutani ku tsamela a wu-siku,
 Kanilezi a litsako lita laha mixweni.
 6 Kwatsi ha mina, mina nza ngalo a kuvuvumeni ka mina,
 Cima nzi nga ta tsekatseki swa.
 7 Wena, Jehova, wa tomo ga mina wena u mahileko a xitsunga xa mina a ku yima xi tiya :
 Wena u fihlileko a ngohe ya wena ;
 mina nzi wa karatilwe.
 8 Mina nzi lo bahuwa ka wena, O Jehova ;
 Ni ka Jehova mina nzi maha a mukongeleliso ;
 9 Ku ta binzula yini hi nkata wa mina, laha na mina na nzi relela le rinzi-ni ?
 Kasi a tsuri wu ta dumisa wena ?
 wona wu ta klaklambuta a zinene za wena ke ?
 10 Zwana, O Jehova, nga u hi ni titralo hehla ka mina :
 Jehova, nga wena u hi kuvuna ka mina.
 11 Wena hi wena u hunzuleko a ka mina a mikosi ya mina akuba minikino ;
 Wena u susileko a nguwo ya mina ya tisakwa, ni ku ambexa mina hi tsakiselo :
 12 Hi kugumelwa kasi mina nza fela a ku yimbelela a kudumisa a ka wena, nzi nga bi nzi miyetilweko.
 O Jehova a Nungungulu wa mina, mina nzi ta nyika kubonga ka wena kala kupinzuka.

LISIMU 31.

- 1 A ka wena, O Jehova, nza maha ku teka a wucabelo ;
 Nga mina nzi nga wiswi a tingana :
 Klaklisa mina hi ka kululamisisa ka wena.
 2 Koramisa a ndlebe ya wena ka mina ;
 klaklisa mina hi kuha klisilweko :
 Nga wena u maha ka mina kota a ribye ga ntamo,
 A yindlu ya kuvikela a kuponisa mina.
 3 Hakuba wena hi wena a ribye ga mina ni kokola ga mina ;
 Hikwalaho hi ka bito ga wena rangela mina ni kuheleketa mina.
 4 Hlomula mina lomo likokeni lomo bona ba li bekileko hi ku fihleleko ba dembela mina ;
 Hakuba wena hi wena a kokola ga mina.

- 5 A ka canja ga wena nzi nyikela a moya wa mina :
 Wena u klaklisileko mina, O Jehova, wena a Nungungulu wa zinene.
 6 Mina nza benga bona ba katala hi mawunwa ma nga nyawuliko ;
 Kanilezi mina nza tumba ka Jehova.
 7 Nzi ta tsaka ni kubuma kuranzenikawunene ga wena ;
 Hakuba wena u wonileko a hlokiselelo ya mina :
 Wena u wonileko a muhefemulo wa mina tsekulelweni wa mina ;
 8 Na a ku valclangi mina le canjeni ga balala ba mina ;
 U yimisileko a mikonzo ya mina le wutsanweni gi anamileko.
 9 Nga u hi ni titralo ka mina, O Jehova, hakuba nzi lomo ti kuruxwini :
 A mahlo ya mina ma ku hokoloka hi hlomulo, ina, a muhefemulo wa mina ni miri wa mina.
 10 Hakuba a wutomi ga mina gi hungutekile hi zixaniso,
 Ni malembe ya mina hi mahika ;
 A ntamo wa mina wa tsanzeka hi kota ya zigoho za mina,
 Ni marambu ya mina ma su ku hlekahleka.
 11 Hakuba hi ka bonkle a balala ba mina nzi mahile a nzhukano,
 Ina, a ka baakelwane ba mina hi kuenzelekilweko,
 Ni kucaba ka batolobeleneko ba mina :
 Bona ba lo nzi wonako le handle ba lo tsutsuma ka mina.
 12 Mina nzi ribakelwe kwatsi munhu a fileko le kupiweni :
 Mina nzi kwatsi nzi xibya xi tradlesilweko.
 13 Hakuba mina nzi zwile a mahlebo ya manyingi,
 A kutsisa maklelweni wonkle :
 Laha na ba lo teka a xikungo kati-gizwe ba vukela mina,
 Ba lo kucetela a ku teka a wutomi ga mina.
 14 Kanilezi nzi tsumbile ka wena, O Jehova :
 Nzi te ngalo, Wena hi wena a Nungungulu wa mina.
 15 A zikati za mina zi lomo canjeni ga wena :
 Klaklisa mina le canjeni ga balala ba mina, le ka bona labo ba xauisako mina.

- 16 Maha a ngohe ya wena ku woninge
hehla ka nanza ga wena :
Ponisa mina hi ka kuranzakawunene
ga wena.
- 17 Nga nzi nga wiswi a tingana, O
Jehova ; hakuba mina nzi bitanile
ka wena :
Nga a bakubiha ba wiswa a tinga-
na, nga bona ba miyeliswa le Xe-
ole.
- 18 Nga a milomu yi hembako wunwa
yi dumariswa,
Leyo yi wulawulako yi vukela a lula-
mileko hi ku/clangamelilwe.
A zinwe ni ba matsanza ni bakonyo-
lozi.
- 19 O gi kulisile kuyini a wukulu ga
wena,
Lego wena u gi beketeleleko ka bona
labo ba cabako wena,
Lego wena u mahileko ka bona labo
ba tekako a wuponelo ka wena,
Mahlweni ka barisanyana ba banhu!
- 20 A nzhutini wa kubakona ka wena u
ta fihla bona ka le gujegujeni ga
munhu :
U ta hlayisa bona hi kufihlilweko
lomo xaxeni ba suka ku kukaneti-
saneni ka tirimu.
- 21 A katekiswe Jehova ;
Hakuba i kombisile a mahanjalati ya
kuranzakawunene ga yena le nze-
ni ka muti wa ntamo.
- 22 Kwatsi nzi mina, nzi wulile xihakle-
ni xa mina,
Nzi tsemilwe le mahlweni ka mahlo
ya wena ;
Ahembalokoke wena u lozwa a gezu
ga mikongelisiso ya mina,
Laha na nzi lo bahuwa ka wena.
- 23 O ranzani Jehova, nwina bobasa ba
yena :
Jehova, a lonzowotako a kolekile-
ko,
Hi kutatisilweko a ncacazelako ye-
na loye a mahako hi ka matsa-
nza.
- 24 Nga u hi ni ntamo, nga a mbilu ya
wena yi tiya hlana,
Nwenkle nwina labo mu tsumbako
ka Jehova.

LISIMU 32.

- 1 I katekisilwe yena loye a zihambu-
nyetiso za yena zi tsitselelweko,
A wihi a kuonha ka yena ku fene-
ngetilweko.
- 2 I katekisilwe a munhu a wihi Jeho-
va a nga mu hlayeliko a kugoha,

- Ni moya wa wihi wu nga hiko na
kukalabela.
- 3 Laha mina nzi rutisile nzi miyela, a
marambu ya mina ma ku gukla-
gukla
Hi kuketa ka mina kulongolokako
ni gonkle siku.
- 4 Hakuba a siku ni wusiku a canja ga
wena gi wa binzile hehla ka mina :
A kutsakama ka mina ku lo hunzu-
lwa kwatsi kubalela ka ximumu.
[Sela]
- 5 Nzi ku tibisile a kuonha ka mina
ka wena,
Ni kugoha ka mina a zi ku fihlangi :
Nzi te ngulo, Nzi ta vumela a ziba-
mbunyetiso za mina ka Jehova ;
Wena u lo tsitselela a kubiha ka
kuonha ka mina.
- 6 Hakuba hi lezi nga bona labo ba hi
ni wunungungulu ba kombela ka
wena a xikatini laho wena wa ha
kunwako :
Hakunene laha a mamati ya hombe
ma kulungako wona ma nga ta
cikelela ka yena.
- 7 Wena hi wutsamo ga kufihlala ka
mina ; wena u ta lonzowota mina
le kukaratekeni ;
U ta ranzela mina hi tisimu ta ku-
klakliswa.
[Sela]
- 8 Mina nzi ta byeletela wena ni kugo-
nziza wena a ndleleni leyi wena u
ta nga famba :
Nzi ta lombela wena a wusungukati
hi tihlo ga mina behla ka wena.
- 9 Nga nwina mu nge kwatsi mu haxi,
kutani kwatsi muesela, lego gi nga
hiko na kupima ;
Lego a kufuya ka gona hi gobo ni
matomu ni ku tsimbeta wona,
Ku nga taku wona ma nga ta tsine-
la ka wena.
- 10 A zixaniso zo tala zi taba ka wa ku-
biha :
Kanilezi loye a tsumbako a ka Je-
hova, a kuranzakawunene ga ye-
na ku ta ranzela yena.
- 11 Nga mu tsaka a ka Jehova, bumani
nwina, mu lulamileko :
Na mu guwa ga litsako, nwina
nwenkle labo mu lulamileko bi-
lwini.

LISIMU 33.

- 1 Tsakani a ka Jehova, O nwina ba
lulamileko :
A kudumisa ku nyalidede ka ba lo-
ngamileko.

- 2 Nyikani a kubonga a ka Jehova hi xitende :
Yimbelelani zizimba ka yena wuce-
nje ga tingoti ta kumi.
- 3 Yimbelelani a ka yena a xizimba xi-
swa ;
Banani hi kuklarihisiweko zizwe hi
gezu ga guwa.
- 4 Hakuba a mbaka ya ka Jehova yi
longamile ;
Hakuba wonkle a tiro wa yena wu
mahilwe hi kukolekisisa.
- 5 Yena a ranzako a kululama ni no-
ngameto :
A misaba yi tela hi kuranzakawu-
nene ga ka Jehova.
- 6 Ii mbaka ya ka Jehova a matilo ma
lo mahiwa,
Ni mabandla ya kona hi kuhe xa no-
mu wa yena.
- 7 A bingeretelako a mamati ya bimbi
katigizwe kwatsi i nhulu :
A beketelelako a mueta lomo ti-
ndlwini ta kubeketelela.
- 8 Nga yonkela misaba yi caba Jehova ;
Nga bonkle a baakileko a ba tiko ba
yima hi xicabyo mahlweni ka ye-
na.
- 9 Hakuba i lo wulawula, na kona ku
wa mahakile ;
I wa leletele, na kona ku lo yima hi
kubaklisa.
- 10 Jehova a nehako a xikungo xa mi-
fumo a kuhlelelekeni ;
A mahako a kualakanya ka banhu
ku nga nyawuli.
- 11 A xikungo xa ka Jehova xi yimako
hi kutiyisa kala kupinzuka,
A kualakanya ka mbilu ya yena ka
zonkle zizukulwana.
- 12 Wu katekisilwe a mufumo lowo
Nungungulu a nga Jehova,
Ni banhu labo yena a ba hlawulile-
ko a kuba a tsomba ya yena.
- 13 Jehova i lo cuwuka hi le tilweni ;
Yena a langutako bonkle a barisa
nyana ba banhu ;
- 14 Hi le wutsanzweni ga kuaka ka ye-
na wa cuwukisa
Hehla ka bonkle a ba akileko ba mi-
saba,
- 15 Yena loye a wumbako a timbilu ta
bona bonkle,
Yena a pimako hi wonkle a mitiro
yabye.
- 16 A ku kona a hosi yi hanyisilweko
hi wudlemo ga mabandla :
A wanuna wa nhenha a nga klakli-
swi hi ntamo wa hombe.

- 17 A haxi gi hi xilo xi nga nyawuliko
a wuponelo :
Ge gona ni kuklaklisa a munhu hi
ntamo wa gona wa hombe.
- 18 Languta, a tihlo ga ka Jehova gi he-
hla ka bona labo ba cabako yena.
Hehla ka bona labo ba tsumbako ka
kuranzakawunene ga yena ;
- 19 A kuklaklisa a mihefemulo yabye le
kufeni,
Ni kuhlayisa ba hanya le ndlaleni.
- 20 A mihefemulo ya hina yi rinzele ka
Jehova :
Yena hi kuvuna ka hina ni xiklangu
xa hina.
- 21 Hakuba a timbilu ta hina ti ta tsaka
ka yena,
Hakuba hina hi tsumbileko bitweni
ga yena ga kubasa.
- 22 Nga a kuranzakawunene ga wena,
O Jehova, ku hi hehla ka hina,
Kukotisa hilezi hina hi tsumbileko
ka wena.

LISIMU 34.

- 1 Nzi ta katekisa Jehova a ka zonkle
a zikati :
A kudumisa ka yena hi ta kusima-
misa ku taba lomo nonwini wa
mina.
- 2 A muhefemulo wa mina nzi ta maha-
wona wu kukumuka ka wona ka
Jehova :
Ni bawunene ba tazwa ha kona ba
ta tsaka.
- 3 O klakusani Jehova zizwe na mina,
Na nga hina hi kukumuxa a bito ga
yena katigizwe.
- 4 Nzi lo hlota Jehova, na yena i lo nzi
hlamula,
Na i lo nzi klaklisa kucabeni ka mi-
na konkle.
- 5 Bona ba lo cuwuka ka yena na ba lo
bangamela ;
Ni tingohe ta bona cima ti nga ta
kuba ti kanganyisilwe.
- 6 A munhu loyi wa xisiwana wa rila,
Jehova i zwile yena,
Na hanyisile ka konkle kurateka ka
yena.
- 7 A ngelosi ya ka Jehova yi gobile yi
ranzela bona labo ba cabako yena,
Yi klaklisako bona.
- 8 O ringani ni ku wona lezaku Jehova
i sasekile :
I katekisilwe a munhu loye a teka-
ko a wuponelo ka yena.
- 9 O cabani Jehova, nwina bobasa ba
yena ;

- Hakuba a ku kona a ku vumala ka bona labo ba cabako yena.
- 10 A marole ya tingala ma vumala, ni kuzwa a ntlala;
Kanilezi bona labo ba hlotako Jehova ba nga ta vumala a xilo xiawe xo saseka.
- 11 Ngonani, nwina banana, ingisani ka mina:
Nzi ta gonzisa nwina a xicabyo xa ka Jehova.
- 12 I kwihi a munhu loye a xubako a wutomi,
Ni kuranza a masiku yo tala, kasi wa fela ku wona kusasa?
- 13 Hlayisa a lirimi la wena kubiheni,
Ni milomu ya wena kuwulawula a makalaba.
- 14 Sukani kubiheni, mu maha a kusasa;
Hlotani a kurula, ni ku lanzela kona.
- 15 A mahlo ya Jehova ma ngomama ni ba lulamileko,
Na tindlebe ta yena ti vululekile le huwani yabye.
- 16 A ngohe ya Jehova yi vukela bona labo ba mahako a kubiha,
A ku tsema a kualakanywa ka bona laha misabeni.
- 17 A ba lulamileko ba lo rila, na Jehova i zwile,
Ni ku i klaklisile bona a ka zonkle zikarato za bona.
- 18 Jehova i kona ku suhani ka bona labo ba tsobekileko mbilwini,
A hanyisako labo ba nga ni mbilu yi panzekileko.
- 19 Ku tele a kublokiselelwa ka ba lulamileko;
Kanilezi Jehova wa klaklisa ka kona konkle.
- 20 Yena a hlayisako wonkle a marambu ya yena:
Ge ni giawe ga wona a gi tsobekangi.
- 21 A kubiha ku ta daya a wa kubiha;
Na labo ba bengako a kululamisisa ba ta ba konekile.
- 22 Jehova a klaklisako a muhefemulo wa malunza ya yena;
A nga kona wa bona labo ba tekako a wucabelo ka yena ba ta koneka.

LISIMU 35.

- 1 Vukela wena, O Jehova, ziawe na labo ba kanetisanako ziawe na mina:
Lwana wena u vukela labo ba lwako ba vukela mina.
- 3 Klemereka a xiklangu ni ngenge,

- Ni ku yima akuba kuvuna ka mina.
- 3 Hlomula kambe a klari, ni ku tsanga a ndlela ya bona labo ba hlóngolako mina:
Wula ka muhefemulo wa mina, Nzi kuhanyiswa ka wena.
- 4 Nga bona ba wiswa a tingana ni ku nehwa ku nga dzunziwini labo ba hlotako a muhefemulo wa mina:
Nga bona ba kleliswa ha xitsakwana ni kukanganyiseka labo ka hleba-ko hi kulamatwa ka mina.
- 5 Nga bona ba kukwatsi i mungu mahlweni ka mbeho,
Ni ngelosi ya ka Jehova ka panzanya bona.
- 6 Nga a ndlela yabye yi maha a munyama ni kuretemukela,
Ni ngelosi ya ka Jehova yi hlolako bona.
- 7 Hakuba hi lahandle ka nanzu bona ba fihlele mina a likoka labye lomo nzeni ka rinzi;
Hi lahandle ka nanzu bona ba nkelile a rinzi ga muhefemulo wa mina.
- 8 Nga a kulobyiswa ku cikela ka yena hi xitsuketi;
Na nga a likoka la yena lolo a li fihleleko li pasa a wutsumbu ga yena:
Hi kulobyiswa nga yena a wela ka lona.
- 9 Ni muhefemulo wa mina wu ta tsaka ka Jehova;
Wona wu ta buma hanyiselweni wa yena.
- 10 Wonkle a marambu ya mina ma ta wula, Jehova, hi mani a fananako na wena,
Loye a klaklisako a xisiwana ka loye a na nga ni ntamo ka yena,
Ina, a xisiwana ni muvumali a ka yena loye a pangako yena ke?
- 11 A bakustumunyu ba nga lulamangi-ko ba vuka;
Bona ba wutisa mina hi zilo lezi mina nzi nga zi tibiko.
- 12 Bona ba neacazela mina a kubiha hi kusasa,
A kwalwa ka muhefemulo wa mina.
- 13 Kanilezi kwatsi ha mina, loku ba wa babya, a tinguwo ta mina ti wa hi tinguwo ta tisakwa:
Mina nzi lo hlokisa a muhefemulo wa mina hi kuyila;
Ni mukombelo wa mina wu klelela a xifubeni xa mina.
- 14 Nzi lo tsimbeta a wutsumbu ga mina kwatsi hi loku a wa hi mungana wa mina kutani makabye wa mina:

- Nzi lo korama lahasi nzi rilwa, kwa-
tsi hi muzwe a rilelako mamani
wa yena.
- 15 Kanilezi kuhlokisweni ka mina ba lo
tsakiswa, ni kutsombanyisa a wu-
tsumbu gabye katigizwe ;
A mahungu laya ba tsombanyiselako
a wutsumbu gabye ba vukela mina,
mina a nzi lo zi tibi;
Bona ba lo pfemula mina, a ba ka-
wulangl.
- 16 Ku fanana ni bahanahanisako a ba-
tsoketseli lomo mibuzweni,
Bona ba getsela hehla ka mina hi
meno yabye.
- 17 Hosi, ku ta longoloka ku yini wena
u cuwukela ke?
Ponisa a muhefemulo wa mina ku-
lobyisweni babye,
A ranzakako wa mina le tingaleni.
- 18 Mina nzi ta nyika wena a kubonga
le klanganweni wa hombe ;
Nzi ta dumisa wena xikari ka banhu
ba ku tala.
- 19 Nga bona labo ba nga balala ba mina
hi kubihisilweko ba tsaki hehla ka
mina ;
Gehambu bona ba nga zunyi hi tihlo
labo ba bengako mina hi lahandle
ka nanzu.
- 20 Hakuba bona a ba nga wulawuli a
kurula ;
Kanilezi ba hleba a timhaka ti kohli-
sako a kuvukela bona labo ba ru-
tisileko lomo tikweni.
- 21 Ina, ba vululile a milomu yabye ba
vukela mina ;
Ba te ngalo, Aha, aha, a mahlo ya
hina ma wonile kona.
- 22 Wena u wonile kona, O Jehova, u
nga rutisi u miyela:
O Hosi, u nga bi kule ka mina.
- 23 Vuxa a wutsumbu ga wena, u vu-
ke-
la a nongameto wu faneleko ka
mina,
Kona ka nanzu wa mina, a Nungu-
ngulu wa mina ni Hosi ya mina.
- 24 Lamula mina, O Jehova a Nungu-
ngulu wa mina, kukotisa hi kulu-
lamisisa ka mina ;
Nga ba nga bumi hehla ka mina.
- 25 Nga ba nga wuli lomo nzeni ka ti-
mbilu ta bona, Aha, zingaho hi wa
nga ta maho lezo :
Nga ba nga wuli, Hina hi mitile
yena.
- 26 Nga ba wiswa a tingana ni villinga-
nya katigizwe labo ba tsakako hi
kulamatwa ka mina ;

- Nga ba ambexwa hi tingana ni ku
nga dzunziwi labo ba kukumuxa-
ko a wutsumbu gabye ba vukela
mina.
- 27 Nga bona ba hlalela hi kutsaka, ni
ku buma, labo ba dzunzako a
mhaka ya mina yi lulamileko:
Ina, nga ba wula hi kusimamisi-
weko, Jehova a be a kulisilweko,
Loye a nga ni kuxalala hi kuvuvu-
miswa ka nanza ga yena.
- 28 Ni lirimi la mina li ta wulawula hi
kululamisisa ka wena
Ni kudumisa ka wena gonkle siku.

LISIMU 36.

- 1 A zihambunyetiso za bakubiha ku
wula lomo nzeni ka mbilu ya mi-
na,
A ku kona a xicawo xa ka Jehova
mahlweni ka mahlo ya yena.
- 2 Hakuba yena i kohliisa a wutsumbu
ga yena mahlweni ya yena nwi-
nyi,
Lezaku a kugoha ka yena ku wa nga
ta kunwa ku hi ku bengilweko.
- 3 A timhaka ta nomu wa yena ti hi
libengo ni kukohlisa :
Yena i kawule a ku maha wa kutiba
ni ku maha kusasa.
- 4 Yena wa hlebako a kugoha hehla ka
mubedi wa yena ;
Yena a yimisako a wutsumbu ga ye-
na lomo udleleni leyo yi nga sase-
kangiko ;
Yena a nga swiriwiko hi kubiha.
- 5 A kuranzakawunene ga wena, O
Jehova, ku le matilweni :
A kukoleka ka wena kucikele la
matilweni.
- 6 A kululama ka wena ku fanana zi-
tsunga za ka Nungungulu ;
Ni kulamula ka wena kuetile ha
hombe nguvu :
O Jehova, wena u lonzowotako a mu-
nhu ni xibanza.
- 7 Malongo ya ku yiniyini a kuranzaka-
wunene ga wena, O Nungungulu !
Ni banana ba banhu ba teka a wu-
cabelo lahasi ka nzhutl wa tipapa
ta wena.
- 8 Ba ta xuriswa hi kutatisilweko hi
kunonisisa ka yindlu ya wena ;
Na wena u ta maha bona banwa a
congo wa kuxalala ka wena.
- 9 Hakuba zinwe na wena ku kona zi-
buka za wutomi :
A ka wonekeleni ka wena hina hi ta
wona a ku wonekela.

- 10 O simamisa a kuranzakawunene ga wena ka bona labo ba tibako wena,
Ni kululama ka wena ka ba longamileko mbilwini.
- 11 Nga a konzo wa matsanza wu ngati wu ta vukela mina,
Na nga a canja ga wa kubiha gi nga hlongoli mina kule.
- 12 Labo a batiri bakubiha ba wileko :
Bona ba finzililwe lahasi, na ba nga ta zi kota kambe a vuka.

LISIMU 37.

- 1 U nga kwengeki a wutsumbu ga wena hakuba hi bamahi ba kubiha,
Ge hambu wena a kuba ni wukuxu u vukela bona labo ba tirako a ku nga hi ko kululama.
- 2 Hakuba bona lokuloku ba ta tsenwa kufanana ni byanyi,
Ni kuwuna kwatsi i ku byanyi wa kunyuka.
- 3 Tumba ka Jehova, u maha kusasa ;
U aka lomu tikweni, ni kugela lomu kukolekiseni ka yena.
- 4 Xalala a wutsumbu ga wena kambe ka Jehova ;
Na yena i ta nyika wena a kuxuba ka mbilu ya wena.
- 5 Nyikela a ndlela ya wena ka Jehova ;
Tumba kambe ka yena, yena i ta neha kona ku hunza.
- 6 Na yena i ta maha a kulamisisa ka wena ku huma kwatsi kuwonekela,
Ni nongameto ya wena kwatsi hi laha muzwini.
- 7 Humula ka Jehova, ni kurinzela hi lhlazambilu a ku yena :
U nga kwengeki a wutsumbu ga wena hakuba ha yena loye a vuvumako hi ndlela ya yena,
Hakuba hi munhu loye a nehisako a xikungo xa yena xa kubiha.
- 8 Kawula zangeni, u tsika a makulo :
U nga kwengeki a wutsumbu ga wena, ntsena kona ku komba ka ba mahi ba kubiha.
- 9 Hakuba a ba mahi ba kubiha ba ta tsenwa ;
Kanilezi bona labo ba rinzelako ka Jehova, ba ta fumela a tiko.
- 10 Hakuba hi xikatanyana xitsongwani, a wa kubiha a nga ta ba kona :
Ina, wena hi kutsonomitilweko u ta xuba hi nzawu ya yena, na yena a nga ta kuba kona.
- 11 Kanilezi a bawunene ba ta fumela a tiko,
Na ba ta xalalisa a wutsumbu gabye hi talisiso wa kurula.
- 12 A wa kubiha wa hleba hi a longamileko,
Ni kugetsela hehla ka yena hi meno ya yena.
- 13 A Hosi yi ta hleka a ka yena ;
Hakuba yena a wonako lezaku a si ku ga yena gi tako.
- 14 A ba kubiha ba hlomule a supado yabye, ba kondile a wura gabye,
A ku hoxa lahasi a xisiwana ni muvumali,
A ku daya loye a longamileko ndleleni.
- 15 A supado yabye yi ta engena nzeni ka mbilu ya bona benyi,
Ni mawura yabye ma ta tsobyiwa.
- 16 I cuko ka lezi zi tsongwani a munhu a lulamileko a nga nazo
A ku hunza a talisiso wa wunyingi ga wa kubiha.
- 17 Hakuba a mawoko ya ba kubiha ma ta tsobyiwa ;
Kanilezi Jehova wa ba kamukelako ba lulamileko.
- 18 Jehova wa tiba a masiku ya ba mbeleleko ;
Ni tsomba yabye yi taba kala kupinzuka.
- 19 Ba nga ta wiswa a tingana hi xikatini xa kubiha ;
Ni le masikwini ya ndlala ba taba ba xurisilweko.
- 20 Kanilezi a ba kubiha ba mbemba,
Ni balala ba ka Jehova ba taba fana na mafura ya tiivana :
Bona ba ta nyikiswa, le musini ba ta nyekiswa ba mbela.
- 21 A ba kubiha ba pemba, ba nga riha kambe ;
Kanilezi ba lulamileko ba mahako hi kutralekisilweko, ba nyikako.
- 22 Hakuba labo ba katekisilweko ba yena ba ta fumela a tiko ;
Ni labo ba rukatelweko ha yena ba ta tsenwa.
- 23 A kufamba ka munhu ku yimisilwehi Jehova ;
Yena a tsakako tindleleni ta yena.
- 24 Hambu yena a kuwa, a nga ta hoxelwa magumo ;
Hakuba Jehova a kamukelako bona hi canja ga yena.
- 25 Mina nzi wa kari nzi hi muswa, ni makunu nzi wa kale ;

- Kasike a nzi se ku wona a lulamileko a ku tsikiwa,
Ge ni mbewu ya yena a yi kombelia zibaba.
- 26 Gonk'e a siku gi longolokako yena a mahako hi kutralekisiilweko, a ba nyika ba pemba;
Nimbewu ya yena yi katekisiilwe.
- 27 Sukani kubiheni, mu maha kusasa;
Ni ku tsama kala kupinzuka kambe.
- 28 Hakuba Jehova wa ranza a nongametiso,
A nga tsikiko a ba kubasa ba yena;
Bona ba lonzowotilwe kala kupinzuka:
Kanilezi a mbewu ya wa kubiha yi ta tsenwa.
- 29 A ba lulamileko ba taga tsomba ta tiko,
Ni kuaka ka gona kala kupinzuka.
- 30 A nomu wa ba lulamileko wu wulawula a kutibisisa,
Ni lirimu la yena li wulawula a nongameto.
- 31 A nawo wa Nungungulu wa yena wu lomo mbilwini ya yena;
A ku kona a xa zikanziyelo za yena xi ta nga retemuka.
- 32 A wa kubiha a rinzako hi a lulamileko,
A hlotako a ku daya yena.
- 33 Jehova a nga ta tsika yena lomo canjeni ga yena,
Ge ni kukona yena laha yena a lamulwako.
- 34 Rinzela a ka Jehova, ni ku hlayisa a ndlela ya yena,
Na yena i ta klakusa wena a kufumela a tiko:
Laha a wa kubiha a tsenwako, wena u ta wona kona.
- 35 Mina nzi wonile a wa kubiha le ntawweni wa hombe,
Ni kuanlalata a wutsumbu ga yena ku fana ni sinyo yo nyukalaha yi milileko kona.
- 36 Kanilezi a munwe a hunzako, ni, mangabye, yena i wa nga hi kona;
Ina, mina nzi lo hlota yena, kanilezi yena i wa nga hi na ku kunwa.
- 37 Pima hi munhu a mbeleleko, ni languta a longamileko;
Hakuba labo-ku kona a kuxalala ka munhu wa kurula.
- 38 Kwatsi hi ba hambunyeti, ba ta lo-byiswa katiginwe:
A kugumelwa ka bakubiha ba ta tsenwa.

- 39 Kanilezi a kuhanyiswa ka balulamileko ku ka Jehova;
Yena hi kokola gabye xikatini xa zikarato.
- 40 Na Jehova a vunetelako bona, a hlanguutako bona:
Yena a hlanguutako bona ka ba kubiha, a ponisako bona,
Hakuba labo ba tekile a wucabelo ka yena.

LISIMU 38.

- 1 O Jehova, u nga kawuki mina le zangeni ya wena;
Ge u nga tsayisi mina lomo kuhiseni ka ku nga xalaliswi ka wena.
- 2 Hakuba a tigalala ta wena ti namarele ti tiya ka mina,
Ni canja ga wena gi tsingisile a ku tsimbeketa mina.
- 3 Laho a ku kona wutomi ka nyama ya mina hi lulekisiso wa wena;
Ge a ku kona a kuhanya marambyini ya mina hakuba hi xionho xa mina.
- 4 Hakuba a zigoheketiso za mina zi hunzelele blokweni ya mina:
Kwatsi hi nzwalo wu binzako zona zi binza nguvu ka mina.
- 5 A timbanga ta mina zi munzulukiso ti bolile,
Hakuba hi wupumbu ga mina.
- 6 Mina nzi zwile kubayisa nzi tsumbula lahi hi kukulisilweko;
Mina nzi famba hi xirilo nzi longoloka ni gonk'e a siku.
- 7 Hakuba a ziwunu za mina zi tatisiilwe hi kuvura;
Laho a ku kona a wutomi lomu nyameni ya mina.
- 8 Mina nzi rerekile nzi tsingelwe hi kinyelelwa,
Nzi ketisiilwe hi kota ya ku ngabi na rutisiso ka mbilu ya mina.
- 9 Hosi, konk'e a kuxuba ka mina ku le mahlweni ka wena;
Ni kuketa ka mina a kufihlwangi le ka wena.
- 10 A mbilu ya mina yi gabatanako, ni ntamo wa mina wu tsanzekile ka mina:
Kwatsi hi kuwonekala ka mahlo ya mina, konawu ku fambile ka mina.
- 11 A baranzekako ba mina ni bangana ba mina ba yima kule ni tungu wa mina;
Ni maxaka ya mina ma yima hi le kule.

- 12 Bona kambe labo ba hlotako a wutomi ga mina ba dembela maziyo ha mina ;
Na bona ba hlotako a kulamatwa ka mina ba wulawula a zilo zi kohlakalisilweko,
Ba alakanyela a kukohlisa gonkle siku gi longolokako.
- 13 Kanilezi ha mina, kwatsi nzi mbebebe, a nzizwi ;
Na mina nzi kwatsi nzi munhu wa xiwiri loye a nga vululikoa nomu wa yena.
- 14 Inaka, mina nzi kwatsi nzi munhu loye a nga zwiko,
A nomu wa wihi ku nga hiko na za kutibiya.
- 15 Hakuba a ka wena, O Jehova, mina nza maha a kutumba :
Wena hi wena u ta nga hlamula, O Hosi a Nungungulu wa mina.
- 16 Hakuba mina nzi te ngalo, Banga taku bona ba buma hehla ka mina :
Laha a konzo wa mina wu retemukako, bona ba su kukumuxa a wutumbu gabye ba vukela mina.
- 17 Hakuba mina nzi longile a kuwa,
Ni kuxaniseka ka mina hi kusimamisolweko ku kona mahlweni ka mina.
- 18 Hakuba mina nzi klaklambuta a kuonha ka mina ;
Nzi ta xaniseka hi xionho xa mina.
- 19 Kanilezi a balala ba mbakukana, ba ni ntamo ;
Na bona labo ba bengako mina hi kuhohetisolweko ba enzelekelanile.
- 20 Bona kambe labo ba kliselako a kubiha hi ka za kusasa
Mbalala a ka mina, hakuba mina nzi lanzelako a zilo lezo zi nga za kusasa.
- 21 U nga tsiki mina, O Jehova :
O Nungungulu wa mina, u nga be kule ka mina.
- 22 Mahe a xihakla a kuvunetela mina,
O Hosi, a kuhanyisa ka mina.

TISIMU 39.

- 1 Mina nzi te ngalo, Nzi ta celakota hi ntlela ya mina,
Kasi nza fela ku kala nzi nga onhi hi lirimi la mina ;
Nzi ta hlalisa a nomu wa mina hi matomu,
Laha na wa kubiha a hi mahlweni ka mina.

- 2 Mina nzi wa hi xiwuri hi kumiyela, nzi su ku tiwitiwibi, hambu kona kusaseni ;
Ni kuxaniseka ka mina ku la su vunjukela.
- 3 A mbilu ya mina yi wa ku hisa lomo nzeni ka mina ;
Laha mina na nzi kufumela ku hisa nzilo ;
Zonake mina nzi lo wulawula hi lirimi la mina :
- 4 Jehova, maha mina a ku tiba a kugumelwa ka mina,
Ni kuringana ka masiku ya mina, a ku ka kuyini ;
Nga mina nzi tiba lezaku nzi xipumbureti.
- 5 Languta, wena u mahile a masiku ya mina kwatsi i pama wa canja ;
Ni xikati xa wutomi ga mina a hi ncumo mahlweni ka wena :
Hakuba bonklelele banhu hi xikati ni xatsi xa yena mbungulwani gi nga nyawuliko. [Sela]
- 6 Hakunene bonklelele banhu ba fambako kuwonweneni ku nga nyawuliko ;
Hakunene bona ba su karateka hi ku nga nyawuliko :
Yena a bingeretelako a mufuma na a nga mu tibi loye a ta nga tso mbanyisela kona.
- 7 Na makunu, Hosi, nza ha rinzela yini mina ?
A kutumba ka mina ku lomo nzeni ka wena.
- 8 Klaklisa mina nzi suka zonkle a sihambunyetiso za mina :
U nga mahi mina a ku maha a nzhukano ya zipumbu.
- 9 Mina nzi wa hi xiwiri, a nzi vululangi a nomu wa mina ;
Hakuba wena u mahleko kona.
- 10 Susa a kubiwa ka wena ka mina :
Mina nzi mbetisolwe hi xiwuta xa pama wa canja ga wena.
- 11 Laha wena hi kukawuka u mahako a ku luleka a munhu zigohweni,
Wena u mahako a wumbhuri ga yena a kunyamala kwatsi i sumba :
Hakunene bonklelele banhu a ba nyawuli. [Sela]
- 12 Zwana a mukombelo wa mina, O Jehova, ni ku nyika a ndlebe ka kurila ka mina ;
U nga rutisi u miyela a mihlotini ya mina ;
Hakuba mina nzi mupfumba na wena,

A nzhubeti, kwatsi hi bonkle bada-dani ba mina.

- 13 O vumela mina, kasi nza engeta nzi kuma a ntamo,
Hi mahlweni na nzi nga se ku suka leno, nzi nga bi nzi hi kona kambe.

LISIMU 40.

- 1 Mina nzi rinzele hi lihlanzambilu ka Jehova;
Yena i pumunhile ndlebe ka mina, i zwile a huwa ya mina.
- 2 Yena i humesile mina kambe hi lomo koboklweni wa rinzi, hi lomo maropeni ya piriwa;
Na yena i jajekile a mikonzo ya mina hehla ka ribye, na yimisile a kufamba ka mina.
- 3 Na yena i bekile a xizimba xiswa nonwini wa mina, kona a dumisa a ka Nungungulu wa hina:
A ba ku tala ba ta ku wona, ba ta caba,
Ba ta tumba a ka Jehova.
- 4 I katekisilwe a munhu loye a maha-ko Jehova a kutumba ka yena,
A nga kataliko hi bamatsanza, ge hambu ni labo ba hambukako klelweni ba hamba wunwa.
- 5 Yi tele, O Jehova a Nungungulu wa mina, a mitiro yi hlmalisako leyi wena u yi mahileko,
Ni kualakanya ka wena loku ku nga ngomama na hina:
Yona a yi na kuxaxameta ka wena;
Loku mina nzi wa ta nga nzi klaklambuta ni ku wulawula ha yona,
Yona yi tele ku hunza ku hlaiwa.
- 6 A mupahlelo ni munyikelo wena a kuxalaliswangi ka yona;
A tindlebe ta mina wena u ti vululeko:
A munyikelo wa kuhiswa ni mupahlelo wa kuonha wena u nga zi wutisangiko.
- 7 Zonake ku lo wula mina, Mangabye, mina nza tile;
Lomo petsweni wa buku kona ku tsalilwe ha mina:
- 8 Mina nza xalaliswa a ku maha a kuranza ka wena, O Nungungulu wa mina;
Inaka, a nawo wa wena wu lomo nzeni ka mbilu ya mina.
- 9 Mina nzi bilehungu ga mahungu ya litsako la kululamisisa le klanganweni wa hombe;

Mangabye, mina nzi nga tsimbeta a milomu ya mina,
O Jehova, wena u tibako.

- 10 Mina a nzi fihlangi a kululamisisa ka wena nzeni ka mbilu ya mina;
Mina nzi klaklambutele a kukolekisisa ka wena ni kuhanyisa ka wena;
Mina a nzi tumbetangi a kuranzakawunene ga wena ni zinene za wena le klanganweni wa hombe.
- 11 U nga kombeti a wunene ga titralo ta wena le ka mina, O Jehova;
Nga a kuranzakawunene ga wena ni zinene za wena hi kusimamisi-lweko ku lonzowota mina.
- 12 Hakuba a kubiha ku nga hiko na kuhlayiwa ku nzi pomele ku ranzela;
A zigoho za mina zi nzi kamanyetile, zingaho lezo mina a nzi zi koti a ku hafula nzi cuwuka;
Zona zi hunzeletile a ku hunza a misisi ya hloko ya mina;
Ni mbilu ya mina yi hlulekile ka mina.
- 13 Nga u xalaliswe, O Jehova, a kuklaklisa mina:
Mahe a xihakla a kuvunetela mina, O Jehova.
- 14 Nga bona ba wiswa a tingana ni vinganya katiginwe
Labo a hlotako a muhefemulo wa mina a ku lobisa wona:
Nga bona ba su ku gangatsala ba tiswa ku nga dzunziwini
Labo ba tsakako hi ku lamatwa ka mina.
- 15 Nga bona ba hahluka hi kota ya tingana ta bona
Labo ba wulako ka mina, Aha, aha.
- 16 Nga bonkle labo ba hlotako wena ba buma ni litsako ka wena:
Nga kwatsi hi labo ba ranzako a kuhanyisa ka wena ba wula hi kusimamisi-lweko,
Jehova i klakusilwe.
- 17 Kanilezi mina nzi xisiwana ni muvu-mali;
Kasike a Hosi yi alakanyako ha mina:
Wena hi wena a muvuni wa mina ni muklaklisi wa mina;
U nga mahi a kutsisa, O Nungungulu wa mina.

LISIMU 41.

- 1 I katekisilwe yena loye a xubako hi zisiwana;

- Jehova i ta **klaklisa** yena a sikwini ga kubiha.
- 2 Jehova i ta lonzowota yena, a muhlayisa na a hanya, Yena i taba a katekisilweko hehla ka misaba;
Wena u nga nyikeli yena a kuranzeni ka balala ba yena.
- 3 Jehova i ta vumetela yena tsatseni ga kukwabeka:
Wena u mahako wonkle a mubedi wa yena a wubabyini.
- 4 Mina nzi te ngalo, O Jehova, nga u hi ni titalo hehla ka mina:
Cuma a muhefemulo wa mina; hakuba mina nzi onhile nzi vukela wena.
- 5 A balala ba mina ba wulawula a kubiha ba vukela mina, baku,
Hi rini yena a ta nga kufa, ni bito ga yena gi mbembiswa?
- 6 Ni loku yena a tata ku nzi wona mina, i wulawula a mawunwa;
A mbilu ya yena yi bingeretela a kugoha ka yona wutsumbu:
Laha yena a fambako lahandle, i wula ha kona.
- 7 Bonkle labo ba bengako mina ba hleba katiginwe a ku vukela mina;
- Ba vukela mina bona ba kucetela a wulala.
- 8 A ngumbe ya kubiha, ba wula bona, yi namarela u tiyisa hehla ka yena;
Na makunu loku yena a eklele a nga ha engeti kambe a vuka.
- 9 Inaka, a mungana wa mina nzi tolobeleneko, naye mina nzi mu tsumbako.
A ngako a zibaba za mina,
I klakusile a xirenze xa yena a vukela mina
- 10 Kanilezi wena, O Jehova u hi ni titalo ka mina, u vuxa mina kambe,
Kasi nza fela a kupota ka bona.
- 11 Ha lexi mina nza zi tiba lezaku wena wa xalaliswa ha mina,
Hakuba a nala wa mina a nga kani hehla ka mina.
- 12 Na kwatsi ha mina, wena u kamu-keleko mina a nongametweni wa mina,
Na u yimisile mina mahlweni ka ngohe ya wena kala kupinzuka.
- 13 I katekisilwe Jehova, a Nungungulu wa ka Israeli,
Ku sukela kupinzukelweni kala kupinzukelweni.
Ameni, ni Amen.

BUKU II.

LISIMU 42.

- 1 Kwatsi hi matsune wa mhuti a nabelako a micongweni ya mati,
Zingaho wa nabela a muhefemulo wa mina a ka wena, O Nungungulu.
- 2 A muhefemulo wa mina wuzwa tora ha Nungungulu, ha yena Nungungulu a hanyako:
Hi rini mina nzi ta ngata nzi ta woneka mahlweni ka Nungungulu?
- 3 A mihloti ya mina yi wa kari yi hi kuga ka mina a siku ni wusiku,
Laha bona hi ku simamisilweko ba wula ka mina I kwihl, Nungungulu wa wena ke?
- 4 Lezi silo mina nza alakanya, nza halata a muhefemulo wa mina lomo nzeni ka mina,
Nzi fambisile ku yini ni maviyo, nzi ma rangela le ndlwini ya ka Nungungulu,
Zinwe hi gezu ga litsako ni kudumisa, a xidlemo xa hlalisa a siku ga kubasa
- 5 Hi yini u hoxilweko lahasi, O muhefemulo wa mina ke?
Na hiyini u nga hiko na kurenga lomo nzeni ka mina ke?
Tsumba wena a ka Jehova; hakuba mina nza ta ha dumisa yena
Hakuba hi kuvuna ka ngohe ya yena.
- 6 O Nungungulu wa mina, a muhefemulo wa mina wu hoxilwe lahasi nzeni ka mina:
Hikwalaho mina nza alakanya wena le tikweni ga le Jordani,
Ni ma Hermoni, le tsurini wa Mizare.
- 7 A kueta ku bitako a kueta le guweni ga bomubomu ga wena:
Wonkle a mabyandlati ya wena ni mabikubiku ya wena ma nzi kubunyetile.
- 8 Kasike Jehova i ta leletela a kuranzakawunene ga hi xikatini xa siku;
Ni laha wusikwini a lisimu la yena li taba zinwe na mina,

Wona a mukombelo a ka Nungu-
ngulu wa wutomi ga mina.

9 Mina nzi ta wula a ka Nungungulu
a ribye ga mina,
Hi yini wena u ribakelweko ha mi-
na ke?

Hi yini nza fambako mina na nzi ri-
la hakuba hi kutsimbeketa ka rala
ke?

10 Kwatsi hi supado marambyini ya
mina, a balala ba mina ba nzi ka-
manyetile,

Laha bona na ba ha simamisile ba
wula ka mina, I kwihi a Nungu-
ngulu wa wena ke?

11 Hiyini u hoxilweko lahsi, O muhe-
femulo wa mine ke?

Hi yini u nga hiko na kurenga nze-
ni ka mina?

Tsumba wena a ka Nungungulu;
hakuba mina nza ha ta mu du-
misa,

Loyi a nga kuvuna ka ngohe ya mi-
na, ni Nungungulu wa mina.

LISIMU 43.

1 Lamula mina, O Nungungulu, hla-
nguta a mhaka ya mina u vukela
a mufumo wu nga hiko na wunu-
ngungulu :

O klaklisa mina le kohlakalweni ni
ka munhu a nga longamangiko.

2 Hakuba wena hi wena Nungungulu
wa ntamo wa mina; hi yini wena
u hoxileko mina kule ke?

Hi yini mina nzi fambako na nzi rila
hakuba hi kutsimbeketa ka nala
ke?

3 O rumela a kuwonekela ka wena ni
zinene za wena, nga zona zi rangela
mina :

Nga zona zi neha mina le tsurini wa
wena wu kubasa,

Ni le tabernakeleni ga wena.

4 Zonake mina nzi taya a ka alati ga
ka Nungungulu,

Ka Nungungulu a litsako la mina li-
hunzeleleko ;

Ni hehla ka xitende mina nzi ta du-
misa wena, O Nungungulu, Nu-
ngungulu wa mina.

5 Hi yini u hoxilweko lahasi, O mu-
hefemulo wa mina ke?

Na yini u nga hiko na kurenga lomo
nzeni ka mina ke?

Tsumba wena a ka Nungungulu; ha-
kuba mina nza ha ta mu dumisa,

Loyi a nga kuvuna ka ngohe ya mi-
na, na Nungungulu wa mina.

LISIMU 44.

1 Hina hi zwile hi tindlebe ta hina, O
Nungungulu,

A badadani ba hina ba byelile hina,
Mitiro ya ku yini wena u mahikeleko
masikwini yabye,

A masikwini ya kaleloko.

2 Wena u hlongola a mifumo hi canja
ga wena ;

Kanilezi bona wena u lo ba tikireta :

Wena u hlokisileko a banhu ;

Kanilezi bona u lo ba andlalata ba
enzeleka.

3 Hakuba bona a ba tekangi a tiko a
ku gi fumela hi supado ya bona
benyi.

Ge hambu a canja ga bona a gi ha-
nyisangi bona ;

Kanilezi a canja ga wena ga xinene,
ni woko ga wenawu, ni kuwone-
kela ka ngohe ya wena,

Hakuba wena u tomolokako ka bo-
na.

4 Wena hi wena a Hosi ya mina, O
Nungungulu :

Leletela a klakliselelo ka Jakobe.

5 Hi kota ya wena hina hi ta kolonga-
nya a balala ba hina lahasi :

Hi kota ya bito ga wena hina hi ta
kanziyela lahasi labo ba sukako
ba vukela hina.

6 Hakuba mina nzi nga ta tsumba ka
wura ga mina,

Ge ni supado ya mina a yi hanyisi
mina.

7 Kanilezi wena u ponisile hina a ka
balala ba hina,

U celile bona ti nganeni labo ba be-
ngako hina.

8 A ka Nungungulu hina hi mahile a
ku kumuka ka gonkle siku gi lo-
ngolokako,

Kanilezi nzi ta nyika a kubonga ka
bito ga wena kala kupinzuka.

[Sela

9 Kanilezi makunu wena u hoxileko
hina kule,

Ni ku neha hina le kutsanweni,

U nga humiko u famba ni impi ya
hina.

10 Wena u mahako hina a ku fularela
a ka balala ba hina :

Na bona labo ba bengako hina ba
teka a mupango wa bona wutsu-
mbu.

11 Wena u hi mahile kufanana ni tiivu
ti longiselweko a kuga,

Na u hangalasile hina xikari ka mi-
fumo.

- 12 Wena u xabisako a banhu ba wena
hi ku nga nyawuli,
Hakuba wena a ku anzisangi a ku-
fuma ka'bye hi fanelo ya'bye.
- 13 Wena u mahako hina a nzhukano
ke baakelwane ba hina,
A xeluzwa ni kuhlekwa ka bona la-
bo ba ranzeleko hina.
- 14 Wena u mahako hina a makiyala xi-
kari ka mifumo,
A zibizelo wa hloko xikari ka ba-
nhu.
- 15 Wonkle a masiku ya mina ma lo-
ngolokako nja litsan'wo mahlweni
ka mina,
Ni tingana ta ngohe ya mina ti fene-
ngetile mina,
- 16 Hakuba hi gezu ga yena loye a ru-
katelako a singitako,
Hi kota ya nala ni mupoti.
- 17 Zonkle lezi zi tile hehla ka hina ; ka-
sike hina a hi ribakelwangi wena,
Ge hina a hi mahangi hi kukalabeli-
silweko xivumelwaneni xa wena.
- 18 A timbilu ta hina a ti kilelangi ha xi-
nzakwana,
Ge hambu a zikanziyelo za hina a zi
hambukangi n'leleni ya wena,
- 19 Lezi wena u tsingisileko a kutsoba
hina wutsa'weni ga mahlolwa,
U fenengetile hina hi nzhuti wa ku-
fa.
- 20 Loku hina hi ribakelwe hi bito ga
Nungungulu wa hina,
Na kuba hi an'latatile a mandla ya
hina ka nungungulu a pfumba ;
- 21 Nungungulu i wa nga ta kamba lo-
ku ku woneka ke?
Hakuba yena ya yi tiba a fihlakalo
ya mbilu.
- 22 Ina, hi kota ya wena hina hi delwa
gonkle siku gi longolokako ;
Hina hi hlal'elwa kwatsi tiyivu ti
k'abyiwako.
- 23 Vuka, u e'lelela yini wena, O Hosi
ke?
Vuka, u nga hoxi hina kala kupi-
nzuka.
- 24 Ngahilezo u fihlako wena a ngohe
ya wena,
U ribakelwako hi kuhlokiswa ka hi-
na ni kutsimbeketwa ka hina ke?
- 25 Hakuba a mufemulo wa hina wu
koranisilwe lahasi tsurini ;
A miri wa hina wu namarele misa-
beni.
- 26 Suka hi kuvuna ka hina,
Ni ku'hlakisa hina hi kota ya kura-
nzakawunene ga wena.

LISIMU 45.

- 1 A mbilu ya mina ya pupuma hi
mhaka yi sasekileko ;
Nzi wulawula hi zilo nzi zi mahileko
hi ku kumbuka a hosi :
A lirimi la mina i peni ya mutsali a
longeleko.
- 2 Wena u litrikla a kuhunza a banana
ba banhu ;
A wuxinji ga halatwa milo'wini ya
wena :
Hikwalaho Nungungulu i katekisile
wena kala kupinzuka.
- 3 Boha supado ya wena hehla ka nyo-
nga ya wena, O nhenhanziwena,
A wukosi ga wena ni kudumiswa
ka wena.
- 4 Ni wukosini ga wena kilela hi ku-
vuvumisilwe,
Hakuba hizinene ni kurutisisa ni ku-
lulamisisa :
Ni canja ga wena ga xinene gi ta
gonzisa wena a zilo zi tsisako.
- 5 A tugalala ta wena ti trotikile ;
A banhu ba wela lahasi ka wena ;
Tona ti lomo mbilwini ya balala ba
hosi.
- 6 A xitsamo xa wena xa wukosi, O
Nungungulu, xa ku kala kupi-
nzuka ni kupinzuka :
A nhonga ya nongameto i nhonga
ya mufumo wa wena.
- 7 Wena hi wena u ranzile a kululami-
sisa, u bengile a kubibisisa :
Hikwalaho Nungungulu, a Nungu-
ngulu wa wena, i totile wena
Zinwe hi mafura ya litsako hehla
ka ba ka nwina.
- 8 Tonkle a tinguwo ta wena ti nuhela
a mure, ni mubandwa, ni pepo ;
Le handle ka zilubelo za timhonzo
ta tindluvu ku angelwe a wuce-
nje gi mahileko wena ku tsaka.
- 9 A banhwana ba hosi ba lomo xikari
ka ba basati ba wena ba dzunze-
kileko :
A ka canja ga wena ga xinene u yi-
mile a muzinza a bombile hi nza-
lama ya le Ofira.
- 10 Ingisa, O nhwana, pima, u pumu-
nha a n'lebe ya wena ;
Ribakela kambe banhu ba ka nwina,
ni yindlu ya dadani wa wena :
- 11 Zingaho a hosi yi ta xuba a wumbhu-
ri ga wena ;
Hakuba yena hi hosi ya wena ; dzu-
nza yena wena.
- 12 Ni nhwana wa le Tire i taba laho zi-
nwe ni xinyikiwo ;

- A bafumileko xikari ka banhu ba ta kombela a tomo ga wena.
- 13 A nhanyana wa hosi le xilubelweni i hi mbhukosi gonkle :
A tinguwo ta yena ti pomelwe hi nzalama.
- 14 Yena i ta yiswa le hosini a bombile hi tiro wukomelweko :
A mibulwa a titanga ta yena ba heleketako yena
Ba ta nehwa ka wena.
- 15 Zinwe hi litsako ni kubuma bona ba ta heleketwa ;
Ba ta engena a xilubelweni xa hosi.
- 16 A xikundleni xa badadani ba wena bona ba taba a banana ba wena,
Labo wena u ta nga ba beka a tihosana ka yonkle a misaba.
- 17 Nzi ta maha a bito ga wena a kualakanyiwa ka zonkle a zizukulwana:
Hikwalaho a banhu ba ta nyika ka wena a kubonga kala kupinzuka ni kupinzuka.

LISIMU 46.

- 1 Nungungulu hi xiponelo xa hina ni ntamo,
A kuvunetela ku nga kona kusuhanani ka hina xikatini xa zikarato.
- 2 Hikwalaho hina hi nga ta caba, hambuloku misaba yi tsekatsEKiswa,
Ni loku a zitsunga zi ninginizwa mbi lwini ya mabimbi ;
- 3 Hambuloku a mati ya kona ma go boza ma vindlukiswa,
Hambuloku a zitsunga zi rurumela hi kukumuka ka wona. [Sela
- 4 Laho ku kona a congo, a marabi ya wona ma tsakisa a muti wa Nungungulu, .
A wutsamo ga kubasa ka taberna kele ga loye a Hunzeleleko Hehla.
- 5 Nungungulu i kona xikari ka wona; wona wu nga ta tsekatsEKiswa :
Nungungulu i ta wu vunetela, na hi xikanzakanya xa lezo.
- 6 A matiko ma kulumela, ni mifumo ya tsekatsEKiswa :
Yena wa klaklambuta a revu gakwe, a misaba yi nyekile.
- 7 Jehova wa mabandle i zinwe na hina ;
A Nungungulu wa Jakobe hi xiponelo xa hina. [Sela
- 8 Ngonani, langutani a mitiro ya ka Jehova,
Zihangalaso za ku yini a zi mahileko misabeni.

- 9 Yena a mahako a tiimpi ti kawula kugumelweni ka misaba ;
Yena a tsobako a mawura, a tsemako a maklari ma pulakanyeka ;
A hisako a tikareta lomu nzilweni.
- 10 Nga mu miyela, mu tiba lezaku mina nzi Nungungulu :
Nzi ta kukumuxwa xikari ka mifumo, Nzi ta kukumuxwa laha misabeni.
- 11 Jehova wa mabandla i zinwe na hina ;
A Nungungulu wa Jakobe hi xiponelo xa hina. [Sela

LISIMU 47.

- 1 O pakatelani a mandla ya nwina, nwenkle nwina banhu ;
Kanyulukani a ka Jehova hi gezu gu kukana.
- 2 Hakuba Jehova a Hunzeleleko Hehla a cabeka ;
Yena hi Hosi ya hombe hehla ka misaba yonkle.
- 3 Yena a kozisako a banhu lahasi ka hina,
Ni mifumo lahasi ka mikonzo ya hina.
- 4 Yena a langako a tsomba ya hina akuba ya hina,
A wukosi ga Jakobe loye a mu ranzileko. [Sela
- 5 Nungungulu i kanziyile hehla hi kukulumela,
Jehova zinwe hi guwa ga punzu.
- 6 Yimbelelani a mibonga ka Nungungulu, yimbelelani a mibongo :
Yimbelelani a mibongo ka Hosi ya hina, yimbelelani a mibongo.
- 7 Hakuba Nungungulu hi Hosi ya misaba yonkle :
Yimbelelani a mibongo hi kupimisisa.
- 8 Nungungulu a fumileko hehla ka mifumo :
Nungungulu a tsamileko hehla ka xitsamo xa yena xa wukosi.
- 9 A tihosi ti tsombene a katigiawe Akuba a banhu ba Nungungulu wa ka Abrahamama ;
Hakuba a ziklungu za misaba zi hi za ka Nungungulu :
Yena hi kukulisisilweko i klakukile.

LISIMU 48.

- 1 A wa hombe nzi Jehova, nga kudumiswa ka yena ku hikukulisisilweko,

- Nzeni ka muti wa Nungungulu wa hina, nzeni ka xitsunga xa yena xo basa.
- 2 Mbumbhuri kuklakukeni, a litsako la misaba yonkle,
Ku hi xitsunga Zioni, le klelweni ga le nwalungwini,
A muti wa Hosi ya hombe.
- 3 Nungungulu i mahile a wutsumbu ga yena gi tibyiwa lomu zilube-lweni za yena hi wuponelo.
- 4 Hakuba, mangabye, a tihosi ti tso-mbanyisile a wutsumbu ga tona, Bona ba hunzile a katiginwe.
- 5 Bona ba lo wona, kona ba wa hla-malisilwe ;
Bona ba mbetekisilwe a ntamo, bona ba nyamalalisilwe.
- 6 A kururumela ku su ku kanyameta bona laho,
A kubayisa, kwatsi hi wasati loku a lunwa.
- 7 Zinwe hi mheho ya mutsuwukaga-mbo
Wena u tsobako a mataru ya le Tarixi.
- 8 Kwatsi hilezi hina hi sizwileko, zingaho hina hi zi wonile
Le mutini wa Jehova wa mabandla, a mutini wa Nungungulu wa hina :
Nungungulu i ta yimisa yona kala kupinzuka. [Sela
- 9 Hina hi alakanyile hi kuranzakawu-nene ga wena, O Nungungulu, Xikari ka tempele ya wena.
- 10 Kwatsi hi lezi gi nga lezo a bito ga wena, O Nungungulu,
Zingaho a kudumisa ka wena a kugumelweni ka misaba :
A canja ga wena ga xinene gi ta ti-silwe hi kululamisa.
- 11 Na a xitsunga Zioni xi be xi tsakisi-lweko,
Nga a nbanyana wa ka Juda a kana, Hakuba hi kulamulisa ka wena.
- 12 Famba hi ka Zioni, ni kuya renzele-kela xona.
A kuhlaya a tigingisi ta kona ;
- 13 Pimani nwina a kugingisilweko ka yena ;
Pimani hi zilubelo za yena ;
Kasi nwina ma fela kubyela kona a ka zizukulwana zi lanzelako.
- 14 Hakuba loyi Nungungulu hi Nungungulu wa hina kala kupinzuka ni kupinzuka :
Yena i taba a murangeli wa hina kala le kufeni.

LISIMU 49.

- 1 Zwanani lezi, nwenkle nwina bannhu ;
Nyikani a ndlebe, nwenkle nwina a baakileko ba tiko,
- 2 Nwenkle nwina ba lahasi ni bakla-kukileko,
A bo fuma ni zisiwana katiginwe.
- 3 A nomu wa mina wu ta wulawula a kutibisisa ;
A kuxuba ka mbilu ya mina ku taba ka kupimisisa.
- 4 Nzi ta pumunha a ndlebe ya mina ka mufananiso :
Nzi ta vulula a kuwula ka mina ku-fihleleko hi xitende.
- 5 Ngahilezo mina nzi wa ta nga nzi caba hi sikwini ga kubiba,
Laha a kugoha zizenzeni za mina ku nzi ranzelako ke?
- 6 Bona labo ba tumbako a kufumeni kabye,
Ni ku kukumuxa a wutsumbu gabye hi wudlemo ga mipfuno yabye ;
- 7 A nga kona a zi kotako a wa bona a kuklaklisa a makabye wabye,
Ge ni ku nyika a ka Nungungulu a nzhiho wa yena
- 8 (Hakuba a kuklaklisa ka wutoni gabye i kari,
Kona kutsanzekako kala kupinzuka),
- 9 Lezaku yena i wa ta nga a hanya xonkle a xikatl,
Lezaku yena i wa ta nga a nga woni a kuboleka.
- 10 Hakuba yena i ta wona kona. A bannhu ba tibako bafa ;
A xipumbu ni xigwela si mbembi-swa kufananako,
Ba siya a mipfuno yabye ka bannwanl.
- 11 A kualakanya kabye hi loku, lezaku a tindlu tabye ti ta simamisa kala kupinzuka,
Ni wutsamo ga kuaka kabye ka zonkle a zizukulwana ;
Bona ba eula a tiko gabye hi mabito ya bona benyi.
- 12 Kanilezi a munhu loyi a dzunzekako a nga na kutsama :
Yena i fanana ni sibari lesi si lobi-leko.
- 13 Leyi a ndlela yabye i ndlela ya wupumbu gabye ;
Kasike anzako ka bona a munhu wa tiyisa a kuwula kabye. [Sela
- 14 Bona ba longisilwe kwatsi i klambi wuyako Xeole ;

- A kufa ku taba a murisi wa^{bye} :
 N balulamileko ba ta fumela hehla
 kabye laha mixweni ;
 Ni wumbhuri gabye ku taba Xeole
 a kulobisa,
 Lezaku laho ku nga ta kuba kona a
 kuakiwa ka kona.
- 15 Kanilezi Nungungulu i ta klaklisa a
 muhefemulo wa mina le ntawweni
 wa Xeole ;
 Hakuba yena i ta amukela mina. [Sela
- 16 Wena u nga be u caboyisilweko laha
 a munwe a mahwa a fumileko,
 Laha a wukosi ga yindlu ya yena gi
 anzisilweko :
- 17 Hakuba laha yena a fako a nga ta
 rwala ncumo a famba naxo ;
 A wukosi ga yena gi nga ta klakuka
 anzako ka yena.
- 18 Hambu lezi laha a nga wa ha hanya
 yena i lo katekisa a muhefemulo
 wa yena
 (A banhu ba dumisa wena, laha na
 wena u maha kwatsi ka wutsu-
 mbu ga wena),
- 19 Yena i taya ka xizukulwana xa ba-
 dadani ba yena ;
 Bona cima ba nga ta wona a kuwo-
 nekela.
- 20 A munhu loye a nga kudzunziweni,
 a nga na kupima,
 I kota a zihari lezo zi lobako.

LISIMU 50.

- 1 A Loye Nyamintamo, Nungungu-
 lu, Jehova, a wulileko,
 Ni kubitana a misaba kusukela ku-
 tsuwukeni ka gambo ni kupeleni
 ka gona.
- 2 Ku huma hi le Zioni, a kumbelelisisa
 ka wumbhuri,
 Nungungulu a woningile.
- 3 Nungungulu wa hina wata, a nga
 na kurutisa a miyela :
 A nzilo wa kadamula a mahlweni
 ka yena,
 Wona wu vura nguvu wu ranzela
 yena.
- 4 Yena a bitanako le matilweni le
 hehla,
 Ni laha misabeni, kasi a fela ku la-
 mula a banhu ba yena :
- 5 Tsombanyisani a ba basileko ba mi-
 na ka mina,
 Labo ba mahileko a xivumelwano si-
 nwe na mina hi mupahlelo.
- 6 A matilo ma ta klaklambuta a kulu-
 lamisisa ka yena ;

(Sheetwa)

44

- Hakuba Nungungulu wa lamula a
 wutsumbu ga yena. [Sela
- 7 Zwanani, O banhu ba mina, mina
 nzi ta wulawula ;
 O Israeli, mina nzi ta kustumunya
 ka wena :
 Mina nzi Nungungulu, yena a Nu-
 ngungulu wa wena.
- 8 Nzi nga ta hlola wena hakuba hi
 mipahlelo ya wena ;
 Ni minyikelo ya wena ya kubiswa
 yi simamisisile mahlweni ka mi-
 na.
- 9 Mina nzi nga teka na honwana le
 ndlwini ya wena,
 Ge ni mhongo le miklambini ya we-
 na.
- 10 Hakuba zonkle a zibanza za kwati
 zonkle za mina,
 Ni miklambi hehla ka kume ga ma-
 zana ya zitsungana.
- 11 Mina nza zi tiba zonkle a sinyanyani
 za zitsunga ;
 Ni zihari za kwati za lehandle za
 mina.
- 12 Loku mina nzi wa nga nzi hi ni
 ndlala, nzi wa nga ta byela wena ;
 Hakuba a tiko ga mina, ni talisiso
 wa gona.
- 13 Mina nzi taga a nyama ya tikuzi,
 Kutani nzinwa a nkata wa timbuti
 ke?
- 14 Nyikelani a ka Nungungulu a mu-
 pahlelo wa kunyikakubonga ;
 Ni kuriha a zifungo za wena ka loyi
 a Hunzeleleko Hehla ;
- 15 Bitana ka mina hi sikwini ga sika-
 rato :
 Mina nzi ta klaklisa wena, wena u
 ta dumisa mina.
- 16 Kanilezi a ka wa kubiha Nungu-
 ngulu a wulako,
 Xini u ta nga maha wena a ku kla-
 klambutela a zilayelo za mina,
 Ni lezaku wena u tekile a xivumelwa-
 no xa mina a nonwini wa wena,
- 17 Na u wona lezaku wena u bengako a
 kugonzisiwa,
 U hoxako a timhaka ta mina le nza-
 ko ka wena ke?
- 18 Laha wena u wonako a nkamba,
 wena u vumelako zinwe nago,
 U nga xihlengeli xa ba bayako.
- 19 Wena u nyikako a nomu wa wena
 le kubiheni,
 Ni lirimi la wena li akako a kuko-
 hlisa.
- 20 Wena u tsamako u vukela a maka-
 bye wa wena ;

689

- Wena u dembelako a nisanyana wa nyine wa wena.
- 21 Lezi zilo wena hi wena u zi mahileko, na mina nzi lo rutisa nzi miyela :
Wena u alakanyako katiginwe leza-ku mina nzi wo kwatsi hi wutsu-
mbu ga wena :
Kanilezi mina nzi ta hlola wena, nzi ta xaxameta bona mahlweni ka mahlo ya wena.
- 22 Makunu pimani lexi *nwina*, *nwina* mu ribakelweko Nungungulu,
Ku nga taku mina nzi hanzula *nwi*-
na a fufanyi, laho ku nga hi kona
wa ku mu *klaklisa* :
- 23 Loye a nyikelako a mupahlelo wa kunyikakubonga a dumisako mi-
na ;
A ka loye a longisako a ndlela ya yena yi longama
Mina nzi ta kombisa a kuhanyiswa ka Nungungulu.

LISIMU 51.

- 1 Maha a titralo ka mina, O Nungungulu, kukotisa hi kuranzakawu-
nene ga wena :
Kukotisa hi wunyingi ga wuranza ga titralo ta wena fubisa a zihambunyetisiso za mina.
- 2 Hlaza mina hi nzi bangamelisisilwe-
ko le kugoheni ka mina,
Ni kubasisa mina xionhweni xa mi-
na.
- 3 Hakuba nza zi tiba a zihambunyeti-
so za mina ;
Ni xionho xa mina xi la su tsoma mahlweni ka mina.
- 4 Ka wena, wena wece, nzi onhile,
Nzi mahile lexo xi bihileko a kuwo-
neni ka wena ;
Kasi wena u fela akuba u basisilwe-
ko laha wa wulako, na u *klaklekile*
la ha u lamulako.
- 5 Languta, nzi tralelwe kugoheni ;
Ni kuonheni mamani i lo nzi xura-
nyimba.
- 6 Languta, wena u xubako a zinene lomo nzeni ;
Na hi *klelo* gi fihleleko wena u mahile mina a ku tiba wuklari.
- 7 Basisa mina hi hisope, na nzi taba nzi hlazekile :
Hlaza mina, nzi taba nzi hlazekile kuhunza a mbera.
- 8 Maha mina a kuzwa a kubuma ni li-
tsako,
Kasi a marambu laya wena u tsobi-
leko ma tsakisa.

- 9 Fihla a ngohe ya wena zionhweni za mina,
Fubisa *zonkle* a zigoho za mina.
- 10 Banga xikari ka mina a mbilu yi hlazekileko, O Nungungulu ;
Ni kusangulisa a moya muswa lomu nzeni ka mina.
- 11 U nga nzi hoxi a kule a kubakoneni ka wena ;
U nga susi ka mina a Moya wa wena wa kubasa.
- 12 Klelisela ka mina a litsako la kuha-
nyiswa ka wena ;
Ni ku nzi *klakusa* hi moya wu vu-
melako.
- 13 Zonake nzi ta gonzisa a bahambu-
nyeti a tindlela ta wena ;
Ni baonhi ba ta hunzulukela a ka wena.
- 14 *Klaklisa* mina le nanzwini wa nkata,
O Nungungulu, wena Nungungu-
lu wa kuhanyisa ka mina ;
Ni lirimi la mina li ta kanyuluka li yimbelela a kululamisisa ka wena.
- 15 O Hosi, vulula wena a mlomu ya mina ;
Ni nomu wa mina wu ta kombisa a kudumisa ka wena.
- 16 Hakuba wena a ku xalaliswi hi mu-
pahlelo ; nzi nga taku nzi ku nyi-
ka wona :
Wena a ku na kutangaliswa hi mu-
nyikelo wa kuhiswa.
- 17 A mipahlelo ya ka Nungungulu hi moya wu tsobekileko :
A mbilu yi tsobekileko ni yi panze-
kileko, O Nungungulu, u nga ta yi nyenya.
- 18 Maha kusasa hi tangaliso wa ku-
nene ka wena ka Zioni :
Aka wena a tigingisi ta Jerusalema.
- 19 Zonake wena u ta xalaliswa hi mi-
pahlelo ya kululamisisa, a
Hi munyikelo wa kuhiswa ni wo-
nkle a munyikelo wa kuhiswa :
Zonake bona ba ta nyikela a tiho-
nwana hehla ka alati ga wena.

LISIMU 52.

- 1 Hiyini u kukumuxako a wutsumbu ga wena kukohlakaleni, O nhe-
nha nziwena ya munhu ke?
A kuranzakawunene ga ka Nungungulu ku simamisako hi kupinzuka.
- 2 A lirimi la wena li hlebako a kubihis-
sisisa nguvu,
Kwatsi hi likari lo trotika, u tirako hi kukohlisisilweko.

- 3 Wena u ranzako a kubiha a kuhnza a kusasa,
Ni mawunwa ku hunza ku wulawula kululamisisa. [Sela]
- 4 Wena u ranzako tonkile a timhaka ti kadamulako,
O wena lirimi li kohlisako.
- 5 Nungungulu wo kambe i ta lobisa wena kala kupinzuka;
Yena i ta susa wena, i ta ku humesa lomo tenteni ga wena,
I ta runzuwula wena lomo tikweni ga bahanyako. [Sela]
- 6 A lulamileko kambe i ta wona kona, i ta kucaba,
I ta hleka a ka yena, aku,
- 7 Mangahe, loyi hi munhu loye a nga mahangiko a Nungungulu a ntamo wa yena,
Kanilezi a tumbako talisisweni wa kufuma kakwe.
Ni kutiyisisa a wutsumbu ga yena hi kubibisisa kakwe.
- 8 Kanilezi kwatsi ba mina, nzi ta fanana ni sinyi ya olivia yo nyuka lomu ndlwini ya ka Nungungulu:
Nzi tsumba kuranzekawunene ga ka Nungungulu kala kupinzuka ni kupinzuka.
- 9 Mina nzi ta nyika wena a mibongelo kala kupinzuka, hakuba wena u mahileko kona;
Mina nzi ta tsumba a bitweni ga wena, hakuba kona kunene, a ku kubakoneni ka bo basa ba wena.

LISIMU 53.

- 1 A xipumbu xi wulile a mbilwini ya xona, Laho a ku kona a Nungungulu.
Bona ba botekile, ba mahile a manyalatana ya kugoha;
Laho a nga kona loye a mahileko a kusasa.
- 2 Nungungulu wa cuwuka lahasi hi le tilweni hehla ka banana ba banhu,
A kuwona lezaku laho a ku kona loye a pimako,
Loye a hlotako a Nungungulu.
- 3 Bonkilelele ba bona ba klelele le nza-ko; bona katigizwe ba nyenyezi-silwe;
Laho a ku kona loye a mahileko a kusasa, ge, hambu ni munwe.
- 4 A batiri ba kugoha a ba na kutiba,
Labo ba gako a banhu ba mina kwatsi hi loku бага a zibaba,

- Ba nga bitani a ka Nungungulu ke?
- 5 Labo bona ba le cabiyeni wa hombe, laha na ku nga hi kona a cawo;
Hakuba a Nungungulu i hangalasi-le a marambu ya yena loye a gobako a vukela wena:
Wena u ba wisile a tingana, hakuba a Nungungulu a alile bona.
- 6 O lezaku a kuhanyiswa ka Israeli ku wata huma le Zioni!
Laha na Nungungulu a klelisako a kukonwa ka banhu ba ka yena,
Zonake Jakobe i ta buma, na Israeli i ta tsaka.

LISIMU 54.

- 1 Ponisa mina, O Nungungulu, hi bito ga wena,
Ni kulamula mina le ntawweni wa wena.
- 2 Zwana a mukombelo wa mina, O Nungungulu;
Nyika a ndlebe a ka timhaka ta nomu wa mina.
- 3 Hakuba a bamatiko ba sukile ba vukela mina,
Ni banhu ba gujegu je ba hlotile a muhefemulo wa mina:
Bona a ba rangisangi a Nungungulu a mahlweni ka bona. [Sela]
- 4 Languta, a Nungungulu hi muvuneteli wa mimi:
A Hosi nja bona labo ba klakusileko a muhefemulo wa mina.
- 5 Yena i ta klelisela a kubiha a ka balala ba mina:
Lobisa bona wena lomo zineneni za wena.
- 6 Zinwe hi munyikelo wa kuranza ku-klaklekileko mina nzi ta pahlela ka wena:
Nzi ta nyika a kubonga a bitweni ga wena, O Jehova, hakuba kona kunene.
- 7 Hakuba yena i klaklisile ka konkile a kukarateka;
Ni mahlo ya mina ma wonile a kuxuba ka mina hehla ka balala ba mina.

LISIMU 55.

- 1 Nyika a ndlebe a ka mukombelo wa mina, O Nungungulu;
U nga filhi a nghohe ya wena le mukongelelisweni wa mina.
- 2 Ingisa a ka mina, ni ku hlamula mina:
Mina nza puluwunza kurileni ka mina, nzi tsikwila,

- 8 Hakuba hi gezu ga nala,
Hakuba hi kutsimbeketa ka baku-
biha ;
Hakuba bona ba hoxile a kubiha he-
hla ka mina,
Na hi kuzangara bona ba xanisa
mina.
- 4 A mbilu ya mina yi bayisile nzeni
ka mina:
Ni kutsisa ka kufa ku wele hehla ka
mina.
- 5 A tsisiselo ni kururumela ku tile he-
hla ka mina,
Ni manyeho ma nzi kubunyetile.
- 6 Na mina nzi te ngalo, O lezaku nzi
taba ni tipapa kwatsi i tuba!
Zonake nzi wa ta nga nzi purumile,
nzi be kuhumuleni.
- 7 Mangabye, zonake mina nzi wa ta
nzulanzula kule,
Mina nzi wa ta nga eklela lomo xi-
wuleni. [Sela]
- 8 Nzi wa ta nga nzi haklisa a ku ti vi-
kela
Le xipupurini ni le bubutseni.
- 9 Lobisa, O Hosi, hambanyisa a lirimi
labye ;
Hakuba mina nzi wonile a kupanga
ni kukanetana lomu mutini.
- 10 A siku ni wusiku bona ba fambile ka
wona hehla ka tigingisi ta kona :
A kugoha ni kukohlakala ku kona
xikari ka wona.
- 11 Ni kubihisisa ku kona xikari ka wo-
na :
A tsimbeketisiso ni kubiha a ku su-
ki mapangweni ya wona.
- 12 Hakuba kona ku wa nga hi nala lo-
ye a tsineleko ka mina ;
Zonake mina nzi wa ta nga nzi rwe-
le kona :
Ge kona a hi yena loye a bengako
mina loye a ti kukumuxako a vu-
kela mina ;
Zonake mina nzi wa ta nga nzi fihlile
a wutsumbu ga mina le ka yena :
- 13 Kanilezi ku wa hi wena, a munhu u
ringeneko na mina,
A tanga ya mina, ni mungana wa
mina hi tolobeleneke.
- 14 Hina hi lo tsema a xikungo xi tso-
mbelako katigawe ;
Hina hi wa lo famba le ndlwini ya
ka Nungungulu zizwe ni maviyo.
- 15 Nga kufa kuta hi xitsuketi hehla ka
hina,
Nga bona ba releta lahasi na ba ha-
nya le Xeole ;
Hakuba a kubihisisa ku lomo nzeni
ka kuaka kabye, lomo xikari ka
bona.
- 16 Na kwatsi ha mina, nzi ta bitana ka
Nungungulu ;
Na Jehova i ta ponisa mina.
- 17 A gambyeni, ni mixweni, ni laha
munwini, nzi ta rila, nzi tsikwila ;
Na yena i tazwa a gezu ga mina.
- 18 Yena i klaklisile a muhefemulo wa
mina kuruleni le impi leyo yi nga
vukela mina ;
Hakuba bona mbanyingi labo ba nga
wa kanetisana zizwe na mina.
- 19 Nungungulu i ta ingisa, ni ku hla-
mula bona,
Yena loye a tsamileko wa kaleloko. [Sela]
A munhu loye a nga hiko na kuhu-
nzuluka,
Ni loye a nga cabiko a Nungungu-
lu.
- 20 Yena i nawulutile a mandla ya yena
a vukela loye a nga ni kurula zi-
zwe na yena :
Yena i hanahanisile a xivumelwano
xa yena.
- 21 A nomu wa yena wu wa ku retemu-
ka kwatsi mawomba,
Kanilezi a mbilu ya yena yi wa hi
impi :
Ni timhaka ta yena ti wa olobana
kwatsi mafura,
Kasike bona ba wa hlomule a supa-
do.
- 22 Hoxa a nzwalo wa wena ka Jehova,
na yena i ta rwalela wena :
Yena a nga ta vumela a lulamileko
a ku tsekatekiswa.
- 23 Kanilezi wena, O Nungungulu, we-
na u ta neha bona lahasi le rinzini
ga kulobyiswa :
A bazwako tora ga nkata ni bako-
hlisi ba nga ta hanya a kihlanya
ga masiku yabye ;
Kanilezi mina nzi ta tsumba a ka
wena.

LISIMU 56.

- 1 Nga u hi ni titralo ka mina, O Nu-
ngungulu ; hakuba a munhu i wa
ta nga a kwilikwinza mina :
Gonkle a siku gi longolokako yena
a lwako a tsimbeketako mina.
- 2 A balala ba mina ba wa ta nga ba
kwilikwinza mina gonkle siku gi
longolokako ;
Hakuba bona mbanyingi labo ba
lwako hi matsanza ba vukela mi-
na.

- 3 Xikati muni lexo mina nga caba,
Nzi ta beka a kutsumba ka mina ka wena.
- 4 A ka Nungungulu (mina nzi ta dumisa a mhaka ya wena), a ka Nungungulu mina nzi bekile a kutsumba ka mina, nzi nga ta caba; Xini a nyama yi ta nga xi maha ka mina ke?
- 5 Gonkle siku gi longolokako bona ba koma a timhaka ta mina :
Konkle kulalanya kabye kuvukela mina hi kubiha.
- 6 Bona ba tsombana a wutsumbu gabye katiginwe, ba ti fihla bona, ba lanza a zikanziyelo za mina,
Kona ku kwatsi hilezi bona ba rinzeleko a muhefemulo wa mina.
- 7 Bona ba wa ta pona hi kugoha ke?
Hi ka zanga hoxa lahasi a banhu, O Nungungulu.
- 8 Wena u hlayako a kunzulanzula ka mina :
Cela wena a mihloti ya mina lomo botorini ga wena;
Kasi yona a yi lomo bukwini ga wena ke?
- 9 Zonake a balala ba mina ba ta klelela le nzako a sikwini lego nzi ta nga bitana
Lesi nza zi tiba, lezaku Nungungulu i yimela mina.
- 10 A ka Nungungulu (nzi ta dumisa a mhaka ya yena),
A ka Jehova (nzi ta dumisa a mhaka ya yena),
- 11 A ka Nungungulu mina nzi bekile a kutsumba ka mina, nzi nga ta caba;
Zini lezo a munhu a ta nga maha ka mina ke?
- 12 A zifungo ea wena zi le hehla ka mina, O Nungungulu;
Nzi taha a munyika wa kubonga ka wena.
- 13 Hakuba wena u klaklisileko a muhefemulo wa mina le kufeni :
Wena hi wena u nga klaklisangiko a muhefemulo wa mina le kuweni,
Lezaku mina nzi ta famba mahlweni ka Nungungulu
Le kuwonekeleni ka bahanyako?

LISIMU 57.

- 1 Nga u hi ni titalo ka mina, O Nungungulu, nga u hi ni titalo ka mina;
Hakuba a muhefemulo wa mina wa teka a wucabelo ka wena :

- Inaka, le nzhutini wa tipapa ta wena nzi ta teka a wucabelo,
Kala leti timbulukutsu ti kawula ti hunza.
- 2 Nzi ta rila a ka Nungungulu a Hunzeleleko Hehla,
A ka Nungungulu loye a mahelako a zilo zonkle ka mina.
- 3 Yena i ta rumela hi le tilweni, ni kuponisa mina,
Laha loye a nga wa ta nga a mitile mina a tsinelako : [Sela
Nungungulu i ta rumela a kuranza-kawunene ga yena ni zinene.
- 4 A muhefemulo wa mina wu xikari ka tingala;
Nzi eklele xikari ka bona laba ba lumekelako a nzilo,
Bona a banana ba banhu, labo a meno ma nga maklari ni tugalala,
Ni tirimi tabye i supado yi trotikileko.
- 5 Nga wena u be u klakukileko, O Nungungulu, hehla ka matilo;
Nga a wukosi ga wena gi hi ka yonkle a misaba.
- 6 Bona ba longiselele a likoka la wukanziyelo ga mina;
A muhefemulo wa mina wu koramile lahasi :
Bona ba nkelile a rinzi mahlweni ka mina;
Bona ba wile lomo xikari ka kona a wutsumbu gabye : [Sela
- 7 A mbilu ya mina, O Nungungulu, a mbilu ya mina yi longile :
Nzi ta yimbelela, ina, mina nzi ta yimbelela a kudumisa.
- 8 Vuka, wukosi ga mina; vukani, a timbila ni xitende :
A wutsumbu ga mina nzi ta vuka manzikweni wa mixo.
- 9 Nzi ta nyika kubonga, O Hosi, xikari ka banhu :
Nzi ta yimbelela a kudumisa ka wena xikari ka mifumo.
- 10 Hakuba a kuranzakawunene ga wena ka hombe le matilweni,
Ni zinene za wena le hehla.
- 11 Nga wena u be u klakusilweko, O Nungungulu, hehla ka matilo;
Nga a wukosi ga wena gi hi hehla ka yonkle a misaba.

LISIMU 58.

- 1 Nwina hakunene mu rutisile mu miyela wulawulani a kululamisisa ke?
Nwina hakunene mu lamula hi ku-

- lulamisiweko, O *nwina* a banana ba banhu ke?
- 2 Ge, a timbilwini *nwina* mu tira a kubihisisa ;
Nwina ma ringanisa a kupanga ka mandla ya *nwina* misabeni.
- 3 A bakubiha ba hambukile hi lomo rumbyini :
Bona ba pengile a xikanzakanya xa lezi bona ba ha ku tralwako, ba wulawula a mawunwa.
- 4 A wuxungu gabye gi fanana ni wuxungu ga nyoka :
Bona ba kota a piri gi nga ingisiko lego gi vimbelako a tindlebe ta gona.
- 5 Lego gi nga zwiko a ka gezu ga babuli,
Laba ba bulako hi kukunguhisilweko.
- 6 Tsoba a meno yabye, O Nungungulu, a nonwini wabye :
Tsoba a meno ya hombe ya marole ya tingala, O Jehova.
- 7 Nga bona ba nyeka kwatsi i mati laba ba tsutsumako hi swinga ;
Laha na yena a kuleka a ligalala la yena, nga bona ba maha a ku kwatsi ba tsemilwe.
- 8 Bona a be kwatsi i halavumba le nyikako yi nyalala,
Nga a kutrala ku nga nyawuliko ka wasati, loko ku nga wonangiko a gambo.
- 9 Hi mahlweni na timbita ta *nwina* ti nga se ku klabyiwa hi mizwa,
I ta susa bona hi mheho ya xipupuri, a zo nyuka ni zi hisilweko zi kateginwe.
- 10 A lulamileko i ta buma laha na a wona a potelelo :
I ta hlaza a mikonzo ya yena le nkateni wa kubiha ;
- 11 Zingaho lezo a banhu ba ta wula, Hizinene laho ku kona a ncacazelo ka a lulamileko :
Hesinene laho ku kona a Nungungulu loye a lamulako misabeni.

LISIMU 59.

- 1 Klaklisa mina le balaleni ba mina,
O Nungungulu wa mina :
Klakusa mina le hehla ka bona labo ba sukako ba vukela mina.
- 2 Klaklisa le ka batiri ba kubiha,
Klaklisa mina le banhu ba zwako a tora hi nkata.
- 3 Hakuba, mangabye, bona ba rinzele hi muhefemulo wa mina ;

- A tinhenha ti tsombene katiginwe ti vukela mina :
Na ku nga hi a zihambunyetiso za mina, ge ni xionho xa mina, O Jehova.
- 4 Ba tsutsuma ba longisela a wutsumbu gabye hi lahandle ka zihoheto za mina :
Vuka wena a ku vunetela mina, ni languta.
- 5 Yena wena, O Jehova a Nungungulu wa mabandla, a Nungungulu wa Israeli,
Suka u enzela yonkle a mifumo :
U nga be na titalo ka ba hi a bahambueti ba kubiha. [Sela
- 6 Bona ba klela laha gambyeni, ba wukula ku fanana ni mbyana,
Ba renzelekela a muti.
- 7 Languta, ba bukula zi huma hi lomo kanwini kabye ;
A tisupado ti lomo milonwini yabye :
Hakuba hi mani, ba wula bona, a zwako ke?
- 8 Kanilezi wena, O Jehova, u ta hleka bona ;
Wena u ta maha yonkle a mifumo a kiyalisiso.
- 9 Hakuba hi ntamo wa yena mina nzi ta celakota ha wena ;
Hakuba Nungungulu hi ligingisi la mina la hombe.
- 10 Nungungulu wa mina hi kuranza-kawunene i ta klanganyeta mina :
Nungungulu i ta maha nzi wona kuxuba ka mina hehla ka balala ba mina.
- 11 U nga dayi bona, ba nga taku a banhu ba ka hina ba ribakelwa ;
Hangalasa bona hi ntamo, u ba releta lahasi,
O Hosi a xiklangu xa hina.
- 12 Hakuba hi kuonha ka lomo kanwini kabye, ni timhaka ta lomo milonwini yabye.
Nga bona ba tekiwa le matsanzeni yabye,
Hi nzhukano ni mawunwa laya ba ma wulawulako.
- 13 Trumula bona hi zanga, trumula bona, zingaho lezo kasi ba fela ba nga hi kona kambe :
Na nga bona ba tiba lezaku Nungungulu a fumelako ka Jakobe,
Kala kugumelweni ka misaba. [Sela
- 14 Ni laha gambyeni nga bona ba klela, nga bona ba wukula kwatsi i mbyana.
Ni ku famba ba renzelekela a muti.

- 15 Ba ta nzulanzula hehla ni lahsi ba fela zakuga,
Ni ku tsama gonkile a wusiku loku ba nga xurisiwangi.
- 16 Kanilezi mina nzi ta yimbelela a ntamo wa wena;
Inaka, nzi ta kanyuluka nzi yimbelela a kuranzakawunene ga wena laha mixweni:
Hakuba wena u wa hi ligingisi la mina li klakukileko,
Ni wucabelo masikwini ya tikuruxu ta mina.
- 17 A ka wena, O ntamo wa mina, nzi ta yimbelela a kukesetela:
Hakuba Nungungulu hi ligingisi la mina li klakukileko, a Nungungulu wa titralo ta mina.

LISIMU 60.

- 1 O Nungungulu wena u hoxileko hina kule, wena u tsobile hina lahasi;
Wena u wa kari u sangarile; O klesela hina kambe.
- 2 Wena u mahileko a tiko gi rurumela; wena u hanzuleko gona:
Cuma a tifa ta gona; hakuba gona gi tsekatsaka.
- 3 Wena u kombisileko a banhu ba wena a zilo zi tsanzako:
Wa mahileko hina a kunwa a walni ga xinzeyanzeyani.
- 4 Wena u nyikileko a bandera ka bona labo ba cabako wena,
Kasi gi fela a ku klakuswa xi gwi-mbiwa hi kota ya zinene. [Sela
- 5 Kasi a ranzekako wa wena a fela ku klakliwa,
Hanyisa hi canja ga wena ga xine-ne, ni hlamula hina.
- 6 Nungungulu i wulawulile hi basiselweni wa yena: nzi ta klakusa;
Nzi ta abanyisa a Xekemi, ni kuringanisa a koba wa le Sukote.
- 7 Gileade ngwa mina, na Manasa ngwa mina;
Efraime kambe hi kokola ga hloko ya mina;
Juda hi nhonga ya wukosi ya mina.
- 8 Moabi hi xinamelo xo hlambela kona xa mina;
Hehla ka Edome mina nzi ta hoxa a xilato xa mina:
Filistia, kanyuluka wena hakuba ha mina.
- 9 Himani a ta neha mina le mutini wu glingisilweko ke?
Himani a rangeleko mina le Edome?

- 10 Wena a hi wena, O Nungungulu, u hoxileko hina kule ke?
Wena a ku humangi u famba, O Nungungulu, zinwe ni mabandla ya hina.
- 11 Nyika hina a kuvunwa hi vukela a babengi ba hina;
Hakuba a ku nyawuli a kuvunwa ka munhu,
- 12 Hambuloko Nungungulu hina hi ta maha wungwazi;
Hakuba yena hi yena a ta nga kanziyela lahasi a babengi ba hina.

LISIMU 61.

- 1 Zwana a huwa ya mina, O Nungungulu;
Ingisa a ka mukombelo wa mina.
- 2 Kusukela le magumelweni ya misaba mina nzi ta bitana ka wena, laha a mbilu ya mina yi kubunyetilweko:
Rangela mina le ribyeni lego gi klakukileko kuhunza mina.
- 3 Hakuba wena u wa kari u hi wucabelo ga mina,
A ligingisi li tiyileko le balaleni.
- 4 Nzi ta tsama lomo tabernakeleni ga wena kala kupinzuka:
Nzi ta teka a wucabelo lomo kukubunyetweni ka tipapa ta wena. [Sela
- 5 Hakuba wena, O Nungungulu, u zwileko a zifungo za mina:
Wena hi wena u nyikileko mina a tsomba ka bona labo ba cabako a bito ga wena.
- 6 Wena u ta engetela wutomi ga hosi;
A malembe ya yena ma to kwatsi hi zizukulwana zinyingi.
- 7 Yena i ta tsama mahlweni ka Nungungulu kala kupinzuka:
O longisela a kuranzakawunene ni zinene, kasi zona za fela a ku lonzowota mina.
- 8 Zingaho mina nzi ta yimbelela a kudumisa ka bito ga wena kala kupinzuka,
Kasi hi masiku wonklelele nza mbelisa a zifungo za mina.

LISIMU 62.

- 1 A muhefemulo wa mina wu rinzela hi miyeleliso a ka Nungungulu yece:
Hi le ka yena kata a hanyiselelo ya mina.
- 2 Yena yece hi ribye ga mina ni hanyiselelo ya mina:

Yena hi ligingisi la mina li klakukileko; nzi nga ta tsekatsekiswa nguvu.

- 3 Ku ta longoloka ku ku yini nwina ma ha longele a munhu, Lezaku kasi ma daya yena, nwenkle ba nwina, Ku fanana ni kurisi gi kegeleko, ku fanana ni lihluvu li kuyukileko?
- 4 Bona ntsena ba hlebile a ku mu hoxa lahasi ku klakukeni ka yena; Bona ba xalaliswako hi mawunwa; Bona ba katekisako hi milomu ya-bye, kanilezi lomo nzeni kabye i nzhukano. [Sela
- 5 Muhefemulo wa mina, rinzela wena hi kumiyela a ka Nungungulu yece; Hakuba a xubelelo wa mina wu ta ka yena.
- 6 Yena hi yena a ribye ga mina ni hanyiselelo wa mina: Yena hi ligingisi la mina li klakukileko, nzi nga ta tsekatsekiswa.
- 7 Zinwe na Nungungulu ku kona a hanyiselelo wa mina ni wukosi ga mina: A ribye ga ntamo wa mina, ni wucabelo ga mina, gi hi Nungungulu.
- 8 Tsumbani ka yena xonkle a xikati, nwina banhu; Cululani a timbilu ta nwina mahlwani ka yena: Nungungulu nzi wucabelo ga hina. [Sela
- 9 Hakunene a banhu ba kudzunzwa kutsongwani a hi ncumo, ni banhu ba dzunziwako nguvu mawunwa: Le tipi nweni ba ta hehuka; Bona katiginwe ba ta hehuka ku hunza a ku nga nyawuli.
- 10 U nga tsumbi a batsimbeketisa, Ni ku maha a ku nga nyawuli ka bapangako: Loku a kufuma ku enzelekelana, u nga bekele a mbilu ya wena ka kona.
- 11 Nungungulu i wulawulile a kanwe, Kumbiri mina nzi zwileko loku, Lezaku a ntamo ngwa ka Nungungulu.
- 12 Kambe a ka wena, O Hosi, gi ga wena a wuranzakawunene; Hakuba wena u hako ka banhu bonklelele kukotisa hi mitiro ya yena.

LISIMU 63.

- 1 O Nungungulu, wena hi wena

696

Nungungulu wa mina; hi kula-bisisilweko mina nzi ta hlota wena:

- A muhefemulo wa mina wuzwa tora ha wena, a nyama ya mina yi xubako wena, Le karalweni wa tiko gi omileko, laho ku nga hi ko kona na mati.
- 2 Zingaho mina nzi cuwukile wena lomo ndlwini ya kubasa, A ku wona a ntamo wa wena ni wukosi ga wena.
- 3 Hakuba kuranzakawunene ga wena kunene ku hunza a wutomi, A milomu ya mina yi ta klangela wena.
- 4 Zingaho mina nzi ta katekisa wena laha mina nzi hanyako: Mina nzi ta klakusa a mandla ya mina a bitweni ga wena.
- 5 A muhefemulo wa mina wu to kwatsi wuxurilwe hi mongo ni mafura; Ni kanwini ka mina ku ta dumisa wena hi milomu ya litsako;
- 6 Laha na mina na nzi alakanya wena hehla ka mubedi wa mina, Ni kuxuba ka wena hi zirinzo za wusiku.
- 7 Hakuba wena u wa kari u hi kuvuna ka mina, Ni le nzhutini wa tipapa ta wena mina nzi ta kana.
- 8 A muhefemulo wa mina wa tsimbeketa wu lanzela wena: A canja ga wena ga xinene gi klakusa mina.
- 9 Kanilezi labo ba hlotako a muhefemulo wa mina, a kulobisa wona, Ba ta famba le klelweni gi tsongo ga misaba.
- 10 Bona ba ta nyikelwa le ntawweni wa supado: Ba to kwatsi xiabelo xa tihlati.
- 11 Kanilezi a hosi yi ta klanga hi ka Nungungulu: Bonklelele labo ba hlambanyako ha yona ba ta dumisa; Hakuba a kanwini ka bona labo ba wulawulako mawunwa ku ta dumara.

LISIMU 64.

- 1 Ingisa a gezu ga mina, O Nungungulu, kurileni ka mina: Lonzowota a wutomi ga mina le kucabeni ka nala.
- 2 Fihla mina le gujeguveni ga le xikundleni xa bamahi bakubiha,

- Le vilinganyeni ga batiri ba kugoha;
- 3 Labo ba lotileko a lirimi labye ku fanana ni supado,
Na ba kuleketile a tugalala tabye, tona timhaka ta kubaba,
- 4 Lezaku bona ba ta panda wutsanweni gi fihleleko a ka a mbeleleko: Hi kutsuketisilweko ba fula ka yena, ba nga cabi.
- 5 Ba tiyiseta a wutsumbu gabye hi kuxuba ka kubiba;
Ba wulawula hi ku dembela a ziyo xikundleni;
Ba baku ngalo, Nzi mani a ta nga wona bona ke?
- 6 Ba hlota a zigohetesiso;
Hina hi mbetile, ku wula bona, a kuhlota kuhlohlosilweko:
Ni kualakanya ka lomo nzeni ni mbilu ya bonklelele yi etile.
- 7 Kanilezi Nungungulu i ta fula ka bona;
Ziawe hi ligalala la xitsuketi bona ba ta fulwa timbanga.
- 8 Zingaho ba ta mahiwa ba retemuka, a tirimi ta bona berryi na ti vukela bona:
Bonkle laba ba ta nga wona bona ba ta zibiza a tihloko tabye.
- 9 Bonkle banhu ba ta caba;
Bona ba ta klaklambuta a tiro wa Nungungulu,
Hi kutibisileko ba ta pima a zimaho za yena.
- 10 A lulamileko i ta tsakiswa ka Jehova, i ta teka a wuponelo ka yena;
Ni bonkle laba ba lulamileko mbi-lwini ba ta dumisa ka yena.

LISIMU 65.

- 1 A kudumiswa ku rinzele wena, O Nungungulu, le Zion;
Ni ka wena a xifungo xi taba xi humele.
- 2 O wena loye u zwako a mukombelo, A ka wena a nyama yonkle yi tata.
- 3 A zigohetiso za hlula zi vukela mina:
Kwatsi hi zihambunyetiso za hina, wena hi wena u ta nga tsetsela zona.
- 4 I katekisilwe a munhu loye wena u mu hlawulileko, u mu mahako a tsinela ka wena,
Kasi yena a fela kutsama le tihubye-ni ta wena:
Hina hi ta eneliswa hi sasekisisiso wa yindlu ya wena,

- A tempele ya wena yo basa.
- 5 Hi zilo zi cabekako wena u hlamlula hina hi ka kululamisisa,
O Nungungulu wa kuhanyisa ka hina,
Wena loye u nga kutiyisa ka konkle a kugumelwa ka misaba,
A hehla ka bona labo ba nga kule leyo hehla ka mabimbi:
- 6 Loye hi ntamo wa yena a yimisileko a zitsunga,
Na zi bohilwe hi ntamo;
- 7 Loye a miyetako a kugoboza ka mabimbi,
A kugoboza ka mabyandlati ya wona,
Ni phlupflu ya banhu.
- 8 Bona labowo kambe ba tsamileko kwaleyo klelo ga magemetamusi ba caba hi masingita ya wena:
Wena loye u mahako a mifambo ya mixo ni mipelo ya gambo kutsaka.
- 9 Wena u enzelako a misaba, u tsakamisa yona,
Wena hi kukulisilweko u kukumukisa yona;
A congo wa Nungungulu wu tele hi mati:
Wena u longiselelako bona a mabele, laha wena u longiseleko a misaba.
- 10 Wena u tsakamisako a mankele ya kona hi kutalisilweko;
Wena u kulutelako a minzhati ya kona:
Wena u mahako kona kuoloba hi kuna ka marefu;
Wena u katekisako a ku mila ka wona.
- 11 Wena u bombisako a lembe hi wunene ga wena,
Ni ndlela ya wena yi dona a kunon-silweko.
- 12 Wona ma dona hehla ka magelo ya xiwuleni;
Ni mitsuri yi bohilwe hi litsako.
- 13 A magelo ma ambexilwe hi miklambi;
A minzelelo yi fenengetilwe hi mabele;
Bona ba kanyuluka hi litsako, bona-wu kambe ba yimbelela.

LISIMU 66.

- 1 Mahani a guwa ga tsakiselo ka Nungungulu, awenkle ba misaba;
- 2 Yimbelelani a wukosi ga bito ga yena:
Mahani a wukosi ga yena gi ngangamelisisa.

TISIMU, 67.

- 3 Wulani a ka Nungungulu, Yi cabe-
kisisa a ku yini a mitiro ya wena!
Hi kota ya kulisiso wa ntamo wa
wena a balala ba wena ba ta koza
mitsumbu yabye a ka wena.
- 4 Yonkle a misaba yi ta kozela wena,
Na yi ta yimbelela a ka wena;
Bona ba ta yimbelela a bitweni ga
weni. [Sela
- 5 Ngonani, ni ku wona a mitiro ya ka
Nungungulu;
Yena hi yena a cabekako zimahweni
za yena ngomameni ni banana ba
banhu.
- 6 Yena a hunzulusako a bimbi ku ma-
ha mulhanza wuomileko;
Bona ba famba le congweni hi mi-
konzo:
Laho hina hi lo tsakiswa a ka yena.
- 7 Yena a fumelako hi ntamo wa yena
kala kupinzuka;
A mahlo ya yena ma lo tibisisa hi
banhu:
Nga a ba hlubukisisako ba kukumu-
xa a wutsumbu gabye. [Sela
- 8 O katekisani a Nungungulu wa hi-
na, nwina matiko,
Mahani a gezu ga wukosi ga yena
gi zwala;
- 9 Loye a komako a muhefemulo wa
hina wutomini,
A nga vumeliko a mikonzo ya hina
a ku tsekatekiswa.
- 10 Hakuba wena, O Nungungulu, hi
wena u hlolileko hina:
Wena hi wena u hlolileko hina,
kwatsi hi siliva gi hlolileko.
- 11 Wena u nehileko hina lomo nzeni ka
likoka;
Wena u klatekileko a nzwalo wu ti-
kileko hehla ka ziwunu za hina.
- 12 Wena u mahileko a banhu ba kilela
hehla ka tihloko ta hina;
Hina hi lo famba hi tsemakanya a
nzilo ni ku tsemakanya a mati;
Kanilezi wena u hi nehileko ka wu-
tsamo gi fumileko.
- 13 Nzi tata lomu n/wini ya wena zi-
nwe ni minyikelo ya kuhiswa;
Nzi ta riha a ka wena a zifungo za
mina,
- 14 Lezo a milomu ya mina yi zi tsawu-
teleko,
Ni kanwini ka mina ku lo wulawu-
la, laba mina nzi nga wa hi tikur-
uxwini.
- 15 Nzi ta nyikela a ka wena minyikelo
ya kuhiswa yi nonileko;
Zinwe ni libani la tihamba;

- Nzi ta nyikela a tihonwana ni ti-
mbuti. [Sela
- 16 Ngonani, mu tazwa nwina, nwenkle
labo mu cabako a Nungungulu,
Mina nzi ta klaklambuta lezo yena a
maheleko a muhefemulo wa mina.
- 17 Mina nza rilela a ka yena hi lomo
kanwini ka mina,
Nzi lo kesetela yena hi lirimi la mi-
na.
- 18 Loku mina nzi cela hi kugoha lomu
mbilwini ya mina,
A Hosi yi nga ta cela a kota:
19 Kanilezi hakunene Nungungulu i zi
zwile;
Yena ingisile a ka gezu ga muko-
mbelo wa mina.
- 20 A katekiswe a Nungungulu,
Loye a nga klelisangiko a kule a
mukombelo wa mina,
Ge hambu a kuranzakawunene ga
yena ka mina.

LISIMU 67.

- 1 Nungungulu nga u hi ni titalo ka
hina, ni ku katekisa hina,
Ni ku maha a ngohe ya yena yi wo-
ninga ka hina; [Sela
- 2 Kasi a bito ga wena ga tibiya he-
hla ka misaba,
A kuhanyisa ka wena xikari ka bo-
nkle banhu.
- 3 Nga a banhu ba dumisa wena, O
Nungungulu;
Nga wonkle a matiko ma dumisa
wena.
- 4 O nga a matiko ma tsaka ma yi-
mbelela a kukana;
Hakuba wena u ta lamula a banhu
hi nongameto,
Ni ku fumela a matiko hehla ka
misaba. [Sela
- 5 Nga banhu ba dumisa wena, O Nu-
ngungulu;
Nga bonkle banhu ba dumisa wena.
- 6 A misaba yi tralile a mihanzo ya
yona:
Nungungulu, yena a Nungungulu
wa hina, i ta katekisa hina.
- 7 Nungungulu i ta katekisa hina;
Ni konkle kugumelwa ka misaba ku
ta mu caba.

LISIMU 68.

- 1 Nga Nungungulu a suka, nga a
balala ba yena ba hi ba hangala-
kileko;
Nga bona kambe labo ba bengako
yena ba caba mahlweni ka yena.

- 2 Kwatsi hilezi a musu wu tubikelwa zingahowo hlongola bona, Kwatsi hi sera yi nyekako mahlweni ka nzilo, Zingaho nga a bakubiha ba mbe-mbiswa a kubakoueni ka Nungungulu.
- 3 Kanilezi nga a balulamileko ba be ba tsakisilweko; nga bona ba klakuswa mahlweni ka Nungungulu: Inaka, nga bona ba buma hi litsako.
- 4 Yimbelelani ka Nungungulu, yimbelelani a kudumisa ka bito ga yena; Longiselani a gonzo ka yena a kilelako a tsemakanya ziwunzeni; A bito ga yena hi Jehova; dzunzani nwina mahlweni ka yena.
- 5 A dadani wa ba bazisiwana, a mulamuli wa tinoni, Hi Nungungulu le kaya ka yena ka kubasa.
- 6 Nungungulu a tsamisako a mucucululu le mingangweni: Yena a humesako a bakonwi a ba engenisa kuvuvumisweni; Kanilezi a bahlubukako ba tsama lomo tikweni ga mapanya.
- 7 O Nungungulu, laha wena u rangeleko a banhu ba wena, Lahe wena wa enzele u tsemakanya xuwuleni; [Sela]
- 8 A misaba yi rurumelile, Ni matilo kambe ma donile a vula a kubakoneni ka Nungungulu: Wena Sinai u rurumelile a kubakoneni ka Nungungulu, a Nungungulu wa ka Israeli.
- 9 Wena, O Nungungulu u rumileko a talisiso wa vula, U tiyisile a tsomba ya wena, laha ba nga wa karele.
- 10 A klangano wa wena wu aka ka yona: Wena, O Nungungulu, u longisele a wunene ga wena ka zisiwana.
- 11 A hosi ya nyika a mhaka: A ba basati labo ba bahako a mahungu ba hi bandla ga hombe.
- 12 A tihosi ta tiimpi ta tsuwuka, ta tsuwuka; Na yena loye a seleko le kaya u abanyisa a mupango.
- 13 Laha na nwina na mu eklele xikari ka miklambi ya tiyivu, Kona ku kwatsi tipapa ta tuba ti pomelwe hi siliva, Ni tipapa ta gona kwatsi hi nzalama yo balala.
- 14 Laha na Nyamintamo a hangalasa a tihosi ta kona, Gona gi wo kwatsi hi loku laha na gi beramisa le Zalmoni.
- 15 A xitsunga xa Nungungulu hi xitsunga xa Baxani; A xitsunga xi klakukileko hi xitsunga xa Baxani.
- 16 Hiyini mu cuwukako nwina maku-zu, nwina zitsunga zi klakukileko, A xitsungeni lexo Nungungulu a xubileko a ku tsama ka xona ke? Inaka, Jehova i ta tsama ka xona kala kupinzuka.
- 17 A tikareta ta ka Nungungulu ti hi makume mambiri ya kuine ga mazana, tona ti hi makume mazana hehla ka makume mazana: A Hosi yi kona xikari ka tona, kwatsi hi lomo Sinai, lomo ndlwini ya kubasa.
- 18 Wena u kanziyileko le hehla, wena u rangeleko a bakonwi; Wena u amukele a zinyikiwo xikari ka banhu, Inaka, xikari ka bahlubikileko kambe, kasi Jehova Nungungulu wa fela ku tsama zinwe na bona.
- 19 I katekisilwe Jehova, loye hi masiku wonklelele a rwalako a mirwalo ya hina, Yena a Nungungulu loyi a kuhanyisisa ka hina. [Sela]
- 20 Nungungulu ka hina a Nungungulu wa kuklakisisa; Ni ka Jehova a Hosi ku hia kupona le kufeni.
- 21 Kanilezi Nungungulu i ta lamata a pondlisa a hloko ya balala, A misisi ya likuluwa a la kungahi la simama liya zigohweni za lona.
- 22 A Hosi yi te ngalo, Nzi ta neha kambe hi le Baxani, Mina nzi ta neha bona kambe hi le kueteni ka mabimbi;
- 23 Kasi wena wa fela a kufohloza bona, ni peta a konzo wa wena lomo nkateni, Kasi a lirimi la timoyana ta wena la fela a ku kuma a xiabelo xa lona ba balala ba wena.
- 24 Bona ba wonile a mifambo ya wena, O Nungungulu, Yona a mifambo ya Nungungulu, a Hosi ya mina, lomo ka yindlu ya kubasa.
- 25 A bayimbeleli ba lo famba mahlweni, a bamagubu ba lo lanzela le nzako,

- Xikari ka banhwana ba dodosela ti-
ngomana.
- 26 Katekisani *nwina* Nungungulu le
miklanganweni,
Yena a Hosi, *nwina* labo mu nga ba
xibuka xa ka Israeli.
- 27 Laho ku kona Benjamini wa tso-
ngwani a mufumeli wa yena,
A tihosana ta ka Juda ni masungu-
kati ya tona,
A tihosana ta Zebuluni, a tihosana
ta Naftali.
- 28 Nungungulu wa wena i leletele a
ntamo wa wena:
Tiyiseta, O Nungungulu, lezo wena
u zi maheleko hina.
- 29 Hi kota ya tempele ya wena le Je-
rusalema
A tihosi ti ta neha a zinyikiwo a ka
wena.
- 30 Kawuka a zihari za kwati za hla-
nga,
A xidlemo xa tikuzi, zinwe ni marole
ya banhu,
Ba kanziyela lahasi ka konzo a zipa-
nzana za siliva;
Yena i hangalisile a banhu labo ba
nengelako hi impi.
- 31 A tihosana ti ta huma hi le Gipite;
Etiopia i ta haklisa a ku nawuluta a
mandla ya yena ka Nungungulu.
- 32 Yimbelelani a ka Nungungulu, *nwi-*
na mifumo ya misaba;
O yimbelelani a dumiselo a ka Hosi;
[Sela
- 33 Ka loye a kileleko hehla ka tilo ga
matilo, laya ya kale;
Mangabye, yena a klaklambutako a
gezu ga yena, a gezu ga ntamo.
- 34 Klamuselani *nwina* a ntamo ka Nu-
ngungulu:
A wukosi ga yena gi hehla ka Israeli,
Ni ntamo wa yena wu le hehla.
- 35 O Nungungulu wena u cabekako le
wutsa~~w~~weni ga wena go basa:
A Nungungulu wa ka Israeli, hi ye-
na a nyikako a ntamo a ka banhu
ba yena.
Nungungulu a be a katekisilweko.

LISIMU 69.

- 1 Ponisa mina, O Nungungulu;
Hakuba a mati ma engenile muhefe-
mulweni wa mina.
- 2 Nza pomela i dakeni lo eta, laho ku
nga hiko kona a wuyimo:
Mina nzi tile mamatini ma etileko,
laho a mintalo yi kubunyetileko
mina.

- 3 Mina nzi karele hi huwa ya mina;
A kolo wa mina wu omile:
A mahlo ya mina ma tsanzekile laha
na nzi rinzela a Nungungulu wa
mina.
- 4 Bona labo ba bengako mina na ku
nga hi na nanzu ba hunzisile ku
tala ku hunza misisi ya hloko ya
mina:
Bona labo ba nga wa ta nga ba tsema
mina, na ba hi balala ba mina hi
kuonhakala, ba na ni ntamo:
Lezo mina nzi nga tekangiko nzi yi-
melwe hi ku zi wuyisela.
- 5 O Nungungulu, wena u wonako a
wupumbu ga mina;
Ni zionho za mina a zi fihlele ma-
hlweni ka wena.
- 6 Nga bona labo ba rinzelako ka wena
ba nga wisiwi a tingana ha mina,
O Hosi Jehova wa mabandla:
Nga bona labo ba hlotako wena ba
nga celwa tingana hi kota ya mi-
na, O Nungungulu wa ka Israeli.
- 7 Hakuba hi kona ya wena nzi rwalile
a nzhukano;
A tingana ti fenengetile a ngohe ya
mina.
- 8 Mina nzi mahile a mupfumba ka ba-
makabye ba mina,
A nzi tibyiwi ka banana ba mamani.
- 9 Hakuba a kupangamisisa hi yindlu
ya wena ku nwalatile mina;
Ni nzhukano ya bona labo ba ruka-
telako wena yi wele he hlaka ka
mina.
- 10 Laha nzi rilile, na nzi tsayisa a mu-
hefemulo wa mina hi kuyilla,
Loko ku wa hi ka nzhukano ya mina.
- 11 Laha na nzi maha a nguwo ya tisa-
kwa a kuambala ka mina,
Nzi wa hi makiyala ka bona.
- 12 Bona labo ba nga wa tsamile le nya-
ngweni ba lo wulawula ha mina;
Na mina nzi xizimba xa bapopilwe-
ko.
- 13 Kanilezi kwatsi ha mina, O Jehova,
hi ka xikati xi amukelekako:
O Nungungulu, hi ka talisiso wa
kufanzakawunene ga wena,
Hlamula mina hi ka zinene za kuha-
nyiswa ka wena.
- 14 Klaklisa mina nzi huma maropeni,
na nga nzi nga rikiswi:
Nga mina nzi klakliswa hi ka bona
labo ba bengako mina, ni ku huma
le mamatini ma etileko.
- 15 Nga a mati ya mitalo ma nga kubu-
nyeti mina,

- Ge ni ku vumela a kueta a ku nga kwilikwinzi mina ;
 Na nga a rinzi gi vali a nomu wa gona hehla ka mina.
- 16 Hlamula mina, O Jehova ; hakuba a kuranzakawunene ga wena kune-
 ne :
 Kukotisa hi wudlemo ga kuranza ka titralo ta wena hunzuluka wena ka mina.
- 17 U nga fihli a ngohe ya wena le ka nanza ga wena ;
 Hakuba mina nzi le tikuruxwini ; hlamula mina hi kuhatlisilweko.
- 18 Tsinela kusuhani ka muhefemulo wa mina, ni klaklisa wona :
 Vikela mina hakuba hi balala ba mina.
- 19 Wena u ku tibako a kurukatelwa ka mina, ni tingana ta mina, ni kukoneka mina :
 A babengi ba mina ba kona mahlweni ka wena.
- 20 A kurukatelwa ku tsobile a mbilu ya mina ; na mina nzi tatisilwe hi kubinziwa :
 Na mina nzi cuwukele a munwani a ku nzi hawukela, kanilezi laho ku wa hi haba ;
 Ni batangalisi, kanilezi nzi wa nga ba kumiwangi.
- 21 Bona ba lo nyika mina a wutsulu akuba kuga ka mina ;
 A kuzwa-toreni ka mina ba lo nzi nyika a viniga nzinwa.
- 22 Nga a meza yabye mahlweni ka bona yi maha a panya ;
 Ni laha bona ba lomo kuruleni, nga kona ku maha a khamu.
- 23 Nga a mahlo yabye ma pfupeliswa, zingaho lezo kasi ba fela ku kala ba nga woni ;
 Na nga a ziwunu zabye a zi tsekatsekiswe hi kusimamisilweko.
- 24 Halata a kuzangara ka wena hehla ka bona.
 Na nga a cabekesiso wa zanga ya wena ku kubunyeta bona.
- 25 Nga a miti yabye yi be yi hangalakileko ;
 Nga na a nga hi kona wa kuaka lomo ma tenteni yabye.
- 26 Hakuba bona ba xanisa yena loye wena u mu lamatileko ;
 Na ba wulawula hi hlomulo wa ba bona labo ba klabilweko timbanga hi wena.
- 27 Engetela a sigoho a ka sigoho zabye ;

- Na nga bona ba ngati kululamiseni ka wena.
- 28 Nga na bona ba be ba fubisilweko bukwin ga wutomi,
 Ba nga be ba tsalilweko a katiginwe zinwe ni balulamileko.
- 29 Kanilezi mina nzi xisiwana ni a hlo-
 kisilweko :
 Nga kuhanyisisa ka wena, O Nungungulu, ku maha mina nzi klakuka hehla.
- 30 Minanzi ta dumisa a bito ga Jehova hi kuyimbelela,
 Na nzi ta kulisa yena hi kunyika-kubonga.
- 31 Na kona ku ta xalalisa a Nungungulu kwatsanyana a ku hunza a kabu, Ni honwana leyo yi nga ni timhonzo ni makauzo.
- 32 A barulileko ba wonile kona, na ba tsakisiwa :
 Nwina labo mu hlotako a Nungungulu, nga a timbilu ta nwina ti hanya.
- 33 Hakuba Jehova a zwako a vumalako,
 A nga kataliko hi bakonwi ba yena.
- 34 Nga a tilo zi dumisa yena,
 A mabimbi, ni zonkilelele lezo zi makanyako ka gona.
- 35 Hakuba Nungungulu i ta ponisa Zioni, ni ku aka muti wa ka Juda ;
 Na bona ba ta tsama laho, ni ku fumela wona.
- 36 A mbewu kambe ya malanza ya yena yi ta fumela wona ;
 Na bona labo ba ranzako a bito ga yena ba ta tsama ka wona.

LISIMU 70.

- 1 Maha a xihakla, O Nungungulu, a ku klaklisa mina ;
 Maha a xihakla a kuvuna mina, O Jehova.
- 2 Nga bona ba wiswa a tingana ni vilinganya
 Labo ba hlotako a muhefemulo wa mina ;
 Nga bona ba klelela ha xinzhakwana ni ku nehwa kukonekeni
 Labo ba xalalako hi kulamatwa ka mina.
- 3 Nga bona ba renzeletwa le nzako hi kota ya tingana zabye
 Labo ba wula, Aha, aha.
- 4 Na nga bonkle labo ba hlotako wena ba kana hi litsako a ka wena ;
 Nga labo ba ranzako a kuhanyisa ka wena ba wula hi kusimamisilweko,

Nga Nungungulu a hi a dumisilweko.

5 Kanilezi mina nzi xisiwana ni muvumali ;

Maha xihakla a ka mina, O Nungungulu :

Wena hi wena kuvuna ka mina ni muklaklisi wa mina ;

O Jehova, u nga mahe a xitsetse.

LISIMU 71.

1 A ka wena, O Jehova mina nza teka a wuponelo :

Nga mina cima nzi nga celwi a tingana.

2 Klaklisa mina hi kululamisisa ka wena, ponisa mina :

Koramisa a ndlebe ya wena a ka mina, ni hanyisa mina.

3 Nga wena a ka mina u be ribye ga wuakelo, laho ka gona mina nzi ta zumba hi kusinamisilweko :

Wena u nyikile xileletelo a ku hanyisa mina ;

Hakuba wena i ribye ga mina ni xikanekiso xa mina.

4 Ponisa mina, O Nungungulu wa mina, nzi huma le canjeni ga bakubiha,

Nzi huma le canjeni ga ba nga lulamangiko ni banhu ba titseku.

5 Hakuba wena u xitsumbo xa mina, O Hosi Jehova :

Wena u ku tsumba ka mina ku sukela le wusweni ga mina.

6 Ha wena mina nzi wa kari nzi komilwe ku sukela le rumbyini ;

Wena hi wena loye u nzi tekileko le marumbyini ya mamani :

A kudumisa ka mina ku taba kusimamisilwe ku hi ka wena.

7 Mina nzi kwatsi nzi munzuli ka banyingi ;

Kanilezi wena u xikanekiso xa mina xi tiyisilweko.

8 A nomu wa mina wu ta tatiswa hi ku dumisa ka wena,

Ni kudzumeleta ka wena gonkle a siku.

9 U nga hoxi mina kule hi xikatini xa tanga ya wukale ;

U nga tsiki mina laha a ntamo wa mina wu hlulekako.

10 Hakuba a balala ba mina ba wulawula ha mina ;

Hakuba bona ba rinzelako a muhefemulo wa mina ba teka a gujegu-je katiginwe,

11 Baku, Nungungulu i tsikile yena :

Hlongolani ni teka yena ; hakuba a nga kona labo wa klaklisa yena.

12 O Nungungulu, u nga be kule ni le ka mina ;

O Nungungulu wa mina, maha xihakla a ku vunetela mina.

13 Nga bona ba celwa a tingana ni kulobyiswa labo ba nga babengi ba muhefemulo wa mina ;

Nga bona ba kubunyetwa hi nzhukano ni kukoneka labo ba hlotako a kulamatwa ka mina.

14 Kanilezi mina nzi ta tsumba hi kusimamisilweko,

Na nzi ta dumisa wena kambe ni kambe.

15 A nomo ka mina ku dyela hi kululamisisa ka wena,

Ni kuhanyisisa ka wena gonkle siku ; Hakuba a wu tibi a tsengo wa kona.

16 Nzi tata hi zimaho za ntamo za ka Hosi Jehova :

Mina nzi ta maba a ku kumbuxeta a kululamisisa ka wena, kona ka wena wece.

17 O Nungungulu, wena u gonzisile ku sukela wusweni ga mina ;

Ni laha kambe mina nzi klaklambutele a mitiro ya wena yi hlamalisako.

18 Inaka, hambu lezi mina nzi kosaheleko na nzi basile wuvu, O Nungungulu, u nga tsiki mina,

Kala mina nzi klaklambutile a ntamo wa wena a ka xizukulwana xi gamelako.

A ntamo wa wena ka bonklelele labo ba tako.

19 A kululamisisa ka wena, O Nungungulu, ku klakukile nguvu ;

Wena u mahile a zilo za hombe, O Nungungulu, nzi mani a fananako na wena ke?

20 Wena, u kangetileko hina a sikarato za kutala ni zi cabekako,

U ta nga hi tilimuxa kambe, u ta hi klelisa hi le kueteni ka misaba.

21 Enzelekisa wena a wukulu ga mina, Ni ku klela kambe u tangalisa mina.

22 Nzi ta dumisa wenawu kambe hi timbila,

Zona a zinene za wena, O Nungungulu wa mina :

A ka wena nzi ta yimbelela a kudamisa hi xitende,

O wena wa kubasa wa ka Israeli.

23 A milomu ya mina yi ta kanyuluka a litsako laha mina na nzi yimbelela a kudumisa a ka wena ;

A muhefemulo wa mina, lowu wena
u wu *klaklisileko*.

24 A lirimi la mina li ta yimbelela hi
kululamisisa gonkle siku gi longo-
lokako ;

Hakuba ba celilwe a tingana, haku-
ba bona ba vilinganyisilwe, labo
ba hlotako a kulamatwa ka mina.

LISIMU 72.

1 Nyika a hosi a lamulisisa ka wena,
O Nungungulu,
Ni kulumisisa ka wena ka nisanya-
na wa hosi.

2 Yena i ta lamula banhu ba wena hi
kululamisisa,
Ni zisiwana za wena hi nongametiso.

3 A zi zitsunga zi ta neha a kurutisa ka
banhu,
Ni mitsuri, a kululamisisa.

4 Yena i ta lamula a zisiwana za ba-
nhu,
Na yena i ta ponisa a banana ba ba-
vumali,
I ta tsoba a fufanyi a ba tsimbe-
keti.

5 Na bona ba ta caba wena laha a ga-
mbo ga ha simamisako,
Na singaho laho a hweti ya ha si-
mamisako, ka zonkle zizukulwa-
na.

6 Yena i ta relela lahasi kwatsi i vula
a ka byanyi gi tsemilweko,
Kwatsi marefu lawo ma tsakamisako
a misaba.

7 A masikwini ya yena a balulamileko
ba ta bombiswa,
A talisiso wa kurula, kala a hweti
yi nga ha bi kona.

8 Yena kambe i taba ni ku fumela ku-
sukela bimbini kala bimbini,
Ni kusukela le Congweni kala ku-
gumelweni ka misaba.

9 Bona labo ba akileko ziwuleni ba ta
korama mahlweni ka yena ;
Ni balala ba yena ba ta laza a tsu-
tsungwani.

10 A tihosi ta le Tarxixi ni ta le zihla-
leni ti ta luba a nzhubo :

A tihosi ta le Xeba ni le Seba ti ta
nyikela a zinyikiwo.

11 Inaka, tonkle a tihosi ti tawa lahasi
mahlweni ka yena ;

Yonkle a mifumo yi ta kozela yena.

12 Hakuba i ta *klaklisa* a bavumali laha
bahako huwa,

Ni zisiwana lezo zi nga hiko na mu-
vuni.

13 Yena i ta hawukela a zisiwana ni ba-
vumali,

Ni muhefemulo wa bavumali yena
i ta wu hanyisa.

14 Yena i ta *klaklisa* a muhefemulo le
kutsimbeketweni ni le kupangwe-
ni ;

Ni malongo ku taba a nkata wabye
mahlweni ka yena :

15 Na bona ba ta hanya ; ni ka yena ku
ta nyikiwa a nzalama ya le Xeba :

Ni banhu ba kumbela yena hi kusi-
mamisilweko ;

Bona ba ta katekisa yena gonkle si-
ku gi longolokako.

16 Lahlo ku taba kona a talisiso wa ma-
bele laha misabeni le hehla ka zi-
xungwe za zitsunga ;

A mihanzo ya kona yi ta *klakleka*
kwatsi hi Lebanoni :

Ni labo ba lomo mutini ba ta bombi-
swa kwatsi i byani ga misaba.

17 A bito ga yena gi ta tsama kala ku-
pinzuka ;

A bito ga yena gi ta ba gi simami-
sile gi longoloka kwatsi i gumbo :

Ni banhu ba ta katekisilwe ka yena ;
Wonkle a matiko ba ta bitana yena
kuxalala.

18 I katekisilwe Jehova Nungungulu,
a Nungungulu wa ka Israeli,

Loye yece a mahako a zilo zi hlama-
lisako :

19 A gi katekiswe a bito ga yena ga
wukosi kala kupinzuka ;

Nga a misaba yonkle yi be yi tatisi-
lweko hi wukosi ga yena.

Ameni, ni Amen.

20 Mikombelo ya Davida a nisanyana
wa Jese yi gumelwe.

BUKU III.

LISIMU 73.

1 Futsi Nungungulu i nene ka Isra-
eli,

Kona ka bona labo basileko mbilwi-
ni.

2 Kanilezi kwatsi ha mina, a miko-

nzo ya mina kutsongwani yi wi-
le ;

A kukanziyela ka mina kutsongwa-
ni futsi na ku retemukile.

3 Hakuba nzi wa hi ni wukuxu ka ba
ti kukumukisako,

- Laha na nzi wona a kuvuvumisisa ka ba kubiha.
- 4 Hakuba a ku kona a kubayisa a kufeni kabye;
Kanilezi a ntamo wabye wa ha tiyile.
- 5 Bona a ba kona zikaratweni kwatsi hi banwani banhu;
Bona hambu ni ba kukarateni kwatsi hi banwani banhu.
- 6 Hikwalaho a matsanza i kwatsi ngenje nhamweni yabye;
A kupanga ku kubunyetile bona kwatsi i nguwo.
- 7 A mahlo yabye ma su nyokobela hi mafura:
Ba ni zo tala kuhunza a kuxuba ka mbilu.
- 8 Bona ba tseketsela, ni ka kubihisisa bu tsawutela a tsimbeketiso:
Bona ba wulawula hi kukumukisilweko.
- 9 Ba rumele a milomu yabye le matilweni,
A tirimi tabye ti fambako ti tsemakanya a misabeni.
- 10 Hikwalaho banhu ba yena ba klelela laba:
A mamati ma teleko a kopo ma kamilwe ha bona.
- 11 Na bona ba wula, Zini lezi Nungungulu a zi tibako ke?
A kutiba ku ka loye a Hunzeleleko Hehla ke?
- 12 Languta, laba hi bakubiha;
Na, xonkle xikati ni ba tsamekile, ba enzelekiswa kufumeni.
- 13 Futsi hi nga nga nyawuli mina nzi basisile a mbilu ya mina,
Na nzi hlazile a mandla ya mina hi ku nga hiko na nanzu;
- 14 Hakuba gonkle siku gi longolokako mina nzi wa hi wababyini,
Na nzi tsayisile yonkle a mixo.
- 15 Loku mina nzi wa wulile, Nzi wa ta wulawula zakungahi;
Languta, nzi nga wulawulile hi kuhlebyisilweko zinwe ni xizukulwana xa banana ba wena.
- 16 Laha nzi nga wa alakanyile lezaku nzi fela kutibisa ku yini lexi,
Kona ku wa hunzeletile kubayisa a ka mina;
- 17 Karala nzi yile le ndlwini ya kubasa ya ka Nungungulu,
Ni nzi pimis a kugumelwa kabye.
- 18 Hakunene wena u yimisako bona lomo wutsawweni gi retemuka-

- Wena u hoxako bona lahasi kulo-byisweni.
- 19 Bona ba hangalakisile ku yini hi xikatanyana!
Hi kumbetekisilwe ba loyisilwe hi kutsisa.
- 20 Kwatsi hi kulora laba na munwe a kindlimukako,
Zingaho, O Hosi, laba wena u vuxako, wena u nga ta katala hi zifanano zabye.
- 21 Hakuba a muhefemulo wa mina wu wa zangarisilwe,
Na mina nzi wa poroketilwe le mbi-lwini ya mina:
- 22 Zingaho a wuhari ku wa hi mina, ni ku nga tibi;
Nzi wo kwatsi nzi xibanza mahlweni ka wena.
- 23 Ahembalokoke mina nzi simamisile zinwe na wena:
Wena u komileko a canja ga mina ga xinene.
- 24 Wena u ta rangela mina hi wusungukati ga wena,
Ni nzako ka lezi u ta nzi amukela le wukosini.
- 25 Nzi mani nzi nga naye le tilweni saseka wena ke?
Ni laho a ku kona laba misabeni loye nzi mu xubako hi lahandle ka wena.
- 26 A nyama ya mina ni bilu ya mina zi tsanzekako;
Kanilezi Nungungulu hi ntamo wa mbilu ya mina ni xiabelo xa mina kala kupinzuka.
- 27 Hakuba, mangabye, bona labo ba nga kule na ba ta mbemba:
Wena u lobisile bona labo ba mahako a wuoswi, ba sukileko ka wena.
- 28 Kanilezi kona ku zinene ka mina a ku tsinela ku suhi a ka Nungungulu:
Nzi mahile a Hosi Jehova a wucabelo ga mina,
Kasi nza fela kubuya bonkle a mitiro ya wena.

LISIMU 74.

- 1 O Nungungulu, hi yini u hoxileko hina kule kala kupinzuka ke?
Ili yini a zanga ya wena yi tubikako yi vukela a tiyivu ta wugelo ga wena ke?
- 2 Alakanya a klangano wa wena, lowu wena u kumileko a kaleloko.
Lowu wena u klaklisile a kuba lixaka la tsomba ya wena awinyi;

- Ni zitsunga Zioni, laho wena i tsami-
leko kona.
- 3 Klakusa a mikonzo ya wena le ma-
rumbini ya kupinzuka,
Zontle a zibihiso lezo a balala ba si
mahileko lomo ndlwini ya wena ya
kubasa.
- 4 A balala ba wena ba dzumile lomo xi-
kari ka gotsobanyano wa wena ;
Ba yimisile a tingape tabye a miwo-
niso tiya.
- 5 Bona be kwatsi hi banhu ba klaku-
sako
A zihloka zi le hehla ka likwara la ti-
sinya.
- 6 Na makunu wonkle a tiro wu kehli-
lweko wa tona
Ba tsemelela hi tinzhemo ni mikono.
- 7 Bona ba hi sile a yindlu ya kubasa
ya wena hi nzilo ;
Bona ba nyenyesisile a wutsamo ga
kuaka ka bito ga wena hi ku hoxa
gona lahasi liranzaenyi.
- 8 Ba te ngalo timbilwini tabye, Nga
hina hi hahlula bona katiginwe :
Bona ba hisile wonkle a masinagoga
ya ka Nungungulu lomu tikweni.
- 9 Hina a ha woni a miwoniso ya hina :
Laho a nga hi kona ni wa bapro-
feti ;
Ge a nga kona xikari ka hina ni mu-
nwe a tibako ku ta longoloka ku
kuyini.
- 10 Ku ta longoloka ku yini, O Nungu-
ngulu, a balala ba hi kamanyeta
ke?
Kasi a nala a ta rukatela a bito ga
wena kala kupinzuka ke?
- 11 Hi yini u kobetako a canja ga wena,
gona a canja ga wena ga xine-
ne ke?
Susa gona laha xifubeni xa wena ni
kulobisa bona.
- 12 Kasike Nungungulu hi hosi ya mi-
na ya kaleloko,
A kutira a kuhanyisa xikari ka mi-
saba.
- 13 Wena u abanyisileko a bimbi hi nta-
mo wa wena :
Wena u cumbalakanyisileko a tihlo-
ko ta banghunzulume ba bimbi
nzeni ka mamati.
- 14 Wena u tsobileko a tihloko ta mu-
nyame zibanzana ;
Wena u nyikelako wona a kuba a
kufa ka bona labo ba akileko zi-
wuleni.
- 15 Wena u kuhako a hlowo ni swinga :
Wena u omisako a congo wa ntamo.
- 16 A siku ga wena, ni wusiku kambe
ga wena :
Wena u longiseleko a kuwonekela ni
gambo.
- 17 Wena u yimisileko yonkle a mimbi-
ngano ya misaba :
Wena u mahileko a ximumu ni wu-
xika.
- 18 Alakanya lexi, lezaku a balala ba ko-
nile, O Jehova,
Ni lezaku a banhu ba xipumbu ba ru-
katelile a bito ga wena.
- 19 U nga nyikeli a muhefemulo wa fi-
nyani ga wena ga tuba le xibanze-
ni xa kwati :
U nga ribakelwi hi muhefemulo wa
xisiwana xa wena kala kupinzuka.
- 20 Nga u celakota hi ka xivumelwano ;
Hakuba a wutsamo munyama ga mi-
saba gi tele hi banhu bapangako.
- 21 O nga ba tsimbeketilweko ba kleli ti-
nganeni :
Nga a zisiwana ni bavumali ba du-
misa a bito ga wena.
- 22 Suka, O Nungungulu, u vikela a na-
nzu wa wena nwinyi :
Alakanya lezaku i rukatelisa ku yini
wena a munhu wa xipumbu go-
nkle siku.
- 23 U nga ribakelwi hi revu ga babengi
ba wena :
Ni pfilupfilu ya bona labo ba sukako
ba vukela wena ba tirwalako hi
kusimamisilweko.

LISIMU 75.

- 1 Hina ha nyika a kubonga ka wena,
O Nungungulu ;
Hina ha nyika a kubonga, hakuba a
bito ga wena gi kusuhanani :
A banhu ba wulawula hi mitiro ya
wena yi hlmalisako.
- 2 Laha nzi ta nga kuma a xikati xi
longisilweko,
Mina nzi ta lamula hi kulongamisi-
lweko.
- 3 A misaba ni baakileko bonkle ba yo-
na ba nyekisilwe :
Mina nzi yimisile a timhinga ta ko-
na. [Sela]
- 4 Nza wula ka nwina ba ti kukumu-
kisako, mu nga mahi hi kukumu-
xisilweko ;
A ka bakubiha, U nga klakusi a li-
mhonzo :
- 5 U nga klakusi a limhonzo la wena
hi klakuka ;
U nga wulawuli hi nhamo ya kuno-
noha.

- 6 Hakuba hambu hi mutsuwukagamba, ni le muhlwagambo, A nwalungu kasike kuta hi dzongeni, kutako a kuklakuka.
- 7 Kanilezi Nungungulu hi mulamuli: Yena a reletako a munwe, ni kuklakusa a munwani.
- 8 Hakuba canjeni ga ka Jehova laho ku kona a kopo, ni waini gi bilako; Gona gi tele hi wuxangelwa, yena a culula gwalego: Hakunene a kubi ga kona, bonkle bakubiha ba misaba ba ta kama gona, ni kunwa gona.
- 9 Kanilezi mina nzi ta klaklambuta kala kupinzuka, Nzi ta yimbelela a kudumisa a ka Nungungulu wa Jakobe.
- 10 Tonkle a timhonzo ta bakubiha kambe nzi ta tsema; Kanilezi a timhonzo ta a lulamileko ti ta klakuswa hehla.

LISIMU 76.

- 1 Le Juda ka Nungungulu i tibyeke-silwe: A bito ga yena ga hombe a ka Israeli.
- 2 Le Salema kambe gi kona a tabernakele ga yena, Ni wutsamo ga wuakelo ga yena le Zioni.
- 3 Leyo yena a tsobako a tugalala ta wura; A xiklangu, ni supado, ni impi. [Sela]
- 4 Wena hi wena u nga wukosi ni wudumo, Kusukela zitsungeni za kupangwa.
- 5 A ba timbilu ta wunhenha ba mahilwe a mupango, Bona ba eklelile a wurongo gabye; A nga kona ni wa ba banuna ba tinhenha a kumileko a mandla.
- 6 A ka kukawuka ka wena, O Nungungulu wa Jakobe, Tonkle a tikareta ni mahaxi zi hoxilwe le kueleleni kwatsi ka kufa.
- 7 Wena, yena wena, hi wena u ta nga ba u cabylwe; Na a hi mani a ta nga yima kuwone ni ka wena laba na u zangarile ke?
- 8 Wena u mahile a tsanziselo a wu zwiwa bi le tilweni; A misaba yi lo cabya, na yi lo kawula,
- 9 Laha Nungungulu i lo vuka a kulamula,

- A kuhanyisa bonkle ba rulileko ba misaba. [Sela]
- 10 Hakunene a zanga ya munhu yi ta dumisa wena: A misalela ya zanga wena u ta bohela ka wena.
- 11 Funga, ni ku riha a ka Jehova Nungungulu wa wena: Nga lezo zonkle zi ranzeleko yena zi neha a zinyikiwo a ka yena loye a faneleko a kucabyiwa.
- 12 Yena i ta tsema a moya wa tihosana: Yena wa a cabekako a ka tihosi ta misaba.

LISIMU 77.

- 1 Nzi ta buhuwa ka Nungungulu hi gezu ga mina, Kona ka Nungungulu hi gezu ga mina; na i ta nyika a ndlebe ka mina.
- 2 A ka siku ga kukarateka nzi hlotile a Hosi: A canja ga mina gi wa nabalatile ni wusiku; na gi nga humulangi; A muhefemulo wa mina wu alile a kucabelelwa.
- 3 Nzi alakanya a Nungungulu, a nzi humulile: Mina nza rila, ni moya wa mina wu kubunyetilwe. [Sela]
- 4 Wena u komako a mahlo ya mina a kurinzela: Mina nzi karatekile lezaku a nzi zi koti a ku wulawula.
- 5 Nzi pimile hi masiku ya kaleloko, A malembe ya xikatini xa kaleloko.
- 6 Nza bitana a kualakanyisa a xizimba xa mina ni wusiku: Nzi wulawulisana ni mbilu ya mina nwlwinyi; A moya wa mina wu hlota hi kuhlo-lisisa.
- 7 A Hosi yi ta hoxa kala kupinza ke? Na a nga ta kuba na tomo kambe ke?
- 8 A kuranzakawunene ga yena ku fambile kumbeteka kala kupinzuka ke? Ni zitsumbiso za yena zi tsanzeka kala kupinzuka kambe ke?
- 9 Kasi Nungungulu i ribakelwe akuba wa wuxinji ke? Kasi hi ka zanga ya yena i valile a kuranza ka titalo ta yena ke? [Sela]
- 10 Mina nzi te ngalo, Loku hi kurereka ka mina; Kanilezi mina nzi ta alakanya a ma-

- lembe ya canja ga xinene xa loye
a Hunzeleleko Hehla.
- 11 Nzi ta maha a xikumbuxeto hi zi-
mahalo za ka Jehova;
Hakuba mina nza alakanya a simaho
za wena za kaleloko.
- 12 Nzi ta alakanyela kambe hi ka tiro
wa wena wonkle,
Ni hlalela a zimaho za wena.
- 13 A ndlela ya wena, O Nungungulu,
yi lomo ndlwini ya kubasa:
Hi mani a Nungungulu wa hombe a
fanako na Nungungulu ke?
- 14 Wena hi Nungungulu loye a ma-
hako a zihlamliso:
Wena u tibekisile a ntamo wa wena
xikari ka banhu,
- 15 Hi woko ga wena u klaklisile a ba-
nhu ba wena,
A barisanyana ba Jakobe ni ba Jo-
sefa. [Sela]
- 16 A mamati ma wonile wena, O Nu-
ngungulu;
A mamati ma wona wena; wona ma
wa cabysilwe:
A kueta kambe ku rurumelile.
- 17 A marefu ma humesile a mati;
A tilo gi humesile a kukzinza:
A tugalala ta wena kambe ti la su
gafenemete.
- 18 A gezu ga kudzinza ka wena gi wa
hi xipupurini;
A xingwalangwanza xi lo woninga
a tiko:
A misaba yi rurumela yi lo tsekats-
ka.
- 19 A ndlela ya wena yi wa hi le bimbini,
Ni minzati ya wena yi wa hi mama-
tini ya hombe,
Ni zikanziyelo za konzo wa wena zi
wa nga tibiyiwi.
- 20 Wena u rangelako a banhu ba wena
a ku maha a klambi,
Hi canja ga Mosi na Aroni.

LISIMU 78.

- 1 Nyika ndlebe, O banhu ba mina, a
ka nayo wa mina:
Pumunhani a tindlebe ta nwina a ka
timhaka ta nomu wa mina.
- 2 Nzi ta vulula a nomu wa wena hi
mufananiso;
Nzi ta tsawutela a kuwula ku fihle-
leko ka kaleloko,
- 3 Loku hina hi ku zwileko, hi ku tibi-
leko,
Ni badadani ba hina ba dyelile hina.
- 4 Hina hi nga ta fihla tona a ka bana-
na babye,

- Na kubyela a xizukulwana xi tako a
kudumisa ka Jehova,
A ntamo wa yena, ni mitiro ya yena
yi hlamlisako leyo a yi mahileko.
- 5 Hakuba yena i yimisile a xivume-
lwano a ka Jakobe,
Ni yimisile a nayo a ka Israeli,
Lowo yena a leleteleko a badadani
ba hina,
Lezaku kasi bona ba wa ta nga ba
maha yona yi tibyekiswa a ka ba-
nana babye;
- 6 Kasi ku fela a ku a xizukulwana xi
tako xi nga tiba tona, bona a ba-
nana labo ba ta nga nga ba tre-
lwe;
Labo ba ta nga nga ba suka ba dyela
a ka banana babye.
- 7 Kasi ba fela a xungeta a ku tsumba
kabye a ka Nungungulu,
Ba nga kohlwi hi mitiro ya ka Nu-
ngungulu,
Kanilezi ba hlalisa a zileletelo za ye-
na,
- 8 Na kasi ba fela ku kala ba nge kwatsi
hi badadani babye,
A miklatwa ni xizukulwana xi hlu-
bukako,
A xizukulwana lexo xi nga tsameki-
sangiko kwatsi a timbilu ta xona,
Lexo a moya wa xona wu nga na-
marelangiko zinwe na Nungungu-
lu.
- 9 A banana ba Efraime, na ba hlomile
ba rwala a mawura,
Ba lo tsuwuka hi masikwini ya impi.
- 10 Bona a ba hlalisangi a xivumelwa-
no xa ka Nungungulu,
Ba wa alile a ku famba hi ka nayo
wa yena;
- 11 Na bona ba lo kohlwa hi zimaho za
yena,
Ni mitiro ya yena yi hlamlisako le-
yo yena a kombileko bona.
- 12 A zilo zi hanjalatisilweko yena i lo
zi maha a kuwoneni ka badadani
babye,
A ka tiko ga le Gipite, le kwatini ga
Zoana.
- 13 Yena i abanyisa a bimbi, i lo maha
bona ba tsemakanya ba hunza;
Na yena i lo maha a mati ma yima
kwatsi i nhulu.
- 14 Hi xikatini xa siku kambe yena i lo
ba rangela hi mbinga ya refu,
Ni gonkle a wusiku hi kuwonekela
ka nzilo.
- 15 Yena i lo abanyisa a maribye lomo
xiwuleni,

- I lo nyika bona a kunwa kutalisilwe-
ko kwatsi ka lomo kueteni.
- 16 Yena i lo neha a ntamo kambe hi
lomo ribyeni,
I lo maha a mati makulunga lahasi
a micongo.
- 17 Kasike ba wa su simamisa baya
onha ba vukela yena,
A kuhlubuka ba vukele loye a Hu-
nzeleleko Hehla lomo xuwunzeni.
- 18 Na bona ba lo ringa a Nungungulu
lomo nzeni ka timbilu tabye
Hi kukombela a zakuga kukotisa hi
kuxuba kabye.
- 19 Inaka, bona ba lo wulawula ba vu-
kela a Nungungulu;
Ba te ngalo, A nga zi kota a Nungu-
ngulu a ku longisela a meza lomu
xiwuleni ke?
- 20 Languta, yena a bileko a ribye, kasi
a mati ba buka lahandle,
Ni micongwana yi kulunga;
A nga zi kota ku nyika zibaba ka-
mbewo ke?
I ta zi kota a ku nyika a nyama ka
banhu ba yena kambewo ka?
- 21 Hikwalaho Jehova i wa zwile, na a
wa zangarisilwe;
Ni nzilo wu wa nzibelilwe wu vuke-
la Jakobe,
Ni zanga kambe yi wa lo kanziya yi
vukela Israeli;
- 22 Hakuba a ba kolwangi a ka Nungu-
ngulu,
A tsumbangi a kuhanyisisa ka ye-
na.
- 23 Kasike yena i lo leletela a tilo le he-
hla,
Na a wa vulile a tibati ta tilo;
- 24 I wa nisile lahasi a mana a ka bona
a kuga,
I lo nyika bona a kuga ka lo tilwe-
ni.
- 25 A munhu i loga a zibaba za ntamo:
Yena i lo nyika bona a kuga ba xu-
riswa.
- 26 Yena i maha a mheho ya mutsu-
wukagambo yi pupuxa hi mati-
lweni;
Na hi ntamo wa yena i lo rangela a
mheho ya le dzongeni.
- 27 Yena i lo nisa a nyama hehla ka bo-
na kwatsi i tsuri,
Ni zinyanyani za tipapa kwatsi i
seke ga mabimbi;
- 28 Na yena i lo maha zona zi wela xika-
ri ka wugobelo gabye,
Zi mbambamela ka gonkle a wuake-
lo gabye.
- 29 Zingaho bona ba loga, ba lo xuriswa
kwatsi;
Na yena i lo nyika bona a kuxuba
ka bona benyi.
- 30 Bona a ba gwegwangi ka lezo bona
ba nga wa zi xubile,
Kasike lezo a kuga kabye ku wa ha
hi nonwini wabye,
- 31 Laha a zanga ya ka Nungungulu
yi nga huma hehla yi vukela
bona,
I lo riza a ba kulukileko ba bona,
I lo lobisa a majaha ya ka Israeli.
- 32 Hambu a ka zonkle lezi bona ba su
hutsetse ba onha,
A ba kolwangi a mitirweni ya yena
yi hlamalisako.
- 33 Hikwalaho a masiku yabye yena i lo
ma mbetisa hi ku nga nyawulini,
Ni malembe yabye hi hlanekero.
- 34 Laha yena a lobisako bona, zonake
bona ba wa kombela yena;
Na bona ba lo hunzuluka ba lo hlota
Nungungulu hi kulabyisilweko.
- 35 Na bona ba lo alakanya lezaku Nu-
ngungulu i wa hi ribye gabye,
Na Nungungulu a Hunzeleleko a
Kuklakuka i wa hi muklaklisi wa-
bye.
- 36 Kanilezi bona ba wa mu kalabelile
hi milomu yabye,
Ba lo hamba wunwa a ka yena hi
lirimi labye.
- 37 Hakuba a timbilu tabye ti wa longa-
mangi zinwe na yena,
Ge bona ba wa nga kolekangi xivu-
melwaneni xa yena.
- 38 Kanilezi yena, na a nga a hi wa titra-
lo, i lo tsetselela a kugoha kabye, i
wa nga lobisangi bona:
Ina, xikati xinying i a bohla a zanga
ya yena,
I wa nga vunjuli yontle a zanga ya
yena.
- 39 Yena i lo alakanya bona ntsena ba
wa hi nyama,
A mheho leyo yi hunzako, yi nga ha
engeti yi wuya kambe.
- 40 Kukanzakanyisile ku yini bona ba
hlubuka ba vukela yena lomo xi-
wuleni,
Ni kuzangarisa yena lomo xiwunze-
ni!
- 41 Na bona ba lo hunzuluka kambe ba
lo ringa a Nungungulu,
Ba lo vunjukelisa Loye wa Kubasa
wa ka Israeli.
- 42 Bona ba wa nga alakanyangi a can ja
ga yena,

- Ge ni siku lego yena a *klaklisileko* bona le balaleni ;
- 43 *Lezaku i xaxametisile* ku yini a ziwoniso za yena le *Gipite*,
Ni zihlamaliso za yena le kwatini ga le *Zoana*,
- 44 Na i lo hunzulusa a *micongo yabye* a nkata,
A *micongo yabye*, *zingaho lezo* ba nga zi koti ni kunwa.
- 45 Yena i lo rumela a ka bona a *miakwa* ya mabawani, leyi yi lumeteleko bona.
Ni makele, lawo ma lobisileko bona.
- 46 Yena i lo nyikela a *pfuno wabye* ka ziwungwani,
Ni tiro wabye a ka tihumbi.
- 47 Yena i lobisa a zivina wabye hi vula ya *maribiyana*,
Ni tisinya ta mikuwu yabye hi xibabe.
- 48 Yena kambe i lo nyika a tihomu tabye a ka vula ya *maribiyana*,
Ni miklambi zingwalangwanzeni zibisako.
- 49 Yena i lo hoxa a ka bona a mapingo ya zanga ya yena,
A kulo, ni kungangamukelena, ni zikarato,
A *klawa* wa tingelosi ta kubiha.
- 50 Yena i lo maha a ndlela ya zanga ya yena ;
Yena i wa nga nyenyetelangi a muhefemulo wabye la kufeni,
Kanilezi i lo nyikela a wutomi gabye le mutungwini.
- 51 Na a lamatile wonkle a matewula le *Gipite*,
A wukosi ga ntamo wabye le matenteni ya Hamu.
- 52 Kanilezi yena i lo rangela a banhu ba yena *nwinyi kwatsi tiyivu*,
Na a rangelile bona le xiwuleni kwatsi i klambi.
- 53 Yena i lo barangela kuponeni, *zingaho lezo* ba wa nga hi na kuaba ;
Kanilezi a bimbi gi lo kubunyeta a balala babye.
- 54 Na yena i lo neha bona mukawulweni ya yindlu ya yena,
A ka xitsunga xa yena, lexi a canja ga yena xinegi xi mahileko.
- 55 Yena kambe i lo hlóngola a mufumo mahlweni ka bona,
A hlahlubileko bona a ku fumela a tsomba hi lixaka,
I mahile a tixaka ta ka Israeli a kuka matenteni ya tona.
- 56 Kasike lezo bona ba lo ringa ba hlu-bukile ka Nungungulu a Hunzeleko a *Kuklakuka*,
A ba hlayisangi a zikustumunyelo za yena ;
- 57 Kanilezi ba lo klelela le nzako, na ba lo maha hi kukohlisilweko kufanana ni badadani babye ;
Ba lo hambuka klelweni kufanana ni kukoma kukohlisako.
- 58 Hakuba ba vindlukisile yena a kuzangara hi wutsamo gabye gi *klakukileko*,
Ba mu kucetela a mona hi zifanani-so wabye zi baklilweko.
- 59 Laha Nungungulu a nga wa zwilelezi, i wa la su zangara,
Hi kukulisilweko i wa swirilwe ha Israeli ;
- 60 Zingaho lezo yena i lo tsika a tabernakele ya le Xilo,
A tenta lego yena a gi bekileko xikari ka banhu ;
- 61 I lo nyikela a ntamo yakwe wa kukonweni,
Ni wukosi ga yena a canjeni ga mu bengi.
- 62 Yena a nyikelile a banhu ba yena le supadweni,
I wa zangarisilwe hi tsomba ya yena.
- 63 A nzilo wu lo kadamula a majaha wabye ;
Ni mibulwu wabye yi wa nga hi ni lisimu la mucado.
- 64 A bapristi babye ba lowa hi supado ;
Ni tinoni tabye ti nga mahi a kosi.
- 65 Zonake a Hosi yi kindlimuka kwatsi i munwe loye a ekleleko,
Kwatsi i nhenha ya wanuna leyo yi kanyulukako hi kota ya waini.
- 66 Yena i lo hlasela a balala ba yena gangatsala :
Yena i beka bona nzhukanweni wu nga gomolisiwiko.
- 67 Klatakumbiri yena i alile a tenta ga Josefa,
I wa nga langangi a lixaka la ka Efraime.
- 68 Kanilezi i lo langa a lixaka la ka Juda,
A xitsunga xa Zioni lexo yena a xiranzileko.
- 69 Yena a bahako a yindlu ya yena yobasa kufanana ni kuklakuka,
Kwatsi hi misaba leyi yena a yi yimisileko kala kupinzuka.
- 70 Yena i lo langa Davida kambe a nanzaga yena,

I lo teka yena le miklambini ya tiyivu :

- 71 Le kulanzeleni a matrele lawo ma nga ni tiyivana ta wona yena i lo neha yena,
Akuba a murisi wa Jakobe a banhu ba yena, ni wa Israeli a tsomba ya yena.
- 72 Zingaho yena i wa hi murisi wa bona kukotisa hi ka longametiso wa mbilu ya yena,
Ni kurangela bona hi kuklarihisi-lweko ka mandla ya yena.

LISIMU 79.

- 1 O Nungungulu, a mifumo yi tile lomu ka tsomba ya wena;
A tempele ya wena ya kubasa bona ba yi nyenyezisile;
Bona ba bingeretele a Jerusalema a tinhulu.
- 2 A zirumbi za malanza ya wena ba nyikile zona a kuba kuga ka zinyanyani za matilo,
Ni nyama ya ba kubasa ba wena ka zibanza za misaba.
- 3 A nkata wa/ye wu halakile kwatsi i mati wu ranzela a Jerusalema;
Ni laho ku wa nga hi kona wa ku nkela bona.
- 4 Hina hi mahile a nzhukano ka baakelwane ba hina,
A tseketselo ni likiyala ka bona bonkle laba ba ranzeleko hina.
- 5 Ku ta longoloka ku yini, O Jehova ke? wena u be u zangarileko kala kupinzuka ke?
Kasi a zanga ya wena yi ta vura kotta nzilo ke?
- 6 Halata a zanga ya wena hehla ka matiko laya ma nga tibiko wena,
Ni hehla ka mifumo leyo yi nga bitaniko bitweni ga wena.
- 7 Hakuba bona ba kadamulile Jakobe,
Na ba hlakatile a kuakeni ka yena.
- 8 U nga alakanyi u vukela hina a zigoho za bakoko ba hina;
Nga a kuranza ka titalo kukanzanya a ku klanganyeta hina;
Hakuba hina hi nehlwe lahasi ngu-vu.
- 9 Vuna hina, O Nungungulu wa kuhanyisa ka hina, hi kota ya wukosi ga bito ga wena;
Ni kuklakisela hina, ni ku tsetselela a zona za hina, hi kota ya bito ga wena.
- 10 Ngahilezo yi wa ta nga a mifumo

yiku, I kwihi a Nungungulu wa/ye?

- Nga a potelelo wa nkata wa malanza ya wena lowu wu lahakileko
Wu tibyekiswa xikari ka mifumo a kuwoneni ka hina.
- 11 Nga a ku tsikwilelo ka a mukonwe kuta mahlwani ka wena:
Kukotisa kulisiso wa ntamo wa wena lonzowota wena labo ba longiselweko a kufa;
- 12 Ni kuklelisela ka baakelwane ba hina a nkalanu ni kumbiri kuwuyetilweko
A nzhukano ya/ye, leyo ba rukatelileko wena, O Hosi.
- 13 Zingaho hina banhu ba wena ni tiyivu ta wugelo ga wena
Hi ta nyika wena a kubonga kala kupinzuka:
Hina hi ta kombisa a kudumisa ka wena konkle ka sonkle sizukulwana.

LISIMU 80.

- 1 Nyika a ndlebe, O Murisi wa ka Israeli,
Wena u rangelako Josefa kwatsi i klambi;
Wena u tsamako hehla ka Cerubima, woninga.
- 2 Mahlwani ka Efraime na Benjamini na Manasa, vungunya a ntamo wa wena,
Ni kuta ku hi hanyisa.
- 3 Hunzula hina kambe, O Nungungulu;
Maha a ngohe ya wena a kuwoninga, na hina hi taba hi hanyisilwe.
- 4 O Jehova a Nungungulu wa mabandla,
Ku ta longoloka ku kuyini wena u ta vukela a mukombelo wa banhu ba wena ke?
- 5 Wena u gisile bona hi sibaba sa mihloti,
U nyikile bona a mihloti a kunwa hi xiringaniso xa hombe.
- 6 Wena u mahako hina a kubangelana a ka baakelwane ba hina;
Ni balala ba ku hleka xikari ka wutsumbu ga/ye.
- 7 Wuyisa hina kambe, O Nungungulu wa mabandla;
Maha a ngohe ya wena a ku woni nga, na hina hi taba hi hanyisilweko.
- 8 Wena u nehako a xivina hi le Gipte:

- Wena u hlongolileko a mifumo, ni ku u byalileko gona,
- 9 Wena u longiseleleko a nzawu mahweni ka gona,
Gona gi lo teka a mutsu wu zimileko, ni wu tatisileko a misaba.
- 10 A sitsunga zi wa kubunyetilwe hi xiruti xa gona,
Ni marabi ya kona ma ku fanana ni tisedare ta ka Nungungulu.
- 11 Gona gi nabalata a marabi ya gona le bimbini,
Ni kupfepfa ka gona le Congweni.
- 12 Hiyini wena u kungumuleko a tigi-ngisi ta kona ke,
Zingaho lezo labo ba hunzako hi ndlela ba gi wukela ke?
- 13 A matsune wa kumba wa lomo kwatini a pota gona,
Ni zibanza za kwati za le handle si gela a ka gona.
- 14 Wuya kambe, hina ha kongotela wena, O Nungungulu wa mabandla:
- Cuwuka labasi hi le tilweni, ni laguta, enzela lowu a vina,
- 15 Ni tsinya legi a canja ga wena ga xinene gi dyeleko,
Ni rabi lego wena u lo gi tiyisile ni ntamo a ka wutsumbu ga wena.
- 16 Gona gi swile hi nzilo, gona gi tsemilwe:
- Bona ba lobyisilwe kukawukeni ka ngohe ya wena.
- 17 Nga a canja ga wena a gi be hehla ka munhu wa le canjeni ga wena ga xinene,
Hehla ka nisananya wa munhu loye wena u mu mahako a ntamo a ka wutsumbu ga wena.
- 18 Zingaho hina hi nga ta klelela a nza-ko hi le ka wena:
- Vuxa hina, zingaho hi ta bitana bitweni ga wena.
- 19 Hunzulusa hina kambe, O Jehova a Nungungulu wa mabandla;
Maha a ngohe ya wena a kuwoni-nga, hina hi taba hi hanyisilwe.

LISIMU 81.

- 1 Yimbelelani ku kanyuluka a Nungungulu a ntamo wa hina:
Mahani a guwa ga kutsaka a ka Nungungulu wa Jakobe.
- 2 Klabani a xizimba, ni ku neha laha a tingomana,
A xitende xi nga kona zinwe ni timbila.
- 3 Banani a punzu hi ka hweti yiswa,

- A ka hweti ya bangala, ni ka siku ga mubuzo ga hina.
- 4 Hakuba kona xilayelo xa ka Israeli,
Ni xiyimiso a ka Nungungulu wa Jakobe.
- 5 Yena i hlawulile a ka Josefa akuba wukustumunyele,
Laha yena a nga wa humele le tikweni ga le Gipite,
Laha mina nzi nga wa zwile a lirimi lolo nzi nga li tibiko.
- 6 Nzi lo susa a katla ga yena le nzwalweni:
- A mandla ya yena ma wa klaklisilwe le xirunzwini.
- 7 Wena u lo bitana le zikaratweni, na mina nzi lo klaklisile wena;
Mina nzi hlamlulile wena le fihlaka-lweni ya kudzinza;
Mina nzi hlolile wena le mamatini ya Meriba. [Sela
- 8 Zwana, O banhu ba mina, nzi ta kustumunya a ka wena,
O Israeli, loku wena u wa ta nga ingisa ka mina!
- 9 Laho ku wa ta nga ku nga hi nungungulu wa haba a ka wena;
Ge wena u wa nga ta kozela a nungungulu wa bamatiko.
- 10 Mina nzi Jehova a Nungungulu wa wena,
Loye a ku nehile u kanziya u humatikweni ga le Gipite;
Vulula a nomu wa wena wu ahlama, na mina nzi ta tatisa wona.
- 11 Kanilezi a banhu ba mina ba wa ingisangi ka revu ga mina;
Na Israeli i wa nga a nga hi wa mina.
- 12 Zingaho nzi lo ba tsika ba njenjere-ka kufanana ni kusihalala kambi-lu yabye,
Kasi bona ba fela ku famba hi gujegu ga bona benyi.
- 13 O lezaku a banhu ba mina ba wa ta nga ba ingisa a ka mina,
Lezaku Israeli i wa ta nga a famba hi tindlela ta mina!
- 14 Lokuloku nzi wa nga kozisa a bala-la ba bona,
Ni ku hunzula a canja ga mina nzi vukela a babengi ba bona.
- 15 A babengi ba ka Jehova ba ta nga koza a wutsumbu gabye ka yena:
Kanilezi a xikati xabye xi ta simamisa kala kupinzuka.
- 16 Yena i nga wundla bona kambe hi mapa mananaselweko ya mabele;
Ni wulombe ga le maribyeni mina nzi nga ta xurisa wena.

LISIMU 82.

- 1 Nungungulu a yimileko le klanga-
nweni wa Nungungulu ;
Yena a lamulako xikari ka banu-
ngungulu.
- 2 Ku ta longoloka ku yini nwina mu
lamula hi ku nga longametisilwe,
Ni ku hlawula a dzumba ga munhu
wa kubiha ke? [Sela
- 3 Lamulani a zisiwana ni bafelweko :
Mahana a nongametiso ka ba hloki-
silweko ni bavumalako.
- 4 Enzeta a zisiwana ni bavumali :
Hlanguta bona canjeni ga wa kubi-
ha.
- 5 Bona a ba tibi, ge hambu ba ku pi-
ma ;
Bona ba famba ba gwelagwela lomo
munyameni :
Zonkile a ziseketelo za misaba zi tse-
katsekisilwe.
- 6 Nzi wa te ngalo, Nwina mu banu-
ngungulu,
Bonkile ba nwina mu barisanyana ba
loye a Hunzeleleko Kuklakuka.
- 7 Ahembalezoke nwina mu ta kufa
kufanana ni banhu,
Ni kuwa kwatsi hi munwe wa tihosana.
- 8 Suka, O Nungungulu, lamula a mi-
saba ;
Hakuba wena u ta fumela yonkile a
mifumo.

LISIMU 83.

- 1 O Nungungulu, u nga rutisi wena
u miyela :
U nga rutisi u miyela, u nge tiwiti-
wibi, O Nungungulu.
- 2 Hakuba, mangabye, a balala ba wena
ba maha a pilupfilu ;
Na bona labo ba bengako wena ba
klakusile a hloko.
- 3 Bona ba tsema a xikungo xa wutro-
tro ba vukela a banhu ba wena,
Ni kuhleba katiginwe ba vukela a
ba fihlilweko ba wena.
- 4 Bona ba wa te ngalo, Ngona, nga hi
tsema bona akuba ba nga hi mu-
fumo ;
Kasi a bito ga ka Israeli gi fela ku
kala gi nga hi kona kulakanywe-
ni.
- 5 Hakuba bona ba hlebile katiginwe
hi kuvumelana kuwwe ;
A kuvukela wena bona ba mahile a
xivumelwano :
- 6 A matenta ya Edome ni ya ka Ixma-
eli ;

Moabi, ni ma Hagari ;

- 7 Gebali, na Ammoni, na Amaleki ;
Filistia sinwe ni baakileko ba le
Tire :
- 8 Asiria kambe gi klanganile sinwe
nabo ;
Bona ba vunetele a banana ba Loti.
[Sela
- 9 Maha wena a ka bona kwatsi hilezi
u mahile o ka Midiani,
Kwatsi hi ka Sisera, kwatsi hi ka
Jabina, le congweni Kixonl ;
- 10 Loye a lobileko le Endora,
Loye a mahileko a tala ga misaba.
- 11 Nga a manganakana yabye ma fana
na Oreba na Zeeba ;
Ina, tonkile a tihosana tabye ti fanana
na Zeba na Zalmunna ;
- 12 Labo ba nga wa te ngalo, Nga hi
teka a ka wutsumbu ga hina a tsi-
mbeketelo
Wa banhu ba ka Nungungulu.
- 13 O Nungungulu wa mina, maha ku
fanana ni tsutsungwani wa xihu-
huri ;
Kwatsi i xukwanyani mahlweni ka
mheho.
- 14 Kwatsi hi nzilo lowo wu hisako a
kwati,
Kwatsi hi pingo lego gi lumekako a
zitsunga ziswa,
- 15 Zingaho hlongolisa bona hi bubutaa
ga wena,
Ni kuhangalasa bona hi xipupuri xa
wena.
- 16 Tatisa a tingohe tabye hi vilinganya,
Kasi bona ba fela a ku hlota a bito
ga wena, O Jehova.
- 17 Nga bona ba ku koyo tingana ni
kumbetekiswa ntamo kala kupi-
nzuka ;
Ina, nga bona ba kanganyiseka ni
kumbembiswa ;
- 18 Kasi ba fela ku tiba lezaku wena
wece, loye a bito gakwe hi Jeho-
va,
Hi wena u Hunzeleleko a Kuklaku-
ka hehla ka misaba yonkile.

LISIMU 84.

- 1 Ma ranzekisile kuyini a mataberna-
kele ya wena,
O Jehova wa mabandla!
- 2 A muhefemulo wa mina wu xubako,
ina, wu onzela a tihubye ta ka Je-
hova ;
A mbilu ya mina ni nyama ya mina
ya rilela a ka Nungungulu a ha-
nyako.

- 8 Ina, a manjingiri i kumile a yindlu ya yena,
Ni mbewulwani a xisaka xa wutsu-
mbu ga yena, laho yi nga kotako a
kutsela a mavinyani ya yona,
Wona a maalati ya wena, O Jehova
wa mbandla,
A Hosi ya mina, ni Nungungulu wa
mina
- 4 Bakatekisilwe bona labo ba akileko
lomu ndlwini ya wena :
Bona ba ta su simamisa ba dumisa
wena. [Sela
- 5 I katekisilwe a munhu loye a ntamo
wa yena wu nga ka wena :
A ka mbilu ya wihi ku nga kona a
magonzo ya kuya Zioni.
- 6 A hunzako a tsemakanya a nzelelo
wa kurila bona ba maha kona a
wutsamo ga tihlowo ;
Ina, a vula ya tsangelanguba yi ku-
bunyeta kona hi zikatekiso.
- 7 Bonkle ba suka hi le ntanzweni baya
ntanzweni ;
Bonklelele ba bona ba woneka a ma-
hlweni ka Nungungulu le Zioni.
- 8 O Jehova a Nungungulu wa maba-
ndla, ingisa a mukombelo wa mi-
na ;
Nyika a ndlebe, O Nungungulu wa
Jakobe. [Sela
- 9 Languta, O Nungungulu xiklangu
xa hina,
Ni cuwuka a ngohe ya a totilweko
wa wena.
- 10 Hakuba a siku le tihubenyi ta wena
gi sasekile ku hunza kume ga ma-
zana.
Ku wa hi cukwana nzi muhlayisi
wa libati lomu ndlwini ya Nungu-
ngulu wa mina.
Ku hunza a kubeni nzi tsama tente-
ni ga wa kubihisisa.
- 11 Hakuba Jehova Nungungulu hi ga-
mbo ni xiklangu :
Jehova i ta nyika a wuxinji ni wu-
kosi ;
A xi kona a xilo xa xinene a ta nga
xi tsimbeta ka bona labo ba fa-
mbako hi ku longamileko.
- 12 O Jehova wa mabandla,
I katekisilwe a munhu loye a tsu-
mbako ka wena.

LISIMU 85.

- 1 Jehova, wena u wa hi ni tomo a ka
tiko ga wena ;
Wena u klelislele a wukumbi ga Ja-
kobe.

- 2 Wena u tsetseleleko a zigoho za ba-
nhu ba wena ;
Wena u fenenetile zonkle a xionho
xabye. [Sela
- 3 Wena u tekile kule yonkle a zanga
ya wena ;
Wena u hunzulukile a wutsumbu ga
wena a cabiselelweni wa zanga ya
wena.
- 4 Hunzulusa hina, O Nungungulu wa
kuhanyisa ka hina,
Ni ku maha a kuzanga ka wena ha
hina ku kawula.
- 5 Kasi wena u ta zangara ha hina ka-
la kupinzuka ke ?
Wena u ta tsineta a zanga ya wena
a ka zonkle a zizukulwana ke ?
- 6 Kasi wena u nga ta vuxa hina ka-
mbe,
Kasi a banhu ba wena ba fela a ku-
tsakiswa a ka wena ke ?
- 7 Kombisa hina a kuranzakawunene
ga wena, O Jehova,
Ni kuvumela hina a kuhanyisisa ka
wena.
- 8 Mina nzi tazwa lezo Jehova Nungu-
ngulu a ta nga wulawula ;
Hakuba yena i ta wulawula a ku-
rula a ka banhu ba yena, ni ka ba
kubasa ba yena :
Kanilezi nga bona ba nga kleleli ka-
mbe wupumbyini.
- 9 Hakunene a kuhanyisisa ka yena ku
kusuhani a ka bona ba cabako
yena.
Kasi a wukosi ga tsama lomo tikwe-
ni ga hina.
- 10 A wuxinji ni zinene zi nklangene
katigiawe ;
A kululamisisa ni kurutisisa ku tro-
trene kunwe ni kunwani.
- 11 A hlowo yi nene yi buka hi lomu-
misabeni ;
Ni kululamisisa ku cuwukile lahasi
hi le tilweni.
- 12 Ina, Jehova i ta nyika lezo zi zinene ;
Ni tiko ga hina gi ta trala a ku enze-
lekileko ka gona.
- 13 A kululamisisa ku ta famba mahlwe-
ni ka yena,
Ku ta maha a zikanzeyelo za konzo
wa yena a ndlela ya ku famba ha
yona.

LISIMU 86.

- 1 Koramisa a ndlebe ya wena, Jeho-
va, ni ku hlamula mina,
Hakuba mina nzi xisiwa ni xivuma
li.

- 2 Lonzowota a muhefemulo wa mina; hakuba mina nzi wa wunungungulu :
O wena Nungungulu wa mina, hanyisa wena a nanza ga wena lego gi tsumbakako ka wena.
- 3 Nga u hi ni titralo ka mina, O Hosi; Hakuba a ka wena mina nza bahuwa gonkle siku gi longolokako.
- 4 Tsakia a muhefemulo wa nanza ga wena;
Hakuba a ka wena, O Hosi, mina nza klakusa a muhefemulo wa mina.
- 5 Hakuba wena, O hosi, wena u sasekile, u longele a ku tsetselela, Ni talisiso wu ka kuranzakawunene ga wena a ka bonkle labo ba bitanako a ka wena.
- 6 Nyika a ndlebe, O Jehova, a ka mukombelo wa mina;
Ni kuingisa ka revu ga mikongelisiso ya mina.
- 7 A sikwini ga kukarateka ka mina nzi ta bahuwa a ka wena;
Hakuba wena u ta nga hlamula mina.
- 8 Laho a nga kona a wa kufanana na wena xikari ka banungungulu, O Hosi;
Ge hambu laho a yi kona a mitiro yo fanana ni mitiro ya wena.
- 9 Yonkle a mifumo leyi wena u yi mahileko yi tata yi ta kozela mahlweni ka wena, O Hosi;
Na bona ba ta dumisa a bito ga wena.
- 10 Hakuba wena u wa hombe, u mahako a zilo zi hlamalisako:
Wena hi wena Nungungulu wa wece.
- 11 Gonzisa mina a ndlela ya wena, O Jehova; na nzi ta famba sineneni za wena:
Klanganyisa a mbilu ya mina a kuaba a bito ga wena.
- 12 Mina nzi ta dumisa wena, O Hosi a Nungungulu wa mina, zinwe hi mbilu ya mina yonkle;
Nzi ta dzumeletela a bito ga wena kala kupinzuka kambe.
- 13 Hakuba ka hombe a kuranzakawunene ga wena hi klelo ga mina;
Na wena u klaklisile a muhefemulo wa mina le ku hasi ka Xeole.
- 14 O Nungungulu, a ba bakukumako ba sukile ba vukela mina,
Ni klawa wa banhu ba bapangako wa hlotile a muhefemulo wa mina,

- A ba rangisangi wena mahlweni ka bona.
- 15 Kanilezi wena, O Hosi, hi wena Nungungulu wa titralo ni wuxinji, U nonakako a kuzangana, ni talisile wa kuranzakawunene ni zinene.
- 16 O klelani a ka mina, u hi ni titralo hehla ka mina;
Nyika a ntamo wa wena ka nanza ga wena,
Ni ku hanyisa a nisanyana wa nanza ga wena ga xisati.
- 17 Kombisa a xiwoniso hi kusaseka, Kasi labo ba bengako mina ba wona xona, ba kukoyo tingana,
Hakuba wena, Jehova, u vunetelile mina, u cabelele mina.

LISIMU 87.

- 1 A xiseketelo xa yena xi le sitsunge-ni za kubasa.
- 2 Jehova a ranzako a tinyangwa ta Zioni
Ku hunza gonkle a wuakelo ga Jakobe,
- 3 A zilo zi ngangamelisisilweko zi wulawulilwe ha wena,
O muti wa Nungungulu. [Sela
- 4 Nzi ta maha a xikumbuxeto ha Rahabi ni Babuloni kwatsi i xikari ka bona labo ba tibako mina:
Languta, Filistia, ni Tire, zinwe na Etiopia:
Loyi munwe i wa trelwa leyo.
- 5 Ina, hi Zioni ku ta wuliwa,
Loyi munwe ni loye munwe i wa trelwe ha yena;
Ni loye a Hunzeleleko Kukulakuka i ta yimisa yena.
- 6 Jehova i ta hlaza, laha yena ta tsalako a banhu,
Loyi munwe i wa trelwe lahaya. [Sela
- 7 Labo ba yimbeleleko ba ku kwatsi hi bona labo ba nkinako ba ta wula,
Tonkle a tihlowo ta mina ta ka wena.

LISIMU 88.

- 1 O Jehova, a Nungungulu wa kuhanzisa ka mina,
Mina nzi rilile a siku ni wusiku mahlweni ka wena.
- 2 Nga a mukombelo wa mina wu engena a kubakoneni ka wena;
Pumunha a ndlebe ya wena kukombeleni ka mina.
- 3 Hakuba a muhefemulo wa mina wu tele hi zikarato,

- Ni wutomi ga mina gi tsinela kusu-
hani ni le Xeole.
- 4 Nzi hlaielwe na bona labo ba rele-
lako rinzini ;
Nzi kwatsi ka a munhu loye a nga
hiko na kuvuneka,
- 5 Nzi hoxilweko xikari ka bafleko,
Kufanana ni a fileko loye a ekleleko
le nkeleni,
Loye wena u nga mu alakanyiko
futsi,
Na bona ba tsezwilwe le canjeni ga
wena.
- 6 Wena u eklelisile mina lomo rinzini
ga lahasi nguvu,
Wutsanweni ga munyama, le kue-
teni.
- 7 A zanga ya wena yi tsingile ku labe-
lela mina,
Na wena u hlokisile mina hi wonkle
a mabyandlati ya wena. [Sela]
- 8 Wena u bekileko a batolobeleneko
zinwe na mina kule na mina ;
Wena u mahileko mina a manyala-
taniso a ka bona :
Nzi valelwe, a nzi na ku huma la-
handle.
- 9 A mahlo ya mina ma hokolokile hi
kota ya hlokiselelo :
Mina nzi bitanile masiku wonklelele
a ka wena, O Jehova ;
Nzi andlatile a mandla ya mina a
ka wena.
- 10 Wena u ta wonisa a zihlamaliso ka a
fileko ke ?
Kasi bona labo ba fileko ba ta suka
ba kozela wena ke ? [Sela]
- 11 Kasi a kuranzakawunene ku ta kla-
klambutela le nkeleni ke ?
Kutani ni kukolekesisa ka wena le
kulo byisweni ke ?
- 12 Kasi a zihlamaliso za wena zi ta ti-
byiwa munyameni ke ?
Ni kululamisisa ka wena le tikweni
ga ribakelisiso ke ?
- 13 Kanilezi a ka wena, O Jehova, nzi
bilehuwa ;
Ni mixweni a kumbelo ka mina ku
ta woneka mahlweni ka wena.
- 14 Jehova, hi yini u hoxileko a muhe-
femulo wa mina ke ?
Hi yini wena u fihlileko le ka mina
ke ?
- 15 Nzi hlokisilwe nzi longele a kufa hi
wusweni ga mina :
Laha na nza ba hlokiswa hi kutsisa
ka wena nzi kanganyisilwe.
- 16 A zanga ya wena yi cabekako yi fe-
nengetile mina ;

- A kutsisa ka wena ku tsemile mina.
- 17 Kona ku ranzele mina kwatsi i mati
gonkle siku gi longolokako ;
Kona ku pomele mina katigizwe.
- 18 A muranzi ui lixaka wena u ba be-
kile kule zinwe na mina,
Ni ba tolobeleneke zinwe na mina le
munyameni.

LISIMU 89.

- 1 Nzi ta yimbelela a kuranzakawu-
nene ga Jehova kala kupinzuka :
Zinwe hi nomu wa mina nzi ta maha
kutibyekiswa a kukolekisisa ka
wena ka zizukulwana zonkle.
- 2 Hakuba nzi wa te ngalo, A titralo ti
ta akiwa kala kupinzuka ;
A kukolekesisa ka wena wa ta kuyi-
misa kwaleyo matilweni.
- 3 Nzi mahile a xivumelwano xa mina
a hlawulilweko wa mina,
Nzi hlambanyile a ka Davida a na-
nza ga mina :
- 4 A mbewu ya wena mina nzi ta yi yi-
misa kala kupinzuka,
Ni aka a xitsamo xa wukosi xa wena
a ka zonkle zizukulwana. [Sela]
- 5 A matilo ma ta dumisa a zihlamaliso
za wena, O Jehova ;
A kukolekisisa ka wena ku le 'tso-
mbanweni wa ba basileko.
- 6 Hakuba hi mani a nga le hehla a ta
nga zi kota a ku ecanyiswa ka Je-
hova ke ?
Mbamani a ka barisanyana ba ti-
nhenha ba ta nga fanana a ka Je-
hova,
- 7 Nungungulu wa cabekako nguvu le
xikungweni xa basileko,
Ni kuca byiwa hi bonkle labo ba ra-
nzeleko yena ke ?
- 8 Jehova a Nungungulu wa mabandle,
Himani a ni ntamo a fananako zinwe
na wena, O Jehova ?
Ni kukolekisisa ka wena ku ranzele
wena.
- 9 Wena u fumelako a kumbekuka ka
bimbi :
Laha a mabyandlati ya kona ma ku-
kumukako, wena u bohlisako wo-
na.
- 10 Wena u tsobile Rahabi a fufanyi,
kwatsi hi munwe loye a delweko ;
Wena u hangalasile a balala ba wena
hi woko ga wena ga nyamintamo.
- 11 A matilo nja wena, ni misaba kambe
nja wena :
A tiko ni talisiso wa gona, wena u
sangulisile gona.

- 12 A nwalungu ni dzonga, wena u bangileko zona :
Tabora na Hermoni zi tsakako a bitweni ga wena.
- 13 Wena u nga ni canja ga nyamintamo ;
A ntamo hi canja ga wena, ni kuklakuka hi canja ga wena ga xinene.
- 14 A kululamisisa ni tsonametiso ku hi xiseketelo xa xitsamo xa wukosi xa wena :
A kuranzakawunene ni zinene ku famba mahilweni ka ngohe ya wena.
- 15 Bakatekisilwe a banhu ba tibako a guwa ga litsako :
Ba famba, O Jehova, a kuwonekele ni ka ngohe ya wena.
- 16 A ka bito ga wena bona ba tsakiswa gonkle siku ;
Ni le kululamisiseni ka wena bona ba klakusilwe.
- 17 Hakuba wena u wukosi ga ntamo wabye ;
Ni ka tomo ga wena limhonzo la hina li ta klakusiwa.
- 18 Hakuba a xiklangu xa hina xi hi ka Jehova ;
Ni hosi ya hina ka Loye wa Kubasa wa ka Israeli.
- 19 Zonake wena u wulawulako hi muwoniso a ka ba kubasa wena,
U wulako, Nzi bekile a kuvuna ka munwe loye a nga ni ntamo ;
Nzi klakusile a munwe a langilweko xikari ka banhu.
- 20 Nzi kumile Davida a nanza ga mina ;
Hi mafura ya mina ya kubasa nzi totile yena :
- 21 Ha yena a canja ga mina gi taba gi yimisilwe ;
Ni canja ga mina kambe gi ta tiyiseta yena.
- 22 A nala a nga ta maha a xikanikani hehla ka yena,
Ge hambu a nwanana wa kubibisisa a nga ta hlokisa yena.
- 23 Ni nzi ta pezisa lahasi a balala ba yena mahlweni ka yena,
Ni ku lamata bona labo ba bengako yena.
- 24 Kanilezi a kukolekesisa ka mina kuranzakawunene ka mina ku taba zinwe na yena ;
Ni ka bito ga mina a limhonzo la yena li ta klakusiwa.
- 25 Nzi ta yimisa a canja ga yena kambe lomo bimbini,
Ni canja ga yena ga xinene le micongweni.
- 26 Yena i ta bitana ka mina, Wena hi Dadani wa mina,
A Nungungulu wa mina, a ribye ga kuhanyisisa ka mina.
- 27 Mina kambe nzi ta maha yena a matewula ya mina,
A hunzeleleko a kuklakuka a ka tihosi ta misaba.
- 28 A kuranzakawunene ga mina ku ta tsama ka yena kala kupinzuka kambe ;
Ni xivumelwano xa mina xi ta su yima xi tiyiswa zinwe na yena.
- 29 A mbewu ya yena kambe nzi ta yi maha kala kupinzuka,
Ni xitsamo xa wukosi xa yena kwatsi hi masiku ya tilo.
- 30 Loku a banana ba yena ba tsika a nayo wa mina,
Na ba nga fambi hi zilayelo za mina ;
- 31 Loku bona ba tsoba a zilayelo za mina,
Na ba nga hlayisi a zileletelo za mina.
- 32 Zonake nzi ta enzele a zihambunyetiso zabye hi nhonga,
Ni zigoho zabye hi timbirimbi.
- 33 Kanilezi a kuranzakawunene ku nga ta suswa ka bona hi kumbetisilweko ka yena,
Nzi nga ta vumela a wa kolekesiso ka mina a ku hluleka.
- 34 A xivumelwano xa mina a nzi nga ta xi tsoba,
Ge ni fubisa a zilo lezo zi humeleko hi milonwini ka mina.
- 35 Ku wa hi kanwe nzi hlambanyile hi basiselo ya mina :
Nzi nga ta hamba wunwa ka Davida :
- 36 A mbewu ya yena yi ta simamisa kala kupinzuka,
Ni xitsamo xa wukosi xakwe kwatsi i gambo mahlweni ka mina.
- 37 Xona xi ta ba xi yimisilwe kala kupinzu kwatsi i hweti,
Ni ku kwatsi i mboni yi kolekileko le hehla. [Sela]
- 38 Kanilezi wena u hoxile u alile,
Wena u wa zangarile hi a totilweko wa wena.
- 39 U swirilwe hi xivumelwano xa nanza ga wena :
U nyenyezisile a xodlodlo xa yena hi ku xi hoxa lahasi liranزابیeni.
- 40 U tsobilako lahasi tonkle a tibingo ta yena :
U nehileko a tigingisi ta yena a ku kungumukela.
- 41 Bonkle labo ba hunzako hi ndlela ba panga yena :

- Yena i mahile a nzhukano ka baakelwane zinwe naye.
- 42 U klakusile a canja ga xinene ga balala ba yena ;
U mahile bonkle a balala ba yena ba ku tsaka.
- 43 Ina, wena u hunzulusak o a wukla ga supado ya yena,
Na u nga mahangi yena a ku yima le impini.
- 44 U mahile a kungangamelisisa ka yena ku kawula,
Uhoxile a xitsamo xa wukosi xa yena lahasi liranzyeni.
- 45 A masiku ya wuswa ga yena u ma komisile :
U fenengetile yena hi tingana. [Sela
- 46 Ku ta longoloka ku yini, O Jehova, wena u ta fihla a wutsumbu ga wena kala kupinzuka ke?
Kuta longoloka ku yini a zanga ya wena yi ta vura kota nzilo ke?
- 47 O alakanya lezaku xi komisile a ku yini a xikati xa mina :
Hakuba wena u bangile bonkle a banna ba banhu hi kunganyawuliko !
- 48 Munhu wa ku yini loye a ta nga hannya a nga woni a kufa,
Loye a ta nga klaklisa a muhefemulo wa yena le ntanweni wa Xeole ke? [Sela
- 49 O Hosi, ku kwihi a kuranzakawunene ga wena ka kuranga,
Loko wena u hlambanyileko a ka Davida kukolekesisweni ka wena ke?
- 50 Alakanya, Hosi, a kurukatelwa ka malanza ya wena ;
Lezaku nzi rwalisile ku yini xifubenj xa mina a nzhukano ya bonkle a banhu ba nyamintamo,
- 51 Hikwihi laho a balala ba wena ba rukateleko ha kona, O Jehova,
Hikwihi laho ba rukateleko a wukanziyelo ga konzo wa a totilweko wa wena.
- 52 A katekiswe Jehova kala kupinzuka kambe.
Ameni, ni Amen.

BUKU IV.

LISIMU 90.

- 1 Hosi, wena u wa kari u hi wutsamo ga kuaka ka hina
A ka zonkle zizukulwana.
- 2 Hi mahlweni na zitsunga na zi nga se ku mahiwa,
Kutani hi mahlweni na u nga se ku maha misaba ni tiko,
Kona kusukela kupinzukeni kala kupinzukeni, wena hi Nungungulu.
- 3 U hunzulusa a munhu akuba kulo byisisweni,
U wula, Wuyani, zwina banana ba banhu.
- 4 Hakuba a kume ga mazana ya malembe kuwoneni ka wena
Ma kwatsi hi tolo laha na ma hunzile,
Na kwatsi xirinz o xa wusiku.
- 5 Wena u kukuleta bona kwatsi i talo, bona ba ku kwatsi mborongo :
Ni laha mixweni bona ba ku kwatsi i byanyi legi gi kulako.
- 6 Ni laha mixweni gona gi bombiswako, gi kula ;
Ni laha gambyeni gi tsemiwa, ni kuwuna.
- 7 Hakuba hina hi lobyisilwe le zangeni ya wena,
Ni le moneni wa wena hina hi karatilwe.
- 8 U bekile a zigoho za hina mahlweni ka wena,
A zionho za hina zi fihleleko zi le kuwonekeleni ka ngohe ya wena.
- 9 Hakuba wonkle a masiku ya hina ma hunzile le zangeni ya wena :
Hi neha a malembe ya hina ma gumelwa kwatsi kuahlamula.
- 10 A masiku ya malembe ya hina i nklanu ni mambiri makume,
Kutani hi klelo ga ntamo nklanu ni manharu makume ;
Kasike a kukumuka ka wona kutira ni kuhloka ;
Hakuba wona ma ta famba, hina ha nwalala.
- 11 Himani a tibako ntamo wa zanga ya wena ke,
Ni kulo ga wena kukotisa hi kuabeka loku ku nga ka wena ke?
- 12 Zingaho hi gonzisa a ku hlayela a masiku ya hina,
Kasi ha teka a ka hina a mbilu ya kutibisisa.
- 13 Wuya, O Jehova ; kuta longoloka ku yini ke ?
Nga kona ku hunzuluxa wena hi xungetano ni malanza ya wena.

- 14 O xurisa hina laha mixweni hi kura-
nzakawunene ga wena,
Kasi hina ha fela a ku buma ni li-
tsako wonkle a masiku ya hina.
- 15 Hi tsakisa kukotisa hi ka masiku la-
ya wena u hloksileko hina,
Ni malembe lawo ha wona hi woni-
leko a kubiha.
- 16 Nga a tiro wa wena wu woneka a
ka malanza ya wena,
Ni wukosi ga wena hehla a ka ba-
nana ba wena.
- 17 Na nga a tomo ga Hosi a Nungu-
ngulu wa hina gi be hehla ka hi-
na ;
Tiyisa wena a tiro wa mandla ya hi-
na hehla ka hina ;
Ina, a tiro wa mandla ya hina tiyisa
wena wona.

LISIMU 91.

- 1 Yena loye a tsamako wutsanweni
gi fihleleko ga loye a Hunzeleleko
Kuklakuka
I ta tsama lahasi ka nzhuti wa Nya-
mintamo.
- 2 Nzi ta wula ha Jehova, Yena hi wu-
babelo ga mina ni kokola ga mina ;
Nungungulu wa mina, a ka yena
nza tsumba.
- 3 Hakuba i ta kuklakla le ziweni ga
klamu,
Ni le tungwini wu hihiritako.
- 4 Yena i ta fenengeta wena hi tipapa
ta yena,
Ni lahasi ka tipapa ta yena wena u
ta teka a wucabelo :
A zinene za yena zi hi xiklangu ni
ngenge.
- 5 Wena u ta cabyiswa a kucabeka ka
wusiku,
Ge ni ligalala li tumako hi siku ;
- 6 Hakuba a tungu lowo wu fambako
munyameni,
Ge ni kulobyiswa loko ku hlaselako
ni mumu.
- 7 A kume ga mazana ba tawa hi rebe-
ni ga wena,
Ni kume ga kume ga mazana a ca-
njeni ga wena ga xinene ;
Kanilezi kona ku nga ta tsinela ka
wena.
- 8 Zinwe hi mahlo ya wena ntsena we-
na u ta languta,
Ni ku wona a ncacazelo wa baku-
biha.
- 9 Hakuba wena, O Jehova, hi wena
wu cabelo ga mina !
Hakuba wena u mahile loye a Hu-

- nzeleleko Kuklakuka a wuakelo
ga wena ;
- 10 Laha ku nga ta kuba kona kubiha
ku welako wena,
Ge hambu a tungu wu nga tata ku-
suhi ni tenta ga wena.
- 11 Hakuba yena i ta nyika a tingelosi
ta yena a xilelelo ha wena,
A ku hlayisa wena a ka tonkle a ti-
ndlela ta wena.
- 12 Tona ti ta ku kamukela mandleni ya
tona,
Ku nga taku wena u kuyula a konzo
wa wena ribyeni.
- 13 Wena u ta kanziyela hehla ka ngala
ni mamba :
A ngala yiwa ni nyoka wena u ta zi
gandla lahasi ka konzo.
- 14 Habuka yena i bekile kuranza ka
yena hehla ka mina, hikwalaho nzi
ta klaklisa yena :
Nzi ta yimisa yena a klakuka, haku-
ba yena a tibileko a bito ga mina.
- 15 Yena i ta bitana ka mina, Nzi ta
hlamula yena ;
Nzi taba zinwe na yena kukarateni :
Nzi ta klaklisa yena, ni ku dzunza
yena.
- 16 Zinwe hi wutomi gi nabalatako nzi
ta enelisa yena,
Ni ku kangeta yena a kuhanyisisa
ka mina.

LISIMU 92.

- 1 Kona xilo xinene a ku nyika a ku-
bonga ka Jehova,
Ni ku yimbelela a kudumisa ka bito
ga wena, O wena u Hunzeleleko
Kuklakuka ;
- 2 A ku kangeta a kuranzakawunene
ga wena laha mixweni,
Ni kukolekesisa ka wena gonklelele
wusiku,
- 3 Zinwe hi wucenje ga kume ga tingo-
ti, zinwe ni timbila ;
Na hi revu ga marengu hehla ka xi-
tende.
- 4 Hakuba wena, Jehova, u mahile mi-
na ku tsaka hi tiro wa wena :
Nzi ta kana mitirweni ya mandla ya
wena.
- 5 Yi kulisile kuyini a mitiro ya wena,
O Jehova !
A kualakanya ka wena kuhunzelele
kueta.
- 6 A munhu wa wubanza a nga tibi
ncumo ;
Ge ni xipumbu a xi na kupima le-
xi :

- 7 Laha a wa kubiha a hlukako kwatsi i byanyi,
Ni laha bonkle a batiri ya kugoha yi bombako;
Loko ku hi ku yona yi ta loyiswa kala kupinzuka.
- 8 Kanilezi wena, O Jehova, u klakukile kala kupinzuka kambe.
- 9 Hakuba, mangabye a balala ba wena, O Jehova,
Hakuba, mangabye, a balala ba wena ba ta mbemba;
Bonkle a ba tiri ba kubiha ba taba ba hangalasilweko.
- 10 Kanilezi a limhonzo la mina wena u li klakusile kwatsi lomhonzo la nyari:
Nzi totilwe hi mafura maswa.
- 11 A mahlo ya mina kambe ma wonile a kuxuba ka mina hehla ka balala ba mina,
Ni tindlebe ta mina ti zwile a kuxuba ka mina ka bamahi bakubiha labo ba sukako ba vukela mina.
- 12 A lulamileko i ta bombiswa kufana na ni sinya cinzu:
Yena i ta kula kwatsi i sinya ya sedare le Lebanoni.
- 13 Bona ba byelwe lomo ndlwini ya ka Jehova;
Bona ba ta bombiswa le hubyeni ya Nungungulu wa hina.
- 14 Bona ba ta nonohisa ba neha a mihanzu laho tangeni yabye ya wukale;
Bona ba klemuka hi kukinza ni kunyuka:
- 15 A ku wonisa lezaku Jehova i longamile:
Yena hi ribye ga mina, laho a ku kona a kungalulama ka yena.

LISIMU 98.

- 1 Jehova wa fuma: yena i ambexilwe hi wukosi;
Jehova i ambexilwe hi ntamo; yena i bohile a wutsumbu ga yena ha wona:
A tiko kambe gi yimisilwe, lezaku gi nga ta tsakatskiswa.
- 2 A xitsamo xa wukosi xa wena xi yimisilwe kaleloko:
Wena u wa wupinzukelwa.
- 3 A mintalo yi klakusilwe, O Jehova,
Ni mintalo yi klakusile a gezu ga yona;
Ni mintalo yi klakusa a mabyandlati ya yona.
- 4 Hehla ka gezu ga mamati ya kutala,

A ntamo wa mabyandlati ya bimbi,
Jehova wa a klakukileko i na ni ntamo.

- 5 A wukustumunyelo ga wena gi tiyisile futsi:
A basiselo wu mahile yindlu ya wena,
O Jehova, kala kupinzuka kambe.

LISIMU 94.

- 1 O Jehova, wena Nungungulu loye a potelelo wu nga wa wena,
Wena Nungungulu loye a potelelo wu nga wa wena, woninga.
- 2 Klakusa a wutsumbu ga wena, wena mulamuli wa misaba:
Klelisela ka bamatsanza a fanelo yabye.
- 3 Jehova, kuta longoloka ku yini wa kubiha,
Kuta longoloka ku yini a wa kubiha a kana ke?
- 4 Bona ba pfeperereka, ba wulawula hi kunganyawulisiweko:
Bonkle batiri ba kugoha ba kukumuka a wutsumbu gabye.
- 5 Bona ba tsoba a fufanyi a banhu ba wena, O Jehova,
Ni kuhllokisa a tsomba ya wena.
- 6 Bona ba daya a tinoni ni tinzhubeti,
Ni ku daya a bafelweko.
- 7 Na bona ba wula, Jehova a nga ta wona,
Ge a Nungungulu wa Jakobe a nga ta kupima.
- 8 Pimani, nwina zibanza xikari ka banhu,
Nwina zipumbu, hi rini mu ta nga tiba ke?
- 9 Yena loye a mahileko a ndlebe, a nga ta kuzwa ke?
Yena loye a mahileko a tihlo, a nga ta wona ke?
- 10 Yena loye a tsayisako a mifumo, a nga ta luleka,
Yena loye a gonzisako a banhu a kutibisisa ke?
- 11 Jehova a tibako a kualakanya ka munhu,
Lezaku kona a ku nyawuli.
- 12 I katekisilwe a munhu loye wena u mu tsayisileko, O Jehova,
U gonzisako a nayweni wa wena;
- 13 Lezaku wena u ta nyika ka yena a kuhumula le masikwini ya nala,
Kala a rinzi gi nkelelwa a wa kubiha.
- 14 Hakuba Jehova a nga ta hoxa a banhu ba yena,

Ge yena a nga ta tsika a tsomba ya yena.

- 15 Hakuba a kulamulisisa ku ta klelela ka kululamisisa ;
Ni bonkle labo ba longamileko mbi-
lwini ba ta lanzela kona.
- 16 Hi mani a ta nga sukela mina a vu-
kela a bamahi ba kubiha?
Himani a ta nga yina a hlanguta mi-
na a vukela a bamahi ba kubiha ke?
- 17 Ntsena loku Jehova a nga kari a hi
muvuni wa mina,
A muhefemulo wa mina lokuloku
wu ta tsama kuruleni.
- 18 Laha na nzi wula, A konzo wa mi-
na wa retemuka ;
A kuranzakawunene ga wena, O Je-
hova, ku komile mina.
- 19 A ka wudlemo ga maalakanya ya
mina nzeni ka mina
A tangalisiso wa wena wu xalalisa a
muhefemulo wa mina.
- 20 Kasi a xitsamo xa wukosi xa kubihi-
sisa xi taba ni kuclangana zinwe
na wena,
Lexi xi bangako a kohlakalo hi xi-
layelo ke?
- 21 Bona ba tsombana a katiginwe wu-
tsumbu gabye a kuvukela a mu-
hefemulo wa mululamileko,
Ni kukona a nkata wu nga hiko na
nanzu.
- 22 Kanilezi Jehova i wa kari a hi ligi-
ngisi la mina li klakukileko,
A Nungungulu wa mina a ribye ga
wucabelo ga mina.
- 23 Yena i nehile ka bona labo ba nga
benyi ba kugoha,
I ta tsema bona le kubihisiseni kabye;
Jehova a Nungungulu wa hina i ta
tsema bona.

LISIMU 95.

- 1 O ngonani, nga hi yimbelela ka Je-
hova ;
Nga hi maha a guwa ga kutsaka a
ka ribye ga kuhanyisa ka hina.
- 2 Nga hita a kubakoneni ka yena hi
kunyikakubonga ;
Nga hi maha a guwa ga kutsaka hi
tisimu ka yena.
- 3 Hakuba Jehova hi Nungungulu wa
hombe,
A Hosi ya hombe hehla ka banu-
ngungulu bonkle.
- 4 A ka canja ga yena ku kona konkle
a kueta ka wutsamo ga misaba,
A kuclakuka ka zitsunga kambe ka
yena.

- 5 A bimbi ga yena, hi yena a mahile
gona ;
A mandla ya yena ma mahile a mu-
hanza wu omileko.
- 6 O ngonani, nga hi kozela hi korama
lahasi ;
Nga hi kizama mahlweni ka Nu-
ngungulu a Mumahi wa hina.
- 7 Hakuba yena i Nungungulu wa hi-
na.
Na hina hi banhu ba gelo ga yena, a
tiyivu ta canja ga yena.
Yamukla, nga mu gizwa a gezu ga
yena.
- 8 Mu nga nonohisi a mbilu ya nwina
kwatsi hi le Meriba,
Kwatsi hi masikwini ya Massa le xi-
wuleni ;
- 9 Leyo a badadani ba nwina ba ringi-
leko mina,
Ba lo vindlikisa mina, ba lo wona a
mitiro ya mina.
- 10 Ku lo nabalata a xipimo xa mune wa
makume a malembe na nzi kwa-
kwene ni lexo xizukulwana,
Na nzi te ngalo, Kona mbanhu labo
ba mahako a zihambuko mbilwini
yabye,
Bona a ba ti tibangi a tindlela ta mi-
na :
- 11 Ngahilezo mina nzi wa lo hlambanya
zangeni ya mina,
Leraku bona ba wa nga ta nga ba
engenile kuhumuleni ka mina.

LISIMU 96.

- 1 O yimbelelani a ka Jehova a lisimu
llswa :
Yimbelelani a ka Jehova, awenkle
misaba.
- 2 Yimbelelani a ka Jehova, katekisani
a bito ga yena ;
Kombisa a kuhanyisisa ka yena ku-
sukela ka siku ni ka siku.
- 3 Klaklambuta a wukosi ga yena xi-
kari ka mifumo,
A mitiro ya yena yi hanjalatilisilweko
xikari ka banhu.
- 4 Hakuba ngwahombe Jehova, a du-
miswe hi kukulisilweko :
Yena a cabyiwe hehla ka banungu-
ngulu bonkle.
- 5 Hakuba bonkle banungungulu ba
banhu ba hi zifananiso ;
Kanilezi Jehova i mahile a matilo.
- 6 A kudzunzwa ni wukosi ku le ma-
hlweni ka yena :
A ntamo ni wumbhuri ku le ndlwini
ya yena ya kubasa.

- 7 *Klaklambutani ka Jehova nwina, mu tixaka ta banhu, Klaklambutani ka Jehova a wukosi ni ntamo.*
- 8 *Klaklambutani ka Jehova a wukosi gi faneleko a bito ga yena : Nehani a mupahlelo, ngonani le ti-hubyeni ta yena.*
- 9 *O kozela Jehova hi tingubyeni to basa : Rurumelani mahlweni ka yena nwenkle, nwina misaba.*
- 10 *Wulani xikari ka mifumo yonkle, Jehova wa fuma : A tiko kambe gi yimisilwe leaku a gi na ku tsekatsesikwa : Yena i ta lamula a banhu hi kulungama.*
- 11 *Nga a matilo ma tsaka, na nga misaba yi kana ; Nga a bimbi gi dzunza, ni talisiso wa gona ;*
- 12 *Nga a misaba yi latiswa, ni zonkleri nga ka yona ; Zonake a tisinya tonkle ta kwati ti ta yimbelela a litsako*
- 13 *Mahlweni ka Jehova ; hakuba yena wata, Hakuba yena wata a kulamula a misaba : Yena i ta lamula a misaba hi kululamisisa, Ni banhu hi sinene sa yena.*

LISIMU 97.

- 1 *Jehova a fumako ; nga a misaba yi kana ; Nga a wudlemo ga zihlale gi tsakiswa.*
- 2 *A marefu ni munyama zi ranzele yena : A kululamisisa ni nongametiso zi hi xiseketelo xa xitsamo xa wukosi xa yena.*
- 3 *A nzilo wu famba mahlweni ka yena, Ni ku hisa a balala ba yena ba mu ranzeleko.*
- 4 *A xingwalangwanza xa yena xi woningile a misaba : A misaba yi lo wona, yi rurumelile.*
- 5 *A zitsunga zi nyekisilwe kwatsi hi sera a kubakoneneni ka Jehova, A kubakoneneni ka hosi ya misaba yonkle.*
- 6 *A matilo ma klaklambuta a kululamisisa ka yena, Ni bonkle banhu ba wonile a wukosi ga yena.*
- 7 *Nga bonkle ba bona ba wiswa a ti- [Sheetswa]*

- ngana labo ba kozelako a zifanani-so zi bakilileko, Labo ba kukumuxako a wutsumbu gabye hi zifananiso ; Kozelani yena, nwenkle banungungulu.*
- 8 *Zioni i lozwa i wa tsakisilwe, Ni banhanyana ba ka Juda ba tsakisilwe, Hakuba hi kulamulisisa ka wena, O Jehova.*
- 9 *Hakuba wena, Jehova, u hunzelele ku klakuka hehla ka misaba yonkle ; Wena u klakusilweko kule hehla ka banungungulu bonkle.*
- 10 *O nwina labo mu ranzako Jehova, bengani a kubiba : Yena a lonzowotako a mihefemulo ya bobasa ba yena ; Yena a klaklisako bona ba huma canjeni ga bakobiha.*
- 11 *A kuwonekela kuxwanyilwe hi kota ya kululamisisa, Ni litsako a kuba la ba longamileko mbilwini.*
- 12 *Nga mu be ni ku tsaka nwina, ba lulamileko ; Ni ku nyika kubonga a ka bito ga yena go basa gi kumbuxekako.*

LISIMU 98.

- 1 *O yimbelelani a ka Jehova a lisimu liwa ; Hakuba yena i mahile a zilo zi hanjalatilisilweko : A canja yena ga xinene, ni woko ga yena gi basileko, zi tirile a hanyiselelisiso wa yena.*
- 2 *Jehova i tibekisile a hanyisa ka yena : A kululamisisa ka yena i ku wonisile ku dlunyatilwe ku woneni ka mifumo.*
- 3 *Yena i alakanyile a kuranzakawunene ga yena ni kukolekesisa ka yena ngomameni ni yindlu ya ka Israeli : Konkle a kugumelwa ka misaba ku wonile a hanyiselelo ya ka Nungungulu wa hina.*
- 4 *Mahani a guwa ga kutsaka a ka Jehova, nwenkle misaba : Kuwelani ni ku klabo a xizimba xa litsako, ina, yimbelelani a dumiselo.*
- 5 *Yimbelelani a dumiselelo a ka Jehova hi xitende ; Zinwe hi xitende ni gezu ga kuke-tsela.*

- 6 Ziwwe hi mipunzu ni guwa ga ma-kombela
Mahani a guwa ka litsako mahlweni ka Hosi, Jehova.
- 7 Nga a bimbi gi dzunza, ni talisiso wa gona;
A tiko, na bona labo ba akileko ka gona;
- 8 Nga a mintalo yi pakatela a mandla ya yona;
Nga a zitsungana zi yimbelela a litsako katiglwwe
- 9 Mahlweni ka Jehova; hakuba yena wata ku lamula a misaba:
Yena i ta lamula a tiko hi kululamisisa,
Ni banhu hi kulongama.

LISIMU 99.

- 1 Jehova wa fuma; nga banhu ba dzudzumela:
Yena a tsamako hehla ka macerubi-ma; nga a misaba yi tsekatekisiwa.
- 2 Jehova ngwahombe le Zioni;
Yena i klakukile kuhunza bonkle banhu.
- 3 Nga bona ba dumisa a bito ga wena ga hombe ni gi cabekako:
I basile yena.
- 4 A ntamo wa hosi kambe wu ranza a nongametiso;
Wena u yimisile a kulongametisa;
Wena u tsanzako a nongametiso ni kululamisisa a ka Jakobe.
- 5 Klakusani nwina Jehova a Nungungulu wa hina,
Ni kukozela le xitsikelweni xa konzo wa yena:
Yena a basileko.
- 6 Mosi na Aroui xikari ka bapristi ba yena,
Na Samueli xikari ka bona labo ba bitanako a bitweni ga yena;
Bona ba lo bitana ka Jehova, yena i lo hlamule bona.
- 7 Yena i lo wulawula ka bona le mhi-ngeni ya refu:
Bona ba hlaysile a wukustumunye-lo ga yena,
Ni zilayelo lezo yena a nyikileko bona.
- 8 Wena u hlamule bona, O Jehova a Nungungulu wa hina:
Wena hi wena Nungungulu loye u tsatseleleko bona,
Hambu lezo wena u mahako a potelisiso wa zimaho zabye.
- 9 Klakusani nwina Jehova a Nungungulu wa hina,

Ni ku kukozela le xitsungeni xa yena xo basa;
Hakuba Jehova a Nungungulu wa hina i basile.

LISIMU 100.

- 1 Mahani a guwa ga litsako a ka Jehova, nwenkle nwina matiko.
- 2 Kozelani Jehova hi taakiselelo:
Ngonani a kubakoneni ka yena hi kuyimbelela.
- 3 Tibani nwina lezaku Jehova, yena hi Nungungulu:
Yena hi yena a mahileko hina, na hina hi ba yena;
Hina hi banhu ba yena, a tiyivu ta gelo ga yena.
- 4 Engenani tinyangweni ta yena hi kunyikakubonga,
Ni le tihubyeni ta yena hi kudumisa:
Nyikani a kubonga a ka yena, ni katekisa a bito ga yena.
- 5 Hakuba Jehova i nene, a kuranza-kawunene ga yena ku simamile kala kupinzuka,
Ni kukolekisisa ka yena ka sizukulwana zonkle.

LISIMU 101.

- 1 Mina nzi ta yimbelela hi ka kuranzakawunene ni nongametiso:
A ka wena, O Jehova, mina nzi ta yimbelela a kudumisa.
- 2 Mina nzi ta titsimbeta a wutsumbu ga mina kwatsanyana ndleleni yi mbeleleko:
O hi rini wena u ta nga ta le ka mina ke?
Mina nzi ta famba nzi engena nzeni ka yindlu ya mina hi mbilu yi mbeleleko.
- 3 Nzi nga ta beka a xilo xo swara mahlweni ka mahlo ya mina:
Mina nza benga a tiro wa bona labo ba hambukako klelweni;
Wona a wu nga ta namarela ka mina.
- 4 A mbilu ya kuonhakala yi ta suka ka mina:
Nzi nga tiba a zilo za kubiha.
- 5 Labo hi kufihlakalisilweko a hleba-ko a muakelwane wa yena, loye nzi ta lobisa:
Loye a cuwukako hi ku tlakuka ni mbilu ya matsanza nzi nga ta yi vumela.
- 6 A mahlo ya mina ma ta ba hehla ka bakolekileko ba tiko, kasi bona ba fela ku tsama ziwwe na mina:

Loye a nga famba le ndleleni yi mbeleleko, yena i ta kozela a ka mina.

7 Loye a tirako a kohliso a nga ta tsa-
ma lomu nzeni ka yindlu ya mina:
Loye a wulawulako a kukohlisa a
nga ta yimiswa mahlweni ka ma-
hlo ya mina.

8 A mixo hi mixo mina nzi ta lobisa
bonkle a bakubiha ba tiko;
A ku tsema bonkle a batiri ba kugo-
ha lomu mutini wa Jehova.

LISIMU 102.

1 Zwana a mukombelo wa mina, O
Jehova,
Nga a kurila ka mina kuta mahlwe-
ni ka wena.

2 U nga fihli a ngohe ya wena a ka
mina a masikwini ya zikarato:
Pumunha a ndlebe ya wena a ka mi-
na;
A ka siku lego mina nzi bitanako
hlamula mina hi kuhaklisa.

3 Hakuba a masiku ya mina manyala-
la kwatsi i nzilo,
Ni marambu mina ma swile kwatsi
zikungusa xa nzilo.

4 A mbilu ya mina yi lamatilwe kwa-
tsi i byanyi, yi wunile;
Hakuba nzi ribakelwe a kuga a zi-
baba za mina.

5 Hi kota ya gezu ga hlokielo wa
mina
A marambu ya mina ma namarele
nyameni ya mina.

6 Nzi fanana ni xinyanyani xa lomo
xiwuleni;
Nzi fanana ni xikoklwani xa lomo
wutsanweni ga marumbi.

7 Nza rinzela, nzi mahile kwatsi xi-
njingiri
Lexo xi nga xoce le hehla ka yindlu.

8 A balala ba mina ba nzi rukatela
gonkle siku;
Bona labo ba mahilweko a kuvuke-
la mina ba maha a nzhukano ha
mina.

9 Hakuba nzi gile a kuma kwatsi zi-
baba,
Ni ku vilinganyisa a kunwa ka mi-
na hi kurila,

10 Hakuba hi kupezisisa ka wena ni
zanga ya wena:
Hakuba wena u tekile mina, u nzi
hoxile kule.

11 A masiku ya mina ma fanana ni xi-
ruti lexo xi enzelekako;
Na mina nzi wunile kwatsi i byanyi.

12 Kanilezi wena, O Jehova, u ta tsa-
ma kala kupinzuka;
Ni bito ga wena gi kumbuxekako
a ka zizukulwana zonkle.

13 Wena u tasuka, u taba ni titalo ka
Zioni;
Hakuba lexi hi xikati a ku hawuke-
la yena,
Ina, a xikati xi longisilweko xi ci-
kele.

14 Hakuba a malanza ya yena ma teka
a tangalisiso a ka maribye ya ye-
na,
Ma hawukelile a misaba ya yena.

15 Zingaho a mifumo yi ta caba a bito
ga Jehova,
Ni tonkle a tihosi ta misaba a wuko-
si ga wena.

16 Hakuba Jehova i akile a Zioni;
Yena i wonekile wukosini ga yena;

17 Yena a katalako hi mukombelo wa
zisiwanyana,
A nga monyangi hi mukombelo wa
bona.

18 Lezi zi ta tsaliwa akuba za xizuku-
lwana xi tako;
Ni banhu labo ba ta nga bangiwa ba
ta dumisa Jehova.

19 Hakuba yena i cuwukile lahasi hi
le ku klakukeni ka yindlu ya yena
ya kubasa;
Hi le tilweni Jehova i langutile a
misaba;

20 A kuzwa a hika ga bakonwi;
A ku hanyisa labo ba longiselweko
a kufa;

21 Lezaku a banhu ba klaklambuta a
bito ga Jehova le Zioni,
Ni kudzunziwa ka yena le Jerusale-
ma;

22 Laha na banhu na ba tsombene a
katiginwe,
Ni mifumo, a ku kozela Jehova.

23 Yena a karalisako a ntamo wa mi-
na lomo ndleleni;
Yena a komisileko a masiku ya mi-
na.

24 Nzi te ngalo, O Nungungulu wa
mina, u nga susi mina xikari ka
masiku ya mina:
A malembe ya wena nja zonkle zizu-
kulwana.

25 Hi ka kaleloko wena u lo klateka a
xiseketelo xi misaba;
Ni matilo i tiro wa mandla ya wena.

26 Wona ma ta mbembiswa, kanilezi
wena u la su tsonzoma;
Ina, bonkle ba bona ba ta hlakala
kwatsi i nguwo;

Kwatsi xiambalo wena u ta hunzuluxa wona, wona ma taba ba hunzukele :

- 27 Kanilezi wena u ywaloye,
Ni malembe ya wena ma nga ta gumelwa.
28 Ni banana ba malanza ya wena ba ta simamisa,
Ni mbewu ya wena yi taba yiyimi-silwe mahlweni ka wena.

LISIMU 103.

- 1 Katekisa Jehova, O muhefemulo wa mina;
Ni zonkle lezo zi nga lomo nzeni ka mina, a zi katekise a bito ga yena go basa.
- 2 Katekisa Jehova, O muhefemulo wa mina,
U nga ribakelwi yonkle a zikatekiso za yena :
- 3 Loye a tsetselela ko zonkle a zigoho za wena ;
Loye a kalamukisako tonkle a tingu-mbe ta wena ;
- 4 Loye a klaklisa gonkle a wutomi ga wena le kulobyisweni ;
Loye a bombisileko wena hi kuranzakawunene ni kurutisa ka titralo ;
- 5 Loye a enelisako a kuxuba ka wena hi zilo zinene,
Zingaho lezo a wuswa ga wena gi bombisilwe kwatsi i gama.
- 6 Jehova wa tsanza a zimaho zi lulumileko,
Ni kulamulisisa ka bonkle labo ba tsimbeketilweko.
- 7 Yena i lo maha a tindlela ta yena ti tibyekiswa ka Mosi,
Ni zimaho za yena a ka banana ba ka Israeli.
- 8 Jehova ngwa titralo ni wuxinji,
A nonokako kuzangara, ngwa taliso wa kuranzakawunene ;
- 9 Yena a nga ta su simasina a kulumela ;
Ge cima a nga ta kobeta zanga yena kala kupinzuka.
- 10 Yena a nga mahangi hi Alelo ga hina kota kuonha ka hina,
Ge ni ku ncacazela hina kota zigohetisiso za hina.
- 11 Hakuba kwatsi hilezi a tilo gi klakuklleko hehla ka misaba,
Zingaho ka hombe a kuranzakawunene ga yena ngomameni na bona labo ba cabako yena.
- 12 Kwatsi hi wukule ga ku suka hi

mutsuwukagambo kuya muhlwa-gambo,

- Mbu kule ga kungaho yena i susile a zihambunyetiso za hina a ka hina.
13 Kwatsi hi dadani a hawukelako a banana bakwe,
Zingaho Jehova wa hawukela bona labo ba mu cabako.
14 Hakuba yena wa tiba a kubangwa ka hina ;
Yena a alakanyako lezaku hina hi tsuri.
15 Kwatsi hi munhu, a masiku ya yena kwatsi hi byanyi ;
Kwatsi hi xitsangi xa lomo kwatini, zingaho lezo a mabombela ya yena.
16 Hakuba a mheho yi hunzako hehla ka gona, gona gi su kukuletwa ;
Ni wutsamo ga gona gi nga ta ha tiba gona kambe.
17 Kanilezi a kuranzakawunene ga Jehova ku suka kupinzukelisweni kala kupinzukelisweni hehla ka bona labo ba cabako yena,
Ni kululamisisa ka yena ka banana ba banana ;
18 A labo ba hlaysako a xivumelwano xa yena,
Ni ka labo ba alakanyako a zilayelo za yena a ku zi maha.
19 Jehova i yimisile a xitsamo xa wukosi ga yena le matilweni ;
Ni mufumo wa yena wu fumela hehla konkle.
20 Katekisani Jehova, nwina tingelosi ta yena,
Leto ti nga ni ntamo wa wunhenha, leti titatisako a mhaka ya yena,
Ingisani a ka gezu ga mhaka ya yena.
21 Katekisani Jehova nwenkle nwina maban/la ya yena,
Nwina zikozeli za yena, labo mu mahako a tangaliso wa yena.
22 Katekisani Jehova, nwenkle nwina initiro ya yena,
A ka gonkle a wutsamo ga mufumo wa yena :
Katekisa Jehova, O muhefemulo wa mina.

LISIMU 104.

- 1 Katekisa Jehova, O muhefemulo wa mina.
O Jehova, a Nungungulu wa mina, u hunzeleko a wukulu ;
Wena u ambexilwe hi kudzunziwa ni wukosi :

- 2 Loye a fenengetako a wutsumbu ga wena hi kuwonekela kwatsi i nguwo;
Loye a nabalatako a tilo kwatsi i ncalato;
- 3 Loye a bekileko a timhanze ta yena lomu tindlwini nzeni ka mamati;
Loye a mahako a marefu a kareta ya yena;
Loye a fumbako hehla ka tipapa ta mheho;
- 4 Loye a mahako a mheho a mitsukano ya yena;
A mapingo ya nzilo a bakozeli ba yena;
- 5 Loye a bekileko a ziseketelo za misaba,
Lezaku zi wa nga ta nga zi tsekatsenkisilwe kala kupinzuka.
- 6 Wena u fenengetako kueta kwatsi i nguwo;
A mamati ma yimile hehla ka zitsunganga.
- 7 Ili ka kukawuka ka wena wona ma tsutsuma;
A ka gezu ga kudzinza ka wena ma haklisa a kuanlamuka
- 8 (A zitsunga zi suka a minzelelo yi nyipela lahasi)
A ka wutsamo lego u gi longiseleleko wona.
- 9 U panzile a mbingano lezaku wona ma nga hluli ma hunza;
Lezaku wona ma nga kleli kambe ma ta kubunyeta a misaba.
- 10 Yena a rumelako a zibuka le minzelelweni;
Zona nzi kulunga xikari ka zitsunganga;
- 11 Zona zi nyika a kunwa ka zonkle a zihari za kwati;
A timbongola ta kwati ti timela a tora ga tona.
- 12 Hi ka zona a zinyanyani za matilo zi kuma kuaka ka zona;
Zona zi yimbelela xikari ka marabi.
- 13 Yena a tsakamisako a zitsunga hi le ndlwini yi hehla ya yena;
A misaba yi tele hi mihanzo ya mitiro ya wena.
- 14 Yena a mahako a byanyi a kuba gi kulela tihomu,
Ni kubyanyi wa kuga ka banhu;
Kasi a fela a ku humesa a kuga hi lomo misabeni,
- 15 Ni waini lego gi mahako a mbilu ya munhu yi tsaka,
Ni mafura a ku maha a ngohe ya yena yi ngangamela,

- Ni zibaba lezo zi tiyisetako a mbilu ya munhu.
- 16 A tisinya ta ka Jehova ti tatisilwe hi kutsakama,
Ni tisedare ta le Lebanoni, leto yena a ti byalileko;
- 17 Laho a zinyanyani zi akako a zisaka za zona;
Kwatsi hi yani, a tisinya ta tira ti a yindlu ya gona.
- 18 A zitsunga zo leha zi hi za timhuti;
A maribye kambe ma hi mbucabelo ga mipfundla.
- 19 Yena a yimiseleko a hweti a tinguba;
A gambo ga ku tiba a kupela ka gona.
- 20 Wena u mahako a munyama, na kona mbusiku,
Laho a zihari za kwati zi kasako zi huma.
- 21 A tingalana tiwa ti dzumela a nyama ya tona,
Ni ku hlota a kuga ka tona hi le ka Nungungulu.
- 22 A gambo gi tsuwuka, zona zi su ku famba,
Zi ya eklela lahasi timhakweni ta zona.
- 23 A munhu a famba le tirweni wa yena
Ni le kupangameni ka yena kala gambyeni.
- 24 O Jehova, yi talisile ku yini a mitiro ya wena!
Hi ka kutibisisa wena u mahile yonkle;
Misaba yi tele hi wupfuna ga wena.
- 25 A lahaya i bimbi, ga hombe ni go anama,
Laho a zilo zi makanyako zi nga hlayiwiko,
Zonkle zi tsongwani ni zibanza za hombe.
- 26 Laho ku famba a mataru;
Laho ku kona a minyame, leyo wena u yi mahileko a ku hlakana kona.
- 27 Lezi zonkle zi rinzela wena,
Kasi wena wa nga nyika zona a kuga ka zona hi xikati xi faneleko.
- 28 U nyika ka zona, zona zi tsombana;
U vulula a canja ga wena, zona zi xuriswa hi zakuga.
- 29 U fihla a ngohe ya wena, zona zi kareteka;
U teka a wutoml ga zona, zona zi fa,
Zi klelela le tsurini wa zona.

- 80 Wena u rumako a Moya wa wena, zona zi bangiwa;
U bombisako a ngohe ya liranzya.
31 Nga a wukosi ga ka Jehova simamisa kala kupinzuka;
Nga Jehova a tsaka a mitirweni ya yena:
32 Loye a cuwukako misabeni, na yona yi tsekatsEKiswa;
Yena a kumbako a sitsunga, na zona zi tubika.
33 Nzi ta yimbelela ka Jehova kwatsi hi kulungoloka ka lezi nza ha hanyako:
Nzi ta yimbelela a kudumisa ka Nungungulu laha nza ha hiko kona.
34 Nga a kugugutsa ka mina ku be ku tsombelako a ka yena:
Nzi ta tsaka a ka Jehova.
35 Nga a baonhi ba lobyisiwa laha misabeni,
Nga a bakubiha ba nga engeti ba hi kona kambe.
Katekisa Jehova, O muhefemulo wa mina.
Dumisani nwina Jehova.

LISIMU 105.

- 1 O nyikani a kubonga a ka Jehova, bitanani a bitweni ga yena;
Mahani a kutibekisa a xikari ka banhu a zimaho za yena.
2 Yimbelelani a ka yena, yimbelelani a kudumisa ka yena;
Wulawulani nwina hi mitiro ya yena ya mahanjalatiso.
3 Dzunzani nwina a bitweni ga yena ga kubasa:
Nga a mbilu ya bona yi tsakiswa labo ba hlotako Jehova.
4 Hlotani nwina Jehova ni ntamo wa yena;
Hlotani a ngohe ya yena kala kupinzuka kambe.
5 Alakanyani a mitiro ya yena ya mahanjalatiso leyo a yi mahileko,
A zihlamalisa za yena, ni kulamulisa ka nomu wa yena,
6 O nwina mbewu ya Abrahamana a naza ga yena,
Nwina banana ba Jakobe, mu hlalulileweko.
7 Yena hi Jehova a Nungungulu wa hina:
A kulamulisa ka yena ku ka yonkile a misaba.
8 Yena i alakanyile a xivumelwano xa yena kala kupinzuka,

- A mhaka leyi a yi leleteleko ka kume ga mazana ya zikulwana.
9 A xivumelwano lexo yena a xi mahileko zinwe na Abrahamana,
Ni xifungo xa yena a ka Isaka,
10 Na a tiyisile xwalexo ka Jakobe akuba xilayelo,
A ka Israeli akuba xivumelwano xi pinzukeliselileweko,
11 Aku, A ka wena nzi ta nyika tiko ga le Kenani,
A hlolo ya tsomba ya wena;
12 Laha ba nga wa hi tsongwanyana banuna hi wuntsengo,
Ina, ba wa hi ba tsongwanyani nguvu, ba wa hi tinzhubeti ka gona.
13 Na ba lo nzulanzula ba sukela ka tiko ba ya ka tiko,
Ba suka hi ka muzwe a mufumo baya ka banwani banhu.
14 Yena i wa nga vumelangi a munhu a ku maha bona a kubiha;
Inaka, yena i lo hlasela a tihosi hi kota ya bona,
15 Aku, Mu nga kumbi a batotilweko ba mina,
Mu nga mahe a baprofeti ba mina a mhango.
16 Na yena i lo bitana a ndlala lomo tikweni;
I lo tsoba a nhonga yonkile ya kuga lomo tikweni.
17 I lo rumela a munhu mahlweni ka bona;
Josefa i wa lo xabyiswa a kuba naza:
18 A mikonzo ya yena ba lo yi xanisa hi tisinga;
I wa bekilwe mangenjeni ya siketse,
19 Kala a xikatini lexo a mhaka ya yena yi nga mahaka,
A mhaka ya ka Jehova yi lo hlola yena.
20 A hosi yi rumela yi lo klaklisa yena;
Yena a fumeli wa banhu, i lo maha yena a klakleka.
21 I lo maha yena a hosi ya yindlu ya yena,
A mufumeli wa yonkile a nhunzu ya yena;
22 A kuboha a tihosana ta yena hi kuranza ka yena,
Ni ku gonzisa a masingalakati yakwe a kutibisisa.
23 Na Israeli kambe i lota le Gipite;
Na Jakobe i lo maha a nzhubeti le tikweni ga Hamu.
24 Na i enzelekisa a banhu bakwe hi kukuliselileweko,

- I lo maha bona akuba ni ntamo a kuhunza a balala ba babye.
- 25 I lo hunzulusa a mbilu yabye a ku benga a banhu ba yena,
A ku maha hi wumbyori ka malanza ya ka yena.
- 26 I lo rumela Mosi a nanza ga yena,
Na Aroni loye a mu hlawulileko.
- 27 Ba beka xikari ka bona aziwoniso za yena,
Ni sihlamalislo lomo tikweni ga Hamu.
- 28 I lo rumela a munyama, i lo maha gona a kupuma;
Na bona a ba hlubukangi a ka timhaka ta yena.
- 29 A humulako a mamati yabye ma maha a nkata,
I lo daya a zindluwani zabye.
- 30 A tiko gabye gi lo makanya a mankele
Ni lomo i tindlwini ta tihosi tabye.
- 31 I lo wulawula na laho ku makanya a mitsunzu ya mabawani,
Ni tinwala ka wonkle a bingano yabye.
- 32 I lo nyika a maribyana akuba vula,
Ni nzilo wu ngengemelakoa tikweni gabye.
- 33 Yena i lo riza a mivina yabye ni tisi-nya ta mikuwu,
I lo tsoba a tisi-nya ta mibingano yabye.
- 34 I lo wulawula, ni humbi yi lotta,
Ni xigonwani, lexo xi nga hiko na kuhlayiwa,
- 35 Xi loga a kubanyani wonkle lomo tikweni,
Xi loga a mihanzo yonkle ya lora-nzabya.
- 36 I lo daya kambe wonkle a matewula ya tiko,
A tinhonzwa ta wonkle a ntamo wabye.
- 37 I lo humesa bona sinwe ni siliva ni nzalama;
Ni laho ku wa nga hiko ni munhu wo kotso xikari la ka kabye.
- 38 Gipite gi wa ku tsaka laha na bona ba sukile;
Hakuba a xicabyo xa bona xi wa wela hehla ka bona.
- 39 I lo andlala a refu a kuba kubunyeta,
Ni nzilo a ku nyika a kuwonekela laha wusikwini.
- 40 Bona ba lo wutisa, yena i lo nehela a tihwari,
I lo xurisa bona hi sibaba za le ti-lwani.

- 41 I lo vulula a ribye ni mati ma lo bu-ka lahandle;
Ma kulunga lomo misabeni yi omile-ko kwatsi i congo.
- 42 Hakuba i lo alakanya a mhaka ya yena ya kubasa,
Na Abraham a nanza ga yena.
- 43 I lo neha banhu ba yena hi litsako,
Ni ba hlawulilweko ba yena hi ku yimbelela.
- 44 I lo nyika bona a tiko ga mifumo;
Na bona ba lo teka a mitiro ya banhu a ku yi fumela:
- 45 Kasi bona ba fela a ku hlayisa a sila-yelo za yena,
Ni ku gongola a milayo ya yena.
Dumisani zwina Jehova.

LISIMU 106.

- 1 Dumisani zwina Jehova.
O nyikani a kubonga a ka Jehova;
hakuba yena i nene;
Hakuba a kuranzakawunene ga yena ku simamisile kala kupinzuka.
- 2 Hi mani a nga tsawutelako a mitiro ya ntamo ya ka Jehova,
Kutani a kombisako konkle a dzunziwa ka yena ke?
- 3 Bakatekisilwe bona labo ba hlayisako a nongametiso,
Na yena loye a mahako a kululamisisa xonkle a xikati.
- 4 Alakanya mina, O Jehova, hi tomo lego u gi rwexako a banhu ba wena;
O enzela hi kuhanyisisa ka wena.
- 5 Lezaku kasi nza fela a ku wona a vuvumiselelo wa banhu ba wena,
Kasi nza tsakane litsakweni la banhu ba wena,
Kasi nza fela a kudumisa zinwe ni tsomba ya wena.
- 6 Hina hi onhile zinwe ni badadani ba hina,
Hina hi mahile a kugoha, hina hi mahile hi kubihisilweko.
- 7 A badadani ba hina a ba pimisisiangi hi zihlamalislo za wena le Gipite;
A ba alakanyangi a wudlemo ga kuranzakawunene ga wena,
Kanilezi ba lo hlobuka le bimbini, kona le Bimbini gi Truka.
- 8 Ahembalezo yena i lo ba hanyisa hi kota ya bito ga yena,
Kasi wa fela a ku maha a ntamo wa yena wa nyamintamo wu tibye-ki-swa.
- 9 I lo kawuka a Bimbi go Truka kambe, gona gi wa omile:

- Zingaho i lo rangela bona lomo nze-
ni ka kueta, kwatsi hi ku tsema-
kanya a xiwula.
- 10 I lo hanyisa bona le canjeni ga loye
a bengako bona,
Na klatlisile bona canjeni ga nala.
- 11 Ni mati ma lo fenengeta a balala ba-
bye;
Laho ku wa nga hi ni munwe loye
a nga siyilwe.
- 12 Zonake ba lo kolwa bona a timhaka
ta yena;
Ba lo yimbelela a kudumisa ka ye-
na.
- 13 Bona lokuloku ba lo ribakelwa a mi-
tiro ya yena;
A ba wa gi ranzangi a wusungukati
ga yena.
- 14 Kanilezi ba lo mbilukela hi kuenze-
lekisilweko lomo xiwuleni,
Ba ringa a Nungungulu lomo xiwu-
nzeni,
- 15 Na yena i lo nyika bona a kuwutisa
kabye,
Kanilezi i lo rumela a kuonza a mi-
hefemulweni yabye.
- 16 Ba lo zangarisa Mosi kambe laha wu-
gobelweni,
Na Aroni a wa kubasa wa ka Je-
hova.
- 17 Ni saba gi lo ahlamula gi lo kwili-
kwinza Datani,
Gi lo nwalata a klawwa wa ka Abira-
mu.
- 18 Ni nzilo wu wa nzibelilwe lomo kla-
weni wabye;
A pingo gi lo hisa a bakubliha.
- 19 Bona ba wa mahile a rogana le Ho-
rebe,
Ba lo kozela a xinanniso xi nyekisi-
lweko.
- 20 Zakungahi bona ba lo hunzula a wu-
kosi
Akuba gi fananiswa ni kabi ley i
gako a byanyi.
- 21 Ba lo ribakelwa ha Nungungulu a
Muhanyisi wabye,
Loye a mahileko a zilo za hombe le-
yo Gipite,
- 22 A silo zi hlmalisisako lomo tikweni
ga ka Hamu,
Ni zilo zi tsisisako a Bimbini go Tru-
ka.
- 23 Hikwalaho yena i wa te ngalo i ta
nga lobisa bona,
Loku ku wa nga ku nga hi Mosi a
hlawulilweko wa yena a nga yi-
mille mahlweni ka yena le moleni,
A kurengisa a zanga ya ku nga ta-
ku yena a nga ta nga a ba lobisisa
bona.
- 24 Ina, bona ba monyile a tiko ga ma-
longo,
Bona a ba kolwangi a mhaka ya ye-
na,
- 25 Kanilezi ba wa monyile lomo mate-
nteni yabye,
Ba wa nga ingisangi a mhaka Je-
hova,
- 26 Hikwalaho yena i wa hlambanyile
a ka bona,
Lezaku yena i ta hoxa bona lomo xi-
wuleni.
- 27 Ni lezaku i wa ta a hoxile a mbewu
yabye xikari ka mifumo,
Ni ku hangalasa bona lomo tikweni.
- 28 Bona ba lo klanganyisa a wutsumbu
gabye a ka Baal-peora,
Ba loga a mipahlelo ya basileko.
- 29 Zakungahi bona ba lo vindlukisa
yena a kuzangara hi simaho za-
bye;
Ni tungu wu lo bota wu engena ka
bona.
- 30 Zonake i lo yima Fineasi, i lo tsanza
a kulamulisisa;
Zingaho a tungu wu lo gawula.
- 31 Ni loko ku wa lo hlayelwa ka yena
kululamisisa,
A ka zonkle sizukulwana kala kupi-
nzuka kambe.
- 32 Bona ba wa zangarisile yena kambu
le matini ya Meriba,
Zingaho lezo zi wa onhekile ni ka
Mosi hi kota yabye;
- 33 Hakuba bona ba lo hlubukisisa ba
vukela a moya wa yena;
Zingaho lezo yena i lo wulawula a
zi ngahikowusungukati hi milomu
ya yena.
- 34 Bona ba wa nga lobisangi a banhu,
Kwatsi hilezi Jehova a nga wa lele-
tele bona,
- 35 Kanilezi ba lo vilinganyisa a wutsu-
mbu gabye zinwe ni ba matiko,
Ba lo gonza a mitiro yabye.
- 36 Ba lo kozela a zifananiso zabye,
Lero zi lo maha a mapanya a ka bo-
na.
- 37 Ina, ba lo pahlela a barisanyana ba-
bye ni banhanyana babye a ka ma-
dimoni,
- 38 Ba lo halata a kata wu nga hiko na
nanzu,
Wona a kata wa barisanyana babye
ni wa banhanyana babye,
Lowo ba pahleleko a sfananiso sa le
Kenani;

- Ni tiko gi wa nyenyezisilwe hi nka-
ta.
- 39 Zakungahi bona ba wa nyenyezisile
hi mitiro yabye,
Ba wa mahile a wuoswi simahweni
zabye.
- 40 Hikwalaho a zanga ya ka Jehova yi
wa lo vintlukiswa yi vukela a ba-
nhu ba yena,
Na yena i wa swirilwe hi tsomba ya
yena.
- 41 Na yena i lo nyika bona le canjeni
ga ba matiko;
Na bona labo ba bengako bona ba lo
fumela hehla ka bona.
- 42 Ni balala ba bona kambe ba lo fume-
la hehla ka bona,
Na bona ba lo nehwa lahasi ka wu-
lanza ga canja gabye.
- 43 Zikati zinyingi yena a klatlisileko
bona,
Kanilesi ba lo hlubuka a gujegujeni
gabye,
Na ba wa lo nehwa lahasi a zigo-
hweni sabye.
- 44 Ahembalezoke yena i lo celakota hi
kota ya tikuruxu tabye,
Laha yena a zwileko hi huwa ya-
bye:
- 45 Yena i alakanyela bona a xivume-
lwano xa yena,
I lo hunzuluka kukotisa hi wudle-
mo ga kuranzakawunene ga yena.
- 46 Yena i lo maha bona kambe a ku
hawukelwa
Ha bona labo ba gotsileko bona ba-
konwi.
- 47 Hanyisa hina, O Jehova a Nungu-
ngulu wa hina,
Tsombanyisa hina xikari ka mifu-
mo,
A ku nyika a kubonga a bito ga
wena ga kubasa,
Ni ku kana kudumisweni ka wena.
- 48 I katekisilwe Jehova, a Nungungu-
lu wa ka Israeli,
Ku sukela kupinzukelisilweko ku
kala kupinzukelisilweko.
Nga bonke banhu ba wula, Amen.
Dzunzani nawina Jehova.

BUKU V.

LISIMU 107.

- 1 O nyikani a kubonga a ka Jehova;
hakuba i nene;
Hakuba a kuranzakawunene ga ye-
na ku simamisile kala kupinzu-
ka.
- 2 Nga a klatlisilweko ba ka Jehova ba
wula zakungaho,
Labo a ba klatlisilweko a canjeni ga
nala.
- 3 Ni kutsombana ba huma lomu ma-
tikweni,
Hi le mutsuwukagambo le muhlwa-
gambo,
Hi le nwalungu hi le dzongeni.
- 4 Ba nzula le xiwuleni a ka ndlela ya
xiwunza;
Bona a ba kumangi ni muti wa kua-
ka.
- 5 Ba wazwa ndlala ba wa hi ni tora,
Ni mihefemulo yabye yi wa ncomile
a ka bona.
- 6 Zonake ba lo bahuwa a ka Jehova a
karatekeni kabye,
Yena i lo klatlisa bona ba huma tiku-
ruxwini tabye.
- 7 Yena i ba rangelile kambe hi ndlela
hi yi hlongileko,
Kasi bona ba fela a kuya mutini wa
kuakiwa.
- 8 O lezaku a banhu ba fela a kudumi-
sa Jehova hi kuranzakawunene ga
yena,
Ni mitiro ya yena yi hlmalisako a
banana ba banhu!
- 9 Hakuba a xurisako a muhefemulo
wu vumalako,
Ni muhefemulo wa ndlala a wu xu-
risa hi malongo.
- 10 A bo kwatsi hi labo ba tsamileko
munyameni ni le nzhutini wa
kufa,
Na ba bobilwe hi zikarato ni ziketse,
- 11 Hakuba ba hlubukileko ba vukela a
mhaka ya ka Nungungulu,
Ba yimeleneko ni xikungo xa loye a
Hunzeleleko Kuklakuka:
- 12 Hikwalaho yena i lo neha a mbilu
yabye lahasi hi mikinyabezo;
Bo lowa lahasi, labo ku wa nga hi
kona ni wa kuba vuna.
- 13 Zonake bona ba lo bahuwa a ka Je-
hova kukarateni kabye,
Yena i lo hanyisa bona ba huma ti-
kuruxwini tabye.
- 14 Yena i nehile bona ba huma le mu-
nyameni ni le nzhutini wa kufa,
I lo pulakanyisa a kubohwa kabye
ku tsemeka.
- 15 O lezaku banhu ba wa ta nga ba du-

- misa Jehova hi kuranzakawunene ga yena,
Hi mitiro ya yena yi hlamilisako a ka banana ba banhu!
- 16 Hakuba yena i tsobile a tinyangwa ta misuku,
Ni kupulakanyisa a tibati ta ziketse ti tsemeka.
- 17 Zipumbu hi kota ya zihambunyetiso zabye,
Hakuba hi kota ya zigoho zabye, ba hlokisilwe.
- 18 A muhefemulo wabye wu swirilwe hi tonkle tixaka ta kuga;
Bona ba tsinela a kusuhi ni tinyangwa ta kufa.
- 19 Zonake bona ba rila a ka Jehova ku-karatekeni kabye,
Yena i hanyisa bona ba huma tikuruxwini tabye.
- 20 Yena i lo rumela a mhaka ya yena, ni ku ncuma bona,
A klakisako bona le kulo byisweni babye.
- 21 O lezaku banhu ba nga ta dumisa Jehova hi kuranzakawunene ga yena,
Na mitiro ya yena yi hlamilisako a ka banana ba banhu!
- 22 Na nga bona ba nyikela a mipahlelo ya kunyikakubonga,
Ni ku klaklambuta a mitiro ya yena hi kuyimbelela.
- 23 Bona labo a relelako a bimbini hi mataru,
Labo ba mahako a mitiro lomo matatini ya hombe;
- 24 Laba ba wona a mitiro ya ka Jehova, Ni zihlamilisa za yena lomo kueteni.
- 25 Hakuba yena a leletelako, a vuxako a bubutsa ga mheho,
Leyo yi pandululako a mabyandlati ya kona.
- 26 Wona ma mbekukela le hehla matilweni,
Wona ma relela kambe kueteni:
A mihefemulo yabye yi suku nyekiswa hakuba hi zikarato zabye.
- 27 Bona ba su ku nziwiteka ni ndle-ngandlengiswa, ni ku dedereka ku fanana ni munhi a popilweko,
Ba kugumelwa ku klariheni kabye.
- 28 Zonake bona ba rila a ka Jehova ku-karateni kabye,
Na yena a humesako bona tikuruxwini tabye.
- 29 Yena a mahako a bubutsa a malenga, Kasi a mabyandlati ya kona ma rutisa.
- 30 Zonake bona ba tsakiswa hakuba wona ma rulile;
Zingaho yena a ba nehako suweni ga huxuba kabye.
- 31 O lezaku a banhu ba wa ta nga ba dumisa Jehova hi kuranza kawunene ga yena,
Na hi mitiro ya yena yi hlamilisako a ka banana ba banhu!
- 32 Nga bona ba dumisa yena kambe hlengeletanweni wa banhu,
Ni kudumisa yena xitsanweni xa masingalakati.
- 33 Yena a hunzulusako a micongo ku maha xiwula,
Ni zibuka za tihlowo wutsanweni ga matora;
- 34 A tiko ga mipfuno akuba gi maha a xisapa xa munyu,
Hakuba hi kubihisisa ka bona labo ba akileko lomo ka gona.
- 35 Yena a hunzulako a xiwula a ku maha a tiba ga mati,
Ni tiko gi omileko a tihlowo ta mamati.
- 36 Laho a maha a wa ndlala a kuka,
Kasi laho ba fela kulungisela a muti wa kuakiwa,
- 37 A ku rima a masimu, ni ku byala a zivina,
Ni kutsutsela a mihanzo yi anzisilweko.
- 38 Yena a katekisako bona kambe, zingaho lezo kasi bona ba klokloro hi enzelekisilweko;
Yena a nga vumeliko a tihomu tabye a kombeteka.
- 39 Kambe, bona ba mbetekile ba koramisilwe lahasi,
Hi kota ya kutsimbeketwa, ni zikarato, ni hlomulo.
- 40 Yena a celako a kuhukela ka tihosana,
Ni ku maha bona ba nzula xikwakweni, laho ku nga hiko kona na ndlela.
- 41 Kasi ke yena a bekako a muvumali a klakuka le kuhlokisweni,
Ni a wundla a mingango ya yena kwatsi i klambi.
- 42 A longamileko i ta ku wona, i ta tsaka;
Ni konkle a kugoha ku ta dumara a nomu wa kona.
- 43 Loye a tibako i ta nyika a celekota ka lezi zilo;
Na bona ba ta pimisisa hi kuranzakawunene ga Jehova.

LISIMU 108.

- 1 A mbilu ya mina yi tiyisetile, O Nungungulu;
Nzi ta yimbelela, ina, nzi ta yimbelela a kudumisa, zinwe ha gona a wukosi ga mina.
- 2 Vuka, a timbila ni xitende;
Ni wutsumbu ganga nzi ta vuka punzwini wa mixo.
- 3 Nzi ta nyika a kubonga a ka wena, O Jehova, xikari ka banhu;
Nzi ta yimbelela a kudumisa a ka wena xikari ka mifumo.
- 4 Hakuba a kuranzakawunene ga wena ka hombe hehla ka matilo;
Ni zinene za wena zi ciketela le marefini.
- 5 Nga u be u klakusilweko, O Nungungulu, hehla ka matilo,
Ni wukosi ga wena hehla ka yonkle a misaba.
- 6 Kasi a baranzekako ba wena ba be ba klaklisilweko,
Hanyisa hi canja ga wena ga xinene, ni ku hlamula hina.
- 7 Nungungulu i wulawulile kubaseni ka yena: mina nzi ta klakusa;
Nzi ta abanyisa Xekemi, nzi ta ringanisa a minzelelo ya Sukote.
- 8 Gileade ngwa mina; na Manasa ngwa mina;
Efraime kambe hi muvikeli wa hloko ya mina;
Juda hi nhonga ya mina ya wukosi.
- 9 Moabi hi xinamelo xa mina;
Hehla ka Edome mina nzi ta hoxa a xilato xa mina;
Hehla ka Filistia mina nzi ta kanyuluka.
- 10 Himani a ta nga neha mina lomu mutini wu gingisilweko ke?
Himani a rangeleko mina le Edome ke?
- 11 Wena a hi wena u hoxileko hina, O Nungungulu ke?
Na a ku humangi u famba,
O Nungungulu, zinwe ni mabandla ya hina.
- 12 Nyika hina a kuvuneka hi vukela a nala;
Hakuba a ku nganyawuli kuvuna ka munhu.
- 18 Ha Nungungulu hina hi ta maha hi wungwazi;
Hakuba hi yena a ta nga kanziyela a balala ba hina lahasi.

LISIMU 109.

- 1 U nga rutisi u miyela, O Nungungulu wa kudumisa ka mina;
- 2 Hakuba a nomu wa kubiha ni nomu wa mukohlisi bona ba vulule wu ahlama ba vukela mina:
Bona ba wulawulile a ka mina hi lrimi la mawunwa.
- 3 Bona ba ranzele mina hi timhaka ta libengo,
Ni kulwa zinwe na mina hi lahandle ka nanzu.
- 4 Hakuba a kuranza ka mina bona mbalala ba mina:
Kanilezi nza nyika a wutsumbu ga mina a ka mukombelo.
- 5 Na bona ba klelisele mina a kubiha hi kota ya kusaseka,
Ni libengo hi kota ya kuranza ka mina.
- 6 Mahehla wena a wa kubiha hehla ka yena;
Na nga a nala a yima hi canjeni ga yena ga xinene.
- 7 Laha yena na a lamulwa, nga yena a humana a gohekile;
Na a mukombelo wa yena wu hunzulwa a cionho.
- 8 Nga a masiku ya yena mahi lucwana;
Na nga muawani a teka a xikundla xa yena.
- 9 Nga a banana ba yena ba hi a banabazisiwana,
Ni sati wa yena a noni.
- 10 Nga a banana ba yena ba hi bapepetseki, ni ba kombela;
Nga bona ba hlota zibaba zabye wutsanweni gabye gi hlelelekileko.
- 11 Nga a bawukli ba kuma zalezi a nga nazo;
Nga a bamatiko ba kuma a mupango hi tiro wa yena.
- 12 Nga ku nga kona laho wa ku nyika kuhawukela a ka yena;
Cima nga laho ku nga hi kona wa ku maha a titralo a ka banabazisiwana bakwe,
- 13 Nga a zizukulwana za yena zi tsemiwa;
Hi zizukulwana xi tako nga a bito gabye gi fubiswa.
- 14 Nga a kugoha ka badadani ba yena ku alakanyswa hi Jehova;
Nga a cionho xa mamani wa yena xi nga fubuswi.
- 15 Nga zona zi hi mahlweni ka Jehova hi kusimamisilweko,
Kasi wa fela a kutsema a kualakanywa kabye laha misabeni;

- 16 Hakuba yena a nga alakanyangi a ku kombisa a wunene,
Hakuba i lo xanisa a zisiwana ni munhu a vumalako,
Ni ba tsobekileko mbilwini, a ku ba lobisa.
- 17 Ina, yena i wa ranzile a nzhukano, na yona i lota a ka yena;
Na yena i wa xalaliswangi ku katekiswa, na kona ku wa hi kule na yena.
- 18 Yenawu kambe i lo bombisa a wutsumbu ga yena hi hi nzhukano kwatsi i nguwo,
Kona kuta lomo klelweni ga lomo nzeni ka yena kwatsi i mati,
Ku kwatsi mafura lomo marambyini.
- 19 Nga kona ku ku kwatsi a ka yena i nguwo leyo a huluxetileko a wutsumbu ga yena ba yona,
Ni bandi lego ha gona a ti bohileko ha gona hi kusimamiselweko.
- 20 Lowu hi ncacazelo wa balala ba mina wa le ka Jehova,
Wa bona labo ba wulawulako a kubiha ba vukela a muhefemulo wa mina.
- 21 Kanilezi maha ha mina, O Jehova a Hosi, hi kota ya bito ga wena:
Hakuba a kuranzakawunene ku nene klaklisa wena mina:
- 22 Hakuba mina nzi xisiwana ni muvumali,
Ni mbilu ya mina yi lamatilwe nzeni ka mina.
- 23 Mina nzi fambile kwatsi xiruti la na xi nyupela;
Mina nzi nziwitekile kwatsi i humbi.
- 24 A madzolo ya mina ma kutsakutsa hi kuyila;
Ni nyama ya mina ya tsanzeka a kukuluka.
- 25 Minawu kambe nzi mahile a nzhukano ka bona.
Ni laha bona ba wonako mina, ba kutsakutsa tihloko tabye.
- 26 Vuna mina, O Jehova Nungungulu wa mina;
O hanyisa mina kukotisa hi kuranzakawunene ga wena:
- 27 Kasi bona ba fela a kutiba lezaku legi hi canja ga wena;
Lezaku wena, Jehova, hi wena u mahileko kona.
- 28 Nga bona ha rukatela, kanilezi katekisa wena:
Laha bona ba sukako, ba ta wiswa tingana,

- Kanilezi a nanza ga wena gi ta tsakiswa.
- 29 Nga a balala ba mina ba amberwa hi kungadzunziwi,
Na nga ba fenengetwa a wutsumbu gebye hi tingana kwatsi i nguwo.
- 30 Mina nzi ta nyika a kubonga ka hombe a ka Jehova zinwe hi nomu wa mina;
Ina, nzi ta dumisa yena xikari ka xidlemo.
- 31 Hakuba yena i ta yima hi canja ga xinene ga muvumali,
A ku hanyisa yena a ka labo ba lamulako a muhefemulo wa yena.

LISIMU 110.

- 1 Jehova i te ngalo a ka hosi ya mina, Tsama wena a ka canja ga mina ga xinene,
Kala nzi maha a balala ba wena a xikegetelo xa konzo wa wena.
- 2 Jehova i ta rumela a nhonga ya ntamo wa wena hi le Zioni:
Fumela wena lomo xikari ka balala ba wena.
- 3 A banhu ba wena ba nyikela a wutsumbu gabye hi kuvumeliselweko
A sikwini ga ntamo wa wena, hi tingubiyeni to basa:
Ku huma hi lomo rumbyini ga mixo
U nga ni nzokati ya wuswa ga wena.
- 4 Jehova i hlambanyile, a nga ta hunzuluka:
Wena u hosana kala kupinzuka
Hi lixaka la ka Melkizedeki.
- 5 Hosi yi canjeni ga wena ga xinene
Na a taba a pondlisa tihosi a ka siku ga zanga ya yena.
- 6 Yena i ta lamula xikari ka mifumo,
Yena i ta tisa a wutsamo hi zirumbi:
Yena i taba a pondlisa a bloko matikweni manyingi.
- 7 Yena i tanwa a congwana laha ndleleni:
Hikwalaho i ta klakusa a bloko.

LISIMU 111.

- 1 Dumisani awina Jehova.
Mina nzi ta nyika a kubonga a ka Jehova hi mbilu ya mina yonkle,
A xikungweni xa balongamileko, ni le muklanganweni.
- 2 A mitiro ya ka Jehova nja hombe,
Yi hlotwa hi bona bonkle labo ba tsakako hi ka yona.
- 3 A mitiro ya yena nja kudzunziwa ni wukosi;

- Ni kululamisisa ka yena ku simamisile kala kupinzuka.
- 4 Yena i mahile a mitiro ya yena yi hlalalisako akuba yi alakanyiwa: Jehova ngwa wuxinji ni titralo.
- 5 I nyikile a kuga a ka bona labo ba cabako yena:
I ta su ku tsoma a ha katalela a xivumelwano xa yena.
- 6 I kombisile a banhu a ntamo wa mitiro ya yena,
A ka lezi a nyikileko bona a tsomba ya bamatiko.
- 7 A mitiro ya mandla ya yena nja ne ne ni nongametiso;
Zonke a zilayelo zakwe zi nene.
- 8 Zona zi yimisilwe kala kupinzuka ni kupinzuka;
Zona zi mahilwe zinene ni kulongametisweni.
- 9 Yena i rumele a klakliselelo a banhu;
Yena i leletele a xivumelwano xa yena kala kupinzuka;
A kubasa ni kudzunzeka hi bito ga yena.
- 10 A xicabyo xa ka Jehova hi kusangula ka kutibisisa;
A kupimisisa ka zinene ba nako bonke labo ba mahako a zileletelo za yena:
A kudumisa ka yena ku simamile kala kupinzuka.

LISIMU 112.

- 1 Dumisani nwina Jehova.
I katekisilwe a munhu loye a cabako Jehova,
Loye a xalaliswako hi kukulisilweko zileletelweni za yena.
- 2 A mbewu ya yena yi taba ni ntamo behla ka misaba:
A xizukulwana xa a lulamileko xi ta katekiswa.
- 3 A pfono ni kufuma ku ta zumba ndlwini ya yena;
Ni kululamisisa ka yena ku simamile kala kupinzuka.
- 4 A ka a longamileko laho ku vukako a kuwonekela hi lomo munyamani;
Yena hi wuxinji, ni titralo, ni a lulamileko.
- 5 I kwatsi a yena loye munhu a mahako hi kuxinjisilweko a lombu;
Yena i ta gongolelwa a nanzu wa yena a kulamuleni,
- 6 Ilakuba yena cima a nga ta kuba a tsekatsakisilweko;

- A lulamileko i taba ni kualakanyiwa hi kupinzukeliselweko.
- 7 Yena a nga ta cabiswa hi mahungu ya kubihla:
A mbilu ya yena yi tiyisile, na a tsumba a ka Jehova.
- 8 A mbilu ya yena yi longisilwe, yena a nga ta kuba ni kucabyiswa,
A kala a wona a kuxuba ka yena lehla ka balala ba yena.
- 9 Yena i hangalasile, yena i nyikile ka ba vumalako;
A kululamisisa ka yena ku simamisile kala kupinzuka:
A limhonzo la yena li ta klakusilwe hi kudzunziwa.
- 10 A wa kubihla i ta wona kona, a be a zangarisilweko;
Yena i ta getsela a meno ya yena, ni ku nja baleka:
A kuxuba ka wa kubihla kuta mbe-mba.

LISIMU 113.

- 1 Dumisani nwina Jehova.
Dumisani, O nwina malanza ya ka Jehova,
Dumisani nwina a bito ga ka Jehova.
- 2 A gi katekiswe a bito ga ka Jehova
Kusukela lexi xikati ku suku tso-tsobongo kala kupinzuka kambe.
- 3 Kusukela kusukeni ka gambo kala kupeleni ka gwa lego
A bito ga Jehova gi hi ga ku dumiswa,
- 4 Jehova i klakukile a ku hunza a mifumo,
Ni wukosi ga yena lehla ga matilo.
- 5 Himani a fananako na Jehova a Nungungulu wa hina,
Loye a na nga ni xitsamo xa yena le kulakukeni,
- 6 Loye a koramisako a wutsumbu ga yena a ku languta
A zilo lezo zi nga le tilweni ni laha misabeni ke?
- 7 Yena a klakusako a zisiwana hi le tsutsungwaneni,
Ni ku klakusa a bavumali hi lomo mataleni;
- 8 Leaku yena i ta tsamisa yena zizwe ni tihosana,
Tona a tihosana ta banhu ba ka ka-bye.
- 9 Yena mahako a wasati wangonwa a ku hlayisa a yindlu,

Ni kuba a mamani a tsakako wa ba-
banana.
Dumisani nwina Jehova.

LISIMU 114.

- 1 Laha na Israeli a humele hi Gipite,
A yindlu ya Jakobe hi le ka banhu
labo ba na ni lirimi la haba ;
- 2 Juda i lo tsama yindlu ya yena ya
kubasa,
Na Israeli hi mufumo wa yena.
- 3 A bimbi ga wona kona, gi lo ca-
ba.
A Jordani gi klelela le nzako.
- 4 Ni zitsunga zi lo klula kufanana ni
tihamba.
A zitsunganyana kwatsi tiyivanya-
na.
- 5 Xini xi swihatileko wena, O wena
bimbi, lezi u tsutsumako ke?
Wena Jordani, lezaku wena u wa ta
klelela le nzako ke?
- 6 Nwina zitsunga, lezaku mu wa ta
klola kwatsi tihamba ;
A zitsunganyana, kwatsi tiyivana
ke?
- 7 Rurumela, wena misaba, a kubako-
neni ka Hosi,
A kubakoneni ka Nungungulu wa
Jakobe.
- 8 Loye a hunzulako a ribye ku maha a
tiba ga mati,
Ni lilonze a blowo ya mamati.

LISIMU 115.

- 1 A hi ka hina, O Jehova, a hi ka hina,
Kanilezi a ka bito ga wena nyika a
wukosi,
Hakuba hi kuranzakawunene ga we-
na, ni kota ya zinene za wena.
- 2 Ngahilezo a mifumo yi ta wula,
I kwili makunu a Nungungulu wa-
bye ke?
- 3 Kanilezi a Nungungulu wa hina i le
matilweni :
I mahile kani hi zihilezo zi mu xala-
lisako.
- 4 A zifananiso zabye i siliva ni nzalama,
A tiro wa mandla ya banhu.
- 5 Zona zi na ni milomu, kanilezi a yi
wulawuli ;
A mahilo zi nawo zona, kanilezi a ma
woni ;
- 6 Zona zi na ni tindlebe, kanilezi toma
a tizwi ;
A tinhovu zi nato zona, kanilezi a ti
nuheti ;
- 7 A mandla zi nawo zona, kanilezi a
ma weleli ;

A mikonzo zi nayo zona, kanilezi a yi
fambi ;
Ge ni kuwulawula zona hi mikolo ya
zona.

- 8 Bona labo ba mahileko zona ba ta
fanana na zona ;
Ina, bonklelele labo ba tsumbako ka
zona.
- 9 O Israeli, tumba wena a ka Jehova :
Yena hi kuvuna kabye ni xiklangu
xabye.
- 10 O yindlu ya ka Aroni, tumbani nwi-
na a ka Jehova :
Yena hi kuvuna kabye ni xiklangu
xabye.
- 11 Nwina labo cabako Jehova, tumba-
ni a ka Jehova :
Yena hi kuvuna kabye ni xiklangu
xabye.
- 12 Jehova i wa kari a katala ha hina ;
yena i ta katekisa hina :
I ta katekisa a yindlu ya ka Isra-
eli ;
I ta katekisa a yindlu ya ka Aroni.
- 13 I ta katekisa bona labo ba cabako Je-
hova,
Bonkle ba hombe ni batsongwani.
- 14 Jehova a enzelekisako nwina kambe
ni kambe,
Nwina ni banana ba nwina.
- 15 Mu katekisilwe nwina hi Jehova,
Loye a mahileko a tilo ni misaba.
- 16 A matilo ma hi matilo ya Jehova ;
Kanilezi a misaba yena i nyikile ka
banana ba banhu.
- 17 A bafileko a ba mu dumisi Jehova,
Ge hambu yena loye a relelako le
kumiyeleni ;
- 18 Kanilezi hina hi ta dumisa Jehova
Kusukela ka lexi xikati ku simama
kala kupinzuka.
Dumisani nwina Jehova.

LISIMU 116.

- 1 Mina nza ranza Jehova, hakuba ye-
na a zwako
A gezu ga mina ni mikongelisiso ya
mina.
- 2 Hakuba yena i pumunhile a ndlebe
ya yena a ka mina,
Zingaho mina nzi ta bitana a ka ko-
nkle a kulongoloka ka lezi nza ha
hanyako.
- 3 A tingoti ta kufa ti ranzele mina,
A ku bayisa ka Xeole ku kamanye-
tile mina ;
Nzi kumile a zikarato ni zixaniso.
- 4 Zonake nzi bitana a bitweni ga ka
Jehova ;

- O Jehova, nza kongotela wena, *klaklisa* a muhefemulo wa mina.
- 5 Jehova ngwa wuxinji, ni a lulamileko ;
Ina, a Nungungulu ngwa titralo.
- 6 Jehova a lonzowotako a ba nga tibiko :
Nzi wa reletilwe lahasi, yena i lo nzi hanyisa.
- 7 Klelela kuhumuleni ka wena, O muhefemulo wa mina ;
Hakuba Jehova i mahile hi kutalisilweko ha wena.
- 8 Hakuba u *klaklisile* muhefemulo wa mina le kufeni,
A mahlo ya mina le mihlotini,
Ni mikonzo ya mina le kuweni.
- 9 Mina nzi ta famba mahlweni ka Jehova
Le tikweni ga bahanyako.
- 10 Nzi kolwa, hakuba mina nzi ta wulawula :
Nzi wa blokisilwe hi ku kulisilweko :
- 11 Nzi wulile ku hakliseni ka mina,
Bonkle banhu mbahembi.
- 12 Xini lexi mina nzi ta nga nyika a ka Jehova
Hi kota ya eikatekiso *sonkle* za yena hi klelo ga mina ke?
- 13 Nzi ta teka a kopo ya hanyiseleliso,
Ni ku bitana bitweni ga ka Jehova.
- 14 Nzi ta riha a xifungo xa mina a ka Jehova,
Ina, a kubakoneni ka bonkle a banhu ba yena.
- 15 A malongo kuwoneni ka Jehova
A kufeni ka ba kubasa ba yena.
- 16 O Jehova hakunene, hizinene mina nzi nanza ga wena :
Nzi nanza ga wena, a nisanyana wa nanza ga xisati ga wena ;
Wena u *klaklisile* mina a kubohweni ka mina.
- 17 Nzi ta nyikela a ka wena a mupahlelo wa kunyikakubonga,
Nzi ta bitana a bitweni ga ka Jehova.
- 18 Nzi ta riha a xifungo xa mina a ka Jehova,
Ina, a kubakoneni ka bonkle a banhu ba yena,
- 19 Le tihubenyi ta yindlu ya ka Jehova,
A xikari ka wena, O Jerusalema.
Dumisani *nwina* Jehova.

LISIMU 117.

- 1 O dumisani Jehova, *nwenkle* *nwina* matiko ;

- Kwangulukani ha yena, *nwenkle* *nwina* banhu.
- 2 Hakuba a kuranzakawunene ga yena ka hombe hi klelo ga hina ;
Ni zinene za ka Jehova si simamisile kala kupinzuka.
Dumisani *nwina* Jehova.

LISIMU 118.

- 1 Onyikani a kubonga a ka Jehova ;
hakuba i nene ;
Hakuba a kuranzakawunene ga yena ku simamile kala kupinzuka.
- 2 Nga Israeli makunu aku,
Lezaku a kuranzakawunene ga yena ku simamile kala kupinzuka.
- 3 Nga a yindlu ya ka Aroni makunu yiku,
Lezaku kuranzakawunene ga yena ku simamile kala kupinzuka.
- 4 Nga bona labo makunu ba cabako Jehova ba wula,
Hakuba a kuranzakawunene ga wena ku simamile kala kupinzuka.
- 5 Hi le tikuruxwini ta mina nzi lo bitana a ka Jehova :
Jehova i hlamulile mina ni ku bekelela mina wutsawweni ga hombe.
- 6 Jehova i le klelweni ga mina, nzi nga ta caba :
Xi kambe a munhu a ta nga si kota ku maha ka mina ke?
- 7 Jehova i klelo ga mina xikari ka bona labo ba vunetelako mina :
Hikwalaho nzi ta wona a kuxuba ka mina ka labo ba nzi bengako.
- 8 Kona i kwatsi a ku teka a wucebelo a ka Jehova
Ku hunza a ku beka a xitsumbo hi ka munhu.
- 9 Kona i kwatsi a ku teka a wucabelo a ka Jehova
Ku hunza a ku beka a xitsumbo a ka tihosana.
- 10 A mifumo yonkle yi pomele mina :
Hi bitweni ga ka Jehova nzi ta tsema bona.
- 11 Bona ba pomele mina ba ranzela ;
ina, ba pomele mina ba ranzela :
A ka bito ga ka Jehova mina nzi ta tsema bona.
- 12 Bona ba pomele mina kwatsi tinyoxi ;
bona ba timilwe kwatsi i nzilo wa mizwa :
A ka bito ga ka Jehova nzi ta tsema bona.
- 13 Wena u tsingisileko a kususumeta mina kasi nza felu kuwa ;
Kanilezi Jehova i lo vunetele mina.

- 14 Jehova hi ntamo wa mina ni lisimu la mina ;
Yena i mahile a kuhanyisisa ka mina.
- 15 A gezu ga kuhanyisisa gi lomo nzeni ka tenta ga balulamileko :
A canja ga xinene ga Jehova gi mahi hi wunhenha.
- 16 A canja ga xinene ga ka Jehova gi klakusilwe :
A canja ga xinene ga Jehova gi mahi hi wunhenho.
- 17 Kanilezi mina nzi nga ta kufa, kanilezi nzi ta hanya,
Nzi ta klaklambuta a mitiro ya ka Jehova.
- 18 Jehova i tsayisile mina hi kutsingisilweko ;
Kanilezi yena a nga nyikelangi mina le kufeni.
- 19 Vulula ka mina a libati la kululamisisa :
Nzi ta engena a ka tona, nzi ta nyika a kubonga a ka Jehova.
- 20 Lolu hi libati la ka Jehova ;
A lulamileko i ta engena a ka lona.
- 21 Nzi ta nyika a kubonga a ka wena ; hakuba wena u hlambulileko mina,
Ni u mahile a kuhanyisisa ka mina.
- 22 A ribye gwaleti a baaki ba gi alileko Gi mahile a hlolo ya magumo.
- 23 Lezi hi zimaho za ka Jehova ;
Kona ku hi mahanjalatisiso a mahlwani ya hina.
- 24 Legi hi siku lego Jehova a gi mahileko ;
Hii ta tsakisa ni ku kuhlakana a ka gona.
- 25 Hanyisa makunu, ha kongotela wena, O Jehova :
O Jehova, hina ha kongotela wena, rumela makunu a kuvuvumisisa.
- 26 I katekisilwe yena loye a tako a bitweni ga ka Jehova :
Hina hi katekisile zwina hi lomo nzwini ya ka Jehova.
- 27 Jehova hi Nungungulu, yena i nyikile hina kuwonekela :
Bohani a mupahlelo hi tingoti, kona le ya alati.
- 28 Hi wena Nungungulu wa mina, nzi ta nyika a kubonga ka wena.
Wena hi wena Nungungulu wa mina, nzi ta klakusa wena.
- 29 O nyikani a kubonga a ka Jehova, hakuba yena i nene ;
Hakuba a kuranzakawunene ga yena ku simamisa kala kupinzuka.

LISIMU 119.

ALEPH.

- 1 Bakatekisilwe bona labo ba mbeleleko ndleleni,
Labo ba fambako nayweni wa Jehova.
- 2 Bakatekisilwe bona labo ba hlayisako a zikustumunyelo za yena,
Labo ba hlotako yena hi mbilu ya bye yonkle.
- 3 Ina, bona a ba mahi a kungalulamisisi ;
Bona ba famba hi tindlela ta yena.
- 4 Wena u leletele hina a zilayelo za wena,
Lezaku hi wa ta nga hi lonzowotela zona hi kutsonometisilweko.
- 5 O lezaku a tindlela ta mina ti tiyisetilwe
A kulonzowotela a ziyimiso za wena !
- 6 Zonake mina nzi nga koyama tingana,
Laha na nzi katalele hi ka zonkle a zileletelo za wena.
- 7 Nzi ta nyika a kubonga a ka wena hi kulongametisisa ka mbilu,
Laha na nzi gonza a kulamulisisa ka wena kululamisisako.
- 8 Nzi ta lonzowotela a zilayelo za wena ;
Ou nga tsiki mina hi ku mbetisilweko.

BETH.

- 9 Hikwihilahoke a jaha gi ta nga basisa a tindlela ta gona ke?
Hi ku teka ku celakota kukotisa hi ka mhaka ya wena.
- 10 Ziawe hi mbilu ya mina yonkle nzi hlotile wena ;
O nga mina nzi nga nzuli le kuleleteleni ka wena.
- 11 A mhaka ya wena nzi yi bekile lomo nzeni ka mbilu ya mina,
Kasi nza fela ku kala nzi nga onhi nzi vukela wena.
- 12 U katekisilwe wena, O Jehova :
Gonzisa mina a zilayelo za wena.
- 13 Hii milomu ya mina nzi klaklambutile
Zonkle a zilayelo za nomu wa wena.
- 14 Nzi tsakile a ndleleni ya wukustumunyelo ga wena,
Kwatsi hi wunyingi ga wonkle a pfuno.
- 15 Nzi ta gugutsa ka ziyimiso za wena,
Ni ku katalela hi ka tindlela ta wena.
- 16 Nzi ta xalaliswa a wutsumbu ga mina a ka zilayelo za wena :

Mina nzi nga ta kohlwa a mhaka ya wena.

GIMEL.

- 17 Maha hi kutatisilweko a ka nanza ga wena, kasi nza fela a ku hanya,
Zingaho lezo nzi ta gongola a mhaka ya wena.
- 18 Vulula a mahlo ya mina, kasi nza fela ku languta
A zilo zi hlmalisako za naweni wa wena.
- 19 Nzi nzhubeti lomo misabeni :
U nga fihli a zileletelo za wena le ka mina.
- 20 A muhefemulo wa mina wu tsobeka hakuba wu mbilukelako,
Lezaku wona wu hi ka ziyimiso za wena a ka zonkle zikati.
- 21 Wena u kawukile a ba matsanza labo ba rukatelileko,
Labo ba njenjerekako le zileletelweni za wena.
- 22 Susani kule a ka mina a nzhukano ni xikanya ;
Hakuba nzi hlayisile zikustumunyelelo za wena.
- 23 A tihosana kambe ti tsamile ti vukela mina ;
Kanilezi a nanza ga wena gi lo gugunzela a ka zilayelo za wena.
- 24 A wukustumunyelelo ga wena kambe gi hi litsako la mina
Ni xikungo xa mina.

DALETH.

- 25 A muhefemulo wa mina wu na namarele le tsurini :
Vuxa mina wena kukotisa hi mhaka ya wena.
- 26 Mina nzi klaklambutile a tindlela ta mina wena, wena u hlamlile mina ;
Gonzisa mina a zilayelo za wena.
- 27 Maha mina a kupima hi ndlela ya ziyimiso za wena :
Zingaho lezo nzi ta gugutsela hi mitiro ya wena yi hlmalisako.
- 28 A muhefemulo wa minawu nyekako hi kubinzwa :
Tiyisa mina wena kukotisa hi ka mhaka ya wena.
- 29 Susa a ka mina a ndlela ya mawunwa ;
Vumela mina a nayo wa wena hi kuxinjisilweko.
- 30 Mina nzi langile a ndlela ya kukolekisisa :
A xixaxameto za wena mina nzi zi bekile mahlweni ka wena.

[Sheetswa]

47

31 Mina nzi namarele wukustumunyelelweni ga wena :

O Jehova, u nga koyi mina tingana.

32 Mina nzi ta tsutsuma a ndlela ya zileletelo za wena,
Hi rini wena u ta enzeleta a mbilu ya mina.

HE.

33 Gonzisa mina, O Jehova, a ndlela ya zilayelo za wena ;
Na nzi ta zi hlayisa kala kugumelweni.

34 Nzihe a kupimisisa, na nzi hlayisa a nawo wa wena ;
Ina, nzi ta gongola wona hi mbilu ya mina yonkle.

35 Maha mina ku famba hi ndlela ya zileletelo za wena ;
Hakuba hi ka zona nza maha a kuxalaliswa.

36 Pumunha a ndlebe ya mina wukustumunyelelweni ga wena,
Ge na ku nga hi kumbilukelisisweni.

37 Renzeleta kule a maho ya mina le kuwoneni ka zi nga nyawuliko,
Ni ku kalamuxa mina ndleleni ya wena.

38 Tiyisa a ka nanza ga wena a mhaka ya wena,
Leyi yi nga ya xixaxameti xo caba wena.

39 Renzeleta a kule a nzhukano ya mina leyo mina nzi yi cabako ;
Hakuba a xixaxametiso za wena zinenene.

40 Languta, nzi xubile a zilayelo za wena :
Kamuxa mina hi kululamisisa ka wena.

VAV.

41 Nga a kuranzakawunene ga wena kuta ka mina, O Jehova,
Kona kuhanyisisa ka wena, kukotisa hi ka mhaka ya wena.

42 Zingaho mina nzi taba ni ku hlamlula a ka yena loye a rukatelako mina ;
Hakuba nza tsumba hi ka mhaka ya wena.

43 Ni ku teka a timhaka ta zinene tonklelele ta lomu nonwini wa mina ;
Hakuba nzi tsumbilezixaxametelweni za wena.

44 Zingaho nzi ta lonzowotela a nawo wa wena hi kusimamisilweko
Kala kupinzuka ni kupinzuka.

45 Na nzi ta famba le klaklekeni ;

787

- Hakuba nzi hlotile a zilayelo za wena.
- 46 Minawu kambe nzi ta wulawula hi wukustumunyeliso ga wena mahlweni ka tihosi,
Na nzi nga ta koyama tingana.
- 47 Na nzi ta xalalisa a wutsumbu ga mina zileletelweni za wena,
Lezo nzi zi ranzileko.
- 48 Nzi ta klakusa a mandla ya mina kambe ka zileletelo za wena, lezo nzi zi ranzileko ;
Nzi ta gugutsela a zilayelo za wena.
- ZAYIN.
- 49 Alakanya a mhaka a ka nanza ga wena,
Hakuba wena u mahile mina a ku tsumba.
- 50 Laku ku hi kucabelelwa ka mina hlo-kiselweni ya mina ;
Hakuba a mhaka ya wena yi kalamukisile mina.
- 51 Ba tikukumukisako ba na mina hi likiyala li kulisisilweko :
Kasike a nzi hambukangi naweni wa wena.
- 52 Nzi alakanyile a sixaxameto sana za kale, O Jehova,
Na nzi tangalisile a wutsumbu ga mina.
- 53 A kulo gi vurako gi tekele a ku kamanyeta hehla ka mina,
Hakuba kubiha laba ba tsikako a nawo wa wena.
- 54 A layelo za wena zi wa kari zi hi tisi-mu ta mina
A ndlwini ya wukumbi ga mina.
- 55 Nzi alakanyile a bito ga wena,
O Jehova, ni laha wusikwini,
Na nzi lonzowotele a nawo wa wena.
- 56 Lexi nzi wa hi naxo,
Hakuba mina nzi hlaysileko a zileletelo za wena.
- HHETH.
- 57 Jehova hi xiabelo xa mina :
Nzi te ngalo lezaku nzi ta lonzowota a timhaka ta wena.
- 58 Nzi kombelele a tomo ga wena hi mbilu ya mina yontle :
Nga hi ni titralo a ka mina kukotisa hi ka mhaka ya wena.
- 59 Nzi alakanyile a tindleleni ta mina zwinyi,
Nzi renzeletile a mikonzo ya mina wukustumunyelisweni ga wena.
- 60 Mina nzi haklisisile, a nzi tsetsemani,
A ku lonzowota a zileletelo za wena.
- 61 A tingoti ta wa kubiha ti tsonzele mina ti nzi ranzela ;
Kanilezi a nzi ribakelwangi a nawo wa wena.
- 62 A ka xikari ka wusiku mina nzi ta vuka ku nyika a kubonga ka wena
Hakuba hi zixaxametiso za wena zi lulamileko.
- 63 Mina nzi mina mungana wa bona bonkle labo bacako wena,
Wa bona labo ba hlaysako zilayelo za wena.
- 64 A misaba, O Jehova yi tele hi kuranzakawunene ga wena :
Gonzisa mina zilayelo za wena.
- TETH.
- 65 Wena hi wena u mahileko kwatsi ni nanza ga wena,
O Jehova, kukotisa hi ka mhaka ya wena.
- 66 Gonzisa mina a kulamula kunene ni kutiblisisa.
Hakuba nzi kolilwe a ka zileletelo za wena.
- 67 Hi mahlweni na nzi nga se ku hloki-swa nzi wa pengile ;
Kanilezi makunu nzi lonzowotela a mhaka ya wena.
- 68 Wena u nene, ni ku maha kusasa ;
Gonzisa mina a zilayelo za wena.
- 69 Ni bamatsanza ba hembile wunwa ba vukela mina :
Hi mbilu ya mina yontle nzi ta hlaysa a zilayelo za wena.
- 70 A timbilu tabye ti nonile kwatsi mafura ;
Kanilezi mina nza xalaliswa hi ka nawo wa wena.
- 71 Kona i kwatsi ka mina leso nzi nga wa hlokisilwe ;
Kasa nza fela a ku gonza a zilayelo za wena.
- 72 A nawo wa nomu wa wena ngwatsi ka mina
Ku hunza a makume mazana ya nzalama ni siliva.
- YODH.
- 73 A mandla ya wena ma mahile mina ma nzi yimiselwe mina :
Nyika mina a kupima, kasi nza fela a ku gonza a zileletelo za wena.
- 74 Bona labo ba cabako wena ba ta wona mina ni ku tsakiswa,
Hakuba nzi tsumbileko mhakeni ya wena,
- 75 Nza zi tiba, O Jehova, lezaku a kulamulisa ka wena ku lulamile,
Ni lezaku hi kukolekisisa wena u hlokisile mina.

- 76 Vumela, nza kombela wena, a kura-
nzakawunene ga wena kube kuta-
ngala ka mina,
Kukotisa hi ka mhaka ya wena a ka
nanza ga wena.
- 77 Nga a tsonameto ka titralo ta wena
wuta ka mina, kasi nza fela ku ha-
nya;
Hakuba a nawo wa wena kuxalala
ka mina.
- 78 Nga a bamatsanza ba koyamilwa ti-
ngana;
Hakuba bona ba hoxile mina hi ku-
kohlakalisilweko,
Kanilezi nzi ta gugutsa hi ka ziyimi-
so za wena.
- 79 Nga bona labo ba cabako wena ba
renzeletwa a ka mina;
Na bona ba ta zi tiba a zikustumu-
nyelo za wena.
- 80 Nga a mbilu ya mina yi mbelela zi-
layelwini za wena,
Kasi mina nza fela ku kala nzi nga
koyamisiwa tingana.

KAPH.

- 81 A moya wa mina wa kolokela a ku-
hanyisisa ka wena;
Kanilezi nza tsumba a ka mhaka ya
wena.
- 82 A mahlo ya mina ma hokolokela a
mhaka ya wena,
Laha na nzi wula, Hi rini wena u ta
cabelela mina ke?
- 83 Hakuba nzi mahile kwatsi i kwama
wa waini le musini.
Kasike mina a nzi ribakelwangi hi zi-
layelo za wena.
- 84 Ma talisile a ku yini a masiku ya na-
za ga wena ke?
Hi rini wena u ta tsanza a kululama
a ka bona labo ba xanisako mina
ke?
- 85 A bamatsanza ba nkelisa a rinzi ha
mina,
Labo ba nga hiko ku kotisa hi nawo
wa wena.
- 86 Konkle a kuleletela ka wena ku tati-
silwe.
Bona ba xanisa mina hi kukohlaka-
lisilweko; vuna mina wena.
- 87 Bona ku tsongwani ba lobisile mina
laha misabeni;
Kanilezi mina a nzi tsikangia ziyimi-
so za wena.
- 88 Kalamukisa mina ku kotisa hi kura-
nzakawunene ga wena;
Zingaho nzi ta lonzowota a wu-
kustumunyelo ga nomu wa we-
na.

LAMEDH.

- 89 Kala kupinzuka, O Jehova,
A timhaka ta wena ti akele le tilwe-
ni.
- 90 A kukolekisisa ka wena ku ka zo-
nkle a zizukulwana;
Wena u yimisile a misaba na yona
yi tsamile.
- 91 Bona ba tsamako legi siku ku ko-
tisa hi ka zixaxameto za wena;
Hakuba a zilo zonkle zi hi malanza
ya wena.
- 92 Ntsena lezi a nawo wa wena wu nga
hi kuxalala ka mina,
Nzi wa ta nga zonake nzi mbe-
mbisilwe a hlokiselelweni ya mi-
na.
- 93 Cima nzi nga ta kohlwa a ziyimiso
za wena;
Hakuba ha zona wena u kalamuki-
sile mina.
- 94 Mina nzi wa wena, ponisa mina
Hakuba nzi hlotile a ziyimiso za
wena.
- 95 A bakubiha ba rinzele mina a ku
lobisa mina;
Kanilezi nzi ta gugutsa hi wuku-
stumunyeliso ga wena.
- 96 Nzi wonile a kugumelwa ka ko-
nkle kumbelelisisa;
Kanilezi a xileletelo xa wena xi hu-
nzelele kuenzelekelana.

MEM.

- 97 O nzi ranzisa kuyini a nayo wa
wena!
Wona ku gugutselisisa ka mina go-
nkle siku.
- 98 A zileletelo za wena zi maha mina
a kutibisisa ku hunza balala ba
mina;
Hakuba zi la su tsonzoma zinwe na
mina.
- 99 Nzi na ni kupimisisa ku hunza bo-
nkle bagonzisi ba mina;
Hakuba a ziyimiso za wena zi hi
kugugutselisisa ka mina.
- 100 Mina nzi na kupima a ku hunza a
zikosana,
Hakuba nzi hlaysileko a ziyimiso
za wena.
- 101 Nzi beletile a mikonzo ya mina a
ka tonklelele tindlela ta kubiha,
Kasi nza fela a ku lonzowota a
mhaka ya wena.
- 102 A nzi hambukangi klelweni zixaxa-
metweni za wena;
Hakuba wena u gonzisile mina.
- 103 Ti tsombelisa kuyini a timhaka ta
wena a ku cumbuteni ka mina!

- Ina, ti tsombela ku hunza a wulo-
mbe ka zwini ka mina!
- 104 Ha kona a ka ziyimisiso za wena nza
kuma a kupimisisa :
Hikwalaho nza benga tonkle a ti-
ndlela ta kukohlisa.
NUN.
- 105 A mhaka ya wena i kandiya miko-
nzweni ya mina,
Ni kuwonekela le ndleleni ya mi-
na.
- 106 Nzi hlambanyile nzi tiyisile kona,
Lezaku nzi ta lonzowota a ziyimiso
za wena zi lulamileko.
- 107 Mina nzi blokisilwe ha hombe ngu-
vu,
Kalamukisa mina, O Jehova, ku ko-
tisa hi ka mhaka ya wena.
- 108 Amukela, nza kongotela wena, a
minyikelo yi klaklekileko ya ku-
ranza ya nomu wa mina, O Je-
hova,
Ni ku gonzisa mina zixaxametiso
za wena.
- 109 A muhefemulo wa mina wu sima-
misile canjeni ga mina ;
Kasike a nzi kohlwangi a nawo wa
wena.
- 110 A wa kubiha ba bekile a panya ha
mina ;
Kasike a nzi kohlwangi a zileletelo
za wena.
- 111 A zikustumunyele za wena nzi zi
tekile kwatsi i tsomba kala kupi-
nzuka ;
Hakuba litsako la mbilu ya mina.
- 112 Nzi pumunhile a mbilu ya mina a
ku maha a zilayelo za wena
Kala kupinzuka, kucikela kugume-
lweni.
- SAMEKH.
- 113 Nza benga bona labo ba timbilu
timbiri ;
Kanilezi a nawo wa wena nza wu
ranza.
- 114 Wena u wutsamo ga ku fihlala ka
mina ni xiklangu xa mina :
Nza tsumba ka mhaka ya wena.
- 115 Sukani a ka mina, zwina bamahi ba
kubiha,
Kasi nzi hlayisa a zileletelo za Nu-
ngungulu wa mina.
- 116 Kamukela mina kukotisa hi ka
mhaka ya wena, kasi nza fela ku
hanya ;
Na nga nzi nga koyami a tingana
hi kutsumba ka mina.
- 117 U nzi kamukela, mina nzi taba ku-
poneni,

- Nzi ta dzumeletela a ka zilayelo za
wena hi kusimamisiweko.
- 118 Wena u ba celile a tingana bonkle
labo ba hambukileko zilayelweni
za wena ;
Hakuba a kukohlisa kabye ku ma-
wunwa.
- 119 Wena u susako bonkle a bakubi-
ha laha misabeni kwatsi mibuxo-
kori :
Hikwalaho nza ranza a zikustuma-
nyelo za wena.
- 120 A nyama ya mina ya rurumela hi
xicabyo xa wena ;
Na nza caba hi kulamulisisa ka
wena.
- AYIN.
- 121 Nzi mahile a nongametiso ni ku-
lulamisisa :
U nga nzi tsiki a ka batsimbeketi
ba mina.
- 122 Nga u sasa hizinene a ka nanza ga
wena :
Nga a bamatsanza ba nga tsimbe-
keti mina.
- 123 A mahlo ya mina ma hluleka hi
kuhanyisa ka wena,
Na hi mhaka ya wena yi lulami-
leko.
- 124 Maha hi nanza ga wena ku kotisa
hi ka kuranzakawunene ga wena,
Ni ku nzi gonzisa a zilayelo za we-
na.
- 125 Mina nzi nanza ga wena ; nyika
mina a kupimisisa,
Kasi nza fela ku tiba a zikustumu-
nyelisiso za wena.
- 126 Ku hi xikati xa ka Jehova a ku tira ;
Hakuba bona ba mahile a nawo wa
wena wu nga nyawuli.
- 127 Hikwalaho nza ranza a zileletelo za
wena
Ku hunza a nzalama, ina, ku hu-
nza nzalama yi hlutilweko.
- 128 Hikwalaho nza klakusa zonkle a zi-
yimiso za wena ku kotisa hi zo-
nkle zilo lezi zi nga za nongame-
tiso ;
Nza benga tonklelele a tindela ta
kukohlisa.
- PE.
- 129 A zikustumunyele za wena za hla-
malisa ;
Hikwalaho a muhefemulo wa mina
wa hlayisa zona.
- 130 A kuvulula ka timhaka ta wena ti
nyika a kuwonekela ;
Kona ku nyika a kupimisisa ka ba
nga pimiko.

- 131 Nzi vululile a nomu wa mina nzi bibikile;
Hakuba nzi mbilukele ka zileletelo za wena.
- 132 Hunzuluka wena ka mina, u hi ni titralo ka mina,
Kwatsi hilezi wena u tolobekeko a ku maha ka labo ba ranzako a bito ga wena.
- 133 Yimisa wena a zikanziyelo za mina ka mhaka ya wena;
Na nga ku nga hi kona a kugoha ku funela behla ka mina.
- 134 K'laklisa mina le ka kutsimbeketa ka munhu.
Zingaho nzi ta lonzowota a ziyimiso za wena.
- 135 Nga u maha a ngohe ya wena a ku wouinga ka nanza ga wena;
Ni kugonzisa mina a zilayelo za wena.
- 136 A micongo ya mati yi kulunga yi relela hi laha ka mahlo ya mina,
Hakuba bona a ba lonzowoti a nawo wena.
- TSADHE.**
- 137 U lulamile wena, O Jehova.
Ni kulongama hi kululamisisa ka wena.
- 138 Wena u leletele a zikustumunyelo za wena hi kululamisisa
Na kona a kukolekisisa.
- 139 A kupangama ka mina ku lobisile mina,
Hakuba a balala ba mina ba kohli-lweko hi timhaka ta wena.
- 140 A mhaka ya wena yi basile nguvu;
Hikwalaho a nanza ga wena ga ranza yona.
- 141 Mina nzi tsongwani nzi kanyilwe;
Kasike a nzi ribakelwi hi ziyimiso za wena.
- 142 A kululamisisa ka wena ku hi kululamisisa ku pinzukela,
Ni nawo wa wena hi mbunene.
- 143 A zikarato ni hlomulo zi kamanyetile mina;
Kasike a zileletelo za wena mbuxika ga mina.
- 144 A zikustumunyelo za wena zi lulamile kala kupinzuka;
Nyika mina a kupimisisa na mina nzi ta hanya.
- QOPH.**
- 145 Nzi bitanile hi mbilu ya mina yonke; hlamula mina, O Jehova;
Nzi ta hlaysia a zilayelo za wena.
- 146 Nzi bilehuwa a ka wena; hanyisa mina,

- Na mina nzi ta lonzowota a wukustumunyelo ga wena.
- 147 Mina nzi vumbulile a wuronga ha mixo, nzi bilehuwa;
Nzi tsumbile a ka timhaka ta wena.
- 148 A mahlo ya mina ma vumbulile a zirinzo za wasiku,
Kasi nza fela a kugugutsa ka mhaka ya wena.
- 149 Ingisa a gezu ga mina ku kotisa hi kuranzakawunene ga wena;
Kalamukisa mina, O Jehova, ku kotisa hi kuranzakawunene ga wena.
- 150 Bona ba tsinela kusuhi bona labo ba lanzelako a kubihisa;
Bona ba le kule ni le naweni wa wena.
- 151 Wena u suhani, O Jehova;
Ni zonke a zileletelo za wena zi zine.
- 152 A ka kaleloko nzi wa tibile hi laha wukustumunyelweni ga wena,
Lezaku wena u ti sangulisileko kala kupinzuka.
- RESH.**
- 153 Pimisisa hi hlokiselelo ya mina, ni klaklisa mina;
Hakuba a nzi ribakeli a nawo wa wena.
- 154 Hlanguta wena a nanzu wa mina, ni klaklisa mina;
Kalamukisa mina ku kotisa hi ka mhaka ya wena.
- 155 A kuhanyisa ku le kule ni ba kubihisa;
Hakuba bona a ba hloti a zilayelo za wena.
- 156 Ka hombe hi kuranza ka titralo ta wena, O Jehova;
Kalamukisa mina ku kotisa hi ka ziyimiso za wena.
- 157 Mbanyingi hi baxanisi ba mina ni balala ba mina;
Kasike a nzi haribukangi zikustumunyelweni za wena.
- 158 Nzi lo wona a ba wulala, nzi wa zangarisilwe,
Hakuba bona ba nga lonzowoti a mhaka ya wena.
- 159 Pima lezaku nzi ranzisile ku yini a ziyimiso za wena;
Kalamukisa mina, O Jehova, ku kotisa hi kuranzakawunene ga wena.
- 160 A tsengo wa timhaka ta wena hi mbunene;
Zonkelelele a ziyimiso za wena zi lu-

lamileko zi simamisile kala kupi-
nzuka.

SHIN.

- 161 A tihosana ti xanisile mina hi na
i haba nanzu ;
Kanilezi a mbilu ya mina ya tsama
hi xicabyo a ka timbaka ta wena.
- 162 Ni tsaka hi ka mhaka ya wena,
Kwatsi hi ka muzwe loye a kumi-
leko a mupango wa hombe.
- 163 Nza benga nzi swirwa hi mawu-
nwa ;
Kanilezi a nawo wa wena nza wu
ranza.
- 164 Nklanu ni zimbiri a zikati a siku
nza dumisa wena,
Hakuba hi ziyimiso za wena zi lula-
mileko.
- 165 Kurula ka hombe ba nga nako labo
ba ranzako a nawo wa wena.
Na bona a ba na xipingu xa kurete-
mukisa.
- 166 Nzi tsumbile a kuhanyisisa ka we-
na, O Jehova,
Nzi mahile a zileletelo za wena.
- 167 A muhefemulo wa mina wu lonzo-
wotile a wukustumunyelo ga we-
na ;
Na mina nzi ranzile kona hi kuenze-
lekisilweko.
- 168 Nzi lonzowotile a ziyimiso za wena
ni zikustumunyeliso za wena ;
Hakuba tonkle a tindlela ta mina ti
le mahlweni ka wena.

TAV.

- 169 Nga kurila ka mina ku tsinela a ma-
hlweni ka wena, O Jehova :
Nyika mina a kupimisisa kukotisa
hi ka mhaka ya wena.
- 170 Nga a mikongelisiso ya mina yi ta
mahlweni ka wena :
Klaklisa mina ku kotisa hi ka mha-
ka ya wena.
- 171 Nga a lirimi la mina li tsawuta a
kudumisa ;
Hakuba wena u gonzisako mina a
zilayelo za wena.
- 172 Nga a lirimi la mina li yimbelela a
mhaka ya wena ;
Hakuba zon'le a zileleteliso za wena
zi hi kululamisisa.
- 173 Nga a canja ga wena gi hi gi longi-
leko a ku nzi vuna ;
Hakuba nzi hlawulile a ziyimiso za
wena.
- 174 Nzi mbilukele a kuhanyisisa ka
wena, O Jehova ;
Ni nawo wa wena hi kuxalala ka
mina.

- 175 Nga a muhefemulo wa mina wu
hanya, na wona wu ta dumisa
wena ;
Na nga a ziyimisiso za wena zi vu-
netela mina.
- 176 Nzi pengile kwatsi i yivu yi la-
hlelileko ; hlota a nanza ga wena ;
Hakuba a nzi kohlwi hi sileletelo za
wena.

LISIMU 120.

- 1 A tikuruxwini ta mina nzi lo ba-
huwa a ka Jehova,
Na yena a hlamulileko mina.
- 2 Klaklisa a muhefemulo wa mina,
O Jehova, le milonwini ya ma-
wunwa,
Ni le lirimini li kohlisako.
- 3 Xini xi ta nga nyikiwa a ka wena,
na xi hi xini xi ta nga engetelwa
a ka wena,
Wena lirimi nziwena u kohlisako
ke?
- 4 A tugalala to trotika ta tinhenha,
Zinwe hi makala ya mhangani.
- 5 Kombo a ka mina, hakuba nzi lube-
leko Mexeke,
Hakuba nzi tsamile xikari a ka ma-
tenta ya Kedare!
- 6 A muhefemulo wa mina wu kumi-
le a kaleloko a wutsamo ga wona
zinwe na yena loye a bengako a
kurula.
- 7 Mina nzi vikela a kurula :
Kanilezi laha na nzi wulawula, bo-
na ba nga hi impi.

LISIMU 121.

- 1 Nzi ta klakusa a mahlo ya mina le
zitsungeni ;
Hikwihi ku taku ha kona a kuvuna
ka mina ke?
- 2 A kuvuna ka mina kuta hi ka Je-
hova,
Loye a nga maha a tilo ni misaba.
- 3 Yena a nga ta vumela a konzo wa
wena a kutsekatekiswa ;
Yena loye a hlalaysako wena u nga
ta retenuki.
- 4 Languta, yena loye a hlalaysako
Israeli
Cima a nga ta kudzehela ge ni ku
eklela.
- 5 Jehova hi muhlaysi wa wena :
Jehova hi nzhuti wa wena ka ca-
njeni ga wena ga xinene.
- 6 A gambo gi nga ta lamata wena hi
siku,
Ge a hweti hi wusiku.

- 7 Jehova i ta hlayisa wena a ka kona kubiha konkile;
Yena i ta hlayisa a muhefemulo wa wena.
- 8 Jehova i ta hlayisa a kuhuma ka wena ni kuengena ka wena
Ku sukela a ka lexi xikati ku kala kupinzuka kambe.

LISIMU 122.

- 1 Nzi wa ku tangala laha ba nga wa wula a ka mina,
Nga hiya le ndlwini ya ka Jehova.
- 2 A mikonzo ya hina yi yimile
Lomonzeni ka tinyangwa ta wena,
O Jerusalema,
- 3 A Jerusalema, lego gi akilweko
Kwatsi i muti lowu wu klangeneko katiginwe;
- 4 Laho a tixaka ti kanziyako tiya, to-
na a tixaka ta ka Jehova,
Akuba a xixaxameto xa ka Israeli,
A ku nyika a kubonga a ka bito ga ka Jehova.
- 5 Hakuba laho ku bekilwe a zitsamo
sa wukosi sa kulamulisisa,
A zitsamo sa wukosi sa yindlu ya ka Davida.
- 6 Kombelani a kurula ka Jerusalema:
Bona ba ta vuvuma labo ba ranzako wena.
- 7 A kurula nga ku hi zinwe ni tigi-
ngisi ta wena,
A kuvuvumisisa ku hi lomo nzeni ka zilubelo sa wena.
- 8 Hi kota ya bamakabyena ba mina ni bangana ba mina,
Nzi ta wula makunu, Kurula nga ku hi lomonzeni ka wena.
- 9 Hakuba hi kota ya yindlu ya ka Je-
hova a Nungungulu wa hina
Nzi ta hlota a kusasa ka wena.

LISIMU 123.

- 1 A ka wena nza klakusa a mahlo ya mina,
O wena loye u tsamileko le matilwe-
ni.
- 2 Languta, kwatsi hi mahlo ya mala-
nza ma cuwukako ka canja ga
nwinyi wabye,
Kwatsi hi mahlo ya nanza ga xisati
ma cuwukako a ka canja ga nwi-
nyi wakwe;
Zingaho a mahlo ya hina ma cuwu-
ka a ka Jehova a Nungungulu wa
hina,
Kala yena a be ni titralo ka hina.
- 3 Nga u hi ni titralo a ka hina, O

- Jehova, nga u hi ni titralo a ka
hina;
Hakuba hina hi kuenzelekisa hi ta-
tisilwe hi kuonhakala.
- 4 A mihefemulo ya hina yi enzelekisi-
lwe yi tatisilwe
Hi kutseketselwa ka bona labo ba
tsamekileko,
Na hi kukohlakala ka bamatsanza.

LISIMU 124.

- 1 Kona ku wa nga ku nga hi Jehova
loye a nga le klelweni ga hina,
Nga Israeli makunu a wula,
- 2 Loku ku wa nga ku wa nga hi Je-
hova loye a nga hi klelweni ga
hina,
Laho a banhu ba nga wa sukile ba
vukela hina;
- 3 Zonake bona ba wa ta nga ba kwili-
kwinzile hina na hi hanya,
Laha zanga yabye yi nga wa vunju-
kelene yi vukela hina:
- 4 Zonake a mati ma wa ta nga ma ku-
bunyetile hina,
A congo wu wa ta nga wu kubu-
nyetile a muhefemulo ya hina;
- 5 Laho a mamati ma kukumukako ma
kukuletile a muhefemulo wa hina.
- 6 I katekisilwe Jehova,
Loye a nga nyikelangiko hina kota
nyama le menweni yabye.
- 7 A muhefemulo wa hina wu ponile
kwatsi xinyanyani xi trumula ka
ziyo ga klamu:
A ziyo gi tsobyilwe, hina hi ponile.
- 8 A kuvuna ka hina ku le bitweni ga
Jehova,
Loye a mahileko a tilo ni misaba.

LISIMU 125.

- 1 Bona labo ba tsumbako a ka Je-
hova
Be kwatsi hi xitsunga Zioni, xi nga
hiko ni kutsekatekiswa, kanilezi
xi tsamako ka kupinzuka.
- 2 Kwatsi hi zitsunga lezi zi renzeleke-
leko a Jerusalema,
Zingaho Jehova i ranzele a banhu ba
yena
Kusukela lexi xikati ku simama kala
kupinzuka kambe.
- 3 Hakuba a nhonga ya bakubihisa yi
nga tsama hehla ka xiabelo xa ba-
lulamileko;
Lezaku a balulamileko ba nga hume-
si ba klateka a mandla kugoheni.
- 4 Maha wunene, O Jehova, a ka labo ba
nga banene,

Ni ka bona labo ba longamileko nzeni ka timbilu.

- 5 Kwatsi hi labo ba hambukako klelweni ti ndleleni ta/ye ti byekeleko, Jehova i ta rangela bona zinwe ni batiri ba kugolia.
A kurula a kube hehla ka Israeli.

LISIMU 126.

- 1 Laha Jehova a nga wa wuyisile labo ba nga wa klelele Zioni, Hina hi wa kwatsi hi bona labo ba lorako.
- 2 Zonake a milomu ya hina yi wa la ku tala hi lihleko, Ni tirimi ta hina hi kuyimbelela : Zonake ku lo wula a ba bona lomo xikari ka mifumo, Jehova i mahile bona a zilo za hombe.
- 3 Jehova i mahile a zilo za hombe a mahela hina. Hikwalaho hina ha tsaka.
- 4 Hunzuluxa kambe a kukonwa ka hina, O Jehova. Kwatsi hi micongo le Dzongeni.
- 5 Bona labo ba xwanyako hi mihloti ba ta hula hi litsako.
- 6 Loye a humako a famba na a rila, i trala a mbewu ya kuxwanya, Hi kungakanakanwi i ta wuya kamba hi litsako, na a neha a milumbi ya yena zinwe na yena.

LISIMU 127.

- 1 Saseka Jehova a aka a yindlu, Ba tira a kunganyawuli labo ba akako yona : Saseka Jehova u hlayisa a muti, A munhu a rinzelako wa famba kanilezi hi ku nga nyawuli.
- 2 Kona a hi kunyawula a ka nwina a ku vuka laba punzwini wa mixo, Ni ku tilukela a kuhumula, A kuga zibaba za kupinyama ; Hakuba zingaho yena i nyika a ka baranzekako ba yena a kueklele.
- 3 Manga/ye, a banana bahi tsomba ya ka Jehova ; Ni mihanzo ya marumbu hi ncacazelo wa yena.
- 4 Kwatsi tigalala lomo canjeni ga wamuna wa nhenha, Zingaho a banana ba wuswa.
- 5 I katekisilwe a munhu loye a na nga ni kutsu wu teleko ha tona : Bona ba nga ta wiswa a tingana, Laho bona na ba wulawula ni bulala ba/ye lomo nyangweni.

LISIMU 128.

- 1 Bakatekisilwe bonklelele labo ba cabako Jehova, Labo ba fambako a tindlela ta yena.
- 2 Hakuba wena u taga a kupangama ka mandla ya wena : U ta u xaleleko wena, na kona ku ta kuba kwatsi ha wena.
- 3 A sati wa wena i ta su kwatsi i vina wa kuba wu la su nembelele hi kufuala, Kwalomo nzeni ka yindlu ya wena : A banana ba wena ba to kwatsi i sinya olivia, Ba ranzeleko a meza ya wena.
- 4 Languta, zakungahi a munhu i taba a katekisilwe Loye a cabako Jehova.
- 5 Jehova katekisa wena hi lomo Zioni : Wona wena a kusasa ka Jerusalema wonkle a masiku ya wutomi ga wena.
- 6 Inaka, wona wena a banana ba banana ba wena. A kurula nga ku hi hehla ka Israeli.

LISIMU 129.

- 1 Xikati xinyingi ba nzi hlokisile mina kusukela wusweni ga mina, Nga Israeli makunu a wula,
- 2 Xikati xinyingi ba nzi hlokisile mina kusukela wusweni ga mina : Kasike bona a ba hlulangi mina.
- 3 A barimi ba rimile hehla ka hlana wa mina ; Bona ba mahile a zihlakahlo sa/ye zibabalata.
- 4 Jehova i lulamile : Yena i tsemile a pulakanyisa a tingoti ta ba kubiha.
- 5 Nga bona ba wiswa a tingana ba renzeletwa ha xinzhakwana, Bonkle labo ba bengana a Zioni.
- 6 Nga bona ba ku kwatsi i byanyi hehla ka ti yindlu, Legi gi wunako hi mahlweni na gi nga seku ku kula ;
- 7 Lahoke ka gona a muhuli a nga taliko a canja ga yena, Ge ni loye a bohako a milumbi, a xifuba xakwe :
- 8 Ge ni labo ba hunzako ba nga ta wula, A kukatekisa ka Jehova nga ku hi hehla ka nwina ; Hina ha katekisa nwina lomo bitweni ga ka Jehova.

LISIMU 130.

- 1 Hi lomo kueteni nzi bilehuwa a ka wena, O Jehova.
- 2 Hosi, zwana a gezu ga mina :
Nga a ndlebe yi panga-yizwa
A ka gezu ga mikongelisiso ya mi-
na.
- 3 Loku wena, Jehova, u wa ta nga u
keta hi zigoheketiso,
O Hosi, hi mani a nga a yima ke?
- 4 Kanilezi laho ku kona a tsetseliso
a ka wena,
Kasi wena wa fela a kuba u cabyi-
wa.
- 5 Nza rinzela ka Jehova, a muhefemu-
lo wa mina wa rinzela,
Ni ka mhaka ya yena nza tumba.
- 6 A muhefemulo wa mina wu rinzele
a ka Hosi
Ku hunza a bona ba rinzelako a mi-
xo;
Ina, a ku hunza a bona ba rinzelako
a mixo.
- 7 O Israeli, tumba a ka Jehova;
Hakuba a ka Jehova ku kona a ku-
ranzakawunene,
Ni ka yena ku kona a talisiselo wa
kuklalisisa.
- 8 Na yena i ta klaklisa Israeli
Le zigohweni zonkle za yena.

LISIMU 131.

- 1 Jehova, a mbilu ya mina a yi ku-
kumukangi, hambu a mahlo ya
mina a ma klakukile;
Ge ni kupfokometa a wotsumbu ga
mina timhakeni ta hombe,
Ni ka zilo lezo zi hunzisileko a kuhla-
malisa a ka mina.
- 2 Hakunene mina nzi miyelile nzi ru-
tisile a muhefemulo wa mina;
Kwatsi hi xiwanana xi lumulweko
zinwe ni mamani wa xona,
Kwatsi hi xiwanana xi lumulweko
zingaho a muhefemulo wa mina
lomo nzeni ka mina.
- 3 O Israeli, tumba a ka Jehova
Kusukela ka lexi xikati ku simama
ni kala kupinzuka kambe.

LISIMU 132.

- 1 Jehova alakanya ha Davida
Yonkle a hlokiselelo ya yena;
- 2 Lezaku i hlambanyisile a ku yini a
ka Jehova,
Ni kufunga ka Munwe Nyaminta-
mo wa Jakobe;
- 3 Hakunene nzi nga tata lomo tabe-
rnakeleni ga yindlu ya mina,

- Ge ni kucklela a mubedini wa mina ;
- 4 Ni nga ta nyika a wurongo a ka ma-
hlo ya mina,
Kutani ku kudzehlisa a tisiyi ta mi-
na;
- 5 Kala nzi kumile a wutsamo ga ka
Jehova,
A tabernakele ga Loye wa Ntamo
wa Jakobe.
- 6 Mangabye, hina hi wa zwile ha kona
le Efrata:
Hina hi kumile kona le handle ka
kwati.
- 7 Hina hi ta famba le tabernakeleni ga
yena;
Hina hi ta kozela laha xikegetelwe-
ni xa konzo wa yena.
- 8 Suka, O Jehova, wutsanweni ga ku-
humula ka wena;
Wena, ni a arke ga ntamo wa wena.
- 9 Nga a bapristi ba wena ba ambexwa
hi kululamisisa;
Nga a ba kubasa ba wena ba kanyu-
luka hi litsako.
- 10 Hakuba hi kota ya nanza ga wena
Davida
U nga hunzulusi a ngohe ya wena
ka a totilweko wa wena.
- 11 Jehova i hlambanyile a ka Davida
hi ka zinene;
Yena a nga ta hunzuluka hi ka kona:
A ka litralo la miri wena nzi ta yimi-
sa a xitsamo xa wukosi xa wena.
- 12 Loku a banana ba wena ba ta hlayi-
sa a xivumelwano xa mina
Ni zikustumunyele za mina lezo nzi
ta nga gonzisa bona,
A banana babye kambe ba ta tsama
hehla ka xitsamo xa wukosi xa
wena kala kupinzuka kambe.
- 13 Hakuba Jehova i langile Zioni;
Yena i xubile gona a kuba wuakelo
ga yena.
- 14 Legi hi wutsamo ga kuhumula ka
mina kala kupinzuka:
Laha mina nzi ta aka; hakuba nzi
xubileko kona.
- 15 Hi kutalisilweko nzi ta katekisa a
kuga ka yena:
Nzi ta xurisa a zisiwana za yena hi
zibaba.
- 16 A bapristi ba yena kambe nzi ta ba
ambexa hi kuhanyisisa;
Ni bo basa ba yena ba ta kanyuluka
ba kwanguluka hi litsako.
- 17 Laho nzi ta maha a limhonzo la Da-
vida a ku hluka:
Nzi yimisile a kandiya a ka atotilwe-
ko wa mina.

- 18 A balala ba yena nzi ta ba ambexa
hi tingana;
Kanilezi hehla ka wutsumbu ga ye-
na a xidlodlo xa yena xi ta bombi-
swa.

LISIMU 133.

- 1 Languta, mbunene ga ku yini ko-
na mbukosi ga ku yini
Hakuba bamakabye ba aka wutsamo
ginwe hi kuklangana!
- 2 Ku kwatsi mafura ya malongo he-
hla ka hloko,
Laya ma cililako ka xilevu,
Xona a xilevu xa Aroni;
Laya macililako hehla ka nzhungo
wa tinguwo ta yena;
- 3 Kwatsi i nzokati ya Hermoni,
Leyo yi relelako le zitsungeni sa le
Zioni:
Hakuba leyo Jehova wa leletela a
zikatekiso,
Gona a wutomi ga ku kala kupinzu-
ka kambe.

LISIMU 184.

- 1 Languta, katekisani nwina Jehova,
nwina malanza ya Jehova,
Lezaku laha wusikwini yimani le
ndlwini ya ka Jehova.
- 2 Klakusa a mandla ya nwina le ndlwi-
ni ya kubasa,
Katekisani nwina Jehova.
- 3 Jehova katekisa lahandle ka Zioni;
Yena loye a mahileko a tlo ni misa-
ba.

LISIMU 135.

- 1 Dumisani nwina Jehova.
Dumisani nwina a bito ga Jehova;
Dumisani yena, O nwina malanza
ya Jehova,
- 2 Nwina labo mu yimileko lomo nzeni
ka yindlu ya ka Jehova,
Lomo nzeni ka tihubye ta yindlu ya
ka Nungungulu wa hina.
- 3 Dumisani nwina Jehova; hakuba
Jehova i nene:
Yimbelelani a kudzumeletela a ka
bito ga yena; hakuba kona ku sa-
seka.
- 4 Hakuba Jehova i langile Jakobe a
ka wutsumbu ga yena,
Na Israeli akuba a tsomba ya yena
nwinyi.
- 5 Hakuba mina nza zi tiba lezaku Jo-
hova ngwahombe,
Ni lezaku a Hosi ya hina yi hehla
ka banungungulu bonkle.

- 6 Kanizakuyini leso Jehova zi mu xa-
lalisako, leso yena i zi mahile,
Le tilweni laha misabeni, ni lomu
mabimbini ni kueteni konkle;
- 7 Loye a mahako a xikurukurwani xi
klakukela le kugumelweni ka mi-
saba;
Loye a mahelako a singwalangwa-
nza a vula;
Loye a humesako a neha vula lomo
mabakweni ya yena;
- 8 Loye a deleko a matewula ya le Gi-
pite,
Wonkle ya banhu ni zihari;
- 9 Loye a rumeleko a ziwoniso ni hla-
maliso xikari ka wena, O Gipite,
Hehla ka Faro, ni hehla ka wonkle a
malanza ya yena;
- 10 Loye a hlaseleko a mifumo yo tala,
I dele a tihosi to tala,
- 11 Sihoni a hosi ya ma Amori,
Na Ogi a hosi ya le Baxani,
Ni wonkle a mufumo wa le Kenani,
- 12 Na a nyikele a tiko gabye a kuba a
tsomba,
A tsomba a ka Israeli a banhu ba
yena.
- 13 A bito ga wena, O Jehova, gi sima-
mile kala kupinzuka;
A bito ga wena gi kumbuxekako,
O Jehova, a ka zonkle zizukulwa-
na.
- 14 Hakuba Jehova, i ta lamula a banhu
ba yena,
Ni ku hunzuluka a wutsumbu ga
yena xungetano ni nanza ga yena.
- 15 A zifananiso za matiko i siliva ni
nzalama,
A tiro wa mandla ya banhu.
- 16 Zona zi na ni milomu, kanilezi a zi
wulawuli;
A mahlo zi nawo zona, kanilezi a ma-
woni;
- 17 Zona zi na tindlebe, kanilezi a ti-
ingisi:
Ge a ku kona a ku hefemula mlo-
nwini ya zona.
- 18 Bona labo ba mahileko zona ba ta fa-
nana na zona;
Ina, bonklelele labo ba tumbako a
ka zona.
- 19 O yindlu ya ka Israeli, katekisani
nwina Jehova:
O yindlu ya ka Aroni, katekisani
nwina Jehova:
- 20 O yindlu ya ka Levi, katekisani nwi-
na Jehova:
Nwina labo mu cabako Jehova, ka-
tekisani nwina Jehova.

- 21 A katekiswe Jehova ku huma hi le Zioni,
Loye a akileko le Jerusalema.
Katekisani nwina Jehova.

LISIMU 136.

- 1 O nyikani a kubonga a ka Jehova ;
hakuba i nene ;
Hakuba a kuranzakawunene ga yena
ku simamile kala kupinzuka.
2 O nyikani kubonga a ka Nungungu-
lu wa banungungulu ;
Hakuba a kuranzakawunene ga yena
ku simamile kala kupinzuka.
3 O nyikani a kubonga ka Hosi ya ti-
hosi ;
Hakuba a kuranzakawunene ga ye-
na ku simamile kala kupinzuka.
4 A ka yena loye yece a mahako a mi-
tiro ya hombe yi hlamalisako ;
Hakuba a kuranzakawunene ga yena
ku simamile kala kupinzuka.
5 A ka yena loye hi kupimisisa i mahi-
le a matilo ;
Hakuba a kuranzakawunene ga ye-
na ku simamile kala kupinzuka.
6 A ka yena loye a andlalatileko a mi-
saba hehla ka mamati ;
Hakuba a kuranzakawunene ga ye-
na ku simamile kala kupinzuka :
7 A ka yena loye a mahileko a kuwo-
nekala ka hombe ;
Hakuba a kuranzakawunene ga ye-
na ku simamile kala kupinzuka :
8 A gambo a ku fumela ni siku ;
Hakuba a kuranzakawunene ga yena
ku simamile kala kupinzuka ;
9 A hweti ni tinyeleti a ku fumela a
wusiku ;
Hakuba a kuranzakawunene ga yena
ku simamile kala kupinzuka :
10 A ka yena loye a deleni a ba Gipite
a matewula yebye ;
Hakuba a kuranzakawunene ga ye-
na ku simamile kala kupinzuka ;
11 I lo neha a humesa a ba ka Israeli xi-
kari ka bona ;
Hakuba a kuranzakawunene ga ye-
na ku simamile kala kupinzuka.
12 Zinwe hi canja ga ntamo, ni woko
gi andlalatilweko ;
Hakuba a kuranzakawunene ga yena
ku simamile kala kupinzuka ;
13 A ka yena loye a pulakanyisileko a
Bimbi go Truka gi tsemeka ;
Hakuba a kuranzakawunene ga ye-
na ku simamile kala kupinzuka ;
14 Ni ku maha a ba Israeli ba hunza ba
tsemakanya xikari ka gona ;

- Hakuba a kuranzakawunene ga ye-
na ku simamile kala kupinzuka ;
15 Yena i lo hoxa Faro ni impi ya ye-
na lomo Bimbini gi Truka ;
Hakuba a kuranzakawunene ga ye-
na ku simamile kala kupinzuka :
16 A ka yena loye a rangeleko a banhu
ba yena ba tsemakanya a xiwula ;
Hakuba a kuranzakawunene ga ye-
na ku simamile kala kupinzuka :
17 A ka loye a deleko a tihosi ta hombe ;
Hakuba a kuranzakawunene ga ye-
na ku simamile kala kupinzuka ;
18 I lo daya a tihosi ti dumileko ;
Hakuba a kuranzakawunene ga ye-
na ku simamile kala kupinzuka :
19 Sihoni a hosi ya ma Amori ;
Hakuba a kuranzakawunene ga yena
ku simamile kala kupinzuka ;
20 Na Ogi a hosi ya le Baxani ;
Hakuba a kuranzakawunene ga ye-
na ku simamile kala kupinzuka :
21 I lo nyika a tiko gabye a tsomba ;
Hakuba a kuranzakawunene ga yena
ku simamile kala kupinzuka ;
22 Yona a tsomba a ka Israeli a nanza
ga yena ;
Hakuba a kuranzakawunene ga ye-
na ku simamile kala kupinzuka :
23 Loye a alakanyileko hina xikundleni
xa hina xa lahasi ;
Hakuba a kuranzakawunene ga ye-
na ku simamile kala kupinzuka ;
24 A klaklisileko hina ka balala ba hina ;
Hakuba a kuranzakawunene ga ye-
na ku simamile kala kupinzuka :
25 Loye a nyikako a kuga ka nyama
yonkle ;
Hakuba a kuranzakawunene ga yena
ku simamile kala kupinzuka.
26 O nyikani a kubonga a ka Nungu-
ngulu wa tilo ;
Hakuba a kuranzakawunene ga ye-
na ku simamile kala kupinzuka.

LISIMU 137.

- 1 Hi le mi congweni ya le Babuloni,
Laho hi lo tsuma lahasi, ina, hi lo ri-
la,
Laho hi nga wa alakanyile Zioni.
2 Hehla ka mbhunga xikari ka wona
Hi lo hayeka a zitende za hina.
3 Hakuba leyo labo ba gotsileko hina
a wukumbi ba lo wutisa a ka hina
a tisimu,
Ni labo ba karatileko hina ba lo wu-
tisa hina a ku/la, baku,
Yimbelelani a ka hina linwe la tisi-
mu ta Zioni.

- 4 Hii ta yimbelelisa ku yini a lisimu la ka Jehova
Lomo tikweni ga ba le kule ke?
5 Loku mina nzi kohlwa wena, O Jerusalema,
Nga a canja ga mina ga xinene gi kohlwa hi wuklari ga yena.
6 Nga a lirimi la mina li namarela langweni la nomu wa mina,
Loku mina nzi nga alakanyi wena;
Loku nzi hunzeleti kuranza Jerusalema
Hehla ka litsako la mina la hombe.
7 Alakanya, O Jehova, u vukela a banana ba ka Edome
A siku ga Jerusalema;
Labo ba te ngalo, Fubisa gona, fubisa gona,
Xona a xiseketelo xa gona.
8 O uhanyana wa Babuloni, loye a ta nga loyiswa,
I ta ba akatekisilwe loye a ta ncacazela wena
Kwatsi hilezi wena u maheleko hina.
9 A tangaliswe yena loye, loye a teka ko a banana ba wena a ba gimbula
Hehla ka ribye.

LISIMU 138.

- 1 Mina nzi nyika wena a kubonga hi mbilu ya mina yonke:
Mahlweni ka banungungulu nzi ta nyika kudumisa a ka wena.
2 Nzi ta kozela ngomameni ni tempele ya wena ya kubasa,
Ni ku nyika kubonga ka bito ga wena hakuba a kuranzakawunene ga wena ni zinene za wena;
Hakuba wena u kulisile a bito ga wena ku hunza gonke a bito ga wena.
3 A ka siku lego nzi bitanileko wena u lo hlamula mina,
Wena u tiyisetileko mina hi ntamo muhefemulweni wa mina.
4 Tonke a tihosi ta misaba ti ta nyika wena a kubonga, O Jehova,
Hakuba bona ka zwile a timbaka ta nomu wa wena.
5 Inaka, bona ba ta yimbelela a tindlela ta ka Jehova;
Hakuba ga hombe a wukosi ga Jehova.
6 Hakuba hambulezi Jehova a klakikileko, kasike wa katelela hi labo ba koramekileko;
Kanilezi a bamatsanza i ba tiba na ba ha hi kule.

- 7 Hambuloku nzi famba xikari ka zikarato, wena u ta tiyiseta mina;
Wena u ta nawuluta gi huma a canja ga wena u vukela a zanga ya balala ba mina,
A canja ga wena ga xinene gi ta ponisa mina.
8 Jehova i ta mbelelisa lezo za xungetano na mina:
A kuranzakawunene ga wena, O Jehova, kusimamile kala kupinzuka;
U nga tsiki a mitiro ya mandla ya wena nwinyi.

LISIMU 139.

- 1 O Jehova, wena hi wena u hlolileko mina, u tibile mina.
2 Wena u tibako a kutsama ka mina ni kusuka ka mina;
Wena u pimako a kuakalakanya ka mina na ka ha hi kule.
3 Wena u kambako a ndlela ya mina ni kuelelela ka mina,
Na wena u tolobeleneko ni tonkele a tindlela ta mina.
4 Hakuba laho a ku na mhaka lirimini la mina,
Kanilezi, mangabye, O Jehova, wena u tibako kona konkelelele.
5 Wena hi wena u dibeleko mina le nzako ni mahlweni,
U klatekile a mandla ya wena hehla ka mina.
6 A kutiba ka kungahi ka hlamalisa ha mina;
Kona ku klakukile a nzi na ku cikelela a ka kona.
7 Hikwihi laha nzi ta ngaabela Mo-yeni wa wena?
Kutani hikwihi laha nzi ta nga tsutsuma le kubakoni ka wena ke?
8 Loku nzi ta kanziya le tilweni, wena u kona laho:
Loku nzi maha a mubedi wa mina le Xeole, languta, wena u kona laho.
9 Loku mina nzi teka a tipapa ta mixo,
Ni kuaka le magemetamusi ka klelo ga bimbi:
10 Na kona leyo a canja ga wena gi ta rangela mina,
Ni canja ga wena ga xinene gi kamukela mina.
11 Loku mina nzi wula, Hakunene a munyama wu ta nzi kubunyeta,
Ni kuwonekela ku ranzeleko mina ku taba wusiku;
12 Hambu wona a munyama a wu na kufihla a ka wena,

Kanilezi a munyama wa wonekela kwatsi i siku :

A munyama ni kuwonekela za fana-na a ka wena.

13 Hakuba wena a mahileko xikwalomo nzeni ka mina :

Wena u fenengitile mina lomo rumbyini ga mamani wa mina.

14 Mina nzi ta nyika a kubonga a ka wena ; hakuba nzi mahilwe hi kucabekako ni kuhlmalisako :

Yi hlmalisile a mitiro ya wena ;

Ni muhefemulo wa mina wa tiba loko kwatsanyana.

15 A dzumba ga mina gi wa nga fihlwanzi le ka wena,

Laha nzi nga wa mahilwe kufuhlalani,

Na hi kudamisilweko nzi lo mahiwa laha wutsanweni ga lahasi ga misaba.

16 A mahlo ya wena ma wonile a ku nga hi kona gulu ga mina ;

Ni lomo bukwinu ga wena laho konke ku wa tsalilwe,

Wona masiku lawo wonke ma xaxa-metelweko mina,

Laha ku nga wa kala ku nga se kuba kona ni ginwe ga wona.

17 Malongo ya ku yini a kualakanya ka wena ka mina, O Nungungulu!

Wu kulisile a ku yini a tsengo wa kona!

18 Loku nzi hlanya kona, kona ku tele a kuhunza a tsengo wa seke ;

Laha na nzi vuka, nza hahi zinwe na wena.

19 Hakunene wena u ta daya a bakubihla, O Nungungulu :

Sukani ka mina hikwalaho, nwina banhu ba zwako tora hi nkata.

20 Hakuba bona ba wulawula kambe hi kubihisilweko,

Ni balala ba wena ba teka a bito ga wena hi ku nga nyawuli.

21 A nzi mahi a kubenga bona, O Jehova, labo ba bengako wena ke?

Na mina a nzi zangariswangi ha bona labo ba vukela wena ke.

22 Mina nzi bengi bona hi libengo li mbeleleko :

Ba mahile balala ba mina.

23 Hlola mina, O Nungungulu, ni ku tiba a mbilu ya mina :

Ringa mina, ni tiba a malakanya ya mina ;

24 Ni lezaku ku kona a tindlela ta kubihla nzeni ka mina,

Ni ku wona loku ku nga ku hi kona

a tindlela ta kubihla a nzeni ka mina.

Ni kurangela mina le ndleleni yi pinzukulisilweko.

LISIMU 140.

1 Klaklisa mina, O Nungungulu, le ka munhu wo biha ;

Lonzowota mina a ka munhu wa kupanga :

2 Loye a hlebako a kohlakalo lomo mbilwini ya bona ;

Ba simamisisile bona ba maha kutomba a wutsumbu gabye katiginwe a impl.

3 Bona ba lotileko a tirimi tabye kwatsi i nyoka ;

A wuxungu ga timamba gi lahasi ka milomu yabye. [Sela

4 Hlayisa mina, O Jehova, le mandleni ya bakubihla ;

Lonzowota mina a ka munhu a pangako :

Loye a xubeliko a ku hoxa klelweni a zikanziyelo za mina.

5 A bamatsanza ba fihlile a panya a ka mina, ni tingoti ;

Ni ba andlala a wulewuhi laha ndleleni ;

Ba bekela a maziyo ka mina. [Sela

6 Mina nzi te ngalo a ka Jehova, Wena hi wena a Nungungulu wa mina :

Nyika a ndlebe ya wena a ka gezu ga mikongelelisiso ya mina, O Jehova.

7 O Jehova a Hosi, a ntamo wa kuhanzisisa ka mina,

Wena hi wena u fenengitileko a hloko ya mina hi siku ga impi.

8 U nga vumeli, O Jehova, a kuxuba ka bakubihla ;

U nga enzelekise a gujegu ga yena ga kubihla,

Nga bona ba kukumuxa a wutsumbu gabye. [Sela

9 Kwatsi hi hloko ya labo ba ranzeleko mina.

Nga a kukohlakala ka milomu yabye ku fenengeta bona.

10 Nga a makala ma vurako ma wela hehla ka bona :

Nga bona ba hoxwa nzilweni,

A ka marinzi ma etileko, Lahoke ba ta nga kala ba nga vuki.

11 A wuli wo kubihla a nga ta yimisiwa laha misabeni :

A kubihla ku ta hlota a munhu wa kupanga a ku hoxa yena.

- 12 Mina nza zi tiba lezaku Jehova i ta
hlanguta a nanzu wa a hlokisilwe-
ko.

Ni nongametiso a ka bavumeli.

- 13 Hakunene a wo nene i ta nyika a
kubonga a ka bito ga wena :
A lulamileko i ta aka a kubakoneni
ka wena.

LISIMU 141.

- 1 Jehova, nzi bitanile ka wena ; ma-
ha a xihakla ka mina ;
Nyika ndlebe ka huwa ya mina, la-
ha na nzi bitana ka wena.
- 2 Nga a mukombelo wa mina wu yi-
miswa kwatsi libani mahlweni ka
wena ;
A kuklakusa ka mandla ya mina a
ku kwatsi mupahlelo wa laha ga-
mbyeni.
- 3 Rumela a kurinzela, O Jehova, ma-
hlweni ka nomu wa mina ;
Hlayisa a libati la milomu ya mina.
- 4 U nga kuceteli a mbilu ya mina ni
ka zihi a zilo za kubiha,
A ku maha a zimaho za kubihisisa
Ni banhu labo ba tirako a kugoha :
Na nga mina nzi ngagi a zo nanziha
za bona.
- 5 Nga a lulamileko a lamata mina, na
kona ku taba a wunene, na nga
yena a hlola mina, na kona ku to
kwatsi mafura behla ka hloko ya
mina ;
Nga a hloko ya mina yi nga ali ko-
na :
Hakuba hambu kona kubihisiseni
kabye a mukombelo wa mina wu
ta simamisa.
- 6 A balamuli kabye ba hoxilwe lahasi
hi le klelweni ga ribye ;
Bona ba tazwa a timhaka ta mina
hakuba tona ta tsombela.
- 7 Kwatsi hi munwe a rimako a vuxa-
ko a misaba,
A marambu ya hina ma hangalakile
le nonwini wa Xeole.
- 8 Hakuba a mahlo ya mina ma ka we-
na, O Jehova a Hosi :
A ka wena nza teka a wucabelo ; u
nga siyi a muhefemulo wa mina
na wu hlakele.
- 9 Hlayisa mina le panyeni legi ba de-
mbeleko mina,
Ni le maziweni ya batiri baku-
biha.
- 10 Nga a bakubiha ba wela le klameni
ya bona benyi,
Laha mina wu nzi pona.

750

LISIMU 142.

- 1 Mina nza rila hi gezu ga mina a ka
Jehova ;
Zinwe hi huwa ya mina a ka Jehova
nza maha a kongeleliso.
- 2 Nzi halata a ku tisola ka mina ma-
hlweni ka yena ;
Nzi kombisile a mahlweni ka yena a
sikarato za mina.
- 3 Laha a moya wa mina wu nga wa
kubunyetilwe nzeni ka mina,
Wena u tibako a ndlela ya mina.
A ndleleni leyo mina nzi fambako
ha yona
Bona ba fihlile a klamu ha mina.
- 4 Cuwuka a canjeni ga mina ga xine-
ne, ni ku wona ;
Hakuba laho a ku kona a munhu
loye a tibako mina ;
A kucabelo ku tsanzile mina ;
A nga kona munhu a katalako hi
muhefemulo wa mina.
- 5 Mina nzi bile huwa a ka wena, O Je-
hova ;
Nzi te ngalo, Wena u xiponelo,
A xiabelo xa mina a tikweni ga ba-
hanyako.
- 6 Ingisa a ka huwa ya mina ;
Hakuba nzi nehilwe lahasi nguvu :
Klaklisa mina le ka baxanisi ba mi-
na ;
Hakuba bona mbantamo a ku hunza
mina.
- 7 Neha a muhefemulo wa mina le pa-
xweni,
Kasi nza fela a ku nyika a kubonga
a ka bito ga wena :
A balulamileko ba ta ranzela mina ;
Hakuba zina u ta maha hi kutalisi-
lweko zinwe ha mina.

LISIMU 143.

- 1 Zwana a kukombela ka mina, O Je-
hova ; nyika a ndlebe a ka miko-
ngeleliso ya mina.
Hi ka kukolekisa ka wena hlamula
mina, ni ka kululamisa ka wena.
- 2 U nga engeni a kulamuleni zinwe ni
nanza ga wena ;
Hakuba hi kuwoneni ka wena a nga
kona munhu a hanyako a lulami-
sile.
- 3 Hakuba a balala ba xanisile a muhe-
femulo wa mina ;
Ba lamatileko a wutomi ga mina la-
hasi misabeni ;
Yena i mahile mina a ku tsama wu-
tsanzweni ga munyama,
Kwatsi hi labo ba fileko a kale loko.

- 4 Hikwalaho a moya wa mina wu kunyetilwe nzeni ka mina ;
A mbilu ya mina nzeni ka mina yi hlakatalwe.
- 5 Nza alakanya a masiku ya kale lo-ko ;
Nza gugutsela a ka zonkle a simaho za wena ;
Nza gugutsela hi ka tiro wa mandla ya wena.
- 6 Nzi andlalatile a mandla ya mina a ka wena :
A muhefemulo wa mina wuzwa to-ra hi kulaba wena, kwatsi i tiko gi hlakeleko. [Sela
- 7 Maha a xihakla a kuhlumula mina, O Jehova ; a moya wa mina wa tsanzeka : u nga fihli a ngohe ya wena le ka mina,
Nzi nga taku nzi kota bona laba ba nyupelako nzelelweni wa rinzi.
- 8 Maha mina a kuzwa a kuranzakawunene ga wena laha mixweni :
Hakuba a ka wena mina nza tumba :
Maha mina a kutiba a ndlela leyo ha yona mina nzi ta nga famba ;
Hakuba mina nzi klakusile a muhefemulo wa mina a ka wena.
- 9 Klaklisa mina, O Jehova, le balale-ni ba mina :
Mina nzaabela a ka wena a ku fihla a wutsumbu ga mina.
- 10 Gonzisa a ku maha a kuranza ka wena ;
Hakuba wena hi wena Nungungulu wa mina ;
A Moya wa wena wu nene ;
Rangela mina le tikweni ga kululamileko.
- 11 Kalamukisa mina, Jehova, hi kota ya bito ga wena :
Hi kululamisisa ka wena humesa a muhefemulo wa mina zikaratweni.
- 12 Na hi kuranzakawunene ga wena tsema a balala ba mina,
Ni kulobisa bonkle labo ba hloki-sako a muhefemulo wa mina ;
Hakuba mina nzi nauza ga wena.

LISIMU 144.

- 1 I katekisilwe Jehova a ribye ga mina,
Loye a gonzisako a canja ga mina a impi,
Ni titiho ta mina a kulwa :
- 2 A kuranzakawunene ga mina, ni koka ga mina,
A ligingisi la mina li klakukileko, ni muklaklisi wa mina ;

- A xiklangu xa mina, na yena mina nza teka a wucabelo ;
Loye a hluleleko a banhu lahasi ka mina.
- 3 Jehova, xini a munhu, loye wena u tekako a kutiba ha yena ke?
Kutani a nwana wa munhu, lezaku wena u tekako a kucelakota ha yena ke?
- 4 A munhu i kwatsi hi ku nga nya-wuli :
Masiku ya yena kwatsi xiruti lexo xi hunzako.
- 5 Koramisa a matilo ya wena, O Jeho-va, ni kuta lahasi :
Kumba a zitsunga, na zona zi ta tu-bika.
- 6 Hoxa lahasi a xingwalangwanza u ba hangalasa ;
Rumela a tugalala ta wena, ni kutsu-wula bona.
- 7 Andlalata a canja ga wena hi le hehla ;
Hlanguta mina, ni kuklaklisa mina le mamatini ya hombe,
Nzi huma canjeni ga bamatiko ;
- 8 Labo a milomu yabye yi wulawu-lako a kukohlisa,
Labo a canja ga xinene gi nga canja ga xinene ga mawunwa.
- 9 Nzi ta yimbelela a lisimu liwa a ka wena, O Nungungulu :
Hehla ka timbila ta kume ga tingo-ti, nzi ta yimbelela a kudumisa a ka wena.
- 10 Wena hi wena loye u nyikako a ku hanyisisa a ka tihosi ;
Loye a klaklisako Davida a nanza ga yena le supadweni yi trotikileko.
- 11 Ponisa mina, nzi klaklise le canjeni ga balala,
A milomu yabye yi wulawulako a kukohlisa,
Labo a canja gabye ga xinene gi nga canja ga mawunwa.
- 12 Laha a barisanyana ba hina ba to kwatsi ku kula ka kubanyani laha wusweni ga bona,
Ni banhanyana ba hina a ku kwatsi i ribye ga magumo gi baklilwe ku-kotisa a kubombiswa ka xilubelo ;
- 13 Laha a tindlu ta hina to bingeretele-la ti nga wa tele, ku tala ni tixaka tonkle ta kuga,
A tiyivu ta hina ti trala a makume a mazana ni kume ga makume mazana lomo mikobeni ya hina ;
- 14 Laha a tihomu ta hina ti rwala kwa-tsanyana ;

Laha ku nga taba kona a kuhanga-
laka, ge ni kupanzanyeka,
Ge ni kurila lomo mapangweni ya
hina :

- 15 Ba xalalisilwe labo banhu ba na nga
nanzwini wa kungahi;
Ina, ba xalalisilwe a banhu labo Nu-
ngungulu a nga Jehova wabye.

LISIMU 145.

- 1 Mina nzi ta kukumuxa wena, Nu-
ngungulu wa mina, O Hosi;
Na nzi ta katekisa a bito ga wena
kala kupinzuka ni kala kupinzu-
ka.
- 2 Wonklelele masiku nzi ta klakusa
wena :
Na nzi ta dumisa a bito ga wena ka-
la kupinzuka ni kala kupinzuka.
- 3 Ngwahombe Jehova, a dumiswe hi
kukulisilweko ;
Ni wukulu ga yena gi hi gi nga hlo-
liwiko.
- 4 A zizukulwana xinwe xi taba nyibo
hi mitiro ya wena a ka xinwani,
Na xi ta klaklambuta a zimaho za
wena za ntamo.
- 5 Ka kungangamelisisa ka wukosi ga
kudzunziwa ka wena,
Ni mitiro ya wena yi hlamalisako,
nzi ta gugutsela.
- 6 Ni banhu ba ta wulawula hi zimaho
za ntamo za wena zi cabekako ;
Na mina nzi ta klaklambuta a wu-
kulu ga wena.
- 7 Bona ba ta tsawutela a zikumbuxeto
za wena za kusasekisisa ka wena
ku kulisilweko,
Na ba ta yimbelela a kululamisisa
ka wena.
- 8 Jehova ngwa wuxinji, ni titralo ;
A nonokako a kuzangara, ni kura-
nzakawunene ga hombe ga yena.
- 9 Jehova i sasekile ka bonkle ;
Ni kuranza ka titralo ta yena ku le
hehla ka mitiro ya yena yonkle.
- 10 Yonkle a mitiro ya wena yi ta nyika
a kubonga a ka wena, O Jehova ;
Ni ba kubasa ba wena ba ta katekisa
wena.
- 11 Bona ba ta wulawula hi wukosi ga
mufumo wa wena,
Ba ta wulawula hi ntamo wa wena ;
- 12 A ku tibekisa a ka barisanyana ba
banhu mitiro ya yena ya ntamo,
Ni wukosi ga wukulu ga mufumo
wa yena.
- 13 A mufumo wa wena wu hi mufumo
wa kupinzukelisilweko,

Ni mufumo wa wena wu simamile
kala ka zonkle a zizukulwana.

- 14 Jehova a kamukelako zonkle lezo zi
wako,
Ni kuvuxa bonkle labo ba korami-
swako lahasi.
- 15 A mahilo ya bonkle ma rinzele wena ;
Wena u nyikako bona a kuga hi xi-
kati xinene.
- 16 Wena u vululako a canja ga wena,
U xurisako a kuxuba ka zonkle zilo
zihanyako.
- 17 Jehova i lulamile a ka tonkle a ti
ndlela ta yena,
Ngwa wuxinji a ka yonkle a mitiro
ya yena.
- 18 Jehova i kusuhani a ka bonkle labo
ba bitanako lehla ka yena,
Ka bonkle labo ba bitanako a ka ye-
na hi ka zinene.
- 19 Yena i ta tatisa a kuxuba ka bona
labo ba cabako yena ;
Yenawu kambe i tazwa a kurila ka-
bye i ta hanyisa bona.
- 20 Jehova a lonzowotako bona labo ba
ranzako yena ;
Kanilezi bonkle a bakubiha yena i ta
lobisa.
- 21 A nomu wa mina wu ta wulawula a
kudumisa ka Jehova ;
Nga yonkle a nyama yi katekisa a
bito ga yena go basa kala kupi-
nzuka ni kupinzuka.

LISIMU 146.

- 1 Dumisani nwina Jehova.
Dumisa Jehova, O muhefemulo wa
mina.
- 2 Laha na nza ha hanya nzi ta dumisa
Jehova :
Nzi ta yimbelela a kudumisa a ka
Nungungulu laha nza ha hiko ko-
na.
- 3 U nga beki a kutsumba ka wena a
ka tihosana,
Ge ni ka barisanyana ba banhu, a ka
bona ku nga hiko kona a kuvuna.
- 4 A muhefemulo wa yena wa huma, i
klelela a misabeni ya yena ;
A ka lezo wonklelele a masiku a ku-
alakanya ka yena ku mbeimbako.
- 5 I xalalisilwe loye a na nga na Nu-
ngungulu wa Jakobe akuba a ku-
vuna ka yena,
Loye a kutsumba ka yena ku na nga
ka Jehova a Nungungulu wa ye-
na :
- 6 Loye a mahileko a tilo ni misaba,
A bimbi ni zonkle lezo zi nga ka zona ;

- Loye a hlayisako a sinene kala kupi-
nzuka ;
7 Loye a tsanzako a nongametiso ka
ba tsimbeketilweko ;
Loye a nyikako a kuga ka ba zwako
ndlala,
Jehova a klatlakako a ba kotsilweko ;
8 Jehova wa vulula a mahlo ya ziku-
mu ;
Jehova a vuxako bona labo ba kora-
misilweko lahasi ;
Jehova wa ranza ba lulamileko ;
9 Jehova a lonzowotako a tinzhubeti ;
Yena a kamukelako a bana ba zisi-
wana ni noni ;
Kanilezi a ndlela ya bakubiha a yi-
renzeletako yi ku gangatsala.
10 Jehova i ta fuma kala kupinzuka,
Nungungulu wa wena, O Zion, a
ka zontle a zizukulwana.
Dumisani nwina Jehova.

LISIMU 147.

- 1 Dumisani nwina Jehova ;
Hakuba kona ku hi kusasa a ku yi-
mbelela a kudumisa a ka Nungu-
ngulu wa hina ;
Hakuba kona i kwatsi kudumisa ka
nyalidede.
2 Jehova a akako a Jerusalema ;
Yena a tsombanyisako a katigizwe
bonkle a ba hoxilweko ba ka Isra-
eli.
3 Yena a hanyisako a ba tsobekileko
mbilwini,
Ni bohelela a timbanga tabye.
4 Yena a hlayako a tsengo wa tinyeleti ;
Yena a bitanako tona tonkle hi ma-
bito ya tona.
5 Nja hombe a Hosi ya hina, ngwa ho-
mbe a ntamo wa yena ;
A kupimisisa ka yena ku hi ku nga
mbetekiko.
6 Jehova a kamulekalako ba tsobeke-
lako ;
Yena a nehako a bakubiha lahasi li-
ranzabyeni.
7 Yimbelelani a ka Jehova hi kunyi-
kakubonga ;
Yimbelelani a kudumisa hehla ka xi-
tende a ka Nungungulu wa hina,
8 Loye a fenengetileko a matilo hi ma-
refu ya yena,
Loye a longiseleleko a vula ya misa-
ba,
Loye a mahako a byanyi gi kula he-
hla ka zitsunga.
9 Yena a nyikako a xihari a kuga ka
xona,

[Sheetswa.]

- Ni ka mavinyani ya zikunguwe lawo
ma rilako.
10 Yena a nga xalalisiswiko hi ntamo
wa haxi :
Yena a nga tekiko a kuxaxalala hi
milenge ya munhu.
11 Jehova wa teka a kuxalala ha bona
labo ba cabako yena,
A ka labo ba tsumbako kuranzeni ka
wunene ga yena.
12 Dumisa Jehova, O Jerusalema ; du-
misa a Nungungulu wa wena, O
Zioni,
Dumisa a Nungungulu wa wena, O
Zioni.
13 Hakuba i tiyisetile a zikwinyaro za
tibati ta wena :
Yena a katekisile a banana ba xikare
ka wena.
14 Yena a mhako a kurula mimbanga-
nweni ya wena ;
Yena a tatisako wena hi kunanase-
lwa ka mabele.
15 Yena a rumelako a kuleletela ka ye-
na hehla ka misaba ;
A mhaka ya yena yitsutsuma hi ma-
zambu.
16 Yena a nyikako a mbera kwatsi i
woya ;
Yena a hangalasako a xibabe ku fa-
nana ni kuma.
17 Yena a hoxako a xibabe kufanana
ni zikluwu :
Himani a nga yimako mahlweni ka
xirami xa yena ke?
18 Yena a rumelako a mhaka ya yena,
ni ku nyekisa zona :
Yena a hoxako a mheho ya yena a
kububutsa, ni mati ma kulunga.
19 Yena a kombisileko a mhaka ka Ja-
kobe,
A zilayelo za yena ni ziyimiso za ye-
na a ka Israeli.
20 Yena i wa nga mahangi lezo ni ka
wihi a mufumo ;
Na kwatsi hi ziyimiso za yena, bona
a ba tibangi zona.
Dumisani nwina Jehova.

LISIMU 148.

- 1 Dumisani nwina Jehova.
Dumisani nwina Jehova hi le mati-
lweni :
Katekisani yena le kuzlakukeni.
2 Dumisani yena, nwenkle a tingelosi
ta yena :
Dumisani yena, nwenkle mabandla
yakwe.
3 Dumisani nwina, gambo ni hweti :

- Dumisani yena *nwina* tinyeleti ta kuwonekela.
- 4 Dumisani yena, *nwina* matilo ya matilo,
Na *nwina* a mamati laya ma nga le hehla ka matilo.
- 5 Nga bona ba dumisa a bito ga Jehova;
Hakuba i lo leletela, na zona zi wa lo bangiwa.
- 6 Yena kambe i yimisile bona kala kupinzuka ni kupinzuka,
Yena i mahile a hungu lego gi ta nga kala kuhunza.
- 7 Dumisani Jehova hi le misabeni,
Nwina bangunzulume ba bimbi ni kueta konkle;
- 8 A nzilo ni vula ya maribyana, ni mbera ni kurukurwani;
A mheho ya xihuhuri, a kutatisa a mhaka ya yena.
- 9 A zitsunga ni yonkle mitsuri;
A tisinga ti tralako ni tonkle tise-dare;
- 10 A zihari ni tonkle a tihomu;
A zilo zokokakokako ni zinyanyani zi bahako;
- 11 A tihosi ta misaba ni bonkle banhu;
A tihosana ni bonkle balamuli ba misaba;
- 12 Bonkle a majaha ni mibulwa;
A zikosana ni banana.
- 13 Nga bona ba dumisa a bito ga ka Jehova;
Hakuba a bito ga yena goce gi klakusileweko;
Ni wukosi ga yena gi le hehla ka misaba ni matilo.
- 14 Na yena hi yena a klakusileko a mhonzo la banhu ba yena,
A kudumisa ka bonkle bobasa ba yena;
Bona a banana ba ka Israeli, a banhu ba nga kusuhani ka yena,
Dumisani *nwina* Jehova.

LISIMU 149.

- 1 Dumisani *nwina* Jehova,
Yimbelelani a ka Jehova a lisimu liswa,
Ni kudumisa ka yena tsombenweni wa ba basileko.
- 2 Nga Israeli a tsaka a ka yena loye a mahileko yena;
Nga a banana ba ka Zioni ba be ba tsakisileweko a ka Hosi yabye.

- 3 Nga bona ba dumisa a bito ga yena le kukineni;
Nga bona ba yimbelela a kudumisa ka hi tingomana ni timbila.
- 4 Hakuba Jehova wa teka a kuxalaliswa a ka banhu ba yena;
Yena i ta mburisisa a ba koramekileko hi hanyiselelo wa yena.
- 5 Nga a ba basileko ba kukumuxwa hi wukosi;
Nga bona ba yimbelela a litsako hehla ka mubedi yabye.
- 6 Nga a kudumisa kuklakukileko ka Nungungulu ku hi milonwi yabye,
Ni supado yi trotikileko canjeni gabye;
- 7 A ku tsanza a potelelisiso hehla ka mifumo,
Ni peziselelisiso hehla ka banhu;
- 8 A ku boha a tihosi tabye hi manganje,
Ni ba hombe babye hi tisinga ta siketse;
- 9 A kutsanza hehla ka bona a kulamulisisa ku tsalilweko;
A kudzunziwa ba nako bonkle bobasa ba yena.
Dumisani *nwina* Jehova.

LISIMU 150.

- 1 Dumisani *nwina* Jehova.
Dumisani Nungungulu lomo ndlwinini ya yena ya kubasa:
Dumisani yena lomo mbinganweni wa ntamo wa yena.
- 2 Dumisani yena hi zimaho sa yena sa ntamo:
Dumisani yena kukotisa hi wukosi ga wukulu ga yena.
- 3 Dumisani yena zinwe hi guwa ga punzu;
Dumisani yena hi timbila ni site-nde.
- 4 Dumisani yena hi tingomana ni kukina:
Dumisani yena hi wucenje ga tingo-ti ni makoinbela.
- 5 Dumisani yena hi kuvumavuma ka tingoma:
Dumisani yena hi kugidibela ka kudzinzadzinsa ka zikulu.
- 6 Nga a zilo zonkilele lezo si na nga ni muhefemulo si dumisa Jehova.
Dumisani *nwina* Jehova.

A MABINGU.

XIPIMO 1.

- 1 A mabingu ya ka Solomoni a nisa-nyana wa Davida, a hosi ya ka Israeli :
- 2 A kutiba a tibisilelo ni gonziselelo ; A kuklamusa a timhaka ta pimiselelo ;
- 3 A kuamukela a kutiba ku anzileko, Hi ka kululamisisa ni nongametiso ni kulongetwa ;
- 4 A ku nyika a wucunguhungu ka tinzhumulo, A ka banhu baswa a kutibisisa ni kulongametisisa :
- 5 Kasi a munhu wa kutibisisa i fela a kuzwa, ni ku enzelekela zigonzweni ;
Ni lezaku a munhu wa kutibisisa wa fela a kukangatela a wusungukati gi longamileko :
- 6 A kupimisisa a kulingula, ni matimu, A timhaka ta kutibisisa, ni kuwula ka tona kufihleleko.
- 7 A kucaba Jehova hi kusangula ka kutibisisa ;
Kanilesi a xipumbu xa nyenya a kutibisisa ni zigonziselelo.
- 8 Nisanyana wa mina, zwana a zigonziselelo za dadani wa wena, U nga tsike a nayo wa mamani wa wena :
- 9 Hakuba kona ku taba nzhambanana wa kungatso wa wuxinji hlokweni ya wena,
Ni mangelje kolweni wa wena.
- 10 Nisanyana wa mina, loku a baonhi ba ku kucetela,
U nga be na ku vumela.
- 11 Loku bona ba wula, Ngona zinwe na hina,
Nga hina hi ongozela a nkata ;
Nga hina hi vumbama kufihlalani hi ba nga hiko na nanzu hi ku nganyawuli :
- 12 Nga hina hi kwilikwinza bona na ba banya kwatsi i Xeole,
A mitsumbu, kwatsi hi bona labo ba relelako le marinzini ;
- 13 Hi ta kuma yonkle a nhunzu ya malongo ;

- Hi ta tatisa a tindlu ta hina hi mufulo ;
- 14 U ta klangana a wutsumbu ga wena ka hina ;
Hina honkle hi ta ba ni kwama muwe :
 - 15 Nisanyana wa mina, u nga fambi wena ndleleni zinwe nabo ;
Susa a konzo wa wena le ndleleni ya bye :
 - 16 Hakuba a mikonzo yabye yi tsutsumela kubiheni,
Na bona ba mahile a xihakla a khalata a nkata.
 - 17 Hakuba hi ku nga nyawuli a likoka li andlalilwe
A kuwoneni ni ka xihhi a xinyanyani :
 - 18 Ni laba ba ongozela a nkata wa bona benyi ;
Bona ba vumbama hi kufihlilweko ba sungwa hi wutomi ga bona benyi.
 - 19 Zingaho a tindlela ta bonklelele labo ba na nga ni mahlomi hi kupanga ;
Kona ku teka a wutomi ga benyi ba kona.
 - 20 A kutibisisa ka bitana kubahungu le pangweni ;
Kona ka tsawutela a gezu ga kona wutsanweni ga lahandle ;
 - 21 Kona kubitana wutsanweni ga hombe ga gotsobanyano ;
Le wuengenweni ga tiningangwa,
Lomo mutini, kona ka tsawutela a timhaka ta kona :
 - 22 Ku ta longoloka ku kuyini, nwina tinzhumulo, mu ta renza a wunzhumulo ga nwina ke ?
Ni batseketseli ba xalaliswa hi tseketselisiso,
Ni zipumbu zi benga a tibisiso ke ?
 - 23 Klelani nwina a peziselelweni wa mina :
Langutani, mina nzi cela a moya wa mina hehla ka nwina ;
Na mina nzi ta maha ti tibekana a timhaka ta mina a ka nwina.
 - 24 Hakuba mina nzi bitanileko, nwina mu alileko ;
Nzi nawulutile a canja ga mina, a nga kona a munhu a katalako :

MABINGU. 2.

- 25 Kanilezi *nwina* mu *hanahanisile* go-
nkle a *wusungukati* ga *mina*,
Na mu nga *ranzangi* na *wihi* a *pezi-*
selelo wa *mina*;
 - 26 *Minawu* nzi ta *hleka* hi ka *siku* ga
hlokiselelo ya *nwina*;
Minawu nzi ta *tseketsela* laha na *ca-*
wo wa *nwina* *wu* tako;
 - 27 *Laha* a *cawo* wa *nwina* *wu* tako
kwatsi i *bubutsa*,
Ni *laha* a *hlokiselelo* ya *nwina* yi
tako *kwatsi* i *xihuhuri* xa *mhe-*
ho;
Laha a *tikuruxu* ni *kuketa* kutako
hehla ka *nwina*.
 - 28 *Zonake* bona ba ta *bitana* a ka *mina*,
kanilezi nzi nga ta *hlamula*;
Zonake bona ba ta *hlota* *mina* hi
kupangamisisilweko,
Kanilezi bona ba nga ta nzi kuma
mina.
 - 29 *Hakuba* lezo bona ba *bengako* a ti-
bisiselelo,
Na ba nga *hlawulangi* a *xicabyo* xa
Jehova,
 - 30 *Bona* a ba *mahangi* na *gizwe* ga
wusungukati ga *mina*,
Bona ba *nyenyile* yonkle a *pezisele-*
lo ya *mina*;
 - 31 *Hikwalaho* bona ba *taga* a *mihanzo*
ya *ndlela* ya bona *benyi*,
Na ba hi ba *tatisilweko* hi *gugeguje*
ga bona *benyi*.
 - 32 *Hakuba* a *kukungubanyeka* ka ti-
nzhumulo ku ta *lobisa* bona,
Ni ku nga *kataleli* ka *zipumbu* ku
ta *lobisa* bona.
 - 33 *Kanilezi* loye a *zwako* a ka *mina* i ta
aka *kupoeni*,
I ta *rutisa* a nga be na ku *caba* ku-
biha.
- XIPIMO 2.
- 1 *Nisanyana* wa *mina*, *loku* wena u
ta a *amukela* a *timhaka* ta *mina*,
Ni *kubekela* a *mileletelo* ya *mina* a
ka wena;
 - 2 *Zingaho* akuba u *pumunha* a *ndlebe*
ya wena a *kutibisiseni*,
Ni *kukangatela* a *mbilu* ya wena
kupimisiseni;
 - 3 *Ina*, *loku* wena u *rila* u *laba* a *kuhla-*
muselwa,
Ni *kuhlakusa* a *gezu* ga wena u *laba*
a *kupima*;
 - 4 *Loku* wena u *hlota* *kona* *kwatsi* i
siliva,
Ni *kuhlota* *kona* *kwatsi* i *tsomba* yi
hhlilweko;
 - 5 *Zonake* wena u ta *pimisisa* hi *xica-*
byo xa ka *Jehova*,
Ni ku kuma a *kutibisisa* ka *Nungu-*
ngulu.
 - 6 *Hakuba* *Jehova* wa *nyika* a *kutibi-*
sisa;
Hi le *kanwini* ka yena ka *huma* a
kutibisisa ni *kupimisisa*;
 - 7 Yena a *bingeretelelako* a *kutibisisa*
kunyawulako ka ba *longamileko*;
Yena i hi *xiklangu* xa *labo* ba *famba-*
ko hi *kulongeta*;
 - 8 *Lezaku* kasi wa *fela* *kurangela* a
mipfukla ya *nongametiso*,
Ni *kulonzowota* a *ndlela* ya ba *basi-*
leko ba yena.
 - 9 *Zonake* wena u ta *pimisisa* hi *kulu-*
lamisisa ni *nongametiso*,
Ni *kulongama*, *ina*, ni *yonklelele* a
mipfukla *yinene*.
 - 10 *Hakuba* a *kutibisisa* ku ta *engena*
mbilwini ya wena,
Ni *wuklari* gi ta *zumba* *muhefemu-*
lweni wa wena;
 - 11 A *kulongetisiswa* ku ta *rinzela* *he-*
hla ka wena;
Ni *kupimisisa* ku ta *hlayisa* wena;
 - 12 A *kuhlaklisa* wena le *ndleleni* ya ku-
biha,
Le ka *banhu* *labo* ba *wulawulako* a
zilo za *kohlakalo*;
 - 13 *Labo* ba *tsikako* a *mipfukla* ya ku-
longamisisa,
A ku *famba* le *ndleleni* ya *munya-*
ma;
 - 14 *Labo* ba *bumako* hi ku *maha* *kubi-*
ha,
Ni *kuxalaliswa* hi *kohlakalisiso* ya
kubiha;
 - 15 *Labo* ba *gombonyekileko* *tindleleni*
tabye,
Ba su ku *njenjereka* a *mipfukleni*
yabye;
 - 16 A *kuhlaklisa* wena a ka *wasati* wa
mupfumba,
Kona a ka yena a wa *matiko* loye a
nga ni *timhaka* ti *lapitako*;
 - 17 *Loye* a *tsikako* a *mungana* wa *wu-*
swa ga yena,
A *kohlwako* hi *xivumelwano* xa
Nungungulu wa yena;
 - 18 *Hakuba* a *yindlu* ya yena yi *conela*
le *kufeni*,
Ni *mipfuklana* ya yena le ka *bafile-*
ko;
 - 19 A nga *kona* loye *ayako* ka yena a
ha *wuyako* *kambe*,
Ge *cima* bona a ba *kangateli* a ka ti-
ndlela ta *wutomi*;

MABINGU, 3.

- 20 **Lezaku kasi wena wa fela a ku famba a ndleleni ya banhu ba nene, Ni kuhlayisa a ndlela ya ba lulamileko.**
- 21 **Hakuba a ba longamileko ba ta aka lomu tikweni. Ni ba mbeleleko ba ta sala a ka gona.**
- 22 **Kanilezi a ba kubiha ba ta tsenwa lomu tikweni, Ni bamahlebo ba tsuwulwa a ka gona.**

XIPIMO 3.

- 1 **Nisanyana wa mina, u nga ribakelwi a nayo wa mina; Kanilezi nga a mbilu ya wena yi hlayisa a zileletelo za mina:**
- 2 **Hakuba a kunabalata ka masiku, ni malembe yu wutomi, Ni kurula, kona ku ta engetela a ka wena.**
- 3 **Nga a wunene ni zinene zi nga tsiki wena: Boha kona nhanweni ya wena; Tsala kona timbileni ta mbilu ya wena:**
- 4 **Zingaho wena u ta kuma a tomo ni kupimisisa kunene A kuwoneni ka Nungungulu ni banhu.**
- 5 **Tsumba Jehova hi mbilu ya wena yonkle. U nga kegele kupimeni ka wena nwinyi:**
- 6 **A ka tonkle a tindlela ta wena vumela ha yena, Na i ta luleka a mipfukla ya wena.**
- 7 **U nga be na wutibi a mahlweni ya wena nwinyi; Caba Jehova, u suka kubiheni:**
- 8 **Kona kutaba wutomi lomu misheni ya wena, Ni kunara marambyini ya wena.**
- 9 **Dzunza Jehova hi nhunzu ya wena, Zinwe ni matewula ya konkle a kupfuna ka wena:**
- 10 **Zingaho a tindlu ta wena ti ta kubingeretela ti ta tatiswa hi pfuno, Ni mapipa ya wena ma ta kulunga hi waini giswa.**
- 11 **Nisanyana wa mina, u nga nyenyi a tsayiselelo wa ka Jehova; Ge ni kukarala hi peziselelo wa yena:**
- 12 **Hakuba loye Jehova a mu ranzako wa mu pezisa, Hambu kona kukota a dadani a nisanyana loye a xalaliswako ha yena.**

- 13 **Nditsako a ka munhu loye a kumileko a kutibisisa, Ni ka munhu loye a kumako a kupimisisa.**
- 14 **A ku kuma kona i binzu ku hunza a kubinzula a siliva, Ni malongo ya kona kuhunza a nzalama yi nyekisilweko.**
- 15 **Kona ku hi malongo nguvu a ku hunza a zinjaninjani: A ku kona ni xilo lexo wena u nga xi xubako xi nga ringako na kona,**
- 16 **A kunabalata ka masiku ku lomo canjeni ga kona ga xinene; A ka canja ga kona ga xibaba ku kona kufuma ni kudzunziwa.**
- 17 **A tindlela ta kona tindlela ta kutangaliswa, Ni yonkle a mipfukla ya kona kurutisa.**
- 18 **Kona ku hi a sinye ya wutomi a ka bona labo ba komileko hehla ka kona: Nditsako a ka bonklelele labo ba gongolako kona.**
- 19 **Jehova hi kutibisisa i lo banga a misaba; Hi kupimisisa i lo yimisa a matilo.**
- 20 **Na hi kutibisisa ka yena a kueta ku lo kuheka, Ni marefu ma donela lahasi a nzo-kati.**
- 21 **Nisanyana wa mina, nga kona ku nga suki le mahlweni ya wena; Ku hlayisa a kutiba kunene ka kulongetwa:**
- 22 **Zingaho kona ku taba a wutomi ka muhefemulo wa wena, Mbuxinji nhanweni ya wena.**
- 23 **Zonake wena u ta famba le ndleleni ya wena hi kuponisilweko, Ni konzo wa wena a wu nga ta retemuka.**
- 24 **Laha wena u ekleleko lahasi, wena u nga ta caba: Ina, wena u ta eklele lahasi, ni wurongo ga wena gi ta tsombela.**
- 25 **U nga cabi hi cawo wa xitsuketi, Ge ni ku hahluka ka bakubihla, laha na kuta:**
- 26 **Hakuba Jehova i taba a kutsumba ka wena, I ta hlayisa a konzo wa wena akuba wu nga tekiwi.**
- 27 **U nga kobeti a kusasa a ka bona labo ku faneleko, Laha na ku hi lomo a ntanweni wa wena a ku maha kona.**

MABINGU, 4.

- 28 U nga wuli ka mu akelwane wa wena, Famba, ni kuta kambe, Na manziko mina nzi ta ku nyika ; Laha wena na u hi zinwe na zona wena.
- 29 U nga mahi a gujegu je ga kubiha u vukela a mu akelwane wa wena, Na u wona lezaku yena i aka hi kuponisi lweko ha wena.
- 30 U nga holobi na munhu hi lahandle ka nanzu, Loku yena a nga mahangi wena na mhango.
- 31 U nga hi ni wukuxu wena a munhu wa kulo, U nga hlawuli ni yihi ya tindlela ta yena.
- 32 Hakuba a kukohlakala ku manyalaniso a ka Jehova ; Kanilezi a wuxaka ga yena gi zinwe ni ba longamileko.
- 33 Ni kurukatela ka Jehova ku le ndlwi ni ya ba kubiha ; Kanilezi yena i katekisa a kuaka ka ba balulamileko,
- 34 Hakunene yena wa tseketsela a ka ba tseketseli ; Kanilezi yena i nyika a wuxinji ka ba koramekileko.
- 35 A batibisisako ba taga a tsomba ya wukosi ; Kanilezi a tingana ku taba a klakuseliso wa ba zipumbu.

XIPIMO 4.

- 1 Zwana, barisanyana ba mina, A zingonziselelo za dadani, Ni ku katalela a pimiselelisiso ;
- 2 Hakuba mina nzi nyika wena a xigonzozo xinene ; U nga tsiki wena a nayo wa mina
- 3 Hakuba nzi wa hi a nisanyana a ka dadani wa mina, Nzi hi mbhugana, nzi hi a ranzekako kuwoneni ka mamani wa mina.
- 4 Na yena i gonzisile mina, na a te ngalo ka mina : Nga a mbilu ya wena yi kangatela a timhaka ta mina ; Hlayisa a mileletelo ya mina, u hannya ;
- 5 Teka a tibiselelisiso, teka pimiselelisiso ; U nga ribakeli, Ge hambu ni kuabarela le ka timhaka ta nomu wa mina ;
- 6 U nga hlongoli kona, kona ku ta ku lonzowota wena ;

- Ranza kona, kona ku ta lonzowota wena.
- 7 A kutibisisa ku hi xilo xitibekanako, hikwalaho kuma kutibisisa ; Ina, ni kukuma ka wena kontle kuma a kupimisisa.
- 8 Klakusa kona, na kona ku ta humelalisa wena ; Kona ku ta neha wena kudzunziweni, laha na wena u angatelele kona.
- 9 Kona ku ta nyika a hlokwani ya wena a nzhambyanana wa wuxinji ; A xidlodlo xa wumbhuri kona ku ta nyika wena.
- 10 Zwana, O nisanyana wa mina, u amukela a kuwula ka mina ; Ni malembe ya wutomi ga wena ma taba manyingi.
- 11 Mina nzi gonzosile wena lomo ndleleni ya kutibisisa ; Ni rangele wena lomu ndleleni ya kulongametisisa.
- 12 Laha na wena u fambako, a kukanziyela ka wena ku nga ta manyiwa ; Ni laha wena u tsutsumako, wena u nga retemuka.
- 13 Komisisa a gonziselelo ; nga kona ku nga suki ; Hlayisa kona ; hakuba kona mbutomi ga wena.
- 14 U nga engeni lomo pfukdeni wa babihileko, U nga fambi lomu ndleleni ya banhu ba kuonha.
- 15 Nyenya yona, u nga hunzi hi ka yona ; Hambuka a ka yona, u hunza u famba.
- 16 Hakuba bona a ba okleli, sasaka bona ku maha kubiha ; Ni kuelelela kabye ku tekilwe, sasaka loku bona ba maha munwea kuwa.
- 17 Hakuba bona бага a sibaba sa kubihisisa, Ni kunwa a waini ga wukuxu.
- 18 Kanilezi a ndlela ya ba lulamileko yi kwatsi mayingu ya wuca, Laya ma woningako hi kuenzelekeneko kala gi maha siku gi mbeleleko.
- 19 A ndlela ya bakubiha yi kwatsi munyama ; Bona a ba kutibi laha ba nga retemukako ha kona.
- 20 Nisanyana wa mina, ingisa a ka timhaka ta mina ; Pumunha a ndlebe ya wena kuwuleni ka mina.

MABINGU, 5.

- 21 Nga tona ti nga suki kuwoneni ka wena ;
Hlayisa kona lomo xikari ka mbilu ya wena.
- 22 Hakuba kona mbutomi a ka labo ba kumileko tona,
Ni kuhanya nyameni yabye yonkle.
- 23 Hlayisa a mbilu ya wena hi kutsono-nomitisisa ;
Hakuba hi ka yona kuhuma a xinya xa wutomi.
- 24 Susa kule ni ka wena a nomu wa zidomudomu,
Ni milomu yi kohlakeleko u yi hoxa kule.
- 25 Nga a mahlo ya wena ma su hutsetse ma cuwuka,
Na nga a tisiyi ta tihlo ga wena ti su cuwuka a mahlweni ti cungeta wena,
- 26 Maha a kuringana a pfukla wa mikonzo ya wena,
Na nga tonkle a tindlela ta wena ti hi ti yimisilweko.
- 27 U nga hambuki hi ka ga xinene canja na hi ka ga xibaba :
Susa a konzo wa wena le kubiheni.

XIPIMO 5.

- 1 Nisanyana wa mina, ingisa a ka kutibisisa ka mina ;
Pumunha a ndlebe ya wena kupimisiseni ka mina :
- 2 Kasi wena wa fela a kulonzowotela a kulongetisiswa,
Lezaku kasi a milomu ya wena yi fela kuhlayisa a kutibisisa.
- 3 Hakuba a milomu ya sati wa mupfumba yi dona a wulombe,
Ni kanwini ka yena kukulutela kuhunza a mafura :
- 4 Kanilezi kugumelweni yena wa ketsetela kuhunza a kungu,
A kariha kwatsi hi supado yi trotikileko.
- 5 A mikonzo ya yena yi relela lahasi kufeni ;
Ni wukanziyelo ga yena gi komelela le Xeole ;
- 6 Zingaho lezaku yena a nga kumangi a ndlela yi eceneko ya wutomi ;
A ndlela ya yena yo guklagukla, na yena a nga yi tibi.
- 7 Makunu hikwalaho, barisanyana ba mina, ingisa a ka mina,
U nga suki le timhakeni ta nomu wa mina.
- 8 Susa a tindlela ta wena kule a ka yena,

- U ngati kusahani le libatini la yindlu ya yena ;
- 9 U nga taku wena u nyika a kudzunzwa ka wena a ka bazwani,
Ni malembe ya wena a ka batitseku ;
- 10 Ku nga taku a mupfumba a tatiswa hi ntamo wa wena,
Ni ntamo wa wena wu be le ndlwini ka wa matiko,
- 11 Na wena u rila le kugumeseni ka kugumelwa ka wena,
Laha a nyama ya wena ni miri wa wena wu lobyiswa,
- 12 Uku, Nzi wa bengela yini a zigonziselelo,
Ni mbilu ya mina yi nyenyile a pezi-selelisiso ;
- 13 Ge mina a nzi ingisangi a gezu ga bagonzisi,
Ge ni kupumunha a ndlebe ya mina ka bona labo ba nga wa gonzisile minal
- 14 Mina nzi wa hi kusahani nguvu ni konkle a kubiha
Ni lomo xikari ka tsombano wa hle-ngeletano.
- 15 Nwana a mati le tifukweni ta wena nwinyi,
Ni mamati ma kulungako le hlobyeni ya wena nwinyi.
- 16 Ti wa ta nga a tihlowo ta wena ti hi ti kulungelako lahandle,
Ni micongo ya mati lomo mapangweni ke?
- 17 Nga wona ma hi ya wena wece,
Ma nga hi ya mupfumba loye a nga zia we na wena.
- 18 Nga a tihlowo ta wena ti be ti katekisilweko ;
Ni kutsaka le satini wa wuswa ga wena.
- 19 Kwatsi hi matsune wa mhiti a ranzekako ni trele ya kona yi tengaliso-ko,
Nga a xifuba xa yena xienelisa wena a ka zonkle a zikati ;
Na nga wena u be u nwalatilweko xonkle xikati hi kuranza ka yena.
- 20 Hakuba hi yini u nga ta nga wena, nisanyana wa mina, u be u nwalatilweko hi wasati wa bapfumba,
Ni kuwukarela a xifuba xa bamatiko ke?
- 21 Hakuba a tindlela ta munhu ti le mahlweni ka mahlo ya Jehova ;
Na yena wa kulutela tonkle a tindlela ta yena.
- 22 A kubiha ka yena nwinyi ku ta teka a wa kubiha,

Na yena i ta komiwa hi tingoti ta kuonha ka yena.

- 23 Yena i ta kufa hakuba hi ku vumala a zigonzo ;
Hi kukula ka wupumbu yena i ta su penga.

XIPIMO 6.

- 1 Nisanyana wa mina, loku wena u maha a zinene ka wa akelwane wa wena,
Loku wena u bile a canja ga wena a ka mupfumba ;
- 2 Wena u dembelako hi timhaka ta nomu wa wena,
Wena u tekilwe hi timhaka ta nomu wa wena.
- 3 Maha lezi makunu, nisanyana wa mina, u klaklisa a wutsumbu ga wena,
Na u wona lezaku wena u tile le canjeni ga wa akelwane wa wena:
Famba, u ya koramisa a wutsumbu ga wena, ni kucabelela a muakelwane wa wena ;
- 4 U nga nyiki a wurongo a ka mahlo ya wena,
Ge ni ku kudzehela hi tisiyi ta wena ;
- 5 Klaklisa a wutsumbu ga wena kwatsi i trele ya pfundla le canjeni ga muhloti,
Kwatsi xinyanyane le canjeni ga klamu.
- 6 Famba le ka wusokoti, lolonziwane ;
U ya pima hi tindlela ta gona u kuma a kutibisisa ;
- 7 Legi hambulezi gi nga hiko na hosi, A muwoneleli, kutani mufumeli,
- 8 Ku longisile a kuga ka kona ka laha ximu/wini,
Ku hlengeletele a kuga ka kona le xihulweni.
- 9 Ku ta longoloka ku ku yini na wa ha eklele, nyawulolo ke?
Hi rini u ta nga vuka kueleleni ka wena ke?
- 10 Kasike mburongo gi tsongwani, wa kudzehela kutsongwani,
Wa ha kozile a man/la ya wena kutsongwani u eklela ;
- 11 Zingaho a wusiwana ga wena gi tata ku kota a mupangi,
Ni kulaba ka wena kwatsi hi munhu a hlomileko.
- 12 A munhu a nga faneliko, a munhu wa zigoho,
Hi yena loye a fambako hi nomu wu kohlakeleko ;

- 13 Labo ba tsopetako hi mahlo yabye.
labo ba wulawulako hi mikonzo yabye,

Labo ba mahako a kucungeta hi titiho tabye ;

- 14 Hi ka mbilu ya wihi ku nga ni kohlakalisiso,

Loye a hlebako a kubiha hi kusimamisolweko,

Loye a xwanyako a mubango.

- 15 Hikwalaho a hlokiselelisiso ya yena yi tata hi kutsuketisilweko ;

Hi ka xitsuketi yena i ta tsobyiwa, ni loko ku nga ta kuba na kucunwa.

- 16 Laho ku kona a nklanu wa zilo ni xinwe lezo Jehova a zi bengako ;

Ina, i nklanu ni zimbiri lezo zi nga manyalataniso a ka yena ;

- 17 A mahlo ya matsanza, ni lirimi la mawunwa,

Nicanja lego gi halatako a nkata wu nga hiko na nanzu ;

- 18 A mbilu leyo yi hlebako a gujegu je ga kubiha,

Mikonzo leyo yi tsutsumelako a ku maha za kukohlakala,

- 19 A timboni ta mawunwa ti tsawute-lako a mawunwa,

Loye a xwanyako a mubango xikari ka bamakabye.

- 20 Nisanyana wa mina, hlayisa a kuleletela ka dadani wa wena,

U nga tsiki a nayo wa mamani wa wena ;

- 21 Bohelala kona hi kusimamisolweko hehla ka mbilu ya wena ;

Belela kona nhanweni ya wena.

- 22 Laha wena u fambako, kona ku ta rangela wena ;

Laha wena u eklelako, kona kuta rinzela hehla ka wena.

Ni laha wena u vukako, kona ku ta wulawula zinwe na wena.

- 23 Hakuba a kuleletela i kandiya ; ni nayo kuwonekela ;

Ni kuhlohloswa hi zigonzo i ndlela ya wutomi ;

- 24 A ku hlayisa wena ku le ni wasati wo kubiha,

Le ka wucunguhungu ga tirimi ta bamatiko.

- 25 U nga mbilukeli a wumbhuri ga yena lomu nzeni ka mbilu ya wena,

Ge yena a nga komiwe wena hi tisiyi ta tihlo ga yena.

- 26 Hakuba hi kota ya wuoswi a munhu wa nehiwa le xipanzeni xa zibaba ;

MABINGU, 7.

- Ni xibayi xa hlota a wutomi ga malongo.
- 27 A nga kota a munhu a ku teka a nzilo xifubeni xa yena ke,
Ni tinguwo ta yena ti nga bi ti swileko ke?
- 28 Kutani a nga zi kota a muzwe a ku famba hehla ka makala ya ku hisa ke,
Ni mikonzo ya yena yingacacari ke?
- 29 Zingaho loye a fambako a ka wasati wa akelwane naye;
Kani ngwakuyini a kumbako yena a nga ta kuba a nga bi a pezisilweko.
- 30 A banhu a ba nyenyi a nkamba, laha gona na gi yiba
A kucnelisa a wutsumbu ga yena na a zwile a ndlala:
- 31 Kanilezi loku a kumilwe, i ta klelisc-la hi ka nklanu ni kumbiri;
Yena i ta nyika yonkile a nhunzu ya yindlu ya yena.
- 32 Yena loye a mahako a kubaya ni wasati i haba a kupimisisa:
Loye a mahako a kona a ta nga nga a lobisile a muhefemulo wa yena awinyi.
- 33 A tipanja ni tingana yena i ta zi kuma;
Ni nzukano ya yena yi nga ta su-lwa.
- 34 A wukuxu i zanga ya munhu;
Na yena a nga ta tsika hi siku ga potelisiso.
- 35 Yena a nga ta katala a ka wihi a nzhiho;
Ge yena a nga ta humula a enelisi-lwe,
Hambu wena wa ku nyika a zinyikiwo zo tala.

XIPIMO 7.

- 1 Nisanyana wa mina, hlayisa a timhaka ta mina,
Beketela a kuleletela ka mina zinwe na wena.
- 2 Hlayisa a sileletelo za mina u ta hanya;
Ni nayo wa mina kwatsi i mbhanzo tihlweni ga wena.
- 3 Boha kona tinyaleni ta wena;
Tsala ka hehla ka timbila ta mbilu ya wena.
- 4 Wula ka kutibisisa wena, Wena u makweru wa mina;
Ni ku bitana a kupimisisa i nhombe ya wena:
- 5 Kasi zona zi fela a ku hlayisa wena a ka wasati wa mupfumba,

- A ka wa matiko loye a nyupetako hi kuwulawula ka yena.
- 6 Hakuba le moleni wa yindlu ya mina
Nzi lo cuwuka lahandle hi wutseku ga mina;
- 7 Na mina nzi lo wona xikari ka tinzhumulo,
Mina nzi lo hlohlosa xikari ka baswa,
A lijaha li haba ni kupimisisa.
- 8 A hunzako a tsemakanya a pango kusahani ni yena;
Na yena i lo suka a famba le ndlwini ya yena,
- 9 A ka pumeni, ni gambyeni ga kupe-la,
Xikari ka wusiku ni laha munyameni.
- 10 Ni, languta, laho ku lo klangana naye a wasati
Zinwe ni dledlele ga xibayi, ni mbilu ya mbyori.
- 11 (Yena i na ni bongo ni xikanikani;
A mikonzo ya yena a yi tsami lomo ndlwini ya yena:
- 12 Makunu yena i le mapangweni, makunule wutsanweni ga mihlaho,
Na ongozela a labelela ni ka yahi a mahanzakanya.)
- 13 Zingaho yena a koma yena, ni kutrotra yena,
Na hi ngohe yi nga hiko na tingana i te ngalo ka yena:
- 14 A mipahlelo ya minyikelo ya kuhis-swa yi hi zinwe na mina;
Legisiku mina nzi rihile a zifungo za mina.
- 15 Hikwalaho mina nzi lota kuta kinga wena,
Hi kutsononometisilweko mina nza hlota a ngohe ya wena, na mina nzi kumile wena.
- 16 Nzi andalele a tsatse ga mina hi masangu ya kukatiwa,
Zinwe hi tinguwo ta kasila ga le Gipite.
- 17 Mina nzi nwatsekele a mubedi wa mina
Hi mure, ni aloese, ni kinamone.
- 18 Ngonani, nga hina hi teka a kutala ka hina ka kuranza kala mixweni;
Nga hi tangalisa a wutsumbu ga hina hi liranzo.
- 19 Hakuba a munhu a nga le kaya;
Yena i fambile a lwenzo la le kule:
- 20 Yena i tekile a kwama wa mali zinwe na yena;
Yena i ta wuya le kaya laha nwetini wa hombe.

- 21 **Zinwe** hi kuwulawula kwatsi nguvu
ka yena i mahisa yena-a vumela;
Zinwe kuwulawula kuongako ka mi-
lomu ya yena a su nonohisa a tsi-
mbeketela yena.
- 22 **Yena** a famba a lanzela a tindlela ta
yena ti hlonganileko,
Kwatsi hi kabi leyo yi yako kukla-
byiweni,
Kutani kwatsi hi munwe a raranyi-
lweko hi tisinga ti nga kululeka
ka zipumbu;
- 23 **Kala** a ligalala li klabi li pondlisa a
xibinzi;
Kwatsi hi xinyanyani xi hakliselako
le ziyweni,
Xi nga zi tibi lezaku ga wutomi ga
xona.
- 24 **Makunu** hikwalaho, barisanyana
ba mina, ingisa a ka mina,
Ni ku katalela a ka timhaka ta nomu
wa mina.
- 25 **Nga** ni mbilu ya wena yi nga ha-
mbukeli tindleleni ta yena;
U nga fambi u penga le mipfukla-
neni ya yena.
- 26 **Hakuba** yena i hoxile lahasi a bo ta-
la ba kubazilweko:
Ina, bonkle ba delweko ba yena ti-
nhenha to tala.
- 27 **A yindlu** ya yena i ndlela ya kuya
le Xeole,
Yi relela yiya lahasi a ka yindlu ya
kufa.
- 7 **Hakuba** a nomu wa mina wu ta wu-
lawula a zinene;
A kubihisisa ku hi manyalataniso
milonwini ya mina.
- 8 **Tonkle** a timhaka ta nomu wa mina
ti hi kululamisisa;
Laho a ku kona a xilo xibyekeleko
kutani xi kohlakeleko ka tona.
- 9 **Tona** ti la su dlunya ka ye loye a ti
pimako,
Na ti longamile a ka bona labo ba
kumileko a kutibisisa.
- 10 **Amukela** a gonziselelo ya mina, a hi
siliva;
Ni kutibisisa a ku hunza a nzalama
yi hlawulileko.
- 11 **A** kutibisisa i kwatsi a kuhunza a
mapareli;
Ni zonkle a zilo lezo zi xubekako a zi
na ku ringaniswa na kona.
- 12 **A** kutibisisa ku mahile a kuklariha a
wutsamo ga mina,
A ku kuma a mano ni kulongetisi-
swa.
- 13 **A** ku caba ka Jehova ku hi kubenga
a kubiha:
A matsanza, ni ku ti kukumuxa, ni
ndlela ya kubiha,
Ni nomu wa kohlakaliso, mina nza
zi benga.
- 14 **A** wusungukati gi ka mina, ni kuti-
bisisa ku longamileko:
Mina nzi na ni kupimisisa, nzi na ni
ntamo.
- 15 **Ha** mina a tihosi ta fuma,
Ni tihosana tibanyibo ya nongame-
tiso.
- 16 **Ha** mina a tihosana ta fumela,
A ba dzunzekileko, bona bonkle a
balamuli ba misaba.
- 17 **Mina** nza ba runza bona labo ba ra-
nzako mina;
Ni labo ba hlotako mina hi ntamo
ba ta nzi kuma.
- 18 **A** kufuma ni kudzunzwa ku siawe
na mina;
Ina, a pfuno wu nga gawukisiwiko
ni kululamisisa.
- 19 **A** mihanzo ya mina njatsi ku hunza
a nzalama, ina, kuhunza a nzala-
ma yi nyekisilweko;
Ni binzu ga mina kuhunza a siliva
yi langilweko.
- 20 **Mina** nzi famba hi ndlela ya kulula-
misisa,
A xikari ka mipfukla ya nongame-
tiso;
- 21 **Kasi** nza fela a ku maha labo ba ra-
nzako mina a kuga a tsomba,

XIPIMO 8.

- 1 **A** kutibisisa a kubitani ke,
Ni kupimisisa ka nawuluta a gezu
ga kona ke?
- 2 **Le** hehla ka wutsamo gi klakukileko
le ndleleni,
Laha a tindlela ti klanganako, yena
i yimile;
- 3 **Hi** le klelweni ga tinyangwa, hi wu-
engenweni ga muti,
A kuengeneni ka tibati, yena wa ka-
nyuluka a bitana;
- 4 **A** ka nwina, O babanuna, nza bita-
na;
Ni gezu ga mina gi ka barisanyana
ba banhu.
- 5 **O** nwina tinzhumulo, pimisiani a
wuklari;
Na, nwina zipumbu, nga mu hi ni
mbilu yi pimisisiko.
- 6 **Ingisani**, hakuba mina nzi ta wula-
wula a zilo za wukosi;
Ni kuvulula ka milomu ya mina ku
taba zilo zinene.

Kasi nza fela a ku tatisa a mabako yabye.

22 Jehova i tekile mina a kusanguleni ka tindlela ta yena,
Hi mahlweni ka mitiro ya yena ya kaleloko.

23 Mina nzi wa yimisilwe ku sukela kupinzukelisweni, ku sukela kusangulisweni,
Hi mahlweni na misaba yi nga se kuba kona.

24 Laha ku nga wa nga ku nga hi na kueta, mina nzi wa lo tralwa;
Laha ku nga wa nga hi kona na tihlowo ti velileko hi mati.

25 Hi mahlweni na zitsunga na zi nga se ku yimisiwa,
Hi mahlweni na mitsuri ya ni nga se ku humesiwa;

26 Laho a nga se ku mahile ni misaba, ge kwati,
Ge a hambu a kusangula ka tsuri wa misaba.

27 Laha a nga wa yimisile a matilo, mina nzi wa hi laho:
Laha a nga wa yimisile a ranzani hehla ka ngohe ya kueta,

28 Laha a nga wa mahile a kutiyisa ka marefu le hehla,
Laha a tihlowo ta kueta ti nga wa tiyisetilwe,

29 Laha a nyikako a ka bimbi a mbingano wa gona,
Kasi a mati ma nga hambunyeti a mileletelo ya yena,
Laha a nga wa belela a ziseketelo za misaba;

30 Mina nzi wa hi ka yena kwatsi ngwa nuna wa xitiri;
Mina nzi wa hi kuxalala ka yena ka masiku wonklelele,
Na nzi tsaka xonkle xikati mahlweni ka yena,

31 Ni kubuma a misabeni ya kuaka ka yena;
Ni kuxalala ka mina ku wa hi zinwe ni barisanyana ba banhu.

32 Makunu hikwalaho, barisanyana ba mina, zwana a ka mina;
Hakuba ba katekisilwe labo ba hlalwisa ka tindlela ta mina.

33 Zwana a gonziselelo, u ba utibisisako, U nga ali kona.

34 I katekisilwe a munhu loye a zwako, mina,
A rinzelako a masiku wonklelele le nyangweni ya mina,
A rinzelako le timhanzeni ta tibati ta mina.

35 Hakuba loye a kumileko mina i ku mila a wutomi,
I ta kuma a tomo ga ka Jehova.

36 Loya a onhako a vukela mina i gohetela a muhefemulo wa yena nwyni:
Bonkle labo ba bengako mina ba ranza a kufa.

XIPIMO 9.

1 A kutibisisa kuakile a yindlu ya kona;
Kona ku tsemile a nklanu ni timbiri a timhanze ta kona;

2 Kona ku dele a zihari za kona; kona ku vilinganyisile a waini;
Kambe ku bombisile kambe a meza ya kona;

3 Kona ku rumele a banhwana ba kona;
Kona kubitana le hehla ka wutsamogi klakukileko ga muti;

4 Hi mani a nga nzhumulo, nga yena a hunzulukela leno:
Kwatsi hi ka yena loye nga haba ni kupimisisa, kona ka wula ka yena,

5 Ngonani, mu taga nwina a sibaba za mina,
Ni kunwa ni waini legi mina nzi hakaseleko.

6 Tsikani, ma kungatibi, mu hanya;
Ni kufamba hi ndlela ya kupimisisa.

7 Loya a lulekako a batseketseli i tekela a wutsumbu ga yena a nzhukano;
Yena loye a kawukako a munhu wa kubiha i tekela a wutsumbu ga yena a bawa.

8 U nga kawuki a mutseketseli, a nga taku a benga wena:
Kawuka a munhu wa kutibisisa, i ta ku ranza wena.

9 Nyika a zigonzo ka munhu wa kutiba, i ta engetela kutiba:
Gonzisa a munhu a lulamileko, na yena i ta enzeleka a kugonzeni.

10 A kucaba ka Jehova ku hi kusangula ka kutibisisa;
Ni kutibisisa Loya wa Kubasa i pimiselelisiso.

11 Hakuba ha mina a masiku ya wena ma ta enzelekiswa,
Ni malembe ya wutomi ga wena ma ta anziswa.

12 Loku u nga wena u tibisisa, wena u tibisisela a wutsumbu ga wena;
Ni loku wena u tseketsela, wenawu wece u ta rwala kona.

- 13 A wasati wa xipumbu i bongo ;
Yena xigwela, a nga tibi ncumo.
- 14 Yena wa tsama le libatini la yindlu
ya yena,
Xitsanweni wutsanweni gi klakuki-
leko ga muti,
- 15 A ku bitana a ka bona labo ba hu-
nzako,
Labo ba fambako kwatsi tindleleni
tabye :
- 16 Himani a nga tibiko, nga yena a hu-
nzulukela leno ;
Ni ka yena loye a nga haba ni kupi-
misisa, kona ka wula ka yena,
- 17 A mati ma yibylweko ma nanzihla,
A zibaba zi gilweko kufihlalani sa
xalalisa.
- 18 Kanilezi yena a nga tibi lezaku a ba-
fleko ba kona laho ;
Lezaku a barambelweko ba yena ba
le hasi ka Xeole.
- 9 Yena loye a fambako hi kukulonga-
mileko i famba hi ka zinene ;
Kanilezi loye kohlakalisako a tindlele
ta yena i ta tibiya.
- 10 Yena loye a zunyako hi tihlo i ma-
ha xixaniso ;
Kanilezi a zidomudomu sa xipumbu
i tawa.
- 11 A nomu wa a lulamileko i hlowo ya
mati ya wutomi ;
Kanilezi a kupanga ku valile a no-
mu wa kubiha.
- 12 A libengo li vuxa a kukanetana ;
Kanilezi a liranzo li fenengeta sontle
a zihambunyetiso.
- 13 A milonwini ya yena loye a nga ni
kuhlohlosisa ka kumiwa a kutibi-
si ;
Kanilezi a matloti ma le hlanini wa
yena loye a nga haba a kupimisi-
sa.
- 14 A banhu ba kutibisisa ba bingerete-
la a mano ;
Kanilezi a nomu wa kubiha wu kona
kulobyisweni.
- 15 A pfuno wa munhu a fumileko wu
hi muti wa yena wu gingisilweko :
A kulobisa a zisiwana mbusiwana
gabye.
- 16 A tiro wa a lulamileko wu banga a
wutomi ;
A kuenzelekelana ka wa kubiha,
mbuonhi.
- 17 Yena i le ndleleni ya wutomi loye a
celakokota hi lulekelisiso ;
Kanilezi loye a nyenyako a pezise-
lelisiso wa hambuka.
- 18 Yena loye a fihlako a libengo ngwa
milomu ya mawunwa ;
Ni loye a wulawulako a xihlebo i
xipumbu.
- 19 A ka wudlemo ga timhaka laho a
ku labyiwi a zihambunyetiso ;
Kanilezi loye a komako a milomu
ya yena wa maha hi kutibisisilwe.
- 20 A lirimi la alulamileko ngwa kwa-
tsi siliva gi langilweko :
A mbilu ya wa kubiha i binzu gi tso-
ngwanyani.
- 21 A lirimi la a lulamileko li gisetela a
bo tala ;
Kanilezi a xipumbu xafa hi kuvula
a kupimisisa.
- 22 A kukatekisa ka Jehova, kona ku-
banga a kufuma ;
Yena a nga engeteli a kuranisa ka
kona.
- 23 Kona mafenya ka xipumbu a ku
maha kubihisisa ;

XIPIMO 10.

- 1 A mabingu ya ka Solomoni.
A nisanyana wa kutibisisa i maha
litsako a ka dadani ;
Kanilezi a nisanyana wa xipumbu i
nzwalo ka mamani wa yena.
- 2 A mabako ya kubihisisa a ma bi-
nzuli ncumo ;
Kanilezi a kululamisisa a ku klaklisa
le kufeni.
- 3 Jehova a nga ta vumela a muhefe-
mulo wa a lulamileko wu dawa hi
ndlala ;
Kanilezi yena i hoxa kule a kuxu-
ba ka wa kubiha.
- 4 Yena i maha a xisiwana loye a tira-
ko hi canja ga wudangayi ;
Kanilezi a canja ga tsonameto gi
maha a kufuma.
- 5 Yena loye a tsumbanyiselako laha
ximuzwini i nisanyana wa kuti-
bisisa ;
Kanilezi yena loye a eklelako laha
xihulweni, loye i nisanyana a wi-
sako a tingana.
- 6 A zikatekiso zi le hehla ka hloko ya
balulamileko.
Kanilezi a kupanga ku fenengetile a
nomu wa ba kubiha.
- 7 A kumbuxetelo wa a lulamileko ku
katekiswa ;
Kanilezi a bito ga bakubiba gi ta
cuceka.
- 8 Loye a tibisisako mbilwini i ta amu-
kela a zileletelo ;
Kanilezi a wudomudomu ga xipu-
mbu i tawa.

Zingaho ni kutibisisa a ka munhu wa pimiselaletiso.

24 A kucaba ka wa kubiha, ku ta wela hehla ka yena ;

A kuxuba ka a lulamileko ku ta vumeliswa.

25 Laha a xihuhuri xi hunzako, a wa kubiha a nga ta kuba kona ;

Kanilezi a ka ba lulamileko ku hi xiseketelo xi pinzukelisilweko.

26 Kwatsi i viniga le menweni, ni ku kwatsi i mosi le mahlweni, Zingaho a lolo a ka bona labo ba rumako gona.

27 A kucaba ka Jehova ku nabalatisa a masiku ;

Kanilezi a malembe ya wa kubiha ma ta komanyisiwa.

28 A kutumba ka a lulamileko ku taba a litsako ;

Kanilezi a xubelelisiso ya wa kubiha yi ta mbembiswa.

29 A ndlela ya Jehova i kokola ka a longamileko ;

Kanilezi yona i loyiselelo a ka batri ba zigoho.

30 A lulamileko cima a nga ta tsekatseliswa ;

Kanilezi a wa kubiha a nga ta aka lomu tikweni.

31 A nomu wa a lulamileko wu humesela a kutibisisa ;

Kanilezi a lirimi la kohlakaliso li ta tsenwa.

32 A milomu ya a lulamileko ya ku tiba loku ku amukelekako ;

Kanilezi a nomu wa a bihileko wulawula a kohlakaliseselelo.

XIPIMO 11.

1 A kuringanisa ka mawunwa ku hi manyalatanisiso a ka Jehova ; Kanilezi a lipimo la nongamo i xalaliso.

2 Laha a matsanza matak, zonake ku ta tingana ;

Kanilezi hi ba tikoramisako ku hi kutibisisa.

3 A longetiselelo wa ba longamileko wu ta rangela bona ;

Kanilezi a kohlakaliseseliso ya ba hlebisaisako yi ta lobisa bona.

4 A kufuma a ku vuni hi sikwini ga zanga ;

Kanilezi a kululamisisa ka klaklisa le kufeni.

5 A kululamisisa ka a mbeleleko ku ta luleka ndlela ya yena ;

Kanilezi a wa kubiha i tawa hi kubi-hisisa ka yena.

6 A kululamisisa ka ba longamileko ku ta klaklisa bona ;

Kanilezi a ba hlebisaisako ba tekiwa zigohweni zabye.

7 Laha a munhu wa kubiha afako, a kuxuba ka yena ku ta mbemba ; Ni kutumba ka zigoho ka mbembi-swa.

8 A lulamileko wa klakliswa zikar-tweni ;

Ni wa kubiha ata xikundleni xa yena.

9 Hi nomu wa yena a munhu a nga hiko a wunungungulu i lobisa a muakelwane wa yena ;

Kanilezi hi kutibisisa a lulamileko i ta klakliswa.

10 Laha na ku famba kwatsi hi a lulamileko, a muti wa kunengela ;

Ni laha loku a bihileko a mbemba, laho ku kona a kuhlalela.

11 Hi kukatekiswa ka balulamileko muti wa klakusiwa ;

Kanilezi wona wa hoxiwa hi nomu wa bakubiha.

12 Loye a monyako a muakelwane wa yena i haba a kutibisisa ;

Kanilezi a munhu wa kutibisisa i rutisa a miyela.

13 Loye a fambako a dyela a gujeguje ga timhaka wa vindlula zi fihleleko ;

Kanilezi yena loye a kolekileko wa cibela a timhaka.

14 Laho ku nga hiko kona wa kutibisisa a rangelako, a banhu ba kuwa ;

Kanilezi laho ku na nga kona a wudlemo ga wusungukati laho ku kona a kupona.

15 Loye a tsimbeketelako a mupfumba i ta lamatwa ha kona ;

Kanilezi loye a bengako a tsimbeke-teliso i ponile.

16 A wasati wa wunene i kangatela a kudzunziwa ;

A banhu ba kupanga ba kuma a kupfuna.

17 A munhu wa titralo i maha kusasa ka muhefemulo wa yena zwinyi ;

Kanilezi yena loye wa lunya i karata a muhefemulo wa yena zwinyi ;

18 A wa kubiha i hola a kurihwa kukohlisako ;

Kanilezi loye a xwanyako a kululamisisa i na ni ncacazelo wa zinene.

19 Yena loye a tiki-relako a kululamisiseni i ta ciketela le wutomini ;

- Ni loye a lanzelelako a kubiha i maha kona ku hi kufa ka yena *nwinyi*.
 20 Bona labo ba kohlakeleko mbilwini hi manyalatanisiso a ka Jehova;
 Kanilezi a ba kuba hi laba ba mbeleleko ndleleni yabye ba hi lixalaliso la yena.
 21 Hambulezi a canja gi klanganako le canjeni, a munhu wa kubiha a nga ta kuba a nga be a tsayisilweko;
 Kanilezi a mbewu ya a lulamileko yi ta klakliswa.
 22 Kwatsi hi pera ya nzalama lomu nonhini ya kumba,
 Zingaho a wasati wa mburi loye a nga a kulongamisisa.
 23 A kuxuba ka a lulamileko kusasa ntsena;
 Kanilezi a mbilukelisiso ya wa kubiha tizanga.
 24 Laho ku kona ku hangalakileko, kasike ka ha engetelana kuenzeleka;
 Ni laho ku kona a tsimbetelako ku hunza loku kufaneleko, kanilezi kona ku cela wusiwana.
 25 A muhefemulo wa cihano wu ta pfuniswa;
 Ni loye a tsakamisako i ta tsakamisela a wutsunbu ga yena kambe.
 26 Yena loye a beletelako a mbewu, ni banhu ba rukateka yena;
 Kanilezi a kukatekiswa ku taba hehla ka hloko ya yena a xabisako yona.
 27 Yena loye hi ntamo a hlotako a kusasa i hlota a tomo;
 Kanilezi yena loye a hlotako a kubiha, ku tata ka yena.
 28 Yena loye a tsumbako a kufumeni i tawa;
 Kanilezi a lulamileko i ta bombiswa kwatsi i kluka go nyuka.
 29 Yena loye a karatuko a yindlu ya yena *nwinyi* i taga a tsomba ya mheho;
 Ni xipumbu xi taba a nanza ka loye a tibisisako mbilwini.
 30 A mihanzo ya a lulamileko i mhanzo wa wutomi;
 Yena loye a lulamileko wa pouisa a mihefemulo.
 31 Languta, a lulamileko i ta ncacazelwa laba misabeni;
 Ku talisile kuyini a kubiha ni clonho!

XIPIMO 12.

- 1 Loye a ranzako a kululekiwa i ranza a kutibisisa;
 Kanilezi loye a bengako a peziselelo u hi xibanza.

- 2 A munhu nene i ta kangatela a tomo ga ka Jehova;
 Kanilezi a munhu wa gujegu je ga kubiha i ta koneka.
 3 A munhu a nga ta yimisiwa hi kubiha;
 Kanilezi a mutsu wa a lulamileko wu nga ta tsekatekiswa.
 4 A wasati a faneleko mbukosi ga nuna wa yena;
 Kanilezi yena loye a mahako a tingana ku kwatsi a cucekelliso mara-mbyini ya yena.
 5 A kualakanya ka a lulamileko ku nongamo;
 Kanilezi a zikungo za wa kubiha zi kohliso.
 6 A timbaka ta wa kubiha ti ongosela a nkata;
 Kanilezi a nomu wa balulamileko wu ta klaklisa bona.
 7 Ni bakubiha ba hoxilwe, a ba kona;
 Kanilezi yindlu ya a lulamileko yi ta yina.
 8 A munhi i ta leletelwa kukotisa hi kutiba ka yena;
 Kanilezi loye wa mbilu ya kohlakalo i ta nyenyiwa.
 9 Ngwatsi loye a dzunziwako kuto-ngwani, na a hi ni nanza,
 Ku hunza loye a dzunzako a wutsunbu ga yena, na a vumala ni xibaba.
 10 A munhu a lulamileko wa celakota hi wutomi ga xifuyo xa yena;
 Kanilezi a titralo ti olobanileko ta munhu wa kubiha ti lunya.
 11 Yena loye a rimako a simu ya yena i ta kuma zibaba zo tala;
 Kanilezi loye a lanzelelako a banhu ba nga nyawuliko i haba kupima.
 12 A munhu wa kubiha wa xiba likoka la banhu ba kubiha;
 Kanilezi a mutsu wa a lulamileko wu trala a mihanzo;
 13 A ka zihanyetisiso za milomu i ziyo ka munhu wa kubiha;
 Kanilezi a lulamileko i ta huma zikaratweni.
 14 A munhu i ta eneliswa hi kusasa hi mihanzo yi humako hi le nonwini wa yena;
 Ni zimaho za mandla ya munhu zi ta klakliswa a ka yena.
 15 A ndlela ya xipumbu yi longamile mahlweni ya yena *nwinyi*;
 Kanilezi loye a tibisako wa ingisa a ka wusungukati.

- 16 A kuvunjukelana ka xipumbu ka kutibyiwa hi xilokuloku;
Kanilezi a munhu wa kuklariha wa fihla a tingana.
- 17 Yena loye a tsawutelako a zinene wa kombisa a kululamisisa;
Kanilezi a kustumunyu wa ma wunwa, wa kohlisa.
- 18 Laho ku kona labo ba wulawulako hi kuklotisilweko kufanana ni supado yi voroketako;
Kanilezi a lirimi la a tibisisako li hi wutomi.
- 19 A milomu ya zinene yi ta yimisiwa kala kupinzuka;
Kanilezi a lirimi la mawunwa nya xikatanyana.
- 20 A kukohlisa ku kona a mbilwini ya bona labo ba hlebako a xikungo xo biha;
Kanilezi ka xikungo za kurula ku kona litsako.
- 21 Laho a ku kona a kuonhakala ku ta ngata a ka a lulamileko;
Kanilezi a wa kubiha i ta tatiswa hi kubiha.
- 22 A milomu ya mawunwa manyalatanisiso a ka Jehova;
Kanilezi bona labo ba mahako a zinene ba hi lixalaliso lakwe.
- 23 A munhu wa kuklariha wa fihla a kutibisa;
Kanilezi a mbilu ya xipumbu yi bahungu hi wupupulu.
- 24 A canja ga wa tsonameto gi ta rwalla a nayo;
Kanilezi a lolo gi ta bekwa lahasi ka mikinyabezo.
- 25 A kubinza lomu mbilwini ya munhu ku maha ku petseka;
Kanilezi a mhaka yatsi yi maha yona yi tsaka.
- 26 A lulamileko murangeli ka wa ake-lwane wa yena;
Kanilezi a ndlela ya wa kubiha yi maha bona a hambuka.
- 27 A munhu wa kunonoka a nga woci lezo a zi tekileko le kuhlote-ni;
Kanilezi a malongo ya nhunzu ya banhu ma ka a tsononomatako.
- 28 Ka ndlela ya kululamisisa ku hi wutomi;
Ni pfukla wa ndlela ya kona a ku kona a kufa.

XIPIMO 13.

- 1 A nisanyana a tibisisako wazwa a gonziselelo ya dadani wa yena;

- Kanilezi a mutseketseli a ngazwi a kukawuka.
- 2 A munhu i taga a kusasa hi miha-nzo ya lomo nonwini wa yena;
Kanilezi a muhefemulo wa a hlebisi-sako wu taga a kupanga.
- 3 Yena loye a rangelako a nomu wa yena wa hlayisa a wutomi;
Kanilezi loye a vululako a xinwha-nwha a nomu wa yena i ta ba ni lobyiselelo.
- 4 A muhefemulo wa lolo wa xuba, wu nga zi kumi ncumo;
Kanilezi a muhefemulo wu tsonono-metako wu ta pfuniswa.
- 5 A munhu a lulamileko wa benga a mawunwa;
Kanilezi a munhu wa kubiha mbu lolo, na a koyamiswa tingana.
- 6 A kululama ka rangela yena a lulamileko ndleleni;
Kanilezi a kubihisisa ka hoxa a muonhi.
- 7 Ku kona loye a mahako a wutsumbu ga yena kufuma, kasike na a nga hi na ncumo;
Ku kona loye a mahako a wutsumbu ga yena wusiwana, kasike na a fumile ka hombe.
- 8 A nzhiho wa wutomi ga munhu hi kufuma ka yena;
Kanilezi a xisiwana a xizwi ni kudzukisiwa.
- 9 A kuwonekela ka a lulamileko ku li tsako;
Kanilezi a kandiya ya wa kubiha yi ta timiwa.
- 10 Hi matsanza ka suta a kukanetana koce;
Kanilezi hi wusungukati ku kona ginene mbutibisisi.
- 11 A kufuma loku ku kunwako hi ku nga nyawuli, ku ta nyamalala;
Kanilezi yena loye a hlengelletelako hi kupangama, i taba ni kuenzeleka.
- 12 A kutsumba kunonokako ku maha a mbilu yi babya;
Kanilezi laha a kuxuba ku talo, kona i sinyi ya wutomi.
- 13 Loye a monyako a mhaka i neha a kulobyiswa ka wutsumbu ga yena;
Kanilezi loye a cabako a kuleletela i ta ncacazeliwa.
- 14 A nawo wa a tibisako i hlowo ya wutomi,
Lezaku a munwe a nga suka a panyeni ga kufa.
- 15 A pimisiselelo wunene wu nyika a tomo;

MABINGU, 14.

- Kanilezi a ndlela ye muhambunyeti ya karata.**
- 16 **Bonk'lelele a banhu ba kuklariha ba tira hi kutibisisa ;**
Kanilezi a xipumbu xi byabyatsa a wupupulu wa xona,
- 17 **A tsumi wa kubiha wu wela kubi-heni ;**
Kanilezi a tsukano wu kolekileko mbu tomi.
- 18 **A wusiwana ni tingana zi taba a ka yena loye a alako a kululekwa ;**
Kanilezi yena loye a celako kota hi peziselelo i ta dzunziwa.
- 19 **A kuxuba ku mbetisilweko ka nanziba muhefemulweni ;**
Kanilezi kona manyalataniso a ka zipumbu a ku suka kubiheni.
- 20 **Famba zinwe ni banhu ba tibisisako, wenawu u taba u tibisisako ;**
Kanilezi a wungana hi zipumbu u ta lamatwa ha gona.
- 21 **A kubiha ku lanzela a baonhi ;**
Kanilezi a wa kululama i ta k'lelile-lwa hi kusasa.
- 22 **A munhu wo nene wa siya a tsomba ya yena a ka banana ba banana ;**
Ni kufuma ka wa kubiha ku bingere-telelewe a lulamileko.
- 23 **A kuga ko tala ku le xirinweni xa zisiwana ;**
Kanilezi ku kona labo ba lobyisilweko hi kota ya ku nga longametisi.
- 24 **Loye a tsikako mhika ya yena i be-nga a nisanyana wa yena ;**
Kanilezi loye a ranzako yena a tsayisako yena zinwani zikati.
- 25 **A lulamileko wa ga a kala a xurisa a muhefemulo wa yena ;**
Kanilezi xingwengwe xa wa kubiha xi ta vumala.

XIPIMO 14.

- 1 **Bonk'lelele a babasati ba tibisisako ba aka a tindlu tabye ;**
Kanilezi a xipumbu xa yi tsuwula hi mandla ya yena.
- 2 **Yena loye a fambako hi longameti-selelo wa yena wa caba Jehova ;**
Kanilezi yena loye a kohlakeleko hi tindlela ta yena wa nyenya yena.
- 3 **A ka nomu wa xipumbu i nhonga ya matsanza ya yena ;**
Kanilezi a milomu ya balulamileko yi ta lonzowota bona.
- 4 **Laho ku nga hiko kona a tikabi, a ran-ga gi basile ;**
Kanilezi a kuenzelekelana ko tala ku mahiwa hi ntamo wa kabi.

- 5 **A kustumunyu a kolekileko a nga ta hembra wuna ;**
Kanilezi a kustumunyu wa mawunwa i tsawutela mawunwa.
- 6 **A mutseketseli wa hlota a kutibisa, a nga kumi kona ;**
Kanilezi a kutibisa a kukali ka yena loye a nga ni kupimisisa.
- 7 **Yana a kubakoneni ka munhu wa xipumbu,**
Na wena u nga ta kuma a ka yena a milomu ya kutibisisa.
- 8 **A kutibisisa kaa klarihileko hi kupi-misisa a ndlela ya yena ;**
Kanilezi a wupumbu ga mapupulu kukohlisa.
- 9 **A muniyikelo wa a hambukileko wu tseketsela a zipumbu ;**
Kanilezi xikari ka balongamileko ku kona a wunene kwatsi.
- 10 **A mbilu ya tiba a kubabisisa ka yona zwinyi ;**
Ni mupfumbaa nga na kuengena zi-nwe ni kutsaka ka yona.
- 11 **A yindlu ya wa kubiha yi ta hoxi-wa ;**
Kanilezi a tenta ga a longamileko gi ta bombiswa.
- 12 **Laho ku kona a ndlela yi nge kwatsi kusasa a ka munhu ;**
Kanilezi a kugumelwa ka yona i ndle-la ya kufa.
- 13 **Hambu kona kuhlekeni a mbilu ya xaniseka ;**
Ni kugumelwa ka kutsaka hi kubi-nza.
- 14 **A mukleleli wa le nzako hi mbilwini i ta tatiswa hi tindlela ta yena zwinyi ;**
A munhu wa kasasa i ta eneliwa hi ka yena a wutsumbu.
- 15 **Ni nzhumulo ya kolwa a timhaka tonk'lelele ;**
Kanilezi a munhu a klarihileko wa cuwuka kwatsi kufambeni ka ye-na.
- 16 **A munhu wa kutibisa wa caba, a su-ka kubiheni ;**
Kanilezi a xipumbu xa maha a ka wutsumbu ga xona a kuhulukela, na xi tiyisisa.
- 17 **Yena loye a nga ni xizangazangani i ta maha hi kupupulutilweko ;**
A munhu wa gujegu je ga kubiha wa bengiwa.
- 18 **A tinzhumulo ti taga a tsomba ya wupupulu ;**
Kanilezi a ba klarihileko ba bombisi-lwe hi kutibisisa.

MABINGU, 15.

- 19 A kubiha ku korama lahasi a mahlweni ka kusasa;
Ni wa kubiha, le nyangweni ya a lulamileko.
- 20 A xisiwana xi bengiwa hi yena wa akelwane wa xona;
Kanilezi a fumileko i na ni maxaka yo tala.
- 21 Loye a nyenyako a wa akelwane wa yena wa onha;
Kanilezi yena loye a hawukelako a zisiwana, li tsako a ka yena.
- 22 Kasi a ba hambukangi labo ba kucetako a kubiha ke?
Kanilezi a titalo ni zinene zi taba a ka bona labo ba kucetelako a kusasa.
- 23 A ka konkle a kupangama ku kona a binzu;
Kanilezi a kuwulawula ka milomu kubanga wusiwana goce.
- 24 A kubombiswa ka batibisako ku kufuma ka bona;
Kanilezi a wupupulu ga xipumbu gi tlingana toce.
- 25 A mboni ya zinene yi klaklisa a mihemfemulo;
Kanilezi loye a tsawutelako a mawunwa i sungwa hi kukohlisa.
- 26 A ku mu cabeni Jehova ku kona a kutumba ku tiyileko;
Ni banana ba taba ni wutsamo ga wucabelo.
- 27 A kucaba ka Jehova i ku hlowo ya wutomi,
Kasi a munwe wa fela a kusuka le panyeni ga kufa.
- 28 A ka wudlemo ga banhu mbukosi ga hosi;
Kanilezi kulabyiweni ka banhu i lo-byiselelo wa hosana.
- 29 Yena loye a nonokako kuzangara ngwa pimiselelo ya hombe;
Kanilezi a nga ni moya wa xihakla i kukumuxa wupumbu.
- 30 A mbilu ya kurula makloti mbu tomi ga nyama;
Kanilezi a wukuxu i cucekeliselelo wa marambu.
- 31 Yena loye a tsimbeketako a zisiwana i rukatela a Mumahi wa yena;
Kanilezi yena loye a na nga ni titalo ka bavumalako i dzunza yena.
- 32 A wa kubiha i hoxiwa lahasi ku maheni ka yena ka kubiha;
Kanilezi a lulamileko i na ni wucabelo le kufeni ka yena.
- 33 A kutibisisa ka humula lomu mbi-

[Sheetwa.]

49

- lwini ya yena loye a nga ni kupimisisa;
Kanilezi lezo si nga lomo nzeni ka xipumbu za ta maha ku tibyiwa.
- 34 A kulamisisa ka klakusa a mufumo;
Kanilezi a kuonha kurukatela ni ka bahi a banhu.
- 35 A tomo ga hosi gi ngomama ni na a lego gi mahako hi tibisisileko;
Kanilezi a zanga ya yona yi ta vukela loye a mahako tlingana.

XIPIMO 15.

- 1 A hlamulo wu olobileko wu rengisa a zanga;
Kanilezi lezi a mhaka yo panza wuxezi yi vundlula a zanga.
- 2 A lirimi la wa mano li tsawutela a kutiba kwatsanyana;
Kanilezi a nomu wa xipumbu wu halata zi nga nyawuliko.
- 3 A mahlo ya ka Jehova ma wutsazweni gonklelele,
A rinzile hehla ka kubiha ni kusasa.
- 4 A lirimi li rengileko i sinye ya wutomi;
Kanilezi a kohlakalisiso laho ku kona a kutsoyiwa ka moya.
- 5 A xipumbu xa nyenya a kululeka ka dadani wa yena;
Kanilezi yena loye a katalelako hi kupezisiwa wa kuma a wuklari.
- 6 Le ndlwini ya a lulamileko ku kona tsomba ya hombe;
Kanilezi a kuhola ka wa kubiha zikarato.
- 7 A milomu ya wa mano ya nyenya a kutiba;
Kanilezi a mbilu ya xipumbu a yi mahi zakungaho.
- 8 A mupahlelo wa kubiha yi manyalataniso a ka Jehova;
Kanilezi a mukombelo wa a lulamileko i xaluliso wa yena.
- 9 A ndlela ya wa kubiha yi manyalataniso a ka Jehova;
Kanilezi yena i ranza loye a lanzelako a kululama.
- 10 Laho ku kona a lulekelisiso wu bayisisako a ka loye a tsikileko a ndlela;
Ni ka loye a bengako a kupezisiwa i ta kufa.
- 11 A Xeole ni Abaddon i ku le mahlweni ka Jehova;
Ku ta longoloka ku kuyini zonake a ka timbilu ta banana ba banhu!
- 12 A mutseketseli a nga ranzi akuba a kawukiwa;

769

- Yena a nga ta kuya ka a tibisisako.
- 13 A mbilu yi tsakako yi maha a ngohe yi ku nwalati;
Kanilezi hi kuxaniseka ka mbilu mo-
ya wu be wutsobyilweko.
- 14 A mbilu ya yena loye a na nga ni kupimisisa yi hlota kutiba;
Kanilezi a nomu wa zipumbu wa ge-
la wupupulwini.
- 15 Wonkle a masiku ya a hlokisilweko njo biha;
Yena loye a nga ni mbilu yi xalele-
ko wa su simamisa a buza.
- 16 Gatsi a wutsongo, lego gi nga ni ku-
caba ka Jehova,
Ku hunza a pfuno wa hombe lowo
wu nga ni tikarato.
- 17 Gatsi a kuga ga matsawu, loku ku
nga ku hi ni liranzo,
Ku hunza a kabi yi nonileko ni li-
bengo laho.
- 18 A munhu wa cizangazangani i vu-
njukelisa a kukanetisana;
Kanilezi loye a nonokako a kuzanga-
ra i rengisa a kukanetana.
- 19 A ndlela ya lolo kwatsi libingo la
mizwa;
Kanilezi a pfukla wa a longamileko
wu maha gonzo ga hombe.
- 20 A nlsanyana a tibisisako i maha a
dadani a litsako;
Kanilezi wa xipumbu i nyenya a
mamani wa yena.
- 21 A wupumbu li tsako a ka yena lo-
ye a nga haba a kutiba;
Kanilezi a munhu wa kupimisisa wa
ku maha nunametiso kufambeni
ka yena.
- 22 Laha ku nga hiko kona a wusungu-
kati, a zikungo za ku wiswa a ti-
ngana;
Kanilezi hi ka wudlemo ga wusu-
ngukati labo ku kona ku yimisi-
wa.
- 23 A munhu i na ni litsako hi kuhlamu-
leni ka nomu wa yena;
A mhaka hi xikati xi faneleko, yi
sasekisa kuyini!
- 24 A ka a tibisisako a ndlela ya wutomi
yo ranga le hehla,
Kasi wa fela ku suka le Xeole lahasi.
- 25 Jehova i ta tsuwula a yindlu ya wa
matsanza;
Kanilezi i ta tlyisa a mbingano wa
noni.
- 26 A gujeguje ga kubiha gi hi manya-
lataniso a ka Jehova;
Kanilezi a timbaka tinene ti hlaze-
kile.
- 27 Yena loye a nga ni mahlomi kupi-
nzula i karata a yindlu ya yena
nwinyi;
Kanilezi yena loye a bengako a kuka-
labela i ta hanya.
- 28 A mbilu ya a lulamileko yi gonza a
kuhlamula;
Kanilezi a nomu wa wa kubiha wu
halata a zilo za kubiha.
- 29 Jehova i le kule a ka wa kubiha;
Kanilezi yena wazwa a mukombelo
wa a lulamileko.
- 30 A kuwonekela ka mahlo ku tsakisa a
mbilu;
A mahungu yo saseka ma kulukisa
a marambu.
- 31 A ndlebe leyo yi zwako a ka pezise-
lelo wa wutomi
Yi ta tsama xikari ka tibako.
- 32 Yena loye a alako a kululekiwa i
nyenya a muhefemulo wa yena
nwinyi;
Kanilezi yena loye a zwako a kuka-
wuka i teka a kupimisisa.
- 33 A kucaba ka Jehova ku kugonzisele-
lo ka ku tibiba;
Hi mahlwani ka kudzunziwa kuya
a kukoramisa.

XIPIMO 16.

- 1 A mano ya mbilu ma longoloka ma
hi ya banhu;
Kanilezi a hlamlulo wa lirimi wu ta-
hi le ka Jehova.
- 2 Tonkle a tindlela ta munhu ti hlaze-
kile kuwoneni ka yena nwinyi;
Kanilezi Jehova wa ringanisa a mo-
ya.
- 3 Nyikela a mitiro ya wena a ka Je-
hova,
Ni kuxuba ka wena ku ta yimisiwa.
- 4 Jehova i mahile a zilo sonklelele a
kugumelwa ka zonawu soce;
Ina, hambu wa kubiha masikwini
ya kubiha.
- 5 Bonklelele labo ba na nga ni mata-
nza mbilwini ba hi manyalatiso a
ka Jehova;
Hambuloko a canja gi klangana hi
ka canja, yena a nga ta kuba a
nga tsayiswangiko.
- 6 Hi titralo ni zinene a kugoha ku ri-
helwe;
Na hi kucaba ka Jehova a banhu ba
suka kubiheni.
- 7 Laha a tindlela ta munhu ti xalali-
sako Jehova,
Yena i maha ni balala ba yena aku-
ba ba hi ni kurula siawe na yena.

- 8 Zatsi a zitsongwane, lezi zi nga ni kululamisa,
Ku hunza a binzu ga hombe gi nga hiko na nongametiso.
- 9 A mbilu ya munhu yi kucetela a tindlela ta yena;
Kanilezi Jehova a lulekako a wukanziyelo ga yena.
- 10 A wulawulelo go saseka gi le milonwini ya hosi;
A nomu wa yena wu nga ta hambunyeta le kulamuleni.
- 11 A xiringaniso ni lipimo lo lulama zi ka Jehova;
Konkle a kubinza ka kwama ku hi tiro wa yena.
- 12 Kona ku hi manyala a ka tihosi a ku maha a kubiha;
Hakuba a xitsamo xa wukosi xi yimisilwe hi kululama.
- 13 A milomu yi lulamileko yi hi lixalaliso la tihosi;
Na tona ti ranza yena loye a wulawulako a kulongama.
- 14 A zanga ya hosi yi kwatsi mitsukano ya kufa;
Kanilezi a munhu wa kutiba i ta rengisa kona.
- 15 A kuwonekela ka ngohe ya hosi ku hi wutomi;
Ni tomo ga yena gi kwatsi marefu ya vula ya kugumesa.
- 16 Zatsi nguvu a ku kuma kutiba ku hunza ku kuma a nzalama!
Ina, a ku kuma kupima zatsi ku langwa ku hunza a siliva.
- 17 A gonzo ga a longamileko gi hi ku suka le kubihehi;
Yena loye a hlaysako a ndlela ya yena i lonzowota a muhefemulo wa yena.
- 18 A matsanza ma famba mahlweni ka kulobyisiwa,
Ni moya wa ku tikukuxa a mahlweni ka kuwa.
- 19 Zatsi kuba ni moya wu koramekileko zinwe ni wusiwana,
Ku hunza akuba wu abelana a mpango zinwe ni ba matsanza.
- 20 Loye a celako kota hi ka mhaka i ta kuma zinene;
Ni loye a tumbako a ka Jehova, litsako ka yena.
- 21 A tibako mbilwini i ta bitanwa a kuklariha;
Ni kutsombela ka milomu kuenzelekisa a zigonzo.
- 22 A kupima i hlowo ya mati ya wuto mi a ka yena loye a nga nako;

- Kanilezi a lulekeleliso wa zipumbu mbupumbu gabye.
- 23 A mbilu ya a tibako yi gonzisa a nomu wa yena,
Ni kuengetela a gonziselo milonwini ya yena.
- 24 A timhaka tinene ti kwatsi xihahla xa wulombe,
Titsombela muhefemulweni, ni wutomi marambyini.
- 25 Laho ku kona a ndlela leyi yi nge kwatsi kulongama ka munhu.
Kanilezi a kugumelwa ka yona hi tindlela ta kufa.
- 26 A mahlomi ya manhu a pangamileko i ti pangamela ga yena;
Hakuba a nomu wa yena wu mu kucetela lezo.
- 27 A munhu a nga faneliko i hohlotela a kohlakalo;
A milonwini ya yena ku kwatsi i nzilo wu cukwamisako.
- 28 A munhu wa kohlakala i hangalasa gafe a timholoba;
Ni nyamahlebo wa hambanyisa a bangana ba hombe.
- 29 A munhu wa tiklura i lapita a mukelwane wa yena,
Ni ku rangela yena lomo ndleleni leyo yi nga sasekangiko.
- 30 Yena loye a valako a mahlo ya yena, i pola a zilo za kohlakalo;
Yena loye a gandletelako a milomu ya yena i neha kubiha ku ta mahoko.
- 31 A hloko ya wuvu gi xidlodlo xa wukosi;
Xona xi ta kumiwa le ndleleni ya kululamisa.
- 32 Loye a nonokako a kuzangara ngwatsi ku hunza a nhenha;
Loye a fumelako a moya wakwe, ku hunza loye a tekileko a muti.
- 33 A hlolo yi hlalubiyile marumbyini;
Kanilezi loyi a bekako kona konkle hi Nungungulu Jehova.

XIPIMO 17.

- 1 Njatsi a nhama yi omileko, leyi yi nga zinwe ni rutiselelo,
A ku hunza a yindlu leyo yi teleko kubuza na ku hi kona timholoba.
- 2 A nanza lego gi mahako hi kutibisilweko gi ta fumela a nisananya loye a mahako a tingana,
Na a ta kuba ni xiabelo xa tsomba xikari ka bamakabye.
- 3 A mbita yi nyekiseleko nja siliva, ni nzhimbo ngwa nzalama;

- Kanilezi Jehova i hlola a timbllu.
- 4 A wa ku maha kubiha i nyika ku celakota a ka milomu ya kubiha ; A muhembu i nyika a ndlebe ka liri-mi li kohlakalisako.
- 5 Loye a tseketselako a zisiwana i rukatela a Mumahi wa yena ; Na yena loye a tsakako le blokiselelweni a nga ta kuba a nga be a tsayisilweko.
- 6 A banana ba banana ba hi xidlodlo ya zikosana ; Ni wukosi ga banana gi hi badadani babye,
- 7 A kuwulawula ku longamileko a ku mahi a xipumbu ; Mbu tsongo ga kuyini a milomu ya mawunwa a hosana.
- 8 A kalabelo wu kwatsi i ribye ga malongo a mahlweni ya yena loye a na nga nako ; Kani hikwili laho kuhunzulukelako kona, ka vuvumiswa.
- 9 Yena loye a fihlako a zihambunyetiso i hlota a liranzo ; Kanilezi loye a vuxelako a mahungu i abanyisana ni bangana ba hombe.
- 10 A kukawukwa ku engena ku nyupela a ka yena loye a nga ni kupimisisa Ku hunza a zana ga timbirimbi a ka xipumbu.
- 11 A munhu wa kubiha i hlota a hlu-bukelisiso woce ; Hikwalaho a tsukano wa lunya wu ta rumelwa a ka yena.
- 12 Nga a bera a gi nyemuselweko a xiberana xa gona gi klangana ni munhu, Ku hunza a xipumbu wupumbyini ga xona.
- 13 Loye a khliselako a kubiha hi kusa-sa, A kubiha ku nga ta suka lomo ndlwi-ni ya yena.
- 14 A kusangula ka tiholoba ku kwatsi i loku a munhu a tsika mati ma halaka ; Hikwalaho tsikani a kukanetana, hi mahlweni na ku nga se kuba kona a kuholoba.
- 15 Yena loye a basisako a wa kubiha, na yena loye a konako a lulamileko, Bona bonkle ba fanana manyalatani-so a ka Jehova.
- 16 Ngahilezo kasike laho ku kona a tsengo lomo canjeni ga xipumbu a ku xaba a kutiba ke,
- Na u wona lezaku yena i haba a kupima ke?
- 17 A mungana wa ranzeka a ka xonkle xikati ; Ni nakulobye i tralelwe kukanetanaeni.
- 18 A munhu a nga haba a kupima wa-ba a mandla, Ni ku maha a xiwonelo kubakoneni ka muakelwane wa yena.
- 19 Yena i ranza zihambunyetiso loye a ranzako a tiholoba ; Loye a vululako nguvu a nyangwa ya yena i hlota kulobyiswa.
- 20 Yena loye nga ni mbilu ya zidomudomu a kumi zinene ; Na yena loye a nga ni mbilu ya kukohlakala i wela kuonheni.
- 21 Yena loye a tralo a xipumbu i ti mahele kona ka xixaniso xakwe ; A dadani wa xipumbu a nga kutsaka.
- 22 A mbilu yi tsakisako i muri wu ne-ne ; Kanilezi a moya wu tsobekileko wu omisa a marambu.
- 23 A wa kubiha i amukela a makalaba ya xifuba xa yena, A kuhambukisa a ndlela ya nongametiso.
- 24 A kutiba ku le mahlweni ka yena loye a nga ni kupima ; Kanilezi a mahlo ya xipumbu ma le magumelweni ya misaba.
- 25 A nisananya wa xipumbu i tseku ka dadani wa yena, I babiselelo a ka yena loye a treleko yena.
- 26 Kambe a kutsayisa a lulamileko a hi zinene, Ge ni ku lamata a ba dzunzekileko hakuba hi longametiselo wabye.
- 27 Yena loye a komako a timhaka ta yena i na ni kutiba ; Ni loye a na nga ni moya wu titimeleko i hi munhu wa ku kupima.
- 28 Hambu a xipumbu, laha xi rutisako xi miyela, ba xi hlalala a kutiba. Laha na vala a nomu wa yena, yena wa timulwa hi kutlariha.

XIPIMO 18.

- 1 Loye a ti hambanyisako a wutsumbu i hlota a kuxuba ka yena nwinji, A zanga yi vukela konkle a kutibisisa ku longamileko.
- 2 A xipumbu a xi na kuxalala kupi-misiseni,

MABINGU, 19.

- Kanilezi mbela a mbilu ya yena yi wonkelisa a wutsumbu ga yona.
- 3 Laha a wa kubiha a tako, laho kata kambe a kuholobisana,
Zinwe ni wudangayi ku cikela a nzhukano.
- 4 A timbaka ta nomu wa munhu ti kwatsi i mati ya kueta;
A hlowo ya mati ya kutiba yi kwatsi i congo wu kulungako.
- 5 A kudzunza a munhu wa kubiha a hi zinene,
Ge hambu ku hambisa klelweni a lulamileko kulamuleni.
- 6 A milomu ya xipumbu yi engena kukanetaneni,
Ni nomu wa yena wa bitana a timbirimbi.
- 7 A nomu ya xipumbu i lobyiselelo wa yena nwinyi,
Ni milomu ya yena i ziyo ga muhefemulo wa yena.
- 8 A mhaka ya kubleba yi kwatsi i bubyana ga nuhela,
Wona ma relela ma engena kwalomo nzeni.
- 9 Yena loye kambe a nenekako tirweni wa yena
U hi makabye wa yena loye a lobisako.
- 10 A bito ga Jehova gi hi ligingisi la ntamo;
A lulamileko i tsutsumela a ka yona, a su kuya pona.
- 11 A kufuma ka munhu wa kufuma ku ligingisi la muti wa yena,
Kwatsi hi kururisi gi klakukileko le gugutselelweni ya yena.
- 12 Ni mahlweni ka lobyiselelo a mbilu ya munhu nja matsanza;
Na mahlweni ka kudzunziwa ku kona a koramiselelo.
- 13 Yena loye a hlamulako hi mahlweni na a nga se kuzwa,
Ku hi wupumbu ni tingana a ka yena.
- 14 A moya wa munhu wu ta rwala a ku nga bi ntamo ka yena;
Kanilezi a moya wu tsobekileko wu nga rwalwa nzi mani ke?
- 15 A mbilu ya a klarihileko yi teka a kutiba;
A ndlebe ya tibako yi hlota a mano.
- 16 A xinyikiwo xa munhu xi maha a nzawu ka yena,
Ni ku neha yena a mahlweni ka banyu ba hombe.
- 17 Yena loye a kongotelelako a nanzu

- wa yena kuranga i kwatsi i longamile;
Kanilezi a muakelwane wa yena wa ta na a hlota yena.
- 18 A hlolo yi banga a tiholoba a ku kawula,
Ni kuabanyisa xikati ka tinhenha.
- 19 A makabye a zangarisilweko a tsunza a kuba a kumiwa ku hunza a muti wu gingisilweko;
Ni tiholoba takungaho ti kwatsi zi kwinyaro za kokola.
- 20 A xingwengwe xa munhu xi ta tatiswa hi mihanzo ya nomu wa yena;
Hi ku enzeleka ka milomu ya yena i ta xuriswa.
- 21 A kufa ni wutomi zi le ntanweni wa lirimi;
Labo ba ranzako kona ba taga a mihanzo ya kona.
- 22 Loye a kumileko a wasati i kumile a xilo xo saseka,
I kumile a tomo ga ka Jehova.
- 23 A zisiwana za tirisa a mikombelo;
Kanilezi a fumileko i hlamula hi konyoloziko.
- 24 Yena loye a mahako a maxaka yo tala i mahela loku kulobyisweni ka yena nwinyi;
Kanilezi laho ku kona a mungana loye a tikirelako ku subani ku hunza a makabye.

XIPIMO 19.

- 1 Ngwatsi a xisiwana loye a fambako hi longetisiso
Ku hunza loye a kohlakalako hi milomu ya yena ni hi wupumbu.
- 2 Kambe, lezaku a muhefemulo a wu be haba kutiba a hi zinene;
Ni ka loye a haklisako hi mikonzo ya yena wa onha.
- 3 A wupumbu ga munhu gi hambukisa a ndlela ya yena;
Ni mbilu ya yena yi su vunjukela yi vukela Jehova.
- 4 A kufuma ku engetela a bangana bo tala;
Kanilezi a xisiwana xi hambanyisilwe ka bangana ba xona.
- 5 A mboni ya mawunwa yi nga ta kuba yi nga be yi tsayisilweko;
Yena loye a tsawutelako a mawunwa a nga ta pona.
- 6 A banyingi ba koxa a tomo a ka munhu wa cibano;
Bonklelele mba ngana ba loye a nyikako zinyikiwo.

- 7 Bonkle a bamakabye ba xisiwana ba xi benga.
Ba fambisa ku yini kule a bangana ba yena!
Yena a kongotela bona hi timbaka, kanilezi bona ba wa fambile.
- 8 Yena a tekako a kutiba i ranza a muhefemulo wa yena zwinyi;
Yena loye a hlaysakoa kupima i ta kuma a zinene.
- 9 A mboni ya mawunwa yi nga ta kuba yi nga be yi tsayisilweko;
Na yena loye a tsawutelako a mawunwa i ta mbemba.
- 10 Kuhanya kwatsanyana a hi kwatsi ka xipumbu;
Zi nga ba cukwana a ka nanza a kufumela a tihosana.
- 11 A kulongameta ka munhu ku maha yena a nonoka kuzangara;
Mbu kosi ga yena a ku hunza a zihambunyetso.
- 12 A zanga ya hosi yi kwatsi i ngonyamo yi dzumako;
Kanilezi a tomo ga yena kwatsi i nzokati hehla ka byanyi.
- 13 A nisanyana wa xipumbu i hlokiselelo a ka dadani wa yena;
Ni tiholoba ta wasati kudona ku simamisileko.
- 14 A yindlu ni kufuma i tsomba ya ka badadani;
Kanilezi a sati wa kuklariha ngwa le ka Jehova.
- 15 A kuloloha ku maha a munhu a tso-ngotsongo;
Ni muhefemulo wa dangayi wu tazwa a ndlala.
- 16 Yena loye a hlaysakoa a zileletelo i hlaysa a muhefemulo wa yena;
Kanilezi yena loye a nga kataliko hi tindlela ta yena i tafa.
- 17 Yena loye a hawukelako a xisiwana i pembile Jehova,
Ni ximaho xa yena xinene xi ta rhiwa a ka yena kambe.
- 18 Tsayisa a nisanyana wa wena, na u wona lezaku laho ku kona a tsumba;
U nga beki a mbilu ya wena a kulo-byisweni ka yena.
- 19 A munhu wa zanga ya hombe i tarwala a nanzu;
Hakuba loku wena u klaklisa yena, wena u ta engeta u maha kambe.
- 20 Zwana a wusungukati, ni ku amukela a gonziselelo,
Kasi wena wa fela a kutiba a kugumeseni ka wena.
- 21 Laho ku kona a gujegu je go tala a mbilwini ya munhu;
Kanilezi a wusungukati ga ka Jehova, lego gi ta yima.
- 22 Lexo xi mahako a munhu a xubekwa xi wunene ga yena;
A munhu wa xisiwana bwatsi ku hunza a muhembu.
- 23 A kucaba ka Jehova ku banga a wutomi;
Na yena loye a nga nako i ta tsama na a enelisilwe;
Yena a nga ta enzelwa ha cionho.
- 24 A lolo gi tumbeta a canja ga gona lomo ngelwini,
Gi nga ta ha engeta kambe ku gi neha nonwini wa gona.
- 25 Daya a mutseketseli, ni tinzhumulo ti ta gonza a kuklariha;
Ni ku pezisa a munwe loye a nga ni kupima, na yena i ta kupima a kutiba.
- 26 Yena loye a mahako a mazinga ka dadani wa yena, ni ku hlongola a mamani wa yena,
U hi nisanyana loye a sungwako hi tingana ni nzhukano.
- 27 Kawula, nisanyana wa mina, a kuzwa a gonziselelo
Ntsena a kuhambuka a timhakeni ta kutiba.
- 28 A mboni yi nga faneliko yo tseketsela a nongameto;
A nomu wa kubiha wu kadamula a zigoho.
- 29 A kulamulwa ku longiselwe a batsaketseli,
Ni timbirimbi a ka hlana wa zipumbu.

XIPIMO 20.

- 1 A waini gi hi mutseketseli, a kunwa ka ntamo i bongo;
Na ngwakuyini a hambukiswako ha gona a nga tibi.
- 2 A kutsisa ka hosi ku kwatsi hi ngonyamo yi dzumako;
Yena loye a vunjukelisako yona yi zangara i onha a vukela a wutomi ga yena zwinyi.
- 3 Kona kudzunziwa a ka munhu a ku tsama kule ni tiholoba;
Kanilezi zonklelele a zipumbu si ta ngwangwamulana.
- 4 A lolo gi nga ta rima hi kota ya wuxika;
Hikwalaho yena i ta kombela a xikatini xa xihulo, na a nga kumi ncu-mo.

- 5 A xikungo lomo mbilwini ya munhu xi fanana ni mati ya kueta;
Kanilezi a munhu wa kupima i ta tsawula kona lahandle.
- 6 A linyingi la banhu ba ngaba hangu gonkilelele a wunene ga yena zwinyi;
Kanilezi munhu a kolekileko himani a nga mu kuma ke?
- 7 A munhu a lulamileko loye a famba-ko hi kulongameta ka yena,
Ba katekisilwe a banana ba yena a nzako ya yena.
- 8 A hosi leyo yo tsamo xitsawweni xa kulamula
Wa hangalasa konke a kubiha hi mahlo ya yena.
- 9 Himani a nga wulako, Nzi mahile a mbilu ya mina yi hlazeka,
Nzi basile xionhweni xa mina ke?
- 10 A gujegu ga kutika, ni gujegu ga xiringaniso,
Zonke za fanana zi hi manyalataniso a ka Jehova.
- 11 Hambu a zihlangana zi maha a kutibekisa a wutsumbu ga yena hi zimaho za yena,
Kutani a mitiro ya yena yi basile, kutani nja kulongama.
- 12 A ndlebe ya kuzwa, ni tihlo ga kuwona,
Yena Jehova i mahile sonke sona.
- 13 A nga ranzi kuele, ku nga taku u telwa hi kulaba;
Vulula a mahlo ya wena, wena u ta xuriswa hi zibaba.
- 14 Kona ku biha, kona ku biha, ku wula a muxabi;
Kanilezi laha na a fambile a ndlela ya yena, zonake yena wa kuku-muka.
- 15 Laho ku kona a nzalama, ya talisiso ni mapareli;
Kanilezi a milomu ya kutiba ti nzalama ta malongo.
- 16 Teka a tinguwo ta yena loye a na nga ni ntamo wu wa mupfumba;
Ni ku mu koma hi ku tsumbisa loko ku tiyiseleko a bamatiko.
- 17 A zibaba xa nyamawunwe xa naziha a ka munhu;
Kanilezi a nzako ka lezo a nomu wa yena wu ta tatiswa hi ku kanganyiseka.
- 18 Wonkilelele a mano ma yimiswa hi wusungukati;
Hi murangeli a tibako maha wena a impi.
- 19 Yena loye a nzulako kota mu byeli

- wa timbaka i funungula a mifhla-kalo;
Hikwalaho u nga klangani naye loye a vululako nguvu a milomu ya yena.
- 20 Kani hiwihhi a rukatelako a dadani wa yena ni mamani wa yena,
A kandiya ya yena yi ta timiwa lomo ntimeni wa munyana.
- 21 A tsomba yi nga kuwa hi kuhaklilweko kusanguleni;
Kanilezi a kugumelwa ka kona ku nga ta kuba a kukatekiswa.
- 22 U nga wuli wena, Nzi ta klelisa a kubiha:
Rinzela a ka Jehova, yena i ta hanyisa wena.
- 23 A xikungo xi binzako xi hi manyalataniso a ka Jehova;
A lipimo la mawunwa a li nene.
- 24 A kufamba ka munhu ku ka Jehova;
Hi yini zonake a nga kotisa ku yini a munhu a kupima a ndlela yakwe ke?
- 25 Kona ku hi panya a ka munhu a kuhaklisa a ku wula, Kona ku hi kubasa,
Ni nzako ka sifungo a ku maha kuwutisa.
- 26 A hosi yi tibako ya hahlula a wa kubiha,
Ni ku neha a rinzililela a nghonghola hehla ka bona.
- 27 A moya wa munhu i kandiya ya ka Jehova,
Yi kambako sonke sa kwalomo nzeni.
- 28 A wunene ni sinene si lonzoweta a hosi;
Ni mufumo wa yena wu komilwe hi wunene.
- 29 A wukosi ga majaha gi ntamo wadye;
A wumbhuri ga sikosana hi hloko ya wuvu.
- 30 A timbirimbi ta timbanga ti hlaza a kubiha;
Ni kubiwa ku cikela kwalomo nzeni ka miri.

XIPIMO 21.

- 1 A mbilu ya hosi yi le canjeni ga ka Jehova kwatsi hi tihlowo ta mati;
Yena i hunzulusa tona kani hi kwihlaha a kuranzako.
- 2 Tonkilelele a tindlela ta munhu ti sa-sekile ku woneni ka yena zwinyi;
Kanilezi Jehova a ringanisako a timbilu.

- 3 A ku maha a kululamisisa ni nongametiso
Zi hunzelele a kuamukeleka a ka Jehova ku hunza a mupahlelo.
 - 4 A kucuwuka ku kumukileko, ni mbilu ya matsanza,
Ni kandiya ya wa kubiha, zi hi xionho.
 - 5 A mlalakanyo ya tsonometo yi banga a pfunisiso koce;
Kanilezi bonktelele labo ba bilabila i bilabila ga kuvumala koce.
 - 6 A ku kuma a titsomba hi lirimi la mawunwa
Ku hi xikuhe lexo xi nzulanzulako ba bona labo ba hlotako a kufa.
 - 7 A kupanga ka bakubiha ku ta swiyela bona ba nwalala,
Hakuba bona ba alako a ku maha a nongameto.
 - 8 A ndlela ya yena a binzilweko hi xionho yi hunzelele a kubyekelela;
Kanilezi ka a basileko, a tiro wa yena ngwatsi.
 - 9 I cukwana a ku tsama le kuzwini ga xixungwe xa yindlu,
Ku hunza kube u hi ni wasati wa xibilibili lomo ndlwini ya hombe.
 - 10 A muhefemulo wa kubiha wu xuba a xionho;
A muakelwane wa yena a nga kumi a tomo a mahlweni ya yena.
 - 11 Laha a mutseketseli a tsayiswako, a xipumbu xa teka a kutiba;
Ni wa kutiba laha a gonzisilweko, wa kuma kuinyisa.
 - 12 A munhu a lulamileko wa pima hi yindlu ya wa kubiha,
Lesaku ba hoxisilwe ku yini a ba kubiha kuhahlukeni kaoye.
 - 13 Loye a dobelako a tindlebe ta yena le kubitaneni ka xisiwana,
Yenawu kambe i ta bitana, kanilezi a nga ta zwiwa.
 - 14 A xinyikiwo xa le xikundleni yi bohliisa a zanga;
Ni xilihiwo xa laha xifubeni, i zanga ya ntamo.
 - 15 Kona litsako ka a lulamileko a ku maha nongameto;
Kanilezi kona i loyiselelo ka bama-hi ba kubiha.
 - 16 A munhu loye a pengako a ndleleni ya kupima
I ta humula le hlengeletanweni wa bafleko.
 - 17 Yena loye a ranzako a tsomba i ta ba munhu wa xisiwana:
- Yena loye a ranzako a waini ni mafura a nga ta fuma.
 - 18 A wa kubiha i taba nzhiho wa a lulamileko;
Ni a hlebisiseko i tata xikundleni xa a longamileko.
 - 19 Kona i cukwana a ku tsama a tikweni ga xiwunza,
Ku hunza ku tsama ni wasati wa xibilibili wa xibyabyatsi.
 - 20 Laho ku kona a malongo ya tsomba ni mafura a mitini wa kutiba;
Kanilezi a munhu wa xipumbu wo kwilikwinza kona.
 - 21 Yena loye a lanzelako a kululamisisa ni wunene
Wa kuma a wutomi, a kululamisisa, ni kudzunziwa.
 - 22 A munhu wa kutiba wa kanziha a muti wa nhenha,
Ni relelisa a ntamo wa wutsumbya kona.
 - 23 Loye a hlaysako a nomu wa yena ni lirimi la yena
I hlaysa a muhefemulo wa yena le zikaratweni.
 - 24 A munhu wa matsanza ni a tikukumuxako, i tseketsela a bito ga yena,
Yena a tira kohlakalelweni wa matsanza.
 - 25 A kuxuba ka munhu wa kunonoka ku daya yena;
Hakuba a mandla ya yena ma ala kupinyama.
 - 26 Ku kona loye a nabelako a hlungo gonkile a siku;
Kanilezi a lulamileko wa nyika na a nga tsimbeteli.
 - 27 A mupahlelo wa wakubiha wu hi manyalataniso;
Ku ta hunzelela kuyini, loku yena a wu neha hi mbilu ya kubiha!
 - 28 A mboni ya mawunwa yi ta mbe-mba;
Kanilezi a munhu loye a sizwako i ta wulawula ku su ku tsonzoma.
 - 29 A munhu wa kubiha i nonohisa a ngohe ya yena;
Kanilezi kwatsi hi a longamileko yena wa yimisa a tindlela ta yena.
 - 30 Laho a ku kona a kutiba a ku kona a kupima
A ku na wusungukati a ku vukela a Jehova.
 - 31 A haxi gi longiselelwe a ka siku ga impi;
Kanilezi a kuhlula ku ka Jehova.

XIPIMO 22.

- 1 A bito gi nene gatsi kuhlawula kuhunza a kufuma ka hombe,
Ni kuranza ka tomo katsi kuhunza a siliva ni nzalama.
- 2 A fumileko ni xisiwana ba klanga kataginwe;
Jehova hi mumahi wa bona bonkle.
- 3 A munhu wa kuklariha a wona a kubiha, i filila a wutsumbu ga yena;
Kanilezi a nzhumulo yi hunza hi laho, yi xaniseka ha kona.
- 4 A ncacazelo wa kutikoramisa ni xicabyo xa ka Jehova
Hi kufuma, ni kudzunzwa, ni wotomi.
- 5 A mizwa ni mapanya zi lomo ndleleni ya ba kohlakeleko:
Yena loye a hlaysako a muhefemulo wa yena i taba kule a ka wona.
- 6 Gonzisa a nwanana lomo ndleleni leyo a ta nga famba ha yona,
Hambi loku yena a hi wa kale a nga ta ha suka ka yona.
- 7 A fumileko i fumela hehla ka zisiwana;
Ni mupembi i nanza ga loye a mupembileko.
- 8 Yena loye a xwanyako a kugoha i ta hula kuxaniseka.
Ni nhonga ya zanga ya yena yi ta hluleka.
- 9 Yena loye a nga ni tihlo ga pfunisi-so i ta amukela a kukatekiwa;
Hakuba yena a nyikako a zibaba za yena a ka zisiwana.
- 10 Hoxa a kutseketsela, ni tiholoba ti ta famba;
Ina, a titsanza ni wunguxu zi ta kawula.
- 11 Yena loye a ranzako a basiselelo wa mbilu,
Hi wuxinji ga milomu ya yena a hosi yi taba a mungana wa yena.
- 12 A mahlo ya Jehova ma lonzowota yena loye a nga ni kutiba;
Kanilezi yena i hoxa kule a timhaka ta munhu wa xihlebo.
- 13 A lolo gi ngalo, Laho ku kona a ngula le handle;
Nzi ta dawa le mapangweni.
- 14 A nomu wa wasati wa mupfumba i rinzi ga kueta;
Ni loye a swirilweko ka Jehova i ta wela a ka gona.
- 15 A wupumbu gi bohelelwe lomo mbi-lwini ya xihlangana;

- Kanilezi a nhonga ya kululeka yi ta hlongola kona kuya kule na yena.
- 16 Yena loye tsimbeketako a zisiwana a kuenzelekisa a binzu ga yena,
Na yena loye a nyikako a fumileko, i tate kuvumaleni tsena.
- 17 Pumunha a ndlebe ya wena, kuzwa a timhaka ta kutiba,
Ni kukangatela a mbilu ya wena a ka kutiba ka mina.
- 18 Hakuba ku kona ku hi xilo xa xalaliso loku wena u hlaysa tona lomo nzeni ka wena.
Loku tona ti yimisilwe katinwe hehla ka milomu ya wena.
- 19 Ku fela a ku a kutumba ka wena ku hi ka Jehova,
Nzi mahile tona ti tihiyiwa legi siku a ka wena, na ka wena.
- 20 Mina a nzi tsalangi a ka wena a zilo za wukosi,
Za wusungukati ni kutiba ke?
- 21 A ku maha wena u tiba a zinene za mhaka ya zinene,
Kasi wena wa fela a ku klela u rwala a mhaka ya zinene a ka bona labo ba rumileko wena ke?
- 22 U nga pangi a xisiwana, hakuba yena a nga xisiwana;
Ge u nga tsimbeketi a hlokisilweko nyangweni:
- 23 Hakuba Jehova i ta ingisa a nanzu wabye,
Ni ku panga a wutomi ga labo ba pangileko bona.
- 24 U nga mahi a wungana ni munhu loye a nyikilweko kuzangareni;
Ni ka munhu wa xizangazangani wena u nga ta kuya:
- 25 U nga taku wena u gonza a tindlela ta yena,
U teka a ziyo a ka muhefemulo wa wena.
- 26 Wena u nga bi a muzwe wa bona labo bako a mandla,
Kutani a muzwe wa bona labo ba tiyisako hi milanzu.
- 27 Loku wena u nga hi na xa kuriha ha xona,
Hi yini a nga teka yena a mubedi wa wena lahasi ka wena ke?
- 28 U nga susi a mbingano wa kaleloko,
Lowo a badadani ba wena ba wu panzileko.
- 29 Na u wona a munhu a tsonometa a tirweni wa yena ke? yena i ta yi-ma mahlweni ka hosi;
Yena a nga ta yima mahlweni ka banhu ba wukuxu.

XIPIMO 23.

- 1 Laha wena u tsamako a kuga ni mufumeli,
Pimisisa kwatsanyana loye a nga mahlweni ka wena;
- 2 Ni ku beka a mukwana le kolweni wa wena,
Loku wena u hi munhu u nyikelweko a mahlomini.
- 3 U nga u xubako hi a za yena;
Na u wona lezaku kona kuga ku kohlisako.
- 4 U nga karati a wutsumbu ga wena a kuba u fuma;
Kawula kutibeni ka wena nwinye.
- 5 Wena u ta rumela a mahlo ya wena a ka lezi zi nga hiko kona ke?
Hakuba a kufuma ku maha a wutsumbu ga/ye a tipapa,
Kwatsi hi gama lego gi purumako gi cuwuka le tilweni.
- 6 U ngagi a zibaba za yena loye a nga tihlo ga makayi,
Ge hambu ku xuba wena a so nanziha za yena:
- 7 Hakuba kwatsi hi lezi a alakanyako lomo nzeni ka wutsumbu ga yena, zingaho yena i hi salezo:
Gana ni kunwa, ku wula yena a ka wena;
Kanilezi a mbilu ya wena a yi sinwe na wena.
- 8 A nhama leyo wena u gileko u ta hlata yona,
Ni lahla a timhaka ta wena to nanziha.
- 9 U nga wulawuli kuingiseni ka xipumbu;
Hakuba i ta monya a wusungukati ga timhaka ta wena.
- 10 U nga fubisi a mbingano wa kaleloko;
U nga engeni lomo sinwini ya banana ba zisiwana:
- 11 Hakuba a muklaklisi wabye ngwa ntamo;
Yena i ta vikela a nanzu wabye a vukela wena.
- 12 Kangatela a mbilu ya wena a ka zigonziso,
Ni tin/lebe ta wena a ka mhaka ya kutiba.
- 13 U nga kobeti a lulekeliso a ka xihlangana;
Hakuba loku wena uba yena hi nhonga, yena a nga ta kufa.
- 14 Wena u taba yena hi nhonga.
U ta hlaklisa a muhefemulo wa yena le Xeole.
- 15 Nisanyana wa mina, loku a mbilu ya wena yi tibile,
A mbilu ya mina yi ta tsaka, yona ya mina:
- 16 Ina, a mbilu ya mina yi ta buma,
Laha a milomu ya wena yi wulawula a zilo zi lulamileko.
- 17 Nga a mbilu ya wena yi nga be na wukuxu hi baonhi;
Kanilezi nga wena u hi xicabyeni xa ka Jehova gonkle siku gi longolokako:
- 18 Hakuba hakunene laho ku kona a ncacazelo;
Ni kutsumba ka wena ku nga tse nwa.
- 19 Zwana wena, nisanyana wa mina, u be u klarihileko,
Ni ku ranga mbilu ya wena ndleleni.
- 20 U ngabi xikari ka tiffinela ta waini,
Xikari ka ba mahlokoti a bagi ba nyama:
- 21 Hakuba a zidakwa ni ba makabilela ba tata kuvumaleni;
Ni kudedereka ku ta ambexa a munhu hi micangala.
- 22 Ingisa a ka dadani wa wena loye a treleko wena,
U nga nyenyi a mamani wa wena laha na hi wa kale.
- 23 Xaba a zinene, u nga xabisi zona;
Ina, a kutiba, ni gonziselo, ni kupima.
- 24 A dadani wa a lulamileko i ta tsakiswa hi kuhunzeletilweko;
Na yena loye a tralako a nwana a tibako i ta tsaka ha yena.
- 25 Nga a dadani wa wena ni mamani wa wena ba tsaka,
Na nga yena loye a tralileko wena a be tsakisilweko.
- 26 Nisanyana wa mina, nyika mina a mbilu ya wena;
Na nga a mahlo ya wena ma xalaliswa tindleleni ta mina.
- 27 Hakuba xibayi i rinzi gi etileko;
A wasati wa matiko i geba gi hlongileko;
- 28 Ina, yena wa ongozela kwatsi mupangi,
Ni enzelekisa a bahlebi xikari ka ba banuna.
- 29 Hi mani a nga ni kombo ke? hi mani a nga ni xixaniso ke? hi mani a nga tiholobako ke?
Hi mani a nga ni kukalala ke? hi mani na nga ni timbanga na i haba nanzu ke?

- Hi mari a na nga ni mahlo ya truki-selelo ke?
- 30 Bona labo ba ribatekako le wainini;
Bona labo ba hlotako a waini ga mixelangelwa.
- 31 U nga cuwuki wena hehla ka waini laha na trukile,
Laha na gi kungetingeti lomo-kutreni,
Laha u gi munyungetako hu kuretemukisilweko gi relela:
- 32 Hi kugumesa gi luma kwatsi i nyoka,
Gi kohosa kwatsi i mamba.
- 33 A mahlo ya wena ma ta wona a zilo zi hanjulatisilweko,
Ni mbilu ya wena yi ta wulawula a zilo zi kohlakeleko.
- 34 Ina, wena u ta ku kwatsi hi yena loye a ekleleko lahasi xikari ka bimbi,
Kutani loye a ekleleko le hehla ka mulingwati.
- 35 Bona ba bile mina, wena u ta wula, na mina a nzi bayiswangi;
Bona ba kwapile mina, mina a nzi zizwangi:
Nzi ta vuka rini ke? nzi ta hlota gona kambe.

XIPIMO 24.

- 1 Wena u nga be na wukuxu u vukela a banhu ba kubiha;
Ge hambu a kuxuba a kuba u be zinwe na bona:
- 2 Hakuba a mbilu yabye yi gonza a tsimbeketelo,
Ni tirimi tabye ti wulawula a kohlakalo.
- 3 Hi kutiba a yindlu yi akiwa;
Na hi kupima yona ya yimisiwa;
- 4 Na hi kutiba a matsawu ma tatisilwe
Hi malongo ni kutangala ka kufuma.
- 5 A munhu wa kutiba i ntamo;
Ina, a munhu wa kutiba wa enzelekelana a ntamo.
- 6 Hakuba hi barangeli ba tibako wena u ta maha a impi ya wena;
Ni ka wudlemo ga masungukati laho ku kona a kupona.
- 7 A kutiba ku klakukile nguvu a ka xipumbu:
Yena a nga vululiko a nomu wa yena a nyangweni.
- 8 Yena a kucetelako ku maha kubiha,

- A banhu ba ta bitana yena a mumahi wa kohlakaliso.
- 9 A kualakanya ka wupumbu i xionho;
Ni ku tseketsela ku hi manyalatani-so a ka banhu.
- 10 Loku wena u hluleka hi sikwini ga hlukisa,
A ntamo wa wena mbu tsongwani.
- 11 Klaklisa bona labo ba rwelweko ba-ya kufeni.
Labo ba longelako a kudawa wona lezaku wa ba kklelisa le nzako.
- 12 Loku wena u wula, Languta, hina a hi tibi lezi;
Kasi loye a pimako a timbilu a nga pimi ha kona ke?
Yena loye a hlayisako a muhefemulo wa wena, a nga tibi kona ke?
Yena a nga ta nyika a ka bonklelele banhu kukotisa hi mitiro yabye ke?
- 13 Nisanyana wa mina, gana wena a wulombe, hakuba gi nene;
Ni madona ya zihahla za wulombe, zi tsombelako kuzweni ka wena.
- 14 Zingaho wena u ta tiba a kutibisisa akuba ku hi muhefemulweni wa wena;
Loku wena u kumile kona, laho ku tuba kona a ncacazelo,
Ni kutumba ka wena ku nga ta tsemiwa.
- 15 Unga labeleli, O munhu wa kubiha, u vukela a wuakelo ga balulamileko;
Unga lobisi a wutsamo ga kuhumula ka yena:
- 16 Hakuba a munhu a lulamileko wawa a nklanu ni zimbi a zikati, a engeta kambe a vuka;
Kanilezi a bakubiha ba hoxilwe hi nzhere.
- 17 U nga tsaki laha a nala wa wena a wako,
Ni mbilu ya wena a nga yi tsakiswi laha na yena a hoxwa;
- 18 Ku nga taku Jehova a wona kona, na kona ku nga xalalisi yena,
A hunzuluka a hoxa kule zanga ya yena a ka yena.
- 19 U nga karateki a wutsumbu ga wena hi kota ya bona labo ba mahako a kubiha;
Ge hambu wena a ku maha a wukuxu a ka wa kubiha:
- 20 Hakuba laho ku nga te kuba kona a ncacazelo a ka munhu wa kubiha;

- A kandiya ya wa kubiha yi ta timi-
wa.
- 21 Nisanyana wa mina, caba wena Je-
hova ni hosi;
U nga klangani na bona labo ba nyi-
kilweko ku hunzulukeni:
- 22 Hakuba a nzhere wabye wu tata hi
kutsuketisilweko;
Ni loyiselelo ya bona bonkle, himani
a tibako kona ke?
- 23 Loku kambe ku kuwula ka baku-
tiba.
A kuhlawa munhu kulamuleni a
zi nene.
- 24 Yena loye a wulako ka wa kubiha,
Wena u lulamile,
A banhu ba ta mu rukatela, ni mifu-
mo yi ta swirwa ha yena;
- 25 Kanilezi a ka bona labo ba kawuka-
ko yena ba ta ba kuxalala,
Ni katekiselelo wu nene wu tata hehla
ka bona.
- 26 Yena a trotrako a milomu
Loye a nyikako a hlamulo wu nene.
- 27 Longisela a ndlela ya wena na wa
hahi lahandle,
U mahela yona yi longama na wa ha
hi kwatini;
Ni nzako ka lezo aka a yindlu ya
wena.
- 28 U nga na wukustumunyu hi wa
akelwane wa wena na yi haba
nanzu;
U nga kohlisi hi milomu ya wena.
- 29 U nga wuli uku, Mina nzi ta maha
lezo a ka yena kwatsi hi lezi yena
a mahileko ka mina;
Mina nzi ta maha a ka munhu kuko
tisa hi mitiro ya yena.
- 30 Mina nzi fambile hi le masiawini ya
lolo,
Ni le xivineni xa munhu a nga haba
kupina;
- 31 Ni, mangabye, xona xi wa hlukelwe
hi mizwa,
Ni ngohe ya kona yi kubunyetilwe
hi wusosonya,
Ni mari/ye ya kurisi ga kona gi wa
kukumulwe.
- 32 Zonake nzi wa langutile, nzi lo pi-
misisa kwatsi;
Nzi lo wona, ni nzi lo kuma a gonzi-
selelo:
- 33 Kasike a ku eklela ku tsongo, ni ku
kudzehela ku tsongo,
A kukoza kutsongwani a man/la ku
eklela;
- 34 Zingaho a wusiwana ga wena gi ta-
ta kwatsi mupangi,

Hi kuvumala kwatsi munhu a hlo-
mileko maklari.

XIPIMO 25.

- 1 Laya kambe hi mabingu ya ka
Solomoni, laya a banhu ba ka Juda
ka Hezekia a hosi ya ka Juda ba
nga ma tsala.
- 2 Kona mbu kosi ga Nungungulu a
kufihla a xilo;
Kanilezi a wukosi ga tihosi hi ku
kambela a mhaka.
- 3 A ku kwatsi hilezi a matilo hi ma
klakuleko, a misaba hi kueta,
Zingaho a mbilu ya tibosi yi nga
hloliwa.
- 4 Susa a manyela le ka siliva,
Ni laho ku huma a xibya xa munye-
kisi;
- 5 Susa a wa kubiha a mahlweni ka
hosi,
Ni xitsamo xa yena xa wukosi xi ta
yimiswa hi kululamisa.
- 6 U nga beki a wutsumbu ga wena a
mahlweni a wutsanweni ga hosi,
U nga yime wutsanweni ga munhu
wa hombe:
- 7 Hakuba i kwatsi lezaku ku wulwa
ka wena, Ngona hehla leno,
Ku hunza a beni wena u bekwa la
hasi a kubakoneni ka hosana.
Loye a mahlo ya wena ma mu woni-
leko.
- 8 U nga fambe hi kuhaklisilweko u
ya holoba,
U nga taku u nga xi tibi lexi u ta
nga xi maha hi kugumelwa ka
kona,
Laha na wa akelwane na wena a be-
kile wena tinganeni.
- 9 Xuxa a nanzu wa wena u hi ni mua-
kelwane wa wena katigawe wu-
tsumbu,
U nga puluxi a mifihlakalo ya mu-
zwani;
- 10 Ku nga taku loye a zwako wena a
rukatela wena,
Ni manyata ya wena ma nga ha hi
na kletiswa.
- 11 A mhaka yi wulawulilweko hi kue-
ceneko
Ku fanana ni mapareli ya nzalama
ma xangelweko ni nza byanana
wa siliva.
- 12 Ku kwatsi tipera ta nzalama, ku
kwatsi tinguwo ta nzalama yi
nyekisilweko,
Zingaho a mukawuki a tibako ka
ndlebe i ingisako.

- 13 Kwatsi hi mbera ya xirami xikatini
xa xihulo,
Zingaho a tsukano wu kolekileko a
ka yena loye ba rumelako yena;
Hakuba wu vuza a muhefemulo wa
zwinyi wa wona.
- 14 Kwatsi hi marefu ni mheho na ku
nga hi na vula,
Zingaho yena loye a kukumuxako a
wutsumbu ga yena hi xinyikiwo
xa yena hi kukohlisilweko.
- 15 Hi kutimisela ko leha a mufumeli i
konanisilwe,
Ni lirimi li olobileko li tsoba a ra-
mbu.
- 16 Wena u kumile a wulombe ke ?
gana go kwatsi hi lego gi eneleko
ka wena,
U nga taku wena u xuriswa ha go-
na ni ku hlata gona.
- 17 Nga konzo wa wena wu kala lomo
ndlwini ya muakelwane wa wena,
A nga taku a kolwa ha wena ni ku
benga wena.
- 18 A munhu loye a mahako a wumbo-
ni ga mawunwa a vukela a mua-
kelwane wa yena
A pombonzwani, ni supado, ni liga-
lala li karihako.
- 19 A kutsumba a ka munhu a nga ko-
lekangiko hi xikatini xa zikarato
Ku fanana ni tino gi tsobekileko, ni
konzo wu kuyukileko.
- 20 Na kwatsi hi muzwe loye a susako
a kumba hi mbera ya xirami,
kwatsi hi viniga hehla ka comelo,
Zingaho yena loye a yimbelelako a
lisimu hehla ka mbilu ya binzile-
ko.
- 21 Loku a nala wa wena azwa ndlala,
mu nyike a zibaba a kuga;
Loku yena azwa tora, mu nyike a
mati a kunwa :
- 22 Hakuba wena u ta wungeletela a
nhulu ya makala hehla ka hloko
ya yena,
Na Jehova i ta ncacazela wena.
- 23 A mheho ya nwalungu yi neha a
vula;
Zingaho a lirimi la mahlebo li neha
a ngohe ya zanga.
- 24 Kona i kwatsi a ku tsama le kuzwi-
ni ga xixungwe xa yindlu,
Ku hunza a kuba u hi ni wasati wa
xibilibili lomo ndlwini ya hombe.
- 25 Kwatsi hi mati yo titimela ka mu-
hefemulo wa tora,
Zingaho a mahungu ma nene ya le
tikweni ga le kule.

- 26 Kwatsi hi hlowo yi vindlekiselwe-
ko, ni xibuka xi bolileko,
Zingaho a munhu a lulamileko loye
a nyikelwako mahlweni ka wa
kubiha.
- 27 A hi kwatsi a kuga a wulombe go
tala;
Zingaho a ka banhu a kuhlota a wu-
kosi ga bona benyi zi karato.
- 28 Yena loye a moya wa yena wu nga
hiko na kutsimbetwa
I kwatsi hi muti lowo wu kungu-
mukeleko wu nga hiko na ligi-
ngisi.

XIPIMO 26.

- 1 Kwatsi hi mbera laha ximunwini,
na kwatsi hi vula laha wuxikeni,
Zingaho a kudzunzwa a hi xilo xi
eceneko ka xipumbu.
- 2 Kwatsi xinyanyani xi nzulako, ni
mbewulwani yi purumako,
Zingaho a nzhukano leyo yi nga ru-
katelwangiko yi nga ta kuta.
- 3 A mhika nja haxi, a matomu nja
mbongolo,
Ni nhonga nja hlana wa zipumbu.
- 4 U nga hlamluli a xipumbu ku kotisa
hi wupumbu ga yena,
U nga taku wenawu u kota yena.
- 5 Hlamula a xipumbu kukotisa hi ka
wupumbu ga yena,
Ku nga taku a be tibako kuwoneni
ka yena.
- 6 Yena loye a rumelako tsukano hi
canja ga wupumbu
Wa tsema a mikonzo ya yena nwi-
nyi, inwa kuhahlukeni.
- 7 A milenge ya ba kwitako ya gukla-
gukla;
Zingaho a mufananiso lomo nonwi-
ni wa zipumbu.
- 8 Kwatsi hi muzwe loye a bohako a
ribye lomo ngotini ya kunziwitela,
Zingaho loye a nyikako a kudzinza
ka xipumbu.
- 9 Kwatsi i muzwa lowo wu klabako a
canja ga xidakwa,
Zingaho ni mufananiso lomo nonwi-
ni wa xipumbu.
- 10 Kwatsi hi mupandi loye a fulako bo-
nkle,
Zingaho loye a tirisako a xipumbu
na yena loye a tirisako bona labo
ba hunzako.
- 11 Kwatsi i mbyana leyo yi klelelako a
mahlateni ya yona,
Zingaho a xipumbu lexo xi engetako
wupumbyini ga xona.

- 12 Na u wona a munhu loye a ti titiba-
ko yena *nwinyi* ke?
Laho ku kona a tsumba a ka xipu-
mbu ku hunza yena.
- 13 A lolo ga wula, Laho ku kona a nga-
la ndleleni;
A ngala yi lomo mapangweni.
- 14 Kwatsi hi libati li ku gangatsala hi
malingo ya lona,
Zingaho a lolo mubedini wa gona.
- 15 A lolo gi tumbeta a canja ga gona
lomo ngelweni;
Gona gi karata yena a ku gi neha ka-
mbe lomo ka *nwinyi*.
- 16 A lolo ga tiba hi ka gona *nwinyi*
Ku a nkhanu ni bambiri a banhu ba
ku maha xigelo.
- 17 Loye a hunzako, a hlokisa a wutsu-
mbu ga yena hi tiholoba ti longo-
lokako ti nga hi ta yena,
Yena i kwatsi munwe loye a tekako
a mbyana hi tindlebe.
- 18 Kwatsi hi wa ku hunguka loku a ho-
xa a tigogo ta nzilo,
A tugalala, ni kufa,
- 19 Zingaho a munhu loye a kohlisako a
wa akalwane naye,
Na aku, Mina a nzi hlakani ke?
- 20 Hi ku vumala a tihunyi a nzilo wa
timeka;
Ni laho ku nga hi ko kona a muhle-
bi, a kukanetana ka kawula.
- 21 Kwatsi hi makala ma hisako hi ka
misimbiri, ni tihunyi ka nzilo,
Zingaho a kukanetana ku buvetela a
tiholoba.
- 22 A timhaka ta kuhleba ti kwatsi i
nhama ya zimvomvelo,
Na tona ti relela baya kwaleyo kle-
lweni ga lomo nzeni.
- 23 A milomu ya ku vevereka ni mbilu
ya kubiha
Zi kwatsi xiya xa wumba xi klate-
kilwe a manyelo ya siliva.
- 24 Loye a bengako wa ti xuxubisa hi
milomu ya yena;
Kanilezi yena i bingeretela a kuko-
hlisa nzeni ka yena;
- 25 Laha na yena na a wulawula kwatsi,
u nga kolwi yena;
Hakuba ku kona a nkhanu ni mambi-
ria a manyalatano mbilwini ya ye-
na;
- 26 Hambuloko a libengo a wutsumbu
ga lona li fenengetilwe hi ku-
goha,
A kubihisisa ka yena ku ta su wone-
ka ku dlunyaliswa mahlweni ka
hlengeletano.

- 27 Loye a kelako a rinzi i ta wela ka
gona;
Loye a nbulutako a ribye gona gi ta
klelela hehla ka yena.
- 28 A lirimi la mawunwa li benga labo
li nga li ba kubazile;
A nomu wa gujegu je wu tira a ku-
hahlula.

XIPIMO 27.

- 1 U nga kukumuxi a wutsumbu ga
wena hi ga manziko;
Hakuba wena a ku zi tibi lezi a siku
gi ta nga zi neha.
- 2 Nga munwani a munhu a dumisa
wena, na ku nga hi a nomu wa
wena *nwinyi*;
A wa matiko, na ku nga a milomu
ya wena *nwinyi*.
- 3 A ribye ga binza, ni seke ga tika;
Kanilezi a hlokiselelo ya xipumbu
ya binza ku hunza lezo zonkle.
- 4 A zanga yi hi lunyu, ni kulo gi ku-
bunyeteko;
Kanilezi hi mani loye a si kotako a
ku yima a mahlweni ka wukuxu
ke?
- 5 Katsi a kukawuka ku dlunyatilweko
Ku hunza a liranzo lolo li fihlilweko.
- 6 Ti kolekile a timbanga ta mungana;
Kanilezi a kutrotra ka nala ka to-
kometa.
- 7 A muhefemulo wu xureko wa binwa
hi sihlalo za wulombe;
Kanilezi a ka muhefemulo wu zwa-
ko a ndlala a zilo zonkle za kubaba
za tsombela.
- 8 Kwatsi hi xiuyanyani lexo xi nzula-
ko le xisakeni xa xona,
Zingaho ni munhu loye a nzula a le
wutsanweni ga yena.
- 9 A mafura ni maka zi nengelisa mbilu;
Zingaho a tsombelisiso wa mungana
wa munhu lowo wu tako hi le wu-
sungukatini ga mbilu.
- 10 A mungana wa wena *nwinyi*, ni
mungana wa dadani wa wena, u
nga ba tsike;
U ngayi le ndlwini ya makabye wa
wena hi sikwini ga hlokiselelo ya
wena;
I cukwana a muakelwane loye a nga
ku suhani ku hunza a makabye
loye a nga kule.
- 11 Nisanyana wa mina, nga be u tibako,
u maha a mbilu ya mina ku tsaka,
Kasi nza nga hlamlula yena loye a
rukatelako mina.
- 12 A munhu wa kuklariha a wona a

- kubiha, wa fihla a wutsumbu ga yena;
 Kanilezi a nga tibiko i hunza ha kona, a xaniseka ha kona.
- 13 Teka a nguwo ya yena loye a tiyisako mupfumba;
 Ni ku koma a xifungo loye a tiyisako a wasati wa matiko.
- 14 Yena loye a katekisako a mungana wa yena hi gezu ga hombe, i vuka manzikweni wa mixo,
 Kona ku ta hlayela lesaku i nzhukano a ka yena.
- 15 A kudona kusimamileko gwalego si ku ga vula
 Ni wasati wa kaneta za fanana:
- 16 Yena loye a ta nga beletako yena i beletela a mheho;
 Ni canja ga yena ga xinene gi pfo-kometa mafuren.
- 17 A xiketse xi lota a xiketse;
 Zingaho a munhu wa lota a ngohe ya mungana wa yena.
- 18 Loye a hlayisako a sinye ya kuwu i taga a mihanzo ya kona;
 Na yena loye a celako kota hi hosi ya yena i ta dzunziwa.
- 19 Kwatsi hi lomo matini a ngohe yi nyanga ngohe,
 Zingaho a mbilu ya munhu a ka ya munwani munhu.
- 20 A Xeole na Abaddoni cima a si enelisiwi;
 Ni mahlo ya munhu cima a ma enelisiwi.
- 21 A mbita ya kunyekisa nja siliva, ni nzhimbo ngwa nzalama;
 Ni munhu i hlolwa hi kudumiswa ka yena.
- 22 Hambuloko wena u wa ta nga u kanza a xipumbu lomo curini hi musu wu longolokako wu hi ni mabele ma dulilweko,
 Kasike a wupumbu ga yena gi nga ta suka a ka yena.
- 23 Tsononometa a kutiba a ku yima ka mitlambi ya wena,
 Ni ku cuwuka kwatsi tihonzwini ta wena:
- 24 Hakuba a kufuma a hi ka ku kala kupinzuka;
 Kasi a dloilo xa wukosi xi hi xa ku kusumamisa a ka zizukulwana zonle ke?
- 25 A mbyanyi gi rwelwe, ni byanyi go nyuka gi kombisa a wutsumbu ga gona,
 Ni ku byanyi wa zitsunga wa tso-mbanyiselwa.

- 26 A tiyivana ti ta tinguwo ta wena,
 Ni timbuti i tsengo wa le masimu;
- 27 Laho ku taba kona a masi ya timbuti ma ta nga enela a kuga ka wena, ni kuga ka ngango wa wena,
 Ni ku wundla a malanza ya wena ya xisati.

XIPIMO 28.

- 1 A wa kubiha wa tsutsuma laha na ku nga hi kona a munhu a mu hlongolisako;
 Kanilezi a lulamileko i tiya kwatsi i ngala.
- 2 Hakuba hi zihambunyeto za tiko li kona a tihosana to tala ta kona;
 Kanilezi hi banhu ba kupima ni kutiba a tiko ga kona gi ta simamisa.
- 3 A munhu a vumalako loye a tsimbe-ketako a zisiwanana
 I kwatsi i vula ya swinga leyo yi nga siyiko ni za kuga.
- 4 Bona labo ba tsikako a nayo ba dumisa a wa kubiha;
 Kanifezi kwatsi hi lobo ba hlayisako a nayo ba eneliswa sinwe na bona.
- 5 A banhu ba kubiha a ba pimi a nongametiso;
 Kanilezi bona ba hlotako Jehova ba pima zonkle silo.
- 6 Ngwatsi a wuxisiwana loye a fambako kulongeteni ka yena,
 Ku hunza loye a kohlakeleko ndleleni, hambile loko a fumile.
- 7 Loye a hlayisako a nawo i nlsanyana wa kutiba;
 Kanilezi loye a na nga mungana wa bamahllokoti i wisa tingana dadani wa yena.
- 8 Yena loye a enzelekisako a nhunzu ya yena hi kubinzulusela ni kuanzisa,
 I bingeretela kona a ka loye a hawukelako a zisiwana.
- 9 Loye a hunzulusako a ndlebe ya yena a kuingiseni ka nawo,
 Hambu wona a mukombelo wa yena wu hi manyalataniso.
- 10 Loye a mahako a longamileko a ku penga ndleleni ya kubiha,
 I ta wela a wutsumbu ga yena rinzi ni ga yena nwinini;
 Kanilezi a mbeleleko i taga tsomba ya zinene.
- 11 A munhu a fumileko wa tiba hi ka yena nwinini;
 Kanilezi a xisiwana lexo xi nga ni kupima xa kambela yena.

- 12 Laha a lulamileko a kana, laho ku kona a wukosi ga hombe ;
Kanilezi laha na wa kubiha a suka, a banhu ba fihla a wutsumbu gabye.
- 13 Yena loye a fihlako a zihambunyeti-so za yena a nga ta vuvuma ;
Kanilezi loye a vulelako ni ku tsika zona i ta amukela a titralo.
- 14 Nzi tsako a ku munhu loye a cabako xonkle a xikati ;
Kanilezi yena loye a nonohisako a mbilu ya yena i ta wela kohlakalweni.
- 15 Kwatsi hi ngala yi dzumako, ni bera gi ngurako,
Zingaho a mufeli wa kubiha hela ka banhu bazisiwana.
- 16 Ni hosana leyo yi vumalako a kupi-ma kambewo mutsimbeti wa hombe ;
Kanilezi yena loye a bengako a kunabelisisa i ta longoloka ni masiku ya yena.
- 17 A munhu loye a binzilweko hi nka-ta kani ngwa wihi munhu
I ta tsutsumela lomo rinzini ; nga a nga hi kona a mu tsumisako.
- 18 Loye a fambako hi kulongamileko i ta klakliswa ;
Kanilezi loye a kohlakeleko tindleni ta yena i tawa hi xikanzakanya.
- 19 Yena loye a rimako a simu ga yena i taba ni zibaba zo tala ;
Kanilezi yena loye a lanzelako a banhu ba nga nyawuliko i taba ni wusiwana gi eneoko.
- 20 A munhu a kolekileko i ta tsama ni zikatekiso ;
Kanilezi yena loye a haklisako a kufuma a nga ta kuba a nga bi a nga tsayisilwe.
- 21 A kuhlawula a dzumba ga munhu a hi zinene ;
Ge hambu lezaku a munhu a nga onha hi xikemu xa xibaba.
- 22 Yena loye a nga ni tihlo kubiha i haklisela a kufuma,
Na a nga tibi lezaku a kuvumala ku tata helha ka yena.
- 23 Yena loye a kawukako a munhu a nzako ka lezo i ta kuma a tomo
Ku hunza loye a tatisilekako hi liri-mi.
- 24 Loye a pangako a dadani wa yena kutani i mamani wa yena, na aku,
Kona a hi kuhambunyeti,
Ywaloye hi mungana wa ba lobisi.
- 25 Yena loye wa moya wa kungo wa -
vunjukelisa a tiholoba ;
Kanilezi yena loye a beka a kutsumba ka yena a ka Jehova i ta mahwa a kuluka.
- 26 Yena loye a tsumbako a mbilwini ya yena nwinyi ngwa xipumbu ;
Kanilezi yena loye a fambako hi kutibisisilweko, yena i ta klakliswa.
- 27 Yena loye a nyikako a ka zisiwana a nga ta vumala ;
Kanilezi yena loye a fihlako a mahlo ya yena i taba nzhukano yo tala.
- 28 Laha na wa kubiha a suka, a banhu ba fihla a wutsumbu gabye ;
Kanilezi laha na bona ba lobyiswa, a lulamileko wa enzelekiswa.

XIPIMO 29.

- 1 Yena loye a kanzakanyilweko kukawuka na a tina na a ha nonohisa a nhamo ya yena
I ta lobyiswa hi kutsuketisilweko, lezo hi haba kuhawukelwa.
- 2 Laha ba lulamileko ba enzelekelana, a banhu ba tsaka ;
Kanilezi laha na munhu wa kubiha a koma nawo, a banhu ba ku hakama mahika.
- 3 Loye a ranzako a kutiba i tsakisa a dadani wa yena ;
Kanilezi loye a mahako a wungana ni zibayi i hangalasa a tsomba ya yena.
- 4 A hosi hi nongameto wa yimisa a tiko ;
Kanilezi yena loye a tongako a sinyikiwo wa hoxa gona.
- 5 A munhu loye a njuwungelako a muakelwane wa yena
I andlala a likoka la wukanziyelo ga yena
- 6 A kuhambunyeti ka munhu wa kubiha laho ku kona a panya ;
Kanilezi a lulamileko wa yimbelela a buma.
- 7 A lulamileko wa teka a kutiba hi nanzu wa zisiwana :
A wa kubiha a nga kupima a ku tiba kona.
- 8 A batseketseli ba lumekela a muti wu ngengemela ;
Kanilezi a banhu batibako ba kleli-sa kule a zanga.
- 9 Loku a munhu wa kutiba a hi ni zixuxa ni munhu wa xipumbu,
Laha a zangarileko kutani a hlekako, ku nga ta kuba kona a ku humula.

- 10 A munhu a zwako tora hi nkata wa benga yena loye a mbeleleko ;
Na kwatsi hi a longamileko bona ba hlota a wutomi ga yena.
- 11 A xipumbu xa wulawula konkle a kuzangara ka yena ;
Kanilezi a munhu a tibako wa yi ko-beta a miyelisa yona.
- 12 Loku a mufumeli a ingisa a xiwunwa,
Wonkle a malanza ya yena nja kubiha.
- 13 A munhu wa xisiwana ni a tsimbe-
ketilweko ba ngana katiginwe ;
Jehova a woningako a mahilo ya bona bonkle.
- 14 A hosi leyo hi kukolekilsilweko a lamulako a zisiwana,
A xitsamo xa wukosi xakwe xi ta yimiswa kala kupinzuka.
- 15 A nhonga ni peziselelo zi nyika a kutiba ;
Kanilezi a xihlangana xi tsikilweko a wutsumbu ga xona xi wisa a tingana a ka mamani wa xona.
- 16 Laha a wa kubiha a enzelekelanako,
kubiha ku ta enzelekelana ;
Kanilezi a lulamileko i ta cuwuka ka kuwa kabye.
- 17 Luleka a nisanyana wa wena, i ta nyika wena a kuhumula ;
Ina, i ta nyika a kuxalala a ka muhefemulo wa wena.
- 18 Laha ku nga hi kona a muwoniso, a banhu ba tsiku a kukawukwa ;
Kanilezi yena loye a hlaysako a nawo a tsako a ka yena.
- 19 A nanza gi nga ta lulekwa hi timhaka ;
Hakuba hambu yena a kuzwa, a nga ta kata.
- 20 Na u wona a munhu loye a hakisako hi timhaka ta yena ke ?
Laho ku kona a tsumba ka xipumbu ku hunza yena.
- 21 Loye a kulongetisilweko a wundlileko a nanza ga yena ku sukela a wuzwananeni yena
I ta maha yena a nwanana hi kugumesa.
- 22 A munhu wa xizangani i vindlula a tiholoba,
A munhu wa xizangazangani itsama zihambunyetweni.
- 23 A matsanza ya munhu ma ta neha yena lahasi ;
Kanilezi yena loye wa moya wu koramekileko i ta kuma a kudzinza.
- 24 Loye a hlengelako ni nkamba i benga a muhefemulo wa yena nwinyi ;

- Yena a ingisa a nayo a nga wuli ncumo.
- 25 A xicabyo xa munhu xi neha a ziyo ;
Kanilezi loye a bekako a kutumba ka yena a ka Jehova i ta pona.
- 26 A banyingi ba hlota a tomo ga mufumeli ;
Kanilezi a kulamulwa ka munhu kuta hi ka Jehova.
- 27 A munhu a nga longamangiko u hi manyalataniso a ka munhu a lulamileko ;
Ni loye a longamileko ndleleni u hi manyalataniso ka wa kubiha.

XIPIMO 30.

- 1 A timhaka ta Agura a nisanyana wa Jake ; a nyamano.
A munhu wa wula a ka Itieli, a Itieli na Ukali ;
- 2 Hakunene mina nzi xibanza ku hunza na wihi a munhu,
Mina a nzi nako a kupima ka wumunhu ;
- 3 Mina a nzi gonzangi a kutiba,
Ge mina a kutiba. Loye wa ku Basa.
- 4 Himani loye a kanziyileko le tilweni,
ni kurelela ke ?
Himani a wungeleteleko a mheho mandleni ya yena ke ?
Himani a bolileko a matl lomo tingubenyi ta yena ke ?
Himani a yimisileko konkle a kugumelwa ka misaba ke ?
Himani a bito ga yena, himani a bito ga nisanyana wa yena, loku wena u nga u kari u zi tiba ke ?
- 5 Tonklelele a timhaka ta Nungungulu ti hlolilwe :
Yena i hi xiklangu a ka bonklelele labo ba tekako a wuponelo a ka yena.
- 6 U nga engeteli wena a ka timhaka ta yena,
A nga taku a kawuka wena, na wena u kumiwa na hamba a wunwa.
- 7 Zilo zimbiri nzi wutisileko ha wena ;
U nga zi ali hi mahlweni na nzi nga se kufa :
- 8 Susa a ka mina kule a kukohlisa ni mawunwa ;
U nga nzi nyiki ge a kuvumala ge katani kufuma ;
Gisa mina hi kuga loku ku labekileko a ka mina :
- 9 Ku nga taku mina nzi xura, nzi kaneta wena, nziku, Nzimani Jehova ke ?

- Ku nga taku mina nzi xisiwana, nzi yiba,
Nzi gi tirisa hi kuhana hanisilweko a bito ga Nungungulu.
- 10 U nga hlebi a nanza a ka nwinyi wa gona,
A nga taku yena a rukatela wena, wena u kumiwa na u hi loyi a gohleko.
- 11 Laho ku kona a xizukulwana lexo xi rukatelako a dadani wa xona, Na xi nga katekisi a mamani wa xona.
- 12 Laho ku kona a xizukulwana lexo xi basileko a mahlweni ya xona nwinyi,
Kasike a xi hlazilwe zibini za xona.
- 13 Laho xi kona a xizukulwana, O xi kukumisile kuyini a mahlweni ya xona!
Ni lisiyi la tihlo ga xona li klakukile.
- 14 Laha ku kona a xizukulwana lezo a meno ya xona ma nge kwatsi ti-supado, ni meno yabye ya macuri me kwatsi mikwana,
A kukadamula a zisiwana laha misabeni, ni bavumali laha xikari ka banhu.
- 15 A hluku wa hombe wu na ni bahnwana bambiri, ba bitanako, Nyika, nyika,
Laho ku kona a zilo simbiri lezo cima a zi na ku xuriswa,
Enaka, kasike mune lezo si nga wuliko, Kuebele :
- 16 A Xeole ; ni marumbu ma nga traliko ;
A misaba leyo yi nga enelisiwiko hi mati ;
Ni nzilo lowo wu nga wuliko, Kuebele,
- 17 A tihlo lego gi tseketseleko a ka dadani wa gona,
Gi nyenyako a kuingisa a mamani wa gona,
A maranzala ya mikoba ma ta xokola gona,
Ni magama maswa ma taga gona.
- 18 Laho ku kona a zilo zinhari lezo zi hunzeleleko a ku hlamalisa a ka mina,
Ina, mune lezi mina nzi nga zi tibiko:
- 19 A ndlela ya gamale moyini ;
Ni ndlela ya nyoka ribyeni ;
A ndlela ya wanuna ni mbulwa.
- 20 Zingaho ni ndlela ya wasati a bayako ;
Yena waga, a sula a nomu wa yena,
- Aku, Mina a nzi mahangi a kubiha.
- 21 Hakuba ka zilo zinharu a misaba yi rurumelako,
Zi hi mune, lezi yi nga zi kotiko a ku zirwala :
- 22 A nanza laha na u wa hi hosi ;
Ni xipumbu laha na u tele hi kuga ;
- 23 A wasati a bengekako laha na a tekilwe ;
Ni nanza ga xisati lego gi mugwi wa tsomba a winge wa gona.
- 24 Zi kona a zilo za mune lezo si nga zi tsongwani misabeni,
Kanilezi zona zi hunzelele a kutiba :
- 25 A wusokoti a ka banhu a gi na nta-mo,
Kasike gona ga longisa a kuga ka gona la ximuzwini ;
- 26 A mipfundla yi hi miklambi yi tso-ngwani,
Kasike yona ya maha a tindlu ta yona lomo maribenyi ;
- 27 A humbi a yi na hosi,
Kasike ya famba yonke ya yona hi miboko :
- 28 A nyako loe wa koma hi mandla ya yena,
Kasike yena i le xilubelweni xa ti-hosi.
- 29 Zi kona zilo zinharu si yimekileko a kufambeni ka bona,
Ina, mune si yimikileko kufambeni ga bona :
- 30 A ngala, leyi yi nga ni ntamo xikari ka zihari,
Yi nga hiko na kutleliswa ha ncu-mo ;
- 31 A mananze wa mbyana ; ni mhongo kambe ;
Ni hosi a ku vukela loye ku nga hiko kona a vukako.
- 32 Loku wena u mahile hi kupupulutlweko a ku ti klakusa a wutsumbu ga wena,
Kutani loku wena u alakanyile a kubiha,
Klateka a canja ga wena hehla ka a nomu wa wena.
- 33 Hakuba a kubakasela a masi ku maha a mawomba,
Ni kusimbeketa a nhovu yi humesa a nkata ;
Zingaho a kuhlohlotela a zanga yi humesa a tiholoba.

XIPIMO 81.

- 1 A timhaka ta hosi Lemueli ; a mano laya a nyine wa yena a nga gonzi-sa yena.

- 2 Xini, nisanyana wa mina ke? na xi hi xini, O nisanyana wa marumbu ya mina ke?
Na xi hi xini, O nisanyana wa zifungo za mina ke?
- 3 U nga nyiki a ntamo wa wena a ka ba basati,
Ge ni tindlela ta wena a ka lezo zi lobisako a tihosi.
- 4 A hi ka tihosi, O Lemueli, a hi ka tihosi a kunwa a waini;
Ge a ka tihosana a ku wula, Ku kwihi a kunwa ka ntamo ke?
- 5 Ku nga taku ba banwa, ni ku ribakelwa a nawo,
Ni kuonhakalisa a nongametiso a ka bona labo ba hlokisilweko.
- 6 Nyika a kunwa ka ntamo ka yena loye a longeleko a ku mbemba,
Ni waini a ka loye a bayisekako muhefemulweni:
- 7 Nga yena anwa a kohlwa hi wusiwana ga yena,
A nga ha alakanyi a hlakalelo wa yena kambe.
- 8 Vulula a nomu wa wena ka xiwiri,
A ka nanzu ya bona bonkle labo ba tsikilweko kuhlakaleni.
- 9 Vulula a nomu wa wena, u lamula hi kululamisisilweko,
U tirela a nongametiso a ka sisiwana ni bavumali.
- 10 A wasati a faneleko hi mani a nga mu kumako ke?
Hakuba a tsengo wa yena wu hunza kule a mapareli.
- 11 A mbilu ya nuna wa yena ya tsumba yena,
Na yena a nga vumala a kubinzula.
- 12 Yena i mahela yena a kusasa na ku nga hi kubiba
Wonkle a masiku ya wutomi ga yena.
- 13 Yena i laba a woya ga tiyivu ni wukene,
A tira hi kuranzisileko hi mandla ya yena.
- 14 Yena i kotile a ntaru ga mahungani;
Yena wa neha a zibaba sakwe hi leyo kule.
- 15 Yena wa suka kambe laha na ga ha hi wusiku,
Ni ku nyika a kuga ba le ngangweni wa yena,
Ni mitiro yabye a ka banhwana ba yena.
- 16 Yena a pima hi simu, ni ku xaba yona;
Hi mihanzo ya mandla ya yena, i byala a xivina.
- 17 Yena a bohako a ziwunu sa yena hi ntamo,
A ma maha a ntamo a mawoko ya yena.
- 18 Yena a pimako lezaku a zinjaninjani za yena zi binzule;
A kandiya ya yena a timeki ni wusiku.
- 19 Yena a klateka mandla ya yena le ka xiluko xa kasila,
A mandla ya yena ma koma a xitsakanyo.
- 20 Yena a nawuluta a canja ga yena a ka zisiwana;
Ina, yena a ciketela a mandla ya yena a ka bavumali;
- 21 Yena a nga cabyswi hi mbera a ka ngango wa yena;
Hakuba bona bonkle ba yindlu ya yena ba ambalisilwe hi leto to truka.
- 22 Yena a mahelako a wutsumbu ga yena a masangu ya kuminyiwa;
A kuambala ka yena mbu kene gi feflweko ni kuzirila.
- 23 A nuna wa yena wa tibyiwa le tinyangweni,
Laha yena a tsamileko xikari ka masingalakati ya tiko.
- 24 Yena a mahako a tinguwo ta wukene ni ku xabisa tona,
I nyikako a tikalo a ka mahungani.
- 25 A ntamo ni mbunene ga yena hi tinguwo ta yena;
Yena wa hleka hi xikati xi tako.
- 26 Yena wa vulula a nomu wa yena hi kutibisisa;
Ni nawo wa wunene wu lomo lirimi ni la yena.
- 27 Yena i cuwuka kwatsi hi ndlela ya ngango wa yena,
Na a ngagi a zibaba za wudangayi.
- 28 Ni banana ba yena ba vuka, ba wula ba yena, yena mu katekiswa;
Ni nuna wa yena kambe, na yena i dumisa yena aku:
- 29 A banhanya banyingi ba mahile hi ku fanelekileko,
Kanilezi wena u hunzisisile bonkle.
- 30 A wuxinji mbu kohlisi, ni wumburi a mbu panga;
Kanilezi a wasati loye a cabako Jehova, i ta dumiswa.
- 31 Nyika yena ka mihanzo ya mandla ya yena;
Nga a mitiro ya yena yi dumisa yena laha tinyangweni.

KUTSAWUTELA

KUTANI, MUKANELI.

XIPIMO 1.

- 1 A timhaka ta Mukaneli, a nisanyana wa Davida, a hosi ya le Jerusalema.
- 2 A zinyawuli za zinyawuli, ku wula a Mukaneli; a zinyawuli za zinyawuli, zonkile zi hi zinyawuli.
- 3 Ku binzula yini a na nga nako a munhu a ka konkile a kupangama ka yena loko yena a pangamileko lahasi ka gambo ke?
- 4 A xizukulwana xizwe xa hunza, ni xizwani a xizukulwana xita; kani- lezi a misaba yi simamile kala kupi- nzuku.
- 5 Ni gambo kambe ga suka, ni gambo ga pela, gi haklisela wutsanweni ga gona laha gi sukileko ha kona.
- 6 A mheho ya famba yi komama dzon- geneni ni ku renzelekela le nwalu- ngu; ni ku renzelekisela hi kusi- manisilweko a ka xigelo xa yona, ni mheho yi kilelela kambe lirenzwe- ni la yona.
- 7 Yonkile a micongo yi kulungela bi- mbini, kasike a bimbi a nga tali; a ka wutsamo lego a micongo yi yako, kwaleyo yona yiya kambe.
- 8 Zonkile a zilo zi tele hi kukarala; a munhu a nga tsawutela kona: a ti- hlo a gi na ku eneliswa hi kuwona, ge hambu a ndlebe a kutatiswa hi kuzwa.
- 9 Lezo zi nga kari zi hi zalezo za suba zalezo; ni lezo zi mahékileko hi zona lezo zi ta su mahéka; ni laho a xi kona xilo xiswa lahasi ka gambo.
- 10 Kasi laho ku kona a xilo lexo ha xona ku nga wa ta kuwulwa, Wona, lexi xiswe ke? xi wa hi kona hi kale loko, a titangeni leti ti nga wa hi kona hi mahlweni ka hina.
- 11 La ho a ku kona a kudakanyisa ka zizukulwana za bakale ge laho ku nga ta kuba a kudakanyisa a ka zizu- kulwana za kugumesa lexo xi ta ngata, xikari ka labo zi ta ngata hi le nzako.
- 12 A mina Mukaneli nzi wa hi hosi he- hla ka Israeli ni Jerusalema.
- 13 Na nzi lo kangetela a mbilu ya mi-

na a kuhlota ni kulaba a kutiba a xungetano lezi zonkile zi mahiwako lahasi ka tilo: kona i karato yi tsi- ngileko leyo Nungungulu a yi nyi- kileko a ka barisanyana ba banhu a kuba ba tiriswa ba kona.

- 14 Nzi wonile a mitiro yonkile leyi yi tirwako lahasi ka gambo; ni, langu- ta, ni yonkile a yi nyawuli ni kungu- mela ka mheho.
- 15 Ni lexi xi byekeleko a xi na ku ma- hwa xi lulama; ni lexo xi labyiwako a xi na ku hlaiyiwa.
- 16 Nzi kwangwezetene ni mbilu ya mi- na nwinyl, nziku, Wangabye, nzi ti bingeretele a kutibisa hehla a ka zo- nkile lezi zi nga lomo Jerusalema; ina, ni mbilu ya mina yi wa klarihi- silwe nguvu hi kutibisisa ni mano.
- 17 Na nzi lo kangetela a mbilu ya mina a kutiba a wuklari, ni kutiba a lihuh- bi ni wupumbu: mina nzi lo wona lezaku zonkile lezi ku hi kungumela ka mheho.
- 18 Hakuba nzeni ka kutibisisa ka ho- mbe ku kona a hlomulo wa hombe; Yena loye a enzelekelanako a kutiba i enzekelana a kuxaniseka.

XIPIMO 2.

- 1 Mina nzi wa te ngalo mbilwini ya mina, Ngona makunu, mina nzi ta hlola wena hi litsako; hikwalaho buma hi tangaliso: ni, languta, lezi kambe a zi nyawuli.
- 2 Nzi wa te ngalo hi muhleki, Kona kuhunguka; ni kutsaka, Ku maha yini kona ke?
- 3 Nzi hlolile a mbilwini ya mina lezaku nzi nga ta narisa ku yini a nyama ya mina hi waini, ni mbilu ya mina ya ha rangela mina hi kutiba, ni ku nzi komisa a ku yini a wupumbu, kala nzi fela kuwona lezaku zini zi sase- kileko a ka barisanyana ba banhu le- zaku bona ba wa ta nga ba maha la- hasi ka tilo wonkile a masiku ya wu- tomigabye.
- 4 Nzi mahéle mina a mitiro ya hombe; nzi akele a yindlu; nzi byelele mina a xivina;

KUTSAWUTELA, 2.

- 5 Nzi mahele mina a masimu ni tibu-
bye, nzi lo byala a tisinya ta tonkle a
tixaka ta mihanzo ;
- 6 Nzi lo mahela mina a matiba ya ma-
ti, a ku tsakamisa ha wona a kwati
lego a tisinya ti wudliwako ;
- 7 Nzi lo xaba a malanza ya xinuna ni
malanza ya xisati, na nzi wa hi ma-
lanza ma trelweko lomu ndlwini ya
mina ; kambe nzi wa hi tsomba yo
tala ya tihomu ni miklambi, ku hu-
nza bonkle labo ba nga wa hi ma-
hlweni ka mina lomu Jerusalema ;
- 8 Nzi lo tsombanyisela a ka mina a
siliva ni nzalama, ni bako ga tihosi
ta mifumo ; nzi lo tekela mina a ba
banuna ba ku yimbelela ni ba basati
ba ku yimbelela, ni kuxalala ka ba-
risanyana ba banhu, a kuvuma ka-
wucenje, ni loko ka tonkle tixaka.
- 9 Zingaho nzi wa hi wa hombe, nzi
enzelekelana ku hunza bonkle labo
ba nga wa hi mahilweni ka mina le
Jerusalema : kambe ni kutibisa ka
mina ku lo tsama zinwe na mina.
- 10 Na kani xa kuyini lexo a mahlo ya
mina ma zi xubako a nzi ti komangi a
ka zona ; a nzi tsimbetangi a mbilu ya
mina ni ka kwihhi a kutsaka ; haku-
ba a mbilu ya mina yi wa kutsaka
hi ka konkle a kupangama ka mina ;
na ku wa hi xiabelo xa mina a ka
konkle a kupangama ka mina.
- 11 Zonake nzi lo cuwuka a ka wonkle
a tiro lowu a mandla ya mina yi wu
tirileko, ni ka kupangama loko nzi
pangamileko a ku maha : ni, langu-
ta, konkle a kunyawuli ni kungu-
mela ka mheho, ni laho a ku kona a
kubinzula lahasi ka gambo.
- 12 Na mina nzi lo hunzulusa a mbilu
ya mina a aku languta kutiba, ni ku-
hunguka, ni wupumbu : hakuba xi-
ni munhu a nga wa ta xi maha xi
a le nzako ka hosi ke? hambu zona
lezo zi nga wa mahilwe kale loko.
- 13 Zonake nzi lo wona lezaku a kutiba
ku hunza a wupumbu, kwatsi hilezi
a kuwonekela ku hunzako a munya-
ma.
- 14 A mahlo ya munhu wa kutiba ma
lomo nzeni ka hloko ya yena, ni xi-
pumbu xi famba munyameni ; ka-
sike lezo mina nza wona lezaku xilo
zinwe xi humelelako a ka bona bo-
nkle.
- 15 Zonake nzi lo wula mina a mbiluwi-
ni ya mina, Kwatsi hilezi zi maheki-
leko a xipumbu, zingaho na kona ku
humelele a ka mina ; hi yini zonake
nzi hunzeleleko a kutiba ke? Zonake
ku lo wula mbilwini ya mina, lezaku
lezi kambe a zi nyawuli.
- 16 Hakuba a ka munhu wa kutiba, ko-
na ku kwatsi xipumbu, a ku kona
a alakanyiselelo kala kupinzuka ; na
u wona lezaku hi masikwini ma tako
zonkle zi taba zi ribakelwe kaleloko.
Na hi yini a munhu wa kutiba a fa-
ko kwatsi xipumbu ke?
- 17 Zingaho nzi na benga a wutomi, ha-
kuba a tiro lowu wu tirilweko laha-
si ka gambo wu hlokisisako a ka
mina ; hakuba ni zonkle a zi nyawu-
li ni kungumela ka muheho.
- 18 Na mina nzi lo benga a kupinyama
ka mina loko nzi pinyamileko laha-
si ka gambo, na nzi wona lezaku nzi
nga ta tsika kona a ka munhu loye
ba ta ngata le nzako ka mina.
- 19 Hi mani a zi tibako lezaku i taba mu-
nhu wa kutiba kutani xipumbu ke?
Kasike yena i ta fumela a ka konkle
a kupinyama ka mina loku nzi pi-
nyamileko, loko ha kona mina nzi
kombisileko a kutiba ka wutsumbu
ga mina lahasi ka gambo. Lezi zo-
nkle a zi nyawuli.
- 20 Hikwalaho nzi lo renzeleka nzi ma-
ha a mbilu ya mina a ku mbela a
ntamo hi xungetano zinwe ni kupi-
nyama konkle loko nzi ku pinyami-
leko lahasi ka gambo.
- 21 Hakuba laho ku kona a munhu loye
a na nga ni kupinyama loku ku ni
kutiba, ni mano, ni kuklarihisisa ;
kasike a ka munhu loye a nga pi-
nyamangiko yena i ta siya kona a
kuba xiabelo xa yena. Loku kambe
a ku nyawuli ni kuonha ka hombe.
- 22 Hakuba xini a munhu a nga naxo a
ka konkle a kupinyama ka yena, ni
ka kukarateka ka mbilu ya yena,
loko yena a kupinyamileko lahasi ka
gambo ke?
- 23 Hakuba wonkle a masiku ma hi zi-
xaniso basi ni hlokiselelo yakwe i
tsekulelo ; ina, hambu laha wusi-
kwini a mbilu ya yena a nga teki a
ku humula. Loku kambe a ku nya-
wuli.
- 24 Laho a ku kona a xilo xa neumo
a ka munhu ku hunza lezaku i wa
ta nga aga anwa, ni ku maha a mu-
hefemulo wa yena wu tsaka hi ku-
pangama ka yena. Lezi kambe nzi
zi wonile, lezaku kuta hi le canjeni
ga Nungungulu.

- 25 Hakuba himani a kotako kuga, hi mani a kotako kubuma, kuhunza mina ke?
- 26 Hakuba a ka munhu loye zi mu xalalisako yena Nungungulu wa nyika yena a kutiba, ni mano, ni kutsaka; kanilezi a ka muonhi yena i nyika a hlokiselelo, kuhula ni kubi-ringetela kona, kasi wa fela a ku nyika yena lezo zi tsakisako a Nungungulu. Ni zonkle lezi a zi nya-wuli ni kungumela ka mheho.

XIPIMO 3.

- 1 Hakuba a ka zilo zonkle laho ku kona a nguba, ni zikati za konkle a kuxuba lahasi ka tilo;
- 2 A xikati xa kutralwa, ni xikati xa kufa; a xikati xa kubyala, ni xikati xa kutsuwula loku ku byelweko;
- 3 A xikati xa ku daya, ni xikati xa ku ponisa; a xikati xa kungumula, ni xikati xa kuaka;
- 4 A xikati xa kurila, ni xikati xa ku hleka; a xikati xa ku rila, ni xikati xa kukina;
- 5 A xikati xa ku hoxa a maribye, ni xikati xa ku bingeretela a maribye; a xikati xa ku wukarela, ni xikati xa ku tsika ku wukarela;
- 6 A xikati xa ku laba, ni xikati xa kulahlekelwa; a xikati xa ku hlayisa ni xikati xo hoxa kule;
- 7 A xikati xo hanzula, ni xikati xo runga; a xikati xo miyela, ni xikati xo wulawula;
- 8 A xikati xa kuranza, ni xikati xa kubenga; a xikati xa impi, ni xikati xa kuba ni kurutisa.
- 9 Ku binzula yini a ka loye yena a tirako a ka lezi yena a zi pinyamileko ke?
- 10 Nzi wonile a hlokiselelo leyo Nungungulu a yi nyikileko a ka barisanyana ba banhu a kuba ba tiriska a ka yona.
- 11 Yena i mahile a zilo zonklelele a wumburi hi xikatini xa zona: kambe yena i yimisile a tsonzomiselo lomo timbilwini ta zona, kasike a munhu a nga koti ku kuma a tiro lowo Nungungulu a wu mahileko kusanguleni kala kugumelweni.
- 12 Nza zi tiba lezaku a ku ncumo xatsi a ka bona, kuhunza a kubuma, ni ku maha a kusasa xonkle a xikati lexo bona ba longolokako ba hanya.
- 13 Ni lezaku bonklelele banhu ba wa ta nga бага ni kunwa, ni ku tsaka ka

hi zinene hi ka konkle a kupangama ka yena, ku nga xinyikiwo xa Nungungulu.

- 14 Nza zi tiba lezaku, kani za kuyini lezi Nungungulu a zi mahako, kona ku taba kona kala kupinzuka: a ku kona a hi ncumo xi ta nga bekwa a ka xona, ge ni ncumo xi ta nga tikiwa a ka xona; na Nungungulu i mahile kona, lezaku a munhu i wa ta nga a caba mahlweni ka yena.
- 15 Lezo zi nga wa hi kona a kale hi loko; ni lezo zi ta nga zi hi kona si wa nga zi hi kona a kele loko: na Nungungulu i hlotile kambe lezi zi hunzileko.
- 16 Na klatakumbiri nzi lo wona lahasi ka gambo, le wutsanweni ga nongametiso, lezaku a kubihisisa ku wa hi kona leyo, ni le wutsanweni ga kululamisisa, lezaku a kubihisisa ku wa hi kona laho.
- 17 Nzi wa te ngalo mbilwini ya mina, Nungungulu i ta lamula a ba kululama ni ba kubihisa; hakuba laho ku kona a xikati xa konkle kupangama ni yonklelele a mitiro.
- 18 Nzi wa te ngalo mbilwini ya mina, Kona hakuba hi barisanyana ba banhu, kasi Nungungulu wa fela a kulhola bona, ni ku kasi ba fela a ku wona a wutsumbu gabye bona ba hi kwatsi ka zihari.
- 19 Hakuba lezo zi welako a barisanyana ba banhu zi wela kambe a zihari; xona xilo xinwe xi welako bona: kota lezi a munwe a fako, zingaho wafa ni munwani; ina, bonklelele ba hi ni kahe xinwe; ni munhu a nga nako a ku hunza a zihari; hakuba zonkle a zinyawuli.
- 20 Zonkle ziya a ka wutsamo ginwe; zonkle zi hi tsuri, ni zonkle zi hinzuka a tsuri kambe.
- 21 Hi mani a tibako a moya wa munhu, kutani wuya le hehla, ni moya wa zihari, kutani wuya lahasi misabeni ke?
- 22 Ngahilezo nza lo wona lezaku a ncumo xatsi ku hunza loku, a munhu a nga ta nga a tsaka hi mitiro ya yena; hakuba laho ku kona a xiabelo: xakwe hakuba hi mani a nga mu klelisa a ku wona lezi si nga le nzako ka yena ke?

XIPIMO 4.

- 1 Zonake nza lo renzeleka nzi lo wona wonkle a tsimbeketelo lowu wu nga lahasi ka gambo: ni, langu-

KUTSAWUTELA, 5.

- ta, a mihloti ya labo ba tsimbeketi-
lweko, na bona a ba na mu tangali;
ni le kletweni ga batsimbeketi babye
a ku wa hi utamo; kanilezi bona a
ba nga ni mutangali.
- 2 Ngahilezi nza lo dumisa a bafleko
labo ba fileko a kaleloko ku hunza
laba ba hanyako laba ha hanyako;
- 3 Ina, i cukwana ku hunza bonkle ba-
mbiri kunene nza no kukumuxa lo-
ye a nga ka a nga hi kona, loye a nga
kala ku wona mitiro ya kubiha leyo
yi mahilweko lahasi ka gambo.
- 4 Zonake mina nzi lo wona konklea
kupinyama ni yonklelele a a mitiro
ya kuklariha, hakuba hi lezi a munhu
mbukuxu ka wa akelwane wa yena.
Lezi kambe a zi nyawuli zi bubutsa
kwatsi i mheho.
- 5 A xipumbu xi petsa a mandla ya xo-
na katiginwe, ni kuga a nyama ya
yena nwinyi.
- 6 I cukwana a nhama xinwe, yi nga
ni kurutisa, ku hunza a tinhama ti-
mbiri ti teleko ni kupinyamela ka
mheho.
- 7 Zonake mina nzi lo hunzuluka nzi
lo wona a ku nga nyawuli lahasi ka
gambo.
- 8 Laho ku kona a munwe loye a nga
yece, na yena a nga na wa kugame-
la; ina, yena a nga nisanyana ge ni
makabye; kasike laho a ku kona a
kugumelwa ka kupangama ka yena,
ge hambu a mahlo ya yena a ma ene-
liswi hi kufuma. Hakuba hi kota
ya mani, mina nza pangama, nzi wu-
klela a muhefemulo wa mina a zine-
ne ke? Zonawu lezi kambe a zi nya-
wuli, ina, kona ka su hunzelele a
hlokiselelo.
- 9 A bambiri mbatsi kuhunza munwe,
hakuba bona ba ni ncacazelo watsi
wa kupangama kabye.
- 10 Hakuba loku bona bawa, a munwe i
ta klakusa a nakulobye; kanilezi ko-
mbo a ka yena loye a nga yece laha a
wako, hakuba a nga na munwe ku
mu klakusako yena.
- 11 Kambe, loku a bambiri ba eklela ka-
tiginwe, zonake bona ba na ni kuku-
fumela; kanilezi a munwe a nga
kufumelisa kuyini yece ke?
- 12 Ni loku a munhu a hlula a pala yena
loye a nga yece, a bambiri ba ngalwa
na yena; ni tingoti ti wuyetilwe ku-
nharu a ti haklisi a kubewuka.
- 13 I cukwana a wa xisiwana ni wa
muswa wa kutiba, ku hunza a wa

kale ni hosi ya xigumbu, loye a nga
ha zi tibiko a kuamukela a lulekeliso
kambe.

- 14 Hakuba hi lomo paxweni yena wa
huma a ku taba hosi; ina, hambu
kona le mufunweni wa yena i wa tre-
lwe a nzenga.
- 15 Mina nzi wonile zonkle zihanya lezo
zi hanyako lahasi ka gambo, lezaku
zona zi hi ziswa, a wa kugamela, loye
a yimileko xikundleni xa yena.
- 16 Laho a ku kona a kugumelwa ka bo-
nkle banhu, kona a ka bona bonkle
yena a nga wa hehla ka bona: kasi-
ke labo ba tako le nzako ba nga ta
tsaka a ka yena. Hakunene lezi ka-
mbe a zi nyawuli ni kungamela ka
mheho.

XIPIMO 5.

- 1 Hlayisa a konzo wa wena laha na
wena na uya le ndlwini ya ka Nu-
ngungulu; hakuba a ku tsinela a
kuzwa katsi ku hunza a nyika a
mupahlelo wa zipumbu: hakuba bo-
na a ba zi tibi lezaku bona ba maha
kubihla.
- 2 U nga be na kluklu hi nomu wa we-
na, u nga mahe a nomu wa wena ku
haklisa ku wulawula a ncumo ma-
hlweni ka Nungungulu; hakuba Nu-
ngungulu i le tilweni, na wena u le
misabeni: hikwalaho nga a timhaka
ta wena ti maha ti tsongwani.
- 3 Hakuba a noro wuta ni wudlemo ga
pangamiselelo, ni gezu ga xipumbu
zinwe ni wudlemo ga timhaka.
- 4 Laha wena u fungako a xifungo a
ka Nungungulu, u nga ribali a ku
riha xona; hakuba a nga na tangali-
soa ka zipumbu: riha lezo wena u zi
fungileko.
- 5 Ku wa hi kwatsi loku wena u wa ta
nga u nga fungangi, ku hunza lezi
wena u nga ta nga u fungile na u
nga ta riha.
- 6 U nga vumeli a nomu wa wena a ku
maha a nyama ya wena yi onha; ge
ku wula wena mahlweni ka ngelosi,
lezaku kona ku wa hi ku kuhoheta;
ngahilezo Nungungulu i ta zangara
a ka gezu ga wena, ni kulobisa a mi-
tiro ya canja ga wena ke?
- 7 Hakuba a ka wudlemo ga kulora la-
ho ku kona a ku nga nyawuli, ni ka
timhaka ta kutala: kanilezi caba we-
na Nungungulu.
- 8 Loku wena u wona a tsimbekete-
lelo wa zisiwana, ni bawukla ba pa-

KUTSAWUTELA, 6.

- nga a nongametiso lomo tikweni, u nga hlamali hi ka mhaka : hakuba a munwe a klakukileko ku hunza ku-klakuka wa katalela ; ni laho ku kona a klakukileko ku hunza bona.
- 9 Klatakumbiri a kubinzula ka misaba ku ka bonkle : a hosi wutsumbu ga yona yi kozelwa hi masimu.
- 10 Yena loye a ranzako a siliva a nga ta eneliswa hi siliva ; ge hambu loye a ranzako a talisiso, zinwe ni kue-nzelekelana : zonawu lezi kambe a zi nyawuli.
- 11 Laha a nhunzu yi kari yi enzelekelana yona yi enzelekelana a ka labo ba gako yona ; I binzu yini gi nga kona laho a ka benyi ba yona, saseka kuwonwa ka bona hi mahlo ya yena ke?
- 12 A kuelelela ka munhu a pangamileko ka tsombela, hambu a kuga kutso-ngo kutani ko tala ; kanilezi a talisiso wa kufuma wu nga mu nyika yena a wurongo.
- 13 Lahe ku kona a kubiha kuhlokisa-koloko nzi ku wonileko lahasi ka gambo, ku hi loku, a kufuma ku hlaysilweko hi zwinyi wa kona ku hi kulamatwa ka yena :
- 14 Ni loku kufuma ku ta mbembiswa hi wukokolota ga kubiha ; ni loku yena na a nga a trele a nisananya, laho a ku kona ncumo a canjeni ga yena.
- 15 Kwatsi hi lezi yena a humeleko hi lomo rumbyini ga nyine wa yena, hi wumbyini yena i ta famba kambe kwatsi hilezi a tileko zona, na a nga ta teka xa ncumo xa kupinyama ka yena, lexi yena a nga wa ta xi rwala lomo canjeni ga yena.
- 16 Ni lexi kambe i conho xi zangarisako, lezaku a ka zonkle zihloko kwatsi hilezi a tileko, zingaho yena i ta famba : ni kubinzula kuyini loku yena a apinyamelako a mheho ke?
- 17 Ni wonkle a masiku ya yena kambe i gela munyameni, na yena i hunzelele kukarateka, i na kuba bya ni kulo.
- 18 Languta, lexo mina nzi xi wonileko a kuba xinene ni nyalidede hi le xaku a muzwe a kuga ni kunwa, ni kutsaka hi kusasa a ka konkle kupinyama ka yena, loku yena a kupinyamileko lahasi ka gambo, wonkle a masiku ya wutomi ga yena laya Nungungulu a nyikako yena ; hakuba lexi ki xabelo xa yena.
- 19 Bonklelele banhu labo Nungungulu a ba nyikileko a kufuma ni mipfuno, na a ba nyikile ni ntamo a kuga yona, ni ku teka a xiabelo xa bona, ni kutsaka kupangameni ka yena—lezi xinyikiwo xa ka Nungungulu.
- 20 Hakuba yena i wa nga ta alakanya nguvu a masiku ya wutomi ; hakuba Jehova i hlamule yena lomo kutsakeni ka mbilu ya yena.

XIPIMO 6.

- 1 Lahe ku kona a kubiha loko mina nzi ku wonileko lahasi ka gambo, na kona ku binzile hehla ka banhu :
- 2 A ka munhu loye Nungungulu a mu nyikileko a kufuma, a kupfuna, ni kudzunziwa, zingaho lezo yena a nga vumalangi ncumo xa muhefemulo wa yena xa zonkle lezo yena a zi xubako, kasike Nungungulu a nga nyikangi yena a ntamo a kuga kona, kanilezi a wa matiko i loga kona ; kona a ku nyawuli, kona xibanga xa kubiha.
- 3 Loku a munhu a trala a zana ga banana, na a hanya a malembe yo tala, zingaho a masiku ya malembe yakwe ma tala nguvu, kanilezi a muhefemulo wa yena wu nga tatiswangi hi kusasa, na klatakumbiri yena a nga nawo a nkeleliso ; mina nza wula, loye a nga trala ku nga se kuba xikati i cucko ku hunza yena :
- 4 Hakuba kona kuta hi ku nga nyawuli, na kona ku suka lomo munyameni, ni bito ga kona ku fenengetile hi munyama ;
- 5 Klatakumbiri kona a ku wonangi a gambo hambu ni kutiba gona ; loku ku na kuumula ku hunza kunwani :
- 6 Ina, hambu yena a kuhanya a kume ga mazana ya malembe ma wuyetileweko kumbiri, kasike a tsaki hi kusasa, zi nga taku zonkle ziya ka wutsamo ginwe ke?
- 7 Konkle a kupangama ka munhu ka nomu wa yena, kasike a mahlo-koti a ma xurisilwe.
- 8 Hakuba i binzu muni a nga nago a wa kutiba a ku hunza a xipumbu ke? kutani xini a nga naxo a munhu wa xisiwana, lexo xi tibako a ku famba mahlweni ka a hanyakoke?
- 9 I cukwana a kuwona ka mahlo ku hunza a kunzulanzula ka kuxuba : lexi kambe a xi nyawuli ni ku kungumela a mheho.

KUTSAWUTELA, 7.

- 10 Kani zakuyini lezi zi nga wa hi kona, a bito ga zona gi wa nyikilwe a kaleloko ; na kona ka tiyiwa lezaku a munhu i hi yini ; ge hambu yena a nga kota ku enelisana ziwena yena loye wa ntamo ku hunza yena.
- 11 Na u wona lezaku laho ku kona a zilo zinyingi lezo zi enzelekako hi ku nga nyawuli, xini a munhu wa cukwana ke?
- 12 Hakuba hi mani a tibako cini a zinene za munhu wutomini ga yena, wonkle a masiku ya wutomi ga yena gi nga nyawuliko laya yena a ma mbetileko kwatsi xiruti ke? hakuba himani a nga kota a kubyela munhu lezaku zini zi ntaga a ka yena lahasi ka gambo ke?
- ku hunza laya ke? hakuba wena a ku wutisi hi kuklariha a xungetani ni makunu.
- 11 A kutiba kunene kwatsi i tsomba; ina, i kwatsi nguvu a ka bona labo ba wonako a gambo.
- 12 Hakuba a kutiba ku hi wicklelo, kwatsi i mali yi nga wu eklelo ; kanilezi a wukosi ga kutiba hi legi, lezaku a kutiba ku lonzowota a wutomi ga yena loye a nga nako.
- 13 Pimisisa hi tiro wa Nungungulu : hakuba hi mani a nga maha lezo zi lulama, lezi yena a zi mahileko zi byekela ke?
- 14 A ka siku ga vuvumiselelo nga u hi ni kutsaka, ni ka siku ga balala pimisisa ; ina, Nungungulu i mahileklelo giawe hi ka giawani, kasi hi kugumelwa a munhu i wa ta nga a nga kumi ni xili a xilo lexi xi nga ta nga xi hi lenzako ka yena.

XIPIMO 7.

- 1 A bito gatsi gi nene ku hunza a mafura ya malongo ; ni siku ga kufa, kuhunza a siku ga kutralwa ka munhu.
- 2 Kona i cukwana a ku famba lomo ndlwini ya xirilo ku hunza a ku famba le ndlwini ya mbuzo : hakuba lexo hi kugumelwa ka banhu bonkle ; ni a hanyako i ta beka kona mbilwini ya yena.
- 3 A kuxaniseka i cukwana a kuhunza a kuhleka ; hakuba hi kutsaba ka ngohe a mbilu ya mahwa yi tsaka.
- 4 A mbilu ya wa kutiba yi lomo ndlwini ya a rilako ; kanilezi a mbilu ya zipumbu yi lomo ndlwini ya a bumbako.
- 5 Kona i cukwana a kuzwa a kukawuka ka wa kutiba, ku hunza loku a munhu azwa a lisimu le zipumbu.
- 6 Hakuba kwatsi kusosonya ka mizwa lahasi ka mbita, zingaho a libheko la xipumbu : loku kambe a ku nyawuli.
- 7 Hakunene a zihunza nayo zi maha a munhu wa kutiba a tsama a xipumbu ; ni makalabana ma lobisa a kupima.
- 8 I cukwana a kugumelwa ka zilo ku hunza a ku sangula ka zona ; a ku timisela a moyeni i cukwana a ku hunza a matsanza a moyeni.
- 9 U nga hatlisi a moyeni wa wena a ku zangara ; hakuba a zanga yi humula xifubeni xa zipumbu.
- 10 U nga wuli wena, Xilo muni xi nga maha a masiku ya kela a cukwana
- ku hunza laya ke? hakuba wena a ku wutisi hi kuklariha a xungetani ni makunu.
- 11 A kutiba kunene kwatsi i tsomba; ina, i kwatsi nguvu a ka bona labo ba wonako a gambo.
- 12 Hakuba a kutiba ku hi wicklelo, kwatsi i mali yi nga wu eklelo ; kanilezi a wukosi ga kutiba hi legi, lezaku a kutiba ku lonzowota a wutomi ga yena loye a nga nako.
- 13 Pimisisa hi tiro wa Nungungulu : hakuba hi mani a nga maha lezo zi lulama, lezi yena a zi mahileko zi byekela ke?
- 14 A ka siku ga vuvumiselelo nga u hi ni kutsaka, ni ka siku ga balala pimisisa ; ina, Nungungulu i mahileklelo giawe hi ka giawani, kasi hi kugumelwa a munhu i wa ta nga a nga kumi ni xili a xilo lexi xi nga ta nga xi hi lenzako ka yena.
- 15 Zonkle lezi nzi zi wonile a masikwini ya ku nyawuli ka mina ; laho ku kona a munhu a lulamileko loye a mbembako kululameni ka yena, laho ku kona a munhu wa kubiha a longolokako ni wutomi ga yena lomo ku maheni ka yena ka kubiha.
- 16 U nga ti lulamisi hehla ka za kutala ; ge hambu ku ti maha a wutsumbu ga wena kutiba nguvu : hiyini u nga ta lobisa a wutsumbu ga wena ke?
- 17 U nga mahi a kubiha nguvu, ge hambu wena a ku maha xipumbu : xini wena u ta ngafa hi mahlwani ka xikati xa wena ke?
- 18 Kona kuhi zinene lezaku wena u wa ta nga u teka a koma lezi ; ina, a ka lezo wena u kobetileko a canja ga wena : hakuba yena loye a cabako a Nungungulu i ta humelela a ka bona bonkle.
- 19 A kutiba ku hi ntamo a ka munhu wa mano ku hunza a kume ga bafumeli labo ba nga lomo mutini.
- 20 Hakunene laho a ku kona a munhu a lulamileko hehla ka misaba, loye a mahako a kusasa, a nga onhi.
- 21 Kambe u nga katali hi tonkle a timhaka leto ti wulawulileko, u nga taku wena uzwa a nanza ga wena na gi kari gi rukatela wena.
- 22 Hakuba hi xikati xi kanzakanyilweko a mbilu ya wenawu wwiyi kambe ya zi tiba lezaku a wutsumbu ga wena kambe u kotisa lezo u rukatele a bazwani.

- 23 Zonkle lezi mina nzi hlolisile hi kutiba : nzi wa te ngalo, Nzi ta tiba ; kanilezi kona ku wa hi kule zinwe na mina.
- 24 Lexi xi nga kona, xi le kule na xi hunzelele kueta ; himani a nga kumaku xona ke?
- 25 Nzi lo renzeleka, ni mbilu ya mina yi wa yimiselwe a kuhlohlohlisa ni kukambela, a kuhlota a kutiba ni zigelo za zilo, ni ku tiba lezaku a kubihisisa ku hi wupumbu, ni lezaku a wupupumbu ku hunguka.
- 26 Nzi lo kuma a kubaba ku hunza kufa a wasati loye a mbilu ya yena gi nga ziyo ni likoka loye a mandla ya yena ma ziboho : loye a dumisako a Nungungulu i ta pona a ka yena ; kanilezi a xionhi xi ta tekiwa ha yena.
- 27 Languta, lexi nzi kumile, ku wula a Mukaneli, a ku klateka a xilo xinwe hehla ka xinwani, a ku kuma a tsengo ;
- 28 Lexi a muhefemulo wa mina wu xi hlotako, kanilezi mina nzi kumile ; a nuna munwe xikari ka kume ga mazana mina nzi mu kumile ; kanilezi a wasati xikari ka bonkle bona a nzi mu kumangi.
- 29 Languta, lexi xice nzi xi kumileko : lezaku Nungungulu i lo maha a munhu na a longamile ; kanilezi bona ba hlotile a zibi zinyingi.
- XIPIMO 8.
- 1 Hi mani loye a wa kutiba ke? hi mani a tibako a klamuselelo wa zilo ke? a kutiba ka munhu ku maha a ngohe ya yena gi ngangamela, ni kunonoha ka ngohe ya yena ku hunzulwe.
- 2 Nza kongotela wena, Hlayisa a kulelela ka hosi, ni ka lezo hi ku katalela a xifungo xa Nungungulu.
- 3 U nge be ni xihakla a ku huma lomo a kubakoneni ya yena ; u nga timiseli ni ka kwihi a kubiha : hakuba yena wa maha ni kani hi kwihi ku mu xalalisako.
- 4 Hakuba a timhaka ta hosi ti na ni ntamo ; himani a ta nga wula a ka yena, Xini u xi mahako ke?
- 5 Loye a hlayisako a kuleletela a nga xi tiba ni xilo xa kubiha ; a mbilu ya munhu wa kutuba ya hlohlosa a xikati ni kulamula :
- 6 Hakuba a ka zingelo zonktelele laho ku kona a xikati ni kulamula ; ha-
- kuba a kukohlakala ka banhu ka hombe hehla ka yena :
- 7 Hakuba yena a nga zi tibi leso zi ta nga ba kona ; hakuba hi mani a nga byela yena lezo zi ta nga ba kona ke?
- 8 Laho a ku kona a munhu loye a na nga ni ntamo hehla ka moya a ku koma a moya ; ge yena a nga na ntamo hehla ka siku ga kufa ; laho a ku kona a kukuma le impini : ge hambua kubihisisa ku nga ta klaklisa yena loye a nyikilweko a ka kona.
- 9 Zonkle lezi mina nzi zi wonile, ni ku kangatela a mbilu ya mina a ka youktelele a mitiro loye yi tiriwileko lahasi ka gambo : laho ku kona a xikati laha a munhu munwe a na nga ni ntamo hehla ka munwani a ku mu lamata.
- 10 Zingaho nzi wona a wa kubiha na a kekelwa, na bona ba lota le nkeleni ; bona ba mahile kwatsi ba loye kule ni wutsamo ga kubasa, ba wa ribakelwe lomo mutini : lexi kambe a xi nyawuli.
- 11 Hakuba a ncacazelo wa kuvukela a tiro wa kubiha a li tsanziwi hi kuhaklisilweko, hikwalaho a mbilu ya barisanyana ba banhu yi longile hi kuteleko a ka bona a ku maha a kubiha.
- 12 Hambuloko a xionhi xi maha a kubiha hi zana ga zikati, ni ku longoloka ni masiku ya yena, kasike hakunene nza zi tiba ku ta maha kwatsi a ka bona ba bacabako a Nungungulu, labo ba cabako a mahlweni ka yena :
- 13 Kanilezi ku nga ta kuba kwatsi ni wa kubiha ge hambu yena a nga ta longoloka ni masiku ya yena, laya wa kwatsi ka xiruti ; hakuba a nga cabangi a mahlweni ka Nungungulu.
- 14 Ku kona a ku nga nyawuli loku ku mahilweko misabeni, lezaku laho ba kona banhu ba lulamileko a ka bona ku humelelako ku kwatsi i tiro wa banhu ba kubiha, kambe, laho ku kona a banhu ba kubiha laho ku humelelako ka bona kukotisa hi ka wa kululama : nza lo wula lezaku lezi kambe a xi nyawuli.
- 15 Zonake mina nzi lo babaza a kuhleka, hakuba a munhu a nga a xilo xatsi lahasi ka gambo, ku hunza kuga, ni kunwa, ni kuba ni litsako : hakuba lezo hi lezo zi ta nga tsama zinwe na yena kupangameni ka yena wonkle a masiku ya wutomi ga yena

KUTSAWUTELA, 9.

laya Nungungulu a nyikileko yena lahasi ka gambo.

- 16 Laha na nzi kangatela a mbilu ya mina a ku tiba a wuklari, ni ku wona a pangemiselelo lowu wu maliwako misabeni (hakuba kambewo laho ku kona xilo lexi cima a siku kutani mbu siku xi wonileko a kueklela hi mahlo ya zona),
- 17 Zonake nzi lo languta yonkle a ntiro ya Nungungulu, lezaku a munhu a nga na ku yi kuma a mitiro leyo yi mahilweko lahasi ka gambo: hakuba hambutana munhu a labisisa nguvu kupangama, kasike yena a nga ta ku kuma; ina, klatakumbiri, hambuloko a munhu wa kutiba a hlota a kutiba kona, kasike yena a nga ta zi kota a ku kuma kona.

XIPIMO 9.

- 1 Hakuba zonkle lezi ni klatekilwe mbilwini ya mina, kona ku hlola zonkle lezi: lezaku a lulamileko, ni a tibako, ni mitiro yabye, yi lomo mandleni ya Nungungulu; kutani ku hi liranzo kutani ku hi libengo, a munhu a nga ku tibi kona; zonkle zi le mahilweni ka bona.
- 2 Zonkle a zilo zi ta hi kufafa ka bonkle: Ku kona xilo xinwea ka a lulamileko ni ka wa kubiha, a ka wa kusasa ni ka a hlazekileko ni ka a nga hlazekangiko; a ka yena loye a pahlelako ni ka yena loye a nga pahleliki; kwatsi hi lezo za kusasa, zingaho ni lezo za xionho; ni loye a hlambanyako, kwatsi hi yena loye a cabako a xionho.
- 3 Loku hi kubiha a ka konkle loku ku mahilweko lahasi ka gambo, lezaku ku kona a ndlela yinwe a ka bonkle; ina kambewo, a mbilu ya barisanyana ba banhu yi tele hi kubiha, ni kuzangara kutele mbilwini yabye laha naba hanya, ni nzako ka lezo bona ba famba ka bafleko.
- 4 Hakuba a ka yena loye a klangeneko ni wutomi ku kona a ku tsumba; hakuba a mbyana yi hanyako yi cukwana a ku hunza a ngala yi fileko.
- 5 Hakuba ba hanyako ba zi tiba lezaku ba ta kufa: kanilezi a kufa a ku tibi ncumo, ge hambu bona ba nga ta ha kuba na ncacazelo; hakuba a kumbuxetelo wa bona wu ribakelwe.
- 6 A ku kwatsi hi liranzo labye, ni kwasi hi kubengana kabye ni wukuxu gabye, ku mbembile a kaleloko; ge

bona a ba ha hi na xiabelo kala kupinzuka ni ka zili lezo zi mahilweko lahasi ka gambe.

- 7 Famba a ndlela ya wena, gana zibaba za wena ni kutsaka, ni wanwa a waini ga wena hi mbilu ya kuhlakana; hakuba Nungungulu i longile a ku amukela a mitiro ya wena.
- 8 Nga a tinguwo ta wena xonkle a xikati ti basa; na nga a hloko ya wena yi nga vumali a mafura.
- 9 Tsama hi kutsaka ni wasati loye wena u mu ranzako wonkle a masiku ya wutomi ga wena ma nga nyawuliko, laya yena a nyikileko wena lahasi ka gambo, wonkle a masiku ya wena ma nga nyawuliko; hakuba lezo hi xiabelo xa wutomi ga wena, ni ka tiro wa wena lowo wena u wu tirileko lahasi ka gambo.
- 10 Kani xa kuyini lexo a canja ga wena gi xi kumako a ku xi maha, xi mahe hi ntamo wa wena wonkle; hakuba laho a ku na ntiro, ge kuolowa, ge a kutiba, ge a wuklari, le Xeole, laho wena u yako.
- 11 Mina nzi lo renzeleka, nzi lo wona lahasi ka gambo, lezaku a mazambu a hi ya mutsutsumi, ge ni impi a ka munhu wa ntamo, ge kambe a zibaba ka munhu wa kutiba, ge ni kufuma a ka munhu wa kupima, ge ni tomo a ka munhu wa kuklariha; kanilezi a xikati ni tinguba ti humelela a ka bonkle.
- 12 Hakuba a munhu kambe a nga tibi a xikati xa yena: kwatsi hi zidluwani lezo zi tekilweko hi likoka la kubiha, ni kota zinyanyani lezi zi pasilweko hi klamu, zingaho hi barisanyana ba banhu ba pasilwe hi xikati xa kubiha, laha na xona xiwa hi kutsuke-tisilweko helila ka bona.
- 13 Nzi wonile kambe a kutiba lahasi ka gambo na ku hi ka ku kungabi, kona ku kwatsi ka hombe a ka mina:
- 14 Ku kona a muti wutsongwanyani, ni banhu ba tsongwanyani kuranzeni ka wona; ku lota a hosi ya hombe yi vukela wona, ni ku vimbezelela wona, ni yi loaka a ligingisi la hombe ba vukela wona.
- 15 Makunu laho ku lo kuwawa a munhu wa xisiwana wa kutiba, na yena hi kutiba ka yena i klaklisa a muti; kasike i wa nga hi kona munhu a alakanyako ywaloye a munhu wa xisiwana.

- 16 Zonake ku wula mina, A kutiba katsi kuhunza a ntamo : ahembalokoke a kutiba ka munhu wa xisiwana a ku celwangi a kota, ni timhaka ta yena ti wa nga zwiwangi.
- 17 A timhaka ta wa kutiba ti zwilweko hi rutiselelo tatsi ti hunza a kubitana ka yena loye a fumeleko a zipumbu.
- 18 A kutiba katsi ku hunza a maŋlari ya impi ; kanilezi a muonhi muawe wa lobisa a kusaseka ka ku tala.

XIPIMO 10.

- 1 A tinhongani ti fileko ti maha a mafura ya mubiki a ku humesa a masena ya kubihla ; zingaho a wupumbu gi tsongwane gi binzisa a kutiba ni kudzunzwa.
- 2 A mbilu ya munhu wa kutiba yi le canjeni ga yena ga xinene ; kanilezi a mbilu ya xipumbu yi le ka ga xibaba xa yena.
- 3 Ina kambe, laha na xipumbu xi fumba ndleleni, a kupima ka yena ka kutsanza yena, na yena a wula ka bonklelele lezako yena a hi zipumbu.
- 4 Loku a moya wa mufumeli wu suka wu vukela wena, u nga tsiki a wutsamo ga wena ; hakuba a kurutisa ku hlongola a tizanga ta hombe.
- 5 Ku kona a kubihla loku nzi ku wonileko lahasi ka gambo, loku ku nga humako hi le ka mufumeli :
- 6 A wupumbu gi yimisilwe wunene ya hombe nguvu, ni kufuma ku tsamile laha wutsanweni ga lahasi.
- 7 Nzi wonile a malanza hehla ka mahaxi, ni tihosana ti fumba kwatsi malanza le hehla ka misaba.
- 8 Loye a nkelako a rinzi i ta wela a ka gona ; kani hi wihi a tsobako a tsemakanya a kurisi, ni nyoka yi ta luma yena.
- 9 Ni loye a baklako a maribye i ta lamatwa a ka wona ; ni ka loye a xakatsako a kwati i ta kubazwa ha gona.
- 10 Loku a xiketse xi hi bisi, a muawe a nga loti a wula, zonake yena i fela ku beka a ka ntamo wu engetelweko : kanilezi a kutiba ka vuna a ku luleka.
- 11 Loku a nyoka yi luma hi mahlwani na yi nga se ku buliwa, zonake ku nga ta vuni a cumo ka mubuli.
- 12 A timhaka ta munhu wa kutiba ti hi malongo ; kanilezi a milomu ya

- munhu wa xipumbu yi ta kadamula a wutsumbu ga yena.
- 13 A kusangula ka timhaka ta nomu wa yena ti hi wupumbu ; ni kugumelwa ka kuwulawula ka yena i kohlakaliso ya tizanga.
- 14 Ni xipumbu kambe xi enzelekisa a timhaka ta xona : kasike a munhu a nga zi tibi lezi zi ta nga kuba kona ; ni lezo zi ta nga kuba kona a nzako ka yena, himani a nga byelako yena ke?
- 15 A kupangama ka zipumbu ku karatela bonklelele ba bona ; hakuba yena a nga zi tibi lezaku i ta fambisa kuyini mutini.
- 16 Kombo a ka wena, O tiko, laha na hosi ya wena ya ha hi yi tsongwani, ni tihosana ta wena ti gela mixweni!
- 17 U tsakisilwe wena, O tiko, laha a hosi ya wena a nga nisanyana wa la dzunzekileko, ni tihosana ta wena tiga hi xikati xi faneleko, akuba ntamo na ku nga hi a kupopiwa!
- 18 Hi xitsetse a langwa la nyipela ; na hi kuloloha ka mandla a yindlu ya vuta.
- 19 A mubuzo wu mahelewa a muhleki, ni waini gi maha kunengela a wuto mi ; ni mali yi hlamura zonkle zilo.
- 20 U nga rukateli a hosi, ge, hambu kualakanyeni ka wena ; unga rukateli a wa kufuma lomo ndlwini ya wena ; hakuba a tinyanyani ta tilo ti ta rwala a gezu ga wena, ni lezo zi nga ni tapapa zi ta byela mahungu.

XIPIMO 11.

- 1 Hoxa a zibaba za wena hehla ka mamati ; hakuba wena u ta kuma xona a nzako ka masiku ya ku tala.
- 2 Nyika a xiabelo a ka nkalanu ni bambiri, ina, kona ka ba nkalanu ni banharu ; hakuba wena a ku zi tibi lezaku kubihla muni ku ta nga hehla ka misaba.
- 3 Loku a marefu ma tele hi vula, wona ma culula a wutsumbu ga wona hehla ka misaba ; ni loku a sinya yiwa ngomama ni dzonga, kutani ngomama ni wwalungu, a ka wutsamo lego a sinyi yi wako, laho yona yi taba kona.
- 4 Yena loye a lonzowotako a mheho a nga ta byala ; na yena loye a katalako hi marifu a nga ta hula.
- 5 Kwatsi hilezi wena u nga zi tibiko lezaku hi yihi a ndlela ya mheho,

KUTSAWUTELA, 12.

kutani kwatsi hilezi wena u nga zi tibiko a makulela ya marambu ya xa lomo nzeni ka munhu wa nyimba, zingahowo kambe wena a ku wu tibi a tiro wa Nungungulu loye a tirako zonkle.

6 Ni laha mixweni byala a mbewu ya wena, ni laha gambyeni u nga kobeti a canja ga wena; hakuba wena a ku zi tibi lezi zi ta nga vuvuma, kutani lezi kutani leziya, kutani zonkle zi ta fanana a wunene.

7 Hakunene a kuwonekela ka tsombela, ku hi xilo xatsi a ka mahlo a languta a gambo.

8 Ina, loku a munhu a hanya a malembe yo tala, nga yena a tsaka hi ka wona wonkle; kanilezi nga yena a alakanya hi ka masiku ya munyama, hakuba wona ma ta kuba ya ku tala. Zonkle lezo zi tako a zi nyawuli.

9 Bumani, O nwina munhu wusweni ga wena, na nga a mbilu ya wena yi tangalisa wena masikwini ya wuswa ga wena, ni kufamba lomo ndleleni ya mbilu ya wena, ni lomo kuwoneni ka mahlo ya wena; kanilezi tiba wena, lezaku ni kota ka zonkle lezi zilo Nungungulu i ta neha wena kulamulweni.

10 Hikwalaho susa a kuxaniseka lomo mbilwini ya wena, ni ku susa kule a kubiha le nyameni ya yena; hakuba a wujaha ni masiku ya wuswa a manyawuli.

XIPIMO 12.

1 Alakanya kambe a Mubangi wa wena masikwini ya wuswa ga wena, hi mahlweni na masiku ya kubiha na ma se kuta, ni malembe ma tsinela ku suhani, laha wena u ta nga wula, A nzi na litsako a ka wona;

2 Hi mahlweni ka gambo, ni kuwonekela, ni hweti, ni tinyeleti, zi nga se ku pfupeliswa, ni marefu ma hunzuluka a vula;

3 A ka siku lego a bahlayisi ba yindlu ba ta nga rurumela, ni ba tinhenha ba ta korama a wutsumbu ga bona, ni bagayi ba ta kawula hakuba bona ba na nga ba tsongwani, ni labo ba cuwukako hi laka wonini ba ta pfupeliswa,

4 Ni tibati ti ta valiwa lomo map-

ngweni; laha a guwa ga kugaya gi comileko, ni muwwe i ta suka le ka gezu ga xinyanyani, ni bonkle a banhwana ba wucenje ba ta tiswa lahasi,

5 Ina, ba ta cabyiswa hi lexo xi nga le hehla, ni kutsisa ku taba lomo ndleleni; ni sinyi ya almonde yi ta pfe-pfa, ni xigonwani xi taba nzwalo, ni kuxuba ku ta hluleka; hakuba a munhu iya a kaya ka yena kupinzu-kelisisilweko, ni barili ba famba a nzula mapangweni.

6 Hi mahlweni na ngoti ya siliva na yi nga se ku klateliwa, kutani a mukelo wa nzalama na wu nga se ku trandleswa, kutani ni guwana na gi nga se ku fanyeka le hlobyeni, kutani a ngongola yi mhonyongeka le makeleni,

7 Ni tsuri wu hunzuluka a misabeni kota lezi wu nga hi yona, ni moya wu kilela a ka Nungungulu loye a nyikako wona.

8 A ku nga nyawuli ka zinganyawuliko, ku wula a Mukaneli; zonkle a zi nyawuli.

9 Ni ku engeta kambe, hakuba a Mukaneli a nga wa tibile; yena i nonohisa a gonzisa a banhu a kutiba; ina, yena i lo ti gugutsa, ni kuhlohlosa, na i lo xaxameta a bingu ya ku tala.

10 A Mukaneli i hlota a ku kuma a timhaka ti amukelekako, ni leto ti tsalilweko hi kulongametilweko, tona a timhaka ta zine.

11 A timhaka ta kutiba ti kwatsi lipopo; ni ku kwatsi tikoko ti tiyisileko kwatsi a timhaka ta hosi ya hlengeletano, leto ti nyikilweko a ka murisi muwwe.

12 Ni kanzakalezi kambe, nisanyana wa mina, nga u be u lulekilweko: a maha mabuku ya ku tala a ku na kugumelwa; ni kugonza ka ko tala kuhlakata a nyama.

13 Loku ki kugumelwa ka mahungu; wonkle ma zwelwe: Caba Nungungulu, ni ku hlayisa a zileletelo za yena; hakuba lowu hi tiro wonkle wa munhu.

14 Hakuba Nungungulu i ta neha a mitiro yonkle kulamuleni, ni zonkle a zilo zi fihlilweko, kutani za kusaseka, kutani za kubiha.

KUTSAWUTELA, 10.

- 16 Zonake ku wula mina, A kutiba katsi kuhunza a ntamo : ahembalokoke a kutiba ka munhu wa xisiwana a ku celwangi a kota, ni tinhaka ta yena ti wa nga zwiwangi.
- 17 A timhaka ta wa kutiba ti zwilweko hi rutiselelo tatsi ti hunza a kubitana ka yena loye a fumeleko a zipumbu.
- 18 A kutiba katsi ku hunza a maklari ya impi ; kanilezi a muonhi muzwe wa lobisa a kusaseka ka ku tala.

XIPIMO 10.

- 1 A tinhongani ti fileko ti maha a mafura ya mubiki a ku humesa a masema ya kubiha ; zingaho a wupumbu gi tsongwane gi binzisa a kutiba ni kudzunzwa.
- 2 A mbilu ya munhu wa kutiba yi le canjeni ga yena ga xinene ; kanilezi a mbilu ya xipumbu yi le ka ga xibaba xa yena.
- 3 Ina kambe, laha na xipumbu xi famba ndleleni, a kupima ka yena ka kutsanza yena, na yena a wula ka bonklelele lezako yena a hi zipumbu.
- 4 Loku a moya wa mufumeli wu suka wu vukela wena, u nga tsiki a wutsamo ga wena ; hakuba a kurutisa ku hlongola a tizanga ta hombe.
- 5 Ku kona a kubiha loku nzi ku wonileko lahasi ka gambo, loku ku nga humako hi le ka mufumeli :
- 6 A wupumbu gi yimisilwe wunene ya hombe nguvu, ni kufuma ku tsamile laha wutsanweni ga lahasi.
- 7 Nzi wonile a malanza hehla ka mahaxi, ni tihosana ti famba kwatsi malanza le hehla ka misaba.
- 8 Loye a nkelako a rinzi i ta wela a ka gona ; kani hi wihi a tsobako a tsemakanya a kurisi, ni nyoka yi ta luma yena.
- 9 Ni loye a baklako a maribye i ta latmatwa a ka wona ; ni ka loye a xakatsako a kwati i ta kubazwa ha gona.
- 10 Loku a xiketse xi hi bisi, a muzwe a nga loti a wukla, zonake yena i fela ku beka a ka ntamo wu engetelweko ; kanilezi a kutiba ka vuna a ku luleka.
- 11 Loku a nyoka yi luma hi mahlweni na yi nga se ku buliwa, zonake ku nga ta vuni a cumo ka mubuli.
- 12 A timhaka ta munhu wa kutiba ti hi malongo ; kanilezi a milomu ya

munhu wa xipumbu yi ta kadamula a wutsumbu ga yena.

- 13 A kusangula ka timhaka ta nomu wa yena ti hi wupumbu ; ni kugumelwa ka kuwulawula ka yena i kohlakaliso ya tizanga.
- 14 Ni xipumbu kambe xi enzelekisa a timhaka ta xona : kasike a munhu a nga zi tibi lezi zi ta nga kuba kona ; ni lezo zi ta nga kuba kona a nzako ka yena, himani a nga byelako yena ke?
- 15 A kupangama ka zipumbu ku karatela bonklelele ka bona ; hakuba yena a nga zi tibi lezaku i ta fambisa kuyini mutini.
- 16 Kombo a ka wena, O tiko, laha na hosi ya wena ya ha hi yi tsongwani, ni tihosana ta wena ti gela mixweni!
- 17 U tsakisilwe wena, O tiko, laha a hosi ya wena a nga nisanyana wa ba dzunzekileko, ni tihosana ta wena tiga hi xikati xi faneleko, akuba ntamo na ku nga hi a kupopiwa!
- 18 Hii xitsetse a langwa la nyipela ; na hi kuloloha ka mandla a yindlu ya vuta.
- 19 A mubuzo wu maheiswa a muhleki, ni waini gi maha kunengela a wuto mi ; ni mali yi hlamura zonkle zilo.
- 20 U nga rukateli a hosi, ge, hambu kualakanyeni ka wena ; u nga rukateli a wa kufuma lomo ndlwini ya wena ; hakuba a tinyanyani ta tilo ti ta rwala a gezu ga wena, ni lezo zi nga ni tapapa zi ta byela mahungu.

XIPIMO 11.

- 1 Hloxa a zibaba za wena hehla ka mamati ; hakuba wena u ta kuma xona a nzako ka masiku ya ku tala.
- 2 Nyika a xiabelo a ka nklanu ni bambiri, ina, kona ka ba nklanu ni banharu ; hakuba wena a ku zi tibi lezaku kubiha muni ku ta nga hehla ka misaba.
- 3 Loku a marefu ma tele hi vula, wona ma culula a wutsumbu ga wona hehla ka misaba ; ni loku a sinyayiwa ngomama ni dzonga, kutani ngomama ni nwalungu, a ka wutsamo lego a sinyayi wako, laho yona yi taba kona.
- 4 Yena loye a lonzowotako a mheho a nga ta byala ; na yena loye a katlakako hi marifu a nga ta hula.
- 5 Kwatsi hilezi wena u nga zi tibiko lezaku hi yihi a ndlela ya mheho.

KUTSAWUTELA, 12.

- kutani kwatsi hilezi wena u nga zi tibiko a makulela ya marambu ya xa lomo nzeni ka munhu wa nyimba, zingahowo kambe wena a ku wu tibi a tiro wa Nungungulu loye a tirako zonkle.
- 6 Ni laha mixweni byala a mbewu ya wena, ni laha gambyeni u nga kobeti a canja ga wena; hakuba wena a ku zi tibi lezi zi ta nga wuvuma, kutani lezi kutani leziya, kutani zonkle zi ta fanana a wunene.
- 7 Hakunene a kuwonekela ka tsombela, ku hi xilo xatsi a ka mahlo a languta a gambo.
- 8 Ina, loku a munhu a hanya a malembe yo tala, nga yena a tsaka hi ka wona wonkle; kanilezi nga yena a alakanya hi ka masiku ya munyama, hakuba wona ma ta kuba ya ku tala. Zonkle lezo zi tako a zi nya-wuli.
- 9 Bumani, O nwina munhu wusweni ga wena, na nga a mbilu ya wena yi tangalisa wena masikwini ya wuswa ga wena, ni kufamba lomo ndleleni ya mbilu ya wena, ni lomo kuwoneni ka mahlo ya wena; kanilezi tiba wena, lezaku ni kota ka zonkle lezi zilo Nungungulu i ta neha wena kulamulweni.
- 10 Hikwalaho susa a kuxaniseka lomo mbilwini ya wena, ni ku susa kule a kubiha le nyameni ya yena; hakuba a wujaha ni masiku ya wuswa a manyawuli.

XIPIMO 12.

- 1 Alakanya kambe a Mubangi wa wena masikwini ya wuswa ga wena, hi mahlweni na masiku ya kubiha na ma se kuta, ni malembe ma tsinela ku suliani, laha wena u ta nga wula, A nzi na litsako a ka wona;
- 2 Hi mahlweni ka gambo, ni kuwonekela, ni hweti, ni tinyeleti, zi nga se ku pfupeliswa, ni marefu ma hunzuluka a vula;
- 3 A kasiku lego a bahlayisi ba yindlu ba ta nga rurumela, ni ba tinhenha ba ta korama a wutsumbu ga bona, ni bagayi ba ta kawula hakuba bona ba na nga ba tsongwani, ni labo ba cuwukako hi laka wonini ba ta pfupeliswa,
- 4 Ni tibati ti ta valiwa lomo map-

ngweni; laha a guwa ga kugaya gi comileko, ni muawe i ta suka le ka gezu ga xinyanyani, ni bonkle a banhwana ba wucenje ba ta tiswa lahasi,

- 5 Ina, ba ta cabyiswa hi lexo xi nga le lehla, ni kutsisa ku taba lomo ndleleni; ni sinya ya almonde yi ta pfe-pfa, ni xigonwani xi taba nzwalo, ni kuxuba ku ta hluleka; hakuba a munhu iya a kaya ka yena kupinzu-kelisisilweko, ni barili ba famba a nzula mapangweni.
- 6 Ili mahlweni na ngoti ya siliva na yi nga se ku khlakliwa, kutani a mukelo wa nzalama na wu nga se ku trandleswa, kutani ni guwana na gi nga se ku fanyeka le hlobyeni, kutani a ngongola yi mhonyongeka le makeleni,
- 7 Ni tsuri wu hunzuluka a misabeni kota lezi wu nga hi yona, ni moya wu kklelela a ka Nungungulu loye a nyikako wona.
- 8 A ku nga nyawuli ka zinganyawuliko, ku wula a Mukaneli; zonkle a zi nyawuli.
- 9 Ni ku engeta kambe, hakuba a Mukaneli a nga wa tibile; yena i nonohisa a gonzisa a banhu a kutiba; ina, yena i lo ti gugutsa, ni kuhloblosa, na i lo xaxameta a bingu ya ku tala.
- 10 A Mukaneli i hlota a ku kuma a timhaka ti amukelekako, ni leto ti tsalilweko hi kulongametilweko, tona a timhaka ta zinene.
- 11 A timhaka ta kutiba ti kwatsi lipopo; ni ku kwatsi tikoko ti tiyisileko kwatsi a timhaka ta hosi ya hlengeletano, leto ti nyikilweko a ka murisi muawe.
- 12 Ni kanzakalezi kambe, nisanyana wa mina, nga u be u lulekilweko: a maha mabuku ya ku tala a ku na kugumelwa; ni kugonza ka ko tala kuhlakata a nyama.
- 13 Loku ki kugumelwa ka mahungu; wonkle ma zwelwe: Caba Nungungulu, ni ku hlayisa a zileletelo za yena; hakuba lowu hi tiro wonkle wa munhu.
- 14 Hakuba Nungungulu i ta neha a mitiro yonkle kulamuleni, ni zonkle a zilo zi fihlilweko, kutani za kusaseka, kutani za kubiha.

XIZIMBA XA KA SOLOMONI, 4.

- 8 Bona bonkle ba komile a supado, na
ba hi ba pimileko le impini:
Bonklelele ba banuna ba na ni supado
ya yena hanga sweni ga yena,
Hakuba hi kucaba ka wusiku.
- 9 A hosi Solomoni i lo mahela a wutsu-
mbu ga yena a kareta
Ya tisinya ta Lebanoni.
- 10 I lo maha a timhinga ta yona hi sili-
va,
Ni tsako ga kona hi nzalama, a xitsa-
mo xa kona hi ko zirila,
Ni xikari xa kona ku namaretilwe
hi liranzo,
La le ka banhwana ba le Jerusalema.
- 11 Fambani, O nwina banhwana ba le
Zioni, ni ku languta a hosi Solo-
moni,
Zinwe hi dlodlo lexi a mamani wa
yena a rungeleko yena
A sikwini ga miwuto ya yena,
A sikwini ga tsakiselo wa mbilu ya
yena.

XIPIMO 4.

- 1 Languta, wena u litrikla, kuranza
ka mina; languta, wena u litrikla;
A mahlo ya wena me kwatsi ma-
tuba le nzako ka veli ya wena.
A misisi ya wena miklambi ya ti-
mbuti,
Leyo yi mbambamelo rebeni ga xi-
tsunga Gileade.
 - 2 A meno ya wena ma fanana ni klambi
wa tiyivu ti kayilweko luswa,
Leto ti kanziyako hi le kuhlaziweni,
Leto tonklelele ti na nga ni maha-
hla,
Ku nga hi ko kona ni nyumba xika-
ri ka tona.
 - 3 A milomu ya wena yi fanana ni tili-
nza ta kufukiswa,
Ni a noma wa wena i sasekile.
A malonzo ma fanana ni xipanze xa
mapomegranate
Lahasi ka libambela la wena.
 - 4 A kolo wa wena kwatsi tawa ya ka
Davida
Yi akelweko a malhari,
Labo ba hayekileko a tingenge ta
kume ga mazana,
Zonkle a ziklangu za banhu ba tinhe-
nha.
 - 5 A mabele ya wena mambiri ma kwa-
tsi timhutana timbiri.
Leto ti nga mahahla ya mipfundla,
Leto ti gelako xikari ka makonwa.
 - 6 Ku kala a siku gi renga, ni miruti
yi pfupeliswa,
- Nzi ta ti yisa le xitsungeni xa mure,
Ni le mugangeni wa hlakati.
 - 7 Wena u litrikla, xiranzwa xa mi-
na;
Laho a ku naba a ka wena.
 - 8 Ngona zinwe na mina hi le Lebanoni.
makoti wa mina,
Zinwe na mina hi le Lebanoni:
Cuwuka le hehla ka Amana,
Hi le hehla ka Senire na Hermoni,
Hi le mihumeni ya tingala,
Hi le zitsungeni za tiyingwe.
 - 9 Wena u wukile a mbilu ya mina,
makweru wa mina, makoti wa mi-
na;
Wena u wukile a mbilu ya mina hi
ginwe ga mahlo ya wena,
Hi ginwe a ngenje ga nhamo ya we-
na.
 - 10 Litrikla la kuyini a xiranzwa xa we-
na, makweru wa mina, ni makoti
wa mina!
Kucukulisa ku yini a kuranza ka
wena ku hunza a waini!
Ni kunuhela ka mafura ya wena
ku hunza tonkle a tixaka ta ma-
ka!
 - 11 A milomu ya wena, O makoti wa
mina, yi dona kwatsi zihahla za
wulombe:
A wulombe ni masi ma lahasi ka li-
rimi la wena;
Ni masema ya nguwo ya wena ma
kwatsi masema ya le Lebanoni.
 - 12 A simu yi valilweko makweru wa
mina, makoti wa mina;
Ni xibuka xi valilwe, ni hlowo yi
umisilwe.
 - 13 A kupfepfa ka wena kwatsi i simu
ya mapomegranate, zinwe ni mi-
hanzo ya malongo;
Henna ni kubyanyi wa spikenarda,
 - 14 Spikenarda ni saffroni,
Kalamusi ni kinuamoni, zinwe ni to-
nkle a tisinya ta hlakati:
A mure ni aloesi, zinwe ni tonkle a
tinlonzwa ta maka.
 - 15 Wena u hlowo ya masimu,
A xibuka xa mati ya wutomi,
Ni congo wu kulungako hi le Leba-
noni.
 - 16 Vuka, O mheho ya nwalungu; ni
kuta, wena dzonga;
Bubutsa hehla ka simu ya mina, ni
pepo wa kona wu ta pupuma.
Nga a ranzekako wa mina ata sinwi-
ni ya yena,
Ni ku taga a mihanzo ya yena ya
malongo.

XIZIMBA XA KA SOLOMONI, 6.

XIPIMO 5.

- 1 Nzi tile lomu sizwini ga mina, makweru wa mina, ni makoti wa mina :
Nzi wungeletele a hlakati ya mina, ni pepo wa mina ;
Nzi gile a zihahla za mina zinwe ni wulombe ga mina ;
Nzi nwile a waini ga zinwe ni masi ya mina.
Gana, O maxaka ;
Nwanani, ina, nwanani hi kutatise lweko,
O ba ranzekako.
- 2 Nzi wa eklele, kanilezi a mbilu ya mina yi lo kindlimukiswa :
Kona i gezu ga a ranzekako wa mina lego gi gogonzako, giku,
Vulula a ka mina, makweru wa mina, ni xiranzwa xa mina, a tuba ga mina, gi nga nyenyeziswangiko ;
Hakuba a hloko ya mina yi tatisilwe hi nzokati,
A zihlulu za mina zi tele hi madona ya laha wusikwini.
- 3 Nzi susile a tinguwo ta mina ; nzi ta ti ambalisa ku yini ke?
Nzi hlazile a mikonzo ya mina ; nzi ta yi nyenyezisa ku yini yona ke?
- 4 A xiranzwa xa mina xi bekile a canja ga xona hi laha moleni wa libati,
Ni mbilu ya mina yi lo karateka ha yena.
- 5 Nzi lo suka nzi vulule a ranzekako wa mina ;
Ni mandla ya mina ma lowa hi hlakati,
Hi le hehla ka mikoko ya zikwinyaro.
- 6 Nzi lo vululela a ka xiranza xa mina ;
Kanilezi a ranzekako wa mina i wa sukile a wutsumbu ga yena, na a wa fambile.
A muhefemulo wa mina wu wa lo hluleka a ka mina laha yena a i lo wulawula :
Nzi lo hlota yena, kanilezi nzi wa nga kumangi yena ;
Nzi lo bitana yena, kanilezi i wa nga nyikangi mina a kuhlamula.
- 7 A murinzeli loye a renzelekelako a muti i lo kuma mina,
Bona ba lo lamata mina, bona ba lo kubaza mina ;
Ni bahlayisi ba tigingisi ba lo susa a nguwo ya mina.

[Sheetswa]

- 8 Nza kawuka nwina, O banhwana ba le Jerusalema,
Loku nwina mu kuma a ranzekako wa mina,
Kasi nwina ma byela yena, lezaku mina nza babya hi liranzo.
- 9 Xini a ranzekako wa wena a ku hunza munwani a ranzekako
O wena loye u nga litrikla xikari ka ba basati ke?
Xini a ranzekako wa wena ku hunza munwani a ranzekako,
Lezaku wena u ta kawuka hina ke?
- 10 A ranzekako wa mina i hi wa kubasa ni wa kutruka,
A nga nhonzwa xikari ka kume ga kume ga mazana.
- 11 A hloko ya yena yi kwatsi i nzalama yi hunzeleleko ku nyekiswa ;
A xihlulu xa misisi xakwe xi hi matsimbo, nja ntima kwatsi xiku-nguwe.
- 12 A mahlo ya yena ma kwatsi matuba hi le likirisini la micongwana ya mati,
A hlazilwe hi masi, a tsamekile kwatsi nja.
- 13 A tihlaya ta yena ti kwatsi mubedi wa mipepo,
Kwatsi ifuxe wa kubyanyi wa kumanziha :
A milomu ya yena kwatsi makozwa, ma donako a nhome ya hlakati.
- 14 A mandla ya yena ma kwatsi tipera ta nzalama leti ti mehelweko a berule :
A miri wa yena wo kwatsi i tiro wu mahilweko hi timhongo ta ndlovu, wu namekilwe hi safire.
- 15 A milenge ya yena kwatsi i mhanze ya riye go basa, gi mahelweko lomo likirisini la nzalama yi nyekisilweko :
A dzumba ga yena gi fanana ni Lebanoni, malongo kwatsi i tise-dare.
- 16 A nomu wa yena wu hunzelele ku-tsombela ;
Ina, zonklelele kambe wa hi a ranzekisilweko.
Loyi hi a ranzekako wa mina, legi hi xaka ga mina,
O banhwana ba Jerusalema.

XIPIMO 6.

- 1 Hikwihi laho a ranzekako wa wena a fambileko,
O wena loye u nga litrikla xikari ka ba basati ke?

XIZIMBA XA KA SOLOMONI, 7.

- I kwihi a ranzekako wa wena i klelisi-
le wutsumbu ga yena,
Lezaku hina hi wa ta hlota yena zi-
nwe na wena ke?
- 2 A ranzekako wa i relele a famba a
sinwini ga yena,
Le mubedini wa mipepo,
A ku gela lomo masinwini, a ku ko-
lela a makonwa.
- 3 Mina nzi wa a ranzekako wa mi-
na, ni a ranzekako wa mina ngwa
mina :
Yena a giselako a klambi wa yena
xikari ka makonwa.
- 4 Wena u litrikla, O a ranzekileko wa
mina, kwatsi i Tirza,
A mubanga kwatsi i Jerusalema,
A tsisako kwatsi impi ni tingapa.
- 5 Klelisa a mahlo ya wenakule a ka
mina,
Hakuba bona ba hlulile mina.
A misisa ya wena yi kwatsi miklambi
ya timbuti,
Leyo yi longolokileko yi mbamba-
mela hi likirisi la Gilcade.
- 6 A meno ya wena kwatsi i klambi wa
tiyivu,
Lowu wu tako hi le kuhlambeni ;
Lowo tonklelele ti hi mahahla,
Ku nga hi ko kona yi nga nyumba
xikari ka tona.
- 7 A malonzo ya wena me kwatsi xi-
panze xa mapomegranate
Lenzako ka a veli ya wena.
- 8 Ma ku kona a nklanu ni ginwe a
makume ya mazinza, ni nklanu
ni manharu makume a mindlu-
kulu,
Ni mibulwa yi nga hiko na kuhlayi-
wa.
- 9 Tuba ga mina, wena a mina u nga
nyenyezisiwangiko, yena munwe
tsena.
Yena hi yena yece munwe ka ma-
mani wa yena ;
Yena hi yena a hlawulilweko a ka
yena loye a treleko yena.
A banhwana ba lo wona yena, ba lo
bita yena kukatekiswa ;
Ina, a bazinza ni mindlukulu, na bo-
na ba lo dumisa yena.
- 10 Himani loye a cuwukekako kwatsi
hi laha mixweni,
A bangamelako kwatsi hi hweti,
A xwengulako kwatsi i gambo,
A cabekako kwatsi impi yi nga ni
tingapa ke?
- 11 Nzi no relela nziya le sinwini ya ti-
manga,

- A ku wona a kubyanyi wa kufrika
wa minzelelo,
A ku wona lezaku a mivina yi hlu-
kile,
Ni mapomegranate ma na ni zitsa-
ngi.
- 12 Hi mahlweni nzi nga se ku vulule-
ka, a muhefemulo wu lo mehela
mina
Xikari ka tikareta ta banhu ba wu-
kosana ga ka mina.
- 13 Klela, klela, O Xulammite ;
Klela, klela, kasi hina a cuwuka we-
na,
Hiyini nwina mu ta nga cuwuka
Xulammite,
Kwatsi hi kucuwuka a hlakano wa
le Mahanaime ke?

XIPIMO 7.

- 1 Yi mburisilwe ku yini a mikonzo
ya wena lomo zilatweni,
O nhanyana wa hosana!
A lirengo la mahangaswa ya ma fa-
nana ni tidaimani,
A tiro wa mandla ya wanuna a kla-
rihileko.
- 2 A miri wa wena kwatsi i ngulungwa
ya gombe,
Lego gi nga ranziweko ni ku cela a
waini gi xangelweko :
A xiwunu xa wena kwatsi i nhulu
ya mabele
Laya ma beketelwoko ni ma mako-
nwa.
- 3 A mabele ya wena mambiri ma kwa-
tsi i mhuti timbiri
Laya ma nga mahahla ya mipfu-
ndla.
- 4 A nhamu ya wena kwatsi ligingisi
la timhonzolo ta ndlovu ;
A mahlo ya wena kwatsi i tiba le
Hexboni,
Hi le nyangweni ya le Bat-rabbi-
ma ;
A nhovu ya wena kwatsi ligingisi la
le Lebanoni
Lolu li cuwukileko le Damaskusi.
- 5 A hloko ya wena hehla ka wena yi
kwatsi i Karmeli,
A misisi ya hloko ya wena yi kwatsi
ku zirila ;
Ni hosi yi klemerelwe kukonwa hi
zilemba za yona.
- 6 U lolamisile kuyini ni wunene we-
nawu,
O xiranzwa, hi xalaliselo!
- 7 Lexi a xibiri xa wena xi fanana ni
sinya ya cinzu,

XIZIMBA XA KA SOLOMONI, 8.

- Ni mabele ya wena kwatsi zitata za yona.
- 8 Nzi te ngalo, Nzi ta kanziya loma sinyeni ya cinzu,
Nzi ta teka a ku koma a marabi ya kona :
Nga a mabele ya wena ma ku kwatsi zitata za vina,
Ni muhela ka kuhemula ka wena ku kwatsi maapeli,
- 9 Ni nomo wa wena kwatsi i waini gatsi,
Lago gi relelaka gi munyungeka kwatsi ka a ranzekako wa mina,
Gi tsotsako milonwini ya bona labo ba ekleleko.
- 10 Nzi wa a ranzekako wa mina ;
Ni kuxuba ka yena ku ngomama zinwe na mina.
- 11 Ngona, a ranzekako wa mina, ngahi huma masizwini ;
Nga hina hi eklela zimitaneni.
- 12 Nga hina hi binzuka ni mixo zivineni ;
Nga hi wona lezaku hi kwihi laba a vina wu hlukileko,
Ni zitsangi za wona zi balekile,
Ni mapomegranate ma lomo rarini :
Laho nzi ta nyika wena a kuranza ka mina.
- 13 A mandrake ma nyika a kunuhela ;
Ni le tibatini ta hina ti kona tonkle a tixaka ta mihanzo ya malongo a yiswa ni ya kale,
Leyo nzi beketelo, wena, O ranzekako wa mina.

XIPIMO 8.

- 1 O lezaku wena u wa ku kwatsi u makabye wa mina,
Loye a nwileko a mabele a mamani wa mina!
Laha mina nzi nga kuma wena lehandle, nzi ta nga nzi wa ta nga nzi trotrile wena ;
Ina, i wa ta nga a nga hi kona a tsanwako ha mina.
- 2 Nzi wa ta nga nzi rangele wena, ni ku neha wena lomo ndlwini ya mamani wa mina,
Loye a nga ta nga a gonzisa mina ;
Nzi wa ta nga nzi mahile wena a kwnwa a waini gi nuhelako,
Ga nhome ya mapomegranate ya mina.
- 3 A canja ga yena ga xibaba gi wa ta nga gi hi lahasi ka hloko ya mina,

- Ni ge xinene gi wa ta wukarela mina.
- 4 Nza kawuka nwina, O banhwana ba Jerusalema,
Lezaku a mu vuxi, hambu ni kukindlimuxa a liranzo la mina,
Kala yena a xalaliswa.
- 5 Himani loyi a tako a kanziya hi le xiwuleni,
A kegeleko hehla ka a ranzekako wa yena ke?
Lahasi ka sinye ya maapeli mina nzi lo vuxa wena :
Leyo a mamani wa wena a nga wa lunwa ha wena,
Leyo a nga wa hi na yena kulunweni a kuhefemula wena.
- 6 Mehela mina kota xiumo hehla ka mbilu ya wena,
Kwatsi xiumo hehla ka woko ga wena :
Hakuba a liranzo li na ntamo kwatsi kufa ;
A wukuxu i tsekulelisiso kwatsi i Xeole ;
A kungenga ka kona kungenga ka nzilo,
Konkle kungengemelaka ka Jehova.
- 7 A mati yo tala a na ku tima a liranzo,
Ge hambu a ntalo a wu na ku mitalona :
Loku a munhu a wa ta nga a nyika yonkle a tsomba ya yindlu ya yena hi kota ya liranzo,
Yena i wa ta nga hi kuhunzelele a nyenyiwa.
- 8 Hi na ni makwerwana tsongwani i haba a mabele,
Hi ta maha yini hi makwerwana wa hina.
A sikwini lego ku ta nga wulwawulwa ha yena ke?
- 9 Loku yena a nga a hi ligingisi,
Hi ta aka hehla ka yena a xilubelo xa siliva :
Ni loku yena a nga a hi libati,
Hi ta vala yena hi tibakwa ta sedare.
- 10 Mina nzi kurisi, ni mabele ya mina ma kota a ligingisi la kona :
Zonake le mahlweni ya yena nzi kota munwe loye a kumileko a kurula.
- 11 Solomoni i wa hi ni xivina le Baalamoni ;
I lo nyikela a xivina ka bahlayisi ;
Bonkle a ka mbanzo wa yenawu ba wa neha a xipanze xa kume ga mazana ya siliva.

- | | |
|---|--|
| <p>12 A xivina xa mina, lexi xi nga xa mina, xi le mahlweni ka mina :
Wena, O Solomoni, u taba ni kume ga mazana,
Ni bonkle labo ba hlayisako a miha-
nzo ya kona mazana mambiri.</p> <p>13 Wena loye u a akako lomo masi-
nwini,</p> | <p>A bangana ba Inglisile a gezu ga we-
na :
Maha mina a kuzwa gona.</p> <p>14 Maha xihakla, a ranzekako wa mi-
na,
Nga wena u ku kwatsi u pfundla
kutani i mhutana yiswa
Hehla ka zitsunga za mipepo.</p> |
|---|--|

A BUKU GA ISAYA.

XIPIMO 1.

- | | |
|--|---|
| <p>1 A muwoniso wa Isaya a nisanyana wa Amozi, lowo yena a wu wonileko xungetano na Juda ni Jerusalem, a masikwini ya Uzzia, na Jotamu, Ahaza; na Hezekia, a tihosi ta ka Juda.</p> <p>2 Zwana, O matilo, nyika ntlebe, O misaba ; hakuba Jehova i wula-wulile : nzi fuyile nzi wundile a banana, na bona ba hlubukile ba vukela mina.</p> <p>3 A kabi ya tiba a nwinyi wa yona, ni mbongola a xigowolo xa nwinyi wa yona ; kanilezi Israeli a nga tibi, a banhu ba mina a ba na kupima.</p> <p>4 A tikonziwena ga xionho, a banhu ba binzilweko hi kugoha, a mbewu ya bamahi bakubila, a banana labo ba mahileko hi botisilweko ! bona ba tsikile Jehova, bona ba kauyisileko a wa Kubasa Munwe wa Israeli, bona ba pengile ba klelele le nzako.</p> <p>5 Hi yini nwina mu ta nga nonohisa mu biwa, lezaku nwina mu ta hlubuka kambe ni kambe ke? a hloko yonkle, a mbilu yonkle yi rerekile.</p> <p>6 Ku sukela xireneni xa konzo ku kala ku cikela le hlokwani laho a ku kona a longetiselo lomo nzeni ka gona ; kanilezi timbanga, ni majuku, ni timbiriambi tiwa : tona a ti kubu-nyetwangi, ge hambu kubohiwa, ge hambu ni ku nwanwasela hi mafura.</p> <p>7 A tiko ga nwina gi hahlukile ; a miti ya nwina yi swile hi nzilo ; a tiko ga nwina, a ba pfumba ba kadamula gona kuwoneni ka nwina, na gona hahluka, kwatsi hi lezi gi hoxilweko hi bumatiko.</p> | <p>8 Ni nhanyana wa le Zion i ta siyiwa kwatsi xikupe le xivineni kwatsi i nzawu le sinwini ya mariwa, kwatsi i muti wu vimbezelweko.</p> <p>9 Saseka loku Jehova wa mabandla a siyile a ka hina a misalela yi tsongwani nguvu, hi wa ta nga hi ku kwatsi hi Sodoma, hi wa ta nga hi kari hi fanana ni Gomora.</p> <p>10 Zwanani a mhaka ya ka Jehova, nwina bafumeli ba le Sodoma ; nyikani a ntlebe a ka nawo wa Nungungulu wa hina, nwina banhu ba le Gomora.</p> <p>11 Xini ka mina hi wudlemo ga mipahlelo ya nwina ke? ku wula Jehova : nzi nayo yi enele a minyikelo ya kuhiswa ya tihamba, ni mafura ya zihari zi kulukisilweko ; a nzi xalali-swi hi ukata wa tihonwana, ni wa tiivana, kutani wa timhongo.</p> <p>12 Laha na nwina na muta ku ta woneka mahlweni ka mina, himani a wutisileko lezi le mandleni ya nwina, a ku kanziyelela a tihubye ta mina ke?</p> <p>13 Mu nga ha uehi kambe a zinyikiwo zi nga nyawuliko ; a libani li hi manyalataniso a ka mina ; a hweti yiswa, ni sabado, ni kubitana ka tso-
mbano, a nzi ku hunza kugoha ni muklangano wa nwina wa ximuse.</p> <p>14 A tihweti ta nwina tiwa ni mibuzo ya nwina yi yimisilweko muhefumula wa mina wa zi benga : zona zi hikorato a ka mina ; nzi karele hi kurwala zona.</p> <p>15 Ni laha nwina mu klakusako mu anlalata a mandla ya nwina, nzi ta fihla a mahlo ya mina a ka nwina : ina, ni laha nwina na mu maha a mi-</p> |
|--|---|

ISAYA, 2.

- kombelo ya kutala, nzi nga ta ku-zwa : a mandla ya nwina ma tele hi nkata.
- 16 Hlambani nwina, mu maha nwina mu hlazeka ; susani a kuhiba ka zimaho za nwina le mahlweni ka ngohe ya mina ; kawulani ku maha kubiha ;
- 17 Mu gonza ku maha kwatsi ; mu hlo-ta a nongametiso, mu klatlisa a batsimbeketilweko, lamulani hi wunene ka bana a zisiwana, mu koxela a tinoni.
- 18 Ngonani makunu, nga hi xuxisana katigina, ku wula Jehova ; hambuloko a zionho za nwina zi ku kwatsi zi trukisilweko, zi ta basa kwatsi i mbera ; hambuloko zi trukile kwatsi zibalabuti, zi ta ku kwatsi i woya ga tiyivu.
- 19 Loku nwina mu hi mu zi ranzako ni kuingisa, nwina mu taga a zinene za tiko :
- 20 Kanilezi loku nwina mu ala mu hlubuka, nwina mu ta kadamulwa hi supado ; hakuba a nomu wa Jehova wuwulileko kona.
- 21 Hi ngabye a muti wu kolekisilweko wu mahileko a xibayi ! yena lo-wo wu nga wa tele hi nongametiso ! a kululama ku zumbile ka wona, kanilezi makunu wu hi mudayi.
- 22 A siliva ya wena yi mahile a manyelo, a waini ga wena gi vilinganyisi-lwe ni mati.
- 23 A tihosuna ta wena ti hi ti hlubukisako, ni bangana ba mabakala ; bonklele ba ranza a kukalabela, ba lanzele a ku ncacazeliwa : a ba lamuli bana wa zisiwana, ge hambu a koxelo wa noni a wuti a ka bona.
- 24 Hikwalaho yi ku wula Hosi, Jehova wa mabandla, a Munwe wa Nyamintamo wa ka Israeli, A, mina nzi ta nga tsikeleta a babengi ba mina, ni kupota a ka balala ba mina ;
- 25 Na nzi ta hunzulusa a canja ga mina hehla ka wena, na hi kumbetisilweko nzi ta hlaza a manyelo yabye, nzi ta susa wonkle a lata ya nwina ;
- 26 Na mina nzi ta klatlisa a balamuli ba wena kwatsi hi kuranga, ni masungukati ya wena kwatsi hi kusangu-leni : a nzako kalezo wena u ta bitanwa A muti wa kululamisisa, a muti wu kolekileko.
- 27 A Zioni gi ta klatlisilwe hi nongameto, ni ba hunzulukileko ba gona hi kululamisisa.

- 28 Kanilezi a lobyiselelo wa bahambu-nyeti bi baonhi wu taba katiginwe, na bona labo ba tsikileko Jehova ba ta lobyiswa.
- 29 Hakuba ba ta wiswa a tingana hi ti-oaki leto nwina mu nga wa ti xubile, na nwina mu ta kanganyiseka hi masimu lawo nwina mu nga wa ma lan-gile.
- 30 Hakuba nwina mu ta ku kwatsi i oaki leyo yi siyilweko na wunile, kwatsi hi simu leyo yi nga hiko na nzhongo.
- 31 A bantamo ba ta ku kwatsi mbu lu-ba, ni tiro wa yena kwatsi i hlale ; na bona bonkle ba taswa katiginwe, a nga kona a ta nga timela bona.

XIPIMO 2.

- 1 A mhaka leyo Isaya a nisanyana wa Amozi a yi wonileko xungetano na Juda ni Jerusalema.
- 2 Na kona ku taba lezo hi masikwini ma ha tako, lezaku a xitsunga xa yindlu ya ka Jehova xi ta yimisiwa le xixungweni xa zitsunga, xi ta klatkiswa hehla ka miganga ; ni wonkle a matiko ma ta gotsobanyana a ka xona.
- 3 Ni linyingi la mabanhu ba ta kuya ba yaku, Ngonani nwina, nga hi kanziya hiya le xitsungeni xa ka Jehova, le ndlwini ya Nungungulu wa ka Jakobe ; na yena i ta gonzisa hina a tindlela ta yena, na hina hi ta famba mipfuklaneni ya yena : hakuba hi le Zioni ku ta huma a nawo, ni mhaka ya Jehova yi huma hi le Jerusalema.
- 4 Na yena i ta lamula xikari ka mifumo, na yena i ta tsanza hi xungetano ni banhu banyingi ; na bona ba ta klomba a tisupado tabye ti maha zikomu kurima, ni maklari yabye ba petsa magwegwe ya kuhala ; a mufumo wu nga ta klatkusa a supado wu fukela a mufumo, ge bona ba nga ta gonza a impi kambe.
- 5 O yindlu ya Jakobe, ngonani nwi-na, nga hi famba lomo kuwoneke-leni ka Jehova.
- 6 Hakuba u tsikileko a banhu ba we-na a yindlu ya ka Jakobe, hakuba bona ba tele hi mikuwo ya le mutsuwukagambo, na bona ba hi zitumbe kwatsi na Filisti, na bona baba a mandla zinwe ni banana ba bama-tiko.
- 7 Ni tiko gabye gi tele hi siliva ni nza-

lama, ge a ku na ku gumelwa ka titsomba tabye; ni tiko gabye kambe gi tele hi mahaxi, ge laho a ku kona a kugumelwa ka tikareta tabye.

- 8 A tiko gabye kambe gi tatisilwe hi zifananiso; bona ba kozela a tiro wa mandla ya bona benyi, lezo hi mandla ya bona ba zi mahileko.
- 9 Ni munhu wa kubiha i koramile lahasi, ni munhu wa hombe i nehlwe lahasi: hikwalaho u nga tsetseleli bona.
- 10 Engena lomo ribyeni, u fihla wena lomo tsurini, le tsisiselweni wa ka Jehova, ni le wukosi ka wukulu ga yena.
- 11 A kucuwukeka ku klakukileko ka munhu ku ta nehwa lahasi, ni kukumukelisa ka munhu wu ta koramiswa lahasi, Jehova i yece i ta klakusiwa a ka lego siku.
- 12 Hakuba ku taba kona a siku ga ka Jehova wa mabandla hehla ka bona bonkle ba matsanza ni ba tikukumuxako, ni hehla ka kona konkle loko ku ti klakusako; na kona ku ta nehiwa lahasi;
- 13 Ni le hehla ka tonkle a tisedare ta le Lebanoni, leto ti lehileko ti klakukileko, ni hehla ka tioaki tonkle ta le Baxani,
- 14 Ni le hehla ka zonkle a zitsunga zi klakukileko, ni le hehla ka yonkle a mitsuri leyo yi klakukileko,
- 15 Ni hehla ka tonkle titawa ti klakukileko, ni hehla ka gonkle a kurisi gi gingisilweko,
- 16 Ni hehla ka wonkle a mataru ya le Tarxixi, ni le hehla ka yonkle a mifananiso yatsi.
- 17 Ni klakuselelo wa munhu wu ta koramiswa lahasi, ni matsanza ya munhu ma ta nehiwa lahasi; na Jehova yece i ta klakusiwa a ka lego siku.
- 18 Ni zifananiso zi ta hunza hi kumbetisilweko.
- 19 Ni banhu ba ta famba lomo timhakweni ta maribye, ni lomo mimoleni ya misaba, ba suka le tsisiselweni wa ka Jehova, ni le wukosini ga wukulu ga yena, laha a suka a tsekatesekisa a misaba hi kutsisisilweko.
- 20 A ka lego siku a banhu ba ta hoxa kule a zifananiso zabye za siliva, ni zifananiso za nzalama, lezo zi nga wa mahilwe a ka bona a kukozela, ni ka mabonyani ni ka madema;
- 21 A ku famba lomo mikoboklweni ya

maribye, ni le mikoboklweni ya maribye ma gwemukeleko, ba suka le tsisiselweni wa ka Jehova, ni ku suka le wukosi ga wukulu ga yena, laha yena a sukako ku tsekatesekisa hi kureremetisilweko a misaba.

- 22 Kawulani nwina le ka munhu, loye a muhefemulo wu nga le tinhovini ta yena; hakuba hi kwihi laho yena i ta nga kala ba hlava ba yena ke?

XIPIMO 8.

- 1 Hakuba, languta, a Hosi, Jehova wa mabandla, a susako le Jerusalema ni le ka Juda a mbanze ni ceten-gelo, ni yonkle a mbanze ya xiba-ba, ni yonkle mbanze ya mati;
- 2 A munhu wa nhenha, ni wanuna wa impi; a mulamuli, ni muprofeti, ni mungoma, ni singalakati;
- 3 Ni nduna ya nkianu wa makume, ni munhu a dzunzekileko, ni sungukati, ni nyamitiro a pangamileko, ni muaki a klarihileko.
- 4 Na uzi ta nyika a zibanana akuba tihosana tabye, ni tisana ti ta fumela hehla ka bona.
- 5 Ni banhu ba taba ba tsimbeketilweko, bonklelele hi banwani, ni bonklelele i mu akelwane wa yena: a xizwanana xi ta maha a matsanza a wutsumbu ga xona hehla ka munhu wa kale, ni nyamijiri a vukela a dzunzekileko.
- 6 Laha a munhu a ta nga koma a makabye wa yena lomo ndlwini ya dadani wa yena, aku, Wena u na ni kuambala, nga wena u hi mufumeli wa hina, na nga loku kuhahluka ku hi lahasi ka canja ga wena;
- 7 A ka lego siku yena i ta klakusa a gezu ga yena, aku, Mina nzi nga ta kuba mucumi; hakuba lomu ndlwini ka mina xibaba ge ni kuambala: mu nga mahe mina a mufumeli wa banhu.
- 8 Hakuba a Jerusalema gi hahlukile, na Juda gi wile; hakuba a Irimi labye ni zimaho zabye si vukela Jehova, a kuvunjukelisa a mahlo ya wukosi ga yena.
- 9 A kuwoneka ka ngohe ku maha a wumboni kuvukela bona; bona ba klaklambuta a xionho zabye kwatsi i Sodoma, a ba fihlangi xona. Kombo a ka muhefemulo yabye! haku-ba bona ba mahile a kubiha a ka wutsumbu gabye.
- 10 Wulani nwina hi a lulamileko, lesa-

ISAYA, 5.

- ku kona ku taba kwatsi ha yena; hakuba bona ba taga a mihanzo ya zimaho zabye.
- 11 Kombo a ka bakubiha! kona ku taba litsanwa ha yena; hakuba lezo a mandla ya yena a mahileko si ta mahelwa a ka yena.
- 12 Kwatsi hi banhu ba mina A banana hi batsimbeketi ba bona, a ba basati ba fumela hehla ka bona. O banhu ba mina labo ba rangeleko ba mahile nwina mu hambuka, ba lobisile a pfukla wa ndlela ya nwina.
- 13 Jehova a yimako a ku vikela, a yimako a ku lamula a banhu.
- 14 Jehova i ta engena kulamuleni sinwe ni masingalakati ya banhu, ni tihosana ta kona: kona hi nwina labo nu gileko a xivina; a mupango wa sisiwana wu lomo ndlwini ya nwina:
- 15 Mu sungwa hi yini nwina mu faye-telako a banhu ba mina, Ni cinza a tingohe ta sisiwana ke? ku wula a Hosi, Jehova wa mabandla.
- 16 Klatakumbiri Jehova i te ngalo, Hakuba banhwana ba le Zioni ba ni matsanza, ni ku famba hi nhamo ti nonohileko ni klakukileko ni mahlo ma kanyilweko, ba famba hi kunyanga kota ba yako, ba mahako a zingongodwani hi mikonzo yabye.
- 17 Hikwala a Hosi yi ta lamata hi bawa a magalo ya hloko ya banhwana a le Zioni, na Jehova i ta nehisa kuwonekeleni a matlelo yabye ma fihleleko.
- 18 A ka lego siku a Hosi yi ta teka yi susa a wumburi ga mihono ya mahlakala yabye, ni zilemba zabye, ni kwengwelekwezi;
- 19 A tipera ta wucembelwa, ni mihono, ni wukomelwa;
- 20 Ni matlele, ni tiketani ta mahlakala, ni miceka, ni tingaxa ta mipepo, ni stivilima;
- 21 A tipera, ni tidaimoni ta ti nhovu;
- 22 A mubuzo, ni mikumba, ni bacale, ni zikwama;
- 23 Ni mawoni ya lomo mandleni, ni nguwo ya wukene, ni nguwo ya zitsungulo, ni tiveili.
- 24 Na ku ta mahisile lezo, lezaku a xikundleni na mipepo yi nanzihako ku taba kona a bolisiso; ni wutsanweni ga bandi, a gota; ni xikundleni xa misisi yi vuxilweko a lihandla; ni xikundleni xa nguwo, a kuboha hi tinguwu ta tisakwa; a kuhisa wutsanwini ga wumburi.

- 25 A ba banuna ba wena ba tawa hi supado, ni tinhenha ta wena le impini.
- 26 Ni nyangwa ya yena yi ta hlomula ni kurila; yena i taba a hahlukileko ni kutsama laha liranzyenyi.

XIPIMO 4.

- 1 A klanu wa ba basati ni bambiri ba ta komelela ka nuna munwe ka lego siku, baku, Hina hi taga azibaba za hina benyi, ni ku ambala a tinguwo ta hina benyi: ntsena nga hi bitiswa hi bito ga wena; teka wena a nzhukano ya hina.
- 2 A ka lego siku a rabi ga Jehova gi taba gi mburisilwe gi ngangamelisilwe, ni mihanzo ya tiko yi taba yi malongo na yi sasekisilwe a ka bona labo ba ponileko ba ka Israeli.
- 3 Na ku ta mahisa lezo, lezaku loye a siyilweko le Zioni, ni loye a seleko lomu Jerusalema, i ta bitanwa a basileko, bona bonklelele labo ba tsalilweko xikari ka bahanyako lomu Jerusalema;
- 4 Laha a Hosi yi ta nga yi hlazile a kunyenyeza ka banhwana ba le Zioni, na a taba a hlazile a nkata wa le Jerusalema a xikari ka kona, hi moya wa nongametiso, ni moya wu hisako.
- 5 Na Jehova i ta banga a baakileko bonkle hehla ka xitsunga Zioni, ni hehla ka gotsobanyano wa yena, a refu ni musi hi siku, ni kuwoninga ka pingo gi ngengemelako hi wusiku; hakuba hehla a ka gonkle a wukosi ku taba ni xikubunyeto xi andlelweko.
- 6 Ni ku taba kona a xitanga xa nzhuti hi xikatini xa siku xita hi le muzwini, xa wucabelo akuba xihlanguto xa bubutsa ni vula.

XIPIMO 5.

- 1 Nga mina nzi yimbelelela a ranzekako wa mina a xizimba xa a ranzekako wa mina hi ku kumbuka a xivina xa yena. A ranzekako nguvu wa mina i wa hi ni xivina lexi xinga mugangeni wu tralisako nguvu:
- 2 Yena i lo rima xona, i lo bingeretele a maribye ya kona, i byalile xona hi mavina ma langilweko, i akile a tawa xikari ka xona, ni kambe i baklile a vini yi nene xa kona: yena i cuwukele lezaku xi ta trala magrepi, xona xi lo trala a magrepi ya haba lomo kwatini.
- 3 Na makunu, O baalileko ba le Je-

- rusalema ni banhu ba ka Juda, lamulani, nza kombela nwina, xikari ka mina ni xivina xa mina.
- 4 Ku wa ta nga ku mahilwe yini kambe a ka xivina xa mina, lexo mina nzi nga ta nga nzi nga mahangi a ka xona ke? hikwalaho laha na nzi cuwukile lezaku xona xi wa ta nga xi trala a magrepi, xona xi la ku trala a magrepi ya haba za kwati ke?
- 5 Makunu nzi ta byela nwina xini nzi ta nga maha a xivina xa mina: nzi ta susa a libingo la kona, na xona xi ta ba xi gilweko; nzi ta tsoba lahasi a ligingisi la kona, lona li ta kanziyelwa lahasi:
- 6 Nzi ta li beka li hahluka; li nga teniwa ge ni kurimelwa; kanilezi laho ku ta huma a wusosonya ni mizwa: nzi ta lelela a marefu lezaku manangani a vula hehla ka xona.
- 7 Hakuba a xivina xa Jehova wa mabandla hi yindlu ya ka Israeli, ni banhu ba ka Juda a mihanzo ya yena yi nga kona: na yena i lo cuwukela ku nongametiso, kanilezi, languta, a tsimbeketelo; a nongametiso, kanilezi, languta, tsimibeketa.
- 8 Kombo a ka bona labo ba engenako a yindlu ni yindlu labo ba klanganyisako a simu ni simu, kala laho ku nga ha hi kona na nzawu, na nwina mu mahwa a kuaka nwece a xikari ka tiko!
- 9 A tindlebeni ta mina ingalo Jehova wa mabandla, hakunene a tindlu ti nyingi ti ta hahluka, tona ta hombe ni to saseka, ti nga hi na baakileko a ka tona.
- 10 Hakuba a kume ga tinzima ta xivina ti ta su trala a bati ginwe, ni homa ya mbewu yi ta su trala kanilezi a efa.
- 11 Kombo a ka bona labo ba vukako a manzikweni wa mixo, lezaku bona ba fela ku lanzela a kunwa ka ntamo; labo ba hungatekako kala laha wusikwini, kala a waini gi ngenge-melisa bona!
- 12 Ni xitende ni xiridingoma, ni njomani ni kombela, ni waini, zi hi le mibuzweni yabye; kanilezi bona a ba katuli hi tiro wa ka Jehova, hambu ni kupima a pangamiselo wa mandla ya wena.
- 13 Hikwalaho a banhu ba mina ba yile kukozweni hi kuvumala ka kutiba; ni banhu babye ba dzunzekako ba file hi ndlala, ni lidlemo li file hi tora.
- 14 Hikwalaho a Xeole i enzelekisile a kuxuba ka kona, ku ahlamisile a nomu wa kona a ku hunza ku ringanyisa; ni wukosi gabye, ni wudlemo gabye, ni kukumuka kabye, ni ka loye a tsakako xikari kabye, zi relela ka kona.
- 15 Ni munhu wa kubiha i koramisilwe lahasi, ni munhu wa hombe koramisilwe, ni mahlo yaa ti klakusako ma koramisilwe;
- 16 Kanilezi Jehova wa mabandla i klakusilwe hi ka nongametiso, a Nungungulu a Munwe wa Kubasa i basisilwe kululamisiseni.
- 17 Zonake a tiyivana ti ta gelawu kwatsi hi wugelweni ga tona, ni wutsamo gi hahlukileko ga bafumileko a banzuli ba ta giga.
- 18 Kombo a ka bona labo ba kokako a kugoha hi tingoti ta xiwunwa, ni kuonha kwatsi i gota ga kareta;
- 19 Labo ba wulako, Nga yena a maha a tsutsumelo, nga yena a haklisela a tiro wa yena, kasi hina ba fela ku wona; nga wusungukati ga Munwe wa Kubasa wa ka Israeli gi tsinela kusuhi gita, kasi hina ha fela ku tiba gona!
- 20 Kombo a ka bona labo ba bitanako a kubiha ku hi kusasa, na kusasa hi kubiha; labo ba bekako a munyama wutsanweni ga kuwonekela, ni kuwonekela baku munyama; labo ba tekako kubaba baku kutsombela, ni kutsombela baku kubaba!
- 21 Kombo a ka bona labo ba tibako a mahlweni ya bona benyi, ba kuklariha kuwoneni ka bona benyi!
- 22 Kombo a ka bona labo ba nga na nga ni ntamo a kunwa a waini, ni banhu ba na nga ni ntamo a kunwa ha patseleko a kunwa ka ntamo;
- 23 Labo ba basisako a wa kubiha hi kukalabela, ni kususa a kululamisisa ka a lulamileko a ka yena!
- 24 Hikwalaho kwatsi hi lirimi la nzilo li kadamulako a xibo, na kwatsi hilezi a byanyi gi omileko gi nyupe-lako ka nhoba, zingaho a mutsu wabye wu taba a bolisiselo, ni zitsangi zabye zi taya hehla kwatsi i tsutsungwani; hakuba bona ba alileko a nawo wa Jehova wa mabandla, ba nyenyileko a mhaka ya Munwe wa Kubasa wa ka Israeli.
- 25 Hikwalaho a zanga ya ka Jehova yi vinlukisilwe yi vukela a banhu ba yena, na yena i nabalatile a canja ga

ISA YA, 7.

yena a vukela bona, i lamatile bona; ni zitsunga zi rurumele, ni zirumbi zabye zi kwatsi hi baalako lomo xikari ka mapango. Hakuba a ka zonkile lezi a zanga ya yena a yi rengiswangi, kauilezi a canja ga yena ga simamile ga klakusilwe.

- 26 Na yena i ta *klakusa* a ngapa a kapa mifumo ya le kule, na ta kotsolela bona le magumelweni ya misaba; ni, languta, bona ba tata hi ku tsutsu-melo wa mazambu.
- 27 A nga kona a ta nga karala ge hambu kuretemuka xikari ka bona; a nga kona a ta nga kudzehela hambu ni kuelela; ge hambu a tifunga ta ziwuna za bona ti nga ta wulula, ge hambu a tingosi ta zilato zabye ti nga guhala:
- 28 Labo a tugalala tabye ti karihako, ni wonkle a mawura yabye ma kondli-lwe; a makanzo ya mahaxi yabye yi ta hlaielwa kwatsi musuzwani ni tinghonghola ta kona kwatsi xipu-puri xa mheho:
- 29 A dzuma kabye ku ta ku kwatsi ka matrele ya tingonyamo, ni kudzuma ka bona ku fanana ni mavinyani ya tingonyamo; ina, bona ba ta dzuma, ni ku koma a nyama ya bona, ni ku-rwala yona kule na ba pomile, ni laho ku nga ta kuba kona ni wa ku-*klaklisa*.
- 30 Na bona ba ta dzuma ba vukela bona a ka lego siku ku fanana ni kugoboza ka bimbi: ni loku a muuwe a cuwuka tikweni, languta, a munyama ni hlokiselelo; ni kuwoneke-la ku pfupelisilwe hi marefu ya kona.

XIPIMO 6.

- 1 A ka lembe lego a hosi Uzzia a ngafa nzi lo wona a Hosi na yi tsamile hehla ka xitsamo xa wukosi, xi lehileko na xi klakukile; ni pfikli-pfikli wa yena wu lo tele a tempele.
- 2 Hi le hehla ka yena ku lo yima a maserafime : a ginwe ga wona gi wa hi ni uklanu wa tipapa ni linwe ; hi patswa yena i lo kubunyeta a ngohe ya yena, hi patswa yena i lo kubunyeta a mikonzo ya yena, na hi patswa yena i lo puruma.
- 3 Ni munwe i lo bitana a ka munwani, i te ngalo, Basa, basa, basa, u hi Jehova wa mabandla : a misaba yonkle yi tele hi wukosi ga yena.
- 4 A ziseketelo za tinyangwa zi lo tse-

**katsekiwa a ka gezu ga yena loye
a bitanako, ni yindlu yi wa tele hi
musi.**

- 5 Zonake ku lo wula mina, Kombo a ka mina! hakuba mina nzi tsanzekile hakuba nzi nga munhu wa milomu yi nga hlazekangiko, na nzi tsamile xikari ka banhu ba nga hiko na milomu yi hlazekileko: hakuba a mahlo ya minawu ma wonile a Hosi, Jehova ya mabandla.
- 6 Zonake ku lo puruma a giawe maseratime, na gi hi ni kala ga nzilo canjeni ga gona, lego gi gi tekileko hi tiparo le Aladini:
- 7 Na gona gi lo kumba a nomu wa mina ha gona, na a te ngalo, Manga-bye, legi gi kumbile a milomu ya wena; ni kugoha ka wena ku susilwe, ni kuonha ka wena ku tsetselelwe.
- 8 Na mina nzi lozwa a gezu ga Hosi, giku, Himani nzi ta nga mu rumela, himani a ta fambela hina ke? Zonake mina nzi te ngalo, Mina nzi laha; rumela mina.
- 9 Na yena i te ngalo, Famba, ni ku ya byela laba banhu, Nwina mazwa hakunene, kanilezi a mu zi pimi; na nwina ma wona hakunene, kanilezi a mu na ku hlohlosa.
- 10 Maha a timbilu ta laba banhu ti kuluka, maha a tindlebe tabye ti binza, ni kuvala a mahlo yabye, ku nga taku ba wona hi mahlo yabye, ni kuzwa hi tindlebe tabye, ni ku pima hi timbilu tabye, ni ku hunzuluka kambe, ba be ba cumilweko.
- 11 Zonake ku wula mina, Hosi ku ta longoloka ku yini ke? Na yena i lo hlamula, Kala a muti wu hahluka ku nga hi kona ni baakileko, ni tindlu ti nga hi na munhu, ni tiko gi su tsama a kuhahluka futsi,
- 12 Na Jehova i susile a banhu kule, ni wutsumo gi tsikilweko gi hi gi nyingi xikari ka tiko.
- 13 Kasike loku ku nga kona a za wukume za gona, kona kambe hi xikati xa kona ku ta giwa: kwatsi i terebini, ni oak, loye a tisinya gi tsamileko, laho yona yi nga wa wile; zingaho a mbewu yonke i tisinya ga kona.

XIIMO 7.

- 1 Na ku mahisile lezo a masikwini ya Ahaza a nisanyana wa Jotamu, a nisanyana wa Uzzia, a hosi ya ka**

- Juda, lezaku Rezini a hosi ya Siria, na Peka a nisanyana wa Remalia, a hosi ya ka Israeli, ba lo kanziya le Jerusalema a kulwa zinwe na gona, kanilezi i wa nga i nga hlulangi gona.
- 2 Na kona ku wa lo byelwa a yindlu ya ka Davida, lezaku, A Siria gi holobisana zinwe na Efraime. Ni mbilu ya yena ya rurumela, ni mbilu ya banhu ya yena, kwatsi hi tisinya ta lomo kwatini ti kucungwako hi mheho.
- 3 Zonake ku lo wula Jehova a ka Isaya, Huma u famba makunu a ku kinga Ahaza, wena, na Xear-jaxuba a nisanyana wa wena, le kugumelwe ka nkele ga tiba ga le hehla, le gonzweni ga masimu ya bahlazi;
- 4 U wula ka yena, Katelela wena, rutisa u miyela; u nga cabi, ge hambu a mbilu ya wena yi nga mbeli ntamo, hakuba hi ka leyi a mikila mimbiri ya mapowu ma tubikako a musu, hakuba a zanga yi cabekako ya Rezini a mu Siria, ni ya nisanyana wa Remalia.
- 5 Hakuba a Siria, ni Efraime, ni nisanyana wa Remalia, ba xubile a kubiha ba vukela wena, baku,
- 6 Nga hina hi kanziya hi ya vukela Juda, ni kuhlokisa gona, na nga hi ya aka a ligingisi layo la hina, ni ku ya yimisa a hosi xikari ka gona, yena a nisanyana wa Tabeeli;
- 7 Zakungahi a wulako a Hosi Jehova, lona li nga ta yima, ge lona li nga ta maheka.
- 8 Hakuba a hloko ya le Siria hi Damaskusi, ni hloko ya Damaskusi hi Rezini; hi ka nkanu hi ginwe makume ni nkanu malembe a Efraime i ta tsobiyiwa a fufanyi, zingaho lezo gona gi nga ta kuba banhu;
- 9 Ni hloko ya Efraime hi Samaria, ni hloko ya Samaria hi nisanyana wa Remalia. Loku nwina mu nga kolwi hakunene, hakunene nwina mu nga ta kuba mu yimisilweko.
- 10 Na Jehova i lo wulawula kambe ka Ahaza, aku,
- 11 Wutisa wena a muwoniso wa Jehova a Nungungulu wa wena; wutisa wona hambu ku hi lomo kuetini, kutani le kuklakukeni ka le hehla.
- 12 Kanilezi Ahaza i tengalo, Nzi nga ta wutisa, ge hambu nzi ta ringa Jehova.
- 13 Na yena i te ngalo, Zwanani nwina makunu, O yindlu ya Davida: Ko-
- na xilo xi tsongwani a ka nwina a kurera a banhu, lezaku mu ta rerisa a Nungungulu wa mina kambe?
- 14 Hikwalaho a Hosi a wutsumbu ga yona yi ta nyika a xiwoniso: langu-ta, a mubulwa wu ta xuranyimba, wu ta trala a nisanyana, i ta cula a bito ga Immanueli.
- 15 A mawomba ni wulombe yena i ta kuga, laha yena a ta nga tiba a ku ala a kubiha, ni ku langa a kusasa.
- 16 Hakuba hi mahlweni a nwanana i ta tiba a ku ala kubiha, ni ku langa a kusasa, a tiko lego a tihosi timbiri wena u swirwako gi ta tsikiwa.
- 17 Jehova i ta neha hehla ka wena, ni hehla ka banhu ba wena, ni hehla ka yindlu ya dadani wa wena, a masiku lawo ma kalako ma nga se kuta, kusukela a ka siku lego Efraime a nga suka ga gona ka Juda a hosi ya le Asiria.
- 18 Na ku taba ku mahisile lazo a ka lego siku, lezaku Jehova i ta swukuta a nhongani leyi yi nga kwaleyo klelweni ga magumo ga micongo ya le Gipite, ni nyoxi leyo yi nga le ti kweni ga le Asiria.
- 19 Na bona ba ta kuta, na ta humula bonkle ba bona le minzelelweni ya mapanya, ni lomo miklolkolotweni ya maribye, ni lomo hehla ka tibingo ta mizwa, lomo wuriselweni gonkle.
- 20 A ka lego siku a Hosi yi ta cinga hi likari labo ba rihiwako le matlelweni ya klatuko wa Congo, zinwe ni tihosi ta le Asiria, a hloko ni mafefeleti ya mikonzo: na kona kambe ku ta mbetisa a xilevu.
- 21 Na ku ta mahisa lezo a ka lego siku, lezaku a munhu i ta hlaysia gi hanya a tokazi ga homu, ni tiyivu timbiri;
- 22 Na ku ta mahisile lezo, hakuba hi ka talisiso wa masi, lawo bona ba ta nga nyika yena i taga a mawomba: hakuba a mawomba ni wulombe ba ta kuga bonklelele labo ba ta nga siyiwa lomo xikari ka tiko.
- 23 Na ku ta mahisile lezo a ka lego siku, lezaku gonklelele a wutsamo, laho ku na nga ni kume ga mazana ya mivina ma ringeneko ni kume ga mazana ya siliva, ku taba a wusosonyi ni mizwa.
- 24 Zinwe ni tixaxa zinwe ni wura a munwe i tata leno, hakuba gonkle tiko gi taba a wusosonyi ni mizwa.
- 25 Ni yonkle a mitsuri leyo yi rimiwa-

ko hi sigidani, wena u nga ta kuta leno hi kota ka kucaba a wusosonyi ni mizwa ; kanilezi kona ku taba a kurunwelwa ka tikabi, ni kuba ku kanziyelweka tiyivu.

XIPIMO 8.

- 1 Na Jehova i te ngalo ka mina, Teka a mbila ya hombe, ni ku tsala hehla ka yona hi peni ya banhu, Hakuba Maher-xalal-hax-baza ;
- 2 Na mina nzi ta teka a wumboni gi kolekileko a ku tsalela, Uria a mupristi, na Zakaria a nisanyana wa Jeberekia.
- 3 Na mina nzi loya a ka muprofeti wa xisati ; na yena i lo xura nyimba, i lo trala a nisanyana. Zonake ku wula Jehova aka mina, Cula a bito ga yena Maher-xalal-hax-baza.
- 4 Hakuba hi mahlweni na xinwanana xi nga se ku tiba a ku bitana, Dadani wa mina, Mamani wa mina, a kufuma ka le Damaskusi ni mupango wa le Samaria wu ta golwa mahlweni ka hosi ya le Asiria.
- 5 Na Jehova i lo engeta kambe a wulawula ka mina, aku,
- 6 A ku kotalezi laba a banhu ba alileko a mati ya le Xilola laya ma fambako kwatsanyana, ni kutsaka hi ka Rezini ni ka nisanyana wa ka Remalia :
- 7 Makunu hikwalaho, languta, a Hosiyi yeha hehla ka bona a mati ya Congo, ya ntamo ni yi tala, yona a hosi ya le Asiria ni wukosi ga yena : wona ma tata ma kanziya ni milonga ya wona yonkle, ma ta kulunga ka lonkle a livuti la kona ;
- 8 Na kona ku ta swiyela hi ngomama ni ka Juda ; kona ku ta kulunga ku hunza ku tsemakanya ; kona ku ta cikela lomo nharwini ; ni kuklakusa ku ndlalata a tipapa ta kona ku ta tatisa a kuanama ka tiko ga wena, O Immanueli.
- 9 Mahani a pfilupfilu, O nwina banhu, mu tsobyiwa zipanzana ; ni ku nyika a ndlebe, nwenkle nwina ba le tikweni ga le kule : bohani a wutsumbu ga nwina, mu tsobyiwa zipanzana ; mu boha a wutsumbu ga nwina, ni kuba mu tsobyilweko zipanzana.
- 10 Tekani a wusungukati katigizwe, na gona gi ta nehwa ku nga nyawulini ; wulawulani a mhaka, na yona yi nga ta yima : hakuba Nungungulu i zinwe na hina.
- 11 Hakuba Jehova i wulawulile zaku-

- ngahi ka mina hi canja ga ntamo, ni ku i gonzisile mina a ku kala nzi nga fambi le ndleleni ya laba banhu, aku,
- 12 Mu nga wule nwina, A gujegu je, gi xungeteneko ni lezo zonkle laba ba banhu ba ta nga zi wula, I gujegu je : ge mu nga cabe nwina a ku caba ka bona, ge mu nga be na hlanekero ha kona.
- 13 Jehova wa mabandla, yena nwina mu ta basisiwa ; na nga yena a taba kucaba ka nwina, nga yena a nga hi hlanekero wa nwina.
- 14 Na yena i taba a yindlu ya kubasa ; kanilezi a ribye ga kuretemukisa ni ruka ga kuzangari a ka yonkle a yindlu ya ka Israeli, a kuba klamu ni kuba ziyo ka baakileko ba le Jerusalema.
- 15 Ni baayingi ba ta retemuka a ka gona, ba tawa, ba tsobyiwa, ba klabyiwa, ba tekiwa.
- 16 Boha wena a wukustumunyelolo, u misa a nawo wa wena xikari ka bapizani ba mina.
- 17 Na nzi ta rinzela Jehova, loye a fihlileko a ngohe ya le ka yindlu ya ka Jakobe, nzi ta cuwukela yena.
- 18 Languta, mina ni banana laba Jehova a nyikileko mina hi ba ziwoniso ni zihlamaliso ka Israeli za le ka Jehova wa mabandla, loye a akileko lomo xitsungeni Zioni.
- 19 Laha bona ba ta nga wula a ka wena, Hlota a ka bona labo ba na nga ni moya wa mandiki ni ka baloyi, labo ba totowetelako ni bangwiriri ; a banhu ba wa ta nga ba hlota a ka Nungungulu wabye ke? hi klelo ga kuhanya ba wa ta nga bona ba hlota a kufa ke?
- 20 A ka nawo ni ka wukustumunyelolo loku bona ba nga wulawuli ku kotisa i ka mhaka leyi, hakunene laho a ku kona a mixo a ka bona.
- 21 Bona ba ta hunza ba tsemakanya a kona, ba na kuxaniseka ni ndlala ; ku ta ku na ku mahisile lezaku, laha na bona na bazwa a ndlala, bona ba ta hlakata a wutsumbu gabye, ba ta rukatela hi hosi yabye ni Nungungulu wabye, ni kuklakusa a tingohe tabye le hehla :
- 22 Na ba ta cuwuka lomo misabeni, ni, languta, a hlokiselelo ni munyama, ni punga ga keto wa kutsikwila ; a ka munyama wu pumisilweko bona ba ta hlongolwa.

XIIMO 9.

- 1 Kanilezi laho ku nga ta kuba kona a puna a ka yena lo ye loye a nga tsikwilweni. A ka xikatini xa kale yena i lo neha a litsanwa lomo ka tiko ga le Zebuluni ni ka tiko ga le Naftali; kanilezi hi xikatini xa kugumelwa yena i mahile gona a wukosi, hi ndlela ya le bimbini, klatukweni wa Jordani, Galile ga bamatiko.
- 2 A banhu labo ba lo fambako munyameni ba wonile a kuwonekela ka hombe: bona ba akile lomo tikweni ga nzhuti wa kufa, hehla ka bona a kuwonekela ku woningile.
- 3 Wena u enzelekisile a tiko; u a nzi-sile a litsako lahe: bona ba tsaka a ka wena kukotisa hi kutsaka ka laba xihulweni, kwatsi hi banhu loku ba tsakako laba na ba abelana a mupango.
- 4 Hakuba a joka ga nzwalo wa yena, ni nhonga ya kakla ga yena, ni xigomba xa tsimbeketelo wa yena, wena u xi tsobile kwatsi hi masiku ya le Midiani.
- 5 Hakuba wonkle a maklari ya munhu a hlomileko le vilinganyeni, ni tinguwu ti polongelana lomo nkateni, ti taba ta ku hiswa, akuba ka makala ya nzilo.
- 6 Hakuba a ka hina a nwanana i tralilwe, a ka hina a nisanyana i nyikilwe; a wufumeli gi taba hehla ka kakla ga yena: ni bito ga yena gi ta bitanwa Kuhlmalala, Sungukati, Nungungulu Nyamintamo, Dadani a Pinzukelisilweko, a Hosana ya Kurula.
- 7 Hi ka anziseleo wa kufumela ka yena ni wa kurula laho ku nga ta ba a kugumelwa, hehla ka xitsamo xa wukosi xa Davida, ni hehla ka mufumo wa yena, a ku yimisa wona, a ku koma wona hi nongumetiso ni kululamisisa kusukela lezike na kona ku kala kupinzuka. A pangamiselo wa Jehova wa mabandla i ta mbetisa lexi.
- 8 A hosi yi rumele a mhlaka a ka Jakobe, na yona yi kapamile hehla ka Israeli.
- 9 Ni bonkle a banhu ba ta zitiba, yena Efraime ni bakileko ba le Samaria, labo ba wulako hi matsanza na hi klombelelisiso wa mbilu,
- 10 A zitini zi wile, kanilezi hina hi ta aka hi mari/ye na bakililweko; a mikuwu yi tsemilwe, kanilezi hi ta bekela a tisedare wutsanweni ga yona.
- 11 Hikwalaho Jehova i ta yimisa le hehla ku vukela yena a balala ba ka Rezini i ta vindlula a ba bengi ba yena,
- 12 A ma Siria hi mahlweni, a ma Filisti hi le nzako; na bona ba ta kadamula Israeli hi nomu wu ahlamileko. Hakuba a ka zonkle lezi a zanga ya yena a yi rengani, kanilezi a canja ga yena gi simamile gi nawuluta.
- 13 Kasike a banhu a ba hunzuluka ngi a ka bona loye a lamatileko bona, ge hambu bona a ba hlotangi Jehova wa mabandla.
- 14 Hikwalaho Jehova i ta tsama a ka Israeli a hloko ni kila, a rabi ga cinzu ni lihoka, a ka siku ginwe.
- 15 A singalakati ni munhu a dzunzekileko, yena u hi hloko; ni muprofeti loye a gonzisako a mawunwa, yena u hi kila.
- 16 Hakuba bona labo ba rangelako laba banhu ba maha bona a ku hambuka; labo bona ba rangelwako ha bona ba lobyisilwe.
- 17 Hikwalaho Jehova a nga ta xalaliswa hi banhu baswa ba bona, ge yena a nga ta kuba na hawukelisiso a ka bana ba zisiwana ni ka tinoni tabe; hakuba bonklelele ba hi ba hanahanisi ni ba mali ba kubiba, ni yonklelele a milomu yi wulawula a wupumbu. Hakuba ha zonkle lezi a zanga ya yena yi bohliwa, kanilezi a canja ga yena gi simamile gi nawuluta.
- 18 Hakuba a kubihisisa ka vura kwatsi i nzilo; kona ku kadamula a wusosonya ni mizwa; ina, kona ku dzibela lomo kukweleni ka kwati, bona ba sombonyoka kwatsi ku tubika ka musi.
- 19 Hi kota ya zanga ya Jehova wa mabandla a tiko gi swile; ni banhu ba kwatsi kuwumba ka nzilo: a nga kona a ta nga longeta a maka/ye wa yena.
- 20 Ni munwani i ta kakuleta hi ka ga xinene canja, a be a zwako a ndala; yena i ta gela canjeni ga xibaba, na bona ba nga ta kuba na kuxuriwa; bona ba taga bonklelele banhu a nyama ya woko ga yena:
- 21 Manasa, Efraime, na Efraime, Manasa; na bona katigizwe ba ta vukela Juda. Hakuba zonkle lezi a

zanga yena a yi se ku bohli swa, kani-
lezi ga ha simamile gi nawuluta.

XIPIMO 10.

- 1 Kombo a ka bona labo ba bako-
nyibo hi ziyimiso zi nga lulamangi-
ko, ni ka batsali labo ba tsalako a
tlohlakalisiso;
- 2 Ba hambukisako a zilo zi labekako a
nongametisweni, ni wuklela a zisi-
wana za banhu ba mina a fanelo ya-
bye, lezaku a tinoni ti fela ku maha
a mupango wabye, ni lezaku ba ma-
ha bana ba zisiwana a mufulo wa-
bye!
- 3 Na mu ta maha yini xana nwina hi
sikwini ga enzeliselelo, ni ka hahlu-
lelo lowo wu ta ngata hi le kule ke?
a ka mani nwina mu ta nga tsutsu-
mela a kuya vunwa ke? na ku hi
kwihi laho nwina mu ta nga siya a
wukosi ga nwina ke?
- 4 Bona ntsena ba ta korama lahasi ka
tiperesu, ba tawa lahasi ka badelwe-
ko. Hakuba a ka zonke lezi a za-
nga ya yena a yi bohli swangi, kani-
lezi a canja ga yena ga ha simamile
gi nawuluta.
- 5 Ho mu Asiria, a nhonga ya za-
nga ya mina, a xigomba xa canja ga
wibi xi nga zanga ya mina!
- 6 Nzi ta rumela yena a kuvukela a
tiko gi hanahanisako, ni kuya vu-
kela a banhu hakuba a zanga ya
mina mu rumile, a ku teka a mupa-
ngo, ni ku teka a mufulo, a ku ka-
nzeyelela bona lahasi kwatsi marope
ya lomo mapangweni.
- 7 Ahemba ye i wa nga sungwi hi lezo,
ge hanbu a mbilu ya yena a ku ala-
kanya lezo; kanilezi ku kona a mbi-
lwini ya yena a ku lobisa, a ku tsema
a mifumo yi nga hiko yi tsongwani.
- 8 Hakuba yena a wulako, A tihosana
ta mina bonkle ba bona a hi tihosi
ke?
- 9 Kasi Kalno i kwatsi i Karkemixe
ke? kasi Hamate i kwatsi i Arpade
ke? kasi a Samaria a gi kwatsi i Da-
maskusi ke?
- 10 Kwatsi hilezi a canja ga mina gi zi
kumileko a mifumo ya zifananiso,
leyo a zifananiso zi baklilweko zi lo
hunza zona za Jerusalema ni le Sa-
maria;
- 11 A nzi nga ta maha, kota lezi nzi ma-
hileko le Samaria ni zifananiso za
kona, zingaho a ku maha Jerusalema
ni zifananiso za kona ke?

- 12 Hikwalaho ku ta mahisa lezo, le-
zaku, laha na Hosi yi tirile a tiro wa
yona hehla ka xitsunga Zioni ni le
Jerusalema, nzi ta tsayisa a mbilu
ya wunhenha ya hosi ya le Asiria,
wukosi ga ku cuwuka ka yena ku
klakukileko.
- 13 Hakuba yena i te ngalo, Hi ntamo
wa canja ga mina nzi mahile lexi,
na hi kutibisa ka mina; hakuba nzi
na nga ni kupima: na mina nzi su-
sile a kubohwa ka banhu, nzi wukli-
le a mabako yabye, ni ku kota a wa-
nuna wa nhenha nzi nehile lahasi
laba ba nga wa hi le zitsa nweni za
wukosi:
- 14 A canja ga mina gi kumile kota a
xisaka a mafumelo ya banhu; kwa-
tsi hi munwe loye a wungako a ma-
nza laya yo nga ma tsikilwe, nzi
tsombanyisile yonkle a misaba: ni
laho a ku kona loye a klakusako a
lipapa, kutani a vululako a nomu,
kutani a totowetela.
- 15 Kasi a xihloka xi nga kukumuxa
a wutsumbu ga xona xi vukela loye
a tsemako ha xona ke? kasi a saruti
yi nga klakusa a wutsumbu ga yona
a ka yena loye a sahako ke? kona ku
hi kwatsi a nhonga yi wa ta nga yi
vukela yena loye a yi klakusako ke,
kuwatsi kutani a xigomba xi wa ta
nga xi klakusa yena loye a nga hiko
linhi ke.
- 16 Ngahilezo a Hosi, Jehova wa maba-
ndla, i ta rumula hehla ka ba kulu-
kileko ba yena a kuonza; ni lahasi
ka wukosi ga yena laho ku ta dzi-
belwa a pingo kufana ni pingo ga
nzilo.
- 17 Ni kuwonekela ka Israeli ku taba a
nzilo, ni wa Munwe wa ku Basa wa
yena a ngengemelo; kona ku ta vu-
ra ku hisa ni kadamula a mizwa ni
wusosonya a ka siku gize.
- 18 Na yena i ta mbetisa a wukosi ga
kwati ga yena, ni ga simu ya yena
ya pfunelo, yonkle a mihefemulo ni
miri: na kona ku ta ku kwatsi hi
loku a mukomi wa ngapa a mbela
ntamo.
- 19 Ni misalela ya tisinya ta kwati ga
yena yi taba yitsongwani, zingaho
lezo kasi a xihlangana xi nga tsalela
yona.
- 20 Na ku ta mahisile lezo a ka lago
siku, lezaku a salela wa ka Israeli,
ni labo ba ponileko a ba yindlu ya
ka Jakobe, ba nga ta ha engeta ka-

mbe ba kegela a ka yena loye a lamatileko bona, kanilezi ba ta kegela a ka Jehova, a Munwe wa ku Basa wa ka Israeli, hi ka zinene.

21 A salela wu ta wuya, wona a salela wa ka Jakobe, a ka Nungungulu a nyawunhenhe.

22 Hakuba hambu lezo a banhu ba wena, Israeli, ba ku kwatsi i seke ga le bimbini, ntsena a salela wa bona wu ta nga kilela: a lobyiselelo wu xubylwe, wu kubunyeta hi kululamisisa.

23 Akuba kugumelwa ku teleko, ni loko kuxubylweko, a Hosi, Jehova wa mabandla, a ta nga maha lomo xikari ka misaba.

24 Hikwalaho zakungahi a wulako a Hosi, Jehova wa mabandla, O banhu ba mina mu akileko lomo Zioni, mu nga ba cube a ma Asiria, hambu loko a lamata wena hi nhonga, ni kuklakusa a xigomba xa yena a vukela wena, kukota a ma mahela ya le Gipite.

25 Hakuba kasike hi xikatana xitsongwanyani, zanga ya kuvukela wena yi ta mbetiseka, ni zanga ya mina yi ta tsonometeta a ka lobyiselelo wa yona.

26 Na Jehova wa mabandla i ta vuxela a ka yena a limhika, kwatsi hi le kulhaseleweni ka ma Midiani le ribyeni ga Oreba: ni nhonga ya yena yi taba klatukweni wa bimbi, na yena i ta kklakusa yona kota a manahela ya le Gipite.

27 Na ku ta mahisile lezo a ka lego siku, a nzwalo wa yena wu ta suka le hehla ka kakla ga wena, joka ga yena gi suka le nhawini ya wena, ni joka gi ta lobyiswa hi kota ya kulukiselelo.

28 Yena i tile le Aiate, yena i hunzile a tsemakanyo Migroni; le Micmaxe yena a bekileko a lihubyi la kwama wa yena;

29 Bona ba hunzile le pelweni, bona ba tekile a wuklelo gabye le Geba; a rama ga rurumela, na Gibeia wa ka Saule i tsutsumile.

30 Bitana u kwanguluka hi gezu ga wena, O nhanyana wa Gallima! ingisa, O Laixal O wena xisiwana Anatote!

31 Madmena ngwa cawo; a baakileko ba le Gebima ba tsutsumele kuponeni.

32 Gona gwalegi siku yena i ta ya gi-

ngima le Nobe: yena a ninginizako a canja ga yena le ka xitsunga xa nhwana wa le Zioni, a muganga wa le Jerusalema.

33 Languta, a Hosi, Jehova wa mabandla, i ta tungurula a marabi hi tsisiselelo: ni labo ba madzumba i ta ba tsemiwa, ni ba tiklakusako i ta ba nehiwa lahasi.

34 Na yena i ta tsema a kukwela a ka kwati hi xiketse, a Lebanoni hi nyamintamo wa munwe.

XIPIMO 11.

1 Ni laho ku ta huma ku baleka hi le ka xibo xa Jese, ni rabi mitswini ya yena yi ta trala a mihanzo.

2 Ni Moya wa ka Jehova wu ta kupama hehla ka yena, a moya wa kutibisa ni wa kupima, a moya wa wusungukati ni wa ntamo, a moya wa mano ni wa xicabyo xa ka Jehova.

3 Ni kutsaka ka yena ku taba le xicabyeni xa ka Jehova, na yena a nga taku lamula kwatsi hi kuwona ka mahlo yakwe, ge hambu kuabanyisa kwatsi hi kuzwa ka tindlebe takwe.

4 Kanilezi hi kululamisisa yena i ta lamula a zisiwana, i ta olola hi kulongeta a kurutisa ka misaba; na yena i ta lamata a misaba hi nhonga ya nomu wa yena; na hi xikabe xa milomu ya yena i ta riza a bakubiha.

5 Ni kululamisisa ku taba a lifunga la xiwunu xa yena, ni kukolekisisa ku taba lifunga la ziwunu za yena.

6 Ni mhisi yi ta tsama ni ivana, ni yingwe yi ta eklela zlawe ni ximbutana; ni role ga homu ni vinyani ga ngonyamo zi ta su kulukelana katigawe; ni xinwanana xi tsongwani xi ta zi rangela zona.

7 A homu ni bera zi ta kuga; a mavinyani ya zona ma ta eklela katigawe; ni ngonyamo yi taga a byanyi kwatsi i kabi.

8 Ni xinwanana xi anwako xi ta eklela nkeleni wa wuwumati, ni xinwanana xi lumulweko xi ta engenisa a canja ga xona lomo mhakweni ya mamba.

9 Zona zi nga ta bayisa ge ni ku lobisa a ka konkle le xitsungeni xa mina xa ku basa; hakuba a misaba yi ta tala hi kutibisa ka Jehova, kwatsi hi mamati ma kubunyetileko a bimbi.

10 Na ku ta mahisile lezo a ka lego si-

- ku, lezaku a mutsu wa Jese, lowo wu yimileko a xiwonelo xa banhu, a ka yena i mifumo yi ta hlota; ni wutsamo ga yena ga kuhumula gi taba ga wukosi.
- 11 Na ku ta mahisile lezo a ka lego siku, lezaku a Hosi yi ta yimisa a canja ga yena kambe hi xikati xa kumbiri a ku hanyisa a misalela ya banhu ba yena, leyo yi ta seleko, hi le Asiria, ni le Gipite, ni le Patrosi, ni le Kuxe, ni le Elami, ni le Xinari, ni le Hamate, ni le zihlalani xa bimbi.
- 12 Na yena i ta yimisa a xiwonelo a ka matiko, i ta tsombonyisela a ba hoxilweko ba ka Israeli, ni ku wungeletela a katiginwe a ba fenemetekileko ba ka Juda ba sukuela magazweni ya mune ya misaba.
- 13 A wunguxu ga ka Efraime kambe gi ta suka, na bona labo ba hlokisako Juda ba ta tsenwa: Efraime a nga ta hlokisa Juda, na Juda a nga ta hlokisa Efraime.
- 14 Na bona ba ta puruma le lahasi ka katla ga ma Filisti le muhlwagambo; katiginwe bona ba ta panga a banana ba le mutsuwukagambo: bona ba tsambuluta a canja gabye hehla ka Edome na Moabi; ni banana ba ka Amoni ba ta ingisa bona.
- 15 Na Jehova hi kumbetisilweko i ta lobisa a nomu wa bimbi ga le Gipite; na hi mheho ya yena yi comisako i ta nziwitela a canla ga yena hehla ka Congo, i ta lamata wona a ka nklanu wa micongwana ni mimbiri, ni ku maha banhu ba famba hi xilato xi omileko.
- 16 Ni ku taba kona a gonzo ga misalela ya banhu, labo ba ta nga sala, le Asiria; ku kwatsi hilezi ku nga wa ngaho ka Israeli a ka siku lego yena a nga wa humele hi le tikweni ga le Gipite.

XIPIMO 12.

- 1 Ni ka lego siku wena u ta wula, Nzi ta nyika a kubonga a ka wena, O Jehova; hakuba hambu lezo wena u nga wa zangarile na mina, ni zanga ya wenawu ya bohlile, na wena u tangalisako mina.
- 2 Languta, Nungungulu hi hanyiselelo ya mina; mina nzi ta tsumba, nzi nga ta cabyiswa: hakuba Jehova, yena Jehova, hi ntamo wa mina ni xizimba xa mina; yena i mahile a hanyiselelo wa mina.

- 3 Hikwalaho hi tsakiselelo nwina mu taka a mati lomo tihlobyeni ta hanyiselelo.
- 4 A ka lego siku nwina mu ta wula, Nyikani a kubonga a ka Jehova, bitanani a bitweni ga yena, klaklambutani a zimaho za yena xikari ka banhu, mahani kukumbuxeta lezaku a bito ga yena a gi klakusiwe.
- 5 Yimbelelani a ka Jehova; hakuba yena i mahile a zilo zi hanjalatisilweko: nga lexi xi tibyekiswa a ka yonkle a misaba.
- 6 Bitani mukwanguluka ni kukanyuluka, wena muakileko wa le Zion! hakuba u hi wa hombe loye a nga xikari ka wena a Munwe wa ku Basa wa ka Israeli.

XIPIMO 13.

- 1 A nzwalo wa le Babuloni, lowo Isaya a nisananyana wa Amozii lo wu wona.
- 2 Yimisani nwina a ngapa hehla ka xigwangwa xa xitsunga, klakusani a gezu a ka bona, nziwitelani a canja, kasi bona ba fela ku famba lomo ti nyangweni ta ba dzunzekileko.
- 3 Nzi leletele laba a banwe ba mina ba ti nyikelisileko, ina, nzi bitanile a banhu ba mina ba tinhenha akuba ba zanga ya mina, bona ba mina ba kukumukisilweko hi ku klakusiwa.
- 4 A guwa ga xidlemo le zitsungeni, kwatsi za banhu ba hombe! a guwa ga pfilupfilu ga mifumo ya matiko yi gotsobanyeneko katiginwe! Jehova wa mabandla wa hlomisela a bandla ga impi.
- 5 Bona batako hi leyo tikweni ga kule, hi kwaleyo kilelo ga magemeta musi ga tilo, yena Jehova, ni maklari ya zanga, kulobisa a tiko gonkle.
- 6 Rilani nwina; hakuba a siku ga ka Jehova gi tsince; kwatsi hi lobyiselelo wa le ka Nyamintamo wonkle gona gi tata.
- 7 Hikwalaho wonkle a mandla ma ta mbela a ntamo, ni tonklelele a timbilu ta banhu ti ta nyikiswa:
- 8 Na bona ba ta ba mbelisilwe a ntamo; a hlanekero ni kuxaniseka ku ta kamanyeta bona; bona ba ta kuba kubayiseni kwatsi hi wasati loku a lunwa: bona ba ta cuwuka hi kusingitelana a ka munwe ni munwani; tingohe tabye ti taba a tingohe ta kubinyuluka.
- 9 Languta, a siku ga ka Jehova gata,

ga tsekuleko, hi kulo ni zanga yi cabekako; a ku maha a tiko a kuahluka, ni ku lobisa a baonhi a ka gona.

- 10 A tnyeleti ta tilo ni miboko ya kona zi nga ta nyika a kuwonekela ka zona; ni gambo gi ta pfupeliswa ku fambeni ka gona, ni hweti yi nga ta maha a kuwonekela ka yona ku wonga.
- 11 Na mina nzi ta pezisa a tiko hi kota ya kuonha ka gona, ni bakuhiba ka kugoha ka bona; na nzi ta maha akukumukiselo ka matsanza a ku kawula, na nzi ta beka lahasi a kukumukiso wa ba cabekako.
- 12 Nzi ta maha a munhu a ku kala ku hunza a nzalama, yena munhu ku hunza a nzalama yi nyekisilweko ya Ofira.
- 13 Hikwalaho nzi ta maha a tilo a ku rurumela, ni misaba yi ta tsekatseliswa wutsawweni ga yona, le zangeni ya Jehova wa malandla, ni ka siku ga zanga ya yena yi cabekako.
- 14 Na ku ta mahisile lezo, lezaku kwatsi hi pfundla wu hlolongisilweko, na ku kwatsi hi tiyivu leto ti nga hiko na munhu wa ku tsombanyisa, bona ba ta kela banhu bonke le banhu ba ka kabe, na tsutsuma bonkelelele banhu le tikweni ga ka kabe.
- 15 Bonkelelele labo ba ta nga kumiwa ba ta klabiwa ba pondliswa; bonkelelele labo ba ta nga tekiwa ba tawa hi supado.
- 16 Ni tisana taye kambe ti ta cumbalakanyiswa a fufanyi mahilweni ka mahlo yaye; tiyindlu taye ti ta pangiwa, ni basati baye ba goliwa.
- 17 Languta, nzi ta vuxa a ma Media ku vukela bona, labo ba ta nga kala a ku katahi hi siliya, na hi nzalama, bona ba nga ta cela a kota ha gona.
- 18 Ni mawura yaye ma ta sumbeleta a majaha a fufanyi; na bona ba nga tuba na kuhawukela hi mibanzo ya marumbu; a mahlo yaye ma nga ta nyenyetele a zibanana.
- 19 Na Babuloni, a wukosi ga mifumo, gi nga wumburi ga matsanza ya ma Kaldea, gi tuba ku kwatsi hi loku Nungungulu a mbembisa a Sodaoma ni Gomora.
- 20 Cina gona gi nga ha akiwa kambe, ge cina gi nga a tsamiwa kusukela a ka xizukulwana hi xizukulwana; ge hambu ni mu Arabia a nga ta

ha gwimba a tenta ga yena leyo; ge hambu a barisi ba nga ta maha a mizlambi yaye a kuzumba leyo.

- 21 Kanilezi a zihari za kwati zi eklela leyo; ni tindlu ta bona ti tala hi zibangwa zi munzulukisako; ni timbuwu ti ta tsama leyo, ni timhuti ti ta kina leyo.
- 22 Ni timhisi ti ta kuba mikeleni ya tona, ni mahlolwa lomo zilubelweni zatsi; a xikati xa gona xi tsinele a kuta, ni masiku ya gona ma nga ta ha nabalatiswa.

XIPIMO 14.

- 1 Hakuba Jehova i taba ni kuhawukela a ka Jakobe, na a ha ta simama a langa Israeli, ni bekela bona labo tikweni ga bona benyi; ni nzhubeti yi ta klangana wutsumbu ga yena zawe na bona, na bona ba ta namarela a ka yindlu ya Jakobe.
- 2 Ni banhu ba ta teka bona, ni ku neha bona wutsawweni baye; ni yindlu ya ka Israeli yi ta fumela bona lomo tikweni ga ka Jehova a kuba malanza ya xinuna ni kuba malanza ya xisati na bona ba ta tekela a ka bona a tikumbi labo bonawu ba nga wa tikumbi taye; na bona ba ta fumela a batsimbeketi baye.
- 3 Na ku ta mahisile lezo a ka siku lego Jehova a ta nga nyika a kuhumula a ka kuxaniseka ka wena, ni ka kukarateka ka wena, le tirweni wa kutsanza lowo wena u uga wa mahilwe a ku tira,
- 4 Lezaku wena u ta teka lowu a mufananiso u vukela a hosi ya le Babuloni niku, A mutsimbeketi i kawulile kuyini! a muti wa nzalama wu kawule!
- 5 Jehova i tsobile a xigomba xa wa kubihla, ni nhonga ya wukosi ya bafumeli;
- 6 Leyo yi bako a banhu hi zanga hi kuba kusimamisileko, leyo yi fumelako a mifumo zanga, hi xaniselelo lawo wu nga hiko na ku kaketwa.
- 7 A misaba yonke yi le kuhumuleni, yi rutisile: bona pandluka hi ku yimbelela.
- 8 Ina, a tisinya ta fira ta tsaka hi ka wena, ni tiseda ta le Lebanoni, tiku, Cima wena u bekilweko lahasi, a nga kona a mutsemi a tileko a ta tsema hina.
- 9 A Xeole hi le lahasi i tile a ku konga wena le kuteni ka wena; gona gi

- hakasa a bafileko hi wena, bona a ba hombe ba misaba; gona gi sukisile zitsanweni za wukosi zabye tonkle a tihosi ta mifumo.
- 10 Bonkle ba bona ba ta hlamula ba wula a ka wena, Wenawu kambe u rerekile kwatsi hi hina ke? wena u mahile kota hina ke?
- 11 A matsanza ya wena ma nehilwe lahasi le Xeole, ni guwa ga mivambi yabye: a ziwungwani zi andlala lahasi ka wena, ni ziwungwani zi kubunyeta wena.
- 12 U wisa ku yini hi le tilweni, O nyeleti ya siku, nisanyana wa mixo! u tsekwisilwe kuyini wena u wela liranabyeni, loye a bekileko lahasi a mifumo!
- 13 Na wena u wulako a mbilwini ya wena, Mina nzi ta kanziya le tilweni nzi ta klakusa a xitsamo xa mina hehla ka tinyeleti ta Nungungulu; na nzi ta tsama le hehla ka xitsunga xa klangano, kwaleyo magemeta musi ka nwalungu;
- 14 Na nzi ta kanziya le hehla ku hunza kuklakuka ka marefu; na mina nzi ta maha a wutsumbu ga mina kwatsi hi loye a Hunzeleleko Kuklakuka.
- 15 Kasike wena u ta nehiwa lahasi ka Xeole, kwaleyo magemeta musi ka rinzi.
- 16 Na bona labo ba ta nga wona wena ba ta honolela ka wena, na bona ba ta pima ha wena, baku, Kona a hi yena a munhu loyi a nga wa mahile a misaba a kururumela, loye a nga wa tsekatsakisile a mifumo;
- 17 Loye a nga wa mahile a tiko kwatsi xiwula, ni hoxa a miti ya kona; loye a nga wa kala a nga klaklasi a tiperesu ta yena kuya kaya tona ke?
- 18 Tonkle a tihosi ta mifumo, tonkle ta tona, ti eklele wukosini, bonklelele lomo ndlwini ya yenawu.
- 19 Kanilezi wena u ta hoxwa kule ni le xilahleni xa wena kwatsi i rabi ga manyalatana, u ambexilwe hi bafileko, labo ba klabyilweko hi matlari, labo ba releleko baya lahasi ka lilonze la rinzi; kwatsi xirumbi xi kanziyelweko lahasi ka konzo.
- 20 Wena u nga ta klangana zinwe na bona nkelelisweni, hakuba wena u lobisile a tiko ga wena, wena u dele a banhu ba wena; a mbewu ya ba bamahi ba kubiba yi nga taba ya kumbukwa kala kupinzuka.
- 21 Longisani nwina a hlaselo wa banaanana ba yena hakuba hi kugoha ka badadani ba yena, lezaku bona ba nga ha suki, ba ku fumela a misaba, ni ku tatisa a ngohe ya misaba hi miti.
- 22 Na mina nzi ta suka nzi vukela bona, ku wula Jehova wa mabandla, ni ku tsema le Babuloni a bito ni misalela nisanyana ni barisanyana ba barisanyana, ku wula Jehova.
- 23 Minawu kambe nzi ta maha kona a nzawu ya yanungu, ni matiba ya mati: na nzi la swiyela hi xiole xa lobyiselelo, ku wula Jehova wa mabandla.
- 24 Jehova wa mabandla i hlambanyile, aku, Hakunene, kwatsi lezo mina nzi alakanyile zingaho kona ku ta maheka; kwatsi hilezi mina nzi xubileko, zingaho ku taba lezo.
- 25 Lezaku mina nzi ta tsoba a ma Asiria lomu tikweni ga mina, ni le ka zitsunga za mina nzi ta kanziyela yena lahasi ka konzo: zonake a joka gabye gi ta suka a ka bona, ni nzwalo wabye wu ta suka a kakleni ga bona.
- 26 Loku hi kuxuba loku kuxubylweko a tikweni gonkle; legi hi canja legi gi nawulutilweko a ka wonkle a matiko.
- 27 Hakuba Jehova wa mabandla i ku xubile, himani a ta nga kaketa kona ke? ni canja ga yena gi nawulutilwe, himani a ta nga kkelisa gona nzako ke?
- 28 A ka lembe lego a hosi Ahaza a ngafa wu wa hi kona lowu a nzwalo.
- 29 U nga tsaki, O Filistia, bonkle ba wena, hakuba a nhonga leyo yi bileko wena yi tsobekile; hakuba hi le ka mutsu wa nyoka ku ta tralwa a mamba, ni mbewu ya yona yi taba nyoka yi tsisako ya kupuruma.
- 30 Ni matewula ya zisiwana ma taga, na bavumali ba ta eklele na ba kuponeni na mina nzi ta daya ambewu ya wena hi ndlala, ni misalela ya wena yi ta lobyiswa.
- 31 Cwanga, O nyangwa; rila, O muti; wena u nyekisilwe, O Filistia bonkle ba wena; hakuba laho kuta a nzilo hi le nwalungu, ni laho a ku kona a ku guklumuteka le klaweni wa yena.
- 32 Xini lexoa a munwe a nga ta nga a hlamule a mitsukano ya tiko ke? Lezaku Jehova i sangulisile Zioni, a

ka gona a ba hlokisilweko ba banhu ba yena ba ta teka a wucabelo.

XIPIMO 15.

1 A nzwalo wa Moabi.

Hakuba laha wusikwini a Are wa le Moabi i hahlukile, i tisiwe ku nga nyawulini. Hakuba laha wusikwini Kira wa le Moabi i hahlukile, i tisiwe ku nga nyawulini.

2 Bona ba kanziyile le Bayite, ni le Diboni, le wutsanweni gi tlakukileko, a kuya rila: Moabi a rilelako a Nebo, na Medeba; tihloka tabye ti handle, hehla ka tihandla ta bona, zonkclelele a zilevu zi tsenwile.

3 A mapangweni yabye bona ba bohile a wutsumbu gabye hi tinguwo ta tisa kwa; ni le zixingweni za tindlu tabye, ni wutsanweni gabye ga le handle, bonkclelele ba rila, ba hlomula hi kutalilisilweko.

4 Na Hexboni a rilako, na Eleale; a magezu yabye ma zwilwe hambu kona Jahaza; hikwalaho a banhu ba hlomileko ba Moabi a ba rila ba kanyuluka, ni muhefemulo wa yena wa rurumela nzeni ka yena.

5 A mbilu ya mina yi rilela Moabi; ni badzunzekileko ba yena ba tsumela le Zoare, Eglat-xelixiya; hakuba hi kukanziya ka Luhite zinwe hi kurila bona ba kanziya; hakuba hi ka ndlela ya le Horonaima bona ba lo vuxa a huwa ya lobyiselelo.

6 Hakuba a mati ya le Nimrimé ma ta nyamala; hakuba a byanyi gi wunileko, a byanyi gi nyukileko gi su sika, laho a ku kona a xilo xo tsakama.

7 Hikwalaho a talisiso lowu ba nga nawo, ni lezo ba zi beketileko, ba ta rwalla ba yisa le congweni wa xironwa.

8 Hakuba a huwa yi fambile yi renzeleka a mbingano wa le Moabi; a hlomulo wa kona wu yile le Eglaimé, ni kurila ka kona ku yile Beerelime.

9 Hakuba a mati ya le Dimoni ma tele hi nkata; hakuba nza ha ta engeta nzi neha hehla ka Dimoni, a gonyamo hehla ka bona ba le Moabi laba ba ponileko, ni hehla ka misalela ya tiko.

XIPIMO 16.

1 Rumelani zwina a tiivana ka mufumeli wa tiko ga le Sela le xiwuleni, le xitsungeni xa ngwana wa le Zion.

2 Hakuba ku taba lezo, kwatsi hi zinyanyani zi nzulako, kwatsi hi zisa-ka zi hangalakileko, zingahō a bahnwana ba le Moabi le mapelweni ya le Arnoni.

3 Nyikani a wusungukati, tsanzani a nongametiso; maha a nzuti wa wena kwatsi mbu siku laha xikari ka mumu wa siku; u fihla a ba hoxilweko; u nga nyikeli a mucawo.

4 Nga na a bahoxilweko ba mina ba tsama zinwe na wena; kwatsi hi Moabi, nga wena u hi xivikelo a ka yena le ngoheni ya mulobisi. Hakuba a xihunzamilawo xi nehwa ku nga nyawulini, a lobyiselelo wa kawula, ni batsimbeketi ba mbetiswa lomu tikweni.

5 Ni xitsamo xa wukosi xi ta yimiswa hi kuranzakawunene; ni munwe i ta tsama a ka xona hi ka zinene, lomo tenteni ga Davida, a lamulako, na hlota a nongametiso, a hatlisa ku maha a kululamisisa.

6 Hi zwile hi matsanza ya le Moabi, lezaku i na ni matsanza nguvu; kona a kutikukumuxa ka yena, ni matsanza ya yena, ni zanga ya yena; a ku tihlakusa ka yena a hi ncumo.

7 Hikwalaho Moabi i ta rilela Moabi, bonkclelele ba ta rila: hakuba a zikeketselo za makuwu za le Kir-haresete zwina mu ta zi rilela, hi kumbetisiwe ba hlokisilwe.

8 Hakuba a masimu ya le Hexboni ma comile, ni xivina xa le Sibma; a tihosi ta mifumo ti tsobile a marabi ma langilweko ya kona, lawo ci-ketelako kona le Jazera, lawo ma nzulako le xiwuleni; ni na lo andlala gafe, ma hunza ma klatuka a bimbi.

9 Hikwalaho nzi ta rila hi kurila ka le Jazera hakuba hi xivina xa le Sibma; nzi ta tsakamisa wena hi mihloti ya mina, O Hexboni, na Eleale: hakuba hi mihanzo ya wena ya ximumu na hi hika xihulo xa wena a hlalelako ya impi yi wile.

10 Ni litsako li susilwe, ni kubuma ku susilwe le sinwini yi pfunisileko; ni le xivineni laho ku nga ta kuba kona a kuyimbelela, ge hambu a guwa ga kutsaka: a ku kona a mukameli a ta nga kamela a waini lomo xigowolweni; nzi mahile a bongo ga le xivineni gi kawula.

11 Ngahilezo a mbilu ya mina yi kulumela kufanana ni xitende xa le Moa-

- bi, ni kelelo ga lomo nzeni ka mina hi xa le Kir-harese.
- 12 Na kona ku ta mahisa lezo, laha na Moabi na tisa a wutsumbu ga yena, laha yena na a karatile a wutsumbu ga yena hi wutsamo gi klakukileko, na a tata le ndlwini ya yena ya kubasa a ku kombela, lezaku yena a nga ta humelela.
- 13 Leyi hi mhaka leyi Jehova a nga wa yi wulawulile xungetano na Moabi hi xikati xi hunzileko.
- 14 Kanilezi makunu Jehova i wulile, aku, Hi ka malembe manharu, kota ma nga malembe ya kuriliwa, a wukosi ga le Moabi gi ta nehwa a kumonyiwa, ni xonkle a xidlemo xa yena xa hombe; ni misalela yi taba yi tsongwani yi nga katalwi.

XIPIMO 17.

- 1 A nzwalo wa Damaskusi.
Languta, Damaskusi i susilwe akuba a nga ha hi muti, na gona gi taba a nhulu yi kungumukeleko.
- 2 A miti ya Aroera yi tsikilwe; yona yi ta kuba ya mklambe, leyi yi ta nga eklela, a nga kona a ta nga yi cabisa.
- 3 Ni ligingisi li ta kawula hi le Efraime, ni mufumo hi le Damaskusi, ni misalela ya Siria; bona ba to kwatsi mbukosi ga banana ba ka Israeli, kuwula Jehova wa mabandla.
- 4 Na ku ta mahisa lezo a ka lego siku, lezaku a wukosi ga Jakobe gi ta mahiwa ga hehuka, ni kulukiselelo wa nyama ya yena wu ta hunzelela wuonza.
- 5 Na kona ku ta ku kwatsi hi loku a munhu wa kuhula a wungeletela a mabele ya lomo tihlangeni, ni woko ga yena gi tsobela a zipupu; ina, ku ta ku kwatsi hi loku a muzwe a kutsula a zipupu le minzelelweni ya le Refaime.
- 6 Kasike laho ku ta siywa a kutsulani, kwatsi kuklakleka ka sinye ya olivia, a timbiri kutani tinharu a tunyunge leti ti nga a rabini lego gi hunzeleleko a manambani, mune kutani i nkhanu a kwaleyo marabini ya tisinya ta mihanzo, kuwula Jehova, a Nungungulu wa ka Israeli.
- 7 A ka lego a siku a banhu ba ta cuwuka a katalela hi Loyi wa ku Basa wa ka Israeli.
- 8 Na bona ba nga ta cuwuka le maula-

- tini, a tiro wa mandla yabye; cima bona ba nga ta katalela lezo a mandla ya bona ma zi mahileko, hambu kutani a Axerima, kutani a mifananiso ya gambo.
- 9 A ka lego siku a miti yabye ya ntamo yi to kwatsi hi miti yi tsikilweko lomo kwatini ni lomo hehla ka zitsunga, leyo yi tsikilweko hi ka banana ba ka Israeli; na kona ku taba a marumbi.
- 10 Hakuba wena a tsikile a Nungungulu wa kuhanyisisa ka wena, na u wa nga kari u katala hi ribye ga ntamo wa wena: hikwalaho wena u byalako a kubanyi wunene, u yimesako wona hi tirimi ti hlamlisako.
- 11 A ka siku ga kubyalala ka wena wena u biyelako kona nzeni, ni laha mixweni wena u mahako a mbewu ya wena a kupfepfa; kanilezi a xihulo xa nyamalala a sikwini ga hlakiselelo ni ga kuxaniseka ku tsimbetako.
- 12 Ha, a pfilupfilu ya banhu banyingi, labo ba pfilukako kwatsi i pfilupfilu ya mabimbi; ni le wuhirihirini ga mifumo, leyo yi hiriteka kwa-tsi i mamati ya ntamo!
- 13 A mifumo yi ta hiriteka kufanana ni kuhiriteka ka mamati manyingi: kanilezi yena i ta kawuka bona, bona ba ta tsutsumela kule, bona ba ta hlolongiswa kwatsi i mungu wa le zitsungeni mahlweni ka mheho, kwatsi i tsutsungwani wa xihuhuri mahlweni ka bubutsa.
- 14 Laha gambyeni, languta, a kucabiseka; ni mahlweni ka mixo bona a ba kona. Lexi hi xiabelo xa bona labo ba pangako hina, ni linyingi la bona li ta panga hina.

XIPIMO 18.

- 1 Ha, a tikweni ga xiruti xa tipapa, lexo xi nga le klatuko ka micongo ga le Etiopia;
- 2 Lexo xi rumelako a mitsukano hi le bimbini, hi lomo zibiyeni za madzowo hehla ka mamati, aku, Fambani zwina, mitsuni ya xihakla, a ka tiko gi lehileko gi sasekileko, ka banhu ba cabekako ku sukela kusanguleni kukomama mahlweni, a tiko lego gi abanyisilweko gi kanziyelweko, a gihi a tiko a micongo yi panzileneko!
- 3 Nwenkile zwina baakileko ba misaba, na zwina mu tsamako tikweni, laha

- na muwoniso wu klakuka hehla zitsungeni, wonani nwina; ni laha a paratana yi biwa, zwanani nwina.
- 4 Hakuba zakungahi Jehova a wulileko a ka mina, nzi ta miyela, nzi ta languta hi le wutsawweni ga kuaka ka mina, kwatsi hi mumu wu xwenguleko a ka gambo gi woningako, kwatsi i refu le nzokatini a xikari ka xihulo.
- 5 Hakuba hi mahlweni ka xihulo, laha na kurumbuka kugumelwe, ni rari gi maha a magrepi ma buvilleko, yena i ta tsema a micemu ya kona hi ngwengwe ga ku cimulela, ni marabi ma andlalatileko yena i ta ma tsema ma suka.
- 6 Wona ma ta siyiwa a katiginwe a ka tinyanyani ti pamako ta zitsunga, ni ka zihari za misaba; ni ka tinyanyani ti pamako ta ximumu ti ta kamanyeta bona, ni ka zihari zonkle za misaba za wuxika zi ta kamanyeta bona.
- 7 A ka lexo xikati a zinyikiwo zi ta nehiwa aka Jehova wa mabandla hi le ka banhu ba ku leha ni ba wunene, hi le ka banhu ba cabekako hi le kusanguleni kabye ba komama mahlweni, a mufumo lowo wu panzako a ku kanziyela, lowo a tiko ga wona a micongo yi abaleneko, a ka wutsamo ga bito ga Jehova wa mabandla, a xitsunga Zioni.

XIPIMO 19.

- 1 A nzwalo wa le Gipite.
Languta, Jehova a kileleko hehla ka refu gi haklisako, a tako le Gipite; ni zifananiso za le Gipite zi ta rurumela a kubakoneni ka yena; ni mbilu ya le Gipite yi ta nyekiswa a xikari ka gona.
- 2 Nzi ta vindlula a ba Gipite a kuvukela a ba Gipite: bona ba talwa bonklelele ba vukela a makabye wa yena; a muti wuvukela amuti; ni mufumo wu ta vukela a mufumo.
- 3 Ni moya wa Gipite wu ta hluleka lomo xikari ka gona: na mina nzi ta lobisa a xikungo xa kona: bona ba ta hlota zifananisweni, ni le kubuleni, ni ka bona labo ba nga ni mimoya ya mandiki, ni ka baloyi.
- 4 Na mina nzi ta nyikela a ba Gipite le canjeni ga hosi yi lunyako; ni hosi yi cabekako yi ta fumela hehla ka bona, kuwula a Hosi, Jehova wa mabandla.

- 5 Ni mamati ma coma hi le bimbi ni, ni micongo yi ta minyeka yi oma.
- 6 Ni micongo yi ta cakacela; ni micongo ya le Gipite yi la kwengeka yitra; a tihlanga ni zihubani zi ta wuna.
- 7 Ni tivuti hi Naile, hi le wukulungelweni ga le Naile, ni wonkle a masimu ma byelweko ya le Naile, ma ta oma, ba ta suswa, ma nga ha hi kona.
- 8 Ni baringeli ba ta rila, na bona bonkle labo ba hoxako a zimemba le Naile ba ta rila, na bona labo ba andlalako a tokoka hehla ka mati ba ta hlomula ba tsikwila.
- 9 Klatakumbiri bona labo ba tirako a kufufela a wukene, bona labo ba katako a tinguwo to basa, ba taba ba kanganyisilweko.
- 10 Ni timbinga ta le Gipite ti ta kungumulwa a fufanyi; na bona labo ba tirako a kurihwa ba ta hlomulwa mihefemulweni.
- 11 A tihosana ta le Zoana ti mbetakisilwe a wupumbu; a xikungo xa masungukati ma tibako ya Faro xi mahile a wuhari: mu wulisa ku yini nwina a ka Faro, Nzi nisanyana wa a tibako, a nisanyana wa hosi ya kalleloko ke?
- 12 Ba kwili zonake bona a banhu ba kutiba ke? nga bona ba byela wena makunu; nga bona ba tiba lezo Jehova wa mabandla a xubileko hi xungetano ni Gipite.
- 13 A tihosana ta le Zoana ti mahile a zipumbu, a tihosana ta le Memfisa ti kohlisilwe; tona ti mahile a Gipite a ku pengiswa, a ribye ga magumo ga tixaka ta gona.
- 14 Jehova i vilinganyisile a moya wa onhakaliselo lomo xikari ka yena; bona ba mahile a Gipite a ku kupe nga a ka mitiro yonklelele ya kona, kwatsi hi munhu a dederekako a malateni ya yena.
- 15 Ge laho ku nga ta kuba hi le Gipite kani hiwili a tiro, wu nga ni bloko kutani a kila, a rabi ga cinzu kutani i mbunga, gi nga maheka.
- 16 A ka lego siku a ba Gipite ba ta ku fanana ni ba basati; bona ba ta rurumela ni kucaba hakuba hi kutsekatekisa ka canja ka Jehova wa mabandla, lego yena a tsekatekisa ko hehla ka bona.
- 17 Ni tiko ga le Juda gi ta tisa ka ba le

ISA YA, 21.

- Gipite ; a ka bonk'elelele labo ba a kumbukwa ku mahilweko ha bona ba ta cab'iswa, hakuba hi kuxuba ka Jehova wa mabandla, loko yena a xubeleko gona.
- 18 A ka legi siku ku taba kona n'k'lanu wa miti le Gipite leyo yi wulawulako a lirimi la le Kenani, ni ku hlam'banya aka Jehova wa mabandla ; a mu'we wu ta bitanwa, a Muti wa lob'iselelo.
- 19 A ka lego siku ku taba kona a alati a ka Jehova le xikari ka tiko ga le Gipite, ni m'hinga ya mbingano wa kona a ka Jehova.
- 20 Yona yi taba a xiwonelo ni wumbo-ni a ka Jehova wa mabandla le tikweni ga le Gipite ; hakuba laho ku ta biwahuwa a ka Jehova hi kota ya batsimbeketi, na yena i ta rumela bona a mu'hanyisi, ni muvikeli, na yena i ta klaklisa bona.
- 21 Na Jehova i ta tib'ikiswa le Gipite, na ba Gipite ba ta tiba Jehova a ka lego siku ; ina, bona ba ta kozela hi mipahlelo ni muniyileko, ba ta funga a zifungo a ka Jehova, na ba ta mbetisa zona.
- 22 Na Jehova i ta lamata a Gipite, a kulamata ni kucuma ; na bona ba ta klelela a ka Jehova, na yena i ta koxelwe ha bona, i ta cuma bona.
- 23 A ka lego siku ku taba kona a gonzo gi tako hi le Gipite giya le Asiria, ni ma Asiria ma tata le Gipite, ni ma Gipite le Asiria ; ni ma Gipite ma ta kozele ni ma Asiria.
- 24 A ka lego siku Israeli i taba wa wunharu le Gipite ni le Asiria, a kat'ekiso laha xikari ka misaba ;
- 25 Hakuba lezo Jehova wa mabandla a katekisileko bona, aku, I katekisilwe Gipite a banhu ba mina, na Asiria a tiro wa mandla ya mina, na Israeli a tsomba ya mina.

XIPIMO 20.

- 1 A ka lembe lego Tartani a nga wa tile le Axdode, laha Sargoni a hosi ya le Asiria a nga wa rumele yena, na yena i lolwa a vukela Axdode i lo teka gona ;
- 2 A ka lexo xikati Jehova i lo wulawula hi Isaya a nisanyana wa Amoz'i, aku, Famba, u ya klakla a nguwo ya tisakwa le ziwunwini, ni ku susa a xilato a konzweni wa wena. Zingaho yena i lo zi maha na a famba hi ximbyiri ni konzo wa likuluwa.

- 3 Na Jehova i te ngalo, Kufanana ni ku kwatsi hi lezi a nanza ga mina Isaya i fambile ximbyiri ni konzo wa likuluwa akuba xiwoniso ni xihlamaliso hi xungetano ni Gipite ni xungetano ni Etiopia ;
- 4 Zingaho a hosi ya le Asiria yi ta gola a tihloko ta le Gipite, ni wupfumba ga le Etiopia, a baswa ni ba kale, zimbyiri ni ba konzo wa likuluwa, zinwe na tinyonga tabye ti nga fenengetwangi, akuba a tingana ta le Gipite.
- 5 Na bona ba ta mbeteka a ntamo ni kukanganyiswa, hakuba hi Etiopia a xubeleliso wabye, na Gipite a wukosi gabye.
- 6 Ni waakileko a lomu tikweni ga fungu i ta wula a ka lego siku, Langu-ta, a zakungahi hi xubeleliso wa hina, hi nga tsutsumile laha a kuya vunwa ni ku klaklisa a ka hosi ya le Asiria ; na hina, hi ta ponisa kuyini ke?

XIPIMO 21.

- 1 A zwalo wa xiwula xa bimbi.
Kwatsi hi timheho ta xipupuri le Dzongeni yi swiyelelako, yita hi le xiwuleni, hi le tikweni gi cabekako.
- 2 A muwoniso wu hlokisako wu klaklambutelwe a ka mina ; a munhu a hlebisileko i mahile hi kuhlebyisilweko, ni mulobisi wa lobisa. Kanziya, O Elami ; vimbezela, O Media ; won'le a mahika ya kona nzi mamahile ma kawula.
- 3 Hikwalaho a ziwunu za mina zi tele hi hlokiselelo ; a mihlanekero yi kamanyetile mina, kwatsi i mihlaneke-ro ya wasati loku a lunwa : nzi bayisekile lezaku a nzi zi kota a kuzwa ; nzi mbelisilwe lezaku a nzi zi koti ni kuwona.
- 4 A mbilu ya mina ya zulanzula, a kutsisa ku dzukisile mina ; a kuxiribatsa loku nzi ku labako ku hunzukile a kururumela ka mina.
- 5 Bona ba longisile a meza, ba yimisile a murinzeli, бага, banwa : sukani, zvina tihosana, mu tota a xik'angu.
- 6 Hakuba zukungahi a Hosi yi wulileko a ka mina, Famba, u ya yimisa a mu kurinzela ; nga yena a klaklambutela lezo yena a wonako :
- 7 Ni laha yena a wonako a muboko, a ba banuna ba mahaxi hi mipatswa, ni miboko ya timbongola, ni miboko ya makameli, i ta ingisa kwatsanyana hi ku cela kota nguvu.

- 8 Yena i lo bahuwa kwatsi i ngala: O Hosi, nzi yimile hi kusimamisiweko hehla ka ligingisi la ku rinzela hi xikatini xa siku, nzi yimile kulabelele ni ka mina gonkle a wusiku ;
- 9 Ni, languta, laha kuta a miboko ya banhu, a ba banuna ba mahaxi hi mipatswa. Na yena i lo hlamula i te ngalo, Gi wile, gi wile a Babuloni ; ni zonkle a zifananiso zi baklilweko za banungungulu ba gona zi kukungumukela liranza byeni,
- 10 O wena nzhimbo wa mina, ni nzho ho ya lilonze la mina! lezo nzizi zwileko hi le ka Jehova wa mabandla, a Nungungulu wa ka Israeli, lezo nzi klaklambutele ka wena.
- 11 A nzwalo wa Duma.
A muwe i lo bitana ka mina hi le Seire, Murinzeli, hi yini a wusiku? Murinzeli, hi yini a wusiku?
- 12 A murinzeli i te ngalo, A mixo yata, ni kambe ni wusiku : loku nwina mu ta wutisa, wutisani nwina : hunzulukani nwina, muta.
- 13 A nzwalo hehla ka Arabia.
Le kwatini ga le Arabia nwina mu ta eklela, O nwina mapfumba ya ma ka Dedani.
- 14 A ka yena loye a nga wazwa tora ba lo nehela yena a mati ; a ba akileko ba tiko ga le Tema ba lo klanganyeta a tihloko hi zibaba za bye.
- 15 Hakuba ba tsusule ba caba a tisupado, ni le supadweni yi hlomulweko, ni le mawureni ma konlilweko, ni le impini yi bayisisako nguvu.
- 16 Hakuba zikungahi a Hosi yi wulile a ka mina, Ihi ka lembe giawe, kukotisa hi ka malembe ya kurihiwa, gonkle a wukosi ga le Kedare gi ta hohobala ;
- 17 Ni misalela ya tsengo wa bafuli, a ba banuna ba tinhenha ba banana ba ka Kedare, ba taba ba tsongwani ; hakuba Jehova, a Nungungulu wa ka Israeli, i wulawulile kona.
- 3 Bonkle a bafumeli ba wena ba lo tsutsuma katiginwe, ba wa ta nga ba bohilwe hi bafuli ; bonkle labo la kumilweko ha wena ba bohilwe katiginwe ; ba tsutsume kule.
- 4 Hikwalaho ku wula mina, Cuwuka hi leno ka mina, nzi ta rile hi kuba bisilweko ; u nga pangami a ku cablela mina hi lobyiselelo wa nhwana wa banhu ba mina.
- 5 Hakuba kona i siku ga tsuwukiselo, ni ga ku kanziyelwa lahasi, ni ga kukanganyiseka, hi le ka Hosi, Jehova wa mabandla, le nzelelweni wa muwoniso ; a kukungumulwa ka ligingisi, ni ka huwa ya le zitsungeni.
- 6 Na Elami i rwele a kutsu, siawe ni tikareta ta banhu ni ta ba banuna ba mahaxi ; ni Kira a gi fenengetangi a xiklangu.
- 7 Na ku mahisile lezo, lezaku a minzelelo ya wena yi langilweko yi wa tele hi tikareta, ni ba banuna ba mahaxi ba lo hloma a wutsumbu gabye hi mawura le nyangweni.
- 8 Yena i lo susa a xivikelo xa le Juda ; na wena u lo cuwuka a ka lego siku a ka maklari le ndlwini ya le kwatini.
- 9 Na nwina mu lo wona a zipoxa za yindlu ya ka Davida, lezaku wona a tele ; na nwina mu lo tsombanyisela a mamati ya tiba ga lahasi ;
- 10 Na nwina mu hleyela a tindlu ta le Jerusalema, na mu ku kungumula a tindlu leto ti klakukileko a kurisi.
- 11 Nwina kambe mu kuhile a tihlowo xikari ka makurisi mambiri akuba ta mati ya tiba ga kale. Kanileri nwina a mu cuwukangi a ka yena loye a mahileko lexi, ge hambu ni katalela yena loye a xubileko kona a kale loko.
- 12 Ni ka lego siku a Hosi, Jehova wa mabandla, i lo bitana a kuta rila, ni kuhlomula, ni lihandla, ni kuboha hi tinguwo ta tisakwa :
- 13 Ni, languta, a litsako ni nengaliso, a kuklaba a tikabi ni ku daya a tiyivu, a kuga nyama ni kunwa a waini ; nga higa hinwa hakuba manziko hi ta kufa.
- 14 Na Jehova wa mabandla i wonekelisile a wutsumbu ga yena mahleweni ya tindlebeni ta mina, Hakunene loku kugoha ku nga ta tsetselwa ka nwina kala mufa, kuwula a Hosi, Jehova wa mabandla.

XIPIMO 22.

- 1 A nzwalo wa muwoniso wa nzelelo.
U lapitwa hiyini makunu, lezaku wena u wa ta kanziya katiginwe le hehla ka tindlu ke?
- 2 O wena loye u teleko hi kukwanguluka, a muti wa vilinganya ; a muti wa tsakiselelo ; a badelweko, ba wena a ba dawangi hi supado, ge hambu batileko ba wena le impini.

15 Zakungahi a wulako a Hosi, Jehova wa mabandla, Famba, aya wena-wu le ka mukomi wa bako, kona ka Xebna, loye a wumbelweko hehla ka yindlu, niku,

16 Zini u mahako wena laha ke? hi mani u nga naye wena laha, leza-ku u ti kehlele wena a tsiza laha ke? a kukehla a tsiza le hehla, a wuakelo ga wutsumbu ga yena le ribyeni!

17 Languta, Jehova, i kwatsi munhu wa ntamo, i ta puluwunzisa wena hi kukolonganyisilweko; ina, yena i ta songela wena hi kumanyanisi-lweko.

18 Yena hakunene i ta cembela wena u renzeleka ni kurenzeleka, ni kadla-mula wena kwatsi i bolwa le tikwe-ni ga hombe; laho wena u ta kufa, ni laho ku taba kona a tikareta ta wukosi ga wena, wena a tingana ta yindlu ya hosi ya wena.

19 Na mina nzi ta hoxa wena le xiku-ndleni xa wena; ni wutsanweni ga wena wena u ta kokelwa lahasi.

20 Na ku mahisile lezo a ka lego siku, nzi ta bitana a nanza ga mina Eliakimu a nisanyana wa Hilikia:

21 Na nzi ta ambexa yena hi nguwo ya wena, ni kutiyiseta yena hi likalu la wena, na nzi ta nyikela a kufumela ka wena a canjeni ga yena; na yena i ta kuba a dadani ka baakileko ba le Jerusalema, ni ka yindlu ya ka Juda.

22 Ni pfungulo ya yindlu ya ka Davida nzi ta yi klateka a kakleni ga yena; na yena i ta vulula, a nga kona a ta nga vala; yena i ta vala, a nga kona a ta nga vulela.

23 Na nzi ta tiyisisa yena kwatsi i koko le wutsanweni gi tiyisile ga yona; na i taba a xitsamo xa wukosi le ndlwini ya dadani wa yena.

24 Na bona ba ta hayeka hehla ka yena gonkle a wukosi ga yindlu ya dadani wa yena, a banana ni litralo, zonklelele a zibyanana zi tsongwani, ku sukelata tikotreni ku kala ka yonkle a miriyo.

25 A ka lego siku, kuwula Jehova wa mabandla, ku taku a koko leyo yi belelweko wutsanweni gi tiyisile ga yona yi ta hlomuka; yona yi ta kunuka, ni kuwa; ni nzwalo lowo wu nga wa hi hehla ka yona wu ta tsemiwa; hakuba Jehova a wulileko.

XIPIMO 23.

1 A nzwalo wa le Tire.

Tsikwilani, nwina mataru ya le Tarxixi; hakuba gona gi hahlukile, zingaho lezo laho a ku na yindlu, ge ni wuengeno: kusukela le tikweni ga le Kittimu gona gi wouekelisilwe a ka bona.

2 Miyelani nwina, u akileko ba mifungu, wena loye a mahungani ba le Sidoni, labo ba klatukako klatukweni wa bimbi, ba tatisilwe.

3 Ni lomo mamatini ya hombe a mbe-wu ya le Xihora, a xihulo xa le Naile, ku wa binzu ga wona: na yena i wa hi ndale ya mifumo.

4 Nga wena u hi tingana, O Sidoni; hakuba a bimbi gi wulawulile, ni wutsamo ga ntamo ga bimbi, giku, A nzi lunwangi, a nzi seku trala, ge a nzi wundlangi a munhu muswa, a nzi wundlangi ni mibulwa.

5 Laha a mubika wu nga wa tile le Gipite, bona ba ta bayiseka hi kuhlo-kisilweko hi ka mubiko wa le Tire.

6 Hunzani nwina mu klatukela le Tarxixi; hlomulani, nwina baakileko ba fungu.

7 Lowu a hi wona a muti wa nwina wu tsakisako, lowu a marumbi ya wona ma nga ya kale loko ka masiku, lowo a mikonzo ya wona yi rweleko le lwenzweni la le kule ke?

8 Loye a xubileko lexi a vukela Tire, a munyiki wa zidlodlo za wukosi, lego a bamahungani ba kona ba nga tihosana, lego a badzilaxi ba gona ba nga ba dzunzekileko ba misaba ke?

9 Jehova wa mabandla i xubile kona, a ku zirilisa a matsanza ya gonkle a wukosi ga yena, a ku neha kumonyiweni konkle a kudzunzekileko ka misaba.

10 A kuhunza a tsemakanya a tiko ga wena kwatsi i Naile, O nhwana wa le Tarxixi; laho a ka ha hi a kukobetwa kambe.

11 Yena i nawulutile a canja ga yena hehla ka bimbi, yena i tsekatsakisile a mifumo: Jehova i nyikile a kuleletela xungetano ni le Kenani, a ku lobisa a zikanekiso za kona.

12 Na yena i te ngalo, Wena u nga ta ha engeta kambe u tsakiswa, O wena mubulwa wu tsumbeketilweko nhwana wa le Sidoni: suka, u hunza u klatuka Kittimu; na kona laho wena u nga ta kuba na kuhumula.

- 13 Languta, a tiko ga ma Kaldea: laba banhu ba wa nga hi kona; a ma Asiria ma sangule la gona bona labo ba nga wa tsamile lomo xiwuleni; ba yimisile a tigingisi tabye; ba hoxile a zilubelo za kona; ba mahile gona a marumbi.
- 14 Tsikwilani, nwina mataru ya le Tarxixi; hakuba a zikanekiso za nwina zi hahlukile.
- 15 Na ku ta mahisa lezo a ka lego si-ku, lezaku a Tire gi ta ribakelwa a nklanu ni mambiri a makume a malembe, kukotisa hi ka masiku ya hosi yinwe: a nzako ka gumelwa ka nklanu ni mambiri makume a malembe kona ku ta kuba a ka Tire ku kwatsi hi xizimba xa xibayi.
- 16 Teka a xitende, u famba u renzele-kela a muti, wena a xibayi lexo xi kohilileweko; maha a kuketsela kutsombelako, yimbelela a tisimu tiningi, kasi wa fela kualakanyiwa.
- 17 Na kona na ku mahisile lezo a ku gumelweni ka nklanu ni mambiri a makume a malembe, lezaku Jehova i ta enzela Tire, na gona gi ta klelela a kurihweni ka gona, ni ta maha a wuoswi ni yonkle a mifumo ya tiko behla ka ngohe ya misaba.
- 18 A zinjaninjani za gona ni ba kurihwa ba gona ba taba ba basileko a ka Jehova: gona gi nga ta bingerele ge ni hlengeletela; hakuba a zinjaninjani za gona zi hi za bona labo ba tsamako mahlweni ka Jehova, a kuga hi kuenelisilweko, ni kumbala hi kungambetekiko.

XIPIMO 24.

- 1 Languta, Jehova a mahako a misaba a panga, ni ku maha yona yi hahluka, a hunzulusakona yona yi kugangatsala, ni kuhangalasa a ba akileko ba yona.
- 2 Na kona ku taba lezo, kwatsi hi zinwe ni banhu, zingaho ku taba lezo ni mupristi; kwatsi hi nanza, zingaho a ka nwinyi; kwatsi hi ka nanza ga xisati, zingaho hi ka nwinyi wa gona; kwatsi hi ka muxabi, zingaho ni muxabisi; kwatsi hi ka a lonzako, zingaho ni ka a lonziwako; kwatsi hi ka loye a nga muteki wa binzu, zingaho ni munyiki wa binzu ka yena.
- 3 A misaba yi taba panga hi kumbetisilweko, hi kumbetisilweko yi hulu-

- kela; hakuba Jehova i wulile leyi a mhaka.
 - 4 A misaba ya rila ni kuwuna, ni tiko gi hlokako ni kuwuna, a banhu ba klakukileko ba misaba ba maha kuhloka.
 - 5 A misaba yi nyenyezisilwe lahasi ka baakileko ba yona: hakuba ba hambunyetile a milawo, ba onhetele a zilayelo, ba tsobile a xivumelwano xa pinzukulwa.
 - 6 Hikwalaho a nzhukano yi kadamule a misaba, na bona labo ba akileko a ka yona ba kumilwe na ba gohile: hikwalaho a ba akileko ba misaba ba swile, ni banhu ba tsongwani ba seleko.
 - 7 A waini giswa ga rila, a xivina xa hloka, tonkle a timbilu ti tsakako ti hakamile.
 - 8 A kuhlakana ka tingoma ku kawulile, ni guwa ga bona labo ba tsakako gi gumelwe, ni kutsaka ka xitende ku gumelwe.
 - 9 Bona ba nga tanwa a waini zinwe ni lisimu; a kunwa ka ntamo ku ta baba a ka bona labo ba nwako kona.
 - 10 A muti wu hahlukileko wutsobylwe lahasi; tonklelele tindlu ti valilwe, lezaku a nga kona munhu a ta nga engena a ka tona.
 - 11 Labo ku kona a huwa lomo mapangweni hi kota ya waini; konkle a kutsaka kupfupelisilwe, a kuhlakana ka tiko ku fambile.
 - 12 Lomo mutini ku siyilwe kuhahlukile, ni nyangwa yi lamatilwe hi lobyiselelo.
 - 13 Hakuba zakungahi ku ta ku mahaka lomo xikari ka misaba a xikarini ka banhu, kwatsi hi kuklatleka ka sinyi ya olivia, kwatsi hi kutsulani laba na xivina xi klaklekile.
 - 14 Laba ba ta klakusa a gezu gabye, bona ba ta kulumela; hakuba hi wukulu ga ka Jehova ba ta bahuwa ya hombe hi le bimbini.
 - 15 Hikwalaho dumisani Jehova nwina le mutsuwukagambo, gona a bito ga Jehova, a Nungungulu wa ka Israeli, le zihlalani za bimbini.
 - 16 Ku sukela hi kwaleyo magemetamusi ya misaba hina hi zwile a tisimu: A wukosi ka ba lulamileko.
- Kanilezi mina nzi te ngalo, Nzi onzile! nzi onzile, kombo ha mina! a hlebako hi mahile hi kuhlebyisisilweko; ina, a hlekabo i mahile hi kuhlebyisisilweko.

- 17 Caba, a rinzi, ni ziyo, zi le hehla ka wena, O baakileko ba misaba.
- 18 Na ku ta mahisa lezo, lezaku loye a tsutsumako hi guwa ga kuca-ba i ta wela rinzini; ni loye a no-mako a huma hi lomo nzeni ka rinzi i ta tekiwa hi panya: hakuba a mi-mole ya le hehla yi vululekile, ni ziseketelo za misaba za rurumela.
- 19 A misaba yi tsobyilwe hi kumbete-kileko, a misaba yi hanzukile yi pu-lakanyeka, a misaba yi tsekatekisi-lwe hi kutsingisilweko.
- 20 A misaba yi ta dedereka kufanana ni munhu a popilweko, ni kulengale-nga kwatsi macira; ni zihambunye-tisiso za yona zi ta binza hehla ka yona, na yona yi ta kuwa, yi nga ha vuki kambe.
- 21 Na ku taba lezo a ka lego siku, lezaku Jehova i ta tsayisa a bandla ga ba klakukileko le hehla, ni tihosi ta misaba hehla ka misaba.
- 22 Na bona ba ta tsombana a katiginwe, kwatsi hi tiperesu ti tsombeneko le rinzini, ni ku ta valelwa lomo pa-xweni; ni nzako ka masiku ya ku tala ba ta enzelwa.
- 23 Zonake a hweti yi ta kanganyiswa, ni gambo gi ta be ni tingana; haku-ba Jehova wa mabandla i ta fuma le xitsungeni Zioni, ni le Jerusalema; ni mahlwani ka masingalakati ya ye-na ku ta ba kona a wukosi.

XIPIMO 25.

- 1 O Jehova, wena hi wena a Nungu-ngulu wa mina; nzi ta klakusa we-na, nzi ta dumisa a bito ga wena; hakuba wena u mahileko a zilo zi hlamlisako, gona a wusungakati ga kale, a kukolekisiseni ni zinene.
- 2 Hakuba wena u mahile a muti a nhulu, a muti wu gingisilweko a rumbi, a zilubelo za bamatiko a kuba a hi muti; wona cima wu nga ta ha akiwa kambe.
- 3 Hikwalaho a banhu ba ntamo ba ta dumisa wena; ni muti wa mufumo wu cabekako wu ta dumisa wena.
- 4 Hakuba u wa kari u hi kokola a ka zisiwana, a kokola a ka muvumali le hlokiselelweni ya yena, a wucace-lo le bubutseni, a xidimba le mu-zwini, laha a kulo ga ba cabekako gi ku kwatsi xipupuri xi bubutsela-ko a kurisi.
- 5 Kwatsi hi kubalela lomo wutsanwe-ni gi omileko wena u ta releta lahasi

a guwa ga bamatiko; kwatsi i ku-balela le nzhutini wa refu, ni lisimu la banhu ba cabekako li ta nehwa lahasi.

- 6 Ni ka lexi a xitsunga Jehova wa mabandla i ta maha a ka bonkle ba-nhu a mubuzo wa zilo zi nonileko, a mubuzo wa waini lomo zitrareni, za zilo zi nonileko zi teleko hi mo-ngo, a za zihiketelo za waini gi hlu-tilweko kwatsi.
- 7 Na yena i ta lobisa ka lexi a xitsu-nga a ngohe ya kufenengeta leyo yi fenengetako a banhu bonkle, ni veli leyi yi andlalelweko hehla ka yonkle a mifumo.
- 8 Yena i mitile a kufa kala kupinzu-ka; ni Hosi Jehova i ta sula a mi-hloti a ka tonkle a tingohe; ni nzhu-kano ya banhu ba yena yi ta suswa yi suka a ka yonkle a misaba: Ha-kuba Jehova a wulawulileko kona.
- 9 Na kona ku ta wulwa a ka lego siku, mangabye, loye hi Nungungu-lu wa hina; hi rinzele a ka yena, yena i ta ponisa hina: loyi hi Jeho-va; hi rinzele yena, hi ta tsaka ni kubuma a ka hanyiselelo ya yena.
- 10 Hakuba a ka lexi a xitsunga a canja ga ka Jehova gi ta humula; na Moabi i ta kanziyelwa lahasi a wu-tsawweni ga yena, kwatsi hi byanyi gi kanziyelwako matini lomo ka nhu-lu ya tala.
- 11 Na yena i ta nawuluta a canja ga yena a xikari ka kona, kwatsi hi loye a kaselako a nawulutako a ma-ndla ya yena a kasela; kanilezi Je-hova i ta releta a matsanza ya yena katiginwe hi wuklari ga mandla ya yena.
- 12 A makokola ma klakukileko ya tigi-ngisi ta wena i ma nehilwe lahasi, ma bekilwe lahasi, a nehilwe liranza-byeni, kona laha tsutsungwaneni.

XIPIMO 26.

- 1 A ka lego a siku a lisimu li ta yimbelelwa le tikweni ga Juda: Hi na ni muti wa ntamo; a kuhanyisisa i ta ku yimisa yena ka kurisi ni zi-kanekisweni.
- 2 Vululani zwina a tinyangwa, kasi a mufumo wu lulamileko lowo wu hla-yisako a kukoleka wu nga engena.
- 3 U ta hlayisa yena hi kurula kumbe-leleko, loye a kupima ku tsumileko ka wena; hakuba a tsumbileko ka wena.

- 4 Tsubani *zwina* a ka Jehova kala kupinzuka; hakuba a ka Jehova, yena Jehova, ku kona a ribye gi pinzukelisilweko.
- 5 Hakuba yena i nehile lahasi bona labo ba akileko le hehla, a muti wu klakukileko: yena i wu bekile lahasi, i bekile wona lahasi liranzyeni; yena a nehileko wona le tsutsungwaneni.
- 6 A konzo wu ta kanziyela wona lahasi; yona a mikonzo ya zisiwana, ni wukanziyelo ga bavumali.
- 7 A ndlela ya a lulamileko yi longamile: wena loye wo longamileko u luleka a ndlela ya a nongamo.
- 8 Ina, a ndleleni ya kulamula ka wena, O Jehova, hina hi rinzele wena; a ka bito ga wena, kona a ka bito ga wena gi kumbukekako, gi hi wuxubelo ga muhefemulo wa hina.
- 9 Zinwe hi muhefemulo wa mina nzi xubile wena laha wusikwini; ina, hi moya lomo nzeni ka mina nzi ta hlota wena hi kulabyisisilweko: hakuba laha na kulamulisisa ka wena ku kona laha misabeni, a baakileko ba tiko ba gonza a kululamisisa.
- 10 Nga a tomo gi kangetwa a ka bakubilia, kasike yena a nga ta gonza a kululamisisa; lomo tikweni ga longametisa yena i ta maha hi kuonhakalisilweko, na a nga ta wona a wukosi ga ka Jehova.
- 11 Jehova, a canja ga wena gi klakusilwe hehla, kasike bona a ba woni: kanilezi bona ba ta wona a pangamiselo wa wena hi banhu, ni ku bekwa tinganeni; ina, ni nzilo wu ta kadamula balala ba wena.
- 12 Jehova, wena u ta yimisa a kurula ka hina; hakuba wena kambe u mafele hina yonke a mitiro ya hina.
- 13 O Jehova Nungungulu wa hina, tinzwani tihosi hi lahandle ka wena ti fumele hehla ka hina; kanilezi ha wena hi ta maha a kumbuxeta a bito ga wena.
- 14 Bona ba file, bona ba nga ta hanya; bona ba nwalele, bona ba nga suka; hikwalaho wena u enzele bona u lobisile bona, ni ku mahla wonke a alakanyeliselo wa bona a ku mbe-mba.
- 15 Wena u enzelekisile a mufumo, O Jehova, wena u enzelekisile a mufumo; wena hi wena u dumisilweko; wena u enzelekisile a mbingano wa tiko.
- 16 Jehova, a zikaratweni bona ba enzele wena; bona ba halatile a mikombelo yabye laha a tsayiselelo ya wena yi kamanyetile bona.
- 17 Kwatsi hi wasati zinwe ni xihlangana, lexo xi cikeleko xikatini xa kuhefemulwa ka yena, i le hi bayisekeni a bahuwa hi hlanekero; zingaho hina hi wa kari hi mahliwe-ni ka wena, O Jehova.
- 18 Iina hi wa hi zinwe ni xinwana, hi wa kari hi kubayisekeni, hi wa ku kwatsi hi trala a mheho; hina a hi mahangi a klakliselelo laha misabeni; ge hambu a baakileko ba misaba a ba wangi.
- 19 A bafileko ba wena ba ta hanya; a zirumbi za mina zi ta vuka. Kindlimuka ni yimbelela, *zwina* labo mu akileko tsurini; hakuba a nzokati ya wena yi kwatsi i nzokati ya kubyanyi, ni misaba yi ta humesa a bafileko.
- 20 Ngonani, banhu ba mina, engeni *zwina* lomo tindlwini ta mina, ni ku vala a tibati ta wena a ka wena: u fihla a wutsumbu ga wena a xikatananya, ku ka a tsanziselelo wu hunza.
- 21 Hakuba, languta, Jehova wata hi le wutsanzweni ga yena a kuta tsayisa a baakileko ba misaba hi kugoha kabye: ni misaba kambe yi nga ta kubunyeta a nkata wa yona, yi nga ta ha engeta kambe yi fihla a delweko ba yona.

XIPIMO 27.

- 1 A ka lego siku Jehova hi supado ya yena yi tsanzako ni ya ntamo wa hombe i ta tsayisa leviatani a nyoka yi purumako, na leviatani, a nyoka yi dyekeleko; i ta daya a ngunzulume loye a nga lomo birubini.
- 2 A ka lego siku: A xivina xa waini, yimbelelani *zwina* a ka xona.
- 3 Mina Jehova nzi muhlayisi wa xona; nzi ta tsakamisa xonkelelele xikati: ku nga taku a hi kona a lamatako yona, nzi ta hlayisa yona a wusiku ni siku.
- 4 A zanga a yi kona ka mina: ku wa ta nga a makalaba ni mizwa zi vukele mina le impini! nzi wa ta nga nzi famba hehla ka zona, nzi wa ta nga nzi hisa zona katigina.
- 5 Gimbesiku yena a nga kona a ntamo wa mina, kasi yena wa fela a ku ma-

- ha kurula zinwe na mina; ina, nga yena a maha kurula zinwe na mina.
- 6 A ka masiku matakoka Jakobe i ta teka a mutsu; Israeli i ta pfepefaa hluka; bona ba ta tatisa ngohe ya tiko hi mihanzo.
- 7 Yena i lamatile bona kwatsi hi kulamatwa ka labo ba lamatileko bona ke? kutani bona ba klabyilwe kwatsi hi klabyelelo ya bona labo ba dele bona ke?
- 8 A ka xiringaniso, laha wena u rumelako bona, wena u enelisilwe zinwe nabo; yena i susile bona hi xipupuri xi bubutsako xa yena a ka siku ga mheho ya mutsu wukagambo.
- 9 Hikwalaho ba lexi a kugoha ka Jakobe ku ta tsetselelwa, lexi hi mihanzo yonkile ya kususa xonho xa yena: lezaku yena i maha wonkile a maribye ya alati kwatsi hi maribye ya mhemba lawo ma tsobiyiwa ma pulakanyeka, zingaho lezo a Axerima ni mifananiso ya gambo yi nga ha vuki kambe.
- 10 Hakuba a muti wu gingisilweko i rumbi, a baakileko ba susilwe ba tsikilwe, kwatsi xiwula: laho a rogana gi ta gela, laho gona gi ta eklela, ni kumbetisa a marabi ya kona.
- 11 Laha a mabarabi ya kona ma wunileko wona ma ta tsobiyiwa; ni ba basati ba kuta, ni ku hisa wona hi nzilo; hakuba ba hi banhu ba nga ni kupima: hikwalaho loye a mahileko bona a nga ta kuba na hawukeliso ha bona, ni loye a mahileko bona a nga ta kangeta bona a tomo.
- 12 Na ku ta mahisile lezo a ka lego siku, lezaku Jehova i ta elula a mihanzo ya yena ya le talweni wa Congo kala le congwaneni wa le Gipite; na nwina mu ta bingeretelwa a muzwe hi muzwe, O nwina a babana ba ka Israeli.
- 18 Na kumahisile lezo a ka lego siku, lezaku a punzu wa hombe wu ta biwa; na bona ba tata labo ba nga wa longele a kumbemba le tikweni ga le Asiria, na bona labo ba hoxilweko le handle lomo tikweni ga le Gipite; na bona labo ba ta koze-lako Jehova lomo xitsungeni xa ku basa le Jerusalema.

XIPLMO 28.

- 1 Kombo a ka xidlodlo xa matsanza ya bapopiwa ba le Efraime, ni xitsangi xi wundileko xa wukosi ga wu-

- mburi ga yena, lego gi nga le hehla ka minzelelo ya matsobo ya bona labo ba blulileko a waini!
- 2 Languta, a Hosi i naye a wa nhenha ni wa ntamo; kwatsi hi mheho ya vula ya maribyana, ni bubutsa gi lobisako, kwatsi i mheho ya mati ya ntamo ma kulungako, yena i ta hoxa lahasi misabeni hi canja.
- 3 A xidlodlo xa matsanza ya bapopiwa ba le Efraime xi ta kanziyelwa lahasi ka mikonzo:
- 4 Ni xitsangi xi wunileko xa wukosi ga wumburi ga yena, lexo xi nga le hlokweni ya minzelelo ya matsobo ya yena, yi ta ku kwatsi hi mihanzo yi buvako kuranga ya makuwu hi mahlwani ka ximumu; leyo loye a wukako a ka yona a yi wonako, laha na yona na yi lomo canjeni ga yena, yena a gako yona.
- 5 A ka lego siku Jehova wa mabandla i ta ba a xidlodlo xa wukosi, ni ikele ga wumburi, ka misalela ya banhu ba yena;
- 6 Ni moya wa nongametiso a ka yena loye a tsamako a kulamuleni, a ntamo a ka bona labo ba kelelisako hi le nzako a impi ya nyangwa.
- 7 Na bona labo ba nziwitekako hi waini, ni kudedereka hi kunwa ka ntamo; a bapristi ni baprofeti ba nziwiteka hi kunwa ka ntamo, bona ba mitilwe hi waini, ba dedereka hi kunwa ka ntamo; bona ba hambukile muwonisweni, bona ba retemukile kulamuleni.
- 8 Hakuba tonkile timeza ti tele hi mahlata ni kunyenyeza, zingaho lezo laho a ku kona a wutsamo gi nene.
- 9 Hi wihi loye yena a ta nga mu gonzisa a kutiba ke? na a hi wihi loye yena a ta nga mu maha a kupima a mhaka ke? labo ba humulweko le kuanweni, ba susilweko le mabeleni ke?
- 10 Hakuba kona xilayelo hehla ka xilayelo, xilayelo hehla ka xilayelo; a nzati hehla ka nzati, a nzati hehla ka nzati; laha kutsongwani, laha kutsongwani.
- 11 Ge, kanilezi hi ka banhu ba milomu yi haba zinwe ni liwani lirimi i ta wulawula a ka laba banhu;
- 12 A ka wihi yena a te ku ngalo, Loku ku kuhumula, nyikani nwina a ku humula a ka yena loye a kareleko; ni loku hi kuhumutwa; kasike bona ba wa nga ta kuzwa.
- 13 Hikwalaho a mhaka ya Jehova yi ta

- kuba a ka bona a xilayelo hehla ka xilayelo, a xilayelo hehla ka xilayelo; a nzati hehla ka nzati, a nzati hehla ka nzati; laha kutsongwani, laho kutsongwani; kasi bona ba fela ku famba, ni kuwa ha xinzakwana, ni ku tsoyiwa, ni klabyiwa, ni kutekiwa.
- 14 Ngahilezo zwanani a mhaka ya ka Jehova, nwina batsketseli, labo mu fumelako a banhu laba ba nga lomo Jerusalem:
- 15 Hakuba nwina mu te ku ngalo, Hina hi mahile a xivumelwano ni kufa, zizwe ni Xeole hi le xivumelwaneni; laha a kupupumela ka kubiwa ku ta nga hunza, kona ku nga tata a ka hina; hakuba hi mahile a mawunwa wucacelo ga hina, ni lahasi ka kukohlisa hi fihlile a wutsumbu ga hina:
- 16 Hikwalaho zakungahi a wulako a Hosi Jehova, Languta, nzi bekile le Zioni a xiseketelo a ribye, a ribye gi hlolilweko, a ribye ga malongo ga xiseketelo xa zinene a ribye ga magumo; yena loye a kolwako a nga ta kuba mbonyaponyeni.
- 17 Na nzi ta maha a nongametiso wa lingoti, ni kululawisisa ka kutika; ni vula ya maribyana yi ta kukula a wucabelo ga ba mawunwa, ni mamati ma ta kulungela a wutsamo ga ku fihlala.
- 18 Ni xivumelwano xa wena ni kufa xi ta suliswa, ku kuvumelana ka wena ni Xeole ku nga ta yima; laha a mhika ya kupupumela yi ta nga hunza zonake nwina mu ta kanziyelwa lahasi ha yona.
- 19 Kwatsi hi xikanzakanya xa lezi kona ku hunzako, kona ku ta teka nwina; hi mixo ni mixo kona ku ta hunza ku tsemakanya nwina, hi siku ni wusiku: na kanilezi kona ku nga ta kuba ncumo a tsisiselo wa kupima mhaka.
- 20 Hakuba a mubedi wu komile ku hunza lezaku munhu a nawula a wutsumbu ga yena a ka wona; ni kumba wu hlongile ku hunza lezaku a munhu a kozela a wutsumbu ga yena a ka wona.
- 21 Hakuba Jehova i ta suka kwatsi hi le xitsungeni Perazima, yena i ta zanga kwatsi hi le xitsungeni Gibeoni; kasi yena wa fela a ku maha tiro wa yena, a tiro wa yena wa wuswa, a neha a kumala ka yena, a ku maha ka yena ku hlimalisako.
- 22 Makunu hikwalaho nga mu nga hi nwina batsketseli, ku nga taku a ku bohiwa ka nwina ku mahiwa a ntamo; hakuba a hungu ga lobyisellelo nzi gi zwile hi le ka Hosi, Jehova wa mabandla, hehla ka misaba yonkle.
- 23 Nyikani nwina a ndlebe, ni kuzwa a gezu ga mina; zwanani, ni kuzwa a kuwulawula ka mina.
- 24 Yena loye a rimako a ku byala i rima hi kusimamisilweko ke? kani hi kusimamisilweko a nga bunguti a hlakahlala a marukwani ke?
- 25 Laha yena nanasele a ngohe ya kona, a nga hoxeteli a nayijela, ni ku hangalasela a kummina, ni ku beka lomo mabeleni a tixaxa, ni barle lomo wutsanweni gi longisilweko, ni mahila le mbinganweni wa wona ke?
- 26 Hakuba a Nungungulu wa yena wa maha ku gonzisa yena kwatsi, ni ku gonzisa yena.
- 27 Hakuba a nayijela a yi popiwi hi xikomu, ge hambu ni ngongola ya kareta a ku hunzululwa hi kummina; kanilezi a nayijela yi popiwa hi nhlonga, ni kummina hi mugomba.
- 28 A zibaba a mbewu i gayiwe; hakuba a nga taku xonkle xikati a popa kona: hambuloko a ngongola ya kareta ya yena ni mahaxi ya yena ma hangalasa kona, yena a nga cinzi kona.
- 29 Lexi kambe xi ta hi le ka Jehova wa mabandla, loye a hlimalisako xikungweni, a longamileko kutibeneni.

XIPLMO 29.

- 1 Ho Arieli, Arieli, a muti lowo Davida a nga wa gobilel engetelani nwina a lembe hi lembe; nga mibuzo yi nyiketana:
- 2 Zonake nzi ta hlokisa Arieli, labo ku taba a xirilo ni hlomulo; yena i to kwatsi a ka mina hi Arieli.
- 3 Na mina nzi ta goba nzi vukela wena nzi ku renzela, nzi ta beka a vimbezela, nzi ta vukela wena ni ku yimisa a miboko yi yimeleleko, na nzi ta vuxa a tiro wa kuvimbezela nzi vukela wena.
- 4 Na wena u ta nehiwa lahasi, u ta wulawula hi lomo liranabyeni, ni kuwulawula ka wena ku taba lahasi ku huma hi lomo tsutsungwaneni; ni gezu ga wena gi ta ku kwatsi hi munwe loye a ni moywa wa mandiki,

- gi huma hi lomo liranzyeni, ni kwulawula ka wena ku ta hleba hi lomo ku huma hi lomo tsurini.
- 5 Kanilezi a xidlemo xa balala ba wena xi ta maha a tsutsungwani wu tsongwani, ni xidlemo xa ba cabekako kufanana ni munghu lowo wu hunzako : ina, kona ku taba hi xikatana xi tsiketisilweko.
- 6 Wona wu taba wu enzelweko ha Jehova wa mabandla hi kudzinza, na hi kutsekatsaka ka misaba, ni guwaga hombe zinwe ni mheho ya xipupuri ni bubutsa, ni pingo ga nzilo wu kadamulako.
- 7 Ni xidlemo xa yonkle a mifumo leyo yi lwako yi vukela Arieli, na bona labo ba lwako ba vukela gona ni kokola ga gona, ni labo ba hloxisako gona, ba ta ku kwatsi i noro, a muwoniso wa wusiku.
- 8 Na gona gi ta ku kwatsi hi loku a munhu a zwako ndlala a lorako, na, languta, yena a gako ; kanilezi a kindlimuka, a muhefemulo wa yena na wu hi panga : kutani kwatsi hi munhu wa tora a lorako, ni, languta, yena a nwako ; kanilezi yena a kindlimukako, ni, languta, yena i karele, ni muhefemulo wa yena wu ni mahlokoto : zingaho a ku taba lezo a wudlemo ga mifumo, labo ba lwako ba vukela a xitsunga Zioni.
- 9 Lulumani nwina mu hlamala ; tekani a kutsaka ka nwina mu maha zikumu : bona ba popilwe, kanilezi a hi waini ; bona ba dedereka, kanilezi a hi kunwa ka ntamo.
- 10 Hakuba Jehova i celile hehla ka nwina a moya wa tsongotsongo, i tsimbisile a mahlo ya nwina, a baprofeti ; a tihloko ta nwina, ni bawoni, yena i ba fenengetile.
- 11 Ni wonkle a muwoniso wu mahile a ka nwina kufanana ni timbaka ta buku lego gi umisilweko, lego a munhu a gi nyikileko ka munwe loye a gonzileko, aku, Gonza legi, nza kombela wena ; na yena i te ngalo, A nzi zi kotl, hakuba gona gi umisilwe :
- 12 Ni buku gi lo nyikiwa a ka yena loye a nga gonzangiko, aku, Gonza legi, nza kombe wena ; na yena i te ngalo, A nzi gonzangi.
- 13 Ni Hosi yi te ngalo, Hakuba kwatsikaloko laba banhu ba tsineleko a ka kusuhani a ka mina, hi kanwini kabye ni milomu yabye ba dzunza mina, kanilezi ba susile a timbilu tabye a kule na mina, ni xicabyo xabye ha mina kuleletela ka banhu loku ku gonzisilweko bona ;
- 14 Hikwalaho, languta, nzi ta ya maha a tiro wa mahanjalati xikari ka laba banhu, wona a tiro wa mahanjalati ni zidamiso ; ni ku tiba ka banhu babye ba kutiba ku ta mbemba, ni kupima ka banhu ba klarihileko babye ku ta fihlala.
- 15 Komba a ka bona labo ba fihlako hi ku tileko a xikungo xabye ba beleta Jehova, labo a mitiro yabye yi nga le munyameni, labo ba wulako, Hi mani a wonako bina ke ? hi mani a tibako hina ke ?
- 16 Nwina mu gangatsala zilo ! A wumbi i to kwatsi i wumba ke ; leraku a xilo lexo xi mahilweko xi nga taku a ka yena loye a xi mahileko, Yena a nga nzi mahangi ; kutani a xilo xi bangilweko xi ta wula ka loye a xi bangileko, Yena a nga na kupima ke ?
- 17 Kona a ka ha hi xikatanyana xi tsongwani a Lebanoni gi ta hunzuluswa a simu yi pfunileko, ni simu yi pfunileko yi ta ba kwatsi i kwati ke ?
- 18 A ka lego siku a xiwiri xi tazwa a timbaka ta buku, ni mahlo ya xikumu ma ta wona le liturini ni lomo munyameni.
- 19 Ni bakoramekileko kambe ba ta enzelekisa a kutsaka kabye hi ka Jehova, ni zisiwana xikari ka banhu ba ta tsaka nzeni ka Loye wa ku Basa wa ka Israeli.
- 20 Hakuba loye a cabekako i nehilwe ku nga nyawulini, ni batseketseli ba kawule, na bona bonke labo ba rinzelako a ku biha ba tsenwa ;
- 21 Labo ba mahako a munhu a kuza ngara, a mhakeni ya yena, ni ku maha a ziyo a ka yena loye a hlohlosako le nyangweni, ni ku hambukisa khlweni a nongameto hi xilo xa mahala.
- 22 Hikwalaho zakungahi a wulako Jehova, loye a klaklisileko Abrahamama, a xungetano ni yindlu ya Jakobe ; Jakobe a nga ta ha telwa tingana makunu, ge ni ngohe ya yena makunu yi nga ta ha hunzelela a ku kwalala.
- 23 Kanilezi yena laba na a wona a banana ba yena, a tiro wa mandla ya mina, a xikari ka yena, bona ba ta

basisa a bito ga mina; ina, ba ta basisa a Munwe wa ku Basa wa ka Jakobe, ba ta yima hi cabyo ka Nungungulu wa ka Israeli.

- 24 Bonawu kambe labo ba hambukileko le moyeni ba tata kupima, na bona labo ba kalalako ba ta amukela a zigonzo.

XIIMO 30.

- 1 Kombo a ka banana ba hlubukisako, kuwula Jehova, loye a tekako a wusungukati kanilezi na ku nga hi ka mina; loye a mahako a xivumelwano, kanilezi a nga hi wa Moya wa mina, kasi ba fela ku engeta a kuonha ka kona;
- 2 Labo ba sangulako a ku relela baya le Gipite, na ba nga wutisangi le nonwini wa mina; a ku tiyiseta a wutsumbu gabye le ntanweni wa Faro, ni ku teka a wucabelo le nzhutini wa le Gipitel
- 3 Hikwalaho a ntamo wa Faro wu taba a tingana ta nwina, ni wucabelo le nzhutini wa le Gipite a kanganyiselo ya nwina.
- 4 Hakuba a tihosana tabye ti le Zoana, ni mitsukano yabye yi tile le Hanesi.
- 5 Bona bonkle ba ta koyama a tingana hakuba hi banhu labo ba nga vuniko ncumo, a ka bona labo ba nga vuniko ge ni binzu, kanilezi tingana, kambe ni nzhlukano.
- 6 A nzwalo wa zihari za le Dzongeni.
Hi le tikweni ga zi kato ni hlokisilelo, hi leyo kutaku a matrele ya tingana ni tingala, a piri ni nyoka yi tsisako ya tipapa, bona ba rwele a pfuno wabye hehla ka makatla ya mbongola yiswa, ni titsomba tabye hehla ka lunza ga kameli, a ka banhu labo ba nga hiko na kuvuna bona.
- 7 Hakuba a Gipite gi vunetela mahala, ni ka ku nga xigelo: hikwalaho nzi bitanile gona i Rahabi lego gi tsamileko gi miyela.
- 8 Makunu aya, tsala kona mahlweni ka bona lomo papilweni, ni ku klamusa kona lomo bukwin, kasi kona ku be ka xikati xitako kala kupinzuka ni kupinzuka.
- 9 Hakuba bona mbanhu ba hlubukisako, a banana ba mawunwa, a banana labo ba ta nga kala kuzwa a nawo wa ka Jehova;
- 10 Labo ba wulako ka lawoni, A mu

woni; ni ka baprofeti, mu nga profeti ka hina a zilo zinene, wulawulani a ka hina zilo zatsi, profetani a kohliso.

- 11 Sukani nwina laha ndleleni, mu hambuka kilelweni ga ndlela, mu maha Loye wa ku Basa wa ka Israeli a kukawula le mahlweni ka hina.
- 12 Ngahilezo zakungahi a wulako a Loye wa ku Basa wa ka Israeli, Hakuba nwina mu nyenyileko leyi a mhaka, mu tsumbileko kutsimbeketeni ni le kuonhakaleni, ni kutsumba ka kona;
- 13 Hikwalaho loku a kugoha ku taba a ka nwina kwatsi xiboxo xi longeleko a kuwa, ku kumuka kwatsi hi ligingisi li khlakukileko, lolo a kungumuka ka lona ku tako hi xikanzakanya xitsuketisilweko.
- 14 Na yena i ta kungumula lona kwatsi hi kufayeka ka xiya xa wumba, a ku kungumula lona a zipanzana ku nga hi kona a nyenytela: zingaho lezi li nga ha kumiwi laho a ka zipanze za lona a tsengele lowo wu ta oka a nzilo ha wona le kumbarini, kutani kuka ha wona a mati le hlobyeni.
- 15 Hakuba zakungahi a wulako a Hosi Jehova, Loye wa ku Basa wa ka Israeli, A kulelani ni kuhumula nwina mu ta hanyiswa; a kurutiseni ni kutsumbeni ku taba a ntamo wa nwina: na nwina mu wa nga mu nga vumeli:
- 16 Kanilezi nwina mu te ngalo, Kokwi hi, hakuba hi ta tsutsuma hi mahaxi; hikwalaho nwina mu ta tsutsuma: na, Hina hi ta tsutsuma behla ka ya mazambu; hikwalaho bona labo ba hlolongolako nwina ba taba ni mazambu.
- 17 A kume ga mazana gi ta tsutsuma laha na munwe na a bile huwa; a ka huwa ya banlanu nwina mu ta tsutsuma: kala nwina mu ta siyiwa kwatsi i xibiyela le hehla ka xitsunga, kwatsi hi muwoniso le mugangeni.
- 18 Hikwalaho kasi Jehova i ta rinzele, kasi yena a fela kuba ni wuxinji ka nwina: hikwalaho yena i taba a khlakusilweko, kasi yena wa fela akuba ni titralo hehla ka nwina: hakuba Jehova hi Nungungulu wa nongumetiso; ba katekisilwe bonkle labo ba rinzelako a ka yena.
- 19 Hakuba a banhu ba ta aka le Zioni

- lomo Jerusalema ; wena u nga ta ha rila kambe ; hakuba hakunene yena i taba ni wuxinji a ka gezu ga huwa ya wena ; ni laha yena a ta kuzwa, yena i ta hlamula wena.
- 20 Na hambuloko a Hosi yi ta nyika wena a zibaba za wulala ni mati ya hlokiselelo, kasike a bagonzisi ba wena ba nga ta ha fihlwa kambe, kanilezi a mahlo ya wena ma ta wona a bagonzisi ba wena ;
- 21 A tindlebe ta wena ti tazwa a mbaka le nzako ka wena, aku, Leyi i ndlela, fambani nwina a ka yona ; laha nwina na mu hunzuluka hi canja ga xinene, ni laha mu hunzuluka hi ka ga xibaba.
- 22 Na nwina mu ta nyenyezisa a kunameketa ka zifananiso za nwina si bahlilweko za siliwa, ni kubombiswa ka zifananiso sa nwina za nzalama : wena u ta hoxa zona kwatsi hi zilo zi nga hlazekangiko ; wena u ta wula a ka xona, Suka laha wena.
- 23 Na yena i ta nyikela a vula ka mbe-wu ya wena, hi leyo wena u ta nga byala a masimu ; ni zibaba za pfuno wa simu, na gona gi taba a matsobo ma pfunisisako. A ka lego siku a tihomu ta wena ti ta gela mikobeni yi kulukisako ;
- 24 Zi taba ngaho ni tikabi ni ti mbo-ngola tiwa leto ti rimako a misaba ti taga a kuga ko nanzihla, loko ku fefelweko hi palala ni foloko.
- 25 Ni laho ku taba kona hehla ka zitsunga si klakukileko, ni hehla ka yonkle a miganga yi klakukileko, micongo ni milonga ya mati, a ka siku ga klabyelelo wa hombe, laha a tigi-ngisi ta ngawa.
- 26 Klatakumbiri a kuwonekela ka hwe-ti ku taku fana ni kuwonekela ka gambo, ni kuwonekela ka gambo ku ta wuyetwa ka nklanu ni kumbiri, kwatsi kuwonekela ka nklanu ni mambiri a masiku, a ka siku lego Jehova a bohako a mbanga ya banhu ba yena, ni ku cuma a kubale-swa ka timbanga tabye.
- 27 Languta, a bito ga ka Jehova gita hi le kule, gi vurako hi zanga ya yena, ni ka musu wu tubikako wu pumisilwe ; milomu ya yena yi tele hi zanga, ni lirimi la yena kwatsi i nzilo wu kadamulako ;
- 28 Ni hi ka ga yena gi kwatsi i congo wu wuhlatako, lowo wu cikelako kwaleyo kolweni, a kuhehera a mi-

- fumo hi lehlelo la lobyiselelo : ni matomu laya ma mahako a kubohe-ta ma taba ti hlakeni ta banhu.
- 29 Na nwina mu taba ni lisimu ni wu-siku laha a mubuzo wa ku basa wu hlayisilweko ; ni tsakiselelo wa mbi-lu, kwatsi hi loku a munwe a famba ni xaba a kuta le xitsungeni xa ka Jehova, a Ribye ga ka Israeli.
- 30 Na Jehova i ta mahisa a gezu ga yena ga wukosi a ku zwiwa, i ta wonisa a ku klateka a woko ga yena lahasi, hi vindlukeliso wa zanga ya-kwe, ni pingo ga nzilo wu kadamulako, zinwe ni bubutsa ni xihuhuri, ni vula ya marihyana.
- 31 Hakuba hi kota ya gezu ga ka Je-hova a ma Asiria ma ta mbeliswa a ntamo ; zinwe ni nhonga ya yena i ta lamata bona.
- 32 Ni konkle kubiwa ka nhonga yi longisilweko, leyo Jehova a ta nga yi klateka hehla ka yena, ku taba zinwe ni guwa ga tingoma ni zitende, ni le impini hi kuguklubanyeteka ka woko ga yena i talwa na bona.
- 33 Hakuba Tofeti i longisilwe a kale-loko ina, a kona ku wa longiselwe a hosi ; yena i mahile kona kueta ni kukula ; a xitsunzulu xa kona i nzilo ni tihunyi to tala ; a xikahe xa ka Jehova, kwatsi i congo wa sulufa, wu dzibeleko gona.

XIPIMO 81.

- 1 Kombo a ka bona labo ba relelako baya le Gipite a kuya vunetelwa, ni kutsumba lomo mahaxini, ba tsumba tikareteni hakuba ti nyingi, ni ka ba banuna ba mahaxi hakuba bona ba na ni ntamo nguvu, kanilezi bona a cuwuki a ka Loye wa ku Basa wa ka Israeli, ge hambu kuhlota Jehova!
- 2 Kasike yena wa tiba, i ta neha a kubiha, a nga ta bitana a klelisa a timhaka ta yena, kanilezi i ta suka a vukela a yindlu ya batiri ba kubiha, ni kuvukela bona labo ba vunetelako a ku maha a kubiha.
- 3 Makunu a ba Gipite ba hi banhu, a ba hi Nungungulu ; ni mahaxi ya-bye i nyama, a hi moya : ni laha Jehova a ta nga wuluta a canja ga yena, ni loye a vunetelawako i tawa, bona bonkle ba ta mbetiswa ka-tiginwe.
- 4 Hakuba zakungahi a wulako Jehova a ka mina, Kwatsi hi ngala ni

ngagana yiswa yi ngururako hehla ka pfimba wa yona, loku a xidlema xa barisi ba bitanilwe a ku vukela yona, yi nga mbeteki a ntamo hi ka magezu yabye, ge ni kubohlisa wutsumbu ga yona hi ka guwa gabye; zingaho Jehova wa mabandla i ta relela a talwa le xitsungeni Zioni ni hehla ka muganga wa kona.

- 5 Kwatsi tinyanyani ti kahetanako, zingaho Jehova wa mabandla i ta eklela a Jerusalema; yena i ta eklela ni kuklakisisa gona, yena i ta klatuka a eklela gona.
- 6 Hunzulukani a ka yena ywaloye hi kuetileko mu hlubukileko, O bana ba ka Israeli.
- 7 Hakuba a ka lego siku ba ta hoxa bonklelele banhu a zifananiso za siliwa, ni zifananiso zabya za nzalama, lezo a mandla ya nwina benyi mu zi mahileko a ka nwina akuba xionho.
- 8 Ni mu Asiria i tawa hi supado, a hi ya munhu, ha supado, a hi ya banhu, yi ta kadamula yena; na yena i ta tsutsuma le supadweni, ni banhu baswa ba yena ba taba malanza ya mikinyabezo.
- 9 Ni ribye ga yena gi ta hunza hi kota ya tsisiselo, ni tihosana ta yena ti ta mbeteka ntamo le muwonisweni, kuwula Jehova, loye a nzilo wu nga lomo Zioni, ni pingo ga yena gi le Jerusalema.

XIPIMO 32.

- 1 Languta, a hosi yi ta fuma hi ka kululamisisa, ni tihosana ti ta fuma ka nongametiso.
- 2 Ni munhu i ta ku kwatsi wutsamo gi fihleleko le mhehweni, ni xitanga le xihuhurini, kwatsi i congo wa mati wutsanweni gi omileko, kwatsi i nzhuti wa ribye ga hombe le tikweni go rereka.
- 3 A mahlo ya bona labo ba wonako ma nga ta kuba xilutsu, ni tindlebe ta bona labo ba zwako ti ta ingisa.
- 4 A mbilu ya yena loye wa bilabila yi ta pima a tibisiselo, ni lirimi la mangangamela li taba li longele wa ku wulawula hi ku dlunyatisileweko.
- 5 A xipumbu xi nga ta ha bitwa kambe a ku xi dzunzekile, ge hambu ni kugolombela ba nga ta i pfunile.
- 6 Hakuba a xipumbu xi ta wulawula a wupumbu, ni mbilu ya yena yi ta tira a kugoha, a ku maha a hanahaiscelelo, ni kuwulawula a zi-

boheto kuvukela Jehova, a kuma a panga a muhefemulo wa ndlala, a ku maha a kunwa ka wa tora ku tsanzeka.

- 7 Ni mawulawulelo ya wa matsoho ma hi kubiha: yena a hlebako a guguje ga kubiha a kulobisa a ba koramekileko hi timhaka ta mawunwa, hambu loku a muvumali a wulawula a nongamo.
- 8 Kanilezi a dzunzekileko i pola a zilo el dzunzekileko; ni ka zilo si dzunzekileko yena i ta simamisa.
- 9 Sukani, nwina ba basati laba mu la su kunja, ni kuzwa a gezu ga mina; nwina banhwana mu nga kataliko, nyikani a ndlebe ka kuwulawula ka mina.
- 10 Hakuba a masiku ma hunza a lembe nwina mu ta karateka, nwina ba basati mu nga celiko kota; hakuba a xivina xi ta tsanzeka, ni kuelula ku nga ta kuta.
- 11 Rurumelani, nwina ba basati labo mu la su kunja; rurumelani nwina, nwina ba mu nga kataliko; kazani nwina, mu sala zimbyiri, ni kuboha a nguwo ya tisakwa ziwnwini za nwina.
- 12 Ba ta lamata mabele hi kota ya masimu yo saseka, hi mibanzo yi tralileko ya mavina.
- 13 Hehla ka tiko ga banhu ba mina ku tata a mizwa ni wusosonya; ina, hehla ka tindlu ti tsakisako lomo mutini wu tsakisako.
- 14 Hakuba a zilubelo zi ta tsikiwa; muti wu klomeneko banhu wu ta tsikiwa, a muganga ni ligingisi la kurinza yi taba a mihume kala kupinzuka, a litsako la zibanza za kwati, a wugelo ga miklambi.
- 15 Kala a Moya wu halatwa ka hina hi le hehla, ni xiwula xi maha a simu ya pfunelo, ni simu ga pfuneli gi hlaywa kota a kwati.
- 16 Zonake a nongametiso wu ta aka le xiwuleni; ni kululamisisa ku ta tsama le siawini ga pfunelo.
- 17 Ni tiro wa kululamisisa ku taba a kurula; a liranzo la kululamisisa, hi rutiselelo ni tsumbiselelo kala kupinzuka.
- 18 Ni banhu ba mina ba ta tsama le ka banhu ba rutisako, ni le wutsanweni ga caceliselo, ni le wutsanweni ga kuhumula ka kurula.
- 19 Kanilezi ku taba vula ya maribyana laha kunako lomo kwatini; ni muti

yi ta kuhunzeletlweko wu ta rele-twa lahasi.

- 20 Mu katekisilwe *nwina* labo mu *dyalako* hi lahandle ka mamati yonkle, lawo ba riselako a kabi ni mbongola.

XIPIMO 33.

- 1 Kombo a ka wena loye u lobisako, na wena u wa nga lobyiswangi; u mahako hi kuhlebyisilweko, bona a ba mahangi hi kuhlebyisilweko zizwe ha wena! laha na wena na u kawula a kulobisa, wena u ta lobyisiwa; laha na wena u mahile kugumelwa ka ku maha hi kuhlebyisilweko, bona ba ta maha hi kuhlebyisilweko zizwe ha wena.
- 2 O Jehova, nga u hi wa wuxinji a ka hina; hina hi rinzele wena: nga wena u hi woko ga hina yonktelele mixo, a kuhanyiswa ka hina kambe hi xikatini xa zi karato
- 3 A guwa ga pfulupflu a banhu a tsutsumile; hi ka kuklakusa a wutsumbu ga wena a mifumo yi hangalakile.
- 4 A mupango wa wena u ta tsombanyiselwa kwatsi i pungwani wu tsombanyiswako: kwatsi hi kuklula ka humbi a munhu i ta klulela wona.
- 5 Jehova i klakusilwe; hakuba yena a tsamako le hehla: yena i tatisile Zioni hi nongametiso ni kululamisi-sa.
- 6 Ni laho ku taba kona a kutiyiseta hi zikatini za wena, a talisiso wa kuhanyisa, a kutiba, ni mano: a xicabyo xa Jehova hi tsomba ya wena.
- 7 Languta, a tingwazi tabye ta bitana lahandle; a mitsukano ya kurula yi rila hi kubabisilweko.
- 8 A magonzo ma fubile, a mufambi a kawule: ni balala ba tsobile a xivumelwano, yena i nyenyile a miti, yena a nga katalangi ha munhu.
- 9 A tiko ga rila ni kuhloka; ni Lebanoni i kanganyisilwe i wunile; Xaroni i kwatsi xiwunza; Baxani na Karmeli ba klaklekile a makluka yabye.
- 10 Makunu mina nzi ta suka, ku wula Jehova; makunu nzi ta klakusa a wutsumbu ga mina; makunu nzi taba nzi klakusilwe.
- 11 Nwina mu ta xura nyimba ya mungu, nwina mu ta trala a fenze: a muhefemulo wa nwina i kwatsi nzilo lowo wu ta kadamula nwina.
- 12 Ni banhu ba ta ku fanana ni maswe-

[Sheetswa]

la ya mhemba, kwatsi mizwa yi tse-milweko, loye yi swileko lomo nzi-lweni.

- 13 Zwanani, *nwina* mu nga le kule, lezo mina nzi mahileko; na, kasi lezo laba ba nga ku suhani, tibisisani a ntamo wa mina.
- 14 A zionhi le Zioni za caba; a kururumela kukamanyetile ba nga hiko na wunungungulu: Himani xikari ka hina a ta nga tsama ni nzilo wu kadamulako? himani xikari ka hina a kotako ku tsama xikari ka nzilo wu vurako hi kupinzukela?
- 15 Yena loye a fambako hi kululamisi-lweko, a wulawulako hi longametisi-lweko; yena loya a nyenyako a binzu ga tsimbeketelo, loye a hlakahlako a mandla ya yena kuteni a kalabelo, loye a valako a ndlebe ya yena a kuzwa a nkata, ni kuvala a mahlo ya yena le kucuwukeni ka za kubiha;
- 16 Yena i ta aka le hehla; a wutsamo ga wuvikelo ga yena ku taba a ngatelo ya maribye; ni zibaba za yena zi ta nyikiwa yena; a mati ya yena ma taba zinene.
- 17 A mahlo ya wena ma ta wona a hosi ya wukosi ga yena: ba ta wona a tiko lego gi cikeleko a kule.
- 18 A mbilu ya wena yi ta rila a tsisiselelweni: hi wihi yena loye a hlakako, hi wihi yena loye a ringanisako a nzubo? hi wihi yena loye a hlakako a tigingisi?
- 19 Wena u nga ta wona a banhu ba cabekako, a banhu ba kuwulawula kuetileko lezaku wena u nga ta kuzwa, ba lo lirimi limbe lezaku wena u nga ta pima.
- 20 Cuwukani a ka Zioni, a muti wa wukosi ga hina: a mahlo ya wena ma ta wona a Jerusalema a muti wa banhu ba rutiselelo, a tente lego gi nga ta kuba na kutsekatsEKiswa, a zibo za kona zi ta nga kala zi nga hi na ku kunulwa, ge ni lihi la tingoti ta kona li nga ta tsobyiwa.
- 21 Kanilezi laho Jehova i taba zizwe na hina hi wukosi, a wutsamo ga milambo ya hombe ni micongo, laho ku ta ngu ku nga yi a zitatari ni makasiya, ge hambu a mataru ma xitungetungu gi nga ta hunza.
- 22 Hakuba Jehova hi mulamuli wa hina, Jehova hi munyiki wa nawo wa hina, Jehova hi hosi ya hina; yena i ta hanyisa hina.

- 23 A ziboho za wena zi *klaklilwe*, bona ba wa nga ba nga tiyisangi a konzo wa mulingwati wa kona, bona ba wa nga ba nga tsamulutangi a matangi: zonake a pŋimba wa mupango wa hombe wu lo abanyiselwa; ni bakwitako ba lo teka a mupango.
- 24 Ni baakileko ba nga ta wula, Mina nza babya: ni banhu labo ba a akileko lomo nzeni ka kona ba ta tsetselelwa a kugoha kabye.

XIPIMO 84.

- 1 Tsinelani kusuhani, *nwina* mifumo, a kuzwa; ni ku ingisa, *nwina* banhu: nga a misaba yizwa, ni talisiso wa yona; a tiko ni zilo zonkolezi zi humako a gona.
- 2 Hakuba Jehova i zangarile a vukela wonkŋle a matiko, ni kulo a vukela wonkŋle a bandla ga kona: yena i lobisile bona hi kuhunzeletisilweko, yena i nyikele le kuhlaselweni.
- 3 A badelweko babye kambe ba ta hoxwa, ni lwati la zirumbi babye li tata hehla; ni zitsunga zi ta nyekisiwa hi nkata wabye.
- 4 Ni wonkŋle a mabandla ya le tilweni ma ta njabaleka, ni tilo gi ta kanyana katiginwe kufanana ni xipapa; ni wonkŋle a mabandla ya wona ma ta wuna, kwatsi i kluka gi wunako le vineni, kwatsi i kluka gi wunileko le sinyeni ya kuwu.
- 5 Hakuba a supado ya mina yi nwile a kunwa ka yona yi tele le tilweni: languta, yona yi ta relela lahasi hehla ka Edome, ni hehla ka banhu ba nzhukano ya mina, a kulamula.
- 6 A supado ya ka Jehova yi tele hi nkata, yona yi nonisilwe hi kulukiselelo, zinwe hi nkata wa tiivana ni timbuti, hi mafura ya zimbutana ni tihamba; hakuba Jehova i na pahlelo le Bozra, ni *klabyelelo* wa hombe wu le tikweni ga le Edome.
- 7 Ni tinyari ti ta relela zinwe nabo, ni tihunwana zinwe ni tikuzi: ni tiko gabye gi ta popiwa hi nkata, ni ntsuri wabye gi ta noniswa hi kulukiselelo.
- 8 Hakuba Jehova i na ni siku ga poteleliselo, a lembe ga peziselelo ku eklelwa Zioni.
- 9 A micongo ya le Edome yi ta hunzuka a piriwa, ni tsuru wa kona a sulufa, ni tiko ga kona gi ta hunzuka a piriwa gi vurako.
- 10 Gona gi nga timiwa ge wusiku ni

834

- siku; ni musu wa kona wu ta tubika kala kupinzuka; kusukela xizukulwaneni kala xizukulwaneni gona gi ta tsama na gi panzekile; a nga kona a ta nga hunza a tsemakanya a ka gona kala kupinzuka.
- 11 Kanilezi a mabarila ni tinungu zi ta tsama kona; a zihuhuluhuhu ni zikunguwe zi ta akela kona: yena i ta nawuluta hehla ka gona a uzati wa pfilupfilu, ni xibinzo xa panga.
- 12 Bona ba ta bitana a ba dzunzekileko ba kona le mufunweni, kanilezi a nga kona wa kuba a ta nga ba kona; ni tonkŋle a tihosa ta kona ti nga ta kuba ncumo.
- 13 A mizwa yita hluka zilubelweni za kona, a wusosonya ni gakiweni lomo tigingisini ta kona; ku taba a wuakelo ga mahlolwa, ni hubye ya timbuwu.
- 14 A zihari za kwati ni zibanza zi ta klangana ni timbisi, a timhuti ketela a wa ka kabye; ina, a bangulubanye ba wusiku ba ta tumbela leyo, ku kumela yona a wutsamo ga kuhumula.
- 15 Laho a nyoka ya wutsulu yi ta mahangule ya yona, yi ta tsikela, yi ni kuklokloro, ni ku tsombana lahasi ka nzuti wa kona; ina, laho a makoti ma ta tsombana, wonkŋlelele ni bangana ba wona.
- 16 Hlotani *nwina* lomo bukwini ga ka Jehova, na gonza: a xi kona a xizwe xa lezi xi ta klulwa, a xi kona xi ta nga vumala a mungana wa xona; hakuba a nomu wa mina, wona wu leletele kona, ni Moya wa yena, wona wu tsombanyile bona.
- 17 Na yena i hlalubile a hlolo ha bona, ni canja ga yena gi abanyisile kona hi lixaxa; bona ba ta kuma kona kala kupinzuka; ku sukela xizukulwaneni kala xizukulwaneni bona ba ta aka kona.

XIPIMO 85.

- 1 A xiwula ni tiko gi omileko zi ta tsaka; ni mapanya ba ta nengela, ma pfeffa kwatsi rozi.
- 2 Wona ma ta pfeffa hi kutalisilweko, ni kubuma hi kutsaka ni kuyimbelela; ni wukosi ga le Lebanoni gi ta nyikiwa ka wona, a wukulu ga le Karmeli ni Xaroni: bona ba ta wona a wukosi ga ka Jehova, ni wukulu ga Nungungulu wa hina.
- 3 Tiyisetani a mandla ma rerekileko,

- ni ku tiyiseta a madzolo ma hohobeleko.
- 4 Wulani a ka bona labo ba na nga ba timbilu ti cabekako, Nga mu tiyiseta, mu nga cabe : langutani, a Nungungulu wa nwina i tata hi potelelo, zinwe hi kleliselelo wa ka Nungungulu; yena i tata a ta hanyisa nwina.
- 5 Zonake a mahlo ya xikumu ma ta vululiwa, ni tindlebe ta xiwiri ti ta vululwa.
- 6 Zonake a munhu a kwatako i ta klula kwatsi i pululwani, ni lirimi la mbebebe li ta yimbelela; hakuba lomo xiwuleni a mati ma ta buka, ni micongo lomo mapauyeni.
- 7 Ni seke gi klahukileko gi ta maha a tiba, ni tiko ga wuronga gi ta ba a tihlowo ta mati; a wuakelweni ga mahlolwa, laho ma tumbelako, ku taba kona a byanyi ga tihlanga ni majeka.
- 8 Ni ma gonzo ma ta leyo, ni ndlela, yona yi ta bitanwa i ndlela ya kubasa; a ba nga hlazekangiko ba nga ta hunza ha yona; kanilezi yona yi taba ya ba klaklisilweko: a munhu wa mufambi, ina ni zipumbu, zi nga ta nyenyezisa yona.
- 9 A ku kona a ngala yi ta nga kuba laho, ge ni zibanza zi pamako zi nga ta kuba a ka yona; zona zi nga ta kumiwa laho; kanilezi a klaklisilweko ba ta famba a ka yona.
- 10 Ni barihelweko ba ka Jehova ba ta klela, ni ku ta zinwe ni kuyimbelela le Zioni; ni tsakiselo wu pinzukeleweko wu taba hehla ka tihloko ta bye: bona ba ta kuma a tsakiselelo ni kubuma, a xaniselelo ni mahika zi ta tsutsuma.

XIPIMO 36.

- 1 Makunu ku wa mahisile lezo a ka lembe ga kume ni mune ga hosi Hezekia, lezaku Sennakeribe a hosi ya le Asiria i lo kanziya ata a vukela yonke a miti yi gingisilweko ya le Juda, i lo teka yona.
- 2 Ni hosi ya le Asiria yi lo rumela Rabxeka hi le Lakixe kuta Jerusalema a ka hosi Hezekia zinwe ni impi ya hombe. Na yena i lo yima hi le nongeni tiba ga le hehla le gonzweni ga bahlazi.
- 3 Zonake ku lota a ka yena Eliakimu a nisananyana wa Hilkia, loye a nga wa wumbelwe hehla ka xi ngango,

na Xebna a mutsali, na Joaha, a nisananyana wa ka Asafa, a mukumbu-xeti.

- 4 Na Rabxeka i te ngalo ka bona, Wulani nwina makunu a ka Hezekia, Zakungahi yi wulako a hosi ya hombe, a hosi ya hombe ya le Asiria, Kutsumba muni kona loku wena u tsumbako ha kona?
- 5 Nza wula, a xikungo xa wena ni ntamo wa impi zi hi timhaka ta mahala: makunu a ka wili wena u tsumbako, lezi wena u hlubukako u vukela mina?
- 6 Languta, wena u tsumba hehla ka klonga wa lihlanga li fufekelako, kona leyo Gipite, kwaleyo ku nge loku a kegela, lona li ta poroketa a canja ga yena, ni kutritela ka gona: zingaho Faro a hosi ya le Gipite bonke labo ba tsumbako ka yena.
- 7 Kanilezi loku wena u wula ka mina, Hina ha tsumba Jehova a Nungungulu wa hina: a hi yena loye ke, a wutsamo ga yena gi klakukileko ni maalati ya yena Hezekia a susileko ke, a wulileko ka Juda ni Jerusalema, Nwina mu ta kozela mahlwani ka legi a alati?
- 8 Makunu hikwalaho, nza kombela wena, nyika a xivumelwano a ka zwinyi wa mina a hosi ya le Asiria, na mina nzi ta nyika wena a mambiri a kume ga mazana ya mahaxi, loku wena u zi kota i klelo ga wena a ku humesa a bakileli hehla ka wona.
- 9 Hiyini zonake wena u ta klelisa a ngohe ya nduna yizwe ya leti titso-ngwani ta malanza ya hosi ya mina ke, u beka a kutsumba ka wena le Gipite hi kota ya tikareta ni ka ba banuna ba mahaxi ke?
- 10 Na mina makunu nzi kanziyile hi lahandle ka Jehova a kuvukela legi tiko ni ku lobisa gona ke? Jehova i te ngalo ka mina, Kanziya u ya vukela a tiko, u lobisa gona.
- 11 Zonake ku wula Eliakimu na Xebna na Joaha a ka Rabxeka, Wulawula, nza kombela wena, a ka malanza ya wena hi lirimi la ma Siria; hakuba hina ha pima lona: u nga wulawuli a ka hina hi lirimi la ma Juda, lomo tindlebeni ta banhu labo ba nga laho ligingisini.
- 12 Kanilezi Rabxeka i te ngalo, Kasi a hosi ya mina yi rumile mina a ka hosi ya nwina, ni ka wena, a kuwu-

lawula leti timbaka ke? yena a nga rumelangi mina a ka banhu laba ba tsamileko ligingisini, a kuga a macimba yabye, ni kunwa a murunzowo yabyewo benyi ke?

- 13 Zonake Rabxeka i lo yima, i lo ba nyiba hi lirimi la xi Juda, na te ngalo, Zwanani a timbaka ta hosi ya hombe, a hosi ya le Asiria.
- 14 Zakungahi a wulako a hosi, Nga Hezekia a nga kohlisi nwina; hakuba yena a nga ta zi kota a ku klaklisa nwina:
- 15 Ge na kuba Hezekia a maha nwina mu tumba a ka Jehova, aku, Jehova, hakunene i ta klaklisa hina; lowu muti wu nga ta nyikiwa a ka hosi ya le Asiria.
- 16 Mu nga ingisi a ka Hezekia: hakuba zakungahi yi wulako a hosi ya le Asiria, Mahani a kurula ka nwina ziwwe na mina, ni humu muta ka mina; ni kuga nwenklelele a xivina xa nwina, ni nwenklelele a sinye ya yena ya kuwu, ni kunwa bonklelele ba nwina a mati ya hlowo ya yena nwinyi;
- 17 Kala mina nzita nzi mu teka nwina ka a tiko gi kotako a tiko ga nwina benyi, a tiko ga mabele ni waini giswa, a tiko ga zibaba ni zivina.
- 18 Klarihani ku nga taku Hezekia a kongotela nwina, aku, Jehova i ta klaklisa hina. I kona a wa banungungulu ba mifumo a klaklisileko a tiko ga yena a canjeni ga hosi ya le Asiria ke?
- 19 Ba kwihi a banungungulu ba le Hamate ni Arpade ke? ba kwihi a banungungulu ba Sefarvaine ke? na bona ba klaklisile a Samaria le canjeni ga mina ke?
- 20 Hiwili wa bona xikari ka bonkle laba banungungulu ba lama matiko ba klaklisileko a tiko ga ka yena gi humu canjeni ga mina, lezaku Jehova i wa ta nga klaklilele a Jerusalema canjeni ga mina ke?
- 21 Kanilezi lezi bona ba wa la su rutisa ba miyela, na ba wa nga hlamulangi yena hambu a mhaka; hakuba ku wa hi kuleletela ka hosi, aku, Mu nga hlamuli yena.
- 22 Zonake ku lota Eliakimu a nisanyana Hilkia, loye a nga wa wumbelwe hehla ka ngango, na Xebna a mutsali, na Joaha, a nisanyana wa Asafa, a mukumbuxeti, a ka Hezekia ziwwe na tinguwo ta bona ti hanzulwe, ba

lo ta byela yena a timbaka ta ka Rabxeka.

XIIMO 37.

- 1 Na ku wa mahisile lezo, laha a hosi Hezekia a nga wa zwile kona, lezaku yena i lo hanzula a tinguwo ta yena, i lo fenengeta a wutsumbu ga yena hi tinguwo ta tisakwa, i loya le ndlwini ya ka Jehova.
- 2 Na yena i lo rumela Eliakimu, loye a nga wa wumbelwe hehla ka ngango, na Xebna a mutsali, ni masingalaka-ti ya bapristi, na ba fenengilwe hi tinguwo ta tisakwa, a ka Isaya a mu-profeti, a nisanyana wa Amozi.
- 3 Na bona ba te ngalo ka yena, Zakungahi a wulako Hezekia, Legi siku i siku ga kukarateka, ni ga kukawuka, ni ga tihlamba; hakuba a banaana ba tile kufralweni, laho aku na ntamo wa kuba hi hefemula ha wona.
- 4 Zona zi nga ta nga Jehova a Nungungulu wa wena a tazwa a timbaka ta ka Rabxeka, loye a hosi ya le Asiria a nwinyi wa yena a rumeleko a ku nyenyezisa a Nungungulu a hanya-ko, ni kukawuka a timbaka leto Jehova a Nungungulu wa wena a ti-zwileko: ngahilezo klakusa a mukombelo wa wena hi kuta ya misalela leyo yi seleko.
- 5 Zingaho a malanza ya hosi Hezekia ma lota ka Isaya.
- 6 Na Isaya i te ngulo ka wona, Zakungahi nwina mu ta nga wula a ka nwinyi wa nwina, Zakungahi a wulako Jehova, U nga cabi hi timbaka leto u ti zwileko, leto ha tona a nanza ga hosi ya Asiria a rukateleko mina.
- 7 Languta, nzi ta beka a moya a ka yena, na yena i tazwa a timbaka, i ta klelele le tikweni ga yena nwinyi; na mina nzi ta maha yena a kuwa hi supado ya canja ga yena nwinyi.
- 8 Zingaho Rabxeka i lo klela, i lota kuma a hosi ya le Asiria yi hlasela Libna; hakuba yena i wa zwile leaku i sukile Lakixe.
- 9 Yena i lozwa ku wulwa hi xungetano na Tirhaka a hosi ya le Etiopia, Yena wata a kulwa a vukela wena. Ni laha yena a nga wa zwile kona, yena i lo rumela a mitsukano a ka Hezekia, aku,
- 10 Zakungahi nwina mu ta wula a ka Hezekia a hosi ya ka Juda, muku, Nga a Nungungulu wa wena loye

- wena u tumbako a kohlisa wena, aku, A Jerusalema gi nga ta nyike-lwa a canjeni ga hosi ya le Asiria.
- 11 Languta, wena u zwile lezo zonkile a hosi ya le Asiria yi zi mahileko a ka wonkile a matiko, hi ku lobisa yona hi ku mbetisilweko: na wena u ta klaklisiwa ke?
- 12 Banungungulu ba lawo a matiko ba ma klaklilesele ke, lawo a badadani wa mina ba lobisileko, Gozani, na Harani, na Rezefa, ni banana ba ka Edeni labo ba le Telassari ke?
- 13 Yi kwihl a hosi ya le Hamate, ni ya le Arpade, ni a hosi ya mutini wa le Sefarvaima, a ya Hena, ni ya Ivva ke?
- 14 Na Hezekia i lo amukela a papilo hi le canjeni ga mitsukano, i lo gona gona; i lo famba le ndlwini ya ka Jehova, i loya andlala gona mahlwini ka Jehova.
- 15 Na Hezekia i lo kombela a ka Jehova, ku ngalo,
- 16 O Jehova wa mabandla, a Nungungulu wa ka Israeli, loye a tsamako le hehla ka cerubima, wena hi wena Nungungulu, yena wena wece, wa yonkile a mifumo ya misaba; wena hi wena u mahileko a tilo ni misaba.
- 17 Pumunha a ndlebe ya wena, O Jehova, ni kuzwa; vulula a mahlo ya wenawu, O Jehova, ni ku wona; ni kuzwa tonkile a timbaka ta ka Sennakeribe, a ti rumileko a ku nyenyczisa a Nungungulu a hanyako.
- 18 Hakunene, Jehova, a tihosi ta le Asiria ti hlakatile wonkile laya a matiko, ni misaba ya wona,
- 19 Ti hoxile a banungungulu babye lomo nzilweni: hakuba bona ba nga kala a nga hi banungungulu, kanilezi a mitiro yi mandla ya banhu, a tisinya ni maribye; hikwalaho bona ba lobisile bona.
- 20 Makunu hikwalaho, O Jehova a Nungungulu wa hina, hanyisa hina le canjeni ga yena, akuba yonkile a mifumo ya misaba yi fela ku tiba lezaku wena hi wena Jehova, wena wece.
- 21 Zonake a Isaya a nisanyana wa Amosi i lo rumela a ka Hezekia, aku, Zakungahi a wulako Jehova, a Nungungulu wa ka Israeli, Kwatsi hilezi wena u kombeleko ka mina u vukela Sennakeribe a hosi ya le Asiria,
- 22 Leti hi timbaka leto Jehova a ti wulileko a kuvukela yena: A mubulwa a nhwana wa le Zioni inyenyele wena a kiyala wena a ku tseketsela; a nhwana wa le Jerusalema i zibizile a hlokyo a yena a ka wena.
- 23 Nzimani loye wena u mu klangameleko u mu rukatelileko ke? hi ka wihi loye wena xana u mu vuleko u kukumuxileko a gezu ga wena ni ku klakusa a mahlo ya wena le hehla? u vukela Loye wa ku Basa wa ka Israeli.
- 24 Ili nanza ga wena u klangamele a Hosi, na u te ngalo, Ziawe hi wudlemo ga tikareta ta mina nzi ta kanziyile nzita le hehla ka zitsunga, kwaleyo xikari ka Lebanoni; mina nzi ta tsema a tisedare ta kona to leha, ni tisinya ta mikuwu ti langilweko; ma mina nzi ta engena manambaniwi ya kona ku hunzisileko, a kwatiga masimu ya kona ma hunzisileko ya kupfuna;
- 25 Na mina nzi kelile nzi nwile a mati, na hi xirenze ya mikonzo ya mina nzi ta omisa wonkile a mati ya micongo ya le Gipite.
- 26 Kasike wena u wa nga se ku zizwa lezaku nzi mahisile ku yini kona a kaleloko, nzi bangile kona zikatini a kaleloko ke? makunu nzi nehile kona ku mahleka, lezaku nzi mahile wena a kuhahlula a marumbi a miti yi gingisilweko a tinhulu ti kungumu-keleko.
- 27 Hikwalaho a baakileko ba kona ba wa hi bantamo wutsongwani, ba wa mbetekile a ntamo ba wa kanganyiseka; bona ba wa ku kwatsi i byani ga le handle, kwati i kubyanyi wu nyukako, kwatsi i byanyi ga le hehla ka yindlu, kwatsi mbewu ya le masiwini na yi nga se ku kukula.
- 28 Kanilezi nza tiba a kutsama ka wena, ni kuhuma ka wena, ni ngena ka wena, nu kuzangara ka wena ka mina.
- 29 Hakuba hi kuvindluka ka wena u vukela mina, ni lezaku a matsanza ya wena ma tile leno hehla a ka tindlebe ta mina, hikwalaho nzi ta mehela a liobe la mina lomo nhovini ya wena, ni matomu ya mina lomo milozwini ya wena, na nzi ta wuyisa wena a nzako hi ndlela leyo wena i tilekowo ha yona.
- 30 Ni lowu wu taba a muwoniso a ka wena: uwina mu taga legi lezi

- zi kuleleko a wutsumbu, ni ka ga wumbiri lembe zalezo zi kulisileko lezo; ni ka ga lembe ga wunharu byalani nwinu, muhula, ni mu byala a mavina, ni muga a mihanzo ya kona.
- 31 Ni misalela leyo yi ponileko ya yindlu ya ka Juda yi ta engeta kambe yi klabu a mutsu hi lahasi, ni ku trala a mihanzo hi le hehla.
- 32 Hakuba hi le Jerusalema ku ta humu a misalela, ni le xitsungeni xa le Zioni bona ba ta pona, A pangamiselu wa Jehova wa mabandla wu mbelelisa lexi.
- 33 Hikwalaho zakungahi a wulako Jehova hi hosi ya le Asiria, i ngata ka lowu muti, ge hambu ni kupanda ligalala laho, ge hambu ni kuta mahlweni ka wona zinwe ni xiklangu, ga hambu ni ku hoxa a xikunzumulo kuvukela wona.
- 34 Kanilezi a ndlela leyi a tileko ha yona, ha ywaleyo i ta wuya ha yona, na yena a nga ta kuta a ka lowu a muti, ku wula Jehova.
- 35 Hakuba nzi eklela lowu a muti a ponisa wona, hi kota ya mina nwinhi, na hi kota ya nanza ga mina Davida.
- 36 Ni ngelosi ya ka Jehova yi humu, yi hlasela lomo wugobelweni ga wa Asiria a zana ni nkhanu ni manharu makume ni nkhanu a kume ga mazana; ni laha a banhu ba nga wa vukile manzikweni wa mixo, languta, bonkle laho ku wa hi zirumbi.
- 37 Zingaho Sennakeribe a hosi ya le Asiria yi lo suka, i lo klela i lo aka le Nineve.
- 38 Na ku wa mahisile lezo, kota lezi a nga wa kozela lomo ndwini ya Nisroko a nungungulu wa yena, lezaku Adrammeleki na Xareza a bari-sanyana ba yena ba lo mu daya hi supado; na bona ba lo ponela le tikweni ga le Ararate. Na Esarhaddonni a nisanyana wa yena i lo fuma xikundleni xa yena.
- 2 Zonake Hezekia i lo hunzulusa a ngohe ya yena le kurisini, i lo kombela a ka Jehova,
- 3 Na te ngalo, Alakanya makunu, O Jehova, nza kongotela wena, lezaku nzi fambisile ku yini a mahlweni ka wena hi ka zinene hi mbilu yi mbeleleko, na nzi mahile lezo zi sasekileko a kuwoneni ka wena. Na Hezekia i la su rila a tsikwila.
- 4 Zonake ku lota a mhaka ya ka Jehova a ka Isaya, yiku,
- 5 Famba, uya wula a ka Hezekia, Zakungahi a wula Jehova, a Nungungulu wa Davida a dadani wa wena, nzi zwile a mukombelo wa wena, nzi wonile a hloli ya wena languta, nzi engetela a ka masiku ya wena kume ni nkhanu a malembe.
- 6 Na mina nzi ta klaklisa wena ni lowu le canjeni ga hosi ya le Asiria; na nzi ta eklela lowu a muti.
- 7 Ni lexi xi taba a muwoniso ka wena hi le ka Jehova, lezaku Jehova i ta maha lexi xilo a xi wulawulileko:
- 8 Languta, nzi ta maha a xiruti le wukanziyelweni, lexi xi ta nga relela le mayingweni ya ka Ahaza ni gambo, a ku klelisa le nzako a kume ga zikanziyelo. Zingaho a gambo gi klelele le nzako a lipinweni lolo li nga wa relele.
- 9 A kutsala ka Hezekia a hosi ya ka Juda, laha a nga wa babyile, na a wa kalamukile a wubabyini ga yena.
- 10 Nzi te ngalo, A ka swinga wa mumu wa masiku ya mina nzi taya le tinyangweni ta Xeole: Nzi wa wuklelwe a salela wa malembe ya mina.
- 11 Nzi wa te ngalo, Nzi nga ta wona Jehova, yena Jehova le tikweni ga ba hanyako: Nzi ta nga languta a munhu kambe zinwe ni baakileko ba le tiko.
- 12 A wuakelo ga mina gi susilwe, gi rwalilwe a ka mina kwatsi i tenta ga barisi: Nzi songile, kwatsi hi muluki, a wutomi ga mina; yena i ta nzi tsema he le mahlanguleni: Kusukela sikwini kala wusikwini wena u ta maha kugumelwa ka mina.
- 13 Nzi lo miyeta a wutsumbu ga mina kala mixweni; kwatsi ngala,

XIPIMO 38.

- 1 Ka lawo a masiku Hezekia i wa babyela a kufa. Na Isaya a muprofeti a nisanyana wa ka Amozi i lota a ka yena, i te ngalo ka yena, Zakungahi a wulako Jehova, Longisa a yindlu ya wena yi longama; hakuba wena u ta kufa, u nga ta hanya.

zingaho yena i tsoba wonkle a marambu ya mina:

Kusukela sikwini kala wusikwini wena u ta maha a kugumelwa ka mina.

- 14 Kwatsi i mbewulwani ni mariyani, zingaho nzi wa kukulumela; Nzi lo rila kwatsi i tuba; a mahlo ya mina ma lo tsanzeka a ku cuwuka le hehla:

O Jehova, nzi tsimbeketilwe, nga wena u hi zinene za mina.

- 15 Xini nzi ta nga wula ke? yena kambe i wulawulile a ka mina, yena a wutsumbu i mahile kona:

Nzi ta famba kwatsanyana wonkle a malembe ya mina hakuba hi kubabisisa ka muhefemulo wa mina.

- 16 O Hosi, hi lezi zilo a banhu ba hanya;

Na ha zona zinene hi wutomi ga moya wa mina:

Ngahilezo u nzi kalamukisa, ni ku nzi maha a ku hanya.

- 17 Languta, kona ku wa hi kurula ka mina lezaku nzi wa hi nu kubihisako ka hombe:

Kanilezi wena u wa hi ni kuranza ka muhefemulo wa mina klaklisa wona le rinzini ga boliselelo;

Hakuba wena u hoxile konkle kuonha le nzako ka hlana wa wena.

- 18 Hakuba a Xeole a nga ta dumisa wena, ni kufa ku nga ta dzumeletela wena:

Bona labo ba relelako ba rinzini a ba koti ku tsumba a zinene za wena.

- 19 A hanyako, a hanyako, i ta dumisa wena, kwatsi hilezi nzi mahako legi siku:

A dadani wa banana ba ta tibisa a zinene za wena.

- 20 Jehova i longile a ku nzi hanyisa: Hikwalaho hi ta yimbelela a tisi-mu ta mina zizwe hi marengu ya muvambi

Wonkle a masiku ya wutomi ga hina lomo ndlwini ya ka Jehova.

- 21 Makunu Isaya i wa te ngalo, Nga bona ba teka a xikeketselo xa makuwu, ba beka kona kunameketa hehla ka xidlayi, na yena i ta kalamuka.

- 22 Na Hezekia kambe i wa te ngalo,

Hi xihhi xiwoniso lezaku mina nzi wa ta kanziya nziya le ndlwini ya ka Jehova ke?

XIPIMO 39.

- 1 A ka lexo xikati Merodak-baladani a nisanyana wa Baladani, a hosi ya le Babuloni, i lo rumela a mapapilo, ni zinyikiwo ka Hezekia; hakuba yena i wa zi zwile lezaku yena i wa kari a babya, ni ku i kalamukile.

- 2 Na Hezekia i wa lo tsaka ha bona, i lo kombisa bona a yindlu ya zilo za yena za malongo, a siliva, ni nzalama, ni mipepo, ni mafura ya malongo, ni yonkle a yindlu ya maklari ya yena, ni zonkle lezo zi nga wa kumilwe lomo mabakweni ya yena: ni laho ku wa nga hi kona a xilo lomo ndlwini, ge ni ka wonkle a mufumo wa yena, lexo Hezekia a nga kala ku ba komba.

- 3 Zonake ku lota Isaya a muprofeti a ka hosi Hezekia, a te ngalo ka yena, Ba lo wula yini laba banhu? na ku hi kwihhi leyo ba tako ha kona a ka wena ke? Na Hezekia i wa te ngalo, Bona ba tile hi le tikweni ga le kule a ka mina, kona le Babuloni.

- 4 Zonake yena i te ngalo, Zini lezi ba zi wonileko lomo ndlwini ya wena ke? Na Hezekia i lo hlamura, Zonkle lezo zi nga lomu ndlwini ya mina bona ba zi wonile: laho a ku kona a ncumo lexo xi nga lomo mabakweni ya mina lexo nzi nga ba kombangiko.

- 5 Zonake ku wula Isaya a ka Hezekia, Zwana a mhaka ya ka Jehova wa mabandla:

- 6 Languta, a masiku ma tako, laha zonkle lezo zi nga lomo ndlwini ya wena, ni zonkle lezo badadani ba wena ba biringeteleleko lomo tindlwini ta ku beketelela kala legi siku, yena i ta zi rwala siya le Babuloni: a xilo ncumo xi ta sala, ku wula Jehova.

- 7 A ka barisanyana ba wena labo ba ta huma hi ka wena, labo wena u ta nga ba trala, ba ta teka bona: na bona ba taba mitenwa le zilubelweni za hosi ya le Babuloni.

- 8 Zonake ku wula Hezekia, a ka Isaya, Zinene a mhaka ya ka Jehova leyi wena u yi wulawulileko. Klatakumbiri yena i lo wula lezi, Hakuba laho ku taba kona kurula hi zinene masikwini ya mina.

XIPIMO 40.

- 1 Tangalisani *nwina*, tangalisani *nwina* banhu ba mina, ku wula a Nungungulu wa *nwina*.
- 2 Wulawulani *nwina* a tangaliselo a ka Jerusalema; ni mubita a ka yena, a hlomiselelo wa maklari ya yena wu mbetekile, ni lezaku a kugoha ka yena ku tsetselelwe, lezaku yena u amukelile hi ka Jehova a canja gi wuyetilweko ga zonkle zionho za yena.
- 3 A gezu ga munwe loye a bako hungu, Longisani *nwina* lomo xiwuleni a ndlela ya ka Jehova; kulute-lani a pama lomo xiwunzeni a gonzo ga Nungungulu wa hina.
- 4 Yonktelele minzelelo yi ta kukumu-kiswa, ni zonktelele a zitsunga ni miganga zi ta bohliwa; ni kugombinyeka ku ta lulametwa, ni wutsamo ga magomagoma gi ta ecetelwa.
- 5 Ni wukosi ga ka Jehova gi ta wonkeliswa, ni yonkle a nyama yi ta wona goma katingwe; hakuba a nomu wa ka Jehova wu wulileko kona.
- 6 A gezu ga munwe gi wulako, Bitana. Ni munwe i te ngalo, Nzi ta bitana yini xana? Yonkle a nyama yi byanyi, ni konkle a kusaseka ka yona ku kwatsi zitsangi za kwati.
- 7 A byanyi gi oma, ni zitsangi zi wuna, hakuba a mheho ya ka Jehova yi bubutsako hehla ka gona; hakuba a banhu i byanyi.
- 8 A byanyi ga wuna, ni zi tsangi zi kanyana; kanilezi a mhaka ya ka Nungungulu wa hina yi ta tsama kala kupinzuka.
- 9 O wena loye u wulako a zilo za zineue a ka Zion, noma wena lomo xitsungeni zo leha; O wena loye u byehako a mahungu yo saseka a ka Jerusalema, klakusa a gezu ga wena hi ntamo; klakusa gona, u nga cabi; wula a ka miti ya ka Juda, Languta, a Nungungulu wa *nwina*!
- 10 Languta, a Hosi Jehova i tata kwatsi munwe wa nheha, ni woko ga yena gi ta fumela yena: Languta, a ncacazelwa wa yena wu lomo wu zizwe na yena, ni potelelo wa yena mahlwani ka yena.
- 11 Yena i ta gisa a klambi wa yena kwatsi hi murisi, yena i ta wungetela a tivana mawokweni ya yena, i ta rwala tona lomo xifubeni xa yena, kwatsanyana, i ta hlalisa lezo za hahiko zi tsongwani.
- 12 Loye a ringanisileko a mati lomo pameni wa canja ga yena, a ecanisileko a tilo hi litiho la yena, a kanyeleko a tsuri wa misaba lomo lipinweni, a ecanisileko a zitsungalo ziringanisweni, ni miganga lomo lipinweni ke?
- 13 Hi mani a pimisileko a Moya wa Jehova, kutani a hileko yena a wusungukati a ku gonzisa yena ke?
- 14 Hi ka mani yena i tekile a wusungukati, na a hi mani i a mu gonzisile, yena a mu gonzisa lomo ndleleni ya nongametiso, ni ku gonzisa yena a tibisiselo, ni ku kombisa a ka yena a ndlela ya pimisileko ke?
- 15 Languta, a mifumo kwatsi i dona ga buketi, yi hlalwa kwatsi xiringaniso xi tsongwani xa tsuri: languta, yena a tekako a zihlale kwatsi xilwana xi tsongwani.
- 16 Ni Lebanon i a gi ringele a kuhiswa, ga hambu ni zihari za kona a ziencele a ku hisa a minyikelo ya kuhiswa.
- 17 Yonkle a mifumo a hi ncumo mahlwani ka yena; yona yi hlalwa ha yena kwatsi a hi ncumo, ni ku nga nyawuli.
- 18 A ka wihi *nwina* mu ta nga fananisa a Nungungulu? xifananiso *nwina* mu ta nga ecenyisa na yena ke?
- 19 A xifananiso, munhu wa nya mitiro a wumbileko xona, ni mufuli wa nzalama a namaketileko xona hi nzalama, a wumbileko xona hi tiketani ta siliva.
- 20 Yena loye a nga nzenga nguvu hakuba a munyikelo wa kungahi wu hlalwa a sinyalayo yi nga hiko na kubola; yena a hlalako a munhu wa nya mitiro yi klarileko a ku yimisa a mufananiso wu baklilweko, lowo wu ta nga kala wu nga hi na kutsekatekiswa.
- 21 *Nwina* a mu se ku zi tiba ke? *nwina* a mu se ku zi zwile ke? kona kasi a ku wa nga se ku byelwa ku sukela ku sanguleni ke? *nwina* a mu se kupima ku sukela kuseketelweni ka misaba ke?
- 22 Kona hi yena loye a tsamileko hehla ka ranzani ga misaba, ni bakileko ba kona kwa xikasani; loye a gwimbileko a tilo kwatsi i cacalato, a gwimbileko wona kwatsi i tenta ga ku tsama lomo;

- 23 Loye a nehako a tihosana a ku nga bi ncumo; loye a mahako a balamuli ba misaba a ku nga nyawuli.
- 24 Ina, bona ba wa nga se ku byaliwa; ina ba wa nga xwanyiwa; ina, ni lihlanga la'ye li wa nga se ku klab a mutsu lomo misabeni: klataku- mbiri yena wa bubutsa hehla ka zo- na, na zona zi wuna, ni bubutsa ga mheho gu susa zona kwa xibo.
- 25 A ka mani zouake nwina mu ta nga fananisa mina, loye mina nzi ta eca- na ka yena? ku wula a wa ku Loye wo Busa.
- 26 Klamusani a mahlo ya nwina le he- hla, ni ku wona loye a bangileko wena, loye nehako a humesa a ma- ndla ya'ye hi tsengo; yena a bitana- ko bona bonkle hi mabito; hi wuku- lu ga ntamo wa yena, na hakuba lezo ngwanuna le ntanweni, a nga kona muzwe a vumalako.
- 27 Hi yini u wulako wena, O Jakobe, u kanelako, O Israeli, A ndlela ya mina yi fihleleko a ka Jehova, ni nongametiso wu faneleko mina wu hunzile a ka Nungungulu wa mina ke?
- 28 Wena a ku se ku zi tiba ke? wena a ku se ku zizwa ke? Nungungulu wa wupinzukelwa, Jehova, a Muba- ngi wa kugumelwa ka misaba, a nga karaliko, ge hambu ni kurereka; la- ho a ku kona a kuhlotiwa ka pimi- selelo ka yena.
- 29 Yena a nyikako a ntamo ka barere- kileko; ni ka yena loye a nga haba a ntamo a ku enzelekelana ntamo.
- 30 Hambu a baswa ba ta karala ba re- reka, ni majaba ba ta kumbetisilwe- ko ba tawa.
- 31 Kanilezi bona labo ba rinzelako Je- hova ba ta hinzula a ntamo wa'ye, ba ta puruma hi tipapa kwatsi ma- gama; ba ta tsutsuma, ba nga ka- rali; ba ta famba, ba nga rereki.

XIPIMO 41.

- 1 Miyelisani a mahlweni ka mina, O zihlale, na nga banhu ba hinzula a ntamo wa'ye! nga bona ba tsinela ku suhani; zonake nga bona ba wu- lawula; nga hina hi tsinela katigi- nwe kulamuleni.
- 2 Himani a vuxile a muzwe hi le mu- tsu wukagumbo, loye yena a mu bi- tanile kululamisiseni le konzwani wa yena ke? yena a nyikileko a mifumo a mahlweni ka yena, ni ku maha a

- fumela hehla ka tihosi; a ku ba nyi- ka kwatsi i tsuru a ka supado ya yena, kwatsi i xibo hlongolweko a ka wura ga yena.
- 3 Yena a hlongola bona, a ku hunza bona hi kuponisilweko, kona a ka yona a ndlela leyo a nga fambangiko hi mikonzo ya yena.
- 4 Himani a tirileko a mahileko kona, na ku bitana a zizukulwana ku su- kela hi le kusanguleni ke? Mina, Jehova, a wa kuranga, zizwe kugu- mesa, nzi mina hi yena.
- 5 A zihlale zi wonile, zi cabile; a ku- gumelwa ka misaba ku rumumelako; kona ku tsinela kusuhani, ni kuta.
- 6 Bona ha vumetela bonklele a baake- lwane wa yena; ni bonklelele ba wula a ka makabye wa yena: Tiyi- sani hlanu.
- 7 Zingaho a mubakli a tiyiseta a mu- fuli wa nzalama, na yena loye a fu- lako hi kono yena loye a lamatako a xigalanyunzo, a wulako kuzariye- tweni, Kona zinene; na yena i belele ni tikoko, lezaku kona ku nga ta tse- katssekiswa.
- 8 Kanilezi wena Israeli, nanza ga mi- na, Jakobe loye mina nzi mu langile- ko, a mbewu ya Abraham a xaka ga mina,
- 9 Wena loye nzi kukomileko kusukela magumelweni ya misaba, ku bitana hi magumo ka gona, ni ku ngalo ka wena, Wena u nanza ga mina, nzi langileko wena a nzi hoxangi wena kule.
- 10 U nga cabi wena, hakuba mina nzi zizwe na wena; u nga be u cabysi- silweko, hakuba mina nzi mina Nu- ngungulu wa wena; nzi ta tiyiseta wena, ina, nzi ta vumetela wena; ina, nzi ta kamukela wena hi canja ga xinene ku lulamisisa ka mina.
- 11 Languta, bonkle labo vindlukileko ba vukela wena ba ta koyama tinga- na ni kuhakaseka: bona labo ba ho- lobako na wena ba nga ta kuba neu- mo, na ba ta mbemba.
- 12 Na wena u ta hlota bona, u nga ta kuma bona, bona labo ba pikisanako na wena: bona labo ba lwako zizwe na wena ba nga ta ku kwatsi i neu- mo, kwatsi hi xilo xa mahala.
- 13 Hakuba mina, Jehova a Nungungu- lu wa wena, nzi ta koma a cairja ga wena ga xinene, nziku ka wena, u nga cabi; nzi ta vumetela wena.
- 14 U nga cabi, wena pungwani Jakobe,

- na *nwina* banhu ba ka Israeli; nzi ta vunetela wena, ku wula Jehova, ni Muklaklisi wa wena hi Loye wo Basa wa ka Israeli.
- 15 Languta, nzi mahile wena a kuba xilo xiwa xa kariha xa lisumba lo hula ha lona li na nga ni meno; wena u la hula a zitsunga, u klomba zona wutsongwani, ni ku maha a miganga kwatsi i mungu.
- 16 Yena ta ceceta bona, ni moya wu ta ku kula bona kule, ni xihuhuri xi ta hangalasa bona; wena u ta tsaka a ka Jehova, na wena u ta dumisa a ka Loye wa ku Basa wa ka Israeli.
- 17 A zisiwana ni bavumali ba hlota a mati, ni laho a ma kona, a lirimi la-bye li kayeka hi tora; mina, Jehova, nzi ta hlamula bona, mina, Nungungulu wa ka Israeli, nzi nga ta tsika bona.
- 18 Nzi ta vulula a micongo lomo wutsanweni ga xikwakwa gi klakukileko, ni tihlowo lomo xikari ka minzelele; nzi ta maha a xiwula a tiba ga mati, misaba yi omileko a zibuka za mati.
- 19 Nzi ta beka le xiwuleni a sedare, akakia, ni murtele, ni kuhlu; nzi ta yimisa le xiwuleni a sinye ya kuwu, a payini ni sinye ya mabalelo katiginwe.
- 20 Kasi bona ba fela ku wona ni ku tiba, ni ku pima, ni ku hlohlosa katiginwe, lezaku a canja ga ka Jehova gi mahile lexi, ni Loye wa ku Basa wa ka Israeli i bangile kona.
- 21 Klaklambutelani a mahungu ya *nwina*, ku wula Jehova; nehani a timhaka ta *nwina* ta ntamo, ku wula a Hosi ya ka Jakobe.
- 22 Nga bona ba neha bona, ni ku klaklambuta a ka hina lezo zi nga humela: klaklambetani *nwina* a zilo za kale, lezaku zi yini, kasi ha fela a ku kupima zona, hi tiba a magumo ya magumelelwa ya zona; kutani ku kombisa a zilo zi tako.
- 23 Klaklambutelani a zilo lezo zi ta ngata anzako ka lezi, kasi ha fela a ku zi tiba lezaku *nwina* mu ba Nungungulu: ina, mahani kusasa, kutani mahani kubiha, kasi *nwina* ma fela ku mbeteka a ntamo, ni kulanguta kona katiginwe.
- 24 Languta, *nwina* a mu ba ncumo, ni tiro wa *nwina* a wunyawuli; a manyalataniso i hi yena loye a hlawu-
ieko *nwina*.
- 25 Nzi vuxile a munwe hi le *nwalungu*, na yena i tile; hi le kutsuwukeni ka gambo a munwe i ta bitana a bitweni ga mina: i tata hehla ka bafumeli kwatsi i hehla ka marope, na kwatsi hi muwumbi a kanyangako a wumba.
- 26 Himani a klaklambuteleko ku sukela kusanguleni, kasi hina ha fela a ku zi tiba ke? na hi mahlweni ka xikati, kasi ha fela ku wula, Yena i hi watsi ke? ina, laho a nga kona loye a klaklambuteleko, ina, laho a nga kona loye a kombisako, ina, laho a nga kona loye azwako a timhaka ta wena.
- 27 Mina nzi wa kuranga loye a wulako a ka Zioni, Languta, languta bona; nzi ta nyika a ka Jerusalema a munwe loye a nehako a timhaka ti saseka.
- 28 Ni laha nzi cuwuka, laho a ku kona a munhu; hambu kona xikari ka bona laho a ku kona a sungukati, lego, laha na nzi wutisa ha bona, a kotako a kuhlumula a mhaka.
- 29 Languta, bonkle ba bona, a mitiro yabye, yi hi mahala a yi nyawuli; a zifananiso zabye zi nyekisilweko zi hi mhebo ni vilinganya.

XIPIMO 42.

- 1 Languta, a nanza ga mina, lego nzi gi komileko; a hlawulilweko wa mina, a ka wihi a muhefemulo wa mina wu xalalalisilweko: nzi bekile a Moya wa mina hehla ka yena; yena i ta neha a nongametiso wa mina a ka ba Matiko.
- 2 Yena a nga ta kanyuluka, ge ni ku-klakusa a gezu ga yena, ge hambu a ku maha gona gi zwiwa lomo pangweni.
- 3 A lihlanga li fufekileko yena a nga ta li tsoba, ni ngoti ya kandiya yi fufunhako a nga ta yi tima: na yena i ta neha a nometiso ni ka zinene.
- 4 Yena a nga ta tsanzeka ge hambu kukinuka hlana, kala a yimisile a nongametiso laha misabeni; ni sihlale zi ta rinzela a nayo wa yena.
- 5 Zakungahi a wulako Nungungulu Jehova, yena loye a bangileko a matilo, a nabalatileko wona; loye a ndleleko yi klaklasa a misaba ni lezo zo zonkle zi humako a ka yona; loye a nyikako a muhefemulo wa banhu hehla ka yona, a moya a ka bona labo ba fambako hehla ka yona:

- 6 Mina, Jehova, nzi bitanile wena hi kululamisisa, nzi ta koma a canja ga wena, nzi ta hlaysia wena, na nzi ta nyikela wena a hi xivumelwano xa banhu hi a kuwonekela ka ba Matiko;
- 7 A kuvula a mahlo ya xikumu, a ku humesa a tiperesu lomo xikayileni, na bona labo ba tsamileko munyameneni ba huma lomo ndlwini ya paxo.
- 8 Mina nzi Jehova, lego ku hi a bito ga mina; ni wukosi ga mina nzi nga ta gi nyika a ka munwani, ge hambu a kudumiswa ka mina a ka sifananiso zi baklilweko.
- 9 Languta, a zilo za kale zi taku ta hunza, ni zilo ziswa nza klaklambutela; na zi nga ku buka zi huma nza mu byela ha zona.
- 10 Yimbelelani a ka Jehova a lisimu liswa, ni kudumisa ka ku sukela kugumelweni ka misaba; nwina labo mu relelako mabimbini, ni zonkle lezo zi nga lomo nzeni ka gona, a zihlale, ni baakileko ba kona.
- 11 Nga a zitsunga ni miti ya kona yi klakusa a gezu ga yona, a miti leyo Kedare a akileko kona, nga a baakileko ba le Sela ba yimbelela, nga bona ba kanyula hi le hehla ka zitsunga.
- 12 Nga bona ba nyika a wukosi a ka Jehova, ni ku klaklambutela a wukosi ga yena lomo zihlalani.
- 13 Jehova i ta huma kwatsi hi munhu wa nhenha; yena i ta vindlula a pangamiselo ya yena kwatsi munhu wa impi: yena i ta bitana, ina, i ta bita nguvu; yena i ta maha a wunhenha a vukela a balala ba yena.
- 14 Hi xikati xo leha nzi wa rutisile nzi miyela; nzi wa rutisile, nzi tsi mbetile a wutsumbu ga mina; makunu nzi taba huwa kwatsi hi a wasati a lunwako; nzi ta ahlamula ni kuradlama katiginwe.
- 15 Nzi ta bangalasa a zitsunga ni miganaga, nzi ta omisa wonkle a kubanyani wa zona; nzi ta maha a micongo a zihlale, nzi ta omisa a matiba.
- 16 Nzi ta neha a xikumu hi ndlela leyo bona ba nga yi tibiko; a ka ndlela leyi bona ba nga yi tibiko nzi ta rangela bona; nzi ta maha a munyama wu woninga a mahlweni ka bona, a wutsamo gi byekeleko a ku lulama. Lezi zilo nzi ta zi maha, na cima nzi nga ta tsika zona.
- 17 Bona ba ta klelelwa nzako, bona hi ku hunzeletilweko ba wiswa tingana, labo ba tsumba zifananisweni zi baklilweko, labo ba wulako a ka zifananiso zi nyekisilweko, Nwina mu ba Nungungulu ba hina.
- 18 Zwanani, nwina ziwiri; cuwukani, nwina zikumu, kasi ma fela ku wona.
- 19 Hi mani loye a xikumu, kanilezi a nanza ga mina ke? kutani xiwiri, kwatsi hi tsumi wa mina lowo nzi wu rumileko, hi mani wu nga xikumu kwatsi hi loye a nga ni kurula zinwe na mina, a xikumu kwatsi i nanza ga ka Jehova ke?
- 20 Wena u wona a zilo za yingi, kanilezi wena a ku zi hlohlosi; a tindlebe ta yena ti vululekile, kanilezi yena a ngazwi.
- 21 Kona ku xalalisile Jehova, hi kota ya kululamisisa, a ku kulisa a nayo, ni ku maha kona kudzunzeka.
- 22 Kanilezi laba hi banhu ba pangilweko ba hangalasilweko; na bonkle ba bona ba hojomele marinzini, bona ba fihlilwe lomo ndlwini ya paxo: bona ba hi ba pfimba, a nga kona a ku klaklisako; akuba mupango, a nga kona a wulako, Klelisa.
- 23 Hi mani loye xikari ka nwina a ta nga nyika a ndlebe ka lezi ke? leza-ku yena i ta ingisa ni kuzwa hi xikatini xi tako ke?
- 24 Loye a nyikileko Jakobe akuba mupango, na Israeli a ka bapangi ke? a hi yena Jehova ke? yena a nga wihi hi onhileko, ni ka ndlela ya wihi bona ba nga ta famba; ge hambu bona ba nga ta ingisa a ka nayo wa yena.
- 25 Hikwalaho yena i lo cululile hehla ka yena a tsisiselelo wa zanga ya yena, ni ntamo wa impi; yona yi lumekela yena nzilweni, kasike yena a nga tibi; wona wu hisa yena, kasike yena a nga ku bekangi mbi-
lwini.

XIIMO 43.

- 1 Kanilezi makunu zakungahi Jehova a wulako loye a ku bangileko, O Jakobe, Na yena loye a mahileko wena, O Israeli: U nga cabi, haku-
ba nzi klaklisile wena; nzi bitanile wena hi bito ga wena, wena u wa mina.
- 2 Laha wena u hunzako u tsemakanya a mamati, nzi taba zinwe na wena;

- na hi le micongweni, yona yi nga ku kala wena; laha u fambako u tsemakanya a nzilo, u nga ta kuwa, hambu ni pingo gi nga dzibelwa hehla ka wena.
- 3 Hakuba nzi mina Jehova a Nungungulu wa wena, Loye wa ku Basa wa ka Israeli, a Muhanyisi wa wena; nzi nyikile a Gipite kota a nzhiho wa wena, Etiopia na Sebe a xikundleni xa wena.
- 4 Cima wena u nga nga kuba malongo ku woneni ka mina, ni ku dzunzeka, nzi ranzile wena; hikwalaho nzi ta nyika a banhu a xikundleni xa wena, a banhu a xikundleni xa wuto-mi ga wena.
- 5 U nga cabi; hakuba nzi ziawe na wena: nzi ta neha ambewu ya wena hi le mutsuwukagambo, ni ku tsombanyisela wena hi muhlwagambo;
- 6 Nzi ta wula a ka nwalungi, Nyika; ni ka dzonga, Kkelisa le nzako; neha a barisanyana ba mina hi le kule, ni banhanyana wa mina hi le kugumelweni ka misaba;
- 7 Bonklelele labo ba bitanilweko hi bito ga mina, labo nzi ba bangileko a wukosi ga mina, labo nzi ba bangileko, ina, labo nzi mahileko.
- 8 Nehani a banhu ba zikumu labo ba na nga ni mahlo, ni ziwiri lezi zi na nga ni tindlebe.
- 9 Nga yonke a mifumo yi tsombana katigawe, ba banhu ba hi ba tsombanyisilweko: hi mani xikari ka bye a kotako a ku-kakambutela lexi, a ku kombisa hina a zilo za kale ke? nga bona ba neha a bakustumunyu ba/ye, kasi bona ba fela akuba ba basisilweko; kutani nga bi bazwa, ni ku wula, Kona zinene.
- 10 Awina mu ba kustumunyu ba mina, ku wula Jehova, ni malanza ya mina haya nzi ma bangileko; kasi awina ma fela a ku tiba ni ku kolwa mina, ni kupima lezaku nzi mina hi yena: hi mahlwani ka mina laho ku wa nga hi kona a Nungungulu a bangilweko, ge a nga ta kuba kona hi nzako ka mina.
- 11 Mina, na mina, nzi Jehova; na hi lahanle ka mina laho a ku kona a muhanyisi.
- 12 Nzi kakambutile, nzi hanyisile, nzi kombile; ni laho a ku na nungungulu a haba xikari ka awina: hikwalaho awina mu bakustumunyu ba mina, ku wula Jehova, mina nzi hi yena a Nungungulu.
- 13 Ina, cima a siku ga nga kuba kona mina nza yena; laho a nga loye a kakelisako le canjeni ga mina; nzi ta tira, hi mani a nga tindekisako kona ke?
- 14 Zakungahi a wula Jehova, a Mukaklisi wa awina, a Loye wa ku Basa wa ka Israeli: hi kota ya awina nzi rumele le Babuloni, nzi ta relelisa bonkle ba kwatsi a tihloko, wona a ma Kaldea, a matarwini ya kutsaka ka bona.
- 15 Nzi mina Jehova, a Basa Loye wa awina, a Mubangi wa ka Israeli, a nga Hosi ya awina.
- 16 Zakungahi a wulako Jehova, loye a mahako a tindlela lomo bimbini, ni tisoko lomo manatini ya ntamo.
- 17 Loye a nehako a kareta ni haxi, a hlomisako a wanuna wa nhenha (bona ba eklela lahasi katigawe, bona ba nga ta vuka; bona ba sikile, ba timkile kwatsi i ngoti ya kandiya):
- 18 Mu nga alakanyi awina a zilo za kaleloko, ge hambu ni kupima hi zilo za cimakalaho.
- 19 Languta, nzi ta maha a xilo xiswa; makunu xona xi ta buka; awina mu nga ta tiba kona ke? nzi ta maha a ntlele le xiwuleni, ni micongo lomo wuronga.
- 20 A zibanza za kwatsi zi ta dzunza mina, a mahlolwa ni timbuwu; hakuba nzi nyikileko a mati le xiwuleni, ni micongo lomo xiwunzeni, a ku nyika kunwa a ka banhu, a ba mina ba bangilweko,
- 21 A banhu labo nzi ti bangeleko a wutsumbu ga mina, kasi ba fela a ku-zwakalisa a kudzinza ka mina.
- 22 Kasike wena a ku bitanangi a ka mina, O Jakobe; kanilezi wena u rekile ha mina, O Israeli.
- 23 Wena u nga ta neha a ka mina a tiyivu ta wena ta minyikelo ya kuhiswa; ge wena u nga tadzunza mina ziawe hi mipahlelo ya wena. A nzi binzisangi wena hi minyikelo, a nzi rerekisangi wena hi mipopo.
- 24 Wena a ku nzi xabelangi a timba a mali, ge wena a ku nzi xurisingi hi mafura ya mipahlelo ya wena; kanilezi wena u binzisile mina hi zionho za wena, wena u rerekisile hi zigohekisiso za wena.
- 25 Mina, mina yena, nzi mina yena a hlangukako a zihambunyetiso za we-

- na hi kota ya mina zwinyi; na mina nzi nga ta alakanya a zionho zu wena.
- 26 Bekani mina alakanyiselelweni; nga hi koxa katiginwe: yisa a mhaka ya wena, kasi wa fela a kuba wena u be u basisilweko.
- 27 A dadani wa wena wa kuranga i onhile, ni bagonzisi ba wena ba ambunyetile ba vukela mina.
- 28 Hikwalaho nzi ta hanahanisa a tihosana ta yindlu ya wena ya kubasa: nzi ta maha Jakobe a nzhukano, ni Israeli a hlamba.

XIPIMO 44.

- 1 Kasike zwana, O Jakobe nanza ga mina, na Israeli, loye nzi muhlawulileko:
- 2 Zakungahi a wulako Jehova loye a mahileko wena, a bangileko wena hi lomo rumbyini, loye a ta nga vuna wena: U nga cabi, O Jakobe nanza ga mina; na wena, O Jexuruni, lego mina nzi gi langileko.
- 3 Hakuba nzi ta cela a mati hehla ka loye a zwako tora, ni micongo hehla ka liranza bya li omileko; nzi ta culula a Moya wa mina hehla ka mbe-wu ya wena, ni zikatekiso za mina hehla ka tralo wa wena:
- 4 Bona ba ta buka xikari ka byanyi, kwatsi hu kuxe le wukulungelweni ga mati.
- 5 A muzwe i ta wula, Nzi hi wa Jehova; ni muzwani i ta bitana a wutsumbu ga yena hi bito ga Jakobe; ni muzwani i ta tsala hi canja a ka Jehova, a bito ga wutsumbu ga yena gi maha mabizweni wa Israeli.
- 6 Zakungahi a wulako Jehova, a Hosi ya ka Israeli, ni Muklaklisi wa yena, Jehova wa mabandla: mina nzi wa ku ranga, nzi wa ku gumesa; hi lahanle ka mina a ku kona a Nungungulu.
- 7 Na a hi mani, wo fanana na mina, a ta nga mu bitana, nzi ta nga klaklambutela kona, ni ku yimisela kona a lixaxa la mina, cina nzi nga maha a banhu ba kaleloko ke? ni zilo lezo zi tako, ni zilo zi ta nga maheka, nga zona zi klaklambutela.
- 8 Mu nga cabi zwina, ge ni ku tsema-ka hlana: a nzi klaklambutelangi ka wena hi ba kaleloko, ni ku kombisa kona ke? zwina mu ba bakustumunyu ba mina. Kasi laho i kona a Nungungulu hi lahanle ka mina ke?

- ina, laho a ku kona a Ribye; a nzi tibi na ginwe.
- 9 Bona labo ba bombisako a mifan-niso yi baklilweko bonkle ba bona a ba nyawuli; ni zilo lezi ba tsakako ha zona zi nga ta ba vunetela; a bakustumunyu ba bona benyi a ba w-ni, ge a ba tibi: kasi bona ba fela ku komiswa tingana.
- 10 Hi mani a bombisileko a nungungulu, kutani xifananiso xi nyekisilweko lexo xi nga vuniko ncumo ke?
- 11 Languta, bonkle a banakulobye ba yena ba ta wiswa a tingana; ni bati-ra, bona ba hi ba banhu: nga bona bonkle ba tsombanyiswa katiginwe, nga bona ba yima; ba ta caba, ba ta wiswa tingana katiginwe.
- 12 A nyunzo yi maha a xihloka, ni ku tira lomo makaleni, ni ku kanya-nga xona hi mikono, ni ku tira xona hi woko gakwe ga ntamo: ina, i na ni ndlala, ni ntamo wa yena wa tsanzeka; yena a nganwi na mati, i rerekile.
- 13 A mubacli wa tsambuluta a lingoti; a tsarambuta lona hi xitsalo; a kulutela lona hi misenzo, a tsarambutako kona hi mitsarambuto, ni ku kehlela xona hi dzumba ga munhu, ku kotisa hi wumburi ga munhu, a ku aka lomo ndlwini.
- 14 Yena a tsemako a tisedare, a tekako a sinye ya holmu ni oake ni ku tiyiseta a wutsumbu ga yena a muzwe xikari ka tisinya ta kwati: a byalako a tisinya ta tira, ni vula yi zwanzw-sela tona.
- 15 Zonake tona ti taba ta banhu a ku hisa; na yena a teka ya tona; a ku fumeta a wutsumbu ga yena; ina, yena a dzibela tona, a katinga a zibaba: ina, yena a maha a nungungulu, a kozela yena; yena a mahako kona a mufananiso wu baklilweko, ni kuwa lahasi ka wona.
- 16 A hisako a klelo ga kona hi nzilo; hi klelo ga kona nga nyama; a wocako ya kuwoca, i xurisilwe; ina, a kufumeta a wutsumbu ga yena, na aku, Ha, nzi ku fumele, nzi wonile a nzilo.
- 17 Ni misalela ya kona yena a maha a nungungulu, xona a xifananiso xi baklilweko; yena awa lahasi a ka xona ni kukozela xona, ni ku kombela a ka xona, aku, Klaklisa mina; hakuba wena u nga nungungulu wa mina.

- 18 Bona a ba tibi, ge hambu a ba pimi: hakuba yena i valile a mahlo yabye, kasi ba fela ku kala ba nga woni: ni timbilu tabye, lezaku a ba nga pimi.
- 19 A nga kona a alakanyako, ge laho a ku kona a tibisiselo ge ni pimisiselele wa ku wula, Nzi hisile a kelelo xa xona lomo nzilweni; ina, nzi katingile a zibaba hi makala ya kona; nzi ocile a nyama nzi gile yona: nzi ta maha a misalela ya kona a manyalataniso ke? nzi tawa lahasi xibiyeni xa sinya ke?
- 20 A gelako kumeni; a mbilu yi kohlisako yi hambukisile yena kelelweni; na yena a zi koti ku klatlisa a muhefemulo wa yena, ge ni ku wula, Laho a ku na mawunwa hi canjeni ga mina ga xinene ke?
- 21 Alakanya lezi zilo, O Jakobe, na Israeli; hakuba wena u nanza ga mina: mina nzi mahile wena; wena u nanza ga mina: O Israeli, wena u nga ta kuba u rubakelweko ha mina.
- 22 Nzi fubisile, kwatsi hi refu gi pumisileko, ni zihambunyetisiso za wena, na, zi ku kwatsi i refu, a zionho za wena: kelela a ka mina; hakuba nzi klatlisile wena.
- 23 Yimbelelani, O nwina matilo, hakuba Jehova a mahile kona; cwangulani nwina, maklelo ya lahasi ya misaba; pandlukani hi ku yimbelela, nwina zitsunga, O makwati, ni tonkelelele a tisiya: hakuba Jehova a klatlisileko Jakobe, na a ta dumisa yena lomo ka Israeli.
- 24 Zakungahi a wulako Jehova, a Muklatlisi wa wena, loye a wumbileko wena hi lomo runbyini: mina nzi Jehova, loye a mahako a zilo zonke; loye a gwimbileko a matilo yece; loye a nabalutileko a misaba (loye a nga ziwwe na mina?);
- 25 Loye a tsopetisako a ziwoniso za ba mawunwa, ni ku maha a zitumbe a kuhunguka; loye a hunzulusako a banhu ba kutiba ha xinzakwana, ni ku maha a kutiba kabye a wupumbu;
- 26 Loye a tiyisako a mahaka ya nanza ga yena, ni ku mbelelisa a wusungukati ka mitsukano ya yena; lego gi wulwako ha Jerusalema, Gona gi taba gi akilweko: ni gi hi ga ka miti ya ka Juda, Bona ba ta ba akileko, na mina nzi vuxa a wutsamo gi hlukileko ga kona;
- 27 Loye a wulako a ka kueta, Nga u oma, na uzi ta omisa a micongo ya wena;
- 28 Loye a wulako hi Kurusi, Yena hi murisi wa mina, i ta mbelelisa konkle a kuxalala ka mina, kona ku wulwako ha Jerusalema, Gona gi ta engeta gi akilwa; ni ka tempele, A xiseketelo xa wena, xi ta bekiwa.

XIPIMO 45.

- 1 Zakungahi a wulako Jehova a ka a totilweko wa yena, a ka Kurusi loye a canja ga yena ga xinene nzi gi komileko, a ku kozisa a mifumo mahlweni ka yena, na nzi ta klatla a ziwunu za tihosi; a ku vulula a tibati mahlweni ka yena, ni tinyangwa a ti nga ta valwa:
- 2 Nzi ta famba mahlweni ka wena, ni ku maha a wutsamo ga magombo a kululama; nzi ta tsoba zipanzana za tibati ta zikwinyaro, ni kupulakanyisa a zikwinyaro za ziketse;
- 3 Nzi ta nyika a mabako ya munyama, ni ku tumbeka a mafumelo ya wutsamo gi fihleleko, kasi wena wa fela ku zi tiba lezaku kona nzi mina, Jehova, loye a bitanileko wena hi bito ga wena, yena a Nungungulu wa ka Israeli.
- 4 Hakuba hi kota ya Jakobe a nanza ga mina, na Israeli a langilweko wa mina, nzi bitanile wena hi bito ga wena: nzi culile mabizweni wena, hambu lezo wa nga tibingi mina.
- 5 Mina nzi Jehova, ni a nga kona munzwani; hi lahandle ka mina a nga kona a Nungungulu. Nzi ta gobiisa wena, hambulezo wena u nga tibiko mina;
- 6 Lasi bona ba nga tiba kusukela kutsuwukeni ka gambo, ku sukela hi le muhlwa gambo, lezaku laho a nga kona hi le handle ka mina; mina nzi Jehova, ni laho a ku kona munzwani.
- 7 Nza banga a kuwonekela, nza banga ni munyama; nza maha kurula, nza banga a kubiha; nzi mina Jehova, loye a mahileko zonke lezi zilo.
- 8 Nengani, nwina matilo, hi leyo hehla, nga a matilo ma halata lahasi a kululamisa: nga a misaba yi vululeka, kasi yi fela a ku neha a hanyiselclo, na nga yona yi maha a kululamisa ku huma katigizwe; mina, Jehova, nzi bangile kona.
- 9 Kombo a ka yena loye a pikisana-

- ko ni Mumahi wa yena! a xirengele xikari ka xirengele za misaba! Kasi a wumba gi ta wula a ka loye a wumbileko gona, Zini u mahako wena ke? kutani wena wa tira, Yena a nga na mandla ke?
- 10 Kombo a ka yena loye a wulako a ka dadani, Xini u mahileko wena? kutani a ka wasati, Zi hi zini u lulwako wena ke?
- 11 Zakungahi a wulako Jehova, a Loye wa ku Basa wa ka Israeli, a Mumahi wa yena: Wutisani mina hi zilo lezo zi tako; hi xungetano ni barisanyana ba mina, ni xungetano ni mitiro ya mandla ya mina, leletelani mina nwina.
- 12 Nzi mahile a misaba, ni ku bangile a munhu behla ka yona: mina, wona a mandla ya mina, hi wona ma nawulutileko a matilo; ni wonkle mabandla ya kona nzi ma leletele.
- 13 Nzi vuxile yena hi kululamisisa, na nzi ta maha ti lulama tonkle a tindlela ta yena: yena i ta aka a muti wa mina, i ta maha a ziwunza za mina a ku klakleka, a hi ka tsengo a hi ka ncacalezo, ku wula Jehova wa mabandla.
- 14 Zakungahi a wulako Jehova, A kupangama ka le Gipite, ni zinjanjani za le Etiopia, ni za le Sabea, a banhu ba dzumba, ba tata ka wena, bona ba ta ba wena: bona ba ta lanzela wena; hi mangelje bona ba ta klatuka bata; na bona ba tawa labasi ka wena, ba ta maha a mikongeleliso a ka wena, baku, Hakunene Nungungulu i xakari ka wena; ni laho a nga kona a munwani, laho a nga kona Nungungulu.
- 15 Hizinene wena hi wena Nungungulu loye u fihlako a wutsumbu ga wena, O Nungungulu wa ka Israeli, a Muhanyisi.
- 16 Bona ba ta wiswa a tingana, ina, ni kuhakaseka, bonkle ba bona; ba taya vilinganyeni katiginwe labo ba nga bamahi ba zifananiso.
- 17 Kanilezi Israeli i ta hanyiswa hi Jehova hi hanyiselelo yi pinzukulisisilweko: nwina mu nga ta wiswa tingana ge hambu ku kanganyiseka a tiko gi nga ha gumelwi.
- 18 Hakuba zakungahi a wulako Jehova loye a mahileko a matilo, a Nungungulu loye mahileko a misaba i mahile kona, loye a yimisileko kona i mahile kona akuba ku nga hlakali, loye a mahileko kona akuba ku akiwa: hi mina Jehova; ni laho a nga kona a munwani.
- 19 A nzi se ku wulawula ku fihlalani, a wutsanweni ga tiko ga munyama; a nzi wulangi a ka mbewu ya Jakobe, Hlotani mina nwina mahala: mina, Jehova, nzi wulawula a kululamisisa, nzi klaklambuta a zilo lezo zi nga zinene.
- 20 Tsombanani a wutsumbu ga nwi-na ni kuta; tsinelani kusuhani katiginwe, nwina labo mu ponileko ba matiko: bona a ba na kutiba labo barwalako a tikunyu ta zifananiso zabye ba baklako, ku kombela a ka Nungungulu loye a nga kota kuhanyisa.
- 21 Klaklambutelani nwina, neha ni kusuhani; ina, nga bona ba teka a wusungukati katiginwe: himani a kombisileko lexi cima ka kaleloko ke? himani ba klaklambuteleko kusukela a kaleloko ke? a hi mina, Jehova ke? a ku kona a Nungungulu hi lahandle ka mina, a Nungungulu wa nongameti, ni Muhanyisi; laho a nga kona handle ka mina.
- 22 Cuwukani a ka mina, na mube mu hanyiswa, konkle a kugumelwa ka misaba; hakuba nzi mina Nungungulu, a ku kona a munwani.
- 23 Hi wutsumbu ga mina nzi hlambanyile, a mhaka yi fambile le nonwini wa mina hi kululamisisa, na yi nga ta klela, lezaku a ka mina madzolo wonkle ma ta korama, tonklelele a tirimi ti ta hlamula.
- 24 Kona a ka Jehova ntsena, kona ku wulilwe ha mina, u hi kululamisisa ni ntamo; kona a ka yena a banhu ba tata; ni bonkle labo ba nga wa klangamela ba vukela yena ba ta koyama tingana.
- 25 A ka Jehova a mbewu yonkle ya ka Israeli yi ta basiswa, yi ta dumisa.

XIPIMO 46.

- 1 Beli i korama lahasi, Nebo i obe-ka; ni zifananiso za yena zi le hehla ka zihari, ni le hehla ka tihomu: a zilo lezo mu nga wa zi rwele zi mahile a nzwalo, a nzwalo a ka xihari yi re-rekileko.
- 2 Bona ba lo korama, bona ba lo korama lahasi katiginwe; bona ba wa nga zi koti a kuklaklisa a nzwalo, kanilezi a wutsumbu gabye ba yile kukonweni.

- 3 Ingisani a ka mina, O yindlu ya Jakobe, na *nwina nwenk'le* misulela ya yindlu ya ka Israeli labo mu *tralilweko* ha mina ku sukela ku *tralilweko* ni ku *yab'ye*, labo ba nga wa *rwelwe* ku sukela le *marimb'ini yab'ye*;
- 4 Hambu a tangeni ya kale mina nzi mina yena, hambu a ka misisi ya wuvu nzi ta *rwala wena* : mina nzi mahile, nzi ta *rwala*, ina, nzi ta *rwala*, nzi ta *klaklisa*.
- 5 A ka mani *nwina* mu ta nga *fana-nisa* mina, ni ku maha *kuecena*, ni ku *ringanisa* mina, lezaku kasi ha fela ku *fanana ke?*
- 6 Labo ba kubulako a *nzalama lomo* mikwameni, ba pima a *siliva lomo* xiringanisweni, bona ba rihela a mufuli wa *nzalama*, yena a maha kona a *nungungulu* ; bona bawa lahasi, ina, ba *kozela*.
- 7 Bona ba *rwala xona* hehla ka *makakela*, bona ba *rwala xona*, ni ku ya xi *tsamisa wutsawweni*, na *xona xi lo yima* ; le *wutsawweni* ga *xona xi* nga ta *tsekatseka* : ina, a *muwe* a nga *bitana* a ka *xona*, kasike *xona* a xi zi *koti* a ku *hlamula*, ge hambu ni ku *hanyisa yena* *kukarateni* ka yena.
- 8 Alakanya *lexi*, ni ku *kombisa* a *wutsumbu* ga *nwina* a ku mu *banhu* ; neha ni kona kambe ku *alakanyeni*, O *nwina* bahambunyeti.
- 9 Alakanyakani zilo zo za *ranga* ka *kaleloko* : hakuba nzi mina *Nungungulu*, ni a nga kona a *muwani* ; mina nzi *Nungungulu*, ni laho a nga kona a wa ku *fanana* na mina.
- 10 *Klaklambulwela* a *kugumelwa* ku sukela *kusanguleni*, *kusukela* hi *xikati* xa *kaleloko* a *zilo lezo* zi *kalalo* zi nga se ku *mahaka* ; aku, A *xikungo* xa *mina xi* ta *yima*, nzi ta maha *kone* le a *kuranza* ka *mina* ;
- 11 A *kubitana* a *xinyanyani* xi *pamisi-sako* hi le *mutsuwukaganbo*, a *munhu* wa *xikungo* xa *mina* hi le *tikweni* ga le *kule* ; ina, nzi *wulile*, kambe nzi ta maha kona ku *maheka* ; nzi *xubile*, nzi ta maha kona.
- 12 Ingisani ka *mina*, *nwina* ba *timbilu* ta *wunhenha*, labo mu nga le *kule* ni *kululamisa* :
- 13 Nza neha *kusubani* a *kululamisa* ka *mina*, nzi nga ta *kuba kule*, ni *kuhan-yisisa* ka *mina* ku nga ta *tindeka* ; nzi ta beka a *kuhan-yisisa* le *Zioni* hi *kota* ya *Israeli* a *wukosi* ga *mina*.

XIPIMO 47.

- 1 Relela uta, ni ku *tsama laha* *tsurini*, O *mubulwa* a *nhwana* wa le *Babuloni* ; *tsama laha* *liranza byeni* ku nga hi na *xitsamo*, O *nhanyana* wa ma *Kaldea* : *hakuba wena* u nga ta ha *bitanwa kambe* a u *watsi* ni *kusaseka*.
- 2 Teka a *ribye* ya *kugaya*, ni ku *gaya* a *tinzhoho* ; u *susa* a *veile* ya *wena*, ni ku *kupula* a *miri* wa *wena*, u *funungula* a *nenge*, a ku u *tsemakanya* a *micongo*.
- 3 A *wumbyiri* ga *wena* gi *taba* gi *funungulwa*, ina, a *tingana* ta *wena* ti ta *woniwa* : nzi ta *teka* a *potelelo*, nzi nga ta *nyenyetela* ni *munhu*.
- 4 A *Muklaklisi* wa *hina*, *Jehova* wa *mabandla* hi *bito* ga *yena*, *Loye* wo *Basa* wa ka *Israeli*.
- 5 *Tsama wena* u *miyela*, *yana wena* le *munyamani*, O *nhanyana* wa ma *Kaldea* ; *hakuba wena* u nga ta ha *bitanwa kambe* lezaku u *Muzinza* wa *mifumo*.
- 6 Nzi wa *zangarila* hi *banhu* ba *mina*, nzi lo *hanahanisa* a *tsomba* ya *mina*, nzi lo *nyika* a *canjeni* ga *wena* : *wena* a ku *kombangi* a *tifralo* ; ni ka *zikosana* *wena* hi *kubinzilweko* u *klateka* a *joka* ga *wena*.
- 7 *Wena* u *wulileko*, Nzi ta *kuba* a *muzinza* *kala kupinzuka* ; *zinguho* *wena* a ku *bekangi lezi zilo* a *mbilwini* ya *wena*, ge u wa nga *alakanyangi* a *magumeso* ya *magumelelwa* ya *kona*.
- 8 *Makunu hikwalaho zwana* *lexi*, *loye* u *tsamako* hi ku *kutondomisi-lweko*, *loye* a *tsamako kwatsi*, *loye* u *wulako* a *mbilwini* ya *wena*, *Mina* nzi *kona*, *laho* a ku *kona* a *muwani* hi le *handle* ka *mina* ; nzi nga ta *tsama kwatsi* nzi *noni*, ge nzi nga ta *tiba* a ku *lahleka* ka *banana* :
- 9 *Kanilezi* lezi *zilo zimbiri* zi *tata* a ka *wena* hi *xikanzkanya* a ka *siku gi-we*, a *kulahleka* ka *banana*, ni *wu-noni* ; hi *xiringaniso* xa *zona* xi *teleko* *zona* zi *tata* *hehla* ka *wena*, a ka *wullemo* ga *wutumbe* ga *wena*, ni *talisiselo* wa *mibulo* ya *wena*.
- 10 *Hakuba wena* u *tsumbile* le *kubihisiseni* ka *wena* ; *wena* u *te ngalo*, A nga *kona* a nzi *wonako* ; a *kutiba* ka *wena* ni *mano* ya *wena*, *kona* ku *onhakalisile* *wena* ; *wena* u *wulile lomo* *nzeni* ka *mbilu* ya *wena*, nzi *mina* *yena*, *laho* a nga *kona muwani*.

- 11 Hikwalaho a kubiha ku tata hehla ka wena ; na wena u nga ta zi tiba a wuronga ga kona : a kuonhakala ku ta wela hehla ka wena ; wena u nga ta zi kota a kuba u susa kona ; ni hahlukeliso wu tata hehla ka wena hi kutsuketisilweko, loku wena u nga ku tibiko.
- 12 Yima makunu ni wutumbe ga wena, ni wudlemo ha bangoma ba wena, laho wena u pangamileko ku sukela wunwananeni ga wena ; loku zingaho wena u ta kota ku binzula, loku zingaho wena u kota ku humelela.
- 13 Wena u rerekile hi ka wudlemo ga ba xikungo xa wena : a bavumbi ba tinyeleti, ni hawoni ba tinyeleti, ni bavumbi hi tihweti tonklelele, ba yima, ni ku hanyisa wena a ka zilo zi ta ngata zi hehla ka wena.
- 14 Languta, bona ba ta ku kwatsi xibo ; a nzilo wu ta hisa bona ; ba nga ta klatlisa a wutsumbu gabye le ntanweni wa pingo : kona ku nga ta kuba makala a nyawula ha wona, ge a hi nzilo wa ku tsama ku ora.
- 15 Zakungahi a zi ta maha lezo a zilo lezo wena u zi tireleko labo : labo ba tongileko zinwe na wena bonklelele kusukela wusweni ga wena ba ta nzula bonklelele a ka nzawu ya yena ; laho a nga ta kuba kona wa ku hanyisa wena.

XIPIMO 48.

- 1 Ingisani nwina lexi, O yindlu ya ka Jakobe, loye a bitanilweko hi bito ga Israeli, mu humeleko hi lomo mamatini ya ka Juda ; loye mu hlambanyako hi bito ga Jehova, mu mahako a xikumbuxeto ha Nungungulu wa ka Israeli, kanilezi ku nga hi zineneni, ge ku nga hi kululamisisa
- 2 (Hakuba bona ba bitana a wutsumbu gabye ba hi muti wa kubasa, ba beka a wutsumbu gabye hehla ka Nungungulu wa ka Israeli ; Jehova wa mabandla ku nga bito ga yena) :
- 3 Nzi klatlambutile a zilo zo ranga za kaleloko ; ina, zona zi humile hi lomo nonwini wa mina, na nzi lo kombisa zona ; hi kutsuketisilweko nzi lo maha zona, na zona zi mahekile.
- 4 Hakuba nza zi tiba lezaku wena u klatwa, ni nhamo ya wena yi hi ya misiha ya ziketse, ni ngohe ya wena i siku.

- 5 Hikwalaho nzi klatlambutele kona a ka wena hi cima ka kaleloko ; hi mahlweni na ku nga se ku maheka nzi kombisile wena kona ; ku nga taku wena u wula, Ni zifananiso za mina zi baklilweko, ni zifananiso za mina zi nyekisilweko, zi leleletele bona.
- 6 Wena u zwileko kona ; languta zonkle lezi ; na nwina, nwina mu nga ta klatlambuta kona ke? nzi kombile wena a zilo ziswa ku suka ka lexi xikati, zona zilo zi fihleleko, lezo wena u nga zi tibangiko.
- 7 Zona zi bangilwe makunu, a hi za kaleloko ; hi mahlweni ka legi siku wena a ku zwangi zona ; ku nga taku u wula, Languta, nza tiba zona.
- 8 Ina, wena a ku zwangi ; ina, wena a ku zi tibangi ; ina, kusukela a kaleloko a ndlebe ya wena a ku yivululangi : hakuba nza zi tiba lezaku wena u mahile hi kuhlesilweko, u lo bitanwa a muhambunyeti hi lomo rumbyini.
- 9 Hi kota ya bito ga mina nzi ta kakameta a zanga ya mina, na hi dumiswa ka mina nzi ta luluma ha wena, lezaku nzi nga ta gawula wena.
- 10 Languta, nzi hlutile wena, ku nge kwatsi i siliva, nzi hlawulile wena lomo pingweni ga bhokiselelo.
- 11 Hakuba hi kota ya mina nwinyi, hi kota ya mina nwinyi nzi ta maha kona ; hakuba gi wa ta hanahani swa ku yini a bito ga mina ke? ni wukosi ga mina nzi nga ta gi nyika a ka munwani.
- 12 Zwanani a ka mina, O Jakobe, na Israeli a bitanilweko wa mina : mina nzi yena, nzi mina wa ku ranga, kambe ni wa ku gumesa.
- 13 Ina, ni canja ga mina gi sangule a xiseketelo xa misaba, ni canja ga mina ga xinene gi nabalatile hi le matilweni ; laha na nzi bitana a ka bona, bona ba yima a katigawe.
- 14 Tsombanani a wutsumbu ga nwina, nwenkle nwina, muzwani ni kuzwa ; hiwihl xikari kabye a klatlambutileko lezi zilo? Yena loye Jehova a mu ranzako i ta tira a kursanza ka yena le Babuloni, ni woko ga yena gi taba a ka na Kaldea.
- 15 Mina, yena mina, nzi wulile ; ina, nzi bitanile yena ; nzi mu nehile, yena i ta maha a ndlela ya yena a kuvuvumiselwa.

- 16 Tsinelani *zwina* kusahani a ka mina, muzwa *zwina* lexi; ku sukela kusanguleni a nzi wulawulangi a zi fihleleko; ku sukela a xikati lexo ku nga wa hi kona, laho nzi wa hi kona: makunu a Hosi Jehova i rumile mina, ni Moya wa yena.
- 17 Zakungahi a wulako Jehova, a Muklakisli wa wena, Loye wa ku Basa wa ka Israeli: nzi mina Jehova a Nungungulu wa wena, loye a gonzisako wena a ku binzula, loye a rangelako wena hi ndlela leyo u nga ta nga wena u famba.
- 18 O lezaku wena u ingisile a ka zileletelo za mina! zonake a kurula ka wena ku wa to kwatsi i congo, ni kululamisisa ka wena kwatsi mabyandlati ya bimbi.
- 19 Ambewu ya wena kambe yi wa ta nga kwatsi i seka, ni tralo wa marumbu ya kwatsi i mbewu ya kona: a bito ga yena cina yi nga ta gawulwa ge hambu ni ku lobyiswa gi suka ka mina.
- 20 Sukani *zwina* hi le Babuloni, tsumani le kama Kaldea; hi gezu ga kuyimbelela klaklambulani *zwina*, byelani lexi, tsawutelani kona kwaleyo magumelweni ya misaba: wulani *zwina*, Jehova i klaklisile a nanza ga yena Jakobe.
- 21 Bona a ba zwangi a tora laha yena na a rangela bona ba tsemakanya a wuronga; i lo maha a mati ma buka lomo tilonzeni ta kona; yena i lo panza a lilonze kambe, ni mati ba lo pandluka lahandle.
- 22 Laho a ku kona a kurula, kuwula Jehova, a ka wa kubiha.

XIPIMO 49.

- 1 Ingisani, O zihlale, a ka mina; ni kuzwa, *zwina* banhu, ba le kule: Jehova i bitaule mina hi lo rumbyini; hi marumbyini ya mamani wa mina yena i kumbukile a bito ga mina.
- 2 Na yena i mahile a nomu wa mina kwatsi i supado yi karihako; le nzhutini wa canja ga yena i fihlile mina; yena nzi i mahile mina a paxa wu kulutelweko; lomo kocelweni wa yena i hlaysile mina;
- 3 Na yena i wulile a ka mina, Wena u nanza ga mina; Israeli, a ka wihi nzi ta ba nzi dumisilwe.
- 4 Kanilezi nzi te ngalo, Nzi tirile mahala, nzi mbetile a ntamo wa mina

hi ku nga nyawuli ni mahala; kasi ke a nongameto wu faneleko ka wu na Jehova, ni potelelo wa mina wu zinwe na Nungungulu.

- 5 Na makunu kuwula Jehova loye a bangileko mina kusukela lomo rumbyini akuba a nanza ga yena, a ku neha Jakobe kambe a ka yena, kasi Israeli wa tsombana a ka yena (hakuba mina nzi dzunzekile a kuwokeni ka Jehova, na Nungungulu wa mina i mahile a ntamo wa mina);
- 6 Ina, yena i ngalo, Kona xilo xi behukako a ka wena akuba nanza ga mina a ku vuxa a tixaka ta ka Jakobe, ni ku wuyisela a ba lonzowotilweko ba ka Israeli: minawu kambe nzi ta nyika wena a kuwoninga ka ba Matiko, kasi wena wa fela akuba a hanyiselelo ka mina kona leyo a magumelweni ya misaba.
- 7 Zakungahi a wulako Jehova, a Muklakisli wa ka Israeli, Loye wa ku Basa, ka yena, a ka yena a banhu ba mu nyenyako, a ka yena loye a matiko ma swirwako, ka nanza ga bafumeli: Tihosi ti ta wona ni ku suka; a tihosana, na bona ba ta kolela; hakuba ngwa Jehova loye a kolekileko, yena a Loye wa ku Basa ka Israeli, loye a langileko wena.
- 8 Zakungahi a wulako Jehova, hi ka xikati xi amukelekako nzi hlamilile wena, hi ka siku ga hanyiselelo nzi vunetele wena; na mina nzi ta lonzowota wena, ni ku nyika akuba a xivumelwano xa banhu, a ku klakusa a tiko, a ku maha bona ba fumela a tsomba yi bahlukileko;
- 9 A ku wula a ka bona labo ba bohilweko, Sukani mu famba; a ka bona labo ba na nga munyameni, Kange-tani a wutsumbu ga *zwina*. Ba ta gela lomo tindloleni, ni ka kontle a ku klakuka ka yena ku taba a wuri-selo gabye.
- 10 Ba nga tazwa ndlala ba nga tazwa tora; ge hambu ku balela ge ni gambo gi ta lamata bona: hakuba loye a na nga ni wuxinji ka bona i ta rangela bona, kona le zibukeni za mati yena i ta ba rangela ha kona.
- 11 Na nzi ta maha zonkle a zitsunga za mina a ndlela, ni magonzo ya mina ma ta klakusiwa.
- 12 Mangabye, laba ba tata hi kule; ni, mangabye, laba hi nwalungu ni le

- muhlwagambo; ni laba hi le tikweni ga le Sinima.
- 13 Yimbelela, O matilo; ni ku bumi-swa, O misaba; ni pandluka hi yimbelela, O zitsunga; hakuba Jehova a tangalisile a banhu ba yena, i ta kuba ni kuhawukela ka ba hlokisilweko ba yena.
- 14 Kanilezi Zioni i te ngalo, Jehova i tsikile mina, ni Hosi yi ribakelwe mina.
- 15 Kasi a nga zi kota a wasati a ku ribakelwa a xinwanana xa yena xi anwako ke, lezaku yena i wa nga ta nga a hi ni kuhawukela a nisanyana wa rumbu ya yena ke? ina, laba ba nga ribakelwa, kasike mina nzi nga ta ribakelwa wena.
- 16 Languta, nzi kehlele wena le hehla ka zipama za mandla ya mina; a tigingisi ta mina ti simamisile mahlweni ka mina.
- 17 A banana ba wena ba maha a xihakla; a balobisi ba wena na bona labo ba mahako wena u hahluka ba ta huma a ka wena.
- 18 Klakusa a mahlo ya wena u lunguza, ni languta: bonkle laba ba tso-mbanyisa a wutsumbu gabye katigizwe, ni kuta a ka wena. Kwatsi hilezi nzi hanyako, ku wula Jehova, wena hakunene u ta ambexa wena ha bona bonkle kwatsi i nguwo, i ta ti boha a wutsumbu zizwe na bona, kwatsi makoti.
- 19 Hakuba, kwatsi hi kuhlakala ka wena ni wutsamo ga wena ga marumbi, ni tiko ga wena lego gi lobyisilweko, hakunene makunu wena u taba ni ba akileko ba tsongwani, bona ba ta kadamula wena u mitiwa.
- 20 A banana laba ba gotsilweko ba wena ba ta ha wula, a tindlebeni ta wena, A wutsamo gi tsongwani a ka mina; nyika a wutsamo a ka mina kasi nza fela a ku tsama.
- 21 Zonake wena u ta wula lomo mbi-lwini ya wena, Hi mani a treleko mina lezi, na nzi wona lezaku nzi delwe wunwananeni ga mina, nzi hlokisilwe, nzi wa matiko, ni nzulanzuli ke? hi mani a nehileko lexi ke? Languta, nzi siyilwe nzoce, laba, ha kwihi bona ke?
- 22 Zakungahi a wula a Hosi Jehova, Languta, nzi ta klakusa a canja ga mina a ka mifumo, ni ku yimisa a ziwoniso za mina a ka banhu: na bona ba ta neha a barisanyana ba-
- bye zifubeni zabye, ni banhanyana babye ba ta rwalwa le hehla ka makla yabye.
- 23 Ni tihosi ti taba a badadani ba wena ba kuwundlako, ni bazinza ba wena a mamani ba wena ba kuanwisako: na bona ba ta korama a ka wena hi tingohe tabye laha misabeni, ni ku laza a tsutsungwani wa mikonzo ya wena; na wena u ta zi tiba lezaku nzi mina Jehova; na bona labo ba rinkelako ha mina ba nga ta wiswa a tingana.
- 24 A pfimba wu nga tekiwa a ka nhenha, kutani a kukonwa ka kulongamileko ku nga klakliswa ke?
- 25 Kanilezi zakungahi a wulako Jehova, Kona kukonwa ka wa nhenha ku ta tekiwa, ni pfimba wa a cabekako wu ta klakliswa; hakuba nzi ta holoba na yena loye a holobako zizwe na wena, na mina nzi ta ponisa a banana ba wena.
- 26 Na nzi gisa bona labo ba tsimbeke-tako wena hi nyama yabye; na bona ba ta popiwa hi nkata wa bona benyi, kwatsi i waini yo nanziha: ni nyama yonkle yi ta zi tiba lezaku mina, Jehova, nzi hi Muhanyisi wa wena, ni Muklaklisi wa wena, Loye a Nyamintamo wa Jakobe.

XIPIMO 50.

- 1 Zakungahi a wulako Jehova, xi kwihi a xibango xa kualana ka mamani wa wena, lexo mina nzi hlongoleko ha xona ke? kutani hiwili wa milanzu ya mina loye nzi mu xabisile wena ke? Languta, hi kugokekisisa ka nwina mu xabyisilwe, na hi kota ya zihambunyetisiso za nwina a mamani wa wena i hlongolwe.
- 2 Ngahilezo, laha na nzi tile, ku wa nga ni kona na munhu ke? laha nzi nga wa bitanile, laho ku wa nga hi kona wa kuhlamlula ke? kasi a canja ga mina gi komisile a ha ncumo, kasi kona ku nga klaklisa ke? kutani a nzi na ntamo ku klaklisa ke? Languta, hi ka kukawuka ka mina nzi omisa a bimbi, nzi maha a micongo a xiwula: ni xidluwani za kona a ku nuha, hakuba ku nga hi ko na mati, ni kufa hi tora.
- 3 Nzi ambexile a matilo hi munyama, ni ku maha a tinguwo ta tisakwa a mikumba ya wona.
- 4 A Hosi Jehova i nyikile mina a

lirimí la bona labo ba gonzisilweko, kasi mina nza fela a kutiba aku timisela a timhaka yena loye a rerekileko: yena a vukako a mixo ni mixo, yena a vuxa a ndlebe ya mina a kuzwa kwatsi hi bona labo ba gonzisilweko.

- 5 A Hosi Jehova i vululile a tindlebe ta mina, na nzi nga ta kuba a hlukubisisako, ge hambu ku klela ha xinzakwana.
- 6 Nzi lo nyika a hlana wa mina ka balamati, ni tihlaya ta mina a ka bona labo ba tsuwulako a misisi; a nzi fihlangi a ngohe ya mina a ka tingana ni kupilela.
- 7 Hakuba a Hosi Jehova i ta vunetela mina; hikwalaho nzi nga ta kanganyiswa: hikwalaho nzi bekile a ngohe ya mina kwatsi i ribye, nza zi tiba lezaku nzi nga ta wiswa a tingana.
- 8 Yena i kona kusahani loye a basisako mina; himani loye a ta nga holoba ziawe na mina ke? nga hina hi yima katigizwe: himani a nala wa mina ke? nga yena a tsinela a ku suhani a ka mina.
- 9 Languta, a Hosi Jehova i ta vunetela mina; himani loye a ta nga kona mina ke? languta, bona ba ta hunzelelako a wukale kwatsi i nguwo; a sumba yi taga bona.
- 10 Hi mani xikari ka nwina loye a cabako Jehova, loye a ingisako a gezu ga nanza ga yena ke? loye a fambako munyamani, a nga hi na kuwonekela, nga yena a tsumba a ka bito ga ka Jehova, ni kuelela a ka Nungungulu wa yena.
- 11 Languta, wewekle nwina labo mu dzibelako a nzilo, labo mu bohako a wutsumbu ga nwina hi tihlahle ta nzilo; fambana nwina le pingweni ga nzilo wa nwina, ni xikari ka tihlahle leto nwina mu dzibeleko. Lexi nwina mu taba naxo hi le canjeni ga mina; nwina mu ta eklela lahasi hi kuxaniseka.

XIPIMO 51.

- 1 Ingisani a ka mina, nwina labo mu lanzelako a kululamisisa, nwina labo mu hlotako Jehova; cuwukani a ka ribye lego nwina mu gi bakileko, ni ka kele wa rinzi lowo nwina mu wu kelileko.
- 2 Cuwukani a ka Abraham a dadani wa nwina, ni ka Sara loye a treleko

nwina; hakuba laha yena a nga wa hi munwe basi nzi lo mu bitana, nzi lo katekisa yena, nzi lomu maha a linyingi.

- 3 Hakuba Jehova a cabelele Zion; yena a cabelele gonkle a wutsamo ga yena gi hahlukileko, i mahile a xiwula xa yena kwatsi i Edeni, ni mapanya ya yena kwatsi i simu ga ka Jehova; a kubuma ni litsako zi ta kunwa kona, a kunyikakubonga, ni gezu ga kuketsela.
- 4 Ingisani a ka mina, O banhu ba mina; nyikani a ndlebe a ka mina, O nwina tiko ga mina: hakuba a nawo wu ta huma hi le ka mina, nzi ta yimisa a nongametiso ya mina a kuba kuwonekela ka banhu.
- 5 A kululamisisa ka mina ku tsinele, ni hanyiselelo ya mina yi humele, ni mawoko ya mina ma ta lamula a banhu; ni zihlale zi ta rinzela mina, ni le wokweni ga mina zona zi ta tsumba.
- 6 Klakusani a mahlo le matilweni, cuwukani a misaba lahasi; hakuba matilo ma ta nwalatwa kwatsi i musisi, ni misaba yi ta hunzelela ku hlakala kufanana ni nguwo, na bona laba ba akileko ka yona ba tafa kota lezo: kanilezi u kuhanyisa ka mina ku ta kuba kala kupinzuka, ni kululamisisa ka mina ku nga hlangukiwa.
- 7 Ingisani a ka mina, nwina mu tibako a kululamisisa, a banhu labo timbilwini tabye ku nga kona a nawo wa mina; mu nga cabi nwina a nzhukano ya banhu, ge hambu a kumbela a ntamo a ku rukateleni ka bye.
- 8 Hakuba a sumba yi taga bona kwatsi i nguwo, ni pungwani wu taga bona kufanana ni woya; kanilezi a kululamisisa ku taba kala kupinzuka, ni kuhanyisisa ka mina a ka zonkle zizukulwana.
- 9 Vuka, vuka, ambala a ntamo, O woko ga Jehova; vuka, kwatsi hi masikwini ya kaleloko, a zizukulwana za xikati xa cimakalaho. A hi wena loye u nga tsema Rahabi a fufanyi, wena loye u klabileko a bangunzulume ke?
- 10 Kona a hi wena loye u omisako a bimbi, a mamati ya kueta ka hombe; loye a mahako a kueta ka bimbi a kusuka kasi a ba klaklilwe ba klataka ba hunza ke?
- 11 Ni ba klangukilweko ba ka Jehova

- ba ta wuya, bata hi kuyimbelela le Zioni; ni kutsaka kupinzukelisi-silweko ku taba hehla ka tihloko ta-
bye: bona ba ta kuma a tsakiselelo ni kanelo; a kuxaniseka ni mahika zi ta panzanyeka.
- 12 Mina, yena mina, nzi mina loye a tangalisako wena: hi wena mani wena, loye u cabako a munhu loye a ta nga kufa, ni ka nisanyana wa munhu loye a ta nga maliwa kwatsi a byanyi;
- 13 U ribakelweko ha Jehova a Mumahi wa wena, loye a nabalatileko a matilo, a bekele ziseketelo za misaba; na siku u caba hi kusimamisilweko gonkile hakuba hi kucabekisisa ka mutsimbeketi, laha yena a longele a ku lobisa ke? yi kwibi a cabikeselelo ya mutsimbeketi ke?
- 14 A mukonwi wa xiwunzeni hi tiko ga le kabye ba ta klakliswa hi xikanzakanya; yena a nga ta kufa ni ku relela lahasi rinzini, ge hambu a zibaba za yena zi nga ta hluleka.
- 15 Hakuba nzi mina Jehova a Nungungulu wa wena, loye a vuxako a bimbibi, zingaho a mabyandlati ya kona ma goboza: Jehova wa mabandla ku hi bito ga yena.
- 16 Na mina nzi bekile a timhaka a nzwini wa wena, nzi fenengetile lomo nzhutini wa canja ga mina, lezaku kasi nza nga byala a matilo, ni ku bekela a ziseketelo za misaba, ni ku wula ka Zioni, Wena u banhu ba mina.
- 17 Vuka, vuka, yima, O Jerusalema, lego gi nwileko le canjeni ga Jehova a kopo ya zanga ya yena; wena u nwile a mukelo wa kopo ya kudedereka, ni ku kama yona.
- 18 Laho a nga kona a rangelako gona a xikari ka barisanyana labo gona gi treleko; a ku kona ni loye a nga tekako gona hi canja xikari a ka barisanyana labo gona gi treleko.
- 19 Lezi zilo zimbiri zi wele wena; hi mani a ta cabelela wena ke? a hlakalelo, ni loyiselelo, ni ndlala ni supado; nzi ta cabelelisa ku yini wena ke?
- 20 A barisanyana ba wena ba koyokile, bona ba eklele le hlokweni ya wonkile a mapango, kwatsi hi mangu-lwe loma ziyweni; bona ba tele hi zanga ya ka Jehova, a kawukiselelo wa Nungungulu wa wena.
- 21 Hikwalaho ingisa makunu lexi,

wena u hlokisilwe, u popilwe, kanilezi a hi waini:

- 22 Zakungahi a wulako a Hosi ya wena Jehova, a Nungungulu wa wena loye a koxelako a banhu ba yena, Languta, nzi susile lomo canjeni ga wena a kopo ya kudedereka ka wena, wona amukelo wa kopo ya zanga ya mina; wena u nga ta ha engeta unwa yona kambe:
- 23 Na mina nzi ta beka yona lomo canjeni ga labo ba hlokisako wena, labo ba wulileko a ka muhefemulo wa wena, Korama lahasi, kasi ha fela ku klatuka; na wena u bekile hlana wa wena kwatsi liranza bya, kwatsi i rua a ka bona labo ba klatukako.

XIPIMO 52.

- 1 Vuka, vuka, ambala a ntamo wa wena, O Zioni; ambala a tinguwo ta wena ti mburisisako, O Jerusalema, a muti wa kubasa: hakuba kusukela lezi ku nga ta engeta kuta kambe a ka wena a makuna ni zi nga hlazekangiko.
- 2 Zibiza a wutsumbu ga wena le tsu sungwaneni; vuka, tsama xitsanweni xa wena, O Jerusalema: klakla a wutsumbu ga wena le kubohweni ka nhamo ya wena, O nhanyana wa le Zioni.
- 3 Hakuba zakungahi a wulako Jehova, Nwina mu wa xabyilwe hi kunganyawuli, na nwina mu ta klakliswa hi handle ka mali.
- 4 Hakuba zakungahi a wulako a Hosi Jehova, A banhu ba mina ba lo relela a kuranga ba ya le Gipite a ku ya lubela koyo: ni ma Asiria ma tsimbeketile hi lahandle ka nanzu.
- 5 Makunu hikwalaho, xini nzi mahako mina laha, ku wula Jehova, na nzi wona lezaku a banhu ba mina ba gotsilwe na ku nga hi neumo ke? labo ba fumelako a hehla ka bona ba maha kucwangula, ku wula Jehova, a bito ga mina hi kusimamisilweko wonkilelele masiku gi rukatelilwe.
- 6 Hikwalaho a banhu ba mina ba ta tiba a bito ga mina: hikwalaho ba ta gi tiba a ka siku lego mina nzi nga yena loye a wulako; languta, kona nzi mina.
- 7 Yi mburisile ku yini le hehla ka zitsunga a mikonzo ya bona labo ba nehako a mahungu ya ku saseka, a bangako a kurula leyo yi nehako a mahungu yo saseka ya zinene, leyo

- yi tibekanisako a hanyiselelo, leyo yi wulako a ka Zioni, A Nungungulu wa wena wa fuma!
- 8 A gezu ga wanuna wa kurinzela! bona ba *klakusa* a gezu *gabye*, katiginwe bona ba yimbelela; hakuba bona ba ta wona a tihlo hi tihlo, laha Jehova a *klelako* le Zioni.
- 9 Pandlukani hi litsako, yimbelelani a katiginwe, *nwina* wutsamo gi hahlukileko gale Jerusalema; hakuba Jehova a cubelele a banhu ba yena, yena i *klaklisile* a Jerusalema.
- 10 Jehova i mahile gi kudlunya a woko ga yena ga kubasa a mahlweni ya mifumo; konkle a kugumelwa ka misaba ku wonile a hanyiselelo ya ka Nungungulu wa hina.
- 11 Sukani *nwina*, sukani *nwina*, fambani *nwina* hi leno, mu nga kumbi *nwina* a xilo xi nga hlazekangiko; humani *nwina* xikari ka gona; basisanu a wutsumbu ga *nwina*, *nwina* labo mu rwalako a zibye za ka Jehova.
- 12 Hakuba *nwina* mu nga ta huma hi xihakla, ge *nwina* mu nga ta maha a tsutsumo; hakuba Jehova i ta famba mahlweni ka *nwina*; na Nungungulu wa ka Israeli i ta vikela hi le nzako ka *nwina*.
- 13 Languta, a nanza ga mina gi ta maha hi kutibisileko, yena i ta *klakusiwa* i ta *klakusisisa*, yena i taba a kukumukisilweko nguvu.
- 14 Kufanana ni ku kwatsi hilezi a banyingi ba damiswako hi ka wena (a ngohe ya yena yi onhekile kuhunza ni ka ya wihi a munhu, ni dzumba ga yena ku hunza ga barisanyana ba banhu).
- 15 Zingaho lezo yena i ta nwatsekela a mifumo yinyingi; a tihosi ti ta vala a milomu ya yona a ka yena; hakuba lexo xi nga wa kala xi nga byelwangi a ka bona yi ta wona; ni lezo bona ba nga kala ba nga *zi zwa*-ngi ya ta zi pima.

XIPIMO 53.

- 1 Himani a kolilweko a mubiko wa hina ke? hi ka mani a woko ga ka Jehova gi wonkelisilweko ke?
- 2 Hakuba i lo kula mahlweni ka yena kwatsi i sinya yi byelweko, ni ku kwatsi i mutsu a ka liranza bya li omileko; yena a nga ni dzumba ge hambu ni kubanganela; laha na hi mu wona a nga ha hi na wumbiri lezaku hi nga mu xuba yena.

- 3 Yena i wa lo nyenyiwa, na a wa alilwe hi banhu; a munhu wa kuxaniseka a tolobeleneke ni hlokiselelo; kwatsi hi munwe loye a banhu ba fihlileko a tingohe tabye yena i wa nyenyilwe; a hi dzunzangi yena.
- 4 Hakunene yena i rwele a hlokiselelo ya hina, i rwele a makombo ya hina; kasike hina hi dzunzile yena a kulamatwa, a bilweko hi Nungungulu, a hlokisilweko.
- 5 Kanilezi yena i wa kubazilwe hi zihambunyetisiso za hina, yena i wa balesilwe hi zigohoketisiso za hina; a tsayiselelo wa kurula ka hina wu wa hi hehla ka yena; na hi timbiri-mbi ta yena hina hi hanyisilwe.
- 6 Honkle hina hi kotile a tiyivu li pengile; hi hambukile honklelele tindloleni ta hina benyi; na Jehova i bekile hehla ka yena a kugoha ka hina honkle.
- 7 Yena i wa tsimbeketilwe, kanilezi laha a nga wa hlokisilwe i wa vululangi a nomu wa yena; kwatsi i ivana layo gulelwako kuklabyiweni, kwatsi i yivu leyo yi nga mahlweni ka mukayi wa yona yi nga mbebebe, zingaho yena a vululangi a nomu wa yena.
- 8 Hi tsimbeketelisiso ni lamulisiso yena i wa lo tekwa; na kwatsi hi xizukulwana xa yena, himani xikari ka bona a pimileko lezaku yena i wa tsemilwe lomo tikweni ga labo ba hanyako hi zihambunyetiso za banhu ba mina ka labo a kubiwa ku wa hi ka bona ke?
- 9 Na bona ba lo maha a kele wa yena zinwe ni bakubiha, zinwe ni munhu a fumileko a kufa ka yena; hambulezo yena a nga kala a nga mahangi a kupanga, ge hambu ni kukohlisa a nonwini wa yena.
- 10 Kasike kona ku lo xalalisa Jehova ku lamata yena; yena i lo beka yena a hlokiselelweni: laha wena u ta nga beka a muhefemulo a munyike-lo wa xionho, i ta wona a mbewu ya yena, i ta longoloka ni masiku ya yena, a tsakiselelo wa ka Jehova wu ta vuvuma canjeni ga yena.
- 11 Yena i ta wona a kubayiseka ka muhefemulo a yena, i taba a enelisi-lwe: hi tibiselelo wa wutsumbu ga yena a nanza ga mina gi lulamileko gi ta basisa a banyingi; na yena i ta rwala a kugoha kabye.
- 12 Hikwalaho nzi ta abela yena a xia-

belo zinwe ni ba hombe, yena i ta abana a xiabelo ni tinhenha; hakuba yena i halatile a muhefemulo wa le kufeni, i wa lo hlayena ni bahambunyeti: kasike yena i lo rwala a xionho xa banyingi, i lo maha a nzhiho wa bahambunyetisisi.

XIPIMO 54.

- 1 Yimbelela, O ngonwa, wena loye u nga traliko; pandluka hi kuyimbelela, kanyuluka u kwangula, wena a ku lunwangi ha nyimba: hakuba ba tele a banana ba loye a hangalakileko ku hunza a banana ba loye a tekilweko, ku wula Jehova.
- 2 Engetela a wutsamo ga tenta ga wena, nga bona ba nawuluta a micacalato ya wuakelelo ga wena; u nga nyenyeteli: engetela a tingoti ta wena, ni kuyiseta a timbingu ta wena.
- 3 Hakuba wena u ta nabalata u ta andlata hi ka canja ga xinene ni ka ga xibaba; ni mbewu ya wena yita fumela a mifumo, ni ku maha a miti ya marumbi yi ku akiwa.
- 4 U nga cabi; hakuba wena u nga ta kuba na tingana: ge hambu wena u nga ta kanganyiseka; hakuba wena u nga ta koyamiswa a tingana: hakuba u nga ta kohlwa a tingana ta wuswa ga wena; ni nzhukano ya wunoni ga wena u nga ta ha yi alakanya kambe.
- 5 Hakuba a Mumahi wa wena hi nuna wa wena; Jehova wa mabandla ku nga a bito ga yena: Loye wa ku Basa wa ka Israeli u hi Muklaklisi wa wena; a Nungungulu wa misaba yonkle i ta bitanwa.
- 6 Hakuba Jehova a bitanile wena kwatsi ngwa sati a tsikilweko a hlokisilweko le moyeni, yena a wasati wa wuswa, laha yena na a hoxilwe kule, ku wula a Nungungulu wa wena.
- 7 Hakuba hi xikatana xitsongwani nzi hoxile wena; kanilezi hi wuxinji ga hombe nzi ta petsela wena.
- 8 Hi ka zanga yi pupumako nzi fihlile a ngohe ya ka wena a xikatana; kanilezi hi pinzukuliselelo wa kuranzakawunene nzi ta kuba ni titralo a ka wena, ku wula Jehova a Muklaklisi wa wena.
- 9 Hakuba lexi xi hi ku kwatsi mamati ya ka Noa a ka mina; kwatsi hi lezo nzi hlambanyileko lezaku a mamati ya Noa ka ma nga ta ha

engeta kambe maya behla ka misaba, zingaho nzi hlambanyile lezaku nzi nga ta ha engeta nzi be ni makulo zinwe na wena, ge hambu kukawuka wena.

- 10 Hakuba a zitsunga kutani zi nga suka, ni ziganga a simulwa; kanilezi a kuranzakawunene ga mina ku nga ta suka a wena, ge hambu xivumelwano xa mina xa kurula xi nga ta simulwa, ku wula Jehova loye a na nga ni titralo a ka wena.
- 11 O wena u hlokisilweko, u nzuliswako hi mabubutsa, u nga tangaliswangi, languta, nzi ta yimisa a ribye ga wena a ka mubala wunene, nzi ta bekela a ziseketelo za wena hi tisafira.
- 12 Nzi ta maha a xixungwe xa wena a kutruka, ni tinyangwa ta wena hi karbunkele, ni mimbingano ya wena hi maribye ya malongo.
- 13 Ni bonkle a banana ba wena ba ta gonziwa ha Jehova; na ta kuba a ka hombe a kurula a ka banana ba wena.
- 14 Hi ka kululamisisa wena u ta yimisiwa: wena u taba kule ni tsimbekelelelelo, hakuba wena u nga ta caba; ni le tsisiselelweni, hakuba kona ku nga tata ku suhani na wena.
- 15 Languta, ba nga tsombanyiswa katiginwe kanilezi ku nga hi ka mina; kani ngwakuyini a ta nga tsombana a katiginwe a vukela wena i ta kuwa hi kota ya wena.
- 16 Languta, nzi bangile a mufuli loye a buvetelako a nzilo wa makala, ni ku humesa a klari ga tiro wa yena; na mina nzi mahile a muhahluli a kuba a lobisa.
- 17 A ku kona a klari lego gi mahilweko gi vukela wena gi ta nga vuvuma; tonklelele a tirimi ti sukako ti vukela wena kulamuleni wena u ta ti kona. Leyi hi tsomba ya malanza ya ka Jehova, ni kululamisisa kabye loku ku nga ka mina, ku wula Jehova.

XIPIMO 55.

- 1 Ho, bonklelele labo mu zwako a tora, ngonani nwina a matini, loye a nga hiko na mali; a ate, a xabe, age; ina, ngona u xaba a waini ni masi ni yi haba mali ni yi haba tsengo.
- 2 Ngahilezo nwina mu xakela a mali

ya *nwina* hi lezo zi nga hiko zibaba ke? ni ntiro ya *nwina* hi lezo zi nga kota ku xurisa ke? ingisani hi kutsometilweko a ka mina, ni kuga *nwina* lezo zi sasekileko, na nga a muhefemulo wa *nwina* wu tsaka a wutsumbu ga wona hi lezo zi nonisilweko.

3 Pumunha a ndlebe ya wena, ni kuta ka mina; zwana, ni muhefemulo wa wena wu ta hanya: nzi ta maha a xivumelwano xi nga gawukisiwiko zinwe na *nwina*, tona a titralo ta zine ne ta Davida.

4 Languta, nzi nyikile a wukustumunyu a ka banhu, a murangeli ni muleleteli a ka banhu.

5 Languta, wena u ta bitana a mufumo lowo wena u nga wu tibiko; ni mufumo lowo wu nga tibiko wena wu ta tsutsuma a ka wena, hakuba ha Jehova a Nungungulu wa wena, ni Loye wa ku Basa wa ka Israeli; hakuba yena a dumisileko wena.

6 Hlotani *nwina* Jehova laha na a ha kumiwa; bitanani a ka yena laha na a hahi kusuhani:

7 Nga a wa kubiha a tsika a ndlela ya yena, a munhu a nga lulamangiko a kualakanya kakwe; nga yena a klelela a ka Jehova, na yena i ta kuba ni titralo hehla ka yena; ni ka Nungungulu wa hina, hakuba yena i ta tsetselela hi kutalilisilweko.

8 Hakuba a kualakanya ka mina a hi kualakanya ka *nwina*, ge hambu tindlela ta *nwina* a hi tindlela ta mina, ku wula Jehova.

9 Kwatsi hilezi a matilo ma klakukileko a ku hunza a misaba, zingaho a tindlela ta mina ti klakukile a kuhuzza a tindlela ta *nwina*, ni kualakanya ka mina ku hunza a kualakanya ka *nwina*.

10 Hakuba kwatsi hi vula yi nako lahasi ni mbera hi le tilweni, yi nga kleli leno, kanilezi yi tsakamisa a misaba, ku maha yona a ku milisa kuhluka, a ku nyika a mbewu ka mubyali ni zibaba kuga;

11 Ti taba ngaho a mhaka ya mina leyo yi humako hi lomo nonwini wa mina: yi nga ta klelela ka mina mahala, kanilezi yi ta mbetisa lezo nzi xalaliswako ha zona, yi ta vuvuma a ka xilo lexo nzi ti rumeleko a ka xona.

12 Hakuba *nwina* mu ta huma hi litsako, mu ta rangelwa hi kurula; a

zitsunga ni miganga zi ta pandluka a mahlweni ka *nwina* hi kuyimbelela; ni tonkle tisinya ta kwati ti ta pakatela a mandla ya tona.

18 A zikundleni za mizwa ku ta ku hluka a sinya ta fira, a xikundleni xa wusosonyi ku ta huma a sinya ya murtle: kona ku ta kuba a ka Jehova a bito, a xiwoniso xi pinzukelisi-lweko lexo a xi nga ta gawulwa.

XIPIMO 56.

1 Zakungahi a wulako Jehova, Hlayisani *nwina* a nongametiso, ni maha a kululamisisa; hakuba a hanyiselelo ka mina wu kusuhani a kuta, ni kululamisisa ka mina ku wonekelisilwe.

2 I katekisilwe a munhu a mahako lexi, ni nisananya wa munhu loye komisako kutiya; loye a hlayisako a sabado a ku nga hanahaniseni gona, ni nga kuhlayisi a canja ga yena a ku maheni ni kwihi a ku biha.

3 Ge hambu a ku vumela a wa matiko, loye a klanyisileko a wutsumbu ga yena ka Jehova, a wulawula, aku, Jehova hakunene i ta abanisa mina a ka laba banhu bakwe; ge hambu a tenwa i wula, Languta, Nzi mina a sinya yi omileko.

4 Hakuba zakungahi a wulako Jehova wa mitenwa leyi a hlayisako a masabado ya mina, ni ku langa a zilo lezo zi xalalisako mina, ni ku komisisa a xivumelwano xa mina;

5 A ka yona nzi ta nyika a yindlwini ya mina lomo nzeni ka kurisi ga mina a xikumbuxeto ni bito gatsi ku hunza a barisananya ni banhanyana; nzi ta nyika bona a bito gi pinzukelisiilweko, lego a gi nga ta tsenwa.

6 Kambe a bainatiko labo ba klanganako a wutsumbu gabye a ka Jehova, a ku kozela a ka yena, a ku ranza a bito ga Jehova, akuba malanza ya yena, bonklelele labo ba hlayisako a sabado a ku nga hananisini gona, ba komisisako a xivumelwano xa mina;

7 Hambu ha bona nzi ta neha a xitsunga xa mina xo basa, a ku maha bona ba ku kutsaka lomo ndlwini ya mukombelo; a minyikelo yabye ya kuhiswa ni mipahlelo yabye zi ta amukelwa alatini ya mina; hakuba a yindlu ya mina yi ta bitanwa a yindlu ya kukombela ka bonkle banhu.

- 8 A Hosi Jehova, loye a tsombanisileko a ba hoxilweko ba ka Israeli, wa wula, Kasike nzi ta tsombanyisela banwani ka yena, hi lahandle ka bona ba yena labo ba tsombanyisileweko.
- 9 Nwenkle zihari za le kwatini, ngonani mu ta kadamula, ina, nwina zihari za kwati.
- 10 A barinzela ba yena ba hi zikumu, bona bonkle a ba na kutiba; bona bonkle ba hi timbyana ta ziwiri, a ba na ku zi kota kuwukula; a ba lora, ba labelele, ba ranza kuretemukisa.
- 11 Ina, a timbyana ti na ni mahlakoti, a ti na ku kuma ku eneliswa; laba hi barisi labo a ba na kupima, bona ba hambukile lomo tindloleni ta bona benyi, bonklelele a mabinzu yabye, kusukela ka gonklele wutsamo.
- 12 Ngonani nwina, ku wula bona, nzi ta mu labela a waini, hi ta tatisa a wutsumbu ga hina hi kunwa ka ntamo; na manziko ku to kwatsi hi legi siku, a siku ga hombe kuhunza ku ringanisa.

XIPIMO 57.

- 1 A lulamileko wa mbemba, a ku na munhu a bekako kona mbilwini; ni banhu ba titralo ba suswa, a nga kona a pimako lezaku a lulamileko wa suswa le kubiheni ku tako.
- 2 Yena a ngena kuruleni; bona ba humula mibedini yabye; loye ni loyi a fambako hi longametisweni ka yena.
- 3 Kanilezi tsinelani kusuhi leno, nwina barisanyana ba zitumbe, a mbewu ya zirembi ni zibayi.
- 4 A kuvukela mani mu kiyalako a wutsumbu ga nwina ke? a kuvukela mani mu kalako mu vulula a milomu a zinhwanhwa, mu humesa a tirimi ke? kasi nwina a mu banana ba bahambunyeti, a mbewu ya mawunwa,
- 5 Nwina labo mu hisako a wutsumbu ga nwina xikari ka tioake, lahasi ka tisinya tonkle to nyuka; leto ti dayako a banana le minzelelweni, lahasi ka miklolkoloto ya maribye ke?
- 6 Xikari ka maribye makulutelweko ya minzelelo ti hi xiabelo xa wena; bona, ba hi hlolo ya wena; hambu ka wona wena u culule a muniyikelelo wa kunwa, wena u nyikele a xinyikiwo. Nzi ta rengiswa hi lezi alo ke?
- 7 Hehla ka kuklakuka ni xitsunga xi lehileko wena u bekile a mubedi wa wena; laha kambe wena u kanziyile a ku nyikela a mupahlelo wa wena.
- 8 Ni le nzako ka tibati ni timhanze wena u yimisile a xikumbuxetelo xa wena; hakuba wena u funungule a wutsumbu ga wena a ka muzwani ku hunza mina, wena u kanziyile hehla; wena u engetele a mubedi wa wena, u mahele a wutsumbu ga wena a xivumelwano zinwe na bona; wena u ranza a mubedi wabye laha wena u wonako wona.
- 9 Wena u lo famba ka hosi zinwe ni mafura, u lo engetela a sende ya wena, u rumelako a mitsukano ya wena le kule, wena u reletako a wutsumbu ga wena kona le Xeole.
- 10 Wena u rerekileko hi kunabalata ka ndlela ya wena; kasike wena a ku wulangi, Kona ku mahala; wena u kumile a kukindlumuxwa ka ntamo wa wena; hikwalaho wena u wa nga rerekangi.
- 11 Na ku hi mani loye a wena u nga wa kari u dzukiswa u caba, lezo wena u hembako, a ku alakanyangi mina, ge ni ku beka kona mbilwini ya wena ke? a nzi rutisangi nzi miyela hi xikati xo nabalata, wena a cabangi mina ke?
- 12 Nzi ta klaklambutela a kululamisisa ka wena; kwatsi hi mitiro ya wena, yona yi nga ta binzulela wena.
- 13 Laha wena u rilako, nga bona labo wena u nga nabo ba tsombana a kuklaklisa wena; kanilezi mbeho yi ta teka wena, ni xikuhe xi ta rwala bona kule; kanilezi yena loye a tekako a wucacelo a ka mina i ta fumela a tiko, i ta fumela a xitsunga xa mina xa ku basa.
- 14 Na yena i lo wula, Hoxani nwina hehla, hoxani nwina hehla, longiselani a ndlela, susako a tsanza wa kungubanyisa wu suka laha ndloleni ya banhu ba mina.
- 15 Hakuba zakungahi a wulako Loye a lehileko a klakukileko loye a fumeleko a tsonzomiselo, loye a bito ga yena gi hi ku Basa: Nza tsoma le kuklakukeni ni wutsu weni gi basileko, zinwe na yena kambe loye a panzekile ni moya wa ku ti koramisa, a ku vuxeleda a moya wa ku ti koramisa, ni kuvuxeleda a mbilu yi tsobekileko.
- 16 Hakuba nzi nga ta kaneta kala ku-

- pinzuka, ga hambu xonkle xikati nzi nga ti zangara; hakuba a moya wu ta rereka mahlweni ka mina, muhefemulo lowo nzi wu mahileko.
- 17 Hakuba hi kugoha ka kumbilukela ka yena nzi wa zangarile, nzi lo lamata yena; nzi lo fihla a ngohe ya mina nzi wa zangarile; yena i la su hutsetse a su mhwabyalala hi le nza-ko le ndleleni ya mbilu ya yena.
- 18 Nzi wonile a tindlela ta yena, nzi ta cuma yena; nzi ta rangela yena kambe, nzi kletisela a tangaliselo a ka yena hi ka bacabeleli ba yena.
- 19 Nzi banga a mihanzo ya milomu: Kurula, kurula, a ka yena loye a nga kule ni ka yena loye a nga kusuhanini, kuwula Jehova; nzi ta ncuma yena.
- 20 Kanilezi a ba kubiha ba fanana ni bimbi gi fexukelanako; hakuba a gi na ku humula, a mamati ya kona ma pandluka a piriwa ni fenze.
- 21 Lahlo a ku kona kurula ku wula a Nungungulu wa mina, a ka waku-biha.

XIPIMO 58.

- 1 Kanyulukani mu bahuwa, mu nga kakameti, klakusani a gezu ga nwi-na kwatsi i punzu, ni ku klatlambutela a ka banhu ba mina a xihambunyetiso xabye, a ka yindlu ya Jakobe a zionho zabye.
- 2 Kasike bona ba hlota mina masiku ni masiku, ni kuxalaliswa a ku tiba a tindlela ta mina: kwatsi mufumo lowo wu mahako a kululamisisa, ba nga tsiki a ziyimiso za Nungungulu wabye, bona ba wutisa ka mina a kulamula ku lulamileko; ba xalaliswa hi ku tsinela ku suhani ka Nungungulu.
- 3 Ngahilezo hi yilile, ku wula bona, wena a ku wonangi ke? Ngahilezo hi hlokisile a muhefemulo ya hina, wena a ku tekangi kutiba ke? Languta, hi ka masiku ya kuyila ka nwina mu kumile a kutsaka ka nwi-na benyi, ni kudzumeletela a kupangama ka nwina.
- 4 Languta, mu yilela a kuholoba ni kukanetana, ni kubanana hi tisuku ta kubihisisa: a mu yilangi legi siku kasi ma maha a magezu ya nwi-na ma zwiwa le hehla.
- 5 Loku hi kona a kuyila loko nzi ku langileko ke? a siku lego a munhu a ta nga hlokisa a muhefemulo wa

yena ke? gona i ku koramisa a hloko ya yena kwatsi livuti, ni ku andlala a nguwo ya tisakwa ni kuma lahasi ka yena ke? mu ta bitana lexi kuyila ke, a siku gi amukelekako a ka Jehova ke?

- 6 Loku a hi kuyila loku nzi ku langileko ke: a kuklatlisa a ziboho za kubihisisa, a ku kumula a magota ya majoka, ni ku maha a tsimbeke-tilweko a kuklatleka, kasi nwina ma tsoba wonklelele majoka ke?
- 7 Kona a hi ku nyika a zibaba za wena ka ba zwako ndlala, ni lezaku wena u neha a zisiwana lezo zi hoxilweko le ndlwini ya wena ke? laha wena u wonako a wa ximbyiri, lezaku u ta fenengeta yena; lezaku u nga ta fihla a wutsumbu ga wena le nyameni ya wena nwinyi ke?
- 8 Zonake a kuwonekela ka wena ku ta tsuwuka kwatsi hi laha mixweni, ni kuhanya ka wena ku ta klatlamuka kwatsanyana; ni kululamisisa ka wena ku ta famba mahlweni ka wena; a wukosi ga ka Jehova gi taba a kuvikela ka wena ka le nzako.
- 9 Zonake u ta bitana, na Jehova i ta hlamula; na u ta rila, yena i ta ku ngalo, Nzi laha mina.

Loku u susa a xikari ka wena a joka, ni kubekela ka litiho, ni ku wulawula hi kubihisilweko;

- 10 Ni loku u tsineta a muhefemulo wa wena ka loye a zwako ndlala, ni xurisa a muhefemulo wu hlokisilweko: zonake a kuwonekela ka wena ku ta vuka lomo munyameni, ni pumiselelo wa wena kwatsi hi laha munwini;
- 11 Na Jehova i ta rangela wena hi kusimamisilweko, ni kuxurisa a muhefelo wa wena wutsanweni gi omileko, ni ku tiyisa a marambu ya wena; wena u ta fanana ni simu yi tsakamisiwako, kwatsi xibuka xa mati, lexo a mamati ma nga tsanzekiko.
- 12 Bona labo ba nga ba wena ba ta aka wutsamo gi hahlukileko ga kale; wena u ta vuxeta a ziseketelo za zizukwana zinyingi; u ta bitanwa lezaku, U vuxeteli wa rabi, A wuyiseli wa tindlela ku aka ka tona.
- 13 Loku u hambukisa a konzo wa wena le sabadweni, wu kletle le ku maheni kuranza ka wena hi siku go basa; ni ku bita a sabado lezaku litsako, ni kubasa ka Jehova i dzunzekelelo; u ta nga dzunza kona, u nga mahi a tindlela ta wena nwinyi,

ge ni kuma kuranza ka wena nwinyi,
ge ni ku wulawula a timhaka ta we-
na nwinyi:

- 14 Zonake wena u ta xalalisa a wutsu-
mbu ga wena a ka Jehova; na mina
nzi ta ku maha a ku kilela wutsa-
nweni gi klakukileko ga misaba;
nzi ta gisetela wena ho tsomba ya
Jakobe a dadani wa wena; hakuba
a nomu wa Jehova wulile kona.

XIPIMO 59.

- 1 Languta, a canja ga ka Jehova a
gi komanyiswangi, lezaku gi nga zi
koti a ku hanyisa; ge ni ndlebe ya
yena a yi binzangi, lezaku yona yi
nga zi koti a kuzwa:
- 2 Kanilezi a zigoho za nwina zi ha-
mbanyisile nwina na Nungungulu
wa nwina, ni zionho za nwina zi fihli-
le a ngohe ya yena le ka nwina, zi-
ngaho lezaku yena a nga ta kuzwa.
- 3 Hakuba a mandla ya nwina ma nye-
nyezisilwe hi nkata, ni titiho ta nwi-
na hi zigoho; a milomu ya nwina yi
wulawulile mawunwa, a lirimi la
nwina li wulawula wuxokoro ga ku-
bihisisa.
- 4 A nga kona a koxelako a lulamisise-
lelo, a nga kona a kongelako a zine-
ne: ba tsumba a ku nga ncumo, ba
kuwulawula mawunwa; ba xura hi
kohlakaliso, ba trala kugoha.
- 5 Ba klokloro a manza ya timamba,
baluka a xisaka xa zitoli: loye a ga-
ko a manza yabye afa; ni lexo xi fa-
yilweko xi pundluka a piri.
- 6 A wutseku gabye gi nga ta maha a
tinguwo, ge bona ba nga ta fenenge-
ta a wutsumbu gabye hi mitiro ya-
bye: a mitiro yabye yi mitiro ya ku-
goha, a zimaho za kupanga zi lomo
mandleni yabye.
- 7 A mikonzo yabye yi tsutsumela a
kubiha, na bona ba maha a xihakla a
ku halata a nkata wu nga hiko na
nanzu: a kualakanya kabye kualaka-
nya ka zigoho; a hahlukelelelo ni
lobyisiselelo zi lomo tindleleni tabye.
- 8 A ndlela ya kurula bona a ba yi tibi,
a ku kona a nongametiso kufambeni
kabye; bona ba mabele bona a ti-
ndlela ti dyekeleko; kani ngwa ku
yini a fambako ka tona a nga ku ti-
bi kurula.
- 9 Hikwalaho a nongametiso wu le
kule zinwe na hina, ge hambu a ku-
lulamisisa a ku kamanyeti hina: hina
ha cuwuka kuwonekela, kanilezi, la-

nguta, a munyama; kubangamelisi-
sa, kanilezi hina ha famba wungulu-
meleni.

- 10 Ha gwelagwela a kurisi ku fanana
ni munhu wa xikumu; ina, ha gwe-
lagwela kwatsi hi bona labo ba nga
hiko na mahlo: ha kubeka laba mu-
nwini kwatsi hi laha ku te ku xiri-
batsa; xikari kabye labo ba dzumba
hi kwatsi hi banhu ba fileko.
- 11 Hina ha dzumadzuma kwatsi hi
mabeara, hi rila hi tsikwila kwatsi
hi matuba: hi cuwuka a nongameti-
so, kanilezi laho a wu kona; a ha-
nyiselelelo kanilezi wona wu le ku-
le na hina.
- 12 Hakuba a zihambunyetisiso za hina
zi enzelekelene mahlweni ka wena, a
zionho za hina zi enelisile kuvukela
hina; na hakuba zihambunyetisiso
za hina zi zinwe na hina, na kwatsi
hi zigoho za hina, ha tiba zona:
- 13 Hi hambunyetako hi kanetako Jeho-
va, hi hambuka kule ku lanzeleni a
Nungungulu wa hina, hi wulawula
a tsimbetelelo ni hlubukiselelo, hi
xureko hi tsawutelako hi lomo mbi-
lwini a timhaka ta mawunwa.
- 14 A nongametiso yi la su renzeka yi
gangatsala, ni lulamisiselelo yi yimi-
le kule leyo; hakuba a zinene zi we-
le lomo mapangweni, a longametiso
wu nga ta engena.
- 15 Ina, a zinene za labeka; na yena lo-
ye a sukako a kubiheni i maha wu-
tsumbu ga yena a pfimba.
Na Jehova i wouile kona, kona a
ku xalalisangi yena lezaku a ku kona
a nongametiso.
- 16 Na yena i lo wona lezaku a wa nga
kona a munhu, na a lo hlmaliswa
lezaku a wa nga kona a muhlanguti:
hikwalaho a woko ga yena nwinyi
ga lo neha a kuhanyisisa a ka yena;
ni kululamisisa ka yena kona ku ko-
mile yena.
- 17 Na yena i lo ambala a lulamisiselelo
kwatsi i ngenge, ni xiklangu xa ha-
nyiselelo hehla ka bloko ya yena;
na yena a huluxeta mikumba ya po-
telelo akuba tinguwo, i wa lo nama-
rela hi ku pangama kwatsi i nguwo.
- 18 Kukotisa hi zimaho zabye, hi kukoti-
sisilweko yena i ta ba rihela, a zanga
ka bakanitisanako na yena, a potele-
lo a ka balala ba yena; le zihlalani
yena i ta rihela a potelelo.
- 19 Zingaho bona ba ta caba a bito ga ka
Jehova ku sukela le muhlwagambo,

ni wukosi ga yena ku sukela le musukagambo ; hakuba i ta kuta kwatsi i congo wu kulungako, lowo wu tsutsumiswako hi mheho ya ka Jehova.

- 20 Ni Muklaklisi i tata a le Zioni, a ka bona labo ba khlileko le zihambunyeweni ba ka Jakobe, ku wula Jehova.
- 21 Na kwatsi ha mina, lexi hi xivumelwano xa mina zinwe na bona, ku wula Jehova ; a Moya wa mina lowo wu nga hehla ka wena, ni timhaka ta mina leto nzi bekileko nonwini wa wena, ti nga ta suka lomo nonwini wa wena, ge ni ku huma le nonwini wa mbewu ya wena, ge ni ku huma le nonwini wa mbewu ya mbewu ya wena, ku wula Jehova, kusukela kalezi ni kala kupinzuka.

XIPIMO 60.

- 1 Suka, woninga, hakuba a kuwonekela ka wena ku tile, ni wukosi ga ka Jehova gi vukile hehla ka wena.
- 2 Hakuba, languta, a munyama wu ta kubunyeta a misaba, na munyama wu pumisilweko hehla ka banhu ; kanilezi Jehova i ta vuka hehla ka wena ni wukosi ka yena gi ta woniwa hehla ka wena.
- 3 Ni mifumo yi tata kuwonekeleni ka wena, ni tihosi kubangameleni ka kutsuwuka ka wena.
- 4 Klakusa a mahlo ya wena u lunguza, u wona : bonklelele ba tsombanyisile a wutsumbu gabye katiginwe, ba tile ka wena ; a barisanyana ba wena ba tata hi le kule, nibanhanyana ba wena ba ta rwalwa lomo mawokweni.
- 5 Zonake wena u ta wona ku hi miklamalalo, ni mbilu ya wena yi ta kanyaniswa yi enzeleka ; hakuba a talisiso wa binbi wu ta kubunyeta ka wena, ni fumelo ga mifumo gi ta khlala a ka wena.
- 6 A wudlemo ga makameli ma ta fenengeta wena, a likamelo la Midiani ni Efa ; bonkle bona ba le Xeba ba tata ; bona ba ta neha a nzalama ni hlakati, ba taba nyibo hi kudumiswa ka Jehova,
- 7 Youkle a miklambi ya le Kedare yi ta tsombana katiginwe ka wena, a tihamba ta le Nebaiote ti ta kozela a ka wena ; tona ti tata ni ku amukelekako a alatini ga mina ; nzi ta basisa a yindlu ya wukosi ga mina.

8 Mba mani laba ba purumako kwatsi i marefu, ni ku kwatsi matuba mimoleni ya wona ke?

9 Hakunene a zihlale zi ta rinzela mina, ni mataru ya le Tarxixi kuranga. a ku neha a barisanyana ba wena hi le kule, a siliva gabye ni nzalama yabye zinwe nabo, akuba za bito ga Jehova a Nungungulu wabye, ni za Loye wa ku Basa wa ka Israeli, hakuba yena a dumisile wena.

10 Ni bamatiko ba ta aka a ligingisi la wena, ni tihosi tabye ti ta kozela a ku wena : hakuba hi ka zanga ya mina nzi hlasele wena, kanilezi hi ka tomo ga mina nzi mahile a titralo ka wena.

11 Ni tinyangwa ta wena kambe ti ta vululwa hi kusimamisilweko ; tona ti nga ta valwa ga hambu wusiku na hi siku ; kasi a banhu ba nga neha ka wena a mipfuno ya mifumo, ni tihosi ta bona ti be tihloko ta bona.

12 Hakuba lolo lixaka kutani mufumo lolo li ta nga kala li nga kozeli wena li ta mbemba ; ina, a mifumo yi ta hlakatwa hi kumbetisilweko.

13 Ni wukosi ga le Lebanoni gi tata ka wena, a sinye ya fira, a sinye ya kwati, ni sinye ya magomba katiginwe, a ku mburisa a wutsamo ga yindlu ya mina ya kubasa ; nzi ta beka a wutsamo ga mikonzo ya mina a ku ngangamelisisa.

14 A barisanyana ba bona labo ba hlakisa wena ba tata korama ka wena ; ni bonkle labo ba kanyisako wena ba ta koramisa a wutsumbu gabye lahasi ka zirenze za mikonzo ya wena ; ba ta bitana wena, a Muti wa ka Jehova, a Zioni ga Loye wa ku Basa wa ka Israeli.

15 Hikwihl laho wena u tsikilweko ha kona u bengilweko, zingaho lezo a nga hi kona a munhu a hunzako a tsemakanya wena, nzi ta maha wena a sonzomiselo ya wukulu, a litsako la zizukulwana zinyingi.

16 Wenawu kambe u ta anwa masi ya mifumo, u ta anwa a mabele ya tihosi ; na wena u ta tiba lezaku mina, Jehova, nzi mina Muhanyisi wa wena, ni Muklaklisi wa wena, a Nyamintamo Loye wa Jakobe.

17 Hi suku nzi ta neha a nzalama, hi ziketse nzi ta neha siliva, hi tisinya a suku, ni hi maribye a ziketse. Nzi ta mahawu kambe a tinduna ta

wena a kurula, ni batongi ba wena a lulamiselelo.

- 18 A kupanga ku nga zwiwa kambe lomo tikweni, a hahlulelelo ni ge ni lobyselelo yi nga ta kuba kona mibinganweni; kanilezi u ta bitana a tigingisi ta wena aku i Hanyeselelo, a tinyangwa ta wena i Dumiselo.
- 19 A gambo gi nga ta ha kuba kambe kuwoninga ka wena hi siku; ge hambu kungangamela a hweti yi nga ta nyika kuwonekela ka wena: kanilezi Jehova i ta kuba ka wena a kuwonekela kupinzukelisilweko, na Nungungulu wa wena a wukosi ga wena.
- 20 A gambo ga wena gi nga ta ha pela kambe; ge ni hweti ya wena yi nga ta hafa kambe a wutsumbu ga yona; hakuba Jehova i ta kuba a kuwonekela ka wena kupinzukelisilweko, a masiku ya kurila ka wena ma ta gumelwa.
- 21 Ni banhu ba wena bonkle ba taba ba lulamileko; bona ba ta fumela a tiko kala kupinzuka, a rabi ga sinya ya mina, a tiro wa mandla ya mina, kasi nza fela ku dumisiwa.
- 22 A ba tsongwani ba ta maha a kume ga mazana, a ba tsongwani ba ta maha a fumumo wa ntamo: mina, Jehova, nzi ta haklisisa kona hi zikati xa kona.

XIPIMO 61.

- 1 A Moya wa Hosi Jehova wu le hehla ka mina; hakuba Jehova i totile mina a kukanela a mahungu yo saseka a ka bakoramekileko; yena i rumile mina a ku bohelela a timbilu ti tsobekileko, a kubahungu ga kleklekiselelo ka konwilweko, ni kuvulula a mapaxo a ka bona labo ba kotsilweko;
- 2 A kubahungu ni lembe ga tomo ga ka Jehova, a siku ga potelelo wa Nungungulu wa hina; a kucabelela bonkle labo ba rilako;
- 3 A ku yimisa a ka bona labo ba rilako le Zioni, a ku nyika ka bona a malongo ya kuma, a mafura ya kutsasa wutsanweni ga kurila, a nguwo ya kudumisa wutsanweni ga moya wu binzileko; kasi ba fela ku bitanwa a tisinya ta lulamisiselelo, a sinyanya ya ka Jehova, kasi yena a fela kudumiswa.
- 4 Bona ba ta aka a marumbi ya kale, ba ta vuxa a hahlulelo wa kale,

- ba ta akisa a miti ya marumbi, a hahlulelelo wa zizukulwana zinyingi.
- 5 Ni bamatiko ba ta yima ba gela mikelambini ya nwina, a bapfumba ba ta kuba a ba banuna ba kurima ba nwina ni hlakuleli ba zivina.
- 6 Kanilezi nwina mu ta bitanwa mu bapristi ba ka Jehova; a banhu ba ta bitana nwina mu bakozeli ba ka Nungungulu wa hina; mu taga pfunisiso wa mifumo, ni wukosini gabye mu ta kukumuxa a wutsumbu ga nwina.
- 7 A xikundleni xa tingana ta nwina mu taba ni ku engetilweko; a kumbiri xikundleni xa ku nga dzunziwi bona ba ta tsaka hi xiabelo xabye: hikwalaho lomo tikweni gabye bona ba ta fumela a kumbiri; a tsakiselelo wu pinzukelelilweko wu taba ka bona.
- 8 Hakuba mina, Jehova, nzi ranza a nongametiso, nzi benga a pangiselelo zinwe ni zigoho; nzi nyika bona a potelelo yabye hi ka zinene, nzi ta maha a xivumelwano xi pinzukelelilweko zinwe na bona.
- 9 Ni mbewu yabye yi ta tibyiwa xikari ka mifumo, ni tralo wabye xikari ka banhu: bonkle labo ba ta nga wona bona ba ta tiba bona, lezaku bona hi mbewu leyo Jehova a yi katekisileko.
- 10 Hi kukulisilweko nzi ta tsaka hi ka Jehova, a muhefemulo wa mina wu taba ni bumiselelo hi ka Nungungulu wa mina; hakuba yena i ambexile mina hi tinguwo ta hanyiselelo, yena i fenenetile mina hi nguwo ya kululamisisa, kwatsi hi muyeneni a ambexileko a wutsumbu ga yena hi malongo, na kwatsi hi makoti a bombisileko a wutsumbu ga yena hi tinzalama.
- 11 Hakuba kwatsi hi misaba yi humesako a kuhluka ka yona, ni kwatsi hi simu yi mahako lezi zi trelweko ka yona a ku mila; zingaho Nungungulu Jehova i ta maha a kululamisisa ka yena ni dzunziwa ka yena ku buka ka yonkle a mifumo.

XIPIMO 62.

- 1 Hi kota ya Zioni nzi nga kakame-ta a kurula ka mina, hi kota ya Jerusalema nzi nga ta humula, kala kululamisisa ka yena ku huma ku famba kwatsi kubangamela, ni kuhanyisisa ka yena kwatsi i kandiya yi vurako.

- 2 Ni mifumo yi ta wona a kululami-
sisa ka wena, ni tihosi a wukosi ga
wena; u ta bitanwa hi bito giswa,
lego a nomu wa ka Jehova wu ta
nga gi cula.
- 3 Na wena kambe u ta kuba a xidlo-
dlo xa wumburi a canjeni ga ka Je-
hova, ni mubodi wa ka hosi lomo
canjeni ga ka Nungungulu.
- 4 Wena u nga ta ha culwa kambe u
Tsikilwe; ga cima kambe a tiko ga
wena gi nga ta ha culwa kambe hi
ku marumbi: kanilezi wena u ta
culiwa Hefziba, ni tiko ga Beula;
hakuba Jehova a xalalisilwe a ka
wena, ni tiko ga wena gi taba gi
cadileko.
- 5 Hakuba kwatsi hi jaha gi cadana ni
mubulwa, zingaho a barisanyana ba
wena ba ta cada wena; kwatsi hi
muyeni a tsakako hi makoti, zinga-
ho a Nungungulu i ta tsaka hehla ka
wena.
- 6 Nzi yimisile a barinzeli hehla ka
makurisi ya wena, O Jerusalema;
bona ba nga ta kawula a siku ni
wusiku: nwina labo mu nga kual-
kanyela ka Jehova, mu nga teki ku-
humula.
- 7 Ni ku nga nyiki a kuhumula, kala
yena a be a yimisilweko, kala yena
a maha Jerusalema a dumiselelo laha
misabeni.
- 8 Jehova i hlambanyile hi canja ga
yena ga xinene, na hi woko ga nta-
mo yakwe, nzi nga ta ha nyikela a
mbewu ya wena akuba kuga ka ba-
lala ba wena; ni bamatiko ba nga
ta ha kunwa a waini ga wena giswa,
lego u tirileko:
- 9 Kanilezi bona labo ba biringeteli yo-
na ba taga kona, ni ku dumisa Jeho-
va; kanilezi bona labo ba eluleko
kona ba ta nwela kona lomo tihu-
byeni ta yindlu ya kubasa ya ka mi-
na.
- 10 Famba u tsemakanya, famba u tse-
makanya a tinyangwa; longiselani
nwina a ndlela ya banhu; hoxani,
hoxani a magonzo; wungeletelani a
maribye; klakusani a muwoniso wa
banhu.
- 11 Languta, hakuba Jehova i bile hu-
ngu kala kugumelweni ka misaba,
Wulani nwina a nhwanyana wa le
Zioni, Languta, a hanyiselelo ya we-
na yata; languta, a ncacazelo wa
yena wu ziwwe na yena, ni potelelo
wa yena wu le mahlweni ka yena.
- 12 Bona ba ta bitana bona, A banhu bo
basa, a ba klaklisilwe ba ka Jehova:
na wena u ta bitanwa Hlotilweko,
A muti wu nga tsikwangiko.

XIPIMO 63.

- 1 Hi wihi loyi a tako hi le Edome,
ni tinguwo to trukiswa hi le Bozra
ke? loyi a ngangamelisisako tingu-
byeni ta yena, a kacambako lo wu-
kulwini ga ntamo wa yena ke? mina
loye a wulawulako hi ka kululami-
sisa, nzi nhenha a kuhanyisa.
- 2 Ngahilezo wena u trukile tingubyeni
ta wena, ni tinguwo ta wena ti kota
ta loye a kameleko lomo wuhlute-
lweni ga waiui ke?
- 3 Nzi kanziyecele a xigowolo xa waini
zoce; a wa banhu ku wa nga hi ko-
na a munhu ziwwe na mina; ina, nzi
lo kanziyela bona lomo zangeni ya
mina, nzi ganyetela bona lomo ku-
lweni ga mina; a nkata wa wutomi
gabye wu zwatsekelwe hehla ka ti-
nguwo ta mina, nzi balatile tonkle a
tinguwo ta mina.
- 4 Hakuba siku ga potelelo gi lomo
nzeni ka mbilu ya mina, a lembe ga
klaklilelelo wa mina gi tile.
- 5 Nzi lo cuwuka, ku wa nga hi wa
ku vunetela; nzi lo hlamalasilwe ha-
kuba ku nga hiko kona a wa kamu-
kela: hikwalaho a woko ga mina
nwinyi gi lo neha a hanyiselelo a ka
mina; ni zanga ya mina, yi kamu-
kela mina.
- 6 Nzi kanziyele a banhu lahasi hi za-
ngeni ya mina, nzi mahile bona ku
popiwa le zangeni ya mina, nzi ha-
latile ku huma nkateni wa wutomi
gabye lomo misabeni.
- 7 Nzi ta maha a kumbuxetelo ya
wuranza ga wunene ga ka Jehova,
ni midumiselelo ya ka Jehova, kuko-
tisa hi ka konkle lezo Jehova a nyi-
kileko a ka hina, ni wukulu ga sasi-
selelo ya ngomama ni yindlu ya ka
Israeli, leyo a nyikileko bona kuko-
tisa hi ka titralo ta yena, kukotisa
hi ka wudlemo ga kuranza ka wu-
nene ga yena.
- 8 Hakuba yena i te ngalo, Hakunene,
bona ba hi banhu ba mina, a banana
labo ba nga ta maha hi kukohlisi-
lweko: zingaho yena i wa hi Muha-
nyisi wabye.
- 9 A ka konkle a kuhlokiswa kabye ye-
na i wa hlokisilwe, a ngelosi ya ku-
bakona ka yena yi lo hanyisa bona:

hi ka kuranza ka yena ni kuhawu-
kela ka yena i lo *klaklisa* bona ; i lo
rwala bona, i lo pakatsa wonkle a
masiku ya kalelo.

- 10 Kanilezi bona ba hlubukile, ba zangarisile a Moya wa yena wa ku basa: hikwalaho yena i lo hunzuluka akuba a nala wabye, ni wutsumbu ga yena i talwa a vukela bona.
- 11 Zonake yena i alakanyile a masiku ya kaleloko, Mosi ni banhu ba yena, aku, I kwihi loye a nga wa nehile bona ba huma bimbini zinwe ni barisi ba *klambi* wa yena ke? i kwihi loye a bekileko a Moya wa ku basa xikari ka bona ke?
- 12 Loye a mahileko a woko ga yena ga wukosi a ku famba hi ka canja ga xinene ga Mosi ke? loye a abanyisileko a mati mahlweni ka bona, a ku maha a wutsumbu ga yena a bito gi pinzukuliselweko ke?
- 13 Loye a rangeleko bona ba tsemakanya kueta, kwatsi i haxi le xiwuleni, zingaho lezo ba nga retemuki ke?
- 14 Kwatsi hi tihomu leto ti relelako le mikobeni, a Moya wa ka Jehova wu lo maha bona kuhumula: zingaho wena u lo rangela banhu ba wena, a ku maha a wutsumbu ga wena a bito gi dzunzekileko.
- 15 Cuwuka lahasi hi le tilweni, u languta hi wuakelweni ga basiselelo ya wena ni wukosi ga wena: wu kwihi a pangamiselelo wa wena ni zimaho za wena za ntamo ke? a gomelelo ga mbilu ya wena ni hawukeleliselo wu kaketilwe a ngomama na wena.
- 16 Hakuba wena hi wena dadani wa hina, hambu loko Abraham a nga tibiko hina, na Israeli a nga tibi ha hina; wena, O Jehova, hi wena Dadani wa hina; a Muklaklisi wa hina a bito ga wena gi sukela kupinzukelisisweni.
- 17 O Jehova, hi yini u mahako hina ku boheta tindloleni ta wena, ni ku sihalalisa a mbilu ya hina le xicabyeni xa wena ke? Klela hi kota ya nanza ga wena, a tixaka ta tsomba ya wena.
- 18 A banhu ba wena ba ku basa ba fumele gona a xikatanyana basi: a balala ba hina ba kanziyela lahasi a yindlu ya wena ya ku basa.
- 19 Hina hi mahile kwatsi hi bona hehla ka bona labo wena cima a ku ba fumelang, kwatsi hi bona labo cima a ba bitwangi hi bito ga wena.

XIPIMO 64.

- 1 O lezaku wena u wa ta nga u hanzula a matilo, lezaku wena u wa ta nga u rerela lahasi, lezaku a zitsunga si wa ta nga zi kucungwa a kubakoneni ka wena.
- 2 Kwatsi hi nzilo wu nzangulako a mafusi, ni nzilo ku maha a mati ku bila; a ku maha a bito ga wena gi tibiwa a ka balala ba wena, kasi a mifumo ya rurumela a kubakoneni ka wena!
- 3 Laha wena u mahako a zilo zi tsisako lezaku hina hi nga kala hi nga cuwukelang, wena u relelako uta, a zitsunga za tsekatsekiswa a kubakoneni ka wena.
- 4 Hakuba kusukela ka kale banhu ba wa nga seku zwiwa, ge hambu ku pimiwa hi ndlebe, ge hambu tihlo a gi wonangi a Nungungulu hi lahاندle ka wena, loye a tirako a ka yena loye a rinzelako yena.
- 5 Wena u klanganyetako loye a tsakako a tirako a kululamisisa, labo ba alakanyako wena a ndloleni ya wena: languta, wena u wa zangarile, na hina hi onhile: ka bona hi wa kari hi kona a xikatini xa kale; na hi ta hanyisiwa ke?
- 6 Hakuba honkle hi tsamile kwatsi hi loye a nga hlazekangiko, ni konkle a kululamisisa ka hina ku kwatsi i nguwo yi nyenyeziselweko: honkle ha wuna kwatsi i kluka; ni kugoha ka hina, kufauana ni mheho, ku swiyela hina kule.
- 7 Laho a ku kona loye a bitanako a ka bito ga wena, loye a vuxako a wutsumbu ga yena a ku kangatela wena; hakuba u fihlile a ngohe ya wena a ka hina, na wena u mbetisile hina hi kota ya zigoheketiselo za hina.
- 8 Kanilezi, makunu, O Jehova, wena u hi Dadani wa hina; hina hi wumba, wena u muwumbi wa hina; honkle hi tiro wa canja ga wena.
- 9 U nga zangariswi hi kutsingisilweko, O Jehova, ge ni ku alakanya a zigoho kala kupinzuka: languta, cuwuka, ha kongotela wena, hina honkle hi banhu ba wena.
- 10 A miti ya wena ya kubasa yi mahile a xuwula, Zioni gi mahile a xiwula, a Jerusalema marumbi.
- 11 A tindlu ta hina ta ku basa ni ta wumburi, laho a badadani ba hina a nga wa dumisa wena, ti swile hi

nzilo ; ni gonkle a wutsamo ga hina gatsi gi hi marumbi.

- 12 Wena u ta tsimbeta a wutsumbu ga wena a ka lezi zilo ke, O Jehova ke? wena u ta rutisa u miyela, u hloki-selela hina hi kutsingisilweko nguvu ke?

XIPIMO 65.

- 1 Nzi wutilwe ha bona labo ba nga wutisiko mina, nzi kunilwe ha bona labo ba nga hlotiko mina: nzi te ngulo, Languta mina, languta mina, a ka mufumo lowo wu nga bitanwangiko hi bito ga mina.
- 2 Nzi nabalatile a mandla ya mina gonkle a siku a ka banhu labo ba hlubukisako, labo ba fambako a ndleleni leyo yi nga hiko yi nene, ba lanzela a kualakanya ka'bye benyi;
- 3 A banhu labo ba vindlukisako mina a ka ngohe ya mina hi kusimamisi-lweko, ba pahlelako masinwini, ba hisa tibani maribyeni;
- 4 Labo ba tsamileko xikari ka mikele, ba eklelako lomo wutsanweni ga gi fihleleko; labo ba gako a nyama ya makumba, ni muro wa zilo zi nyala-tanisako a mingelweni ya'bye;
- 5 Bona ba wula, Yima hi wutsumbu ga wena, u ngati kusuhani ka mina, hakuba mina nzi basileko ku hunza wena. Laba i musu nhovini ya mina, a nzilo lowo wu vurako gonkle a siku.
- 6 Languta, kona ku tsalilweni mahlweni ka mina: nzi nga ta rutisa nzi miyela, kanilezi nzi ta pota, ina, nzi ta pota zifubeni za'bye.
- 7 A kugoha ka nwina benyi, ni kugoha ka badadani ba nwina katigizwe, ku wula Jehova, lezo ba hisileko a tibani hehla ka zitsunga, ba ruteleko mina hehla ka zitsungana: hikwalaho nzi ku ranga nzi ta ringanisa a tiro wa'bye hehla ka zifuba za'bye.
- 8 Zakungahi a wulako Jehova, kwatsi hilezi a waini giswa gi kuzwako lomo zitateni, ni mu'zwe aku, u nga lobisi kona, hakuba a xikatekiso xi ka kona: zingaho nzi ta maha hi kota ya nanza ga mina, kasi nza nga feli ku lobisa bona bonkle.
- 9 Nzi ta neha a mbewu yi huma hi ka Jakobe, ni ka Juda a mu fumeli wa zitsunga za mina; a hlawulilweko wa mina i ta fumela kona, ni milanza ya mina yi ta tsama laho.
- 10 Ni le Xaroni ku taba a makanyo wa

mi'klambi, ni mikoba ya ka Akora a wutsamo ga tihomu a ku zumba kona, akuba ya banhu ba mina labo ba hlotileko mina.

- 11 Kanilezi nwina labo mu tsifikileko Jehova, labo mu kohllilweko hi xitsunga xa mina xa ku basa, labo ba longiselako a meza ya Tomo, lezo ni ku tatisa a waini gi xangelweko ga Tomo.
- 12 Nzi ta yimisela nwina ka supado, nwina nwenkle mu ta korama ka muhla-seli; hakuba laha na nzi bitanile nwina, a muhla-mulangi; laha na nzi wulawula, a mu wa nga zizwangi; kanilezi nwina mu mahile lezo zi bihileko a mahlweni ya mina, mu hlawulile lazo ha zona nzi nga zi ranziko.
- 13 Hikwalaho zakungahi a wulako a Hosi Jehova, Languta, a malanza ma taga, kanilezi nwina mu taba ni ndla-la; languta, a malanza ma ta kunwa, kanilezi nwina mu tazwa tora; languta, a malanza ma ta tsaka, kanilezi nwina mu ta koyamiswa tingana;
- 14 Languta, a malanza ya mina ma ta yimbelela hi litsako la mbilu, kanilezi nwina mu ta rila hi blomulo wa mbilu, ni ku rila hi karatekelo wa moya.
- 15 Na nwina mu ta maha a mabito ya nwina a nzhukano a ka bahlawulilweko ba mina; a Hosi Jehova i ta hlasela wena; i ta bitana a malanza ya yena hi gi'zwani i bito:
- 16 Zingaho lezaku loye a katekisako a wutsumbu ga yena laha misabeni i ta katekisa a wutsumbu ga yena hi ka Nungungulu wa zinene, ni loye a hlambanyako laha misabeni i ta hlambanya ha Nungungulu wa zinene; hakuba zikarato za kale zi ribakelwe, hakuba zona zi fihlilwe le mahlweni ya mina.
- 17 Hakuba, languta, nzi banga a matilo maswa ni misaba yiswa; a zilo kale zi nga ta ha alakanyiwa, ge ni kuta malangeni.
- 18 Kanilezi nga nwina mu tsaka ni bu-ma kala kupinzuuka a ka lezo mina nzi bangileko; hakuba, languta, nzi banga Jerusalema a tsakiselelo, ni banhu ba yena a litsako.
- 19 Na mina nzi ta tsaka le Jerusalema, ni kutsaka hi ka banhu ba mina; laho ku nga ta zwiwa kamba a gezu ga kurila ni gezu ga huwa.
- 20 Laho ku nga ta kuba kona kambe a

lisana la masiku, ge ni xikosana lexo xi nga tatisangiko a masiku ya xona; hakuba a xinwana xi tafa na xi hi ni zana ga malembe wukale, kanilezi a muonhi na a hi ni zana ga malembe i ta rukatelwa.

- 21 Na bona ba ta aka a yindlu, ni ku akisa bona; ba ta byala a zivina, ni kuga a mihanzo ya zona.
- 22 Bona ba nga ta aka, ni munwani a ta teka; ba nga ta byala, munwani a taga; kwatsi hi masiku ya sinya ma taba lezo a masiku ya banhu ba mina, ni ba hlalulileweko ba mina ba ta longoloka ba tsaka hi mitiro ya mandla ya dye.
- 23 Bona ba nga ta pangamela mahala, ge hambu ku trala a tikuruxu; hakuba bona imbewu yi katekisilweko ya ka Jehova, ni tralo wa bye zinwe nabo.
- 24 Na kona ku ta mahisile lezo lezaku, hi mahlweni na ba se ku bitana, nzi ta hlalula; laha na ba ha wulawula, nzi ta ingisa.
- 25 A mhisi ni ivana zi taga katiginwe, ni ngonyamo yi taga byanyi ku fanana ni kabi; ni tsuru wu ta ba kuga ka nyoka. Zona zi nga ta lumata ge ni ku lobisa le xonkle xitsungeni xa mina xo basa, ku wula Jehova.

XIPIMO 66.

- 1 Lezo ku wula Jehova, A tilo hi xitsamo xa mina, a misaba hi xikegetelo xa mikonzo ya mina: yindlu ya ku yini nwina mu ta aka a ka mina ke? na gi hi gihi a wutsamo ga kuhumula ka mina ke?
- 2 Hakuba zonkle lezi zilo a mandla ya mina ma zi mahile, ni lezi zilo zonkle zi lo mahake, ku wula Jehova: kanilezi a ka loyi munhu nzi ta cuwuka, a ka yena loye a xisiwana ni wa mbilu yi tsobekileko, loye a rurumelako a ka mhaka ya mina.
- 3 Loye a dayako a kabi i kwatsi hi loye a dayako a munhu; loye a pahlelako hi ivana, i kwatsi hi loye a sokorotako a mhamo ya mbyana; loye a nyikelako a xinyikiwo, i kwatsi hi loye a nyikelako a nkata wa kumba; loye a hisako a libani, i kwatsi hi loye a katekisako a xifananiso. Ina, bona ba hlalulile a tindlela ta bona benyi, ni mihefemulo ya bye yi xaliswa hi manyalataniselelo.
- 4 Mina kambe nzi ta hlalula a kukiya lwa kabye, nzi ta neha a hlanekero

[Sheetswa.]

wa bye hehla ka bona; hakuba laha na nzi bitana, a kona a vumeleko; laha na nzi wulawula, a nga kona a zwako; kanilezi bona ba mahile lezo zi bibileko kuwoneni ka mina, ni ku langa lezo mina nzi nga xalalisiwiko ha xona.

- 5 Zwana a mhaka ya ka Jehova, nwina labo mu rurumelako a mha-keni ya yena: A bamakabye ba nwina labo ba bengako nwina, labo ba mu hoxako hi kota ya bito ga mina ba tengalo, Nga Jehova a dumisiwa, kasi ha fela ku wona a kutsaka ka nwina; kanilezi kona hi ku bona ba ta nga koyama tingana.
- 6 A gezu ga pfilupfilu ga le mutini, a gezu ga le tempeleni, a gezu ga ka Jehova loye a nyikako a poteleliso a ka balala ba yena.
- 7 Hi mahlweni na yena na a nga se ku luzwa, yena i lo trala; hi mahlweni na ku bayisa ka yena ku nga se kuta, yena i lo hefemula a nwa nana wa nisanyana.
- 8 Loye a zwileko a lexo ke? loye a zwileko lezo zilo ke? A tiko gi ta tralwa hi siku ginwe ke? a mufumo yi ta kuliswa hi kanzakanya ke? hakuba kwatsi hi xikanzakanya xa lezi Zioni a lunwileko, gona gi tralile a banana ba yona.
- 9 Nzi ta neha a kutrala ke, nzi nga vumeli kuhafemula ke? ku wula Jehova: mina loye nzi ta nga maha ku trala nzi ta vala marumbu ke? ku wula Nungungulu.
- 10 Boman! nwina zinwe Jerusalema, mu tsakiswa ha yena, nwenkle nwina labo mu ranzako gona: bumani hi ku tsaka ka gona, nwenkle nwina labo mu rilelako ha gona.
- 11 Lezaku nwina mu anwa ni kuxuriswa hi mabele ya kuwuyiselwa ka yena; kasi nwina ma senga, ni ku xuriswa hi wunyingi ga wukosi ga yena.
- 12 Hakuba zakungahi a wulako Jehova, Languta, nzi ta nyika a kurula ka yena kwatsi i congo, ni wukosi ga mifumo ku fanana ni kupupuma ka micongo: na nwina mu ta anwa kona; nwina mu pakatswa rebeni mu ta andliwa le madzolweni.
- 13 Kwatsi hi mu nwe loye a mamani wa yena a mu tangalisako, zingaho nzi ta tangalisa nwina; nwina mu ta kuba mu tanganisilweko lomo Jerusalema.

- 14 Nwina mu ta wona gona, ni timbilu ta nwina ti ta buma, ni marambu ya nwina ma ta nariswa kwatsi i byanyi ga lihunga : ni canja ga ka Jehova gi ta tibyekiswa hehla ka malanza ya yena ; na yena i ta kuba ni kulo a vukela a balala ba yena.
- 15 Hakuba, languta, Jehova i tata hi nzilo, ni tikareta ta yena ti to kwatsi hi mbeho ya xihuhuri ; a ku potela a zanga ya yena hi cabekiselo, ni kwukelelo wa yena hi pingo ga nzilo.
- 16 Hakuba hi nzilo Jehova i ta tsanza a lamuliselelo, na hi supado ya yena, a ka yonkle a nyama ; a ba delweko ba Jehova ba ta kuba banyingi.
- 17 Bona labo ba basisileko a wutsumbu gabye ni hlazisela a wutsumbu gabye a kuya masinwini, le nzako ka inunwe lomo xikari, bagako a nyama ya makumba, ni manyalataniso, ni bonyani, bona ba tata kugumelweni katiginwe, ku wula Jehova.
- 18 Hakuba nzi yi tiba a mitiro yabye ni alakanya kabye ; a xikati xata, lexo nzi ta nga tsombanyisa yonkle a mifumo ni tonkle a tirimi ; bona ba tata, ni ku wona a wukosi ga mina.
- 19 Nzi ta yimisa a ziwoniso xikari ka bona, nzi ta rumela a labo ba bona ba ponileko taya mifunweni, e Tarxixi, le Pule, ni Luda, labo ba kondlako a wura, le Tubale, ni Javane, le zihlaleneni za le kule, lezo zi nga zwangiko a wudumo ga mina, ge ni ku wona a wukosi ga mina ; na bona ba ta klatlambutela a wukosi ga mina xikari ka mifumo.
- 20 Na bona ba ta neha bonkle a bama-kabye ba nwina ba huma ka yonkle a mifumo a kuba munyikelo a ka Jehova, le mahaxini, ni le tikareteni, le mlbedini, le timbongoleni, ni le makamelweni, a ka xitsunga xa mina xa ku basa Jerusalema, ku wula Jehova, kwatsi hi banana ba ka Israeli ba nehako a xinyikiwo xabye lomo xibweni xo basa lomo ndlwini ya ka Jehova.
- 21 A ka bona kambe nzi ta teka akuba bapristi ni ba Levi, ku wula Jehova.
- 22 Hakuba kwatsi hi matilo maswa ni misaba yiswa, leyo mina nzi ta nga yi maha, yi ta tsama mahlweni ka mina, ku wula Jehova, zingaho a mbewu ya nwina ni mabito ya nwi-na ma ta tsama.
- 23 Na kona ku ta mahisile lezo, lezaku ku sukela ka hweti yinwe yiswa kuya ka yinwani, ni ku sukela ga ginwe sabado ni kuya ka ginwani, yonkle a nyama yi ta kozela mahlweni ka mina, ku wula Jehova.
- 24 Bona ba ta huma, ba ta cuwuka a zirumbu za bafleko labo ba hambu-nyetileko ba vukela mina : hakuba a xiwungani xabye xi nga ta kufa, ge hambu a nzilo wabye wu nga ta ti-nwa ; na bona ba taba xiswiro a ka yonkle a nyama.

A BUKU GA JEREMIA.

XIPIMO 1.

- 1 A timhaka ta ka Jeremia a nisan-nyana wa ka Hilikia, wa bapristi, labo ba nga wa hi le Anatote le tikweni ga ka Benjaminini :
- 2 A ka wihi a mhaka ya Jehova yi lota a masikwini ya Josia a nisan-nyana wa ka Amoni, a hosi ya ka Juda, a ka kume ni manharu malembe ya kufuma ka yena.
- 3 Yona yi lota kambe a masikwini ya Jehoiakimu a nisan-nyana wa Josia, a hosi ya ka Juda, ni kugumelweni ka kume ni ginwe a malembe ya Zedekia, a nisan-nyana wa ka Josia, a hosi ya ka Juda, kala kukonweni ka Jerusalema a tihloko a ka hweti ya wunklanu.
- 4 Makunu a mhaka ya Jehova yi lota a ka mina, yiku,
- 5 Hi mahlweni na nzi nga se ku maha wena lomo rumbyini nzi lo tiba wena, hi mahlweni na u nga se ku huma hi lomo rumbyini nzi lo basisa

JEREMIA, 2.

wena; nzi langile wena a kuba a muprofeti a ka bamatiko.

6 Zonake nzi lo wula, Ha, Hosi Jehova! languta, a nzi zi tibi a ku wulawula; hakuba nzi nga nwanana.

7 Kanilezi Jehova i te ngalo ka mina, U nga wuli, Nzi nwanana; hakuba a ka wihi loye nzi ta nga rumela wena u ta kuya, kani zakuyini nzi ta nga leletela wena u ta wulawula.

8 U nga cabi hakuba ha bona; hakuba mina nzi na wena a kuklaklisa wena, ku wula Jehova.

9 Zonake Jehova i lo nawuluta a canja ga yena, i lo kumba a nomu wa mina; na Jehova i te ngalo ka mina, Languta, nzi bekile a timhaka ta mina nonwini wa wena:

10 Wona, nzi yimisile wena legi siku hehla ka mifumo ni hehla ka matiko, a ku hlomula ni ku tsoba ni ku lobisa ni ku kungumula, a ku aka ni ku byala.

11 Klatakumbiri a mhaka ya ka Jehova yi lota a ka mina, yiku, Jeremia, xini u wonako wena ke? na mina nzi te ngalo, Nzi wona a nhonga ya sinya ya almonde.

12 Zonake ku lo wula Jehova a ka mina, Wena u wonile kwatsi: hakuba nzi rinzele a timhaka ta mina a ku mbetisa tona.

13 A mhaka ya ka Jehova yi lota ka mina hi xikati xa wumbiri, yiku, Xini u wonako wena ke? nzi te ngala, Nzi wona a mbita yi bilako; ni ngohe ya yona yita hi le nwalungu.

14 Zonake Jehova i te ngalo ka mina, Ku huma hi le nwalungu a kubiha ku ta pandlulisa ka bonkle a baakileko ba a tiko.

15 Hakuba, mangabye, nzi ta bitana a mingango ya mifumo ya le nwalungu, ku wula Jehova; ba tata, bonklelele ba ta yimisa a xitsamo xakwe le wuengenweni ga tinyangwa ta Jerusalema, ni ku vukela gonkle a kurisi gonkle ga kona gi renzelekeleko, ni ku vukela yonkle a miti ya ka Juda.

16 Nzi ta tsawutela a tsanziselelo wa mina nzi vukela bona a ku kumbuka konkle a kubihisisa kabye, a ka lezo bona ba tsikileko mina, labo ba hisileko a tibani a ka banwani banungungulu, ba kozela a mitiro ya mandla ya bona benyi.

17 Wena hikwalaho boha a ziwunu za wena, u suka, u wulawula a ka bona

bonkle zonkle lezo nzi leleteleko wena: u nga mbeli a ntamo a ka bona, nzi nga taku nzi tsika wena mahlweni ka bona.

18 Hakuba, languta, nzi mahile wena legi siku a muti wu gingisilweko, ni mhinga ya xiketse, ni kurisi ga suku, a kuvukela a tiko gonkle, a kuvukela a tihosi ta ka Juda, ni kuvukela a tihosana ta kona, ni kuvukela bapristi, ni kuvukela a banhu ba tiko.

19 Na bona ba talwa ba vukela wena; kanilezi na bona ba nga ta hlula ba vukela wena: hakuba mina nzi ta ba zinwe na wena, ku wula Jehova, a kuklaklisa wena.

XIPIMO 2.

1 Ni mhaka ya ka Jehova yi lota ka mina, yiku,

2 Famba, u ya rila a tindlebeni ta Jerusalema, uku, Zakungahi a wulako Jehova, Nza alakanya ha wena a wunene ga wuswa ga wena; a liranzo la kuwutwa ka wena; lezaku wena u wa lanzele mina le xiwuleni, a ka tiko lego gi nga byaliwangiko.

3 Israeli i wa hi basiselelo a ka Jehova, a matewula ya anziselelo wa yena: zonkle lezo zi kadamulako yena zi komiwa hi nanzu; a kubiha ku tata hehla ka bona, ku wula Jehova.

4 Zwanani nwina a mhaka ya ka Jehova, O yindlu ya ka Jakobe, na nwina nwenkle mingango ya yindlu ya ka Israeli:

5 Zakungahi a wulako Jehova, Hikiwihi a kungalulamisisi ba ku kumileko a badadani ba nwina ka mina ke, lezaku bona ba fambile kule ka mina, ba fambile hi nga nyawuli, ba mahile ba nga nyawuli ke?

6 Hambu ni ku wula bona, I kwihi Jehova loye a nehileko hina hi huma hi le tikweni ga le Gipite, loye a rangeleleko hina hi tsemakanya a xiwula, hi tsemakanya a tiko ga ziwula ni marinzi, hi tsemakanya a tiko gi baleleko ni ga nzhuti wa kufa, hi tsemakanya a tiko lego banwani ba nga tsemakanyiko, lego ku nga akangiko ni munhu ke?

7 Na nzi nehile nwina a tikweni ga pfunelo, a ku taga a mihanzo ya gona, ni sasekisiselo wa gona; kanilezi laha na nwina mu engenile ka gona, mu nyenyezisile a tiko ga mina, ni

- ku maha a fumelo ga mina a manya-
lataniso.
- 8 A bapristi a ba wulangi, I kwihi
Jehova ke? bona labo ba komako a
nawo a ba tibangi mina : ni bafumeli
kambe ba hambunyetile ba vukela
mina, ni baprofeti ba profetile ka
Baali, ba fambile hi zilo lezo zi nga
binzuliko.
- 9 Hikwalaho nza ha ta simamisa nzi
holoba zinwe na nwina, ku wula Je-
hova, zinwe ni banana ba banana ba
nwina nzi ta vukela.
- 10 Hakuba hunzani muya a ka xihale
xa le Kittimu, cuwukani ; u rumela
le Kedare, pimani hi kutsononometi-
lweko ; ni ku wona lezaku laho ku
wa hi kona xilo xa kungaho.
- 11 A mufumo wu hunzule a banungu-
ngulu ba wona ke, labo ba nga hi-
ko banungungulu ke? kanilezi a ba-
nhu ba mina ba hunzule a wukosi
gabye a ka lezo zi nga hiko ncumo.
- 12 Nga mu hlamalisiwa, O nwina mati-
lo, a ka lexi, ni ku cabyiswa hi dzu-
kisilweko, nga nwina mu hi maru-
mbi futsi, ku wula Jehova.
- 13 Hakuba a banhu ba mina ba mahile
kubiba kumbiri : ba tsikile mina, a
hlowo ya mamati ya wutomi, ba ku-
helewo a tihlowo, ta ku kayekela,
leto ti nga zi kotiko a ku koma a
mati.
- 14 Israeli i nanza ke? kasi yena i ku-
mbi yi tralelweko kaya ke? yini ye-
na a mahileko a pfimba ke?
- 15 A tingonyamo ti dzumile hehla ka
yena, ti balutene ; na bona ba mahile
a tiko ga yena a ku hahluka : a miti
ya yena yi swile, a yi na banhu.
- 16 A banana kambe ba ka Memfisa ni
ba ka Tahpanhesi ba tsobile a xi-
dlo/lo xa hloko ya wena.
- 17 A ku ti bangelang i lexi a wutsumbu
ga wena ke, a ka lezo wena u tsikileko
Jehova a Nungungulu wa wena, la-
ha yena a rangeleko wena hi ndlela
ke?
- 18 Makunu xini u ta ngu maha a ka
ndlela ya wena a kuya le Gipite, u
ku yauwa a mati ya le Xihori ke?
kutani xini u ta nga maha le ndlele-
ni ya Asiria, a kuwua mati ya Co-
ngo ke?
- 19 A kubihisisa ka wena ku ta luleka
wena, ni kukungubanyeka ka wena
ku ta pezisa wena : tiba hikwalaho
ni kuwona kona xilo xa kubiba ni
kubaba, lezaku wena u hoxile Jeho-
vaa Nungungulu wa wena, ni lezaku
a xicabyo xa mina a xi kona a ka we-
na, ku wula a Hosi, Jehova wa ma-
bandla.
- 20 Hakuba hi xikatini xa kale loko
nzi tsobile a joka ga wena, nzi be-
wule a kubohwa ka wena ; wena u
wulako, Nzi nga ta kozela ; hakuba
hehla ka yonklelele a miganga yo le-
ha ni lahasi ka tonklelele a tisinya to
nyuka wena u koramile a wutsumbu
ga wena, u hlakanile hi wuoswi.
- 21 Kasike nzi byalile ka wena a xivina
xi dzunzekileko, xonkle i mbewu
yatsi : hiyini zoneka u klelako u ya
ti engenisa kambe a marabini ya xi-
vina xa bamatiko a ka mina ke?
- 22 Hambuloko wa ku hlamba a wutsu-
mbu ga wena hi lihlehlo, u teka we-
na a sabawu yo tala, kasike a kugo-
ha ka wena ku tsalilwe mahlweni ka
mina, kuwula a Hosi Jehova.
- 23 U ta wulisa ku yini wena, A nzi
nyenyeziswangi, a nzi lanzelangi
Baalima ke? wona a ndlela ya wena
lomo minzelelweni, u tiba lezaku we-
na u mahile yini : wena u kameli gi
hahlisako yi hambunyetako a ndlela
ya yona ;
- 24 A mbongola ya kwati yi tiriswa lo-
mo kwatini, leyo yi nuhetako a mhe-
ho hi ku ranza ka yona ; hi xikatini
xa yona hi mani a hunzulusakako yo-
na ke? bonkle labo ba hlolako yona
ba nga ta karata a wutsumbu gabye ;
a ka hweti ya yona bona ba ta kuma
yona.
- 25 Kaketa a konzo wa wena a kuba wu
nga hi na xilato, ni kolo wa wena a
kuomeni. Kanilezi wena u tengalo,
Kona mahala, ge, kona hilezi nzi ra-
nzileko bamatiko, nzi ta lanzela bo-
na.
- 26 Kwatsi i ukamba yi na nga ni ti-
ngana laha na kumilwe? zingaho a
yindlu ya ka Israeli yi na ni tingana,
bona, a tihosi tabye, a tihosana ta-
bye, ni bapristi babye, ni baprofeti
babye ;
- 27 Labo ba wulako xibyeeni, Wena u
dadani wa mina ; ni ka ribye, Wena u
nehile mina leno : Hakuba ba fu-
larile a hlana wabye ka mina, na ku
nga hi a ngohe yabye ; kanilezi a xi-
katini xa kukarateka kabye ba ta
wula, sukani ni ku kozela hina.
- 28 Kanilezi ba kwihi banungungulu ba
wena labo wena u mahileko wena
ke? nga bona ba suka, loku ba kari

JEREMIA, 3.

ba zi kota a kuhanyisa wena a xikati ni xa zikarato za wena : hakuba hi ka tsengo wa miti ya wena ba ngaho a banungungulu ba wena, O Juda.

- 29 Hikwalaho *nwina* mu ta holoba zinwe na mina ke? *nwina nwenkle* mu hambunyetile mu vukela mina, ku wula Jehova.
- 30 Hi mahala nzi rizile a banana ; bona a ba amukelang i kululekwa : a supado ya *nwina* benyi yi wa kadamule a haprofeti ba *nwina*, kwatsi i ngo nyamo yi lobisako.
- 31 O xizukulwana, wonani *nwina* a mhaka ya ka Jehova. Nzi wa kari nzi hi xiwula ke a ka Israeli, kutani i tiko ga munyama wu pumisolweko ke? hikuyini ha wula a banhu ba mina, Hina hi *klaklilwe* ; hina hi nga ta engeta hita ka wena ke?
- 32 Kasi a mubulwa wu nga kohilwa hi gobo ga yena, kutani a makoti a nguwo ya yena ke? kasike a banhu ba mina ba kohilwe mina hi masiku ma nga hlaiwiko.
- 33 Hiyini u longisako a ndlela ya wena a ku hlota a liranzo! hikwalaho hambu a wasati wa kubiha wena u mu gonzisile a tindlela ta wena.
- 34 Ina lomo nzhungweni wa wena ku kumilwe a nkata wa zisiwana zi nga hiko na nanzu : wena a ku ba kumangi na ba fohla ; kanilezi hi ku hi kota ya zilo lezi zonkle.
- 35 Kasike wena u te ngalo, A nzi ni nanzu ; hakunene a zanga ya yena yi bohlile a ka mina. Languta, nzi ta engena kulamuleni zinwe na wena, hakuba wena u wulileko, A nzi onhang i.
- 36 Hi ku yini u ndlengandlengako nguvu u sungwa hi kuhunzula a ndlela ya wena ke? wena u taba ni tingana hi le Gipite kambe, kwatsi helezi wena u wa hi ni tingana hi Asiria kambe.
- 37 U sukela hi leno kambe wena u ta famba, ni mandla ya wena hehla ka tiloko ya wena : hakuba Jehova i alile labo a ka bona wena u tsumbako, wena u nga ta vuvuma zinwe nabo.

XIPIMO 3.

- 1 Bona ba wula, Loku a munhu a hlengola a sati wa yena, na yena a famba ka yena, a ya mahla wa munzwani, yena i ta klela a ka yena

kambe ke? a tiko lego gi nga nyenyeziwa hi kukulisilweko ke? Kanilezi wena u hlakanile hi wubayi ni baranzekako bo tala ; kasike wuyela a ka mina, ku wula Jehova.

- 2 Klakusa a mahlo ya wena le miganjeni ya zisapa, ni ku wona ; hikwihi laho wena u nga eklelangiko kona ke? Hi laha tindleleni wena u tsemele bona, kwatsi hi mu Arabia lomo xiwuleni ; wena u nyenyezisile a tiko hi wuoswi ga wena, zinwe hi kubihisisa ka wena.
- 3 Hikwalaho a vula yi wa kanyetilwe, laho ku wa nga a vula ya nyanwaka ; kasike u wa hi ni wuoswi ximombyeni, u alako a kuba u koyamiswa tingana.
- 4 Wena u nga te rila ka mina ku sukela lexi xikati, Dadani wa mina, wena u mu rangeli wa wuswa ga mina ke?
- 5 Yena i ta kaketa a zanga ya yena kala kupinzuka ke? yena i ta hlaiisa yona kala kugumelweni ke? Languta, wena u wulile u mahile a zilo za kubiha, u na ni tindlela ta wena.
- 6 Klatakunbiri Jehova i te ngalo ka mina a masikwini ya ka Josia a hosi, Wena u wonile lezi a ba ka Israeli ba kungubanyikileko ba zi mahileko ke? yena i fambile hehla ka konklelele ku klakuka ka zitsunga ni lahasi ka tonklelele a tisinya to nyuka, ni leyo ba hlakanile hi kubaya.
- 7 Na mina nzi te ngalo anzako ka kuba na a mahile lezi zonkle, yena i ta klelela a ka mina ; kanilezi yena a nga klelangi : a makweru wa yena a hlebako Juda i wonile kona.
- 8 Na mina nzi lo wona, laha, hi kota ya lexi xigelo lezaku a ba kungubanyekileko ba ka Israeli ba mahile a kuremba, mina nzi hlengole yena nzi mu nyikile a papilo ga kuhambana, kasike yena a nyahlebo Juda a makweru ya yena a nga calangi ; kanilezi yenawu i fambile a ya hlakana hi wuoswi.
- 9 Na ku mahisile lezo hi miswiswi ya wubayi ga yena, lezaku a tiko gi lo nyenyeziwa, yena i lo baya ni maribye ni zibo.
- 10 Kasike a ka zonkle lezi a makweru wa yena a kohlisako Juda a nga wuyelangi a ka mina hi mbilu ya yena yonkle, kanilezi i xengetelile, ku wula Jehova.

JEREMIA, 4.

- 11 Na Jehova i te ngalo ka wena, Israeli a kungubanyekileko i kombisile a wutsumbu ga yena a ku i nga lulamili ku hunza Juda a kohlisako.
- 12 Fambani, mu ya bahunga ga leti timhaka ngomama ni nwalungu, ni ku wula, K'lelani, wena Israeli a kungubanyekileko, ku wula Jehova; nzi nga ta cuwuka hi zanga hehla ka wena; hakuba nzi wa titalo, ku wula Jehova, nzi nga ta hlayisa a zanga kala kupinzuka.
- 13 Ntsena vumela a kugoha ka wena, lezaku wena u hambunyetile u vukela Jehova a Nungungulu wa wena, u hangalasile a tindlela ta wena a ka bapfumba lahasi ka tonk'lelele a tisinya to nyuka, na nwina a mu ingisangi a gezu ga mina, ku wula Jehova.
- 14 Wuyani, O banana ba kungubanyekileko, ku wula Jehova; hakuba mina nzi nuna a ka nwina: nzi ta teka wena, a munwe wa muti, ni bambiri ba mingango, na nzi ta neha nwina le Zioni.
- 15 Nzi ta nyika nwina a ba murisi kukotisa hi ka mbilu ya mina, labo ba ta nga gisa hi tibisiselo ni pimiselo.
- 16 Na ku ta mahisile lego, laha mu ta nga mu enzelekile mu anzisilwe lomu tikweni, a ka lawo masiku ku wula Jehova, ba nga ta wula kambe, A arke ya xuvumelwano xa ka Jehova; kona ku nga tata kupimeni; ge bona ba nga ta alakanya kona; ge bona ba nga ta ribala kona; cima ku nga ta ha mahiwa kambe.
- 17 A ka lexo xikati ba ta bitana a Jerusalema a ku xitsamo xa wukosi xa ka Jehova; ni yonke a mifumo yi ta tsombana ka gona, a ka bito ga ka Jehova, a ka Jerusalema: Ge ba nga ta ha engeta kambe ba famba hi sihalaliselo wa mbilu yabye ya kubihla.
- 18 Ka lawa masiku a yindlu ya ka Juda yi ta famba zinwe ni yindlu ya ka Israeli, bona ba tata katinwe ba huma hi le nwalungu a ka tiko lego nzi nyika akuba tsomba ka badadani ba nwina.
- 19 Kanilezi nzi te ngalo, Nzi ta bekisa wena ku yini xikari ka banana, ni ku nyika wena atiko gatsi, ni sasekiselelo wa fumelo ga maban'la ya mifumo! nzi te ngalo, Mu ta bitana mina Dadani wa Mina, mu nga ta hambuka a ku nzi lanzele.
- 20 Hakunene kwatsi hi wasati hi kuhlebyisilweko a sukako ka wa nuna wa yena, zingaho nwina mu mabile hi kuhlebyisilweko zinwe na mina O yindlu ya ka Israeli, ku wula Jehova.
- 21 A gezu gi zwele hehla ka miganga ya zisapa, a mikosi ni mikongelelo ya banana ba ka Israeli; hakuba bona ba onhileko a tindlela tabye, bona ba kohililwe Jehova a Nungungulu wabye.
- 22 Wuyani, nwina banana ba kungubanyekileko, nzi ta ncuma a kungubanyekiselelo ya nwina.
Languta, hina hi tile a ka wena; hakuba wena hi wena Jehova a Nungungulu wa hina.
- 23 Hakunene a hi ncumo a kuvuna loko ku langutelweko le migangeni, a pfilupfilu lomo zitsungeni: hakunene a ka Jehova a Nungungulu wa hina ku hi hanyiseleliselo ya ka Israeli.
- 24 Kanilezi i zilo za tingana zi kadamule a pangamiselo ya badadani ba hina ku sukela wusweni ga hina, a miklambi yabye ni tihomu tabye, a barisanyana babye ni banhanyana babye.
- 25 Nga hi eklela lahasi tinganeni ta hina, nga a vilinganya ya hina yi fenengeta hina; hakuba hi onhile hi vukela Jehova a Nungungulu wa hina, hina ni badadani ba hina, ku sukela wuzwanani ga hina kala ka legi siku; a hi ingisangi a ka gezu ga Jehova a Nungungulu.

XIIMO 4.

- 1 Loku wena u klela u wuya, O Israeli, ku wula Jehova, loku wena u ta klela a ka mina, loku wena u ta tsika a manyalataniso ya wena ma huma kuwoneni ka mina; sonake wena u nga ta susiwa;
- 2 Na wena u ta hlamula, Kwatsi hi lezi Jehova a banyako, a ka zinene, a ka nongametiso, ni ku lulamisiseleliselo; ni mifumo yi ta katekisa a wutsumbu ga yona a ka yena, ni ka yena bona ba ta dumisa.
- 3 Hakuba zakungabi a wulako Jehova a ka banhu ba ka Juda, ni ka Jerusalema, Bongutani mu hlakahla a nyaka ya nwina, mu nga byali mizweni.

JEREMIA, 4.

- 4 Mahani zitsiba a wutsumbu ga *nwina* a ka Jehova, mu susa a kutsikwa ka mbilu ya *nwina*, *nwina* banhu ba ka Juda ni baakileko ba le Jerusalema; ku nga taku a zanga ya mina yi huma kwatsi i nzilo, wu hisa lezaku a nga hi kona a zi kotako a kutima wona, hakuba hi kubiha ka zi maho za *nwina*.
- 5 *Klamlambutelani* a ka Juda, mu tibekisa lomo Jerusalema; mu ku wula, Banani *nwina* a mipunzu lomo tikweni: kanyulukani muku, Tsombanani a wutsumbu ga *nwina*, na nga hiya mitini yi gingisilweko.
- 6 Yimisani a xiwoniso ngomama ni Zioni: tsutsumelani a kuponeni, u nga tsame; hakuba nzi ta neha a kubiha hi le *nwalungu*, a lobyiselelo wa hombe.
- 7 A ngonyamo yi humele hi le kwatini ga yona, a mulobisi wa mifumo; i le ndleleni ya yona, yona yi fambile hi le wutsanweni ga yona, a ku maha a tiko ga wena a marumbi, kasi a miti ya wena ya hahlulwa, yi nga na baaki.
- 8 Hakuba ka lexi *nwina* mu ti boha hi tinguwo ta tisakwa, mu rila ni ku hlomula; hakuba a zanga yi cabekako ya ka Jehova a yi kaketwangi yi fulara ka hina.
- 9 Na ku ta mahisile lezo a ka lego siku, ku wula Jehova, lezaku ni mbilu ya hosi yi ta mbemba, ni mbilu ya tihosana; ni bapristi ba ta hanjalatiswa, ni baprofeti ba hlamliswa.
- 10 Zonake ku wula mina, Ha, Hosi Jehova, Wena hakunene u kohlisile laba banhu zinwe ni Jerusalema, uku, *Nwina* mu taba ni kurula: kasike a supado yi cikelako a wutomini.
- 11 A ka lexi xikati ku ta wulwa a ka laba ni ka Jerusalema, A mheho ya kuhisa yi tako hi le migangeni yi omileko le xiwuleni yi komamile a ka nhanyana wa banhu ba mina, a nga kuhheheri, ge ni kubasisa;
- 12 A mheho yi teleko hi le ka lezi yi ta tela mina: makunu nzi ta tsawutela a lamuliselelo nzi vukela bona.
- 13 Languta, yena i tata hehla kwatsi i marefu, ni tikareta ta yena ti ta ku fanana ni xipupuri xa mheho: ni mahaxi ya yena ma gloma ku hunza magama. Kombo a ka hina! hakuba hi hahlukile.
- 14 O Jerusalema, hlaza a mbilu ya wena le kubihisiseni, kasi wa fela ku hanyiswa. Ku ta longoloka ku yini a ku alakanya ka wena ka kubiha ku ta nga zumba zinwe na wena ke?
- 15 Hakuba a gezu gi *klamlambutelako* hi le Dani, gi bako nyibo ya kubiha hi le migangeni ya Efraime.
- 16 Mahani *nwina* a xikumbuxetelo a ka mifumo; languta, banani nyibo hi Jerusalema, lezaku a barinzeli bata hi le tikweni ga le kule, ni ku nyikela a magezu yabye ba nyikela a miti ya ka Juda.
- 17 Kwatsi hi bahlayisi ba masimu na bonawu kambe ba vukela ba ranzela, hakuba gona gi hlubukile a ka mina, kuwula Jehova.
- 18 A ndlela ya wena ni zimaho za wena zi vuxile lezi zilo ka wena; loku hi kubihisisa ka wena; hakuba kona ka baba, hakuba ka ciketela mbilwini ya wena.
- 19 A tsikwilo wa mina, a tsikwilo wa mina! nzi bayisilwe xikari ka mbilu ya mina; a mbilu ya mina a yi rutisangi lomo nzeni ka mina; a nzi zi koti a kurutisa nzi miyela; hakuba wena u zwile, O muhefemulo wa mina, a guwa ga punzu ni mukosi wa kulwa.
- 20 A lobyiselelo hehla ka lobyiselelo kubahuwa; hakuba a tiko gonkle gi hahlulwe: hi kutsuketisilweko a matenta ya mina ma lobyisilwe, ni micacalato ya mina hi xikatanyana.
- 21 Ku ta longoloka ku yini nzi ta wona a muwoniso, nzizwa a guwa ga punzu ke?
- 22 Hakuba a banhu ba mina zipumbu, a ba tibi mina; banana ba wudangayi, a ba na a pimiselelo; ba klaribile a ku maha kubiha, kanilezi a ku maha kusasa a ba zi tibi.
- 23 Nzi lo languta a misaba, ni, mangabye, yona yi wa hi hahlukile ni marumbi; ni matilo, na wona ma wa nga hi na kuwonekela.
- 24 Nzi langutile a zitsunga, ni, mangabye, zona zi wa rurumela, ni yonkle a migangana yi wa kunzulanzula.
- 25 Nzi lo languta, ni, mangabye, ku wa nga hi kona na munhu, ni zonkle a zinyanyani za tilo zi wa tsutsumile.
- 26 Nzi lo languta, ni, mangabye, a mihanzo ya simu yi wa hi xiwula, ni yonkle a miti ya kona yi wa tsobylwe lahasi a kubakoneni ka Jehova, na hi mahlweni ka zanga ya yena yi cabekako.

JEREMIA, 5.

- 27 Hakuba zakungahi a wula Jehova, A tiko gonkle gi ta kuba marumbi; kasike nzi nga ta maha a kugumelwa ku mbeteka.
- 28 Hakuba hi kota ya lexi a misaba yi ta rila, ni matilo le hehla ma ta maha ntima; hakuba nzi wulile kona, nzi xubile kona, nzi nga ta hunzuluka, ge hambu ku fulara nzi klela a ka kona.
- 29 Yonklelele a miti yi tsutsuma le ka guwa ba banuna ba mahaxi ni ka ba banuna ba mawura; ba ta kuya lomo makwatini, ba ta kanziya hehla ka maribye: yonklelele a miti yi tsikilwe, a nga kona munhu a akileko a ka yona.
- 30 Na wena, laha u ta nga maha u halulweko, u ta maha yini ke? Hambu wa ku ambala a wutsumbu ga wena hi trukisilweko, hambu wa kubombisa a wutsumbu ga wena hi gobo ga nzalama, hambu wa ku kulisa a mahlo ya wena hi penga, a hi ncumo a ku maha a wutsumbu ga wena a likukla; a baranzi ba wena ba nyenyile wena, ba hlotile a wutomi ga wena.
- 31 Hakuba nzi zwile kwatsi a gezu ga wasati na a kari a luwa, a miketo kwatsi loye a hefemulako a nwanana wa matewula, a gezu ga nhanyana wa le Zioni, lego gi ahlamulako a hika, loye a nawulutako a mandla ya yena, aku, Kombo ka mina makunul hakuba muhefemulo wa mina wa ncuma mahlweni ka badayi.

XIPIMO 5.

- 1 Tsutsumani nwina mu nzula mapangweni ya le Jerusalema, mu wona makunu, ni kutiba, ni ku hloti lomo wutsawweni go anama kona, loku nwina mu zi kota a ku kuma a munhu, loku a hi kona a mahako hi kulongametilweko, loye a hlotako a zinene; na mina nzi ta tsetselela yena.
- 2 Hambu lezo bona ba wulako, Kwatsi hi lezi Jehova a hanyako; hakunene ba hlambanya hi kukohlisilweko.
- 3 O Jehova, kasi a mahlo ya wena a na cuwuki zinene ke? wena u bile bona, kanilezi bona a ba hlokiswangi; wena u mbetisile bona, kanilezi bona ba alile a ku amukela a kululekwa: ba mahile a tingohe ta'bye a kunonoha ku hunza a ribye; bona ba alile a kuklala.

- 4 Zonake nzi te ngalo, Hakunene laba ba hi zisiwana; bona ba hi zipumbu; hakuba bona ba ngu yi tibiko a ndlela ya ka Jehova, ge ni nayo wa Nungungulu wabye.
- 5 Nzi ta nyiketa mina a ka banuna ba hombe; nzi ta wulawula a ka bona; hakuba ba yi tiba a ndlela ya ka Jehova, ni nongametiso wa Nungungulu wabye. Kanilezi laba hi mbilu yinwe ba tsobile a joka ga bona, ba mbewule a ziboho zabye.
- 6 Ngahilezo a ngala yi humako hi lomo kwatini yi ta daya bona, ni mhi-si ya gambyeni yi ta lobisa bona, a yingwe yi ta rinzela yi vukela a miti yabye; bonklelele labo ba humako hi lomo ba ta pfemulwa a fufanya; hakuba a zihambunyetiselelo zabye zi tele, ni kukungubanyeka kabye ku anzisilwe.
- 7 Nzi ta ku tsetselelisa ku yini ke? a banana ba wena ba tsikile mina, ba hlambanyile ha bona labo ba nga hiko banungungulu. Laha nzi gisetele bona ba xuriswa, ba mahile a kuremba, ba tsombene a wutsumbu gabye hi miboko a ka tindlu ta zibayi;
- 8 Ba kwatsi hi mahaxi ma gisetelweko ma hiritekako ma ku fenemete; bonklelele ba ku ketela a wasati wa akelwane wa yena.
- 9 Kasi nzi nga ta enzela hi lezi zilo ke? ku wula Jehova; kasi a muhefemulo wa mina wu nga ta potela a ka mifumo wa ku kwatsi hi lowu ke?
- 10 Kanziyani nwina hehla ka tigin-gisi ta yena, mu lobisa; kanilezi mu nga mahi a kugumelwa ka yena ku mbeteka: susani a marabi ya yena; hakuba wona a hi ya ka Jehova.
- 11 Hakuba a yindlu ya ka Israeli ni yindlu ya ka Jakobe yi mahile hi kuhlebyisilweko yi vukela mina, ku wula Jehova.
- 12 Ba kanetile Jehova, ba te ngalo, Kona a hi yena; ge hambu a kubiba ku nga tata hehla ka hina; hina hi nga ta wona a supado hambu a ndlala;
- 13 Ni baprofeti ba ta maha a mheho, ni mhaka a yi kona nzeni ka bona; zakungahi ku ta nga mahiwa a ka bona.
- 14 Ngahilezo zakungahi a wulako Jehova, a Nungungulu wa mandla, Hakuba nwina mu wulawu-

JEREMIA, 6.

- lileko leyi mhaka, languta, nzi ta maha a timhaka ta mina lomo milo-
nwini ya nwina a nzilo, ni laba ba-
nhu a tihunyi, na tona ti ta kadamu-
la bona.
- 15 Mangabye, nzi ta neha a mufumo
hehla ka nwina wa le kule, O yindlu
ya ka Israeli, ku wula Jehova : ko-
na mufumo wa ntamo, wona mufu-
mo wa kale, a mufumo lowo a lirimi
la wona u nga li tibiko, ge ni kupi-
ma lezo ba wulako.
- 16 A mikocelo yabye yi kwatsi mikele
yi hlamiloko, na bona bonkle ba
tinhenha ta ba hanuna.
- 17 Bona ba taga a xihulo xa wena, ni
zibaba za wena, lezo a barisanyana ni
banhanyana ba wena ba nga ta nga
ba gile ; ba taga a miklambi ya wena
ni tihomu ta wena ; bona ba taga a
zivina za wena ni tisinya ta wena ta
mikuwo, ba takunzhumuxela a miti
ya wena yi gingisilweko, leyo wena
u tsumbako yona, hi supado.
- 18 Kanilezi kona ka lawo masiku, ku
wula Jehova, nzi nga ta maha ku-
gumelwa ka wena ku mbeteka.
- 19 Na ku ta mahisile lezo, laha nwina
mu ta nga wula, Ngahilezo Jehova
a Nungungulu wa hina i mahile lezi
zilo a ka hina ke? Zonake wena u ta
wula a ka bona, Kwatsi hilezi nwina
mu tsikileko mina, mu kozele a ba-
nungungulu ba laba lomu tikweni
ga nwina, zingaho mu taya kozela a
ba matiko lomo tikweni ga lego gi
nga hiko ga nwina.
- 20 Klaklambutelani nwina leyi hi yi-
ndlu ya Jakobe, mbetekisani a ka
Juda, muku,
- 21 Ingisa makunu lexi, O banhu ba
zipumbu, mu nga hiko na pimiselelo ;
labo mu nga ni mahilo, laya ma nga
woniko ; labo mu na nga ni tindlebe,
leto ti nga ingisiko :
- 22 Nwina mu caba mina ke? ku wula
Jehova : nwina mu nga ta rurumela a
kubakoneni ka mina, loye a bekile-
ko a seke a ku maha a mukawulo wa
bimbi, hi xilayelo xi nga gawukisi-
wiko, lezaku gona gi nga ta hunza
gona ke? lezaku hambu loku a ma-
byandlati ya kona ma gobuza a wu-
tsumbu ga wona, kanilezi wona ma
nga ta hlula ; hambu ma ku dzinza,
kasike ma nga ta hunza gona.
- 23 Kanilezi laba banhu ba na ni mbilu
ya hlubikiselelo ni pfukiselelo ; bona
ba hlubukile ba fambile.
- 24 Ge hambu ba wula lomo timbilwini
tabye, Nga hina makunu hi caba
Jehova a Nungungulu wa hina,
loye a nyikako a vula, a kaleloko ni
nyazwaka, hi tinguba ta yona : loye
a lonzowotako a ka hina a tidimu-
ngu ti langilweko a xihulo.
- 25 A zigoheketiselo za nwina zi hunzu-
lusile lezi zilo, ni zionho za nwina ka-
kametile a kusasa ka nwina.
- 26 Hakuba xikari ka banhu ba mina
ku kumilwe a banhu ba kubiha : ba
dembela, kwatsi i ba klamu ba de-
mbeleko ; ba demba a maziyo, ba
dembele a banhu.
- 27 Kwatsi hi xikayila xi teleko ni zi-
nyanyani, zingaho a tindlu tabye ti
tele hi kohliselo : hikwalaho ba ku-
lile, ba hunzelele ku pfuna.
- 28 Ba hunzelele kukuluka, ba banga-
mela ; ina, ba hunzeletile zimaha za
kubihisisa ; ba nga koxelangiko a
nanzu, a nanzu wa zisiwana, kasi za
fela kuvuvuma ; ni fanelo ya bavu-
mali a ba lamuli.
- 29 Kasi nzi nga ta enzela hi lezi zilo ke?
ku wula Jehova ; a muhefemulo wa
mina wu nga ta potela a ka mufumo
wo kwatsi hi lowu ke?
- 30 A mahanjalatiso ni tsisiselelo wa
xilo xi nga maheka lomo tikweni :
- 31 A baprofeti ba profeta hi kukohlisi-
lweko, ni bapristi ba rwala milawo
hi zibi zabye ; ni banhu ba mina ba
ranza a ku maha lezo kambe : mu ta
maha yini hi kugumelweni ka kona
ke?

XIPIMO 6.

- 1 Tsutsumani kuponeni, nwina ba-
nana ba ka Benjamini, mu huma lo-
mo xikari ka Jerusalem, ni kuba a
punzu ka Tekoa, mu klakusa a nga-
pa ya le Bet-hakerema ; hakuba a
kubihla ku ta hi le nwalungu, ni lo-
byiselelo wa hombe.
- 2 Loye a mbugana ni litrikla, a nla-
nyana wa le Zioni, nzi ta mu tsema.
- 3 A barisi ni miklambi yabye ba tata a
ka yena ; ba ta goba a matenta yu-
bye ba runzela ba vukela yena ; ba
ta gele bonklelele a ka wutsumo ga
yena nwinyi.
- 4 Longiselani nwina a impi mu vu-
kela yena ; sukani, nga hina hi fu-
mba laha muzwini. Kombo a ka
hina! hakuba a siku ga pela, hakuba
a nzhuti wa laha gambyeni wu na-
wulutile.

JEREMIA, 6.

- 5 Sukani, nga hina hi famba ni wusiku, nga hina hi lobisa a ziringaniso zabye.
- 6 Hakuba zakungahi a wula Jehova wa mabandla, Tsenani a tisinya, muhoxa a zikungumulo mu vukela a Jerusalema; lowu hi muti wu ta nga enzelwa; gona gi na tsimbeketelo konklelele ni lomo nzeni ka gona.
- 7 Kwatsi hi hlowo yi pandlulako a mami ya yona, zingaho gonawu gi pandlula a kubihisisa ka gona: a pangiselelo ni lobyiselelo zi zwilwe a ka yena; mahlweni ka mina hi kusimanisilweko ku hi wubabyi ni timbanga.
- 8 Nga wena u hi u gonzisilweko, O Jerusalema, ku nga taku a muhefemulo wu hi wutsawukeneko na wena; nzi ngata ku nzi maha wena a lobyiselelo, a tiko gi nga hiko na akileko.
- 9 Zakungahi a wulako Jehova wa mabandla, Bona hi ku kutsulusilweko ba ta dzombetela a misalela ya ka Israeli kwatsi i vina: ba hunzulusa a canja ga wena kambe kwatsi muwungeteli wa magrepi zirunzwini.
- 10 A ka mani nzi ta nga wulawula nzi kustumunya, kasi ba fela a kuzwa ke? languta, a tindlebe tabye a hi zitsiba, bona a ba na ku zizwa: languta, a mhaka ya ka Jehova yi mahile a nzhukano a ka yona; bona a ba na huxalala ka yona.
- 11 Hikwalaho nzi tele hi zanga ya ka Jehova; nzi karele hi ku kaketa yona: humesani yona mu yi halatela hehla ka banana lomo mapangweni, ni hehla ka gotsobanyano wa banhu baswa lomo katigizwe; hakuba hambu a wanuna ni sati ba ta tekiwa, ni xikosana na yena a teleko hi masiku.
- 12 Ni tindlu tabye ti ta hinzulwa ta banwani, a masimu yabye ni basati babye katigizwe; hakuba nzi ta nawuluta a canja ga mina hehla ka baakileko ba tiko, ku wula Jehova.
- 13 Hakuba ku sukela a ka batsongwanyani ba bona ku kala a ka ba hombe ba bona ba nyikelwe kunabelisiseni; ku sukela ka baprofeti kala ka bapristi bonklelele ba rengelwa hi kukohlisilweko.
- 14 Bona kambe ba neumile a mbanga ya banhu ba mina hi miawisiwi, baku, Gi lele, gi lele; laho na ku nga hi na kulala.
- 15 Bona ba wa koyamile tingana laha na ba mahile a manyalataniselo ke? ge, bona ba wa nga hi na tingana futsi, ge ba wa nga ba koyamangi: Hikwalaho ba tawa a xikari ka bona labo ba ta ngawa; a ka xikati lexo mina nzi ta nga enzela bona bona ba ta hoxwa lahasi, ku wula Jehova.
- 16 Zakungahi a wulako Jehova, Yimani nwina lomo ndleleni mu wona, mu wutisa a tindlela ta kale, yikwihi a ndlela yatsi; mu ya ka yona, na nwina mu ta kuma a kuhumula ka mihefemulo ya nwina: kanilezi bona ba te ngalo, Hina hi nga ta famba a ka yona.
- 17 Na nzi rumele a ba rinzeli hehla ka nwina, baku, ingisani a ka guwa ga punzu; kanilezi bona ba te ngalo, Hina hi nga ta ingisa.
- 18 Hikwalaho ingisani, nwina mifumo, tibani, O gotsobanyano, xini xikari ka bona.
- 19 Zwana, O misaba; languta, nzi ta neha a kubila hehla ka laba banhu, kona a mihanzo ya kualakanya kabye, hakuba bona ba nga ingisangako a ka timhaka ta mina, na kwatsi hi nawo wa mina, bona ba alile wona.
- 20 Kuxuba muni ku ta ngata a ka mina a hlakati ya le Xeba, ni timba ga kuta hi le tikweni ga le kule ke? a minyikelo ya nwina ya kuhiswa a yi amukeleki, ge hambu a mipahlelo ya nwina a hi yi xalalisako ka mina.
- 21 Hikwalaho zakungahi a wulako Jehova, languta, nzi ta beka a zibo za kuretemukisa mahlweni ka laba banhu; a badadani ni barisanyana ba ta retemuka a ka zona; a muakelwane ni xaka ba ta mbemba.
- 22 Zakungahi a wulako Jehova, Languta, a banhu ba tako hi le awalungwini wa tiko; ni mufumo wa hombe wu ta vuxiwa hi le magemetamusi ya klelo ga misaba.
- 23 Bona ba klemerele a awura ni klari; bona ba hi ni lunya; a ba hi titalo; a magezu yabye dzinza kwatsi i bimbi, bona ba kilela hehla ka mahaxi, bonklelele ba su tsama ba hlomile, kwatsi hi wanuna laha lirenzweni, ba vukela wena, Onhanyana wa le Zioni.
- 24 Hina hi zwile hi mubiko wa kona; a mandla ya hina ma hunzelela ku dzudzumela: a hlanekero wu kam...

JEREMIA, 7.

- nyetile hina, ni kubayisa ku fanana ni a wasati wa a lunwako.
- 25 U nga hume u ya le handle, ge ni ku famba hi ndlela; a hakuba a supado ya balala, ni tsisiselelo, wu kona marebeni wonklelele.
- 26 O nhanyana wa banhu ba mina, boha wena hi nguwo ya tisakwa, u puluwunza a wutsumbu ga wena le kumeni: u maha a wena a mikosi, kwatsi hi nisanyana yece, a xirilo xi hunzelelelo a kubabisisa; hakuba a mulobisi hi kutsuketisilweko i ta kamanyeta hina.
- 27 Nzi mahile wena a muringi ni wucacelo xikari ka banhu ba mina; kasi u fela ku zi tiba ni ku hlola a ndlela yabye.
- 28 Bona bonkle hi hlubuki ba vindluki-silweko, ba famba ba nzula hi xihlebo; bona i suku ni ziketse: bonkle ba bona ba maha hi kubotekisilweko.
- 29 A mivuwo yabye yi kanyuluka hi kucabekisilweko; a tsovu wu nyekisilwe hi nzilo, hi mahala bona ba ku nyekiseni; a bakubiha ba nga kutsulwi.
- 30 A munhu i ta bitana bona i siliva yi alilweko, hakuba Jehova a alileko bona.

XIPIMO 7.

- 1 A mhaka leyo yi tileko a ka Jeremia hi le ka Jehova, yiku,
- 2 Yima laha ngwani ya yindlu ya ka Jehova, uba hungu laho leyi mhaka, uku, Zwanani a mhaka ya ka Jehova, nwenkle nwina ba ka Juda, lobo mu engenako le tinyangweni a ku dumisa Jehova.
- 3 Zakungahi a wulako Jehova wa mabandla, a Nungungulu wa ka Israeli, Hinzulani a tindlela ta nwina ni zimaho za nwina, nzi ta tsamisa nwina a ka legi a wutsamo.
- 4 Mu nga tsunbi nwina a ka timhaka ta mawuna, muku, A tempele ya Jehova, a tempele ya ka Jehova, a tempele ya ka Jehova, yi hi leyi.
- 5 Loku nwina hi kumbeletisilweko mu hinzula a tindlela ta nwina ni zimaho za nwina; loku nwina hi kumbeletisilweko mu tsanza a nongametiso a ka munhu ni wa akelwane wa yena;
- 6 Loku nwina mu nga tsimbeketi a nzhubeti, a ba xisiwana, ni noni, mu nga halati a nkata wu nga hiko na nanzu a ka legi wutsamo, cina mu nga ha fambi mu lanzela banwani banungungulu loko ku nga kulamakwa ka nwina:
- 7 Zonake mina nzi ta maha nwina a ku tsama a legi wutsamo, a tikweni legi nzi nyikileko badadani ba nwina, a kaleloko ku ta kala kupinzuka.
- 8 Languta, nwina mu tsumba a ka timhaka ti mawunwa, leto ti nga vuniko.
- 9 Nwina mu ta yiba, mu daya, mu maha kubaya, mu hlambanya mawunwa, ni ku hisa a libani ka Baali, ni ku famba mu lanzela banwani banungungulu laba mu nga ba tibiko.
- 10 Ni kuta mu ta yima mahlweni ka mina a ka leyi yindlu, leyi yi bitanilweko hi bito ga mina, muku, Hina hi klaklilsilwe; lezaku nwina mu nga maha laya wonkle a manyalataniso ke?
- 11 Kasi leyi a yindlu, leyi yi bitanilweko hi bito ga mina, yi mahile a mahako ya bapangi ku woneni ka nwina ke? Languta, mina, yena mina, nzi wonile kona, ku wula Jehova.
- 12 Kanilezi fambani nwina makunu a wutsanweni ga mina lego gi nga le Xilo, leyo nzi nga wa mahile a bito ga mina a ku tsama kuranguleni, mu ya wona lezaku nzi mahile yini ka gona hi kota ya kubihisisa ka banhu ba mina ba ka Israeli.
- 13 Na makunu, hakuba nwina mu mahileko leyi a mitiro, ku wula Jehova, ni nzi lo wula ka nwina, na vuka punzwini wa mixo ni ku wulawula, kanilezi nwina a mu ingisangi: nzi bitanile nwina, kanilezi a mu vumelangi:
- 14 Hikwalaho nzi ta maha a ka yindlu leyi yi bitanilweko hi bito ga mina, leyo nwina mu yi tsumbako, a ka wutsamo lego nzi nyikileko nwina ni ka badadani ba nwina, a zi kwatsi hilezi nzi mahileko le Xilo.
- 15 Nzi ta hoxa nwina ku woneni ka mina, kwatsi hilezi nzi hoxileko bonkle a bamakabye ba nwina, yona yonkle a mbewu ya ka Efraime.
- 16 Hikwalaho u nga kombeleli wena laba banhu, ge hambu ku klakusa a huwa kutani mukombelo ha bona, ge hambu ku kumbela a hlangutelelo a ka mina; hakuba nzi nga ta kuzwa wena.
- 17 A ku woni wena ke lezi ba mahileko lomo mitini ya ka Juda ni lomo mapangweni ya Jerusalema ke?

JEREMIA, 8.

- 18 A banana ba wungeletele a tinhu-nyi, ni badadani ba dzibele a nzilo, ni ba basati ba kanyangile a tsutsungwani, a ku maha zikeketselo ka muzinza wa tilo, ni ku culula a minyikelo ya kunwa a ka banwani banungungulu, lezaku bona ba fela ku vunjula mina ku zangara.
- 19 Kasi bona ba vunjula mina ku zangara ke? ku wula Jehova; kasi bona a ba vunjuli a wutsumbu gabye ke, a hakaselelelo wa tingohe ta bona benyi ke?
- 20 Hikwalaho zukungahi a wulako Hosi Jehova: Languta, a zanga ya mina ni kulo ga mina gi ta halatwa hehla ka legi wutsamo, hehla ka munhu, ni hehla ka xihari, ni hehla ka tisinya ta kwati, ni hehla ka mihanzo ya liranzabya; yona yi ta kuswa, yi ta nga ta timelwa.
- 21 Zakungahi a wulako Jehova wa mabandla, a Nungungulu wa ka Israeli: Engetelani a minyikelo ya nwina ya kuhiswa a ka mipahlelo ya nwina, ni kuga nwina a nyama.
- 22 Hakuba a nzi wulawulangi a ka badani ba nwina, ge ni kulelela bona a ka siku lego nzi nga wa lo neha bona ba huma le tikweni ga le Gipite, hi xungetano ni minyikelo ya kuhiswa ni mipahlelo:
- 23 Kanilezi lexi xilo nzi lo leletela bona, nzi ku, Ingisani a ka gezu ga mina, na mina nzi taba a Nungungulu wa nwina, na nwina mu taba a banhu ba mina; na fambani nwina hi tonkle a tindlela leto nzi leleteleko nwina, kasi ku fela ku be kwatsi ha nwina.
- 24 Kanilezi bona a ba ingisangi, ge ni ku pumunha a ndlebe yabye, kanilezi ba lo famba gujugujeni ga bona benyi ni le sihalalisweni wa kubiha ka mbilu yabye, ba la su famba hi mafulara, na ku nga hi ngomama ya mahlweni.
- 25 Cima ka siku lego a badadani ba nwina ba nga huma hi le tikweni ga le Gipite kala ka legi siku, nzi rumele a ka nwina wonkle a malanza ya mina a bona baprofeti, masiku wonklelele nzi nga vuxa nzi ba ruma bona:
- 26 Kasike bona a ba zwangi a ka mina, ge ni ku pumunha a ndlebe yabye, kanilezi ba mahile a nhamo yabye ku nonoha; ba mahile a onhakaliso ku hunza badadani babye.
- 27 Na wena u ta wulawula leti timbaka a ka bona; kanilezi bona ba nga ta kuzwa a ka wena: wenawu kambe u ta bitana ka bona; kanilezi bona ba nga ta vumela a ka wena.
- 28 Na wena u ta wula a ka bona, Lowu hi mufumo lowu wu nga ingisangiko a ka gezu ga ka Jehova a Nungungulu wabye, ge ni ku amukela a gonziselelo: a zinene zi mbembile, zi tsenwilwe milonwini yabye.
- 29 Tsemani a misisi ya wena, O Jerusalema, ni ku hoxa yona kule, mu teka a kosi le zisapeni za miganga; hakuba Jehova i alile i tsikile a xizikulwana xa zanga ya yena.
- 30 Hakuba a banana ba ka Juda ba mahile lezi zi bihileko a kuwoneni ka mina, ku wula Jehova: ba yimisile a manyalataniselelo lomo ndlwini leyo yi bitanilweko hi bito ga mina, a ku nyenyezisa yona.
- 31 Bona ba akile a wutsamo gi klakukileko ga Tofete, lego gi le mikobeni ya nisanyana wa ka Hinnome, a ku hisa a barisanyana babye ni banhanyana babye lomo nzilweni; lexo nzi nga leletelangiko, ge ni kuta kona kupimeni ka mina.
- 32 Hikwalaho, languta, a masiku mata, ku wula Jehova, laho xi ta nga kala xi nga bitanwi kambe Tofete, ge ni ku i Koba wa nisanyana wa ka Hinnome, kanilezi i Koba wa hihiritelelo: hakuba ba ta kelela le Tofete, kala ku nga hi kona a wutsamo ga kukele.
- 33 Ni zirumbi za laba banhu zi ta ba kuga ka tinyanyani ta matilo, ni zihari za misaba; a nga kona a nga ta dzukisa zona.
- 34 Zonake nzi ta maha ku kawula le mitini ya ka Juda, ni le mapangweni ya le Jerusalema, a gezu ga kuhlakana, ni gezu ga kutsaka, a gezu ga muyeni ni gezu ga makoti; hakuba a tiko gi maha marimbi.

XIPIMO 8.

- 1 A ka lexo xikati, ku wula Jehova, ba ta neha lahandle a marambu ya tihosi ta ka Juda, ni marambu ya tihosana ta yena, ni marambu ya bapristi ba yena, ni marambu ya baprofeti, ni marambu ya baakileko ba le Jerusalema, ba huma mikeleni ya wona.
- 2 Bona ba ta aneka wona mahlweni ka gambo, ni hweti, ni gonkle a ba-

JEREMIA, 8.

- ndla ga le tilweni, lego bona ba gi ranzileko, lego ba gi kozeleko, ba lanzeleko gona, lego ba gi hlotileko, ni lego ba dumisako gona; bona ba nga wungeletelwa, ge ni kukelelwa, bona ba ta kuba matala hehla ka ngohe ya misaba.
- 3 A kufa ku ta langiwa ku hunza a wutomi hi misalela leyo yi seleko ka lowu a ngango wa kubiha, labo ba seleko a ka gonkle a wutsamo lego nzi hlolongileko bona, ku wula Jehova wa mabandla.
- 4 Klatakumbiri wena u ta wula a ka bona, Zakungahi a wulako Jehova: A banhu ba tawa, ba nga ta vuki kambe ke? kasi munwe i ta hambuka, a nga ta kleli kambe ke?
- 5 Hiyini a banhu laba ba Jerusalema ba su retemukela ha xinzakwana hi kusimamisilweko ke? ba komisisa a kohlisio, ba ala a ku klela.
- 6 Nzi ingisile nzi zwile, kanilezi bona a ba wulawuli kwatsi: a nga kona a hunzulukileko a ka kubiliisisa ka yena, aku, Xini nzi mahileko ke? bonklelele ba hunzulukile ku ranzeni kabye, kwatsi i haxi lego gi zikwamako hi hloko le impini.
- 7 Ina, a xinhungu xa matilo xa tiba a zikati za xona zi yimisilweko; vinyani ga tuba ni mbewulwani ni likotani za lonzowota a xikati xa kuta ka zona; kanilezi a banhu ba mina a ba wu tibi nawo wa ka Jehova.
- 8 Mu wulisa ku yini nwina, Hi na ni kutiba, ni nawo wa ka Jehova wu zizwe na hina ke? Kanilezi, languta, a xitsalo xa mawunwa xa batsali, xi tirile hi kukohlisileko.
- 9 A banhu ba kutiba ba wisilwe a tingana, ba mbetilwe ntamo ba tekilwe: mangabye, ba nyenyile a mha-ka ya ka Jehova; lixaka muni la kutiba li nga kona a ka bona ke?
- 10 Hikwalaho nzi ta nyika a basati banye a ka banwani, a masimu yabye a ka bona labo ba ta nga teka wona: hakuba bonklelele ku sukela ku ba tsongwani kala ka ba hombe ba nyikilwe kunabelisiselweni: ku sukela ka baprofeti kala ka bapristi bonklelele ba mahile hi kukohlisilweko.
- 11 Ba ncumile a kulamatwa ka nhanyana wa banhu hi miswiswi, baku, Kurula, kurula, laha na ku nga hi kona na kurula.
- 12 Bona ba wa nga hi na tingana laha na ba mahile a manyalatala ke? ge, bona futsi ba wa nga hi na tingana, ge bona ba wa nga ba nga koyamangi: hikwalaho bona ba tawa xikari ka bona labo ba wako; hi xikatini xa ku enzelwa ka bona ba hoxwa mbwabwalala lahasi, ku wula Jehova.
- 13 Hi kumbetekisilweko nzi ta mbetisa bona, ku wula Jehova: laho ku nga ta kuba kona a magrepi lomo xivineni, ge a makuwu lomo sinyeni ya mikuwu, a makluka ya kona ma ta wuna; ni zilo lezo nzi nyikileko bona zi ta hunza a ka bona.
- 14 Hiyini hi tsamako hi rutisa ke? tsombanani a wutsumbu ga nwina, nga hina hi engena lomo mitini yi gingisilweko, nga hi miyela leyo; hakuba Jehova a Nungungulu wa hina i miyetile hina, i nyikile hina a mati ya nyongwa a kunwa, hakuba hina hi onhileko hi vukela Jehova.
- 15 Hi cuwukele a kulala, kanilezi a ku kona kusasa ku tileko; ni xikati xa kuncunwa, ni, languta, ku mbela ntamo!
- 16 A kucwanga ka mahaxi ya yena ku zwile hi le Dani: a ka guwa ga keto wa ba tinhenha takwe a tiko gonkle ga rurumela; hakuba ba tile, ba kadamule a tiko ni lezi zonkle zi nga kona ka gona; a muti na bona bonkle ba tsamileko ka wona.
- 17 Hakuba, languta, nzi ta rumela a tinyoka, a timamba xikari ka nwina, leto a ti nga aluhelwa; tona ti ta luma nwina, ku wula Jehova.
- 18 O lezaku kasi nzi nga tangalisa a wutsumbu ga mina nzi vukela a xaniselelo! a mbilu ya mina yi mbelile ntamo nzeni ka mina.
- 19 Languta, a gezu ga huwa ya nhanyana wa banhu ba mina a ka tiko lego gi nga le kule: Kasi Jehova a nga kona le Zioni ke? kasi a Hosi ya gona a yi kona a ka gona ke? Hiyini ba vindlukisileko mina ku zangara hi zifananiso zabye zi bakililweko, na hi ku nga nyawuli ka bamatiko ke?
- 20 A xihulo xi hunzile, a ximumu xi gumelwe, hina a hi se ku hanyiswa.
- 21 Hakuba a kulamatwa ka nhanyana wa banhu ba mina mina nzi kulamatwa: nzi rila; a ku mbela ntamo ku kanyametile mina.
- 22 A wu kona a muri le Gileade ke?

- 6 Hakuba hambu bamakabye ba wena, ni yindlu ya ka dadani wa wena, hambu bona ba mahile hi kuhlebyi-silweko ha wena; bona ba kwangulukile a ka wena: u nga kolwi bona, hambuloko ba wulawula a timhaka tatsi a ka wena.
- 7 Nzi tsikile a yindlu ya mina, nzi hoxile a tsomba ya mina; nzi nyikele a baranzekako a ka muhefemulo wa mina canjeni ga balala babye.
- 8 A tsomba ya mina yi mahile ka kwatsi i ngonyamo lomo kwatini: yena i tsawutele a gezu ga yena a vukela mina; hikwalaho nzi bengile yena.
- 9 Kasi a tsomba ya mina yi kwatsi xinyanyani xipatimileko xa pfimba ke? kasi a zinyanyani za pfimba zi vukela yena ke? fambani nwina, mu ya tso-mbanyisela a zihari za kwati, nehani zona kasi zi kadamula.
- 10 A barisi bauningi ba lobisile a zivina za mina, ba kanziyele a xiabelo xa mina lahasi ka konzo, ba mahile a xiabelo xa mina xatsi a xiwula xa mapanya.
- 11 Bona ba mahile yona a marumbi; kona ka rila a ka mina, na ku hi marumbi; hakuba a tiko gonkle gi mahile marumbi, hakuba a nga kona munhu a ku bekileko mbilwini.
- 12 A balobisi ba tile ku kamanyeta hehla ka yonkle miganga ya zisapa lomo xiwuleni; hakuba a supado ya ka Jehova yi kadamule yi hi magumelweni manwe ya tiko ku kala ka manwani magumelo ya tiko: a yi kona a nyama yi na nga ni kurula.
- 13 Ba byele a mabele, ba hulile a mizwa; ba bekile a wutsumbu gabye kubayiseni, a ba vuni ncumo: nwina mu ta kuba ni tingana hi mihanzo ya nwina, hakuba hi zanga yi cabekako ya ka Jehova.
- 14 Zakungahi a wulako Jehova a ku vukela a baakelwane ba mina ba kubiha, labo ba kumbako a tsomba leyo nzi mahileko a banhu ba mina ba ka Israeli a ku yi funela: languta, nzi ta runzuwula bona lomo tikweni gabye, nzi ta susa a yindlu ya ka Juda xikari ka bona.
- 15 Na ku ta mahisile lezo, a nzako kakuba nzi runzuwule bona, nzi ta hunzula nzi be ni kuhawukela bona; nzi ta neha bona kambe, bonklelele banhu a ka tsomba ya yena, bonklelele banhu a tikweni ga yenawu.
- 16 Na ku ta mahisile lezo, loku bona hikutsononometilweko ba nga ta gonza a ndlela ya banhu ba mina, a ku hlambanya hi bito ga mina, kwatsi hi lezi Jehova a hanyako; kona ku kwatsi hi lezi ba ba gonzisile a banhu ba mina a ku hlambanya ha Baali; zonake ba ta akiswa lomo xikari ka banhu ba mina.
- 17 Kanilezi loku bona ba nga ta ingisa, zonake nzi ta runzuwula lowo a mufumo, nzi runzuwula wona, ni ku lobisa wona, ku wula Jehova.

XIPIMO 13.

- 1 Zakungahi a wulileko Jehova a ka mina, Yana, u ya ti xabela a nguwo ya bandi ga wukene, u boha gona hehla ka ziwunu za wena, u nga beki gona lomo matini.
- 2 Zingaho nzi lo xaba a bandi kukotisa hi ka mhaka ya ka Jehova, nzi lo boha gona hehla ka ziwunu wa mina.
- 3 Ni mhaka ya ka Jehova yi lota a ka mina hi xikati xa wumbiri, yiku.
- 4 Teka a bandi lego wena u gi xabileko, lego gi nga lomo ziwunwini za wena, u suka, uya le Eufrate, u ya fihla gona leyo lomo klotlotweni wa ribye.
- 5 Zingaho nzi lo famba, nzi loya fihla gona le Eufrate, kwatsi hilezi Jehova a leleteleko mina.
- 6 Na ku mahisile lezo a nzako ka masiku yo tala, lezaku Jehova i te ngalo ka mina, Suka, u famba le Eufrate, u ya teka a bandi hi leyo, lego nzi leleteleko wena aku fihla labo.
- 7 Zonake nzi loya le Eufrate, nzi lo kela, nzi lo teka a bandi laho nzi nga wa fihlile gona; ni, languta, a bandi hi wa tsapikene, gi wa nga ba vuni ncumo.
- 8 Zonake a mhaka ya ka Jehova yi lota a ka mina, yiku.
- 9 Zakungahi a wulako Jehova, Kufanana ni ywaleyi ndlela nzi ta tsapikanisa a matsanza ya ka Juda, ni matsanza ya hombe ya Jerusalema.
- 10 Laba banhu ba kubiha, labo ba alako a kuzwa a timhaka ta mina, labo ba fambako a kusihalaleni ka mbilu yabye, ba lanzeleko a banwani banungungulu a ku kozela bona, ni ku dumisa bona, ba ta ku kwatsi hi legi bandi, lego gi nga binzuliko ncumo.
- 11 Hakuba kwatsi hi bandi gi namarc-

- lako siwunwini za munhu, zingaho nzi mahle a ku namerela a ka mina yonkle a yindlu ya ka Israeli ni yonkle a yindlu ya ka Juda, ku wula Jehova; lezaku ba be ka mina a bannhu, ni akuba a bito, ni akuba a dumiselo, ni akuba wukosi: kanilezi bona ba wa nga ba ingisi.
- 12 Hikwalaho wena u ta wula a ka bona leyo a mhaka: zakungahi a wulako Jehova, a Nungungulu wa ka Israeli, wonklelele mabotori ba ta tatiswa hi waini: bona ba ta wula a ka wena, Kasi hina a hi zitibi lezaku a mabotori wonkle ma wa ta nga ma tatisilwe hi waini ke?
- 13 Zonake wena u ta wula a ka bona, Zakungahi a wulako Jehova, Languta, nzi ta tatisa bonkle a ba akingileko ba lego a tiko, tona a tihosi leto ti tsamileko xitsanweni xa Davida, ni bapristi, ni baprofeti, ni bonkle a baakileko ba Jerusalema, hi popiwi-selelo.
- 14 Nzi ta susumeta bona ba gumulana munwe ni munwani, bona badadani ni barisanyana katiginwe, ku wula Jehova: nzi nga ta hawukela, ge ni ku nyenyetela, ge hambu a hawukelisiselo, lezaku nzi wa nga ta nga nzi lobisile bona.
- 15 Ingisani nwina, ni ku nyika a ndlebi; u nga be na matsanza; hakuba Jehova a wulawulile.
- 16 Nyika a wukosi a ka Jehova a Nungungulu wa nwina, hi mahlweni na a nga se ku maha a munyama, hi mahlweni na mikonzo ya nwina yi nga se ku retemuka hehla ka zitsungu za munyama, na ma ha cuwuka a kuwonekela, yena i hunzule kona le nzhutini wa kufa, a maha a munyama wu pumisilweko.
- 17 Kanilezi loku nwina mu ngazwi kona, a muhefemulo wa mina wu ta rila kufihlalani hi matsanza ya nwina; ni tihlo ga mina gi ta rila hi kutsingisilweko, ni kuxilila a mihloti, hakuba a klambi wa ka Jehova wu konwilwe a wuhloko.
- 18 Wula a ka hosi ni ka mamani wa muzinza, Koramisani a wutsumbu ga nwina, tsamani lahasi; hakuba a mikanzani ya nwina yi wile lahasi, zona a zidlodlo za wukosi ga nwina.
- 19 A miti ya le Dzongeni yi valilwe, ni labo a nga kona a wa ku vulula yona: Juda i konwilwe wuhloko, gonkle ga kona; gona gonkle gi konwilwe a wuhloko.
- 20 Klakusani a mahlo ya nwina, mu languta bona labo ba tako hi le nwalungu: nu kwilhi a klambi lowo wu nga wa nyikilwe wena, a klambi wa wena wa wumburi ke?
- 21 U ta wula yini wena, laha a ta nga yimisa hehla ka wena kwatsi a hloko bona u ba gonzisileko wena wutsumbu akuba maxaka ka wena ke? kasi a zixaniso zi nga ta kamanyeta wena, a ku kwatsi hi wasati laha a lunwako ke?
- 22 Ni loku wena u wula a mbilwini ya wena, Hi ku yini lezi zilo zi tile hehla ka mina ke? hakuba a kulisi-selelo wa kugoha ka wena a petso wa nguwo ya wena wu funungulwa, ni zirenze za wena si xaniseka kuhlurulelwa.
- 23 Kasi a mu Etiopia a hunzula a hlonge ya yena, kutani a yingwe a mabala ya yona ke? zonake nwinawu kambe mu nga maha kusasa, labo mu tolobeleko a ku maha kubiha.
- 24 Hikwalaho nzi ta hangalasa bona, kwatsi hi xibo lexo xi hunzako, hi mheho ya le xiwuleni.
- 25 Leyi hi hlolo ya wena, a xiabelo xi ringanisilweko wena hi le ka mina, ku wula Jehova; hakuba wena u kohlilweko mina; u tsumbileko a mawunweni.
- 26 Hikwalaho nzi ta funungula a nguwo ya wena hehla ka ngohe ya wena, ni tingana ta wena ti ta su dlunya.
- 27 Nzi wonile a manyalataniselo ya wena, kona a kubaya ka wena, ni miketo ya wena, ni zibi za wubayi ga wena, le migangeni, ni le makwatini. Kombo a ka wena, O Jerusalema! wena u nga ta maha u hlazekile; ku ta kala ku ku yini mu be lezo ke?

XIPIMO 14.

- 1 A mhaka ya ka Jehova yi lota a ka Jeremia hi xungetano ni kubalela.
- 2 Juda wa rila, ni tiningwa ta kona miketo, ba tsamile lomo swileni hehla ka liranza ya; ni ku bahuwa ya Jerusalema yi yile hehla.
- 3 Ni ba dzunzekileko ba/ye ba rumela a batsongwana ba/ye lomo matini: bona bata lomo tihlobyeni, a ba kumi na mamati; ba klela ni zibya za bona na zi hi mapapa

- nga; ba koyamiswa a tingana ni vilinganyiswa, ni ku fengeta a tihlo ko tabye.
- 4 Hakuba hi misabaleyi yi kayekileko, hilezi ku wa nga hi kona a vula yi nileko laha misabeni, a barimi ba wisilwe tingana, ba fenengetile a tihloko tabye.
- 5 Ina, ni mhuti kambe yi tralako lomo kwatini, ya tsika a mavinyani ya yona, hakuba laho ku nga hiko kona a byanyi.
- 6 Ni xiwula xi yima lomo migangeni ya zisapa, yi hlokelo a mheho kwatsi mahlolwa; ni mahlo ya zona ma hluleka, hakuba laho a ku kona a lihunga.
- 7 Hambuloko a kugoha ka hina ku kustumunya ku vukela hina, tira wena hi kota ya bito ga wena, O Jehova; hakuba a kungubanyeka ka hina ku tele; hi onhile hi vukela wena.
- 8 O wena kutsumba ka Israeli, a Mubanyisi wena hi zikatini za zikarato, yini wena u nga ta nga u ku kwatsi u mulubeli laha tikweni, ni ku kwatsi hi wa kufamba loye a hambuka ko kileweni a eklela a wusiku ke?
- 9 Hiyini wena u nga tanga u ku kwatsi u munhu a dzukisilweko? kwatsi u wanuna wa nhenha loye a nga koti kupona? Kasike wena, O Jehova, u kona lomo xikari ka hina, na hina hi bitanilwe hi bito ga wena; u nga tsiki hina.
- 10 Zakungahi a wulako Jehova a ka laba banhu, Hambulezoke bona ba ranzile a kupenga; a ba kaketangi a mikonzo yabye: hikwalaho Jehova a nga amukelangi bona; makunu yena i ta enzela a zigoho zabye, i ta alakanya a kubihla kabye, ni enzela a zionho zabye.
- 11 Na Jehova i tengalo ka mina, U nga kombeleli laba banhu hi kusasa kabye.
- 12 Laha na ba yila, nzi nga tazwa a kurila kabye; ni laha na ba nyikela a muniyikelo wa kuhiswa ni muniyikelo wa tinzhoho, nzi nga ta amukela yona; kanilezi nzi ta mbetisa bona hi supado, ni ndlala, ni mitungu.
- 13 Zonake ku wula mina, Ha, Hosi Jehova! languta, a baprofeti ba wula a ka bona, Nwina mu nga ta wona a supado, ge hambu ni ndlala; kanilezi nzi ta nyika zwina a kurula ka zine nene a ka legi wutsamo.
- 14 Zonake Jehova i te ngalo ka mina, A baprofeti baprofeta a mawunwa a ka bito ga mina; a nzi rumangi bona, ge a nzi leleletelangi bona, ge ni ku wulawula a ka bona: ba profeta a ka zwina a miwoniso ya mawunwa, ni kuceruka, ni zilo zi nga hi ko za ncumo, ni kukohlisa ka timbilu ta bona benyi.
- 15 Hikwalaho zakungahi a wulako Jehova xungetano ni baprofeti labo ba profetako a bitweni ga mina, na nzi nga rumangi bona, kasike la ngalo, A supado ni ndlala zi nga ta kuba kona lomo tikweni: hi supado ni ndlala labo baprofeti ba ta mbetiswa.
- 16 A ka banhu labo bona ba profetako ba ta hoxwa lahandle lomo mapangweni ya Jerusalema hakuba hi ndlala ni supado; ni laho ku nga ta kuba kono a wa ku kelela bona—bona, a basati babye ni barisanyana babye, ni banhanyana babye: hakuba nzi ta halata a kubihisisa ka bona ehla ka bona.
- 17 Na wena u ta wula leyi a mhaka a ka bona, Nga mahlo ya mina ma kulunga hi mihloti a wusiku ni siku, nga wona ma nga kawuli; hakuba a mubulwa a nhanyana wa banhu ba mina i tsobekile hi mole wa hombe, hi mbanga yi hlokiako nguvu.
- 18 Loku nzi famba nziya masiawini, zonake, languta, a badelweni hi supado! loku nzi engena lomo mutini, zonake, languta, bona ba na ni ku babya hi ndlalala! hakuba bonke a muprofeti ni mupristi ba anzula lomo tikweni, a ba na kutiba.
- 19 Wena hakunene u alile Juda ke? a kasike a muhefemulo wa wena wa tsanzeko ba Zioni ke? hi yini wena u hlaseleko hina ku na ku cuma ke? Hi cuwukele a kurula, kanilezi ku laba kusasa ku tileko; ni xikati xa kucumiwa, ni, languta, ku mbetwa ntamo!
- 20 Hina ha vumela, O Jehova, a kubihisisa ka hina, ni zigohoza badladani ba hina; hakuba hi onhile hi vukela wena.
- 21 U nga swirwi ha hina, hi kota ya bito ga wena; u nga onhakalisi a xitsamo xa wena xa wukosi; alakunya, u nga tsobi a xivumelwano xa wena ziawe na hina.
- 22 Kasi laho ku kona xikari ka mifumo

JEREMIA, 15.

yi nga hiko ncumo loye a kotako ku ruma a vula ke? kutani a matilo ma kota ku neha a refu ke? kasi a hi yena wena ke, O Jehova a Nungu-nguluwa hina ke? hikwalaho hi ta rinzela wena; hakuba wena u mahileko zon'kle zilo.

XIPIMO 15.

- 1 Zonake ku lo wula Jehova a ka mina, Hambulezo Mosi na Samueli ba nga wa yimile mahlweni ka mina, kasike ku kupima ka mina ku wa nga ku nga hi xungetano ni laba banhu: hoxa bona kuwoneni ka mina, na nga bona ba panzanyeka.
- 2 Na ku ta mahisile lezo, laha bona ba ta nga wula a ka wena, Hi kwihi la ho hi ta ngaya kona ke? zonake wena u ta byela bona, Zakungahi a wulako Jehova: A ba kungahi ba hi ba kufa, a kufa; ni ba kungahi ha hi ba supado, ba hi ba supado; a ba kungahi ba hi ba ndlala, ba hi ba ndlala; a ba kungahi ba hi ba kukonwa, ba hi ba kukonwa.
- 3 Na mina nzi ta longisela bona a mune wa tixaka, ku wula Jehova: a supado a ku daya, ni timbyana a ku kaka tlula, ni tinyanyani ta matilo, ni zihari za misaba, a kukadamula ni ku lobisa.
- 4 Nzi ta maha a ku nzulanzula xikari ka mifumo ya misaba, hakuba ha Manasa, a nisanyana wa Hezekia, a hosi ya ka Juda, a ka lezo a zi mahileko lomo Jerusalema.
- 5 Hakuba nzi mani a ta nga maha ku hawukela hehla ka wena, O Jerusalema ke? kutani hi mani a ta cabela wena ke? kutani hi mani a ta nga hambuka a wutisa a mahungu ya wena ke?
- 6 Wena u alile mina, ku wula Jehova, wena u fambile ha xinzakwana: hikwalaho nzi nawulutile a canja ga mina nzi vukela wena, nzi lobosile wena; mina nzi karele hi kuhunzuluka.
- 7 Na mina nzi heherile bona hi lihlelo lo tinyangweni ta tiko; nzi ta ba wuklela a banana babye, nzi wa lobisa a banhu ba mina; bona a ba kkelangi tindleleni tabye.
- 8 A tinoni tabye ti enzelekile a ka mina ku hunza a seke ga mabimbi; nzi mehile a ku vukela hehla ka bamamani ba banhu baswa a mulobisi laba muzwini: nzi mahile a miketo

**ni mitsiso a ku wela hehla ka yena
hi kutsuketisilweko.**

- 9 Yena loye a rweleko a nklanu ni mimbiri a miketo; yena i nyikele a moya wa yena; a gambo ga yena gi pelile laha na ga ha hi mumu; yena i wisilwe tingana i hakasekile: ni misalela ya bye nzi ta yi nyikela supadweni mahilweni ka balala babye, ku wula Jehova.
- 10 Kombo ka mina, mamani wa mina, lezaku wena u tralile mina a wanuna wa kaneta ni a wanuna wa mazunga misabeni yonkle! a nzi lombangi, ge hambu a munhu a nga lombangi mina; kasike bonklelele ba bona ba rukatelele mina.
- 11 Jehova i te ngalo, Hakunene nzi ta tiyiseta wena akuba zinene: hakunene nzi ta mahisa a nala wa wena a ku maha mukongelo a ka wena hi xikatini xa hlokiselelo ya wena.
- 12 A nga kota a munwe a kutsoba a xiketse ke? xiketsi xa le nwalungu, ni suku ke?
- 13 A nhunzu ya wena ni mabako ya wena nzi ta nyika a mupango hi lahandle ka tsengo, ni ka lezo hi zonkle a zionho za wena, kona a ka yona yonkle a mimbingano ya wena.
- 14 Nzi ta maha wena ku hunza zinwe ni balala ba wena a ka tiko lego wena u nga gi tibiko; hakuba a nzilo wu dzibelwe a zangeni ya mina, leyo yi ta nga vura hehla ka wena.
- 15 O Jehova, wena wa zitiba; alakanya mina, potela mina, ka baxanisi ba mina; u nga susi mina kutimiseleleni ka wena: tiba lezaku hi kota ya wena nzi xanisekile hi leyi a nzhukano.
- 16 A timhaka ta wena ti wa kumilwe, nzi lo tiga tona; ni timhaka ta wena ti wa hi litsako la mina a tsakiselelo wa mbilu ya mina: hakuba mina nzi bitanilwe hi bito ga wena, O Jehova, Nungungulu wa mabandla.
- 17 A nzi tsamangi a tsombanweni wa bona labo ba mahako a kutsaka, ge a nzi tsakangi: nzi lo tsanna nzoce hakuba hi canja ga wena; hakuba wena u tatisile mina hi kulo.
- 18 Hi yini a kubayisa ka mina ka su ku tsonzoma, ni mbanga ya mina yi nga hiko na kuncuawa, leyo yi alako a kuholiswa ke? wena hakunene u ta maha a ka mina kwatsi i congo ma kohlisako, kwatsi i mati mahlu-lekilelo ke?

- 19 Hikwalaho zakungahi a wulako Jehova, Loku wena u ta klela, zonake nzi ta wuyetela wena kambe, kasi wena wa fela ku yima mahlweni ka mina; loku wena u teka a malongo le nzhukazweni wena u ta ku kwatsi hi nomu wa mina: bona ba ta hunzulukela ka wena, kanilezi wena u nga ta klelela a ka bona.
- 20 Nzi ta maha wena a ka laba banhu a kurisi ga suku gi gingisilweko; na bona ba talwa ba vukela wena, kanilezi ba nga ta hlula ba vukela wena; hakuba mina nzi na wena a ku ponisa wena ni kuklaklisa wena, ku wula Jehova.
- 21 Nzi ta klaklisa le canjeni ga ba kubihha, nzi ta hlangua wena le canjeni ga ba cabekako.

XIPIMO 16.

- 1 A mhaka ya ka Jehova yi lota kambe a ka mina, yiku,
- 2 Wena u nga teke a wasati, ge wena u nga ta kuba ni barisanyana ni banhanyana, a ka legi wutsamo.
- 3 Hakuba zakungahia wulako Jehova hi xungetano ni barisanyana ni xungetano ni banhanyana laba ba treleweko a ka legi a wutsamo, ni xungetano ni bamamani babye labo ba treleko bona, ni xungetano ni badadani babye laba ba treleko bona a ka legi tiko:
- 4 Bona ba tafa hi kufa ku hlokisako: bona ba nga ta rilelwa, ge hambu ni kulahlwa ba ta ku kwatsi matala hehla ka ngohe ya lilonze; ba ta mbetiswa hi supado, ni ndlala; ni zirumbi babye zi taba kuga ka tinyanyani ta matilo, ni ka zihari za kwati.
- 5 Hakuba zakungahi a wulako Jehova, U nga engeni lomo ndlweni ya xirilo ge u nga fambi ku ya rila, ge u nga cabeleli bona; hakuba nzi susile a kurula ka mina ka laba banhu, ku wula Jehova, kona a kuranzakawunene ni titralo.
- 6 Bonkle ba hombe ni ba tsongwani ba tafa a ka legi tiko; ba nga ta kelelwa, ge a ba kona banhu ba ta nga rilela bona, ge ni kutsema a wutsumbu gabye, ge hambu a wutsumbu gabye ba nga ta halulwa ha bona;
- 7 Ge a banhu ba nga ta kema xibaba ha bona le xirilweni, a kucabelela bona hi ba fileko; ge hambu u nga ba ta nyika bona a kopo ya kuwuyi-

selwa a kunwa hakuba hi dadani wabye ni mamani wabye.

- 8 Na wena u nga taya lomo ndlwini ya mibuzo a ku ya tsama zinwe nabo, a ku yaga ni ku yanwa.
- 9 Hakuba zakungahia wulako Jehova wa mabandla, a Nungungulu wa ka Israeli: Languta, nzi ta kawulisa a ka legi a wutsamo, mahlweni ka ngohe ya nwina a masikwini ya nwina, a gezu ga kusaka ni gezu ga kulhakana, a gezu ga muyeni ni gezu ga makoti.
- 10 Na ku ta mahisile lezo, laba wena u ta nga kombisa laba banhu leti timbaka tonkle, na ba ta wula ka wena, Ngahilezo Jehova a klaklambuteleko konkle loku kubihha ka hombe a vukela hina ke? kutani hikiwihi kugoha ka hina ke? kutani hi xihhi a xionho xa hina lexo hi xi mahile ku vukela Jehova a Nungungulu wa hina ke?
- 11 Zonake wena u ta wula a ka bona, hakuba a badadani ba nwina ba tsikileko mina, ku wula Jehova, ba lanzeleko a banwani banungungulu, ba koeleko bona, ba dumisileko bona, ba tsikileko mina, a ba hlalaysangi a nayo wa mina;
- 12 Na nwina mu mahile kubihha ku hunza badadani ba nwina; hakuba, languta, nwina mu fambile bonklelele ba nwina ba lanzela a sihalaliselo wa mbilu yabye, zingaho lezo a mu ingisangi ka mina;
- 13 Hikwalaho nzi ta hoxa nwina mu huma lomo tikweni legi muya a ka tiko lego nwina mu nga gi tibiko, hambu nwina ge ni badadani ba nwina; leyo mu ta kozela a banwani banungungulu a siku ni wusiku; hakuba mina nzi nga ta kangeta nwina ge ni tomo.
- 14 Hikwalaho, languta, a masiku mata, ku wula Jehova, lezaku ku nga ta ha engetwa kambe ku wulwa, Kwatsi hi lezi Jehova a hanyako, loye a nehileko a banana ba ka Israeli hi le tikweni ga le Gipite;
- 15 Kanilezi, Kwatsi hilezi Jehova a hanyako, loye a nehileko a banana ba ka Israeli hi le tikweni ga le nwalungu, ni le matikweni lawo yena a hlalongoleko bona. Nzi ta ba neha kambe a tiko gabye lego nzi nyikileko a badadani babye.
- 16 Languta, nzi ta nehele bona a ba ringeli botala, ku wula Jehova, ba

JEREMIA, 17.

- ta ringela bona; anzako ka lezo nzi ta rumela a bahloti bo tala, ba ta hlota bona zitsungeni zonkclelele, ni le migangeni yonkclelele, ni le miklo-
klotweni yonkcle ya maribye.
- 17 Hakuba a mahilo ya mina ma hehla ka tonkle a tindlela tabye; bona a ba fihlalangi le ngoheni ya mina, ge ni kuonha kabye a ku tumbetwangi kuwoneni ka mina.
- 18 Kuranga nzi ta potela a kugoha kabye ni xionho kabye hi ku engetilweko, hakuba bona ba nyenyezisileko a tiko ga mina hi zirumbi kabye za zilo zi nyenyekako, ba tatisile a tsomba ya mina hi manyalataniselelo yabye.
- 19 O Jehova, a ntamo wa mina, ni koka ga mina, ni wucacelo ga mina hi sikwini ga hlokiselelo, ka wena a mifumo yi tata hi le kugumelweni ka misaba, yi ta wula, A badadani ba wa nga hi na tsomba ya ncumo kanilezi zihlale, kona ku nga nyawuli ni zilo lezo zi nga vuniko.
- 20 A munhu i ta maha a ka wutsumbu ga yena a banungungulu, labo ba nga hiko a banungungulu ke?
- 21 Hikwalaho, languta, nzi ta maha bona a kutiba, laba kanwe nzi ta maha bona a kutiba a canja ga mina ni ntamo wa mina; na bona ba zi tiba lezaku a bito ga mina nzi Jehova.

XIPIMO 17.

- 1 A xionho xa Juda xi tsalilwe hi xitsalo xa xiketse, ni lirimi la dayimani: xona xi kehlelwe hehla ka imbila ka mbilu yabye, ni hehla ka timhonzo ta maalati ya nwina;
- 2 Laha a banana ba alakanya hi maalati yabye ni Axirima hi lomo tisi-nyeni to nyuka hehla ka miganga yi klakukileko.
- 3 O xitsunga xa mina lomo kwatini, nzi ta nyikela a nhunzu ya wena ni mabako ya wena akuba mupango, ni wutsamo ga wena gi klakukileko, hi kota ya xionho, hi ka yonkle a mimbiningano ya wena.
- 4 Na wena, a wutsumbu ga wena, u nga ta simamisa a tsombeni ya wena leyi nzi nyikileko wena; nzi ta maha wena ku kozela a balala ba wena a ka tiko lego wena u nga gi tibiko: hakuba mu dzibele a nzilo a zangeni ya mina lowo wu ta nga vura kala kupinzuka.

- 5 Zakungahi a wulako Jehova: i rukatelilwe a munhu loye a tsumbako ka munhu, loye a mahako a nyama a woko ga yena, ni loye a mbilu ya yena yi sukileko ka Jehova.
- 6 Hakuba yena i ta ku kwatsi likwara lomo xiwuleni, a nga ta wona laha na zinene zita, kanilezi i ta tsama wutsanweni ga zi sapa lomo xiwuleni, a tiko ga munyu gi nga akiwangiko.
- 7 I katekisilwe a munhu loye a tsumbako ka Jehova, loye a kutsumbya ka yena Jehova ku nga kona.
- 8 Hakuba yena i ta ku kwatsi i sinyi yi byelweko lomo matini, leyo yi andlalatako a mitsu ya yona hi le congweni, gi nga ta caba laha ni na mumu na wuta, kanilezi a kluka ga yona gi ta nyuka; gi nga katalelwa hi lembe ga kubalela, wu nga ta kawula a kutrala mihanzo.
- 9 A mbilu ya kohlisu ku hunza a zilo zonkle, yona yi hunzelelisile a kubola: hi mani a nga tibako yona ke?
- 10 Mina, Jehova, nzi hlolako a kupima, nzi ringako a mbilu, kasi a ku nyika banhu bonkclelele kukotisa hi tindlela takwe, kukotisa hi mihanzo ya zimahlo za yena.
- 11 Kwatsi i hwari leyo yi kuhlelako a manza lawo yona yi nga ma tsikelangiko, zingaho yena loye a kumako kufuma, na ku nga hi hi nongame-to; a xikarini xa masiku kona ku ta tsika yena, a kugumelweni ka yena i ta kuba zipumbu.
- 12 A xitsamo xa wukosi xi ngangamelako, xi bekilwe le hehla hi le kusanguleni, xi hi wutsamo ga yindlu ya hina ya kubasa.
- 13 O Jehova, a xitsumbo xa ka Israeli, bonkle labo ba tsikako wena ba ta wiswa a tingana. Bona labo ba sukako a ka mina ba ta tsalilwa misabeni, hakuba bona ba tsikileko Jehova, a hlowo ya mati ya wutomi.
- 14 Cuma mina, O Jehova, nzi taba nzi cumilweko; hanyisa mina, nzi taba nzi hanyisilwe: hakuba wena u ku dumisa ka mina.
- 15 Languta, bona ba wula ka mina, Yi kwihhi a mhaka ya ka Jehova ke? nga yona yita makunu.
- 16 Na kwatsi ha mina, a nzi hakliselangi akuba nzi nga bi a murisi wa le ka wena; ge hambu a kuxuba a masiku ya xibiti; wena wa zi tiba:

- lezo zi humako hi lomo nonwini wa mina zi wa hi mahlweni ka ngohe ya wena.
- 17 U nga mahi a cabekiselo a ka mina : wena u wuponelo ga mina a sikwini ga kubiha.
- 18 Nga bona ba wiswa tingana labo ba xanisako mina, kanilezi nga mina nzi nga wiswi tingana; nga bona ba mbeliswa ntamo, kanilezi nga mina nzi nga mbelisiwa ntamo; neha hehla ka bona a siku ga kubiha, lobisa bona hi lobyiselelo wu engetilweko.
- 19 Zakungahi a wulako Jehova a ka mina: Famba, u ya yima le nyangweni ya banana ba banhu, laho a tihosi ta ka Juda ti engenako, hi ka yona ba humako, ni ka tonkle a tinyangwa ta Jerusalema;
- 20 Ni ku wula ka bona, Zwanani zwina a mhaka ya ka Jehova, zwina tihosi ta ka Juda, ni gonkle Juda, ni bonkle baakileko ba Jerusalema, labo mu engenako hi leti tinyangwa:
- 21 Zakungahi a wulako Jehova, Klarihani a ka wutsumbu ga zwina, mu nga rwali a mirwalo hi siku ga sabado, ge ni ku yi engenisa hi lomo tinyangweni ta Jerusalema;
- 22 Mu nga rwali a nzwalo wu huma hi lomo tinlwini ta zwina hi siku ga sabado, ge mu nga mahi zwina na wihi a tiro: kanilezi basisani zwina a siku ga sabado, kwatsi hilezi nzi leleteleko a badadani ba zwina.
- 23 Kanilezi bona a ba ingisangi, ge ni kupumunha a ndlebe ya'bye, kanilezi ba lo maha a nhamu ya'bye a kunonoha, kasi bona ba fela ku kala ba ngazwi, kasi ba fela ku kala ba nga amukeli a gonziselelo.
- 24 Na ku ta mahisile lezo loku zwina mu ingisa hi kutsononometilweko a ka mina, ku wula Jehova, a ku kala mu nehi a nzwalo tinyangweni ta lowu muti hi siku ga sabado, kanilezi a longeta a siku ga sabado, mu nga mahi na wihi a tiro ka gona;
- 25 Zonake ku ta engena hi tinyangwa ta lowu a tihosi ni tihosana ti tsamile xitsaweni xa Davida, na ba kilele tikareteni ni lomo mahaxini, bona, ni tihosana ta'bye, a banhu ba ka Juda, ni baakileko ba le Jerusalema: ni lowu muti wu ta tsama kala kupinzuka.
- 26 Na bona ba tata hi lomo mitini ya ka Juda, no lomo wutsaweni gi

- ranzeleko Jerusalema, ni le tikweni ga ka Benjamini, ni le tikweni ga minzelelo, ni le tikweni ga miganga, ni le Dzongeni, ba neha a minyikelo ya kuhiswa, ni mipahlelo, ni minyikelo ya tinzhobo, ni tihlakati, ni ku neha a mipahlelo ya ku nyikakubonga, lomo ndlwini ya ka Jehova.
- 27 Kanilezi loku zwina mu ga ingisi ka mina a ku longeta a siku ga sabado, ni ku nga tsiki a kurwala mirwalo a ku engena lomo tinyangweni ta Jerusalema hi siku ga sabado; zonake nzi ta dzibela a nzilo a tinyangweni ta kona, nzi ta kadamula a silubelo za le Jerusalema, na wona wu nga ta timeka.

XIPIMO 18.

- 1 A mhaka leyi yi ngata ka Jeremia hi le ka Jehova, yiku,
- 2 Suka, u relela uya le ndlwini ya bawumbi, leyo nzi ta maha wena a kuzwa a timhaka ta mina.
- 3 Zonake nzi lo relela nzi loya le ndlwini ya bawumbi, ni, languta, yena i wa ku maha a tiro lomo tingo ngoleni.
- 4 Ni laha a xi'bya lexo a xi mahako hi wumba xi la su rembeleko a canjeni ga mu wumbi, yena i lo maha xona kambe, ni ziwani a xi'bya, kwatsi hi lezi zi faneleko a ka muwumbi a ka mu maha zona.
- 5 Zonake a mhaka ya ka Jehova yi lota a ka mina, yiku,
- 6 O yindlu ya ka Israeli, a nzi zi koti ku maha kwatsi hi loyi muwumbi ke? ku wula Jehova. Languta, kwatsi hi wumba lomo canjeni ga muwumbi, zingaho zwinawu a canjeni ga mina, O yindlu ya Israeli.
- 7 A ka xihl xikatli nzi ta nga wulawula a xungetano ni ka lihi lixaka ni ka wihi a mufumo, ni ka xungetano ni ka lihi mufumo, a ku hlurula ni tran'lesa lahasi ni ku lobisa kona;
- 8 Loku lowo a mufumo, a xungetano nawo nzi wulawulileko, loku wu hunzuluka wu klela a kubiheni ka wona, nzi ta hunzuluka hi kubiha loku nzi alakanyako a ku maha ka bona.
- 9 A ka xihl xikanzakanya nzi ta wulawula xungetano ni lowo a mufumo, ni xungetano ni lowo mufumo, a kuaka ni kubyala wona.
- 10 Loku bona ba maha lezo a bihileko kuwoneni ka mina, lezaku bona ba

JEREMIA, 19.

- nga ingisi a gezu ga mina, zonake nzi ta huzuluka hi ku maha kusa-sa, laho nzi nga wa wulile lezaku nzi nga ta binzulusela bona.
- 11 Makunu hikwalaho, wulawula a ka banhu ba ka Juda, ni ka baakileko ba le Jerusalema, uku, Zakungahi a wulako Jehova: Languta, nzi longisa kubiha nzi vukela nwina, nzi hleba xikungo nzi vukela nwina: kilelani nwina makunu nwenkilelele hi lomo tindleni ta yena ta kubiha, ni ku bangetela a tindlela ta nwina ni zimaho za nwina.
- 12 Kanilezi bona ba te ngalo, Kona a hi kukoteka; hakuba hi ta famba hi mano ya hinawuwo, na hina hi ta maha honkilelele ku kotisa hi ka sihalaliselo wa mbilu ya hina.
- 13 Hikwalaho zakungahi a wulako Jehova: Wutisani nwina makunu xikari ka mifumo, himani a zwileko a zilo zakungahi, a mubulwa wa ka Israeli wu mahile a zilo za mbonya-ponya.
- 14 Kasi a mbera ya Lebanoni yi ta tsanzeka hi le hehla ka ribye ga le masiwini ke? kutani kasi a mamati ya xirami layo ma kulungako hi le tikweni ga le kule ma ta omiswa ke?
- 15 Hakuba a banhu ba mina ba ribakelwe ha mina, ba hisile a tibani ka banungungulu ba nga nyawuliko; bona ba mahile ku retemuka a ti ndloleni tabye, hi mipfukla ya kaleloko, a ku famba hi tindlela, a ka ndlela leyo yi nga hoxwangiko;
- 16 A ku maha a tiko gabye a mahanjalatso, a likiyala li nga gawukisiwiko; bonkilelele laba ba ta nga hunza hi laha ba ta hanjalatiswa, ba ta hlahla a tihloko tabye.
- 17 Nzi ta hangalasa bona kwatsi i mbeho ya mutsuwukagambo mahlweni ka muala; nzi ta kangeta bona a mafulara, na ku nga hi ngohe, a si kwini ga hlokiselelo yabye.
- 18 Zonake ba lo wula bona, Ngona, nga hina hi maha a xihlebo hi vukela Jeremiah; hakuba a nawo wu nga ta loba wa le ka bapristi, ge ni xikungo xa le ka laba ba klarihileko, ge ni mhaka ya le ka baprofeti. Ngonani, nga hi lamata yena hi Irim, nga hina hi nga nyiki a ndlebe ni ga yihi ya timhaka ta yena.
- 19 Nyika ku ceta kota a ka mina, O Jehova, ingisa a ka gezu gabye labo ba kanetisanako ziawe na mina.

- 20 Kasi a kubiha ku ta potelwa hi kusasa ke? hakuba ba kelile a rinzi ga muhefemulo wa mina. Alakanya lezaku nzi yimisile ku yini mahlweni a kuwulawula a zinene ha bona, a ku bohliisa a zanga ya wena ka bona.
- 21 Hikwalaho nyikela a banana babye le ndlaleni, nyikela bona ntanweni wa supado; nga a basati ba be milaleni, ni tinoni; nga ba banuna babye ba dawa hi kufa, ni majaha yabye ba klabyiwa hi supado le impini.
- 22 Nga a huwa yi zwiwa hi le tindlweni tabye, laha wena u ta neha a xijumani hi kutsuketisilweko hehla ka bona; bona ba kelile a kele a ku teka mina, ba dembele a ziyo ga mikonzo ya mina.
- 23 Ina, Jehova, wena u ti bako gonkile a gujegu gabye ga kuvukela mina a ku daya mina; u nga tsetselele a kubiha kabye, ge ni kufubisa a kuona kabye a kuwoneni ka wena; kanilezi nga bona ba hoxwa mahlweni ka wena; maha ziawe nabo a xikatini xa zanga ya wena.

XIPIMO 19.

- 1 Zakungahi a wulako Jehova, Famba, ni ku ya xaba a botori ga saba ya muwumbi, u teka ka masingalakati ya banhu, ni masingalakati ya bapristi;
- 2 U famba le mikobeni ya nisanyana wa ka Hinnome, leyo yi nga le wungenweni ga nyangwa Harsite, u ya bahungu laho ni mhaka leyo nzi ta nga byela wena;
- 3 U wula, Ingisani nwina a mhaka ya ka Jehova, O tihosi ta ka Juda, ni banhu ba lomo Jerusalema. Zakungahi a wulako Jehova wa mabandla, a Nungungulu wa ka Israeli, Languta, nzi ta neha a kubiha hehla ka legi wutsamo, loko kani hiwihi a ta nga kuzwa, a ndlebe ya yena yi ta kulumela.
- 4 Hakuba bona ba tsikileko mina, ba tiyisetile legi a wutsamo, ba hisile a tibani ka gona a ka banwani banungungulu, labo bona ba nga ba tibiko, bona ni badadani babye ni tihosi ta ka Juda, ba tatisile legi wutsamo hi nkata wa ba nga hiko na nanzu.
- 5 Mu akileko a wutsamo gi klakukileko ga Baali, a kuhisa a barisanyana ni banhanyana babye a nzilweni wa munyikelo wa kuhiswa ka Baali; lezo mina nzi nga leletelangiko, ge ni

ku wulawula kona, ge kona a kutatangi kupimeni ka mina :

- 6 Hlikwalaho, languta, a masiku ma hata, ku wula Jehova, lezaku legi a wutsamo gi nga ta ha bitanwa kambe Tofete, ge a ku i Nzelelelo wa nisanyana wa Hinnome, kanilezi a Nzelelelo wa Hlaselo.
- 7 Nzi ta maha ku nga nyawuli a xikungo xa Juda ni Jerusalema hi legi a wutsamo ; na nzi maha bona bawa hi supado mahlweni ka balala babye, ni canja ga bona labo ba hlotako a wutomi gabye ; ni zirumbi zabye nzi ta nyika kuga ka zinyanyani za matilo, ni ka zihari za misaba.
- 8 Nzi ta maha lowu a muti a mahanjalati, ni makoyala ; bonklelele labo ba hunzako ha kona ba ta hanjalatiswa ba kiyala hakuba hi yonkle a mitungu ya kona.
- 9 Nzi ta maha bona a kuga a nyama ya barisanyana babye ni nyama ya banhanyana babye ; bona ba taga bonkle a nyama ya mungana wa yena, le kuvimbezelweni ni le hlokiiselweni, leyo ha yona a balala babye, na bona labo ba hlotako a wutomi gabye ba ta hlokisa bona.
- 10 Zonake wena u ta trandlesa a botori mahlweni ka banhu labo ba fumbacko zizwe na wena,
- 11 U ta wula a ka bona, Zakungahi a wulako Jehova wa mabandla : zi ta ba ngaho nzi trandlesa laba banhu ni lowu a muti, kwatsi hi loye a trandlesako a xibya xa wumba, lexo xi ta nga kala xi nga ha klangani kambe ; na bona ba ta kelelwa lomo Tofete, kala laho ku nga hi kona a wutsamo a kukelela.
- 12 Zakungahi nzi ta nga maha a ka legi a wutsamo, ku wula Jehova, ni ka banhu ba kona, ni kumaha lowu a muti kwatsi i Tofete :
- 13 A tindlu ta le Jerusalema, ni tindlu ta tihosi ta ka Juda, leto ti nyenyezisilweko, ti ta ku kwatsi wutsamo ga le Tofete, tona a tindlu leto hehla ka tona ku hisilweko a tibani a ka wonkle a mabandla ya tilo, ba cululeko a minyikelo ya kunwa a ka banungungulu banwani.
- 14 Zonake i lo klela Jeremia hi le Tofete, leyo Jehova a nga wa rumile yena a kuya profeta ; yena i lo yima le hubyeni ya yindlu ya ka Jehova, i te ka bonkle a banhu :
- 15 Zakungahi a wulako Jehova wa ma-

bandla, a Nungungulu wa ka Israel, Languta, nzi ta neba hehla ka lowu muti ni hehla ka mitana ya yona yonkle kubiha loku nzi wulawulileko ha wona ; hakuba bona ba mahile a nhamo yabye kunonoha, lezaku bona a bazwangi a timhaka ta mina.

XIPIMO 20.

- 1 Makunu Paxhura, a nisanyana wa Immera a mupristi, loye a nga wa hi induna ya hombe lomo ndlwini ya ka Jehova, i lozwa Jeremia na a profeta lezi zilo.
- 2 Zonake Paxhura i loba Jeremia a muprofeti, i kotsa yena hi makotsolawo ma nga wa hi le nyangweni ya le hehla ya le ka Benjamini, laya ma nga wa hi lomo ndlwini ya ka Jehova.
- 3 Na ku mahisile lezo hi ga manziko, lezaku Paxhura i lo humesa Jeremia le makotsweni. Zonake ku lo wula Jeremia a ka yena, Jehova a nga bitanangi a bito ga wena Paxhura, kanilezi Magora-missabiba.
- 4 Hakuba zakungahi a wulako Jehova, Languta, nzi tati maha a tsisiso ka wutsumbu ga wena, ni ka wonkle a maxaka wena ; na bona ba ta kuwa hi supado ya balala babye, ni mahlo ya wena ma ta wona kona ; na nzi ta nyika gonkle Juda a canjeni ga hosi ya le Babuloni, yena i ta yisa bona bakonwi le Babuloni, i ta daya bona hi supado.
- 5 Klatakumbiri nzi ta nyika wonkle a mafumelo ya lowu a muti, ni wonkle a mabinzu ya kona, ni zonkle zilo za malongo za kona, ina, ni wonkle a mabako ya tihosi ta ka Juda nzi ta nyika a canjeni ga balala babye ; na bona ba ta maha bona a pimba, ni ku teka bona, ba yisa bona le Babuloni.
- 6 Na wena, Paxhura, ni bonkle labo ba tsamako lomo ndlwini ya wena mu ta konwa a wuhloko ; na wena u tata le Babuloni, leyo u ta fela kona, leyo wena u ta kelelwa kona, wena, ni wonkle maxaka wena, labo wena u profetileko a mawunwa.
- 7 O Jehova, wena u vumelisileko mina, nzi wa nga nzi vumelisilwe ; wena u na ni ntamo ku hunza mina, u hlulile : nzi mahile a xilo xa hlekisako gonkle a siku, bonklelele ba ku tseketsela mina.

JEREMIA, 21.

- 8 Hakuba kwatsi hi xikanzanyaka xa lezi nzu wulawulako, nza bahuwa; nza bahuwa, A pangiselelo ni lobyiselelo! hakuba a mhaka ya ka Jehova yi mahile a nzhukano a ka mina, na nzi hi kiyaliselelo gonkile siku.
- 9 Ni loku nzi wula, Nzi nga ta maha a kumbuxeto wa yena, ge ni ku wulawula kambe a bitweni ga yena, zonake ku kona mbilwini ya mina a ku kwatsi i nzilo wu vurako wu valelweko marambyini ya mina, na mina nzi rerekile hi timiselelo, nzi nga ta kangatela.
- 10 Hakuba nzi zwile a hlebyiselelo wa banyingi, wu tsisako maklelweni wonkile. Tsawutelani, na hina hi ta tsawutela yena, ku wula bonkile bangana ba mina nzi tolobeneko nabo, labo ba rinzeleko a kuwa ka mina; gimbesiku a nga ta nga yena a kongotelwa, na hina hi ta hlula hi vukela yena, na hina hi ta teka a potelelo ya hina ka yena.
- 11 Kanilezi Jehova i zinwe na mina kwatsi a nhenha yi cabekako: hinkwalaho a baxanisi ba mina ba ta retemuka, na bona ba nga ta hlula; bona hi mbetisilweko ba wisiwa tingana, hakuba a ba mahangi hi tibi-sileko, hi ku nga dzunziwi kupinzukeliselweko loko ku ta nga kala ku nga ribakelwi.
- 12 Kanilezi, O Jehova wa mabandla, loye a hlolako a ba lulamileko, loye u wonako a mbilu ni kupima, nga mina nzi wona a potelelo ya wena a ka bona; hakuba a ka wena nzi kange-tile a nanzu wa mina.
- 13 Yimbelelani a ka Jehova, dumisani Jehova; hakuba i klaklisile a muhefemulo wa muvumali a canjeni ga bamahi ba kubiha.
- 14 Gi rukatelwe a siku lego nzi tre-lweko ha gona: nga a siku lego ma mani a nzi treleko gi nga begi kate-kisilweko.
- 15 I rukatelwe a munhu loye a nehileko a mahungu ka dadani wa mina, aku, A nwanana wa wanuna i trelwe ka wena; maha yena a litsako ngu-vu.
- 16 Nga loye wanuna a ku kwatsi hi miti leyi Jehova a yi hoxileko, a nga hunzulukiko: nga yena azwa a hu-wa laha mixweni, ni ku kulumela laha xikatini xa mumu.
- 17 Hakuba yena a nga nzi dayangi lomo rumbyini; singaho mamani wa

mina i wa ta nga a hi kele wa mina, a marumbu ya yena xonkile xikati nja hombe.

- 18 Ngahilezo nzi lo tralwa mina hi lomo rumbyini a ku wona a kinyelelo ni xaniselelo, kasi a masiku ya mina ma mbetiswa hi tingana ke?

XIPIMO 21.

- 1 A mhaka leyi yi nga wa tile ka Jeremia hi le ka Jehova, laha a hosi Zedekia a nga wa rumele ka yena Paxhura a nisanyana wa Malkija, na Zefania a nisanyana wa Maaseia, a mupristi, aku.
- 2 Wutisa, nza kombela wena, a ka Jehova ha hina; hakuba Nebukadrezzare a hosi ya le Babuloni yi mahako a impi zinwe yi vukela hina: gimbesiku Jehova i ta maha ha hina kukotisa hi ka mitiro ya yena hi hlmalisako, kasi wa fela ku suka ka hina.
- 3 Zonake ku lo wula Jeremia ka bona, Zakungahi nwina mu ta nga wula a ka Zedekia;
- 4 Zakungahi a wulako Jehova, a Nungungulu wa ka Israeli, Languta, nzi ta hunzulusa a maklari ya kulwa laya ma nga lomo mandleni ya nwina, lawo ha wona mu lwako ni hosi ya le Babuloni, ni ku vukela a ma Kaldea lawo ma vimbezeleko nwina, le handle ka ligingisi; nzi ta tsombanyisela wona lomo xikari ka lowu muti,
- 5 Na mina wutsumbu nzi talwa zinwe na nwina hi canja gi nawulutilweko na hi woko ga ntamo, kona kuzangareni, ni le kulweni, ni le vindlu-kelelisweni wa hombe.
- 6 Na mina nzi ta hlasela a banhu ba lowu muti, bonkile banhu ni zihari: bona ba ta kufa hi tungu wa hombe.
- 7 Ni nzako ka lezo, ku wula Jehova, nzi ta nyikela Zedekia a hosi ya ka Juda, ni malanza ya yena, ni banhu ba yena, bona labo ba siyilweko ka lowu a muti hi ka tungu, ni supado, hi le ndlaleni, a canjeni ga Nebukadrezzare a hosi ya le Babuloni, ni le canjeni ga balala babye, ni le canje-ni ga labo ba hlotako a wutomi gabye: yena i ta daya bona hi wukla ga supado; yena a nga ta nyenyete-la bona, ge a nga ta kuba na ku hawukela, ge ni titralo ka bona.
- 8 Ni ka laba banhu wena u ta wula, Zakungahi a wulako Jehova: La-

nguta, nzi bekile mahlweni ka nwi-
na a ndlela ya wutomi ni ndlela ya
kufa.

- 9 Loye a tsamo a ka lowu muti i ta
kufa hi supado, na hi ndlala, na hi
tungu; kanilezi yena loye a famba-
ko le handle, a hunzako aya ka ma
Kaldea laya ma vimbezeleko nwi-
na, i ta hanya, yena i ta hanya ni wuto-
mi ga yena gi taba a ka pfimba.
- 10 Hakuba nzi tsamile a ngohe ya mi-
na a ka lowu a muti hi kubiha, na
ku nga hi kusasa, ku wula Jehova :
wona wu ta nyikelwa a canjeni ga
hosi ya le Babuloni, yena i ta hisa
wona hi nzilo.
- 11 Ni ku kumbuka a yindlu ya hosi
ya ka Juda, zwanani nwi-
na a mihaka ya ka Jehova :
- 12 O yindlu ya ka Davida, zakungahi a
wulako Jehova, Tsanza a nongame-
tiso na ga ha hi mixo, ni ku klaklisa
yena lo a pangilweko lomo canjeni
ga mutsimbeti, ku taku a zanga ya
mina yi famba kwatsi i nzilo, wu
vura lezaku ku nga hi kona a wu
timako, hakuba hi kubiha ka zimaho
za nwi-
na.
- 13 Languta, nzi vukela wena, O nwi-
na akileko ba nzelelo, ni ba riye ga
le mikobeni, ku wula Jehova; nwi-
na labo mu wulako, Hi mani a ta
nga relela a ta vukela hina ke? hi-
mani a ta nga engena mitini ya hina
ke?
- 14 Nzi ta tsayisa kukotisa hi ka miha-
nzo ya zimaho za nwi-
na, ku wula
Jehova; nzi ta dzibela nzilo lomo
kwatini ga yena, wu ta kadamula
zoukle lezo zi ranzeleko gona.

XIIMO 22.

- 1 Zakungahi a wulako Jehova : Re-
lelani mu ya le ndlwini ya hosi ya
ka Juda, ni ku wulawula laho leyi
mhaka,
- 2 Muku, Ingisa a mhaka ya ka Jeho-
va, O hosi ya ka Juda, wena loye u
tsamileko xitsazweni xa Davida,
wena, ni malanza ya wena, ni banhu
ba wena laba ba engenako hi leti ti-
nyangwa.
- 3 Zakungahi a wulako Jehova : Tsa-
nza a nongametiso ni lulamisiselelo,
ni ku klaklisa yena loye a pangilwe-
ko a canjeni ga mutsimbeketi : u
nga mahi kuonha, ge hambu kupa-
nga, ka balubeli, ni ka bana ba zisi-
wana, ge ni ka tinoni; ge ni ku ha-

lata a nkata wu nga hi ko na nanzu
a ka legi a wutsamo.

- 4 Hakuba loku nwi-
na mu maha lexi
xilo ha kunene, zonake laho ku ta
engena hi tinyangwa ta leyi yindlu
a tihosi ti tsamile xitsazweni xa
Davida, na ti kilele lomo tikareteni,
ni lomo mahaxini, yena, ni malanza
ya yena, ni baulu ba yena.
- 5 Kanilezi loku nwi-
na mu ngazwi leti
timhaka, nza hlamula hi wutsumbu
ga mina, ku wula Jehova, lezaku leyi
a yindlu yi ta maha a ku hahluka.
- 6 Hakuba zakungahi a wulako Jeho-
va hi xungateno ziawe ni yindlu ya
hosi ya ka Juda : Wena hi wena Gi-
leade a ka mina, ni hloko ya le Le-
banoni; hakunene nzi ta maha wena
a xiwula, a miti leyi yi nga hiko na
banhu.
- 7 Na nzi ta longisela a balobisi a vu-
kela wena, bonklelele wuklari gabye,
bona ba ta tsema a tisedare ya wena
yi langilweko, ni ku hoxa tona nzi-
lweni.
- 8 Ni mifumo yinyingi yi ta hunza hi
lowu a muti, ba ta wula bonklelele
banhu a ka wa akelwane wa yena,
Ngahilezo Jehova i mahile lezi ka
lowu a muti wa hombe ke?
- 9 Zonake bona ba ta hlamula, Hakuba
ba tsikileko xivumelwano xa ka
Jehova a Nungungulu wabye, ba lo
kozela a banwani banungungulu, ni
ku dumisa bona.
- 10 Mu nga rili nwi-
na hi kota ya ba-
fileko, ge hambu kucabela yena;
kanilezi rilelani yena loye a famba-
ko; hakuba yena a nga ta ha klela
kambe, ge ni ku wona a tiko ga ka
kabye.
- 11 Hakuba zakungahi a wulako Jehova
hi ku kumbuka Xalluma a nisanya
na wa ka Josia, a hosi ya ka Juda,
loye a fumileko xikudleni xa Josia
a dadani wa yena, loye a sukileko
hi ka legi wutsamo : Yena a nga ta
ha wuya leno kambe;
- 12 Kanilezi a wutsazweni lego ba gu-
lileko yena a hloko, leyo i ta kufa,
yena a nga ta ha engeta a wona legi
tiko kambe.
- 13 Kombo ka yena loye a akako a
yindlu ya yena hi ku nga lulami,
ni matsawu ya yena hi ku nga lo-
ngameti; loye a tirisako a malanza
ya mu akelwane wa yena na a nga
hi na kuriha, na a nga nyiki yena a
kurihwa ka yena;

JEREMIA, 23.

- 14 Loye a wulako, Nzi ta ti akela a yindlu ya kuanama ni matsawu ma cuwukekako, ni kuboxela yena a mawoni, ni ku nameketa hi tisedare, ni kucela a truka nguvu.
- 15 Wena u ta fuma ke, hakuba u kurumetako a klurisa hi sedare ke? Kasi a badadani ba wena a ba gangi ni kunwa ke, ba maha a nongametiso ni lulamisiso ke? zonake ku wa hi kwatsi ba yena.
- 16 Yena a lamulako hi nanzu wa ziswana ni bavumali; zonake ku wa hi kwatsi. Lezike ku wa nga hi ku ti bywa mina ke? ku wula Jehova.
- 17 Kanilezi a mahlo ya wena ni mbilu ya wena a hi ya kunabelisisa ka wena basi ke, ni ya ku halata a nkata wu nga hiko na nanzu, ni ya tsimbeketelo, ni ya pangiselelo, a ku maha kona.
- 18 Hikwalaho zakungahi a wulako Jehova hi xungetano na Jehoiakimu a nisanyana wa Josia, a hosi ya ka Juda: Bona ba nga ta rilela yena, baku, Ha makabye wa mina! kutani, Ha makweru wa mina! Bona ba ngata rilela yena, baku, Ha Hosi! kutani, Ha mbukosi ga yena!
- 19 Yena i ta nkelclwa hi kukelelwa ka mbongola, a nwalatwa a hoxiwa klutuko wa tinyangwa ta Jerusalema.
- 20 Kanziyani mu ya le Lebanoni, muya rila; ni ku klakusa a gezu ga nwina le Baxani, ni kurila hi le Abarimu; hakuba bonkle ba ranzekekako ba wena ba lobyisilwe.
- 21 Nza wulawula a ka wena a vuvumiselweni wa wena; kanilezi wena wa wula, A nzi nga ta kuzwa; lowu wu wa hi mukuwo wa wena kusukela wusweni ga wena, lezaku wena a ku ingisangi a gezu ga mina.
- 22 A mheho yi ta gisa bonkle a barisi ba wena, ni baranzekako ba wena ba taya kukonweni: hakunene zonake wena u taba a koyamisilweko tingana ni kuba a kanganyisekileko hakuba hi konkle a kubihisisa ka wena.
- 23 O a ba akileko ba le Lebanoni, a mahako a xisaka xa wena hi tisedare, koramani hi kukulisilweko ka ba hawukelilweko hakuba wena laha kutsisa kuta ka wena, a kubayisa kwatsi hi wasati loku a lunwa!
- 24 Kwatsi hilezi nzi hanyako, ku wula Jehova, hambulezo Konia a nisanyana wa Jehoiakimu a hosi ya ka Juda u nga hi pera hehla ka canja

- ga mina ga xinene, kasike nzi ta wuklela wena laho;
- 25 Na mina nzi ta nyikela wena a canjeni ga bona labo ba hlotako a wutomi ga wena, ni lomo canjeni ga bona labo wena u ba cabako, kona lomo canjeni ga Nebukadnezzare a hosi ya le Babuloni, ni le canjeni ga ma Kaldea.
- 26 Na mina nzi ta hoxa wena le handle, ni mamani wa wena loye a tralileko wena, a ka ginwani a tiko, laho nwina mu nga tralelwangiko kona; ni leyo nwina mu ta kufa kona.
- 27 Kanilezi a ka tiko lego a muhefemulo wa wena u xubako a ku klelela, leyo u nga ta klelela.
- 28 Yena loyi munhu Konia a xibya xi nyenyilweko xi tsobekileko ke? yena i hi xibya lexo ni a nga hi ko kona a xalalako ha xona ke? hikwalaho bona ba hoxilwe lahasi, yena ni mbewu ya yena, ba hoxilwe a tikweni legi bona ba nga gi tibiko ke?
- 29 O misaba, misaba, misaba, zwana a gezu ga ka Jehova.
- 30 Zakungahi a wulako Jehova, Tsalani nwina loyi munhu wa wumba, a munhu loye a ta nga kala a nga vuvumiswi masikwini ya yena; hakuba a nga kona a munhu a ta nga ba wa mbewu ya yena a ta nga vuvuma, na a tsama xitsanweni xa Davida, ni kufumela lomu Juda.

XIPIMO 23.

- 1 Kombo ka barisi labo ba lobisako ba hangalasako a tiyivu ta wuriselo ga mina! ku wula Jehova.
- 2 Hikwalaho zakungahi a wulako Jehova, a Nungungulu wa ka Israeli, a ku vikela a barisi labo ba risako a banhu ba mina: nwina mu ta hangalasa a klambi wa mina ni ku hlongola wona kule, mu nga enzeli wona; langutani, nzi ta enzela nwina hi kubiha ka zimaho za nwina, ku wula Jehova.
- 3 Nzi ta hlengelletela a misalela ya klambi wa mina yi huma a ka matiko wonkle lawo nzi hangalaseleko bona, nzi ta ba neha kamba a klambi wabye; na bona ba ta trala ba enzeleka.
- 4 Nzi ta yimisa a barisi hehla ka bona, labo ba ta risa bona; bona ba nga ta ha caba kambe, ge hambu kumbeteka a ntamo, a nga ta kuba

- kona a ta nga vumalwa, ku wula Jehova.
- 5 Languta, a masiku mata, ku wula Jehova, lawo nzi ta vuxela a ka Davida a Rabi go lulama, yena i ta fuma kwatsi i hosi a maha hi kutibisi-sileko, yena i ta tsanza a nongametiso ni kululamisisa lomo tikweni.
- 6 A masikwini ya yena Juda i ta hanyiswa, na Israeli i ta aka kuponeni; ni legi hi bito ga yena lego a ta nga bitanwa ha gona: Jehova hi kululamisisa ka hina.
- 7 Hikwalaho, languta, a masiku mata, ku wula Jehova, lawo ba ta nga ha engeta kambe ba wula, Kwatsi hilezi Jehova a hanyako, loye a humesileko a neha a banana ba ka Israeli hi le tikweni ga le Gipite;
- 8 Kanilezi, Kwatsi hilezi Jehova a hanyako, loye a nehileko loye a rangeleko a mbewu ya yindlu ya ka Israeli a ku huma hi le tikweni ga le wwalungu, na hi le matikweni wonkle lawo nzi ma yisileko bona. Na bona ba ta aka lomo tikweni ga bona benyi.
- 9 Hii xungetano ni baprofeti, A mbilu ya mina nzeni ka mina yi tsobekile, wonkle a marambu ya mina ma guklagukela; nzi kwatsi nzi munhu a popilweko, ni ku kwatsi nzi munhu loye a waini gi hlulileko, hakuba ha Jehova, hakuba hi timhaka ta yena to basa.
- 10 Hakuba a tiko gi tele hi zibayi; hakuba hi kuhlambanya a tiko gi rilako; a wuriselo ga lomo ziwuleni gi omileko. A zigelo za kona zi bihile, ni ntamo wa'bye a hi wunene.
- 11 Hakuba bonkle a baprofeti ni bapristi ba hanahanisile; ina, lomu ndlwin'ni ya mina nzi kumile a kubihisisa ka'bye, ku wula Jehova.
- 12 Hikwalaho a ndlela wa'bye yi to kwatsi mbutsamo gi retenukako lomo tsanweni ga munyama: bona ba ta hlolongiswa lezo, ba ta wela kwa lomo; hakuba nzi ta neha a enzelelisa wa kubiha hehla ka bona, gona a lembe ga enzelelelo wa'bye, ku wula Jehova.
- 13 Nzi wonile a wupumbu a ka baprofeti ba le Samaria; ba profetileko ha Baali, ba mahileko banhu ba mina ba ka Israeli a ku hambuka.
- 14 Ni ka baprofeti ba le Jerusalema kambe nzi wonile a zilo zi munzulu-kisako: ba maha a kubaya, ni ku famba hi mawunweni; na bona ba tiyiseta a mandla ya ba mahi ba kubiha, zingaho lezo a nga kona a klelileko hi kubihisiseni ka yena: bona bonkle ba mahile a ka mina a Sodoma, ni baakileko ba kona kwatsi mba Gomora.
- 15 Hikwalaho zakungahi a wulako a Jehova wa mabandla hi xungetano zinwe ni baprofeti: Languta, nzi ta gisa bona hi sinye ya kungu, ni ku maha bona banwa a mati ya nyingwa; hakuba hi le ka baprofeti ba le Jerusalema a kungabi wunungungulu ku humelele ku famba matikweni yonkle.
- 16 Zakungahi a wulako Jehova wa mabandla, mu nga ingisi a ka gezu ga baprofeti labo ba profetako a ka nwina: ba gonzisako nwina a kunganyawuli; ba wulawulako a miwoniso ya timbilu ta bona benyi, na ku nga humi hi le nonwini wa ka Jehova.
- 17 Ba wula hi kusimamisisilweko a ka bona labo ba nyenyako mina, Jehova i wulile, Nwina mu taba ni kurula; ni ka bonklelele labo ba fambako hi sihaluliso wa mbilu ya bona benyi ba wula, A ku kona kubiha ku ta ngata hehla ka nwina.
- 18 Hakuba himani a yimileko a xikungweni xa ka Jehova, lezaku yena i ta pima ni kuzwa a mhaka ya yena ke? himani a hlohlolisileko a mhaka ya mina, a zwileko yona ke?
- 19 Languta, a vindlukelelo wa ka Jehova, yona a zanga ya yena, yi humele, ina, a vindlukelelo wa bubutsa: ku ta pandluka le hehla ka hloko ya wa kubiha.
- 20 A zanga ya ka Jehova yi nga ta klela, a kala yena a be a tsanzileko, a kala yena a mbelelisa a kulo ga mbilu ya yena: hi masiku ma hatako nwina mu ta pima kona kwatsanyana.
- 21 A nzi ba rumangi bona laba a baprofeti, kasike bona ba lo tsutsuma: a nzi wulawulangi a ka bona, kasike ba profetile.
- 22 Kanilezi loku ba wa yimile, hi xikungo xa mina, zonake nga ba mahile a banhu ba mina a kuzwa a timhaka ta mina, ba ta nga ba klelisile bona tindloleni ta'bye ta kubiha, ni kubihe-ni ka zimaho za'bye.
- 23 Nzi Nungungulu wa laha kushani, ku wula Jehova, a nzi Nungungulu wa le kule ke?

JEREMIA, 24.

- 24 I kona a zi kotako a ku fihla a wutsumbu ga yena a wutsanweni ga xikundla lezaku mina nzi nga zikoti a kuwona yena ke? ku wula Jehova. A nzi mina nzi tatisileko a tilo ni misaba ke? ku wula Jehova.
- 25 Nzi zi zwile lezo a baprofeti ba zi wulileko, labo ba profetako a mawunwa a bitweni ga mina, baku, Nzi lorile, nzi lorile.
- 26 Ku ta longoloka ku yini na lezi a ha hi lomo timbilwini ta baprofeti labo ba profetako a mawunwa, bona a baprofeti ba kukohlisa ka timbilu ta bona benyi?
- 27 Labo ba alakanyako a ku maha a banhu ba mina ba ribakelwa a bito ga mina hi miloro leyo bona bonklelele ba byelako a waakelwane naye, kwatsi hi badadani babye ba nga ribakelwa a bito ga mina hi kota ya Baali.
- 28 A muprofeti loye a na nga ni miloro, nga yena a wula a noro; na yena loye a na nga ni mhaka ya mina, nga a byele a mhaka ya mina hi kukolekisiileko. Xini a limhambu a ka mabele ke? ku wula Jehova.
- 29 Kasi a mhaka ya mina a yi koti a nzilo ke? ku wula Jehova; kwatsi i kono lowo trandlesako a ribye a fufanyi ke?
- 30 Hikwalaho, languta, mina nzi vukela a baprofeti, ku wula Jehova, ba yibako a timhaka ta mina bonkle a ka waakelwane wa yena.
- 31 Languta, nzi vukela a baprofeti, ku wula Jehova, labo ba tirisako a tirmi tabye baku ngalo, Yena a wulako.
- 32 Languta, nzi vukela bona labo ba profetako a miloro ya mawunwa, ku wula Jehova, ni ku byela yona, ni ku maha a banhu ba mina a hambuka hi mawunwa yabye, na hi ku ti kukumuxa kabye ka mahala; kasi ke mina a nzi rumangi bona, ge ni kuleletela bona; ge hambu ni ku vuna laba banhu futsi, ku wula Jehova.
- 33 Ni laha laba banhu, kutani mbaprofeti, kutani mba pristi, ba ta wutisa wena, baku, Hi yini a nzwalo wa ka Jehova ke? zonake wena u ta wula a ka bona, Xini a nzwalo! nzi ta hoxa nwina, ku wula Jehova.
- 34 Na kwatsi hi muprofeti, ni mupristi, ni banhu, labo ba ta nga wula,

A nzwalo ngwa ka Jehova, nzi ta pezisa loye munhu ni yindlu ya yena.

- 35 Zakungahi mu ta wula nwentklelele ka wa akelane wa yena, ni ka bonklelele a ka makabye wa yena, Zini lezo Jehova a hlambulileko ke? na, Zi hi zini lezo Jehova a wulawulileko ke?
- 36 A nzwalo wa ka Jehova mu nga ta wu kumbuka nwina kambe: haku ba tonklelele a timhaka ta munhu yena nwinyi ti taba a nzwalo wa yena; hakuba nwina mu onhileko a timhaka ta ka Nungungulu a hanya ko, ta ka Jehova wa mabandla a Nungungulu wa hina.
- 37 Zakungahi wena u ta nga wula a ka muprofeti, za ku yini Jehova a hlambulileko wena ke? na, Za ku yini Jehova a wulawulileko a ka wena ke?
- 38 Kanilezi loku nwina mu wula, A nzwalo wa ka Jehova; hikwalaho zakungahi a wulako Jehova: Hakuba nwina mu wulileko leyi a mhaka, A nzwalo wa ka Jehova, nzi wu rumele a ka nwina, nziku, Nwina mu nga ta wula, A nzwalo wa ka Jehova.
- 39 Hikwalaho, languta, nzi ta ribakelwa nwina hi kumbetisisilweko, nzi ta hoxa nwina, ni muti lowo nzi nyikileko a ka nwina ni ka badadani ba nwina, wu ta ba kule kubakone ni ka mina:
- 40 Nzi ta neha a nzukano yi pinzukelisisilweko hehla ka nwina, ni tingana ti nga gawukisiwiko, leto a ti nga ta ribakelwa.

XIPIMO 24.

- 1 Jehova a kangetileko mina, ni, languta, a zirunzu zimbiri za makuwu zi lo bekwa mahlweni ka tempele ya ka Jehova, a nzako hakuba Nebukadrezzare a hosi ya le Babuloni a gotsile a bakoziwile Jekonia a nisanyana wa Jehoiakimu, a hosi ya ka Juda, ni tilhosana ta ka Juda, zinwe ni banhu ba mabaklo ni ba tinyunzo, hi le Jerusalema, a ba neha le Babuloni.
- 2 A xinwe a xirunzu xi wa hi ni makuwu yo saseka nguvu, Kwatsi hi makuwu lawo ma buvako a kura nga; ni xinwani a xirunzu xi wa hi ni makuwu yo biha nguvu, lawo ma nga wa nga ma nga hi na ku

- giwa, na wona ma wa tsingelwe hi kubiha.
- 3 Zonake ku lo wula Jehova a ka mina, Xini u xi wonako wena, Jeremia ke? na mina nzi te ngalo, A makuwu; a makuwu manene ma sasekile nguvu; ni ya kubiha, ma bihile nguvu, lezaku a ma koti ku giwa, bakuba wona ma hunzelele kubiha.
- 4 Ni mhaka ya ka Jehova yi lota ka mina, yiku,
- 5 Zakungahi a wulako Jehova, a Nungungulu wa ka Israeli: Ku fanana ni laya a makuwu yo saseka, zingaho nzi ta katalela hi kukonwa ka Juda, loye nzi mu rumeleko hi ka legi tiko a kuya tikweni ga ma Kaldea, akuba kusasa.
- 6 Hakuba nzi ta rumela a mahlo ya mina hehla ka bona hi kusasa, nzi ta neha bona kambe a ka legi tiko: nzi ta aka bona, nzi nga ta hahlula bona; nzi ta byala bona, nzi nga ta runzuwula bona.
- 7 Nzi ta nyika bona a mbilu ya kutiba mina, lezaku nzi mina Jehova: na bona ba ta kuba a banhu ba mina, na mina nzi ta kuba a Nungungulu wabye; hakuba bona ba ta klelela a ka mina hi mbilu yabye yonkle.
- 8 Na kwatsi hi makuwu ya kubiha, lawo na nga kotiwiko a ku giwa, bona ba bihile nguvu, futsi zakungahi a wulako Jehova, Zingaho nzi ta nyikela Zedekia a hosi ya ka Juda, ni tihosana ta yena, ni misalela ya Jerusalema, leyo yi seleko lomu tikweni legi, na bona labo ba akileko le tikweni ga le Gipite,
- 9 Nzi ta nyika bona a kunzulanzula a xikari ka mifumo yonkle ya misaba akuba kubiha; akuba a nzukano ni kukiyalwa, a kuxeluzwa ni kurukwa, a ka gonkle a wutsamo lego nzi ta nga ba panzanyela gona.
- 10 Nzi ta rumela a supado, a nhlala, ni mitungu, xikari kabye, ba kala ba mbetekiswa a ka tiko lego mina nzi nyikileko bona ni ka badadani babye.
- Nebukadrezzare a hosi ya le Babuloni),
- 2 Leyo Jeremia a ngu wa wulawulile a ka banhu bonkle ba ka Juda, ni ka bonkle a baakileko ba le Jerusalema, aku:
- 3 Kusukela hi ka kume ni nklanu a malembe ya Josia a nisanyana wa ka Amoni, a hosi ya ka Juda, ku kala ka legi siku, laya a makume mambiri ni manharu malembe, a mhaka ya Jehova yi wa lota a ka mina, na mina nzi wulawulile a ka nwina, nzi vuka ni punzu wa mixo nzi wulawula; kanilezi nwina a mu ingisangi.
- 4 Na Jehova i rumele a ka nwina wonkle a malanza ya yena na baprofeti, a ba binzukisa na ga ha mixo (kanilezi nwina a mu zwangi a mu pumunhanghi a tindlebe ta nwina ka bona),
- 5 Aku, Klelani nwenklelele nwina makunu tindleleni ta nwina to biha, ni le kubiheni ka zimaho za nwina, mu tsama lomo tikweni legi Jehova a nyikileko nwina ni badadani ba nwi-na, kusukela kaleloko ku kala kupinzuka;
- 6 Mu nga fambi a ka banwani banungungulu ku ba kozela bona, ni kudumisa bona, mu nga vindlukisi mina a ku zangara hi tiro wa mandla ya nwina; nzi nga ta maha nwina a nga mhango.
- 7 Kasike nwina a mu ingisangi a ka mina, ku wula Jehova; kasi ma vindlukisa mina kuzangara hi mitiro ya mandla ya nwina kunga mhango a ka nwina benyi.
- 8 Hikwalaho zakungahi a wulako Jehova wa mandla: Hakuba nwina mu nga zwangiko a timbaka ta mina,
- 9 Languta, nzi ta rumela nzi ya teka yonkle a mingango ya le nwalungu, ku wula Jehova, nzi ta rumela ka Nebukadrezzare a hosi ya Babuloni, a nanza ga mina, nzi i ta neha bona a kuvukela legi tiko, ni ku vukela a baakileko ba kona, ni kuvukela lowu mufumo wu renzelekeleko; hi kuhihilitisilweko nzi ta lobisa bona, ni ku maha bona a mahanjalatiso, ni zimunzulukiso, a panzanyeko wu pinzukulisilweko.
- 10 Klatakumbiri nzi ta teka a ka bona a gezu ga lihleko ni litsuko, a gezu ga muyeni ni gezu ga makoti, a kuwa ga maribye ya kugaya, ni kuwoninga ka kandiya.

XIPIMO 25.

- 1 A mhaka leyo yi tileko a ka Jeremia hi xungetano zizwe hi bonkle a banhu ba ka Juda, hi lembe ga wumune ga Jeholakimu a nisanyana wa Josia, a hosi ya ka Juda (gwalego gi wa hi lembe gi rangula ga

- 11 Gonk^{le} legi tiko gi taba marumbi, ni mahanjalatiso, liyi mifumo yi ta kozela a hosi ya le Babuloni a nk^{la}-nu ni mambiri makume malembe.
- 12 Na ku mahisile lezo, laha na nk^{la}-nu ni mambiri makume malembe na mbetekile, lezuku nzi ta pezisa a hosi ya le Babuloni, ni iowo a mufumo, ku wula Jehova, hakuba hi zigoho za^{bye}, ni tiko ga ma Kaldea; nzi ta maha gona a panzanyeko kala kupinzuka.
- 13 Na mina nzi ta neha behla ka lego tiko tonk^{le} a timhaka ta mina leto nzi ti k^{la}klambuteleko nzi vukela gona, tona tonk^{le} leti ti tsalilweko buk^{wini} legi, leti Jeremia a profetileko a vukela a mifumo yonk^{le}.
- 14 A mifumo yinyingi ni tihosi ta hombe ti mahiwa bakonwi ha bona, yena bona; na mina nzi ta k^{le}lisela bona kukotisa hi ka zimaho za bona, kukotisa hi ka tiro wa mand^{la} ya^{bye}.
- 15 Hakuba zakungahi a wulako Jehova, a Nungungulu wa ka Israeli, a ka mina: Teka leyi a kopo ya zanga a canjeni ga mina, u maha yonk^{le} a mifumo, leyo nzi rumeleko wena, a kunwa yona.
- 16 Na yona yi tanwa, ni kudedereka ba nd^{le}ngand^{le}ngaba, ba be hungukileko, hakuba hi supado leyo nzi ta nga yi rumela ka bona.
- 17 Zonake nzi lo teka a kopo canjeni ga ka Jehova, ni ku maha yonk^{le} a mifumo a kunwa, a ka leyo Jehova a rumeleko mina:
- 18 A wumboni, ga Jerusalema, ni miti ya ka Juda, ni tihosi ta kona, ni tihosana ta kona, a ku maha a panzanyeko, ni mahanjalatiso, a kuxeluzwa, ni nzukano, a ku kwatsi hi legi siku;
- 19 Faro a hosi ya le Gipite, ni malanza ya yena, ni tihosana ta yena, ni bonk^{le} a banhu ba yena;
- 20 Ni bonk^{le} banhu ba xangelweko, ni tonk^{le} a hosi ya le tikweni ga Uzi ni tonk^{le} a tihosi ta le tikweni ga ma Filisti, ni Axkeloni, ni le Gaza, ni le Ekroni, ni le ni misalela ya Ax^{dode};
- 21 Edome, ni le Moabi, ni banana ba ka Ammoni;
- 22 Ni tonk^{le} a tihosi ta le Tire, ni tonk^{le} a tihosi ta le Sidoni, ni tihosi ta le zihlalenⁱ lezi zi nga le klatukweni wa bimbi;
- 23 Dedani, na Tema, na Buza, na bonk^{le} labo ba cingetelako a tihlohloho ta misisi ya^{bye};
- 24 Ni tonk^{le} a tihosi ta le Arabia, ni tonk^{le} a tihosi ta banhu ba xangelweko labo a akileko lomo xiwuleni;
- 25 Ni tonk^{le} a tihosi ta le Zimri, ni tonk^{le} a tihosi ta le Elami, ni tonk^{le} a tihosi ta ma Medi;
- 26 Ni tonk^{le} a tihosi ta le nwalungu, a ta le kule ni ku suhani, a yinwe ni yinwani; ni yonk^{le} a mifumo ya tiko, leyi yi nga behla ka ngohe ya misaba: ni hosi ya le Xixece yi tanwa a nzako ka bona.
- 27 Na wena u ta wula a ka bona, Zakungahi a wulako Jehova wa maband^{la}, a Nungungulu wa ka Israeli: nwanani n^{wina} mu be mu popilweko, mu kuci^{bya}, ni kuwa, mu nga ha vuki kamba, hakuba hi supado leyo nzi ta nga yi rumela a xikari ka n^{wina}.
- 28 Na ku taba lezo, loku bona ba ta ala a ku teka a kopo a canjeni ga wena kunwa, zonake wena u ta wula a ka bona, Zakungahi a wulako Jehova wa maband^{la}: n^{wina} hakunene mu ta kunwa.
- 29 Hakuba, mangabye, nza sangula a ku tira a kubiha a mutini lowo wu bitanilweko hi bito ga mina; na n^{wina} ha kunene mu ta nga mu nga bi ba tsayisilweko ke? N^{wina} mu nga ta kuba ba nga tsayiswangiko; hakuba nzi ta bitana a supado behla ka bakileko bonk^{le} ba misaba, ku wula Jehova wa maband^{la}.
- 30 Hikwalaho profeta wena u vuke^{la} bona tonk^{le} leti timbaka, ni ku wula a ka bona, Jehova i ta dzuma ka n^{wina} hi le behla, ni ku k^{la}klambuta a gezu ga yena hi le wuakelweni ga yena ga kubasa; yena hi kutsingisilweko i ta dzuma a vukela a klambi wa yena; yena i ta nyika a kanyuluk^o, kwatsi hi bona labo ba kanziyelako a magrepi, a vukela bonk^{le} a baakileko ba misaba.
- 31 Ni guwa gi tata na kona kugumelweni ka misaba; hakuba i na ni zunga zinwe ni mufumo; yena i ta engena kulamuleni zinwe ni nyama: a na kwatsi hi bakubiha, yena i ta nyikela bona supadweni, ku wula Jehova.
- 32 Zakungahi a wulako Jehova wa

- 9 Kanilezi kwatsi ha wena, mu nga ingisi a ka baprofeti ba *nwina*, ge ni ka bakupeti ba *nwina*, ge ni ka miloro ya *nwina*, ni babuli ba *nwina* ge ni ka zitumbe za *nwina*, lezo zi wulawulako ka *nwina*, zixu, *Nwina* mu nga ta kozela a hosi ya le Babuloni:
- 10 Hakuba bona ba profeta a mawunwa a ka *nwina*, a ku nikinya *nwina* kule ni tiko ga *nwina*, lezaku nzi wa ta nga nzi hlongole *nwina* handle, na *nwina* mu ta nga mu mbeimbile.
- 11 Kanilezi a mufumo lowo wu ta nga neha a nhamu ya wona lahasi ka joka ga hosi ya le Babuloni, ni kukozela yena, lowo a mufumo nzi ta wu maha wu tsama lomo tikweni ga wona *nwinyi*, ku wula Jehova; na bona ba ta rima gona, ni ku tsama a ka gona.
- 12 Na nzi lo wulawula a ka Zedekia a hosi ya ka Juda kukotisa hi ka tondeleti a timbaka, nziku, Nehani a nhamu ya *nwina* lahasi ka hosi ya le Babuloni mu kozela yena ni banhu ba yena, mu hanya.
- 13 Hiyini *nwina* mu ta nga kufa, wena ni banhu ba ka wena, hi supado, hi ndlala, hi mitungu, kwatsi hilezi Jehova a wulileko a xungetano ni mufumo lowo wu ta nga kala wu nga kozeli a hosi ya Babuloni ke?
- 14 Mu nga ingisi a ka baprofeti labo ba profeti a ka *nwina*, baku, *Nwina* a mu nga ta kozela a hosi ya le Babuloni; hakuba bona ba ku profeta a mawunwa a ka *nwina*.
- 15 Hakuba a nzi rumangi bona, ku wula Jehova, kanilezi bona ba ku profeta a mawunwa a bitweni ga mina; lezaku kasi nza hlongola *nwina* handle, kasi ma fela a ku *nwina* mu mbemba, ina ni baprofeti labo baprofetako a ka *nwina*.
- 16 Kambe mina nzi lo wulawula ka bapristi ni ka bonkle a banhu, nziku, Zakungahi a wulako Jehova, Mu nga ingisi a mhaka ya baprofeti labo ba profetako ka *nwina*, baku, Languta, makunu a zibya za yindlu ya ka Jehova zi ta nehiwa lokuloku hi le Babuloni; hakuba bona ba ku profeta a mawunwa a ka *nwina*.
- 17 Mu nga ingisi a ka bona; kozelani a hosi ya le Babuloni, mu hanya: ngahilezo wu ta nga lowu a muti wu ta maha a marumbi ke?
- 18 Ni loku bona ba wa hi baprofeti, ni loku a mhaka ya ka Jehova yi wa yi zinwe na bona, nga bona maku-nu maha a kuvikela ka Jehova wa mabandla, lezaku a zibya lezo zi siyilweko lomo ndlwini ya ka Jehova, ni lendlwini ya hosi ya ka Juda, ni le Jerusalema zi nga fambi kambe le Babuloni.
- 19 Hakuba zakungahi a wulako Jehova wa mabandla xungetano ni timbinga, ni xungetani ni bimbi, ni xungetano ni zikatelo, ni xungetano ni misalela a ya zibya lezi zi seleko lomo mutini,
- 20 Lezo Nebukadnezzare a hosi ya le Babuloni yi nga zi tekangiko, laha a nga gotsa a bakozwi Jekonia a nisanyana wa Jehoiakimu, a hosi ya ka Juda, a ya le Babuloni, ni bonkle badzunzekileko ba ka Juda ni Jerusalema;
- 21 Ina, zakungahi a wulako Jehova wa mabandla, a Nungungulu wa ka Israeli, a xungetano ni zibya lezo zi seleko lomo ndlwini ya ka Jehova, ni lomo ndlwini ka hosi ya Juda, ni lomu Jerusalema:
- 22 Bona ba ta gotselwa zi yiswa le Babuloni, zona zi taba leyo, kala a si kwini lego nzi ta nga enzela bona, ku wula Jehova; zonake nzi ta neha zona leno, ni ku kleliscela zona ka legi wutsamo.

XIPIMO 28.

- 1 Na ku mahisile lezo ka gwalego lembe, a kusanguleni ka Zedekia a hosi ya ka Juda, hi ka lembe ga wumune, a ka hweti ya wunlanu, lezaku Hanania a nisanyana wa Azzura, a muprofeti, loye a nga wa hi wa le Gibeoni, i lo wulawula ka mina lomo ndlwini ya ka Jehova, a kubakoneni ka bapristi, ni bonkle banhu, aku,
- 2 Zakungahi a wulako Jehova wa mabandla, a Nungungulu wa ka Israeli, aku, Nzi tsobile a joka ka hosi ya le Babuloni.
- 3 Hi ka malembe mambiri ma teleko nzi ta klelisa kamba a ka legi wutsamo zonkle a zibya za yindlu ya ka Jehova lezo Nebukadnezzare a hosi ya le Babuloni a tekileko hi ka legi a wutsamo, a zi rweleko ziya le Babuloni:
- 4 Na nzi ta neha kambe a ka legi wutsamo Jekonia a nisanyana wa Jeho-

JEREMIA, 29.

- iakimu, a hosi ya ka Juda, zizwe ni bonkle a bakozi ba ka Juda, labo ba yileko le Babuloni, ku wula Jehova; hakuba nzi ta tsoba a joka ga hosi ya le Babuloni.
- 5 Zonake a muprofeti Jeremia i te ngalo ka muprofeti Hanania a kubakonehi ka bapristi, ni kubakonehi ka banhu labo ba yimileko lomo ndlwini ya ka Jehova.
- 6 Hambu yena a muprofeti Jeremia i te ngalo, Amen: Jehova a mahe zakungaho; Jehova a mahe a timbaka ta wena leto u ti profetileko, a ku ncha kambe a zibya za yindlu ya ka Jehova, ni bonkle ba bona a konwi, hi le Babuloni a ka legi a wutsamo.
- 7 Ahembalokoke ingisa wena a mhaka leyi makunu nzi wulawulako lomo tindlebeni ta wena, ni lomo tindlebeni ta bonkle laba banhu:
- 8 Ni baprofeti laba ba nga wa kari ba hi mahlweni ka mina ni mahlweni ka wena ba kale loko ba lo profeta ba vukela a matiko manyingi, ni kuvukela a mifumo ya hombe, a kuta impi, ni kubiba, ni mitingu.
- 9 A muprofeti loye a profetileko hi kurula, laha a mhaka ya muprofeti yi ta ba yi mahékile, zonake a muprofeti i ta tibyiwa, lezaku Jehova hakunene i rumile yena.
- 10 Zonake a muprofeti Hanania i lo teka a kotso lego gi nga wa nhanweni ya muprofeti Jeremia, i lo tsoba gona.
- 11 Na Hanania i lo wulawula a kubakonehi ka bonkle banhu, aku, Zakungahi a wulako Jehova: Zi taba ngaho nzi ta tsoba a joka ga Nebukadnezare a hosi ya le Babuloni hi ka malembe mambiri ma teleko le nhanweni ya mifumo yonkle. Ni muprofeti Jeremia i lo famba a ndlela ya yena.
- 12 Zonake a mhaka ya ka Jehova yi lota ka Jeremia, a nzako ka lezo Hanania a muprofeti a tsobileko a kotso lomo nhanwini ya muprofeti Jeremia, yiku,
- 13 Famba u ya dyela Hanania, uku, Zakungahi a wulako Jehova: Wena u tsobile a kotso ga sinye; kanilezi wena u mahile a xikundleni xa gona a kotso ga xiketse.
- 14 Hakuba zakungahi a wulako Jehova wa mabandla, a Nungungulu wa ka Israeli: nzi bekile a joka ga xiketse

- behla ka nhamu ya leyi a mifumo, kasi ba fela kukozela Nebukadnezare a hosi ya le Babuloni; na bona ba ta kozela yena: na mina nzi nyikile yena a zihari za kwati kambe.
- 15 Zonake i lo wula a muprofeti Jeremia a ka Hanania a muprofeti, Zwana makunu, Hanania: Jehova a nga rumangi wena; kanilezi wena u maha laba banhu a kutsumba a mawunwa.
- 16 Hikwalaho, zakungahi a wulako Jehova, Languta, nzi ta rumela wena kule ni le ngoheni ya misaba: legi lembe wena u ta kufa, hakuba wena u wulawulile a hlubukiselelo u vukela Jehova.
- 17 Zingaho a muprofeti Hanania i lofa gwalego lembe hi ka hweti ya nkla-nu ni timbiri.

XIPIMO 29.

- 1 Makunu legi hi papilo legi Jeremia a muprofeti a nga wa rumele hi le Jerusalema a ka misalela ya masingalakati ya bakozi, ni ka bapristi, ni ka baprofeti, ni ka bonkle banhu, labo Nebukadnezare a ba gotsileko a bakozi hi le Jerusalema baya le Babuloni
- 2 (A nzako kakuba Jekonia a hosi, ni muzinza a mamaui-wamuni, ni tinduna, ni tihosana ta Juda ni Jerusalema, ni banhu ba mbaklo, ni ba nyunzo, ba sukile le Jerusalema),
- 3 Kanilezi a canja ga Elasa a nisanyana wa Xafani, na Gemaria a nisanyana wa Ilkia (labo Zedekia a hosi ya ka Juda a nga wa rumele le Babuloni ka Nebukadnezare a hosi ya le Babuloni), a ku,
- 4 Zakungahi a wulako Jehova wa mabandla, a Nungungulu wa ka Israeli, a ka bonkle a bakozi, labo nzi ba mahile ba gotswa bakozi ba suka hi Jerusalema ba yiswa le Babuloni:
- 5 Akani a tindlu ta zwina, mu tsama xikari ka bona; mu byala a masimu muga a mihanzo ya wona.
- 6 Mu teka zwina basati, mu trala a barisanyana ni banhanyana; ni ku teka basati ba barisanyana ba zwina, ni ku nyika a banhanyana ba zwina ka ba banuna, kasi ba fela kufala a barisanyana ni banhanyana: mu enzelekelana zwina leyo mu nga mbeteki.
- 7 Mu hlota a kurula a ka muti lowo

- nzi mahileko *nwina* mu gotswa a bakonwi, ni ku kombela a ka Jehova ha kona; hakuba hi kurula ka wona *nwinawu* mu taba ni kurula.
- 8 Hakuba zakungahi a wulako Jehova wa mabandla, a Nungungulu wa ka Israeli: Nga a baprofeti labo ba na nga xikari ka *nwina* ni ba kuceteli ba *nwina*, ba nga kohlisi *nwina*; ge hambu ni ku ingisa ka miloro ya *nwina* leyo mu yi mahako a akuba mu lorile.
- 9 Hakuba yona yi profeta a mawunwa a bitweni ga mina: a nzi ba runwani ha mina, ku wula Jehova.
- 10 Hakuba zakungahi a wulako Jehova, A nzako ka nkhanu ni mambiri makume malembe na mbetikile ha Babuloni, nzi ta enzela *nwina*, ni mbelelisa a mhaka ya mina yo saseka a xungetano zinwe na *nwina*, a ku maha *nwina* wu klelela ka legi wutsamo.
- 11 Hakuba nza ku tiba a ku alakanya loku nzi alakanyako hi ngomama na *nwina*, ku wula Jehova, a kualakanya ka kurula, a hi ka kubiha, a ku nyika *nwina* a kutsumba a masikwini ya magumo ya kugumelwa ka *nwina*.
- 12 Na *nwina* mu ta bitana a ka mina, na *nwina* mu ta famba mu ya kombela ka mina, na mina nzi tazwa a ka *nwina*.
- 13 Na *nwina* mu ta hlota mina mu ta kuma mina, laha *nwina* mu ta nga hlota mina hi mbilu ya *nwina* yonkle.
- 14 Nzi ta kumiwa ha *nwina*, ku wula Jehova, nzi ta klelisa kambe a wukonwi ga *nwina*, nzi ta tsombanyisela *nwina* hi ka wonkle matiko, na hi le ka gonkle a wutsamo lego nzi hlongoleleko *nwina* kona, ku wula Jehova; nzi maha *nwina* mu nehwa kambe a ka wutsamo legi kwalaha nzi nga wa mahile *nwina* mu gotselwa bakonwi.
- 15 Hakuba *nwina* mu wulileko, Jehova i vuxele hina a baprofeti le Babuloni:
- 16 Zakungahi a wulako Jehova xungetano ni hosi leyo yi tsamileko helula ka xitsamo xa wukosi xa Davida, ni xungetano ni banhu bonkle labo ba akileko lomo mutini, a bamakabye ba *nwina* labo ba nga fambangiko zinwe na *nwina* le kukonweni;
- 17 Zakungahi a wulako Jehova wa mabandla: Languta, nzi ta rumela belila ka bona a supado, a ndlala, a mitungu, ni ku maha bona kwatsi makuwu ma komileko, lawo ma nga kotiwiko a kugiwa hakuba ma bihileko nguvu.
- 18 Na nzi ta hlongolisa bona hi supado, zinwe hi ndlala, zinwe hi mitungu, nzi ta nyikela bona ba nzulanzula xikari ka mifumo ya misaba, a kuba nzukano, ni mahanjalatiso, ni kuxeluzwa, ni rukiwa, xikari ka yonkle a mifumo leyo nzi ta nga rumela bona;
- 19 Hakuba bona a ba ingisangi a ka mhaka ya mina, ku wula Jehova, leyo mina nzi rumeleko hi milanza ya mina a baprofeti, nzi vuxa nzi punzu wa mixo nzi rumela bona; kanilezi *nwina* a nga mu nga ingisi, ku wula Jehova.
- 20 Ingisani hikwalaho *nwina* a mhaka ya ka Jehova, *nwina* nwenkle bakonwi, labo nzi rumeleko hi le Jerusalema muya le Babuloni.
- 21 Zakungahi a wulako Jehova wa mabandla, a Nungungulu wa ka Israeli, hi xungetano na Ahabi a nisanyana wa Kolaia, ni xungetano na Zedekia a nisanyana wa Maaseia, labo ba profetileko a mawunwa a bitweni ga mina: Languta, nzi ta nyikela bona a ka Nebukadrezzare a hosi ya le Babuloni; na yena i ta danya bona ngoheni ya mahlo ya *nwina*;
- 22 Hi ka bona ku ta tekiwa a nzukano hi bonkle labo ba nga ba bakonwi ba ka Juda labo ba nga le Babuloni, baku, Jehova a mahe wena kufana na Zedekia ni kufana na Ahabi, labo a hosi ya le Babuloni a rimbileko le nzilweni;
- 23 Hakuba bona ba mahileko a wupumbu a ka Israeli, ba mahileko a wubayi ni babasati ba baakelwane babye, ba wulawulileko a timhaka lomo bitweni ga mina hi kohlisiweko, leto nzi nga leletelangiko bona; na mina nzi yena loye a tibako, nzi hi kustumunyu, ku wula a Jehova.
- 24 Hi xungetano na Xemaia a mu Nehelamu zakungahi u ta wula, uku,
- 25 Zakungahi a wulako Jehova wa mabandla, a Nungungulu wa ka Israeli, aku, Hakuba wena u rumeleko a papilo a bitweni ga wena a ka bona bonkle a banhu laba ba nga lomo Jerusalema, ni ka Zefania a

- nisanyana wa Maaseia, a mupristi, ni ka bonkle a bapristi, uku,
- 26 Jehova i mahile wena a muprofeti lomo xikundleni xa Jehoiada a mupristi, kasi ku fela a kuba kona a zigela lomo ndlwinu ya ka Jehova, hakuba bonklelele banhu labo ba hungukileko, ni ba mahako a wutsumbu gabye baprofeti lezaku wena u wa tanga u cela bona lomo makotsweni ni tisingeni.
- 27 Makunu hikwalaho, hiyini wena u nga kawukangiko Jeremia wa le Anatote, loye a mahako a wutsumbu ga yena muprofeti ka nwina,
- 28 Kwatsi hilezi yena a rumeleko a ka hina le Babuloni, aku, A wukonwi gi nabalatile: akani nwina a tindlu, ni ku tsama ka tona; ni kubyala a masimu ni kuga a mihanzo ya kona?
- 29 Zefania a mupristi i lo gonza legi a papilo tindlebeni ta Jeremia a muprofeti.
- 30 Zonake ku lota a mhaka ya Jehova a ka Jeremia, yiku,
- 31 Rumela a ka bonkle ba bakonwi, uku, Zakungahi a wulako Jehova hi xungetano na Xemaia a mu Nehelamu: hakuba lezo Xemaia a profetileko ka nwina, mina a nzi mu rumangi, na yena i mahile nwina a kutsumba mawunwa.
- 32 Hikwalaho zakungahi a wulako Jehova, Languta, nzi ta tsayisa Xemaia a mu Nehelamu, ni mbewu ya yena: yena a nga ta kuba na munhu a kuaka xikari ka laba banhu, ge yena a nga ta wona a kusasa loku nzi ta nga ku maha a ka banhu, ku wula Jehova, hakuba yena a wulawulileko a hlubukiselelo a vukela Jehova.

XIPIMO 30.

- 1 A mhaka leyo yi tileko ka Jeremia hi le Jehova, yiku,
- 2 Zakungahi a wulako Jehova, a Nungungulu wa ka Israeli, aku, tsula tonkle a timhaka leto nzi wulawulileko a ka wena lomo bukwinl.
- 3 Hakuba, mangabye, masiku ma hata, ku wula Jehova, nzi ta hunzulusa a wukonwi ga banhu wa mina Israeli na Juda, ku wula Jehova; na mina nzi ta maha bona ba klelela a ka tiko lego nzi nyikileko a bedadani banye, na bona ba ta fumela gona.
- 4 Leti hi timhaka leti Jehova a ti

- wulawulileko hi xungetano na Israeli ni xungetano na Juda.
- 5 Hakuba zakungahi a wulako Jehova: Hi zwile a gezu ga kururumela, ga cawo, gi nga hi ga kurula.
- 6 Wutisani nwina makunu, ni kuwona lezaku a wanuna wa lunwa hi nyimba: laha nzi wonako bonklelele ba banuna a mandla yabye ma hi le ziwunwini zabye, kwatsi hi wasati loye a lunwako, ni tonkle tingohe tabye ti tsubikile ke?
- 7 Hale! lezaku lego siku ga hombe, lezaku a gi kona gi fananako zinwe na gona: gona gi xikati xa karateko ya Jakobe; kanilezi yena i ta hanyisa a ka gona.
- 8 Na ku ta ku na ku mahisile lezo a ka lego siku, ku wula Jehova wa mabandla, lezaku nzi ta tsoba a joka ga yena le nhanweni ya wena, nzi ta tsema a ziboho za wena; ni ba matiko ba nga ta ha mu maha wanuna wa kumbi yabye;
- 9 Kanilezi ba ta kozela Jehova a Nungungulu wabye, na Davida a hosi yabye, loye nzi ta nga mu vuxela a ka bona.
- 10 Hikwalaho u nga cabe, wena, O Jakobe a nanza ga mina, ku wula Jehova; ge ni ku mbetekiswa a ntamo, O Israeli; hakuba, mangabye, nzita hanyisa wena hi le kule, ni mbewu ya wena hi le tikweni ga wukonwi, na Jakobe i ta wuya, i ta rutisa a humula, na nga ta kuba kona a ta nga mu maha a cabyiswa.
- 11 Hakuba mina nzi nga zinwe na wena, ku wula Jehova, a kuhanyisa wena: Hakuba nzi ta maha a taliselelo wa kugumelwa ka tonkle tixaka leto nzi ku hangalaseleko ka tona wena, kanilezi nzi nga ta maha a kugumelwa kuteleko ha wena; kanilezi nzi ta luleka wena hi ringaniseni, na nzi nga tsika wena na u nga tsayisilwe.
- 12 Hakuba zakungahi a wulako Jehova, a mbanga ya wena yi hi yi nga cumiwiko, ni panja ya wena yi hi yi hlokosako.
- 13 Laho a nga kona a wa kubeni a nga kombelela a nanzu wa wena, lezaku kutani wena u nga bohelelwa: wena a ku na kucunwa hi miri.
- 14 Bonkle a baranzi ba wena ba ribakelwe ha wena; bona a ba hlotangi wena; hakuba nzi lamatile wena u mbanga ya wulala, hi tsayiselelo

- ku hlokiselako, **hakuba** hi taliselelo wa kugoha ka wena, **hakuba** a zionho za wena zi enzelekile.
- 15 Hiyini wena u rilelako a kulamatwa ka wena ke? a kubayisa hi ku nga cumiwiko : **hakuba** hi kuliselelo wa zionho za wena, **hakuba** a zionho za wena zi anzisilwe, nzi mahile lezi zilo a ka wena.
- 16 Hikwalaho **bonkle** labo ba kadamulako wena ba ta kadamulwawu ; ni **bonkle** babengi ba wena, **bonklelele** ba bona, ba taya kukonweni, labo ba ta nga panga wena ba ta a mupango ni labo ba ta nga fula hehla ka wena ba ta mahiwawu a mufulo.
- 17 **Hakuba** nzi ta kletisela a wutomi a ka wena, nzi ta cuma wena hi timbanga, ku wula Jehova ; **hakuba** ba bitanileko wena u hoxilwe lahandle, baku, Kona i Zioni laha ni munhu a nga ha gi hlotiko.
- 18 **Zakungahi** a wulako Jehova, Languta, nzi ta hunzula kambe a wukonwi ga tenta ga Jakobe, nzi be ni kuhawukela le wutsanweni ga kuaka ka yena ; ni muti wu ta akiwa hehla ka xitsungana xa wona zwinyi, ni xilubelo xi ta akiwa kukotisa hi ma akela ya xona.
- 19 Na ku huma a ka zona a gezu ga nyikakubonga ni gezu ga bona labo ba mahako a litsako ; na mina nzi ta enzelekisa bona, ba nga ta kuba ba tsongwani ; mina kambe nzi ta dumisa bona ba nga ta kuba ba tsongo.
- 20 Ni banana ba/ye kambe ba ta ku kwatsi hi xikatini xa kaleloko, ni hlengoletano wa/ye wu ta yimiswa mahleweni kamina ; nzi ta tsayisa **bonkle** labo ba tsimbeketako bona.
- 21 Ni hosana ya/ye yi taba ya wutsumbu ga/ye, ni mufumeli yi ta hi xikari ka bona ; nzi ta maha yena a ku tsinela na yena, i ta tsinela kusuhani na mina ; **hakuba** himani loye a na nga ni kutiya a ku tsinela a ka mina ke? ku wula Jehova.
- 22 Na zwina mu taba banhu ba mina, na mina nzi taba Nungungulu wa zwina.
- 23 Languta, a bubutsa ga ka Jehova, yona a zanga ya yena, yi andlamukile, a bubutsa gi swiyelako : yona yi ta pupuma hehla ka hloko ya wa kubihla.
- 24 A zanga yi cabekako ya ka Jehova yi nga rengiswa, a kala yena a be a tsanzileko, kala yena a mbebelisa a

xiluhlo xa kulo ga mbilu ya yena : hi masiku ma ha tako zwina mu ta pima kona.

XIPIMO 31.

- 1 A ka lexo xikati ku wula Jehova, nzi ta kuba a Nungungulu wa mingango ya ka Israeli, na bona ba ta kuba a banhu ba mina.
- 2 **Zakungahi** a wulako Jehova, A banhu labo ba siyilweko hi supado ba kumile a tomo lomo xiwuleni ; yena Israeli, laha na nzi yile nzi maha yena ku humula.
- 3 Jehova i wonekile ka mina a kaleloko, aku, Ina, nzi ranzile wena hi kuranza kupinzukelisilweko : hikwalaho hi kuranzakawunene nzi tekile wena.
- 4 Kambe nzi ta aka wena, wena u taba u akilweko, O mubulwa wa ka Israeli : ni kambe u ta engeta u bombiswa hi mandlindlele ya wena, u ta fumba lomo mikinweni ya bona labo ba mahako a litsako.
- 5 Kambe u ta engeta u trala a zivina hehla ka zitsunga za le Samaria ; a mubyali i ta byala, i ta tsaka hi mihanzo ya kona.
- 6 **Hakuba** laho ku taba kona a siku, lezaku a wanana wa murinzeli hehla ka xitsungana xa le Efraime i bitana, Sukani zwina, nga hiya le Zioni a ka Jehova a Nungungulu wa hina.
- 7 **Hakuba** **zakungahi** a wulako Jehova, Yimbelelani hi tsakiselelo la Jakobe, kanyulukani hi hosi ya mifumo ; banani nyibo zwina, dumisani zwina, ni ku wula, O Jehova ponisa a banhu ba wena, a salela wa ka Israeli.
- 8 Languta, nzi ta neha bona hi le tikweni ga le zwalungu, ni ku gotsela bona hi le magemetamusu ya misaba, zi/we na bona a zikumu ni ba lameleko, a wasati ni nyimba na bona labo ba lunwako hi tinyimba katigi/we : a klawwa wa hombe bona ba ta kletela leno.
- 9 Na bona ba ta kuta zi/we hi kurila ; zi/we hi mikongeleliso nzi ta range la bona ; nzi ta maha bona a ku fumba hi micongo ya mamati lomo tindleleni ti hlongana laho bona ba ta nga kala kuretemuka ; **hakuba** mina nzi nga dadaniwamui ka Israeli, na Efraime hi matewula ya mina.
- 10 Zwanani a mhaka ya ka Jehova, O zwina mifumo, ni kuklaklambuta

- yona lomo zihlaleni lezo zi nga le kule; ni ku wula, yena loye hanga-lasileko Israeli i ta tsombanyisa yena, ni ku hlayisa yena, kwatsi hi murisi a mahako a ka klambi wa yena.
- 11 Hakuba Jehova a riheleko Jakobe, i klaklisile a canjeni ga yena loye a nga wa hi ni ntamo a ku hunza yena.
- 12 Na bona ba tata ba ta yimbelela le kuklakukeni ka Zioni, ni kupupuma le lulamisiselweni wa ka Jehova, a ka mbewu, ni ka waini giwa, ni ka mafura, ni ka wuswa ga klambi ni tihomu: ni mihefemulo yabye yi ta ku kwatsi i simu yi tsakamisilweko; na bona ba nga ta ha xaniseka kambe futsi.
- 13 Zonake a mubulwa i ta tsaka le mikiweni, a jaha ni munhu wa kale katigizwe; hakuba nzi ta hunzula a xirilo xabye litsakweni, nzi ta tangalisa bona, ni ku maha ba tsaka le xanisekelelweni yabye.
- 14 Nzi ta debelekisa a mihefemulo ya pristi hi kulukiselelo, ni banhu ba mina ba ta xuriswa hi sasekiselelo wa mina, ku wula Jehova.
- 15 Zakungahi a wulako Jehova: A gezu gi zweleko le Rama, a hlo-mulwana, ni tsikwilo wa xirilo, Racheli a rilelako a banana ba yena, yena i lo ala ni kucabelelwa hakuba hi banana ba yena, hakuba bona ba nga wa hi kona.
- 16 Zakungahi a wulako Jehova: kaketa a gezu ga wena le kurileni, ni mahlo ya wena le mihlotini; hakuba a tiro wa wena wu ta ncacazeliwa, ku wula Jehova; na bona ba tata kambe hi tikweni ga balala.
- 17 Hi laho ka hi kona a tumba hi magunweni ya kugumelwa ka wena, ku wula Jehova; ni banana ba wena ba tata kambe a mbinganweni wa bona benyi.
- 18 Nzi zwile Efraime a rilela a wutsumbu ga yena zakungahi, Wena u tsayisile mina, nzi wa hi a tsayisilweko, kwatsi hi rogana gi tolobelangiko a joka: hunzulusa mina wena nzi ta ba a hunzuluselweko; hakuba wena hi wena Jehova a Nungungulu wa mina.
- 19 Hakunene a nzako ka lezo mina nzi tlelileko, nzi lo hunzuluka; a nzako kalezo nzi wa gonzisilwe, nzi hehla ka hangaswa ga mina: nzi wa hi ni tingana, ina, kona a kukangauiyise-
- ka, hakuba nzi rwalileko a nzukano ya wuswa ga mina.
- 20 Yena Efraime yena a nisanyana wa mina a ranzekako ke? i hi yena nwanana wa xiranzwa ke? hakuba hi xikanzakanya xa ku kwatsi hi lezi nzi wulawulako nzi vukela yena, hi kulabyisisilweko nza alakanya yena; hikwalaho a mbilu ya mina ya kolokela yena; mina hakunene nzi taba ni titalo hehla ka yena, ku wula Jehova.
- 21 Ti yimisele wena a marika ya laha ntleleni, ni mahele a wena a mbinga yo ku rangela; kwatsi hi mbilu ya wena ngomameni ni ntlela ya gonzo, yona a ntlela leyi wena u fambileko ha yona: ktelea kambe, O mubulwa wa ka Israeli, ktelea kambe ka lowu a miti ya wena.
- 22 Ku ta longoloka ku kuyini wena uya laho ni laho, O nhanyana a kungubanyekileko ke? hakuba Jehova i bangile a xilo xiswa lomu misabeni: a wasuti i ta ranzela a wanuna.
- 23 Zakungahi a wulako Jehova wa mabandla, a Nungungulu wa ka Israeli, Kasike ba engeta ba tirisa loku kuwulawula lomo tikweni ga ka Juda ni lomo mitini ya kona, laha nzi ta nga neha kambe a kukonwa kabye: Jehova a katekise wena, O baakileko ba kululamisisa, O xitsunga xa basiselelo.
- 24 Juda ni miti ya kona i ta aka lomo nzeni ka kona katigizwe, a barimi na bona labo ba fambako zizwe ni miklambi.
- 25 Hakuba nzi narisile a muhefemulo wu kareleko, ni yonkolelele a mihefemulo yi xanisekako nzi bombisile.
- 26 Hehla ka lexi nzi lo kindlimuka, ni languta, a wurongo ga mina gi wa ku tsombela a ka mina.
- 27 Languta, a masiku mata, ku wula Jehova, lezaku nzi ta byala a yindlu ya ka Israeli ni yindlu ya ka Juda hi mbewu ya munhu, ni mbewu ya zihari.
- 28 Na ku mahisile lezo lezaku, kwatsi lezi nzi rinzeleko ka bona a kuwukla ni kutsoba ni kuhoxa ni kulobisa ni kuhlokisa, zingaho, nzi ta rinzela a ka bona a kuaka ni kubyala, ku wula Jehova.
- 29 A ka lawo a masiku ba nga ta ha engeta kambe ku wulwa, A badadani ba gile a magrepi ma babako, ni meno ya banana ma binyekile wukla.

- 30 Kanilezi bonklelele banhu ba tafa hi xigoho xa yena nwinyi: bonklelele labo ba gako a magrepi ma babako, ni meno ya yena ma ta binyeka wukla.
- 31 Languta, a masiku mata, ku wula Jehova, lezaku nzi ta maha a xivumelwano zizwe ni yindlu ya ka Israeli, ni yindlu ya ka Juda:
- 32 Na ku nga hi kukotisa a xivumelwano lexo nzi mahileko ni badadani babye a ka lego siku nzi nga wa tekile hi canja a ku neha bona hi le tikweni ga le Gipite; lexo a xivumelwano xa mina ba xi tsobileko, hambulezo nzi wa hi a murimi ka bona, ku wula Jehova.
- 33 Kanilezi lexi hi xivumelwano lexo nzi ta nga xi maha ni banana ba ka Israeli a nzako ka lawo a masiku, ku wula Jehova: nzi ta beka a nayo wa mina lomo nzeni kabye ni lomo timbilwini tabye nzi tsala wona; na mina nzi ta kuba a Nungungulu wabye, na bona ta kuba banhu ba mina.
- 34 Na bona ba a nga ta ha engeta kambe bonklelele banhu ba gonzisa a muakelwane wa yena, ni bonklelele banhu a makabye wa yena, aku, Tiba Jehova; hakuba bona bonklele ba ta tiba mina, ku sukela ka batsongwani ba babye ku kala ka ba hombe babye, ku wula Jehova: hakuba nzi ta tsetselela a kugoha kabye, ni xionho xabye nzi nga ta ha xi alakanya kambe.
- 35 Zakungahi a wulako Jehova, loye a nyikako a gambo a kuwonekela hi siku, ni xaxametelo wa hweti ni tinyeleti hi wusiku, loye a vunjulako a bimbi, zingaho lezo a mabyandlati ya kona na dzinza; Jehova wa mabandla ku na nga bito ga yena:
- 36 Loku lezi zixaxametelo zi suka a ka mahlweni ka mina, ku wula Jehova, zonake a mbewu ya ka Israeli kambe yi ta kawula a ku kala yi nga ha mahi a mufumo mahlweni kala kupinzuka.
- 37 Zakungahi a wulako Jehova: Loku a tilo le hehla gi nga kotwa kuhlayiwa, ni ziseketelo za misaba zi nga kambiwa lahasi, zonake mina nzi ta hoxa yonkle a mbewu ya ka Israeli hakuba ha zonkle lezi ba zi mahileko, ku wula Jehova.
- 38 Languta, a masiku mata, ku wula Jehova, lezaku a muti wu ta a kiwa

a ka Jehova wu sukela le ligingisini la Hananeli ku kala le nyangweni ya kuzwini.

- 39 Ni ngoti ya kuringanyisa yi ta famba yi ku gwirigwiri yi tsononomete a ngomama le mugangeni wa Gareba, wu ta renzeleka ka Goa.
- 40 Ni wonkle a nzelelelo wa zirumbi ni kuma, ni gonkle kwati kala le congweni wa Kidroni, kuya le kuzwini ga nyanga ya mahaxi ngomama ni mutsuwukagambo, ku taba ku basile ka Jehova; na wona wu nga ta wuklwa kambe, wu nga hoxwa kambe lahasi, kala kupinzuka.

XIPIMO 32.

- 1 A mhaka leyo yi nga wa tile ka Jeremia hi le ka Jehova a ka kume ga malembe ga Zedekia a hosi ya ka Juda, lego ku wa hi kume ni nkla-nu ni manharu a lembe ga Nebukadrezzare.
- 2 Makunu a ka lexo xikati a impi ya hosi ya le Babuloni yi vimbezele a Jerusalema; na Jeremia a muprofeti i wa valelwe lomo hubyeni ya murinzeli, leyo yi nga wa hi le ndlwini ya hosi ya ka Juda.
- 3 Hakuba Zedekia a hosi ya ka Juda i valele yena, aku, Ngahilezo wena hi wena u profetaku, uku, Zakungahi a wulako, Languta, nzi ta nyikila lowu a muti le canjeni ga hosi ya le Babuloni, na yena i ta teka wona;
- 4 Na Zedekia a hosi ya ka Juda a nga ta pona le canjeni ga ma Kaldea, kanilezi hakunene i ta nyikelwa canjeni ga hosi ya le Babuloni, i ta wulawula zizwe na yena a nomu hi nomu, ni mahlo ya yena ma ta languta a mahlo ya yena;
- 5 Na yena i ta neha Zedekia le Babuloni, leyo i taba kona kala nzi enzela yena, ku wula Jehova: hambuloko zwina ma kulwa ni ma Kaldea, zwina mu nga ta vuvuma ke?
- 6 Na Jeremia i te ngalo, A mhaka ya Jehova yi tile a ka mina, yiku,
- 7 Languta, Hanameli a nisanyana wa Xalluma nakulobye wa dadani wa wena i tata ka wena, aku, Xaba a simu ya mina leyo yi nga le Anatote; hakuba a fanelo ya kuklaklisa gona yi ka wena a ku xaba gona.
- 8 Zingaho Hanameli a nisanyana wa nakulobye wa mina ita lomo hubyeni ya murinzeli kukotisa hi ka mhaka ya ka Jehova, i lo wula ka mina,

- Xaba a simu ya mina, nza kombela wena, lego gi nga le Anatote, le tikweni ga ka Benjamini; hakuba a fanelo ya tsumba nja wena, ni klakliselelo ngwa wena; xaba goba akuba ga wutsumbu ga wena. Zonake nzi lo zi tiba lezaku leyi ku wa hi mhaka ya ka Jehova.
- 9 Na mina nzi lo xaba a simu leyo yi nga wa hi le Anatote ya Hanameli a nisanyana wa na kulobye wa mina, nzi pimela yena a mali, wona kume ni nklanu ni mambiri a maxekeli ya siliva.
- 10 Nzi lo ku tsalela papilo, nzi lo umisa kona, nzi lo bitana a bakustumunyu a ku ta pimela yena a mali xiringanisweni.
- 11 Nzi lo teka a papilo ga wukwewu, zonkle lezi zi nga wa umisilwe, kukotisa hi ka mukuwo, nilezo zi vululweko:
- 12 Nzi lo nyikela a buku ga tsengo ka Baruke a nisanyana wa Neria, ni nisanyana wa Mahseia a kubakone ka Hanameli a nisanyana wa nakulobye wa mina, ni kubakone ni ka bakustumunyu labo ba tsalileko a papilo ga wukwewu, mahlweni ka bonkle a ba Juda labo ba tsamileko lomo hubya hubyeni ya murinzeli.
- 13 Na mina nzi lo laya Baruke mahlweni ka bona, nziku,
- 14 Zakungahi a wulako Jehova wa mabandla, a Nungungulu wa ka Israeli: Tekani laya mapapilo, legi papilo ga wukwewu legi nzi gi unisileko ni legi papilo gi vululweko ni ku ma beka lomo nzeni ka xiyya xa wumba; kasi ma fela ku tsama a masiku yo tala.
- 15 Hakuba zakungahi a wulako Jehova wa mabandla, a Nungungulu wa ka Israeli: A tindlu ni masimu ni zivina zi ta engeta kambe zi xabyiwa a ka legi tiko.
- 16 Makunu a nzako hakuba nzi nyikele a papilo ga wukwewu ka Baruke a nisanyana wa Neria, nzi lo kombela a ka Jehova, nziku,
- 17 A Hosi Jehova! Languta, wena u mahileko a tilo ni misaba hi ntamo wa wena wa hombe na hi woko ga wena gi klakusilweko; laho a ku kona xilo xi tsanzako a ka wena,
- 18 Loye a kombisileko a kuranzakawunene ka makume mazana, u kklise-lako a zionho za badadani a ka xifuba xa banana a nzako ka bona, a wa hombe, a Nungungulu wa wunhe-nha, Jehova wa mabandla ku na nga bito ga yena;
- 19 Ngwa hombe xikungweni, ngwa ntamo kutireni; loye a mahlo ya yena ma vululekileko hehla ka tindlela tonkle ta banana ba banhu, a ku nyika bonklelele kwatsi hi tindlela ta yena, ni kukotisa hi ka mihanzo ya zimaho za yena;
- 20 Loye a rumeleko a ziwoniso ni zihlamaliso lomo tikweni ga le Gipite, hambu ku kala legi siku konkle lomu Israeli ni xikari ka banhu babye; u lo mahela wena a bito, a ku kwatsi hi legi a siku;
- 21 U lo humesa a nanza ga wena Israeli le tikweni ga le Gipite hi ziwoniso, hi zihlamaliso, na hi canja ga ntamo, na hi woko gi klakusilweko, na hi cabekiselelo wa hombe;
- 22 U lo nyika bona legi tiko, legi wena u hlambanyileko a ka badadani babye a ku nyika bona, a tiko gi kulungako a masi ni wulombe;
- 23 Na bona ba lo engena, ba lo fumelagona; kanilezi a ba ingisingi a mhaka ya wena, ge hambu kufamba naweni wa wena, bona a ba mahangi ncumo a xalezwa wena u leleteleko bona a ku xi maha: hikwalaho wena u mahile loku kubilia ku ta hehla ka bona.
- 24 Languta, a tigingisi, bona ba tile mutini a ku teka wona; ni muti wu nyikelwe mandleni ya ma Kaldea lawo ma lwelako a ku vukela wona, hakuba ni supado, ni nhlala, ni mitungu; ni lezi wena u wulawulileko zi mahlekile; ni, languta, wena u wonako kona.
- 25 Wena hi wena u wulileko a ka mina, O Hosi Jehova, Xaba wena a simu hi mali, ni ku bitana a bakustumunyu; legi ga ku ngalo a muti wu nyikelwe canjeni ga ma Kaldea.
- 26 Zonake ku lota a mhaka ya ka Jehova a ka Jeremia, yiku,
- 27 Languta, nzi mina Jehova, a Nungungulu wa nyama yonkle: kasike lahoke xi kona a xilo xi tsanzako a ka mina ke?
- 28 Hikwalaho zakungahi a wulako Jehova: languta, nzi ta nyikela lowu muti a canjeni ga ma Kaldea, ni canjeni ga Nebukadrezzare a ya le Babuloni, na yena i ta teka wona:
- 29 Ni ma Kaldea, ma talwa ma vukela lowu a muti, ma tata mata hisa lo-

- wu muti hi nzilo, ni kuhisa wona, zinwe ni tindlu, a ka tona bona ba nyikeleko a tibani ka Baali, ni ku cela a minyikelo ya kunwa ka banungungulu ba haba, a kuvunjukelisa mina a ku zangara.
- 30 Hakuba a banana ba ka Israeli ni banana ba ka Juda ntsena ba mahile lezi zi bihileko ku sukela wusweni gabye; hakuba a banana ba ka Israeli ba vindlukise mina a kuzanga hi mitiro ya mandla yabye, ku wula Jehova.
- 31 Hakuba lowu a muti a ka wu wa kari wu hi a vunjukeliselelo wa zanga ya mina ni wa kulo ga mina cima a ka siku legi bona ba nga aka wona ku kala a ka siku legi; lezaku nzi ta susa wona le kuwoneni ka mina,
- 32 Hakuba hi kubiha ka banana ba ka Israeli, ni banana ba ka Juda, loko bona ba ku mahileko a vindlula mina a kuzanga, bona, ni tihosi tabye, ni tihosana tabye, ni bapristi babye, ni baprofeti babye, ni banhu ba ka Juda, ni baakileko ba le Jerusalema.
- 33 Bona ba fularile ka mina a hlana, a hi ngohe: hambulezo nzi gonzisileko bona, nzi vukileko ni punzu wa mixo nzi gonzisa bona, kasike a ba ingisangi a kuamukela a gonziseleliselo.
- 34 Kanilezi ba yimisile a manyalataniso lomo ndlwini leyo yi bitanwako hi bito ga mina, a ku nyenyezisa yona.
- 35 Bona ba akile a wutsamo gi klakuleko ga Baali, lego gi nga le mikobeni ya barisanyana ba ka Hinnome, a ku maha a barisanyana babye ni banhanyana babye a ku tsemakanya a nzilo ka Moleke; lexo mina nzi nga leletelangiko bona, ge hambu kuta kona kupimeni ka mina, lezaku bona ba wa ta nga ba maha laya manyalataniso, a ku maha Juda a onha.
- 36 Makumu hikwalaho zakungahi a wulako Jehova, a Nungungulu wa ka Israeli, a xungetano ni lowu a muti, lowo zwina mu wulako, Wu nyikelwe canjeni ga hosi ya le Babuloni hi supado, na hi ndlala, na hi tungu:
- 37 Languta, nzi ta tsombanyisa bona hi le matikweni wonkle, lawo nzi ba hlongoleleko hi kota ya zanga mina, ni le kulweni ga mina, ni tinditreni ta hombe; na mina nzi ta neha bona kambe a ka legi a wutsamo na nzi ta maha bona a aka kuponeni.
- 38 Na bona ba ta kuba banhu ba mina, na mina nzi ta kuba a Nungungulu wabye:
- 39 Nzi ta nyika bona a mbilu yinwe ni ndlela yinwe, kasi bona ba nga caba mina kala kupinzuka, akuba kusasa ka bona, ni banana babye a nzako ka bona:
- 40 Nzi ta maha a xivumelwano xi pinzukeliselweko zinwe nabo, lezaku nzi nga ta hunzuluka ku lanzeleni bona, a ku maha bona kusasa, na mina nzi ta beka a xicabyo xa mina lomo timbilwini tabye, lezaku bona ba nga ta suka a ka mina.
- 41 Ina, nzi ta tsaka hehla ka bona a ku maha ha kusasa, nzi ta byala bona lomo tikweni legi nzi su tiyisisa futsi hi mbilu ya mina yonkle ni muhefemulo wa mina wonkle.
- 42 Hakuba zakungahi a wulako Jehova, Kwatsi hilezi nzi nehileko konkle loku kubiha hehla ka laba banhu, Zingaho nzi ta neha hehla ka bona konkle a kusasa loku nzi tsumbisileko bona.
- 43 A masimu ma ta xabyiwa a ka legi tiko, legi zwina mu wulako, Gona gi hahlukile, gi haba munhu ni xihari; gona gi nyikelwe canjeni ga ma Kaldea.
- 44 A banhu ba ta xaba a masimu hi mali, ni ku tsala mapapilo, ni ku umisa wona, ni ku bitana a bakustumunyu, le tikweni ga Benjamini, ni lomo wutsanweni gi renzelekeleko Jerusalema, ni le mitini ya ka Juda, ni le mitini ya tiko ga miganga, ni le mitini ya le tikweni ga mikoba, ni le mitini ya le Dzongeni: hakuba nzi ta maha a wukonwi gabye a klela, ku wula Jehova.

XIIMO 33.

- 1 Alatakumbiri a mhaka ya ka Jehova yi lota ka Jeremia hi xikati xa wumbiri, laha a nga wa ha valelwe lomo hubyeni ya murinzeli, yiku,
- 2 Zakungahi a wulako Jehova loye a mahako kona, Jehova loye a mahileko kona a kumchekisa kona; Jehova ku hi bito ga yena:
- 3 Bitana a ka mina, nzi ta hlamula wena, nzi ta kombisa a zilo za hombe, lezi zi tsanzako, lezo wena u nga zi tibiko.
- 4 Hakuba zakungahi a wulako Jehova

- va, a Nungungulu wa ka Israeli, hi xungetano ni tindlu ta lowu a muti, ni xungetano ni tindlu ta hosi ya ka Juda, leto ti kungumulweko kasi a ku vukela a xikungumulo ni kuvikela a supado;
- 5 Laha a banhu ba ta nga talwa zinwe ni ma Kaldea, ni ku tatisa bona hi zirumbi za banhu ba fileko, labo nzi ba dayileko hi zanga ya mina ni kulo ga mina, ni ka bonkle labo hi kubihisisa kabye nzi fihlileko a ngohe ya mina a ka lowu a muti:
- 6 Mangabye nzi ta neha bona a wuto-mi ni cunwa, nzi ta cuma bona; nzi ta wonekisa a ka bona a wunyingi ga kurula ni zinene.
- 7 Nzi ta maha a kukonwa ka Juda ni kukonwa ka Israeli ku hunzululwa, nzi ta aka bona, kwatsi hi kurunguleni.
- 8 Nzi ta hlaza bona le kuonheni ka bona konkle, loko bona ba onhileko ba vukela mina; nzi ta ribalela zonkle zigoho zabye, lezo bona ba onhileko ba vukela mina, lezo ha zona bona ba hambunyetileko ba vukela mina.
- 9 Ni lowu a muti wu taba ka mina a bito ga litsako, a kuba ga tsumbiso ni akuba wa wukosi mahlweni ka mifumo yonkle ya misaba, leyo yi ta ngazwa konkle a kusasa loko nzi ta nga maha a ka bona, gi ta cuba ni kururumela hakuba hi konkle kusasa ni konklea kurula loko nzi ta nga ku susumetela ka wona.
- 10 Zakungahi a wulako Jehova: kasike kambe laho ku ta engeta ku zwiwa a ka legi wutsamo, legi ha gona zwina mu wulako, gona gi hahlukile, a gi na munhu a gi na xihari, kona lomo mitini ya ka Juda, ni lomo mapangweni ya le Jerusalema, lawo ma hahlukileko, ma nga hiko na munhu ma nga hiko na baakileko ma nga hiko na xihari,
- 11 A gezu ga litsako ni gezu ga kungegela, ni gezu ga muyeneni ni gezu ga makoti, ni gezu ga bona labo ba wulako, Nyikani a kubonga ka Jehova wa mabandla, hakuba Jehova i sasekile, hakuba a kuranzakawunene ga yena ku sinamile kala kupinzuka; a ka bona labo ba nehako a mipahlelo ya kunyikakubonga lomo ndlwini ya ka Jehova. Hakuba nzi ta maha a kukonwa ka tiko ku hunzulwa kwatsi hi kurunguleni, ku wula Jehova.
- 12 Zakungahi a wulako Jehova wa mabandla, Kasike kambe ku ta kuba kona a ka legi wutsamo, legi gi hahlukileko, gi nga hi na munhu gi nga na xihari, ni ka yonklea miti ya kona, a baakileko ba barisi ba maha-ko a miklambi yabye a ku zumba lahasi.
- 13 Lomo mitini ya tiko ga mitsuri, lomo mitini ya tiko ga mikoba, ni lomo mitini ya le dzonga, ni le tikweni ga ka Benjamini, ni lomo wutsawweni gi renzelekeleko a Jerusalema, ni lomo mitini ya ka Juda, ni miklambi yi ta hunza hi canja ga yena a hlalaelako yona, ku wula Jehova.
- 14 Languta, a masiku mata ku wula Jehova, lego nzi ta nga mbelelilela zonkle lezo nzi wulileko xungetano ni yindlu ya Israeli ni xungetani ni yindlu ya Juda.
- 15 A ka lawo masiku, ni ka lexi xikati, nzi ta maha Rabi ga kululamisisa gi kula a ka Davida; yena i ta tsanza a nongametiselelo ni kululamisisela lomu tikweni.
- 16 A ka lawo masiku Juda i ta hanyi-iswa, ni Jerusalema gi aka kupone-ni; ni legi hi bito lego gona gi ta nga bitanwa ha gona: Jehova a kululamisisa ka hina.
- 17 Hakuba zakungahi a wulako Jehova: Davida a nga ta engeta a laba munhu a ku tsama xitsawweni xa wukosi xa yindlu ya ka Israeli;
- 18 Ge hambu a bapristi a ba Levi a ku laba munhu mahlweni ka mina a ku nyikela a minyikelo ya kuhiswa, ni ku nyikela a minyikelo ya tinzhoho, ni ku maha a mupahlelo hi kusimamisisilweko.
- 19 Ni mhlaka ya ka Jehova yi lota a ka Jeremia, yiku,
- 20 Zakungahi a wulako Jehova: Loku zwina mu kuta ku tsoba a xivumelwano xa mina xa siku, ni xivumelwano xa mina xa wusiku, lezaku laho ku nga ta kuba kona a siku ni wusiku hi xikati xa kona;
- 21 Zonake a xivumelwano xa mina xi nga tsobyiwa ha Davida a nanza ga mina, lezaku yena a nga ta kuba na nisanyana a kufuma xitsawweni xa wukosi xa yena; zinwe ni ba ka Levi ni bapristi, a zikozeli za mina.
- 22 Kwatsi hilezi a bandla ga le tilweni gi nga kotiwiko a ku hlalaelwa, ge hambu seke ga le fungwini a ku ringanyiswa; zingaho nzi ba enzele-

kisa a mbewu ya Davida a nanza ga mina, ni ba ka Levi labo ba kozelako a ka mina.

- 23 Ni mhaka ya Jehova i lotta a ka Jeremia, yiku,
- 24 U nga katali wena hilezi laba ba wulawulileko, baku, A mingango mimbiri leyo Jehova a yi langileko, yena i yi hoxile yona ke? zakungahi bona ba kanyisa a banhu ba mina, lezaku bona ba nga ta kuba mifumo kambe mahlweni ka bona.
- 25 Zakungahi a wulako Jehova: Loku a xivumelwano xa mina xa siku ni wusiku xi nga yimi, loku mina nzi nga yimisangi a xaxametelo wa tilo ni misaba;
- 26 Zonake kambewo nzi ta hoxa a mbewu ya Jakobe, ni ya Davida a nanza ga mina, lezaku a nzi nga ta teka ka mbewu ya yena a mufumeli hehla ka mbewu ya Abrahamana, na Isaka, na Jakobe: hakuba nzi ta maha a wukonwi gabye gi hunzulwa, ku wula Jehova.

XIPIMO 34.

- 1 A mhaka leyo yi nga wa tile ka Jeremia hi le Jehova, laha na Nebukadnezzare a hosi ya Babuloni, ni yonkle a impi ya yena, ni yonkle a mifumo ya misaba leyo yi nga wa hi lahasi ka kutongwa ha yena, ni bonkle banhu, labo ba nga walwa ba vukela Jerusalema, ni ku vukela yonkle a miti ka kona, aku:
- 2 Zakungahi a wulako Jehova, a Nungungulu wa ka Israeli, Famba uya wulawula ka Zedekia a hosi ya ka Juda, ni ku byela yena, Zakungahi a wulako Jehova, Languta, nzi ta nyikela lowu a canjeni ga hosi ya le Babuloni, na yena i ta hisa wona hi nzilo:
- 3 Na wena u nga ta pona a canjeni ga yena, kanilezi hakunene u ta tekiwa, ni ku nyikelwa a canjeni ga yena; ni mahlo ya wena ma ta languta a mahlo ya hosi ya le Babuloni, na yena i ta wulawula ziwe na wena hi nomu ni nomu, na wena u ta kuya le Babuloni.
- 4 Kasike zwana a mhaka ya ka Jehova, O Zedekia hosi ya ka Juda: Zakungahi a wulako Jehova hi xungetano ziwe na wena, Wena u nga ta kufa hi supado;
- 5 Wena u ta kufa hi kurula; hi kuhi swa ka badadani ba wena, a tihosi

ta kaleloko leto ti nga wa hi kona hi mahlweni ka wena, zingaho ba ta maha a kuhisa ha wena; na bona ba ta rilela wena, baku, Ha Hosi! hakuba mina nzi wulawulile a mhaka, ku wula Jehova.

- 6 Zonake Jeremia a muprofeti i lo wulawula leti a timhaka ka Zedekia a hosi ya ka Juda le Jerusalema,
- 7 Laha a impi ya hosi ya le Babuloni yi nga walwa yi vukela Jerusalema, ni vukela a miti ya ka Juda leyo yi nga wa sele, a kulwa ni Lakixe ni le Azeka; hakuba leyi hi yona yi nga wa sele ka Juda kotalezi yi nga wa miti yi gingisilweko.
- 8 A mhaka leyo yi tileko ka Jeremia hi le ka Jehova, a uzako ka lezo a hosi Zedekia a nga wa mahile a xivumelwano ni bonkle banhu labo ba nga wa hi le Jerusalema, a kubahungu hi klaklekeliso a ka bona;
- 9 Lezaku bonklelele banhu ba wa ta nga ba vumela a nanza ga xinuna ga yena, ni bonklelele banhu nanzagaxisati ga yena, labo ba nga Maheberu kutana Muheberu wa xisati, a ku klakleka; a kuba a nga hi kona a nga ta nga a maha a kumbi a ka bona, a wumboni, ga mu Juda makabye wa yena.
- 10 Tonkle a tihosana ni bonkle banhu ba lo ingisa, labo ba engenileko lomo xivumelwaneni, lezaku bonklelele ba ta maha a malanza yabye ya xinuna, ni bonklelele a malanza yabye ya xisati, ma klakleka, lezaku a nga hi kona a mahako malanza ha bona kambe; na ba lo ingisa, ba lo maha bona ba famba:
- 11 Kanilezi a nzako ka lezo bona ba lo hunzuluka, ba lo neha bona a ku ba maha a malanza ni malanza ya xisati.
- 12 Hikwalaho a mhaka ya ka Jehova i lotta ka Jeremia hi le ka Jehova, yiku,
- 13 Zakungahi a wulako Jehova, a Nungungulu wa ka Israeli; mahani a xivumelwano ziwe ni badadani ba zwina a ka siku lego nzi nehileko bona ba huma hi le tikweni ga le Gipite, le ndlwini ya wukumibi, nzi-ku,
- 14 Hi ka kugumelweni ka nkhanu ni mambiri a malembe zwina mu klaklisa nwenklelele a makabye wa yena loye a nga Muheberu, loye a xabisilweko ka wena, a kokeleko wena

nklanu ni giawe a malembe wena u ta maha yena a klatleka hi le ka wena; kanilezi a badadani ba nwina a ba vumelangi a ka mona, ge ni ku pumunha ndlebe yabye.

15 Na nwina makunu mu hunzulukile, mu mahile lezo zi sasekileko mahlweni ka mina, hi kubahungu hi klatliselelo wa bonklelele banhu hi wa akelwane wa yena; na nwina mu mahile a xivumelwano zinwe na mina yindlwini leyo yi bitanilweko hi bito ga mina:

16 Kanilezi nwina mu hunzulukile mu hanahanisa a bito ga mina, ni ku maha bonklelele banhu a nanza ga yena, ni bonklelele banhu a nanzagaxisati labo nwina mu nga wa ba mahile ba klatleka hi tangalisiweni wa bona, a kuhunzulusiwa; na nwinu mu ba nehile wukumbini, akuba ka nwina a malanza ni malanza ya xisati.

17 Hikwalaho zakungahi a wulako Jehova: nwina a mu ingisangi a ka mina, a kubahungu hi klatlekiselo, bonklelele banhu ka makabye wa yena, ni bonklelele banhu ka wa akelwane wa yena: languta, nziba hungu ka wena hi klatlekiselo, ku wula Jehova, ka supado, ni ka ndlala, ni mitungu, nzi ta maha ku ndlengandlengiswa mu nzula a xikari ka yonkle a mifumo ya misaba.

18 Nzi ta nyikela a banhu labo ba hambunyetileko a xivumelwano xa mina, labo ba nga mahangiko a timhaka ta xivumelwano lexo ba ximabileko mahlweni ka mina, laha na ba tsemile a rogana kumbiri ni kuhunza xikari ka zipanze za kona;

19 A tihosana ta ka Juda, ni tihosana ta le Jerusalema, ni tinduna ni bapristi, ni bonkle banhu lomo tikweni, labo ba hunzileko xikari ka rogana;

20 Na mina nzi ta nyika a canjeni ga balala babye, ni canjeni ga bona labo ba hlotako, ni canjeni ga bona labo ba hlotako a wutomi gabye; ni zirumbi zabye zi taba kuga ka tinyanyani ta matilo, ni ka zibanza za misaba.

21 Na Zedekia a hosi ya ka Juda ni tihosana nzi ta ba nyikela canjeni ga balala babye, ni le canjeni ga bona labo ba hlotako a wutomi gabye, ni canjeni ga impi ya le Babuloni, leyo yi sukileko a ka nwina.

22 Languta, nzi ta leletela, ku wula Jehova, ni ku maha bona ba wula ka

lowu a muti ku wula Jehova; a bona ba ta kulwa ba ta vukela wona, ba ta teka wona, ba ta hisa wona hi nzilo: nzi ta maha a muti wa ka Juda a marumbi, wu nga hi ni baakileko.

XIPIMO 35.

1 A mhaka leyo yi tileko a ka Jeremia hi le ka Jehova a masikwini ya Jeholakimu a nisanyana wa Josia a hosi ya ka Juda, yiku,

2 Famba le ndlwini a Rekabe, u ya wulawula a ka bona, ni ku neha lomo ndlwini ya ka Jehova, a ka giawe ga matsawu, u nyika bona a waini a kunwa.

3 Zonake nzi lo teka Jaazania a nisanyana wa Jeremia, a nisanyana wa Habazzinia, ni bamakabye ba yena, ni bonkle barisanyana ba yena, ni yonkle a yindlu ya ka Rekabe;

4 Nzi lo neha bona lomo ndlwini ya ka Jehova, lomo ndlwini ya barisanyana ba ka Hanana a nisanyana wa Igdalia, a munhu wa ka Nungungulu, leyo a nga wa hi ndlwini ya tihosana, leyo yi nga wa le hehla ka yindlu ya Maaseia a nisanyana wa Xalluma, a muhlayisi wa nyangwa.

5 Nzi bekile mahlweni ka barisanya ya banana ba ka Rekabe a mikelo yi teleko hi waini, ni tikopo; nzi te ngalo ka bona, Nwanani nwina a waini.

6 Kanilezi ba te ngalo, Hi nga ta kunwa a waini; hakuba Jonadaba a nisanyana wa Rekabe, a dadani wa hina, i leletele hina, aku, Nwina mu nga ta kunwa a waini, ge nwina, ge ni barisanyana ba nwina kala kupinzuka:

7 Ge hambu nwina mu nga ta aka a yindlu, ge ni ku byala a mbewu, ge ni kubyala a xivina; ge hambu ni ku kuma ncumo wonkle a masiku mu ta tsama lomo matenteni; kasi ma fela kuhanya a malembe yo tala lomo tikweni lego nwina mu nga balobeli.

8 Na hina hi ingisile a mhaka ya Jonadaba a nisanyana wa Rekabe, a dadani wa hina, a ka zonkle lezo a leleteleko hina, a ku nganwi a waini wonkle a masiku ya hina, hina, ni basati ba hina, ni barisanyana ba hina, kutani ni banhanyana ba hina;

9 Ge hambu a kuaka a tindlu ta hina a ku tsama ka tona; ge hina a kuba

- ni zivina, ge ni masimu, ge ni mbe-wu :
- 10 Kanilezi hi akile lomo matenteni, hi ingisile hi kukotisa hi ka zonkle lezo Jonadaba a dadani wa hina a leleteleko hina.
 - 11 Kanilezi na ku mahisile lezo, laha na Nebukadnezzare a hosi ya le Babuloni a kanziyile a tile lomo tikweni, lezaku hi te ngalo, Ngonani, a hi yeni le Jerusalema hi ku caba a impi ya ma Kaldea, ni ku caba a impi ya ma Siria; zingaho hi lo aka le Jerusalema.
 - 12 Zonake ku lota a mhaka ya ka Jehova a ka Jeremia, yiku,
 - 13 Zakungahi a wulako Jehova wa mabandla, a Nungungulu wa ka Israeli: Famba, u ya wula ka banhu ba ka Juda ni ba akileko ba le Jerusalema, Nwinawu kasi mu nga ta ingisa a gonziselelo a ku ingisa a ka mhaka ya mina ke? ku wula Jehova.
 - 14 A mhaka ya Jonadaba nisanyana wa Rekabe, leyo yena a leleteleko a barisanyana ba yena, ge a kunwa waini, ti hlaysilwe; kala ka legi siku a ba nwangi, hakuba bona ba ingisileko a kuleletela ka dadani wa-bye. Kanilezi mina nzi wulawulile a ka nwina, nzi vuka punzwini wa mixo nzi wulawula; na nwina a mu ingisangi ka mina.
 - 15 Na nzi rumile kambe ka nwina wonkle a malanza ya mina a baprofeti, nzi ba vuxa na ga hi mixo nzi ba ruma, nziku Ktelani makunu bonklelele banhu tindleleni ta-bye ta kubiha, mu lukela a zimaho za nwina, mu nga fambi mu lanzela a ba-nwan banungungulu ni kozela bona, na nwina mu ta tsama lomu tikweni legi nzi nyikileko nwina ni badadani ba nwina; kanilezi nwina a mu pumunhangi a ndlebe ya nwina, ge ni ku ingisa a ka mina.
 - 16 Hakuba kwatsi kalokoke kota lezi a barisanyana ba ka Jonadaba a nisanyana wa Rekabe, ba hlaysileko a xileletelo xa dadani wa-bye lexo a leleteleko bona, kanilezi laba banhu a ba ingisangi a ka mina;
 - 17 Hikwalaho zakungahi a wulako Jehova, a Nungungulu wa mabandla, a Nungungulu wa ka Israeli, Languta, nzi ta neha hehla ka Juda, ni hehla ka bonkle a bankileko ba Jerusalema konkle kubiha loku nzi klatlambuteleko nzi vukela bona;

hakuba nzi wulileko ka bona, kani-lezi bona a bazwangi; hakuba nzi bitanile ka bona, kanilezi a ba hlamlangi.

- 18 Na Jeremia i te ngalo ka yindlu ya ka Rekabe, Zakungahi a wulako Jehova wa mabandla, a Nungungulu wa ka Israeli: hakuba nwina mu ingisileko a kuleletela ka Jonadaba a dadani wa nwina, mu hlaysileko zonkle a zilayelo za yena, mu mahileko kukotisa hi ka zonkle lezo a leleteleko nwina;
- 19 Hikwalaho zakungahi a wulako Jehova wa mabandla, a Nungungulu wa ka Israeli: Jonadaba a nisanyana wa ka Rekabe a nga ta laba a nisanyana wa ku yima mahlweni ka mina kala kupinzuka.

XIIMO 36.

- 1 Na ku mahisile lezo hi ka lembe ga munc ga Jehoiakimu a nisanyana wa ka Josia, a hosi ya ka Juda, lezaku leyi a mhaka yi lota ka Jeremia hi le ka Jehova, yiku,
- 2 Teka a wu songilweko wa buku, u tsalela tonkle a timhaka leti nzi wulawulileko a ka wena nzi vukela Israeli, ni kuvukela Juda, ni ku vukela a mifumo yonkle, ku sukela a ka siku legi nzi nga wulawulile ka wena, ku sukela masikwini ya ka Josia, kala ka legi siku.
- 3 Kona gimbesiku a yindlu ya ka Juda yi nga ingisa a kubiha loku nzi xubileko ku maha ha bona; kasi ba fela a kulelela bonklelele banhu le ndleleni ya-bye yi bihileko; kasi nza fela kutsetselela a kugoba kabye ni kuonha kabye.
- 4 Zonake Jeremia i lo bitana Baruke a nisanyana wa Neria; na Baruke i lo tsala hi le nonwini wa Jeremia tonkle a timhaka ta ka Jehova, leto yena a wulawulileko a ka yena, hehla ka songelwa wa buku.
- 5 Na Jeremia i lo leletela Baruke, aku, mina nzi kotselwe; a nzi na kuya lomo ndlwini ya ka Jehova:
- 6 Hikwalaho famba wena, u ya gonza hi lomo songelweni, lowu wena u tsaleleko hi le nonwini wa mina, a timhaka ta ka Jehova a tindlebeni ta banhu lomo ndlwini ya ka Jehova hi ka siku ga kuyila; ni kambe wena u ta gonza tona lomo tindlebeni ta bonkle ba ka Juda labo ba humeleko i lomo mitini ya-bye.

- 7 Gimbesiku ba nga neha a mkongeleliselelo yabye a mahlweni ka Jehova, ni ku klela bonklelele tindlebeni tabye ta kubiha; hakubanjahombe a zanga ni kulo legi Jehova a klaklambutelilekoa vukela laba banhu.
- 8 Na Baruke a nisanyana wa Neria i lo maha kukotisa hi ka zonkle lezi Jeremia a muprofeti a leleteleko yena, i lo gonza lomo bukwini a timhaka ta ka Jehova lomo ndlwini ya ka Jehova.
- 9 Na ku malisile lezo hi ka lembe ga wunklanu ga ka Jehotakimu a nisanyana wa Josia, a hosi ya ka Juda, hi hweti ya nklanu ni mune, lezaku bonkle banhu le Jerusalema, ni bonkle banhu labo ba tileko hi lomo mitini ya ka Juda le Jerusalema, ba lobahungu hi ku yila mahlweni ka Jehova.
- 10 Zonake ku lo gonza Baruke lomo bukwini ga timhaka ta ka Jeremia lomo ndlwini ya ka Jehova, lomo tsawini ga ka Gemaria a nisanyana wa Xafani a mutsali, le hubyeni ya le hehla, le wuengenweni ga nyangwa yiswa ya yindlu ya ka Jehova, lomo tindlebeni ta bonkle banhu.
- 11 Ni laba Mikaia a nisanyana wa Gemaria, a nisanyana wa Xafani, a nga wa zwile hi lomo bukwini tonkle a timhaka ta Jehova,
- 12 Yena i lo relela aya le ndlwini ya hosi, lomo ndlwini ya mutsali: ni, mangabye, ni tonkle a tihosana ti wa tsamile lomo, a wumboni, Elixama a mutsali, na Delaia a nisanyana wa Xemaia, na Elnatani a nisanyana wa Akbora, na Gemaria a nisanyana wa Xafani, na Zedekia a nisanyana wa Hanania, ni tonkle a tihosana.
- 13 Zonake Mikaia i lo klaklambutela a ka bona tonkle a timhaka leto a ti zwileko, laha Baruke a nga wa gonza buku a tindlebeni ta banhu.
- 14 Hikwala a tihosana tonkle ti lo rumela Jehudi a nisanyana wa Netania, a nisanyana wa Xelemia, a nisanyana wa Kuxe, a ka Baruke, baku, Teka a canjeni ga wena a songelwa lowu wena u gonzileko tindlebeni ta banhu, uta, Zingaho Baruke a nisanyana wa Neria i lo teka a buku a canjeni ga yena, i lotta a ka bona.
- 15 Na bona ba te ngalo ka yena tsama lahasi makunu, ni ku gonza tona lomu tindlebeni ta hina. Zingaho Baruke i lo gonza lomu tindlebeni ta bona.
- 16 Na ku mahisile lezo, laha bona ba nga wa zwile tonkle leti timhaka, ba hunzuluka hi kucaba ka munwe ni munwani, ba te ngalo ka Baruke, Hina ha kunene hi ta byela a hosi hi tonkle leti timhaka.
- 17 Na bona ba lo wutisa Baruke, baku, Byela hina makunu, Hiyini u tsalileko tonkle leti a timhaka nozwini wa yena ke?
- 18 Zonake Baruke i lo hlamula bona, Yena i lo wulawula leti timhaka ka mina hi le nozwini wa yena, na mina nzi lo tsala hi tinta lomo bukwini.
- 19 Zonake ku wula a tihosana a ka Baruke, Famba, u ya ti fihla wena, na Jeremia; nga a nga hi kona a munhu a ku tibako laho mu nga kona.
- 20 Na bona ba loya le hosini lomo hubyeni; kanilezi bona ba wa beki le a buku lomo ndlwini ka Elixama a mutsali; na bona ba lo byela tonkle a timhaka lomo tindlebeni ta hosi.
- 21 Zingaho a hosi yi lo rumela Jehudi a kuya neha a buku; yena i loya teka gona lomo ndlwini ya Elixama a mutsali. Na Jehudi lo gonza gona lomo tindlebeni ta hosi, ni tindlebeni ta tihosana leto ti yimile maklelweni ya hosi.
- 22 Makunu a hosi yi wa tsamile lomo ndlwini ya wuxika hi hweti ya nklanu ni mune: ni laho ku wa hi nzilo le kumbarini wu vurako mahlweni ka yena.
- 23 Na ku mahisile lezo, laha Jehudi a gonzile a tihehesi tinharu kutani mune, lezaku a hosi yi lo tsema tona hi gadlani, i lo hoxa tona laha nzilweni lowo wu nga wa hi laha kumbarini, kala gonkle buku giswa hi nzilo lowu nga laha kumbarini.
- 24 Na bona ba wa nga cabangi, ge ni ku hanzula a tinguwo tabye, ge hambu u hosi, ge hambu ni munwe wa malanza ya yena laya ma zwileko leti timhaka.
- 25 Klatakumbiri Elnatani na Delaia na Gemaria ba wa mahile a kongeleliso ka hosi lezaku a nga hisi a buku; kanilezi yena i wa nga a ngazwi bona.
- 26 Ni hosi yi lo leletela Jerahmeeli a nisanyana wa hosi, na Seraia a nisanyana wa Azrieli, na Xelemia a nisanyana wa Abdeeli, a ku teka Bu-

- ruke a mutsali na Jeremia a muprofeti; kanilezi Jehova i lo fihla bona.
- 27 Zonake a mhaka ya ka Jehova yi leta a ka Jeremia, a nzako kakuba a hosi yi hisile a songelwa, ni timhaka leto Baruke a nga wa tsalile hi lomo nonwini wa Jeremia, aku,
- 28 Teka kambe wena a ginwani buku, u tsala a ka gona a timhaka to sangula leto ti nga wa hi ka ga kuranga, lego Jehoiakimu a hosi ya ka Juda a hisileko.
- 29 Na hi xungetano na Jehoiakimu a hosi ya ka Juda wena u ta wula, Zakungahi a wulako Jehova: Wena u hisile legi buku, uku, Hiyini wena u tsalileko, uku, A hosi ya le Babuloni hakunene yi tata yi ta lobisa legi tiko, ni ku maha ku kawula hi leno a ni zihari ke?
- 30 Hikwalaho zakungahi a wulako Jehova a xungetano na Jehoiakimu a hosi ya ka Juda: Yena a nga ta kuba ni wa kuba a ta tsama xitsanzweni xa wukosi xa Davida; ni xirumbi xakwe xi ta hoxwa lahandle munwini xi hiswa, ni laha wusikwini xi tazwa xibabe.
- 31 Nzi ta tsayisa yena ni mbewu ya yena ni malanza ya yena hi kugolia kabye; na mina nzi ta neha hehla ka bona, ni hehla ka bukileko ba le Jerusalema ni hehla ka bonkle a banhu ba ka Juda, konkle a kubiha loku nzi wulawulileko nzi vukela bona, kanilezi bona a bazwangi.
- 32 Zonake ku lo teka Jeremia a ginwani a buku, i lo nyika gona a ka Baruke a mutsali, a nisanyana wa Neria, loye a nga tsalile hi nonwini wa Jeremia tonkle a timhaka ta buku lego Jehoiakimu a hosi ya Juda a nga wa hi swile hi uzilo; ni laho ku wa lo engetelwa hi lahandle ka tona a to tala to fanana na tona.

XIPIMO 37.

- 1 Na Zedekia a nisanyana wa Josia i lo fuma kwatsi i hosi, a xikundleni xa Konia a nisanyana wa Jehoiakimu, loye Nebukadrezzare i lo mu maha a hosi lomo tikweni ga ka Juda.
- 2 Kanilezi ge yena, ge hambu a malanza ya yena, ge hambu banhu ba tiko, ba wa nga ingisangi a ka timhaka ta Jehova leto yena a wulawulileko hi muprofeti Jeremia.
- 3 Na Zedekia a hosi i lo rumela Je-

- hukali a nisanyana wa Xelemia, na Zefania a nisanyana wa Maaseia, a mupristi, a ka muprofeti Jeremia, aku, Kombela makunu a ka Jehova a Nungungulu wa hina ha hina.
- 4 Makunu Jeremia i lo engena i lo huma xikari ka banhu; hakuba bona ba wa nga bekangi yena lomo paxweni.
- 5 Ni impi ya Faro yi wa humela yita hi le Gipite; ni laha a ma Kaldea ma nga wa vimbezele a Jerusalema ma nga wa zwile a mahungu ya kona, bona ba lo kwemuka ba suka Jerusalema.
- 6 Zonake ku leta mhaka ya Jehova a ka muprofeti Jeremia, yiku,
- 7 Zakungahi a wulako Jehova, a Nungungulu wa ka Israeli, Zakungahi nwina mu ta nga wula a ka hosi ya ka Juda, leyo yi rumeleko nwina a ka mina a ku ta wutisa ha mina: Languta a impi ya Faro, leyi yitako a ku ta vunatela nwina, yi ta klelela le Gipite a tikweni ga yona awinyi.
- 8 Ni ma Kaldea ma tata kambe, ni kulwa ma vukela lowu a muti; na bona ba ta teka wona, ni ku hisa wona hi nzilo.
- 9 Zakungahi a wulako Jehova, mu nga kohlisi a wutsumbu ga nwina, muku, A ma Kaldea mu ta suka a ka hina; hakuba wona ma nga ta suka.
- 10 Hambuloku nwina mu tsuwulile a impi yonkle ya ma Kaldea leyi yi lwako yi vukela nwina, kanilezi labo ku sele a banhu ba tikuberi xikari kabye, kasike bonkle ba ta vumbuluka ba yima lomo tenteni ga yena ni ku hisa lowu muti hi nzilo.
- 11 Na ku mahisile lezo lezaku, laha na impi ya ma Kaldea yi kwemukile Jerusalema hi ku caba a impi ya Faro,
- 12 Zonake Jeremia i lo suka a huma lomo Jerusalema kuya lomo tikweni ga ka Benjamini, a ku amukela a xabelo leyo, a xikari ka banhu.
- 13 Ni laha yena a nga wa hi lomo nyangweni ya ka Benjamini, ni nduna ya kurinzela yi wa hi kona leyo, loye a bito ga yena a nga wa Irija, a nisanyana wa ka Xelemia, a nisanyana wa Hanania; yena i lo koma Jeremia a muprofeti, aku, Wena u nyemuka u ya ka ma Kaldea,
- 14 Zonake ku lo wula Jeremia, Kona mawunwa; mina a nzi nyemuki nzi

- ya ka ma Kaldea. Kanilezi yena i wa nga ingisangi a ka yena; zingaho Irija i lo koma Jeremia, i lo neha yena a ka tihosana.
- 15 Ni tihosana ti wa lo zangara ha Jeremia, ba loba yena, ba lo mu engenisa lomo paxweni lomo ndlwini ya Jonatani a mutsali; hakuba bona ba wa mahile yona a paxo.
- 16 Ni laha na Jeremia na a tile lomo ndlwini ya xingulumela, lomo nkeleni, na Jeremia i lo tsama leyo a masiku yo tala;
- 17 Zonake Zedekia a hosi i lo rumela, i lo teka yena: zonake a hosi yi lo wutisa yena xikundleni lomo ndlwini ya yena, i te ngalo, A ku kona laho a mhaka ya kuta hi le ka Jehova ke? Na Jeremia i te ngalo, Yi kona. Yena i te ngalo kambe, Na wena u ta nyikelwa a canjeni ga hosi ya le Babuloni.
- 18 Klatakumbiri Jeremia i te ngalo ka hosi Zedekia, Xini lexi mina nzi onhileko nzi vukela wena, kutani nzi vukela a malanza ya wena, kutani a banhu ba wena, lezo nwina mu bekileko mina lomo paxweni ke?
- 19 Ba kwihi a baprofeti ba nwina labo ba profetako a ka nwina, baku, A hosi ya le Babuloni yi nga tata yi vukela nwina, ni kuvukela legi tiko ke?
- 20 Ni makunu zwana, nza kombela wena, O nwinyi a hosi wa mina a hosi: nga a kukongelelisa ka mina, nza kombela, ku xalaleka a mahlweni ka wena, lezaku u maha mina nzi kleleli lomo ndlwini ya Jonatani a mutsali, ku nga taku nzifa leyo.
- 21 Zonake Zedekia a hosi i lo leletela, zonake ba lo engenisa Jeremia lomo hubyeni ya murinzeli; ba lo mu nyika a kowo wa xibaba masiku wonkle xa le pangweni ga mubiki, kala zonkle a zibaba lomo mutini zi wa mbetekile, Zakungahi a nga wa tsamisile zona Jeremia lomo hubyeni ya murinzeli.

XIIMO 38.

- 1 Na Xefatia a nisanyana wa Mattani, na Gedalia a nisanyana wa Paxhura, na Jukali a nisanyana wa Xelamia, na Paxhura a nisanyana Milkija, ba lozwa a timbaka leto Jeremia a nga wa ti wulawulile a ka banhu, aku,
- 2 Zakungahi a wulako Jehova, Yena loye a tsamako mutini i tafa hi supa-

- do, hi ndlala, hi mitungu; kanilezi yena loye a yako ka ma Kaldea i ta hanya, ni wutomi ga yena gi ta ba pfimba ka yena, na yena i ta hanya.
- 3 Zakungahi a wulako Jehova, lowu a muti hakunene wu ta nyikelwa a canjeni ga impi ya hosi ya le Babuloni, na yena i ta teka wona,
- 4 Zonake a tihosana ti te ngalo ka hosi, Nga loyi munhu, ha kombela wena, a dawa; hakuba yena ma mbeta ntamo a mandla ya ba banuna ba kulwa labo ba seleko lomo mutini lowu, ni mandla ya banhu bonkle, a kuwulawuleni a timbaka ta kungahi ka bona: hakuba loyi munhu a nga wulawuli a kusasa hi banhu ba ka kabye, kanilezi a wulala.
- 5 Na Zedekia a hosi i te ngalo, Langu-ta, yena i kona lomo canjeni ga nwina; hakuba a hosi a hi yona leyo yi nga mahako ncumo yi vukela nwina.
- 6 Zonake ba lo teka bona Jeremia, ba la hoxa yena lomo xingulumeni xa Milkija a nisanyana wa hosi, lexo xi nga wa hi lomo hubyeni ya murenzeli: na bona ba lo relelisa Jeremia hi tingoti. Ni lomo xingulumeleni lexo laho ku wa nga hi kona a mati kanilezi marope; na Jeremia i lo njibila lomo maropeni.
- 7 Makunu laha Ebed-meleki a mu Etiopia, a nduna, loye a nga wa hi lomo ndlwini ya hosi, na a zwile lezaku bona ba engenisa Jeremia lomo paxweni (a hosi zonake yi wa tsamile lomo nyangweni ya ka Benjamini),
- 8 Ebed-meleki i huma a suka hi le ndlwini ya hosi, i lo wulawula a ka hosi, aku,
- 9 Nwinyi wa mina a hosi, laba banhu ba mahile a kubiha a ka zonkle lezo ba mahileko a ka Jeremia a muprofeti, loye bona ba mu hoxileko lomo xingulumeleni; yena a ku fanana ni kufa a ka wutsamo lego a nga ka gona, hakuba hi ndlala; hakuba laho a ku kono kambe xibaba lomo mutini.
- 10 Zonake a hosi yi lo leletela Ebed-meleki a mu Etiopia, aku, Teka hi leno a makumi manharu ya banhu zinwe na wena, mu ya pikutsula a huma Jeremia a muprofeti a huma lomo xingulumeleni, hi mahlweni na a nga se kufa.
- 11 Zingaho Ebed-meleki i lo teka a ba banuna zinwe naye, i loya le ndlwini

- ya hosi lahasi ka yindlu ya bako, i lo teka leyo a zicakatsi za tinguwo to hlakala, i lo relelisa tona hi tingoti le xinguluneleni a ka Jeremia.
- 12 Na Ebed-meleki a mu Etiopia i te ngalo ka Jeremia, Bekela makunu lezi zicakati za tinguwo to hlakala hi lomo makahalení ya wena lahasi ka tingoti. Na Jeremia i lo maha zaku-ngaho.
- 13 Zingaho bona ba lo koka Jeremia hi tingoti, ba lo humesa yena lomo xinguluneleni: na Jeremia i lo tsama lomo hubyeni ya murinzeli.
- 14 Zonake Zedekia a hosi i lo rumela, i loya teka Jeremia a muprofeti a ka yena leyo wuengenweni ga wunharu ga yindlu ya ka Jehova: ni hosi yi te ngalo ka Jeremia, Nzi ta wutisa wena a xilo; u nga fihli a ncumo le ka mina.
- 15 Zonake Jeremia i te ngalo ka Zedekia, loku mina nzi klaklambuta kona a ka wena, wena hakunene u nga ta daya mina ke? ni loku nzi ku nyika a wusungukati, wena u nga ta ingisa ka mina.
- 16 Zingaho Zedekia a hosi lo hlambanya xikundleni a ka Jeremia, aku, kwatsi hi lezi Jehova a hanyako, loyea mahileko hina lowu muhefemulo, nzi nga ta daya wena, ge nzi nga ta ku nyikela ga laba banhu ba hlotalo a muhefemulo wa wena.
- 17 Zonake ku lo wula Jeremia a ka Zedekia, Zakungahi a wulako Jehova, a Nungungulu wa mabandla, a Nungungulu wa ka Israeli; loku wena u huma u famba ka tihosana ta hosi ya le Babuloni zonake a muhefemulo wa wena wu ta hanyana, ni lowu a muti wu nga ta kuswa hi nzilo; na wena u ta hanya, ni yindlu ya wena.
- 18 Kanilezi loku wena u nga ta humi uya ka tihosana ta hosi ya le Babuloni, zonake lowu a muti wu ta nyikela a canjeni ga ma Kaldea, na bona ba ta hisa wena hi nzilo, na wena u nga ta pona huma a canjeni ga/ye.
- 19 Na Zedekia a hosi i te ngalo ka Jeremia, Nzi caba a ba Juda labo ba nyemukileko haya ka ma Kaldea, ku nga taku ba nyikela mina canjeni ga/ye, na bona ba tseketsela mina.
- 20 Kanilezi Jeremia i te ngalo, Bona ba nga ta nyikela wena. Ingisa, nza kongotehi wena, a mhaka ya ka Jehova, a ka lezo mina nzi wulawulako a ka wena: zingaho ku taba kwatsi zinwe na wena, ni muhefemulo wa wena wu ta hanya.
- 21 Kanilezi loku wena u ala a kuya, leyi hi mhaka leyi Jehova a kombisileko mina:
- 22 Languta, bonkle babasati labo ba siyilweko lomo ndlwini ya hosi ya ka Juda ba ta nehwa mahiweni ka tihosana ta hosi ya ye Babuloni, labo ba babasati ba ta wula, a bangana ba wena u tolobeleneko nabo ba rumele wena, ba hlulile behla ka wena: makunu a mikonzo ya wena yi nyupele maropeni, yona yi hunzulukile yiku gangatsala.
- 23 Na bona ba ta neha bonkle a basati ba wena ni banana ba wena a ka ma Kaldea; na wena u nga ta pona a canjeni ga bona, kanilezi u ta tekiwa hi canja ga hosi ya le Babuloni: na wena u ta maha lowu a muti a ku hisiwa hi nzilo.
- 24 Zonake ku lo wula Zedekia a ka Jeremia, Nga a nga hi kona a munhu a tiba leti a timhaka, na wena u nga tafa.
- 25 Kanilezi loku a tihosana tizwa lezaku nzi wulawulile zinwe na wena, na bona bata ka wena, ba ku wula ka wena, klaklambuta a ka hina makunu lezaku wena u wulileko a ka hosi; u nga fihli a ka hina, na hina hi nga ta daya wena; ni kambe zakuyini lezo a hosi yi wulawulileko ka wena.
- 26 Zonake wena u ta wula ka bona. Nzi lo yisa a mikongetelelo ya mina a ka hosi lezaku yena a nga mahi mina nzi klela nziya le ndlwini ya ka Jonatani, a ku yafa leyo.
- 27 Zonake ku lota tonkle a tihosana a ka Jeremia, ti wutisa yena; yena i lo byela kukotisa hi ka timhaka leto a hosi yi leleteleko. Zingaho ba lo tsika a kuwulawula zinwe na yena; hakuba a mhaka yi wa tibyiwangi.
- 28 Zingaho Jeremia i lo tsama lomo hubyeni ya murinzeli kala lego a siku a Jerusalema gi nga wa tekilwe.

XIPIMO 39.

Na ku mahisile lezo laba a Jerusalema gi nga wa tikilwe

- 1 (Hi ka lembe ya nklanu ni mune ya Zedekia a hosi ya ka Juda, a ka hweti ya kume, i lota Nebukadrezzare a hosi ya le Babuloni zinwe ni

JEREMIA, 40.

- yonkile a impi ya yena, a vukela a Jerusalema i lo vimbezela gona ;
- 2 Hi ka kume ni ginwe e lembe ga ka Zedekia, a ka hweti ya mune, a ka nklanu ni mune a siku ga hweti a mole wu wa lo mahiwa lomo muti-ni),
- 3 Lezaku tonkile a tihosana ta hosi ya le Babuloni ti lo eugena, ti lo tsama laha nyangweni ya laha xikari, a wumboni, Nergal-xarezeri, Samgar-nebo, Sarsecima, Rab-sarisi, Nergal-xarezeri, Rab-magi, zinwe ni tonkile tihosana ta le Babuloni.
- 4 Na ku mahisile lezo lezaku, Laha Zedekia a hosi ya ka Juda ni bonkile a ba banuna ba impi ba nga wa wonile bona, zonake ba lo panzanyeka, ba lo huma lahandle ka muti ni wusiku, hindlela ya simu ya hosi, ba fohla hi laha nyangweni leyi yi klabiketileko a tigingisi timbiri ; yena i lo huma a tsutsuma ngomama ni le Arabia.
- 5 Kanilezi a impi ya ma Kaldea yi lo hlolongisa bona, yi lo ya koma Zedekia lomo mikobeni ya le Jeriko : ni laha bona ba nga wa tikile yena, ba lo mu neha yena le ka Nebukadrezzare a hosi ya le Babuloni le Ribla le tikweni ga le Hamate ; i lo nyela a kulamula yena.
- 6 Zonake a hosi ya le Babuloni yi lo daya a barisanyana ba ka Zedekia mahlweni ka mahlo ya yena : kambe ni hosi ya le Babuloni yi lo daya bonkile ba dzunzekileko ba ka Juda.
- 7 Klatakumbiri yena i lo boxa a mahlo ya Zedekia, i lo boha yena hi tisinga, i lo rwala yena a mu yisa le Babuloni.
- 8 Ni ma Kaldea ma lo hisa a yindlu ya hosi, ni tindlu ya banhu, hi nzilo, ba lo tsoba lahasi a tigingisi ta le Jerusalema.
- 9 Zonake Nebuzaradani a nduna ya barinzeli i lo gotsa a bakonwi a ba yisa le Babuloni a misalela ya banhu labo ba seleko lomo mutini, ni bapfuki labo ba nga nyemukela a ka yena, ni misalela ya banhu labo ba seleko.
- 10 Kanilezi Nebuzaradani a nduna ya barinzeli i lo siya laba ba zisiwana ba banhu, labo ba nga hiko na ncumo, lomo tikweni ga ka Juda, ni kuba nyika a zivina ni masimu a ka xwalexo xikati.
- 11 Makunu Nebukadrezzare a hosi ya Babuloni i nyika a kuleletela hi xungetano na Jeremia ka Nebuzaradani a nduna ya barinzeli, aku,
- 12 Teka yena, u cuwuka kwatsi ha yena u nga mahi yena a mhango ; kanilezi maha a ka yena kwatsi hilezi a ta nga wula a ka wena.
- 13 Zingaho Nebuzaradani a nduna ya barinzeli i rumela, na Nebuxazbani, Rab-sarisi, na Nergal-xarezeri, Rab-magi, ni tonkile a tihosi ta zigela za hosi ya le Babuloni ;
- 14 Na bona ba lo rumela, ba lo ya teka Jeremia a huma le hubyeni ya barinzeli ba lo nyikela ka Gedalia, a nisanyana wa ka Ahikamu, nisanyana wa Xafani, lezaku yena i wa ta nga a teka yena kasi wa teka yena le kaya. Zingaho a fela ku tsama xikari banhu.
- 15 Makunu a mhaka ya ka Jehova yi lota ka Jeremia, laha a nga wa hu valelwe lomo hubyeni ya barinzeli, yiku,
- 16 Famba, u ya wulawula ka Ebed-meleki a mu Etiopia, uku, Zakungahi a wulako Nungungulu wa mabandla, a Nungungulu wa ka Israeli : Languta, nzi ta neha a mliaka ya mina a ka lowu muti hi kubiha, ge a hi kusasa ; tona ti ta mbeteka a mahlweni a ka lego siku.
- 17 Kanilezi nzi ta klaklisa wena a ka lego siku, ku wula Jehova ; na wena u nga ta nyikelwa a canjeni ga banhu labo wena u ba cabako.
- 18 Hakuba mina hakunene nzi ta hanyisa wena, na wena u nga ta kuwa hi supado, kanilezi a wutomi ga wena gi ta pfimba ka wena ; hakuba u bekile a kutsumba ka wena ka mina, ku wula Jehova.

XIPIMO 40.

- 1 A mhaka leyo yi tileko a ka Jeremia hi le Jehova, a nzako kakuba Nebuzaradani a nduna ya barinzeli na a vumela yena a famba le Rama, laha na tekile yena na bohilwe hi mangelje xikari ka bakonwi ba ka bonkilelele Jerusalema ni Juda, labo ba gotsilwe a bakonwi le Babuloni.
- 2 Ni nduna ya barinzeli i lo teka Jeremia, i te ngalo ka yena, Jehova a Nungungulu wa wena i klaklambutile loku a kubiha hehla ka legi wutsamo ;
- 3 Na Jehova i nehile kona, i mahile

- kukotisa lezi yena a wulawulileko : hakuba zwina mu onhile mu vukela Jehova, mu nga ingisangiko a gezu ga yena, hikwalaho lezi zilo zi tile hehla ka zwina.
- 4 Ni makunu, languta, nza klaklisa wena kusukela ka legi siku le mangeleni laya ma nga wa hi canjeni ga wena. Loku zi kwatsi zinene ka wena a kuta zinwe na mina le Babuloni, ngona, na nzi ta cuwuka kwatsi ha wena ; kanilezi loku zi bihile ka wena a ku famba na mina le Babuloni, tsama : languta, gonkle tiko gi le mahlweni ka wena, laho ku wonkako kwatsi kunene ka wena ku famba, famba leyo.
- 5 Makunu laha yena a nga wa seku klela, Klela zonake, ku wula yena, ka Gedalia a nisanyana wa Ahikamu, a nisanyana wa Xafani, loye a hosi ya le Babuloni yi nga wa mu mahile a mufumeli wa miti ya le Juda, u ya tsama zinwe na yena xikari ka banhu ; kutani a kuya laha zi wonkako kwatsi zinene ka wena a kuya. Zingaho a nduna ya bari-nzeli yi lo mu nyika a timbuba ni zinyikiwo, i lo vumela yena ku famba.
- 6 Zonake i lo famba Jeremia a ka Gedalia a nisanyana wa Ahikamu le Mizpa, i loya tsama zinwe na yena xikari ka banhu labo ba nga wa sele lomo tikweni.
- 7 Makunu laha a tinduna ta mabandla leto ti nga wa hi lomo kwatini, yena bona ni banhu babye, ba zwile lezaku a hosi ya le Babuloni yi mahile Gedalia a nisanyana wa Ahikamu a mufumeli lomo tikweni, ni lezaku i nyikile a ka yena ba banu-na, ni ba basati, ni banana, ni lebo ba zisiwana nguvu ba tiko, ba bona labo ba nga kala a kugotsiwa bakonwi ba yiswa le Babuloni ;
- 8 Zonake bona ba lota ka Gedalia le Mizpa, a wumboni, Ixmaeli a nisanyana wa Netania, na Johanani na Jonatani barisanyana ba Karea, na Seraia a nisanyana wa Tanhumete, ni ba barisanyana ba ka Efai, a mu Netofate, na Jezania a nisanyana wa mu Maakate, bona zinwe ni banhu babye.
- 9 Na Gedalia a nisanyana wa Ahikamu nisanyana wa Xafani i lo hlambanya ka bona ni ka banhu babye, aku, mu nga cabe a kukozela a ma
- Kaldea : tsamani lomo tikweni, ni ku kozela a hosi ya le Babuloni, na kona ku taba kwatsi ha zwina.
- 10 Kwatsi ha mina, languta, nzi ta tsama le Mizpa, nzi ta yima mahlweni ka ma Kaldea laya ma ta ngata a ka hina ; kanilezi zwina, roelani mu kamela a waini ni muhanzo ya ximumu ni mafura, ni ku beka zona lomo zibyenyezi za zwina, ni aka lomo mitini ya zwina leyo mu yi tekileko.
- 11 Zingaho ni ba Juda labo ba na nga leyo Moabi, ni xikari ka banana ba ka Ammoni, ni Edome na bona bonkle labo ba na nga matikweni wonkle ba zwile lezaku a hosi ya le Babuloni yi siyile a misalela le Juda ni lezaku yena i bekile hehla kabye Gedalia a nisanyana wa Ahikamu, a nisanyana wa Xafani ;
- 12 Zonake bonkle a ba Juda ba lo klela hi ka wutsamo gonkle lego ba nga wa hlongolilwe, ba lota le tikweni ga ka Juda, a ka Gedalia, le Mizpa, ba ta hlengeletela a waini ni mihanzo ya ximumu nguvu.
- 13 Klatakumbiri Johanani a nisanyana wa Karea, ni tonkle a tinduna ta mabandla lawo ma nga wa hi lomo kwatini, ba lota ka Gedalia le Mizpa,
- 14 Na te ngalo ka yena, Wa zi tiba lezaku Baalisi a hosi ya le banana ba ka Ammoni i rumile Ixmaeli a nisanyana wa Netania a ku teka a wutomi ga wena ke? Kanilezi Gedalia a nisanyana wa ka Ahikamu i wa nga kolwangi bona.
- 15 Zonake Johanani a nisanyana wa Karea i lo wulawula ka Gedalia le Mizpa hi le xikundleni, aku, Nga mina nzi famba nza kombela wena, nzi ta daya Ixmaeli a nisanyana wa Netania, a nga kona munhu a ta nga tiba kona : ngahilezo i ta gi tekela yini a wutomi ga wena, lezaku bonkle a ba Juda labo ba tsombanyi-seleneko ka wena ba wa ta nga ba hangalaka, ni misalela ya ka Juda yi loba ke?
- 16 Kanilezi Gedalia a nisanyana wa Ahikamu i te ngalo ka Johanani a nisanyana wa Karea, wena u nga mahe lexi xilo ; hakuba wena u wulawula a mawunwa ha Ixmaeli.

XIPIMO 41.

- 1 Makunu na ku mahisile lezo hi ka hweti ya nkhanu ni timbiri, lezaku Ixmaeli a nisanyana wa ka Netania,

JEREMIA, 41.

- a nisanyana wa ka Elixama, wa mbe-wu ya ba ka mukulu, a muzwe wa tinduna ta hombe ta hosi, ni kume ga banhu zinwe naye, ba lotta ka Gedalia a nisanyana wa Ahikamu le Mizpa; leyo ba loga a zibaba katigi-nwe le Mizpa.
- 2 Zonake i lo suka Ixmaeli a nisanya-na wa Netania, ni kume ga ba banu-na labo ba nga wa hi zinwe na yena, ba lo daya Gedalia a nisanyana wa ka Ahikamu, a nisanyana wa Xafani hi supado, ba lo gwaza yena, loye a hosi ya le Babuloni yi mu mahileko a mufumeli wa tiko.
- 3 Na Ixmaeli kambe i lo daya bonkle a ba Juda ba nga wa hi zinwe na yena, a wumboni, zinwe na Gedalia, le Mizpa, ni ma Kaldea lawo ma nga wa kumilwe leyo, a ba banuna ba impi.
- 4 Na ku mahisile lezo hi siku ga mambiri laha na yena na a dele Gedalia ku wa nga hi kona munhu a nga wa zi tiba,
- 5 Lezaku laho ku lotta a banhu hi le Xekemi, hi Xilo, ni le Samaria, a klanu wa makume ni manharu a banhu, na zilevu zabye na zi cingilwe na tinguwo zabye na ti hanzulwe, na ba tsemelele a wutsumbu gabye, zinwe ni munyikelo wa tinzhoho i pepo canjeni gabye, a ku neha kona lomo ndlwinl ya ka Jehova.
- 6 Na Ixmaeli a nisanyana wa Netania i lo huma hi le Mizpa a kuklanganyeta bona, na a rila ndleleni yonkle: na ku mahisile lezo kwatsi hilezi a nga wa klangana zinwe nabo, yena i te ngalo ka bona, Tanani ka Gedalia a nisanyana wa Ahikamu.
- 7 Na ku wa ngaho, laha bona ba nga wa tile xikari ka muti, lezaku Ixmaeli a nisanyana wa Netania i lo daya bona, i lo hoxa bona lomo xikari ka rinzi, yena, ni ba banuna labo ba nga wa hi zinwe na yena.
- 8 Kanilezi kume ga ba banuna ba lo kumiwa xikari ka bona labo ba tengalo ka Ixmaeli u nga daye hina, U nga daye hina, hakuba hi mabako laya hi mafihileko lomo kwatini ya mabele, ni barle, ni mafura, ni wulombe. Zingaho yena i lo ba tsika, i wa nga dayangi bona xikari ka bamakabye babye.
- 9 Makunu rinzi legi Ixmaeli a nga wa hoxile zonkle a zirumbi lezo a nga wa zi dele, hi le klelweni ga Gedalia, (gwalego hi legi Asa a hosi a nga wa gi mahile hi kucaba Baaxa a hosi ya ka Israeli), na Ixmaeli a nisanyana wa ka Netania i lo tatisa gona ha bona labo ba nga wa delwe.
- 10 Zonake Ixmaeli i lo gotsa bakonwi yonkle a misalela ya banhu labo ba nga wa hi le Mizpa, na banhanyana ba hosi bonkle banhu labo ba nga wa sele le Mizpa, labo Nebuzaradani a nduna ya banyakasani a nga wa ba nyikile ka Gedalia a nisanyana wa ka Ahikamu; Ixmaeli a nisanyana wa ka Netania i lo gotsa bona a bakonwi, i lo suka a famba ka banana ba ka Ammoni.
- 11 Kanilezi laha Johanani a nisanyana wa Karea, ni tonkle a tinduna ta impi leto ti nga wa hi zinwe na yena, na ba zwile hi konkle a kubihah loku Ixmaeli a nisanyana wa ka Netania a ku mahileko,
- 12 Zonake ba lo teka bonkle, ba loya kulwa na Ixmaeli a nisanyana wa Netania, ba loya kuma yena hi le mamatini ya hombe laya ma nga le Gibeoni.
- 13 Makunu na ku mahisile lezo lezaku, laha a banhu bonkle labo ba nga wa hi na Ixmaeli na ba wonile Johanani a nisanyana wa Karea, ni tonkle a tinduna ta impi leto ti nga wa hi zinwe na yena, ba lo tsaka.
- 14 Zingaho bonkle a banhu labo Ixmaeli a nga wa ba gotsile a bakonwi hi le Mizpa ba lo renzela ba lo klela, ba loya ka Johanani a nisanyana wa Karea.
- 15 Kanilezi Ixmaeli a nisanyana wa ka Netania i lo pona canjeni ga Johanani zinwe ni nklanu ni banharu a banhu, i loya le ka banana ba ka Ammoni.
- 16 Zonake i lo teka Johanani a nisanyana wa Karea, ni tonkle a tinduna ta mabandla leto ti nga wa hi zinwe na yena, a misalela ya banhu labo yena a nga ponisa a ka Ixmaeli a nisanyana wa Netania, hi Mizpa, a nzako kakuba a dele Gedalia a nisanyana wa ka Ahikamu, a wumboni, a ba banuna ba impi, ni ba basati, ni banana, ni tinduna, labo a nga wa ba klelisile hi le Gibeoni.
- 17 Na bona ba lo suka, ba loya aka le Gerute Cimhame, lego gi nga wa hi le Betlehema, a kuya ba engena le Gipite,
- 18 Hakuba hi ma Kaldea; hakuba bo-

na ba wa caba ha bona, hakuba Ixmaeli a nisanyana wa Netania de-le Gedalia a nisanyana wa Ahikamu, loye a hosi ya le Babuloni yi nga wa mu mahile a hosi ya tiko.

XIPIMO 42.

- 1 Zonake tonkle a tinduna ta mabandla, na Johanani a nisanyana wa Karea, na Jezania a nisanyana Hoxaia, ni bonkle banhu kusukela ka batsongwanani ku kala ka laba ba hombe, ba lo tsinela ku suhi,
- 2 Na ba te ngalo ka Jeremia a muprofeti, Nga, hina ha kombela wena, a kongeleliso wa hina wu xalalisa mahlweni ka wena, u kombelela hina a ka Jehova a Nungungulu wa wena, yona yonkle leyi a misalela (hakuba hi siyilwe ba tsongwanyani hi ka banyingi, kwatsi a mahlo ya wena ma cuwuka hina,)
- 3 Lezaku Jehova a Nungungulu wa wena i ta kombisa hina a ndlela leyo hi nga ta nga hi famba ha yona, ni xilo lexo hi nga ta nga hi maha xona.
- 4 Zonake Jeremia a muprofeti i te ngalo ka bona, Nzi zwile nwina; languta, nzi ta kombela a ka Jehova a Nungungulu wa nwina hi xungetano zinwe hi timhaka ta nwina; na ku ta mahisile kani hi zihile lezo Jehova a ta nga hlamula nwina, nzi ta zi klaklambuta ka nwina, nzi nga ta fihla ncumo a ka nwina.
- 5 Zonake bona ba te ngalo ka Jeremia, Jehova abezineneni kubaakustumnyu a kolekileko a ka hina, loku hi nga mahi hi kukotisa hi ka tonkle a timhaka Jehova a Nungungulu a ta nga rumela wena ka hina.
- 6 Hambu kakubazinene, hambu kakuba za haba, hi ta ingisa a gezu ga Jehova a Nungungulu wa hina, a ka wihi hi rumelako wena; kasi ku fela a kube kwatsi ha hina, laha ha ingisa a gezu ga Jehova a Nungungulu wa hina.
- 7 Na ku mahisile lezo a nzako kume ga masiku, lezaku a mhaka ya ka Jehova yi lota ka Jeremia.
- 8 Zonake i lo bitana yena Johanani a nisanyana wa Karea, ni tonkle a tinduna ta mabandla leto ti nga wa hi zinwe na yena, bonkle a banhu kusukela ka batsongwani ku kala ka ba hombe,
- 9 I te ngalo ka bona, Zakungahi a wu-

lako Jehova, a Nungungulu wa ka Israeli, a ka wihi nwina mu rumela a ku yisa a mukongelelisiso wa nwina ka yena:

- 10 Loku nwina mu nonohisa mu tsama ka legi tiko, zonake nzi ta aka nwina, nzi ta nga ta kokeli nwina lahasi, kanilezi nzi dyala nwina, kanilezi nzi nga ta tsuwula nwina; hakuba nzi hunzulukile a ka kubiha loku nzi ku mahileko ka nwina.
- 11 Mu nga cabe hi hosi ya le Babuloni, a ka wihi yena nwina mu cabako; mu nga cabyise ha yena, ku wula Jehova: hakuba nzi nwina a kuponisa nwina ni ku klaklisa nwina le canjeni ga yena.
- 12 Nzi ta nyika nwina a titralo, kasi a be ni titralo a ka nwina, ku maha nwina mu klelela a tikweni ga nwina.
- 13 Kanilezi loku nwina, muku, Hina hi nga ta tsama lomu tikweni legi; zingaho lezo mu ingisi a gezu ga Jehova a Nungungulu wa nwina.
- 14 Muku, Kokwihi; hi ta famba le tikweni ga le Gipite, laho hi ta kala ni ku wona a impi, ge ni kuzwa a punzu wa paratana, ge ni kuzwa a ndlala ya zibaba; ni le hi ta ya aka:
- 15 Makunu hikwalaho ingisangi a mhaka ya ka Jehova, O nwina misalela ya Juda; zakungahi a wulako Jehova wa mabandla, a Nungungulu wa ka Israeli, Loku nwina hakunene mu rumela a ngohe ya nwina a kuya le Gipite, muya maha balubeli leyo;
- 16 Zonake ku ta na ku mahisile lezo, lezaku a supado leyo nwina mu yi cabako, yi ta kamanyeta nwina leyo lomo tikweni ga le Gipite; ni ndlala leyo nwina mu yi cabako, yi ta lanzela nwina hi kutsingisilweko leyo le Gipite; ni leyo nwina mu ta kufa.
- 17 Zingaho ku taba lezo hi bonkle banhu labo ba rumelako a ngohe tingohe tabye le Gipite a ku maha tinzhubeti leyo: bona ba tafa hi supado, a ndlala, ni mitungu; a nga kona wa bona a ta nga sala kutani kupona a ka kubiha loku nzi ta nga ku neha hehla ka bona.
- 18 Hakuba zakungahi ku wulako Jehova, wa mabandla, a Nungungulu wa ka Israeli: Kwatsi hilezi a zanga ya mina ni kulo ga mina si halakileko hehla ka baakileko ba le Jerusalema, zingaho a zanga ya mina yi ta huma yi halaka hehla ka nwina, laha mu ta nga engena le Gipite; na

JEREMIA, 44.

- nwina mu ta maha kuxeluzwa ni mahanjalatiso, ni nzukano, ni zimunzulukiso; na nwina mu nga ta ha engeta mu wona legi a wutsamo.*
- 19 Jehova i wulawulile hi xungetano ziwwe na *nwina*, O misalela ya ka *Juda*, Mu nga famba *nwina* le *Gipite*: tibani zi dlunyatiswa lezaku nzi kustumunyile a ka *nwina* legi siku.
- 20 Hakuba *nwina* mu mahile hi kukohlisilweko mu vukela a mihefemulo ya *nwina* benyi; hakuba *nwina* mu rumile mina a ka *Jehova* a *Nungungulu* wa *nwina*, muku, *Kombela* hina a ka *Jehova* a *Nungungulu* wa hina; ni kukotisa hi ka zonkle lezo *Jehova* a *Nungungulu* wa hina a ta nga wula, zingaho *klaklambuta* a ka hina, na hina hi ta maha zona.
- 21 Na mina legi siku nzi *klaklambutile* ka *nwina*, kanilezi *nwina* a mu ingisangi a gezu ga ka *Jehova* a *Nungungulu* wa *nwina* ni ka xihilexo yena a nzi rumeleko xona a ka *nwina*.
- 22 Makunu tibani hakunene lezaku *nwina* mu tafa hi supado, hi ndlala, hi mitungu, a ka wutsamo lego *nwina* mu xubako a ku maha balubeli laho.

XIPIMO 43.

- 1 Na ku mahisile lezo lezaku, laha *Jeremia* a nga wa mahile ku gumelwa a ku wulawula bonkle banhu le timhaka ta ka *Jehova* a *Nungungulu* wabye, leto ha tona *Jehova* a *Nungungulu* wabye a rumileko yena ka bona, tona tonkle leti timhaka,
- 2 Zonake ku lo wulawula *Azaria* a nisanyana wa *Hoxaia*, na *Johanani* a nisanyana wa *Karea*, ni bonkle a banhu ba matsanza, baku ka *Jeremia*, Wena u wulawula hi kukohlisilweko: *Jehova* a *Nungungulu* a nga rumangi wena a ku wula, *Nwina* mu nga ta kuya le *Gipite* a kuya maha balubeli leyo;
- 3 Kanilezi *Baruke* a nisanyana wa ka *Neria* i rumile wena kuvukela hina, a ku nyikela hina a canjeni ga ma *Kaldea*, kasi bona ba fela a ku daya hina, ba gotsa hina a bakonwi le *Babuloni*.
- 4 Zingaho *Johanani* a nisanyana wa ka *Karea*, ni tonkle a tinduna ta mabandla; ni bonkle banhu, a ba ingisangi a ka gezu ga ka *Jehova*, a kutsama lomo tikweni ga ka *Juda*.
- 5 Kanilezi *Johanani* a nisanyana wa *Karea*, ni tonkle a tinduna ta maba-

- ndla*, ni bonkle banhu, ba lo teka yonkle a misalela ya ka *Juda*, leyo yonkle yi klelileko hi leyo matikweni lawo ba nga wa hlougolelwe konna, akuba ba ta tsama lomo tikweni ga ka *Juda*;
- 6 Ba banuna, ni ba basati, ni banana ni banhanyana ba hosi, ni bonklelele banhu labo *Nebuzaradani* a nduna ya banyakasani a nga wa ba siyile na *Gedalia* a nisanyana wa *Ahikamu*, a nisanyana wa *Xafani*, na *Jeremia* a muprofeti, na *Baruke* a nisanyana wa *Neria*.
- 7 Na bona ba lota lomo tikweni ga le *Gipite*; hakuba bona a ba ingisangi a ka gezu ga ka *Jehova*: ba lota ka *Tahpanhesi*.
- 8 Zonake ku lota a mhaka ya *Jehova* ka *Jeremia* le *Tahpanhesi*, yiku,
- 9 Teka a maribye ya hombe a canjeni ga wena, ni ku fihla wona lomo ka wumba lego ba wumbako a zitini lego gi nga le wuengenweni ga yindlu ya *Faro* le *Tahpanhesi*, a kuwoneni ka banhu ba ka *Juda*;
- 10 U wula ka bona, *Zakungahi* a wulako *Jehova* wa mabandla, a *Nungungulu* wa ka *Israeli*: *Languta*, nzi ta rumela nzi ya te *Nebukadrezzare* a hosi ya le *Babuloni*, a nanza ga mina, i ta yimisa a xitsamo xa wukosi xa yena hehla ka maribye laha nzi ma fihleleko; i ta andlala a xilubelo xa yena xa wukosi hehla ka wona.
- 11 Yena i tata, i ta hlasela a tiko ga le *Gipite*; labo ba kufa ba ta nyikelwa ka kufa, ni labo ba bakonwi ba ta nyikelwa ka bakonwi, ni labo ba supado ba ta nyikelwa supadweni.
- 12 Nzi ta dzibela a nzilo lomo ndlwini ya banungungulu ba le *Gipite* na yena i ta hisa bona, i ta gotsa bona baya bakonwi: i ta hlasela a wutsumbu ga yena lomo tikweni ga le *Gipite*, kwatsi hi murisi a mbalako a nguwo ya yena; i ta suka a famba hi leno hi kurula.
- 13 Yena kambe i ta tsoba a timbinga ta le *Bete-xemexe*, leto ti nga lomo tikweni ga *Gipite*; ni tindlu ta banungungulu ba le *Gipite* ti ta hiswa hi nzilo.

XIPIMO 44.

- 1 A mhaka leyo yi tileko ka *Jeremia* hi xungetano ni ba *Juda* bonkle labo ba nga lo tikweni ga le *Gipite*, labo ba akileko le *Migdoli*, ni le *Ta-*

- hpanhesi, ni le Memfisi, ni le tikweni ga le Patrosi, aku,
- 2 Zakungahi a wulako Jehova wa mabandla, a Nungungulu wa ka Israeli: Nwina mu wonile konkle a kubiha loku nzi nehileko le Jerusalema, ni le hehla ka miti yonkle ya ka Juda; ni, languta, legi siku yona yi hahlukile, a nga kona munhu a kileko kona,
- 3 Hakuba hi kubihisisa kabye loku bona ba ku mahileko a ku vindlukisa mina ku zangara a ka lezo bona ba nga famba a kuya hisa a tibani, ni kukozela a banwani banungungulu, labo bona ba nga tibiko, ge bona, ge nwina, ge ni badadani ba nwina.
- 4 Ahembalokoke nzi lo rumela a malanza ya mina a baprofeti, nzi ba vuxa punzwini wa mixi, nzi rumela bona, nziku, O, mu nga mahi lezi zilo za manyalatana lezi nzi zi bengako.
- 5 Kanilezi bona a ba zwangi, ge ni pumunha a ndlebe yabye ba klela kubihisiseni kabye, a ku nga hisi a tibani a ka banungungulu banwani.
- 6 Ngahilezo a zanga ya mina ni kulo ga mina gi locululeka, gi dzibelwa lomo mitini ya ka Juda ni lomo mapangweni ya le Jerusalema; bona ba hahlukile ba hangalakile, kwatsi hilezi ku nga lezo legi siku.
- 7 Hikwalaho makunu zakungahi a wulako Jehova, a Nungungulu wa mabandla, a Nungungulu wa ka Israeli: Mu mahile loku a kubiha ka hombe mu vukela a mihefemulo ya nwina benyi ke, a ku tsewa xikari ka ba banuna ba nwina ni ba basati a tisanani baanwako, ba huma xikari ka ba Juda, a ku siyela nwina a wa ku kala a nga salangi;
- 8 A ka lexo lezako mu vindlukisile mina ku zangara hi mitiro ya mandla ya nwina, mu hisa a libani le ka banwani banungungulu le tikweni ga le Gipite, leyo nwina mu yileko a ku ya lubela; kasi nwina ma fela kutsewa; kasi ma fela ku maha a nzukano ni kutseketselwa xikari ka tonkle a tixaka ta misaba ke?
- 9 Nwina mu ribakelwe hi kubihisisa ka badadani ba nwina, ni kubihisisa ka tihosi ta ka Juda, ni kubihisisa ka basati ba/ye, ni kubihisisa ka nwina benyi, ni kubihisisa ka basati ba nwina, loku bona ba ku mahileko lomo tikweni ga Juda, ni lomo mapangweni ya Jerusalema ke?
- 10 Bona a ba tikoramisangi hambu ni legi siku, ge hambu bona a ba cabi, ge ni ku famba hi nawo wa mina, ge ni le zilayelweni za mina, lezo nzi bekileko mahlweni ka nwina ni mahlweni ka badadani ba nwina.
- 11 Hikwalaho zakungahi a wulako Jehova wa mabandla, a Nungungulu wa ka Israeli: Languta, nzi ta rumela a ngohe ya mina a kuvukela hi kubiha, kona a ku tsema wonkle Juda.
- 12 Nzi ta teka a misalela ya ka Juda, leyo yi tekileko a ngohe ya yona a ku yisa le Gipite a kuya lubela kona, leyo bonkle ba ta lobyiswa; le tikweni ga le Gipite bona ba ta kuwa; ba ta lobyiswa hi supado na hi ndlala; bona ba ta kufa, kusukela ka batsongwani kala ka laba ba hombe, hi supado na hi ndlala; na bona ba ta kuba hleleleko, ni mahanjalatiso, ni nzukano, ni kuxeluzwa.
- 13 Hakuba nzi ta tsayisa bona labo akileko lomo tikweni ga le Gipite, kwatsi hilezi nzi tsayisileko a Jerusalema, hi supado, ni ndlala, hi mitungu;
- 14 Zingaho lezo ku nga ta kuba kona a wa salela wa ka Juda, lowo wu yileko le tikweni ga le Gipite a ku ya lubela leyo, a ta nga pona kutani ku siyiwa, a kuba a klelela le tikweni ga ka Juda, a ka gihi bona ba na ni kuxuba a ku klela a kuya aka leyo: hakuba a nga kona a ta nga klela, saseka labo ba ta nga klela.
- 15 Zonake bonkle a ba banuna labo ba nga wa zi tibile lezaku a basati babye ba hisile a libani ka banwani banungungulu, ni bonkle a ba basati labo ba yimileko, a tsimbano wa hombe, bona bonkle a banhu labo ba akileko lomo tikweni ga le Gipite, ni lomo Patrosi, ba lo hlamula Jeremia, baku,
- 16 Kwatsi hi ka mhaka leyo u yi wulawulileko a ka hina lomo bitweni ga ka Jehova, hina hi nga ta ingisa a ka wena.
- 17 Kanilezi hakunene hi ta maha tonklelele a timhaka leto ti humako hi lomu milonzwini ya hina, a kubisa a tibani a ka muzinza wa le tilweni, ni culula a minyikelo ya kunwa ka yena, kwatsi hilezi hina hi mahileko, hina ni badadani ba hina, a tihosi ta hina ni tihosana ta hina, lomo mitini ya ka Juda ni lomo mapangweni ya le Jerusalema; hakuba

- zonake ha kuma a kuga ko tala, ni ta kuba batsi, hi nga woni a kubiha.
- 18 Kanilezi cima hi tsika a kuhisa a libani ka muzinza wa le tilweni, ni ku culula a minyikelo ya kunwa ka yena, hina ha vumala zonkile zilo, hi lobyisilwe hi supado, na hi ndlala, na hi mitingu.
- 19 Ni laba hina hi nyikeleko a ka muzinza wa le tilweni ni ku culula a minyikelo ya kunwa ka yena, hina hi wa lo maha a zikeketselo a kuzela yena, ni ku culula a minyikelo ya kunwa ka yena, hi lahandle ka banuna ba hina ke?
- 20 Zonake Jeremia i te ngalo ka bonkle banhu, a ka ba banuna, ni ka ba basati, kona ka bonkle banhu labo ba nyikileko yena loko kuhlamlala, aku,
- 21 A tibani leto nwina mu hisileko lomo mitini ya ka Juda, ni lomo mapangweni ya le Jerusalema, nwina ni badadani ba nwina, ni tihosi ta nwina ni tihosana ta nwina, ni banhu ba tiko, Jehova i wa nga alakanyangi bona, a kutangi lomo kupimeni ka yena ke?
- 22 Zingaho lezo Jehova i wa nga a nga longolokangi a timisela, hakuba hi kubiha ka zimaho za nwina, hakuba hi manyalatanisecelo laya nwina mu ma mahileko; hikwalaho a tiko ga nwina gi mahile a marumbi, a manjanjalataniso, a nzukano, gi nga hi na baakileko, kwatsi hilezi gi nga lezo a ka legi siku.
- 23 Hakuba nwina mu hisileko a tibani ni hakuba nwina mu onhile mu vukela a Jehova, na mu nga ingisangi a ka gezi ga ka Jehova, ge ni ku famba hi nawo wa yena, ge na hi zilayelo za yena, ge na hi zikustumunyelolo za yena; hikwalaho loku a kubiha ku humelele ka nwina, nga hilezi zi nga lezo legi siku.
- 24 Klatakumbiri Jeremia i te ngalo ka bonkle, ni ka bonkle ba basati, Zwanani a mhaka ya ka Jehova, nwenkle Juda laba mu nga lomu tikweni ga Gipite:
- 25 Zakungahi a wulako Jehova wa mandla, a Nungungulu wa ka Israeli, aku, Nwina ni basati ba nwina mu wulawulile hi milomu ya nwina, ni mandla ya nwina mu tatisile kona, muku, Hina hakunene hi ta maha a xifungo xa hina lexo hi fungileko, a ku hisa a libani a ka muzinza wa le tilweni, ni culula a minyikelo ya hina ya kunwa a ka yena: tiyisani zonake a zifungo za nwina, mahani a zifungo za nwina.
- 26 Hikwalaho zwanani nwina a mhaka ya ka Jehova, nwenkle Juda labo mu tsamileko lomu tikweni ga le Gipite: Languta, nzi hlambanyile hi bito ga mina ga hombe, ku wula Jehova, lezaku a bito ga mina gi nga ta ha engeta kambe gi bitanwa, hi nomu ni wa wihi a munhu wa ka Juda loye a nga lomo tikweni ga le Gipite, aku, Kwatsi hi lezi a Hosi Jehova a hanyako.
- 27 Languta, nzi ta rinzela hehla ka bona hi kubiha, na ku nga hi kusasa: bonkle banhu ba ka Juda laba ba nga lomo tikweni ga le Gipite ba lobyiswa hi supado ni ndlala, ku kala laho ku hi kona ku mbeteka ka bona.
- 28 Na bona labo ba ponileko a supado ba ta klela lomu tikweni ga Gipite baya tikweni ga Juda, na ba hi zarwana hi tsengo; ni yonkle a misalela ya ka Juda, leyo yi yileko leyo tikweni ga le Gipite a ku ya maha balubeli leyo, yi ta tiba lezaku hi ya mani a mhaka yi ta nga yima, kutani hi ya mina, kutani hi yabye.
- 29 Ni lexi ku taba a xiwoniso ka nwina, ku wula Jehova, lezaku nzi ta tsayisa nwina a ka legi wutsamo, kasi ma fela ku zi tiba lezaku a mhaka ya mina hakunene yi ta yima yi vukela nwina hi kubiha:
- 30 Zakungahi a wulako Jehova, Languta, nzi ta nyikela Faro Hofra, a hosi ya le Gipite a canjeni ga balala ba yena, ni canjeni ga bona labo ba hlota a wutomi ga yena; kwatsi hilezi nzi nyikeleko Zedekia a hosi ya ka Juda a canjeni ga Nebukadrezare a hosi ya le Babuloni, loye a nga wa hi nala wa yena, a hlota a wutomi ga yena.

XIPIMO 45.

- 1 A mhaka leyo Jeremia a muprofeti a nga wulawula ka Baruke a nisananyana wa ka Neria, laha a nga wa tsala leti a timhaka hi lomo bukwinini lomo nonwini wa Jeremia, hi ka mune wa malembe ya ka Jehoiakimu a nisananyana wa ka Josia, a hosi ya ka Juda, aku,
- 2 Zakungahi a wula Jehova, a Nungungulu wa ka Israeli, a ka wena, O Baruke:
- 3 Wena u wulako, Kombo ka mina

makunu! hakuba Jehova i engetela a makombo kubayiseni ka mina; minawu nzi karele hi hlokiselelo ya mina, kanilezi a nzi kumi a kuhumula.

- 4 Zakungahi wena u ta nga wula ka yena, Zakungahi a wulako Jehova: Languta, lexo nzi akileko nza ta kungumula, lexo nzi byeleko nza ta tsuwula; ni lexi a ka tiko gonkle.
- 5 Wa hlota wena a zilo za hombe a ka wutsumbu ga wena ke? u nga hlota zona: hakuba, languta, uza neha kubiha hehla ka nyama yonkle, ku wula Jehova; kanilezi a wutomi ga wena nzi ta nyika ka wena akuba a pfimba a wutsanweni gonkle laho wena u yako.

XIPIMO 46.

- 1 A mhaka ya ka Jehova leyo yi ngata ka Jeremia muprofeti hi xungetano ni mifumo.
- 2 A wa le Gipite: xungetano ni impi ya Faro-neko a hosi ya le Gipite, leyo yi nga wa hi le congweni ya Eufate le Karcemixe, leyo Nebukadrezzare a nga yi hlasela, hi ka lembe ga mune ga Jehoiakimu a nisananyana wa Josia, a hosi ya ka Juda.
- 3 Longisani nwina a tingenge ni ziklangu, tsinelani ku suhi kulweni.
- 4 Bohelani a mahaxi, mu kanyisa, nwina ba banuna ba mahaxi, mu huma mu yima ni zivikelo za nwina, mu hlakareta a maklari ya nwina, mu ambala a baji ga xiketse.
- 5 Ngahilezo nzi wonile kona? ba tsemekile hlana ba fularile ha xinzakwana; ni babanuna babye ba tinhenha ba klobyilwe lahasi, ba tsutsume kule, ba nga cuwukangi le nzako: ni tsisiselo wu lomo maklelweni wole, ku wula Jehova.
- 6 Nga a ba mazambu ba nga tsutsumi, ge ni tinhenha ta ba banuna ti nga poni; le nwalungu hi congo wa Eufate bona ba retemukile ba wile.
- 7 Himani loye a kukumukako kwatsi i Naile, lowo a mamati ya wona ma vindlulako a wutsumbu ga wona kwatsi micongo.
- 8 A Gipite gi kukumukile kwatsi i Naile, ni mamati ya gona ma vindlukile a wutsumbu ga wona ku fanana ni micongo: na yena i te ngalo, Nzi ta kukumuka, nzi ta kubunyeta a misaba, nzi ta lobisa a miti ni bakileko ba yona.

- 9 Kanziyani, mahaxi, ni kucibirika, nwina tikareta; nga ba banuna ba tinhenha ba hloma: Kuxe na Pute, labo ba klemmerelako a ziklangu; na Ludima, labo ba klemmerelako ba kondla mawura.
- 10 Hakuba lego i siku ga hosi, Jehova wa mandla i siku ga poteliseliso, lezaku yena i ta potela yena a ka balala ba yena: ni supado yi ta kadamula yi nariswa, yi tanwa yi tala yona hi nkata wabye; hakuba a Hosi, Jehova wa mabandla, i na ni pahlelo leyo tikweni ga le nwalungu hi le congweni Eufate.
- 11 Kanziyani muya le Gilcade, mu ya teka muri, O mubulwanhwana wa le Gipite: hi ku nganyawuli wa maha a miri yo tala; laho a ku kona a kucunwa ka wena.
- 12 A mifumo yi zwile hi tingana ta wena, ni misaba yi tele hi huwa ya wena; hakuba a ba banuna ba retemukile ba vukela a tinhenha ni bonkle ba bona ba wile katiginye.
- 13 A mhaka leyo Jehova a nga wawulawulile a ka Jeremia a muprofeti, lezaku i ta tisa ku yini Nebukadrezzare a hosi ya le Babuloni i wa ta nga a tisa kuyini a ta hlasela a tiko ga le Gipite.
- 14 Klaklambuta nwina ba le Gipite, mu banyibo le Migdole, mu banyibo le Memfisi ni le Tahpanhesi: wulani nwina mu yima muku tseka, ni kulongisela wena; hakuba a supado yi kadamule yi ranzela wena.
- 15 Hiyini a tinhenha ta wena ti swiyeleweko ke? bona a ba yimangi, Haku ba Jehova a hlengoleko bona.
- 16 Yena i mahile a banyingi ku retemukile, ina, bona ba su wela hehla ka muwe ni muwani: na bona ba te ngalo, Suka, a hi fambe kambe a ka banhu ba ka hina, ni le tikweni ga wumilwa ga hina, hi suka tsimbekelelelweni wa supado.
- 17 Bona ba bahuwa leyo, Faro a hosi ya le Gipite i hi guwa ntsena; yena i mahile a xikati xi yimisileweko xi hunza.
- 18 Kwatsi hilezi nzi hanyako, ku wula a Hosi, loye a bito ga yena a na nga Jehova wa mabandla, hakunene ku fanana ni Tabora xikari ka zitsunga, na Karmeli hi le bimbini, zingaho yena i tata.
- 19 O nhwana wena loye u akileko leyo

Gipite, bombisa a wutsumbu ga wena a kuya kukonweni; hakuba Memfisi i ta maha a hahlukileko, i ta hiswa, ku hi haba baakileko.

- 20 A Gipite i mburi ya rogana; kanilezi a lobyiselelo wa le nwalungu wata, wona wata.
- 21 Kambe a ba banuna ba gona ba kurihwa ba lo nzeni ka gona kwatsi marongana ya lomu rangeni; hakuba ba fularile hlana, ba tsutsumile kutigizwe, a ba wa nga yimangi: hakuba a siku ga hlokiselelo wabye gi kamanyetile bona, a xikati xa enze-liselelo wabye.
- 22 A guwa ga kona gi ta famba kwatsi i nyoka; hakuba kona ku ta kangatiwa ku fambya hi maklari ku ta tsenwa yena hi zihloka, kwatsi hi mutseni wa tihunyi.
- 23 Ba ta tsemelela a makwati ya yena, ku wula Jehova, hambulezo gi nga kotwiko a ku kambiwa; hakuba bona ba tele ku hunza a humbi, ba nga hiko na ku hlaiwa.
- 24 A nhwana wa le Gipite i ta wiswa tingana; yena i ta nyikelwa a ka banhu ba le nwalungu.
- 25 Jehova wa mabandla, a Nungungulu wa ka Israeli, a wulako: Languta, nzi ta mu tsayisa Amoni wo No, ni Faro, ni Gipite, zinwe ni banungungulu ba yena, ni tihosi ta yena; Faro na bona labo ba tsumbako ka yena:
- 26 Nzi ta nyikela bona a canjeni ga labo ba hlotako a wutomi gabye ni le canjeni ga Nebukadrezzare a hosi ya le Babuloni, ni le canjeni ga malanza ya yena; a nzako ka lezo gona gi ta akiwa kambe, kwatsi hi masikwini ya kale ku wula Jehova.
- 27 Kanilezi u nga cabi wena, O Jakobe nanza ga mina, ge u mbeli a ntamo, O Israeli: hakuba, mangabye, nzi ta hanyisa wena hi le kule, ni mbewu ya wena le tikweni wukonwi gabye: na Jakobe i ta klela, i ta rutisa a be kunareni, a nga kona a ta nga maha yena a cabiyswa.
- 28 U nga cabe wena, O Jakobe nanza ga mina, ku wula Jehova; hakuba nzi mina nzi nga zinwe na wena: hakuba nzi ta maha a gumelwiselo wu teleko wa tixaka tonkle leto nzi hlongoleleko wena kona, kanilezi nzi ta luleka wena lomu xiringanyisweni, nzi nga ta ku tsika u nga tsayangyi.

XIPIMO 47.

- 1 A mbaka ya ka Jehova yi nga wa tile ka Jeremia muprofeti hi xungeano zinwe ni ma Filisti, hi mahlweni na Faro a nga se ku hlasela Gaza.
- 2 Zakungahi a wulako Jehova: Languta, a mamati ma kukumukako hi le nwalungu, ma ta maha a nambo wu teleko, wu ta pupumela lomo tikweni ni ka zonkle lezi zi nga ka gona, ni muti ni ka bona labo ba tsamileko ka wona; ni banhu ba ta bahuwa ni bonkle baakileko ba tiko ba rila.
- 3 Le zigingini za mahaxi ya yena ya ntamo, le kutsutsumeni ka tikareta ta yena, le xinziwanziwaneni xa maranzani ya yena, ni badadani ba nga ta cuwuka lenzako ka banana hi kumbeteka ka mandla;
- 4 Hakuba hi ka siku lego gi tako a ku ta mbetisa wonkle a ma Filisti, a ku tsema hi le Tire ni Sidoni bonklelele bavuni labo ba seleko; hakuba Jehova i ta lobisa a ma Filisti, a misalela ya le xihlalani Kaftore.
- 5 A zisapazi kamanyetile Gaza; Axkeloni i nehilwe kukoyameni, a misalela ya mikoba yabye: ku ta kala ku kuyini wena u ta tsema a wutsumbu ga wena ke?
- 6 O wena supado ya ka Jehova, ku ta longoloka ku kuyini hi mahlweni na u nga se ku gumesa ke? koceta a wutsumbu ga wena lomo kocelweni wa wena, humula, u ku nja.
- 7 U ta rutisisa ku yini wena, na u wona lezaku Jehova i nyikile wena a tiro ke? A kulwa ni Axkeloni, ni kulwa ni fungu wa bimbi, laho yona yi leletelweko kona.

XIPIMO 48.

- 1 Ha Moabi. Zakungahi a wulako wa mabandla, a Nungungulu wa ka Israeli: Kombo ka Nebo! hakuba gona gi sele marumbi; Kiriataime gi celilwe tingana, gi tikilwe; Misgaba gi celilwe tingana gi kungumulwe.
- 2 A wudumo ga Moabi a ga ha hi kona kambe; Hexboni bona ba hlebele xikungo ba vukela yena: Ngona, nga hi ta tsema yena a nga bi mufumo. Wenawu kambe, O Madmeni, u ta nehiwa kurutiseni; a supado yi hlongolisa wena.
- 3 A guwa ga huwa le Horinaime, a hahlukelelo ni lobyiselelo wa hombe!

- 4 Moabi i lo lobyisilwe; a banana ba yena ba mahilwe a huwa yi zwiwa.
- 5 Hakuba hi wukanziyo ga le Luhite hi xirilo xa simamiselo bona ba ta-ya behla. Hakuba le wurelelweni ga Horonaime ba zwile a hlokiselelo ya huwa ya lobyiseleliso.
- 6 Tsutsumani, mu ponisa a wutomi ga nwina, mu fanana ni byanye lomo xiwuleni.
- 7 Hilezi, hakuba wena u tsumbileko a mitirweni ya wena ni le mabakweni ya wena, wenawu kambe u ta tekiwa: na Cemoxe i ta gotsiwa a mukonwi, a bapristi ba yena ni tihosana ta yena katiginwe.
- 8 Ni mulobisi i tata kamanyeta a miti yonkolelele, a wu kona a muti wu ta nga pona; a mikoba kambe yi ta mbemba, ni tiwua ti ta lobyiswa; kwatsi hilezi Jehova a wulileko.
- 9 Nyikani a tipapa ka Moabi, lezaku yena i ta puruma a teka a ndlela ya yena: ni miti ya yena yi ta maha a lobyiselelo, ku nga hi kona wa kuaka kona.
- 10 I rukatelilwe loye a mahako a tiro wa ka Jehova kwatsanyana; i rukatelilwe loye a kobetako a supado ya yena le nkateni.
- 11 Moabi i wa la su rakabala ku sukela a wunwananeni ga yena, i wa la su aka kufunzameni ka yena, cima i wa nga kamiwangi ku sukela ka xibya hi xibya, ge cima yena a nga yangi wukonwini; hikwalaho a nzo-ombo wa yena wa ha la su kutsuna, ni wukanziyo ga yena a gi hunzuluswani.
- 12 Hikwalaho, languta, a ma siku mata, ku wula Jehova, lego nzi ta rumela a ka yena labo ba cululako, na bona ba ta mu culula yena; na bona ba ta miyeta a zibya za yena, ba ta fanya a mabotori ya yena a zipanzana.
- 13 Na Moabi i ta ba ni tingana ha Cemoxe, kwatsi hi yindlu ya ka Israeli yi na nga ni tingana ha Beteli a kutsumba kabye.
- 14 Mu wulisa ku yini nwina, Hina hi banhu ba tinhenha, a ba banuna ba cibirikako impini ke?
- 15 Moabi i sele marumbi, bona ba kanziyile mitini, ni majaha ya yena mahlawulilweko ma relele maya klabiselelweni, ku wula a Hosi, loye a bito a na nga Jehova wa mabana/la.
- 16 A mbembiselelo wa Moabi wu tsine-
- le kusuhani, ni hlokiseleliso wata hi xikanzakanya.
- 17 Nwenkle nwina labo mu mu ranzeleko, rilelani yena, na nwina nwenkle labo mu tibako a bito ga yena; wulani, Yi tsobekisile kuyini a nhonga ya ntamo, a nhonga ya wumburi!
- 18 O wena nhanyana loye u akileko leyo Diboni, relela lahasi hi leyo wukosini ga wena, u tsama le toreni; hakuba a mulobisi wa Moabi i tile ku vukela wena, yena i lobisile a tingingisi ta wena.
- 19 O baakileko ba le Aroera, yimani bi laha ndleleni, ni ku rinzela: wutisa yena loye a tsutsumako, ni loye a ponako; uku, Zini zi mahakileko ke?
- 20 Moabi i wisilwe tingana; hakuba gona gi tsobyilwe: banani huwa ni kurila; wulani ha gona hi le Arnoni, lezaku Moabi gi sele marumbi.
- 21 A lamuliselelo wu tile behla ka tiko ga mikoba, hehla ka Holoni, ni hehla ka Jahza, ni hehla ka Mefaate.
- 22 Hehla ka Diboni, ni hehla ka Nebo, ni hehla ka Bet-diblataime,
- 23 Ni hehla ka Kiriataime, ni hehla ka Bet-gamula, ni hehla ka Bet-meon,
- 24 Ni hehla ka Keriote, ni hehla ka Bozra, ni hehla ka miti ya tiko ga le Moabi, a kule kutani kusuhani.
- 25 A mhonzo la Moabi li tsewile, ni woko ga yena gi tsobyilwe ku wula Jehova.
- 26 Mahelani yena nwina a ngoma; hakuba wa kukumuxa a wutsumbu ga yena a vukela Jehova: na Moabi i ta puluwunza mahlateni ya yena, na yena kambe i taba kuhlelelekeni.
- 27 Hakuba Israeli i wa nga hi kuhlelelekeni a ka wena ke? yena i wa kumilwe xikari ka makambe ke? hakuba kwatsi hi xikanzakanya lexi wena u wulawulako ha yena, wena wa zibiza hloko.
- 28 O nwina a baakileko ba le Moabi, tsikani a miti, mu aka lomo mikoboklweni; mu fanana ni tuba lego gi akako a xisaka xa gona hehla ka nomu wa kobokobo.
- 29 Hina hi zwile hi matsanza ya Moabi, lezaku yena nga ku ngunguzala nguunguzala nguvu; a kukumuki seleselo wa yena, ni matsanza ya yena, ni wunguxu ga yena, ni kloti ga mbilu ya yena.
- 30 Nza yi tiba a zanga ya yena, ku wu

JEREMIA, 49.

- la Jehova, lezaku a hi ncumo; a matanza ya yena a ma tirangi ncumo.
- 31 Hikwalaho nzi rilela Moabi; ina, nzi ta bahuwa hi kota ya gonkle Moabi: hakuba hi banhu ba le Kirheresi bona ba ta rila.
- 32 Ku hunzeleta ku hunza kurila ka Jazera nzi ta rilela bona, O vina wa Sibma: a marabi ya wena ma hunzile hehla ka bimbi, ma cikele kona le Jazera hehla ka mihanzo ya wena ya ximumu hehla ka zivina za wena a mulobisi i wile.
- 33 A litsako ni kubuma ku tekilwe le pfunelweni ga masimu ni le tikweni ga le Moabi; na nzi mahile a waini gi kawula le zigowolweni: a nga kona a ta nga vuba hi kanyulukiselelo; a kanyulukiselelo wu nga ta kuba a kanyulukiselelo.
- 34 Hi le huweni ya le Hexboni ku kala ku cikela Eleale, ku kala le Jahaza bona ba tsawutele a gezu gabye, ku suka hi le Zoare ku kala le Horonaim, kuya le Eglat-xelixiya: hakuba a mamati ya le Nimrimu kambewu ma mahile a bahlukelo.
- 35 Klatakumbiri nzi ta maha kukawula le Moabi, ku wula Jehova, yena loye a nyikelako a wutsanweni gi klakukileko, ni ka loye a hisako a tibani a ka banungungulu ba yena.
- 36 Hikwalaho a mbilu ya mina yi nga kufanana ni mhako ba Moabi, a mbilu yi tinga kwatsi i mhako hi ba banuna ba Kirheresi: hikwalaho a talisiso lowo a na nga nawo wu mbeimbisilwe.
- 37 Hakuba tonklelele a tihloko ti handla, ni zonklelele zilevu halulwe: hehla ka mandla wonkle ku kona tsenwelelo, ni hehla ka ziwunu a tinguwu ta tisakwa.
- 38 A ka zonkle a zixungwe za tindlu ta le Moabi ni ka wonklelele a mapango ya kona leyo ku kona a hlomulwana konklelele; hakuba nzi tsobile Moabi kwatsi hi xibya lexo ku nga hi ko kona a xi nangamukelako, ku wula Jehova.
- 39 I tsobyisisilwe kuyini! Ba rilela yini! hiyini Moabi a fularileko nzako hi tingana! zingaho Moabi i ta renzeletwa a kukiyalwa hi ni tsisiselelo ha bona labo ba renzelekeleko yena.
- 40 Hakuba zakungahi a wulako Jehova: Languta, yena i ta puruma kukotisa gama, i ta andlalata a tipapa ta yena a vukela Moabi.
- 41 Keriete i tekilwe, a makokola ma katsangilwe, a mbilu ya ba banuna ba tinhenha ta le Moabi a ka lego siku, ti ta ku kwatsi i mbilu ya wasati le kubayiseni ka yena.
- 42 Na Moabi i ta lobyiswa akuba a nga ba hi banhu, hakuba a kukumukisileko a wutsumbu ga yena a vukela Jehova.
- 43 A hlanekero, ni rinzi, ni ziyo, zi kamanyetile wena, O baakileko ba le Moabi ku wula Jehova.
- 44 Yena loye a cabako le cabenyi i ta wela rinzini; yena loye a trakako hi lomo rinzini i ta su njibila le klongeni: hakuba nzi ta nga neha hehla ka yena, kona hehla ka Moabi, hi lembe ga kuenzelwa kabye ku wula Jehova.
- 45 Bona labo ba tsutsumileko ba yima na ba nga hi na ntamo le nzutini wa le Hexboni; hakuba a nzilo wu humele hi le Hexboni, ni pingo hi le xikari ka Sihoni, wu kadamule a kuzu ga le Moabi, ni magalo ya hloko ya bapfilupfilu.
- 46 Kombo ka wena, O Moabi! a banhu ba le Cemoxe ba mbelele; hakuba a barisanyana, ba wena ba gotsilwe bakonwi, ni banhanyana ba wena wukonwini.
- 47 Kasike nzi ta klelisa a wukonwi ga Moabi hi masikwini matakoko, ku wula Jehova. Zakungahi a wukela ga lamuliselelo wa Moabi.

XIPIMO 49.

- 1 A ka banana ba ka Ammoni. Zakungahi a wulako Jehova: Kasi Israeli a nga na barisanyana ke? a nga na bagi ba tsomba ke? hiyini zonake Malkamu a tekileko Gadi, ni banhu ba yena ba akileko lomo mitini ya kona ke?
- 2 Hikwalaho, languta, a masiku mata, ku wula Jehova, lawu nzi ta nga maha a xijumani xa impi xi zwiwa a kulwa zinwe ni Rabba wa banana ba ka Ammoni; wona wu taba nhulu ya marumbi, ni banhanyana ba yena ba ta hiswa hi nzilo: zonake Israeli i ta fumela bona labo ba fumelako yena, ku wula Jehova.
- 3 Rila, O Hexboni, hakuba Ai gi sele marumbi; rilani, zwina banhanyana ba le Rabba, bohani zwina hi tinguwu ta tisakwa: rilani, mu tsutsuma mu ndlengan'dlengiswa xikari ka tidingi; hakuba Malkamu i taya wu-

- konwini, a bapristi ba yena ni tiho-
sana ta yena katiginwe.
- 4 Ngahilezo wena u dumisako lomo
mikobeni ya wena, a mikoba ya wena
yi kulungako, O nhanyana nzi wena
u kungubanyekileko ke? loye a tsum-
bako mabakweni ya yena, aku, Hi-
mani a ta ngata a ka mina ke?
- 5 Languta, nzi ta neha a hlanekero he-
hla ka wena, ku wula a Hosi, Jeho-
va wa mabandla, a ka bonkle labo ba
kuranzeleko; na nwina mu ta hlo-
ngolwa nwenklelele, zinene mu hu-
mani laho ku nga ta kuba kona ku
rolela a bacabi.
- 6 Kanilezi a nzako nzi ta se ku klelisa
a wukonwi ga banana ba ka Ammo-
ni, ku wula Jehova.
- 7 A ba ka Edome. Zakungahi a
wulako Jehova wa mabandla: A
wutibi a gi kona le Temani ke? a
wusungukati gi mbembile le ka kla-
rihileko ke? ka wutibi gabye gi mbe-
lile ke?
- 8 Tsutsumani nwina, mu klela le nza-
ko, mu aka lomo kueteni, O baaki-
leko ba le Dedani; hakuba nzi ta ne-
ha a xijumani xa ka Esau hehla ka
yena, a xikatini lexo mina nzi ta
enzela yena.
- 9 Loku a baroleli ba magrepi ba ta ka
wena, kasi bona ba nga ta siya a
dzombetelo wa magrepi ke? loku a
makamba laha wusikwini, ma nga
ta nga ma lobisa kala ma enelisilwe-
ko ke?
- 10 Kanilezi nzi mahile Esau a likwe-
mbu, nzi fungule a wutsamo ga
yena gi fihleleko, na yena a nga ta
zi kota a ku fihla a wutsumbu ga
yena; mbewu ya yena yi lobyisilwe,
ni bamakabye ba yena, ni baake-
lwane ba yena; na yena a nga kona.
- 11 Tsika banana ba wena ba zisiwana,
nzi ta hlayisa bona na ba hanya; na
nga a tinoni ta wena ti tsumba mina.
- 12 Hakuba zukungahi a wulako Jeho-
va: Languta, labo ku wulilweko le-
zaku ba ngazwi a kopo hakunene
ba tanwa; na wena hi wena loye u
nga u ta famba na u nga tsayi-
swangi ke? wena u nga ta famba
na u nga tsayiswangi, kanilezi wena
hakunene u tanwa.
- 13 Hakuba nzi hlambanyile hi wutsu-
mbu ga mina, ku wula Jehova, le-
zaku Bozra i ta maha mahanjala-
tiso, a hleleleko, ni hahlukelelo, ni
nzukano; ni yonkle a miti ya kona
- yi ta maha a marumbi ma ha aki-
wiko.
- 14 Nzi zwile a mahungu hi le ka Je-
hova, ni tsukano wu runwele xikari
ka mifumo, wuku, Tsombanyiselani
a wutsumbu ga nwina katigiawe,
ngonani mu talwa na yena, ni suka
le impini.
- 15 Hakuba, languta, nzi mahile wena
tsongwani xikari ka mifumo, ni ku
nyenyiwa xikari ka banhu.
- 16 Kwatsi hi tsisiselelo wa wena, a ma-
tsanza ya mbilu ya wena ma kohli-
sile wena, O wena loye u akileko lo-
mo hlohlolweni ya maribye, loye a
komako a klakukelelo wa miganga:
hambu loko u wa ta nga u maha a
xisaka xa wena xi klakuka kwatsi
i gama, nzi ta releta wena lahasi hi
leyo, ku wula Jehova.
- 17 Na Edome i ta maha kwatsi mahanja-
latiso: na bonklelele labo ba hunza-
ko hi ka gona ba ta hlimaliswa, ba
ta su hleka hi hlahlukelelo wa kona.
- 18 Kwatsi hi kuhoxwa ka Sodoma ni
Gomora ni miti leyo yi nga wa ake-
lene leyo, ku wula Jehova, a nga
kona a nga ta ha aka leyo, ge hambu
a nisanyana wa munhu a nga ta ha
enzela ka gona.
- 19 Languta, yena i ta kuta ku fanana
ni ngala hi le matsanzeni ya Jordani
a ta kulwa ni baakileko ba ntamo:
hakuba kutsuketisilweko nzi ta ba
maha ba tsutsuma ka gona; nzi ma-
ni a hlawulilweko, loye nzi ta nga
mu yimisa hehla ka gona; hakuba
nzi mani wa kufanana na mina ke?
nzi mani a ta nga yimisela a xikati
xa mina ke? na himani a murisi
loye a ta nga yima mahlweni ka
mina ke?
- 20 Hikwalaho ingisani nwina a wusu-
ngukati ga ka Jehova, lego yena a
binguleko a vukela Edome? ni xu-
belelo wa yena, lowo a wu xubileko
a vukela a baakileko be le Temani:
hakunene bona ba ta kokela bona
kule, bona a tsongwani ba mukla-
mbi; hakunene i ta maha a wuakelo
ga bona a marumbi ka bona.
- 21 A misaba ya dzudzumela le guweni
ga kuwa kabye; laho ku kona a hu-
wa, a guwa lego nzi gi zwileko le
Bimbini go Truka.
- 22 Languta, yena i tata ni kupuruma
kwatsi i gama, i tsambuluta a tipa-
pa ta yena a vukela Bozra: a mbilu
ya ba banuna ba tinhenha ta le Edo-

me yi ta ku kwatsi mbilu ya wasati a bayisekako.

23 A ka Damaskusi. Hamate i kanganyisekile, na Arpade; hakuba bona ba zwile a timhaka ta kubiha, bona ba nyekisilwe: ku kona a xaniselelo lomo bimbini; a yi na kurutisa.

24 A Damaskusi gi hunzelele a ku rereka, gi fularile a wutsumbu ga gona gi panzanyeka, nzi dzudzumelo wu kamanyetile yena; a ketelelo ni xanisekelelo wu klemerele yena, kwatsi hi wasati a lunwako.

25 Hi yini a muti wa kudzunziwa wu nga tsikiwiko, a muti wa tsakiselelo ya mina ke?

26 Hikwalaho a majaha ya yena ma ta wa lomo mapangweni ya yena, ni bonkle ba banuna ba kulwa ba miyetiwa hi ka lego siku, ku wula Jehova wa mabandla.

27 Nzi ta dzibela a nzilo le tingingisini ta le Damaskusi, na wona wu ta kadamula a wutsamo ga Ben-hadade.

28 A ka Kedare, ni ka mifumo ya le Hazora, leyo Nebukadrezzare a hosi ya le Babuloni a hlaseleko.

Zakungahi a wulako Jehova: Sukani nwina, mu kanziya muya Kedare, ni ku ya lobisa a banana ba le mutsuwukagambo.

29 A matenta yabye ni miklambi yabye bona ba ta teka; ba fulela a wutsumbu gabye a tinguwo tabye, ni zonkle a zibya zabye, ni makameli yabye; ni laho ku ta biwa huwa ka bona, a tsisiselelo maklelweni wonkle!

30 Cabani nwina, nzulani le kule, mu aka lomo kueteni, O nwina baakileko ba le Hazora, ku wula Jehova; hakuba Nebukadrezzare a hosi ya le Babuloni i tsemile a xikungo a vukela nwina, i hlebile a mano ya ku vukela nwina.

31 Sukani, muya a tikweni lego ku leleko, lego ku tsanzwako na ku nga hi na katalelwa, ku wula Jehova; lego ku nga hiko kona a tinyangwa ge ni zikwinyaro, lego gi akileko goce.

32 Ni makameli yabye ma taba a mipfimba, ni wudlemo ga tikonu tabye a mupango: nzi ta hangalasa kwatsi i mheho labo ba cingetelako a mici-ba ni tihlohloho; nzi ta neha a hloki-selelo yabye ka wonklelele maklelo ya bona, ku wula Jehova.

33 Na Hazora i ta ba titsawu ta mahlo-

lwa, a hahlukelelo wa ku kala kupinzuka: a nga kona munhu a ta nga leyo, ge hambu a nisanyana wa munhu a nga enzela leyo.

34 A mhaka ya Jehova leyo yi nga wa tile ka Jeremia a muprofeti hi xungetano ni Elami, a ka kusanguleni ka ku fuma ka Zedekia a hosi ya ka Juda, yiku,

35 Zakungahi a wulako Jehova wa mabandla: Languta, nzi ta tsoba a wuraga Elami, a hosi ya tinhenha tabye.

36 Hehla ka Elami nzi ta neha a mune wa timheho ti kumako a muneni wa magumo ya tilo, yi ta hangalasa ngomama ni leyo mheho; ni laho ku nga ta kuba kona a mufumo lowo a ba hangalakileko ba le Elami ba ta nga kala ba ngayi.

37 Nzi ta maha Elami a ku mbela a ntamo mahilweni ka balala babye, ni mahilweni ka bona labo ba hlotakoa wutomi gabye; na mina nzi ta neha a kubiha hehla ka bona, yona zanga ya mina yi abisekako, ku wula Jehova; nzi ta rumela a supado yi lanzela bona, nzi kala nzi mbetisa bona:

38 Nzi ta yimisa a xitsamo xawukosi xa mina le Elami, nzi ta lobisa hi leyo a hosi ni tihosana, ku wula Jehova.

39 Kanilezi na ku mahisile lezo a ka masiku ma ha tako, nzi ta klelisa a wukonwi ga Elami ku wula Jehova.

XIPIMO 50.

1 A mhaka leyo Jehova a wulawulileko hi xungetano ni le Babuloni, hi xungetano hi tiko ga ma Kaldea, hi Jeremia a muprofeti.

2 Klaklambutani nwina xikari ka mifumo banani nyibo, yimisani a tingapa; mu banyibo, mu nga finyeleli: wulani, Babuloni gi tekilwe, Beli i wisilwe tingana, Merodake i mbetekisilwe ntamo; a zifananiso za yena zi wisilwe tingana, ni mavule ya yena ma mbetekisilwe ntamo.

3 Hakuba ku kumele hi le nwalungu a mufumo lowo wu humeleko a kuvukela yena, lowo wu ta nga maha a tiko ga yena a marumbi, a nga kona a ta nga aka kona: ba tsutsu-mile, bona ba fambile, bonkle banhu ni zihari.

4 A ka lawo masiku, i ka lexo xikati, ku wula Jehova, a banana ba ka Israeli ba tata, bona ni banana ba ka

- Juda katiginye; ba ta famba hi ndlela yabye na ba rila, ba ta hlota Jehova a Nungungulu wabye.
- 5 Ba ta wutisa hi xungetano na Zioni na tingohe tabye ti komamile leno, baku, Ngonani nwina, mu ta klangana a wutsumbu ga nwina ka Jehova le xivumelwaneni xipinzu-kelisilweko lexo a xi nga ta ribakelwa.
- 6 A banhu ba mina ba wa kari ba hi tiyivu ti lahlekileko: ni ba risi babye ba mahile bona a ku penga; bona bambukisile bona lomo zitsungeni; bona ba sukile le xitsungeni baya mugangeni; bona ba ribakelwe hi wutsumo ga kuhumula ka bona.
- 7 Bonke labo ba kumileko bona ba kadamule bona; ni babengi babye ba te ngalo, Hina a hi gohang, hakuba bona ba onhileko ba vukela Jehova, a wuakelo ga kululamisisa, yena Jehova, a xitsumbo xa badadani babye.
- 8 Tsutsumani mu huma xikari ka Babuloni, sukani mu huma xikari ka tiko ga ma Kaldea, mu ku kwatsi mu taba timbuti xikari ka miklambl.
- 9 Hakuba, mangabye, Nzi ta vuxela ni ku maha ku ta vukela Babuloni a klawe wa mifumo ya hombe hi le tikweni ga le nwalungu; ba ta hloma maklari ba vukela yena; kusukela lezo yena i ta kuba a tekilweko: A tugalala tabye ti ta ku kwatsi ta babanuna ba tingwazi ta tinhenha; a nga kona a ta nga kelela mahala.
- 10 A Kaldea gi ta mupango: bonke labo ba gi pangako ba ta eneliswa, ku wula Jehova.
- 11 Hakuba nwina mu tsakako, haku-ba mu bumako, O nwina mu hahlu-leko a tsomba ya mina, hakuba nwi-na ma ku titsikeleta kwati i rogana lego gi klombako hehla ka mabele, ge a mu kwatsi mu mahaxi ya ntamo;
- 12 A bamamani ba nwina hakunene ba ta wisiwa tingana; ni loye a treleko i ta kanganyiswa futsi; languta, yena i taba a hunzeleleko a kugumesa a ka mifumo yonke, a xiwula, a misaba yi omileko, ni zisapa.
- 13 Hakuba hi zanga ya ka Jehova yena a nga ta akiwa, kanilezi yena i taba marumbi ma fubileko: bonke labo ba fambako hi le Babuloni ba ta hlama-liswa, ba ta hleka hi ka wonke a hulukelo wa yena.
- 14 Hlomani a maklari ya nwina mu vukela Babuloni hi ma kelelo wonke, nwenke nwina labo mu kondlako a mawura; banani xixangu ha yena, mu nga tsiki na tugalala: hakuba yena i onhile a vukela Jehova.
- 15 Kanyulukani mu ranzela mu vukela yena: yena i kozile a wutsumbu ga yena; a tigingisi ta yena ti wile, ni makurisi yaye ma kungumukele; hakuba i poteleliselelo wa ka Jehova: tekani a poteleliselelo hehla ka yena; kwatsi hi lezi yena a mahileko mahaniwo ka yena.
- 16 Tsemani a mubyali le Babuloni, na yena loye a komako a sikela hi xa xihulo; hakuba a hlanekero wa supado yi tsimbeketako bona ba ta kelelelela bonkelelele ka banhu ba ka kabye, ba ta kelela bonkelelele le tikweni ga ka kabye.
- 17 Israeli i yivu yi hlitolweko; a ngala yi hlongole yena: kurangula a hosi ya le Asiria yi kadamule yena; ni makunu kugumeseni Nebukadrezzare a hosi ya le Babuloni yi tsobile a marambu ya yena.
- 18 Hikwalaho zakungahi a wulako Jehova wa mabandla, a Nungungulu wa Israeli: Languta, nzi ta tsayisa a hosi ya le Babuloni ni tiko ga yena, kwatsi hi lezi mina nzi tsayisileko a hosi ya le Asiria.
- 19 Nzi ta neha Israeli kambe wuriselweni ga yena, na yena i ta gela le Karmeli ni Baxani, ni muhefemulo wa yena wu xuriswa hehla ka migannga ya le Efraime ni Gilcade.
- 20 A ka lawo masiku, ni ka lexi xikati, ku wula Jehova, a kugoba ka Israeli ku ta hloliwa, ni laho zi nga ta kuba zi hi haba; ni zionho za ka Juda, zona zi nga ta kumiwa: hakuba nzi ta ribalela bona labo nzi ba siyileko kwatsi misalela.
- 21 Kanziyani mu ya vukela a tiko ga le Merataime, kona ku yalwa na gona, ni ku yalwa ni baakileko ba le Pekoda: daya mu riza hi ku lo-byisilweko anzako ka bona, ku wula Jehova, ni ku maha kukotisa hi ka lezo nzi leleteleko wena.
- 22 A kuwa ka impi gi lomu tikweni, ga lohyiselelo wa hombe.
- 23 Hiyini a kono wa tiko gonke wu tsemekileko wu pulakanyeka wu tsobeka! hiyini a Babuloni gi maha-

- kileko a lobyiselelo xikari ka mufumo!
- 24 Nzi dembele a ziyo ha wena, na wena u pasilwe, O Babuloni, na wena u wa nga ti kawukile: wena u kunwile, kambe u konwilwe, hakuba wena u kanetiseneko zinwe na Jehova.
- 25 Jehova i vulule a ngenge ya yena, i nehile a maklari ya zanga ya yena; hakuba a Hosi, Jehova wa mabandla, i na ni tiro a ku maha lomo tikweni ga ma Kaldea.
- 26 Ngonani mu ta vukela hi kwaleyo mbinganweni, vululani a tindlu ta yena ta ku beketelela; hoxani ku kotisa a tinhulu, lobisani yena kurizisilweko; nga xi nga hi kona xa yena xi siyilweko.
- 27 Tsayani tonkle a tihonwana ta yena; nga tona ti releta tiya lobyiselelweni; kombo a ka bona! hakuba a siku gabye gitile, a xikati xa enzeliselelo wabye.
- 28 A gezu ga bona labo ba tsutsumako baabela le tikweni ga le Babuloni, a ku klaklambuta le Zioni a potelelo wa Nungungulu wa hina, a potelelo wa tempele ya yena.
- 29 Bitanani katigizwe a bapandi ba ta vukela Babuloni, bitana bona labo ba kondlako a mawura; gobani mu ranzela mu vukela gona; nga a nga hi kona wa kona a ponako: potelani ka yena kukotisa hi mitiro ya yena; kukotisa hi ka zonkle lezo yena a zi mahileko, mahani ka yena; hakuba yena i wa kari a hi ni matsanza a vukela Jehova, a vukela a wa ku Basa wa ka Israeli.
- 30 Hikwalaho a majaha ya yena ma tawa lomo mapangweni ya yena, bonkle a ba banuna ba yena ba impi ba ta nehiwa kumiyetweni hi ka lego siku, ku wula Jehova.
- 31 Languta, nzi vukela wena, O wena nyamatsanzenziwena, ku wula a Hosi, Jehova wa mabandla hakuba a siku ga wena gitile, a siku lego nzi ta nga enzela wena.
- 32 A mutsanza i ta retemuka i tawa, a nga kona a ta vuxa yena; nzi ta dzibela a nzilo lomo mitini ya yena, wona wu ta kadamula konkle loko ku ranzeleko wona.
- 33 Zakungahi a wulako Jehova wa mabandla: A banana ba ka Israeli ni banana ba ka Juda ba tsimbeketilwe katigizwe; ni labo ba ba gotsilweko bakonwi ba ba komisisile; ba ala a ku ba tsika ba famba.
- 34 Kanilezi a Muklaktisi i na ni ntamo; Jehova wa mabandla ku na nga a bito ga yena: yena hi kulonzowotisisilweko i ta koxela a nanzu wabye, kasi yena wa nyika a kulala ka misaba, a vindlula a banhu ba le Babuloni.
- 35 A supado yi le hehla ka ma Kaldea, ku wula Jehova, ni le hehla ka baa-kileko ba le Babuloni, ni le hehla ka tihosana ta yena, ni le hehla ka banhu ba tibako ba yena.
- 36 A supado yi le hehla ka batikukumukisako, bona ba ta maha zipumbu: a supado yi le hehla ka ba banuna ba tinhenha, na bona ba ta tsemekahlana.
- 37 A supado yi le hehla ka mahaxi yabye ni hehla ka tikareta tabye ni hehla ka mixangelwa ya banhu leyo yi nga lomo xikari ka yena; na bona ba ta ku kwatsi mba basati: a supado yi le hehla ka mabako ya yena, wona ma ta pangiwa.
- 38 A xikwakwa xi le hehla ka mamati ya yena, na wona ma ta tatra; hakuba gona i tiko ga zifananiso, bona ba hungukile hi zifananiso zabye.
- 39 Hikwalaho a zibanza za kwati zinwe ni timhisi ti ta tsama leyo, ni timbuwu ti ta tsama kona: kona ku nga ta ba engeta ku akiwa kala kupinzuka; cima ku nga ta kuba kua-kiwa hi ka xizukulwana kuya ka xizukulwalana.
- 40 Kwatsi hilezi Jehova a nga wa hoxile Sodoma ni Gomora ni miti leyo yi akeleneko nayo, ku wula Jehova, zingaho a nga ta kuba kona a munhu a ta nga aka leyo, ge hambu a nisanyana wa munhu a nga ta enzela kona.
- 41 Languta, a banhu ba tako hi le nwalungu; a mufumo wa hombe ni tihosi tinyingi ti ta vundlulwa hi le magemetamusi ya misaba.
- 42 Bona ba klemerele a wura ni klari; bona mba lunya, a ba na titralo; a gezu gabye ga ku dzinza kwatsi i bimbi; na bona mba ku kilela mahaxini, bonklelele mba ku koma a maklari, kwatsi banhu ba yako impi, ba vukela wena, O nbanyana wa le Zion.
- 43 A hosi ya le Babuloni yi zwile a mahungu yabye, ni canja ga yena gi wa ku mbeteka a ntamo: ni hlakiselo wu

- wa kamanyetile yena, ni miketo kwa-
tsi hi wasati na a kari a lunwa.
- 44 Languta, a nala i ta ta kwatsi i ngala
hi le matsanzeni ya le Jordani a ku
vukela wutsamo ga ba ntamo: haku-
ba mina hi kukanzakanyileko nzi ta
ba maha ba tsutsuma a ka kona; ni
loye a hlawulilweko, yena nzi ta mu
yimisa hehla ka kona: hakuba hima-
ni a fananako na mina ke? himani a
ta yimisela a xikati ke? himani a mu-
risi loye a ta nga yima mahlweni ka
mina ke?
- 45 Hikwalaho ingisani nwina a wusu-
ngukati ga ka Jehova, lego yena a
tekileko a ku vukela Babuloni; ni
kuxuba ka yena loko yena a xubile-
ko a ku vukela a tiko ga ma Kaldea:
hakunene bona ba ta kokela bona
kule, bona a batsongwani ba kla-
mbi; hakunene yena i ta a wuakelo
gabye gi hlakala hehla ka bona.
- 46 A ka guwa ga ku tekiwa ka Babulo-
ni a misaba yi rurumelako, ni huwa
yi zwele xikari ka mifumo.

XIPIMO 51.

- 1 Zakungahi a wulako Jehova: La-
nguta, nzi ta suka nzi vukela Babu-
loni, ni ku vukela bona labo ba akile-
ko le Leb-kamai a mheho yi lobisako.
- 2 Nzi ta rumela le Babuloni a bamati-
ko, labo ba ta nga ta hehera yena;
na bona ba ta hulukelisa a tiko ga
yena: hakuba a sikwini ga karato ba
ta ranzela yena.
- 3 A vukela yena loye a kondlako nga
a mupandi a kondla a wura ga yena,
a vukela yena loye a klakusako a
wutsumbu ga yena lomo bajini ga
xiketse: mu nga nyenyeteli nwina a
majaha ya yena; lobisani nwina hi
kumbetisilweko wonkle mabandla.
- 4 Na bona ba ta kuwa na ba file lomo ti-
kweni ga ma Kaldea, ni ku mbamba-
metwa lomo mapangweni ya kona.
- 5 Hakuba Israeli a nga tsikiwangi, ge
na Juda, hi Nungungulu wa yena, ha
Jehova wa mabandla; hambulezo a
tiko gabye gi teleko hi kugoha ku vu-
kelako loye wa ku Basa wa Israeli.
- 6 Cabani mu huma xikari ka Babulo-
ni, a ponisa bonkelelele banhu a wu-
toml ga yena; u nga tsenwiwe hi
kota ya kubiha ka yena; hakuba ko-
na xikati xa potelelo wa ka Jehova;
yena i ta maha ka yena a potelelo.
- 7 Babuloni i wa kari a kopo ya nzala-
ma ya canja ga ka Jehova, leyo a

- mahlileko yonkle a misaba a kunwa.
a mifumo yi nwile a waini ga yena;
hikwalaho a mifumo yi hungukile.
- 8 Babuloni hi xitsuketi gi wile gi lo-
byisilwe: rilelani yena gona; mu gi
tekela a mabele hi kubayisa ka yena,
loku zingaho a nga ta nga yena a
cumiwa.
- 9 Hi wa ta nga hina hi cumile Babu-
loni, kanilezi yena a nga cumiwangi:
tsikani yena, nga hina hi famba le
tikweni ga ka kabye; hakuba a kula-
mulwa ka yena ku cikele le tilwe-
ni, ku klakusilwe ku kala ku cikela
le hehla.
- 10 Jehova i nehile a kululamisisa ka
hina: ngonani, nga hi klaklambuta
le Zioni a tiro wa Nungungulu wa
hina.
- 11 Lotani a tugalala, komisani a zi-
klangu: Jehova i vindlulile a moya
wa tihosi ta ma Medi; hakuba a xu-
belclo wa yena ngwa kuvukela Ba-
buloni, a kubisa gona: hakuba kona
i potelelo wa ka Jehova, a potelelo
wa tempele ye yena.
- 12 Klakusani a tingapa mu vukela a
tigingisi ta le Babuloni, nga a xi-
rinzo xi hi ni ntamo, bekani a baba-
nuna ba barinzeli, longisani a ziju-
mani; hakuba Jehova a xubileko i
mahile lezo a wulawulileko hi xu-
ngetano ni baakileko ba le Babuloni.
- 13 O nwina labo mu akako hehla ka
mamati yo tala a talisisweni wa ma-
bako, a kugumelwa ka wena ku tile,
a xiringanyiso xa mbilukeliselwa wa
wena.
- 14 Jehova wa mabandla i hlambanyile
a wutsumbu ga yena, aku, Hakunc-
ne nzi ta tatisa wena hi banhu, kwa-
tsi hi matekenye; bona ba ta ba ta-
baxixangu ba vukela wena.
- 15 Yena i mahile a misaba hi ntamo
wa yena, yena a yimisile a tilo hi ti-
bisiselo wa yena, na hi pimisiselele wa
yena i gwimbile a matilo.
- 16 Laha a klaklambutako a gezu ga ye-
na, laho ku kona a pfulupfulu ya
mamati le matilweni, yena a mahako
a xikurukurwani xi klakuka hi le
magumelweni ya misaba; a mahako
a xingwalangwanza xa vula, a ne-
hako a mheho hi le mabakweni ya
yena.
- 17 Bonkelelele banhu zibanza a ba na ku-
tiba; bonkelelele bafuli ba nzalama
ba wisilwe a tingana hi zifanaiso
zabye; hakuba a zifanaiso xa bye xi

JEREMIA, 51.

- nyekisilweko mbupumbu laho a ku kona a muhefemulo ka zona.
- 18 Zona zi hi ku nga nyawuli, ni tiro wa hlekiselelo; a xikatini xa enzi-selelo wa zona zi ta mbemba.
- 19 A xiabelo xa ka Jakobe a xi koti lezi; hakuba yena hi mubangi wa zilo zonke; na Israeli hi lixaka la tsomba ya yena: Jehova wa mabandla ku na nga a bito ga yena.
- 20 Wena u xihloka xa impi xa mina ni maklari ya kulwa: na ha wena nzi ta tsobeleta a matiko a fufanyi; na ha wena nzi ta lobisa a mifumo; na hi zinwe na wena nzi ta tsoba a fufanyi a haxi ni mukileli wa gona;
- 22 Na hi zinwe na wena nzi ta tsoba a kareta ni loye a kileleko lomo nzeni ka yona; hi zinwe na wena nzi ta tsoba a fufanyi a babanuna ni babasati; hi zinwe na wena nzi ta tsoba a fufanyi a banhu ba kale ni banhu baswa; ha wena nzi ta tsoba a majaha ni mibulwa;
- 23 Na ha wena nzi ta tsoba a fufanyi a barisi ni miklambi; na ha wena nzi ta tsoba a fufanyi a murimi ni joka ga yena ga tikabi; na ha wena nzi ta tsoba a fufanyi a bafumeli ni tinduna.
- 24 Nzi ta kletisela ka Babuloni ni ka bonke ba akileko ba le Kaldea konke a kubiba loko ba ku mahileko le Zioni a kuwoneni ka nwina, ku wula Jehova.
- 25 Languta, nzi vukela wena, O xitsunga xilobisako, ku wula Jehova; lexo xi lobisileko yonke a misaba; nzi ta nabalata a canja ga mina hehla ka wena, nzi ta umbuluta wena lahasi hi le ribyeni, nzi ta maha wena xitsunga xi swileko.
- 26 Bona ba nga ta teka a ka wena a ribye ga magumo, ge ni ribye ga ziseketelo; kanilezi wena u ta kuba marumbi kala kupinzuka, ku wula Jehova.
- 27 Klakusani a tingapa nwina lomo tikweni, ni kuba a punzu xikari ka mifumo, mu longisela a mifumo a kuvukela yena, bitanani katiginwe mu vukela yena a mifumo ya le Ararate, Minni, ni Axikenaze: mu yimisa a nduna ku vukela yena; ni ku maha mahaxi ma kanziya mata kwatsi likwebo la ku toba ka pungwani.
- 28 Longisani a mifumo mu vukela yena, a tihosi ta ma Medi, ni bafumeli ba kona, ni tonke a tinduna ta kona, ni gonke a tiko ga kufumela ka bona.
- 29 Ni tiko ga rurumela gi lomo kubayiseni; hakuba a kuxuba ka Jehova a kuvukela Babuloni ku yimile, a ku maha a tiko ga Babuloni a hlukelelo, gi nga hi na baakileko.
- 30 A tinhenha ta le Babuloni ti tsimbe-tilwe a kulwa, bona ba tsamile lomo makokoleni yabye; a ntamo wabye wu tsanzekile; bona ba mahile kwatsi i mbabasati: a wutsamo ga yena ga kuaka gi lumekelwe nzilo; ni zikwinyaro za yena zi tsobekile.
- 31 A tsokano munwe wu ta tsutsuma ku klanganyeta munwani, ni tsumi munwe a ku klanganyeta a munwani, a ku kombisa a hosi ya le Babuloni lezaku a muti wa yena wu tekilwe ku sukela ka rebe ginwe ku renzeleka.
- 32 Ni ba enzi ba kamanyetilwe, ni hlanga bona ba hisile hi nzilo, ni ba banuna ba kulwa ba cabysisilwe.
- 33 Hakuba zakungahia wulako Jehova wa mabandla a Nungungulu wa ka Israeli: a nhanyana wa Babuloni i fanana ni lilonze la nzhimbo a xikatini lexo kanziyelelako; kasike hi xikatanyana, a xikati xa kuhula xi ta tela yena.
- 34 Nebukadrezzare a hosi ya le Babuloni i kadamule mina, i trandlesile mina yena i mahile a xibya xa panga, yena i mahile, kwatsi i ngunzulume, a nzi mitileko, yena i tatisile a kwiri ga yena hi malongo ya mina; yena i hoxile mina le handle
- 35 A pangaselelo lowo wu mahilweko ka mina a ka nyama ya mina a wu mahiwe behla ka Babuloni, ni baakileko ba le Zioni ba ta wula; ni, Nkata wa mina wu taba ka baakileko ba le Kaldea, a Jerusalema gi ta wula.
- 36 Hikwalaho zakungahi a wulako Jehova: Languta, nzi ta koxela a nanzu wa wena, nzi ta teka a potelelo ha wena; nzi ta omisa a bimbi ga yena, ni ku maha a tihlowo ta yena a kutra.
- 37 Na Babuloni i ta maha tinhulu, a wutsamo ga tinzawu ta mahlolwa, ni timbuwu, ni kiyaliselelo, gi nga hi na baakileko.
- 38 Bona ba ta dzuma katiginwe kwatsi marole ya tingala; ba ngura kwatsi mawondlwana ya tingala.
- 39 Laho na ba hisilwe, nzi ta longisa mbuzo yabye, na nzi ta ba maha ba

- popilweko, kasi ba ta tsaka, ni eklela ku ekcela ku simamisilweko, ba nga vuki, ku wula Jehova.
- 40 Nzi ta releta bona kwatsi i tiivana le klabyiseletweni, kwatsi hi tihamba ni timhongo.
- 41 I tekisilwe ku yini Xexake! ni wudomo ga misaba yonkle gi kamanyetilwe! a Babuloni gi mahisile ku yini marumbi xikari ka mifumo!
- 42 A bimbi gi kukumukile gi vukela Babuloni, yena i kubunyetilwe hi wudlemo ga mabyandlati ya kona.
- 43 A miti ya yona yi mahile a marumbi, a tiko ga xikwakwa, ni mapanya, a tiko lego ku nga hiko kona a munhu a akileko ka gona, ge hambu a nisananyana wa munhu a nga ta hunza ha kona.
- 44 Nzi ta tsanza a lamuliselelo le Beli lomo Babuloni, nzi ta kavulisa hi le nonzwini wa yena lezo yena a mitileko; a mifumo yi nga ta ha engeta gotsobanyana ka yena: ina, a ligingisi la le Babuloni li ta kuwa.
- 45 Banhu ba mina, humani xikari ka yena, mu ponisa a wutsumbu ga nwina nwenklelele le zangeni yi cabekako ya ka Jehova
- 46 Nga a mbilu ya nwina yi nga rereki, ge ni kucaba a mahungu lawo ma zwala lomo tikweni; hakuba a mahungu matata hi lembe ginwe, a nzako ka lezo a lembe ginwani ku tata a mahungu, ni pfilupfilu lomu tikweni, a mufumeli a vukela a mufumeli.
- 47 Hikwalaho, languta, a masiku mata, lawo nzi ta tsanziselela a lamuliselelo a ka zifananiso za le Babuloni; gonkle a tiko ga yena gi ta hakaseka; ni bonkle ba delweko ba gona ba ta wela lomo xikari ka gona.
- 48 Zonake a ma tilo ni misaba, ni zonkle lezo zi nga ka zona, zi ta yimbelela a litsako hehla ka Babuloni, hakuba a mulobisi i tata ka yena a balobisi ba tata ka yena hi nwalungu, ku wula Jehova.
- 49 Kwatsi hi lezi a Babuloni gi mahileko a ba delweko ba ka Israeli a kuwa, zingaho le Babuloni ku ta wela a ba delwe ba matiko wonkle.
- 50 Nwina labo mu ponileko a supado, fanbani nwina, mu nga yimi mu ku tseka; alakanyani Jehova hi le kule, nga a Jerusalema gita malangeni ya nwina.
- 51 Hina hi kanganyisilwe, hakuba hi zwileko a nzukano; vilinganya gi kubunyetile a tingohe ta hina; haku ba a bamatiko ba tileko lomo ndlwi ni ya kubasa ya ka Jehova.
- 52 Ngahilezo, languta, a masiku mata, ku wula Jehova, lawo nzi ta nga neha a tsanziselelo wa lulamiselelo hehla ka zifananiso za yena zi batlilweko; a ka gonkle a tiko ga yena a tikuberi ti ta cacara.
- 53 Hambulezo a Babuloni gi ta kanziyela le tilweni, hambulezo a ta nga gingisela wu klakuka a ntamo wa yena, kasike hi le ka mina balobisi ba tata hehla ka yena, ku wula Jehova.
- 54 A guwa ga kurila hi le Babuloni, a lobyiselelo wa hombe hi le tikweni ga ma Kaldea!
- 55 Hakuba Jehova a mahileko Babuloni a marumbi, ni ku lobisa hi ka yena a magezu ya hombe; ni mabyandlati ma dzinza kwatsi mamati yo tala; ni magezu ya guwa gabye ba tsawutelwe:
- 56 Hakuba a mulobisi wata hehla ka yena, hehla ka yena Babuloni, ni tihenha ta yena ta babanuna ti tekilwe, mawura yabye ma tsobyile ma fufanyi; hakuba Jehova nzi Nungungulu wa potelelo, yena hakunene i ta pota.
- 57 Na nzi ta popiwisa a tihosana ta yena ni banhu ba yena ba kutiba ni bafumeli ba yena, ni tinduna ta yena, ni babanuna ba yena ba tinhenha; na bona ba ta eklela a wurongo gi kawulisiwiko, ba nga vuki ku wula a Hosi, loye a bito ga yena ana nga Jehova wa mabandla.
- 58 Zakungahi a wulako Jehova wa mabandla: a tigingisi ti anamileko ta le Babuloni hi kukungumulweko ti ta hoxiwa lahasi, ni tinyangwa ta tona ti klakukileko ti ta hiswa hi nzilo; ni banhu ba ta tira mahala, ni mifumo hi nzilo, na bona ba ta karala
- 59 A mhaka leyo Jeremiah a leletelelo Seraia a nisananyana wa Neria, a nisananyana wa Mahseia, laha yena a nga wa fambile na Zedekia a hosi ya ka Juda le Babuloni a ka lembe ga yena ga kufuma ka yena ga wumune. Makunu Seraia i wa hi nduna ya hombe ya za ka mukulu.
- 60 Na Jeremiah i lo tsala lomo bukwini konkle a kubiha loko ku ta ngata hehla ka Babuloni, tona tonkle leti a timhaka leti ti tsalilweko a xunge-tano ni Babuloni.

- 61 Na Jeremia i te ngalo ka Seraia, Laha wena u ta ngata le Babuloni, wona lezaku wena u gonzile tonkle le-ti a tihlaka.
- 62 Niku, O Jehova, wena u wulawulile hi xungetano ni legi a wutsamo, a ku tsema gona, lezaku a nga kona a ta nga tsama ka gona, ge munhu, ge a xihari, kanilezi gi ta hahluka kala kupinzuka.
- 63 Na kona ku taba lezo, laha wena na mahile kugumelwa kugonza legi buku, lezaku wena u ta boha a ribye ka gona, ni ku hoxa lomo xikari ka Eufirate:
- 64 Na wena u ta wula, Zakungahi Babuloni i ta rika, a nga ta ha vuka kambe hakuba hi kubiba loko nzi ta nga ku neha ka yena; na bona ba ta karala.

Zakungahi hi gona a wukule ga timhaka ta ka Jeremia.

XIPIMO 52.

- 1 Zedekia i wa hi makume mambiri ni giawe malembe laha yena a nga wa sangule a kufuma; yena i lo fuma kume ni giawe malembe: ni bito ga mamani wa yena i wa hi Hamutali a nhanyana wa Jeremia wa le Libna.
- 2 Na yena i lo maha lezo zi bihileko mahlwani ka Jehova, kukotisa hi ka zonkle lezo Jehoiakimu a zi mahileko.
- 3 Hakuba hi zanga ya ka Jehova ku lo maheka le Jerusalema ni Juda, a kala yena a ba hoxa lahandle a kubakoni ka yena.
- Na Zedekia i lo hlubuka a vukela a hosi ya le Babuloni.
- 4 Na ku mahisile lezo hi ka lembe ga nklanu ni mune ga kufuma ka yena, hi ka hweti ya kume, a ka siku ga kume ga hweti, lezaku Nebukadrezzare a hosi ya le Babuloni i lota, yena ziawe ni yonkle a impi ya yena, i lota hlusela a Jerusalema, ba lo goba ba vukela gona; na bona ba lo aka a zikanekiso ba ranzela gona.
- 5 Zingaho a muti wu wa ranzelwe kala a kume ni mambiri a malembe ya hosi Zedekia.
- 6 A ka hweti ya mune, hi ka siku ga nklanu ni mune ga hweti, a ndlala yi wa tsingisile lomo mutini, zingaho lezo ku wa nga hi a zibaba a ka banhu ba tiko.
- 7 Zonake a mole wu wa lo mahiwa lomo mutini, bonkle ba banuna ba impi

ba lo tsutsuma, ba lo huma lomu mutini ni wusiku hi ndlela ya nyangwa ya tigingisi timbiri, leto ti nga wa hi klelo ga simu ya hosi (makunu a ma Kaldea ma walwa ma ranzela a muti); na ba lo famba ba komama Araba.

- 8 Kanilezi a impi ya ma Kaldea yi lo tsimbeketa yi hlongolisa a hosi, na bona ba lo kamanyeta Zedekia lomo mikobeni ya le Jeriko; ni yonkle a impi ya yena yi wa hangalakile a ka yena.
- 9 Zonake ba lo teka a hosi ba lo yi rwala ba yi yisa ka hosi ya le Babuloni le Ribla le tikweni ga le Hamate; yena i lo nyika a tsanziselelo hehla ka yena.
- 10 Ni hosi ya le Babuloni yi lo daya a barisanyana ba Zedekia mahlwani ka yena; yena kambe i lo daya tonkle a tihosana ta ka Juda le Ribla.
- 11 Na yena i lo boxa a mahlo ya Zedekia; ni hosi ya le Babuloni yi lo boha yena hi tisinga, i rwala yena le Babuloni, i lo engenisa yena lomo paxweni kala a ka siku ga kufa ka yena.
- 12 Makunu hi ka hweti ya nklanu, hi ka kume ga masiku ga hweti lego gi nga wa hi kume ni nklanu ni mune a lembe ga Nebukadrezzare, a hosi ya le Babuloni, ku lota Nebuzaradani a nduna ya banyakasani, loye a nga wa yimile mahlwani ka hosi ya le Babuloni, le Jerusalema.
- 13 Na yena i lo hisa a yindlu ya ka Jehova, ni yindlu ya hosi; ni tindlu tonkle ta lomo Jerusalema tona tonklelelele a tindlu ta hombe, i lo hisa yena hi nzilo.
- 14 Ni yonkle a impi ya ma Kaldea, leyo yi nga wa hi ni nduna ya banyakasani, ba lo kungumula lonkle a lidingisi la Jerusalema ba renzelekela.
- 15 Zonake Nebuzaradani a nduna ya banyakasani i lo gotsa a bakonwi labo ba zisiwana nguvu ba banhu, ni misalela ya banhu leyo yi nga wa siyilwe lomo mutini, ni bonkle labo ba nga wa pfukile, labo ba nga wa pfukile ka hosi ya Babuloni, ni misalela ya xidlemo.
- 16 Kanilezi Nebuzaradani a nduna ya banyakasani i lo siya laba ba zisiwana nguvu ba tiko a kuba ba hlalisi ba zivina ni barimi.
- 17 Ni timhinga ta suku leto ti nga wa hi lomo ndlwini ya ka Jehova, ni

- zikatelo ni bimbi ga suku lego gi nga wa hi lomo ndlwini ya ka Jehova, a ma Kaldea ma lo tsoba a fufanyeni, ba lo rwala wonkle a suku wa zona ba wu yisa le Babuloni.
- 18 A timbita kambe, ni mafoxola, ni zitimo, ni zinamelo, ni mikombe, ni zibya za suku lezo ba kozelako ha zona, ba lo teka ba famba nazo.
- 19 Ni tikopo, ni mahati, ni zinamelo, ni timbita, ni tinhi ta tikandiya, ni mikombe, ni magombe,—lezo zi nga wa hi za nzalama, a ka nzalama, ni lezo zi nga wa hi za siliwa, a ka siliwa,—a nduna ya banyakasani i lo rwala zona.
- 20 A timbinga timbiri, ni bimbi giawe, ni kume ni timbiri a tikuzi ta suku leto ti nga wa hi lahasi ka zikatelo leto a hosi Solomoni a nga wa ti mahile a ku beka lomo ndlwini ka Jehova—a suku wa zonkle lezi zibya wu wa nga hi na ku ringanyiswa.
- 21 Na kwatsi hi timbinga, a kuleha ka mbinga yizwe ku wa hi kumeni nklanu manharu a mikono; ni lingoti la makume mambiri mikono yi klanganyisa yona; a ku dziba ka kona ku wa hi mune wa titiho; ku wa hi xiklemuklemu.
- 22 Ni dunzu ga suku gi wa hi hehla ka yona, ni kuleha ka giawe dunzu ku wa hi nklanu wa mikono, zinwe ni tiro wa kukomelwa ni mapomegranate hehla ka dunzu ma pomele, zonkle ku wa hi suku: ni mbinga ya wumbiri kambe yi wa fanana ni lezi, ni mapomegranate.
- 23 Ni laho ku wa ni nklanu ni mune makume mapomegranate maklelweni wonkle; wonkle a mapomegranate ma wa hi zana ma ranzela a tiro wa kukomelwa:
- 24 Ni nduna ya banyakasani i lo teka Serafa a wupristi wa hombe, a na Zefania a wo gamela, ni banharu a bahlayisi ba tinyangwa:
- 25 Le handle ka muti i lo teka a nduna leto ti nga wa wumbelwe hehla ka impi; nklanu ni bambiri babye labo ba nga wa wonile a ngohe ya hosi, labo ba nga wa kumilwe lomo mutini: ni mutsali wa nduna ta mabandla, loye a nga wa tsombanyiselele a banhu ba tiko; ni nklanu wa makume ni giawe ya ba banuna ba banhu ba tiko, labo ba nga wa kumilwe lomo xikari ka muti.
- 26 Na Nebuzaradani a nduna ya banyakasani i lo teka bona, i lo neha bona le ka hosi ya le Babuloni le Ribla.
- 27 Ni hosi ya le Babuloni i lo daya bona, i lo daya bona le Ribla a tikweni ga le Hamate. Zingaho Juda i wa rwalwa wukonwi a ya le kule ni ga ka kabye.
- 28 Laba hi banhu labo Nebukadrezzare a nga wa komile a wukonwi: a ka nklanu ni mambiri a malembe, manharu kume ga mazana ba Juda ni makume mambiri ni banharu;
- 29 A ka lembe ga kume ni nklanu ni manharu ga ka Nebukadrezzare yena i lo rwala a wukonwi hi le Jerusalema nklanu ni manharu mazana ni makume manharu ni banhu bambiri;
- 30 A ka makume mambiri ni manharu a malembe ya ka Nebukadrezzare Nebuzaradani a nduna ya banyakasani i lo rwala a nklanu ni mambiri mazana ni mune wa makume ni nklanu wa banhu ya bakonwi: bonkle banhu ba wa hi mune wa kume ga mazana ni nklanu ni ginwe mazana.
- 31 Na ku mahisile lezo hi makume manharu ni nklanu ni mambiri a malembe ya wukonwi ga Jehoiakina a hosi ya ka Juda, hi ka hweti ya kume ni timbiri, ka siku ga makume mambiri ni nklanu ga hweti, lezaku Evil-merodeki a hosi ya le Babuloni, hi ka lembe go ranga ga kufuma ka yena, i lo klakusa a hloko ya Jehoiakina a hosi ya ka Juda i lo humesa yena lomo paxweni;
- 32 Na yena i lo wulawula hi tralekisi-lweko ka yena, i lo yimisa a xitsamo xa yena xa wukosi ku hunza a ti-hosi leto ti nga wa hi zinwe na yena leyo Babuloni,
- 33 I lo hunzula a tinguwo wa wuperesu ga yena. Jehoiakina i loga zibaba mahlweni ka yena hi kusimamisi-lweko wonkle malembe ya wutomi ga yena:
- 34 Na hi xilawulo xa yena laho ku wa hi ni xilawulo xi simamileko a nga wa nyikiwa hi hosi ya le Babuloni wonklelele masiku a xiabelo kala sikwini ga kufa ka yena, wonkle a masiku ya wutomi ga yena.

A MIKOSI

YA JEREMIA.

XIPIMO 1.

- 1 Hi kuyini a muti wu mahako a marumbi, lowo wu nga tele hi banhu!
Wona wu tsamile kwatsi i noni, lowo wu nga wa hi wa hombe xikari ka mifumo!
Wona lowo wa nga wa hi ni tihosana xikari ka tixaka wu mahile a mukuhu!
- 2 Wona wu rila hi kutsingisilweko laha wusikwini, ni mihloti ya wona a yi na ku suka ka marama ya wona;
A xikari ka bonkle a batangalisi ba yena a nga kona ku tangalisileko wona;
Ni wonkle a maxaka ya yena ma mahile hi kukohlisisilweko a ka yena; wona ma mahile a balala ba yena.
- 3 Juda i engenile a kukonweni hakuba hi hlokiselelo, na hakuba hi wunzenga;
Yena i a akile a xikari ka mifumo, a kumi na ku humula;
Bonkle a baxanisi ba yena ba kama nyetile yena misokweni.
- 4 A tindlela ta Zioni ta rila, hakuba a nga kona a tileko tsombanweni wa ximuse;
Tonkle a tinyangwa ta yena ti hahlukile, ni bapristi ba yena ba hahkamile;
Ni mibulwa ya yena yi hlokisilwe, wona a wutsumbu ga wona wu lomu babiselelweni.
- 5 A babengi ba yena ba mahile a hloko, ni balala ba yena ba vuvuma;
Hakuba Jehova i hlokisile hakuba hi wudlemo ga hambunyetiso za yena;
A banana ba yena ba tsongwani ba fambile kukonweni mahlweni ka balala.
- 6 Hi le nhanyaneni wa Zioni gonkle a wukosi ga yena gi sukile;
A tihosana ta yena ti mahile a kufanana ni timhuti leto ti nga hiko na wugelo,
Bona ba fambile na ba nga hi na

ntamo mahlweni ka hlongolisi ba-bye.

- 7 A Jerusalema gi alakanyako hi masikwini ya ku hlokiselelwa ka gona ni ya tsekulelo wa gona zonkle a zilo zo saseka za yena lezo zi nga wa hi a masikwini ya kaleloko.
Laha a banhu ba gona ba wela carjeni ga balala ba bona, a nga hi kona a wa ku vuna gona.
A balala ba lo wona gona, ba lo tseketsela hi hahlukelolelo wa gona.
- 8 Jerusalema wu onhile ha hombe; hikhwalaho wona wu mahile a ku kwatsi i xilo xi nga hlazekangiko;
Bonkle labo ba dzunza yena ba nyenyile wona, hakuba bona ba wonileko a wumbyiri ga yena;
Ina, wona wu hakamako, wu fularile a ha xinzakwana.
- 9 A nyenyeziselelo wa wona wu wa hi lomo a nzhungweni wa wona; wona a wu alakanyangi a xikati xa gumesa xa wona;
Hikwalaho wona wu bohhlisilwe lahasi hi kuhlmalisilweko; wona a wu na mucabeleli;
Languta, O Jehova, a hlokiselelo ya mina; hakuba a nala i kukumuxile a wutsumbu ga yena.
- 10 A nala i tsambulutile a canja ga yena helila ka zilo zonkle zi xalalisako;
Hakuba wona wu wonile lezaku a mifumo yi engenile ndlwini ya wona ya kubasa,
A xungetano ni yihi wena wa leletela yona yi wa ta nga yi nga engeni a hlangeletanweni wa wena.
- 11 Bonkle banhu ba hakamile, ba hlota a zibaba;
Bona ba nyikile a zilo za bya za malongo hi kuga a ku hanyisa a mihefemulo ya bya;
Wona, O Jehova, ni languta; haku ba mina nzi tsobeke nguvu.
- 12 Kona a hi cumo a ka nwina, O nwi na labo mu hunzako ke?
Languta, ni ku wona loku labo ku nga ku hi kona a xanisekelelo wa ku fanana ni xanisekelelo wa mi-

- na, leyo yi nehlweko hehla ka mina,
 Leyo Jehova a hlophisileko mina hi xikatini xa zanga ya yena.
- 13 Hi le hehla yena i rumele a nzilo le marambyini ya mina, na wona wu hlulile wu vukela bona;
 Yena i a ndlalile a likoka a mikonzweni ya mina, i renzeletile mina gangatsala:
 I mahile mina a panzanyeko ni ku rereka gonkile a siku.
- 14 Ni joka ga zihambunyetiso za mina zi bohile hi canja ga yena;
 Zona zi tsotsongilwe katigizwe, zona zi tile nhamweni ya mina; yena a mahileko a ntamo wa mina ku tsanzeka:
 A hosi yi nyikeleko mina a canjeni ga zona, a ka zona mina nzi nga zi kotiko a ku yina.
- 15 Na Jehova i bekile klelo bonkile a ba banuna ba tinhenha ta mina a xikari ka mina;
 I bitanile a hleletano wu longileko a ku vukela mina ni ku ta fohloza a majaha ya mina:
 A Hosi yi kanziyelele kwatsi hi le xigowolweni a mubulwa wa ka Juda.
- 16 Hakuba ha lezi zilo nza rila; a tihlo ga mina, a tihlo ga ku kulunga a mihloti;
 Hakuba a mucabeleli loye a nga wa ta nga a cabelele a muhefemulo wa mina i le kule zinwe na mina:
 A banana ba mina ba hahlukile, hakuba a balala ba mina ba nzi hlulileko.
- 17 Zioni a andlalako a mandla ya yena; a nga kona a ta nga cabelela yena;
 Jehova i leletele hi xungetano na Jakobe, lezaku bonkile labo ba muranzeleko ba nga ta kuba balala ba yena: Jerusalema i xikari ka bona ku fanana ni xilo xi nga hla-zekangiko.
- 18 Jehova i lulamile; hakuba nzi lo hlubuka nzi vukela a kuleletela ka yena:
 Zwanani, nza kombela nwina, nwenkile nwina banhu, ni ku languta a xaniselekelo ya mina:
 A mibulwa ya mina ni banhu baswa ba mina ba gotsilwe bakonwi.
- 19 Nzi bitanile a baranzekako ba mina, kanilezi ba kohlisile mina:
 A bapristi ba mina ni masingalakati

- ya mina ma nyikile a moya wabye lomo mutini,
 Laha na ba hlota a kuga a ku hanyisa a mihefemulo yabye.
- 20 Languta, O Jehova; hakuba nzi le tsekulelweni; ni mbilu ya mina yi karatekile;
 A mbilu ya mina yi renzelekile a ka mina: hakuba mina hi kuketisileweko nzi hlubukile:
 Le handle a supado yi trandlesele, ni le kaya laho ku kwatsi ndufu.
- 21 Ba zwile lezaku nza kutsikwila; laho a nga kona a wa ku cabelela mina;
 Bonkile a balala ba mina ba zwile hi karateko ya mina; bona ba ku tsake lezi wena u mahileko kona:
 U ta neha a siku lego wena u gi klaklambutileko na bona ba ta fanana na mina.
- 22 Nga konkile a kubihisisa kabye kuta mahilweni ka wena;
 Maha a ka bona kwatsi hilezi wena u mahileko a ka mina, hi zonkile a zihambunyetisiso zabye:
 Hakuba a mahika ya mina manyini, ni mbilu ya mina ya hluleka.

XIPIMO 2.

- 1 Yi kubunyetisile ku yini a Hosi a nyanhana wa la le Zioni hi refu ga zanga ya yena!
 I hoxile hi le tilweni kuta lahasi a wumburu ga Israeli,
 I wa nga a alakanyangi a xikegelo xa mikonzo ya yena a sikwini ga zanga ya yena.
- 2 A Hosi yi kwilikwinzile bonkile a baakileko ba ka Jakobe, a yi hawukelangile bona:
 I hoxile hi le kulweni ga yena a makokola ya nhanyana wa le Juda;
 I nehile bona lahasi liranabyeni; i nyenyecisile a mufumo wa tihosana ta kona.
- 3 Yena i tsemile hi zanga ya yena yi cabisekako a limhonzo la ka Israeli;
 I lulumile a canja ga yena ga xinenene le naleneni wa yena;
 Yena i hisile Jakobe kufana ni pingo gi ngangemelako, lego gi kadamulako wonkile a maklelo.
- 4 I koudile a wura ga yena kwatsi i nala, i yimile hi canja ga xinene kufanana ni mubengi,
 Na rizile zonkile lezo zi kangekako le tihlweni:

MIKOSI, 2.

- Lomu nzeni ka tenta ga nhanyana wa le Zioni i cululele a zanga ya yena kwatsi i nzilo.
- 5 A Hosi yi mahile kwatsi i nala, yona yi kwilikwinzile Israeli;
Yi kwilikwinzile zonk'le a zilubelo za yena, yi lobisile a makokola ya yena;
Na yena i enzelekisile a ka nhanyana wa Juda a xirilo ni mikosi.
- 6 Hi ku wuklisilweko i tekile a tabernakele, kwatsi hi ku nja lomo sinwini, i lobisile a wutsamo ga gotsobanyano wa yena:
Jehova i mahile a gotsobanyano wa ximuse ni sabado a kuribakelwa le Zioni,
I nyenyile hi vindl'ukelelo wa zanga ya yena a hosi ni mupristi.
- 7 Jehova i hoxile a alati ga yena, i swirilwe hi yindlu ya yena ya kubasa;
I nyikele a canjeni ga nala a tigi-ngisi ta zilubelo za yena:
Ba mahile a guwa lomo ndlwini ya ka Jehova, kwatsi hi masikwini ya tsombano wa ximuse.
- 8 Jehova a xubile a kulobisa a ligingisi la nhanyana wa le Zioni;
I nawulutile a lingo, a nga kaketangi a canja ga yena kulobiseni;
I mahile a mulu ni kurisi a kurila; zi keta katiginwe.
- 9 A tinyangwa ta yena ti nyubele liranzyeni; i lobisile i tsobile a zikwinyaro za kona:
A hosi ya yena ni tihosana ta yena ti lomo mifuzweni leyo yi nga wu tibiko a nawo;
Ina, a baprofeti ba yena a ba kumi a muwoniso hi le ka Jehova.
- 10 A masingalakati ya nhanyana wa Zioni ma tsamile lahasi liranzyeni, na bona ba rutisile ba miyela;
Ba hoxile a tsutsungwani hehla ka tihloko tabye; ba bohile a wutsumbu gabye hi tinguwo ta tisakwa:
A mibulwa ya le Zioni yi zimamisile a lahasi a tihloko tabye liranzyeni.
- 11 A mahlo ya mina ma ngetimela hi mihloti, a mbilu ya mina yi karatekile;
A xibinzi xa mina xi halakela hehla ka misaba, hakuba hi lobyiselelo wa nhanyana wa banhu ba mina,
Hakuba a zihlangana ni tisana ti karele lomo mapangweni ya muti.
- 12 Be ngalo ka bamamani babye, Ma kwihi a mabele ni waini ke?
Laha na karele kwatsi hi loye a kubazilweko lomo mapangweni ya muti,
Laha a mihefemulo yabye yi halaka lomo zifubeni za bamamani babye.
- 13 Xini nzi ta nga kustumunyela a ka wena ke? xini nzi ta fananisela a ka wena, O nhanyana wa le Jerusalema ke?
Xini nzi ta nga ringanisela a ka wena, kasi nza fela kutangalisa wena, O mubulwa nhanyana wa le Zioni ke?
Hakuba a mule wa wena ngwa hombe a kufanana ni bimbi: hi mani a ta nga cuma wena ke?
- 14 A baprofeti ba wena ba wonene wena a miwoniso ya wupumbu; na bona a ba kubunyetangi a kugoha ka wena kasi ku k'elisa a wukozwi ga wena,
Kanilezi ba wonene wena a gujeguqe ga mahlebo ni kubanga a kwebekiselelo.
- 15 Bonk'le labo ba hunzako ba pakatele a mandla yabye a ka wena;
Ba hleka ba zibiza a tihloko tabye a ka nhanyana wa le Jerusalema, baku,
A hi wona a muti lowu a banhu ba nga bitana A mbeleliselelo wa wumburi, A tsakiselelo wa misaba yonk'le ke?
- 16 Bonk'le a balala ba vulule a milomu yabye yi ahlama ba vukela wena;
Ba tseketsela ba getsela a meno yabye; baku, hi kwilikwinzile yena;
Hakunene legi hi siku legi hina hi gi cuwukako; hi gi kumile, hi gi wonile gona.
- 17 Jehova i mahile lezo a zi xubileko; yena i tatisile a timhaka ta yena leto a ti leletela hi xikatini xa kaleloko;
I hoxile lahasi, a nga hawukelangi:
I mahile a balala a kutsaka hehla ka wena; i k'akusile a limhonzo la balala ba wena.
- 18 A mbilu yabye yi bahuwa a ka Hosi:
A kurisi ga nhanyana wa le Zioni, nga na a mihloti yi kulunga kwatsi i congo a siku ni wusiku;
U nga nyikeli a wutsumbu ga wena ku nyenyeleni; nga a nyunge ya tihlo ga wena yi nga kawuli.
- 19 Suka, u bahuwa ni wusiku, a kusanguleni ka zirinzel;

Culula a mbilu ya wena kufanana ni mati mahlweni ka ngohe ya Hosi :

Klakusa a mandla ya wena ngomama na yena hakuba hi wutomi ga banana ba wena baswa, labo ba rerekako hi ndlala tihlokweni ta wonklelele a mapango.

20 Wona, O Jehova, languta hi ka mani wena u mahileko zakungahi! Kasi a ba basati ba ngaga a mbeleko yabye, ya banana labo ba ba wukarelako a canjeni ke?

Kasi a mupristi ni muprofeti a nga dawa lomo ndlwini ya kubasa ya ka Hosi ke?

21 A majaha ni zikosana zi wele lomo mapangweni ;

A mibulwa ya mina ni majaha ya mina zi wile hi supado :

Wena u dele bona a sikwini ga zanga ya wena; wena u hlasele a ku hawukelangl.

22 Wena u bitanile, a ku kwatsi hi masikwini ya tsombano wa ximuse, a zi cabisekelelo za mina wu lomo maklelweni wonkle ;

Ni laho a ku kona a ponileko a seleko a sikwini ga zanga ya ka Jehova :

Labo mina nzi ba wukareleko nzi ba wundlileko a nala wa mina i lobi-sile.

XIPIMO 3.

1 Mina nzi mina a munhu loye a wonileko a hlokiselelo hi nhonga ya zanga ya yena.

2 I rangele mina i mahile mina a ku famba munyamani, na ku nga hi kuwonekeleni.

3 Hakunene a ka mina i hunzulusa a canja ga yena kambe ni kambe gonkle a siku.

4 A nyama ya mina ni hlange ya mina i yi kosahalisile ; i tsobile a marambo ya mina.

5 I akile a vukela mina, i ranzele mina hi nyongwa ni kubayisa.

6 I mahile mina a ku aka wutsanweni ga munyama kwatsi hi labo ba fileko kaleloko.

7 I biyele mina, lezaku a nzi na ku huma ; i mahile a magenje ya mina a ku tika.

8 Ina, laba nzi bakohuwa, nzi bitana a kuvunwa, i valela lahandle a mukombelo wa mina.

9 I biyele a tindlela ta mina hi maribye

ma baklilweko ; i mahile a tindlela ta mina ti byekela.

10 I nzi mahile kwatsi ka bera gi onga-ko, kwatsi i ngala wutsanweni gi fhleleko.

11 I hambukisile a tindlela ta mina, i runzuwule mina zipanzana ; i mahile mina a marumbi.

12 I kondlile a wura ga yena, ni mehela mina kwatsi i pota ya ligalala.

13 I lo maha a misebe ya kutsu wa yena a ku nyupela tiweni ta mina.

14 Nzi mahile a hlekiselo ka bonkle a banhu ba ka hina, ni lisimu labye gonkle siku.

15 I tatisile mina hi babiselelo, i xurile mina hi sinye ya kubaba.

16 Yena kambe i tsobile a meno ya mina hi maribyana ; i fenengetile mina hi kuma.

17 Na wena u susile a muhefemulo wa mina kule ni kurula ; nza kohlwa hi vuvumiselelo.

18 Nzi te ngalo, A ntamo wa mina wu mbembile, ni xubiselelo wa le ka Jehova.

19 Alakanya a hlokiselelo wa mina ni tsekulelo wa mina, a sinye ya kubaba ni nyongwa.

20 A muhefemulo wa mina wu nabo kualakanyeni, wu koramekile hi lomo nzeni ka mina.

21 Lexi nza xi bitana a kupimeni ka mina ; hikwalaho nzi na ni kutsumba.

22 Loko hi ka wuranzagawunene ga ka Jehova lezaku hina a hi lobyiswangi, hakuba a hawukeliselelo wa yena a wu tsanzeki.

23 Wona wu hi muswa yonklelele a mixo ; nja hombe a kolekiselelo ya yena.

24 Jehova u hi xiabelo xa mina, ku wula a muhefemulo wa mina ; hikwalaho nzi ta tumba a ka yena.

25 Jehova i sasekile a ka bona labo ba rinzelako yena, a ka muhefemulo lowo wu hlotako yena.

26 Kona kusasa lezaku a munhu i wa ta nga a tumba a rutisa a labelela a hanyiselelo wa ka Jehova.

27 Kona kusasa lezaku a munhu a rwala a joka a wusweni ga yena.

28 Nga yena a tsama yecelale a miyeli-swa, hakuba yena i bekile kona behla ka yena.

29 Nga yena a beka a nomu wa yena le tsurini, loku zingaho laho ku kona a xitsumbo.

MIKOSI, 4.

- 30 Nga yena a nyika a rama ga yena a ka yena loye a mu bileko; nga a be a tatisilweko nguvu hi nzu-kano.
- 31 Hakuba a Hosi yi nga ta hoxa kala kupinzuka.
- 32 Hakuba hambu lezi yena a mahile a ketiselelo, kasike yena i tuba ni hawukeleliselelo kukotisa hi ka wudlemo ga kuranzakawunene ga yena.
- 33 Hakuba yena a hlokisi hi kuranzisilweko, ge ni ketisa a banana ba banhu.
- 34 A kutrandlesa lahasi ka konzo tonkle a tiperesu ta misaba.
- 35 A ku hambukisa a nongametiso wa munhu a mahlwani ka ngohe ya loye a Hunzeleleko Kuklakuka,
- 36 A kuhoxa a munhu le nanzwini wa yena, a Hosi a yi kuranzangi.
- 37 Himani loye a wulako, Na kona ku maheka, laha na Hosi yi nga leletelangi kona ke?
- 38 Ku huma hi le nonwini wa loye a Hunzeleleko a Kuklakuka a kuti a kubiha ni kusasa ke?
- 39 Ngahilezo a munhu a hanyako wa kalala, a munhu hakuba hi tsayiselelo wa zionho zakwe ke?
- 40 Nga hi hlola ni kuringa a tindlela ta hina, ha klela kambe a ka Jehova.
- 41 Nga na hi klakusa a timbilu ta hina ni mandla ya hina a ka Nungungulu le matilweni.
- 42 Hina hi hambunyetile hi hlubukile; wena a ku tsetselelangi.
- 43 Wena u kubunyetilwe hi zanga u hlongolisile hina; wena u hlasele, wena a ku hawukelangi.
- 44 Wena u kubunyetile a wutsumbu ga wena hi refu, zingaho lezo a wu kona a kombelo wu ta nga pondlisa.
- 45 Wena u mahileko hina a xiswiro ni kualwa a xikarini ka banhu.
- 46 Bonkle a balala ba hina ba vulule a milomu yabye a kuvukela hina.
- 47 A blanekero ni rinzi zi tele hehla ka hina, marumbi ni loyiselelo.
- 48 A mahlo ya mina ma kulunga hi micongo ya mati, hakuba hi loyiselelo wa nhanyana wa banhu ba mina.
- 49 A tihlo ga mina ga kuhalakela lahasi, a gi kawuli, a gi na nzhiho.
- 50 Kala Jehova a cuwuka lahasi, ni ku languta hi le tilweni.
- 51 A mahlo ya mina ma hlokisa a muhefemulo wa mina, hakuba hi banhanyana bonkle ba muti wa mina.
- 52 Bona ba hlongolisile hi kutsingisilweko kwatsi xinyanyani, labo ba na nga balala ba mina na ku hi haba nanzu.
- 53 Be tsemile a wutomi ga mina le rinzi, ba hoxile ribye hehla ka mina.
- 54 A mamati ma ku kulunga hehla ka hloko ya mina; nzi te ngalo, Nzi tsenwile.
- 55 Nzi bitanile ka bito ga wena, O Jehova, hi lomo basi ka rinzi.
- 56 Wena u zwileko a gezu ga mina, u nga fihli a gezu ga wena le mahikenl ya mina, ni huweni ya mina.
- 57 Wena u tsinelako a kusuhani a ka siku lego nzi bitanileko wena; wena u wulako, U nga cabe.
- 58 O Hosi, wena hi wena u koxeleko a mahungu ya muhefemulo wa mina; wena u klaklisileko a wutomi ga mina.
- 59 O Jehova wena, u wonile a kubiha ka mina; lamula wena a nanzu wa mina,
- 60 Wena u wonile wonkle a potelelo wabye ni wonkle a mahlebo yabye ba vukela mina,
- 61 Wena u zwile a nzhukano yabye, O Jehova, ni wonkle a mahlebo yabye ba vukela mina,
- 62 A milomu ya bona labo ba sukako ba vukela mina, ni mahlebo yabye ba vukela gonkle a siku.
- 63 Languta, wena u kutsama kabye, ni kusuka kabye, mina nzi lisimu labye.
- 64 Wena u ta maha a ka bona a potelelo, O Jehova, kukotisa hi kutira ka mandla yabye.
- 65 Wena u ta nyika a sihalaliso wa mbilu a nzukano ya wena hehla ka bona.
- 66 Wena u ta hlongolisa bona hi zanga, ni ku lobisa bona lahasi ka matilo ya ka Jehova.

XIPIMO 4.

- 1 Hiyini lezo a nzalama yi mahako a lituri! hiyini lezo a nzalama leyo yi hunzelelako a kubasa yi hunzuluswako!
- A maribye ya lomo ndlwini ya kubasa ma halakela tihlokweni ta mapango wonklelele.

- 2 A nisanyana wa malongo wa le Zio-
ni i ecenyiswa ni nzalama yi nye-
kisilweko,
Hiyini bona ba klakuswako kwatsi
mapica ya wumba, a tiro wa ma-
ndla ya muwumbi!
- 3 Hambu ni makanga ma humesa abe-
le, wona ba anwisa a mavunyani
ya wona :
A nbanyana wa banhu ba mina ba
na nilunya, kwatsi i mbuwu lomo
kwatini.
- 4 A lirimi la nwanana a anwako li na-
marele le hehla ka nomu wa yena
hi tora :
A zibanana ziswa zi wutisa a zibaba,
a nga kona munhu a tsobako zona
ka bona.
- 5 Bona labo ba gako hi ka malongo
ba hahlukile lomo mapangweni :
Bona labo ba wundlwilweko hi ku
trukiswa ba ku kumbarela a ma-
tala.
- 6 Hakuba a kugoha ka nbanyana wa
banhu ba mina ka hombe a kuhu-
nza a kuonha ka Sodoma,
Lowo wu nga wa hoxilwe kwatsi hi
xikanzakanyana, ku wa nga hi
kona a mandla ma nga wa beki-
lwe hehla ka yena.
- 7 Ni badzunzekileko ba yena ba wa
basisi kuhunza a mbera,
Bona ba wa basile ku hunza a masi.
Bona ba wa trukile lomo mirini ku
hunza a mifrunza, a kutotwa ku-
bye ku wa hi ka Safira.
- 8 A libanga labye li hi la ntima ku
hunza makala; bona a ba tibyiwi
lomo mapangweni :
A hlange ya'bye yi namarela mara-
mbyeni ya'bye; kona ku wuna, ku
tsama ku maha kwatsi a sinye.
- 9 Bona labo ba delweko hi supado i
cukwana ku hunza labo ba de-
lweko hi ndlala ;
Hakuba laba ba lo kwabeka, ba ka-
nganyeka, hi ku laba mihanzo ya
le masiawini.
- 10 A mandla ya ba basati ba hawukeli-
sisako ba bikile a banana ba bona-
benyi ;
Bona ba wa hi nyama ya'bye a lobyi-
selelweni wa nbanyana wa banhu
ba mina.
- 11 Jehova i mbetisile a zanga ya yena,
i hlalele a zanga ya yena yi ca-
bekako ;
Yena i dzibele a nzilo le Zioni, lowo
wu kadamulako a tihlowo ta kona.
- 12 A tihosi ta misaba a ti kolwangi, ge
ni bonkle ba akileko ba misaba,
Lezaku a babengi ni balala ba wa ta
nga ba engena lomo tiyangweni
ta Jerusalema.
- 13 Kona hakuba hi zonho za baprofeti
ba yena, ni kugoha ka bapristi ba
yena,
Labo ba halatileko a nkata wu nga
hiko na nanzu xikari ka yena.
- 14 Ba nzula kwatsi xikumu lomo ma-
pangweni, ba nyenyezisilwe hi
nkata,
Zingaho lezo a munhu a nga na ku-
mba a tinguwo tabye.
- 15 Sukani zwina, ba lobahuwa a ka
bona, Mu nga hlazekangiko! su-
kani, sukani, mu nga kumbel
Laba bona ba tsutsumako ni ku nzu-
la, banhu ba wula xikari ka mi-
fumo, Bona ba nga ta ha engeta
kambe ba lubela leno.
- 16 A zanga ya ka Jehova yi hangala-
sile bona; yena a nga ta ha enge-
ta kambe a katala ha bona :
A ba katalangi hi dzumba ga bapri-
sti, a ba dzunzangi a basingala-
kati.
- 17 A mahlo ma tsanzeka hi kucuwuka
a kutsumba ka hina ku nga nya-
wuliko :
A kurinzeleni ka hina hi cuwukele
a ka mufumo lowo wu nga poni-
siko.
- 18 Ba hlota a wukanziyelo ga hina, le-
zaku hina hi wa nga ta kota ku
famba lomo mapangweni ya hi-
na :
A kugumelwa ka hina ku tsincle, ni
masiku ya hina ya ma tatisekile ;
hakuba kugumelwa ka hina ku
tile.
- 19 A bahlongolisi ba tsutsuma ku hu-
nza a magama ya le matilweni :
Ba hlolongolisile hehla ka zitsunga, ba
rinzele hina lomo xiwuleni.
- 20 A muhefemulo wa tinhovu ta hina,
ni a hlawulilweko wa ka Jehova,
ba wa tekilwe marinzini ya'bye ;
A ka bahi hi te ku ngalo, Lahasi ka
nzuti wa yena hi ta hanya xikari
ka mifumo.
- 21 Buma u tsakiswa, O nbanyana wa
le Edome loye u akileko lomo ti-
kweni ga Uzi :
A kopo yi ta hunza yi pondlisa a ka
wena; wena u ta kuba u popi-
lweko, u ta maha a wutsumbu ga
wena a wumbyiri.

EZEKIELI, 1.

- 22 A peziselelo wa zigoho za wena wu gumelwe, O nhanyana wa le Zion; yena a nga ta ha gotsa wena kambe le wukonzwini;
Yena i ta enzela a zigoho za wena, O nhanyana wa le Edome; i ta vunungula a zionho za wena.
- XIPIMO 5.**
- 1 Alakanya, O Jehova, lezo zi tileko hehla ka hina:
Languta, ni ku wona a nzukano ya hina.
- 2 A tsomba ya hina yi hunzulusiwe a ka bamatiko,
A tindlu ta hina a ka banwani.
- 3 Hi zisiwana hi nga hiko na badadani;
Ba mamani ba hina ba kwatsi tinoni.
- 4 Hii nwire a mati ya hi mali;
A tihunyi ta hina ti xabyisilwe a ka hina.
- 5 A bahlongolisi ba hina ba kamanyetile a tinhamo ta hina:
Hi karele, a hi na kuhumula.
- 6 Hi nyikele a canja ka ba Gipite,
Ni ka ma Asiria, akuba hi xuriswa hi kuga.
- 7 A badadani ba hina ba onhile, kani-
lezi a ba kona;
Hina hi rwele a kubiba kabye.
- 8 A malanza ma fumela hehla ka hina:
Labo a nga kona a wa kuklaklisa hina hi huma a canjeni gabye.
- 9 Ha koma a zibaba za hina hi ku to-
kometelo wa wutomi ga hina,
Hakuba hi supado ya lomoxiwuleni.
- 10 A hlonge ya hina nja tima kwatsi i
nzimbo,
Hakuba vuriselelo wa kuhisa ka
ndlala.
- 11 Ba banganile a ba basati le Zioni,
Ni mibulwa le mitini ya ka Juda.
- 12 A tihosana ti wa hayekilwe hi canja
ga tona:
A tingohe ta masingalakati ti wa nga
dzunziwangi.
- 13 A majaha ma lo rwala a zigayo;
Ni banana ba lo retemuka lahasi ka
tihunyi.
- 14 A masingalakati ma kawulile hi le
nyangweni,
Ni majaha hi le tingomeni tabye.
- 15 A litsako la mbilu ya hina li kawule,
A kukina ka hina ku hunzulwe a
xirilo.
- 16 A xidlo dlo xi wile hi le tihlokweni
ta hina:
Kombo a ka hina! hakuba hina hi
onhileko.
- 17 Hakuba a ka lexi a mbilu ya hina yi
rerekile;
Hakuba hi ka lezi zilo a mahlo ya
hina ma xilutsu;
- 18 Hakuba hi xitsunga xa Zion, lexo
xi hahlukileko:
A bahlali ba famba hehla ka xona.
- 19 Wena, O Jehova, u tsamako kala
kupinzuka;
A xitsamoxawukosi xi tsamile ka
xizukulwano ka xizukulwano.
- 20 Ngahilezo wena u kohililwe hina kala
kupinzuka,
Na u hoxile hina xikati xi nabala-
tileko ke?
- 21 Hunzula hina ka wena, O Jehova, na
hina hi ta kuba hi hunzulusiweko;
Klelisa a masiku ya hina kwatsi a
kaleloko.
- 22 Kanilezi wena hi kumbetisilweko u
alile hina;
Wena u zangarile nguvu u vukela
hina.

A BUKU GA

EZEKIELI.

XIPIMO 1.

- 1 Makunu ku wa mahisile lezo hi ka
lembe ga makume manharu, hi ka
hweti ya mune, a ka siku ga wunkla-
nu ga hweti, kwatsi hilezi nzi nga
wa hi xikari ka bakonwi hi le co-
ngweni wa Cebare, lezaku a matilo
- ma lo vululeka, na nzi lo wona a mi-
woniso ya ka Nungungulu.
- 2 Hi ka wunklanu wa masiku ya hwe-
ti, leyo yi nga wa hi wunklanu wa
malembe ya kukonwa ka Jehoia-
kina a hosi ya ka Juda,
- 3 A mhaka ya ka Jehova yi lota hi ku-

- tsimbeketisilweko a ka Ezekieli a mupristi, a nisanyana wa ka Buzi, a tikweni ga ma Kaldea hi le congweni Cebare; ni canja ga ka Jehova gi wa hi leyo hehla ka yena.
- 4 Na nzi lo cuwuka, ni, languta, a mheho ya xihuhuri na yita hi le nwalungu, a refu ga hombe, zinwe ni nzilo wu ti wuyeteleko a wutsumbu ga wona, ni bangamelisiso wu rauzele gona, ku huma hi lomo xikari ka gona kwatsi i suku wu ngangemelako, ku huma hi lomo xikari ka nzilo.
- 5 Na ku huma hi lomo xikari ka gona a fananiselo wa mune wa zibangwa zi hanyako. Ni loku ku wa hi kuwoneka ka zona: Zona zi wa hi ni wu fananiselo wa munhu;
- 6 Zonkclelele zi wa hi ni mune wa tingohe, ni zonkclelele za zona zi wa hi ni mune wa tipapa.
- 7 Ni mikonzo ya zona yi wa hi mikonzo yi lulamileko; a zirenze za mikonzo ya zona zi wa ku fanana ni xirenze xa role; zi kwezima ku fanana ni suku wu zukisilweko.
- 8 Zona zi wa hi ni mandla ya munhu lahasi ka tipapa ta zona laho ka mune wa makahala; na zona za mune zi wa hi mune wa tingohe tabye ni tipapa tabye zingaho;
- 9 Ni tipapa ta zona ti wa luneketene a liawe ni liwani; zona a zi hunzulukangi laha zi fambako: zona zi lo famba zonkclelele zi cuwuka a mahlweni.
- 10 Kwatsi hi fananiselo wa tingohe tabye, zona zi wa hi tingohe ta munhu; na zona za mune zi wa hi ni tingohe ta ngala hi klelo ga xinene; na zona za mune zi wa ni ngohe ya homu hi klelo ga xibaba; zona za mune zi wa hi ni tingohe ta magama kambe.
- 11 A tingohe ta zona ni tipapa ta zona ti wa hambanyisilwe le hehla; a tipapa timbiri ta zonkclelele ti wa luneketene ka liawe ni liwani, ni timbiri ti lo kubunyetwa a miri wa zona.
- 12 Na zona zonkclelele zi su famba zi komama mahlweni: laho a moya wu nga wa kari wuya, zona zi lo famba kona; a zi hunzulukangi laho zi nga waya.
- 13 Ii xifananiselo xa zibangwa zi hanyako, a kuwoneka ka zona ku wa fanana ni nzilo wa makala wuvura-
- ko, kufanana ni woneka ka zihlahle: a nzilo wu loya hehla ni lahasi xikari ka zibangwa zi hanyako; ni nzilo wu wa bangamela, hi lomo nzilweni ku lo huma a xingwalangwanza.
- 14 Nizibangwa zi hanyako zi lo tsutsu-ma na zi klela, kufanana ni kuwoneka ka kwezimiselo wa xingwalangwanza.
- 15 Languta kwatsi hilezi nzi nga wa languta a zibangwa, languta, a ranzani ginwe hehla ka misaba hi laba klelweni ga zibangwa zi hanyako, a ka xinwe xi wa hi ni mune wa tingohe ka xona.
- 16 A kuwoneka ka maranzani ni tiro wa wona ku wa ku kwatsi ziketse: na zona za mune zi wa ni kufanana kuwe; a kuwoneka ka zona ni tiro wa zona ku wa ku kwatsi i ranzani nzeni ka ranzani.
- 17 Laha zona zi nga famba zi wa fambile a muneni wa timbecho ta zona: zona a zi klelangi laho zi nga waya.
- 18 Na kwatsi hi tikirisi ta zona ti wa klakukile litsisa; na zona za mune zi wa hi ni likirisi li teleko li ranzela hi mabho.
- 19 Ni laha a zibangwa zi hanyako zi nga wa fambile, ni maranzani ma laku famba mahlweni ya zona; ni laha a zibangwa zi hanyako zi nga wa klakukile le hehla misabeni, ni maranzani ma wa lo klakuka.
- 20 Kanilikwihi laho a moya wu yako, zonawu zi wa ku famba; laho a moya wu nga ta kuya kona: ni maranzani ma wa ku klakuswa hi le klelweni ga zona; hakuba a moya wa zibangwa zi hanyako wu wa hi nzeni ka maranzani.
- 21 Laha bona ba nga wa fambile, wonawu ma lo famba; laha bona ba nga wa yimile, wonawu ma lo yima; ni laha zona zi nga wa klakukile le hehla ka misaba, ni maranzani ma wa lo klakuka hi le klelweni ga zona; hakuba a moya wa zibangwa xi hanyako wu wa hi nzeni ka maranzani.
- 22 Ni hehla ka hloko ya zibangwa xi hanyako laho ku wa hi kona a fananiselo wa mbingano, ku fanana ni hatimelo wi tsisako a ku cuwuka hehla ka wona, ku te klamalala hehla ka tihloko ta zona le hehla,
- 23 Ni lahasi ka mbingano ni tipapa ta zona ti wa lulamile, a liawe li komamile liwani: zonkclelele zi wa hi ni liawe lolu li nga wa fenengetile legi

klelo, ni zonklelele zi wa hi ni liawe
lolo li nga wa fenengetile lego kle-
lo, ga miri wa zona.

24 Ni laha zona zi nga wa famba, nzi
lozwa a guwa ga tipapa ta zona ku-
fanana ni guwa ga mamati ya hombe,
kwatsi i gezu ga Nyamintamo, a
gezu ga philupfilu kufana ni gezu ga
impi: laha na zona zi yimile, zona zi
lo dzeleta hasi tipapa ta zona.

25 Ni laho ku wa hi kona a gezu hehla
ka mbingano lego gi nga wa hi he-
hla ka tihloko ta zona: laha na zo-
na na zi yimile, zona zi wisa tipapa
ta zona.

26 Hehla ka mbingano lowo wu nga
wa hi hehla ka tihloko ta zona ku
wa hi ni fananiselo wa xitsamoxa-
wukosi, kwatsi hi wonkeliselo ya
ribye ga Safira; ni hehla ka fanani-
selo wa xitsamoxawukosi ku wa hi
ni fananiselo wa wonkeliselo wa
munhu hehla ka xona.

27 Nzi lo wona ku kwatsi ziketse zi
ngangamelako, kwatsi i wonkelisi-
selo ya nzilo wu ranzeleko, hi le wo-
nekilisweni wa ziwunu za yena ni le
hehla, na hi wonkelisweni wa zi-
wunu za yena ngomama ni lahasi
nzi lo wona kwatsi i wonkeliselo
wa nzilo, ni laho ku wa hi kona a
ngangameliselo wu ranzeleko yena.

28 Kwatsi hi ku wona ka wura lego gi
nga lomo marifini hi sikwini ga vula,
zingaho a kuwoneka ka kona ku ra-
nzeleko. Loku ku wa hi kuwoneka
ka fananiselo wa wu wukosi ga ka
Jehova. Ni laha nzi nga wa wonile
kona, nzi lowa hi ngohe ya mina,
nzi lozwa ga muzwe loye a nga wa
wulawula.

XIPIMO 2.

- 1 Na yena i te ngalo ka mina, Nisa-
nyana wa munhu, yima hi mikonzo
ya wena, nzi ta wulawula ka wena.
- 2 Ni Moya wu lo engena a ka mina
laha yena a wulawulako zinwe na
mina, i lo yimisa mina hi mikonzo
ya mina; nzi lozwa yena loye a nga
wa wulawula a ka mina.
- 3 Na yena i te ngalo ka mina, Nisa-
nyana wa munhu, nza rumela wena
a ka banana ba ka Israeli, a ka mi-
fumo leyo yi hlubukileko, leyo yi
hlubukileko yi vukela mina: bona
ni badadani babye ba hambunyetile
ba vukela mina ku kala kona a ka
legi siku.

[Sheetswa.]

4 A banana ba nga ni xikanya ni mbi-
lu ya kunonoha: nzi rumela wena
a ka bona; na wena u ta wula a ka
bona, Zakungahi a wulako a Hosi
Jehova.

5 Na bona, kutani ba tazwa, kutani ba
nga kuzwa (hakuba mba yindlu yi
hlubukileko), kasike ba ta tiba leza-
ku laho ku wa hi kona a muprofeti
a xikari ka bona.

6 Na wena nisanyana wa munhu, u
nga be u cabyisilweko ha bona, ge
ni kudzukiswa hi timbaka tabye, ge
ni ku mbetekiswa ntamo hi dzumba
gabye, hambulezo ba na nga yindlu
yi hlubukileko.

7 Na wena u ta wulawula a timbaka
ta mina a ka bona, hambu ba tazwa,
kutani ba nga hi na kuzwa; hakuba
bona ba hunzeletisilwe a hlubikiselo.

8 Kanilezi wena, nisanyana wa mu-
nhu, zwana lezo nzi wulako a ka
wena; u nga be u hlubukileko ku
fanana ni yindlu leyo yi hlubukile-
ko: a hlama a nomu wa wena, ni
kuga lezo nzi nyikileko wena.

9 Ni laha nzi nga wa cuwukile, langu-
ta, a canja gi wa nawutelwa a ka
mina; ni, mangabye, a songelwa wa
buku wu wa hi lomu nzeni:

10 Yena i lo tsambuluta gona mahlwe-
ni ka mina; na gona gi wa tsalilwe
hi lomu nzeni ni lahandle; ni laho
ku wa tsalilwe a ka gona a mikosi,
ni xirilo, ni kombo.

XIPIMO 3.

1 Na yena i te ngalo ka mina, Nisa-
nyana wa munhu, gana lexo wena
u xi kumileko; gana lowu songe-
lwa, u famba, u ya wulawula a ka
yindlu ya ka Israeli.

2 Zingaho nzi lo vulula a nomu wa
mina, yena i lo maha mina a kuga
a songelwa.

3 Na yena i te ngalo ka mina, Nisa-
nyana wa munhu, maha a xingwe-
ngwe xa wena a kuga, ni kutatisa a
marumbu ya wena hi buku lego nzi
nyikileko wena. Zonake nzi loga
kona; kona ku wa ku kwatsi lomo
kazwini ka mina kwatsi mbulombe
a hi tsombeliselo.

4 Na yena i te ngalo ka mina, Nisa-
nyana wa munhu, famba, uya wena
a ka yindlu ya ka Israeli, u ya wula-
wula hi timbaka a mina a ka bona.

5 Hakuba wena a ku ruwewelwangi ka
banhu ba kuwulawula ka bamatiko

- ni ka ba lirimi li tsanzako, kanilezi a ka yindlu ya ka Israeli;
- 6 A hi ka banhu bo tala ba kuwulawula ka bamatiko ni lirimi li tsanzako, labo a timhaka tabye u nga ti pimi-ko. Hakunene, loku nzi rumela wena a ka bona, bona ba wa ta nga ba ingisile a ka wena.
- 7 Kanilezi a yindlu ya ka Israeli yi nga ta ingisa a ka wena; hakuba bona ba nga ta ingisa a ka mina; hakuba a yindlu ya ka Israeli mba zimombo zi nonohako ni mbilu yi sihalahako.
- 8 Languta, nzi mahile a ngohe ya wena yi tsubika yi vukela a tingohe tabye, ni ximombo xa wena xi tsubika xi vukela a zimombo zabye.
- 9 Kwatsi i adamante gi nonohako ku hunza a ri/ye ga nzilo nzi mahile a ximombo xa wena: u nga cabe bona, ge ni ku mbetekiswa ntamo hi ka dzumba gabye, hambu lezo bona ba na nga yindlu yi hlubukileko.
- 10 Klatakumbiri yena i te ngalo ka mina, Nisanyana wa munhu, tonkle a timhaka ta mina leto nzi ta nga wulawula ka wena amukela lomu mbilwini ya wena, ni kuzwa hi tindlebe ta wena nwinyi.
- 11 Ni kuya, wena a ka bona labo ba bakozi, a ka banana ba banhu ba ka nwina, ni kuwulawula a ka bona, ni ku byela bona, Zakungahi a wulako Hosi Jehova; kutani bona ba ta kuzwa, kutani bona ba nga ta kuzwa.
- 12 Zonake a Moya wu lo klakusa mina hehla, na nzi lozwa hi le nzako ka mina a gezu ga hirihiri wa hombe, giku, Gi katekisilwe a wukosi ga ka Jehova gi tako hi le wutsanweni ga yena.
- 13 Nzi lozwa a guwa ga tipapa ta zibangwa zi hanyako kwatsi hilezi zi kumbako a xizwe ni xizwani, ni guwa ga maranzani ma nga marenani ya zona, gona a guwa ga hirihiri wa hombe.
- 14 Zingaho a Moya wu lo klakusa mina, wu lo susa mina; nzi lo famba hi babisisilweni, a kuhiseni ka moya wa mina; ni canja ga ka Jehova gi wa hi ni ntamo hehla ka mina.
- 15 Zonake nzi lota a ka bona ba bakozi le Telabiba, labo ba akileko hi le congweni wa le Cebare, ku nga kwihi ba akileko; ni leyo nzi lo tsama nzi te curwa xikari kabye nklanu ni mambiri a masiku.
- 16 Na ku mahisile lezo a kugumelweni ka nklanu ni mambiri masiku, lezaku a mhaka ya ka Jehova yi lota ka mina, yiku,
- 17 Nisanyana wa munhu, nzi mahile wena a murinzeli a ka yindlu ya ka Israeli: hikwalaho zwana a timhaka ta nomu wa mina, u nyika bona a kuleleletela le ka mina.
- 18 Laha na nzi wula a ka wa kubiha, Wena hakunene u ta kufa; wena u nga nyiki yena a kulayela, ge ni kuwulawula ku kawuka a wa kubiha le ndleleni ya yena ya kubiha, a ku ponisa a wutomi ga yena; ywaloye a munhu wa kubiha i ta kufa kugoheni ka yena; kanilezi a nkata wa yena wu ta labyiwa a canjeni ga wena.
- 19 Kasike loku wena u kawuka a wa kubiha, na yena a kleli kubihisiseni ka yena ge ni le ndleleni ya yena ya kubiha, yena i ta kufa kubihisiseni ka yena; kanilezi wena u klaklisile a muhefemulo wa wena.
- 20 Kambe, laba a munhu a lulamileko a klela hi kululamisiseni ka yena, a maha kugoha, na nzi beka a xibo xi kungubanyisa mahlweni ka yena, yena i ta kufa: hakuba wena a ku se ku nyika a kawukiselo, yena i ta kufa xionhweni xa yena, ni kululamisisa ka yena loko a ku mahileko ku nga ta alakanywa; kanilezi a nkata wa yena nzi ta laba a canjeni ga wena.
- 21 Ahembalezoke loku wena u laya a munhu wa kululama, lezaku a lulamileko a nga onhi, a maha ku nga onhi, yena hakunene i ta hanya, hakuba a tekileko kulayelwa; na wena u klaklisile a muhefemulo wa wena.
- 22 Ni canja ga ka Jehova gi wa hi laho hehla ka mina; na yena i te ngalo ka mina, Suka, uya le mikobeni, na nzi ta kuba leyo a kuwulawula zinwe na wena.
- 23 Zonake nzi lo suka, nzi loya le mikobeni: ni, languta, a wukosi ga ka Jehova gi wa lo yima leyo, kwatsi hi wukosi lego nzi nga wa gi wonile hi congweni Cebare; na nzi la kuwa hi ngohe ya mina.
- 24 Zonake a Moya wu lo engena a ka mina, wu lo yimisa mina hi mikonzo ya mina; na wona wu lo wula-

- wula zinwe na mina, wu te ngalo ka mina, Famba, uya valela a wutsumbu ga wena lomo ndlwini ya wena.
- 25 Kanilezi wena, nisanyana wa munhu, languta, ba yimisa a mabande hehla ka wena, ba ta boha wena zinwe nabo, na wena u nga ta huma xikari kabye :
- 26 Nzi ta maha lirimi la wena li nama-rela le wuxinyinyini ga lomo kanwini ka wena, lezaku wena u ta kuba xi mbebebe, u nga ta kuba a ka bona mulayeli; hakuba bona mba yindlu yi hlubukileko.
- 27 Kanilezi laha nzi wulawulako zinwe na wena, nzi ta vulula a nomu wa wena, u ta wulawula zinwe na bona, Zakungahi a wulako a Hosi Jehova : Yena loye a zwako nga a ingisa ; ni loye a nga zwiko, nga a ngazwi ; hakuba bona mba yindlu yi hlubukileko.

XIPIMO 4.

- 1 Wena kambe, nisanyana wa munhu, teka a tayela, u beka yona mahlwani ka wena, u tsala hehla ka yona a muti, wona Jerusalema :
- 2 U beka a zivimbezelo u vukela wona, ni ku aka a zikanekiso u vukela wona ni ku hoxa a zikungumulo u vukela wona ; u yimisa a wugobelo kambe u vukela, ni ku yimisa a tihamba to buvetela ti ranzela.
- 3 Teka a ka wena pani ga xiketse, u bekela gona a ligingisi la xiketse xikari ka wena ni muti : u cuwukisa a ngohe ya wena a ka wona, na wona wu ta vimbezeliwa, na wena u ta beka a vimbezelo u vukela wona. Loku ku ta kuba a xiwoniso a ka yindlu ya ka Israeli.
- 4 Klatakumbiri eklela wena hi rebe ga wena ga xibabe, ni ku klateka a kugoha ka yindlu ya ka Israeli hehla ka wona; ku kotisa hi ka masiku lawo wena u eklela hi ka wona, u ta rwala a kugoha kabye.
- 5 Hakuba nzi yimisile a malembe ya kugoha kabye a kuba a ka wena tsengo wa masiku, wona mazana manharu ni nklanu ni mune makume masiku : zingaho lezo wena u ta rwala a kugoha ka yindlu ya ka Israeli.
- 6 Kambe, laha na u mbetisile lezi, wena u ta eklela hi rebe ga wena ga xinene, u ta rwala a kugoha ka yindlu ya ka Juda : mune wa maku-

- me ya masiku, a siku ginwe i lembe ginwe, mina nzi yimisileko kona a ka wena.
- 7 Na wena u kangeta a ngohe ya wena ngomama ni Jerusalema, ni mawoko ya wena na ma nga fengetilwe; na u ta profeta u vukela wona.
- 8 Ni, languta, nzi beka a klawe hehla ka wena, u nga ta hunzuluka a ka rebe ginwe ka ginwani, u kala u mbetisa a masiku ya kuvimbezela ka wena.
- 9 Teka a ka wena kambe a mabele, ni barle, ni tinyawa, ni ticumba, ni mahuba, ni mahila, u cela zona lomo xibweni, u ti mahela a zibaba ha zona: kukotisa hi masiku lawo wena u ta nga eklela hi rebe ga wena, wona mazana manharu ni nklanu ni mune makume masiku, wena u ta ngaga zona.
- 10 Ni kuga ka wena loku u ta ngaga ku ta ringaniswa, makume mambiri a maxekeli hi siku : xikatini hi xikatini u taga lexi.
- 11 Na wena u ta kunwa a mati hi kuringanyisa, a nklanu xinwe xipanze xa hini : xikatini kuya xikatini wena u ta kunwa.
- 12 U ta kuga kona kwatsi xikeketselo xa barle, na wena u ta bika kona kuwoneni kabye hi macimba laya ma nyiwako hi munhu.
- 13 Na Jehova i te ngalo, Na kona ku ta kuba ngaho a banana ba ka Israeli ba ta gisa lezo a zibaba zabye na zi nyenyezile, xikari ka mifumo leyo nzi ta nga ba hlolongolela kona.
- 14 Zonake ku lo wula mina, Ha Hosi Jehova! languta, a muhefemulo wa mina a wu nyenyeziswani; hakuba ku sukela wusweni ga mina ka makunu lezi mina a nzi gangi a xilo xi ti feleko a wutsumbu ga xona, kutani zihari zi tobyilweko; ge a ku tangi laho a nyama ya manyalatana lomu nonwini wa mina.
- 15 Zonake yena i te ngalo ka mina, Wona, nzi nyikile wena a koho-wa tihomu hakuba hi macimba ya munhu, na wena u ta longisela a zibaba za wena ha wona.
- 16 Klatakumbiri yena i te ngalo ka mina, Nisanyana wa munhu, languta, nzi ta tsoba a kowo wa zibaba lomu Jerusalema: bona ba ta kuga zibaba hi lipimo, ni hi cabyekiselelo ; ba ta kunwa mati hi lipimo, ni hi kumbe tekiswa a ntamo.

17 Lezaku bona ba labe a xibaba ni mati, ba mbetekiswa ntamo a munwe ni munwani, ni kukwebeka sigohweni zabye.

XIPIMO 5.

- 1 Na wena, nisanyana wa munhu ti tekele wena a supado yi karihako; kwatsi likari la muhaluli wena u ta teka yona ka wena, u maha yona a ku tsemakanya a hloko ya wena ni xilevu xa wena: kasi wa teka a ziringaniso ku pima, a kuhanyisa a misisi.
- 2 A xipanze xa wunharu wena u ta hisa lomo nzilweni lomo xikari ka muti, laha a masiku ya kuvimbezelwa ma tatisekile; na wena u ta teka a xipanze xa wunharu, u xiba hi supado u ranzelekela xona; ni xipanze xa wunharu u ta xi hangala lomo mhehweni, nzi ta hlomula a supado a nzako ka bona.
- 3 Na wena u ta teka yi tsongwani hi tsengo, ni kuboha yona a nzungweni wa wena.
- 4 Ni ka lezi kambe wena u ta teka, u hoxa yona lomo xikari ka nzilo, ni ku hisa yona lomo nzilweni; hi ka laho a nzilo wu tata a ka yindlu yonkle ya ka Israeli.
- 5 Zakungahi a wulako a Hosi Jehova: Legi i Jerusalema; nzi bekile gona lomo xikari ka mifumo, ni matiko ma ranzele gona.
- 6 Wona wu hlubukile wu vukela a zixaxametelo za mina hi kumaheni a kubihisisa ku hunza a mifumo, ni ku vukela a zilayelo za mina a ku hunza a mifumo leyo yi wu ranzeleko wona; hakuba ba alile a zixaxametelo za mina, kwatsi hi zilayelo za mina, bona a ba fambangi ha zona.
- 7 Hikwalaho zakungahi a wulako a Hosi Jehova: hakuba nwina mu na nga ni vilinganya a ku hunza a mifumo leyo yi ranzeleko nwina, a mu fambile hi zilayelo za mina, ge ni kuhlavisa a zixaxametelo za mina, ge a ba fambangi hi zixaxametelo za mifumo leyo yi ranzeleko nwina;
- 8 Hikwalaho zakungahi a wulako a Hosi Jehova: Languta, mina, yena hi mina, nzi vukelako wena; nzi ta tsanza a lamuliselelo a xikari ka wena a kuwoneni ka mifumo.
- 9 Nzi ta maha a ka wena lezo nzi nga mahangiko, lezo nzi ta nga kala nzi nga mahi kambe kufanana lezo, ba-

kuba hi ka wonkle a manyalataniso ya wena.

- 10 Hikwalaho a badadani ba taga a barisanyana xikari ka wena, ni barisanyana ba ta kuga a badadani banye; nzi ta tsanza a lamuliselelo a ka wena; yonkle a misalela a ka wena yi ta hangalaka ni mheho.
- 11 Ngahilezo kwatsi hi lezi nzi hanya-ko, ku wula a Hosi Jehova, haku-nene, kwatsi hilezi wena u nyenyezi-sileko a yindlu ya kubasa ya mina hi wonkle a zilo za swihatiselo, na hi wonkle a manyalataniso ya wena, hikwalaho minawu kambe nzi ta bakanya wena; ge ni mahlo ya mina ma nga ta nyenyetela, kamba minawu nzi nga ta hawukela.
- 12 A xipanze xa wunharu xa wena xi ta kufa hi mitungu, na hi ndlala ba ta mbetiswa lomo xikari ka wena; ni xipanze xa wunharu xi ta kuwa hi supado maklelweni ya wena; ni xipanze xa wunharu xi ta hangalaka timhehweni tonkle, nzi ta hlomula a supado nzi lanzela bona.
- 13 Zakungahi a zanga ya mina yi ta nga mbetekiswa, nzi ta maha a zanga ya mina yi komama a ka bona kasi kuhumula, nzi taba nzi tangalisilwe; na bona ba ta tiba lezaku mina, Jehova, nzi wulawulile hi pangeniselweni wa mina, laha na nzi mbetekisile a zanga ya mina hi hehla ka bona.
- 14 Klatakumbiri nzi ta maha wena a hahlukelelo ni nzukano a xikari ka mifumo leyo yi ranzeleko wena, a mahlweni ka bonkle labo ba hunzako.
- 15 Zingaho ku ta kuba a nzukano ni kanyiselelo, ni ginziselelo ni masingita, a ka mifumo leyo yi ranzeleko wena, nzi ta nga tsanza a lamuliselelo ka wena hi zanga na hi kulo, ni kawukiselelo wu vunjukelisilweko (mina, Jehova, nzi wulileko kona);
- 16 Laha nzi ta nga rumela hehla ka a tugalala ta kubiha ta ndlala, leto ti nga ta lobyiselelo, leto nzi ta nga rumela a kulobisa nwina. Nzi ta enzelekisa a ndlala hehla ka nwina, na nzi ta tsoba a talo wa zibaba za nwina;
- 17 Nzi ta rumela hehla ka nwina a ndlala ni zibanza za kubiha, zona zi ta pangwa wena; ni mitungu ni nkata wu ta hunza hi ka wena; nzi ta neha a supado hehla ka wena: mina, Jehova, nzi wulileko kona.

EZEKIELI, 7.

XIPIMO 6.

- 1 Ni mhaka ya ka Jehova yi leta ka mina, yiku,
- 2 Nisanyana wa munhu, kangeta a ngohe ya wena ngomameni ni zitsungeni za ka Israeli, ni ku profeta a ka zona.
- 3 Uku, Nwina zitsunga za ka Israeli, zwanani a mhaka ya Hosi Jehova: Zakungahi a wulako a Hosi Jehova a ka zitsunga ni miganga, ni ka wukulungelo ga mamati ni ka minzelelo: Langutani, mina, yena mina, nzi ta neha a supado hehla ka nwina, nzi ta lobisa a wutsamo ga nwina gi klakukileko.
- 4 Ni maalati ya nwina ma ta maha a marumbi, ni zifananiso za nwina za gambo zi ta tsobyiwa; nzi ta hoxa lahasi a banhu ba nwina ba delweni mahlweni ka mavule ya nwina.
- 5 Na nzi ba bekela a zirumbi za banana ba ka Israeli mahlweni ka mavule yabye; nzi ta hangalasa a marambu ya nwina fenemete maranzela a maalati ya nwina.
- 6 A ka gonkle wutsanweni ga wuakelo ga nwina a miti yi ta sala a marumbi, ni wutsamo gi klakukileko gi hahluka: kasi a maalati ya nwina ma siyiwa na hahlukile ni marumbi, ni zifananiso za nwina zi tsobyiwa ni ku kawula, ni zifananiso za nwina za gambo zi fela a ku tsenwa, ni mitiro ya nwina yi fela ku fubisiwa.
- 7 Ni ba delweko ba ta kuwa a xikari ka wena, na nwina mu ta zi tiba lezaku nzi mina Jehova.
- 8 Kasike nzi ta tsika a misalela, ka lezo nwina mu ta kuba nabo labo ba ponileko a supado xikari ka mifumo, laha nwina mu ta hangalaka mu ku gafe ni matiko.
- 9 Ni labo ba nwina ba ta nga pona ba ta alakanya mina xikari ka mifumo laho ba nga gotswa a wukonwi, lezaku nzi tsobekisile kuyini hi mbilu yabye ya kuswara, leyo yi sukileko le ka mina, na hi mahlo yabye, lawo ma mahako a wuoswi ku lanzela a zifananiso zabye; na ma ta ti fukata a wutsumbu gabye a kuwoneni kabye hi kubiha loko ba ku mahileko a ka wonkle a manyalataniso yabye.
- 10 Na bona ba ta zi tiba lezaku nzi mina Jehova: lezaku a nzi wulangi mahala lezaku nzi ta maha loku a kubiha a ka bona.
- 11 Zakungahi a wulako a Hosi Jeho-

va: Bana hi canja ga wena, kanziyela hi konzo wa wena, uku, Ha! hakuba hi wonkle a manyalataniselelo ya yindlu ya ka Israeli; hakuba bona ba ta kuwa hi supado, hi ndlala, na hi mitungu.

- 12 Yena loye a kule i ta kufa hi mitungu: ni loye a nga kusuhani i ta kufa hi supado; na loye a seleko a vimbezelweko i ta kufa hi ndlala: zakungahi nzi mbetekisa a zanga ya mina hehla ka bona.
- 13 Na nwina mu ta zi tiba lezaku nzi mina Jehova, laha a banhu ba delweko babye ba ta mbambamela a maalatini yabye, hehla ka zitsunga zonkilelele zi klakukileko, ni le hehla ka zitsunga zonkle, ni lahasi ka tonkilelele tisinya to nyuka, ni lahasi ka yonkle a mioaki yonkle yi dzibileko a wutsamo lego ba nyikeleko a munyikelo wo nanziha a ka zonkle zifananiso zabye.
- 14 Na nzi ta tsambuluta a canja ga mina hehla ka bona, ni ku maha a tiko gi hahluka ni marumbi, ku sukela hi le xiwuleni ku komama Dibla, ku pondlisa gonkle a wuakelo gabye; na bona ba ta zi tiba lezaku nzi mina Jehova.

XIPIMO 7.

- 1 Klatakumbiri a mhaka ya ka Jehova yi leta ka mina, yiku,
- 2 Na wena, nisanyana wa munhu, zakungahi a wulako a Hosi Jehova a ka tiko ga ka Israeli, A kugumelwa, a kugumelwa ku tile hehla ka magumo ya mune ya tiko.
- 3 Makunu hi kugumelwa ku kamanyetileko wena, nzi ta rumela zanga ya mina hehla ka wena, nzi ta lamula wena kukotisa hi ka tindlela ta wena; nzi ta neha hehla ka wena wonkle a manyalataniso ya wena.
- 4 A mahlo ya mina ma nga ta nyenyetela wena, ga mina nzi nga ta hawukela wena; kanilezi nzi ta neha a tindlela ta wena hehla ka wena, ni manyalataniso ya wena ma ta ba xikari ka wena; na nwina mu ta zi tiba lezaku nzi mina Jehova.
- 5 Zakungahi a wulako a Hosi Jehova: A kubiha, kubiha koce; languta, kona kuta.
- 6 A kugumelwa kuta, a kugumelwa kuta; ku kindlimuka ku vukela; languta, kona kuta.
- 7 A tsanziselelo wa wena wata a ka

wena, O a akileko ka tiko. A xika-ti xi tile, a siku gi tsinele, a siku ga pflupflu, gi nga hi ga guwa ga kutsaka, hehla ka zitsunga.

8 Makunu hi kukomisilweko nzi ta halata a zanga ya mina hehla ka wena, nzi mbetekisa a zanga ya mina ngomama na wena, nzi ta lamula wena kukotisa hi ka tindlela ta wena; nzi ta neha hehla ka wena wonkle a manyalataniso.

9 Ni tihlo ga mina gi nga ta nyenyetela, ge nzi nga ta kuba ni ku hakuwukela : nzi ta neha hehla ka wena kukotisa hi ka tindlela ta wena ; ni manyalataniso ya wena ma ta kuba xikari ka wena ; na nwina mu ta zi tiba lezaku mina, Jehovanzi hlasela wena.

10 Languta, a siku, languta, gi tako : a tsanziselo wa wena wu humele ; a nhonga yi hlukile, a matsanza ma balekile.

11 A pangiselelo wu vindlukile a ka nhonga ya wa kubihisisa ; a nga kona wa bona a ta nga sala, ge ni wa wudlemo gabye, ge ni wa pfuno wabye : ku nga ta kuba ni wa dzumba hehla ka bona.

12 A xikati xi tile, a siku gi tsinele kusahani : nga a muxabi a nga tsaki, ge hambu muxabisi a nga rili ; hakuba zanga yi le hehla ka xonkle a xidlemo xa kona.

13 Hakuba a muxabisi a nga ta klelela a ka lezo zi xabyisilweko, hambuloko ba ha hanya : hakuba a muwoniso wu kumbile xonkle a xidlemo xa kona, a nga kona a ta nga klelela ; hambu ni kuba kona a ta nga tiyiseta wa wutsumbu ga yena zigo-hweni za kuhanya ka yena.

14 Be bile a paratana, ba mahile bonkle ku longa ; kanilezi a nga kona a yileko impini ; kakuba a zanga ya mina yi le hehla ka xonkle a xidlemo xa kona.

15 A supado yi la handle, ni a mitungu ni ndlala lomu nzeni : loye a na nga lomo kwatini i ta kufa hi supado ; ni loye a na nga lomo mutini a ndlala ni mitungu zi ta kadamula yena.

16 Kanilezi labo ba bona ba ta nga pona ba ta pona, ba ta kuba lomo zitsungeni kwatsi i matuba ya mikoba, bonkle ba bona miketo, bonklelele hi ka zigoho za yena.

17 Wonkle a mandla ma ta rereka, ni

wonkle madzolo ma oloba kwatsi hi mati.

18 Bonawu kambe ba ta boha a wutsumbu gabye hi nguwo ya tisakwa, ni hlanekero wu ta kubunyeta bona ; ni tingana ti ta kuba hehla ka tonkle tingohe, ni lihandla li ta kuba ka tonkle tihloko.

19 Ba ta hoxa a siliva ya bona lomo mapangweni, a nzalama yabye yi kuba a xilo xi nga hlazekaungiko ; a siliva yabye ni nzalama yabye yinga ta klaklisa bona a sikwini ga zanga ya ka Jehova : bona ba nga ta xurisa a mihefemulo yabye, ge ni ku enelisa a marumbu yabye ; hakuba yona yi wa hi xibo xa kungubanyisa xa kugoha kabye.

20 Kwatsi hi wumburi ga gobo ga yena, yena i wa bekile kona a wukosi ; kanilezi bona ba mahile a zifananiso za manyalataniso yabye ni zilo zabye zi swirako kona : hikwalaho nzi mahile kona aka bona xilo xi nyenyezeleko.

21 Nzi ta nyika kona a canjeni ga bamatiko a kuba mupango, a ka bakubiha ba misaba a kuba mufulo ; na bona ba ta nyenyezisa kona.

22 Ni ngohe ya mina kambe yi ta fulara ka bona, na bona ba ta nyenyezisa ; ni bapangi ba ta engena a ka kona, ni ku nyenyezisa kona.

23 Mahani a ngonje ; hakuba a tiko gi tele hi milanzu ya nkata, ni tiko gi tele hi kupanga.

24 Ngahilezo nzi ta neha a kohlakalo wa mifumo, bona ba ta teka a tindlu tabye : kambe nzi ta maha a matsanza ya wa ntamo ku kawula ; ni wutsumo gabye ga ku basa gi ta nyenyeziswa.

25 A lobyiselelo wuta ; na bona ba ta hlota a kurutisa, laho ku nga ta kuba kona.

26 A kohlakalo wu tata hehla ka kohlakalo, ni huwa yi ta kuba hehla ka huwa ; ba hlota a muwoniso wa muprofeti ; kanilezi a nawo wu ta loba wu suka ka mupristi, ni wusungukati gi suka hi le masingalakatini.

27 A hosi yi ta rila, ni hosana yi ta ambexwa hi hleleleko, ni canja ga banhu ba tiko gi ta karateka : nzi ta maha ka bona kukotisa hi ka tindlela tabye, kukotisa hi ziwunza zabye nzi ta lamula bona ; na bona ba ta zi tiba lezaku nzi mina Jehova.

XIPIMO 8.

- 1 Na ku mahisile lezo hi lembe ga nklanu ni ginwe, a ka hweti ya nklanu ni yizwe, hi ka nklanu wa masiku ya hweti, kwatsi hilezi nzi nga wa tsamile lomo ndlwini ya mina, ni masingalakati ya ka Juda ma tsamile mahlweni ka mina, lezaku a canja ga ka Jehova gi lo wela laho hehla ka mina.
- 2 Zonake nzi lo languta, ni mangabye, a fananiselo wa wonkeliselo wa nzilo; kusukela le wonkelisweni wa ziwunu za yena kala le hehla, kwatsi i wonkeliselo wa ngangameliselo, kwatsi xiketse xi ngangemelako.
- 3 I lo klateka a xiyimo ya canja, i lo teka mina hi xihluta xa hloko ya mina; ni Moya wu lo klakusa mina xikari ka misaba ni tilo, wu lo neha mina le miwonisweni ya Nungungulu le Jerusalema, le libatini la nyangwa ya hubye ya lomo nzeni leyo yi cuwukako leyo nwalungu; laho ku nga wa hi ni xitsamo xa mufananiso wa libengo, lowo wu vindlukisileko libengweni.
- 4 Ni, languta, a wukosi ga Nungungulu wa ka Israeli gi wa hi leyo, gi kotisa a kuwo eka ka lego nzi nga gi wona le mikobenl.
- 5 Zonake ku lo wula yena a ka mina, Nisanyana wa munhu, klakusa a mahlo ya wena makunu a ngomama ni nwalungu. Zingaho nzi lo klakusa a mahlo hi ndlela ya ngomama ni nwalungu, ni languta, hi ngomama ya nwalungu hi le nyangweni ya alati ga xifananiso lexi xa libengo hi le wuengweni.
- 6 Na yena i te ngalo ka mina, Nisanyana wa munhu, wa wona wena lezi bona ba zi mahako ke? a manyalataniso ya hombe lawu a yindlu ya ka Israeli yi ma mahako laha, lezaku nzi taya kule ni yindlu ya mina ya ku basa ke? Kanilezi wena wa ha ta wona kambe a manyalataniso ya hombe.
- 7 Na yena i lo neha mina le nyangweni ya hubye; ni laha nzi nga wa cuwukile, languta, a mole lomo ligingisini.
- 8 Zonake ku wula yena a ka mina, Nisanyana wa munhu, kela makunu lomo ligingisini: ni laha nzi nga wa kelile lomo ligingisini, languta, a libati.
- 9 Na yena i te ngalo ka mina, Engena,

- u wona a kubiha ka manyalataniso laya bona ba ma mahako laha.
- 10 Zingaho nzi lo engena nzi lo wona; ni languta, tonklelele a tixaka tazilo zikokakokako, ni zihari za manyalatanisa, ni zonkle a zifananiso za yindlu ya ka Israeli, zi nameketelweko zi ranzela ligingisi.
- 11 Ni laho ku lo yima mahlweni ka zona nklanu ni mambiri makume ya ba banuna ba masangalakati ya yindlu ya ka Israeli; ni xikari ka wona ku wa yimile Jaazania a nisanyana wa Xafani, bonklelele ba wa hi ni pepo lomo mandleni ya bona; ni masema ya refu ga pepo ma lo tubika.
- 12 Zonake ku lo wula yena a ka mina, Nisanyana wa munhu, u zi wonile wena lezi a masingalakati ya yindlu ya ka Israeli ma zi mahako lomo munyameni, bonklelele lomo ndlwini ya yena ya zifananiso ke? hakuba bona ba te ngalo, Jehova a nga wona hina; Jehova i tsikile a tiko.
- 13 Yena kambe i te ngalo ka mina, Wena wa ha ta wona kambe a manyalatiso ya hombe lawo bona ba ma mahako.
- 14 Zonake i lo neha mina a ka libati la yindlu ya ka Jehova leyo yi nga wa komamile le nwalungu; ni languta, laho ku wa lo tsama a ba basuti ba rilela Tammuza.
- 15 Zonake ku lo wula yena a ka mina, Wena u wonile lexi, O nisanyana wa munhu ke? wena wa ha ta wona a manyalataniso ya hombe ku hunza laya.
- 16 Yena i lo nzi neha lomo nzeni ka yindlu ya ka Jehova; ni languta, le libatini la tempele ya ka Jehova, xikari ka nyangwa ni alati, ku wa hi ni makume mambiri ni nklanu wa banhu, na ba fularele ngomama ni tempele ya ka Jehova, ni tingohe ngomama ni mutsuwukagambo; na bona ba wa kozela a gambo hi ngomama ni mutsuwukagambo.
- 17 Zonake yena i te ngalo ka mina, Wena u wonile lexi ke, O nisanyana wa munhu ke? Kona ku hi xilo xo hehuka a ka Juda loku ba maha a manyalataniselelo kota lezi ba mahako laha ke? hakuba ba tatisile a tiko hi pangiselelo, ni ku hunzuluka kambe ba vunjukisa mina ku zangara: ni, mangabye, ba bekile a rabi tinhovini tabye.
- 18 Hikwalaho minawu kambe nzi ta

maha hi wukuxu; ni mahlo ya mina ma nga ta nyenyetela, ge ni kuhawukela; hambuloko ba rila tindlebeni ta mina hi gezu ga homba, kasike nzi nga ta kuzwa bona.

XIPIMO 9.

- 1 Zonake yena i lo bahuwa tindlebeni ta mina hi gezu ga hombe, aku, Mahani bona labo ba nga ni ku hlalisa a muti ku tsinela ku suhani, bonklelele banhu ni maklari yabye ya kulobisa a canjeni gabye.
- 2 Ni languta, a nkhanu ni muawe ba banuna ba lota hi nyangwa ya le hehla, leyo yi nga hi le nwalungu, bonklelele hi maklari yabye ya lobysellelo lomu canjeni gabye; a munhu munwe xikari kabye i wa lo ambe-xwa hi wukene, zinwe ni mutsali tinteni wa lomo limhonzweni hi rebeni ga yena. Na bona ba lo engena, ba lo yima hi le alatini ga suku.
- 3 Ni wukosi ga Nungungulu wa ka Israeli gi wa lo klakuka hi le ndlwini, leyo gi nga wa hi ka yona, hi wuengenweni ga yindlu: i lo bitana a ka munhu a ambeleko a wukene, loye a na nga ni limhonzozo la tinta la ku tsala a rebeni ga yena.
- 4 Na Jehova i te ngalo ka yena, Famba u tsemakanya xikari ka muti, ni xikari ka Jerusalema, famba uya nemeka a marika hehla ka zimombo za banhu labo ba na nga ni mahika ni labo ba bakoluwa hi manyalataniso lawo ma mahiwako xikari ka kona.
- 5 Ni ka banwani i te ngalo a tendlebeni ta mina, Fambani zwina lomo mutini mu lanzela yena, ni ku hlasela: nga a mahlo ya zwina a ma nga nyenyeteli, ge zwina a kuba ni kuhawukela;
- 6 Hlaselani hi kumbetisilweko banhu ba kale, ni banhu baswa ni mibulwa, ni banana batsongwani ni ba basati; kanilezi mu ngati ku suhi ka munhu loye a na nga ni marika: sangulani kona le ndlwini ya mina ya kubasa. Zonake ba lo sangula hi ka banhu ba kale labo ba nga wa hi mahlweni ka yindlu.
- 7 Na yena i te ngalo ka bona, nyenyezisani a yindlu, tatisani a hubye hi ndlelweko: fambani zwina. Na bona ba lo famba, ba lo daya lomo mutini.
- 8 Na ku mahisile lezi, ni laha bona ba

nga wa hlasela, nzi lo siyiwa, leza-ku nzi lowa hi ngohe ya mina, ni ku rila, nzi te ngalo, Ha Hosi Jehoval kasike wena u ta lobisa yonkle a misalela ya ka Israeli a ka halakelo wa zanga ya wena hehla ka Jerusalema ke?

- 9 Zonake ku lo wula yena a kamina, A kugoha ka yindlu ya ka Israeli na Juda ku hunzelele kukula, ni tiko gi tele hi nkata, ni tiko gi tele hi lamuliselelo wa kukonwa: hakuba bona ba te ngalo, Jehova a tsikileko a tiko, Jehova a nga woni.
- 10 Na kwatsi hi mina kambe, a mahlo ya mina ma nga ta nyenyetela, ge nzi nga ta kuba na kuhawukela, kanilezi nzi ta neha a ndlela yabye hehla ka hloko yabye.
- 11 Ni, languta, a munhu a ambexilweko hi wukene, loye a na nga ni limhonzozo la tinta hi laha rebeni ga yena, i lo bika a mahungu, aku, Nzi mahile kwatsi hi lezi ma nzi leleteleko mina.

XIPIMO 10.

- 1 Zonake nzi lo cuwuka, ni, languta, a ka mbingano lowo wu nga hi hehla ka hloko ya cerubima laho ku lo wonaka mahlweni ka yena a ku kwatsi i ribye ga safira, kwatsi i wonkiliso wa xitsamo xa wukosi.
- 2 Na yena i lo wulawula ka munhu a ambeleko hi wukene, i te ngalo, Famba xikari ka wurenzelekelo ga ranzani, kona lahasi ka cerubi, uya tatisa wonkle a mandla ya wena hi makala ya zilo ma nga laha xikari ka macerubima, u hangalasa wona hehla ka muti. Yena i lo engena ku woneni ka mina.
- 3 Makunu a cerubima gi wa yimile le ka rebe ga xineke ga yindlu, laho a munhu a nga wa engena; ni refu gi lo tatisa a hubye la lomu nzeni.
- 4 Ni wukosi ga ka Jehova gi lo klakukela hehla gi suka hi le cerubinweni, gi lo yima wuengenweni ga yindlu; ni yindlu yi wa tatiswa hi refu, ni hubye yi wa laku tatiswa hi ngangamela ka wukosi ga ka Jehova.
- 5 Ni guwa ga tipapa ta macerubima ti wa lo zwala le hubyeni ya le hantle, kwatsi i gezu ga Nungungulu Nyamintamo laha a wulawulako.
- 6 Na ku mahisile lezo, laha yena na a leletele a munhu a nguwo ya wuke-

- ne, aku. Teka nzilo xikari ka wure-nzelekelo ga ranzani, hi le xikari ka ma cerubima, lezaku yena i lo ngena, i lo yima xikari ka ranzani.
- 7 Ni cerubi gi lo nawuluta a canja ga gona hi le xikari ka macerubima gi-ya nzilweni lowo wu nga xikari ka macerubima, i lo teka wona, i lo beka lomo mandleni ya loye a ambeleko hi nguwo ya wukene, loye a nga wa tekile kona i lo huma.
- 8 Laho ku lo woneka hi macerubimweneni a dzumba ga xiyimo xa canja ga muuhu laha ka tipapa ta wona.
- 9 Na mina uzi lo cuwuka, ni languta, a mune wa maranzani hi le ka macerubima, a ranzani ginwe hi laha rebeni ga cerubi, ni ginwani ranzani hi laha rebeni ga ginwani cerubi; a kuwoneka ka maranzani kwatsi i ribye go berile.
- 10 Na kwatsi hi kuwoneka ka wona, wona ya mune ma wa hi ni kufanana kunwe, kwatsi hi loku a ranzani gi wa hi nzeni ka ranzani.
- 11 Ni laha bona ba nga wa famba, zi lo famba a muneni wa zona wa timheho: zona a zi hambukaangi kota zi nga wa famba, kanilezi a ka wutsamo lego hloko yi nga wa cuwuka zona zi lo lanzela yona; zona a zi hambukangi kwatsi hi lezi zi nga wa famba.
- 12 Ni miri wa zona wonkle, ni hlana wa zona, ni mandla ya zona, ni tipapa ta zona, ni maranzani ya zona, ni talisiso wa mahlo wu ranzelelo, a ka wona a maranzani laya zona za mune zi nga nawo.
- 13 Kwatsi hi maranzani, ma lo bitanwa kuzweni ka mina maranzani ya xipupuri.
- 14 Ni zonklelele zi wa hi ni mune wa tingohe: a ngohe ya kuranga yi wa hi ngohe ya cerubi ni ngohe ya ku gamela yi wa hi ngohe ya munhu, ni ya wumharu i ngohe ya ngala, ni ya wumune yi wa hi ya gama.
- 15 Ni macerubima ma lo klakukela hehla: lezi hi zibangwa zi hanyako lezo nzi nga zi wona congweni Cebare.
- 16 Ni laha a macerubima ma nga wa fambile, a maranzani ma lo famba maklelweni ya wona, ni a macerubima ma nga wa klakukisile a tipapa ta wona ma klakuka hi leno misabeni, a maranzani kambe a ma salangiz maklelweni ya wona.
- 17 Laha bona ba nga wa yimile, wonawu ma lo yima; na ma lo klakukela wonawu ma lo yima zinwe na wona: hakuba a moya wa zimahwa zi hanyako wu wa hi ka wona.
- 18 Ni wukosi ga ka Jehova gi lo famba hi le wuengweni ga nyangwa ya yindlu, gi lo yima hehla ka macerubima.
- 19 Ni macerubima ma lo klakusa a tipapa ta wona, ma lo klakukela hi laha misabeni kuwoneni ka mina laha na andlamuka, ni maranzani a maklelweni ya wona: ma lo yima le libatini la nyangwa ya le mutsuwukagambo ya yindlu ya ka Jehova; ni wukosi ga Nungungulu wa ka Israeli gi wa kubunyetile wona hi le hehla.
- 20 Lezi hi zibangwa zi hanyako lezo nzi nga wa zi wonile lahasi ka Nungungulu wa ka Israeli hi le congweni Cebare; na mina nzi wa lo tiba lezaku zona zi wa hi macerubima.
- 21 Zonklelele zi wa hi ni mune wa tingohe, zonklelele zi wa hi ni mune wa tipapa; ni mufananiso wa canja ga munhu wu wa hi lahasi ka tipapa ta wona.
- 22 Na kwatsi hi fananiselo wa tingohe ta zona, zi wa ku kwatsi hi tingohe leto nzi nga wa ti wonile hi le congweni wa Cebare, ni kuwoneka ka zona na zona wutsumbu; zonklelele zi zilo famba zi komama mahlwani.

XIPIMO 11.

- 1 Klatakumbiri a Moya wu lo klakusa mina, wu lo neha mina le nyangweni wa mutsuwukagambo ya yindlu ya ka Jehova, leyo yi cuwukako ni ngomama ni mutsuwukagambo: ni languta, le libatini la nyangwa ku wa hi ni makume mambiri ni nkla-nu ba banuna: nzi lo wona xikari ka bona Jaazania a nisanyana wa Azzura, na Palatia a nisanyana wa Benaia, a tihosana ta banhu.
- 2 Na yena i te ngalo ka mina, Nisanyana wa munhu, laba hi banhu ba hlebileko a kubiha, labo ba nyika a xikungo xa kubiha a ka lowu a muti;
- 3 Labo ba wulileko, A xikati a xi kusuhani a ku aka a tindlu: lowu muti wu hi mbita, na hina hi nyama.
- 4 Hikwalaho profeta u vukela bona, profeta, O nisanyana wa munhu.

- 5 Ni Moya wa ka Jehova wu lo we-
la hehla ka mina, na yena i te nga-
lo ka mina, Wulawula, Zakungahi
a wulako Jehova: Zakungahi *nwina*
mu wulileko, O yindlu ya ka Israeli;
hakuba nza, zi tiba a zilo lezo zi tileko
kupimeni ka *nwina*.
- 6 *Nwina* mu enzelekisile a badelweko
a ka lowu muti, na *nwina* mu ta-
tisile a mapango ya kona hi ba de-
lweko.
- 7 Hikwalaho zakungahi a wulako a
Hosi Jehova: A bafleko ba *nwina* la-
bo *nwina* mu ba bekileko lomo xika-
ri ka kona, bona ba hi nyama, ni
lowu a muti wu hi mbita; kanilezi
nwina mu ta humeswa lomo xikari
ka wona.
- 8 *Nwina* mu cabile a supado; nzi ta ne-
ha a supado hehla ka *nwina*, ku wu-
la a Hosi Jehova.
- 9 Nzi ta humesa *nwina* hi lomo xikari
ka kona, nzi ta nyikela *nwina* lomo
mandleni ya bamatiko, nzi ta tsanza
a lamuliselelo xikari ka *nwina*.
- 10 Na *nwina* mu ta kuwa hi supado;
nzi ta lamula *nwina* le mbinganwe-
ni wa ka Israeli; na *nwina* mu ta zi
tiba lezaku na mina nzi mina Jehova.
- 11 Ni lowu a muti wa nga ta kuba a
mbita ya *nwina*, na *nwina* mu nga
ta kuba a nyama a xikari ka wona;
nzi ta lamula *nwina* le mbinganwe-
ni wa ka Israeli;
- 12 Na *nwina* mu ta zi tiba lezaku nzi
mina Jehova: hakuba *nwina* a mu
fambile hi zilayelo za mina, ge ha-
mbu *nwina* a mu tsanzangi a zixa-
xametelo xa mlua, kanilezi mu ma-
hile ku lanzela a zixaxametelo za
mifumo leyo yi ranzeleko *nwina*.
- 13 Na ku mahisile lezo, laha na nzi
profetile lezo, Pelatia a nisanjanya
wa Benaia i lofa. Zonake nzi lowa
lahasi hi ngohe ya mina, nzi lo ba-
huwa hi gezu ga hombe, nzi te nga-
lo, Ha Hosi Jehova! wena u ta ma-
ha gumelwa ku teleko ka misalela
ya ka Israeli ke?
- 14 Ni mhaka ya ka Jehova yi lota ka
mina, yiku,
- 15 Nisanjanya wa munhu, a bamakabye
ba wena, bona a bamakabye ba wena,
a banhu ba lixaka la wena, ni yonkle
a yindlu ya ka Israeli, bonkle ba bo-
na, a hi bona labo a baakileko le Je-
rusalema ba te ku ngalo, Sukani *nwi*-
na kule na Jehova; a ka hina kasi
legi tiko gi nyfikilwe a kuba tsomba.
- 16 Hikwalaho wula, Zakungahi a wula-
ko a Hosi Jehova: Laha mina nzi
susile bona a kule xikari ka mifumo,
laho nzi hangalasileko bona xikari
ka matiko, kasike nzi ta kuba a yi-
ndlu yo basa hi xikatanyana a mati-
kweni lawo bona ba na nga ka wona.
- 17 Hikwalaho wula, Zakungahi a wu-
lako a Hosi Jehova: Nzi ta tsomba-
nyisa *nwina* xikari ka matiko lawo
nwina mu hangalakileko, nzi ta nyi-
ka *nwina* a tiko ga ka Israeli.
- 18 Na bona ba ta kuta leno, ba ta teka
zonkle a zilo zi nyenyezileko ni wo-
nkle a manyalataniselelo ya kona hi
leno.
- 19 Nzi ta nyika bona a mbilu yinwe,
nzi ta beka a moya muswa lomo
nzeni ka *nwina*; nzi ta teka a mbilu
ya ribye lomo nyameni ya bona, nzi
ta nyika bona a mbilu ya nyama;
- 20 Kasi bona ba fela ku famba lomo zi-
layelweni za mina, ni kuhlayisa a
zixaxametelo za mina, ni ku maha
zona: bona ba ta kuba a banhu ba
mina, na mina nzi ta kuba a Nungu-
ngulu wabye.
- 21 Na kwatsi ha bona labo ba lanze-
lako a mbilu ya zilo zi nyenyezileko
ni zilo za manyalataniselelo, nzi ta
neha a ndlela yabye hehla ka tihloko
ta bona benyifo, ku wula a Hosi
Jehova.
- 22 Zonake a macerubima ma lo kla-
kusa a tipapa ta wona, ni maranza-
ni ma wa hi maklelweni ya wona:
ni wukosi ga ka Nungungulu wa
ka Israeli gi wa fenengetile hehla ka
kona.
- 23 Ni wukosi ga ka Jehova gi lo kla-
kuka hi le xikari ka muti, gi loya
yima le hehla ka xitsunga lexi xi
nga klelweni ga mutsuwukagambo
ga muti.
- 24 Ni Moya wu lo klakusa mina hehla,
ni ku neha mina muwonisweni hi
Moya wa Nungungulu, a ka le Ka-
ldea, a ka bona a ba bakonwi. Zi-
ngaho ni muwoniso lowo nzi wu wo-
nileko wu lo klakuka hi leno ka
mina.
- 25 Zonake nzi lo wulawula a ka bona
ba bakonwi zonkle zilo leso Jehova
a kombisileko mina.

XIPIMO 12.

- 1 Ni mhaka ya ka Jehova yi lo ta
kambe a ka mina, yiku,
- 2 Nisanjanya wa munhu, wena u akile-

- ko lomo xikari ka yindlu yi hlubukileko, leyo yi na nga ni mahlo a ku wona, na yi nga woni, ni tindlebe ta kuzwa, na ba ngazwi; hakuba bona ba hi yindlu yi hlubukileko.
- 3 Hikwalaho, wena nisanyana wa munhu, ti longisele a nhunzu ya ku suka, u suka na ga ha hi siku kuwoneni ka bona; na wena u ta suka uya ka ginwani wutsamo a kuwoneni ka bona; kutani bona ba nga ta pima, hambulezo bona ba nga yindlu ya yi hlubukileko.
- 4 Na wena u ta neha a nhunzu ya wena hi siku a kuwoneni ka bona, kota yi nga nhunzu ya kususiwa; na wena u huma u famba laha gambyeni a kuwoneni ka bona, kwatsi hi banhu baya ba humako ba enza le matikweni.
- 5 Kela wena u pondlisa a ligingisi a kuwoneni ka bona, u rwala hi leyo.
- 6 A kuwoneni kabye u ta rwala kona a makakleni ya wena, ni kurwala kona lomo munyameni; na wena u ta fenengeta a ngohe ya wena, kasi wena wa fela ku nga woni a tiko: hakuba nzi bekile wena a muwoniso a ka yindlu ya ka Israeli.
- 7 Na mina nzi lo maha zakungaho kwatsi hilezi nzi leletelweko: nzi lo neha a nhunzu ya mina hi la sikwini, a nhunzu ya kususiwa, laha gambyeni nzi lo kela nzi pondlisa a ligingisi hi canja ga mina; nzi lo neha kona lomo munyameni, nzi lo rwala kona a makakleni ya mina a kuwoneni kabye.
- 8 Hi laha mixweni ku lota a mhaka ya ka Jehova a ka mina, yiku,
- 9 Nisanyana wa munhu, a kasi a yindlu ya ka Israeli a yi hlubukileko, yi wulile a ka wena, Wa ku maha yini wena ke?
- 10 Wula wena a ka bona, Zakungahi a wulako a Hosi Jehova: Lowu a wu xungetana ni hosana lomo Jerusalema, ni yonkle yindlu ya ka Israeli a xikari ka bona labo ba na nga ka bona.
- 11 Wula, Mina nzi mina a muwoniso wa nwina: kwatsi hilezi nzi mahileko, zingaho ku ta mahilwa a ka bona; bona ba ta kuya a ka bamatiko, le kukonweni.
- 12 Ni hosana leyo yi nga xikari ka bona yi ta rwala hi kakla ga yona lomo munyameni, yi ta huma yi famba: ba ta kela a ligingisi a ku rwala ha kona ba huma: yena i ta fenengeta a ngohe ya yena, hakuba yena a nga ta wona a tiko hi mahlo ya yena,
- 13 Ni likoka la mina kambe li ta andlala li dembela yena, yena i ta pasiwa hi ziyo ga mina; nzi ta neha yena le Babuloni a tikweni ga ma Kaldea; kasike yena a nga ta wona gona, hambulezo a ta nga fela leyo.
- 14 Nzi ta hangalasa ngomama ni timheho tonkclelele bonkle labo ba ranzeleko yena a kuvunetela yena, ni yonkle a miklawa ya yena; nzi ta hlomula a supado hi lenzako ka bona.
- 15 Na bona ba ta si tiba lezaku nzi mina Jehova, laha nzi ta nga hlelekisa bona xikari ka mifumo, ni kuhangalasa bona matikweni wonkle.
- 16 Kanilezi nzi ta siya a banhu ba tsongwani ba bona hi le supadweni, hi le ndlanileni, hi le mitungwini; kasi ba fela a kuklaklambuta a manyalataniso yabye xikari ka mifumo leyo ba ta nga kuta; na bona ba ta si tiba lezaku nzi mina Jehova.
- 17 Klatakumbiri a mhaka ya ka Jehova yi lota ka mina, yiku,
- 18 Nisanyana wa munhu, gana zibaba za wena hi kugwagwamela, nwana a mati ya wena hi ku rurumela na hi cabyekiselelo;
- 19 Ni ku wula a ka banhu ba tiko, Zakungahi a wulako a Hosi Jehova hi cungetano ni baakileko ba le Jerusalema, ni tiko ga ka Israeli: ba ta kuga a zibaba zabye hi cabyekiselelo, ba tazwa a mati yabye hi ku tsemeka hlana, kasi a tiko ga yena ga hahluka ni kupanga zonkle lezo zi nga ka gona, hakuba hi vilinganya ya bona bonkle labo ba tsamileko a ka gona.
- 20 Ni miti leyo yi aklilweko yi ta siyiwa a marumbi, ni tiko gi ta kuba a hahlukelelo; na nwina mu ta si tiba lezaku nzi mina Jehova.
- 21 Ni mhaka ya Jehova yi lota ka mina, yiku,
- 22 Nisanyana wa munhu, matimu muni laya nwina mu na nga nawo lomo tikweni ga ka Israeli, yaku, Masiku ma kulongoloka lezo, a muwoniso wonkle wu tsanzekile ke?
- 23 Byela bona hikwalaho, Zakungahi a wulako a Hosi Jehova; nzi ta maha laya a matimu a kukawula, na bona ba nga ta ha maha kona kwatsi ma-

timu lomu ka Israeli; kanilezi wula a ka bona, masiku ma tsinele, ni tatischelelo wa miwoniso yonkhelele.

- 24 Hakuba laho ku nga ta ha kuba kona a muwoniso wa ma wunwa ge ni nguzanguzala ga kuvumba lomo ndlwini ya ka Israeli.
- 25 Hakuba nzi mina Jehova; nzi ta wulawula, ni mhaka leyi nzi ta nga yi wulawula yi ta maheka; yi nga ta ribakelwa: hakuba a masikwini ya nwina, O yindlu yi hlubukileko, nzi ta wulawula a mhaka, nzi ta maha yona, ku wula a Hosi Jehova.
- 26 Kambe a mhaka ya ka Jehova yi lota ka mina, yiku,
- 27 Nisanyana wa munhu, languta, bona a ba yindlu ya ka Israeli ba wula, A muwoniso lowu a wu wuwonako ngwa masiku manyingi ma tako, na yena i profeta hi xikati xa ha hiko kule a kuta.
- 28 Hikwalaho wula ka bona, Zakungahi a wulako a Hosi Jehova: A za ha hi kona a za timhaka ta mina zi ta nga maha a nzhetsema kambe kanilezi a timhaka leto nzi ta nga ti wulawula ti ta maheka, ku wula a Hosi Jehova.

XIPIMO 13.

- 1 Ni mhaka ya ka Jehova yi lota a ka mina, yiku,
- 2 Nisanyana wa munhu, profeta u vukela a baprofeti ba ka Israeli labo ba profetako, ni ku wula wena a ka bona labo ba wulako a kuprofeta ku humako a timbilwini ta bona benyi, Zwanani a mhaka ya ka Jehova:
- 3 Zakungahi a wulako a Hosi Jehova, Kombo a ka baprofeti ba zipumbu labo ba lanzelako a moya wa bona benyi, na ba nga wonangi ncumo!
- 4 O Israeli, a baprofeti ba wena ba fanana ni tihlati a wu wutsanweni ga le muhlwagambo.
- 5 Na nwina a mu kanziyangi mabangweni, ge ni kuaka a ligingisi la yindlu ya ka Israeli, a ku yima le impini hi sikwini ga ka Jehova.
- 6 Bona ba wonile a kohliselelo ni vumbiselelo wa mawunwa, lowo wu wulako, Jehova a wulako; kanilezi Jehova a nga rumangi bona: na bona ba mahile a banhu ba tsumba lezaku a mhaka yi ta tiyiseka.
- 7 Nwina a mu se kuwona a muwoniso wa mawunwa, nwina a mu se kuwu-

lawula kuvumba ka mawunwa, a ka lezo nwina mu wulako, Jehova wa wula; hambulezo a nzi wa nga wulawulangi ke?

- 8 Hikwalaho zakungahi a wulako a Hosi Jehova: hakuba nwina mu wulawulileko a kohliselelo, mu wonile a mawunwa, hikwalaho languta, nzi vukela nwina, ku wula a Hosi Jehova.
- 9 Ni canja ga mina gi ta vukela a muprofeti loye a wonani a miwoniso ya mawunwa, ni loye a kucetelako a mawunwa: bona ba nga ta kuba kona a xikungweni xa banhu ba mina, ge ba nga ta tsalwa kutsaliweni ka yindlu ya ka Israeli, ge bona ba nga ta engena le tikweni ga ka Israeli; na nwina mu ta zi tiba lezaku nzi mina Hosi Jehova.
- 10 Hakuba ha kona, hakuba bona ba kuceteleko a banhu ba mina, baku, Kurula; na laho na ku nga hi kona a kurula; ni laha a muzwe a akako a ligingisi, languta, bona ba wumbetela hi marope ma nga tiyangiko:
- 11 Wula a ka bona labo ba wumbako hi marope ma nga tiyangiko, lezaku li ta kuwa: ni laho ku a kuba kona a vula ya nyatrakle; na nwina, O ni nyakubye wa vulayamarihyana, wu ta kuna; ni mhako ya xipupuri yi ta kukungumula lona.
- 12 Mangabye, laha na ligingisi na li wile, kona ku nga ta wula a ka nwina, i kwihi a wumba lego nwina mu wumbileko ha gona ke?
- 13 Hikwalaho, zakungahi a wulako a Hosi Jehova: nzi ta kukungumula lona hi mheho ya bubutsa a hi kaza nga ya mina; ni laho ku ta kuba kona a nyatrakle a kulungako wa zanga ya mina ni nyakubye wa hombe wa marihyana wa zanga a ku mbetisa lona.
- 14 Zingaho nzi ta kukungula a ligingisi lolo nwina mu li wumbileko hi nzo pe yi nga tiyangiko, ni li neha lona lahasi misabeni, zingaho lezo a hlowo ya kona yi fela ku funungulwa; na yona yi ta kuwa, na nwina mu ta loyiswaa xikari ka kona: na nwina mu ta zi tiba lezaku nzi Hosi Jehova.
- 15 Zakungahi nzi ta nga mbetekisa a zanga ya mina hehla ka ligingisi, ni hehla ka bona labo ba wumbileko lona hi marope ma nga tiyangiko; na mina nzi ta wula a ka nwina, A

- lingisingi a ha hi kona, ge ni labo ba wumbileko lona ;
- 16 A ku kustumunyela a baprofeti ba ka Israeli labo ba profetako hi Jerusalema ni labo ba wonako a miwoniso ya kurula ka gona, ni laho a ku kona, a kurula ku wula a Hosi Jehova.
- 17 Na wena, nisanyana wa munhu, xungeta a ngohe ya wena u vukela a banhanyana ba banhu, labo ba profetako ku huma timbilwini ta bona benyi ; profeta wena u vukela bona,
- 18 Ni ku wula, Zakungahi a wulako a Hosi Jehova ; kombo ka ba basati labo ba rungetelako a zitsekelo zabye na banabalatile a tihlololwani tabye, ba mahako mikanzani ka banhu ba hombe ba gonke dzumba a ku hlota a mihefemulo! nwina mu ta hlota a mihefemulo ya banhu ba mina, ni ku hanyisa a mihefemulo ya wutsumbu ga nwina.
- 19 Na nwina mu nyenyezisile mina xikari ka banhu ba ka nwina hi tumbaro wu teleko wa canja ga mabele na hi zipanze za zibaba, a ku daya a mihefemulo leyo yi nga wa ta nga yi nga fangi, ni ku ponisa gi hanya wutomi lego gi ta nga gi nga hanyangi hi mawunwa ya nwina ka banhu ba mina labo ba ingisako a mawunweni.
- 20 Hikwalaho zakungahi a wulako a Hosi Jehova : Languta, nzi vukela a zitselo za nwina, leyo ha yona nwina mu hlotako a mihefemulo a ku maha yona yi puruma, nzi ta hanzula yona hi lomo mawokweni ya nwina ; nzi ta maha a mihefemulo yi famba, yona a mihefemulo leyo mu yi bengako a ku maha yona yi puruma.
- 21 Ni tifaduku ta nwina nzi ta hanzula, nzi ta klaklisa a banhu ba canjeni ga nwina ba nga ta ha kuba kona a canjeni akuba ba hlotiwa ; na nwina mu ta zi tiba lezaku nzi mina Hosi Jehova.
- 22 Hakuba hi mahlebo mu zangarisile a mbulu ya ba lulamileko, labo nzi nga ba mahangiko ba zangara, mu tiyisatile a canja ga ba kubiba, lezaku yena a fela ku nga wuyi hi le tindleleni ta yena ti bihileko, a poniswa na a ha hanya ;
- 23 Hikwalaho nwina mu nga ta ha engata kambe mu wona a miwoniso ya kukohlisa, ge hambu a kubula ka

zitumbe : nzi ta klaklisa a banhu ba humaa canjeni ga nwina : na nwina mu ta zi tiba lezaku nzi mina Jehova.

XIPIMO 14.

- 1 Zonake ku lota bokari ba masingalakati ya ka Israeli a ka mina, ba lota tsama mahlweni ka mina.
- 2 Ni mhaka ya ka Jehova yi lota a ka mina, yiku,
- 3 Nisanyana wa munhu, laba banhu ba tekile a zifananiso zabye lomo timbilwini tabye, ba lo beka a xibo xa kukungubanyisa mahlweni ka ngohe yabye : mina nza nga ta wutiswa ha bona futsi ke?
- 4 Hikwalaho wulawula a ka bona, ni ku wula a ka bona, Zakungahi a wulako a Hosi Jehova : Bonklelele banhu ba yindlu ya ka Israeli labo ba tekako a xifananiso a ka timbilu tabye, ba bekako a xibo xo kungubanyisa a ka ngohe yabye, ni kuta ka muprofeti : mina Jehova nzi ta hlamula yena lahoke kukotisa hi ku wudlemo ga zifananiso za yena ;
- 5 Kasi nza fela a ku teka a yindlu ya ka Israeli lomo timbilwini ta bona benyi, hakuba bona mba matiko a ka mina hi kota ya zifananiso zabye.
- 6 Hikwalaho wula a ka yindlu ya ka Israeli, Zakungahi a wulako a Hosi Jehova ; klelani nwina, mu klela nwina le zifananisweni za nwina ; mu hunzuluka kule a tingohe ta nwina mu suka manyalatanisweni ya nwina.
- 7 Hakuba bonklelele ba yindlu ya ka Israeli, ni ba balubeli labo ba lobe-leko lomo tikweni ga ka Israeli, labo ba hambanyisako a wutsumbu gabye le ka mina, labo ba tekako a zifananiso a timbilwini tabye, a bekako a xibo xo kungubanyisa a tingoheni tabye, ba tako ka muprofeti ba ta ti wutisela a wutsumbu gabye ha mina ; mina Jehova nzi ta hlamula yena hi wutsumbu ga mina :
- 8 Nzi ta rumela a ngohe ya mina nzi vukela loye muuhu, nzi ta maha a mahanjalatiso, a kuba xiwoniso ni timuliselelo, nzi ta tsema yena xikari ka banhu ; na nwina mu ta zi tiba lezaku nzi mina Jehova.
- 9 Loku a muprofeti a kohlisilwe a wulawulile a mhaka, mina, Jehova, nzi ta kohlisile loye a muprofeti, nzi ta nawuluta a canja ga mina hehla ka

- yena, nzi ta lobisa yena le xikari ka banhu ba ka Israeli.
- 10 Na bona ba ta rwala a kugoha ka-bye : a kugoha ka bapofeti ku ta ku kwatsi hi ka bona ba tako ku ta wutisa a ka yena ;
 - 11 Lezaku a yindlu ya ka Israeli nga ha engeti ku famba kungeni a ka mina, ge ni ku nyenyezisa a wutsumbu ga-bye kambe hi wonkle a hambunyeti-selelo wabye ; kanilezi kasi bona ba fela a ku maha banhu ba mina, na mina nzi be a Nungungulu wabye, ku wula a Hosi Jehova.
 - 12 Ni mhaka ya ka Jehova yi leta a ka mina, yiku,
 - 13 Nisanyana wa munhu, laba a tiko gi onhako gi vukela mina hi ku maha a zihambuko, na mina nzi na-wuluta a canja ga mina nzi vukela gona, nzi tsoba a nhama ya kuga a gona, nzi rumela a ndlala hehla ka ka gona, nzi tsema a ka gona a ba-nhu ni zihari ;
 - 14 Hambulezo laba banhu banharu, Noa, Danieli, na Joba, ba wa hi ka kona, bona ba ta hanyisa a mihefe-mulo ya bona benyi basi hi kulu-lamisisa ka bona, ku wula a Hosi Je-hova.
 - 15 Loku mina nzi maha a zibanza zo bi-ha zi tsemakanya lomu tikweni, zona zi hahlula gona, gona gi be gi hahlu-kileko, zingaho lezo a nga hi kona a munhu a hunzako a tsemakanya ha-kuba hi zibanza ;
 - 16 Hambulezo laba banhu banharu ba nga wa hi ka kona, kwatsi hilezi nzi hanyako, ku wula a Hosi Jehova, ba nga ta klaklisa hambu barisanyana gi ni banhanyana ; bona hi bona ba nga ta nga ba nyikelwa ntsena, kani-lezi a tiko gi ta sala gi hahlukile.
 - 17 Ni loku mina nzi neha a supado hehla ka tiko, ni ku wula, A supado, tsemakanya lomo tikweni ; zingaho kasi nza tsema a ka gona a banhu ni zihari ;
 - 18 Hambulezo laba banhu banharu ba nga wa hi ka gona, kwatsi hilezi nzi hanyako, ku wula a Hosi Jehova, bona ba nga ta hanyisa hambu bari-sanyana hambu banhanyana, kani-lezi bona ba ta nga ba hanyisile a wu-tsumbu gabye.
 - 19 Hambu loku nzi rumela a mitungu a ka lego tiko, nzi halata a zanga ya mina hehla ka gona a nkateni, a ku tsema ka gona a banhu ni zihari ;

- 20 Hambulezi Noa, Danieli, na Joba, ba nga wa hi ka gona, kwatsi hilezi nzi hanyako, ku wula a hosi Jehova, bona ba nga ta ponisa ge barisanya-na ge a banhanyana ; kanilezi ba nga ta ku ponisa a mihefemulo ya bona benyi hi kululamisisa kabye.
- 21 Hakuba zakungahi a wulako a Ho-si Jehova : Ku ta longoloka kukuyini xana loku mina nzi rumela a lamuli-selelo wa mina wa mune wu tsingi-sileko le Jerusalema, a supado, ni ndlala, ni zihari za kubiha, ni mitu-ngu, a ku tsema a ka gona a banhu ni zihari !
- 22 Kasike, languta, lahoke ku ta sala a misalela ya labo ba ta gotswa ba ko-nwa, bona a barisanyana ni banha-nyana ; languta, bona ba ta huma a ka nwina, na nwina mu ta wona a tindlela tabye ni zimaho zabye : na nwina mu ta tangaliswa hi kubiha loko nzi ta nga ku neha hehla ka Je-rusalema, na wona a xungetano ni zi-lo zonkle nzi nehile hehla ka gona.
- 23 Bona ba ta mu miyeta na mu wona a tindlela tabye ni zi maho zabye ; mu ta zi tiba lezaku a nzi mahangi na ku hi haba a nanzu a ka zonkle lezo nzi mahileko a ka gona, ku wula a Hosi Jehova.

XIPIMO 15.

- 1 Ni mhaka ya ka Jehova yi leta a ka mina, yiku,
- 2 Nisanyana wa munhu, xini a sinya ya vina ku hunza tinwani tisinya, a rabi ga vina lego gi nga lomo xikari ka tisinya ta kwati ke?
- 3 A lihunya li nga tekiwa leho a ku tira a tiro ke? kutani a munhu a nga teka a mbingu ya kona a ku hayeka a xibya kona ke?
- 4 Languta, kona ku hoxiwa nzilweni a kuba li nzanguka ; ni nzilo wu ka-damula wonkle a magumo ya lona, ni xikari ka kona kuswa : kona ka vuna ni ka wihi a tiro ke?
- 5 Languta, ni laha ku nga wa nzangu-kile, ku wa nga ha fanele ni ka wihi, tiro : ku ta sala ha yini laha na kuka-damulwe, na kona na kuswile, na ko-na ku ta klangana ni ka wihi a tiro !
- 6 Hikwalaho zakungahi a wulako a Hosi Jehova : kwatsi hi sinya ya vi-na xikari ka tisinya ta kwati, leti nzi nyikileko a ka nzilo a ku dzibelwa, zingaho nzi ta nyikela a baakileko ba le Jerusalema.

- 7 Na mina uzi ta yimisa a ngohe ya mina nzi vukela bona; na bona ba ta suka hi le nzilweni, kanilezi a nzilo wu ta kadamula bona; na nwina mu ta zi tiba lezaku nzi mina Jehova, laha nzi ta rumela a ngohe ya mina nzi vukela bona.
- 8 Nzi ta maha a tiko a marumbi, haku-ba bona ba mahileko a zihambuko, ku wula a Hosi Jehova.

XIPIMO 16.

- 1 Kambe a mhaka ya ka Jehova yi lota ka mina, yiku,
- 2 Nisanyana wa munhu, maha a Jeru-salema a ku tiba a manyalataniselelo ya gona;
- 3 Ni ku wula, Zakungahi a wulako a Hosi Jehova a ka Jerusalema: A ku tralwa ka wena ni tiko ga wena ba hi ba tiko a mu Kenani; ni mu Amori i wa hi a dadani wa wena, ni mama-ni wa wena i wa hi mu Hiti.
- 4 Kwatsi hi le ka wisiriri ga ka wena, a ka siku lego u nga tralwa a libani la wena li wa nga tsenwangi, ge wena u wa nga hlaziwangi lomo ma-tini a kubasisa wena; u wa nga lu-ngwangi futsi, a ku fenengetwangi futsi.
- 5 Ge ni tihlo a gi hawukelangi wena, a ku maha ni xihi xa lezi zilo a ka we-na, a kuba ni titalo a ka wena; ka-nilezi wena u wa tsenwile le kwatini, hakuba a wumunhu ga wena gi wa swirilwe, a ka siku lego wena u tre-lweko.
- 6 Ni laha nzi nga wa hunzile ha we-na, nzi lo wona wena u kulubyetekela lomo nkateni wa wena, nzi te ngalo ka wena, Hambu lezo wena u nga lomo nkateni wa wena, hanya; ina, nzi te ngalo ka wena, Hambulezo u na nga lomo nkateni wa wena, ha-nya.
- 7 Nzi lo maha wena a ku enzelekelana kwatsi hi lezo zi kulileko lomo kwa-tini, na wena u lo enzelekelana u hu-nzelela wukulu, u cikela a kubo-mbeni hi wukulu: a zifuba za wena zi wa la ku gobiswa, ni misisi ya wena yi wa kulile; kasiike wena u wa hi ximbyiri u te kwakwalala.
- 8 Makunu laha nzi nga wa hunzile hi ka wena, nzi lo cuwuka hehla ka we-na, languta, a xikati xa wena xi wa hi xikati xa liranzo; nzi lo u ndlala a nguwo ya mina hehla ka wena, nzi lo fenengeta a wumbyiri ga wena:

- ina, nzi hlambanya a ka wena, nzi lo engena a xivumelwaneni ziwwe na wena, ku wula a Hosi Jehova, na wena u lo maha a wa mina.
- 9 Zonake nzi lo hlaza wena mina hi mati; ina, hi akubangamelisilweko nzi lo hlaza a nkata wa wena wu su-ka ka wena, na mina nzi lo tota we-na hi mafura.
- 10 Nzi lo ambexa wena kambe hi tiro wu komelwako, nzi lo ku engeniša a zilato za dzowo ga macalo, nzi lo boha wena hi nguwo ya wukene, nzi lo fenengeta wena hi seda.
- 11 Nzi lo gobisa wena hi zi gobo, nzi lo engeniša a zingwabila mandleni ya wena, ni makadiyedo nhanweni ya wena.
- 12 Nzi lo beka a pera hehla ka nhovu ya wena, ni zifulo hehla ka tindlebe ta wena, ni xidlozlo xa wumburi hehla ka hloko ya wena.
- 13 Zakungahi wena u wa bombisilwe hi nzalama ni siliva; ni tinguwo ta wena ti wa hi ta wukene gatsi, ni seda, ni wukomelwa: wena u loga a mapa mananaselweko, ni wulombe, ni mafura; na wena u wa hunzelele a wumburi, na wena u wa ku vu-vumiswa hi ku mu kamukulu.
- 14 Ni kutibyiwa ka wena ku wa la su gafe a xikari ka mifumo hi wumbu-ri; hakuba kona ku wa mbelele, hi wukulu ga mina lego nzi gi bekile-ko hehla ka wena, ku wula a Hosi Jehova.
- 15 Kanilezi wena u tsumbile wumbu-rini ga wena, u klangana hi wubayi hakuba hi kutibyiwa ka wena, u lo halatako a wuosi ga wena a ka bo-nklelele labo ba hunzako: kona ku wa hi ka yena.
- 16 Na wena u tekile hi tinguwo ta we-na, u mahela wena a wutsamo gi klakukileko gi gobisilweko hi ma-bala ya maklaka klaka, ni ku maha a wubayi hehla ka wona: a zilo zo fa-nana ni lezi zi nga ta kuta, ge zi nga ta kuba ngaho.
- 17 Wena kambe u tekako a wumburi ga tinzalama ta nzalama ya mina ni siliva ya mina, leyo nzi nyikileko we-na, u mahela wena ha zona a mifa-naniso ya banhu, u mahako a wu-bayi ziwwe na zona;
- 18 Na wena u tekako a tinguwo ta we-na ta wukomelwa, u fenengeta zona, u yisako a mafura ya mina ni libani la mina mahlweni ka zona.

- 19 A zibaba za mina kambe lezo nzi nyikileko wena, a mapa ma nanase-lweko, ni mafura, ni wulombe, lezo nzi gisako wena ha zona, wena wa zi yisileko mahlweni ka zona a za masema ya kutsombela; ziwangaho, ku wula a Hosi Jehova.
- 20 Klatakumbiri wena u tekile a bari-sanyana ba wena ni banhanyana ba wena, labo wena u ba traleleko a ka mina, laba wena u pahlele a zona akuba ba kadamulwa. Kasi a wu-bayi ga wena xilo xi tsongwani ke,
- 21 A ka lezo wena u deleko a banana ba mina, u nyikeleko bona, a ka lezi u mahako bona ba hunza ba tsemaka-nya a nzilo a ka zona ke?
- 22 A ka manyalataniso ya wena ni wu-bayi ga wena wena a ku alakanya-ngi a masiku ya wuswa ga wena, laha wena u nga wa hi ximbiri u hi likwembu, u cubyakela nkateni wa wena.
- 23 Na kona ku ta mahisa lezo a nza-ko ka kubihisisa ka wena (kombo, kombo a ka wena! ku wula a Hosi Jehova),
- 24 Lezaku wena u akile a ka wena a yindlu ya tinhi, u mahela wena a wutsamo gi klakukile mapangweni wonklelele.
- 25 Wena u akile a wutsamo gi klaku-kileko le tihlokweni ta tonklelele ti-ndlela, u mahile a wumburi ga wena a manyalataniso, u vulule a miko-nzo ya wena a ka bonklelele labo ba hunzako, u enzelekisile a wurembi ga wena.
- 26 Wenawu kambe u mahile a wuoswi ni ma Gipite, a muakelwane wa we-na, ba hombe hi nyama; u enzele-kisile a wurembi ga wena, kuvu-njukisa mina a ku zangara.
- 27 Languta hikwalaho, nzi anlalatile a canja ga mina hehla ka wena, nzi fubisile a kuga ka wena ka nyali-dede, nzi nyikele wena kuranzeni ka bona labo ba bengako wena, a banhanyana ba ma Filisti ba na ni tingana hi ntlela ya wena ya swiri-selo.
- 28 Na wena u mahile a wubayi ni ma Asiria, hakuba wena u wa hi ko-bomu; ina, wena u mahile a wubayi ziwe nabo, kasike wena u wa nga xuriswangi.
- 29 Na wena klatakumbiri u enzeleki-sile a wubayi ga wena le tikweni ga ku binzula, ni ma Kaldea; ka-sike wena u wa nga eneliswako ha kona.
- 30 Yi karalisile a kuyini a mbilu ya wena ke, ku wula a Hosi Jehova, na u wona lezaku wena u mahako zonkle lezi zilo, a tiro wa vivi ga xi-bayi;
- 31 A ka lezo wena u akako a yindlu ya wena ya tinhi le tihlokweni ta ti-ndlela tonklelele, u mahako a wu-tsamo ga wena gi klakukileko lomo mapangweni wonklelele, na u nga mahangi kwatsi xibayi, a ka lezo wena u tseketselako a rihiwako.
- 32 A wasati loye a mahako a kuremba! loye a tekako a bapfumba a xiku-ndleni xa nuna wa yena!
- 33 Ba nyika a zinyikiwo a ka zonkle a zibayi; kanilezi wena u nyika a zi-nyikiwo za wena zonkle a ka bara-nzekako ba wena, u kalabela bona, kasi bona ba fela a kuta a ka wena a ka wonklelele a matlelo hi wubayi ga wena.
- 34 Na wena u hambukile a ka banwani a ba basati a wurembini ga wena, a ka lezo a nga kona a lanzeleko wena a ku maha a wurembi; ni laha we-na u nyikako a kurihwa, a nga kona a wa kurihwa a nyikilweko a ka wena, hikwalaho wena u hambile.
- 35 Ngahilezo, O xibayi, zwana a mhaka ya ka Jehova:
- 36 Zakungahi a wulako a Hosi Jehova, Hakuba a nyeneziselelo wa wena wu halatilweko lahandle, ni wu-mbyiri ga wena a gi fenengetilwe hi wubayi ga wena ni a ba ranzekako ba wena; na hakuba hi zonkle a zi-fananiso za manyalataniso ya wena, ni nkata wa banana ba wena, lowo wena u nyikileko a ka zona;
- 37 Hikwalaho languta, nzi ta tsomba-nyisa bonkle a baranzekako ba we-na, labo wena u tekileko a ku hla-kaniswa, ni bonkle labo wena u ba ranzileko, ni bonkle labo wena u ba bengileko; nzi ta tsombanyisa bona ba vukela wena matlelweni wonklelele, nzi ta funungula a wu-mbyiri ga wena a ka bona, kasi ba fela ku wona gonkle a wumbyiri ga wena.
- 38 Na mina nzi ta lamula wena, kwatsi hi wasati loye a tsobako a wukati la halata a nkata ba lamulwako; nzi ta neha hehla ka wena a nkata wa zanga ni libengo.
- 39 Minawu kambe nzi ta nyikela wena

- a canjeni gabye, ba ta hoxa lahasi a wutsamo ga kubayela ga wena, ni kukungumula a wutsamo ga wena gi klakukileko; na bona ba ta runzuwulela wena a tinguwo ta wena, ba ta teka a tinzalama ta wena ti sasekileko; ba ta teka wena likwembu ni wumbyiri.
- 40 Na bona kambe ba ta neha a klawa a kuvukela wena, na bona ba ta gandla wena hi maribye, ba ta pondlisa wena hi tisupado tabye.
- 41 Na bona ba ta hisa a tindlu ta wena hi nzilo, ba ta tsanza a kulamuliselelo hehla ka wena mahlweni ka ba basati banyingi; nzi ta maha wena a ku kawula a ku maha a wubayi na wena u nga ta ha nyika a kuriha kambe.
- 42 Zingaho nzi ta maha a zanga ya mina a ngomama na wena a kuhumula, ni wukuxu ga mina gi ta suka hi le ka wena, nzi ta rutisa, nzi nga ta ha zanga na wena.
- 43 Hakuba wena u nga alakanyangiko a masiku ya wuwa ga wena, kani wa vindlukile u vukela a ka lezi zilo zonkle; hikwalaho, languta, minawu nzi ta neha a tindlela ta wena hehla ka bloko ya wena, ku wula a Hosi Jehova: na wena u nga ta maha lowu a swihatelo zinwe ni wonkle a manyalataniso ya wena.
- 44 Languta, bonklelele labo ba lungululako a matimu ba ta lungulula legi a timu ba vukela wena, baku, Kwatsi hi mamani, zingaho a nhanyana wa yena.
- 45 Wena u nhanyana wa mamani wa wena, loye a nyenyezisako a nuna wa yena ni banana ba yena; wena u makweru wa bamakweru ba wena, labo ba nyenyezisako a banuna babye ni banana babye; a mamani wa wena i wa hi mu Hiti, ni dadani wa wena i wa hi mu Amori.
- 46 Ni nhonzwa ya makweru wa wena i wa hi wa le Samaria, loye a akileko le canjeni ga xibabe, yena ni banhanyana ba yena; ni makweru wa wena wa nzisana, loye a akileko hi le canjeni ga xinene, u hi Sodoma ni banhanyana ba yena.
- 47 Kasike wena a ku fambangi tindleni tabye, a ku mahangi kukotisa hi manyalataniso yabye; kanilezi a ku kwatsi ku wa xilo xi tsongwani nguvu, wena u wa bolile a ku hunza bona a ka tonkle a tindlela ta wena.
- 48 Kwatsi hilezi nzi hanyako, ku wula a Hosi Jehova, Sodoma a makweru wa wena i wa nga mahanga, gona ge ni banhanyana ba gona, a zo kota lezi wena u mahileko, wena ni banhanyana ba wena.
- 49 Languta, lexi ku wa hi xionho xa makweru wa wena Sodoma: a matsanza, a talisiso wa zakuga, ni vuvuma ka kuhhuka ku wa hi ka yena ni banhanyana ba yena; ge yena i wa nga vunetelangi a canja ga mukumali ni xisiwana.
- 50 Bona ba wa hi ba ti kukumukisako, ba lo maha a manyalataniso mahlweni ka mina: hikwalaho nzi lo susa bona kwatsi hilezi nzi nga wa wonile a ku zinene.
- 51 Ge hambu Samaria a gi mahangi a kihlanya ga zionho za wena: kanilezi wena u enzelekisile a manyalataniso ya wena ku hunza bona, u basisile a bamakweru ba wena hi manyalataniso ya wena lawo wena u ma mahileko.
- 52 Wena kambe, rwala wena a tingana ta wena zwinyi, a kalezo wena u nyikileko a lamuliselelo hi ka bamakweru ba wena; hi zionho za wena lezo wena u zi mahileko u hunzeleleko a manyalatana a kuhunza bona, bona ba hunzelele a kululama ku hunza wena: ina, nga wenawu kambe u kanganyiseka, u rwala a tingana ta wena, a ka lezo wena u basisileko a bamakweru ba wena.
- 53 Nzi ta klelisa kambe a wukonwi gabye, wukonwi ga Sodoma ni banhanyana ba yena, ni wukonwi ga Samaria ni banhanyana ba yena, a kukonwa a wukonwi ga wena ku lomo xikari kabye;
- 54 Kasi wa fela a kurwala a tingana ta wena zwinyi, kasi wa fela a kuba u koyamiswa a tingana hi ka zonkle lezo u zi mahileko, a ka lezo wena u tangalisilweko ha zona.
- 55 Ni makweru wa wena, Sodoma ni banhanyana ba yena, klelela xiynweni xabye xa kale, Samaria ni banhanyana ba yena ba ta klelela xiynweni xabye xa kale; wena ni banhanyana ba wena u ta klelela xiynweni xa wena kale.
- 56 Hakuba a makweru wa wena Sodoma i wa kumbukwangi hi nomu wa wena a sikwini ga matsanza ya wena,
- 57 Hi mahlweni na kubihisisa ka wena

ku fenengetiwa, kwatsi hi masi-
kwini ya nzukano ya banhanyana
ba le Siria, ni wa ba bonkle labo ba
ranzeleko yena, a banhanyana ba ma
Filisti, labo ba mahako a xikanya
ba ranzela wena.

58 Wena u rwele a swihatelo wa wena
ni manyalataniso ya wena, ku wula
Jehova.

59 Hakuba zakungahi a wulawulako a
Hosi Jehova nzi ta maha a ka wena
kwatsi hi lezi wena u mahileko, loyi
u kanyile a xifungo a ka lezo u tso-
bile a xivumelwano.

60 Ahembalokoke nzi ta alakanya a
xivumelwano xa mina a masikwini
ya wuswa ga wena, nzi ta yimisa a
ka wena a xivumelwano xi pinzu-
kelisisilweko.

61 Zonake wena u ta alakanya a tindlela
ta wena, u ta kuba ni tingana, u ta
nga amukela a bamakweru ba wena,
a makweru wa wena wa nhonzwa,
ni makweru wa wena wa nzisana;
nzi ta nyika bona ka wena a kuba
banhanyana, kanilezi na ku nga hi
xivumelwano xa wena.

62 Na mina nzi ta yimisa a xivume-
lwano xa mina zinwe na wena; na
wena u ta zi tiba lezaku nzi mina
Jehova;

63 Kasi wena wa fela ku alakanya, u
be u kanganyekisileko, u nga ha
vululi a nomu wa wena kambe, ha-
kuba hi tingana ta wena, laha na
nzi tsetselele wena zonkle lezi u zi
mahileko, ku wula a Hosi Jehova.

XIPIMO 17.

1 Ni mhaka ya ka Jehova yi lota a
ka mina, yiku,

2 Nisanyana wa munhu, humesa a li-
karingani, u wulawula mufananiso
a ka yindlu ya ka Israeli;

3 Ni ku wula, Zakungahi a wulako a
Hosi Jehova: A gama ga hombe
zinwe hi tipapa ni wugwimbo go
nabalata, gi tele hi mitsenga, leyo yi
nga ni mabala ma hambeneko, gi
lota le Lebanoni, gi lo teka dluba-
dluba le hehla ka sedare:

4 Gona gi lo sisira le manambanini ka
marabyana ya ku olobana ya kona,
gi lo klakula wona le tikweni ga le
binzulu, i loya beka kona lomo mu-
tini wa bamahungani.

5 Gona gi lo teka kambe a mbewu ya
misaba, gi lo ya byala kona lomo
misabeni ya matsobo; gi lo beka yo-

na hi le matlelweni ya mamati; gi
lo beka gona kwatsi i sinye ya ma-
congo.

6 Na wona gi kula, gi lo maha a vina
wu andlatatileko wa kukoma, lowo
a marabi ya wona ma kotsekako ma
komama ka wona, ni mitsu ya kona
yi wa hi lahasi ka wona: zingaho wu
lo maha a vina, wu lo hluka a ma-
rabi, wu lo pfeffa a zitsangi.

7 Ni laho kambe ku wa hi kona a
gama ga hombe gi hi ni tipapa ta
hombe ni mitsenga yo tala: ni, la-
nguta, lowu vina wu lo kotsa a mi-
tsu ya wona a ngomama na wona,
wu lo hluka a marabi ya wona a
ngomama na wona, hi le tsinyeni ga
kubyalwa ka wona, kasi yena wa fe-
la kutsakamisa wona.

8 Wona wu wa byalilwe le misabeni
ya yinene hi le mamatini manyingi,
kasi wa fela a kuhluka a marabi,
kasi wa fela a kutsala a mihanzo,
kasi wu fela a ku maha a vina wu-
nene.

9 Wula wena, Zakungahi a wulako a
Hosi Jehova: wona wu ta vuvuma
ke? Yena a nga ta tsuwula a mitsu
ya kona, a tsena mihanzo ya wona,
kasi wona wa fela a kuwuna; kasi
yonkle a ya kona makluka maswa
ma ha hlukako ya fela a kuwuna
ke? na ku nga hi lezo ku nga hi
woko ga ntamo kutani a banhu bo
tala a kuba yi fukulwa hi lomo mi-
tswini ya kona.

10 Ina, languta, na wu byelwe, wona
wu ta vuvuma ke? wona wu nga ta
wuna wu mbembisiwa ke, laha a
mheho ya mutsuwukagambo yi ku-
mbako wona ke? wona wu ta wuna
wu wumbela laho lirenzweni lo wo-
na.

11 Klatakumbiri a mhaka ya ka Je-
hova yi lota a ka mina, yiku,

12 Wula makunu a ka yindlu yi hlu-
bukileko, Ma zi tiba awina leza-
ku lezi zilo zi wula yini ke? byela
zona, Languta, a hosi ya le Babu-
loni yi lota le Jerusalema, yi lo ta
teka a hosi ya kona, ni tihosana ta
kona, yi neha bona a ka yona le Ba-
buloni.

13 Na yena i lo teka a mbewu ya wu-
kosi, i lo maha a xivumelwano zi-
nwe nayo; yenawu kambe i lo neha
yena lahasi ka xifungo xa yena, ni
ku suka a bantamo ba tiko;

14 Kasi a mufumo wa nga ti koramisa,

kasi wa fela ku kala wu nga *klakusi* a wutsumbu ga wona, kanilezi hi kuhlayisa a xivumelwano xa yena wa fela a ku yima.

- 15 Kanilezi yena i lo hlubuka a vukela yena a ka lezo a nga rumela a mitsukano ya yena yiya le Gipite, kasi ba fela ku nyika yena a mahaxi ni bannhu bo tala. Yena i ta vuvuma ke? yena i ta pona loye a mahako a zilo za kungaho ke? yena i ta tsoba a xivumelwano, a wuya a pona ke?
- 16 Kwatsi hilezi nzi hanyako, ku wula a Hosi Jehova, a wutsanweni lego a hosi yi tsamako leyo yi mahileko yena a hosi, loye a xifungo xa yena xi tsobayilweko, a wili a xivumelwano xa yena a xi tsobileko, ha yena lomo xikari ka Babuloni i ta kufa.
- 17 Ge na Faro hi impi ya yena ya ntamo ni *klawa* wa yena wa hombe a nga ta vuna yena le impini, laha bona ba hoxako a xikungumulo ni kuka a zikanekiso, a ku tsema a bannhu bo tala.
- 18 Hakuba yena i kanyisile a xifungo hi kutsoba a xivumelwano; languta, yena i nyikele a canja ga yena, kasi i mahile a zilo lezi zonkle; yena a nga ta pona.
- 19 Hikwalaho zakungahi a wulako a Hosi Jehova: Kwatsi hilezi nzi hanyako, hizinene a xifungo xa mina lexo a xi kanyisileko, ni xivumelwano xa mina lexo a xi tsobileko, nzi ta ncha kona behla ka hloko ya yena.
- 20 Nzi ta tsambuluta a tenta ga mina behla ka yena, na yena i ta pasiwa klanwini wa mina, nzi ta ncha yena le Babuloni, nzi ta engena kulamuleni leyo zinwe na yena hi kota ya zihambuko za yena lezo a mahileko a vukela mina.
- 21 Bonkle a bacabi ba yena lomo mabandleni ya yena ba ta kuwa hi supado, ni bonkle labo ba ta nga sala ba ta hangalaka timhehweni ta ngomama yonkilelele: na *nwina* mu ta zi tiba lezaku mina, Jehova, nzi wulile kona.
- 22 Zakungahi a wulako Jehova: nzi ta susa a zipanze xa manambani ya sedare, nzi ta xi beka xona; nzi ta sirira hi le manambenini a tirabyana ti oobileko, nzi ta byala tona le behla ka xitsunga xi *klakukileko*:
- 23 A xitsungeni xa *klakukiselo* wa ka Israeli nzi ta li byala lona; lona li ta

hluka a marabi, ni *kufrala* a miha-nzo, wu hi sedare watsi: lahasi ka wona ku ta aka a zinyanyani za ti-papa tonkilelele; a nzutini wa marabi ya kona zona zi ta tsama.

- 24 Ni tonkle a tisinya ta kwati ti ta zi tiba lezaku, Jehova, nzi nehile lahasi a sinyanya yi *klakukileko*, nzi *klakusile* a sinyanya ya lahasi, nzi omisile a sinyanya yi nyukileko, nzi mahile a sinyanya yi omileko a ku nyuka: mina, Jehova, nzi wulawulile nzi mahile kona.

XIPIMO 18.

- 1 Ni mhaka ya ka Jehova yi lota kambe ka mina, yiku,
- 2 Mu wula yini xana *nwina*, lezi *nwina* mu mahako lolo a likaringani hi xungatano ni tiko ga ka Israeli, muku, Badadani ba gile a magrepi ya kudzunga, ni meno ya bauana ma na ni wuririmiti ke?
- 3 Kwatsi hilezi nzi hanyako, ku wula a Hosi Jehova, *nwina* mu nga ta ha kuba na mitsabi a tseketa lolo a likaringani lomu ka Israeli.
- 4 Languta, yonkle a mihefemulo nja mina; kwatsi hi muhefemulo wa dadani zingaho ni muhefemulo wa nisanyana wa hi wa mina: a muhefemulo lowo wu onhako, wu ta kufa.
- 5 Kanilezi loku a munhu a nga a basisilwe, ni ku maha lezo za nawu ni nongamo,
- 6 A nga gelangi le behla ka zitsunga, ge a nga *klakusangi* a mahlo a ka zifananiso za yindlu ya ka Israeli, ge ni ku nyenyezisa a wasati wa akelwane wa yena, a nga tsinelangi a ku wasati laha na tekile a ziklata,
- 7 A nga onhangani na wili, kanilezi a *klelisele* a ka nanzu a kurihwa ka wona, a nga tekangi ncumo hi kupanga, na a nyikile a zibaba za yena ka wa kuzwa a ndlala, a fenengile a wa ximbyiri hi nguwo;
- 8 Yena loye a nga nyikangiko hi kubinzu, ge a nga tekangiko anziselelo, loye a kaketileko a canja ga yena le kugoheni, a tsanzileko a nongametiso wa zinene xikari ka munhu ni munhu,
- 9 A fambileko hi lomo zilayelweni za mina, a hlaysileko a zixaxametelo za mina, a ku maha a zinene; yena i longamile, yena hakunene i ta hanya, ku wulu a Hosi Jehova.
- 10 Loku yena a trala a uisanyana loye

- a na nga mupangi, a muhalati wa nkata, ni wihi loye a mahako xihl xa lezi zilo,
- 11 Ni ka wihi loye a nga mahiko ni ka xihl xa lowo a pangamelo, kanilezi a gile kona le zitsungeni, a nyenyezi-sile a sati wa muakelwane wa yena.
- 12 A mahileko a kubiha a ka xisiwana ni muvumali, a tekileko hi kupanga, a nga kleliselangi a kurihwa, a klakukisileko a mahlo ya yena a ka zifananiso, a mahileko a manyalatani-selelo,
- 13 A nyikileko hi kubinzula, a tekileko a anziselelo; zonake i ta hanya yena ke? yena a nga ta hanya: yena i mahile wonkle laya a manyalatani-so; yena hakunene i ta kufa; ni nkata wa yena wu ta kuba lehla ka yena.
- 14 Makunu, mangabye, loku yena a trala a nisananya, loye a wonako konkle a kugoha ka dadani wa yena, loko yena a ku mahileko, a caba, a nga mahi a za ku fanana na zona;
- 15 Loye a nga gelangiko le zitsungeni, ge ni kuklakusa a mahlo ya yena a ka zifananiso za yindlu ya ka Israeli loye a nga nyenyezisangiko a sati wa akelwane wa yena,
- 16 Ge a nga onhangiko na wihi, a nga tekangiko a fanelo a kuriha, ge a nga tekangiko ncuho hi pangiselelo, kanilezi a nyikileko a zibaba ka ba zwako a ndlala, a fenengetileko a wa wumbyiri hi nguwo;
- 17 Loye a kaketileko a canja ga yena a ka zisiwana, loye a nga amukelangiko a binzu, ni anziselelo, a tsanzileko a zixaxametelo za mina, a fambileko zilayelweni za mina; yena a nga ta kufa hi kugoha ka dadani wa yena, yena hakunene i ta hanya.
- 18 Kwatsi hi dadani wa yena, hakuba yena hi kulunyisilweko i lo tsimbe-keta, a wuklela a makabye wa yena, na a lo maha lezi zi nga sasekangiko a xikari ka banhu ba ka kabye, languta, yena i ta kufa kugoheni ka yena.
- 19 Kasike ma wula nwina, Ngahilezo a nisananya a nga rwali a zionho za dadani wa yena ke? Laha na nisananya a mahile lezo zi faneleko a longamileko, na hlayisile konkle a kulayela ka mina, na a mahile kona, yena hakunene i ta hanya.
- 20 A muhefemulo lowo wu onbako, wu ta kufa: a nisananya a nga ta kufa hi kuonha ka dadani, ge hambu dadani a nga ta rwala a kugoha ka nisananya; a kululamisisa ka lulamileko ku ta ba lehla ka yena, ni kubihisisa ka wa ku biha ku taba lehla ka yena.
- 21 Kanilezi loku a wa kubiha a klela zionhweni zonkle lezi a zi mahileko, a hlayisa a zileletelo za mina, a maha lezo zi nga za nawo ni nongamo, yena hakunene i ta hanya, yena a nga ta kufa.
- 22 A xi kona xa zihanyetiso za yena lezo a zi mahileko zi ta nga alakanyiwa zi vukela yena, a ka kululamisisa loku yena a ku mahileko i ta hanya.
- 23 Kasi nzi na ni kuxalala hi kufa wa kubiha ke? ku wula a Hosi Jehova; a nzi ranzi lezaku nga yena a klela ndleleni ya yena, a hanya.
- 24 Kanilezi laha na a lulamileko a hambuka le kululamisiseni ka yena, ni ku maha kugoha, a maha a ka wonkle a manyalatani-selelo lawo a munhu wa kubiha a nga ma mahako, yena i ta hanya ke? A zi kona laho a kululamisisa ka yena nga wa ku mahile ku ta nga alakanyiwa: a ka zihambuko za yena lezo a hambukileko, a ka zionho za yena lezo a zionhileko, a ka zona yena i ta kufa.
- 25 Kasike nwina mu ngalo, A ndlela ya Hosi a yi eceni. Zwanani maku-nu, O yindlu ya ka Israeli: a tindlela ta mina a ti eceni ke? ni tindlela ta nwina a ti eceni ke?
- 26 Laha na munhu a lulamileko a hambuka kululamisiseni ka yena, ni ku maha a kubiha ni ku maha a kugoha, a fela kona; a ka kugoha ka yena loku a ku mahileko i ta fela a ka kona;
- 27 Kambe, loku a munhu wa kubiha a klela kubihisiseni ka yena loku yena a ku mahileko, a maha lezo za nawo ni nongamo, yena i ta ponisa a muhefemulo wa yena wu hanya.
- 28 Hakuba yena a pimako, a klelako a ka zonkle zihambunyeto lezo a nga wa zi mahile, yena hakunene i ta hanya, yena a nga ta kufa.
- 29 Kasike ya wula a yindlu ya ka Israeli, a ndlela ya Hosi a yi ecenangi. O yindlu ya ka Israeli, a ndlela ya mina a yi ecenangi ke? a tindlela ta nwina a hi tona ti nga ecenangiko ke?
- 30 Hikwalaho nzi ta lamula nwina, O yindlu ya ka Israeli, awenklelele ku-

- kotisa hi ka ndlela ya yena, ku wula a Hosi Jehova. Kletani nwina, kletani a wutsumbu ga nwina hi le zihambunyetisisweni zonkoleza nwina; zingaho a kugoha ku nga ta kuba a kuhahluka ka nwina.
- 31 Hoxani kule hi le ka nwina zonkole a zihambunyetiso za nwina, lezo nwina mu zi hambunyetileko; mu maha nwina a timbilu ti swa ni moya muswa: hakuba hiyini nwina mu ta nga kufa, O yindlu ya ka Israeli ke?
- 32 Hakuba a nzi na kuxalaliswa a kufeni ka yena loye a fako, ku wula a Hosi Jehova: Ngahilezo hunzulukani a wutsumbu ga nwina, mu hanya.

XIPIMO 19.

- 1 Klatakumbiri, teka a wena a hosi hi tihosana ta ka Israeli,
- 2 Ni ku wula, Xini a mamani wa wena ke? A trele ya ngonyamo: yena a tumbelako a xikari ka tingonyamo, a xikari ka ngonyanwana yena i a nwis a mavinyani ya yena.
- 3 Na yena i wundla a yinwe ya mavinyani ya yena, yi lo maha a role ga ngonyamo, yi lo gonza a kuma a pfimba: yi lo kadamula banhu.
- 4 A mifumo kambe yi wa lozwa ha gona; yena i wa lo tekwa a rinzini gabye; na bona ba wa lo neha yena hi tiobe le tikweni ga le Gipite.
- 5 Makunu laha na yena a wonile lezaku i rinzelile, ni kutsumba ka yena ku wa lahlekile, zonake i lo teka a ginwe ga mavinyani ya yena, i lo gi mahela a rongana giswa ga ngala.
- 6 Yena i lo famba hehla ni lahasi xikari ka tingonyamo; yena i lo maha a rongana giswa ga ngala, i lo gonza a ku koma a pfimba; gi lo kadamula a banhu.
- 7 Na yena i lo tiba a zilubelo zabye, i lo hangalasa a miti yabye; ni tiko gi wa hi marumbi, ni talisiselo wa gona, hakuba hi tsumo wa dzuma ka yona.
- 8 Zonake a mifumo yi lo hloma yi vukela yona maktelweni wonkle kusukela hi le mikuhwini; ba lo andlala a likoka labye hehla ka yena: yena i wa pasilwe rinzini gabye.
- 9 Na bona ba lo beka yena lomo xikayileni hi tiobe, ba lo neha yena le ka hosi ya le Babuloni; ba lo neha yena le makokoleni, lezaku a gezu ga yena gi nga ha engeti kambe gi zwiwa zitsungeni za le Israeli.

- 10 A mamani wa wena i wa ku kwatsi i vina, le nkateni wa wena, wu byelweko hi le mamatini: wu wa ku trala nguvu ni marabi yo tala hi kota ya mamati ma nyingi.
- 11 Wu wa hi ni tinhi ta ku tiya akuba tinhonga ta bona labo ba bangako a milawo, ni dzumba ga tona gi klakukile xikari ka marabi ma dzibileko, yi wa woneka hi kuklakuka ka yona hi wudlemo ga marabi ya wona.
- 12 Kanilezi wu wa runzuwulwe kuzangareni, wu wa hoxilwe lahasi liranzabyeni, ni mheho ya le mutsuwukagambo yi omisa a mihanzo ya kona; ni tinhi ta kona ti tiyile ti lo tsobyiwa ti lo wuna; ni nzilo wu lo nzangukisa tona.
- 13 Ni makunu kona ku lo byalwa lomo xiwuleni, lomo ka saba gi omileko ga tora.
- 14 Ni nzi wu lo buka hi lomo tinhini ta kona ta marabi ma omileko, wona wu lo kadamula a mihanzo ya kona, lezaku lomo nzeni ka tona ku nga hi kona a linhi li tiyileko a kuba a nhonga a ku fumela. Lowu i kosi, na wu ta kuba a kosi.

XIPIMO 20.

- 1 Na ku mahisile lezo hi ka lembe ga nklanu ni mambiri, hi ka hweti ya nklanu, a ka kume ga masiku ya hweti, lezaku a bokari ba masingalakati ya ka Israeli ba lotta wutisa ka Jehova, ba lo tsama mahlweni ka mina.
- 2 Ni mhaka ya ka Jehova yi lotta a ka mina, yiku,
- 3 Nisanyana wa munhu, wulawula a ka masingalakati ya ka Israeli, na uku ka bona, Zakungahi a wulako a Hosi Jehova: Ma kuta wutisa hi mina lezi nwina mu tileko ke? Kwatsi hilezi nzi hanyako, ku wula a Hosi Jehova, mina nzi nga ta wutiswa ha nwina.
- 4 Wena u ta lamula bona, nisanyana wa munhu, wena u ta lamula bona ke? Maha bona a tiba a manyalataniselelo ya badadani babye;
- 5 Ni ku wula a ka bona, zukungahi a wulako a Hosi Jehova: a ka siku lego laha mina nzi langa Israeli, ni ku hlambanya ka mbewu ya yindlu ya ka Jakobe, ni ku maha a wutsumbu ga mina gi tiyekiswa lomo tikweni ga le Gipite, laha nzi nga wa hla-

- mbanyile a ka bona, nziku nzi mina Jehova a Nungungulu wa *nwina*;
- 6 A ka lego siku nzi lo hlambanya a ka bona, a ku humesa bona ba huma hi lomo tikweni ga le Gipite nzi ba yisa a tiko lego nzi hloteleko bona, gi kulungako a masi ni wulombe, lego gi dumileko kuhunza wonkle matiko.
- 7 Na mina nzi wa te ngalo a ka bona, Hoxani kule bonklelele banhu a manyalataniselelo ya mahlo ya yena, mu nga nyenyezisi a wutsumbu ga *nwina* hi zifananiso za le Gipite; mina nzi Jehova a Nungungulu wa *nwina*.
- 8 Kanilezi bona ba hlubukile ba vukela mina, ba wa nga ba nga ingisi a ka mina; bona a ba tsikangi bonklelele banhu a manyalataniso ya mahlo yabye, ge hambu bona a ba tsikangi a zifananiso za le Gipite, Zonake nzi wa te ngalo nzi ta nga halata a zanga ya mina hehla ka bona, a ku mbetekisa a zanga ya mina hehla ka bona le xikari ka tiko ga le Gipite.
- 9 Kanilezi nzi lo maha hi kota ya wutsumbu ga mina, lezaku gi nga hanahaniswi le kuwoneni ka mifumo, a xikari ka yihi bona ba na nga ka yona, a kuwoneni ka yihi nzi lo maha a wutsumbu ganga gi tiyekiswa ka yona a ka lezi nzi nga neha bona ba huma le tikweni ga le Gipite.
- 10 Zingaho nzi lo maha bona ba huma le tikweni ga le Gipite, nzi lo neha bona le xiwuleni.
- 11 Nzi lo nyika bona a zilayelo za mina, nzi lo kombisa bona a zixaxametiselelo za mina, lezo loku a munhu loku a zi maha a ta nga hanya a ka zona.
- 12 Klatakumbiri nzi lo nyika bona a sabado ga mina, akuba xiwoniso xikari ka mina zinwe na bona, kasi ba fela ku zi tiba lezaku nzi mina Jehova loye a basisako bona.
- 13 Kanilezi a yindlu ya ka Israeli yi lo hlubuka yi vukela lomo xiwuleni: bona a ba fambangi lomo zilayelweni za mina, na bona ba lo ala zixaxametiselelo za mina, lezo loku a munhu a zi hlaysia, i ta kuba ni ku hanya a ka zona; ni ma sabado ya mina bona ba lo hanahanisa hi kukulisilweko. Zonake nzi wa te ngalo nzi ta halata a zanga ya mina hehla ka bona lomo xiwuleni, a ku mbembisa bona.
- 14 Kanilezi nzi lo maha hi kota ya bito ga mina, lezaku nzi nga hanahaniswi a kuwoneni ka mifumo, a kuwoneni yali mina nzi humesileko bona.
- 15 Klatakumbiri kambe nzi lo hlambanga a ka bona lomo xiwuleni, lezaku nzi mina nzi nga ta neha lomo tikweni lego nzi nyikileko bona, gi kulungako a masi ni wulombe, lego gi nga wukosi ga wonkle a matiko.
- 16 Hakuba bona ba alileko a zixaxametiselelo za mina, ba nga fambangi zilayelweni za mina, ba hanahanisileko a ma sabado ya mina: hakuba a timbilu tabye ti lanzele a zifananiso zabye.
- 17 Ahembalezoke a tihlo ga mina gi nyenyetela bona, na nzi wa lobisangi bona, ge a nzi mahangi kugumelwa ka bona ku teleko lomo xiwuleni.
- 18 Nzi te ngalo a ka banana banye lomo xiwuleni, Mu nga fambi *nwina*, milayweni ya badadani ba *nwina*, mu nga lonzowoteli a zixaxametelo zabye, mu nyenyezisi a wutsumbu ga *nwina* hi zifananiso zabye.
- 19 Hakuba nzi mina Jehova a Nungungulu wa *nwina*: fambani zilayelweni za mina, ni ku hlaysia a zixaxametiselelo za mina, ni ku maha zona.
- 20 Ni ku basisa a masabado ya mina: wona ma ta kuba a xiwoniso xikari ka mina zinwe na *nwina*, kasi *nwina* ma fela a ku zi tiba lezaku nzi mina Jehova a Nungungulu wa *nwina*.
- 21 Kanilezi a banana ba lo hlubuka ba vukela mina; kanilezi bona a ba fambangi zilayelweni za mina ge ni kuhlayisa a zixaxametelo za mina, a ku maha zona, lezo loku a munhu a zi maha, a ka zona i ta hanya hi ka zona; bona ba nyenyezisile a masabado ya mina. Zonake nzi te ngalo nzi ta halata a zanga ya mina hehla ka bona, a ku mbetisa a zanga ya mina nzi vukela bona lomo xiwuleni.
- 22 Ahembalezoke nzi lo kaketa a canja ga mina, nzi lo maha hi kota ya bito ga mina, lezaku gona gi wa ta nga gi nga hanahaniswi lomo kuwoneni ka mifumo a kuwoneni ka yihi nzi humesileko bona.
- 23 Klatakumbiri nzi lo hlambanya a ka bona lomo xiwuleni, lezaku nzi ta hangalasa bona xikari ka mifumo, nzi ta nga fenemetisa bona xikari ka matiko wonkle;

- 24 Hakuba bona ba nga tsonzanziko a zixaxametiselelo za mina, kanilezi ba alileko a zilayelo za mina ba hanahanisileko a masabado ya mina, ni mahlo yabye ma wa lanzela a zifanani-sweni za badadani babye.
- 25 Klatakumbiri kambe nzi lo nyika bona a zilayelo lezo zi nga sasekangiko, ni zixaxametelo lezo ha zona ba ta nga kala ba nga hanyi ;
- 26 Nzi lo nyenyezisa bona lomo zinyikiweni za bona benyi, a ka lezo ba mahako ku hunza ba tsemakanya a nzilo a matewula ya marumbu yabye, kasi nza fela a ku maha bona a lodyiselelo, hi ku gumelwa ba fela a ku zi tiba lezaku nzi mina Jehova.
- 27 Hikwalaho, nisanyana wa munhu, wulawula a ka yindlu ya ka Israeli, ni ku wula a ka bona, Zakungahi a wulako a Hosi Jehova : A ka lezi klatakumbiri a badadani ba nwina ba lo rukatela mina, a ka lezo ba nga maha a zihambuko ba vukela mina.
- 28 Hakuba laha na nzi nehile bona lomu tikweni, lego mina nzi hlambanyileko a ku nyika ka bona, zonake bona ba lo wona yonkle a minganga ni leyi yonklelele yi klakukileko, ni tonklelele a tisinya leti tidzibileko, bona ba nyikela leho a mipahlelo yabye ; laho ba lo tisa a vunjukiselelelo wa muniyikelo wabye ; laho kambe ba lo maha a masema yabye ya kutsombela, na laho bona ba lo culula a minyikelo yabye ya kunwa.
- 29 Zonake nzi wa te ngalo ka bona, Mu wula yini hi wutsamo gi klakukileko lego nwina muyako ke? Zingaho a bito ga kona gi bitaniwa hi ku Bama kala legi siku.
- 30 Ngahilezo wula ka yindlu ya ka Israeli, Zakungahi a wulako a Hosi Jehova : Nwina mu nyenyezisa a wutsumbu ga nwina kufana ni ma mahela ya badadani ba nwina ke? ni ku maha a wuoswi mu lanzela a manyalataniso yabye ke?
- 31 Ni laha nwina na mu nyikela a zinyikiwo za nwina, laha na mu maha a barisanyana ba nwina a ku hunza ba tsemakanya a nzilo, nwina mu nyenyezisa a wutsumbu ga nwina hi zifananiso kala legi siku ke? na mina nzi wutiswa ha nwina, O yindlu ya ka Israeli ke? Kwatsi hilezi nzi hanyako, ku wula a Hosi Jehova, mina nzi nga ta wutiswa ha nwina ;
- 32 Ni lezo zi tileko hi le kupimeni ka nwina, zi nga ta kuba kona futsi, a ka lezo nwina mu wulako, Hina hi ta ku kwatsi hi mifumo, kwatsi mingango ya matiko, a ku kozela a tisinya ni maribye.
- 33 Kwatsi hilezi nzi hanyako, ku wula a Hosi Jehova, hakunene hi canja ga nyamintamo, na hi woko gi klakusilweko, na hi yi halatilweko, nzi ta kuba hosi hehla ka wena.
- 34 Nzi ta humesa wena u huma lomo banhwini, nzi ta wungeletela nwina hi lomo matikweni lawo nwina mu hangalakeleko, hi canja ga nyamintamo, na hi woko gi klakusilweko, na hi zanga yi halatilweko ;
- 35 Nzi ta neha wena le xiwuleni xa banhu, leyo nzi ta engena lamuliselelweni zinwe na nwina ngohe ni ngohe.
- 36 Kwatsi hilezi nzi nga wa engenile lamuliselweni zinwe ni badadani ba nwina lomo xiwuleni xa tiko ga le Gipite, zingaho nzi ta engena lamuliselweni zinwe na nwina, ku wula a Hosi Jehova.
- 37 Nzi ta maha nwina mu tsemakanya mu hunza lahasi ka nhonga, nzi ta neha nwina a kubohweni ka xivumelwano ;
- 38 Nzi ta susa xikari ka nwina a bahlubuki, ni labo ba hambunyetako ba vukela mina ; nzi ta neha bona hi le tikweni lego ba lubeleko kona, kanilezi bona ba nga ta engena a tikweni ga ka Israeli : na nwina mu ta zi tiba lezaku nzi mina Jehova.
- 39 Kwatsi ha nwina, O yindlu ya ka Israeli, zukungahi a wulako a Hosi Jehova ; Famba nwina mu kozela nwenklelele a zifananiso za yena, ni nzako ka lezi kambe, loku nwina mu nga ta ingisa a ka mina ; kanilezi a bito ga mina ga ku basa nwina mu nga ta gi nyenyezisa kambe hi zinyikiwo za nwina, ni zifananiso za nwina.
- 40 Hakuba a xitsungeni xa mina xa kubasa, a xitsungeni xa ku klakuka ka Israeli, ku wula a Hosi Jehova, laho ku ta kuba a yindlu ya ka Israeli, yonkle yona, ba ta kozela mina lomu tikweni : laho mina nzi ta amukela bona, laho nzi ta amukela a minyikelo ya nwina, ni laho matewula ya kunyikela ka nwina, zinwe ni zilo zonkle za nwina za kubasa.
- 41 Kwatsi masema ya ku nanziba nzi ta amukela nwina, laha na nzi humesile nwina hi le banhwini, nzi

tsombanyisile *nwina* hi le matikweni lawo nzi hangalaseleko *nwina*; nzi ta basiswa a ka *nwina* a kuwoneni ka mifumo.

- 42 Na *nwina* mu ta zi tiba lezaku nzi mina Jehova, laha nzi ta neha *nwina* lomo tikweni ga ka Israeli, le tikweni lego nzi hlambanyileko a ku nyika a badadani ba *nwina*.
- 43 Ni laho mu ta alakanya a tindlela ta *nwina*, ni zonkle a zimaho za *nwina*, lezo ha zona mu nyenyezisileko a wutsumbu ga *nwina*; mu ta hlokiswa a wutsumbu ga *nwina* hi kubiha konkle ka *nwina* loko mu ku mahileko.
- 44 Na *nwina* mu ta zi tiba lezaku nzi mina Jehova, laha na nzi mahile ha *nwina* hi kota ya bito ga mina, na nga hi kota ya tindlela ta *nwina* ta kubiha, na hi kota ya cucekiselelo wa zimaho za *nwina*, O *nwina* yindlu ya ka Israeli, ku wula a Hosi Jehova.
- 45 Ni mhaka ya ka Jehova yi lota a ka mina, yiku,
- 46 Nisanyana wa munhu, komamisa a ngohe ya wena le dzongeni, u done la a mhaka ya wena le dzongeni, u profeta u vukela a tisinya ta kwati ga le Dzongeni;
- 47 U wula a ka kwati ga le Dzongeni, Zwanani a mhaka ya ka Jehova: Zakungahi a wulako a Hosi Jehova, Languta, nzi ta dzibela a nzilo a ka wena, wu ta kadamula tonklelele a tisinya to nyuku a ka wena, ni tonklelele a tisinya ti omileko: a pingo ga nzilo gi nga ta timiwa, tonkle a tingohe ti tako hi le dzongeni ti ya nawulungu ti ta kuswa leyo.
- 48 Ni yonkle a nyama yi ta wona lezaku mina, Jehova, nzi dzibele wona; wona wu nga ta timiwa.
- 49 Zonake ku wula mina, Ha Hosi Jehova! bona ba wula ha mina, A hi yena a mu wulawuli wa mifananiso ke?

XIPIMO 21.

- 1 Ni mhaka ya Jehova yi lota a ka mina, yiku,
- 2 Nisanyana wa munhu, xungeta a ngohe ya wena a ngomama ni Jerusalema, u wisa a mhaka ya wena ngomama ni yindlu ya kubasa, u profeta u vukela a tiko ga ka Israeli;
- 3 U wula a ka tiko ga ka Israeli, Zakungahi a wulako Jehova: Languta, mina nzi vukela wena, nzi hlomula

a supado ya mina a kocelweni wa yona, nzi ta tsema le ka wena a lulamileko ni a bihileko.

- 4 Na u wona zonake lezaku nzi ta tsema le ka wena a lulamileko ni a bihileko, Hikwalaho a supado yi ta huma hi lomo kocelweni wa yona wu ya vukela yonkle a nyama ku sukela hi le dzonga ku kala ku ya le nwalungu:
- 5 Ni nyama yonkle yi ta zi tiba lezaku mina, Jehova, nzi hlomulile a supado ya mina a kocelweni wa yona; yi nga ta ha klela kambe.
- 6 Keta hikwalaho, wena nisanyana wa munhu; hi tsoyeletelo wa siwunu za wena hi babisiselo wena u ta keta mahlwani ka mahlo yabye.
- 7 Na ku ta kuba lezo, laha bona ba wulako a ka wena, Ngahilezo u ketela yini ke? lezaku wena u ta wula, Hakuba hi mahungu, hakuba wona ma tile; ni timbilu tonklelele ti ta nyekiswa, ni wonkle a mandla ma mbela ntamo, ni wonklelele a moya wu rereka, ni wonklelele a madzolo ma ta lembutana kwatsi i mati: languta, kona kuta, kona ku ta mahesha, ku wula a Hosi Jehova.
- 8 Ni mhaka ya ka Jehova yi lota a ka mina, yiku,
- 9 Nisanyana wa munhu, profeta, ni ku wula, Zakungahi a wulako Jehova: Wena, A supado, a supado, yona yi lotilwe, yi kuklilwe;
- 10 Yona yi lotilwe kasi yi fela ku maha a klabyiselelo; yi kuklilwe kasi ya fela a kukwezima: hi ta tsaka sonake? a nhonga ya nisanyana wa mina, yi nyenya a tisinya tonklelele.
- 11 Na yona yi nyikilwe akuba yi kukliwa, kasi yi fela a ku klemerelewa a supado, yi lotilwe, ina, yi kuklilwe, a ku nyika yona a canjeni ga muhlaseli.
- 12 Rila, huwa, nisanyana wa munhu; hakuba yona yi le hehla ka banhu ba mina, yona yi le hehla ka tonkle a tihosana ta ka Israeli: Tona ti nyikelwe supadweni sinwe ni banhu ba mina; bukuta hikwalaho a hangasweni ga wena.
- 13 Hakuba laho ku kona a hlolisiselelo; hiyini hambu a nhonga leyo yi nyenyelelo yi nga ta kuba kona kambe ke? ku wula a Hosi Jehova.
- 14 Wena hikwalaho, nisanyana wa munhu, profeta, ni kuba a mandla ya wena katigizwe; nga a supado yi

- wuyetwa a zikati zinharu, a supado ya timbanga ta kufa: i supado ya ba hombe labo ba fileko hi timbanga, leyo yi engenileko lomo tindlwini tabye.
- 15 Nzi rumele a supado yi bayisako nzi vukela tonkle a tinyangwa tabye, kasi a timbilu tabye ta nyikiswa, ni kungubanyeka kabye ku fela ku enzelekiswa: Ha! kona ku mahilwe kwatsi xingwalangwanza, kona ku longiselelwe a lobyiselelo.
- 16 Tsombanyisani nwina a katiginwe, muya hi ka ga xinene, ni ku hloma a wutsumbu ga wena hi maklari, uya hi ka ga xibaba, kani hikwihi laho a ngohe ya wena yi cuwukileko.
- 17 Minawu kambe nzi ta pakata a mandla ya mina katiginwe, nzi ta maha a zanga ya mina a ku vindluka: mina, Jehova, nzi wulawulile kona.
- 18 Ni mhaka ya ka Jehova yi lota kambe ka mina, yiku,
- 19 Kambe, wena nisanyana wa munhu, langa ka wena a tindlela timbiri, kasi a supado ya hosi ya le Babuloni yi fela a kuta; wona a mahahla ma tata ma huma a tikweni ginwe: ni ku komba a wutsamo, kombani gona le tihlokweni ta ndlela ya kuya mutini.
- 20 Wena u ta langa a ndlela ya supado a kuta le Rabba ya banana ba ka Ammoni, na ya ka Juda le Jerusalema wu gingisilweko.
- 21 Hakuba a hosi ya le Babuloni yi yimile le mahambaneni ya tindlela, le hlokweni ya tindlela timbiri, a ku maha a kubula: yena wa kohlolongela a maklari, i wulawulisa a xifanani-so, i cuwuka le xibinzini.
- 22 A ka canja ga yena ga xinene ku wa hi kubula hi Jerusalema, a bekela a zikungumulo, a kuvulula a nomu hi klabyiselelo, a kuklakusa a gezu hi huwa, a ku rumela a zikungumulo zi ya vukela a tinyangwa, a kuhoxa a zikungumulo, ni kuaka a zikane-kiso.
- 23 Ku ta ku kwatsi a ka bona kubula ka mawunwa a kuwoneni kabye, himani a hlambanyileko a zifungo a ka bona; kanilezi yena a nehako a kugoha a kualakanyiwa kasi bona ba fela ku tekwa.
- 24 Hikwalaho zakungahi a wulako a Hosi Jehova: Hakuba nwina mu mahileko a zigoho za nwina a ku alakanyiwa, a ka lezo a zihambunyeto za nwina a zi fenenetilwe, zingaho a ka zonkle zimaho za nwina a zionho za nwina za wonkeliswa; haku-ba lezo nwina mu tileko ku alakanyweni, kasi bona ba fela a ku tekiwa hi canja.
- 25 Na wena, O kuberi yi hihiritilweko ya kubihla, a hosana ya ka Israeli, Loye a siku ga yena gi tile, a xikatini xa kugumelwa ka kugoha,
- 26 Zakungahi a wulako a Hosi Jehova: Susani a xihuku xa wupristi, hlurulani a xidlodlo; lexi xi nga ta ha engeta kambe xi fanana; klakusani lezo zi nga lahasi, mu releta lezo zi nga le hehla.
- 27 Na mina nzi ta hinzula, hinzula, hinzula kona: lezi kambe zi nga ta kuba kona, a kala ata loku a kulongama ku na nga yena; nzi ta nyika yena kona.
- 28 Na wena, nisanyana wa munhu, profeta, niku, Zakungahi a wulako a Hosi Jehova hi xungetano zinwe ni banana ba ka Ammoni, ni xungetano ni nzukano yabye; ni kuwula wena: A supado, a supado yi hlumulwe a kuhlasela yona yi kukhlilwe, ku maha yona a kukadamula, lezaku yi ta ku kwatsi yona yi hi xingwalangwanza;
- 29 Laha na ba ha wona ha wena a miwoniso ya mawunwa, laha na ba ha hleba a xiwunwa a ka wena, a ku klateka a ka a tinhamu a hakubihla labo ba na nga ni timbanga ta kufa, labo a masiku yabye ma tileko hi xikatini xa zigoho zabye za kugumelwa.
- 30 Maha yona yi klelela kocelweni ga yona. A ka wutsamo lego wena u bangilweko, a tikweni ga ku tralwa ka wena, nzi ta lamula wena.
- 31 Nzi ta halata a zanga ya mina hehla ka nwina; nzi ta pupuxa hehla ka nwina hi xiwuta xa zanga ya mina; nzi ta nyikela wena a canjeni ga bannhu ba maburu, ba klarihileko hi ku lobisa,
- 32 Na wena u ta kuba a nzilole kumeni; ni nkata wa wena wu ta kuba xikari ka tiko; wena u nga ta ha engeta kambe u alakanyiwa: hakuba mina, Jehova nzi wulileko kona.

XIPIMO 22.

- 1 Klatakumbiri a mhaka ya ka Jehova yi lota ka mina, yiku,

- 2 Na wena, nisanyana wa munhu, u ta lamula ke, u ta lamula a muti wa nkata ke? zonake maha wona a ku tiba a manyalataniso yonkle ya wona.
- 3 Na wena u ta wula, Zakungahi a wulako a Hosi Jehova: A muti lowo wu halatako a nkata xikari ka wona, lezaku a xikati xa wona xi fela kuta, lowo wu mahako a zifananiso wu vukela wona!
- 4 Wena u gohile a ka nkata wa wena lowo u wu halatileko, u nyenyezisilwe zifananisweni za wena lezo wena u zi mahileko; na wena u mahile a masiku ya wena a ku tsinela ku suhani, wena u tile kona malembeni ya wena: hikwalaho nzi mahile wena a nzukano a ka wonkle a matiko, ni hleleleko a ka yonkle a mifumo.
- 5 Labo ba na nga kusuhani, ni labo ba na nga kule ni le ka wena, ba ta tseketsela wena, wena u nga zwaliko u na nga ni pfilupfilu.
- 6 Languta, a tihosana ta ka Israeli, bonklelele kukotisa ntamo wabye, ba wa xikari ka wena a ku halata a nkata.
- 7 A ka wena ba rumele a kuwoninga hi dadani na nyini; a xikari ka wena bona ba mahile a tsimbeketelo, hi tinzubeti; a ka wena ba onhile a bana ba zisiwana ni tinoni.
- 8 Wena u kanyileko a zilo za mina za kubasa, u nyenyezisile a masabado ya mina.
- 9 A ba gujegu je ba wa hi ka wena a ku halata a nkata; a ka wena bona ba gele hehla ka zitsunga: a zikari ka bona nzi mahile a wuoswi.
- 10 A ka wena bona ba wonisile a wumbyiri ga badadani babye; a ka wena bona ba koramisile yena loya a nga wa nga hlazekangi lomo kumbilukeleni ka haba ka yena.
- 11 Ni munzwani i mahile a manyalataniso ni sati wa waakelwane naye; munzwani hi wuoswi i nyenyezisile a katazwane wa yena; a munzwani a ka wena i koramisile a makweru wa yena, a nhanyana wa dadani wa yena.
- 12 A ka wena ba tekile a ma binzu a ku halata a nkata; na wena u tekile a anziselo, na wena hi mahlokoti u kalabele a waakelwane wa wena hi tsimbeketelo, u ribakelwe mina, ku wula a Hosi Jehova.
- 13 Languta, hikwalaho, nzi pakatile a mandla ya mina hi ka ku nga dzu-nzeki ka wena nzi vukela lezi wena u zi mahileko, ni ka nkata wa wena lowo wu nga kari wu hi lomo xikari ka wena.
- 14 Kasi a mbilu ya wena yi nga timisela ke, kutani a canja ga wena gi ngaba ni ntamo ke, a ka siku lego nzi ta nga maha zinwe ha wena ke? mina, Jehova, nzi wulile kona, nzi ta maha kona.
- 15 Na mina nzi ta hangalasa wena xikari ka mifumo, nzi ta fenemetisa wena xikari ka matiko wonkle; nzi lobisa ku nyenyeza ka wena.
- 16 Na wena u ta hanahaniswa a ka wutsumbu ga wena, a ku woneni ka mifumo; na wena u ta zi tiba lezaku nzi mina Jehova.
- 17 Ni mhaka ya ka Jehova yi lota a ka mina, yiku,
- 18 Nisanyana wa munhu, a yindlu ya ka Israeli yi mahile a manyelo a ka mina: bonkle ba bona i suku ni lata ni xiketse ni tsovu, a xikari ka pingo; bona ba hi manyelo ya siliva.
- 19 Hikwalaho zakungahi a wulako a Hosi Jehova: Hakuba nwina nwe-nkle mu mahileko a manyelo, hikwalaho, nzi ta tsombanyisela nwina lomo xikari ka Jerusalema.
- 20 Kwatsi hilezi ba wungeletelako a suku ni xiketse ni tsovu ni lata a xikari ka pingo, a ku buveta a nzilo hehla ka kona, a ku nyekisa kona; zingaho nzi ta wungeletela nwina lomo kulweni ga mina ni lomo zangeni ya mina, nzi ta bekela nwina laho nzi ta nyekisa nwina.
- 21 Ina, nzi ta wungeletela nwina, nzi ta buveta hehla ka nwina hi nzilo wa zanga ya mina, na nwina mu ta nyekisiwa a xikari ka kona.
- 22 Kwatsi siliva gi nyekiswako lomo xikari ka pingo, zingaho nwina mu ta nyekiswa lomo xikari ka kona; na nwina mu ta zi tiba lezaku mina, Jehova, nzi halatile a zanga ya mina hehla ka nwina.
- 23 Ni mhaka ya ka Jehova yi lota a ka mina, yiku,
- 24 Nisanyana wa munhu, wula a ka yena, Wena u tiko lego gi nga basiswangiko, gi nga tsakamiswangiko hi siku ga zangariselelo.
- 25 Lahe ku na nga ni xihlebo xa baprofeti ba yena lomo xikari ka yena, kwatsi i ngala yi dzumako yi ngurelako a pimba: bona ba kadamule a mihfefemulo; ba tekile a tsomba ni

zilo za malongo; bona ba mahile a tinoni ta yena ti enzeleka lomo xikari ka yena.

- 26 A bapristi ba yena ba mahileko hi vilinganya a ka nayo wa mina, ba nyenyezisile a zilo za mina za kuba-sa: bona a ba mahangi a kuhanyisa xikari ka zilo zo basa ni zilo za nya-lidede ge a ba mahangi a banhu ku tiba a zilo zi basileko ni nyenyezile, na ba fihlile a mahlo yabye le masabadweni ya mina, na mina nzi nyenyezisilwe xikari kabye.
- 27 Ni tihosana ta kona a xikari ka kona ti kwatsi timhisi hi huhulukelako a pfimba wa tona, a kahalata a nkata, ni lobisa a mihefemulo, kasi bona ba fela a ku kuma ku nga dzunziwi kambe.
- 28 Ni bapristi ba yena ba ti totile hi maropema nga buvangiko, na ba wona a miwoniso ya mawunwa, ba kucetela a mawunwa a ka bona, baku, Zakungahi a wulako a Hosi Jehova, laha Jehova na a nga wulangi.
- 29 Ni banhu ba tiko ba tirisile a tsimbeketelo, ba mahile hi kupangisilweko; ina, ba hlokisile a zisiwana ni bavumali, ba tsimbeketile a nzubeti hi pangisilweko.
- 30 Na mina nzi lo hlota a munhu xikari kabye, loye a ta nga aka kuru-si, ni ku yima a moleni mahlweni ka mina a yimela a tiko, kasi nza fela ku kala nzi nga lobisi gona; kanilezi a nzi mu kumangi.
- 31 Hikwalaho nzi halatile a zanga ya mina hehla ka bona; nzi lobisile bona hi nzilo wa zanga ya mina; a tindlela ta bona benyi nzi nehile tona hehla ka tihloko ta bona benyi, ku wula a Hosi Jehova.

XIPIMO 23.

- 1 Ni mhaka ya Jehova yi lota a ka mina, yiku,
- 2 Nisanyana wa munhu, laho ku wa hi kona a babasati bambiri, a banhanyana ba mamani munwe:
- 3 Na bona ba lo maha a wuoswi leyo Gipite; bona ba lo maha a wuoswi a wusweni gabye; ni laho ku wa lo tsimbeketwa a zifuba zabye, ku lo komiwa a mabele ya wubulwa gabye.
- 4 Ni mabito yabye ku wa hi Ohola a nhunzwa, na Oholiba a makweru wa yena; na bona ba wa hi ba mina, na bona ba lo trala a barisanyana ni banhanyana. Na kwatsi hi mabito

yabye, Samaria hi Ohola, na Jerusalema hi Oholiba.

- 5 Na Ohola i lo maha a wuoswi laha a nga wa hi wa mina; na a lo huhurala hi kuranza ka yenawu, a ka ma Asiria a muakelwane wa yena,
- 6 Loye a nga wa ambexilwe hi ko balala, a bafumeli ni batongi, bonkle ba bona ni majaha ma xubekako, a banuna ba mahaxi ba kecele hehla ka mahaxi.
- 7 Na yena i lo bingeretela a wubayi ga yena hehla ka bona, bonkle banhu ba langilweko ba le Asiria bonkle ba bona; na ka hiwili loye yena a mu huhurilisako, hi zonkle a zifanano za yena i nyenyezisile a wutsumbu ga yena.
- 8 Ge yena a nga tsikangi a wubayi ga yena cima ka siku ga le Gipite; hakuba a ka wuswa ga yena bona ba lo eklela zinwe na yena, na bona ba klemerele a mabele ya wubulwa ga yena; na ba halatile a wubayi ga yena hehla ka yena.
- 9 Ngahilezo nzi nyikele yena lomo canjeni ga baranzi ba yena, a canjeni ga ma Asiria ka bahi yena a nga wa ti huhuralisa a ka bona.
- 10 Iaba ba nga kubunyetile a wumbyiri ga yena; bona ba lo teka a barisanyana ba yena ni banhanyana ba yena; bona na yena ba lo mu daya hi supado: na yena i lo maha a kuxeluzwa a xikari ka babasati; hakuba bona ba tsanzile a lamuliselelo hehla ka yena.
- 11 Ni makweru wa yena Oholiba i lo wona lexi, kasike yena i lo hunzelela a kubola a kuhuhuraleni ka yena a ku hunza yena, na wubayini ga yena, lego gi hunzeletileko ku hunza a makweru wa yena.
- 12 Yena i lo huhurala hehla ka ma Asiria, ni bafumeli ni batongi, baakelwane ba yena, i lo ambala hi kubombisisilweko, a babanuna ba ku kilela mahaxi ba lo kilela hehla ka mahaxi, bonkle ba bona ba majaha ma nabelekako.
- 13 Na mina nzi lo wona lezaku yena i nyenyezisilwe; bona bonkle ba teki-le a ndlela zinwe.
- 14 Yena i enzelekisile a wubayi ga yena; hakuba yena i lo wona a babanuna ba nameketilwe le ligingisini, a mifananiso ya ma Kaldea na yi nama-ketilwe hi truka.
- 15 Bohani hi tifunga hehla ka ziwunu

- za bona, ni micacalato ya macakala hehla ka tibloko tabye, bonkle ba bona a tihosana a ku cuwuka hehla ka kona, a nzako ka fananiselo wa lema Babuloni, le Kaldea, a tiko ga wubele wa gabye.
- 16 Na kwatsi hi xikanzakanya xa lezi a nga wona bona yena i lo ti huhuralisa hehla ka bona, i lo rumela a mitrukano a ka bona le Kaldea.
- 17 Ni ma Kaldea malota a ka yena muhedini wa liranzo, na bona ba lonyenyezisa yena hi wubayi ga bona, yena i wa swihalasilwe zinwe na bona, ni muhefemulo wa yena wu wa abanyisilwe wu suka a ka bona.
- 18 Zingaho yena a nga kubunyetangi a wubayi ga yena, i wa nga kubunyetwangi wubyri ga yena, kwatsi hi a muhefemulo wa mina wu abanyisilweko a ka makweru wa yena.
- 19 Kasike yena i lo enzelekisa a wubayi ga yena, na alakanya a masiku ya wuswa ga yena, laho ha wona yena i lo maha a wubayi lomo tikweni ga le Gipite.
- 20 Yena lo mbi lukela hehla ka baranzi ba yena, labo a nyama yabye yi nge kwatsi i nyama ya timbongola, ni nkata wabye wu nge kwatsi i nkata wa mahaxi.
- 21 Zakungahi wena u bitilwe a ku alakanyiswa a swiriselelo wa wuswa ga wena, a ku komeni ka mabele ya wena hi ba Gipite a xifuba xa wuswa ga wena.
- 22 Hikwalaho, O Oholiba, zakungahi a wulako a Hosi Jehova. Languta, nzi ta vuxa a ba ranzekako ba wena a ku vukela wena, a ka bahi a muhefemulo wa wena wu abeneko, nzi ta ncha bona ba vukela wena maklelweni wonkle :
- 23 A ma Babuloni ni wonkle a ma Kaldea, Pekode ni Xoa ni Koa, ni wonkle a ma Asiria zinwe na bona; a majaha ma labekako, a bafumeli ni batongi bonkle ba bona, a tihosana ni banhu ba tibiya wako, bonkle ba bona ba kilela a mahaxi.
- 24 Na bona ba tata ba vukela wena hi maklari, hi makaliji ni tikareta, ni miklawa ya banhu; bona ba ta yimisa wutsumbu gabye ba vukela wena hi tingenge ni ziklangu ni zivikele ba ranzela wena, na nzi ta maha a lamuliselelo a ka bona, na bona ba ta lamula wena kukotisa hi kulamula kabye.
- 25 Na mina nzi ta rumela a wukuxu ga mina nzi vukela wena, na bona ba ta maha ha wena hi kucabisekako; bona ba ta tsema a nhovu ya wena ni tindlebe ta wena ni misalela ya wena yi ta kuwa hi supado : ba ta teka a barisanyana ba wena ni banhanyana ba wena ; ni misalela ya wena yi ta kadamulwa hi nzilo.
- 26 Na bona ka ta runzuwulela wena a tinguwo ta wena, ba ta susa a tinzalama ta wena tatsi.
- 27 Zakungahi nzi ta maha a wuoswi ga wena gi kawula a ka wena, ni wubayi ga wena legi u gi nehileko hile tikweni ga le Gipite ; zingaho lezo wena u nga ta klakusa a mahlo ya wena a ka bona, ge ni ku alakanya a Gipite kambe.
- 28 Hakuba zakungahi a wulako a Hosi Jehova: Languta, nzi ta nyikela wena a canjeni ga bona labo wena u ba bengako a canjeni ga bona labo a muhefemulo wa wena wu hambeneko nabo ;
- 29 Na bona ba ta maha ha wena hi libengo, ba ta susa wonkle a pangamiselo wa wena, na ba ta siya wena a wumbyiri ni likwelembu; ni wumbyiri ga wubayi ga wena gi nga ta fenenetwa, gonkle a swila ga wena ni wubayi ga wena.
- 30 Lezi a zilo zi ta maheka a ka wena, hakuba wena lezo u mahileko a wubayi i lanzela a mifumo, hakuba wena u nyenyezisilwe hi zifananiso zabye.
- 31 Na wena u fambile lomo ndleleni ya makweru wa wena; hikwalaho nzi ta nyika a kopo ya yena lomo canjeni ga wena.
- 32 Zakungahi a wula a Hosi Jehova : wena u ta nwela lomo kotreni ya makweru wa wena, leyo yi etileko nja hombe; wena u ta hlekwa hi kutseketselwa, u taba ni hleleleko ; kona ku tsingisilweko.
- 32 Na wena u ta tatiswa hi popiwiselo ni hlomulo, hi kopo ya singitelelo ni hleleleko, hi kopo ya makweru wa wena Samaria.
- 34 Wena hi wena u ta nganwa yona u yi minyeta, na wena u ta hlafunha a xisese xa yona, u ta klukuluta a mabele ya wena; hakuba mina nzi wulawulileko kona, ku wula a Hosi Jehova.
- 35 Hikwalaho zakungahi a wulako a Hosi Jehova : Hakuba wena u riba-

- kelweko mina, u hoxileko mina le mafularen i ka wena, hikwalabo rwa-la wena kambe a swila ga wena ni wubayi ga wena.
- 36 Klatakumbiri i lo wula a ka mina: Nisanyana wa munhu, wena u ta-lamula Ohola na Oholiba ke? zonake klaklambuta a ka bona a manyalata-niselelo yabye.
- 37 Hakuba bona ba mahileko a kuremba, ni nkata wu lomo mandleni yabye; hi zifananiso zabye bona ba mahile a wurembi; na bonawu kambe ba mahile a barisanyana babye, labo bona ba traleleko mina, a ku hunza ba tsemakanya a nzilo a ka bona a kukadamulwa.
- 38 Klatakumbiri lexi bona ba xi mahileko a ka mina: ba nyenyezisile a yindlu ya kubasa ya mina ka gwalego siku: ba hanahanisile a masabado ya mina.
- 39 Hakuba laho na ba dele a banana babye a ka zifananiso zabye, zonake ba lota a ka gwalego siku lomo ndlwini ya mina ya kubasa a kuta nyenyezisa yona; ni, mangabye, zakungahi bona ba mahileko lomo xikari ka yindlu ya mina.
- 40 Klatakumbiri nwina mu rumele a banhu ba tako hi kule, aka bahi a tsukano wu wa lo runwelwa, ni mangabye, bona ba wa la kuta; a ka bahi wena u lo hlaza a wutsumbu ga wena, wa lo penda a mahlo ya wena, na lo bomba a wutsumbu hi gobo.
- 41 U tsama hehla ka mubedi watsi, ni meza yi longisilweko mahlweni ka wona, hehla ka wona wena u bekako a libani la mina ni mafura ya mina.
- 42 Ni gezu ga xidlemo gi wa tenja zinwe na yena: zinwe ni banhu ba lixaka la cumbu hi banhu ba lo nehwa na ba popilwe hi le xiwuleni, ba lo mehela a zingwabila hehla ka mandla yabye mahala, ni xidlodlo xa wumburi xi wa hi hehla ka tihloko tabye.
- 43 Zonake ku lo wula mina a ka yena loye a na nga wa kale hi kuremba, Makunu bona ba ta maha a wurembi zinwe na yena ke, na yena zinwe nabo.
- 44 Na bona ba lo engena a ka yena, kwatsi hilezi ba yako a xibayini: zingaho ba loya bona a ka Ohola ni ka Oholiba, a ba basati ba wuoswi.
- 45 Ni banhu ba lulamileko, bona ba ta lamula bona hi lamuliselelo wa wurembi, ni lamuliselelo wa babasati labo ba halatako a nkata; hakuba bona ba hi barembako, ni nkata wu lo mandleni yabye.
- 46 Hakuba zakungahi a wulako a Hosi Jehova: Nzi ta neha a miklawwa yi ta nga vukela bona, nzi ta nyikela a ku fenemeteka ba ndleugandlengi-swa ni ku pangiwa.
- 47 Ni klawwa wu gandla bona hi mari-bye, ni trandlesele bona hi tisupado tabye: bona ba ta dayela a barisanyana babye ni banhanyana babye, ni ku hisa a tindlu tabye hi nzilo.
- 48 Zakungahi nzi ta maha a zibi zi sika lomo tikweni, lezaku bonkle babasati ba felu ku kala ba nga gonziswi a ku maha a zibi za nwina.
- 49 Na bona ba ta potela a zibi za nwi-na hehla ka nwina, na nwina mu ta rwala a zionho za zifananiso za nwina; na nwina mu zi tiba lezaku mina nzi mina Hosi Jehova.

XIPIMO 24.

- 1 Kambe hi ka lembe ga nkalanu ni mune, hi ka hweti ya kume hi ka siku ga kume ga hweti, ni mhaka ya ka Jehova yi lota a ka mina, yiku,
- 2 Nisanyana wa munhu, tsala a bito ga siku, gona a wutsumbu ga gwalegi siku: a hosi ya le Babuloni yi lo tsinela suhani ni Jerusalema gona wutsumbu ga gwalegi siku.
- 3 U tsawutela a mufananiso a ka yindlu yi hlubukileko, ni ku wula a ka bona, Zakungahi a wulako a Hosi Jehova, Kungeta a mbita, ni kunge-ta yona, u cela mati lomo nzeni ka yona:
- 4 Wungeletela a zipanzana za yona a ka yona, zona zonkilelele a zipanzana zinene, a hangaswa, ni kakla; u ta-tisa yona hi marambu yatsi.
- 5 Teka a wulangelwa ga klambi, kambe ni tsikelo ga tihunyi a ku hlanguyeta lahasi ka mbita: maha ku bilisa kwatsi; ina, nga a marambu ya kona ma bila lomo nzeni ka yona.
- 6 Ngahilezi zakungahi a wulako a Hosi Jehova: Kombo a ka muti wa nkata a ka mbita leyo a kutsutsumbala ku na nga ka yona, leyo a ku tsutsumbala ku nga susangiko a ka yona! teka a ka yona a xipanze hi xi-

- panze; a ku kona a hlolo yi hlalhubileko a ka yona.
- 7 Hakuba a nkata wa yena wu kona xikari ka yena; yena i bekile wona hehla ka ribye ga likwembu; yena a nga halatangi wona le liranzyeni, a ku seletela wona hi tsumi.
- 8 Kasi wona wu maha a zanga yita a ku maha a potelelo, nzi bekile a nkata wa yena hehla ka ribye ga likwembu, kasi wona wu fela ku kala wu seletelwi.
- 9 Hikwalaho zakungahi a wulako a Hosi Jehova: Kombo a ka muti wa nkata; kambe nzi ta maha a matsikelo a ku kula.
- 10 Bingereta tihunyi, maha nzilo wu hisa u bilisa kwatsi a nyama, tiyisa a muro, nga a marambu ma'gisiwa.
- 11 Zonake i minyeta kona hi makala ya yona, kasi yona ya fela a ku hisa, nzi suku wa kona wu fela kuwa, kasi a caka ga yona ga nyekiswa a ka yona, kasi a ku tsutsumbala ka yona ka hisiwa.
- 12 Yena i rerekisile a wutsumbu ga yena hi kutira; kasike a tsutsumbaliso wa yena a wu sukile a ka yena; a kutsutsumbala ka yena a ku sukile a ka yena hi nzilo.
- 13 A ku nyenyezeni ka wena i zibi: hakuba mina nzi basisileko wena na wena u wa nga basisilwe, wena u nga ta ha basiswa ku nyenyezeni ka wena kambe, kala nzi maha a zanga ya mina hi klelo ga wena a ku zumba.
- 14 Mina, Jehova, nzi wulawulile kona; na kona ku ta mahaka, na mina nzi ta maha kona; nzi nga ta klelela le nzako, ge nzi nga ta nyenyetela, ge ni ku hunzuluka; kukotisa hi ka tindlela ta wena, kukotisa hi ka zimaho za wena, bona ba ta lamula wena, ku wula a Hosi Jehova.
- 15 Kambe a mhaka ya ka Jehova yi lota a ka mina, yiku.
- 16 Nisanyana wa munhu, languta, nza teka a ka wena a xubelelo xa mahlo ya wena hi xifuta: kasike wena u nga ta rila, ge ni ku hlomula, ge ni mihloti ya wena yi nga ta xilila.
- 17 Keta, kanilezi u nga kanyuluki, u nga mahla xirilo hi batileko; boha a kanzani wa wena hehla ka wena, u engenisa a zilato za wena mikonzweni ya wena, u nga fenengeti a milomu ya wena, u ngagi a zibaba za banhu.
- 18 Zingaho nzi lo wulawula a ka banhu laha mixweni; laha gambyeni a sati wa mina i lofa; nzi lo maha laha mixweni kwatsi hilezi nzi nga wa leletelwe.
- 19 Ni banhu ba te ngalo ka mina, Wena a ku hi byeli hina lezaku lezi zilo zi yini a ka hina, lezi wena u mahako lezo ke?
- 20 Zonake nzi te ngalo a ka bona, A mhaka ya ka Jehova yi lota a ka mina, yiku,
- 21 Wulawula a ka yindlu ya ka Israeli, Zakungahi a wulako a Hosi Jehova: Languta, nzi ta hanahanisa a yindlu ya mina ya kubasa, a matsanza ya ntamo wa nwina, a xubelelo wa mahlo ya nwina, ni lexo a muhefemulo wa nwina wu xi hawukelako; ni barisanyana ba nwina ni banhanyana ba nwina labo nwina mu klakusileko le nzako ba ta ku wa hi supado.
- 22 Na nwina mu ta maha kwatsi hi lezi nzi mahileko: nwina mu nga ta fenengeta a milomu ya nwina, ge ni kuga a zibaba za banhu.
- 23 Ni micungo ya nwina yi taba hehla ka tihloko ta nwina, ni zilato za mikonzweni ya nwina: nwina mu nga ta rila ge ni ku hlomula; kanilezi nwina mu ta kwebeka lomo kugoheni ka nwina, mu keta a ngomama ya munwe ni munwani.
- 24 Zakungahi Ezekieli i ta kuba ka nwina a muwoniso; kukotisa hi ka zonkle lezo a mahileko nwina mu ta maha: laha lezi zi tako, zonake mu ta zi tiba lezaku nzi mina Hosi Jehova.
- 25 Na wena, nisanyana wa munhu, u nga ta kuba kona a sikwini lego ha gona nzi ta nga teka a ntamo wa bye, a kubuma ka wukosi gabye, a xubelelo wa mahlo yabye, hi ka lezo bona ba rumeleko a mbilu yabye, barisanyana babye ni banhanyana babye.
- 26 Lezaku a ka lego siku loye a ta nga pona i tata a ka wena, a ku maha wena a kuingisa hi tindlebe ta wena winyi ke?
- 27 A ka lego siku a nomu wa wena wu ta vululelwa yena loye a ponileko, na wena u ta wulawula, u nga ha bi kambe a mbebebe: zingaho wena u ta kuba a muwoniso a ka bona; na bona ba ta zi tiba lezaku mina nzi Jehova.

XIPIMO 25.

- 1 A mhaka ya ka Jehova yi leta a ka mina, yiku,
- 2 Nisanyana wa munhu, xungeta a ngohe ya wena a ngomana ni banana ba Ammoni, ni ku profeta u vukela bona:
- 3 Ni ku wula a ka banana ba ka Ammoni, Zwanani a mhaka ya Hosi Jehova: Zakungahi a wulako a Hosi Jehova, Hakuba wena u wulileko, Aha, u vukela a yindlu ya mina ya ku basa, laha yona yi nga wa nyeneziswa; ni vukela a tiko ga ka Israeli, laha gona gi nga wa mahilwe a marumbi; ni vukela a yindlu ya ka Juda, laha bona baya wukonwini:
- 4 Hikwalaho, languta, nzi ta nyikela wena a ka banana ba le mutsuwukagambo a kuba tsomba yabye, na bona ba ta yimisa wugobelo gabye a ka wena ba ta maha a wuakelo gabye a ka wena; ba ta kuga a miha-nzo ya wena, ba ta kunwa a masi ya wena.
- 5 Na mina nzi ta maha Rabba a ranga ga makameli, ni bananaba ka Ammoni a nzawu ya wutsano ga kuzumba a miklambi: na nwina mu ta zi tiba lezaku nzi mina Jehova.
- 6 Hakuba zakungahi a wulako a Hosi Jehova: Hakuba wena u pakateleko a mandla ya wena, u kanziyeleko hi mikonzo u bumako hi wonkle a xakelo wa wena u vukela a tiko ga ka Israeli;
- 7 Hikwalaho, languta, nzi nawulutile a canja ga mina a ngomama na wena, nzi ta nyikela wena a mupango a ka mifumo: nzi ta tsema wena lo-mu banhwini, nzi ta maha wena a ku mbeimba le handle ka matiko: nzi ta lobisa wena; na wena u ta zi tiba lezaku nzi mina Jehova.
- 8 Zakungahi a wulako a Hosi Jehova: Hakuba Moabi na Seire ba wulako, Languta, a yindlu ya ka Juda yi kwatsi hi yonkle a mifumo;
- 9 Hikwalaho, languta, Nzi ta vulula a rebe ga Moabi hi le mitini, le mitini ya yena leyo yi nga le mbinganweni wa yena, a wukosi ga matiko, Betjeximote, Baal-meoni, na Kiriatime.
- 10 A ka banana ba le mutsuwukagambo, ba ta nga famba baya vukela a banana ba ka Ammoni; nzi ta nyikela bona a kuba a tsomba, kasi a banana ba ka a Ammoni ba fela ku

kala ba nga ha alakanyiwa xikari wa ka mifumo:

- 11 Na mina nzi ta tsanza a lamuliselelo lehla ka Moabi; na bona ba ta zi tiba lezaku nzi mina Jehova.
- 12 Zakungahi a wulako a Hosi Jehova: Hakuba Edome a mahileko hi kuvukela a yindlu ya ka Juda hi ku teka a potelelo, na hi ku kulisilweko i zangarisile, a potela a wutsumbu ga yena lehla ka bona;
- 13 Hikwalaho zakungahi a wulako a Hosi Jehova, nzi ta nawuluta a canja ga mina lehla ka Edome, nzi ta tsema banhu ni zihari ka gona; nzi ta maha gona gi hahluka ku sukela Temani; ku kala le Dedani bona ba ta kuwa hi wukla ga supado.
- 14 Nzi ta beka a potelelo lehla ka Edome hi canja ga banhu ba mina Israeli; na bona ba ta maha le Edome kukotisa hi ka zanga ya mina ni kukotisa hi kulo ga mina; na bona ba ta yi tiba a potelelo ya mina, ku wula a Hosi Jehova.
- 15 Zakungahi a wulako a Hosi Jehova: Hakuba a ma Filisti ma mahileko hi potelelo, ba tekile a poteleliselelo hi xakelo wa mihefemulo a kulobisa hi wulala gi nga gawukisi-wiko:
- 16 Hikwalaho zakungahi a wulako a Hosi Jehova, Languta, nzi ta nawuluta a canja ga mina lehla ka ma Filisti, nzi ta tsema a ma Cerete, nzi ta lobisa a misalela ya le fungwini.
- 17 Na mina nzi ta tsanza a potelelo lehla ka bona hi kawukiselo wa kuzangara; na bona ba ta zi tiba lezaku nzi mina Jehova, laha nzi ta nga klateka a potelelo wa mina lehla ka bona.

XIPIMO 26.

- 1 Na ku mahisile lezo hi ka lembe ga kume ni ginwe, hi ka siku go ranga ga hweti, lezaku a mhaka ya Jehova yi leta a ka mina, yiku,
- 2 Nisanyana wa munhu, hakuba lezo Tire a wulileko a ka Jerusalema, Aha, gona gi tsobekile lego gi nga wa nyangwa ya banhu; gona gi hunzululilwe a ka mina; nzi ta ngamela, makunu lezi gona gi lahukileko;
- 3 Hikwalaho zakungahi a wulako a Hosi Jehova, Languta, mina nzi vukela wena, O Tire, nzi ta maha a mifumo yinyingi a ku kanziya yi

- vukela wena kwatsi hilezi a bimbi gi mahako a mabyandlati ya kona ma mbekuka hehla.
- 4 Na bona ba ta lobisa a tigingisi ta le Tire ba ta tsoba lahasi a zikanekiso za yona: minawu kambe nzi ta puhunha tsuri wa gona gi suka a ka gona, nzi maha gona a ribye ga likwembu.
- 5 Gona gi ta maha wutsamo ga ku andlala a likoka, lomo xikari ka bimbi; hakuba mina nzi wulawulileko kona, ku wula a Hosi Jehova; gona gi ta maha a mupango wa mifumo.
- 6 Ni banhanyana ba gona labo ba na nga lomokwatini ba ta dawa hi supado: na bona ba ta zi tiba lezaku nzi mina Jehova.
- 7 Hakuba zakungahi a wulako a Hosi Jehova: Languta, nzi ta neha hehla ka Tire Nebukadrezzarea hosi ya le Babuloni, a hosi ya tihosi, ata hi le nwalungu, zizwe ni mahaxi zizwe ni tikareta, zizwe ni babanuna ba mahaxi, ni miklawa, ni banhu ba ku tala.
- 8 Yena i ta klaba hi supado a banhanyana ba wena lomo kwatini; yena i ta maha a zikanekiso a vukela wena, a hoxa a zikungumulo a vukela wena, ni kuklakusa a tingenge a vukela wena.
- 9 Na yena i ta bekela a zifohlo za yena a vukela a tigingisi, na hi zihlokaza yena i ta tsiba a titawa ta wena.
- 10 Hi kota ya talisiselo wa mahaxi ya yena a tsuru wa wona wu ta kubunyeta wena: a tigingisi ta wena ti ta tsekatekiswa hi kota ya guwa ga babanuna ba mahaxi, ni tikareta, ni wonkle a makaliji, laha yena a ta nga engena lomo tinyangweni ta wena, kwatsi hi banhu ba engenako a mutini lowo wu mahilweko ku tsohyiwa.
- 11 Hi makanzo ya mahaxi ya yena i ta kanziyela a mapango ya wena wonkle; i ta hlasela a banhu ba wena hi supado; ni timbinga ta ntamo wa wena ti ta cona lahasi liranza byeni.
- 12 Na bona ba ta maha a mupango wa ku fuma ka wena, ba ta tranblesela a bamahungani ba wena; ba ta kungumula a tigingisi ta wena, ba ta lobisa a tindlu ta wena to saseka; na bona ba ta beka a maribye ya wena ni timbanze ta wena ni tsuri wa wena lomo xikari ka mamati.
- 13 Nzi ta maha a guwa ga tisimu ta wena ku kawula: ni guwa ga zite-
- nde za wena gi nga ta ha engeta kambe gi zwiwa.
- 14 Nzi ta maha wena a ribye ga likwembu; wena u ta kuba a wutsamo ga ku andlala a likoka; wena u nga ta ha akiwa kambe: hakuba mina Jehova nzi wulileko kona, ku wula a Hosi Jehova.
- 15 Zakungahi a wulako a Hosi Jehova a ka Tire: a zihlale zi nga ta tsekatekiswa a ka guwa ga kuwa ka wena, laha na ba kubazilweko ba keta, laha na loyiselelo wu mahiwa a xikari ka wena ke?
- 16 Zonake a tihosana ta bimbi ti ta relela hi le zitsanweni zawukosi za tona, ti ta beka klelweni a tinguwo ta tona, ni ku runzuwula a gobo ga bona gi komelweko: bona ba ta ambexa a wutsumbu gabye hi kuru-rumela; ba ta tsama hehla ka liranza bya, ba ta rurumela xonkle a xikatanyana, ba hi ba hanjalatise-lweko a ka wena.
- 17 Na bona ba ta teka a mikosi a ka wena, ni ku wula a ka wena, U loyisilwe hi kuyini wena ke, lezaku wena u nga wa akilwe le suweni ga banhu, a muti wuti byilweko, lowo wu nga hi ni ntamo lomo bimbini, wona ni baakileko ba wona, labo ba mahako a tsisiselo wa wona a kuba ka bonkle labo ba akileko a ka wona!
- 18 Makunu a zihlale zi ta rurumela a sikwini ga kuwa ka wena; ina, a zihlale lezo zi nga lomo bimbini zi ta mbeteka a ntamo a ku andlamukeni ka wena.
- 19 Hakuba zakungahi a wulako a Hosi Jehova: laha nzi ta nga maha muti a marumbi kwatsi ni miti wu nga akiwangiko; laha nzi ta nga neha a kueta hehla ka wena, ni mamati ya hombe ma ta kubunyeta wena;
- 20 Zonake nzi ta neha wena lahasi zizwe na bona labo ba relelako lomo rinzini, a ka banhu ba xikatini xa kaleloko, nzi ta maha wena u aka ka gwalego klelo ga misaba, ka wutsamo lego ga marumbi hi kale, zizwe na bona labo ba releleko lomo rinzini, kasi wena wa fela ku kala u nga ha akiwi; na mina nzi ta bekela a wukosi lomo tikweni ga bahanyako.
- 21 Nzi ta maha wena a tsisiselo, na wena u nga ha ta kuba kambe; hambu lezo wena u ta nga zi labyiwa, kasi-ke wena u nga ta ha kunwa kambe, ku wula a Hosi Jehova.

XIPIMO 27.

- 1 Ni mhaka ya ka Jehova yi lota a ka mina kambe, yiku,
- 2 Na wena, a nisanyana wa munhu, teka a xirilo hi ka Tire;
- 3 Ni ku ngalo ka Tire, O wena loye u akileko a wungweni ga bimbi, wena loye u nga mahungani wa banhu banyingi a ka zihlale zinyingi, zikungahi a wulako a Hosi Jehova: Wena, O Tire, u te ngalo, Mina nzi mbelele nzi ne wumburi.
- 4 A mbingano wa wena wu lomo mbilwini ya bimbi; a baaki ba wena ba mbelelesile a wumburi ga wena.
- 5 Bona ba mahile a tibakwa ta wena ta tisinya ta fira ta le Senira; ba tekile a tisedare hi le Lebanoni ku maha a lingwati ya wena.
- 6 Ni tioake ta le Baxani ba mahile a makasiya ya wena; ba mahile a zitshamo za wena hi timhonzo ta ndlovu zi nameketilwe na hi tisinya za zihlalani xa le Kittimu.
- 7 Hi kukatiwa hi wukene hi tiro wa kukomelwa wa le Gipite ku wa matangi ya wena, kasi ku fela a ku maha a ka wena a xiwoniso; a ko balala ni ko zirila za le zihlalani za le Elixu ku wa hi kuambala ka wena.
- 8 A baakileko ba le Sidoni ni Arvade ba wa hi babonzi ba wena: a banhu ba wena ba kutiba, O Tire, ba wa hi ka wena, ba wa hi bafambisi ba wena.
- 9 A banhu ba kale ba le Gebali ni banhu ba kotiba ba kona ba wa hi zinwe na wena a matlangano ya wena: wonkle a mataru ya bimbi ni bamaringero ba wona ba wa hi ka wena ku maha a zinjaninjani za wena.
- 10 Persia ni Lude ni Pute ba wa hi maklarini ya wena, a banhu ba wena ba impi: ba hayekile a xiklangu ni ngenge a ka wena; ba bekele a wubombi ga wena.
- 11 A banhu ba le Arvade zinwe ni impi ya wena ba wa le hehla ka tigingisi ta wena ti ranzeleko, ni banuna ba tinhenha ba wa hi le zikanekisweni za wena; ba lo hayeka a ziklangu za bye lomo makurisini ma renzelelekeleko; bona ba mbelelelile a wumburi ga wena.
- 12 Tarxixi i wa hi mahungani wa hi kota ya wunyingi ga tixaka tonkle ta pfuno; zinwe ni siliva, ziketse, malata, ni tsovu, ba lo zi xabisela a xuma xa wena.
- 13 Javani, Tubale, na Mexeke, bona ba wa hi badzilaxi ba wena; bona ba xabisile a dzumba ga banhu ni zibya za suku akuba zinjaninjani za banhu.
- 14 Bona a ba yindlu ka Togarma ba lo xabisa a zitolweni za wena hi mahaxi zinwe ni mahaxi ya kulwa ni maesela.
- 15 A banhu ba le Dedani ba wa badzilaxi ba wena; ni zihlale zinyingi zi wa hi nzawu ya kuxabisa ka canja ga wena: ba lo neha wena binzulusweni a timhonzo ta tindlovu ni ngurukwa.
- 16 A Siria gi wa hi wuxabiso ga wena hi kota ya wudlemo ga mitiro ya mandla ya wena: ba lo xabisa lomo a xuma xa wena hi maribye yo saseka ni ko zirila, ni tiro wa wukomelwa, ni nguwo ya wukene, ni korali ni tirube.
- 17 Juda, a tiko ga ka Israeli, wona ma wa hi ba dzilaxi ba wena: ba nyikile hi binzulo ga wena a mabele ya Miniti, pannagi, ni wulombe, ni mafura, ni balamu.
- 18 Damaskusi i wa wuxabiso ga wena hi wudlemo ga mitiro ya canja ga wena, hi kota ya wudlemo ga tixaka tonkle ka kufuma, ni waini ga le Helboni, ni woya ga kubasa.
- 19 Verdani na Javani ba xabisile hi woya a xuma xa wena: a ziketse zo ngangamela, kassia, kalamusi, zi wa hi xikari ka wuxabiso ga wena.
- 20 Dedani i wa hi dzilaxi wa wena a tingubiyeni ta malongo ta kukilela.
- 21 Arabia, ni tonkle a tihosi ta le Kedare, bona ba wa hi baxabisi ba canja ga wena; a ka tiivana ni tihamba, ni timbuti, a ka lezi bona ba wa hi bamahungani ba wena.
- 22 A badzilaxi ba le Xeba ni le Raama, bona ba hi badzilaxi ba wena; ba lo xabisa wuxabiso ga wena zinwe hi tinhonzwa ta pepo wonkle, ni maribye wonkle ya malongo, ni nzalama.
- 23 Ilirau ni Kanne na Edeni, a badzilaxi ba le Xeba, Asxura na Kilmade, ba hi badzilaxi ba wena.
- 24 Lezi gi wa hi kwawu ga wena ga wuxabiso gi langilweko, a kupetse-lweni ka kubalala ni ka tiro wukomelweko, ni ka tingaxa xa klonwelweko hi tinguwo, yi bohilweko hi tingoti ti mahilweko, hi tisedare, xikari ka wukwewu ga wena.
- 25 A mataru ya le Tarxixi ma wa hi

mapfumba ya wukwewu ga wena: wena u wa bombisilwe, wu wa mahilwe u ngangamelisiselo lomo mbi-lwini ya mabimbi.

- 26 A babonzi ba wena ba nehile wena lomo mamatini ya hombe: a mheho ya mutsuwukagambo yi tsobile wena lomo xikari ka mabimbi.
- 27 A kufuma ka wena, ni wuxabiso ga wena ni zinjaninjani za wena, ni bamarinyero ba wena, ni bafambisi ba wena ba mataru, ni wuklangano ga wena, ni baxabisi lomo wukwewuni ga wena, ni bonkle babanuna ba wena ba kulwa, labo ba na nga ka wena, ni yonkle a miklawa ya wena leyo yi na nga lomo ka wena zi ta wela lomo xikari ka bimbi a sikwini ga kuhahluka ka wena.
- 28 A ka huwa ya kurila ka tinduna ta mataru ta wena a mazunze ma ta tsekatsaka.
- 29 Bonkle labo ba komako a makasiya, a bamarinyero, ni tonkle tinduna ta bimbi, ba ta relela hi le matarwini; ba ta yima le muhanzeni,
- 30 Ba ta maha a revu gabye gi zwiwa hehla ka wena, ba ta rila hi kutsi-kwilisilweko, ba ta palata a tsuri hehla ka tihloko tabye; ba ta puluwunza a wutsumbu gabye lomo kumeni:
- 31 Ba ta halula a wutsumbu gabye ha wena, ni ku ti boha hi tinguwo ta tisakwa, ba ta rilela wena hi ketiselelo wa muhefemulo hi keto wa xirilo.
- 32 A xirilweni xabye ba ta teka a mikosi ha wena, ba ta rilela wena, aku, Hi mani a na nga kona laho wa ku kotisa Tire, kotisa loye a nehilweko kumiyeleni lomo xikari ka mabimbi ke?
- 33 Laha a wukwewu ga wena gi huma hi lomo bimbini, wena u wa u tatisako a banhu banyingi; wena u fumisako a tihosi ta misaba hi wudlemo ga pfuno wa wena ga zinjaninjani.
- 34 A ka xikati wena u nga wa tsobyilwe hi mabimbi a kucteni ka mamati, a zinjaninjani za wena ni miklawa ya wena zi wele lomo xikari ka bimbi.
- 35 Bonkle a baakileko ba zihlalani ba kangunyisilwe, ni tihosi tabye ti wa dzukisilwe hi kucaba; bona ba karatekile tingoheni tabye.
- 36 A bamahungani xikari ba banhu ba kiyala ha wena; wena u mahile a

tsisiselo, cima u nga ta ha kuba ncu-mo kambe.

XIPIMO 28.

- 1 Ni mhaka ya ka Jehova yi leta a ka mina kambe, yiku,
- 2 Nisanyana wa munhu, wula a hosana ya Tire, Zakungahi a wulako a Hosi Jehova: Hakuba a mbilu ya wena yi klakusilweko, na wena u te ngalo, Mina nzi nungungulu, nzi tsamile xitsanweni xa Nungungulu, a xikari ka mabimbi; kasike wena u munhu, na u nga Nungungulu, hambulezi wena u bekileko a mbilu ya wena kwatsi mbilu ya Nungungulu;—
- 3 Languta, wena wa tiba ku hunza Danieli; laho a ku na mifhlakalo leyo yi fhlilweko a ka wena;
- 4 Hi pimisiselele wa wena ni tibisiselo wa wena u kumile leyi a mipfuno, u kumile a nzalama ni siliva mabakweni ya wena;
- 5 Hi tibisiselo wa wena ni binzuluselo wa wena u enzelekisile a mipfuno ya wena, ni mbilu ya wena yi klakusilwe hi kota ya mipfuno ya wena;—
- 6 Hikwalaho zakungahi a wulako a Hosi Jehova: Hakuba wena u bekileko a mbilu ya wena kwatsi i mbilu ya Nungungulu,
- 7 Hikwalaho, languta, nzi ta neha a bapfumba hehla ka wena; a cabekiselelo wa bamatiko; ba ta hlomula a tisupado tabye ba vukela a wumburi gi tibisiselo wa wena, bona ba ta nycuyezisa a kungangamela ka wena.
- 8 Ba ta neha wena lahasi rinzini; na wena u ta kufa hi fela ga bona labo ba klabyilweko, lomo mbilwini ya mabimbi.
- 9 Nwina u ta wula mahlweni ka yena loye a dayako wena, Nzi mina Nungungulu ke? kanilezi wena u hi munhu, u nga hi Nungungulu, a canjeni ga yena loye a kubazileko wena.
- 10 Wena u ta kufa hi ma fela ya nkuna hi canja ga bamatiko: hakuba mina nzi wulileko kona, ku wula a Hosi Jehova.
- 11 Klatakumbiri a mhaka ya ka Jehova yi leta a ka mina, yiku,
- 12 Nisanyana wa munhu, teka a nkosi hi hosi ya le Tire, ni ku wula a ka yona, Zakungahi a wulako a Hosi Jehova: Wena u umisileko a xihla-

- yo xi teleko hi tibisiselo, u mbelele-ko a wumburini.
- 13 Wena u wa hi le Edeni, a simu ya Nungungulu; wonklelele a maribye ya malongo ma hi kufenengetwa ka wena, a sardisi, ni topaze, a daimonde, a berle, oniki, a jaspere, a safira, a emeralde, a karbunkle, ni nzalama: batiri ba wena ba tingoma ni maxaba; ba wa hi ka wena a ka siku lego wena u bangilweko ba wa longiselwe.
- 14 Wena u wa cerubi lego gi totilweko gi fenengetilweko: nzi lo bekela wena, zingaho lezo wena u wa le xitsungeni xa ku basa xa Nungungulu; wena u fambile hehla ni lahasi lomo xikari ka maribye ya nzilo.
- 15 Wena u mbelele tindleleni ta wena kusukela a ka siku lego wena u nga wa bangilwe, kala a kungalulamisisi ku kumiwa a ka wena.
- 16 Hi talisiselo wa wukwewu gabye bona ba tatisile xikari ka wena hi pangiselelo, na wena u onhile: hikwalaho nzi hoxile wena lahandle kota u nga muhanahanisi ka xitsunga xa Nungungulu; nzi lobisile wena, O cerubi gi fenengetilweko, le xikari ka maribye ya nzilo.
- 17 A mbilu ya wena yi klakukile haku-ba hi wumburi ga wena; wena u botile a tibisiselo wa wena hakuba hi kungangamela a ka wena: nzi hoxile wena liranabyeni; nzi bekile wena mahlwani ka tihosi, kasi tona ta fela a ku languta wena.
- 18 Hi wudlemo ga zigoho za wena, a ka kungalulamisisi ga mabinzu ya wena, wena u nyenyezisile a yindlu ya wena ya kubasa: hikwalaho nzi nehile a nzilo hi lomo xikari ka wena; wona wu kadamule wena, Nzi hunzulusile a kuma hehla ka misaba a kuwoneni ka bona bonkle labo ba wonako wena.
- 19 Bonkle labo ba tibako xikari ka banhu ba ta hanjalatiswa a ka wena: wena u mahile a hlomulo, wena cima u nga ta kuba ncumo kambe.
- 20 Ni mhaka ya ka Jehova yi la kuta a ka mina, yiku,
- 21 Nisanyana wa munhu, cuwuka a ngohe ya wena a ngomama ni Sidoni, u profeta u vukela gona,
- 22 Ni ku wula, Zakungahi a wulako a Hosi Jehova: Languta, mina nzi vukela wena, O Sidoni; nzi ta dumisiwa lomo xikari ka wena; na bona ba

- ta zitiba lezaku nzi mina Jehova, laha nzi ta nga nga nzi tsanzile a lamuliselelo a ka yena, nzi ta nga nzi basisiwa a ka yena.
- 23 Hakuba nzi ta rumela a mitungu a ka yena, ni nkata a mapangweni ya yena; ni ba kubazilweko ba ta wela xikari ka yena, hi supado hehla ka yena maklelwani wonklelele; na bona ba ta zi tiba lezaku nzi mina Jehova.
- 24 Ni laho ku nga ha ta kuba kona a mizwa yi klabako a ka yindlu ya ka Israeli, ge ni muzwa wu lamatako ni wa bahi labo ba akileko ba ranzela bona, labo ba nga wa maha a zinyenyeko a ka bona; na bona ba ta zi tiba lezaku nzi mina a Hosi Jehova.
- 25 Zakungahi a wulako a Hosi Jehova: Laha nzi ta nga nzi wungeletela a yindlu ya ka Israeli hi lomo banhwini a xihari ka bahi nzi hangalaseleko bona, nzi ta basiswa a ka bona kuwoneni ka mifumo, zonake bona ba ta aka a tikweni gabye lego nzi nyikileko a nanza ga mina Jakobe.
- 26 Na bona ba ta aka kuponeni a ka gona; ina, bona ba ta aka a tindlu, ni kubyala a zivina, ba ta aka kuponeni, laha na nzi tsanzile a lamuliselelo a ka bona bonkle labo ba mahako bona a zinyenyeko ba ba ranzeleko; na bona ba ta zi tiba lezaku nzi mina Jehova a Nungungulu wabye.

XIPIMO 29.

- 1 A ka lembe ga kume, a ka hweti ya kume, ka siku ga kume ni mambiri ga hweti, a mhaka ya ka Jehova yi leta ka mina, yiku,
- 2 Nisanyana wa munhu, xungeta a ngohe ya wena, u vukela Faro a hosi ya le Gipite, ni ku profeta a vukela, ni kuvukela wonkle a ma Gipite;
- 3 Wulawula, ni ku ngalo, Zakungahi a wula a Hosi Jehova: Languta, nzi vukela wena, Faro a Hosi ya le Gipite, a ngulubanye wa hombe a nga lomo micongweni ya yena, labo ba wulileko, A wa mina ngwa mina nzoce, nzi mahile wona ha wutsumbu ganga.
- 4 Nzi ta engenisa a ximemba lomo mihlayeni ya wena, nzi ta maha a nyama ya micongo ya wena a ku namarela magwarwini ya wena; nzi ta neha wena lahandle hi xikari ka micongo, zinwe ni yonkle a zidluwani

- za micongo ya wena lezo zi namareleko magwarwini ya wena.
- 5 Nzi ta hoxa wena uya le xiwuleni, wena ni yonkle a zidluwana zonkle za micongo ya wena: wena u ta wa lomo kwatini ka le handle; wena u nga ta ha tsombanyiswa katiginye, ge u nga ta tsombanyiswa; nzi nyikele wena a kuga a ka zibanza za misaba ni ka tinyanyani ta tilo.
- 6 Ni bonkle a baakileko ba le Gipite ba ta zi tiba lezaku nzi mina Jehova, hakuba ba wa kari ba hi nhonga ya lihlanga a ka yindlu ya ka Israeli.
- 7 Laha bona ba nga wa komile wena hi canja ga wena, wena u tsobileko, u pfemuleko wonkle a makakla ya-bye; ni laha bona ba nga wa kegele hehla ka wena, wena u tsobako, u mahako a ziwunu zabye zi yima.
- 8 Hikwalaho zakungahi a wulako a Hosi Jehova: Languta, nzi ta neha a supado hehla ka wena, nzi ta tsema a ka wena a munhu ni xihari.
- 9 Ni tiko ga le Gipite gi ta kuba marumbi ni hahlukelo; bona ba ta zi tiba lezaku mina nzi mina Jehova. Hakuba yena a wulileko, A congo wu hi wa mina, nzi mina nzi mahileko wona.
- 10 Hikwalaho, languta, nzi mina nzi vukelako wena, nzi vukelako a micongo ya wena, nzi ta maha a tiko ga le Gipite gi hlakala hi kuhunzeletileko gi maha marumbi, ku sukele a tawa Sevena ku kala le mbinganweni wa le Etiopia.
- 11 A wu kona a konzo wa munhu wu ta nga tsemakanya a ka gona, a wu kona a konzo wa xihari wu ta nga tsemakanya a ka gona, kona ku nga ta akiwa kala a mune wa makume ya malembe.
- 12 Nzi ta maha a tiko ga le a marumbi a xikari ka matiko lawo ma ta nga hahluka, ni miti ya gona xikari ka miti leyo yi ta nga hahluka gi ta maha a marumbi a mune wa makume malembe; nzi ta hangalasa a ba Gipite xikari ka mifumo, nzi ta fenemetisa xikari ka matiko.
- 13 Hakuba zakungahi a wulako a Hosi Jehova: A ka kugumelweni ka mune makume malembe nzi tsombanyisela a ma Gipite lomo banhwini labo nzi ba hangalaseleko;
- 14 Nzi ta klelisa a wukonwi ga Gipite, nzi ta maha bona a ku klelela lomo tikweni ga Patrosi, lomo tikweni ga wutralwa gabye: bona ba ta kuba leyo a mufumo wa lahasi.
- 15 Wona wu ta kuba a mufumo wa lahasi ka yonkle a mifumo; ge cima wu nga ta ha klakuka a wutsumbuga wona hehla ka mifumo yonkle: mina nzi ta kawulisa bona, lezaku ba nga ta ha vumela kambe le hehla ka mifumo.
- 16 Gona gi nga ta ha kuba kambe a xitsumbo xa yindlu ya ka Israeli, a ku neha a zonho kualakanyweni, laha na bona na ba klelela a cuwuka le nzako ka bona: na bona ba ta zi tiba lezaku nzi mina a Hosi Jehova.
- 17 Na ku mahisile lezo hi ka lembe ga makume mambiri ni nklanu ni mambiri, hi ka hweti yo sangula, hi ka siku go ranga ga hweti, amhaka ya ka Jehova yi lota ka mina, yiku,
- 18 Nisanyana wa munhu, Nebukadrezzare a hosi ya le Babuloni i mahile a impi ya yena a ku tira a tiro wa hombe a vukela Tire: yona a hloko yi mahilwe lihandla, wonklelele a makakla ka hlakele; kasi lezo yena a nga wa hi kurihwa, ge ni impi ya yena, hi le Tire, hi tiro lowo yena a tirileko a vukela gona.
- 19 Hikwalaho zakungahi a wulako a Hosi Jehova: Languta, nzi ta nyikele a tiko ga le Gipite ka Nebukadrezzare a hosi ya le Babuloni; yena i ta gotsa a wudlemo ga gona, i ta teka a mupango wa gona, i ta teka a mufulo wa gona; kona ku ta kuba a nziho wa mabandla ya yena.
- 20 Nzi nyikile yena a tiko ga Gipite akuba a potelelo wa lezi yena a zi mahileko, hakuba ba mahilekomina, ku wula a Hosi Jehova.
- 21 Lego siku nzi ta a limbonzo a kuhluka lomo ndlwini ya ka Israeli, na nzi ta nyika wena a ku vulula a nomu a xikari ka bona; na bona ba ta zi tiba lezaku nzi mina Jehova.

XIPIMO 30.

- 1 Ni mhaka ya ka Jehova yi lota ka mina kambe, yiku,
- 2 Nisanyana wa munhu, profeta, ni ku, Zakungahi a wulako a Hosi Jehova: Rilani zwina, Hale hakuba lego siku!
- 3 Hakuba a siku gi tsinele, gona a siku ga ka Jehova gi tsinele; gi ta kuba a siku ga marefu, a xikati xa mifumo.

- 4 Ni supado yi tata hehla ka le Gipite, ni miketo yi ta kuba le Etiopia, laha a ba delweni ba ta nga kuwa le Gipite; ba ta teka a xidlemo xa yena, ni ziseketelo zu yena zi ta tsobyiwa.
- 5 Etiopia, na Pute, na Lude, ni bonkle banhu ba xangeleneko, Cube, ni banana ba tiko labo ba klangeneko, ba ta kuwa ha bona hi supado.
- 6 Zakungahi a wulako Jehova: Bonkle labo ba komileko a Gipite ba ta kuwa; ni matsanza ya ntamo wa yena ma ta reletwa lahasi: ku sukela le taweni ya Sevene bona ba ta kuwa ka yona hi supado, ku wula a Hosi Jehova.
- 7 Na bona ba ta kuba ba marumbi a xikari ka matiko lawo ma na nga marumbi; a miti ya gona yi ta kuba xikari ka miti leyo yi hahlukileko.
- 8 Na bona ba ta zi tiba lezaku nzi mina Jehova, laha na nzi rumele a nzilo leyo Gipite, ni bonkle a bavuneteli ba gona ba lobyisilwe.
- 9 A ka lego siku a mitsumi yi ta humma yi famba hi le mahlweni ka mina a ku maha a ma Etiopia ma nga kataliko ma caba; ni laho ku ta kuba kona a miketo hehla ka bona, kwatsi hi le masikwini ya le Gipite; hakuba, mangabye, kona kutako.
- 10 Zakungahi a wulako a Hosi Jehova: minawu kambe nzi ta maha a wudlemo ga le Gipite a ku kawula, hi canja ga ka Nebukadrezzare a hosi ya le Babuloni.
- 11 Yena zinwe ni banhu ba yena zinwe naye a cabekiselo wa mifumo, wu ta nehwa a ku ta lobisa a tiko, bona ba ta hlomula a tisupado tabye a vukela a Gipite, ni ku tatisa a tiko hi bade-lweko.
- 12 Nzi ta maha a micongo a ku kutra, nzi ta xabisa a tiko a ka banhu ba kubuha; nzi ta maha a tiko a marumbi, ni zonkle lezo zi nga ka gona, hi canga ga bamatiko: mina Jehova, Nzi wulawulile kona.
- 13 Zakungahi a wulako a Hosi Jehova: nzi ta lobisa a zifananiso, nzi ta maha a zifananiso a ku kawula hi le Memfisi; ni laho ku nga ta kuba kona a hosana hi le tikweni ga le Gipite: nzi ta beka a tsisa le tikweni ga le Gipite.
- 14 Nzi ta maha Patrosi a marumbi, nzi ta lumekela a nzilo le Zoana, nzi ta tsanza a lamuliselo le No.
- 15 Nzi ta halata a kulo ga mina le Sina, a kokola ga le Gipite; nzi ta tsema a xidlemo xa le No.
- 16 Nzi ta lumekela a nzilo leyo Gipite: A Sina gi ta kuba miketweni ya hombe, ni No gi ta tsobyiwa; ni Memfisi gi ta kuba ni babengi hi xikati ni xa siku.
- 17 A majaha ya le Aveni ni ya le Pibesete ma ta kuwa hi supado; ni leyi a miti yi ta famba wukozwini.
- 18 Na Tehafnehesi hi siku gi ta koka a wutsumbu ga gona, laha nzi ta tsoba leyo a joka ga le Gipite, a matsanza ya ntamo wa gona mata kawula a ka gona: ha yena, a refu gi ta kubunyeta yena, ni banhanyana ba yena ba ta famba wukozwini.
- 19 Zakungahi nzi ta nga tsanza a lamuliselelo hehla ka Gipite; na bona ba ta zi tiba lezaku nzi mina Jehova.
- 20 Na ku mahisile lezo hi ka lembe ga kume ni ginwe hi ka hweti yo ranga, hi ka siku ga nlanu ni mambiri ga hweti, lezaku a mhaka ya ka Jehova yi lota a ka mina, yiku,
- 21 Nisanyana wa munhu, nzi tsobile a woko ga Faro a hosi ya le Gipite; ni, mangabye, gona a gi se ku bohlelwa kambe, a ku cela a muri wa ku cuma, a ku bekela a likwapa a ku bohela gona, akuba gi ni ntamo a ku koma a supado.
- 22 Hikwalaho zakungahi a wulako a Hosi Jehova: Languta, nzi vukelako Faro a hosi ya le Gipite, nzi ta tsoma a mawoko ya yena, a woko ga ntamo, lego gi nga wa tsobyilwe; nzi ta maha a supado yiwa hi le canjeni ga yena.
- 23 Nzi ta hangalasa a ma Gipite xikari ka mifumo, nzi ta ba wabalatisa bona xikari ka matiko.
- 24 Nzi ta tiyiseta a canja ga hosi ya le Babuloni, nzi ta beka a supado ya mina a canjeni ga yena: kanilezi nzi ta tsoba a woko ga Faro, na yena i ta keta mahlweni ka yena bi make-tela ya munhu a tsanzako hi timbanga ta kufa.
- 25 Na mina nzi ta klakusa a canja ga hosi ya le Babuloni; ni mawoko ya Faro ma ta kuwa lahasi, na bona ba ta zi tiba lezaku nzi mina Jehova, laha nzi ta nga beka a supado ya mina a ka canja ga hosi ya le Babuloni, na yena i ta nawuluta gona a hehla ka tiko ga le Gipite.
- 26 Nzi ta hangalasa ma Gipite xikari

ka mifumo, nzi ba wabalatisa bona xikari ka matiko; na bona ba ta zi tiba lezaku nzi mina Jehova.

XIPIMO 31.

- 1 Na ku mahisile lezo hi ka lembe ga kume ni giawe, hi ka hweti ya wunharu, hi ka siku go kuranga ga hweti, lezaku a mbaka ya ka Jehova yi lota a ka mina, yiku,
 - 2 Nisanyana wa munhu wula a ka Faro a hosi ya le Gipite, ni ka xidlemo xa yena: Nzi mani a fananako na wena a wukulwini ga wena ke?
 - 3 Languta, ma Asiria ma hi a sedare le Lebanoni wa matlukako marabi yo saseka, ni kwati kufanana ni nzuti, gi hi ni xiyimo xi klakukileko; ni manambenini ya gona ma wa hi xikari ka marabi ma pumileko.
 - 4 Ni mamati ma wunhu gona, kueta ku maha gona gi kula: ni micongo yi kulunga yi renzelekela zonkle a zibyalwa za kona; gona gi rumela a milonga ya gona a ka tonkle a tisinya ta kwati.
 - 5 Hikwalaho a dzumba ga gona gi wa kulile a kuhunza tonkle a tisinya ta kwati; ni marabi ya kona ma wa enzelekelene, ni marabi ya kona ma leha hi kota ya mati yo tala hi kota ya ma nabako ha kona.
 - 6 Zonkle a zinyanyani za tilo zi lo maha a zisaka za zona lomo marabini ya kona; ni lahasi ka marabi ya kona zonkle zihari za kwati zi lo trala a banana ba zona; ni lahasi ka nzuti wa gona ku tsamo yonkle a mifumo ya hombe.
 - 7 Zakungahi a wukulu ga kona gi nga wa sasekisile zona, a ku nabalatени ka marabo ya gona; hakuba a mitsu ya kona yi nga wa hi mamatini ya ku tala.
 - 8 A ti sedare ta sinwini ya ka Nungungulu yi wa nga yi nga koti a ku filila gona; ni sinyi ya kuwu yi wa nga koti a marabi ya yona, ni tisinya ta plane ti wa nga koti a marabi ya gona; ge ku wa nga hi kona a sinyi lomo sinwini ya Nungungulu yi fananako ni wumburi ga yona.
 - 9 Nzi lo maha gona a ku saseka hi wudlemo ga marabi ya gona, zingaho tonkle a tisinya leto ti na nga lomo Edeni, leto ti na nga lomo sinwini ya Nungungulu, ti lo maha a wukuxu ha gona.
 - 10 Hikwalaho zakungahi a wulako a
- Hosi Jehova: Hakuba wena u klakukileko hi dzumba, na yena i bekile a nambani ya yena a xikari hehla ka marabi ba pumileko, mbilu ya yena yi ku kumukile hi kuba kuklakeni;
- 11 Nzi ta nyikela yena le canjeni a wa ntamo wa mifumo; yena hakunene i ta maha ya yena; nzi hlongole yena hi kota ya pumeni ka yena.
 - 12 A ba matiko, ba tsisiselo wa mifumo, ba tsemile yena, ba tsikile yena: hehla ka zitsunga ni le minzelelweni yonkle a marabi ya gona ma ku mbambamela, ni marabi ya gona ba tsobyilwe hi milonga ya mamati ya tiko; bonkle a banhu ba misaba ba conile lahasi a minzutini ya gona, ba siyile gona.
 - 13 Hehla ka kuhangalasa ka gona tonkle a tinyanyani ta tilo ti ta aka, zonkle a zihari za kwati zi ta kuba hehla ka marabi ya gona;
 - 14 Hi kugumelwa ku nga hi na sinyi ya lomo mamatini yi klakusako hi dzumba ga yona, ge ni bekela a marabo ya yona le hehla ka kupuma ka marabi, ge hambu a tinhenha ta kona a ku yima hi lomo marabini ya gona, hambu a kunwela ka mati ya kona: hakuba bona bonkle ba nyikelwe kufeni, a ka yahi a matlelo ya misaba, a xikari ka banana ba banhu, zinwe na bona labo ba relelako baya rinzini.
 - 15 Zakungahi a wulako a Hosi Jehova: A ka siku legi yena a relelako a ya le Xeole nzi lo maha a xilo: nzi lo fenengeta a kueta ka yena, nzi lo kobeta a micongo ya kona; ni mamati ya hombe ma ta yimiswa; nzi lo maha Lebanoni a rilela yena, ni tonkle a tisinya ti lo onzela yena.
 - 16 Nzi lo maha a mifumo a kutsekatseka le guweni ga kuwa ka yena, laha na nzi hoxa yena lahasi Xeole zinwe na bona labo ba relelako ba baya le rinzini; ni tonkle a tisinya ta le Edeni, a ti langilweko tatsi ta le Lebanoni, tonkle leto ti nwako a mati, ti wa lo cabelelwa hi kelelo ga leno ga misaba.
 - 17 Bonawu ba lo relela baya le Xeole zinwe naye a ka bona labo ba delweko hi supado; ina, bona labo bangwa hi mawoka ya yena, labo ba tsamako lahasi ka uzuti xikari ka matiko.
 - 18 A ka ba mani wena u ta nga fa-

nanisa a wukosi ni wukulu a xikari ka tisinya ta le Edeni ke? kasike wena u ta nehwa lahasi zinwe ni tisinya ta le Edeni kwaleyo klelo ya magomo ya misaba: wena u ta eklela xikari ka makuna, zinwe na bona labo ba delweko hi supado. Loyi nzi Faro ni xonkle a xidlemo xakwe, ku wula a Hosi Jehova.

XIPIMO 32.

- 1 Na ku mahisile lezo hi ka lembe ga kume ni mambiri, a ka kume ni timbiri a tihweti, a ka siku go ranga ga hweti, lezaku a mhaka ya ka Jehova yi lota a ka mina, yiku,
- 2 Nisanyana wa munhu, teka a kosi hehla ka Faro a hosi ya le Gipite, ni ku ngalo a ka yena, Wena u wa fanana ni role ga ngala a xikari ka mifumo; kasike wena u fanana ni munyame wa mabimbi: wena u lo pawuka hi micongo ya wena, u karatela a mamati hi mikonzo ya wena, u vindlula a mamati yabye.
- 3 Zakungahi a wulako a Hosi Jehova: nzi ta tsambuluta a likoka la mina hehla ka wena hi klawa wa banhu banyingi; bona ba ta neha wena lomo likokeni la mina.
- 4 Nzi ta siya wena lomo muhanzeni, nzi ta hoxa wena le handle, nzi ta maha zonkle a zinyanyani za tilo a ku kapama hehla ka wena, nzi ta xurisa a zihari za misaba yonkle ha wena.
- 5 Nzi ta klateka a nyama ya wena hehla ka zitsunga, nzi ta tatisa a mirelelo hi kuklakuka ka wena.
- 6 Nzi ta tsakamisa kambe hi nkata wa wena a tiko lego wena u kaselako, kona leyo zitsungeni; ni milonga yi ta tala ha wena.
- 7 Ni laba nzi ta nga tima wena, nzi ta kubunyeta a matilo, nzi maha a tinyeleti ta kona ti pfupela; nzi ta kubunyeta a gambo hi marefu, ni hweti yi nga ta nyika a kuwoninga ka yona.
- 8 Konkle a kuwoninga ku ngangamelako ka tilo nzi ta ku pfupelisa hehla ka wena, ni ku rumela a munyama hehla ka tiko ga wena, ku wula a Hosi Jehova.
- 9 Minawu kambe nzi ta karatekisa a mbilu ya banhu banyingi, laba nzi ta nga neha a lobyiselelo wa wena xikari ka mifumo yinyingi, a ka tiko lego wena u nga gi tibiko.

10 Ina, nzi ta maha a banhu banyingi ba hanjalatiswa ha wena, ni tihosi ti ta su cabyiswa hi cucekisilweko ha wena, laba nzi ta galela a supado ya mina mahlweni ka bona; na bona ba ta rurumela hi ka xikatana xonklelele, bonklelele banhu hi wutomi ga yenawu, a sikwini ga kuwa ka wena.

11 Hakuba zakungahi a wula a hosi Jehova: A supado ya hosi ya le Babuloni yi ta kuta hehla ka wena.

12 Hi supado ya nhenha nzi ta maha xidlemo xa wena akuwa; a tsisiselo wa mifumo ku hi bona bonkle ba ta neha ku nga nyawulini a matsanza ya le Gipite, ni xonkle a xidlemo xa kona xi ta lobyisiwa.

13 Minawu kambe nzi ta lobisa a zihari zonkle za kona hi lahandle ka mamati ya ku tala; ge ni konzo wa munhu wu nga ta karata zona kambe, ge hambu a kanzo ga zihari gi nga vinjula wona.

14 Zonake nzi ta maha a mati ya kona a ku hlazeka, ni ku maha a micongo ya kona yi klela kufanana ni mafura, ku wula a Hosi Jehova.

15 Laha nzi ta nga maha a tiko ga le Gipite a marumbi ni ku hahluka, ni tiko gi hulukeliswa a ka lezo gona gi nga wa tele, laba nzi ta nga hlasele bonkle labo ba akileko kona, zonake ba ta zi tiba lezaku nzi mina Jehova.

16 Lowu hi kosi lowo ha wona bona ba ta rila; a banhanyana ba mifumo ba ta rila ha wona; ba rilela a Gipite; ni hehla ka xidlemo xa yena xonkle, bona ba ta rilela ha wona, ku wula a Hosi Jehova.

17 Na ku mahisile lezo hi ka lembe ga kume ni mambiri, hi ka kume ni nklanu a siku ga hweti, lezaku a mhaka ya ka Jehova yi lota a ka mina kambe, yiku,

18 Nisanyana wa munhu, rilela a xidlemo xa le Gipite, ni ku hoxa bona lahasi, hambu yena, ni banhanyana ba mifumo yi zweleko, a ka klelo ga leno ga misaba, zinwe na bona labo ba relelako lahasi rinzini.

19 Himani loye u mu hunzako wena hi wumburi ke? relela lahasi wena, uya eklela zinwe ni mankuna.

20 Bona ba ta kuwa xikari ka bona labo ba delweko hi supado: yena i nyikelwe supadweni; koka yena ni zonkle xidlemo za yena.

- 21 A supado xikari ka batinhenha yi ta wulawula a ka yena hi lomo xikari ka Xeole zinwe na bona labo ba vunako yena: bona ba relele lahasi, ba eklele ba ku sudu, wona a mankuna ma delwe hi supado.
- 22 Asxura i kona laho ni yonkle a miklawa ya yena; a mikele ya yena yi ranzele yena; bonkle ba bona badelwe, ba wile hi supado;
- 23 Labo a kele wabye wu conileko kwaleyo magemetamusi ya rinzi, klawa ya yena wu ranzela a kele wa yena; bonkle ba bona ba delwe, ba wile hi supado, himani a mahako a tsisiselo lomo tikweni ga bahanyako.
- 24 Laho ku kona Elami ni xidlemo xa yena xonkle xi ranzeleko a kele; bonkle ba bona ba delwe, ba delwe hi supado, labo ba fambileko lahasi na ba hi mankuna, kwaleyo maklelweni ya misaba, labo ba mahileko a tsisilelo wabye lomo tikweni ga bahanyako, ba rweleko a tingana tabye zinwe na bona labo releleko a rinzini.
- 25 Ba longisele yena a mubedi a xikari ka bafleko zinwe ni xidlemo xonkle xa yena; a minkele ya yena wu ranzele yena; bonkle ba bona ba hi mankuna, ba delwe hi supado; hakuba a kutsisa ku wa mahilwe a tikweni ga bahanyako, hakuba bona ba rwele a tingana tabye zinwe na bona labo ba releleko rinzini: yena i bekilwe xikari ka bona ba delweko.
- 26 Laho ku kona Mexeke, na Tubale, ni zonkle a xidlemo wabye; ni mikele wabye yi ranzele bona bonkle ba bona ba hi mankuna, ba delwe hi supado; hakuba bona ba mahako a tsisiselo wabye a tikweni ga bahanyako
- 27 Bona ba nga ta kuwa ni tinhenha leto ti wileko hi ba mankuna, labo ba releleko le Xeole zinwe ni maklari wabye ya kulwa, ba bekileko a supado wabye lahasi ka tihloko tabye, ni zigoho wabye zi le hehla ka marambu wabye; hakuba bona ba wa hi tsisiselo wa tinhenha le tikweni ga bahanyako.
- 28 Kanilezi wena u tsoloyiwa a xikari ka ba mankuna, u ta kuba zinwe na bo labo ba delweko hi supado.
- 29 Lahaya Edome ni tihosi ta yena tonkle ni tihosana ta yena, labo ba na nga ntamo wabye ba delwe zinwe na bona hi supado: bona ba eklele zinwe ni ba mankuna, zinwe na bona labo ba releleko rinzini.
- 30 Laho ku kona a tihosa ta le nwalungu, bonkle ba bona, ni wonkle a ma Sidoni, lawo ma releleko ni ba delweko; a tsisiselweni lowu wu mahilweko hi tinhenha tabye bona ba wisilwe tingana; bona ba eklele ni ba mankuna, zinwe na bona labo ba delweko hi supado, ba rwele a tingana tabye zinwe na bona labo ba releleko a kufeni.
- 31 Na Faro i ta wona bona, i ta tangaliswa hi xonkle a xidlemo xa yena, yena Faro ni yonkle a impi ya yena, yi delweko hi supado, ku wula a Hosi Jehova.
- 32 Hakuba nzi bekile a tsisiselelo wa yena lomo tikweni ga ba hanyako; na yena i ta bekiwa lomo xikari ka mankuna, zinwe na bona labo ba delweko hi supado, yena Faro ni xidlemo xa yena xonkle, ku wula a Hosi Jehova.

XIPIMO 33.

- 1 Ni mhaka ya ka Jehova yi lota a ka mina, yiku,
- 2 Nisanyana wa munhu, wulawula a banana ba banhu, ni ku wula a ka bona, Laha na nzi neha a supado lomo tikweni, ni banhu ba tiko ba teka a munhu xikari kabye, ba yimisa yena a ku maha a murinzeli wabye;
- 3 Loku, laha na wona a supado yi tako hehla ka tiko, yena a ba a paratana a ku tibisa a banhu;
- 4 Zonake kani hiwihi a zwako a kuvuma ka paratana, a nga teki a kutiba, loku a supado yita, yi ta susa yena, a nkata wa yena wu ta kuba blokweni ya yena.
- 5 Yena i zwile a kuvuma ka paratana, a nga tekani a kutibiyisiwa; ni nkata wa yena wu ta kuba hehla ya yena; a ka lezaku loku ku wo kwatsi i wa tekile a kutibiyisiwa nga a wa klaklisile a muhefemulo wa yena.
- 6 Kanilezi loku a murinzeli wona a supado yi tako, a ngabi a paratana, kasi a banhu ba nga kutibiyisiwa, ni supado yita, yi teka ni wihi a munhu xikari kabye; yena i tekilwe le kugoheni ka yena, kanilezi a nkata wa yena wu ta labiyiwa le canjeni ga murinzeli.
- 7 Zingaho wena, nisanyana wa munhu, nzi bekile wena a murinzeli a

- ka yindlu ya ka Israeli; hikwalaho zwana a mhaka ya nomu wa mina, u nyika bona a tibekiselo wa le ka mina.
- 8 Laha na nzi wula a ka wa kubiha, O munhu wa kubiha, wena hakunene u ta kufa, wena a wa wulawuli a kutibisa a wa kubiha a kusuka a ndleleni ya yena; leyo a wa kubiha i ta kufa a zigohweni za yena, kani- lezi a nkata wa yena wu labyiwa a canjeni ga wena.
- 9 Ahembalezoke loku wena u laya a wa kubiha a kuklela a ndleleni ya yena, yena a nga kleli leyo ndleleni ya yena; yena i ta kufa zigohweni za yena, kanilezi wena u klaklisile a muhefemulo wa wena.
- 10 Na wena, nisanyana wa munhu, wula a ka yindlu ya ka Israeli: Zaku- ngabi nwina mu wulawulako, mu- ku, A zihambunyetiso za hina ni zio- nho za hina zi le hehla ka hina, hina ha su kwabalateka a ka zona; hi ta hanyisa kuyini zonake ke?
- 11 Wula a ka bona, Kwatsi hilezi nzi hanyako, ku wula a Hosi Jehova, a nzi na xalaliso hi kufeni ka wa ku- biha; kanilezi lezaku a wa kubiha a klela ndleleni ya yena a hanya: kle- lani nwina, klelani nwina hi le ti ndleleni ta nwina ta kubiha; hakuba yini mu ta nga kufa, O yindlu ya ka Israeli ke?
- 12 Na wena, nisanyana wa munhu, wu- la a ka banana ba banhu ba ka nwi- na, A kululamisisa a ka munhu a lulamileko ku nga ta klaklisa yena a sikwini ga zihambunyetiso za yena; na kwatsi hi kubihisisa ka wa kubi- ha a nga ta wela a ka kona a sikwini a klelako a kubihisiseni ka yena; ge ni a lulamileko a nga ta hanya ha kona a sikwini lego ha gona yena a onhileko.
- 13 Laha na nzi wula a ka a lulamile- ko, lezaku hakunene i ta hanya; lo- ku yena a tumba kululamisiseni ka yena, a maha a kubiha, a zi kona za zimaho za yena za kululamisisa zi ta nga alakanywa, kanilezi a ka kugoha ka yena loku yena a kugohileko ha kona i ta kufa.
- 14 Kambe loku mina nzi wula a ka wa kubiha, wena hakunene u ta kufa; na yena a klela kuonheni ka yena, a maha lezo zinene zi longamileko;
- 15 Loku a wa kubiha a wuyisela a xi- tsumbiselo, a klelisa kambe lexo yena a tekileko hi kupanga, a famba hi zilayelo za ku wutomi, a nga mahiko a kugoha; yena hakunene i ta ha- nya, a nga ta kufa.
- 16 A xi kona xazionho za yena lezo a zi mahileko xi ta nga alakanywa xi vukela yena: yena i mahile lezo ni zinene zi longamileko: yena haku- nene i ta hanya.
- 17 Kasike a banana ba banhu ba ka nwina be ngalo, A ndlela ya ka Je- hova a yi ecanangi: kanilezi kwatsi ha bona, a ndlela yabye a yi ecan- ngi.
- 18 Laha a wa kululama a klela a kulu- lameni ka yena, a maha a kubiha, yena i ta kufa a ka kona.
- 19 Ni laha loku a wa kubiha a klela a kubiheni ka yena, a maha lezo zi- nene zi longamileko, yena i ta hanya hi lezo.
- 20 Kasike nwina mu ngalo, A ndlela ya Hosi a yi ecanangi. O yindlu ya ka Israeli nzi ta lamula nwina ku- kotisa hi ka tindlela ta nwenklelele nwina.
- 21 Na ku mahisile lezo hi ka lembe ga kume ni mambiri ga wukonwi, hi ka kume ga hweti, hi ka siku ga wunklanu ga hweti, lezaku a mu- nwe loye a nga wa ponile le Jerusa- lema i lota ka mina, aku, A muti wu hlaselwe.
- 22 Makunu a canja ga ka Jehova gi wa kari gi hi na mina laha gambyeni, hi mahilweni loye a ponileko na nga se kuta; yena i lo vulula a nomu wa mina; a kala yena ata ka mina ni mixo; ni nomu wa mina wu wa vu- lulilwe, nzi wa nga ha mbebebe ka- mbe.
- 23 Ni mhaka ya ka Jehova yi lota ka mina, yiku,
- 24 Nisanyana wa munhu, bona labo ba fumelo lego a wutsamo ga marumbi lomo tikweni ga ka Israeli ba wula- wula, baku, Abrahamama, i wa hi mu- nwe, i lo fumela a tiko: kanilezi hina hi banyingi; a tiko gi nyiki- lwe hina akuba tsomba.
- 25 Ngahilezo wula a ka bona, Zaku- ngabi a wulako a Hosi Jehova: Nwina muga zinwe ni nkata, klaku- sani a mahilo ya nwina a ka zifaua- niso za nwina, mu halata a nkata: na nwina mu ta fumela a tiko ke?
- 26 Nwina mu yimile hehla ka supado ya nwina, mu tira a manyalataniso, na ma nyenyezisa bonklelele a sati

- wa akelwane wa yena: mu ta fumela a tiko ke?
- 27 Zakungahi wena u ta nga wula a ka bona, Zakungahi a wulako a Hosi Jehova: kwatsi hilezi nzi hanyako, bona labo ba na nga lomo wutsanweni ga marumbi ba ta kuwa hi supado; ni loye a na nga lomo kwatini nzi ta mu nyikela a ka zibanza zi mu kadamula; na bona labo ba na nga lomo makokoleni ni lomo mihumeni ba ta kufa hi mitungu.
- 28 Nzi ta maha a tiko a marumbi ni mahanjalatiso; ni matsanza ya ntamo wa gone ma ta kawula; ni zitsunga za ka Israeli zi ta hahluka, zingaho lezo a nga ta kuba kona a ta nga hunza.
- 29 Zonake bona ba ta zi tiba lezaku nzi mina Jehova, laha na nzi mahile a tiko a marumbi ni mahanjalatiso, hakuba hi ka wonkle manyalataniso yabye lawo ba mahileko.
- 30 Na kwatsi ha wena, nisananya wa munhu, a banana ba banhu ba ka nwina ba wulawula ha wena hi lomo tigingisini ni lomo tibatini ta tindlu ba wulawula a munwe ka munwani, bonklelele ka makabye wa yena, baku, Ngona, nza kombela wena, ni kuzwa a mhaka leyo yihumako hi ka Jehova.
- 31 Bona bata ka wena kwatsi i banhu ba tako, ba tsama mahilweni ka wena kwatsi i banhu ba mina, na bona bazwa a timhaka ta wena, kanilezi ba nga mahi tona; hakuba hi milomu yabye ba kombisa a liranzo la hombe, kanilezi a mbilu yabye yi famba yi lauzela a mabinzu yabye.
- 32 Ni, mangabye, wena hi wena u nge kwatsi a ka bona u lisimu lo ranzekako loye a na nga ni revu go kala madiyo, u kotako a ku pingula a wucenje; hakuba bona bazwa a timhaka ta wena, kanilezi ba nga mahi tona.
- 33 Ni laha na lezi na zi hunzile (langu-ta, kona kuta), zonake bona ba ta zi tiba lezaku a muprofeti i wa hi kona a xikari ka bona.

XIPIMO 34.

- 1 Ni mhaka ya ka Jehova yi lota a ka mina, yiku,
- 2 Nisananya wa munhu, profeta u vukela a barisi ba ka Israeli, profeta, ni ku wula a ka bona kona a ka barisi, Zakungahi a wulako a Hosi Je-

hova: Kombo a ka barisi ba ka Israeli labo ba gisako a wutsumbu gabye! kasi ba wa ta nga a barisi ba gisa a tiyivu ke?

- 3 Nwina muga a mafura, mu ambala nwina hi wuya, nwina mu daya lezo zi nonileko: kanilezi nwina a mu gisi a tiyivu.
- 4 A babyako nwina a mu ba tiyiseta- ngi ge nwina a mu cumangi lexo xi nga wa babya, ge cima a mubohangi lexo xi nga wa tsobekile, ge a mu klelisangi lezo zi nga wa blongolilwe, ge nwina a mu labangi lexo xi nga wa lahlekile; kanilezi hi kutsimbeketa na hi wukuxu nwina mu fumele bona.
- 5 Bona ba hangalakile, hakuba ku nga hiko kona a murisi; bona ba mahile a nyama a ka zibanza zonkle za kwati, ba wa balakile.
- 6 A tiyivu ta mina ti lo nzula ka zonkle a zitsunga, ni hehla ka zonklelele a miganga yi klakukileko: ina, a tiyivu ta mina ti hangalakile a misabeni yonkle; ni laho a nga kona loye a hlotako a ku laba tona.
- 7 Hikwalaho, nwina barisi, zwanani a mhaka ya ka Jehova:
- 8 Kwatsi hi lezi mina nzi hanyako, ku wula a Hosi Jehova, hakunene kwatsi hilezi a tiyivu ta mina ti nga mipfimba, ni tiyivu ta mina ti mahile a mipfimba ya zibanza zonkle za kwati, hakuba laho ku nga hiko kona a murisi, ge hambu a barisi ba mina a ba hlotangi a tiyivu ta mina, kanilezi a barisi ba gisetela a wutsumbu gabye, a ba gisangi a tiyivu ta mina;
- 9 Hikwalaho, nwina barisi, ingisa a mhaka ya ka Jehova:
- 10 Zakungahi a wulako a Hosi Jehova, Languta, mina nzi vukelako a barisi; nzi ta wutisa a tiyivu ta mina a canjeni gabye, nzi ta maha bona a kukawula a giseni a tiyivu ta mina; ge hambu a barisi ba nga ta ha gisa a wutsumbu gabye kambe; nzi ta klaklisa a tiyivu ta mina milonwini yabye, lezaku tona ti nga bi a kuga ka bona.
- 11 Hakuba zakungahi a wulako a Hosi Jehova: Languta, mina a wutsumbu, nzi mina, nzi ta hlota a tiyivu ta mina, na nzi ta laba tona.
- 12 Kwatsi hi murisi a labako a tiyivu hi xikatini xa mumu, lezaku yona yi lomo xikari ka tiyivu lete ti ha-

- ngalakileko, zingaho nzi laba a tiyivu ta mina; nzi ta klaklisa tona ka gonklelele a wutsamo laho ti hangalakileko, lomo dzubini ni siku ga munyama.
- 13 Na nzi ta humesa bona hi lomo bannhweni, nzi hlengeletela bona hi lomo matikweni, nzi ta neha bona le tikweni ga bona benyi; nzi ta gisa bona le zitsungeni za ka Israeli, hi le milongeni, a ka gonkle a wutsamo gi akilweko ka tiko.
- 14 Nzi ta gisa bona wuriselweni go saseka; ni hehla ka zitsunga za klakukelo wa ka Israeli laha ku ta kuba kona a klambi; laho ba ta zumba lahasi a klambi wunene; le magelweni pfunile bona ba ta kuga le zitsungeni za ka Israeli.
- 15 Mina a wutsumbu nzi ta kuba a murisi wa tiyivi ta mina, nzi ta maha tona a ku zumba, ku wula a Hosi Jehova.
- 16 Nzi ta hlota lezo zi lahlekileko, nzi ta klelisa lezo zi panzanyilweko, nzi ta bohelela lezo zi tsobyilweko, nzi ta tiyiseta lezo zo nga wa babya: kanilezi lezi zi kulukileko zi na nga ni ntamo nzi ta zi lobisa; nzi ta wundla bona hi ka nongametiso.
- 17 Na kwatsi ha nwina, O klambi wa mina, zakungahi a wulako a Hosi Jehova: Languta, nzi lamula xikari ka tiyivu ni tiyivu, a tihamba ni timbuti.
- 18 Zo kwatsi xilo xitsongwani a ka nwina a ku gela wuriselweko gatsi, kanilezi ma ku kanziyela hi mikonzo ya nwina a misalela ya wuriselo ga nwina ke? ni kunwa hi mati ma nene, kanilezi nwina ma ku ganyetela a misalela ya nwina hi mikonzo ya nwina ke?
- 19 Na kwatsi hi tiyivu ta mina, tona ti gela ka lezi nwina mu ganyateleko hi mikonzo ya nwina, banwa ka lezi mu behile hi mikonzo ya nwina.
- 20 Hikwalaho zakungahi a wulako a Hosi Jehova a ka bona: Languta, mina, nzi mina, nzi ta lamula xikari ka tiyivu ti kulukileko ni ti onzileko tiyivu.
- 21 Hakuba nwina mu kurumetile hi rebe ni kakla, ni ku koka tonkle a tingumbe hi timhonzo ta wena, kala mu hangalasa tona.
- 22 Hikwalaho nzi ta hanyisa a klambi wa mina, wona wu nga ta ha kuba kambe a pfimba; nzi ta lamula xikari ka tiyivu ni tiyivu.
- 23 Nzi ta yimisa a murisi munwe hehla ka bona, yena i ta gisa bona, yena a nanza ga mina Davida; yena i ta gisa bona, na yena i ta kuba a murisi wabye.
- 24 Na mina, Jehova, nzi ta kuba a Nungungulu wabye, ni nanza ga mina Davida a hosana xikari ka bona; mina, Jehova, nzi wulileko kona.
- 25 Nzi ta maha zinwe na bona a xivumelwano xa kurula, nzi ta maha a zibanza za kubiha a ku kawula lomo tikweni; bona ba ta tsama kuponeni leyo xiwuleni, ba ta eklela lomo kwatini.
- 26 Nzi ta maha bona ni wutsamo gi ranzeleko a muganga wa mina a zikatekiso; nzi ta maha a vula a kuna hi xikati xa yona; ni vula yabye yi ta kuba vula ya zikatekiso.
- 27 Ni sinya ya lomo kwatini yi ta trala a milanzo ya yona, ni misaba yi ta trala a anziselo wa yona, ni bona ba aka kuponene ta lomo tikweni gabye; na bona ba ta zi tiba lezaku nzi mina Jehova, laha na nzi tsobile a magota ya kubohwa kabye, laha na nzi klaklisile bona a canjeni ga labo ba mahako bona a tikumbi.
- 28 Bona ba nga ta ha kuba kambe a mpango a ka bumatiko, ge hambu zibanza za misaba zi nga ta kadamula bona; kanilezi bona ba ta aka kuponeni, a nga kona a ta nga maha bona ba caba.
- 29 Nzi ta vuxela a ka bona xi byalo, xi tibyi wako, bona ba nga ta dawa kambe hi ndlala lomo tikweni, ge ni ku rwala a tingana ta matiko kambe.
- 30 Na bona ba ta zi tiba lezaku mina, Jehova Nungungulu wabye, nzi zinwe nabo, ni lezaku bona, yona a yindlu ya ka Israeli, ba hi banhu ba mina, ku wula a Hosi Jehova.
- 31 Na nwina a tiyivu ta mina, a tiyivu ta wuriselo ga mina, mu hi banhu, na mina nza mina a Nungungulu wa nwina, ku wula a Hosi Jehova.

XIPIMO 35.

- 1 Klatakumbiri a mhaka ya ka Jehova yi lota a ka mina, yiku,
- 2 Nisanyana wa munhu, xungeta a ngohe ya wena u vukela a xitsunga Seire ni ku profeta u vukela xona,
- 3 Ni ku wula a ka xona, Zakungahi a wulako a Hosi Jehova: Languta,

mina nzi vukela wena, O xitsunga Seire, nzi ta nawuluta a canja ga mina nzi vukela wena, nzi ta maha wena a marumbi ni mahanjalatiso.

4 Nzi ta maha a miti ya wena a marumbi, u ta kuba u hahlukileko, na wena u ta zi tiba lezaku nzi mina Jehova.

5 Hakuba wena u na nga ni nala a pinzukelisilweko, u nyikeleko a banana ba ka Israeli le ntanweni wa supado a xikatini xa hlokiselelo yabye, a xikatini xa zigoho za kugumelwa.

6 Hikwalaho, kwatsi hilezi, mina nzi hanyako, ku wula a Hosi Jehova, nzi ta longisela wena le nkateni; ni nkata wu ta hlolongisa wena : cina wena u nga bengangiko a nkata, hikwalaho a nkata wu ta hlolongisa wena.

7 Zakungahi mina nzi ta nga maha a xitsunga Seire a mahanjalatiso ni marumbi, nzi ta tsema a ka xona loye a tsemakanyako a hunza ni loye a klelako.

8 Nzi ta tatisa a zitsunga za kona hi badelweko ba kona : lomo migangeni ya wena ni lo minzelelweni ya wena ni lomo milongeni ya wena ba ta kuwa labo ba delweko hi supado.

9 Nzi ta maha a marumbi mapinzukelisilweko, ni miti ya wena yi nga ta ha akiwa kambe; na nwina mu ta zi tiba lezaku nzi mina Jehova.

10 Hakuba wena u wulileko, Leyi a mifumo mimbiri ni laya matiko mimbiri ma ta maha ya mina, na hina hi ta fumela wona; laho Jehova a nga wa hi laho :

11 Hikwalaho, kwatsi hilezi mina nzi hanyako, ku wula a Hosi Jehova, nzi ta maha kukotisa hi ka zanga ya wena, kukotisa hi ka wukuxu ga wena legi u gi kombisileko ni ka lebengo la wena u vukela bona; nzi ta maha a wutsumbu ga mina gi ti-byiwa xikari ka bona, laha nzi ta la-mula bona.

12 Na wena u ta zi tiba lezaku mina, Jehova, nzi zwile a nzukano ya wena leyo u yi mahileko le zitsunga za ka Israeli, uku, Zona zi hahlukile zona, zi nyikilwe ku kadamulweni.

13 Na nwina mu kukumuxile a wutsumbu ga nwina hi ka mina hi milomu ya nwina, mu enzelekisile a timhaka ta nwina mu vukela mina : nzi zwile tona.

14 Zakungahi a wulako a Hosi Jehova:

Laha na saba gonkle na gi tsaka nzi ta maha wena a marumbi.

15 Kwatsi hilezi wena u bumileko hi tsomba ya yindlu ya ka Israeli, hakuba yona yi nga wa hi marumbi, zingaho nzi ta maha ka wena : wena u ta kuba marumbi, O xitsunga Seire ni gonkle a Edome, gona gonkle; na bona ba ta zi tiba lezaku nzi mina Jehova.

XIPIMO 36.

1 Na wena, nlsanyana wa munhu, profeta a ka zitsunga za ka Israeli, ni ku wula, Nwina zitsunga za ka Israeli, zwanani a mhaka ya ka Jehova.

2 Zakungahi a wulako a Hosi Jehova: Hakuba a balala ba wulileko ba vukela wena, Aha! ni, A wutsamo ga kale gi klakukileko gihi ga hina hi ku gi fumela ;

3 Hikwalaho profeta, niku, Zakungahi a wulako a Hosi Jehova : Hakuba, ni hakuba bona ba mahile nwina a marumbi, ba kwilikwinzileko nwina wonklelele a maklelo, kasi nwina mu ta kuba a tsomba a ka misalela ya mifumo, na nwina mu tekilwe lomo milonwini ya bawulawuli, ni mubiko wa kubiha wa banhu ;

4 Hikwalaho, nwina zitsunga za ka Israeli, zwanani a mhaka ya Hosi Jehova : Zakungahi a wulako a Hosi Jehova a zitsunga, ni miganga, ni ka minzelelo, ni ka marumbi ma hahlukileko ni ka miti yi nga akwangiko, leyo yi na nga mifulo ni kiyaliselo a ka misalela ya mifumo leyo yi ranzeleko ;

5 Hikwalaho, zakungahi a wulako a Hosi Jehova : Hakunene lomo nzilweni wa zanga ya mina nzi wulawulile nzi vukela a misalela ya mifumo, ni ku vukela gonkle a Edome, lego gi langile a tiko a ga mina a kuba tsomba ya gona wutsumbu hi litsako yonkle a mbilu yabye, hi ni libengo la muhefemulo wabye, a ku hoxa gona a kuba mupango.

6 Hikwalaho, profeta u vukela a tiko ga ka Israeli, ni ku wula ka zitsunga ni ka miganga, ni ka milonga ni ka mirelelo, Zakungahi a wulako a Hosi Jehova : Languta, nzi wulawulile le wukuxwini ga mina ni le kulweni ga mina, hakuba nwina mu rwalileko a tingana ta mifumo.

7 Hikwalaho zakungahi a wulako a Hosi Jehova : Nzi hlambanyile nzi-

- ku, a mifumo leyo yi ranzeleko
nwina, yi ta rwala a tingana ta yona.
- 8 Kanilezi nwina, O zitsunga za ka Israeli, mu ta hluka a marabi ya nwina, ni ku trala a mihanzo ka banhu ba mina Israeli; hakuba yona yi tsinele a kuta.
- 9 Hakuba, languta, mina nzi hi wa nwina, nzi ta klelela a ka nwina, na nwina mu ta rimiwa mu byalwa;
- 10 Na nzi enzelekisa a banhu hehla ka nwina, yonkle a yindlu ya ka Israeli, yona yonkle; ni miti yi ta kuba yi akilweko, ni wutsamo gi bahlukileko gi ta akiwa;
- 11 Nzi ta enzelekisa hehla ka nwina a banhu ni zihari; zi ta enzeleka zi anziselwa zi trala; nzi ta maha nwina mu aka kota matsamela ya nwina ya kaleloko, nzi ta maha kwatsanya na a ka nwina ku hunza kusanguleni ka nwina: na nwina mu ta zi tiba lezaku nzi mina Jehova.
- 12 Ina, nzi ta maha banhu a ku famba hehla ka nwina, bona banhu ba mina Israeli; bona ba ta fumela wena, na wena u ta kuba tsomba yabye, na wena u nga ta ha engeta kambe u wuklelwa a banana.
- 13 Zakungahi a wulako a Hosi Jehova: Habuka bona ba wulileko a ka wena. Wena u tiko ga kukadamulwa ka banhu, na wena u wuklelwe hi tiko ga wena;
- 14 Hikwalaho wena u nga ta ha engeta u kadamula banhu kambe, ge ni kuwuklela a tiko ga wena kambe, ku wula a Hosi Jehova;
- 15 Ge nzi nga ta ha engeta kambe nzi maha wena kuzwa a tingana kambe ta mifumo, u nga ta ha engeta kambe u rwala a nzukano ya banhu kambe, ge wena u nga ta maha a tiko ga wena a kuretemuka kambe, ku wula a Hosi Jehova.
- 16 Klatakumbiri a mhaka ya ka Jehova yi lota ka mina, yiku,
- 17 Nisanyana wa munhu, laha na yindlu ya ka Israeli ba aka lomo tikweni gabye, bona ba nyenyezisa gona hi tindlela tabye ni zimaho zabye, a tindlela tabye ka mina ti kwatsi hi swila ga wasati loku a tekile a ziklata.
- 18 Ngahilezo nzi halata a zanga hehla ka bona hakuba hi nkata lowo ba halatileko hehla ka tiko, na hakuba bona ba nyenyezisile gona hi zifanano;
- 19 Na mina nzi hangalasile bona xikari ka mifumo, na bona ba wa bala-kile ka wonkle a matiko: kukotisa hi ka tindlela tabye na ku kukotisa hi ka zimaho zabye nzi lamule bona.
- 20 Ni laha bona ba nga wa tile a ka mifumo, leyo bona ba fambileko, bona ba hanahanisile a bito ga mina ga ku basa; ka lezo a banhu ba wulileko ha bona, Laba hi banhu ba ka Jehova, ba sukile lomo tikweni ga yena.
- 21 Kanilezi mina nzi celile kota hi kota ya bito ga mina go basa, lego a yindlu ya ka Israeli yi gi hanahanisileko xikari ka mifumo, leyo bona ba yileko.
- 22 Hikwalaho wula a ka yindlu ya ka Israeli, Zakungahi a wulako a Hosi Jehova: A nzi mahi lezi hi kota ya nwina, O yindlu ya Israeli, kanilezi hi kota ya bito ga mina ga ku basa, lego nwina mu gi nyenyezisileko a xikari ka mifumo, leyo nwina mu fambileko.
- 23 Nzi ta basisa a bito ga mina ga hombe, lego gi nyenyezisileko xikari ka mifumo, lego nwina mu gi nyenyezisileko a xikari ka bye; ni mifumo yi ta zi tiba lezaku nzi mina Jehova, laha nzi ta nga basiswa a ka nwina mahlweni ka mahlo yabye.
- 24 Hakuba nzi ta teka nwina a xikari ka mifumo, nzi ta tsombanyisa nwina mu huma hi lomo matikweni wonkle, nzi ta neha nwina lomo tikweni ga nwina benyi.
- 25 Nzi ta nwatsekela a mati ba hlazekileko hehla ka nwina, na nwina mu ta kuba mu hlazekile; mu suka a ka konkle ku nyenyeza, ni ka zonkle a zifananiso za nwina, nzi ta basisa nwina.
- 26 Ni mbilu yiswa kambe nzi ta nyika nwina, ni moya muswa nzi ta cela nzeni ka nwina; nzi ta susa a mbilu ya ribye yi huma nyameni yabye, nzi ta nyika nwina a mbilu ya nyama.
- 27 Nzi ta cela a Moya wa mina nzeni ka nwina, ni ku maha nwina mu famba hi zilayelo za mina, na nwina mu ta hlalisa a ziyimiso za mina, ni ku maha zona.
- 28 Na nwina mu ta aka a tiko lego nzi nyikileko a badadani ba nwina; na nwina mu ta kuba a banhu ba mina, na mina nzi ta kuba a Nungungulu wa nwina.
- 29 Nzi ta ponisa nwina mu suka a ka

- konkile a ku nga hlazeki ka nwina: na nzi ta bitana a mabele, nzi ta enzelekisa wona, nzi nga ta beka a ndlala hehla ka nwina.
- 30 Nzi ta enzelekisa a mihanzo ya sinyanya, nipfuno wa masimu, lezaku mu nga ha amukeli kambe a nzukano ya ndlala xikari ka mifumo.
- 31 Zonake nwina mu ta alakanya a tindlela ta nwina ta kubiba, ni zimaho za nwina lezo zi nga sasekangiko; mu ta tsanzaza a wutsumbu ga nwina kuwoneni ka nwina hakuba hi zionho za nwina na hi manyalatani-so ya nwina.
- 32 A hi kota ya nwina mina nzi mahako lezi, ku wula a Hosi Jehova, nga kona ku tibyekiswa a ka nwina: nga mu hi ni tingana ni kukanganyiswa hi kota ya tindlela ta nwina, O yindlu ya ka Israeli.
- 33 Zakungahi a wulako a Hosi Jehova: A ka siku lego nzi basisako nwina mu suka a zigohweni za nwina, nzi ta maha a miti a kuakiwa, ni ku maha a wutsamo gi hahlukileko a kuakiwa.
- 34 Ni tiko lego gi nga wa hahlukile gi ta rimiwa, lego gi nga wa hi marumbi kuwoneni ka bona labo ba hunzako.
- 35 Na bona ba ta wula, A tiko legi gi nga wa hahlukile gi kotile a simu ya Edeni, a marumbi ni hahlukelo ni kungumukelo wa miti wu gingisailwe wu akilwe.
- 36 Zonake a mifumo leyo yi siyilweko yi ranze nwina, yi ta zi tiba lezaku mina, Jehova, nzi akile a wutsamo gi kungumukeleko, nzi byalile lezo zi nga wa hahlukile: mina, Jehova, nzi wulile kona, na kona nzi ta ku maha.
- 37 Zakungahi a wulako a Hosi Jehova: hakuba a ka lexi, klataku-mbiri, nzi ta wutiselwa hi yindlu ya ka Israeli, a ku mahela kona bona; nzi ta enzelekisa bona a banhu kwatsi i klambi.
- 38 Kwatsi i klambi wa mupahlelo, kwatsi i klambi wa Jerusalema hi xikati xa gona xa mibuzo, zingaho a wutsamo gonkile a wutsamo ga marumbi gi ta tiswa hi miklambi ya banhu; na bona ba ta zi tiba lezaku nzi mina Jehova.

XIPIMO 37.

- 1 Ni canja ga ka Jehova gi wa hi hehla ka mina, yena i lo nzi neha

- lahandle a Moyeni wa ka Jehova, i lo tsamisa mina lahasi xikari ka mirelelo; na kona ku wa lo tala hi marambu.
- 2 I lo maha mina a kuhunza nzi tse-makanya a ka wona nzi renzeleka: Ni, languta, wona ma tele nguvu lomo handle ka mikoba; ni, manga-bye, wona ma omile nguvu.
- 3 Na yena i te ngalo ka mina, Nisanyana wa munhu, kasi a marambu laya ma nga hanya ke? Na nzi lo hlamula, O Hosi Jehova, wena wa zi tiba.
- 4 Kambe yena i te ngalo ka mina, profeta hehla ka laya a marambu, u ku wula a ka wona, O nwina marambu mu omileko, zwanani a mhaka ya Jehova.
- 5 Zakungahi a wulako a Hosi Jehova aka laya marambu: Languta, uzi ta maha a muhefemulo a ku engena a ka nwina na mu ta hanya.
- 6 Na nzi ta bekela a misiha hehla ka nwina, nzi ta neha a nyama hehla ka nwina nzi fenengeta nwina hi hlonge, ni engenisa muhefemulo a ka nwina, na nwina mu ta hanya; na nwina mu ta zi tiba lezaku nzi mina Jehova.
- 7 Zingaho nzi lo profeta kwatsi hilezi nzi lelelelweko: nzi lo profeta, ni labo u wa hi kona a guwa ni, languta, a tseketsekiselo wa misaba; ni marambu ma lo lungelela katigizwe, a rambu a ka rambu kulobye.
- 8 Nzi lo wona, na mangabye, tinguti ta nyama ti wa hehla ka wona, ni nyama yi woneka, ni hlongi yi na fenengeta wona: kanilezi muhefemulo wa ngi hi hiko na wona.
- 9 Zonake i lo wula ka mina, profeta wena a ka mbeho, profeta, nisanyana wa munhu, u wula a ka mbeho, Zakungahi a wulako a Hosi Jehova: ngona le muneni wa timheho, O muhefemulo, u pupuxela hehla ka laba ba delweko, kasi bona ba fela ku hanya.
- 10 Zingaho nzi lo profeta kwatsi hilezi yena a leleleleko mina, ni ku hefemula ku la su ta a ka wona, na wona ma lo hanya, ma lo yima hi mikonzo ya wona, ma hi impi yi hunzeleleko a kukula.
- 11 Zonake yena i te ngalo ka mina, Nisanyana wa munhu, laya a marambu hi yindlu yonkile ya ka Israeli: languta, bona be ngalo, A marambu

- ya hina ma omile ni kutumba ka hina ku lahlekile ; hina ha tsemilwe hi kudlunyatilweko.
- 12 Hikwalaho profeta, ni ku wula a ka wona, Zakungahi a wulako a Hosi Jehova : Languta, nzi ta vulula mikele ya nwina, nzi ta maha nwina a ku huma lomo mikeleni ya nwina, O banhu ba mina ; nzi ta neha nwina lomo tikweni ga ka Israeli.
- 13 Na nwina mu ta zi tiba lezaku nzi mina Jehova, laha nzi ta nga nzi vululile a mikele ya nwina, ni ku maha nwina mu huma hi lomo mikeleni ya nwina, O banhu ba mina.
- 14 Nzi ta beka a Moya wa mina nzeni ka nwina, na nwina mu ta hanya, nzi ta beka nwina lomo tikweni ga nwina benyi, na nwina mu ta zi tiba lezaku mina, Jehova, nzi wulawulile kona, nzi mahile kona, ku wula Jehova.
- 15 A mahaka ya ka Jehova yi leta a ka mina, yiku,
- 16 Na wena, nisananya wa munhu, teka wena a linhi linwe, u tsala hehla ka lona, Hakuba Juda, hakuba hi banana ba ka Israeli a bangana ba yena, kona ba tekile a linwani linhi, u tsala hehla ka lona, Hakuba Josefa, a linhi la ka Efraime, ni ka yonkle a yindlu ya ka Israeli a bangana ba yena.
- 17 U klanganyisa bona munwe a ka munwani a kuba linhi linwe, kasi bona ba fela ku maha a munwe.
- 18 Ni laha a banana ba banhu ba wena ba ta nga wulawula a ka wena, baku, Wena u nga ta kombisa hina zini u wulako hi lexi ke?
- 19 Wula a ka bona, Zakungahi a wulako a Hosi Jehova : Languta, nzi ta teka a linhi la ka Josefa, lolo li na nga lomo canjeni ga Efraime, ni lixaka la ka Israeli a mungana wa yena; nzi ta beka bona zinwe nalo, a ku beka zinwe ni linhi laka Juda ni ku maha bona a linhi linwe, na bona ba ta kuba a munwe a canjeni ga mina.
- 20 Ni tinhi leto u tsalileko ha tona ti ta kuba a canjeni ga wena a mahlwani ka mahlo yabye.
- 21 U wula a ka tona, Zakungahi a wulako a Hosi Jehova : Languta, Nzi ta teka a banana ba ka Israeli xikari ka mifumo, leyo bona ba yileko, nzi ta tsombanyisa bona maklelweni wo-

nkle, nzi ta neha bona tikweni ga bona benyi :

- 22 Nzi ta maha bona a mufumo munwe lomu tikweni, hehla ka zitsunga za ka Israeli; ni hosi yinwe yi ta kuba a hosi a ka bonkle; bona ba nga ta ha kuba a mifumo mimbiri, ge bona ba nga ta abanyisana a ka mifumo mimbiri kokwihi futsi;
- 23 Ge bona ba nga ta ha nyenyezisa a wutsumbu gabye hi zifananiso zabye, ge hambu hi zilo za bona za zimunzulukiso, ge ni za zihi za zihambunyetiso zabye ; kanilezi nzi ta hanyisa bona le wutsanweni gonkle ga kuaka ka bona, laha bona ba onhileko, nzi ta basisa bona, zingaho bona ba ta kuba a banhu ba mina, na mina nzi ta kuba a Nungungulu wabye.
- 24 Ni nanza ga mina Davida i ta kuba a hosi hehla ka bona ; na bona bonkle ba ta kuba ni murisi munwe: bona ba ta famba hi ziyimiso za mina, ni ku lonzowotela a zixaxametele za mina, ni ka maha zona.
- 25 Na bona ba ta aka a tikweni lego nzi nyikeleko a ka Jakobe a nanza ga mina, a ka gona a badadani ba nwina ba nga wa akile ; na bona ba ta aka a ka gona, bona ni banana babye, ni banana ba banana babye, kala kupinzuka : na Davida nanza ga mina i ta kuba a hosana hehla a kabye kala kupinzuka.
- 26 Klatakumbiri nzi ta maha a xivumelwano xa kurula zinwe na bona; xona xi ta kuba xivumelwano xi pinzukelisisilweko zinwe nabo ; nzi ta beka bona, ni ku enzelekisa bona, nzi ta yimisa a yindlu ya kubasa ya mina xikari kabye kala kupinzuka kambe.
- 27 A tabernakele ga mina kambe gi ta kuba zinwe nabo; na mina nzi ta kuba a Nungungulu wabye, na bona ba ta kuba a banhu ba mina.
- 28 Ni mifumo yi ta zi tiba lezaku nzi mina Jehova loye a basisako Israeli, laha a yindlu ya mina ya kubasa ya mina yi ta nga kuba xikari kabye kala kupinzuka kambe.

XIPIMO 38.

- 1 Ni mahaka ya ka Jehova yi leta a ka mina, yiku,
- 2 Nisananya wa munhu, xungeta a ngohe ya wena ngomama na Goge wa Magoge, a hosana ya le Roxa,

- ni Mexeke, ni Tubale, ni ku profeta u vukela yena,
- 3 Ni ku wula, Zakungahi a wulako a Hosi Jehova: Languta, nzi vukela wena, O Goge, hosana ya Roxa, ni Mexeke, ni Tubale;
- 4 Nzi ta hunzula wena u renzeleka, ni ku beka a timembe lomo tihlayeni ta wena, nzi ta humesa wena, ni yonkle a impi ya wena, a mahaxi ni ba banuna ba mahaxi, bonkle ba bona ba gobile gobo ga maklari, a klawa wa hombe zinwe ni tingenge ni ziklangu, bonkle ba bona ba komile a supado:
- 5 Persia, Kuxe, na Pute zinwe nabo, bonkle ba bona ba hi zinwe ni ziklangu ni xihugu xa xiketsi;
- 6 Gomora, ni mabandla zinwe naye bonkle; a yindlu ya ka Togarma kwaleyo magemetamusi maklelo ya nwalungu, ni bonkle ba mabandla ya yena; bona banhu botala zinwe na yena.
- 7 Nga wena u hi longisilweko, ina, longisa a wutsumbu ga wena, wena, ni yonkle a miklawwa ya wena leyo yi tsombeneko a ka wena, na nga wena u hi muhlayisi a ka bona.
- 8 Anzako ka masiku ya ku tala wena u ta enzelwa: a ka malembe ma ha tako wena u ta neha tikweni gi kleliwa le supadweni, leyo yi tsombeniyisilweko hi ka talo wa banhu, hehla ka zitsunga za ka Israeli, lezi zi simamisileko zi hi marumbi; kani-lezi kona hu nehilwe hi le ka banhu, na bona ba ta aka kuponeni bonkle ba bona.
- 9 Na wena u ta klakuka, na wena u tata ku fanana ni bubutsa, na wena u ta fanana ni marefu a kubunyeta a tiko, wena, ni impi ya wena yonkle, ni banhu ba talo zinwe na wena.
- 10 Zakungahi a wulako a Hosi Jehova: Na ku ta mahisile lezo a ka lego siku, lezaku a zilo zi tata kupimeni ka wena, na wena u ta hleba a mano ya kubuha:
- 11 Na wena u ta ku ngalo, Nzi ta kanziya nziya le tikweni lego gi na nga ni miti yi nga gingisiwangiko; nzi ta famba a ka bona labo ba na nga kuponeni, labo ba akako a kuponeni, bonkle ba bona le hanle ka tigingisi, ku nga hi na zikwinyaro na tinyangwa.
- 12 A ku teka a mufumo ni ku teka a mupango; a ku renzeleta a canja ga wena u vukela a wutsamo gi hlukileko lego makunu gi akilweko, ni kuvukela a banhu labo ba tsombanuyisilweko hi le bamatiko, labo ba na nga ni tihomu ni nhunzu, labo ba akako xikari ka misaba.
- 13 Xeba na Dedani, ni bamahungani ba le Tarxixi, ni tonkle a tingagana ta kona ba ta wula a ka wena, Wena u tileko a ku teka a mupango ke? Wena u tsombanyisile a miklawwa ya wena u ta teka a mufulo ke? a ku gotsela a siliva ni nzalama, a kugotsa a tihomu ni tinhunzu, a ku teka a mufulo wa hombe ke?
- 14 Hikwalaho, nisanyana wa munhu, profeta, ni ku wula a ka Goge, Zakungahi a wulako a Hosi Jehova: a ka lego siku laha a banhu ba mina Israeli a ta nga aka kuponeni, wena u nga ta zi tiba zona ke?
- 15 Wena u ta huma hi le wutsanweni ga wena le magemetamusi ya maklelo ya nwalungu, wena, zinwe ni banhu ba ku tala zinwe na wena, bonkle ba bona ba kilele hehla ka mahaxi, a klawa wa hombe a impi ya ntamo;
- 16 Na wena u ta ta u vukela banhu ba mina Israeli, kwatsi hi refu gi kubunyetileko a tiko: kona ku ta kuba lezo hi masiku mahatako lezaku nzi ta neha wena u vukela a tiko ga mina, kasi a mifumo ya fela a ku tiba mina, laha nzi ta nga basiswa a ka wena, O Goge, mahlweni ka mahlo ya wena.
- 17 Zakungahi a wulako a Hosi Jehova: Wena hi wena loye nzi wulawulileko hi xikatini xa kaleloko hi malanza ya mina a baprofeti, ba ka Israeli, labo ba profetileko a ka lawo masiku hi malembeni yo tala lezaku nzi wa ta nga nzi neha wena a ku ta vukela mina ke?
- 18 Na ku ta mahisile lezo a ka lawo masiku, laha Goge a ta nga a ku vukela a tiko ga ka Israeli, ku wula a Hosi Jehova, lezaku a zanga ya mina yi tata hehla ka tinhovu ta mina.
- 19 Hakuba a moneni wa mina ni nzilweni wa kulo ga mina nzi wulawulile, Hakunene a ka lego siku ku ta kuba kona a kutsekatseska ka hombe lomo tikweni ga ka Israeli;
- 20 Zingaho lezo a zidluwani za binbi, ni tinyanyani ta matilo, ni sihari za kwati, ni zilo zonkle so kokakoka le-

- zo zi kokakokako lehla ka misaba, zi ta tsekatsekiwa hi kubakoneni ka mina, ni zitsunga zi ta hoxiwa lahasi, ni wutsamo ga klokloloto gi ta kuwa, ni tonklelele tigingisi ti ta kuwa lahasi.
- 21 Nzi ta maha yonkle a supado yi vukela yena a ka zonkle a zitsunga za mina, ku wula a Hosi Jehova: ni supado ya mina yi ta vukela a makabye wa yena.
- 22 Zinwe ni mitungu ni nkata nzi ta engena kulamuleni zinwe na yena; nzi ta kuna lehla ka yena, ni lehla ka mabandla ya yena ni lehla ka banhu ba ku tala labo ba na nga zinwe na yena, ni kulungo wa vula, ni vula ya hombe ya maribyana, ni sulufa.
- 23 Nzi ta kulisa a wutsumbu ga mina, nzi ta maha a wutsumbu ga mina a ku tibyekiswa a kuwoneni ka mifumo yo tala; na bona ba ta zi tiba lezaku nzi mina Jehova.

XIPIMO 39.

- 1 Na wena, nisanyana wa munhu, profeia u vukela Goge, ni ku wula, Zakungahi a wulako a Hosi Jehova: Languta, nzi vukela wena, O Goge, hosana ya le Roxa, Mexeke, na Tubale:
- 2 Nzi ta renzeleta wena, nzi ta rangela wena, nzi ta maha wena a kuta hi kwaleyo maklelo ya magemetamusi ya nwalungu; nzi ta neha wena lehla ka zitsunga za ka Israeli;
- 3 Nzi ta lamata a wura ga wena hi le klelweni ga wena ga baba nzi ta maha a ligalala la wena a kuwa hi canja ga wena ga xinene.
- 4 Na wena u ta kuwa le lehla ka zitsunga za ka Israeli, wena, ni yonkle a impi ya wena, ni banhu bonkle labo ba na nga zinwe na wena: nzi ta nyikela wena a tinyanyani ti pangako ta tixaka tonkle, ni ka zibanza za kwati a kuba a ku kadamulwa.
- 5 Na wena u ta kuwa le kwatini ga le handle; hakuba nzi wulileko kona, ku wula a Hosi Jehova.
- 6 Nzi ta rumela a nzilo leyo Magoge, ni ka bona labo ba akileko a kuponeni leyo zihlalani; na bona ba zi tiba lezaku nzi mina Jehova.
- 7 Ni bito ga mina ga kubasa nzi ta gi maha gi tibekiswa a ka banhu ba ka Israeli; nzi nga ta ha vumela a bito ga mina a kuba gi nyenyeciswa kambe: ni mifumo yi ta zi tiba lezaku

- nzi mina Jehova, a wa ku Basa lomo ka Israeli.
- 8 Languta, kona kuta, na kona ku ta maheka, ku wula a Hosi Jehova; legi hi siku lego mina nzi wulileko.
- 9 Na bona labo ba akileko mitini ya ka Israeli ba ta huma, ba ta maha a nzilo wa maklari ba ta hisa yona, zonkle ziklangu ni tingenge, ni mawura ni tugalala, ni zigomba ni maklari, na bona ba ta maha a nzilo ha zona nkalanu ni mambiri a malembe.
- 10 Zingaho lezo bona ba nga ta teka a tihunyi lomo kwatini, ge ni ku tsema tona lomo kwatini; hakuba bona ba ta maha a nzilo hi maklari na bona ba ta lamata labo ba lamatako bona, ni kupanga labo ba pangako bona, ku wula a Hosi Jehova.
- 11 Na ku ta mahisile lezo a ka lego siku, lezaku nzi ta nyika a ka Goge a wutsamo ga kukelelwa lomo ka Israeli, a mikoba ya bona labo ba hunzako hi le mutsuwukagambo ka bimbi; na kona ku ta kawulisa bona labo ba hunzako ba tsemakanya: ni laho ba ta kelela Goge ni zonkle a zidlemo za yena; ba ta bitana kona Mikoba ya Hamoni-goge.
- 12 Nkalanu ni timbiri a tihweti a yindlu ya ka Israeli yi ta nga kelela bona, kasi bona ba fela a kubasisa a tiko.
- 13 Ina, bonkle a banhu ba tiko ba ta kelela bona; ku ta kuba a ka bona a kutibyekiswa a ka siku lego nzi ta nga dumisiwa, ku wula a Hosi Jehova.
- 14 Na bona ba ta yimisa banhu hi simamisiweko ba kuriwa, labo ba ta nga famba ba tsemakanya a tiko, ni, zinwe na bona labo ba hunzako ba tsemakanya, labo bakelelako bona labo ba seleko a ngoheni ya misaba, ni ku basisa yona: a kugumelweni ka nkalanu ni timbiri a tihweti ba ta hlota.
- 15 Na bona labo ba hunzako ba ta tsemakanya a tiko ba ta hunza ba tsemakanya; laha loku a nga a hi kona a wonako a marambu ya munhu, zonake i ta yimisa a muwoniso hi ka wona, kala a bakeleli ba kelela wona lomo mikobeni ya Hamoni-goge.
- 16 Na Hamona kambe ku ta kuba a bito ga muti. Zakungahi bona ba ta basisa a muti.
- 17 Na wena, nisanyana wa munhu, zakungahi a wulako a Hosi Jehova: Wulawula a ka tinyanyani ta tixaka

- tonklelele, ni ka zonklelele a zihari za kwati, Tsombanani a wutsumbu ga nwina, ni kuta; tsombanani a wutsumbu ga nwina a maklelweni yonkle a ka mupahlelo wa mina lowo nzi pahleleko ha nwina, wona a mupahlelo wa hombe hehla ka zitsunga za ka Israeli, kasi nwina maga a nyama ni kunwa a nkata.
- 18 Nwina mu ta kuga a nyama ya tihenha, ni kunwa a nkata wa tihosana ta misaba, ni wa tihamba, ni wa tiivana, ni wa timbuti, ni wa tihonwana, zonkle za zona a manono nileko ya le Baxani.
- 19 Na nwina mu ta kuga a manono kala nwina mu be mu tatisilweko, ni kunwa a nkata kala nwina mu tsinzinza, wa mupahlelo wa mina lowo nzi pahleleko nwina.
- 20 Na nwina mu ta tatisa a meza ya mina hi mahaxi ni tikareta, hi ba banuna ba tihenha, na hi bonkle ba banuna ba impi, ku wula a Hosi Jehova.
- 21 Nzi ta rumela a wukosi ga mina xikari ka mifumo; ni yonkle a mifumo yi ta wona a lamuliselelo wa mina lowo nzi wu mahileko, ni canja ga mina lego nzi bekileko hehla ka bona.
- 22 Zingaho a yindlu ya ka Israeli yi ta zi tiba lezaku mina nzi Jehova a Nungungulu wabye, kusukela a ka lego siku ku komama mahlweni,
- 23 Ni mifumo yi ta zi tiba lezaku a yindlu ya ka Israeli yi loya wukonweni hi kota ya zigoho zabye; hakuba bona ba hambunyetileko ba vukela mina, na mina nzi fihlile a ngohe ya mina a ka bona: Zingaho nzi lo nyikela bona canjeni ga balala babye, na bona ba lowa bonkle ba bona hi supado.
- 24 Kukotisa hi ka zibi za bona ni kukotisa hi ka zihambunyetiso za bona nzi lo maha a ka bona; nzi fihlile a ngohe ya mina a ka bona.
- 25 Hiikwalaho zakungahi a wulako a Hosi Jehova: Makunu nzi ta klelisa a wukonwi ga Jakobe, nzi ta kuba ni kuhawukela ka yonkle a yindlu ya ka Israeli; nzi ta kuba ni mona hi bito ga mina ga ku basa.
- 26 Na bona ba ta rwala a tingana tabye, ni ka zonkle a zihambuko zabye lezo ba hambukileko ba vukela mina, laha bona ba ta nga aka kuponeni lomo tikweni gabye, a nga ta

kuba kona a ta nga maha bona ba cabyiswa;

- 27 Laha na nzi nehile bona hi lomo ba nhlwini, laha na nzi tsombanyisile bona hi lomo tikweni ga balala, na nzi ta basisiwa a ka bona a kuwone ni ka mifumo yinyingi.
- 28 Na bona ba ta zi tiba lezaku nzi Jehova a Nungungulu wabye, a ka lezo nzi mahileko bona a kuya kukonweni xikari ka mifumo, nzi tsombanyisileko a tikweni ga bona benyi; nzi nga ta tsika ni munwe wa bona kambe leyo;
- 29 Ge nzi nga ta ha fihla a ngohe ya mina kambe yi suka a ka bona; hakuba nzi halatile a Moya wa mina hehla ka yindlu ya ka Israeli, ku wula a Hosi Jehova.

XIIMO 40.

- 1 A ka makume mambiri ni nklanu a lembe ga kukonwa ka hina, a kusanguleni ka lembe, a ka kume ga masiku ya hweti, hi ka kume ni mune a malembe a nzako ka kuba a muti wu lobyisilwe, a ka gwalego siku, ni canja ga ka Jehova gi wa hi hehla ka mina, na yena lo nzi neha leno.
- 2 Hi ka miwoniso ya ka Nungungulu i lo nzi neha lomo tikweni ga ka Israeli, i lo nzi tsamisa lahasi hehla ka xitsunga xi klakukileko nguvu, laho ku nga wa ku kwatsi malingo ya muti hi le dzongeni.
- 3 Yena i lo nzi neha leno; ni, langu ta, ku wa hi kona a munhu, loye a ku woneka ka yena ku wa ku kwatsi ku woneka ka suku, zinwe ni ngoti wa wukene lomo canjeni ga yena, ni lihlanga la kuringanisa; yena i laku yima lomo nyangweni.
- 4 Ni munhu i te ngalo ka mina, Nisanyana wa munhu, languta hi mahilo ya wena, ni kuzwa hi tindlebe ta wena, ni ku bekela a mbilu hehla ka zonkle lezo nzi ta nga kombisa wena; kasi hi xigelo nza fela a kukombisa zona a ka wena, wena u tisisile ha zona leno: Klaklambuta zonkle lezo u zi wonako a ka yindlu ya ka Israeli.
- 5 Ni, languta, a ligingisi laha handle ka yindlu li ranzeleko, a canjeni ga munhu ku wa hi ni lihlangi la kuringanisa la nklanu ni munwe a mikono a kunabalata, ku wa a kono ni kuanama ka canja a linwe: ri-

- ngaho yena i lo ringanisa a kudziba ka kuakiwa, lihlanga linwe; ni ku-
klakuka, lihlanga linwe.
- 6 Zonake i lo ta yena a nyangwa leyo yi cuwukileko le mutsuwukagambo, i lo kanziya hi ka zikanziyelo za yona: yena i lo ringanisa a wuengeno ga nyangwa, lihlanga linwe a kuanama; ni ginwani a wuengeno, lihlanga linwe a kuanama.
- 7 Wonkilelele a matsawu ku wa hi lihlanga a nabalata, ni lihlanga linwe a kuanama; ni wutsamo xikari ka matsawu ku wa hi a nklanu wa mikono; ni wuengeno ga nyangwa hi laba moleni wa nyangwa ya ngomama ni yindlu ku wa hi lihlanga linwe.
- 8 Yena i lo ringanisa a wuengeno ga nyangwa ya ngomama ni yindlu, lihlanga linwe.
- 9 Zonake i lo ringanisa yena mole wa nyangwa, nklanu ni yinharu a mikono; ni timbinga ta kona, mikono mimbiri; ni wuengeno ga nyangwa yi wa komamile a yindlu.
- 10 Ni matsawu ya nyangwa ya ngomama ni mutsuwukagambo manharu a ka legi klelo, manharu a ka lego klelo; wona manharu ma wa hi ya xiringaniso xinwe: ni timbinga ti wa hi ta xiringaniso xinwe a ka legi klelo ni ka lego klelo.
- 11 Na i lo ringanisa a kuanama ka kuvulwa ka nyangwa, kume ga mikono; ni kunabalata ka kuvululwa ka nyangwa, kume ni minharu mikono;
- 12 Ni mbingano mahlweni ka matsawu, i kono munwe a ka lego klelo, ni mbingano wa kono munwe a ka lego klelo; ni matsawu, nklanu ni ginwe mikono a ka legi klelo, nklanu ni ginwe a mikono a ka lego klelo.
- 13 Yena i lo ringanisa a nyangwa hi langweni la ginwani tsawu ga nyangwa kala le ka linwani langwa, ku wa hi kuanama ka makume mimbiri ni nklanu mikono; a libati li komamene ni libati.
- 14 Yena kambe i lo maha a timbinga, nklanu wa makume ni ginwe mikono; ni hubye yi lo cuketela le ka timbinga, ti ranzeleko a nyangwa.
- 15 Kwaleyo mahlweni ka nyangwa hi le wuengenweni kwaleyo ngangeni ya lomo nzeni ka mole wa nyangwa ku wa hi nklanu wa makume mikono.
- 16 Ni laho ku wa hi ni mawoni ma valilweko le matsawini ni timbinga tabye ti ranzeleko, ziwangaho ni le tihubiyeni; ni mawoni ma wa ranzele hi lomo nzeni; ni hehla ka mbinga yinwe ku wa hi ni sinyi ya cinzu.
- 17 Zonake yena i lo neha mina le hubiyeni ya lahandle; ni, mangabye, laho ku wa hi kona a tindlu ni lilonze, li mahelweko a hubye yi ranzeleko; makume manharu ya tindlu ti wa hi hehla ka lilonze.
- 18 Ni lilonze li wa hi maklelweni ya ti-nyangwa, li hlamulako a kunabalata ka tinyangwa, lona a lilonze la lahasi.
- 19 Zonake yena i lo ringanisa a kuanama hi mahlweni ka ngomama ya nyangwa ya lahasi le mahlweni ka ngomama ya hubye ya lomo nzeni hi lahandle, ku wa hi zana ga mikono, konkle le mutsuwukagambo ni le nwalungu.
- 20 Ni nyangwa ya hubye ya lahandle leyo a ngomama ya yona yi cuwukeneke ni le nwalungu, yena i lo ringanisa a kunabalata ka kona ni kuanama ka kona.
- 21 Ni matsawu ya kona ma wa hi manharu a ka lego klelo ni manharu a ka lego klelo; ni timbinga ta kona ni tirenzo ta kona ti wa kotisa a xiringaniso xa nyangwa ya kuranga: ni kunabalata ka kona ku wa hi nklanu wa makume a mikono, ni kuanama ku wa hi makume mimbiri ni nklanu a mikono.
- 22 Ni mawoni ya kona, ni tirenzo ta kona, ni tisinyi ta kona ta cinzu, zi wa fanana ni nyangwa leyo a ngomama ya yona yi cuwukileko mutsuwukagambo; zona zi wa klakukile a kuba a kume ni mimbiri a zi kanziyelo; ni tirenzo ta kona ti wa hi mahlweni ka zona.
- 23 Ni laho ku wa hi nyangwa lomo hubiyeni ya lomo nzeni yi komameneko yinwani nyangwa, konkle le nwalungu ni leyo mutsuwukagambo; yena i lo ringanisa kusukela ka nyangwa kuya ka nyangwa a zana ga mikono.
- 24 Na yena i lo randela a ngomama ni dzongeni, ni, languta, a nyangwa ya ngomama ni dzonga: na yena i lo ringanisa a timbinga ta kona ni tirenzo ta kona kukotisa hi ka kuringanisa.
- 25 Ni laho ku wa hi kona a mawoni a

- ka kona ni ka tirenzo ta kona ma ranzeleko, ku fanana ni lawo a mawoni; a kunabalata ku wa nklanu wa makuine a mikono, ni kuanama ku wa hi makume mambiri ni nklanu a mikono.
- 26 Ni laho ku wa hi ni nklanu ni zimбири a zikanziyelo zo kanziya a ka kona, ni tirenzo ta kona ti wa hi mahlwani ka kona; kona ku wa hi ni tisinya ta cinzu, yinwe a ka legi klelo, ni yinwani ka lego klelo, hehla ka timhinga ta kona.
- 27 Ni laho ku wa hi ni nyangwa lomo hubyeni ya lomo nzeni hi ngomama ni le dzongeni, yena i lo ringanisa a ka nyangwa ni nyangwa hi ngomama ni dzonga i zana ga mikono.
- 28 Zonake i lo neha mina le hubyeni ya lomo nzeni hi klelo ga nyangwa ya le dzongeni: na yena i lo ringanisa a nyangwa ya dzonga ku kotisa hi ka ziringaniso lezi.
- 29 Ni matsawu ya kona, ni timhinga ta kona, ni tirenzo ta kona, ku kotisa bi ka ziringaniso lezi; ni laho ku wa ni mawoni nzeni ka kona ni ka tirenzo ta kona ma ranzeleko: ku wa nklanu wa makume ya mikono a kunabalata, makume mambiri ni nklanu a kuanama.
- 30 Ni laho ku wa hi kona a tirenzo ti ranzeleko, a kume mambiri ni timbiri a kunabalata, ni nklanu wa mikono a kuanama.
- 31 Ni tirenzo ta kona gi wa komamile a hubye ya lahandle; ni tisinya ta cinzu yi wa hi hehla ka timhinga ta kona; ni wukanziyo ga kona gi wa ni nklanu ni zinharu zikanziyelo.
- 32 Na yena i lo nzi neha lomo hubyeni ya lomo nzeni a hi ngomama ni mutsuwukagambo: na yena i lo ringanisa a nyangwa ku kotisa hi ka loku kuringanisa;
- 33 Ni matsawu ya kona, ni timhinga ta kona, ni tirenzo ta kona, ku kotisa hi ka kuringanisa loku: na kona ku wa hi mawoni ya kona ni wugungo gi renzelekeleko; na kona ku wa nklanu wa makume a mikono kunabalata, ni makume mambiri mikono a kuanama.
- 34 Ni wugungo ga kona gi wa cuwukile a hubye ya lomo lahandle; ni tisinya ta cinzu yi wa hi hehla ka timhinga ta kona, a ka legi klelo, ni ka lego klelo: ni wukanziyo ga kona gi wa hi ni nklanu ni zinharu a zikanziyelo.
- 35 Na yena i lo nzi neha le nyangweni ya le nwalungu: na yena i lo ringanisa yona kukotisa hi ka loku kuringanisa;
- 36 Ni matsawu ya kona, ni timhinga ta kona, ni wugungo ga kona; ni laho ku wa hi ni mawoni ma renzelekeleko; ni kunabalata ku wa nklanu manharu makume a mikono, ni kuanama makume mambiri ni nklanu a mikono.
- 37 Ni timhinga ta kona ti wa komamile a hubye ya le handle; ni sinya ya cinzu yi wa hehla ka timhinga ta kona, a ka legi klelo, ni ka lego klelo: ni wukanziyo ga kona ku wa nklanu ni zinharu zikanziyelo.
- 38 Ni tsawu zinwe ni libati la kona li wa hi timhingeni le tinyangweni: laho bona ba lo hlaza a munyikelo wa kuhiswa.
- 39 Ni le wuengenweni ga nyangwa ku wa hi kona a timeza timbiri a ka legi klelo, ni timeza timbiri a ka lego klelo, ku dayela laho a munyikelo wa kuhiswa ni munyikelo wa kuonha ni munyikelo wa zibambuko.
- 40 Hi ka giwani a klelo hi lahandle. kwatsi hi lezi a mawani a yako le wuengenweni ga nyangwa hi ngomama ni nwalungu, ku wa hi ni timeza timbiri; ni ka giwani a klelo lego, gi longolokako gi hi ga mole wa nyangwa, ku wa hi ni timeza timbiri.
- 41 Mune wa timeza ti wa hi ka legi klelo, ni mune wa timeza ti wa hi ka lego klelo, hi le klelwani ga nyangwa; nklanu ni tinharu a timeza, hehla ka tona ba klabelako a mipahlelo.
- 42 Ni laho ku wa hi ni mune wa timeza ta munyikelo wa kuhiswa, ta maribye ma bakilileweko, i kono ni kihlanya a ku nabalata, i kono ni kihlanya a kuanama, ni kono mune a kuklakuka; laho ka tona bona ba klatekako a njokomba leyo ba dayako ha yona a munyikelo wa kuhiswa ni mupahlelo.
- 43 Ni tiobe ku wa hi a pama wa canja kunabalata, zi wa hayekilwe zi ranzela kwalomo: ni hehla ka timeza ku wa hi kona a nyama ya nzhiho.
- 44 Na hi lahandle ka nyangwa ya lomo nzeni ku wa hi a matsawu ya hubyimbaleleli lomo nzeni ka hubye, leyo yi nga hi klelo ga nyangwa ya nwalungu; ni ngomama ya kona yi

- wa xungetile a dzonga ; ni yinwe hi klelo ga nyangwa ya mutsuwukagamba na yi hi ni ngomama ya nwalungu.
- 45 Na yena i te ngalo ka mina, Legi a tsawu legi a ngomama ya gona yi xungeteneko ni dzonga, gi ga bapristi, a bahlayisi ba wumbelweko hehla ka yindlu ;
- 46 Ni tsawu lego a ngomama ya kona yi xungetileko a nwalungu ga bapristi, bahlayisi ba wumbelweko hehla ka alati : laba hi barisanyana ba ka Zadoke, labo hi xikari ka barisanyana ba ka Levi ba lota kusuhani a ka Jehova a ku ta kozela a ka yena.
- 47 Na yena i lo ringanisa a hubye i zana ga mikono a kunabalata, ni zana ga mikono a kuanama, mune wa makuzu ; ni alati gi wa hi mahlweni ka yindlu.
- 48 Zonake i lo nzi neha le nyangweni ya yindlu, i lo ringanisa a mbinga hi yinwe ni yinwe ya nyangwa, nklanu wa mikono a ka legi klelo, ni nklanu wa mikono a ka lego klelo : ni kuanama ka mikono ku wa hi minharu a ka legi klelo, ni mikono minharu a ka lego klelo.
- 49 Ni kunabalata ka wuengeno ku wa hi makume mambiri a mikono, kuanama ku wa kume ni munwe a mikono ; kona laha wukanziweni lego ba kanziyako ha gona a ka kona : ni laho ku wa hi a timbinga hi laha timhanzeni, a yinwe a ka legi klelo, ni yinwani a ka lego klelo.

XIPIMO 41.

- 1 Na yena i lo neha mina lomo tempeleni, ni ku ringanisa a timhanze, nklanu ni munwe a mikono hi ka klelo ginwe, nklanu ni munwe a mikono hi ka ginwani a klelo, lego gi nga wa hi kuanama ka tabernakele.
- 2 Ni kuanama ka wuengeno ku wa hi kume ga mikono ; ni klelo ginwani ga wuengeno ku wa hi nklanu wa mikono a ka ginwe klelo, ni nklanu wa mikono a ka ginwani klelo : a xiringaniso xa kunabalata ka kona, ku wa hi mune makume a mikono, ni kuanama makume mambiri ya mikono.
- 3 Zonake i lo engena lomo nzeni, i lo ringanisa yonkle a timhanze ta wuengeno, ku wa hi mikono mimbiri ; ni wuengeno, nklanu ni munwe miko-

- no ; ni kuanama ka wuengeno, ku wa hi nklanu ni mimbiri a mikono.
- 4 Na yena i lo ringanisa a kunabalata ka kona, makume mambiri a mikono, ni kuanama, makume mambiri a mikono, a mahlweni ka tempele : na yena i te ngalo ka mina, Legi hi wutsamo lego gi hunzeleleko a kubasa.
- 5 Zonake yena i lo ringanisa a ligingisi la yindlu, ku wa hi nklanu ni munwe a mikono ; kuanama ka maklelo wonklelele ku wa hi matsawu, mune wa mikono, yi renzekeleko wonklelele a maklelo.
- 6 Ni maklelo ya matsawu ma hi ni wukumbi, ginwe gi xungetene ni ginwani, ma wa hi makume manharu hi lixaxa ; na gona gi lo engena a ka yindlu leyo yi longolokileko yi hi ya maklelo ya matsawu marenzelekeleko, kasi ma fela ku weletela laho, ma wa nga wetelangi lomo ligingisini la yindlu.
- 7 Ni maklelo ya matsawu ma wa kuanama kotalezi maranzelekelako ma klakuka hi ku klakuka ; hakuba a kurenzeleka ka yindlu ku wa ku klakuka ni ku klakuka, ku ranzela a yindlu ; zingaho a kuanama ka yindlu ku wa simamisa le hehla ; na zingaho a munwe i wa kuya hi laha ndlwini ya lahasi nguvu a ka lego gi hunzeleleko a ku klakuka a tsawu ga laha xikari.
- 8 Nzi lo wona lezaku a yindlu kambe yi klakukile a tsako ga yona gi renzelekeleko : ni ziseketelo za maklelo ya matsawu zi wa hi za tihlanga ti teleko za nklanu ni munwe a mikono ya hombe.
- 9 Ni dzibisiselo wa ligingiši, loko ku wa hi ka maklelo ya matsawu, hi laha klelweni ga lahandle, ku wa hi nklanu wa mikono ; loko ku nga wa sele ku wa hi wutsamo ga maklelo ya matsawu ma longolokileko ma hi ya yindlu.
- 10 Ni xikari ka matsawu ku wa hi ni kuanama ka makume mambiri a mikono ku renzelekeleko a yindlu hi maklelo wonkle.
- 11 Ni tibati leto ti nga wa hi maklelweni ya matsawu ti wa komamile a wutsamo lego gi nga wa siyilwe, a libati linwe ngomama ni nwalungu, ni linwani a libati ngomama ni dzonga : ni kuanama ka wutsamo lego gi nga wa siyilwe nklanu wa mikono yi ranzeleko.

- 12 Ni yindlu leyo yi nga wa hi mahlweni ka wutsamo gi abanyiseneko laha khlweni hi ngomama ni mulhwagambo ku wa nklanu ni mambiri a makume a mikono a kuana; ni kurisi ga yindlu gi wa hi nklanu wa mikono a kudziba kurenzeleka, kunabalata ka kona i nklanu ni mune makume,
- 13 Zingaho yena i lo ringanisa a yindlu, ku wa hi zana ga mikono a kunabalata; ni wutsamo gi abanyiselweko, ni yindlu, zinawe ni kurisi ga kona, ku wa hi zana ga mikono a kunabalata;
- 14 Kambe a ku anama ka ngohe ya yindlu, ni ka wutsamo gi abanyiseneko hi ngomama ni mutsuwukagambo, i zana ga mikono.
- 15 Na yena i lo ringanisa a kunabalata ka yindlu mahlweni ka wutsamo gi abanyiseneko lego gi nga wa le makutini ka kona, ni wulotro ga koka hi legi klelo na hi ka lego klelo, ku wa hi zana ga mikono; ni lomo nzeni ka tempele, ni tinyangwa ta hubye;
- 16 Ni mimole, ni mawoni ma valilweko, ni wulotro gi renzelekeleko, lomo wukumbini ga kona gi nharu, hehla a xungetano ni wuengeno, ku lotrilweko hi tibakwa ti renzelekeleko, kusekela liranzebyeni ku kalakuya mawonini (makunu a mawoni ma kubunyetilwe),
- 17 A ka mole hehla ka libati, kona lomo nzeni ka yindlu yi xikari, ni lhandle, hi ka lonkle a ligingisi le renzelekeleko lomo nzeni ni handle ku wa hi xiringaniso.
- 18 Na kona ku wa mahlwe hi cerubima ni tisinnya ta micinzu; ni sinyaya cinzu yi wa hi xikari ka cerubi ni cerubi, ni wonklelele macerubima ma wa hi ni tingohe timbiri;
- 19 Zingaho laho ku wa hi kona a ngohe ya munhu yi komamileko a sinyaya cinzu hi ka klelo ginawe, ni ngohe ya ngagana yiswa yi komamileko a sinyaya cinzu hi ka ginwani klelo. Zakungahi ku wa la ku mahiwa ku tsemakanya wonkle a maklelo ya yindlu ku renzeleka.
- 20 Kusukela liranzebyeni hi le hehla ka libati ku wa hi ni cerubima ni tisinnya ta cinzu yi wa lo mahwa; zakungahi ku wa hi ligingisi la tempele.
- 21 Na kwatsi hi tempele, a timhanze ta libati ti wa ecelwe: na kwatsi hi

ngohe ya yindlu ya kubasa, kuwoneka ka yona ku wa ku kwatsi kuwoneka ka tempele.

- 22 A alati gi wa ga tihunyi, minharu a mikono kuklakuka, kunabalata ku wa hi mikono mimbiri; ni magumo ya kona, ni kunabalata ka kona, ni kurisi ga kona, si wa hi za tinhi: yena i te ngalo ka mina, Zakungahi a meza leyo yi na nga mahlweni ka Jehova.
- 23 A tempele ni yindlu ya kubasa si wa hi ni tibati timbiri.
- 24 Ni tibati ti wa hi ta patswa li hi linawe, a patswa wu hunzulukako: ni patswa wu wa hi wa libati linawe, ni patswa wu wa hi wa linwani.
- 25 Ni laho ku wa mahlwe a ka tona, tibatini ta tempele, a cerubima ni tisinnya ta micinzu, kwatsi hi leti ti mahlweko lomo ligingisini; ni laho ku wa hi kona a wuengeno ga hehla ka ngohe ya nyangwa ya handle.
- 26 Ni laho ku wa kubunyetilwe a mawoni ni tisinnya ta micinzu hi ka klelo ginwe ni ka ginwani klelo, a khlweni ga nyangwa: zakungahi ku wa hi klelo ga matsawu ya yindlu, ni wuengeno.

XIPIMO 42.

- 1 Zonake yena i lo nzi neha le handle ka hubye, ni ndlela ya ngomama ni nwalungu: na yena i lo nzi neha le tsawini lego gi komameneko a wutsamo gi abanyiseneko, lego gi nga wa hi le hehla ka xungetana ni yindlu a ngomama ni nwalungu.
- 2 Mahlweni ka wunabalato ga zana ga mikono ku wa hi libati la nwalungu, ni kuanama ku wa nklanu wa makume mikono.
- 3 Hi xungetano ni makume mambiri ya mikono leyo yi na nga ya hubye ya lomo nzeni ni xungetano ni wulotro lego gi na nga ga hubye ya lhandle, ku wa hi wulotro gi nga wa xungetene ni wulotro lomo ndlwini ya wunharu.
- 4 Na hi mahlweni ka matsawu ma se kuba a wufambo ga kume ga mikono kuanama lomo nzeni, a ndlela ya kono muzwe; ni tibati ta wona ti wa cuwukile nwalungu.
- 5 Makunu a matsawu ya le hehla ma wa komile; hakuba a wulotro gi wa susilwe ka laya, ku hunza lahasi ni lomo xikari nzeni, lomo ndlwini.

- 6 Hakuba wona ma wa hi wukumbini ginharu, wona ma nga wa hi na timbinga kwatsi timbinga ta hubye; hikwalaho le hehla nguvu ku wa kanyilwe ku hunza lahasi ni laha xikari ka misaba.
- 7 Ni kurisi lego gi nga wa hi lahandle hi klelo ga matsawu, hi ngomama ya hubye ya lahandle mahlweni ka matsawu, a kunabalata ka kona ku wa hi nklanu wa makume mikono.
- 8 Hakuba a kunabalata ka matsawu lawo ma nga wa hi hubyeni ya lahandle ma wa hi nklanu wa makume a mikono; ni, mangabye, hi mahlweni ka tempeli ku wa hi zana ga mikono.
- 9 Kusuka hi lahasi ka laya a matsawu ku wa hi ni wuengeno ga klelo le ga mutsuwukagambo, kwatsi hilezi a munwe a fambako ka wona hi le hubyeni ya le handle.
- 10 A ka dzibiselelo wa kurisi lego gi komamileko a mutsuwukagambo, a mahlweni ka wutsamo gi abanyiseneke, ni mahlweni ka yindlu, laho ku wa hi kona a matsawu.
- 11 Ni ndlela a mahlweni wa ka wona yi wa fanana ni ndlela ya matsawu lawo ma nga wa komamile le nwalungu; ku kotisa hi ka kunabalata ka wona zi wa ngaho ni kuanama ka wona: gonkle a wuhumo ga kona gi wa hi kukotisa hi mabombela ya kona, ni kukotisa hi ka tibati ta kona.
- 12 Ni kukotisa hi ka tibati ta matsawu leto ti komamileko le dzongeni ku wa hi kona a libati le hlokweni ya ndlela, yona a ndlela yi nga la su gwirigwiri hi mahlweni ka kurisi gi komamakomutsuwukagambo, kwatsi a munwe a engenako a ka wona.
- 13 Zonake i lo wula ka mina, A matsawu ya nwalungu ni matsawu ya dzonga, lawo ma na nga mahlweni ka matsawu ma abanyiseneke, wona ma hi matsawu ma basileko, lawo a bapristi laho ba na nga kusuhani na Nungungulu ba ta gela kona a zilo zi hunzelele a kuabasa: leyo bona ba ta beka a zilo zi hunzeleleko a kubasa, ni munyikelo wa tinzhoho, ni munyikelo wa xionho, ni munyikelo wa zihambuko; hakuba a wutsamo gi basile.
- 14 Ni laha a bapristi ba engenako, zonake bona ba nga ta hume le wutsawweni ga kubasa a kuya le hubyeni ya le handle, kanilezi laho ba ta beka a tinguwo tabye laho ba nga wa ka-

ri ba kozela; hakuba tona ti basile: na bona ba ta ambala a tinwani a tinguwo, ba ta tsinela a ka lezo zi nga za banhu.

- 15 Makunu laha na i mahile a kugumelwa a kuringanisa lomo nzeni ka yindlu, i lo neha mina hi laha ndleleni ya nyangwa leyo a xungetano yi komamileko le mutsuwukagambo, i lo ringanisa yona a renzelekela.
- 16 Yena i lo ringanisa le klelweni ga mutsuwukagambo hi lihlanga la kuringanisa ku wa hi nklanu wa mazana a tihlanga, hi lihlanga la kuringanisa kurenzelekela.
- 17 Yena i lo ringanisa le klelweni ga nwalungu i nklanu wa mazana a tihlanga hi kuringanisa ka lihlanga li renzeleka.
- 18 Yena i lo ringanisa hi klelo ga dzonga nklanu wa mazana tihlanga hi kuringanisa ka lihlanga.
- 19 Yena i lo renzeleka le klelweni ga muhlwagambo, i ringanisa a nklanu wa mazana a tihlanga hi kuringanisa ka lihlanga.
- 20 Yena i lo ringanisa kona lomo muneni wa maklelo; kona ku wa hi ni kurisi, a kunabalata nklanu wa mazana, ni kuanama nklanu wa mazana a ku maha a abanyiselelo xikari ka lezi zi basileko ni zi na nga nyalidede.

XIPIMO 43.

- 1 A nzako kalezo yena i lo neha mina le nyangweni, yona a nyangwa leyo cuwukako a ngomama ni mutsuwukagambo.
- 2 Ni, languta, a wukosi ga Nungungulu wa ka Israeli gi lota hi ndlela ya mutsuwukagambo; ni gezu ga yena gi zwala kwatsi mamati yo tala; ni misaba yi lo woningwa hi wukosi ga yena.
- 3 Kona ku wa wonaka kukotisa a muwoniso lowo nzi wu wonileko, kukotisa a muwoniso lowo nzi wu wonileko laha mina nzi nga ta kulobisa a muti; a muwoniso wu wa ku kwatsi hi lowo nzi wu wonileko hi le congweni wa Cebare; na mina nzi lowa hi ngohe ya mina.
- 4 Ni wukosi ga ka Jehova gi lota lomo ndlwini hi le ndleleni ya nyangwa leyo a ngomama ya yona yi cuwukileko le mutsuwukagambo.
- 5 Ni Moya wu lo teka mina hehla, wu

- lo neha mina lomo hubyeni ya lomo nzeni; ni, languta, ni wukosi ga ka Jehova gi wa lo tatisa a yindlu.
- 6 Nzi lozwa a munwe a nga wula-wula a ka mina hi le handle ka yindlu ni munhu i wa lo yima hi laba ka mina.
- 7 Na yena i te ngalo ka mina, Nisanyana wa munhu, legi hi wutsamo ga mina ga xitsamo xa wukosi, ni wutsamo ga zirenze za mikonzo ya mina, laho nzi ta nga tsama xikari ka banana ba ka Israeli kala kupinzuka. Ni banana ba ka Israeli ba nga ta ha engeta kambe ba uyenyezisa a bito ga mina go basa, ge bona, hambu ni tihosi tabye, hi wubayi gabye, na hi zirumbi za tihosi tabye a wutsanweni gi klakukileko;
- 8 A kubekeni kabye a wuengeno lomo wuengenweni ga mina, a timhanze tabye ta tibati a klelweni ga timhanze ta mina ta tibati, ni laho ku wa hi ni ligingi xikari ka mina na bona; na bona ba nyenyezisile a bito ga mina hi manyalafaniso yabye lawo ba ma mahileko: hikwalaho nzi lobisile bona a zangeni ya mina.
- 9 Makunu nga bona ba hoxa a wubayi gabye, ni zirumbi za tihosi tabye, kule ka mina; na mina nzi ta aka xikari kabye kala kupinzuka.
- 10 Wena, nisanyana wa munhu, kombisa a yindlu a ka yindlu ya ka Israeli, kasi bona ba fela ku telwa a tingana hi zigoho zabye; na nga bona ba ringanisa a mufananiso.
- 11 Loku bona ba telwa hi tingana hi ka zonkle lezo ba mahileko, tibekisa a ka bona a xiyimo xa yindlu, ni kubombisa ka yona, ni zihuma za yona, ni wuengeno ga yona, ni zonkle a ziyimo za yona, ni zonkle a zixaxamelelo za yona, ni zonkle a ziyimo za kona, ni yonkle a milawo ya kona; ni kutsala kona kuwoneni kabye; kasi bona ba fela ku hlalisa a dzumba ga kona gonkle, ni zonkle a zixaxametelo za kona ni ku maha zona.
- 12 Lowu hi nayo wa yindlu: hehla ka xixungwe xa xitsunga a wugungo ga kona gonkle gi hi a wutsamo gi hunzeleleko a kubasa. Languta, lowu hi nayo wa yindlu.
- 13 Ni lezi hi ziringaniso za alati hi mikono (a kono wu hi kono hi kuanama ka pamo wa canja): ni lahasi ku ta kuba a kono, ni kuanama i kono, ni mbingano wa kona hi wusenzo ga kona gi renzelekele a mipama mimbiri; ni lexi ku ta kuba a tsako ga alati.
- 14 Kusukela le tsakweni kuya hehla ka liranza bya kuya milonwini ya lahasi ku ta kuba a mikono mimbiri, kuanama i kono munwe; ni kusukela le milonwini yi tsongwani kuya milonwini ya hombe mune wa mikono, ni kuanama i kono.
- 15 Nialati ga le hehla gi ta kuba mune wa mikono; ku sukela xikari ka alati kuya hehla laho ku ta kuba mune wa timhonzo.
- 16 A xikumbari xa alati xi ta kuba kume ni mimbiri a mikono a kunabalata hi kume ni kumbiri a kuanama, kucene lomo maklelweni ya kona.
- 17 Ni wusenzo gi ta kuba kume ni mune a mikono a kunabalata hi kume ni mune a kuanama lomo muneni wa marebe ya kona; ni mbingano wa kona wu ta kuba a kihlanya ga kono; ni tsako ga kona gi ta kuba a kono kurenzeleka; ni wukanziyo ga kona gi ta cuwuka a ngomama ni mutsuwukagambo.
- 18 Na yena i te ngalo ka mina, Nisanyana wa munhu, zakungahi a wulako a Hosi Jehova: Loku hi zixaxameto za alati a siku lego ba ta maha gona, a ku nyikela a munyikelo wo hiswa a ka gona, ni kunwatsekele a nkata ya gona.
- 19 Zakungahi u ta nga nyika a bapristi ba Levi labo ba na ba ka mbewu ya ka Zadoke, labo ba nga kusuhani a ka mina, a kukozela a ka mina, kuwula a Hosi Jehova, a honwana yiswa ya munyikelo wa kuonha.
- 20 Na wena u ta teka a nkata wa kona, u beka lomo ka munc wa timhonzo ta kona, ni lomo muneni wa magumo ya senzo, ni hehla ka mbingano wu renzelekeleko: zakungahi wena u ta nga basisa gona ni ku maha a nzhiho hehla ka gona.
- 21 Wena kambe u ta teka a honwana ya munyikelo wa xionho, yona yi ta hiselwa lomo wutsanweni gi kombisilweko ga yindlu, le handle ka yindlu ya kubasa.
- 22 Hii ka siku ga mambiri wena u ta nyikela a mhongo yi nga hiko na bala ya munyikelo wa kuonha; na bona ba ta basisa alati, kwatsi hilezi ba basisileko gona hi honwana.
- 23 Laha na u mahile a kugumelwa ka kubasisa gona, na wena u ta nyikela

a honwana yiswa yi nga hiko na bala. ni hamba ya le klambini yi nga hiko na bala.

- 24 Na wena u ta neha zona kusahani a mahlweni ka Jehova, ni bapristi ba ta lunga a munyu hehla ka zona na bona ba ta nyikela zona a kuba munyikelo wa kuhiswa a ka Jehova.
- 25 Nkalanu ni mambiri masiku wena u ta longisela wonklelele masiku a mbuti ya munyikelo wa kuonha: bona kambe ba ta longisela a honwana yiswa, ni hamba ya klambi, zi nga hiko na bala.
- 26 Nkalanu ni mambiri a masiku bona ba ta maha a nzhiho wa alati, ba ta basisa gona: zingaho lezo kasi bona ba nyikelelisisa gona.
- 27 Ni laha bona ba ta nga ba mbetisile a masiku, ku ta kuba lezo hi siku ga nkalanu ni manharu, ni kukomama mahlweni, a bapristi ba ta maha a minyikelo ya nwina ya kuhiswa hehla ka alati, ni minyikelo ya nwina ya kurula; na mina nzi ta amukela nwina ku wula a Hosi Jehova.

XIPIMO 44.

- 1 Zonake i lo nzi klelisa hi ndlela ya lahandle ya yindlu ya kubasa, leyo yi cuwukako a ngomama ni mutsuwukagambo; na yona yi wa valiwe.
- 2 Na Jehova i wa te ngalo ka mina, Leyi a nyangwa yi ta valiwa; yi nga ta vululwa, ge ni munhu a nga ta engena ha yona; hakuba Jehova, a Nungungulu wa ka Israeli, i engenile ha yona; hikwalaho yona yi ta valiwa.
- 3 Kwatsi hi hosana, yena i ta tsama laho kwatsi i hosana a kuga zibaba mahlweni ka Jehova; yena i ta engena hi ndlela ya wuengeno ga nyangwa, i ta huma hi ywaleyo andlela.
- 4 Zonake i lo nzi neha hi ndlela ya nyangwa ya nwalungu ya mahlweni ka yindlu; na nzi lo cuwuka, ni languta, a wukosi ga Jehova gi lo tatisa a yindlu ya ka Jehova: nanzi lo kuwa hi ngohe ya mina.
- 5 Na Jehova i te ngalo ka mina, Nisanyana wa munhu, cuwuka kwatsi, languta hi mahlo ya wena, ni kuzwa hi tindlebe ta wena zonkle lezo nzi ta nga wula a ka wena hi xungetano ni zixaxametelo za yindlu ya ka Jehova, ni milawo ya kona; ni ceta

kota a wuengeno ga yindlu, kuhuma konkle ka yindlu ya kubasa.

- 6 Na wena u ta ku ngalo a ka bahlubuki, bona ka yindlu ya ka Israeli, Zakungahi a wulako a Hosi Jehova: O nwina yindlu ya ka Israeli, nga kona ku enelisa nwina hi manyalataniselo ya nwina,
- 7 A ka lezo nwina mu engenisile a bamatiko, a ba nga hi ko zitsiba hi lomo mbilwini ni ba nga hiko zitsiba hi lomo mirini, a kuba ba hi lomo ndlwini ya kubasa ya mina, a ku nyenyezisa yona, yona a yindlu ya mina, laha na nwina na mu nyikela a zibaba za mina, ni mafura, ni ukata, na bona ba tsobile a xivumelwano xa mina, a ku engetela a wonkle manyalataniso ya nwina.
- 8 Na nwina a mu hlaysangi a milawo ya zilo za mina za kubasa; kanilezi mu bekile a bahlayisi ba milawo ya mina lomo ndlwini ya mina ya kubasa, ba hi ba wutsumbu ga nwina.
- 9 Zakungahi a wulako a Hosi Jehova, A nga ta kuba kona a wa matiko, a nga hi ko xitsiba hi mbilu na a nga hiko xitsiba hi ka nyama, a ta nga engena lomo ndlwini ya kubasa ya mina, ni ka wihi a wa matiko loye a na nga lomo xikari ka banana ba ka Israeli.
- 10 Kanilezi a ba ka Levi labo ba fambile kule na mina, laha Israeli a nga wa pengile, labo ba nga penga a ka mina ba lanzela a zifananiso zabye, na bona ba ta rwala a kugoha kabye.
- 11 Kasike bonawu ba ta kuba a zikozeli lomo ndlwini ya kubasa ya mina, ba wumbelwa a wuwoneli le tinyangweni ta yindlu, ni kukozela lomo ndlwini: bona ba ta daya a munyikelo wa hiswa ni mupahilelo wa banhu, na bona ba ta yima mahlweni ka bona a kukozela a ka mina.
- 12 Hakuba bona ba koele a ka bona mahlweni ka zifananiso zabye, ni ku maha a xiboxiretemukisako xa xigoho a ka yindlu ya ka Israeli; hikwalaho nzi klakusile a canja ga mina nzi vukela bona, ku wula a Hosi Jehova, na bona ba ta rwala a kugoha kabye.
- 13 Bona ba nga tata kusahani a ka mina, ni ku ta maha a xikundla ya wupristi a ka mina, ge ni ku tsinela kusahani ni ka zihhi zilo za kubasa za mina a ka zilo lezo zi hunzeleleko a kubasa; kanilezi bona ba ta rwala a

- tingana tabye, ni manyalataniso ya-
bye lawo bona ba ma mahileko.
- 14 Kasike nzi ta maha bona a bahlayisi
ba yindlu, a ka yonkle a kozo ya bo-
na, ni ka zonkle lezo zi ta nga mahe-
ka lomo.
- 15 Kanilezi a bapristi a ba ka Levi, a
barisanyana ba ka Zadoke, labo ba
hlaysileko a zilayelo za yindlu ya mi-
na ya kubasa, laha a banana ba ka
Israeli ba nga wa hambukile a ka
mina, bona ba ta tsinela a ka mina a
kuta kozela a ka mina; na bona ba
ta yima mahlweni ka mina a ku ta
nyikela a ka mina a mafura ni nkata,
ku wula a Hosi Jehova:
- 16 Bona ba ta engena lomo ndlwini ya
kubasa ya mina, ba ta tsinela kusu-
hani ni meza ya mina, a kuta kozela
a ka mina, bata hlaysia a zilayelo za
mina.
- 17 Na kona kuba ka lezo, laha ba ta
engena le nyangweni ya hubye ya
lomo nzeni, ba ta ambala a tinguwo
ta wukene; ge ni woya gi nga tata
hehla ka bona, laha ba kokeleko lo-
mo tiyangweni ta hubye ya lomo
nzeni, ni lomo nzeni.
- 18 Na bona ba ta kuba ni wukene gi
bohileko lomo tihlokweni tabye, ba
ta kuba ni mabuluku ya wukene lo-
mo ziwunwini tabye; bona ba ta nga
boha a wutsumbu gabye kani hi xihl-
lexo xi mahako a kudzunuka.
- 19 Ni laha ba humako le hubyeni ya la
handle, kwaleyo hubyeni le handle a
ka banhu, ba susa a tinguwo tabye
leto ba kozelako ha tona, ni kubeka
tona lomo tsaweni ga tona ga kuba-
sa; ba ta ambala a tinguwo tiwane
kasi bona ba fela ku kala ba nga ba-
sisi banhu hi tinguwo tabye.
- 20 Ge bona ba nga ta cinga a tihloko
tabye, ge ni kuvumela a misisi tabye
a kukuba yi leha; ba ta su kaya a
misisi ya tihloko tabye.
- 21 Ge ni muawe wa bapristi a kunwa
a waini, laha bona ba engenako lomo
hubyeni ya lomo nzeni.
- 22 Ge bona ba ga ta teka a kuba sati
tabye a noni, ge ni loye a hlengoli-
lweko; kanilezi ba ta teka a mibulwa
ya mbewu ya ka yindlu ya ka Isra-
eli, ni noni leyo yi nga noni ya mu-
pristi.
- 23 Na ba ta gonzisa a banhu ba mina a
ku hambana ka za kubasa ni za nva-
lilede, ni ku maha a ku tiba a zibi ni
za ku hlazeka.
- 24 Ku ta ku lala ka kanetaselelo ba ta
yima a kulamula; kukotisa hi ka zi-
xaxametelelo za mina bona ba ta la-
mula kona: na ba ta hlaysia a nawo
wa mina ni zilayelo za mina a ka yo-
nkle a mibuzo ya mina yi yimisi-
lweko; ba hlaysia a masabado ya
mina.
- 25 Bona ba nga ta engena ka xirumbi a
kunyenezisa a wutsumbu gabye;
kanilezi ka dadani, ni ka mamani, ni
ka nisanyana, ni uhanyana, a ka ma-
kabye, kutani a ka makweru, loye a
nga hiko ni nuna, bona ba nga nye-
nezisa a wutsumbu gabye.
- 26 Ni nzako ka kuba yena a ti basisile,
i ta ti hlaysia a ka yena nkalanu ni
mambiri a masiku.
- 27 Ni ka siku lego yena a yako lomo
ndlwini ya kubasa, lomo hubyeni ya
lomo nzeni a kuya kozela lomo
ndlwini ya kubasa i ta nyikela a mu-
nyikelo wa xionho ku wula a Hosi
Jehova.
- 28 Na bona ba ta kuba ni tsomba: na
mina nzi mina tsomba tabye; na nwi
na mu nga ta nyika bona ni tsomba
lomo ka Israeli; mina nzi mina a
tsomba tabye.
- 29 Na bona ba ta kuga a munyikelo wa
tinzho, ni munyikelo wa xionho,
ni munyikelo wa zihambuko; zonkle
a zilo za kunyikelwa lomo ka Israeli
zi ta kuba za bona.
- 30 A kuranga ka zonkle a mbanzo wa
kuranga wa zonklelelelo zilo, wa zo-
nkle zinyikiwo za zilo zonkle za nwi-
na, zi ta kuba za bapristi: na nwi-
na mu ta nyika a bapristi a ranguleliso
wa mapa ya nwi, a ku maha a zi-
katekiso a kuzumba lomo ndlwini
ya wena.
- 31 A mupristi a nga ta kuga ni ka xihl-
lexo xi ti feleko ha xoce, kutani xi
tobyilweko, ka xinyanyani kutani
xihari.
- XIPIMO 45.**
- 1 Klatakumbiri, laha mu ta abanyi-
sa hi hlolo a tiko a ku gi fumela, mu
ta nyikelo a munyikelo a ka Jehova.
a xiabelo xa kubasa xa tiko, a kuma-
balata ku ta kuba a makume na
mbiri ni nkalanu a kume ga mazana
tihlanga, ni kuanama ku ta kuba a
kume ga kume ga mazana: gona gi
ta basa lomo mbinganweni wu ra-
nzeleko gona.
- 2 A ka legi ku ta kuba a wutsumbu ga

XIPIMO 45.

- 1 **Klatakumbiri, laha mu ta ahanyi-**
 sa hi hlolo a tiko a ku gi fumela, mu
 ta nyikelo a munyikelo a ka Jehova.
 a xiabelo xa kubasa xa tiko, a kuma-
 balata ku ta kuba a makume ma-
 mbiri ni nklanu a kume ga mazana a
 tihlanga, ni kuanama ku ta kuba a
 kume ga kume ga mazana : gona gi
 ta basa lomo mbinganweni wu ra-
 nzeleko gona.
- 2 **A ka legi ku ta kuba a wutsamo ga**

- kubasa nklanu wa mazana kunabalata hi nklanu wa mazana a kuanama ku hi timbara tiranzeleko; ku hi nklanu wa makume a mikono ba ranzeleko.
- 3 A ka loku a kuringanisa wena u ta ringanisa makume mambiri ni nklanu a kume ga mazana, i kuanama ka kume ga mazana; na kona ku ta kuba ka yindlu ya kubasa, loko ku hunzeleleko kubasa.
- 4 Kona xiabelo xa kubasa xa tiko; kona ku ta kuba ka bapristi, a zikozeli za loko kubasileko, labo ba tsinelako a kukozela a ka Jehova; kona ku ta kuba a wutsamo ga tindlu tabye, a wutsamo ga ku basa ga yindlu ya kubasa.
- 5 Ku hi makume mambiri ni nklanu a kume ga mazana a kunabalata, i kume ga kume ga mazana a kuanama, ku ta kuba a ka ba Levi a zikozeli za yindlu, a kuba a tsomba ya wutsumbu gabye, ga makume mambiri ya matsawu.
- 6 Na nwina mu ta hlawula a wutsamo ga muti nklanu wa mazana a kuanama, makume mambiri ni nklanu a kunabalata, ku gamekene ni klelo ga munyikelo wa xiabelo xa kubasa: kona ku ta kuba ka yindlu yonkle ya ka Israeli.
- 7 Kani hiyini lexi xi nga xa hosana xi ta kuba a ka ginwe klelo a ka ginwani a klelo ga munyikelo wa kubasa, ni ka fumelo ga muti, a mahlweni ka munyikelo wa kubasa ni mahlweni ka fumelo ga muti, hi klelo ga muhlwa gambo ngomama ni mahlwagambo, hi klelo ga mutsuwukagambo a ngomama ni mutsuwukagambo, hi kunabalata ku hlumulako a xinwe xa xiabelo, ku sukela le mbinganweni mahlwagambo ni le mbinganweni ni mutsuwukagambo.
- 8 Lomo tikweni ku ta kuba a tsomba lomo ka Israeli: ni tihosana ta mina ti nga ta ha tsimbeketa a banhu ba mina kambe; kanilezi bona ba ta nyika a tiko a ka yindlu ya ka Israeli; kukotisa ki ka tixaka tabye.
- 9 Zakungahi a wulako a Hosi Jehova: Nga kona ku enelisa nwina, O tihosana ta yindlu ya ka Israeli: susani a kupanga ni kuwukla, tsanzani a nongametiso ni kululamisisa; susani a timbiti ta nwina le banhwini ba mina, ku wula a Hosi Jehova.
- 10 Nwina mu ta kuba ni xiringaniso xinene, ni efa yatsi, ni wuhlambo gatsi.
- 11 A efa ni bate yi ta kuba a xiringaniso xinwe, kasi a bate gi kangatela a xipanze xa wukume xa homa, ni efa a xipanze xa wakume xa homa; a xiringaniso xa kona xi ta kotisa a homa.
- 12 Ni xekeli gi ta kuba a makume mambiri ya magera; a makume mambiri maxekeli, makume mambiri ni nklanu maxekeli, ni kume ni klanu maxekeli, ku ta kuba a mane ya nwina.
- 13 Lowu hi munyikelo lowu nwina mu ta nga nyikela: a xipanze xa wunklanu ni xinwe xa efa xa humako hi lomo homeni ya mabele; na nwina mu ta nyika a xipanze xa wunklanu ni xinwe hi le ka homa ya barle;
- 14 Ni xipanze yi longisilweko xa mafura, xa bate ga mafura, a xipanze xa kume xa mafura ya kore, lexo xi na nga kume ga mabate, yona a homa (hakuba a kume ga mabate i homa);
- 15 Ni ivana yinwe ya klambi, yi humaka mazana mambiri, hi le wuriselo gitsakamisilweko kwatsi lomo ka Israeli;—akuba a munyikelo wa tinzhoho, ni munyikelo wa kuhiswa, ni minyikelo ya kurula, a ku maha a nzhiho wa bona, ku wula a Hosi Jehova.
- 16 Bonkle a banhu ba tiko ba ta nyika a munyikelo lego ka hosana lomo ka Israeli.
- 17 Kona ku ta kuba a xipanze xa hosana, a ku nyikela munyikelo wa kuhiswa, ni munyikelo wa tinzhoho, ni minyikelo ya kunwa, lomo mibuzweni, ni lomo tihwetini tiwa, ni lomo masabadweni, ni ka yonkle a mibuzo yi longisilweko ya yindlu ya ka Israeli: yena i ta longisela a munyikelo wa xionho ni munyikelo wa tinzhoho, ni munyikelo wa kuhiswa, ni minyikelo ya kurula, a ku maha a nzhiho a ka yindlu ya ka Israeli.
- 18 Zakungahi a wulako a Hosi Jehova: A ka hweti ya kuranga, a ka siku ga kuranga ga hweti, wena u ta teka a honwana yiswa yi nga hiko na bala; na wena u ta basisa yindlu ya kubasa.
- 19 Ni mupristi i ta teka a nkata wa munyikelo wa kuonha, a batseka

wona hehla ka timhanze ta libati ya yindlu, ni hehla ka mune wa maku-zu ya milomu ya alati, ni le hehla ka timhanze ta nyangwa ya hubye ya lomo nzeni.

- 20 Na zingaho wena u ta maha hi nkla-nu ni mambiri a masiku ya hweti akuba wa bonklelele labo hohetako, ni ka labo ba nga tibiko: zingaho mu ta maha a nziho wa yindlu.
- 21 A ka hweti ya kuranga, hi ka ku-me ni mune a siku ga hweti, na nwi-na mu ta kuba ni pasika, a mubuzo wa nklanu ni mambiri a masiku; a zibaba zi nga hiko na comelo zi ta giwa.
- 22 A ka lego a hosana yi ta longisela a wutsumbu ga yona ni ka banhu ba tiko bonkle a honwana ya munyike-lo wa xionho.
- 23 Hi ka siku ga nklanu ni mambiri yena i ta longisela a munyikelo wa kuhiswa a ka Jehova, nklanu ni timbiri a tihonwani ni nklanu ni timbiri a tihamba ti nga hiko na bala masiku wonkle a ka nklanu ni mam-biri a masiku; ni mhongo masiku wonklelele ya munyikelo wa ku-onha.
- 24 Na yena i ta longisela a munyikelo wa tinzhoho, ni efa ya honwana, ni efa ya hamba, ni hina ga mafura a ka efa.
- 25 A nklanu ni timbiri a tihweti, a ka siku ga kume ni nklanu ga hweti, hi ka mubuzo, i ta maha zo kota lezi nklanu ni mambiri masiku; kukoti-sa hi ka munyikelo wa xionho, ku-kotisa hi ka munyikelo wa kuhis-swa, kukotisa hi ka munyikelo wa tinzhoho, ni kukotisa hi ka mafura.

XIPIMO 46.

- 1 Zakungahi a wulako a Hosi Jeho-va: A nyangwa la hubye ya lomo nzeni leyo yi cuwukileko le mutsu-wukagambo yi ta valiwa a nklanu ni giwe a masiku ya kutira; kani-lezi hi ka siku ga sabado yi ta vulu-lwa, ni ka siku ga hweti yiwa yi ta vululwa.
- 2 Ni hosana yi ta engena hi ndlela ya nyangwa ya wuengeno ga le han-dle, i ta yima le manzeni ya nya-ngwa; ni bapristi ba ta longisela a munyikelo wa yena wa kuhiswa ni minyikelo ya yena ya kurula, na ye-na i ta kozela le moleni wa nyangwa: zonake yena i ta huma; kanilezi a

nyangwa yi nga ta valwa kala ga-mbyeni.

- 3 Ni banhu ba tiko ba ta kozela a mahlweni ka libati la nyangwa leyo ka Jehova hi masabado ni tihweti tiwa.
- 4 Ni munyikelo wa kuhiswa lowo ho-sana yi ta nga wu nyikela aka Je-hova wu ta kuba hi siku ga sabado nklanu ni yinwe tiivana ni hamba yi nga hiko na bala;
- 5 Ni munyikelo wa tinzhoho wu ta kuba efa ya hamba, ni munyikelo wa tinzhoho wa tiivana kwatsi hi lezi a zi kotako a ku nyika, ni hina ya mafura a ka efa.
- 6 A ka siku ga hweti yiwa ku ta kuba a honwana yiwa yi nga hiko bala, nklanu ni yinwe a tiivana ni hamba; zona zi ta kuba zi nga hi na bala;
- 7 Na yena i ta longisela a munyikelo wa tinzhoho, a efa ya honwana, ni efa ya hamba, hi ka tiivana kuko-tisa hi lezi a zi kotako, ni hina ya mafura a ka efa.
- 8 Ni laha a hosana yi ta nga engena, yena i ta engena hi ndlela ya wu-engeno ga nyangwa, na yena i ta huma hi ndlela ya kona.
- 9 Kanilezi laha banhu ba tiko ba ta nga ta a mahlweni ka Jehova hi xi-katini xa mibuzo yi yimisilweko, yena loye a engenako hi ndlela ya nyangwa ya le nwalungu, a ku ko-zela i ta huma hi ndlela ya nyangwa ya le dzongeni; ni loye a engenako hi ndlela ya dzonga i ta huma hi ndlela ya le nwalungu: yena a nga ta klela hi ndlela ya nyangwa leyo yena a tileko ha yona? kanilezi i ta su famba lulama mahlweni ka yena.
- 10 Ni laha a hosana, laha bona ba enge-nako, ba ta engena lomo nzeni ka bona; ni laha bona ba humako, ba ta huma katigiawe.
- 11 A mibuzweni ni le zimuseni a mu-nyikelo wa tinzhoho wu ta kuba a efa hi honwana, ni efa hi hamba, a tiivana kwatsi hilezi a zi kotako a ku nyika, ni hina ya mafura i efa.
- 12 Ni laha a hosana yi ta nga longisela a munyikelo wu klaklekileko, ni mu-nyikelo wa kuhiswa ni minyikelo ya kurula, kwatsi munyikelo wu klaklekileko a ka Jehova, a munwe i ta vululela yena a nyangwa leyo yi komamako le mutsuwukagambo; yena i ta longisela a munyikelo wa yena wa tinzhoho ni minyikelo ya

- yena ya kurula, kwatsi hilezi a malako hi siku ga sabado; zonake yena i ta huma; a nzako ka kuhuma ka yena a munwe i ta vala libati.
- 13 Na wena u ta longisela a ivana ya lembe ginwe a wukale yi nga hiko na bala akuba muniyikelo wa hiswa ka Jehova a masiku wonkhelele: a mixo hi mixo wena u, ta longisela wona.
- 14 Na wena a ta longisela a muniyikelo wa tinzhoho zinwe nayo a mixo hi mixo, a xipanze xa nkhanu ni xinwe xa efa, ni xipanze xa wunharu xa hina ya mafura, a ku kanyanga a mapa mananaselweko; a muniyikelo wa tinzhoho a ka Jehova hi kusimamisiweko a xaxameto wu nga gwukiko.
- 15 Zakungahi bona ba ta longisisa zona a ivana, ni muniyikelo wa tinzhoho, ni mafura a mixo hi mixo, a kuba muniyikelo wu simamileko wa kuhiswa.
- 16 Zakungahi a wulako a Hosi Jehova: Loku a hosana a nyika a sakwati ka wili wa barisanyana ba yena, kona ku hi tsomba ya yena, kona ku ta kuba ka barisanyana ba yena; kona i tsomba yabye hi kuyifumela.
- 17 Kanilezi loku a yena a nyika a tsomba a yakwe ka malanza kona ku ta kuba ka yena kala ka lembe ga ku khalakleka; zonake gona gi ta klela a ka hosana; kanilezi hi tsomba ya yena, yona yi ta kuba ya barisanyana ba yena.
- 18 Klatakumbiri a hosana yi nga ta teka a tsomba ya banhu, a ku hoxa bona le tsombeni yabye, i ta nyika tsomba ka barisanyana bakwe hi tsomba ya yena wutsumbu gakwe; kasi a banhu ba mina ba nga lahanga-laki le tsombeni yabye.
- 19 Zonake i lo nzi neha nzi tsemakanya a wucengeno, le gi nga wa hi le klelweni ga nyangwa, le matsawini ya kubasa ya bapristi, lawo ma nga wa komamile le nwalungu: ni, languta, laho ku wa hi ni wutsamo hi le makutini ya klelo ga le muhlwa-gambo.
- 20 Na yena i te ngalo ka mina, Legi hi wutsamo laho a bapristi ba ta nga bilisa a muniyikelo wa zihambuko ni muniyikelo wa xionho, laho ba ta bikela a muniyikelo wa tinzhoho; kasi bona ba kala ku neha zona le hubye-ni ya le handle, a kubasisa a banhu.
- 21 Zonake i lo nzi neha le hubyeni ya le

- handle, i lo nzi maha a kuhunza hi laha ka mune wa timbara ta hubye; ni, languta, ni lomo tonkhelele a timbara ta hubye ku wa hi kona a hubye.
- 22 A ka mune wa timbara ka hubye laho ku wa hi kona a tihubye ti gamekeneko, mune wa makume a mikono a kunabalata, ni makume manharu a kuanama: leti ta mune le timbareni ti wa hi ta xiringaniso xinwe.
- 23 Ni laho ku wa hi ni ligingisi li nga wa ranzele tona, mune a ka tona ti ranzeleko a mune, ni wutsamo ga kubilisa gi wa mahilwe lahasi ka makurisi gi ranzela.
- 24 Zonake i lo wula yena a ka mina, Leti hi tindlu ta kubikela, laha a mukozeli wa yindlu a ta bikela a mupahlelo wa banhu.

XIPIMO 47.

- 1 Na yena i lo klelisa mina le libatini la yindlu; ni, languta, a mamati ma humako hi lahasi ka mole wa yindlu hi ngomama ni mutsuwukagambo, (hakuba a mahlweni ka ngohe ya yindlu ku wa cuwukile le mutsuwukagambo); ni mamati ma lo relela hi kwaleyo hasi, hi le klelweni ga xinene ga yindlu, le dzongeni ga alati.
- 2 Zonake i lo humesa hi ndlela ya nyangwa ya le nwalungu, i lo ranga mina kwaleyo nyangweni ya le handle le ka nyangwa ya lehandle, hi ndlela ya nyangwa leyo yi komamako le mutsuwukagambo; ni, languta, kuna lahandle a mamati ma lo huma hi klelo ga xinene.
- 3 Laha munhu a nga huma a famba ni ngomama ni mutsuwukagambo zinwe ni ngoti a canjeni ga yena, yena i lo ringanisa a kume ga mazana mikono, i lo maha mina nzi hunza nzi tsemakanya a mamati, a mamati lawo ma nga wa hi mahla-kaleni.
- 4 Kambe yena i lo ringanisa a kume ga mazana, i lo maha a ku hunza nzi tsemakanya a mamati, a mamati lawo ma gumako lomo madzolweni. Kambe yena i lo ringanisa a kume ga mazana, i lo maha a ku hunza nzi tsemakanya a mamati, a mamati lawo ma gumako lomo ziwunwini.
- 5 A nzako ka lezo yena i lo ringanisa kume ga mazana; ku wa hi congo

wu nga hiko na ku hunzwa wu tsemakanywa; hakuba a mamati ma wa kukumukile, a mamati ya kuhlambela, a congo lowo wu nga hiko ku kuhunzwa wu tsemakanywa.

- 6 Na yena i te ngalo ka mina, Nisanyana wa munhu, wena u wonile lexi ke? Zonake yena i lo nzi neha, i lo nzi maha a klela a nzi yisa le livitini la congo.
- 7 Makunu laha nzi nga wa klelile, languta, hehla ka liviti la congo laho ku wa hi ni tisinya tinyingi a ka ginwe klelo ni ka ginwani kambe.
- 8 Zonake ku wula yena a ka mina, Laya a mamati ma buka hi le tikweni ga le mutsuwukagambo, ma ta relela maya le Araba; na wona ma ta kuya a ngomama ya bimbi; le bimbini a mamati ma ta kuya lego wona ma mahelweko a kukulungela kona; ni mamati ma ta cumiwa.
- 9 Na ku ta mahisile lezo, lezaku zonklelele a zibangwa lezo zi kaselako, a wutsanweni gonklelele laho a congo wu tako, zi ta hanya; ni laho ku ta kuba kona a xidlemo xa hombe xa zidluwani; hakuba laya a mamati mata leno, ni mamati ya bimbi ma ta cumiwa, ni zonklelele zilo zi ta hanya laha kani hikwihi a mamati ma tako.
- 10 Na ku ta mahisile lezo, laha a baringeli ba ta nga yima hi ka wona: hi le En-gedi kona leyo En-eglaima ku ta kuba a wutsamo ga ku aneka a tikoka; ni zidluwani zabye zi kotisa a tixaka ta zona, kwatsi zidluwani za bimbi ga hombe, zi tela hi hunzeletileko.
- 11 Kanilezi a wutsamo gi tsakamako ga kona, ni matiba ya kona, ma ta cumiwa; kanilezi ma ta nyikelwa a munyu.
- 12 Na hi laha congweni hehla ka liviti la kona, a ka legi klelo ni ka lego klelo, ku ta kula tonklelele a tisinya ta kuga, leto a ma'luka ya tona ma nga ta wuna, ge ni mihanzo ya kona yi nga ta tsanzeka: tona ti ta trala a mihanzo tonklelele tihweti, hakuba a mamati ya kona ma bukako hi lomo ndlwini ya kubasa; ni mihanzo ya kona yi ta kuba a kuga, ni ma'luka ya kona nja kuhanya.
- 13 Zukungahi a wulako a Hosi Jehova: Lowu ku ta kuba a mbingano,

lowo ha wona nwina mu ta a abanyisa a tiko a kuba a tsomba kukotisa hi ka kume ni timbiri a tixaka ta ka Israeli: Josefa i ta kuba ni riabelo zimbiri.

- 14 Na nwina mu ta fumela gona, a mune kwatsi hi munwani; hakuba nzi hlambanyileko a ku nyika a ka badadani ba nwina: legi tiko gi ta wela a ka nwina a kuba tsomba.
- 15 Lowu ku ta kuba a mbingano wa tiko: Hi klelo ga nwalungu, kusukela le bimbi ga hombe, hi ndlela ya le Hathloni, ku kala le wuengenweni ga le Zedade;
- 16 Hamate, Berota, Sibraime, lego gi le mbinganweni wa Damaskusi ni le ka mbingano wa le Hamate; Hazerbattikoni, lego gi nga hi le mbinganweni wa Haurani.
- 17 Ni mbingano hi le bimbini, wu ta kuba Hazar-enoni le mbinganweni wa le Damaskusi; ni le nwalungu hi ngomama ya nwalungu hi le mbinganweni wa le Hamate. Legi hi klelo ga le nwalungu.
- 18 Ni le muklelweni ga le mutsuwukagambo, xikari ka Haurani ni Damaskusi ni Gileade ni tiko ga ka Israeli, ku ta kuba a Jordani; kusukela le ka mbingano wa le nwalungu ku kala le bimbini ga le mutsuwukagambo nwina mu ta ringanisa. Legi hi klelo ga mutsuwukagambo.
- 19 Hi ka klelo ga dzonga hi ngomama ni dzonga ku ta sukela le Tamara kwatsi hi wukule ga le mamati i ya Meriboti-kadexi kala le congweneni wa le Gipite, kala le bimbi ga hombe. Legi hi klelo ga dzonga hi ngomama ni dzonga.
- 20 Ni klelo ga le mhlwagambo ku ta kuba hi bimbi ga hombe, kusukela le wuengenweni ku longoloka ku kwatsi mbukule ga le Hamate. Legi hi klelo ga mhlwagambo.
- 21 Zingaho nwina mu ta abanyisa legi a tiko a ka nwina kukotisa hi ka tixaka ta ka Israeli.
- 22 Na ku ta mahisile lezo, lezaku nwina mu ta abela gona hi hlolo a kuba a tsomba a ka nwina ni ka mulubeli loye a lubeleko lomo ka nwina, loye a ta nga trala a banana xikari ka nwina; na bona ba ta kuba ka nwi-na kwatsi hi ba tralelweko le kaya a xikari ka banana ba ka Israeli; bona ta kuba ni tsomba xikari ka nwina xikari ka xaka xa ka Israeli.

23 Na ku ta malisile lezo, ni ka lihi a lixaka laho a wa matiko a lubeleko, laho n'wina mu ta nyika yena a tso-mba ya yenawu, ku wula a Hosi Jehova.

XIPIMO 48.

- 1 Makunu laya hi mabito ya tixaka: Kusukela le magomo ka n'walungu, hi lahandle ka ndlela ya le Hethloni kuya wuengenweni ga le Hamate, Hazar-enani le mbinganweni wa le Damaskusi, ngamama ni n'walungu hi le handle ka Hamate (bona ba ta kuba ni maklelo yabye a mutsuwukagambo ni muhlwagambo), Dani, xiabelo xinwe.
- 2 Na hi mbingana wa ka Dani, ku sukela le mutsuwukagambo ku kala le muhlwagambo, Axeri, xiabelo xinwe.
- 3 Na hi mbingano wa le Axeri, ku sukela le k'lelweni ga mutsuwukagambo ku kala ku cikela le k'lelweni ga muhlwagambo, Naftali, xiabelo xinwe.
- 4 Na hi mbingano wa le Naftali, ku sukela le k'lelweni ga mutsuwukagambo ku kala le muhlwagambo, Manasa, xiabelo xinwe.
- 5 Na hi mbingano wa le Manasa, ku sukela le k'lelweni ga mutsuwukagambo kala le k'lelweni ga muhlwagambo, Efraime xiabelo xinwe.
- 6 Ni mbingano wa le Efraime, kusukela k'lelweni ga mutsuwukagambo kala le k'lelweni ga muhlwagambo, Rubeni, xiabelo xinwe.
- 7 Ni mbingano wa le Rubeni, kusukela hi le mutsuwukagambo ku kala k'lelweni ga muhlwagambo, Juda, xiabelo xinwe.
- 8 Na hi le mbinganweni wa ka Juda, kusukela le k'lelweni ga le mutsuwukagambo, ku kala le muhlwagambo, ku ta kuba a munyikelo lowo mu ta nga nyikela, makume mambiri ni n'klanu a kume ga mazana a tihlanga a kuanama, hi kuana kwatsi xinwe xa xiabelo kusukela hi k'lelweni ga mutsuwukagambo ku kala le k'lelweni ga muhlwagambo: ni yindlu ya kubasa yi ta kuba xikari ka kona.
- 9 A munyikelo lowo mu ta nga nyika a ka Jehova wu ta kuba makume mambiri ni n'klanu a kume ga manza a kunabalata, ni kume ga kume ga mazana a kuanama.

- 10 A ka lezi, bona a bapristi, ku ta kuba a munyikelo wa kubasa; a ngomama ni n'walungu makume mambiri ni n'klanu a kume ga mazana ku nabalata, a ngomama ni muhlwagambo kume ga kuma ga mazana a kuanama, ngomama ni mutsuwukagambo kume ga kume ga mazana a kuanama, a ngomama ni dzonga makume mambiri ni n'klanu a kume ga mazana a kunabalata: ni yindlu ya kubasa ya ka Jehova yi ta kuba xikari ka laho.
- 11 Kona ku ta kuba ka bapristi labo ba basisilweko a barisanyana ba ka Zadoke, labo ba hlaysileko a zilayelo za mina, labo ba nga pengangiko laha a banana ba ka Israeli ba nga wa pengile, kwatsi hilezi a ba ka Levi ba pengileko.
- 12 Na xona xi ta kuba a ka bona xinyikiwo xa le xinyikiweni xa tiko, a xilo xi hunzeleleko a kubasa, hi mbingano wa ka Levi.
- 13 Ni kuhlamluleka ka mbingano wa bapristi, a ba ka Levi ba ta kuba ni makume mambiri ni n'klanu a kume ga mazana a kunabalata ni kume ga kume ga mazana a kuanama, konkle a kunabalata ku ta kuba makume mambiri n'klanu a kume ga mazana, ni kuanama kume ga kume ga mazana.
- 14 Na bona ba nga ta xabisa ni gihi ga gona, ge ni hunzulusa gona, ge hambu mihanzo ya kuranga ya tiko yi binzuluswa; hakuba gona gi basile a ka Jehova.
- 15 Ni n'klanu wa kume ga mazana laya ma siyilweko lamo kuanameni, a mahlweni ka makume mambiri ni n'klanu a kume ga mazana, gi ta tiriswa hi nyalidede, a kuba ga muti, a kuakiwa ni mazunze; ni muti wu ta akiwa xikari ka wona.
- 16 Ni loku ku ta kuba a kuringanisa ka kona: hi k'lelo ga n'walungu mune wa kume ga mazana ni n'klanu wa mazana, hi k'lelo ga dzonga mune wa kume ga mazana ni n'klanu wa mazana, ni k'lelo ga mutsuwukagambo mune wa kume ga mazana ni n'klanu wa mazana, ni k'lelo ga muhlwagambo mune wa kume ga mazana ni n'klanu wa mazana.
- 17 Ni muti wu ta kuba ni mazunze: ngomama ni n'walungu mazana mambiri ni n'klanu wa makume, a ngomama ni dzonga mazana mambiri ni

- nkhanu wa makume, a ngomama ni mutsuwukagambo mazana mambiri ni nkhanu wa makume, a ngomama ni muhlwegambo mazana mambiri ni nkhanu wa makume.
- 18 Ni salela wa kunabalata, wu hlamuleka ka xinyikiwo xa kubasa, ku ta kuba a kume ga kume mazana ngomama ni mutsuwukagambo; ni kume ga kume ga mazana a ngomama ni muhlwegambo; na kona ku ta hlamuleka a ka xinyikiwo xa kubasa; ni anzeselelo wa gona wu ta kuba kuga a ka bona labo ba tirako lomo mutini.
- 19 Na bona labo ba tirako lomo mutini, hi lahandle ka tixaka ta ka Israeli tonkle, ba ta rima kona.
- 20 Gonkle a ga xinyikiwo legi ga makume mambiri ni nkhanu a kume ga mazana hi makume mambiri ni nkhanu wa kume ga mazana: mu ta nyikela a muniyelo wa kume ga mazana mune wa timbara, zinwe ni fumelo ga muti.
- 21 Na salela wu ta kuba wa hosana, a ka ginwe klelo ni ka ginwani klelo ga xinyikiwo xa kubasa ni xa fumelo ga muti; a mahlweni ka makume mambiri ni nkhanu a kume ga mazana a xinyikiwo a ngomama ni mutsuwukagambo a mbingano wa kona, ni muhlwegambo a mahlweni ka makume mambiri ni nkhanu a kume ga mazana a ngomama ni mbingano wa muhlwegambo, ku hlamuleka ka ziabelo, kona ku ta kuba ka hosana: a xinyikiwo xa kubasa ni yindlu ya kubasa ya xona yi ta kuba lomo xikari ka kona.
- 22 Klatakumbiri hi le fumelweni ga ba ka Levi, ku sukela le mumelweni ga muti, na ku hi xikari ka lego gi na nga ga hosana, xikari ka mbingano wa ka Juda ni mbingano wa ka Benjamini, kona ku ta kuba ka hosana.
- 23 Na hi ka tonkle a tixaka: kusukela le mutsuwukagambo ku kala le muhlwegambo, Benjamini, a xiabelo xinwe.
- 24 Na hi mbingano wa ka Benjamini, hi le klelweni ga mutsuwukagambo, ni klelweni ga muhlwegambo, Simeoni, xiabelo xinwe.
- 25 Na hi mbingano wa ka Simeoni, ku sukela le klelweni ga le mutsuwukagambo, ni le muhlwegambo, Isakare, xiabelo xinwe.
- 26 Ni mbingano wa ka Isakare, kusukela hi le mutsuwukagambo ku kala le muhlwegambo, Zebuluni, xiabelo xinwe.
- 27 Ni mbingano wa ka Zebuluni, kusukela le mutsuwukagambo ku kala le muhlwegambo, Gadi, xiabelo xinwe.
- 28 Na hi mbingano wa ka Gadi, le klelweni ga dzonga a ngomama ni dzonga, ni mbingano wu ta sukela le Tamara ka le mamatini ya Meribate-kadexi kala le congwanini wa le Gipite, kuya bimbi ga hombe.
- 29 Legi hi tiko lego mu ta abelana hi hlolo a ka tixaka ta ba ka Israeli a ku mafumelo, lezi zi hi xiabelo zabye zonktelele, ku wula a Hosi Jehova.
- 30 Ni legi hi zaluma za muti: Le nwalungu mune wa kume ga mazana ni nkhanu wa mazana a tihlanga hi xiringaniso;
- 31 Ni bito ga tinyangwa ta muti gi ta culwa a mabito ya tixaka ta ka Israeli, tinharu a tinyangwa a ngomama ya nwalungu, a nyangwa ya ka Rubeni, yinwe; a nyangwa ya ka Juda, yinwe; ni nyangwa ya ka Levi, yinwe.
- 32 Le mutsuwukagambo mune wa kume ga mazana ni nkhanu wa mazana tihlanga, ni tinyangwa tinharu: yona nyangwa ya ka Josefa, yinwe; ni nyangwa ya ka Benjamini, yinwe; ni nyangwa ya ka Dani, yinwe.
- 33 Le klelweni ga dzonga mune wa kume ga mazana ni nkhanu wa mazana a tihlanga hi kuringanisa, a tinyangwa tinharu: a nyangwa ya ka Simeoni, yinwe; a nyangwa ya ka Isakare, yinwe; ni nyangwa ya ka Zebuluni yinwe.
- 34 Le muhlwegambo mune wa kume ga mazana ni nkhanu wa mazana a tihlanga, zinwe ni tinyangwa ta kona tinharu: a nyangwa ya ka Gadi, yinwe; a nyangwa ya Axeri, yinwe; a nyangwa ya ka Naftali, yinwe.
- 35 Kona ku ta kuba a kume ni nkhanu ni tinharu a kume ga kume ga mazana a tihlanga a ku renzelekela: ni bito ga muti ku sukela lego siku gi ta kuba, Jehova i kona laho.

A BUKU GA DANIELI.

XIPIMO 1.

- 1 Hi ka lembe ga wunharu ga kufuma ka Jehoiakimu a hosi ya ka Juda ku lota Nebukadnezare a hosi ya le Babuloni le Jerusalem, i lo ta vimbezela gona.
- 2 Ni hosi yi lo nyikela Jehoiakimu a hosi yaka Juda a canjeni ga yena, zinwe ni xipanze xa zibya za yindlu ya ka Nungungulu; yena i lo rwalla zona le tikweni ga le Xinari a ka yindlu ya nungungulu wa yena: i lo neha lomo ndlwini ya bako ya nungungulu wa yena.
- 3 Ni hosi yi lo wulawula ka Axpenaze a hosana ya mitenwa ya yena, lezaku i wa ta nga a neha bokari ba banana ba ka Israeli, laba ba mbewu ya wukosi ni labo ba dzunzekileko;
- 4 A baswa a ka bahi ku nga hiko na bala, kanilezi ba ti mbhugana, ba klarihileko a ka konkle a kutiba, ba na nga ni tibisiselo, ba pimako hi kutlariha, a ba kungahi ba na nga ni kotelelo wa ku yima a xilubelweni xa hosi; kasi wena wa fela kugonzisa bona a zigonzo ni lirimi la ma Kaldea.
- 5 Ni hosi yi lo yimisela bona a xiabelo xa siku ni siku xa malongo ya hosi, xa waini lego yena a nwako, kasi bona ba fela ku wundlwa a malembe manharu; ni lezaku hi kugumelwa ka wona bona ba wa ta nga ba yima mahlweni ka hosi.
- 6 Makunu xikari ka laba, ku wa hi ba banana ba ka Juda, Danieli, Hanania, Mixaeli, na Azaria.
- 7 Ni hosana ya mitenwa yi lo nyika a mabito a ka bona: na Danieli i lo nyika yena a bito ga Beltexazzari; na Hanania, Xudreke; Mixaeli, Mexake; na ka Azaria, Abed-nego.
- 8 Kanilezi Danieli i lo xuba a mbi-lwini ya yena lezaku a nga nyenyezisi a wutsumbu ga yena hi malongo ya hosi, ge hi waini lego yena a nga wanwa; hikwalaho yena i lo wutisa a hosana ya mitenwa lezaku yena i wa nga ta nga anyenyezisa a wutsumbu ga yena.

- 9 Makunu Nungungulu i wa mahile Danieli a ku kuma a titralo ni kuha-wukelwa a kuwoneni ga hosana ya mitenwa.
- 10 Ni hosi ya mitenwa yi te ngalo Danieli, Nza caba a nwinyi wa mi na a hosi, loye a ta nga yimisa a kuga ka nwina ni kunwa ka nwina: hakuba hiyini i ta wona a ngohe ya nwina yi onzile ku hunza a tingohe ta baswa ba tanga ya nwina ke? zingaho mu ta tokometa a hloko ya mina hi ka hosi.
- 11 Zonake ku lo wula Danieli a ka nekwa leyo a hosana ya mitenwa yi wumbeleko hehla ka Danieli, Hanania, Mixaeli, na Azaria;
- 12 Ringa a malanza ya wena, nza ko ngotela wena, a kume ga masiku; nga bona ba nyika hina a matsawu a kuga, ni mati a kunwa.
- 13 Zonake nga a tingohe ta hina ti cuwuka a mahlweni ka wena, ni tingohe ta labo baswa ba gako a malongo ya hosi; ni kukota lezi wena u wonako maha zinwe ni malanza ya wena.
- 14 Zingaho yena i lo ingisa ka bona hi ka laya mahungu, i lo hlola bona hi ka kume ga masiku.
- 15 Ni kugumelweni ka kume ga masiku ni tingohe tabye ti wonaka na ti hlekahleka, na bona ba wa kulukile a nyama yabye, ku kunza bonkle baswa labo ba nga waga a malongo ya hosi.
- 16 Zingaho a nekwa yi lo susa a malongo yabye, ni waini lego ba nga wa ta nga ba gi nwile, i lo nyika bona a matsawu.
- 17 Makunu kwatsi hi laba baswa ba mune, Nungungulu i lo nyika bona a tibisiselo a wuklari ga zigonzo za tibisiselo: na Danieli i wa pima a muwoniso ni miloro.
- 18 A kugumelweni ka masiku lawo a hosi yi ma yimisileko a ku neha bona lomo, a hosana ya mitenwa yi lo neha bona mahlweni ka Nebukadnezare.
- 19 Ni hosi yi lo wulawula zinwe na-

- fumela sona zonkle: wena hi wena hloko a nzalama.
- 39 A nzako ka wena ku ta vuka a muzwani a mufumo tsongwani ku hunza wena; ni muzwani a mufumo wa wunharu i suku, lowo wu ta ngarwala a milayo hehla ka misaba.
- 40 Ni mufumo wa wumune wu ta tiya kwatsi xiketse; kwatsi hilezi a xiketse xa tsoba xi hlula a zinwani zilo zonkle; kwatsi hilezi a xiketse xi ta nga kungumula zonkle lezi, xona xi ta tsoba a fufanyi xi trandlesa.
- 41 Kwatsi hilaha wena u nga wona a mikonzo ni tinyala, a xipanze a wumba ga muwumbi, ni xipanze xa xiketse, kona ku ta mufumo wu abanyiseneko; kanilezi ku ta kuba xikari ka wona a xiketse xa ximbe, kwatsi hilaha kalezi wena u wonileko a xiketse xi xangelene ni wumba ga marope.
- 42 Kwatsi hi zikamba za mikonzo zi wa xipanze xa xiketse ni xipanze xa wumba, zingaho a mufumo yi ta kuma a ntamo yi hi zipanze, ni zipanze zi tsibekile.
- 43 Laho wena u wonileko a xiketse xi xangelene ni wumba ga marope, bona ba xangelana a wutsumbu gabye zizwe ni mbewu ya banhu; kanilezi bona ba nga ta namara a ka muwwe ni muzwani, kwatsi hilezi a xiketse xi nga xangelaniko ni wumba.
- 44 Ni ka masiku ya leto tilhosi a Nungungulu wa tilo i ta yimisa a mufumo lowo wu ta nga kala wu nga loyisiwi, ge hambu ni fumelo gi nga ta siyelwa a ka banwani banhu; kanilezi wona wu ta tsoba a fufanyi ni ku trandlesa yonkle yinwani a mufumo, na wona a wu ta yima kala kupinzuka.
- 45 Kwatsi hilahakalezi wena u wonileko lezo a ribye gi tsemilweko leyo xitsungeni gi nga hi na mandla, lezaku gona gi lo tsoba a fufanyi a xiketse, ni wumba, ni suku, ni siliva, ni nzalama; a Nungungulu wa hombe i tibekisile a ka hosi lezo zi ta nga mahaka a nzako kalezi: ni noro wu hi zinene, ni khamuselelo wa kona wu tiyisile.
- 46 Zonake a hosi Nebukadnezare i lowa hi ngohe ya yena, i lo kozela Danieli, i lo leletela lezaku ba wa ta nga ba nyikela a muniyikelo a ka yena ni masema ya kutsombela a ka yena.
- 47 A hosi yi lo hlambanya a ka Danieli, yi te ngalo, Hakunene a Nungungulu wa wena hi Nungungulu wa banungungulu, ni Hosi ya tihosi, a muwonisi wa mifihlakalo, na nzi wona lezaku wena wu zi kota a ku wonisa le mifihlakalo.
- 48 Zonake a hosi yi lo maha Danieli a wa hombe i lo nyika yena a zinyikowo zo tala za hombe, i lo maha yena a ku fumela hehla ka wonkle a matiko ya le Babuloni, akuba mufumeli wa hombe hehla ka bonkle banhu ba kutiba ba le Babuloni.
- 49 Na Danieli i lo wutisa a ka hosi, yena i lo yimisa Xadreke, na Mexake, na Abed-nego, hehla ka timhaka ta le Babuloni: kanilezi Danieli i wa hi le nyangweni ya hosi.

XIPIMO 8.

- 1 Nebukadnezare a hosi i lo maha a xifananiso xa nzalama, lexo a ku klakuka ka xona ku nga wa nklanu ni giawe a makume mikono, ni kuanama ka xona nklanu ni muwwe a mikono: yena i lo yimisa xona le mikobeni ya Dura, le tikweni ga le Babuloni.
- 2 Zonake Nebukadnezare a hosi i lo rumela a tsombanyisa katigawe a manganakana ni batongi, ni bafumeli, ni balamuli, ni bakomibamabako, a baxikungo, ni masingukati, ni wonkle a manganakana ya matiko, a kuta le nyikelelisweni wa xifananiso lexo Nebukadnezare a hosi a xi yimisileko.
- 3 Zonake a manganakana, ni batongi, ni bafumeli, a balamuli, bakomibamabako, baxikungo masingukati ni wonkle a manganakana ya matiko, ba wa ku tsombana wutsamo giawe a ku ta nyikelelisisweni wa xifananiso lexo Nebukadnezare a hosi a xi yimisileko; na bona ba wa ku yima le xifananisweni lexo Nebukadnezare a xi yimisileko.
- 4 Zonake a nyibo yi lo biwa hungu, A ka nwina, ku layilwe, O banhu, mifumo, ni tirimi,
- 5 A ka xikati lexi mu ta ngazwa a kuvuma ka paratana, punzu, xitenda, kombela, ngoma, mihambi, ni tontle a tixaka ta wucenje, nwina mu ta kuwa lahasi mu kozela a xifananiso lexo Nebukadnezare a hosi a xi yimisileko:
- 6 Ni ka loye a nga wiko lahasi a xik

- zela ka ywaleyo a hora i ta hoxiwa lomo xikari ka nzhimbo wa pingo ga nzilo wu vurako.**
- 7 **Hikwalaho a ka xikati, laha a banhu ba ta ngazwa a kuvuma ka paratana, timbila, kombela, mihambi, ni tonkle a tixaka ta wucenje bonkle banhu, a mifumo, ni tirimi, ba ta kuwa lahasi ni kukozela a xifananiso xa nzalama lexo Nebukadnezzare a xi yimisileko.**
- 8 **Ngahilezo a ka lexo xikati a bokari ba ma Kaldea ba lo tsinela kusuhani, ba lo neha a keco hi xungetano ni ba Juda.**
- 9 **Bona ba lo hlamula a ka Nebukadnezzare a hosi, O hosi, hanya kala kupinzuka.**
- 10 **Wena, O hosi, a ku mahile a nyibo, lezaku bonklelele banhu ba ta nga kuzwu a kuvuma ka parata, timbila, xitende, kombela, tingoma, mihambi, ni tonkle a tixaka ta wucenje, ba kuwa lahasi ba dumisa a xifananiso xa nzalama;**
- 11 **Ni loye a nga wiko lahasi ni kukozela, i ta hoxiwa lomo xikari ka nzhimbo wa pingo ga nzilo wu vurako.**
- 12 **Laho ku kona a ba Juda bokari labo wena u ba hlawuleko hehla ka timhaka ta matiko ya le Babuloni: Xadreke, Mexake, na Abed-nego; laba banhu, O hosi, a ba katalangi ha wena: bona a ba kozeli a banungungulu ba wena, ge ni kukozela a xifananiso lexo wena u xi yimisileko.**
- 13 **Zonake Nebukadnezzare hi ka vunjukelano wa zanga ya yena i lo lelela lezaku Xadreke, a Mexake, na Abed-nego a ba tisiwe. Zonake ba lo neha laba ba banuna mahilweni ka hosi.**
- 14 **Na Nebukadnezzare i hlamula i te ngalo ka bona, Kona ku hi ku maha ha womu, O Xadreke, Mexake, ni Abed-nego, lezaku nwina a mu kozeli a Nungungulu wa mina, ge ni kukozela a xifananiso xa mina lexo mina nzi yimisileko ke?**
- 15 **Makunu loku nwina mu ta nga mu longile laha mu ta ngazwa a guwa ga paratana, timbila, xitende, kombela, tingoma, mihambi, ni ka tonkle a tixaka ta wucenje, nwina muwa lahasi mu kozela a xifananiso lexo mina nzi xi mahileko, i kwatsi: kanilezi loku mu nga kozeli, mu ta**
- hoxwa ka ywaleyo a hora, lomo xikari ka nzhimbo wa pingo ga nzilo wu vurako; na hi mani a Nungungulu loye a nga klaklisa nwina le canjeni ga mina ke?**
- 16 **Xadreke, Mexake, na Abed-nego ba lo hlamula ba te ngalo ka hosi, O Nebukadnezzare, hina a zi labeki a ku hlamula wena a ka laya mahungu,**
- 17 **Loku zingaho, a Nungungulu loye hina hi mu kozelako wa zi kota a kuhanyisa hina lomo xikari ka nzhimbo wa pingo gi vurako hi nzilo na yena, i ta klaklisa hina huma a canjeni ga wena, O hosi.**
- 18 **Kanilezi loku zi nge ngaho a zi tibye-kiswe a ka wena, O hosi, lezaku hina hi nga ta kozela a banungungulu ba wena, ge ni ku kozela a xifananiso xa nzalama lexo wena u xi yimisileko.**
- 19 **Zonake Nebukadnezzare i wa lo ngangamukelana hi vunjukelo wu cabisakako, ni ngohe ya yena yi lo hunzuka yi vukela Xadreke, Mixake, na Abed-nego: hikwalaho yena i lo wulawula a ku laya bona ba dzibela a nzhimbo nklanu ni zimbiri a zikati wu hisa ku hunzeleta lezi wu nga ta nga wu hisa.**
- 20 **Na yena i lo leletela a ba banuna bokari ba tinhenha labo ba nga wa hi kona lomo impini ya yena a ku boha Xadreke, Mexake, na Abed-nego, ni ku hoxa bona lomo nzhimbyeni wa pingo gi vurako.**
- 21 **Zonake laba banhu ba laku bohilwe lomo tingubyeni ta bona, ni lomo mabajini yabye, ni lomo nganjwini tabye, ni tinwani a tinguwo tabye, na bona ba lo hoxwa lomo xikari ka nzhimbo wa pingo gi vurako.**
- 22 **Hikwalaho hakuba a xileletelo xa hosi xi wa tikisile, ni nzhimbo wu wa hunzelele a kuhisa, ni kuhe xa nzilo xi lo daya labo banhu ba nga tekile Xadreke, Mexake, na Abed-nego.**
- 23 **Na laba banharu banhu, Xadreke, Mexake, na Abed-nego, ba lo wela lahasi na ba bohilwe xikari ka kuvura ka pingo ga nzhimbo.**
- 24 **Zonake Nebukadnezzare a hosi i lo hlamaliswa, i lo suka hi ku haklisa; i lo wulawula i te ngalo ka baxikungo xa yena, a hi hoxangi a banhu banharu na ba bohilwe lomo xikari ka nzilo ke? Bona ba lo hla-**

- fumela sona zonkle: wena hi wena hloko a nzalama.
- 39 A nzako ka wena ku ta vuka a muwani a mufumo tsongwani ku hunza wena; ni muwani a mufumo wa wunharu i suku, lowo wu ta nga rwala a milayo hehla ka misaba.
- 40 Ni mufumo wa wumunc wu ta tiya kwatsi xiketse; kwatsi hilezi a xiketse xa tsoba xi hlula a zinwani zilo zonkle; kwatsi hilezi a xiketse xi ta nga kungumula zonkle lezi, xona xi ta tsoba a fufanyi xi trandlesa.
- 41 Kwatsi hilaha wena u nga wona a mikonzo ni tinyala, a xipanze a wumba ga muwumbi, ni xipanze xa xiketse, kona ku ta mufumo wu abanyiseneko; kanilezi ku ta kuba xikari ka wona a xiketse xa ximbe, kwatsi hilaha kalezi wena u wonileko a xiketse xi xangelene ni wumba ga marope.
- 42 Kwatsi hi zikamba xa mikonzo zi wa xipanze xa xiketse ni xipanze xa wumba, zingaho a mifumo yi ta kuma a ntamo yi hi zipanze, ni zipanze zi tsibekile.
- 43 Laho wena u wonileko a xiketse xi xangelene ni wumba ga marope, bona ba xangelana a wutsumbu gabye zinwe ni mbewu ya banhu; kanilezi bona ba nga ta namara a ka munwe ni muwani, kwatsi hilezi a xiketse xi nga xangelaniko ni wumba.
- 44 Ni ka masiku ya leto tihosi a Nungungulu wa tilo i ta yimisa a mufumo lowo wu ta nga kala wu nga lobyisiwi, ge hambu ni fumelo gi nga ta siyelwa a ka bazwani banhu; kanilezi wona wu ta tsoba a fufanyi ni ku trandlesa yonkle yinwani a mifumo, na wona a wu ta yima kala kupinzuka.
- 45 Kwatsi hilahakalezi wena u wonileko lezo a ribye gi tsemilweko leyo xitsungeni gi nga hi na mandla, lezaku gona gi lo tsoba a fufanyi a xiketse, ni wumba, ni suku, ni siliva, ni nzalama; a Nungungulu wa hombe i tibekisile a ka hosi lezo zi ta nga mahaka a nzako kalezi: ni noro wu hi zinene, ni klamuselelo wa kona wu tiyisile.
- 46 Zonake a hosi Nebukadnezare i lowa hi ngohe ya yena, i lo kozela Danieli, i lo leletela lezaku ba wa ta nga ba nyikela a muniyikelo a ka yena ni masema ya kutsombela a ka yena.
- 47 A hosi yi lo hlambanya a ka Danieli, yi te ngalo, Hakunene a Nungungulu wa wena hi Nungungulu wa banungungulu, ni Hosi ya tihosi, a muwonisi wa mifihlakalo, na nzi wona lezaku wena wu zi kotaa ku wonisa le mifihlakalo.
- 48 Zonake a hosi yi lo maha Danieli a wa hombe i lo nyika yena a zinyikiwo zo tala xa hombe, i lo maha yena a ku fumela hehla ka wonkle a matiko ya le Babuloni, akuba mufumeli wa hombe hehla ka bonkle banhu ba kutiba ba le Babuloni.
- 49 Na Danieli i lo wutisa a ka hosi, yena i lo yimisa Xadrecke, na Mexake, na Abed-nego, hehla ka timbaka ta le Babuloni: kanilezi Danieli i wa hi le nyangweni ya hosi.

XIPIMO 3.

- 1 Nebukadnezare a hosi i lo maha a xifananiso xa nzalama, lexo a ku klakuka ka xona ku nga wa nklanu ni ginwe a makume mikono, ni kuanama ka xona nklanu ni munwe a mikono: yena i lo yimisa xona le mikobeni ya Dura, le tikweni ga le Babuloni.
- 2 Zonake Nebukadnezare a hosi i lo rumela a tsombanyisa katiginwe a manganakana ni batongi, ni bafumeli, ni balamuli, ni bakomibamabako, a baxikungo, ni masingukati, ni wonkle a manganakana ya matiko, a kuta le nyikelelisweni wa xifananiso lexo Nebukadnezare a hosi a xi yimisileko.
- 3 Zonake a manganakana, ni batongi, ni bafumeli, a balamuli, bakomibamabako, baxikungo masingukati ni wonkle a manganakana ya matiko, ba wa ku tsombana wutsamo ginwe a ku ta nyikelelisisweni wa xifananiso lexo Nebukadnezare a hosi a xi yimisileko; na bona ba wa ku yima le xifananisweni lexo Nebukadnezare a xi yimisileko.
- 4 Zonake a nyibo yi lo biwa hungu, A ka nwina, ku layilwe, O banhu, mifumo, ni tirimi,
- 5 A ka xikati lexi mu ta ngazwa a kuvuma ka paratana, punzu, xitende, kombela, ngoma, mihambi, ni tonkle a tixaka ta wucenje, nwina mu ta kuwa lahasi mu kozela a xifananiso lexo Nebukadnezare a hosi a xi yimisileko:
- 6 Ni ka loye a nga wiko lahasi a xiko-

DANIELI, 3.

- zela ka ywaleyo a hora i ta hoxiwa lomo xikari ka nzhimbo wa pingo ga nzilo wu vurako.**
- 7 **Hikwalaho a ka xikati, laha a banhu ba ta ngazwa a kuvuma ka paratana, timbila, kombela, mihambi, ni tonkle a tixaka ta wucenje bonkle banhu, a mifumo, ni tirimi, ba ta kuwa lahasi ni kukozela a xifananiso xa nzalama lexo Nebukadnezzare a xi yimisileko.**
 - 8 **Ngahilezo a ka lexo xikati a bokari ba ma Kaldea ba lo tsinela kusuhani, ba lo neha a keco hi xungetano ni ba Juda.**
 - 9 **Bona ba lo hlamula a ka Nebukadnezzare a hosi, O hosi, hanya kala kupinzuka.**
 - 10 **Wena, O hosi, a ku mahile a nyibo, lezaku bonklelele banhu ba ta nga kuzwu a kuvuma ka parata, timbila, xitende, kombela, tingoma, mihambi, ni tonkle a tixaka ta wucenje, ba kuwa lahasi ba dumisa a xifananiso xa nzalama;**
 - 11 **Ni loye a nga wiko lahasi ni kukozela, i ta hoxiwa lomo xikari ka nzhimbo wa pingo ga nzilo wu vurako.**
 - 12 **Laho ku kona a ba Juda bokari labo wena u ba hlawuleko hehla ka timhaka ta matiko ya le Babuloni: Xadrecke, Mexake, na Abed-nego; laba banhu, O hosi, a ba katalangi ha wena; bona a ba kozeli a banungungulu ba wena, ge ni kukozela a xifananiso lexo wena u xi yimisileko.**
 - 13 **Zonake Nebukadnezzare hi ka vunjukelano wa zanga ya yena i lo lelela lezaku Xadrecke, a Mexake, na Abed-nego a ba tisiwe. Zonake ba lo neha laba ba banuna mahlweni ka hosi.**
 - 14 **Na Nebukadnezzare i hlamula i te ngalo ka bona, Kona ku hi ku maha ha womu, O Xadrecke, Mexake, ni Abed-nego, lezaku nwina a mu kozeli a Nungungulu wa mina, ge ni kukozela a xifananiso xa mina lexo mina nzi yimisileko ke?**
 - 15 **Makunu loku nwina mu ta nga mu longile laha mu ta ngazwa a guwa ga paratana, timbila, xitende, kombela, tingoma, mihambi, ni ka tonkle a tixaka ta wucenje, nwina muwa lahasi mu kozela a xifananiso lexo mina nzi xi mahileko, i kwatsi: kanilezi loku mu nga kozeli, mu ta**
- hoxwa ka ywaleyo a hora, lomo xikari ka nzhimbo wa pingo ga nzilo wu vurako; na hi mani a Nungungulu loye a nga klaklisa nwina le canjeni ga mina ke?**
- 16 **Xadrecke, Mexake, na Abed-nego ba lo hlamula ba te ngalo ka hosi, O Nebukadnezzare, hina a zi labeki a ku hlamula wena a ka laya mahu-
ngu,**
 - 17 **Loku zingaho, a Nungungulu loye hina hi mu kozelako wa zi kota a kubanyisa hina lomo xikari ka nzhimbo wa pingo gi vurako hi nzilo na yena, i ta klaklisa hina huma a canjeni ga wena, O hosi.**
 - 18 **Kanilezi loku zi nge ngaho a zi tibye-kiswe a ka wena, O hosi, lezaku hina hi nga ta kozela a banungungulu ba wena, ge ni ku kozela a xifananiso xa nzalama lexo wena u xi yimisileko.**
 - 19 **Zonake Nebukadnezzare i wa lo ngangamukelana hi vunjukelo wu cabisakako, ni ngohe ya yena yi lo hunzuka yi vukela Xadrecke, Mixake, na Abed-nego; hikwalaho yena i lo wulawula a ku laya bona ba dzibela a nzhimbo nkhanu ni zimbiri a zikati wu hisa ku hunzeleta lezi wu nga ta nga wu hisa.**
 - 20 **Na yena i lo leletela a ba banuna bokari ba tiuhenha labo ba nga wa hi kona lomo impini ya yena a ku boha Xadrecke, Mexake, na Abed-nego, ni ku hoxa bona lomo nzhimbo ya pingo gi vurako.**
 - 21 **Zonake laba banhu ba laku bohilwe lomo tingubyeni ta bona, ni lomo mabajini yabye, ni lomo nganjwini tabye, ni tinwani a tinguwo tabye, na bona ba lo hoxwa lomo xikari ka nzhimbo wa pingo gi vurako.**
 - 22 **Hikwalaho hakuba a xileletelo xa hosi xi wa tikisile, ni nzhimbo wu wa hunzelele a kuhisa, ni kuhe xa nzilo xi lo daya labo banhu ba nga tekile Xadrecke, Mexake, na Abed-nego.**
 - 23 **Na laba banharu banhu, Xadrecke, Mexake, na Abed-nego, ba lo wela lahasi na ba bohilwe xikari ka kuvura ka pingo ga nzhimbo.**
 - 24 **Zonake Nebukadnezzare a hosi i lo hlamaliswa, i lo suka hi ku hlamula; i lo wulawula i te ngalo ka baxikungo xa yena, a hi hoxangi a banhu banharu na ba bohilwe lomo xikari ka nzilo ke? Bona ba lo hla-**

mula ba te nga lo ka hosi? Hizineneni, O hosi.

- 25 Yena i lo hlamula i te ngalo, Nzi wona a mune wa banhu ba *klakli* lweko, ba fambako lomo xikari ka nzilo, kanilezi bona a ba bayiswi; ni dzumba a wa wumune i fanana ni nisanyana wa banungungulu.
- 26 Zonake Nebukadnezzare i lo ta ku suhani ka nzhimbo wa pingo gi vurako ga nzilo: yena i lo wulawula i te ngalo, Xadreke, Mexake, ni Abed-nego, Nwina malanza ya Nungungulu a Hunzelele Kuklakuka, humani, muta leno. Zonake Xadreke, Mexake, na Abed-nego ba lo huma hi lomo xikari ka nzilo.
- 27 A batongi, ni tinduna, ni bafumeli, ni baxikungo ba hosi, na ba nga na tsombanile wutsamo ginwe, ba lo wona laba banhu, lezaku a nzilo wu wa nga hi na ntamo hehla ka mimiri yabye, ge hambu a sisi wa tihloko tabye a ku *klahuka*, ge ni tinguwo tabye a ti huzulukangi, ge ni mase-ma ya nzilo ma wa nga zwali a ka bona.
- 28 Nebukadnezzare i lo wulawula i te ngalo, Katekisilwe a Nungungulu wa Xadreke, Mexake, na Abed-nego, loye a rumileko a ngelosi ya yena a *kuklakisa* a malanza ya yena lawo ma tumbako a ka yena, a hunzuleko a timhaka ta hosi, loye a nga vumeliko a mimiri yabye, lezaku ba fela ku kala ba nga dumisi kutani kukozela a Nungungulu muzwani, saseka a Nungungulu wabye.
- 29 Hikwalaho nza maha a nyibo, lezaku bonklelele banhu a mufumo, ni tirimi, leto ti wulawulako a kubiha ku vukela a Nungungulu wa Xadreke, Mexake, na Abed-nego ba ta tsenwa a fufanyi ni tindlu tabye ti ta mahiwa a matala; hakuba laho a nga kona muzwani a Nungungulu loye a zi kotako a ponisisa lezi.
- 30 Zonake a hosi yi *klakusa* Xadreke, Mexake, ni Abed-nego lomo mufunweni wa le Babuloni.

XIPIMO 4.

- 1 Nebukadnezzare a hosi, a ka banhu bonkle, a mufumo, ni tirimi, leto ti akileko a ka yonkle a misaba: A kurula a ku enzelekiswe a ka nwina.
- 2 Kona zo kwatsi kusasa a ka mina a kukombisa a ziwoniso ni zihlamaliso

lezo a Nungungulu a Hunzeleleko a Kuklakuka a mahileko a ka ngoma ka mina.

- 3 Lezaku zi kulisile ku yini a siwoniso za yena! zi na ni ntamo hi ku yini a zihlamaliso za yena! a mufumo wa yena wu hi mufumo wa ku kala kupinzuka, ni wukosi ga yena gi hi ga xizukulwana ni xizukulwana.
- 4 Mina, Nebukadnezzare, nzi wa hi kuhumeleni le ndlwini ya mina, a bombisilwe lomo xilubelweni xa mina.
- 5 Nzi lo wona a noro lowo wu mahileko mina nzi caba; kualakanya ka mina hehla ka mubedi wa mina, ni miwoniso ya hloko ya mina yi lo cabisa mina.
- 6 Hikwalaho nzi loba nyibo a neha bonkle a banhu ba mina ba kutiba ba le Babuloni mahlweni ka mina kasi bona fela a tibekisa a ka mina a *klamuselelo* wa kulora.
- 7 Zonake ba lo engena a batibi, situ-mbe, ma Kaldea, ni tinanga; na mina nzi lo byela a noro mahlweni ka bona; kanilezi a ba tibekisangi a *klamuselelelo* wa kona.
- 8 Kanilezi hi gumelwa Danieli i lo engena mahlweni ka mina, loye a bito a na nga Beltexazzari, kukotisa hi bito ga Nungungulu wa mina, a ka yena wu nga kona a moya wa banungungulu ba basileko: na mina nzi lo byela a noro mahlweni ka yena, nziku,
- 9 O Beltexazzari, hosi ya banhu ba kutiba, hakuba nzi zi tibako lezaku a moya wa banungungulu ba basileko wu kona a nzeni ka wena, ge hambu a mifihlakalo a yi karati wena, byela a miwoniso ya noro wa mina leyo nzi yi wonileko, ni *klamuselelo* ya kona.
- 10 Zakungahi a muwoniso wa hloko ya mina hehla ka mubedi wa mina: nzi lo wona, ni, languta, a sinye lomo xikari ka misaba; ni *klakuka* ka yona ku wa hi ka hombe.
- 11 Ni sinye yi lo kula, yi wa hi ni ntamo, ni ku *klakuka* ka yona ku wa cikela le tilweni, ni ku woneka ka yona ku cikele le kugumelweni ka misaba.
- 12 A makluka ya yona ma wa sasekile, ni mihanzo ya kona yi wa tele, ni ka yona ku wa hi ni kuga ka bonkle: ni zihari za kwati si wa hi ni nzuti la-

DANIELI, 4.

- hasi ya yona, ni zinyanyani za matilo, zi lo tsama lomo marabini ya kona, ni yonkle a nyama yi gela ka yona.
- 13 Nzi lo wona le miwonisweni ya hloko ya mina, ni, languta, a murinzeli ni loye a basileko a relela hi le tilweni.
- 14 Yena i lo kanyuluka, a wula zakungahi, Tsemani a sinya, tsemani a marabi ya yona, mu klakla a makluka ya yona, ni ku hangalasa a mihanzo ya kona: nga a zihari zi suka lahasi ka yona, ni zinyanyani lahasi ka yona.
- 15 Ahembalezoke tsika a xibo xa mitsu ya kona lomo misabeni, xi hi ni ziboho za ziketse ni suku, lomo byanyini ya ku alaba la misaba ya masimu; nga xina xi tsakamiswa hi nzokati ya tilo: nga a xiabelo xa yena xi hi zizwe ni zibanza le byanyini ga misaba:
- 16 Nga mbilu ya yena yi hunzulwa le bauhwin, nga mbilu ya wuhari yi nyikiwa a ka yena; nga nklanu wa zikati ni zimbiri zi hunza a ka yena.
- 17 A tsanziselo yi le nyibenyi ya bari-nzeli, ni fanelo ya mhaka yi le ka laba basileko; kasi hi magumo kasi a ba hanyako ba zi tiba lezaku loye a Hunzeleleko a Ku~~kl~~akuka wa mufela a mufumo wa banhu, ni ku nyika wona kani hi wihi yena a ranzako, ni ku wumbela hehla loye a nga lahsi nguvu a ka banhu.
- 18 Lexi nzi lo lora mina, hosi Nebukadnezare, nzi wonile; na wena, O Beltexazzari, klaklambuta a klamuselelo, hakuba kwatsi hilaha kasi bonkle a banhu bakutiba ba mufumo wa mina a ba zi tibi a kutibekisa a ka mina a klamuselelo; kanilezi wena wa zi kota; bakuba moya wa banungungulu ba ku basa wu hi lomo nzeni ka wena.
- 19 Zonake Danieli, loye a bito gakwe gi wa nga Beltexazzari, i wa lo biwa hi wumbebebe a xikati, ni ku alakanya ka yena ku lo karata yena. A hosi yi lo hlamula yi te ngalo. Beltexazzari, nga na a noro, kutani a klamuselelo wa wona a wu karati wena, na Beltexazzari i lo hlamula i te ngalo, Hosi ya mina, a noro a wu be ka bona labo ba bengako wena, ni klamuselelo wa kona wu hi ka babengi ba wena.
- 20 A sinya leyo wena u yi wonileko, leyo yi nga wa kulile, na yi wa hi ni ntamo, leyo a ku klakuka ka yona ku cikelako a le tilweni, ni kuwoneka ka yona ka yonkle a misaba;
- 21 Leyo a makluka ya yona ma nga sasekile, ni mihanzo ya kona yi wa tele, ni ka yona ku wa hi kona a kuga ka bonkle; lahasi ka yihi a zihari za kwati zi tsamako, ni hehla ka makluwa ya yihi a zinyanani za tilo zi mahako a wuakelo ga yona:
- 22 Kona hi wena, O hosi, loye u kulileko u maha a ntamo; hakuba awukulu ga wena gi kulile, gi cikele le tilweni, ni mufumo wa wena le magumelweni ya misaba.
- 23 Hikwalaho a hosi yi nga wa wona kona a barinzeli ni loye wa kubasa a relelako hi letilweni, naku, Tsemani a sinya, ku lobisa yona; a hembalokoke siyani a xibo xa mitsu ya kona laha misabeni, zizwe ni ziboho xa ziketse ni suku, lomo byanyini ga ku oloba ga kwati, nga a kutsakama ni nzokati ya tilo; nga a xiabelo xa yena xi hi zizwe ni zihari za kwati, kala nklanu ni zimbiri a zi hunza hehla ka yena;
- 24 Lowu hi klamuselelo, O Hosi, kona ku hi nyibo ya loye a Hunzeleleko a Ku~~kl~~akuka, loye a tileko hehla ka winyi wa mina a hosi:
- 25 Lezaku wena u ta hlongolwa le bauhwin, ni wutsamo ga wena gi ta kuba zizwe ni zihari za kwati, na wena u ta mahiwa a kuga byanyini kwatsi u homu, u ta tsakamiswa hi nzokati ya tilo, nklanu ni zimbiri a zikati ku ta hunza hehla ka wena; kala wena u tiba lezaku loye a Hunzeleleko a Ku~~kl~~akuka i fumela a mufumo wa banhu, na wu nyika a ka wihi yena a ranzako.
- 26 Laho bona ba leletela a ku siya a xibo xa mitsu ya sinyi; a mufumo wa wena wu ta tiyisa a ka wena, ni nza-ko ka lezo wena u ta zi tiba lezaku a matilo ba fumela.
- 27 Ngahilezo, O hosi, nga wusungakati ga mina gi amukeleka a ka wena, u tsoba a zionho za wena hi kululamisa, ni zigoho za wena hi kukangeta a wuxinji ka zisiwana; loku laho ku nga ku hi kona a nabalatelo wa kura ka wena.
- 28 Zonkle lezi zi lo mahaka ka hosi Nebukadnezare.
- 29 A kugumelweni ka kume ni timbiri

a tihweti yena i wa ku famba lomo xilubelweni xa wukosi xa le Babuloni.

30 A hosi yi lo wulawula yi te ngalo, Legi a hi gona a Babuloni ga hombe, lego mina nzi akileko a ku mahla wutsamo ga ku tsama a ba ka mukulu, hi ntamo wa wunhenha ga mina, ni wukosi ga wukulu ga mina ke?

31 Laha na timhaka na ta hahi nonwini wa hosi, laho ku lowa a gezu hi le tilweni, giku, O hosi Nebukadnezare, hi ka wena kona ku wulawulilwe: ni mufumo wu sukile le ka wena:

32 Na wena u ta hlongolwa le ka banhu; ni wutsamo ga wena gi ta kuba zinwe ni zihari za kwati; wena u ta mahiwa a kuga byanyi kwatsi u homu; nkhanu ni zimbiri a zikati ku ta hunza hehla ka wena; kala wena u zi tiba lezaku loye a Hunzeleleko Kukulakuka i fumele le mufunweni wa banhu, i ta nyika kona kani hiwihhi a ranzako.

33 Ka ywaleyo hora xilo xi lo tatiseka a ka Nebukadnezare: yena i wa lo hlongolwa le banhwini, i loga a byanyi kwatsi tihomu, ni miri wa yena wu wa lo tsakama hi nzokati ya tilo, kala a misisi ya yena yi kula kwatsi mitsenga ya magama, ni kamba za yena kwatsi za tiklawu ta zinyanyani.

34 Na hi kugumelweni ka masiku mina, Nebukadnezare, nzi lo klakusa a mahlo ya mina le tilweni, ni kupima ka mina ku lo klela a ka mina, nzi lo katekisa loye a Hunzeleleko a Kukulakuka, nzi lo dumisa nzi dzunza yena a hanyako kala kupinzuka; hakuba a mufumo wa yena wu hi mufumo wu pinzukeliselweko, ni wukosi ga yena hi ga xizukulwana hi xizukulwana;

35 Ni bonkle a baakileko ba misaba ba hlalwela a ku nga ncumo; yena i maha kukotisa a kuranza ka yena a maban/leni ya le tilweni, ni xikari ka baakileko ba misaba; a nga kona a zi kotako a ku kaketa a canja ga yena, kutani ni ku wula, a ka yena, Hi yini wena u mahako lexi?

36 A ka xwalexo a xikati a kupima ka mina ku lo kleliselwa a ka mina; a wukosi ga mufumo wa mina, a wukulu ni wudumo zi lo klela ka mina, a masingalakati ya mina ni manganakana ya mina ma lo hlota mina;

na mina nzi wa lo yimisiwa mufunweni wa mina, ni wukulu gi hunzeletileko gi wa engetelwa a ka mina.

37 Makunu mina, Nebukadnezare, nzi lo dumisa ni kudzunza a Hosi ya tilo; hakuba yonkle a mitiri ya yena yi nene, yi wa longamile; ni labo ba fambako hi matsanza wa zi kota ku ba koramisa.

XIPIMO 5.

1 Belxazzari a hosi i maha a mubuzo wa hombe a ka kume ga mazana ya tihosi ta yena, i lonwa a waini mahilweni ka kume ga mazana ga yena.

2 Belxazzari laha na a ha ringa a waini, i lo leletela a ku neha a zibya za nzalama ni siliva lezo Nebukadnezare a dadani wa yena a nga wa zi tekile lomo tempeleni leyo yi nga wa hi le Jerusalema; lezaku a hosi ni manganakana yena, ni basati ba yena, ni mundlukulu wa yena, ba fela ku nwela ka bona.

3 Zonake ba lo neha a zibya za nzalama lezo zi nga wa tekilwe lomo tempeleni ya yindlu ya Nungungulu leyo yi nga wa hi le Jerusalema; a hosi ni manganakana ya yena, ni basati ba yena, ni mundlukulu wa yena, ba lo nwela a ka zona.

4 Bona ba lonwa a waini, ba lo dumisa a banungungulu ba nzalama, ba siliva, ba suku, ba ziketse, ba tisinya, ni ba maribye.

5 Ka xwalexo a xikati ku lota a titiho ta canja ga munhu, gi lota tsala hehla ko gamakana ni tinhi ta tikan-diya hehla ka wutsulelo ga kurisi ga xilubelo xa hosi: ni hosi yi lo wona a klelo ga canja lego gi tsalileko.

6 Zonake a ngohe ya hosi yi hunzukile a ka yena, ni kualakanya ka yena ku lo karata yena; ni matlangano ya tinyonga ta yena ma wa ku klekakleka, ni madzolo ya yena ma wa ku gumulana.

7 A hosi yi lo bitana nguvu a ku bitana a zitumbe, ma Kaldea, ni tina-nga. A hosi yi wulawula yi te ngalo a ka banhu ba kutiba ba le Babuloni, Kani hiwihhi a ta gonza loku a kutsala, ni kukombisa mina a klamuselelo ya kona, i ta ambexiwa hi ko zirila, a bekelwa a xingwabila xa nzalama lomo kolweni wa yena, na

- yena i ta kuba a mufumeli wa wunharu lomo mufunweni.
- 8 Zonake ku lo engena bonkle a banhu ba ku tiba ba hosi; kanilezi bona ba wa nga hi na ku zi kota a kugonza a mutsalo, ge ni kukombisa a klamuselelo ya kona yi tibiya a ka hosi.
- 9 Zonake a hosi Belxazzari i wa tsi ngelwe hi kukarateka, ni ngohe ya yena yi wa hunzukele a ka yena, ni manganakana ya yena ma wa kanganisilwe.
- 10 Makunu a muzinza hi kota ya timhaka ta hosi ni manganakana ya yena i lota lomo ndlwini yi engilweko a mubuzo: ni muzinza i lo wulawula i te ngalo, O hosi hanya kala kupinzuka; nga a kualakanya ka wena ku nga karati wena, O hosi hanya kala kupinzuka, nga na kualakanya ka wena ku nga karati wena, nga na u nga mahi a ngohe ya wena a ku hunzuka.
- 11 Laho ku kona a munhu lomo mufunweni wa wena, nzeni ka wili a moya wa banungungulu ba kubasa wu na nga kona; masikwini ya dadani wa wena a kuwoninga ni kupima ni kutiba, ku fanana ni kutiba ka banungungulu, ku wa kumilwe nzeni ka yena; ni hosi Nebukadnezzare a dadani wa wena, a hosi, nza wula, a dadani wa wena, i lo maha yena a hosi ya ba kutiba, ni zitumbe, ni ma Kaldea, ni tinanga;
- 12 Hakuba kwatsi hilezi a moya watsi, ni kutiba, ni kupima, a klamuselelo ka miloro, vumbululako a zilo zi tumbeleko, ni ku fungula a kukanakana, ku wa kumiwa a ka yena Danieli, loye hi bito ga hosi a na nga Beltexazzari. Makunu nga Danieli a bitanwa, na yena i ta kombisa wena a klamuselelo.
- 13 Zonake Danieli i wa lo nehwa a mahlweni ka hosi. A hosi yi lo wulawula yi te ngalo ka Danieli. Wena hi wena loye Danieli ke, loye a na nga wa banana ba bakanwi ba ka Juda, labo a hosi a dadani a ba nehileko hi le ka Juda ke?
- 14 Na mina nzi zwile ha wena, lezaku a moya wa banungungulu wu kona nzeni ka wena, lezaku a mano ni kupima ni tibiselelo watsi wu kumilwe nzeni ka wena.
- 15 Ni makunu a banhu ba kutiba, ni zitumbe, ba wa nehilwe a mahlweni ka mina, lezaku bona ba wa ta nga ba gonza lowu a mutsalo ni ku tibekisa a ka mina a klamuselelo wa kona; kanilezi bona ba wa nga hi na ku zi kota a kukombisa a klamuselelo wa xilo.
- 16 Kanilezi mina nzi zwile ha wena, lezaku wena wa zi kota a ku nyika a klamuselelo, ni kufunungula a kukanakana: loku wena u zi kota a kugonza a mutsalo, ni kutibekisa a ka mina a klamuselelo wa kona, na wena u ta ambexiwa hi ko zirila, u bekelwa a xingwabila xa nzalama lomo kolweni wa wena, u ta kuba a mufumeli wa wunharu lomo mufunweni.
- 17 Zonake Danieli i lo hlamlula i te ngalo mahlweni ka hosi, Nga a zinyikiwo za wena zi hi a ka wutsumbu ga wena, ni ku nyika a ncacazelo wa wena a ka muawani; ahem-balokoke nzi ta gonza a mutsalo a ka hosi, ni ku tibekisa a ka yena a klamuselelo.
- 18 O wena hosi, a Nungungulu a Hunzeleleko a Kuflakuka i lo nyika Nebukadnezzare a dadani wa wena, a mufumo, ni wukulu, ni wukosi, ni wudumo.
- 19 Na hi kota ya wukulu lego yena a nyikileko yena, bonkle banhu, ni tixaka, ni tirimi ti lo rurumela ni kucaba mahlweni ka yena: loye a ranzako a kudaya, ni loye a ranzako a kuba a hlaiyiseka a hanya; ni loye yena a mu kukumukisako ni loye yena a nga ta nga a releta lahasi.
- 20 Kanilezi laha mbilu ya yena yi nga wa khlakukile, ni laha a moya wa yena wu nga wa nonohisilwe, zingaho lezo yena i lo maha hi matsunza, yena i lo suswa le xitsanwenaxawukosi wukosini ga yena, bona ba lo teka a wukosi ga yena a ka yena:
- 21 Na yena i wa hlolongilwe le ka barisanyana ba banhu, ni mbilu ya yena yi wa mahilwe kwatsi zihari, ni wutsamo ga yena gi wa hi zinwe ni maesela ya kwati; yena i loga byanyi kwati i homu, ni miri wa yena wu wa ku tsakama hi nzokati ya tilo; a kala a tibile lezaku Nungungulu a Hunzeleleko a Kuflakuka i fumela xikari ka mufumo wa banana ba banhu, ni lezaku yena i yimisa kuwumbela hehla ka wona kani hiwihi loye a mu ranzako.
- 22 Na wena a nisanyana wa yena, O

DANIELI, 6.

- Belxazzari, a ku koramisangi a mbi-
lu ya wena, hambulezi wena u nga
wa tiba zonkle lezi,
- 23 Kanilezi u klakusile a wutsumbu ga
wena u vukela a Hosi ya tilo; na
bona ba nehile a ziya ya yindlu ya
yena mahlweni ka wena na wena ni
tihosi ta wena, ni basati ba wena ni
mundlukulu wa wena, mu nwele lo-
mo a waini; na wena u dumisile a
banungungulu ba siliwa ni nzalama,
ba suku, ba ziketse, ni tisinya, ni ma-
ribye, labo ba nga woniko, ge ni ku-
zwa, ge ni kutiba; a Nungungulu
loye a muhefemulo wa wena wu na
nga canjeni ga yena, loye tonkle a
tindlela ta wena, wena a ku dumisa-
ngi yena.
- 24 Zonake a kihlanya ga canja gi wa
lo rumelwa gita hi le mahlweni ka
yena, ni lowu a mutsalo a wu kla-
muselwengi.
- 25 Ni lowu hi mutsalo lowo wu nga
wa tsalilwe: MENE, MENE, TE-
KELI, UPHARSINI.
- 26 Loku hi klamuselelo ya xilo: ME-
NE; Nungungulu i hlaiye a mufu-
mo wa wena, u mahile wona a ku-
gumelwa.
- 27 TEKELI; wena i pimilwe lomo li-
pinweni, u kumilwe na u behuka.
- 28 PERESI; a mufumo wa wena wu
abanyiselwe wu nyikilwe ka ma Me-
di ni ma Persia.
- 29 Zonake ku lo leletela Belxazzari,
na bona ba lo ambexa Danieli hi ko
zirila, ni xingwabila xa nzalama lo-
mo kolweni wa yena, i lo banyibo
hi xingatano na yena, lezaku yena i
ta maha a mufumeli wa wunharu
lomo mufunweni.
- 30 A ka lego wusiku Belxazzari a
hosi ya ma Kaldea i lo dawa.
- 31 Na Dariusi a mu Medi i lo amukela
a mufumo, i wa ku kwatsi i wa hi
nklanu ni gizwe a makume ni ma-
mbiri a malembe a wukale.

XIPIMO 6.

- 1 Kona ku lo xalalisa Dariusi a ku
yimisa ku wumbelwa mufunweni a
zana ni makume mambiri a batongi,
labo ba ta nga fambela wonkle a
mufumo:
- 2 Ni hehla ka bona a tinduna tinharu,
a ka bahi Danieli i wa hi muzwe;
lezaku laba a batongi ba ta nyika a
kuhlaiye ka bona kabye, kasi a hosi
ya fela ku kala yi nga tsopetiswi.

- 3 Zonake loyi Danieli i wa hunzisile
hehla ka leti a tinduna ni laba bato-
ngi, hakuba a moya watsi wu wa hi
lomo nzeni ka yena; ni hosi yi lo
alakanya a ku yimisa yena hehla ka
wonkle a mufumo.
- 4 Zonake a tinduna ni batongi ba lo
hlota a ku kuma a xigelo xo vukela
Danieli hi ku kumbuka a mufumo;
kanilezi a ba kumangi a xigelo ku-
tani i nanzu, hakuba kwatsihilezi ye-
na a nga wa kolekile, ge laho ku wa
nga hi kona a xihoheto ni nanzu wu
nga wa kunwilwe a ka yena.
- 5 Zonake ku lo wula labo banhu, Hi-
na hi nga ta kuma a xigelo a ku
vukela loyi Danieli, saseka hina hi
kuma kona hi xungetano zizwe ni
nawo wa Nungungulu wa yena.
- 6 Zonake lati a tinduna ni batongi la
lo tsombana a katigiawe le hosini,
ni ku wula zakungahi le hosini, Ho-
si Dariusi, hanya kala kupinzuka.
- 7 Tonkle a tinduna ta mufumo, ni ba-
fumeli ni batongi, a masingalakati ni
bafumeli, ba wulawulise katigi-
awe a ku yimisa a xilayelo xa ka
mukulu a ku maha a tsimbetelo wu
tiyisileko, lezaku kani ngwakuyini a
koxela a xiwutiso a ka muzwani a
nungungulu kutani munhu a maku-
me manharu ya masiku, saseka wena,
O hosi, yena i ta hoxi wa lomo nke-
leni ya tingala.
- 8 Makunu, O hosi, yimisa a xitsimbe-
telo, u nameketa a mutsalo, lezaku
kona ku nga hunzulusiwi, kukotisa
hi ka nawo wa ma Medi ni ma Pe-
rsia, lowo wu nga hiko na ku dibe-
lwa.
- 9 Ngahilezo a hosi Dariusi i lo tiyisa a
mutsalo, ni tsimbetelo.
- 10 Ni laha Danieli a nga wa tiyisile
lezaku a mutsalo wu gandlilwe, ye-
na i loya lomo ndlwini ya yena (ma-
kunu a mawoni ma wa vululwe lo-
mo ndlwini ya yena hi ngomama ni
Jerusalema); na yena i lo kizama hi
madzolo ya yena a makati manharu
hi siku, i lo kombela i lo nyika a ku-
bonga a ka Nungungulu, kwatsi hi-
lezi a mahileko hi mahlweni ka xi-
kati.
- 11 Zonake laba ba lo tsombana a kati-
giawe, na ba lo kuma Danieli na a
maha a mikongelelo ni mikoxelelo a
mahlweni ka Nungungulu wa yena.
- 12 Zonake bona ba lo tsinela ku suha-
ni, ba lo ta wulawula zizwe ni hosi

DANIELI, 6.

- hi xungetano zinwe ni tsimbetelelo wa hosi: wena a kundlangi a tsimbetelelo ke, lezaku bonklelele banhu ba ta nga maha a koxelelo a ka munwani a nungungulu kutani munhu hi ka makume manharu ya masiku, saseka wena, O hosi i ta hoxiwa lomo nkeleni ya tingala ke? A hosi yi lo hlamula yi te ngalo, A xilo xi hi zinene kukotisa hi ka nawo wa ma Medi ni ma Persia, lowo wu nga hiko na kudibelwa.
- 13 Zonake ku lo hlamula bona ba te ngalo a mahlweni ya hosi, Loye Danieli, loye a na nga wa banana ba bakonwi ba ka Juda, a nga katuli ha wena, O hosi, ge hambu a xitsimbetelo lexo wena u xi gandlileko, kanilezi i maha a mikongelelo ya yena a makati manharu hi siku.
- 14 Zonake laha a hosi, laha na a zwile leti a timhaka, i wa la su tsingelwa hi kutsaba i lo pima hi mbilu ya yena a ka Danieli a kuklakisela yena; yena i tira ku kala ku peleni ka gambo a ku ponisa yena.
- 15 Zonake laba banhu ba lo tsombana a katiginwe a ka hosi, na ba te ngalo a ka hosi, Tiba, O hosi, lezaku kona nawo wa ma Medi, ni ma Persia, lezaku a ku kona a xitsimbetelo ni xilayelo lexo a hosi yi xi yimisileko xi ta nga hunzuluswa.
- 16 Zonake a hosi yi lo leletela, bona ba lo neha Danieli, ni kuhoxa yena lomo muhumeni wa tingala. Maku-nu a hosi yi wulawula yi te ngalo a ka Danieli, A Nungungulu wa wena loye wena u mu kozelako hi kusimamisisilweko, yena hi yena a ta nga klaklisa wena.
- 17 Ni ribye gi wa lo nehiwa, gi wa lo klatekwa a nkeleni wa tingala; a hosi yi lo umisa gona hi xigandlo xa wutsumbu ga yena, ni xigandlo xa tihosana ta yena, lezaku a xi kona cumo xi ta nga hunzuluswa ha Danieli.
- 18 Zonake a hosi yi loya a xilubelweni xa yena zwinyi, i lo eklela a wusiku na a nga gangi; ge hambu a wucenje ga kuvuma ku wa nga nehwangi mahlweni ka yena: ni wurongo ga yena gi wa lo nwalala a ka yena.
- 19 Zonake a hosi yi lo vuka laha ma yingwini ya punzu wa mixo, i lo famba hi xihakla le nkeleni wa tingala.
- 20 Laha a nga wa tsinele a kusuhani ni nkeleni a ka Danieli, yena i lo bitana hi gezu ga hlomulo; ni hosi yi lo wulawula yi te ngalo ka Danieli, O Danieli a nanza ga Nungungulu a hanyako, kasike a Nungungulu wa wena loye wena u mu kozelako hi kusimamisisilweko, i zi kotile a ku klaklisa wena le tingaleni ke?
- 21 Zonake ku lo wula a Danieli a ka hosi, O hosi, hanya kala kupinzuka.
- 22 A Nungungulu wa mina i rumele a ngelosi ya yena, i valile a milomu ya tingala, na a tona a ti nzi lamatangi; hakuba kwatsi hilezi a mahlweni ka yena a ku ngabi na nanzu ku lo kumiwa ha mina; kambe ni mahlweni ka wena, O hosi, a nzi mahangi a kubuha.
- 23 Zonake a hosi yi wa lo hunzelela a kutsaka, yi lo leletela lezaku bona ba wa ta nga ba humesa Danieli a muhumeni wa tingala, Zingaho Danieli i wa lo tekiwa lomo muhumeni wa tingala, hambu ni sakabeni ga kutobya gi wa nga kumiwanga a ka yena, hakuba yena a tsumbileko a ka Nungungulu.
- 24 Ni hosi yi lo leletela, lezaku bona ba ta neha labo banhu ba nga wa kecarile Danieli, na bona ba lo hoxa bona lomo nkeleni wa tingala, bona, ni banana babye, ni basati babye; ni tingala ti wa hi ngongwe wa tona, na ti lo tsoba wonkle a marambu ya bona a fufanyi, hi mahlweni na ba nga se kuta lahasi ka nkele.
- 25 Zonake a hosi Dariusi i lo tsala a ka bonkle banhu, mufumo, ni tirimi, leto ti tsamileko laha misabeni: A kurula a ku enzelekiswe a ka nwina.
- 26 Nzi maha a nyibo, lezaku a ka gonkle a tiko ga mufumo wa mina a banhu a ba rurumele ni ku caba a Nungungulu wa Danieli; hakuba yena i hi Nungungulu a hanyako, a tiyisileko kala kupinzuka, ni mufumo wa yena lowo a wu nga ta lobyiswa; ni mufumo wa yena wu ta kuba kala kugumelweni.
- 27 Yena a klaklisako a ponisako, na yena a tirako a ziwoniso ni hlamaliso le tilweni ni lomo misabeni, loye a klaklisileko Danieli le ntazweni wa tingala.
- 28 Zingaho loyi Danieli i lo vuvuma le kufumeni ka Dariusi, ni le kufumeni ka Kurusi a mu Persia.

XIPIMO 7.

- 1 A ka lembe go ranga ga Belxazzari a hosi ya le Babuloni Danieli i wa hi ni noro ni miwoniso ya hloko ya yena hehla ka mubedi wa yena : zonake i lo tsala a noro ni ku byelaa tsengo wa timhaka ta wona.
- 2 Danieli i lo wulawula i te ngalo, nzi lo wona a miwonisweni ya mina ni wusiku, ni, languta, a mune wa mawoni ya le tilweni ma lo abanye-ka hehla ka bimbi ga hombe.
- 3 Ni mune wa zihari za hombe zi lo huma hi lomo bimbini, zi hambene yinwe hi yinwe.
- 4 A xa ku ranga xi wa kotile a ngala, xi hi ni tipapa ta gama : nzi lo cuwukisa kala a tipapa ta kona ti tsuwuliwa, na xona xi wa klakusilwe laha misabeni, xi lo mahwa a ku yima hi mikonzo mimbiri ku fanana ni munhu ; ni mbilu ya wumunhu yi wa nyikilwe ka xona.
- 5 Ni, languta, a xizwani a xihari, a xo gamela, xi wo fanana ni bera ; na xona xi lo yima hi ginwe a klelo, ni timbambo timbiri ti wa hi nonwini wa xona xikari ka meno ya xona : bona ba lo wula a zakungahi a ka xona, Suka, u kadamula a nyama ya ku tala.
- 6 A nzako ka lezi nzi lo languta, ni, mangabye, a xizwani xi wo fanana ni yingwe, lexo xi nga wa hi naxo a hlanini wa xona a mune wa tipapa ta xinyanyani ; ni xihari kambe xi wa hi ni mune wa tihloko ; mufumo wu wa nyikilwe a ka xona.
- 7 A nzako ka lezi nzi lo wona le miwonisweni ya wusiku, ni, languta, xihari xa wumune, xi lo cabeka xi hi ntamo wa hombe, xi hi ni ntamo wu hunzeleleko ; xona xi wa hi ni meno ya hombe ya xiketse ; xona xi lo kadamula xi lo tsoba a fufanyi, xi kanziyela a misalela hi meno ya xona ; xona xi lo kadamula xi tsoba a fufanyi, xi kanziyela a misalela hi mikonzo ya xona : na xona xi wa hambene a ka zonkle a zihari lezo zi nga wa hi mahlweni ka xona ; xona xi wa hi ni kume ga timhonzo.
- 8 Na mina nzi lo alakanyela hi timhonzo, ni, languta, tona ti lo huma hi xikari ka lizwani limhonzo, a li tsongwani, mahlweni ka lihi leto to ranga ti lo tsuwulwa hi mitsu : ni, languta, a ka lolu a limhonzo ku wa hi ni mahlo yo fanana ni mahlo ya

munhu, ni nomu wa ku wulawula a zilo za hombe.

- 9 Nzi lo languta kala a zitsamo zawukosi zi lo bekiwa, ni muuwe loye a na nga ni malembe ya kaleloko i lo tsama : ni tinguwo ta yena ti wa basile kwatsi i mbera, ni misisi ya hloko yi wa basile kwatsi i woya gi basileko ; ni xitsamo xa yena xi wa ngongemelo wa nzilo, ni manzani ya kona ma wa ku vura a nzilo.
- 10 Ni congo wa nzilo wu lo buka wu huma hi le mahlweni ka yena : a makume mazana ya makume mazana ba ya bakozela ka yena, ni kume ga kume ga mazana gi anzelekiswa ko hi ha kume ga kume ga mazana gi lo yima mahlweni ka yena : ni kulamula ku lo yimiswa, ni buku gi wa lo vululwa.
- 11 Nzi lo languta hi ka lexo a xikati hi kota ya gezu ga timhaka ta hombe lego a limhonzo li nga wulawula ; nzi lo languta kala a xihari xi wa delwe, a miri wa xona wulobyisilwe, na xona xi wa lo nyikiwa a kuhisiwa hi nzilo.
- 12 Na kwatsi hi zonkle a zihari, ni mufumo wa zona wa tekilwe : kasike a wutomi ga zona gi lo longoloka nazo a xikati.
- 13 Nzi lo wona a miwonisweni ya wusiku, ni, languta, laho ku lota zinwe ni marefu ya tilo a muuwe a fanana ko ni ka nisanyana wa munhu, yena i lota a ka loye wa masiku ya kaleloko, na bona ba lo ncha yena ku suhani mahlweni ka yena.
- 14 Ni laho ku wa lo nyikwa yena a mufumo, ni wudumo, ni wukosi, lezaku bonkle banhu ni tixaka ni tirimi ti wa ta nga ti kozela yena : a mufumo wa yena wu hi mufumo wu pinzukulisisilweko, lowo wu ta nga kala wu nga hunzi, ni mufumo wu ta kuba wu nga lobyisiwiko.
- 15 Na kwatsi ha mina, Danieli, a mo-ya wa mina wu wa lo karateka a xikari ka miri wa mina, ni miwoniso ya hloko ya mina yi nzi karata.
- 16 Nzi lo tsinela ku suhani a ka muuwe wa bona labo ba yimileko, nzi lo wutisa yena a zinene hi xungetano zonkle lezi. Zingaho yena i lo byela mina i lo maha a klamuselelo wa zona wu tibekana a ka mina wa zilo.
- 17 Lezi zihari a za hombe, lezi zi na nga mune, zi wa hi mune wa tihosi, leto ti ta huma misabeni.

- 18 Kanilezi a basileko ba loye a Hunzeleleko a Kuklakuka ba ta amukela mufumo, ba ta fumela a mufumo kala kupinzuka, kona ku kala kupinzuka ni kupinzuka.
- 19 Zonake nzi lo xuba a kutiba hi xungetano hi xihari xa wumune lexo xi nga hambene a ka zonkle zinwani, xi hunzelela a ku cabeka, lexo a meno ya xona ma na nga ya xiketse, ni tikamba ta xona ta suku; lexo xi nga kadamula, ni ku tsoba a fufanyi, ni ku kanziyela a misalela hi mikonzo ya xona;
- 20 Na hi xungetano ni kume ga timhonzo leto ti nga wa hi lomo hlokweni ya xona, ni tinwani a timhonzo leti ti nga huma, a mahlweni ka tihi a tinharu ti lowa, tona a timhonzo leto ti na nga ni mahlo, ni nomu lowo wulawulako a zilo za hombe, lexo a cuwukeka ka xona xi na ni dzumba ku hunza banakulobye,
- 21 Nzi lo languta, lwalolo limhonzo li la kulwa ni ba kubasa, li lo hlula li vukela bona;
- 22 Kala loye wa malembe ya kaleloko i leta, ni lamuliselelo wu lo nyikiwa a ka ba kubasa ba loye a Hunzeleleko a Kuklakuka, ni xikati xi leta lexo a ba kubasa ba ta nga fumela a mufumo.
- 23 Zakungahi yena a wulileko, A mune wa zihari ku takuba a mune wa mufumo ya misaba leyo yi ta hambana ni ka yonkle a mufumo, yi ta kadamula yonkle a misaba, yi ta kanziyela yona lahasi, ni ku tsoba yona a fufanyi.
- 24 Kwatsi hi kume ga timhonzo, ku huma hi ka leyi a mufumo a kume ga mufumo yi ta huma ni mawani wu ta huma anzako ka yona; wona wu ta hambana ni ya kuranga, na yena i ta beka lahasi a tihosi tinharu.
- 25 Na yena i ta wulawula a timhaka a ku vukela loye a Hunzeleleko Kuklakuka, i ta rera a ba kubasa ba loye a Hunzeleleko a Kuklakuka; yena i ta alakanya a hunzula a zikati ni milawo; bona ba ta nyikiwa a canjeni ga yena ku kala a xikati ni zikati ni kihlanya ga xikati.
- 26 Kanilezia kulamula ku ta yimisiwa, na bona ba ta susa a mufumo wa yena, a kumbetisa ni kubisa wona kala kugumelweni.
- 27 A mufumo ni fumelo, ni kulisiselo wa mufumo lahasi ka tilo gonkle, ku

ta nyikiwa a ka banhu ba kubasa ba loye a Hunzeleleko a Kuklakuka: ni mufumo wa yena wu hi mufumo wu pinzukelisilweko ni yonkle a mufumo yi ta kozela yi ingisa yena.

- 28 Laha hi laha ku na nga ni kugumelwa ka mahungu. Na kwatsi ha mina, Danieli, a kualakanya ka mina ku wa hlokisa mina nguvu, ni ngohe ya mina yi hunzuluka nzeni ka mina: kanilezi nzi lo hlalisa a mahungu mbilwini ya mina.

XIPIMO 8.

- 1 A ka lembe ga wunharu ga ku fuma ka hosi Belxazzari a muwoniso wu lo woneka a ka mina, kona ka mina, Danieli, a nzako lowo wu nga wa wonekile a ka mina a kura nga.
- 2 Na mina nzi lo wona le muwonisweni; makunu na kona ku wa ngaho, lezaku laha nzi nga wa wonile, nzi wa hi le Xuxani xilubelweni, lexo xi nga wa hi le tikweni ga le Elami; nzi lo wona a muwonisweni, nzi wa hi le congweni Ulai.
- 3 Zonake nzi lo klakusa a mahlo ya mina, nzi lo wona, ni, languta, laho ku lo yima hi le congweni a hamba leyo yi na nga ni timhonzo timbiri; ni timhonzo leto timbiri ti wa klakukile; kanilezi linwani li wa klakukile ku hunza linwani, ni lolo li klakileko li la kuta le hi le nzako.
- 4 Nzi lo wona a hamba yi komana muhlwagambo, ni nwalungi, nu dzongeni; ku wanga hi kona a xihari xi nga wa kota a yima mahlweni ka yona, ge ku wa nga hi kona laho a nga wa kota a kuklaklisa canjeni ga xona; kanilezi yona yi lo maha kukotisa a kuranza ka yona, yi lo kukumuxa a wutsumbu ga yona.
- 5 Na kwatsi hilezi nzi nga wa alakanyela, languta, a mhongo yi la kuta hi muhlwagambo mahlweni ka ngohe ya misaba yonkle, a yi kumbangi a liranza ya: ni mhongo yi wa hi ni limhonzo li damisako xikari ka mahlo ya yona.
- 6 Yona yi leta a ka hamba leyo yi na nga ni timhonzo timbiri, leyo nzi nga yi wona yi yimile mahlweni ka congongo, yi lo tsutsuma hehla ka yona hi tsisiselelo wa ntamo wa yona.
- 7 Nzi lo wona yi tsinela ku subani ka hamba, na yona yi wa lo vindluka a zanga yi vukela yona, i lo daya a

hamba, yi lo tsoba a timhonzo ta yona ha timbiri; ni laho ku wa nga hi kona a ntamo a ka hamba a ku yima mahlweni ka yona; kanilezi yona yi lo hoxa yona lahasi liranza byeni yi lo kanziyela lehla ka yona; ni laho ku wa nga hi kona loye a nga zi kotako a ku *klaklisa* a hamba a canjeni ga yona.

8 Ni mhongo yi kukumuxa a wutsumbu ga yona hi kuhunzeletilweko: ni laha yi nga wa hi ni ntamo, limhonzo la hombe li lo tsobyiwa; a wutsumweni ga lona laho ku lo huma a mune wa timhonzo ti damisako, ti komamile a mune wa timheho ta matilo.

9 Ku lo huma hi ka linwe la tona a limhonzo litsongwani, lolo li lo hunzelela a kukula, hi ngomama ni dzonga, ni ngomama ni mutsuwukagambo, ni ngomama ni tiko ga wukosi.

10 Lona li lo hunzelela, a ku kula ku kala le mabandleni ya le tilweni; ni mazwani a mabandla ni tinyeleti ti lo hoxwa lahasi liranza byeni, ni ku kanziyela lehla ka zona.

11 Ina, na yona yi lo kukumuxa a wutsumbu ga yona, ku kala ka hosana ya mabandla; yona yi lo teka a ka muniyelo wa kuhiswa wa simamiselelo, ni wutsamo ga yindlu ya yena ya kubasa gi lo hoxwa lahasi.

12 Ni mabandla ma wa nyikilwe ka yona katigizwe ni muniyelo wa kuhiswa wu simamisileko hi kota ya xihambunyeto; yona yi lo hoxa lahasi a zinene misabeni, yona yi lo maha a kuranza ka yona yi lo vuvumiswa.

13 Zonake nzi lozwa a wa kubasa a wulawulako; ni muzwani a wa kubasa i te ngalo ka wa kubasa loye a wulawulako, Ku ta longoloka ku ku yini a muwoniso hi xungetano ni muniyelo wa kuhiswa wa simamisileko, ni xihambunyeto lexo xi mahako a hahlulelo, a ku nyika yona yindlu ya kubasa ni mabandla a ku kanziyelwa lahasi ka konzo ke?

14 Na yena i te ngalo ka mina, A ka mazana mambiri ya kume ga mazana ni mazana mambiri a gambyeni ni mixweni; zonake a yindlu ya kubasa yi ta basiswa.

15 Na ku mahisile lezo, laha mina, yena mina Danieli, laha nzi nga wa wonile a muwoniso, lezaku nzi hlota

a ku pima wona; ni, languta, laho ku yima mahlweni ka mina kwatsi ku woneka ka munhu.

16 Nzi lozwa a gezu ga munhu xikari ka livuti le Ulai, lego gi nga wa bitana gi te ngalo, Gabrieli, maha loyi a munhu a ku pima lowu a muwoniso.

17 Zingaho yena i lo tsinela ku suhani laho nzi nga wa yimile; ni laha yena a nga wa tile, nzi lo cabyiswa, nzi lowa hi ngohe ya mina, kanilezi yena i te ngalo ka mina, Pima, O nisanyana wa munhu; hakuba a muwoniso wu hi wa xikatini xa kugumelwa.

18 Makunu kwatsi hilezi a nga wa wulawula zinwe na mina, nzi lo wela tsotsongweni ga hombe hi ngohe ya mina hi ngomama ni liranza bya; kanilezi yena i lo kumba mina i lo tsamisa mina kwatsi.

19 Na yena i te ngalo, Languta, nzi ta maha wena u tiba lezi zi ta nga kuba kona hi magumelo xikati xa zanga; hakuba kona ku hi ka xikati xi longiselweko xa kugumelwa.

20 A hamba leyi wena u yi wonileko, leyo yi na nga ni timhonzo timbiri, bona ba hi tihosi ta ma Medi ni ma Persia.

21 Ni mhongo leyo ya wurena yi hosi ya le Gereki: ni limhonzo la hombe lolo li na nga xikari ka mahlo ya yona hi hosi yo ranga.

22 Na kwatsi hi lexo xi tsobekileko, a ka wutsamo lego mune ti humeleko a mune wa mifumo yi ta huma a ka linwe lixaka, kanilezi na ku nga hi ntamo wa lona.

23 Ni ka xikati xa gumesa xa mufumo wa tona, laha a bahambunyeti ba cikele talweni, ni hosi ya ngohe yi cabisekako, yi pimako a timhaka ti fihleleko, yi ta yima.

24 Ni ntamo wa yena wu ta kuba wa hombe, kanilezi na ku nga hi ntamo wa yena awinyi; na yena i ta lobisa hi kuhlamalisisilweko, i ta vuvuma ni ku maha a kuranza ka yena; yena i ta lobisa a tinhenha ni banhu ba kubasa.

25 Na hi kota ya ntamo wa yena i ta maha a zitumbe zi vuvuma lomo canjeni ga yena; na yena i ta kukumuxa a wutsumbu ga yena a mbi lwini ya yena, ni le kulaleni kabye yena i hlasela a banyingi: yena kambe i ta yima a vukela a hosi ya

tihosti; kanilezi yena i ta tsobeka na gi haba canja.

- 26 A muwoniso wa gambo ni wa mixo lowo wu byelilweko wu hi zinene: kanilezi wena kubunyeta a muwoniso; hakuba wona wu hi wa masiku manyingi ma ha tako.
- 27 Na, mina Danieli, nzi mbela ntamo, nzi wa babya a masiku yo kari; zonake nzi lo suka, nzi lo maha a mitiro ya hosi: nzi lo hlalala hi ka muwoniso, kanilezi i wa nga hi kona a pimako wona.

XIPIMO 9.

- 1 A ka lembe go ranga ga Dariusi a nisananya wa Ahasuerusi, wa mbe-wu ya ma Medi, loye a nga wa mahilwe a hosi hehla ka tiko ga ma Kaldea,
- 2 A ka lembe ka kuranga ga ku fuma ka yena, mina, Danieli, nzi lo pima hi mabuku a tsengo wa malembe ya kona a mhaka ya Jehova yi lota ka Jeremia a muprofeti, hi mbetekiselelo wa lobyiselelo wa Jerusalema, wona a nkalanu ni mambiri a makume malembe.
- 3 Na mina nzi lo rumela a ngohe ya mina a ka Hosi Nungungulu, a ku hlota hi mikongelo ni mikoxelelo, zinwe hi kuyila ni nguwo ya tisa-kwa ni kuma.
- 4 Nzi lo kombela a ka Jehova a Nungungulu wa mina, nzi lo maha a wuleliselo, nzi te ngalo. O, Hosi, a wa hombe ni Nungungulu a cabekako, loye a hlaysako a xivumelwano ni kuranzakawunene ka yena loye a ranzako yena a hlaysa mileletelo ya yena,
- 5 Hina hi onhile, hi mahileko hi kuonhakalisilweko, hi mahile hi kubihi-sisilweko, hi hlubukile, hi hambukile klelweni le zilayelweni za wena ni le zixaxametelweni za wena;
- 6 Ge cima a hi ingisangi a ka malanza ya wena a baprofeti, bona ba wulako a ka tihosi ta hina, a tihosana ta hina, ni ka badadani ba hina, ni ka bonkle a banhu ba tiko.
- 7 O Hosi, a kululamisisa ku kongolo-kile ku hi ka wena, kanilezi a ku hina vilinganya ga tingohe, kwatsi hi ku kota ka legi siku; a ka banhu, ba ka Juda, ni ka baakileko ba le Jerusalema, ni ka bonkle ba ka Israeli labo ba nga wa hi kusuhani, ni ka laba na nga le kule, ni ka wonkle

a matiko lawo wena u hlongoleko bona, hakuba hi zihambuko zabye lezo ba hambunyetileko ba vukela wena.

- 8 O Hosi, a ka hina ku kona a vil-inganya ga ngohe, a ka tihosi ta hina, ni ka tihosana ta hina, ni ka badadani ba hina, hakuba hina hi onhileko hi vukela wena.
- 9 A ka Jehova a Nungungulu wa ka yena ku kona, a titalo ni tsetse-leliselo; hakuba hina hi onhileko hi vukela yena;
- 10 Ge cima a hi ingisangi a ka gezu ga ka Jehova a Nungungulu wa hina, a ku famba hi milayo ya yena leyo a yimisileko hi malanza ya yena a baprofeti.
- 11 Ina, wonkle Israeli i hambunyetile a nawo wa wena, yena i hambukile klelweni, lezaku bona ba wa nga ta nga ba ingisa a gezu ga wena: hi-kwalaho a nzukano yi halatilwe hehla ka hina, a nawo lowo wu tsalilweko ha Mosi a nanza ga Nungungulu; hakuba hi onhile hi vukela yena.
- 12 Na yena i tiyisile a timhaka ta yena, leto yena a wulawulileko a vukela hina, ni ku vukela a balamuli ba hina labo ba lamulako hina, hi ku neha hehla ka hina a kubiha ka hombe; hakuba lahasi ka tilo a ku wa nga se ku mahiwa lezo zi mahilweko le Jerusalema.
- 13 Kwatsi hilezo ku tsalilweko lomo bukwinu ga nawo wa ka Mosi, konkle loku a kubiha ku tile hehla ka hina, kani hi nga koxangi a tomo ga ka Jehova a Nungungulu wa hina, kasi ha fela a ku klela le zigohweni za hina, ni kuba hi ni pimiselelo wa zinene za wena.
- 14 Hikwalaho Jehova i rinzele hehla ka kubiha, i nehile kona hehla ka hina; hakuba Jehova a Nungungulu wa hina i basile ka yonkle a mitiro ya yena leyo a yi mahako, na hina a hi ingisangi a ka gezu ga yena.
- 15 Ni makunu, O Hosi Nungungulu wa hina, loye u humesileko a banhu ba wena hi le tikweni ga le Gipite hi canja ga ntamo, na u lo ti mabela wena ku tibyekiswa, kwatsi hi ka legi siku; hi onhile, hi mahile hi kubihi-sisilweko.
- 16 O Hosi, kukotisa hi ka konkle a kululamisisa ka wena, nga na a zunga ya wena ni kulo ga wena, gi renga le

- mutini wa le Jerusalema, a xitsunga xa wena xa kubasa; hakuba hi kota ya zionho za hina, ni zigoho za bada-dani ba hina, a Jerusalema ni banhu ba wena ba mahile a nzukano a ka bona bonkle labo ba ranzeleko hina.
- 17 Makunu hikwalaho, O Nungungulu wa hina, ingisa a ka kukombela ka nanza ga wena, ni ka mikoxelelo ya yena, ni ku maha ngohe ya wena ku woninga hehla ka yindlu ya kubasa ya wena leyo yi hahlukileko, hi kota ya Hosi tsena.
- 18 O Nungungulu wa mina, pumunha a ndlebe ya wena, a kuzwa; vulula a mahilo ya wena, ni ku languta a hahlukilelo wa hina, ni muti lowo wu bitanwako hi bito ga wena; hakuba hina a hi tisi a mikongelelo ya hina ka wena hi kota ya kululamisa ka hina, kanilezi hi kota ya titalo ta wena ta ntsena.
- 19 O Hosi, zwana; O hosi, tsetselela; O Hosi, ingisa ni ku maha; u nga nonoki, hi kota ya bito ga wena zwinyi, O Nungungulu wa mina, hakuba muti wa wena ni banhu ba wena ba bitanilweko hi bito ga wena.
- 20 Ni laha nzi nga wa ha wulawula, ni kukombela, nzi wulela a zionho za mina ni zionho za ba ka Israeli, na nzi tisa a mikongelo ya mina mahlwani ka Jehova a Nungungulu hakuba hi xitsunga xa kubasa xa Nungungulu wa mina;
- 21 Ina, laha nzi nga wa wulawula kukombeleni, a munhu Gabrieli, loye mina nzi nga wa mu wonile kusannguleni a muwonisweni, na a mahilwe a ku puruma hi tratimisilweko, i lo kumba mina hi xikatini xa munyikelo wa gambo.
- 22 Na yena i lo gonzisa mina i lo wulawula zinwe na mina, i tengalo, O Danieli, nzi tile makunu a ku nyika a kutiba ni kupima.
- 23 Hi ka kusanguleni ka kombeliselelo wa wena a leletelo wu lo huma, na mina nzi tile a ku byela wena; hakuba u ranziwako nguvu: hikwalaho pima hi mlaka u pima a muwoniso.
- 24 A ntlanu ni mambiri makume madimingu ma bilweko nyibo a ka banhu ba ka zwina ni ka muti wa ka zwina wa kubasa, a kumbetisa a zihambunyeto, ni ku maha kugumelwa ka zionho, ni ku maha a kletiselelo wa kugoba, ni ku neha a kululamisa kupinzukelisisilweko, a ku lema a muwoniso ni miprofeto, ni kutota a hunzeleleko a kubasa.
- 25 Tiba hikwalaho ni kupima, lezaku hi ka kusuka ka kuleletela a ku wuyisa a Jerusalema a ka loye a totilweko, a hosana yi ta kuba ni ntlanu ni timbiri a tidimingu kambe, ni ntlanu ni ginwe makume ni timbiri a tidimingu: gi ta akiwa kambe, zinwe ni pango mikele hi xikatini xa zikarato.
- 26 Ni nzako ka ntlanu ni ginwe ni timbiri a tidimingu a totilweko i ta tsenwa, a nga ta kuba na ncumo: ni banhu ba hosana labo ba ta nga kuta ba ta lobisa a muti ni yindlu ya kubasa; ni kugumelwa ka kona ku ta kuba a ntalo, na kona kugumelweni ku ta ku ba a impi; ni hahlukilelo wu xubylwe.
- 27 Na yena i ta maha a xivumelwano zinwe ni banyingi hi dimingu yinwe: ni lomo xikari ka dimingu yena i ta maha a mupahlelo ni munyikelo a ku kawula; ni hehla ka lipapa la manyalataniso i tata a muzwe loye a mahako a marumbi; kona a kugumelweni kuteleko, ni lezo zi xubylweko, a zanga yi ta halatwa hehla ka marumbi.

XIPIMO 10.

- 1 A ka lembe ga wunharu ka Kurusi a hosi ya le Persia a xilo xi lo wonkeliswa a ka Danieli, loye a bito a bitanwako Beltexazzari; ni xilo xi wa hi zine, yona a impi ya hombe: na yena i lo pima a xilo, i lo pima a muwoniso.
- 2 Ka lawo masiku mina, Danieli, nzi wa ku rila a tidimingu tinharu tonkle.
- 3 Nzi wa ngagi ni xihhi a xibaba xonanziha, ge kuta nyama ni waini lomo norwini wa mina, ge a nzi wa nga tolangi a wutsumbu ga mina futsi, kala tonkle a tidimingu tinharu ti wa tatisekile.
- 4 Hi ka siku ga makume mambiri ni mune ga hweti ya kuranga, kwatsi hilezi nzi wa hi kletweni ga congo wa hombe, lowo wu na nga liddekeli.
- 5 Nzi lo klatusa a mahilo ya mina, nzi lo cuwuka, ni, languta, a munhu a ambele hi ta wukene, loye a ziwunu za yena a bohileko hi lifunga la nzalama yi nyikisilwe ya Ufazi:
- 6 A miri wa yena kambe wu wa fanana ni berile, ni ngohe ya yena kwatsi hi kuwoneka ka xingwalangwanza,

- ni mahlo ya yena kwatsi xihlahle xi ngengemelako, a mawoko ya yena ni mikonzo ya yena kwatsi i suku wuvurako, ni gezu ga timhaka ta yena kwatsi i gezu ga xidlemo.
- 7 Na mina, Danieli, nzoce nzi lo wona a muwoniso; ni banhu labo ba nga wa hi zinwe na mina a ba wu wona- ngi a muwoniso; kanilezi a kutseka- tseka ka hombe ku lo wela hehla ka bona na bona ba lo tsutsuma a ku fihla a wutsumbu gabye.
- 8 Zingaho nzi wa lo siywa nzoce, nzi lo wona lowu a muwoniso wa ho- mbe, ni laho ku wa salangi ni ntamo a ka mina; hakuba ni tiyisetelo wa mina wu hunzuka a boliselelo, nzi wa nga kumangi a ntamo.
- 9 Kasike nzi lozwa a gezu ga timhaka ta yena; laha nzi nga wa zwilwe a gezu ga timhaka ta yena, zonake nzi wa wile le wurongweni gi etileko hi ngohe ya mina, ni ngohe ya mina yi komamile liranza byeni.
- 10 Ni, languta, a canja gi lo nzi ku- mba, legi gi nga maha mina nzi ki- zama hi madzolo ya mina ni hehla ka mipama ya mandla ya mina.
- 11 Na yena i te ngalo ka mina, O Da- nieli, wena munhu a ranziwako nguvu, pima hi timhaka leti nzi ta nga ti wulawula a ka wena, u yima hi kulongama; hakuba a ka wena mina nzi rumele makunu, Ni laha yena a nga wa wulawulile leti a ti- mhaka a ka mina nzi lo yima na nzi rurumela.
- 12 Zonake ku lo wula yena a ka mina, U nga cabe, Danieli; hakuba kusu- kela a ka siku ga kuranga lego we- na u nga yinisa mbilu ya wena a kupima, ni kukoramisa a wutsumbu ga wena mahlweni ka Nungungulu wa wena, ni timhaka ta wena ti wa zwilwe: mina nzi tile hi kota ya ti- mhaka ta wena ntsena.
- 13 Kanilezi a hosi ya mufumo wa le Persia i vukelana na mina a maku- me mambiri ni ginwe siku; kanilezi, mangabye, Mikaeli, a munwe tihos- sana ta hombe, i tile a kuvuna mina: nzi sele laho ni tihosi ta le Persia.
- 14 Makunu nzi tile a ku ta maha wena a kupima lezi zi ta wela a banhu ba ka zwina hi masiku ma ha tako; ha- kuba a muwoniso wu hi wa masiku manyingi.
- 15 Ni laha yena a nga wa wulawulile a ka mina ku kotisa hi ka leti a timha- ka, nzi lo bekela a ngohe ya mina hi ngomana ni liranza bya, nzi wa hi mbebebe.
- 16 Ni, languta, a munwe a hi fananise- lweni wo kwatsi i barisanyana ba banhu, i kumba a milomu ya mina: zonake nzi ahlama a nomu wa mina, nzi lo wulawula nzi te ngalo a ka yena loye a yimileko hi ka mahlwe- ni ka mina, O Hosi ya mina, hi kota ya muwoniso a kuxaniseka ka mina ku klelela a ka mina, a nzi kumangi na ntamo.
- 17 Hakuba zi ta kotisa a ku yini lezaku a nanza ga leyi a hosi ya mina gi wulawula ni leyi a hosi ya mina ke? hakuba kwatsi ha mina ka kalekale laho a ku salangi a ntamo a ka mina, ge laho ku wa nga hi kona a ku hefe- mula ku siyilweko nzeni ka mina.
- 18 Zonake laho ku lo kumbyiwa mina kambe hi munwe a kuwoneka ka yena ku fanana ni munhu, na yena i lo tiyiseta mina.
- 19 Na yena i te ngalo, O wena a ranze- kileko nguvu, u nga cabi: a kurula a kube ka wena, u be u tiyisileko, ina, nga u be u tiyisileko. Ni laha yena a nga wa wulawulile a ka mina, nzi lo kuma ntamo, nzi te ngalo, Nga a hosi ya mina yi wulawula; hakuba yona yi hile mina a ntamo.
- 20 Zonake ku wula yena, Ngahilezi nga u zi tiba lezi nzi tileko ka wena ka zona ke? ni makunu nzi ta klelela a ku yalwa ni hosana ya le Persia; ni laha na nzi humele, mangabye, a hosana ya le Greki yi ta kuta.
- 21 Kanilezi nzi ta byela wena lezo zi tsalilweko le mutsalweni za zinene: ni laho a nga kona loye a beletako mina hi ka zona, kanilezi Mikaeli a hosana ya zwina.

XIPIMO 11.

- 1 Na kwatsi ha mina hi ka lembe ga kuranga ga Dariusi a mu Medi, nzi lo yima nzi tiyisa ni kuvunetela yena.
- 2 Ni makunu nzi ta kangeta wena a zinene. Languta, laho ka ha ta yi- ma a tihosi tinharu le Persia; a ya wumune yi ta kuba yi fumile ku hunza tona tonkle: ni laha yena a ta nga hunzelela a ntamo hi kota ya kufuma ka yena, na yena i ta vindlu- kisa bonkle a kuvukela a mufumo wa le Greki.
- 3 Ni hosi ya ntamo yi ta yima, leyo yi

- ta nga fumela hi wunhenha ga hombe, ni ku maha kukotisa hi kuranza ka yona.
- 4 Ni laha yona yi ta nga yi yimile, ni mufumo wa yena wu ta tsobyiwa, wu ta abanyiselana mune wa timbeho ta tilo, kanilezi na ku nga hi ka tralo wa yena, ge ni kukotisa hi ka mufumo wa yena lowo a nga wa fumele; hakuba a mufumo wa yena wu ta wukliwa, hambu ni banwani lahandle ka laba.
- 5 Ni hosi ya le dzongeni yi ta kuba ni ntamo, munwe wa tihosana ta yena; i ta kuba ni ntamo kuhunza yena, i ta kuba ni mufumo; ni mufumo wa yena wu ta kuba a mufumo wa hombe.
- 6 Ni ka kugumelweni ka malembe bona ba ta klangana a wutsumbu gabye katiginwe; ni nhanyana wa hosi ya le dzonga i tata a ka hosi ya le nwalungu a ku ta maha a xivumelwano: kanilezi yena a nga ta luluma a ntamo wa woko ga yena; ge hambu yena a nga ta yima, ge ni woko ga yena; kanilezi yena i ta nyikelwa, na bona labo ba nehako yena, na yena loye a treleko yena, na yena loye a tiyisetako yena a ka lawo makati.
- 7 Kanilezi a rabini ga mitsu ya yena munwe i ta yima a wutsanweni ga yena, loye a ta ngata le impini i ta engena le kokoleni ga hosi ya le nwalungu, i ta maha a vukela bona, i ta hlula.
- 8 Ni kambe a banungungulu babye, ni zifananiso babye zi nyekisilweko, ni zibya zo nene za siliva ni nzalama, zi ta gotswa a wukonwi ziya le Gipte; na yena i ta luluma a malembe yo kari a ka hosi ya le nwalungu.
- 9 Na yena i ta kuta a mufunweni wa hosi ya le dzongeni, kanilezi yena i ta klela a tikweni ga yena nwinyi.
- 10 Ni barisananyana wa yena ba talwa, ba ta hlomisa a xidlemo ya mabutu ya hombe, ma ta nga kuta, ma ta kubunyeta, ma ta tsemakanya; na bona ba ta klela kulwa, kwalomo makokoleni ya yena.
- 11 Ni hosi ya le dzongeni yi ta vunjuka hi zanga, yi ta kuta kulwa zinwe na yena, a kulwa na nona a kosi ya le nwalungu; yena i ta yimisa a xidlemo xa hombe nguvu, ni xidlemo xi ta nyikiwa a canjeni ga yena.
- 12 Ni xidlemo xi ta klakusiwa, ni mbilu ya yena yi ta klakusiwa; na yena i ta hoxa lahasi a makume ya makume mazana, kanilezi a nga ta hlula.
- 13 Ni hosi ya le nwalungu yi ta klela, ni ku hlomisa a xidlemo xa hombe a ku hunza le xo ranga; na yena i ta kuta hi kugumelweni ka zikati, kona ka malembe, zinwe ni impi ya hombe ni nhunzu yo tala.
- 14 Ni ka lezo zikati a banyingi ba ta suka ba yima ba vukela a hosi ya le dzongeni: kambe ni ka banana ba tingwazi xikari ka banhu ba ka nwinana ba ta kukumuxa a wutsumbu gabye a ku yimisa a muwoniso; kanilezi ba ta kuwa.
- 15 Zingaho a hosi ya le nwalungu yi ta kuta, yi ta hoxa a zikungumulo, ni ku teka a muti lowo wu gingisilweko kwatsi; ni tiimpi ta le dzongeni ti nga ta zi kota a ku yima, ge ni banhu ba yena ba langilweko, ge laho ku nga ta kuba kona a ntamo wa ku yima.
- 16 Kanilezi i na loye a tileko vukela yena i ta maha a kuranza ka yena nwinyi, a nga ta kuba kona a ta yima a mahlweni ka yena; na yena i ta yima le tikweni ga wukosi, ni le canjeni ga yena ku ta kuba kona a lobyiselelo.
- 17 Yena i ta yimisa a ngohe ya yena a kuta ni ntamo wa mufumo wa yena wonkle, zinwe na yena a zigelo zi longamileko; na yena i ta maha zona; i ta nyika yena a nhanyana wa wasati, a ku bota yena; kanilezi yena a nga ta yima, ge ni ku ba ka yena.
- 18 A nzako kalezi yena i ta hunzuluka a ngohe ya yena le zihlaleni, i ta teka a bo tala: kanilezi a hosana yi ta maha a nzukano yi nyikilweko ha yena a ku kawula; ina, klatakumbiri, i ta maha a nzukano ya yena a ku hunzulukela a ka yena.
- 19 Zonake yena i ta klelisa a ngohe ya yena a ngomama nimakokola ya tilo ga yena nwinyi; kanilezi yena i ta retemuka ni kuwa, a nga ta ha ku miwa.
- 20 Zonake ku ta yima munwani a wutsanweni ga yena loye a ta maha a mutongi a ku fambela wonkle a mufumo wa wukosi; kanilezi hi masikwana na tsongwani yena i ta lobyiswa, ge ku nga hi zanga, kutani impi.
- 21 Ni laho ku ta yima a wutsanweni ga yena a munhu a nyenyekako, a yena bona a ba nyikango a kudzu-

- nziwa ka mufumo : kanilezi yena i ta huma hi xikatini xa kulala, i ta kuma a mufumo hi kuonga.
- 22 Ni kubunyetani wa tiimpi i ta kubunyeta hi le mahlweni ka yena, i ta tsobyiwa; ina, ni hosana ya xivumelwano.
- 23 Ni nzako ka a xivumelwano xi mahlilwe ziwwe na yena i ta tira a kohliselelo; hakuba yena i ta kuta, i ta maha ntamo, hi banhu ba tsongwani.
- 24 Hi xikati xa kulala yena i ta hehla ka tiko gi nonisilweko ga mufumo; yena i ta maha lezo a badadani ba yena a nga mahangiko, ge hambu a dadani wa dadani wa yena; yena i ta hangalasa xikari ka bona a mufulo ni mupango, ni nhunzu, ina, i ta hleba a xikungo a vukela a tigingisi ti tiyileko, ku ta kuba a xikatana.
- 25 Na yena i ta vindlula a ntamo wa yena ni wunhenha ga yena a kulwa ni hosi ya le dzonga ziwwe ni impi ya hombe, ni hosi ya le dzonga yi ta hloma hi impi yi hunzeleleko a kukula ni impi ya tinhenha; kanilezi yena a nga ta yima; hakuba bona ba ta tsema a xikungo ba vukela yena.
- 26 Ina, bona labo ba gako a malongo ya yena ba ta lobisa yena, ni impi ya yena yi ta kubunyetwa; banyingi ba ta kuwa lahasi ba delwe.
- 27 Na kwatsi hi tona tonkle leti a tihoisi, a timbilu ta tona hi ku maha a kohlakalo, na bona ba ta wulawula a mawunwa le ka meza yiwwe; kanilezi wona ma nga ta vuvuma; habuka lezoke, a kugumelwa ku le xikatini xi yimisilweko.
- 28 Zonake i ta klelela a tikweni ga yena ni nhunzu ya hombe; ni mbilu ya yena yi ta vukela a xivumelwano xa kubasa; na yena i ta maha a kuranza ka yena ni ku klelele le tikweni ga yena winyi.
- 29 Hi ka xikati xi langilweko yena i ta klelela, i tata le dzongeni; kanilezi ku nga ta kuba lezo hi xikatini xi gumesa a ku kwatsi hi xikati xo ranga.
- 30 Hakuba mataru ya le Kittime ma tata ma ta vukela yena; hikwalaho yena i ta kuba a hlokisilwe, i ta klelela, i ta kuba ni kuzangara hi xivumelwano xa kubasa, i ta maha a kuranza ka yena: yena hizona i ta klelela, ni kuba ni kukatala a ka bona labo ba tsikako a xivumelwano xa kubasa.
- 31 Ni mabandla ma ta yima hi klelelo ga yena, bona ba ta nyenyezisa a yindlu ya kubasa, gona a kokola, ba ta susa a munyikelo wa kuhiswa wu simamileko, na bona ba ta yimisa a manyalataniso lawo ma mahako a marumbi.
- 32 A ba ku kwatsi hi labo ba mahako a kubiha ba vukela a xivumelwano ba ta onhakaliswa hi kohlakalo; kanilezi a banhu labo ba tibako a Nungungulu wabye ba ta kuba ni ntamo, ba ta maha a wunhenha.
- 33 Na bona labo ba tibako xikari ka banhu ba ta gonzisa a banyingi; kasike ba ta kuwa hi supado ni kungengemela, ni kukonwa ni mupango, a masiku ya ku tala.
- 34 Makunu laha bona ba ta nga kuwa, ba ta vunetelwa hi kuvuna kutsongwani; kanilezi mbanyingi ba ta klangana a wutsumbu gabye a ka bona hi kohliso.
- 35 Ni banwani ba bona labo ba kutiba ba ta kuwa, a nyekisa bona, ni kubasisa bona, ni ku maha bona ba basa, kona a xikatini xa kugumelwa; hakuba makunu ka ha hi xikati xi langilweko.
- 36 Ni hosi yi ta maha a kukotisa hi ka kuranza ka yona; na yona yi ta klakusa a wutsumbu ga yena, ni kukumuxa a wutsumbu ga yona hehla ka banungungulu bonkle, i ta wulawula a zilo za masingita hi ka Nungungulu wa banungungulu; na yena i ta ti kukumuxa kala a zanga yi mbetekiswa; hakuba lexo xi xubylweko xi fela a ku maheka.
- 37 Ge cima a nga ta katala hi nungungulu wa badadani ba yena, ge xubelelo wa babasati, ge ni kukatala hiwi a nungungulu; hakuba yena i ta klakusa a wutsumbu ga yena hehla ka bonkle.
- 38 Kanilezi a wutsanweni ga yena i ta dzonza a nungungulu wa makokola, a nungungulu loye a badadani ba yena ba nga mu tibiko na yena i ta dzunza yena hi nzalama, ni siliva, ni maribye ya malongo ni zilo zo saseka.
- 39 Na yena i ta maha hi tigingisi ti tiyisilweko hi kuvuna ka nungungulu wa matiko: kani ngwakuyini a tibako yena i ta enzeleka hi wukosi; na yena i ta maha bona aku fumela a banyingi, i ta abanyisa tiko akuba tsengo.
- 40 Hi xikatini xa kugumelwa a hosi

ya le dzonga yi ta vumelana zinwe na yena; ni hosi ya le nwalungu yi tata yi vukela yena kwatsi i mheho ya xihuburi, zinwe ni tikareta, zinwe ni ba banuna ba mahaxi, zinwe ni mataru; na yena i ta engena lomo tikweni, i ta kubunyeta a tsemakanya.

- 41 Yena i ta engena kambe lomo tikweni ga wukosi, ni matiko manyingi ma ta kubunyetwa; kanilezi laya ma ta khlakiswa le canjeni ga yena: Edome, na Moabi, ni hosi ya banana ba ka Ammoni.
- 42 Kanilezi i ta nawuluta a canja ga yena kambe hehla ka matiko; ni tiko ga le Gipite gi nga ta pona.
- 43 Kanilezi yena i ta kuba ni ntamo hehla ka mabako ya nzalama ni siliwa, ni hehla ka zilo zonkle za malongo za le Gipite: ni ma Libyani ni ma Etiopia ma ta kuba wukanziyelweni ga yena.
- 44 Kanilezi a mahungu ma humako hi le mutsuwukagambo ni ma humako hi le nwalungu ma ta karata yena; na yena i ta famba hi zanga ya hombe a kulobisa na hi rizisisilweko a swiyela a banyingi.
- 45 Na yena i ta byala a matenta ya xilubelo xa yena xikari ka bimbi ni xitsunga xa kubasa; kasike yena i tata kugumelweni ka yena, a nga ta kuba kona a ta nga vundetela yena.

XIPIMO 12.

- 1 Ni ka lexo xikati Mikaeli i ta yima, a hosana ya hombe loye a yimelako a banana ba banhu ba ka zwina; ni laho ku ta kuba kona a xikati xa zikarato, lezo zo kala zi wa nga hi kona cima laho ku nga nga kuba a mufumo kala ka xwalexo xikati: ka xwalexo a xikati a banhu ba wena ba ta khlakiswa, bonklelele labo ba ta nga kunwa na ba tsalilwe lomo bukwin.
- 2 Ni banyingi ba bona labo ba ekleleko lomo tsurini wa misaba ba ta vuka, a banwani le wutomini gi pinzuke-lisilweko, banwani tinganeni ni xaniselelweni wupinzukelisisilweko.
- 3 Na bona labo ba tibako ba ta ngangamela kwatsi hi kuwonekela ka mbingano wa tilo; na bona labo ba hunzulako a banyingi ku lulamiseni, ba ta gangamela kwatsi tinyeleti kala kupinzuka ni kupinzuka.
- 4 Kanilezi wena, O Danieli, vula a ti-

mhaka, u lema a buku, kala xikatini xa kugumelwa: banyingi ba ta tsutsuma ba ndlengandlengiswa, ni kutiba ku ta enzelekiswa.

- 5 Zonake mina, Danieli nzi lo cuwuka, ni, languta, laho ku lo yima banwani bambiri, munwe leno libambeni la congo a ka klelo ga leno, ni munwani laho libambeni la congo a ka klelo ga seyo.
- 6 Ni munwe i te ngalo ka munhu a ambeleko hi wukene, loye a nga wa hi le hehla ka mamati ya congo, Ku ta longoloka ku yini a kugumelweni ka zihlamaliso ke?
- 7 Na mina nzi lozwa a munhu a nga wa ambele hi wukene, loye a nga wa hi le hehla ka mamati ya congo, laha yena a nga wa klakusile a canja ga yena ga xinene ni canja ga yena ga xibaba le tilweni, i lo hlambanya ha yena loye a hanyako kala kupinzuka lezaku ku ta kuba kona a xikati, a zi kati, ni a xikati ni kihlanya; laha na ba mahile a kugumelwa ku tsoba a fufanyi a ntamo wa banhu ba kubasa, zonkle lezi zilo zi ta mbelekiswa.
- 8 Kanilezi nzi lozwa, kanilezi a nzi pimagi; zonake ku lo nzi wula, O hosi ya mina, ku ta kuba yini i kubuka ka lezi zilo ke?
- 9 Na yena i te ngalo, Famba a ndlela ya wena, Danieli; hakuba a timhaka ti valilwe ni umisilwe kala a xikatini xa kugumelwa.
- 10 A banyingi ba ta basisa wutsumbu gabye, ni ku maha a wutsumbu gabye a kubasa, ba hi ba nyekisilweko; kanilezi loye wa kubiha i ta maha i kubihisilweko; a nga kona wa bakubiha a ta nga pima; kanilezi bona labo bakutuba ba ta pima.
- 11 Kusukela le xikatini xa munyikelo wa kuliswa wu simasileko wu ta nga suswa, ni manyalataniso laya mamahako a marumbi a ku yimiswa, laho ku ta kuba kona a kume ga mazana ni mazana mambiri ni nklanu ni mune makume a masiku.
- 12 I katekisilwe yena loye a rinzelako, a tako ka kume ga mazana ni mazana manharu ni makume manharu ni nklanu a masiku.
- 13 Kanilezi famba wena a ndlela ya wena a kugumelwa kuta; hakuba wena u ta humula, u ta yima hlo-lweni ya wena, le kugumelweni ka masiku.

A BUKU GA HOSEA.

XIPIMO 1.

- 1 A mhaka ya Jehova leyo yi ngata ka Hosea a nisanyana wa Beeri, a masikwini ya Uzzia, Jotamu, Ahaza, na Hezekia, a tihosi ta ka Juda, a masikwini ya Jeroboamu a nisanyana wa ka Joaxi, a hosi ya ka Israeli.
- 2 Laha Jehova a nga wa wulawulile a kuranga ha Hosea, Jehova i te ngalo ka Hosea, Famba, u ya teka a ka wena a wasati wa wubayi, ni banana ba wubayi; hakuba a tiko gi mahile a wubayi ga hombe, gi sukile le ka Jehova.
- 3 Zingabo i lo famba a ya teka Gomera a nhanyana wa Dibraime; yena i lo xura nyimba i lo tralela yena a nisananyana.
- 4 Na Jehova i te ngalo ka yena, Cula a bito ga yena Jezreeli; hakuba hi xikatana xitsongwani, nzi ta potela a nkata ya Jezreeli hehla ka yindlu ya ka Jehu, nzi ta maha a mufumo wa yindlu ya ka Israeli a ku kawula.
- 5 Na ku mahisile lezo a ka lego siku, lezaku nzi ta tsoba a wura ga ka Israeli lomo mikobeni ya le Jezreeli.
- 6 Na yena i lo xura nyimba kambe, i lo trala a nhanyana. Na Jehova i te ngalo ka yena, Cula a bito ga yena Lo-ruhama; hakuba nzi nga ta ha kuba na titralo ni yindlu ya ka Israeli kambe, lezaku cima nzi nga ta ha engeta kambe nzi tsitselele bona.
- 7 Kanilezi nzi ta kuba ni titralo hehla ka yindlu ya ka Juda, nzi ta hanyisa Jehova a Nungungulu wabye, nzi nga ta hanyisa bona ha wura, ge hi supado, ge hi impi, ge hi mahaxi, ge ni ba banuna ba mahaxi.
- 8 Makunu laha yena a nga wa lumule Lo-ruhama, yena i lo xura nyimba i lo trala a nisanyana.
- 9 Na Jehova i te ngalo, Cula a bito ga yena Lo-ammi; hakuba nwina mu nga hiko banhu ba mina, nzi nga ta kuba a Nungungulu wa nwina.
- 10 Kasike a tsengo wa banana ba ka Israeli ba ta kwatsi i fungu wa bi-

mbi lowo wu nga hiko na kuringaniswa kutani kuhlayiwa; na ku ta mahisile lezo lezaku. a wutsanweni lego ku nga wa wulilwe ka bona, Nwina a mu hi banhu ba mina, kona ku ta wulwa ka bona, Nwina mu hi barisanyana ba Nungungulu a hanyako.

- 11 Ni banana ba ka Juda ni banana ba ka Israeli ba ta tsombana katiginwe, ba ta yimisa a ka wutsumbu gabye a hloko yinwe, ba ta kanziya hi lomo tikweni hakuba gi ta kuba ga hombe siku ga Jezreeli.

XIPIMO 2.

- 1 Wulani nwina a ka bamakabye ba nwina, Ammi; ni ka makweru wa wena, Ruhama.
- 2 Kanetanani ni mamani wa nwina, kanetanani; hakuba yena a hi sati wa mina, ge mina a nzi nuna wa yena; nga yena a hoxa a wubayi ga le ngoheni ya yena, ni kuremba ka yena xikari ka zifuba za yena.
- 3 Nzi nga ta ku nzi klumulela yena a ximbyiri, nzi tsamisa yena kwatsi hi lego siku yena a nga traliwa, ni ku maha yena kwatsi xiwula, ni ku tsamisa yena kwatsi i tiko ga zikwakwa, nzi hlasela yena hi tora.
- 4 Ina, ni hehla ka banana ba yena nzi nga ta kuba na titralo; hakuba bona ba na nga banana ba wubayi.
- 5 Hakuba a mamani wabye i mahile a wuoswi; yena loye a treleko bona hi kukoyamisilweko tingana; hakuba yena a te ku ngalo, Nzi ta famba nzi lanzela a baranzi ba mina, labo ba nyikako mina a zibaba za mina, ni mati ya mina ni woya ga mina, ni wukene ga mina, a mafura ya mina ni kunwa ka mina.
- 6 Hikwalaho, languta, nzi ta biyela a ndlela ya wena hi mizwa, nzi ta aka a ligingisi a kuvukela yena, lezaku yena a nga ta ha kuma a ndlela ya yena.
- 7 Na yena i ta lanzela a baranzi ba yena, kanilezi yena a nga kuma bona; i ta hlota bona kanilezi a nga ta ku-

- ma bona : zonake bona ba ta wula, Nzi ta klela nziya ka nuna wa mina wa kuranga ; hakuba zonake ku wa cukwana ha mina ku hunza makunu.
- 8 Hakuba a nga zi tibangi lezaku nzi nyikile yena a mbewu, ni waini giswa, ni mafura, ni enzelekisa a ka siliva ya yena ni nzalama, leyo bona ba tiriseleko Baali.
- 9 Hikwalaho nzi ta klela nzi teka a mbewu ya mina hi xikatini xakona, yona, ni waini ga mina hi tingubeni ta gona, nzi wukla a woya ga mina ni wukene ga mina lego gi nga ta nga gi fenengetile a wumbyiri ga yena.
- 10 Makunu nzi ta funungula a swila ga yena a kuwoneni ka baranzi ba yena, a nga ta kuba kona a ta nga klablisa yena a huma canjeni ga mina.
- 11 Minawu kambe nzi ta maha a kuhleka ka yena ku kawula, a mibuzo ya yena, ni tihweti ta yena ta tiswa, ni masabado ya yena, ni yonkle migotsobanyano ya yena ya ximuse.
- 12 Na minua nzi ta hahlula a zivina za yena ni tisinya ta yena ta mikuwu, leto ha tona yena a wulileko, Loku hi kurihwa ka mina loko a baranzi ba mina banyikileko mina ; nzi ta maha tona a makwati, ni zihari za kwati zi ta kuga tona.
- 13 Nzi ta enzela yena hi masiku ya Baalina, a ka yahi yena a hisako a libani, laha na a ha bombile a wutsumbu ga yena hi tipera ni tinzalamama, a lanzela a baranzi ba yena, a ribala mina, ku wula Jehova.
- 14 Hikwalaho, languta, nzi ta kupe ta yena, nzi ta neha yena lomo xiwuleni, nzi wulawula a tangaliselelo a ka yena.
- 15 Nzi ta nyika yena a zivina za yena hi leyo, ni mikoba ya le Akora, a libati la xitsumbo ; na yena i ta maha a hlamulo leyo, kwatsi hi masikwini ya wuswa gakwe, na kwatsi hi masikwini laha bona ba nga huma hi le tikweni ga le Gipite.
- 16 Na kona ku ta kuba lezo a ka lego siku, ku wula Jehova, lezaku wena u ta bitana mina Ixi, u nga ta ha bitana mina kambe Baali.
- 17 Hakuba nzi ta susa a bito ga Baalima lomo nonwini wa yena, bona ba nga ta ha engeta kambe ba kumbukiwa hi mabito yabye.
- 18 A ka lego siku nzi ta maha a xivumelwana zizwe nabo ni zihari za

- kwati, zizwe ni zinyanyana za tilo, zizwe ni zilo zi kokakokako za misaba : nzi ta tsoba a wura ni supado ni impi zi huma lomo tikweni, nzi ta maha zona zi eklela lahasi kuponeni.
- 19 Nzi ta klanganyisa wena ka mina kala kupinzuka ; ina, nzi ta klanganyisa wena a ka mina hi kululamisisa, ni ka nongametiso, ni ka wuranza ga wunene, ni ka titalo.
- 20 Nzi ta klanganyisa ka wena a ka mina hi ka kolekiselelo ; na wena u ta tiba Jehova.
- 21 Na ku ta mahisile lezo a ka lego siku, nzi ta hlamula, ku wula Jehova, nzi ta hlamula a matilo, na bona ba ta hlamula a misaba ;
- 22 Ni misaba yi ta hlamula a timbewu, ni waini giswa, ni mafura ; na bona ba ta hlamula Jezreeli.
- 23 Nzi ta byala yena a ka mina lomo misabeni ; nzi ta kuba ni titalo a ka yena loye a nga kala a nga kumangi a titalo ; nzi ta wula a ka bona labo ba nga wa kala ba nga hi banhu, Nwina mu banhu ba mina ; na bona ba ta wula, Wena hi wena Nungungulu wa mina.

XIPIMO 3.

- 1 Na Jehova i te ngalo ka mina, Famba kambe, ranza a wasati a ranzekako a ka xaka ga yena, a xirembi, ku kwatsi hi lezi Jehova a ranzako a banana ba ka Israeli, hambulezo bona ba hunzulukileko a ka banwani ba banungungulu, ba ranza a zikeketselo za tisote.
- 2 Zingaho nzi lo xaba yena a ka mina hi kume ni nkhanu a zipanze za siliva, ni homa ya berle, ni kihlanya ga homa ga berle ;
- 3 Na nzi te ngalo ka yena, wena u ta tsamila mina a masiku yo tala ; wena u nga ta maha a wuoswi, na wena u nga ta kuba sati wa munhu ; lezo nzi ta kuba ngaho a kambe a ka wena.
- 4 Hakuba a banana ba ka Israeli ba ta tsama a malembe yo tala na ba nga hi na hosi, na ba nga hi na hosana, na ba nga hi na mupahlelo, na ba nga hi na mbinga, na ba nga hi na efodi kutani terafimu.
- 5 A nzako ka lezo a banana ba ka Israeli ba ta klela, ni ku hlota Jehova a Nungungulu wabye, na Davida a hosi yabye, ba ta kuta hi xicabyo a ka Jehova ni ka sasekise-

lelo wa yena hi masikwini ma hatako.

XIPIMO 4.

- 1 Zwanani a mhaka ya ka Jehova, nwina banana ba ka Israeli; hakuba Jehova i na ni zunga a ka baakileko lomo tikweni, hakuba laho ku nga hi kona a zinene, ge ni kusasa, hakuba a ku kona a ku mu tiba Jehova lomo tikweni.
- 2 Laho a ku hi kona kanilezi a kuhlambanya ni ku tsoba a kolekiselu, ni kudaya, ni kuyiba, ni ku maha a kuremba; bona ba ku tsoba, a nkata wu kumba a nkata.
- 3 Hikwalaho a tiko gi ta rila, ni bonkolelele labo ba tsamako ka gona ba ta hlokiswa, zinwe ni zihari za kwati ni tinyanyani ta matilo; ina ni zidlwani za bimbi zi ta susiwa.
- 4 Kasike a nga kuba kona munhu a ta kaneta, ge a nga kuba kona a ta nga tiyisa; hakuba a banhu ba wena ba kwatsi hi bona labo ba kanetako ni mupristi.
- 5 Na wena u ta retemuka laha munwini, ni muprofeti i ta retemuka zinwe na wena laha wusikwini; nzi ta lobisa a mamani wa wena.
- 6 A banhu ba mina ba loyisilwe hi kota ya ku vumala a kutiba: hakuba wena u alileko a kutiba, minawu kambe nzi ta ala wena, lezaku wena u nga ta kuba na mupristi a ka mina: na u wona lezaku wena u kohlilwe a nawo wa Nungungulu wa wena, minawu kambe nzi ta kohlwa a banana ba wena.
- 7 Kwatsi hilezi bona ba enzelekeleneko, zingaho bona ba onhile ba vuke la mina: nzi ta hunzula a wukosi gabye tinganeni.
- 8 Bona ba gela kuonheni ka banhu ba mina, ba yisa a timbilu tabye a kuonheni kabye.
- 9 Na bona ba ta kuba, ku fanana ka banhu, ku fanana ni mupristi; nzi ta tsayisa bona hi tindlela tabye, nzi ta wuyisela a ka bona a zimaho zabye.
- 10 Na bona ba ta kuga, ba nga ta enelisiwi; ba ta maha a wuoswi, ba nga ta enzeleka; hakuba ba tsikileko a kukatalela ka Jehova.
- 11 A wubayi ni waini ni waini giswa ei susa a kupima.
- 12 A banhu ba mina ba mahile a xikungo a sinyeni yabye, ni nhonga yabye

ya klaklambuta a ka bona; hakuba a moya wa wubayi wu mahile bona a kuhambuka, na bona ba mahile a wubayi, ba sukile lahasi ka Nungungulu wabye.

- 13 Ba pahlela hehla ka zixungwe za zitsunga, ni ku hisa a tibani hehla ka mitsuri, ni lahasi ka mfoake ni mapoplari ni materebinte, hakuba a minzuti ya kona yi sasekileko: hikwalaho a banhanyana ba nwina ba maha a wuoswi, ni bamakoti ba nwi na ba maha a wurembi.
- 14 Nzi nga ta pezisa a banhanyana ba nwina laha na ba hlakana a wuoswi, ge bamakoti ba nwina laha na ba maha a wurembi; hakuba a ba banuna a wutsumbu gabye ba teka a kelelo ga wuoswi, hakuba ba pahlela zinwe ni zifebe; ni banhu labo ba nga pimiko ba ta hoxwa.
- 15 Hambulezo wena, O Israeli, u mahako a wubayi, kasike nga Juda a nga zangarisi; mu ngati nwina le Gilgale, ge ni kuya nwina le Betavane, ge ni ku hlambanya, kwatsi hilezi Jehova a hanyako.
- 16 Hakuba Israeli i mahile a wutsumbu ga yena hi kusihalisilweko, kwatsi i homu ya xiklalu: makunu Jehova i ta gisa bona lomo wutsanweni gi anamileko.
- 17 Efraime i klanganisile zifananisweni; mu tsikeni yece.
- 18 Ni kunwa ka ku mahile a kudzunga; ba maha a wuoswi hi kusimamisi-lweko ni bafumeli babye ba ranza hi kuranzisilweko a tingana.
- 19 Ni mheho yi mu songele lomo tipapeni ta wona; bona ba ta wiswa a tingana hakuba hi mipahlelo yabye.

XIPIMO 5.

- 1 Zwanani lexi, O nwina bapristi, ni kuzwa, O yindlu ya ka Israeli, ni ku nyika a ndlebe, O yindlu ya hosi; hakuba nwina hi kona ku na nga ni lamuliselelo; hakuba nwina mu wa hi ziyo le Mizpa, a likoka li andlelweko hehla ba Tabora.
- 2 A ba hlubuki ba etisile hi ku maha a klabyiselelo; kanilezi nzi mina mu kawuki ba bona bonkle.
- 3 Nza tiba Efraime, na Israeli a nga fihlalangi le ka mina; hakuba makunu, O Efraime, wena u mahile a wuoswi, Israeli i nyenyezile.
- 4 A zimaho zabye zi nga ta vumela

bona a kuzelela a ka Nungungulu wabye; hakuba a moya wa wubayi wu lo nzeni ka bona, a ba mu tibi Jehova.

- 5 Ni matsanza ya ka Israeli ma kustumunya a ngoheni ya yena; hikwalaho Israeli na Efraime ba ta retemuka zigohweni; Juda kambe i ta retemuka zinwe na bona.
- 6 Bona ba ta famba zinwe ni miklambi yabye ni tihomu tabye a ku hlota Jehova; kanilezi ba nga ta kuma yena: yena i sukile a wutsumbu ga yena a ka bona.
- 7 Ba mahile hi kuhlebyisilweko ba vukela Jehova; habuka ba tralileko a banana ba ba matiko; makunu a hweti yiwa yi ta kadamula bona zinwe ni masimu yabye.
- 8 Banani nwina a gubu le Gibe, ni punzu le Rama; banani a xijumani Betavane; le nzako ka wena, O Benjamini.
- 9 Efraime i ta maha a wutsamo ga marambi a sikwini ga kawukelelo: ka tixaka ta ka Israeli nzi mahile a ku tebekisa lezo hakunene zi ta nga kuba kona.
- 10 A tihosana ta ka Juda to kwatsi hi labo ba susako a mbingano wa saba: nzi ta halata a zanga ya mina lehla ka bona ku fanana ni mati.
- 11 Efraime i tsimbeketilwe, i trandlesilwe ku lamuleni; hakuba yena i lo eneliswa a ku famba kuleleteleni ka banhu.
- 12 Hikwalaho nzi kona nzeni ka Efraime kwatsi i sumba, ni ka yindlu ya ka Israeli kwatsi i cucekelo.
- 13 Laha Efraime a nga wa wonile a wubabyi ga yena, na Juda a ku wona a mbanga ya yena, zonake i lo famba Efraime le Siria, i lo rumela ka hosi Jareba: kanilezi yena a nga zi koti ku cuma wena, ge yena a nga ta zi kota a cuma wena mbanga ya wena.
- 14 Hakuba nzi ta kuba a ka Efraime kwatsi i ngala, kwatsi i vinyani ga ngala a ka yindlu ya ka Juda; mina, yena mina, nzi ta toba nzi famba; nzi ta kusa, a nga kona a ta kela-lisa.
- 15 Nzi ta famba nzi kelelela a wutsanweni ga mina, kala bona ba tiba a xizangarisano xa bona, ni kuhlota ngohe ya mina; a hlokiselelweni yabye bona ba ta hlota mina hi kulabyisilweko.

XIPIMO 6.

- 1 Ngonani, nga hi kelelela a ka Jehova; hakuba yena a tobileko, i ta cuma hina; yena a lamatileko, i ta bohelela hina.
- 2 A nzako ka masiku mambiri yena i ta vuxa hina hi siku ga wunharu i ta hi vukisa, na hina hi ta hanya mahilweni ka yena.
- 3 Nga hi tiba, nga hi lanzela a ku tiba Jehova: a kuhuma ka yena ku hi zinene kwatsi i mixweni; na yena i ta kuta ka hina kwatsi i vula, kwatsi i vula yo gumesa leyo yi tsakamisako a misaba.
- 4 O Efraime, xini nzi ta nga maha a ka wena ke? O Juda, xini nzi ta nga maha a ka wena ke? hakuba a kusasa ka wena ku kwatsi i refu ga laha mixweni, kwatsi i nzokati leyo yi fambako ni punzu.
- 5 Hikwalaho nzi tsemile bona hi baprofeti; nzi dele bona hi mhaka ya nomu wa mina: ni kulamula ka wena kwatsi kuwoninga loko ku humako.
- 6 Hakuba nza xuba a kusasa, na ku nga hi a mupahlelo: a kutiba ka Nungungulu ku hunza a muniyikelo wa kuhiswa.
- 7 Kanilezi bona ba fanana na Adamu ba hambunyetile a xivumelwano: bona laho ba mahile ka kuhlebyisilweko ba vukela mina.
- 8 Gileade i muti wa bona labo ba tirako a kugoha, gi balatilwe hi nkata.
- 9 Kwatsi i muboko wa bapangi wu rinzela a munhu, zingaho a klawwa wa bapristi wa daya ndleleni yi hi ngomama ni Xekemi; ina bona ba mahile a swila.
- 10 Lomo' ndlwini ya ka Israeli nzi wonile a zilo zi munzulukisako: ni kubaya ku kumilwe le Efraime, Israeli i ni zibi.
- 11 Kambe, O Juda, laho ku kona a xihulo xi yimisilweko wena, laha nzi kelelisa a wukonwi ga banhu ba mina.

XIPIMO 7.

- 1 Laha nzi ta nga nzi hanyisa Israeli, zona a kugoha ka Efraime ku ta funungulwa, ni kubihlisisa ka le Samaria; hakuba bona ba mahile hi xiwunwa, ni kamba gi engenile, ni muboko wa bapangi wa pota hi lahandle.
- 2 Na bona a ba alakanyi timbilwini tabye lezaku nza alakanya konkle a

HOSEA, 8.

- kubihisisa ka~~bye~~: ni makunu a zimaho za bona benyi zi gongile zi ranzela; zona si kona mahlweni ka ngohe ya mina.
- 3 Bona ba maha a hosi yi tsaka hi kubihisisa ka~~bye~~, ni tihosana hi mawunwa ga~~bye~~.
- 4 Bona bon~~kle~~ ba hi zirembi; ba kwatsi hi njalo yi hisilweko hi mukatingi; yena i kawula a ku hlanganyeta a nzilo, hi le kukanyangeni ka mapa, kala wona ma kukumuka.
- 5 A ka siku ga hosi ya hina a tihosana ti maha wutsumbu ga tona a kubabya hi kuhisa ka waini; yena a nawulutako a canja ni batseketseli.
- 6 Hakuba bona ba longisile a mbilu ya~~bye~~ kwatsi i njalo, laha na bona na ba ha rinzele: mubiki wa~~bye~~ wa ha eklele gon~~kle~~ a wusiku; ni laha mixweni gona gi vura kwatsi i pingo ga nzilo.
- 7 Bon~~kle~~ ba hisile kwatsi i njalo, ba kadamula a balamuli ba~~bye~~; ton~~kle~~ a tihosi ta~~bye~~ ti wile: ni laho a nga kona a xikari ka~~bye~~ loye a bitako a ka mina.
- 8 Efraime, yena i xangele a wutsumbu ga yena xikari ka banhu; Efraime i xikeketselo lexo xi nga hunzuluswangiko.
- 9 A bamatiko ba kadamule a ntamo wa yena, a zi tibangi yena: ina, ni ba wuvu ba kona laha bona ba kamanyetile yena, na yena a nga zi tibangi.
- 10 Ni matsanza ya ka Israeli ma nengelisa a ngoheni ya yena: kasike a ba klelelangi ka Jehova a Nungungulu wa~~bye~~, ge ni kuhlota yena, hi ka zon~~kle~~ lezi.
- 11 Na Efraime i fanana ni tuba ga mijiri, gi nga hiko na kupima: bona ba bitana le Gipite, bona baya le Asiria.
- 12 Ni laha bona ba ta nga famba, nzi ta andlala a likoka la mina hehla ka bona; nzi ta neha bona lahasi kwatsi zinyanyani za matilo; nzi ta hlongolisa bona, kwatsi hi hlengeltano wa~~bye~~ wu zi zwileko.
- 13 Kombo a ka bona! hakuba bona ba pengile le ka mina; a loyiselelo le ka bona! hakuba bona ba hambunyetileko ba vukela bona: hambuloko nzi nga ta klaklisa bona, kasike ba wulawulile a mawunwa ba vukela mina.
- 14 Na bona a ba rilangia ka mina hi ti-

- mbilu ta~~bye~~, kanilezi ba ku homoloka mibedini ya~~bye~~: ba tsombanyisa a wutsumbu a mabele ni waini giswa; ba hlubukile ba vukela mina.
- 15 Hambulezo nzi gonzisileko nzi tiyisetileko a mawoko ya~~bye~~, kasike ba ku hleba a kuonhakala ba vukela mina.
- 16 Bona ba klelele, kanilezi a hi ka yena loye a klakukileko; bona ba kwatsi i wura gi kohlisako; ni tihosana ta~~bye~~ ti ta kuwa hi supado hi zanga ya lirimi ta~~bye~~: loku ku ta kuba a kuhlekwa ka~~bye~~ le tikweni ga le Gipite.

XIPIMO 8.

- 1 Bekela a paratana nonwini wa wena. Kwatsi i gama yena wata a ku vukela a yindlu ya ka Jehova, hakuba bona ba hambunyetileko a xivumelwano xa mina, ba hambunyetileko a nayo wa mina.
- 2 Bona ba ta rila a ka mina, Nungungulu wa mina, hina Israeli ha tiba wena.
- 3 Israeli i hoxile lezo zi sasekileko: ni balala ba ta hlongola yena.
- 4 Bona ba yimisile a tihosi, kanilezi na ku nga hi ha mina; bona ba mahile a tihosana, na mina a nzi ku tibangi; hi siliva ga~~bye~~ ni nzalama ya~~bye~~, ba mahile bona a zifananiso, kasi bona ba fela ku tsenwa.
- 5 Yena i hoxile a marogana ya~~bye~~, O Samaria; a zanga ya mina yi vindlukile yi vukela bona: ku ta longoloka ku kuyini hi mahlweni na ba nga se ku kuma a basiselo ke?
- 6 Hakuba ku suka hi ka Israeli ku kala lezi; a ba tiri ba mahile kona, kona a hi Nungungulu; ina, a role ga le Samaria gi ta tsobyiwa a fufanyeni.
- 7 Hakuba bona ba xwanyela a mheho, na bona ba ta hula a xipupuri xa mheho; yena a nga na mabele ma yimileko; a livule li nga ta horola a tinzoho; loku zingaho ku ta horola, ni nzubeti yi ta kukwilikwinza.
- 8 Israeli i kwilikwinzilwe: makunu ba lomo xikari ka mifumo kwatsi hi xibya lexo xi nga hiko na xalaliselo.
- 9 Hakuba bona ba fambile le Asiria, kwatsi hi mangwa wutsumbyini ga yona: Efraime i rihele barauzi.
- 10 Ina, hambu ba rihile xikari ka mifumo, makunu nzi ta tsombanyisa bona; na bona ba ta sangula ku

mbeteta hi kota ya nzwalo wa hosi ya tihosana.

- 11 Hakuba Efraime a enzelekisileko a maalati ya kuonha, a maalati ma wa hi ka yena ki kuonha.
- 12 Nzi tsalele a kume ga kume ga mazana a zilo za nawo wa mina; kanilezi ba zi hlayece kwatsi i xilo xa haba.
- 13 Kwatsi hi nzako ka mipahlelo ya minyikelo ya mina, bona ba pahlela a nyama ni kuga yona; kanilezi Jehova a nga amukeli yona: makunu yena a nga ta alakanya a zigoho za-bye; ni ku enzela a zionho za-bye; bona ba ta klelela le Gipite.
- 14 Hakuba Israeli i ribakelwe hi Mubahi wa yena, i akile a zilubelo; na Juda i enzelekisile a miti yi gingisilweko: kanilezi nzi ta rumela a nzilo hehla ka miti ya yena, wu ta kadamura a zikanekiso za kona.

XIPIMO 9.

- 1 U nga bumi, O Israeli, hakuba a kubuma, ku fanana ni banhu; hakuba wena u mahile a wuoswi, u sukileko le ka Nungungulu wa wena; wena u ranzile a kurihwa a ka yonklelele a nzohoh ya mapa.
- 2 A nzhimbo wa kuhula ni xigowolo xa waini zi nga ta gisa bona, ni waini giawa gi ta tsanzeka ka yena.
- 3 Bona ba nga ta tsama lomo tikweni ga ka Jehova; kanilezi Efraime i ta klelela le Gipite, bona ba taga a kuga ka zibi le Asiria.
- 4 Ba nga ta cela a minyikelo ya waini a ka Jehova, ge bona ba nga ta kuba a xalaliso ka yena: ni mipahlelo ya bona yi ta kuba ka bona kwatsi ziba-ba za barili; bonkle labo ba gelako kona ba ta nyenyeziswa; hakuba a zibaba zi ta kuba za mahlokoti ya-bye; zona zi nga ta kuta lomo ndlwini ya ka Jehova ke?
- 5 Xini mu ta nga maha masikwini ya gotsobanyano ya xinuse, ni masikwini ya mibuzo ya ka Jehova ke?
- 6 Hakuba, mangabye, bona ba fanbile kule ni loyisilelo; kasike a Gipite gi ta tsombanyisela bona, Memfisi i ta kelela bona; a zilo za bona za malongo ya siliva a zigakweni zi ta pomela kona; ni mizwa yi ta kuba lomo matenteni ya-bye.
- 7 A masiku ye kuenzelwa mata, a masiku ya potelelo mata; Israeli i ta tiba kona; a muproti i hi xipumbu,

a munhu loye a na nga ni moya i hungukile, hi kota ya talisiso wa kuonha ka wena, hakuba a wulala ga hombe.

- 8 Efraime i wa hi murinzeli zinwe na Nungungulu wa mina: kwatsi hi muprofeti, a klamu wa ziyo wu ka tonkle a tindlela ta yena, ni wulala a ndlwini ya Nungungulu wa yena.
- 9 Bona hi etileko ba botile a wutsumbu gabye, kwatsi hi le masikwini ya le Gibece: yena i ta alakanya a kubiba kabye, yena i ta enzela a zionho za-bye.
- 10 Nzi kumile Israeli kwatsi i grepi lomo xiwuleni; nzi wonile a badadani ba nwina kwatsi kubuveni ka kuranga a kurangeni ka sinye ya kuwu a ka nguba ya wona ya kuranga: kanilezi ba lota ka Baal-peora ba kunyikelelisa wutsumbu gabye a ka zilo za tingana, ba maha a manyalatana kwatsi hi lezi ba zi labako.
- 11 Kwatsi hi Efraime, a wukosi ga bona gi ta puruma kwatsi inyanyani; laho ku nga ta kuba a kutrala, ge munwe wa kuba a hi ni nwanana, ku nga ta kuba kona ni kuxura a nyimba.
- 12 Hambuloko ba wundla a banana ba-bye kasike nzi ta ba daya zingaho a nga ta kuba kona a munhu a ta nga siyiwa: ina, kombo a ka bona loku mina nzi suka a ka bona!
- 13 Efraime, i fanana ni kwatsi hilezi nzi wonisileko zona Tire, i byalilwe lomo wutsanweni gi nene: kanilezi Efraime i ta humesa a banana ba yena ka mudayi.
- 14 Nyika bona, O Jehova—lezo wena u nga ta u ba nyikile ke? nyika bona a marumbu ya wumba, ni tiblofu ti omileko.
- 15 Konkle a kubihisisa kabye ku le Giga; hakuba laho mina nza benga bona: hakuba hi kubihisisa ka zima-ho za-bye nzi ta hlalonga bona ba hume lomo ndlwini ya mina; nzi nga ta engeta nzi ranza bona kambe; tonkle a tihosana tabye ti hi bahlubuki.
- 16 Efraime i lamatilwe, a mutsu wa-bye wuomile, ba nga ta trala a mibanzo. Ina, hambu ba ku trala, kasike nzi ta daya a mibanzo yi ranzekako ya marumbu ya-bye.
- 17 Nungungulu wa mina i ta hoxa bona kule, hakuba bona ba nga ingisa-

HOSEA, 11.

ngiko ka yena; na bona ba ta kuba a nzuli xikari ka mifumo.

XIPIMO 10.

- 1 Israeli a hlumelelo wa xivina xa yena, lexo xi horolako a mihanzo ya yena; kukotisa hi ka talisiso wa mihanzo ya yena i enzelekisile a maalati ya yena; kukotisa hi ka wumburi ga tiko gabye ba mahile a timbinga ti sasekileko.
- 2 A timbilu tabye ti abene; makunu ba ta kumiwa ni xigoho: yena i ta bangalasa a maalati yabye, i ta lamata a timbinga tabye.
- 3 Hakunene bona ba ta wula, Hina a hi na hosi; hakuba hi nga cabiko Jehova; ni hosi, yi ta mahela yini ka hina ke?
- 4 Bona ba wulawula a timbaka ti nga nyawuliko, ba hlambanya hi kukohlisilweko a ku maheni a zivumelwano: hikwalaho a kulamula ku huma kwatsi nyakwari minzatini ya masimu.
- 5 A baakileko ba le Samaria ba ta kuba tsisiselweni hakuba a marole ya le Betavane; hakuba a banhu ba kona ba ta rila hehla ka kona, ni mupristi wa kona labo ba nga wa tsaka ha kona, hakuba a wukosi ga kona, hakuba gona gi sukile a ka kona.
- 6 Kona kambe ku ta rwalwa a kuya le Asiria a kuba xinyikiwo ka hosi Jarebe: Efraime i ta amukela a tingana, Israeli i ta kuba ni tingana hi baxikungo ba yena nwinyi.
- 7 Kwatsi hi Samaria, a hosi ya gona yi tsewileweko, kwatsi hi kubi hehla ka mati.
- 8 A wutsamo gi klakukileko kambe ga le Aveni, a xionho xa ka Israeli, gi ta lobyiswa: a mizwa ni wusosonyi zi ta kluma lomo maalatini ya kona: na ba ta wula a ka zitsunga, Kubunyetani hina; ni mitsuri, Welani hehla ka hina.
- 9 O Israeli, wena u onhile kusukela masikwini ya le Gibea: leyo bona ba nga wa yimile; a impi ya ku vukela a banana ba kubiha a ba wa nga hlulangi bona le Gibea.
- 10 Laha ku nga wa hi kuxuba ka mina, nzi ta xanisa bona; ni banhu ba ta tsombana ba vukela bona, laha na bona bohilewe a zihambunyetso zabye ha zimbiri.
- 11 Na Efraime i role gi gonzisilweko, lego gi ranzako a kukanziyelela a

mabele; kanilezi nzi hunzule hehla ka nhamo ya yena yo saseka; nzi ta rumela a mukileli a ka Efraime; Juda i ta rima, na Jakobe i ta hlakahlaka a marukwani.

- 12 Byalani a ka wutsumbu ga nwina hi kululamisisa, hulani kukotisa hi ka titralo; tsobani a wuhlabe ga nwina; hakuba kona ku hi xikati xa klota Jehova, a kala ata a fuma kululamisisa hehla ka nwina.
- 13 Nwina mu rimile a kubihisisa, nwina mu hulile a kugoha; nwina mu gile a mihanzo ya wunwa; hakuba wena u tsumbileko a tindloleni ta wena, a wudlenwini ga banhu ba wena ba tinhenha.
- 14 Hikwalaho a pfilupfilu yi ta huma xikari ka banhu ba ka nwina, tonkle a tigingisi ta nwina ti ta lobyiswa, kwatsi, Xalmani i ta lobisa Bet-arbeli le sikwini ga impi: a mamani i wa su vevelele a tranleka a fufanyi zihwe ni banana ba yena.
- 15 Zingaho ni Beteli i ta maha ka nwina hi kota ya kubihisisa ka nwina ka hombe, a kuceni ka siku a hosi ya ka Israeli yi ta tsewa hi kumbetisilweko.

XIPIMO 11.

- 1 Laha Israeli a nga wa hi nwanana, zonake nzi lo ranza yena, nzi lo bitana a nisanyana wa mina hi le Gipite.
- 2 Ba engeta a baprofeti ba lo bitana bona, ba engeta a kuya ba suka hi le ka bona: ba lo pahlela a ka Baalima, ni ku hisa a tibani ka zifananiso zi baklilweko.
- 3 Kasike nzi lo gonzisa Efraime a ku famba; nzi lo teka bona mawokweni ya mina; kanilezi bona a ba zi tibi bangi lezaku nzi cumile bona.
- 4 Nzi lo koka bona hi tingoti ta munhu, na hi kubohwa ka liranzo; nzi wo kwatsi a ka bona hi loye a klakusako a joka mihlayeni yabye; nzi lo beka a kuga mahlweni kabye.
- 5 Zonake ba nga ta kilelela le tikweni ga le Gipite, kani a mu Asiria i ta kuba a hosi yabye, hakuba bona ba alileko ku kilela ka mina.
- 6 Ni supado yi ta wa hehla ka miti yabye, yi ta trumula a zikwinyaro zabye, ni kukadamula bona, hakuba hi xikungo xa bona benyi.
- 7 A banhu ba mina ba nonoha ku fulara le ka mina; hambuloko ba bita-

na ka yena loye a nga le lehla, a nga kona futsi a ta nga *klakusa* yena.

- 8 Nzi ta nyikisa ku yini wena, Efraime ke? nzi ta hoxisa ku yini wena, Israeli ke? nzi ta mahisa ku yini wena kwatsi hi Adamu ke? nzi ku yimisa ku yini wa i Zeboime ke? a mbilu ya mina yi *klelele* nzeni ka mina ni hawukeliselo wa mina wu vintlukisilwe katiginwe.
- 9 Nzi nga ta tsanza a cabekiselelo wa zanga ya mina, nzi nga ta *klela* a kulobisa Efraime: hakuba nzi mina Nungungulu, a nzi munhu; a Basileko a xikari ka wena; nzi nga ta kuta hi kulo.
- 10 Ba ta famba ba lanzela Jehova, loye a ta nga dzuma ku fanana ni ngala; hakuba yena i ta dzuma, ni banana ba ta kuta ba rurumela hi le mulhwagambo.
- 11 Bona ba tata ba rurumela kwatsi i nyanyani hi le Gipite, kwatsi i tuba gi humako hi le tikweni ga le Asiria, nzi ta maha bona a ku tsama lomo tindlwini tabye, ku wula Jehova.
- 12 Efraime i ranzele mina hi mawunwa, ni yindlu ya ka Israeli hi kohliselo; kanilezi Juda wa ha fuma zizwe na Nungungulu, wa kolekile ni loye wa Kubasa.

XIPIMO 12.

- 1 Efraime i gela le mhehweni, i lanzela mheho ya mutsuwukagambo: Yena wa hi kusimamisisilweko wa enzelekisa a mawunwa ni hahlukelelo; bona ba maha a xivumelwano zizwe ni Asiria, ni mafura ma rwele ma yiswa le Gipite.
- 2 Jehova kambe i na ni tiholobazizwe na Juda, i ta pezisa Jakobe kukotisa hi ka tindlela ta yena; kukotisa hi ka zimaho za yena i ta pota a ka yena.
- 3 Lomo rumbyini yena i lo teka a nakulobye wa yena hi xirenze; ni wukulwini ga wununa ga yena i wa hi ni ntamo zizwe na Nungungulu.
- 4 Ina, yena i wa hi ni ntamo behla ka ngelosi, i lo hlula; i lo rila, a maha a mikongelelisa a ka yena; i lo kuma yena le Betelini laho yena i lo wulawula zizwe na hina.
- 5 Yena Jehova, a Nungungulu wa mabandla; Jehova ku hi a bito ga ku alakanywa ka yena.
- 6 Hikwalaho hunzuluka wena a ka

Nungungulu wa wena; u hlayisa titralo ni nongametiso, ni ku rinzela a Nungungulu wa wena hi kusimamisisilweko.

- 7 Yena u hi muxabisi, a ziringaniso za kokliselo zi canjeni ga yena: a ranzako a ku tsimbeketa.
- 8 Efraime wa wula, Hakunene mina nzi mahile a fumileko, nzi ti kumele a kupfuna, a ka konkle a kupangama ka mina bona ba nga na xigoho ka mina lexo xi na nga xionho.
- 9 Kanilezi nzi mina Jehova a Nungungulu wa wena hi le tikweni ga le Gipite; nzi ta engeta kambe nzi maha wena a ku aka lomo tenteni, kwatsi hi le masikwini ya mibuzo ya ximuse.
- 10 Nzi wulawulile kamba a ka baprofeti, nzi enzelekisile a miwoniso; na hi kukozela ka baprofeti nzi tirile kwaloko ku fanisisela.
- 11 Gileade hi kuonha ke? laho katiginwe ku kona a mawunwa; le Gilegale ba pahlela a tihonwana; ina, a maalati yabye ma hi tinhulu ta marukwani ya lomo wuhlabeni.
- 12 Na Jakobe i cabele le kwatini ga le Arama, na Israeli i tirele a wasati, hi kota ya wasati yena i lo risa a tiyivu.
- 13 Na hi muprofeti Jehova i humesile Israeli le Gipite, na hi muprofeti yena i wa lonzowotilwe.
- 14 Efraime i vunjulile a kuzanga kubabisisilweko hikwalaho a nkata wa yena wu ta siyiwa lehla ka yena, ni nzukano ya a hosi yi ta *klelisela* lehla ka yena.

XIPIMO 13.

- 1 Laha Efraime a wulawulako, ku wa hi kona a kurumela; yena i wa *klakusile* a wutsumbu ga yena lomo ka Israeli; kanilezi laha yena a nga zangarisa ka Baali i la kufa.
- 2 Ni makunu bona ba onha kambe ni kambe, ba mahlelele bona a zifamamiso zi nyekisisilweko za siliya yabye, wona a mavule kukotisa hi kupima kabye, zonkle za zona i tiro wa munhu a kunguhileko: bona ba wula ha zona, Nga munhu loye a pahlelako a trotra a marole.
- 3 Hikwalaho bona ba ta ku kwatsi marefu ya mixo, kwatsi hi nzukati leyo yi hunzako laha punzwini, kwatsi hi mungu lowo wu kukule-

twako hi xihuhuri xa mheho ni nzhi-mbyeni, kwatsi hi musu wu tubikako le pubeni.

- 4 Kasike nzi mina Jehova a Nungungulu wa wena ku suka hi le tikweni ga le Gipite; kanilezi wena u nga ta tiba a nungungulu kanilezi mina, na hi lahandle ka mina a ku kona a muhanyisi.
- 5 Nzi lo tiba wena lomo xiwuleni, lomo tikweni ga tora ga hombe.
- 6 Kukotisa hi ka wuriselo gabye, zingaho bona ba lo tatiswa, ni timbilu tabye ti wa kukumuxilwe: hikwalaho bona ba ribakela mina.
- 7 Hikwalaho mina nzi maha a ka bona kwatsi i ngala; kwatsi i yingwe nzi ta rinzele a ndlela;
- 8 Nzi ta klangana zinwe na bona kwatsi i bera lego gi gotselweko a maviyani ya gona, nzi pfemula a pamhani wa timbilu tabye; zonake nzi ta kadamula bona kwatsi i trele ya ngala; a zibanza za kwatsi a ta pfemula bona.
- 9 Kona ku hi lobyiselelo wa wena, O Israeli, lezaku wena u vukela mina, u vukela a vuni wa wena.
- 10 Ti kwilhi makunu a hosi ya wena, lezaku i ta hanyisa wena lomo mitini ya wena yonke ke? ni balamuli ba wena, labo wena u wulileko, Nyikani mina a hosi ni tihosana ke?
- 11 Nzi nyikile wena a hosi le zangeni ya mina, nzi susile yena lomo zangeni ya mina.
- 12 A kugoha ka Efraime ku bohilwe; ni kuonha ka yena ku bingeretelwe a bako.
- 13 A xanisekelo ya wasati a lunwako ku tata hehla ka yena: yena i hi nisanjana a nga tibiko; hakuba kona ku hi xikati lexi a nga tsami lomo wutsa/weni ga kubanga a banana.
- 14 Nzi ta vukela bona le ntanweni wa Xeole; nzi ta klatlisa bona le kufeni: O kufa wukwilhi a tungu wa wena ke? O Xeole wu kwilhi a lobyiselelo wa wena ke? a hunzuluko wu ta fhlala mahlweni ka mina.
- 15 Hambuloko a kuba ni kupfuna a bana xikari ka bamakabye, a mheho ya mutsuwukaganbo yi ta kuta, a xikuhe xa ka Jehova xata hi le xiwuleni; ni hlowo ya yena yi ta oma: i

ta maha mupango wa zonke zibya zo saseka.

- 16 Samaria gi ta rwala a kugoha ka gona; hakuba gi hlubukile gi vukela Nungungulu wa gona: na bona ba ta kuwa hi supado: a tisana tabye ti ta veveletwa ti trandleka, ni babasati ba tinyimba babye ba ta hanzulwa.

XIPIMO 14.

- 1 O Israeli, wuyela ka Jehova a Nungungulu wa wena; hakuba wena u wile hi kugoha ka wena.
- 2 Teka zinwe na wena a timhaka, u ktelela ka Jehova: u wula ka yena, susa konke a kubiha, ni ku vumela lezo zinene: zingaho hi ta maha kwatsi tihonwana a munyikelo wa milomo ya hina.
- 3 Asiria a nga ta hanyisa hina; hina hi nga ta kilela a mahaxi; ge hi nga ta ha wula a ka tiro wa mandla ya hina? Nwina mu banungungulu ba hina; hakuba a ka wena a bana ba zisiwana ba kuma a titralo.
- 4 Nzi ta cuma a kungubanyeka kabye nzi ta ranza bona hi kuklatleki-silweko; hakuba zanga ya mina yi bohile ka yena.
- 5 Nzi ta kuba kwatsi i nzokati ka Israeli; yena i ta hluka kwatsi xitsangi, i ta zima a mitsu kwatsi i Lebanoni.
- 6 A marabi ya yena ma ta andlalata, ni wumburi gi ta kuba kwatsi i sinyi ya olivia, ni masema ya yena kwatsi i Lebanoni.
- 7 Bona labo ba tsamako lahasi ka nzuti wa yena ba ta ktelela, ba ta buma kwatsi a mbewu, ni kupfepfa kwatsi i vina: ni kunuhela ka kona ku ta kwatsi i waini ga le Lebanoni.
- 8 Na Efraime i ta wula, Nza ta ku maha yini kambe ni mavule ke? nzi hlamilile, nzi ta celakota ba yena: mina nzi kota a sinyi yo nyuka ya kuwu; hi ka mina a mihanzo ya wena yi kumilwe.
- 9 Nzi mani loye a tibako, kasi wa fela ku pima a zilo lezi ke? a klaribileko, kasi wa fela a kutiba zona, hakuba a tindlela ta ka Jehova ti longamile, ni nongametiso yi ta famba xikari kabye; kanilezi a zihambunyetiso zi ta kuwa ha kona.

A BUKU GA JOELI.

XIPIMO 1.

- 1 A mhaka ya ka Jehova leyo yi nga ta ka Joeli a nisananyana wa Petueli.
- 2 Zwanani lezi, *nwina* banhu ba kale, ni ku nyika a ndlebe *nwina* ba akileko ba tiko, Lexi xi wa hi kona lomo masikwini ya *nwina*, kutani masikwini ya badadani ba *nwina* ke?
- 3 Byelani *nwina* a banana ba *nwina* ha kona, nga na a banana ba *nwina* ba byela a banana babye, ni banana a ka xizwani a xizukulwana.
- 4 A ka lexo a xiwungwani xi xi siyileko a humbi yi xi gile; ni lezo zi siyilweko hi xiwunwani a nyamungole i gile.
- 5 Vukani, *nwina* ba popilweko, ni ku rila; ni ku hlomula, *nwenkle* *nwina* banwi ba waini, hakuba hi waini lego go tsombela; hakuba gi tseawilwe a milozwini ya *nwina*.
- 6 Hakuba a mufumo wata helila ka tiko ga mina, wa ntamo, wu nga hi ko na ku hlayiwa; a meno ya wona ma hi meno ya ngala, ni meno la lomo tihlayeni wa i trele ya ngala;
- 7 Yena i hahlule a xivina xa mina, i kwamule a tisinya ta mina ta mikuwu: i mahile tona likwembu li basileko, i hoxile tona; ni marabi ya kona ma mahile kukwakala.
- 8 Rila kwatsi mubulwa wu ambele a nguwo ya tisakwa hi kota ya nuna wa wuswa ga yena.
- 9 A muniyikelo wa tinzoho ni muniyikelo wa kunwa zi tseawilwe lomo ndlwini ya ka Jehova; a bapristi, a zikozeli za ka Jehova za rila.
- 10 A masimu ma sele a mapupa, a tiko ga rila; hakuba a mabele ma lobysilwe, a waini giswa gi omisilwe, ni mafura ma comile.
- 11 Kanganyiswani, O barimi, rilani, O *nwina* barimeli, hakuba hi mabele ni berle; hakuba a xihulo xa masimu xi lobysilwe.
- 12 A xivina xi wunile, ni sinya ya kuwu yi comile; a sinya ya ma pomegranate, ni sinya ya cinzu kambe, ni sinya ya apule, na tona tonkle a tisinya ta masimu ti wunile, haku-
ba a litsako li wunile a ka barisa-
nyana ba banhu.
- 13 Bohani a wutsumbu ga *nwina* hi tinguwu ta tisakwa, ni ku rila, *nwi-
na* bapristi; rilani, *nwina* bakozeli
ba maalati, ngonani, mu ta eklela
gonkle a wusiku tingubiyeni ta tisa-
kwa, *nwina* zikozeli za Nungungulu
wa mina: hakuba a muniyikelo wa
tinzhoho ni muniyikelo wa kunwa zi
kaketilwe lomo ndlwini ya ka Nu-
ngungulu wa *nwina*.
- 14 Hambanyiselani a kuyila, mu bitana a gotsobanyano wa ximuse, tsombanyisani a zikosana ni bonkle ba akileko ba tiko bonkle lomo ndlwini ya ka Jehova a Nungungulu wa *nwina* mu rila ka Jehova.
- 15 Hale kakuba hi siku! hakuba a siku ga Jehova gi tsinele, hakuba hi lobiselelo wa kuta hi ka Nyamintamo kona ku ta kuta.
- 16 Kasi a kuga a ku tselwango mahweni ka mahlo ya mina, ina, a kubuma ni litsako zi huma hi le ndlwini ya Nungungulu wa mina ke?
- 17 A mbewu yi bolile lomo rarini ga yona; wuriri gi hahlililwe, ni tinzulu ta kubiringetela ti kungumulwe: hakuba a mbewu yi wunile.
- 18 Zihari zi ngurisa kuyini! a miklambi ya tihomu yi kanganyisilwe, hakuba yi nga hiko na wuriselo; ina, a miklambi ya tiyivu yi hangalakile.
- 19 O Jehova, a ka wena nza rila; hakuba a nzilo wu kadamule a wuriselo ga lomo xiwuleni, ni nhoba yi hisile a tisinya ta kwati.
- 20 Ina, a zibanza za kwati za keta ka wena; hakuba a mati ya micongo ma trileko, ni nzilo wu kadamule a wuriselo ga le xiwuleni.

XIPIMO 2.

- 1 Banani *nwina* a punzu le Zioni, ni kuba a xijumani lomo xitsungeni xa mina xa kubasa; nga bonkle a baakileko ba tiko ba rurumela: hakuba a siku ga ka Jehova gata, gi tsinele kusuhani;

- 2 A siku ga munyama ni pumiselelo, a siku ga marefu ni munyama wu pumileko, kwatsi mburonga gi nawulutako hehla ka zitsunga; a banhu ba hombe ni ba ntamo; laho ku wa nga hi kona zo fanana ni lezo, ge zi nga ta engeta zi hi kona a nzako ka lezo, hambu ka malembe ya zizukulwana zinyingi.
- 3 A nzilo wa kadamula a mahlweni ka bona; a nzako kabye i pingo gi vurako; ni tiko gi wa ku kwatsi i simu ya le Edeni hi mahlweni ka bona, ni nzako ka bona a xiwula xi bahlukileko; ina, a nga kona a ponileko bona.
- 4 A woneka ka bona ku kwatsi kuwoneka ka mahaxi; na kwatsi hi ba banuna ba mahaxi, zingaho bona ba tsutsuma.
- 5 Kwatsi hi guwa ga tikareta le hehla ka zitsunga bona ba klula, ku fanana ni guwa ga pingo lego gi kadamulako a madzanza, kwatsi hi banhu ba tinhenla ba hlomileko le impini a maklari.
- 6 A ka kubakoneni ka bona a banhu ba lomo tsikwilweni; ni tonkle a tingohe ti hunzelele a kukwakala.
- 7 Ba tsutsuma kwatsi banhu ba tinhenla; ba noma a kurisi kwatsi i ba banuna ba impi; bona ba famba bonklelele a tindleleni ta yena, na bona a ba tsobangi a miboko yabye.
- 8 Ge ni muwe a nga bayisa a muzwani; bonklelele ba ta famba ndleleni ya yenawu; ba ta kuwa hehla ka maklari yabye, ba nga ta klabya bona benyiwo.
- 9 Ba ta klulela a mutini; ni ku tsutsuma hehla ka ligingisi; ba noma lomo tindlwini; ba engena lomo mawonini kwatsi i kamba.
- 10 Ni misaba yi tsekatsekiswa a mahlweni ka bona; ni tilo gi rurumela; a gambo ni hweti zi pfupeliswa, ni tinyeleti ti kobeta a kuwoninga ka tona.
- 11 Jehova a tsawutela a gezu ga yena mahlweni ka impi ya yena; ni wugobelo ga yena ga hombe nguvu; hakuba yena i na ni ntamo a tsanzako a mhaka ya yena; hakuba siku ga ka Jehova ga hombe ga cabeka; himani a nga kaketa gona ke?
- 12 Kasike hambu makuna, ku wula Jehova, hunzulukani zwina a ka mina hi timbilu ta zwina, hi kuyila ni kurila, ni mikosi:
- 13 Ni ku pfarula a timbilu ta zwina, na ku nga hi a tinguwo ta zwina, ni hunzulukela a ka Jehova a Nungungulu wa zwina; hakuba ngwa titralo ni wuxinji, a nonokako a kuzangara, ngwa talisiso wa kuranzakawunene, a hunzulukako yena a kuonheni.
- 14 Loye a tibako lezaku yena a nga ta klela a hunzuluka, ni siya a zikatekiso le nzako ka yena, wona a muniyikelo wa tinzhoho ni muniyikelo wa kunwa a ka Jehova a Nungungulu wa zwina ke?
- 15 Bani a paratana le Zioni, hlawulani a kuyila, bitanania gotsobanyano wa ximuse;
- 16 Tsombanyisani a banhu, ni kubasisa a gotsobanyano gotselani bonkle banhu, tsombanyisani a banana, ni bonkle labo ba ha anwako a mabele; ngana a muyeni a huma lomo nhangeni, ni makoti le makubini.
- 17 Nga a bapristi a zikozeli za ka Jehova, ba rila a xikari ka nyangwa ni alati, nga bona ba wula, Nyenyetela a banhu ba wena, O Jehova, u nga nyikeli a tsomba ya wena le nzhukanweni, lezaku a mifumo yi wa ta nga yi fumela hehla ka bona: ngahilezo bona ba wa ta nga ba wula xikari ka banhu, I kwili a Nungungulu ke?
- 18 Zonake Jehova i wa hi ni wukuxu hi tiko ga yena ke, a hi ni ku hawukela ka banhu ba ka yena.
- 19 Na Jehova i lo hlamula i te ngalo ka banhu ba yena, Langutani, nzi rumela zwina a mabele, ni waini giswa, ni mafura, na zwina mu a xuriswa ha zona; nzi nga ta ha engeta nzi zwina a nzukano xikari ka mifumo.
- 20 Kanilezi nzi ta susa zwina a impi ya le nwalungu, nzi ta hlongola yona a tiko ga mapanya ma hahlukileko, ni nganga ya kona le bimbini ga mutsuwukagambo, ni xinzakwana xa yona le bimbini ga le mahlwagambo; ni masema ya kona ma ta nuha, ni nuha ka kona ku ta nuheta, hakuba yi mahileko a zilo za hombe.
- 21 U nga cabe, O tiko, buma u tsakiswa; hakuba Jehova a mahileko a zilo za hombe.
- 22 Mu nga cabyiswi, zwina zihari za kwati; hakuba wugelo ga xiwula ga kluma, hakuba a tisinya ti trala mihanzo ya kona, a tisinya ta miku-

selelo wa kona; hakuba bona ba klatlisileko banhu le Edome, ba nga alakanyangiko a xivumelwano xa wumakabye.

10 Kanilezi nzi ta rumela a nzilo lomo kurisini ga le Tire, wu ta kadamula zilubelo za kona.

11 Zakungahi a wulako Jehova: Hakuba zinharu a zihambunyeto za Edome, ina, zi hi mune, nzi nga ta klelisa a tsayiselelo wa kona; hakuba yena a hlolongisileko a makabye wa yena hi supado, i hoxile konkle a kuhawukelwa, ni zanga ya yena yi hanzule hi kusimamisisilweko, yena a hlaysileko a zanga ya yena kala kupinzuka.

12 Kanilezi nzi ta rumela a nzilo hehla ka Temani, wona wu ta kadamula a zilubelo za le Bozra.

13 Zakungahi a wulako Jehova: Hakuba zinharu a zihambunyeto za banana ba ka Ammoni, ina, zi hi mune, nzi nga ta klelisa a tsayiselelo wa kona; hakuba ba lo hanzula a ba basati ba tinyimba ba le Gileade, kasi bona ba fela ku engetela a mbingano wabye.

14 Kanilezi nzi ta dzibela a nzilo a kurisi ga le Rabba na wona wu ta kadamula a zilubelo za kona, hu kanyuluka ka kulwa ka siku, hi pupuxelo wa mheho ya bubutsa.

15 Ni hosi yabye yi ta kuya le wukonwini, yena ni tihosana ta yena katigawe ku wula Jehova.

XIPIMO 2.

1 Zakungahi a wulako Jehova: Hakuba hi zinharu zihambunyeto za le Moabi ina, zi hi mune, nzi ta nga ta klelisa a tsayiselelo wa kona; hakuba wena u hisile a marambu ya hosi ya Edome a pembe.

2 Kanilezi nzi ta rumela a nzilo hehla ka Moabi, wu ta kadamula a zilubelo za le Kerote; na Moabi i ta kufa hi pfilupfilu, hi huwa, na hi ku vuma ka paratana;

3 Nzi ta tsema a balumuli le xikari ka kona, nzi ta daya tonkle a tihosana ta kona zinwe na yena, ku wula Jehova.

4 Zakungahi a wulako Jehova: Hakuba zihambunyeto zinharu za ka Juda, ina, zi hi mune, nzi nga ta klelisa a tsayiselelo wa kona; hakuba bona ba ulileko a nayo wa ka Jehova, a ba hlaysangi a zilayelo za yena, ni

mawunwa yabye ma mahile bona a ku hambuka, ba lanzela lezi a badadani babye ba nga fambisa zona.

5 Kanilezi nzi ta rumela a nzilo hehla ka Juda, wu ta kadamula a zilubelo za Jerusalema.

6 Zakungahi a wulako Jehova: Hakuba zinharu a zihambunyeto za ka Israeli, ina, zi hi mune, nzi nga ta klelisa a tsayiselelo wa kona; hakuba bona ba xabisileko a lulamileko ba xaba a siliva, ni muvumali ba xama a zilato—

7 Bona labo ba hokolokelako a tsuri wa misaba hi le tihlokweni ta ziswana, ba hunzulusa klelweni a ndlela ya ba koramekileko: a wanuna ni dadani wa yena baya a ka wasati munwe, a ku nyenyezisa a bito ga mina ga kubasa:

8 Ba eklela a wutsumbu gabye labasi a klelweni ga maalati wonklelele hehla ka tinguwo ti tekilweko a xifungo; ni lomo ndlwini ya Nungungulu wabye ba nwela a waini ga labo ba rihisilweko.

9 Kasike nzi lo lobisa a ma Amori mahlweni ka bona, loye a kuklakuka ku nge kwatsi kuklakuka ka tisedare, i wa hi ni ntamo kwatsi foake; nzi lobisile a mihanzo ya yena hi le hehla, ni mitsu ya yena hi le hasi.

10 Kambe nzi lo humesa nwina le tikweni ga le Gipite, nzi lo rangela nwina mune wa makune ya malembe lomo xiwuleni, a ku ta fumela a tiko ga ma Amori.

11 Nzi lo vuxela a ka nwina a barisanyana a kuba baprofeti, ni majaha ya nwina a kuba ba Nazareta. Kona hambu lezi ku nga ngaho, O nwina banana ba ka Israeli ke? ku wula Jehova.

12 Kanilezi nwina mu lo nyika a ba Nazareta a waini a kunwa, mu layile a baprofeti, muku, Mu nga profeti.

13 Languta, nzi ta tsimbeketa nwina a wutsanweni ga nwina, kwatsi a kareta yi tsimbeketako na yi tele hi mulumbi.

14 A kupona ku mbemba ka yena loye a na nga ni mazambu; a wa ntamo a nga ta tiyisa a miboko ya yena; ge ni nhenha yi nga ta klatlisa a wutsumbu ga yona;

15 Ge a nga ta yima loye a komako a wura; ni loya wa konzo wa mazambo a nga ta klatlisa wutsumbu ga yena;

AMOSI, 4.

- ge hambu loye a kileleko a haxi a nga *klaklisa* wutsumbu ga yena ;
- 16 Yena loye wa ngwazi a xikari ka tihnenha i ta tsutsuma na hi ximbyiri a ka lego siku, ku wula Jehova.

XIPIMO 3.

- 1 Ingisani a mhaka leyi Jehova a wulawulileko a vukela *nwina*, O banana ba ka Israeli, ku vukela wonkle a ngango lowo nzi wu nehileko wu huma hi le tikweni ga le Gipite, mu-ku,
- 2 *Nwina nwece* nzi mu tibileko a ka yonkle a mingango ya misaba ; hi-kwalaho nzi ta enzela hehla ka *nwi-na* hi zonkle a zigoho za *nwina*.
- 3 A bambiri ba ta famba katiginwe, saseka loku bona ba nga ba vumc-lana ke?
- 4 Kasi ngala yi ta dzuma lomokwatini, laha yona yi nga hiko na pfimba? kasi vinyani ga ngala gi ta ngura lo-mo keleni, na gi nga tekangi ncu-mo ke?
- 5 A xinyanyani xi nga wela a *klanwi-ni* hehla ka misaba, laha a lizinga li nga dembelwi xona ke? ni *klamu* wu nga wacuka laha misabeni wu nga pasi ncumo futsi ke?
- 6 A paratana yi ta biwa lomo mutini, ni banhu ba nga dzakiswi ke? a ku-biha ku ta wela a muti, Jehova a nga mahangi kona ke?
- 7 Hakunene a Hosi Jehova a nga ta maha ncumo, saseka loku a woneke-lisa a mifihlakalo ya yena a ka ma-lanza ya yena a bapofeti.
- 8 A ngala yi dzumile ; hi mani a ta nga kala a nga cabi ke? a Hosi Je-hova i wulawulile; himani a kotako ku ala a ku profeta ke?
- 9 Banani nyibo *nwina* le zilubelweni za le Axdode, ni lomo zilubelweni lomo tikweni ga le Gipite, ni ku wula, Gotsobanyanani a wutsumbu hehla ka zitsunga za le Samaria, la-ngutani i pflupflu ya kuyini yi na nga kona, ni mitsimbeketelo ya ku-yini yi na nga kona.
- 10 Habuka bona a ba zi tibi a ku maha a kusasa, ku wula Jehova, loye a bingereteleko a bawukli ni bapangi lomo zilubelweni zabye.
- 11 Hikwalaho zakungahi a wulako a Hosi Jehova : A nala laho i ta kuba kona, yena i ta ranzela a tiko ; i ta neha labasi a ntamo wa wena, ni xu-lubelo xa wena xi ta pangiwa.

- 12 Zakungahi a wulako Jehova : Kwa-tsi hilezi a murisi a susako nowini wa ngala a milenge mimbiri, ni xi-panze xa ndlebe, zingaho a banana ba ka Israeli ba ta susiwa labo ba tsamako le Samaria le mbareni ya mubedi, ni le mamenyweni ya seda ga mubedi.
- 13 Zwanani *nwina*, ni kukustumu-nya mu vukela a yindlu ya Jakobe, ku wula a Hosi Jehova, a Nungu-ngulu wa mabandla.
- 14 Hakuba a ka siku lego nzi ta nga enzela a zihambunyetiso za banana ba ka Israeli hehla ka yena, minawu kambe nzi ta enzela a maalati ya le Beteli ; ni timhonzo ta alati ti ta tsenwa, ti ta kuwa misabeni.
- 15 Nzi ta lamata a yindlu ya wuxika zinwe ni yindlu ya ximumu ; ni ti-ndlu ta timhonzo ta ndlovu yi ta mbemba ; ni tindlu ta hombe ti ta gumelwa, ku wula Jehova.

XIPIMO 4.

- 1 Ingisani a mhaka leyi, *nwina* ti-homu ta le Baxani, leto ti na nga le zitsungeni za le Samaria, leto ti tsi-mbeketako a zisiwana, leto ti tra-ndlesako a bavumali, lato ti wulako a tihosi tabye, Nehani, nga hina hi-nwa.
- 2 A Hosi Jehova i hlambanyile hi ku basa ka yena, lezaku, mangabye, a masiku ma ta kuta hehla ka *nwina*, lezaku ba ta teka *nwina* hi tiobe, ni misalela ya *nwina* hi zimemba.
- 3 Na *nwina* mu ta huma lahandle hi mimole, nwenklelele mu komama a mahlweni ka yena ; na *nwina* mu ta hoxa a wutsumbu ga *nwina* le Ha-rmoni, ku wula Jehova.
- 4 Ngonani le Beteli, mu maha zihambunyetiso ; ka Gilgale, mu enzele-kisa a zihambunyetiso ; mu neha a mipahlelo ya *nwina* ; yonklelele mi-xo, ni za wukume za *nwina* wonkle-lele a masiku manharu ;
- 5 Ni ku nyikela a mupahlelo wa ku nyika a kubonga a ka lexo zi come-lweko ni kubanyibo hi minyikelo yi *klaklikileko* mu tibekisa yona : ha-kuba lexi xi nengelisako *nwina*, O *nwina* banana ba ka Israeli, ku wula Jehova.
- 6 Minawu kambe nzi nyikile *nwina* a kuhlazeka ka meno lomo mitini ya *nwina* yonkle, ni kuvumala ka zibaba lomo konkle a mitini ya *nwi-*

- na; kasike *nwina* a mu *klelangi* a ka mina, ku wula *Jehova*.
- 7 Minawu kambe nzi kobetile a vula kuta ka *nwina*, laho na ka ha hi ti-hweti tinharu a kuhula; nzi mahile kona a kuna ka muti munwe, na nzi mahile a ku ngani a ka munwani muti: a xipanze xinwe xi lo nelwa, ni xipanze xinwani a lexi xi nga nelwangiko xi lo wuna.
- 8 Zingaho a miti mimbiri kutani minharu yi lo kanganyiseka a ka muti munwe a kunwa mati, yi nga hi na ku eneliswa: kasike a baklelelelangi a ka mina, ku wula *Jehova*.
- 9 Nzi lamatile *nwina* hi xikobani ni tsutsubi: a wudlemo ga masimu ya *nwina* ni zivina za *nwina* ni tisinya ta *nwina* ta mikuwu na tisinya ta *nwina* ta ma Olivia a pungwani wu kadamule tona: kasike *nwina* a mu *klelangi* a ka mina, ku wula *Jehova*.
- 10 Nzi rumele a ka *nwina* a mitungu kukotisa hi tingumbe ta le *Gipite*: ni majaha ya *nwina* ma hlaselwe hi supado, nzi gotsile ba famba a mahaxi ya *nwina*; nzi mahile a masema ya wugobelo ga a kuta le tinhovini ta *nwina*: kasike a mu hunzuluka-*ngi* a ka mina, ku wula *Jehova*.
- 11 Nzi hoxile a miti xikari ka *nwina*, kwatsi hilezi Nungungulu a hoxileko Sodoma ni Gomora, na *nwina* mu wo kwatsi mu tihunyi ti fungulweko le nzilweni: kasike *nwina* a mu hunzulukangi a ka mina, ku wula *Jehova*.
- 12 Hikwalaho zakungahi nzi ta nga maha a ka wena, O Israeli; na hakuba nzi ta nga maha lezi a ka wena, longisela a ku *klangana* na Nungungulu wa wena, O Israeli.
- 13 Hakuba, mangabye, yena loye a mahileko a zitsunga, a bangileko a mheho, a *klaklambutako* a ka munhu lezo zi na nga kualakanya ka yena: loye a mahako a mixo a munyama, a kanziyelako a wutsamo gi *klakukileko* ga misaba—*Jehova*, a Nungungulu wa mabandla, yi hi bito ga yena.
- misabeni; laho a nga kona a ku vuxa wona.
- 8 Hakuba zakungahi a wulako a Hosi *Jehova*: A muti lowo wu humako a kume ga mazana i zana ginwe gi ta siyiwa, ni lowo wu na nga ni kuhumesa a zana ku kume gi ta nga sala, a ka yindlu ya ka Israeli.
- 4 Hakuba zakungahi a wulako *Jehova* a ka yindlu ya ka Israeli, Hlotani mina *nwina*, na mu ta hanya;
- 5 Kanilezi mu nga hloti Beteli, ge ni ku engena *Gilgale*, mu nga hunzi muya le *Bereceba*: hakuba *Gilgale* ha kunene i ta famba wukonwini; na Beteli ta maha a marumbi.
- 6 Hlotani *Jehova*, na *nwina* mu ta hanya; nga yena a panduka kwatsi i nzilo lomo ndlwini ya *Josefa*, wona wu ta kadamula, a nga kona a ta nga tima wona le Beteli.
- 7 *Nwina* mu hunzulako a nongameto a ka pungwani, mu hoxa lahasi a kululamisisa misabeni,
- 8 Hlotani yena loye a mahako a ma *Pleidesi* ma *Orioni*, a *klelisako* a nzuti wa kufa ku maha a mixo, a mahako a siku gi puma hi wusiku; loye a bitanako a mamati ya bimbi, a cululako wona hehla ka ngohe ya misaba (*Jehova* hi bito ga yena);
- 9 Loye a nehako a lobyiselelo wa xitsuketi hehla ka wa ntamo zingaho lezo a lobyiselelo wuta hehla ka kokola.
- 10 Ba benga yena loye a hlolako le nyangweni, bona ba swirwa ha yena loye a wulawulako hi kulongamileko.
- 11 Habuka kwatsihilezi *nwina* mu kanziyeleleko hehla ka zisiwana, ni shelelo wa ku teka a ka yena a mabele: mu akile a tindlu ta maribye ma baklilweko, kanilezi mu nga ta aka a ka tona; mu byele a zivina zatsi, kanilezi mu nga tauwa a waini ga zona.
- 12 Hakuba nza ku tiba a ku enzekelana ka zihambunyeto za *nwina*, ni lezaku wukulisile kuyini ntamo wa zionho za *nwina*—*nwina* labo mu hlokisako a nongameto, *nwina* labo mu hambukisako *klelweni* a muvumali a ka lezi za nongameto.
- 13 Hikwalaho yena loye a *klarihileko* i ta rutisa a miyela a ka xikati zakungahi; hakuba kona ku hi xikati xa kubiba,

XIPIMO 5.

- 1 Zwanani *nwina* leyi mhaka nzi tekileko le kosini wa ku rilela *nwina*, O yindlu ya ka Israeli.
- 2 A mubulwa wa ka Israeli wu wile; wona wu nga ta ha engeta kambe wu vuka: wona wu hoxilwe lahasi

AMOSI, 6.

- 14 Hlotani a kusasa, na ku nga hi a kubiha, kasi *nwina* ma fela a ku hanya; zingaho Jehova, a Nungungulu wa mabandla, i ta kuba zinwe na *nwina*, kwatsi hilezi *nwina* mu wulileko.
- 15 Bengani a kubiha, mu ranza a kusasa, mu yimisa a nongameto nyanngweni: kasi kona ku nga taku kutani Jehova, a Nungungulu wa mabandla, i ta kuba ni wuxinji a ka misalela ya ka Josefa.
- 16 Hikwalaho zakungahi a wulako Jehova, a Nungungulu wa mabandla, a Hosi Hosi: A mikosi yi ta kuba a ka tonkle a tindlela ta kuanama; na bona ba ta wula a ka wonkle a mapango Hale! Hale! ba ta bitana a barimi a ku ta rila, kwatsi hi labo ba klarihileko mikosini ya ku rila.
- 17 Ni ka zonkle a ziyina ku ta kuba kona a ku rila; hakuba nzi ta tsemakanya a xikari ka wena, ku wula Jehova.
- 18 Kombo a ka *nwina* labo mu xubako a siku ga ka Jehova! Ngahilezo mu wa ta nga *nwina* mu hi siku ga ka Jehova ke? gona hi munyama a gi hi kuwonekela.
- 19 Kwatsi hi loku a munhu tsutsuma le ngaleni, ni bera gi klangana yena; kutani a engena ndlwiul a kegela laha ka kurisi ni nyoka yi mu luma.
- 20 Kasi a siku ga ka Jehova gi nga ta kuba munyama ke, gi nga hi ku wonekela? gona gi ta puma nguvu, ku nga ta kuba kona ni kuwoninga a ka gona ke?
- 21 Nza benga, nza nyenya a mibuzo ya *nwina*, nzi nga ta teka a ku xalaliswa hi migotsobanyano ya *nwina* ya ximuse.
- 22 Ina, hambu loku *nwina* mu nyikela a ka mina minyikelo ya *nwina* ya kuhiswa ni minyikelo ya *nwina* ya tinzhoho, nzi nga ta amukela zona; ge nzi nga ta katala minyikelo ya *nwina* ya kurula ya zihari za *nwina* za kunona.
- 23 Susa kule a ka mina guwa ga tisi mu ta wena; hakuba nzi nga ta kuzwa kuketsela ka mivambi ya wena.
- 24 Kanilezi nga a nongametiso wu umbuluka lahasi kwatsi i mati, ni kululamisisa kwatsi i congo wa nta-mo.
- 25 Kasi *nwina* mu nehile a ka mina a mipahlelo ni minyikelo lomo xiwu-

leni a mune wa makume ya malembe, O yindlu ya ka Israeli ke?

- 26 Ina, *nwina* mu rwele a tabernakele ga hosi ya *nwina* ni ngaxa ya zifanano za *nwina*, a nyeletsi ya nungungulu wa *nwina*, leyo *nwina* mu yi mahileko a ka wutsumbu ga *nwina*.
- 27 Hikwalaho nzi ta maha *nwina* a ku gotswa a wukonwi le klatuko wa Damaskusi, ku wula Jehova, loye a bito ga yena ku na nga Jehova wa mabandla.

XIPIMO 6.

- 1 Kombo a ka bona labo ba na nga kuhumuleni lomo Zioni, a ka bona labo ba ponako xitsungeni xa le Samaria, a banhu ba tibyiwako ba tihosi ta mifumo, a ka bahl a yindlu ya ka Israeli yi takol!
- 2 Hunzani *nwina* muya Kalna, ni ku wona; ni sukela laho fambani Hamate a ga hombe; zonake mi relela muya le Gate wa ma Filisti: kasi bona i cukwana a kuhunza ku leyi a mifumo ke? kasi mbingano wabye ngwa hombe a ku hunza a mbingano wa *nwina* ke?
- 3 —*Nwina* labo mu ma bekako kule a masiku ya kubiha, mu maha a xitsamo xa pangiselelo a kuta ku suhani;
- 4 Labo ba eklelako hehla ka mubedi wa timhonzo ta ndlovu, ba tololako a wutsumbu gabye hehla zitebe, baga a tiivana lomo klambini, ni marole lomo xikari ka ranga;
- 5 Labo ba yimbelelako a tisimu ta kubiha hi guwa ga muvambi; labo ba polako a ka wutsumbu gabye a wucenje ga kuvuma, kwatsi hi Davida;
- 6 Labo ba *nwako* a waini lomo mikelweni, ba tita a wutsumbu gabye hi mafura ya hombe; kanilezi a ba hlomulwangi hi hlokiselelo ya ka Josefa.
- 7 Hikwalaho bona ba taya kukonweni makunu zinwe ni labo ba ta ngaya kukonweni; ni mahlokoti ya bona labo ba nawulutako a wutsumbu gabye ma ta hunza.
- 8 A Hosi Jehova i hlambanyile hi wutsumbu ga yena, a ku ngalo Jehova, a Nungungulu wa mabandla: nzi swirilwe wukulu ga Jakobe nzi bengile a zilubelo za yena; hikwalaho nzi ta nyikela a muti ni zonkle lezo zi na nga ka wona.
- 9 Na kona ku ta mahisa lezo lezaku

- loku laho ku sele a kume ga banhu lomo ndlwini yinwe, bona ba ta kufa.
- 10 Ni laha a hahani wa munhu a ta nga teka yena, yena loye a hisako yena a ku humesa a marambo hi lomo ndlwini, ni ta wula ka yena loye a na nga kwalomo nzeni ka yindlu, Kasi i kona laho a wa kuba zinwe na wena ke? na yena i ta wula, Ku haba; zonake yena i ta wula, Rutisa u miyela; hakuba hina hi nga maha a kumbekelo wa bito ga ka Jehova.
- 11 Hakuba, languta, Jehova i leletele, a yindlu ya hombe yi ta boxwa a mimole, ni tindlu ti tsongwani hi tifa.
- 12 Kasi a mahaxi ma ta tsutsuma hella ka ribye ke? kasi a muwwe a nga rima laho hi tikabi ke? a ka lezo nwina mu hunzuluko a nongameto ku maha a kubaba, ni kululamisisa a ku maha a wutsulu;
- 13 Nwina labo mu tsakako hi ka xilo xa mahala, ni ku wula, Hina a hi tekangi a mahaxi hi ka ntamo wa hina ke?
- 14 Hakuba, languta, nzi ta vuxa nzi vukela nwina a mufumo, O yindlu ya ka Israeli, ku wula Jehova, a Nungungulu wa mabandla; bona ba ta hlokisa nwina kusukela a wuengenweni ga le Hamate kala le congwanini wa le Araba.

XIPIMO 7.

- 1 Zakungahi a Hosi Jehova a kangetileko mina: ni, languta, i lo maha a humbi hi kusanguleni ka kuhluka ka byanyi gogumesa, ni, mangabye, gona gi wa hluka kugumesa le nzako ka kukaya ka hosi.
- 2 Na ku mahisile lezo lezaku, laha na bona na ba mahile a kugumelwa a kuga byanyi ga tiko, zonake nzi te ngalo, O Hosi Jehova, tsetselela, nza kongotela wena: i ta yimisa kuyini Jakobe ke? hakuba yena i tsongwani.
- 3 Jehova i lo hunzuluka hi xungetano ni lexi: ku nga ta kuba lezo, ku wula Jehova.
- 4 Zakungahi a Hosi Jehova a kangetileko mina: ni, languta, a Hosi Jehova wa bitana a ku enelisa hi nzilo; na wona wa kadamula a kuetaka ka hombe, wu ta kuga a tiko.
- 5 Zonake nzi te ngalo, O Hosi Jehova, kawula, nza kongotela wena, i ta

yimisa kuyini Jakobe? hakuba yena i tsongwani.

- 6 Jehova i lo hunzuluka a xungetano ni lexi: Lexi kambe xi nga ta kuba lezo, ku wula a Hosi Jehova.
- 7 Zakungahi yena a kombisileko mina: ni, languta, A hosi yi wa yimile le klelweni ga kurisi gi mahilweko hi lingoti la kuringanisa, a hi ni lingoti la kuringanisa a canjeni ga yena.
- 8 Na Jehova i te ngalo ka mina, Amosi, xini u xi wonako wena ke? nzi te ngalo, A lingoti la kuringanisa. Zonake ku lo wula a Hosi, languta, nzi ta bekela a lingoti la kuringanisa lomo xikari ka banhu ba ka Israeli; cina nzi nga ta ha hunza ha bona kambe;
- 9 Ni wutsamo gi klakukileko ga ka Isaka gi ta maha a marumbi, ni yindlu ya kubasa ya ka Israeli yi ta hahlulwa a marumbi, nzi ta vukela a yindlu ya ka Jeroboamu hi supado.
- 10 Zonake Amazia a mupristi wa le Beteli i lo rumela a ka Jeroboamu a hosi ya ka Israeli, aku, Amosi i mahile a mahlebo a vukela wena a xikari ka yindlu ya ka Israeli: ni tiko a gi zi koti a kurwala a timhaka ta yena.
- 11 Hakuba zakungahi Amosi a wulileko, Jeroboamu i ta kufa hi supado, Israeli i ta kufa hi supado, Israeli hakunene i ta gotswa a wukonwi a fambiswa lomu tikweni.
- 12 Kambe Amazia i te ngalo ka Amosi, O wena muwoni, famba, u tsutsuma wena u ya le tikweni ga ka Juda, ni laho u yaga zibaba, u profeta leyo:
- 13 Kanilezi u nga ha profeti u vukela ni yini kambe le Beteli; hakuba kona ku hi yindlu ya kubasa ya hosi, na kona hi yindlu ya ka mukulu.
- 14 Zonake ku lo hlamlula Amosi, na te ngalo ka Amazia, mina nzi wa nga hi muprofeti, ge ni kuba a nisanjanya wa muprofeti; kanilezi nzi wa hi murisi, a muhlakuleli wa simu ya mikuwu:
- 15 Jehova i lo teka mina le ku lanzeleleni a miklambi, na Jehova i te ngalo ka mina, Famba, u ya profeta a ka banhu ba ka Israeli.
- 16 Makunu hikwalaho zwana wena a mhaka ya ka Jehova: Wena u wulako, U nga profeti u vukela Israeli, u nga wisi a mhaka ya wena u vukela a yindlu ya ka Isaka;

17 Hikwalaho zakungahi a wulako Jehova : A sati wa wena i ta kuba xibayi lomo mutini, a barisanyana ba wena ni banhanyana ba wena ba ta kuwa hi supado, simu ga wena gi ta abelwa hi lingoti ; na wena wutsumbu u ta fela a tikweni lego gi nga hlazekangiko, na Israeli i ta gotswa a wukonwi a zinene lomo tikweni gakwe.

XIPIMO 8.

- 1 Zakungahi a Hosi Jehova a kangetileko mina : ni, languta, a xirunzu xa mihanzo ya ximumu.
- 2 Na yena i te ngalo, Amosi xini wena u xi wonako ke? Nzi te ngalo, A xirunzu xa mihanzo ya ximumu. Zonake ku lo wula Jehova a ka mina, a kugumelwa ku cikele hehla ka bannhu ba mina Israeli ; nzi nga ta engeta kambe nzi hunza hi ka bona kambe.
- 3 A tisimu ta tempele ti ta kuba a mikosi a ka lego siku, ku wula a Hosi Jehova : a zirumbi zi ta kuba zinyingi ; a ka wutsamu ginyingi ba ta hoxa zona na ba hi ni kudumara.
- 4 Zwanani lexi, nwina labo mu nga ta nga mu kwilikwinza a bavumali ni ku maha a zisiwana za tiko a kuwa,
- 5 Niku, Hi rini a hweti yiswa yi ta nga famba, kasi hina ha fela a kuxabisa a mabele ke? ni masabado, kasi ha fela ku humesela a mabele, hi maha efa a wutsongwa, ni xekeli a kukula, hi maha hi kukohlisileko a xiringaniso xa wutroto ;
- 6 Kasi ha xaba a zisiwana hi siliva, ni bavumali hi zilato, mu xabisa mudona wa mabele ke?
- 7 Jehova i hlambanyile hi wukulu ga Jakobe, hakunene nzi nga ta ribakelwa ni wihi wa mitiro ya bona.
- 8 A tiko gi nga ta rurumela hi lexi ke, ni bonklelele ba rila labo ba tsamako laho ke? ina, kona ku ta kukuma kwatsi i Congo ; kona ku ta vindlukiswa ku rikiswa kambe, kwatsi i Congo wa le Gipite.
- 9 Na ku ta mahisile lezo a ka lego siku, ku wula a Hosi Jehova lezaku nzi ta maha a gambo a kupela laha munwini, nzi ta pumisa a misaba laha xwenguleni wa siku.
- 10 Nzi ta hunzulusa a mibuzo ya nwi na mikosini, ni tonkle a tisimu ta nwina xirilweni ; nzi ta neha a ngu-

wo ya tisakwa hehla ka ziwunu zonkle, ni likwembu hehla ka tihloko tonkle ; nzi ta maha tona kwatsi hi loye a rilelako a nisanyana wa yena yece, ni kugumelwa ka kona kwatsi i siku gi kekesako.

- 11 Languta, a masiku mata, ku wula a Hosi Jehova, lawo nzi tanga ruma a ndlala lomo tikweni, na yi nga hi ndlala ya kuga, ge ni ya tora ga mati, kanilezi ya kuzwa a mhaka ya ka Jehova.
- 12 Na bona ba ta nzula bimbini ni bimbini, ni nwalungu ba ya mutsuwukagambo ; ba ta tsutsuma ba ndlengandlengiswa a ku hlota a mhaka ya ka Jehova, ba nga ta kuma yona.
- 13 A ka lego siku a mibulwa ni majahama ta karala hi kota ya tora.
- 14 Bona labo ba hlambanyako hi xionho xa le Samaria, niku, Kwatsi hi nungungulu wa wena, O Dani, a hanyako, ni ; Kwatsi hi ndlela ya Berexeba yi hanyako ; bona ba ta kuwa, cima ba nga ta ha vuka kambe.

XIPIMO 9.

- 1 Nzi lo wona a Hosi na yi yimile a klelweni ga alati : i te ngalo, Lamata a tisinya, kasi a wuengeno gi tsekatsekiswa ; ni kutsoba bona a zibanzana lomo hlokwani ya bonkle ba bona ; na nzi ta daya a ba seleko ba bona hi supado : ni laho a nga ta kuba kona a wa a ta nga tsutsuma, ni laho a nga ta kuba a wa bona a ta nga pona.
- 2 Hambulezo bona ba kelileko le Xeole, hi leyo a canja ga mina gi ta lo teka bona ; hakuba loku bona ba noma hehla le tilweni, hi leyo nzi ta neha bona lahasi.
- 3 Na hambu ba ti fihla a wutsumbu gabye le hehla ka Karmeli, nzi ta hlota nzi teka bona hi leyo ; hambuloko ba ku fihla a wutsumbu gabye kuwoneni ka mina le hasi ka bimbini, leyo nzi ta leletela a nyoka, yona yi ta luma bona.
- 4 Hambuloko bona baya kukonweni mahlweni ka balala babye, nzi ta leletela a supado, na yona yi ta hlasela bona : nzi ta rumela a mahlo ya mina hehla ka bona hi kubihla, ge ku nga hi kusasa.
- 5 Hakuba a Hosi, Jehova wa mabandla, i hi yena loye a kumbako a saba na gona gi nyekiswa, ni zonkle lezo zi akileko a ka gona zi ta rila ;

- ku ta kukumuka konkle wa Congo, ku ta rika kambe, kufanana ni Congo wa le Gipite ;
- 6 I hi yena loye a akako a tindlu ta yena le matilweni, a sangulisileko a xixungwe xa yena hehla ka misaba; yena loye a bitako a mamati ya bimbi, a ma halata lahandlo misabeni; Jehova ku na nga bito ga yena.
- 7 Kasi zwina a mu kwatsi mu banana ba ma Etiopia a ka mina, O banana ba ka Israeli ke? ku wula Jehova, A nzi nehangisi Israeli a humana tikweni ga le Gipite, ni ma Filisti hi le Kaftori, ni ma Siria hi le Kireke?
- 8 Languta, a mahlo ya ka Jehova ma le hehla a ka mufumo wu teleko hi kuonha, na nzi ta lobisa wona wu suka le ngoheni ya misaba; saseka nzi nga ta lobisa a yindlu ya ka Jakobe hi kumbetisilweko, ku wula Jehova.
- 9 Hakuba, mangabye, nzi ta leletela, nzi ta hluta a yindlu ya ka Israeli xikari ka yonkle a mifumo, kwatsi hi nzohoho yi heherilweko lomo lihlelweni, kasike ku nga ta na nzohoho yi ta nga kuwa lahasi misabeni.
- 10 Bonkle a baonhi ba banhu ba mina ba ta kufa hi supado, labo ba wulako, A kubiha ku nga ta kamanyeta hina ge ni kuklangana na hina.
- 11 A ka lego siku nzi ta vuxa a tabernakele ga Davida lego gi wileko, nzi ta valetela a mimole ya gona; nzi ta akisa a kukungumuka ka gona, nzi ta aka gona kwatsi hi masikwini ya kaleloko;
- 12 Kasi bona ba fela a ku fumela a miselela ya le Edome, ni yonkle a mifumo leyo yi bitanilweko hi bito ga mina, ku wula Jehova loye a mahako lexi.
- 13 Languta, a masiku mata, ku wula Jehova, a murimi a te kamanyeta yena loye a hulako, ni muvubeli wa magrepi a ka yena loye a xwanyako mbewu; ni zitsunga zi ta dona a waini ga ku tsombela, ni yonkle miganza yi ta nyikisiwa.
- 14 Nzi ta klelisa a wukonwi ga banhu ba mina Israeli, na bona ba ta aka hi le muhlwegambo a miti, ni ku fumela yona; na bona ba ta byala a zivina ni kunwa a waini ga kona; ba ta maha a masimu, ni kuga a mihanzo ya wona.
- 15 Nzi ta byala bona lomo tikweni gabye, bona ba nga ta ha tsuwulwa kambe lomo tikweni gabye lego mina nzi nyikileko ka bona, ku wula a hosi Jehova a Nungungulu wa wena.

A BUKU GA

OBADIA.

- 1 A muwoniso wa Obadia.
Zakungahi a wulako a Hosi Jehova hi xungetano na Edome: Hina hi zwile a mahungu hi le ka Jehova, ni tsukano wu ruzwelwe xikari ka mifumo, yiku, Sukani zwina, nga hi suka hi vukela yena le impini.
- 2 Languta, nzi mahile wena tsongwani xikari ka mifumo: wena u nyenyilwe hi kukulisilweko.
- 3 A matsanza ya mbilu ya wena ma kohlisile wena, O wena loye u akileko le mikoloklotweni ya ribye, loye a kuaka ka wena ku klakukileko; loye a wulako a mbilwini ya yena,
- Himani a ta nga neha mina lahasi liranabyeni ke?
- 4 Hambulezo u kanziyileko hehla kwatsi gama, hambuloko a xisaka xa wena xi akilwe tinyeletini, nzi ta neha wena lahasi hi leyo ku wula Jehova.
- 5 Loku a makamba mata ka wena, loku a bapangi hi laha wusikwini (u ta komiswa kuyini wena ke!), bona ba nga ta nga ba yiba kala bona ba kuma a kueneleko ke? ni muroleli wa magrepi i lota ka wena, bona ba nga ta nga ba siya a dzombetelo wa magrepi ke?
- 6 Zi hlotisilwe a kuyini a dlo sa ka

OBADIA.

- Esau! a mabako ya yena ma fihli-
lweko ma kambilwe!

7 Bonkle banhu ba xivumelwano xa
wena ba nehile wena a ndleleni ya
wena, kona le mbinganweni wa we-
na: a banhu labo ba nga wa hi ni
kurula zinwe na wena ba kohlisile
wena, ba hlulile ba vukela wena:
bona labo ba gako a zibaba za wena
ba dembelela klamu lahasi ka wena:
laho a ku kona a kupima a ka yena.

8 Kasi mina nzi ngata ku a ka lego si-
ku ku wula Jehova, nzi ta lobisa a
banhu ba kutiba ba le Edome, ni ba
pimako le xitsungeni xa ka Esau ke?

9 Ni tinhenha ta wena, O Temani, ti
ta mbetekiswa ntamo, kasi hi kugu-
melwa bonkle ba fela a ku tsenwale
xitsungeni xa ka Esau hi hlaselelo.

10 Hakuba a pangiselelo wu mahilwe
a ka makabye wa wena Jakobe, a ti-
ngana ti ta kubunyeta wena, na u ta
tsenwiwa kala kupinzuka.

11 A ka siku lego wena u yimako hi ka
ginwani klelo, a ka siku lego a wa
matiko a rwalako a nhunzu ya yena,
ni wa matiko a engena lomo tinya-
ngweni ta yena, a hlahluba a tihlolo
hehla a ka Jerusalema, na wena u
wa ku kwatsi u munwe wa bona.

12 Kanilezi u nga cuwuki wena a ka
siku ga makabye wa wena a ka siku
ga tsuwuko wa yena, u nga tsaki hi
ka banana ba ka Juda a ka siku ga
lobyiselelo wa bona; ge ni kuwula-
wula hi matsanza hi ka siku ga hlo-
kiselelo wabye.

13 U nga engeni lomo nyangweni ya
banhu ba mina hi ka siku ga tsuwu-
ko wabye; ina, u nga cuwuki wena
le hlokiselelweni yabye a sikwini ga
tsuwuko wabye, ge ni ku klateka a
mandla nwina lomo nhunzwini ya-
bye a ka siku ga tsuwukiselo wabye.

14 U nga yimi wena lomo ndleleni ya

ma hambana, a ku tsema a ba bona
labo ba ponako; u nga nyikelo a ba
bona labo ba seleko hi siku ga hla-
selo.

15 Hakuba a siku ga ka Jehova gi tsi-
nele a ka yonkle a mifumo; kwatsi
hilezi wena u mahileko, na kona ku
ta mahelwa a ka wena; ni kuranza
ka wena ku ta klelela hehla ka yena.

16 Hakuba kwatsihilezi nwina mu nwi-
leko hehla ka xitsunga xa kubasa,
zingaho a mifumo yi ta kunwa hi
kusimamisisilweko; ina, bona ba ta
kunwa, ba mita, ba ta maha a ku
kwatsi ba wa nga hi kona.

17 Kanilezi a xitsungeni Zioni laho
ku ta kuba kona labo ba ta nga pona,
na xona xi ta kuba xi basile; ni yi-
ndlu ya ka Jakobe yi ta fumela a
tsomba yabye.

18 Ni yindlu ya ka Jakobe yi ta kuba
kwatsi i nzilo, ni yindlu ya ka Jose-
fa i pingo, ni ka yindlu ya ka Esau
xikungusa, bona ba ta hisa xikari
kabye, ni kadamula bona; ni laho
ku nga ta kuba kona a seleko a ka
yindlu ya ka Esau; hakuba Jehova
a wulileko kona.

19 Na bona a ba le Dzongeni ba ta fu-
mela a xitsunga xa ka Esau na bona
a mikoba a ma Filisti; na bona ba
ta fumela a masiku ya ka Efraime,
ni masimu ya le Samaria; na Benja-
mini i ta fumela Gileade.

20 Ni kukonwa ka mabandla layo ya
banana ba ka Israeli, lawo ma na nga
xikari ka ma Kenani, labo ba ta fu-
meleko kala Zarefate; ni kukonwa
ka le Jerusalema, loko ku na nga le
Sefarade, ku ta fumela a miti ya le
Dzonga.

21 Ni bahanyisi ba ta huma hi le xitsu-
ngeni Zioni a ku lamula a xitsunga
xa Esau; ni mufumo wu ta kuba
wa ka Jehova.

A BUKU GA JONA.

XIPIMO 1.

- 1 Makunu a mhaka ya ka Jehova yi lota ka Jona a nisanyana wa ka Amittai, yiku.
- 2 Suka, u famba uya le Nineve, lowo a muti wa hombe, u ya bahuwa u vukela wona; hakuba a kubihisisa ka bona ku tile hehla ka mina.
- 3 Kanilezi Jona i lo suka a ku tsutsu-ma Tarxixi a kubakoneni ka Jehova; yena i lo relela aya le Jopa, i loya kuma a taru gi nga wa kari giya le Tarxixi: zingaho yena i lo riha a tse-ngo wa kona, i lo engena a ka gona, a ku famba zizwe na bona le Tarxixi a kubakoneni ka Jehova.
- 4 Kanilezi Jehova i rumela a mheho ya hombe hehla ka bimbi, ni laho ku wa hi ni bubutsa ga hombe lomo bim-bini, zingaho a taru gi wa ku laba ku panzeka.
- 5 Zonake a bamarinyero ba wa kuca-byiswa, ba lo rila bonklelele a ka Nungungulu wa yena; na ba lo hoxa a mirwalo leyo yi nga wa hi lomo tarwini lomo bimbini, kasi a kuhelukisa gona a ka bona. Kanilezi Jona i wa relele lahasi kwa-leyo klelweni ga xikari ga taru; i wa eklele na eklele a wurongo ga hombe.
- 6 Zingaho a hosi ya taru yi lota ka yena, yi te ngalo ka yena, U alaka-nya yini wena mukleli ke? Suka u bitana a ka Nungungulu wa wena loku zingaho kutani a Nungungulu a nga alakanya hina, kasi ha fela ku kala hi nga loyiswa.
- 7 Na bona ba lo wula ka bonklelele ba nakulobye, Ngomani, a hi hlalubeni a tihlolo, kasi ha fela a kutiba lezaku i nanzu wa mani lezi a kubi-ha ku tako hehla ka hina. Zingaho ba lo hlaluba a tihlolo, ni hlolo yi koma Jona.
- 8 Zonake ku lo wula bona a ka yena, Byela hina, ha kombela wena, haku-ba i nanzu wa mani lezi loku a ku-biha ku welako hehla ka hina; a tiro wa wena ngwa ku maha yini ke? na wena na u ta hi kwihi ke? a tiko ga

- hi kwihi ke? na u hi wa banhu ba lixaka muni ke?
- 9 Na yena i te ngalo ka bona, Mina nzi mu Heberu; nzi lo caba Jehova, a Nungungulu wa tilo, loye a mahi-leko a bimbi ni misaba yi omileko.
- 10 Zonake a banhu ba wa hunzelele a kucabyiswa, ba te ngalo ka yena, Zaku-yini lezo wena u zi mahileko ke? Hakuba a banhu ba wa zi tibile le-zaku yena wa ku caba a kubakoneni ka Jehova, hakuba yena a nga wa byelile bona.
- 11 Zonake ba lo wula ka yena, Hi ta maha yini zizwe na wena, kasi a bi-mbi ga rutisa ka hina ke? hakuba a bimbi gi wa su enzelekelana a vi ndlukeliselelo.
- 12 Na yena i te ngalo ka bona, Teka mina, mu nzi hoxa lomo bimbini; zingaho a bimbi gi renga a ka nwina: hakuba mina zi tiba lezaku hi kota ya mina legi a bubutsa gi tile hehla ka nwina.
- 13 Ahembalezoke a ba banuna ba lo bo-nza nguvu a makasiya a ku bungula a taru giya le muhanzeni; kanilezi bona ba wa nga hi na zi kota: haku-ba a bimbi gi wa la su vindlukiswa nguvu a ku vukela bona.
- 14 Hikwalaho ba lo rila a ka Jehova, ba te ngalo, Ha kongotela wena, nga hina hi nga mbembiswi hi wutomi ga loyi a munhu, u nga klateki hehla ka hina a nkata wu nga hiko na nanzu; hakuba wena, O Jehova, u mahile kwatsi hilezi zi xalalisako wena.
- 15 Zingaho bona ba lo teka Jona ba lo hoxa yena lomo bimbini; ni bimbi gi su ku kawula le pflupflwini ya gona.
- 16 Zonake a banhu ba lo caba Jehova hi kuhunzeletisisilweko; ba lo nyi-kela a mupahlelo a ka Jehova ba lo maha a zifungo.
- 17 Na Jehova i lo longisa a hlavi ya hombe a ku kwilikwinza Jona: na Jona i wa hi lomo rumbyini ga bla-vi a masiku maharu ni wusiku gi-nharu.

XIPIMO 2.

- 1 Zonake Jona i lo kombela a ka Jehova a Nungungulu wa yena lomo rumbyini ga hlavi.
- 2 I te ngalo,
Nzi bitanile hi kota ya hlokiselelo ya mina a ka Jehova,
Na yena i hlamlile mina;
Le rumbyini ga Xeole nzi bilehuwa mina,
Na wena u zwile a gezu ga mina.
- 3 Hakuba wena u hoxile mina lomo kueteni, lomo mbilwini ya bimbini.
Ni talo wu wa ranzele mina;
Wonke a mabyandlati ya wena ni mabikubiku ya wena ma hunza lehla ka mina.
- 4 Na mina nzi te ngalo, Nzi hoxilwe a mahlwani ka mahlo ya wena;
Kasike nza ha ta cuwuka kambe tempeleni ya wena ya kubasa.
- 5 A mamati ma lo ranzela mina, kona muhefemulweni;
A kueta ku wa ranzele mina;
Ni fuxe wu wa pomele lehla ka hloko ya mina.
- 6 Nzi wa relele lahasi a tsakweni ga zitsunga;
A misaba ni zikwenyaro za yona zi wa valele mina kala kupinzuka:
Kasike wena u lo neha a wutomi ga mina le rinzi, O Jehova a Nungungulu wa mina.
- 7 Laha a muhefemulo wa mina wu nga wa rerekila ha mina, nzi lo alakanya Jehova;
Ni mukombelo wa mina wu lota a ka wena, lomo tempeleni ya wena ya kubasa.
- 8 Bona labo ba celako kota hi mawunwa ma nga nyawuliko
Ba tsika a titralo ta bona benyi.
- 9 Kanilezi nzi ta pahlela ka wena hi gezu ga ku nyikakubonga;
Nzi ta riha a lexo nzi xi fungileko.
A hanyiselelo ngwa ka Jehova.
- 10 Na Jehova i lo wulawula a ka hlavi, yona yi lo hlata Jona le muhanzeni wu omileko.

XIPIMO 3.

- 1 Ni mhaka ya ka Jehova yi lota a ka Jona hi xikati xa wumbiri, yiku,
- 2 Suka, u famba le Nineve a muti leyo ya hombe, u kukanela a ka gona a kanelelo lowo mina nzi ta nga laya wena.

- 3 Zingaho Jona i lo suka, i loya le Nineve, kukotisa hi ka mhaka ya ka Jehova. Makunu a Nineve wu ha hi muti lowo wu nga wa hunzelele kukula, wa kufamba a masiku manharu.
- 4 Na Jona i lo sangula a ku engena lomo a pfuka wa siku, na yena i lo bahuwa, aku, Kasike hi ka mune wa makume masiku, a Nineve gi ta hoxiwa.
- 5 Ni banhu ba le Nineve ba lo kolwa ka Nungungulu; na bona ba lobanyibo ya kuyila, ba lo ambala a tinguwo ta tisakwa, kusukela ka bahombe babye kala ka batsongwani babye.
- 6 Ni mahungu ma lo cikela ka hosi ya le Nineve, na yena yi lo suka xitsazweni xa wukosi xa yena, a susa a tinguwo ta yena ka yena, a ambala a tinguwo ta tisakwa, i lo tsama le kumeni.
- 7 Na yena i lo maha a kubiwanyibo ni kutibyekiswa ka gonke a Nineve hi nyibo ya hosi ni badzunzekileko ba yona baku, Nga ku nga hi kona munhu ge ni xihari, a tihomu ni miklambi, yi ringako ncumo; nga zona zi ngagi, ge ni kunwa a mati;
- 8 Kanilezi nga zona zi fenengetwa hi tinguwo ta tisakwa, bonke banhu ni zihari, nga bona ba bahuwa a ka Nungungulu hi kutsikwillisileko: ina, nga ba klela bonklelele le ndleleni yabye ya kubiha, ni le wukleleliseni lowo wu na nga lomo mandleni ya yena.
- 9 Himani a tibako lezaku Jehova a nga ta klela a hunzuluka, a bohla le zangeui ya yena yi cabekisako, kasi hina ha fela ku kala kumbemba.
- 10 Na Nungungulu i lo wona a mitiro yabye, lezaku bona ba klelele le tindleleni tabye ta kubiha; na Nungungulu i lo hunzuka hi kubiha loko a nga wa ta nga a ku mahile a ka bona; yena i wa nga ku mahangi.

XIPIMO 4.

- 1 Kanilezi kona a zi xalalisangi Jona hi kuhunzeletisileko, na yena i wa lo zanga.
- 2 Na yena i lo kombela a ka Jehova, na te ngalo, Nza kombela wena, O Jehova, ni lexi ku wa nga hi ku wula ka mina, laha mina nzi nga wa ha hi lomo tikweni ga le ka hina ke? Hikwalaho nzi lo haklisa a kutsutsu-mela le Tarxixi; hakuba nzi lo zi

MIKA, 1.

- tiba lezaku wena u Nungungulu wa wuxinji, ni titralo, a hlwelako a kuzanga, a na nga wa talisiso wa kuranzakawunene u hunzulukako wena hi ka kubiha.
- 3 Hikwalaho makunu, O Jehova, teka, nza kongotela wena, a wutomi ga mina, le ka mina; hakuba i cukwana ka mina kufa ku hunza ku hanya.
- 4 Na Jehova i te ngalo, wa maha kwatsi wena a kuzangara ke?
- 5 Zonake Jona i lo huma lahandle ka muti, ilo tsama hi le mutsuwukagambo ka muti, ni laho i lo ti mahela yena a xaxa, i lo tsama lahasi ka wona lomo nzhutini, kala yena a fela ku wona lezo zi nga wa ta mahiwa hi muti.
- 6 Na Jehova a Nungungulu i lo longiselela yena kungu, ilo maha wona a kuta hehla ka Jona, kasi wa fela a kuba nzuti hehla ka hloko ya yena, a kuklaklisa yena le hunwini ga yena ga kubiha. Zingaho Jona i wa hunzelele a kutsaku, hi kota ya kungu.
- 7 Kanilezi Nungungulu i lo longisela a pungwani laha gi nga wa cile ni mixoha manziko, wona wu lo hukudela a kungu zingaho lezo wu lo wuna.
- 8 Na kona na ku mahisile lezo laha a gambo gi nga wa tsuwukile, lezaku Nungungulu i lo longisela a mbeho ya kuhisa ya le mutsuwukagambo; gambo gi lo hisa a hloko ya Jona, lezaku yena i lo mbela ntamo. ni kukoxela a wutsumbu ga yena lezaku nga na afa na te ngalo. I cukwana ka mina kufa ku hunza ku hanya.
- 9 Na Nungungulu i te ngalo ka Jona. Wena u maha kwatsi a ku zangarela a kungu ke? na yena i te ngalo, Nza maha kwatsi a kuzanga kona ka kufa.
- 10 Na Jehova i te ngalo, Wena u katala hi kungu, lexi wena u nga xi tirangiko, ge a ku mahangi wona wu kula; lowo wu la ku mila laho wusikwini, wu mbembile ni wusiku:
- 11 Na mina nzi wa nga ta nga nzi katalile hi Nineve ke, lowo a muti wa hombe, laho ku na nga ni banhu ba ku hunza nkalanu ni ginwe makume ya kume ga mazana labo bazi kotako a kupima hi xikari ka canja ga gabye ga xinene ni ga xibaba; kambe ku na nga ni tihomu to tala ke?

A BUKU GA

MIKA.

XIPIMO 1.

- 1 A mahaka ya ka Jehova leyo yi nga wa tile a ka Mika a mu Moraxte a masikwini ya Jotamu, Ahaza, na Hezekia, a tihosi ta ka Juda, leyo a yi wonileko hi xungetano na Samaria ni Jerusalema.
- 2 Zwanani nwina banhu, nwenkle ba nwina; zwanani, O misaba, ni zonkle lezo zi nga kona ka yona: nga na a Hosi yi maha wukustmunyu a ku vuleka nwina, a Hosi hi le tempeleni ya yena ya kubasa.
- 3 Habuka, languta, Jehova wata hi le wutsaaweni ga yena, na yena i ta kuta ni kukanziyela wutsaaweni gi klakukileko ga misaba.
- 4 Ni zitsunga zi ta nyekiswa lahasi ka yena, ni mikoba yi ta kayeka, kwatsi i sera mahlweni ka nzilo, kwatsi i mati lawo ma cucululwako lahasi ka wutsamo ga korama.
- 5 Hakuba hi zihambunyetiso za Jakobe lezi zonkle, ni kuonha ka yindlu ya ka Israeli. Zi hi yini a zihambunyetiso za Jakobe ke? a hi gona a Samaria ke? hi gihi a wutsamo gi klakukileko ga Juda ke? a hi gona a Jerusalema ke?
- 6 Hikwalaho nzi ta maha a Samaria a nhulu ya kwati, kwatsi mbutsamoga kubyala a zivina; nzi ta halata a maribye ya kona lomo minzelelelweni, nzi ta funungula a xiseketelo xa kona.
- 7 Zonkle a zifananiso za kona zi ta klombiwa a fufanyi, ni bonkle a ba rihi ba yena ba ta hiwa hi nzilo, ni

- wonkle a mavule nzi ta ma hahlula ; hakuba a barihwi ba zibayi za yena i ba tsombanyisile, ni le ka kurihwa ka zibayi bona ba ta kuya.
- 8 Hakuba hi ka lexi mina nzi ta rila ni hlomulo ; nzi ta famba nzi klakelele ni ximbyiri ; nzi ta maha a hlomulo kwatsi i hlolwa, kosi kwatsi i mbuwu.
- 9 Hakuba a mbanga ya yena yi hi yi nga cumiwiko ; hakuba yona yi tile a ka Juda ; yi cikele le nyangweni ya banhu ba mina, kona le Jerusalema.
- 10 U nga wuli kona le Gate, u nga rile futsi : le Betli-afra nzi kingirikile a wutsumbu ga mina le tsutsungwani.
- 11 Hunzani, O baakileko ba le Xafira, le wumbyirini ni tingana : ni baakileko ba le Zaanani a ba tangi ; a mikosi ya Bet-ezeli yi ta teka a ka nwina a ba tsamileko ba kona.
- 12 Hakuba a baakileko ba le Marote ba rinzele hi kuxubuyisilweko hi kusasa, hakuba a kubihwa ku tile lahasi hi le ka Jehova kuta nyangweni ya le Jerusalema.
- 13 Bohani a kareta hi ta tsutsuma hi mazambu, O nwina baakileko ba le Lakixe : yena i wa hi musanguli wa zionho a ka banhanyana ba le Zioni ; hakuba a zihambunyetiso za ka Israeli zi wa kumilwe a ka wena.
- 14 Hikwalaho wena u ta nyika a klelo ga xinyikiwo a ka Moraxete-gate : a yindlu ya Akhziaba, yi ta kuba a xilo xa kohliselelo a ka tihosi ta ka Israeli.
- 15 Na nza ha ta neha ka wena, O a baakileko ba le Marexa, loye yena a ta nga fumela wena : ni wukosi ga ka Israeli gi tata kona le Adullama.
- 16 Mahani a likwembu, tsema a misisi ya nwina hi kota ya banana ba xalalalo : engetela a kwembulelo wa wena kwatsi i gama ; hakuba bona ba yileko kukonweni hi ka wena.

XIPIMO 2.

- 1 Kombo a ka labo ba hlebako a kugoba ni ku maha a kubihwa hehla ka mibedi yabye ; laha a kuca ka mixo, bona ba maha kona, hakuba hi ntamo wa canja ga bona.
- 2 Na bona ba mbilukela a masimu, ni ku wukla wona ; ni tindlu, ni ku teka tona : na bona ba tsimbeketa a munhu ni yindlu ya yena, ina a munhu ni tsomba ya yena.

- 3 Hikwalaho zakungahi a wulako Jehova : Languta, A ka lowo a ngango nzi talwa hi ku maha a kubihwa a ka wona, a ka kwihhi nwina a mu nga ponisa a tinhamo ta nwina, ge nwina mu nga ta famba hi matsanza ; hakuba kona ku hi xikati xa kubihwa.
- 4 A ka lego siku bona ba ta teka a mufananiso ba vukela nwina, ni ku rila hi tsikwilelo wa mikosi, ni ku wula, Hina hakunene hi hahlukile : yena i hunzule a xiabelo xa banhu ba mina : i xi susisile kuyini a ka mina ! a ka bahlubuki yena i abele a saba ga hina.
- 5 Hikwalaho wena u nga ta kuba naye loye a ta nga hoxa a ngoti hi hlolo ya wena a gotsobanyanweni wa ka Jehova.
- 6 Mu nga profeti nwina, bona ba nga ta profeta a ka lezi : a nzukano yi nga ta suka.
- 7 Na ku ta wulwa, O yindlu ya ka Jakobe, Kasi a Moya wa ka Jehova wu ololokile ke ? kasi lezi hi zimaho za yena ke ? Kasi a timbaka ta mina a ti mahi a kusasa a ka yena a fambako hi kulongamileko ke ?
- 8 Kanilezi a za ha hi za kale a banhu ba mina ba vukile kwatsi mbalala ba mina : mu runzulwa a nguwo ni ku susa a kumba a ka bona labo ba hunzako na ba rutisile kwatsi hi munhu a tsikileko a kulwa.
- 9 A ba basati ba banhu ba mina mu ba hoxa lahandle ka tindlu tabye tatsi ; mu ba susa le ka banana banye baswa mu susa a wukosi ga mina kala kupinzuka.
- 10 Sukani nwina, mu famba ; hakuba legi a hi gona a wutsamo ga ku humula ka nwina ; hakuba hi zibi lezo zi dayako, wona a lobyiselelo wu bayisako.
- 11 Loku a munhu a famba lomo moyeni wa mahlebo wa hembra, aku, nzi ta profeta a ka wena hi waini ni kunwa ka ntamo ; na yena i ta kuba a muprofeti wa banhu.
- 12 Hakunene nzi ta gotsobanyisa, O Jakobe, bonkle ba wena ; hakunene nzi tsombanyisa a misalela ya ka Israeli ; nzi ta gotsa bona katiginwe kwatsi tiyivu ta le Bozra, kwatsi i klambi xikari ka wuriselo gabye ; bona ba ta maha a guwa ga hombe hi kota ya xidlemo xa banhu.
- 18 A mutsobi i fambile a mahlweni ka bona : bona ba kinzumukile ba fa-

mbile hi nyangwa, na ba humele ha yona; ni hosi yabye i hunzile a malilweni ka bona, na Jehova u hi hloko ya bona.

XIPIMO 3.

- 1 Na mina nzi te ngalo, Zwanani, nza kombela nwina, nwina mu na nga tihloko ta Jakobe, a bafumeli ya yindlu ya ka Israeli: kasi a hi ka nwina a ku tiba a nongametiso ke?
- 2 Nwina labo mu bengako a kusasa, ni kuranza a kubiha; nwina labo ba wuklako a hlonge yabye a ka bona, ni nyama yabye le marambyini yabye;
- 3 Labo kambe ba gako a nyama ya banhu ba mina, ni sinzulula a hlonge a ka bona, ni ku tsoba a marambu yabye, ni ku tsema bona zi klu-byana, za ku kwatsi za lomo mbiteni, kwatsi i nyama lomo mbiteni.
- 4 Zonake na bona ba ta bitana a ka Jehova, kanilezi yena a nga ta hlama bona; kasike yena i ta fihla a ngohe ya yena a ka lexo xikati, kwatsi hi kukotisa lezi ba tirileko a kubiha kukona zimahweni zabye.
- 5 Zakungahi a wulako Jehova hi xungetano ni baprofeti labo ba malako a banhu ba mina a ku hambuka; labo ba lumako hi meno yabye, ni ku bitana, Kurula; labo ba nga bekiko a milonwini yabye, bona ba longisela a impi kuvukela yena.
- 6 Hikwalaho kona ku ta kuba lezo a munyama wu ta kuta a ka wena, lezaku nwina mu nga ta kuba na muwoniso; ku ta puma a ka nwina, lezaku ku nga hi kona a wa kuvumba; ni gambo gi ta pela a ka baprofeti, ni siku gi ta puma hehla ka bona.
- 7 Ni bawoni ba ta koyama tingana, ni bavumbi ba ta kanganyiswa; ina, bona bonkle ba ta kubunyeta a milomu yabye; hakuba laho a ku kona a hlamlulo wa le ka Nungungulu.
- 8 Kanilezi na kwatsi ha mina, nzi tele hi ntamo hi kota ya Moya wa ka Jehova, ni wa kulamula, ni wa wunhenha, a kuklaklambutela a ka Jakobe a zihambunyetiselo za yena ni ka Israeli a zionho za yena.
- 9 Zwanani, lexi, nza kombela nwina, nwina tihloko ta yindlu ya ka Jakobe, na nwina bafumeli ba yindlu ya ka Israeli, labo mu swirwako, hi

nongametiso, mu onhakalisa a kulo ngetwa.

- 10 Ba akileko a Zioni hi nkata, ni Jerusalema hi zigoho.
- 11 A tihloko ta kona ti lamula hi nca-azelo, ni bapristi ba kona ba gonzi-sela a kurihiwa, ni baprofeti ba kona ba ongozela a mali: kasike bona ba kegela behla ka Jehova, ni ku wula, Kasi Jehova a nga kona xikari ka hina ke? ge ni kubiha ku nga ta ku kusuhi na hina.
- 12 Hikwalaho a Zioni hi kota ya nwina ntsena gi ta rinwa kwatsi i simu ni Jerusalema gi ta maha a tindhulu, ni zitsunzulu za tindlu zi ta ku kwatsi matala ya wutsamo ga lomo kwatini.

XIPIMO 4.

- 1 Kanilezi a masikwini ya kugumesa na kona ku ta kuba leso, lezaku a xitsunga xa yindlu ya ka Jehova yi ta yimisiwa lomo xixungweni xa zitsunga, xona xi ta klakusiwa hehla ka miganga; ni banhu ba gotsobanyana a ka xona.
- 2 Ni mifumo yingi yi ta famba, yiya wula, Ngonani nwina, nga hi famba le xitsungeni xa ka Jehova, ni le ndlwini ya Nungungulu wa Jakobe; na yena i ta gonzisa hina hi tindlela ta yena, na hina hi ta famba a tindleni ta yena. Hakuba ku ta huma le Zioni a nawo, ni mhaka ya ka Jehova hi le Jerusalema;
- 3 Na yena i ta lamula xikari ka banhu banyingi, i ta tsanza hi xungetano mifumo ya ntamo yi na nga le kule: bona ba ta klomba a maklari yabye a ku maha a zikomu, ni maklari yabye akuba zipanga; a mufumo wu nga ta klakusa a supado wu vukela a mufumo, cima laho ba nga ta gonza kambe a kulwa.
- 4 Kanilezi ba ta tsama bonklelele banhu lahasi ka vina wa yena, ni lahasi ka sinye ya kuwu ya yena; a nga ta kuba kona a ta nga maha bona ba cabysiswa: hakuba a nomu wa Jehova wa mabandla a wulileko kona.
- 5 Hakuba bonkle banhu ba famba lomo bitweni ga Nungungulu wa yena; na hina hi ta famba lomo bitweni ga ka Jehova kala kupinzuka ni kupinzuka.
- 6 A ka lego siku, ku wula Jehova, nzi ta tsombanyisa leso si lameleko,

- na nzi ta hlengeletela lezo zi hlongo-
lweko, ni lezo nzi hloxisileko ;
- 7 Nzi ta maha lezo zi lameleko a misa-
lela, ni lezo zi hoxilweko kule a mu-
fumo wa ntamo : na Jehova i ta fu-
mela a ka bona le xitsungeni Zioni
kusukela ka lezo kala kupinzuka.
- 8 Na wena, O kokola ga klambi, a tsu-
ri wa nhanyana wa le Zioni, a ka
wena kona ku ta kuta, a mufumo
wa nhanyana wa le Jerusalema.
- 9 Makunu hiyini u bitanako hi ku-
cwangula ke? kasi laho a yi kona a
hosi a ka wena, kasi a wa xikungo wa
wena i mbembisilwe ke, lezo a mahi-
ka ma kamanyetileko wena kwatsi
hi wasati loku a lunwa?
- 10 Nga u hi kubayiseni, u tira a kuhe-
femula, O nhanyana wa le Zioni,
kufanana ni wasati wa kulunwa ;
hakuba wena u ta huma uya le muti-
ni, u ta aka lomo kwatini, u ta kuta
kona le Babuloni : hi leyo a ta nga
ku cumela kona ; hi leyo Jehova a
ta nga klaklisa wena canjeni a bala-
leni ba wena.
- 11 Ni makunu a mifumo yinyingi yi
gotsobanyene a kuvukela wena, leyo
yi nge ngalo, Nga wena a nyenyezi-
swa, nga a mahlo ya hina ma wona
a kuxuba ka hina hehla ka Zioni.
- 12 Kanilezi bona a ba kutibi a kualaka-
nya ka Jehova, ge a ba pimi bona a
xikungo xa yena ; hakuba yena i
tsombanyisele bona kwatsi milumbi
le nzhimbyeni.
- 13 Suka u hula, O nhanyana wa le Zio-
ni ; hakuba nzi ta maha a limhonzo
la wena xiketse, nzi ta maha maka-
nzo ya wena a suku ; na wena u ta
klomba a fufanyi a mifumo yinyi-
ngi : ni ku hambanyisela a pfuno a
ka Jehova, ni nhunzu yabye a Hosi
ya misaba yonkle.

XIIMO 5.

- 1 Makunu u ta tsombana a wutsu-
mbu ga wena mibokweni, O nhanya-
na wa miboko : yena i hlomile a
vimbezelelo a vukela hina ; ba ta
lamata a mulamuli wa ka Israeli hi
nhonga hehla ka hlaya.
- 2 Kanilezi wena Betlehema Efrata,
loyi u nge kwatsi u tsongwanyani
xikari ka makume mazana ya ka
Juda, ku ta huma hi ka wena a
muzwe loye a tako ka mina loye a
ta nga kuba mufumeli wa lomu ka
Israeli ; loye a kufamba ka yena

- kusukako hi kaleloko, hi le kupi-
nzukeliselweni.
- 3 Hikwalaho yena i ta nyikela bona,
ku kala a xikatini loye a lunwako a
ta nga hefemula ; zonake a misalela
ya bamakabye ba yena ba ta klelela
a ka banana ba ka Israeli.
- 4 Na yena i ta yima, i ta gisa a kla-
mbi lomo ntanzweni wa ka Jehova,
lomo wukulwini ga bito ga ka Je-
hova a Nungungulu wa yena : na
bona ba ta tsama ; hakuba yena ma-
kunu i ta kuba a wa hombe ku kala
le magumelweni ya misaba.
- 5 Ni loyi a munhu i ta kuba a kurula
ka hina. Ni laha a ma Asiria ma ta
nga kuta lomo tikweni ga hina, ni
laha yena a ta nga kanziyela lomo
zilubelweni sa hina, zonake hi ta su-
ka hi vukela yena nklanu ni bambiri
a barisi, ni nklanu ni banharu a tinji-
nga ta banhu.
- 6 Na bona ba ta hlasela a tiko ga le Asi-
ria hi supado, ni tiko ga le Nimrode a
wuengenweni ga kona ; na yena i ta
klaklisa le ka ma Asiria laha yena a
ta nga ta a tikweni ga hina, ni laha
a ta nga kanziyela lomo mbinganwe-
ni wa hina.
- 7 Ni misalela ya ka Jakobe yi ta ku-
ba a xikari banhu banyingi kwatsi i
nzokati ya le ka Jehova, kwatsi i re-
fu hehla ka byanyi, lego gi rinzeliko
a munhu, ge ni labeleka a barisanya-
na ba banhu.
- 8 Ni misalela ya ka Jakobe yi ta kuba
xikari ka mifumo yinyingi, a xikari
ka banhu banyingi ku fanana ni
ngala xikari ka zihari za kwati, ku-
fanana ni ngala yiwa xikari ka kla-
mbi wa tiyivu ; leyo, yi nge loku yi
tsemakanya yi kanziyelako labasi yi
pfhemula a fufanyi, ni laho ku nga
hi kona a wa kuklaklisa.
- 9 Ngana a canja ga wena gi klakuka
a xikari ka babengi ba wena, nga
bonkle a balala ba wena ba tsemiwa.
- 10 Na kona na ku ta kuba lezo a ka
lego siku, ku wula Jehova, nzi ta
tsema a mahaxi ya yena a xikari ka
wena, nzi ta lobisa a tikareta ta
wena :
- 11 Na nzi ta tsema a miti ya tiko ga
wena nzi ta hoxa lahasi wonkle a
makokola ya wena.
- 12 Nzi ta tsema a zitumbe zi huma ca-
njeni ga wena : wena u nga ta kuba
nabo kambe a babulako :
- 13 Nzi ta tsema a mavule ya wena ma

baklilweko ni timhinga ta wena hi lomo xikari ka wena; na wena u nga ta ha engeta u kozela a mitiro ya mandla ya wena;

- 14 Nzi ta susa Axerima wa wena lomo xikari ka wena; nzi ta lobisa a miti ya wena.
- 15 Nzi ta tsanza a potelelo wa mina ni zanga ni kulo hi mifumo leyo ni li nga ingisako.

XIPIMO 6.

- 1 Zwanani makunu lezo Jehova a wulileko: Sukani, u kaneta wena a mahlweni ka zitsunga, na nga a mitsuri yizwa a gezu ga wena.
- 2 Zwanani, O nwina zitsunga, a kanetano ya ka Jehova, na nwina tsonzomiselo wa ziseketelo za misaba; hakuba Jehova i holobile ni banhu, na yena i ta kanetana na Israeli.
- 3 O banhu ba mina, xini nzi mahileko a ka nwina? lexo ha xona nzi rerileko wena ke? kustumunya u vukela mina.
- 4 Hakuba nzi lo neha wena u huma hi le tikweni ga le Gipite, nzi klaklisile wena lomo ndlwini ya wukumbi; nzi lo yimisa a mahlweni ka wena Mosi, Aroni, na Miriamu.
- 5 O banhu ba mina, alakanya makunu lezo Balake a hosi ya le Moabi a xubile, ni lezo Balaami a nisanyana wa Beore a hlamuleko yena; alakanya hi ku suka hi le Xittinu kala le Gilgale, kasi nwina ma zi tiba a mitiro yo lulama ya ka Jehova.
- 6 Hikwihi laho ha kona nzi ta ngata a mahlweni ka Jehova, nzi ti koramisa a mahlweni ka Nungungulu a klakukileko ke? nzata mahlweni ka yena hi minyikelo ya kuhiswa, ni marole ya lembe ginwe a wu kale?
- 7 Kasi Jehova i ta nengiliswa hi makume mazana a tihamba, kutani hi kume ga kume ga mazana a micongo ya mafura ke? nzi ta nyikela a matewula ya mina hi zihambunyeti za mina, a mihanzo ya miri wa mina hi kota ya xionho xa muhefemulo wa mina ke?
- 8 Yena i kombile wena, O munhu, loku a kusasa; xini Jehova a hlota ko la wena, kanilezi a ku maha hi kulongametileweko, ni kuranza a wuxinji, ni ku famba hi kukoramekileko zizwe na Nungungulu ke?
- 9 A gezu ga ka Jehova gi lo bahuwa mutini, ni munhu wa ku tiba i ta

wona a bito ga wena: zwanani nwi na a nhonga, himani loye a longiseleko yona.

- 10 La ho ka ha hi kona a mabako ya kubihisisa lomo ndlwini ya wa kubiha, ni xiringaniso xi tsongwani lexo xi nyalatanako ke?
- 11 Kasi nzi ta basa hi xiringaniso sa wa kubiha ni kwama wa kohlisele ya kubinza?
- 12 Hakuba a banhu ba kufuma ba kona ba te hi kupanga, ni ba akileko ba kona ba wulawulile a mawunwa, a tirimi tabye ta kohlisa a milonwini yabye.
- 13 Hikwalaho nzi lamatile wena hi mbannga yi hlokisako; nzi mahile a marumbi hi kota ya kuonha ka wena.
- 14 Wena u ta kuga, kanilezi u nga ta xuriswa; ni koramuselelo ya wena yi ta kuba xikari ka wena: na wena u ta tsombanyisa, kanilezi u nga ta bekala; ni lexo wena u zi bekile si ta nyikelwa a ka supado.
- 15 Na wena u ta byala, kanilezi u nga ta hula; wena u vubela a maolivia, kanilezi u nga ta tola a mafura ya kona; ni xivina, kanilezi u nga tanwa a waini ga xona.
- 16 Hakuba a silayelo sa Omri si hlaysilwe, ni yonkele a mitiro ya yindlu ya ka Ahabi, na nwina mu famba hi xikungo xabye; kasi nza maha nwina a marumbi, ni baakileko ba kona a kuhlekwa: na nwina mu ta rwala a nzukano ya banhu ba mina.

XIPIMO 7.

- 1 Kombo ha mina! hakuba nzi kwatsi hi loku ba ha rolele a mihanzo ya xinummu, kwatsi magrepi ya dzombetelo wa xivina: laho a ku kona a xitata a kuga; a mbilu ya xuba a mihanzo ya kurunga ya matatani.
- 2 A munhu wa Nungungulu i mbe mbile laha misabeni, laho a nga kona a na nga ni kululama xikari ka banhu: bonkelelele ba ku labelela a nkata; bona ba kuhlota bonkelelele banhu a makabye wa yena hi likoka.
- 3 Ni mandla ya ma le hehla ka lezo za kubiha a ku maha kwatsanyana; a hosana ya wutisa, ni mulamuli i longile a ku lamula; ni munhu wa hombe, a tsawutela a kuxuba ka kubiha ka muhefemulo; zakungahi ba ku nziwiteka katigawe.
- 4 A banene ka bona kwatsi mbusosonya; labo ba hunzeleleko kululama

- ba bibile ku hunza a libongo la mizwa: a siku ga murinzeli wa wena kona a kuenzelwa ka wena, gi tile; gona gi ta kuba a kanganyisekelo wabye.
- 5 Mu nga tsumbi nwina a ka waakelwane, mu nga a xitsumbo le ka xaka; vala a tibati ta nomu wa wena le ka yena loye a eklelako xifubeni xa wena.
- 6 Hakuba a nisanyana a nga dzunzi a dadani, ni nhanyana wa ku suka a vukela a mamani wa yena, a katanwana a vukela a nwingi wa yena; a balala ba munhu ba ta maha ba le ntlwini ya yena nwinyi.
- 7 Kanilezi kwatsi ha mina, nzi ta cuwuka a ka Jehova; nzi ta rinzela a Nungungulu wa kuhanyiswa ka mina: na Nungungulu wa mina i tazwa mina.
- 8 U nga tsaki hi kuvukela mina, O nala wa mina: laha na nziwa, nzi ta vuka; laha na nzi tsamile munyameni, na Jehova i ta kuba a kuwoninga a ka mina.
- 9 Nzi ta rwala a zanga ya ka Jehova, hakuba nzi onhileko nzi vukela yena, a kala yena a koxela a nanzu wa mina, a tsanzisela a lamulisele ha mina: yena i ta neha mina kuwonekeleni, na mina nzi ta languta a kululamisisa ka yena.
- 10 Zonake a balala ba mina ba ta wona kona, ni tingana ti ta fenengeta yena loye a wulako a ka mina, I kwili Jehova a Nungungulu wa wena ke? A mahlo ya mina ma ta wona a kuxuba ka mina hehla ka yena; makunu yena i ta kanziyelwa lahasi kwatsi marope ya mapango.
- 11 A siku ga kuaka a tigingisi ta wena! a ka lego siku a nyibo yi ta susiwa kule.
- 12 A ka lego siku ba tata a ka wena hi le Asiria ni le mitini wa le Gipite ni ka Gipite bata le congweni, ba suka bimbini baya bimbini, ba suka xitsungeni baya xitsungeni.
- 13 Kasike a tiko gi ta klakala hi kota ya bona labo baakileko ka gona, hakuba hi mihanzo ya zimaho zabye.
- 14 Gisa a banhu ba wena hi nhonga ya wena, a klambi wa tsomba ya wena, lowo wu tsamileko woce, le makwatini a xikari ka Karmeli; nga bona ba gela le Baxani ni Gileade, kwatsi ni masikwini ya kale.
- 15 Kwatsi hi masikwini ya ku huma ka wena hi le tikweni ga le Gipite nzi ta kombisa a ka bona zilo zi hanjalatisako.
- 16 A mifumo yi ta wona yi ta kuba ni tingana hi wona wonke a ntamo wabye: bona ba ta klateka a mandla yabye hehla ka milomu yabye; ni tindlebe tabye ti ta kuba ziwiri.
- 17 Ba laza a tsutsungwani kwatsi i nyoka; kwatsi hi zilo za kukoakoka za misaba bona ba ta kuta na barurumela ba huma wutsanweni gabye ba tumbleleko; bona ba tata hi xicabyo a ka Jehova a Nungungulu wa hina, ba ta cabyiswa hakuba ha wena.
- 18 Hiwili a na nga Nungungulu wa kufanana na wena, loye a ribalelako a kugoha, a hunzako hehla ka zihambunyeto za misalela ya tsomba ya yena ke? yena a nga heketeli a zanga ya yena kala kupinzuka, hakuba yena a xalaliswako hi kuranzakawunene.
- 19 Yena kambe i ta kuba ni hawukelole hehla ka hina; i ta kanziyela a zigoho za hina lahasi ka konzo; na wena u ta hoxa a zionho zabye lomo kueteni ka bimbini.
- 20 Wena u ta maha a zinene a ka Jakobe, ni kuranzakawunene ka Abrahamama, loko wena u hlambanyileko a ka badadani hi masikwini ya kaloko.

A BUKU GA NAHUME.

XIPIMO 1.

- 1 A nzwalo wa le Nineve. A buku ga muwoniso wa Nahume a mu Elkoxe.
- 2 Jehova u i Nungungulu a mona a potako; Jehova a potako i tele hi zanga; Jehova a tekako a potelelo a ka balala ba yena, yena a beketelelako a zanga helila ka balala ba yena.
- 3 Jehova wa nonoka a zangara i hi wa hombe a ntanweni, na a ta sungwa hi kubasisa a mugohi: Jehova i na ni tindlela ta yena lomo xihuhurini ni lomo bubutseni, a marefu ma hi tsutsungwani wa mikonzo ya yena.
- 4 Yena a kawukako a bimbi, ni ku maha gona a kuoma, a omisaka yonke a micongo: Baxani wa coma, na Karmeli; ni zitsangi za le Lebanoni za coma.
- 5 A zitsunga za tsekatsekiswa a ka yena, ni mitsurana ya nyekiswa; ni misaba ya tlakuka yi heluka a kubakoneni ka yena, ina, a tiko, ni lezo zi tsamako a ka gona.
- 6 Himani a nga yimako a zangeni ya yena ke? himani a nga tsamako a tsisisiselweko wa kulo ga yena ke? a kulo ga yena ku halaka kwatsi i nzilo, a maribye ma ku tsobyiwa a zipanzana ha yena.
- 7 Jehova i nene, a na nga kokola a sikwini ga karateko; na yena wa ba tiba labo ba te a wucabelo a ka yena.
- 8 Kanilezi hi kukumuka ko talo yena i ta maha a gumelwa ka wutsamo ga kona, i ta hlongolisa a balala ba yena le muunyameni.
- 9 Zini mu mahako a xihlebo mu vukela Jehova ke? yena i ta maha a kugumelwa ku teleko: a hlokiselelo wu nga ta huma hi xikati xa wumbiri.
- 10 Hakuba laho ba ta pilingenyetana kwatsi i mizwa, ni kupopiwa kwatsi hi kunwa kabye, ba loyisilwe hi kutrumulisilweko kwatsi likunyi.
- 11 Lahe ku kona a muuwe a humeleko hi le ka wena, loye a hlebako a kubiha a vukela Jehova, loye a hlebako a kubihisisa.

- 12 Zakungahi a wulako Jehova: Hambuloku ba kuba ntanweni wu teleko, ni kungana ba tele, hambu kungaho bona ba ta tsenwa, na yena i ta hunza. Hambulezo nzi hlokisako wena, nzi nga ta ha hlokisa wena kambe.
- 13 Ni makunu nzi ta tsoba a joka ga yena gi suka ka wena, nzi ta bewula a kubohwa ka wena ku pulakanyeka.
- 14 Na Jehova i nyikile a kuleletela hi xungetano na wena, ku nga ta engeta kambe a bito ga wena gi xwanyelwa: hi lomo ndlwini ya banungungulu ba wena nzi ta tsema a mavule ya wena mabaklilweko ni mavule ma nyekisilweko; nzi ta maha a nkele wa wena; hakuba wena u swihatelelo.
- 15 Languta, helila ka zitsunga a mikonzo ya yena loye a nehako a mahungu ma nene, loye a bakonyibo ya kurula! Hlayisa a mibuzo ya wena. O Juda, Maha a zifungo za wena; hakuba a wa kubiba a nga ta ha hunza hi ka wena; yena hakunene i tsemilwe.

XIPIMO 2.

- 1 Yena a trandlesako a fufanyi i kuvukele wena: hlayisa a kokola, rinzela a tindlela, tiyisa a ziwunu za wena, tiyiseta a ntamo wa wena hi kutiyisilweko.
- 2 Hakuba Jehova a klelisako a wukulu ga Jakobe, kwatsi hi wukulu ga ka Israeli; hakuba a muhalati i halatile bona, i lobisile a marabi ya zivina zabye.
- 3 A xiklangu xa banhu ba yena ba tihenhla xi trukile, a babanuna ba tingwazi ba ambele a trukiselo: a tikareta ti hatima mahubula a sikwini na kulongisela ka yena, ni maklari ya tingube ma pumunhelwa.
- 4 A tikareta ti pfupfa mapangweni; ti su nzulanzula lomo magonzwezi: a kuwoneka ka tona kwatsi zihlahile; tona ti tsutsuma kwatsi i hi xingwalangwanza.

- 5 Yena a alakanyako a badzunzekileko ba yena: bona ba retemuka a ku fambeni kabye; bona ba hahlisa a ka tigingisi ta kona, ni kombiso zi longiselwa.
- 6 A tinyangwa taxi micongo ti vululilwe, ni xilubelo xi kungumulwe.
- 7 Na kona ku bilwenyibo, yena i funungulwe, yena i rwelwe; ni zitiri za wasati zi kuketa kwatsi i gezu ga matuba, malwako hi zifuba za wona.
- 8 Kanilezi Nineve i wa kari a hi kona cima ka kaleloko kwatsi tiba ga mati; kasike bona ba tsutsumile. Yima, yima, bona ba lo bitana; kanilezi a nga kona a cuwukako a nzako.
- 9 Tekani zwina a mupango wa siliwa, tekani a mupango wa nzalama; hakuba laho a ku kona a kugomelwa ka kubingeretela, a wukosi ga yonkle a nhunzu ya kusaseka.
- 10 Gona gi panga, gi nga hiko na ncu-mo gi hahlukileko; a mbilu yi nyekisilwe, ni madzolo ma kwatsabanyana katigiawe, ni keto wu kona ziwunwini zonkle, ni tingohe ta bona bonkle ti hunzulukile ku kwalala.
- 11 Wu kwihi a kele wa tingala ke, ni wutsamo ga kugela a tingalana ti swa laho a tingala ni matrele ya to-na ba fambako, a mavinyani ya tingala a nga kona a mahako bona ba cabysiswa ke?
- 12 A ngala ya pfemula a fufanyi a zineleko a ka mavinyani ya yona, yi wuya yi ta vumbamela a trele ya kona, ni ku tatisa a mabako yena hi mipfimba, ni mikele ya yona hi kufukeleko.
- 13 Languta, nzi vukela wena, ku wula Jehova wa mabandla, nzi ta hisa a tikareta ta yena a musini, ni supado yi ta kadamula a tingalana ta wena ta ti swa; nzi ta tsema a nyama ya wena kusuka misabeni, ni gezu ga mitsumi ya wena gi nga ta ha engeta kambe gi zwiwa.

XIPIMO 3.

- 1 Kombo a ka muti wa nkata! wona wu tele hi mawunwa ni kuwukla: a mipfimba a yi suki.
- 2 A guwa ga mhamba, ni guwa ga kutsekatsaka ka maranzani, ni mahaxi ma hlulako, ni tikareta ti renzelako.
- 3 A babanuna ba mahaxi ba kilela,

- hi bayima ka supado, ni klari gi kwezikwezimako, ni xidlemo xa ba delweko, ni tinhulu ta hombe banyacanjale, ni laho a ku kona a kugumelwa ka zirumbi; ba ku retemuka behla ka zirumbi zabye;—
- 4 Habuka hi wudlemo ga zibayi za zibayi zi vuvumako, a masungukati ya kuloya, labo ba xabisako a mifumo hi wuoswi gabye, ni mingango hi kuloya kabye.
- 5 Languta, nzi vukela wena, ku wula Jehova wa mabandla, nzi ta funungula a ndlendlele ga wena a ngo-heni ya wena; nzi ta kombisa a mifumo a wumbyiri ga wena, ni tixaka a tingana ta wena.
- 6 Nzi ta hoxa a zibi za manyalataniso behla ka wena, nzi ta maha wena a xiswiro, nzi yimisa a gonwa xa xiwonelo.
- 7 Na ku ta mahisile lezo, bona labo ba ta cuwuka behla ka wena ba ta tsutsuma, ni ku wula, Nineve i hi marumbi: himani a ta nga rilela yena ke? hi rini nzi ta hlota a tangaliselo wa wena ke?
- 8 Kasi wena u cukwana ku hunza No-amoni loye a nga wa akilwe xikari ka micongo, lego gi nga wa ranzelwe hi mamati; a biyelwa ka gona ku wa hi bimbi ni lingingisi la kona ku wa hi bimbi ke?
- 9 Etiopia na Gipite ku wa hi ntamo ya yena, ku wa nga hi ka hombe a ka wona; Puti na Lubima ba wa hi bavuni ba wena.
- 10 Kasike yena i wa konwilwe, a ya makotsweni; ni banana ba gona ba ta trandleswa a fufanyi lomo tihlokweni ta mapango; ba ta hlahluba tihlolo hi banhu ba gona ba dzunzekileko, ni bonkle a banhu ba yena ba hombe ba wa bohilwe hi mangenje.
- 11 Na wena kambe u ta kuba u popiwa; wena u ta fihlala; wena u ta hlota a kokola hi kota ya balala.
- 12 Wonkle a makokola ya wena ma ta ku kwatsi i sinye ya kuwu ya miha-nzo yo ranga kubuvu matatani: lo-ku yi jujiwa, wona ma wela lomo kanwini ka mugi.
- 13 Languta, a banhu ba wena a xikari ka wena ba hi ba basati; a nyangwa ya tiko ga wena yi vululekile yi ahlama a ka balala ba wena: a nzilo wu kadamule a zikwinyaro za wena.

HABAKUKA, 1.

- 14 Kela wena a mati ya vimbezele; tiyiseta a makokola ya wena; famba le wumbeni, u ya vubela a marope; i tiyisa a nhulu ya zitini za kuhiswa.
- 15 Laho a nzilo wu ta kadamula wena; ni supado yi ta tsema wena; yi ta kadamula wena kwatsi i pungwani: maha a wutsumbu ga wena a kutala kwatsi i pungwani; maha a wutsumbu ga wena a kutala kwatsi i humbi.
- 16 Wena u enzelekisa a bamahungani ba wena kwatsi tinyeleti ta tilo: a pungwani wu riza, ni ku puruma.
- 17 A tihosana ta wena kwatsi hi humbi, ni batongi ba wena kwatsi hi xigonzwani, lexo xi gobileko lomo libi-
ngweni laha a siku ga titimela, kani-
lezi laha a gambo gi tsuwukako xona xi puruma, ni wutsamo ga xona gi nga tibiyiwi laha xi yileko.
- 18 A barisi ba wena ba retemukile, O hosi ya le Asiria; ni ba dzunzilweko ba wena ba le kuhumulweni; ni banhu ba wena ba hangalakile hehla ka zitsunga, ni laho a nga kona wa ku wuyetela bona.
- 19 Ni laho a nga kona wa kupepisa a kulamatwa ka wena; a mbanga ya wena yi ya hlomulo: ni bonkle labo ba zwako a mibiko wa wena ba pakatela a mandla yabye hehla ka wena; hakuba hehla ka wihi a zionho za wena a zi hunzi hi kusimamisi-lweko ke?

A BUKU GA

HABAKUKA.

XIPIMO 1.

- 1 A muwoniso lowo Habakuka a muprofeti a nga wa wu wonile.
- 2 O Jehova, ku ta kala ku kuyini nzi rila, na wena u nga ta kuzwa ke? nzi bahuwa a ka wena hi pangiselelo, kasi wena u nga ta hanyiswa.
- 3 Hi yini wena u kombisako mina a kubiha, ni kucuwuka hehla ka onhakaliselelo ke? hakuba a lobyiselelo ni pangiselelo zi kona mahlweni ka mina; ni laho ku kona a ku kanetana, ni kukanetana ku vukile.
- 4 Hikwalaho a nawo wu hi lucwana, ni nongametiso a wa ha humi kambe; hakuba a ba kubiha ba ranzele a ba lulamileko; hikwalaho a nongametiso yi humele hi kuonhakaleni.
- 5 Languta, nwina xikari ka mifumo, ni kucuwuka, mu hlalala hi kulanjalatisilweko; hakuba nza tira a tiro a masikwini ya nwina, lowo mu ta nga kala mu nga kolwi hambuloko wu byeliwa nwina.
- 6 Hakuba, mangabye, nzi vuxa a ma Kaldea, lowo a mufumo wu babako ni haklisako, lowo wu ta nga famba wu tsemakanya a kuanamaka misa-
ba, a ku teka a wutsamo ga kuaka ka banhu lego gi nga hiko gabye.
- 7 Bona ba cabekako ba munzulukisako, a lamuliselelo wa bona ni klakukelelo wa bona wu huma wutsumbini gabye.
- 8 A mahaxi yabye ma kupura ku hunza a tiyingwe, ma cabeka nguvu ku hunza a mhisi yi pamako; ni babanuna ba mahaxi ba gada hi matsanza hehla: ina, ni babanuna bama-haxi bata hi le kule; ba puruma kwatsi i gama lego gi hakliselako a pfimba.
- 9 Bata bonkle hi pangiselelo: ni tingohe yabye ti komama a mahlweni; ba gotsa a bakonwi kwatsi i seke.
- 10 Ina, yena wa tsetselela a tihosini, ni tihosa ti hi blekiselelo wa yena; yona yi ta hlekisa hi makokola wonkle; hakuba yena a biringetelako a tsuri, a teka wona.
- 11 Zonake yena i ta swiyela kwatsi i mheho, na a ta klatuka, ni kugoha, ni lowo a ntamo wa yena wu hi a nungungulwini wa yena.
- 12 Wena kasi a hi wena u pinzuke-lisisilweko, O Jehova Nungungulu wa mina, wena wa Kubasa wa mina ke? hina hi nga ta kufa. O Je-

HABAKUKA, 2.

- hova, wena u yimisile yena hi kota ya kulamula; wena, O ribye, u longisile yena hi lulekeliselelo.
- 13 Wena loye u na nga ni mahlo ma basileko ku hunza a kuwona a kubiha, loye a nga cuwukiko kuonhakalisweni, ngahilezo u cuwukako wena hehla ka bona labo ba mahako hi kuhlebyisisilweko, u rutisako a u miyela laha na munhu na kwikwinza a munhu loye a hunzeleleko a kululama ku hunza yena;
 - 14 Ni ku maha a banhu kwatsi zindlwani za lomo bimbiu, kwatsi zilo za kukokakoka, lezo zi nga hi ko na mufumeli hehla ka zona.
 - 15 Yena a hlukulako bonkle hi xime-mba, yena a komako bona lomo likokeni, ni ku tsombanyisela bona lomo wuhuleni: hikwalaho yena a buma a ku tsaka.
 - 16 Hikwalaho yena wa pahlela a ka likoka la yena, ni ku hisa a libani a wuhuleni ga yena; hakuba zona a xiabelo xa yena xi nonile, ni kuga ka yena i taliselelo.
 - 17 Kasi yena hikwalaho i ta pumunha a likoka la yena, a nyenyetela a kuhlasela a mifumo hi kusimamisilweko ke?

XIPIMO 2.

- 1 Nzi ta yima hehla ka wurinzelo ga mina, nzi ta yima le hehla ka tawa, nzi ta wona lezo yena a ta nga wulawula zinwe na mina, ni lezaku nzi ta hlamula yini hi kukalala ka mina.
- 2 Na Jehova i lo hlamula mina, i te ngalo, Tsala a muwoniso, u wu maha wu dlunyatilweko hehla ka timbila, kasi wa fela a ku tsutsuma loye a gonzako kona.
- 3 Hakuba muwoniso wa ha hi wa xikati xi longisilweko, wona wa hahlisa hi ngomama ni kugumelwa, wu nga ta kuba wa ku hamba: hambulezo wona wu ta nga nonoka, rinzela wona; hakuba wona hakenene wu tata, wu nga ta kuba na xitsetse.
- 4 Languta, a muhefemulo wa yena wu kukumukile, a wu longamangizeni ka yena; kanilezi a lulamileko i ta hanya hi kukoleka ka yena.
- 5 Ina, hlatakumbiri, a waini gi na ni mahlebo, a munhu wa matsanza, loye a nga hlaysisiko le kaya; loye a engetelako a kuxuba ka yena kwa-

- tsi i Xeole, na yena i hi kufa, a nga na kueneliswa, kanilezi a tsombanyisako a ka yena yonkle a mifumo, ni kutsumbanyisela a ka bonkle a banhu.
- 6 Kasi zonkle lezi zi nga ta teka a mufananiso zi vukela yena ke, ni tseketo wa matimu a kuvukela yena, a waku, Kombo a ka yena loye a tekako a ku enzelekisa a ka lezo zi nga hiko za yena! ku ta longoloka ku yini yena loye a binzisako a wutsumbu ga yena hi zitsumbiso.
 - 7 Kasi bona ba nga ta vuka hi kutsuketisilweko labo ba ta ngaluma wena, a kindlimuko lowo ta nga karata wena, na wena u ta ba plimba wa bona ke?
 - 8 Hakuba wena u pangileko a mifumo yinyingi, yonkle a misalela ya banhu ba ta panga wena, hakuba hi nkata wa banhu, ni ka pangiselo lowu wu mahilweko misabeni yinyingi, ni lomo mitini ni wutsamo gonkle ga kuka ka kona.
 - 9 Kombo a ka yena loye a tekako a binzu ga kubiha akuba ga yindlu ya yena, lezaku kasi wa yimisa a xisaka xa yena le hehla, kasi yena wa fela a ku nyikelwa a canjeni ga kubihal!
 - 10 Wena u hlebile a tingana a ka yindlu ya wena, hi ku tsema a banhu banyingi, u onhile u vukela a muhefemulo wa wena.
 - 11 Hakuba a ribye gi ta rila hi le ligingisini, ni naneko hi le nzanzeni wu ta hlamula kona.
 - 12 Kombo a ka yena loye a akako a ligingisi hi nkata, a gingako a muti hi kugoha!
 - 13 Languta, kona a hi ka Jehova wa mabandla lezaku a banhu ba wa ta nga ba tirela a nzilo, ni mifumo yi karata a wutsumbu ga yona hi zi nga nyawuliko ke?
 - 14 Hakuba a misaba yi ta tatiswa hi kutiba ni wukosi ga ka Jehova, kwatsi hi mamati ma kubunyetileko a bimbi.
 - 15 Kombo a ka yena loye a nyikako a wa akelwane a kunwa, a ka wena loye u engetelako a wuxungu ga wena, ni ku maha yena a popiwa kambe, kasi wena wa fela a kucuwuka a wumbyiri ga bona!
 - 16 Wena u tele hi tingana na ku nga ni wukosi: nwana wena kambe, u be ku kwatsi u munwe wa makuna; ni kopo ya canja ga xinene ga Nungu-

HABAKUKA, 3.

ngulu yi ta ranzela wena, ni koyamo wa tingana wu ta kuba helila ka wukosi ga wena.

- 17 Hakuba a kupanga loku ku mahilweko le Lebanoni ku ta fenengeta wena, ni lobyiselelo wa zihari, lezo zi mahileko bona ku cabyiswa; hakuba hi nkata wa banhu, hakuba hi pangiselelo wu mahilweko lomo tikweni, a mutini ni ka bona bonkle labo ba nanga lomo nzeni.
- 18 Xini xi vunetelako a vule gi baklilweko ke, lezaku a mumahi wa kona i baklile kona; a mufananiso wu nyekisilweko, wona mugonzisi wa mawunwa, lexo xa ku loye a kulutelako a dzumba ga xona i tumba a ka xona, a ku maha a mavule ma na nga timbebebe ke?
- 19 Kombo a ka yena loye a wulako a ka sinya, Kindlimuka, a ka ribye ga mbebebe, Suka! Kasi legi ga gonzi-sa ke? Languta, gi namekilwe hi nzalama ni siliva, ni laho a ku na moya futsi lomo nzeni ka gona.
- 20 Kanilezi Jehova i lomo tempeleni ya yena ya kubasa: nga yonkle a misaba yi rutisa a mahlweni ka yena.

XIPIMO 3.

- 1 A mukombelo wa Habakuka a muprofeti, a wu bekileko ka Xigionote.
- 2 O Jehova, nzi zwile a mubiko wa wena, mina nza cabyiswa:
O Jehova vuxa a tiro wa wena lomo xikari ka malembe;
Xikari ka malembe maha wona wu tibyekiswa;
A zangeni alakanya a titralo.
- 3 Nungungulu i lo ta hi le Temani, Ni loye a wa Kubasa hi le xitsungeni Parani. [Sela
A wukosi ga yena gi fenengeta a matilo,
Ni misaba yi wa tele hi kudumiswa ka yena.
- 4 Ni kungangamela ka yena ku wa fanana ni kuwonekela;
Yena i wa na mikwenge leyo yi tako hi le canjeni ga yena;
Ni laho ku wa hi kona a fihlalelo wa ntamo wa wena.
- 5 A mahlweni ka yena ku lo famba a mitungu,
Ni tibale ti hlohlonyako ti huma hi lo mikonzweni ya yena.
- 6 Yena i lo yima a ringanisa a misaba;

A langutako, i lo hlongolako a ka mifumo;

Ni zitsunga zi tsonzomilweko zi hangalaka;

A mitsuri yi pinzukulisisilweko yi koramisilwe;

A mifambo ya yena nja kaleloko.

7 Nzi lo wona a tenta ga Kuxani gi hi hlokiselelweni;

A micacalato ya tiko ga Midiani yi lo rurumela.

8 Kasi Jehova i wa nga xalaliswangi hi micongo ke?

Kasi a zanga ya wena yi wa vukela a micongo,

Kutani kulo ga wena gi wa vukela a bimbi,

A ka lezo wena u kileleko behla ka mahaxi ya wena,

Hehla ka tikareta ta wena a hanyiselelo ke?

9 A wura ga wena gi wa lo mahwa gi kudlunya;

A zifungo a ka tixaka zi wa hi timhaka tinene. [Sela

Wena wa no panzako a misaba hi micongo.

10 A zitsunga zi wonile wena, zi lo cabyiswa;

A swinga wa mamati wu lo hunza;

A kueta ku lo klaklambuta a gezu ga kona,

Ni kuklakuka mandla ya kona a klakukileko.

11 A gambo ni hweti si yima lomo wutsanwani ga zona,

A kuwonekeni ka tugalala ta wena kona kwatsi hilezi si fambako.

A kupatimeni ka kwezimiselo wa klari ga wena.

12 Wena u fambako u tsemakanya a tiko a zangeni ya wena;

Wena u hulako a mifumo hi zanga.

13 Wena u humako hi hanyiselelo wa banhu ba wena,

Hi hanyiselelo wa a totilweko wa wena;

Wena u kubazileko a hloko lomo ndlwini ya munhu wa kubiha,

U hahlulako a xiseketelo kala le nahnwini. [Sela

14 Wena u balesako hi zigomba za wena nzwini a hloko ya tingwazi ta yena;

Bona ba lo ta kwatsi i mheho ya xihuhuri a ku ta hangalasa mina;

A tsakiselelo wabye ku wa hi kukadamula a zisiwana si kundleni.

ZEFANIA, 1.

- | | |
|--|--|
| <p>15 Wena u kanziyelako a bimbi hi mahaxi ya wena,
A nhulu ya mamati ya ntamo.</p> <p>16 Nzi zwile, ni miri wa mina wa rurumela,
A milomu ya mina yi lo dzudzumela a ka gezu ga yena;
A kucekelelo wu lo engena lomo marambyini ya mina, ni kururumela laho wutsanweni ga mina;
Hakuba nzi fela a ku rinzela hi kurutisa a sikwini ga karato,
Hakuba hi kuta ka banhu labo ba ta hlasela hina.</p> <p>17 Hakuba hambulezi a sinye ya kuwu yi ta nga kala yi nga hluki kambe,
Ge ni mihanzo yi nga ta kuba lomo tisinyeni ta mivina:</p> | <p>A pangamiselo wa mafura wu ta tsanza,
Ni masimu ma nga ta ha pfuna a zakuga;
A zifuyo zi ta tsenwa a miklamhini,
Ni laho ku nga ta kuba kona a tihomu lomo rangeni:</p> <p>18 Kasike mina nzi ta tsaka a ka Jehova,
Nzi ta tsaka a ka Nungungulu wa hanyiselelo wa mina.</p> <p>19 Jehova, a Hosi, u hi a ntamo wa mina;
A mahako a mikonzo ya mina kwatsi mikonzo ya timhuti,
I ta maha mina a ku famba le hehla ka wutsamo ga mina gi Makukileko.</p> |
|--|--|

A BUKU GA ZEFANIA.

XIPIMO 1.

- | | |
|--|---|
| <p>1 A mhaka ya ka Jehova leyo yi nga wa tile a ka Zefania a nisanyana wa Kuxe, a nisanyana wa Gedalia, a nisanyana wa Amaria, a nisanyana wa Hezekia, a masikwini ya Josia a nisanyana wa ka Amoni, a hosi ya ka Juda.</p> <p>2 Nzi ta hi kumbetisilweko nzi ta trumula a zilo zonkle lezi zi na nga laha ngoheni ya misaba, ku wula Jehova.</p> <p>3 Nzi ta lobisa a banhu ni zihari; nzi ta lobisa a zinyanyani za matilo, a zidluwani za bimbi, ni zibo za kuretemukisa zinwe ni ba kubiha; nzi ta tsema a banhu ba suka ngoheni ya misaba, ku wula Jehova.</p> <p>4 Nzi ta nawuluta a canja ga mina hehla ka Juda, ni hehla ka bonkle a baakileko ba le Jerusalema; nzi ta tsema a misalela ya ka Baali yi suka a ka legi a wutsamo, ni bito ga Cemarima zinwe ni bapristi;</p> <p>5 Na bona labo ba kozelako a mabandle ya tlo le hehla ka tindlu; ni ka bona labo ba kozelako, labo ba hlambanyako a ka Jehova ba hlambanya ha Malkamu;</p> | <p>6 Ni ka bona labo ba kileleleko le nza-ko a ku mu lanzeleni Jehova; ni ka labo ba nga hlotangiko Jehova, ge ni ku wutisa ha yena.</p> <p>7 Rutisa u miyela a kubakoneni ka Hosi Jehova; hakuba a siku ga ka Jehova gi tsinele: hakuba Jehova i longisele a mupahlelo, yena i nyikelelisile a tsombano wa yena.</p> <p>8 Na ku ta mahisile lezo a ka siku ga mupahlelo wa ka Jehova, lezaku nzi ta tsayisa a tihosana, ni barisanyana ba hosi, na bona bonkle labo ba ambeleko hi tinguwo ta ba matiko.</p> <p>9 A ka lego siku nzi ta pezisa bona labo ba khlulako hehla ka wuengeno, labo ba tatisako a yindlu ya hosi ya-bye hi kupanga ni kohliso.</p> <p>10 Ni ka lego siku, ku wula Jehova, ku ta kuba kona a gezu ga kurila hi le nyangweni ya zidluwani, a hlo-mulo hi le ka xipanxe xa wumbiri, ni trandlesele wa hombe hi le mitsurini.</p> <p>11 Rilani, zwina a baakileko ba le Makteke; hakuba bonkle banhu ba le Kenani ba kilele; bonkle labo ba binzilweko hi siliva ba tsenwilwe.</p> <p>12 Na ku ta mahisile lezo a ka lexo xi-</p> |
|--|---|

- katl, lezaku nzi ta hlota a Jerusalema hi tikandiya; nzi ta pezisa a banhu labo ba tsamileko hehla ka xitsaka xabye, labo ba wulako a timbilwini tabye, Jehova i ta maha kusasa, ge cima yena a nga ta maha a kubihla.
- 13 Ni pfuno wabye wu ta maha a mupango, ni tindlu tabye a hahlukelelo: kasike, bona ba ta aka a tindlu kanilezi bona ba nga ta tsama ka tona; na bona ba ta byala azivina, kanilezi ba nga ta kunwa a waini ga kona.
- 14 A siku ga hombe ga ka Jehova gi tsinele, gi tsinele gi hahlisile lokuloku, gona a gezu ga siku ga ka Jehova; a banhu ba tinhenha ba hwa leyo hi kutsikwilisilweko.
- 15 Lego siku i siku ga kulo, a siku ga karato ni bhlokiso, a siku ga hahlukelo ni hangalako, a siku ga munyama ni pomiselelo, a siku ga marefu ni munyama wupumisilweko.
- 16 A siku ga paratana ni xitsuketi, a ku vukela a miti hi gingisilweko, a ku a zikanekiso zi klakukileko.
- 17 Na mina nzi ta neha a bhlokiselo hehla ka banhu, lezaku bona ba ta famba kwatsi xikumu, hakuba bona ba onhileko ba vukela Jehova; ni nkata wu ta halatwa kwatsi i tsuri, ni nyama yabye kwatsi matala.
- 18 Ge hambu siliva yabye ge ni nzalama yabye yi nga ta zi kota a ku klaklisa bona a sikwini ga zanga ya ka Jehova; kanilezi a tiko gi ta kadumulwa hi nzilo wa mona wa yena: hakuba yena i ta maha a gumelo, ina, a kugumelwa ku cabekako, wa bonkle labo ba akileko lomo tikweni.

XIPIMO 2.

- 1 Tsombanani a wutsumbu ga nwina katiginwe, ina, tsombanani katiginwe, O nwina labo mu nga hiko na tingana.
- 2 A mahlweni ka nyibo yi nehilweko, hi mahlweni ka siku gi ta nga hunza kwatsi i mungu, hi mahlweni na zanga yi cabekako ya ka Jehova hehla ka nwina, hi mahlweni ka siku ga zanga ya ka Jehova yi tako hehla ka nwina.
- 3 Hlotani Jehova nwina nwenkle ba koramekileko ba misaba, labo mu hlaysileko a zixaxametelo za yena: hlota a kululamisisa, hlotani a koramekiselelo: kutani mu ta nga zi ko-

ta a ku fihlala a sikwini ga zanga ya ka Jehova.

- 4 Hakuba Gaza i ta tsikiwa, na Axkeloni i hahlukelelo; ba ta bhongola Axdode hi ka mumu wa siku, ba Ekroni i ta runzuwulwa.
- 5 Kombo a ka baakileko ba fungu wa bimi, a mufumo wa ma Cereti; a mhaka ya ka Jehova yi vukela nwina, O Kenani, a tiko ga ma Filisti; nzi ta lobisa wena, lezaku laho ku nga ta kuba na baakileko.
- 6 Ni le fungwini wa bimbiku ta kuba a wuriselo, ni zikupe za barisi ni maranga ta miklambi.
- 7 Ni fungu wu ta kuba wa misalela ya tindlu ta ka Juda; bona ba ta gisela a miklambi yabye leyo; ni le tindlwini ta le Axkeloni ba ta nawula kona laha gambyeni; hakuba Jehova a Nungungulu wabye i ta enzela bona, ni kuhelelisa a wukonwabye.
- 8 Nzi zwile a nzukano wa le Moabi, ni tihlamba ta banana ba ka Ammoni, leto ha tona ba rukatelileko a banhu ba mina, ni kukumuxa a wutsumbu gabye ba vukela a mbingano wabye.
- 9 Hikwalaho kwatsi hilezi nzi hanya-ko, ku wula Jehova wa mabandla, A Nungungulu wa ka Israeli, Moabi i ta ku kwatsi i Sodoma, ni banana ba ka Ammoni kwatsi i Gomora, a wutsamo ga wusosonya, ni marinzi ya munyu, a hahlukelelo wupinzukilisilweko: ni misalela ya banhu yi ta maha a mipfimba ha bona, ni misalela ya banhu ba mina yi ta fumela bona.
- 10 Ni lezi bona ba ta kuba nazo hi kota ya matsanza yabye, hakuba ba rukatelileko ba kumukileko ba vukela a banhu ba Jehova wa mabandla.
- 11 Na Jehova i ta cabeka a ka bona, kakuba yena i ta riza bonkle banungungulu ba misaba; a banhu ba ta kozela yena, bonklelele hi le wutsanweni ga yena, hambu zona zonkle a zihlale za mifumo.
- 12 Awinawu ma Etiopia kambe, nwina mu ta hlaselwa hi supado ya mina.
- 13 Na yena i nawuluta a canja ga yena a vukela nwalungu, i ta lobisa Asiria, i ta maha Nineve a marumbi, i ta wuna kwatsi xiwula.
- 14 Ni miklambi yi ta zumba lomo xikari ka wena, zonkle a zihari za mifumo:

zonkle ihwati ni inungu zi ta zumba lomo wukulwini ga kona; ni magezu ya zona ma ta yimbelela lomo mimoleni; a hahlukelelo wu ta kuba lomo wuengenweni: hakuba yena i hahlulele a tiri wa tisedare.

- 15 Lowu hi muti wa litsako lowu wu nga wa tsanwa hi ku nga katali, lowo wu nga wa kula a mbilwini ya wona nzi mina yena, a nga kona, munwani hi lahandle ka mina: wu hahlukisile kuyini ke, a wutsamo ga zihari a ku eklela kona! bonklelele labo ba ta hunza ha yena ba ta hleka, ni zibisa a canja zakwe.

XIPIMO 3.

- 1 Kombo a ka yena loye a hlubukako a nyenyezisa! ka muti wu tsi-mbeketilweko;
- 2 Wona a wu ingisangi a gezu; wona a wu amukelangi a kululekwa; wona a wu tsumbangi a ka Jehova; wona a nga tsinelaugi ka a Nungungulu wakwe.
- 3 A tihosana ta yena a xikari ka yena ti hi tingala ti dzumako; ni bala-muli ba yena ba hi timhisi ti pama-ko; a ba siyi ncumo kala manziko.
- 4 Ni baprofeti ba kona ba hehuka a banhu ba kohlisako; bapristi ba yena ba nyenyezisile a yindlu ya kubasa, ba mahile hi kupanga a naweni.
- 5 Jehova a xikari ka yena i lulamile; yena a nga ta maha a kubiha; yonklelelele a mixo i neha a nongameto a ku woninga, yena a nga tsanzekiko; kanilezi loye a nga lulamangiko a nga tibi a tingana.
- 6 Nzi tsemile a mifumo; a wukulu ga yona gi mbembisilwe; nzi mahile a mapango yabye a ku hahluka, zingaho lezo a nga kona a ta hunza; a miti yabye yi lobyisilwe, Zingaho lezo laho aku kona munhu, ni laho a ku kona a tsomba.
- 7 Nzi te ngalo, Kumbela caba mina wena; u amukela a kululekwa; ni kuaka ka yena ku nga ta tsenwa, kukotisa hi ka zonkle lezo nzi yimiseleko yena: kanilezi ba vuka ni mixo ba bota zonkle a zimaho za yena.
- 8 Hikwalaho rinzelani zwina ha mina, ku wula Jehova, kala a ka siku lego nzi ta nga vukela a pfimba; hakuba a xubelelo wa mina hi ku tsombanyisela a mifumo, kasi nza fela a kutsombanyisela a mifumo, a

ku halata behla ka bona a zanga ya mina, yona yonkle a zanga ya mina yi cabekako; hakuba yonkle a misaba yi ta kadumulwa hi nzilo wa mona wa mina.

- 9 Hakuba zonake nzi ta hunzulu-kela a ka banhu a lirimi la kubasa, kasi bona bonkle ba fela a ku bitana a bitweni, ga Jehova, a kukozela yena hi kuvumela a kunwe.
- 10 Hi le klatukweni wa micongo ya le a Etiopia bakombeli ba mina, hambu yena a nhanyana wa ku kuhangalaka, i ta neha a zinyikiwo za mina.
- 11 A ka lego siku wena u nga ta wiswa a tingana hi zimaho za wena zonkle, lezo wena u hambunyetileko u vukela mina, habuka nzi ta ba susa hi lomo xikari ka wena a ba wena bamatsanza ba ti kukumukisako, na wena u nga ta ha kuba na matsanza lomo xitsungeni xa mina xa kubasa.
- 12 Kanilezi nzi ta siya lomo xikari ka wena ba hloksilweko ni banhu ba zisiwana, bona ba ta teka a wucabelo lomo bitweni ga ka Jehova.
- 13 A misalela ya ka Israeli yi nga ta maha a kubiha, ge ni wulawula mawunwa; ge hambu lirimi li kohlisako li nga ta kunwa milozwini yabye, hakuba ba ta kuga ba ta eklela lahasi a nga kona a ta nga cabisa bona.
- 14 Yimbelela, O nhanyana wa le Zioni; kanyuluka, O Israeli; buma u tsaka hi yonkle a mbilu, O nhanyana wa Jerusalema.
- 15 Jehova i susile a kulamulwa ka wena, i hoxile lahandle a nala wa wena; a Hosi ya ka Israeli, yena Jehova, i kona xikari ka wena; na wena u nga ta ha caba a kubiha kambe.
- 16 A ka lego siku ku ta wuliwa ha Jerusalema, U nga cabe; O Zioni, ni mandla ya wena nga ma nga mbeli ntamo.
- 17 Jehova a Nungungulu wa wena i kona xikari ka wena, a nyamintamo loye a kotako a ku hanyisa; i ta tsaka ha wena hi xalaliso; na i ta humula lomo liranzeneni la yena; i ta tsaka behla ka wena hi ku yimbelela.
- 18 Nzi ta tsombanyisa bona labo ba xanisekako hi kota ya gotsobanyano ya ximuse, labo ba na nga ba ka wena; a ka bahi a nzwalo lowo wu nga wa hi behla ka bona wu wa hi wa nzukano.

HAGAI, 1.

- 19 Languta, a ka lexo xikati nzi ta maha zinwe na bona labo bonkle ba hlolisilweko ba wena; na nzi ta hanyisa lexo xi nga xilema, nzi tsombanyisa lezo zi hlongolilweko; nzi ta maha bona a kudumiswa ni bito, labo a tingana ti nga wa hi misabeni yonkle.
- 20 A ka lexo xikati nzi ta neha nwina lomo nzeni, a ka lexo xikati nzi ta tsombanyisa nwina, hakuba nzi ta maha a wudumo ni bito xikari ka banhu bonkle ba misaba, laha nzi ta nga klelisa a kukonwa ka nwina mahlweni ka ugohe ya nwina, ku wula Jehova.

A BUKU GA

HAGAI.

XIPIMO 1.

- 1 Hi lembe ga wumbiri ga Dariusi a hosi, hi ka hweti yanklanu ni yinwe, hi ka siku ga kuranga ka hweti, ku lota a mhaka ya ka Jehova ha Hagai a muprofeti a ka Zerubabeli a nisananya wa Xealteali, a mufumeli wa ka Juda, ni ka Joxua Jehoza-daki, a mupristi wa hombe, aku,
- 2 Zakungahi a wulako Jehova wa mabandla, aku, Laba banhu be ngalo, Kona a hi xikati a ka hina, kuta a xikati xa yindlu ya ka Jehova a ku-akiwa.
- 3 Zonake ku lota a mhaka ya ka Jeho-va ha Hagai a muprofeti, yiku,
- 4 Kona ku hi xikati aka nwina a ku tsama lomo tindlwini ta nwina ni aki-lweko kwatsi, laha na leyi a yindlu na ya ha hahlukile ke?
- 5 Makunu hikwalaho zakungahi a wu-lako Jehova wa mabandla: pimani hi tindlela ta nwina.
- 6 Nwina mu byalile a nguvu, mu nehile lomo zi tsongwani; nwina maga, kanilezi a mu na zi eneleko; nwina manwa, kanilezi a mu kolwa-ni hi kunwa; ma ambexa a wutsu-mbu ga nwina ni laho a nga kona a kufumelako; na yena loye a tirako a rihwa wa ku cela a kwameni wa mimole.
- 7 Zakungahi a wulako Jehova wa mabandla: Pimani hi tindlela ta nwina.
- 8 Yanani le xitsungeni mu ya neha a tinki, mu aka a yindlu; na nzi ta te-ka a kuxalaliswa ha yona, na nzi ta dumiswa ku wula Jehova.
- 9 Nwina mu cuwuka a za ku tala, ni,
- mangabye, kuta zi tsongwani; laha na nwina na mu nehile kona le kaya, nzi buveta hehla ka kona. Hiyini ke? ku wula Jehova wa mabandla. Hakuba hi yindlu ya mina yi ha-hlukileko, laha na nwina nwenkle-lele mu tsutsuma ndlwini ya nwina benyi.
- 10 Hikwalaho hi kota ya nwina a tiko gi kanyetile a nzokati ya gona, ni mi-saba yi ta kanyeta a mihanzo ya yona.
- 11 Nza bitana a kubalela hehla ka tiko, ni hehla ka zitsunga, ni hehla ka ma-bele ni hehla ka waini giswa, ni hehla ka mafura, ni hehla ka lezo a misaba yi zi pandluleko, ni hehla ka banhu, ni hehla ka tihomu, ni hehla ka yonkle a mitiro ya mandla.
- 12 Zonake Zerubabeli a nisananya wa Xealteali, na Joxua a nisananya wa Jehoza-daki, a mupristi wa ho-mbe, zinwe ni yonkle a misalela ya banhu, ba lo ingisa a gezu ga ka Je-hova a Nungungulu wabye, ni ti-mhaka ta ka Hagai a muprofeti, kwatsi hilezi Jehova a Nungungulu wabye a rumileko yena; ni banhu ba lo caba mahlweni ka Jehova.
- 13 Zonake ku lo wulawula Hagai a tsu-mi wa Jehova hi tsukano wa ka Je-hova a ka banhu, aku, Mina nzi zi-nwe na nwina, ku wula Jehova.
- 14 Na Jehova i lo vuxa a moya wa Ze-rubabeli a nisananya wa Xealteali, a mufumeli wa ka Juda, ni moya wa Joxua a nisananya wa Jehoza-daki a mupristi wa hombe, ni moya wa yonkle a misalela ya banhu; ba lota maha a tiro wa yindlu ya ka Je-

HAGAI, 2.

hova wa mabandla, a Nungungulu wabye.

- 15 Hi ka siku ga makume mambiri ni mune ga hweti, hi ka hweti ya nklanu ni yinwe, hi ka lembe ga wumbiri ga Dariusi a hosi.

XIPIMO 2.

- 1 A ka hweti ya nklanu ni timbiri, ka makume mambiri ni ginwea siku ga hweti ku lota a mhaka ya ka Jehova ha Hagai a muprofeti, yiku,
- 2 Wulawula makunu ka Zerubabeli a nisanyana wa Xealteali, a mufumeli wa ka Juda, ni ka Joxua a nisanyana wa Jehozadaki, a mupristi wa hombe, ni ka misalela ya banhu, uku,
- 3 Mbamani xikari ka nwina laba ba nga wonile leyi a yindlu wukosini ga yona ke? mu yi wonisa kuyini makunu ke? yona a mahlweni a ka nwina a yi kwatsi a hi ncumo ke?
- 4 Kasi makunu nga u hi ni ntamo, O Zerubabeli, ku wula Jehova; nga u hi ni ntamo, O Joxua, O nisanya wa ka Jehozadaki, a mupristi wa hombe; mu be ni ntamo, nwenkle nwina banhu ba tiko, ku wula Jehova, ni ku tira: hakuba mina nzi zinwe na nwina, ku wula Jehova wa mabandla.
- 5 Kwatsi hi ka mhaka leyi nzi vumeleneko zinwe na nwina laha nwina mu nga wa huma hi le Gipite, ni Moya wa mina ku tsama zinwe na nwina, mu nga cabe nwina.
- 6 Hakuba zakungahi ku wulako Jehova wa mabandla: Kasike kanwe ka ha hi xikatana xitsongwani, nzi ta tsekatekisa a tilo, ni misaba, ni bimbi, ni misaba yi omileko;
- 7 Nzi ta tsekatekisa yonkle a mifumo; ni zilo zonkle za malongo ya mifumo zi ta kuta; nzi ta tisa leyi a yindlu hi wukosi, ku wula Jehova wa mabandla.
- 8 A siliva nja mina, ni nzalama nja mina, ku wula Jehova wa mabandla.
- 9 A wukosi ga magumo ga leyi yindlu gi ta hunza a ga kuranga, ku wula Jehova wa mabandla; ni ka legi a wutsamo nzi ta nyika a kurula, ku wula Jehova wa mabandla.
- 10 Hi ka siku ga makume mambiri ni mune ga hweti a nklanu ni mune hi ka lembe ga wumbiri ga Dariusi, ku lota a mhaka ya Jehova ha Hagai a muprofeti, aku,
- 11 Zakungahi a wulako Jehova wa ma-

bandla. Wutisa makunu a mupristi hi xungetano ni nawo, muku,

- 12 Loku a munwe a koma a nyama yo basa lomo nzungweni wa nguwo ya yena, na hi nzungo wa yena a kumba a zibaba, kutani i wuswa, kutani i waini, kutani mafura, kutani ni kwihi a kuga, kona ku ta basa ke? Ni mupristi i lo hlamula, i te ngalo, Kokwihi.
- 13 Zonake ku lo wula Hagai, Loku a munwe a nga hlazekangi hi kota ya xirumbi a kumba ni xihi xa lezi, xona xi ta kuba a nga hlazekangi ke? Ni mupristi i lo hlamula i te ngalo, kona ku ta kuba ku nga hlazekangi.
- 14 Zonake ku lo hlamula Hagai i te ngalo, Zingaho lezo laba banhu, zingaho lezo lowu a mufumo mahlweni ka mina, ku wula Jehova; zingaho ni yonkle a mitiro ya mandla yabye; ni lezo ba nyikelako a zi hlazekangi.
- 15 Ni makunu, nza kombela wena, pima ku suka hi ka legi siku ku komama ka lezi zi hunzuleko, hi mahlweni a ribye ga se ku bekwa hehla ka ribye a tempeleni ya ka Jehova.
- 16 Hi ka xonkle lexo a xikati, laha a munwe a nga wa tile a ka nhulu ya makume mambiri a ziringaniso, kaleni laho ku wa hi kume; laha a munwe a nga wa tile muriyweni wa watui a ku taka nklanu wa makume ya zibya, zi wa hi kona makume mambiri.
- 17 Nzi lo hlasela nwina, hi xikobani ni wusosonya ni vula ya maribyana a ka yonkle a mitiro ya mandla ya nwina; kasike nwina a mu klelangi a ka mina, ku wula Jehova.
- 18 Pimani, nza kombela nwina, kusu-kela legi siku ku komama le nzako, ku sukela hi makume mambiri ni mune a siku ga hweti ya nklanu ni mune, cima ka siku lego a xiseketelo xa yindlu ya ka Jehova xi nga wa bekiwe, pimani kona.
- 19 Kasi a mbewu ya ha hi lomo wukumbini ke? ina, a xivina, ni sinyanya ya kuwu, ni pomegranate, ni sinyanya ya olivia a ti tralangi ke? kusukela ka legi siku nzi ta katekisa nwina.
- 20 Ni mhaka ya ka Jehova yi lota hi xikati xa wumbiri a ka Hagai ka makume mambiri ni mune a siku ga hweti, yiku,

ZAKARIA, 1.

- 21 Wulawula a ka Zerubabeli, a mufumeli wa ka Juda, uku, Nzi ta tseksekisa a tilo ni misaba;
- 22 Nzi ta hoxa a zitsamo zawukosi za mifumo; nzi ta hoxa a mintamo ya tixaka ta mifumo; nzi ta hoxa a tikareta, na bona labo ba kileleko lehla ka tona; ni mahaxi ni bakileli babye ma ta reletwa, bonklelele hi supado yi nakulobye wa wena.
- 23 A ka lego siku, ku wula Jehova wa mabandla, nzi ta teka wena, O Zerubabeli, nanza ga mina, nisanyana wa Xcalteali, ku wula Jehova, nzi ta maha wena kwatsi a xikombiso; hakuba mina nzi langile wena, ku wula Jehova wa mabandla.

A BUKU GA ZAKARIA.

XIPIMO 1.

- 1 A ka hweti ya nklanu ni tinharu, hi ka lembe ga wumbiri ga Dariusi, ku lota mhaka ya ka Jehova ka Zakaria a nisanyana wa Berekia, a nisanyana wa Iddo, a muprofeti, yiku,
- 2 Jehova i wa hunzelele a ku nga xalaliswi hi badadani ba nwina.
- 3 Hikwalaho wula wena a ka bona, Zakungahi a wulako Jehova wa mabandla, Wuyani a ka mina ku wula Jehova wa mabandla, na minawu nzi ta wuya a ka nwina, ku wula Jehova wa mabandla.
- 4 Mu nge kwatsi hi badadani ba nwina, labo a baprofeti ba kuranga ba nga bahuwa ka bona, baku, Zakungahi a wulako Jehova wa mabandla, Klelani nwina le zimahweni za nwina za kubiha: kanilezi bona a ba zizwangi, kutani kuzwa a ka mina ku wula Jehova.
- 5 A badadani ba nwina, ba kwihi ke? ni baprofeti, kasi bona ba hanya kala kupinzuka ke?
- 6 Kanilezi a timhaka ta mina ni zilayelo za mina, lezo nzi leleteleko hi malanza ya mina a baprofeti, tona a ti kumangi a badadani ba nwina ke? na bona ba lo hunzuluka ba te ngalo, Kwatsi hilezi Jehova wa mabandla a alakanyako a ku maha a ka hina, kukotisa hi ka tindlela ta hina, ni kukotisa hi ka zimaho za hina, zingaho yena i mahile zinwe na hina.
- 7 Hi ka makume mambiri ni mune a siku ga hweti ya kume ni yinwe, leyi yi na nga hweti Xebate, hi ka lembe ga wumbiri ga Dariusi, ku lota a mhaka ya ka Jehova ka Zakaria a nisanyana wa Berekia a nisanyana wa Iddo, a muprofeti, yiku,
- 8 Nzi lo wona laha wusikwini, ni, languta, a munhu a kileleko lehla ka haxi go truka, yena i wa yimile xikari ka tisinya to nyuka leto ti na nga lahasi; ni uzako ka yena labo ku wa hi kona a mahaxi, a yo truka, ni yi maklakatlaka, ni yo basa.
- 9 Zonake ku wula mina, O hosi ya mina, zini lezi ke? Ni ngelelosi leyo yi wulawula a ka mina, yi te ngalo ka mina, nzi ta kombisa wena lezaku lezi zini.
- 10 Ni munhu loye a yimileko hi tisi-nyeni ta zidimba i lo hlamula i te ngalo, Laba hi bona Jehova a rumileko a ku famba ba seno ni seyi lomo misabeni.
- 11 Na bona ba lo hlamula a ngelosi ya ka Jehova leyo yi yimileko a xikari ka tisinya ta zidimba, na i te ngalo, Hina hi fambile hi tsemakanya a misaba, ni, languta, yonkle a misaba yi tsamile yi rutisa, yi le kuhumuleni.
- 12 Zonake a ngelosi ya ka Jehova yi lo hlamula yi te ngalo, O Jehova wa mabandla, ku ta longoloka ku kuyini wena u nga hi na wuxinji le Jerusalema, ni le mutini wa ka Juda, a ka wihi wena u nga zangarile laya a malembe ya nklanu ni mambiri makume malembe ke?
- 13 Na Jehova i lo hlamula a ngelosi leyo yi nga wa wulawula zinwe na mina hi timhaka to saseka, tona a timhaka to xalalisa.

ZAKARIA, 8.

- 14 Zingaho a ngelosi leyi yi nga wa wulawula zinwe na mina yi lo hlamula, Banahuwa wena, uku, Zakungahi a wulako Jehova wa mabandla: nzi mona ha Jerusalema ni Zioni hi mona wa hombe.
- 15 A nzi nga xalaliswi hi mufumo lowo wu nabalatileko; hakuba nzi wa nga xalaliswa ku tsongwani, na bona ba lo vunetele a hlokiselelo.
- 16 Hikwalaho zakungahi a wulako Jehova, nzi klelele le Jerusalema hi titalo; ni yindlu ya mina yi ta akiwa a ka gona, ku wula Jehova wa mabandla, ni ngoti yi ta nawulitiwa hi le helila ka Jerusalema.
- 17 Nga u bahuwa kambe, uku, Zakungahi a wulako Jehova wa mabandla: A muti wa mina wu ta kulunga hi vuvumiselelo; Jehova i ta tangalisa Zioni, wa ha ta langa a Jerusalema.
- 18 Nzi lo klakusa a mahlo ya mina, nzi lo wona, languta, a mune wa timhonzo.
- 19 Na nzi te ngalo a ka ngelosi leyo yi wulawulako zinwe na mina, Zini lezi ke? Na yona yi te ngalo ka mina, Leti hi timhonzo leto ti hangalasileko Juda, Israeli, ni Jerusalema.
- 20 Na Jehova i lo kangeta mina a mune wa tinyunzo.
- 21 Zonake a ku wula mina, Ba tela ku maha yini laba ke? Na yena i lo wulawula i te ngalo, Leti hi timhonzo leto ti hangalasileko Juda, zingaho lezo hi wa nga hi kona munhu a klakusileko a hlolo ya yena; kani-lezi laba ba tile ku ta dzukisa bona, a ku hoxa labasi a timhonzo ta mifumo, leto ti klakusileko limhonzo la yona a kuvukela a tiko ga ka Juda a ku hangalasa gona.

XIPIMO 2.

- 1 Na mina nzi lo klakusa a mahlo ya mina, nzi lo wona, ni, languta, a munhu na a hi ni ngoti ya kunganyisa lomo canjeni ga yena.
- 2 Zonake nzi te ngalo, Hikwihi laho wena u yako ke? Na yena i te ngalo ka mina, A kuringanyisa a Jerusalema a ku wona ka ku yini a kuanama ka kona, ni ka ku yini a kunabalata ka kona.
- 3 A ngelosi leyo yi nga wa wulawulile zinwe na mina yi lo huma, ni yinwani ngelosi yi lo huma ku klangana na yona,

- 4 I te ngalo ka yena, Famba, u ya wulawula ka loyi jaha, uku, A Jerusalema ku ta akiwa kwatsi i muti gi nga hi na tigingisi, hi kota ya wudlemo ga banhu ni tihomu ta kona.
- 5 Hakuba mina, ku wula Jehova, nzi ta kuba a ka yena ligingisi la nzilo li ranzeleko, na nzi ta kuba wukosi lomo xikari ka yena.
- 6 Ho, ho, cabani le tikweni ga le nwalungu, ku wula Jehova; hakuba nzi hangalasile nwinwa kwatsi hi mune wa timheho ta matilo, ku wula Jehova.
- 7 Ho Zioni, pona, wena loye u akileko zinwe ni nhanyana wa le Babuloni.
- 8 Hakuba zakungahi a wulako Jehova wa mabandla: hi ku lanzela a wukosi yena i rumile mina le mifunweni leyo yi pangileko wena; hakuba yena loye a kumbako wena i kumbana ni xinwanana xa tihlo ga yena.
- 9 Hakuba, languta, nzi ta juja a mandla ya mina helila ka bona, na bona ba ta kuba a mupango a ka bona labo ba koezeleko bona; na nwinwa mu ta zi tiba lezaku Jehova wa mabandla i rumile mina.
- 10 Yimbelelani ni ku tsaka, O nhanyana wa le Zioni; hakuba, mangabye, mina nzata, nzi ta tsama lomo xikari ka wena, ku wula Jehova.
- 11 Ni mifumo yinyingi yi ta klangana a wutsumbu ga yona ka Jehova lego siku, yi ta kuba a banhu ba mina; na mina nzi ta tsama lomo xikari ka wena, na wena u ta zi tiba lezaku Jehova wa mabandla i rumile mina a ka wena.
- 12 Na Jehova i ta fumela Juda kwatsi xiabelo xa yena a ka lego tiko ga kubasa, wa ha ta langa a Jerusalema.
- 13 Nga mu miyetiswa nwenkle a nyama, mahlweni ka Jehova; hakuba yena i vukile le akalweni ga yena ga kubasa.

XIPIMO 3.

- 1 Na yena i lo kangeta mina Joxua a mupristi wa hombe na a yimile mahlweni ka ngelosi ya ka Jehova, na Satani a yimile hi ka ga xinene a canja ga Nungungulu a kuba a mubengi wa yena.
- 2 Na Jehova i te ngalo ka Satani, Jehova wa kawuka wena, O Satani; ina, Jehova loye a langileko a Jerusalema i kawuka wena; kasi a xi-

ZAKARIA, 4.

- kungusa lexi xi nga suswa lomo nzi-
lweni ke?
- 3 Makunu Joxua i wa ambele hi ti-
nguwo to nyenyeza, na a wa yimile
mahlweni ka ngelosi.
 - 4 Na yena i lo hlamula labo ba nga
wa yimile a mahlweni ka yena, aku,
Susani a tinguwo ta ku nyenye-
za ka yena. Ni ka yena i te ngalo,
Languta, nzi mahile loku a kubiha
a ku hunza a ka wena, nzi ta ambexa
wena hi tinguwo ta kufuma.
 - 5 Na mina nzi te ngalo, Nga bona ba
bekela a xihuku ya wupristi hehla
ka hloko ya yena, Zingaho ba lo
klateka a xihuku a hlokweni ya ye-
na, ni kuambexa yena hi tinguwo;
ni ngelosi ya ka Jehova yi wa yimile
suhani.
 - 6 Ni ngolesi ya ka Jehova yi lo wu-
lawulisana na Joxua, yiku,
 - 7 Zakungahi a wulako Jehova wa ma-
bandla: Loku wena u ta famba ti-
ndleleni ta mina, loku wena u ta
hlayisa a kulayela ka mina, zonake
wena u ta lamula a yindlu ya mina,
kambe u ta hlayisa tihubye ta mi-
na, uzi ta nyika wena a wutsamo
ga ku engena a xikari ka labo ba yi-
mileko.
 - 8 Zwana makunu, O Joxua mupristi
wa hombe, wena ni banhu ba wena
labo ba tsamileko a mahlweni ka
wena; hakuba bona ba hi banhu
labo ba na nga ni muwoniso: haku-
ba, languta, nzi ta ncha a ka muko-
zeli wa mina a Rabi.
 - 9 Hakuba, languta, a ribye lego nzi gi
klatekileko mahlweni ka Joxua; he-
hla ka ribye ginwe ku kona nklanu
ni mambiri a mahlo; languta, nzi
ta kehla a mahlanga ya kona, ku
wula Jehova wa mabandla, nzi ta
susa a kubiha ka lego tiko hi siku
ginwe.
 - 10 A ka lego siku, ku wula Jehova wa
mabandla, mu ta ramba bonklelele
banhu a makabye wa yena, lahasi ka
vina ni lahasi ka sinye ya kuwu.
- XIPIMO 4.**
- 1 Ni ngelosi leyo yi wulawulako
zinwe na mina yi lota kambe, yi lo
vuxa mina, kwatsi hi munhu loye a
vuxilweko le kuceleleni ka yena.
 - 2 Na yona yi te ngalo ka mina, Xini
u xi wonako wena ke? Na mina
nzi wa te ngalo, nzi wonile, languta,
a sinye ya kandiya yonke ya nzala-
ma, zi hi ni kopo hlokweni ta zona,
ni nklanu ni timbiri a tikandiya ta
kona; ni laho ku wa hi ni nklanu ni
mimbiri a mipuba a ka tonke a ti-
kandiya, leyo yi na nga le hehla ka
tona;
 - 3 Ni tisinya timbiri ta olivia hi ka
tona, a yinwe hi ka klelo ha xinene ga
mukopo, ni yinwani hi ka ga xibaba
klelo ga kona;
 - 4 Na mina nzi lo hlamula nzi wula-
wula ni ngelosi leyo yi wulawulako
zinwe na mina, nziku, Zini lezi ke?
hosi ya mina ke?
 - 5 Zonake a ngelosi leyo yi nga wa
wulawulile zinwe na mina yi hla-
mula yi te ngalo ka mina, A zi tibi
wena lezaku zini lezi ke? na mina
nzi te ngalo, A nzi zi tibi hosi ya
mina.
 - 6 Zonake yena i lo hlamula a wula-
wula a ka mina, aku, Leyi hi mhaka
ya ka Jehova a ka Zerubabeli, aku,
A hi wunhenha, a hi ntamo, kanilezi
hi Moya wa mina, ku wula Jehova
wa mabandla.
 - 7 Na u hi wena mani, O xitsunga xa
hombe ke? a mahlweni ka Zeruba-
beli wena u ta maha a pama; yena i
ta humesa a ribye ga xixungwe hi
tlnyibo ta Wuxinji, a wuxinji, a ka
kona.
 - 8 Klatakumbiri a mhaka ya ka Jeho-
va yi lota a ka mina, yiku,
 - 9 A mandla ya Zerubabell gi klate-
kile a xiseketelo xa leyi a yindlu;
ni mandla ya yena kambe gi ta bo-
mbisa yona; na wena u ta zi tiba
lezaku Jehova wa mabandla i rumile
mina a ka wena.
 - 10 Hakuba himani a kanyiseleko a si-
ku ga zilo zi tsongwani ke? haku-
ba laba ba nklanu ni bambiri ba ta
tsaka, ba ta wona a xingelengedani
lomo canjeni ga Zerubabeli; laya hi
mahlo ya ka Jehova, laya ma tsutsu-
ma konklelele ma pondlisa a misaba.
 - 11 Zonake ku lo hlamula mina, nzi
te ngalo ka yena, Zini lezi a tisinya
timbiri ta olivia hi le klelweni ga
xinene ga linhi la kandiya na hi kle-
lo ga xibaba ga kona ke?
 - 12 Nzi lo hlamula hi xikati xa wumbi-
ri, nzi te ngalo ka yena, Zini lezi a
marambu mambiri ya marabi ya
olivia, lawo ma na nga laba xikari ka
mimole ya nzalama, leyo yi halatako
a nzalama yi huma a ka wutsumbu
ga yona ke?

- 13 Na yena i lo hlamula mina i te ngalo, A ku zi tibi lezi lezaku zini ke? nzi te ngalo, Kokwihi, hosi ya mina.
14 Zonake ku wula yena, Lezi hi bambiri ba totilweko, labo ba yimileko hosi ya misaba yonkle.

XIPIMO 5.

- 1 Zonake kambe nzi lo klakusa a mahlo ya mina nzi lo wona, ni, languta, a buku ga songelwa gi purumako.
2 Na yena i te ngalo ka mina, Wa ku wona yini wena ke? Nzi lo hlamula a songelwa wu purumako; a kunabalata ka gona i makume mambiri ya mikono, ni ku anama ka gona kume ga mikono.
3 Zonake i lo wula yena a ka mina, Lowu hi nzukano lowo wu fambako wu pondlisa gonkle a tiko: hakuba bonklelele laba ba yibako ba ta tseawa kukotisa hi ka giawe klelo ga gona; ni ka bonklelele labo ba hlampanyako ba ta tseawa kukotisa hi ka giawe a klelo ga gona.
4 Nzi ta maha gona a ku huma giya, ku wula Jehova wa mabandla, kona ku ta engena lomo tindlwini ta ma kamba, ni tindlwini ta laba ba hlampanyako hi mawunwa bitweni ga mina; kona ku tsama lomo ka yindlu ya yena, gi ta mbetisa kona ni minaneko ya kona ni maribye ya kona.
5 Zonake a ngelosi leyo yi nga wa wulawulile zinwe na mina yi lo famba, na yi te ngalo ka mina klakusa makunu a mahlo ya wena, u wona lezaku xini lexo xi humako.
6 Na nzi te ngalo, Xini lexi? Na yena i te ngalo, Lexi hi efa gi humako. Yena i wula klatakumbiri loku hi kuwoneka ka bona a ka gonkle a tiko.
7 (Ni, languta, laho ku wa klakusile a talenta ya tsovu); loyi hi wasati a tsamileko lomo a xikari ka efa.
8 Na yena i te ngalo, Loku hi Kubihisisa: na yena i lo hoxa yena lahasi a xikari ka efa; yena i lo hoxa a kubinza ka efa xikari ka nomu wa kona.
9 Zonake nzi lo klakusa a mahlo ya mina, nzi lo wona, ni, languta, laho ku lota a babasati bambiri, ni mhecho yi wa hi lomo tipapeni tabye; makunu bona ba wa hi tipapa kwatsi ta sekwa; na bona ba lo klakusa a efa xikari ka tilo ni misaba.
10 Zonake nzi lo wula mina a ka nge-

- losi yi nga wa wulawulile zinwe na mina, Kasi laba ba rwala a efa ke?
11 Na yona yi te ngalo ka mina, A ku akela yena a yindlu lomo tikweni ga le Xinari: ni laha kona ku nga wa longisilwe, yena i ta tsama laho a wutsanweni ga yena nwinyi.

XIPIMO 6.

- 1 Kambe nzi lo klakusa a mahlo ya mina, ni ku wona, ni, languta, Laho ku lo huma a tikareta ti mune xikari ka zitsunga zimбири; ni zitsunga zi wa hi zitsunga za suku.
2 A ka kareta yi ranga ku wa hi ni mahaxi yo truka, ni ka kareta ya wumbiri ku wa hi ni mahaxi ya ntima;
3 A ka kareta ya wunharu a mahaxi yo basa; ni ka ya wumune a kareta mahaxi ya wukuxe ma na nga ni ntamo.
4 Zonake nzi lo hlamula a ka ngelosi leyo yi wulawulako zinwe na mina, Zini lezi, hosi ya mina ke?
5 Ni ngelosi yi lo hlamula yi te ngalo ka mina, Leti hi timheho ta mune ta misaba, leti ti humako hi le kuyimeni a mahilweni ka Hosi ya yonkle a misaba.
6 Ni kareta leyo yi na nga ni mahaxi ya ntima yi famba yi komama a tikweni ga le nwalungu; ni leyi yi basa yi lanzela wona; ni ya wukuxe yi huma yi komama le tikweni ga le dzongeni.
7 Ni ya ntamo ma lo huma, ma hlota lezaku mata ma nzula ka yonkle a misaba: na yena i te ngalo, Sukani nwiina laba, mu famba mu nzula a ka yonkle a misaba. Zingaho wona ma lo nzula a ka yonkle a misaba.
8 Zonake ku lo bitana yena a ka mina, ni ku wulawula a ka mina, aku, Languta, bona labo ba fambileko a tikweni ga le nwalungu ba miyetile a moya we mina le tikweni ga le nwalungu.
9 Ni mhaka ya ka Jehova yi lota a ka mina, yiku,
10 Teka bona labo ba kukonwa, bona ba ka Heldai, ni ba ka Tobija, ni ba ka Jedaia; uta wena gwalego siku, ni ku engena lomo ndlwini ya Josia a nisanyana wa ka Zefania, laho bona ba tileko hi le Babuloni.
11 Ina, tekela bona a siliva ni nzalama, u maha a zidlofelo, u zi klateka hehla ka hlolo ya Joxua a nisanyana wa Jehozadaki, a mupristi wa hombe.

ZAKARIA, 7.

- 12 Ni ku wulawula a ka yena, uku, Zakungahi a wulako Jehova wa mabandla, aku, Languta, A munhu loye a tibyako a Rabi: yena i ta kula hile wutsanweni ga yena; na yena i ta aka a tempele ya ka Jehova.
- 13 Yena loye a akako a tempele ya ka Jehova; na yena i ta rwala wukosi, i ta tsama hehla ka xitsamoxawukosi xa yena; yena i ta kuba a mupristi hehla ka xitsamo xa yena; a wusungukati ga kurula gi ta kuba xikari ka bona bonkle.
- 14 Ni zidlodlo zi ta kuba ka Helema, na Tobija, ni ka Jedaia, ni ka Heni a nisananya wa ka Zefania, akuba xikumbuxetelo lomo tempeleni ya ka Jehova.
- 15 Na bona labo ba na nga kule ba ta kuta ba ta aka lomo tempeleni ya ka Jehova; na nwina mu ta zi tiba lezaku Jehova wa mabandla i rumile mina a ka nwina. Ni lezi zi ta maheka, loku nwina hi kutsononometisisilweko mu ingisa a gezu ga ka Jehova Nungungulu wa nwina.

XIPIMO 7.

- 1 Na ku mahisile lezo a ka lembe ga mune ga hosi Dariusi, lezaku a mhaka ya ka Jehova yi leta a ka Zakaria hi ka siku ga mune ga hweti ya nklanu ni mune, yi na nga Cislevi.
- 2 Makunu bona ba le Beteli ba wa rumile Xaruzera na Regem-meleki, ni banhu babye, a kukozela a tomo ga ka Jehova,
- 3 Ni ku wulawula a ka mupristi wa yindlu ya ka Jehova wa mabandla, ni ka muprofeti, baku, Nzi ta rila hi hweti ya nklanu ke, a ku hambanyisa a wutsumbu ga mina, kwatsi hilezi nzi mahileko a malembe laya yo tala ke?
- 4 Zonake ku leta a mhaka ya Jehova wa bandla a ka mina, yiku,
- 5 Wulawula a ka bonkle a banhu ba tiko, ni ka bapristi, uku, Laha na nwina mu yilako mu rilako hi ka siku ga wutsumbu ga hweti ya nklanu ni timbiri, ni ka gona legi a lembe ga nklanu ni mambiri a makume, nwina futsi mu wa yilile a ka mina, a ka yena mina ke?
- 6 Ni laha na nwina mu gako, ni laha na nwina mu nwako, a mu geli a wutsumbu ga nwina ke, ni ku nwelela a wutsumbu ga nwina ke?
- 7 Nwina mu nga ta muzwa a timhaka

1072

leti Jehova a nga wa bilehuwa hi baprofeti ba kale, laha a Jerusalema gi nga wa akilwe gi hi ni vuvumelelo, ni miti ya kona yi ranzeleko gona, ni Dzonga ni tiko ga mikoba gi nga wa akilwe ke?

- 8 Ni mhaka ya ka Jehova yi leta a ka Zakaria, yiku,
- 9 Zakungahi lezi Jehova wa mabandla a wulileko, i te ngalo, Tsanzisani a lamuliselelo wa zinene, ni kukombisa a titralo ni kuhawukela bonklelele a bahu a ka wakelwane wa yena;
- 10 Mu nga tsembeketi a tinoni, ge hambu ni bana ba zisiwana, a tinzhubeti, ge ni zisiwana; a nga hi kona a wa nwina a hlebako a gujegu je a vukela a makabye wa yena mbilwini ya nwina.
- 11 Kanilezi bona ba lo ala a kuzwa, ba lo tsukwama a makakla, ba lo sinzela a tindlebe tabye, kasi ba fela ku kala ba ngazwi.
- 12 Ina, ba lo maha a timbilu tabye kwatsi i ribye ga mbokota, ku nga taku bona ba ingisa a nawo, ni timhaka ta ka Jehova leto a rumeleko hi Moya wa yena hi baprofeti ba kale: hikwalaho laho ku leta a zanga ya hombe hi ka Jehova wa mabandla.
- 13 Na ku mahisile lezo lezaku, kwatsi hilezi yena a nga wa bitana, ba wa nga hi na kuzwa, zingaho ba ta rila, nzi nga ta kuzwa, ku wula Jehova wa mabandla;
- 14 Kanilezi nzi ta hambanyisa bona hi mheho ya xihuhuri a xikari ka mifumo leyo bona ba nga yi tibiko. Zingaho a tiko gi wa bahlukile a nzako ka bona, zingaho ku wa nga hi kona a munhu a hunzako a tsamakanya ge ni ku wuya: hakuba ba bahlulile a tiko ginene.

XIPIMO 8.

- 1 Ni mhaka ya ka Jehova wa mabandla yi leta a ka mina, yiku,
- 2 Zakungahi a wulako Jehova wa mabandla: Nzi na ni mona ha Zioni hi wukuxu ga hombe, ni nzi mona ha yena hi kulo ga hombe.
- 3 Zakungahi a wulako Jehova: Mina nzi klelile a ka Zioni, nzi ta aka lomo xikari ka Jerusalema: ni Jerusalema gi ta bitanwa A muti wa zinene; ni zitsunga za ka Jehova wa mabandla, A xitsunga xa kubasa.
- 4 Zakungahi a wulako Jehova wa ma-

- bandla: laho ha ta aka lomo mapangweni ya Jerusalema a babanuna ba zikosana ni babasati ba zikosana, bonklelele banhu ni nhonga ya yena a canjeni ga yena hi wukale.
- 5 Ni mapango ya muti ma ta tala hi bafana ni banhanyana ba hlakanako lomo mapangweni ya kona.
- 6 Zakungahi a wulako Jehova wa mabandla: Loku kona ku hlalalisa lomo mahlweni ya banhu ba misalela ka lawo masiku, ku ta nga ku hlalalisa lomo mahlweni ya mina ke? ku wula Jehova wa mabandla.
- 7 Zakungahi a wulako Jehova wa mabandla: languta, nzi ta hanyisa a banhu ba mina hi le tikweni ga le mutsuwukagambo, ni le tikweni ga le muhlwegambo;
- 8 Na nzi ta neha bona, na bona ba ta aka lomo xikari ka Jerusalema; na bona ba ta maha a banhu ba mina, minawu nzi ta maha a Nungungulu wabye, hi ka zinene na hi kululamisisa.
- 9 Zakungahi a wulako Jehova wa mabandla: nga a canja ga nwina gi hi ni ntamo nwina labo mu zwako legi siku leti a timhaka hi le milo-nwini ya bapofeti labo ba nga wa hi kona a sikwini legi a xiseketelo xa tempele xi nga wa bekilwe, yona a tempele, kasi yi fela a kuakiwa.
- 10 Hakuba hi mahlweni ka lawo masiku ku wa nga hi kona a munhu a rihela a munhu, ge ni wa ku rihela hi kota ya xihari; ge ku wa nga hi kona a kurula ka loye a humako ni ka loye a engenanko, hakuba hi balala: hakuba nzi mahile bonkle banhu a ku vukela a wa akelwane wa yena.
- 11 Kanilezi makunu nzi nga ta maha a misalela ya laba banhu kwatsi hi masikwini ya kaleloko, ku wula Jehova wa mabandla.
- 12 Hakuba laho ku ta kuba kona a mbewu ya kurula; ni vina wu ta nyika a mihanzo ya wona, ni misaba yi ta nyika pfuno wa yona, ni tilo gi ta nyika a dzokati ya gona; nzi ta maha a misalela ya laba banhu a ku fumela zonkle lezi zilo.
- 13 Na ku ta mahisile lezo lazaku, kwatsi hilezi nwina mu nga wa hi a nzukano xikari ka mifumo, O yindlu ya ka Juda ni yindlu ya ka Israeli, zingaho mina nzi ta hanyisa nwina, na nwina mu ta kuba a kate-

- kiso. Mu nga cabe, kanilezi nga a mandle ya nwina gi hi ntamo.
- 14 Hakuba zakungahi a wulako Jehova wa mabandla: Kwatsi hilezi nzi alakanyileko a ku maha a kubiha ha nwina, laha na badadani ba vintlukisile mina a kuzanga, ku wula Jehova wa mabandla, nzi wa nga hunzulukangi;
- 15 Zingaho kambe nzi alakanyile a ka laya masiku a ku maha a kusasa ha Jerusalema ni ka yindlu ya ka Juda; mu nga cabe.
- 16 Lezi hi zilo lezi nwina mu ta nga zi maha: Wulawulani nwina bonklelele banhu a zinene hi wa akelwane wa yena; tsanzisani hi lamuliselo wa zinene ni kurula lomo tinyangweni ta nwina;
- 17 Nga a nga hi kona a wa nwina a hlebako a xikungo xa kubiha a vukela a wa akelwane naye; mu nga ranzi a xifungo xa mawunwa: hakuba ha zonkle lezi a zilo hi zilo nzi zi bengako, ku wula Jehova.
- 18 Ni mhaka ya ka Jehova wa mabandla yi lota a ka mina, yiku,
- 19 Zakungahi a wulako Jehova wa mabandla: a kuyila ka hweti ya wumune, ni kuyila ka hweti ya wunklanu, ni kuyila ka wunklanu ni kumbiri, ni kuyila ka wukume, ku ta kuba a ka yindlu ya ka Juda a buma ni litsako, ni mibuzo ya migiyo; hikwalaho ranzani a zinene ni kurula.
- 20 Zakungahi a wulako Jehova wa mabandla: na kona ka ha ta kuba na ku mahisile lezo, laho ku tata a banhu, a banhu ba akeleko a miti yinyingi;
- 21 Ni baakileko ba muti muzwe ba ta kuya ka muzwani, baku, Nga hiya hi kuhaklisilweko hi ya koxela a tomo ga ka Jehova, ni kuhlota Jehova wa mabandla: nzi ta fambawu na mina.
- 22 Ina, a banhu banyingi ni mifumo ya ntamo yi ta a ku hlota Jehova wa mabandla lomo Jerusalema, ni kuta koxela a tomo ga ka Jehova.
- 23 Zakungahi a wulako Jehova wa mabandla: a ka lawo a masiku ku ta ku mahisile lezo, ni kume ga banhu ba ta koma, ba huma hi ka tonkle a tirimi ta mifumo bona ba ta koma a nzungo wa yena loye a na nga mu Juda, baku, Hina hi ta famba zinwe na wena, hakuba hina hi zwile lezaku a Nungungulu i zinwe na nwina.

XIPIMO 9.

- 1 A nzwalo wa mhaka ya ka Jehova hehla ka tiko ga ka Hadrake, ni tiko ga le Damaskusi gi ta kuba a wutsamo ga kuhumula ka wona (hakuba a mahlo ya munhu ni ya tixaka tonkle ta ka Israeli ma komamile a ka Jehova);
- 2 Na Hamate, kambe, lego wu na nga a mbingano wa kona; Tire ni Sidoni, hakuba bona ba tibako nguvu.
- 3 Tire i akele a wutsumbu ga yena a kokola ga ntamo, a bingeretela a siliva kwatsi i tsuri, ni nzalama yi hlutekileko kwatsi marope ya laha pangweni.
- 4 Languta, a Hosi yi ta hangalasa yena, na yena i ta lamata a ntamo wa yena lomo bimbiini; gona gi ta kadamulwa hi nzilo.
- 5 Axxeloni i ta wona kona, ni ku caba; Gaza kambe, gi ta tsingelwa hi kubayisa: ni Ekroni, hakuba a xubelelo wa yena wu ta wiswa a tingana; ni hosi yi ta mbemba hi le Gaza, ni Axxeloni gi nga ta ha akiwa.
- 6 Ni bawutli ba ta aka le Axdode, nzi ta tsema a matsauza ya ma Filisti.
- 7 Nzi ta susa a nkata wa yena lomo nonwini wa yena, ni manyalataniso ya yena hi xikari ka meno ya yena; na yena i ta kuba a misalela ya Nungungulu wa hina; na yena i ta kuba kwatsi a hosuna wa ka Juda, na Ekroni kwatsi mu Jebusi.
- 8 Nzi ta goba nzi ranzela a yindlu ya mina nzi vukela a impi, lezaku a nga a ta nga hunza a tsemakanya kutani ku klela; hambu a mutsimbeketi a nga ta hunza a tsemakanya bona kambe: hakuba makunu nzi wonile hi mahlo ya mina.
- 9 Tsakani hi kukulisilweko, O nhanyana wa le Zioni; kanyuluka, O nhanyana wa le Jerusalema: langu-ta, a hosi ya yena yi tako a ka wena; yena i longamile, i na ni kuhanyisa, a koramekileko, a kileleko roleni ga mbongola, gona rongana ga vinyani ga mbongola ya nkati.
- 10 Nzi ta tsema a kareta ya le Efraime, ni haxi le Jerusalema, ni wura ga impi gi tsewa; yena i ta wulawula a kurula a ka mifumo: ni mufumo wa yena wu ta suka bimbini kala bimbini, kusukela le Congweni ku kala magumelo ya misaba.
- 11 Na kwatsi ha wena kambe, hakuba hi nkata wa xivumelwano xa wena

nzi klaklisile a wuperesu ga wena le rinzini lego gi nga hiko na mati.

- 12 Klelani nwina le kokoleni, nwina ti-peresu ta kutsumba: kona nyamukla nzi ta pfemula a zikarato hehla ka wena.
- 13 Hakuba nzi ti obele Juda a ka mina, nzi tatisile a wuri hi Efraime; nzi ta vuxa a barisanyana ba wena, O Zioni, ba vukela barisanyana ba wena, O Greki, nzi ta maha wena kwatsi i supado ya wanuna wa nhenha.
- 14 Na Jehova i ta woniwa hehla ka bona; ni tigelala ta kona ti ta huma kwatsi xingwalangwanza; ni Hosi Jehova i ta petsa a paratana, i ta famba ni xuhuhuri xa mheho ya dzonga.
- 15 Jehova wa mabandla i ta vikela bona; na bona ba ta kadamula, ba ta kanziyela lahasi a ma ribye ya kunziwitela; na ba ta kunwa, ni ku maha a guwa kwatsi ba nwile waini; na bona ba ta tatiswa kufanana ni migelo, kwatsi i mbara ya alati.
- 16 Na Jehova a Nungungulu wabye i ta hanyisa bona a sikwini lego ga makamaka ya banhu ba yena; hakuba bona ba ta ku kwatsi maribye ya xidlodlo, ma klakusilwe le hlela ka tiko ya yena.
- 17 Hakuba ku kulisile ku yini a kusasa ka yena, gi kulisile a ku yini a wumburi ga yena! a mabele ma ta maha a majaha a ku bombiswa, na a waini a mibulwa.

XIPIMO 10.

- 1 Wutisani nwina a ka Jehova a vula hi xikatini xa vula ya kugumesa, na yena Jehova loye a mahako a xingwalangwanza; na yena i ta nyika bona a marefu ya vula, a ka bonklelele ni byanyi lomo kwatini.
- 2 Hakuba a vule gi wulawula mahala, ba hlohloteli ba wonile mawunwa; na bona ba byelile a miloro ya mawunwa, ba tangalisa hi mahala: hikkwalaho ba famba a ndlela ya bona kwatsi tiyivu, ba hlokisilwe, hakuba laho a ku kona a murisi.
- 3 A zanga ya mina gi vunjukele yi vukela barisi, nzi ta tsayisa a mihongo; hakuba Jehova wa mabandla i enzele a klambi wa yena, a yindlu ya ka Juda, i ta maha bona kwatsi hi haxi ga yena gatsi lomo impini.
- 4 Hakuba hi ka yena ku ta huma a ribye ga magumo, hi le ka yena a

ZAKARIA, 11.

- koko, hi le ka yena a wura ga impi, ki le ka yena bonklelele a ba fumeli katiginwe.
- 5 Na bona ba ta ku kwatsi hi ba bannuna ba tinhenha, ba kanziyelako lahasi a balala babye lomo maropeni ya mapango lomo impini; na bona ba ta kulwa, hakuba Jehova a na nga zinwe na bona; ni bakileli lomo mahaxini ba ta kanganyiswa.
- 6 Na mina nzi ta tiyiseta a yindlu ya ka Juda, nzi ta hanyisa a yindlu ya ka Josefa, nzi ta klelisa bona: hakuba nzi na nga ni titalo hehla ka bona; na bona ba to kwatsi hi lezi nzi nga hoxangiko bona: hakuba mina Jehova a Nungungulu wabye, nzi ta kuzwa bona.
- 7 Na bona ba ka Efraime ba ta ku kwatsi banhu ba tinhenha, ni mbilu ya Efraime yi tsaka kwatsi munhu a xurileko hi waini; ina, a bannana babye ba ta wona kona, ni ku tsaka; ni mbilu yabye yi ta tsaka hi ka Jehova.
- 8 Nzi ta ba xeluzela, nzi wuya nzi ba tsombanyisa: hakuba nzi klatlisile bona; na bona ba ta enzeleka kwatsi hilezi ba enzelekileko.
- 9 Nzi ta xwanya bona a xikari ka banhu; na bona ba ta alakanya mina lomo matikweni; bona ba ta tsama ni banana babye, ba wuya.
- 10 Nzi ta humesa bona kambe le tikweni ga le Gipite, nzi ta tsombanyisa bona ba huma le Asiria; nzi ta neha bona lomo ka le Gileade ni Lebanoni; ni wutsamo gi nga ta kumiwa ha bona.
- 11 Na yena i ta hunza a tsemakanya a bimbi ga hlokiselele, i ta lamata a mabyandlati ya bimbi, kueta konkle ka Nalle ku ta kufra; ni mitsanza ya le Asiria ma ta nehwa lahasi, ni nhonga ya wukosi ya le Gipite yi ta suka.
- 12 Na mina nzi ta tiyisa bona a ka Jehova; bona ba ta famba le hehla ni lahasi a bitweni ga yena, ku wula Jehova.
- 3 A gezu ga kurila ka barisi! hakuba a wukosi gabye gi lobisilwe; gezu ga dzuma ka tingala tiawal hakuba a matsanza ya Jordani ma hahlulwe.
- 4 Zakungahi a wulako Jehova a Nungungulu wa mina: Gisa a klambi wa klabyiselelo.
- 5 A benyi ba tona ba ti klabi, ba koma a wutsumbu gabye na ba hi na nanzu; na bona labo ba xabisako tona ba wula, A katekiswe Jehova, hakuba mina nzi fumile; ni barisi ba bona benyi a ba hawukeli.
- 6 Hakuba mina nzi nga ta engeta kambe nzi hawukela a baakileko ba tiko, ku wula Jehova; kanilezi, mangabye, nzi ta nyikela banhu bonklelele a canjeni ga muakelwane wa yena, ni canjeni ga hosi ya yena; na bona ba ta hlasela a tiko, a canjeni gabye mina nzi nga ta klatlisa bona.
- 7 Zingaho mina nzi gisa a klambi wa klabyiselelo, hakunene a klambi wu nga nyawuliko. Na nzi tekela a ka mina a zigomba zimbiri; a zinwe nzi culile Mbumburi, ni zinwani Makotso; nzi lo gisa a klambi.
- 8 Nzi lo tsema a barisi banharu hi hweti zinwe; hakuba a muhefemulo wa mina wu wa karele ha bona, ni muhefemulo wabye wu lo tsanze ka ha mina.
- 9 Zonake ku wula mina, Nzi nga ta gisa nwina: lexo xi fako nga na xifa; ni lexo xi ta nga tsenwa nga na xi tsemiwa; nga na bona labo ba seleko bonklelele бага bonklelele a nyama ya muzwani.
- 10 Nzi lo teka a xigomba xa Wumburu, nzi lo tsema xona xi pulakanyeka, kasi nza fela a ku tsoba a xivumelwano xa mina lexo nzi mahileko ni banhu bonkle.
- 11 Na xona xi wa tsobekile a ka lego siku; zingahi labo ba nga nyawuliko ba klambi labo ba nga wa celilekoti hi ka mina ba lo zi tiba lezaku kona ku wa hi mhaka ya ka Jehova.
- 12 Na mina nzi te ngalo a ka bona, Loku nwina mu alakanya a kusasa, nyikani mina a kurihwa ka mina; loku zi nge ngaho, tsikani, zingaho bona ba ringanisa a kurihwa ka mina makume manharu a zipanze za siliva.
- 13 Na Jehova i te ngalo ka mina, Hoxa kona lomo mbiteni, a tsengo wu nene

XIPIMO 11.

- 1 Vulula tibati, O Lebanoni, kasi a nzilo wu fela a ku kadamula a tisedare ta wena.
- 2 Rilani, sinyi ya kuwu, hakuba a sedare yi wile, hakuba leto to saseka ti lobysilwe: rilani, O tloake ta le Baxani, hakuba a kwati ga ntamo gi reletilwe lahasi.
- 13 Na Jehova i te ngalo ka mina, Hoxa kona lomo mbiteni, a tsengo wu nene

ZAKARIA, 12.

- lowo nzi nga wa wu kumle ha bona. Na mina nzi lo teka a makume manharu ya zipanze za siliva, ni ku hoxa zona lomo mbiteni, lomo ndlwi-ni ya ka Jehova.
- 14 Zonake nzi lo tsema xi pulakanyeka a xigomba xa mina xinwani, xona Makotso, kasi nza tsoba a wumaka-bye xikari ka Juda na Israeli.
- 15 Na Jehova i te ngalo ka mina, Teka a ka wena kambe a maklari ya murisi wa xipumbu.
- 16 Hakuba, mangabye, nzi ta vuxa a murisi lomo tikweni, loye a ta nga kala a nga enzeli labo ba tsenwileko, ge ni ku hlota labo ba fenemetekileko, ge ni ku cuma lexo xi tsobekileko, ge ni ku gisa lexo xa wutomi; kanilezi yena i ta kuga a nyama ya tiyivu ti nonileko, i ta pfemula a masonzo ya zona a fufanyi.
- 17 Kombo a ka murisi a nga nyawuliko loye a tsikako a klambi! a supado yi ta kuba hehla ka woko ga yena, ni le hehla ka tihlo ga yena ga xinene: ni woko ga yena gi ta su oma gi ku kwanzu, ni tihlo ga yena ga xinene gi ta su pfiti hi munyama.

XIPIMO 12.

- 1 Anzwalo wa mhaka ya ka Jehova hi xungetano zinwe na Israeli.
Zakungahi a wulako Jehova, loye a nawulutileko a matilo, a bekileko a xiseketelo xa misaba, a bangileko a moya wa munhu lomo nzeni ka yena:
- 2 Languta, nzi ta maha a Jerusalema a kopo ya dedereka a ka bonkle a banhu labo ba hunzako ba renzeleka gona, ni hehla ka Juda kona ku ta kuba nzeni ka kuvimbezelwa ba vukela a Jerusalema.
- 3 Na ku ta mahisile lezo a ka lego siku, lezaku nzi ta maha Jerusalema a ribye ga nzwalo a ka bonkle banhu; ni labo ba ta nga kuba ni nzwalo zinwe nago ba ta tsingelwa a wutsumbu gabye hi timbanga; ni yonkle a mifumo ya misaba yi ta tsombana a wutsumbu ga yona yi vukela gona.
- 4 A ka lego siku, ku wula Jehova, nzi ta lamata wonkle a mahaxi hi kutsisa, ni mukileli wa gona hi liblanyi; nzi ta vulula a mahlo ya mina hehla ka yindlu ya ka Juda, nzi ta lamata wonklelele mahaxi ya banhu hi wukumu.
- 5 Ni mikuhu ya ka Juda yi ta wula a timbilwini ta yona, A baakileko ba Jerusalema ha hi ntamo wa mina a ka Jehova wa mabandla a Nungungulu wabye.
- 6 A ka lego siku nzi ta maha thosana ta ka Juda kufanana ni hati ga nzilo xikari ka tihunyi, kwatsi xihlahle xi vurako xikari ka milumbi; na bona ba ta kadamula bonkle banhu ba ba ranzeleko, laba ba na nga ka ga xinene canja ni ka ga xibaba; na bona a ba Jerusalema ba ta engeta a ku tsama a wutsanweni gabye, kona le Jerusalema.
- 7 Jehova kambe i ta hanyisa a tenta ga ka Juda kuranga, kasi a wukosi ga yindlu ya ka Davida ni wukosi ga baakileko ba le Jerusalema ba nga ti kukumukisi a ka Juda.
- 8 A ka lego siku Jehova i ta vikela a baalileko ba le Jerusalema; ni loye a mbelileko a ntamo a ka lego siku i ta ku kwatsi hi Davida; a yindlu ya Davida yi ta ku kwatsi hi Nungungulu, kwatsi i ngelosi ka Jehova mahlweni ka bona.
- 9 Na ku ta mahisile a ka lego siku, nzi ta hlota a kulobisa yonkle a mifumo leyo yi hlotako a ku lobisa a Jerusalema.
- 10 Na nzi ta cela hehla ka yindlu ya ka Davida, ni le hehla ka baakileko ba le Jerusalema, a moya wa wuxinji ni wa mikongelelo; na bona ba ta cuwuka a ka mina loye bona ba mu klabileko; na bona ba ta rilela yena, kwatsi hi munwe a rilelako yena a nisanyana wa yena yece, i ba ta kuba babiselelweni ha yena, kwatsi hi munwe loye a na babiselelweni hi matewula ya yena.
- 11 A ka lego siku ku ta kuba kona a xirilo xa hombe lomo Jerusalema, kwatsi hi xirilo xa Hadadrimmoni lomo mokobeni ya Megiddoni.
- 12 Ni tiko gi ta rila, yonklelele a mingango hi klelo; a ngango wa yindlu ya ka Davida hi klelo, ni basati babye hi klelo; ni ngango wa yindlu ka Natani hi klelo ni basati babye hi klelo;
- 13 Ni ngango wa yindlu ya ka Levi hi klelo, ni basati babye hi klelo; ni ngango wa yindlu ya ka Ximel hi klelo, ni basati babye hi klelo;
- 14 Yonkle a mingango leyo yi seleko, yonklelele a mingango hi klelo, ni basati babye hi klelo.

XIPIMO 13.

- 1 A ka lego siku ku ta kuba kona a hlowo yi ta nga vululwa a ka yindlu ya ka Davida ni ka baakileko ba le Jerusalema, ya kuonha ni ku nga hlazeki.
- 2 Na ku ta mahisile lezo a ka lego siku, ku wula Jehova wa mabandla, lezaku nzi ta tsema a bito ga zifamaniso lomo tikweni, zona zi nga ta ha alakanyiwa kambe; kambe nzi ta maha a muprofeti ni moya wa ku nga hlazeki wu suka lomo tikweni.
- 3 Na ku ta mahisile lezo, laha loku a ba loye a ta nga profeta, zonake a dadani wa yena ni mamani wa yena loye a treleko yena i ta wula a ka yena, Wena u nga ta hanya; hakuba wena u wulawula a mawunwa lomo bitweni ga ka Jehova; a dadani wa yena ni mamani wa yena ba ta mu klabba ba pondlisa a kuprofeteni ka yena.
- 4 Ni ku ta mahisile lezo a ka lego siku, lezaku a baprofeti ba ta kuba ni tingana bonklelele hi miwoniso yabye, laha yena a profetako; ge bona ba nga ta ambala a nguwo ya madzowo a kukohlisa:
- 5 Kanilezi yena i ta ku ngalo, Mina a nzi muprofeti, mina nzi murimi wa misaba; hakuba nzi mahilwe a kumbi kusukela wusweni ga mina.
- 6 Ni munwe i ta wula a ka yena, Timbanga ta ku yini leti xikari ka mawoko wa wena ke? Zonake yena i ta hlamlula, Leti nzi balesilwe lomo ndlwini ya maxaka ya mina.
- 7 Vuka, O supado, u vukela a murisi wa mina, u vukela a munhu wa ka hina, ku wula Jehova wa mabandla; lamata a murisi, ni tiyivu ti ta hangalaka; nzi ta hunzulusa a canja ga mina ka ba tsongwani.
- 8 Na ku ta mahisile lezo, lezaku a ka gonkle a tiko, ku wula Jehova, ni maklelo mambiri ya kona ma ta tsemiwa ma ta kufa; kanilezi a ga wunharu gi ta siyiwa.
- 9 Kanilezi nzi ta engenisa a klelo ga wunharu lomo nzilweni, nzi ta hluta bona kwatsi i siliva gi nyekisilweko, nzi ta nyikisa bona kwatsi i nzalama yi ringilweko. Na bona ba ta bitana a bitweni ga mina, nzi tazwa bona: nzi ta wula, Bona ba hi banhu ba mina; na bona ba ta wula, Jehova i hi a Nungungulu wa hina.

XIPIMO 14.

- 1 Languta, a siku ga ka Jehova ga ta, laho a mupango wa nwina wu ta nga a abelwa a xikari ka wena.
- 2 Hakuba nzi ta tsombanyisa yonkle a mifumo a vukela a Jerusalema a kulwa; ni mupango wu ta tekiwa, ni tindlu ti ta fofololwa, ni ba basati ba ta gotselwa; ni kihlanya ga muti gi ta famba le kukonweni, ni misalela ya banhu yi nga ta tsemiwa lomo mutini.
- 3 Zonake Jehova i ta huma, i talwa a vukela leyo a mifumo, kwatsi hi loku a lolwa lomo sikweni ga kulwa.
- 4 Ni mikonzo ya yena yi ta yima a ka lego siku lomo xitsungeni ka Olivia, lexo xi na nga mahlweni ka Jerusalema hi mutsuwukagambo; ni ka xitsunga xa ma Olivia ku ta kuba kona klotlolo a xikari ka xona hi ngomama ni mutsuwukagambo ni ngomama ni muhlwagambo, ni laho ku ta kuba kona a mikoba ya hombe; ni kihlanya ga xitsunga gi ta famba gi komama nwalungu, ni kihlanya gi ta komama dzongenl.
- 5 Na nwina mu ta tsutsuma hi mikoba ya zitsunga za mina; hakuba mikoba ya zitsunga yi ta ciketela le Azeli; ina, na nwina mu ta tsutsuma, kufanana loku nwina mu tsutsuma hi mahlweni ka kutsekatseka ka misaba a masikwini ya Uzzia a hosi ya ka Juda; na Jehova a Nungungulu wa mina i ta kuta, ni bonkle a ba kubasa zinwe na wena.
- 6 Na ku ta mahisile lezo a ka lego siku, lezaku laho ku nga ta kuba kona a kuwonekela; laba ba kuwonekela ba ta kaketa a wutsumbu ga kona:
- 7 Kanilezi ku ta kuba a siku ginwe lego gi tibiywako a ka Jehova; ge siku, ge ni wusiku; kanilezi ku ta mahisile lezo, lezaku hi xikati xa laha gambyeni laho ku ta kuba kona a kuwonekela.
- 8 Na ku ta mahisile lezo a ka lego siku, lezaku a mati ya wutomi ma ta huma hi le Jerusalema; ni kihlanya ga wona ma kokoma a bimbini ga mutsuwukagambo, ni kihlanya ga wona ma komama a bimbini ga muhlwagambo: a ximunwini ni wuxikenl wona ma ta kuba kona.
- 9 Na Jehova i ta kuba a Hosi hehla ka yonkle a misaba: a ka lego siku

MALAKI, 1.

- Jehova i ta kuba munwe, ni bito ga yena ginwe.
- 10 Gonkile a tiko gi ta mahiwa kwatsi i Araba, kusukela Geba kala le Rimmoni a dzongeni ka Jerusalema; na gona gi ta klakusiwa, i ta aka lomo wutsanweni ga yena kusukela le nyangweni ya Benjamini ku kala le nyangweni ya kuranga, kuya le nyangweni ya magumo, kusukela le ligingisini la Hananeli ku kala le xivumelweni xa waini ga hosi.
- 11 Ni banhu ba ta aka kona, ni laho ku nga ta ha kuba kona kambe a nzukano; kanilezi a Jerusalema gi ta akiwa na kulele.
- 12 Ni lowu wu ta kuba a nzhere lowu Jehova a ta nga lamata ha wona bonkle a banhu labo ba lwako ba vukela a Jerusalema: a nyama yabye yi ta mbeteka laha na bona na ba ha yimile mikonzweni yabye, ni mahlo yabye ma ta tratrara lomo tisiyini ta wona, ni tirimi tabye ti kanyana lomo kanwini kabye.
- 13 Na ku ta mahisile lezo a ka lego siku, lezaku a pfilupfilu ya hombe hi le ka Jehova yi ta kuba a xikari ka bona; na bona ba ta koma bonklelele a canja ga wa akelwane wa yena, ni canja ga yena gi ta suka gi vukelwa a wa akelwane wa yena.
- 14 Na Juda kambe i ta kulwa le Jerusalema, ni mipfuno ya yonkle a mifumo yi ranzeleko yi ta tsombanyiswa a katiginwe, a nzalama, ni siliva, ni mapareli, ya talisiso wa hombe.
- 15 Zi ta ku ba ngaho a nzhere wa haxi, ni wa esela, ni wa kameli, wa mbongola, ni zonkle a zihari lezo zi ta nga kuba a ka lego a wugobelo, kwatsi hi lowo a nzhere.
- 16 Na ku ta mahisile lezo, bonklelele labo ba ta sinywa ba mifumo leyo yi tako a ku ta vukela a Jerusalema ba kanziya hi malembe ni malembe a kuya kozela a Hosi, Jehova wa mabandla, ni ku hlayisa a mibuzo ya matabernakele.
- 17 Na kona ku ta kuba lezo, ka wihi wa yonkle a mingango ya misaba a nga yiko le Jerusalema a kuya kozela a Hosi, Jehova wa mabandla, hehla ka bona laho ku nga ta kuba na vula.
- 18 Ni loku a ngango wa le Gipite wu nga kanziyi, wu ngati, ge ku nga ta kuba hehla ka bona; ni laho ku ta kuba kona a nzhere lowo ha wona Jehova a ta lamata a mifumo leyo yi nga kanziyiko a kuya hlayisa a mubuzo wa matabernakele.
- 19 Loku ku ta kuba a kutsayisiwa ka ba le Gipite, ni tsayiselelo wa yonkle a mifumo leyo yi nga kanziyiko a kuya hlayisa a mubuzo wa tabernakele.
- 20 A ka lego siku ku ta kuba kona hehla ka banyangenda ya mahari, a KUBASA KA JEHOVA; ni timbita lomo ndlwini ya ka Jehova ti ta fanana ni mingelo mahlweni ka alati.
- 21 Ina, tonklelele a timbita lomu Jerusalema ni lomu Juda ti ta kuba ti basile a ka Jehova wa mabandla; ni bonkle labo ba pahlelako ba ta kuta ba teka tona, ni kubika ha tona: a ka lego siku ku nga ha ta kuba kona a mu Kenani lomo ndlwini ya ka Jehova, wa mabandla.

A BUKU GA MALAKI.

XIPIMO 1.

- 1 A nzwalo wa mhaka ya ka Jehova a ka Israeli ha Malaki.
- 2 Nzi ranzile nwina, ku wula Jehova. Kasike nwina mu ngalo, Hikwihi laho wena u hi ranzileko ha kona ke? Kasi Esau a makabye wa Jakobe ke?
- ku wula Jehova: kasike nzi wa ranzile Jakobe;
- 3 Kanilezi Esau nzi lo mu benga, nzi mahile a zitsunga za yena a marumbi nzi lo nyika a tsomba ya yena a ka mahlolwa ya kwati.
- 4 Kwatsihlaho Edome a wulako ha

kona, Hina hi hlulilwe lahasi, kani-
lezi hi ta klela hi ya akisa a wutsa-
mo ga marumbi; zakungahi a wula-
ko Jehova wa mabandla, Bona ba ta
aka, kanilezi nzi ta hoxa lahasi; ni
banhu ba ta bitana bona A mbinga-
no wa kubihisisa, ni, A banhu labo
Jehova a vunjukile a zanga kala
kupinzuka.

5 Ni mahlo ya nwina ma ta wona, na
nwina mu ta wula, Jehova a kuku-
mukisiwe a klatuko wa bingano wa
ka Israeli.

6 A nisanyana wa dzunza a dadani
wa yena, ni nanza a nwinyi wa go-
na; loku zonake mina nzi wa dada-
ni-wa-muni, hi kwihi a kudzunzwa
ka mina ke? loku mina nzi wa nwi-
nyi, hi kwihi kucabya ka mina ke?
ku wula Jehova wa mabandla a ka
nwina, O bapristi labo ba hanahani-
sako a bito ga mina, na nwina muku,
Hi kwihi laho hina hi hanahanisako
a bito ga wena ke?

7 Nwina mu nyikela zibaba zi nyenye-
zileko hehla ka alati ga mina. Na
nwina ma wula, Hikwihi laha hina
hi nyenyezisileko wena ke? a ka lezo
nwina mu wulako, A meza ya ka Je-
hova ya swira.

8 Laha na nwina mu nyikela a wuku-
mu ga mupahlelo, kona a hi kubihal
laha na nwina na munyikela a la-
mala ni zi babyako, kona a hi kubihal
Nyikelani kona makunu a ka mufu-
meli wa nwina; na yena i ta xalali-
swa ka wena ke? kutani yena i ta
celakota hi dzumba ga wena ke? ku
wula Jehova wa mabandla.

9 Ni makunu, nza kombela nwina,
koxani a tomo ga ka Nungungulu,
kasi yena wa fela a kuba ni wuxinji
a ka hina: lezi ha kona hi zimaho za
nwina: kasi yena i ta amukela gi hi
ga madzumba ya nwina ke? ku wu-
la Jehova wa mabandla.

10 O lezaku laho ku kwatsi ku wa ta
nga ku hi kona a wa nwina loye a
nga valako a tibati, kasi nwina mu
nga dzibeli a nzilo lomo alatin ga
mina mahala! a nzi na ku xalala hi
ka nwina, ku wula Jehova wa maba-
ndla, ge nzi nga ta amukela munyi-
kelo le canjeni ga nwina.

11 Hakuba kusukela le ku tsuwukeni
ka gambo ku kala le kupileni ka ga-
mbo a bito ga mina gi ta kuba ga
hombe a xikari ka Bamatiko, ni ka
gonktelele a wutsamo a libani li ta

hiswa a bitweni ga mina, ni munyi-
kelo wa basileko: hakuba a bito ga
mina a gi ta kuba ga hombe xikari
ka Bamatiko, ku wula Jehova wa
mabandla.

12 Kanilezi nwina mu hanahanisa gona,
a ka lezo nwina mu wulako, A meza
ya ka Jehova yi nyenyezile, ni miha-
nzo ya kona, kona kuga ka yona ku
swirile.

13 Na nwina ma wula kambe, Languta,
i karatelo wa yini wa yona kambel
ni ku kufemba ha yona, ku wula Je-
hova wa mabandla; na nwina mu
nehile lezo zi nga wa tekilwe hi ku-
wukla, ni zilema, ni za kubabya; lezi
nwina mu zi neha a mupahlelo: kasi
nzi nga ta amukela lexi a canjeni ga
nwina ke? ku wula Jehova.

14 Kanilezi a nzukano a ka mukohlisi,
loye a na nga nayo a klambini wa
yena a matsune, na a fungile, ni ku
pahlela a ka Jehova a zilo za mabala;
hakuba mina nzi Hosi ya hombe, ku
wula Jehova wa mabandla, ni bito
ga mina ga cabeka a xikari ka Ba-
matiko.

XIPIMO 2.

1 Ni makunu, O nwina bapristi, lo-
wu a nawo wu hi wa nwina.

2 Loku nwina mu nga ta kuzwa, loku
nwina mu nga ta beki wona lomo
mbilwini, a ku nyika a wukosi a ka
bito ga mina ntsena, ku wula Jehova
wa mabandla, zonake nzi ta rumela
a nzhukano hehla ka nwina, nzi ta
rukatela a zikatekiso za nwina; ina,
nzi rukatele zona futsi, hakuba nwi-
na a mu bekangi kona lomo mbilwi-
ni ya nwina.

3 Languta, nzi ta kawuka a mbewu ya
nwina, nzi ta hangalasa a koho ma-
hlweni ka mibuzo ya nwina; na
nwina mu ta tekiwa ha wona.

4 Na nwina mu ta zitiba lezaku nzi
rumele loku a kulaya a ka nwina,
kasi a xivumelwano xa mina xi ta
kuba zinwe na Levi, ku wula Jehova
wa mabandla.

5 A xivumelwano xa mina xi wa hi
zinwe na yena a xa wutomi ni kuru-
la; nzi lo nyika bona a ka yena kasi
yena wa nga fela a kucaba; i lo caba
mina, i lo yima hi xicabyo a bitwe-
ni ga mina.

6 Ni nawo wa zinene wu wa hi lomo
nonwini wa yena, ni kungalulamisisi
ku wa nga kunwangi lomo milonwi-

ni ya yena: i lo famba zinwe na mina kuruleni ni kulongameni, i lo klela a tinyingi le kubiheni.

- 7 Hakuba a milomu ya bapristi yi nga ta hlayisa a tibisiselo, na bona ba nga ta hlota a nawo le nonwini wa yena; hakuba yena hi tsukano wa Jehova wa mabandla.
- 8 Kanilezi nwina mu hambukile a ndleleni; mu mahile a banyingi a ku retemuka naweni; mu botile a xivumelwano xa ka Levi, ku wula Jehova wa mabandla.
- 9 Hikwalaho minawu kambe nzi mahile a xiswiro ni tsako mahlweni ka banhu bonkle, kukotisa hi ka lezo nwina a mu hlayisangi a tindlela ta mina, kanilezi mu hi ni ku hlawula a munhu lomo naweni.
- 10 Hina bonkle a hi na dadani mu-nwe ke? kasi a Nungungulu munwe a nga bangangi hina ke? hiyini hi mahako hi kuhlebyisilweko bonklelele banhu a ku vukela a makabye wa yena hi nyenyezisako a xivumelwano xa dadani wa hina ke?
- 11 Juda i mahile hi kuhlebyisilweko, ni manyalataniso ma mahilwe lomo Israeli ni lomo Jerusalema; hakuba Juda i nyenyezisile a basiselo wa ka Jehova loye a mu ranzako, i cadile ni nhanyana wa ba nungungulu wa matiko.
- 12 Jehova i ta tsema a ka munhu loye a mahako lexi, a ka yena loye a vukileko ni ka yena loye a hlambanyako, le handle ka tenta ga Jakobe, ni ka yena loye a nyikelako a munyikelo a ka Jehova wa mabandla.
- 13 Ni lexi kambe nwina ma maha: mu fenengeta a alati ga ka Jehova hi mihloti, ni kurila, ni kutsikwila, a kalezo yena a nga ha katali minyike-lo kambe, ge ni ku amukela kona hi kuranza kunene a canjeni ga nwina.
- 14 Kasike nwina mu ngulo, Ngahilezo ke? Hakuba Jehova a nga si na a hi mboni xikari ka nwina ni ka wasati wa wuswa ga wena, a kuvukela wi-hi wena u mahileko hi kuhlebyisilweko, hambulezo yena a na nga mungana wa wena, ni wasati wa xivumelwano xa wena.
- 15 Na yena kasi a nga mahangi a mu-nwe, hambulezoke yena a na nga ni salela wa Moya ke? Na ngahilezo munwe ke? Yena i hlota a mbewu ya wunungungulu, Hikwalaho teka a kukatala a ka moya wa wena,

nga a nga hi kona a mahako hi kuhlebyisilweko a ka wasati wa wuswa ga wena.

- 16 Hakuba nza benga a ku mu hlongola, ku wula Jehova, a Nungungulu wa ka Israeli, na yena loye a fene-ngetako a nguwo ya yena hi kupan-ga, ku wula Jehova wa mabandla: hikwalaho katala a ka moya wa wena, lezaku wena u nga mahi hi kuhlebyisilweko.
- 17 Nwina mu rerile Jehova hi timbaka ta nwina, Kasike nwina ma wula, Hikwihi laho hina hi rerileko yena ke? a ka lezo nwina mu wulako, Bonklelele labo ba mahako a kubiba ba sasekile kuwoneni ka Jehova, na yena wa xalaliwa a ka bona; kutani hiwihi a Nungungulu wa no-ngametiso ke?

XIPIMO 8.

- 1 Languta nzi ruma a tsumi wa mina, na yena i ta longisela a ndlela a mahlweni ka mina; ni Hosi, loye nwina mu mu hlotako, yona hi kutsuke-tisilweko yi tata lomo tempeleni ya yona; ni tsumi wa xivumelwano, lowo nwina mu wu xubako, languta, wona wata, ku wula Jehova wa mabandla.
- 2 Kanilezi himani a ta nga kota a ku rinzela a siku ga kuta ka yena ke? himani a ta nga yima loku yena a wonkeliswa ke? hakuba yena i kota nzilo wu nyekisako, kwatsi hi sabawu ya bahlazi.
- 3 Na yena i ta tsama kwatsi muhluteli ni mubasisi wa siliwa, na yena i ta basisa a banana ba Levi, a hlota bona kwatsi i nzalama ni siliwa; na bona ba ta nyikela a ka Jehova minyikelo hi kululamisisa.
- 4 Zonake a munyikelo wa ka Juda ni wa le Jerusalema wu ta kuba a xalaliso a ka Jehova, kwatsi ni masikwini ya kaleloko, ni le malembeni ya kaleloko.
- 5 Nzi ta tsincla a kusubani a ka nwina a kulamula; na mina nzi ta kuba a kustumunyu a haklisako a kuvukela a zitumbe, ni kuvukela a barembi, ni ku vukela a bahlambanyi, ni kuvukela labo ba tsimbeketako a batiri le kurihweni, a tinoni, ni bana ba zisiwana, ni labo ba hambukisako a tinzhubeti a fanelweni yabye, ba nga cabi mina, ku wula Jehova wa mabandla.

MALAKI, 4.

- 6 Hakuba mina, a Hosi, a nzi hunzulusa; hilezi wina, barisanyana ba Jakobe, mu nga mbetiswa.
- 7 Kusukela a masikwini ya badadani ba nwina mu hambukile zixaxametelweni za mina, a mu hlayisangi zona. Klelani a ka mina, na minawu nzi ta klela a ka nwina, ku wula Jehova wa mabandla. Kanilezi nwina ma wula, Hikwihi laho hina hi ta nga klela ha kona ke?
- 8 Kasi a munhu i ta wuklela a Nungungulu ke? kasike nwina mu wuklela mina, Kanilezi nwina ma wula, Hikwihi laha hina hi wukleleko wena ka kona ke? Hi ka mikume ni ka minyikelo.
- 9 Nwina mu rukatelwe hi nzhukano; hakuba nwina mu pangile mina, wona lowu wonke a mufumo.
- 10 Nehani nwina yonke a mikume lomo ndlwini ya kubeketelela, kasi laho ku fela kuba kona a kuga lomo ndlwini ya mina, ni mu hlola mina makunu hi ka lezi, a ku wula Jehova wa mabandla loku mina nzi nga ta vululeli nwina a mawoni ya le tilweni, nzi cululela nwina a zikatekiso kasi lezaku laho ku nga hi kona a nzawu ya ku kangatela zona.
- 11 Na mina nzi ta kawuka a mukadamuli hi kota ya nwina ntsena, na yena a nga ta lobisa a mihanzo ya masimu ya nwina; ge ni vina wa nwina xi nga ta klateleka hi mahlweni ka xi kati xa masimu, ku wula Jehova wa mabandla.
- 12 Ni yonke a mifumo yi ta bitana wena kuxalala; hakuba nwina mu ta kuba a tiko yo ku xalalisa, ku wula Jehova wa mabandla.
- 13 Ni timhaka ta nwina ti wa kari ti hi ntamo a ku vukela mina, ku wula Jehova. Kasike nwina mu ngalo, Zini lezi hi wulawulileko a ku vukela wena ke?
- 14 Mu wulile, Kona a ku nyawuli a ku kozela a Nungungulu; ku ta binzula yini kona loku hina hi hlayisa a kulayela ka yena, lezaku hina hi fambile hi kuhlomulisilweko mahlweni ka Jehova wa mabandla ke?
- 15 Ni makunu hi bitana a wa matsanza ma kuxalala; ina, bona labo ba mahako a kubihisisa ba kulusiwe; ina, ba ringa Nungungulu, ni ba pona.
- 16 Zonake bona labo ba cabako Jehova balo wulawula a munwe a ka munwani; na Jehova i zi zwile, i ingisile, ni buku ga kualakanya gi wa tsalilwe mahlweni ka yena, a ga bona labo ba wa cabako Jehova, ni labo ba alakanyako a bitweni ga yena.
- 17 Na bona ba ta kuba ba mina, ku wula Jehova wa mabandla, yona a tsomba ya mina nwinyi, a ka siku lego mina nzi malako; nzi ta nyenyetela bona, kwatsi hi munhu a nyenyetelako a nisanyana wa yena loye a kozelako yena.
- 18 Zonake nwina mu ta klela mu tiba a ku hambanyisa xikari ka a kululama ni a kubihisisa, xikari ka yena loye a kozelako a Nungungulu ni xikari ka yena loye a nga kozeliko yena.

XIPIMO 4.

- 1 Hakuba, languta, a siku gata, gona gi vura kwatsi i pingo; ni bonke a ba matsanza, ni bonke labo ba tirako a kubisisa ba ta retemuka; a siku lego gi tako gi hisako kwatsi a pingo, ku wula Jehova wa mabandla, lezaku gi ta siya bona hambu ni mutsu ge ni rabi.
- 2 Kanilezi ka nwina labo mu cabako a bito ga mina a gambo ga kululamisisa gi ta tsuwuka hi kuholisa a tipapeni ta gona; na nwina mu ta huma hi kukanakana kwatsi marolana ya klambi.
- 3 Na nwina mu ta kanziyela lahasi a bakubila; hakuba bona ba ta kuba a kuma lahasi ka zirenze za mikonzo ya nwina a ka lego siku nzi ta nga maha, ku wula Jehova wa mabandla.
- 4 Alakanyani nwina a nawo wa Mosi a nanza ga mina, lowu nzi leleteleko a ka yena le Horebe hi bonke ba ka Israeli, a zilayelo, ni zixaxametelo.
- 5 Languta, Nzi ta rumela nwina Elija a muprofeti hi mahlweni ka siku ga hombe ni gi cabekako ga ka Jehova na gi nga se kuta.
- 6 Yena i ta hunzula a timbilu ta badadani a ka banana, ni timbilu ta banana a ka badadani; nzi nga taku mina nzita nzi ta lamata a misaba hi nzukano.

ITESTAMENTA GISWA

GA

HOSI YA HINA JESU KRISTU

KOTA KU KLANGANASILWEKO HI XITSWA.

NEW YORK:
AMERICAN BIBLE SOCIETY,
INSTITUTED IN THE YEAR 1816.
1910.

[*Shoetsmoa Testament.*]

MABUKU YA ITESTAMENTA GISWA,

HI ZIPIMO ZA YONA

Paji.	Zipimo.	Paji.	Zipimo.
1 Mateu	28	467 I. Timote	6
74 Marku	16	476 II. Timote	4
119 Luka.....	24	482 Titusi	3
198 Johani	21	486 Filemone	1
256 Mitiro.....	28	488 Maheberu	13
333 Roma	16	512 Jamesi.....	5
365 I. Korinte	16	520 I. Petro	5
397 II. Korinte.....	13	530 II. Petro	3
418 Galatia	6	535 I. Johani	5
429 Efesusi.	6	544 II. Johani	1
441 Filipli.....	4	545 III. Johani	1
449 Kolosi.....	4	546 Jude	1
456 I. Tesalonika..	5	549 Kuvululwa.....	22
463 II. Tesalonika.....	3		

A IVANGELI HI KU SALA KA MATEU.

XIPIMO 1.

1 A buku ga xizukulwana xa Jesu Kristu, *nwana wa Davida, nwana wa Abrahamama.*

Luka 3. 23. xip. 22. 42. Joh. 7. 42. Mit. 2. 30. & 13. 23. Roma 1. 3. Gal. 3. 16.

2 Abrahamama i lo trala Isaka; Isaka i lo trala Jakobe; Jakobe i lo trala Juda ni bamakabye bakwe;

3 Juda i lo trala Parezi ni Zara ka Tamara; Parezi i lo trala Hesromi; Hesromi i lo trala Aramu;

4 Aramu i lo trala Aminadaba; Aminadaba i lo trala Nasoni; Nasoni i lo trala Salmoni;

5 Salmoni i lo trala Boazi ka Rahabi; Boazi i lo trala Obedi ka Ruti. Obedi i lo trala Jese;

6 Jese i lo trala Davida Hosi.

Davida i lo trala Solomoni ka ywaloyi a nga hi wasati wa Uria;

7 Solomoni i lo trala Rehoboama; Rehoboama i lo trala Abija; Abija i lo trala Asa;

8 Asa i lo trala Jehoxafati; Jehoxafati i lo trala Joramu; Joramu i lo trala Uzia;

9 Uzia i lo trala Jotamu; Jotamu i lo trala Ahazi; Ahazi i lo trala Hezekia;

10 Hezekia i lo trala Manasa; Manasa i lo trala Amoni; Amoni i lo trala Josia;

11 Josia i lo trala Jekonia ni bamakabye bakwe, xikatini ba konwiwa ba yiswa le Babuloni.

12 A nzako na ba konwilwe ba yiswa Babuloni, Jekonia i lo trala Salatieli; Salatieli i lo trala Zerubabeli;

13 Zerubabeli i lo trala Abiudi; Abiudi i lo trala Eliakimu; Eliakimu i lo trala Azori;

14 Azori i lo trala Sadoki; Sadoki i lo trala Akimu; Akimu i lo trala Eliudi;

15 Eliudi i lo trala Eleazari; Eleazari i lo trala Matani; Matani i lo trala Jakobe;

16 Jakobe i lo trala Josefa nuna wa Maria, hi ka yena ku lo tralwa Jesu, a bitwako Kristu.

17 Hizalezo zonkle zizukulwana zi sukako hi ka Abrahamama kala ku Davida hi kume ni mune wa zizukulwana; kusuka hi ka Davida

kuya kukonweni ka le Babuloni i kume ni mune wa zizukulwana; kusuka hi le kukonweni ka le Babuloni kala ku Kristu i kume ni mune wa zizukulwana.

- 18 Makunu kutralwa ka Jesu Kristu ku wa hi ka ku ngahi: Hi laha nyine wakwe Maria a nga wutilwe hi Josefa, hi mahlweni na ba nga se ku klangana katiginwe i lo wonwa na hi ni nyimba ya Moya wa ku Basa.

Luka 1. 27. & 1. 35.

- 19 Ni Josefa nuna wakwe, i wa hi munhu a lulamileko, i wa nga ranzi ku mu wisingana, i wa hi ni mbilu ya ku tsika xikundleni.

- 20 Kanilezi na ha alakanya lezi zilo, languta, a ngelosi ya Hosi yi woneka kakwe hi kulora, yiku, Josefa, wena nwana wa Davida, u nga cabi a ku mu teka ka wena Maria sati wa wena: hakuba nyimba leyi a nga nayo hi ya Moya wa ku Basa.

Luka 1. 35.

- 21 I ta trala nwanana; u ta mu cula bito gakwe ku hi JESU; hakuba hi yena loyi a ta nga hanyisa banhu ba yena kuonheni kabye.

Luka 1. 31. Mt. 4. 12. & 5. 31. & 13. 23, 38.

- 22 Makunu zonkle lezi zilo zi maheka, a ku kasi ku fela ku tatiseka lexi xi nga kanelwa hi Hosi ka muprofeti, ku ngalo,

- 23 Languta, a bulwa wu ta xura nyimba, wu ta trala a nwanana, ba ta bitana bito gakwe Imanueli; loku ku hi ku ngalo, na ku hi kuklamusela, Nungungulu i na hina.

- 24 Na Josefa na vukile kuekleleni kakwe, i lo maha kota a ngelosi ya Hosi yi nga mu laya, a mu teka sati wakwe;

- 25 A nga mu tibangi karala i lo trala nwana; i lo mucula bito gakwe Jesu.

Luka 2. 7, 21.

XIPIMO 2.

- 1 Makunu laha na Jesu na tralilwe Betlehema wa Judia masikwini ya Herodi a hosi, languta, a banhu bo klariha ba nga ta hi le mutsuwuka gambu ba lo cikela Jerusalema, baku,

Luka 2. 4, 6, 7.

- 2 I kwihi loyi a tralilweko a Hosi ya ba Juda? hakuba hi wonile a nyeleti yakwe mutsuwuka gambo, hi tile ku mu kozela.

Luka 2. 11.

- 3 Laha Herodi a Hosi na zi zwile, i wa karateka, zinwe ni Jerusalema gonkle

- 4 Yi tsombanyisa katiginwe bonkle bapristi ba hombe ni batsali ba banhu, a wutisa hi bona hi kwihi laha Kristu a ta nga tralwa.

- 5 Bona ba te ngalo kakwe, Le Betlehema wa Judia: hakuba zi ngaho ku tsalilwe hi muprofeti,

6 Na wena Betlehema, tiko ga Judia, a ku tsongwanani ka ba fumeli ba ba Juda: hakuba hi ka wena ku ta huma mufumeli, loyi a ta nga maha a murisi wa banhu ba mina ba Israeli.

Joh. 7. 42. Kuv. 2. 27.

7 Zonake Herodi hi le xikundleni a bitana banhu bo klariha, a wutisisa kwatsi hi xikati laha nyeleti yi nga woneka ha xona.

8 I lo ba ruma le Betlehema, aku ngalo, Fambani mu ya labisisa ka loye nwanana muswa; laha na mu mu kumile yena, mu ta nzi rumela mhaka, kasi na minawu kambe nza ya nzi ya mu kozela.

9 Bona, laha na ba zwile hosi, ba lo famba ndleleni yabye; mangabye, a nyeleti, leyi ba nga yi wona mutsuwuka-gambu, yi lo ranga mahlweni kabye, yi lota yima laha a xihlangana xiswa xi nga hi kona.

10 Laba na ba wona nyeleti, ba lo tsaka nguvu hi kutsaka ka hombe.

11 Ba lo engena lomo ndlwini ba lo wona xihlangana xiswa ni Maria nyine wa xona; na bona ba lowa lahasi ba xi kozela; ba vulula zikwama zabye ba mu nyika zinyikiwo, a nzalama ni hlakati ni mure.

12 Na ba layilwe hi Nungungulu hi kulora lezaku ba nga wuyi ka Herodi, ba loya

le ka le kabye tiko hi yinwani ndlela.

xip. 1. 20.

13 Makunu laha bona na ba sukile, languta, a ngelosi ya Hosi yi woneka ka Josefa hi kulora, yiku, Suka u teka xihlangana xiswa ni nyine wa xona, uabela Gipite, u ya tsama kona nzi karala nzi ku byela: hakuba Herodi i ta laba xihlangana xiswa ku xi daya.

14 I lo suka a teka xihlangana xiswa ni nyine wa xona ni wusiku, aya le Gipita;

15 I wa hi kwaleyo ku kala kuta kufa ka Herodi: kasi ku fela ku tatiseka lexi xi nga wulawulilwe hi Hosi ka muprofeti, yiku,

Le Gipite nzi lo bitana nwana wa mina.

16 Zonake Herodi, laha na wona ku ngalo i kanganyisilwe hi banhu bo klariha, i wa lo suka hi kuzangara, i lo ruma, ku ya daya a zihlangana zonkle za ba banuna lezi zi nga hi kona Betlehema, ni mimbanganweni yonkle ya kwaleyo, kusukela ka malembi mambiri ni ku relala, hi xikatini lexi a nga wutisisa ha xona banhu bo klariha.

17 Zonake ku lo tatiseka lexi xi nga wulawulilwe hi Jeremia muprofeti, aku,

18 Ni gezu gi lo zwala Rema, na gi rila hi hlomulo wa hombe, Rakeli a rile-

lako zihlangana zakwe ;
A nga vumeli ni ku ca-
belelwa, hilezi ba nga
haba.

19 Kanilezi laha na Herodi na
file, languta, a ngelosi ya
Hosi yi woneka hi kulora
ka Josefa le Gipiti,

20 Yiku, Suka u teka xihla-
ngana xiswa ni nyine wa
xona, u ya tikweni ga ba
Israeli : hakuba ba file laba
ba nga laba wutomi ga xi-
hlangana.

21 Na yena i lo suka i lo teka
xihlangana xiswa ni nyine
wa xona, i lota tikweni ga
ba Israeli :

22 Kanilezi laha na zwile ku
ngalo Arkelau i fumile Ju-
dia wutsanweni ga raru
wakwe Herodi, i wa caba
kuya leyo ; na kangetilwe
hi Nungungulu hi kulora, i
lo potsolokela klelweni ga
le Galile,

xip. 3. 13. Luka 2. 39.

23 I lota aka mutini wu bitwa-
ko Nazareta : kasi ku fela
ku tatiseka lexi xi nga ka-
nelwa hi baprofeti, baku
ngalo, yena i ta bitiwa mu
Nazareta.

Joh. 1. 45.

XIPIMO 3.

1 Masikwini lawo ku lota
Johani mu Bapatizi, na ka-
nela xiwuleni xa Judia,

Marku 1. 4, 15. Luka 3. 2, 3. Joh. 1. 23.

2 Aku, Hunzulukani ; hakuba
mufumo wa tilo wu tsinele.

xip. 4. 17. & 10. 7.

3 Hakuba yena hi ywaloye a
nga kanelwa hi Isaya mu-
profeti, aku ngalo,

A gezu ga munwe a bako
hungu xiwuleni, mahani
nwina ku longisela ndlela
ya Hosi, mahani mago-
nzo yakwe ma lulama.

Marku 1. 3. Luka 3. 4. Joh. 1. 23.

Luka 1. 76.

4 Makunu Johani wutsumbu
gakwe i wa hi ni nguwo ya
wuya ga kameli, ni bandi
ga xikumba xiwunwini xa-
kwe ; ni kuga kakwe ku wa
hi humbi ni wulombe ga
kwati.

Marku 1. 6.

5 Zonake ba ya kakwe ba Je-
rusalema, ni Judia gonkle,
ni matiko wonkle ma renze-
lekeleko Jordani ;

Marku 1. 5. Luka 3. 7.

6 Ba lo bapatizwa hi yena co-
ngweni wa Jordani, ba wu-
lela kuonha kabye.

Mtt. 19. 4, 18.

7 Kanilezi laha na wona a
wunyingi ga ba Farisi ni ba
Sadusi na bata kubapatizeni
kakwe, i te ngalo kabye, Li-
xaka la tinyoka, mu kange-
tilwe hi mani kuabela
kulo gi tako ?

xip. 12. 34. & 23. 33. Luka 3. 7, 8, 9.
Roma 5. 9. 1 Tesa. 1. 10.

8 Hikwalaho humesani miha-
nzo leyi yi fanelako kuhu-
nzuluka :

9 Mu nga alakanyi wutsu byi-
ni ga nwina, Hi na Abra-
hama dadani wa hina : ha-
kuba nzi ngalo ka nwina,
Nungungulu i na ntamo ku

laya maribye laya ku maha
banana ba Abrahamama.

Joh. 8. 33, 39. Mit. 13. 26.
Roma 4. 1, 11, 16.

10 Hambu makunu xihloka xi
bekilwe mitswini ya tisi-
nya: tisinya tonkle leti ti
nga traliko mihanzo yo na-
nziha ti ta tsemiwa, ti ho-
xwa nzilweni.

xip. 7. 19. Luka 13. 7, 9. Joh. 15. 6.

11 Hi zinene nzi mu bapatisa
hi mati ka kuhunzuluka:
kanilezi loyi a tako hi le
nzako ka mina i na ntamo
ku nzi hunza, loyi a zilato
zakwe nzi nga faneliko ku
zwala: i ta mu bapatisa hi
Moya wa ku Basa ni nzi-
lo:

Marku 1. 8. Luka 3. 16. Joh. 1. 15, 26,
33. Mit. 1. 5. & 11. 16. & 19. 4. &
2. 3, 4. 1 Kor. 12. 13.

12 Loyi a lihlelo li nga le ca-
njeni gakwe, yena i ta he-
heresisa a mabele yakwe;
i ta wungeletela a mahuba
yakwe makombeni yakwe,
kanilezi a mungu i ta wu
hisa hi nzilo wu nga time-
kiko.

xip. 13. 30.

13 Zonake ata Jesu a huma
Galile le Jordani ka Johani,
a kuta ku bapatiswa hi
yena.

Marku 1. 9. Luka 3. 21. xip. 2. 22.

14 Kanilezi Johani nga a mu
kanetile, a ku ngalo, Nzi fa-
nelwe ku bapatiswa hi we-
na, wena uta ka mina ke?

15 Kanilezi Jesu na hlamula
aku ka yena, Ku vumele
makunu: hakuba zi ngaho

[Sheetawa.]

69

hi tatisa kululama konkle.
Zonake i lo mu vumela.

16 Ni Jesu, laha na ha bapati-
zwa, na ha huma zalezo hi
lomo matini: mangabye,
tilo gi lo vululeka ka yena,
i lo wona Moya wa Nungu-
ngulu na wu relela kota tu-
ba, wuta ka yena;

Marku 1. 10. Luka 3. 22. Joh. 1. 32, 33.

17 Mangabye, a gezu gi huma
le matilweni, gi ku ngalo,
Loyi, hi Nwana wa mina
a ranziweko, hi ka yena
nza dzunzeka kwatsi.

Joh. 12. 28. xip. 12. 18. & 17. 5. Marku
1. 11. Luka 9. 35. Efe. 1. 6. Kol.
1. 13. 2 Pet. 1. 17.

XIPIMO 4.

1 Zonake Jesu a yiswa hi
Moya xiwuleni lezaku kasi
a ringwa hi Satani.

Marku 1. 12, &c. Luka 4. 1, &c.
Mit. 8. 39.

2 Laha na yilile mune wa ma-
kumi ya masiku ni wusiku
ga mune wa makumi, a
nzako ka lezi azwa ndlala.

3 Zonake a muringi i lota aku
ka yena, Loku wena u hi
nwana wa Nungungulu,
laya kasi laya maribye ma
maha zibaba.

4 Kanilezi yena i lo hlamula
aku ngalo, Ku tsalilwe, Mu-
nhu a nga ta hanya hi xi-
baba xoce, kanilezi hi ti-
mhaka tonklelele ti humako
nonwini wa Nungungulu.

5 Zonake Satani a mu yisa
mutini wo basa; a mu yi-
misa xixungweni xa te-
mpeli,

xip. 27. 53. Kuv. 11. 2.

- 6 Aku ka yena, Loku wena u hi Nwana wa Nungungulu, hoxa wutsumbu ga wena lahasi, hakuba ku tsalilwe,
I ta laya tingelosi takwe hi kota ya wena: hi mandla ya tona ti ta ku klakusa, kutani u nga kuyula konzo wa wena ribyeni:
- 7 Jesu i te ngalo ka yena, Kambe ku tsalilwe,
Wena u nga ringi Hosi Nungungulu wa wena.
- 8 Kambe, Satani klela a mu teka a mu yisa xitsungeni xo leha nguvunguvu, a mu kangeta yonkle mifumo ya tiko, ni wukosi ga yona;
- 9 I te ngalo ka yena, Zonkle lezi zilo nzi ta zi nyika ka wena, loku wena u tawa lahasi u kozela mina.
- 10 Zonake Jesu aku ngalo ka yena, Suka laha, Satani: hakuba ku tsalilwe,
Wena u ta kozela Hosi Nungungulu wa wena, yena yece u ta mu kozela wena.
- 11 Zonake Satani i lo mu tsika; languta, tingelosi ti lota ti mu kozela.
Heb. 1. 14.
- 12 Makunu laha na zwile lezaku Johani i nyikelwe, i loya Galile;
Marku 1. 14. Luka 3. 20. & 4. 14, 31. Joh. 4. 43.
- 13 A siya Nazareta, i lota tsama Kapernaum, wu nga hi le bimbini, hi le mbinga-
- nweni wa Zabuloni ni Naftali:
- 14 Kasi ku fela ku tatiseka lexi xi nga wulawuliwa hi Isaya muprofeti, aku,
- 15 Tiko ga Zabuloni ni tiko ga Naftali, Hi klelo ga bimbi, klatukweni wa Jordani, Galile ga ba Matiko,
- 16 Banhu ba nga tsamile munyameni ba lo wona kuwonekela ka hombe, ni ka laba ba nga tikweni ga ndzuti wa kufa, ka bona a kuwonekela ku lo ba woninga.
Luka 2. 32.
- 17 Ku sukela lexo xikati i lo sangula Jesu ku kanela, ni ku, Hunzulukani nwina; hakuba mufumo wa tilo wu tsinele.
Marku 1. 14, 15. xip. 8. 2. & 10. 7.
- 18 Na ha famba hi bimbi ga Galile, i lo wona bamakabye bambiri, Simoni loyi a bitwako Petro, na Andreu makabye, na ba hoxa likoka bimbini; hakuba ba wa hi bakukuti.
Marku 1. 16, 17, 18. Luka 5. 2. Joh. 1. 42.
- 19 I te ngalo ka bona, Nzi lanzeleni nwina, nzi ta mu maha bakukuti ba banhu.
Luka 5. 10, 11.
- 20 Zalezo ba lo siya tikoka tabye, ba lo mu lanzela.
Marku 10. 28. Luka 18. 28.
- 21 Na ha suka hi kwalaho a nga hi kona i lo wona banwani bamakabye bambiri,

Jakobe *nwana* wa Zabedi, ni makabye Johani ngalabeni, ni Zabedi raru wabye, na ba runga tikoka tabye; i lo ba bitana.

Marku 1. 19, 20. Luka 5. 10.

22 Zalezo bona ba lo siya ngalaba ni Zabedi raru wabye, ba lo mu lanzela.

23 Ni Jesu i lo nzulanzula le Galile gonkle, na gonzisa masinagogeni yabye, na kana ivangeli ya mufumo, na hanyisa tixaka tonkle ta tingumbe ni tixaka tonkle ta kubabya xikari ka banhu.

xip. 9. 35. Marku 1. 21, 39. Luka 4. 15, 44. xip. 24. 14. Marku 1. 14. & 1. 34.

24 A kubikwa kakwe ku lo zwala Siria gonkle: ba lo neha kakwe bonkle laba ba nga kari ba babya, ba nga hi ni tingumbe ti hambeneko ni kubayisa, na ba hi ni madimoni, ni zitsuri, ni zikurubu; i lo ba hanyisa.

25 Laho zi lo mu lanzela zidlemo za hombe zita hi le Galile ni le Dekapoli ni Jerusalema ni le Judia ni le klatukweni wa Jordani.

Marku 3. 7.

XIIMO 5.

1 Na ha wona zidlemo, i lo kanziya xitsungeni: laha na tsamile lahasi, a bapizani bakwe ba lota ka yena:

Marku 3. 13.

2 I lo vulula nomu wakwe a ba gonzisa, aku,

3 Bakatekile zisiwana mo-

yeni: hakuba *nwabye* mufumo wa le tilweni.

Luka 6. 20.

4 Bakatekile laba ba rilako: hakuba ba ta miyetiwa.

Luka 6. 21. Joh. 16. 20. 2 Kor. 1. 7. Kuv. 21. 4.

5 Bakatekile laba ba rulako: hakuba ba taga tsomba ya misaba.

Roma 4. 13.

6 Bakatekile laba ba nga ni ndlala ya zo lulama ba na tora ga zona: hakuba ba ta xuriswa.

7 Bakatekile laba ba nga ni wuxinji: hakuba ba ta mahelwa wuxinji.

xip. 6. 14. Marku 11. 25. 2 Tim. 1. 16. Heb. 6. 10. Jam. 2. 13.

8 Bakatekile laba ba ku basa timbilu: hakuba ba ta wona Nungungulu.

Heb. 12. 14. 1 Kor. 13. 12. 1 Joh. 3. 2, 3.

9 Bakatekile laba ba lamulako: hakuba ba ta bitanwa banana ba Nungungulu.

10 Bakatekile laba ba xanisekako hi kota ya kululama: hakuba mufumo wa le tilweni ngwabye.

2 Kor. 4. 17. 2 Tim. 2. 12. 1 Pet. 3. 14.

11 Mu katekile loku ba mu rukatela, ba mu xanisa, ba wula ka *nwina* tonkle tixa-

ka ta kubiha ni mawunwa,
hi kota ya mina.

Luka 6. 22. 1 Pet. 4. 14.

- 12 Hlakanani, mu nengela
nguvu : hakuba ncacazelo
wa *nwina* ngwa hombe ti-
lweni : hakuba lezo ba lo ba
xanisa bona baprofeti laba
ba mu rangeleko.

Luka 6. 23. Mit. 5. 41. Roma 5. 3.
Jam. 1. 2. 1 Pet. 4. 13. xip. 23. 34,
37. Mit. 7. 52. 1 Tes. 2. 15.

- 13 *Nwina* mu munyu wa mi-
saba : kanilezi loku munyu
wu kari wu *trama*, wu ta
lungwa hi ku yini ? kusu-
kela ka lezo wona a wa ha
faneli cumo, kanilezi ku ho-
xiwa lahandle wu kanziye-
lwa lahasi hi banhu.

Marku 9. 50. Luka 14. 34, 35.

- 14 *Nwina* mu ku wonekela ka
misaba. Muti lowu wu nga
hehla ka xitsunga a wu si-
relwi.

Fil. 2. 15.

- 15 Hambu *munhu* a nga lume-
ki kandiya, a yi beka laha-
si ki xibya, kanilezi hehla
ka wuriri ; yi woninga bo-
nkle laba ba nga lomo ndl-
wini.

Marku 4. 21. Luka 8. 16. & 11. 33.

- 16 Hambu lezo nga na kuwo-
nekela ka *nwina* ku woni-
nga mahlweni ka banhu,
kasi ba fela ku wona mitiro
ya *nwina* yo saseka, ba du-
misa Dadani wa *nwina* wa
le tilweni.

1 Pet. 2. 12. Joh. 15. 8. 1 Kor. 14. 25.

- 17 Mu nga alakanyi muku
nzi tile ku ta mbetisa nayo

ni baprofeti : a nzi telangi
ku ta mbetisa, kanilezi ku
ta tatisa.

Roma 3. 31. & 10. 4. Gal. 3. 24.

- 18 Hakuba hizinene nzi ku ka
nwina, Ku kala tilo ni mi-
saba zi hunza, a *nzatana*
munwe ni hlangana yinwe
loku zi nge ngaho zi nga ta
hunza nayweni, karala zo-
nkle lezi zi mbeleliswa.

Luka 16. 17.

- 19 Hikwalaho kani hi wihi a
ta nga tsoba munwe wa leyi
yi tsongwani milayo, a go-
nzisa banhu lezo, i ta bita-
nwa tsongwanyani mufu-
nweni wa le tilweni : kani
himani a yi mahako a go-
nzisa ha yona, i ta maha
wa hombe mufunweni wa
tilo.

Jam. 2. 10.

- 20 Hakuba nza wula ka *nwina*,
lezaku saseka loku kulu-
lama ka *nwina* ku hunza
ka batsali ni ba Farisi, mu
nga ta engena mufunweni
wa tilo.

Roma 9. 31. & 10. 3.

- 21 *Nwina* mu wa si na mu
zwile lezaku ku wulilwe ka
laba ba xikati xa kale, U
nga dayi ; ni loyi a dayako
i le mhwangweni ya kula-
mulwa :

- 22 Kanilezi nza wula ka *nwina*,
kani hi mani loyi a zanga-
rako ni makabye wakwe i
le mhangweni ya kulamu-
lwa ; kani hi wihi a ta wula
ka makabye, a ku xipumbu,
u le mhangweni ya hubye ;

kani hi wihi a wulako, Wena u pupulu, u na ni mhang'ya gehena ga nzilo.

1 Joh. 3. 15. Jam. 2. 20.

23 Loku u nyikela xinyikiwo xa wena laha latini, laho alakanya ku ngalo a nakuloni i na ni nanzu na wena ke,

xip. 3. 4. & 23. 19.

24 Siya nyikelo wa wena le latini, yana ndlela ya wena, ku ranga wuyisana ni nakuloni wa wena, zonake ngona u ta nyikela nyikelo wa wena.

xip. 18. 19. 1 Tim. 2. 8. 1 Pet. 3. 7.

25 Vumelana ni loyi a ku kecarako hi kuhaklisa, na wa hi naye laha ndleleni; kutani mukecari wa wena a nga yisa ka mulamuli, a mulamuli a ku nyika nganakana, wena u ta hoxiwa paxweni.

Luka 12. 58, 59.

26 Hizinene nzi ku ka wena, U nga ta huma kona, na u nga se ku riha u riha ni dezana.

27 Mu wa si na mu zwile aku ku wa wulilwe, U nga bayi:

28 Kanilezi nza wula ka nwina, bonklelele laba ba cuwukako wasati ni ku mu nabela ba bayile naye hi mbilwini yabye.

29 Loku tihlo ga wena ga xinene gi ku maha u kubeka, gi xokole, u gi hoxa kule na wena: hakuba u fanelwe hi ku a xinwe xa ziro za wena xi suswa, lezaku kasi

a miri wa wena wonkle wu nga hoxiwi gehena.

xip. 18. 8, 9. Marku 9. 43-47. xip. 19. 12. Roma 8. 13. 1 Kor. 9. 27. Kol. 8. 5.

30 Ni loku canja ga wena ga xinene gi ku maha u kubeka, gi tseme, u gi hoxa kule na wena: hakuba u fanelwe hi ku a xinwe xa ziro za wena xi suswa, kasi a miri wonkle wu nga hi ni kuya gehena.

31 Ku wulawulilwe kambe, Kani hi wihi a hlongolako sati wakwe, a mu nyike a papilo go hambana:

xip. 19. 3, &c. Marku 10. 2, &c.

32 Kanilezi nza wula ka nwina, kani hi mani a hlongolako wasati wakwe, saseka na ku hi ku baya, wa mu bayisa: kani hi wihi a ta nga mu teka laha na hlongolilwe wa baya.

xip. 19. 9. Luka 16. 18. Roma 7. 3. 1 Kor. 7. 10, 11.

33 Kambe, nwina mu wa si na mu zi zwile lezaku ku wulilwe ka laba ba xikati xa kale, U nga hlambanyi wutsumbu ga wena, u ta ku maha Hosini kuhlambanya ka wena:

xip. 23. 16.

34 Kanilezi nza wula ka nwina, u nga hlambanyi na kanwe: hambu ni tilo, hakuba hi xitsamo xa wukosi xa Nungungulu;

xip. 23. 16, 18, 22. Jam. 5. 12.

35 Hambu ni misaba, hakuba hi xikegetelo xa mikonzo yakwe; hambu ni Jerusa-

ka ta kubiha ni mawunwa,
hi kota ya mina.

Luka 6. 22. 1 Pet. 4. 14.

- 12 Hlakanani, mu nengela
nguvu : hakuba ncacazelo
wa *nwina* ngwa hombe ti-
lweni : hakuba lezo ba lo ba
xanisa bona baprofeti laba
ba mu rangeleko.

Luka 6. 23. Mit. 5. 41. Roma 5. 3.
Jam. 1. 2. 1 Pet. 4. 13. xip. 23. 34,
37. Mit. 7. 52. 1 Tes. 2. 15.

- 13 *Nwina* mu munyu wa mi-
saba : kanilezi loku munyu
wu kari wu *trama*, wu ta
lungwa hi ku yini ? kusu-
kela ka lezo wona a wa ha
faneli cumo, kanilezi ku ho-
xiwa lahandle wu kanziye-
lwa lahasi hi banhu.

Marku 9. 50. Luka 14. 34, 35.

- 14 *Nwina* mu ku wonekela ka
misaba. Muti lowu wu nga
hehla ka xitsunga a wu si-
relwi.

Fil. 2. 15.

- 15 Hambu *munhu* a nga lume-
ki kandiya, a yi beka laha-
si ki xibya, kanilezi hehla
ka wuriri ; yi woninga bo-
nkle laba ba nga lomo ndl-
wini.

Marku 4. 21. Luka 8. 16. & 11. 33.

- 16 Hambu lezo nga na kuwo-
nekela ka *nwina* ku woni-
nga mahlweni ka banhu,
kasi ba fela ku wona mitiro
ya *nwina* yo saseka, ba du-
misa Dadani wa *nwina* wa
le tilweni.

1 Pet. 2. 12. Joh. 15. 8. 1 Kor. 14. 25.

- 17 Mu nga alakanyi muku
nzi tile ku ta mbetisa nayo

ni baprofeti : a nzi telangi
ku ta mbetisa, kanilezi ku
ta tatisa.

Roma 3. 31. & 10. 4. Gal. 3. 24.

- 18 Hakuba hizinene nzi ku ka
nwina, Ku kala tilo ni mi-
saba zi hunza, a nzatana
munwe ni hlangana yinwe
loku zi nge ngaho zi nga ta
hunza nayweni, karala zo-
nkle lezi zi mbeleliswa.

Luka 16. 17.

- 19 Hikwalaho kani hi wihi a
ta nga tsoba munwe wa leyi
yi tsongwani milayo, a go-
nzisa banhu lezo, i ta bita-
nwa tsongwanyani mufu-
nweni wa le tilweni : kani
himani a yi mahako a go-
nzisa ha yona, i ta maha
wa hombe mufunweni wa
tilo.

Jam. 2. 10.

- 20 Hakuba nza wula ka *nwina*,
lezaku saseka loku kulu-
lama ka *nwina* ku hunza
ka batsali ni ba Farisi, mu
nga ta engena mufunweni
wa tilo.

Roma 9. 31. & 10. 3.

- 21 *Nwina* mu wa si na mu
zwile lezaku ku wulilwe ka
laba ba xikati xa kale, U
nga dayi ; ni loyi a dayako
i le mhwangweni ya kula-
mulwa :

- 22 Kanilezi nza wula ka *nwina*,
kani hi mani loyi a zanga-
rako ni makabye wakwe i
le mhangweni ya kulamu-
lwa ; kani hi wihi a ta wula
ka makabye, a ku xipumbu,
u le mhangweni ya hubye ;

kani hi wihi a wulako, Wena u pupulu, u na ni mhang'o ya gehena ga nzilo.

1 Joh. 3. 15. Jam. 2. 20.

23 Loku u nyikela xinyikiwo xa wena laha latini, laho alakanya ku ngalo a nakuloni i na ni nanzu na wena ke,

xip. 3. 4. & 23. 19.

24 Siya nyikelo wa wena le latini, yana ndlela ya wena, ku ranga wuyisaua ni nakuloni wa wena, zonake ngona u ta nyikela nyikelo wa wena.

xip. 18. 19. 1 Tim. 2. 8. 1 Pet. 3. 7.

25 Vumelana ni loyi a ku kecarako hi kuhaklisa, na wa hi naye laha ndleleni; kutani mukecari wa wena a nga yisa ka mulamuli, a mulamuli a ku nyika nganakana, wena u ta hoxiwa paxweni.

Luka 12. 58, 59.

26 Hizinene nzi ku ka wena, U nga ta huma kona, na u nga se ku riha u riha ni dezana.

27 Mu wa si na mu zwile aku ku wa wulilwe, U nga bayi:

28 Kanilezi nza wula ka nwina, bonklelele laba ba cuwukako wasati ni ku mu nabela ba bayile naye hi mbilwini yabye.

29 Loku tihlo ga wena ga xinene gi ku maha u kubeka, gi xokole, u gi hoxa kule na wena: hakuba u fanelwe hi ku a xinwe xa ziro za wena xi suswa, lezaku kasi

a miri wa wena wonkle wu nga hoxiwi gehena.

xip. 18. 8, 9. Marku 9. 43-47. xip. 19. 12. Roma 8. 13. 1 Kor. 9. 27. Kol. 3. 5.

30 Ni loku canja ga wena ga xinene gi ku maha u kubeka, gi tseme, u gi hoxa kule na wena: hakuba u fanelwe hi ku a xinwe xa ziro za wena xi suswa, kasi a miri wonkle wu nga hi ni kuya gehena.

31 Ku wulawulilwe kambe, Kani hi wihi a hlongolako sati wakwe, a mu nyike a papilo go hambana:

xip. 19. 3, &c. Marku 10. 2, &c.

32 Kanilezi nza wula ka nwina, kani hi mani a hlongolako wasati wakwe, saseka na ku hi ku baya, wa mu bayisa: kani hi wihi a ta nga mu teka laha na hlongolilwe wa baya.

xip. 19. 9. Luka 16. 18. Roma 7. 3. 1 Kor. 7. 10, 11.

33 Kambe, nwina mu wa si na mu zi zwile lezaku ku wulilwe ka laba ba xikati xa kale, U nga hlambanyi wutsumbu ga wena, u ta ku maha Hosini kuhlambanya ka wena:

xip. 23. 16.

34 Kanilezi nza wula ka nwina, u nga hlambanyi na kanwe: hambu ni tilo, hakuba hi xitsamo xa wukosi xa Nungungulu;

xip. 23. 16, 18, 22. Jam. 5. 12.

35 Hambu ni misaba, hakuba hi xikegetelo xa mikonzo yakwe; hambu ni Jerusa-

- lema, hakuba hi muti wa Hosi ya hombe.
- 36 U nga hlambanyi hi hloko ya wena, hakuba wa tsanzeka ku hunzula sisi munwe ku maha wo basa ni ku maha wa ntimá.
- 37 Kanilezi nga na kuwulawula ka nwina ku ku, Ina, ina; Ahihi, ahihi: kani hi xihi xa ku hunza lezi xita hi ka loyi wa kubiha.
Kol. 4. 6. Jam. 5. 12.
- 38 Nwina mu wa si na mu zwile lezaku ku wa wulilwe, A tihlo hi tihlo, ni tino hi tino:
- 39 Kanilezi nza wula ka nwina, Mu nga yimeleli loyi wa kubiha: kani loyi a ta nga ku pakata wena a rama ga wena ga xinene, hunzulusa ka yena ginwani kambe.
Luka 6. 29. Roma 12. 17, 19. 1 Kor. 6. 7. 1 Tes. 5. 15. 1 Pet. 3. 9.
- 40 Loku a hi kona munhu a ranzako ku ku kecara, a teka baji ga wena, mu tsike ni nguwo ya wena kambe.
- 41 Kani hi wihi a ku kurumetako ku famba naye pfuka munwe, famba naye mipfuka mimbiri.
xip. 27. 32. Marku 15. 21.
- 42 Mu nyike loyi a kombelako ka wena, U nga mu fulareli loyi a ku lombako.
Luka 6. 30, 35.
- 43 Nwina mu wa si na mu zwile lezaku ku wulilwe, U ta ranza mu akelwane wa wena, u benga nala wa wena:
- 44 Kanilezi nza wula ka nwina, Ranzani balala ba nwina, mu ba kombelela laba ba mu xanisako;
Luka 6. 27, 35. Roma 12. 14, 20. Luka 23. 34. Mt. 7. 60. 1 Kor. 4. 12, 13. 1 Pet. 2. 23. & 3. 9.
- 45 Kasi mu fela ku maha banana ba Dadani wa nwina loyi a nga le tilweni: hakuba wa tsuwukisa gambo gakwe hehla ka bobiha ni ka bosaseka, u rumela vula yakwe ka bolulama ni ka ba nga lulamangiko.
- 46 Hakuba loku mu ranza laba ba mu ranzako, i ncacazelo muni mu nga nawo! a bahlengisi a ba mahi lezo ke?
Luka 6. 32.
- 47 Ni loku mu losa bamakabye ba nwina ntsena, mu ba hunza hi kuyini banwani! a ba mahi lezo ni ba Matiko ke?
- 48 Nwina hikwalaho nga na mu mbelela, kwatsi hi Dadani wa nwina wa le tilweni a mbeleleko.
Luka 6. 36. Kol. 1. 28. & 4. 12. Jam. 1. 4. 1 Pet. 1. 15, 16. Efe. 5. 1.
- XIIMO 6.
- 1 Pimani mu nga mahi kululama ka nwina mahlweni ka banhu, kasi mu wonwa hi bona: loku zi ngaho a mu na ncacazelo ka Dadani wa nwina wa le tilweni.
2 Kor. 9. 9, 10.
- 2 Hikwalaho laha na u nyi-

kela nyikelo wa wena, u ngabi punzu mahlweni ka wena, kwatsi hi ku maha ka baxengeteli masinagogeni ni lomo mapangweni, kasi ba fela kudumiswa hi banhu. Hizinene nzi ku ka nwina, Ba amukelile nca-
cazelo wabye.

Roma 12. 8.

3 Kanilezi laha na u nyikela, nga na canja ga wena ga xibaba gi nga zi tibi lezi gi zi mahako ga xinene :

4 Lezaku minyikelo ya wena a yi fihlale : ni Dadani wa wena a wonako kufihlalani i ta ku klelisela.

Luka 14. 14.

5 Ni laha mu kombelako, mu nga ta maha kota baxengeteli : hakuba ba ranza a kuyima ba kongela masinagogeni ni lomo mahanzakanyeni ya mapango, kasi ba fela ku woniwa hi banhu. Hizinene nzi ku ka nwina, Ba amukelile ncacazelo wabye.

6 Kanilezi wena, laha na u kongela, engena xikari ka yindlu ya wena, na u valile libati la wena, kongela ka Dadani loyi a nga le kufihlalani, i Dadani wa wena loyi a nga le kufihlalani i ta kuklelisela.

7 Kukongeleni ka nwina mu nga byabyatsi haba, kota ku maha ka ba Matiko : hakuba ba ku ba ta zwiwa hi ku wulawula nguvu kabye.

8 Hikwalaho nga na mu nga fanani na bona : hakuba Dadani wa nwina wa zi tiba lezi mu zi vumalako, hi mahlweni na mu nga se ku mu kombela.

9 Hikwalaho kongelisisani lezi : Dadani wa hina wa le tilweni, A bito ga wena a gi hlawuliwa.

Luka 11. 2, &c.

10 A wute mufumo wa wena. Kuranza ka wena a ku mahiwe, misabeni kota lezi ku mahiwako tilweni.

xlp. 28. 39, 42. Mt. 21. 14.

11 Hi nyike nyamukla kuga ka hina ka siku ginwani ni ginwani.

12 Hi tsetselele kuonha ka hina, kwatsi hi lezi hi ba tsetselelelako laba ba nga ni kuonha ka hina.

xlp. 18. 21, &c.

13 U nga hi yisi kuringweni, kanilezi hi klaklise ka loyi wo biha.

xlp. 28. 41. Luka 22. 40, 46. 1 Kor. 10. 13. 2 Pet. 2. 9. Kuv. 3. 10. Joh. 17. 15.

14 Hakuba loku mu tsetselela banhu milanzu yabye, Dadani wa nwina wa le tilweni i ta mu tsetselela nwina.

Marku 11, 25, 26. Efe. 4. 32. Kol. 3. 13.

15 Kanilezi loku mu nga tsetseleli milanzu yabye, Dadani wa nwina na yenawu a nga ta mu tsetselela milanzu ya nwina :

xlp. 18. 35. Jam. 2. 13.

16 Kambe laha na mu yila, mu nga mahi, kwatsi hi ba xengeteli, ba nge kwatsi kutsuba : hakuba ba tsubika

tingohe tabye, kasi ba fela ku wonwa hi banhu baku ba yila. Hizinene nziku ka nwina, Ba amukelile ncacazelozelo wabye.

17 Kanilezi wena, laha na u yila, tota hloko ya wena, u hlamba ngoha ya wena ;

18 Kasi u fela ku kala u nga wonwi hi banhu laha na u yilile, kanilezi Dadani wa wena loyi a nga le kufihlalani: ni Dadani wa wena, loyi a wonako kufihlalani, i ta ku klelisela.

19 Mu nga beketeli ti-tsomba ta mi-tsumbu ya nwina misabeni, laha sumba ni kutsutsumbala zi gako, ni laha mankamba ma boxako ma yiba :

1 Tim. 6. 17. Heb. 13. 5. Jam. 5. 1, &c.

20 Kanilezi beketelani tsomba ya wutsumbu ga nwina ti-lweni, laha a sumba ni kutsutsumbala zi nga giko, ni laha makamba ma nga boxiko ma yiba :

xip. 19. 21. Luka 12. 33, 34. & 18. 22.
1 Tim. 6. 19. 1 Pet. 1. 4.

21 Hakuba laha yi nga kona tsomba ya wena, laho ni mbilu ya wena yi ta nga nga na yi hi kona kambe.

22 Kandiya ya miri hi tihlo : hikwalaho loku tihlo ga wena gi hi ginena, a miri wa wena wonkle wu ta tala hi kuwonekela.

Luka 11. 34, 36.

23 Kanilezi loku tihlo ga wena gi bihile, ni miri wa wena wonkle wu ta tala hi mu-

nyama. Hikwalaho loku kuwonekela loku ku nga nzeni ka wena ku maha munyama, munyama lowo wu ta maha wa hombe !

24 A nga kona munhu a koze-lako tihosi timbiri : hakuba kutani i ta benga yinwani, a ranza yinwani ; kutani i ta tiyisa ka yinwani, a kanya yinwani. A mu koti kukozela Nungungulu ni Mamoni.

Luka 16. 13. Gal. 1. 10. 1 Tim. 6. 17.
Jam. 4. 4. 1 Joh. 2. 15.

25 Hikwalaho nza wula ka nwina, Mu nga nabelisisi kuhanya ka nwina, mu taga yini, kutani mu tanwa yini ; hambu ni ku kanekanela miri ya nwina, mu ta ambala yini. A kuhanya a ku hunzi kuga ke, ni miri a wu hunzi tinguwo ke ?

Luka 12. 22, 23. Fil. 4. 6. 1 Pet. 5. 7.

26 Langutani tinyanyani ta tilo, a ti byali, hambu ni ku hula, hambu ni ku kuhle-ngeletela magombeni ; Dadani wa nwina wa le tilweni wa ti wundla. A mu ti hunzi nguvu ke ?

Luka 12. 24, &c.

27 Himani ka nwina hi ku nabelisisa a kotako ku engetela a xipimo xa nawuluta woko a ku leha kakwe ?

28 Hi ku yini mu kanekanelisisako hi kota ya tinguwo ? Alakanyani makonwa ya lomo kwatini, ma kulisa ku yini ; a ma tiri, a ma luki :
29 Kanilezi nziku ka nwina,

lezaku hambu Salomoni hi wukosi gakwe gonkle a nga bombangi kota ginwe ga wona.

30 Kanilezi loku Nungungulu a ambalisa byanyi ga lomo kwatini, legi gi nga kona nyamukla, hi manziku gi hoxwa kumbazini, a nga ta mu ambalisa nguvu nwina kani, O nwina mu nga ni kukoleka ku tsongwanya-ni?

31 Hikwalaho mu nga hi ni kunabelisisa, mu ku, Hi taga yini? hambu, Hi tanwa yini? hambu, Kutani xana hi ta zi kuma kwihi ziambalo?

32 Hakuba a lezi zilo zonkle a ba Matiko ba zi laba; hakuba Dadani wa nwina wa le tihweni wa zi tiba ku ngalo ma zi vumala zonkle lezi zilo.

33 Kanilezi kuranga labani mufumo, ni kululama kakwe; zonkle lezi zilo zi ta engetelwa ka nwina.

Marku 10. 30. Luka 12. 31. 1 Tim. 4. 8.

34 Hikwalaho mu nga kankaneli hi ga manziko: hakuba manziko ku ta kankanela wutsumbu ga kona. A kombo ga siku gi enele gona.

XIIMO 7.

1 Mu nga lamuli, kasi mu kala ku lamuliwa.

Luka 6. 37. Roma 2. 1. & 14. 3, 4, 10, 13. 1 Kor. 4. 3, 5. Jam. 4. 11, 12.

2 Hakuba hi kulamula loku mu lamulako ha kona, mu

ta lamuliwawu ha kona: ni kuringanisa loku mu ringanisako ha kona, mu ta ringanisiwawu hakona.

Marku 4. 24. Luka 6. 38.

3 U langutela hi yini xitoti lexi xi nga lomo tihlweni ga makwenu, kanilezi a ku pimi hi tsanza lowu wu nga lomo tihlweni ga wena ke?

Luka 6. 41, 42.

4 U ta wulawulisa ku yini ka makwenu ku ngalo, Kwatsi nzi susa xitoti lexi xi nga lomo tihlweni ga wena; mangabye, tsanza lomo tihlweni ga wena nwinyi?

5 Wena muxengeteli, hoxa kuranga tsanza tihlweni ga wena nwinyi; zonake u ta su wona kute dlunya ku susa xitoti xi nga tihlweni ga makwenu.

6 Mu nga nyiki lezi zo basa ka tibyana, hambu ni ku hoxa mapareli ya nwina mahlweni ka makumba, kutani ma nga ma kanziyela lahasi ka mikonzo ya wona, ma hunzuluka ma mu hanzula.

Mit. 13. 45, 46.

7 Kombelani, mu ta nyikiwa; labani, mu ta zi kuma; gongonzani, mu ta vululelwa:

xip. 21. 22. Marku 11. 24. Luka 11. 9, 10. & 18. 1. Joh. 14. 13. & 15. 7. & 16. 23, 24. Jam. 1. 5, 6. 1 Joh. 3. 22. & 5. 14, 15.

8 Hakuba kani hi mani a kombelako wa zi amukela; ni ka loyi a labako wa zi ku-

ma ; ni ka loyi a gogonzako ku ta vululelwa ka yena.

- 9 Kutani i kwihi munhu ka *nwina*, loyi, loku a *nwana* wakwe a mu kombela a xi-baba, i ta mu nyika a ribye ;

Luka 11. 11, 12, 13.

- 10 Kutani loku a kombela xi-dluwani, i ta mu nyika a nyoka ?

- 11 Zonake loku *nwina*, na mu bihile, mu zi tiba ku nyika zinyikiwo zo saseka ka banana ba *nwina*, kuta ku yini Dadani wa *nwina* wa le tilweni a ku ba nyika zilo zo saseka ka bona laba ba kombelako ka yena ?

- 12 Zonkle lezi zilo mu ranzako banhu ba maha ka *nwina*, hambu lezo kambe mahani zona ka bona : hakuba lowu hi nayo ni baprofeti.

Luka 6. 31. xip. 22. 40. Roma 13. 8, 9, 10. Gal. 5. 14. 1 Tim. 1. 5.

- 13 Engenani *nwina* hi nyangwa leyi yi hlongileko : hakuba yo anama hi nyangwa, ni yo kula hi ndlela, yi yisako le kufeni, banyingi laba ba engenako ka yona.

Luka 13. 24.

- 14 Hakuba yo hlongana hi nyangwa, ni ndlela yi lulamileko, yi yisako kuhanenyeni, ba tsongwani laba ba yi kumako.

- 15 Cabani baprofeti ba mawunwa, ba tako ka *nwina* na ba ambele hi tinguwo ta tiyivu, kanilezi nzeni ka

bona ba hi timhisi leti ti pamako.

xip. 24. 4, 5, 11, 24. Marku 13. 22. Roma 16. 17, 18. Efe. 5. 6. Kol. 2. 8. 2 Pet. 2. 1, 2, 3. 1 Joh. 4. 1. 2 Tim. 3. 5. Mit. 20. 29, 30.

- 16 Hi mihanzo yabye mu ta ba tiba. Kunene banhu ba kola magrepi mizweni ke, ni makuwu le makahweni ke ?

xip. 12. 33. Luka 6. 43, 44.

- 17 Hambu lezo kambe tonklelele tisinya to saseka ti trala mihanzo yo nanziha ; kani-lezi sinya yi bolileko yi trala mihanzo yo biha.

xip. 12. 33.

- 18 A sinya yo saseka a yi koti ku trala mihanzo yo biha, hambu ni sinya ya kubola a yi koti ku trala mihanzo ya saseka.

- 19 Tonklelelele tisinya leti ti traliko mihanzo yo nanziha ta tsemiwa, ti hoxiwa nzilweni.

xip. 3. 10. Luka 3. 9. Joh. 15. 2, 6.

- 20 Hikwalaho hi mihanzo yabye mu ta ba tiba.

- 21 A hi bona bonklelele laba ba nge ngalo ka mina, Hosi, Hosi, ba ta nga engena mufunweni wa tilo ; kani-lezi yena loyi a mahako kuranza ka Dadani wa mina loyi a nga le tilweni.

xip. 25. 11, 12. Luka 6. 46. & 13. 35. Mit. 19. 13. Roma 2. 13. Jam. 1. 22.

- 22 A banyingi ba taku ka mina hi lego siku, Hosi, Hosi, a hi profetangi hi bito ga wena ke, ni hi bito ga wena a hi hlongolangi madi-moni ke, ni bito ga wena a

hi mahangi mitiro yo tala
ya hombe ya ntamo ke?

Joh. 11. 51. 1 Kor. 13. 2.

23 Zonake nzi ta wula ka bona, cima a nzi wa nga mu tibi: sukani ka mina, *nwina* mu tirako kuonha.

xip. 25. 12. Luka 13. 25, 27. 2 Tim. 2. 19. xip. 25. 41.

24 Hikwalaho kani hi mani loyi a zwako timhaka leti ta mina, a ti maha, i ta fananiswa ni munhu wa ku klariha, loyi a nga aka yindlu yakwe ribyeni:

Luka 6. 47, &c.

25 A tivula ti lona, ni mitalo yi lota, ni mheho yi lo butsa, ti loba leyo yindlu; a yiwangi: hakuba yi gingilwe le ribyeni.

26 Ni bonklelele laba ba zwako timhaka leti ta mina, ba nga ti mahi, ba ta fananiswa ni munhu wa pupulu, loyi a nga aka yindlu yakwe sekeni:

27 Ni tivula ti lona, ni mitalo yi lota, ni mheho yi lo butsa, yi loba leyo yindlu; yi lowa: ku wa hi ka hombe a kuwa ka yona.

28 Ku lo mahisa lezo, laha Jesu a mbetile leti timhaka, a zindlema zi lo hlamala hi kugonzisa kakwe:

xip. 13. 54. Marku 1. 22. & 6. 2. Luka 4. 32.

29 Hakuba i lo ba gonzisa kota munwe a nga ni ntamo, ku nge kwatsi hi batsali babye.

Joh. 7. 46.

XIPIMO 8.

1 Laha na a relele hi le xitsu-

ngeni, a zidlema za hombe zi lo mu lanzela.

2 Languta, a wa hlokonho i lo cikela a mu kozela, aku, Hosi, loku u zi ranza, u nga nzi basisa.

Marku 1. 40, &c. Luka 5. 12, &c.

3 I lo nawuluta canja gakwe, i lo mu kumba, aku, Nza zi ranza; basiswa wena. Zalezo a hlokonho gakwe gi lo basiswa.

4 Jesu aku ngalo kakwe, Cuwuka u nga byeli munhu; kanilezi famba ndlela ya wena, uya ti kombisa ka mupristi, u nyikela a nyikelo lowu Mosi a nga wu wula, kasi ku kustumunya ka bona.

xip. 9. 30. Marku 5. 43. Luka 5. 14.

5 Laha na a engena le Kapernaume, ku lota kakwe a nduna ya zana, yi mu kongotela,

Luka 7. 1, &c.

6 Yi ku, Hosi, a xitiri xa mina xi eklele ndlwini ya mina xi na ni paralio, xazwa kubayisa nguvu.

7 Yena a su ngalo kakwe, Nzi tata nzi ta mu hanyisa.

8 A nduna ya zana yi lo hlamula yi loku, Hosi, a nzi fanelwi lezaku wena u engena lahasi ka langwa la mina: kanilezi wula gezu ntsena, a xitiri xa mina xi ta hanyiswa.

Luka 15. 19, 21.

9 Hakuba na mina nzi munhu a nga lahasi ka tihosi, na nzi hi ni bakasadoro

lahasi ka wutsumbu ga mi-
na : nziku ka loyi, Famba,
a famba ; ni ka munwani,
Ngon, ata ; ni ka xitiri xa
mina, Maha lexi, xi xi ma-
ha.

10 Laha Jesu na zi zwile, i lo
dama, a ku ngalo ka laba
ba mu lanzelako, Hizinene
nziku ka nwina, a nzi se ku
kuma kukoleka kahombe
kota loku, hambu, ni ka
Israeli.

11 Nza wula ka nwina, nziku
banyingi ba tata hi mu tsu-
wuka gambo ni muhlwa
gambo, ba ta tsama na
Abrahama, na Isaka, na Ja-
kobe, mufunweni wa tilo :
Luka 13. 29. Mt. 10. 45. & 11. 18. &
14. 27. Roma 15. 9, &c. Efe. 3. 6.

12 Kanilezi banana ba mufu-
mo ba ta hlongolwa laha-
ndle munyameni : ku ta
nga maha kona mikosi ni
kugetsela ka meno.

xip. 21. 43. & 13. 42, 50. & 22. 13. & 24.
51. & 25. 30. Luka 13. 28. 2 Pet. 2.
17. Jude 13.

13 Jesu a ku ka nduna ya za-
na, Famba ndlela ya wena ;
kwatsi hilezi u kolilweko,
lezo ku ta mahelwa ka we-
na. Ni xitiri xi lo hanyi-
swa hi lexo xikati.

14 Laha na a tile ndlwini ya
Petro, i lo wona a mukokati
wakwe na a babya hi feberi.
Marku 1. 29, 30, 31. Luka 4. 38, 39.
1 Kor. 9. 5.

15 I lo koma canja gakwe, ni
feberi yi lo mu tsika ; yena
i lo suka, i lo ba kozela.

16 Laha na gi hlwile, ba lo ne-

ha ka yena banyingi ba laba
ba nga hi ni madimoni : ye-
na i lo hlongola mimoya hi
mhaka, a hanyisa bonkolele-
le ba laba ba nga kari ba
babya :

Marku 1. 32, &c. Luka 4. 40, 41.

17 Kasi ku fela ku tatiseka le-
xo xi nga wulawulilwe hi
Isaya muprofeti, aku, A
wutsumbu gakwe i lo teka
kukarala ka hina, a rwala a
tingumbe ta hina.

1 Pet. 2. 24.

18 Makunu laha Jesu na wo-
na xidlemo xi mu ranzele,
i lo nyika kulaya ku suka
baya ka ginwani klelo.

19 Ku lo cikela mutsali laho.
a ku ngalo kakwe, Hosi,
nzi ta ku lanzela ni kwili:
laha u yako kona.

Luka 9. 57, 58.

20 Jesu a ku ngalo ka yena, A
bahlati ba na ni timhako.
ni tinyanyani ta tilo ti na
ni zisaka ; kanilezi Nwana
wa munhu a nga nako laha
a nga bekako hloko yakwe
kona.

21 Munwani wa bapizani ba-
kwe aku ka yena, Hosi, uzi
vumele nzi ya lahla dadani
kusangula.

Luka 9. 59, 60.

22 Kanilezi Jesu aku kakwe.
Lanzisa mina ; u tsika ba-
fileko ba lahla bafileko ba-
bye.

23 Laha na kilele ngalabeni
bapizani bakwe ba lo mu
lanzela.

24 Languta, ku lo cikela xipupuri xa hombe bimbini, makunu a ngalaba yi lo fenengetwa hi mabyandlati: kanilezi yena i wa eklele.

Marku 4. 37, &c. Luka 8. 23, &c.

25 Ba lotta kakwe, ba mu vuxa, ba ku, Hi hanyise, Hosi; hafa.

26 Yena aku kabye, Mu caba hi yini, O nwina ba kukoleka kutsongwanyani? Makunu i lo suka, i lo miyeta mheho ni bimbi; laho ku wa hi kona malanga ya hombe.

27 Ni banhu ba lo dama, baku, Munhu wa ku yini loyi, wa ku hambu mheho ni bimbi zi mu ingisa ke?

28 Laha na a cikele klatukweni tikweni ga ba Gadereni, i lo klangana ni bimbiri ba nga hi ni madimoni, ba huma xilahleni, ba wa tsisa nguvu, kasi i wa nga ha koti munhu ku hunza hi ndlela leyo.

Marku 5. 1, &c. Luka 8. 26, &c.

29 Languta, ba wa bitana, baku, Hi ta maha yini na wena, wena Nwana wa Nungungulu? u tile laha kuta hi xanisa na xi nga se ku cikela xikati?

30 Makunu ku wa hi kona kule ka bona a klambi wa makumba manyingi ma gako.

31 A madimoni ma mu kongotela, ma ku, Loku u hi hlongola, hi yise klambini wa makumba.

32 Yena i te ngalo ka wona, Fambani. Ma lo huma, ma ya engena klambini wa makumba: languta, a klambi wonkle wu tsutsumela nzelelelweni wa bimbi, wu suyo ncu lo matini.

33 Ni laba ba nga kari ba marisa ba tsutsuma, ba loya mutini, ba ya wula zilo zonkle, ni ku ku mahekile yini ka laba ba nga hi ni madimoni.

34 Languta, a muti wonkle wu lo huma ku klangana na Jesu: laha na ba mu wonile, ba mu kongotela ku suka mbinganweni wabye.

Luka 5. 8. Mit. 16. 39.

XIPIMO 9.

1 A engena ngalabeni, a klataka, i lotta mutini wabye.

xip. 4. 13.

2 Languta, ba lo neha kakwe xikurubu, na xi eklele sangweni: Jesu na ku wona kukoleka kabye i te ngalo ka xikurubu, Nwananga, tiyisa mbilu; zonho za wena zi tsetselelwe.

Marku 2. 3. Luka 5. 18. xip. 8. 10.

3 Languta, bokari ba batsali ba alakanya xikari ka wutsumbu gabye, Loyi munhu i na ni nzukano.

4 Jesu na tiba kualakanya kabye aku ngalo, Kwatsi hilezo alakanyani kubiha timbilwini ta nwina?

xip. 12. 25. Marku 12. 15. Luka 5. 22. & 6. 8. & 9. 47. & 11. 17.

5 Hakuba hi ku yini ku hehukako, hi ku ngalo, Zonho za wena zi tsetselelwe; ku-

- tani ku ngalo, Suka, u famba?
- 6 Kanilezi kasi mu fela ku tiba lezaku Nwana wa munhu i na ntamo misabeni ku tsetselela zonho (zonake aku ka xikuru), Suka, u teka sango ga wena, uya ndlwini ya wena.
- 7 A suka, aya ndlwini yakwe.
- 8 Kanilezi laha zidlema na zi wonile zi wa caba, zi dumisa Nungungulu, loyi a yi nyikileko ntamo wa ku ngahi ka banhu.
- 9 Kwatsi hilezi Jesu a nga hunza na suka hi laho, i lo wona munhu, a bitwako Mateu, na tsamile wutsanweni go hlengisa: i te ngalo kakwe, Nzi lanzise. Na yena i lo suka, a mu lanzisa.
Marku 2. 14. Luka 5. 27.
- 10 Na ku mahisile, kota lezi a nga tsamile kugeni ndlwini, languta, a banyingi ba bahlengisi ni baonhi ba lota ba tsama lahasi na Jesu ni bapizani bakwe.
Marku 2. 15, &c. Luka 5. 29, &c.
- 11 Ni laha ba Farisi na zi wona, ba lo wula ka bapizani bakwe, Hi yini Mugonzisi wa nwina a gako ni bahlengisi ni baonhi ke?
xip. 11. 19. Luka 5. 30. & 15. 2. Gal. 2. 15.
- 12 Laha na a zi zwile, i te ngalo, Laba ba hanyako a ba labi nanga, kanilezi laba ba babyako.
- 13 Kanilezi fambani mu ya gonza ku ngalo ku wula yini loku, Nzi ranza wixinji, a nzi ranzi minyikelo: hakuba a nzi telangi a ku bitana bolulama, kanilezi a baonhi.
xip. 12. 7. 1 Tim. 1. 15.
- 14 Zonake ku cikela kakwe bapizani ba Johani, baku, Hi yini hina ni ba Farisi ha tala ku yila, kanilezi a bapizani ba wena a ba yili?
Marku 2. 18, &c. Luka 5. 33, &c. & 18. 12.
- 15 Jesu a ku ngalo kabye, Ba zi kota ku rila a banana ba mukonwana, na muyeni na ha hi nabo ke? kanilezi a masiku ma hata, laha a muyeni a ta tekiwa ka bona, zonake ba ta yila.
Joh. 3. 29. Mt. 13. 2, 3. & 14. 23. 1 Kor. 7. 5.
- 16 A ku na munhu a bekelako capa yiswa nguweni yo hlakala; hilezi capa yi nga maha lezo yi nga hanzula nguwo, yi boxa yi engetela kuhanzuka.
- 17 Hambu banhu a ba celi a waini giswa mikwameni ya kale: kutani a mikwama yi nga hanzuka, ni waini gi halaka, ni mikwama yi hanzuka: kanilezi ba cela a waini giswa kwameni yiswa, zonkle zi tsameka.
- 18 Na ha wulawula lezi ka bona, languta, ku lota a ho-

sana, yi lo mu kozela, yiku, A nhanyana wa mina hambu makunu i file: kanilezi ngona u beke mandla ya wena hehla kakwe, i ta hanya.

Marku 5. 22, &c. Luka 8. 41, &c.

19 Jesu i lo suka, a mu lanzela, lezo ni bapizani bakwe.

20 Languta, a wasati, loyi a nga hi ni tungu wa ku humesa nkata malembe ya kume ni mambiri, ata le nzako kakwe, a kumba petso wa nguwo yakwe:

Marku 5. 25. Luka 8. 43.

21 Hakuba i lo ngalo hi wutsumbu gakwe, Kanilezi loku nzi kumba nguwo yakwe, nzi ta hanya.

22 Kanilezi Jesu na hunzuluka a mu wona a ku ngalo, Nwananga, tiyisa mbilu; a kukoleka ka wena ku ku hanyisile. Ku sukela lexo xikati i lo hanyiswa wasati.

Luka 7. 50. & 8. 43. & 17. 19. & 18. 42.

23 Laha Jesu i wa cikele ndlwini ya hosana, i lo wona laba ba nga ba tinjele, ni laba ba nga tsombene ba tinga,

Marku 5. 38. Luka 8. 51.

24 I lo ngalo, Miyelani: hakuba a nhanyana a nga fangi, kanilezi i eklele. Ba mu hleka hi kutseketsela.

Mit. 20. 10.

25 Kanilezi laha laba ba nga tsombene na ba humele, i lo engene, a mu teka hi canja; ni nhanyana i lo vuka.

26 Ni wudumo gi lo zwala tikweni legonkle.

27 Jesu na ha hunza laho, a zikumu zimbiri zi lo mu lanzela, zi bitana, ziku, Maha wuxinji ka hina, wena nwanawa wa Davida.

xip. 15. 22. & 20. 30, 31. Marku 10. 47, 48. Luka 18. 38, 39.

28 Laha na tile lomo ndlwini, a zikumu zi lota kakwe: Jesu i te ngalo ka zona, Mu kolwa ku ngalo nza kota ku maha lexi ke? Ziku kakwe, ziku kakwe, Ina, Hosi.

29 Zonake i lo kumba a mahlo yabye, a ku, Kota kukoleka ka nwina a ku mahe lezo ka nwina.

30 A mahlo yabye ma lo vululwa. Jesu a ba layisisa, aku, Wonani ku nga tibyiwi hi munhu.

xip. 8. 4. & 12. 16. & 17. 9. Luka 5. 14.

31 Kanilezi ba lo huma, ba su hangalasa wudumo gakwe ka gonkle lego tiko.

Marku 7. 36.

32 Kwatsi hilezi na ba huma, languta, ku lo tiswa kakwe munhu wa mbebebe na hi ni dimoni.

xip. 12. 22. Luka 11. 14.

33 Laha na dimoni gi hoxilwe lahandle, a mbebebe yi lo wulawula: a zidlemo zi lo dama, ziku, Cima a ku wonwangi lezo ka Israeli.

34 Kanilezi ba Farisi ba te nga-

lo, Hi Hosana ya madimoni
wa humesa madimoni.

xip. 12. 24. Marku 3. 22. Luka 11. 15.

- 35 Jesu i lo nzulanzula yonkle
miti ni zimuntana, na go-
nzisa masinagogeni yabye,
na kanela ivangeli ya mu-
fumo, a hanyisa tonkle ti-
xaka ta mitungu ni tonkle
tixaka ta kubabya.

Marku 6. 6. Luka 13. 22. xip. 4. 23.

- 36 Kanilezi laha na wonile zi-
dlemo, i lo zi zwela wuxinji,
hakuba ba wa xanisekile ba
hangalakile, kotisa tiyivu ti
haba murisi.

Marku 6. 34.

- 37 Zonake aku ka bapizani ba-
kwe, A tsobela ku ka ho-
mbe ntsena, kanilezi a zitiri
zi tsongwanyani.

Luka 10. 2. Joh. 4. 35.

- 38 Hikwalaho kombelani a Ho-
si ya kuhula, lezaku a ru-
mela zitiri kutsobeleni ka-
kwe.

2 Tes. 3. 1.

XIPIMO 10.

- 1 A bitana bapizani bakwe
ba kume ni bambiri, i lo ba
nyika ntamo hehla ka mi-
moya yo biha, a ku yi hlo-
ngola, ni ku hanyisa tixaka
tonkle ta mitungu ni tixa-
ka tonkle ta kubabya.

Marku 3. 13, 14. & 6. 7. Luka 6. 13. &
9. 1.

- 2 Makunu mabito ya bapo-
stoli ba kume ni bambiri hi
laya : A wo ranga, Simoni,
a bitwako Petro, na Andreu
makabye wakwe ; na Ja-

mesi *nwana* wa Zabedi, ni
Johani makabye wakwe ;

Joh. 1. 42.

- 3 Filipu, ni Bartolome ; To-
masi, ni Mateu mu hlengisi ;
Jamesi wa Alfeu, ni Tadeu ;
4 Ni Simoni mu Kanani, ni
Judasi Iskarioti, loyi a nga
mu nyikela.

Luka 6. 15. Mit. 1. 13. Joh. 13. 26.

- 5 Laba ba kume ni bambiri
Jesu i lo ba ruma, a ba laya,
aku,

Mu nga fambi hi ndlela yi
yako ka ba Matiko, mu nga
engeni ni ka muti wa ba
Samaria :

xip. 4. 15. Joh. 4. 9, 20.

- 6 Kanilezi yanani ka tiyivu ti
lahlekileko ta yindlu ya
Israeli.

xip. 15. 24. Mit. 13. 46. 1 Pet. 2. 25.

- 7 Kwatsi hilezi mu fambako,
kanelani, muku, Mufumo
wa tilo wu tsinele.

Luka 9. 2. xip. 8. 2. & 4. 17. Luka
10. 9.

- 8 Hanyisani ba babyako, mu
vuxa bafleko, hlazani to-
hlokonho, mu hlongola ma-
dimoni : mu amukele hi
matsenya, nyikani hi ma-
tsenya.

Mit. 8. 18, 20.

- 9 Mu nga teki a nzalama, ni
siliva, hambu ni suku mi-
kwameni ya *nwina* ;

Marku 6. 8. Luka 9. 3. & 10. 4. & 22. 35.

- 10 Mu nga weleli kwama lwe-
nzweni la *nwina*, hambu
mabaji mambiri, hambu zi-
lato, ni nhonga : hakuba
xitiri xi fanele kuga ka
xona.

Luka 10. 7. 1 Kor. 9. 7, &c. 1 Tim. 5. 18.

11 Kani hi wihi muti ni mutana mu ta nga engena, wutisani muku hi mani a faneleko kona; tsamani kona mu kala mu famba.

Luka 10. 8.

12 Kwatsi hi loku ma ha engena ndlwini, mu yi lose-tela.

13 Loku a yindlu yi fanele, a kurula ka nwina a ku tsame ka yona: kanilezi loku yi nga fanele, nga kurula ka nwina ku wuya ka nwina.

Luka 10. 5.

14 Kani hi wihi a nga mu amukeliko, a nga ingisiko timhaka ta nwina, kota lezo mu humako ka leyo yindlu kutani muti, pumunhani tsuru wa mikonzo ya nwina.

Marku 6. 11. Luka 9. 5. & 10. 10, 11.
Mit. 13. 51. & 18. 6.

15 Hizinene nzi ku ka nwina, Ku ta hehuka ka tiko ga Sodoma ni Gomora hi siku go lamula, ku hunza muti lowo.

xip. 11. 22, 24.

16 Langutani, nza mu ruma kota tiyivu xikani ka timhisi: hikwalaho klarihani kota tinyoka, mu maha kwatsi kota matuba.

Luka 10. 8. Roma 16. 19. Efe. 5. 15.
1 Kor. 14. 20. Fil. 2. 15.

17 Kanilezi dzukani banhu: hakuba ba ta mu nyikela miklaweni, ba ta mu xupula masinagogeni yabye;

xip. 24. 9. Marku 13. 9. Luka 12. 11.
& 21. 12. Mit. 5. 40.

18 Ina ni mahlweni ka bafumeli ni tihosi mu ta yisiwa

[Shoetawa.]

70

hi kota ya mina, hakuba mu kustumunya ka bona ni ka ba Matiko.

Mit. 12. 1. & 24. 10. & 25. 7, 23. 2 Tim. 4. 16.

19 Kanilezi laha na ba mu nyikela, mu nga kanakani ku ngalo mu ta wulawulisa ku yini: hakuba ku ta nyikiwa ka nwina hi xikati lexo mu ta nga wulawula.

Marku 13. 11, 12, 13. Luka 12. 11. & 21. 14, 15.

20 Hakuba a hi nwina laba mu wulawulako, kanilezi hi Moya wa Dadani wa nwina wu wulawulako xikari ka nwina.

Mit. 4. 8. & 6. 10. 2 Tim. 4. 17.

21 Makabye i ta nyikela makabye kufeni, ni raru xihlangana xakwe: ni bana ba ta vukela ba trali ba-bye, ba ba dayisa.

xipm. 35, 36. Luka 21. 16.

22 Mu ta bengiwa hi banhu - bonkle hi kota ya bito ga mina: kanilezi loyi a tiyako kala kugumeseni, hi yena a ta nga hanyiswa.

Luka 21. 17. xip. 24. 13. Marku 13. 13.

23 Kanilezi loku ba mu xanisa mutini lowu, cabelani ka munwani; hakuba hizinene nzi ku ka nwina, Mu nga ta mbeta a miti ya ba Israeli, na Nwana wa munhu na nga se ku cikela.

xip. 2. 13. & 4. 12. & 12. 15. Mit. 8. 1. & 9. 25. & 14. 6. xip. 16. 28.

24 Mupizani a nga kluli dzilaxi wakwe, ni xitiri a xi kluli hosi ya xona.

Luka 6. 40. Joh. 13. 16. & 15. 20.

25 Ku ene le loku mupizani a

- kota dzilaxi wakwe, ni xi-tiri ku kota hosi ya xona. Loku ba nga ba bitanile *nwinyi* wa yindlu ba ku hi Belzebuba, ba ta bitana nguvu ba ngangu wakwe !
xip. 12. 24. Marku 3. 22. Luka 11. 15. Joh. 8. 48, 52.
- 26 Hikwalaho mu nga ba cabi: hakuba a ku na xilo xi fine-ngetilweko, xi ta nga kala ku funungulwa; ni zi fihleleko, zi ta nga kala ku ti-byiwa.
Marku 4. 22. Luka 8. 17. & 12. 2, 3.
- 27 Lexi nzi mu byelako munyamani, xi wulawuleni kuwonekeleni: ni lezi mu zi zwako tindlebeni, banani hungu xixungweni xa yindlu.
- 28 Mu nga ba cabi laba ba dayako miri, kanilezi a ba na ntamo ku daya muhefemulo: kanilezi cabani loyi a kotako ku mbetisa muhefemulo ni miri gehene.
Luka 12. 4. 1 Pet. 3. 14.
- 29 Bamanjingiri bambiri a ba xabyiwi hi dezi ke? a nga kona ni munwe a wako misabeni a nga tibyiwi hi Dadani wa *nwina* :
- 30 Kanilezi ywaleyi misisi ya tihloko ta *nwina* yonkle yi hlayilwe.
Luka 21. 18. Mit. 27. 34.
- 31 Hikwalaho mu nga cabi; *nwina* ma ba klula nguvu bamanjingiri banyingi.
- 32 Hikwalaho loyi a ta nga nzi vumela mahlweni ka banhu, yenawu kambe nzi ta mu vumela mahlweni ka
- Dadani wa mina loyi a nga le tilweni.
Luka 12. 8. Roma 10. 9, 10. Kuv. 3. 5.
- 33 Kanilezi kani hi mani a ta nga nzi ala mahlweni ka banhu, yenawu nzi ta mu ala mahlweni ka Dadani wa mina wa le tilweni.
Marku 8. 38. Luka 9. 26. 2 Tim. 2. 12.
- 34 Mu nga alakanyi muku nzi tile kuta ruma kurula misabeni: a nzi telangi ku ta ruma kurula, kanilezi supado.
Luka 12. 49, 51, 52, 53.
- 35 Hakuba nzi tile kuta hambanyisa munhu ni raru wakwe, ni nhanyana ni mamani wakwe, ni katamwane a vukela *nwingi* wakwe:
- 36 Ni balala ba munhu ba ta maha ba le ngangweni ka-bye.
Joh. 13. 18.
- 37 Loyi a ranzako a raru wakwe ni nyine wakwe a klulisa mina a nzi faneli; ni loyi a ranzako a nwana ni nhanyana a klulisa mina a nga nzi faneli.
Luka 14. 26.
- 38 Loyi a nga tekiko xihanbano xakwe a nzi lanzisa, a nga nzi faneli.
xip. 16. 24. Marku 8. 34. Luka 9. 23. & 14. 27.
- 39 Loyi a kumako kuhanya kakwe i ta ku lahla; loyi a lahlako kuhanya kakwe hi kota ya mina i ta ku kuma.
xip. 16. 25. Luka 17. 33. Joh. 12. 25.
- 40 Loyi a mu amukelako *nwina*, wa nzi amukela mina,

ni loyi a nzi amukelako mi-
na wa mu amukela loyi a
nzi rumileko.

xip. 18. 5. Luka 9. 48. & 10. 16. Joh.
12. 44. & 13. 20. Gal. 4. 14.

41 Loyi a amukelako mupro-
feti hi bito ga muprofeti i ta
amukela ncacazelo wa mu-
profeti; ni loyi a amukela-
ko munhu wo lulama hi
bito ga munhu wo lulama i
ta amukela ncacazelo wa
munhu wo lulama.

42 Kani himani a hako ka la-
ba ba tsongwanyani kopo
ya mati yo titimela yoce, hi
bito ga mupizani, hizinene
nzi ku ka nwina, a nga ta
vumala ncacazelo wakwe.

xip. 18. 5, 6. & 25. 40. Marku 9. 41.
Heb. 6. 10.

XIPIMO 11.

1 Na mahisile, laha na Jesu
a gumesile kulaya bapizani
bakwe ba kume ni bambiri,
i lo suka laho a ya ku go-
nzisa ni ku kanela mitini
yabye.

2 Makunu Johani na zwile
le paxweni mitiro ya Kri-
stu, i lo ruma hi bapizani
bakwe,

Luka 7. 18, 19, &c. xip. 14. 3.

3 I te ngalo kakwe, Wena u
hi yena a tako ke, kutani
ha ha langutela munwani?

Joh. 6. 14.

4 Jesu a hlamula a ku ka
bona, Fambani muya ndle-
lela ya nwina mu hlawutela
Johani lezi mu zi zwako ni
lezi mu zi wonako:

5 A zikumu za wona, zikuru-

bu za famba, tihlokonho ta
hlaziwa, ziwiri zazwa, ni
bafileko ba vuxwa, ni zisi-
wana za kanelelwa timhaka
to saseka.

Joh. 2. 23. & 3. 2. & 5. 36. & 10. 25, 38.
& 14. 11. Luka 4. 18. Jam. 2. 5.

6 Ku katekile loyi, a nga ku-
miko ku kungubanyeka hi
kota ya mina.

xip. 13. 57. & 24. 10. & 26. 31. Roma 9.
32, 33. 1 Kor. 1. 23. & 2. 14. Gal. 5.
11. 1 Pet. 2. 8.

7 Kota lezi na fambile, Jesu i
lo sangula ku wulawula ka
zidlema hi Johani, Mu lo
huma muya xiwuleni ku
ya wona wona yini? a lihla-
nga li tsekatsekakisilweko
hi mheho ke?

Luka 7. 24. Efe. 4. 14.

8 Kanilezi mu yela ku ya
wona yini? a munhu a nga
ambele a tinguwo to oloba?
Langutani, laba ba ambele-
ko tinguwo to oloba ba kona
tindlwini ta tihosi.

9 Kanilezi mu lo huma mu
ya wona yini? a kuya wo-
na muprofeti ke? Ina, nza
wula ka nwina, nguvu ku
hunza muprofeti.

xip. 14. 5. & 31. 26. Luka 1. 76. & 7. 26.

10 Loyi hi yena, loyi ku tsali-
lweko ku ngalo,

Languta, nza ruma a tsu-
mi wa mina mahlweni ka
wena, a ta nga longisela
a ndlela ya wena ma-
hlweni ka wena.

Marku 1. 2. Luka 1. 76. & 7. 27.

11 Hizinene nzi ku ka nwina,
Xikari ka bona laba ba tra-
lilweko hi ba basati a ku
humangi wa hombe ku hu-

nza Johani mu Bapatizi :
hambu lezo loyi a nga tso-
ngwanyani mufunweni wa
tilo ngwa hombe ku hunza
yena.

- 12 Kusuka masikwini ya Jo-
hani mu Bapatizi ku kala
makunu mufumo wa tilo
wa wukliwa, ni laba ba wu
wuklako ba wu hakletana.

Luka 16. 16.

- 13 Hakuba baprofeti bonkle ni
nayo ba lo profeta ku kala
kuta Johani.

- 14 Loku mu vumela ku mu
amukela, loyi hi Elija, a
tako.

xip. 17. 12. Luka 1. 17.

- 15 Loyi a nga tindlebe ta ku-
zwa, azwe.

xip. 13. 9. Luka 8. 8. Kuv. 2. 7, 11, 17,
29. & 3. 6, 13, 22.

- 16 Kanilezi xizukulwana lexi
nzi ta xi fananisa ni yini ?
xi fananiswa na banana ba
tsamileko wutsanweni go
xabisa, ba bitanako laba ba
nga tsombana nabo, baku,

Luka 7. 31.

- 17 Hi mu yimbelele, a mu ki-
nangi ; hi mu rilele, a mu
mahangi hlomulo.

- 18 Hakuba Johani i tile a nga-
gi a nganwi, baku, I na ni
dimoni.

- 19 A Nwana wa munhu wata
waga wanwa, be ngalo, La-
ngutani, munhu wa ku lo-
nzola, a bewuti, na kulobye
wa bahlengisi ni baonhi !
Wuklari gi lulamisilwe hi
mitiro ya gona.

xip. 9. 10. Luka 7. 35.

- 20 Zonake a sangula kusola

miti leyo mitiro yi nyingi
yakwe ya ntamo yi nga
mahiwa, hakuba a yi hu-
nzulukangi.

Luka 10. 13, &c.

- 21 I kombo ka wena, Korazi-
ni ! kombo ka wena, Betsa-
ida ! hakuba loku mitiro ya
ntamo yi wa nga yi mahi-
lwe ka Tire ni Sidoni leyi yi
mahilweko ka nwina, nga
na ba wa hunzulukile a kale
nguweni ya tisakwa ni ku-
ma.

- 22 Kanilezi nzi ku ka nwina,
ku ta hehuka ka Tire ni Si-
doni hi siku ga kulamula,
hi klula nwina.

xip. 10. 15. xipm. 24.

- 23 Wena, Kapernaume, u ta
klakuselwa tilweni ke ? U
ta relela lahasi Hayidesi :
hakuba loku mitiro ya nta-
mo yi wa mahilwe le So-
doma leyi yi mahilweko ka
wena, nga na wa ha hi ko-
na ku karala nyamukla.

- 24 Ahemba nza wula ka wena,
ku ta hehuka ka Sodoma hi
siku go lamula, ku klula
wena.

xip. 10. 15.

- 25 Hi lexo xikati Jesu a hla-
mula a ku ngalo, Nza ku
kesa wena, O Dadani, Hosi
ya tilo ni misaba, hakuba
u fihlile lezi zilo ka laba bo
klariha ni laba ba tibako, u zi
wonekelisile ka zihlangana :

Luka 10. 21. 1 Kor. 1. 19, 27. & 2. 8.
2 Kor. 3. 14. xip. 16. 17.

- 26 Ina, Dadani, lezo za kune-
ngelisa mahlweni ka wena.

27 Zilo zonkle zi nyikilwe ka mina hi Dadani: a ku na munhu a tibako Nwana, hi Dadani yece; hambu ni wa ku tiba Dadani, saseka Nwana, ni kani himani loyi a Nwana a labako ku mu wonekelisa ka yena.

rip. 28. 18. Luka 10. 22. Joh. 3. 35. & 13. 3. & 17. 2. 1 Kor. 15. 27. Joh. 1. 18. & 6. 46. & 10. 15.

28 Ngonani ka mina, nwina nwenkle mu kareleko ni mu binzwako, nzi ta mu humulisa.

29 Tekani joka ga mina hehla ka nwina, mu gonza ka mina; hakuba nzi rulile nzi tangele mbilwini: mu ta kuma ku humula mihefe-mulweni ya nwina.

Joh. 13. 15. Fil. 2. 5. 1 Pet. 2. 21. 1 Joh. 2. 6. Fil. 2. 7, 8.

30 Hakuba a joka ga mina a gi tsanzi, ni nzwalo wa mina wa hehuka.

1 Joh. 5. 3.

XIPIMO 12.

1 Hi lexo xikati Jesu i lo tse-makanya masinwini hi siku ga sabado; a bapizani bakwe ba lozwa ndlala, ba lo sangula ku tsoba mabele, ba loga.

Marku 2. 23. Luka 6. 1.

2 Kanilezi ba Farisi, laha na ba zi wona, baku ka yena, Languta, bapizani ba wena ba mahako lezi zi nga faneliko ku mahiwa hi sabado.

3 Kanilezi yena a ku kabye, A mu gonzangi lezi zi nga mahiwa hi Davida ke, na

zwile ndlala yena, ni laba ba nga hi naye ke;

4 I engenisile ku yini ndlwini ya Nungungulu, i loga a zibaba za kubekiwa mahlweni, zi nga faneliko ku giwa hi yena, ni laba ba nga hi naye, kanilezi a bapristi boce?

5 Kutani a mu gonzangi nayweni ke, a ku hi siku ga sabado a bapristi tempelini ba lo onha a sabado, ba haba nanzu?

Joh. 7. 22.

6 Kanilezi nza wula ka nwi-na, munwe wa hombe ku hunza tempeli i kona laha.

7 Kanilezi loku mu wa zi tiba a ku ku fananisa yini loku, Nzi ranza wuxinji, a nzi ranzi nyikelo, nga na mu nga konangi loyi a nga haba nanzu.

rip. 9. 13.

8 Hakuba Nwana wa munhu hi Hosi ya sabado.

9 A suka laho, aya engena sinagogeni gabye:

Marku 3. 1. Luka 6. 6.

10 Languta, i wa hi kona munhu loyi a nga ni canja gi lameleko. Ba mu wutisa, baku, Ku fanela ku hanyisa hi siku ga sabado? kasi ba fela ku mu kecara.

Luka 13. 14. & 14. 3. Joh. 9. 16.

11 Aku ka bona, Hi wihi munhu ka nwina, loyi, na hi ni yivu yinwe, loku yi wela rinzini hi siku ga sabado, a nga ta yi koma, a yi humesa ke?

- 12 A munhu i hunza yivu hi xipimo muni! Hilezi ku fanele ku maha zo saseka hi siku ga sabado.
- 13 Zonake aku ka munhu, Nawuluta canja ga wena. I lo gi nawuluta; gi lo klela gi lo hanyiswa, kota ginwani.
- 14 Kanilezi a ba Farisi ba humma, ba xoxa makungo, baku ba ta mu daya hi ku yini.
xip. 27. 1. Marku 3. 6. Luka 6. 11. Joh. 5. 18. & 10. 39. & 11. 53.
- 15 Jesu na zi tiba i lo suka laho: Banyingi ba lo mu lanza; i lo ba hanyisa bonkle,
xip. 10. 23. Marku 3. 7. xip. 19. 2.
- 16 I lo ba laya lezaku ba nga mu zwatisi:
xip. 9. 30.
- 17 Kasi ku fela ku tatiseka lexi xi nga kanelwa hi Isaya muprofeti, aku,
- 18 Languta, xitiri xa mina nzi xi hlawulileko; xi ranzwa xa mina loyi a muhefemulo wa mina wu dzunzekako kwatsi: nzi ta beka Moya wa mina hehla ka yena, i ta kanela kulamula ka ba Matiko.
xip. 3. 17. & 17. 5.
- 19 A nga ta kanetisana, a nga ta kanyuluka; hambu ni munwe a nga tazwa gezu gakwe mapangweni.
- 20 Lihlanga li fanyekileko a nga ta li tsoba, a ngoti ya kandiya yi fufunhako a nga ta yi tima, kala a humesa kulamula ka ku-hlula.
- 21 Hi bito gakwe ba Matiko ba ta tsumba.
- 22 Zonake ku lo tiswa munwe a nga hi ni dimoni, a nga xikumu ni mbebebe: i lo mu hanyisa, lezo a mbebebe a xikumu yi lo wulawula yi lo wona.
xip. 9. 32. Marku 3. 11. Luka 11. 14.
- 23 Ni zonkle zidlema zi lo hlamala, zi ku ngalo, Loyi a hi nwana wa Davida ke?
- 24 Kanilezi laha na ba Farisi na ba zi zwile, ba te ngalo, Loyi munhu a nga hlongoli madimoni, kanilezi hi Belzebuba a hosi ya madimoni.
xip. 9. 34. Marku 3. 22. Luka 11. 15.
- 25 Na ku tiba kualakanya kabye i te ngalo kabye, Lowo mufumo wu abanyiseneko ha woce wu ta mbeteka; ni lowo muti kutani yindlu yi abanyiseneko ha yoce yi nga ta yima:
xip. 9. 4. Joh. 2. 25. Kuv. 2. 23.
- 26 Loku Satani a hlongola Satani, u hambene wutsumbu gakwe; zonake mufumo wakwe wu ta tiya hi ku yini?
- 27 Loku nzi hlongola madimoni hi Belzebuba, a bana ba nwina ba ta ma hlongola hi mani? Hikwalaho ba ta maha balamuli ba nwina.
- 28 Kanilezi loku nzi hlongola madimoni, hi Moya wa Nungungulu, zonake mufumo wa Nungungulu wu tile ka nwina.
Luku 1. 88. & 11. 20. & 17. 20, 21.

29 I kotisa ku yini munhu ku engena ndlwini ya nhena, a wukla xuma xa yona, saseka loku a sangula hi ku boha nhena? zonake a ta wukla xuma xa yona.

Luka 11. 21, 22, 23.

30 Loyi a nga hi ko na mina i hambene na mina; ni loyi a nga hlengelletiko na mina wa hangalasa.

31 Hikwalaho nzi ku ka nwina, Kuonha konkle ni nzu-kano ku ta tsetselelwa ka banhu; kanilezi a kurukata Moya cima ku nga ta tsetselelwa.

Marku 3. 28. Luka 12. 10. Heb. 6. 4, &c. & 10. 26, 29. 1 Joh. 5. 16. Mit. 7. 51.

32 Kani hi wihi a wulawulako kubiha hi Nwana wa munhu, ku ta tsetselelwa ka yena; kanilezi ka hi wihi a wulawulako hi Moya wo Basa cima ku nga tsetselelwa ka yena, hambu ka legi tiko, ni legi gi tako.

xip. 11. 19. & 13. 55. Joh. 7. 12, 52. 1 Tim. 1. 13.

33 Ma nga maha sinya yo saseka, ni bana ba yona ba nanziha; hambu mahani sinya yo bola, ni bana ba yona ba bolile: hakuba sinya yi tibyiwa hi mihanzu ya yona.

xip. 7. 17. Luka 6. 43, 44.

34 Nwina lixaka la tinyoka, mu ta zi tibisa ku yini na bihile, ku wulawula zilo zo saseka? hakuba hi wunyi-ngi ga mbilu a nomu wa wulawula.

xip. 8. 7. & 23. 83. Luka 6. 45.

35 Munhu wo saseka hi xibiri

xakwe xi sasekileko wa humesa zilo zo saseka: ni munhu wo biha hi xibiri xakwe xi bihileko wa humesa zilo zo biha.

36 Nza wula ka nwina, timhaka tonkle ta haba leti banhu ba ti wulawulako, ba ta hlamulela ha tona hi siku go lamula.

37 Hakuba hi timhaka ta wena u ta lulamiswa, hi timhaka ta wena u ta koneka.

38 Zonake bo kari ba batsali ni ba Farisi ba lo mu hlamula, ba te ngalo, Mugonzisi, ha ranza ku wona xiwoniso xi mahilweko hi wena.

xip. 16. 1. Marku 8. 11. Luka 11. 16, 20. Joh. 2. 18. 1 Kor. 1. 22.

39 Kanilezi yena i lo hlamula aku ngalo ka bona, Xizukulwana xa kubiha ni xi bayako xa laba xiwoniso; xi haba xiwoniso xi ta nga nyikiwa ka xona saseka xi woniso xa Jona muprofeti ntsena.

xip. 16. 4. Marku 8. 38. Joh. 4. 48.

40 Kotisa Jona a nga tsama rubyini ga hlavi a masiku manharu ni wusiku ginharu; lezo Nwana wa munhu i ta tsama mbilwini ya misaba masiku manharu ni wusiku ginharu.

41 A banhu ba le Niniva ba ta yima ni xizukulwana lexi hi siku ga ku lamula, ba ta xi kona: hakuba ba lo hunzuluka hi kukanela ka

Jona ; langutani, i kona laha a hunzako Jona.

Luka 11. 32. Roma 2. 27.

- 42 Wasati hosi ya dzonga i ta suka a yima kulamuleni zinwe ni xizukulwana lexi, i ta xi kona : hakuba i tile hi kugumeseni ka misaba ku tazwa kuklariha ka Solomoni ; languta, wa hombe ku hunza Solomoni i kona laha.

Luka 11. 31.

- 43 Kanilezi moya wa kubiha, na wu humele munhwini, wu lo tsemakanya wutsanweni gi omileko, na wu laba kuhumula, a wu ku kumangi.

Luka 11. 24. 1 Pet. 5. 8.

- 44 Zonake wu ku, Nzi ta klela ndlwini ya mina laha nzi humako ha kona ; na wu cikele, wu yi kuma na ku hi panga, na swiyelilwe, yi bombisilwe.

- 45 Zonake wu famba, wu ya teka ya nkulanu ni mimbiri a yinwani mimoya yo biha ku hunza wutsumbu ga wona, yi engena yi tsama kona : a ku heta ka munhu loye ku lo biha ku hunza kusangula. Lezo kuto maha ka lexi xizukulwana xi bihileko.

Heb. 6. 4. & 10. 26. 2 Pet. 2. 20, 21, 22.

- 46 Na ha wulawula ka zidle-mo, languta, nyine wakwe ni bamakabye ba lo yima lahandle, ba laba ku wulawula ka yena.

Marku 3. 31. Luka 8. 19, 20, 21. xip.

13. 55. Marku 6. 3. Joh. 2. 12. & 7. 3, 5. Mit. 1. 14. 1 Kor. 9. 5. Gal. 1. 19.

- 47 Munwani a ku ngalo ka yena, Languta, nyine wa wena ni bamakabye ba wena ba yimile lahandle, ba laba ku wulawula ka wena.

- 48 Kanilezi i lo hlamula aku ka loyi a mu byelileko, Nyine wa mina hi mani ? ni bamakweru ba mina ba mani ?

- 49 I lo nawuluta canja gakwe ka bapizani, a ku ngalo, Langutani, nyine wa mina ni bamakabye ba mina !

- 50 Hakuba loyi a ta nga maha kuranza ka Dadani wa mina wa le tilweni, yena hi makabye wa mina, ni makwenu wa mina, ni nyine wa mina.

Joh. 15. 14. Gal. 5. 6. & 6. 15. Kol. 3. 11. Heb. 2. 11.

XIPIMO 13.

- 1 Hi lego siku Jesu a huma ndlwini, a ya tsama bimbini.

Marku 4. 1.

- 2 Ku lo tsombana kakwe zidle-mu za hombe, lezo i lo engena ngalabeni, i lo tsama ; a zidle-mu zonkle zi lo yima fungwini.

Luka 8. 4. & 5. 3.

- 3 I lo kanela kabye zilo zo tala hi mifananiso, aku, Langutani, ku lo huma muxwanyi aya xwanya ;

Luka 8. 5.

- 4 Kwatsi hilezi na ha xwanya, yinwani mbewu yi lo wela ndleleni, a tinyanyani ti lo cikela ti yi jowotela :

- 5 Tinwani ti wela wutsanweni ga maribye, laha yi nga haba misaba yo tala: zalezo ti mila, hilezi laho ku nga haba misaba yo tala:
- 6 Ni laha na gi tsuwukile gambo, ti lo klahuka; hakuba ti nga hi ni mutsu, ti lo wuna.
- 7 Tinwani ti lo wela mizweni; mizwa yi lo kula, yi ti kliba:
- 8 Ni tinwani ti lo wela misabeni yo saseka, ti trala bana, tinwani hi zana, tinwani hi nklanu wa makume ni kume ginwe, tinwani hi makume manharu.
- 9 Loyi a nga ni tindlebe, azwe.
xlp. 11. 15. Marku 4. 9.
- 10 A bapizani ba lotta, ba ku kakwe, Hi yini u wulawulako kabye hi mifananiso?
- 11 I lo hlamula a ku ngalo kabye, Ka nwina ku nyikilwe ku tiba mifihlakalo ya mufumu wa tilo, kanilezi ka bona a ku nyikiwangi.
xlp. 11. 25. & 16. 17. Marku 4. 11. 1 Kor. 2. 10. 1 Joh. 2. 27.
- 12 Hakuba loyi a nga nazo, ku ta nyikiwa kakwe, i ta pfuna: kanilezi kani hi wihi a nga haba, ka yena ku ta tekwa ni xwalexi a nga ku i naxo.
xlp. 25. 29. Marku 4. 25. Luka 8. 18. & 19. 26.
- 13 Hikwalaho nza kanela ka bona hi mifananiso; hakuba ba ku wona ba nga woni, ba kuzwa ba ngazwi, hambu ni kupima.
- 14 Ni ka bona kutatiseka ku profeta ka Isaya, ku nge ngalo,
Hi kuzwa mu tazwa, na mu nga hi ni kupima; hi ku wona mu ta wona, na mu nga hi ni kuwona:
Marku 4. 12. Luka 8. 10. Joh. 12. 40. Mit. 28. 26, 27. Roma 11. 8. 2 Kor. 3. 14, 15.
- 15 Hakuba mbilu ya laba banhu yi nonohile, ni tindlebe tabye a ti na made-ma ya kuzwa, ni mahlo yabye ma tsimbile; kutani ku nga maheka ba wona hi mahlo yabye, bazwa hi tindlebe tabye, ba pima hi timbilu tabye, ba hunzuluka kambe, nzi ta ba hanyisa.
Heb. 5. 11.
- 16 Kanilezi ma katekile mahlo ya nwina, hakuba ma wona; ni tindlebe ta nwina, hakuba tazwa.
xlp. 16. 17. Luka 10. 23, 24. Joh. 20. 29.
- 17 Hizinene nzi ku ka nwina, baprofeti ni banhu bo lula-ma banyingi ba nga laba ku wona zilo mu zi wonako, a ba zi wonangi; ni kuzwa zilo mu zi zwako, a ba zi zwangi.
Heb. 11. 13. 1 Pet. 1. 10, 11.
- 18 Zonake ingisani mufananiso wa muxwanyi.
Marku 4. 14. Luka 8. 11.
- 19 Laha loku munhu azwa mhaka ya mufumo, a nga yi pimi, zonake kuta loyi wa kubiha, a wukla lexi xi xwanyileko lomo mbilwini

- yakwe. Loyi hi yena a xwanyileko ndleleni.
xip. 4. 23.
- 20 Loyi a nga xwanyiwa maribyeni, hi yena loyi a yi zwako mhaka, zalezo a yi amukela hi kutsaka;
Joh. 5. 35.
- 21 Na nga hi na mutsu hi wutsumbu gakwe, kanilezi a tiya xikatanyana; loku kukarateka kutani kuxaniseka ku cikele hi kota ya mhaka, zalezo a kungubanyeka.
xip. 11. 6. 2 Tim. 1. 15.
- 22 Loyi a nga xwanyiwa mizweni, loyi hi ywaloyi azwako mhaka; a kulaba zilo za tiko, a kukohlisa ka kufuma, ku klimba mhaka, yi nga trali mihanzu.
xip. 19. 23. Marku 10. 23. Luka 18. 24. 1 Tim. 6. 9. 2 Tim. 4. 10.
- 23 Ni loyi a nga xwanyiwa misabeni ya kusaseka, hi yena loyi a zwako mhaka, a yi pima; a pfuna mihanzu ntsena, a trala, yinwani hi zana, yinwani hi nklanu wa makume ni kume ginwe, yinwani hi makume manharu.
- 24 Munwani mufananiso i lo wulawula mahlweni kabye, a ku, A mufumo wa tilo wu fanana ni munhu loyi a nga xwanya mbewu yinene a sinwini gakwe:
- 25 Kanilezi na ba eklele banhu, ku lo cikela a nala wakwe a xwanya makuhu kambe xikari ka mabele, i lo famba.
- 26 Kanilezi laha na timbewu ti milile, ti cela mihanzu, ku woneka ni makuhu kambe.
- 27 A zitiri za laha ngangweni zi lota ziku, Hosi, a ku xwanyangi timbewu to saseka sinwini ga wena ke? ma ta hi kwihi makunu laya makuhu?
- 28 A ku ngalo kabye, A nala i mahile lexi. A zitiri ziku kakwe, A ku zi ranzi hiya hi ma hlengeletela ke?
- 29 Kanilezi yena aku, Kokwihhi; ku nga ku laha mu hlengeletelako makuhu, mu nga tsuwula mabele zinwe nawo.
- 30 Nga na mu ma tsika ma kula zinwe ku kala ku cikela kutsobela: hi xikatini xa kuhula nzi taku ka batsobeli, Wungeletelani makuhu kusangula, mu ma boha hi tinyanza ku ma hisa: kanilezi mu wungeletela mabele magombeni ya mina.
xip. 3. 12.
- 31 Munwani mufananiso a wu beka mahlweni kabye, a ku, A mufumo wa tilo wu kotisa a mbewu ya xinapi, leyi munhu a yi tekako, a yi xwanya sinwini gakwe:
Marku 4. 30, &c. Luka 13. 18, 19.
- 32 Leyo ntsena yi nga yi tsongwanyani ku hunza timbewu tonkle; kanilezi laha na yi kulile, yi maha ya hombe ku hunza kubya-nya wonkle, yi maha sinya,

lezaku zinyanyani za tilo zita zi kapama marabini ya yona.

- 33 Munwani mufananiso a wu kanela kabye; A mufumo wa tilo wu fanana ni come-lo, lexi a xi tekako wasati, a xi fihla mapeni ya xipimo xinharu, ku kala ku bila konkle.

Luka 13. 20, &c.

- 34 Zonkle lezi zilo Jesu i lo wulawula hi mifananiso ka zidlelo; hi lahandle ka mifananiso a nga wulangi cumo ka bona:

Marku 4. 33, 34.

- 35 Kasi ku fela ku tatiseka lexi xi nga kanelwe hi muprofeti, aku,

Nzi ta vulula nomu wa mina hi mifananiso; Nzi ta wulawula zilo zi fihleleko kusanguleni ka tiko.

Roma 16. 25, 26. 1 Kor. 2. 7. Efe. 3. 9. Kol. 1. 26.

- 36 Zonake i lo siya zidlelo, a engena ndlwini: a bapizani bakwe ba lota kakwe, baku, Hi klamusele a mufananiso wa makuhu ya lomo sinwini.

- 37 A hlamula i te ngalo, Loye a xwanyako mbewu ya kusaseka hi Nwana wa munhu;

- 38 A simu hi tiko; a mbewu ya kusaseka, laba hi bana ba mufumo; ni makuhu hi bana ba loyi wa kubiha;

xip. 24. 14. & 28. 19. Marku 16. 15, 20. Luka 24. 47. Roma 10. 18. Kol. 1. 6. Joh. 8. 44. Mit. 13. 10. 1 Joh. 3. 8.

- 39 A nala loyi a nga xwanya hi Satani: a kuhula hi kugumesa ka tiko; ni bahuli hi tingelosi.

Kuv. 14. 15.

- 40 Hikwalaho kotisa lezi a makuhi ma ta nga hleletelwa ma hiswa hi nzilo; ku ta maha lezo kugumeseni ka tiko.

- 41 A Nwana wa munhu i ta rumela tingelosi takwe, ti ta wungeletela mufunweni wakwe zonkle lezi zi mahako kungubanyisa, na bona laba a mahako kubiha,

xip. 18. 7. 2 Pet. 2. 1, 2.

- 42 Ti ta ba hoxa pingweni ga nzilo: laho ku ta nga maha kona mikosi ni kugetsela ka meno.

xip. 3. 12. Kuv. 19. 20. & 20. 10. xip. 8. 12. xipm. 50.

- 43 Zonake a ba lulamileko ba ta ngangamela kota gambo mufunweni wa Dadani wabye. Loyi a nga ni tindlebe, azwe.

1 Kor. 15. 42, 43, 58. xipm. 9.

- 44 Mufumo wa le tilweni wu fanana ni tsomba yi fihlilweko sinwini; leyi munhu a nga yi kuma, a yi fihla; hi kutsaka kakwe a famba a ya xabisa zonkle a nga nazo, a xaba lego simu.

Fil. 3. 7, 8. Kuv. 3. 18.

- 45 Kambe, a mufumo wa le tilweni wu kotisa mahungani a labako mapareli yo saseka:

- 46 Na kumile a pareli ginwe gi nga ni tsengo wa hombe,

i lo famba a ya xabisa zonkle a nga nazo, a gi xaba.

47 Kambe a mufumo wa le tilweni wu fanana ni likoka, lolu li nga hoxiwa bimbini, li wungeletela tixaka tonkle :

xip. 22. 10.

48 Laha na li tele, ba li kokela fungwini; ba tsama lahasi, ba hlengeletela leti tinene zibveni, kanilezi ba cukunyeta lahandle leti to biha.

49 Kuta maha lezo kugumesenika ka tiko: a tingelosi ti ta huma, ti ta abanyisa bo-biha xikari ka kusaseka,

xip. 25. 32.

50 Ti ta ba hoxa pingweni ganzilo: laho ku ta nga maha kona mikosi ni ku getselaka meno.

xipm. 42.

51 Mu zi pimile zilo lezi zonkle ke? Ba ku ka yena, Ina.

52 A ku ngalo kabye, Hikwalaho a mutsali loyi a gonzi-silweko mufunweni wa le tilweni i fanana ni munhu loyi a nga nwinyi wa ngango, a humeselako tsomba yakwe zilo ziswa ni za kale.

53 Na ku mahisile lezi, laha Jesu na mbetile leyi mifanano, a suka laho.

54 Na kari ata le tikweni ga le kabye i lo ba gonzisa sinagogeni gabye, lezo ba lo hlalala, ba ku ngalo, I gi kuma kwihi loyi munhu legi wuklari, ni mitiro ya ntamo?

xip. 2. 23. Marku 6. 1. Luka 4. 16, 23.

55 A hi yena nwana wa mukli loyi ke? a nyine wakwe a nga bitiwi a ku hi Maria? ni bamakabye, a hi Jamesi na Josefa, na Simoni, na Juda ke?

Marku 6. 3. & 15. 40. Luka 3. 23. Joh. 6. 42. xip. 12. 46.

56 Ni bamakabye ba xisati, a ba kona bonkle na hina ke? zi huma hi kwihi ka loyi lezi zilo zonkle a nga nazo?

57 Ba lo zangara hi yena. Kanilezi Jesu aku ngalo kabye, Muprofeti a nga dzunziwi, saseka tikweni ga le kakwe, ni ndlwini yakwe.

xip. 11. 6. Marku 6. 3. 4. Luka 4. 24. Joh. 4. 44.

58 A nga mahangi mitiro yi nyingi ya hombe ya ntamo laho hi kota ya ku-ngakolwi kabye.

Marku 6. 5, 6.

XIPIMO 14.

1 Hi lexo xikati hosi Herodi i lozwa wudumo ga Jesu,

Marku 6. 14. Luka 9. 7.

2 A ku ngalo ka malanza yakwe, Loyi hi Johani Mubapatizi; a vukile ka bafileko; hikwalaho lowu ntamo wu tira ha yena.

3 Hakuba Herodi i wa lo koma Johani, a mu boha, a mu engenisa paxweni hi kota ya Herodia, a sati wa makabye wakwe Filipu.

Marku 6. 17. Luka 3. 19, 20.

4 Hakuba Johani i lo ngalo kakwe, A ku fanele ku mu teka.

5 Laha a nga nga laba ku mu daya, i lo caba zidlemo, ha-

kuba ba wa mu tiba ba ku muprofeti.

xip. 21. 26. Luk. 20. 6.

6 Kanilezi laha a siku ga Herodi ga kutralwa gi cikele, a nhanyana wa Herodia i lo kina mahlweni kabye, a tsakisa Herodi.

7 Hi ka lezo a mu tsumbisa hi kuhlambanya ku mu nyika lexi a ta nga xi kombela.

8 Yena, na layilwe hi nyine wakwe, aku, Nzi nyike laha ngelweni a hloko ya Johani Mubapatizi.

9 A hosi yi lo xaniseka : kanilezi hi kota ya kuhlamba kakwe, ni kota ya laba a nga hi nabo laha kugeni, i lo laya hakuba a nyikiwa.

10 I lo rumela, aya tsema hloko ya Johani paxweni.

11 Ni hloko yi lo nehiwa hi ngelo, yi lo nyikiwa ka nhwana : yena a yi yisa ka nyine wakwe.

12 A bapizani bakwe ba lotta, ba lo teka xirumbi, ba xi nkelela ; ba lo famba ba ya ambela Jesu.

13 Makunu Jesu na zi zwile, a suka laho hi ngalaba, aya wutsanweni ga xiwunza klelweni : a zidlemono na zi zwile, zi lo mu lanzela hi milenge bata hi le miti ni.

xip. 10. 23. & 12. 15. Marku 6. 32.
Luka 9. 10. Joh. 6. 1, 2.

14 I lo huma, a wona xidlemono xa hombe, i lo xi zwela wu-

xinji, a hanyisa ba babyako babye.

xip. 9. 36. Marku 6. 34.

15 Laha na gi hlwile gambo, a bapizani ba lotta kakwe, baku, A wutsamo gi hi xiwula, a xikati xi si na xi hunzile ; klelisa a zidlemono, kasi ba fela kuya zimutani, ziya xabela wutsumbu ga zona kuga.

Marku 6. 35. Luka 9. 12. Joh. 6. 5.

16 Kanilezi Jesu a ku ngalo ka bona, A ku labekile kabye lezaku ba famba ; baheni kuga nwina.

17 Bona ba te ngalo kakwe, A hi na cumo laha saseka i nkulanu wa zibaba, ni zidluwani zimbiri.

18 A ku ngalo, Zi neheni laha ka mina.

19 A laya zidlemono ku tsama la hehla ka byanyi ; i lo teka a nkulanu wa zibaba, ni zidluwani zimbiri, na cuwuka le tilweni, i lo katekisa, a kema zibaba a zi nyika ka bapizani, a bapizani ba zi nyika ka zidlemono.

xip. 15. 36.

20 Ba loga bonkle, ba xuriswa : ba lo rolela maklakla ma seleko, kume ni zimbiri ga zirunzu zi lo tala.

21 Laba ba ngaga ba wa hi nkulanu wa makune ya mazana, ku nga hlayiwi a basati ni banana.

22 Zalezo a kongotela bapizani ku engena ngalabeni, ba ranga ba famba klatuko yena, a kala a klelisa zidlemono.

23 Na *klelisile* zidlemo, i lo ya le *xitsungeni* *klelweni* ku kongela; na gi lohlwa i wa hi kona laho yece.

Marku 6. 46. Joh. 6. 16.

24 Kanilezi a ngalaba makunu yi wa hi xikari ka bimbi, yi ndlengandlengiswa hi *ma-byandlati*: hakuba mheho yi wa hambene na bona.

25 Hi xikati xa mune xa ku labelela ka wusiku i lota kabye, na famba hehla ka bimbi.

26 Ni laha bapizani ba mu wona a famba hehla ka bimbi, ba lo dzuka, baku, Xi gono; ba bahuwa hi kucaba.

27 Kanilezi zalezo Jesu i lo wulawula ka bona, aku, Tiyi-sani mbilu; hi mina; mu nga cabi.

28 Petro i lo mu hlamula a ku ngalo ka yena, Hosi, loku u nga u hi wena, nzi bitane kuta ka wena le hehla ka mati.

29 A ku ngalo, Tana. Petro i lo cika ngalabeni, i lo famba hehla ka mati, kuta ka Jesu.

30 Kanilezi na wona mheho, i lo caba; a sangula ku wela, a bahuwa, aku, Hosi, nzi ponise.

31 Zalezo Jesu i lo nawuluta canja gakwe, i lo mu koma, aku kakwe, O wena u nga ni kukoleka ku tsongwananyi, hi yini u ganganwako?

32 Laha na ba engenile ngalabeni, a mheho yi lo miyela.

33 Labo ba nga hi kona ngala-

beni ba lo mu kozela, baku, Hizinene u Nwana wa Nungungulu.

xip. 16. 16. & 26. 63. Marku 1. 1. Luka 4. 41. Joh. 1. 49. & 6. 69. & 11. 27. Mit. 8. 37. Roma 1. 4.

34 Na ba *klaturile*, ba lo cikela tikweni, ga Genesareta.

Marku 6. 53.

35 Laha ba banuna ba lego wutsamo ba mu tibile, ba lo rumela ka lego tiko gonk'le, ba lo neha kakwe bonk'le ba nga kari ba babya;

36 Ba mu kongotela baku ba kumba petso wa nguwo yakwe basi: kwatsi hi bonk'le laba ba nga kumba ba lo hanyiswa.

xip. 9. 20. Marku 3. 10. Luka 6. 19. Mit. 19. 12.

XIPIMO 15.

1 Zonake kuta ka Jesu hi le Jerusalema ba Farisi ni batsali, ba ku ngalo,

Marku 7. 1.

2 Hi yini bapizani ba wena ba hambunyetako mahanyela ya bakale ke? hakuba a ba hlambi mandla yabye laha na бага zibaba.

Marku 7. 5. Kol. 2. 8.

3 A hlamula a ku ngalo ka bona, Hi yini na nwina mu hambunyetako kulaya ka Nungungulu hi kota ya mahanyela ya nwina ke?

4 Hakuba Nungungulu i te ngalo, Caba raru wa wena ni nyine wa wena: ni ku, Loyi a wulawulako kubiha hi dadani kutani mamani wakwe, a afe hi kufa.

Efe. 6. 2.

- 5 Kanilezi nwina muku, Kani hi wihi a ta nga wula ka dadani wakwe ni ka mama ni wakwe, Lezi u laba ku vunetela ha zona hi mina zi nyikelwe ka Nungungulu;
- Marku 7. 11, 12.
- 6 A nga ta ha caba dadani wakwe. Nwina mu mahile mhaka ya Nungungulu yi hi haba cumo hikwalaho ka mahanyela ya nwina.
- 7 Nwina baxengeteli, i profetile kwatsi ka nwina Isaya, aku,
- Marku 7. 6.
- 8 Laba banhu ba nzi dumisa hi milomu yabye; kanilezi a mbilu yabye yi le kule na mina.
- 9 Kanilezi ba nzi kozela haba, ba gonzisa kota zigonziso zabye, hi kulaya ka banhu.
- Kol. 2. 18-22. Tit. 1. 14.
- 10 I lo bitana kakwe a xidle-mo, a ku ka xona, Zwanani, mu pima:
- Marku 7. 14.
- 11 A hi zona lezi zi engenako nonwini zi bihisako munhu; kanilezi lezi zi humako nonwini, hi zona zi bihisako munhu.
- Mt. 10. 15. Roma 14. 14, 17, 20. 1 Tim. 4. 4. Tit. 1. 15.
- 12 Zonake ku lo cikela bapizani, ba te ngalo kakwe, Wa zi tiba wena lezaku a ba Farisi ba lo zangara, laha na ba zwile loku kuwula?
- 13 A hlamula a ku ngalo, Tisi-nya tonkle ti nga byaliwangiko hi Dadani wa mina
- wa le tilweni, ti ta tsuwuliwa.
- Joh. 15. 2. 1 Kor. 3. 12, &c.
- 14 Ma nga ba tsikani boce: ba hi barangi ba zikumu. Loku xikumu xi koka xikumu, bonkle ba ta wela rinzini.
- xip. 23. 16. Luka 6. 39.
- 15 Petro i lo hlamula a ku ngalo ka yena, Hi klamusele mufananiso lowu.
- Marku 7. 17.
- 16 I te ngalo, Na nwina a mu se ku pima ke?
- xip. 16. 9. Marku 7. 18.
- 17 A mu pimi muku, zonkle zi engenako nonwini zi hunza zi ya rumbyini, zi huma lahandle ke?
- 1 Kor. 6. 18.
- 18 Kanilezi lezi zi humako hi le nonwini zi huma hi le mbilwini; hi zona zi bihisako munhu.
- Jam. 3. 6.
- 19 Hakuba hi le mbilwini ku huma kualakanya ko biha, a kudaya, a kuremba, a kubaya, a kuyiba, a kuhlamanya, a mawunwa, i nzukano:
- Marku 7. 21.
- 20 Lezi hi zilo zi bihisako munhu: kanilezi kuga hi mandla ma nga hlaziwangiko a zi bihisi munhu.
- 21 Jesu i lo suka laho, aya maklelweni ya Tire ni Sidoni.
- 22 Languta, a tratsi wa Kananini a huma hi leyo mimbingano, i lo bitana, aku, Nzi zwele wuxinji, O Hosi, nwanawa wa Davida; a nwananga

wa babiseka nguvu hi dimoni.

23 Kanilezi a nga mu anguli ni mhaka yinwe. Ni bapizani bakwe ba lota ba mu kongotela, baku, Mu klelise; hakuba wa hi kulumela hina.

24 Kanilezi i lo hlamula aku ngalo, A nzi rumelwangi saseka ka tiyivu ti lahlekileko ta yindlu ya Israeli.

xip. 10. 5, 6. Mit. 3. 25, 26. & 13. 46.
Rom. 15. 8.

25 Kanilezi i lo ta i lo mu kozela, aku, Hosi, nzi vune.

26 I lo hlamula a ku ngalo, A hi kwatsi ku teka zibaba za zihlangana zi hoxwa ka ti-byana.

xip. 7. 6. Fil. 3. 2.

27 Kanilezi yena i lo ngalo, Ina, Hosi: hambu tibyana taga maklakla mawako lahasi mezeni ka benyi ba tona.

28 Zonake Jesu i lo angula a ku ngalo, O wasati, ka hombe kukoleka ka wena: a ku mahe ka wena kota kuranza ka wena. Ni nhanyana wakwe i lo hanyiswa ku sukela lexo xikati.

29 Zonake Jesu i lo suka laho i lota kusuhanani ni bimbi ga Galile; i lo kanziya xitsungeni, i lo tsama.

Marku 7. 31. xip. 4. 18.

30 Ku lo cikela kakwe a zidle-mo za hombe, na zi hi na zona a zilema, ni zikumu, ni timbebebe, ni zikurubu, ni banwani bo tala, ba lo ba

beka lahasi ka mikonzo yakwe; i lo ba hanyisa:

xip. 11. 5. Luka 7. 22.

31 Ka zona zidle-mo zi lo rewuka, laha na zi wona mbebebe yi wulawula, a zikurubu zi hanyiswa, ni zilema zi famba, ni zikumu zi wona: ba lo dumisa Nungungulu wa Israeli.

32 Ni Jesu i bitana bapizani bakwe, I te ngalo, Nza xi zwela wusiwana lexi xidle-mo, hakuba ba lo simamisa na ba hi na mina makunu hi masiku manharu na ba ngagi ncumo: nzi nga ta ba klelisa na ba hi ni ndlala, kutani ba nga karala ndleleni.

Marku 8. 1.

33 Ni bapizani ba ku kakwe, Hi ta zi kuma kwihi zibaba zo tala wutsanweni ga xiwula kota legi, ku xurisa zidle-mo za hombe ke?

34 Ni Jesu a ku kabye, Mu na ni zibaba zingani nwina? ba ku ngalo, I nklanu ni zim-biri, ni zidluwani zi tso-ngwanyani.

35 I lo laya zidle-mo ku tsama lahasi misabeni;

36 Yena i lo teka a nklanu ni zim-biri wa zibaba ni zidluwani zi tso-ngwanyani; a katekisa a kema, a nyika ka bapizani, ni bapizani ka zidle-mo.

xip. 14. 19. Luka 22. 19.

37 Ba loga bonkle, ba lo xura: ba lo rolela maklakla mase-

leko ma lo tala n^klanu wa
zirunzu ni zimbi

38 Ni laba ba ngaga ba wa hi
mune wa makume ya ma-
zana ba banuna, ku nga
hlayiwi ni ba basati ni zi-
sumbe.

39 I lo *klelisa zidle*mo, i lo enge-
na ngalabeni, i lota mbinga-
nweni wa le Magadani.

Marku 8. 10.

XIPIMO 16.

1 A ba Farisi ni ba Sadusi
ba lota, na ba mu ringa ba
ku ngalo yena a ba kombise
a xiwoniso xa le tilweni.

xip. 12, 38. Marku 8. 11. Luka 11, 16.
& 12. 54-56. 1 Kor. 1. 22.

2 Kanilezi yena i lo hlamula a
ku kabye, Laha na gihlwa,
nwina muku, Yi ta kuna :
hakuba a tilo gi trukile.

3 Ni laha mixweni, Yi tana
nyamukla: hakuba a tilo gi
trukile na gi pfupele. Ma
zi tiba ku hinglela ngohe
ya tilo; kanilezi a mu koti
ku hinglela a ziwoniso za
zikati.

4 A xizukulwana xi bihileko
ni xirembako xi laba ziwo-
niso; a ku kona xiwoniso
xi ta nga nyikiwa ka xona,
saseka a xiwoniso xa Jona.
Yena i lo ba siya, a fa-
mba.

xip. 12. 39.

5 A bapizani ba lota *klatu-*
kweni munwani ba lo riba-
la ku teka a zibaba.

Marku 8. 14.

6 Jesu i lo ngalo kabye, Kla-
[Shoetwa.]

rihani mu cuwuka a comelo
xa ba Farisi ni ba Sadusi.

Luka 12. 1.

7 Bona ba lo wulawulisana,
baku, A hi tekangi ziba
ba.

8 Jesu na zi tibile a ku nga-
lo, O *nwina* ba kukoleka
kutsongwani, mu wulawu-
lisana yini, hakuba a mu
na zibaba ke?

9 A ma ha tibi ke, a ma ha
alakanyi a n^klanu wa ziba-
ba za n^klanu wa makume
ya mazana, zirunzu zi ngani
mu roleleko ke?

xip. 14. 17. Joh. 6. 9.

10 Kambe ni n^klanu ni zimbi-
ri a zibaba za mune wa ma-
kume ya mazana, zingani
zirunzu mu roleleko ke?

xip. 15. 34.

11 Hi yini lezo mu nga pimiko
lezaku a nzi wulawulangi
ka *nwina* hi zibaba? Kani-
lezi *klarihani* comelo xa ba
Farisi ni ba Sadusi.

12 Zonake ba lo pima lezaku a
nga ba byeli ku *klariha* a
comelo xa zibaba, kanilezi a
zigonziso za ba Farisi ni ba
Sadusi.

13 Makunu laha Jesu i lota
klelweni ga le Kesaria Fili-
pi, i lo wutisa a bapizani ba-
kwe, aku, A banhu be nga-
lo, a *Nwana* wa munhu hi
mani?

Marku 8. 27. Luka 9. 18.

14 Be ngalo, Banwani baku hi
Johani Mubapatizi; banwa-
ni, hi Elija: banwani, hi

Jeremia, kutani munwe wa baprofeti.

xip. 14. 2. Luka 9. 7, 8, 9.

15 I te ngalo kabye, Nwina mu ngalo hi mina mani ke?

16 Simoni Petro i lo hlamula a ku ngalo, Wena u Kristu, a Nwana wa Nungungulu a hanyako.

xip. 14. 33. Marku 8. 29. Luka 9. 20. Joh. 6. 69. & 11. 27. Mit. 8. 37. & 9. 20. Heb. 1. 2, 5. 1 Joh. 4. 15. & 5. 5.

17 Jesu i lo hlamula a ku ngalo ka yena, U katekisilwe wena, Simoni Bar-Jona: hakuba a nyama ni nkata a zi vululekile ka wena, kanilezi Dadani wa mina loyi a nga le tilweni.

Efe. 2. 8. 1 Kor. 2. 10. Gal. 1. 16.

18 Minawu kambe nza wula ka wena, wena hi Petro, ka gona legi ribye nzi ta aka a ceci ya mina; a ti nyangwa ta Hayidesi ti nga ta ku hlula.

Joh. 1. 42. Efe. 2. 20. Kuv. 21. 14.

19 Nzi ta nyika ka wena a ti-pfungulo ta mufumo wa tilo: kani hi yini lexi u ta xi boha laha misabeni xi ta bohiwa ni le tilweni: ni lexi u ta nga xi klakla laha misabeni xi ta klakliwa ni le tilweni.

xip. 18. 18. Joh. 20. 23.

20 Zonake i lo laya bapizani lezaku ba nga byeli munhu lezaku yena u hi Kristu.

xip. 17. 9. Marku 8. 30. Luka 9. 21.

21 Ku sukela lexo xikati i lo sangula Jesu a ku kombisa bapizani bakwe, a ku ngalo i tangaya Jerusalema, a ya

xaniseka hi zilo zinyingi hi masingalakati ni bapristi ba hombe ni batsali, a dayiwa, hi siku ga manharu i ta vuka.

xip. 20. 17. Marku 8. 31. & 9. 31. & 10. 33. Luka 9. 22. & 18. 31. & 24. 6, 7.

22 Petro i lo mu teka, i lo sangula ku mu kawuka, aku, Nga lexi xi hi kule na wena, Hosi: lexi cima xi nga ta ba ka wena.

23 Kanilezi yena i lo hunzuluka, i te ngalo ka Petro, Suka lenzako ka mina, Satani: wena u xibo xikungubanyisako ka mina: hakuba a ku katali hi zilo za Nungungulu, kanilezi za banhu.

Roma 8. 7.

24 Zonake Jesu a wula ka bapizani bakwe, Loku a hi kona munhu a ta nga nzi lanzela, a ti tsike, a teka xihambano a nzi lanzela.

xip. 10. 38. Marku 8. 34. Luka 9. 23. & 14. 27. Mit. 14. 22. 1 Tesa. 3. 3. 2 Tim. 3. 12.

25 Hakuba loyi a hlayisako kuhanya kakwe i ta ku lahlekelwa: ni loyi a lahlekelwako hi kuhanya kakwe hi kota ya mina i ta ku kuma.

Luka 17. 33. Joh. 12. 25.

26 Hakuba munhu i ta vunka hi ku yini, loku a kuma tiko gonkle a lahlekelwa hi wutomi gakwe ke? xini a ta nga xi nyikela munhu a ku tekisa wutomi gakwe ke?

27 Hakuba a Nwana wa munhu i tata hi wukosi ga Raru wakwe ni tingelosi takwe; zonake i ta nyika

munwe ni munwani koti-
sa mitiro yakwe.

xip. 26. 64. Marku 8. 38. Luka 9. 26.
xip. 25. 31. Jude 14. Roma 2. 6.
1 Kor. 3. 8. 2 Kor. 5. 10. 1 Pet. 1. 17.
Kuv. 2. 23. & 22. 12.

- 28 Ha kunene nza wula ka
nwina, Ba kona banwani
laba ba yimileko laha, laba
a ba nga tazwa kufa, ba ka-
la ba wona a Nwana wa
munhu na ata hi mufunwe-
ni wakwe.

Marku 9. 1. Luka 9. 27.

XIPIMO 17.

- 1 Anzako ka nkulanu wa si-
ku ni ginwe Jesu a teka zi-
nwe naye Petro, na Jamesi,
na Johani makabye wakwe,
a ba neha xitsungeni xo le-
ha xikundleni:

Marku 9. 2. Luka 9. 28.

- 2 Yena i lo hunzuka mahlwe-
ni kabye: ni ngohe yakwe
yi lo ngangamela kota a ga-
mbo, ni tinguwo takwe ti
lo basa kota kuwonekela.
3 Languta, laho ku lo wone-
ka kabye Mosi na Elija na
ba wulawula naye.
4 Petro i lo hlamula, a ku
ngalo ka Jesu, Hosi, ku
sasekile ka hina a ku ba
hi tsama laha: loku wena
u zi ranza, nzi ta aka laha
a mixaxa minharu; mu-
nwe ngwa wena, ni mu-
nwe ngwa Mosi, ni munwe
ngwa Elija.
5 Zalezo na ha wulawula, la-
nguta, a refu go nganga-
mela gi lo ba kubunyeta
bona: lunguta, a gezu gi hu-
ma refini, giku, Loyi hi

Nwananga a ranzakako, a
ka yena nza xalaliswa ha
kunene; mu ingiseni nwina.
2 Pet. 1. 17. xip. 3. 17. Marku 1. 11.
Luka 3. 22. Mit. 3. 22, 23.

- 6 Laha a bapizani na ba gi
zwile, ba lowa hi ngohe ga-
bye, ba lo caba nguvu.

2 Pet. 1. 18.

- 7 Jesu i lota i lo ba kumba a ku
ngalo, Vukani, mu nga cabi.
8 Na ba klakusa mahlo ya-
bye, a ba wonangi munhu,
saseka Jesu yece.

- 9 Kota na ha relela hi le xi-
tsungeni, Jesu i lo ba laya,
aku, Mu nga byeli munhu,
a kala Nwana wa munhu a
vuka hi ka bafleko.

xip. 16. 20. Marku 8. 30. & 9. 9.

- 10 Ni bapizani bakwe ba lo
mu wutisa, baku, Hi yini a
mitsalo yi wulako ku ngalo
Elija i tata kuranga ke?

xip. 11. 14. Marku 9. 11.

- 11 Yena i lo hlamula a ku nga-
lo, Elija ha kunene ata, i ta
klelisela zilo zonkle:

Luka 1. 16, 17. Mit. 3. 21.

- 12 Kanilezi nza wula ka nwi-
na, Elija i sina a tile, bona
a ba mu tibangi, kanilezi ba
lo maha ka yena zonkle ba
zi ranzako. Lezo a Nwana
wa munhu i ta xaniswa ha
bona.

xip. 11. 14. Marku 9. 12, 13. xip. 14. 3,
10. & 16. 21.

- 13 Zoneke ba lo pima a bapi-
zani lezaku i wulawula ka-
bye hi Johani mubapatizi.

xip. 11. 14.

- 14 Laha na ba cikela xidle-
nwini, laho ku lota kakwe

a wanuna, na a kizama ka yena, aku,

Marku 9. 14. Luka 9. 37.

15 Hosi, zwela wuxinji ka nwana wa mina : hakuba i na ni zitsuri, wa xaniseka nguvu: hakuba zikati zinyingi a wela nzilweni, ni zikati zinyingi a wela matini.

16 Nzi wa lo mu tisa ka bapizani ba wena, ba lo tsanze ka ku mu hanyisa.

17 Jesu i lo hlamula a ku ngalo, O xizukulwana xi ngakolekiko ni xi pengileko, nzi ta kuba na nwina xikati xingani? nzi ta timisela na nwina xikati xa ku yini? mu neheni laha ka mina.

18 Na Jesu i lo mu kawuka; ni dimoni gi lo huma ka yena: a mufana i lo hanyiswa ku suka ka lexo xikati.

19 Zonake ku lota a bapizani ka Jesu le xi kundleni, ba ku ngalo, Hi yini hina a hi gi humesangi ke?

20 Yena i ngalo kabye, Ha kona hi kukoleka ka nwina ku nga ku tsongwani; hakuba hizinene nza wula ka nwina, Loku mu hi ni kukoleka ka ku kota mbewa ya xinapi, nwina mu ta ku ka lexi xitsunga, Kunuka laha u ya ka le giya wutsamo; xi ta kunuka; a ku na ncumo xi ta nga tsanza ka nwina.

xip. 21. 21. Marku 11. 23. Luka 17. 6.
1 Kor. 12. 9. & 13. 2.

22 Lezi na ba ha tsamile Gali-

le, Jesu i te ngalo kabye, A Nwana wa munhu i ta nyikelwa mandleni ya banhu; xip. 16. 21. & 20. 17. Marku 8. 31. & 9. 30. 31. & 10. 33. Luka 9. 22, 44. & 18. 31. & 24. 6, 7.

23 Ba ta mu daya, hi siku ga manharu i ta vuka. Ba lo tsuba nguvu.

24 Laha ba nga wata Kaper-naume, laba ba nga amukela kihlanya ga xekeli ba lota ka Petro, ba lo ngalo, A hosi ya wena a yi rihi hi ku yini a kupo ke?

Marku 9. 33.

25 Yena aku, Ina. Laha na a tile ndlwini, Jesu i lo wula kuranga ka yena, aku, U alakanya yini wena, Simoni? hi tihosi ta misaba, ti amukela ka ba mani a kupo kutani i nzobo ke? ka banana ba tona, kutani ka malanza ke?

26 Na wulile, Hi ka malanza, Jesu aku ka yena, Hikwalaho a banana ba klaklekile.

27 Kanilezi, hi nga kala hi ba zangarisa, famba bimbini, u ya hoxa ximemba, u koma a xidluwani lexi u ta nga xi klukula ku ranga; laha na u a hlamisile a nomu wa xona, wena u ta kuma a xekeli: gi teke, u ba nyika a ya mina ni ya wena.

XIIMO 18.

1 Hi lexo xikati bapizani ba lota ka Jesu, baku, Himani wa hombe mufunweni wa tilo ke?

Marku 9. 33. Luka 9. 46. & 22. 24.

2 Yena i lo bita kakwe a nwanana wa tsongwani, a mu yimisa xikari kabye, a ku ngalo,

3 Hizinene nza wula ka nwina, Saseka mu hunzuluka, mu mahwe kota a banana batsongwanyani, a mu nga ta engena mufunweni wa le tilweni.

xip. 19. 14. Marku 10. 14. Luka 18. 16.
1 Kor. 14. 20. 1 Pet. 2. 2.

4 Hikwalaho loyi a nga ti koramisa kota nwanana loyi wa tsongwanyani, ywaloye ngwa hombe mufunweni wa tilo.

xip. 20. 27. & 23. 11.

5 Ni loyi a ta nga amukela nwanana munwe wa ku ngha hi wa tsongwanyani hi bito ga mina wa nzi amukela mina :

xip. 10. 42. Luka 9. 48.

6 Kani loyi a ta kungubanyisa munwe wa laba ba tsongwanyani a kolwako ka mina, zi mu fanele lezaku a ribye ga hombe ga xigayo gi konekwa nhanweni yakwe, a rikiswe nonzweni wa hombe le bimbini.

Marku 9. 42. Luka 17. 1, 2.

7 Kombo tikweni hi kota ya zikungubanyiso! hakuba zi labekile lezaku a zikungubanyiso a zite ; kanilezi komba ka munhu loyi a zikungubanyisa zi tako hi ka yena!

Luka 17. 1. 1 Kor. 11. 19. xip. 26. 24.

8 Ni loku a canja ga wena kutani a konzo wa wena wu ku kungubanyisa, wu tseme, u wu hoxa na wena:

zi sasekile ka wena ku engena kuhanyeni u hi xilema, kutani u hi xinzunzela, ku hunza ku nga u hi ni mandla mambiri ni mikonzo mimbiri u hoxiwa nzilweni wa kupinzuka.

xip. 5. 29, 30. Marku 9. 43, 45.

9 Ni loku a tihlo ga wena gi ku kungubanyisa, gi xokole, gi hoxe na wena: zi sasekile ka wena ku engena kuhanyeni hi tihlo ginwe, ku hunza u na mahlo mambiri u hoxwa gehena ga nzilo.

10 Wonani akuba mu nga kanyisi munwe wa laba batsongwani; hakuba nza wula ka nwina, le tilweni a tingelosi tabye ta wona xikati xonkle a ngohe ya Dadani wa mina loyi a nga le tilweni.

Heb. 1. 14. Luka 1. 19.

12 Mu alakanyisa ku yini nwina ke? loku a nga munhu a hi ni zana ga tiyivu, ni yinwe ya tona yi penga, a nga ti siyi leti ta nklanu wa makume ni mune wa makume ni nklanu ni mune, aya le zitsungeni, a ya laba leyi yi lahlekileko ke?

Luka 15. 4.

13 Lezo loku a yi kuma, zine ne nza wula ka nwina, wa tsaka ha yona nguvu ku hunza leti ta nklanu wa makume ni mune wa makume ni nklanu ni muna ti nga lahlekangiko.

14 Kambe lezo a hi kuranza ka Dadani wa nwina wa le

tilweni, lezaku a munwe wa laba batsongwani a ba lobe.

- 15 Loku a nga makabye wa wena a onhile ka wena, famba, u ya mu kombisa a ku goha kakwe nwina bambiri na mu hi nwece: loku a ku ingisa, wena u mu kumile makabye wa wena.

Luka 17. 3, Jam. 5. 20. 1 Pet. 3. 1.

- 16 Kanilezi loku a nga ku ingisi, teka zinwe na wena a munwe kutani bambiri, kasi hi wukustumunyu ga bambiri kutani banharu mha-ka yonkle yi nga tiyiswa.

Joh. 8. 17. 2 Kor. 13. 1. Heb. 10. 28.

- 17 Loku a nga ala ku ba ingisa, ku bika cecini: loku a ala ku ingisa a ceki kambe, a mahe ka nwina kota wa Matiko ni muhlengisi.

Roma 16. 17. 1 Kor. 5. 9. 2 Tesa. 3. 6, 14. 2 Joh. 10.

- 18 Hizinene nza wula ka nwi-na, Zonkle lezi mu ta nga zi boha misabeni zi ta bohiwa ni le tilweni: ni zonkle zilo lezi mu ta nga zi klakla misabeni zi ta klakliwa ni le tilweni.

xip. 16. 19. Joh. 20. 23. 1 Kor. 5. 4.

- 19 Kambe nza wula ka nwina, loku bambiri ba nwina ba klangana misabeni hi ka xilo ba ta nga xi kombela, xi ta mahelwa ka bona hi Dadani wa mina loyi a nga le tilweni.

xip. 5. 24. 1 Joh. 3. 24. & 5. 14.

- 20 Hakuba laha ku klangeneko bambiri kutani banharu bi-

tweni ga mina, minawu nzi kona xikari kabye.

- 21 Zonake ku lota Petro, i te ngalo ka yena, Hosi, ku ta ba zikati zi ngani a makweru a nzi onhela, nzi mu ribalela ka? ku kala nklanu ni kumbiri ke?

Luka 17. 4.

- 22 Jesu a wula ka yena, A nzi wuli ka wena, Ku kala nklanu ni kumbiri; kanilezi, Ku kala ku maha nklanu wa makume ni makume mambiri ma hlayilweko hi ka nklanu ni kumbiri.

xip. 6. 14. Marku 11. 25. Kol. 3. 13.

- 23 Hikwalaho a mufumo wa tilo wu kota a hosi yo kari, leyi yi ranzako ku kambela malanza ya yona.

- 24 Laha na sangula ku kambela, munwe i lo tiswa kakwe, loyi a nga muga kume ga makume ya mazana ya titalenta.

- 25 Kanilezi kota lezi a nga nga a nga hi na xa ku riha, a hosi yakwe yi lo laya aku a xabyiswa, ni sati wakwe, ni banana bakwe, ni zonkle lezi a nga nazo, kasi kuriha ka mahwa.

- 26 Hikwalaho a nanza gi lowa lahasi gi lo mu kozela, giku, Hosi, nga wa nga timisela ha mina, nzi ta kuriha wonkle wena.

- 27 Ni hosi ya lego nanza, na yi tatisilwe hi titralo, yi lo mu klaklisa, yi mu ribalela a nanzu.

28 Kanilezi lego a nanza gilo huma, gi loya kuma ginwani nanza-kulobyе, legi gi nga ni nanzu ka yena wa zana ga tidenario : i lo gi koma, a gi gi vinyinga a kolo, aku, Nzi rihe nanzu wa wena.

xip. 20. 2.

29 Lezo a nanza-kulobyе gi lowa gi mu kombela, giku, Nga u timisela ha mina nzi ta kuriha.

30 Kani yena I lo kaneta : i lo famba aya mu valela paxweni, a kala a riha nanzu.

31 Lezo laha a Malanza-kulobyе ba nga wona lezi zi mahekileko, ba lo tsuba ha hombe, ba lota ba ta byela a hosi yabya lezi zi nga wa mahekile.

32 Zonake a hosi yakwe yi lo mu bitana ka yena, aku kakwe, Wena nanza ga kubiha, nzi lo ku tsetselela wonkle lowo nanzu, hakuba u lo nzi kombelisisa mina :

33 Wenawu nga u hi ni titralo ka nanza-kuloni, kota lezi mina nzi nga maha titralo ka wena ?

34 Ni hosi yakwe yi lo zangara, yi mu nyekela ka baxanisi, a kala a riha wonkle a nanzu wa yena.

35 Lezo a Dadani wa mina wa le tilweni i maha ka nwina, loku mu nga tsetseleli munwe ni munwani wa makabye wa nwina hi mbilu ya nwina.

xip. 6. 12. Marku 11. 26. Jam. 2. 13.

XIPIMO 19.

1 Lezo laha Jesu na mbetile leti timhaka, i lo suka Galile, i lota mbinganweni wa Judia klatuko wa Jordani ;

Marku 10. 1. Joh. 10. 40.

2 Ni zidlemo za hombe zi lo mu lanzela ; i lo ba hanyisa laho.

xip. 12. 15.

3 Laho ku lota ka yena a ba Farisi, na ba mu ringa, baku, Zi fanele ka wanuna a ku hlongola a wasati wakwe hi milanzu yonkle ke ?

4 Yena i lo ba hlamula a ku ngalo, Nwina a mu se ku gonza ke, hakuba loyi a nga ba maha kusanguleni i lo ba maha a wanuna ni wasati,

5 Yena i te ngalo, Hi kota ya lexi a wanuna i ta siya raru wakwe ni nyine wakwe, i ta namarela ka wasati wakwe ; laba bambiri ba ta maha nyama yinwe ?

Marku 10. 5-9. Efe. 5. 31. 1 Kor. 6. 16. & 7. 2.

6 Lezo a ba ha hi bambiri kambe, kanilezi ba hi nyama yinwe. Hikwalaho lexi Nungungulu a xi klanganileko katiginwe, nga xi nga hambaniswi hi munhu.

7 Bona baku ka yena, Hi yini Mosi a nga laya ku nyika a papilo ga kuhambana ke, ni ku mu hlongola ?

xip. 5. 31.

8 Yena a wula kabye, Mosi hi kunonoha ka nwina ka timbilu ta nwina i lo mu vumela ku hlongola a basati

ba *nwina* : kanilezi hi ku-sanguleni ku wa nga ku nga hi lezo.

- 9 Mina nza wula ka *nwina*, Kani hi wihi a ta nga hlongola a sati wakwe, saseka ku hi kubaya, a teka mu-*nwani*, wa remba : ni ka loyi a tekako loyi a alilweko wa remba.

xip. 5. 32. Marku 10. 11. Luka 16. 18.
1 Kor. 7. 10, 11.

- 10 A bapizani ba wula kakwe, Loku zi mahisa lezo ka munhu ni sati wakwe, a zi fanele ku teka a wasati.

- 11 Kanilezi yena i te ngalo kabye, Bonklelele banhu a ba na ku amukela loku kuwula, kanilezi ka bona laba ku nyikilweko.

1 Kor. 7. 2, 7, 9, 17.

- 12 Hakuba ku kona laba ba tenilweko, laba ba nga trali-swa lezo hi le marubyini ya banyine: ku kona laba ba tenilweko, ba nga teniwa hi banhu : ku kona laba batenilweko ba nga ti maha hi kota ya mufumo wa tilo. Loyi a zi kotako ku ku amukela, a ku amukele.

1 Kor. 7. 32, 34. & 9. 5, 15.

- 13 Zonake laho ku lo nehwa kakwe a banana batsongwanyani, kasi a *klateka* mandla yakwe hehla kabye, a kombela: ni bapizani bakwe ba lo ba kawuka.

Marku 10. 13. Luka 18. 15.

- 14 Kanilezi Jesu a ku ngalo, Vumelani a banana batsongwani, mu nga beleteli, a kuta ka mina: hakuba a

mufumo wa letilweni ngwa ba ku ngahi.

xip. 18. 3.

- 15 Yena i lo *klateka* mandla hehla kabye, i lo suka laho.

- 16 Languta, ku lota munwe ka yena a ku ngalo, Mugo-nzisi, xilo muni xo saseka mina nzi ta nga xi maha, kasi nza fela kuba ni kuha-nya ka kupinzuka?

Marku 10. 17. Luka 18. 18. & 10. 25.

- 17 Yena i te ngalo ka yena, Hi yini wena u nzi wutisako hi lexo xo saseka ke? Munwe loyi a nga kona a sasekileko: kanilezi loku u ta nga engena wutomini, gonga milayo.

- 18 Yena i lo wula ka yena, Hi yihi? Jesu a ku ngalo, U nga dayi, U nga rembi, U nga yibi, U nga mahi wukustumunyu ga mawunwa,

- 19 Caba raru wa wena ni nyine wa wena: kambe, Wena u ta ranza wa akelane naye kota u ranzako a wutsumbu ga wena.

xip. 15. 4. & 22. 39. Roma 13. 9. Gal. 5. 14. Jam. 2. 8.

- 20 A jaha gi lo wula ka yena, Zonkle lezi zilo nzi zi hlayisile: nza ha vumala yini?

- 21 Jesu i te ngalo ka yena, Loku u nga u mbelele, famba, u ya xabisa lezi u nga nazo, u nyika ka zisiwana, wena u ta ba ni tsomba le tilweni: ngona u nzi lanzela.

xip. 6. 20. Luka 12. 33. & 16. 9. Mt. 2. 45. & 4. 34, 35. 1 Tim. 6. 18, 19.

22 Kanilezi laha na jaha gi zwile loku kuwula, gi lo huma gi famba na gi tsubile: hakuba i wa munwe loyi a nga hi ni tsomba yo tala.

23 Jesu a ku ngalo ka bapizani bakwe, Hizinene nza wula ka nwina, Za tsanza ka munhu a fumileko ku engena mufunweni wa le tilweni.

xip. 13. 22. Marku 10. 24. 1 Kor. 1. 26. 1 Tim. 6. 9, 10.

24 Kambe nza wula ka nwina, Za hehuka ka kameli ku engena nonwini wa cingani, ku hunza munhu a fumileko ku engena mufunweni wa Nungungulu.

25 Laha a bapizani na ba zi zwile, ba lo damiswa ha hombe, baku, Himani zonake a ta nga hanyiswa ke?

26 Jesu na a cuwuka bona a ku ngalo kabye, Ka banhu a zi koteki, kanilezi ka Nungungulu zilo zonkle zi koteka.

Luka 1. 37. & 18. 27.

27 Zonake ku lo hlamula Petro a ku ka yena, Wangabye, hina hi siyile zonkle, hi lo lanzele wena; xini zonake hi ta nga xi kuma ke?

Marku 10. 28. Luka 18. 28. xip. 4. 20. Luka 5. 11.

28 Jesu i te ngalo kabye, Hizinene nza wula ka nwina, nwina laba mu nzi lanzeleko, hi kutralwa kuswa laha a Nwana wa munhu a ta nga tsama xitsanweni xa-

kwe xa wukosi hi wukosi, nwinawu kambe mu ta tsa ma ka kume ni zimбири zi tsamo za wukosi, mu la mula a kume ga tixaka ni timbiri ta Israeli.

xip. 20. 21. Luka 22. 28, 29, 30. 1 Kor. 6. 2, 3. Kuv. 2. 26.

29 Bonklelele laba ba siyileko tindlu, kutani mbamakabye, kutani mbamakabye ba xisati, kutani i dadani, kutani nyine, kutani i banana, kutani matiko, hi kota ya bito ga mina, ba ta amukela hi ka zana, ba taga tsomba ya kuhanya ka kupinzuka.

Marku 10. 29, 30. Luka 18. 29, 30.

30 Kanilezi mbanyingi bogumesa ba ta nga maha boranga, ni banyingi boranga ba ta nga maha bogumesa.

xip. 20. 16. & 21. 31, 32. Marku 10. 31. Luka 13. 30.

XIPIMO 20.

1 Hakuba mufumo wa tilo wu fanana ni munhu loyi a nga ni ngango, loyi a ngo binzuka ni punzu a ku ya ramba bamangaba kuta sinwini gakwe ga xivini.

2 Laha na a vumelene ni bamangaba a denario hi siku, i lo ba rumela xivineni xakwe.

xip. 18. 28.

3 Yena i lo famba hi xikati xa wunharu, i lo wona banwani ba yimile wutsanweni ga ku hlengeletana ba nga tiri ncumo;

4 Ni ka bona i te ngalo, Fambani nwinawu kambe xi-

- vineni, ni lexi xi sasekileko nzi ta xi nyika ka *nwina*. Ba lo famba ndleleni gabye.
- 5 I lo famba kambe hi xikati xa wunklanu ni xinwe ni xa wunklanu ni mune, i lo maha zalezo.
- 6 Hi xikati xa wukume ni xinwe, i lo famba a ba kuma na ba yimile; yena i te ngalo kabye, Hi yini mu yimako laha gonkle siku na mu nga tiri ncumo ke?
- 7 Bona ba te ngalo ka yena, Hakuba a nga kona munhu a ta nga hi pemba. Yena i te ngalo kabye, Fambaniwo kambe xivineni.
- 8 Ni laha na gi hlwile, a hosi ya xivini yiku ka nekwa ya yona, Bitana bamangaba, u ba riha a kurihwa kabye, sangula hi ka bogumesa kala ka ba kuranga.
- 9 Ku lota laba ba nga pembiwa hi xikati xa wukume ni xinwe, bonklelele ba lo amukela a denario.
- 10 Ni laha na ba kurangula ba lota, ba wa pima akuba ba ta nga amukela hi ku hunzisileko; zi ngaho ba lo amukela bonklelele a denario.
- 11 Ni laha na ba yi amukele, ba lo kalala ka *nwinyi* wa ngango,
- 12 Baku, Laba ba kugumesa ba lo tira hora yinwe basi, wena u ba ecanyisile zinwe na hina, laba hi nga rwala kubinza ka siku ni kuhisa ka mumu.
- 13 Kanilezi i lo hlamula ka munwe wabye, Xaka, mina a nzi ku onhi ha ncumo: a ku vumelanangi na mina hi denario ke?
- 14 Teka lexi xi nga xa wena, u ti fambela; kuranza ka mina ku nyika laba ba magumeso kota wena.
- 15 A zi fanelé akuba nzi maha kota kuranza ka mina hi za mina *nwinyi* ke? kasi a ti-hlo ga wena ga biha, haku-ba mina nzi sasekile ke?
Roma 9. 21. xip. 6. 23.
- 16 Lezo a bamagumo ba ta maha bakuranga ni bakuranga ba ta maha bamagumo.
xip. 19. 30. & 22. 14.
- 17 Kota lezi Jesu a nga kanziya Jerusalema, i lo teka ba kume ni bambiri bapizani bakwe klelweni, laha ndleleni i te ngalo kabye,
Marku 10. 32. Luka 18. 31. Joh. 12. 12.
- 18 Langutani, hi kanziya Jerusalema; a Nwana wa munhu i ta nyikelwa mandleni ya bapristi ba hombe ni batsali; ba ta mu konela a kufa.
xip. 16. 21.
- 19 Ba ta mu nyikela ka ba Matiko ku mu tseketsela, ni ku mu xinyelela, ni ku mu belela: hi siku ga manharu i ta vuka kambe.
xip. 27. 2. Marku 15. 1, 16, &c. Luka 23. 1. Joh. 18. 28, &c. Mit. 3. 13.
- 20 Zonake ku lota ka yena a nyine wa banana ba Zabedi ni bana bakwe, i lo mu ko-

zela, na wutisa a xilo xo kari ka yena.

Marku 10. 35. xip. 4. 21.

21 Yena i lo wula kakwe, U laba yini wena ke? I lo hlamula ka yena, Laya lezaku laba bana ba mina bambiri a ba tsame, a munwe canjeni ga wena ga xinene, munwani canjeni ga xibaba, mufunweni wa wena.

xip. 19. 28.

22 Kanilezi Jesu i lo hlamula a ku ngalo, Nwina a mu xi tibi lexi mu xi kombelako. Ma zi kota a kunwa a kopo ley nzi ta nganwa ha yona ke? Bona ba te ngalo ka yena, Ha zi kota.

xip. 26. 39. 42. Marku 14. 36. Luka 22. 42. Joh. 18. 11. Luka 12. 50.

23 Yena i ngalo kabye, A kopo ya mina ha kunene mu tanwa: kanilezi a ku tsama hi ka ga xinene canja ga mina, ni ka ga xibaba canja ga mina, a hi ka mina ku nyika kanilezi ka bona laba ba longiselelweko hi Dadani wa mina.

Mlt. 12. 2. Roma 8. 17. 2. Kor. 1. 7. Kuv. 1. 9. xip. 25. 34.

24 Laha na kume na ba zi zwile, ba lo tatiswa hi kuza ngara hi kota ya bamakabye bambiri.

Marku 10. 41. Luka 22. 24, 25.

25 Kanilezi Jesu i lo ba bitana ka yena, a ku ngalo, Nwina ma zi tiba lezaku a bafumeli ba ba Matiko ba fumela hehla kabye, ni laba ba hombe babye ba na ni ntamo hehla kabye.

26 A zi ngaho xikari ka nwi-

na: kanilezi loyi a mahako wa hombe xikari ka nwina i ta maha xikozeli xa nwi-na;

1 Pet. 5. 3. xip. 23. 11. Marku 9. 35. & 10. 43

27 Ni ka loyi a ta nga maha wo ranga xikari ka nwina i ta maha xitiri xa nwina:

xip. 18. 4.

28 Kota lezi a Nwana wa munhu a nga tangi ku koze-lwa, kanilezi ku ta kozela, ni ku nyikela a wutomi gakwe ku yimela a banyingi.

Joh. 13. 4. Fil. 2. 7. Luka 22. 27. Joh. 13. 14. & 11. 51, 52. 1 Tim. 2. 6. Tit. 2. 14. 1 Pet. 1. 19. xip. 26. 28. Roma 5. 15, 19. Heb. 9. 28.

29 Kota lezi ba nga wa huma Jeriko, a xidlemo xa hombe xi lo mu lanzela.

Marku 10. 46. Luka 18. 35.

30 Languta, a zikumu zimбири zi wa tsamile rebeni ga ndlela, laha na zi zwile lezaku Jesu wa hunza, zi lo bitana, ziku, Hosi, nga u zwela wuxinji ka hina, wena nwana wa Davida.

xip. 9. 27.

31 Ni xidlemo xi lo zi kawuka, lezaku nga zi miyela: kanilezi zi lo engeta kambe zi bitana, ziku, Hosi, nga u zwela wuxinji ka hina, wena nwana wa Davida.

32 Ni Jesu i lo yima, i lo zi bitana, a ku ngalo, Mu ranza a ku nga nzi mu mahela yini nwina ke?

33 Bona ba te ngalo ka yena, Hosi, kasi a mahlo ya hina a ma vululwe.

34 Jesu, na tatisilwe hi titralo, i lo kumba mahlo yabye: zalezo ba lo amukela kuwona kabye, ba lo mu lanzela.

XIPIMO 21.

1 Laha ba tsinela Jerusalema, ba lota Betfage, xitsungeni xa ma Olivia, Jesu i lo ruma bapizani bambiri,

Marku 11. 1. Luka 19. 29.

2 Aku kabye, Fambani xi mutaneni xi nga mahlweni ka nwina, mu ta ya kuma a buru na gi kungilwe, na gi hi ni rogana nago: ma klakleni, muta nawo ka mina.

3 Loku munhu a wula ncumo ka nwina, mu ta wula, a Hosi ya ma laba; zalezo i ta ma rumela.

4 Makuna na ku mahisile lezo, kasi hu fela ku tatiseka lexi xi nga kanelwa hi muprofeti, aku,

5 Byelani nwina a nhwana wa Zioni, Languta, a Hosi ya wena yata ka wena, yi rulile, na yi kilele burwini, ni le rogana ga buru.

Joh. 12, 15.

6 Ni bapizani ba lo famba, ba lo maha kota Jesu a nga wa ba layile,

Marku 11. 4.

7 Ba lo neha a buru, ni rogana, ba lo beka tinguwo tabye hehla ka wona; yena i lo tsamo ka gona.

8 Ni linyingi la xidlemo xi lo andlala a tinguwo ta xona ndleleni; banwani ba lo ga-

wula a marabi ya tisinya, ba lo ma andlala ndleleni.

Joh. 12. 13.

9 Ni zidlemo lezi zi nga rangile, ni lezi zi nga lanzele, zi lo bitana, ziku, Hosana ka nwana wa Davida: U katekile yena loyi a tako bitweni ga Hosi; Hosana ya le hehlahehla.

xip. 23. 39.

10 Laha na cikele Jerusalema, a muti wonkle wu lo maha nyenganyenga, baku, Hi mani loyi?

Marku 11. 15. Luka 19. 45. Joh. 2. 13, 15.

11 Ni zidlemo zi ku ngalo, Loyi hi muprofeti, Jesu, wa le Nazarata wa Galile.

xip. 2. 23. Luka 7. 16. Joh. 6. 14. & 7. 40. & 9. 17.

12 Jesu i lo engena tempeleni ya Nungungulu, i lo hlongola bonkle laba ba nga xabisa ni laba ba nga xaba tempelini, i lo kubunyeta a timeza ta laba ba nga xabelana mali, ni zitsamo za laba ba nga xabisa a matuba;

Marku 11. 11. Luka 19. 45. Joh. 2. 15.

13 Yena i ngalo kabye, Ku tsalilwe, A yindlu ya mina yi tibyiwa a yindlu ya kukombela: kanilezi nwina mu yi maha a bako ga bapangi.

Marku 11. 17. Luka 19. 46.

14 A zikumu ni zilema zi lota kakwe tempeleni: yena i lo ba hanyisa.

15 Kanilezi laha a bapristi ba hombe ni batsali ba nga wonile a zilo zi hlmalisako

- a nga wa lo zi maha, ni banana laba ba nga bitana tempeleni, baku, Hozanna ka nwana wa Davida; ba lo tatiswa hi kuzangara,
- 16 I lo wula yena, wa zizwa wena ke lezi laba ba wulako? Jesu aku kabye, Ina: cima a mu gonzangi ke, Hi milomu ya zihlangana ni zianwako i longisele kudzu-nziwa ke?
- 17 Yena i lo ba siya, i lo huma mutini aya Betania, i loya eklela kona.
Marku 11. 11. Joh. 11. 18.
- 18 Makunu hi laha mixweni kota a nga a wuya mutini, i lozwa ndlala.
Marku 11. 12.
- 19 Na wona a sinyanya ya kuwu hi le klelweni ga ndlela, i lotta ka wona, a nga kumangi ncumo ka wona, kanilezi makluka ntsena; yena a ku ka wona, Ku nga ta ba kon a mihanzo ka wena ku sukela lezi kala kupinzuka. Zalezo a sinyanya ya kuwu yi lo oma.
Marku 11. 13.
- 20 Laha na bapizani ba xi wonile, ba lo damiswa, baku, Hi ku yini a kuwu wu haklisako wu oma ke?
Marku 11. 20.
- 21 Jesu i lo hlamula a ku nga lo kabye, Hizinene nza wula ka nwina, Loku nwina mu hi ni kukoleka, mu nga kanakani, mu nga ta maha lexi xi mahekileko ka sinye ya nkuwu xoce, kanilezi

hambu muku ka le xitsunga, Kunuka u ya hoxwa le bimbini, ku ta maheka.

xip. 17. 20. Luka 17. 6. Jam. 1. 6.
1 Kor. 13. 2.

- 22 Kani hi xihi xilo, mu ta nga xi wutisa hi kukombela, na mu kolwa, mu ta amukeliswa.
xip. 7. 7. Marku 11. 24. Luka 11. 9.
Jam. 5. 16. 1 Joh. 3. 22. & 5. 14.
- 23 Laha na cikela tempeleni, a bapristi ba hombe ni masingalakati ya banhu ba lotta ka yena kota lezi a nga kari a gonzisa, baku ngalo, Hi ntamo wa ku yini u mahako wena lezi zilo ke? hi mani a ku nyikileko lowu ntamo ke?
Marku 11. 27. Luka 20. 1. Mit. 4. 7. & 7. 27.
- 24 Jesu i lo hlamula i te ngalo kabye, Minawu kambe nzi ta mu wutisa a kuwutisa kunwe, loku loku mu nzi byela, zi ngaho nzi ta mu byelawu kambe a ku hi wihi ntamo lowu nzi mahako ha wona lezi zilo.
- 25 A kubapatiza ka Johani, Ku wa hi ko kwihi? ku wa hi ka le tilweni, kutani ku wa hi ka banhi ke? Bona ba lo wulawulisana hi wutsumbu gabye baku, Loku hi ku ngalo, Ka le tilweni; i ta ku ngalo ka hina, Hi yini mu nga kala ku kolwa ka yena ke?
- 26 Kanilezi loku hi taku, Ka banhu; ha caba a xidlemo; hakuba bonkle ba hlayile Johani kota muprofeti.
xip. 14. 5. Marku 6. 20. Luka 20. 6.

- 27 Bona ba lo hlamula Jesu, ba ku ngalo, Hina a hi zi tibi. Yenawu kambe a ku kabye, Ge nzi nga ta mu byela lezaku hi ntamo wa ku yini nzi mahako lezi zilo.
- 28 Kanilezi mu alakanya yini nwina? A munhu i na ni bana bambiri; i lota ka nhonzwa, a ku ngalo, Nwananga, famba u ya tira nyamukla xivineni.
- 29 Yena i lo hlamula a ku ngalo, Nya wowe: kanilezi hi le nzako i lo hunzuluka a wutsumbu gakwe, i loya.
- 30 I lota ka wa wumbiri, i lo wulisa lezo. I lo hlamula a ku ngalo, Nzi taya, hosi: a nga yangi.
- 31 Hi wihi wa laba bambiri a nga maha kuranza ka raru wakwe ke? Baku, Loyi wa nhonzwa. Jesu aku kabye, Hizinene nza wula ka nwina, a bahlengisi ni zibayi ba famba mufunweni wa Nungungulu mahlweni ka nwina.
Luka 7. 29, 50.
- 32 Hakuba Johani i tile ka nwina hi ndlela ya kululama, nwina a mu mu kolwangi: kanilezi a bahlengisi ni zibayi ba lo mu kolwana nwina, laha na ku wonile, a mu hunzulukangi a wutsumbu ga nwina hi le nzako, kasi mu wa ta fela ku kolwa ha yena.
xip. 3. 1, &c. Luka 3. 12, 13.
- 33 Yingisani munwani mu-
fananiso: Ku wa hi kona munhu loyi a nga wa hi ni ngango, i lo byala a xivini, i lo xi biyeyela li hlavu, i lo luka hluto, i aka a tawa, i lo gi nyika ka barimi, i loya ka ginwani tiko.
Marku 12. 1. Luka 20. 9. xip. 25. 14, 15.
- 34 Laha na xikati xa mihanzo xi tsinela, i lo ruma malanza yakwe ka barimi, kasi ku ya amukela mihanzo yakwe.
- 35 Ni barimi ba lo teka a malanza yakwe, ba lo giba ginwani, ba gi daya ginwani, ba gi gandla ginwani hi maribye.
xip. 5. 12. & 23. 34, 37. Mit. 7. 53.
1 Tesa. 2. 15. Heb. 11. 36, 37.
- 36 Kambe, i lo ruma malanza manwani ku hunza yo sangula: ba lo maha ka wona kota zalezo.
- 37 Kanilezi a nzako ka lezi i lo ruma a nwana wa yena nwinyi, aku, Bona ba ta ba ni xicawo ka Nwana wa mina.
- 38 Kanilezi a barimi, laha na ba wona a nwana, ba lo wulawula xikari kabye, Lexi hi xitralwa; ngonani, a hi mu dayeni, hi teka a tsoмба yakwe.
Heb. 1. 2. xip. 26. 3. & 27. 1. Joh. 11. 53. Mit. 4. 27.
- 39 Bona ba lo mu teka, ba lo mu hlongola sinwini ga xivini, ba lo mu daya.
xip. 26. 50, &c. Marku 14. 46, &c. Luka 22. 54, &c. Joh. 18. 12, &c. Mit. 2. 23.
- 40 Hikwalaho loku yita a hosi ya xivini, i ta maha yini ka labo barimi ke?

- 41 Baku ka yena, Yena i ta ba cinza-bi labo banhu ba cabekako, i ta teka a xivini ka banwani barimi, labo ba ta nga mu nyika mihanzo hi zikati za yona.

Luka 20. 16. & 21. 24. Heb. 2. 3. Mt. 13. 46. & 15. 7. & 18. 6. & 28. 28. Roma 9. & 10. & 11.

- 42 Jesu aku kabye, A mu gonzangi mitsalweni ke,

A ribye legi gi nga aliwa hi baaki, gwalego gi mahilwe hloko ya magumo: loku kuta hi le ka Hosi, ka damisa mahlweni ka hina?

Marku 12. 10. Luka 20. 17. Mt. 4. 11. Efe. 2. 20. 1 Pet. 2. 6, 7.

- 43 Hikwalaho nza wula ka nwina, A mufumo wa Nungungulu wu ta tekiwa ka nwina, wu ta nyikiwa ka lixaka lolu li ta nga humesa mihanzo ya kona.

xip. 8. 12.

- 44 Ni loyi a ta ngawa ka ribye legi i ta trandleka: kanilezi loyi gi ta ngawa hehla kakwe, gi ta mu silisisa.

Luka 20. 18. Roma 9. 33. 1 Pet. 2. 8.

- 45 Laha na bapristi ba hombe ni ba Farisi ba zwile mifanano yakwe, ba lo pima a ku i lo wulawula ha bona.

- 46 Laha na ba laba ku mu koma, ba lo caba a zidlemo, hakuba ba lo hlaya ku muprofeti.

xipm. 11. Luka 7. 16. Joh. 7. 40.

XIPIMO 22.

- 1 Ni Jesu i lo hlamula a kana ka bona kambe hi mufananiso, aku,

Luka 14. 16. Kuv. 19. 7, 9.

- 2 A mufumo wa tilo wu kotiswa a hosi yo kari, loyi a nga maha mubuzo wa mucado ka nwana wakwe,

- 3 I lo rumela malanza yakwe ku bitana laba ba rambilweko mubuzweni wa mucado: ba wa nga hi ni kuta.

- 4 Kambe i lo ruma manwani malanza, aku, Byelani bona laba ba rambilweko, Manga-bye, nzi longisile a kuga ka mina: a tikabi ta mina ni ti nonileko ti klabiyilwe, ni zonkle zilo zi longile: ngonani mubuzweni wa mucado.

- 5 Kanilezi ba lo honisa ha wona, ba lo famba tindleni tabye, munwani kurimeni ka yena nwinyi, munwani mabinzwini yakwewo.

- 6 Banwani ba lo koma malanza yakwe, ba lo ma wisatingana, ba lo ma daya.

- 7 Kanilezi a hosi yi lo zangara; yi lo ruma a tiimpi takwe, yi lo daya labo badayi, yi lo hisa muti wabye.

Luka 19. 17.

- 8 Zonake a wula yena ka malanza yakwe, A wukati gi longile, kanilezi labo ba nga wa rambilwe ba wa nga fanele.

xip. 10, 11, 13. Mt. 13. 46.

- 9 Hikwalaho fambani nwina mahanzakanyeni ya tindlela, kota banyingi laba mu ta nga ba kuma, ba rambe ni mubuzweni wa mucado.

- 10 Lawo malanza ma lo famba tindlela ta hombe, ba tso-

mbanyisa katiginwe kota bonkle laba ba ta nga ba kuma, laba bobihha ni bosa-seka: a wukati gi lo tala ni bakoroki.

xip. 13. 38, 47.

- 11 Kanilezi laha na hosi yi engenile ku wona a bakoroki, i lo wona munhu a nga nga a nga hi na nguwo ya wukati:

² Cor. 5. 3. Efe. 4. 24. Kol. 3. 10, 12. Kuv. 3. 4. & 16. 15. & 19. 8.

- 12 Yena i lo ngalo ka yena, Mungana, U tela yini wena laha na u nga hi na nguwo ya wukati ke? Yena i lo miyela.

- 13 Zonake a hosi yi te ngalo ka malanza, Mu boheni yena canja ni konzo, mu mu hoxa lahandle munyamani wa lahandle; laho ku ta nga ba kona mikosi ni kugetsela ka meno.

xip. 8. 12.

- 14 Hakuba banyingi ba bitilweko, kanilezi batsongwana ni ba hlawulilweko.

xip. 20. 16.

- 15 Zonake ba lo famba a ba Farisi, ba ya tsema kungu kasi ba fela ku mu dembela hi kuwulawula ka yena.

Marku 12. 13. Luka 20. 20.

- 16 Ba rumela ka yena a bapizani babye, zinwe ni ba ka Herodi, baku, Mugonzisi, ha zi tiba lezaku wena u hi zine, u gonzisa a ndlela ya Nungungulu ha kunene, a ku katali hi munhu: a ku cuwuki a xiyimo xa banhu.
- 17 Hikwalaho hi byele, U ala-

kanya yini wena? Zi fanele a kuba hi yisa nzubo ka Kesari, kutani hi nga yisi ke?

- 18 Jesu i lo tiba a kubiha kabye, i te ngalo, Mu nzi ringela yini, nwina baxengeteli?

- 19 Ma nga nzi kangetani mali ya kupo. Ba lo tisa kakwe a denario.

- 20 Yena a wula kabye, Lowu mufananiso wa mani ni lo ku kutsala ka mani ke?

- 21 Bona ba te ngalo ka yena, Ka Kesari. Zonake yena a wula kabye, Nyikani Kesari lezi zilo zi nga za Kesari; ni ka Nungungulu lezi zi nga za Nungungulu.

xip. 17. 25. Roma 13. 7.

- 22 Bona laha na ba zi zwile, ba lo damiswa, ba lo mu siya, ba ti fambela.

- 23 Gwalego siku ku lota a ba Sadusi, laba ba nge ngalo a ku kona a kuvuka hi ka bafileko: bona ba lo mu wutisa,

Marku 12. 18. Luka 20. 27. Mt. 23. 8.

- 24 Baku, Mugonzisi, Mosi i lo wula, Loku a munhu afa, na nga hi na banana, a makabye wakwe i ta teka a wasati wakwe, a vuxa a mbewu ka makabye wakwe.

- 25 Makunu ku wa hi kona ka hina a nklanu ni bambiri bamakabye: a nhonzwa yi lo teka yi sufa, na yi nga hi na mbewu i lo siya a wasati wakwe ka makabye;

26 I lo maha lezi a wa wumbiri kambe, ni wa wunharu, ku kala ka banklanu ni bambiri.

27 Anzako ka bona bonkle ni wasati i lofa.

28 Hikwalaho a kuvukeni ka bafleko i ta maha sati wa mani ka banklanu ni bambiri ke? hakuba bonkle ba wa mu tekile.

29 Kanilezi Jesu i lo hlamula a ku ngalo kabye, Nwina mu hambukile, a mu yi tibi a mitsalo, hambu ni ntamo wa Nungungulu.

Joh. 20. 9.

30 Hakuba a kuvukeni ka bafleko a ku kona kutekana, hambu ni kutekiwa, kanilezi ba kota tingelosi ta le tilweni.

1 Joh. 8. 2.

31 Kanilezi hi ku kumbuka a kuvuka ka bafleko, a mu se ku gonza lezi zi nga wulwawulwa ka nwina hi Nungungulu, aku,

32 Nzi Nungungulu wa Abrahamama, ni Nungungulu wa Isaka, ni Nungungulu wa Jakobe? Nungungulu a hi Nungungulu wa bafleko, kanilezi ngwa bahanyako.

Marku 12. 26. Luka 20. 37. Mit. 7. 32. Heb. 11. 16.

33 Laha na zidlema na zi zi zwile, ba wa la su hlamali-swa hi kugonzisa kakwe.

xip. 7. 28.

34 Kanilezi a ba Farisi, laha na ba zi zwile a ku i miye-lisile a ba Sadusi, ba lo tso-

mbana wutsumbu gabye katiginwe.

Marku 12. 28.

35 A murewe wabye, i wa hi muyimeli, i lo mu wutisa a kuwutisa, na mu ringa,

Luka 10. 25.

36 Mugonzisi, hi wihi a nayo wa hombe milayweni?

37 Yena i te ngalo kakwe, U ta ranza Hosi Nungungulu wa wena hi mbilu ya wena yonkle, ni muhefemulo wa wena wonkle, ni kualakanya ka wena konkle.

Luka 10. 27.

38 Lowu hi wa hombe ni nayo wa kuranga.

39 Ni wa wumbiri wu kota wona hi lowu, U ta ranza wa akelane naye kota wutsumbu ga wena.

xip. 19. 19. Marku 12. 31. Luka 10. 27. Roma 13. 9. Gal. 5. 14. Jam. 2. 8.

40 Ka leyi milayo mimbiri yi cikile kona milayo yonkle, ni baprofeti.

xip. 7. 12. 1 Tim. 1. 5.

41 Makunu na ba ha tsombana katiginwe a ba Farisi, Jesu i lo ba wutisa a xiwutiso,

Marku 12. 35. Luka 20. 41.

42 Aku, Mu alakanya yini nwina hi Kristu? I Nwana wa mani yena ke? Ba ngalo kakwe, nwana wa Davida.

43 Yena a wula kabye, Hi yini Davida a wulako hi Mo-ya a mu bita Hosi, aku,

44 A Hosi yi wula ka Hosi ya mina, Tsama wena hi ka ga xinene canja ga mina, nzi kala nzi beka a ba-

lala ba wena lahasi ka
mikonzo ya wena?

Mit. 2. 34. 1 Kor. 15. 25. Heb. 1. 13.
& 10. 12, 13.

45 Loku Davida a mu bitana
Hosi, i *nwana* wakwe hi ku
yini ke?

46 I wa nga hi kona a nga ko-
ta ku mu hlamula ni mha-
ka, ku wa nga hi kona ge
ni munhu a nga kota ku
mu wutisa a kuwutisa ka-
mbe ku sukela lego siku.

Luka 14. 6. Marku 12. 34. Luka 20. 40.

XIPIMO 23.

1 Zonake Jesu i lo kanela ka
*zidle*mo ni ka bapizani ba-
kwe,

2 Aku, A batsali ni ba Farisi ba
tsama wutsanweni ga Mosi :

Marku 12. 38. Luka 20. 45.

3 Hikwalaho zonkle zilo ba zi
wulako ka *nwina*, *lezi* zi
maheni mu zi gonga: kani-
lezi mu nga mahi mitiro
yabye; hakuba ba wula, ba
nga mahi.

Roma 2. 19, &c.

4 Ina, bona ba boha mirwalo
yi binzako ni yo tika a ku-
ba yi rwalwe, ba yi beka
makakleni ya banhu; kani-
lezi bona a wutsumbu gabye
a ba na ku yi henya hi li-
toho labye.

Luka 11. 46. Mit. 15. 10. Gal. 6. 13.

5 Kanilezi a mitiro yabye yo-
nkle ba yi maha kasi ku
wonwa hi banhu: hakuba
ba anamisa a mafilakterio
yabye, ba kulisa a zidzumbo
za tinguwo tabye,

xip. 6. 1, 2, 5, 16.

6 Ba ranza wutsamo ga ho-

mbe mibuzweni, ni wutsa-
mo ga hombe masinagoge-
ni,

Marku 12. 38, 39. Luka 11. 43. & 20.
46. 3 Joh. 9.

7 Ni kuloswa wutsanweni go
hlengeletana, ni ku bita-
nwa hi banhu baku, Rabi.

8 Kanilezi nga mu nga bita-
nwi *nwina* a ku Rabi: ha-
kuba munwe hi mugonzisi
wa *nwina*, *nwina nwenkle*
mu bamakabye.

Jam. 3. 1. 2 Kor. 1. 24. 1 Pet. 5. 3.

9 Mu nga bitani munhu mu
ku i dadani wa *nwina* mi-
sabeni: hakuba munwe a
Dadani wa *nwina* loyi a na
nga le tilweni.

10 Mu nga bitanwi ge ni ku
mu bagonzisi: hakuba mu-
nwe mugonzisi wa *nwina*,
hi Kristu.

11 Kanilezi loyi a nga wa ho-
mbe xikari ka *nwina* i ta
maha nanza ga *nwina*.

xip. 20. 26, 27.

12 Ni ka loyi a ta nga ti ku
kumukisa i ta tsobyiwa; ni
ka loyi a ti koramisako i ta
ku kumukiswa.

Luka 14. 11. & 18. 14. Jam. 4. 6. 1
Pet. 5. 5.

13 Kanilezi kombo ka *nwina*,
batsali ni ba Farisi, baxa-
ngeteli! hakuba mu valela
banhu mufumo wa tilo: ha-
kuba a mu engeni a wutsu-
mbu ga *nwina*, ge ni ku ba
vumela ba engena laba ba
engenako.

Luka 11. 52.

15 Kombo ka *nwina*, batsali

ni ba Farisi, baxengeteli! hakuba mu famba bimbini ni misabeni mu maha mu-nwe a klangana na nwina; laha na a mahile lezo, mu mu maha a nwanana a enge tilweko kumbiri wa gehene ku hunza wutsumbu ga nwina.

mo xa wukosi xa Nungu-ngulu, ni ka yena loyi a tsamako ka xona.

xip. 5. 84. Mit. 7. 49.

16 Kombo ka nwina, nwina barangeli bazikumu, muku, Kani hi wihi a ta nga hlambanya hi tempeli, a hi ncumo; kanilezi loyi a ta nga hlambanya hi nzalama ya tempeli, i na ni nanzu.

xip. 15. 14. xipm. 24. xip. 5. 88, 84.

17 Nwina mapupulu ni zikumu: hi xihi lexi xi nga xa hombe, a nzalama, kutani i tempeli leyi yi basisako a nzalama?

18 Kambe, Kani hi wihi a ta nga hlambanya a lati, a hi ncumo; kanilezi kani loyi a ta nga hlambanya hi minyikeloleyi yi nga ka gona, i na ni nanzu.

19 Nwina zikumu: hi yini xa hombe, hi minyikelo, kutani hi a lati legi gi basisako a minyikelo?

20 Hikwalaho loyi a hlambanyako hi lati, i hlambanya ha gona, ni zilo zonkle zi nga ka gona.

21 Ni loyi a hlambanyako hi tempeli, i hlambanya ha yona, ni loyi a tsamako ka yona.

22 Ni loyi a hlambanyako hi tilo, i hlambanya hi xi tsa-

23 Kambo ka nwina, batsali ni ba Farisi, baxengeteli! hakuba mu nyikile a wukume minte ni anase na kumine, mu tsikile zo binza ka nayo, kulamula, titralo, ni kukoleka: kanilezi mu wa fanelwe hi ku maha lezi, nga mu nga tsikangi zinwani.

Luka 11. 42. xip. 9. 18. & 12. 7.

24 Nwina ba rangeli ba zikumu, mu hlutela a wu-nwawunwani, mu mita a kameli.

25 Kombo ka nwina, batsali ni ba Farisi, baxengeteli! mu hlaza lahandle ka kopo ni ngelo, kanilezi hi lomo nzeni hi kupanga ni kuvimbelwa.

Marku 7. 4. Luka 11. 39.

26 Xikumu-nziwena mu Farisi, hlaza kuranga lomo nzeni ka kopo ni ngelo, kasi lahandle hikwalaho ku nga basawu kambe.

27 Kombo ka nwina, batsali ni ba Farisi, baxengeteli! hakuba mu fanana ni zilahla zi basisilweko, lezi hi lahandle zi woneka zi sasekile, kanilezi lomo nzeni kutele hi marambo ya bannhu bafileko, ni fenze yonkle.

Luka 11. 44. Mit. 23. 3.

28 Lezo na *nwina* hi lahandle mu wonoka na mu lulamile ka banhu, kanilezi lomo nze ni mu tele hi kuxengetela ni kubiha.

29 Kombo ka *nwina*, batsali ni ba Farisi, baxengeteli! hakuba mu aka mikele ya baprofeti, mu bombisa a zilahla za banhu bolulama,

Luka 11. 47.

30 Na muku, Loku ku wo kwatsi hi wa hi kona masikwini ya badadani ba hina, nga hi nga hlengelangi nabo a nkata wa baprofeti.

31 Ngahilezo mahani a wukustumunyu ka wutsumbu ga *nwina*, aku mu banana ba labo ba nga daya baprofeti.

Mit. 7. 51, 52. 1 Tesa. 2. 15.

32 Tatisani a lipimo la badadani ba *nwina*.

1 Tesa. 2, 16.

33 *Nwina* tinyoka, a tralo wa mapiri, mu ta ponisa ku yini a kulamulwa ka gehena ke?

xip. 3. 7. & 12. 34.

34 Hikwalaho, mangabye, nzi ruma ka *nwina* a baprofeti, ni banhu boklariha, ni batsali: banwani ba bona ma ba daya mu ba belela; banwani ba bona ma baba masinagogeni ya *nwina*, mu ba xanisa ka muti ni muti:

xip. 21. 34, 35. Luka 11. 49. Mit. 5. 40. & 7. 58, 59. & 22. 19. xip. 10. 17. 2 Kor. 11. 24, 25.

35 Lezaku hehla ka *nwina* ku ta ngata wonkle a nkata wa wululamileko lowu wu nga halakela misabeni, ku suke-

la nkateni wa Abela a lulamileko ni nkateni wa Zakaria a *nwana* wa Barakia, loyi mu nga mu daya xikari ka tempeli ni a lati.

Kuv. 18. 24. 1 Joh. 3. 12.

36 Hizinene nza wula ka *nwina*, zonkle lezi zilo zi tata ka lexi xizukulwana.

37 O Jerusalema, Jerusalema, loyi u dayako baprofeti, u ba gandla hi maribye laba ba rumelweko ka wena! ku ta kala ku ku yini nzi nga wungeletela banana ba wena katiginwe, kota a trele yi wungeletelako a zihukwana za yona lahasi ka tipapa ta yona, a mu vumeli!

Luka 13. 34.

38 Languta, a yindlu ya wena yi siyilwe ka *nwina* na yi hangalakile.

39 Hakuba nza wula ka *nwina*, Mu nga ta ha nzi wona kambe ku sukela lezi, kala mu taku, U katekisilwe yena loyi a tako bitweni ga Hosi.

XIPIMO 24.

1 Jesu i lo huma tempeleni, na kari a ti fambela; a bapizani bakwe ba lota kakwe ba mu kombisa hi kuakiwa ka tempeli.

Marku 13. 1. Luka 21. 5.

2 Kanilezi i lo hlamula a ku ngalo kabye, A mu zi woni lezi zilo zonkle ke? hizinene nza wula ka *nwina*, A ku nga siywa a ribye ni ginwe

hehla ka ginwani, legi a gi
nga ta kungumuka.

Luka 19. 44.

3 Ni kota lezi na tsamile xi-
tsungeni xa ma Olivia, a ba-
pizani ba lota kakwe xiku-
ndleni, baku, Hi byele, zi ta
maheka rini lezi zilo ke? ku
nga ku hi ku yini a mu wo-
niso wa kuta ka wena, ni wa
kugumelwa ka tiko?

Marku 13. 3. 1 Tesa. 5. 1.

4 Jesu i lo hlamula a ku nga-
lo kabye, Klarihani mu nga
pengiswi hi munhu.

Efe. 5. 6. Kol. 2. 8, 18. 2 Tesa. 2. 3.
1 Joh. 4. 1.

5 Hakuba mbanyingi ba ta
ngata hi bito ga mina, baku,
Hi mina Kristu; ba ta pe-
ngisa a banyingi.

Joh. 5. 43. xipm. 11, 24.

6 Mu tazwa kulwa ni wudu-
mo ga kulwa: cuwukani
mu nga karateki: hakuba
lezi zilo zi fanelwe hi ku ma-
heka; kanilezi a kugume-
lwa a ku se ku cikela.

7 Hakuba a tiko gi ta vukela
a tiko, ni mufumo wu ta
vukela mufumo: ku ta ba
kona tindlala ni kutsekatse-
ka ka misaba wutsanweni
gi tsalangeneke.

8 Kanilezi lezi zilo zonkle zi
hi kusangula ka kuxanise-
ka.

9 Zonake ba ta mu nyikela
kuxanisekeni, ba ta mu
daya: nwina mu ta bengi-
wa hi tiko gonkle hi kota ya
bito ga mina.

xip. 10. 17. Marku 13. 9. Luka 21. 12.
Joh. 15. 20. & 16. 2. Mit. 4. 2, 3. &

7. 59. & 12. 1, &c. 1 Pet. 4. 16. Kuv.
2. 10, 18.

10 Na zonake ku ta kubeka a
banyingi, ba ta nyikelana a
munwe ni munwani, ba ta
bengana,

xip. 11. 6. & 13. 57. 2 Tim. 1. 15. & 4.
10, 16.

11 Mbanyingi baprofeti ba ma-
wunwa ba ta nga huma, ba
ta pengisa a banyingi.

xip. 7. 15. Mit. 20. 29. 2 Pet. 2. 1.
1 Tim. 4. 1. xipm. 5, 24.

12 Hakuba a kuonha ku ta
anziswa, a kuranza ka ba-
nyingi ku ta titimela.

13 Kanilezi loyi a timiselako
kala kugumesa, ywaloye i
ta hanyiswa.

xip. 10. 22. Marku 13. 13. Heb. 3. 6,
14. Kuv. 2. 10.

14 Ni leyi ivangeli ya mufumo
yi ta kanelwa ka gonkle ti-
ko kasi ku kustumunya ka
matiko wonkle; zonake a
kugumelwa ku ta cikela.

xip. 4. 23. & 9. 35. Roma 10. 18. Kol.
1. 6, 23.

15 Hikwalaho laha mu wona
a zinyenyiso za zihangalaso,
lezi zi nga kanelwa hi Da-
nyeli muprofeti, zi yimile
wutsanweni go basa (nga
loyi a gonzako a pima),

Marku 13. 14. Luka 21. 20.

16 Zonake laba ba nga le Judia
ba cabele zitsungeni:

17 Ni loyi a nga nga a hi le xi-
xungweni xa yindlu a nga
ta ha cika ku teka zilo lezi
zi nga lomo ndlwini yakwe:

18 Ni loyi a nga le masinwini
a nga ta ha klela le nzako
ku teka nguwo yakwe.

19 Kanilezi kombo ka bona la-

bo ba nga ni tinyimba, ni laba ba anwisako hi lawo masiku!

Luka 23. 29.

20 Kombelani *nwina* akuba a cawo wa *nwina* wu nga mahi ni wuxika, ge na hi sabado:

21 Hakuba ku ta ba kona a kuxaniseka ka hombe, loku ku nga nga ku nga hi kona hi kusanguleni ka tiko kala makunu, ge na cima ku nga ta ha ba kona.

22 Saseka loku lawo masiku ma komisilwe, nga ku nga hi kona nyama yi hanyisi-lweko: kanilezi hi kota ya bahlawulilweko lawo masiku ma ta komiswa.

23 Zonake loku a hi kona munhu a ta wulako ka *nwina*, Mangabye, hi loyi Kristu, kutani, Hi gaya; mu nga kolwi.

Marku 13. 21. Luka 17. 23. & 21. 8.

24 Hakuba ku ta huma a ba Kristu ba mawunwa, ni bapofeti ba mawunwa, ba ta wonisa ziwoniso za hombe ni zidamiso; kasi kupengisa, loku zi koteka hambu bona ba hlawulilweko.

xipm. 5, 11. 2 Tesa. 2. 9, 10, 11. Kuv. 13. 13. Joh. 6. 37. & 10. 28, 29. Roma 8. 28, 29, 30. 2 Tim. 2. 19.

25 Mangabye, nzi mu byelile *nwina* hi mahlweni.

26 Hikwalaho loku ba ta wulaka *nwina*, Langutani, i le xiwuleni; mu ngayi: Langutani, i le tindlwini ta xikari; mu nga kolwi.

27 Hakuba kota xingwala-

ngwanza xi humako hi mutsuwuka-gambo, xi woneka ni le muhlwa-gambo; zi ngaho a kuta ka *Nwana* wa munhu.

Luka 17. 24.

28 Ni laha ku nga kona a zirumbi, ku ba kona kambe ni makoti.

Luka 17. 37.

29 Kanilezi zalezo, a nzako ka kuxaniseka ka lawo masiku, a gambo gi ta pfupeliswa, ni hweti yi nga ta nyika kuwoninga ka yona, ni tinyeleti ti tawa hi le tilweni, ni mintamo ya tilo yi ta tsekatsekiswa:

Marku 13. 24. Luka 21. 25. Mit. 2. 20. Kuv. 6. 12.

30 Zonake ku ta woneka a muwoniso wa *Nwana* wa munhu hi le tilweni: zonake a tixaka tonkle ta misaba ti ta rila, ba ta wona a *Nwana* wa munhu na ata hi marefu ya tilo ni ntamo ni wukosi ga hombe.

xip. 16. 27. Marku 13. 26. Kuv. 1. 7.

31 Yena i ta ruma tingelosi takwe ni punzu wo vuma nguvu, ti ta tsombanyisa katiginwe a bahlawulilweko bakwe ba humako hi le timhehweni ta mune, ku suka magumelweni ya tilo kala magumeso.

xip. 13. 41. 1 Kor. 15. 52. 1 Tesa. 4. 16.

32 Makunu hi sinyanya ya kuwugonzani mufananiso wa wona: loku a rabi ga wona gi nyuka, gi hluka makluka,

- ma zi tiba lezaku a wuxika gi le ku suhi;
Luka 21. 29.
- 33 Zi ngaho *nwina* kambe, laha na mu wona lezi zilo zonkle, zi tibeni lezaku i le ku suhi, *kona* tinyangweni.
Jam. 5. 9.
- 34 Hizinene nza wula ka *nwina*, Lexi xizukulwana a xi nga ta hunza, kala zonkle lezi zilo zi maheka.
xip. 16. 28. & 23. 36. Marku 13. 30. Luka 21. 32.
- 35 A tilo ni misaba zi ta hunza, kanilezi a timhaka ta mina a ti nga ta hunza.
xip. 5. 18. Marku 13. 31. Luka 21. 33. Heb. 1. 11.
- 36 Kanilezi hi lego siku ni lexo xikati a nga kona munhi a zi tibako, ge ni tingelosi ta tilo, hambu ni *Nwana*, kanilezi hi Dadani yece.
Marku 13. 32. Mt. 1. 7. 1 Tesa. 5. 2. 2 Pet. 3. 10.
- 37 Kota masikwini ya Noa, zi ta ba ngaho hi kuta ka *Nwana* wa munhu.
- 38 Kota ka lawo masiku hi mahlweni ka ntalo ba waga ba wanwa, ba wa tekana ba wa nyika kutekiwa, kala lego siku Noa a nga engena ha gona lomo tarwini,
Luka 17. 26. 1 Pet. 3. 20.
- 39 Bona ba wa nga tibi kala a ntalo wu lota, wu lo ba susa bonkle; zi ta ba ngaho a kuta ka *Nwana* wa munhu.
- 40 Zonake a banhu bambiri ba ta nga ba hi le masinwini; a munwe i tekiwa, a munwani a siyiwa;
Luka 17. 34, &c.
- 41 A ba basati bambiri ba ta nga ba kari a ba gaya xigayweni; a munwe i tekiwa, munwani i siyiwa.
- 42 Hikwalaho rinzelani: hakuba a mu gi tibi a siku legi a Hosi ya *nwina* yi ta ngata ha gona.
xip. 25. 13. Marku 13. 33, &c. Luka 21. 36.
- 43 Kanilezi tibani lexi, loku a nga a *nwinyi* wa yindlu a wa zi tibile a xikati a nkamba gi tako ha xona, nga a wa rinzele, nga a wa nga vumelangi a yindlu yakwe yi hahlulwa.
Luka 12. 39. 1 Tesa. 5. 2. 2 Pet. 3. 10. Kuv. 3. 8. & 16. 15.
- 44 Hikwalaho tsamani mu longile *nwina*: hakuba hi xikati mu nga xi alakanyiko a *Nwana* wa munhu wata.
xip. 25. 13. 1 Tesa. 5. 6.
- 45 Hi wihi loyi a nga nanza gi kolekileko ni gi klarihileko, loyi a hosi yakwe yi nga mu yimisa ka hehla ka ngango wakwe, akuba gi ba nyika a kuga kabye hi xikati xi faneleko ke?
Luka 12. 42. Mt. 20. 28. 1 Kor. 4. 2. Heb. 3. 5.
- 46 Gi katekisilwe lego nanza, legi laha hosi yakwe yita yi ta nga gi kuma na kari a maha lezo.
Kuv. 16. 15.
- 47 Hizinene nza wula ka *nwina*, yi ta mu yimisa hehla ka zonkle lezi a nga nazo.
xip. 25. 21, 23. Luka 22. 29.
- 48 Kanilezi lego nanza ga kubiha gi taku hi mbilwini ya gona, A hosi ya mina ya hlwela;

49 Gi sangula kuba nanza-kulobyé, na giga na ginwa ni tiffinela ;

50 A hosi ya lego nanza yi tata hi siku a nga gi langutelangiko, ni xikati a nga xi tibiko,

51 Yi ta mu tsema kumbiri, i ta gi nyika a xiabelo xakwe wutsamoginwe ni baxengeteli: laho ku ta ba kona a mikosi ni kugetsela ka meno.

xip. 8. 12. & 25. 30.

XIPIMO 25.

1 Zonake a mufumo wa tilo wu ta fananiswa ni mibulwa ya kume, leyi yi nga teka tikandiya ta yona, yi huma ku ya kinga a muyeni.

Efe. 5. 29, 30. Kuv. 19. 7. & 21. 2, 9.

2 A banklanu ka bona ba wa hi mapupulu, hi banklanu ka bona ba wa klarihile.

xip. 13. 47. & 22. 10.

3 Hakuba a mapupulu, laha na ba tekile a tikandiya ta bona, a ba tekangi mafura zinwe nabo :

4 Kanilezi laba boklariha ba lo teka mafura zibiyeni za-byé zinwe ni tikandiya ta-byé.

5 Makunu laha na muyeni na ha hlwela, bonkle ba lo kudzehela ba lo eklela.

1 Tesa. 5. 6.

6 Kanilezi laha xikari ka wusiku ku wa hi kona kubitana, Mangabye, a muyeni! ngonani nwina mu ta mu kinga.

xip. 24. 31. 1 Tesa. 4. 16.

7 Yonkle leyo mibulwa yi lo vuka, yi lo lumeka ti kandiya tabye.

Luka 12. 35.

8 Laba ba mapupulu ba te ngalo ka laba ba kuklariha, Hi nyikenibo a mafura; hakuba a tikandiya ta hina ta timeka.

9 Kanilezi laba ba kuklariha ba lo hlamula, baku, Kuta-ni ma nga ta ba kona ya ku enela hina na nwina: fambani ka laba ba xabisako, mu ya ti xabela.

10 Na ba ha famba ba ya xaba, a muyeni i lo cikela; laba ba nga nga ba longile ba lo engena zinwe mubuzweni wa wukati: ni libati li lo valwa.

Luka 13. 25.

11 A nzako ka lezo yi lota yinwani mibulwa, yiku, Hosi, Hosi, hi vululele.

xip. 7. 21, 22, 23.

12 Kanilezi yena i lo hlamula, a ku ngalo, Hizinene nza wula ka nwina, mina a nzi mu tibi.

Joh. 9. 31.

13 Rinzelani hikwalaho, hakuba a mu gi tibi siku ni xikati.

xip. 24. 42, 44. Marku 13. 33, 35. Luka 21. 36. 1 Kor. 16. 13. 1 Tesa. 5. 6. 1 Pet. 5. 8. Kuv. 16. 15.

14 Hakuba ku kwatsi hi loku a munhu, a yile ka ginwani tiko, i lo bitana a malanza yakwe, i lo ma nyika a fumelo gakwe.

Luka 19. 12. xip. 21. 33.

15 Ka ginwani i lo gi nyika a

nklanu wa titalenta, a ka ginwani timbiri, ka ginwani ginwe; ka ginwe ni ginwani kota ntamo wakwe wu tsalangeneko; i lo famba lwenzweni lakwe.

xip. 18. 24. Roma 12. 6. 1 Kor. 12. 7, 11, 29. Efe. 4. 11.

16 Zalezo loyi a amukeleko a nklanu wa titalenta i lo famba ku ya ti binzulusa, kasi ku binzula tinwani ta nklanu.

17 Kota lezo kambe loyi a amukeleko timbiri a binzulusa timbiri kambe.

18 Kanilezi loyi a amukeleko yinwe i lo famba a ya nkelela misabeni, i lo fihla a mali ya Hosi yakwe.

19 Makunu a nzako ka xikati xa hombe a hosi ya lawo malanza yita, yi lo hlayelana nawo.

20 Loyi a nga amukelile a nklanu wa titalenta, i lo neha tinwani nklanu wa titalenta, aku, Hosi, wena u lo nzi nyika mina a nklanu wa titalenta: wangabye, nzi binzulile tinwani a nklanu wa titalenta.

21 A hosi yakwe yi te ngalo ka yena, U mahile kwatsi, nanza go saseka ni gi kolekileko: wena u wa kolekile ka zilo zi tsonwanyani, nzi ta kuyimisa ka zilo zo tala: engena wena kutsakeni ka hosi ya wena.

xip. 24. 47. xipm. 34, 46. Luka 12. 44. & 22, 29, 30. 2 Tim. 2. 12. Heb. 12. 2. 1 Pet. 1. 8.

22 Ni loyi kambe a amukeleko

a titalenta timbiri i lota a ku ngalo, Hosi, wena u lo nyika ka mina a titalenta timbiri: wangabye, nzi binzulile tinwani timbiri titalenta.

23 A hosi yakwe yi lo ngalo kakwe, U mahile kwatsi, nanza go saseka ni gi kolekileko; wena u wa kolekile ka zilo zi tsonwanyani, mina nzi ta yimisa ka zilo zo tala: engena wena kutsakeni ka hosi ya wena.

xipm. 21.

24 Ni loyi kambe a amukeleko a talenta yinwe i lota a ku ngalo, Hosi, nzi lo ku tiba wena lezaku u munhu wa mona, na u hula laha u nga xwanyangiko kona, u hlengeletela laha u nga hangalasangiko kona:

25 Nzi wa lo caba, nzi lo famba kuya fihla a talenta ya wena misabeni: wangabye, lexi hi xa wena wena nwi-ny.

26 Kanilezi a hosi yakwe yi lo hlamula yi ku ka yena, Wena nanza go biha ni zo lolo-hako, wena u lo zi tiba a ku nzi hula laha nzi xwanyangiko kona, nzi hlengeleta laha nzi nga hangalasangiko kona;

27 Hikwalaho u wa fanelwe hi ku beka a mali ya mina ban-keni, kasi a kuteni ka mina nzi ta amukela za mina zinwe ni binzu.

28 Hikwalaho tekani a talenta ka yena, mu yi nyika ka

yena loyi a nga ni titalenta ta kume.

- 29 Hakuba ka bonklelele laba ba nga nazo ba ta nyikiwa, i ta kuma kunyingi: kanilezi ka yena loyi a nga haba, hambu lexi a nga naxo xi ta tekiwa.

xip. 13. 12. Marku 4. 25. Luka 8. 18. & 19. 26. Joh. 15. 2.

- 30 Gi hoxeni a nanza gi nga vuniko ncumo munyameni wa lahandle: laho ku ta nga maha kona mikosi ni kugetsela ka meno.

xip. 8. 12. & 24. 51.

- 31 Kanilezi laha a Nwana wa munhu a tanga hi wukosi gakwe, ni tingelosi tonkle zinwe naye, zonake i ta tsama xitsanweni xakwe xa wukosi hi wukosi:

xip. 16. 27. & 19. 28. Marku 8. 38. Mt. 1. 11. 1 Tesa. 4. 16. 2 Tesa. 1. 7. Jude 14. Kuv. 1. 7.

- 32 Mahlweni ka yena i ta tsoimbanyisa tixaka tonkle: i ta ba hambanyisa munwe ni munwani, kota murisi a pakaka ko tiyivu le ka timbuti:

Roma 14. 10. 2 Kor. 5. 10. Kuv. 20. 12. xip. 13. 49.

- 33 Yena i ta yimisa tiyivu canjeni gakwe ga xinene, kanilezi a timbuti canjeni gakwe ga xibaba.

- 34 Zonake a Hosi yi ta ku ka bona laba ba nga canjeni gakwe ga xinene, Ngonani, nwina mu katekisilweko hi Dadani wa mina, mu taga tsomba ya mufumo leyi yi

longiselelweko nwina hi kusangileni ka tiko:

Roma 8. 17. 1 Pet. 1. 4, 9. & 3. 9. Kuv. 21. 7. xip. 20. 23. Marku 10. 40. 1 Kor. 2. 9. Heb. 11. 16.

- 35 Hakuba nzi wazwa a ndlala, mu lo nziha a kuga: nzi wazwa tora, mu lo nziha a kunwa: nzi wa hi mufambi, mu lo nzi engenisa;

Jam. 1. 27. Heb. 13. 2. 3 Joh. 5.

- 36 Nzi wa hi xibyiri, mu lo nzi ambalisa: nzi wa babya, mu lota nzi kamba: nzi wa hi paxweni, mu lota ka mina.

Jam. 2. 15, 16. 2 Tlm. 1. 16.

- 37 Zonake a balulamileko ba ta hlamula ka yena, baku, Hosi, hi ku wonile rini na uzwa ndlala, hi kugisa ke? kutani na uzwa tora, hi kunwisa ke?

- 38 Kambe hi kwihi hi nga ku wona na u hi mufambi, hi kuengenisa ke? kutani u hi xibyiri, hi ku ambalisa ke?

- 39 Na hi ku wonile rini wena na u babya, kutani u hi le paxweni, hi lota ka wena ke?

- 40 Ni Hosi yita hlamula yi wula ka bona, Hizinene nza wula ka nwina, kota lezi mu nga maha ka munwe wa laba bamakabye ba mina, bona laba batsongwanyani, mu mahile ka mina.

xip. 10. 42. Marku 9. 41. Heb. 6. 10.

- 41 Zonake i ta wula ka bona laba ba nga canjeni gakwe ga xibaba, Sukani ka mina nwina. mu rukatelilweko, muya nzilweni wa kupinzu-

ka luwo wu longiselelweko
Satani ni tingelosi takwe :

xip. 7. 23. Luka 13. 27. xip. 13. 40,
42. 2 Pet. 2. 4. Jude 6.

42 Hakuba nzi wazwa ndlala,
a mu nzi nyikangi ni kuga:
nzi wazwa tora, a nzi nyi-
kangi ni kunwa :

43 Nzi wa hi mufambi, a mu
nzi engenisangi ; nzi wa hi
xibyiri, a mu nzi ambalisa-
ngi ; nzi wa babya, nzi wa
hi paxweni, a mu tangi kuta
nzi kamba.

44 Zonake bonawu bata hla-
mulawuwo, baku, Hosi, hi
ku wonile rini na u hi ni
ndlala, kutani uzwa tora,
kutani na u hi mufambi,
kutani u hi xibyiri, kutani
u babya, kutani na u hi pa-
xweni, hi nga hi nga kuko-
zeli wena ke ?

45 Zonake i ta ba hlamula
bona, aku, Hizinene nza
wula ka nwina, kota lezi
mu nga kala ku maha ka
munwe wa laba ba tsongwa-
ni, a mu zi mahangi ka
mina.

Mit. 9. 5.

46 Ni laba ba ta famba kulo-
byisweni ka kupinzuka:
kanilezi laba balulamileko
kuhanyeni ka kupinzuka.

Joh. 5. 29. Roma 2. 7, &c.

XIIMO 26.

1 Na ku mahisile lezo, laha
Jesu a mbetile tonkle leti
timhaka, a ku ngalo ka ba-
pizani bakwe,

2 Ma zi tiba a nzako ka masi-
ku mambiri a pasika yita-

ko, a Nwana wa munhu i ta
nyikelwa akuba a belelwa.

Marku 14. 1. Luka 22. 1. Joh. 13. 1.

3 Zonake ku lo tsombana ka-
tiginwe a bapristi ba hombe,
ni masingalakati ya banhu,
ka hubye ya mupristi wa
hombe, a bitwako Kaiafasi;
Joh. 11. 47. Mit. 4. 25, &c.

4 Ba xuxa hungo katiginwe
kasi ba fela ku teka Jesu
hi ku kunguha, ni ku mu
daya.

5 Kanilezi ba ku ngalo, A ku
nga mahi na ka ha hi mu-
buzo, ku nga ta ku ku maha
vilinganya xikari ka banhu.

6 Makunu laha Jesu na hi
Betania, ndlwini ya Simoni
hlokonho,

Marku 14. 3. Joh. 11. 1, 2. & 12. 3.
xip. 21. 17.

7 Laho ku lota kakwe wasati
na hi ni alabasteri ni xiku-
dzana xa mafura ya tsengo
wa hombe, yena i lo ma cu-
lula hehla ka hloko yakwe,
kota lezi a nga tsamile za
kugeni.

8 Kanilezi laha bapizani na
ba zi wonile, ba wa tatisilwe
hi kuzangara, baku, Ka ku
yini kwaloku kuxakela ke ?

Joh. 12. 4.

9 Hakuba laya a mafura nga
ma xabyisilwe hi ntsengo
ya hombe, ku nyikilwe a zi-
siwana.

10 Kanilezi Jesu i lo zi tiba a
ku ngalo ka bona, Mu mu
karatela yini loyi wasati
ke? hakuba i mahile a tiro
wosaseka ha mina.

- 11 Hakuba mu na ni zisiwana xikati xonkle zinwena; kanilezi mina a mu na mina hi xikati xonkle.
xip. 18. 20. & 28. 20. Joh. 12. 8. & 13. 33. & 14. 19. & 16. 5, 28. & 17. 11.
- 12 Hakuba hi ka lezo a nga cela a mafura laya mirini wa mina, yena i lo zi maha kasi kulongiselwa kulahlwa ka mina.
- 13 Hizinene nza wula ka nwina, Kani hi kwihi laha leyi ivangeli yi ta nga kanelwa tikweni gonkle, ni lexi a xi mahileko kambe xi ta kanelwa ku maha xialakanyi-so ha yena.
- 14 Zonake a munwe wa bakume ni bambiri, loyi a bitwako Judasi Iskarioti, i loya ka bapristi ba hombe, a ku ngalo,
Marku 14. 10. Luka 22. 3. Joh. 13. 2, 30. xip. 10. 4.
- 15 Mu vumela ku nzi nyika yini, nzi ta mu nyikela yena ka nwina ke? ba lo pima makume manharu zipanze za siliva.
xip. 27. 3.
- 16 Ku sukela lexo xikati i lo laba a xikati a ta nga mu nyikela ha xona kabye.
- 17 Makunu hi siku go ranga ga zibaba zi nga hiko ni comelo a bapizani ba lotta ka Jesu, baku, Hikwihi laha wena u ranzako ku nga hi ya longisela kasi u ta yaga kona a pasika ke?
Marku 14. 12. Luka 22. 7.
- 18 Yena a ku ngalo, Fambani mutini ka munhu wa ku ngahi, muku ka yena, A Mugonzisi aku, A xikati xa mina xi tsinele; nzi maha a pasika ndlwini ya wena ni bapizani ba mina.
- 19 Ni bapizani ba lo maha kota Jesu a nga wa ba wonisile; ba lo longisela a pasika.
- 20 Makunu laha na gi hlwile, i wa lo tsama kugeni zinwe ni bapizani ba kume ni bambiri;
Marku 14. 17-21. Luka 22. 14. Joh. 13. 21.
- 21 Kota lezi na haga, i te ngalo, Hizinene nza wula ka nwina, a munwe wa nwina i ta nzi nyikela.
- 22 Ni bonkle ba wa su xaniseka ha hombe nguvu, ba lo sangula ku wula kakwe munwe ni munwani, Hi mina, Hosi ke?
- 23 I lo hlamula a ku ngalo, Loyi a nusako canja ginwe na mina lomu ngelweni, ywaloye hi yena a ta nga nzi nyikela.
Luka 22. 21. Joh. 13. 18.
- 24 A Nwana wa munhu wa famba, kota lezi ku tsalilweko ha yena: kanilezi kombo ka loye munhu a Nwana wa munhu a ta nga nyikelwa ha yena! zi wa hi cukwana ka loye ku nga a tralwangi.
Marku 9. 12. Luka 24. 25, 26, 46. Mit. 17. 2, 8. & 26. 22, 23. 1 Kor. 15. 3. Joh. 17. 12.
- 25 Na Judasi, loyi a nga mu nyikela, a hlamula a ku

- ngalo, hi mina ke, Mugo-
nzisi? Yena a ku ngalo ka
yena, Wena wa wula wena.
- 26 Kwatsi hi lezi ba nga haga,
Jesu i lo teka a xibaba, a
katekisa, a xi kema; i lo
nyika ka bapizani, a ku
ngalo, Tekani, muga; lexi
hi miri wa mina.
Marku 14. 22. Luka 22. 19. 1 Kor. 11.
23, 24, 25. & 10. 16.
- 27 Yena i lo teka ni kopo, i lo
bonga, a nyika kabye, aku,
Nwanani *nwenkle* ha yona;
Marku 14. 23.
- 28 Hakuba lexi hi nkata wa
mina wa xivumelwano, lo-
wu wu halakeleko banyingi
kutsetselelweni ka zonho.
xip. 20. 23. Roma 5. 15. Heb. 9. 22.
- 29 Kanilezi nza wula ka *nwi*-
na, ku suka lezi a nzi nga
ha tanwa leyi mihanzo ya
xivini, kala lego siku laha
nzi nga ginwa na ga ha hi
giswa zinwe na *nwina* mufu-
nweni wa Dadani wa mina.
Marku 14. 25. Luka 22. 18. Mit. 10. 41.
- 30 Laha na ba yimbelele lisi-
mu, ba lo huma baya xitsu-
ngeni xa ma Oliva.
Marku 14. 26.
- 31 Zonake a wula Jesu ka
bona, *Nwina nwenkle* mu ta
hlamuka ha mina a wusiku
legi: hakuba ku tsalilwe,
nzi taba a murisi ni tiyivu
ta *klambi* ti ta hangalaka.
Marku 14. 27. Joh. 16. 32. xip. 11. 6.
- 32 Kanilezi a nzako na nzi vu-
kile, nzi ta famba mahlweni
ka *nwina* nzi ya Galile.
xip. 23. 7, 10, 16. Marku 14. 28. & 16. 7.
- 33 Kanilezi Petro a hlamula a
ku ngalo ka yena, Loku bo-
nkle ba hlamuka ha wena,
mina cima nzi nga ta hla-
muka.
- 34 Ni Jesu a ku ngalo ka yena,
Hizinenene nza wula ka wena,
lezaku legi wusiku, ma-
hlweni a kuku na wu nga
kuba, u ta nzi kaneta ku-
nharu.
Marku 14. 30. Luka 22. 34. Joh. 13. 38.
- 35 Petro a wula ka yena, Ha-
mbu loku nzifa na wena, a
nzi nga ta ku ala, Zi ngaho
ba lo wula bonkle bapizani.
- 36 Zonake Jesu i lota wutsa-
nweni gi tibyako Getsema-
ne, aku ka bapizani bakwe,
Tsamani *nwina* laha, nzi
taya lahaya nzi ya kombela.
Marku 14. 32-35. Luka 22. 39. Joh.
18. 1.
- 37 Yena i lo teka *zinwe* naye
Petro ni banana bambiri ba
Zabedi, a sangula kuxani-
seka ni kukarateka ka ho-
mbe.
xip. 4. 21.
- 38 Zonake yena a ku ka bona,
A muhefemulo wa mina wa
karateka nguvu, hambu hi
ka kufa: tsamani *nwina*
laha, mu rinzela *zinwe* na
mina.
Joh. 12. 27.
- 39 Yena i lo famba mahlweni
kutsongwani, i lowa hi ngo-
he yakwe, a kombela, aku,
O Dadani wa mina, loku zi
koteka, nga leyi kopo yi
hunza ka mina: ahemba,
na ku nga hi ku kwatsi ku-

ranza ka mina, kanilezi ko-
ta kuranza ka wena.

Marku 14. 36. Luka 22. 42. Heb. 5. 7.
Joh. 12. 27. xip. 20. 22. Joh. 5. 30.
& 6. 38. Fil. 2. 8.

40 Yena i lotta ka bapizani, i
lo ba kuma na ba eklele, a
ku ngalo ka Petro, Hi yini,
a mu na ku rinzela na mina
a hora yinwe ke?

41 Rinzelani ni kombelani, ka-
si mu nga engeni kuringwe-
ni: a moya ha kunene wa
vumela, kanilezi a nyama
ya rereka.

Marku 13. 33. & 14. 38. Luka 22. 40, 46.
Efe. 6. 18.

42 Kambe hi xikati xa wumbi-
ri i loya kambe, a ya ko-
mbela, aku, O Dadani, wa
loku lexi xi nga hi ni ku
hunza, saseka loku nzi xi-
nwa, kuranza ka wena a ku
maheke.

43 Yena i lotta kambe a ta ba
kuma na ba eklele, hakuba
a mahlo yabye ma wa tika.

44 I lo engeta kambe a ba siya,
i lo famba, a ya kombela hi
zikati zinharu, i lo wula ka-
mbe twaleto timhaka.

45 Zonake i lotta yena ka bapi-
zani, a wula kabye, Eklela-
ni makunu, mu humula:
mangabye, a xikati xi tsi-
nele, a Nwana wa munhu
i nyikelwe mandleni ya zi-
onhi.

46 Sukani, a hi fambeni: ma-
ngabye, i le kusuhi loyi a
nzi nyikelako.

47 Na a nga a ha wulawula,
mangabye, Judasi, munwe

wa bakume ni bambiri, i
lotta, zinwe naye a xidlemo
xa hombe ni tisupado ni zi-
gomba, bata hi le ka bapri-
sti ba hombe ni ka masinga-
lakati ya banhu.

Marku 14. 43. Luka 22. 47. Joh. 18. 3.
Mit. 1. 16.

48 Makunu loyi a nga mu nyi-
kela i lo nyika a mu woni-
so, aku, Loyi nzi ta nga mu
trotra, yena hi yena: mu te-
keni.

49 Zalezo i lotta ka Jesu, a ku
ngalo, Xewe, Hosi; i lo mu
trotra.

50 Ni Jesu aku ka yena, Mu-
ngana, maha lexi u xi tele-
ko. Zonake ba lotta ba lo
beka mandla hehla ka Jesu,
ba lo mu teka.

51 Languta, a munwe wa bo-
na laba ba nga hi na Jesu i
lo tsambuluta a canja ga-
kwe, i lo hlomula a supado
yakwe, i loba a nanza ga
mupristi wa hombe, i lo tse-
ma a ndleba ya gona.

Joh. 18. 10.

52 Zonake a wula Jesu ka ye-
na, Klelisela kambe a supa-
do ya wena wutsanweni ga
yona: hakuba laba bonkle
ba tekako a supado ba ta lo-
byiswa hi supado.

Kuv. 13. 10.

53 Kutani a ku alakanyi leza-
ku loku nzi kongela Dada-
ni wa mina, i ta nzi rumela
makunu a tingelosi to hu-
nza a kume ni mambiri a
mabandla?

54 Ku ta tatiseka hi ku yini a

mitsalo, ya ku nga zi ma-
heka lezi ke?

xipm. 24. Luka 24. 25, 44, 46.

55 Ni ka lexo xikati Jesu a ku
ngalo ka zidlelo, Nwina
mu humele kota ku hlomela
nkamba zinwe ni tisupa-
do ni zigomba a kuta koma
mina ke? nzi lo tsama kona
masiku ni masiku tempele-
ni nzi gonzisa, a mu nzi ko-
mangi.

56 Kanilezi zonkhe lezi za a ma-
heka, kasi a mitsalo ya ba-
profeti yi fela ku tatiseka.
Zonake bonkhe bapizani ba
lo mu siya ba tsutsuma.

xipm. 54. Joh. 18. 15.

57 Laba ba nga tekile Jesu ba
lo mu yisa ndlwini ga Ka-
yifasi mupristi wa hombe,
laho a batsali ni masingala-
kati ba nga tsombene kona.

Marku 14. 53. Luka 22. 54. Joh. 18. 12,
13, 24.

58 Kanilezi Petro i lo mu la-
nzela hi le kule, hubyeni ya
mupristi wa hombe, i lo
engena, i lo tsama ni ma-
nganakana kasi ku wona
kugumelwa.

59 Makunu bapristi ba hombe
ni huwo yonkhe ba laba ba-
kustumunyu ba mawunwa
hi Jesu, kasi ba fela ku mu
daya;

60 A ba ba kumangi, hambu
lezi ku ngata a bahembi ba-
nyingi. Kanilezi hi le nza-
ko ku lota bambiri ba ku
ngalo,

Marku 14. 55. Mit. 6. 13.

61 Loyi munhu i te ngalo, Nza

zi kota ku kungumula a
tempeli ya Nungungulu ni
ku yi aka hi masiku ma-
nharu.

xip. 27. 40. Joh. 2. 19.

62 Ni mupristi wa hombe i lo
yima, i te ngalo kakwe, A
ku hlamuli ncumo ke? hi
yini lezi laba bakustumu-
nyu ba kustumunyu ha
wena ke?

Marku 14. 60.

63 Kanilezi Jesu i lo miyela.
Ni mupristi wa hombe i te
ngalo ka yena, nzi ku hla-
mbanyisa hi Nungungulu a
hanyako, lezaku u hi byele
loku u hi Kristu, a Nwana
wa Nungungulu.

xip. 27. 12, 14.

64 Jesu aku ka yena, Wenu u
wulile: ahemba nza wula
ka wena, Ku sukela lezi mu
ta wona a Nwana wa mu-
nhu na a tsamile hi ka ga
xinene canja ga ntamo, na
ata hi marefu ya tilo.

xip. 16. 27. & 24. 30. & 25. 31. Luka
21. 27. Joh. 1. 51. Roma 14. 10.
1 Tesa. 4. 16. Kuv. 1. 7. Mit. 7. 55.

65 Zonake a mupristi wa ho-
mbe i lo hanzula a tinguwo
takwe, aku, I wulawulile a
nzukano: ha ha laba baku-
stumunyu ba ku yini ka-
mbe ke? gmanabye, ma-
kunu nwina mu zwile a
nzukano:

66 Mu alakanya yini nwina
ke? Bona ba lo hlamula ba
ku ngalo, Yena i fanelwe hi
kufa.

Joh. 19. 7.

67 Zonake ba lo pelela ngohe
ya yena ba lo muba: ba-

nwani ba lo mu pakata hi mandla yabye,

xip. 27. 30. Luka 22. 63. Joh. 19. 3.

68 Baku, Vumba ka hina, wena Kristu : hi mani a ku bileko wena ke?

Marku 14. 65. Luka 22. 64.

69 Makunu Petro i wa lo tsuma lahandle ka hubye : a nhwana i lota ka yena, aku, Wenawu kambe u wa hi na Jesu wa le Galile.

Marku 14. 66. Luka 22. 55. Joh. 18. 16, 17, 25.

70 Kanilezi i lo kaneta mahlwani kabye bonkle, aku, A nzi zi tibi lezi wena u zi wulako.

71 Laha na humele nyangweni, a munwani nhwana i lo mu wona, i lo wula kabye laba ba nga hi kona laho, Loyi munhu kambe i wa hi na Jesu wa le Nazareta.

72 I lo engeta kambe a kaneta hi kuhlambanya, A nzi mu tibi a munhu.

73 Anzako ka xikatanyana laba ba nga yimile ba lota ba ku ngalo ka Petro, Ha kunene wena kambe u munwe wa bona ; hakuba kuwulawula ka wena ka ku kombisa.

Luka 22. 59.

74 Zonake yena i lo sangula kurukatela ni hlambanya, A nzi mu tibi a munhu. Zalezo a kuku wu loba.

Marku 14. 71.

75 Ni Petro i lo alakanya a mhaka leyi Jesu a nga wulile, Na kuku wu se kuba, u ta nzi kaneta kunharu. I

lo huma, a rila nguvunguvu.

xipm. 34. Marku 14. 30. Luka 22. 61, 62. Joh. 13. 38.

XIPIMO 27.

1 Makunu na gi cile, Bonkle bapristi ba hombe ni masingalakati ya banhu ba lo xuxa makungo ha Jesu kasi ku mu daya :

Marku 15. 1. Luka 22. 66. & 23. 1. Joh. 18. 28.

2 Ba lo mu boha, ba lo mu yisa, ku mu nyikela ka Pilatu a mufumeli.

xip. 20. 19. Mit. 3. 13.

3 Zonake Judasi, loyi a mu nyikeleko, laha na wonile ku ngalo i konilwe, i lo hunzuluka a wutsumbu gakwe, i lo klelisa a makume manharu ya zipanze za siliva ka bapristi ba hombe ni ka masingalakati,

xip. 26. 14, 15.

4 Aku, mina nzi onhile lezi nzi nga nyikela a nkata wu nga onhangiko ncumo. Kanilezi bona ba te ngalo, Xi yini lexo ka hina ? ti wonele wena ka xona.

5 Yena i lo hoxa lahasi a zipanze za siliva ndlwini ya kuklangana, i lo suka : i lo famba a ya ti sunga.

Mit. 1. 18.

6 Ni bapristi ba hombe ba lo teka a zipanze za siliva, ba ku ngalo, A zi fanele ku yi beka nkwameni wa minyikelo, lezi yi nga nga maha a tsengo wa nkata.

7 Bona ba lo xuxa kungo, ba

- lo xaba ha zona a simu ya muwumbi, kasi kulahla a bapfumba kona.
- 8 Ngahilezo leyo simu yi lo bitywa, I simu ya nkata, kala nyamukla.
Mit. 1. 19.
- 9 Zonake ku wa lo tatiseka lexi xi nga wulawulilwe hi Jeremia muprofeti, aku, Bona ba lo teka a makume manharu ya zipanze za siliwa, a tsengo wa loyi a nga xabyilwe, loyi a bo kari ba banana ba Israeli ba lo xabisa ;
- 10 Ba lo xaba ha yona a simu ya muwumbi, kota a Hosi yi nzi yimisileko.
- 11 Makunu Jesu i lo yima mahlweni ya mufumeli : ni mufumeli i lo mu wutisa, aku, Wena u Hosi ya ba Juda ke? Ni Jesu aku ngalo ka yena, Wa wula wena.
Marku 15. 2. Luka 23. 3. Joh. 18. 38, 37. 1 Tim. 6. 18.
- 12 Laha na kecarilwe hi bapristi bahombe ni masingalakati, a nga hlamulangi ncumo.
xip. 26. 63. Joh. 19. 9.
- 13 Zonake i wula Pilatu ka yena, A kuzwi wena lezaku zilo zingani ba kustumunyako ha wena ke?
xip. 26. 62. Joh. 19. 10.
- 14 A nga nyikangi ni kuhlamula ka yena, hambu ni mhaka yinwe: kota lezo a mufumeli i lo hlamala nguvu.
- 15 Makunu mubuzweni a mu-

- fumeli i wa tolobeke a kuklaklisa ka xidlemo a yinwe peresu, leyi ba ta nga yi ranza.
Marku 15. 6. Luka 23. 17. Joh. 18. 39.
- 16 Ba wa hi ni peresu leyi yi zweleko yi bitwako Barabasi.
- 17 Hikwalaho laha na ba tso-mbene katiginwe, Pilatu a ku ngulo kabye, Hi mani mu mu ranzako ku nga nzi mu klaklisa ka nwina ke? Barabasi, kutani Jesu loyi a tibyako Kristu ke?
- 18 Hakuba i wa zi tiba lezaku ba mu nyikela hi wukuxu.
- 19 Laha na ha tsamile xitsanweni xa kulamula, a sati wakwe i lo rumela ka yena, aku, U nga mahi ncumo ni loyi munhu a lulamileko: hakuba nzi lo xaniseka hi zilo zinyingi legi siku hi kulora hi kota ya yena.
- 20 Makunu a bapristi ba hombe ni masingalakati ba lo hlohlotela a xidlemo akuba ba kombela Barabasi, ba daya Jesu.
Marku 15. 11. Luka 23. 18. Joh. 18. 40. Mit. 3. 14.
- 21 Kanilezi a mufumeli i lo hlamula a ku ngalo ka bona, Hi wihi wa laba bambiri nzi ta nga muklaklisa ka nwina ke? Bona ba te ngalo Barabasi.
- 22 Pilatu a ku ngalo kabye, Nzi ta maha yini ka Jesu loyi a tibyako Kristu? Bonkle ba wula, Nga a belelwa.
- 23 Yena a ku ngalo, Hi yini, hi kwihi kubiha a ku mahi-

- leko ke? Kanilezi bona ba la su simamisa ba bitana, baku, Nga a belelwa.
- 24 Lezo laha Pilatu a nga wona ku ngalo a nga vuni ncu-mo, kanilezi ku wo vuka a wuyonga, i lo teka a mati, i lo hlamba a mandla yakwe mahlweni ka xidlemo, aku, A nzi na nanzu ni nkata wa munhu loyi a lulamuleko: ti woneleni nwina.
- 25 Bonkle banhu ba lo hlamula baku ngalo, A nkata wakwe a wu be ka hina, ni ka banana ba hina.
Mit. 5. 28.
- 26 Zonake yena i lo ba klaklela bona Barabasi : kanilezi Jesu i lo mu xupula a nyike-lwa a ku ba a belelwa.
Marku 15. 15. Luka 23. 16, 24, 25. Joh. 19. 1, 16.
- 27 Zonake a bakasadoro ba mufumeli ba lo teka Jesu ba mu yisa xilubelweni, ba lo tzombanyisa ka yena a klawa wonkle.
Marku 15. 16. Joh. 19. 2.
- 28 Ba lo runzuwula tinguwo takwe, ba lo mu ambalisa a nguwo yo truka.
Luka 23. 11.
- 29 Ba lo luka a xidlodlo xa mi-zwa ba xi klateka hlokweni yakwe, ni lihlanga canjeni gakwe ga xinene; ba lo ki-zama mahlweni ka yena, ba mu tseketsela, baku, Xewe, Hosi ya ba Juda!
- 30 Ba lo mu pelela hi mari, ba lo teka lihlanga ba loba hloko yakwe.
xlp. 26. 67.
- 31 Ni laha na ba mu tseketse-le, ba lo susa kakwe a nguwo yo truka, ba lo mu ambalisa tinguwo takwe, ba lo mu yisa ku ya mu belela.
- 32 Kota lezi ba nga ha huma, ba lo kuma munhu wa le Kurena, hi Simoni a bito gakwe: ba lo mu kurumeta ku famba nabo, kasi a fela kurwala a xihambano xa-kwe.
Mit. 7. 58. Heb. 13. 12. Marku 15. 21. Luka 23. 26.
- 33 Ni laha na cikele wutsanwe-ni gi bitwako Golgota, leza-ku, wutsamo ga hloko,
Marku 15. 22. Luka 23. 33. Joh. 19. 17.
- 34 Ba lo mu nyika a waini a kunwa na gi patsilwe ni nyongwa: laha na gi ringi-le a nga nwangi.
xipm. 48.
- 35 Laha na ba mu belele, ba lo abelana tinguwo takwe xi-kari kabye, ba maha kuvumba:
Marku 15. 24. Luka 23. 34. Joh. 19. 24.
- 36 Ba lo tsama ba mu rinzela laho.
xipm. 54.
- 37 Ba lo beka hehla ka hloko yakwe a papilo na gi tsali-lwe a nanzu wakwe ku nga-lo, LOYI HI JESU A HOSI YA BA JUDA.
Marku 15. 26. Luka 23. 33. Joh. 19. 19.
- 38 Zonake ku lo belelwa zi-nwe naye a bapangi bambiri, munwe hi canjeni ga-kwe ga xinene, munwani canjeni gakwe ga xibaba.
Marku 15. 27. Luka 23. 32, 33. Joh. 19. 18.
- 39 Ni laba ba nga hunza ba wa

mu rukatela, ba zibiza ti-
hloko tabye,

Marku 15. 29. Luka 23. 35.

- 40 Na baku, Wena loyi u ku-
ngumulako tempeli, u yi
aka hi masiku manharu,
hanyisa wutsumbu ga we-
na: loku wena u hi Nwa-
na wa Nungungulu, cika xi
hambanweni.

xip. 26. 61, 63. Joh. 2. 19.

- 41 Zi ngaho ni bapristi ba ho-
mbe ba lo mu tseketsela, zi-
nwe ni batsali ni masinga-
lakati, ba ku ngalo,
42 Yena i lo hanyisa banwani;
a wutsumbu gakwe a nga
gi hanyisi. Yena hi Hosi
ya ba Israeli; makunu a ci-
ke xihambanweni, hina hi
ta kolwa ka yena.
43 Yena u tsumba ka Nungu-
ngulu; nga a mu klaklisa
makunu, loku a nga a kari
a mu laba: hakuba yena i
te ngalo, Nzi Nwana wa
Nungungulu.
44 Ni bapangi kambe laba ba
nga belelwe zinwe naye ba
lo wula ka yena ywaleyo
nzukane.

Marku 15. 32. Luka 23. 39.

- 45 Makunu ku sukela xikatini
xa wunklani ni xinwe ku
wa hi kona munyama mi-
sabeni yonkle ku kala xi-
katini xa wunklanu ni mu-
ne.

Marku 15. 32. Luka 23. 44.

- 46 Hi xikati xa wunklanu ni
mune Jesu i lo bitana hi ge-
zu ga hombe, aku, Eloi,
Eloi, lama sabaktani? lezo

ku hi ku ngalo, Nungungu-
lu wa mina, Nungungulu
wa mina, u nzi siyela yini
ke?

Heb. 5. 7.

- 47 Ni banwani labo ba nga yi-
mile laho, laha na ba zi
zwile, ba ku ngalo, Loyi
munhu i bitana Elija.

- 48 Zalezo a munwe wa bona i
lo tsutsuma, i loya teka a
kubi, i lo gi tatisa hi viniga,
i lo klomeka lihlangeni, i lo
mu nyika yena a ku ba
anwa.

Marku 15. 36. Luka 23. 36. Joh. 19. 29.

- 49 A banwani baku, A wa nga
tsika; ha nga wona kutani
Elija i tata ku mu hanyisa.

- 50 Jesu i lo bitana kambe hi
gezu ga hombe, i lo nyikela
a moya wakwe.

Marku 15. 37. Luka 23. 46.

- 51 Languta, a veli ya tempele
yi lo hanzuka kumbiri ku
suka le hehla kala lahasi;
ni misaba yi lo tsekatseki-
swa; ni maribye ma lo pa-
nzeka;

Marku 15. 38. Luka 23. 45.

- 52 Ni minkele yi lo vululeka;
ni mimiri ya banyingi bo-
basa laba ba nga file ba lo
vuka;

- 53 Yi huma minkeleni a nza-
ko ka kuvuka kakwe ba lo
engena mutini wo basa ba
lo woneka ka banyingi.

- 54 Makunu a nduna ya zana,
ni laba ba nga hi naye ba
rinzela Jesu, laha na ba wo-
na kutsekatseka ka misaba,
ni zilo lezi zi nga wa mahe-
kile, ba lo caba nguvu, ba-

ku, Ha kunene loyi i wa hi
Nwana wa Nungungulu.

xipm. 36. Marku 15. 39. Luka 23. 47.

- 55 Ni ba basati banyingi ba wa
hi kona laho na ba cuwuka
hi le kule, laba ba nga la-
nzele Jesu hi le Galile, na
ba mu kozela :

Luka 8. 2, 3.

- 56 Xikari kabye i wa hi kona
Maria Magdalene, ni Maria
nyine wa Jamesi ni Jose, ni
nyine wa banana ba Za-
bedi.

Marku 15. 40.

- 57 Laha gi nga wahlwa, ku
lota munhu a fumileko wa
le Aramatia, a bitwako Jo-
sefa, loyi a wutsumbu ga-
kwe a nga hi mupizani wa
Jesu :

Marku 15. 42. Luka 23. 50. Joh. 19. 38.

- 58 Loyi munhu i loya ka Pila-
tu, a kombela a xirumbi xa
Jesu. Zonake Pilatu i lo la-
ya a ku a nyikiwe.

- 59 Na Josefa i lo teka a xiru-
mbi, i lo xi tsonzela ngu-
byeni yo basa,

- 60 I lo xi beka nkeleni wakwe
muswa yena *nwinyi*, lowu
a nga wu kehlile le ribyeni :
i lo umbulutela a ribye ga
hombe laha nyangweni ya
nkele, i lo famba.

- 61 Ni Maria Magdalene i wa hi
kona laho, ni munwani Ma-
ria, ba wa lo tsama laha
nkeleni.

- 62 Makunu hi manziko, legi
gi nga siku ga le nzako ka
Kulongisela, a bapristi ba

hombe ni ba Farisi ba lo
tsombana katiginwe ka Pi-
latu,

- 63 Baku, Hosi, ha alakanya
lezaku loyi mukohlisi i te
ngalo, laha na ha hanya, A
nzako ka masiku manharu
nzi vuka kambe.

xip. 16. 21. & 17. 23. & 20. 19. & 26. 61.

Marku 8. 31. & 10. 34. Luka 9. 22. &
18. 33. & 24. 6, 7. Joh. 2. 19.

- 64 Hikwalaho laya lezaku a
nkele wutiyiswa kala siku
ga manharu, ku nga ta ku a
bapizani bakwe ba ta mu
yiba, ba wula ka banhu,
Yena i vukile hi ka bafleko:
a kuonha ko humesa ku bi-
hile ku hunza kurangula.

- 65 Pilatu i lo ngalo kabye,
Nwina mu na barinzeli: fa-
mbani mu ya maha kota
mu zi kotako.

- 66 Lezo ba lo famba, ba ya ti-
yisa a nkele, ba marika a
ribye, ni ba rinzeli ba wa hi
nab

XIPIMO 28.

- 1 Makunu kumbetiseni ka
siku ga sabado, ku wa ha hi
punzu hi siku go ranga ga
sonto, ku lota Maria Magda-
lene ni munwani Maria ku
ta wona a nkele.

Marku 16. 1. Luka 24. 1. Joh. 20. 1.
xip. 27. 56.

- 2 Languta, ku wa hi kona
kutsekatseka ka hombe ka
misaba; hakuba a ngelosi
ya Hosi yi wa relela hi le
tilweni, yi lota umbuluta a
ribye, yi lo tsama hehla ka
gona.

Marku 16. 5. Luka 24. 4. Joh. 20. 12.

- 3 A kuwoneka ka yona ku lo kota a xingwalangwanza, ni tinguwo ta yona ti wa lo basa kota hunguba:
- 4 Hi kucabeka ka yona a barinzeli ba lo rurumela, ba wa lo kota bafileko.
- 5 Ni ngelosi yi lo hlamula yiku ka ba basati, Mu nga cabi nwina: hakuba nza zi tiba mu laba Jesu, loyi a nga wa belelwe.
- 6 Yena u haba laha; hakuba i vukile kota lezi a nga wa wulile. Ma nga tani, mu wona a wutsamo laha a Hosi yi nga eklele kona.
xip. 12. 40. & 16. 21. & 17. 23. & 20. 19.
- 7 Haklisani ku famba, mu byela a bapizani bakwe, I vukile hi ka bafileko; mangabye, i famba mahlweni ka nwina ku ya Galile; leyo mu ta ya mu wona kona: mangabye, nzi mu byelile.
xip. 26. 32. Marku 16. 7.
- 8 Na bona ba lo haklisa ba suka nkeleni hi kucaba ni kutsaka ka hombe, ba lo tsutsuma ku ya byela a bapizani bakwe a mhaka.
- 9 Languta, Jesu i lo klangana nabo, aku, Xeweni. Ba lotta koma mikonzo yakwe, ba mu kozela.
Marku 16. 9. Joh. 20. 14.
- 10 Zonake Jesu a ku kabye, Mu nga cabi: fambani mu byela bamakabye ba mina kasi ba ya Galile, hi laho ba ta nga nzi wona kona.
Joh. 20. 17. Roma 8. 20. Heb. 2. 11.
- 11 Makunu na ba ha famba, languta, banwani ba laba barinzeli ba lotta mutini, ba lo wula ka bapristi ba hombe a zilo zonkle lezi zi mahékileko.
- 12 Laha na ba tsombene ni masingalakati, ba lo tsema kungo, ba lo nyika a mali yo tala ka bakasadoro,
- 13 Baku, Wulani nwina, a bapizani bakwe ba lotta ni wusiku, ba lo mu yiba na hina hi lo eklele.
- 14 Loku lezi zilo zi zwiwa hi mufumeli, hi ta mu vumelisa yena, hi mu vikela nwi-na.
- 15 Lezo ba lo teka a mali, ba lo wula kota lezi ba nga gonziswa: loku ku wula ku wa lo hangalaka xikari ka ba Juda, ka ha simamisile kala nyamukle.
- 16 Kanilezi a bapizani ba kume ni munwe ba loya Galile, le xitsungeni lexi Jesu a nga ba kombetile bona.
xip. 26. 32. xipm. 7.
- 17 Ni laha ba nga mu wona, ba lo mu kozela: kanilezi banwani ba lo kanakana.
- 18 Jesu i lotta kabye i lo wulawula ka bona, aku, Wonkle ntamo wu lo nyikilwe ka mina le tilweni ni misabeni.
xip. 11. 27. & 16. 28. Luka 1. 32. & 10. 22. Joh. 3. 35. & 5. 22. & 13. 3. & 17. 2. Mit. 2. 36. Roma 14. 9. 1 Kor. 15. 27. Efe. 1. 10, 21. Fil. 2. 9, 10. Heb. 1. 2. & 2. 3. 1 Pet. 3. 22. Kuv. 17. 14.
- 19 Hikwalaho fambani nwina, mu gonzise tixaka tonkle, mu ba bapatize bitweni ka

Dadani ni ga Nwana ni ga
Moya wa ku Basa:

Marku 16. 15. Luka 24. 47. Mit. 2. 38,
39. Roma 10. 18. Kol. 1. 23.

20 Mu ba gonzisa a ku gonga

zilo zonkle lezi nzi mu layi-
leko nwina: mangabye, nzi
na nwina xikati xonkle, na
kona kugumelweni ka tiko.

Mit. 2. 42.

IVANGELI HI KA MARKU.

XIPIMO 1.

1 Kusanguleni ka ivangeli
ya Jesu Kristu, a Nwana
wa Nungungulu.

Mat. 14. 33. Luka 1. 35. Joh. 1. 34.

2 Kota lezi ku tsalilweko ka
Isaya muprofeti,

Languta, nzi ruma a tsumi
wa mina mahlweni ka
ngohe ya wena, loyi a ta
nga longisela a ndlela ya
wena;

Mat. 11. 10. Luka 7. 27.

3 A gezu ga munwe a nga
bitana xiwuleni, longisa-
ni nwina a ndlela ya Ho-
si, mu maha tindlela ta-
kwe ti lulama.

Mat. 3. 3. Luka 3. 4. Joh. 1. 15, 23.

4 Johani i lotta, loyi a nga ba-
patiza xiwuleni i wa kanela
a kubapatiza ka kuhunzu-
luka ku tsetselelweni ka zo-
nho.

Mat. 3. 1. Luka 3. 3. Joh. 3. 23.

5 Ku loya ka yena a tiko go-
nkle ga Judia, ni bonkle la-
ba ba le Jerusalema; ba wa
bapatizwa ha yena congwe-
ni wa Jordani, ba lo vume-
la kuonha kabve.

Mat. 3. 5.

6 Johani i lo a mbala a ngu-
wo ya woya ga kameli i wa
boha a bandi xiwunwini xa-
kwe, i loga a humbi ni wu-
lombe ga kwati.

Mat. 3. 4.

7 I lo kanela, aku, Wa hata
hi lenzako ka mina loyi a
nga ni ntamo ku nzi hunza,
loyi a tingoti ta zilato za-
kwe a nzi fanele ku kora-
ma nzi ti klakla.

Mat. 3. 11. Joh. 1. 27. Mit. 13. 25.

8 Mina nzi lo mu bapatiza hi
mati; kanilezi yena i ta mu
bapatiza hi Moya wo Basa.

Mit. 1. 5. & 11. 16. & 19. 4. Mit. 2. 4.
& 10. 45. & 11. 15, 16. 1 Kor. 12. 13.

9 Na ku mahisile ka lawo
masiku, lezaku Jesu i lotta
hi le Nazareta wa Galile, i
lo bapatizwa hi Johani co-
ngweni wa Jordani.

Mat. 3. 13. Luka 3. 21.

10 Zalezo na ha huma hi lomo
matini, i lo wona a tilo gi
vululekile, ni Moya wo ko-
ta tuba wu lo relela hehla
kakwe:

Mat. 3. 16. Joh. 1. 32.

11 Ni gezu gi lotta hi le tilweni,
Wena u Nwananga a ranzi-

lweko; hi ka wena nza xalaliswa kwatsi.

Mat. 3. 17. xip. 9. 7.

12 Zalezo a Moya wu lo mu yisa xiwuleni.

Mat. 4. 1. Luka 4. 1.

13 Yena i wa hi xiwuleni mune wa makume ya masiku i lo ringwa hi Satani; yena i wa hi ni zihari za kwati; ni tingelosi ti nga mu kozela.

Mat. 4. 11.

14 Makunu a nzako ka lezo Johani i lo nyikelwa, Jesu i lota Galile, na kanela ivangelu ya Nungungulu,

Mat. 4. 12. & 4. 23.

15 Aku, A xikati xi tatisekile, ni mufumo wa Nungungulu wu tsinele: hunzulukani nwina, mu kolwa ivangelini.

Gal. 4. 4. Efe. 1. 10. Mat. 3. 2. & 4. 17.

16 Na a ha hunza hi bimbi ga Galile, yena i lo wona Simoni ni Andreu nakulobye wa Simoni na ba hoxa likoka bimbini: hakuba ba wa hi bakukuti.

Mat. 4. 18. Luka 5. 4.

17 Jesu a ku ngalo kabye, Ngonani le nzako ka mina nwi-na, nzi ta mu maha mu tsama bakukuti ba banhu.

18 Zalezo ba lo siya tikoka, ba lo mu lanzela.

Mat. 19. 27. Luka 5. 11.

19 Na ha nonohisa a famba, i lo wona Jamesi a nwana wa Zabeki, na Johani nakulobye, labowo ba wa hi nga-

labeni ba rungetela a tiko-ka tabye.

Mat. 4. 21.

20 Zalezo i lo ba bitana: bona ba lo siya a raru wabye Zabedi ngalabeni ni zitiri za kurihiwa, ba lo famba le nzako kakwe.

21 Bona ba loya Kapernaume; zalezo hi siku ga sabado i lo engena lomo sinagogeni i lo gonzisa.

Mat. 4. 13. Luka 4. 31.

22 Bona ba lo damiswa hi kugonzisa kakwe: hakuba i lo ba gonzisa kota a na nga ni ntamo, na ku nga hi ku kota a batsali.

Mat. 7. 28.

23 Zalezo ku wa hi kona munhu lomo sinagogeni loyi a nga hi ni moya wa kubiha; i lo bitana,

Luka 4. 38.

24 Aku, Hi ta maha yini na wena, wena Jesu wa Nazareta? u tile kuta hi lobisa ke? nza ku tiba weni hi wena, loyi wa ku Basa wa Nungungulu.

Mat. 8. 29.

25 Jesu i lo wu kawuka, aku, Miyela, u huma ka yena.

xipm. 34.

26 A moya wa kubiha, wu lo mu hanzula na wu bitana hi gezu ga hombe, wu lo huma ka yena.

xip. 9. 20.

27 Ni bonklelele ba lo hlamliswa, kota lezo ba lo wutisana a wutsumbu gabye, baku, Hi yini lexi? a kugonzisa kuswa! ka ntamo wo

- laya hambu ni mimoya ya kubiha, yi mu ingisa.
- 28 A wudumo gakwe gi lo famba zalezo wutsanweni gonk-le ga le Galile.
- 29 Ni zalezo, laha na ba huma sinagogeni, ba lota ndlwini ya Simoni ni Andreu, zinwe na Jamesi na Johani.
Mat. 8. 14. Luka 4. 38.
- 30 Makunu a mukokati wa Simoni i wa eklele na a babya hi feberi; zalezo ba lo mu byela ha yena:
- 31 Yena i lota i lo mu koma hi canja, i lo mu vuxa; ni feberi yi lo mu tsika, yena i lo ba kozela.
- 32 Na gi hlwile, laha na gambo na gi pela, ba lo neha ka yena bonkle laba ba babyako, ni laba ba nga hi ni mimoya ya kubiha.
Mat. 8. 16. Luka 4. 40.
- 33 Ni muti wonkle wu lo tso-mbana katiginwe nyangweni.
- 34 Yena i lo hanyisa banyingi laba ba nga hi ni tingumbe ti hambeneko, i lo humesa a madimoni ma tale; yena i wa nga vumeli a madimoni ku wulawula, hakuba ma wa mu tiba.
xip. 8. 12. Luka 4. 41. Mt. 16. 17, 18.
- 35 Ni laha mixweni, a xikati xa hombe na gi nga se kuc-a, i lo vuka a famba, i loya wutsanweni ga xiwula, laho i lo kombela.
Luka 4. 42.
- 36 Simoni ni laba ba nga hi naye ba lo lanzela le nzako kakwe;
- 37 Bona ba lo mu kuma, baku ka yena, Bonklelele ba ku laba wena.
- 38 Yena i lo wula kabye, A hi fambeni ka miti leyi yi nga laha kusuhani, kasi nza fe-la kukanela kona kambe; hakuba hi ka loku kugumelwa nzi tile mina.
Luka 4. 43. Joh. 16. 28. & 17. 4.
- 39 Yena i loya masinagogeni yabye wonkle ya le Galile, na a kanela a hlongola a madimoni.
Mat. 4. 23. Luka 4. 44.
- 40 Laho ku lota kakwe a hlokonho, yi mu kombela, yi lo kizama ka yena, aku kakwe, Loku u zi ranza, wena nga u nzi maha nzi basiswa.
Mat. 8. 2. Luka 5. 12.
- 41 Na a nga na a tatisilwe hi tralo, i lo nawuluta a canja gakwe, i lo mu kumba, a ku ka yena; Nza zi ranza; basisiswa wena.
- 42 Zalezo a hlokonho yakwe yi lo suka ka yena, yena i lo basiswa.
- 43 Yena i lo mu layisisa, i lo haklisa a mu fambisa.
- 44 A ku kakwe, Wa wona u nga byeli munhu: kanilezi ti fambele, u ya ti wonisa ka mupristi, u ya nyikela a kubasiswa ka wena lezo Mosi a nga zi laya, kasi ku kustumunya kabye.
Luka 5. 14.
- 45 Kanilezi i lo huma, i lo sa-

ngula kukanela nguvu, ni kuhangalasa a mahungu, ku kala Jesu a nga ha enge- ni mutini kubaseni, i wa hi lehandle wutsanweni ga zi- wunza: ba lotta kakwe hi maklelo wonkle.

Luka 5. 15. xip. 2. 13.

XIPIMO 2.

1 Ni laha na engena kambe le Kapernaume a nzako ka masiku yo kari, ku wa la su zwakala lezaku i lomo ndlwini.

Mat. 9. 1. Luka 5. 18.

2 A bo tala ba wa la su tso- mbana katiginwe, lezo gi wa nga hi kona a wutsamo ka bona, ge, hambu laha nyangweni: i lo wulawula mhaka ka bona.

3 Bata, ba neha kakwe a mu- nhu a babyako hi paralio, na a rwelwe hi mune.

4 Laha na ba nga zi koti kuta kusahani naye hi kota ya xidlemo, ba lo klakla a la- ngwa leyi a nga hi kona: laha na ba yi klakulile, ba lo relelisa a sango legi loyi a nga babya hi paralio a nga eklele.

5 Jesu na wona kukolwa ka- bye, aku ka loyi a nga ba- bya hi paralio, Nwananga, a zonho za wena zi tsetsele- lwe.

6 Kanilezi ku wa hi kona bo- kari ba batsali ba nga tsa- mile laho, ba lo wulawuli- sana timbilwini tabye,

7 Hi yini loyi munhu a wula- wulako ~~na~~ ku ngahi? wa

rukatela: hi mani a nga tse- tselela kuonha kanilezi mu- nwe, yena Nungungulu.

Mat. 9. 4.

8 Zalezo Jesu, na i zi tiba hi moya wakwe lezaku ba wu- lawulisana wutsumbu ga- bye, a wula kabye, Mu wu- lawulisanelani hi zilo lezi timbilwini ta nwina ke?

9 Hi yini ku hehukako, a ku- wula a mubabyi wa paralio, A zonho za wena zi tsetse- lelwe; kutani ku wula, Su- ka, u teka sango ga wena, u famba ke?

Mat. 9. 5.

10 Kanilezi kasi ma fela ku zi tiba lezaku a Nwana munhu i na ni tamo ku tsetselela zonho misabeni (i lo wula ka mubabyi wa paralio),

11 Mina nza wula ka wena, Suka, u teka a sango ga wena, u ya ndlwini ya wena.

12 Yena i lo suka, zalezo i lo teka a sango, i lo famba mahlweni ka bona bonkle; kota lezo bonkle ba lo hla- maliswa, ba lo dumisa Nu- ngungulu, baku, Cima a hi wonangi za ku ngahi.

13 I lo engeta kambe a famba hi fungu wa bimbi; ni xi- dlelo xonkle xi lo tsomba- na ka yena, yena i lo ba go- nzisa.

Mat. 9. 9.

14 Kota na ha hunza, i lo wo- na Levi a nwana wa Alfeu- si, a tsamile wutsanweni ga ku kupisa, yena i ngalo ka

yena, Nzi lanzele, yena i lo suka a mu lanzela.

Mat. 9. 9. Luka 5. 27.

15 Na ku mahisile lezo, laha na tsamile kugeni le ndlwini yakwe, a wunyingi ga bahlengisi ni baonhi ba lo tsama naye Jesu ni bapizani bakwe: hakuba ba wa hi banyingi, ba lo mu lanzela.

Mat. 9. 10.

16 A batsali ba ba Farisi, laha na ba wona lezaku iga ni baonhi ni bahlengisi, ba ku ngalo ka bapizani bakwe, Yena waga wanwa zinwe ni bahlengisi ni baonhi.

17 Laha Jesu na zi zwile, a wula kabye, Bona laba ba hanyako a ba labi nanga, kanilezi laba ba babyako: mina a nzi telangi kuta bitana balulamileko, kanilezi a zionhi.

Mat. 9. 12, 13. & 18. 11. Luka 5. 31, 32. & 19. 10. 1 Tim. 1. 15.

18 A bapizani ba Johani ni ba ba Farisi ba wa yila: ba lota baku ka yena, Hi yini a bapizani ba Johani ni bapizani ba ba Farisi ba yilako ke, kanilezi a bapizani ba wena a ba yili?

Mat. 9. 14. Luka 5. 33.

19 Jesu a ku ngalo kabye, Ba nga kota a banana ba le nhangeni ya makoti a ku yila, na muyeni na ha hi nabo ke? kota lezi na ba ha hi ni muyeni zinwe nabo, a ba na ku kota a ku yila.

20 Kanilezi a masiku ma tata,

laha a muyeni a ta nga tekiwa ka bona, zonake ba ta yila hi lego siku.

21 A nga kona munhu a rungelako a capa yiswa ngubiyeni ya kale: ku nga ta ku leyi yi tatisilweko ka yona yi susilwe ka yona, a yiswa hi le ka le ya kale, yi ta enzeleka kuhanzuka.

22 A nga kona munhu a celako a waini giswa mikwameni ya kale: ku nga ta ku a waini gi puxuta mikwama, ni waini gi halaka, ni mikwama: kanilezi ba cela a waini giswa mikwameni yiswa.

23 Na ku mahisile lezo, i wa kari a tsemakanya masinwini hi sabado; a bapizani bakwe ba lo sangula, kota ba nga famba, ku kwamula a zipupu za mabele.

Mat. 12. 1. Luka 6. 1.

24 A ba Farisi ba te ngalo kakwe, Wangabye, zini ba zi mahako hi siku ga sabado lezi zi nga fanelangiko?

25 Yena i te ngalo kabye, A mu se ku gonza nwina lezi Davida a nga wa zi mahile, laha a nga wa vumala, i lozwa ndlala, yena, zinwe ni laba a nga wa hi nabo ke?

26 A ku i engenisile ku yini le ndlwini ya Nungungulula ha Abiatari a nga wa hi mupristi wa hombe, i loga a zibaba zi nga bekilwe, lezi zi nga nga zi nga fanele ku giwa saseka bapristi, kambe

i lo nyika ni ka laba a nga hi nabo kambe?

27 Yena i te ngalo ka bona, A sabado gi lo mahelwa munhu, a hi munhu a nga mahelwa sabado:

28 Lezo a Nwana wa munhu hi Hosi ya gona sabado.
Mat. 12. 8.

XIPIMO 3.

1 Yena i lo engena kambe sinagogeni; ku wa hi kona munhu laho loyi a nga wa hi ni canja gi lameleko.
Mat. 12. 9. Luka 6. 6.

2 Bona ba lo mu rinzela, kutani i ta mu hanyisa hi sabado ke; kasi ba fela ku mu kumisa nanzu.

3 Yena a wula ka munhu loyi a nga hi ni canja gi nga lamele, Suka u yima.

4 Yena a wula kabye, Zi fanele hi sabado a ku maha kusaseka kutani ku maha kubiha ke? ku hanyisa wutomi, kutani ku daya ke? Kanilezi bona ba lo miyela.

5 Laha na lungutile ka bona hi kuzangara, na a karati-lwe hi kunonoha ka timbilu tabye, i te ngalo ka munhu, Nawuluta a canja ga wena. Yena i lo gi nawuluta: ni canja gakwe gi wuyiselwa.

6 Ni ba Farisi ba lo huma, zalezo ni ba ka Herodi ba lo xuxa kungo ha yena, leza-ku ba ta mu dayisa ku yini.
Mat. 12. 14. & 22. 16.

7 Jesu zinwe ni bapizani ba-

kwe ba lotta bimbini: ni xidlemo xa hombe xa le Galile xi lo mu lanzela: ni xa le Judia,

Luka 6. 17.

8 Ni xa le Jerusalema, ni xa le Idumia, ni le klatuko wa Jordani, ni le Tire ni Sidoni, a xidlemo xa hombe, na xizwa hi zilo za hombe a nga wa zi mahile, xi lotta ka yena.

9 Yena i lo wula ka bapizani bakwe, a ngalabana nga yi mu labelela hi kota ya xidlemo, ba nga ta ku ba mu kanziyela:

10 Hakuba yena i wa hanyisile bo tala; kota lezi a bo tala ba nga hi ni mitungu ba wa lo tsimbeketana baya ka yena kasi ba fela ku mu kumba.

11 Ni mimoya ya kubiha loku laha na yi mu wona, yi wawa lahasi mahlweni ka yena, yi bahuwa, yiku, Wena u Nwana wa Nungungulu.
xip. 1. 23, 24. Luka 4. 41. Mat. 14. 33. xip. 1. 1.

12 I lo yi laya nguvu akuba yi nga mu tibekisi.

Mat. 12. 16. xip. 1. 25, 34.

13 Yena a kanziya aya xitsungeni, i lo bitana ka yena laba a nga ba ranza wutsumbu gakwe: bona ba loya ka yena.

Mat. 10. 1. Luka 6. 12. & 9. 1.

14 I lo yimisa bakume ni bimbiri, kasi ba fela ku tsama naye, kasi a fela ku ba rumela ba ya kanela,

- 15 Ni ku ba ni ntamo wa ku hlongola madimoni:
- 16 Simoni i lo mu cula bito gakwe hi Petro;
Joh. 1. 42.
- 17 Jamesi a nwana wa Zabedi, na Johani makabye wa Jamesi; bona i lo ba cula mabito Boanergesi, laya yaku, Mbanana ba kudzinza:
- 18 Na Andreu, na Filipu, na Bartolomeu, na Mateu, na Tomasi, na Jamesi a nwana wa Alfeu, na Tedeusi, na Simoni mu Kanani,
- 19 Na Judasi Iskarioti, loyi a nga mu nyikela. Ata lomo ndlwini.
- 20 Ni xidlemo xita zinwe kambe, lezo ba wa nga zi kotini kuga a xibaba.
xip. 6. 31.
- 21 Iaha na maxaka yakwe ma zi zwile, ba lo huma kuya mu koma: hakuba ba wa ku ngalo, Wa pepuka wutsumbu gakwe.
Joh. 7. 5. & 10. 20.
- 22 Ni batsali laba ba nga relele hi le Jerusalema baku, Yena i na ni Belzebuba, ni, Ku ba a hi hosi ya madimoni wa hlongola madimoni.
Mat. 9. 34. & 10. 25. Luka 11. 15. Joh. 7. 20. & 8. 48, 52. & 10. 20.
- 23 Yena i lo ba bitana ka yena, i lo wula ka bona hi mifanano, Satani a nga hlongola Satani-kulobye hi ku yini ke?
Mat. 12. 25.
- 24 Loku a mufumo wu hambene ha woce, lowo mufumo a wu na ku yima.
- 25 Ni loku a yindlu yi hambene ha yoce, leyo yindlu a yi na ku zi kota ku yima.
- 26 Loku Satani a vukela Satani, a hambene, a nga kotiku yima, kanilezi i gumelwe.
- 27 A nga kona a ta nga kota ku engena ndlwini ya nhenha, a hangalasa a xumaxakwe, saseka loku a sangula hi ku boha a nhenha; zonake i ta hangalasa a yindlu yakwe.
Mat. 12. 28.
- 28 Hizinene nza wula ka nwi-na, Zonkle zonho zabye zi ta tsetselelwa ka bana ba banhu, ni nzukano yabye leyi ba ta nga rukatela:
Mat. 12. 31. Luka 12. 10. 1 Joh. 5. 16.
- 29 Kanilezi loyi a ta nga rukatela a Moya wa ku Basa cima a nga na kutsetselelwa, kanilezi i onhile hi zonho za kupinzuka:
- 30 Hakuba bona ba te ngalo, Yena i na ni moya wa ku biha.
- 31 Laho ku lota a nyine wakwe ni bamakabye bakwe; ni, ba lo yima hi lahandle, ba lo ruma kakwe, a kubitana yena.
Mat. 12. 46. Luka 8. 19.
- 32 Ni xidlemo xi wa mbamba-mele xi mu ranzele; bona baku ka yena, Languta, a nyine wa wena ni bamakabye ba wena ba lahandle ba ku laba.
- 33 Yena a ba hlamula, aku, Hi mani nyine wa mina ni bamakabye ba mina?

- 34 I lo lunguta ka bona laba ba nga mbambamela ba mu ranzala, yena aku, Langu-tani, a nyine wa mina ni bamakabye ba mina!
- 35 Kani hi wihi loyi a ta nga maha kuranza ka Nungu-ngulu, ywaloye hi makabye wa mina, ni makweru wa mina, ni nyine wa mina.

XIPIMO 4.

- 1 Kambe i lo sangula ku gonzisa hi fungu wa bimbi. Laho ku lo tsombana ka yena a xidlemo xa hombe nguvu, lezo i lo engena ngalabeni, i lo tsama bimbini; xonkle xidlemo xi wa hi fungwini wa bimbi.
Mat. 13. 1. Luka 8. 4.
- 2 Yena i lo ba gonzisa a zilo zo tala hi mifananiso, i lo wula ka bona hi kugonzise-ni kakwe,
xip. 12. 38.
- 3 Ma nga zwani: Langutani, a muxwanyi i lo huma ku ya xwanyela:
- 4 Na ku mahisile lezo, kota lezi na ha xwanya, a yinwani mbewu yi lo wela ndleleni, ni tinyanyani ti lota ti ta yi cowotela.
- 5 A yinwani yi lo wela misabeni ya maribyana, laho ku nga hi ko kona a misaba yotala; zalezo yi lo mila, hakuba a yi kona misaba yi nyingi:
- 6 Laha a gambo gi tsuwukileko, yi la su klahuka; hakuba yi wa nga hi na mutsu, yi su wuna.

7 Yinwani yi lo wela mizweni, ni mizwa yi lo kula, yi lo yi klimba, yona a yi tralangi a mihanzo.

8 Yinwani yi lo wela misabeni yo saseka, yi lo trala mihanzo, na yi kula hi kuanza; yi lo trala, hi makume manhari, na hi nklanu wa makume ni kume ginwe, na hi zana.

Joh. 15. 5. Kol. 1. 6.

9 Yena a ku ngalo, Loyi a nga ni tindlebe ta kuzwa, nga a zwe

10 Laha a nga wa hi yece, laba ba nga wa hi naye zinwe ni bakume ni bambiri ba lo mu wutisa hi mufananiso.

Mat. 13. 10. Luka 8. 9, &c.

11 Yena i te ngalo kabye, Kanwina ku nyikilwe a mifihlakalo ya mufumo wa Nungungulu: kanilezi ka bona laba ba lahandle, zonkle zilo zi mahiwa hi mifananiso:

1 Kor. 5. 12. Kol. 4. 5. 1 Tes. 4. 12. 1 Tim. 3. 7.

12 Kasi ba wona ba fela ku wona, ba nga wonisisi; na bazwa ba fela kuzwa, ba nga zwisisi; ku nga taku ba hunzuluka kambe, kasi ku fela ku tsetselelwa ka bona.

Mat. 13. 14. Luka 8. 10. Joh. 12. 40. Mit. 28. 26. Roma 11. 8.

13 Yena i te ngalo kabye, A mu yi tibi leyi mifananiso ke? mu ta yi tiba hi ku yini yonkle mifananiso ke?

14 A muxwanyi a xwanya a mhaka.

Mat. 13. 19.

- 15 Laba hi laba ba nga ba le ndleleni, laha na mhaka na yi xwanyilwe; laha na ba yi zwile, zalezo Satani ata, a susa a mhaka leyi yi nga xwanyilwe lomo timbilwini tabye.
- 16 Zingaho ni laba ba xwanyilweko wutsanweni ga maribiyana, labo, laha na ba zwile a mhaka, zalezo ba yi amukela hi kutsaka ;
- 17 Ba nga hi na mutsu ka wutsumbu gabye, ba lo tiya xikatanyana ; zonake, laha a zikarato kutani zo xaniso zi vuka hi kota ya mhaka, lokuloku ba su kungubanyeka.
- 18 Ni banwani hi laba ba xwanyilweko xikari ka mizwa; labo hi bona laba ba zwileko a mhaka,
- 19 Ni kumbilukela ka tiko, ni kukohlisa ka kufuma, ni kunabela hi zilo zinwani ku lo engena, ku lo klimba a mhaka, yi nga hi na mihanzo.
1 Tim. 6. 9, 17.
- 20 Laba hi bona ba xwanyilweko misabeni yo saseka; labo loku ba yi zwile a mhaka, ba yi amukela, ba trala mihanzo, hi makume manharu, hi nklanu wa makume ni kume ginwe, na hi zana.
- 21 Yena i te ngalo kabye, A kandiya yi lo nehwa ku bekwa lahasi ka xibyeke, kutani lahasi ka wuriri, na yi nga klatekwi le mezeni ke?
Mat. 5. 15. Luka 8. 16. & 11. 33.
- 22 Hakuba a xi kona xi fihliweko, saseka lexi xi ta nga wonekeliswa; a ku kona xilo xi mahilweko xikundleni, kanilezi xi ta ngata kubaseni.
Mat. 10. 26. Luka 12. 2
- 23 Loku munhu a hi ni tindlebe ta kuzwa, nga a ingisa.
Mat. 11. 15. xipm. 9.
- 24 Yena i lo wula kabye, Klarihani ka lezi mu zi zwako: hi kuringanisa loku mu ringanisako ha kona ku ta ringaniswawuwo ha kona: ku ta engetwa ka nwina.
Mat. 7. 2. Luka 6. 38.
- 25 Hakuba loyi a nga nazo, ka yena ku ta nyikiwa: ni ka loyi a nga haba, ku ta tekiwa hambu lezi a nga ku i nazo.
Mat. 13. 12. & 25. 29. Luka 8. 18. & 19. 26.
- 26 Yena a ku ngalo, Wu ngaho a mufumo wa Nungungulu, wu kota munhu loyi a byalileko a mbewu misabeni;
Mat. 13. 24.
- 27 A nga wa eklela a vuka wusiku nu mumu, ni mbewu yi lo mila yi kula, a nga tibi yena lezaku hi yini.
- 28 A misaba ya trala a mihanzu ya wutsumbu ga yona; kuranga hi kuhluka, zonake a ponwani, zonake mabele ma tiyeleko ponwaneni.
- 29 Kanilezi laha na mabele ma buville, zalezo wa engenisa

a sikela, hakuba a kuhula ku cikele.

Kuv. 14. 15.

30 Yena a ku ngalo, Hi ta fananisa ni yini a mufumo wa Nungungulu ke? kutani hi ka wihi mufananiso hi ta nga wu pimanyisa nawo ke?

Mat. 13. 31. Luka 13. 18. Mit. 2. 41. & 4. 4. & 5. 14. & 19. 20.

31 Wu fanana ni mbewu ya xinapi, leyi, laha na yi xwanilwe misabeni, hambu lezi yi nga yi tsongwani ku hunza tonkle timbewu leti ta laha misabeni,

32 Lezo laha yi byalilweko, ya kula, yi maha ya hombe ku hunza wonkle a kubyanyi, yi beka a marabi ya hombe; kasi lezo a tinyanyani ta tilo tata ta eklele nzutini wa yona.

33 Na hi mifananiso yotala ya ku ngahi i lo wulawula yena a mhaka ka bona, kota lezi ba nga kota ku yizwa :

Mat. 13. 34. Joh. 16. 12.

34 Hi lahandle ka mifananiso a nga wulawulangi yena ka bona : kanilezi na ba hi xikundleni ka bapizani bakwe i lo ba klamusela zonkle zilo.

35 Na hi lego siku, laha na gi hlwile, a wula kabye, Nga hi klatuka hiya klatukweni munwani.

Mat. 8. 18, 23. Luka 8. 22.

36 Na ba siya a xidlemo, ba lo

teka yena zinwe nabo, kota lezi a nga wa hi kona, ngalabeni. Tinwani tingalaba ti wa hi kona naye.

37 Laho ku lo vuka a bubutsa ga hombe ga mheho, ni mabyandlati ma lo gobozela a ngalaba, kota lezo a ngalaba yi wa kari yi tatiswa makunu.

38 Yena wutsumbu i wa hi le nzako, na a eklele sangweni : bona ba lo mu vuxa, baku ka yena, Mugonzisi, a ku katali lezaku ha loba ke?

39 Yena i lo vuka, i lo kawuka a mheho, a ku ngalo ka bimbi, Miyela, hwi. Ni mheho yi lo gawuka, laho ku wa hi kona malenga ya hombe.

40 Yena i te ngalo ka bona, Hi yini mu nga ni hlanekero? a mu se kuba nako kukoleka ke?

41 Bona ba wa caba ha kune ne, ba ku ngalo ka munwe ni munwani, Hi mani loyi, loyi wa ku hambu mheho ni bimbi zi mu ingisa ke?

XIPIMO 5.

1 Bona ba lota ka klatuko munwani wa bimbi, le tikweni ga ma Gerasene.

Mat. 8. 28. Luka 8. 26.

2 Laha na a huma hi lomo ngalabeni, zalezo i lo klangana ni munhu a nga hi le zilahleni a nga hi ni moya wa kubiha,

3 Loyi a nga tsama zilahleni:

- ku wa nga hi kona munhu a nga kota ku mu boha, ge, hambu hi manginge;
- 4 Hakuba i wa bohilwe kanyingi hi ziboho ni manginge, ni manginge ma wa bewulwa ha yena, ni makotso ma wa tsobiyiwa zipanze: ku wa nga hi kona munhu a nga kota ku mu ribata.
- 5 Xonkle xikati, wusiku ni mumu, zilahleni ni le zitsungeni, na kanyuluka, na a ti cekelela hi maribye.
- 6 Laha na wona Jesu hi le kule, i lo tsutsuma aya mu kozela;
- 7 Na a bahuwa hi gezu ga hombe, aku, Nzi ta mahayini na wena, Jesu, wena Nwana wa Nungungulu a nga Hehla Hehla nguvu? Nza ku hlambanyisa hi Nungungulu, u nga nzi xanisi.
- 8 Hakuba yena i te ngalo ka wona, Huma, wena moya wa kubiha, ka munhu.
- 9 Yena i lo wu wutisa, Hi wena mani a bito ga wena ke? Wu lo ngalo ka yena, A bito ga mina hi Legioni; hakuba hi banyingi.
- 10 Wu lo mu kongotela nguvu lezaku a nga yi panzanyi tikweni.
- 11 Makunu laho ku wa hi kona laho hi rebeni ga xitsunga a klambi ga hombe wa makumba ma nga kari maga.
- 12 Wu lo mu kongotela, wuku, Hi rumela klambini, kasi ha fela ku engena ka wona.
- 13 Yena i lo wu vumela: Ni mimoya wa kubiha yi lo huma, yi lo engena klambini: wonkle a klambi wu lo tsutsumela nzelelweni wa bimbi, a tsengo wa wona ma wa hi makume mambiri ya mazana; wu lo mbemba bimbini.
- 14 Ni laba ba nga kari ba wu risa ba lo tsutsuma, ba ya hlawutela mutini, ni tikweni. Na bona ba lota ba wona lexo xi nga mahekile.
- 15 Bata ka Jesu, ba languta loyi a nga hi ni madimoni na tsamile, na a ambele na hi ni kupima kakwe kunene, ywaloye a nga hi ni ligioni: ba lo caba.
- 16 Ni laba ba nga zi wona ba wa hlawutela lezaku ku lo mahiswa ku yini ka yena loyi a nga wa hi ni madimoni, kambe ni klambi wa makumba.
- 17 Ba lo mu kombela akuba a suka mbinganweni wabye.
- Mat. 8. 34. Mit. 16. 39.
- 18 Kota lezi na a ha engena ngalabeni, loyi a nga wa hi ni madimoni i lo mu kombela a ku nga a tsama naye.
- Luka 8. 38.
- 19 Yena a nga mu vumelangi, kanilezi i ngalo kakwe, Famba ndlwini ya wena ni ka maxaka ya wena, uya ba byela lezaku a Hosi yi mahisile ku yini a zilo za hombe ka wena, ni ku ngalo

- yi mahisile ku yini a wuxi-nji ka wena.
- 20 Yena i lo ti fambela, a sangula ku kanela Dakapoli lezaku i mahisile ku yini a zilo za hombe Jesu ha yena: ni banhu bonkle ba lo damiswa.
- 21 Laha Jesu na klatukile kambe hi ngalaba klatukweni munwani, a xidlemo xa hombe xi lo tsombana ka yena: yena i wa hi le bimbini.
Mat. 9. 1. Luka 8. 40.
- 22 Laho ku lota a munwe wa bafumeli wa sinagoga, hi Jairo a bito gakwe; na mu wona, i lowa mikonzeni yakwe,
Mat. 9. 18. Luka 8. 41.
- 23 I lo mu kombela ha hombe, aku, A nhanyana wa mina i le ku suhi ni kufa: nza ku kombela, kasi wena uta u klateka mandla hehla ka yena, kasi i fela kuhanyiswa, a hanya.
- 24 Yena i lo famba zinwe naye; a xidlemo xa hombe xi lo mu lanzela, ba wo tsimbetana.
- 25 Ni wasati, loyi a nga wa hi ni ku popoma ka nkata a kume ni mambiri malembe,
Mat. 9. 20.
- 26 I wa lo xaniseka nguvu hi tinanga tiningi, i wa lo halata zonkle lezi a nga wa hi nazo, ku wa nga hi cukwana ha ncumo, ku wa su nonoha ku enzeleka,
- 27 Na zwile a zilo ha Jesu, i lota xidlenwini hi le nzako, i lo kumba nguwo yakwe.
- 28 Hakuba yena i wa te ngalo, Loku nzi kumba a tinguwo takwe, nzi ta hanyiswa.
- 29 Zalezo a hlowo ya nkata yakwe yi lo oma; yena i lezwa mirini wakwe lezaku i hanyile ngumbeni yakwe.
- 30 Ni zalezo Jesu, i wa zi tiba lezaku a ntamo wa humele kakwe wu fambile, i la su renzeleka xidlenwini, a ku ngalo, Hi mani a kumbileko a tinguwo ta mina ke?
Luka 6. 19. & 8. 46.
- 31 Ni bapizani bakwe ba ku ngalo ka yena, Wena wa wona a xidlemo xa ku tsimbeketa, na wena na u wula, Hi mani a nzi kumbileko ke?
- 32 Yena i wa su lunguza ku wona yena loyi a mahileko xilo lexi.
- 33 Kanilezi loyi wasati i wa caba na rurumela, na tiba lexi xi mahekileko ka yena, i lota a tawa mahlweni ka yena, i lo mu byela zonkle zinene.
- 34 Yena i te ngalo ka yena, Nwananga, a kukoleka ka wena ku ku hanyisile; famba hi kurula, u hanyiswa ngumbeni ya wena.
Mat. 9. 22. xip. 10. 52. Mit. 14. 9.
- 35 Na a nga a ha wulawula, ba lota hi ndlwini le ka mufumeli wa sinagoga, baku, a nhanyana wa wena i file:

hi yini wa ha nonohisako u karata a Hosi kambe ke?

Luka 8. 49.

36 Kanilezi Jesu, a nga katalangi hi mhaka yi nga wulwawulwa, aku ngalo ka mufumeli wa sinagoga, U nga cabi, kolwa ntsena.

37 A nga vumelangi munhu ku mu lanzisa, saseka Petro, na Jamesi, na Johani mukabye wa Jamesi.

38 Bona bata ndlwini ya mufumeli wa sinagoga; a wona a woyonga, ni banwani ba rila ba hlomula ha hombe nguvu.

39 Laha na engenile, aku kabye, Hi yini mu mahako woyonga, na mu rila ke? a nwanana a nga fangi, kani-lezi i eklele.

Joh. 11. 11.

40 Ba lo mu hleka ba mu tse-ketsela. Kanilezi yena, na ba humesile bonkle, a teka a raru wa nwanana ni nyine ni laba a nga hi naye, a engena laha a nga hi kona a nwanana.

Mit. 9. 40.

41 Na a teka a nwanana hi canja, yena a wula kakwe, Talita kumi; loku ku hi ku ngalo, hi kuklamiselwa, Nhanyana, nza wula ka wena, Vuka.

42 Zalezo a nhanyana i lo vuka, i lo fambafamba; haku-ba yena i wa hi wa kume ni mambiri a malembe a tanga yakwe. Bona zalezo ba lo damiswa hi kudama ka hombe.

43 Yena i lo ba layisisa nguvu lezaku a ku nga hi kona munhu a zi tibako: yena i lo laya lezaku nga ku nyikiwa ka yena a xa kuga.

Mat. 8. 4. & 9. 30. & 12. 16. & 17. 9. xij. 3. 12. Luka 5. 14.

XIPIMO 6.

1 Yena i lo suka laho; ita tikweni ga le kabye; ni bapizani bakwe ba mu lanze la.

Mat. 13. 54. Luka 4. 16.

2 Laha a sabado gi nga cike-la, i lo sangula ku gonzisa lomo sinagogeni: ni banying-i ba nga muzwa ba lo hlamala, baku, Hi kwihi lo-yi munhu a nga kuma zilo lezi ke? ni, Ku klariha ka ku yini ku nyikilweko ka loyi munhu, Hi ku yini a mitiro ya ntamo yi tirwako hi mandla yakwe?

Joh. 6. 42.

3 Loyi a hi yena a mubakli ke, a nwana wa Maria, ni makabye wa Jamesi, na Jose, na Juda, na Simoni ke? a bamakweru bakwe a ba laha na hina ke? Bona ba lo hlamuka ha yena.

Mat. 11. 6. & 12. 46. Gal. 1. 19.

4 Jesu a ku ngalo ka bona, A muprofeti a nga dzunziwi, saseka tikweni ga le kabye, ni xikari ka maxaka yakwe, ni le ndlwini yabye.

Mat. 13. 57. Joh. 4. 44.

5 Yena a nga kotangi ku ma-ha mitiro ya hombe laho. saseka lezi a nga klateka mandla yakwe ka laba ba

nga babya ba songwana, i lo ba hanyisa.

Mat. 13. 58. xip. 9. 23.

6 Yena i lo hlalala hi kungakolwi kabye.

Yena i lo nzulanzula mitaneni na a gonzisa.

Mat. 9. 35. Luka 13. 22.

7 I lo bitana ka yena a bakume ni bambiri, i lo sangula ku ba ruma hi bambiri ni bambiri; i lo ba nyika a ntamo hehla ka mimoya ya kubiha;

Mat. 10. 1. xip. 3. 13, 14. Luka 9. 1.

8 I lo laya lezaku ba nga teki ncumo lwenzweni labye, saseka a nhonga basi; ge xibaba, ge a zikwamana, ge ni mali mikwani yabye;

Mat. 10. 9. Luka 9. 3.

9 Kanilezi ba famba hi zilato ba zi ambeleko: ni, i lo wula yena, mu nga ambali mabaji mambiri.

Mit. 12. 8.

10 Yena i te ngalo kabye, Kani laha na mu engena ndlwi ni, laho tsamani mu kala mu suka.

Mat. 10. 11. Luka 9. 4. & 10. 7, 8.

11 Kani hi gihi wutsamogi nga mu amukeliko, bona ba nga muzwi, kota lezi laha na mu suka laho, pumunhani a ntsuri wa mikonzo ya nwina kasi ku kustumunya kabye.

Mat. 10. 14. Luka 10. 10. Mit. 13. 51. & 18. 6.

12 Ba lo huma, ba lo kanela lezaku nga banhu ba hunzula.

13 Bona ba lo humesa madi-

moni manyingi, ba lo ba tota hi mafura laba ba nga babya, ba lo hanyiswa.

Jam. 5. 14.

14 Ni hosi Herodi i lo zizwa; hakuba a bito gakwe gi wa lo tibyiwa: yena a ku ngalo, Johani Mubapatizi i lo vuka hi ka bafileko, hikwalaho leyi mitiro ya ntamo ya tira ka yena.

Mat. 14. 1. Luka 9. 7.

15 Kanilezi banwani baku ngalo, Hi Elija. A banwani ba ku ngalo, Hi muprofeti, kota munwe wa baprofeti.

Mat. 16. 14. xip. 8. 28.

16 Kanilezi Herodi, laha na a zi zwile, i ngalo, Johani, loyi nzi nga mu tsemile hloko, i vukile.

Mat. 14. 2. Luka 3. 19.

17 Hakuba Herodi a wutsumbu i wa lo rumela a ya koma Johani, i lo mu kotsela paxweni hi kota ya Herodia, a sati wa makabye Filipu; hakuba i wa lo mu teka.

18 Hakuba Johani i wa te ngalo ka Herodi, A zi fanele ka wena ku teka sati wa makabye wa wena.

19 Na Herodia wutsumbu gakwe i lo mu pika, i lo nabela ku mu daya; i wa nga zi koti;

20 Hakuba Herodi i lo caba Johani, na zi tiba lezaku i wa hi munhu a lulamileko a basileko, i lo mu lonzowota. Ni laha na zwile ha yena, i lo kanganyiswa

nguvu; i lozwa ha yena hi tsaka.

Mat. 14. 5. & 21. 26.

21 Ni laha a siku gi nene gi ngata, a siku ga kutralwa kakwe Herodi i lo maha mubuzo ka manganakana yakwe, ni ka tinduna ta hombe, ni ka banhu ba hombe ba le Galile;

Mat. 14. 6.

22 Laha na nhanyana wa Herodia a wutsumbu gawke i lo engena a ta kina, yena i lo nengelisa Herodi ni laba ba nga tsamile naye za kugeni; ni hosi yiku ngalo ka nhanyana, Kombela ka mina lexi u xi labako, na mina nzi ta ku nyika wena.

23 Yena i lo hlambanya ka yena, Kani hi yini u ta nga nzi kombela, nzi ta ku nyika wena, ni kihlanya ga mufumo wa mina.

24 Yena i lo huma, a ku ngalo ka nyine wakwe, Nzi ta kombela yini ke? Yena i te ngalo, A hloko ya Johani Mubapatizi.

25 Yena i lo wuya zalezo hi kuhaklisa le hosini, i lo kombela, aku, Nzi laba lezaku u nzi nyika ngelweni a hloko ya Johani Mubapatizi.

26 Ni hosi yi wa lo xaniseka nguvu; kanilezi hi kota ya kuhlambanya kakwe, ni laba ba nga tsamileko za kugeni, i wa nga hi na ku mu kaneta.

Mat. 14. 9.

27 Zalezo a hosi yi lo rumela

a nyakasani wa muyimeleli wakwe, i lo laya a kuba yi nehwa hloko yakwe: yena i lo famba a ya tsema hloko lomo paxweni.

28 Yena i lo neha a hloko yakwe xibyeni, i lo nyika ka nhanyana; ni nhanyana i lo nyika ka nyine wakwe.

29 Laha na bapizani ba zi zwile, ba lota ba teka a xirumbi yakwe, ba ya xi kelela nkeleni.

30 Ni bapostoli ba tsombana wutsamo ginwe ka Jesu: ba lo byela zilo zonkle, zonkle lezi ba nga zi mahile, ni zonkle lezi ba nga zi gonzisile.

Luka 9. 10.

31 Yena a wula kabye, Ngonani wutsumbu ga nwina hi klelo wutsanweni ga xiwunza, a ku humula a xikatananyana. Hakuba laho ku wa hi kona banyingi ba nga ta ni ku famba, ba wa nga hi ni xikati ni xa kuga.

Mat. 14. 13. xip. 3. 20.

32 Ba lo famba hi ngalaba wutsanweni ga xiwunza klelweni.

Mat. 14. 13.

33 Ni banhu ba lo wona lezaku ba famba, banyingi ba lo ba tiba bona, ba lo tsutsuma bonkle hi mitini yonkle, ba lo ba hunza.

34 Yena i lo huma i lo wona a xidlema xa hombe, i lo xi zwela a wuxinji, hakuba ba wa kota a tiyivu ti nga hi ko na murisi: i lo sangula

- ku ba gonzisa a zilo zinyi-
ngi.
Mat. 9. 36. & 14. 14. Luka 9. 11.
- 35 Nilaha na siku gi nga pela,
a bapizani bakwe ba lota ka
yena, ba ku ngalo, A wutsa-
mo gi hi xiwunza, makunu
a siku gi pelile :
Mat. 14. 15. Luka 9. 12.
- 36 Ba fambise, kasi ba famba
tikweni ni zimutaneni zi
nga ku suhi, ba ya ti xabe-
la a za kuga.
- 37 Kanilezi yena i lo hlamula
aku ngalo kabye, Ba nyi-
keni nwina xa kuga. Na
bona baku ka yena, Hi ta
famba kuya xaba a zibaba
za mazana mambiri ya ti-
denario, hi ba nyika kuga
ke?
Mat. 18. 28.
- 38 Yena a ku kabye, Mu na ni
zibaba zi ngani? fambani
mu ya wona. Lezi ba nga zi
tiba, bona ba wula, zi nkla-
nu, ni zidluwani zimbiri.
Mat. 14. 17. & 15. 34. Luka 9. 13. Joh.
6. 9. xip. 8. 5.
- 39 Yena i lo ba laya akuba ba
ba tsamisa hi mabandla he-
hla ka byanyi legi go nyu-
ka.
- 40 Ba lo tsama lahasi hi mikla-
wa, hi mazana ni hi nklanu
wa makume.
- 41 Yena i lo teka a nklanu wa
zibaba ni zidluwani zimbiri,
i lo cuwuka le tilweni, i lo
katekisa, a kema zibaba; i
lo nyika ka bapizani ku zi
beka mahlweni kabye; ni
zidluwani zimbiri i lo zi aba-
nyisa yena ka bona bonkle.
Mat. 26. 26.
- 42 Bonkle ba loga, ba lo xuri-
swa.
- 43 Bona ba lo rolela a makla-
kla, kume ni zimbiri a ziru-
nzu za kutala, kambe zinwe
ni zidluwani.
- 44 Laba ba nga gile zibaba ba
wa hi nklanu wa makume
ya mazana a ba banuna.
- 45 Zalezo i lo byela a bipizani
bakwe ku engena ngalabe-
ni, akuba ba famba mahlwe-
ni ka yena klatuko mu-
nwani le Betsaida, laha a
wutsumbu gakwe na a ha
klelisa a xidlemo.
Mat. 14. 22. Joh. 6. 17.
- 46 A nzako na onekene nabo,
i loya xitsungeni ku ya ko-
mbela.
- 47 Laha na gi hlwile, a ngalaba
yi wa hi xikari ka bimbi,
hi yena yece a nga hi mu
hanzeni.
Mat. 14. 23. Joh. 6. 16, 17.
- 48 Na a ba wona na ba kara-
teka hi kubonza makasiya,
hakuba a moya wu wa ha-
mbene nabo, hi xikati xa
wumune xa wusiku yena i
lota kabye, na a famba he-
hla ka bimbi; na a nga a ku
kwatsi wa ku ba hunza.
Luka 24. 28.
- 49 Kanilezi bona, laha na ba
mu wona a famba hehla ka
bimbi, ba lo alakanya ba ku
kutani xigono, ba lo bahu-
wa:
- 50 Hakuba bonkle ba lo mu
wona, ba lo xaniseka. Ka-
nilezi zalezo yena i lo wula-
wula nabo, a wula kabye,

Tiyani-hlana: hi mina; mu nga cabi.

51 Yena i lo engena ka bona ngalabeni; ni mheho yi lo gawuka: bona ba wa la su ncu hi kuhlamlala a wutsu- mbu gabye;

52 Hakuba bona a ba pimangi hi zibaba, kanilezi a timbilu tabye ti lo nonoha.

xip. 3. 5. & 16. 14. & 8. 17, 18.

53 Ni laha na ba klatukile, ba lota tikweni ka Genesareta, ba lo rika fungwini.

Mat. 14. 34.

54 Ni laha na ba huma ngala- beni, zalezo a banhu ba lo mu tiba,

55 Ba lo tsutsumela wutsa- nweni gonkle ga leyo, ba lo sangula ku rwala laba babyako masangweni ya- bye, laha na ba zwile leza- ku i kona.

56 Ni ka gihi wutsamo laho a engenako, mitaneni, kutani mitini, kutani tikweni, ba lo beka a ba babyako wu- tsanweni go hlengeletana, ba lo mu kongotela lezaku ba fela ku kumba a petso wa tinguwo takwe: kota banyingi laba ba nga mu kumba ba wa ku hanyi- swa.

Mat. 9. 20. xip. 5. 27, 28. Mit. 19. 20.

XIPIMO 7.

1 Laho ku tsombana katigi- nwe ka yena a ba Farisi, ni bokari ba batsali, laba ba ngata hi le Jerusalema,

Mat. 15. 1.

2 Ba wa wonile lezaku banwa- ni ba bapizani bakwe ba lo- ga a zibaba zabye hi mandla ma nyenyezileko, lezaku ma nga hlaziwangiko.

3 Hakuba a ba Farisi, ni ba Juda bonkle, saseka loku ba hlaza mandla hi ku hlayisi- sa, a bagi, ba komile maha- nyela ya ba kale:

4 Laha na bona bata hi le wu- tsanweni ga kuhlengeleta- na, saseka ba hlaza a wu- tsumbu gabye, a bagi: ni zilo zinyingi zi nga zi kona, lezi ba nga zi amukele ku zi koma, za kuhlaza ti kopo ni timbita, ni zibya za suku.

5 A ba Farisi ni batsali ba mu wutisa, Hi yini a bapizani ba wena ba nga fambiko kota mahanyela ya ba kale, kanilezi бага a zibaba hi mandla yo nyenyeza?

Mat. 15. 2.

6 Yena i te ngalo kabye, I profetile kwatsi Isaya ha nwina baxengeteli, kwatsi hi lezi kutsalilweko,

Laba banhu ba nzi dzunza hi milomu yabye, kanilezi a timblu tabye ti kule na mina.

Mat. 15. 8.

7 Kanilezi ba nzi kozela mahala, ba gonzisa zigo- nziso zabye zi nga milayo ya banhu.

8 Nwina mu tsika a kulaya ka Nungungulu, mu komi- sisa a mahanyela ya banhu.

9 Yena a ku ngalo kabye, Hi zinene mu ala milayo ya

- Nungungulu, kasi ma fela ku koma mahanyela ya nwina.
- 10 Hakuba Mosi i te ngalo, Caba a raru wa wena ni nyine wa wena ; ni, Loyi a wulako kubiha hi raru kutani nyine, nga afa hi kufa:
Mat. 15. 4.
- 11 Kanilezi nwina ma wula, Loku a munhu a wula ka raru wakwe kutani ka nyine wakwe, Loku u ranza kuvunwa ha kona ha mina ku hi Korbani, loko ku hi ku wula, ku nyikilwe ka Nungungulu ;
Mat. 15. 5. & 23. 18.
- 12 Nwina a ma nonohisi mu mu vumela ku maha cumo ka raru wakwe ni kutani nyine wakwe;
- 13 Mu maha mhaka ya Nungungulu yi nga vuni ncumo hikwalaho ka mahanyela ya nwina, mu ma gonzisileko : ni zilo zinyingi za ku ngahi ma zi maha.
- 14 Yena i lo bitana a xidlemo kambe, a ku ngalo ka bona, Nzi zweni nwenkle nwina, mu pima:
Mat. 15. 10.
- 15 A ku na ncumo hi lahandle ka munhu, lezi zi yako nzeni zi kotaka ku mu bihisa: kanilezi a zilo zi humako hi lomo nzeni ka munhu lezo hi zona zi mu bihisako munhu.
- 16 Laha na engenile lomo ndlwini hi le xidlewini, a bapizani bakwe ba lo mu wutisa hi mufananiso.
Mat. 15. 15.
- 18 Yena i tengalo kabye, Nwinawu a mu na kupima kambe ke? A mu zi tibi nwinalezaku, zonklelelele zi ngalahandle ziya nzeni ka munhu, a zi na ku bihisa munhu ;
- 19 Hakuba a ziyi mbilwini yakwe, kanilezi zi ya rumbyini gakwe, zi humeswa lahandle ke? Lezi i lo wula yena, ku maha nyama yonkle yi hlazeka.
- 20 Yena a ku ngalo, Loku ku humako hi le nzeni ka munhu, hi loku ku mu bihisako munhu.
- 21 Hakuba hi lomo nzeni, hi le mbilwini ya munhu, a kualakanya ko biha ka huma, a wubayi, a ku a wuxezi, a kudaya,
Mat. 15. 19.
- 22 A wurembi, a kunabela, a kubiha, a kukohlisa, a timbiti, a tihlo go biha, a nzukano, a matsanza, ni wupupulu:
- 23 Zonkle lezi zilo za kubiha zi huma hi lomo nzeni, za bihisa munhu.
- 24 Hi laho i lo suka, i lo famba mibinganweni ya Tire ni Sidoni. Yena i lo engena ndlwini, a nga ranzi ku nga munhu a zi tiba: yena i wa nga hi na ku fihlala.
Mat. 15. 21.
- 25 Kanilezi zalezo a wasati, loyi a nhanyana wakwe wa tsongwani a nga hi ni moya wa kubiha, na a zwile ha

- yena, i lota awa lahasi mi-konzweni yakwe.
- 26 Makunu loye a wasati i wa hi mu Greki, mu Sirofenike hi ku tralwa. Yena i lo mu kongotela a kuba a nga hlongola a dimoni ka nhanyana wakwe.
- 27 Yena i te ngalo kakwe, Nga a banana ba xuriswa kura-nga: hakuba a zi fanele ku teka a zibaba za banana hi zi hoxa a tibyana.
- 28 Kanilezi yena i lo hlamula a wula ka yena, Ina, Hosi: ni tona tibyana lahasi ka timeza ta rolela a maklakla ya banana.
- 29 Yena a ku ngalo ka yena, Hi kota ya loku kuwula ti fambele: a dimoni gi humile ka nhanyana wa wena.
- 30 Yena i lo famba ndlwini yakwe, i lo kuma a nwanana a eklele sangweni, na dimoni gi humele.
- 31 I lo engeta kambe a famba mibinganweni wa Tire, i lota a tsemakanya Sidoni ata bimbini ga Galile, hi xikari ka mimbingano le Dekapoli.
- Mat. 15. 29.
- 32 Ba lo neha ka yena a mu-nwe a nga hi mbebebe, yi nga ni xirimi; ba lo mu kombela akuba a klateka canja gakwe hehla kakwe.
- Mat. 9. 32. Luka 11. 14.
- 33 Yena i lo mu teka xikundleni ka xidlemo, i lo engenisa
- a tinyala takwe tindlebeni takwe, i lo pela, a kumba lirimi lakwe;
- xip. 8. 23. Joh. 9. 6.
- 34 Yena na cuwuka le tilweni, i lo keta, aku ka yena, Efa-ta, loko ku hi ku ngalo, Vululeka.
- xip. 6. 41. Joh. 11. 33, 38, 41. & 17. 1.
- 35 Ni tindlebe takwe ti lo vululeka, ni tingoti ta lirimi lakwe ti lo klakleka, a su wulawula zi su dlunya.
- Mat. 11. 5.
- 36 Yena i lo ba byela lezaku ba nga a mbeli ni munhu: kanilezi kota lezi a nga ba byelisisile, lezo ba wa la su bahi hungu.
- xip. 5. 43.
- 37 Bona ba dama hi ku hunzi-sileko, baku, Yena i mahile zonkle zilo kwatsi: i maha hambu ni xiwiri a kuzwa, ni mbebebe a ku wulawula.
- XIPIMO 8.
- 1 Hi lawo masiku, laha na laho kambe ku hi kona xidlemo xa hombe, bona ba wa nga hi na ncumo xa kuga, i lo bitana ka yena a bapizani bakwe, a ku ka-bye.
- Mat. 15. 32.
- 2 Nza xi zwela wuxinji lexi a xidlemo, hakuba ba sima-misile na mina makunu hi masiku manharu, na ba ngagi ncumo.
- 3 Loku mina nzi ba rumela kaya na ba hi ni ndlala, bona ba ta karala ndleleni; a banwani ba bona ba tile hi le kule.

4 A bapizani bakwe ba lo mu hlamula yena, Hi kwihi a munhu a ta nga kota ku xurisa a banhu laba hi zibaba laha wutsanweni ga xiwunza ke?

5 Yena i lo ba wutisa, Zibaba zingani mu nga nazo nwina ke? Bona ba te ngalo, zi nklanu ni zimbiri.

Mat. 15. 34. xip. 6. 38.

6 Yena a laya xidlemo a ku tsama lahasi misabeni: yena i lo teka a nklanu wa zibaba ni zimbiri, laha na bongile, a kema, i lo nyika ka bapizani bakwe, a ku beka mahlweni ka^ybye; bona ba lo zi beka mahlweni ka xidlemo.

7 Bona ba wa hi ni zidluwani zi tsongwanyani: na a nga na a katekisila zona, i lo laya kambe akuba ba zi yisa lezi mahlweni ka bona.

Mat. 14. 19. xip. 6. 41.

8 Bona ba loga, ba lo xura: ba lo rolela, a maklakla laya ma seleko, ma tata nklanu wa zirunzu ni zimbiri.

9 Bona ba wa hi mune wa makume ya mazana: yena i lo ba fambisa.

10 Zalezo i lo engena ngalabeni ni bapizani bakwe, ba lotta klelweni ga Dalmanuta.

Mat. 15. 39.

11 Ni ba Farisi ba lotta, ba lo sangula ku wutisana zinwe naye, na ba laba mu woniso wa le tilweni, na ba mu ringa.

Mat. 12. 38. & 16. 1. Joh. 6. 30.

12 I lo keta nguvu moyeni wa-

kwe, a wula, Hi yini lexi xizukulwana xi labako a xiwoniso ke? hizinene nza wula ka nwina, A ku kona xiwoniso xi ta nga nyikwa ka lexi xizukulwana.

13 Yena i lo ba siya, kambe i lo engena ngalabeni i lo ya klatukweni munwani.

14 Bona ba lo ribala ku teka zibaba; ni lomo ngalabeni ba wa nga ni xibaba ku hunza xinwe.

Mat. 16. 5.

15 Yena i lo ba laya, aku, Pimani, klarihani a comelo xa ba Farisi ni comelo xa ba ka Herodi.

Mat. 16. 6. Luka 12. 1.

16 Bona ba lo wulawulisana munwe ni munwani, baku, A hi na zibaba.

Mat. 16. 7.

17 Jesu na zi tiba a wula ka^ybye, Hi yini mu wulawulisanako, hakuba a mu na zibaba ke? a mu se ku zi tiba, hambu ni mu pima ke? a timbilu ta nwina ti nonohisilwe ke?

xip. 6. 52.

18 Na mu hi ni mahlo, na mu nga woni? na mu hi ni tindlebe, na mu ngazwi? A mu alakanyi ke?

19 Laha na nzi kema nklanu wa zibaba xikari ka nklanu wa makume ya mazana, zirunzu zingani mu nga rolelela lomo a maklakla nwina ke? Bona ba ku ka yena, I kume ni zimbiri.

Mat. 14. 20. xip. 6. 43. Luka 9. 17. Joh. 6. 13.

- 20 Ni za nklanu ni zimbiri xikari ka mune wa makume ya mazana, zirunzu zi ngani za maklakla mu zi roleleko nwina ke? Bona ba ku ngalo ka yena, I nklanu ni zimbiri.
Mat. 15. 37. xipm. 8.
- 21 Yena a ku ngalo kabye, Ama ha se ku pima ke?
xip. 6. 52. xipm. 17.
- 22 Bona bata Betsaida. Laho ba lo neha ka yena a xikumu, ba mu kombela a kuba a mu kumba.
- 23 Yena i lo koma a xikumu hi canja, i lo xi humesa mutaneni; laha na pelele le mahlweni ya xona, i lo klateka a mandla yakwe ka xona, i lo xi wutisa, Wa wona ncumo ke?
xip. 7. 33.
- 24 Yena i lo cuwuka la hehla, a ku ngalo, Nzi wona banhu: nzi ba wona kota tisinga ti fambako.
- 25 I lo engeta kambe a klateka mandla yakwe mahlweni yakwe; yena i la su cuwukisisa, i lo wuyiselwa, a wona zilo zonkile kwatsi.
- 26 Yena i lo mu rumela le kaya kakwe, aku, U nga engeni ximutaneni.
Mat. 8. 4. xip. 5. 43.
- 27 Jesu i lo famba, ni bapizani bakwe, mitaneni ya le Kesaria Filipi: ni laha ndleleni i lo wutisa a bapizani bakwe, aku kabye, Be hi mina mani a banhu ke?
Mat. 16. 13. Luka 9. 18.
- 28 Bona ba lo mu byela, baku, Johani Mubapatizi: ni banwani, Elija; kanilezi banwani, Munwe wa baprofeti.
Mat. 14. 2.
- 29 Yena a ku ngalo kabye, Kanilezi nwina muku hi mina mani? Petro a hlamula aku ka yena, Wena hi wena Kristu.
Mat. 16. 16. Joh. 6. 69. & 11. 27.
- 30 I lo ba laya lezaku ba nga byeli munhu ha yena.
Mat. 16. 20.
- 31 Yena i lo sangula ku ba gonzisa, lezaku a Nwana wa munhu i fela ku xaniseka hi zilo zinyingi, ni ku aliwa hi masingalakati, ni bapristi ba hombe, ni batsali, i dawa, a nzako ka masiku manharu i ta vuka.
Mat. 16. 21. & 17. 22. Luka 9. 22.
- 32 Loku kuwula i lo ku wulawula kubaseni. Petro i lo mu teka, i lo sangula ku mu kawuka.
- 33 Kanilezi na renzeleka yena, na wona bapizani bakwe, i lo kawuka Petro, aku, Suka le nzako ka mina, Sata ni: hakuba a ku alakanyia zilo za Nungungulu, kanilezi a zilo za banhu.
- 34 Yena i lo bitana ka yena a xidlemo zinwe ni bapizani bakwe, i lo ngalo kabye, Loku a munhu a ranza ku lanzela le nzako ka mina, nga a tsika a wutsumbu gakwe, a teka a xihambano xakwe, a nzi lanzela.
Mat. 10. 38. & 16. 24. Luka 9. 23. & 14. 27.

35 Kani hi wihi a ta nga lonzowota kuhanya kakwe i ta lahlekelwa; kani hi wihi a ta nga lahlekelwa hi kuhanya kakwe hi kota ya mina na hi kota ya ivangeli i ta ku lonzowota.

Joh. 12. 25.

36 Hakuba ku mu vuna yini a munhu, a ku binzula tiko gonkle, a lahlekelwa hi kuhanya kakwe ke?

37 Hakuba hi yini munhu a ta nga nyika kasi ku tekisa kuhanya kakwe ke?

38 Hakuba loyi a ta nga maha tingana ha mina ni timhaka ta mina ka lexi xizukulwana xi onhekeleko, a Nwana wa munhu kambe i ta ba ni tingana ha yena, laha na ata hi wukosi ga Dadani wakwe ni tingelosi to basa.

Mat. 10. 33. Luka 9. 26. & 12. 9.
Roma 1. 16. 2 Tim. 1. 8. & 2. 12.

XIPIMO 9.

1 Yena i te ngalo ka bona, Hizinene nza wula ka nwi-na, Ba kona banwani ba bona laha ba yimileko, laba ba ta nga kala ba nga henyi kufa, kala ba wona mufumo wa Nungungulu wuta hi ntamo.

Mat. 16. 28. & 24. 30. & 25. 31. Luka 9. 27. & 22. 18.

2 A nzako ka nklanu wa masiku ni siku ginwe Jesu i lo teka zinwe naye Petro, ni Jamesi, na Johani, i lo ba neha xitsungeni xo leha khlweni hi wutsumbu ga-

bye: yena i lo hunzuluswa mahlweni kabye:

Mat. 17. 1. Luka 9. 28.

3 Ni tinguwo takwe ti lo maha kuhatima, ti wa basile ha hombe nguvu; lezo a ku na muhlazi misabeni a nga kotako ku ti basisisa tona.

Mat. 28. 3

4 Laho ku lo woneka ka yena Elija, na Mosi: bona ba wa wulawula zinwe ni Jesu.

5 Petro a hlamula aku ka Jesu, Mugonzisi, ku sasekile ka hina a ku tsama laha: nga hi maha a mixaxa minharu; a munwe ngwa wena, ni munwe ngwa Mosi, ni munwe ngwa Elija.

6 Hakuba yena i wa nga xi tibi lexi a xi hlamulako; hakuba bona ba wa caba nguvu.

7 Laho ku lota a refu gi ta ba kubunyeta: ku lo huma a gezu refini, Loyi hi Nwananga a ranzilweko: mu ingiseni.

8 Zalezo ba lo lunguza, a ba ha wonangi munhu, saseka Jesu yece zinwe nabo.

9 Kota lezi na ha relela hi le xitsungeni, yena i lo ba laya lezaku ba nga byeli munhu lezo zilo ba zi wonileko, saseka laha a Nwana wa munhu na vukile hi ka bafileko.

Mat. 17. 9.

10 Bona ba lo hlayisa loko kuwula, na ba wutisana xikari kabye lezaku ku wula yini loko kuvuka hi ka bafileko.

- 11 Na bona ba lo mu wutisa, baku, A mitsalo ya wula lezaku Elija i tata kuranga.
Mat. 17. 10.
- 12 Yena i te ngalo kabye, Elija ha kunene ita kuranga, a wuyisela zilo zonkle: ku tsalilwe ku yini hi Nwana wa munhu, lezaku i ta xaniseka hi zilo zinyingi a nyenywa ke?
Luka 23. 11. Fil. 2. 7.
- 13 Kanilezi nza wula ka nwi-na, Elija i tile, ba mahile ka yena zonkle lezi ba zi ranzako, kota lezi ku tsalilweko ha yena.
Mat. 11. 14. & 17. 12. Luka 1. 17.
- 14 Laha na cikele ka bapizani, ba lo wona xidlemo xa hombe ka bona, ni batsali ba wa wutisana nabo.
Mat. 17. 14. Luka 9. 37.
- 15 Zalezo xonkle xidlemo, laha na ba mu wona, ba lo hlamala ha hombe, ba lo tsutsuma ka yena ba ya mu losa.
- 16 Yena i lo ba wutisa, Mu wutisana nabo hi yini ke?
- 17 A munwe wa xidlemo i lo mu hlamula, Mugonzisi, nzi lo mu neha ka wena a nwanana wa mina, a nga ni moya wa mbebebe;
Mat. 17. 14. Luka 9. 38.
- 18 Ni kwihi laha wu mu vukelako kona, wu mu klaklala lahasi: yena a pupuma, na cinza meno yakwe, na kwebeka: nzi lo wulawula ka bapizani ba wena nga ba wu humesile; kanilezi ba wa nga koti.
- 19 Yena i lo hlamula bona a wula, O xizukulwana xi nga kolekiko, nzi ta ba na nwina xikati xa ku yini? mu neheni ka mina.
- 20 Bona ba lo mu neha ka yena: laha yena a nga mu wona, zalezo a moya wu lo mu hanzula ha hombe: yena i lowa misabeni, i lo pupuma ngwebu.
xip. 1. 26. Luka 9. 42.
- 21 Yena i lo wutisa a raru wakwe, Ku hi xikati xa ku yini cima wu mu tela ke? Yena a ku ngalo, Wunwananeni gakwe.
- 22 Xikati xinyingi wu mu hoxa nzilweni ni le matini, kasi wu mu daya: kanilezi loku u nga wena u zi kota ku maha ncumo, maha titralo ka hina, u hi vunetela.
- 23 Jesu a ku ngalo ka yena, Loku u kolwa! Zonkle zilo za maheka ka bona laba ba kolwako.
Mat. 17. 20. xip. 11. 23. Luka 17. 6. Joh. 11. 40.
- 24 Zalezo a raru wa nwanana i lo bitana, a ku ngalo, Nza kolwa; vuna wena a kungakolwi ka mina.
- 25 Laha Jesu a nga wona lezaku a xidlemo xi tsutsuma katiginwe, i lo kawuka a moya wa kubiha, aku ka yena, Wena moya wa mbebebe ni wa xiwiri, nza ku laya huma ka yena, u nga ha engeni kambe ka yena.
- 26 Na bilehuwa, wu lo mu hanzula nguvu, wu lo huma:

- ni nwanana i lo maha kota a fileko : kota lezo la botala ba ku ngalo, Yena i file.
- 27 Kanilezi Jesu i lo mu teka hi canja, i lo mu vuxa; i lo vuka.
- 28 Laha a nga wata lomo ndlwini, a bapizani bakwe ba lo mu wutisa klelweni, hina hi wa nga zi koti a ku wu hlongola.
Mat. 17. 19.
- 29 Yena i te ngalo kabye, Lwalolu lixaka li nga huma na ku nga hi ncumo, saseka hi kukombela.
- 30 Bona ba lo suka laho ba famba, ba lo tsemakanya Galile; yena i wa nga zi ransi lezaku ku hi kona munhu a zi tibako.
- 31 Hakuba yena i wa gonzisa bapizani bakwe, a ku ngalo kabye, A Nwana wa munhu i nyikelwe mandleni ya bannhu, bona ba ta mu daya; laha na a delwe anzako ka masiku manharu i ta vuka kambe.
Mat. 17. 22. Luka 9. 44.
- 32 Kanilezi bona a ba pimangi loku kuwula, ba wa caba ni mu wutisa.
- 33 Ba lota Kapernaume: laha a nga wa hi lomo ndlwini i lo ba wutisa, Mu wa wulawulisana hi yini laha ndleleni ke?
Mat. 18. 1. Luka 9. 46. & 22. 24.
- 34 Kanilezi bona ba su tiwitiwi bi : hakuba ba wa kari ba kanetisana munwe ni

munwani ndleleni, hi mani wa hombe.

- 35 Yena i lo tsama lahasi, i lo bitana ba kume ni bambiri; a wula ka bona, Loku a nga a hi kona munhu a labako kuranga, i ta maha wa kugumesa ka bonkle, ni xikozeli xa bonkle.

Mat. 20. 26, 27. xtp. 10. 43.

- 36 Yena i lo teka a nwanana wa tsongwanyani, i lo mu yimisa xikari kabye: na mu teka mawokweni yakwe, i te ngalo kabye,

Mat. 18. 2. xtp. 10. 16.

- 37 Kani hi wihi a ta nga amukela banana ba ku ngahi bitweni ga mina, wa nzi amukela : ni wihi loyi a nzi amukelako, a nga amukeli mina, kanilezi loyi a nzi rumileko.

Mat. 10. 40. Luka 9. 46.

- 38 Johani a ku ngalo ka yena, Mugonzisi, hi lo wona munwe na hlongola a madimoni hi bito ga wena : hi lo mu tsimbeta, hakuba a nga hi lanzeli.

Luka 9. 49.

- 39 Kanilezi Jesu a ku ngalo, Mu nga mu tsimbeteli: hakuba a ku kona munhu loyi a ta nga maha mitiro ya ntamo bitweni ga mina, a kotako ku haklisa a wulawula kubiha ha mina.

1 Kor. 12. 3.

- 40 Hakuba loyi a nga hi vukeliko ngwa hina.

Mat. 12. 30.

- 41 Hakuba kani hi wihi a ta nga mu nyika a kopo ya

mati a kunwa, hakuba mu nga ba ka Kristu, hizinene nza wula ka nwina, a nga ta lahlekelwa hi cacazelo wakwe.

Mat. 10. 42.

- 42 Kani hi wihi a ta nga kube-kisa a munwe wa laba batsongwani ba kolwako ka mina, zi nga zi mu sasekele lezaku a ribye ga hombe ga xigayo gi konekwa nhanweni yakwe, a rikiswa bimbini.

Mat. 18. 6. Luka 17. 1.

- 43 Ni loku a canja ga wena gi ku maha u kubeka, gi tseme: zi sasekile ka wena ku engena kuhanyeni na u hi xilema, ku hunza loku u hi ni mandla ya wena mambiri u hoxwa gehene, ka nzilo wu nga timekiko.

Mat. 5. 29. & 18. 8. xipm. 45, 47.

- 45 Ni loku a konzo wa wena wu ku maha u kubeka, wu tseme: zi sasekile ka wena ku engena kuhanyeni na u hi xirela, ku hunza loku i hi ni mikonzo mimbiri ya wena u hoxwa gehene.

- 47 Ni loku a tihlo ga wena gi ku maha u kubeka, gi xokole: zi sasekile ka wena ku engena mufunweni wa Nungungulu na u hi ni tihlo ginwe, ku hunza loku u hi na mahlo mambiri u hoxwa gehene;

- 48 Laho a xiwungwani xa kona xi nga fiko, ni nzilo wa kona wu nga timekiko.

- 49 Hakuba bonklelele ba ta lungwa hi nzilo.

- 50 A munyu wa saseka: kani-lezi loku a munyu wu lahli-le a wumunyu ga wona, mu ta wu lunga hi ku yini ke? Tsamani ni munyu a wutsumbu, ga nwina, mu hi ni kurula ka munwe ni munwani.

Mat. 5. 18. Luka 14. 34. Efe. 4. 29.
Kol. 4. 6. Roma 12. 18. & 14. 19.
2 Kor. 13. 11. Heb. 12. 14.

XIPIMO 10.

- 1 Yena i lo suka laho, ata mibinganweni wa Judia klutuko wa Jordani: ni zidle-mo zi tsombana ka yena kambe; kota ku tolobela kakwe, i lo ba gonzisa kambe.

Mat. 19. 1. Joh. 10. 40. & 11. 7.

- 2 Laho ku lota ka yena a ba Farisi, ba lo mu wutisa, Zi fanele akuba munhu a hlongola wasati wakwe ke? na ba mu ringa.

Mat. 19. 3.

- 3 Yena i lo hlamula a ku ngalo kabye, Mosi i lo laya yini ka nwina ke?

- 4 Bona ba te ngalo, Mosi i lo vumela ku tsalela a papilo ga kuhambana, ni ku mu hlongola.

Mat. 5. 31. & 19. 7.

- 5 Kanilezi Jesu i te ngalo kabye, Hakuba hi kunonoha ka timbilu ta nwina i lo mu tsalela lowu nayo.

- 6 Kanilezi kusanguleni ka ku mahwa, A matsune ni nkatiti i lo zi maha yena.

- 7 Hi kota ya lexi a wanuna i ta siya a raru wakwe ni

nyine, i ta na marela ka wasati wakwe;

1 Kor. 6. 16. Efe. 5. 31.

8 Laba bambiri ba ta maha nyama yinwe: lezo bona a ba ha hi bambiri, kanilezi ba hi nyama yinwe.

9 Hikwalaho lexi Nungungulu a xi klanganisileko, nga xi nga hambanyiswi hi munhu.

10 Ni lomo ndlwini a bapizani ba lo engeta ba mu wutisa hi laya mahungu.

11 Yena aku kabye, Kani hi wihi a ta nga hlongola a wasati wakwe, a teka munwani, wa baya naye :

Mat. 5. 32. & 19. 9. Luka 16. 18. Roma 7. 3. 1 Kor. 7. 10, 11.

12 Loku yena wutsumbu a hlongola wanuna wakwe, a tekwa hi munwani, yenawu wa baya.

13 Ba lo neha ka yena a banana batsongwani, lezaku a fela ku ba kumba: ni bapizani ba lo ba kawuka.

Mat. 19. 13. Luka 18. 15.

14 Kanilezi laha Jesu na zi wonile, i lo zangariswa, a ku ngalo ka bona, Vumelani a banana batsongwani kuta ka mina; mu nga ba beleteli: hakuba a ba ku ngahi a mufumo wa Nungungulu.

1 Kor. 14. 20. 1 Pet. 2. 2.

15 Hizinene nza wula ka nwi-na, Kani hi wihi a ta nga kala ku amukela a mufumo wa Nungungulu kota a

nwanana tsongwani, a nga wa ta engena ka wona.

Mat. 18. 3.

16 Yena i lo ba teka a ba angatela hi mawoko yakwe, i lo ba katekisa, a klateka mandla yakwe hehla kabye.

17 Kwatsi hi lezi a nga wa famba ndleleni, ku lo tsumela munwe ka yena, i lo kizama ka yena, i lo mu wutisa, Mugonzisi a Sasekileko, nzi ta maha yini kasi nzaga tsomba ya kuhanya ka kupinzuka ke?

Mat. 19. 16. Luka 18. 18.

18 Jesu a ku ngalo kakwe, Hi yini wena u nzi bitanako uku nzi sasekile? a nga kona a sasekileko saseka munwe, yena Nungungulu.

19 Wena wa yi tiba milayo, U nga dayi, U nga bayi, U nga yibi, U nga mahi wukustumunyu ga mawunwa, U nga kalabeli, Dumisa a raru wa wena ni nyine wa wena.

Roma 13. 9.

20 Yenawu a ku ngalo ka yena, Mugonzisi, zonkle lezi zilo nzi zi ingisile ku suka wunwananeni ga mina.

21 Jesu na mu cuwuka i lo mu ranza, a ku ngalo ka yena, Wa ha vumala xilo xinwe: famba, u ya xabisa lezi u nga nazo, u nyika zisiwana, na wena u ta ba ni tsomba le tilweni: ngona, u nzi lanzela.

Mat. 6. 19, 20. & 19. 21. Luka 12. 23. & 16. 9.

- 22 **Kanilezi i lo tsubyiswa hi loku kuwula, i lo famba na a tsubile: i wa hi munwe loye a nga fumile ha hombe.**
- 23 **Jesu i lo lunguza, a wula ka bapizani bakwe, Za tsanza ka laba ba nga ni kufuma a ku engena mufunweni wa Nungungulu!**
Mat. 19. 23. Luka 18. 24.
- 24 **Ni bapizani ba lo hlamala hi timhaka takwe. Kanilezi Jesu a hlamula kambe, a wula ka bona, Banana, za tsanza ka laba ba tsumbako kufumeni ku engena mufunweni wa Nungungulu!**
1 Tim. 6. 17.
- 25 **Za hehuka ka kameli ku engena nonwini wa cingano, ku hunza munhu a fumileko ku engena mufunweni wa Nungungulu.**
- 26 **Bona ba lo damiswa ha hombe nguvu, ba wula ka yena, Zonake hi mani a ta nga hanyiswa ke?**
- 27 **Jesu na cuwuka ka bona a wula, Ka banhu a zi koteki, kanilezi a hi lezo ka Nungungulu: hakuba zonkle zilo za koteka ka Nungungulu.**
Mat. 19. 26. Luka 1. 37.
- 28 **Petro i lo sangula ku wula ka yena, Wangabye, hina hi siyile zonkle, hi lanzele wena.**
Mat. 19. 27. Luka 18. 28.
- 29 **Jesu a ku ngalo, Hizinene nza wula ka nwina, A ku**
- kona munhu loyi a siyileko a yindlu, kutani bamakabye, kutani bamakweru, kutani i nyine, kutani i raru, kutani i banana, kutani misaba, hi kota ya bito ga mina, na hi kota ya ivangeli,**
- 30 **Kanilezi yena i ta amukela hi kazana makunu ka lexi xikati, a tindlu, ni bamakabye, ni bamakweru, ni banyine, ni banana, ni misaba, zinwe ni zixaniso; ni ka tiko gi tako a kuhanya ka kupinzuka.**
Luka 18. 30.
- 31 **Kanilezi banyingi laba boranga ba ta nga ba bogumesa; ni bogumesa boranga.**
Mat. 19. 30. & 20. 16. Luka 13. 30.
- 32 **Bona ba wa hi laha ndleleni, na ba kanziya Jerusalema; ni Jesu i wa lo famba mahlweni kabye: bona ba lo dama; ni laba ba nga wa lanzela ba lo caba. Yena kambe i lo teka ba kume ni bambiri, i lo sangula a ku ba byela a zilo lezi zi ta humelela ka yena,**
Mat. 20. 17. Luka 9. 22. & 18. 31. xip. 8. 31. & 9. 31.
- 33 **Aku, Mangabye, ha kanziya Jerusalema; ni Nwana wa munhu i ta nyikelwa ka bapristi ba hombe ni batsali; na bona ba ta mu konela a kufa, i ta nyikelwa ka ba Matiko:**
- 34 **Bona ba ta mu tseketsela, ba ta mu pelela, ba ta mu hima, ba ta mu daya; a**

nzako ka masiku manharu i ta vuka kambe.

41 Laha a bakumena ba zwile, ba lo zangariswa hi Jamesi na Johani.

Mat. 20. 24.

35 Laho bata ku suhani ka yena, Jamesi na Johani, a banana ba Zabedi, baku ka yena, Mugonzisi, ha ranza lezaku u mahe ka hina kani hi yini hi ta nga xi kombela ka wena.

Mat. 20. 20.

42 Jesu i lo ba bitana ka yena, a wula ka bona, Nwina mazi tiba lezaku laba ba hlayelwako bafumeli xikari ka ba Matiko ba tirisa ntamo hehla kabye; ni laba ba hombe hehla kabye ba na ni ntamo hehla ka bona.

Luka 22. 25.

36 Yena a ku ngalo ka bona, Mu ranza ku nzi mu mahe-la yini ke?

37 Bona ba lo ngalo ka yena, Nyika ka hina lezaku hi fela ku tsama, munwe hi canjeni ga wena ga xinene, munwani hi canjeni ga wena ga xibaba, wukosini ga wena.

38 Kanilezi Jesu a ku ngalo kabye, Nwina a mu xi tibi lexi mu xi kombelako. Mazi kota a kunwa a kopo leyi nzi nwako ke? kutani ni kubapatiza hi ku bapatizwa loku nzi bapatizilweko ha kona ke?

39 Bona ba ku ngalo ka yena, Hina ha zi kota. Ni Jesu a ku ngalo kabye, A kopo leyi nzi ta nganwa mu ta yinwa; ni ku bapatizwa loku nzi ta nga bapatizwa ha kona nwinawu mu ta bapatizwa ha konawu:

40 Kanilezi a ku tsama hi hi canjeni ga mina ga xinene ni canjeni ga mina ga xibaba a hi ka mina ku nyika: kanilezi ka bona laba ba longiselweko.

[Sheetwa.]

75

43 Kanilezi a zi ngaho xikari ka nwina: kani loyi a ranzako ku maha wa hombe xikari ka nwina, i ta maha xikozeli xa nwina:

Mat. 20. 26, 28. xip. 3. 35. Luka 9. 48.

44 Kani hi wihi a ta nga ba wa kuranga xikari ka nwina, i ta ba xikozeli xa bona bonkle.

45 Hakuba hizinene a Nwana wa munhu a nga tangi ku ta kozelwa, kanilezi kuta kozela, ni ku nyika kuhanya kakwe a ku rihela banyingi.

Joh. 13. 14. Fil. 2. 7. Mat. 20. 28. 1 Tim. 2. 6. Tit. 2. 14.

46 Bona bata Jeriko: kota na ha huma Jeriko, zinwe ni bapizani bakwe ni xidlema xa hombe, a nwana wa Timeusi, Bartimeusi, a xikuma xa mu kombeli, na tsamile rebeni ga ndlela.

Mat. 20. 29. Luka 18. 35.

47 Laha na zwile lezaku hi Jesu wa le Nazarata, i lo sangula ku bitana, aku, Jesu, wena nwana wa Davi-

da, nga u zwela wuxinji ka mina.

48 A banyingi ba lo mu kawuka, lezaku nga a miyela: kanilezi yena i lo bitana hi ku hunzisile kambe, Wena a *nwana* wa Davida nga u zwela wuxinji ka mina.

49 Jesu i lo yima, a ku ngalo, Ma nga mu bitanani. Bona ba bitana a xikumu, baku ka yena, Tiya-hlana: suka, wa ku bitana.

50 Yena, na hoxa a nguwo yakwe, a su kakatsuko, i lota ka Jesu.

51 Jesu i lo mu hlamula, a ku ngalo, U ranza ku nga nzi maha yini ka wena ke? Ni xikumu xi te ngalo ka yena, Raboni, lezaku a nzi amukele kuwona ka mina.

52 Jesu a ku ngalo ka yena, Ti fambele; a kukoleka ka wena ku ku hanyisile. Zalezo i lo amukela a kuwona kakwe, yena i lo mu lanzela ndleleni.

Mat. 9. 22. xip. 5. 34.

XIPIMO 11.

1 Laha bona na ba tsinela Jerusalema, le Betfage ni le Batania, la xitsungeni xa Olivia, yena a ruma bambiri ba bapizani bakwe,

Mat. 21. 1. Luka 19. 29. Joh. 12. 14.

2 Yena a wula ka bona, Fambani ndleleni ya *nwina* mutaneni wu nga ku suhani na *nwina*: mu ta kuma a role na gi kungilwe, lego

gi wa nga kilelwangiko hi munhu; gi *klakleni*, mu gi neha.

3 Loku a nga hi kona a wulako ka *nwina*, Hi yini mu mahako lexi? wulani, A Hosi ya gi laba; zalezo i ta gi rumela leno.

4 Bona ba lo famba, ba loya kuma a role na gi kungilwe nyangweni hi le handle ka pango; ba gi *klakla*.

5 A wokari wabye ba nga yimile laho a ku ngalo kabye, Mu maha yini ke, mu *klaklako* a role?

6 Ba lo wula kabye kota Jesu a nga ba byelile: bona ba lo ba tsika ba famba.

7 Ba lo neha a role ka Jesu, ba lo beka a tinguwo tabye hehla ka gona; yena i lo tsuma hehla ka gona.

8 A banyingi ba lo andlala tinguwo tabye ndleleni; ba *nwani* a tirabi, leti ba nga ti tsemile kwatini.

Mat. 21. 8.

9 Bona laba ba nga famba hi mahlweni, ni laba ba nga lanzela, ba lo bitana, Hosanna; I katekile loyi a tako bitweni ga Hosi:

10 Wu katekile lowo mufumo wu tako, a mufumo wa raru wa hina Davida: Hosanna ka loyi a nga hehlehehla.

11 Yena i lo ngena Jerusalema, lomo tempeleni; laha na cuwukisile zonkle zilo zi nga kona, makunu gi wa hlwile, i lo huma aya Beta-

nia zinwe ni bakume ni bam-biri.

Mat. 21. 12.

12 Hi manziko, laha na ba huma hi le Betania, i lozwa ndlala.

Mat. 21. 18.

13 Na a wona a sinya ya kuwu kule na yihi ni makluka, i lota, lezaku kutani a kuma ncumo ka yona: laha na cikele ka yona, a nga kumangi ncumo, kanilezi makluka; hakuba yi wa nga hi nguba ya makuwu.

Mat. 21. 19.

14 Yena i lo hlamula a ku ngalo ka wona, A nga kona a munhu a ta ngaga mihanzo ka wena ku suka lezi kala kupinzuka. Ni bapizani ba lo zizwa.

15 Bona bata Jerusalema: yena i lo engena tempeleni, i lo sangula ku hlongola laba ba nga xabisa ni laba ba nga xaba tempeleni, i lo kubunyeta a timeza ta bona laba ba nga xabelana, ni zitsamo za bona laba ba nga xabisa a matuba;

Mat. 21. 12. Luka 19. 45. Joh. 2. 14.

16 Yena i wa nga vumeli lezaku a munhu a nga rwala xibya lomo tempeleni.

17 Yena i lo gonzisa, a ku ngalo kabye, A ku tsaliwangi ke, A yindlu ya mina yi ta bitanwa yindlu ya kulongela ka tixaka tonkle ke? kanilezi nwina mu yi mahile a bako ga bapangi.

18 A bapristi ba hombe ni batsali ba lo zizwa, ba lo laba ku ngalo ba ta mu dayisa ku yini: hakuba ba wa mu caba, hakuba a xidlemono xonkle xi wa dama hi kugonzisa kakwe.

Mat. 21. 45, 46. & 7. 28. Luka 19. 47. & 4. 32. xip. 1. 27

19 Xonklelele xikati laha gi hlwileko i wo huma mutini.

20 Kota lezi na ba ha hunza laha mixweni, ba lo wona a sinya ya kuwu na yi omile ku sukela mitswini.

Mat 21. 19.

21 Petro na ku alakanyisa a ku ka yena, Rabi, languta a sinyanya ya kuwu, wena u nga rukatela yi omile.

22 Jesu na a hlamula aku ka bona, Kolekani ka Nungungulu.

23 Hizinene nza wula ka nwina, Kani hi wihi a ta ngaku ka lexi xitsunga, Kunuka u hoxiwa le bimbini; na nga kanakani mbilwini yakwe, kanilezi na kolwa lezaku lezi a zi wulako zi ta maheka; ku ta mahelwa ka yena.

Mat. 17. 20. & 21. 21. Luka 17. 6.

24 Hikwalaho nza wula ka nwina, Zonkle zilo lezi mu zi kombelako na mu zi kombela, kolwani aku mu zi amukelile, mu ta ba nazo.

Mat. 7. 7. Luka 11. 9. Joh. 14. 13. & 15. 7. & 16. 24. Jam. 1. 5, 6.

25 Kani laha na mu yimile mu kombela, tsetselelani, loku

mu nga mu hi ni zunga ni munhu; kasi a Dadani wa nwina loyi a nga le tilweni a fela ku tsetselela a zinambuko za nwina.

Mat. 18. 35.

- 27 Bona ba lota kambe Jerusalema: kota lezi a nga famba tempeleni, ba lota ka yena a bapristi ba hombe, ni batsali, ni masingalakati:

Mat. 21. 23. Luka 20. 1.

- 28 Bona ba ku ngalo ka yena, Hi ntamo wa ku yini u mahako ha wona lezi zilo ke? kutani hi mani a ku nyikileko lowu ntamo ku maha lezi zilo ke?
- 29 Jesu a ku ngalo kabye, Mina nzi ta mu wutisa a muwutiso munwe, nzi hlamuleni, minawu nzi ta mu byela a ntamo lowu nzi mahako ha wona lezi zilo.
- 30 A kubapatiza ka Johani, kuta hi le tilweni, kutani ka banhu ke? nzi hlamuleni.
- 31 Bona ba lo wulawulisana a wutsumbu gabye, baku, Loku hina hi wula, Hi le tilweni; yena i ta wula, Hi yini zonake a mu mu kolwangi ke?
- 32 Kanilezi loku hi nga ku, Hi le ka banhu—bona ba wa caba banhu: hakuba bonkle ba wona Johani kota mu-profeti.
- Mat. 3. 5. & 14. 5. xlp. 6. 20.
- 33 Ba lo hlamula Jesu baku, A hi zi tibi. Jesu a wula kabye, Ge minawu nzi nga ta

mu byela a ku hi ntamo wa ku yini nzi mahako lezi zilo.

XIPIMO 12.

- 1 Yena i lo sangula ku wulawula ka bona hi mifanani-so. A munhu i lo byala a simu ga xivini, i lo xi biyela lihlabvu, i lo kela nkele wa ku hlotela a waini, i lo aka a tawa, i lo yi nyika ka barimi, i loya ka ginwani tiko.

Mat. 21. 33. Luka 20. 9.

- 2 Hi le xikatini i lo rumela ka barimi a nanza, kasi a fela ku amukela hi le ka barimi a mihanzo ya xivini.
- 3 Bona ba lo mu teka, ba lo muba, ba lo mu hlongola na hi haba ncumo.
- 4 Kambe i lo rumela ka bona a nanza ginwani; yena ba lo balesa hloko, ba lo mu koma hi matsoho.
- 5 Yena i lo ruma ginwani; yena ba lo mu daya: ni manwani yo tala: ba loba manwani, manwani ba ma daya.
- 6 Yena i wa hi naye munwe, a nwana wakwe a ranzilweko: a ku gumesa i lo mu rumela ka bona, aku, Bona ba tabani xicawo ka nwana wa mina.
- 7 Kanilezi labo barimi ba lo wula xikari kabye, Lexi hi xitralwa; ngonani, a hi mu dayeni, ni tsomba yi ta ba ya hina.
- 8 Bona ba lo mu teka, ba lo

- mu daya, ba lo mu hoxa la-handle ka xivini.
- 9 Hikwalaho yi ta maha yini a hosi ya xivini ke? yi tata yi lobisa labo barimi, i ta nyika a xivini ka banwani.
- 10 Nwina a mu se ku gonza lowu mutsalo ke;
A ribye legi a baaki ba nga gi ala, gwalego gi lo maha a hloko ya magumo:
- 11 Loku kuta hi le ka Hosi, ka damisa mahlweni ka hina ke?
- 12 Ba lo laba akuba ba mu koma; ba wa lo caba a xidle-mo; hakuba ba wa lo zi ti-ba lezaku i wulawula a mufananiso ha bona: ba lo mu siya, ba lo famba.
Mat. 21. 45, 46. xip. 11. 18. Joh. 7. 25, 30, 44.
- 13 Ba rumela ka yena a bokari ba ba Farisi ni ba ka Herodi, lezaku ba ta mu koma hi ku wulawula.
Mat. 22. 15. Luka 20. 20.
- 14 Laha ba ngata, baku yena, Mugonzisi, ha zi tiba hiku wena u hi zinene, a ku katali ha munhu: hakuba a ku celi kota hi dzumba ga banhu, kanilezi ha kunene u gonzisa ndlela ya Nungungulu: Zi fanele ku riha kupo ka Kesari, kutani a hi zona ke?
- 15 Hi ta nyika ke, kutani hi nga ta nyika? Kanilezi yena, na a tiba a wuxengeteli gabye, a ku ngalo kabye, Mu nzi ringela yini ke? nehani a denario, kasi nza fela a ku yi wona.
Mat. 18. 28.
- 16 Bona ba lo yi neha. Yena a wula kabye, Lowu mufananiso ni kutsala ka mani ke? bona ba ku, Ka Kesari.
- 17 Jesu a ku ngalo kabye, Nyikani ka Kesari lezi zi nga za Kesari, ni ka Nungungulu a zilo lezi zi nga za ka Nungungulu. Bona ba lo damiswa ha yena ha hombe nguvu.
- 18 Laho kuta ka yena a ba Sadusi laba ba nge ngalo a ku na kuvuka; ba lo mu wutisa, baku,
Mat. 22. 23. Luka 20. 27. Mit. 23. 8.
- 19 Mugonzisi, Mosi i lotsala ka hina, Loku a makabye wa munhu afa, a siya a wasati le nzako kakwe, na a nga hi na nwana, lezo a makabye wakwe i ta teka wasati wakwe, a vuxela a tralo ka makabye wakwe.
- 20 Ku wa hi kona bamakabye baklanu ni bambiri: loyi wa kuranga i lo teka a wasati, i lofa, na a siya ku nga hi kona a mbewu;
- 21 Ni wa wumbiri i lo mu teka, i lofa, na siya na ku nga hi kona mbewu le nzako kakwe; zi ngaho ni wa wunharu:
- 22 Ni ba wunklanu ni bambiri ba lo siya ku nga hi kona mbewu. A magumo ya bonkle ni wasati i lofa.

- 23 A kuvukeni i ta maha sati wa mani yena ka bona ke? hakuba a banklanu ni bambiri ba wa mu tekile.
- 24 Jesu a ku ngalo ka bona, A hi kwalaha ka lexi nwina mu hambukileko ha kona ke, lezaku a mu yi tibi a mitsalo, ge ni ntamo wa Nungungulu?
- 25 Hakuba laha ba ta nga vuka hi ka bafileko, cima ba nga ta tekana, ge ni kutekani-sa; kanilezi ba kota tinge-losi le tilweni.
1 Kor. 15. 42, 49, 52.
- 26 Kanilezi hi ku kumbuka a bafileko, lezaku ba vukile; cima mu gonzangi bukwiniga Mosi, hi wutsamo le ga le xihlahleni, kasi Nungungulu i wulawulisile ku yini ka yena, aku, Nzi mina Nungungulu wa Abrahama, ni Nungungulu wa Isaka, ni Nungungulu wa Jakobe?
- 27 Yena a hi Nungungula wa bafileko, kanilezi wa bahanyako: nwina mu hambukile nguvu.
- 28 Ni munwe wa batsali i lotta, i lo bazwa na ba wutisana, i wa zi tiba lezaku i ba hlamulile kwatsi, i lo mu wutisa, Hi wihi nayo woranga ka yona yonkle ke?
Mat. 22. 35.
- 29 Jesu i lo hlamula, A wa kuranga hi lowu, Ingisa, O Israeli; a Hosi Nungungulu wa hina, A Hosi yinwe:
Luka 10. 27.
- 30 U ta ranza a Hosi Nungungulu wa wena hi mbilu ya wena yonkle, ni muhefemulo wa wena wonkle, ni kulakanya ka wena konkle, ni ntamo wa wena wonkle.
- 31 Ni wa mimbiri hi lowu, U ta ranza wa akelene naye kota wutsumbu ga wena. A yi kona yinwani milayo ya hombe ku hunza leyi.
Mat. 23. 39. Roma 13. 9. Gal. 5. 14. Jam. 2. 8.
- 32 Ni mutsali i te ngalo ka yena, Ha kunene, Mugonzisi, wena u wulile lezaku u hi munwe; a ku kona banwani saseka yena:
- 33 Ni ku mu ranza yena hi mbilu yonkle, ni kupima konkle, ni hi ntamo wonkle, ni kuranza wa akelane wakwe kota u ti ranzako wena, ku hunza nguvu a minyikelo yonkle yo hiswa ni mipahlelo.
- 34 Laha Jesu na i lo wona lezaku i hlamulile hi kupima, yena i te ngalo ka yena, Wena a ku kule ni mufumo wa Nungungulu. A nzako ka lezo ku wa nga hi kona munhu a nga tiya ku wutisa a xiwutiso ka yena.
Mat. 22. 46.
- 35 Jesu a hlamula a ku ngalo, kota lezi a nga wa gonzisa lomo tempeleni, Ba wula wulisa ku yini a batsali lezako Kristu hi nwana wa Davida ke?
Mat. 22. 41. Luka 20. 41.
- 36 Davuda a wutsumbu gakwe

- wa wula hi Moya wa ku Basa,
 A Hosi yi ku ngalo ka Hosi ya mina, Tsama wena canjeni ga mina ga xine, nzi kala nzi maha a balala ba wena ku tsama a xikegetelo xa mikonzo ya wena.
- 37 Davida a wutsumbu gakwe i mu bitana a Hosi; i maha a nwana wakwe hi ku yini? A cumbu hi banhu ba lo muzwa hi kuhlakana.
- 38 Kugonziseni ka yena a ku ngalo, Klarihani hi batsali, laba ba xubako kufamba tingubyeni to leha, ni kuloswa wutsanweni go hlengetana,
xip. 4. 2. Mat 23. 1, &c. Luka 20. 46. & 11. 43.
- 39 Ni zitsamo za hombe masinagogeni, ni wutsamo ga hombe mibuzweni:
- 40 Ba kadamula a tindlu ta tisoni, hi kukohlisa ba maha mikombelo yo leha; ba ta amukela a kukoneka ka hombe.
Mat. 23. 14.
- 41 I lo tsama wutsanweni gi cuwukeneke ni minyikelo, i lo wona lezaku a xidlemo xi nyikelisa ku yini xi kwameni xa minyikelo: ni banyingi laba ba fumileko ba lo cela zo tala.
Luka 21. 1.
- 42 Laho ku lota a noni ya xisiwana, i lo cela a malana mambiri ya xipimo xa dezi.

- 43 Yena i lo bitana ka yena a bapizani bakwe, a ku ngalo kabye, Hizinene nza wula ka nwina, Leyi noni ya xisiwana yi celile ku hunza bonkle laba ba celako kunyikeleni kabye:
2 Kor. 8. 12.
- 44 Hakuba laba bonkle ba celile hi kupfuna kabye; kani- lezi yena hi ku vumala kakwe i celile zonkle lezi a nga nazo, kona kuhanya kakwe konkle.
1 Joh. 8. 17.

XIPIMO 13.

- 1 Kota lezi a nga wa huma tempeleni, a muuwe wa bapizani bakwe a wula ka yena, Mugonzisi, wangabye, maribye ya ku yini ni maa- kela ya ku ngahi!
Mat. 24. 1. Luka 21. 5.
- 2 Jesu a ku ngalo ka yena, Wa ku wona loku kuaka ka hombe ke? a ku nga siywa ribye ginwe hehla ka ginwani, legi a gi nga ta hoxwa lahasi.
Luka 19. 44.
- 3 Na tsamile xitsungeni xa ma Olivia lexi xi cuwukeneke ni tempele, Petro na Jamesi, na Johani, na Andreu ba lo mu wutisa xikundleni,
- 4 Hi byele, hi rini lezi zilo zi ta nga maheka ke? ku hi xiwoniso xa ku yini laha a zilo zonkle zi ta nga mbeteka ke?
Mat. 24. 3. Luka 21. 7.

- 5 Jesu i lo sangula ku wula ka bona, Klarihani a mu-nhu a nga mu pengisi.
Efe. 5. 6. 1 Tesa. 2. 3.
- 6 A banyingi ba tata hi bito ga mina, baku, Nzi mina yena; ba ta pengisa bo tala.
- 7 Laha nwina mu a ngazwa kulwa ni wudumo ga kulwa, mu nga karateki: lezi zilo zi fela ku yimelwe hi kuba zi maheka; kanilezi a kugumelwa a ku se ku kona.
- 8 Hakuba a lixaka li ta vukela a lixaka, ni mufumo wu vukela a mufumo: ku ta ba kona kutsekatseka wutsanweni gi tsalangeneko; ku ta ba kona tindlala: lezi zilo hi kusangula ka kuxaniseka.
Mat. 24. 8.
- 9 Kanilezi klarihani a wutsumbu ga nwina: hakuba mu ta nyikelwa tihubiyeni, ni masinagogeni mu ta biwa; ni mahlweni ka bafumeli ni ka tihosi mu ta ta yima hi kota ya mina, kasi ku kustumunya ka bona.
Mat. 10. 17, 18. & 24. 9. Kuv. 2. 10.
- 10 A ivangeli yi yimelwe hi ku kanelwa tixakeni tonkle kuranga.
Mat. 24. 14.
- 11 Laha na ba mu yisa kulamulweni, ba mu nyikela, mu nga xubi hi mahlweni aku mu ta wula yini: kanilezi loku mu ta nga nyikwa hi xwalexo xikati, loku wulawulani: hakuba a hi nwi-
- na mu wulawulako, kanilezi hi Moya wa Basa.
Mat. 10. 19. Luka 12. 11. & 21. 14.
Mit. 2. 4. & 4. 8, 31.
- 12 A makabye i ta nyikela a makabye kufeni, ni raru a nwana wakwe; ni banana ba ta suka ba vukela ba batrali babye, ba ba dayisa.
Mat. 10. 21. & 24. 10. Luka 21. 16.
- 13 Nwina mu ta bengiwa hi banhu bonkle hi kota ya bito ga mina: kanilezi loyi a tiyako kala kugumelwa, ywaloye i ta haniswa.
Mat. 10. 22. & 24. 9, 13. Luka 21. 17.
Kuv. 2. 10.
- 14 Kanilezi laha mu wona a xinyenyiso xa xihangalaso xi yimile laha ku nga faneliko (nga loyi a gonzako a pima), zonake laba ba nga le Judia ba cabele zitsungeni:
Mat. 24. 15. Luka 21. 21.
- 15 Ni loyi a nga le xi xingweni xa yindlu a nga ta cika lahasi, a nga ta engena nzeni, a ku teka ncumo ndlwi-ni yakwe:
- 16 Ni loyi a nga le masinwini a nga ta wuya ku teka a nguwo yakwe.
- 17 Kombo ka bona laba ba nga ni tinyimba ni laba ba anwisako hi lawo masiku!
Luka 21. 23. & 23. 29.
- 18 Kombelani nwina lezaku ku nga maheki hi wuxika.
- 19 Hakuba ka lawo masiku ku ta ba kona kuxaniseka, loku ku nga nga ku nga hi kona hi kusanguleni ka kumahiwa loku Nungungulu a nga

- ku maha kala makunu, ci-
ma a ku nga ta ba kona.
Mat. 24. 21.
- 20 Saseka loku a Hosi yi hu-
ngutile a masiku, a yi kona
a nyama yi nga ta nga yi
hanyiswa: kanilezi hi ba
hlawulilweko ntsena, laba
a ba hlawulileko, yena i hu-
ngutile a masiku.
- 21 Zonake loku a munhu a
wula ka *nwina*, Mangabye,
hi loyi Kristu; kutani, Ma-
ngabye, hi gaya; mu nga
kolwi:
Mat. 24. 23. Luka 17. 23. & 21. 8.
- 22 Hakuba ku ta humba ba Kri-
stu ba mawunwa ni baprofe-
ti ba mawunwa, ba ta woni-
sa ziwoniso ni zidamiso, kasi
ba fela kupengisa, ni ba
hlawulilweko loku zi kote-
ka.
- 23 Kanilezi *nwina* klarihani:
mangabye, nzi mu byelile
zonkle zilo hi mahlweni.
2 Pet. 3. 17.
- 24 Kanilezi ka lawo masiku,
a nzako ka loko kuxanise-
ka, a gambo gi ta pfupela
ni hweti yi nga ta humesa
ku wonekela ka yona,
Mat. 24. 29, &c. Luka 21. 25.
- 25 Ni tinyeleti ti tawa hi le
tilweni, ni tamo lowu wu
nga le matilweni wu ta tse-
katsekiswa.
- 26 Lahoke ba ta wona a Nwa-
na wa munhu na ata hi ma-
refu ni tamo ya hombe ni
wukosi.
Mat. 16. 27. & 24. 30. xip. 14. 62. Mit.
1. 11. 1 Tesa. 4. 16. 2 Tesa. 1. 7, 10.
Kuv. 1. 7.
- 27 Zonake i ta ruma a tingelo-
si, tita tsombanyisa a ba
hlawulilweko bakweti mhe-
hweni ta mune, ku sukela
kwaleyo magumelweni ya
misaba ni kwaleyo magu-
melweni ya tilo.
- 28 Makunu hi le sinyeni ya
kuwu gonzani mufananiso:
laha na marabi ya wona.
manyuka, na wuhluka ma-
kluka ya wona, ma zi tiba
lezaku mbuxika gi nga ku
suhani;
Mat. 24. 32. Luka 21. 29, &c.
- 29 Zi ngaho na *nwinawu* ka-
mbe, laha na mu wona zilo
lezi zi maheka, zi tibenile-
zaku i le ku suhani, kona le
tinyangweni.
- 30 Hizinene nza wula ka *nwi-*
na, Lexi xizukulwana a xi
nga ta hunza, zi kala zonkle
lezi zilo zi tambetiseka.
- 31 A tilo ni misaba zi ta hunza:
kanilezi a timhaka ta mina
a ti nga ta hunza.
- 32 Kanilezi hi lego siku ni leyo
hora a nga kona a zi tibako
ge ni munwe, hambu tinge-
losi ta le tilweni, ge ni Nwa-
na, kanilezi Dadani.
- 33 Klarihani, rinzalani na mu
kombela: hakuba a mu xi
tibi ni xikati.
Mat. 24. 42. & 25. 13. Luka 12. 40. & 21.
34. Roma 13. 11. 1 Tesa. 5. 6.
- 34 Ku kota munhu, loku a nga
enzile ka ginwani tiko, na
siyile yindlu yakwe, na nyi-
kile a ntamo ka malanza
yakwe, na nyikile ginwani
ni ginwani a tiro wa gona,

i lo laya ni mulabeleli wa nyangwa ku rinzela.

Mat. 24. 45. & 25. 14.

- 35 Hikwalahorinzalani: haku-ba a mu zi tibi lezaku hi rini yi ta ngata hosi ya yindlu, kutani la ha gambyeni, kutani xikari ka wusiku, kutani kubeni ka kuku, kutani hi laha mixweni;

Mat. 24. 42. 44.

- 36 A nga ta ku a cikela hi kuhaklisa a mu kuma na mu eklele.

- 37 Lezi nzi wulako ka nwina nzi wula ka bonkle, rinzelani.

XIPIMO 14.

- 1 Makunu a nzako ka masiku mambiri a mubuzo wa pasika ni wa zibaba zi nga hi ko ni comelo: a bapristi ba hombe ni batsali ba lo laba lezaku ba ta mu koma hi ku yini hi wuklari gabye, ba mu daya:

Mat. 26. 2. Luka 22. 1. Joh. 11. 55. & 13. 1.

- 2 Hakuba ba te ngalo, A nga hi mubuzweni, ku nga ta ku ku hi kona a woyonga ga banhu.

- 3 Lezi a nga wa hi Betania ndlwini ya Simoni hlokonho, na tsamile za kugeni, laho ku lota a wasati na hi ni xikudzana xa alabasteri mafura ya spikenarda ya tsengo wa hombe; i lo panza xikudzana i lo xi cululela hehla ka hloko ya yena.

Mat. 26. 6. Joh. 12. 1, 3. Luka 7. 37.

- 4 Kanilezi ku wa hi kona laba ba nga hi ni zanga xikari ka wutsumbu gabye, baku, Hi kota ya yini loku kuxakela ka mafura ku mahilweko ke?

- 5 Hakuba laya mafura nga ma xabyisilwe hi tidenano to hunza a mazana manharu, ku nyikilwe ka zisiwana. Bona ba lo tsanwa ha yena.

Mat. 18. 28.

- 6 Kanilezi Jesu a ku ngalo, Nga mu mu tsika yece; hi yini mu mu karatako ke? yena i mahile a tiro wo saseka ka mina.

- 7 Hakuba mu na ni zisiwana xikati xonkle zinwe na nwina, loku mu nga mu kari mu zi ranza ma zi kota ku zi mahela kusaseka: kanilezi mina nwina a mu na mina xikati xonkle.

- 8 Yena i mahile lezi a nga zi kotako: i totile a miri wa mina hi mahlweni kasi ku kelelwa.

- 9 Hizinene nza wula ka nwina, Kani hi kwihhi laha a ivangeli yi ta nga kanelwa tikweni gonkle, ni lexi kambe a xi mahileko loyi wasati xi ta kanelwa ku maha xialakanyiso ha yena.

- 10 Judasi Iskarioti, loyi a nga hi munwe wa bakume ni bambiri, i loya ka bapristi ba hombe, lezaku kasi a fela ku mu nyikela ka bona.

Mat. 26. 14. Luka 22. 3, 4.

- 11 Na bona, laha na ba zi cwi

le, ba wa hlakana, ba lo mu tsumbisa a ku mu nyika a mali. Yena i lo laba a xikati xinene xa kuba a nga mu nyikelako ha xona ka-bye.

- 12 Hi siku goranga ga zibaba zi nga haba comelo, laha ba nga nyikela a pasika, a bapizani bakwe ba wula ka yena, Hi kwihi u ku ranzako lezaku nga hi ya longisela kasi wa fela kugela kona a pasika ke?

Mat. 26. 17. Luka 22. 7.

- 13 Yena a ruma a bapizani bakwe bambiri, aku ka bona, Fambani mutini, laho mu klangana ni munhu a rweleko a mbita ya mati: mu lanzeleni;

- 14 Ni laha a ta nga engena kona, wulani a munhu wo saseka wa yindlu, A Mugonzisi wa wula, Yi kwihi yindlu ya kuklangana, laha nzi ta ngaga a pasika ni bapizani ba mina ke?

- 15 Yena wutsumbu i ta mu kangeta a yindlu ya hombe ya le hehla yi longisilwe: laho mu longiselela hina.

- 16 Ni bapizani ba lo famba, ba lota mutini, ba lo kuma kota a nga wula ka bona: ba lo longisela a pasika.

- 17 Laha gi nga wa hlwile ata ni bakumi ni bambiri.

Mat. 26. 20, &c.

- 18 Kota lezi ba nga wa tsamile na бага, Jesu a ku ngalo,

Hizinene nza wula ka nwi-na, A munwe wa nwina i ta nzi nyikela, yena loyi a gako na mina.

- 19 Bona ba lo sangula ku xaniseka, ba ku ka yena munwe ni munwani, Hi mina ke?

- 20 Yena a ku ngalo kabye, Hi munwe wa bakume ni bambiri, loyi a nusako na mina ngelweni.

- 21 Hakuba a Nwana wa munhu wa famba, kota lezi ku tsalilweko ha yena: kanilezi kombo ka loye munhu a Nwana wa munhu a nyikelwako ha yena! ku saseka ka loye munhu loku a wa nga a nga tralwangi.

Mat. 26. 24. Luka 22. 22.

- 22 Kwatsi hi lezi ba nga haga, i lo teka a xibaba, laha na kesile, i lo xi kema, i lo nyika ka bona, a ku ngalo, Tekani nwina: lowu hi miri wa mina.

Mat. 26. 26. Luka 22. 19. 1 Kor. 11. 23.

- 23 Yena i lo teka a kopo, laha na kesile, i lo nyika ka bona: bonkle ba lonwa.

- 24 Yena a ku ngalo ka bona, Lowu hi nkata wa xivumelwano xa mina, lowu wu halatelwako a banyingi.

- 25 Hizinene nza wula ka nwi-na, A nzi nga hanwa leyimihanzi ya xivini, kala lego siku laha nzi ta nga ginwa giswa mufunweni wa Nungungulu.

- 26 Laha na yimbelele lisimu,

ba lo huma ba ya xitsunge-
ni xa ma Olivia.

Mat. 26. 30

27 Jesu aku kabye, Nwina
nwenkle mu ta hlamuki-
swa: hakuba ku tsalilwe,
Nzi ta lamata a murisi, ni
tiyivu ti ta hangalaka.

Mat. 26. 31.

28 Ahemba, a nzako na nzi vu-
kile, nzi ta famba mahlwe-
ni ka nwina nzi ya Galile.

xip. 16. 7.

29 Kanilezi Petro a ku ngalo
ka yena, Hambu bonkle ba
hlamuka, mina ge.

Mat. 26. 33, 34. Luka 22. 33. 34. Joh.
13. 37, 38.

30 Jesu aku ka yena, Hizinene
nza wula ka wena, lezaku
wena nyamukla, gona wu-
siku, legi na kuku na wu
nga se kuba kumbiri, u ta
kaneta kunharu.

31 Kanilezi yena i wulawula
hi kutiyisa nguvu, Loku
nzifa na wena, nzi nga ta
ku kaneta. Zi ngaho ba
lo wulisa lezo bonkle.

32 Bata wutsanweni gi lo ti-
byako Getsemane: yena a
wula ka bapizani bakwe,
Tsamani laha, laha na nza
ha kombela.

Mat. 26. 36. Luka 22. 39. Joh. 18. 1.

33 Yena a teka zinwe naye Pe-
tro na Jamesi na Johani,
i lo sangula kuhlamala ha
hombe, i lo karateka nguvu.

34 Yena a wula ka bona, A
muhefemulo wa mina wu
xanisekile ha hombe nguvu
hambu kona ka kufa: tsa-

mani nwina laha, mu ri-
nzela.

Joh. 12. 27.

35 Yena i lo famba mahlweni
ku tsongwani, i lowa misa-
beni, a kombela lezo, loku
zi koteka, a hora a yi hu-
nze ka yena.

36 Yena a-ku ngalo, Abba, Da-
dani, zonkle zilo za koteka
ka wena; susa leyi kopo ka
mina: ahemba a hi kura-
nza ka mina, kanilezi kota
kuranza ka wena.

Roma. 8. 15. Gal. 4. 6. Heb. 5. 7.
Joh. 5. 30. & 6. 38.

37 Yena ata, a ba kuma na ba
eklele, a wula ka Petro, Si-
moni, wa eklele ke? a ku
na ku zi kota a ku rinzela a
hora yinwe ke?

38 Rinzalani mu kombela, kasi
mu nga engeni kuringweni:
a Moya ha kunene wa vu-
mela, kanilezi a nyama ya
rereka.

Roma 7. 23. Gal. 5. 17.

39 I lo engeta kambe a famba,
i lo kombela, aku twaleto
timhaka.

40 I lo wuya kambe, i lo ba
kuma na ba eklele, hakuba
mahlo yabye ma wa tika
nguvu; ba nga zi tibi aku-
ba ba ta mu hlamulisa ku
yini.

41 Yena ata hi xikati xu wu-
nharu, aku ka bona, Ekle-
lani makunu, mu ti humu-
lela: ku enele; a hora yi tile;
mangabye, a Nwana wa
munhu i nyikelwe mandle-
ni ya baonhi.

Joh. 13. 1.

42 Sukani, a hi fambeni: mangabye, loyi a nzi nyikelako i tsinele.

Mat. 26. 46. Joh. 18. 1, 2.

43 Ni zalezo, laha na ha ku wa wulawula, ata Judasi, a munwe wa bakume ni bam-biri, zinwe ni xidlemo ni tisupado ni zigomba, ba ta hi le ka bapristi ba hombe ni batsali ni masingalakati.

Mat. 26. 47. Luka 22. 47. Joh. 18. 3.

44 Makunu loyi a mu nyikeleko i wa ba nyikile a xikangeto aku, Ka yena loyi nzi ta nga mu trotra, loye hi yena; mu tekeni, mu famba naye kwatsi.

45 Laha a nga wata, zalezo i lota ka yena, aku, Rabi; i lo mu trotra.

46 Bona ba lo klateka a mandla yabye hehla ka yena, ba lo mu teka.

47 Kanilezi a wokari wabye laba ba nga yimile i lo hlomula a supado yakwe, i loba a nanza ga mupristi wa hombe, i lo tsema ndlebe yakwe.

48 Jesu i lo hlamula a ku ngalo kabye, Nwina mu humele, kota mu hlomelako a mupangi, ni tisupado ni zigomba a kuta koma mina ke?

Mat. 26. 55. Luka 22. 52.

49 Mina nzi wa hi na nwina masiku wonkle tempeleni na nzi gonzisa, na nwina a mu nzi komangi: kanilezi loku ku mahekile kasi a mitsalo wa tatiseka.

Luka 22. 37. & 24. 44.

50 Ni bonkle ba lo mu siya, ba tsutsuma.

xipm. 27.

51 Ni jaha gokari gi nga lanzela zinwe naye, i wa hi ni nguwo yo basa a nga yi huxetile mirini wakwe, ba lo mu koma:

52 Kanilezi yena i lo siya nguwo yo basa, i lo tsutsuma na hi xibyiri.

53 Bona ba lo yisa Jesu ka mupristi wa hombe: bo tso-mbene katiginwe naye bonkle bapristi ba hombe ni masingalakati ni batsali.

Mat. 26. 57. Luka 22. 54. Joh. 18. 13.

54 Petro i wa mu lanzela hi le kule, hambu xikari, le hubyeni ya mupristi wa hombe; yena i wa lo tsama ni manganakana, a ora wutsumbu gakwe nzilweni.

55 Makunu a bapristi ba hombe ni hubye yonkle yi wa laba bakustumunyu ha Jesu kasi by fela ku mu daya; a ba ba kumangi.

Mat. 26. 59.

56 Hakuba banyingi ba nga wa maha wukustumunyu ga mawunwa ha yena, a wukustumunyu gabye a gi vumelanangi.

57 Laho ku lo yima a bokari, ba lo maha wukustumunyu ga mawunwa ha yena, baku,

58 Hi mu zwile aku, Nzi ta kungumula leyi tempele yi mahilweko hi mandla, hi masiku manharu nzi ta aka

yinwani yi nga mahiwangi-
ko hi mandla.

xip. 15. 29. Joh. 2. 19.

59 Hambu lezo a wukustumu-
nyu gabye a gi vumelana-
ngi.

60 Ni mupristi wa hombe i lo
yima xikari, i lo wutisa Je-
su, aku, A ku hlamuli ncumo
ke? hi yini lezi laba ba ku-
stumunyu ha wena ke?

Mat. 26. 62.

61 Kanilezi yena i lo miyela,
a nga hlamulangi ncumo.
Kambe a mupristi wa ho-
mbe i lo mu wutisa, Wena u
hi Kristu, a Nwana wa loyi
a Katekisilweko ke?

Mat. 26. 63.

62 Jesu i lo ngalo, Nzi hi yena:
nwina mu ta wona a Nwana
wa munhu na a tsamile hi
canjeni ga xinene ga nta-
mo, na ata hi marefu ya
tilo.

Mat. 24. 30. & 26. 64. Luka 22. 69.

63 Ni mupristi wa hombe i lo
hanzula tinguwo takwe, a
ku, Ha ha nonohisa ha ha
labela a bakustumunyu ke?

64 Mu zi zwile a nzukano: mu
alakanya yini ke? bonkle ba
lo mu kona ku nga a fane-
lwa hi kufa.

65 Banwani ba lo sangula ku
mu pelela, ni ku vala ngo-
he yakwe, ni ku mu fumbu-
ta, ni ku wula ka yena, Vu-
mba: ni manganakana ba
lo mu amukela hi ku mu
pakata hi mandla yabye.

66 Kota lezi Petro a nga wa hi
lahasi lomo hubyeni, ku lota

a xitiri xa nhwana wa mu-
pristi wa hombe;

Mat. 26. 58, 69. Luka 22. 55. Joh. 18.
16.

67 Na wona Petro a kari a ora a
wutsumbu gakwe, yena i lo
mu cuwuka, a wula, Wena-
wu kambe u wa hi ni mu
Nazareta, yena Jesu.

68 Kanilezi yena i lo kaneta,
aku, Cima a nzi tibi, a nzi
pimi ni lezi u zi wulako: ye-
na i lo humalaha nyangwe-
ni; ni kuku wu loba.

69 Ni nhwana i lo mu wona, i
lo sangula kambe ku wula
ka bona ka laba ba nga yi-
mileko kona, Loyi hi mu-
nwe wa bona. Kanilezi i lo
kaneta kambe.

Mat. 26. 71. Luka 22. 58. Joh. 18. 25.

70 A nzako ka xikatanya na
kambe laba ba nga yimile
ko kona ba ku ngalo ka Pe-
tro, Ha kunene wena u mu-
nwe wa bona; hakuba u wa
le Galile.

Mat. 26. 73. Luka 22. 59. Joh. 18. 26.
Mit. 2. 7.

71 Kanilezi yena i lo sangula
ku rukatela, ni ku hlamba-
nya, A nzi mu tibi loyi mu-
nhu mu wulawulako ha
yena.

72 Zalezo hi xikati xa wumbiri
a kuku wu loba. Petro i lo
alakanya a mhaka, a ku i
wa wulisile ku yini Jesu ka
yena, Hi mahlweni na ku-
ku wu nga se kuba kumbi-
ri, u ta nzi kaneta kunharu,
Laha na alakanyile hi lezo,
i lo rila.

Mat. 26. 75.

XIPIMO 15.

1 Zalezo ni mixo a bapristi ba hombe ni masingalakati ni batsali, ni hubye yonkle, ba lo byeletelana, ba lo boha Jesu, ba lo famba naye, ba lo mu yisa ka Pilatu.

Mat. 27. 1. Luka 22. 66. & 23. 1. Joh. 18. 28. Mit. 3. 13. & 4. 26.

2 Pilatu i lo mu wutisa, Wena u hi Hosi ya ba Juda ke? Na hlamula a wula ka yena, Wa wula wena.

Mat. 27. 11.

3 Ni bapristi ba hombe ba lo mu kecara hi zilo zinyingi.

4 Pilatu i lo mu wutisa kambe, aku, A ku hlamuli ncumo ke? languta zilo zi ngani ba ku kecarako ha zona.

Mat. 27. 13.

5 Kanilezi Jesu a nga ha engetangi a hlamula ncumo kambe; kota lezo Pilatu i lo dama.

Joh. 19. 9.

6 Makunu mubuzweni yena i wa tolobela ku ba klaklisela a peresu yinwe, loyi ba ta nga wutisa ka yena.

Mat. 27. 15. Luka 23. 17. Joh. 18. 39.

7 Ku wa hi kona munwe a nga bitanwa Barabasi, na bohilwe ni laba ba nga mahile xikanya, a banhu laba hi kukanyisa ba nga dele banhu.

8 Ni xidlemo xi loya hehla xi sangula ku kombela kumaha kota lezi a nga tolobele ku ba mahela.

9 Pilatu i lo ba wutisa, aku, Ma zi ranza lezaku nzi kla-

klisa a Hosi ya ba Juda ka nwina ke?

10 Hakuba yena i wa lo zi tiba lezaku hi wukuxu a bapristi ba hombe ba lo mu nyikele.

11 Kanilezi a bapristi ba hombe ba lo ku cetela a xidlemo, lazaku nga a ba klaklisela Barabasi.

Mat. 27. 20. Mit. 3. 14.

12 Pilatu a hlamula kambe a ku ka bona, Nzi ta maha yini zonake ka loyi nwina mu mu bitako muku i Hosi ya ba Juda ke?

13 Bona ba lo bitana kambe, Mu belele.

14 Pilatu a ku ngalo kabye, Hi yini, i mahile yini xa ku biha ke? Kanilezi bona ba wa su simamisa ba bitana, Mu belele.

15 Pilatu, na a ranza ku kolisa a xidlemo, i lo ba klaklisela Barabasi, i lo nyikela Jesu, laha a mu bile, i loya belelwa.

Mat. 27. 26. Joh. 19. 1, 16.

16 A bakasadoro ba lo mu yisa nzeni ka hubye, leyi yi nga Pretorio; ba lo bitana a katiginwe a klawo wonkle.

Mat. 27. 27.

17 Ba mu ambexa a xiwunguwungu, na ba luka a xidlo-dlo xa mizwa, ka klateka ka yena;

18 Ba lo sangula ku mu losa, Xewe, Hosi ya ba Juda!

19 Bona ba loba a hloko yakwe hi lihlanga, ba lo mu pelela

- ribye nyangweni ya kele ke?
- 4 Na cuwuka le hehla, ba wona lezaku a ribye gi rinzilitilwe le nzako: hakuba gi wa hi ga hombe nguvu.
- 5 Na ba engena keleni, ba lo wona a jaha gi tsamile hi klelweni ga xinene, gi wa ambele a nguwo yo basa; bona ba lo dama.
Luka 24. 8. Joh. 20. 11, 12.
- 6 Yena aku kabye, Mu nga damiswi: mu laba Jesu, wa Nazarata, loyi a nga belelwe: i vukile; a nga kona laha: mangabye, a wutsamo legi ba nga mu bekile kona!
Mat. 28. 5, 6, 7.
- 7 Kanilezi fambani, mu ya byela a bapizani bakwe na Petro, Yena i famba mahlwani ka nwina aya Galile: laho mu ta mu wona kona, kota a nga wula ka nwina.
Mat. 26. 32. xip. 14. 28.
- 8 Bona ba lo huma, ba lo tsutsuma hi le keleni; hakuba a kururumela ni kuhlamlala ku wa hi na bona: ba wa nga wulangi ncumo ka munhu; hakuba bona ba wa caba.
Mat. 28. 8. Luka 24. 9.
- 9 Makunu na vukile ni punzu hi siku gi ranga ga sonto, i lo woneka kuranga ka Maria Magdalene, ka yena a nga hlongola a nklanu wa madimoni ni mambiri.
Joh. 20. 14. Luka 8. 2.
- 10 Yena i loya ba byela laba ba nga wa hi naye, kota lezi ku nga hi xirilo ni mikosi.
Luka 24. 10. Joh. 20. 18.
- 11 Na bona, laha bona ba zi zwile ku ngalo wa hanya, ni i wonilwe ha yena, a ba wa nga kolwangi.
Luka 24. 11.
- 12 A nzako ka lezo zilo i lo woneka ka banwani bambiri hi xinwani xiyimo, kota ba nga wa famba, ndleleni yabye ba ya tikweni.
Luka 24. 13.
- 13 Bona ba lo famba ba ya byela baseleko: a ba wa kolwangi bona.
- 14 A nzako ka lezo i lo woneka ka bakume ni munwe a wutsumbu gabye kota ba nga wa tsamile za kugeni; i lo ba sola hi kungakolwi kabye ni kunonoha ka timbilu, hakuba a ba kolwangi bona laba ba nga mu wona a nzako na vukile.
Luka 24. 36. Joh. 20. 19. 1 Kor. 15. 5.
- 15 Yena a ku kabye, Fambani nwina tikweni gonkle, mu kanela ivangeli ka zimahwa zonkle.
Mat. 28. 19. Joh. 15. 16. Kol. 1. 23.
- 16 Loyi a kolwako a bapatizwa i ta hanyiswa; kanilezi loyi a nga kolwiko i ta koniwa.
Joh. 3. 18, 36. Mit. 2. 38. & 16. 30, 31. 32. Roma 10, 9. 1 Pet. 3. 21. Joh. 12. 48.
- 17 Lezi ziwoniso zi ta ba lanze-la laba ba kolwako: hi bito ga mina ba ta hlongola ma-

- dimoni; ba ta wulawula hi tirimi tiswa;
Luka 10. 17. Mit. 5. 16. & 8. 7. & 16. 18. & 19. 12. Mit. 2. 4. & 10. 46. & 19. 6. 1 Kor. 12. 10, 28.
- 18 Ba ta koma tinyoka, loku banwa a xilo xokufa, ti nga ta ha ba lomata; ba ta *klateka* mandla yebye ka baba-byi, ba ta ba hanyisa.
Luka 10. 19. Mit. 28. 5. & 5. 15, 16. & 9. 17. & 28. 8. Jam. 5. 14, 15.
- 19 Lezo a Hosi Jesu, a nzako na wulawulile ka bona, i lo amukelwa hehla tilweni, ni ku tsama hi le canjeni ga xinene ga Nungungulu.
Mit. 1. 2, 3. & 7. 55. Luka 24. 51.
- 20 Bona ba lo famba, ba ya kana gongole wutsamo, a Hosi yi wa tira nabo, i lo tiyisa a mhaka ya ziwoniso zi nga ba lanzela. Amen.
Mit. 5. 12. & 14. 3. 1 Kor. 2. 4, 5. Heb. 2. 4.

IVANGELI HI KA LUKA.

XIPIMO 1.

- 1 Kotalezi a banyingi ba ringileko a ku hlawutela a masukela ya mahungu laya ma tatisekileko xikari ka hina,
- 2 Kota lezi ba nga ma nyika ka hina, laho hi kusanguleni ba nga bakustumunyu ba mahlo ni zikozeli za mhaka,
Heb. 2. 3. 1 Pet. 5. 1. 2 Pet. 1. 16. 1 Joh. 1. 1. Marku 1. 1. Joh. 15. 27.
- 3 Zi wonekile kwatsi ka mina kambe, na nzi hlolile ndlelaya zilo zongole ha kunene ku suka hi leyo ka za kusangula, kutsala ka wena hi kuxaxameta, wena u duni-leko ha hombe Teofilu;
Mit. 1. 1. & 11. 4. & 15. 19, 25, 28. 1 Kor. 7. 40.
- 4 Kasi wena wa fela a ku tiba a zinene hi zilo u gonzisilweko.
Joh. 20. 31.
- 5 Ku wa hi kona masikwini ya Herodi, a hosi ya le Judia, a mupristi wokari, a bitwako Zakaria, wa *klawa* wa Abija: i wa hi ni wasati wa banhwana ba ka Aroni, ni bito gakwe i wa hi Elisabeti.
Mat. 2. 1.
- 6 Bonkle ba wa lulamile mahlweni ka Nungungulu, na ba famba hi milayo ni kulaya ka Hosi ba wa nga hi na nanzu.
- 7 Ba wa nga hi na nwana, hakuba Elisabeti i wa hi ngonwa, bona bonkle makunu ba wa kosahela.
Mit. 23. 1. & 24. 16. Fil. 3. 6.
- 8 Makunu na ku mahisile lezo, laha na ha kozela nti-rweni wa wupristi mahlweni ka Nungungulu hi ku xaxamela ka *klawa* wakwe,

- 9 Kota a mukuwo wa ntiro wa mupristi, a kuhlrawulwa kakwe ku wa hi ku engena lomo tempeleni ya Hosi a hisa a libani.
- 10 Ni xidlemo xonkle xa banhu xi wa hi lahandle xi kombela hi hora ya ku hiswa libani.
Kuv. 8. 3, 4.
- 11 Laho ku lo woneka ka yena a ngelosi ya Hosi na yi yimile hi klelo ga xinene ga alati ga ku hiselwa a libani.
- 12 Zakaria i lo karateka laha a nga yi wona, ni kucaba ku lo cikela kakwe.
xipm. 20. xip. 2. 9. Mit. 10. 4. Kuv. 1. 17.
- 13 Kanilezi a ngelosi yi ku ngalo ka yena, U nga cabi, Zakaria: hakuba a mikombelo ya wena yi zwilwe, ni sati wa wena Elisabeti i ta ku tralela a nwanana, wena u ta cula bito gakwe hi Johani.
xipm. 60. 63.
- 14 Wena u ta ba ni kunengela ni kutsaka; ni banyingi ba ta nengela hi kutralwa kakwe.
xipm. 58.
- 15 Hakuba i ta maha wa hombe mahlweni ya Hosi, yena a nga tanwa a waini, ni kunwa ka ntamo; yena i ta tatiswa hi Moya wa ku Basa, hi lomo rubyini ga nyine wakwe.
xip. 7. 83. Gal. 1. 15.
- 16 Ni banyingi ba banana ba Israeli i ta ba wuyela ka Hosi Nungungulu wabye.
- 17 Yena i ta famba mahlweni

ka ngohe yakwe moyeni wa ntamo wa Elija, akuba a hunzula a timbilu ta bararu ka banana, ni ba ngaingsiko a ku famba hi kuklariha ka loyi wa kululama; ni ku longiselela a Hosi a banhu ba longiselweko yona.

Mat. 11. 14. Marku 9. 12.

- 18 Zakaria a ku ngalo ka ngelosi, Nzi ta tiba hi ku yini lexi? hakuba mina nzi munhu wa kale, ni sati wa mina i kosahela hi malembe manyingi.
- 19 A ngelosi na yi hlamula yi te ngalo ka yena, Nzi mina Gabrieli, loye a yimako mahlweni ka Nungungulu; nzi wa lo rumiwa ku ta wulawula ka wena, ni ku neha ka wena laya mahungu yo saseka.
Mat. 18. 10. Heb. 1. 14.
- 20 Wangabye, u ta miyeliswa u nga zi koti ku wulawula, ku kala ku cikela lego siku lezi zilo zi ta nga nga zi mahékile, hakuna wena a ku kolwangi timhaka ta mina, leti ti ta nga tatiseka hi xikati xa tona.
- 21 Ni banhu ba wa labelela Zakaria, ba lo dama laha na a ha hlwela lomo tempeleni.
- 22 Laha na humele, i wa nga zi koti ku wulawula ka bona: ba lo pima lezaku i wonile muwoniso lomo tempeleni: i lo simamisa a maha ziwoniso ka bona, i wa hi mbebebe.

23 Na ku mahisile lezo, laha masiku ya kukozela ka yena na ma tatisekile, i loya ndlwini yakwe.

24 Anzako ka laya masiku Elisabeti a sati wakwe i lo xura-nyimba; i lo ti fihla a nklanu wa tihweti, aku,

25 Zi ngaho yi mahile ka mina a Hosi masikwini yi cuwukileko ka mina, ku susa a tingana ta mina mahlwani ka banhu.

26 Makunu hi nklanu wa tihweti ni yinwe a ngelosi Gabrieli yi lo rumiwa hi Nungungulu kuya mutini wa Galile, wu bitwako Nazareta,

27 Ka mubulwa wu wutilweko hi munhu loyi a bito gakwe a nga Josefa, wa yindlu ya Davida; a bito ga mubulwa hi Maria.

Mat. 1. 18. xlp. 2. 4, 5.

28 Yona yi lota ka yena, yi ku ngalo, Xewe, wena u katekisilweko nguvu, a Hosi yi na wena.

xipm. 30.

29 Kanilezi yena i lo xaniseka nguvu hi loku kuwula, i lo alakanya yena a ku ngalo kuloswa ka ku fela ku maha yini loku.

xipm. 12.

30 Ni ngelosi yi ku ngalo ka yena, U nga cabi, Maria: hakuba wena u kumile kukatekiswa ka Nungungulu.

31 Wangabye, u ta xura-nyimba rumbyini ga wena, u

ta trala a nwana, u ta cula bito gakwe hi JESU.

Mat. 1. 21. xlp. 2. 21.

32 Yena i ta maha wa hombe, i ta bitanwa a Nwana wa loyi a nga Hehla-Hehla: ni Hosi Nungungulu i ta mu nyika xitsamo xa raru wakwe Davida.

Marku 5. 7. Kuv. 3. 7.

33 Yena i ta fumela hehla ka yindlu ya Jakobe kala kupinzika; a mufumo wakwe cima wu nga ta gumelwa.

Joh. 12. 34. Heb. 1. 8.

34 Maria a ku ka ngelosi, Zi ta maheka hi ku yini lezi, na u wona lezaku a nzi tibi wanuna?

35 Ni ngelosi yi lo hlamula yi ku ngalo ka yena, A Moya wa ku Basa wu tata hehla ka wena, ni ntamo wa loyi a nga Hehla-Hehla wu tata ku finengeta: hikwalaho lexi xi ta nga tralwa xi ta bitiwa xo basa, a Nwana wa Nungungulu.

Mat. 1. 20. & 14. 33. & 26. 63, 64. Marku 1. 1. Joh. 1. 34. & 20. 31. Mit. 8. 37. Roma 1. 4.

36 Mangabye, Elisabeti makwenu, yenawu i xurile nyimba ya nisanyana wukosaneni gakwe: leyi hi hweti ya wunklanu ni yinwe ka yena loyi ba nga ku i ngonwa.

37 Hakuba a yi kona mhaka ya Nungungulu yi ta nga vumala ntamo.

Mat. 19. 26. Marku 10. 27. xlp. 18. 27. Roma 4. 21.

38 Maria a ku ngalo, Languta, a nanza ga Hosi; a ku ma-

- heke ka mina kota a mha-
ka ya wena. Ni ngelosi yi
lo suka ka yena.
- 39 Maria i lo suka hi ka lawo
masiku i loya tikweni ga zi-
tsunga hi kuhaklisa, muti-
ni wa le Juda;
- 40 I loya engena ndlwini ya
Zakaria i lo losa Elisabeti.
- 41 Na ku mahisile lezo, Laha
na Elisabeti na a zwile
kulosiwa ka Maria, a xi-
nwanana xi lo tsukumatsu-
kuma rubyini gakwe; na
Elisabeti i wa lo tatiswa hi
Moya wa ku Basa;
- 42 I lo klakusa a gezu gakwe
hi ku wulawula ka hombe,
a ku ngalo, U katekisilwe
wena xikari ka ba basati,
yi katekisilwe ni mbewu ya
nyimba ya wena.
xipm. 28.
- 43 Xita hi kwihi lexi ka mina,
lezaku a nyine wa Hosi ya
mina i tata ka mina ke?
- 44 Hakuba languta, laha na
gezu ga kulosa ka wena gi
tile tindlebeni ta mina, a
nwanana i lo tsukumatsu-
kuma nyimbeni ya mina hi
kutsaka.
- 45 I katekile yena loyi a nga
kolilwe; hakuba ka yena ku-
tatatiseka a zilo lezi zi wula-
wulilweko ha yena hi Hosi.
- 46 Maria a ku ngalo,
A muhefemulo wa mina
wu dumisa a Hosi.
- 47 Ni moya wa mina wa tsa-
ka ha Nungungulu Mu-
hanyisi wa mina.
- 48 Hakuba i cuwukile a wu-
lahasi ga nanza gakwe:
Hakuba wangabye, ku
suka lezi zonkle a zizuku-
lwana zi ta nzi bitana ku
ngalo nzi katekile.
xip. 11. 27.
- 49 Hakuba loyi a nga ni nta-
mo i mahile ka mina a
zilo za hombe nguvu; gi
basile a bito gakwe.
- 50 Ni wuxinji gakwe gi ka
zizukulwana ni zizuku-
lwana ka bona laba ba
mu cabako.
- 51 Yena i kangetile a ntamo
wakwe hi woko gakwe;
yena i hangalasile a ba ti
ku kumukisako kualaka-
nyeni ka timbilu tabye.
• 1. Pet. 5. 5.
- 52 I wisile tihosi zitsanweni
zabye, i klakusile laba ba
nga lahasi.
- 53 Laba ba zwako ndlala i
ba xurisile hi zilo zo sase-
ka; laba ba fumileko i ba
fambisa na ba hi haba
ncumo.
- 54 Yena i vunile Israeli a na-
nza gakwe, kasi a fela ku
alakanya wuxinji
- 55 (Kotalezi a nga wulawu-
la ka bararu ba hina) ka
Abrahama ni mbewu ya-
kwe kala kupinzuka.
Roma 11. 28. Gal. 3. 16.
- 56 Maria i lo tsama na yena
tihweti tinharu, i lo wuya
le ndlwini yakwe.
- 57 Makunu a xikati xa Elisa-
beti xilo tatiseka kasi a fela

kuhefemula; yena i lo trala nisanyana.

58 A baakelane bakwe ni maxaka yakwe ba lozwa lezaku a Hosi yi wonekelisile a wuxinji ga yona ha yena; ba lo tsaka zinwe na yena.

xipm. 14.

59 Na ku mahisile lezo hi masiku ya nklanu ni manharu, lezi ba nga ta mu maha a kwera a nwanana; ba wa ranza ku nga ba mu cula a bito ga Zakaria, ba vuxa a bito ga raru wakwe.

60 Ni nyine wakwe i lo hlamula a ku ngalo, A zi ngaho; nga a culiwa ku ngalo hi Johani.

xipm. 13.

61 Bona ba te ngalo ka yena, A nga kona wa xaka ga nwina a bitwako hi bito legi.

62 Bona ba lo maha xiwoniso ka raru wakwe, lezaku i ranza ku nga a bitiwa hi ku yini yena.

63 Yena i lo wutisa a mezana ya kutsalela kona, yena i lo tsala, aku, A bito gakwe hi Johani. Ba lo hlamala bonkle.

xipm. 13.

64 Kalakale a nomu wakwe wu la su vululeka, ni lirimi lakwe li lo klakleka yena i lo kaneka, na a bonga Nungungulu.

xipm. 20.

65 Ni kucaba ku lota ka bona bonkle ba akileko kusuhaninabo: leti timhaka tonkle ti

zwakala tikweni gonkle ga zitsunga ga Judia.

xipm. 39.

66 Ni bonkla laba ba nga ti zwa ba lo ti beka lomo mbi lwini wabye, baku, Kunene i ta maha a nwanana wa ku yini loyi ke? Hakuba a canja ga Hosi gi lo na yena.

xip. 2. 19, 51. Mit. 11. 21.

67 Ni raru wakwe Zakaria i wa tatisilwe hi Moya wa ku Basa i profeta, aku,

68 Yi katekisilwe a Hosi, Nungungulu wa Israeli; Hakuba i ba enzele i mahile kuklakliwa ka banhu bakwe,

xip. 7. 16.

69 I humesile a lihonzo la kuhanyisa ka hina ndlwini ya nanza gakwe Davida

70 (Kotalezi a nga kanela hi milomu ya baprofeti bakwe bobasa laba ba nga hi kona cima kusangula a tiko),

Mit. 3. 21. Roma 1. 2.

71 A ku hi hanyisa balaleni ba hina, ni le mandleni ya bona laba ba hi bengako;

72 Ni ku wonisa a wuxinji gi nga wa wulilwe ka bararu ba hina, ni ku alakanya xivumelwano xakwe xo basa:

xipm. 54.

73 A xifungo lexi a nga hlambanya ka Abrahamama a raru wa hina,

Heb. 6. 13, 17.

74 A kuba a hi nyika lezaku

hi *klakliwa* ka balala ba
hina, hi mu kozela na hi
nga hi na kucaba,

Roma 6. 18, 22. Heb. 9. 14.

75 Le kubaseni ni le kulula-
meni mahlweni ka yena
wonkle a masiku ya hina.
Efc. 4. 24. 2 Tesa. 2. 13. 2 Tim. 1. 9.
Tit. 2. 12. 1 Pet. 1. 15. 2 Pet. 1. 4.

76 Ina, wenawu, *nwanana*,
u ta bitanwa muprofeti
wa loyi a nga Hehle-
Hehla: hakuba u ta fa-
mba mahlweni ka ngohe
ya Hosi a ku longisela a
tindlela takwe;

Mat. 11. 10. xipm. 17.

77 A ku nyika a kutibiya
ka kuhanyiswa ka banhu
bakwe ku tsetselelweni
ka zonho zabye,

Marku 1. 4. xip. 3. 3.

78 Hakuba hi wuxinji ga
Nungungulu wa hina, le-
go hi kuca ka le hehla a
ta nga hi enzela ha gona,

79 A kuwoninga ka bona la-
ba ba tsamileko munya-
meni ni le nzutini wa
kufa; a kangeta miko-
nzo ya hina ndleleni ya
kurula.

Mat. 4. 16. Mit. 26. 18.

80 Ni *nwanana* i lo kula, i lo
ngangamukelana hi ntamo
moyeni, i wa hi le xiwuleni
ku kala sikwini ga ku wo-
nekeliswa kakwe ka Israeli.

xip. 2. 40. Mat. 3. 1. & 11. 7.

XIPIMO 2.

1 Makunu na ku mahisile le-
zo ka lawo masiku, ku lo
biwahungu hi le ka Kesari

Augustu, a kuba a tiko go-
nkle gi tsalelwa.

2 Loku ku wa hi kutsala ku-
sangula laha Kurenio a nga
wa hi nduna ya le Siria.

Mit. 5. 37.

3 Bonkle ba lo famba a ku ya
ti tsala wutsumbu, loyi ni
loyi i waya mutini wa ba ka
kabye.

4 Josefa kambe i lo kanziya
hi le Galile, hi le mutini wa
le Nazareta, ata Judia, mu-
tini wa Davida, lowu wu
bitwako Betlehema, haku-
ba yena i wa hi wa yindlu
ni wa le ngangweni wa Da-
vida;

Joh. 7. 42. Mat. 1. 16. xip. 1. 27.

5 A ti tsalela a wutsumbu ga-
kwe zinwe na Maria, loyi a
nga wa wutilwe ha yena, i
wa lo sika hi nyimba.

Mat. 1. 18. xip. 1. 27.

6 Na ku mahisile lezo, laha
ba nga wa hi leyo, a masiku
ma lo tatiseka lezaku i ta
hefemula.

7 Yena i lo trala a nisanyana
wakwe wa matewula; i lo
mu petsela lomo dzobyeni, i
lo mu lata lomo xigowolwa-
ni, hakuba ba wa nga hi na
wutsamo lomo ndlwini ya
bapfumba.

Mat. 1. 25.

8 Leyo ku wa hi kona a bari-
si ka gwalego tiko ba nga
wa tsamile mikobeni, ba
nga wa labelela ni wusiku a
mi~~klambi~~ yabye.

9 Ni ngelosi ya Hosi yi lo yi-
ma ka bona, ni wukosi ga

Hosi gi lo ngangamela gi lo
ba ranzela : bona ba wa la
su cu hi kucaba.

xip. 1. 12.

- 10 Ni ngelosi yi te nga lo ka-
bye, Mu nga cabi ; hakuba
mangabye, nza mu nehela
nwina a mahungu yo sase-
ka ya kutsaka ka hombe ka
laya ma ta nga ba ka banhu
bonkle :

Mat. 28. 19. Marku 1. 15. xipm. 31, 32.
xip. 24. 47. Kol. 1. 23.

- 11 Hakuba kutrelwe ka nwina
legi siku mutini wa Davida
a Muhanyisi, loyi a nga Kri-
stu a Hosi.

Mat. 1. 16, 21. & 16. 16. xip. 1. 43.
Mit. 2. 36. & 10. 36. Fil. 2. 11.

- 12 Lexi hi xiwoniso ka nwina;
Nwina mu ta kuma a nwa-
nana na petselwe lomo dzo-
byeni, na a latilwe lomo xi-
gowolweni.

- 13 Ni kalakale laho ku wa hi
zinwe ni ngelosi a mabandla
ya le tilweni na ma dumisa
Nungungulu, maku,

Heb. 1. 14. Kuv. 5. 11.

- 14 A wukosi ka Nungungu-
lu le hehla, ni misabeni a
kurula ka banhu ku hi ka
bona a xalaliswako ha
bona.

xip. 1. 79. & 19. 38. Efe. 1. 6. & 2.
4, 7, 17. & 3. 10. 21. Kuv. 5. 11, 13.
Roma 5. 1. Kol. 1. 20. Joh. 3. 16.
2 Tesa. 2. 16. 1 Joh. 4. 9, 10.

- 15 Na ku mahisile lezo, laha
na tingelosi ti fambile ka
bona tiya le tilweni, a barisi
ba ku ka munwe ni munwa-
ni, A hi fambeni makunu
kona Betlehema, hi ya wona
xilo lexi xi mahekileko, lexi

a Hosi yi xi tibekiseleko ka
hina.

- 16 Bona ba lotta hi kuha/kliisa,
ba ta ba kuma bona Maria
ni Josefa, ni nwanana na a
latilwe xigowolweni.

- 17 Laha bona na ba zi wonile,
ba lo tibekisa a kuwula lo-
ku ku nga wulawulilwe ka-
bye hi loyi a nwanana.

- 18 Bonkle laba ba nga wa zi
zwile ba lo hlamala hi zilo
lezi zi nga wa wulawulilwe
ka bona hi barisi.

- 19 Kanilezi Maria i lo hlayisa
konkle loku kuwula, a ku
alakanya mbilwini yakwe.

xip. 1. 66. xipm. 57.

- 20 Ni barisi ba lo wuya, na ba
dumisa ba bonga Nungu-
ngulu hi zilo zonkle lezi ba
nga wa zi zwile ba zi woni-
le, kota lezi ku nga wula-
wulilwe kabye.

- 21 Laha a nklanu wa masiku
ni manharu na ma tatise-
kile kasi a ku mu maha
kwera, a bito gakwe gi lo
culwa JESU, lego gi nga
wa culilwe hi ngelosi hi ma-
hlweni na a nga se ku xu-
rwa nyimba.

Mat. 1. 21, 25. xip. 1. 31, 59.

- 22 Laha a masiku ya kubasi-
swa kabye kota nayo wa
Mosi ma nga wa tatisekile,
ba lo kanziya naye Jerusa-
lema, a ku ta mu nyikela ka
Hosi

- 23 (Kota ku tsalilweko naywe-
ni wa Hosi, Bonklelele a ba

- banuna laba ba vululako marumbu ba ta bitanwa bobasa ka Hosi),
- 24 A ku nyikelwa a munyike-lo kota lezi zi tsalilweko nayweni wa Hosi, A matuba mambiri, kutani mavinyani maswa ya zipomba.
- 25 Languta, ku wa hi kona munhu leyo Jerusalema, loyi a bito gakwe a nga wa hi Simeoni; loyi munhu i wa lulamile a kolekako, na langutela a kutangaliswa ka Israeli: ni Moya wa ku Basa wu wa hi na yena.
Marku 15. 43. xipm. 38.
- 26 Ku wa wonisilwe ka yena hi Moya wa ku Basa, lezaku a nga ta wona kufa, hi mahlweni na a nga se ku wona Kristu a Hosi.
Heb. 11. 5.
- 27 Yena i lotta hi ka Moya lomo tempeleni: laha a batrali ba mu engenisile a nwanana Jesu, kasi ba fela ku maha ka yena kota a mu-kuwo wa nayo,
Mat. 4. 1.
- 28 Zonake i lo mu amukela a mu angatela mawokweni yakwe, i ko katekisa Nungungulu, a ku ngalo,
- 29 Makunu nga nanza ga wena gi famba, O Hosi, kota a mhaka ya wena, hi kurula;
Fil. 1. 23.
- 30 Hakuba a mahlo ya mina wa wonile kuhanyisa ka wena,
xip. 3. 6.
- 31 Loku u nga ku longisela mahlweni ka tingohe ta banhu bonkle;
- 32 A kuwonekela ka ku wokinga ba Matiko, ni wukosi ga banhu ba wena ba Israeli.
Mat. 4. 16. Mit. 13. 47. & 28. 28.
- 33 A raru wakwe ni nyine ba wa hlamala hi lezi zilo zinga wa wulawulilwe hi kota ya yena;
- 34 Na Simeoni i lo ba katekisa, a ku ngalo ka Maria nyine wakwe, Languta, loyi a nwanana i yimilwe hi kuwa ni kuvuka ka banyingi ba Israeli; ni ku maha xiwoniso lexi xi kanetilweko;
Mat. 21. 44. Roma 9. 32, 33. 1 Kor. 1. 23, 24. 2 Kor. 2. 16. 1 Pet. 2. 7, 8. Mit. 28. 22.
- 35 Ina na wena a supado yi ta tsemakanya a muhefemulo wa wena; kasi a kualakanya ka timbilu ta banyingi ka ta wonekeliswa.
Joh. 19. 25.
- 36 Ku wa hi kona a munwe Ana, a muprofeti wa wasati, a nhanyana wa Fanueli, wa li xaka la Axeri (yena i wa kosahle, na a wa tsanile ni wanuna nklanu ni mambiri a malembe ku sukela wubulweni gakwe,
- 37 Yena i wa hi noni a nklanu wa makumi ni makumi manharu a malembe ni mune), i wa nga suki le tempeleni, na kozela hi kuyila ni mikombelo wusiku ni mumu.
Mit. 26. 7. 1 Tim. 5. 5.
- 38 Na wata hi xwalexo xikati, i lo nyika kubonga ka Nungungulu, i lo kanela ha

yena ka bonkle laba ba nga cuwukela kuklakiswa ka Jerusalema.

Marku 15. 43. xipm. 25. xip. 24. 21.

39 Ni laha na ba mbetile a zilo zonkle kota hi ka nayo wa Hosi, ba wuya le Galile, mutini wabye Nazareta.

40 Ni nwanana i lo kula, i wa hi ni ntamo, i lo tatiswa hi kuklariha: ni wuxinji ga Nungungulu gi wa hi ka yena.

xip. 1. 80. xipm. 52.

41 Ni batrali bakwe ba wa famba malembe wonkle Jerusalema mubuzweni wa pasika.

42 Laha a nga wa hi ni kume ni mampiri a malembe a tanga yakwe, ba lo kanziya kota a mukuwo wa mubuzo;

43 Laha bona na ba tatisile a masiku, kota ba nga wa ha wuya, a mufana Jesu i lo sala le nzako le Jerusalema; batrali bakwe ba wa nga zi tibangi;

44 Kanilezi ba wa alakanya lezaku i kona xikari ka kabye, ba lo famba a pfuka wa siku; ha lo mu laba xikari ka maxaka yabye ni ka ba tolo beleneko nabo:

45 Laha na ba nga mu kumangi, ba lo klelela Jerusalema, na ba laba yena.

46 Na ku mahisile lezo, a nza-ko ka masiku manharu ba lo mu kuma lomo tempele-

ni, na tsamile xikari ka masingalakati, na a bazwa, na ba wutisa ziwutiso,

47 Ni bonkle laba ba nga wa muzwa ba lo damiswa hi kupima kakwe ni kuhla-mula kakwe.

Mat. 7. 28. Marku 1. 22. xip. 4. 22, 32. Joh. 7. 15, 46.

48 Laha bona na mu wonile, ba lo hlamaliswa: ni nyine wakwe a ku ngalo ka yena, Nwananga, u hi mahele yini a za ku ngahi ke? wangabye, a raru wa wena na mina hi wa ku laba hi kuxaniseka.

49 Yena a ku ngalo kabye, Mu wa nzi laba hi ku yini ke? mu wa nga zi tibi lezaku nga nzi hi lomo ndlwini ka Dadani ke?

Joh. 2. 16.

50 Bona a ba pimangi loku kuwula a nga wula ka bona.

xip. 9. 45. & 18. 34.

51 Yena i lo relela nabo, i lotta Nazareta; yena i wa ingisa ka bona: a nyine wakwe i lo hlayisa loku kuwula mbi-lwini yakwe.

xipm. 19.

52 Ni Jesu i lo humelela hi kuklariha ni wukulu, i wa ranzwa hi Nungungulu ni banhu.

xipm. 40.

XIPIMO 3.

1 Makunu hi lembe ga kume ni nklanu ga kufuma ka Tibiriusi Kesari, Pontio Pilatu i wa hi mufumeli wa

- Judia, ni Herodi i wa hi nduna ya le Galile, na Filipu makabye wakwe i wa nduna ya tiko ga le Iturea ni Trakoniti, na Lusanio i wa hi nduna ya le Abilene,
- 2 Ni wupristini ga hombe ga Anasi na Kaiafasi, a mhaka ya Nungungulu i lota ka Johani a nwana wa Zakaria le xiwuleni.
Joh. 11. 49, 51. & 18. 13. Mit. 4. 6.
- 3 I lota matikweni wonkle ma renzelekeleko Jordani, na a kanela a kubapatizwa ka kuhunzuluka ni kutsetselelwa ka zonho;
Mat. 3. 1. Marku 1. 4. xip. 1. 77.
- 4 Kota lezi ku nga tsalilwe bukwinini ga Isaya muprofeti,
Gezu ga munwe a bitanako xiwuleni, Longisani nwina a ndlela ya Hosi, mu maha mipfukla ya kona yi lulama.
Mat. 3. 3. Marku 1. 3. Joh. 1. 23.
- 5 Ni minzelelo yonkle yi ta seletelwa, zonkle zitsunga ni zitsungana zi ta nehiwa lahasi; ni kugombonyeka ku ta lulamiswa, ni ti ndlela ta magomagoma ti ecetelwa;
- 6 Ni nyama yonkle yi ta wona kuhanyisa ka Nungungulu.
xip. 2. 10.
- 7 Hikwalaho i te ngalo ka zidlemono lezi zi ngaya kuya bapatizwa ha yena, Nwina tralo wa mapiri, hi mani a mu layako ku caba a kulo gi tako ke?
Mat. 3. 7.
- 8 Hiwalaho humesani a mihanzo yi faneleko kuhunzuluka, mu nga sanguli ku wula hi ka wutsumbu ga nwina, Hi na Abrahamama a Dadani wa hina: hakubanza wula ka nwina, lezaku Nungungulu hi laya maribye wa zi kota ku vuxela Abrahamama a banana.
- 9 Hambu makunu xihloka a xi bekilwe mutswini wa tisinya: tonklelele tisinya ti nga traliko mihanzo yo nanzuha ti ta gawulwa, ti hoxwa nzilweni.
Mat. 7. 19.
- 10 Ni zidlemono zi lo mu wutisa, ziku, Zonake hi yimelwe hi ku maha yini ke?
Mit. 2. 37.
- 11 Yena i lo hlamula a ku ngalo kabye, Loyi a nga ni mabaji mambiri, a mu nyike loyi a vumalako; ni loyi a nga ni za kuga; a mahe kotta lezo.
xip. 11. 41. 2 Kor. 8. 14. Jam. 2. 15, 16. 1 Joh. 3. 17. & 4. 20.
- 12 Laho kambe ku lota a bahlengisi ku bapatizwa, bona ba te ngalo ka yena, Mgonzisi, hi ta maha yini ke?
Mat. 21. 32. xip. 7. 29.
- 13 Yena a ku ngalo ka bona, Mu nga tekeli munhu ku hunza lezi mu yimiselweko.
xip. 19. 8.
- 14 Ni ba kasadoro kambe ba lo mu wutisa, baku, hinawu, hi ta maha yini ke? yena

a ku ngalo ka bona, Mu nga wukleli munhu ncumo, mu nga teki xilo xi nga faneliko; eneliswani hi kuri-hwa ka nwina.

15 Kota lezi a banhu ba nga cuwukela, a banhu bonkle ba wa wulawula timbilwini tabye hi kota ya Johani, lezaku kutani hi Kristu;

16 Johani i lo hlamula, aku ka bona bonkle, Mina ha kune-ne nzi mu bapatziza hi mati; kanilezi wa hata loyi a nga ni ntamo ku nzi hunza, loyi a tingoti ta zilato zakwe nzi nga fanelangiko ku ti klakla: yena i ta mu bapatziza hi Moya wa ku Basa ni nzilo:

Mat. 3. 11.

17 Loyi a lihlelo lakwe li nga canjeni gakwe, loyi a ta nga heherisisa a mabele yakwe, i ta hlengeletela a mabele yakwe magombeni yakwe; kanilezi a mungu i ta wu hisa hi nzilo wu nga timekiko.

Mat. 13. 80.

18 Hi kunwani kulaya kotala hikwalaho i lo kanela a mahungu yo saseka ka banhu;

19 Kanilezi Herodi a nduna, na kawukilwe ha yena hi kota ya Herodia a sati wa makabye, ni zilo zonkle za kubiha lezi Herodi a nga wa zi mahile,

Mat. 14. 3. Marku 6. 17.

20 I lo engeta ni lexi hehla ka

zona zonkle, lezaku i lo valala Johani paxweni.

21 Makunu na ku mahisile lezo, laha a banhu bonkle na ba bapatzizilwe, kasi, Jesu kambe na bapatzizilwe, na kombela, ni tilo gi lo vululwa,

Mat. 3. 12. Joh. 1. 32.

22 Ni Moya wa ku Basa wu lo relela hi dzumba, kota a tuba, hehla ka yena, ni gezu gi ta hi le tilweni, Wena u Nwana wa mina a ranzilweko; hi ka wena nza xalaliswa ha kunene.

23 Ni Jesu a wutsumbu gakwe, laha a nga wa sangula ku gonzisa, i wa hi ni makume manharu ya malembe a tanga yakwe, na a wa hi nwana (kota ku nga hlambanyiswa) wa Josefa, nwana wa Heli,

Mat. 13. 55. Joh. 6. 42.

24 I nwana wa Matati, nwana wa Levi, nwana wa Melki, nwana wa Jonai, a nwana wa Josefa,

25 Nwana wa Matatiasi, nwana wa Amosi, nwana wa Nahumi, nwana wa Esli, nwana wa Nagai,

26 Nwana wa Mati, nwana wa Matatiasi, nwana wa Semeini,

27 Nwana wa Joseki, nwana wa Joda, nwana wa Joana, nwana wa Resa, nwana wa Zerubabeli, nwana Xealtieli, nwana wa Neri,

- 28 Nwana wa Melki, nwana wa Addi, nwana wa Kosama, nwana wa Elmadamu, nwana wa Eri,
- 29 Nwana wa Jesu, nwana wa Eliezari, nwana wa Jorami, nwana wa Matati, nwana wa Levi,
- 30 Nwana wa Simeoni, nwana wa Juda, nwana wa Josefa, nwana wa Jonami, nwana wa Eliakimu,
- 31 Nwana wa Melea, nwana wa Manana, nwana wa Matata, nwana wa Natani, nwana wa Davida,
- 32 Nwana wa Jese, nwana wa Obedi, nwana wa Boazi, nwana wa Salmoni, nwana wa Nasoni,
- 33 Nwana wa Amidaba, nwana wa Arni, nwana wa Esroni, nwana wa Parezi, nwana wa Juda,
- 34 Nwana wa Jakobe, nwana wa Isaka, nwana wa Abrahamama, nwana wa Tera, nwana wa Nahora,
- 35 Nwana wa Serugi, nwana wa Rewu, nwana wa Pelegi, nwana wa Eberi, nwana wa Xila,
- 36 Nwana wa Kanani, nwana wa Arfaxadi, nwana wa Xemi, nwana wa Noa, nwana wa Lameka,
- 37 Nwana wa Metusela, nwana wa Enoke, nwana wa Jaredi, nwana wa Mahalaleli, nwana wa Kanani,
- 38 Nwana wa Enosi, nwana wa Sete, nwana wa Adamu, nwana wa Nungungulu.

XIIMO 4.

- 1 Ni Jesu, na tatiswa hi Moya wa ku Basa, i lo wuya hi le Jordani, i lo yiswa hi Moya xiwuleni a mune wa makume ya masiku,
Mat. 4. 1. Marku 1. 12. xip. 2. 27. xipm. 14.
- 2 Na ringiwa hi Satani. A nga wa ngagi ncumo ka lawo masiku: laha ma nga wa mbetekile, i lozwa ndlala.
- 3 Ni Satani i te ngalo ka yena, Loku wena u wa nga u hi Nwana wa Nungungulu, laya a ribye legi gi mahiswa a zibaba.
- 4 Jesu i lo hlamula ka yena, Ku tsalilwe, A Munhu a nga na ku hanya hi hi xibaba xoce.
- 5 I lo mu kanziyisa, a lo mu kombisa a mifumo yonkle ya tiko hi xikatana.
- 6 Ni Satani a ku ngalo ka yena, Nzi ta nyika ka wena yonkle leyi mifumo, ni wukosi ga yona: hakuba yi nyikilwe ka mina; ni ka loyi nzi mu ranzako nza mu nyika.
Joh. 12. 31. & 14. 30. Kuv. 13. 2, 7.
- 7 Hikwalaho loku wena u ta kozela mahlweni ka mina, yonkle yi ta maha ya wena.
- 8 Jesu i lo hlamula a ku ngalo ka yena, Ku tsalilwe, Wena u ta kozela a Hosi Nungungulu wa wena, yena yece wena u ta nga mu kozela.
- 9 I lo mu yisa Jerusalema, i lo mu yimisa xi xungweni

xa tempeli, a ku ngalo ka yena, Loku wena u hi Nwana wa Nungungulu, hoxa a wutsumbu ga wena hi leno:

Mat. 4. 5.

10 Hakuba ku tsalilwe, Yena i ta laya tingelosi takwe ha wena, ti ta ku gonga:

11 Ni kambe, Ni mandleni ya tona ti ta ku kamukela, u nga ta ku u kuyuka konzo wa wena ribyeni.

12 Jesu i lo hlamula a ku ngalo ka yena, Ku te ngalo, Wena u ta nga ringi a Hosi Nungungulu wa wena.

13 Laha na Satani na a mbetile kuringa konklelele, i lo suka ka yena xikatana.

Joh. 14. 30. Heb. 4. 15.

14 Jesu i lo wuya hi ntamo wa ka Moya le Galile: ni wudumo gi lo zwakala ha yena tikweni gonklega leyo.

Mat. 4. 12. Joh. 4. 43. xipm. 1. Mit. 10. 37.

15 Yena i lo gonzisa masinagogeni yabye, na dumiswa hi bonkle.

16 Yena i lotta Nazareta, laho a nga wundlwiwa kona: i lo engena, ku kota mukuwo wakwe, a sinagogeni hi si-ku ga sabado, i lo yima ku gonza.

Mat. 2. 23. & 13. 54. Marku 6. 1. Mit. 13. 14. & 17. 2.

17 Laho ku lo nyikiwa ka yena a buku ga muprofeti Isaya. I lo vuhula a buku,

i lo kuma a wutsamo laho ku nga wa tsalilwe.

18 A Moya wa Hosi wu le behla ka mina, Hakuba yi nzi hlawulile ku kanaela a mahungu yo saseka ka zisiwana: yena i nzi rumile kuba hungu hi kuklakliswa ka ba bohilweko, ni kuhanyisa ku wona ka zikumu, ni ku klaklisa laba ba karatwako,

19 Ni kuba hungu hi lembe gi amukelekako ga Hosi.

20 Yena i lo gi vala a buku, i lo gi wuyisela ka nanza, i lo tsama lahasi: ni mahlo ya bona bonkle ba nga wa hi sinagogeni ma lo mu cuwukisisa.

21 Yena i lo sangula ku wula ka bona, Nyamukla lowu mutsalo wu tatisekile tindlebeni ta nwina.

22 Bonkle ba lo maha wukustumunyu ha yena, ba lo hlamala hi timhaka ta wuxinji ti nga huma hi le nonwini wa yena: bona ba te ngalo, Loyi a nwana wa Josefa ke?

Mat. 13. 54. Marku 6. 2. xip. 2. 47. Joh. 6. 42.

23 Yena i te ngalo kabye, Ha kunene mu ta wula ka mina lowu mufananiso, Nanga, hanyisa wutsumbuga wena: zonkle lezi hi zi zwileko zi mahile Kapernaume, zi mahhe kambe ni laha tikweni ga wena.

Mat. 4. 13. & 11. 23. & 13. 54. Marku 6. 1.

24 I te ngalo, Hizinene nza wula ka nwina, A ku kona a muprofeti a amukelekako tikweni ga le kabye.

Mat. 13. 57. Marku 6. 4. Joh. 4. 44.

25 Kanilezi ha kunene nza wula ka nwina, Ku wa hi kona a tinoni totala masikwini ya Elija, laha tilo gi nga wa valilwe a malembe manharu ni nklanu wa tihweti ni yinwe, laho ku nga wa hi kona a ndlala ya hombe misabeni yonkle;

Jam. 5. 17.

26 Ni ka munwe wa bona Elija a nga wa rumelwangi, kanilezi ka mu Zerafati, tikweni ga le Sidoni, ka wasati a nga hi noni.

27 Ku wa kona tihlokonho ka Israeli xikatini xa Elixa muprofeti; ni ka munwe wa bona a nga wa nga basisi-swangi, kanilezi yena Namana yece a mu Siria.

28 Ni bonkle ba wa lo tatiswa hi zanga lomo sinagogeni, kota lezi ba nga wa zwile lezi zilo;

29 Bona ba lo suka, ba lo mu humesa lahandle ka muti, ba lo mu yisa le gwitsini ga xitsunga le xi wu akilweko kona muti wabye, kasi ba fela ku mu susumetela hi hloko yakwe lahasi.

30 Kanilezi yena na tsemakanya xikari kabye a ti fambela.

Joh. 8. 59. & 10. 39.

31 Yena i lo relela Kapernaume, a muti wa le Galile.

I wa ba gonzisa hi siku ga sabado:

Mat. 4. 13. Marku 1. 21.

32 Laho ba wa dama hi kugonzisa kakwe; hakuba a timhaka takwe ti wa hi ni ntamo.

Mat. 7. 28, 29. Tit. 2. 15.

33 Lomo sinagogeni ku wa hi kona munhu, a nga wa hi ni moya wa dimoni gobiha; i lo bitana nguvu hi gezu ga hombe,

Marku 1. 23.

34 Hiye! hi na ni yini na wena, wena Jesu wa Nazareta ke? wena u tile ku hi lobisa ke? nza ku tiba ku ngalo wena hi wena mani, u hi loyi wa ku Basa wa Nungungulu.

xipm. 41. xip. 1. 35.

35 Jesu i lo wu kawuka, aku, Miyela, u huma ka yena. Laha na dimoni gi mu puluwunzisile lahasi xikari, gi lo huma ka yena, na gi nga mu lamatangi.

36 Ni kudama ku lota ka bonkle, bona ba lo wulawula katiginwe, munwe ni munwani baku, I mhaka ya ku yini leyi ke? hakuba hi mitamo ni ntamo wa laya a mimoya ya kubiha, yi mu ingisa.

37 Ku lo famba a kuzwakala ka yena ka wutsamo gonkle tikweni gonkle ga kona.

38 I lo suka sinagogeni, i lo engena ndlwini ya Simoni. A mukokati wa Simoni i wa babya hi feberi ya ho-

mbe; laho ba lo mu kombe-
la ha yena.

Mat. 8. 14. Marku 1. 29.

39 Yena ilo yima ka yena, i lo
kawuka a feberi; yi lo mu
tsika; kalakale i lo suka a
ba kozela.

40 Ni laha a gambo gi nga wa
pela, ni bonkle laba ba nga
wa babya hi tingumbe ti
hambeneko ba lo ba neha
ka yena; yena i lo klateka
a mandla ka bonklelele ba
bona, i lo ba hanyisa.

Mat. 8. 16. Marku 1. 32.

41 Ni madimoni kambe ma lo
huma ka banyingi, na ma
bitana, na maku, Wena u
Nwana wa Nungungulu.
Na a ma kawuka, i wa nga
ma vumeli ku wulawula,
hakuba wona ma wa zi tiba
lezaku u hi Kristu.

Marku 1. 25, 34. & 3. 11. xipm. 34, 35.

42 Laha gi nga wa cile, yena
i lo huma aya wutsanweni
ga xiwunza: ni xidlemo xi
wa mu laba, ba lotta ka ye-
na, na ba ranza ku nga a
tsama yena a nga suki ka
bona.

Marku 1. 35.

43 Kanilezi yena a ku ngalo
kabye, Mina nzi yimelwe hi
ku kanela a mahungu yo
saseka ka yinwani a miti
kambe: hakuba hikwalaho
nzi lo rumelwa.

44 Yena i wa kanela sinago-
geni ga le Galile.

Marku 1. 39.

[Sheetawa]

77

XIPIMO 5.

1 Makunu na ku mahisile
lezo, kota lezi a zidlemo zi
nga wa tsimbeketana ka ye-
na ni kuzwa a mhaka ya
Nungungulu, lezo i wa yi-
mile hi tiba ga le Genesa-
reta;

Mat. 4. 18. Marku 1. 16.

2 I lo wona tingalaba timbiri
ti nga wa yimile tiben: ka-
nilezi a bakukuti ba wa hu-
mele ka tona, ba wa hlaza
tikoka tabye.

3 Yena i lo engena ka yinwe
ya tingalaba, leyi yi nga wa
hi ya Simoni, yena i lo mu
wutisa a kuba a nikinya
kutsongwani lomo matini.
Yena i lo tsama i lo gonzisa
a zidlemo lomo ngalabeni.

4 Laha na a mbetile ku ka-
nela, a ku ngalo ka Simoni,
Nikinyela nonzweni, u klo-
nweka tikoka ta nwina zi-
keleni mu kukuta.

Joh. 21. 6.

5 Simoni i lo hlamula a ku
ngalo, Mugonzisi, hi tirile
wusiku gonkle, a hi ku-
mangi ncumo: kanilezi hi
mhaka ya wena nzi ta klo-
nweka tikoka.

6 Ni laha na ba mahisile lezo,
ba lo kukuta a xidlemo xa
hombe xa zidluwani; ni ti-
koka tabye ti laba ku ha-
nzuka;

7 Ba lo kwenuta laba ba nga
hlengele nabo ba nga wa hi
ka yinwani ngalaba, leza-
ku nga bata ba ta ba vuna.
Na bona ba lotta, ba lo ta

tatisa tonkle tingalaba kasi lezo tisangula ku wela.

- 8 Kanilezi Simoni Petro, laha a nga wa zi wonile, i lowa lahasi ka madzolweni ya Jesu, aku, Suka ka mina; hakuba nzi munhu wa kuonha, O Hosi.
- 9 Hakuba yena i lo dama, ni bonkle laba ba nga wa hi naye, hi wunyingi ga zidluwani lezi ba nga wa zi komile;
- 10 Zi wa ngaho ha Jamesi na Johani, a bana ba Zabedi, laba ba nga hlengele na Simoni. Jesu a ku ngalo ka Simoni, U nga cabi; ku suka lezi u ta kukuta banhu.
Mat. 4. 19. Mark 1. 17.
- 11 Laha na ba cekamisile a ngalaba yabye, bona ba lo siya zonkle, ba lo mu lanzela.
Mat. 4. 20. & 19. 27. Marku 1. 18. xip. 18. 28.
- 12 Na ku mahisile lezo, na a ha hi ka munwe wa miti, languta, a munhu a nga ta tisilwe hi hlokonho: laha a nga wa wona Jesu, i lowa hi ngohe yakwe, i lo mu kongotela, aku, Hosi, loku u zi ranza, wena u nga nzi basisa.
Mat. 8. 2. Marku 1. 40.
- 13 Yena i lo nawuluta a canja gakwe, i lo mu kumba, aku, Nza zi ranza; nga u basiswa. Ni kalakale a hlokonho yakwe yi lo suka ka yena.
- 14 I lo mu laya a kuba a nga

byeli munhu: kanilezi famba ndleleni ya wena, u ya wonisa a wutsumbu ga wena ka mupristi, u nyikela kubasiswa ka wena, kwatsi hi kulaya ka Mosi, kasi ku kustumunya kabye.

Mat. 8. 4.

- 15 Kanilezi yi lo tala nguvu a mhaka ya ku wulawula ha yena: ni zidlema za hombe zi lo tsomba katiginwe kasi kuzwa, ni ku hanyiswa a mitungu yabye.
Mat. 4. 25. Marku 3. 7. Joh. 6. 2.
- 16 Kanilezi i lo famba xitsungeni a wutsumbu gakwe, i lo kongela.
Mat. 14. 23. Marku 6. 46.

- 17 Na ku mahisile lezo hi ginwe ga lawo masiku, lezo a nga wa gonzisa; ku wa hi kona laho a ba Farisi ni masingalakati ya nayo mangu wa tsamile, laba ba nga wata hi mitaneni yonkle ya le Galile ni Judia ni Jerusalema: ni ntamo wa Hosi wu wa hi na yena ku hanyisa.
- 18 Languta, a banhu ba lo neha munhu a eklele sangweni a nga wa ni paraliu: bona ba wa laba ku mu engenisa, ni ku mu beka mahlweni ka yena.

Mat. 9. 2. Marku 2. 3.

- 19 Ba wa nga yi kumi a ndlela ya ku kasi ba fela ku mu neha ka yena hi kota ya zidlema, ba lo kanziya langweni la yindlu, ba lo mu relelisa titeyeni xikari ka banhu mahlweni ka Jesu.

20 Na wona kukoleka kabye, a ku ngalo, Wanuna, a zonho za wena zi tsetselele ka wena.

21 A batsali ni ba Farisi ba lo sangula ku wulawulisana, baku, Hi mani loyi a wulawulako a nzukano ke? Hi mani a nga tsetselelako a zonho kanilezi Nungungulu yece?

Mat. 9. 3. Marku 2. 6, 7.

22 Kanilezi Jesu na a tiba kualakanya kabye, i lo hlamula a ku ngalo kabye, Mu wulawuliselana yini timbilwini ta nwina ke?

23 Hi yini ku hehukako, ku wula, A zonho za wena zi tsetselelwe ka wena; kutani aku, Suka, u famba ke?

24 Kanilezi kasi ma fela ku tiba lezaku a Nwana wa munhu i na ni ntamo misabeni ku tsetselela kuonha (i lo wula ka loyi a nga wa paraliyo), Nza wula ka wena, Suka, u teka a sango ga wena, u famba ndlwini ya wena.

25 Kalakale i lo suka mahlweni ka bona, i lo teka lezi a nga eklele ka zona, i loya ndlwini yakwe, na dumisa Nungungulu.

26 Ni kudama ku wa hi ka bona bonkle, bona ba lo dumisa Nungungulu; na bona ba wa lo tatiswa hi kucaba, baku, Hi wonile zihlamaliso nyamukla.

27 Ni nzako ka lezi zilo i lo

huma, i lo wona a muhlingisi, a bito gakwe hi Levi, na tsamile wutsanweni ga kupisa, i lo ngalo ka yena, Nzi lanzele.

Mat. 9. 9. Marku 2. 13, 14.

28 Yena i lo siya zonkle, i lo suka a mu lanzela.

29 Na Levi i lo mu mahela a mubuzo wa hombe le ndlwini yakwe: laho ku wa hi kona a xidlemo xa bahlelingisi ni banwani ba nga tsamile nabo kugeni.

Mat. 9. 10. Marku 2. 15. xip. 15. 1.

30 A ba Farisi ni batsali babye ba lo tsanwa ka bapizani bakwe, baku, Hi yini mu gako mu nwako ni bahlelingisi ni baonhi ke?

31 Jesu na a hlamula i te ngalo ka bona, Bona laba ba hanyako a ba labi nanga; kanilezi laba ba babyako.

32 Mina a nzi telangi ku bitana a ba lulamileko kanilezi a zionhi a ku ba zi hunzuluka.

Mat. 9. 13. 1 Tim. 1. 15.

33 Bona ba ku ngalo ka yena, A bapizani ba Johani ba wa tala kuyila kuyingi, na ba maha mikombelo; zi ngahoni bapizani ba ba Farisi; kanilezi a ba wena бага ба-
nwa.

Mat. 9. 14. Marku 2. 18.

34 Jesu a ku ngalo kabye, Ma zi kota ku maha a banana ba le ndlwini ka makoti kuyila, laha na muyeni na hi nabo ke?

35 Kanilezi a masiku ma tata; na muyeni a ta nga tekiwa.

ka bona, zonake ba ta yila ka lawo masiku.

- 36 I lo wulawula kambe mufanano ka bona; a nga kona munhu a hanzulako a capa ngubyeni yiswa, a yi rungele ngubyeni ya kale; a nga ta ku a hanzula ka leyi yiswa, lezo kambe a capa ya leyi yiswa yi nga ta vumelana ni leyi ya kale.

Mat. 9. 16, 17. Marku 3. 21, 22.

- 37 A nga kona munhu a celako a waini giswa mikwameni yo hlakala; ku nga taku a waini giswa gi puxuta a mikwama yo hlakala, gona wutsumbu gi halaka, ni mikwama yi hanzuka.

- 38 Kanilezi a waini giswa gi yimelwe hi ku celwa mikwameni yiswa.

- 39 A nga kona munhu a nwi-leko a waini ga kale a ha nabelako giswa: hakuba i ngalo, Legi ga kale ginene.

XIPIMO 6.

- 1 Makunu na ku mahisile hi sabado, laha a nga wa tse-makanya masinwini ya mabele; ni bapizani bakwe ba lo tsoba miponwani ya mabele, ba lo yiga, ba lo yi hloswa mandleni yabye.

Mat. 12. 1. Marku 2. 23.

- 2 Kanilezi a bokari ba ba Farisi ba te ngalo, Hi yini nwina mu mahako lezi zi nga faneliko ku mahiwa hi sabado ke?

- 3 Jesu na hlamula bona a ku ngalo, Nwina a mu se ku gonza lexi ke, lexi Davida a

nga wa xi mahile, laha a nga wazwa ndlala, yena, ni laba ba nga wa hi zinwe naye;

- 4 Lezaku i engenisile ku yini ndlwini ya Nungungulu, i lo teka ni kuga a zibaba za ku bekiwa, i lo zi nyika ka bona kambe ba nga wa hi naye; lezi zi nga wa nga fanele ku giwa saseka bapristi boce ke?

- 5 Yena a ku ngalo ka bona, A Nwana wa munhu hi Hosi ya sabado.

- 6 Na ku mahisile hi ginwani siku ga sabado, i lo engena le sinagogeni a gonzisa: ku wa hi kona munhu laho, ni canja gakwe ga xinene gi wa lamele.

Mat. 12. 9. Marku 3. 1. xip. 13. 14. & 14. 3. Joh. 9. 16.

- 7 A batsali ni ba Farisi ba lo mu rinzela, lezaku kutani i ta mu hanyisa hi siku ga sabado; kasi ba fela ku mu kumisa nanzu.

- 8 Kanilezi yena i lo tiba a kualakanya kabye; i te ngalo ka loye munhu a nga hi ni canja gi lameleko, Suka, u yima xikari. I lo suka i lo yima.

- 9 Jesu i te ngalo kabye, Nzi wutisa nwina, Ku fanele hi siku ga sabado ku maha kusaseka, kutani ku maha kubiha ke? a ku hanyisa wutomi, kutani ku gi lobisa ka?

- 10 Yena i lo cuwuka ka bona

- bonkle, i te ngalo ka yena, Nawuluta a canja ga wena. Yena i lo maha lezo: ni canja gakwe gi lo wuyiselwa.
- 11 Kanilezi bona ba lo tatiswa hi kuzangara; ba lo woyongelana lezaku ba ta maha yini ha Jesu.
- 12 Na ku mahisile hi ka lawo masiku, lozaku yena i loya xitsungeni ku ya kombela; i lo simamisa wusiku gonkle a kongela ka Nungungulu.
Mat. 14. 23.
- 13 Ni laha gi nga wa cile, i lo bitana a bapizani bakwe: i lo hlawula ka bona a bakume ni bambiri, labo kambe a nga cula bapostoli;
Mat. 10. 1.
- 14 Simoni, loyi kambe a nga mu cula Petro, na Andreu makabye wakwe, na Jamesi na Johani, na Filipu na Bartolome,
Joh. 1. 42.
- 15 Na Mateu na Tomasi, na Jamesi a nwana wa Alfeu, na Simoni loyi a tibyako mu Zealoti,
- 16 Na Juda a nwana Jamesi, na Judasi Iskarioti, loyi a nga wa hi xibilibili;
Jude 1.
- 17 Yena i lo relela nabo, i lo yima wutsanweni ga koba, ni xidlemo xa hombe xa bapizani bakwe, ni banhu banyingi ba ngata hi le Judia ni le Jerusalema, ni le maklelweni ya bimbi ga Tire ni Sidoni, labo ba ngata bata muzwa, ni ku ta hanyiswa tingumbe tabye;
Mat. 4. 25. Marku 3. 7.
- 18 Ni laba ba nga karatwa hi mimoya ya kubiha ba lo hanyiswa.
- 19 Ni xidlemo xonkle xi wa laba a kuba xi mu kumba: hakuba a ntamo wu huma, hi le ka yena, wu ba hanyisa bonkle.
Mat. 14. 36. Marku 5. 30. xlp. 8. 46.
- 20 Yena i lo klakusa a mahlo yakwe ka bapizani bakwe, a ku ngalo, Mu katekile nwina zisiwana: hakuba mufumo wa Nungungulu ngwa nwina.
Mat. 5. 3. & 11. 5. Jam. 2. 5.
- 21 Mu katekile nwina mu zwako ndlala makunu: hakuba mu ta xuriswa. Mu katekile nwina mu rilako makunu: hakuba mu ta hleka.
Mat. 5. 4, 6.
- 22 Mu katekile nwina, laha banhu ba ta mu benga, ba mu hambanisa xikari kabye, ba mu rukatela, ba bita a mabito ya nwina hi kubiha, hi kota ya Nwana wa munhu.
Mat. 5. 11. 1 Pet. 2. 19. & 3. 14. & 4. 14. Joh. 16. 2.
- 23 Tsakani hi lego siku, mu klula hi kunengela: hakuba mangabye, ngwa hombe a cacazelo wa nwina le ti-lweni: hakuba ka ywaleyo ndlela ba lo xanisa a baprofeti a bararu babye.
Mat. 5. 12. Mit. 5. 41. & 7. 51. Kol 1. 24. Jam. 1. 2.
- 24 Kanilezi kombo ka nwina

laba mu fumileko! hakuba mu ku amukelile kutsaka ka nwina.

Jam. 5. 1. xip. 12. 21. & 16. 25. Mat. 6. 2, 5, 46.

25 Kombo ka nwina, nwinawu laba mu tatisilweko maku-nu! hakuba nwina mu ta-zwa ndlala. Kombo ka nwina, mu hlekako maku-nu! hakuba mu ta rila mu hlomula.

26 Kombo ka nwina, laha banhu bonkle ba ta nga wula-wula kwatsi ha nwina! hakuba hi ka ywaleyo ndlela bararu babye ba lo maha ka aprofeti ba mawunwa.

Joh. 15. 19. 1 Joh. 4. 5.

27 Kanilezi mina nza wula ka nwina laba mu zi zwako, Ranzani balala ba nwina, mahani kusaseka ka bona laba ba mu bengako.

Mat. 5. 44. xipm. 35. Roma 12. 20.

28 Katekisani laba ba mu rukatelako, mu kombelela laba ba hlebako ha nwina.

xip. 23. 34. Mit. 7. 60.

29 Ka yena loyi a ku pakatako a hlanya munwe mu nyike munwani kambe, ni ka loyi a ku tekelako a nguwo ya wena, u nga mu aleli ni baji ga wena kambe.

Mat. 5. 39. 1 Kor. 6. 7.

30 Nyika ka bonklelele laba ba ku kombelako wena; ni loyi a ku tekelako a zilo za wena u nga zi kombela kambe.

Mat. 5. 42.

31 Kota lezi u ranzako aku a banhu a ba mahe ka wena,

zi ngaho mahani lezo ka bona kambe.

Mat. 7. 12.

32 Loku nwina mu ranza laba ba mu ranzako, mu na ni kubongwa ka ku yini ke? hakuba hambu zionhi zi ranza laba ba ba ranzako bona.

Mat. 5. 46.

33 Loku nwina mu maha kusaseka ka laba ba mahako kusaseka ka nwina, mu na ni kubongwa ka ku yini ke? hakuba hambu zionhi zi maha zalezo.

34 Loku mu pemba laba labo mu tsumbako aku mu ta amukela, mu na ni kubongwa ka ku yini ke? hambu zionhi zi pemba a zionhi, na zi ta amukela kota lezo.

Mat. 5. 42.

35 Kanilezi ranzani balala ba nwina, mu maha kusasa ka bona, mu ba pemba, na mu nga kanakani; ni cacazelo wa nwina wu ta maha wa hombe, mu ta maha a banana ba loyi nga Hehla-Hehla: hakuba i na ni titralo ka laba ba nga bongiko ni ba bihileko.

xipm. 27, 30. Mat. 5. 45.

36 Nga mu hi ku zwela wusiwana, kota a Dadani wa nwina a zwelako wusiwana.

Mat. 5. 48.

37 Mu nga lamuli, mu ta nga lamulwa: mu nga koni, mu ta nga koniwa: klaklani, nwinawu mu ta klakliwa:

Mat. 7. 1.

38 Nyikani, ku ta nyikiwa ka nwina; a xiringaniso xosa-

seka, na xi kanyetelwe, xi kuhlungilwe katiginwe, na xipupuma, ba ta nyika zifubeni za nwina. Hakuba hi lipimo lolu mu pimako ha lona ku ta pimelwa ka nwi-na kambe.

Mat. 7. 2. Marku 4. 24. Jam. 2. 13.

39 Yena i lo wulawula lezo mufananiso ka bona, Xi nga zi kota a xikumu a kurangela a xikumu ke ? bona babile ba nga ta wela rinzini ke ?

Mat. 15. 14.

40 A mupizani a nga le hehla ka mugonzisi wakwe: kani-lezi bonklelele laha ba ta nga mbelela ba ta kota mugoznisi wabye.

Mat. 10. 24. Joh. 13. 16. & 15. 20.

41 Hi yini u langutako a xitoti lexi xi nga tihlweni ga makwenu, kanilezi a ku pimi hi tsanza lowu wu nga lomo tihlweni ga wena ke ?

Mat. 7. 3.

42 Kutani u ta wulisa ku yini ka makabye wa wena, Makabye, wa nga kwatsi nzi buveta xitoti lexi xi nga lomo tihlweni ga wena, laha na wutsumbu ga wena na u nga woni a tsanza lowu wu nga lomo tihlweni ga wena nwinyi ke ? Wena buveta kuranga a tsanza lowu wu nga lomo tihlweni ga wena, zonake u ta wona kwatsi ku buveta a xitoti lexi xi nga lomo tihlweni ga makwenu.

43 Hakuba a ku kona sinyanya yo saseka leyi yi tralako a mi-

hanzo yo bola; kambe a ku kona sinyanya yo bola yi kota-ko ku trala mihanzo yo naziha.

Mat. 7. 16, 17.

44 Hakuba tisinya tonkle ti ti-byiwa hi mihanzo ya tona. Hakuba a ya mizwa a munhu a nga koli a makuwu, ni le gululeni a ku kolwi a magrepi.

Mat. 12. 38.

45 A munhu wo saseka hi le tsombeni ya mbilu yakwe i humesa lezo zi sasekileko; ni munhu wa kubiha hi le tsombeni ya mbilu yakwe yi bihileko i humesa lezo zi bihileko: hakuba hi wunyi-nga ga mbilu a nomu wa wulawula.

Mat. 12. 34, 35.

46 Hi yini nwina mu nzi bitanako mu ku, Hosi, Hosi, na mu nga mahi a zilo lezi nzi zi wulako ke ?

Mat. 7. 21. & 25. 11. xip. 13. 25.

47 Bonklelele laba ba tako ka mina, bazwa timhaka ta mina, ba ti maha, mina nzi ta mu wonisa lezaku ba fanana ni yini:

Mat. 7. 24.

48 Ifanana ni munhu loyi a akileko a yindlu, loyi ake-lileko a etisa a beka xiseketelo le ribyeni: laha ku cikele a mitalo, ni ku kulungu ku lo kulungela leyo yindlu a yi tsekatsekiwangi: hakuba yi lo akiwa kwatsi.

49 Kanilezi loyi a zwako, a

nga ti mahi, i fanana ni munhu loyi a akako yindlu misabeni na yi nga hi na xiseketelo; lexi a mati ma kulungelako, kalakale yi su kuyuka; ni ku hahluka ka leyo yindlu ku wa hi ka hombe.

XIIMO 7.

- 1 Laha na mbetile loku kwula konkle tindlebeni ta banhu, i lo engena le Kapernaume.

Mat. 8. 5.

- 2 A nanza ga nduna yo kari, legi gi nga kari gi ranzeka, gi wa babya ku tsongwani ni kufa.
- 3 Laha na yi zwile ha Jesu, i lo rumela ka yena a masingalakati ya ba Juda, a kuya mu wutisa lezaku nga ata aku hanyisa a nanza gakwe.
- 4 Bona, laha na ba tile ka Jesu, ba lo mu kombelesisa nguvu, baku, Yena i fanelwe hi ku nga u maha lexi ka yena:
- 5 Hakuba wa ranza a lixaka la hina, a wutsumbu gakwe i hi akele sinagoga ga hina.
- 6 Jesu i lo famba na bona. Ni laha a nga wa hi ku suhani makunu ni le ndlwi-ni, ni nduna yi lo rumela a maxaka ka yena, na yi wula kakwe, Hosi, u nga ti karati; hakuba mina a nzi fanele lezaku u ngata lahasi ka langwa la mina:

- 7 Ngahilezo cima a nzi alakanyangi lezaku na minawu nzi fanele a kuta ka wena: kanilezi wula a mhaka, ni nanza ga mina gi ta hanyiswa.

- 8 Hakuba na mina nzi munhu loyi a nga lahasi ka mitamo, na nzi hi ni banyakasani lahasi ka wutsumbu ga mina: nzi ku ka loyi, Famba, a famba; ni ka munwani, Ngona, yena ata; ni ka nanza ga mina, Maha lexi, gi xi maha.

- 9 Laha na Jesu a zwile lezi zilo, i lo hlamala ha yena, i lo hunzuluka a wula ka xidlemo lexi xi nga wa mu lanzela, Mina nza wula ka nwina, a nzi kumangi kukoleka ka hombe ka ku ngahi, ge, hambu ni ka Israeli.

- 10 Ni laba ba nga wa rumilwe, laha na ba wuyela le ndlwi-ni, ba kuma a nanza na gi hanyisilwe.

- 11 Na ku mahisile lezo lokuloku a nzako ka xikati, i loya mutini wu tibyako Naine; ni bapizani bakwe ba lo famba zinwe naye, ni xidle-mo xa hombe.

- 12 Makunu laha a nga wa tsi-nela nyangweni ya muti, languta, ku wa rwelwe munwe loyi a nga file, loye a nga wa hi nwana munwe ka nyine wakwe, i wa hi xifurukati: ni banhu banyingi ba muti ba wa hi naye.

- 13 Laha a Hosi yi nga mu wonile, yi lo mu zwela wuxinji, yi ku ngalo ka yena, u nga rili.
- 14 Yena i lo tsinela kusuhani i lo koma apingu: ni laba ba nga rwele ba lo yima. A ku ngalo, Jaha, nza wula ka wena, Vuka.
xip. 8. 54. Joh. 11. 48. Mit. 9. 40. Roma 4. 17.
- 15 Ni loye a nga wa file i lo vuka, i lo sangula ku wulawula. I lo mu nyika ka nyine wakwe.
- 16 Ni kucaba ku lo cikela ka bonkle: ba lo dumisa Nungungulu, baku, Muprofeti wa hombe a humeleko xikari ka hina: ni, Nungungulu i enzele a banhu bakwe.
xip. 1. 65, 68. & 24. 19. Joh. 4. 19. & 6. 14. & 9. 17.
- 17 Loku kubikwa ku lo zwakala ha yena le Judia gonkle, ni matiko wonkle ya leyo.
- 18 A bapizani ba Johani ba lo mu byela zonkle lezi zilo.
Mat. 11. 2.
- 19 Johani na a bitana a bapizani bakwe bambiri i lo ba rumela ka Hosi, na wula, Wena hi wena u tako, kutani ha ha cuwukela munwani ke?
- 20 Laha a banhu ba nga wa cikela ka yena, bona ba te ngalo, Johani Mubapatizi i hi rumile ka wena, aku, Wena hi wena u tako ke, kutani ha ha cuwukela munwani ke?
- 21 Hi lexo xikati i wa hanyisile banyingi a tingumbe to tala ni mitungu ni mimoya ya kubiha; ni banyingi laba ba nga hi zikumu ba lo ba nyika kuwona.
- 22 Yena i lo hlamula a ku ngalo kabye, Ti fambeleni, mu ya byela Johani a zilo mu zi wonileko ni mu zi zwileko; a zikumu za amukela kuwona ka zona, ni zilema za famba, ni tihlokonho ta hlaziwa, ni ziwiri zazwa, ni bafleko ba vuxiwa, ni zisiwana zi kanelelwa a muhungu yo saseka.
Mat. 11. 4. xip. 4. 18.
- 23 I katekisilwe yena, ku ta nga kala ku nga kumiwi a xi kungubanyiso ha mina.
- 24 Ni laha a mitsumi ya Johani yi nga wa sukile, i lo sangula ku kanela ka zidle mo hi Johani, Mu loya le xiwuleni kasi ku ya wona yini ke? a lihlanga li tsekatssekisilweko hi mheho ke?
Mat. 11. 7.
- 25 Kanilezi mu wa lo huma mu ya wona yini ke? a munhu a ambeleko a tinguwo ti olobileko ke? Langutani, laba ba ambeleko a tinguwo tihatimako, ba hanya hi kubyabyela, ba hi zilubelweni za tihosi.
- 26 Kanilezi mu loya wona yini ke? a muprofeti ke? Ina, nza wula ka nwina, ngwa hombe ku hunza muprofeti.

27 Loyi hi yena ku nga tsali-lwe ha yena,

Languta, nza ruma a tsu-mi wa mina mahlweni ka ngohe ya wena, loyi a ta nga longisela a ndlela ya wena mahlweni ka wena.

28 Nza wula ka nwina, Xikari kabye laba ba nga traliwa hi ba basati a nga kona wa hombe ku hunza Johani: kanilezi kasi loyi a nga tso-ngwanyani mufunweni wa Nungungulu ngwa hombe ku mu hunza.

29 Ni banhu bonkle laha ba nga zwile, ni bahlengisi, ba lo dumisa Nungungulu, na ba bapatizilwe hi kubapata-tiza ka Johani.

Mat. 3. 5. xlp. 3. 12.

30 Kanilezi a ba Farisi ni bayi-meli ba lo nyenya a kungo ga Nungungulu, na ba wa nga bapatizwangi hi yena.

Mit. 10. 27.

31 Nzi ta ba fananisa ni yini a banhu ba lexi xizukulwana, ba fanana ni yini ke?

Mat. 11. 16.

32 Bona ba fanana ni zihlanga-na zi tsamileko wutsanweni go hlengeletana, na ba bita-nana; na ba wula, Hi paka-tele ka nwina, a mu kinangi; hi mu rilele, a mu hlomu-langi.

33 Hakuba Johani Mubapatizi i tile na a ngagi za kuga, na a nganwi a waini; nwina mu ku, I na ni dimoni.

Mat. 3. 4. Marku 1. 6. xlp. 1. 15.

34 A Nwana wa munhu i tile aga na anwa; nwina muku,

Mangabye, a munhu loyi wa limito, ni finela, a mungana wa bahlengisi ni baonhi!

35 Ni wuklari gi tsetselela a banana ba gona bonkle.

Mat. 11. 19.

36 Ni munwe wa ba Farisi i lo xuba lezaku nga a yaga naye. I lo engena ndlwini ya mu Farisi, i lo tsama ku-geni.

Mat. 26. 6. Marku 14. 3. Joh. 11. 2.

37 Languta, a wasati loyi a nga wa hi mutini, a muonhi; laha a nga zi tibile lezaku i tsamile kugeni ndlwini ya mu Farisi, i lo neha a xiku-tsana alabasteri xa mafura,

38 Na a yima ni le nzako mikonzweni ka yena, na rile, i lo sangula ku tsakamisa a mikonzo yakwe hi mihloti, i lo yi hlangula hi misisi ya hloko yakwe, i lo trotra mikonzo yakwe, i lo yi tota hi mafura.

39 Makunu a mu Farisi loyi a nga wa bitanile na zi wonile, i lo wulawula mbilwini ka yena, aku, Loyi munhu, lo-ku a wa nga a hi muprofeti, nga wa zi tibile lezaku hi mani ni ku ngwa sati wa ku yini loyi a mu kumbako, lezaku i hi muonhi.

xlp. 15. 2.

40 Jesu na a hlamula a ku nga-lo ka yena, Simoni, nzi na ni xilo ku wula ka wena. Yena a wula, Mugonzisi, wula.

41 A munhu wokari i wa hi ni milanzu mimbiri: a munwe

i wa hi ni nklanu wa maza-
na ya tidentario, munwani i
nklanu wa makume.

Mat. 18. 28.

42 Laha ba nga wa hi haba xa
ku riha, yena i lo ba tsetse-
lela bona bambiri, hi hi wi-
hi wa bona a ta nga mu ra-
nza nguvu ke?

43 Simoni i lo hlamula a ku
ngalo, Yena, nza alakanya,
loyi a mu tsetseleleko ngu-
vu. I te ngalo ka yena,
Wena u lamulile kwatsi.

44 Yena i lo hunzulukela ka
wasati, i te ngalo ka Simo-
ni, Wa mu wona loyi wa-
sati ke? Mina nzi engenile
ndlwini ya wena, wena a
ku nzi nyikangi a mati a
mikonzweni ya mina: kani-
lezi yena i tsakamisile a mi-
konzo ya mina hi mihloti
yakwe, i yi kulule hi misisi
yakwe.

45 Wena a ku nzi hangi ku
trotra: kanilezi yena, cima
nzi engena, a nga tsikangi
ku trotra a mikonzo ya
mina.

46 Ni bloko ya mina wena a
ku yi totangi hi mafu-
ra: kanilezi yena i totile
mikonzo ya mina hi ma-
fura.

47 Ngahilezo nza wula ka we-
na, A zonho zakwe, lezi zi
teleko, zi tsetselelwe; ha-
kuba i ranzile za ku tala:
kanilezi ka loyi ku tsetsele-
lwako ku tsongwani, ywa-
loye i ranza ku tsongwani.

1 Tim. 1. 14.

48 I te ngalo ka yena, A zonho
za wena zi tsetselelwe.

Mat. 9. 2. Marku 2. 5.

49 Laba ba nga wa tsamile za
kugeni zinwe naye ba lo sa-
ngula ku wula timbilwini
tabye, Hi mani ywaloyi a
tsetselelako ni kuonha ke?

Mat. 9. 3. Marku 2. 7.

50 Yena a ku wasati, A kuko-
leka ka wena ku ku hanyi-
sile; famba hi kurula.

Mat. 9. 22. Marku 5. 34. & 10. 52. xip.
8. 48. & 18. 42.

XIPIMO 8.

1 Na ku mahisile lezo kala-
kale a nzako ka lezi, yena i
lo nzulanzula mitini yonkle
ni zi mutaneni, na a kanela
na a neha a mahungu yo
saseka ya mufumo wa Nu-
ngungulu, zinwe naye a ba-
kume ni bambiri,

2 Ni ba basati bokari laba ba
nga wa hanyisilwe ka mimo-
ya ya kubiha ni kubabyeni,
Maria loyi a bitwako Ma-
gdelene, hi le ka yena ku lo
humeswa a nklanu ni ma-
mbiri a madimoni,

Mat. 27. 55, 56. Marku 16. 9.

3 Ni Joana a sati wa Cuza a
nekwa ya Herodi, ni Susa-
na, ni banwani bo tala, laba
ba nga wa kozela ka bona
hi zilo za bona.

4 Laha a xidlemo xa hombe
xi nga tsombene, ni laba ba
le mitini yonkle ba lo tso-
mbana ka yena, i lo kanela
hi mifananiso:

Mat. 13. 2. Marku 4. 1.

- 5 A muxwanyeli i lo humaku ya xwanyela a mbewu yakwe: kota a nga wa ha xwanya, yinwani yi lo wela ndleleni, yi lo kanziyelwa hi mikonzo, ni tinyanyani ta tilo ti lo yi jowotela.
- 6 Yinwani yi lo wela ribyeni; kalakale kota yi nga ha mila, yi lo wuna, hakuba a yi wa nga hi na kutsakama.
- 7 Ni yinwani yi lo wela xikarika mizwa; ni mizwa yi lo kula zinwe nayo, yi lo yi klimba.
- 8 Yinwani yi lo wela misabeni yo saseka, yi lo kula, yi lo trala hi ka zana. Kota a nga wa ha wula lezi zilo, i lo bitana, Loyi a nga ni tindlebe ta kuzwa, nga a ingisa.
- 9 Ni bapizani bakwe ba lo mu wutisa a mifananiso hi ku fela ku maha yini.
Mat. 13. 10. Marku 4. 10.
- 10 Yena i te ngalo, Ka nwina ku nyikilwe a ku tiba a mifihlakalo ya mufumo wa Nungungulu: kanilezi ka ba seleko hi mifananiso; na ba wona na ba nga wonisisi, ni kuzwa na ba nga pimi.
Marku 4. 12.
- 11 Makunu a mufananiso hi lowu: A mbewu hi mhaka ya Nungungul.
Mat. 13. 18. Marku 4. 14.
- 12 Labo ba ndleleni hi laba ba zwileko; zonake kuta Sata-ni, a susa a mhaka timbi-lwini tabye, kasi ba fela ku kala ba nga kolwi ha hanyiswa.
- 13 Laba ba nga le ribyeni hi bona laba, laha na ba zwile, ba yi amukela a mhaka hi kutsaka; laba ba nga hi na mutsu, ba su kolwa xikatanzana hi xikati xa ziringo ba su kungubanyeka.
- 14 Laba ba weleko mizweni, hi laba laha na ba zwile, kota ba fambako ndleleni yabye ba lo klimbiwa hi kukatalela ni kufuma ni ni kunengela ka loku kuhanza, a ba tralangi mihanzo ya kumbelela.
- 15 Laba ba nga le misabeni yo saseka, laba hi ba ku ngahi hi mbilu yi nene ni yi sasekileko, na ba zwile a mhaka, ba yi komisisa, ba trala mihanzo hi kutimisela.
- 16 A nga kona munhu laha na lumekile a kandiya, a yi finengeta hi xibya, kutani a yi bekela lahasi ka wuriri; kanilezi i yi beka laha mezeni, kasi laba ba engenako ba nga wona kuwonekela.
Mat. 5. 15. Marku 4. 21. xip. 11. 33.
- 17 Hakuba a hi ncumo xi fihlilweko, lexi xi nga ta wonekeliswa; hambu ni ncumo xi fihlilweko, lexi a xi nga ta tibyiwa xita kuwonekeleni.
Mat. 10. 26. xip. 12. 2.
- 18 Klarihani hikwalaho mu zizwa hi ku yini: hakuba kani hi wihi a nga nazo, ka yena ku ta nyikiwa; ni

ka loyi a nga hi ko nazo, ka yena ku ta tekiwa ni le-zi a alakanyako ku ngalo i nazo.

Mat. 13. 12. & 25. 29. xlp. 19. 26.

19 Laho ku lo cikela ka yena a nyine wakwe ni bamakabye bakwe, ba wa nga kontangi ku ta ka yena hi xidlemo.

Mat. 12. 46. Marku 3. 31.

20 Ku lo byeliwa ka yena, A nyine wa wena, ni bamakabye ba wena ba yimile lahandle, na ba laba ku ku wona.

21 Kanilezi yena i lo hlamula a ku ngalo ka bona, A nyine wa mina ni bamakabye ba mina hi laba ba zwako a mhaka ya Nungungulu ba yi maha.

22 Makunu na ku mahisile, hi ginwe ga lawo masiku, kasi a engena ngalabeni, a wutsumbu gakwe ni bapizani bakwe; a ku ngalo kabye, A hi yeni klatukweni wa tiba: ba lo suka.

Mat. 8. 23. Marku 4. 35.

23 Kanilezi kota ba nga wa ha famba yena i lo eklela: ku lota a bubutsa ga mheho tibenini; bona ba lo pandluke-lwa hi mati, ba wa hi le mhangweni.

24 Bona ba lota ka yena, ba lo mu vuxa, baku, Mugonzisi, mugonzisi, ha loba. Yena i lo vuka, i lo kawuka a mheho ni kuvindluka ka

mati: zi lo gawuka, ku wa hi kona a malenga.

25 Yena a ku ngalo ka bona, Hi kwihi kukoleka ka nwi-na ke? Na ba caba ba lo hlamala, baku ka munwe ni munwani, Hi maní zonake loyi, loyi a layako hambu a mheho ni mati, zi mu ingisa ke?

26 Bona ba lo cikela le tikweni ga le Geraseni, lego gi nga le klatuko wa Galile.

Mat. 8. 28. Marku 5. 1.

27 Laha a nga wa ha huma mu hanzeni, laho i lo klangana ni munhu wokari hi le mutini, loyi a nga wa hi ni madimoni; hi xikati xa hombe i wa nga ambali ni tinguwu, i wa nga tsami ni le ndlwini, kanilezi zilahleni.

28 Laha a nga wona Jesu, i lo bitana, i lowa lahasi mahlweni ka yena, na hi gezu ga hombe a ku ngalo, Nzi ta maha yini na wena, Jesu, wena Nwana wa Nungungulu a nga Hehle-Hehla? nza ku kombela, u nga nzi xanisi.

29 Hakuba i wa lo laya a moya wa kubiha ku huma munhwini. Hakuba wu wa mu sohile a xikati xinyingi: yena i wa gongiwa, na a bohilwe hi mangelje ni ziketse; i lo bewula a ziboho; i lo hlongolwa hi dimoni kuya le xiwuleni.

30 Jesu i lo wu wutisa, Hi we-

na mani a bito ga wena ke?
wu ku ngalo, Legioni; ha-
kuba madimoni manyingi
ma nga engenile ka yena.

31 Ma lo mu kombela lezaku a
nga ma layi lezaku a ma
suke maya nkeleni.

Kuv. 20. 3.

32 Makunu laho ku wa hi kona
a klambi wa makumba yo
tala ma nga waga le xitsu-
ngeni: ma lo mu kombela
lezaku nga ma suka maya
engena ka wona. Yena i lo
ma vumela.

33 Ni madimoni ma lo huma
ka munhu, ma loya engena
makumbeni: ni klambi wu
lo tsutsumela nzelelweni le
tibeni, wu loya mitwa.

34 Ni laba ba nga wa ma risa
na ba wonile lezi zi maheki-
leko, ba lo caba, ba loya
hlawutela mutini ni le ti-
kweni.

35 Ba lo huma ku ya wona le-
zi zi mahekileko; ba lotta ka
Jesu, ba lo kuma a munhu,
loyi a nga wa hi ni madi-
moni na ma humele, na a
tsamile, na ambele na hi ni
kupima kunene, le miko-
nzweni ya Jesu: ba lo caba.

36 Ni laba ba nga zi wonile ba
lo ba byela lezaku i hanyi-
sile ku yini loyi a nga hi ni
madimoni.

37 Ni banhu bonkle ba le ti-
kweni ga le Geraseni kwa-
leyo ba lo mu kombela a
kuba a suka ka bona; ha-
kuba bona ba wa komilwe
hi kucaba ka hombe: yena

i lo engena ngalabeni i lo
klela.

Mat. 8. 34. Mt. 16. 30.

38 Kanilezi a munhu loyi a nga
wa humesilwe a madimoni
i lo mu kombela lezaku a
fela ku tsama naye: kanilezi
i lo mu fambisa, aku,

Marku 5. 18.

39 Wuyela ndlwini ya wena,
u ya kanela lezaku za ho-
mbe hi ku yini lezi zilo Nu-
ngungulu a zi mahileko ka
wena. Yena i lo ti fambela,
i lo bahungu mutini wonkle
lezaku za hombe hi ku yini
lezi zilo Jesu a zi mahileko
ka yena.

40 Kota lezi Jesu a nga ha
klela, a xidlemo xi lo mu
klangela; hakuba bonkle ba
wa kari ba mu laba.

41 Languta, laho ku lotta mu-
nhu a bitwako Jairo, yena i
wa hi mufumeli wa sinago-
ga: i lowa laha mikonzwe-
ni ya Jesu, i lo mu kongela
a kuta le ndlwini yakwe;

Mat. 9. 18. Marku 5. 22.

42 Hakuba yena i wa hi ni
nhanyana yece, i wa hi ni
malembe ya kume ni ma-
mbiri a tanga yakwe, yena
i wa eklele na laba kufa.
Kanilezi kota a nga wa ha
famba a xidlemo zi lo tsi-
mbeketana ka yena.

43 A wasati loyi a nga wa hi
ni ngumbe ya ku huma
nkata a malembe ya kume
ni mambiri, loyi a nga wa
mbetile kuhanya kakwe ko-

nkle hi kulaba tinanga, i
wa nga koti ku hanyiswa
ha ncumo,

Mat. 9. 20.

44 I lota hi le nzako ka yena, i
lo kumba a petso wa nguwo
ya yena: kalakale ku su ka-
wuka a ku halaka ka nkata
wakwe.

45 Jesu a ku ngalo, Hi mani
a nzi kumbileko ke? laha
bonkle ba nga wa kanetile,
Petro a ku ngalo, ni laba ba
nga wa hi naye, Mugonzisi,
a zidle mo lezi zi kanyeneko
zi kamanyetile wena.

46 Kanilezi Jesu a ku ngalo, I
kona a nzi kumbileko: ha-
kuba nzi zwile lezaku a nta-
mo wu humele ka mina.

Marku 5. 30. xip. 6. 19.

47 Laho loyi wa nyamayi na
wonile lezaku a nga na ku
ti fihla, i lota na rurumela,
na awa lahasi mahlweni ka
yena a wula ka banhu **bon**-
kle ni ku i lo makumba hi
ku yini, ni ku i lo hanyisa
ku yini zalezo.

48 Yena a ku ngalo ka yena,
Nwananga, a kukoleka ka
wena ku ku hanyisile; fa-
mba hi kurula.

49 Na ha wulawula, ku lota
munwe hi le **nd**lwini ya
mufumeli wa sinagoga, na
aku, A nhanyana wa wena
i file; u nga karati Mugon-
zisi.

Marku 5. 35.

50 Kanilezi Jesu na zizwa, i lo
muhlamula, U nga cabi: sa-

seka u kolwa, yena i ta ha-
nyiswa.

51 Laha na a cikele le **nd**lwini,
a nga vumelangi ni munhu
ku engena zinwe naye, sa-
seka Petro, na Johani, na
Jamesi, ni raru wa nhanya-
na ni nyine wakwe.

52 **Bon**kle ba wa hi xirilweni,
ba rilela yena: kanilezi yena
i te ngalo, Mu nga rili; ha-
kuba a nga fangi, kanilezi
i **ek**lele.

Joh. 11. 11, 13.

53 Bona ba lo mu hleka hi ku-
tseketsela, na ba tiba lezaku
yena i file.

54 Kanilezi yena, na a mu teka
hi canja, i lo mu bitana,
aku, Nhanyana, vuka.

xip. 7. 14. Joh. 11. 43.

55 Ni moya wa yena wu lo
wuya, kalakale i lo vuka:
yena i lo laya lezaku nga a
nyikiwa a xilo xa kuga.

56 Ni batrali bakwe ba lo hla-
mala: kanilezi yena i lo ba
laya lezaku ba nga **by**eli
munhu hi lezi zi maheki-
leko.

Mat. 8. 4. & 9. 30. Marku 5. 43.

XIPIMO 9.

1 Yena i lo bita bakume ni
bambiri katiginwe, i lo ba
nyika a ntamo ni wunhe-
nha hehla ka madimoni, ni
ku hanyisa tingumbe.

Mat. 10. 1. Marku 3. 13. & 6. 7.

2 Yena i lo ba ruma kasi ba
kanela a mufumo wa Nu-
ngungulu, ni ku hanyisa ba
babyako.

Mat. 10. 7, 8. Marku 6. 12. xip. 10. 1, 9.

- 3 Yena a ku ngalo kabye, Mu nga teki ncumo lwenzweni la *nwina*, ge ni nhonga, ge ni kwama, kutani zibaba, kutani imali; ge ni tinganju timbiri.

Mat. 10. 9. Marku 6. 8. xip. 10. 4. & 22. 35.

- 4 Ni ka yihi yindlu leyi mu engenako, tsamani laho, mu suka laho.

Mat. 10. 11. Marku 6. 10.

- 5 Kota a banyingi laba ba nga mu amukeliko, laha na mu suka ka lowo muti, pumunhani a tsuru wa mikonzo ya *nwina* ku maha wukustumunyu ka bona.

Mat. 10. 14. Mit. 13. 51.

- 6 Bona ba lo famba, ba lo tse-makanya mitaneni, na ba kanela ivangeli, na ba hanyisa wutsanweni gonkle.

Marku 6. 12.

- 7 Makunu Herodi a nduna i lozwa hi lezi zonkle ba nga wa zi mahile: i wa lo kanganyiswa nguvu, hakuba ku wa wulilwe hi banwani, lezaku Johani i wa lo vuka hi ka bafleko;

Mat. 14. 1. Marku 6. 14.

- 8 Ni banwani, lezaku Elija i wonekile; ni banwani, a munwe wa baprofeti ba kale a vukileko kambe.

- 9 Herodi a ku ngalo, Hi Johani loyi nzi nga mu tsema hloko: hi yena loyi, hi yena nzi zwako a zilo za ku ngahi? Yena i wa laba ku mu wona.

xip. 23. 8.

- 10 Ni bapostoli, laha ba nga

wa wuyile, ba lo hlawutela ka yena a zilo lezi ba nga wa zi mahile. Yena i lo ba teka i lo hambukela nabo mutini wu tibyako Betsaida.

Marku 6. 30. Mat. 14. 13.

- 11 Kanilezi a zidlemo zi lo zi tiba zi lo mu lanzela: yena i lo zi klangela, i lo kanela kabye hi mufumo wa Nungungulu, ni laba ba nga laba kuhanyiswa i lo ba hanyisa.

- 12 Ni siku gi lo sangula ku pela; ni bakume ni bambiri ba lotta, ba ku ngalo ka yena, Fambisa zidlemo, kasi ba famba mitaneni ni tikweni gi hi ranzeleko, ba eklela, ba kuma kuga: hakuba hi laha ka wutsamo ga xiwunza.

Mat. 14. 15. Marku 6. 35. Joh. 6. 1, 5.

- 13 Kanilezi i te ngalo kabye, Ba heni *nwina* a kuga. Bona ba te ngalo, a hi na ku hunza a nklanu wa zibaba ni zidluwani zimbiri; saseka loku hi famba hi ya xabela bonkle laba banhu a kuga.

- 14 Hakuba ba wa hi nklanu wa makume ya mazana ya banuna. Yena a ku ngalo ka bapizani bakwe, Ba tsamiseni lahasi hi miklawwa, ya nklanu wa makume.

- 15 Bona ba lo maha lezo, ba lo tsamisa bonkle.

- 16 Yena i lo teka a nklanu wa zibaba ni zidluwani zimbiri,

na cuwuka le tilweni, i lo zi katekisa, i lo kema; i lo zi nyika ka bapizani kasi ba zi beka mahlweni ka xidlemo.

17 Ba loga ba lo xura bonkle: ba lo rolela loku ku nga sele maklakla i kume ni zimbiri a zirunzu.

18 Na ku mahisile lezo, kota lezi a nga wa ha kongela yece, ni bapizani bakwe ba wa hi zinwe naye: yena i lo ba wutisa, aku, A zidlemo zi ngalo mina hi mina mani ke?

Mat. 16. 13. Marku 8. 27.

19 Bona na ba hlamula ba ku ngalo, Johani Mubapatizi; kanilezi banwani ba wula, hi Elija; banwani, munwe wa baprofeti ba kale a vukileko kambe.

Mat. 14. 2. xipm. 7, 8.

20 Kanilezi yena i te ngalo kabye, Nwina mu ngalo hi mina mani ke? Petro na hlamula a ku ngalo, Hi wena Kristu wa Nungungulu.

Mat. 16. 16. Joh. 6. 69.

21 Kanilezi i lo ba byela, i lo ba laya lezaku ba nga wuli lexi ka munhu;

Mat. 16. 20.

22 Aku, A Nwana wa munhu i ta xaniseka hi zilo zinyingi, i ta aliwa hi masingalakati ni bapristi ba hombe ni batsali, i ta dawa, hi siku ga manharu i ta vuka.

Mat. 16. 21. & 17. 22.

23 Yena i lo wula ka bonkle, Loku a hi kona munhu a

[Sheetawa.]

78

ranzako ku nzi lanzela, nga a tsika wutsumbu gakwe, a teka a xihambano xakwe a masiku wonkle, ata a nzi lanzela.

Mat. 10. 38. & 16. 24. Marku 8. 34. xip. 14. 27.

24 Hakuba loyi a nga hlayisako kuhanya kakwe i ta ku lahlekelwa; kanilezi loyi a lahlekelwako hi kuhanya kakwe hi kota ya mina, ywaloye i ta ku hlayisa.

25 Hakuba ka mu vuna a yini a munhu, loku a binzula a tiko gonkle, a lahlekelwa kutani a onhakalelwa hi kuhanya kakwe ke?

Mat. 16. 26. Marku 8. 36.

26 Hakuba kani hi wihi a ta nga maha tingana ha mina ni timhaka ta mina, ha yena a Nwana wa munhu i ta maha tingana, laha na ata hi wukosi gakwe, ni wukosi ga Dadani, ni ga tingelosi to basa.

Mat. 10. 33. Marku 8. 38. 2 Tim. 2. 12.

27 Kanilezi nza mu byela ha kunene, ba kona banwani laba ba yimileko laha laba a ba nga tazwa kufa, kala ba wona a mufumo wa Nungungulu.

Mat. 16. 28. Marku 9. 1.

28 Na ku mahisile lezo hi masiku nklanu ni manharu a nzako ka loku kuwula, i lo teka zinwe naye, Petro na Johani, na Jamesi, i lo famba nabo xitsungeni ku ya kongela.

Mat. 17. 1. Marku 9. 2.

29 Kota lezi a nga wa kongela,

a xiyimo xa ngohe yakwe xi lo hunzuluka, ni nguwo yakwe yi lo maha kubasa ni ku hatima.

30 Mangabye, ku lo wulawula zinwe naye a madota mambiri, laba ba nga wa hi Mosi na Elija;

31 Laba ba nga wonekela hi ku ngangamela, ba lo wulawula hi kufa kakwe loku a ta nga kumbetisa le Jerusalema.

32 Makunu Petro ni laba ba nga wa hi naye ba wa konilwe hi wurongo: kanilezi laha ba nga wa hanyanya, ba lo wona kungangamela ka yena, ni madota mambiri na ma yimile naye.

33 Na ku mahisile lezo, kota ba nga wa ha onekana na yena, Petro a ku ngalo ka Jesu, Mugonzisi, zi sasekile ka hina a ku tsama laha: nga hi maha matabarnakeli manharu; a ginwe ga wena, ni ginwe ga Mosi, ni ginwe ga Elija: i wa nga xi tibi lexi a xi wulako.

34 Na a wa ha wulawula lezi zilo, laho ku lota a refu, gi ta ba kubunyeta: ba lo caba kota ba nga wa ha engena refin.

35 Ni gezu gi lo huma refini, giku, Loyi hi Nwana wa mina, a hlawulilweko wa mina: mu ingiseni nwini.

Mat. 3. 17. Mt. 3. 22.

36 Ni laha a gezu gi nga wata, Jesu i lo kumiwa a hi yece. Bona ba lo miyela, a ba wa nga byelangi ni munhu la-

wo masiku hi zilo lezi ba nga wa zi wonile.

Mat. 17. 9.

37 Na ku mahisile lezo, hi si-ku gi gamelako, laha ba nga wa relela hi le xitsungeni, a xidlema xa hombe xi lo klangana naye.

Mat. 17. 14. Marku 9. 14, 17.

38 Languta, a munhu wa xidlema i lo bitana, aku, Mugonzisi, nza ku kongotela a ku ba u cuwuka a nwananga; hakuba hi yena a nwana wa mina yece:

39 Wangabye, a moya wu mu teka, kalakale wa rila; wa mu hanzula lezaku a pupuma kubi, a wu koteki ku suka ka yena, wu mu ketisa hi kubayisa.

40 Nzi lo kongela a bapizani ba wena a kuba ba wu hlongola; a ba zi kotangi.

41 Jesu i lo hlamula a ku ngalo, O xizukulwana xi nga kolekiko ni xi hambukileko, nzi taba na nwina xikati xa ku yini, nzi timisela ha nwina ke? mu nehe laha a nwana wa wena.

42 Kota lezi a nga wa hata, a dimoni gi lo mu puluwunzisa lahasi, gi lo mu hanzula hi kubayisako. Kanilezi Jesu i lo kawuka a moya wa kubiha, i lo hanyisa mufana, i lo mu nyikela ka raru wakwe.

43 Bonkle ba lo damiswa hi wukulu ga Nungungulu.

Kanilezi kota lezi bonkle

ba nga wa ha hlamala hi lezi zilo zonkle a nga wa zi mahile, i te ngalo ka bapizani bakwe,

- 44 Nga leti timhaka ti tikirela tindlebeni ta *nwina*: hakuba a *Nwana* wa munhu i ta nyikelwa mandleni ya banhu.

Mat. 17. 23.

- 45 Kanilezi a ba pimangi loku kuwula, ku wa fihlakele kabye, kasi ba fela ku kala ba nga ku tibi: ba wa caba a ku mu wutisa hi loku kuwula.

Marku 9. 32. xip. 2. 50. & 18. 34.

- 46 Ku lo vuka kukanetana xikari kabye, hi mani wa bona a ta nga maha wa hombe.

Mat. 18. 1. Marku 9. 34.

- 47 Kanilezi laha na Jesu a wona kualakanya ka mbilu yabye, i lo teka a *nwanana* tsongwani, i lo mu beka hi ka yena, a ku ngalo kabye,

- 48 Kani hi wihi a ta nga amukela loyi a *nwanana* tsongwanani bitweni ga mina wa nzi amukela: ni loyi a ta nga nzi amukela i amukela yena loyi a nzi rumileko: hakuba loyi a nga tsongwani xihari ka *nwina* *nwenkle*, ywaloye hi yena wa hombe.

Mat. 10. 40. & 18. 5. & 23. 11, 12. Marku 9. 37. Joh. 12. 44. & 13. 20.

- 49 Johani i lo mu hlamula a ku ngalo, Mugonzisi, hi lo wona a munwe a nga hlo-

ngola a madimoni hi bitoga wena; hina hi lo mu tsimbetela, hakuba a nga lanzeli zinwe na hina.

Marku 9. 38.

- 50 Kanilezi Jesu a ku ngalo kakwe, Mu nga mu tsimbeteli: hakuba loyi a nga hambaniko na *nwina* ngwa *nwina*.

Mat. 12. 30. xip. 11. 23.

- 51 Na ku mahisile lezo, laha a masiku ma nga laba ku cikele kasi i fela ku amukelwa le hehla, i la su cuwukisisa a ngohe yakwe a kuya le Jerusalema,

Marku 16. 19. Mit. 1. 2.

- 52 I lo ruma mitsumi mahlweni ka ngohe yakwe: ba lo famba, ba loya engena mutini wa ba Samaria, kasi ku mu longisela yena.

- 53 A ba mu amukelangi, kota lezi a ngohe yakwe yi nga wa ku kwatsi aya le Jerusalema.

Joh. 4. 4, 9.

- 54 Laha a bapizani bakwe Jamesi na Johani ba lo wona lexi, ba te ngalo, Hosi, wa zi ranza lezaku u rumela nzilo wu relela hi le tilweni, wu ta ba mbetisa ke?

- 55 Kanilezi i lo hunzuluka, i lo ba kawuka.

- 56 Ba loya ka munwani mutana.

Joh. 3. 17. & 12. 47.

- 57 Kota ba nga wa ha famba nlleleni, a munhu wo kari a ku ngalo ka yena, Nzi ta

ku lanzela ni laha u yako kona.

Mat. 8. 19.

58 Jesu a ku ngalo ka yena, A bahlati ba na ni mikele, ni tinyanyani ta tilo ti na ni zisaka; kanilezi a Nwana wa munhu a nga na ni laha a ta nga beka kona a hloko yakwe.

59 I loku a ka munwani, Nzi lanzele. Kanilezi a ku ngalo, Hosi, nzi vumele kuranga nzi ya lahla a rarur wa mina.

Mat. 8. 21.

60 Kanilezi a ku ngalo ka yena, Tsika bafleko ba lahla bafleko babye; kanilezi famba wena u yaba hungu hi mufumo wa Nungungulu.

61 Ni munwani kambe a ku ngalo, Nzi ta ku lanzela, Hosi; kanilezi nzi vumele ku ya salisa laba ba ndlwini ka hina.

62 Kanilezi Jesu a ku ngalo ka yena, A nga kona munhu a bekako canja gakwe xikowini, a cuwuka le nzako, a fanelweko hi mufumo wa Nungungulu.

XIPIMO 10.

1 Makunu a nzako ka lezi zilo a Hosi yi lo yimisa a banklanu wa makume ni makume mambiri a banwani, a ku ba ruma hi bambiri ni bambiri mahlweni ka ngohe yakwe mitini yonkle ni wutsanweni gonkle, laho a wutsumbu gakwe a nga wa ta kuya.

Mat. 10. 1. Marku 6. 7.

2 A ku ngalo kabye, A kuhula ku hombe, kanilezi a batsobeli ba tsongwani: hikhwalaho kombelani a Hosi ya kuhula ku ruma a batsobeli kuhuleni kakwe.

Mat. 9. 37, 38. Joh. 4. 35. 2 Tesa. 3. 1.

3 Ti fambeleni: mangabye, nzi mu rumela kota tiyivu xikari ka timhisi.

Mat. 10. 16.

4 Mu nga komi a kwama, ni xikwamana, ge ni zilato: mu nga losi munhu ndleni.

Mat. 10. 9, 10. Marku 6. 8. xip. 9. 3.

5 Ni ka yihi yindlu leyi mu ta nga engena, kuranga wulani, A kurula a kube ka yindlu leyi.

Mat. 10. 12.

6 Ni loku a nwana wa kurula a hi kona, kurula ka nwina ku ta humula hehla ka yona: kanilezi loku ku nga hi lezo, ku ta wuyela ka nwi-na kambe.

7 Ka ywaleyo yindlu tsamani, na muga na munwa kota zilo lezi ba ta nga zi nyika nwina: hakuba a xitiri xi yimelwe hi kurihwa ka xona. Mu nga fambi ka yindlu ni yindlu.

Mat. 10, 10, 11. 1 Kor. 9. 4, &c. & 10. 27. 1 Tim. 5. 18.

8 Ni ka wihi a muti lowu mu engenako, ni ba mu amukela, ganani a zilo lezi zi bekilweko mahlweni ka nwi-na:

9 Mu hanyisa ba babyako labo ba nga kona, mu wula ka bona, A mufumo wa

Nungungulu wu tsinele ku suhani ka *nwina*.

xip. 9. 2. Mat. 3. 2. & 4. 17. & 10. 7. xipm. 11.

10 Kanilezi ni ka wihi muti lowu mu ta nga engena, bona ba nga mu amukeli, fambani mapangweni ya wona muku,

11 Ni tური wa muti wa *nwina*, lowu wu nga nama-rele mikonzweni ya hina, ha wu pumunhela ka *nwina*: ahemba tibani lexi, a mufumo wa Nungungulu wu tsenele ku suhani.

Mat. 10. 14. xip. 9. 5. Mit. 13. 51. & 18. 6.

12 Nza wula ka *nwina*, Ku ta hehuka hi lego siku ka Sodoma, ku hunza lowo muti.

Mat. 10. 15. Marku 6. 11.

13 Kombo ka wena, Korazini! kombo ka wena, Betsaida! hakuba loku a mitiro ya ntamo yi wa mahilwe ka Tire ni Sidoni leyi yi nga manilweko ka *nwina*, nga ba wa hunzulukile a kale, na ba tsamile ngubyeni ya tisakwa ni kuma.

Mat. 11. 21.

14 Ahemba ku ta hehuka ka Tire ni Sidoni le kulamuleni, ku hunza *nwina*.

15 Wena Kapernaume, u ta klakuselwa le tilweni ke? u ta releli swa lahasi Hayidesi.

Mat. 11. 23.

16 Loyi a mu ingisako wa nzi ingisa mina; ni loyi a mu alako wa nzi ala mina; ni

loyi a alako mina wa mu ala loyi a nzi rumileko.

Mat. 10. 40. Marku 9. 37. Joh. 5. 23. & 13. 20. 1 Tesa. 4. 8.

17 Ni ba nklanu wa makume ni makumi mambiri ba lo wuya hi kutsaka, baku, Hosi, hambu ni madimoni ma wa hi ingisa bitweni ga wena.

xipm. 1.

18 Yena a ku ngalo kabye, Nzi lo wona Satani na awa hi le tilweni kota xingwalangwanza.

Joh. 12. 31. & 16. 11. Kuv. 9. 1. & 12 8, 9.

19 Langutani, nzi mu nyikile a ntamo ku kanziyela tinyoka ni tihume, ni kuhlula ntamo wonkle wa balala: a hi ncumo xi ta nga mu lamata.

Marku 16. 18. Mit. 23. 5.

20 Ahemba mu nga tsaki hi lexi, lezaku a moya wu mu ingisa; kanilezi tsakani hakuba a mabito ya *nwina* ma tsalilwe le tilweni.

21 Ka xwalexo xikati i lo tsaka a Moyeni wo Basa, a ku ngalo, Nza ku bonga, O Dadani, a Hosi ya tilo ni misa ba, hakuba u zi fihlile lezi zilo ka laba ba klarihilekc ni ba pimako, u lo zi wonkelisa ka zihlangi: ina, Dadani; loku zi ngaho zi lo ku xalalisa mahlweni ya wena.

Fil. 4. 3. Heb. 12. 23. Kuv. 13. 8. & 20. 12. & 21. 27. Mat. 11. 25.

22 Zonkle zilo zi nyikilwe ka

- mina hi Dadani wa mina: a nga kona a zi tibako hi mani a Nwana, saseka Dadani; ni ku hi mani Dadani, saseka a Nwana, ni ka wihi loyi a Nwana a zi ranzako ku mu wonkelisa ka yena.
Mat. 28. 18. Joh. 1. 18. & 3. 35. & 5. 27. & 6. 44, 46. & 17. 2.
- 23 Na a hunzulukela ka bapizani, i lo wula hi kuhleba, Ma katekile a mahlo laya ma wonako a zilo lezi mu zi wonako:
Mat. 13. 16.
- 24 Hakuba nza wula ka nwina, hakuba banyingi baprofeti ni tihosi ba nga wa laba ku wona a zilo mu zi wonako, a ba zi wonangi; ni kuzwa a zilo mu zi zwako, a ba zi zwangi.
1 Pet. 1. 10.
- 25 Languta, a muyimeli wo kari i lo yima i lo mu ringa, aku, Mugonzisi, nzi ta maba yini kasi nzi be ni kuhanya ka kupinzuka ke?
Mat. 19. 16. & 22. 35.
- 26 A ku ngalo ka yena, Hi yini ku tsalilweko nayweni? u gonzisa ku yini wena ke?
- 27 Yena na a hlamula a ku ngalo, U ta ranza Hosi Nungungulu wa wena hi mbilu ya wena yonkle, na hi muhefemulo wa wena wonkle, ni ntamo wa wena wonkle; ni kualakanya ka wena konkle; ni wa akelane na wena kota u ti ranzako wena.
- 28 A ku ngalo kakwe, Wena u hlamule kwatsi: maha lezi, u ta hanya.
Roma 10. 5.
- 29 Kanilezi yena i wo xuba ku ti lulamisa, a ku ngalo ka Jesu, Hi mani wa akelane na mina ke?
xip. 16. 15.
- 30 Jesu na mahile a kuhlamlula a ku ngalo, A munhu wo kari i wa relela hi le Jerusalema aya Jeriko; i lo kumiwa hi bapangi, labo ba nga mu runzuwulela tinguwo ba lo muba, ba lo mu siya, ba lo mu siya kusuhanini ni kufa.
- 31 Hi ku kigila mupristi wo kari i lo relela hi leyo ndlela: ni laha a nga mu wona, i lo potsoloka.
- 32 Zi ngaho ni mu Levi kambe, laha na cikele ka wutsamo, i lo mu wona, i lo potsolokawu.
- 33 Kanilezi a mu Samaria wo kari, kota a nga wa enza, i lotta laha a nga wa hi kona: laha na a mu wona, i lo tatiswa hi wusiwana,
Joh. 4. 9.
- 34 I lotta kakwe, i lo bohelela timbanga, na a cela ka tona a mafura ni waini; i lo mu kilelisa xiharini xakwe, i lo mu neha ndlwini ya bapfumba, i lo mu gongola.
- 35 Hi manziko i lo humesa tidentario timbiri, i lo ti nyika ka nwinyi wa yindlu, a ku ngalo, Mu lonzowote; ni yini lexi u ta nga xi humesa kambe, mina laha nzi ta

nga wuya kambe nzi ta ku-
riha.

Mat. 20. 2.

36 Hi wihi wa laba banharu,
wena u alakanyako, a ma-
hileko ka wa akelane naye
loyi a nga kumiwa hi bapa-
ngi ke?

37 Yena a ku ngalo, Loyi a
nga wonisa a titralo ka ye-
na. Jesu a ku ngalo ka-
kwe, Famba, u ya mahawu
za ku ngahi.

38 Makunu kota lezi ba nga
wa ha ti fambela, i lo enge-
na mutaneni wo kari: A
wasati wo kari a bito gakwe
hi Marta i lo mu amukela
le ndlweni yakwe.

Joh. 11. 1. & 12. 2, 3.

39 Yena i wa hi ni makweru a
bitiwako Maria, loyi kambe
a nga wa tsamile mikonzwe-
ni ya Hosi, i lozwa a mhaka
yakwe.

1 Kor. 7. 32, &c. xlp. 8. 35. Mlt. 22. 3.

40 Kanilezi Marta i wa karate-
ka hi kukozela ka hombe;
i lota ka yena, a ku ngalo,
Hosi, a ku katali lezi a ma-
kweru wa mina a nzi tsika-
ko nzi kozela nzoce ke? hi-
kwalaho mu byele kasi wa
fela kuta nzi vuna.

41 Kanilezi a Hosi yi lo hla-
mula yi loku ka yena, Ma-
rta, Marta, wena wa xuba
ni ku ti karata hi zilo zo
tala:

42 Kanilezi xilo xinwe xi labe-
kako: hakuba Maria i hla-
wulile a klelo go saseka, legi
a gi nga tekiwa ka yena.

XIPIMO 11.

1 Na ku mahisile lezo, kota
a nga wa kongela wutsa-
nweni go kari, laho laha na
gumesile, a munwe wa ba-
pizani bakwe a ku ngalo ka
yena, Hosi, hi gonzise ku
kombela, kota Johani a nga
gonzisa a bapizani bakwe.

2 Yena a ku ngalo kabye, La-
ha na mu kombela, muku,
Dadani, a gi hlawuliwe a
bito ga wena. A mufumo
wa wena a wute.

Mat. 6. 9.

3 Hi nyike a masiku ni masi-
ku a kuga ka hina.

4 Hi tsetselele zonho za hina;
hakuba a wutsumbu ga hina
ha ba tsetselela bonklelele
laba ba nga ni milanzu ka
hina. U nga hi nehi kuri-
ngweni.

5 Yena a ku ngalo kabye, Hi
wihi wa nwina a nga ba ni
xaka, a ta nga ya ka yena
xikari ka wusiku, a ku nga-
lo ka yena, Xaka, nzi lombe
a zibaba zinharu;

6 Hakuba a xaka ga mina gi
cikele ka mina hi le kuenze-
ni ka gona, a nzi na ncumo
ku beka mahlweni ka yena;

7 Ni loyi a nga lomo ndlwini
i ta hlamula aku, U nga nzi
karate: a libati makunu li
valilwe, ni banana ba zinwe
na mina ba laha sangweni;
a nzi koti ku vuka nzi ku
nyika?

8 Nza wula ka nwina, Hambu
a wa nga ta zi ranza kuvu-

ka ku mu nyika, hakuba a nga xaka gakwe, kanilezi hi kota ya ku kurumeta kakwe i ta vuka a ta mu nyika kota ku laba kakwe.

zip. 18. 1, &c.

9 Mina nza wula ka *nwina*, Kombeleni, ku ta nyikiwa ka *nwina*; labani, mu ta zi kuma; gongonzani, kuta vululelwa ka *nwina*.

Mat. 7. 7. & 21. 22. Marku 11. 24. Joh. 15. 7. Jam. 1. 6. 1 Joh. 3. 22.

10 Hakuba bonklelele laba ba kombelako ba zi amukela; ni loyi a labako a zi kuma; ni loyi a gongonzako i ta vululelwa.

11 Hi wihi ka *nwina* loyi a dadani loku a *nwana* wakwe i ta mu kombela a xibaba, yena i ta mu nyika a ribye ke? kutani xidluwani, yena a ta mu nyika a nyoka ke?

Mat. 7. 9.

12 Kutani a kombela a tanza, yena i ta mu nyika a hume ke?

13 Loku *nwina* zonake, na mu bihile, ma tiba ku hi nyikisa ku yini a zinyikiwo zo saseka ka banana ba *nwina*, ha hombe ka loyi wa le tilweni a Dadani wa *nwina* a ta nyika a Moya wa ku Basa ka bona laba ba kombelako ka yena ke?

14 Yena a wa hlongola a dimoni legi gi nga wa hi mbebebe, na ku mahisile lezo, laha a dimoni gi nga wa huma, a mbebebe yi lo wu-

lawula; ni zidlemo zi lo hlama.

Mat. 9. 32. & 12. 22.

15 Kanilezi a banwani ba bona ba ku ngalo, Hi Belzebuba a hosi ya madimoni wa hlongola a madimoni.

Mat. 9. 34. & 12. 24.

16 Ni banwani na ba mu ringa, ba lo laba xiwoniso kakwe xa le tilweni.

Mat. 12. 38. & 16. 1.

17 Kanilezi yena, na a tiba kualakanya kabye, a ku ngalo ka bona, Wonkle mufumo lowu wu hambeneko ha woce wu ta hangalaka; ni yindlu yi hambeneko ni yindlu yi ta kungumuka.

Mat. 12. 25. Marku 3. 24. Joh. 2. 23.

18 Loku Satani kambe a hambene ha yece a wutsumbu gakwe, a mufumo wakwe wu ta yima hi ku yini ke? hakuba mu te ngalo nzi humesa a madimoni hi Belzebuba.

19 Loku hi Belzebuba nzi hlongola madimoni, a banana ba *nwina* ba hlongolako hi wihi ke? Hikwalaho ba ta maha balamuli ba *nwina*.

20 Kanilezi loku mina hi litiho la Nungungulu nzi hlongola a madimoni, zonake a mufumo wa Nungungulu wu tile hehla ka *nwina*.

21 Kanilezi a nhenha yi hlomileko kwatsi na labelela a xilubelo xakwe, zibya zakwe zi taba ni kurula:

Mat 12. 29. Marku 3. 27.

22 Kanilezi loku a nhenha levi yi mu hunzako yita hehla

kakwe, yi mu hlula, ya mu wuklela a maklari wonkle laya a nga wa tsumba ka wona, yi abanyisa lezi yi nga panga.

Kol. 2. 15.

23 Loyi a nga hi ko na mina wa nzi hambene na mina; ni loyi a nga hlengeletiko na mina wa hangalasa.

Mat. 12. 30.

24 Laha a moya wa ku biha na wu nga huma ka munhu, wu tsemakanya wutsanweni gi nga haba mati, na wu laba ku humula; a wu ku kumangi, wu wula, Nzi ta wuyela ndlwini ya mina laha nzi nga wa sukile ha kona.

Mat. 12. 43.

25 Laha na wu cikele, wu lo yi kuma na swiyelwe na yi bombisilwe.

26 Zonake wu loya a teka kakwe a nklanu ni mimbiri mimoya ya kubiha ku hunza wona wutsumbu; yona yi lo engena yi tsama laho: a xiyimo xa gumesa xa loye munhu xi bihile ku hunza kusanguleni.

Joh. 5. 14. Heb. 6. 4. & 10. 26. 2 Pet. 2. 20.

27 Na ku mahisile lezo, kota a nga wa wula lezi zilo, a wasati wo kari wa le xidle-nwini i lo klakusa a gezu gakwe, i te ngalo, Yi katekile a nyimba leyi yi nga ku trala, ni mabela laya u nga ma anwa.

xip. 1. 28, 48.

28 Kanilezi yena a ku ngalo,

Ina nguvu, ba katekile laba ba ingisako a mhaka ya Nungungulu, ba yi gongola.

Mat. 7. 21. xip. 8. 21. Jam. 1. 25.

29 Ni laha a zidlemo zi nga tsombana wutsamo ginwe ka yena, i lo sangula ku wula, Lexi xizukulwana hi xizukulwana xi bihileko: xi laba a xiwoniso; a ku kona a xiwoniso xi ta nga nyikiwa ka xona kanilezi hi xiwoniso xa Jona.

Mat. 12. 38, 39.

30 Hakuba kota lezi Jona a nga wa hi xiwoniso ka ba le Niniva, zi ngaho a Nwana wa munhu i taba ka lexi xizukulwana.

31 A muzinza wa le dzonga i ta suka kulamuleni ni madota ya lexi xizukulwana, i ta ba kona: hakuba yena i tile hi le kugumelweni ka misaba ku tazwa kuklariha ka Solomoni: languta, a wa hombe ku hunza Solomoni i kono laha.

32 Ni banhu ba le Niniva ba ta yima kulamuleni ni lexi xizukulwana, ba ta xi kona: hakuba bona ba hunzulkile kukaneleni ka Jona; languta, a wa hombe ku hunza Jona i kona laha.

33 A ku kona munhu, loyi laha na lumekile a kandiya a yi tumbeta rinzini, hambu lahasi ka zi bya, kanilezi le mezeni, kasi laba ba enge-

nako ba fela ku wona ku-wonekela.

Mat. 5. 15. Marku 4. 21. xip. 8. 16.

- 34 A kandiya ya miri hi tihlo ga wina: laha na tihlo ga wena gi hi ginene, ni miri wa wena wonkle wu tele hi ku wonekela; kanilezi loku na gi bihile, a miri wa wena kambe wu tele hi munyama.

Mat. 6. 22.

- 35 Hikwalaho cuwukani ku nga taku a kuwonekela loku ku nga ka wena ku nga bi a munyama.

- 36 Hikwalaho loku wonkle a miri wa wena wu tele hi kuwonekela, na ku nga hi ni klelo ga munyama, wu ta tala hi kuwonekela wonkle, kota laha a kandiya yi woningako ni kungangamela ku nyika kuwoninga.

- 37 Makunu kota lezi a nga wa wulawula, a mu Farisi a mu kombela ku yaga zinwe naye: yena i lo engena, i lo tsama za kugeni.

- 38 Laha a mu Farisi a nga wa zi wonile, i lo dama lezi a nga kala kuranga hi kuhlamba hi mahlweni ka kuga.

Marku 7. 3.

- 39 Ni Hosi yi te ngalo ka yena, Makunu nwina ba Farisi mu hlaza a kopo ni ngelo hi lahandle; kanilezi hi lomo nzeni ku tele hi kupanga ni kubiha.

Mat. 23. 25. Tit. 1. 15.

- 40 Mapupulu nziwina, ni loyi

a nga maha lahandle a nga mahangi ni lomo nzeni ke!

- 41 Ahemba nyikani kota zinyikiwo ka zilo zi nga lomo nzeni; mangabye, zonkle zilo zi hlazekile ka nwina.

- 42 Kanilezi kombo ka nwina ba Farisi! hakuba mu nyika hi ka kume minte ni rue ni kubanyi wonkle, mu klu-la a kulamula ni kuranza ka Nungungulu: kanilezi mu funelwe hi ku nga mu mahile lezi, mu nga siyi ziwani na zi nga mahekangi.

Mat. 23. 23.

- 43 Kombo ka nwina ba Farisi! hakuba mu ranza wutsamo ga hombe masinagogeni, ni kuloswa wutsanweni go hlengeletana.

Mat. 23. 6. Marku 12. 38, 39.

- 44 Kombo ka nwina! hakuba nwina mu kota zilahla lezi zi nga wonekiko, ni banhu laba ba fambako hehla ka zona a ba zi tibi.

Mat. 23. 27.

- 45 Ni munwe wa ba yimeli na a hlamula a ku ngalo ka yena, Mugonzisi, na u wula lezi wa hi rukatela na hinawu kambe.

- 46 Yena i te ngalo, Kombo ka nwinu bayimeli kambe! hakuba mu rexwa banhu mirwalo yo binza leyi ba nga yi kotiko ku yi rwala, nwi-na wutsumbu mu nga yi henyi a mirwalo hi linwe la titiho ta nwina.

Mat. 23. 4.

47 Kombo ka *nwina*! hakuba ma aka mikele ya baprofeti, ni bararu ba *nwina* ba nga ba daya.

Mat. 23. 29.

48 Lezo mu bakustumunyu mu vumela a mitiro ya bararu ba *nwina*: hakuba bona ba lo ba daya, *nwina* mu aka mikele yabye.

49 Hikwalaho ka wula kuklariha ka Nungungulu, Nzi ta rumela ka bona a baprofeti ni bapostoli; ni banwani ba bona ba ta ba daya ba ba xanisa;

Mat. 23. 34.

50 Kasi a nkata wa baprofeti bonkle, lowu wu nga halaka ku sukela kusekelweni ka tiko, wu ta labyiwa ka lexi xizukulwana;

51 Ku sukela nkateni wa Abela ni nkateni wa Zakaria, loyi a nga dawela xikari ka alati ni tempele: ina, nza wula ka *nwina*, wu ta labyiwa ka lexi xizukulwana.

52 Kombo ka *nwina* bayimeli! hakuba ma susa a pfungulo ya kutiba: a mu engeni *nwina* wutsumbu ga *nwina*, ni laba ba engenako kona ma ba tindekisa.

Mat. 23. 13.

53 Laha a nga wa huma hi laho, a batsali ni ba Farisi ba lo sangula ku mu tsimbeketa hi ku mu klokolo-tela, na mu kucetela a ku wulawula a zilo zo tala;

54 Na ba labelele yena, a ku

koma a xilo xi humako hi le nonwini wakwe.

Marku 12. 13.

XIPIMO 12.

1 Na ku wa ha hi lexo xikati, laha a makume ya mazana manyingi ya xidlemo ma nga wa tsombana katiginwe, kota lezi ba nga wa kanziyelana, i lo sangula ku wula ka bapizani bakwe, kuranga ka bonkle, Klarihani *nwina* a comelo xa ba Farisi, lexi xi nga wuxengeteli.

Mat. 16. 6, 12. Marku 8. 15.

2 Kanilezi a ku kona xilo xi fenengetilweko, lexi a xi nga ta funungulwa: ni xi fihlilweko, a xi nga ta tibyiwa.

Mat. 10. 26. Marku 4. 22. xip. 8. 17.

3 Hikwalaho lezi mu zi wulileko munyameni zi ta zwiwa kuwonekeleni; ni lezi mu nga zi wulawulako ndlebeni lomo ndlwini zi ta biwa hungu le hehla ka yindlu.

4 Nza wula ka *nwina* maxaka yanga, Mu nga ba cabi laba ba dayako a miri, a nzako ka lezi a ba na ncumo ku xi maha kambe.

Mat. 10. 28. Joh. 15. 14, 15.

5 Kanilezi nzi ta mu byela loyi mu ta nga mu caba: Mu cabeni yena, loyi a nza-ko na a dale a nga ni ntamo ku hoxa gehene; ina, nza wula ka *nwina*, Mu cabeni yena.

6 A bamanjingiri nklanu ni

bambiri a ba xabyi hi dezi ke? a nga kona a munwe wa bona a ribakelwako mahlweni ka Nungungulu.

Mat. 10. 29.

- 7 Kanilezi ywaleyi a misisi ya tihloko ta nwina yi hlayilwe yonkle. Mu nga cabi: nwina mu hunzile nguvu a bamanjingiri bo tala.
- 8 Na mina nza wula ka nwi-na, Bonklelele loyi a nzi vumelako mahlweni ka banhu, ywaloye a Nwana wa munhu i ta mu vumela mahlweni ka tingelosi ta Nungungulu:
Mat. 10. 32. Marku 8. 38. 2 Tim. 2. 12.
1 Joh. 2. 23.
- 9 Kanilezi loyi a nzi kanetako mahlweni ka banhu i ta kanetwa mahlweni ka tingelosi ta Nungungulu.
- 10 Kani loyi a ta nga wula a mhaka ya ku vukela a Nwana wa munhu, ku ta tsetselelwa ka yena: kanilezi ka yena loyi a rukatelako a Moya wo Basa, ku nga ta tsetselelwa.
Mat. 12. 31, 32. Marku 3. 28. 1 Joh. 5. 16.
- 11 Laha ba ta nga mu neha mahlweni ka masinagoga, ni bafumeli, ni tihosi, mu nga kanakani lezaku hi ta wulisa ku yini, kutani mu ta hlamula ha yini, kutani hi yini hi ta nga wula:
Mat. 10. 19. Marku 13. 11. xip. 21. 14.
- 12 Hakuba a Moya wa ku Basa wu ta mu gonzisa xwalexo xikati lezi mu ta nga zi wula.
- 13 Ni munwe wa xidlema a

ku ngalo ka yena, Mugo-nzisi, laya a makabye wa mina akuba a nzi abela a tsomba.

- 14 Kanilezi a ku ngalo ka yena, Wanuna, hi mani a nzi mahileko mulamuli ni muabanyisi xikari ka nwina ke?

Joh. 18. 36.

- 15 A ku ngalo kabye, Klarihani, mu ti lonzowota kunabeleni konkle: hakuba a wutomi ga munhu a gi yi hi pfuna kakwe a nga nako ko tala.

1 Tim. 6. 7, &c.

- 16 Yena i lo wulawula mufanano kabye, aku, A simu ya munhu wo kari wo fuma yi lo pfuna ha hombe nguvu:
- 17 I lo ti alakanyela a wutsumbu gakwe, aku, Nzi ta maha yini, hakuba a nzi na wutsamo ku tsombanyisela kona a mabele ya mina?
- 18 I te ngalo, Nzi ta maha lezi: nzi ta hanzula a magomba ya mina, nzi aka ya hombe; hi laho nzi ta nga tsombanyisela kona a mabele ya mina yonkle ni tsomba ya mina.
- 19 Mina nzi taku ka muhefemulo wa mina, muhefemulo, u beketele a pfuna wu-nyingi wa malembe yo tala; humula, uge, unwe, u tsaka.
1 Kor. 15. 32. Jam. 5. 5.
- 20 Kanilezi Nungungulu a ku ngalo ka yena, Pupulu nzi-wena, legi wusiku a muhefemulo wa wena wu labyi-

wa ka wena; ni lezi zilo u zi beketeleko, zi ta maha za mani ke?

Jam. 4. 14.

21 Zi ngaho loyi a ti tsombanyiselako a tsomba wutsumbu gakwe, a nga fumangi hi ka Nungungulu.

Mat. 6. 20. xipm. 33. 1 Tim. 6. 18, 19.
Jam. 2. 5.

22 Yena a ku ngalo ka bapizani bakwe, Hikwalaho nza wula ka nwina, mu nga kanakaneli kuhanya ka nwina, mu taga yini; ge ni mimiri ya nwina, mu ta ambala yini.

Mat. 6. 25.

23 Hakuba a kuhanya ka hunza a kuga, ni miri wa hunza tinguwo.

24 Pimani hi zikunguwa, a zi xwanyeli, ge ni kutsobela; a zi ma tindlu ta ku tsombanyisela ge ni magomba; Nungungulu wa zi wundla: ku ta ku yini ka nwina mu hunzileko nguvu a tinyanyani ke!

25 Hi wihi ka nwina hi kukananela a ta nga engetela a nkona ka xiyimo xakwe ke?

26 Loku zonake mu nga zi koti a ku maha ni lezi zi tsongwani, hi yini mu kanakanelako hi lezi zi seleko ke?

27 Pimani hi zitsangi, zi kulisa ku yini ke: a zi tiri, ge ni kuluka; kasi nza wula ka nwina, Hambu Solomoni hi ku ngangamela konkle kakwe a nga bombisangi kota zona.

28 Kanilezi loku Nungungulu a ambalisa lezo a byanyi ga lomo kwatini, legi gi nga kona nyamukla, manziko gi hoxwa nzilweni; ha hombe ha ku yini a ku ambalisa nwina, O nwina ba kukoleka kutsongwanyani?

29 Mu nga labi nwina a ku mu taga yini, ni mu tanwa yini, ge mu nga hi ni kupima ka kukanakana.

30 Hakuba zonkle lezi zilo a tixaka ta tiko ta zi labisisa: kanilezi a Dadani wa nwina wa zi tiba lezaku ma zi laba lezi zilo.

31 Ahemba labani a mufumo, lezi zilo zi ta engetelwa ka nwina.

Mat. 6. 33.

32 Mu nga cabi, klambana wu tsongwani; hakuba za mu nengelisa a Dadani wa nwina ku mu nyika a mufumo

Mat. 11. 25, 26.

33 Xabisani lezi mu nga nazo, mu nyika a zisiwana; mu mahela a wutsumbu ga nwina a zikwama lezi zi nga hlakaliko, ni tsomba le ti-lweni leyi yi nga hlulekiko, laho a nkamba gi nga tsineliko, hambu ni sumba yi nga giko.

Mat. 6. 20. & 19. 21. Mt. 2. 45. & 4. 34.
xip. 16. 9. 1 Tim. 6. 19.

34 Hakuba laha a tsomba ya wena yi nga kona, laho a mbilu ya wena yi ta ba kona kambe.

35 Nga a ziwunu za nwina zi

bohiwa, ni tikandiya ta *nwina* ti vura;

Efe. 6. 14. 1 Pet. 1. 13. Mat. 25. 1, &c.

36 *Nwina* na mu nga mu ko-ta banhu ba languteleko a hosi yabye, laha a ta nga wuya hi le mubuzweni wa mucado: na loku ata na gongonza, bona ba fela ku kalakale ba yi vululela.

37 Ma katekile lawo malanza, lawo laha a hosi na yita yi ta nga ma kuma na ma labelele: hizinene nza wula ka *nwina*, lezaku i ta ti boha wutsumbu, yi ta ma tsamisa le za kugeni, yi tata yi ta ma kozela.

Mat. 24. 46.

38 Ni loku ata hi xikati xa wumbiri, ni xa wunharu, a ba kuma na ba ngaho, ma katekile lawo a malanza.

39 Kanilezi tiba ni lexi, loku a *nwinyi* wa yindlu a wa zi tibile lezaku hi xihi a xikati a nkamba gi tako, nga a wa rinzelile, a nga siyi a yindlu yakwe a ku sala yi boxiwa.

Mat. 24. 43. 1 Tesa. 5. 2. 2 Pet. 3. 10.

Kuv. 3. 3. & 16. 15.

40 Nga *nwina* kambe mu longa: hakuba hi xikati mu nga xi alakanyiko a *Nwana* wa munhu wata.

Mat. 24. 44. & 25. 13. Marku 13. 33.

xip. 21. 34, 36. 1 Tesa. 5. 6. 2 Pet. 3. 12.

41 Petro a ku ngalo, Hosi, u kanela lowu a mufaniso ka hina, kutani ka bona bonkle ke?

42 Ni Hosi yi te ngalo, Hi mani zonake a kolekileko ni

nekwa yi *klarihileko*, loyi a hosi yakwe yi ta nga mu yimisa ngangweni wakwe, ni ku ba nyika a kuga kabye hi xikati xi faneleko?

Mat. 24. 45. & 25. 21. 1 Kor. 4. 2.

43 Gi katekile lego nanza, loyi laha a hosi yakwe na yita a ta nga mu kuma na pangama.

44 Ha kunene nza wula ka *nwina*, yi ta mu yimisa ka zonkle a nga nazo.

Mat. 24. 47.

45 Kanilezi loku lego nanza gi ta wula mbilwini ya gona, A hosi ya mina ya hlwela na yita; gi sangula a kuba a xitiri xa wanuna ni xitiri xa wasati, ni kuga ni kunwa, ni ku maha xidakwa;

Mat. 24. 48.

46 A hosi ya lego nanza yi tata hi siku a nga gi cuwukelangiko, ni xikati a nga xitibiko, yi ta mu pulakanyisa, a mu yimisela a xiabelo ni ba nga kolekiko.

Mat. 24. 51.

47 Ni lego nanza, gi tibako kuranza ka hosi ya gona, gi nga longisi, hambu ni ku maha kota kuranza ka yona, gi ta xupulwa hi timbirimbi tinyingi;

Joh. 9. 41. & 15. 22. Mit. 17. 30. Jam. 4. 17.

48 Kanilezi loyi a nga zi tibiko, a nga maka zilo zi faneleko ku biwa, i ta xupulwa a timbirimbi titsongwani, Ni ka wihi loyi a ta nga nyikiswa nguvu, ka yena ku ta labyiwa zo tala: ni loyi a ta nga abelwa zo tala, ku ta

wutiswa ka yena a za ho-
mbe.

1 Tim. 1. 13.

49 Mina nzi tile kuta hoxa
nzilo misabeni; nzi ranza
yini, loku wu nga na wu
vuretilwe ke?

xipm. 51.

50 Kanilezi nzi na ni kubapa-
tizwa nzi ta nga bapatiziwa
ha kona; nzi kamanyetisi-
lwe hi ku yini ku kala ku
mbetiseka ke!

Mat. 20. 22. Marku 10. 38.

51 Mu alakanya muku nzi tile
ku ruma a kurula misabeni?
Nza mu byela, Kokwihi;
aholu kuhambana:

Mat. 10. 34. xipm. 49. Joh. 7. 43. & 9.
16. & 10. 19.

52 Hakuba ku sukela lezi ba ta
ba kona a ba nkalanu lomo
ndlwinini yinwe ba ta hambe-
na, a banharu ka bambiri,
ni bambiri ka banharu.

Mat. 10. 35.

53 Be ta hambana, a dadani a
vukela a nwana, ni nwana
a vukela a dadani; ni nyine
a vukela a nhanyana wake,
ni nhanyana a nyine wa-
kwe; ni nwingi a vukela a
katamwane wakwe, ni ka-
tamwane a vukela a nwingi
wakwe.

54 Yena a ku ngalo ka zidle-
mo kambe, Laha loku mu
wona a refu gi klakuka hi
le muhlwa-gambo, kalakale
ma wula, Gata dzubi; lezo
ku maheka.

Mat. 16. 2.

55 Ni laha na mu wona a

mheho ya le dzonga yi pu-
puxa, ma wula, Ku taba
kona mumu; ku mahisa le-
zo.

56 Nwina baxengeteli, ma zi
tiba ku klamusela a ngohe
ya misaba ni tilo; kanilezi
hi yini mu nga zi tibiko ku
klamusela a zikati ke?

57 Hi yini a wutsumbu ga
nwina mu nga lamuliko le-
zi zi lulamileko ke?

58 Kota loku u famba ni loyi
a ku kecarileko ka mufu-
meli, na u hi ndleleni ringa
a kuba u hlayisisa a kuba u
klakliswa ka yena; ku nga
ta ku a ku nyikela ka mu-
lamuli, ni mulamuli a ku
nyikela ka nganakana, ni
nganakana yi ku hoxa pa-
xweni.

Mat. 5. 25.

59 Nza wula ka wena, Wena
u nga ta huma laho, na u
karile u riha ni malana yo
gumesa.

Marku 12. 42.

XIPIMO 13.

1 Makunu ba wa hi kona la-
ho ka xwalexo xikati ba
nga mu byela hi ba le
Galile, labo a nkata wabye
Pilatu a nga wu vilinganyi-
sa ni mipahlelo.

2 Yena i lo hlamula a ku
ngalo kabye, Mu alakanya
muku laba ba Galile ba hi
zionhi ku hunza ba Galile
bonkle ke, hakuba ba vu-
melile lezi zilo ke?

3 Mina nza mu byela, Kokwi-
hi: kanilezi, saseka loku mu

honzuluka, *nwina nwenkle* mu ta lobyisiwa zalezo.

- 4 Kutani labo ba kume ni nklanu ni banharu labo ba nga welwa hi tawa ya le Siloame, yi lo ba daya, mu alakanya muku labo ba lo bahlamukisi ku hunza bonkle laba ba nga lomo Jerusalemalema ke?

Mat. 18. 24. xip. 11. 4.

- 5 Nza mu byela, Kokwihi: kanilezi, saseka loku *nwi* ni mu honzuluka, *nwenkle* mu ta lobyisiswa zalezo.

- 6 Yena i lo wulawula luwu mufananiso; A munhu wokari i wa hi ni sinyanya ya kuwu a nga wa byele lomo sinwini gakwe ga xivini; i lotta ku laba mihanzo ya kona, a nga yi kumangi.

Mat. 21. 19.

- 7 I te ngalo ka muhlakuli wa xivini, Wangabye, laya a malembe manharu nzi lotta laba mihanzo ka leyi sinyanya ya kuwu, a nzi yi kumangi: wu tseme hi lahasi; hi yini wu onhako a misaba ke?

- 8 Yena i lo hlamula a ku ngalo kakwe, Hosi, nga wa nga wu tsika legi lembe kambe, nzi kala nzi wu kuhele, nzi wu cela koho:

- 9 Loku wu trala mihanzi hi laho, zinene; kanilezi loku wu nga trali, u ta wu tsema hi lahasi.

- 10 I wa kari a gonzisa ka gi-

nwe ga masinagoga hi sabado.

- 11 Languta, a nyamayi i nga wa hi ni moya wa kubabya a malembe ya kumi ni nklanu ni manharu; yena i wa lo obeka katiginwe, i wa nga zi koti ni ku ti ololoka.

- 12 Laha Jesu a nga wa mu wona, i lo mu bitana a ku ngalo ka yena, Wasati, u klaklisilwe wubabyini ga wena.

- 13 I lo klateka a mandla yakwe hehla kakwe: kalakale a su swi, i lo bonga Nungungulu.

Marku 16. 18. Mit. 9. 17.

- 14 Ni mufumeli wa sinagoga, na a tatiswa hi kuzangara hakuba Jesu i lo hanyisa hi sabado, a hlamula a ku ngalo ka zi xidlema, Ma kona a masiku ya nklanu ni ginwe laya a banhu ba fanelweko hi kutira: hikwalaho hi ka wona ngonani mu hanyiswe, ge hi siku ga sabado.

Mat. 12. 10. Marku 3. 2. xip. 6. 7. & 14. 8.

- 15 Kanilezi a Hosi yi lo mu hlamula, yi ku ngalo, Nwina baxengeteli, a nga mahi a munwe wa *nwina* hi siku ga sabado a ku klakla a homu kutani i buru xigowolweni a gi gula ku ya gi nwiswa ke?

xip. 14. 5.

- 16 A zi fanele ka loyi wasati, na hi nhanyana wa Abrahamama, loyi Satani a nga wa mu bohile, wangabye, laya malembe ya kume ni nkla-

nu ni manharu, ni ku *kla-*
klisiwa hi siku ga sabado ka
lezi ziboho ke?

xip. 19. 9.

17 Kota a nga wa ha wula lezi
zilo, bonkle laba ba nga ka-
netana naye ba lo celwa ti-
ngana: ni xidlemo xonkle
xi lo tsaka hi zilo zonkle za
wukosi lezi zi nga wa mahi-
lwe hi yena.

18 Hikwalaho yena a ku nga-
lo, Hi ka yini a mufumo wa
Nungungulu wu fananako
ke? nzi ta wu fananisa ni
yini ke?

Mat. 13. 31. Marku 4. 30.

19 Wu fanana ni mbewu ya
xinapi, leyi a munhu i lo yi
teka, a nga yi byala sinwini
gakwe; yi lo kula, yi lo ma-
ha a sinye; ni tinyanyani
ta tilo ti lo kapama marabi-
ni ya wona.

20 Kambe a ku ngalo, Hi kwi-
hi nzi ta nga wu fananisa
ha kona a mufumo wa Nu-
ngungulu ke?

21 Wu fanana ni comelo, legi
a wasati a gi teka to hi zipi-
mo zinharu za mapa, ku
kala wonkle ma biliswa.

Mat. 13. 33.

22 Yena i lo ti fambela a tse-
makanya mitini ni zimuta-
neni, na gonzisa, na aya
Jerusalema.

Mat. 9. 35. Marku 6. 6.

23 Ni munwe i te ngalo ka ye-
na, Hosi, ba tsongwani ba
ta nga hanyiswa ke? yena i
te ngalo kabye,

[Sheetwa.]

79

24 Ringani ku engena hi nya-
ngwa yi hlongileko: haku-
ba banyingi, nza wula ka
nwina, ba ta nga laba ku
engena, ba nga ta zi kota.

Mat. 7. 13. Joh. 7. 34. & 8. 21. & 13. 33.
Roma 9. 31.

25 Laha a nwinyi wa yindlu a
ta nga suka, a vala libati,
nwina mu sangula ku yima
hi lahandle, mu gongonza
libatini, muku, Hosi, hi vu-
lulele; yena i ta hlamula a
ku ngalo ka nwina, A nzi
mu tibi laha mu tako ha
kona;

Mat. 7. 23. & 25. 10, 12. xip. 6. 46.

26 Zonake mu sala ku wula,
Hi loga hi lonwa mahlweni
ya wena, wena u lo gonzisa
mapangweni ya hina;

27 Yena i taku, Nza mu byela,
a nzi mu tibi laha mu tako
ha kona; sukani ka mina,
nwina nwenkle bamahi ba
kuonha.

Mat. 7. 23. & 25. 41. xipm. 25.

28 Laho ku ta ba kona a xirilo
ni kugetsela ka meno, laha
mu ta nga wona Abrahama,
na Isaka, na Jakobe, ni ba-
profeti bonkle, mufunweni
wa Nungungulu, nwina wu-
tsumbu mu hoxiwa laha-
ndle.

Mat. 8. 11, 12. & 13. 42. & 24. 51.

29 Ba tata hi mutsuwuka-ga-
mbo ni le muhlwa-gambo,
ni nwalungu ni dzongeni,
ba ta tsama lahasi mufu-
nweni wa Nungungulu.

30 Mangabye, ba kona laba ba
kugumesa ba ta nga ba ba
kuranga, ni laba ba kura-

nga ba ta nga ba ba kugu-
mesa.

Mat. 19. 30. & 20. 16. Marku 10. 31.

31 Ka xwalexo xikati laho ku
lota a ba Farisi bo kari, na
baku ka yena, Huma laha
wena, u famba laha: haku-
ba Herodi i laba ku ku da-
ya.

32 Yena i te ngalo kabye, Fa-
mba u ya wula ka loye hla-
ti, Languta, nzi hlongola a
madimoni nzi hanyisa ba-
babyako nyamukla na ma-
nziko, hi siku ga manharu
nzi ta mbetisa.

Heb. 2. 10.

33 Ahemba nzi yimelwe hi ku
famba ndleleni ya mina
nyamukla na manziko na
mundlwani: hakuba a zi na
ku koteka lezaku a mupro-
feti a nga wa ta lobyiswa
lehandle ka Jerusalema.

34 O Jerusalema, Jerusalema,
wena u dayako baprofeti, u
ba gandla hi maribye laba
ba rumelweko ka wena! ku
ta ba xikati muni nzi nga
wungeletela a banana ba
wena katiginwe, kota a tre-
le yi wungeletelako zihu-
kwana za yona lahasi ka
tipapa ta yona, a mu zi ra-
nzi!

Mat. 23. 37.

35 Mangabye, a yindlu ya we-
na yi siyilwe yi hangalakile:
nza wula ka nwina, Nwina
mu nga ta nzi wona, mu
kala muku, U katekile loyi
a tako hi bito ga Hosi.

Mat. 21. 9. Marku 11. 10. xlp. 19. 38.
Joh. 12. 13.

XIPIMO 14.

1 Na ku mahisile lezo, laha
a nga wa ya ndlwini ya mu-
nwe wa bafumeli ba ba Fa-
risi hi sabado a kuga zibaba,
lezo ba wa mu rinzele.

2 Languta, laho ku wa hi ko-
na mahlweni ka yena a mu-
nhu wo kari a nga wa hi ni
xitsamba.

3 Jesu na hlamula i lo wula-
wula ka bayimeli ni ba Fa-
risi, aku, Ku fanele ku ha-
nyisa hi sabado, kutani a hi
zona ke?

Mat. 12. 10.

4 Kanilezi bona ba su tiwiti-
wi bi. Yena i lo mu teka, i
lo mu hanyisa, i lo mu fa-
mbisa.

5 A ku ngalo kabye, Hi wihi
wa nwina loku a hi ni buru
kutani i humu na yi wele
hlobyeni a nga yi ku ya yi
hlukuhlula hi siku ga saba-
do ke?

xlp. 13. 15.

6 Bona ba wa nga hlamulangi
kambe ka lezi zilo.

7 Yena i lo kanela a mufa-
naniso ka labo ba rambilwe-
ko, na i lo kombisa lezaku
ba hlawulisa ku yini a wu-
tsamo ga hombe; aku ka-
bye,

8 Loku u nga wena u rambi-
lwe ka mubuzo wa wukati,
u nga tsami wutsanweni ga
hombe; ku nga taku a du-
mileko ku hunza wena a ra-
mbiwa hi yena,

9 Loyi a nga ku ramba wena.

na yena i tata a taku ka wena, Nyika loyi munhu a wutsamo; wena u ta ba ni tingana ku teka a wutsamo ga lahasi.

10 Kanilezi loku laha na u rambilwe, famba uya tsama wutsanweni ga lahasi kasi laha loyi a nga ku ramba ata, a ngaku ka wena, Xaka, famba le mahlweni: zonake u ta ba ni kudumiswa mahlweni ka bona laba ba tsamileko za kugeni zinwe na wena.

11 Hakuba loyi a ti kukumukisako i ta tsobyiwa; ni loyi a ti tsobako i ta kukumukiswa.

Mat. 23. 12. xlp. 18. 14. Jam. 4. 6.
1 Pet. 5. 5.

12 Yena a ku ngalo ka loyi a mu rambileko kambe, Laha u mahako a kuga ka mumu kutani xilalelo, u nga biti maxaka ya wena, kutani bamakabye ba wena, ge ni ba ka nwina, ge ni banhu bo fuma wakileko nabo; ku nga taku ba ku ramba kambe, ba maha kuklelisela ka wena.

13 Kanilezi laha na u maha mubuzo, ramba zisiwana, a zirela, ni zilema, ni zikumu:

14 Wenake u ta katekiswa; hakuba a ba nazo ba ta nga ku klelisela ha zona: hakuba wena u ta kleliselwa kuvukeni ka ba lu lamileko.

15 Ni munwe wa bona laba ba nga wa tsamile za kugeni

na a zwile zilo lezi, i te ngalo ka yena, I katekile yena a ta ngaga zibaba mufunweni wa Nungungulu.

Kuv. 19. 9.

16 Kanilezi yena a ku ngalo ka yena, A munhu wo kari i lo maha xilalelo xa hombe; i lo ramba botala:

Mat. 22. 2.

17 I lo ruma a malanza yakwe hi xikati xa xilalelo ku ya wula ka bona laba laba ba rambilweko, Ngonani; hakuba zilo zonkle zi longisilwe.

18 Kanilezi bonkle hi kuranza kunwe ba lo sangula ku ti pendla. A wa kuranga a ku nga lo ka yena, Nzi xabile a simu, nzi fanela nziya yi wona: nza ku kombela u nzi pendle.

19 Ni munwani a ku ngalo, nzi xabile nklanu wa majoka ya tikabi, nzi famba kuya ti hlola: nza ku kombela u nzi pendle.

20 Ni munwani a ku ngalo, Nzi tekile wasati, hikwalaho a nzi zi koti kuta.

21 Ni nanza gi lota, gi lo byela a hosi ya gona lezi zilo. Zonake a nwinyi wa yindlu na zangarile i te ngalo ka nanza gakwe, Haklisa u famba mapangweni ni mipfuklaneni ya muti, u neha laha a zisiwana ni zirela ni zikumu ni zilema.

22 Ni nanza gi ku ngalo, Hosi, lezi u zi layako zi mahekile, ga hi kona wutsamo.

- 23 A hosi yi ku ka nanza, Famba tindleleni ta hombe ni tihlavini, u ba gula ba engena, kasi a yinalu ya mina ya fela ku tala.
- 24 Hakuba nza wula ka wena, a nga kona a munhu wa laho ba wa rambilwe a ta ngazwa a xilalelo xa mina.
Mat. 21. 43. & 22. 8. Mit. 13. 46.
- 25 Makunu ku lota naye a zidlemo za hombe: i lo hunzuluka, a ku ngalo ka-bye,
- 26 Loku a hi kona munhu a tako ka mina, a nga bengi a raru wakwe, ni nyine, ni sati, ni banana, ni bamakabye, ni bamakweru, ina, hambu kuhanya ka yena nwinyi kambe, a nga koti ku maha mupizani wa mina.
Mat. 10. 37. Roma 9. 13. Kuv. 12. 11.
- 27 Kani loyi a nga rwaliko a xihambano xakwe yena nwinyi, ata a nzi lauzela, a nga zi koti ku maha mupizani wa mina.
Mat. 16. 24. Marku 8. 34. xlp. 9. 23. 2 Tim. 3. 12.
- 28 Hakuba hi wihi wa nwina, a labako ku aka a tawa, a nga tsami lahasi a hlayela a tsengo, a ku kutani i nawo lowu a ta nga mbetisa ha wona ke?
- 29 Ku nga taku, laha na bekile a xiseketelo, a nga zi koti kumbetisa, ni bonkle laba ba zi wonako ba sangula ku mu tseketsela, baku,
- 30 Loyi munhu i lo sangula ku aka, a nga zi koti ku mbetisa.
- 31 Kutani hi yihi hosi, yi sukako yiya hlasela a yinwani hosi, a nga ta tsama lahasi kuranga a tsema kungo lezaku kutani yena a na nga ni kume ga makume ya mazana a nga kota kulangana naye a tako a talwa naye hi makume mambiri ya makume ya mazana ke?
- 32 Kutani kambe, laha na yinwani ya ha hi kule, ya ruma a mitsumi ku ya wutisa akuba ku hi kona a kulala.
- 33 Hikwalaho kani hi wihi wa nwina a nga siyiko zonkle lezi a nga nazo, a nga zi koti ku maha mupizani wa mina.
- 34 Hikwalaho a munyu wu sa-sekile: kanilezi loku munyu wu trama, wu ta lungwa hi ku yini ke?
Mat. 5. 13. Marku 9. 50.
- 35 A wa ha faneli ni misabage ni koho: a banhu ba wu hoxa. Loyi a nga ni tindlebe ta kuzwa, nga a zizwa.

XIPIMO 15.

- 1 Makunu a bahlengisi ni baonhi ba wa tsinela kushani ku muzwa.

Mat. 9. 10.

- 2 Bonkle ba Farisi ni batsali ba lo tsanwisa, baku, Loyi

wo amukela baonhi, aga nabo.

Mit. 11. 3. Gal. 2. 12.

3 I lo kanela lowu mufana-niso kabye, aku,

4 Hi wihi munhu ka *nwina*, a na nga ni zana ga tiyivu, laha na a lahlile a yinwe ya tona, a nga siyi leti ta *nkla*-nu wa makume ni mune wa makume ni *nkla*nu ni mune xiwuleni, a lanza leyi yi pengileko, kala a yi kuma ke?

Mat. 18. 12.

5 Ni laha na a yi kumile, i yi beka makakleni yakwe, a tsaka.

6 Laha a nga wata le kaya, i lo bitana katiginwe a maxa-ka yakwe ni baakelene naye, a ku ka bona, tsakani na mina, hakuba nzi yi kumile a yivu ya mina leyi yi nga wa lahlele.

1 Pet. 2. 10, 25.

7 Nza wula ka *nwina*, zi ta ba ngaho le tilweni hi muonhi munwe a hunzuluka-ko, ku hunza laba ba *nkla*-nu wa makume ni mune wa makume ni *nkla*nu ni mune a banhu ba lulamileko, ba nga labiko kuhunzuluka.

xip. 5. 32.

8 Kutani hi wihi wasati a nga ni kume ga zipanze za siliva, loku a lahlekelwa hi xipanze xinwe, a nga lume-ki a kandiya, a swiyela yindlu, a labisisa kala a xi kuma ke?

Mat. 18. 28.

9 Laha na yena na xi kumile, i bitana katiginwe a maxa-ka yakwe ni ba akelane naye, aku, Tsakani zinwe na mina, hakuba nzi xi kumile a xipanze lexi xi nga wa lahlele.

10 Zi ngaho, nza wula ka *nwi*-na, ku kona kutsaka mahlweni ka tingelosi ta Nungungulu hi muonhi munwe a hunzulukako.

11 A ku ngalo, A munhu wokari i wa ni bana bambiri:

12 A nzisana ka bona a ku ngalo ka raru wakwe, Dadani, nzi nyike xiabelo xa tsomba ya wena lexi xi nyikilweko mina. Yena i lo ba abanyisela a kuhanya ka yena.

Marku 12. 44.

13 Ku wa nga hi masiku manyingi anzako a *nwana* loyi wa nzisana a nga tsombanyisa zonkle katiginwe, i lo teka a lwenzo lakwe kuya tikweni ga le kule; laho i lo hangalasa tsomba yakwe hi ku onhakala.

14 Ni laha na a hangalasile konkle, laho ku lo huma a ndlala ya hombe lego tiko; yena i lo sangula ku vumala.

15 I lo famba a ya ti klangani-sa ni muaki wa lego tiko; i lo mu rumela masangeni yakwe ku risa a maku-mba.

16 Yena i lo mbilukela a kuga a makamba laya ma nga

giwa hi makumba: a nga nyikwangi hi munhu.

17 Kanilezi laha na ata ka wutsumbu gakwe a ku ngalo, Zingani a zitiri za ku rihwa ka dadani zi na nga ni zibaba zotala ni ku hunza, mina nzafa laha hi ndlala!

18 Nzi ta suka nzi taya ka dadani, nzi ta ku ngalo ka yena, Dadani, nzi onhile tilweni, ni mahlweni ka wena:

19 A nza ha faneli kambe ku bitanwa nzi nwana wa wena: nzi mahe kota munwe wa zitiri za wena zi rihwako.

20 Yena i lo suka, i lota ka dadani wakwe. Kanilezi laha a nga wa ha hi kule, a raru wakwe i lo mu wona, i lo tatiswa hi titralo, i lo tsutsuma, a yawa nhanweni yakwe, i lo ma trotra.

Mit. 2. 39. Efe. 2. 13, 17.

21 Ni nwana i te ngalo ka yena, Dadani, nzi onhile le tilweni ni mahlweni ka wena: a nza ha faneli ku bitiswa a ku nzi nwana wa wena.

22 Kanilezi a raru i te ngalo ka malanza, Haklisani mu neha a nguwo yo saseka, mu mu ambalisa; mu mehela a pera canjeni gakwe, ni zilato mikonzweni yakwe:

23 Mu neha a role gi nonileko, mu gi daya, hi tage, hi mahe kutsaka:

24 Hakuba loyi a nwananga i wa file, yena wa hanya ka-

mbe; i wa lahlekile, i kumlwe kambe. Ba lo sangula ku tsaka.

xipm. 32. Efe. 2. 1. & 5. 14. Kuv. 3. 1.

25 Makunu a nwana wakwe loyi wa nhonzwa i wa hi le masinwini: kota a nga wa wuya, i lozwa a kuyimbelela ni kukina.

26 I lo bitana kakwe a munwe wa malanza, i lo wutisa lezi zilo za ku yini.

27 A ku ngalo ka yena, A makwenu i wuyile: ni raru wa wena i dele a role gi nonileko, hakuba i mu amukele na a ponile a hanyile.

28 Kanilezi i lo zangara, a nga vumeli ku engena: ni raru wakwe i lo huma a mu kongotela,

29 Kanilezi yena i lo hlamula a ku ngalo ka raru wakwe, Wangabye, laya a malembe yo tala nzi ku kozelako, a nzi hambunyetangi ni kulaya ka wena: lezo cima a ku nzi nyikangi ni mbutanana, kasi nza fela ku tsaka ni bangana ba mina:

30 Kanilezi laha loyi a nwana wa wena na a tile, loyi a nga hangalasa a tsomba ya wena ni zibayi, wena u mu dayele a role gi nonileko.

31 Yena a ku ngalo kakwe, Nwananga, wena u na mina xikati xonkle, ni zonkle lezi zi nga za mina hi za wena.

32 Kanilezi zi wa lo fanela a ku tsaka hi nengela: hakuba loyi a makwenu i wa file, wa hanya kambe; i wa la-

hlelile, wa kumilwe kambe.

xipm. 34.

XIPIMO 16.

- 1 Yena i lo wula kambe ka bapizani, Ku wa hi kona munhu wo kari a nga wa fumile, loyi a nga wa hi ni nekwa; ywaleyo yi lo kecarwa ka yena lezaku ya hangalasa xuma xakwe.
- 2 Yena i lo mu bitana, a ku ngalo ka yena, Za ku yini nzi zi zwako ha wena ke? lonzowotela kuhlaya a wunekwa ga wena; hakuba u nga ta ha ku ba nekwa kambe.
- 3 Ni nekwa yiku wutsumbyini ga yena, Nzi ta maha yini, na nzi wona lezaku a hosi ya mina ya nzi tekela a wunekwa ke? A nzi na ntamo ku rima; ni ku kombela nzi na ni tingana.
- 4 Nza pima lexi nzi ta nga xi maha, laho, na nzi susilwe wunekweni ga mina, kasi ba fela ku nzi amukela lomo tindlwini tabye.
- 5 Na a bitana loyi ni loyi wa milanzu ya hosi yakwe, i te ngalo ka wa kuranga, U na ni nanzu wa ku yini ka hosi ya mina ke?
- 6 Yena a ku ngalo, A zipimo za zana za mafura. Yena a ku ngalo ka yena, Teka a papilo ga wena, u haklisa u tsama u tsala a nkulanu wa makume.
- 7 Zonake yena a ku ngalo ka

munwani, U na ni nanzu wa ku yini wena ke? Yena a ku ngalo, I zana ga zipimo za mabele. A ku ngalo ka yena, Teka a papilo ga wena, u tsala nkulanu wa makume ni makume manharu.

- 8 Ni hosi yi lo dzunza a nekwa yi nga lulamangiko hakuba yi mahile hi wuklari: hakuba a banana ba legi tiko ka zizukulwana, zabye ba klarihile ku hunza a banana ba kuwonekela.

Joh. 12. 36. Efe. 5. 8. 1 Tesa. 5. 5.

- 9 Nza wula ka nwina, Mahelani a wutsumbu ga nwina a bangana hi ba mamoni a nga lulamangiko; kasi, laha ku hlulekile, ba fela ku mu amukela matabernekeleni ya kupinzuka.

Mat. 6. 19. & 19. 21. xip. 11. 41. 1 Tim. 6. 17, 18, 19.

- 10 Ni loyi a kolekako ka za lezi zitsongwanyani i kolekile ni ka za ku tala: ni loyi a nga lulamangiko ka lezi zi tsongwanyani a nga lulamangini ka za ku tala.

Mat. 25. 21. xip. 19. 17.

- 11 Hikwalaho loku mu nga kolekile ka mamoni loyi a nga lulamangiko, hi mani a ta nga nyika ku tsumba ka nwina ka tsomba yinene ke?

- 12 Loku mu nga na mu nga kolekile hi lezo zi nga za munwani, hi mani a ta nga mu nyika lezi zi nga za nwina benyi ke?

- 13 A gi kona nanza gi ta nga

kozela tihosi timbiri: haku-
ba i ta benga yinwe, a ranza
yinwani; ku taku i ta na-
marela ka yinwe, a benga
yinwani. Nwina a mu zi
koti ku kozela Nungungu-
lu na mamona.

Mat. 6. 24.

- 14 Ni ba Farisi, laba ba nga
ziranzi za mali, na ba zwile
zonkle lezi zilo; ba lo mu
kanya.

Mat. 23. 14.

- 15 Yena a ku ngalo kabye,
Nwina mu laba ba ti basi-
sako mahlweni ka banhu;
kanilezi Nungungulu wa ti-
ba timbilu ta nwina: ha-
kuba lezo zi ti ku kumu-
kisako xikari ka banhu zi
nyenyeko mahlweni ka Nu-
ngungulu.

xip. 10. 29.

- 16 A nayo ni baprofeti ku wa
hi kona ku kala ku cikela
Johani; ku sukela lexo xi-
kati a ivangeli ya mufumo
wa Nungungulu ya kane-
lwa, ni banhu bonkle ba ha-
klisa ku engena ka wona.

Mat. 4. 17. & 11. 12, 13. xip. 7. 20.

- 17 Kanilezi za hehuka ka tilo
ni misaba ku hunza, ku na
lezaku a nzatana munwe
wa nayo wu nga ta kuwa.

Mat. 5. 18. 1 Pet. 1. 25.

- 18 Ni ka loyi a hlongolako a
sati wakwe, a teka munwa-
ni, wa baya: ni ka loyi a te-
kako loye a hlongolilweko
wa baya.

Mat. 5. 32. & 19. 9. Marku 10. 11. 1
Kor. 7. 10, 11.

- 19 Makunu ku wa hi kona

munhu a nga fumile, i wa
ambala a ziwunguwungu ni
tinguwo to basa, a nga wa-
ga lezi zo nanziha masiku
wonkle:

- 20 Ni mukombeli wo kari a ti-
byako Lazaru i wa bekilwe
nyangweni yakwe, a tele hi
zilonza,

- 21 Na a laba kuga a maklakla
laya ma welako mazenani ya
munhu wo fuma; ina, ni ti-
byana ti lota ti lo lazela a
zilonza zakwe.

- 22 Na ku mahisile lezo, kasi a
mukombeli i lofa, i lo rwa-
lwa hi tingelosi kuya xifu-
beni xa Abrahamama: ni mu-
nhu wo fuma kambe i lofa,
i lo kelelwa.

- 23 Ni le Hayidesi i lo klakusa
a mahlo yakwe, na hi ku-
xanisekeni, i lo wona Abra-
hama le kule, na Lazaru xi-
fubeni xakwe.

- 24 I lo bitana a ku ngalo, Da-
dani Abrahamama, zwele wu-
xinji ka mina, u ruma La-
zaru, kasi a pete a wukla
ga li tiho lakwe matini, a ti-
timete lirimi la mina; haku-
ba mina nzi laha wulaleni
ka legi pingo.

Marku 9. 44, &c.

- 25 Kanilezi Abrahamama a ku
ngalo, Nwananga, alakanya
lezaku wena kuhanyeni ka
wena u amukelile a zilo zo
saseka za wena, ni Lazaru
zi ngaho le za kubiha: ka-
nilezi makunu yena wa ta-
ngaliswa, wena u le wula-
leni.

- 26 Ni lahandle ka zilo lezi zonkle, xikari ka hina na nwina ku kona a gebe ga hombe, ni laba ba ranzako ku hunza hi leno kuta ka nwina ba nge zi koti, ni lezaku a nga kona a klatukako hi leyo ata ka hina.
- 27 Yena i te ngalo, Hikwalaho nzi ku kombela, dadani, lezaku nga u mu rumele le ndlwini ka dadani wa mina;
- 28 Hakuba nzi na ni bamakabye ba nklanu; kasi wa fela ku kustumunya ka bona ba nga ti ka legi wutsamo ga kuxaniseka.
- 29 Kanilezi Abrahamama a wula, Ba na na Mosi ni baprofeti; nga ba ingisa bona.
- 30 Yena a ku ngalo, Kokwihi, dadani Abrahamama: kanilezi loku munwe wa bafileko aya ka bona, ba ta hunzuluka.
- 31 A ku ngalo ka yena, Loku ba ingisi Mosi ni baprofeti, cima ba nga ta vumeliswa, loku a munwe a vuka hi ka bafileko.

Joh. 12. 10, 11.

XIIMO 17.

- 1 A ku ngalo ka bapizani bakwe, A zi koteki lezaku a zikubekiso nga zi ngati: kanilezi kombo ka yena, loyi zi ta ngata ha yena!
- 2 Zi mu sasekele lezaku a ribye ga hombe ga xigayo gi lengiswa nhanweni yakwe, a hoxwa bimbini, ku hunza

loku a maha munwe wa laba ba tsongwani ku kungubanyeka.

- 3 Klarihani wutsumbu ga nwina: loku makabye wa wena a ku onha, mu kawuke; loku yena a hunzuluka, mu tsetselele.

Mat. 18. 15, 21. Jam. 5. 19.

- 4 Loku a onhile wena hi ka nklanu ni kumbiri hi siku, a wuya ka wena ka nklanu ni kumbiri, aku, Nza hunzuluka; wena u ta mu tsetselela.

- 5 Ni bapostoli ba ku ngalo ka Hosi, Engetela kukoleka ka hina.

- 6 Ni Hosi yi te ngalo, Loku mu hi ni kukoleka ka ku kota a mbewu ya xinapi, mu taku ka leyi sinyanya ya kuwu, Nga u simuka, wa nga ta hoxwa bimbini; ku ta yingiswa ka nwina.

Mat. 17. 20. & 21. 21. Marku 9. 23. & 11. 23.

- 7 Kanilezi hi wihi ka nwina, a na nga ni xitiri xi rimako kutani xi risako tiyivi, a ta nga wula ka yena, laha nata hi mikobeni, Ngona u halisa u ta tsama uga;

- 8 Kutani a nga ta wula ka yena, Longisa lezi nzi ta ngaga, u ti boha a wutsumbu, u nzi kozela, nzi kala nziga ni kunwa; anzako wena u taga ni kunwa?

xip. 12. 37.

- 9 Wa xi bongxa xitiri hi lezi xi nga maha zilo zi layilweko ke?

- 10 Zo ngaho ni ka *nwina*, laha mu ta nga nga mu mahile a zilo zi layelweko *nwina*, mu wula, Mu hi malanza ma nga vuniko ncumo; hi mahile lezi wu nga wa hi tiro wa hina ku maha.
Mat. 25. 30. Roma 3. 12. & 11. 35. 1 Kor. 9. 16, 17. File. 11.
- 11 Na ku mahisile lezo, kota ba nga wa haya Jerusalema, i lo tsemakanya xikari ka le Samaria ni Galile.
Luka 9. 51, 52. Joh. 4. 4.
- 12 Kota lezi a nga engena mutaneni wo kari, ku lo klangana naye a kume ga bannhu ba nga wa hi hlokonho, labo ba nga wa yimile kule:
- 13 Bona ba lo klakusa a magezu yabye, baku, Jesu, Mungonzisi, hi mahele wuxinji.
- 14 Ni laha a nga wa ba wona, i te ngalo kabye, Fambani mu ya kombisa a wutsumbu ga *nwina* ka bapristi. Na ku mahisile lezo, kota ba nga wa ha famba, ba lo hlaziwa.
Mat. 8. 4. xip. 5. 14.
- 15 Ni munwe wabye, laha a nga wona lezaku i hanyisilwe, i lo klela a wuya, na dumisa Nungungulu hi gezu ga hombe;
- 16 I lowa hi ngohe yakwe mikonzweni yakwe, i lo mu nyika kubonga: yena i wa hi mu Samaria.
- 17 Jesu i lo hlamula a ku ngalo, Ba wa nga hi kume ba nga hlaziwa ke? kanilezi ba kwihi ba nklanu ni mune ke?
- 18 Laho a ku wa nga kumiwangi laba ba nga wa klelile ku ta nyika ku dumisa ka Nungungulu, saseka loyi mupfumba ke?
- 19 A ku ngalo kakwe, Suka, u ti fambela: a kukoleka ka wena ku ku hanyisile.
Mat. 9. 22. Marku 5. 34. & 10. 52. xip. 7. 50. & 8. 48. & 18. 42.
- 20 Na a nga a wutisilwe hi ba Farisi, hi rini a mufumo wa Nungungulu wu ta nata, yena i lo ba hlamula a ku ngalo, A mufumo wa Nungungulu a wuti hi kulangetelwa:
- 21 Ge ba nga ta wula, Manga-bye, hi lowu! kutani, hi lo lahaya! hakuba mangabye, a mufumo wa Nungungulu wu kona xikari ka *nwina*.
xipm. 23. Roma 14. 17. Joh. 1. 26.
- 22 I te ngalo ka bapizani, A masiku ma tata, laha mu ta nga laba ku wona a ginwe ga masiku ya Nwana wa munhu, mu nga ta gi ma wona.
Mat. 9. 15. Joh. 17. 12.
- 23 Ba ta wula ka *nwina*, Mangabye, hi gaya! Manga-bye, i laha! mu nga fambi, ge ni ku ba lanzela:
Mat. 24. 23. Marku 13. 21. xip. 21. 8.
- 24 Hakuba kota xingwalingwanza, laha na xi kwezima hi klelo ginwani lahasi ka tilo, xi woninga a klelo ginwani lahasi ka tilo; zi ta

ba ngaho Nwana wa munhu
hi siku gakwe.

Mat. 24. 27.

25 Kanilezi kusanguleni i fanelwe hi kuxanisekela zilo zinyingini ni ku aliwa hi lexi xjzikulwana.

Marku 8. 31. & 9. 31. & 19. 33. xip. 9. 22.

26 Kota lezi zi nga maheka hi masikwini ya Noa, zi ta ba ngaho hi masikwini ya Nwana wa munhu.

Mat. 24. 37.

27 Bona ba loga, ba lonwa, ba lo tekana, ba lo tekanisa, ku kala a siku lego Noa a nga engena ha gona tarwini, ni ntalo wu lota, wu lobisa bona bonkle.

28 Zi ngaho kota lezi ku nga wa mahekile masikwini ya Loti; ba loga, ba lonwa, ba lo xaba, ba lo xabisa, ba lo byala, ba lo aka;

29 Kanilezi sikwini legi Loti a nga huma ha gona Sodoma, ku lona a nzilo ni solufa hi le tilweni, wu ba lobisa bonkle:

30 Zi ta kotisa lezo hi siku ga Nwana wa munhu a ta nga wonekeliswa.

2 Tesa. 1. 7.

31 Hi lego siku, loyi a ta nga nga a hi le hehla ka yindlu, ni zibya zakwa zi hi lomo ndlwini, a nga ciki a ku ya zi teka: ni loyi a nga masinwini zi ngaho a nga ta ha klela a wuya.

Mat. 24. 17. Marku 13. 15.

32 Alakanyani sati wa Loti.

33 Ni loyi a ta nga labisisa a kuhanya kakwe i ta ku la-

hla: ni loyi a ta nga lahla kuhanya kakwe i ta ku kuma.

Mat. 10. 39. & 16. 25. Marku 8. 35. xip. 9. 24. Joh. 12. 25.

34 Nza wula ka nwina, Ka lego wusiku ku ta ba kona a bannhu bambiri sangweni ginwe; ni munwe i ta tekiwa, ni munwe i ta siyiwa,

Mat. 24. 40, 41. 1 Tesa. 4. 17.

35 Ku ta ba kona ba basati bambiri katiginwe kugayini; munwe i ta tekiwa, munwe i ta siyiwa.

37 Bona ba hlamula ba ku ka yena, Hi kwihi, Hosi ke? Yena a ku ngalo kabye, Laha ku kona a xirumbi matsombana kona a makoti.

Mat. 24. 28.

XIPIMO 18.

1 Yena i lo kanela a mufanano kabye hi magumeso ba fela ku kombela a xikati xonkle, ba nga rereki;

xip. 11. 5. & 21. 36. Roma 12. 12. Efe. 6. 18. Kol. 4. 2. 1 Tesa. 5. 17.

2 Aku, Ku wa hi kona mutini a mulamuli, loyi a nga cabiko Nungungulu, a nga hi ko ni xicawo ni munhu.

3 Laho ku wa hi kona a noni ka lowo muti; i lota ka nyingini kakwe, aku, Nzi potele ka nala wa mina.

4 A nga zi ranzangi ku wa hi xikati: kanilezi anzako i lo wula nzeni ka wutsumbu gakwe, Hambu lezi nzi nga cabi Nungungulu, nzi hi ko ni xicawo ni munhu;

5 Kanilezi hakuba leyi noni wa nzi karata, nzi ta mu

potela, a nga kala a nzi re-
ra hi ku simamisa nata.

xip. 11. 8.

- 6 Ni Hosi yi te ngalo, Zwana-
ni loku a mulamuli a nga
lulamangiko a wulako.
- 7 Xana Nungungulu a nga ta
ba potela bahlawulilweko
bakwe ke, laba ba rilako ka
yena a mumu ni wusiku, ni
yena wa timisela ha bona ?
Kuv. 6. 10.
- 8 Nza wula ka nwina, i ta ba
potela hi ku haklisa, Ahe-
mba laha a Nwana wa mu-
nhu a ta ngata, i ta kuma
kuloleka misabeni ?
Heb. 10. 37. 2 Pet. 3. 8, 9.
- 9 I lo kanela kambe lowu
mufananiso ka bo kari laba
ba tsumbako wutsumbu ga-
bye baku ba lulamile, ba
kanyisa banwani:
xip. 10. 29. & 16. 15.
- 10 A banhu bambiri ba loya
tempeleni ku ya kombela;
a munwe i wa hi mu Farisi,
ni munwani i wa hi muhle-
ngisi.
- 11 Ni mu Farisi i lo yima a
kombela za ku ngahi hi wu-
tsumbu gakwe, Nungungu-
lu, nza ku bonga, lezaku
mina a nzi fanani ni ba-
nwani banhu, bapangi, a ba
nga lulamangiko, a zibayi,
ni ku kota loyi muhlengisi.
Kuv. 3. 17.
- 12 Nzi yila kumbiri hi sonto,
nzi nyika za kume ka zo-
nkle lezi nzi nga nazo.
- 13 Kanilezi a muhlengisi, na a
yima kule, a nga ranzi ni

ku klakusisa a lezo a mahlo
yakwe le tilweni, kanilezi i
loba xifuba xakwe, aku,
Nungungulu, zwela wuxi-
nji ka mina muonhi.

- 14 Nza wula ka nwina, Loyi
munhu i lo relela ndlwini
yakwe na a tsetselelwe ku
hunza munwani: hakuba
loyi a ti ku kumukisako i
ta bohliwa: ni loyi a ti
bohliwa i ta ku kumuki-
swa.

Mat. 23. 12. xip. 14. 11. Jam. 4. 6.
1 Pet. 5. 5, 6.

- 15 Ba lo neha kakwe laho a
zibanana, lezaku kasi wa zi
koma: kanilezi laha bapiza-
ni ba nga wa zi wonile, ba
lo ba kawuka.

Mat. 19. 13. Marku 10. 13.

- 16 Kanilezi Jesu i lo ba hitana
ka yena, aku, Vumelani a
banana ba tsongwani kuta
ka mina, mu nga ba belete-
li: hakuba a ba ku ngahi
mufumo wa Nungungulu.

1 Kor. 14. 20. 1 Pet. 2. 2.

- 17 Hizinene nza wula ka nwi-
na, Kani loyi a nga amuke-
liko a mufumo wa Nungu-
ngulu kota a nwanana wa
tsongwani, a nga ta engena
ka wona.

Marku 10. 15.

- 18 A mufumeli wo kari i lo
mu wutisa, aku, Mugonzisi
wo Saseka, Nzi ta maha yi-
ni kasi nzige a tsomba ya
kupinzuka ke ?

Mat. 19. 16. Marku 10. 17.

- 19 Jesu a ku ngalo ka yena,
Hi yini u nzi bitanako a ku

- nzi sasekile ke ? a nga kona a sasekileko, saseka munwe, hi Nungungulu.
- 20 Wena wa yi tiba milayo, U nga bayi, U nga dayi, U nga yibi, U nga mahi wukustumunyu ga mawunwa, Caba raru wa wena ni nyine wa wena.
Roma 13. 9. Efe. 6. 2. Kol. 3. 20.
- 21 Yena a ku ngalo, Zonkle lezi zilo nzi hlayisile ku sukela wusweni ga mina.
- 22 Laha Jesu na zi zwile, i te ngalo ka yena, Xilo xinwe wa ha xi vumalako: xabisa zonkle lezi u nga nazo, u abela ka zisiwana, wena u ta ba ni tsomba le tilweni: ngona, u nzi lanzela.
Mat. 6. 19, 20. & 19. 21. 1 Tim. 6. 19.
- 23 Kanilezi laha na a zwile lezi zilo, i lo xanisaka ha hombe; hakuba i wa fumile nguvu.
- 24 Jesu na mu wona a ku ngalo, Zi tsanzisa ku yini ka bona laba ba nga ni kufuma ku engena mufunweni wa Nungungulu!
Mat. 19. 23. Marku 10. 23.
- 25 Za hehuka ka kameli ku engena nonwini wa cingani, ku hunza a munhu wo fuma ku engena mufunweni wa Nungungulu.
- 26 Ni laba ba nga zizwa ba ku ngalo, Zonake hi mani a ta nga hanyiswa ke ?
- 27 Kanilezi yena a ku ngalo, A zilo lezi zi nga kotekiko ka banhu za koteka ka Nungungulu.
Mat. 19. 26. xip. 1. 37.
- 28 Petro a ku ngalo, Wanga-bye, hina hi siyile a ba ka hina, hi lanzele wena.
Mat. 19. 27.
- 29 A ku ngalo kabye, Hizinene nza wula ka nwina, A ku kona a munhu loyi a siyileko a yindlu, kutani i sati, kutanu bamakabye, kutani batrali, kutani banana, hi kota ya mufumo wa Nungungulu,
- 30 A ta nga kala ku amukela a kunyingi nguvu ni lexi xikati, ni le tikweni gi tako a kuhanya ka kupinzuka.
- 31 I lo teka ka yena a bakume ni hambiri, a ku ngalo kabye, Mangabye, ha kanziya Jerusalema, ni zonkle zilo lezi zi nga wa tsalilwe hi baprofeti zi ta ya mbeteka ka Nwana wa munhu.
Mat. 16. 21. & 17. 22. & 20. 17. Marku 10. 32.
- 32 Hakuba i ta nyikelwa ka ba Matiko, ba ta mu tseketsela, ba mu koma hi tingana, ba ta mu pelela:
Mat. 27. 2. xip. 23. 1. Joh. 18. 28. Mit. 3. 13.
- 33 Ba ta mu xupula ba ta mu daya: na hi siku ga manharu i ta vuka kambe.
- 34 Bona a ba pimangi hi loku kuwula; ni loku kuwula, ku wa fihlala kabye, a ba zi tibangi a zilo lezi zi nga wa wulwa.
Marku 9. 32. xip. 2. 50. & 9. 45. Joh. 10. 6. & 12. 16.
- 35 Na ku mahisile lezo, kota a nga wa tsinela Jeriko, a

xikumu xo kari xi nga wa tsamile ndleleni xi kombelela:

Mat. 20. 29. Marku 10. 46.

- 36 Na xizwa a zidlema zi nga wa hunza, i lo wutisa aku za ku yini.
- 37 Ba lo mu byela, hi Jesu wa Nazareta a hunzako.
- 38 I lo bitana, Jesu wena nwana wa Davida, maha wuxinji ka mina.
- 39 Ni laba ba nga wa famba hi mahlweni ba lo mu kawuka, lezaku kasi a miyela: kanilezi i lo bitana ha hombe nguvu, Wena nwana wa Davida, maha titralo ka mina.
- 40 Jesu i lo yima, i lo mu laya a kuba a nehiwa ka yena: laha a nga wata ku suhani, i lo mu wutisa,
- 41 U ranza ku nga nzi maha yini ka wena ke? A ku ngalo, Hosi, a nzi amukele a kuwona ka mina.
- 42 Jesu a ku ngalo ka yena, Amukela kuwona ka wena: a kukoleka ka wena ku ku nanyisile.
- xip. 17. 19.
- 43 Kalakale i lo amukela kuwona kakwe, i lo mu lanzelela, na dumisa Nungungulu: ni banhu bonkle, laha ba nga wa zi wonile ba lo nyika kubonga ka Nungungulu.
- xip. 5. 26. Mit. 4. 21. & 11. 18.

XIPIMO 19.

- 1 Yena i lo engena na a wa tsemakanya Jeriko.
- 2 Languta, munhu a bitwako

Zekeu; yena i wa hi muhle-ngisi wa hombe, na a fumile.

- 3 I wa laba ku wona Jesu lezaku ngwa ku yini; i wa nga zi koti hi xidlema, hakuba i wa hi munhu a nga wa komile.
- 4 Yena i lo tsutsuma a ranga mahlweni, i lo kanziya sinyeni ya kuwu kasi ku mu wona: hilezi a nga wa hunza hi leyo ndlela.
- 5 Laha Jesu na a tile ka lego wutsamo, i lo cuwuka le hehla a ku ngalo ka yena, Zekeu, haklisa, u cike; i nyamukla nzi fanelwe hi kuya tsama ndlwini ya wena.
- 6 Yena i lo haklisa, i lo cika, i lo mu amukela hi kunnengela.
- 7 Laha ba nga wa zi wonile, bonkle ba lo tsanwa, baku, Yena i fambile kuya eklela ka munhu a nga muonhi.
- Mat. 9. 11. xip. 5. 30.
- 8 Na Zekeu i lo yima, a ku ngalo ka Hosi, Wangabye, Hosi, kihlanya ga xuma xa mina nza nyika zisiwana; loku nzi nga nzi mu kalabele xilo munhu, nzi xi wuyisela na xi engetilwe ka mune.

xip. 3. 14.

- 9 Jesu a ku ngalo ka yena, Nyamukla a kuhanyiswa ku tile ka leyi yindlu, kota lezi yenawu kambe a nga nwana wa Abrahamama.
- Roma 4. 11, 12, 16. Gal. 3. 7. xip. 13. 16.
- 10 Hakuba a Nwana wa mu-

nhu i tile ku laba ni kuta
hanyisa loku ku lahlekile-
ko.

Mat. 10. 6. & 15. 24. & 18. 11.

11 Kota lezi ba nga wazwa le-
zi zilo, i lo engetela i lo ka-
nela mufánaniso, hilezi a
nga wa hi kusahani ni Je-
rusalema, ni lezi ba nga wa
ku simasima baku a mufu-
mo wa Nungungulu wu ta
nga wonekeliswa kalakale.

Mit. 1. 6.

12 Hikwalaho i te ngalo, A
munhu wo kari a dumileko
i loya tikweni ga le kule,
ku amukela a wutsumbu
gakwe a mufumo, ni ku
wuya.

Mat. 25. 14. Marku 13. 34.

13 I lo bitana a kume ga ma-
lanza yakwe, i lo ma nyika
a kume ga tipondo, a ku
ngalo ka wona, Xabisani
ha tona nzi kala nzi wuya.

14 Kanilezi a ba ka kabye ba
lo mu benga, ba lo ruma a
mitsumi hi le nzako ka-
kwe, baku, A hi ranzi leza-
ku loyi munhu a fume he-
hla ka hina.

Joh. 1. 11.

15 Na ku mahisile lezo, laha a
nga wa klela a wuya, na
amukele a mufumo, i lo la-
ya ka lawo malanza, wa la-
wo a nga ma nyikile a mali,
a ku bitiwa mata ka yena,
kasi a fela ku tiba lezi ba zi
binzuleko hi kuxabisa.

xipm. 23.

16 A wa ku ranga i lotta ma-
hlweni yakwe, aku, Hosi,

a pondo ya wena yi ma-
hile a kume ga tipondo ka-
mbe.

17 A ku ngalo ka yona, U ma-
hile kwatsi, wena nanza go
saseka: hakuba i kumilwe
u kolekile ka xilo xi tso-
ngwanyani, fumela wena a
kume ga miti.

Mat. 25. 21. xip. 16. 10.

18 Ni wa wumbiri i lotta, aku,
A pondo ya wena, Hosi, yi
binzule nklanu wa tipondo.

19 A ku ngalo ka yona kambe,
Fumela wena a nklanu wa
miti.

20 Ku lotta munwani, aku, Ho-
si, wangabye, hi leyi a po-
ndo ya wena, nzi nga yi
fihlile leswini:

21 Hakuba nzi lo ku caba, hi-
lezi u nga munhu a na nga
ni wukuxu: u teka lezi u
nga u nga bekangiko, u
hula loku u nga xwanya-
ngiko.

Mat. 25. 24.

22 A wula ka yona, Hi le no-
nwini wa wena nzi ta ku
lamula, wena nanza gi bi-
hileko. Wena u lo zi tiba
lezaku nzi munhu wa wu-
kuxu, nzi tekako lezi nzi
nga bekangiko, nzi hula le-
zi nzi nga xwanyangiko;

Mat. 12. 37. & 25. 26.

23 Hikwalaho a ku nyikangi
a mali ya mina bankeni,
kasi le kuteni ka mina nzi
nga yi bitanile zinwe ni bi-
nzu?

24 I lo wula ka bona labo ba
nga yimile, Tekani a pondo
leyi yi nga ka yena, mu

- nyika ka loyi a nga ni kume ga tipondo.
- 25 Ba ku ngalo ka yena, Hosi, i na ni kume ga tipondo.
- 26 Nza wula ka *nwina*, ni ka loyi a nga nazo ku ta nyikiwa; ni ka loyi a nga hambu lexi a nga naxo xi ta tekiwa ka yena.
Mat. 13. 12. & 25. 29. Marku 4. 25. xip. 8. 18.
- 27 Ahemba laba balala ba mina, laba ba nga zi ranziko ku nga nzi fuma hehla kabye, ba neheni laha, mu ba daya mahlweni ka mina.
- 28 Laha na a wulile lezi, i lo famba mahlweni, i lo kanziya Jerusalema.
Marku 10. 32.
- 29 Na ku mahisile lezo, laha a nga wa tsinela kusuhi ni Betfage ni Betania, le xitsungeni xi ti byako xitsunga xa ma Olivia, i lo ruma bambiri ba bapizani bakwe, aku,
Mat. 21. 1. Marku 11. 1.
- 30 Ti fambaleni mutaneni wu cuwukeneko na *nwina*; kota ma ha engenako ka wona mu ta kuma role gi kungilweko, laho ku nga rangangiko ku tsama ka gona munhu: mu gi neha laha.
- 31 Loku a hi kona a mu wutisako, Hi yini mu gi *klaklako* ke? zi ngaho mu ta wula, A Hosi ya gi laba.
- 32 Ni laba ba nga wa rumilwe ba lo famba, ba lo kuma
- kona lezi a nga wa wulile ka bona.
- 33 Kota ba nga wa *klakla* role, a benyi ba gona ba ku ngalo kabye, Yini mu *klaklako* a role ke?
- 34 Bona ba ku ngalo, A Hosi ya gi laba.
- 35 Ba lo gi neha ka Jesu: ba lo hoxa tinguwo tabye hehla ka role, ba lo mu kilelisa Jesu.
Mat. 21. 7. Marku 11. 7. Joh. 12. 14.
- 36 Kota a nga wa famba, ba lo andlala tinguwo tabye ndleleni
Mat. 21. 8.
- 37 Kota lezi makunu a nga wa tsinela kusuhi, kona kureleleni ka xitsunga xa ma Olivia, a xidlemo xonkle xa bapizani xi lo sangula ku nengela xi lo bonga Nungungulu hi gezu ga hombe hi mitiro yonkle ya ntamo leyi ba nga wa yi wonile;
- 38 Baku, Yi katekile a Hosi leyi yi tako bitweni ga Hosi: a kurula le tilweni, wukosi le hehla-hehla,
xip. 2. 14. & 13. 35. Efe. 2. 14.
- 39 Ni banwani ba ba Farisi laba ba nga ba le xidlenwini ba ku ngalo kakwe, Mugonzisi, kawuka bapizani ba wena.
- 40 I lo hlamula a ku ngalo, Nza mu byela *nwina* lezaku, loku laba ba miyela, ni maribye ma ta bitana.
- 41 Ni laha a nga wa tsinele, i lo wona muti i lo wu rilela,
Joh. 11. 35.
- 42 Aku, Loku u wa zi tiba si-

kwini legi, wena, a zilo le-
zi zi nga za kurula! kanile-
zi makunu zi fihlilwe ka ma-
hlo ya wena.

43 Hakuba a masiku ma tata
hehla ka wena, laha a bala-
la ba wena ba ta nga ku di-
bela, ba ku ranzela, ba ku
vimbela maklelweni yonkle,
xip. 21. 20.

44 Ba ta ku poluwunzisa laha-
si, ni banana ba wena a ba
xikari ka wena; ba nga ta
siya xikari ka wena a ribye
ginwe hehla ka ginwani;
hakuba a ku xi tibi xikati
xa ku enzelwa ka wena.

Mat. 24. 2. Marku 13. 2. xip. 1. 68,
73. & 21. 6. 1 Pet. 2. 12.

45 Yena i lo engena tempele-
ni, i lo sangula ku hlongola
laba ba nga xabisa,
Mat. 21. 12. Marku 11. 11, 15. Joh. 2.
14, 15.

46 Aku ka bona, Ku tsalilwe,
Ni yindlu ya mina yi ta ba
yindlu ya ku kombela: ka-
nilezi nwina mu yi mahile
bako ga bapangi.

47 Yena i-wa gonzisa masiku
wonkle tempeleni. Kanile-
zi a bapristi ni batsali ni ba-
nhu ba hombe ba banhu ba
wa laba ku mu daya:

Marku 11. 18. Joh. 7. 19. & 8. 37.

48 Ba wa nga zi koti ku kuma
lezaku ba fela ku maha yi-
ni; hakuba a banhu ba wa
su namarela ka yena, na mu
ingisa.

Mit. 16. 14.

XIPIMO 20.

1 Na ku mahisile lezo, hi gi-
[Sheetawa.]

80

nwe ga masiku, kota lezi a
nga wa gonzisa banhu te-
mpeleni, na a kanela iva-
ngeli, ku lota ka yena a
bapristi ni batsali zinwe ni
masingalakati;

Mat. 21. 23.

2 Ba lo wulawula baku ka ye-
na, Hi byele: Hi ntamo wa
ku yini u mahako lezi zilo
ke? kutani hi mani a ku
nyikileko lowu ntamo ke?

Mit. 4. 7. & 7. 27.

3 I lo hlamula a ku ngalo ka-
bye, Minawu kambe nzi ta
mu wutisa a muwutiso; nzi
byeleni:

4 A kubapatiza ka Johani, ku
wata hi le tilweni, kutani hi
le ka banhu ke?

5 Ba lo wulawulisana wutsu-
mbu gabye, baku, Loku hi
taku, Hi le tilweni; i taku,
Hi yini nwina a mu kolwa-
ngi ka yena ke?

6 Kanilezi loku hi taku, Hi le
ka banhu; a banhu bonkle ba
ta hi gandla hi maribye: ha-
kuba ba lo zi tiba lezaku Jo-
hani i wa hi muprofeti.

Mat. 14. 5. & 21. 26. xip. 7. 29.

7 Ba lo hlamula, ba ku ngalo
a hi zi tibi lezaku ku wata
hi kwihi.

8 Jesu a ku ngalo ka bona,
Cima nzi nga ta mu byela a
ku hi ntamo wa ku yini nzi
mahako ha wona lezi zilo.

9 Yena i lo sangula ku wula-
wula ka banhu lowu mufa-
naniso: A munhu i lo byala
a simu ga xivini, i lo gi nyi-
kela ka barimi, i loya ka gi-

nwani tiko a xikati xa hombe.

Mat. 21. 33. Marku 12. 1.

- 10 Hi le xikatini i lo rumela a nanza ka barimi, kasi ba fela ku mu nyika a mihanzo ya xivini: kanilezi a barimi ba lo muba, ba lo mu fambisa na hi haba ncumo.
- 11 Yena i lo ruma ginwani nanza kambe: gonawu kambe ba lo giba, ba lo gi koma hi tingana, ba lo gi rumela na gi hi haba ncumo.
- 12 I lo engeta kambe a ruma ga wunharu: na gonawu kambe ba lo gi lamata, ba lo 'gi hlongola.
- 13 Ni hosi ya xivini yi ku ngalo, Xana nzi ta maha yini ke? nzi ta rumela a nwana wa mina a ranzekako: kutani ba ta mu maha xicawo.
- 14 Kanilezi laha na barimi ba nga wa mu wonile, ba lo wulawulisana munwe ni munwani, baku, Lexi hi xitralwa: a hi mu dayeni, kasi a tsomba yi fela ku maha ya hina.
- 15 Ba lo mu hlongola lahandle ka xivini, ba lo mu daya. Hikwalaho yi ta maha yini a hosi ya xivini ka bona ke?
- 16 Yi tata yi ta mbetisa labo barimi, i ta nyika a xivini ka banwani. Ni laha bona ba nga wa zi zwile, ba ku ngalo, Nungungulu a beletele.
- 17 Kanilezi yena i lo cuwuka kabye, a ku ngalo, Hi yini

zonake lexi a hi lexi xi tsalilweko,

A ribye legi a baaki ba nga gi ala, gwalego hi hloko ya magumo ke?

Mat. 21. 42.

- 18 Ni bonklelele laba ba welako ka lego ribye ba ta trandleka; kanilezi ka loyi gi ta ngawa hehla kakwe gi ta mu silisisa.

Mat. 21. 44.

- 19 A batsali ni bapristi ba lo laba ku beka mandla hehla ka yena ka xwalexo xikati; ba lo caba a banhu: hakuba ba lo zi tiba lezaku i lo kanaela a mufananiso ha bona.
- 20 Bona ba lo mu rinzela, ba lo ruma tihloli, laba ba ti mahisako lezaku ba lulamile, kasi ba fela ku koma a kuwulawula kakwe, kasi ba fela ku mu nyikela ka bafumeli ni le ntanweni wa mufumeli.

Mat. 23. 15.

- 21 Ba lo mu wutisa, baku, Mungonzisi, ha zi tiba lezaku wena wa wula wa gonzisa kwatsi, a ku katali hi dzumba ga munhu, kanilezi ha kunene u gonzisa a ndlela ya Nungungulu:

Mat. 23. 16. Marku 12. 14.

- 22 Zi fanele ka hina ku nyika kupo ka Kesari, kutani a hi zona ke?
- 23 Kanilezi i lo wona a kuku-nguha kabye, a ku ngalo kabye,
- 24 Nzi kangeteni a denario. Mufananiso ni mutsalo wa

- mani wu nga ka yona ke? Ba ku ngalo, Ngwa Kesari.
Mat. 18. 23.
- 25 Yena a ku ngalo kabye, Zonake nyikani Kesari lezi zi nga za Kesari, ni ka Nungungulu lezi zi nga za Nungungulu.
- 26 Ba wa nga zi koti ku koma a kuwulawula kakwe mahlweni ka banhu: ba lo dama hi kuhlamlula ka yena, ba lo miyela
- 27 Laho ku lota a bo kari ba ba Sadusi, laba ba nge ngalo a ku kona a kuvuka; ba lo mu wutisa,
Mat. 23. 23. Marku 12. 18. Mt. 23. 6, 8.
- 28 Baku, Mugonzisi, Mosi i lo tsala ka hina, lezaku loku a makabye wa munhu afa, na wa hi ni sati, na nga hi na banana, ni makababye i ta teka a wasati, a vuxa a mbe-wu ka makabye wakwe.
- 29 Hikwalaho ku wa hi kona bamakabye ba nklanu ni bambiri: ni wa kuranga i lo teka a wasati, i lofa na nga hi na nwana;
- 30 Ni wa wumbiri;
- 31 Ni wa wunharu i lo mu teka; zi ngaho ni banklanu ni bambiri a ba siyangi banana, ba lofa.
- 32 Anzako ka lezo ni wasati kambe i lofa.
- 33 Hi kuvukeni hikwalaho i ta maha wasati wa mani ke? hakuba a banklanu ni bambiri ba wa mu tekile a sati wabye.
- 34 Jesu a ku ngalo kabye, A banana ba legi tiko ba tekana, ba nyika ku tekana nisa:
- 35 Kanilezi laba ba ta nga hlayelwa ba fanele a ku kuma ka lego tiko, ni kuvuka hi ka bafleko, cima a ba tekani, a ba nyiki kutekana:
- 36 Hakuba ba nga ta ha kufakambe: hakuba ba ecana ni tingelosi; banana ba Nungungulu, na ba hi banana ba kuvuka.
1 Kor. 15. 42, 49, 52. 1 Joh. 3. 2. Roma 8. 23.
- 37 Kanilezi akuba bafleko ba vuxiwe, Mosi i lo wonisa, le wutsanweni ga Xihlahla, laha a nga bitana a Hosi aku Nungungulu wa Abrahamama, ni Nungungulu wa Isaka, ni Nungungulu wa Jakobe.
- 38 Makunu a hi Nungungulu wa bafleko, kanilezi ngwa ba hanyako: hakuba bonkle ba hanya ha yena.
Roma 6. 10, 11.
- 39 Ni bo kari batsali na hlamula ba ku ngalo, Mugonzisi, wena u wulile kwatsi.
- 40 Bona wa nga hi kona ni munhu a nga wa tiya ku mu wutisa xiwutiso.
- 41 Yena a ku ngalo kabye, Hi ku yini a ba wula Kristu i nwana wa Davida ke?
Mat. 22. 42. Marku 12. 35.
- 42 Hakuba Davida wutsumbu gakwe wa wula bukwini ga Tisimu,
A Hosi yi te ngalo ka Hosi ya mina, Tsama wena

hi le canjeni ga mina ga
xinene,

Mtt. 2. 31.

43 Nzi kala nzi maha a bala-
la ba wena ba maha a xi-
kegetelo xa mikonzo ya
wena.

44 Hikwalaho Davida i mu bi-
tana a Hosi, hi yini a nga
nwana wakwe ke?

45 Na ba hazwa lezi a banhu
bonkle a ku ngalo ka bapi-
zani bakwe,

Mat. 23. 1. Marku 12. 38.

46 Klarihani a batsali, laba ba
labako ku famba tingubye-
ni to leha, ba ranza kuloswa
wutsanweni go hlengelela-
na, ni wutsamo ga hombe
masinagogeni, ni wutsamu
ga hombe mibuzweni;

Mat. 23. 5. xip. 11. 43.

47 Laba ba kadamulako a tiyi-
ndlu ta tinoni, hi wuxenge-
teli ba maha mikombelo yo
leha: laba ba ta amukela ku-
koneka ka hombe.

Mat. 23. 14.

XIPIMO 21.

1 Yena i lo cuwuka le hehla,
i lo wona a banhu bo fuma
laba ba nga cela a zinyikiwo
zabye xikwameni xa minyi-
kelo

Marku 12. 41.

2 Yena i lo wona a noni yo ka-
ri ya xisiwana a nga cela a
mali ya xipimo xa dezi.

Marku 12. 42.

3 Yena i te ngalo, Ha kunene
nza wula ka nwina, Leyi
noni ya xisiwana yi celile
ku hunza bonkle:

2 Kor. 8. 12.

4 Hakuba bona ba mahile hi
wunyingi gabye ba lo cela a
zinyikiwo: kanilezi hi kuvu-
mala kakwe i celile konkle
kuhanya a nga nako.

5 Ni kota lezi banwani ba
nga wa wulawula hi tempe-
le, lezaku yi bombisilwe hi
maribye yo saseka, na hi
minyikelo, a ku ngalo,

Mat. 24. 1. Marku 13. 1.

6 Kota hi lezi zilo nwina mu
zi wonako, a masiku ma ta-
ta, laho a ku nga ta siywa a
ribye ginwe hehla ka ginwa-
ni, lego gi nga a kungumu-
lwa.

xip. 19. 44.

7 Bona ba lo mu wutisa, ba-
ku, Mugonzisi, hikwalaho
hi rini lezi zilo zi ta nga
maheka ke? ku ta maha xi-
woniso xa ku yini laha zilo
lezi zi ta nga mbeteka ke?

8 Yena a ku ngalo, Klarihani
kasi mu nga pengengiswi:
hakuba banyingi ba ta nga-
ta hi bito ga mina, baku, Hi
mina yena; ni, Xikati xi
tsinele: mu nga ba lanzeli.

Mat. 3. 2. & 4. 17. & 24. 4. Marku 16. 5.

Efe. 5. 6. 2 Tesa. 2. 3.

9 Laha mu ngazwa kulwa ni
nyenganyenga, mu nga ca-
byiswi: hakuba lezi zilo zi
labekile ku maheka kura-
nga; kanilezi a kugumelwa
a hi kalakale.

10 Zonake yena a ku ngalo
kabye, A lixaka li ta vukela
a lixaka, ni mufumo wu ta
vukela a mufumo:

Mat. 24. 7.

- 11 Laho ku ta ba kona kutsekatseka ka hombe ka misaba, ni wutsanweni gi tsalangeneko ku ta ba kona a tindlala ni mitungu; ku ta ba kona a kuxaniseka ni ziwoniso za hombe za le tilweni.
- 12 Kanilezi hi mahlweni ka zilo lezi zonkle, ba ta beka a mandla yabye hehla ka nwina, ba ta mu xanisa, ba mu nyikela masinagogeni ni le mapaxweni, na ba mu neha mahlweni ka tihosi ni bafumeli hi kota ya bito ga mina.
Marku 13. 9. Kuv. 2. 10. Mit. 4. 3. & 5. 18. & 12. 4. & 16. 24. & 25. 23. 1 Pet. 2. 13.
- 13 Ku ta hunzuka ka nwina hi wukustumunyu.
Fil. 1. 28. 2 Tesa. 1. 5.
- 14 Hikwalaho ku bekeni timbilwini ta nwina, mu nga kanakani hi mahlweni hi ta hlamula yini:
Mat. 10. 19. Marku 13. 11. xlp. 12. 11.
- 15 Hakuba mina nzi ta mu nyika a nomu ni kuklariha, loku bonkle a balala ba nwina ba ta nga kala ba nga mu vukeli ni ku mu kaneta.
Mit. 6. 10.
- 16 Kanilezi nwina mu ta nyikelwa hi bona batrali, ni bamakabye, ni ba ka nwina, ni maxaka; ni banwani ba nwina ba ta ba dayisa.
Marku 13. 12. Mit. 7. 59. & 12. 2.
- 17 Mu ta bengiwa hi banhu bonkle hi kota ya bito ga mina.
Mat. 10. 22.
- 18 Ku nga ta ba kona a sisi wa hloko ya nwina wu ta nga lobyiswa.
Mat. 10. 30.
- 19 Hi kutimisela ka nwina gongani mihefemulo ya nwina.
- 20 Kanilezi laha na mu wona Jerusalema gi ranzelwe hi tiyimpi, zonake pimani lezaku a kuhangalaka kakwe ku le kusuhani.
Mat. 24. 15. Marku 13. 14.
- 21 Zonake laba ba nga le Judia ba taabela zitsungeni; ni laba ba nga lomo xikari ka gona ba nga ta huma; ni laba ba nga lahandle ka tiko ba nga engeni.
- 22 Hakuba laya hi masiku ya kupota, kasi a zilo lezi zi nga tsalwa za tatiseka.
- 23 Kombo ka bona laba ba nga ni tinyimba ni laba ba anwisako hi lawo masiku! hakuba ku ta ba kona a kukarateka ka hombe misabeni, ni zanga ka laba banhu.
Mat. 24. 19.
- 24 Bona ba tawa hi wukla ga supado, ba mahiswa a bakonwi ba tixaka tonkle: ni Jerusalema gi ta kanziyelwa hi ba Matiko, ku kala a xikati xa ba Matiko xi tatiseka.
Roma 11. 25.
- 25 Ku taba kona a miwoniso le gambyeni ni le hwetini ni le tinyeletini; ni laha misabeni a hangalako wa tixaka, ni kukanganyisa hi

wu halakileko hi kota ya nwina.

1 Kor. 10. 16.

21 Kanilezi langutani, a canja ga loyi a nzi nyikelako gi zinwe na mina mezeni.

Mat. 26. 21, 23. Marku 14. 18. Joh. 13. 21, 26.

22 Hakuba a Nwana wa munhu ha kunene wa famba, kota lezi ku nga xubylwe: kanilezi kombo ka loye munhu a ta nga nyikelwa ha yena!

Mat. 26. 24. Mit. 2. 23. & 4. 28.

23 Bona ba lo sangula ku wutisana xikari kabye, hi mani wa bona a ta nga maha lexi xilo.

Mat. 26. 22. Joh. 13. 22, 25.

24 Kambe ku lo huma kukanetana xikari kabye, hi wihi wabye a ringeneko ku maha wa hombe.

Marku 9. 34. xip. 9. 46.

25 A ku ngalo kabye, Ni tihosi ta ba Matiko ta fumela hehla kabye; ni laba ba nga ni ntamo hehla kabye ba bitiwa a zisasi.

Mat. 20. 25. Marku 10. 42.

26 Kanilezi nwina a mu nge ngaho: kanilezi loyi a nga wa hombe xikari ka nwina, nga a mahe loyi kota tsongwani; ni loyi a mahako hosi, a mehe xikozeli.

Mat. 20. 26. 1 Pet. 5. 3. xip. 9. 48.

27 Hakuba hi wihi wa hombe, hi loyi a tsamileko le kugeni, kutani hi loyi a kozelako ke? a hi yena loyi a tsamako kugeni ke? kanilezi mi-

na i kona xikari ka nwina kota loyi a kozelako.

xip. 12. 37. Mat. 20. 28. Joh. 13. 13, 14. Fil. 2. 7.

28 Kanilezi nwina hi labo mu simamisileko na mina kuringweni;

Heb. 4. 15.

29 Mina nzi yimisile ka nwina a mufumo, kota lezi a Dadani wa mina a nzi yimiseleko,

Mat. 24. 47. xip. 12. 32. 2 Kor. 1. 7. 2 Tim. 2. 12.

30 Kasi ma fela kuga ni kunwa mezeni ya mina mufunweni wa mina; mu ta tsama zitsanweni mu lamula kume ga tixaka ni timbiri ta Israeli.

Mat. 8. 11. & 19. 28. xip. 14. 15. Kur. 3. 21. & 19. 9. 1 Kor. 6. 2.

31 Simoni, Simoni, wangabye, Satani wa kombela ku kuma wena, lezaku a fela ku kuhlunga a kota mabele:

1 Pet. 5. 8.

32 Kanilezi nzi mahile mikombelo ha wena, kasi a kukoleka ka wena ku nga hluleki: maha wena, laha na u hunzulukile, u tiyisa bamakabye ba wena.

Joh. 17. 9, 11, 15. & 21. 15, 16, 17.

33 Yena a ku ngalo, Hosi, zinwe na wena nzi longile kuya paxweni ni le kufeni.

34 A ku ngalo, Mina nza ku byela, Petro, a kuku wu nga ta kuba nyamukla, ku kala kunharu u kaneta lezaku a ku nzi tibi.

Mat. 26. 34. Marku 14. 30. Joh. 13. 38.

35 Yena a ku ngalo kabye, Laha nzi nga wa mu ru-

mile na mu hi haba a kwama, ni kwamana, ni zilato, mu lo vumala ncumo ke? ba ku ngalo, A hi ncumo.

Mat. 10. 9. xip. 9. 3. & 10. 4.

36 A ku ngalo kabye, Kanilezi makunu, loyi a nga ni kwama, nga a wu teka, zi ngaho ni loyi a nga ni kwamana: ni loyi a nga haba, a xabise a nguwo yakwe, a xaba a supado.

37 Hakuba nza wula ka nwina, lezi zi tsalilweko nga zi tatiseka ha mina, I hlaiye-lwe ni zionhi: hakuba lezi zi kanelweko ha mina zi na ni kutatiseka.

Marku 15. 28.

38 Bona ba ku ngalo, Hosi, wangabye, laha tisupado timbiri. Yena a ku ngalo ka bona, Ku enele.

39 I lo huma, i lo famba, kota ku nga wa hi mukuwo wakwe, le xitsungeni xa ma Olivia; ni bapizani kambe ba lo mu lanzela.

Mat. 26. 36. Marku 14. 32. Joh. 18. 1. xipm. 21. 37.

40 Ni laha a nga wa engena wutsanweni, i te ngalo ka bona, Kombelani kasi mu nga engeni kuringweni.

Mat. 6. 13. & 26. 41. Marku 14. 38. xipm. 46.

41 I lo tsawuka ka bona a xipimo xa ku hoxa ribye; i lo kizama i lo kombela, aku,

Mat. 26. 39. Marku 14. 35.

42 Dadani, loku u zi ranza, susa leyi kopo ka mina: ahe-mba a hi kuranza ka mina,

kanilezi ka wena, a zi maheke.

Joh. 5. 30. & 6. 38.

43 Laho ku lo woneka ka yena a ngelosi hi le tilweni, na yi mu tiyisa.

Mat. 4. 11.

44 Na hi kubayiseni i lo kombela hi kutikisa: a nyuko wakwe wu lo maha kota madona ya hombe ya nkata wu donela misabeni.

Joh. 12. 27. Heb. 5. 7.

45 Laha a nga wa suka hi le kukombeleni ka yena, i lota ka bapizani, i lo ba kuma na ba eklele hi kuxaniseka,

46 A ku ngalo kabye, Mu eklelela yini nwina ke? vukani mu kombela, kasi mu nga engeni kuringweni.

xipm. 40.

47 Na a wa ha wulawula, mangabye, a xidlemo, ni loyi a bitwako Judasi, a munwe wa bakume ni bambiri, na rangile mahlweni kabye; i lo tsinela ka Jesu kasi ku mu trotra.

Mat. 26. 47. Marku 14. 43. Joh. 18. 3.

48 Kanilezi Jesu a ku ngalo kakwe, Judasi, u nyikela a Nwana wa munhu wena hi kutrotra ke?

49 Ni laba ba nga wa hi ka yena na ba wonile lezi zi nga lanzela ba ku ngalo, Hosi, hi ta hebeka hi supado ke?

50 A munwe wo kari ka bona i loba nanza ga mupristi wa hombe, i lo tsema a ndlebe yakwe ya xinene.

Mat. 26. 51. Marku 14. 47. Joh. 18. 10.

51 Kanilezi Jesu i lo hlamula a

ku ngalo, Tsikani za ku ngahi. I lo kumba ndlebe yakwe, i lo yi holisa.

- 52 Jesu a ku ngalo ka bapristi ba hombe, ni ka tinduna ta tempeli, ni ka masingalaka-ti, laba ba nga tele yena, Nwina mu humele kota mu telako a mupangi, ziuwe ni tisupado, ni zigomba ke?

Mat. 26. 55. Marku 14. 48.

- 53 Loyi nzi nga wa hi na nwina masiku wonkle lomo tempeleni, nwina a mu nawulutangi a mandla ya nwina ka mina: kanilezi leyi hi hora ya nwina, ni ntamo wa munyama.

Joh. 12. 27.

- 54 Bona ba lo mu koma, ba lo famba naye, ba lo mu neha le ndlwini ya mupristi wa hombe. Kanilezi Petro i wa mu lanzela hi le kule.

Mat. 26. 57, 58. Joh. 18. 15.

- 55 Ni laha ba nga dzibele nzilo xikari ka hubye, na ba tsamile wutsamo ginwe, Petro i lo tsama xikari kabye.

Mat. 26. 69. Marku 14. 66. Joh. 18. 17, 18.

- 56 A nhwana wo kari i lo mu wona kota a nga wa tsamile kuwonekeleni ka nzilo, na a mu cuwukisisa, a ku ngalo, Loyi munhu kambe i wa hi ziuwe naye.

- 57 Kanilezi yena i lo kaneta, na aku, Wasati, a nzi mu tibi.

- 58 Anzako ka xikatanyana a munwani i lo mu wona, a ku ngalo, Wenawu u wa hi munwe wa bona. Kanilezi

Petro a ku ngalo, Munhu, a hi mina sawe.

Mat. 26. 71. Marku 14. 69. Joh. 18. 25.

- 59 A nzako ka xipimo xo kwatsi i hora yinwe a munwe i lo tiyisa, aku, Ha kunene loyi munhu i wa hi nayewo kambe: hakuba ngwa le Galile.

Mat. 26. 73. Marku 14. 70. Joh. 18. 26.

- 60 Kanilezi Petro a ku ngalo, Wanuna, a nzi zi tibi lezi u zi wulako. Ni kalakale, na a wa ha wulawula, a kuku wu loba.

- 61 Ni Hosi yi lo hunzuluka, yi lo cuwuka Petro. Petro i lo alakanya a mhaka ya Hosi, lezaku i wulisile ku yini ka yena. Hi mahlweni na kuku wu nga se kuba nyamukla, wena u ta nzi kaneta kunharu.

Mat. 26. 34, 75. Marku 14. 72. Joh. 13. 38.

- 62 Yena i lo huma, i lo rila nguvu.

- 63 Ni banhu laba ba nga wa komile Jesu ba lo mu tseketsele, ba lo muba.

Mat. 26. 67, 68. Marku 14. 65.

- 64 Ba lo vala a mahlo yakwe, ba lo mu wutisa, baku, Profeta: hi mani a ku bileko ke?

- 65 Ni zilo zinyingi zo tala ba lo wulawula ha yena, na ba mu rukatela.

- 66 Kalakale kota lezi gi nga wa cile, a kutsombana ka masingalakati ni bahu ba lo tsombana katiginiwe, ziuwe ni bapristi ba hombe ni

batsali; ba lo mu yisa hu-
byeni yabye, baku,

Mat. 27. 1. Mit. 4. 26. & 22. 5.

67 Loku wena u hi Kristu, hi
byela, Kanilezi a ku ngalo
kabye, Loku mina nzi mu
byela, mu nga ta kolwa:

Mat. 26. 63. Marku 14. 61.

68 Loku mina nzi mu wutisa,
nwina mu nga ta hlamula.

69 Kanilezi ku sukela lezi a
Nwana wa munhu i ta tsa-
ma le canjeni ga xinene ga
ntamo wa Nungungulu.

Mat. 26. 64. Marku 14. 62. Heb. 1. 3.
& 8. 1.

70 Bona bonkle ba ku ngalo,
Wena u Nwana wa Nungu-
ngulu ke? Yena a ku nga-
lo ka bona, Nwina ma wula
hi mina yena.

Mat. 26. 64. Marku 14. 62.

71 Bona ba ku ngalo, Ha ha
simamisa hi laba bakustu-
munyu ba ku yini ke? ha-
kuba hina wutsumbu hi zi
zwile hi le nonwini wakwe
yena nwinyi.

Mat. 26. 65. Marku 14. 63.

XIPIMO 23.

1 Wonkle a klawa wabye wu
lo suka, ba lo mu neha ka
Pilatu.

Mat. 27. 2. Marku 15. 1. Joh. 18. 28.

2 Ba lo sangula ku mu keca-
ra, baku, Hi lo kuma loyi
munhu na a hambukisa li-
xaka la hina, a tsimbeta ku
kupa kupo ka Kesari, na a
wula lezaku yena wutsum-
bu hi Kristu a hosi.

Mit. 17. 7. Mat. 17. 27. & 22. 21. Marku
12. 17. Joh. 19. 12.

3 Pilatu a mu wutisa, aku,
Wena u Hosi ya ba Juda

ke? Yena i lo mu hlamu-
la a ku ngalo, Wa wula
wena.

Mat. 27. 11. 1 Tim. 6. 13.

4 Ni Pilatu a ku ngalo, ka
bapristi ba hombe ni ka zi-
dlemo, A nzi kumi a nanzu
ka loyi munhu.

1 Pet. 2. 22.

5 Kanilezi bona ba lo hlohlo-
tela nguvu, baku, Wa vi-
ndlukisa a banhu, na gonzi-
sa Judia gonkle, i sangule
Galile a kala ata ka legi
wutsamo.

6 Kanilezi laha Pilatu a nga
wa zi zwile, i lo wutisa ku-
tani loyi munhu ngwa le
Galile.

7 Laha a nga wa zi tibile leza-
ku ngwa mufumo wa He-
rodi, i lo mu rumela ka
Herodi, loyi a wutsumbu
gakwe a nga wa hi Jerusa-
lema hi lawo masiku.

xip. 3. 1.

8 Makunu laha Herodi a nga
wa wonile Jesu, i lo tsaka
ka hombe nguvu: hakuba
ku wa hi xikati xa hombe
na labisisa ku mu wona,
hakuba i wa lozwa ha yena;
i wa laba ku wona a xi-
hlamaliso xi mahiwako ha
yena.

xip. 9. 9. Mat. 14. 1. Marku 6. 14.

9 Yena i lo mu wutisela hi ti-
mhaka to tala; kanilezi a
nga mu hlamulangi ncumo.

10 A bapristi ba hombe ni ba-
tsali ba lo yima, ba lo mu
kecara hi ntamo.

11 Herodi ni bakasadoro ba-

- kwe ba lo mu kanyisa, ba mu tseketsela, ba lo mu ambexa a nguwo yo saseka ba mu wuyisela ka Pilatu.
- 12 Herodi na Pilatu ba lo maha bangana hi gwalego siku: hakuba hi mahlweni ba wa hi balala xikari ka wutsumbu gabye.
Mit. 4. 27.
- 13 Pilatu i lo batana katiginwe a bapristi ba hombe, ni bafumeli ni banhu,
Mat. 27. 23. Marku 15. 14. Joh. 18. 38. & 19. 4.
- 14 A ku ngalo kabye, Nwina, mu lo mu neha ka mina loyi munhu, kota loyi a hambukisako banhu: ni mangabye, mina, nzi mu hlole mahlweni ka nwina, a nzi kumangi nanzu ka munhu loyi ni ka zilo lezi nwina mu mu kecarako ha zonna:
xipm. 1, 2, 4.
- 15 Ge, na Herodi: hakuo a i klelele a mu wuyisa ka hina; langutani, a hi ncumo xi faneleko kufa xi mahilweko ha yena.
- 16 Hikwalaho nzi ta mu tsayisa, nzi mu klaklisa.
Mat. 27. 26. Joh. 19. 1.
- 18 Kanilezi ba lo bitana bonkle katiginwe, baku, Susa loyi munhu, u hi klaklisela Baraba:
Mit. 3. 14.
- 19 Loyi hi xikanya xakwe i lo ku maha mutini, ni kudaya i lo hoxwa paxweni.
- 20 Pilatu i lo wulawula kabye kambe, na laba ku klaklisa Jesu;
- 21 Kanilezi ba lo kanyuluka, baku, Mu belele, mu belele.
- 22 Yena a ku ngalo kabye hi xikati xa wunharu, Hi yini, hi kwihi kubiha loyi munhu a ku mahileko ke? a nzi kumangi a xilo xa kufa ka yena: hikwalaho nzi ta mu tsayisa nzi mu klaklisa.
- 23 Kanilezi bona kalakale hi magezu ya hombe, na ba kombela lezaku nga a belelwa. Ni magezu yabye ma lo hlula.
- 24 Pilati i lo tsemakanya lexi ba xi kombelako a ba mahelwe.
Mat. 27. 26. Marku 15. 15. Joh. 19. 16.
- 25 I lo ba klaklele loyi a nga wa xikanya ni kudaya i lo hoxiwa le paxweni, loyi ba nga yena ba mu kombelako; kanilezi i lo mu nyikela kuranzeni kabye.
- 26 Laha na ba mu fambisile, ba lo koma munwe Simoni wa Kurene, a nga wata hi le tikweni, ba lo xi rwexa ka yena xihambano, ku xi rwala le nzako ka yena.
Mat. 27. 32. Marku 15. 21. Joh. 19. 17.
- 27 Laho i lo lanzelwa hi xidlemo xa hombe xa banhu, ni ba basati laba ba nga wa hlomula ba rilela yena.
- 28 Kanilezi Jesu. i lo hunzuluka ka bona a ku ngalo. Bahunanyana ba Jerusalema, mu nga nzi rileli, kanilezi

- rilelani a wutsumbu ga *nwi*-
na, ni banana ba *nwina*.
- 29 Hakuba langutani a masiku
ma hata, lawo ba ta nga
wula, Yi katekisilwe a ngo-
nwa, ni marumbu laya cima
ma nga tralangiko, ni ma-
bele laya ma nga anwisa-
ngiko.
Mat. 24. 19. xip. 21. 23.
- 30 Zonake ba ta sangula ku
wula ka zitsunga, Wela ka
hina; ni ka zitsungana hi
kubunyeteni.
Kuv. 6. 16. & 9. 6.
- 31 Hakuba loku bona ba maha
lezi zilo sinyeni yo nyuka,
ku ta ku yini ka leyi ya
kuoma ke?
1 Pet. 4. 17.
- 32 Laho ku wa hi kona a ba-
mbiri banwani, laba ba ku-
biha, ba lo yiswa naye kuya
dawa.
Mat. 27. 38.
- 33 Laha ba nga wa cikele wu-
tsanweni gi bitiwako Ga
hloko, laho ba lo mu belela
kona, ni zionhi, xinwe hi le
canjeni ga xinene, ni xi-
nwani hi le canjeni ga xi-
baba.
Mat. 27. 33. Marku 15. 22. Joh. 19. 17, 18.
- 34 Ni Jesu a ku ngalo, Dadani,
ba tsetselele: hakuba a ba
xi tibi lexi ba xi mahako.
Ba lo abelana tinguwo ta-
kwe xikari kabye, ba lo ma-
ha kuvumba.
Mat. 5. 44. & 27. 35. Mit. 3. 17. & 7.
60. 1 Kor. 4. 12. Marku 15. 24. Joh.
19. 23.
- 35 Ni banhu ba lo yima na ba
cuwuka. Hi bafumeli ka-
- mbe ba lo mu tseketsela,
baku, Yena i hanyisa ba-
nwani; a nga ti hanyisa
wutsumbu, loku loyi a wa
hi Kristu Nungungulu, a
hlawulilweko.
Mat. 27. 39. Marku 15. 29.
- 36 Ni bakasadoro kambe ba lo
mu tseketsela, na bata ka-
kwe, na ba mu nyika a vi-
niga,
- 37 Na baku, Loku wena u wa
hi Hosi ya ba Juda, hanyisa
wutsumbu ga wena.
- 38 Laho kambe ku wa hi ni
mutsalo hehla kakwa, LO-
YI HI HOSI YA BA JUDA.
Mat. 27. 37. Marku 15. 26. Joh. 19. 19.
- 39 Ni munwe wa zigohi lezi zi
nga wa hayekilwe naye i lo
mu rukatela, aku, Wena a
hi wena Kristu ke? hanyisa
wutsumbu ga wena na hina.
Mat. 27. 44. Marku 15. 32.
- 40 Kanilezi munwani i lo hla-
mula na mu kawuka a ku
ngalo, Wena a ku mu cabi
Nungungulu ke, na u wona
lezaku u konekile naye ke?
- 41 Hina ha kunene hi kulu-
lamileko; hakuba hina hi
amukele a cacazelo wa hi-
na: kanilezi loyi munhu a
nga mahangi a zigoho.
- 42 Yena a ku ngalo, Jesu, U
wa nzi alakanya laha na
uta hi mufumo wa wena.
- 43 A ku ngalo kakwe, Hizine-
ne nza wula ka wena, Nya-
mukla u taba zinwe na mi-
na Paradiseni
- 44 Makunu ku wa hi hora ya

wunklanu ni yinwe, ni munyama wu lota wu kubunyeta misabeni yonkle ku kala a hora ya wunklanu ni mune,

Mat. 27. 45. Marku 15. 33.

45 Ni gambo gi lo pfupela: ni veli ya tempele yi lo hanzuka hi xikari.

Mat. 27. 51. Marku 15. 38.

46 Laha Jesu a nga wa bitanile hi gezu ga hombe, i te ngalo, Dadani, le mandleni ya wena nza nyikela a moya wa mina: na a wulile lezi, i lo nyikela a moya wakwe.

1 Pet. 2. 23. Mat. 27. 50. Marku 15. 37. Joh. 19. 30.

47 Laha a nduna ya zana yi nga wa wonile lezi zi mahhekileko, yi lo dumisa Nungungulu, aku, Ha kunene loyi i wa hi munhu a lulamileko.

Mat. 27. 54. Marku 15. 39.

48 Zonkle a zidlemo lezi zi nga wa tsombanile katiginwe kasi kuta wona, laha na ba wonile zilo lezi zi mahhekileko, ba lo wuya na ba ba zifuba zabye.

49 Ni bonkle laba a nga wa tolobelene naye, ni ba basati laba ba nga wa mu lanzele hi le Galile, ba lo yima kule, na ba wona lezi zilo.

Mat. 27. 55. Marku 15. 40. Joh. 19. 25.

50 Languta, munhu a bitiwako Josefa, wa hubye, a munhu wo saseka a lulamileko

Mat. 27. 57. Marku 15. 42. Joh. 19. 38.

51 (I wa nga vumelangi ka ku-

ngo ni zimaho zabye), a do-ta ga le Aramatia, a muti wa ba Juda, loyi a nga cuwukele a mufumo wa Nungungulu:

Marku 15. 43. xip. 2. 25, 38.

52 Loyi munhu i loya ka Pilatu, aya wutisa xirumbi xa Jesu.

53 Yena i lo xi cisa, i lo songela ngubyeni yo basa, i lo beka nkeleni lowu wu nga wa kehlilwe ribyeni, lowu ku nga nga ku nga bekwangi kona munhu.

Mat. 27. 59. Marku 15. 46.

54 Lezi ku nga wa hi siku ga Kulongisela, ni sabado gi wa tsinele.

Mat. 27. 62.

55 Ni ba basati, laba ba nga ta naye hi le Galile, ba lo lanzela hi le nzako, ba ta wona a nkele, ni ku a xirumbi xakwe xi bekisilwe ku yini.

xip. 8. 2. Marku 15. 47.

56 Bona ba lo wuya, ba ta longisa a maka ni mafura.

Hi siku ga sabado ba lo humula kota nayo.

Marku 16. 1.

XIPIMO 24.

1 Kanilezi hi siku goranga ga sonto, manzikweni ni punzu, ba lota nkeleni, na ba neha a maka laya ba nga wa ma longisele.

Mat. 28. 1. Marku 16. 1. Joh. 20. 1. xip. 23. 56.

2 Ba lota kuma a ribye na gi umbulutilwe le nkeleni.

Mat. 28. 2. Marku 16. 4

- 3 Bona ba lo engena nzeni, a ba xi kumangi a xirumbi xa Hosi Jesu.
Marku 16. 5. xipm. 23.
- 4 Na ku mahisile lezo, laha ba nga wa ha kanganyiswa, languta, a madota mambiri ma yimile xikari kabye na ma ambele a tinguwo ti hatimako:
Joh. 20. 12. Mit. 1. 10.
- 5 Kota lezi ba nga wa dzuka, ba lo koramisa tingohe tabye misabeni, ba ku ngalo kabye, Hi yini mu labako a hanyako xikari ka bafileko ke?
Joh. 2. 22.
- 6 Yena a nga kona laha, kanilezi i vukile: alakanyani laha a nga wula ka nwina lezi a nga wa hi Galile,
Mat. 16. 21. & 17. 23. Marku 8. 31. & 9. 31. xip. 9. 22.
- 7 Na wula a Nwana wa munhu i ta nyikelwa mandleni ya baonhi, i ta belelwa, ni siku ga manharu i ta vuka kambe.
- 8 Bona ba lo alakanya a mha-ka yakwe,
Joh. 2. 22.
- 9 Ba lo wuya nkeleni, ba lota byela zonkle lezi zilo ka bakume ni munwe, ni ka ba seleko.
Mat. 28. 8. Marku 16. 10.
- 10 Makunu ba wa hi Maria, Magdelene, ni Joana, ni Maria nyine wa Jamesi: ni banwani bawasati zinwe nabo ba lo byela lezi zilo ka bapostoli.
xip. 8. 3.
- 11 Ni leti timhaka ti lo woneka mahlweni yabye kota ti-karingani; a ba ti kolwangi.
Marku 16. 11. xipm. 25.
- 12 Kanilezi Petro i lo suka, i lo tsutsuma aya nkeleni; i lo yima a cuwuka nzeni, a wona a tinguwo to basa na ti tsamele toce; i lo famba le kaya kakwe, na a hlamala hi lezi zi mahekileko.
Joh. 20. 3, 6.
- 13 Languta, a bambiri babye ba waya ngwa lego siku ximutaneni xi bitiwako Emau, lowu ku nga wa hi amastadiu ya nklanu wa makume ni kume ginwe ku suka Jerusalema.
Marku 16. 12.
- 14 Ba wa wulawilisana munwe ni munwani hi zilo zonkle lezi zi mahekileko.
- 15 Na ku mahisile lezo, laha na ba ha wulawilisana na ba wutisana, lezo Jesu a wutsumbu gakwe i lo tsinela kusuhanani, i lo famba na bona.
Mat. 18. 20. xipm. 36.
- 16 Kanilezi a mahlo yabye ma wa komekile ba wa nga hi na ku mu tiba.
Joh. 20. 14. & 21. 4.
- 17 Yena aku ngalo kabye, Ka xana mahungu ya ku yini laya mu wulawulisanako ha wona kota lezi mu fambako ke? Bona ba lo yima, ba lo woneka na ba tsubile.
- 18 A munwe wabye i tibyiwa Kleopasi, na a hlamula a ku ngalo kakwe, Hi wena we-ce u tsamako Jerusalema u

- nga zi tibi a zilo lezi zi mahekileko ka laya masiku ke?
Joh. 19. 25.
- 19 Yena a ku ngalo kabye, Za ku yini a zilo ke? Bona ba te ngalo ka yena, A zilo ha Jesu wa le Nazarata, loyi a nga wa hi muprofeti wa ntamo hi kumaha ni mha-ka mahlweni ka Nungu-ngulu ni banhu bonkle:
Mat. 21. 11. xip. 7. 16. Joh. 3. 2. & 4. 19. & 6. 14. Mit. 2. 22. & 7. 22.
- 20 Ni lezaku a bapristi ba hombe ni bafumeli ba hina ba lo mu nyikela kasi a konekela ku dawa, ba lo mu belele.
xip. 23. 1. Mit. 13. 27, 29.
- 21 Kanilezi hina hi wa tsumba lezaku hi yena a ta nga klabisa Israeli. Ina ni le handle ka zilo lezi zonkle, i nyamukla hi siku ga manharu cima lezi zilo zi nga maheka.
xip. 1. 68. & 2. 38. Mit. 1. 6.
- 22 Nguvu kambe a babasati bo kari ba ka hina ba hi damisile, na ba wa binzukile baya keleni;
Mat. 28. 8. Marku 16. 10. xipm. 9. 10. Joh. 20. 18.
- 23 Laho a ba kumangi a xirumbi xakwe ba lotta, na baku, kambe ba wonile a muwoniso wa ngelosi, lowo wu nga ku ngalo wa hanya.
- 24 Ni banwani laba ba nga wa hi na hina ba loya nkeleni, lezo ba lo kuma kota lezi a ba basati ba nga wulile: kanilezi yena a ba mu wonangi.
xipm. 12.
- 25 Yena a ku ngalo kabye, O mapupulu, nzinwina ya banhu, mu nonoka a mbilu ku kolwa lezi zonkle a baprofeti ba nga wa zi kanele!
- 26 A hizinene ke lezaku Kristu i ta xaniseka, a engena wukosini gakwe ke?
xipm. 46. Mit. 17. 3. 1 Pet. 1. 11.
- 27 I lo sangula hi ka Mosi ni ka baprofeti bonkle, i lo klabusela kabye ka yonkle mitsalo hi zilo zi wulileko hi wutsumbu gakwe.
xipm. 45. Joh. 1. 45.
- 28 Bona ba lo tsinela ximutani, laho ba nga waya: i lo maha ku kwatsi wa hunza.
Marku 6. 48.
- 29 Bona ba lo mu kongotela, baku, Tsama na hina: hakuba gi laba kuhlwa, ni siku makunu gi pelile. Yena i lo engena ku tsama na bona.
Mit. 16. 15.
- 30 Na ku mahisile lezo, laha a nga wa tsamile nabo kugini, i lo teka a xibaba, i lo xikatekisa, i lo xi kema, i lo nyika kabye.
Mat. 14. 19.
- 31 Ni mahlo yabye ma lo vululeka, ba lo mu tiba; yena i lo nyamalala mahlweni kabye.
xip. 4. 30. Joh. 8. 59.
- 32 Bona ba ku ngalo ka munwe ni munwani, A timbilu ta hina ti wa nga vuri hi le nzeni ka hina, laha a nga wa kanela ka hina ndleleni, laha a nga wa vulula ka hina a mitsalo ke?
- 33 Ba lo suka hi xwalexo xi-

- kati, ba lo wuyela Jerusalema, ba lo kuma bakume ni munwe na ba tsombene katinginwe, ni laba ba nga wa hi nabo,
- 34 Baku, A Hosi yi vukile ha kuene, yi wonekile ka Simoni.
- 1 Kor. 15. 5.
- 35 Ba lo hlawutela a zilo zi nga humelela ndleleni, ni ku i lo tibya ha bona laha a nga wa kema xibaba.
- 36 Kota ba nga wa ha wulawula lezi zilo, a wutsumbu gakwe i lo yima xikari kabye, a wula kabye, A kurula nga ku hi ka nwina.
- Marku 16. 14. Joh. 20. 19. 1 Kor. 15. 5.
- 37 Kanilezi bona ba lo cabyiswa ba lo dzuka, na ba alakanya lezaku ba lo wona a moya.
- Marku 6. 49.
- 38 Yena a ku ngalo kabye, Hi yini mu karatekako ke? ngahilezo a wualakanya gi vukako timbilwini ta nwina ke?
- 39 Wonani mandla ya mina ni mikonzo ya mina, lezaku hi wutsumbu ga mina: nzi komeni, mu nzi wona; hakuba a moya a wu na nyama ni marambo, kota lezi mu nzi wonako nzi hi nawo.
- Joh. 20. 20, 27.
- 40 Laha a nga wa wulile lezi, i lo ba kombeta a mandla yakwe ni mikonzo yakwe,
- 41 Laha ba nga kala kukolwa

[Sheetwa.]

81

hi kutsaka, ni kuhlamlala, i te ngalo kabye, Mu na xa kuga laha ke?

Joh. 21. 5.

- 42 Ba lo mu nyika a xipanxe xa xidluwani xo katingwa.
- 43 Yena i lo xi teka, i loga mahlweni kabye.

Mit. 10. 41.

- 44 Yena a ku ngalo kabye, Leti hi timhaka ta mina leti nzi nga ti kanela ka nwina, laha nzi nga wa ha hi na nwina, lezaku zonkle zilo za labeka ku tatiseka, lezi zi tsalilweko nayweni wa Mosi, ni baprofeti, ni tisinwini, ha mina.

Mat. 16. 21. & 17. 22. & 20. 18. Marku 8. 31. xip. 9. 22. & 18. 31. xipm. 6.

- 45 Zonake i lo vulula kupima kabye, kasi ba fela kupima a mitsalo;

Mit. 16. 14.

- 46 Yena a ku ngalo kabye, Zi ngaho ku tsalilwe, lezaku Kristu i ta nga xaniseka, a vuka kambe ka bafleko hi siku ga manharu;

xipm. 26. Mit. 17. 8.

- 47 Kasi ku fela kukanelwa a kuhunzuluka ni kutsetselelwa ka zonho bitweni gakwe ka tixaka tonkle, kusangula Jerusalema.

Mit. 13. 38, 46. 1 Joh. 2. 12.

- 48 Nwina mu ba kustumunyu ba lezi zilo.

Joh. 15. 27. Mit. 1. 8, 22. & 2. 32. & 3. 15.

- 49 Langutani, nzi rumela a tsumbiso wa Dadani wa mina ka nwina: kanilezi tsamani nwina mutini, mu ka-

la mu ambexwa hi ntamo
wa le hehla.

Joh. 14. 16, 26. & 15. 26. & 16. 7. Mit.
1. 4. & 2. 1, &c.

50 Yena i lo huma nabo ba
kala ba cikela laha kucuwu-
keneko ni Betania: yena i
lo klakusa a mandla yakwe,
i lo ba katekisa.

Mit. 1. 12.

51 Na ku mahisile lezo, kota a
nga wa ha ba katekisa, i lo

hambanyiswa ka bona, i lo
klakuselwa le tilweni.

Marku 16. 19. Joh. 20. 17. Mit. 1. 9.
Efe. 4. 8.

52 Bona ba lo mu kozela, ba lo
wuya Jerusalema hi kutsa-
ka ka hombe:

Mat. 28. 9, 17.

53 Ba wa su simamisa lomo te-
mpeleni, na ba dumisa Nu-
ngungulu. Amen.

Mit. 2. 46. & 5. 42.

IVANGELI HI KUTSALA KA JOHANI.

XIPIMO 1.

1 Kusanguleni yi wa hi ko-
na Mhaka, Mhaka yi wa hi
Nungungulu, Mhaka yi wa
hi Nungungulu.

Kol. 1. 17. 1 Joh. 1. 1, 2. & 5. 7. Kuv.
1. 2. & 19. 13. xip. 17. 5. Fil. 2. 6.

2 Yena loyi i wa hi kona ku-
sanguleni ni Nungungulu.

3 Zilo zonkle zi mahilwe hi
yena; hi lahandle kakwe a
ku na xilo xi mahilweko xi
nga mahilwe.

xipm. 10. Efe. 3. 9. Kol. 1. 16. Heb.
1. 2. Kuv. 4. 11.

4 Lomo nzeni kakwe a hu hi
kona kuhanya; ni kuha-
nya a ku hi kuwonekela ka
banhu.

xip. 5. 26. & 8. 12. & 9. 5. & 12. 35, 46.
1 Joh. 5. 11.

5 Kuwonekela ku woninga
munyamani; ni munyama
a wu ku amukelangi.

xip. 8. 19.

6 Ku lota munhu, a nga ru-
miwa hi ka Nungungulu,
bito gakwe hi Johani.

Mat. 3. 1. Luka 3. 2. xipm. 33.

7 Yena i lo tela ku ta maha
wustumunyu, a fela ku tsa-
ma wustumunyu wa kuwo-
nekela, kasi bonkle ba fela
ku kolwa hi yena.

Mit. 19. 4.

8 Yena a nga hi kuwonekela,
kanilezi i lo tela ku ta ma-
ha a wustumunyu hi ku-
wonekela.

9 Loku hi kona kuwonekela
ka zinene, ku woninga ba-
nhu bonkle ba tako misa-
beni.

xipm. 4. 1 Joh. 2. 8.

10 Na hi kona misabeni, misa-
ba yi lo mahiwa hi yena,
misaba a yi mu tibangi.

xipm. 8. Heb. 1. 2. & 11. 3.

- 11 I lotta ka bakwe bona laba ba nga hi bakwe, a ba mu amukelangi.
Luka 19. 14. Mit. 3. 26. & 13. 46.
- 12 Kanilezi kota banyingi laba ba nga mu amukela, a ba nyika ku tsama banana ba Nungungulu, ni laba ba kolwako hi bito gakwe:
Roma 8. 15. Gal. 3. 26. 2 Pet. 1. 4. 1 Joh. 3. 1.
- 13 Ba nga kala ku belekiwa hi nkata, hambu ni kuranza ka nyama, hambu ni kuranza ka munhu, kanilezi hi ka Nungungulu.
xip. 3. 5. Jam. 1. 18. 1 Pet. 1. 23.
- 14 Mhaka yi maha nyama, a tsama xikari ka hina (hina hi wona wukosi gakwe, wukosi gi kota ga munwe a belekilweko yece hi Dadani), na gi tele hi wuxinji ni zinene.
Mat. 1. 16, 20. & 17. 2. Luka 1. 31, 35. & 2. 7. 1 Tim. 3. 16. Roma 1. 8. Gal. 4. 4. Heb. 2. 11, 14, 16, 17. xip. 2. 11. & 11. 40. 2 Pet. 1. 17. Kal. 1. 19. & 2. 3, 9.
- 15 Johani wa maha wukustumunyu hi yena, a bitana, aku, loyi hi yena nzi nga ku, Loyi a tako lenzako ka mina i wa hi kona mahlweni ka mina: hakuba a hi kona na nzi nga hi kona.
xipm. 27, 30, 32. xip. 3. 31, 32. & 5. 33. Mat. 3. 11. Marku 1. 7. Luka 3. 16. Koi. 1. 17.
- 16 Hi kutala kakwe hina honkle hi amukelisilwe, wuxinji hi wuxinji.
xip. 3. 34. Efe. 1. 6, 7, 8. Kol. 1. 19. & 2. 9, 10.
- 17 Hakuba nayo wu nyikilwe hi Mosi; wuxinji ni zinene zi tile hi ka Jesu Kristu.
Roma 3. 24. & 5. 21. & 6. 14. xip. 8. 32. & 14. 16.
- 18 Nungungulu cima a nga woniwangi hi munhu; Nwana a belekilweko yece, a nga xifubeni xa Dadani, i mu tibekisile.
Mat. 11. 27. Luka 10. 22. xip. 3. 16, 18. & 6. 46. 1 Tim. 1. 17. & 6. 16. 1 Joh. 4. 9, 12, 20. xipm. 14.
- 19 Lexi hi wukustumunyu ga Johani, laha na ba Juda ba rumele hi le Jerusalema a bapristi ni ba Levi ku mu wutisa, Hi wena mani ke?
xip. 5. 33.
- 20 A vumela a nga kanetangi; a vumela aku, Mina a nzi mina Kristu.
Luka 3. 15. xip. 3. 28. Mit. 1. 25.
- 21 Ba mu wutisa baku, U hi mani ke? Hi wena Elija ke? Aku, a hi mina yena. U muprofeti ke? Aku, Kokwihi.
Mat. 17. 10.
- 22 Hikwalaho baku kakwe, Hi wena mani? hi fela kuya ba hlamula laba ba hi rumileko. U wulawula yiniyini hi wena nwinyi ke?
- 23 Aku, Nzi gezu ga munwe loyi a bako hungu xiwuleni, aku lulametani a ndlela ya Hosi, kota lezi a nga wula Isaya muprofeti.
Mat. 3. 3. Marku 1. 3. Luka 3. 4. xip. 3. 28.
- 24 Labo ba wa rumilwe hi ba Farisi.
- 25 Ba mu wutisa, baku kakwe, Hi yini u bapatizako wena, loku u nga hi yena Kristu,

- hambu Elija, hambu ni mu-profeti ke?
- 26 Johani a ba hlamula, aku, Mina nza bapatiza hi mati: xikari ka *nwina* i yimile munwe mu nga mu tibiko, Mat. 3. 11.
- 27 Loyi a tako le nzako ka mina, a ngoti ya zilato zakwe a nzi faneli ku zi *kla-kla*. xipm. 15, 30. Mit. 19. 4.
- 28 Lezi zilo zi mahiwa Betania le *klatukweni* wa Jordani, laha Johani a nga bapatiza kona. xip. 10. 40.
- 29 Ni mixo Johani a wona Jesu na kari ata kakwe, aku, Languta, Ivana ya Nungungulu, yi susako zonho za tiko! xipm. 36. Mit. 8. 32. 1 Pet. 1. 19. & 2. 24. & 3. 18. Kuv. 1. 5. & 5. 6, &c. 1 Kor. 15. 3. Gal. 1. 4. Heb. 1. 3. & 2. 17. & 9. 28. 1 Joh. 2. 2. & 3. 5. & 4. 10.
- 30 Loyi hi yena nzi nga wulawula hi yena nzi ku, Wata munhu a nzako ka mina a nga hi kona mahlweni ka mina; hakuba u wa hi kona na nzi nga hi kono. xipm. 15. 27.
- 31 Nzi wa nga mu tibi; kanilezi nzi wa ku i ta tibekiswa ka Israeli, hi kota ya lexi nzi tile na nzi bapatiza hi mati. Mat. 3. 6. Luka 1. 17, 76, 77. & 3. 3, 4.
- 32 Johani a maha wukustumunyu, aku, Nzi wonile Moya wu relela hi le tilweni wu kotisi tuba; wu tsama hehla kakwe. Mat. 3. 16. Marku 1. 10. Luka 3. 22. xip. 5. 32.
- 33 Nzi wa nga mu tibi: kanilezi loyi a nzi rumileko ku bapatiza hi mati, yena aku ka mina, Loyi u ta nga wona Moya wu relela, wu kapama hehla kakwe, hi yena a bapatizako hi Moya wo Basa. Mat. 3. 11. Mit. 1. 5. & 2. 4. & 10. 44. & 19. 6.
- 34 Nzi wonile, nza maha wukustumunyu nzi ku loyi hi Nwana wa Nungungulu.
- 35 Kambe ni manziko Johani i wa yimile, ni bambiri ba bapizani bakwe;
- 36 A wona Jesu na famba, a ku, Languta, Ivana ya Nungungulu! xipm. 29.
- 37 A bapizani bambiri ba muzwa na wulawula, bona ba lanzela Jesu.
- 38 Jesu a hunzuluka, a ba wona na ba mu lanzela, aku kabye, Mu laba yini? Ba ngalo kakwe, Rabi (a ku ngalo, hi ku~~ku~~lamusela, Mungonzisi), u tsama kwihi?
- 39 Aku kabye, Ngonani, mu ta wona. Hikwalaho ba lota ba wona laha a tsamako kona; ba tsama naye lego siku: a xi hi xikati xa kumi.
- 40 Munwani wa laba bambiri laba ngazwa Johani na wulawula ba mu lanzela hi Andru, nakulobye wa Simoni Petro. Mat. 4. 18.
- 41 A kuma kusangula nakulobye wakwe Simoni, aku ka-

kwe, Hi mu kumile Mesia (hi klamusela, ku ngalo, Kristu).

- 42 A mu neha ka Jesu. Jesu a mu cuwuka, aku ngalo, Hi wena Simoni nwana wa Johani: u ta bitanwa ku ngalo Kefasi (hi ku klamusela, ku ngalo Petro).

Mat. 16. 18.

- 43 Manziko na alakanya ku famba Galile, a kuma Filipu: Jesu aku kakwe, Nzi lanzele.

- 44 Makunu Filipu i wa hi wa le Betsaida, mutini wa ba Andru ni Petro.

xip. 12. 21.

- 45 Filipu a kuma Nataneli, aku kakwe, Hi mu kumile, loyi ba nga tsala hi yena Mosi milayweni, ni baprofeti, Jesu wa Nazareta, nwana wa Josefa.

xip. 21. 2. Luka 2. 4. & 24. 27. Mat. 2. 23.

- 46 Nataneli aku kakwe, Xilo xo saseka xi nga huma hi le Nazareta ke? Filipu aku kakwe, Ngona u ta wona.

xip. 7. 41, 42, 52.

- 47 Jesu a wona Nataneli na kari ata kakwe, aku hi yena, Languta, mu Israeli wa zinene, loyi a nga hi ko ni kuxengetela!

xip. 8. 39. Roma 2. 28, 29. & 9. 6,

- 48 Nataneli aku kakwe, U nzi tiba hi ku yini? Jesu a hlamula aku kakwe, Filipu i ku bitanile na u hi lehasi ka kuwu, nzi lo ku wona.

- 49 Nataneli a hlamula aku ka-

kwe, Rabi, wena u Nwana wa Nungungulu: u Hosi ya ba Israeli.

Mat. 14. 33. & 21. 5. & 27. 11, 42. xip. 18. 37. & 19. 3

- 50 Jesu a hlamula i ngalo kakwe, Hi nzi nga ngaku ku ka wena, Nzi ku wonile lahasi ka kuwu ke? u ta wona zilo za hombe zo hunza lezi.

- 51 Aku kakwe, Hizinene, hizinene, nziku ka nwina, Mu ta wona tilo na gi vululeka, ni tingelosi ta Nungungulu na ti kanziya ti relela lahasi ka Nwana wa munhu.

Mat. 4. 11. Luka 2. 9. 13. & 22. 43. & 24. 4. Mit. 1. 10.

XIPIMO 2.

- 1 Hi siku ga manharu wu wa hi kona mucado ka Kana wa Galile; nyine wa Jesu i wa hi kona:

- 2 Ni Jesu kambe a rambiwa, ni bapizani bakwe, mucadweni.

- 3 Waini na gi mbetekile, nyine wa Jesu aku kakwe, A waini gi haba.

- 4 Jesu aku kakwe, Wasati, nzi na ni yini na wena? xikati xa mina a xi se ku cikela.

xip. 7. 6. & 19. 26.

- 5 Nyine wakwe aku ka zitiri, Lezi a ta nga zi wula ka nwina, zi maheni.

- 6 A ti hi kona nklanu ni yinwe tifuko ta maribye na ti tsamile laho kota matsamele ya ba Juda ya kuhlazeka, na ti hi ni xipimo zimbiri kutani zinharu za fuko yinwe.

Marku 7. 3.

- 7 Jesu aku kabye, Tatisani tifuko hi mati. Ba ti tatisa hi mati.
- 3 Aku kabye, Kanani maku-nu, mu yisa ka mufumeli wa mubuzo. Ba yi yisa.
- 9 Mufumeli wa mubuzo na maringile mati ma wa mahile waini, a nga yi tibi lomo yi tako ha kona (kanilezi ba tiri ba ngaka mati ba wa yi tiba), mufumeli wa mubuzo a bitana a muyeni,
xip. 4. 46.
- 10 Aku kakwe, Bonkle banhu ba beka kuranga a waini gi nene; laha banhu na ba nwile ba eneliswa, zonake ku nehiwa lego go biha: wena u bekile waini go nanzuha kala makunu.
- 11 Loku kusangula ka ziwoniso zakwe, Jesu a nga zi maha ka Kana wa Galile, a tibekisa wukosi gakwe; a bapizani bakwe ba kolwa kakwe.
xip. 1. 14.
- 12 A nzako ka lexi a relela aya Kapernaume, yena, ni nyine wakwe, ni ba makabye, ni bapizani bakwe: ba tsama kona masiku ma tsongwani.
Mat. 12. 46
- 18 Pasika ga ba Juda gi wa tsinele, ni Jesu a kanziya Jerusalema.
xipm. 23. xip. 5. 1. & 6. 4. & 11. 55.
- 14 A kuma tempeleni laba ba xabisako tihomu ni tiyivu ni zipomba, ni ba turukari ba mali na ba tsamile:
Mat. 21. 12. Marku 11. 15. Luka 19. 45.
- 15 A maha tsilani ya tingoti, a ba humesa tempeleni, zinwe ni tiyivu ni tihomu; a halata mali ya baturukari, a kubunyeta timeza tabye;
- 16 Ni ka laba ba xabisako zipomba aku ngalo, Susani lezi zilo laha; mu nga yi mahi yindlu ya Dadani wa mina a yindlu ya mabinzu.
Luka 2. 49.
- 17 A bapizani bakwe ba alakanya lezaku ku tsalilwe ku ngalo, Kucela hi yindlu ya wena ku ta nzi mbetisa.
- 18 Hakwalaho ba Juda ba hlamula baku kakwe, Hi xiwoniso muni u xiwonisako ka hina, xa ku ngalo u maha lezi zilo?
Mat. 12. 38. xip. 6. 30.
- 19 Jesu a hlamula aku kabye, Dayani leyi tempeli, nzi ta yi vuxa hi masiku manharu.
Mat. 26. 61. & 27. 40. Marku 14. 58. & 15. 29.
- 20 Hikwalaho ba Juda baku, Mune wa makumi ya malembe ni nklanu ni ginwe na yi kari yi akiwa leyi tempeli, wena u ta yi vuxa hi masiku manharu ke?
- 21 Kanilezi i lo wula hi tempeli ya miri wakwe.
Kol. 2. 9. Heb. 8. 2. 1 Kor. 3. 16. & 6. 19. 2 Kor. 6. 16. Luka 24. 8.
- 22 Hikwalaho lezo na vukile hi ka ba fileko, bapizani bakwe ba lo alakanya baku i lo wula hi lexi; ba lo kolwa hi

milayo, ni mhaka leyi a nga yi wula.

23 Makunu laha na hi Jeru-
salema le pasikeni, kwaleyo
mubuzweni, banhu ba nyi-
ngi ba kolwa bitweni ga-
kwe, na ba wona ziwoniso
zakwe a nga zi maha.

24 Kanilezi Jesu a nga ti tsu-
mbangi kabye, hakuba wa
ba tiba banhu bonkle,

25 Hakuba a nga labi aku ka-
ni hi mani a yingisa wuku-
stumunyu ga manhu; hile-
zi yena *nwinyi* a nga kari a
zitiba lezi zi nga nzeni ka
munhu.

Mat. 9. 4. Marku 2. 8. xip. 6. 64. &
16. 30. Mit. 1. 24. Kuv. 2. 23.

XIPIMO 3.

1 Makunu i wa hi kona mu-
nhu wa ba Farisi, a ti byako
Nikodemusi, a nduna ya ba
Juda:

2 Yena i lotta kakwe ni wusi-
ku, i ngalo kakwe, Rabi, ha
ku tiba hiku u mugonzisi hi
ka Nungungulu: a ku na
munhu a kotako ku maha
ziwoniso u zi mahako sase-
ka loku Nungungulu a hi
naye.

xip. 7. 50. & 9. 16, 83. & 19. 39 Mit. 2.
22. & 10. 38.

3 Jesu a hlamula i ngalo ka-
kwe, Hizinene, hizinene,
nzi ku ka wena, Saseka lo-
ku munhu a traliwa lustra,
a nga na ku wona mufumo
wa Nungungulu.

xip. 1. 13. Gal. 6. 15. Tit. 3. 5. Jam.
1. 18. 1 Pet. 1. 23. 1 Joh. 3. 9.

4 Nikodemusi aku kakwe,

Munhu i ta traliwa hi ku
yini na hi wa kale? i ta ko-
ta ku engena rubyini ga
nyine kumbiri a wuya a tra-
liwa ke?

5 Jesu a hlamula aku, Hizi-
nene, hizinene, nzi ku ka
wena, Saseka loku munhu
a traliwa hi mati ni Moya, a
nga na ku engena mufu-
nweni wa Nungungulu.

Marku 16. 16. Mit. 2. 38.

6 Lezo zi tralilweko hi nyama
zi hi nyama; ni lezi zi trali-
lweko hi Moya zi hi moya.

7 U nga hlamali hi lezi nzi
nga ku ngalo ka wena, Mu
fanelwe hi ku tralwa lu-
stra.

8 A mheho yi pupuxa laha
yi ranzako kona, u gizwa
bubutsa ga yona, kanilezi u
nga yi tiba laha yi tako ha
kona, ni lomo yi yako: hi-
zalezo laba bonkle ba trali-
lweko hi Moya.

1 Kor. 2. 11.

9 Nikodemusi a hlamula i
ngalo kakwe, Zi ta mahisa
ku yini lezi zilo?

xip. 6. 52, 60.

10 Jesu a hlamula i ngalo ka-
kwe, Wena u mugonzisi wa
ba Israeli, a kupimi lezi zilo
ke?

11 Hizinene, hizinene, nziku
ka wena, Hi wulawula lezi
hi zi tibako, hi maha wuku-
stumunyu ga lezi hi zi tibi-
ko; a mu amukeli wukustu-
munyu ga hina.

Mat. 11. 27. xip. 1. 18. & 7. 16. & 8. 28.
& 12. 49. & 14. 24. xipm. 32.

12 Loku nzi mu byelile zilo za

misaba, mu nga kolwiko, mu ta kolwa hi ku yini, lo-ku nzi mu byela hi zilo za le tilweni?

- 13 A ku na munhu a kanziyileko le tilweni, kanilezi loyi a releleko hi le tilweni, hambu Nwana wa munhu, loyi a nga le tilweni.

xip. 6. 33, 38, 51, 62. & 16. 28. Mit. 2. 34. 1 Kor. 15. 47. Efe. 4. 9, 10.

- 14 Ni kotisa lezi Mosi a nga klakusa nyoka xiwuleni, hizalezo i fanelwe Nwana wa munhu ku klakuswa:

xip. 8. 28. & 12. 32.

- 15 Hakuba ni wihi loyi a kolwako ka yena a hi ni kuhanya kala kupinzuka.

xipm. 36. xip. 6. 47.

- 16 Hakuba Nungungulu i lo ranza tiko lezo, hakuba i lo nyikela Nwana wakwe a tralileko yece, kasi ni wihi loyi a kolwako kakwe a ngafi, kanilezi a hi ni kuhanya kala ku kupinzuka.

Roma 5. 8. Joh. 4. 9.

- 17 Hakuba Nungungulu a nga rumelangi Nwana tikweni ku kona tiko; kanilezi a tiko gi fela kuhanyiswa hi kota yakwe.

Luka 9. 56. xip. 5. 45. & 8. 15. & 12. 47. 1 Joh. 4. 14.

- 18 Loyi a kolwako kakwe a nga konwi: loyi a nga kolwiko u konekilo lezo, hakuba a nga kolwangi bitweni ga Nwana a tralilweko yece hi Nungungulu.

xip. 5. 24. & 6. 40, 47. & 20. 31.

- 19 Loku hi kukoneka, lezaku kuwonekela ku cikele misa-

beni, banhu ba ranza munyama ku hunza kuwonekela; hakuba mitiro yabyi bihile.

xip. 1. 4, 9, 10, 11. & 8. 12.

- 20 Hakuba bonklelele laba ba mahako zobihha ba benga kuwonekela, a bati kuwonekeleni, yi nga tibya mitiro yabye.

Efe. 5. 18.

- 21 Kanilezi loyi a mahako zine nene wata kuwonekeleni, kasi mitiro yakwe yi fela kuwonwa, ku ngalo yi mahilwe ka Nungungulu.

- 22 A nzako ka lezi zilo ata Jesu ni bapizani bakwe tikweni ga Judia; a tsama nabo laho, a bopatiza.

xip. 4. 2.

- 23 Ni Johani i wa bapatiza kambe Enoni ku suhani ni Salimi, hakuba ma wa hi kona mamati manyingi laho: bata, ba bapatizwa.

Mat. 3. 5, 6.

- 24 Hakuba Johani i wa nga se ku engeniswa paxweni.

Mat. 14. 3.

- 25 Ku vuka lezo kukanetisana ka bapizani ba Johani ni ba Juda hi kuhlazeka.

- 26 Bata ka Johani, ba ku ngalo kakwe, Rabi, loyi a nga hi na wena, le nklaturweni wa Jordani, u mahileko wukustumunyu hi yena, languta, ywaloye wa bapatiza ni banhu, bonkle bata kakwe.

xip. 1. 7, 15, 27, 34.

- 27 Johani a hlamula aku, Munhu a nga ta amukela cu-

mo, saseka loku ku nyikilwe kakwe hi le tilweni.

1 Kor. 4. 7. Heb. 5. 4. Jam. 1. 17.

28 Nwina benyi mu maha wu-kustumunyu nzi mina, gaku nzi te ngalo, A nzi mina Kristu, kanilezi, nzi rumilwe mahlweni kakwe.

xip. 1. 20, 27. Marku 1. 2. Luka 1. 17.

29 Loyi a nga ni makoti hi muyeni: kanilezi ixaka ga muyeni, ga yiako gi mu zwako, gi nengela nguvu hakuba hi kuzwa gezu ga muyeni: loku hi kunengela ka mina lezo ku tatisekile.

Mat. 22. 2. 2 Kor. 11. 2. Efe. 5. 25, 27.

Kuv. 21. 9.

30 A anze, kanilezi mina nzi nga anzi.

31 Loyi a tako hi le hehla i kona hehla ka konkle: loyi a nga wa misaba hi wa misaba i wulawula hi misaba: loyi ata ku hi le tilweni i kona hahla ka kona konkle.

xipm. 13. xip. 1. 15, 27. & 6. 33. & 8. 23.

Mat. 28. 18. Roma 9. 5. 1 Kor. 15. 47.

Efe. 1. 21. Fil. 2. 9.

32 Lezi a zi wonileko ni a zi zwileko, ka lezo wa maha wukustumunyu; a nga kona munhu a amukeleko wukustumunyu gakwe.

xipm. 11. xip. 8. 26. & 15. 15.

33 Loyi a nga amukeleko wukustumunyu gakwe i bekile ku tiyisa kakwe ka lexi, xa ku ngalo Nungungulu hi zine.

Roma 3. 4. 1 Joh. 5. 10.

34 Hakuba loyi a mu rumileko Nungungulu i wulawula timhaka ta Nungungulu: ha-

kuba a nga nyiki Moya hu kuringanisa.

xip. 1. 16. & 7. 16.

35 A Dadani wa mu ranza Nwana, i nyikile zilo zonkle canjeni gakwe.

Mat. 11. 27. & 28. 18. Luka 10. 22. xip.

5. 20, 22. & 13. 3. & 17. 2. Heb. 2. 8.

36 Loyi a kolwako ka Nwana i na ni kuhanya ku kala kupinzuka; kani loyi a nga yingisiko Nwana a nga ta wona kuhanya, kanilezi zanga ya Nungungulu yi tsama hehla kakwe.

xip. 1. 12. & 6. 47. xipm. 15. 16. Roma

1. 17. 1 Joh. 5. 10.

XIPIMO 4.

1 Hikwalaho laha Hosi na yi zi tibile le zaku ba Farisi ba zwile aku ngalo Jesu wa maha a bapatiza bapizani ku hunza Johani

xip. 8. 22, 26.

2 (Hambu lezi Jesu yena nwyni a nga kala ku bapatiza kanilezi bapizana bakwe),

3 A siya Judia, aya kambe Galile.

4 U wa yimelwe hi ku tsemakanya a hunza Samaria.

5 Lezo a cikele mutini wa Samaria, wu bitwako Sukari, ku suhani ni xipanze xa misaba lexi Jakobe a nga nyika ka Josefa nwana wakwe:

6 Ni hlowo ya Jakobe yi wa hi kona. Hikwalaho Jesu, na karele hi kufamba kakwe, lezo i lo tsama hlobye ni. Xi wa hi xikati xa wunklanu ni xinwe.

7 Ku cikela wasati wa mu

- Samaria kuka mati: Jesu aku kakwe, Nzihe nzinwa.
- 8 Hakuba ba wa yile mutini ku ya xaba za kuga.
- 9 Hikwalaho wasati wa mu Samaria aku kakwe, Hi yini wena, na u hi mu Juda, u kombelako ka mina, na nzi hi wasati wa mu Samaria? (Hakuba ba Juda ba wa nga ranzani ni ba Samaria.)
Luka 9. 52, 53. Mit. 10. 28.
- 10 Jesu a hlamula aku kakwe, Loku u wa yi tibile sakwati ya Nungungulu, ni lezaku hi mani loyi a nge ngalo ka wena, Nzi he nzinwa; nga u kombele yena, nga a kunyikile mati ya kuhanya.
- 11 Wasati aku kakwe, Hosi u haba xa kuka ha xona, ni hlowo yi etile: u ma kuma kwihi lawo mati ya kuhanya?
- 12 Wena u wa hombe u hunza dadani wa hina Jakobe, a nga hi nyika leyi hlowo, anwa kona yena nwinyi, ni banana bakwe, ni minklambi yakwe?
- 13 Jesu a hlamula aku kakwe, Loyi anwako laya mati i tazwa tora kambe:
- 14 Kanilezi loyi ata nganwa mati laya nzi ta nga mu nyika wona cima a nga tazwa tora; kanilezi mati nzi ta nga mu nyika ma ta maha hlowo ya mati lomo nzeni kakwe ma ta huma kala kuhanyeni ka kupinzuka.
xip. 6. 35, 58. & 7. 38.
- 15 Wasati aku kakwe, Hosi, nzihe laya mati, kasi nzi ngazwi tora, nzi fela ku kala kuta ndlela yonkile laha ku taka.
xip. 6. 34. & 17. 2, 3. Roma 6. 23. 1 Joh. 5. 20.
- 16 Jesu aku kakwe, Famba, uya bitana nuna wa wena, uta laha.
- 17 Wasati a hlamula aku kakwe, A nzi na nuna. Jesu aku kakwe, U wulile kwatsi, uku a nzi na nuna:
- 18 Hakuba u wa hi ni nklanu wa banuna; ni loyi u nganaye lezi a hi nuna wa wena: lexi u xi wulawulileko xinene.
- 19 Wasati aku kakwe, Hosi, nza wona nziku u muprofeti.
Luka 7. 16. & 24. 19. xip. 6. 14. & 7. 40.
- 20 Badadani ba hina ba wa kozela ka lexi xitsunga; nwina mu ngalo, Jerusalema hi wutsamo lego banhu ba felako ku kozela.
- 21 Jesu aku kakwe, Wasati, kolwa hi mina, xa hata xikati, laho hambu lexi xitsunga, hambu Jerusalema, mu ta kozela Dadani.
1 Tim. 2. 8.
- 22 Nwina mu kozela lexi mu nga xi tibiko: hina ha xi kozela lexi hi xi tibako: hakuba kuhanyisa ku hi ka ba Juda.
Luka 24. 47. Roma 9. 4, 5.
- 23 Kanilezi xikati xa hata, xi kona ni lezi, laha bakozela ba zinene ba ta kozela Dadani hi moya ni zinene: ha

kuba laba ba mahako lezo a Dadani i ba laba ba mahe bakozeli bakwe.

Fil. 3. 3. xip. 1. 17.

24 Nungungulu hi Moya: ni laba ba mu kozelako ba fela ku mu kozele hi moya ni zinene.

2 Kor. 3. 17.

25 Wasati aku kakwe, Nza zi tiba aku Mesia wata (a ti-byako Kristu): loku a cikelala, i ta hi byela hi zilo zonkle.

xipm. 29, 39.

26 Jesu a ku kakwe, Mina nzi wulawulako na wena nzi mina yena.

Mat. 26. 63, 64. Marku 14. 61, 62. xip. 9. 37.

27 Makunu bata bapizani bakwe; ba dama hilezi a nga wulawula ni wasati; kanilezi i wa nga hi kona munhu a nga ku ka ngalo, U laba yini? kutani, Hi yini u wulawulako naye?

28 Makunu wasati a siya fuko yakwe, aya mutini, aku ka ba banuna,

29 Ngonani, muta wona munhu, a nzi byelileko zilo zonkle nzi zi mahileko: kona loyi a hi yena Kristu ke?

xipm. 25.

30 Ba huma mutini, bata kakwe.

31 Ka xwalexo xikati bapizani bakwe ba mu kongotela, baku, Rabi, gana.

32 Kanilezi aku ngalo kabye, Nzi nani nyama nzi gako mu nga yi tibiko.

33 Hikwalaho bapizani baku

ka munwe ni munwani, U kona munhu a mu neheleko xa kuga ke?

34 Jesu aku kabye, A kuga ka mina hi ku maha kuranza ka loyi a nzi rumileko ni ku mbeta a tiro wakwe.

xip. 6. 38. & 17. 4. & 19. 30.

35 A mu wuli muku, Ka ha sele mune wa tihweti, ni zonake ku cikela xikati xa kuhula ke? langutani, nzi ku ka nwina, Klakusani mahlo ya nwina, mu cuwuka masinwini, ma xwelele ma laba kuhulwa.

Mat. 9. 37. Luka 10. 2.

36 Loyi a hulako u amukela kuruhiwa, a hlengeletela timbewu kuhanya ka kupinzuka; kasi loyi a xwanyako ni loyi a hulako ba fela kunengela katiginwe.

37 Hakuba mangabye ku wula ka zinene, Munwe wa hula, ni munwani a hula.

38 Nzi mu rumile kuhula lexi mu nga tirangiko: banwani ba tirile, nwina mu engenile mitirwni yabye.

39 Ka lowo muti banyingi ba ba Samaria ba lo kolwa ka yena hi kota ya mhaka ya wasati, a nga tiyisa, I nzi byelile zonkle zilo nzi nga zi maha.

xipm. 29.

40 Lezo ba Samaria na ba tile kakwe, ba mu kongotela ku tsama na bona: i lo tsama kona masiku mambiri.

41 Ni banyingi kambe ba lo

kolwa hi kota ya mhaka yakwe;

- 42 Ba loku ka wasati, Makunu ha kolwa, a hi kota ya kwula ka wena: hilezi hi ti zwele benyi, ha zi tiba hi ku loyi hi Muhanyisi wa tiko.

xip. 17. 8. 1 Joh. 4. 14.

- 43 A nzako ka masiku mam-biri a suka kona aya Galile.

- 44 Hakuba Jesu wutsumbu a tiyisa aku, muprofeti a nga dzunziwi tikweni ga le ka-bye.

Mat. 13. 57. Marku 6. 4. Luka 4. 24.

- 45 Makunu na cikele Galile, ba le Galile ba mu amukela, ba nga wonile zilo zonkile a nga zi maha Jerusalema mu bu-zweni: hakuba na bona kambe ba wa yile mubu-zweni.

xip. 2. 23. & 3. 2.

- 46 Hikwalaho ata kambe ka Kana wa Galile, laho a nga hunzula mati ma maha waini. Yi wa hi kona nduna yo kari, a nwana wakwe i wa babya le Kapernaume.

xip. 2. 1, 11.

- 47 Laha na yi zwile ku ngalo Jesu i sukile Judia iya Galile, yiya kakwe yi mu kongotela akuba a relele, a ta hanyisa nwana wakwe; hilezi i wa hi kusuhanani ni kufa.

- 48 Hikwalaho Jesu ilo kakwe, Saseka loku mu wona ziwo-

niso ni zidamiso, a mu nga ta kolwa.

1 Kor. 1. 22.

- 49 Nduna yiku kakwe, Relela nwananga na nga se kufa.

- 50 Jesu aku kakwe, Famba ndlela ya wena; nwana wa wena wa hanya. Munhu i lo kolwa a mhaka leyi Jesu a nga yi wula kakwe, i lo famba ndlela yakwe.

- 51 Na ha relela, zitiri zakwe zi mu kinga, ziku, nwana wa wena wa hanya.

- 52 Makunu a ba wutisa xikati a nga sangula kuhanya ha-xona. Baku ka yena, Ato-lo hi xikati xa wunklanu ni zimbiri feberi yi lo mu tsika.

- 53 Makunu raru wa yena a zi tiba aku xi wa hi xikati leco Jesu a nga ku ka yena, Nwana wa wena wa hanya: yena nwinyi i lo kolwa, ni yindlu yakwe yonkile.

- 54 Lexi kambe xiwoniso xa wumbiri Jesu a nga xi maha, na sukile Judia aya Galile.

XIPIMO 5.

- 1 A nzako ka lezi zilo ku wa hi kona mubuzo wa ba Juda; Jesu aya Jerusalema.

xip. 2. 13.

- 2 Makunu gi wa hi kona le Jerusalema hi se nyangweni ya tiyivu a tiba, gi bitwako hi xi Heberu ku ngalo Bet-saida, gi wa hi ni nklanu wa tinyangwa.

- 3 Laho ku wa *k*lele *k*lawwa wabye laba ba babyako, zikumu, zilema, ni laba ba kanyeneko.
- 5 I wa hi kona munhu wo kari laho, a nga kari a banya makumi manharu ya malembe ni nklanu ni manharu.
- 6 Jesu laha na mu wona na eklele, a zi tiba aku i tsamisile lezo xikati xa hombe, aku kakwe, Wa zi ranza kuhanyiswa ke?
- 7 A munhu a babyako a hlamula ka yena, Hosi, a nzi na munhu, laha mati na mavindlukiswa, a ku nzi peta tibeni: kanilezi loku nzi, ta, hi kuta munwani i relela mahlwani ka mina.
- 8 Jesu aku kakwe, Suka, u teka sango ga wena, u famba.
Mat. 9. 6. Marku 2. 11. Luka 5. 24.
- 9 Zalezo munhu a hanyiswa, a teka sango gakwe a famba.
- Makunu gi wa hi sabado lego siku.
xip. 9. 14.
- 10 Lezo ba Juda baku ka loyi a hanyisilweko, I sabado, a zi faneli ku teka sango ga wena.
Mat. 12. 2. Marku 2. 24. & 3. 4. Luka 6. 2. & 13. 14.
- 11 Kanilezi a ba hlamula aku, Loyi a nzi hanyisileko, ywaloye aku ka mina, Teko sango ga wena, u famba.
- 12 Ba mu wutisa baku, Hi mani munhu loyi a nga ku ka wena, Teko sango ga wena u famba?
- 13 Kanilezi loyi a nga hanyiswa i wa nga zi tibi aku hi mani: hakuba Jesu i wa nyemukile na xidlemo xi hi ka gwa lego wutsamo.
- 14 Hi le nzako Jesu a mu kuma le tempeleni, i ngalo kakwe, Languta, u hanyisilwe u nga onhi kambe, kutani ku biha ka hombe ku ngata hehla ka wena.
Mat. 12. 45. xip. 8. 11.
- 15 A famba munhu, aya byela ba Juda aku hi Jesu a nzi hanyisileko.
- 16 Hi kota ya lexi ba Juda ba lo mu xanisa Jesu, hakuba i mahile lezi zilo hi sabado.
- 17 Kanilezi Jesu a ba hlamula, Dadani wa mina wa ha tira hambu lezi, mina nza tira.
xip. 9. 4. & 14. 10.
- 18 Hikwalaho hi kota ya lexi ba Juda ba laba nguvu ku mu daya, ku nga ku tsoba sabado goce, kanilezi i lo bitana Nungungulu aku hi Raru wakwe yena nwinyi, a ti maha a ecana ni Nungungulu.
xip. 7. 19. & 10. 30, 33. Fil. 2. 6.
- 19 Hikwalaho Jesu a hlamula i ngalo kabye
- Hizinene, hizinene, nzi ku ka nwina, Nwana a nga na ku maha cumo yece, kanilezi lezi a wonako Dadani na maha: hakuba ni xi hi xilo a xi mahako, ni Nwana i zi maha kota lezo.
xipm. 30. xip. 8. 28. & 9. 4. & 12. 49. & 14. 10.

- 20 Hakuba Dadani wa mu ranza Nwana, i mu kombetile zonkle zilo a zi mahako yena *nwinyi*: ni mitiro ya hombe yo hunza leyi i ta mu komba, kasi mu fela ku hlamala.
Mat. 3. 17. xip. 3. 35. 2 Pet. 1. 17.
- 21 Hakuba kwatsi hi Dadani a vuxako laba bafleko a ba hanyisa, hambu lezi Nwana kambe wa ba hanyisa laba a ba ranzako.
Luka 7. 14. & 8. 54. xip. 11. 25, 43.
- 22 Hakuba Dadani a nga lamuli munhu, kanilezi i nyikile Nwana kulamula konkle;
Mat. 11. 27. & 28. 18. xipm. 27. xip. 3. 35. & 17. 2. Mit. 17. 31. 1 Pet. 4. 5.
- 23 Hakuba bonkle ba fela kudumisa Nwana, kota lezi ba dumisako Dadani. Loyi a nga dumisiko Nwana a nga mu dumisi Dadani loyi a mu rumileko.
1 Joh. 2. 23.
- 24 Hizinene, hizinene, nzi ku ka *nwina*, Loyi a zwako mhaka ya mina, a kolwa ka yena loyi a nzi rumileko, i na ni kuhanya ka kupinzuka, a ngati kulamuleni, kanilezi i hunzile kufa i engenile kuhanyeni.
xip. 3. 10, 18. & 6. 40, 47. & 8. 51. & 20. 31. 1 Joh. 3. 14.
- 25 Hizinene, hizinene, nzi ku ka *nwina*, Xa hata xakati, makunu hi xona, laho bafleko ba ta ngazwa gezu ga Nwana wa Nungungulu; laba ba gi zwako ba ta hanya.
xipm. 28. Efe. 2. 1, 5. & 5. 14. Kol. 2. 13.
- 26 Hakuba kota Dadani a nga ni kuhanya yena *nwinyi* hambu lezo kambe i nyikile Nwana ku tsama ni kuhanya yena *nwinyi*:
xipm. 22. Mit. 10. 42. & 17. 31.
- 27 I mu nyikile ntamo a kulamula, hilezi a nga Nwana wa munhu.
- 28 Mu nga rewuki hi lexi: hakuba xikati xa hata, laba bonkle laba ba le zilahleni ba tazwa gezu gakwe,
- 29 Ba ta vuka; labo ba mahileko zo saseka, kuvukeni ka kuhanya; ni laba ba mahileko za kubiha, kuvukeni ka kulamulwa.
1 Kor. 15. 52. 1 Tesa. 4. 16. Mat. 25. 32, 33, 46.
- 30 A nzi mahi cumo nzoce: kota nzi zwako, nza lamula: a kulamula ka mina ku lulamile; hakuba a nzi labi kuranza ka mina, kanilezi kuranza ka loyi a nzi rumileko.
xipm. 19. Mat. 26. 39. xip. 4. 34. & 6. 38.
- 31 Loku nzi ti mahela wukustunyu mina *nwinyi*, a wukustumunyu ga mina a hi zinene.
xip. 8. 14. Kuv. 3. 14.
- 32 I kona munwani a mahako wukustumunyu ga mina; nza zi tiba nzi ku wukustumunyu legi gi tiyisako hi mina hi ginene.
Mat. 3. 17. & 17. 5. xip. 8. 18. 1 Joh. 5. 6, 7, 9.
- 33 Mu rumele ka Johani, i tiyisile wukustumunyu ga zinene.
xip. 1. 15, 19, 27, 32.

- 34 Kanilezi wukustumunyunzi gi amukeleko a giti hi ka munhu: kanilezi nzi wula lezi zilo, hakuba mu fela kuhanyiswa.
- 35 I wa hi kandiya yi vurako yi woningako: mu lo vumela kuhlakana xikatana kuwonekeleni kakwe.
2 Pet. 1. 19. Mat. 13. 20. & 21. 26. Marku 6. 20.
- 36 Kanilezi wukustumunyu legi nzi nago ga hombe ku hunza ga Johani: hakuba mitiro leyi a nzi nyikileko Dadani a kuba nzi yi mbetisa, ywaleyi mitiro nzi mahako, ya maha wukustumunyu nzi mina, lezaku Dadani i nzi rumile.
1 Joh. 5. 9. xip. 3. 2. & 10. 25. & 15. 24.
- 37 Dadani loyi a nzi rumileko, i mahile wukustumunyu ga mina. Cima a mu zwangi gezu gakwe, hambu ni ku wona xiyimo xakwe.
Mat. 3. 17. & 17. 5. xip. 1. 18. & 6. 27. & 8. 18. 1 Tim. 1. 17. 1 Joh. 4. 12.
- 38 Nwina a mu nato timhaka takwe ku tsama na nwina: hakuba loyi a mu rumileko a mu mu kolwi.
- 39 Kambani mitsalo, hakuba mu alakanya muku mu nani kuhanya ka kupinzuka ka yona; yona hi yona yi nga ni wukustumunyu ga mina; Luka 10. 20. & 24. 27. xipm. 46. Mit. 17. 11. xip. 1. 45.
- 40 A muti ka mina, kasi mu kuma kuhanya.
xip. 1. 11. & 3. 19.
- 41 A nzi amukeli wukosi ka banhu.
xipm. 34. 1 Tesa. 2. 6.
- 42 Kanilezi nza mu tiba nwina, aku mu haba kuranza ka Nungungulu xikari ka nwinana.
- 43 Nzi tile hi bito ga Dadani, a mu nzi amukelangi: loku ata munwani hi bito gakwe yena nwinyi, yena mu ta mu amukela.
- 44 Mu ta kolwa hi ku yini nwina, mu amukelako wukosi munwe ni munwani, a wukosi gi tako hi ka Nungungulu yece a mu gi labi?
xip. 12. 43. Roma 2. 29.
- 45 Mu nga alakanyi muku nzi taya mu ranisa ka Dadani: i kona a mu ranisako, hi yena Mosi, yena mu tsumbako kakwe.
Roma 2. 12.
- 46 Hakuba loku mu kolwa hi Mosi, nga na mu kolwa ka mina; hakuba i tsalile hi mina.
xip. 1. 45. Mit. 26. 22.
- 47 Kanilezi loku mu nga kolwi hi kutsala kakwe, mu ta kolwa hi ku yini hi timhaka ta mina?

XIPIMO 6.

- 1 A nzako ka lezi zilo Jesu a famba klatukweni kwa bimbi ga Galile, legi gi nga bimbi ga Tiberia.
Mat. 14. 15. Marku 6. 35. Luka 9. 10, 12.
- 2 Ni xidlemo xa hombe xi mu lanzela, hilezi ba nga wona ziwoniso a nga zi maha ka laba ba nga kari ba babya.
- 3 Jesu aya xitsungeni, a tsama kona zinwe ni bapizani bakwe.

- 4 Makunu a pasika, a buzo wa ba Juda, yi wa hi kusu-hani.
xip. 2. 13. & 5. 1.
- 5 Hikwalaho Jesu a klakusa mahlo yakwe, i lo wona xidlemo xa hombe na xita kakwe, aku ka Filipu, Hi ta xaba kwihi za kuga, kasi ba fela kuga laba?
Mat. 14. 14. Marku 6. 35. Luka 9. 12.
- 6 Lexi i lo xi wula ku mu ringa: hakuba yena nwinyi a xi tiba lexi a ta nga xi maha.
- 7 Filipu a mu hlamula, Mazana mambiri ya ticapau ta zibaba a zi eneleko ka laba, munwe ni munwani ku teka ku tsongwani.
- 8 Munwe wa bapizani bakwe, Andru, nakulobye wa Simoni Petro, aku kakwe,
- 9 I kona mufana laha, a nga ni nklanu wa zibaba za barile, ni zidluwani zimbi: kanilezi zi ta ku yini lezi xikari ka banyingi ke?
- 10 Jesu aku ngalo, Tsamisani banhu. Makunu gi wa hi kona byanyi go tala wutsanweni lego. Hizalezo banhu ba tsama lahasi, ba wa hi nklanu wa makumi ya mazana.
- 11 Hikwalaho Jesu a teka zibaba; na bongile, a bela ka laba ba nga tsamile lahasi; kota lezo kambe ni zidluwani kota ku laba kabye.
- 12 Laha na ba xurile, aku ka bapizani bakwe, Rolelani maklakla ma seleko, ku nga lahleki cumo.
- 13 Hizona ba lo ma rolela, ba tata kumi ga zirunzu ni zimbi: hi maklakla ya nklanu wa zibaba za barile, ma nga sala ka laba ba ngaga.
- 14 Hikwalaho na banhu ba wonile xiwoniso a nga xi maha, baku, Loyi hizinene hi muprofeti a tileko lomo tikweni.
Mat. 11. 8. xip. 1. 21. & 4. 19, 25. & 7. 40
- 15 Hikwalaho Jesu na wona lezaku ba laba ku mu kurumeta, ku mu maha hosi, aya kambe xitsungeni wutsumbu gakwe yece.
- 16 Laha na gi hlwile, bapizani bakwe ba relela kuya bimbi;
Mat. 14. 23. Marku 6. 47.
- 17 Ba engena ngalabeni, ba wa ya klatukweni wa bimbi le Kapernaume. Makunu ku wa pumile, Jesu i wa nga se kuta ka bona.
- 18 Ni bimbi gi wa kakumuka hi kota ya mheho ya hombe yi nga bubutsa.
- 19 Hikwalaho laha na ba bonzile kume ga mafelongi ni nklanu kutani makume manharu, ba wona Jesu na famba hehla ka bimbi, na tsinela ngalabeni: ba lo caba.
- 20 Kanilezi aku ka bona, Hi mina; mu nga cabi.
- 21 Bona hikwalaho ba lo vumela ku mu amukela ngalabeni: zalezo a ngalaba yi klatuka laha ba ngaya kona.
- 22 Manziko a xidlemo lexi xi

- nga yimile hi le klatuko xi wona lezaku aku na yinwani ngalaba laho, saseka yinwe, ni lezaku Jesu a enge-nangi ni bapizani bakwe ngalabeni, kanilezi bapizani bakwe ba fambile boce
- 23 (Hambu lezi ti ngata tingalaba hi le Tiberia ku suhani ni wutsamo laha ba ngaga zibaba Hosi na yi bongile):
- 24 Hikwalaho laha na xia'lemo xi wonile lezaku Jesu i haba laho, hambu ni bapizani bakwe, bona benyi ba engena ngalabeni, ba lotta Kapernaume, ba laba Jesu.
- 25 Laha na ba mu kumile le klatuko wa bimbi, baku kakwe, Rabi, u tile rini laha?
- 26 Jesu a ba hlamula aku ngalo, Hizinene, hizinene, nzi ku ka nwina, A mu nzi laba, a hi lezi mu nga wona ziwoniso, kanilezi hilezi mu ngaga zibaba, mu xuriswa.
- 27 Mu nga tireli nyama yi mbelako, kanilezi tirelani nyama yi tsamako kala kuhanyeni ka kupinzuka, leyi Nwana wa munhu a ta nga yi nyika ka nwina: hakuba hi yena Dadani, Nungungulu, i bekile xifungo.
- xipm. 54. Mat. 3. 17. & 17. 5. Marku 1. 11. & 9. 7. Luka 3. 22. & 9. 35. xip. 1. 83. & 4. 14. & 5. 37. & 8. 18. Mit. 2. 22. 2 Pet. 1. 17.
- 28 Hikwalaho baku ka yena, Hita maha yini, hi fela ku tira mitiro ya Nungungulu?
- 29 Jesu a hlamula aku ka bona, Lowu hi tiro wa Nungungulu, lezaku mu kolwa ka loyi a mu rumileko.
- 1 Joh. 3. 23.
- 30 Hikwalaho baku ngalo kakwe, Xiwoniso muni u xi mahako, hi fela ku xi wona, hi kolwa hi wena? u tira yini?
- Mat. 12. 38. & 16. 1. Marku 8. 11. 1 Kor. 1. 22.
- 31 Badadani ba hina ba waga mana xiwuleni; kota lezi ku tsalilweko, I lo ba nyika zibaba hi le tilweni a kuga.
- 1 Kor. 10. 8.
- 32 Hikwalaho Jesu aku kabye, Hizinene, hizinene, nzi ku ka nwina, a hi Mosi a nga mu nyika zibaba hi le tilweni; kanilezi Dadani wa mina wa mu nyika xibaba xazinene xi tako hi le tilweni.
- 33 Hakuba xibaba xa Nungungulu hi yena loyi a releleko hi le tilweni, a nyika tiko kuhanya.
- 34 Hikwalaho ba ku ngalo ka yena, Hosi, kala kupinzuka hi nyike lexo xibaba.
- xip. 4. 15.
- 35 Jesu i ngalo kabye, Mina nzi xibaba xa kuhanya: loyi a tako ka mina a nga tazwa ndlala, ni loyi a kolwako ka mina cima a nga tazwa tora.
- xipm. 48. 58. xip. 4. 14. & 7. 37.
- 36 Kanilezi nzi te ngalo ka nwina, mu nzi wonile, ni lezi a nzi kolwi.
- xipm. 26, 64.
- 37 Bonkle a nzi nyikileko Dadani bata ka mina; ni loyi

- a tako ka mina nzi ngata mu hoxa.
xipm. 45. Mat. 24. 24. xip. 10. 28, 29.
2 Tim. 2. 19. 1 Joh. 2. 19.
- 38 Hakuba nzi relele hi le tilweni, a nzi telangi ku maha kuranza ka mina *nwinyi*, kanilezi kuranza ka loyi a nzi rumileko.
Mat. 26. 39. xip. 4. 34. & 5. 30.
- 39 Ni loku hi kuranza ka loyi a nzi rumileko, kasi bonkle a nzi nyikileko nzi nga lahli ni munwe, kanilezi nzi fela ku ba vuxa hi siku go gumesa.
xip. 10. 28. & 17. 12. & 18. 9.
- 40 Hakuba lexi hi kuranza ka Dadani wa mina, kasi loyi a cuwukako *Nwana*, a kolwa ka yena, a kuma kuhanya ka kupinzuka; nzi ta mu vuxa hi siku go gumesa.
xipm. 27, 47, 54. xip. 3. 15, 16. & 4. 17.
- 41 Hikwalaho ba Juda ba kanya hi yena, hilezi a ngaku, Nzi xibaba xi relelako hi le tilweni.
- 42 Ba ngalo, Loyi a hi Jesu, *nwana* wa Josefa, a raru wakwe ni nyine hi ba tibako ke? i wula hi yini lezi aku, Nzi relele hi le tilweni?
Mat. 13. 55. Marku 6. 3. Luka 4. 22.
- 43 Jesu a hlamula aku kabye, Mu nga kanyi xikari ka *nwina*.
- 44 A ku na munhu a tako ka mina, saseka loku Dadani loyi a nzi rumileko a mu koka: nzi ta mu vuxa hi siku go gumesa.
xipm. 65.
- 45 Ku tsalilwe hi baprofeti ku ngalo, Bonkle ba ta gonzi-swa hi Nungungulu. Laba ba zwileko ka Dadani, ba gonzileko, bata ka mina.
Heb. 8. 10. & 10. 16. xipm. 37.
- 46 A nga kona munhu a mu wonileko Dadani, saseka loyi a tileko hi le ka Nungungulu, loye i mu wonile Dadani.
xip. 1. 18. & 5. 37. & 7. 29. & 8. 19.
Mat. 11. 27. Luka 10. 22.
- 47 Hizinene, hizinene, nzi ku ka *nwina*, Loyi a kolwako i na ni kuhanya ka kupinzuka.
xip. 8. 16, 18, 36. xipm. 40.
- 48 Nzi xibaba xa wutomi.
xipm. 33, 35.
- 49 Badadani ba *nwina* ba waga mana xiwuleni, ba lofa.
xipm. 31.
- 50 Lexi hi xibaba xi relelako hi le tilweni, lezaku loku munhu a xiga, a ngafi.
xipm. 51. 58.
- 51 Nzi xibaba xa wutomi xi releleko hi le tilweni: loku munhu aga lexi xibaba, i ta hanya kala kupinzuka: ina ni xibaba nzi ta nga mu nyika xona hi nyama ya mina, nzi ta nyika yi maha kuhanya ka tiko.
xip. 3. 13. Heb. 10. 5, 10.
- 52 Hikwalaho ba Juda ba kanetana, baku, U ta hi nyika hi ku yini nyama yakwe ku yiga?
xip. 3. 9. & 7. 43. & 9. 16. & 10. 19.
- 53 Hikwalaho Jesu aku ka bona, Hizinene, hizinene, nzi ku ka *nwina*, Loku mu ngagi nyama ya *Nwana* wa

munhu munwa nkata wakwe, mu haba wutomi xikari ka nwina.

Mat. 26. 28, 28.

54 Loyi a gako nyama ya mina anwa nkata wa mina i na ni kuhanya ka kupinzuka; nzi ta mu vuxa hi siku go gumesa.

xipm. 27. 40, 63. xip. 4. 14.

55 Hakuba nyama ya mina hi nyama ya zinene, ni nkata wa mina hi kunwa ka zinene.

56 Loyi a gako nyama ya mina a nwako nkata wa mina, i tsama nzeni ka mina, na mina nzeni kakwe.

1 Joh. 3. 24. & 4. 15, 26.

57 Kotisa Dadani a hanyako a nzi rumileko, na mina nza hanya hi kota ya Dadani; i maha lezo loyi a nzi gako, na yena i ta hanya hi kota ya mina.

58 Lexi hi xibaba xi releleko hi le tilweni: xi nga koti lexi badadani ba ngaga, bafa: loyi a gako lexi xibaba i ta hanya kala kupinzuka.

xipm. 49, 50, 51.

59 Lezi zilo i kanele sinagogeni, na gonzisa Kapernaume.

60 Hikwalaho banyingi ba bapizani bakwe, na ba zwile lexi, baku, Leyi mhaka ya tsanza; hi mani a ta nga yizwa?

Mat. 11. 6. xipm. 66.

61 Kanilezi Jesu wutsambu i wa zi tiba lezaku a bapizani bakwe ba kanya hilezi, aku ngalo kabye, Kunene

lexi xa mu kungubanyisa ke?

62 Muta maha yini loku mu wona. Nwana wa munhu a kanziya laha a nga hi kona kusangula?

Marku 16. 19. xip. 3. 13. Mit. 1. 9. Efe. 4. 8.

63 A moya wa hanyisa; a nyama a yi vuni cumo: timhaka nzi ti kaneleko ti hi moya, ni kuhanya.

2 Kor. 3. 6.

64 Kanilezi ba kona ba nwina ba nga kolwiko. Hakuba Jesu i wa zi tiba hi le kusannguleni aku bamani ba nga kolwiko, ni ku hi mani a ta nga mu nyikela.

xipm. 36. xip. 2. 24, 25. & 13. 11.

65 Aku ngalo, Hi kota ya lexi nzi te ngalo ka nwina, a ku na munhu a kotako kuta ka mina, saseka loku a nyikilwe ka yena hi Dadani.

xipm. 44, 45.

66 Hi kota ya lexi a banyingi ba bapizani bakwe ba klela, ba kala ku famba naye kambe.

xipm. 60.

67 Hikwalaho Jesu i ngalo ka ba kume ni bambiri, Nwinawu kambe mu laba ku damba ke?

68 Simoni Petro a mu hlamula aku, Hosi, hi taya ka mani? wena u na ni timhaka ta kuhanya ka kupinzuka.

Mit. 5. 20.

69 Hina hi kolilwe ha zi tiba Wena u wa Kubasa wa Nungungulu.

Mat. 16. 16. Marku 8. 29. Luka 9. 20. xip. 1. 49. & 11. 27.

10 Jesu a ba hlamula, A nzi lo mu hlawula *nwina* ba kume ni bambiri, ni munwe wa *nwina* hi lidimoni?

Luka 6. 13. xip. 13. 27.

11 Makunu i wulawula hi Judasi *nwana* wa Simoni Iskarioti, hakuba hi yena a ta nga mu nyikela, na hi munwe wa ba kume ni bambiri.

XIPIMO 7.

1 A nzako lezi zilo Jesu a fambela Galile: hilezi a nga kala a nga fambi Judia, hakuba ba Juda ba wa laba ku mu daya.

xip. 5. 16, 18.

2 Makunu a mubuzo wa ba Juda, a mubuzo wa matabernekeli, wu wa tsinele.

3 Hikwalaho banakulobye bakwe baku ka yena, Suka laha, u ya Judia, kasi a bapizani ba wena ba fela ku wona mitiro ya wena u yi mahako.

Mat. 12. 46. Marku 3. 31. Mit. 1. 14.

4 Hakuba a ku na munhu a mahako xilo kufihlalani, loku yena *nwinyi* a laba ku tibya kuwonekeleni. Loku u maha lezi zilo, ti wonekeli tikweni.

5 Hakuba ni bamakabye bakwe ba nga kolwa kakwe.

Marku 3. 21.

6 Hikwalaho Jesu aku kabye, A xikati xa mina a xi se ku cikela; kanilezi xikati xa *nwina* xi longile zikati zokle.

xip. 2. 4. & 8. 20. xipm. 8, 30.

7 A tiko a gi na ku mu benga; kanilezi mina ga nzi benga, hakuba nza maha wukustumunyu ha gona, lezaku mitiro ya gona yi bihile.

xip. 3. 19. & 15. 19.

8 Yanani *nwina* mubuzweni: a nziyi lokoloko ka lowu mubuzi; hilezi xikati xa mina a xi se ku tatiseka.

xip. 8. 20. xipm. 6.

9 Na wulile zilo lezi kabye, a tsama lezo Galile.

10 Kanilezi laha na ba makabye ba yile mubuzweni, zonake a kanziya na yena kambe, ku nga hi ku wonekeleni, kanilezi kwatsi hi kufihlala.

11 Hikwalaho ba Juda ba wa mu laba mubuzweni, ba ngalo, I kwihi?

xip. 11. 56.

12 Ku wa hi kona ku kanya ka hombe xikari ka zidlelo hi kota ya yena: banwani baku ngalo, Munhu nene; baku banwani a hi zona lezo, kanilezi u hambukisa xidlelo.

xip. 6. 14. & 9. 16. & 10. 19. Mat. 21. 46. Luka 7. 16. xipm. 40.

13 Hambu lezi i wa nga wulawuli munhu ku wonekeleni hi kucaba ba Juda.

xip. 9. 22. & 12. 42. & 19. 38.

14 Kanilezi laha makunu xikari ka mubuzo Jesu aya tempeleni, a gonzisa.

15 Hikwalaho ba Juda ha hlamala, baku, I yi tibisa ku

- yini loyi munhu mitsalo, leyo cima a nga gonzangi?
Mat. 13. 54. Marku 6. 2. Luka 4. 22. Mit. 2. 7.
- 16 Hikwalaho Jesu a ba hlamula, i te ngalo, Kugonza ka mina a hi ka mina, kanilezi ka loyi a nzi rumileko.
xip. 3. 11. & 8. 28. & 12. 49. & 14. 10, 24.
- 17 Loku munhu a vumela ku maha kuranza ka yena, i ta ku tiba kugonzisa, kutani kuta hi ka Nungungulu, kutani nza ti wulawulela mina nwinyi.
xip. 8. 48.
- 18 Loyi a ti wulawulelako i laba wukosi gakwe wutsumbu: kanilezi loyi a labako wukoso ga loyi a mu rumileko, ywaloye i na ni zine-ne, ku haba kungalulami ka yena.
xip. 5. 41. & 8. 50.
- 19 Kunene Mosi a nga mu nyikangi nayo ke, lezo i haba wa nwina a wu mahako? Mu laba ku nzi dayela yini?
Mit. 7. 38. Mat. 12. 14. Marku 3. 6. xip. 1. 17. & 5. 16, 18. & 10. 31, 39. & 11. 53.
- 20 A xidlemo xi hlamula, Wena u na ni lidimoni: hi mani a labako ku ku daya?
xip. 8. 48, 52. & 10. 20.
- 21 Jesu a hlamula i te ngalo ka bona, Nzi mahile tiro munwe, mu dama nwenkle.
- 22 Hi kota ya lexi Mosi i lo mu nyika wukwera (a hi lezi gi nga ga Mosi, kanilezi hi ga badadani); hi sabado mu engenisa munhu wukwera.
- 23 Loku munhu a amukela wukwera hi sabado, kasi nayo wa Mosi wu nga tsi-kiwi; mu nzi zangarela, hakuba nzi hanyisile munhu hi sabado ke?
xip. 5. 8, 9, 16.
- 24 Mu nga lamuli hi kota ya lezi zi wonkakako, kanilezi lamulani hi kulamula ka kululama.
xip. 8. 15. Jam. 2. 1.
- 25 Hikwalaho banwani ba le Jerusalema ba ngalo, A hi yena loyi ba nga laba ku mu daya ke?
- 26 Languta, wa wulawula kubaseni, a ba wuli cumo ka yena. Ko kwatsi tihosi ta zi tiba lezaku hi zinene loyi hi yena Kristu ke?
xipm. 48.
- 27 A hembra ha mu tiba loyi munhu laha a tako ha kona: kanilezi laha na Kristu na tile, a nga kona munhu a ta nga zi tiba laha a tako ha kona.
Mat. 13. 55. Marku 6. 3. Luka 4. 22.
- 28 Hikwalaho Jesu a bitana tempeleni, na gonzisa aku, Mu nzi tiba, ni laha nzi tako hi kona; a nzi telangi wutsumbu ganga, kanilezi loyi a nzi rumileko hi zinene, mu nga mu tibiko nwina.
xip. 1. 18. & 5. 32, 43. & 8. 14, 26, 42, 55. Roma 3. 4.
- 29 Mina nza mu tiba; hakuba nzi tile hi le ka yena, yena i nzi rumile.
Mat. 11. 27. xip. 10. 15.
- 30 Hikwalaho ba laba ku mu teka: ku wa nga hi kona munhu a nga beka canja gakwe hehla kakwe, haku-

ba xikati xakwe xi wa nga se ku cikela.

Marku 11. 18. Luka 19 47. & 20. 19.
xipm. 19, 44. xip. 8. 20, 37.

31 Kanilezi banyingi xidlenwini ba lo kolwa ka yena; baku ngalo, Laha loku Kristu a tile, i ta maha ziwoniso ku hunza lezi zi mahilweko hi munhu loyi ke?

Mat. 12. 23. xip. 3. 2. & 8. 30.

32 A ba Farisi ba lozwa xidlemo na xi kanya hi lezi zilo hi kota ya yena; ni bapristi ba hombe ni ba Farisi ba lo ruma a madota kuya mu teka.

33 Hikwalaho Jesu aku ngalo, Hi xikatanyana xi tsongwani. na nza ha hi na nwina, nza famba ka loyi a nzi rumileko.

xip. 13. 33. & 16. 16.

34 Mu ta nzi laba, mu nga ta nzi kuma; ni laha nzi nga kona, a mu na kuta.

xip. 8. 21. & 13. 33.

35 Hikwalaho ba Juda ba wulawula xikari kabye, I taya kwihi loyi munhu laha hi ta kala hi nga mu kumi? A nga taya ka laba Bahangalakileko xikari ka ba Greki, a gonzisa ba Greki ke?

Jam. 1. 1. 1 Pet. 1. 1.

36 Yo yini leyi mhaka a nge ngalo, Mu ta nzi laba, mu nga ta nzi kuma: ni laha nzi nga kona, a mu na kuta?

37 Makunu hi siku go gumesa, a siku ga hombe ga mubuzo, Jesu i lo yima abahungu, aku, Loku kani hi

wihi munhu a zwako tora, ate ka mina a tanwa.

xip. 6. 35. Kuv. 22. 17.

38 Loyi a kolwako ka mina, kota lezi mitsalo yi nga wula, le rubyini gakwe ku ta kulunga micongo ya mati ya kuhanya.

xip. 4. 14.

39 Kanilezi lexi i lo xi kanela hi Moya, ba ta nga wu amukela laba ba kolwako ka yena: hakuba Moya wu wa nga se ku nyikiwa; hakuba Jesu i wa nga se ku dumiswa.

Mit. 2. 17, 33, 38. xip. 12. 16. & 16. 7.

40 Hikwalaho banwani ba xidlemo, laha na ba zwile leti timhaka, baku ngalo, Loyi hizinene muprofeti.

xip. 1. 21. & 6. 14.

41 Banwani baku ngalo, Loyi hi Kristu. Kanilezi banwani baku ngalo, Hi yini, Kristu i huma Galile ke?

xip. 1. 46. & 4. 42. & 6. 69. xipm. 52.

42 A mitsalo a yi wuli lezo zaku Kristu i ta huma mbe-wini ya Davida, ni le Be-tlehema, mutini lowu a nga hi kona Davida ke?

Mat. 2. 5. Luka 2. 4.

43 Zalezo ku vuka kuhambana xikari ka xidlemo hi kota yakwe.

xipm. 12. xip. 9. 16. & 10. 19.

44 Banwani ba bona ba wa laba ku mu teka; kanilezi a ku nga hi kona munhu a nga beka mandla hehla ka yena.

xipm. 30.

45 Hikwalaho a madota ma

wuya ka bapristi ba hombe ni ka ba Farisi; baku ngalo kabye, Hi yini mu kala ku mu neha?

46 A madota ma hlamula, Ci-ma munhu a nga wulawu-langi kota lezo.

Mat. 7. 29.

47 Hikwalaho ba Farisi ba ma hlamula baku, Kasi *n*wina-wu mu hambukisilwe ke?

48 U kona ni *mun*we wa tihosi a kolwako ka yena, kutani wa ba Farisi ke?

xip. 12. 42. Mit. 6. 7. 1 Kor. 1. 20, 26. & 2. 8.

49 Kanilezi xidlema xi nga wu tibiko nayo xi rukatelwa.

50 Nikodemusi aku kabye (loyi a nga rangile ata ka yena na hi *mun*we wabye),

xip. 3. 2.

51 Nayo wa hina a wu kona munhu, saseka hizwa yena ku ranga hi tiba lezaku i maha yini ke?

52 Ba hlamula baku ngalo ka yena, Na wena u hi wa le Galile ke? Hlola u wona lezaku ngalo hi le Galile a ku humi muprofeti.

Mat. 4. 15. xip. 1. 46. xipm. 41.

53 [Ba lo famba bonkle munhu ndlwini ya yena:

XIPIMO 8.

1 Kanilezi Jesu aya xitsunge-ni xa ma Olivia.

2 Na hi mixweni ni punzu ata kambe tempeleni, bonkle bannhu bata kakwe; i lo tsama lahasi, a ba gonzisa.

3 Batsali ni ba Farisi ba neha kakwe wasati na kumilwe

na kari a remba; na ba mu bekile xikari,

4 Baku ka yena, Mugonzisi, loyi wasati i komilwe ku rembeni, na hi kwalaho nti-rweni lowo.

5 Makunu nayweni wa Mosi wu hi layile ku gandla hi maribye zo kota lezi: xana wena uku yini hi yena?

6 Lexi ba lo xi wula, na ba mu xenga, kasi ba fela ku kuma xilo xo mu kumisa nanzu ha xona. Kanilezi Jesu a korama lahasi na hi litiho lakwe a tsala lahasi.

7 Kanilezi na ba nonohisile ba mu wutisa, a ti ololoxa, i te ngalo kabye, Loyi a nga hi ko ni kuonha xikari ka *n*wina, a nga range a mu hoxa hi ribye.

Roma 2. 1.

8 A korama kambe, na hi litiho lakwe a tsala misabeni.

9 Na bona, na ba xi zwile lexi, ba huma hi *mun*we ni *mun*wani, ku sangula hi nganakaan, ku kala kuta hambu ka loyi wa magumo: ni Jesu a siywa yece, ni wasati, laha a nga hi kona, xikari.

Roma 2. 22.

10 Jesu a ti ololoxa, i te ngalo ka yena, Wasati, ba kwihi? a nga kona munhu a ku konako ke?

11 Aku ngalo, A nga kona, Hosi. Ni Jesu aku ngalo, Hambu mina a nzi ku koni: famba ndlela ya wena; ku

sukela lezi u nga onhi kambe.]

Luka 9. 56. & 12. 14. xip. 3. 17. & 5. 14.

12 Hikwalaho Jesu engeta a kanela kabye, aku, Nzi kuwonekela ka tiko: loyi a nzi lanzelako a nga ta ha famba munyamani, kanilezi i ta kuma kuwonekela ka kuhanya.

xip. 1. 4, 5, 9. & 3. 19. & 9. 5. & 12. 35, 36, 46.

13 Hikwalaho ba Farisi baku ngalo ka yena, U ti mahela wukustumunyu wena nwi-nyi; a wukustumunyu ga wena a hi ginene.

xip. 5. 31.

14 Jesu a hlamula aku ngalo kabye, Hambu loku nzi ti mahala wukustumunyu ganga wutsumbu a wukustumunyu ga mina ginene; hakuba nza ku tiba laha nzi tileko ha kona, ni laha nzi yako kona; kanilezi nwina a mu ku tibi laha nzi tileko ha kona, ni laha nzi yako kona.

xip. 7. 28. & 9. 29.

15 Nwina mu lamula hi ka nyama; mina a nzi lamuli munhu.

xip. 3. 17. & 7. 24. & 12. 47. & 18. 36.

16 Loku nzi lamula, kulamula ka mina kunene; hilezi a nzi nzoce, kanilezi nzi mina ni Dadani loyi a nzi rumileko.

xipm. 29. xip. 16. 32.

17 Inaka ni nayweni wa nwina ku tsalilwe, a wukustumunyu ga banhu bambiri gi ginene.

Mat. 18. 16. 2 Kor. 13. 1. Heb. 10. 28.

18 Hi mina loyi nzi ti mahelako wukustumunyu ganga wutsumbu, ni Dadani loyi a nzi rumileko wa maha wukustumunyu hi mina.

xip. 5. 37.

19 Hikwalaho baku ngalo ka yena, I kwihi Dadani wa wena? Jesu a hlamula aku ngalo, Hambu mina mu nzi tibi, a mu mu tibi ni Dadani wa mina: loku mu wa nzi tibile mina, nga na mu tibile ni Dadani kambe.

xipm. 55. xip. 14. 7. & 16. 3.

20 Leti timhaka i lo ti kanela laha ku komiwako xikwama xa minyikelo, na gonzi-sa tempeleni: ku wa nga hi kona munhu a nga mu koma; hakuba xikati xakwe xi wa nga se ku cikela.

Marku 12. 41. xip. 7. 8, 30.

21 Hikwalaho aku ngalo kabye kambe, Nza famba, mu ta nzi laba, mu tafa zonhweni za nwina: hambu nzi famba, a mu koti kuta.

xip. 7. 34. & 13. 33. xipm. 24.

22 Hikwalaho ba Juda baku ngalo, U ta ti daya, lezi a nge ngalo, Laha nzi yako kona, a mu koti kuta ke?

23 Aku ngalo kabye, Nwina mu tile hi lahasi; mina nzi tile hi le hehla: nwina mu ba legi tiko; mina a nzi wa legi tiko.

xip. 3. 31. & 15. 19. & 17. 16. 1 Joh. 4. 5.

24 Hikwalaho nzi te ngalo ka nwina, mu tafa zonhweni za nwina: saseka loku mu kolwa ku ngalo mina hi mina

- yena, mu tafa zonzweni za *nwina*.
xipm. 21. Marku 16. 16.
- 25 Hikwalaho baku ngalo ka yena, Hi wena mani? Jesu i te ngalo kabye, Hi yena loyi nzi wulawulalileko ha yena kusanguleni.
- 26 Nzi na ni zilo zo tala ku zi wulawula ni kulamula hi kota ya *nwina*: hambu lezi loyi a nzi rumileko a hi zine; ni zilo nzi zi zwileko ka yena, zona nza zi kanela tikweni.
xip. 3. 32. & 7. 28. & 15. 15.
- 27 Ba wa nga, pimi ku ngalo i kanela kabye hi Dadani.
- 28 Hikwalaho Jesu aku ngalo, Loku mu *klakusile Nwana* wa munhu, hi kona mu ta nga zi tiba ku ngalo hi mina yena, ni ku a nzi ti maheli cumo mina *nwinyi*, kani-lezi nza kanela lezi zilo, a nzi gonzisilweko hi Dadani.
xip. 3. 11, 14. & 5. 19, 30. & 12. 32. Roma 1. 4.
- 29 Ni loyi a nzi rumileko i kona zinwe na mina; a nga se ku nzi siya nzoce; hakuba zikati zonkle nza maha zilo zi mu nengelisako.
xip. 4. 34. & 5. 30. & 6. 38. & 14. 10, 11. xipm. 16.
- 30 Kwatsi hilezi a nga kanela zilo lezi, banyingi ba kolwa ka yena.
xip. 7. 31. & 10. 42. & 11. 45.
- 31 Hikwalaho Jesu aku ngalo ka ba Juda laba ba nga kolwa ka yena, Loku mu tsama ka mhaka ya mina, zonake mu ta maha bapizani ba mina futsi;
- 32 Mu ta zi tiba zinene, ni zine zine zi ta mu *klaklisa*.
Roma 6. 14, 18, 22. & 8. 2. Jam. 1. 25. & 2. 12.
- 33 Ba hlamula ka yena, Hi mbewu ya Abrahamama, cima a hi tikumbi ta munhu: xana u wulela yini, Aku mu ta *klakliswa*?
Mat. 3. 9. xipm. 39.
- 34 Jesu a ba hlamula, Hizine-ne, hizine, nzi ku ka *nwina*, loyi a mahako zonho i tsamile kumbi ya kuonha.
Roma 6. 16, 20. 2 Pet. 2. 19.
- 35 Kumbi a yi tsami ndlwini kala kupinzuka: a *nwana* i tsamile kala kupinzuka.
Gal. 4. 30.
- 36 Hikwalaho loku *Nwana* a mu *klaklisa*, mu ta *klaklisi*-lwe futsi.
Roma 8. 2. Gal. 5. 1.
- 37 Nza zi tiba nzi ku mu mbewu ya Abrahamama; kanilezi mu laba ku nzi daya, haku-ba mhaka ya mina a yi na wutsamo ginene ka *nwina*.
xip. 7. 19. xipm. 40.
- 38 Nza kanela ka *nwina* zilo nzi zi wonileko ka Dadani: na *nwina* kambe mu zi maha lezi zilo za le ka raru wa *nwina*.
xip. 3. 32. & 5. 19, 30. & 14. 10, 24.
- 39 Ba hlamula baku ngalo ka yena, Dadani wa hina hi Abrahamama. Jesu aku ka bona, loku mu wa hi banana ba Abrahamama, nga na mu maha mitiro ya Abrahamama.
Mat. 3. 9. xipm. 33. Roma 2. 28. & 9. 7. Gal. 3. 7, 29.

- 40 Kanilezi makunu mu laba ku nzi daya, a munhu a mu byelileko zinene, lezi nzi nga zizwa ka Nungungulu: Abrahama a nga xi mahangi lexi.
xipm. 26, 37.
- 41 Mu maha mitiro ya dadani wa *nwina*. Baku ngalo kakwe, A hi *tralwangi* hi kubaya; hi na Raru munwe, hi Nungungulu.
- 42 Jesu aku ngalo kabye, Loku Nungungulu a wa hi Dadani wa *nwina*, nga na mu nzi ranza: hakuba nzi tile nzi ta hi ka Nungungulu; a nzi ti telangi wutsumbu, kanilezi i lo nzi ruma.
1 Joh. 5. 1. xip. 5. 43. & 7. 28, 29. & 16. 27. & 17. 8, 25.
- 43 Hi yini mu nga pimiko a xuxela ga mina? Inaka a mu na ku ingisa mhaka ya mina.
xip. 7. 17.
- 44 Mu ba raru wenu satani, ni dokolela ka dadani wa *nwina* kuranza ka *nwina* ku maha kona. Yena i wa hi mudayi na hi le kusanguleni, a nga yimangi zineneni, hakuba ku haba zinene ka yena. Laha na wulawula mawunwa, i wulawula hi wutsumbu gakwe: hakuba hi muhembu, ni raru wa mawunwa.
Mat. 13. 38. 1 Joh. 3. 8. Jude 6.
- 45 Kanilezi hakuba mina nzi wula zinene, a mu nzi kolwi.
- 46 Hi wihi ka *nwina* a nzi konako hi kuonha? Loku nzi kanela zinene, a mu nzi kolwi hi ku yini?
- 47 Loyi a nga wa Nungungulu wazwa timhaka ta Nungungulu: hi kota ya lexi a ti kona ka *nwina*, hakuba a mu ba Nungungulu.
xip. 10. 26, 27. 1 Joh. 4. 6.
- 48 A ba Juda ba hlamula baku ngalo kakwe, A hi wulawuli kwatsi hi ku u mu Samaria, u na ni lidimoni ke?
xip. 7. 20. & 10. 20. xipm. 52.
- 49 Jesu a hlamula, Nzi haba lidimoni; kanilezi nzi dumisa Dadani wa mina, *nwina* ma nzi kanyisa.
- 50 Kanilezi a nzi labi wukosi ga wutsumbu ganga: i kona munwe a labako a lamulako.
xip. 5. 41. & 7. 18.
- 51 Hizinene, hizinene, nziku ka *nwina*, Loku munhu a hlayisa mhaka ya mina cima a nga ta ku wona kufa.
xip. 5. 24. & 11. 26.
- 52 A ba Juda baku ngalo ka yena, Ha zi tiba hi ku u na ni idimoni. Abrahama i file, ni baprofeti: wena u ngalo, loku munhu a hlayisa mhaka ya mina cima a nga tazwa kufa.
Heb. 11. 13.
- 53 Wena u wa hombe ku hunza dadani wa hina Abrahama, loyi a ngafa? ni baprofeti ba file: u ti maha mani wena ke?
- 54 Jesu a hlamula, Loku nzi dumisa wutsumbu ganga, kudumisa ka mina a hi cumo: hi Dadani wa mine a nzi du-

misileko ; loyi mu nge ngalo, hi Nungungulu wa *nwina*;

xip. 5. 31, 41. & 16. 14. & 17. 1. Mit. 3. 13.

55 *Nwina* a mu se ku mu tiba: kanilezi mina nza mu tiba; ni loku nziku, A nzi mu tibi, nzi ta kota *nwina*, nzi hembra wunwa: kanilezi nza mu tiba, nzi hlayisa mhaka ya yena.

xip. 7. 28, 29.

56 Dadani wa *nwina* Abrahama i lo tsaka ku wona a siku ga mina; i lo gi wona, a hlakana.

Luka 10. 24. Heb. 11. 13.

57 Hikwalaho ba Juda baku ngalo ka yena, A ku se ku ba nawo nkulanu wa makume ya malembe, u mu wonile Abrahama ke?

58 Jesu aku ngalo kabye, Hizinene, hizinene, nziku ka *nwina*, Hi mahlweni na Abrahama na nga hi kona, nzi wa hi kona.

xip. 17. 5, 24. Kol. 1. 17. Kuv. 1. 8.

59 Hikwalaho ba rola maribye, ku mu cukunyeta ha wona: kanilezi Jesu a ti fihla, a huma tempeleni.

xip. 10. 31, 39. & 11. 8. Luka 4. 30.

XIPIMO 9.

1 Na kari a hunza, a wona munhu wa xikumu hi le ku tralweni kakwe.

2 Ni bapizani bakwe ba mu wutisa, baku, Rabi, hi mani a nga onha, loyi wanuna, kutani batrali bakwe, lezi a nga tralwa na hi xikumu?

xipm. 34.

3 Jesu a hlamula, A hi loyi munhu a nga onha, hambu ni batrali bakwe: kanilezi lezaku a ntiro wa Nungungulu wa wonekeliswa ka yena.

xip. 11. 4.

4 Ha fanela ku tira mitiro ya loyi a nzi rumileko na ka ha hi munu: wusiku gata, laha munhu a nga koti ku tira.

xip. 4. 34. & 5. 19, 36. & 11. 9. & 12. 35. & 17. 4.

5 Laha na nzi hi kona tikweni nzi kuwonekela ka tiko.

xip. 1. 5, 9. & 3. 19. & 8. 12. & 12. 35, 46.

6 Laha na wulawulisile lezo, a pela laha misabeni, a maha nzope hi mari, a tota mahlo ya yena hi nzope,

Marku 7. 33. & 8. 28.

7 Aku ngalo kakwe, Yana, u ya hlamba le tibeniga Siloami (hi kuklamusela, Kurumiwa). Hikwalaho i loya, i hlamba, ata a wona.

8 Hikwalaho laba ba akileko nabo, ni laba ba nga mu wona hi mahlweni, aku i wa mukombeli, baku ngalo, Wa hi nga hi yena loyi a nga tsama a kombela ke?

9 A banwani baku ngalo, Hi yena, a banwani baku ngalo, A hihi, i fana na yena.

10 Aku ngalo, Hi mina yena. Hikwalaho baku ngalo kakwe, I yini mahlo ya wena ma vululweko?

11 A hlamula, Munhu loyi a bitwako Jesu i lo maha nzope, a tota mahlo ya mina, aku ngalo ka mina, Yana le

Siloami, u hlamba: zalezo nzi loya nzi ya hlamba, nzi amukele kuwona.

xipm. 6. 7.

12 Baku ngalo ka yena, I kwi-hi yena? Aku ngalo, A hati.

13 Ba neha ka ba Farisi loyi a nga hi xikumu hi mahlweni.

14 Makunu gi wa hi sabado lego siku Jesu laha a nga maha nzope, a vulula mahlo ya yena.

15 Kambe hikwalaho ba Farisi ba lo mu wutisa u amukeli-sile ku yini kuwona kakwe. Yena aku galo ka bona, I lo beka nzope mahlweni ya mina, nzi lo hlamba nzi su ku wona.

16 Hikwalaho banwani ba ba Farisi baku ngalo, Loyi munhu a hi wa Nungungulu, hakuba a nga hlayisi sabado. Kanilezi banwani baku ngalo, Ku nga mahisa ku yini a munhu wa muonhi ku maha zo kota lezi ke? Ku wa hi kuhambana xikari kabye.

xipm. 33. xip. 3. 2. & 7. 12, 43. & 10. 19.

17 Hikwalaho baku ka xikumu kambe, Wena u wula yini hi yena, lezi a vululileko mahlo ya wena? Aku ngalo, U hi muprofeti.

xip. 4. 19. & 6. 14.

18 Hikwalaho ba Juda a ba kolwangi hi yena, lezaku i wa hi xikumu, ni ku ngalo u amukele kuwona kakwe, karala ba bita batrali baye

loyi a nga amukela kuwona kakwe,

19 Ba ba wutisa, baku, Kunene hi yena nwana wa nwina loyi nwina mu nge ngalo i tralilwe na hi xikumu ke? makunu i wona hi ku yini?

20 A batrali ba yena ba hlamura baku ngalo, Ha zi tiba lezaku loyi hi nwana wa hina, ni lezaku i tralilwe na hi xikumu:

21 Kanilezi aku i wonisa ku yini, hina a hi mu tibi; ni ku hi mani a vululeko mahlo ya yena, a hi zi tibi: mu wutiseni; i kulile; i ta ti wulela yena wutsumbu.

22 Lezi zilo ba lo zi wula batrali bakwe, hakuba ba wa caba ba Juda: hakuba ba Juda ba wa si na ba vumelene, loku munhu a mu vumela lezaku hi Kristu, i ta humeswa sinagogeni.

xip. 7. 13. & 12. 42. & 16. 2. & 19. 38. Mit. 5. 13. xipm. 34

23 Hikwalaho batrali bakwe baku ngalo, I kulile; mu wutiseni.

24 Hizalezo ba mu bitana kumbiri munhu loyi a nga hi xikumu, baku ngalo ka yena, Nyika wukosi ka Nungungulu: ha zi tiba lezaku loyi munhu hi muonhi.

xipm. 16.

25 Hikwalaho a hlamura, Kutani muonhi, a nzi zi tibi: xilo xinwe nzi xi tibako, lezaku, nzi wa hi xikumu, ni lezi nza wona.

26 Hikwalaho baku ngalo ka yena, I mahile yini ka we-

- na? i lo ma vululisa ku yini mahlo ya wena?
- 27 A ba hlamula bona, Nzi mu byelile ni makunu, a mu zwangi: hikwalaho mu laba kuzwa kambe ke? nwinawu mu ta maha bapizani ba yena ke?
- 28 Ba mu rukatela, baku ngalo, Wena u mupizani wakwe, kanilezi hina hi bapizani ba Mosi.
- 29 Ha zi tiba hi ku Nungungulu i wulawulile ka Mosi: kanilezi loyi munhu, a hi ku tibi laha a tako ha kona.
xip. 8. 14.
- 30 Munhu a ba hlamula aku kabye, Hi yini mu hlamlako, na muku a mu ku tibi laha a tako ha kona, ni lezi i vulule mahlo ya mina.
xip. 3. 10.
- 31 Ha zi tiba hi ku Nungungulu a nga bazwi baonhi: kanilezi loku munhu a maha mukozeli wa Nungungulu, a maha kuranza ka yena, hi yena a mu zwako.
- 32 Cima kusangula a tiko a ku zwalangi lezaku munhu i vululile mahlo ya munhu na tralilwe na hi xikumu.
- 33 Loku loyi munhu i wa nga tangi hi ka Nungungulu nga a nga mahangi cumo.
xipm. 16.
- 34 Ba hlamula baku ka yena, Wena u la su tralelwa ku onhini, u ta hi gonzisa ke? Ba mu hoxa lahandle.
xipm. 2, 22.
- 35 Jesu azwa lezaku ba mu hoxile lahandle; na mu kumile, aku ngalo, Wa kolwa hi Nwana wa Nungungulu ke?
- Mat. 14. 33. & 16. 16. Marku 1. 1. xip. 10. 36. 1 Joh. 5. 13.
- 36 I lo hlamula aku ngalo, Hi mani yena, Hosi, nzi fela ku kolwa ka yena?
- 37 Jesu aku ngalo ka yena, Wena u mu wonile, hi ywalo yi a wulawulako na wena.
xip. 4. 26.
- 38 Aku ngalo, Hosi, Nza kolwa. A mu kozela.
- 39 Jesu aku ngalo, Hakuba hi kulamula nzi tile mina ka legi tiko, kasi laba ba nga woniko ba fela ku wona; ni lezaku laba ba wonako ba maha zikumu.
xip. 3. 17. & 5. 22, 27. & 12. 47. Mat. 13. 13.
- 40 Labo ba ba Farisi laba ba hi naya ba zizwa lezi zilo, baku ka yena, Hinawu hi zikumu ke?
Roma 2. 19.
- 41 Jesu aku ngalo ka bona, Loku mu nga hi zikumu, nga na mu nga hi ni zonho: kanilezi mu ngalo, Ha wona: a zonho za nwina zi tsamile.
xip. 15. 22, 24.
- XIPIMO 10.
- 1 Hizinene, hizinene, nzi ku ka nwina, Loyi a nga engeniko hi laha nyangweni ya ranga ga tiyivu, kanilezi a kanziya hi nwani ndlela, loye i nkamba ni mupangi.
- 2 Kanilezi loyi a engenako hi

nyangwa hi murisi wa tiyivu.

3 Ka yena murinzeli wa mu vululela; ni tiyivu tazwa gazu gakwe: a bitana le takwe yece tiyivu hi mabito, a ti humesa lahandle.

4 Laha na humesile tonkle takwe yece, i ranga mahleni ka tona, ni tiyivu ti mu lanzela: hakuba ta gi tiba gezu gakwe.

5 A mupfumba ti nga mu lanzela, kanilezi ti ta caba ka yena; hakuba a gi tibi gezu ga mupfumba.

6 Lowu mufananiso Jesu a wulawula ka bona: kanilezi a ba pimangi ku ngalo zilo za ku yini lezi a wulawulako ka bona.

7 Hikwalaho Jesu aku ngalo ka bona kambe, Hizinene, hizinene, nzi ku ka nwina, Mina nzi nyangwa ya tiyivu.

8 Bonkle laba ba ngata mahlwani ka mina hi mankamba ni bapangi: kanilezi a tiyivu a ba zwangi.

9 Mina nzi nyangwa: hi mina loku munhu a engena, i ta hanyiswa, i ta engena a huma, a kuma mikoba.

xip. 14. 6. Efe. 2. 18.

10 A nkamba a giti, kanilezi kuta yiba, ni ku daya, ni ku mbetisa: mina nzi tile kasi ti fela ku kuma kuhanya, ti hi nako kunyingi.

11 Nzu murisi wo saseka: murisi wo saseka wa nyike-

la kuhanya kakwe ka tiyivu.

Heb. 13. 20. 2 Pet. 2. 25. & 5. 4.

12 Loyi a rihiwako, na nga hi murisi, na nga hi nwinyi wo tiyivu, languta kuta mhisi, i tsika tiyivu, a tsutsuma, a mhisi yi ti koma, yi ti hangalasa:

13 I tsutsuma hakuba a nga wa kurihiwa, a nga celi kota hi tiyivu.

14 Mina nzi murisi wo saseka; nza ti tiba ta mina nwinyi, ni ta mina nwinyi ta nzi tiba,

2 Tim. 2. 19.

15 Kota Dadani a nzi tibako mina, minawu nza mu tiba Dadani; nzi bekela kuhanya ka mina ka tiyivu.

Mat. 11. 27. xip. 15. 13.

16 Tinwani tiyivu nzi nato, ti nga hi ko ta lowu nklambi: na tona kambe nzi fela ku ti neha, ti tazwa gezu ga mina; ti ta maha nklambi mungwe, ni murisi munwe.

Efe. 2. 14. 1 Pet. 2. 25.

17 Hikwalaho Dadani wa nzi ranza, hakuba nzi bekile lahasi kuhanya ka mina, kasi nzi fela ku teka kambe.

Heb. 2. 9.

18 A ku kona ni munwe a ku tekako ka mina, kanilezi nzi ku ku beka lahasi wutsumbu ganga. Nzi na ni ntamo ku ku beka lahasi, nzi na ni ntamo ku ku teka kambe. Lowu nayo nzi wu amukelisilwe ka Dadani wa mina.

xip. 2. 19. & 6. 38. & 15. 10. Mt. 2. 24, 32.

- 19 Laho ku vuka kubambana kambe xikari ka ba Juda hilaho ka leti timhaka.
xip. 7. 43. & 9. 16.
- 20 Banyingi babye baku ngalo, I na ni dimoni, i hungukile; mu mu zwela yini?
xip. 7. 20. & 8. 48, 52.
- 21 Banwani baku, Laya a hi mawulawulelo ya munhu wo nga a hi dimoni. Kunene a dimoni ga kota ku vulula mahlo ya xikumu ke?
xip. 9. 6, 7, 32, 33.
- 22 Wu wa hi kona mubuzo wa kunyikelwa le Jerusalema: ku wa hi mawuyakaya;
- 23 Jesu i wa kari a famba lomo tempeleni nyangweni ya Solomoni:
Mit. 3. 11. & 5. 12.
- 24 Hikwalaho ba Juda ba lotta mu ranzela, baku ngalo ka yena, U ta hi ribatela ku kala rini? Loku u hi Kristu, hi byela zi ku dlu.
- 25 Jesu a ba hlamula bona, Nzi mu byelile, a mu kolwangi: hi mitiro nzi yi mahako hi bito ga Dadani, leyi hi yona yi mahako wukustumunyu hi mina.
xip. 3. 2. & 5. 36. xipm. 38.
- 26 Kanilezi a mu kolwi, haku-ba a mu tiyivu ta mina.
xip. 8. 47. 1 Joh. 4. 6.
- 27 Le ta mina tiyivu tazwa gezu ga mina, minawu nza ti tiba, tonawu ta nzi tiba:
xipm. 4. 14.
- 28 Nzi ti nyika kuhanya ka kupinzuka; cima ti nga ta-
- fa, a nga kona a ta nga ti wukla canjeni ga mina.
xip. 6. 37. & 17. 11, 12. & 18. 19.
- 29 Dadani wa mina, loyi a nzi nyikileko tona, ngwa hombe ku hunza konkle; i haba loyi a kotako ku ti wukla canjeni ga Dadani.
xip. 14. 28. & 17. 2, 6, &c.
- 30 Mina na Dadani hi munwe.
xip. 17. 11, 22.
- 31 Ba Juda ba rola kambe maribye baku ba mu gandla hi wona.
xip. 8. 59.
- 32 Jesu a ba hlamula, Mitiro yi nyingi yo saseka nzi mu wonisile ya le ka Dadani; hi wihi wa leyi mitiro mu nzi gandlako ha wona?
- 33 A ba Juda ba lo mu hlamula yena, Hi mitiro yo saseka nga na hi nga ku gandli, kanilezi hi tihlamba; kambe wena, na u hi munhu, u ti maha Nungungulu.
xip. 5. 18.
- 34 Jesu i lo ba hlamula bona, a ku tsaliwangi naweni wa nwina, Nzi te ngalo, Mu ba nungungulu ke?
- 35 Loku a te ngalo ba nungungulu, ka bamani mhaka ya Nungungulu yi nga tile (ni mitsalo a yi na ku tsobyiwa),
Roma 13. 1.
- 36 A mu wuli hi yena, loyi Dadani a mu basisileko a mu rumela tikweni, U mahi wa tihlamba; hakuba nzi ngaku, Nzi Nwana wa Nungungulu ke?
xip. 3. 17. & 5. 17, 18, 36, 37. & 6. 27. & 8. 42. & 9. 35, 37. xipm. 30. Luka 1. 35.

37 Loku a nzi mahi mitiro ya Dadani, mu nga nzi kolwi.
xip. 15. 24.

38 Kani loku nzi yi maha, hambu mu nzi kolwi mina, kolwani mitiro: kasi mu pima lezaku Dadani i kona nzena ka mina, na mina nzeni ka Dadani.
xip. 5. 36. & 14. 10, 11. & 17. 21.

39 Ba laba kambe ku mu koma: a huma canjeni gabye.
xip. 7. 30, 44. & 8. 59.

40 I loya kambe le klatukweni wa Jordani wutsanweni legi Johani kusangula a nga baptiza kona; a tsama kona.
xip. 1. 28.

41 Banyingi bata ka yena; baku ngalo, Johani hizinene a nga mahangi ziwoniso: kanilezi ni zonke Johani a nga zi wula hi loyi munhu zine-ne.
xip. 3. 30.

42 Banyingi ba kolwa ka yena laho.
xip. 8. 30. & 11. 45.

XIPIMO 11.

1 Makunu munhu wo kari i lo babya, Lazaru wa le Betania, wa le mutini ka ba Maria ni makabye Marta.
Luka 10. 38, 39.

2 I wa hi yena loye Maria a nga tota Hosi hi mafura, a kulula mikonzo ya yona hi misisi yakwe, makwenu wakwe Lazaru a nga kari a babya.
Mat. 26. 7. Marku 14. 3. xip. 12. 3.

3 A bamakwenu wakwe hikwalaho ba rumela ka yena, baku, Hosi, languta, yena lo-

yi u nga mu ranza wa babya.

4 Kanilezi laha Jesu na zi zwile, aku, Legi wubabyi a hi ga kufa, kanilezi ga wukosi ga Nungungulu, kasi a Nwana wa Nungungulu a fela kudumiswa ka loku.
xip. 9. 3. xipm. 40.

5 Makunu Jesu u mu ranza Marta, ni makwenu wakwe, ni Lazaru.

6 Hikwalaho laha na zwile aku wa babya, a tsama hi lexo xikati masiku mambiri wutsanwini lego a nga hi ka gona.
xip. 10. 40.

7 Zonake anzako ka lexi aku ka bapizani, A hi yeni Judia kambe.

8 Bapizani baku ka yena, Rabi, a ba Juda makunu ba wa laba ku ku gandla hi mari-bye; wa haya kona kambe ke?
xip. 10. 31.

9 Jesu i lo hlamula, Kuhaba kume ga zikati ni zimbihi siku ke? Munhu loku a famba munwini, a nga kungubanyeki, hakuba wa wona kuwonekela ka legi tiko.
xip. 9. 4.

10 Kanilezi loku munhu a famba ni wusiku, wa kungubanyeka, hakuba kuwonekela ku haba xikari kakwe.
xip. 12. 35.

11 Lezi zilo a kanela yena: a nzako ka lezi aku kabye, A xaka ga hina Lazaru i eklele; kanilezi nza famba, ka-

- si nzi fela kuya mu vuxa ku ekleleni.
Mat. 9. 24. Mt. 7. 60. 1 Kor. 15. 18, 51.
- 12 Hikwalaho bapizani baku ngalo ka yena, Hosi, loku a eklele, i ta hanya.
- 13 Makunu Jesu i lo kanela hi kufa kakwe: kanilezi bona ba lo alakanya baku i wulawula hi kuhumula ka ku eklele.
- 14 Zonake Jesu hikwalaho a wula kabye zi ku dlu, Lazaru i file.
- 15 Nza tsaka hi kota ya nwina hakuba nzi wa nga hi kona laho, kasi mu fela ku kolwa; ahemba a hi fambeni ka yena.
- 16 Hikwalaho Tomasi, loyi a hitwako Didimusi, i te ngalo ka bapizani kulobye, A hi fambeni hi fela kufa naye.
- 17 Zalezo lezi Jesu na cikele, a mu kuma na sina na nkelelwe mune wa masiku.
- 18 Makunu Betania ku wa hi kusuhanani ni Jerusalema, ku kwatsi xipimo xa kume ni nkalanu mipfuka;
- 19 Ni banyingi ba ba Juda ba wa tile ka Marta na Maria, a kuta ha cabelela hi kota ya ma kwenu wabye.
- 20 Hikwalaho Marta, laha na zwile ku ngalo Jesu wata, i lo mu nkinga: kanilezi Maria i lo nonohisa na ha tsamile lomo ndlwini.
- 21 Hikwalaho Marta i te ngalo ka Jesu, Hosi, loku u wa hi
- kona laha, a makwenu wa mina nga a nga fangi.
- 22 Hambu lezi nza zi tiba makunu lezaku, ni zi hi lezi u ta nga zi kombela ka Nungungulu, Nungungulu i ta ku nyika wena.
xip. 9. 31.
- 23 Jesu aku kakwe, Makabye wa wena i ta vuka kambe.
- 24 Marta aku kakwe, Nza zi tiba nzi ku i ta vuka hi siku go gumesa.
Luka 14. 14. xip. 5. 29.
- 25 Jesu aku ka yena, Mina nzi kuvuka ni wutomi: loyi a kolwako ka mina, hambu loku a file i ta hanya:
xip. 1. 4. & 3. 36. & 5. 21. & 6. 39, 40, 44. & 6. 35. & 14. 6. Kol. 3. 4. 1 Joh. 1. 1, 2. & 5. 10, 11, &c.
- 26 Loyi a hanyako loku a kolwa hi mina cima a nga tafa. Wa kolwa hi lexi ke?
- 27 Aku ka yena, Ina, Hosi: nza kolilwe lezaku hi wena Kristu, Nwana wa Nungungulu, loyi a tako tikweni.
Mat. 16. 16. xip. 4. 42. & 6. 14, 69.
- 28 Na wulawulile lexi, i lo famba, aya bita na Maria makwenu wa yena, xikundleni, aku, Mugonzisi i kona laha, wa ku bitana.
- 29 Yena, laha na zwile, a suka zalezo, aya ka yena.
- 30 (Makunu Jesu i wa nga se ku cikela mutanini, kanilezi i wa hi kwaleyo ka wutsamo legi Marta a nga mu nkingela kona.)
- 31 A ba Juda laba ba nga hi naye lomo ndlwini, ba mu cabelele, laha na ba wonile

Maria, lezaku i lo suka luku-luku a huma, ba su mu lannzisela, na ba alakanya ku ngalo i ya nkeleni kuya rila kona.

xipm. 19.

- 32 Hikwalaho Maria, na cikele laha a nga kona Jesu, a mu wona, awa mikonzweni yakwe, aku ka yena, Hosi, loku u wa hi kona laha, a makweru nga a nga fangi.

xipm. 21.

- 33 Hikwalaho laha na Jesu na mu wonile ku rila, zinwe ni ba Juda kambe laba ba ngata naye, a keta moyeni, a karateka,

- 34 Aku ngalo, Mu mu bekile kwihi? Baku kakwe, Hosi, ngona u ta wona.

- 35 Jesu a rile.

Luka 19. 41.

- 36 Hikwalaho ba Juda baku ngalo, Langutani ku mu ranza ka yena!

- 37 Kanilezi banwani ba bona baku ngalo, A hi yena loyi munhu, a nga vulula mahlo ya yena loyi a nga hi xikumu, nga na a mahile hi ku yini aku loyi munhu a ngafi?

xip. 9. 6.

- 38 Hikwalaho kambe Jesu na keta wutsumbu ata le nkeleni. Makunu ku wa hi mhako, ni ribye gi yi fine-ngetile.

- 39 Jesu aku, Susani ribye. Marta, makwenu wa loyi a fileko, aku kakwe, Hosi, hi xikati lexi wa nuha: haku-

ba ku hi mune wa masiku na file.

- 40 Jesu aku kakwe, A nzi wu-
langi mina ka wena, loku u kolwa, u ta wona wukosi ga Nungungulu ke?

xipm. 4. 23.

- 41 Zalezo ba susa ribye. Jesu i lo klakusa mahlo yakwe, a ku ngalo, Dadani, nza kesa lezo u nzi zwile.

- 42 Nza zi tiba lezaku wa nzi-
zwa xikati xonkle: kanilezi hi kota ya xidlemo xi yimileko laha nzi lo wula lexi, kasi ba fela ku kolwa lezaku u lo nzi ruma.

xip. 12. 30.

- 43 Laha na wulawulile lezo, a bitana hi gezu ga hombe, Lazaru, huma.

- 44 Loyi a nga file a huma, na bohilwe mandla ni mikonzo hi tinguwo to lahla ha tona; ni ngohe yakwe yi wa bohilwe hi lesu. Jesu aku kabye, Mu klakleni, mu mu tsika a famba.

xip. 30. 7.

- 45 Hikwalaho banyingi, ba ba Juda, laba ba nga tile ka Maria ba lo wona lezi a nga zi maha, ba kolwa ka yena.

xip. 2. 23. & 10. 42. & 12. 11, 18.

- 46 Kanilezi banwani baya ka ba Farisi, ba loya ba byela lezi zilo Jesu a nga zi mahile.

- 47 Hikwalaho bapristi ba hombe ni ba Farisi ba tsombanyisa huwo, baku ngalo, Hi maha yini hina? hi lezi loyi

- munhu i maha ziwoniso zi nyingi.
Mat. 26. 3. Marku 14. 1. Luka 22. 2. xip. 12. 14. Mit. 4. 16.
- 48 Loku hi mu tsika lezo yece, banhu bonkle ba ta kolwa ka yena: ni ba Roma ba tata ba hi tekela wutsamo zinwe ni tiko ga hina.
- 49 Kani munwe wo kari ka bona, Kaiafasi, na hi mu pristi wa hombe lego lembe, aku ngalo kabye, A mu tibi cumo,
Luka 3. 2. xip. 18. 14. Mit. 4. 6.
- 50 Hambu ni ku alakanya lezaku ngalo zi sasekile ka nwina aku munwe a fela banhu, ni lezaku tixaka tonkle ti ngafi.
xip. 18. 14.
- 51 Makunu lexi a nga xi kanlangi yena wutsumbu: kanilezi na hi mupristi lego lembe, i lo profeta ku ngalo Jesu i ta fela lixaka;
- 52 Ku nga hi lixaka loce, kanilezi a fela ku wungeletela katiginwe banana ba Nungungulu laba ba hangalakileko.
1 Joh. 2. 2. xip. 10. 16. Efe. 2. 14, 15, 16, 17.
- 53 Zalezo ku sukela lego siku ba xuxa makungo kasi ba fela ku mu daya.
- 54 Hikwalaho Jesu a nga fambi kuwonekeleni kambe xikari ka ba Juda, kanilezi i losuka laho aya tikweni legi nga ku suhani ni xiwula, mutini wu bitwako Ifraime; a tsama kona ni bapizani.
xip. 4. 1, 3. & 7. 1.
- 55 Makunu pasika ya ba Juda yi wa tsinele: banyingi ba kanziya Jerusalema lomo tikweni na yi nga se ku cikelapasika, baya ti basisa.
xip. 2. 18. & 5. 1. & 6. 4.
- 56 Hikwalaho ba mu laba Jesu, ba wulawulisana, na ba lo yima lomo tempeleni, Mu alakanya yini? A nga tata mubuzweni ke?
xip. 7. 11.
- 57 Makunu bapristi ba hombe ni ba Farisi ba wa nyikile kulaya, baku, loku munhu a ku tiba laha a nga kona, a nga ku kombete, ba fela kuya mu koma.

XIIMO 12.

- 1 Hikwalaho masiku ya nklanu ni ginwe le mahlweni ka pasika Jesu a cikela Betania, laha a nga hi kona Lazaru, loyi Jesu a nga mu vuxa ka ba fileko.
xip. 11. 1, 43.
- 2 Zalezo ba mu mahela zakuga laho: Marta a yimelela; kanilezi Lazaru i wa hi munwe wa laba ba nga tsamile nabo zakugeni.
Mat. 26. 6. Marku 14. 3.
- 3 Hikwalaho Maria i lo teka pondo ya mafura ya spike narde, ma nga hi ni tsengo wa hombe, a tota mikonzo ya Jesu, a hlangula mikonzo ya yena hi misisi yakwe: yindlu yi tala hi ku nuhela ka mafura.
Luka 10. 38, 39. xip. 11. 2.
- 4 Kanilezi Judasi Iskarioti, munwe wa bapizani bakwe,

loyi a ta nga mu nyikela, aku,

5 Hi yini laya mafura ma nga kala ku xaba mazana manharu ya tidenario, ku hiwa zisiwana ke ?

6 Makunu i lo wula lezi, hakuba i wa nga celi kota hi zisiwana ; kanilezi hilezi a nga hi nkamba, i wa hi ni xikwama a koma lezi zi nga hi lomo.

xip. 13. 29.

7 Hikwalaho Jesu aku ngalo, Mu tsike a xi hlayisa kala ku cikela siku ka mina.

8 Hakuba a zisiwana mu nazo zi na nwina zikati zonkle; kanilezi a mu na mina zikati zonkle.

Mat. 26. 11. Marku 14. 7.

9 Hikwalaho a banhu ba nyingi ba ba Juda ba zi tiba ku ngalo i kona laho: ba lotta, ba nga teli kuta wona Jesu yece, kanilezi kasi ba fela ku wona na Lazaru kambe, loyi a nga mu vuxile ka bafleko.

xip. 11. 43, 44.

10 Kanilezi a bapristi ba hombe ba xuxa makungo kasi ba fela ku daya Lazaru kambe;

Luka 16. 31.

11 Hakuba hi kota yakwe banyingi ba ba Juda ba wa yile, ba ya kolwa ka Jesu.

xip. 11. 45. xipm. 18.

12 Hi manziko a xidlemo xa hombe xi nga tile mubuzwe-

ni, na ba zwile ku ngalo Jesu wata Jerusalema,

Mat. 21. 8. Marku 11. 8. Luka 19. 35, 36, &c.

13 Ba lo teka marabi ye micinzu, ba lo huma kuya mu nkinga, ba bitana, Hosana: I katekile loyi a tako hi bitoga Hosi, Hosi ya ba Israeli.

14 Ni Jesu, i wa kumile burugi tsongwani, a kilele behlaka gona ; kota lezi ku tsalilweko,

Mat. 21. 7.

15 U nga cabi, nhwana wa Zioni: languta, Hosi ya wena yata, yi kilele role ga buru.

16 Lezi zilo a ba pimangi bapizani ba yena kusanguleni: kanilezi laha Jesu a nga dumisilwe, zonake ba alakanya ku ngalo lezi zilo zi lo tsalilwe hi yena, ni ku ngalo ba mahile zilo lezi kakwe.

Luka 18. 34. xip. 7. 39. & 14. 26.

17 Hikwalaho a xidlemo lexi xi nga hi zinwe naye laha na bita Lazaru lomo nkele ni, ni ku mu vuxa ka bafileko, xi maha wukustumunyu.

18 Hakuba hi kota ya lexo a xidlemo xi lo huma kuya mu nkinga, hakuba a ba zi zwile ku ngalo i mahile lexi xiwoniso.

xipm. 11.

19 Hikwalaho ba Farisi baku ngalo xikari ka wutsumbu gabye, Langutani a mu vunni cumo: mangabye, tiko gonkle ga mu lanzisela.

xip. 11. 47, 48.

20 Makunu ku wa hi kona ba

Greki bo kari xikari ka laba ba nga kanziya kuya kozela mubuzweni:

Mit. 8. 27. & 17. 4.

21 Hikwalaho laba bata ka Filipu, loyi a nga wa Betsaida ga Galile, ba lo mu wutisa, baku, Hosi, hi nga zi ranza ku wona Jesu.

xip. 1. 44.

22 Filipu ata a byela Andru: Andru ata, na Filipu, ba byela Jesu.

23 Jesu a ba hlamula, aku, Xikati xi cikele, xo kasi Nwana wa munhu a dumiswa.

xip. 13. 32. & 17. 1.

24 Hizinene, hizinene, nziku ka nwina, Saseka loku mbe-wu ya huba yiwa misabeni yifa, yi tsama yona yoce; kanilezi loku gifa, ga trala timbewu tinyingi.

1 Kor. 15. 36.

25 Loyi a ranzako kuhanya kakwe i ta ku lahla; ni loyi a bengako kuhanya ka yena ka legi tiko i ta ku hlayisa kala kuhanyeni ka kupinzuka.

Mat. 10. 39. & 16. 25. Marku 8. 35.

Luka 9. 24. & 17. 33.

26 Loku kani hi wihi munhu a nzi kozela, yena a nzi lanzele; ni laha nzi nga kona, xi ta ba kona xitiri xa mina: loku munhu a nzi koze-la, yena i ta dumiswa Dadani.

xip. 14. 8. & 17. 24. 1 Tessa. 4. 17.

27 Makunu muhefemulo wa mina wa karateka; nzi ta wula yini? Dadani, nzi hanyise ka lexi xikati. Kani-

lezi hi kota ya lexi nzi tile hi lexi xikati.

Mat. 26. 33, 39. Luka 12. 50. & 22. 53. xip. 13. 21. & 18. 37.

28 Dadani, dumisa bito ga wena. Hikwalaho ku lota gezu hi le tilweni, giku, Nzi gi dumisile, nzi ta gi dumisa kambe.

Mat. 3. 17.

29 Hikwalaho a xidlemo le xi nga yimile laho, xi gizwa, baku ngalo, ku dzinzile: banwani baku ngalo, Ingelosi yi wulawulileko ka yena.

30 Jesu a hlamula aku ngalo, Legi gezu a gi tangi hi kota ya mina, kanilezi hi kota ya nwina.

xip. 11. 42.

31 Makunu hi kulamula ka tiko: makunu hosana ga legi tiko yi ta hoxiwa.

Mat. 12. 29. Luka 10. 18. xip. 14. 30. & 16. 11. Mit. 26. 18. 2 Kor. 4. 4. Efe. 2. 2. & 6. 12.

32 Mina, loku nzi klakusilwe misabeni, nzi ta kokela ka mina banhu bonkle.

xip. 3. 14. & 8. 28. Roma 5. 18. Heb. 2. 9.

33 Kanilezi lexi i lo wula, na wonisa hi lixaka lolu ata ngafa hi lona.

xip. 18. 32.

34 Hikwalaho xidlemo xi mu hlamula, Hi zwile naweni ku ngalo Kristu i ta tsama kala kupinzuka: hi yini u wulawulako u ku, Nwana wa munhu i ta klakuswa? hi mani yena Nwana wa munhu?

35 Hikwalaho Jesu aku ka bona, Ka ha hi xikatanyana na ku hi kona kuwonekela

xikari ka *nwina*. Fambani na ma ha hi ni kuwonekela, kasi munyama wu nga mu kumi : loyi a fambako munyameni a nga ku tibi lomo a yako.

xip. 1. 9. & 8. 12. & 9. 5. & 11. 10. xipm. 46. 1 Joh. 2. 11.

- 36 Na ma ha hi ni kuwonekela, kolwani hi kuwonekela, kasi mu fela ku tsama banana ba kuwonekela.

Lezi zilo ku wula Jesu, na suka kabye a ya ti fihla wutsumbu ka bona.

Luka 16. 8. Efe. 5. 8. 1 Tesa. 5. 5. 1 Joh. 2. 9, 10, 11. xip. 8. 59. & 11. 54.

- 37 Kanilezi hambu lezi a nga mahile ziwoniso mahlweni ka bona, a ba kolwangi ka yena:

- 38 Kasi mhaka ya Isaya muprofeti yi fela ku tatiseka a nga yi wula,

Hosi hi mani a kolilweko kukanela ka hina? Ka mani a woko ga Hosi gi wonisilweko?

Roma 10. 16.

- 39 Hi kota ya loku a ba nga kolwi, hakuba Isaya i ngalo kambe,

- 40 I valile mahlo yabye, a nonohisa mbilu yabye; ba nga woni hi mahlo yabye, ba nga pima hi timbelu tabye, ba hunzuluka nzi ba hanyisa.

Mat. 13. 14.

- 41 Lezi zilo ku lo wula Isaya, hakuba i lo wona wukosi gakwe; i lo kanela hi yena.

- 42 Ahemba lezo hambu ni tihosi ti lo kolwa ka yena;

kanilezi hi kota ya ba Farisi a ba vumelangi, kutani ba nga humeswa sinagogeni:

xip. 7. 13. & 9. 22.

- 43 Hakuba ba wa ranza kudumiswa ka banhu ku hunza kudumiswa ka Nungungulu.

xip. 5. 44.

- 44 Jesu a bitana aku, Loyi a kolwako ka mina, a nga kolwi ka mina, kanilezi i kolwa ka loyi a nzi rumileko.

Marku 9. 37. 1 Pet. 1. 21.

- 45 Ni loyi a nzi wonako wa mu wona loyi a nzi rumileko.

xip. 14. 9.

- 46 Nzi tile nzi hi kuwonela ka tiko, kasi a kolwako hi mina a nga tsami munyameni.

xip. 8. 19. & 8. 12. & 9. 5, 39. xipm. 35, 36.

- 47 Loku munhu azwa kuwulawula ka mina, a nga ku hlayisi, mina a nzi mulamuli: hakuba a nzi telangi ku lamula tiko, kanilezi ku ta hanyisa tiko.

xip. 3. 17. & 5. 45. & 8. 15, 36.

- 48 Loyi a nzi alako, a nga amukeliko kuwulawula ka mina, i na ni munwe a mu lamulako: mhaka leyi nzi nga yi wulawula, ywaleyo yi ta mu lamula hi siku go gumesa.

Luka 10. 16. Marku 16. 16.

- 49 Hakuba a nzi kanelangi hi wutsumbu ganga; kanilezi Dadani a nzi rumileko, yena i nzi nyikile kulaya, ka lezi nzi ta nga zi wulawula, ni

ka lezi nzi ta nga zi kana-
nela.

xip. 3. 38. & 14. 10.

- 50 Nza zi tiba nziku kulaya ka yena hi kuhanya ka kupinzuka: hikwalaho a zilo nzi zi kanelako, kota lezi Dadani a wuliko ka mina, nza kanaela.

XIPIMO 13.

- 1 Makunu hi mahlweni ka mubuzo wa pasika, Jesu na zi tiba ku ngalo xikati xakwe xi cikele xa ku ngalo a suka ka legi tiko aya ka Dadani, na ba ranzile bakwe laba ba nga hi tikweni, i lo ranza kala ku gumesa.

Mat. 26. 2. xip. 12. 23. & 17. 1, 11.

- 2 Na hikwalaho xilalelweni, satani na sina a bekile mbi-lwini ka Judasi Iskarioti, nwana wa Simoni, aku mu nyikela,

Luka 22. 3. xipm. 27.

- 3 Jesu, na zi tiba ku ngalo Dadani i nyikile zilo zonkle mandhleni ya yena, ni leza-ku i tile hi ka Nungungulu, i ya ka Nungungulu,

Mat. 11. 27. & 28. 18. xip. 3. 35. & 3. 42. & 16. 28. & 17. 2. Mit. 2. 36. 1 Kor. 15. 27. Heb. 2. 8.

- 4 I lo suka xilalelweni, a beka klelweni tinguwo takwe; a teka nguwo, a ti boha.

Luka 22. 27. Fil. 2. 7, 8.

- 5 Zonake a cela mati xibweni, a sangula ku hlaza mikonzo ya bapizani bakwe, a yi hlangula hi nguwo leyi a nga ti bohile ha yona.

- 6 Zalezo na cikele ka Simoni Petro. Aku ka yena, Hosi,

wa hlaza mikonzo ya mina ke?

Mat. 3. 14.

- 7 Jesu a hlamula aku ka yena, Lezi nzi zi mahako aku zi tibi makunu; kanilezi u ta zi pima hi le nzako ka lezi.

xipm. 12.

- 8 Petro aku ka yena, Cima u nga ta hlaza mikonzo ya mina. Jesu a mu hlamula yena, Loku nzi nga ku hlazi, a ku na kuhlengela na mina.

xip. 3. 5. 1 Kor. 6. 11. Efe. 5. 26. Tit. 3. 5. Heb. 10. 22.

- 9 Simoni Petro aku kakwe, Hosi, a hi mikonzo ya mina yoce, kanilezi ni mandla ya mina ni hloko ya mina kambe.

- 10 Jesu aku kakwe, Loyi a hlazilweko a nga labi saseka kuhlamba mikonzo yakwe, kanilezi i hlazekile konkle: kanilezi nwina mu hlazekile, kanilezi a hi nwi-na nwenkle.

xip. 15. 3.

- 11 Hakuba i wa mu tiba loyi a nga mu nyikela; hikwalaho aku, A mu hlazekangi nwenkle.

xip. 6. 64.

- 12 Lezo na hlazile mikonzo yabye, a teka tinguwo takwe, a tsama lahasi kambe, aku kabye, Ma zi tiba lezi nzi mahileko ka nwina ke?

- 13 Ma nzi bitana mu ku, Mungonzisi, kambe, Hosi: mu

wula kwatsi, hilezi hi mina yena.

Mat. 23. 8, 10. Luka 6. 46. 1 Kor. 8. 6. & 12. 3. Fil. 2. 11.

- 14 Makunu mina, Hosi ni Mungonzisi, loku nzi hlazile mikonzo ya *nwina*, na *nwina* kambe mu fanela ku hlazana mikonzo ya *munwe* ni *munwani*.

Luka 22. 27. Roma 12. 10. Gal. 6. 1, 2. 1 Pet. 5. 5.

- 15 Hakuba nzi mu nyikile xiwoniso, kasi *nwina* kambe mu fela kumaha kota nzi mahileko ka *nwina*.

Mat. 11. 29. Fil. 2. 5. 1 Pet. 2. 21. 1 Joh. 2. 6.

- 16 Hizinene, hizinene, nzi ku ka *nwina*, A xitiri a hi xa hombe ku hunza hosi ya xona; ni ka loyi a rumilweko a nga hunzi loyi a mu rumileko.

Mat. 10. 24. Luka 6. 40. xip. 15. 20.

- 17 Loku mu zi tiba lezi zilo, mu katekile loku mu zi maha

Jam. 1. 25.

- 18 A nzi wulawuli hi *nwina* *nwenkle*: nza ba tiba laba nzi hlawulileko: kanilezi kasi ku fela ku tatiswa kutsala, Loyi a gako xibaba xa mina a nzi *klakuseleko* xirenze xakwe.

Mat. 26. 23. xipm. 21.

- 19 Ku sukela lezi nza mu *bye*-la na zi nga se ku maheka, kasi, loku zi mahekile, mu fela ku kolwa ku ngalo hi mina yena.

xip. 14. 29. & 16. 4.

- 20 Hizinene, hizinene, nzi ku ka *nwina*, Loye a amukelileko loyi nzi mu rumileko

wa nzi amukela mina; ni loyi a amukelileko mina wa mu amukela loyi a nzi rumileko.

Mat. 10. 40. & 25. 40. Luka 10. 16.

- 21 Laha Jesu na wulile lezo, i wa karateka moyeni, a tiyisa, aku ngalo, Hizinene, hizinene, nzi ku ka *nwina*, *munwe* wa *nwina* i ta nzi nyikela.

Mat. 26. 21. Marku 14. 18. Luka 22. 21. xip. 12. 27. Mit. 1. 17. 1 Joh. 2. 19.

- 22 Bapizani ba cuwukana, ba kanakana ku hi mani a wulako ha yena.

- 23 Kwalaho i wa hi kona laha mezeni a nga kegele xifubeni xa Jesu *munwe* wa bapizani bakwe, loyi a nga ranziwa hi Jesu.

xip. 19. 26. & 20. 2. & 21. 7, 20, 24.

- 24 Hikwalaho Simoni Petro a kweneta kakwe, aku kakwe, Hi *bye*le loyi a kanelako ha yena.

- 25 A su ga hi le nzako, kota lezi a nga sina a hi kona laha xifubeni xa Jesu aku ka yena, Hosi, hi mani loye?

- 26 Jesu hikwalaho i lo hlamula, Hi yena loye, nzi ta nga peta xikemu, nzi mu nyika. Lezo na xi petile xikemu, a xi teka a xi nyika Judasi, *nwana* wa Simoni Iskarioti.

- 27 Ni nzako ka xikemu, zona ke Satani a engena kakwe. Jesu hikwalaho aku ka yena, Lexi u xi mahako, ha klisa ku xi maha.

Luka 22. 3. xip. 6. 70.

- 28 Makunu ku wa nga hi kona munhu laha mezeni a nga zi tiba ku ngalo i wulawula hi yini lezi ka yena.
- 29 Hakuba banwani ba wa alakanya, ku ngalo hi lezi Judasi a nga ni xikwama, Jesu a nge ngalo ka yena, Xaba lezi hi zi vumalako mubuzweni, kutani, a nyike zisiwana.
xip. 12. 6.
- 30 Zonake laha yena na amukelile xikemu a huma zalez: gi wa hi wusiku.
- 31 Hikwalaho laha na humile, Jesu aku, Makunu Nwana wa munhu wa dumiswa, ni Nungungulu wa dumiswa hi yena;
xip. 12. 23. & 14. 13. 1 Pet. 4. 11.
- 32 Ni Nungungulu i ta mu dumisa a wutsumbu gakwe, ni lokuloku i ta mu dumisa.
xip. 12. 23. & 17. 1, 4, 5, 6.
- 33 Banana ba tsongwanyani, ka hi xikati xi tsonganyani, na nza ha hi na nwina. Mu ta nzi laba: kota lezi nzi ngakanela ka ba Juda, nziku, Lomu nzi yako, a mu koti kuta; lezo makunu nza kanela ka nwina.
xip. 7. 34. & 8. 21.
- 34 Kulaya kutra nza ku nyika ka nwina, kasi mu ranzana; kwatsi hi mina nzi mu ranzileko, na nwina kambe ranzanani.
xip. 15. 12, 17. Efe. 5. 2. 1 Tesa. 4. 9. Jam. 2. 8. 1 Pet. 1. 22. 1 Joh. 2. 7, 8. & 3. 11, 23. & 4. 21.
- 35 Hi lexi banhu bonkle ba ta

zi tiba ku ngalo mu bapizani ba mina, loku mu hi ni ku ranzana.

1 Joh. 2. 5. & 4. 20.

- 36 Simoni Petro aku ka yena, Hosi, u ya kwihi? Jesu a hlamula aku ngalo, Lomoni yako, a ku na ku nzi lanzela makunu; kanilezi hi le nzako u ta nzi lanzela.

xip. 21. 18. 2 Pet. 1. 14.

- 37 Petro aku ka yena, Hosi, a nzi koti ku ku lanzela makunu hi ku yini? nzi ta beka lahasi kuhanya ka mina hi wena.

Mat. 26. 33, 34, 35. Marku 14. 29, 30, 31. Luka 22. 33, 34.

- 38 Jesu i lo hlamula, U ta beka lahasi kuhanya ka wena hi kota ya mina ke? Hizinene, hizinene, nzi ku ka wena, A nkuku wu nga ta yimba, na u nga se ku nzi kaneta kunharu.

XIIMO 14.

- 1 A mbilu ya nwina nga yi nga karateki: mu kolwa ka Nungungulu, kolwani kambe ka mina.

xipm. 27. xip. 16. 22, 23.

- 2 Le kaya ka Dadani ku kona tiyindlu tinyingi; loku ku wa nga hi lezo, nga nzi mu byelile; hakuba nza famba nzi ya longisela wutsamoga nwina.

xip. 13. 33, 36.

- 3 Loku nzi famba nzi ya mu longisela wutsamo, nza wuya kambe, nza ta mu amukela ka mina wutsumbu;

kasi laha nzi nga kona, mu hi ba kona kambe.

xipm. 18, 28. Mit. 1. 11. xip. 12. 26. & 17. 24. Tesa. 4. 17.

4 Ni laha nzi yako kona, mu yi tiba ndlela.

5 Tomasi aku ka yena, Hosi, a hi ku tibi laha u yako; hi yi tiba hi ku yini ndlela?

6 Jesu aku ka yena, Mina nzi ndlela, ni zinene ni kuhanya: a nga kona a tako le ka Dadani, kanilezi ku nga hi mina.

Heb. 9. 8. xip. 1. 4, 17. & 8. 32. & 11. 25. & 10. 9.

7 Loku mu wa nzi tibile mina, nga mu mu tibile ni Dadani kambe: ku sukela lezi ma mu tiba. mu mu wonile.

xip. 8. 19.

8 Filipu aku ka yena, Hosi, hi wonise Dadani, ku hi enela.

9 Jesu aku ka yena, Nzi tsamile na nwina xikati xa hombe kota lezi, a ku nzi tibi ke, Filipu? loyi a wonileko mina i wonile na Dadani; u wulawula hi yini u ku, hi wonise Dadani?

xip. 12. 45. Kol. 1. 15. Heb. 1. 3.

10 A ku kolwi ku ngalo mina nzi kona ka Dadani, ni Dadani i kona ka mina ke? timhaka leti nzi ti kanelako ka nwina a nzi ti kaneleli wutsumbu ganga: kanilezi Dadani a tsamileko xikari ka mina a mahako mitiro yakwe.

xip. 5. 19. & 7. 16. & 8. 28. & 10. 38. & 12. 49. & 17. 21, 23. xipm. 20.

11 Kolwani ku ngalo nzi kona nzeni ka Dadani, ni Dadani

nzeni ka mina: hambu lezi kolwani hi mina hi ywaleyi mitiro.

xip. 5. 36. & 10. 38.

12 Hizinene, hizinene, nzi ku ka nwina, Loyi a kolwako ka mina, mitiro leyi nzi yi mahako i ta yi maha na yena kambe; mitiro ya hombe yi hunza leyi mu ta yi maha; hakuba nzi ya ka Dadani.

Mat. 21. 21. Marku 16. 17. Luka 10. 17.

13 Ni xihi mu ta nga xi kombela hi bito ga mina, lexo nzi ta xi maha, kasi Dadani i fela kudumiswa nzeni ka Nwana.

Mat. 7. 7. & 21. 22. Marku 11. 24. Luka 11. 9. xip. 15. 7, 16. & 16. 23, 24. Jam. 1. 5. 1 Joh. 3. 22. & 5. 14.

14 Loku mu nzi kombela xilo hi bito ga mina, lexo nzi ta xi maha.

15 Loku mu nzi ranza, mu ta hlayisa kulaya ka mina.

xipm. 21, 23. xip. 15. 10, 14. 1 Joh. 5. 3.

16 Nzi ta kombela ka Dadani, i ta mu nyika munwani Munengelisi, kasi i fela ku tsama na nwina kala ku pinzuka,

xip. 15. 26. & 16. 7. Roma 8. 15, 26.

17 Nzi wula Moya wa zinene: lowu tiko gi ta nga kala gi nga wu amukeli; hakuba a gi wu woni, hambu ni ku wu tiba: ma wu tiba; hakuba loyi a tsamileko na nwina, i ta tsama nzeni ka nwina.

xip. 15. 26. & 16. 13. 1 Joh. 2. 27. & 4. 6. 1 Kor. 2. 14.

18 Nzi nga ta mu siya na mu hi zisiwana: nzita ka nwina.

Mat. 28. 20. xipm. 8, 28.

- 19 Ka hi xikatanyana xi tso-
ngwani, a tiko gi nga nzi
woni kambe; kanilezi nwi-
na ma nzi wona: hakuba
nza ha hanya, na nwinawu
mu ta hanya.
xip. 16. 16. 1 Kor. 15. 20.
- 20 Hi lego siku mu ta zi tiba
ku ngalo nzi kona nzeni ka
Dadani, na nwina nzeni ka
mina, na mina nzeni ka
nwina.
xipm. 10. xip. 10. 38. & 17. 21, 23, 26.
- 21 Loyi a nga ni kulaya ka mi-
na, a ku yi hlayisa, loyi hi
yena a nzi ranzako: ni loyi a
nzi ranzako i ta ranziwa hi
Dadani wa mina, nzi ta mu
ranza, nzi ta ti wonekisa ka
yena.
xipm. 15. 23. 1 Joh. 2. 5. & 5. 3.
- 22 Judasi (na nga hi yena Iska-
rioti) aku kakwe, Hosi, xini
xi mahekileko u ta nga xi
wonisa ka hina, u nga ti
wonekisi ni tikweni ke?
Luka 6. 16.
- 23 Jesu a hlamula aku ngalo
ka yena, Loku munhu a nzi
ranza, i ta hlayisa mhaka
ya mina: ni Dadani i ta mu
ranza, hi tata ka yena, hi
ta tsama na yena.
xipm. 15. 1 Joh. 2. 24. Kuv. 3. 20.
- 24 Loyi a nga nzi ranziko a
nga hlayisi timhaka ta mi-
na: ni mhaka mu yi zwako
a hi ya mina, kanilezi ya
Dadani loyi a nzi rumileko.
xip. 5. 19, 38. & 7. 16. & 8. 28. & 12. 49.
xipm. 10.
- 25 Lezi zilo nzi zi kanela ka
nwina, na nza ha hi na nwi-
na.
- 26 Kanilezi Munengelisi, Moya
wo Basa, a ta nga mu rume
la Dadani hi bito ga mina,
hi yena a ta nga mu gonzi-
sa zilo zonkle, a mu alaka-
nyisa zonkle nzi kaneleko
ka nwina.
Luka 24. 49. xipm. 16. xip. 2. 22. &
12. 16. & 15. 26. & 16. 7, 13. 1 Joh.
2. 20, 27.
- 27 Kurula nza ku siya ka nwi-
na; kurula ka mina nza ku
nyika ka nwina: a nzi nyi-
ki ka nwina kota ko tiko yi
nyika ka nwina. Mbilu ya
nwina yi nga karateki, ha-
mbu ni ku caba.
Fil. 4. 7. Kol. 3. 15. xipm. 1.
- 28 Mu zwile ku ngalo nzi te
yini ka nwina, Nza famba,
nzi ta wuya ka nwina. Lo-
ku mu wa nzi ranzile, nga
mu nengela, hakuba nziya
ka Dadani: hilezi Dadani
ngwa hombe wa nzi hunza
mina.
xipm. 3, 12, 18. xip. 5. 18. & 10. 30. &
16. 16. & 20. 17. Fil. 2. 6.
- 29 Ni makunu nzi byelile na zi
nga se ku maheka, kasi, ka-
si loku zi mahekile ma fela
ku kolwa.
xip. 13. 19. & 16. 4.
- 30 Nzi nga ta wulawula kambe
nguvu na nwina, hakuba
hosana ya tiko yata; yona
a yi a cumo na mina;
xip. 12. 31. & 16. 11.
- 31 Kanilezi kasi tiko gi fela ku
tiba ku ngalo nza mu ranza
Dadani, kota lezi Dadani a
nga nzi nyika kulaya, ina
lezo nza ku maha. Sukani,
hi famba laha.
xip. 10. 18. Fil. 2. 8. Heb. 5. 8.

XIPIMO 15.

- 1 Mina nzi vina ga zinene, Dadani wa mina hi murimi.
- 2 Wonkle marabi ma nga ka mina ma nga traliko mihanzo, wa ma tsema: ni laya ma tralako mihanzo, wa ma hlayisa kasi, ma fela ku trala mihanzo minyingi.
Mat. 15. 13.
- 3 Nwina mu hlazekile hi kota ya mhaka leyi nzi nga wulawula ka nwina.
xlp. 13. 10. & 17. 17. Efe. 5. 26. 1 Pet. 1. 22.
- 4 Tsamani nzeni ka mina, na mina nzeni ka nwina. Kota a rabi a gi na trala mihanzo ha goce, saseka loku gi tsamile le vineni; hizalezi na nwina a zi kota, saseka loku mu tsamile ka mina.
1 Kol. 1. 23. 1 Joh. 2. 6.
- 5 Mina nzi vina, nwina mu marabi: Loyi a tsamileko ka mina, na minawu ka yena, yena wa trala mihanzo minyingi: hakuba loku mu hambene na mina mu nga zi kota ku maha cumo.
Fil. 1. 11. & 4. 13. Mit. 4. 12.
- 6 Loku munhu a nga tsami na mina, wa cukunyetiwa kwatsi hi rabi, a wuna; ba ma wungetela, ba ma hoxa nzilweni, ma hiswa.
Mat. 3. 10. & 7. 19.
- 7 Loku mu tsama nzeni ka mina, ni timhaka ta mina ti tsama ndani ka nwina, loku ti tsama nzeni ka nwina, kombelani lezi mu zi ranzako, zi ta mahelwa ka nwina.
xipm. 16. xlp. 14. 13, 14. & 16. 23.
- 8 Mangabye laha Dadani wa mina a dumiswako, kasi mu trala mihanzo yinyingi; hizalezo mu ta maha bapizani ba mina.
Mat. 5. 16. Fil. 1. 11. xlp. 8. 31. & 13. 35.
- 9 Kwatsi hi Dadani a nzi ranzileko, na mina kambe nzi mu ranzile: tsamani kuranzeni ka mina.
- 10 Loku mu hlayisa kulaya ka mina, mu ta tsama kuranzeni ka mina; kota mina nzi hlayisako kulaya ka Dadani, nza tsama kuranzeni ka yena.
xip. 14. 15, 21, 23.
- 11 Lezi zilo nzi zi wulawulile ka nwina, kasi kutsaka ka mina ku fela ku tsama nzeni ka nwina, ni kutsaka ka nwina ku tatiseka.
xip. 16. 24. & 17. 13. 1 Joh. 1. 4.
- 12 Loku hi kulaya ka mina, ka ku kasi mu ranzana, kwatsi hilezi mina nzi mu ranzileko.
xlp. 13. 34. 1 Tesa. 4. 9. 1 Pet. 4. 8. 1 Joh. 3. 11. & 4. 21.
- 13 A nga kona munhu a na nga ni kuranza ka hombe ko hunza loku, lezaku munhu a beka lahasi kuhanya kakwe hi maxaka ya yena.
xlp. 10. 11, 15. Roma 5. 7, 8. Efe. 5. 2. 1 Joh. 3. 16.
- 14 Nwina mu maxaka ya mina, loku mu maha zilo nyi mu layileko hi zona.
Mat. 12. 50. xlp. 14. 15, 23.
- 15 A nza ha mu bitani kambe aku mu zitiri; hakuba xitiri a xi zi tibi lezi zi mahiwako hi hoso ya xona: kanilezi nzi mu bitanile nzi ku

mu maxaka ; hakuba zilo zonkle nzi zizwa ka Dadani nzi mu tibisile zonkle ka nwina.

xip. 17. 26. Mit. 20. 27.

16 Nwina a mu nzi hlawulangi, kanilezi nzi mina nzi mu hlawulileko, nzi mu yimisa, lezaku mu ta famba mu trala mihanzo, ni mihanzo ya nwina yi fela ku tsama: kani yini mu ta nga mu kombela Dadani hi bito ga mina, a fela ku mu nyika.

xip. 6. 70. & 13. 18. & 14. 13. 1 Joh. 4. 10, 19. Mat. 28. 19. Marku 16. 15. Kol. 1. 6. xipm. 7.

17 Lezi zilo nza mu laya, kasi mu ranzana.

xipm. 12.

18 A tiko loku gi mu benga ma zi tiba mu ku gi rangile hi mina gi nzi benga.

1 Joh. 3. 1, 13.

19 Loku mu wa hi ba tiko, nga tiko gi ranza ga bakwe: kanilezi hi mu nga hiko ba tiko, kanilezi mina nzi mu hlawulile lomo tikweni, hikkwalaho a tiko ga mu benga.

1 Joh. 4. 5. xip. 17. 14.

20 Alakanyani mhaka leyi nzi nga yi wula ka nwina ya ku ngalo, Xitiri a hunzi hosi ya xona. Loku ba xanisile mina, ba ta mu xanisa na nwinawu kambe; loku ba wa hlayisile mhaka ya mina, nga ba hlayisa ni ya nwina kambe.

Mat. 10. 24. Luka 6. 40. xip. 13. 16.

21 Kanilezi zilo zonkle ba ta zi maha ka nwina hi kota ya

bito ga mina, hakuba a ba mu tibi loyi a nzi rumileko.

Mat. 10. 22. & 24. 9. xip. 16. 3.

22 Loku nzi wa nga tangi nzi ta kanela ka bona, nga ba nga onhang: kanilezi makunu a ba hi ni ku ti pendla kuonheni ka bona.

xip. 9. 41. Roma 1. 20. Jam. 4. 17.

23 Loyi a nzi bengago wa benga ni Dadani wa mina kambe.

1 Joh. 2. 23.

24 Loku nzi wa nga mahangi xikari kabye mitiro yi nga mahiwangiko hi munwani, nga ba nga onhang: maku nu ba wonile ba ba benga mina ni Dadani wa mina.

xip. 3. 2. & 7. 31. & 9. 32.

25 Kanilezi lexi xi maheka, kasi ku fela ku tatiseka mhaka leyi yi tsalilweko nayweni wabye, yiku, Ba nzi benga mahala.

26 Kanilezi loku a cikele Munengelisi, nzi ta nga mu rumela ka nwina hi le ka Dadani, Moya wa zinene, wu humako hi ka Dadani, wu ta nga maha wukustumunyu ga mina:

Luka 24. 49. xip. 14. 17, 26. & 16. 7, 13. Mit. 2. 33. 1 Joh. 5. 6.

27 Na nwina kambe mu maha wukustumunyu, hakuba mu wa hi na mina hi kusan guleni.

Luka 1. 2. & 24. 48. Mit. 1. 8, 21, 22. & 2. 32. & 3. 15. & 4. 20, 33. & 5. 32. & 10. 39. & 13. 31. 1 Pet. 5. 1. 2 Pet. 1. 16. 1 Joh. 1. 1, 2.

XIIMO 16.

1 Lezi zilo nzi lo zi kanela ka nwina, kasi mu fela ku ka-

- la mu nga ku ngubanyeki-swi.
Mat. 11. 6. & 24. 10. & 26. 31.
- 2 Ba ta mu humesa masinagogeni: ina, xa hata xikati, laho loyi a mu dayako a ta nga alakanya ku ngalo wa nyika kukozela ka Nungungulu.
xip. 9. 22, 34. & 12. 42. Mit. 8. 1. & 9. 1. & 26. 9, 10, 11.
- 3 Lezi zilo ba ta zi maha, hakuba ba nga mu tibangiko Dadani, na mina.
xip. 15. 21. Roma 10. 2. 1 Kor. 2. 8. 1 Tim. 1. 13.
- 4 Kanilezi lezi zilo nzi zi wulawulile ka nwina, kasi loku xi cikela xikati xa bona, mu fela ku xi alakanya ku ngalo, nzi wa mu byelile. Ni lezi zilo a nzi wulangi ka nwina hi ka kusanguleni, hi lezi nzi wa hi na nwina.
xip. 13. 19. & 14. 29. Mat. 9. 15.
- 5 Kanilezi makunu nziya ka loyi a nzi rumileko; i haba ka nwina a nzi wutisako aku, U ya kwihi?
xip. 7. 33. & 13. 3. & 14. 28. xipm. 10, 16.
- 6 Kanilezi hi kota ya lezi nzi kaneleko lezi zilo ka nwina, wusiwana gi tatisile timbilu ta nwina.
xip. 14. 1. xipm. 22.
- 7 Ahemba nza mu byela zine-ne; Zi mu sasekele nwina lezaku mina nzi famba: hakuba loku nzi nga fambi, Munengelisi a nga tata ka nwina; kanilezi loku nzi famba, nzi ta mu rumela ka nwina.
xip. 7. 39. & 14. 16, 26. & 15. 26. Mit. 2. 33. Efe. 4. 8.
- 8 Na yena, loku a cikele, i ta pimisa tiko hi kuonha, ni kululama, ni kulamula:
- 9 Hi kuonha, hakuba a ba kolwi hi mina;
Mit. 2. 22-37.
- 10 Hi kululama, hilezi nza famba nzi ya ka Dadani, mu nga ha ta nzi wona kambe;
Mit. 2. 32. xip. 3. 14. & 5. 32.
- 11 Hi kulamula, hilezi hosana ya legi tiko yi lamulwe.
Mit. 26. 18. Luka 10. 18. xip. 12. 31. Efe. 2. 2. Kol. 2. 15. Heb. 2. 14.
- 12 Nza ha hi ni zilo zi nyingi ku zi kanela ka nwina, kanilezi a mu koti ku zi pima makunu.
Marku 4. 33. 1 Kor. 3. 2. Heb. 5. 12.
- 13 Ahemba lezo wona, Moya wa zinene, loku wu cikele, wu ta mu gonzisa zinene zonkle: hakuba wu nga ta ti wulawulela wona wutsumbu; kanilezi ni zihi zilo wu ta nga zizwa, zona wu ta zi kanela: wu mu byela lezi zilo zi ta ngata.
xip. 14. 17, 26. & 15. 26. 1 Joh. 2. 20, 27.
- 14 Wu ta nzi dumisa: hakuba lezi zi nga za mina, wu mu byela zona.
- 15 Zilo zonkle a nga nazo Dadani hi za mina: hikwalaho nzi te ngalo, wu teka za mina, wu mu byela zona.
Mat. 11. 27. xip. 3. 35. & 13. 3. & 17. 10.
- 16 Hi katanyana xi tsongwanyani mu nga ta nzi wona kambe; hi xikatanyana xi tsongwanyani kambe, mu ta nzi wona.
xip. 7. 33. & 13. 3, 33. & 14. 19. xipm. 10, 28.
- 17 Hikwalaho banwani ba ba-

- pizani bakwe baku munwani ni munwani, Xini lexi a xi wulawulako ka hina aku, Hi xikatanyana xi tsongwanyani mu nga ta nzi wona kambe; na hi xikatanyana xi tsongwanyani kambe, mu ta nzi wona: kambe, Hakuba nziya ka Dadani?
- 18 Hikwalaho baku ngalo, Xi yini lexi a xi wulawulako aku, Hi xikatanyana? A hi zi tibi lezi a zi wulawulako.
- 19 Jesu i lo pima lezaku ba laba ku mu wutisa, aku ngalo kabye, Mu wutisana hilezi ke, nzi nga zi wulawula nzi ku, Hi xikatanyana xi tsongwanyani, mu nga ta nzi wona, hi xikatanyana xo tsongwanyani kambe, mu ta nzi wona?
- 20 Hizinene, hizinene, nzi ku ka nwina, mu ta rila mu maha hlomulo, kanilezi a tiko gi ta nengela: mu ta xaniseka, kanilezi kuxaniseka ka nwina ku ta hunzuluswa kutsakeni.
- 21 A wasati loku a ha lunwa wa xaniseka, hakuba xi cikele xikati xakwe: kanilezi laha na belekile xinwanana, a nga ha ku alakanyi kambe ku bayisa, hi kunengela hakuba munhu tralilwe tikweni.
- 22 Hikwalaho nwina makunu mu na ni kuxaniseka: kanilezi nzi ta mu wona kambe, ni mbilu ya nwina yi ta tsaka, ni kutsaka ka nwi-
- na i haba loyi a ta nga ku teka ka nwina.
xipm. 6. Luka 24. 41, 52. xip. 14. 1, 27. & 20. 20. Mit. 2. 46. & 13. 52. 1 Pet. 1. 8.
- 23 Hi lego siku a mu nga nzi wutisa cumo. Hizinene, hizinene, nzi ku ka nwina, Loku mu kombela xilo ka Dadani hi bito ga mina, i ta mu nyika xona.
Mat. 7. 7. xip. 14. 13. & 15. 16.
- 24 Ku kala lezi a mu se ku kombela xilo hi bito ga mina: kombelani, mu ta amukela, kasi kunengela ka nwina ku fela ku tatiseka.
xip. 15. 11.
- 25 Lezi zilo nzi zi kanele ka nwina hi mifananiso: xikati xa hata, laho nzi ta nga kala nzi nga wulawuli ka nwina kambe hi mifananiso, kanilezi nzi ta mu byela kwatsi hi Dadani.
- 26 Hi lego siku mu ta kombela hi bito ga mina: a nzi wulawuli ka nwina nzi ku, nzi ta mu kongelela ka Dadani;
xipm. 23.
- 27 Hakuba Dadani yena nwi-nyi wa mu ranza, hakuba mu nzi ranzile, mu kolilwe lezaku nzi tile hi ka Dadani.
xip. 3. 13. & 14. 21, 23. & 17. 8. xipm. 30.
- 28 Nzi humele hi ka Dadani, nzi tile misabeni: kambe, Iza siya misaba, nziya ka Dadani.
xip. 13. 3.
- 29 Bapizani bakwe baku, Languta, makunu wa wulawula ziku dlu, a wa ha wulawuli hi mifananiso.

30 Makunu ha zi tiba hiku wena wa zi tiba zilo zonkle, a ku labi lezaku munhu aku wutisa: hi ka lexi ha kolwa ku ngalo wena u humele hi ka Nungungulu.

xip. 17. 8. & 21. 17. xipm. 27.

31 Jesu i lo ba hlamula aku, Ma kolwa makunu ke?

32 Langutani, xikati xa hata, ina, xi cikele, laho mu ta nga hangalaka, loyi munhu ni loyi aya kaya ka yena, mu ta nzi siya nzoce: hambu zona a nzi nzoce, hakuba Dadani i na mina.

Mat. 26. 31. Marku 14. 27. xip. 8. 29. & 14. 10, 11. & 20. 10.

33 Lezi zilo nzi zi wulawulile ka nwina, lezaku ka mina mu fela ku kuma kurula. Tikweni mu ni kukarateka: kanilezi tiyisani; nzi hlulile tiko.

xip. 14. 1, 27. & 15. 19, 20, 21. Roma 5. 1. & 8. 37. Efe. 2. 14. Kol. 1. 20. 2 Tim. 3. 12. 1 Joh. 4. 4. & 5. 4.

XIIMO 17.

1 Lezi zilo Jesu i lo zi kanela; na klakusa mahlo yakwe le tilweni, aku ngalo, Dadani, xikati xi cikele; dumisa Nwana wa wena, kasi a Nwana a fela a ku ku dumisa:

xip. 12. 23. & 13. 32.

2 Kota lezi u mu nyikileko ntamo hehla ka nyama yonkle, lezaku kani hi wihi u mu nyikileko, ka bona a fela ku ba nyika kuhanya ka kupinzuka.

Mat. 11. 27. & 28. 18. xip. 3. 35. & 5. 27. & 6. 37. 1 Kor. 15. 25, 27. Fil. 2. 10. Heb. 2. 8. xipm. 6, 9, 24.

3 Loku hi kuhanya ka kupinzuka, lezaku ba nga mu tiba wena Nungungulu we ce wa zinene, ni Jesu Kristu loyi u mu rumileko.

1 Kor. 8. 4. 1 Tesa. 1. 9. xip. 3. 34. & 5. 36, 37. & 6. 29 57. & 7. 29. & 10. 36. & 11. 42.

4 Nzi ku dumisile misabeni, na mbetile tiro lowu u nga nzi nyika wona ku wu mahaha.

xip. 4. 34. & 5. 36. & 9. 3. & 13. 31. & 14. 13, 31. & 15. 10.

5 Makunu, O Dadani, nzi dumise wena wece wutsumbu hi kudumisa loku nzi nga hi nako ka wena na gi nga hi kona tiko.

xip. 1. 1, 2. & 10. 30. & 14. 9. Fil. 2. 6. Kol. 1. 15, 17. Heb. 1. 3, 10.

6 Nzi wonkelisile bito ga wena ka banhu laba u nga nzi nyika tikweni: ba wa hi ba wena, u ba nyikile ka mina; ba yi hlayisile mhaka ya wena.

xip. 6. 37, 39. & 10. 29. & 15. 19. xipm. 2, 9, 11.

7 Makunu ba zi tiba ku ngalo zilo zonkle u nzi nyikileko zita hi leyo ka wena:

8 Hakuba timhaka leti u nga nzi nyika nzi ti nyikile ka bona; ba ti amukele, ba zi tiba hizinene ku ngalo nzi tile hi leyo ka wena, ba kolwa lezaku u nzi rumile.

xip. 8. 28. & 12. 49. & 14. 10. & 16. 37, 30. xipm. 25.

9 Nza ba kongelela: a nzi kongeleli tiko, kanilezi nzi kongelela laba u nzi nyikileko; hilezi ba nga ba wena:

1 Joh. 5. 19.

10 Ni zilo zonkle zi nga za mina hi za wena, ni za wena

hi za mina: nza dumiswa hi zona.

xlp. 16. 15.

11 Mina a nza ha hi tikweni kambe, bona ba ha hi tikweni, nzita ka wena. Dadani wo basa, ba hlayise hi bito ga wena laba u nzi nyikileko, kasi ba fela ku tsama munwe, kwatsi hi hina hi nga munwe.

xlp. 10. 30. & 13. 1. & 16. 28. 1 Pet. 1. 5. Jude 1. xipm. 21, &c.

12 Na ha hi nabo, nzi lo ba hlayisa hi bito ga wena laba u nzi nyikileko: nzi lo ba hlayisa, a ku na munwe wa bona a lahlekileko, saseka nwana wa ku lahlwa; kasi ku fela ku tatiseka kutsala. xlp. 6. 39, 70. & 10. 28. & 13. 18. & 18. 9. Heb. 2. 13. 1 Joh. 2. 19. Mit. 1. 20.

13 Kanilezi nzata ka wena; ni lezi zilo nza zi kanela tikweni, kasi ku nengela ka mina ku fela ku tatiseka ka bona.

14 Nzi ba nyikile mhaka ya wena; a tiko gi lo ba benga, hakuba a hi ba tiko, kota mina nzi nga hi ko wa tiko.

xipm. 8, 16. xlp. 8. 23. & 15. 18, 19. 1 Joh. 3. 13.

15 A nzi kombeli ku ngalo u ba susa tikweni, kanilezi kasi u fela ku ba hlayisa ka loyi wo biha.

Mat. 6. 13. Gal. 1. 4. 2 Tesa. 3. 3. 1 Joh. 5. 18.

16 A hi ba tiko, kota mina nzi nga hi ko wa tiko.

xipm. 14.

17 Ba basise zineneni: a mhaka ya wena hi zinene.

xlp. 8. 40. & 15. 3. Mit. 15. 9. Efe. 5. 26. 1 Pet. 1. 22.

18 Kota lezi u nga nzi ruma ti-

[Sheetwa]

84

kweni, lezo nza lo ba ruma tikweni.

xlp. 20. 21.

19 Hi kota ya bona nza basisa wutsumbu ga mina, kasi bona wutsumbu ba fela ku basiswa kambe zineneni.

1 Kor. 1. 2, 30. 1 Tesa. 4. 7. Heb. 10. 10.

20 A nzi kongeleli laba boce, kanilezi kambe laba ba kolwako ka mina hi kota ya mhaka yabye;

21 Hakuba bonkle ba fela ku tsama munwe; kwatsi hi wena, Dadani, u nga nzeni ka mina, na mina nzeni ka wena, kasi na bona ba fela ku tsama nzeni ka hina: a tiko gi fela ku kolwa ku ngalo u nzi rumila.

xlp. 10. 16, 38. & 14. 11. xipm. 11, 22, 23. Roma 12. 5. Gal. 3. 28.

22 Ni wukosi legi u nga nzi nyika nzi gi nyikile ka bona; ba fela ku tsama munwe, kota hina hi nga munwe;

xlp. 14. 20. 1 Joh. 1. 3. & 3. 24.

23 Mina nzi kona nzeni ka bona, na wena u nzeni ka mina, kasi ba fela ku mbelela kunwe; kasi a tiko gi fela ku zi tiba ku ngalo u nzi rumile, ni ku u ba ranzile, kota lezi u nga nzi ranza.

Kol. 3. 14.

24 Dadani, laba u nzi nyikileko, nza ranza lezaku, laha nzi nga kona, na bona kambe ba fela ku tsama kona na mina; kasi ba fela ku wona wukosi ga mina, u nzi nyikileko: hakuba u lo

nzi ranza na yi nga se ku mahiwa misaba.

xip. 12. 26. & 14. 3. 1 Tesa. 4. 17. xipm. 5.

25 Dadani wa kululama, a tiko a gi ku tibangi wena, kani-lezi mina nzi lo ku tiba; ni laba ba lo zi tiba ku ngalo u nzi rumile;

xip. 7. 29. & 8. 55. & 10. 15. & 15. 21. & 16. 3. 27. xipm. 8.

26 Nzi ba tibisile bito ga wena, nzi ta gi tibekisa; kasi kuranza loku u nga nzi ranza ha kona ku fela ku tsama nzeni ka bona, na mina nzeni ka bona.

xip. 15. 9, 15. xipm. 6.

XIPIMO 18.

1 Laha Jesu na kanele leti timhaka, i lo famba ni bapizani ba yena le klatuko wa xicongwana Kidroni, laho gi nga hi kona simu, i lo engena kona, wutsumbu gakwe ni bapizani ba yena.

Mat. 26. 36. Marku 14. 32. Luka 22. 39.

2 Makunu Judasi kambe, loyi a nga mu nyikela, i wa gi tiba lego wutsamo: hakuba Jesu i wa lo tolobela kuya kona ni bapizani ba yena.

Luka 21. 37. & 22. 39.

3 Zonake Judasi, na amukele a klawwa wa bakasadoro, ni zigela ka bapristi ba hombe ni ba Farisi, ba ta laho ni tikandiya ni zihlahle na ba hlomile.

Mat. 26. 47. Marku 14. 43. Luka 22. 47. Mit. 1. 16.

4 Hikwalaho na Jesu, na zi tiba zilo zonkle zi ta ngata hehla ka yena, i lo huma, a ku ka bona, Mu laba mani?

5 Ba lo mu hlamula baku, Jesu wa Nazareta. Jesu aku ka bona, Nzi mina yena. Ni Judasi kambe, loyi a nga mu nyikela, i wa yimile nabo.

6 Hikwalaho laha na wulawulile ka bona ku ngalo, Nzi mina yena, ba lo hlehla hi le nzako, ba su gangatsala lahasi misabeni.

7 Hikwalaho i lo ba wutisa kambe aku, Mu laba mani? Baku ngalo, Jesu wa Nazareta.

8 Jesu i lo hlamula aku, Nzi mu byelile nzi ku nzi mina yena: hikwalaho loku mu laba mina, ba tsikenile laba ba ti fambela ndleleni ya-bye:

9 Kasi ku fela ku tatiseka mhaka leyi a nga yi wulawula, Labo u nzi nyikileko a nzi lahlangi ni munwe.

xip. 17. 12.

10 Hikwalaho Simoni Petro i wa hi ni supado, a yi hlomula i loba xitiri xa mupristi wa hombe, a tsema ndlebe ya xona ya xinene. Makunu a bito ga xitiri hi wa Malkusi.

Mat. 26. 51. Marku 14. 47. Luka 22. 49, 50.

11 Jesu hikwalaho a ku ngalo ka Petro, Beka supado kotelweni wa yona: a kopo leyi a nzi nyikileko Dadani, nzi nga yinwi ke?

Mat. 20. 23. & 26. 39, 42

12 Zalezo a bandla ni nduna ya hombe, ni manganakana

- ya ba Juda, ba mu koma Jesu ba mu boha,
- 13 Ba mu yisa ka Ananiasi ku-sangula; hakuba i wa hi mukonwana wa Kaiafasi a nga hi mu pristi wa hombe lego lembe.
Mat. 26. 57. Luka 3. 2.
- 14 Makunu Kaiafasi i wa hi yena loyi a nga laya ba Juda hi ku ngalo, ku fanele lezaku munhu munwe a fele banhu.
xipm. 24. xip. 11. 50.
- 15 Simoni Petro i lo lanzela Jesu, a maha lezo munwani mupizani. Loye mu pizani i wa tibiya ka mupristi wa hombe, a engena na Jesu hubyeni ya mu pristi wa hombe;
Mat. 26. 58. Marku 14. 54. Luka 22. 54.
- 16 Kanilezi Petro i wa yimile la nyangweni hi lehandle. Makunu munwani mupizani i wa kari a tibiya hi mupristi wa hombe, a humu a wulawula ni loyi a rinzelako nyangwa, a engenisa Petro.
Mat. 26. 69. Marku 14. 66. Luka 22. 54.
- 17 Hikwalaho a nhwana loyi a rinzelako laha nyangweni a ku ka Petro, Na wena u mupizani wa loyi munhu ke? Aku, a nzi yena.
- 18 Makunu zitiri ni manganakana ba wa yimile kwalaho, na ba nzibele nzilo wa makala; hakuba ku wa hi xirami; ni Petro kambe i wa hi nabo na a yimile a ti orisa.
- 19 A mupristi wa hombe hi kwalaho, i lo wutisa Jesu hi bapizani bakwe, ni ku gonzisa ka yena.
- 20 Jesu i lo mu hlamula aku, Nzi wulawulile ku baseni tikweni; nzi wa gonzisa masinagogeni, ni lomu tempeleni, laha ba tsombanako kona ba Juda bonkle; a nzi wulawulangi cumo kufi hlaleni.
Mat. 26. 55. Luka 4. 15. xip. 7. 14, 26, 28. & 8. 2.
- 21 Hi yini u wutisako mina? wutisa laba ba nzi zwileko, lezi nzi kanela ka bona: languta, laba ba zi tiba a zilo nzi nga kanela.
- 22 Laha na wulawulile lexi, munwe wa manganakana a nga yimile a pakata Jesu hi canja gakwe, aku, Wena u hlamula mupristi wa hombe kota lezo ke?
Mit. 23. 2.
- 23 Jesu i lo mu hlamula aku, Loku nzi wulawulile kubiha, maha kustumunyu wa loko kubiha: kanilezi loku nzi wulawulile kwatsi, hi yini u nzi pakatako?
- 24 Hikwalaho Anasi a mu rumela na bohilwe ka Kaiafasi mupristi wa hombe.
Mat. 26. 57.
- 25 Makunu Simoni Petro i wa yimile na ti orisa. Hikwalaho baku ngalo kakwe, Na wena u munwe wa bapizani ba yena ke? I wa kaneta, aku ngalo, A nzi yena.
Mat. 26. 69, 71. Marku 14. 69. Luka 22. 58.

26 Munwani wa zitiri za mu-
pristi wa hombe, na ga loyi
Petro a nga tsema ndlebe
yakwe, aku, Nzi wa nga ku
wonangi naye le sinwini
ke?

27 Petro hikwalaho i lo kaneta
kambe: lokuloku a nkuku
wu yimba.

Mat. 26. 74. Marku 14. 72. Luka 22.
60. xip. 13. 38.

28 Hikwalaho ba koka Jesu
le ka Kaiafasi baya preto-
ria: yi wa hi mixo ya ho-
mbe; bona wutsumbu a ba
engenangi pretoria, leza-
ku kasi ba nga bihiswa,
kanilezi ba fela kuga pa-
sika.

Mat. 27. 2, 27. Marku 15. 1. Luka 23.
1. Mit. 3. 13. & 10. 28. & 3. 11.

29 Pilatu hikwalaho i lo huma
ka bona, aku, Mu neha a
keco muni hi loyi munhu?

30 Ba lo hlamula baku ngalo
kakwe, Loyi munhu loku a
nga hi mumahi wa kuonha,
nga hi nga mu nyikelangi
ka wena.

31 Pilatu hikwalaho aku nga-
lo kabye, Mu tekeni nwina
wutsumbu, mu mu lamula
kota nayo wa nwina. Ba
Juda baku ngalo ka yena, A
ku vumelwangi hina ku da-
ya munhu:

32 Kasi mhaka ya Jesu yi fela
ku tatiseka, a nga yi wula-
wula, na wonisa kufa a ta
ngafa ha kona.

Mat. 20. 19. xip. 12. 32, 33.

33 Pilatu hikwalaho i lo enge-

na kambe pretoria, i lo bita-
na Jesu, aku ngalo ka yena,
Hi wena Hosi ya ba Juda
ke?

Mat. 27. 11.

34 Jesu i lo hlamula aku, U
wulawula lexi wena wutsu-
mbu, kutani u lo byelwa hi
banwani hi kota ya mina?

35 Pilatu i lo hlamula aku, Nzi
mu Juda mina ke? Lixaka
la wena ni bapristi ba ho-
mbe ba ku nyikela ka mi-
na: xini u xi mahileko
ke?

36 Jesu i lo hlamula aku, Mu-
fumo wa mina a hi wa legi
tiko: loku mufumo wa mi-
na wu wa hi wa tiko, zo-
nake malanza ya mina
nga malwa, lezaku kasi
nzi nga nyikelwi ka ba
Juda: kanilezi mufumo
wa mina a wu suki hi
laha.

1 Tim. 6. 13. Luka 12. 14. xip. 6. 15. &
8. 15.

37 Pilatu hikwalaho aku ngalo
ka yena, U Hosi ke? Jesu
i lo hlamula aku, Wa wula-
wula wena u ku nzi hosi.
Ka loku kugumelwa nzi tra-
lelwe lezi, hi kwa loku ku-
gumelwa nzi tile tikweni,
kasi nzi maha kustumunyu
wa zinene. Bonkle laba ba
nga zinene ba gizwa gezu
ga mina.

xip. 8. 47. 1 Joh. 3. 19. & 4. 6.

38 Pilatu aku ka yena, Hi yini
zinene?

Na wulawulile lexi, i lo
huma kambe aya ka ba Ju-

da, aku ka bona, A nzi ku-mi nanzu ka yena.

Mat. 27. 24. Luka 23. 4. xip. 19. 4, 6.

- 39 Kanilezi mu ni kuwu, wa ku ngalo nzi ta mu *klaklela* munwe hi pasika: hikwalaho mu ranza lazaku nzi mu *klaklela* Hosi ya ba Juda ke?

Mat. 27. 15. Marku 15. 6. Luka 23. 17.

- 40 Hikwalaho ba lo bitana kambe, baku, A hihi loyi munhu, kanilezi Barabasi. Makunu Barabasi i wa hi mupangi.

Mit. 3. 14. Luka 23. 19.

XIIMO 19.

- 1 Zonake Pilatu a mu teka Jesu, i lo muba.

Mat. 20. 19. & 27. 26. Marku 15. 15. Luka 18. 33.

- 2 Ni ba kasadoro ba luka *xi-dlodlo* xa mizwa, ba *xi rwe-xa* hlokweni yakwe, ba lo mu ambexa nguwo ya *xi-wunguwungu*; bata ka yena,

- 3 Baku ngalo, Xewe, Hosi ya ba Juda! ba mu pataka hi mandla yabye.

- 4 Pilatu i lo huma kambe, aku ka bona, Mangabye, nzi mu humesile ka *nwina*, kasi mu fela ku zi tiba ku ngalo a nzi kumangi nanzu ka yena.

xip. 18. 38. xipm. 6.

- 5 Jesu hikwalaho i lo huma, na ambele *xdlodlo* xa mizwa ni nguwo ya *xiwunguwungu*. Pilatu aku kabye, Langutani, loyi munhu!

- 6 Hikwalaho laha bapristi ba hombe ni manganakana, na

ba mu wonile, ba bitana, baku, Mu belele, mu belele. Pilatu a ku kabye, Mu tekeni *nwina* wutsumbu, mu mu belele: hilezi a nzi ku-mi nanzu ka yena.

Mit. 3. 13.

- 7 Ba Juda ba lo mu hlamula, Hina ni nayo, hi kota ya lowo nayo i yimelwe hi kufa, hakuba i ti maha Nwana wa Nungungulu.

Mat. 26. 65. xip. 5. 18. & 10. 33.

- 8 Pilatu hikwalaho na zwile leyi mhaka, i lo caba ngu-vu;

- 9 I lo engena kambe pretoria, aku ka Jesu, Uta hi kwihi? Kanilezi Jesu a nga mu hlamulangi.

Mat. 27. 12, 14.

- 10 Pilatu hikwalaho aku ka yena, A ku wulawuli ka mina ke? a ku zi tibi ku ngalo nzi na ni ntamo ku ku *klakla*, nzi na ni ntamo ku kubelela ke?

- 11 Jesu i lo mu hlamula aku, A ku na ntamo hehla ka mina, saseka loku ku nyikilwe ka wena hi le hehla: hikwalaho loyi a nzi nyikeleko ka wena i na ni kuonha ka hombe.

Luka 22. 53. xip. 7. 30.

- 12 Hi ka lexi Pilatu a laba ku mu *klakla*: kanilezi ba Juda ba bitana, baku, Loku u *klakla* loyi munhu, a ku xaka ga Kesari: ywaloyi a ti mahako hosi a kanela Kesari.

Luka 23. 2. Mit. 17. 7.

- 13 Pilatu hikwalaho laha na

- zwile leti timhaka, i lo humesa Jesu lahandle, i lo tsama xitsanweni xa kulamula wutsanweni gi bitwako gi Gandlilwe hi maribye, kanilezi hi xi Heberu, Gabata.
- 14 Makunu ku wa hi Kulongisela pasika: xi wa hi xikati xa wunklanu ni xinwe. Aku ka ba Juda, Mangabye, Hosi ya nwina!
Mat. 27. 62.
- 15 Bona hikwalaho ba lo bitana baku, Mu suse, mu suse, mu belele. Pilatu aku ka bona, Nzi belela Hosi ya nwina ke? Bapristi ba hombe ba lo hlamula baku, A hi na hosi hambu Kesari hasi.
- 16 Zonake hikwalaho a mu nyikela kabye akuba a belelwa.
Mat. 27. 26, 31. Marku 15. 15. Luka 23. 24.
- 17 Hikwalaho ba mu teka Jesu: i lo huma, a ti rwalela xihambano yena wutsumbu, ata wutsanweni gi bitanwako ku ngalo Wutsamo ga hloko, hi xi Heberu ku ngalo Golgota:
Mat. 27. 31, 33. Marku 15. 21, 22. Luka 23. 26, 33. Heb. 13. 12.
- 18 Laha ba nga mu belele konna, ba wa belelwe naye banwani bambiri, seno ni seyi munwe, Jesu hi laha xikari.
- 19 Pilatu a tsala papilo kambe, a gi beka laha xihambanweni. A ku wa tsalilwe ku ngalo, JESU WA NAZARETA, HOSI YA BA JUDA.
Mat. 27. 37. Marku 15. 26. Luka 23. 38.
- 20 Hikwalaho legi a papilo gi gonziwa hi banyingi ba ba Juda: hakuba wutsamo legi a nga belelwe Jesu gi hi kusuhani ni muti: gi wa tsalilwe hi xa Heberu, ni Latini, ni Greki.
- 21 Hikwalaho bapristi ba hombe ba ba Juda baku ngalo ka Pilatu, U nga tsali u ku, I Hosi ya ba Juda; kanilezi, akuba, i te ngalo, Nzi Hosi ya ba Juda.
- 22 Pilatu i lo hlamula aku, Lezi nzi zi tsalileko nzi tsalile.
- 23 Hikwalaho a bakasadoro, laha na mu belele Jesu, ba teka tinguwo takwe, ba maha mune wa zipanze, kasadoro munwe ni munwani i wa hi ni xipanze; ni baji kambe: makunu a baji gi wa nga hi na nzungo, gi wa lukilwe ku suka hi le hehla kala ku gumesa.
Mat. 27. 35. Marku 15. 24. Luka 23. 34.
- 24 Hikwalaho baku ngalo, munwe ka munwani, Hi nga gi hanzuli, kanilezi a hi mahe ni tihlolo, aku gi ta maha ga mani: kasi ku fela ku tatiseka kutsala, wu ku,
Ba abelana tinguwo ta mina xakari kabywe, ni baji ga mina ba maha a kuvumba.
Hikwalaho lezi zilo bakasadoro ba lo zi maha.
- 25 Kanilezi ku wa yimile ku suhani ni xihambano xa Jesu nyine wakwe, ni maka-

bye wa nyine wakwe, Maria sati wa Klopasi, ni Maria Magdaleneni.

Mat. 27. 55. Marku 15. 40. Luka 23. 49. & 24. 18.

26 Jesu hikwalaho laha na wona nyine wakwe, ni mupizani, loyi a mu ranzako, na yimile, aku ka nyine wakwe, Wasati, languta nwana wa wena!

xip. 2. 4. & 13. 23. & 20. 2. & 21. 7, 20, 24.

27 Zonake aku ka mupizani, Languta, nyine wa wena! kusukela lexo xikati mupizani i lo mu yisa kaya kakwe.

xip. 1. 11. & 16. 32.

28 A nzako lexi Jesu, i wa zi tiba aku zilo zonkile zi mbelile, kasi ku fela kutatiseka kutsala, aku, Nzi na ni tora.

29 Laho ku wa bekilwe xibya na xi tele hi viniga: hi lezo ba lo beka kubi na gi tele hi viniga le hehla ka hisopi, ba gi neha nonwini wakwe.

Mat. 27. 48.

30 Hikwalaho Jesu na amukele viniga, aku ngalo, Ku mbetekile: a koramisa hloko yakwe, a nyika moya wakwe.

xip. 17. 4.

31 Hikwalaho ba Juda, haku ba gi wa siku go Longisela, baku a zirumbi zi nga tsami xihambanweni hi siku ga sabado (hakuba a siku ga sabado lego gi wa hi ga hombe), ba lo wutisa Pilatu akuba milenge yabye yi tso-

byiwa, kasi ba fela ku susiwa.

Marku 15. 42. xipm. 42..

32 Hikwalaho bakasadore ba lota, bata tsoba milenge ya wo sangula, ni ya munwani a nga belelwe naye:

33 Kanilezi na ba cikele ka Jesu, ba wona lezaku i wa sina file, a ba tsobangi milenge yakwe:

34 Ahemba munwe wa bakasadoro a mu hlaba a rebe hi klari, lokuloku ku kulunga nkata ni mati.

1 Joh. 5. 6, 8.

35 Loyi a nga wōna wa maha wukustumunyu, ni wukustumunyu gakwe gi nene: wa zi tiba aku wa wulawula zinene, kasi na nwina kambe ma kolwa.

36 Hakuba lezi zilo zi mahekile, kasi kutsala ka tatiseka, A rambo ga yena gi ta nga tsobyiwa.

37 Kambe kunwani kutsala kuku, Ba ta mu languta yena ba mu klabileko.

Kuv. 1. 7.

38 A nzako ka lezi zilo Josefa wa Arimatia, i wa hi mupizani wa Jesu, kanilezi kufihlalani hi kucaba ba Juka, aya wutisa ka Pilatu lezaku kasi a teka xirumbi xa Jesu: Pilatu a mu vumela. Hikwalaho yena i lota, a susa xirumbi xa yena.

Mat. 27. 57. Marku 15. 42. Luka 23. 50. xip. 9. 22. & 12. 42.

39 Ku lota kambe Nikodemusi, loyi a ngta kakwe ni wu-

siku kusangula, a neha a mure ni alosi zi patsilwe, a mapawundi ya zana hi ku ringaniswa.

xip. 3. 1, 2. & 7. 50.

- 40 Lezo ba teka xirumbi xa Jesu, ba lo xi petsela nguweni ya mure zinwe ni mipopo, kota lezi ma nga mahanyela ya ba Juda hi ku lahla.

Mit. 5. 6.

- 41 Makunu wutsanweni legi a nga belelwa kona gi wa hi kona simu; ni le sinwini wa hi kona nkele wusra lowo wo cima ku nga se ku bekiwa munhu.

- 42 Lahozonake hi kota ya Kulongisela ka ba Juda (haku ba xilahla xi wa hi ku suhani) ba lo mu beka kona Jesu.

xipm. 31.

XIPIMO 20.

- 1 Makunu hi siku go ranga ga sonto Maria Magdaleni ata ni punzu, na nga hatepu, le nkeleni, a wona ribye na gi susilwe nkeleni.

Mat. 23. 1. Marku 16. 1. Luka 24. 1.

- 2 Hikwalaho a tsutsuma, ata ka Simoni Petro, ni ka munwani mupizani, loyi a ngaranziwa hi Jesu, aku kabye, Ba yi susile Hosi nkeleni, a hi ku tibi laha ba yi bekileko kona.

xip. 13. 23. & 19. 26. & 21. 7, 20, 24.

- 3 Petro hikwalaho a huma, ni munwani mupizani, ba loya nkeleni.

Luka 24. 12.

- 4 Ba tsutsuma hi wumbiri

gabye: munwani mupizani a hunza Petro, a ranga a cikela nkeleni;

- 5 Na koroma a hlomela lomonzeni, i lo wona tinguwo ta mure na ti hi kona; kanilezi a nga engenangi lomonzeni.

xip. 19. 40.

- 6 Hikwalaho Simoni Petro ata kambe, na mu lanzela, a engena nkeleni; a wona tinguwo ta mure na hi kona,

- 7 Ni lesu, leyi yi nga hi hlokwani yakwe, na yi nga hi ni nguwo ta mure, kanilezi yi petsilwe yi bekilwe wutsamo ga yona yoce.

xip. 11. 41.

- 8 Zonake a engena ni munwani mupizani kambe, loyi a nga ranga kuta nkeleni, a wona, a kolwa.

- 9 Hakuba lezo ba wa nga se ku kutiba kutsala, ka ku ngalo i fanele ku vuka kambe hi ka bafleko.

Mit. 2. 25-31. & 13. 34, 35.

- 10 Lezo bapizani ba lo fambakaya kabye.

- 11 Kanilezi Maria i wa yimile lahandle ka nkele na a rila: lezo, na kari a rila, a korama a hlomela nzeni ka nkele;

Marku 16. 5.

- 12 I lo wona tingelosi timbiri ti ambele tobasa na ti tsamile, yinwe hi le hlokwani, ni yinwe hi le mikonzweni, laha xirumbi xa Jesu xi nga bekilwe.

13 Tona tiku ka yena, Wasati, u rilela yini? A ku ka to-na, Hilezi ba susile a Hosi ya mina, a nzi ku tibi laha ba yi bekileko kona.

14 Laha na ha wulawula lezo, a hunzuluka le nzako, i lo wona Jesu na yimile, i wa nga zi tibi ku ngalo hi Jesu.

Mat. 28. 9. Marku 16. 9. Luka 24. 16, 31. xlp. 21. 4.

15 Jesu aku ka yena, Wasati, hi yini u rilako? u laba ma-ni? Yena, na alakanya ku ngalo hi murimi, aku ka yena, Hosi, loku u mu su-sile laha, nzi byele laha u mu bekileko, nzi taya mu susa.

16 Jesu aku kakwe, Maria. A ti hunzulusa, a ku ka yena hi xi Heberu, Raboni; hi ku ngalo, Mugonzisi.

17 Jesu aku ka yena, U nga nzi komi; hakuba a nzi se ku ka nziya kuya ka Dadani: kanilezi famba ka makabye ba mina, uku ka bona, Nza kanziya ka Dadani wa mina ni Dadani wa nwina, ni Nungungulu wa mina ni Nungungulu wa nwina.

Mat. 28. 10. Roma 8. 29. Heb. 2. 11. xlp. 16. 28. Efe. 1. 17.

18 Maria Magdaleni ata a byela bapizani, Nzi wonile Hosi; ni ku mu byela ka yona lezi zilo.

Mat. 28. 10. Luka 24. 10.

19 Hikwalaho laha gambye-ni, gwalego siku, a siku go ranga ga sonto, tibati ti wa

valilwe laha bapizani ba nga hi kona, hi kucaba ba Juda, Jesu i lota i lo yima xikari, aku ka bona, Kurula a ku tsama ka nwina.

Marku 16. 14. Luka 24. 36. 1 Kor. 15. 5.

20 Na wulile lexi, a ba wonisa mandla yakwe ni rebe ga-kwe. Hikwalaho bapizani ba lo tsaka, na ba wona Hosi.

xlp. 16. 22.

21 Jesu hikwalaho aku ngalo ka bona kambe, Kurula a ku tsame ka nwina: kota Dadani a nzi rumileko, ham-bu lezo nza mu ruma nwina.

Mat. 28. 18. xlp. 17. 18, 19. 2 Tim. 2. 2. Heb. 3. 1.

22 Laha na a wulawulile lexi, a ba pupuxela, aku ka bona, Amukelani Moya wo Basa:

23 Laba zonho zabye mu zi tsetselelako, zi tsetselelwe kabye; ni laba zonho zabye mu zi komako, zi komilwe.

Mat. 16. 19. & 18. 18.

24 Kanilezi Tomasi, a tibya-ko Didimusi, munwe wa ba kume ni bambiri, i wa nga hi kona nabo kuteni ka Jesu.

xlp. 11. 16.

25 Hikwalaho banwani ba ba-pizani baku ngalo kakwe, Hi yi wonile Hosi. Kanile-zi yena aku ngalo kabye. Loku nzi nga wona timba nga ta tikoko mandleni ya-kwe, nzi engenisa titiho ta mina timbangeni ta tikoko, nzi engenisa canja ga mina

rebeni gakwe, nzi nga ta kolwa.

26 A nzako ka nklanu ni manharu wa masiku bapizani bakwe ba wa hi lomu ndlwini kambe, ni Tomasi i wa hi nabo. Jesu ata, tibati ti wa valilwe, a yima xikari, i te ngalo, Kurula aku tsame ka nwina.

27 Zonake aku ka Tomasi, Ciketa laha titiho ta wena, u wona mandla ya mina; ciketa laha canja ga wena, u gi engenisa rebeni ga mina: u nga mahi loyi a nga kolwiko, kanilezi na u kolwa.

¹ Joh. 1. 1.

28 Tomasi a hlamula aku ngalo ka yena, Hosi ya mina ni Nungungulu wa mina.

29 Jesu aku ka yena, U kolwa hilezi u nzi wonileko: ba katekisilwe laba ba kolwako na ba nga nzi wonangi.

² Kor. 5. 7. ¹ Pet. 1. 8.

30 Ni ziwoniso zi nyingi zinwani Jesu a nga zi maha mahlweni ka bapizani, zi nga tsaliwangiko ka legi buku:

xip. 21. 25.

31 Kanilezi lezi zi tsalilwe, kasi ma fela ku kolwa lezaku Jesu hi Kristu, Nwana wa Nungungulu; ni lezaku na mu kolwa mu kuma kuhanya hi bitweni ga yena.

Luka 1. 4. xip. 3. 15. 16. & 5. 24. ¹ Pet. 1. 8, 9.

XIPIMO 21.

1 A nzako lezi Zilo Jesu a ti

wonekisa kambe ka bapizani la tibeni ga Tiberiasi; a ti wonekisa wutsumbu kotisa lezi.

2 Ba wa ni wutsamo ginwe Simoni Petro, ni Tomasi a tibyako Didimusi, na Nataneli wa le ka Kana wa Galile, ni bana ba Zabedi, ni banwani bambiri ba bapizani bakwe.

xip. 1. 45. Mat. 4. 21.

3 Simoni Petro aku ka bona, Nza haya ku kuta zindluwani. Baku kakwe, Na hina kambe hi ta famba na wena. Ba huma, ba engena ngalabeni; hi lego wusiku aba komangi cumo.

4 Kanilezi na gi cile, Jesu a yima muhanzeni: hambu lezo bapizani ba wa nga zi tibi ku ngalo hi Jesu.

xip. 20. 14.

5 Jesu hikwalaho aku ka bona, Banana, mu na ni xilo xa kuga ke? Ba lo mu hlamula baku, Kokwihi.

Luka 24. 41.

6 Aku ngalo ka bona, Hoxani likoka hi le xineneni xa ngalaba, mu ta kuma. Hikwalaho ba lo li hoxa, ba wa nga koti ku li koka hi kota ya kutala ka zidluwani.

Luka 5. 4, 6, 7.

7 Hikwalaho loyi mupizani Jesu a nga mu ranza aku ka Petro, Hi Hosi. Lezo laha na Simoni Petro na zwile ku ngalo hi Hosi, a boha baji gakwe (hilezi a

nga hi xibyiri), a ti hoxa ti-beni.

xip. 13. 23. & 20. 2.

8 Kanilezi banwani bapizani ba lota hi ngalaba yi tso-ngwanyani (hilezi ba nga hi kule ni muhanza, lezo xipimo xa mazana mambiri mawoko), na ba koka liko a li teleko hi zidluwani.

9 Lezo na ba humele muhanzeni, ba wona nzilo wa makala laho, ni zidluwani na xi bekilwe hehla ka wona, ni xibaba.

10 Jesu aku ka bona, Nehani zidluwani lezi mu zi komileko lokuloku.

11 Hikwalaho Simoni Petro i loya, aya kokela muhanzeni likoka, na li tele hi zidluwani za hombe, zi hi zana ni nklanu wa makume ni zinharu: a likoka a wa nga hanzukangi, hambu lezi zi nga tele.

12 Jesu aku ka bona, Ngonani mu ta fihlula. Ku wa hi kona ni mupizani a nga tiya ku mu wutisa, Hi wena mani? na ba zi tiba ku ngalo hi Hosi.

Mit. 10. 41.

13 Jesu ata, a teka xibaba, a ba nyika, ni zidluwani kambe.

14 Makunu hi zikati zinharu Jesu na wonekiswa ka bapizani, anzako ka kuvuka hi le ka bafileko.

xip. 20. 19, 26.

15 Lezo ba fihlule, Jesu aku ka Simoni Petro, Simoni,

nwana wa Johani, wa nzi ranza ku hunza laba ke? Aku ka yena, Ina, Hosi; wa zi tiba ku ngalo nza ku ranza. Aku ka yena, Risa tiyivu ta mina.

16 Aku ka yena kambe hi ka wumbiri, Simoni, nwana wa Johani, wa nzi ranza ke? Aku ka yena, Ina, Hosi; wa zi tiba ku ngalo nza ku ranza. Aku ka yena, Risa tiyivu ta mina.

Mit. 20. 28. Heb. 13. 20. 1 Pet. 2. 25. & 5. 2, 4.

17 Aku ka yena hi ka wunharu, Simoni, nwana wa Johani, wa nzi ranza ke? Petro a xaniseka helezi a nga wulawula ka yena kunharu, Wa nzi ranza ke? Aku ngalo ka yena, Hosi, wa zi tiba zilo zonkle; wa zi tiba ku ngalo nza ku ranza. Jesu aku ka yena, Risa tiyivu ta mina.

xip. 2. 24, 25. & 16. 30.

18 Hizinene, hizinene, nzi ku ka wena, Na wa hi mura, u wa ti boha wutsumbu, wa ya laha u nga ku laba: kanilezi laha u ta nga maha wakale, u ta tsambuluta mandla ya wena, ni munwani i ta ku boha, a ku yisa laha u nga ku labiko.

xip. 13. 36. Mit. 12. 3, 4.

19 Makunu i lo wulawula lexi, na wonisa kufa loku a ta nga dumisa ha kona Nungungulu. Na wulawulile lexi, aku ka yena, Nzi lanzele.

2 Pet. 1. 14.

20 Petro, na hunzuluka, a wona mupizani loyi a nga mu ranza Jesu na lanzela; loyi a nga kegele xifubeni xa yena laha kugeni, a ngaku, Hosi, himani a ku nyikela-ko?

xip. 13. 23. 25. & 20. 2.

21 Hikwalaho Petro na mu wona aku ka Jesu, Hosi, xana loyi i ta maha yini?

22 Jesu aku ka yena, Loku nzi zi ranza a tsame kala nzita, xi yini lexo ka wena? nzi lanzela wena.

Mat. 16. 27, 28. & 25. 31. 1 Kor. 4. 5. & 11. 26. Kuv. 2. 25. & 3. 11. & 22. 7, 20.

23 Loku kuwulawula ku huma xikari ka bamakabye, lezaku loye mupizani a nga tafa! lezo Jesu i wa nga

wulangi ka yena, aku a nga tafa; kanilezi, Loku nzi ku ngalo a tsame kala nzita, xi yini lexo ka wena?

24 Loyi hi yena mupizani a mahako wukustumunyuwa lezi zilo, a nga tsala lezi zilo: ha zi tiba wukustumunyu ga yena gi nene.

xip. 19. 35. 8 Joh. 12.

25 Kambe zi kona zilo zi nyi-
ngi Jesu a nga zi maha, le-
zaku loku zi nga tsaliwa
zonkilelele, nza alakanya le-
zaku a tiko wutsumbu a
gi na ku enela a mabuku
laya ma nga ta nga ma tsa-
lilwe.

xip. 20. 30.

A MITIRO YA BAPOSTOLI.

XIPIMO 1.

1 A buku go sangula nzi gi tsalile, O Teofilu, hi lezo zonkile Jesu a nga rangula ku zi maha ni ku zi gonzisa,

Luka 2. 3.

2 Ku kala lego siku a nga amukelwa le hehla, a nza ka kunyika ka kulaya hi Moya wa ku Basa ka bapostoli laba a ba hlawulileko:

Marku 16. 15, 19. Luka 9. 51. & 24. 51.
xipm. 9. 1 Tim. 3. 16. Mat. 28. 19.
Joh. 20. 21. xip. 10. 41, 42.

3 Ka bona i lo ti wonisa na a hanya a nzako ka kuxani-

seka ka yena hi ziwoniso zo tala, na a woneka ka bona a xipimo xa mune wa makume ya masiku, na a wulawula zilo za mufumo wa Nungungulu:

Marku 16. 14. Luka 24. 36. Joh. 20. 19, 26. & 21. 1, 14. 1 Kor. 15. 5.

4 Laha a nga wa tsombene nabo katiginwe, i lo ba laya ku kala ba nga suki Jerusalema, kanilezi a ku rinzela a tsumbiso wa Dadani, lowu, i loku, a nga ku mu wu zwile ha mina:

Luka 24. 43, 49. Joh. 14. 16, 26, 27. & 15. 26. & 16. 7. xip. 2. 33.

- 5 Hakuba Johani ha kunene i lo bapatiza hi mati; kani-
lezi *nwina* mu ta bapatizwa
hi Moya wa ku Basa a hi
masiku yo tala cima ka lezi.
Mat. 3. 11. xip. 2. 4. & 11. 15, 16. &
19. 4.
- 6 Hikwalaho bona, laha ba
nga wa tsombene katigi-
nwe, ba lo mu wutisa, ba-
ku, Hosi, u ta wuyisela hi
lexi xikati a mufumo wa
Israeli ke?
Mat. 24. 8.
- 7 Yena a ku ngalo kabye, A
hi ka *nwina* ku tiba zikati
ni tinguba, lezi Dadani a ti
yimiseleko le ntanweni wa
yena.
Mat. 24. 36. Marku 13. 32. 1 Tesa. 5. 1.
- 8 Kanilezi *nwina* mu ta amu-
kela a ntamo, laha na Mo-
ya wa ku Basa wu tile he-
hla ka *nwina*: *nwina* mu
ta maha bakustumunyu ba
mina le Jerusalema ni le
Judia gonkle ni le Samaria,
ni kwaleyo magumelweni
ya misaba.
xip. 2. 1, 4, 32. Luka 24. 48, 49. Joh.
15. 27. xipm. 22.
- 9 Ni laha a nga wa kanele le-
zi zilo, kota ba nga wa cu-
wuka, i lo kamukelwa le
hehla; ni refu gi lo mu
amukela mahlweni yabye.
Luka 24. 51. Joh. 6. 62. xipm. 2.
- 10 Kota lezi ba nga ha cuwu-
kisisa le tilweni kota a nga
wa famba, languta, a mado-
ta mambiri ma lo yima laho
na ma ambele a tinguwo to
basa;
Mat. 28. 3. Marku 16. 5. Luka 24. 4.
Joh. 20. 12. xip. 10. 3, 30.
- 11 Ba ku ngalo, *Nwina* madota
ya le Galile, hi yini mu yi-
mileko na mu cuwuka le
tilweni ke? loyi Jesu, loyi a
mu amukeleko hi le ka *nwi*-
na le hehla le tilweni i zi
ngaho i ta tisa zalezo kota
mu mu wonileko na aya
tilweni.
xip. 2. 7. & 13. 31. Mat. 24. 30. Ma-
rku 13. 26. Luka 21. 27. Joh. 14. 3.
1 Tesa. 1. 10. & 4. 16. 2 Tesa. 1. 10.
Kuv. 1. 7.
- 12 Zonake ba lo wuya bona
Jerusalema hi le xitsunge-
ni xi tibyako ma Olivia,
lexi xi nga kusuhani ni Je-
rusalema, i pfuka wa ku fa-
mba hi sabado.
Luka 24. 52.
- 13 Ni laha bona ba nga wa
engenile, ba loya ndlwini
ya le hehla, laho ba nga wa
tsama kona; zinwe na ba
Petro na Johani na Jamesi
na Andreu, Filipu ni Tomas, i
Bartolome na Mateu, na Ja-
mesi a *nwana* wa Alfeu, na
Simoni mu Zealoti, na Ju-
dasi a *nwana* wa Jamesi.
Luka 6. 15. xip. 9. 37, 39. & 20. 8. Mat.
10. 2, 3, 4. Jude 1.
- 14 Laba bonkle hi mbilu yinwe
ba lo simamisa kukombe-
ni, zinwe ni ba basati, ni
Maria nyine wa Jesu, ni ba-
makabye bakwe.
xip. 2. 1, 46. Luka 23. 49, 55. & 24. 10.
Mat. 13. 55.
- 15 Hi lawo masiku Petro i lo
yima xikari ka bamakabye,
a ku ngalo (ni laho ku wa
hi kona a xidlema xa banhu
xi nga tsombene katiginwe,

ba nga wa hi zana ni maku-
me mambiri),

Kuv. 3. 4.

- 16 Bamakabye, zi wa labekile
lezaku a mitsalo wu tatise-
ka, lowu a Moya wo Basa
wu nga kanela hi mahlweni
hi nomu wa Davida ha Ju-
dasi, loyi a nga rangela bo-
na laba ba nga teka Jesu.

Joh. 18. 18. & 18. 3. Luka 22. 47.

- 17 Hakuba yena i wa hlayelwe
ka hina, i lo amukela a xi-
yabelo xakwe xa kukozela
loku.

Mat. 10. 4. Luka 6. 16. xipm. 25. xip.
12. 25. & 20. 24. & 21. 19.

- 18 (Makunu loyi munhu i lo
xaba a simu hi cacazelo wa
kubiha kakwe; na awa hi
hloko, a pulakanyeka hi la-
ha xikari, ni marumbu ya-
kwe yonkle ma lo halaka.

Mat. 27. 5, 7, 8. & 26. 15. 2 Pet. 2. 15.

- 19 Zi lo tibyiwa hi bonkle laba
ba akileko le Jerusalema;
kota lezi hi lirimi labye legi
simu gi tibyiwa Akeldama,
loko ku hi ku ngalo, I simu
ya nkata.)

- 20 Hakuba ku tsalilwe bukwi-
ni ga Tisimu,

Yindlu yakwe a yi mahe
a xiwunza, nga ni munhu
a nga aki ka yona:

ni,

Wutsamo gakwe a gi te-
kiwe hi munwani.

- 21 Hi kwalaho ka laba banhu
laba ba nga wa hlengele na
hina xonkle xikati laha a
Hosi Jesu a nga wa engena
a huma xikari ka hina,

- 22 Kusangula hi kubapatiza ka
Johani, ku kala lego siku a

nga amukelwa le hehla a
suka ka hina, ka laba nga a
munwe a maha kustumu-
nyu zinwe na hina wa kuvu-
ka kakwe.

Marku 1. 1. xipm. 8, 9, Joh. 15. 27.
xip. 4. 33.

- 23 Bona ba lo yimisa bambiri,
Josefa a bitiwako Basaba,
loyi a nga culiwa a ku hi
Justusi, na Matia.

xip. 15. 24.

- 24 Na bona ba lo kombela, ba
ku ngalo, Wena, Hosi, loyi
u tibako a timbilu ta banhu
bonkle, komba wa laba loyi
wena u mu hlawulileko,

xip. 15. 8. Kuv. 2. 23.

- 25 A ku teka wutsamo ga ku-
kozela loku ni wupostoli.
legi Judasi a pfukileko ka
gona, a fela kuya wutsa-
nweni gakwe.

xipm. 17.

- 26 Bona ba lo ba vumbisa; ku
lo vumbiwa Matia; i lo hla-
yelwa ni bapostoli bakume
ni munwe.

XIIMO 2.

- 1 Ni laha a siku ga Penteko-
sti gi nga wa cikele, bona
bonkle ba wa tsombene wu-
tsamo ginwe.

xip. 1. 14. & 20. 16.

- 2 Kalakale ku lota hi le tilwe-
ni a kuvumavuma kota abu-
butsa ga mbeho ya ntamo,
ku yi tatisa a yindlu leyi ba
nga wa tsamile kona.

xip. 4. 31.

- 3 Laho ku lo woneka kabye a
tirimi ti hambeneko, ti kota
ta nzilo; ti lo cikela hehla
ka munwe ni munwani.

- 4 Bonkle ba wa lo tatiswa hi Moya wa ku Basa, ba lo sangula kuwulawula hi tinwani tirimi, kota Moya wu lo ba nyika kuhumese-la.
xip. 1. 5. & 10. 46. & 19. 6. Marku 16. 17. 1 Kor. 12. 10, 28, 30. & 13. 1. & 14. 2, &c.
- 5 Makunu laho ku wa akile le Jerusalema a ba Juda, a banhu ba kolwako, ba tixaka tonkle lahasi ka tilo.
- 6 Laha loku kuvumavuma ku nga wa zwakele, a xidlemoni lo tsombana katiginwe, ba lo dzuka, hakuba loyi ni loyi i wo bazwa na ba wulawula hi lirimi la ka kabye.
- 7 Bonkle ba lo damiswa ba lo hlamaliswa, baku, Manga-bye, laba bonkle ba wulawulako a hi ba le Galile ke?
xip. 1. 11.
- 8 Hi yini hi zwako hina, loyi ni loyi hi lirimi la ka kabye, lolu hi trelweko ha lona ke?
- 9 Ba Patia ni ba Medi ni ba Elamitia, ni laba ba tsamako a Mesopotamia, ni le Judia ni le Kapadoxia, le Pontu ni le Asia,
- 10 Ni le Frigia ni le Pamfilia, ni le Gipite, ni le maklelweni ya Libia hi se Kurene, ni bapfumba ba le Roma, a ba Juda ni ba hunzulukileko ba matiko,
- 11 Ni ba Krete, ni ba Arabia, ha bazwa ba wulawula hi tirimi ta hina mitiro ya ntamo ya Nungungulu.
- 12 Bona bonkle ba lo hlamaliswa, ba wa lo kanganyiswa, ba ku ka munwe ni munwani, Hi ku yini lezi ke?
- 13 Kanilezi banwani ba lo tseketsela ba ku ngalo, Laba ba xurisilwe hi waini giswa.
- 14 Kanilezi Petro na yima zinwe ni bakume ni munwe, i lo klakusa a gezu gakwe, i lo kanela kabye, aku, Nwina madota ya Judia, ni nwina nwenkle laba mu akileko Jerusalema, nga lexi xi tibeka ka nwina, mu nyika ndlebe ka timhaka ta mina.
- 15 Hakuba laba a ba popilwe, kota mu alakanyako; na mu wona lezaku hi hora ya wunharu ya siku;
1 Tesa. 5. 7.
- 16 Kanilezi lexi hi lexi xi ngakanelwe hi muprofeti Joeli;
- 17 Ku ta maheka hi masiku ya kugumesa, a wula Nungungulu, Nzi ta cela a Moya wa mina ka nyamayonkle: a barisanyana ba nwina ni banhanyana ba nwina ba ta profeta, ni majaha ya nwina ma ta wona ziwoniso, ni zikosana za nwina zi ta lora miloro:
Joh. 7. 38. xip. 10. 45. & 21. 9.
- 18 Ina ka malanza ya mina ni ka malanza ya mina ya xisati hi lawo masiku nzi

- ta cела a Moya wa mina;
ba ta profeta.
xip. 21. 4, 9, 10. 1 Kor. 12. 10, 28. & 14. 1, &c.
- 19 Nzi ta wonisa zidamiso le
hehla tilweni, ni ziwoniso
lahasi misabeni; a nkata,
ni nzilo, ni hunguba ya
musi:
- 20 Ni gambo gi ta hunzuka
a munyama, ni hweti yi
ta hunzuka nkata, hi ka
siku ga kuta ka Hosi, le-
go siku ga hombe ni ca-
bekako;
Mat. 24. 29. Marku 13. 24. Luka 21. 25.
- 21 Ku ta maheka, kani hi
wihi a ta nga bitana bi-
tweni ga Hosi i ta hanyi-
swa.
Roma 10. 13.
- 22 Nwina madota ya ba Israe-
li, zwanani leti timhaka: Je-
su wa le Nazareta, a mu-
nhu a tiyisilweko hi Nungu-
ngulu ka nwina hi mitiro ya
ntamo ni zihlamaliso ni zi-
woniso, lezi Nungungulu a
nga zi maha ha yena xikari
ka nwina, kota lezi a wu-
tsumbu ga nwina mu zi ti-
bako;
Joh. 3. 2. & 14. 10, 11. xip. 10. 38.
Heb. 2. 4.
- 23 Yena, na a nyikelwe hi ku-
ngo gi yimisilweko ni kuti-
ba hi mahlweni ka Nungu-
ngulu, nwina hi canja ga ba
nga hi ko na nayo mu lo mu
belela mu mu daya:
Mat. 23. 24. Luka 22. 25. & 24. 44. xip.
3. 18. & 4. 28. & 5. 30.
- 24 Loyi Nungungulu a nga mu
vuxa, na a khalilwe wutsu-
lwini ga kufa: hakuba zi wa
- nga koteki lezaku nga a ko-
nwa ha kona.
- 25 Hakuba Davida a kanela ha
yena,
Nza yi wona Hosi a xika-
ti xonkle mahlweni ya mi-
na; hakuba yona yi le ca-
njeni ga mina ga xinene,
lezaku nzi nga ta tseka-
tsekiwa:
xipm. 32. xip. 3. 15. & 4. 10. & 10.
40. & 13. 30, 34. & 17. 31. Roma 4.
24. & 8. 11. 1 Kor. 6. 14. & 15. 15.
2 Kor. 4. 14. Gal. 1. 1. Efe. 1. 20.
Kol. 2. 12. 1 Tesa. 1. 10. Heb. 13.
20. 1 Pet. 1. 31.
- 26 Hikwalaho a mbilu ya
mina yi lo nengela, ni liri-
mi lamina la tsaka; nguvu
kambe a nyama ya mina
yi ta tsama kutsumb-
ni:
- 27 Hakuba u nga ta siya a
muhefemulo wa mina Ha-
yidesi, ge u nga ta vume-
la wa ku Basa wa wena
ku wona kubola.
- 28 Wena u yi tibekisile ka
mina a ndlela ya wutomi;
u ta nzi maha ku tala hi
kuhlakana mahlweni ya
wena.
- 29 Bamakabye, nga nzi kanela
hi matsenya hi kokwani
Davida, lezaku i lofa a kele-
lwa, ni nkele wakwe wu ko-
na ka hina ku kala legi si-
ku.
xip. 13. 38.
- 30 Hikwalaho na wa hi mupro-
feti, na a tiba lezaku Nu-
ngungulu i hlambanyile hi
xifungo ka yena, lezaku hi
mbewu ya mihanzo ya xi-
wunu xakwe i ta beka mu-

- nwe a ta nga tsamo xitsa-nweni xakwe xa wukosi;*
Luka 1. 32, 69. Roma 1. 3. 2 Tim. 2. 8.
- 31 Yena i lo wona loku hi mahlweni i lo kanela hi kuvuka ka Kristu, lezaku cima a nga siywangi Hayidesi, cima ni nyama yakwe a yi wonangi kubola.
xlo. 13. 35.
- 32 Loyi Jesu Nungungulu i lo mu vuxa, loyi hi nga bakustumunyu bakwe hina honkle.
xipm. 24. xip. 1. 8.
- 33 Na a nga na klakusilwe hi ka ga xinene canja ga Nungungulu, na hi amukelisi-lwe hi Dadani a xitsumbiso xa Moya wa ku Basa, loyi a celileko lexi, mu xi wonako ni mu xi zwako.
xip. 1. 4. & 5. 31. & 10. 45. Fil. 2. 9. Heb. 10. 12. Joh. 14. 26. & 15. 26. & 16. 7, 13. Efe. 4. 8.
- 34 Hakuba Davida a nga klakukangi matilweni: kanilezi a wula a wutsumbu gakwe,
 A Hosi yi ku ngalo ka Hosi ya mina, Tsama wena canjeni ga mina ga xinene,
Mat. 22. 44. 1 Kor. 15. 26. Efe. 1. 20. Heb. 1. 18.
- 35 Nzi kala nzi mahe a balala ba wena a xikegetelo xa mikonzo ya wena.
- 36 Nga yindlu yonkle ya Israeli yi zi tibisisa, lezaku Nungungulu i mu mahile a Hosi ni Kristu, loyi Jesu mu mu beleleko.
xip. 5. 31.
- 37 Makunu na ba zi zwile, ba
[Shoetwa] 85
- lo klabyiwa timbilwini tabye, ba ku ngalo ka Petro ni ka bapostoli bonkle, Bamakabye, hi ta maha yini ke?
Luka 3. 10. xip. 9. 6. & 16. 30.
- 38 Petro a ku ngalo kabye, Hunzulukani, mu bapatiszwa nwenklelele bitweni ga Jesu Kristu kutsetselelweni ka zonho za nwina; mu ta amukela xinyikiwo xa Moya wa ku Basa.
Luka 24. 47. xip. 3. 19.
- 39 Hakuba xi ka nwina xitsumbiso, ni ka banana ba nwina, ni ka bonkle laba ba nga le kule, kota a banyingi laba a Hosi Nungungulu a ta nga bitana ka yena.
xip. 3. 25. & 10. 45. & 11. 15, 18. & 14. 27. & 15. 3, 8, 14. Efe. 2. 13, 17.
- 40 Zinwe ni timhaka tinwani totala i lo kustumunya, i lo ba laya, aku, Hanyisani wutsumbu ga nwina ka xizukulwana xi gombonyekileko.
- 41 Ni laba ba nga amukela timhaka takwe ba lo bapatiszwa: ku lo engetelwa kabye hi lego siku a makume manharu ya mazana ya mihefemulo.
- 42 Bona ba lo nonohisa ba komisisa kugonziseni ka bapostoli ni kuklanganeni, ni ku kemeni ka xibaba ni mikombelweni.
xip. 1. 14. xipm. 46. Roma 12. 12. Efe. 6. 18. Kol. 4. 2. Heb. 10. 25.
- 43 Ni kucaba ku lota ka mihefemulo yonkle: a zidami-

so zinyingi ni ziwoniso zi lo mahiwa hi bapostoli.

Marku 16. 17. xip. 4. 33. & 5. 12.

- 44 Ni bonkle laba ba nga kolwa ba wa hi wutsamo ginwe, ba lo hlengela a zilo zonkle;

xip. 4. 32, 34.

- 45 Ba lo xabisa a zibya ni xuma xabye, ba abelana bonkle, kota kuvumala ka munhu.

- 46 Masiku ni masiku, ba wo simamisa katiginwe hi mbilu yinwe tempeleni, ni ku kema a xibaba le kaya, ba lo teka kuga kabye hi kutsaka ni mbilu yo saseka,

xip. 1. 14. & 5. 42. & 20. 7. Luka 24. 53.

- 47 Na ba bonga Nungungulu, na ba ranzeka ka banhu bonkle. Ni Hosi yi lo engetela kabye masiku ni masiku laba ba ta nga hanyiswa.

Luka 2. 52. xip. 4. 33. & 5. 14. & 11. 24. Roma 14. 18.

XIPIMO 3.

- 1 Makunu Petro ni Johani ba lo kanziya tempeleni hi hora ya kukombela, na yi hi hora ya wunklanu ni mune.

xip. 2. 46.

- 2 Ni munhu wo kari a nga wa hi xilema hi le rubyini ga nyine wakwe i lo rwalwa, loyi a nga wa bekwa masiku ni masiku le nyangweni ya tempele leyi yi tibyako yo Saseka, ku kombela zinyikiwo ka labo ba engenako tempeleni;

xip. 14. 8. Joh. 9. 8.

- 3 Loyi na a wona Petro ni Johani ku engena lomo tempe-

leni, i lo kombela a ku amukela xinyikiwo.

- 4 Petro, na a ciwukisisa a mahlo yakwe ka yena, zinwe na Johani, a ku ngalo, Hi cuwuke.

- 5 Yena i lo ba ingisa, na alakanya ku amukela xa ku maha kabye.

- 6 Kanilezi Petro a ku ngalo. A siliva ni nzalama a nzi nazo; kanilezi lexi nzi nga naxo, lexo nza ku nyika. Hi bito ga Jesu wa le Nazareta, famba.

xip. 4. 10.

- 7 Yena i lo mu teka hi canja gakwe ga xinene, i lo mu yimisa: kalakale a mikonzo yakwe ni mahlakala yakwe ma lo amukela a ntamo.

- 8 Na a jatama, i lo yima, i lo sangula ku famba; i lo engena nabo tempeleni, na a famba, na a jatama a dumisa Nungungulu.

- 9 Ni bonkle banhu ba lo mu wona na a famba ba lo dumisa Nungungulu:

xip. 4. 16, 21.

- 10 Bona ba lo mu tiba, lezaku hi yena a nga tsamela a zinyikiwo le Nyangweni yi Saseka ya tempele: ba wa lo tatiswa hi kudama ni kuhlamaliswa ka lexo xi mahhekileko kakwe.

Joh. 9. 8.

- 11 Kota lezi a nga wa ha komelele ka Petro ni Johani, banhu bonkle ba lo tsumatsuma katiginwe kabye le nyangweni yi tibyako ya

- Solomoni, na ba damiswa ha hombe.
Joh. 10. 23. xip. 5. 12.
- 12 Laho Petro a nga wa zi wonile, i lo hlamula ka banhu, Nwina madota ya ka Israel, hi yini nwina mu hlamlako hi loyi munhu ke? kutani hi mu hi cuwukisisako, ku kwatsi hi ntamo wa hina ni kululama ka hina hi mu mahile a famba ke?
- 13 Nungungulu wa Abrahama, ni wa Isaka, ni wa Jakobe, ni Nungungulu wa bararu ba hina, i dumisile a Nanza gakwe Jesu: loyi nwina mu nga mu nyikela, mu mu kaneta mahlweni ka ngohe ya Pilatu, laha a nga laba ku mu *klaklisa*.
Joh. 7. 39. & 12. 16. & 17. 1. & 18. 40. & 19. 15. Mat. 27. 2, 20. Marku 15. 11. Luka 23. 18, 20, 21. xip. 13. 28.
- 14 Kanilezi mu lo kaneta loyi wa ku Basa ni a wa Kululama, mu kombela a mudayi ku nyikiwa ka nwina,
Marku 1. 24. Luka 1. 35. xip. 2. 27. & 4. 27. & 7. 52. & 22. 14. Heb. 2. 10. & 5. 9. 1 Joh. 5. 11.
- 15 Mu lo daya a Hosi ya wuto-mi; loyi Nungungulu a mu vuxileko hi ka bafileko; ngahilezo hina hi bakustumunyu.
xip. 2. 24, 32.
- 16 Hi kukoleka bitweni gakwe a bito gakwe gi mahile loyi munhu a ntamo, loyi mu mu wonako na mu mu tiba: ina, hi kukoleka loku ku nga ka yena ku mu nyikile loku kuhanyiswa mahlweni ka nwina nwenkle.
Mat. 9. 22. xip. 4. 10. & 14. 9.
- 17 Ni makunu, bamakabye, nza zi tiba lezaku hi kungatibi mu lo xi maha, kota lezi a bafumeli ba nwina ba nga maha kambe.
Luka 23. 34. Joh. 16. 3. xip. 13. 27. 1 Kor. 2. 8. 1 Tim. 1. 13.
- 18 Kanilezi zilo Nungungulu a nga zi wonisa hi mahlweni hi milomu ya baprofeti bonkla, lezaku Kristu wakwe i ta nga xaniseka, zi ngaho ku tatisekile.
Luka 24. 44. xip. 26. 22. 1 Pet. 1. 10, 11.
- 19 Hikwalaho nwina hunzulukani, mu wuya kambe, kasi a zonho za nwina nga zi vinyetelwa, lezo kasi ku fela ku cikela a zikati za vuxiwa hi le mahlweni ka Hosi;
xip. 2. 38.
- 20 Kasi a fela ku rumela Kristu loyi a yimiselweko nwina, yena Jesu:
- 21 Loyi a tilo gi felako ku mu amukela ku kala xikatini xa kukleliselwa ka zilo zonkle, lezi zi kanelweko hi Nungungulu hi milomu ya baprofeti bobasa bonkle, cima ku sangula a tiko.
xip. 1. 11. Mat. 17. 11. Luka 1. 70.
- 22 Mosi ha kunene i te ngalo, Nungungulu i ta mu vuxela a muprofeti xikari ka bamakabye ba nwina, kotisa mina; ka yena mu ta ingiseni ni zonkle lezi a ta nga wula ka nwina.
xip. 7. 37.
- 23 Ku ta maheka, ka banhu bonkle, laba ba nga mu ingisiko loye a muprofeti, ba ta lobyiswa ha kunene xikari ka banhu.

- 24 Ina ni bonkle baprofeti ku sukela ka Samueli ni ka bona laba ba lanzelako, kota a wunyingi ga laba ba kaneleko bonawu kambe ba lo byela hi laya masiku.
- 25 Nwina mu banana ba baprofeti, ni ba xivumelwano lexi Nungungulu a nga xi maha ni bararu ba nwina, aku ka Abrahamama, Hi ka mbewu ya wena tixaka tonkle ta misaba ti ta katekiswa.
- xip. 2. 39. Roma 9. 4, 8. & 15. 8. Gal. 3. 8, 26.
- 26 Ka nwina kuranga Nungungulu, na mu vuxele a Nanza gakwe, i lo mu rumela ku katekisa nwina, hi kuhunzuluka nwenklelele ka kuonha ka nwina.
- Mat. 10. 5. & 15. 24. Luka 24. 47. xip. 18. 32, 33, 46. xipm. 22. Mat. 1. 21.
- hi nklanu wa makume va mazana.
- 5 Na ku mahisile lezo hi manziko, a bafumeli babye ni masingalakati ni batsali ba lo tsombana wutsamo gi-nwe le Jerusalema;
- 6 Ni Anasi mupristi wa hombe i wa hi kona, na Kaiafasi, na Johani, na Alekzandro, kota a wunyingi ga laba ba nga wa hi maxaka ya mupristi wa hombe.
- Luka 3. 2. Joh. 11. 49. & 18. 13.
- 7 Laha ba nga wa ba yimisile xikari kabye, ba lo wutisa, Hi ntamo wa ku yini, kutani hi bitoga mani mu mahileko lexi ke?
- Mat. 21. 23. xip. 7. 27.
- 8 Zonake Petro, na a tele hi Moya wa ku Basa, a ku ngalo kabye, Nwina bafumeli ba banhu, ni masingalakati,
- Luka 12. 11, 12.

XIPIMO 4.

- 1 Ni kota lezi ba nga wa ha kanela ka banhu, a bapristi ni tinduna ta tempele ni ba Sadusi ba lota babye,
- Luka 22. 4. xip. 5. 24.
- 2 Na ba zangarile nguvu hakuba ba lo gonzisa banhu, ni kuba hungu hi Jesu hi kuvuka ka bafileko.
- Mat. 22. 23. Mit. 23. 8.
- 3 Ba lo klateka a mandla hehla kabye, ba lo ba kotsela kala manziko: hakuba makunu gi wa pelile.
- 4 Kanilezi a botala laba ba ngazwa mhaka ba lo kolwa; ni tsengo wa banhu ba wa
- 9 Loku i nyamukla hi wutiswa hi ntiro wo saseka wu mahilweko ka munhu loyi a nga haba ntamo, ni ku loyi munhu i hanyisile ku yini;
- 10 Nga xi tibeka ka nwina nwenkle, ni ka bonkle banhu ba Israeli, lezaku bitweni ga Jesu Kristu wa le Nazareta, loyi nwina mu nga mu belela, loyi Nungungulu a mu vuxileko hi ka bafileko, hi ka yena loyi munhu i yimile mahlweni ka nwina na a hanyisilwe.
- xip. 2. 24. & 3. 6, 16.

11 Yena hi ribye legi gi nga aliwa hi *nwina* baaki, legi gi nga mahwa hloko ya magumo.

Mat. 21. 42.

12 A ku kona a kuhanyiswa hi ka munwani: hakuba a gi kona ginwani bito lahasi ka tilo, lego gi nyikilweko xikari ka banhu, lego hi ta nga hanyiswa ha gona.

Mat. 1. 21. xip. 10. 43. 1 Tim. 2. 5, 6.

13 Makunu laha na ba wonile kutiya ka Petro ni Johani, ba lo pima lezaku hi banhu ba nga gonzangiko ba nga tibiko, ba lo hlamaliswa; ba lo zi tiba, lezaku ba wa hi zinwe na Jesu.

Mat. 11. 25. 1 Kor. 1. 27.

14 Na ba wona a munhu a hanyisilweko na a yimile zinwe nabo, ba wa nga hi ni kuwula ncumo xa ku kaneta.

xip. 3. 11.

15 Kanilezi laha na layile lezaku a ba humeswe hi le klelweni ka hubye, ba lo hlamusana a wutsumbu gabye,

16 Baku, Hi ta maha yini hi laba banhu ke? hakuba ha kunene lexo xiwoniso xidumileko xi mahilwe hi bona, xi wonekelisilwe ka bonkle laba ba akileko Jerusalema; a m na ku xi kaneta.

Joh. 11. 47. xip. 3. 9, 10.

17 Kanilezi lezaku xi nga ha nonohisi xi hangalaka mahlwani ka banhu, nga hi ba dzukisa, lezaku ba nga wu-

lawuli ku sukela lezi ka munhu hi bito legi.

18 Ba lo ba bitana, ba lo ba laya ku kala ba nga wulawuli ni kanwe kutani kugonzi-sa hi bito legi ga Jesu.

xip. 5. 40.

19 Kanilezi Petro na Johani ba lo hlamula ba ku ngalo kabye, Kutani zi sasekile mahlwani ka Nungungulu ku ingisa *nwina* ku hunza ku ingisa a Nungungulu, lamulani *nwina*:

xip. 5. 29.

20 Hakuba a zi koteki ku tsika kukanela zilo hi zi wonileko ni hi zi zwileko.

xip. 1. 8. & 2. 32. & 22. 15. 1 Joh. 1. 1, 3.

21 Bona, laha na ba ba honokele, ba lo ba tsika, a ba kumangi ncumo xa ku ba xanisa ha xona, hakuba a banhu bonkle; hakuba bonkle banhu ba wo dumisa Nungungulu hi lexo xi mahlekileko.

Mat. 21. 26. Luka 20. 6, 19. & 22. 2. xip. 3. 7, 8. & 5. 26.

22 Hakuba a munhu i wa hunza a mune wa makume ya malembe a tanga yakwe, loyi lexi xiwoniso xa kuhanyiswa xi nga wa mahilwe.

23 Na ba nga na ba fambisi-lwe, ba lota ka ba kabye, ba lo bika zonkle lezi a bapristi ba hombe ni masingalakati ba nga wa zi mahile kabye.

xip. 12. 12.

24 Bona, laha ba nga wa zi

- zwile, ba lo *klakusa* magezu yabye ka Nungungulu hi mbilu yinwe, ba ku ngalo, O Hosi, wena u nga maha a tilo ni misaba ni bimbi, ni lezi zonkle zi nga ka zona:
- 25 Wena hi Moya wa ku Basa, hi nomu wa dadani wa hina Davida a nanza ga wena, i te ngalo,
Ba Matiko ba karatekela yini, ni banhu ba alakanya a zilo za mahala ke?
- 26 A tihosi ta misaba ti lo vukile, ni bafumeli ba lo tsombene katiginwe a ku vukela a Hosi, ni ku vukela loyi Ahlawulilweko:
- 27 Hakuba ha kunene ka lowu muti ba vukela a Nanza ga ku basa ga wena Jesu, loyi u mu totileko, bona Herodi na Pontio Pilatu, zinwe ni ba Matiko ni banhu ba Israeli, ba wa lo tsombana katiginwe,
Mat. 26. 3. Luka 1. 35. & 4. 18. & 22. 2. & 23. 1, 8. Joh. 10. 36.
- 28 A ku maha lexi hi canja ni kungo ga wena gi yimisi-lweko gi nga xi longisela hi mahlweni ku maheka.
xip. 2. 23. & 3. 18.
- 29 Ni makunu, Hosi, cuwuka kudzukisa kabye: u nyika ka malanza ya wena ku kanaela mhaka ya wena hi kutiya konkle,
xipm. 13. 31. xip. 9. 27. & 13. 46. & 14. 3. & 19. 8. & 26. 26. & 28. 31. Efe. 6. 19.
- 30 Laha na u nawuluta a canja ga wena ku hanyisa; lezaku
- a ziwoniso ni zohlamaliso ni ta mahiwa hi bito ga wa kubasa ni Nanza ga wena Jesu.
xip. 2. 43. & 3. 6, 16. & 5. 12. xipm. 27.
- 31 Laha na ba kombelile, wutsamo gi lo tsekatsekiswa gwalegi ba nga nga wa tsombene ka katiginwe; bona bonkle ba wa tatilwe hi Moya wa ku Basa, ba lo kanaela a mhaka ya Nungungulu hi kutiya.
xip. 2. 2, 4. & 16. 26. xipm. 29.
- 32 Ni xidlemo xa bona ba kolwako xi wa hi xa mbilu yinwe ni muhefemulo munwe: ku wa nga hi kona ni munwe wabye a nga ku ngalo a zilo a nga nazo wa hi za yena *nwinyi*; kanilezi a zilo zonkle ba wa lo hle-ngela bonklelele.
Roma 15. 5, 6. 2 Kor. 13. 11. Fil. 1. 27. & 2. 2. 1 Pet. 3. 8. xip. 2. 44. & 5. 12.
- 33 Na hi ntamo wa hombe a bapostoli ba nyika ku kustumunya kabye hi kuvuka ka Hosi Jesu: ni wuxinji ga hombe gi wa hi ka bona bonkle.
xip. 1. 8, 22. & 2. 47.
- 34 Hakuba ku wa nga hi kona xikari kabye loyi a nga wa vumala: hakuba kota a banyingi laba ba nga wa hi ni misaba kutani tiyindlu ba lo xabisa, ba lo neha a tse-ngo za zilo lezi zi xabyisi-lweko,
xip. 2. 45.
- 35 Ba lo zi beka mikonzweni ya bapostoli: ku lo abelwa

ka loyi ni loyi, kota kuvu-
mala kabye.

xipm. 37. xip. 2. 45. & 5. 2. & 6. 1.

36 Na Josefa, loyi a nga culwa
hi bapostoli a ku ngalo hi
Barnabasi (loyi, hi kukla-
musilwa, i Nwana wa kune-
ngeliswa), a mu Levi, a
munhu wa le Kupro hi
kutralwa.

37 A nga wa hi ni simu, i lo gi
xabisa, i lo neha a mali, i lo
yi beka mikonzweni ya ba-
postoli.

xipm. 34, 35. xip. 5. 1, 2.

XIPIMO 5.

1 Kanilezi a munhu wo kari
a tibyako Ananiasi, zinwe
na Safira a sati wakwe, i lo
xabisa a tsomba,

2 I lo kweketa kihlanya ga
tsengo, i wa zi tiba ni sati
wakwe, i lo neha a kihlanya
go kari, i lo gi beka miko-
nzweni ya bapostoli.

xip. 4. 37.

3 Kanilezi Petro a ku ngalo,
Ananiasi, hi yini Satani a
tatisileko a mbilu ya wena
a ku hamba wunwa ka Mo-
ya wo Basa, ni kukweketa
a kihlanya ga tsengo wa
saba ke?

Luka 22. 3. xipm. 9.

4 Ni leyi yi seleko, a hi ya
wena nwinyi ke? anzako na
gi xabyisilwe, gi wa nga hi
ntanweni wa wena ke? U
alakanyela yini za ku ngahi
mbilwini ya wena ke? We-
na a ku hembangi wunwa

ka banhu, kanilezi ka Nu-
ngungulu.

5 Na Ananiasi laha nazwa leti
timhaka i lowa lahasi i lofa:
ni kucaba ka hombe ku lota
ka bonkle laba ba nga wa zi
zwile.

xipm. 10, 11.

6 Ni majaha ma lo suka ma
lo mu songela, ba lo mu
rwala lahandle ku ya mu
lahla.

Joh. 19. 40.

7 Ku wa nga ku hi nzako ka
xipimo xa tihora tinharu,
la ha a sati wakwe, a nga ka-
la ku zi tiba lezi zi maheki-
leko, i lo engena.

8 Petro i lo hlamula ka yena,
Nzi byela loku mu nga mu
xabisile a saba hi za ku nga-
hi. Yena a ku ngalo, Ina,
hi za ku ngahi.

9 Kanilezi Petro a ku ngalo
ka yena, Hi yini mu kla-
ngeneko ku ringa a Moya
wa Hosi? wangabye, a mi-
konzo ya laba ba nga lahla
a nuna wa wena yi le nya-
ngweni, ba ta ku rwala we-
nawu lahandle.

Mat. 4. 7. xipm. 3.

10 Yena i lowa kalakale miko-
nzweni yakwe, i lofa: ni
majaha ma lo engena ma lo
mu kuma na a file, ba lo
mu rwala lahandle ba ya
mu lahla hi le nuneni wa-
kwe.

xipm. 5.

11 Ni kucaba ka hombe ku lo-
ta ka ceci yonkle, ni ka bo-
nkle laba ba zwileko lezi zilo.

xipm. 5. xip. 2. 43. & 19. 17.

- 12 Hi mandla ya bapostoli ku lo mahiwa a ziwoniso zinyi-
ngi ni zidamiso xikari ka
banhu; bonkle ba wa hi
mbilu yinwe nyangweni ya
Solomoni.
xip. 2. 43. & 3. 11. & 4. 32. & 14. 3. & 19.
11. Roma 15. 19. 2 Kor. 12. 12.
Heb. 2. 4.
- 13 Kanilezi ku wa nga hi kona
ni munwe loyi a nga wa kota
kuhlengela nabo: ahemba a
banhu ba wa dumisa bona;
Joh. 9. 22. & 12. 42. & 19. 38. xip. 2.
47. & 4. 21.
- 14 Ni makolwa ma engetelwa
ka Hosi, a zidlemo za ba ba-
nuna ni ba basati;
- 15 Kota lezo ba nga wa rwala
bababyako le mapangweni,
ba lo ba eklelisa masangwe-
ni ni le zitandeni, lezaku,
kota loku Petro a hunza,
a xirutu xakwe xi ta ba si-
rela banwani babye.
Mat. 9. 21. & 14. 36. xip. 19. 12.
- 16 Laho kambe ku lota a xidle-
mo hi le mutini yi renzele-
keleko Jerusalema, na ba
neha banhu ba babyako, ni
laba ba nga wa karatwa hi
moya ya kubiha: ba lo ha-
nyiswa bonklelele.
Marku 16. 17, 18. Joh. 14. 12.
- 17 Kanilezi a bapristi ba ho-
mbe ba lo suka, ni bonkle
laba ba nga wa hi zinwe na-
yena (ba lixaka laba ba Sa-
dusi), ba lo tatiswa hi wu-
kuxu,
xip. 4. 1, 2, 6.
- 18 Ba lo klateka mandla ka
bapostoli, ba lo ba beka pa-
xweni.
Luka 21. 12.
- 19 Kanilezi a ngelosi ya Hosi
yi lo vulula tibati ta paxo ni
wusiku, xi lo ba humesa, yi-
ku ngalo,
xip. 12. 7. & 16. 26.
- 20 Fambani, yimani mu ya ka-
nela ka banhu tempeleni
a timhaka tonkle ta loku
Kuhanya.
Joh. 6. 68. & 17. 3. 1 Joh. 5. 11.
- 21 Laha bona na ba zi zwile,
ba lo engena tempeleni laha
mixweni, ba lo gonzisa. Ka-
nilezi a mupristi wa hombe
i lota, ni laba ba nga wa hi
zinwe na yena, ba bitana a
hubye katiginwe, ni masi-
ngalakati wonkle ya banana
ba Israeli, ba lo rumela le
ndlwini ya paxo kasi ba ne-
hiwa.
xip. 4. 5, 6.
- 22 Kanilezi lawo manganaka-
na ma ngata a ma ba ku-
mangi le paxweni; bona ba
lo klela, ba ya hlawutela,
baku,
- 23 Ni yindlu ya paxo hi yi
kumile yi valilwe ha kune-
ne kwatsi, ni barinzeli ba
yimile tinyangweni: kani-
lezi laha hi nga wa vulule,
a hi kumangi munhu lomo
nzeni.
- 24 Makunu laha a nduna ya
tempele ni bapristi ba ho-
mbe ba nga wa zwile leti
timhaka, ba lo kanganyiswa
nguvu ha bona lexi xi ta
mbetiswa hi ku yini.
Luka 22. 4. xip. 4. 1.
- 25 Laho ku lota a munwe i lo
ba byela, Mangabye, a ba-
nhu laba mu nga ba enge-

- nisile paxweni ba lomo tem-peleni ba yimile ba gonzisa a banhu.
- 26 Zonake ku loya a nduna ni manganakana, ba ya ba tisa, kanilezi a ba wa nga ba susumetangi hi ntamo; hakuba ba lo caba a banhu, ku nga ta ku ba gandliwa hi maribye.
Mat. 21. 26.
- 27 Laha ba nga wa ba tisile, ba lo ba yimisa mahlweni ka hubye. Ni mupristi wa hombe i lo ba wutisa,
- 28 Yiku, Hi lo mu laya hi kulayisisa lezaku mu nga gonzisi hi legi bito: langutani, mu tatisile Jerusalema hi kugonzisa ka nwina, mu eca ni ku neha a nkata wa munhu loyi hehla ka hina.
xip. 2. 23, 36. & 3. 15. & 4. 18. & 7. 52.
Mat. 23. 35. & 27. 25.
- 29 Kanilezi Petro ni hapostoli ba lo hlamula ba ku ngalo, Hi fanelwe ku ingisa Nungungulu ku hunza ku ingisa a banhu.
xip. 4. 19.
- 30 Nungungulu wa badadani ba hina i lo vuxa Jesu, loyi nwina mu nga mu daya, mu mu hayeka sinyeni.
xip. 3. 13, 15. & 10. 39. & 13. 29. & 22. 14. Gal. 3. 13. 1 Pet. 2. 24.
- 31 Yena Nungungulu i mu klakusile hi canja gakwe ga xinene, a ku maha Hosi ni Muhanyisi, kasi ku nyika kuhunzuluka ka Israeli, ni kutsetselelwa ka zonho.
xip. 2. 33, 36. & 3. 15, 26. & 13. 38. Fil. 2. 9. Heb. 2. 10. & 12. 2. Mat. 1. 21. Luka 24. 47. Efe. 1. 7. Kol. 1. 14.
- 32 Hina hi bakustumunyu ba lezi zilo; zi ngaho ni Moya wa ku Basa, lowu Nungungulu a wu nyikileko ka bona laba ba mu ingisako.
Joh. 15. 26, 27. xip. 2. 4. & 10. 44.
- 33 Kanilezi bona, laha na ba zwile lexi, ba lo klabyiwa mbilwini, ba lo kanakanela ku ba daya.
xip. 2. 37. & 7. 54.
- 34 Kanilezi ku lo yima laho a mu wa le hubyeni, a mu Farisi, a bito gakwe hi Gamalieli, a singalakati ga nayo, i wa hi ni kudzunzeka ka banhu bonkle, i lo laya lezaku a banhu a ba hume xikatanyana.
xip. 22. 3.
- 35 Yena a ku ngalo kabye, Nwina madota ya ka Israeli, klarihani a wutsumbu ga nwina hi ku kumbuka laba banhu, lezi mu labako ku zi maha.
- 36 Hakuba hi mahlweni ka laya masiku ku lo suka Teudasi, aku yena wutsumbu hi munhu wa hombe; ka yena ku lo lanzela a banhu bo tala ba mune wa mazana, ba lo klangana naye: loyi laha a nga delwe; ni kota bonkle laba ba nga wa mu ingisa, ba lo hangalaka, ba mbeteka.
- 37 A nzako ka loyi munhu ku lo suka Judasi wa Galile masikwini ya kutsalelwa, i lo koka a banhu ku mu lanzela: yenawu kambe i lo lobyiswa; ni kota bonkle

laba ba nga wa mu ingisa,
ba lo hangalaka.

- 38 Makunu nza wula ka *nwi*-
na, Tsikani laba banhu, mu
ba *klakla*: hakuba loku legi
kungo ni lowu ntiro wu hi
wa banhu, wu ta hanga-
laka:

Mat. 15. 13.

- 39 Kanilezi loku wu hi wa Nu-
ngungulu, *nwina* a mu ta
koti ku wu hangalasa; ku
nga taku kutani *nwina* mu
kumiwa na mulwa na Nu-
ngungulu.

Luka 21. 15. 1 Kor. 1. 25. xip. 7. 51.
& 9. 5. & 23. 9.

- 40 Ba lo vumelana na yena:
laha na ba bitanile bapostoli
kabye, ba lo baba ba lo ba
laya lezaku ba nga kaneli
hi bito ga Jesu, ba lo ba
tsika.

xip. 4. 18. Mat. 10. 17. & 23. 34. Ma-
rku 13. 9.

- 41 Bona hikwalaho ba lo suka
mahlweni ka hubye, na ba
tsaka hi lezaku ba fanele ku
komiwa hi kubiha a kota
ga Bito.

Mat. 5. 12. Roma 5. 3. 2 Kor. 12. 10.
Fil. 1. 29. Heb. 10. 34. Jam. 1. 2.
1 Pet. 4. 13, 16.

- 42 Ni masiku wonkle, le tempe-
leni ni le kaya, a ba tsika-
ngi ku gonzisa ni kukanela
hi Jesu kota Kristu.

xip. 2. 46. & 4. 20, 29.

XIPIMO 6.

- 1 Makunu hi lawo masiku,
laha a tsengo wa bapizani
wu nga anziwa, ku lo vu-
ka kukalala ka ba Greki ni
ba Heberu, hakuba a tinoni
tabye ti wa tsoniwa a kua-

belwa ka masiku ni masi-
ku.

xip. 2. 41. & 4. 4, 35. & 5. 14. & 9. 29. &
11. 20. xipm. 7.

- 2 Ni bakume ni bambiri ba lo
bitana a *xidlemo* xa bapiza-
ni kabye, ba ku ngalo, A ku
fenele lezaku hi ta tsika a
mhaka ya Nungungulu, hi
kozela timeza.

- 3 Cuwukani hikwalaho, ba-
makabye, xikari ka *nwina*
hlawulani nklanu ni bambi-
ri a banhu ba kubikwa hi
kusaseka, ba teleko hi Moya
ni kuklariha, labo hi ta
nga ba yimisa ka lowu nti-
ro.

xip. 1. 21. & 16. 2. 1 Tim. 3. 7.

- 4 Kanilezi hina hi ta nonohi-
sa kukombeleni, ni kukoze-
la ka mhaka.

xip. 2. 42.

- 5 Ni kuwula ku lo xalalisa
xidlemo xonkle: ba lo hla-
wula Stefani, a munhu a
teleko hi kukoleka ni Moya
wa ku Basa, na Filipu, na
Prokoro, na Nikanori, na
Timona, na Parmena, na
Nikola mu kolwa ga Antio-
ki:

xip. 8. 5, 26. & 11. 24. & 21. 8. Kuv. 2
6, 15.

- 6 Laba ba lo ba yimisa ma-
hlweni ka bapostoli: laha
na ba kombelile, ba lo kla
teka mandla hehla kabye.

xip. 1. 24. & 8. 17. & 9. 17. & 13. 3.
1 Tim. 4. 14. & 5. 22. 2 Tim. 1. 6.

- 7 Ni mhaka ya Nungungulu
yi lo anza; ni tsengo wa ba-
pizani wu lo engetelana le
Jerusalema ha hombe; ni
klawa wa hombe wa ba-

pristi wu lo ingisa kuko-
leka.

xip. 12. 24. & 19. 20. Kol. 1. 6. Joh.
12. 42.

- 8 Na Stefani, i lo tala hi wu-
xinji ni ntamo, i lo maha a
zidamiso ni zihlamaliso xi-
kari ka banhu.
- 9 Kanilezi laho ku suka bo
kari laba ba le sinagogeni gi
bitwako a sinagoga ga le Li-
bertino, ni ba le Kurene, ni
ba le Alekzandria, ni ba le
Kilikia, ni ba le Asia, na ba
kanetana na Stefani.
- 10 Ba wa nga zi koti ku kane-
ta a ku klariha ni Moya lo-
wu a nga wa kanela ha wo-
na.
Luka 21. 15. xip. 5. 39.
- 11 Zonake ba lo kucetela a ba-
nhu, ba ku ngalo, Hi mu
zwile a kanela timhaka ta
nzukano hi Mosi, ni Nungu-
ngulu.
Mat. 26. 59, 60.
- 12 Bona ba lo vuxa banhu, ni
masingalakati, ni batsali, ba
lota ka yena, ba ta mu ko-
ma, ba lo mu neha le hu-
byeni,
- 13 Ba lo yimisa a bakustumu-
nyu ba mawunwa, laba ba
nga ku ngalo, Loyi munhu
a nga tsiki ku kanela a ti-
mhaka ti hambeneko ni le-
gi wutsamo go basa, ni na-
yo :
- 14 Hakuba hi mu zwile a wu-
la, loye Jesu wa Nazareta i
ta lobisa legi wutsamo, i ta
hunzula a mikuwo leyi Mo-
si a nga yi nyika ka hina.
xip. 25. 8.

15 Ni bonkle laba ba nga wa
tsamile hubyeni, ba lo cu-
wukisisa mahlo yabye ka
yena, ba lo wona ngohe ya-
kwe kota ngohe ya ngelosi.

XIPIMO 7.

- 1 Ni mupristi i wa hombe a
ku ngalo, Lezi zilo zi ngaho
ke?
- 2 Yena a ku ngalo,
Bamakabye ni badadani,
ingisani. Nungungulu wa
wukosi a nga woneka ka
dadani wa hina Abrahamama,
laha a nga wa hi Mesopota-
mia, hi mahlweni na a nga
se ku aka Harane,
xip. 22. 1.
- 3 A nga ku ngalo kakwe, Su-
ka tikweni ga nwina, ni le
maxakeni ya wena, uta ti-
kweni nzi ta nga ku kombi-
se gona.
- 4 Zonake yena i lo huma ti-
kweni ga Makaldia, i lo aka
Harane: ku suka hi laho,
laha a raru wakwe a nga
wa file, Nungungulu i lo ti-
sa ka legi tiko, legi mu aki-
leko ka gona makunu :
- 5 Yena a nga mu nyikangi a
tsomba ka gona, ge, ni ku
beka nkonzo wakwe : i lo
tsumbisa lezaku i ta nga gi
nyika ku maha tsomba, ni
ka mbewu yakwe a nzako
ka yena, laha a nga wa hi
haba ni nwanana.
- 6 Nungungulu i lo wulawula
za ku ngahi, a mbewu ya-
kwe yi ta nga maha bapfu-
mba tikweni ga ba matiko,

lezaku ba ta nga maha tikumbi, ba ba koma hi kubiha, a mune wa mazana ya malembe.

Gal. 3. 17.

- 7 Ni lixaka lolu ba ta nga maha tikumbi ka lona nzi ta li lamula, ku lo wula Nungungulu: a nzako ka lezo ba ta huma ba ta nzi kozela ka legi wutsamo.
- 8 I lo mu nyika a xivumelwana xa wukwera: lezo Abrahama i lo trala Isaka, i lo mu engenisa wukwera hi siku ga wunklanu ni manharu; Isaka i lo trala Jakobe, ni Jakobe i lo trala bakoko ba hina bakume ni bambiri.
- 9 Ni bakoko ba hina, ba lo tatiswa hi wukuxu ha Josefa, ba lo mu xabisa le Gipite: Ni Nungungulu i wa hi naye,
- 10 I lo mu klaklisa ka konkle kuxaniseka kakwe, i lo mu nyika a titralo ni kuklariha mahlweni ka Faro a hosi ya le Gipite; i lo mu maha a mufumeli wa le Gipite ni hehla ka yindlu yakwe yonkle.
- 11 Makunu ku lota a ndlala le Gipite gonkle ni le Kanani, ni kuxaniseka ka hombe: a bararu ba hina a ba kumangi a zakuga.
- 12 Kanilezi laha Jakobe na zwile lezaku ku kona a mabele le Gipite, i lo ruma a bararu ba hina hi xikati xa rangula.

13 Hi xikati xa wumbiri Josefa i lo tibekisa ka bamakabye bakwe; ni lixaka la Josefa li lo hlawutelwa ka Faro.

14 Josefa i lo rumela, a ku bitana Jakobe a raru wakwe, ni ba ka kabye bonkle, ba wa hi nklanu wa makume ni makume mambiri ni nklanu ya mihefemulo.

15 Jakobe i lo relela le Gipite: yena i lofa, a wutsumbu gakwe, zinwe ni bararu ba hina;

16 Ba lo yiswa leyo Xekemi. ba lo mu lahla xilanhani lexi Abrahama a nga xaba hi tsengo wa siliva ka bana ba Hamori le Xekemi.

17 Kanilezi kota a xikati xa tsumbiso xi nga wa tsinela, lexi Nungungulu a nga xi tiyisa ka Abrahama, banhu ba lo kula ba lo anza le Gipite,

xipm. 6.

18 Ku kala ku huma yinwani hosi ku fumela le Gipite, leyi yi nga mu tibiko Josefa.

19 Ywaleyo yi lo koma a lixaka la hina hi wuklari, i lo koma bararu ba hina hi kubiha, kasi ba fela ku hoxa a zihlangana zabye hi kugumelwa kasi ba fela ku kala ka nga hanyi.

20 Hi lexo xikati Mosi a nga tralwa, i wa sasekile nguvu; i lo wundlwa le ndlwini ka raru wakwe a tihweti tinharu:

Heb. 11. 23.

- 21 Ni laha a nga wa hoxilwe, ni nhanyana wa Faro i lo mu teka, i lo mu wundla kasi ku maha a nwanana wakwe.
- 22 Na Mosi i lo gonziwa hi konkle kuklariha ka le Gipite; i wa hi ni ntamo timhakeni ni mitirweni yakwe.
Luka 24. 19.
- 23 Kanilezi laha a nga wa hi kusuhani ni mune wa makume ya malembe a wukale, ku lota mbilwini a ku kasi a enzela bamakabye bakwe a banana ba Israeli.
- 24 Na a wona munwe na kari a komilwe hi kubiha, yena i lo vikela, i lo mu potela loyi a nga wa kari a xaniseka, na a daya mu Gipite:
- 25 I lo alakanya lezi a bamakabye bakwe ba lo pima lezaku Nungungulu hi canja gakwe i ta ba nyika kuklakliswa; kanilezi bona a ba pimangi.
- 26 Hi manziko i lo cikela kabye na holoba a ku nga a ba lamula, aku, Madota, mu bamakabye; hi yini mu holobako munwe ni munwani ke?
- 27 Kanilezi loyi a nga wa maha kubiha ka wa akelane wakwe, i lo mu susumeta, aku, Hi mani a ku bekileko a hosi ni mulamuli hehla ka hina ke?
Luka 12. 14. xip. 4. 7.
- 28 Wena u nga u nzi daya, kota lezi u nga daya mu Gipite atolo ke?
- 29 Mosi i lo caba hi loku kuwula, i lo maha mupfumba tikweni ga le Midiani, laho a nga trala a banana bambiri.
- 30 Laha ku nga wa tatisekile a mune wakumume ya malembe, a ngelosi yi lo woneka ka yena xiwuleni xa le xitsungeni xa Sinai, le pingweni ga nzilo xihlahleni.
- 31 Laho Mosi a nga wa xi wona, i lo hlamala hi xiwoniso: kota lezi a nga wa tsinela kusuhani ku languta, laho ku lo huma a gezu ga Hosi,
- 32 Hi mina Nungungulu wa ba bararu ba wena, Nungungulu wa Abrahama, ni wa Isaka, ni wa Jakobe. Mosi i lo rurumela, i wa nga tiyi ku languta.
Mat. 22. 32. Heb. 11. 16.
- 33 Ni Hosi yi lo ngalo kakwe, Susa a zilato mikonzweni ya wena: hakuba a wutsamo legi u yimileko misaba ya ku basa.
- 34 Mina ha kunene nzi wonile kuxaniseka ka banhu ba mina laba ba nga le Gipite, nzi ku zwile kuketa kabye, nzi relele kasi nzi ba klaklisa: makunu ngona, nzi ta ku rumela le Gipite.
- 35 Loyi Mosi ba nga wa mu alile, baku, Hi mani a ku mahileko a hosi ni mulamula? ywaloye Nungungulu i mu rumile ku maha hosi ni muklaklisi, hi canja ga ngelosi leyi yi nga woneka ka yena le xihlahleni.

- 36 Loyi munhu i lo ba rangela, na mahile zidamiso ni ziwoniso le Gipite, ni le bimbini go Truka, ni le xiwuleni mune wa makume ya malembe.
- 37 Loyi hi yena Mosi, a nga ku ngalo ka banana ba Israeli, A muprofeti Nungungulu i ta mu vuxela nwina hi le xikari ka bamakabye ba nwina, wo kota mina.
xip. 3. 22. Mat. 17. 5.
- 38 Loyi hi yena a nga wa hi le cecini le xiwuleni zinwe ni ngelosi leyi yi nga wulawula na yena le xitsungeni xa Sinai, zinwe ni bararu ba hina: labo ba nga amukela timhaka ta kuhanya kasi ku nyika ka hina:
Gal. 3. 19. Heb. 2. 2. Joh. 1. 17. Roma 3. 2.
- 39 Ka yena loyi a bararu ba hina ba nga kala ku ingisa, kanilezi ba lo mu ala, ba lo klelela Gipite hi timbilu tabye,
- 40 Baku ka Aroni, Hi mahele banungungulu laba ba ta nga hi rangela: hakuba kota loyi Mosi, loyi a nga hi rangela le tikweni ga le Gipite, a hi xi tibi lexi xi mahhekileko ka yena.
- 41 Bona ba lo maha a role hi lawo masiku, ba lo neha a minyikelo xifananisweni, ba lo tsaka hi mitiro ya mandla yabye.
- 42 Kanilezi Nungungulu i lo ba fularela, i lo ba nyikela ku kozela a bandla ga tilo: kota lezi kutsalilweko bukwini ga baprofeti,
- Mu nzi nyikele minyikelo yi klabyilweko ni mipahlelo a mune wa makume ya malembe, O yindlu ya Israeli?
- Roma 1. 24. 2 Tesa. 2. 11.
- 43 Nwina mu lo teka a tabernakeli ga Moloke, ni nyeleti ya nungungulu Refani, ni mifananiso leyi mu nga yi maha a kuba mu kozela yona: nzi ta mu yisa klatukweni wa Babuloni.
- 44 A Bararu ba hina ba wa hi ni tabernakeli ga wukustumunyu le xiwuleni, kota lezi a nga wulawula loyi a nga kanela ka Mosi, aku i ta nga gi maha kota a mufananiso lowu a wu wonileko.
Heb. 8. 5.
- 45 Lowu kambe a bararu ba hina, xikatini xabye, ba lo wu neha zinwe na Joxua laha na ba engena tsombeni ya tixaka, leti Nungungulu a nga ti hlongula mahlweni ka ngohe ya bararu wa hina, ku kala masikwini ya Davida;
xip. 13. 19.
- 46 Loyi a nga kuma kuranze-ka mahlweni ka Nungungulu, i lo kombela ku akela yindlu a Nungungulu wa Jakobe.
xip. 13. 22.
- 47 Kanilezi Solomoni i lo mu akela yindlu.
- 48 Ahemba loyi a nga Hehla-Hehla a nga tsami tindlwi-ni ti mahilweko hi mandla;

kota lezi ku tsalilweko hi muprofeti,

xip. 17. 24.

- 49 Ni tilo hi xitsamo xa mina, ni misaba hi xikegetelo xa mikonzo ya mina: Mu ta nzi akela a yindlu ya ku yini ke? a wula Hosi: kutani hi gihi wutsamo ga kuhumula ka mina ke?

Mat. 5. 34, 35. & 23. 22.

- 50 A canja ga mina a gi lo zi maha lezi zilo zonkle ke?

- 51 Nwina banhamu ya ku nonoha mu nga hi ko mikwera hi mbilu ni tindlebe, xonkle xikati ma tsimbetela a Moya wa ku Basa: kota ku nga maha bararu ba nwina, kambe nwina.

- 52 Hi wihi wa baprofeti a bararu ba nwina ba nga mu xanisangiko ke? ba lo ba daya laba ba nga wonisa hi mahlweni a kuta ka Loyi wa Kululama; loyi nwina mu nga maha banyikeli ni badayi bakwe;

Mat. 21. 35. & 23. 34, 37. 1 Tesa. 2. 15. xip. 3. 14.

- 53 Nwina mu lo amukela nayo kota wu longiselweko hi tingelosi, a mu wu gongangi.

Gal. 3. 19. Heb. 2. 2.

- 54 Makunu laha na ba zwile lezi zilo, ba lo klabyiwa mbi-lwini, ba lo getsela ka yena hi meno yabye.

xip. 5. 33.

- 55 Kanilezi yena, na a tela hi Moya wa ku Basa, i lo kla-

kuka a cuwukisisa le tilweni, i lo wona a wukosi ga Nungungulu, ni Jesu na yimile hi le canjeni ga xinene ga Nungungulu,

xip. 6. 5.

- 56 Yena a ku ngalo, Langutani, nza wona tilo gi vululekile, ni Nwana wa munhu na a yimile hi le canjeni ga xinene ga Nungungulu.

Mat. 3. 16. xip. 10. 11.

- 57 Kanilezi bona ba loba huwa hi gezu ga hombe, ba lo vala tindlebe tabye, ba lo hubulukela ka yena hi mbilu yinwe;

- 58 Ba lo mu hlongola le handle ka muti, ba lo mu gandla hi maribye: ni bakustumunyu ba lo beka tinguwo tabye lahasi ka mikonzo ya jaha gi tiyako Saule.

Luka 4. 29. Heb. 13. 12. xip. 8. 1. & 22. 20.

- 59 Bona ba lo mu gandla hi maribye Stefani, na a bitana Hosi, aku, Hosi Jesu; amukela muhefemulo wa mina.

xip. 9. 14. Luka 23. 46.

- 60 Yena i lo kizama, i lo loba huwa hi gezu ga hombe, Hosi, u nga beki hehla ka-bye loku kuonha. Laha a nga wa wulile lezi, i lo eklela.

xip. 9. 40. & 20. 36. & 21. 5. Mat. 5. 44. Luka 6. 28. & 23. 34.

XIPIMO 8.

- 1 Saule i lo vumela a kufa ka yena.

Ku lo vuka hi lego siku a

kuxaniswa ka hombe ka ceci, leyi yi nga le Jerusalema; bonkle ba lo hangalaka tikweni ga Judia ni le Samaria, saseka a bapostoli.

xip. 7. 58. & 11. 19. & 22. 20.

2 Ni banhu ba kolwako ba lo mu lahla Stefani, ba lo maha xirilo xa hombe ha yena.

3 Kanilezi Saule i lo hangalasa a ceci, i lo engena tindlwini tonkle, i lo rorobisa a ba banuna ni ba basati a ba cela paxweni.

xip. 7. 58. & 9. 1, 13, 21. & 22. 4. & 26. 10, 11. 1 Kor. 15. 9. Gal. 1. 13. Fil. 3. 6. 1 Tim. 1. 13.

4 Hikwalaho zonake laba ba nga wa hangalakile ba wo famba na ba kanela a mha-ka.

Mat. 10. 23. xip. 11. 19.

5 Filipu i lo relela le mutini wa le Samaria, i loba hungu kabye hi Kristu.

xip. 6. 5.

6 Ni zidlema zi lo ingisa a zilo lezi zi nga wa kanelwa hi Filipu, laha na ba zwile, ba lo wona a ziwoniso a nga wa zi mahile.

7 Hakuba hi ka banyingi laba ba nga wa hi ni moya wa kubiha, wu lo huma kabye, na wu bahuwa hi gezu ga hombe: ni bo tala laba ba nga wa hi ni paralio, ni zilema, ba lo hanyiswa.

Marku 16. 17.

8 Laho ku wa hi kona kutsa-ka ka hombe ka lowo muti.

9 Kanilezi ku wa hi kona munhu wo kari, Simoni a

bito gakwe, loyi hi xikati xa le mahlweni a nga wa hi xitumbe lomo mutini, i lo damisa a banhu ba le Samaria, a ti wula lezaku yena wutsumbu hi munhu wa hombe:

xip. 5. 36. & 13. 6.

10 Ka yena bonkle ba nga wa ingisa, ku sukela ka batso-ngwani ku kala ka laba ba hombe, baku, Loyi munhu hi lowo ntamo wa hombe wa Nungungulu.

11 Bona ba lo ingisa kakwe, hakuba hi zikati xa hombe i lo ba damisa hi wutumbe gakwe.

12 Kanilezi laha na ba kolilwe hi kukanela ka Filipu a mahungu yo saseka hi mufumo wa Nungungulu, ni bito ga Jesu Kristu, ba lo bapatzizwa, bona ba banuna ni ba basati.

xip. 1. 8.

13 Na Simoni kambe a wutsumbu gakwe i lo kolwa: na a bapatzizilwe, i lo simamisa zinwe na Filipu; na languta na a wona ziwoniso ni mitiro ya hombe yi nga wa mahiwa, i lo damiswa.

14 Makunu laha a bapostoli laba ba nga wa hi le Jerusalema laha na ba zi zwile lezaku a Samaria gi yi amukela a mhaka ya Nungungulu, ba lo rumela kabye Petro ni Johani:

15 Labo, laha ba nga relele, ba lo kombelela bona, kasi ba

- fela ku amukela a Moya wa ku Basa:
xip. 2. 38.
- 16 Kota lezi wu nga kala wu nga se ku cikela ni ka mu-nwe wabye: ba lo bapatizwa bitweni ga Hosi Jesu Kristu ntsena.
xip. 2. 38. & 10. 48. & 19. 2, 5. Mat. 28. 19.
- 17 Zonake ba lo klateka mandla yabye hehla kabye, bona ba lo amukela a Moya wa ku Basa.
xip. 6. 6. & 19. 6. Heb. 6. 2.
- 18 Makunu laha Simoni na zi wonile lezaku hi kuklateka ka mand a ya bapostoli a Moya wa ku Basa wo nyikiwa, i lo ba nyika a mali,
- 19 Aku, Nzi nyikeni minawu kambe lowu ntamo, lezaku kani hi wihi nzi ta nga klateka mandla kakwe, a fela ku amukela a Moya wa ku Basa.
- 20 Kanilezi Petro a ku ngalo ka yena, A siliva ya wena a yi lobyiswe zinwe na wena, hakuba u alakanya ku kuma a xinyikiwo xa Nungungulu hi mali.
Mat. 10. 8. xip. 2. 38. & 10. 45. & 11. 17.
- 21 Wena u haba ni xipanze ka kuabelwa ka laya mahu-ngu: hakuba a mbilu ya wena a yi lulamile mahlweni ka Nungungulu.
- 22 Hikwalaho hunzuluka ka loku kubiha ka wena, u kombela a Hosi, kutani kualakanya ka mbilu ya wena ku ta tsetselelwa.
2 Tim. 2. 25.
- 23 Hakuba nza wona lezaku wena u le nyongweni ya kubaba ni le kubohwni ka kuonha.
Heb. 12. 15.
- 24 Simoni i lo hlamula a ku ngalo, Nzi kombeleni nwi-na ka Hosi, kasi ku nga hi kona xa zilo mu kaneleko xi ta ngata hehla ka mina.
Jam. 5. 16.
- 25 Bona hikwalaho, laha na ba kustumunyile ba kanele a mhaka ya Hosi, ba lo wuyela Jerusalema, ba lo kanela ivangeli ka mitana yinyingi ya le Samaria.
- 26 Kanilezi a ngelosi ya Hosi yi lo kanela ka Filipu, yiku, Suka, u famba le dzongeni le ndleleni yi relelako hi le Jerusalema, yi yiya le Gaza: kwaleyo ku hi xiwula.
- 27 Yena i lo suka i lo famba: languta, a munhu wa le Etiopia, a nduna a munhu wa hombe wa Kandake, a muzinza wa le Etiopia, loyi a nga wa komile a tsomba yakwe yonkle, loyi a nga wa tile le Jerusalema kuta kozela;
Joh. 12. 20.
- 28 I wa kari a klela na tsamile kareteni, i wa gonza hi muprofeti Isaya.
- 29 Ni Moya wu ku ngalo ka Filipu, Tsinela kusuhani, u lanzela le kareta.
- 30 Filipu i lo tsutsuma ka yena, i lo muzwa na a gonza hi Isaya muprofeti, a ku

ngalo, Wa pima wena lezi u zi gonzako ke?

31 Yena a ku ngalo, Nzi ta zi kota hi ku yini, saseka loku a wa hi kona munwe ku nzi rangelako? I lo kongotela Filipu ku kilela a tsama zi-nwe naye.

32 Makunu a wutsamo ga mutsalo legi a nga wa kari a gonza ga wa hi legi,

I lo yiswa kuklabyeni kota yivu; kota ivana mahlweni ka mukayi wa yona i mbebebe, zi ngaho a nga hlamangi ni nomu wakwe:

33 Hi kutikoramisa ka yena kulamula ka yena ku susiwa: hi mani a ta nga hlambanyisa xizukulwana xakwe ke? hakuba a kuhanya kakwe ku susilwe misabeni.

34 Ni nduna yi lo hlamula ka Filipu, yi ku ngalo, Nza ku kombela, hi mani a muprofeti a nga kanela ha yena lexi ke? hi wutsumbu gakwe, kutani hi munwani ke?

35 Ni Filipu i lo vulula a nomu wakwe, i lo sangula hi ka lowu mutsalo, i lo kanela kakwe Jesu.

Luka 24. 27. xip. 18. 28.

36 Kota lezi ba nga wa ha famba, ba lo cikela matini; ni nduna yi wula, Languta, a mati; nzi beletelwa hi yini kubapatizwa ke?

xip. 10. 47.

38 I lo laya a kareta lezaku a

yi yime: bona bonkle ba lo engena matini, bona Filipu ni nduna; i lo mu bapatiza.

39 Ni laha ba nga wa huma matini, ni Moya wa Hosi wu lo fambisa Filipu, ni nduna a yi mu wonangi kambe, hakuba yona yi wa ndleleni ya yona na yi tsaka.

40 Kanilezi Filipu i lo kumiwa Azotu: lezi a nga wa tse-makanya i lo kanela ivangeli mitini yonkle, a kala a cikela Kesaria.

XIPIMO 9.

1 Kanilezi Saule, na a nga a pofula kudzukisa ni kudaya bapizani ba Hosi, i loya ka mupristi wa hombe,

xip. 8. 3. Gal. 1. 13. 1 Tim. 1. 13.

2 I lo wutisa ka yena a papilo ga kuya Damaseku le masinagogeni, lezaku loku a kuma a hi kona munhu wa leyi Ndlela, kutani ngwa nuna kutani ngwa sati, a fela ku ba neha na ba bohilwe le Jerusalema.

xip. 19. 9, 23.

3 Kota lezi a nga wa ha famba, na ku mahisile lezo kota a nga wa tsinela le Damaseku: kalakale i lo ranzelwa hi kuwonekela ni kuwoninga ka le tilweni:

xip. 22. 6. & 26. 12. 1 Kor. 15. 8.

4 I lo wela misabeni, i lozwa a gezu giku ka yena, Saule, Saule, hi yini u nzi xanisko ke?

Mat. 25. 40, &c.

5 A ku ngalo, Hi wena mani, Hosi ke? Yena a ku ngalo,

Hi mina Jesu u mu xani-sako:

xip. 5. 39.

6 Kanilezi, suka, u engena mutini, ku ta byeliwa ka wena lezaku u ta maha yini.

Luka 3. 10. xip. 2. 37. & 16. 30.

7 Ni banhu laba ba nga wa famba zinwe naye ba lo yima na ba miyele, ba lozwa gezu kanilezi a ba wonangi munhu.

xip. 22. 9. & 26. 13.

8 Saule i lo suka misabeni; laha mahlo yakwe ma nga wa vululekile a nga wonangi ncumo; bona ba lo mu koka hi canja, ba lo mu neha le Damaseku.

9 Ku wa hi masiku manharu a nga woni ncumo, ge ni kuga hambu ni kunwa.

10 Makunu ku wa hi kona mupizani wo kari le Damaseku, a tibyako Anania; a Hosi yi ku ka yena hi muwoniso, Anania. Yena a ku ngalo, Languta, nzi laha, Hosi.

xip. 22. 12.

11 Ni Hosi yi ku ngalo kakwe, Suka, u famba pangweni legi gi bitiwako Kululama, u wutisa ndlwini ka Juda a munwe loyi a tibyako Saule, a munhu wa le Tarsusi: hakuba languta, yena wa kombela:

xip. 21. 39. & 22. 3.

12 I wonile munhu a tibyako Anania na engena, na klateka mandla hehla ka yena,

kasi a fela ku amukela kuwona kakwe.

13 Kanilezi Anania i lo hlamula, Hosi, mina nzi zwile hi banyingi hi loyi munhu, lezaku i mahisa ku yini ku biha ka laba bo basa le Jerusalema:

xipm. 1.

14 Ni laha i kumile ntamo hi le ka bapristi ba hombe ku boha bonkle laba ba bitanwako bitweni ga wena.

xipm. 21. xip. 7. 59. & 22. 16. 1 Kor. 1. 2. 2 Tim. 2. 22.

15 Kanilezi a Hosi yi ku ngalo kakwe, Ti fambele: hakuba yena hi xibya hi hlawulileweko ka mina, ku rwala a bito ga mina mahlweni ka ba Matiko ni tihosi, ni banana ba Israeli:

xip. 13. 2. & 22. 21. & 25. 22, 23. & 26. 1, 17, &c. Roma 1. 1, 5. & 11. 13. 1 Kor. 15. 10. Gal. 1. 15. & 2. 7, 8. Efe. 3. 7, 8. 1 Tim. 2. 7. 2 Tim. 1. 11.

16 Hakuba nzi ta mu wonisa hi zilo zinyingi lezi a ta nga xaniseka ha zona hi kota ya bito ga mina.

xip. 20. 23. & 21. 11. 2 Kor. 11. 23.

17 Anania i lo famba, i loya engena lomo ndlwini; na a klateka mandla yakwe hehla ka yena a ku ngalo, Makabye Saule, a Hosi, yena Jesu, loyi a nga woneka ka wena le ndleleni leyi u ngata ha yona, yi nzi rumile, lezaku wena u fela ku amukela kuwona ka wena, u tatiswa hi Moya wo Basa.

xip. 2. 4. & 4. 31. & 8. 17. & 13. 52. & 22. 12, 13.

- 18 Kalakale ku lowa hi le mahlweni yakwe zo kota magwaru, i lo amukela kuwona kakwe; i lo suka a bapatizwa;
- 19 I loga za kuga ku ti tiyiseta ha zona.
- Na yena i wa hi ni bapizani masiku yo kari labo ba nga wa hi le Damaseku.
xip. 26. 20.
- 20 Kalakale lomo sinagogeni i loba hungu hi Jesu lezaku hi Nwana wa Nungungulu.
xip. 8. 37.
- 21 Ni bonkle laba ba nga wa muzwa ba lo hlamala, na ba ku ngalo, A hi yena loyi le Jerusalema a nga wa hangalasa laba ba bitwako hi legi bito ke? i kalile ata laha hi kota ya lexi, kasi a fela ku ba tisa na ba bohlwe mahlweni ka bapristi ba hombe.
xip. 8. 3. xipm. 1. Gal. 1. 13, 23.
- 22 Kanilezi Saule i lo anza nguvu ntanweni, i lo kanganyisa a ba Juda ba nga wa hi le Damaseku, na a tiyisa a ku loyi hi Kristu.
xip. 18. 28.
- 23 Laha ku nga wa tatisekile a masiku yo tala, ba Juda ba lo tsema kungo katiginwe kasi ku mu daya:
xip. 23. 12. & 25. 3. 2 Kor. 11. 26.
- 24 Kanilezi a kungo gabye gi lo tibyekiswa ka Saule. Ba lo rinzela nyangwa kambe a mumu ni wusiku kasi ba fela ku mu daya:
2 Kor. 11. 32.
- 25 Kanilezi a bapizana bakwe ba lo mu teka ni wusiku, ba lo mu relelisa lahasi hi kurisi, na ba mu konele xirunzwini.
- 26 Ni laha a nga wa tile le Jerusalema, i lo ringa ku ti klanganisa ni bapizani: bonkle laba ba wo caba ha yena, na ba nga kolwi lezaku yena u mupizani.
xip. 23. 17. Gal. 1. 17, 18.
- 27 Kanilezi Barnabasi i lo mu teka, i lo mu neha ka bapostoli, i lo hlawutela kabye lezaku i yi wonisile ku yini a Hosi laha ndleleni, ni lezaku yi wulawulile kakwe, ni lezaku i kanelisile ku yini hi kutiya le Damaseku hi bito ga Jesu.
xip. 4. 36. & 13. 2. xipm. 20, 22.
- 28 I wa hi nabo ku engeneni ni ku humeni le Jerusalema,
Gal. 1. 18.
- 29 Na a kanela hi kutiya le bitweni ga Hosi: i lo kanela i lo kaneta ni Bagreki ya ba Juda; kanilezi ba wa ku ringa ku mu daya.
xip. 6. 1. & 11. 20. xipm. 23. 2 Kor. 11. 26.
- 30 Laha a bamakabye ba nga wa zi tibile, ba lo mu tisa le Kesaria, ba lo mu rumela le Tarsusi.
- 31 Zi ngaho a ceci yonkle ya le Judia ni le Galile ni le Samaria yi wa hi ni kurula, na yi akilwe; na, yi famba hi xicawo ka Hosi ni kuta-

ngalisweni ka Moya wo Basa, yi lo engetelana.

xip. 8. 1.

- 32 Na ku mahisile lezo, kota lezi Petro a nga wa tsemakanya wonkle maklelo, i lo relela kambe ata ka labo bobasa laba ba nga wa akile le Luda.

xip. 8. 14.

- 33 Laho i lo kuma munhu wo kari bito gakwe Enea, loyi a nga wa eklele sangweni malembe ya nklanu ni manharu; hakuba yena i wa hi paralio.

- 34 Petro a ku ngalo kakwe, Enea, Jesu Kristu wa ku hanyisa: suka, u andlala a sango ga wena. Lokuloku i lo suka.

xip. 3. 6, 16. & 4. 10.

- 35 Ni bonkle laba ba nga wa akile Luda ni le Xaroni ba lo mu wona, ba lo hunzuluka ka Hosi.

xip. 11. 21.

- 36 Makunu ku wa hi kona le Jopa a mupizani wo kari bitiwako Tabita, loyi hi kuklamusela i tibya Dorkasi: loyi wasati i wa tele hi mitiro yo saseka ni kuhana loku a nga wa ku maha.

1 Tim. 2. 10. Tit. 3. 8.

- 37 Na ku mahisile lezo ka lawo masiku, i lo babya, i lofa: laha ba wa mu hlazile, ba lo mu beka le ndlwini ya le hehla.

xip. 1. 13.

- 38 Kota lezi a Luda gi nga wa hi kusuhani ni le Jopa, a

bapizani, na bazwa lezaku Petro i kona laha, ba lo rumela a banhu bambiri kakwe, na ba mu kombela, Lezaku a nga hweli kuta ka hina.

- 39 Petro i lo suka a famba zinwe nabo. Ni laha a nga wa cikele, ba lo mu yisa le ndlwini ya le hehla: ni tonkle tinoni ti wa lo yima ka yena na ti rila, na ba komba a mabaji ni tinguwo leti Dorkasi a nga wa ti mahile, laha a nga wa ha hi nabo.

- 40 Kanilezi Petro i lo ba humesa, i lo kizama, i lo kombela; na a hunzulukela xirumbini, i te ngalo, Tabita, suka. Yena i lo vulula mahlo yakwe; laha a nga wona Petro, i lo vuka a tsama.

Mat. 9. 25. xip. 7. 60. Marku 5. 41, 42. Joh. 11. 43.

- 41 I lo mu nyika a canja gakwe, i lo mu yimisa; i lo bitana laba bobasa ni tinoni, i lo mu beka mahlweni kabye na a hanya.

- 42 Xi lo tibikiswa le Jopa gonkle: ni bo tala ba lo kolwa ka Hosi.

Joh. 11. 45. & 12. 11.

- 43 Na ku mahisile lezo, lezaku i lo tsama masiku yo tala le Jopa, zinwe ni munwe Simoni mufuki wa madzowo.

xip. 10. 6.

XIPIMO 10.

- 1 Makunu ku wa hi kona munhu wo kari le Kesaria, Korneliu a bito gakwe, a

- nduna ya zana ga klawu wu tibyako i klawu wa Italia,
- 2 A munhu a kolwako, loyi a nga ni xicawo ka Nungungulu ni yindlu yakwe yonkle, i wa hana nguvu ka banhu, i lo kombela ka Nungungulu xikati xonkle.
xipm. 22, 35. xip. 8. 2. & 22. 12.
- 3 I lo wona hi kudlunya muwonisweni, kota ku nga wa ku kwatsi i hora ya wunklanu ni mune ya siku, a ngelosi ya Hosi yi leta ka yena, yiku kakwe, Korneliu.
xipm. 30. xip. 11. 13.
- 4 Yena, na a cuwukisisa mahllo yakwe ka yona, na a kari a caba, a ku ngalo, Hi yini, Hosi ke? Yona yi ku ngalo kakwe, A kukombela ka wena ni kuhana ka wena ku yile hehla ku ya maha xialakanyiso ka mahlweni ka Nungungulu.
- 5 Makunu rumela banhu le Jopa, u ya bitana munwe Simoni, loyi a tibyako Petro:
- 6 Loyi a tsamako zinwe na Simoni mufuki wa madzowo, loyi a yindlu yakwe yi nga le fungwini wa bimbi.
xip. 9. 43. & 11. 14.
- 7 Laha na ngelosi leyi yi nga wulawula ka yena yi nga wa sukile, i lo bitana malanza mambiri ya le ngangweni wakwe, ni kasadoro a kolekileko wa bona laba ba simamisako ba labelele ka yena;
- 8 Na a nga a hlawutelele zilo
- zonkle kabye, i lo ba rumela Jopa.
- 9 Makunu hi manziko, kota ba nga wa hi ndleleni, ba tsinela mutini, Petro i lo kanziya le ndlwini ya le hehla ku kombela, ku wa hi hora wa wunklanu ni yinwe:
xip. 11. 5, &c.
- 10 Yena i lozwa ndlala, i lo xuba kuga: kanilezi na ba ha longisa, i lo cikelelwa hi sululwani;
- 11 I lo wona a tilo na gi vululekile, ni xibya xo kari na xi relela, kota xi nga wa ku kwatsi i nguwo ya hombe, na releliwa hi magumo ya mune misabeni:
xip. 7. 56. Kuv. 19. 11.
- 12 Laho ku nga wa hi kona tonkle tixaka ta zihari za mune wa makanzo ni zilo zo kokakoka za misaba ni tinyanyani ta tilo.
- 13 Laho ku leta gezu kakwe, Suka, Petro; klaba gana.
- 14 Kanilezi Petro a ku ngalo, Kokwihi, Hosi; hakuba cima a nzi gangi xilo xo biha ni xi nga hlazekangiko.
- 15 Ni gezu gi leta kakwe kambe hi xikati xa wumbiri, Lexi Nungungulu a xi hlazileko u nga wuli wena a ku ngalo xo biha.
Mat. 15. 11. xipm. 28. Roma 14. 14. 17, 20. 1 Kor. 10. 25. 1 Tim. 4. 4. Tit. 1. 15.
- 16 Lexi xi lo mahiwa kunharu: ni kalakale a xibye xilo amukelwa tilweni.
- 17 Makunu kota lezi Petro a

- nga wa ha kanganyiswa a wutsumbu gakwe lezaku lo-wu muwoniso wu fela kukomba yini, languta, a banhu laba ba nga wa rumilwe hi Korneliu, na ba wutisa yindlu ya Simoni, ba lo yima nyangweni,
- 18 Na ba bitana na ba wutisa kutani Simoni, loyi a tibya-ko Petro, i tsama laha.
- 19 Kota lezi Petro a nga wa ha alakanya hi muwoniso, ni Moya wu te ngalo ka yena, Languta, a banhu banharu ba ku laha.
- xip. 11. 12.
- 20 Kanilezi suka, u cika lahasi, u famba nabo, u nga bilele ncumo: hakuba mina nzi ba rumile.
- xip. 15. 7.
- 21 Petro i lo cika lahasi ka banhu, a ku ngalo, Langutani, hi mina munhu loyi mu mu labako: hikwalaho i mhaka muni mu yi teleko ke?
- 22 Bona ba ku ngalo, Korneliu a nduna ya zana, a munhu wo lulama loyi a na nga ni xicawo hi Nungungulu, loyi a bikiwako hi kusasa hi lixaka bonkle la ba Juda, i lo layiwa hi Nungungulu hi ngelosi yo basa ku bitana wena le ndlwini yakwe, ni ku tazwa timhaka ha wena.
- xipm. 1, 2, &c. xip. 22. 12.
- 23 Lezo i lo bitana i lo eklela zinwe naye.
- Hi manziko i lo suka a famba nabo, ni bamakabye bo
- kari ba le Jopa ba lo mu heleketa.
- xipm. 45. xip. 11. 12.
- 24 Hi manziko ba lo cikela Kesaria. Na Korneliu i lo ba rinzela, na tsombanyisile katiginwe a maxaka yakweni bangana bakwe laba ba nga kusuhani naye.
- 25 Laha na ku mahisile lezo kasi lezo Petro i lo engena, Korneliu i lo mu klanyeta, i lowa lahasi mikonzweni yakwe, i lo mu kozela.
- 26 Kanilezi Petro i lo mu vuxa, aku, Suka u yima; mina nzi munhu kota wena.
- xip. 14. 14, 15. Kuv. 19. 10. & 22. 9.
- 27 Kota lezi a nga wa ha wulawula zinwe naye, i lo engena, a kuma be tala na ba tsombene katiginwe:
- 28 A ku ngalo kabye, Nwina wutsumbu ma zi tiba lezaku a zi fanele ka munhu loyi a nga mu Juda ku klanganyisa wutsumbu gakwe kutani a kuta ka munwe wa linwani lixaka; kanilezi ka mina Nungungulu i lo wonisa lezaku nzi nga bitani munhu a ku ngalo i bihile kutani a nga hlazekangi:
- Joh. 4. 9. & 19. 28. xip. 11. 3. & 15. 8, 9. Gal. 2. 12, 14. Efe. 3. 6.
- 29 Hikwalaho nzi lota na nzi nga kanakani, laha na nzi bitanilwe. Hikwalaho nza wutisa mu nzi bitanele yini.
- 30 Korneliu a ku ngalo, Mune wa masiku ma hunzileko, ku kala leyi hora, nzi wa hlayisa a hora ya wunklanu ni mune ku kombela lomo

ndlwini ya mina; languta, munhu i lo yima mahlweni ya mina, na a ambele tinguwo to basa,

xip. 1. 10. Mat. 28. 3. Marku 16. 5. Luka 24. 4.

31 Aku, Korneliu, kukombela ka wena ku zwilwe, ni kuhana ka wena ku mahile xialakanyiso mahlweni ka Nungungulu.

xipm. 4, &c. Heb. 6. 10.

32 Hikwalaho rumela Jopa, u bitana Simoni, loyi a tibya-ko Petro; a tsamako ndlwini ya Simoni mufuki wa madzowo, hi le fungwini wa bimbi.

33 Ngahizona nzi rumele ka wena; u mahile kwatsi hilezi a tileko. Hikwalaho makunu hina honkle hi kona mahlweni ka Nungungulu, a kuzwa lezi zi laywe-lweko wena hi Hosi.

34 Petro i lo hlamula nomu wakwe a ku ngalo,

Ha kunene nza zi tiba leza-ku Nungungulu a nga na kuhlawula munhu:

Roma 2. 11. Gal. 2. 6. Efe. 6. 9. Kol. 3. 25. 1 Pet. 1. 17.

35 Kanilezi ka tixaka tonkle loyi a mu cabako, a mahako kululama, wa amukeleka ka yena.

xip. 15. 9. Roma 2. 13, 27. & 3. 22, 29. & 10. 12, 13. 1 Kor. 12. 13. Gal. 3. 28. Efe. 2. 13, 18. & 3. 6.

36 A mhaka leyi a nga yi rumela ka bana ba Israeli, na a kanela mahungu yo saseka ya kurula hi Jesu Kristu (hi yena a Hosi ya bonkle)—

Efe. 1. 20, 22. & 2. 14, 16, 17. Kol 1. 20.

Mat. 28. 18. Roma 10. 12. 1 Kor. 15. 27. 1 Pet. 3. 22. Kuv. 17. 14. & 19. 16.

37 Loku kuwula a wutsumbu ga nwina mu zi tibako loku ku nga biwa hungu Judia gonkle, ku sangula Galile, anzako a kubapatiza ka Johani ku nga kanelwe;

Luka 4. 14.

38 Yena Jesu wa Nazareta, lezaku Nungungulu i mu to-tile hi Moya wo Basa ni ntamo: a nga wa nzulanzula na a maha mitiro yo saseka, na a hanyisa bonkle laba ba nga wa tsimbeketilwe hi madimoni; hakuba Nungungulu i wa hi zinwe naye.

Luka 4. 18. xip. 2. 22. & 4. 27. Heb. 1. 9. Joh. 3. 2.

39 Hina hi bakustumunyu ba zilo zonkle lezi a nga zi maha, le tikweni ga ba Juda, ni le Jerusalema; loyi kambe ba nga mu daya, ba lo mu hayeka sinyeni.

xip. 2. 32. & 5. 30.

40 Yena Nungungulu a nga mu vuxa hi siku ga manharu, i lo mu wonekelisa kubaseni,

xip 2. 24.

41 Na ku nga hi ka banhu bonkle, kanilezi ka bakustumunyu laba ba nga wa hlawulilwe hi mahlweni hi Nungungulu, kona ka hina, loyi hi nganwa hi ngaga naye a nzako i lo vuka hi ka bafileko.

Joh. 14. 17, 22. & 21. 13. xip. 13. 31. Luka 24. 30, 43.

42 I lo hi laya ku kanela ka banhu, ni ku kustumunya lezaku loyi hi yena a yimi-

silweko hi Nungungulu ku maha Lamula ka bahanya-ko ni bafileko.

Mat. 28. 19, 20. xip. 1. 8. & 17. 31.
Joh. 5. 22, 27. Roma 14. 9, 10. 2 Tim.
4. 1. 2 Kor. 5. 10. 1 Pet. 4. 5.

- 43 Ka yena a baprofeti bonkle ba lo maha wukustumunyu, lezaku hi bito gakwe bonkle laba ba ta nga kolwa kakwe ba ta amukela kutsetselelwa ka zonho.

xip. 15. 9. & 26. 18, 22. Roma 10. 11.
Gal. 3. 22.

- 44 Laha na Petro na a ha wulawula leti timhaka a Moya wo Basa wu lo cikela hehla kabye bonkle laba ba ngazwa a mhaka.

xip. 4. 31. & 8. 15, 16, 17. & 11. 15.

- 45 Ni laba ba zitsiba ba nga wa kolilwe ba lo hlamala, kota a wunyingi gabye laba ba nga wa tile na Petro, haku-ba a ba Matiko kambe ku halatelwe a xinyikiwo xa Moya wo Basa.

xipm. 23. xip. 11. 18. Gal. 3. 14.

- 46 Hakuba bona ba lo bazwa na ba kanela hi tirimi, na kulisa Nungungulu. Zona-ke i lo hlamula Petro,

- 47 A nga kota munhu ku beleta mati ke, lezaku laba ba nga bapatizwi ke, laba ba amukeleko a Moya wo Basa kwatsi kota lezi hina hi wu amukeleko ?

xip. 11. 17. & 15. 8, 9. Roma 10. 12.

- 48 I lo laya a ku ba ba bapati-zwa bitweni ga Jesu Kristu. Zonake ba lo mu kombela akuba a tsama nabo masiku yo kari.

1 Kor. 1. 17. xip. 2. 38. & 8. 16.

XIIMO 11.

- 1 Makunu a bapostoli ni ba-makabye laba ba nga wa hi le Judia ba lozwa lezaku a ba Matiko kambe ba amukele a mhaka ya Nungungulu.

- 2 Laha Petro a nga wa cikele le Jerusalema, laba ba zitsiba ba lo kanetisana zinwe naye,

xip. 10. 45. Gal. 2. 12.

- 3 Baku, Wena u lo famba ka makuna, u yaga nawo.

xip. 10. 28. Gal. 2. 12.

- 4 Kanilezi Petro i lo sangula, i lo hlawutela a mahungu hi kuxaxameta, aku,

Luka 1. 3.

- 5 Mina nzi wa hi le mutini wa le Jopa na nzi kombela: le sululwaneni nzi lo wona muwoniso, ni xibya xo kari xi wa relela, kota ku nga wa hi nguwo ya hombe na yi releliwa hi le tilweni hi magumo ya mune; yi lota ka mina:

xip. 10. 9, &c.

- 6 Ka xona laha na nzi cuwukisisile mahlo ya mina, nzi lo alakanya, nzi lo wona a zihari za mune wa makanzo za misaba ni zihari za kwati ni zile zo kokakoka ni tinnyanyani ta tilo.

- 7 Nzi lozwa kambe ni gezu giku ka mina. Suka, Petro; klaba uga.

- 8 Kanilezi mina nzi ku ngalo, Kokwihi, Hosi: hakuba a ku na ncumo xo biha kutani xi nga hlazekangiko xi engenileko nonwini wa mina.

- 9 Ni gozu gi lo hlamula hi xikati xa wumbiri hi le tilweni, Lexi Nungungulu a xi hlazileko, u nga wuli wena lezaku xo biha.
- 10 Lexi xi lo mahiwa kunhari: zonkle zi klakuselwa tilweni kambe.
- 11 Languta, zalezo ku lo yima a banhu banharu mahlweni ka yindlu leyi hi nga wa hi ka yona, na ba rumelwe hi le Kesaria ka mina.
- 12 Ni Moya wu lo nzi laya ku famba nabo, na nzi nga ganganwi ncumo. Ni laba bamakabye banklanu ni munwe kambe ba lo nzi heleketa; hi lo engena lomo ndlwini ya loye munhu:
Joh. 16. 13. xip. 10. 19, 23. & 15. 7.
- 13 I lo hi byela lezaku i wonisile ku yini a ngelosi na yi yimile le ndlwini kakwe, yiku, Rumela le Jopa, u ya bitana Simoni, loyi a tibya-ko Petro;
xip. 10. 30.
- 14 Loyi a ta nga kanela ka wena timhaka, leti u ta nga hanyiswa ha tona, wena ni yindlu ya wena yonkle.
- 15 Kota lezi nzi nga wa sangula ku kanela, a Moya wo Basa wu lo cikela hehla kabye, kota lezi wu nga maha ka hina kusanguleni.
xip. 2. 4.
- 16 Mina nzi lo alakanya a mhaka ya Hosi, lezaku i wulisile ku yini, Johani ha kunene i bapatizile hi mati; kanilezi nwina mu ta bapatizwa hi Moya wo Basa.
Mat. 3. 11. Joh. 1. 26, 33. xip. 1. 5. & 19. 4.
- 17 Zonake loku Nungungulu i lo nyika ka bona a xinyikiwo kota a nga nyika ka hina, laha hi nga kolwa ka Hosi Jesu Kristu, hi mina mani minawuwo, loyi nzi ta nga kanetana na Nungungulu ke?
xip. 10. 47. & 15. 8, 9.
- 18 Laha na ba zwile lezi zilo, ba lo miyela, na ba dumisa Nungungulu, baku, Zonake ni ka ba Matiko Nungungulu i nyikile a kuhunzuluka ka wutomi.
Roma 10. 12, 13. & 15. 9, 16.
- 19 Bona laba ba nga wa hangalakile hi kota ya kuxaniseka loku ku nga wa humela ha Stefani ba lo famba kule kota Fonike ni le Kupro, ni le Antioki, ba wo kanela a mhaka ge ni ka munwe, saseka ka ba Juda boce.
xip 8. 1.
- 20 Kanilezi ku wa hi kona banwani babye, banhu ba le Kupro ni le Kurene, laba, laha ba nga wa tile Antioki, ba lo kanela ka ba Greki kambe na ba kanela a Hosi Jesu.
xip. 6. 1. & 9. 29.
- 21 Ni canja ga Hosi gi wa hi zinwe nabo: ni botala laba ba nga wa kolilwe ba lo hunzulukela ka Hosi.
Luka 1. 66. xip. 2. 47. & 9. 33.
- 22 Ku lo bikiwa ha bona ka

ceci leyi yi nga wa hi le Jerusalema: ba lo rumela Barnabasi ku famba ku kala le Antioki:

xip. 9. 27.

23 Loyi, laha a nga wa cikele, na a wonile a wuxinji ga Nungungulu, i lo nengela; i lo ba laya bonkle, hi kutisa ka mbilu nga ba namarela Hosini:

xip. 13. 43. & 14. 22.

24 Hakuba yena i wa hi munhu wo saseka, a tatisilwe hi Moya wo Basa ni kukoleka: ni banhu bo tala ba lo engetelwa ka Hosi.

xip. 5. 14. & 6. 5. xipm. 21.

25 Yena i loya Tarsusi a kuya laba Saule:

xip. 9. 30.

26 Ni laha a nga wa mu kumile, i lo mu tisa le Antioki. Na ku mahisile lezo, lezaku a lembe gonkle ba lo tso mbana wutsamo ginwe zinwe ni ceci, ba lo gonzisa a banhu banyingi; lezaku a bapizani ba lo bitiwa Makristu kusangula hi le Antioki.

27 Makunu hi lawo masiku ku lota baprofeti le Jerusalema le Antioki.

xip. 2. 17. & 13. 1. & 15. 32. & 21. 9.
1 Kor. 12. 28. Efe. 4. 11.

28 Laho ku lo yima munwe wabye a bito gakwe hi Agabusi, a wonisa hi Moya ku ta ba kona a ndlala ya hombe tikweni gonkle: leyi yi nga cikela masikwini ya Klaudio.

xip. 21. 10.

29 Ni bapizani, loyi ni loyi kotta ntamo wakwe, ba lo xuba ku rumela a bamakabye laba ba nga le Judia:

Roma 15. 26. 1 Kor. 16. 1. 2 Kor. 9. 1.

30 Lezo kambe ba lo zi maha, ba lo rumela ka masingalati hi canja ga Barnabasi na Saule.

xip. 12. 25.

XIPIMO 12.

1 Makunu hi lexo xikati Herodi a hosi i lo nawuluta mandla yakwe kuxanisa bo kari ba le cecini.

2 I lo mu daya Jamesi makabye wa Johani hi supado.

Mat. 4. 21. & 20. 23.

3 Laha na wonile lezaku zi kolisile ba Juda, i lo engeta ku koma na Petro kambe. Lawo ma wa hi masiku ya zibaba zi nga haba comelo.

4 Ni laha a nga wa mu komile, i lo mu engenisa paxweni, i lo mu nyika ka miklawwa ya mune ya bakasadora kasi ku mu hlayisa; na alakanya lezaku hi nza ko ka Pasika i ta mu neha mahlweni ka banhu.

Joh. 21. 18.

5 Petro hikwalaho i lo gongiwa paxweni: kanilezi ku wa kongelelwa ni ku kongelelwa hi ceci ka Nungungulu ha yena.

2 Kor. 1. 11. Efe. 6. 18. 1 Tesa. 5. 1.

6 Ni laha Herodi a nga wa laba ku mu humesa, gwalego siku Petro i wa eklele xikari ka bakasadoro bambiri, na a bohilwe hi ma-

- ngenje mambiri: ni bari-
nzeli mahlweni ka nyangwa
na ba rinzela a paxo.
- 7 Languta, a ngelosi ya Hosi
yi lo yima kakwe, ku lo
woninga kuwonekela lomo
ndlwini: yi lo mu dukunya
petro rebeni, yi lo mu vuxa,
yiku, Suka lokuloku. Ni
mangenje yakwe ma lowa
hi le mandleni yakwe.
xip. 5. 19.
- 8 Ni ngelosi yi ku ngalo ka
yena, Ambala wutsumbu ga
wena, u engenisa zilato za
wena. Yena i lo maha lezo.
Yi ku ngalo kakwe, Fene-
ngela kumba wa wena, u
nzi lanzela.
- 9 I lo huma, i lo lanzela; i wa
nga zi tibi lezaku zi nene
lezi zi mahiwako hi ngelosi,
kanilezi i wa alakanya leza-
ku i lo wona muwoniso.
xip. 10. 3, 17. & 11. 5.
- 10 Laha ba nga wa hunzile
barinzeli boranga ni bo ga-
mela ba lotta nyangweni ya
xiketse leyi yi engenako lo-
mo mutini; yi lo ti vulule-
kela yonawu: ba lo huma,
ba lo tsemakanya a pango
ginwe; ni kalakale a ngelosi
yi lo suka ka yena.
xip. 16. 26.
- 11 Ni laha Petro a nga ta ti
alakanya, a ku ngalo, Ma-
kunu nza zi tiba ha kunene,
lezaku a Hosi yi lo ruma a
ngelosi ya yona i lo nzi kla-
klisa canjeni ga Herodi, ni
kulangutelelelweni ka ba-
nhu ba ba Juda.
Heb. 1. 14. 2 Kor. 1. 10. 2 Pet. 2. 9.
- 12 Ni laha a nga wa pimile hi
mhaka, i lotta ndlwini ya
Maria a nyine wa Johani
loyi a tibyako Marku; laha
a banyingi ba nga wa tso-
mbene katiginwe na ba ko-
mbela.
xip. 4. 23. & 15. 37. xipm. 5.
- 13 Laha nga wa gongonzile le
libatini la nyangwa, a nhwa-
na i lotta ku hlamula a bito
gakwe hi Roda.
- 14 Ni laha a nga wa gi tibile a
gezu ga Petro, a nga yi vu-
lulangi nyangwe hi kutsa-
ka, kanilezi i lo tsutsuma
xikari i lo byela lezaku Pe-
tro i yimile laha mahlweni
ka nyangwa.
- 15 Bona ba ku ngalo kakwe,
Wena u hungukile. Kani-
lezi yena a su tiyisisa ngu-
vu a ku hi lezo. Bona
ba ku ngalo, Hi ngelosi ya-
kwe.
Mat. 18. 10.
- 16 Kanilezi Petro i wa su si-
mamisa a gongonza: ni laha
ba nga wa vulule, ba lo mu
wona, ba lo hlamala.
- 17 Kanilezi yena, na a kwenuta
hi canja kasi ku ba miyeta,
i lo hlawutela kabye lezaku
a Hosi yi mu humesisile ku
yini le paxweni. A ku nga-
lo, Ambelani Jamesi lezi zilo
ni ka bamakabye. Yena i
lo suka, aya ka ginwani wu-
tsamo.
xip. 13. 16. & 19. 33. & 21. 40.
- 18 Makunu kalakale na gi cile,
ku wa nga hi ncawo wu
tsongwani xikari ka baka-

sadoro, za ku yini zi mahilweko hi Petro.

19 Laha Herodi a nga wa mu labile, a nga mu kumangi, i lo hlolisisa a barinzeli, i lo laya lezaku a ba dayiwe. I lo relela hi le Judia kuya Kesaria, i lo tsama laho.

20 Makunu laha a nga wa zangarile nguvu hi ba le Tire ni Sidoni: bona ba lota hi mbilu yinwe kakwe, na, ba kolisile Blastu a nduna ya zonkle za hosi, ba lo kombe-la kurula, hakuba a tiko gabye gi lo wundliwa hi tiko ga hosi.

21 Hi siku gi yimisilweko Herodi i lo bombisa wutsumbu gakwe hi nguwo ya wukosi, i lo tsama xitsanweni xa wukosi, i lo kanela kabye.

22 Ni banhu ba lo kanyuluka, baku, I gezu ga Nungungulu, a hi gezu ga munhu.

23 Kalakale a ngelosi ya Hosi yi lo muba, hakuba a nga nyikangi a Nungungulu a ku dumiswa: i lo giwa hi xiwungwani, i lofa.

24 Kanilezi a mhaka ya Nungungulu yi lo kula yianzi-swa.

xip. 6. 7. & 19. 20. Kol. 1. 6.

25 Barnabasi na Saule ba lo wuya hi le Jerusalema, laha ba nga wa tatisile kukozela kabye, ba lo teka zinwe na-

bo Johani loyi a tibyako Marku.

xip. 11. 29, 30. & 13. 5, 13. & 15. 37. xipm. 12.

XIPIMO 13.

1 Makunu ku wa hi kona le Antioki, le cecini leyi yi nga wa hi leyo, a baprofeti ni bagonzisi, Barnabasi, na Simeone, loye a nga bitwa Nigeri, na Lukio wa Kurene, na Manani loyi a nga kula zinwe na Herodi a hosi, na Saule.

xip. 11. 22-27. & 14. 26. & 15. 35. Roma 16. 21.

2 Kota lezi ba nga wa kozela ka Hosi, na ba lo yila, a Moya wo Basa wu ku ngalo, Nzi hambanyiseleni Barnabasi na Saule le ntirweni lowu nzi ba biteleko wona.

xip. 9. 15. & 14. 26. & 22. 21. Roma 1. 1. & 10. 15. Gal. 1. 15. & 2. 9. Mat. 9. 38. Efe. 3. 7, 8. 1 Tim. 2. 7. 2 Tim. 1. 11. Heb. 5. 4.

3 Zonake laha ba nga wa yilile na ba kombelile ba lo klateka mandla hehla kabye, ba lo ba fambisa.

xip. 6. 6.

4 Zi ngaho bona, na ba rumilwe hi Moya wo Basa, ba lo relela ba ya Kilikia; ku sukela laho ba lo kilela tarwini baya Kupro.

xip. 4. 36.

5 Ni lezi ba nga wa hi le Salami, ba loba hungu hi mhaka ya Nungungulu sinagogeni ga ba Juda: ba wa hi na Johani kambe kota xikozeli xabye.

xipm. 46. xip. 12. 25. & 15. 37.

- 6 Ni laha ba nga wa tsemakanyile xonkle xihlale kala Pafosi, ba lo kuma a xitumbe xo kari, a muprofeti wa mawunwa, wa mu Juda, loyi a bito gakwe a nga wa hi Bar-Jesu;
xip. 8. 9.
- 7 Loyi a nga wa hi kona ni mufumeli, Sergiu Pauluse a munhu a na nga ni kupima. Ywaloye i lo bitana ka yena Barnabasi na Saule, na a laba kuzwa a mhaka ya Nungungulu.
- 8 Kanilezi Eluma xitumbe (hakuba gi ngaho a bito gakwe hi kuklamuselwa) i lo ba kaneta, na a laba ku hambukisa mufumeli kukolekeni.
2 Tim. 3. 8.
- 9 Kanilezi Saule, loyi kambe a culilweko Paule, loyi a teleko hi Moya wo Basa, i lo mu honokela,
xip. 4. 8.
- 10 A ku ngalo, O u tele hi kukohlisa konkle ni kubiha konkle, wena nwana wa satani, wena nala wa kululama, u nga ta tsika ku hambukisa tindlela ti lulamileko ta Hosi ke?
Mat. 13. 38. Joh. 8. 44. 1 Joh. 3. 8.
- 11 Makunu, wangabye, canja ga Hosi gi le hehla ka wena, u ta maha xikumu, u nga gi woni gambo hi xikatanyana. Ni kalakale ku lo cikela kakwe a kupfupela ni munyama; i lo famba na a laba wa ku mu koka hi canja.
- 12 Zonake a mufumeli, laha na a wonile lezi zi nga wa mahekile, i lo kolwa, na kari a damiswa hi kugonzisa ka Hosi.
- 13 Makunu Paule ni laba ba nga wa hi zinwe naye ba lo suka Pafosi, ba lota Perga ga le Pamfilia: Johani i lo suka kabye i lo klelela le Jerusalema.
xip. 15. 38.
- 14 Kanilezi bona, ba lo tsemakanya Perga, ba lota Antiocki wa le Pisidia; ba lo engena sinagogeni hi siku ga sabado, ba lo tsama.
xip. 16. 13. & 17. 2. & 18. 4.
- 15 Anzako ka kugonziwa ka nayo ni baprofeti a bafumeli ba sinagoga ba lo rumela kabye, baku, Bamakabye, loku mu nga mu hi ni mhaka ya kulaya ka banhu, kanelani.
Luka 4. 16. xipm. 27. Heb. 13. 23.
- 16 Paule i lo yima, a kweneta hi canja gakwe a ku ngalo,
Madota ya Israeli, nwina laba mu cabako Nungungulu, ingisani.
xip. 10. 35. & 12. 17. xipm. 26, 42, 43.
- 17 Nungungulu wa laba banhu Israeli i lo hlawula bararu ba hina, i lo ba kumukisa a banhu laha ba nga wa hi bapfumba tikweni ga le Gipite, na hi canja gi klakusilweko i lo ba rangela a ba humesa ka gona.
xip. 7. 17.
- 18 Ku wa hi xikati xa mune

wa makume ya malembe i lo
ba wundla yena xiwuleni.

xip. 7. 36.

19 Ni laha a nga wa dele a
nklanu wa tixaka ni timbi-
ri le tikweni ga le Kanani, i
lo ba nyika a tiko ga tona
ku maha tsomba yabye, a ku
kwatsi mune wa mazana ni
nklanu wa makume ya ma-
lembe:

20 Anzako ka lezi zilo i lo ba
nyika balamuli ku kala Sa-
mueli muprofeti.

21 Anzako ka lezi ba lo kombe-
la a hosi : Nungungulu i ba
nyika Saule a nwana wa
Kixi, a munhu wa lixaka la
Benjamini, a xipimo xa mu-
ne wa mune wa makume ya
malembe.

22 Ni laha a nga wa mu susile,
i lo mu vuxa Davida a ku
maha a hosi yabye, ka yena
i lo maha wukustumunyu,
a ku ngalo, Nzi mu kumile
Davida a nwana wa Jese, a
munhu wa mbilu ya mina,
loyi a ta nga maha konkle
kuranza ka mina.

xip. 7. 46.

23 Hi ka mbewu ya loyi mu-
nhu Nungungulu hi ka tsu-
mbiso i lo neha ka Israeli
a Muhanyisi, Jesu;

Luka 1. 32, 69. xip. 2. 30. Roma 1. 3.
& 11. 26. Mat. 1. 21.

24 Ni laha Johani kuranga a
nga wa kanela hi mahlweni
ka kuta kakwe a kubapa-
tizwa ka kuhunzuluka ka
bonkle banhu ba Israeli.

Mat. 3. 1. Luka 3. 3.

25 Kota lezi Johani a nga wa

hetile a kufamba kakwe,
a ku ngalo Mu alakanya mu
ku mina nzi wa ku yini ke?
mina a nzi mina yena. Ka-
nilezi mangabye, ku kona a
tako hi le nzako ka mina, ni
zilato za mikonzo yakwenzi
nga faneliko ku zi klakla.

Mat. 3. 11. Marku 1. 7. Luka 3. 16.
Joh. 1. 20, 27.

26 Bamakabye, banana bambe-
wu ya Abrahamu, laba xi-
kari ka nwina mu cabako
Nungungulu, hi ka hina le-
yi a mhaka ya kuhanya yi
rumelweko.

Mat. 10. 6. Luka 24. 47. xip. 3. 26.
xipm. 46.

27 Hakuba bona laba ba akile-
ko le Jerusalema, ni bafu-
meli babye, hakuba a ba wa
nga mu tibangi, ge ni ti-
mhaka ta baprofeti leti ti go-
nzwako masabado wonkle,
ba lo titatisa hi ku mu kona.

Luka 23. 34. & 24. 20, 44. xip. 3. 17.
& 15. 21. & 26. 22. & 28. 23. 1 Kor. 2.
8. xipm. 14, 15.

28 Hambu lezo ba nga kala ku
kuma a nanzu wa kufa ka
yena, ba lo kombela Pilatu
lezaku nga a dayiwe.

Mat. 27. 22. Marku 15. 13, 14. Luka
23. 21, 22. Joh. 19. 6, 15. xip. 3.
13, 14.

29 Laha ba nga wa tatisile zo-
nkle zilo zi nga wa tsililwe
ha yena, ba lo mu cisa si-
nyeni, ba lo mu beka xila-
hleni.

Luka 18. 31. & 23. 53. & 24. 44. Joh.
19. 28, 30, 36, 37, 38. Mat. 27. 59.
Marku 15. 46.

30 Kanilezi Nungungulu i lo
mu vuxa hi ka bafleko:

Mat. 28. 6. xip. 2. 24. & 3. 13, 15, 26.
& 5. 30.

- 31 I lo wonwa masiku manyi-
ngi hi laba ba ngata zinwe
naye hi le Galile kuyo Jeru-
salema, labo ba nga baku-
stumunyu bakwe ka banhu.
*Mat. 28. 16. 1 Kor. 15. 5, 6, 7. xip. 1.
8, 8, 11. & 2. 32. & 3. 15. & 5. 32.*
- 32 Hi mu nehela a mahungu
yo saseka ya xitsumbiso le-
xi xi nga mahiwa ka bada-
dani,
xip. 26. 6. Roma 4. 13. Gal. 3. 16.
- 33 Lezaku Nungungulu i xi
tatisile xwalexi ka banana
ba hina, ka lezi a nga vuxa
Jesu; kota lezi kutsalilweko
ka lisimu la wumbiri, Wena
u Nwana wa mina, legi siku
nzi ku trele.
Heb. 1. 5. & 5. 5.
- 34 Kota hi kota ya lezi a nga
mu vuka hi ka bafleko, ma-
kunu a nga ta ha klela ka-
mbe a bola, kota lezi a nga
wulawulisa ku ngahi, Nzi
ta mu nyika kukatekiswa
ka zinene kutiyileko ka Da-
vida.
- 35 Hakuba yena i te ngalo ka
linwani lisimu, Wena u nga
ta vumela wa ku Basa wa
wena ku wona kubola.
xip. 2. 31.
- 36 Hakuba Davida, anzako hi
xizukulwana xakwe na i lo
kozela kuranza ka Nungu-
ngulu, i lo eklela, i lo beki-
wa ka bararu bakwe, i lo
wona kubola:
xipm. 22. xip. 2. 29.
- 37 Kanilezi loyi Nungungulu a
nga mu vuxa a nga wonangi
kubola.
- 38 Nga xi tibeka ka nwina hi-
kwalaho, bamakabye, leza-
ku hi kota ya munhu loyi
ku biwa hungu ka nwina a
kutsetselelwa ka zonho :
Luka 24. 47. 1 Joh. 2. 12.
- 39 Ha yena bonkle laba ba ko-
lwako ba ta lulamiswa ka
zilo zonkle, lezi nwina mu
nga kala kululamiswa hi
nayo wa Mosi.
Roma 3. 28. & 8. 3. Heb. 7. 12.
- 40 Klarihani hikwalaho, ku
ngata ku kucikela hehla ka
nwina, lexi xi nga kanelwa
hi baprofeti ;
- 41 Langutani, nwina baka-
nyisako, mu hlamala, na
mu lobyiswa; hakuba nzi
tirisile masikwini ya
nwina, a ntiro lowu nwi-
na mu nga kala ku wu
kolwa, loku a munwe
a nga wu hlawutela ka
nwina.
- 42 Ni kota lezi ba nga wa hu-
ma, ba lo kongotela lezaku
leti timhaka a ti kanelwe
kabye kambe hi sabado gi
gamelako.
- 43 Makunu laha sinagoga gi
nga wa hangalakakile, a li-
nyingi la ba Juda ni mako-
lwa ya ba Matiko ba lo la-
nzela Paule na Barnabasi :
laba, ba nga wa kana ka-
bye, ba lo ba kongotela ku
timisela wuxinjini ga Nu-
ngungulu.
*xip. 11. 23. & 14. 22. Tit. 2. 11. Heb.
12. 15. 1 Pet. 5. 12.*
- 44 Makunu hi sabado go ga-
mela ku su kwatsi a muti
wonkle wu tsombene kati-

ginwe ku tazwa a mhaka ya Nungungulu.

- 45 Kanilezi laha a ba Juda ba nga wa wona a zidlema, ba lo tatiswa hi wukuxu, ba lo kaneta a zilo lezi zi nga wa kanelwa hi Paule, ba lo rukatela.

xip. 18. 6. 1 Pet. 4. 4. Jude 10.

- 46 Paule na Barnabasi ba lo kanela hi kutiya, ba ku ngalo, Zi wa fanele lezaku a mhaka ya Nungungulu yi nga kanelwe ka nwina kuranga. Na mu wona mu yi nyenyile, na mu lamula wutsumbu ga nwina lezaku a mu fanelwe hi kuhanya ka kupinzuka, mangabye, hi hunzulukela ka ba Matiko.

Mat. 10. 6. & 21. 43. xipm. 26. Roma 1. 16. & 10. 19. xip. 3. 26. & 18. 6. & 28. 28.

- 47 Hakuba zi ngaho a Hosi yi lo hi laya, yiku,

Nzi ku rumile ku maha kuwonekela ka ba Matiko, kasi ku nga u maha ku kuhanyisa ni kwaleyo kugumelweni ka misaba.

Luka 2. 32.

- 48 Ni kota lezi a ba Matiko ba nga wa zi zwile, ba lo nengela, ba lo dumisa a mhaka ya Nungungulu : kota a banyingi laba ba nga wa yimiselwe a kuhanya ka kupinzuka ba lo kolwa.

xip. 2. 47.

- 49 Ni mhaka ya Nungungulu yi la su fenemete matikweni wonkle.

- 50 Kanilezi a ba Juda ba lo kucetela ba basati ba lulamile-

[Sheetwa.]

87

ko laba ba hombe ba muti, ni banhu ba hombe ba muti, ba lo vindlukisa banhu ku kuxanisa Paule na Barnabasi, ba lo ba panzanya mbinganweni wabye.

2 Tim. 3. 11.

- 51 Kanilezi bona ba lo pumunhela a tsuri wa mikonzo yabye ka bona, ba lotta le Ikoniume.

Mat. 10. 14. Marku 6. 11. Luka 9. 5. xip. 18. 6.

- 52 Ni bapizani ba lo tatiswa hi kutsaka zinwe ni Moya wo Basa.

Mat. 5. 12. Joh. 16. 22. xip. 2. 46.

XIPIMO 14.

- 1 Na ku mahisile lezo le Ikoniume, lezaku ba lo engena katiginwe sinagogeni ga ba Juda, zi ngaho ba lo kanela, lezaku xidlema xa hombe xa ba Juda ni ba Greki xi lo kolwa.

- 2 Kanilezi a ba Juda laba ba nga kala ba nga ingisi ba lo vindlukisa a mihefemulo ya ba Matiko, ba lo ba holobisa ni bamakabye.

- 3 Xikati xa hombe hikwalaho ba lo tsama laho na ba kanela hi kutiya le Hosini, leyi yi nga wa maha wukustumunyu le mhakeni ya wuxinji ga yona, yi lo vumela ziwoniso ni zihlamliso ku mahiwa hi mandla yabye.

Marku 16. 20. Heb. 2. 4.

- 4 Kanilezi a xidlema xa muti xi wa lo hambana; ni xipanze xi lo yima ni ba Juda,

ni xipanze xi lo yima ni ba-postoli.

xip. 13. 3.

5 Laha na ku mahilwe ku kucetelwa ka ba Matiko ni ba Juda zinwe ni tihosi tabye, ku ba koma hi ku cela tingana, ni ku ba gandla hi maribye,

2 Tim. 3. 11.

6 Bona ba lo xi tiba lexi, ba loabela mitini wa le Likao-
nia, Listra ni Derbe, ni matikweni laya ma nga leyo:

Mat. 10. 23.

7 Leyo ba lo kanela ivangeli.

8 Ni le Listra ku wa tsama kona munhu, wo kari, a nga wa babya hi mikonzo yakwe, i wa hi xirela cima a tralwa rubyini ga nyine wakwe, i wa nga zi tibi ku famba.

xip. 3. 2.

9 Ywaloye i lozwa Paule na a kanela: loyi, na a nga wa mu cuwukisisa, na a wona aku i wa hi ni kukoleka ka ku hanyiswa,

Mat. 8. 10. & 9. 28, 29.

10 A ku ngalo hi gezu ga hombe, Suka u yima hi mikonzo ya wena. I lo jatama i lo famba.

11 Ni laha zidlemono zi nga wona lexi Paule a nga wa mahile, ba lo klakusa a magezu yabye, baku hi lirimi la ba le Likaonia, Banungungulu ba releleko ka hina hi kufanana ni banhu.

xip. 8. 10. & 28. 6.

12 Ba lo bitana Barnabasi, Jupiteri; na Paule, Merkure,

hakuba i wa hi mukanela wa hombe.

13 Ni mupristi wa Jupiteri loyi a tempele yakwe yi nga wa hi mahlweni ka muti, i lo neha a tikabi ni tibombisilweko tinyangweni, a nga laba ku pahlela zinwe ni zidlemono.

14 Kanilezi laha bapostoli, Barnabasi na Paule, na ba zi zwile, ba lo hanzula tinguwo tabye, ba lo tsutsumela zidlenwini,

Mat. 26. 65.

15 Na ba bitana, baku, Mado-
ta, mu mahela yini lezi zilo ke? Hinawu hi banhu hi na mahanyela kota nwina, hi lo mu nehela a mahungu yo saseka, kasi ma fela ku klela zilweni lezi za mahala muta ka Nungungulu a hanyako, loyi a nga maha tilo ni misaba ni bimbi, ni lezi zonkle zi nga ka zona:

xip. 10. 26. Jam. 5. 17. Kuv. 14. 7. & 19. 10. 1 Kor. 8. 4. 1 Tesa. 1. 9.

16 Loyi hi zizukulwana zi hunzileko i lo vumela tixaka tonkle ku famba hi tindlela ta zona.

xip. 17. 30. 1 Pet. 4. 3.

17 Na wa nga a nga ti tsikangi ku zi mahela wukustumunyu a wutsumbu gakwe, lezo a nga maha kusasa, i lo nyika nwina hi le tilweni a vula ni tinguba ta mihanzo, mu lo tatisa a timbilu ta nwina hi kuga ni kutsaka.

xip. 17. 27. Roma 1. 20. Mat. 5. 45.

18 Hi loku kuwula ba lo tsanza

a ku komama a zidlemo le-
zaku zi nga pahleli kabye.

- 19 Kanilezi ku lotta ba Juda laho hi le Antioki ni le Ikoniume: na ba hlohlolele zidlemo, ba lo gandla Paule, ba lo mu rorobisela le handle ka muti, na ba alakanya lezaku i file.

xip. 13. 45. 2 Kor. 11. 25. 2 Tim. 3. 11.

- 20 Kanilezi kota lezi bapizani ba nga wa yimile ba mu ranzele, i lo vuka, i lo engena mutini: hi manziko i lo famba na Barnabasi le Derbe.

- 21 Ni laha ba nga wa kanele ivangeli ka lowo muti, ni laha ba nga wa mahisile bapizana bo tala, ba lo klelela Lистра, ni le Ikoniume, ni le Antioki,

Mat. 28. 19.

- 22 Na ba tangalisa a mihefumulo ya bapizani, na ba ba laya ku nonohisa kukolekeni, ni lezaku hi zikarato zo tala hi ta engena mufunweni wa Nungungulu.

xip. 11. 23. & 13. 48. Mat. 10. 38. & 16. 24. Luka 22. 28, 29. Roma 8. 17. 2 Tim. 2. 11, 12. & 3. 12.

- 23 Ni laha ba nga wa yimisile a masingalakati ticecini tonkle, ni ba kombele hi kuyila, ba lo ma nyikela Hosini, leyi ma lo kolwa hi ka yona.

Tit. 1. 5.

- 24 Ba lo tsemakanya Pisidia, ba lotta Pamfilia.

- 25 Ni laha ba nga wa kanele a mhaka le Perga, ba lo relela Atalia;

- 26 Ku sukela laho ba loya Antioki, laho ba nga wa nyikilwe kona wuxinji ga Nungungulu legi ba nga wa gi tatisile.

xip. 13. 1, 3. & 15. 40.

- 27 Ni laha ba nga wa tile, na ba tsombanyile ceci katiginwe, ba lo hlawutela a zilo zonkle lezi Nungungulu a nga wa zi mahile ha bona, ni lezaku i vululile libati la kukoleka ka ba Matiko.

xip. 15. 4, 12. & 21. 19. 1 Kor. 16. 9. 2 Kor. 2. 12. Kol. 4. 3. Kuv. 3. 8.

- 28 A ba tsamangi xikati xitsongwani laho ni bapizani.

XIPIMO 15.

- 1 Ni banhu bo kari ba lotta hi le Judia ba lo gonzisa bamakabye, baku, Saseka loku mu hi mikwera hi mukowo wa Mosi, a mu na ku hanyiswa.

Gal. 2. 12. & 5. 2. Joh. 7. 22. xipm. 5. Fil. 3. 2. Kol. 2. 8, 11, 16.

- 2 Laha Paule na Barnabasi na ba nga kanetanangi nabo ha ku tsongwani na kuwutisana zinwe nabo, a bamakabye ba lo yimisa hakuba Paule na Barnabasi, ni banwani bo kari babye, lezaku nga ba kanziya Jerusalema ka bapostoli ni masingalakati hi leyi mha-ka.

Gal. 2. 1.

- 3 Bona hikwalaho, na ba heleketwa hi ceci, ba lo tsemakanya Fonike ni le Samaria, na ba hlawutela kuhunzuluka ka ba Matiko:

ba lo maha kutsaka ka hombe ka bamakabye bonkle.

Roma 15. 24. 1 Kor. 16. 6, 11. xip. 14. 27.

- 4 Laha ba nga wa cikele le Jerusalema, ba lo amukelwa hi ceci ni bapostoli ni masingalakati, ba lo hlawutela zilo zonkle lezi Nungungulu a nga wa zi mahile ha bona.

xipm. 12. xip. 14. 27. & 21. 19.

- 5 Kanilezi laho ku lo suka bo kari ba lixaka laba ba Farisi labo ba nga kolwa, baku, Za labeka lezaku ba maha mikwera, ni ku ba laya ba hlayisa nayo wa Mosi.

xipm. 1.

- 6 A bapostoli ni masingalakati ba lo tsombana katiginwe a kuta pima hi laya mahungu.

- 7 Ni laho laha ba nga wa wutisene ha hombe, Petro i lo suka, a ku ngalo kabye,

Bamakabye, ma zi tiba lezaku hi xikati xa hombe xi hunzileko Nungungulu i lo hlawula xikari ka nwina, lezaku hi nomu wa mina a ba Matiko nga bazwa a mhaka ya ivangeli ni ba kolwa.

xip. 10. 20. & 11. 12.

- 8 Nungungulu, loyi a tibako a mbilu, i lo maha wukustumunyu, hi ku ba nyika a Moya wo Basa, kota lezi a nga wu nyika ka hina;

xip. 1. 24. & 10. 44.

- 9 A nga mahangi ku hambanyisa xikari kabye na hina,

i hlaza a timbilu tabye hi kukoleka.

Roma 10. 11. xip. 10. 15, 28, 43. 1 Kor. 1. 2. 1 Pet. 1. 22.

- 10 Hikwalaho makunu hi yini nwina mu ringako Nungungulu, lezi mu bekako a joka tinhanweni ta bapizani, legi cima a bararu ba hina na hina hi nga gi kotiko ku gi rwala ke?

Mat. 23. 4. Gal. 5. 1.

- 11 Kanilezi ha kolwa lezaku hi ta hanyiswa hi wuxinji ga Hosi ya hina Jesu, kota bonawu.

Roma 3. 24. Efe. 2. 8. Tit. 2. 11. & 3. 4, 5.

- 12 Ni xonkle xidlema xi lo miyela; xi lo ingisela ka Barnabasi na Paule na ba hlawutela lezaku ziwoniso za ku yini ni zidamiso Nungungulu a zi mahileko ka ba Matiko ha bona.

xip. 14. 27.

- 13 A nzako ka laha ba nga wa miyele, Jamesi i lo hlamula, a ku,

xip. 12. 17.

- 14 Bamakabye, ingisani kamina: Simoni i lo hi hlawuwele hi laha Nungungulu a nga enzela ba Matiko kura ngula, a ku teka banhu xikari kabye hi kota ya bito gakwe.

xipm. 7.

- 15 Ni ka lexi xi vumelana ni mhaka ya muprofeti; kota lezi ku tsalilweko,

- 16 Anzako ka lezi zilo nzi ta klela, nzi ta aka kambe a tabernakeli ga Davida, le-

- gi gi wileko ; nzi ta aka kambe a kuhohloloka ka gona, nzi ta gi yimisa:
- 17 Kasi laba ba seleko banhwini ba labisisa a Hosi, ni bonkle ba Matiko, labo ba ta nga bitanwa hi bito ga mina,
- 18 Ku wula Hosi, loyi a nga maha zilo lezi zi tibeka hi le kusanguleni ka ti-ko.
- 19 Ngahilezo a kulamula ka mina hi loku, lezaku hi nga ba karati laba ba le ka Bamatiko ba hunzulukileko ka Nungungulu;
xipm. 28. 1 Tesa. 1. 9.
- 20 Kanilezi a hi tsaleni ka bona, kasi ba fela ku tsika a manyala ya zifananisa, ni kubaya, ni ka lezi zi haka-selweko, ni nkata.
1 Kor. 6. 9, 18. & 8. 1. & 10. 20, 28. Kuv. 2. 14, 20. Gal. 5. 19. Efe. 5. 3. Kol. 3. 5. 1 Tesa. 4. 3. 1 Pet. 4. 3.
- 21 Hakuba Mosi hi zizukulwana za kale i na bona mitini yonkle ba nga mu kanela, na a gonzwa masinagogeni masabado wonkle.
xip. 13. 15, 27.
- 22 Zonake zi lo woneka ku kwatsi zinene ka bapostoli ni masingalakati, zinwe ni ceci yonkle, a ku hlawula a banhu ba ka kabye, ba ba rumela le Antioki zinwe na Paule na Barnabasi; a mabito yabye, hi Juda loyi a ti byako Barsabasi, na Silasi, a banhu ba hombe xikari ka bamakabye;
xip. 1. 23.
- 23 Ba lo tsala za ku ngahi ha bona, A bapostoli ni masingalakati ni bamakabye ka bamakabye laba ba le ka ba Matiko ba le Antioki, ni le Siria ni le Kilikia, ha mu rungula:
- 24 Kota lezi hi zi zwileko lezaku a bo kari ba nga suka hi leno ka hina ba wa mu karatile hi timhaka, na ba onha mihefemulo ya nwina; ka bona a hi nyikangi a nayo;
xipm. 1. Gal. 2. 4. & 5. 12. Tit. 1. 10, 11.
- 25 Zi lo woneka kwatsi ka hina, na hi klangene hi mbilu yinwe, a ku hlawula a madota hi ma rumela ka nwina zinwe ni ba ranzekako ba hina Barnabasi na Paule,
- 26 A madota ma nyikeleko kuhanya kabye hi bito ga Hosi ya hina Jesu Kristu.
xip. 13. 50. & 14. 19. 1 Kor. 15. 30. 2 Kor. 11. 23, 26.
- 27 Hikwalaho hi rumile Juda na Silasi, laba a wutsumbu gabye ba ta nga kanela zalezi zilo hi milomu.
- 28 Hakuba zi lo woneka ku kwatsi zinene ka Moya wo Basa, ni ka hina, a ku kala hi nga beki hehla ka nwi-na a nzwalo wa hombe ku hunza lezi zilo zi faneleko ;
- 29 Lezaku mu suka ka zilo zi pahlelweko a zifananiso, ni nkata, ni le ka zilo zi vilinganyisilweko, ni le wubayini; hi le ka lezi loku mu gonga wutsumbu ga nwina,

ku ta maha kwatsi ka nwi-
na. Salani.

xipm. 20. xip. 21. 25. Kuv. 2. 14, 20.

30 Zi ngaho bona, laha ba
nga wa fambisilwe, ba lota
Antioki; na ba tsombanyi-
sile wutsamo ginwe a xi-
dlemono, ba lo ba nyika a
papilo.

31 Ni laha ba nga wa gi gonzi-
le, ba lo tsaka hi kululeka
ka gona.

32 Juda na Silasi, na ba wa hi
baprofeti a wutsumbu ga-
bye, ba la luleka bamakabye
hi timhaka tinyingi, ba lo
ba tiyisa.

xip. 14. 22. & 18. 23.

33 Anzako kakuba na ba tsa-
mile a xikati xinyingi leyo,
ba lo suka ka bamakabye hi
kurula ba lo wuya ka laba
ba nga wa ba rumile.

1 Kor. 16. 11. Heb. 11. 31.

35 Kanilezi Paule na Barnaba-
si ba lo sala le Antioki, na
ba gonzisa ni kukanela a
mhaka ya Nungungulu, zi-
nwe ni banwani bo tala.

xip. 13. 1.

36 Ni nzako ka masiku yo
kari Paule a ku ngalo ka
Barnabasi, Nga hi klela ma-
kunu hi enzela bamakabye
mitini yonkle lomo hi nga
wa kanele a mhaka ya Ho-
si, hi wona lezaku ba tsa-
misa ku yini.

xip. 13. 4, 13, 14, 51. & 14. 1, 6, 24, 25.

37 Barnabasi i lo alakanya ku
teka zinwe naye Johani ka-
mbe, loyi a bitwako Marku.

xip. 12. 12, 25. & 13. 5. Kol. 4. 10.
2 Tim. 4. 11. File. 24.

38 Kanilezi Paule i lo alakanya
lezaku a zi sasekile a ku te-
ka yena zinwe nabo loyi a
nga suka kabye hi le Pamfi-
lia, a nga fambangi nabo
ku tireni.

xip. 13. 13.

39 Laho ku lo vuka kukaneta-
na ka hombe, lezaku ba lo
hambana munwe ka mu-
nwani, Barnabasi i lo teka
Marku zinwe naye, ba loya
hi taro le Kupro;

40 Kanilezi Paule i lo hlawula
Silasi, i lo suka, na a layi-
lwe hi bamakabye kuruleni
ka Hosi.

xip. 14. 26.

41 I lo tsemakanya Siria ni Ki-
likia, na a tiyisa ticeci.

xip. 16. 5.

XIPIMO 16.

1 I lota Derbe kambe ni le
Listra: wangabye, a mupi-
zani wo kari i wa hi kona
laho, a bito gakwe hi Ti-
mote, a nwana wa wasati
wa mu Juda a nga wa koli-
lwe; kanilezi a raru wakwe
i wa hi mu Greki.

xip. 14. 6. & 19. 22. Roma 16. 21.

1 Kor. 4. 17. Fil. 2. 19. 1 Tesa. 3. 2.

1 Tim. 1. 2. 2 Tim. 1. 2, 5.

2 Ywaloye i lo bikiwa kwatsi
hi bamakabye labo ba nga
wa hi le Listra ni le Ikoniu-
me.

xip. 6. 3.

3 Yena Paule i wa nga a ra-
nza ku mu teka ku famba
zinwe naye; i lo mu maha
kwera ni kota ya ba Juda
laba ba nga wa hi ka lego
wutsamo: hakuba bonkle ba

wa zi tiba lezaku a raru wakwe i wa hi mu Greki.

1 Kor. 9. 20. Gal. 2. 3. & 5. 2.

4 Kota lezi ba nga wa famba ba tsemakanya miti, ba lo ba nyika a milayo ku yi gonga, leyo yi nga wa yimi-silwe hi bapostoli ni masi-ngalakati laya ma nga le Jerusalema.

xlp. 15. 28, 29.

5 Zi ngaho a ticeci ti lo tiyiswa kukolekeni, ba lo engetelana a ku tala masiku ni masiku.

xlp. 15. 41.

6 Ba lo famba ba tsemakanya maklelweni ya le Frigia ni le Galatia, na ba tsimbetelwe hi Moya wo Basa ku kanela a mhaka le Asia;

7 Ni laha ba nga wa tile le ko cuwukana ni Mesia, ba lo ringa kuya Bitunia; ni Moya wa Jesu a wu ba vumelang;

8 Na ba tsemakanya Mesia, ba lo relela bata Troasi.

2 Kor. 2. 12. 2 Tim. 4. 13.

9 Ni muwoniso wu lo woneka ka Paule ni wusiku; Laho ku wa hi kona a munhu wa le Makedonia a nga wa yimile, na mu kongotela, aku, Klatuka uta leno Makedonia, u hi vunetela.

xlp. 10. 30.

10 Ni laha a nga wa wonile muwoniso, kalakale hi lo laba kuya le Makedonia, na zi tibekile lezaku Nungu-

ngulu u hi bitanile ku ya kanela ivangeli kabye.

2 Kor. 2. 18.

11 Hi lo suka hikwalaho le Troasi, hi lo komama Samotrake, ni manziko hi lota Neapoli;

12 Ku sukela laho hi loya le Filipi, lowu wu nga muti wa le Makedonia, ni tikwana go sangula gi wa hi muti, wa ba le Roma: ka lowo muti hi lo tsama masiku yo kari.

Fil. 1. 1.

13 Hi siku ga sabado hi lo humma hi nyangwa hi klelo ga le congweni, laho ku nga wa ku kwatsi wutsamo ga kukombela; hi lo tsama, hi lo kanela ka ba basati laba ba nga wa tsombana laho.

14 Ni wasati wo kari a bito gakwe hi Lidia, a muxabisi wa ziwunguwungu, wa le mutini wu tibyako Tuatira, a munwe loyi a kozelako Nungungulu, i lo hizwa: loye a Hosi yi nga wa vululile a mbilu yakwe, a ku ingisela a zilo lezi zi nga wa kanelwa hi Paule.

Luka 24. 45.

15 Ni laha a nga wa bapatizilwe, ni ngango wakwe wonkle, i lo hi kongotela, aku, Loku nwina mu ku ngalo nzi kolekile ka Hosi, ngonani ndlwini ya mina mu tsama kona. Yena i lo hi kongotela.

Luka 24. 29. Heb. 13. 2.

- 16 Na ku mahisile lezo, kota lezi hi nga wa famba wutsanweni ga kukombela, ni nhwana wo kari loyi a nga wa ni moya wa ku vumba i lo hi klanganisa, loyi a nga wa binzululela a benyi bakwe hi kuvumba.
xip. 19. 24.
- 17 Ywaloye i lo lanzela Paule na hina na bitana, i ku, Laba banhu hi nialanza ya Nungungulu a nga Hehla-Hehla, laba ba bako-hungu ka nwina hi mhaka ya kuhany2.
- 18 I lo maha za ku ngahi masiku manyingi. Kanilezi Paule, na karatilwe nguvu, i lo hunzuluka a ku ngalo ka moya, Nzi ku laya hi bito ga Jesu Kristu ku huma ka yena. Wu lo huma hi xwalexo xikati
Marku 1. 25, 34. & 16. 17.
- 19 Kanilezi laha a benyi bakwe laha ba nga wa wona lezaku a kutsumba ka binzu gabye ku fambile, ba lo koma Paule na Silasi, ba lo ba kokela le wutsanweni ga kuhlengeletana mahlweni ka bafumeli,
xip. 19. 25, 26. 2 Kor. 6. 5. Mat. 10. 18.
- 20 Ni laha ba nga wa nehile ka le tinduneni, ba ku ngalo, Laba banhu, na ba hi ba Juda, ba karata muti wa hina ha hombe,
xip. 17. 6.
- 21 Ba yimisa a mikuwo leyi hi nga faneliko ku amukela, ni ku yi maha, lezi hi nga ba Roma.
- 22 Xidlemo xi lo suka katig-nwe xi ba vukela: ni tinduna ti lo ba runzuwulela a tinguwo tabye, ba lo laya lezaku a ba biwe hi tinhonga.
2 Kor. 6. 5. & 11. 23, 25. 1 Tesa. 2. 2.
- 23 Ni laha ba nga wa ba xupulile timbirimbi to tala, ba lo hoxa paxweni, ba lo laya murinzeli a ku ba hlayisisa:
- 24 Loyi, laha na amukele a kulaya ka ku ngahi, i lo ba hoxa xikari ka paxo, i lo maha mikonzo yabye yi kotselwa makotsweni.
- 25 Kanilezi xikari ka wusiku Paule na Silasi ba wa kongela na ba yimbelela a tisi-mu ka Nungungulu, ni tiperesu ti wo ingisela kabye;
- 26 Ni kalakale ku wa hi kona kutsekatseka ka hombe ka misaba, zi ngaho a xiseketelo xa yindlu ya paxo xi lo tsekatsekiswa: lokuloku a tibati tonkle ti lo vululeki-swa; ku lo klakleka a ziboho za bona bonkle.
xip. 4. 31. & 5. 19. & 12. 7, 10.
- 27 Ni murinzeli na vukile hi kueklela, na wonile a tibati ta paxo na ti vululekile, i lo hlomula a supado yakwe, i wo laba ku ti daya, na alakanya lezaku a tiperesu ti pfobole.
- 28 Kanilezi Paule i lo bitana hi gezu ga hombe, aku, U nga

- ti lamati: hakuba hina honkle hi kona.
- 29 I lo bitana a tikandiya, i lo engena, na a rurumela hi kucaba, i lowa lahasi mahlwani ka Paule na Silasi,
- 30 I lo ba humesa, a ku ngalo, Madota, nzi ta maha yini kasi nza hanyiswa ke?
- Luka 3. 10. xip. 2. 37. & 9. 6.
- 31 Ba ku ngalo, Kolwa ka Hosi Jesu, wena u ta hanyiswa, wena ni yindlu ya wena.
- Joh. 3. 16, 36. & 6. 47. 1 Joh. 5. 10.
- 32 Ba lo kanela a mhaka ya Hosi ka yena, ni ka bonkle laba ba nga wa hi lomo ndlwini yakwe.
- 33 I lo ba teka hi ywaleyo hora ya wusiku, i lo ba hlaza timbirimbi tabye, i lo baptizwa yena ni bonkle ba kakwe, kalakale.
- 34 I lo ba neha lehehla le ndlwini yakwe, i lo ba nyika za kuga, i lo tsaka ha hombe, zinwe ni yindlu yakwe yonkle, na kolilwe ka Nungungulu.
- Luka 5. 29. & 19. 6.
- 35 Kanilezi laha gi nga wa cile, a tinduna ti lo ruma a manganakana, tiku, Nga labo banhu mu ba tsika ba famba.
- 36 Ni murinzeli wa paxo i lo bikela ba Paule, aku, A tinduna ti rumele ku mu tsika mu famba: hikwalaho makunu humani, mu famba hi kurula.
- 37 Kanilezi Paule a ku ngalo

kabye, Bona ba hi bile kubaseni, na hi nga konekangi, hi na banhu laba hi nga ba Roma, ba lo hi hoxa paxweni; makunu ba hi humesa le xikundloni ke? ha kunene ge; kanilezi nga bona bata a wutsumbu gabye ba ta hi humesa.

xip. 22. 25.

- 38 Ni manganakana ma lo bikela a tinduna leti timhaka: ba lo caba, laha ba nga wa zi zwile lezaku ba wa ba Roma;
- 39 Ba lota ba lo ba kongotela; ni laha ba nga wa ba humesile, ba lo ba kombela a ku famba mutini wabye.
- Mat. 8. 34.
- 40 Ba lo famba le paxweni, ba lo engena ndlwini ya Lidia: ni laha ba nga wa wonile bamakabye laho, ba lo ba tangalisa ba lo suka.
- xipm. 14.

XIPIMO 17.

- 1 Makunu na ba tsemakanyile Amfipoli ni le Apollonia, ba lota Tesalonika, laho gi nga wa hi kona sinagoga ga ba Juda:
- 2 Paule, kota ku wa hi mu kuwo wakwe, i lo engena kabye, hi masabado manharu i lo kanela kabye hi timhaka ta mitsalo,
- Luka 4. 16. xip. 9. 20. & 13. 5, 14. & 14. 1. & 16. 13. & 19. 8.
- 3 I lo klamusela na pimisa zi lo labeka lezaku Kristu a nga xaniseka, ni ku vuka kambe hi ka bafileko; ni

lezaku loyi Jesu, a ku ngalo yena, loyi, nziba hungu ha-yena ka nwina, hi Kristu.

Luka 24. 26, 46. xip. 18. 28. Gal. 3. 1.

- 4 Ni banwani ba bona ba lo kongotelwa, ba lo klangana na Paule na Silasi; ni xidlemo xinyingi xa ma Greki laya ma nga wa kozela, ni ba basati ba hombe ku wa nga hi batsongwani.

xip. 15. 22, 27, 32, 40. & 28. 24.

- 5 Kanilezi a ba Juda, na ba tatisilwe hi wukuxu, ba lo teka banhu bo kari ba kubiha ba malolo, ba lo tso-mbanyisa a banhu, ba lo maha muti wu vindluki-swa; ba lo hahlula yindlu ya Jasoni, ba wo laba ku ba tisa ka banhu.

Roma 16. 21.

- 6 Ni laha ba nga nga ba nga ba kumangi, ba lo kokobisa Jasoni ni bamakabye bo kari ba lo ba yisa mahlweni ka bafumeli ba muti, na ba bitana, Laba ba hunzulusileko tiko ba tile kambe ni laha;

xip. 16. 20.

- 7 Loyi Jasoni a nga ba amukela: laba bonkle ba mahako kuhambunyeta milayo ya Kesari, baku yi kona yinwani hosi, loyi Jesu.

Luka 23. 2. Joh. 19. 12. 1 Pet. 2. 13.

- 8 Ba lo karata xidlemo ni bafumeli ba muti, laha na ba zwile lezi zilo.

- 9 Laha ba nga wa tekile a xiyumelano xa Jasoni ni xa bonkle, ba lo ba tsika ba famba.

- 10 Ni bamakabye kalakale ba

lo fambisa Paule na Silasi ni wusiku le Beria: laba lezi ba nga wa cikele laho ba lo engena sinagogeni ga ba Juda.

xip. 9. 25. xipm. 14.

- 11 Makunu labo ba wa lulamile ku hunza laba ba le Tesalonika, laha ka lezi ba nga amukela a mhaka hi mbilu yi longileko, na ba hlola a mitsalo masiku wonkle, kutani lezi zilo zi ngaho ke.

Luka 16. 29. Joh. 5. 39.

- 12 Hikwalaho banyingi babye ba lo kolwa; kambe ni ba basati ba ma Greki laba ba dzunzekileko, ni ba banuna, ba wa nga hi ba tsongwanani.

- 13 Kanilezi laba ba . uda ba le Tesalonika ba nga zi tibile lezaku a mhaka ya Nungungulu yi biwa-hungu hi Paule kambe le Beria, ba lota laha lezo ba ta vindlukisa ni kukarata xidlemo.

- 14 Zonake kalakale a bamakabye ba lo fambisa Paule kuya kule ko kwatsi hi le bimbini: Silasi na Timote ba lo nonohisa ba tsamile laho.

Mat. 10. 23.

- 15 Kanilezi laba ha nga wa mu heleketa Paule ba lo mu ciketa a wukule go kota le Atensi: na ba amukela a nayo ha Silasi na Timote, lezaku a bate kakwe hi kuhaklisa, ba lo famba.

xip. 18. 5.

- 16 Makunu laha Paule a nga

wa ba rinzela le Atensi, mo-
ya wa yena wu lo zangari-
swa lomo nzeni ka yena,
kota lezi a nga wa wona mu-
ti wu tele hi zifananiso.

2 Pet. 2. 8.

17 Zi ngaho i lo wulawulisana
ni ba Juda sinagogeni, ni ba-
nhu ba nga wa kolwa, ni le
wutsanweni go hlengeleta-
na masiku wonkle ni laba ba
nga waklanganazinwenaye.

18 Ni bo kari kambe ba ma
Epikurio ni ba ma Stoike
laba ba klarihileko ba lo ka-
netisana naye. Ni banwa-
ni ba ku ngalo, Hi yini lexi
loyi mubyabyatsi a wulako
ke? ni banwani baku, I wo-
heka ku kwatsi i kanela ba-
nungungulu ba nga tibyiwi-
ko: hakuba i lo kanela Jesu
ni kuvuka.

19 Ba lo mu teka, ba lo mu ne-
ha ka Areopagu, baku, Nga
hi zi tiba loku kugonzisa
kuswa, loku kukanelwako
hi wena?

20 Hakuba wena u neha a zilo
ziswa tind ebeni ta hina:
hikwalaho nga hi zi tiba le-
zaku lezi zilo zi wula yini.

21 (Makunu bonkle ba le Ate-
nsi ni ni baenzi ba leyo ba
wo teka a xikati xabye ba
nga mahi ncumo kanilezi a
kuzwa kutani ku byela zilo
ziswa).

22 Kanilezi Paule i lo yima
xikari ka Areopagu, aku
ngalo,

Nwina madota ya le Ate-

nsi, ni ka zilo zonkle nza
wona mu kozela banungu-
ngulu nguvu.

23 Hakuba kota lezi nzi nga
wa hunza, nzi lo wona zilo
za kukozela ka nwina, nzi
lo kuma alati kambe gi ni
mutsalo lowu, GA NUNGU-
NGULU LOYI A NGA TIBYI-
WIKO. Hikwalaho lexi mu
xi kozelako hi kungatibi,
lexo nza xi humesa ka nwi-
na.

2 Tesa. 2. 4.

24 Nungungulu loyi a nga ma-
ha tiko ni zilo zonkle zi nga
ka zona, yena, na hi Hosi
ya tilo ni misaba, a nga tsa-
miko titempeleni ti nga ma-
hwa hi mandla;

xip. 7. 48. & 14. 15. Mat. 11. 25.

25 Cima a nga kozelwi hi ma-
ndla ya banhu, a ku kota
ku kwatsi i vumala ncumo,
na mu wona lezaku a wu-
tsumbu gakwe i nyika a
wutomi, ni kuhefemula, ni
zilo zonkle;

26 I lo maha ha munwe tonkle
tixaka ta banhu, kasi kua-
ka ngoheni ya misaba yo-
nkle, na a yimisile a xikati
xabye xi xubyilweko hi ti-
nguba ta xona, ni le mimbi-
nganweni ya kuaka ka to-
na;

27 Kasi ba fela ku laba Nungu-
ngulu, kasi kutani ba nga
mu labetela a ba mu kume,
hambu lezi a nga hi kule
ka munwe ni munwani wa
hina:

Roma 1. 20. xip. 14. 17.

28 Hakuba hi ka yena ha ha-

n̄ya, ha famba, hi na ni ku hunya ka hina; kota lezi bo kari ba baculi ba n̄wina ba t̄simu ba nga ku ngalo, Hina honkle hi tralo wa-kwe.

Kol. 1. 17. Heb. 1. 3. Tit. 1. 12.

29 Zonake na hi hi tralo wa Nungungulu, nga hi nga alakanyi lezako a wukulu ga Nungungulu gi fanana ni nzalama, kutani siliva, kutani maribye, ma bakli-lweko hi wumeseri ni kunguha ka munhu.

30 Hikwalaho a xikati xa kungatibi Nungungulu i lo xi honisela; kanilezi makunu yena wa laya banhu bonkle kwihi ni nga ba hunzuka:

xip. 14. 16. Roma 3. 25. Luka 24. 47.
Tit. 2. 11, 12. 1 Pet. 1. 14. & 4. 3.

31 Kota lezi a yimisileko siku, lego a ta nga lamula tiko hi kululama hi munhu loyi a mu yimisileko; ywaloye a tiyisileko ha yena ka banhu bonkle, hi ka lezi a nga mu vuxa hi ka bafileko.

xip. 2. 24. & 10. 42. Roma 2. 16. & 14. 10.

32 Mukunu laha ba nga wa zwile hi kuvuka ka bafileko, banwani ba lo mu tse-ketsela; kanilezi banwani ha ku ngalo, Hi ta kuzwa wena hi mahungu laya kambe.

33 Zingaho Paule i lo huma xikari kabye.

34 Kanilezi a banhu bo kari ba lo komelela ka yena, ba lo

kolwa: xikari kabye ku wa hi kona Dionisi wa le Δreo-pagu, ni wasati bito gakwe hi Damari, na banwani zinwe nabo.

XIPIMO 18.

1 Anzako ka zilo lezi i lo suka le Atensi, i lota Korinte.

2 I lo kuma a mu Juda wo kari bito gakwe hi Akwila, a munhu wa le Pontu hi lixaka, na a ha kuta loku-loku hi le Italia, zinwe ni sati wakwe Prisila, hakuba Klaudiu i lo laya ba Juda bonkle ku suka le Roma: i lota kabye;

Roma 16. 3. 1 Kor. 16. 19. 2 Tim. 4. 19.

3 Hakuba i wa hi wa ntiro munwe zinwe nabo, i lo tsa-ma nabo, ba lo tira; ba wa hi bamahi ba matenta.

xip. 20. 34. 1 Kor. 4. 12. 1 Tesa. 2. 9.
2 Tesa. 3. 8.

4 Yena i wo kanela le sinagogeni hi masabado wonkle, i lo vumelisa ba Juda ni ba Greki.

xip. 17. 2.

5 Kanilezi laha Silasi na Timote ba nga relela hi le Makedonia, Paule i wa lo tsimbeketwa hi mhaka, na a kustumunya ka ba Juda lezaku Jesu hi Kristu.

xip. 17. 14, 15. xipm. 28.

6 Kanilezi ni laha ba nga wa kaneta wutsumbu gabye, ba hi ni nzukano, i lo zuza tinguwo takwe, a ku ngalo kabye, A nkata wa n̄wina

- nga wu hi le hehla ka tihloko ta *nwina*; mina nzi ti hlazile: ku sukela lezi nzi taya ka ba Matiko.
xlp. 13. 45, 46, 51. & 20. 26. & 28. 28.
1 Pet. 4. 4. Mat. 10. 14.
- 7 I lo suka laho, i loya ndlwini ya munhu wo kari a tibya-ko Titusi Justusi, a munwe loyi a kokeleko Nungungulu, ni yindlu yakwe yi wa klangene nguvu ni sanagoga.
- 8 Krispusi, a mufumeli wa sinagoga i lo kolwa ka Hosi zinwe ni yindlu yakwe yonkle; ni banyingi ba le Korinte ba nga wazwa ba lo kolwa, ba lo bapitizwa.
1 Kor. 1. 14.
- 9 Ni Hosi yi loku ka Paule hi muwoniso ni wusiku, U nga cabi, kanilezi kanela, u nga miyeli:
xlp. 23. 11.
- 10 Hakuba mina nzi wena, a nga kona munhu loyi a ta nga ku vukela a ku lamata: hakuba nzi na ni banhu banyingi ka lowu muti.
Mat. 28. 20.
- 11 Yena i lo tsama laho a lembe ni nklanu ni zinwe ti hweti, na a gonzisa a mhaka ya Nungungulu xikari ka-bye.
- 12 Kanilezi laha Galio a nga wa hi mufumeli wa le Akaia a ba Juda, hi mbilu zinwe ba lo suka ba vukela Paule, ba lo mu neha mahlweni ka xitsamo xa kulamula,
- 13 Baku, Loyi munhu i vumelisa banhu ku kozela Nungungulu hi kuhambunyeta a nayo.
- 14 Kanilezi laha Paule a nga wa laba ku ahlama nomu wakwe, Galio a ku ngalo ka ba Juda, Loku ha kunene ku wa hi nanzu wa kuonha kutani xilo xa kubiha xa wukuxu, O *nwina* ba Juda, nga nzi vumela *nwina*:
xlp. 23. 29. & 25. 11, 19.
- 15 Kanilezi loku ku hi kuwutisana hi timhaka ni mabito ya nayo wa *nwina* benyi, ti woneleni a wutsumbu ga *nwina*; a nzi katali ku maha mulamuli wa mahungu ya ku ngahi.
- 16 I lo ba hlongola xitsanweni xa kulamula.
- 17 Bonkle ba lo koma Sostenisi, a mufumeli wa sinagoga, ba lo muba mahlweni ka xitsamo xa kulamula. Galio a nga katalangi hi zilo lezi.
1 Kor. 1. 1.
- 18 Paule, na a tsamile masiku yotala nzako ka lezi, i lo oneka bamakabye, i lo famba hi taro aya Siria, zinwe na Prisila na Akwila; na cingile hloko yakwe Kenkrea: hi lezi a nga wa hi ni xifungo.
xlp. 21. 24. Roma 16. 1.
- 19 Bona ba lotta Efesusi, i lo ba siya laho: kanilezi a wutsumbu gakwe i lo engena sinagogeni, i lo wulawulisana ni ba Juda.
- 20 Ni laha ba nga wa mu wutisile ku tsama kona a xikati

- xa hombana, a nga vume-
langi;
- 21 Kanilezi na a ba oneka, na
aku, Nzi ta wuya kambe ka
nwina, loku Nungungulu a
zi ranza, i lo suka Efesusi
hi taro.
xip. 19. 21. & 20. 16. 1 Kor. 4. 19.
Heb. 6. 3. Jam. 4. 15.
- 22 Ni laha a nga wa cekamile
le Kesaria, i lo kanziya ku-
ya losa a ceci, i lo relela le
Antioki.
- 23 Laha a nga wa tsamile xi-
kati xo kari laho, i lo suka,
i lo tsemakanya matikweni
ya le Galatia ni le Frigia hi
ku lanzisela, a tiyisa bapi-
zani bonkle.
Gal. 1. 2. & 4. 14. xip. 14. 22. & 15. 32,
41.
- 24 Makunu a mu Juda wo
kari bito gakwe hi Apolose,
ngwa le Alekzandria hi lixa-
ka, a munhu a gonzileko, i
lota Efesusi; i wa hi ni nta-
mo mitsalweni.
1 Kor. 1. 12. & 3. 5, 6. & 4. 6. Tit. 3.
13.
- 25 Loyi munhu i wa gonzisilwe
hi ndlela ya Hosi; i lo ba-
ngetelwa hi moya, i lo go-
nzisa kwatsi hi zilo za Jesu,
na a tiba kubapatiza ka Jo-
hani basi:
Roma 12. 11. xip. 19. 3.
- 26 I lo sangula ku kanela hi
ku tiya sinagogeni. Kani-
lezi laha Prisila na Akwila
ba nga wa mu zwile, ba lo
mu teka le kabye, ba lo mu
klamusela ndlela ya Nu-
ngungulu hi kulonzowotela
kwatsi.
- 27 Ni laha a nga wa laba ku
hunza aya Akaia, a bama-
kabye ba lo mu tiyisa-hlana,
ba lo tsalela a bamakabye
kasi ku mu amukela: ni la-
ha a nga wa cikele, i lo ba
vuna nguvu laba ba nga ko-
lilwe hi kota ya wuxinji:
1 Kor. 3. 6.
- 28 Hakuba i wa hi ni ntamo
wa hombe ku kaneta ba Ju-
da, ni le kubaseni, na a ko-
mbisa hi mitsalo lezaku Je-
su i wa hi Kristu.
xip. 9. 22. & 17. 8. xipm. 5.

XIPIMO 19.

- 1 Na ku mahisile lezo, lezaku,
laha Apolose a nga wa hi le
Korinte, Paule na tsemaka-
nyile le tikweni ga le hehla
i lo cikela Efesusi, i lo ku-
ma bapizani bo kari:
1 Kor. 1. 12. & 3. 5, 6.
- 2 Yena a ku ngalo kabye, Mu
amukele a Moya wa ku Ba-
sa laha mu nga kolwa ke?
Ba ku ngalo kakwe, Kokwi-
hi, hina a zi zwangi lezaku
a Moya wa ku Basa wu wa
nyikilwe.
xip. 8. 16.
- 3 Yena a ku ngalo, Hi ka yi-
ni. mu nga bapatizwa ha
kona ke? Bona ba ku ngalo,
Hi kubapatiza ka Johani.
xip. 18. 25.
- 4 Paule a ku ngalo, Johani i
lo bapatiza hi kubapatiza ka
kuhunzuluka, aku ka ba-
nhu, akuba ba nga kolwa
ka yena a ta ngata hi le nza-
ko ka yena, lezo, hi ka Jesu.
Mat. 3. 11. Joh. 1. 15, 27, 30. xip. 1. 5
& 11. 16. & 13. 24, 25.

5 Ni laha ba nga wa zwile lexi, ba lo bapatizwa le bitweni ga Hosi Jesu.

xip. 8. 16.

6 Ni laha a nga wa klatekile mandla yakwe hehla kabye, Moya wo Basa wu lota hehla kabye; ba lo kanela hi tirimi ba lo profeta.

xip. 2. 4. & 6. 6. & 8. 17. & 10. 46.

7 Bona bonkle ba wa hi kume ni bambiri banuna.

8 I le engena sinagogeni, i lo kanela hi kutiya a xipimo xa tihweti tinharu, na kurumeta na kongotela hi zilo za mufumo wa Nungungulu.

xip. 1. 3. & 17. 2. & 18. 4. & 28. 23.

9 Kanilezi laha banwani ba nga nonohile ba nga ingisi, ba lo wulawula kubiha hi Ndlela mahlweni ka xidle-mo, i lo suka kabye, i lo hambanyisa bapizani, i lo kanela masiku ni masiku xikoleni xa Tiranu.

2 Tim. 1. 15. 2 Pet. 2. 2. Jude 10. xip. 9. 2. & 22. 4. & 24. 14. xipm. 23.

10 Lexi i lo simamisa xipimo xa malembe mambiri; lezaku bonkle laba ba nga wa akile Asia ba lozwa mhaka ya Hosi, bona ba Juda ni ba Greki.

xip. 20. 31.

11 Nungungulu i lo maha mitiro ya hombe hi canja ga Paule:

Marku 16. 20. xip. 14. 3.

12 Kota lezi ka ba babyako ku wo yiswa a tihengece kutani tinguwo leti ti nga wa kumbanile ni miri wakwe,

ni tingumbe ti wo suka, ni mimoya yo biha yi wo humeswa.

xip. 5. 15.

13 Kanilezi a ba Juda bo kari ba nga wa nzulanzula, ba nga wa hi zitumbe ba lo ringa ku bitana hi bito ga Hosi Jesu hehla ka laba ba nga wa hi ni mimoya ya kubiha, baku, Ha mu hlambanyisa hi Jesu loyi a kanelweko hi Paule.

Mat. 12. 27. Marku 9. 38. Luka 9. 49.

14 Ku wa hi kona a banklanu ni bambiri ba banana ba munwe Sikeva, a mu Juda, a mupristi wa hombe ba nga maha za ku ngahi.

15 Ni moya wa kubiha wu lo hlamula wu ku ngalo kabye, Jesu nza mu tiba, ni Paule nza mu tiba; nwina hi nwi-na ba mani ke?

16 Ni munhu loyi a nga wa hi ni moya wa kubiha i lo ba klulula, i lo ba hlula a hi ni ntamo hehla kabye bonkle, lezako ba lo panzanyeka lomo nzeni ka yindlu na ba hi zimbyiri na ba lamatilwe.

17 Lexi xi lo tibeka ka bonkle, bona ba Juda ni ba Greki, laba ba nga wa akile le Efesusi; ni kucaba ku lota ka bonkle, ni bito ga Hosi Jesu gi lo kuliswa.

Luka 1. 65. & 7. 16. xip. 2. 43. & 5. 5. 11.

18 Ni banyingi laba ba nga wa kolilwe ba lota, na ba vumela, na ba hlawutela zimaho zabye.

Mat. 3. 6. .

- 19 Ni banyingi laba ba nga wa maha kuloya ba lo neha mabuku katiginwe, ba lota ma hisa mahlweni ya bona bonkle: ba lo hlaya a tsengo ya wona ba lo kuma a zana ga nklanu wa mazana ya zipanze za siliva.
- 20 Zi ngaho a mhaka ya Hosi yi lo kula hi ntamo yi lo hlula.
xip. 6. 7. & 12. 24.
- 21 Makunu a nzako na zi gumelwe, ka lezi zilo, Paule i loalakanya hi ka moya, loku laha a nga na a tsemakanyile Makedonia ni le Akaia, a kuya Jerusalema, aku, Anzako na nzi yile laho, nzi fanelwe hi ku wona Roma kambe.
Roma 15. 24-28. Gal. 2. 1. xip. 19. 21. & 20. 22. & 23. 11.
- 22 Na a wa rumele Makedonia a bambiri ba bona laba ba nga wa kozela ka yena, Timote, na Erastusi, a wutsumbu gakwe a tsama Asia a xikati.
xip. 13. 5. Roma 16. 23. 2 Tim. 4. 20.
- 23 Ku lo vuka hi lexo xikati a woyonga ga hombe hi loye Ndlela.
2 Kor. 1. 8. xip. 9. 2.
- 24 Hakuba a munhu wo kari a bito gakwe hi Demetrio, a mufuli wa siliva, loyi a nga wa maha zifananiso za siliva za Diana, i lo fumisa nguvu bameseri hi leyi mitiro;
xip. 16. 16, 19.
- 25 Loyi a nga tsombanyisa katiginwe, ni zitiri-kulobye ka ntiro wa ku ngaho, a ku ngalo, Madota, ma zi tiba lezaku hi lowu ntiro hi fumisilwe.
- 26 Nwina ma zi wona ma zizwa, lezaku a hi laha Efesusi koce, kanilezi ku tsongwani ni Asia gonkle, loyi Paule i kongotela i lo hunzula a banhu bo tala, aku a ku kona banungungulu laba ba mahiwako hi mandla:
- 27 A hi lexi xoce xa ku a ntiro wa hina wu le mhangweni ya kukanyiwa; kanilezi ni tempele ya nungungulu wa wasati wa hombe Diana yi nga ta ha celiwa kota, ni ku nga ku ta hangalaswa a wukulu gakwe, loyi gonkle Asia ni tiko gonkle gi kazelako.
- 28 Ni laha ba nga wa zwile lezi, ba lo tatiswa hi zanga, ba lo bitana, baku, Ngwahombe Diana wa ba le Efesusi.
- 29 Ni muti wu wa lo tala hi nyenganyenga: ba lo tsumama hi mbilu yinwe wutsanweni ga kulangutela, na ba komile Gaiusi na Aristakusi, banhu ba le Makedonia, laba ba nga wa mu pangalata Paule kufambeni kakwe.
Roma 16. 23. 1 Kor. 1. 14. xip. 20. 4. & 27. 2. Kol. 4. 10. File. 24.
- 30 Ni laha Paule a nga wa alakanya ku engena lomo banhwini, a bapizani a ba mu vumelangi.

- 31 Ni bokari ba manganakana ya hombe ya le Asia, na ba hi bangana bakwe, ba lo rumela ka yena, ba mu kongotela a nga ti wonekisi wutsanweni ga kulangute-la.
- 32 Banwani hikwalaho ba lo bitana hi xilo xinwani ni banwani xinwani: hakuba a xidlemo xi wa hi le xipitipitini; ni bo tala ba nga nga ba nga xi tibi lexi ba nga wa tsombane ha xona.
- 33 Ba lo neha Alekzandria hi le xidlenwini, a ba Juda ba lo mu yimisa. Ni Alekzandria i lo kweneta hi wuko, a ku nga a ti hlamulela banhwini.
1 Tim. 1. 20. 2 Tim. 4. 14. xip. 12. 17.
- 34 Kanilezi laha ba nga wa zi tibile lezaku yena i wa mu Juda, bonkle hi gezu ginwe a xipimo xa mahora mam-biri ba lo bitana, Ngwahombe Diana wa ba le Efesusi.
- 35 Laha a mutsali wa muti a nga wa miyetile a xidlemo, aku, Nwina madota ya ba le Efesusi, hi wihi munhu loyi a kalako a nga zi tibi lezaku a muti wa ba le Efesusi wu hi muhlayisi wa tempele ka Diana wa hombe, ni wa xifananiso lexi xi wileko hi le ka Jupiteri ke?
- 36 Na mu wona lezaku lezi zilo a zi na ku kanetwa, nwina nga mu miyela, mu nga mahi ncumo hi makloti.
- 37 Hakuba nwina mu nehile laha laba banhu, laba cima ba nga pangangiko a titempele ni baruki ba nungungulu wa wasati wa hina.
- 38 Hikwalaho loku Demetrio, ni bameseri laba ba nga zinwe naye, ba hi ni nanzu ni munhu, a hubye yi vululwe, nu bafumeli ba kona: nga ba ya kecarana kona.
- 39 Kanilezi loku nwina mu laba a ncumo hi manwani mahungu, ku ta lamulwa hi klangano wu yimiselwe lezo.
- 40 Hakuba ha kunene hi le mhangweni ya ku raniswa hi xipitipiti xa nyamukla, na ku nga hi na zunga ha gona: kota ku kumbuka ha gona hi nga ta zi kota ku ti hlamulela hi loku kutso-mbana.
- 41 Ni laha a nga wulawulile za ku ngahi, i lo hangalasa xidlemo.

XIPIMO 20.

- 1 Anzako a woyonga gi nga wa miyetilwe, Paule na a bitanile bapizani i lo ba laya, i lo ba oneka, i lo suka ku famba le Makedonia.
1 Kor. 16. 5. 1 Tim. 1. 3.
- 2 Ni laha a nga wa tsemakanyile lawo maklelo, na a ba layisisile hi timhaka to tala, i lo cikela le Greki.
- 3 Ni laha a nga wa mbetile tihweti tinharu laho, ni kungo gi lo tsemiwa ha yena hi ba Juda, kota lexi a nga

wa laba ku suka hi taro a ya Siria, i lo xuba ku kilela a tsemakanya hi le Make-donia.

xip. 9. 23. & 23. 12. & 25. 3. 2 Kor. 11. 26.

- 4 Laho ba lo mu heleketa ku kala ku cikela Asia Sopate-ri wa le Beria, a nwana wa Pirusi; ni le Tesalonika, Aristakusi ni Sekundo; ni Gaiusi wa le Derbe, na Ti-mote; ni ba le Asia, Tiku-kusi, na Trofimusi.

xip. 16. 1. & 19. 29. & 21. 29. Kol. 4. 7, 10. Efe. 6. 21. 2 Tim. 4. 12, 20. Tit. 3. 12.

- 5 Kanilezi laba ba lo ranga ba famba, ba loya hi labelela le Troasi.

- 6 Hina hi lo suka hi taro le Filipi a nzako ka zibaba zi nga haba comelo, hi lo ci-kela kabye le Troasi hi nkla-nu wa masiku; laha na hi tsamile a nklanu wa masiku ni mambiri.

xip. 16. 8. 2 Kor. 2. 12. 2 Tim. 4. 13.

- 7 Hi siku go ranga ga sonto, laha hi nga wa tsombana katiginwe ku kema xibaba, Paule i lo kanela kabye, na xuba ku suka manziko; i lo lehis a kanelo wakwe ku kala xikari ka wusiku.

1 Kor. 10. 16. & 11. 20, &c., & 16. 2. Kuv. 1. 10. xip. 2. 42, 46.

- 8 Ku wa hi kona tikandiya to tala le ndlwini ya le hehla, laho hi nga wa tsombenile wutsamo ginwe.

xip. 1. 13.

- 9 Laho ku wa lo tsama hi le wonini a jaha go kari a ti-byako Eutekusi gi lo kudze-

hela hi wurongo ga hombe; kota lezi Paule a nga wa ha nonohisa a kanela, na a wa gowotana hi ku kudzehela gi lowa hi yindlu ya wu-nharu ya le hehla, gi lo te-kwa na gi file.

- 10 Paule i lo relela, i lo wela hehla kakwe, na a mu anga-rela a ku ngalo, Mu nga ri-li; hakuba a muhefemulo wa yena wa ha hi kakwe.

Mat. 9. 24.

- 11 Ni laha a nga wa kanziyile, laha na a kemile a xibaba, na ba gile, i lo wulawulisa-na nabo xikati xa hombe, ku kala gica, zi ngaho i lo famba.

- 12 Ba lo mu neha na hanya a jaha, ni laha ku nga nga ku nga hi kutangala kutso-ngwani.

- 13 Kanilezi hina, na hi famba kuranga le tarwini, hi lo suka hi taro hi ya Asosi, laho hi nga wa xuba ku ya kileta Paule: hakuba i lo hi yimisela lezo, na laba lezaku a wutsumbu gakwe i ta fa-mba hi muhanza.

- 14 Ni laha a nga wa klangene na hina le Asosi, hi lo mu kileta, hi lota Mitileni.

- 15 Na hi suka hi taro hi leyo, hi manziko hi lota ku cu-wukeni le Kiosi; na hi siku gi gamelako hi lota cikela Samosi; hi nzako ka lego siku hi lota Miletu.

- 16 Hakuba Paule i lo xuba ku hunza hi le Efesusi, lezaku

kasi a nga teki xikati ku tsama le Asia; hakuba i wa haklisa, loku zi wa koteka ka yena, a ku ba kona le Jerusalema hi siku ga Pentekoste.

xip. 2. 1. & 18. 21. & 19. 21. & 21. 4, 12. & 24. 17. 1 Kor. 16. 8.

17 Ku suka hi le Miletu i lo rumela Efesusi, i lo bitana ka yena a masingalakati ya ceci.

18 Ni laha ba nga wa tile ka yena, a ku ngalo kabye,

Nwina a wutsumbu ma zi tiba, ku suka lego siku nzi nga bekela konzo le Asia, nzi wa hi wa ku tsamisa ku yini zinwe na nwina xikati xonkle,

xip. 18. 19. & 19. 1, 10.

19 Na nzi kozela a Hosi hi ku ti koramisa konkle, hi mihloti, ni ni kuringwa ni kungo gi nga xuxiwa ha mina hi ba Juda:

xipm. 3.

20 Lezaku a nzi lobangi ka nwina hi ku kanela hi zilo lezi zi vunako, na nzi mu gonzisa kubaseni, ni ka yindlu ni yindlu,

xipm. 27.

21 Na nzi kustumunya ka ba Juda ni ba Greki hi kuhunzulukela ka Nungungulu, ni kukoleka ka Hosi ya hina Jesu Kristu.

xip. 2. 38. & 18. 5. Marku 1. 15. Luka 24. 47.

22 Makunu, mangabye, nzi ya le Jerusalema na nzi bohilwe hi moya, na nzi nga tibi

xilo xi ta nga nzi cikelela leyo:

xip. 19. 21.

23 Saseka lezo a Moya wa ku Basa wu kustumunyako ka mina mitini yonkle, wuku lezako a ziboho ni zixaniso zi nzi labelele.

xip. 21. 4, 11. 1 Tessa. 3. 3.

24 Kanilezi a nzi katali ncumo hi kuhanya ka mina, kota ku ranziwako hi wutsumbu ga mina, lezo kasi nza fela ku mbeta ku famba ka mina, ni kukozela loku nzi nga ku amukela hi le ka Hosi Jesu, ku kustumunya a mhaka ya wuxinji ga Nungungulu.

xip. 1. 17. & 21. 13. Roma 8. 35. 2 Kor. 4. 7, 16. 2 Tim. 4. 7. Gal. 1. 1. Tit. 1. 3.

25 Makunu, mangabye, nza mu tiba lezaku nwina nwenkle, xikari ka baha nzi nga famba na nzi kanela a mu-fumo, mu nga ta wona ngohe ya mina kambe.

xipm. 38. Roma 15. 23.

26 Ngahilezo nza kustumunya ka nwina legi siku, lezaku mina nzi basisilwe nkateni wa banhu bonkle.

xip. 18. 6. 2 Kor. 7. 2.

27 Hakuba a nzi lobangi a kuba hungu ka nwina hi kungo gonkle ga Nungungulu.

xipm. 20. Luka 7. 30. Joh. 15. 15. Efe. 1. 11.

28 Klarihani a wutsumbu ga nwina, ni ka klambi wonkle, ka wona a Moya wo Basa wu mu mahileko bahlayisi, ku gisa a ceci ya Nungungulu, leyi a yi xabileko hi nkata wa yena nwinyi.

1 Tim. 4. 16. 1 Pet. 1. 19. & 5. 2. 1 Kor.

12. 28. Efe. 1. 7, 14. Kol. 1. 14. Heb. 9. 12, 14. Kuv. 5. 9.
- 29 Nza zi tiba lezaku a nzako ka kusuka ka mina a timhisi ti pamako ti ta engena xikari ka *nwina*, ti nga hi na *titralo klambini*;
Mat. 7. 15. 2 Pet. 2. 1.
- 30 Ni le xikari ka wutsumbu ga *nwina* benyi a banhu ba ta suka, na ba kanela a zilo zi onhakalisako, ku koka bapizani ba lanzela bona.
1 Tim. 1. 20. 1 Joh. 2. 19.
- 31 Ngahilezo rinzelani *nwina*, na mu alakanya lezaku hi xipimo xa malembe manharu a nzi miyelangi ku luleka munwani ni munwani wa *nwina* wusiku ni mumu hi mihloti.
xip. 19. 10.
- 32 Makunu nza mu nyikela ka Nungungulu, ni ka mhaka ya wuxinji gakwe, leyi yi zi kotako a ku mu aka *nwina*, ni ku mu nyika a tsomba xikari ka bonkle laba ba basisilweko.
Heb. 9. 15. & 13. 9. xip. 9. 31. & 26. 18. Efe. 1. 18. Kol. 1. 12. & 3. 24. 1 Pet. 1. 4.
- 33 A nzi mbilukelangi a siliva ga munhu, kutani i nzalama, kutani i tinguwo.
1 Kor. 9. 12. 2 Kor. 7. 2. & 11. 9. & 12. 17.
- 34 A wutsumbu ga *nwina* ma zi tiba lezi zaku laya mandla nzi lo tira ha wona kuvumala ka mina, ni laba ba nga wa hi na mina.
xip. 18. 3. 1 Kor. 4. 12. 1 Tesa. 2. 9. 2 Tesa. 3. 8.
- 35 Ni zilo zonkle nzi lo mu nyika a xiwonelo, lezaku hi kutira lezo nga mu vunetela

laba ba rerekileko, ni ku alakanya a mhaka ya Hosi Jesu, lezaku a wutsumbu gakwe i te ngalo, Ku katekile ku nyika ku hunza ku amukela.

Roma 15. 1. 1 Kor. 9. 12. 2 Kor. 11. 9, 12. & 12. 13. Efe. 4. 28. 1 Tesa. 4. 11. & 5. 14. 2 Tesa. 3. 8.

- 36 Ni laha a nga wa kanele za ku ngahi, i lo kizama, a kombela zinwe nabo bonkle
xip. 7. 60. & 21. 5.
- 37 Ni bonkle ba lo rila hi ha hombe, ba lo wela nhanweni ya Paule ba lo mu trotra,
- 38 Ba wa hi ni wusiwana nguvu-nguvu hi ka leyi mhaka, leyi a nga wa yi wulawulile, lezaku ba nga ta ha wona ngohe ya kambe. Ba lo mu heleketa ba lo mu yisa le tarwini.

xipm. 26.

XIPIMO 21.

- 1 Ni laha ku nga wa mahisile lezo lezi hi nga wa suka kabye, hi lo famba hi taro, hi la su komama le Kose, hi siku gi gamelako le Rhode, ku suka hi laho le Patara:
- 2 Na hi kumile a taro gi nga wa klatukela Fonike, hi lo kilela, hi lo famba.
- 3 Ni laha hi nga wa cikele le kuwoneka Kuperu hi lo ku tsikela hi klelo ga xibaba, hi komama Siria, hi cekama le Tire: hakuba leyo a taro gi wo laba ku rula nzwalo.
- 4 Na hi kumile a bapizani, hi lo tsama laho nklanu ni ma-

mbiri masiku: ni laba ba lo wula ka Paule hi Moya, lezaku nga a nga beki konzo le Jerusalema.

xip. 20. 23. xipm. 12.

5 Ni laha ku nga wa mahilwe lezo laha hi nga wa mbetile a masiku, hi lo suka hi lo famba pfumbeni ga hina; bona bonkle, zinwe ni ba tratsi ni banana, ba lo hi heleketa ndleleni ya hina, hi kala hi huma mutini: hi lo kizama fungwini, hi lo kombela,

xip. 20. 36.

6 Hi lo salisana nabo; hi loya kilela lomo tarwini, kanilezi ba klela le kaya kambe.

Joh. 1. 11.

7 Ni laha hi nga wa mbetile a pfumba ku suka hi le Tire, lo cikela le Ptolemaisi; hi hi lo losetala bamakabye, hi lo tsama nabo siku ginwe.

8 Hi manziko hi lo suka, hi lota Kesaria: hi lo engena ndlwini ya Filipu muvangelili, loye a munwe wa banklani ni bambiri, hi lo tsama zinwe naye.

Efe. 4. 11. 2 Tim. 4. 5. xip. 6. 5. & 8. 26, 40.

9 Makunu loyi munhu i wa hi ni banhwana bamune, a mibulwa, leyi yi nga wa profeta.

xip. 2. 17.

10 Kota lezi hi nga wa tsamile laho masiku yo tala, ku lo relela muprofeti wo kari hi le Judia, a bito gakwe hi Agabusi.

xip. 11. 28.

11 A nga wata ka hina, na a teka a bandi ga Paule, i lo boha mikonzo yakwe ni mandla yakwe, a ku ngalo, Zi ngaho wa wula Moya wa ku Basa, Loyi a nga nwinyi wa lego bandi, lezo ba ta mu bohisa ku ngahi ba Judia le Jerusalema, ba ta mu nyikela mandleni ya ba Matiko.

xip. 20. 23. xipm. 38.

12 Ni laha hi nga wa zi zwile lezi zilo, bona hina ni ba lego wutsamo hi lo mu kongotela lezaku a ngayi le Jerusalema.

13 Zoneke Paule i lo hlamula, Za ku yini mu mahako, na mu rila na mu panza a mbilu ya mina ke? hakuba mina a nzi longelangi a kubohwa koce, kanilezi ni kufa kambe le Jerusalema hi bito ga Hosi Jesu.

xip. 20. 24.

14 Laha a nga wa nga a nga vumeleswi, hi lo miyela, hi ku, Kuranza ka Hosi a zi maheke.

Mat. 6. 10. & 26. 42. Luka 11. 2. & 22. 42.

15 Anzako ka lawo masiku hi lo teka mikwama-yatimbu-ba, hi loya le Jerusalema.

16 Na laho ku wa famba na hina bapizani bo kari ba le Kesaria, ba neha zinwe nabo munwe Mnasoni wa le Kupro, a mupizani wa kalle, lo hi nga wa eklela kakwe.

17 Ni laha hi nga wa cikele

Jerusalema, a bamakabye
ba lo hi amukela hi kutsa-
ka.

xip. 15. 4.

18 Hi manziko Paule i lo fa-
mba zinwe na hina ka
Jamesi; ni masingalakati
wonkle ma wa hi kona.

xip. 15. 13. Gal. 1. 19. & 2. 9.

19 Ni laha a nga wa ba losetele,
i lo hlawutela zilo zonkle hi
ku lanzelana lezi Nungu-
ngulu a nga wa zi mahile
ka ba Matiko hi kukozela
ka yena.

xip. 1. 17. & 15. 4, 12. & 20. 24. Roma
15. 18, 19.

20 Bona, laha ba nga wa zi
zwile ba lo dumisa Nungu-
ngulu; ba ku ngalo ka yena,
Wena wa zi wona, maka-
bye, makume mangani ma-
zana xikari ka ba Juda ba
labako ku kolwa; bonklelele
ba komisisile nayo:

xip. 23. 3. Roma 10. 2. Gal. 1. 14.

21 Kanilezi ba bikelwe hi we-
na, lezaku wena u gonzisa
bonkle ba Juda laba ba nga
ka ba Matiko ku tsika a
nayo wa Mosi, na u ba byela
lezaku a banana babye a ba
ngabi mikwera, ge ni ku
famba hi mikuwo.

22 Hikwalaho zi ta ku yini ke?
bona ha kunene ba ta zi tiba
lezaku u tile.

23 Hikwalaho maha lexi hi xi
wulako ka wena: Hi na ni
mune wa madota ma na nga
ni xifungo kabye;

24 Ma ba teke wena u ti basisa
zinwe nabo, u ma rihela na-
nzu wa wona, kasi ba fela

ku cinga tihloko tabye: ka-
si bonkle ba fela ku tiba le-
zaku a ku kona zinene ka
zilo lezi ba nga wa bikelwe
hi kota ya wena; kanilezi a
wutsumbu ga wena wa fa-
mba na u longamile, na u
gonga nayo.

xip. 18. 18.

25 Kanilezi hi kumbuka a ba
Matiko laba ba kolilweko,
hi lo tsala, na hi ba nyika
kulamula lezaku a ba hlayi-
sa wutsumbu gabye ka zilo
zi pahlelweko zifananiswe-
ni, ni le nkateni, ni ka lezi
zi hakaselweko, ni wuba-
yini.

xip. 15. 20, 29.

26 Zonake Paule i lo teka a
madota, hi siku go gamela
na a ti basisa zinwe nabo i
loya tempeleni, na a tatisa
a masiku ya kubasiswa, ku
kala ku nyikelwa a minyi-
kelo ya munwe ni munwani
wabye.

xip. 24. 18.

27 Ni laha a nkulanu wa masi-
ku ni mambiri ma nga laba
ku mbela, a ba Juda ba le
Asia, laha ba nga wa mu
wonile le tempeleni, ba lo
vindlukisa xonkle xidlemono,
ba lo beka mandla hehla ka
yena,

xip. 24. 18. & 26. 21.

28 Na ba kanyuluka, Madota
ya Israeli, vunani: Loyi hi
munhu, a gonzisako wutsa-
nweni gonkle a hambunyeta
a banhu bonkle, ni nayo, ni
legi wutsamo: nguvu ka-

mbe i lo neha Magreki lomo tempeleni, i nyenyezisile wutsamo legi go basa.

xip. 24. 5, 6.

29 Hakuba hi mahlweni ba lo wona zinwe naye mutini Trofimusi wa le Efesusi, loyi ba nga wa alakanya lezaku Paule i lo mu tisa lomo tempeleni.

xip. 20. 4.

30 Ni muti wonkle wu lo maha nyenganyenga, ni banhu bonkle ba lo tsombana katinginwe: ba lo koma Paule, ba lo mu kokobisela lahandle ka tempele: kalakale ni tibati ti lo valiwa.

xip. 26. 21.

31 Kota lezi ba nga wa laba ku mu daya, a mahungu ma lotta ka nduna ya hombe ya bandla, baku a Jerusalema gonkle ga vindlukiswa.

32 Ku wa ngaho i lo teka bakasadoro ni tinduna ta mazana, ba lo tsutsumela kabye: na bona, laha ba nga wa wona a nduna ya hombe ni bakasadoro, ba lo tsika ku ba Paule.

xip. 20. 27. & 24. 7.

33 Zonake a nduna ya hombe yi lotta kusuhan, i lotta mu koma, i lo laya akuba a bohiwa hi mangelje mambiri; i lo wutisa a ku hi mani, ni ku i mahile yini.

xip. 20. 23. xipm. 11.

34 Na laha banwani ba lo kanjuluka hi xilo xinwe, ni banwani hi xinwani, xikari ka mabandla: ni laha a nga kala ku zi tiba a zinene hi

woyonga, i lo laya lezaku nga a yiswa xikanekisweni.

35 Ni lezi a nga wa cikele mayingweni, zi wa ngahi, i wa lo ralwa hi bakasadoro hi kutsimbeketana ka banhu;

36 Hakuba a xidlemo xa banhu xi lo lanzela na xi bitana, Mu suseni.

Luka 23. 18. Joh. 19. 15. xip. 23. 22.

37 Kota lezi Paule a nga wa laba ku engena lomo xikanekisweni, a wula ka nduna ya hombe, Nzi nga wula xilo ka wena ke? Yena a ku ngalo, Wena wa xi tiba xi Greki ke?

38 Wena a ku mu Gipite, loyi hi mahlweni ka laya masiku a nga vindlukisa a wo-yonga, i lo kokela xiwuleni a mune wa makume ya mazana ya badayako ke?

xip. 5. 36.

39 Kanilezi Paule a ku ngalo, Mina nzi mu Juda, wa le Tarsusi le Kilikia, a munhu wa muti lowu wu nga hiku nu kubiha: nza ku kombe-la, nzi vumele nzi kanela ka banhu.

xip. 9. 11. & 22. 3.

40 Ni laha a nga wa mu vumele, Paule na a yima le mayinweni, i lo kweneta hi canja ka banhu; ni laha ba nga wa miyela, i lo kanela kabye hi lirimi la ma Heberu, a ku,

xip. 12. 17.

XIPIMO 22.

1 Bamakabye ni badadani,

ingisani a ku ti hlamulela loku makunu nzi mahako ka nwina.

xip. 7. 2.

2 Ni laha ba nga wa zi tibile lezaku i kanela kabye hi liri-
rimi la Maheberu, ba la su
nguvu tiwitiwibi: yena aku,

3 Mina nzi mu Juda, nzi lo
tralwa Tarsusi wa le Kili-
kia, kanilezi nzi lo wundlwa
ka lowu muti, mikonzweni
ya Gamalieli, nzi lo gonzi-
swa hi matsamela wonkle
ya nayo wa badadani ba
hina, na nzi pangamile ka
Nungungulu, koti lezi nwi-
nawu nwenkle nyamukla:

xip. 5. 34. & 21. 20, 39. & 26. 5. 2 Kor.
11. 22. Fil. 3. 5. Luka 10. 39. Gal.
1. 14. Roma 10. 2.

4 Nzi lo xanisa a Ndlela ka
ku yi daya, na nzi boha nzi
nyikela hanhu le paxweni
bona ba banuna ni ba ba-
sati.

xip. 8. 3. & 26. 9, 10, 11. Fil. 3. 6. 1 Tim.
1. 13.

5 Kota lezi kambe mupristi a
nzi zwako wa kustumunya,
zinwe ni bandla gonkle ga
masingalakati: hi ka bona
kambe nzi nga wa amukele
a mapapilo kuya ka bama-
kabye, nzi lo famba kuya le
Damaseku, a ku ba tisa ka-
mbe a ba leyo le Jerusaleme
na ba bohilwe, kasi kuta
xaniswa.

Luka 22. 66. xip. 4. 5. & 9. 2. & 26. 10,
12.

6 Na ku mahisile lezo, lezaku,
na nzi hi pfumbeni ga mina,
nzi wa hi kusuhi ni le Da-

maseku, na ku hi laha hli-
kanhini, kalakale ku lo
woninga hi le tilweni a ku-
wonekela ka hombe ku nzi
renzeleka.

xip. 9. 3. & 26. 12, 13.

7 Nzi lowa lahasi, nzi lozwa a
gezu, giku ka mina, Saule,
Saule, hi yini u nzi xanisa-
ko ke?

8 Mina nzi lo hlamula, Hi we-
na mani, Hosi ke? Yena a
ku ngalo ka mina, Hi mina
Jesu wa Nazareta, u mu xa-
nisako.

9 Ni laba nga wa hi na mina
ha kunene ba lo wona a ku-
nekela kanilezi a ba gi zwa-
ngi a gezu ga loyi a nga
wulawula ka mina.

xip. 9. 7.

10 Mina nzi ku ngalo, Nzi ta
maha yini, Hosi ke? Ni
Hosi yi ku ngalo ka mina,
Suka, uya le Damaseku; ni
laho u ta byeliwa zonkle zi-
lo lezi u yimiselweko ku zi
maha.

11 Ni laha nzi nga nga nzi nga
woni hi kungangamela ka
kuwonekela loko, nzi ko-
kwa hi canja ga bona laba
ba nga wa hi zinwe na mi-
na, nzi lo cikela le Dama-
seku.

12 Ni munwe Anania, a mu-
nhu a lulamuleko hi ka
nayo, a bikilweko kwatsi
hi ba Juda bonkle laba ba
akile leyo,

xip. 9. 17. & 10. 22. 1 Tim. 3. 7.

13 I lotta ka mina, i lo yima ka
mina i lo ngalo ka mina,
Makabye Saule, amukela

- kuwona ka wena. Ka ywa-
leyo hora nzi lo cuwuka ka
yena.
- 14 A ku ngalo, Nungungulu
wa badadani ba hina i lo
ku yimisa ku tiba kuranza
kakwe, ni ku wona Loyi wa
Kululama, ni kuzwa gezu
hi le nonwini wakwe.
xip. 3. 13, 14. & 5. 30. & 7. 52. & 9. 15.
& 26. 16. 1 Kor. 9. 1. & 11. 23. & 15.
8. Gal. 1. 12.
- 15 Hakuba wena u ta kustu-
munya ha yena ka banhu
bonkle hi lezi u zi wonileko
ni u zi zwileko.
xip. 4. 20. & 26. 16. & 23. 11.
- 16 Makunu wa ha hlwelela yi-
ni wena ke? suka, u ba-
patizwa, u hlaza zonho za
wena, u bitana bitweni ga-
kwe.
xip. 2. 38. & 9. 14. Heb. 10. 22. Roma
10. 13.
- 17 Na ku mahisile lezo, lezaku,
ni laha nzi nga wa wuyile
le Jerusalema, ni laha nzi
nga wa kombela lomo tem-
peleni, nzi lo cikelelwa hi-
sululwani,
xip. 9. 26. 2 Kor. 13. 2.
- 18 Nzi lo wona loyi a ngaku
ka mina, Haklisa, u suka
lokuloku le Jerusalema: ha-
kuba ba nga ta amukela
wukustumunyu ga mina ha
wena.
xipm. 14. Mat. 10. 14.
- 19 Mina nzi ku ngalo, Hosi, a
wutsumbu gabye ba zi tiba
lezaku nzi wa kotsela nzi
loba masinagogeni wonkle
laba ba kolwako ka we-
na :
xip. 8. 3. xipm. 4. Mat. 10. 17.
- 20 Ni laha a nkata wa Stefani
- a kustumunyu wa wena wu
nga wa halatwa, minawu
nzi wa yimile kambe laho,
na nzi vumela, nzi lo hlayi-
sa a tinguwo ta bo laba ba
nga mu daya.
xip. 7. 58. & 8. 1. Luka 11. 48. Roma
1. 32.
- 21 Yena a ku ngalo ka mina,
Suka: hakuba nzi ta ku ru-
mela hi ku suka lezi uya le
ka ba Matiko.
xip. 9. 15. & 13. 2, 46, 47. & 18. 6. & 26.
17. Roma 1. 5. & 11. 13. & 15. 16.
Gal. 1. 15, 16. & 2. 7, 8. Efe. 3. 7, 8.
1 Tim. 2. 7. 2 Tim. 1. 11.
- 22 Bona ba lo mu ingisa ku
kala ka leyi mhaka; ba lo
klakusa a magezu yabye, ba
ku ngalo, Nga a suka mu-
nhu wa ku ngahi misabeni:
hakuba a zi fanele lezaku
nga a hanya.
xip. 21. 36. & 25. 24
- 23 Koti lezi ba nga wa bitana,
ba lo hoxa tinguwo tabye,
na ba palata a tsutsungwani
le hehla,
- 24 Ni nduna ya hombe yi lo
laya lezaku a tiswe lomo
xikanekisweni, yi laya leza-
ku a hlolwe hi ku xupulwa
timbirimbi, ku kala yi zi ti-
ba lezaku xi lo muni lexi ba
kanyulukako ha yena.
- 25 Ni laha ba nga wa mu bo-
hile hi tingoti, Paule a ku
ka nduna ya zana leyi yi
nga wa yimile laho, Zi fa-
nela akuba a munhu loyi a
nga mu Roma, na a nga se
ku koneka ke ?
xip. 16. 37.
- 26 Ni laha a nduna ya zana yi

nga wa zi zwile, yi loya ka nduna ya hombe, yi lo mu byela, aku, U ta maha yini wena ke? hakuba loyi munhu mu Roma.

27 Ni nduna ya hombe yi lota, yi ku ngalo kakwe, Nzi byele, wena u mu Roma ke? A ku ngalo, Ina.

28 Ni nduna ya hombe yi lo hlamula, Hi tsengo wa hombe nzi lo gi xaba legi wumunhu. Paule a ku ngalo, Kanilezi mina nzi mu Roma hi kutralwa.

29 Ni laba ba nga wa laba ku mu hlola ba lo suka kakwe kalakale: ni nduna ya hombe kambe yi lo caba, laha nga wa zi tibile lezaku i wa hi mu Roma, ni hakuba a nga wa mu bohile.

30 Kanilezi hi manziko, i lo xuba a ku tiba a zinene, lezi a nga wa kecarilwe hi zona hi ba Juda, i lo mu klakla, i lo laya a bapristi ba hombe ni hubye yonkle ku tsombana katiginwe, i lo tisa Paule, a mu yimisa mahlweni kabye.

XIIMO 23.

1 Paule, na a cuwukisisa a hubye, a ku ngalo, Bama-kabye, nzi kolilwe ka Nungungulu hi mbilu yo saseka kala legi siku.

xip. 24. 16. 1 Kor. 4. 4. 2 Kor. 1. 12. & 4. 2. 2 Tim. 1. 3. Heb. 13. 18.

2 Ni mupristi wa hombe Anania i lo laya laba ba nga wa

yimile laho ku mu pakata nomu.

Joh. 18. 22.

3 Zonake Paule i lo wula ka yena, Nungungulu i ta kubawu, wena kurisi gi basisilweko: na u tsamile a ku nzi lamula kota nayo na u laya mina ku biwa hi kuhambunyeta nayo ke?

Joh. 7. 51.

4 Ni laba ba nga yimile laho ba ku ngalo, U rukatelela yini a mupristi wa hombe wa Nungungulu ke?

5 Paule a ku ngalo, A nzi wa nga zi tibi, bamakabye, lezaku i wa hi mupristi wa hombe: hakuba ku tsalilwe, U nga wulawulu kubiha hi mufumeli wa banhu ba ka nwina.

xip. 24. 17. 2 Pet. 2. 10. Jude 8.

6 Kanilezi Paule laha a nga wa zi tibile lezaku a xipanze xinwani xi wa hi ba Sadusi, ni xinwani xi wa hi ba Farisi, i lo bitana le hubyeni, Bama-kabye, mina nzi mu Farisi, a nwana wa mu Farisi: hi ku kumbuka a kutsumba ni kuvuka hi ka bafileko nzi kecarilwe.

Fil. 3. 5. xip. 24. 15, 21. & 26. 5, 6. & 28. 20.

7 Ni laha a nga wa wulule za ku ngahi, laho ku lo vuka kukanetana xikari ka ba Farisi ni ba Sadusi: ni klanguano wu lo abanyisana.

8 Hakuba a ba Sadusi be ngalo a ku kona kuvuka, ge ni ngelosi, hambu ni moya:

kanilezi a ba Farisi ba vumela zonkile.

Mat. 22. 23. Marku 12. 18. Luka 20. 27.

9 Ku lo vuka a woyonga ga hombe: ni banwani ba batsali ba ba Farisi a klawa wabye wu lo suka wu yima, wu lo kaneta, wuku, A hi kumi kubiha hi loyi munhu: ni loku wu nga a moya wu kanele kakwe, kutani i nge-losi?

xip. 5. 39. & 22. 7, 17, 18. & 25. 25. & 26. 31.

10 Ni laha ku nga wa vukile kukanetana ka hombe, a nduna ya hombe, na yi caba kutani Paule a nga hanzulwa hi bona, i lo laya bakasadoro ku relela ba ya mu teka hi ntamo xikari kabye, ba mu tisa le xikanekisweni.

11 Hi wusiku gi lanzelako a Hosi yi lo yima na yena, yi ku ngalo, Tiyisa hlana: hakuba kota lezi wena u nga kustumunya ha mina le Jerusalema, zi ngaho u ta fela ku kustumunya ha mina le Roma.

xip. 18. 9. & 27. 23, 24.

12 Ni laha gi nga wa cile, a ba Juda ba lo tsema kungo katiginwe, ba lo boha a wutsumbu gabye hi kurukatelela, baku ba nga taga ba nga tanwa ku kala ba mu daya Paule.

xipm. 21, 30. xip. 25. 3.

13 Ba wa hunza a mune wa makume laba ba nga maha legi kungo.

14 Ba lota ka bapristi ba hombe ni ka masingalakati, ba ku ngalo, Hi bohile wutsumbu ga hina hi kurukatelela ka hombe, lezaku hi nga taga ncumo hi kala hi mu dayile Paule.

15 Makunu wonekisani hikwalaho ka nduna ya hombe nwina ni hubye, lezaku a mu relelisa ka nwina, a ku kwatsi ma ha ta hlolisisa a nanzu wakwe kwatsi: kasi hina, ni laha na relela hi longisile ku mu daya.

16 Kanilezi a zukulu wa Paule i lozwa hi kulabelela kabye, i lota a ta engena xikanekisweni, i lo byela Paule.

17 Paule i lo bitana ka yena a yinwe ya tinduna ta mazana, a ku ngalo, Yisa legi jaha ka nduna ya hombe: hakuba i na ni xilo ku mu byela.

18 Zi ngalo i lo mu teka, i lo mu yisa ka nduna ya hombe, aku, Paule a peresu i lo nzi bitana kakwe, i lo nzi wutisa ku neha legi jaha ka wena, loyi a nga ni xilo ku wula ka wena.

19 Ni nduna ya hombe yi lo mu teka hi canja, i lo famba klelweni a ya mu wutisa xikundleni, Hi yini lexi u labako ku nzi byela ke?

20 Yena a ku ngalo, A ba Juda ba lo vumelene ha wena a ku tisa Paule manziko le hubyeni, ku kwatsi u nga hlolisisa a nanzu wakwe.

xipm. 12.

- 21 Hikwalaho wena u nga vumeli kabye: hakuba ba labelele yena a banhu bo hunza mune wa makume babye, laba ba bohileko wutsumbu hi kurukatela, cima ba nga taga ge ni kunwa hi kala ba mu daya: makunu bona ba longile, na ba cuwukela a xitsumbiso hi ka wena.
- 22 Lezo a nduna ya hombe yi lo fambisa a jaha, na yi gi laya, U nga byeli munhu lezaku wena u wonisile lezi zilo ka mina.
- 23 I lo bitana kakwe a tinduna timbiri ta mazana, a ku ngalo, Longisani mazana mambiri ya bakasadoro ku famba a pfuka wa kuya le Kesaria, ni nklanu wa makumu ni mambiri ya ba mahaxi, ni bamaclari a mazana mambiri, hi hora ya wunharu ya wusiku:
- 24 I lo ba laya lezaku ba longisela a zihari, lezaku ba kilelisa Paule ka zona, ba mu tisa kwatsi ka Felisi mufumeli.
- 25 I lo tsala a papilo kota lezi:
- 26 Klaudiu Lusia le ka mufumeli a sasekileko nguvu, nza losetela.
- 27 Loyi munhu i wa lo komiwa hi ba Juda, i lo labya ku dayiwa hi bona, ni laha nzi nga wa bakamanyetile zinwe ni bakasadoro, nzi lo mu ponisa, na nzi tibile lezaku i wa hi mu Roma.
xip. 21. 33. & 24. 7.
- 28 Na nzi xuba ku tiba nanzu ba mu kecarako ha wona, nzi lo mu relelisa hubyeni yabye:
xip. 22. 30.
- 29 Loye nzi nga wa kumile lezaku i kecarawa hi ziwutiso za nayo wabye, kanilezi a ku bekilwe nanzu ha yena wu faneleko kufa kutani ziboho.
xip. 18. 15. & 25. 19. & 26. 31.
- 30 Ni laha ku nga wa wonisilwe ka mina lezaku laho ku nga ku hi kona kungo hi munhu, nzi lo mu rumela ka wena zalez, nzi lo laya bakecari bakwe a ku ta mu ranisa mahlweni ka wena.
xipm. 20. xip. 24. 8. & 25. 6.
- 31 Zi ngaho a bakasadoro, kota ku nga wa layilwe kabye, ba lo teka Paule, ba lo mu tisa ni wusiku le Antipatri.
- 32 Kanilezi hi manziko ba lo siya a ba mahaxi ku famba zinwe naye, bona ba lo klelela le xikanekisweni:
- 33 Na bona, laha ba nga wa cikele le Kesaria, ba lo nyika a papilo ka mufumeli, ba lo yimisa Paule kambe mahlweni ka yena.
- 34 Ni laha a nga wa gi gonzile, i lo wutisa lezaku yena ngwa tiko gi kwihi; ni laha a nga wa zi tibile lezaku ngwa le Kilikia,
xip. 21. 30.
- 35 Nzi tazwa hi nanzu wa wena, laha a baranisi ba wena ba cikela laha kambe: i lo

laya ku nga a gongiwo xi-lubelweni xa Herodi

xip. 24. 1, 10. & 25. 16. Mat. 27. 27.

XIPIMO 24.

1 Makunu anzako ka nklanu wa masiku a mupristi wa hombe Anania i lo relela zinwe ni masingalakati yo kari, ni mu kaneli munwe Tertuli; ba lo hlawutela a mufumeli hi Paule.

xip. 21. 27. & 23. 2, 30, 35. & 25. 3.

2 Ni laha a nga wa bitanilwe, Tertuli i lo sangula ku mu kecara, aku,

Na hi wona lezaku hi wena hi na ni kurula ka hombe, ni lezaku hi kupima ka wena a kubiha ku lulekilwe ha wena ka lixaka lolu,

3 Ha ku vumela tindleleni tonkle nu wutsanweni gonkle, Felisi a sasekileko, ni kubongwa konkle.

4 Kanilezi, akuba nzi nga ku hungateli kambe, nza ku kombela a kuba u hizwa hi wixinji ga wena a timhaka titsongwani.

5 Hakuba hi mu kumile a munhu loyi wa kubiha, a muvuxi wa vilinganya xikari ka ba Juda bonkle laba ba nga tikweni gonkle, ni murangeli wa lihunzu la ba Nazareta:

Luka 23. 2. xip. 6. 13. & 16. 20. & 17. 6. & 21. 28. 1 Pet. 2. 12, 15.

6 Loyi ha hombe kambe a ringako ku bihisa tempele: hi lo mu koma:

xip. 21. 28. Joh. 18. 31.

8 Hi ka wihi wenawu u ta

kota, hi ku mu hlola a wutsumbu ga wena, a ku tiba zonkle zilo lezi, lezi hi mu kecarako ha zona.

xip. 23. 30.

9 Ni ba Juda ba lo klangana zinwe naye, ba lo tiyisa lezaku lezi zilo zi ngaho.

10 Ni laha mufumeli a nga wa kwenetile ka yena ku wulawula, Paule i lo hlamula.

Kota lezi nzi zi tibako lezaku wena u wa hi mulamuli wa lolu lixaka malembe ya ku tala, nzi tiya-hlana hi ku ti hlamulela ka mina:

11 Na nzi wona lezaku wena u ta zi tiba, lezaku a ku hunzi kume ni mambiri masiku cima nzi kanziya nzi kozela le Jerusalema:

xip. 21. 28. xipm. 17.

12 Ge ni lomo tempeleni cima a ba nzi kumangi na nzi kanetisana ni munhu kutani nzi vindlukisa banhu, ge ni le masinagogeni, ge ni le mutini.

xip. 25. 8. & 28. 17.

13 Cima a ba zi koti ku tiyisa zilo lezi ba nzi kecarako ha zona makunu.

14 Kanilezi lexi nza vumela ka wena, lezaku hi Ndlela leyi ba bitako kupenga, zi ngaho nza mu kozela Nungungulu wa ba bararu ba hina, na nzi kolwa zilo zonkle zi tsalilweko na nayweni ni ba profeti:

xip. 9. 2. & 26. 22. & 28. 23. 2 Tim. 1. 3.

- 15 Na nzi hi ni kutsomba ka le
ka Nungungulu, loku a wu-
tsumbu gabye ba langute-
leko, lezaku ku ta ba kona
kuvuka ka balulamileko ni
ka ba-nga-lulamangiko.
xip. 23. 6. & 26. 6, 7. & 28. 20. Joh. 5.
28, 29.
- 16 Ngahilezi minawu kambe
nza ringa a ku nga nzi hi
ni mbilu yi nga haba nanzu
xikati xonkle ka Nungu-
ngulu ni ka banhu.
xip. 23. 1.
- 17 Makunu anzako ka male-
mbe manyingi nzi lota ku
neha a zinyikiwo ka lixaka
la mina, ni minyikelo:
xip. 11. 29, 30. & 20. 16. Roma 15. 25.
2 Kor. 8. 4. Gal. 2. 10.
- 18 Kwaleyo ba nga nzi kuma
na nzi basisilwe tempeleni,
na nzi nga hi na mabandla,
cima na nzi nga hi na wo-
yonga: kanilezi laho ku wa
hi kona ba Juda bo kari ba
le Asia—
xip. 21. 26, 27. & 28. 21.
- 19 Labo ba fanelweko hi ku
nga ba hi kona mahlweni
ka wena, ku nzi kecara, lo-
ku ba hi ni nanzu ha mi-
na.
xip. 23. 30. & 25. 16.
- 20 Ni kutani nga laba banhu a
wutsumbu gabye ba wula a
kuonha ka ku yini loku ba
ku kumileko, laha nzi yi-
mile mahlweni ka hubye,
- 21 Saseka kutani hi legi gezu
ga ginwe, legi nzi nga ba-
hungu na nzi yimile xikari
kabye, Hi ku kumbuka a
kuvuka ka bafileko nza ke-
- carwa mahlweni ka wena
nyamukla.
xip. 28. 6. & 28. 20.
- 22 Kanilezi Filisi, na tibisisile
kwatsi hi leyi Ndlela, i lo
ba hlwelisa, aku, Laha Li-
sia a nduna ya hombe na
relele, nzi ta wutisisa ka-
mbe hi mahungu ya nwina.
xipm. 7.
- 23 I lo laya a nduna ya zana
akuba a nga hlayiswa, ni
ku nga a klakleka; ni ku
kala a nga tsimbeti a ba ka
kabye ku ta mu kozela.
xip. 27. 3. & 28. 16.
- 24 Kanilezi a nzako ka masi-
ku yo kari, Filisi i lota na
Drusila, a sati wakwe, loyi
a nga wa hi mu Juda, i lo
bitwa Paule, ni ku muzwa
hi kukoleka loku ku nga
Kristu Jesu.
- 25 Kota lezi a nga wa kanela
hi kululama, ni ku ti tsi-
mbetela, ni kulamula ku
tako, Filisi i wa lo rurume-
la, a hlamula a ku ngalo,
Ti fambele hi lexi xikati;
ni laha na nzi hi ni xikati
xi faneleko, nzi ta ku bi-
tana.
- 26 Ni ka zonkie i wa tsumba
lezaku a mali yi ta nyiki-
wa ka yena hi Paule: nga-
hilezo i lo mu bitana xikati
xinyingi, i lo wulawula zi-
nwe naye.
- 27 Kanilezi laha a malembe
mambiri ma nga wa tatise-
kile, Porkiu Festu i lo enge-
na wutsanweni ga Filisi; na

a laba ku kesiwa hi ba Juda, Filisi i lo siya Paule makotsweni.

xip. 12. 3. & 25. 9, 14.

XIPIMO 25.

- 1 Hikwalaho Festu, na a tile ka lego tiko, anzako ka masiku manharu i lo suka le Kesaria i lo kanziya le Jerusalema.
- 2 Ni bapristi ba hombe ni manganakana ya ba Juda ba lo mu hlawutela ha Paule; ba lo mu kongotela,
xip. 24. 1. xipm. 15.
- 3 Na ba kombela a zilo ha yena, lezaku nga a mu rumela le Jerusalema; na ba labelele ku mu daya ndleleni.
xip. 23. 12, 15.
- 4 Ahemba Festu i lo hlamula, lezaku Paule i lo gongelwa Kesaria, ni lezaku a wutsumbu gakwe i taya kona lokuloku.
- 5 Hikwalaho, a wula yena, laba ba nga ni ntamo xikari ka nwina, a ba relele zinwe na mina, loku wu nga wu hi kona nanzu ka munhu, a ba mu kecare.
xip. 18. 14. xipm. 18.
- 6 Ni laha a nga wa tsamile xikari kabye a xipimo xa nklanu ni manharu kutani i kume ga masiku, i lo relele aya Kesaria; hi manziko i lo tsama xitsanweni xa kulamula, i lo laya Paule a ku tiswa.
- 7 Ni laha a nga wa cikele, ni

ba Juda laba ba ngata hi le Jerusalema ba lo yima ba mu ranzela, ba lo mu rwexa hi milanzu yinyingi yo binza, leyi ba tsanzekako ku yi tiyisa;

Marku 15. 3. Luka 23. 2, 10. xip. 24. 5, 13.

- 8 Ni laha Paule a nga wa ti hlamulela a ku ngalo, Cima a nzi onhang ncumo hi nayo wa ba Juda, ge ni tempele, ge ni Kesari.
xip. 6. 13. & 24. 12. & 28. 17.
- 9 Kanilezi Festu, na a laba ku kesiwa hi ba Juda, i lo hlamula Paule, a ku ngalo, Wa zi ranza kuya Jerusalema, kuya lamulwa kona hi lezi zilo mahlweni ka mina ke ?
xip. 24. 27. xipm. 20.
- 10 Paule a ku ngalo, Mina nzi yimile mahlweni ka xitsamo xa kulamula xa Kesari, hi laho nzi fanelweko hi ku lamulwa kona: ka ba Juda a nzi mahangi kubiha, kota lezi wena u zi tibako kwatsi.
- 11 Zonake loku nzi wa hi mu mahi wa kubiha, na nzi mahile xilo xi faneleko kufa, a nzi kaneti kufa: kanilezi loku ka lezi zilo xi nga hi kona xinene, ba nzi rani-sako ha xona, a nga kona munhu a ta nga nzi nyikela kabye. Nzi kombela kuya ka Kesari.
xipm. 25. xip. 18. 14. & 23. 29. & 26. 31, 32. & 28. 19.
- 12 Zonake Festu, laha a nga wa wulawulile ni hubye, i lo hlamula, Wena u ko-

mbelile kuya ka Kesari: ka Kesari wena u taya.

13 Makunu laha ku nga wa hunzile masiku yo kari, Agripa a hosi ni Bernike ba lo cikela Kesaria, ni kuta losetela Festu.

14 Kota lezi ba nga wa tsamile laho masiku yo tala, Festu lo byela hosi mhaka ya Paule, aku, I kona munhu wo kari a nga siywa makotsweni hi Filisi:

xip. 24. 27.

15 Ha yena, ni laha nzi nga wa hi le Jerusalema, a bapristi ba hombe ni masingalakati ya ba Juda ba lo nzi byeletela ha yena, ba lo kongotela lezaku a koneka.

xipm. 2. 3.

16 Ka wihi nzi lo hlamula, lezaku a hi mukuwo wa ba Roma a ku nyikela munhu, loyi a kecarwako na a nga se ku cuwukana ni laba ba mu kecarako ngohe ni ngohe, ni ku ba a kuma xikati xa ku ti hlamulela ka mahungu laya a kecarwako ha wona.

xipm. 4. 5.

17 Hikwalaho laha ba nga wa tsombene katiginwe laha, a nzi ba hlwelisangi, hi siku go gamela nzi lo tsama xitsanweni xa kulamula, nzi lo laya munhu akuba a tiswe.

xipm. 6.

18 Ha yena, laha bakecari ba nga wa yimile, a ba humesangi a nanzu wo bilha

kota lezi nzi nga wa alakanya;

19 Kanilezi ba lo ranisa hi ziwutiso zo kari za kukozela kabye, ni hi munwe Jesu loyi a nga wa file, loye Paule a tiyisako a ku wa hanya.

xip. 18. 15. & 23. 29.

20 Mina, na nzi kanganyisilwe hi kuwutisa a zilo lezi, nzi lo wutisa kasi kutani i ngaya le Jerusalema, ni laho i ta nga lamulwa hi laya mahungu.

21 Kanilezi laha Paule na kombelile ku gongiwa kasi kuya tsanzelwa ka mufumeli, nzi lo laya lezaku a gongiwa nzi kala nzi ta nga rumela ka Kesari.

22 Ni Agripa a ku ngalo ka Festu, Minawu kambe nza ranza ku nga nzi muzwa wutsumbu ga mina. Manziko, ku wula yena, a ta muzwa.

xip. 9. 15.

23 Zi ngaho hi manziko, laha Agripa a nga wa cikele, ni Bernike, hi wukosi ga hombe, ba lo engena wutsanweni ga kuzwa, zinwe ni tinduna ta hombe, ni banhu ba hombe ba muti, hi kulaya ka Festu Paule i lo engeniswa.

24 Festu aku, Hosi Agripa, ni nwina madota nwenkle mu nga laha zinwe na hina, nwina ma mu wona loyi munhu, a nga yena loyi a

xidlemo xonkle xa ba Juda
xi nga nzi kongotela, kona
le Jerusalema ni laha, na ba
bitana lezaku i fanelwe hi
ku ba a nga ha hanyi.

xipm. 2, 3, 7. xlp. 22. 22.

25 Kanilezi mina nzi lo kuma
lezaku a nga mahangi ncu-
mo xi faneleko kufa: kota
lezi a wutsumbu gakwe a
kombelileko ka mufumeli
nzi lo xuba ku mu rumela.

xlp. 23. 9, 29. & 26. 31. xipm. 11, 12.

26 A nga wihi nzi nga haba
xilo xi tiyileko ku tsalela a
hosi ya mina. Ngahilezo nzi
mu tisile mahlweni ka nwi-
na, nguvu mahlweni ka we-
na, hosi Agripa, lezaku,
anzako na kuhlolilwe, nzi
fela ku kuma xilo xa ku
tsala.

27 Hakuba a zi woneki kwatsi
ka mina, a ku rumela pere-
su, na ku nga kombetiwi
milanzu ha yena.

XIPIMO 26.

1 Ni Agripa a ku ngalo ka
Paule, Wena u vumelwe ku
ti hlamulela ha wece. Zo-
nake Paule i lo nawuluta
canja gakwe, i lo ti hlamu-
lela.

2 Nza alakanya nza tsaka
a wutsumbu ga mina, hosi
Agripa, kasi ku ti hlamulela
mahlweni ka wena legi siku
hi zilo xonkle lezi nzi keca-
riwako ha zona hi ba Juda:

3 Nguvu hakuba wena wa yi
tiba mukuwo ni ziwutiso zi
nga xikari ka ba Juda: nga-

[Shootwa.]

89

hilezo nza ku kongotela a
ku nzizwa hi kutimisela.

4 A kufamba ka mina ka le
wusweni ga mina, loku hi
ka kusangula ku wa ni xi-
kari ka lixaka la mina, ni
le Jerusalema, ba zi tiba bo-
nkle ba Juda;

5 Na ba tiba ha mina ku su-
kela kusanguleni, loku ba
hi ba kuvumela ku kustu-
munya, lezaku hi ku lula-
meta a mahanyela ya ku-
kolwa ka hina nzi lo tsama
mu Farisi.

xlp. 22. 3. & 23. 6. & 24. 15, 21. - Fil.
3. 5.

6 Makunu nzi yimile laha ku
lamulwa hi kutsumba ka
tsumbiso ku nga mahiwa hi
Nungungulu ka badadani
ba hina;

xlp. 13. 32. & 23. 6. Roma 15. 8. Tit.
2. 13.

7 Ka xihi xitsumbiso a tixaka
ta hina takume ni timbiri,
ti lo kozela ha kunene Nu-
ngungulu a mumu ni wu-
siku, ti tsumba a ku ku-
ma. A kutsumba loku nzi
kecariwako ha kona hi ba
Juda, O hosi!

Jam. 1. 1. Luka 2. 37. 1 Tesa. 3. 10.
1 Tim. 5. 5. Fil. 3. 11.

8 Hi yini ku lamulwako kota
ku nga kolwi ka nwina, lo-
ku Nungungulu a nga vuxa
bafileko ke?

9 Mina hizinene nza lo alaka-
nya wutsumbyini ga mina,
lezaku nga nzi maha zilo zi-
nyingi zi hambunyetako a
bito ga Jesu wa Nazareta.

Joh. 16. 2. 1 Tim. 1. 13.

10 Lezi kambe nzi lo maha le

Jerusalema: nzi lo valela banyingi bobasa lomo mapaxweni, na nzi kumile ntamo hi ka bapristi ba hombe, ni laha ba nga wa dawa, nzi lo vumela.

xip. 8. 3. & 9. 14, 21. & 22. 5. Gal. 1. 13.

- 11 Nzi lo ba xanisa xikati xotala masinagogeni yonkle, nzi lo ringa ku ba kurumeta ba rukatela; na nzi zangarile ha hombe nguvu ha bona, nzi lo ba xanisa hambu ni le mutini ya le kule.

xip. 22. 19.

- 12 Ngahilezo nzi nga hi pfumbeni ga kuya le Damaseku ni ntamo ni mubiko wa le bapristini ba hombe,

xip. 9. 3. & 22. 6.

- 13 Hi laha hlikanhini, O hosi, nzi lo wona laha ndleleni kuwonekela ka le tilweni, ku hunza kuwoninga ka gambo, ku lo woninga ku nzi renzeleka zinwe ni labo ba nga hi pfumba ginwe na mina.

- 14 Ni laha honkle hi nga wa wile misabeni, nzi lozwa gezu giku ka mina hi lirimi la ma Heberu, Saule, Saule, hi yini u nzi xanisako ke? za tsanza ka wena kuvindla klonga.

- 15 Mina nzi te ngalo, Hi wena mani, Hosi ke? Ni Hosi yi te ngalo, Mina nzi mina Jesu loyi wena u mu xanisako.

- 16 Kanilezi suka, u yima hi mikonzo ya wena: hakuba hi ka loku kugumelwa mina nzi wonekile ka wena, ku

ta ku yimisa xikozeli ni kustumunyu wa zilo zonkle u nzi wonileko ha zona, ni ka zilo lezi nzi ta nga woneka ha zona ka wena;

xip. 22. 15.

- 17 Nza ku kla/la ka banhu, ni ka ba Matiko, laba nzi ku rumelako kabye,

xip. 22. 21.

- 18 Ku vulula mahlo yabye, kasi ba fela ku hunzuluka munyeni ba ta kuwonekeleni, ni hi le ntanweni wa Satani ka Nungungulu, kasi ba fela ku amukelwa kutsetselelwa ka zonho ni tsomba xikari ka laba ba basisilweko hi kukoleka ka mina.

Luka 1. 77, 79. Joh. 8. 12. 2 Kor. 4. 4. & 6. 14. Efe. 1. 11, 18. & 4. 18. & 5. 8. 1 Tessa. 5. 5. Kol. 1. 12, 13. 1 Pet. 2. 9, 25. xip. 20. 32.

- 19 Ngahilezo, O hosi Agripa, a nzi wa nga hi ni kukaneta ka xiwoniso xa le tilweni: 20 Kanilezi nzi loba hungu ka bona ba le Damaseku kura nga, ni le Jerusalema, ni le tikweni gonkle ga le Judia, kambe ni ka ba Matiko, kasi ba fela ku hunzuluka ba klelela ka Nungungulu, ba maha mitiro yi faneleko ku kuhunzuluko.

xip. 9. 20, 22, 29. & 11. 23. & 13. & 14. & 16. & 17. & 18. & 19. & 20. & 21. Mat. 3. 8.

- 21 Hi ka xwalexi a ba Juda ba lo nzi koma le tempeleni, ba lo ringa ku nzi daya.

xip. 21. 30, 31.

- 22 Na nzi kumile a kuvunwa hikwalaho ka le na Nungungulu, nzi yima kala legi siku na nzi kustumunya ka

bat songwani ni ka baho-
mbe, na nzi nga wuli ncumo
kanilezi hi lexi a baprofeti
na Mosi ba nga wula lezaku
nga xi maheka;

Luka 24. 27, 44. xip. 24. 14. & 28. 23.
Roma 3. 21. Joh. 5. 46.

- 23 Lezaku Kristu nga a xani-
seka, ni lezaku kuranga ka
kuvuka hi ka bafileko i ta
biwa hungu kuwonekela ka
banhu ni ka ba Matiko.

Luka 2. 32. & 24. 26, 46. 1 Kor. 15. 20.
Kol. 1. 18. Kuv. 1. 5.

- 24 Ni kota lezi a nga wa ha ti
hlamulela za ku ngahi, Fe-
stu a wula hi gezu ga ho-
mbe, Paule, wena u hungu-
kile; a kugonza ka wena ka
hombe ka ku hungukisa.

Joh. 10. 20. 1 Kor. 1. 23. & 2. 13, 14. &
4. 10.

- 25 Kanilezi Paule a wula, A
nzi kungukangi, Festu a
sasekileko nguvu; kanilezi
nzi kanela timhaka ta zi-
nene ni kupima.

- 26 Hakuba a hosi ya zi tiba le-
zi zilo, ni ka yona kambe
nzi kanela hi matsenya: ha-
kuba nza vumeliswa lezaku
ni xihi xilo xa lezi zilo a zi
fihlilwe ka yona; hakuba
lezi a zi mahiwangi wuku-
mbini.

- 27 Hosi Agripa, wa kolwa ba-
profeti ke? nza zi tiba leza-
ku wa kolwa.

- 28 Ni Agripa a ku ngalo ka
Paule, Kutsongwani u nzi
hunzulusa nzi maha mu
Kristu.

- 29 Ni Paule a ku ngalo, Nza zi
ranza ka Nungungulu, ha-

mbu ku hi kutsongwani ku-
tani ka hombe, ku nga hi
wena wece, kanilezi ni bo-
nkle laba nzi zwako mina
legi siku, ba fela ku kota
mina, saseka lezi ziboho.

1 Kor. 7. 7.

- 30 Ni hosi yi lo suka, ni mu-
fumeli, na Bernike, ni laba
ba nga wa tsamile zinwe
nabo:

- 31 Ni laha ba nga wa hi boce,
ba lo wulawula ka munwe
ni munwani, baku, Loyi mu-
nhu a nga mahangi ncumo
xa ku fanela kufa kutani
makotso.

xip. 23. 9, 29. & 25. 25.

- 32 Ni Agripa a ku ngalo ka
Festu, Loyi munhu nga a
klakliswa, loku a nga ko-
mbelangi kuya le Kesari.

xip. 25. 11.

XIPIMO 27.

- 1 Ni laha ku nga wa xibyi-
lwe a kuba hi suka hi taro
hi ya le Italia, ba lo nyikela
Paule ni tinwani tiperesu
ka nduna ya zana yi tibya-
ko Julio, ya klawwa Agu-
stani.

xip. 25. 12, 25.

- 2 Hi lo engena tarweni ga
Adramitio, legi gi nga wa,
kari gi famba wutsanweni
ga fungu wa Asia, hi loya
bimbini, Aristakusi, wa le
Makedonia wa le Tesaloni-
ka, i wa hi na hina.

xip. 19. 20.

- 3 Hi siku gi gamelako hi lo
cikela Sidoni: ni Julio i lo
koma Paule kwatsi, i lo mu

tsika a famba ka ba ka ka-
bye ni ku ya mu kozela.

xip. 24. 23. & 28. 16.

- 4 Hi lo suka laho li taro hi
loya le hasi ka Kuperu, ha-
kuba a mheho hi wa hambe-
ne nayo.
- 5 Ni lezi hi nga wa fambile hi
taro bimbini ga le Kilikia ni
le Pamfilia, hi lo cikela Mi-
ra a muti wa le Likia.
- 6 Ni laho a nduna ya zana yi
lo kuma a taro ga Alekza-
ndria, gi nga waya le Italia;
i lo hi engenisa ka wona.
- 7 Ni laha hi nga wa famba
kutsongwani masiku yo ta-
la, hi lo cikela le ko cuwu-
kana ni ni Nidu, ni mheho
yi wa nga hi vumeli, hi lo
famba hi le hasi ka Krete,
le ku cuwukeneke ni le Sa-
lmoni;
- 8 Hi kutsanza hi famba hi fu-
ngu hi lota wutsanweni go
kari gi tibyako Yisra Yatsi;
kusuhani na yona ku wa hi
kona muti wa le Lasia.
- 9 Na laha xikati xa hombe
xi nga wa tekilwe, ni pfu-
mba makunu gi wa hi le
mhangweni, hakuba ni Ku-
yila ku wa hunzile, Paule i
lo ba luleka,
- 10 A ku ngalo kabye, Madota,
nzi pima lezaku a pfumba
gi le kombyeni ni ku kula-
hlekelwa ka hombe, a nzi
wuli ni nzwalo ni taro basi,
kanilezi ni kuhanya ka hina
kambe.
- 11 Kanilezi a nduna ya zana yi
- lo ingisa mufambisi wa ta-
ro ni nwinyi wa gona, ku
hunza zilo lezo zi nga wa
nga zi wulawulilwe hi
Paule.
- 12 Hakuba yisra yi wa nga sa-
seki ku tsama kona mawu-
yakaya, ni banyingi ba lo
xuxa kungo ga ku suka la-
ho hi taro, kasi loku ku nga
ku maheka ba ta cikela Fo-
nike, ba tsama kona laho a
mawuyakaya; le ku nga yi
sra ya le Krete, loku ku nga
le nwalungu wa le mutsu-
wuka-gambo ni le dzongeni
ga le mutsuwuka-gambo.
- 13 Ni laha a mheho ya le dzo-
nga yi nga wa pupuxa kwa-
tsi, ba lo alakanya ba ku hi
ku kumile, ba lo koka fero
ba lo famba tarweni hi klelo
ga le Krete, hi ku suhani ni
bimbi.
- 14 Kanilezi na ku nga hi xika-
ti xa hombe ku lo bubutsa
mheho, leyi yi bitiwako
Urekwilo:
- 15 Ni laha taro gi nga wa ko-
milwe, gi nga zi koti ku cu-
wukana ni mheho, hi la su
gi tsika, hi ku kukuletwa.
- 16 Hi lo komama le hasi ka xi-
hlalana xi bitiwako Kauda,
hi lo zi kota, ku ponisa a
ngalaba, hi kuringa nguvu:
- 17 Ni laha ba nga wa yi klaku-
sile, ba lo vunetela, ba lo
boha taro lahasi; ni, ba lo
caba kutani ba nga hoxwa
Surtisini, ba lo cisa matangi.
lezo ba lo susumetiwa.
- 18 Kota lezi hi nga wa tira

- nguvu hi bubutsa, hi manziko ba sangula ku hungula nzwalo ba wu hoxa matini;
- 19 Hi siku ga manharu ba lo hoxa bona benyi a zibya za taro hi mandla yabye.
- 20 Ni laha cima ku nga kala ku hi woninga gambo kutani tinyeleti a masiku yo tala, ku wa nga hi xipupuri xitsongwani xi nga wa hi ka hina, konkle kutsumba ka ku hi ta hanyiswa ku wa lahlekile.
- 21 Ni laha ba nga wa tsamile xikati xa hombe na ba nga gangi ncumo, Paule i lo yima xikari kabye, aku ngalo, Madota, nga mu wa ingisile ka mina, nga mu nga sukan gi le Krete, mu ta ka leyi mhango ni ku lahlekelwa.
- 22 Makunu nza mu laya akuba mu tiya hlana: hakuba a ku nga ta ba kona kulahleka ka muhefemulo xikari ka nwina, kanilezi a taro goce.
- 23 Hakuba ku wa yimile ka mina a matolo a ngelosi ya Nungungulu loyi nzi nga ka yena, loyi nzi nga xitiri xakwe,
xip. 23. 11. Roma 1. 9. 2 Tim. 1. 3.
- 24 Yiku, Mu nga cabi, Paule; wena u fanelwe hi ku yima mahlweni ka Kesari: wangabye, Nungungulu i nyikile bonkle laba ba fambako nawena tarweni.
- 25 Ngahilezo, madota, tiyani hlana: hakuba nza kolwa Nungungulu, lezaku ku ta
- maheka kota a nga wulawulile ka mina.
Luka 1. 45. Roma 4. 20, 21. 2 Tim. 1. 12.
- 26 Ahemba hi fela ku hoxiwa xihlalani xo kari.
xip. 28. 1.
- 27 Kanilezi laha ku nga wa hunzile wusiku ga kume ni mune, kota lezi hi nga wa ndlengandlengiswa bimbin ga Adria, ni laha xikari ka wusiku a bamarinyero ba lo alakanya lezaku ba wa le kusuhi ni tiko go kari;
- 28 Ba lo hoxa lipimo, ba lo kuma makume mambiri ya zipimo: anzako ka xikatan yana, ba lo pima kambe, ba lo kuma kume ni nklanu a zipimo.
- 29 Na ba caba lezaku kutani hi nga hoxwa fungwini wa misaba ya maribye, ba lo rikisa mune wa tifero le nza ko ka taro, ba lo xuba kucaca.
- 30 Kota lezi a bamarinyero ba nga wa laba ku nyemuka le tarweni, na ba cisile a ngalaba lomo matini, na ba ku kwatsi bo cisa tifero hi le mahlweni,
- 31 Paule i lo wula ka nduna ya zana ni ka bakasadoro, Saseka loku laba ba tsama lomo tarwini, a mu na ku hanyiswa.
- 32 Zoneka a bakasadoro ba lo tsema a tingoti ta ngalaba, ba lo yi tsika yi lowa.
- 33 Ni laha gi nga waca, Paule i lo ba kongotela bonkle ku

taga za kuga, aku, Legi siku hi kume ni mune na mu simamisile mu rinzile na mu yilile, na mu nga gangi ncumo.

- 34 Hikwalaho nza mu kongotela *nwina* a kuga za kuga: hakuba lexi xi ta mu vunetela: hakuba a ku kona a sisi wu ta lobyiswa wa tihloko ta munwe wa *nwina*.

Mat. 10. 30. Luka 12. 7. & 21. 18.

- 35 Ni laha a nga wa kanele lexi, na tekile xibaba, i lo bonga ka Nungungulu mahlweni kabye bonkle: i lo xi kema a sangula kuga.

Mat. 15. 36. Marku 8. 6. Joh. 6. 11.
1 Tim. 4. 3, 4.

- 36 Zonake bonkle ba lo tiya hlana, ni wutsumbu gabye kambe ba loga.

- 37 Hina honkle hi nga wa hi lomo tarweni hi wa hi mazana mambiri ni nklanu wa makume ni makumi mambiri ni nklanu ni munwe wa mihefemulo.

xip. 2. 41. & 7. 14. Roma 13. 1. 1 Pet. 3. 20.

- 38 Ni laha ba nga wa gile ba xura, ba lo hunguta a taro, ba lo hoxa mabele bimbini.

- 39 Laha gi nga wa hi mumu, a ba gi tibangi a saba: kanilezi ba lo wona a yisra yo kari zinwe ni fungu, ba lo xuxa kungo lezaku ba nga gi nikinyela kona taro.

- 40 Ba lo tsemelela tifero, ba lo ti tsika bimbini, ka xwalexi xikati ba lo *klakla* a tingoti ta tilemi; ba lo gwi-

mba a tangi ga le mahlweni ba kangatela mheho, ba lo komama fungwini.

- 41 Kanilezi na ba cikela wutsanweni laha mabimbi mambiri ma *klanganako* kona, a taro gi lo cekama; ni le nhovini ka taro ku lo cekama ku nga ha ninginiki, kanilezi le nzako ku lo sangula ku panziwa hi ntamo wa mabyandlati.

2 Kor. 11. 25.

- 42 Ni kungo ga bakasadoro ku wa hi ku daya a tiperesu, ku nga taku banwani ba nga kasela kabye ba pona.

- 43 Kanilezi a nduna ya zana, na yi laba ku hanyisa Paulle, i lo ba beleta kungweni gabye; i lo laya lezaku laba ba zi kotako ba nga kasela a ba pfunwale lomo matini a wutsumbu gabye ba ranga ba ya *klatuka* muhanzeni:

- 44 Ni baseleko, banwani hi maplanko, ni banwani hi zinwani zilo za taro. Zingaho na ku mahisile lezo, akuba bonkle ba lo pona kwatsi le muhanzeni.

xipm. 22.

XIPIMO 28.

- 1 Ni laha hi nga wa ponile, hi lo zi tiba lezaku a xihlale xi bitiwa Melita.

xip. 27. 26.

- 2 Ni bamatiko ba lo hi wonisa a wuxinji gi nga nga gi nga hi gi tsongwani: hakuba ba lo nzibela nzilo, ba lo hi amukela hina honkle, hilezi

- ku nga wa wana vula, ni hilezi ku nga wa hi xirami.
Roma 1. 14. 1 Kor. 14. 11. Kol. 3. 11.
- 3 Kanilezi laha Paule a nga wa wungeletela a nyanza ya tihunyi, a ti cela nzilweni a nyoka yi lo huma hi ku kufumela, yi lo namarela canjeni gakwe.
- 4 Ni laha bamatiko ba nga wa wona xihari xi lengalenga canjeni gakwe, ba lo ngalo ka munwe ni munwani, Ha kunene loyi munhu hi mudayi, loyi, na a nga na a ponile bimbini, a Mupoti a nga mu vumeli lezaku a hanya.
- 5 Ahemba i lo yi zuzela nzilweni a xihari, a ngazwi kubayisa.
Marku 16. 18. Luka 10. 19.
- 6 Kanilezi bona ba wa alakanya lezaku i ta nga vimba, kutani ni kuwa lahasi kalakale afa: kanilezi laha na ba cuwukele xikati xa hombe, ba lo wona ku nga humi mhango ha yena, ba lo hunzula kupima kabye, ba ku ngalo, i a hi nungungulu.
xip. 14. 11.
- 7 Makunu kusunani wutsamo lego ku wa hi kona misaba ya hosi ya xihlale, a bito gakwe hi Publio; loyi a nga hi amukela, i lo hi koma kwatsi masiku manharu.
- 8 Ku wa ngaho, lezaku a raru wa Publio i lo babya hi feberi ni kubululeka: ni laha Paule a nga wa engenile laha na kombelile, i lo klateka mandla hehla kakwe i lo mu hanyisa.
Jam. 5. 14, 15. Marku 6. 5. & 7. 32. & 16. 18. Luka 4. 40. xip. 19. 11, 12. 1 Kor. 12. 9, 28.
- 9 Ni laha ku nga wa mahekile lezi, ni bonkle laba ba nga wa hi ni tingumbe xihlalani ba lota, ba lo hanyiswa:
- 10 Labo ba nga wa hi bongahi zilo zo tala; ni laha hi ngakilela tarwini, ba lo engenisazilo zonkle hi nga wa ziranza.
Mat. 15. 6. 1 Tim. 5. 17.
- 11 Ni nzako ka tihweti tinharu hi lo famba hi taroga Alekzandria, lego gi nga wa tsamile mawuyakaya leyo xihlalani, gi nga ni xifungo Dioskuri.
- 12 Na hi cikela Sirakusi, hi lo tsama laho masiku manharu.
- 13 Ku suka laho hi lo renzeleka, hi lo cikela Regium: anzako ka siku ginwe ku pupuxa hi le dzongeni, hi siku ga mambiri hi lota le Puteoli:
- 14 Ni laha hi nga wa kumile bamakabye, hi lo kombelwa ku tsama zinwe nabo nkalanu wa masiku ni mambiri: zi ngaho hi lota le Roma.
- 15 Ku suka hi laho laha bamakabye, na ba nga wa hi zwile, ba lota ku hi kinga kota le Markete ga Apiusi, ni Taverna Manharu: labo laha

Paule a nga wa wonile, i lo bonga Nungungulu, i lo tiya hlana.

- 16 Ni laha hi nga wa engena le Roma, Paule i lo vumelwa ku tsama yece ni kasadoro loyi a mu rinzeleko.

xip. 24. 25. & 27. 3.

- 17 Na ku mahisile lezo, anza-ko ka masiku manharu i lo bitana katiginwe labo ba nga wa hi ba hombe ba ba Juda: ni laha ba nga wa tsombani wutsamo ginwe, i te ngalo kabye, Mina, bama-kabye, hambu lezi nzi nga kala ku maha xilo xi hambeneko ni banhu, ni mikuwo ya badadani ba hina, kanilezi nzi lo nyikelwa a peresu hi le Jerusalema mandleni ya ba Roma:

xip. 21. 33. & 24. 12, 13. & 25. 8.

- 18 Labo, laha na ba hlolile ha mina, ba lo xuba ku nzi klakla, hakuba ku wa nga hi kona nanzu wa kufa ha mina.

xip. 23. 24. & 24. 10. & 25. 8. & 26. 31.

- 19 Kanilezi laha ba Juda ba nga wa kaneta, nzi lo yimelwa ku kombela ka Kesari; a hi ku ngalo nzi na ncumo ku kecara lixaka la mina.

xip. 25. 11.

- 20 Hi kota ya lexi nzi lo mu kombelaku ta wona ni kuta wulawula zinwe na mina: hakuba hi kota ya kutsumba ka Israeli mina nzi bohilwe hi laya mangelje.

xip. 26. 6, 7, 29. Efe. 3. 1. & 4. 1. & 6. 20.
2 Tim. 1. 16. & 2. 9. Fil. 10. 13.

- 21 Bona ba ku ngalo ka yena, Hina cima a hi amukelangi a papilo ha wena ga le Judia, ge ni munwe wa bama-kabye a nga tangi ku ta bika ni ku wulawula ha wena.

- 22 Kanilezi hi ranza kuzwa ha wena lezaku u alakanya yini: kanilezi hi lolu lihunzu, za tibeka ka hina lezaku wutsanweno gonkle la kanetiwa.

Luka 2. 34. xip. 24. 5, 14. 1 Pet 2. 12. & 4. 14.

- 23 Ni laha bona ba nga wa yimisile siku, ba lotta le ndlwini yakwe bo tala; ka bona i klamusela a mahungu, na a kustumunya hi mufumo wa Nungungulu, na a ba kongotela hi Jesu, ni le nayweni wa Mosi ni baprofeti, ku lo sukela ni mixo ku kala laha gambyeni.

Luka 24. 27. xip. 17. 3. & 19. 8. & 26. 6, 22.

- 24 Ni banwani ba lo kolwa a zilo lezi zi nga wa kanelwe, ni banwani a ba kolwangi.

xip. 14. 4. & 17. 4. & 19. 9.

- 25 Ni laha ba nga kala ba nga klanganangi xikari ka wutsumbu gabye, ba lo suka, anzako ka lezi Paule a nga wa kanele mhaka yinwe, Wu wulile kwatsi Moya wo Basa hi Isaya muprofeti ka bararu ba nwina,

- 26 Aku,
Famba wena ka laba banhu, u ya ku ngalo, Hi

kuzwa mu tazwa, mu nga ta pima; hi kuwona mu ta wona, mu nga ta zi ti-ba:

Mat. 13. 14, 15. Marku 4. 12. Luka 8. 10. Joh. 12. 40. Roma 11. 8.

27 Hakuba a mbilu ya laba banhu yi nonohile nguvu, ni tindlebe tabye ti hi ziwiri hi kuzwa, ni mahlo yabye ma tsimbile; ku nga taku ba wona hi mahlo yabye, ni kuzwa hi tindlebe tabye, ba nga pima hi timbilu tabya, ba nga hunzuluka kambe, mina nzi nga bahanyisa.

28 Hikwalaho nga a xi tibeka

ka nwina, lezaku loku kuhanyiswa ka Nungungulu ku rumelwe ka ba Matiko; bonawu kambe ba tazwa.

Mat. 21. 41, 43. xip. 13. 46, 47. & 18. 6. & 22. 21. & 26. 17, 18. Roma 11. 11.

30 I lo tsama malembe mambiri ma mbeleleko ndlwini leyi a nga wa yi pembile yena nwinyi, i lo amukela bonkle laba ba nga wa engena kakwe,

31 Na a kanela a mufumo wa Nungungulu, na a gonzisa zilo hi Hosi Jesu Kristu, hi kutiya konkle, na a nga tsimbetelwi hi munhu.

xip. 4. 31. Efe. 6. 19.

A PAPILO GA PAULE MUPOSTOLI KA BAROMA.

XIPIMO 1.

1 Paule, a xitiri xa Jesu Kristu, a bitilweko ku maha mu postoli, a hambanyiselwa a ivangeli ya Nungungulu,

Mit. 9. 15. & 13. 2. & 22. 21. 1 Kor. 1. 1. Gal. 1. 15. 1 Tim. 1. 11. & 2. 7. 2 Tim. 1. 11.

2 Leyi a nga tsumbisile kura nga hi baprofeti bakwe kutsaleni ko basa,

Mit. 26. 6. Tit. 1. 2. xip. 3. 21. & 16. 26. Gal. 3. 8.

3 Hi kota ya Nwana wa yena, loyi a nga traliwa mbe-wini ya Davida hi kota ya nyama,

Mat. 1. 6, 16. Luka 1. 32. Mit. 2. 30. 2 Tim. 2. 8. Joh. 1. 14. Gal. 4. 4.

4 Loyi a tibyiwako Nwana wa Nungungulu hi ntamo, hi kota ya moya wa kubasa, na hi kuvuka ka bafleko; hambu yena Jesu Kristu a Hosi ya hina,

Mit. 13. 33. Heb. 9. 14.

5 Hi kota ya yena hi amukele wuxinji ni wupostoli, hi kuingiseni ka kutsumbeka matikweni wonkle, hikwalaho ka bito gakwe:

xip. 12. 3. & 15. 15. & 16. 26. 1 Kor. 15. 10. Gal. 1. 15. & 2. 9. Efe. 3. 8. Mit. 6. 7. & 9. 15.

6 Xikari ka bona hi nwinawu kambe, mu bitilweko ku maha ba ka Jesu Kristu:

- 7 Le ka bonkle laba ba nga le Roma, baranzekako ba Nungungulu, mu bitilweko ku maha bo basa: Wuxinji ka *nwina* ni kurula ka le ka Nungungulu Dadani wa hina ni le ka Hosi Jesu Kristu.
xip. 9. 24. 1 Kor. 1. 2, 3. 1 Tessa. 4. 7. 2 Kor. 2. 1. Gal. 1. 3.
- 8 Kusangula, nza bong'a Nungungulu wa mina hi kota ya Jesu Kristu hi *nwina nwenkle*, lezi kukolwa ka *nwina* ku zwakele tikweni gonkle.
1 Kor. 1. 4. Fil. 1. 3. Kol. 1. 3, 4. 1 Tessa. 1. 2, 8. File. 4. xip. 16. 19.
- 9 Hakuba Nungungulu hi kustumunyu wa mina, nzi mu kozelako hi moya wa mina ivangelini ya Nwana wa yena, hakuba hi ku nga tsiki nza mu alakanya hi xikati xonkle kukongeleni ka mina,
xip. 9. 1. 2 Kor. 1. 23. Fil. 1. 8. & 3. 3. 1 Tessa. 2. 5. & 3. 10. Mit. 27. 23. 2 Tim. 1. 3. Joh. 4. 23, 24.
- 10 Nzi kongela, lezaku loku ku maheka nzi kuma ku famba kwatsi hi kuranza ka Nungungulu a kuta leyo ka *nwina*.
xip. 15. 23, 32. 1 Tessa. 3. 10. Jam. 4. 15.
- 11 Hakuba nza nabela ku mu wona, kasi nza fela ku engetela ka *nwina* sakwati ya moya, ku gumeswa mu fela ku anziswa;
xip. 15. 29.
- 12 Ku hi ku ngalo, kasi na nzi hi na *nwina* mu fela ku nengeliswa, munwani munhu hi ku kolwa ka munwani, ka *nwina* ni ka hina.
Tit. 1. 4. 2 Pet. 1. 1.
- 13 A nzi labi *nwina* ku kala mu nga tibi cumo, ba makabye, ku ngalo hi zikati zinyingi nzi wa laba kuta ka *nwina* (nzi wa hunga-telwa leno kambe), lezaku nzi ta kuma mihanzu ka *nwina* kambe, kwatsi hi le ka banwani ba Matiko.
xip. 15. 23. Mit. 16. 7. 1 Tessa. 2. 18. Fil. 4. 17.
- 14 Nzi na ni nanzu ka ba Greki ni ka ba Matiko, ka laba boklariha ni ka mapupulu.
1 Kor. 9. 16.
- 15 Lezo, kota lezi ku nga kunyingi nzeni ka mina, nzi longile ku kanela ivangeli kambe ka *nwina* mu nga le Roma.
- 16 Hakuba a nzi na tingana hi ivangeli: hakuba hi ntamo wa Nungungulu wa kuhan-nyisa ka bonkle ba kolwako; ka ba Juda ku ranga, ni ka ba Greki kambe.
Marku 8. 38. 2 Tim. 1. 8. 1 Kor. 1. 18. & 15. 2. Luka 2. 30, 31, 32. & 24. 47. Mit. 3. 26. & 13. 26, 46. xip. 2. 9.
- 17 Hakuba mangabye ku won-ekelisilwe a kululama ka Nungungulu hi kukoleka ka kukoleka: kwatsi hilezi ku tsalilweko ku ngalo, Kanilezi loyi a lulamileko ba ta hanyiswa hi hi kukolwa.
xip. 3. 21. Joh. 3. 36. Gal. 3. 11. Fil. 3. 9. Heb. 10. 38.
- 18 Hakuba a kulo ga Nungungulu gi wonekelisilwe hi le tilweni hehla ka kungakolwiko ni ku kala kulula-

ma ka banhu, ba komako zinene hi kungululami;

Mit. 17. 30. Efe. 5. 6. Kol. 3. 6.

- 19 Hakuba lezi zi felako ku tibya za Nungungulu zi wonkelisilwe ka bona; hakuba Nungungulu i ku wonkelisile ka bona.

Mit. 14. 17. Joh. 1. 9.

- 20 Hakuba lezi zi nga woniwiko zilo zakwe cima ka le kumahiweni ka tiko ku wonekile ku ku dlu, na ku woniwa hi zilo zi mahilweko, hambu ni ntamo wakwe wu hi ko ni ku gumesa ni wunungungulu; kasi ba kala ku ti pendla:

Mit. 14. 17. & 17. 27.

- 21 Kasi hakuba, na ba mu tiba Nungungulu, ha nga mu dumisi kota Nungungulu, hambu ni ku mu bonga; kanilezi ba tsama ni matsanza ku alakanyeni kabye, ni mbilu yabye yi nga pimiiko yi pfupeliswa.

Efe. 4. 17, 18.

- 22 Na ba ti wula kuklariha, ba lo maha mapupulu,

- 23 Ba hunzulusa wukosi ga Nungungulu a nga boliko hi ku fananisa ni xifananiso xa munhu a bolako, ni xa zinyanyani ni zihari za mune wa mikonzo, ni zihari zi kokakoka.

Mit. 17. 29.

- 24 Hizona lezo Nungungulu i lo ba nyikela kudokoleleni ka timbilu tabye ni wufenzeni, kasi mimiri yabye yi fela ku nyenyeziswa

xikari ka wutsumbu gabye:

Mit. 7. 42. Efe. 4. 18, 19. 1 Kor. 6. 18. 1 Tesa. 4. 4. 2 Tesa. 2. 11, 12. 1 Pet. 4. 3.

- 25 Hakuba ba lo hunzulusa zinene za Nungungulu ku mana wunwa, ba kozela ba tirela loyi a mahilweko ku hunza Mumahi, a katekisilweko kala kupinzuka. Amen.

1 Tesa. 1. 9. 1 Joh. 5. 20.

- 26 Hakuba hi kota ya lexi Nungungulu i lo ba nyika ku kwebekeni ko biha: hakuba ba basati ba lo hunzulusa mahanyela a ku maha lezo kala ma nga hi mahanyela yabye:

Efe. 5. 12. Jude 10.

- 27 Hizalezo ni banuna, ba tsika mahanyela yatsi ya wasati, baswa hi kudokolela kabye ka munwe ni munwani, a ba banuna ba maha ni banwani ba banuna kubiha, na ba amukela wutsumbu gabye a ku potwawu ka kuhambuka kabye ku nga ba lanzela.

- 28 Kota lezi ba nga ala kutsama ni Nungungulu kutibeni kabye, Nungungulu i lo ba nyika kupima ka wuhaba, ku maha lezi zilo zi nga klanganiko;

Efe. 5. 4.

- 29 Na ba tatisilwe hi kungululami konkle, a kubiha, a kunabela, a wuxezi; ba tatisilwe hi wukuxu, a kudaya, a kukanetana, a kuko-

- hlisa, a wungolwani; a bahlebi, a bahembi,
- 30 Ni ba bengako Nungungulu, a baxanisi, ni batikukumukisako, a bamatsanza, a barambi ba zilo zo biha, a ba nga ingisiko batrali,
- 31 Na ba hi ni kupima, a batsobi ba xivumelwano, na ba hi haba mahanyela ya kuranza, a ba nga hiko ni wuxinji:
- 32 Nawo ba wu tiba nayo wa Nungungulu, aku ngalo laba ba mahako zo kota lezo ba fanelwe hi kufa, a hi ku maha lezo basi, kanilezi ku vumelana ni laba ba zi mahako.

xip. 2. 2. & 6. 21.

XIPIMO 2.

- 1 Hikwalaho u haba ku ti pendla, O munhu, na u hi mani wena u lamulako: hakuba wangabye laha u lamulako ha kona munwani, wa ti kona wena wutsumbu; hakuba wena wa lamula na u tolobeke ku maha zalezo wenawu.
- xip. 1. 20. Mat. 7. 1, 2. Joh. 8. 9.
- 2 Ha zi tiba lezaku kulamula ka Nungungulu ku hi kota ya zinene ka bona laba ba mahako zo kota lezo.
- 3 Wa alakanya lexi, O munhu, wena u lamulako laba ba mahako zilo zo kota lezo, na u zi maha, u ta pona kulamula ka Nungungulu ke?
- 4 Kutani wa kanyisa ku fu-

ma ka kusaseka kakwe ni kuhonisa ni ku vumela kunyingi, a ku zi tibi ku ngalo aku saseka ka Nungungulu ka ku kokela kuhunzuluke ni ke?

xip. 3. 25. & 9. 23. Efe. 1. 7. & 2. 4, 7. 2 Pet. 3. 9, 15.

- 5 Kanilezi kota kunonoha ka wena ni mbilu yi nga hunzulukiko wa ti bekela a zanga a sikwini ga zanga ni kuwonekisweni ka kulamula kululamileko ka Nungungulu;

Jam. 5. 3.

- 6 A ta nga nyika ka munhu ni munhu kwatsi hi mitiro ya yena:

Mat. 16. 27. xip. 14. 12. 1 Kor. 3. 9. 2 Kor. 5. 10. Kuv. 2. 23. & 20. 12. & 22. 12.

- 7 Ka bona labo hi kuhonisela ba mahako hi kuranza ba laba kungangamela ni wudumo ni kungaboli, a kuha-nya ka kupinzuka:

- 8 Kanilezi ka laba ba kanako, ba nga ingisi a zinene, kanilezi ba ingisa a kungalulami, i ta ba nyika zanga ni kulo,

xip. 1. 18. 2 Tesa. 1. 8.

- 9 A kurila ni kukarateka, hehla ka lowo muhefemulo wu mahako za kubuna, ka ba Juda ku ranga, ni ka ba Greki kambe;

Luka 12. 47, 48. 1 Pet. 4. 17.

- 10 Kanilezi a wukosi ni wudumo ni kurula ka bonklelele laba mahako kusasa, ka ba Juda ku ranga, ni ka ba Greki kambe:

1 Pet. 1. 7.

- 11 Hakuba a nga nako kuhla-
wula munhu Nungungulu.
Mit. 10. 34. Gal. 2. 6. Efe. 6. 9. Kol.
3. 25. 1 Pet. 1. 17.
- 12 Hakuba kota lezi a ba nyi-
ngi ha onhileko na ba nga
hi na nayo ba tafa kambe
na ba nga hi na nayo: kota
lezi a ba nyingi ba onhileko
lahasi ka nayo ba lamulwa
hi nayo;
- 13 Hakuba a hi bazwi ba nayo
ba lulamileko mahlweni ka
Nungungulu, kanilezi a ba
mahi ha nayo ba ta lulami-
swa:
Mat. 7. 21. Jam. 1. 22, 23, 25. 1 Joh.
3. 7.
- 14 Hakuba laha ba Matiko la-
bo ba nga haba nayo ba
maha zilo za nayo hi maha-
nyela yabye, bona, na ba hi
haba nayo, wu kona nayo
wu tsumbyini gabye;
- 15 Hi ka lexi ba wonekisa ti-
ro wa nayo wu tsalilweko
timbilwini tabye, mbilu ya-
bye na yi maha wukustu-
munyu na wona, ni kualaka-
nya kabye hi munwe ni
munwani ku ba sola kutani
ku ba *klakla*;
- 16 Sikwini Nungungulu a ta
nga lamula zigungu za ba-
nhu, hi ivangeli ya mina, hi
Jesu Kristu.
Mat. 25. 31. Joh. 5. 22. & 12. 48. xip. 3.
6. & 16. 25. Mit. 10. 42. & 17. 31. 1
Kor. 4. 5. 1 Tim. 1. 11. 2 Tim. 2. 8.
& 4. 1, 8. 1 Pet. 4. 5. Kuv. 20. 12.
- 17 Kanilezi loku rwele bito ga
mu Juda, u humula naywe-
ni, u dumisa Nungungulu,
Mat. 3. 9. Joh. 8. 33, 41. xip. 9. 4, 6,
7. 2 Kor. 11. 22.
- 18 U ku tiba kuranza kakwe,
u vumela a zilo zi saseki-
leko, na u gonzisilwe hi
nayo,
Flil. 1. 10.
- 19 Na u tsumba ku ngalo we-
na wutsumbu u mukoki wa
zikumu, u kuwonekela ka
laba ba nga munyamani,
Mat. 15. 14. & 23. 16, 17, 19, 24. Joh. 9.
34, 40, 41.
- 20 Mululamisi wa mapupulu,
mugonzisi wa banana, na u
hi ni xiyimo xa ku tiba ni
zinene nayweni ;
xip. 6. 17. 2 Tim. 1. 13. & 3. 5.
- 21 Hikwalaho wena u gonzisa-
ko munwani a ku ti ho-
nzisi wena wutsumbu ke ?
wena u wulawulako u ku
munhu a nga yihi, wa yi-
ba ke ?
Mat. 23. 3, &c.
- 22 Wena u nga ngalo a mu-
nhu a bayi, wa baya ke ?
wena u bengako mifanani-
so, wa panga titempeli ke ?
- 23 Wena u dzunzekako hi na-
yo, hi zihambuko za wena
nayweni a ku dumisi Nu-
ngungulu ke ?
xipm. 17.
- 24 Hakuba a bito ga Nungu-
ngulu ga rukatelwa xikari
ka ba Matiko hi kota ya we-
na, kwatsi hi lezi ku tsali-
lweko.
- 25 A wukwera hi zinene ga vu-
netela, loku wena u hi mu-
mahi wa nayo: kanilezi na
u hi muhambunyeti wa na-
yo, wukwera ga wena gi
mahile ku nga hi wukwera.
Gal. 5. 3.
- 26 Hikwalaho loku loyi a nga

hi ko nkwera a hlayisa a matsamela ya nayo, a ku nga hi nkera kakwe ku nga tiɔya nkwera ke?

Mat. 10. 34, 35.

- 27 A ku hi nkera ku nga kona hi mahanyela, loku ku kari ku tatiseka nayo, lamula wena, na u hi ni buku ni wukwera wena u hambu-nyeti wa nayo ke?

Mat. 12. 41, 42.

- 28 Hakuba yena a hi mu Juda, loyi a nga yena hi lahandle; hambu ni wukwera, legi gi nga lahandle nyameni:

Mat. 3. 9. Joh. 8. 39. xip. 9. 6, 7. Gal. 6. 15. Kuv. 2. 9.

- 29 Kanilezi loye hi mu Juda, hi kona lomo nzeni; ni wukwera hi le ga mbilu, le moyeni, ku nga hiko ka buku; a ku dumiswa ka yena ku nga hiko ka banhu, kanilezi ka Nungungulu.

1 Pet. 3. 4. Fil. 3. 3. Kol. 2. 11. xip. 7. 6. 1 Kor. 4. 5. 2 Kor. 3. 6. & 10. 18. 1 Tesa. 2. 4.

XIPIMO 3.

- 1 Ku vunetela muni zonake ku nga ni mu Juda? kutani xi yini xi binzulwako hi wukwera ke?

- 2 Nguvu tindleleni tonkle: hakuba hi kusangula, ba lo nyikwa timhaka ta Nungungulu.

xip. 2. 18. & 9. 4.

- 3 Hakuba yini loku banwani ba nga hi nako kukolwa? kungakolwi kabye ku ta hunzula kutsumbeka ka Nu-

ngungulu ku nga mahi cumo ke?

xip. 9. 6. & 10. 16. & 11. 29. 2 Tim. 2. 13. Heb. 4. 2.

- 4 Nungungulu a beletele: ina, Nungungulu a kumiwe na hi zinene, kanilezi banhu bonkle a ba kumiwe na bahemba; kwatsi hi lezi ku tsalilweko,

U fela ku basiswe hi timhaka ta wena, u fela ku hlula loku u tile kulamuleni.

Joh. 3. 33.

- 5 Kanilezi a kungalulami ka hina loku kari ku wonisa kululama ka Nungungulu, hi ta ku yini? Nungungulu a nga lulamangi a kambacko hi zanga ke? (nza wulawula kwatsi hi banhu.)

xip. 6. 19. Gal. 3. 15.

- 6 Nungungulu a beletele: makunu lezo Nungungulu i ta lamulisa ku yini tiko?

- 7 Kanilezi zinene za Nungungulu loku zi kari zi ya hi mawunwa ya mina wukosini gakwe, hi yini mina kambe nza ha lamulwako kota muonhi?

- 8 Hi ku yini (kota lezi hi hlebyilweko, kota lezi banwani ba tiyisako ha wula hi ku), A hi maheni kubiha, kasi kusaseka ku cikela? ba fanelwe hi kukonwa ka bona.

xip. 5. 20. & 6. 1, 15.

- 9 Makunu ku yini? hi kona wutsanweni go biha ku hunza bona ke? Kokwihi, a hi zona lezo: hakuba hi ma-

- hlweni hi lo beka nanzu ka
ba Juda ni ka ba Greki, wa
ku ngalo ba kona lahasi ka
kuonha bonkle;
xip. 1. 28, &c., & 2. 1, &c. xipm. 23.
Gal. 3. 22.
- 10 Kota lezi ku tsalilweko ku
ngalo,
A nga kona loyi a lula-
mileko, hambu ni mu-
nwe;
- 11 A nga kona loyi a pimako,
a nga loyi a labako Nu-
ngungulu;
- 12 Ba hambukile klelweni
bonkle, a ba vuni cumo
bonkle; a nga kona a ma-
hako kusasa, ge, hambu
ni munwe;
- 13 A kolo wabye hi xilahla xi
vululekileko; na hi tirimi
tabye ba kohlisile: wu-
xungu ga tinyoka gi ko-
na lahasi ka milomu ya-
bye;
- 14 Nomu wabye wu tele hi
ku rukatela ni kubaba:
- 15 Mikonzo yabye yi haklisi-
le ku halata nkata;
- 16 Kudaya ni wuxezi ku ko-
na tindleleni tabye;
- 17 Ndlele ya kurula a ba yi
tibi;
- 18 Ku haba kucaba Nungu-
ngulu mahlweni ka ma-
hlo yabye.
- 19 Makunu ha zi tiba zilo zo-
nkle zi kanelweko hi nayo,
wu kana ka bona ba nga
lahasi ka nayo; kasi milo-
mu yonkle yi fela ku miye-
liswa, ni tiko gonkle gi fela
- ku nehiwa kulamuleni ka
Nungungulu:
Joh. 10. 31. & 15. 25. xip. 1. 20. & 2. 1,
2. xipm. 9. 23.
- 20 Hakuba hi mitiro ya nayo
a ku na nyama yi ta nga
lulamiswa mahlweni ka ye-
na: hakuba hi nayo kuta
ku tiba ka kuonha.
Mit. 13. 39. Gal. 2. 16. & 3. 11. Efe.
2. 8, 9. Tit. 3. 5. xip. 7. 7
- 21 Kanilezi makunu hi kule ni
nayo a kululama ka Nungu-
ngulu ku wonekelisilwe, na
ku kustumunyilwe hi nayo
ni baprofeti;
Joh. 5. 46. Mit. 15. 11. & 26. 22. xip.
1. 2, 17. Fil. 3. 9. Heb. 11. 4, &c.
1 Pet. 1. 10.
- 22 Hambu kululama ka Nu-
ngungulu hi kukoleka ka
Jesu Kristu ka bona bonkle
ba kolwako; hakuba ku ha-
ba kuhambanisa;
xip. 4. & 10. 12. Gal. 3. 28. Kol. 3. 11.
- 23 Hakuba bonkle ba onhile
ba kiyelele wukosini ga Nu-
ngungulu;
xipm. 9. xip. 11. 32. Gal. 3. 22.
- 24 Na ba basisilwe hi matsenya
hi wuxinji gakwe hi kukla-
kliswa ku kona ka Kristu
Jesu:
xip. 4. 16. Mat. 20. 28. Efe. 1. 7. & 2.
8. Kol. 1. 14. 1 Tim. 2. 6. Tit. 3. 5,
7. Heb. 9. 12. 1 Pet. 1. 18, 19.
- 25 Loyi Nungungulu a mu-
rumileko ku maha xiriho,
hi kukolwa ka nkata wa-
kwe, ku wonekelisa kulu-
lama kakwe, hi kota ya ku
tsetselelwa ka kuonha ku
nga mahiwa hi mahlweni,
kuhoniseleni ka Nungungu-
lu;
1 Joh. 2. 2. & 4. 10. Kol. 1. 20. Mit.

13. 38, 39. & 17. 30. 1 Tim. 1. 15.
Heb. 9. 15.
- 26 Hi kuwonisa, nza wula hi kululama kakwe hi xikati lexi: kasi yena wutsumbu a fela ku basa, ni mubasisi wa yena loyi a kolekako ka Jesu.
- 27 Hikwihi makunu kubuma? Ku tsimbetilweko. Na ku lihi lixaka la nayo? Wa mitiro? Ahihi: kanilezi hi nayo wa kukoleka.
xip. 2. 17, 23. & 4. 2. 1 Kor. 1. 29, 31.
Efe. 2. 9.
- 28 Hikwalaho ha wula hi ku munhu i basiswa hi kukoleka na hambene ni mitiro ya nayo.
Mit. 13. 38, 39. xipm. 20, 21, 22. xip. 8. 3. Gal. 2. 16.
- 29 Kasi Nungungulu i Nungungulu wa ba Juda boce ke? hi Nungungulu wa ba Matiko kambe ke? Ina, ba Matika kambe:
- 30 Loku zi ngaho Nungungulu munwe, u ta basisa minkwera hi kukoleka, ni ba nga hi ko minkwera hi kukoleka.
xip. 10. 12, 13. Gal. 3. 8, 20, 28.
- 31 Ha hunzula nayo wu nga hi cumo hi kukoleka ke? Nungungulu a tsimbetele: ahihi, ha tatisa nayo.

XIPIMO 4.

- 1 Hi taku yini xana hi Abrahamama, dadani wa hina kurangaleni hi ka nyama, i kumile yini?
Mat. 3. 9. Joh. 8. 33, 39. 2 Kor. 11. 22.
- 2 Hakuba loku Abrahamama a wa basisilwe hi mitiro, i na

ni ku dzunziwa; kanilezi a nga na ko ka Nungungulu.

xip. 3. 20, 27, 28.

- 3 Hakuba ku yini kutsala? Abrahamama i lo kolwa ka Nungungulu, ku lo hlayiwa ka yena kota kululama.

Gal. 3. 6. Jam. 2. 23.

- 4 Makunu ka loyi a tirako, a kurihiwa a ku nyikiwi kota wuxinji, kanilezi kota nanzu.

xip. 11. 6.

- 5 Kanilezi ka loyi a nga tiri-ko, kanilezi loyi a kolwako ka loyi a basisako ba nga hi ko Nungungulu, kukoleka kakwe ku hlayilwe kota kululama.

- 6 Kwatsi hi Davida kambe a kaneleko hi ku katekiswa ka hehla ka munhu, loyi Nungungulu a mu hlayeleko kululama na hambene ni mitiro,

- 7 Aku,

Bakatekisilwe labo zonho zabye zi tsetselelweko, ni kuonha kabye ku fene-ngetilweko.

- 8 I katekile loyi munhu a Hosi i ta nga kala yi nga hlayi ka yena zonho.

- 9 Loku kukatekisa ku kanelela nkwera ke, kutani ku kanela hi ba nga hiko minkwera kambe ke? hakuba ha wula, Ka Abrahamama hi kukoleka kakwe ku lo hlayiwa kululama.

- 10 Makunu ku lo hlayiwa hi ku yini? na hi nkwera, kutani na nga hi nkwera ke?

- I wa hi nkwerwa, kanilezi na nga hi nkwerwa:
- 11 I lo amukela xiwonisa xa wunkwera, a xitiyiso xa kululama ka kukoleka loku a nga hi nako na nga hi nkwerwa: kasi i fela kumaha dadani wa bonkle laba ba nga kolwako, hambu na ba nga hi minkwera, kasi kululama ku fela ku hlayelwa ka bona ;
Luka 19. 9. xipm. 12, 16. Gal. 3. 7.
- 12 Hi dadani wa minkwera ka labo ba hi ko minkwera basi, kanilezi ni ka laba ba fambako mikonzweni ya kukoleka ka dadani wa hina Abrahamama a nga hi nako na hi nkwerwa.
- 13 Hakuba a kutsumbisa a ku nyikwangi Abrahamama ni mbewu yakwe, aku i ta maha mugi wa tsomba ya tiko, kanilezi hi kululama ka kukoleka.
Gal. 3. 29.
- 14 Hakuba loku laba ba nga nayo ba hi bagi ba tsomba, kukoleka a hi xilo xa cumo, ni tsumbiso wu hi mahala :
Gal. 3. 18.
- 15 Hakuba a nayo wu tira a zanga; kanilezi laha ku nga haba nayo, a ku kona ku kungubanyeka.
xip. 3. 20. & 5. 13, 20. & 7. 8, 10, 11. 1 Kor. 15. 56. 2 Kor. 3. 7, 9. Gal. 3. 10, 19. 1 Joh. 3. 4.
- 16 Hi kota ya lexi hi ka kukoleka, kasi ku fela ku maha ka wuxinji; kugumeseni kasi a tsumbiso wu fela ku maha zinene ka tixaka tonkle; na ku nga hi loku ka
- nayo tsena, kanilezi loku ku nga ka kukoleka ka Abrahamama, a nga dadani wa hina honkle
xip. 3. 24. & 9. 8. Gal. 3. 22.
- 17 (Kota lezi ku tsalilweko ku ngalo, A raru wa tixaka tinyingini nzi bekile wena) mahiweni ka yena loyi a nga mu kolwa, Nungungulu, loyi a vuxako bafileko, a bitanako a zilo zi nga haba, hu ki kwatsi zi kona.
xip. 8. 11. & 9. 26. Efe. 2. 1, 5. 1 Kor. 1. 28. 1 Pet. 2. 10.
- 18 Yena a nga hi kutsumbeni i lo kolwa na nga hi kutsumba, kasi kugumeseni a fela kumaha raru wa tixaka tinyingini, kwatsi hilezi ku nga si na ku wulilwe, Kuta maha lezo a mbewu ya wena.
- 19 Na nga mbelangi ntamo kukolekeni na nga kanakanelangi hi miri wakwe maku nu wu nga ku kwatsi wu file (yena kutani i wa hi ni zana ga malembe), ni kufa ka marumbu ya Sara:
Heb. 11. 11, 12.
- 20 Ina, i wa langutela tsumbiso wa Nungungulu, i wa nga kanakani hi ku nga kolwi, a su tsoma ntanweni hi kukoleka, a bonga Nungungulu,
- 21 Na tatisilwe hi zinene zaku, lezi a zi tsumbisileko, i na ni ntamo ku zi maha.
Luka 1. 37, 45. Heb. 11. 19.
- 22 Kwatsi hi lezo ku lo hlayelwa ka yena kota kululama.
- 23 Makunu a tsaliwangi hi ka

yena yece, ku ngalo ku lo hlayelwa kakwe;

xip. 15. 4. 1 Kor. 10. 6, 11.

- 24 Kanilezi hi kota ya hina kambe, ka laba ku ta nga hlayelwa kabye, hina hi kolwako ka yena loyi a nga vuxa Jesu a Hosi ya hina hi ka bafileko,

Mit. 2. 24. & 13. 30.

- 25 A nga nyikelwa hi kota ya kuhambuka ka hina, a vuxelwa kubasisa hina.

xip. 3. 25. & 5. 6. & 8. 32. 1 Kor. 15. 27. 2 Kor. 5. 21. Gal. 1. 4. Heb. 9. 28. 1 Pet. 1. 21. & 2. 24. & 3. 18.

XIPIMO 5.

- 1 Hikwalaho na hi basisilwe hi kukoleka, a hi tsameni hi kurula ni Nungungulu hi Hosi ya hina Jesu Kristu;

Joh. 16. 33. xip. 3. 28, 30. Efe. 2. 14. Kol. 1. 20.

- 2 Hi kumileko ha yena kungenena ka hina hi kukoleka ka legi wuxinji hi yimileko ha gona; a hi nengeleni kutsumbeni ka wukosi ga Nungungulu.

Joh. 10. 9. & 14. 6. 1 Kor. 15. 1. Efe. 2. 18. & 3. 12. Heb. 3. 6. & 10. 19.

- 3 A hi zona lezo tsena, kanilezi kambe a hi nengeleni kuxanisekeni ka hina: na hi zi tiba lezaku ku ngalo kuxaniseka kubanga kuho-nisela;

Mat. 5. 11, 12. Mit. 5. 41. 2 Kor. 12. 10. Fil. 2. 17. Jam. 1. 2, 3, 12.

- 4 Ni kuxaniseka, kuringwa; kuringwa, kutsumba:

Jam. 1. 12.

- 5 Kutsumba a ku ti mahisi tingana; hakuba kuranza ka Nungungulu ku halati-lwe timbilwini ta hina hi

Moya wo Basa wu nyiki-lweko ka hina.

Fil. 1. 20. 2 Kor. 1. 22. Gal. 4. 4, 6. Efe. 1. 13, 14.

- 6 Hakuba na hi mbelile nta-mo, xikatini xi faneleko Kristu i lo fela a ba nga hi-ko ni Nungungulu.

xip. 4. 25. xipm. 8.

- 7 Hakuba ka tsanza lezaku munhu a fela munhu wo lulama: kanilezi kutani i kona munhu a tiyako ku fela munhu wo lulama.

- 8 Kanilezi Nungungulu wa wonisa kuranza kakwe yena nwinyi ka hina, hi lexi, na ha hi baonhi, Kristu i lo hi fela.

Joh. 15. 18. 1 Pet. 3. 18. 1 Joh. 3. 16. & 4. 9, 10.

- 9 Makunu nguvu, na hi basisilwe hi nkata wakwe, hi ta hanyiswa hi yena zange-ni ya Nungungulu.

xip. 1. 18. & 3. 25. Efe. 2. 13. Heb. 9. 14. 1 Joh. 1. 7. 1 Tesa. 1. 10.

- 10 Hakuba loku, na ha ha hi balala hi lo vumeliswa ka Nungungulu hi kufa ka Nwana wa yena, nguvu kambe, na hi vumelisilwe, hi ta nanyiswa hi wutomi;

xip. 8. 32. Joh. 5. 26. & 14. 19. 2 Kor. 4. 10, 11. & 5. 18, 19. Efe. 2. 16. Kol. 1. 20, 21.

- 11 Ku nga hi lezo tsena, kanilezi na hina ha nengela ka Nungungulu hi Hosi ya hina Jesu Kristu, hi yena hina hi kumile kuwuyiselwa.

xip. 2. 17. & 3. 29, 30. Gal. 4. 9. xipm. 10. 2 Kor. 5. 18, 19.

- 12 Hikwalaho, kwatsi hi munhu munwe kuonha ku lo engeniswa tikweni, ni kufa

kuta hi kuonha; ni kufa ku kona ka banhu bonkle, hakuba hi kona bonkle ba onhile:—

1 Kor. 15. 21. xip. 6. 23.

- 13 Hakuba na ku nga se ku cikela nayo kuonha ku wa hi kona lomo tikweni: kanilezi kuonha a ku hlayiwi loku wu hi haba nayo.

xip. 4. 15. 1 Joh. 3. 4.

- 14 Ahemba kufa ku lo fuma hi ku suka hi Adamu ku kala kucikela ka Mosi, hambu lezi hehla ka bona ba nga kala kuonha kota kuhambuka ka Adamu, a nga kufanani-sa ka loyi a nga hata.

1 Kor. 15. 21, 22, 45.

- 15 Kanilezi na ku nga hi ku kwa kuhambuka, lezo kambe ni sakwati yatsi. Hakuba loku hi kuonha ka munwe banyingi ba file, hikkwalaho wuxinji ga Nungungulu, gi mahilwe nguvu futsi ka banyingi, ni sakwati hi wuxinji ga munhu munwe Jesu Kristu.

Mat. 20. 28. & 26. 28.

- 16 A hi ku kota munhu munwe loyi a nga onha, aku lezo sakwati: hakuba kulamula ku lota hi munwe ku maha kukoneka, kanilezi sakwati ya matsenya yi tile hi kuhambuka kunyingi ku maha kubasisa.

- 17 Hakuba loku, hi kuhambuka ka munwe, kufa ku lo fuma hi munwe; nguvu futsi ka laba ba amukeleko a wunyingi ga wuxinji ni ka sakwati ya kululama ba ta

fuma wutomini hi munwe, Jesu Kristu.

- 18 Lezo kwatsi hilezi hi kuhambuka ka munwe ku ngata kulamula ka banhu bonkle ku hoxiwa; hambu zona hi tiro munwe wa kululama sakwati ya matsenya yi tile ka banhu bonkle ka kubasiswa ka wutomi.

Joh. 12. 32. Heb. 2. 9.

- 19 Hakuba hi ku nga ingisi ka munhu munwe banyingi ba lo mahiwa baonhi, hambu lezo hi kuingisa ka munwe banyingi ba ta mahiwa bo lulama.

- 20 A nayo wu lota kambe, kasi kuonha ku fela ku tsama; kanilezi laha lomo ku nga tsama kuonha, wuxinji gi lo tsama nguvu futsi:

Luka 7. 47. Joh. 15. 22. xip. 8. 20. & 4. 15. & 7. 8. Gal. 3. 19, 23. 1 Tim. 1. 14.

- 21 Hilezi, kota kufa ku nga fuma kufeni, hi lezo wuxinji gi felakufuma hi kululama wutomini ga kupinzuka hi Jesu Kristi a Hosi ya hina.

XIPIMO 6.

- 1 Makunu hi taku yini? Hi ta nonohisa kuonheni, kasi wuxinji gi fela ku engetelwa ke?

xip. 3. 8. xipm. 15.

- 2 Nungungulu a beletele. Hina hi nga file hi kuonha, hi ta tsamisa ku yini kona?

xipm. 11. xip. 7. 4. Gal. 2. 19. & 6. 14. Kol. 3. 3. 1 Pet. 2. 24.

- 3 Kutani a mu zi tibi ku ngalo hina honkle hi nga bapa-

tizelwa ka Kristu Jesu hi lo
bapatizelwa a kufa kakwe
ke?

Gal. 3. 27. 1 Kor. 15. 29.

- 4 Hikwalaho hi kelelwe naye
hi ka kubapatizwa ka kufa:
hakuba kota Kristu a nga
vuxiwa hi ka ba fileko hi
wukosi ga Dadani, hi zona
kambe hi fela ku famba hi
kuhanya kuswa.

Joh. 2. 11. & 11. 40. xip. 8. 11. 1 Kor.
6. 14. 2 Kor. 13. 4. Gal. 6. 15. Efe.
4. 22, 23, 24. Kol. 2. 12. & 3. 10.

- 5 Hakuba loku hi klangene
naye hu kufanana ka kufa
kakwe, hi ta klangana naye
kambe hi kufanana ka ku-
vuka kakwe;

Fil. 3. 10, 11.

- 6 Na hi tiba lexi, xa ku ngalo
munhu wa hina wa kale i
belelwe zinwe naye, kasi
miri wa kuonha wu fela ku
mbela, kasi hi nga tsami ka-
mbe wukumbini ga kuonha;
Gal. 2. 20. & 5. 24. & 6. 14. Efe. 4. 22.
Kol. 2. 11. & 3. 5, 9.

- 7 Hakuba loyi a fileko i basi-
silwe kuonheni.

1 Pet. 4. 1.

- 8 Kanilezi loku hi file na Kri-
stu, ha kolwa kambe hiku
hi ta hanya naye;

2 Tim. 2. 11.

- 9 Na hi zi tiba ku ngalo Kri-
stu na vuxilwe ka bafleko
a nga tafa kambe; kufa ku
haba ntamo kambe hehla
kakwe.

- 10 Hakuba kufa a ngafa ha
kona, i lofa kuonheni ku
maha kanwe: kanilezi ku-
hanya a ku hanyako, i ha-
nya hi Nungungulu.

Heb. 9. 27, 28. Luka 20. 38.

- 11 Zalazo ma nga hlayani nwi-
na wutsumbu muku mu file
kuonheni, kanilezi ma ha-
nya ka Nungungulu hi yena
Jesu Kristu.

xipm. 2. Gal. 2. 19.

- 12 Hikwalaho a kuonha a ku
nga fumi mirini wa nwina
wufako, lezaku mu fela ku
ingisa kudokolela ka kona:

- 13 Hambu ni ku beka ziro za
nwina kuonheni kotisa ma-
klari ya ku nga lulami; ka-
nilezi bekani wutsumbu ga
nwina ka Nungungulu, ko-
ta mu hanyako hi ka ba fi-
leko, ni ziro za nwina a zi
mahe maklari ya kululama
ka Nungungulu.

xip. 7. 5. & 13. 1. Kol. 3. 5. Jam. 4. 1.
1 Pet. 2. 24. & 4. 2.

- 14 Hakuba kuonha ku nga ta
kuma ntamo hehla ka nwi-
na: hakuba a mu lahasi ka
nayo, kanilezi mu lahasi ka
wuxinji.

xip. 7. 4, 6. & 8. 2. Gal. 5. 18.

- 15 Xini xana? hi ta onha ke,
hakuba a hi lahasi ka nayo,
kanilezi hi lahasi ka wuxi-
nji? Nungungulu a beletele.

1 Kor. 9. 21.

- 16 A mu zi tibi, zaku ngalo
loyi mu ti nyikelako kakwe
kota zitiri kuingiseni, mu
zitiri za yena mu mu ingisa-
ko; kani za kuonha ku ma-
ha kufa, kutani za kuingi-
sa ku maha kululama ke?

Mat. 6. 24. Joh. 8. 34. 2 Pet. 2. 19.

- 17 Kanilezi a kubongwa a ku
be ka Nungungulu, ku nga-
lo, kotisa lezi mu nga hi zi-

tiri za kuonha, mu mahile ku ingisa hi mbilwini hi lo-lo lixaka la kugonziswa mu ku nyikilweko *nwina*;

2 Tim. 1. 13.

- 18 Na mu *klaklisilwe* kuonheni, mu lo maha zitiri za kululama.

Joh. 8. 32. 1 Kor. 7. 22. Gal. 5. 1. 1 Pet. 2. 16.

- 19 Nza wulawula kota banhu hi kota ya ku nga tiyi ka nyama ya *nwina*: hakuba kwatsi hi lezi mu nga tinyikele ziro za *nwina* ku maha a ku nga hlazeki ka zonho hi zonho, hambu lezo makunu nyikelani ziro za *nwina* ku maha zitiri za kululama kubasisweni.

- 20 Hakuba na mu mahi zitiri za kuonha, mu wa *klaklekile* ku maheni kululama.

Joh. 8. 34.

- 21 Mu wa hi ni hanzo mini hi *xikati* lexo ka lezo zilo mu nga ni tingana makunu ke? hakuba kugumesa ka lezo zilo hi kufa.

xip. 1. 32. & 7. 5.

- 22 Kanilezi makunu na mu *klaklisilwe* kuonheni, mu maha zitiri za Nungungulu, mu na ni hanzo wa *nwina* kubasisweni, ni kugumesa hi kuhanya ka kupinzuka.

Joh. 8. 32.

- 23 Hakuba a kurihwa ka kuonha hi kufa; kanilezi sakwati ya matsenya ya Nungungulu hi kuhanya ka kupinzuka ka Jesu Kristu a Hosi ya hina.

xip. 2. 7. & 5. 12, 17, 21. Jam. 1. 15. 1 Pet. 1. 4.

XIIMO 7.

- 1 Kutani a mu zi tibi ke, bamakabye (hakuba nzi wulawula ka banhu ba tibako nayo), a ku ngalo munhu i fumelwa hi nayo a *xikati* xonkle xa ku hanya kakwe ke?

- 2 Hakuba wasati a tekilweko i bohilwe hi nayo ka wanuna loku a ha hanya; kanilezi loku afa wanuna, i *klaklilwe* nayweni wa wanuna.

1 Kor. 7. 39.

- 3 Lezo loku, a ha hanya wanuna, a tekiwa hi munwani wanuna, i ta bitiwa ku ngalo *xibayi*: kanilezi loku afa wanuna, i *klaklekile* nayweni, lezo a hi *xibayi* kambe, hambu a tekilwe hi munwani wanuna.

Mat. 5. 32.

- 4 Hikwalaho, bamakabye bamina, na *nwina* mu file nayweni hi miri wa Kristu; lezaku mu *klanganyiswa* ka munwani, hambu ka loyi a nga vuxiwa hi ka bafleko, hi fela ku cela mihanzo ka Nungungulu.

xip. 8. 2. Gal. 2. 19. & 5. 18, 22. Efe. 2. 15. Kol. 2. 14.

- 5 Hakuba laha na ha hi nayweni, kuranza ka kuonha, loku ku nga hi nayo, ku wa tira zirweni za hina ku cela mihanzo ya kufa.

xip. 6. 13, 21. Gal. 5. 19. Jam. 1. 15.

- 6 Kanilezi na hi *klaklilwe* makunu nayweni, na hi file ka loku hi nga bohilwe ha kona; lezaku kasi hi kozela hi

moya muswa, hi nga kozeli hi kutsala ka kale.

xip. 2. 29. & 6. 2. xipm. 4. 2 Kor. 3. 6.

7 Hi taku yini xana? Nayo kuonha ke? Nungungulu a beletele. Kanilezi, nga nzi nga ku tibangi kuonha, saseka hi ka nayo: hakuba nga na nzi nga ku tibangi kunabela, saseka loku nayo wu ku ngalo, U nga nabeli:

xip. 3. 20. & 13. 9. Mit. 20. 33.

8 Kanilezi kuonha, ka ha kuma xikati, ku lo tira ka mina hi kulaya tixaka ton/le ta ku nabela: hakuba na ku hambanisilwe ni nayo kuonha ku file.

xip. 4. 15. & 5. 20. 1 Kor. 15. 56.

9 Nzi wa hanya kanwe na nzi hambanyisilwe nayweni: kanilezi na wu cikele nayo, kuonha ku lo vuka, mina nzi lofa;

10 Ni kulaya, loku ku nga ka kubanya, nzi lo ku kuma na kufa:

2 Kol. 3. 7.

11 Hilezi kuonha, na ku kuma xikati, hi kulaya ku lo nzi onha, ku lo nzi daya.

12 Lezo a nayo wu basile, ni kulaya ku basile, ku lulumile, ku sasekile.

1 Tim. 1. 8.

13 Makunu loko kusasekileko ku maha kufa ka mina ke? Nungungulu a beletele. Kanilezi kuonha, kasi ku fela ku woniswa kota kuonha, ku banga kufa ka mina hi kota ya loku ku nga kusa-

seka;—kasi hi kulaya a kuonha ku tala nguvu futsi.

14 Hakuba ha zi tiba hi ku nayo ngwa moya: kanilezi mina nzi wa nyama, nzi xabyilwe lahasi ka kuonha.

15 Hakuba lezi nzi zi mahako a nzi zi tibi: hakuba lezi nzi zi labako, a nzi zi mahi; kanilezi lezi nzi zi bengako, nza zi maha.

Gal. 5. 17.

16 Kanilezi lezi nzi nga zi labiko, loku nzi zi maha, nza vumela nayo nziku wu sasekile.

17 Lezo makunu a nzi mina nzi ku mahako, kanilezi ku kona ku tsamileko xikari ka mina.

18 Hakuba nza zi tiba nziku, xikari ka mina, hi ku ngalo, hi nyama ya mina, a ku tsami xilo xo saseka: hakuba kuvumela ku kona na mina, kanilezi ku maha lezi zi sasekileko ku haba.

19 Hakuba kusaseka nzi ku ranzileko a nzi ku mahi: kanilezi kubiha nzi nga ku ranziko nza ku ku maha kona.

20 Kanilezi lezi nzi nga zi ranziko, loku nzi kari nzi zi maha, a nzi mina kambe nzi zi mahako, kanilezi hi kuonha ku tsamileko xikari ka mina.

21 Makunu nzi kumile nayo, wa ku ngalo, ka mina hambu na nzi ranza ku ku maha kusaseka, kubiha ku kona.

22 Hakuba nza nengela nayweni wa Nungungulu kota munhu wa lomo nzeni:

2 Kor. 4. 16. Efe. 3. 16. Kol. 3. 9, 10.

23 Kanilezi nza wona nayo wa haba zirweni za mina, na wulwa ni nayo wa ku pima ka mina, wu nzi neha kubohweni lahasi ka nayo wa kuonha wu nga xikari ka ziro za mina.

Gal. 5. 17. xip. 6. 13, 19.

24 O munhu wa makombo ya mabango nzi mina! nzi mani a ta nga nzi klaklisa mirini wa loku kufa?

25 Nza bonga Nungungulu hi Jesi Kristu Hosi ya hina. Lezo mina wutsumbu hi kupima nza kozela nayo wa Nungungulu; kanilezi nyama yi kozela nayo wa kuonha.

1 Kor. 15. 57.

XIPIMO 8.

1 Hikwalaho makunu aku na kukoneka ka laba ba nga Kristu Jesu.

xipm. 4. Gal. 5. 16, 25.

2 Hakuba nayo wa Moya ku hi wutomi legi gi nga ka Kristu Jesu wu nzi klaklileko nayweni wa kuonha ni wa kufa.

Joh. 8. 36. xip. 6. 18, 22. & 7. 24, 25.

Gal. 2. 19. & 5. 1. 1 Kor. 15. 45. 2 Kor. 3. 6.

3 Hakuba lezi nayo wu nga nga wu zi tsanzeka, hakuba wu wa nga hi ntamo hi kota ya nyama, Nungungulu, wa rumela Nwana wakwe yena wutsumbu kwatsi hi kufanana ni nyama ya ku-

onha ni ku kota nyikelo wa kuonha, i lo kona kuonha ku nga nyameni:

Mit. 13. 39. xip. 3. 20. 2 Kor. 5. 21.

Gal. 3. 13. Heb. 7. 18, 19. & 10. 1, 2, 10, 14.

4 Kasi kulaya ka nayo ku fela ku tatiseka ka hina, hi nga fambi bi ka nyama, kanilezi hi ka moya.

xipm. 1.

5 Hakuba laba ba mahako kota nyama ba pima zilo za nyama; kanilezi laba ba lanzelako moya ba pima za moya.

Joh. 3. 6. 1 Kor. 2. 14. Gal. 5. 22, 25.

6 Hakuba kupima ka nyama hi kufa; kanilezi kupima ka moya hi kuhanya ni kurula:

xip. 6. 21. xipm. 7, 13. Gal. 6. 8.

7 Hakuba kupima ka nyama hi wulala ka Nungungulu; a ku na ku vumela nayweni wa Nungungulu, hambu ni koteka futsi:

Jam. 4. 4. 1 Kor. 2. 14.

8 Ni laba ba nga le nyameni a ba na ku nengelisa Nungungulu.

9 Kanilezi nwina a mu le nyameni, kanilezi mu kona ka moya, loku zi ngaho nga Moya wa Nungungulu wu tsama xikari ka nwina. Kanilezi loku munhu a nga ni na Moya wa Kristu, a hi wakwe.

Joh. 3. 34. 1 Kor. 3. 16. & 6. 19. Gal.

4. 6. Fil. 1. 19. 1 Pet. 1. 11.

10 Loku Kristu a hi ka nwina, miri wu file hi kota ya kuonha; kanilezi moya hi kuhanya hi kota ya kululama.

11 Kanilezi loku Moya wa yena

loyi a nga vuxa Jesu hi ka bafileko wu tsama nzeni ka *nwina*, yena loyi a nga vuxa Kristu Jesu hi ka bafileko i ta vuxa mimira ya *nwina* yi fileko hi kota ya Moya wakwe lowu wu tsamako nzeni ka *nwina*.

Mit. 2. 24. xip. 6. 4, 5. 1 Kor. 6. 14. 2 Kor. 4. 14. Efe. 2. 5.

12 Lezo, bamakabye, hi na ni nanzu, a hi le nyameni, ku ngalo hi ta hanya hi ka nyama:

xip. 6. 7, 14.

13 Hakuba loku mu kari mu hanya hi ka nyama mu yimelwe kufa; kanilezi loku hi moya, mu daya mitiro ya miri, mu ta hanya.

xipm. 6. Gal. 6. 8. Efe. 4. 22. Kol. 3. 5.

14 Kota banyingi laba ba rangelwako hi Moya wa Nungungulu, labo hi banana ba Nungungulu.

Gal. 5. 18.

15 Hakuba a mu amukelangi moya wa wukumbi kambe wa kucaba; kanilezi mu amukele moya wa wutralwa, hi bitanako hi wona hiku, Abba, Dadani.

Marku 14. 36. 1 Kor. 2. 12. Heb. 2. 15. 2 Tim. 1. 7. 1 Joh. 4. 18. Gal. 4. 5, 6.

16 Ni Moya wona wutsumbu wa kustumunya ni moya wa hina, ku ngalo hi banana ba Nungungulu:

2 Kor. 1. 22. & 5. 5. Efe. 1. 13. & 4. 30.

17 Loku hi hi banana, zonake hi zitralwa; zitralwa za Nungungulu, hi zitralwa katiginwe na Kristu; loku zi ngaho ha xaniseka zinwe

naye, kasi ha dumisiwa zinwe naye kambe.

Mit. 14. 22. & 26. 18. Gal. 4. 7. Fil. 1. 29. 2 Tim. 2. 11, 12.

18 Hakuba nza alakanya nzi ku a kuxaniseka ka lexi xikati a ku fanelwi ku ringaniswa hi wukosi legi gi ta nga woniswa ka hina.

2 Kor. 4. 17. 1 Pet. 1. 6, 7. & 4. 13.

19 Hakuba a kutsumba tsena ka lezi zi mahilweko ku rinzele ku wonekiswa ka banana ba Nungungulu.

2 Pet. 3. 13. 1 Joh. 3. 2.

20 Hakuba ku mahiwa ku lo ingisa mahala, na ku nga hi kuranza ka kona ha koce, kanilezi na ku hi kuranza ka loyi a nga ku maha,

xipm. 22.

21 Kutsumbeni ku ngalo kona wutsumbu kambe ku ta klakliwa wukumbini ga kubola kuhumuleni ka wukosi ga banana ba Nungungulu.

22 Hakuba ha zi tiba ku ngalo loku kumahilweko konkle ku keta ku xaniseka hi kubayisa kala makunu.

Marku 16. 15. Kol. 1. 23.

23 A zi ngaho tsena, kanilezi a wutsumbu ga hina, hi nga ni hanzu ya ku sangula ya Moya, hambu hina wutsumbu ha keta lomo nzeni ka hina, na hi langutele a ku amukelwa ka hina, ku ngalo, a kuklakliwa ka miri wa hina.

Luka 20. 36. & 21. 28. 2 Kor. 5. 2, 4, 5. Efe. 1. 14. & 4. 30.

24 Hakuba hi hanyiswa hi kutsumba: kanilezi kutsumba

ku wonekileko a hi kutsu-
mba: hakuba nzi mani a
tsumbako lezi a zi wonako?

2 Kor. 5. 7. Heb. 11. 1.

- 25 Kanilezi loku hi tsumba lezi
hi nga zi woniko, zonake ha
labelele hi ku honisela.

- 26 Hi zalezo kambe ni Moya
wa vunetela kungatiyi ka
hina: hakuba a i ku tibi ku
kongela kota kotisa ku fa-
neleko; kanilezi a Moya
wutsumbu wa hi kongelela
hi kuketa ku nga hi ko ni
ku kanelwa;

Mat. 20. 22. Efe. 6. 18. Jam. 4. 3.

- 27 Loyi a kambako timbilu wa
ku tiba kupima ka Moya,
hakuba wa kongelela laba
bobasa kwatsi hi kuranza
ka Nungungulu.

Mit. 1. 24. 1 Tesa. 2. 4. Kuv. 2. 23.
1 Joh. 5. 14.

- 28 Ha zi tiba ki ku ka bona ba
ranzako Nungungulu zilo
zonkle zi tira katiginwe ku-
lulama, hambu ka labo ba
bitilweko kwatsi hi kuranza
kakwe.

xip. 9. 11, 23, 24. 2 Tim. 1. 9.

- 29 Hakuba laba a nga ba tiba
hi mahlweni, yena kambe i
lo ba yimisa hi mahlweni
ba hunzululwa kufananisa
ka Nwana wakwe, a fela ku
maha wa matewula ya bafi-
leko xikari ka bamakabye
banyingi:

Mat. 7. 23. Joh. 17. 22. xip. 11. 2.
2 Kor. 8. 18. Efe. 1. 5, 11. Fil. 3. 21.
Kol. 1. 15, 18. 2 Tim. 2. 19. Heb. 1.
6. 1 Pet. 1. 2. Kuv. 1. 5. 1 Joh. 3. 2.

- 30 Laba a nga yimisa hi ma-
hlweni, labo kambe i wa lo
ba bitana: ni laba a nga ba

bitana, laba kambe i lo ba
basisa: ni laba a nga ba ba-
sisa, laba kambe i lo ba du-
misa.

xip. 1. 6. & 9. 24. Efe. 2. 6. & 4. 4.
Heb. 9. 15. 1 Pet. 2. 9. 1 Kor. 6. 11.
Joh. 17. 22.

- 31 Makunu hi taku yini xana
hi lezi zilo? Loku Nungu-
ngulu a hi na hina, hi mani
a ta nga hi vukela hina?

- 32 Yena a nga kala ku ala ni
Nwana wa yena, kanilezi a
mu nyikelela hina honkle,
kunene a nga ta hi nyika
kambe hi yena zilo zonkle
hi matsenya?

xip. 4. 25. & 5. 6, 10.

- 33 Hi mani a ta kecari ba hla-
wulilweko ba Nungungulu?
Hi Nungungulu a basisa-
ko;

Kuv. 12. 10, 11.

- 34 Hi mani a ta kona? Hi
Kristu Jesu a ngafa, hambu
zona lezo, a nga vuxiwa ka
bafleko, a nga xineneni xa
Nungungulu, hi yena a hi
kongelelako hina.

Marku 16. 19. Kol. 3. 1. Heb. 1. 3. &
7. 25. & 8. 1. & 9. 24. & 12. 2. 1 Pet.
3. 22. 1 Joh. 2. 1.

- 35 Hi mani a ta nga hi hamba-
nyisa kuranzeni ka Kristu?
ku ta nga ku hi kukarate-
ka, kutani wusiwana, ku-
tani kuxanisiwa, kutani i
ndlala, kutani mbubyiri,
kutani timhango, kutani
supado?

- 36 Kwatsi hilezi kutsalilweko
ku ngalo,

Hi kota ya wena ha dawa
gonklelelele siku; hi hlaye-

lwa kota tiyivu ti longisi-
lweko ku dayiwa.

1 Kor. 15. 30, 31. 2 Kor. 4. 11.

37 Ahihi, ka zilo zonkle ha hu-
nza ni nhenha hi loyi a nga
hi ranza.

1 Kor. 15. 57. 2 Kor. 2. 14. 1 Joh. 4.
4. & 5. 4, 5. Kuv. 12. 11.

38 Hakuba nzi vumelisilwe, ku
ngalo hambu kufa, hambu
wutomi, hambu ni tingelo-
si, hambu ni tihosi, hambu
ni zilo zi nga kona, hambu
ni zilo zi ta ngata, hambu
ni mintamo,

Efe. 1. 21. & 6. 12. Kol. 1. 16. & 2. 15.
1 Pet. 3. 22.

39 Hambu ni kuleha, hambu
ni eta, hambu ni xinwani
xilo xi mahilweko, xi ta nga
kota ku hi hambanyisa ku-
ranzeni ka Nungungulu, ku
nga kona ka Kristu Jesu a
Hosi ya hina.

XIPIMO 9.

1 Nzi wula zinene hi Kristu,
a nzi hembu wunwa, a mbi-
lu ya mina ya maha wuku-
stumunyu ga mina hi Moya
wa ku Basa,

xip. 1. 9. 2 Kor. 1. 23. & 11. 31. & 12.
19. Gal. 1. 20. Fil. 1. 8. 1 Tim. 2. 7.

2 Ka ngalo nzi na ni wusiwa-
na ga hombe ni kubayisa
ku nga mbeliko mbilwini ya
mina.

xip. 10. 1.

3 Hakuba nga nzi nabela le-
zaku ngalo kwatsi nzi hoxi-
wa hi ka Kristu hi kota ya
bamakabye ba mina, maxa-
ka ya mina hi ka nyama:

4 Ba nga ba Israeli; ba nga ni
kuwundla, ni wukosi, ni
xivumelwano, ni ku nyiki-

wa ka nayo, ni ku kozela
ka Nungungulu, ni mitsu-
mbiso;

Mit. 3. 25. & 13. 32. xip. 8. 2. Efe. 2.
12. Heb. 8. 8, 9, 10. & 9. 1.

5 Bararu ba nga babye, ni
Kristu a nga wabye hi ka
nyama, loyi a nga hehla
konkle, Nungungulu a ka-
tekiswe kala kupinzuka.
Ameni.

xip. 1. 3. & 11. 28. Luka 3. 23. Joh.
1. 1. Mit. 20. 28. Heb. 1. 8. 1 Joh.
5. 20.

6 Kanilezi a hi ku kwatsi a
mhaka ya Nungungulu yi
putile. Hakuba a hi bona
ba Israeli, ba nga ba Israeli:
xip. 2. 28, 29. & 3. 3. & 4. 12, 16. Joh.
8. 39. Gal. 6. 16.

7 Ahemba lezi, ba nga mbewu
ya Abrahamama, a hi bona ba
nga banana bonkle: kani-
lezi, Hi ka Isaka a mbewu
ya wena yi ta bitanwa.

Gal. 4. 23. Heb. 11. 18.

8 Lezo ku ngalo, a hi banana
ba nyama ku ngalo banana
ba Nungungulu; kanilezi
banana ba tsumbiso ba hla-
yiwa kota mbewu.

Gal. 4. 23.

9 Hakuba leyi hi mhaka ya
tsumbiso ya ku ngalo, Ni
lexi xikati nzi tata, ni Sara
i ta trala mufana.

10 A hi lezo tsena; kanilezi ni
Rebeka kambe na xurisilwe
nyimba hi wo kari, Isaka
raru wa hina—

11 Hakuba a banana ba wa
nga se ku traliwa, hambu
ni ku maha xilo xo saseka
kutani xo biha, kasi kura-
nza ka Nungungulu hi kota
ya ku hlawula ka fela ku

- yima, na ku ngahi ka mitiri, kanilezi hi ka yena loyi a bitanako,
xip. 4. 17. & 8. 28.
- 12 Ku lo ngalo kakwe, Nhonzwa yi ta kozela nzisana.
- 13 Kwatsi hi le i ku tsalilweko ku ngalo, Jekobe nzi lo mu ranza, Isau nzi lo mu benga.
Mat. 10. 37. Luka 14. 26. Joh. 12. 25.
- 14 Hi ta ku yini xana? Ku kona ku nga lulami ni Nungungulu ke? Nungungulu a beletele.
- 15 Hakuba i te ngalo ka Mosi, Nzi ta mu mahela kurula ka loyi nzi ta nga mu mahela ku rula, nzi ta mu zwela wuxinji ka loyi nzi ta nga mu zwela wuxinji.
- 16 Zonake a hi kakwe loyi a ranzako, hambu ni ka loyi a tsutsumako, kanilezi hi ka Nungungulu a nga ni kurula.
- 17 Hakuba kutsala ku ngalo ka Faro, Hi kota ya xwalexi nzi lo ku vuxa, kasi nzi fela ku wonisa ntamo wa mina ka wena, ni bito ga mina gi fela ku tibyiwa misabeni yonkle.
Gal. 3. 8, 22.
- 18 Zonake lezo wa maha kurula ka loyi a ranzako, ni ka loyi a ranzako wa mu nonohisa.
- 19 Wena zonake u ta wula ka mina, Hi yini a ha kumako kugoha? Hakuba hi mani a tsikako kuranza kakwe?
- 20 Ahihi mbuya, O munhu, hi wena mani u hlamulako Nungungulu? Xilo xi mahilweko xi taku ka loyi a xi mahileko, hi yini u nzi mahisako lezo ke?
- 21 Kutani a zi mu sasekele muwumbi hehla kawumba, hi xipanze xinwe ku maha xibya xinwe xi kesiwa, ni xinwe xi nga kesiwi?
2 Tim. 2. 20.
- 22 Hi yini loku Nungungulu, a ranza kuwonekelisa kuza ngara kakwe, ni ku tibekisa a ntamo wakwe, a honisela hi kuxaniseka ku nyingi zibyeni za zanga yi longiseleko kudawa:
1 Tesa. 5. 9. 1 Pet. 2. 8. Jude 4.
- 23 Kasi a fela ku tebekisa kupfuna ka wukosi gakwe zibyeni za wuxinji, a nga zi longisele wukosi hi kusannguleni,
xip. 2. 4. & 8. 28, 29, 30. Efe. 1. 7. Kol. 1. 27.
- 24 Hambu hina, a hi bitanileko, ku nga hi ka ba Juda boce, kanilezi ni ka ba Matiko kambe?
xip. 3. 29.
- 25 Kwatsi a nge ngalo hi Hosea,
 Nzi ta ba bitana a ku mbanhu ba mina, laba ba nga kala ba nga hi bannhu ba mina; ni loye a ranzekako, a nga kala a nga ranzeki.
1 Pet. 2. 10.
- 26 Ku ta tibya, mu hi wutsanweni legi gi nga wuliwa kabye ku ngalo, Mu wa nga hi banhu ba mina, laha ba ta bitanwa ku

ngalo mu banana ba Nungungulu a hanyako.

- 27 Ni Isaya a bitana hi Israeli, Loku kutala ka banana ba Israeli ku kwatsi i seke ga bimbi, misalela yi ta nga hanyiswa:

xip. 11. 5.

- 28 Hakuba Hosi yi ta tatisa mhaka yakwe hehla ka misaba, na yi mbetilwe a komisa.

- 29 Ni, ku kotisa lezi Isaya a nga wulawula hi mahlweni, Saseka loku a Hosi ya Sabaoti yi nga hi siyelangi mbewu, nga hi mahile kota Sodoma, hi mahisilwe kwatsi hi Gomora.

- 30 Xana hi ta ku yini zonake? Kasi ba Matiko, laba ba nga kala ku lanzela kululama, ba kumile kululama, hambu kululama loku ka kukoleka:

xip. 1. 17. & 4. 11. & 10. 20.

- 31 Mbuya a ba Israeli, na ba ha lanzela nayo wa kululama, i wa nga cikelangi ka lowo nayo.

- 32 Hikwihi? Hilezi ba nga kala ku wu laba hi kukoleka, kanilezi ba wu laba kota mitiro. Ba lo kungubanyeka ribyeni ga xikungubanyiso;

Luka 2. 34. 1 Kor. 1. 23.

- 33 Kota ku tsalilweko ku ngalo, Languta, nza beka Zioni ribye ga xikungubanyiso ni ribye ga kuzangarisa; Ni loyi a ta kolwa ka yena a nga telwa hi tingana.

Mat. 21. 42. 1 Pet. 2. 6, 7, 8. xip. 10. 11.

XIIMO 10.

- 1 Bamakabye, kulaba ka mbilu ya mina ni kukongela ka mina ka Nungungulu, hi kota yabye, kasi ba fela kuhanyiswa.

- 2 Hakuba nza ba mahela wukustumunyu kasi ba cela kota ka Nungungulu, kanilezi na ku nga hi ka kutiba.

Mit. 21. 20. & 22. 3. Gal. 1. 14. & 4. 17. xip. 9. 31.

- 3 Hakuba na ba nga hi ni kutiba hi kululama ka Nungungulu, na ba laba ku tiyisa kabye, a ba vumelangi kululama ka Nungungulu.

xip. 1. 17. & 9. 30. Fil. 3. 9.

- 4 Hakuba Kristu hi kugumesa ka nayo kululameni ka bona bonkle laba ba kolwako.

Mat. 5. 17. Gal. 3. 24.

- 5 Hakuba Mosi wa tsala ku ngalo a munhu loyi a mahako kululama loku ku nga ka nayo i ta hanya ha kona.

Gal. 3. 12.

- 6 Hakuba kululama loku ku nga ka kukoleka ku ngalo lezi, U nga wuli mbilwini lezaku, Hi mani a ta nga kanziya le tilweni? (hi ku ngalo, hi ku relelisa Kristu:)

- 7 Kutani, Hi mani a ta nga relela kueteni? (lezaku, ngalo, kuwuyisa Kristu hi ka bafleko.)

- 8 Kanilezi ku ngalo yini? A mhaka yi kusuhani na wena, yi kona nonwini wa wena, ni mbilwini ya wena: ku ngalo hi yona mhaka ya kukolwa, hi yi kanelako:

- 9 Hakuba loku u vumela hi nomu wa wena Jesu kota Hosi, u kolwa mbilwini ya wena ku ngalo Nungungulu i lo mu vuxa ka bafileko, u ta hanyiswa:
Mat. 10. 32. Luka 12. 8. Mit. 8. 37.
- 10 Hakuba hi mbilu munhu wa kolwa ku maha kululama; ni nomu wa kuvumela ku maha kuhanyiswa.
- 11 Hakuba kutsala ku ngalo, Loyi a kolwako kakwe a nga celiwa tingana.
xip. 9. 33.
- 12 Hakuba ku haba kuhambana xikari ka ba Juda ni ba Greki: hakuba ywaleyo Hosi hi Hosi ya bonkle, i fumiswa hi bona bonkle ba bitanwako ka yena:
Mit. 10. 36. & 15. 9. xip. 3. 22, 29. Gal. 3. 28. Efe. 1. 7. & 2. 4, 7. 1 Tim. 2. 5.
- 13 Hakuba, Kani hi wihi a ta nga bitanwa bitweni ga Hosi i ta hanyiswa.
Mit. 2. 21. & 9. 14.
- 14 Ba ta bitanahi ku yini ka yena laba ba nga kolwangiko kakwe? ba ta kolwa hi ku yini kakwe laba ba nga mu zwangiko? ba tazwa hi ku yini loku ku nga hi ni mukaneleli?
Tit. 1. 3.
- 15 Ba ta kanela hi ku yini loku ba nga rumiwangi? kwatsi hilezi ku tsalilweko ku ngalo, Yi sasekisile ku yini a mikonzo ya bona la ba nehako timhaka ta ivangeli ya kutsakisa ya zilo zo saseka!
- 16 Kanilezi a ba zwangi bo-
- nkle ka timhaka to saseka. Hakuba Isaya i te ngalo, Hosi, hi mani a kolwileko kubika ka hina?
xip. 3. 3. Heb. 4. 2. Joh. 12. 38.
- 17 Lezo kukolwa kuta ni kuzwa, ni kuzwa hi mhaka ya Kristu.
- 18 Kanilezi nzi ngalo, Ba wazwa ke? Ina, hizinene, A guwa gabye gi humele misabeni yonkle, ni timhaka ta bona magunweni ya tiko.
Mat. 4. 8. & 24. 14. & 28. 19. Marku 16. 15. Kol. 1. 6, 23.
- 19 Kanilezi nzi ngalo, Israeli a nga zi tibi ke? Kuranga Mosi i te ngalo, Nzi ta mu zangarisa moneni hi ka loku ku hi ko lixaka, nzi ta mu zangarisa hi lixaka li nga haba kupima.
xip. 11. 11. Tit. 3. 3.
- 20 Na Isaya wa tiyisa hi kutiya, i ngalo, Nzi lo kumiwa hi laba ba nga kala ku nzi laba; nzi lo wonekeliswa ka laba ba kala ku nzi wutisa.
xip. 9. 30.
- 21 Kanilezi ka Israeli i ngalo, Gonklelele siku nzi lo nawuluta mandla ya mina ka banhu ba nga ingisiko ni ka banhu ba nga ni wungurwani.

XIPIMO 11.

- 1 Zonake nzi ngalo, Nungungulu i hoxile banhu bakwe ke? Nungungulu a beletele. Hakuba na mina nzi mu Israeli, wa mbewu ya Abra-

hama, wa xizukulwana xa Benjameni.

2 Kor. 11. 22. Fil. 3. 5.

2 Nungungulu a lo ba hoxa banhu bakwe a nga ba tiba hi mahlweni. Kutani a mu zi tibi aku kutsala ku yini hi Elija? a kuwulawula kakwe ni Nungungulu hi ba Israeli, aku,

xip. 8. 29.

3 Hosi, ba dele baprofeti ba wena, ba simule malati ya wena: nzi sele nzoco, ba laba kuhanya ka mina.

4 Kanilezi kuhlamlula ka Nungungulu ku te yini ka yena? Nzi ti siyele wutsumbu ga mina a nkalanu wa makume ni mambiri mazana a banhu, ba nga kizamangiko mikonzo yabye ka Baali.

5 Hambu lezo kambe ni lexo xikati yi kona misalela hi ku hlawula ka wuxinji.

xip. 9. 27.

6 Kanilezi loku gi hi wuxinji, a hi ka mitiro kambe: loku a zi ngaho wuxinji a hi wuxinji kambe.

xip. 4. 4, 5. Gal. 5. 4.

7 Hi yini xana? Lexi Israeli a xi labako, xona a nga xi kumangi; kanilezi kuhlawula ku lo xi kuma, ni laba ba seleko ba lo nonohiswa:

xip. 9. 31. & 10. 3. 2 Kor. 3. 14.

8 Kota kutsalilweko ku ngalo, Nungungulu i lo ba nyika moya wa ku kudzehela, mahlo kasi ba fela ku nga woni, ni tindlebe kasi ba

fela ku ngazwi, kala legi siku.

Mat. 13. 14. Joh. 12. 40. Mit. 23. 26, 27.

9 Davida i ngalo

Meza yabye a yi mahe klamu, ni ziyo, ni xibo xo kungubanyisa, ni kupotwa kabye:

10 A mahlo yabye a ma pumiswe, kasi ba nga woni, koramisa hlana wabye xikati xonkle.

11 Zonake nzi ngalo, Ba lo ku ngubanyeko kasi ba fela kuwa ke? Nungungulu a beletele: kanilezi hikwalaho ka ku kungubenyeka kabye kuhanyiswa ku tile ka ba Matiko, ku ba kucetela moneni.

Mit. 13. 46. & 18. 6. & 22. 18, 21. & 23. 24, 28. xip. 10. 9.

12 Makunu loku kungubanyeka kabye ku hi kupfuna ka tiko, ni kulahleka kabye gi wukosi ga ba Matiko: kunyingi nguvu hi ku yini ku tatiseka kabye?

13 Kanilezi nza wulawula ka nwina mu nga ba Matiko. Nguvu hakuba nzi mupostoli wa ba Matiko, nza dumisa kukozela ka mina:

Mit. 9. 15. & 13. 2. & 22. 21. xip. 13. 16. Gal. 1. 16. & 2. 2, 7, 8, 9. Efe. 3. 8. 1 Tim. 2. 7. 2 Tim. 1. 11.

14 Kutani ku nga maheka nzi ba kucetela moneni laba ba nga nyama ya mina, nzi hanyisa banwani babye.

1 Kor. 7. 16. & 9. 22. 1 Tim. 4. 16. Jam. 5. 20.

15 Hakuba kuhoxiwa kabye loku ku hi kuwuyiselwa ka

- tiko, kuamukelwa kabye ku ta maha yini, kanilezi kuhanya hi ka bafleko ke?
- 16 Loku wu basile hanzo wosangula, ku maha lezo ni konkle: mutsu loku wu basile, hi zalezo kambe ni marabi.
- 17 Kanilezi loku manwani marabi na ma tsobyilwe, wena, na u hi oliva wa lomo kwatini, na u nameketilwe xikari kabye, u hlengela nabo mutsu wa kunona wa sinyanya oliva;
- Mit. 2. 39. Efe. 2. 12, 13.
- 18 U nga fumi hehla ka marabi: kanilezi loku u fuma, a hi wena u rwalako mutsu, kanilezi mutsu wu rwelwe wena.
- 1 Kor. 10. 12.
- 19 Zonake u ta wula wena, Marabi matsobyilwe, nzi felaku bekiwa xikari.
- 20 Kunenewe; hi kungakolwi kabye ba tsobyilwe, wenu u yimile hi kokoleka ka wena. U nga ti kukumukisi, kanilezi caba:
- xip. 12. 16. Fil. 2. 12.
- 21 Hakuba loku Nungungulu a nga tsimbetelangi marabi ya mahanyela, hambu wena a nga ta ku tsimbetela.
- 22 Langutani zonake kurula ni ntamo wa Nungungulu: ka bona laba ba ngawa, ntamo; kanilezi ka wena, a kusaseka ka Nungungulu, loku wena u simamisa kusasekeni kakwe: loku zi ngangaho wenawu kambe u ta tsemiawu.
- 1 Kor. 15. 2. Heb. 8. 6, 14. Joh. 15. 2.
- 23 Na bonawu kambe, loku ba nga simamisi a kungakolwi kabye, ba ta nameketwa xikari: hakuba Nungungulu wa zi kota ku ba cela xikari kambe.
- 2 Kor. 3. 16.
- 24 Hakuba loku wena u tsemilwe ka oliva lowu hi mahanyela wu nga sinyanya kwati, u nameketwa hi kuhambana ni mahanyela ka sinyanya yo saseka ya oliva: nguvu kambe ka bona laba, ba nga marabi ya mahanyela, a ku nameketwa sinyeni ya bona boce ya oliva ke?
- 25 Hakuba a nzi zi ranzi, bamakabye, a ku nga mu ngatibi kufihlala loku, kutani mu nga ti wulela mu ku muklarihile, zalezo kunonohiswa ka xipanze ku wele ba Israeli, ku kala ku cikela ku tatiseka ka ba Matiko;
- xip. 12. 16. xipm. 7. 2 Kor. 3. 14. Luka 21. 24. Kuv. 7. 9
- 26 Lezo a ba Israeli bonkle ba ta hanyiswa: kota lezi kutsalilweko ku ngalo, Hi ka Zioni ku ta huma Muklaklisi; u ta hunzulusa a-ku-ngahi-ni Nungungulu ka Jakobe:
- 27 Lexi hi xivumelwano xamina ka bona, Laha nzi ta zusa zonho zabye ka bona.
- Heb. 8. 8. & 10. 16.
- 28 Kwatsi hi ku kumbuka ivangeli, bona hi balala hi kota ya nwina: kanilezi hi ku kumbuka kuhlalulwa, ba

ranzwa hi kota ya badadani babye.

29 Hakuba a tisakwati ni ku-bitana ka Nungungulu a ku na kuhunzuluka.

30 Kotisa lezi *nwina* hi xikati xi hunzileko mu wa nga ingisi ka Nungungulu, kanilezi makunu mu kumile wuxinji hi ku-nga-ingisi kabye,

Efe. 2. 2. Kol. 3. 7.

31 Hambu hi lezo bona kambe a ba ingisangi, kasi hi wuxinji ku wonekeliswa ka *nwina* bona kambe ba fela ku kuma a wuxinji.

32 Hakuba Nungungulu i ba valile bonkle ku nga ingiseni, kasi a fela ku maha wuxinji ka bonkle.

xip. 3. 9. Gal. 3. 22.

33 O kueta ka kupfuna konkle ni wuklari ni kutiba ka Nungungulu! ku ta ti-byiswa ku yini kululama kakwe, ni tindlela takwe ti hunzile ku lanziwa!

34 Hakuba hi mani a ku tibileko a kupima ka Hosi? kutani hi mani a nga mahiwa mupimisi wa yena?

1 Kor. 2. 16.

35 Kutani hi mani a mu nyikileko kuranga, u ta kleliselwa ka yena kambe?

36 Hakuba hi yena, na hi kota ya yena, ni ka yena, zonkle zi kona. Ka yena a ku maha wukosi kala kupinzuka. Amen.

1 Kor. 8. 6. Kol. 1. 16. Gal. 1. 5. 1 Tim. 1. 17. 2 Tim. 4. 18. Heb. 13.

21. 1 Pet. 5. 11. 2 Pet. 3. 13. Jude 25. Kuv. 1. 6.

XIPIMO 12.

1 Hikwalaho nza mu kongo-tela, bamakabye, hi wuxinji gonkle ga Nungungulu, ku nyikela mimiri ya *nwina* ku maha munyikelo, woba-sa, wu amukelekako ka Nungungulu, lowu ku nga kupima ka *nwina* kukozeleni.

1 Kor. 6. 13, 20. 2 Kor. 10. 1. xip. 6. 13, 16, 19. 1 Pet. 2. 5. Heb. 10. 20.

2 Mu nga mahiswi kotisa legi tiko: kanilezi mu hunzuluselwa hi wuswa ga kupima ka *nwina*, kasi mu fela ku humesa lezaku saseka zi amukelekako zi mbeleleko zi nga kuranza ka Nungungulu.

1 Pet. 1. 14. 1 Joh. 2. 15. Efe. 1. 18. & 4. 23. & 5. 10, 17. Kol. 1. 21, 22. & 3. 10. 1 Tesa. 4. 3.

3 Hakuba nzi ngalo, hi kota ya wuxinji legi gi nga nyikiwa ka mina, ka bonklele banhu ba nga xikari ka *nwina*, ba nga ti alakanyi wutsumbu gabye a wukulu ku hunza kota ku faneleko ku alakanya; kanilezi lezo ku alakanya kwatsi hi ku alakanya hi ku ribala, kotisa lezi Nungungulu a beleko ka munhu ni xiringaniso xa kukoleka.

xip. 1. 5. & 11. 20. & 15. 15. 1 Kor. 3. 10. & 12. 7, 11. & 15. 10. Gal. 2. 9. Efe. 3. 2, 7, 8. & 4. 7.

4 Hakuba kotisa lezi hi nga ni ziro zinyingi mirini munwe, ni ziro zonkle a zi hle-ngele tiro munwe:

1 Kor. 12. 12. Efe. 4. 16.

- 5 Hilezi hina, hi botala, hi miri mungwe hi Kristu, ni bonkle, hi ziro mungwe ni munwani.
- 6 Na hi hi ni tisakwati ta hambana kotisa a wuxinji lego gi nyikilweko ka hina, kani hi na ni kuprofeta, a hi profete ni kota xipimo xa kukoleka ka hina;
Mit. 11. 27. 1 Kor. 12. 4, 10, 28. & 13. 2. & 14. 1, 6, 29, 31. 1 Pet. 4. 10, 11. xipm. 3.
- 7 Kutani kukozela, a hi nyikeleni wutsumbu ga hina kukozeleni ka hina; kutani loyi a gonzisako, kukonzise-ni kakwe;
Mit. 13. 1. Gal. 6. 6. Efe. 4. 11. 1 Tim. 5. 17.
- 8 Kutani loyi a layako, kula-yeni kakwe: ni ka loyi a nyikako, a nyike hi kukla-
kleka kakwe; ka loyi a fumeleko, a fumela hi kuhlayisisa; loyi a wonekelisako wuxinji, hi kutsaka.
Mat. 6. 1, 2, 3. Mit. 15. 32. & 20. 28. 1 Kor. 14. 3. 2 Kor. 8. 2. & 9. 7. 1 Tim. 5. 17. Heb. 13. 7, 24. 1 Pet. 5. 2.
- 9 Nga na kuranza ku hi haba a kuxengetela. Bengani lezi zo biha; mu namarela ka lezi zo saseka.
1 Tim. 1. 5. 1 Pet. 1. 22.
- 10 Kuranzeni ka bamakabye nga mu ranzana ka munwe ni munwani; hi kudumisweni dzunzanani munwe ni munwani;
Fil. 2. 3. Heb. 13. 1. 1 Pet. 1. 22. & 2. 17. & 3. 8. & 5. 5. 2 Pet. 1. 7.
- 11 Kutireni mu nga lolohi; vurani moyeni; na mu kozela Hosi;
- 12 Mu nengela kutsumbeni; (Shootawa.) 91
- honiselani ku karatekeni; simamisani mu ku ntse kukongeleni;
Luka 10. 20. & 18. 1. & 21. 19. xip. 5. 2. & 15. 13. Mit. 2. 42. & 12. 5. Efe. 6. 18. Fil. 3. 1. & 4. 4. Kol. 4. 2. 1 Tesa. 5. 16, 17. 1 Tim. 6. 11. Heb. 3. 6. & 10. 36. & 12. 1. Jam. 1. 4. & 5. 7. 1 Pet. 2. 19, 20. & 4. 13.
- 13 Vunetelani laba bobasa ku labeni kabye; mu nyikilweko laba ba engenako.
1 Kor. 16. 1. 2 Kor. 9. 1, 12. 1 Tim. 3. 2. Tit. 1. 8. Heb. 6. 10. & 13. 2, 16. 1 Pet. 4. 9. 1 Joh. 3. 17.
- 14 Katekisani laba ba mu xan-isako; katekisani, mu nga hi na nzukano.
Mat. 5. 44. Luka 6. 28. & 23. 34. Mit. 7. 60. 1 Kor. 4. 12. 1 Pet. 2. 23. & 3. 9.
- 15 Tsakani zinuwe ni laba ba tsakako; mu rila ni laba ba rilako.
1 Kor. 12. 26.
- 16 Mu hi kupima kunwe munwe ni munwani. Mu nga beki kupima ka nwina zilweni za hombe, kanilezi kanyelwani hi zilo zi tsongwanyani. Mu nga klarihi hi kupima ka nwina.
xip. 11. 25. & 15. 5. 1 Kor. 1. 10. Fil. 2. 2. & 3. 16. 1 Pet. 3. 8.
- 17 Mu nga wuyisi ka munhu kubiha hi kubiha. Tekani ku alakanya ku maha zilo zo saseka mahlweni ka bonkle banhu.
Mat. 5. 39. xip. 14. 16. 2 Kor. 8. 21. 1 Tesa. 5. 15. 1 Pet. 3. 9.
- 18 Loku ku kari ku koteka, kota lezi ku tsamako nzeni ka nwina, tsamani kwatsi nwina ni banhu bonkle hi kurula.
Marku 9. 50. xip. 14. 19. Heb. 12. 14.
- 19 Mu nga poteli wutsumbu ga nwina, bamakabye, kanilezi

nyikani zanga wutsamo :
hakuba ku tsalilwe ku nga-
lo, Kupota hi ka mina; nzi
ta pota mina, ku wula
Hosi.

xipm. 17. Heb. 10. 30.

- 20 Kanilezi loku nala wa wena
azwa ndlala, muhe za kuga;
loku a hi ni tora, muhe
anwa: hakuba hi ku maha
lezo u ta wungeletela ma-
kala ya nzilo wu vurako he-
hla ka hloko yakwe.

Mat. 5. 44.

- 21 Mu nga hlulwi hi kubiha,
kanilezi hlulani kubiha hi
kusaseka.

XIPIMO 13.

- 1 Nga na mihehefemulo yo-
klelele a yi ingise mintamo
ya hombe: hakuba yi haba
ntamo yi nga hi ko ya Nu-
ngungulu; ni mintamo leyi
yi nga kona yi yimisilwe hi
Nungungulu.

Tit. 3. 1. 1 Pet. 2. 13. Joh. 19. 11.

- 2 Hikwalaho loyi a vimbelako
ntamo, u vimbela kulaya ka
Nungungulu: ni laba ba vi-
mbelako ba ta amukela wu-
tsumbu gabye a kulamu-
lwa.

Tit. 3. 1.

- 3 Hakuba tihosi a ti cabeki
mitirweni yo saseka, kani-
lezi ka yo biha. Wena nga
u nga cabi tihosi ke? maha
leza ku saseka, u ta keselwa
ka zalezo:

1 Pet. 2. 14. & 3. 13.

- 4 Hakuba yena hi xikozeli xa
Nungungulu ka wena hi
kusaseka. Kanilezi loku u
maha lezi za kubiha, nga u

cabe; hakuba a yi komi su-
pado mahala: hakuba hi
xikozeli xa Nungungulu,
mupoteli wa zanga ka loyi
a mahako kubiha.

- 5 Hikwalaho mu fela ku labe-
ka kuingiseni, ku nga hi hi
kuzangara ntsena, kanilezi
hi kota ya mbilu.

1 Pet. 2. 19.

- 6 Hakuba hi kota ya lexi ma
kupa kupo kambe; hakuba
zi hi zikozeli za kukozela ka
Nungungulu, ba su simami-
sa zalezo ka xwalexo xi-
lo.

- 7 Nyikani ka bona bonkle ku-
rihiwa kabye: a kupo ka
yena loyi a kupelwako; ku-
riha ka loyi a rihiwako;
cabani loyi a faneleko kuca-
bywa; dzunzani loyi a fane-
leko kudzunzwa.

Mat. 22. 21. Marku 12. 17. Luka 20.
25.

- 8 Mu nga hi ni nanzu hi
munhu, kumbela kuranza-
na: hakuba loyi a ranzako
a wa akelene wakwe i tatisa
nayo.

xipm. 10. Gal. 5. 14. Kol. 3. 14. 1
Tim. 1. 5. Jam. 2. 8.

- 9 Hilezi hi lexi, U nga bayi,
U nga dayi, U nga yibi, U
nga nabeli, loku ku hi kona
kunwani kulaya, konkle ka
klangana ni leyi mhaka, ya
ku ngalo, Ranza wa akelene
wa wena kwatsi hi wutsu-
mbu ga wena.

Mat. 19. 18. & 22. 39. Marku 12. 31.
Gal. 5. 14. Jam. 2. 8.

- 10 Kuranza a ku tiri kubiha ka
wa akelene: kuranza hi-

kwalaho ku kutatisa ka nayo.

Mat. 22. 40. xipm. 8.

11 Ni lexi, na mu xi tiba xikati, makunu hi xikati xa hombe ka nwina ku vuka kueleleni ka nwina: hakuba makunu a kuhanyiswa ku tsinele ka hina ku hunza lo-ku hi kolilwe kuranga.

1 Kor. 15. 34. Efe. 5. 14. 1 Tesa. 5. 5, 6.

12 Wusiku gi hunzile, ni kuca ku kona kusahani: hi kwalaho a hi hoxeni mitiro ya munyama, hi hloma maklari ya kuwonekela.

Efe. 5. 11. & 6. 13. Kol. 3. 8. 1 Tesa. 5. 8.

13 Nga na hi famba hi kutsumbeka, kwatsi hi le munwini; ku nga hi kuvimbelweni ni kupopiwa, ku nga hi hi wubayi ni wunyela, ku nga hi hi kukanetana ni wukuxu.

Luka 21. 34. 1 Kor. 6. 9. Efe. 5. 5.

Fil. 4. 8. 1 Tesa. 4. 12. 1 Pet. 2. 12.

& 4. 3. Jam. 3. 14.

14 Kanilezi ambalani Hosi Jesu Kristu, mu nga alakanyeli nyama, kutatisa kudokodela ka yona.

Gal. 3. 27. & 5. 16. Efe. 4. 24. Kol. 3.

10. 1 Pet. 2. 11.

XIIMO 14.

1 Kanilezi loyi a nga haba ntamo kukolekeni mu amukeleni, na nga hi gomagama ka kukanetana.

xip. 15. 1, 7. 1 Kor. 8. 9, 11. & 9. 22.

2 A munwe munhu wa tsumbeka a kuga zonkle zilo: kanilezi yena a nga hi ko ni ntamoga wa byanyi.

xipm. 14. 1 Kor. 10. 25. 1 Tim. 4. 4.

Tit. 1. 15.

3 Nga na loyi a gako a nga mu hleki loyi a nga giko; ni loyi a nga giko nga na a nga mu lamuli loyi a gako: hakuba Nungungulu i mu amukele.

Kol. 2. 16.

4 Hi wena mani u lamulako a xitiri xa munwani? ka hosi ya xona nwinyi xa yima kutani xawa. Ina, xi ta mahiswa ku yima; hakuba a Hosi yi na ni ntamo ku xi yimisa.

Jam. 4. 12.

5 Munwe munhu i kulisa ginwesiku hehla ka ginwani: munwanu i kulisa wonklelele ma su ku fana. Nga na munhu ni munhu a tiyisa kupima ka yena nwinyi.

Gal. 4. 10. Kol. 2. 16.

6 Loyi a hlayisako siku, a gi hlayisele Hosini: ni loyi a gako, a gele Hosini, hakuba wa bonga Nungungulu; ni loyi a nga giko, a kale ku gela Hosini, wa bonga Nungungulu.

1 Kor. 10. 31. Gal. 4. 10. 1 Tim. 4. 3.

7 Hakuba a nga kona ka hina a hanyelako wutsumbu gakwe, a nga kona a ti felako wutsumbu gakwe.

1 Kor. 6. 19, 20. Gal. 2. 20. 1 Tesa. 5.

10. 1 Pet. 4. 2.

8 Hakuba kani ha hanya, hi hanyela Hosi; kani hafa, hi fela Hosi: hikwalaho kani ha hanya, kani hafa, hi ba ka Hosi.

9 Hakuba hi kugumelwa ka lexi Kristu i lofa, i lo hanya kambe, kasi a fela ku maha

Hosi ya bafileko ni baha-nyako.

Mit. 10. 36. 2 Kor. 5. 15.

- 10 Kanilezi wena, hi yini u lamulako makabye wa wena? hambu kambe wena, hi yini u mu kanyisako makabye wa wena? hakuba hina honkle hi ta yima mahlweni ka xitsamo xa kulamula xa Nungungulu.

Mat. 25. 31, 32. Mit. 10. 42. & 17. 31.
2 Kor. 5. 10. Jude 14, 15.

- 11 Hakuba ku tsalilwe ku nga-ko,

Kotisa nzi hanyako, ku wula Hosi, ka mina mazolo wonkle ma ta kizama, tonklelele tirimi ti ta wulela ka Nungungulu.

Fil. 2. 10.

- 12 Lezo munwe ni munwani wa hina i ta ti hlamulela ka Nungungulu.

Mat. 12. 36. Gal. 6. 5. 1 Pet. 4. 5.

- 13 Hikwalaho nga na hi nga ha lamuli munwe ni munwani kambe: kanilezi lamulani hi lexi, munhu a nga beki xikungubanyiso ndleleni ya makabye wakwe, kutani xilo xo mu wisa.

1 Kor. 8. 9, 13. & 10. 32.

- 14 Nza zi tiba, nzi vumelisilwe hi ka Hosi Jesu, a hi cumo xingahlazekileko tsumbu wa xona: kumbela ka yena a hlayilweko xilo xi nga hlazekangiko, ka yena xi hi nga hlazekangiko.

Mit. 10. 15. xipm. 2, 20. 1 Kor. 8. 7, 10. & 10. 25. 1 Tim. 4. 4. Tit. 1. 15.

- 15 Hakuba loku hi kota ya

kuga nakuloni wa wena a kubeka, a wa ha fambi kambe ku ranza. U nga mu dayi hi nyama ya wena loyi Kristu a mu feleko.

1 Kor. 8. 11.

- 16 Nga na kusaseka ka wena ku nga wulawuliwi hi kubiha:

xip. 12. 17.

- 17 Hakuba mufumo wa Nungungulu a hi kuga ni kunwa, kanilezi kululama ni kurula ni kutsaka nzeni ka Moya wa Basa.

1 Kor. 8. 8.

- 18 Hakuba mangabye loyi a kozelako ka lexi wa nengeleka kwatsi ka Nungungulu, a ranzeka ka banhu.

2 Kor. 8. 21.

- 19 Zonake lezo nga na hi lanzela zilo lezi zi mahako kurula, ni zilo hi ta nga vunetelana ha zona.

xip. 12. 18. & 15. 2. 1 Kor. 14. 12.
1 Tesa. 5. 11.

- 20 Mu nga tsiki ntiro wa Nungungulu hi kota ya nyama. Zonkle zilo hi zinene zi hlazekile; ahemba ku hi kubiha ka munhu loyi a gako hi wukuxu.

xipm. 14, 15. Mat. 15. 11. Mit. 10. 15.
1 Kor. 8. 9, 10, 11, 12. Tit. 1. 15.

- 21 Ku sasekile ku kala u ngagi nyama, hambu kunwa waini, hambu ni ku maha xilo xini lexi nakuloni wa wena a ta kungubanyeka.

1 Kor. 8. 13.

- 22 Kukoleka loku u nga nako, tsama nako wutsumbu ga wena mahlweni ka Nungungulu. Kutsaka ka loyi

a nga ti lamuliko hi lezi a zi ranzako.

1 Joh. 3. 21.

- 23 Kanilezi loyi a gomagomako i konekile loku aga, hakuba loyi a gako na ku nga koleki; na hi yini lexi xi nga hi ko xa kukoleka kuonha.

Tit. 1. 15.

XIIMO 15.

- 1 Makunu hina laba hi nga ni ntamo hi fanele kurwala kukarala ka laba ba mbelileko ntamo, hi nga dzunzi wutsumbu ga hina.

Gal. 6. 1. xip. 14. 1.

- 2 Nga na munhu ni munhu wa hina a dzunza mukelene wakwe hilezi zi sasekileko, hi ka kuvunetela.

1 Kor. 9. 19, 22. & 10. 24, 33. & 13. 5. Fil. 2. 4, 5. xip. 14. 19.

- 3 Hakuba Kristu a nga dzunzangi wutsumbu gakwe; kanilezi, kwatsi hilezi ku tsalilweko, Kurukatela ka laba ba rukatelako wena ku wele hehla ka mina.

Mat. 26. 39. Joh. 5. 30. & 6. 38.

- 4 Hakuba hambu ni zilo mu ni lezi zi nga tsaliwa hi mahlweni zi lo tsalwa ku gonzisa hina, kasi hi kuhonisela ni ku tsakiswa ka mitsalo ha fela ku kuma kutsumba.

xip. 4. 23, 24. 1 Kor. 9. 9, 10. & 10. 11. 2 Tim. 3. 16, 17.

- 5 Makunu Nungungulu wa kuhonisela ni wa kutsakisa a mu nyike lezaku mu ba ni kupima kuwe ka mu-

nwe ni munwani hi ka Kristu Jesu:

xip. 12. 16. 1 Kor. 1. 10. Fil. 3. 16.

- 6 Kasi hi mbilu yinwe ni nomu munwe ma mu dumisa Nungungulu ni Dadani wa Hosi ya hina Jesu Kristu.

Mit. 4. 24, 32.

- 7 Hikwalaho amukelanani, kota lezi Kristu a mu amukelileko, ka wukosi ga Nungungulu.

xip. 5. 2. & 14. 1, 2.

- 8 Hakuba nzi ngalo Kristu i mahilwe xikozeli xa mikwera ya zinene za Nungungulu, kasi a fela kutiyisa mitsumbiso yi nga nyikilwe ba dadani,

Mat. 15. 24. Joh. 1. 11. Mit. 8. 25, 26. & 13. 46. xip. 8. 8. 2 Kor. 1. 20.

- 9 Ni lezaku ba Matiko ba fela ku dumisa Nungungulu hi wuxinji gakwe; kotisa lezi kutsalilweko,

Hikwalaho nzi ta nyika kudzunziwa ka wena xikari ka ba Matiko, nzi ta yimbelela bitweni ga wena.

Joh. 10. 16. xip. 9. 23.

- 10 Ni kambe i wula aku, Nengelani, nwina ba Matiko, zinwe ni banhu bakwe.

- 11 Ni kambe, Dzunzani a Hosi, nwenklelele nwina ba Matiko; nga na ni banhu bonkle ba dzunza yena.

- 12 Ni kambe, Isaya i ngalo, Ku ta ba kona mutsu ka Jese, loyi a ta nga suka ku fumela ba Matiko; ba

Matiko ba ta tsumba ka yena.

Kuv. 5. 5. & 22. 16.

- 13 Makunu Nungungulu wa kutsumba a mu tatise hi kunengela ni kurula a kukolweni, kasi ma fela ku tsama nzeni ka kutsumba, ni ntanweni ka Moya wa ku Basa.

xip. 12. 12. & 14. 17.

- 14 A wutsumbu ganga kambe nzi vumelisilwe ka nwina, bamakabye ba mina, a ku ngalo nwina wutsumbu mu tele hi kusaseka, mu tatisilwe hi ku tiba konkle, ma kota ku lulekana.

1 Kor. 8. 1, 7, 10. 2 Pet. 1. 12. 1 Joh. 2. 21.

- 15 Kanilezi nza mi tsalela hi kutiya nguvu hi kunwani kuringanisa, na nzi hi ku mu alakanyeni, hi kota ya wuxinji legi gi nga nyikiwa ka mina hi Nungungulu,

xip. 1. 5. & 12. 3. Gal. 1. 15. Efe. 3. 7, 8.

- 16 Ku ngalo mina nzi ta maha xikozeli xa Kristu Jesu ka ba Matiko, nzi kozela hi ivangeli ya Nungungulu, kasi kunyikela ka ba Matiko ku fela ku amukeleka, ku basisilwe hi Moya wa ku Basa.

xip. 11. 13. Gal. 2. 7, 8, 9. 1 Tim. 2. 7. 2 Tim. 1. 11. Fil. 2. 17.

- 17 Hikwalaho nzi na ni kudumiswa ka mina ka Kristu Jesu le zilweni zi ka Nungungulu.

Heb. 5. 1.

- 18 Hakuba a nzi na kutiya ku wulawula xilo saseka lezi Kristu a zi mahileko hi mina, hakuba a kuingisa ka

ba Matiko, hi mhaka ni ku maha,

Mit. 21. 19. Gal. 2. 8. xip. 1. 5. & 16. 26.

- 19 Hi ntamo wa zi wonekeliso ni hlamaliso, ui ka ntamo wa Moya wa ku Basa; lezo ku suka Jerusalema, ni kurenzela hambu ni le Ilurikumi, nzi la su tsoma nzi kanela ivangeli ya Kristu;

Mit. 19. 11. 2 Kor. 12. 12.

- 20 Ina, na nzi ringa ku kanela ivangeli, na ku nga hi laha Kristu a nga si na a tibyiwa, lezaku nzi nga aki ka xiseketelo xa munwani munhu;

2 Kor. 10. 13, 15, 16.

- 21 Kanilezi kwatsi hilezi ku tsalilweko,

Bona ba ta wona, laba ti nga kala ku cikela timhaka takwe, ni laba ba nga kala kuzwa ba ta pima.

- 22 Hikwalaho nzi tindekile a xikati lexi xinyingi a kuta ka nwina:

xip. 1. 18. 1 Tesa. 2. 17, 18.

- 23 Kanilezi makunu, ku nga haba ginwani wutsamo ka laya matiko, ni laya wonkle malembe manyingi na nzi nabela kuta ka nwina,

Mit. 19. 21. xip. 1. 11. xipm. 32.

- 24 Loku nzi ya Sipaini (haku ba nza tsumba ku ta mu wona lwenzweni 'a mina, ni ku heleketwa hi nwina ndleni ya mina kuya leyo, loku ku sangula hi kuringaneka kambe nzi ta nga nzi kolisilwe hi klawwa wa nwi na)—

Mit. 15. 8. xipm. 32.

25 Kanilezi, nzi ngalo, nzi ya Jerusalema, nzi ya kozela ka laba bobasa.

Mit. 19. 21. & 20. 22. & 24. 17.

26 Hakuba ku wa hi kuklanga ko saseka a ba le Makedonia ni ba le Akaia a ku maha minyikelo ka laba ba zisiwana xikari ka la bobasa laba ba le Jerusalema.

1 Kor. 16. 1, 2. 2 Kor. 8. 1. & 9. 2, 12.

27 Ina, ba wa hi nako kosaseka kuklanga ka bona; ba na nanzu nabo. Hakuba loku ba Matiko ba mahilwe kuhlengela nabo zilo za moya, ba na ni nanzu kabye kambe ku ba tirela zilo za nyama.

xip. 11. 17. 1 Kor. 9. 11. Gal. 6. 6.

28 Hikwalaho na nzi mbetile lexi, na nzi tiyisile lowu mbanzo, nzi ta hunza hi ka nwina nzi ya Sipaini.

Fil. 4. 17.

29 Nza zi tiba ku ngalo, laha na nzi tile ka nwina, nzi tata na nzi tatisilwe hi kukatekiswa ka Kristu.

xip. 1. 11.

30 Makunu nza mu kongotela nwina, bamakabye, hi Hosi ya hina Jesu Kristu, na hi kuranza ka Moya, kuringa katiginwe na mina kukombeleni ka nwina ka Nungungulu hi mina;

2 Kor. 1. 11. Kol. 4. 12. Fil. 2. 1.

31 Kasi nzi fela ku klaklisa ka bona laba ba nga ingisiko le Judia, ni lezaku kukozela loku nzi nga nako ka Jerusalema ku maha ku amukeleka ka laba bobasa;

2 Kor. 8. 4. 2 Tesa. 3. 2.

32 Kasi nzata ka nwina hi ku nengela hi kuranza ka Nungungulu, katiginwe zinwe na nwina ku kumeka kuhumula.

xip. 1. 10. Mit. 18. 21. 1 Kor. 4. 19. & 16. 18. 2 Kor. 7. 13. 2 Tim. 1. 16. File. 7. 20. Jam. 4. 15.

33 Makunu Nungungulu wa kurula nga a hi na nwina nwenkle. Amen.

xip. 16. 20. 1 Kor. 14. 33. 2 Kor. 13. 11. Fil. 4. 9. 1 Tesa. 5. 23. 2 Tesa. 3. 16. Heb. 13. 20.

XIIMO 16.

1 Nza rumela ka nwina Febe makwenu wa hina, a nga xitiri xa ceci le Kenkrea:

Mit. 18. 18.

2 Kasi mu amukela hi ka Hosi, hi kufanelweko ka bobasa, ni lezaku mu mu vuna ka zilo lezi zi ta nga zi fanele ka nwina: hakuba yena wutsumbu i vunetele banyingi, na mina wutsumbu ganga.

Fil. 2. 29. 3 Joh. 5, 6.

3 Barungula Prisila ni Akwila zitiri—kulori ka Kristu Jesu,

Mit. 18. 2, 18, 26. 2 Tim. 4. 14.

4 Laba hi kota ya kuhanya ka mina ba lo bekela lahasi tinhamu tabye; ka bona a nzi nyiki kubonga koce, kanilezi ni ticeci tonkle ta Matiko:

5 Rungulani a ceci yi nga lomo nllwini kabye. Rungulani Epenetusi a ranzekako ka mina, loyi a nga mbanzo wu ranga le Asia ka Kristu.

1 Kor. 16. 15, 19. Kol. 4. 15. File. 2.

- 6 Rungulani Maria, a nga tira nguvu ka *nwina*.
- 7 Rungulani Andronikusi ni Juniasi, maxaka ya mina, a tiperesu-kulori, ka mina ba tibyiwako ka bapostoli, ba nga hi kona ka Kristu hi mahlweni ka mina.
Gal. 1. 22.
- 8 Rungulani Ampliatusi a ranzekako ka mina le Hosini.
- 9 Rungulani Urbanusi xitiri-kulori ka Kristu, na Stakusi a ranzekako ka mina.
- 10 Rungulani Apelesi a ranzekako ka Kristu. Rungulani laba ba ngangu wa Aristubulusi.
- 11 Rungulani Herodioni a xakaga mina. Rungulani laba ba ngangu wa Narkisusi, laba ba nga ba Hosi.
- 12 Rungulani Trufeni na Trufosi, ba tirako Hosini. Rungulani Persisi a ranzekako, a tirako nguvu Hosini.
- 13 Rungulani Rufasi a hlawulilweko Hosini, ni nyine wakwe ni wa mina.
2 Joh. 1.
- 14 Rungulani Asuankritusi, Flegoni, Hermesi, Patrobasi, Hermasi, ni bamakabye ba nga nabo.
- 15 Rungulani Filologusi na Julia, Nirusi ni makwenu wakwe, na Olumpasi, ni laba bobasa bonkle ba nga nabo.
- 16 Losanani hi kutrotra ko basasa. Ticeci tonkle ta Kristu ta mu rungula.
1 Kor. 16. 20. 2 Kor. 13. 12. 1 Tesa. 5. 26. 1 Pet. 5. 14.
- 17 Makunu nza mu kongotela - *nwina*, bamakabye, lezaku mu ba langutisisa laba ba mahako kuhambana ni xilo xo kungubanyisa, ba hambunyeta kugonzisa loku mu gonzisilweko ha kona: sukani kabye.
Mit. 15. 1, 5, 24. 1 Kor. 5. 9, 11. 2 Tesa. 3. 6, 14. 1 Tim. 6. 3. 2 Tim. 3. 5. Tit. 3. 10. 2 Joh. 10.
- 18 Hakuba laba ba ku maha lezo a ba kozeli Hosi ya hina Kristu, kanilezi ba kozela xingwengwe xabye; hi ku bangetela ni ku wulawula kwatsi kabye ba onhisa timbilu ta laba ba nga hi kona kuonha.
Fil. 3. 19. Kol. 2. 4. 1 Tim. 6. 5. 2 Tim. 3. 6. Tit. 1. 10. 2 Pet. 2. 3.
- 19 Hakuba a kuingisa ka *nwina* ku la su gafe ka banhu bonkle. Nza nengela hikhwalaho hi *nwina*: kanilezi nzi nga mu klariha ka lezo zo saeka, mu magunwa ka lezo za kubiha.
xip. 1. 8. Mat. 10. 16. 1 Kor. 14. 20.
- 20 Nungungulu wa kurula i ta lamata Satani lahasi ka mikonzo ya *nwina* za lezi.
- A wuxinji ga Hosi ya hina Jesu Kristu nga gi hi ka *nwina*.
xip. 15. 33. xipm. 24. 1 Kor. 16. 23. 2 Kor. 13. 14. Fil. 4. 23. 1 Tesa. 5. 28. 2 Tesa. 3. 18. Kuv. 22. 21.
- 21 Timote xitiri-kulori wa mu rungula; ni Lukiusi ni Jasoni na Sosipateri, maxaka ya mina.
Mit. 13. 1. & 16. 1. & 17. 5. & 20. 4. Fil.

2. 19. Kol. 1. 1. 1 Tesa. 3. 2. 1 Tim. 1. 2. Heb. 13. 23.
- 22 Mina Tertiusi, a mutsali wa legi papilo, nza mu rungula Hosini.
- 23 Gaiusi nzi tsamako hi le kawe, ni ceci yonkle, ya mu rungula. Erastusi mukomi wa xikwama xa minyikelo xa munti wa mu rungula, na Kwartusi makabye.
- 1 Kor. 1. 14. Mit. 19. 22. 2 Tim. 4. 20.
- 25 Makunu ka yena loyi a kotako ku tiyisa hi kota ya ivangeli ya mina ni kukanela ka Jesu Kristu, hi kota ya kuvululwa ka kufihla-
- kala loku ku nga miyelisilwe kupinzukeleni,
- xip. 2. 16. Efe. 1. 9. & 3. 3, 4, 5, 9, 20. 1 Kor. 2. 7. Kol. 1. 26, 27. 1 Tesa. 3. 13. 2 Tesa. 2. 17. & 3. 3. Jude 24.
- 26 Kanilezi makunu yi wonekelisilwe, na hi mitsalo ya baprofeti, hi kota ya kulaya ka Nungungulu wa kupinzuka, yi tibysisilwe ka matiko wonkle kuingiseni ka kukoleka;
- Mit. 6. 7. xip. 1. 5. & 15. 18. Efe. 1. 9. 2 Tim. 1. 10. Tit. 1. 2, 3. 1 Pet. 1. 20.
- 27 Ka yena yece Nungungulu wa wuklari, hi ka Jesu Kristu, ka yena nga ku hi ni wukosi kala kupinzuka. Amen.
- 1 Tim. 1. 17. & 6. 16. Jude 25.

A PAPILO GO SANGULA GA PAULE MU POSTOLI KA BA LE KORINTE.

XIPIMO 1.

- 1 Paule, i lo bitwa ku maha a mupostoli wa Jesu Kristu hi kuranza ku Nungungulu, na Sostene makabye wa hina,
- Mit. 18. 17. Roma 1. 1. 2 Kor. 1. 1. Efe. 1. 1. Kol. 1. 1.
- 2 Le ka ceci ya Nungungulu leyi yi nga le Korinte, hambu laba ba basisilweko ka Kristu Jesu, ba bitilweko ku maha bobasa, zinwe ni laba bonkle ba bitilweko ka bito ga Hosi ya hina Jesu
- Kristu, wutsanweni gonkle, a Hosi yabye ni ya hina:
- Joh. 17. 19. Mit. 9. 14, 21. & 15. 9. & 22. 16. Roma 1. 7. & 3. 22. & 10. 12. xip. 8. 6. 2 Tim. 1. 9. & 2. 22. Jude 1.
- 3 Wuxinji a gi hi ka nwina ni kurula ka le ka Nungungulu Dadani wa hina ni Hosi Jesu Kristu.
- Roma 1. 7. 2 Kor. 1. 2. Efe. 1. 2. 1 Pet. 1. 2.
- 4 Nza bonga Nungungulu wa mina xikati xonkle hi nwina, hakuba hi wuxinji ga Nungungulu legi gi nga

- nyikiwa *nwina* hi ka Kristu Jesu;
Roma 1. 8.
- 5 Lezaku ka zilo zonkle mu wa fumisilwe ka yena, a ku wulawuleni konkle ni kutiba konkle;
xip. 12. 8. 2 Kor. 8. 7.
- 6 Hambu ni wukustumunyu ga Kristu gi wa tiyisilwe ka *nwina*:
xip. 2. 1. 2 Tim. 1. 8. Kuv. 1. 2.
- 7 Lezo a mu kiyelangi ni xihi xinyikiwo; na mu rinzele a kuwonekeliswa ka Hosi ya hina Jesu Kristu;
Fil. 3. 20. Kol. 3. 4. Tit. 2. 18. 2 Pet. 3. 12.
- 8 Loyi a ta nga mu tiyisa ku kala kugumelwa, mu nga hi na ku lamulwa hi siku ga Hosi ya hina Jesu Kristu.
1 Tesa. 3. 13. & 5. 23. Kol. 1. 22.
- 9 Nungungulu i kolekile, hi kota ya yena mu bitanilwe a kuhlengela hi Nwana wakwe Jesu Kristu.
Joh. 15. 4. & 17. 21. xip. 10. 13. 1 Tesa. 5. 24. 2 Tesa. 3. 3. Heb. 10. 23. 1 Joh. 1. 3. & 4. 13.
- 10 Makunu nza mu kongotela, bamakabye, hi bito ga Hosi ya hina Jesu Kristu, lezaku *nwenkle* mu wulawula xilo xinwe, kasi ku nga hi na kuhambana xikari ka *nwina*; kanilezi kasi mu be ni kumbelela katiginwe mu pima zinwe mu luleka zinwe.
Roma 12. 16. & 15. 5. xip. 11. 18. 2 Kor. 13. 11. Fil. 2. 2. & 3. 16. 1 Pet. 3. 8.
- 11 Hakuba ku bikilwe ka mina hi *nwina*, bamakabye, hi bona laba ba le ngangweni ka Kloe, lezaku ku kona kukanetana xikari ka *nwina*.
- 12 Makunu nza wula lexi, hakuba munwe ni munwani wa *nwina* i ngalo, Mina nzi wa Paule; ni ku mina nzi wa Apolose; mina nzi wa Kefasi; nzi wa Kristu.
Joh. 1. 42. Mit. 18. 24. & 19. 1. xip. 3. 4. & 16. 12.
- 13 Kristu i hambanyisilwe ke? Paule i wa belelelwe *nwina* ke? kutani mu bapatizelwe bitweni ga Paule ke?
2 Kor. 11. 4. Efe. 4. 5.
- 14 Nza bonga Nungungulu hakuba a nzi bapatizangi ni munwe ka *nwina*, saseka Krispusi ni Gaiusi;
Mit. 18. 8. Roma 16. 23.
- 15 Kasi munhu a nga wuli ku ngalo mu bapatizelwa bitweni ga mina.
- 16 Nzi lo bapatiza kambe ni ba lomo ngangweni ka Stefani: hi lahandle, a nzi zi tibi kutane aku nzi wa bapatizile ni munwe wa *nwina*.
xip. 16. 15, 17.
- 17 Hakuba Kristu a nga nzi rumelangi ku bapatiza, kanilezi ku kanela ivangeli: ku nga hi kuklariha ka timhaka, ku nga ku xihambano xa Kristu xi maha mahala.
xip. 2. 1, 4, 13. 2 Pet. 1. 16.
- 18 Hakuba mhaka ya xihambano ka bona laba ba lobako yi ku mbupukupuku; kanilezi ka hina laba hi ha-

nyisilweko yi ntamo wa Nungungulu.

Mit. 17. 18. xip. 2. 14. & 15. 2. Roma 1. 16. xipm. 24. 2 Kor. 2. 15.

19 Hakuba ku tsalilwe, Nzi ta mbetisa wuklari ga ziklarihi, ni kupima ka zipimi nzi ta ku ala.

20 I kwihi a klarihileko? i kwihi mutsali? i kwihi mukanetisi wa legi tiko? Nungungulu a nga mahangi a wupupulu ka wuklari ga tiko ke?

Roma 1. 22.

21 Hakuba na mu wona lezaku hi kuklariha ka Nungungulu a tiko hi wuklari ga gona a gi mu tibangi Nungungulu, Nungungulu zi lo mu tangalisa aku hi wupupulu ga kukanela ku hanyisa bona laba ba kolwako.

Mat. 11. 25. Luka 10. 21. Roma 1. 20, 21, 28.

22 Na mu wona lezaku a ba Juda ba wutisa ziwoniso, ma ba Greki ba laba kuklariha:

Mat. 12. 38. & 16. 1. Marku 8. 11. Luka 11. 16. Joh. 4. 48.

23 Kanilezi hina hi kanela Kristu a belelelweko, ka ba Juda a xikungubanyiso, ka ba Matiko mbupupulu;

Mat. 11. 6. & 13. 57. Luka 2. 34. Joh. 6. 60, 66. Roma 9. 32. Gal. 5. 11. 1 Pet. 2. 8. xipm. 18. xip. 2. 14.

24 Kanilezi ka bona laba ba bitilweko, bonkle, ba Juda ni ba Greki, Kristu i ntamo wa Nungungulu, ni kuklariha ka Nungungulu.

Roma 1. 4, 16. xipm. 18. Kol. 2. 3.

25 Hakuba wupupulu ga Nu-

ngungulu gi klarihile ku hunza ga banhu; a kukarala ka Nungungulu ku hi ntamu ku hunza ka banhu.

26 Hakuba langutani kubitwa ka nwina, bamakabye, a ku ngalo ku wa nga hi bo tala ba klarihileko hi ka nyama, ba wa nga talangi ba ntamu ba wa nga talangi dumileko, ba nga bitiwa:

Joh. 7. 48.

27 Kanilezi Nungungulu i lo hlawula a wupupulu ga tiko, kasi a fela ku ba cela tingana laba ba klarihileko; Nungungulu i lo hlawula zilo zi kareleko za tiko, kasi a fela ku cela tingana a zilo zi nga ni ntamu;

Mat. 11. 25. Jam. 2. 5.

28 Ni zilo zo biha za tiko, ni zilo zi nyenyilweko, Nungungulu i lo zi hlawula, ina ni zilo zi nga haba, kasi za fela a ku nga mahi cumo a zilo zi nga kona:

Roma 4. 17. xip. 2. 6.

29 Kasi ku nga hi na nyama yi dumisako mahlweni ka Nungungulu.

Roma 3. 27. Efe. 2. 9.

30 Kanilezi ka yena nwina mu ba ka Kristu Jesu, loyi a nga maha ka hina a kuklariha ka Nungungulu, ni kululama ni kubasiswa, ni kulakliwa:

Joh. 17. 19. Roma 4. 25. xipm. 24. 2 Kor. 5. 21. Fil. 3. 9. Efe. 1. 7.

31 Lezaku, kota ku tsalilweko, Loyi a tsakako a tsakela ka Hosi.

2 Kor. 10. 17.

XIPIMO 2.

- 1 Na mina, bamakabye, na nzi tile ka *nwina*, a nzi tangi ni mawulawulela manene ni kuklariha, nzi loba hungu ka *nwina* hi mifihlakalo ya Nungungulu.

xip. 1. 6, 17. xipm. 4, 13. 2 Kor. 10. 10. & 11. 6.

- 2 Hakuba nzi lo labisisa ku kala nzi nga tibi ncumo ka *nwina*, saseka Jesu Kristu, na nga a na belelwe.

Gal. 6. 14. Fil. 3. 8.

- 3 Mina nzi wa hi na *nwina* kukaraleni, ni le ku cabeni, ni le kururumeleni ka hombe.

Mit. 18. 1, 6, 12. 2 Kor. 4. 7. & 10. 1, 10. & 11. 30. & 12. 5, 9. Gal. 4. 13.

- 4 A kuwulawula ka mina ni kukanela ka mina ku wa nga hi timhaka ti kurumetako ta wuklari, kanilezi hi kuwonekeliswa ka Moya ni ntamu:

Roma 15. 19. xipm. 1. xip. 1. 17. 1 Tesa. 1. 5. 2 Pet. 1. 16.

- 5 Kasi kukoleka ka *nwina* nga ku nga yimi hi wuklari ga banhu, kanilezi hi ka ntamo wa Nungungulu.

2 Kor. 4. 7. & 6. 7.

- 6 Ahemba ha wulawula a kuklariha xikari ka laba ba mbeleleko: na ku nga hi wuklari ga legi tiko, ku nga hi tihosi ta legi tiko, gi ta nga heteka:

xip. 1. 20, 28. & 3. 19. & 14. 20. xipm. 1, 13. 2 Kor. 1. 12. Efe. 4. 13. Fil. 3. 15. Heb. 5. 14. Jam. 3. 15.

- 7 Kanilezi hi kanela kuklariha ka Nungungulu hi kufihlakala, hambu kuklariha

loku ku fihlakeleko, loku Nungungulu a nga yimisa hi mahlweni ka matiko ka wukosi ga hina:

Roma 16. 25, 26. Efe. 3. 5, 9. Kol. 1. 26. 2 Tim. 1. 9.

- 8 Loku ku nga tibyiawiko ni munwe wa tihosi ta legi tiko: hakuba loku ba wa ku tibile, nga ba nga belelangi a Hosi ya wukosi:

Mat. 11. 25. Luka 23. 34. Joh. 7. 48. & 16. 3. Mit. 3. 17. & 13. 27. 2 Kor. 3. 14.

- 9 Kanilezi kwatsi hilezi ku tsalilweko,

Lezi zilo zi nga woniwanngiko hi tihlo, ni ndlebe yi nga zi zwangiko, lezi zi nga engenangiko mbi-lwini ya munhu, ni zilo lezi Nungungulu a zi longiseleko ka bona laba ba mu ranzako.

- 10 Kanilezi ka hina Nungungulu i zi wonekelisile hi Moya: hakuba a Moya wu kamba zilo zonkle, ina, a zilo zi etileko za Nungungulu.

Mat. 13. 11. & 16. 17. Joh. 14. 26. & 16. 13. 1 Joh. 2. 27.

- 11 Hakuba hi wihi xikari ka banhu a tibako a zilo za munhu, saseka a moya wa munhu, lowu wu nga ka yena? hambu lezo a zilo za Nungungulu a nga kona a zi tibako, saseka a Moya wa Nungungulu.

Roma 11. 33, 34.

- 12 Kanilezi hina hi amukele, a moya lowu wu nga hiko wa tiko, kanilezi a moya lowu wu nga wa Nungungulu:

kasi ha fela ku tiba lezi zilo hi nyikilweko hi matsenya hi Nungungulu.

Roma 8. 15.

- 13 Lezo zilo kambe hi zi wulawulako hina, na ku nga hi hi timhaka leti ta wuklari legi ba gi gonzisako banhu, kanilezi legi gi gonziswako hi Moya; wu ecenisako a zilo za moya hi za moya.

2 Pet. 1. 16. xip. 1. 17. xipm. 4.

- 14 Nzi ku a munhu wa mahanyela a nga zi amukeli zilo za Moya wa Nungungulu: hakuba zi hi wupupulu ka yena; a nga koti ku zi tiba, hakuba zi pimiwa hi za ka moya.

Mat. 16. 23. Roma 8. 5, 6, 7. xip. 1. 18, 23. Jude 19.

- 15 Kanilezi loyi a nga wa ka moya i pima zilo zonkle, a nga pimelwi hi munhu yena yeca.

1 Tesa. 5. 21. 1 Joh. 4. 1.

- 16 Hakuba himani a ku tibileko kupima ka Hosi, a ku nga a mu gonzisa? Kanilezi hi na ni kupima ka Kristu.

Roma 11. 34. Joh. 15. 15.

XIPIMO 3.

- 1 Na mina, bamakabye, a nzi wa nga wulawuli ka nwina kwatsi hi ka moya, kanilezi kwatsi hi ka nyama, kwatsi hi zibanana ka Kristu.

xip. 2. 14, 15. Heb. 5. 13.

- 2 Nzi lo mu gisa masi, ku wa nga hi nyama; hakuba mu nga hi ni ntamu ku yiga:

ge, hambu makunu a mu zi koti;

Heb. 5. 12, 13. 1 Pet. 2. 2. Joh. 16. 12.

- 3 Hakuba ma ha hi ba nyama: hakuba ka ha hi kona xikari ka nwina a wukuxu ni kukanetana, a ma ha hi ba nyama ke, mu famba hi matsamelo ya banhu?

xip. 1. 11. & 11. 18. Gal. 5. 20, 21. Jam. 3. 16.

- 4 Hakuba loku munwe a ku, Mina nzi wa ka Paule; ni munwani a ku, Nzi wa ka Apolose; nwina a mu ba banuna ke?

xip. 1. 12.

- 5 Zonake hi mani Apolose? hi mani Paule? A zikozeli lezi mu kolilweko hi kota ya zona; ni munwe ni munwani kota a Hosi yi lo mu nyika yena.

xip. 4. 1. 2 Kor. 3. 3. Roma 12. 3, 6. 1 Pet. 4. 11.

- 6 Nzi lo byala, Apolose a tsakamisa; kanilezi Nungungulu i lo nyika ku anzisa.

Mit. 18. 4, 8, 11, 24, 27. & 19. 1. xip. 1. 30. & 4. 15. & 9. 1. & 15. 1, 10. 2 Kor. 3. 5. & 10. 14, 15.

- 7 Lezo ni loyi a byalako a hi ncumo, ni loyi a tsakamisako a hi ncumo; kanilezi Nungungulu loyi a nyikako kuanza.

2 Kor. 12. 11. Gal. 6. 3.

- 8 Nzi ngalo loyi a byalako ni loyi a tsakamisako ba hi munwe: kanilezi loyi ni loyi ba ta amukela ncacazelo kota mitiro ya yena nwi-nyi.

Roma 2. 6. xip. 4. 5. Gal. 6. 4, 5. Kuv. 2. 23. & 22. 12.

- 9 Hakuba hi zitiri kulori ni

Nungungulu: *nwina* mu si-
mu ya Nungungulu, mu
yindlu ya Nungungulu.

Mit. 15. 4. 2 Kor. 6. 1. Efe. 2. 20.
Kol. 2. 7. Heb. 3. 3, 4. 1 Pet. 2. 5.

- 10 Hi ka wuxinji ga Nungu-
ngulu legi gi nyikilweko ka
mina, kota gogwe wu kua-
ka nzi lo bekela a xisekete-
lo; ni munwani a aka ka
xona. Kanilezi munhu ni
munhu a *klarihe* aku i aka-
ko ka xona.

Roma 1. 5. & 12. 3. & 15. 20. xipm. 6.
xip. 4. 15. Kuv. 21. 14. 1 Pet. 4. 11.

- 11 Hakuba xi haba xiseketelo
a ta nga xi beka munhu ku
hunza lexi xi bekilweko,
lexi xi nga Jesu Kristu.

Mat. 16. 18. 2 Kor. 11. 4. Gal. 1. 7.
Efe. 2. 20.

- 12 Kanilezi loku munhu a aka
xiseketelweni xa nzalama,
siliva, maribye ya karu, tisi-
nya, a byanyi, ni xitsinga;

- 13 A mitiro ya munhu ni mu-
nhu yi ta nehiwa ku baseni:
hakuba a siku gi ta yi wo-
nisa, hakuba yi ta woneke-
liswa hi nzilo; ni nzilo wu-
tsumbu ga wona wu ta ringa
mitiro ya munhu ni munhu
a ku nja lixaka muni.

Luka 2. 35. xip. 4. 5. 1 Pet. 1. 7. &
4. 12.

- 14 Loku a tiro wa munhu laho
a akileko kona, i ta amuke-
la ncacazelo.

xip. 4. 5.

- 15 Loku a tiro wa munhu wu
tara, i ta lahlekelwa: kani-
lezi a wutsumbu gakwe i ta
hanyiswa; na nga na tru-
mulwe hi nzilo.

Jude 23.

- 16 A mu zi tibi lezaku mu te-
mpele ya Nungungulu, ni
lezaku a Moya wa Nungu-
ngulu wu tsama nzeni ka
nwina?

xip. 6. 19. 2 Kor. 6. 16. Efe. 2. 21, 22.
Heb. 3. 6. 1 Pet. 2. 5.

- 17 Loku munhu a daya a te-
mpeli ya Nungungulu, na
yenawu Nungungulu i ta
mu daya; hakuba a tempele
ya Nungungulu yi basile,
mu nga leyo tempele *nwina*.

- 18 Nga na a nga hi kona mu-
nhu a ti kohlisako. Loku
a alakanya aku i *klarihile*
xikari ka *nwina* ka legi ti-
ko, nga na a maha pupulu,
kasi i fela ku*klariha*.

- 19 Hakuba a wuklari ga legi
tiko wu mbupupulu ka Nu-
ngungulu. Hakuba ku tsa-
lilwe, Yena wa teka a
ziklarihi wugogweni gabye:

xip. 1. 20. & 2. 6.

- 20 Kambe, A Hosi ya tiba a
wualakanya ga boklariha,
lezaku a hi ncumo.

- 21 Hi ka lezo nga a nga hi ko-
na, a dumisako ka munhu.
Hakuba zonkle zilo za *nwi*-
na;

xip. 1. 12. & 4. 6. xipm. 4, 5, 6. 2 Kor.
4. 5, 15.

- 22 Hambu Paule, kutani Apo-
lose, Kefasi, kutani i tiko,
kutani wutomi, kutani ku-
fa, kutani zilo zi nga kona,
kutani zilo zi ta ngata; zo-
nkle za *nwina*;

- 23 *Nwina* mu ba Kristu; Kri-
stu hi Nungungulu.

Roma 14. 8. xip. 11. 3. 2 Kor. 10. 7.
Gal. 3. 29.

XIPIMO 4.

- 1 Nga na a munhu a wula hi hina aku, hi zikonzele za Kristu, ni bakomi ba mifi-hlakalo ya Nungungulu.

Mat. 24. 45. xip. 3. 5. & 9. 17. 2 Kor. 6. 4. Kol. 1. 25. Luka 12. 42. Tit. 1. 7. 1 Pet. 4. 10.

- 2 Laha, kambe, ka labeka lezaku a mukomi, a kumeke na kolekile.

- 3 Kanilezi ka mina hi xilo xitsongwani aku nga nzi lamulwa hi nwina, kutani kulamula ka banhu: ina, a nzi lamuli a wutsumbu ga mina.

xip. 3. 13.

- 4 Hakuba a nzi tibi ncumo hi wutsumbu ga mina; a nzi ngalo nzi basisilwe hi lezo: kanilezi loyi a nzi lamulako hi Hosi.

Roma 3. 20. & 4. 2.

- 5 Hikwalaho mu nga lamuli ncumo na xi nga se ku cikela xikati, kala ata Hosi, loyi a ta nga zi tisa kubaseni a zilo zi fihlilweko za munyama, a ta maha kuwonekela kualakanya ka timbilu; zonake munhu ni munhu i ta kuma kudzunziwa ka le ka Nungungulu.

Mat. 7. 1. Roma 2. 1, 16, 29. & 14. 4, 10, 13. Kuv. 20. 12. xip. 3. 13. 2 Kor. 5. 10.

- 6 Makunu lezi zilo, bamakabye, nzi zi hunzulile kota kuwula ka wutsumbu ga mina na Apolose hi kota ya nwina; lezaku hi ka hina mu gonza mu nga hu-

nzeleti lezi zi tsalilweko: kasi ku nga hi kona wa nwina a ti kukumukisako ka munwe ni munwani.

Roma 12. 3. xip. 1. 12. & 3. 4, 21. & 5. 2, 6.

- 7 Hakuba hi mani a mu mahako mu hambana? xini u nga naxo lexi u nga a mukelangiko? kanilezi wena loku u lo xi amukela, u dzunzekela yini kwatsi a ku lo xi amukela?

Joh. 3. 27. Jam. 1. 17. 1 Pet. 4. 10.

- 8 Nweno mu si na mu tatisilwe, nweno mu si na mu pfunisilwe, mu fumile hi lahandle ka hina: ina mina nzi nga na mu fuma, kasi hina kambe hi fela kufuma zinwe na nwina.

Kuv. 3. 17.

- 9 Hakuba, nza alakanya, Nungungulu i rumile hina bapostoli kugumelweni ka bonkle, kwatsi hilezi banhu ba nga yimelwe hi kufa: hakuba hi mahilwe wubemba ka tiko, ka tingelosi, ni ka banhu.

Roma 8. 36. xip. 15. 30, 31. 2 Kor. 4. 11. & 6. 9. Heb. 10. 33.

- 10 Hina hi mapupulu hi kota ya Kristu, kanilezi nwina mu klarihile nzeni ka Kristu; hina hi karele, kanilezi nwina mu na ni ntamo; nwina ma dumiswa, kanilezi hina hi nga dumiswi.

Mit. 17. 18. & 26. 24. xip. 1. 18. & 2. 3, 14. & 3. 18. 2 Kor. 13. 9.

- 11 Hambu ka xwalexi xikati hi nga ka xona honkle hazwa ndlala, ni tora, ni wumbyiri, ha biwa, hi haba ni

wutsamo go tsama ka go-
na;

Mit. 23. 2. Roma 8. 35. 2 Kor. 4. 8. &
11. 23-27. Fil. 4. 12.

- 12 Ha pangama, hi tira hi mandla ya hina benyi: na hi ni nzukano, hina hi katekisa; na hi xaniswa, hi su honisela;

Mat. 5. 44. Luka 6. 28. & 23. 34. Mit. 7. 60. & 18. 3. & 20. 34. Roma 12. 14, 20. 1 Tesa. 2. 9. 2 Tesa. 3. 8. 1 Tim. 4. 10. 1 Pet. 2. 23. & 3. 9.

- 13 Na hi panzwa wuxezi, ha kongotela: hi mahiwa kota hi nyenyezisako ya tiko, hi wufenze ga zilo zonkle, hambu makunu.

- 14 A nzi tsali zilo lezo ku mu cela tingana, kanilezi ku mu luleka kotisa banana ba mina ba ranzekako.

1 Tesa. 2. 11.

- 15 Hakuba hambu mu hi ni ba gonzisi ba mazana ya mazana ka Kristu, a badadani ba nwina a hi banyingi: hakuba ka Jesu Kristu nzi lo mu trala hi kota ya ivangeli.

Mit. 18. 11. Roma 15. 20. xip. 3. 6. Gal. 4. 19. File. 10. Jam. 1. 18.

- 16 Nza mu kongotela hikwalaho, nga mu maha baringanyeti ba mina.

xip. 11. 1. Fil. 3. 17. 1 Tesa. 1. 6. 2 Tesa. 3. 9.

- 17 Hakuba hi kota ya lexi nzi rumela Timote ka nwina, loyi a nga nwananga a kolekako ka Hosi, loyi a ta nga mu alakanyisa a tindlela ta mina ka Kristu, kota lezi nzi gonzisako ni kwihi ka tonkle ticeci.

Mit. 19. 22. xip. 7. 17. & 11. 2. & 16. 10.

& 14. 33. Fil. 2. 10. 1 Tesa. 3. 2. 1 Tim. 1. 2. 2 Tim. 1. 2.

- 18 Makunu a banwani ba nwina ba kukumukisilwe, kwatsi nzi wa nga tata ka nwina.

xip. 5. 2.

- 19 Kanilezi nzi tata ka nwina zalezi, loku a Hosi yi zi ranza; nzi ta zi tiba, na ku nga hi mhaka ya laba ba ti kukumukisako, kanilezi hi ntamo.

Mit. 18. 21. & 19. 21. Roma 15. 32. xip. 16. 5. 2 Kor. 1. 15. 23. Heb. 6. 3. Jam. 4. 15.

- 20 Hakuba a mufumo wa Nungungulu a hi nzeni ka mhaka, kanilezi nzeni ka ntamo.

xip. 2. 4. 1 Tesa. 1. 5.

- 21 Mu ranza yini? nzi tata ka nwina na nzi hi ni nhonga ke, kutani kuranza kutani i moya wa ku ti koramisa?

2 Kor. 10. 2. & 13. 10.

XIPIMO 5.

- 1 Ku tele ku bikiwa lezaku ku kona a kubaya xikari ka nwina, loku kubaya ku nga hi ko kona ni ba Matiko, kasi a munwe wa nwina i lo teka sati wa raru wakwe.

2 Kor. 7. 12. Efe. 5. 3.

- 2 Mu kukumukisilwe, hambu ni ku rila, kasi loyi a mahileko zo kota lezi a suswe xikari ka nwina.

xip. 4. 18. 2 Kor. 7. 7, 10.

- 3 Hakuba nzi hizinene, hambu nzi nga hi na nwina hi miri, kanilezi nzi kona hi moya, nza tizwa, a ku kwatsi nzi kona, nzi mu lamu-

lile loyi a mahileko zo kota lezi,

Kol. 2. 5.

4 Hi bito ga Hosi ya hina Jesu, na mu tsombene katiginwe, ni moya wa mina, zinwe ni ntamo wa Hosi ya hina Jesu,

Mat. 16. 19. & 18. 18. Joh. 20. 23.
2 Kor. 2. 10. & 13. 3, 10.

5 A ku nyikela wo maha lezo ka Satani ku mbetiswa nyama, kasi a moya wu nga hanyiswa hi siku ga Hosi Jesu.

1 Tim. 1. 20. Mt. 23. 18.

6 Kufuma ka nwina a hi kunene. A mu zi tibi muku a comelo xi tsongwani xi bilisa a mapa wonkle ke?

xipm. 2. xip. 3. 21. & 4. 19. & 15. 33.
Gal. 5. 9. 2 Tim. 2. 17. Jam. 4. 16.

7 Susani a comelo xa kale, kasi mu maha mapa maswa, hambu ni ku kwatsi a mu comelwangi. Haku ba a pasika ya hina yi nyikelwe, yi nga Kristu:

Joh. 1. 29. & 19. 14. xip. 15. 3. 1 Pet. 1. 19. Kuv. 5. 6, 12.

8 Hikwalaho a hi hlayiseni mubuzo, na ku nga hi comelo ga kale, ku nga comelo ga libengo ni kuonha, kanilezi a xibaba xi nga celwangiko a comelo ga kuranza ni zinene.

Mat. 16. 6, 12. Marku 8. 15. Luka 12. 1.

9 Nzi lo tsala ka nwina papi-lweni ga mina kasi mu klangani ni zibayi;

xipm. 2. 7. 2 Kor. 6. 14. Efe. 5. 11.
2 Tesa. 3. 14.

10 Mu nga klangani na kanwe ni zibayi za legi tiko, kutani

[Sheetwa.]

92

laba ba nabelako ni laba ba pangako, zinwe ni bakozeli za zifananoso; hakuba zonake mu labekile ku humaka legi tiko:

Joh. 17. 15. xip. 1. 20. & 10. 27. 1 Joh. 5. 19.

11 Kanilezi makunu nza mu tsalela ku ngalo mu nga klaklangani nabo, loku a hi kona munhu a bitiwako a ku makabye a maha xibayi, kutani xinabeli, kutani mu kozeli wa zifananiso, kutani ngwa nzukano, kutani xidakwa, kutani mupangangi; a wa ku nga hi gehambu kuga naye.

Mat. 18. 17. Roma 16. 17. Gal. 2. 12.
2 Tesa. 3. 6, 14. 2 Joh. 10.

12 Hakuba nzi ta sungwa xini kulamula laba ba lanandle? Nwina a mu ba lamuli laba ba laha xikari ke,

Marku 4. 11. xip. 6. 1, 2, 3, 4. Kol. 4. 5. 1 Tesa. 4. 12. 1 Tim. 3. 7.

13 Laba ba lahandle Nungungulu i ba lamulile? Susani a munhu wa ku biha xikari ka nwina.

XIIMO 6.

1 I kona a tiyako ka nwina, na hi ni nanzu ka wa ake-lane wakwe, a yisako keco ka bangalulamangiko ke, a nga yi yisi mahlweni ka bobasa ke?

2 Kutani a mu zi tibi lezaku a bobasa ba ta lamula a tiko ke? loku tiko gi nga lamulwe hi nwina, a mu fanelwe hi kulamula milanzwanya-na ke?

Mat. 19. 26. Luka 22. 30. Kuv. 2. 26.
& 3. 21. & 20. 4.

3 A mu zi tibi ku ngalo hi ta lamula tingelosi ke? nguvu kambe, ka zilo za loku kuhanya?

2 Pet. 2. 4. Jude 6.

4 Zonake loku mu hi ni kulamula zilo za loku kuhanya, ma ba ruma ku lamula laba ba nga hi ko ni ncumo cecini ke?

xip. 5. 12.

5 Nza wula lezi ku mu celatingana. Hi zona lezo lezaku, a ku kumiwi xikari ka nwina a munwe a klarihileko, a nga ni ntamo ku luleka bamakabye,

6 Kanilezi makabye wa kecarimakabye, ka laba ba nga kolwiko?

7 Kokwihi, ku si na ku kona kuonha ka nwina, lezi mu kecaranako. Hi yini mu nga onhiwiko? hi yini mu nga vumeliko ku pangiwa?

Mat. 5. 39, 40. Luka 6. 29. Roma 12. 17, 19. 1 Tesa. 5. 15.

8 Kokwihi, hi wutsumbu ga nwina mu onhako, mu panga, ni bamakabye ba nwi-na.

1 Tesa. 4. 6.

9 A mu zi tibi lezaku laba ba nga lulamangiko ba nga taga a tsomba ya mufumo wa Nungungulu? Mu nga kohliswi: hambu ni zibayi, kutani zikozeli za zifananiso, kutani zirembi, kutani mba gagisi, kutani hi laba ba bihisako ni banwani ba banuna,

xip. 15. 50. Gal. 5. 21. Efe. 5. 5. 1 Tim. 1. 9. Heb. 12. 14. & 13. 4. Kuv. 22. 15.

10 Kutani makamba, kutani

zinabeli, kutani zipopiwi, kutani zirukateli, kutani zipangi, zi ta ngaga tsomba ya mufumo wa Nungungulu.

11 Ba wa ngaho banwani ba nwina: kanilezi mu wa hlazilwe, kanilezi mu wa basisilwe, kanilezi mu wa lulamislwe bitweni ga Hosi ya hina Jesu Kristu, ni le Moyeni wa Nungungulu wa hina.

xip. 1. 30. & 12. 2. Efe. 2. 2. & 4. 22. & 5. 8. Kol. 3. 7. Tit. 3. 3. Heb. 10. 22.

12 Zonkle zilo za vumeleka ka mina; kanilezi zonkle zilo a zi fanelekile. Zonkle zilo zi vumelekile ka mina; kanilezi nzi nga ta nehwa lahasi ka ntamo wa ncumo.

xip. 10. 23.

13 A nyama ka rumbu, ni rumbu ka nyama: kanilezi Nungungulu i ta ku mbetisa konkle. Kanilezi a miri a hi wa wubayi, kanilezi ngwa Hosi; ni Hosi ngwa miri:

Mat. 15. 17. Roma 14. 17. xipm. 15. 19, 20. Efe. 5. 23. Kol. 2. 22, 23. 1 Tesa. 4. 8,

14 Lezi Nungungulu a nga vuxa a Hosi, lezi a nga ta hi vuxa hina hi ntamo wakwe.

Roma 6. 5, 8. & 8. 11. 2 Kor. 4. 14. Efe. 1. 19, 20.

15 A mu zi tibi lezaku mimiri ya nwina ziro za Kristu ke? zonake nzi ta teka a ziro za Kristu, nzi zi maha a ziro za wubayi ke? Nungungulu a beletele.

Roma 12. 5. xip. 12. 27. Efe. 4. 12, 15. 16. & 5. 30.

16 A mu zi tibi lezaku loyi a klangeneko ni xibayi u hi miri munwe zinwe naxo? hakuba, Bona bambiri, ku wula yena, ba ta maha nyama yinwe.

Mat. 19. 5. Efe. 5. 31.

17 Kanilezi loyi a klangeneko ni Hosi mba moya munwe.

Joh. 17. 21, 22, 23. Efe. 4. 4. & 5. 30.

18 Cabani kubaya. Zonklelele zonho munhu a zi mahako zi landle ka miri; kanilezi loyi a bayako wa onhisa a miri wakwe.

Roma 1. 24. & 6. 12, 13. 1 Tesa. 4. 4. Heb. 13. 4.

19 Kutani a mu zi tibi lezaku a miri wa nwina i tempeli ya Moya wa ku Basa wu nga nzeni ka nwina, lowu mu nga nawo wa le ka Nungungulu? nwina a mu ba nwina benyi;

xip. 8. 16. 2 Kor. 6. 16. Roma 14. 7, 8.

20 Hakuba mu xabyilwe hu tsengo: hikwalaho dumisani Nungungulu hi miri wa nwina.

Mit. 20. 28. xip. 7. 23. Gal. 3. 13. Heb. 9. 12. 1 Pet. 1. 18, 19. 2 Pet. 2. 1. Kuv. 5. 9.

XIPIMO 7.

1 Makunu hi kota ya zilo lezi nwina mu nga nzi tsalela: ku saseka a ku munhu a nga komi wasati.

xipm. 8, 26.

2 Kanilezi, hi kota ya kubaya, nga munhu ni munhu a hi ni wasati wakwe, ni wasati a hi ni nuna wakwe.

3 Nga wanuna a nyika ka wasati lezi zi faneleko: zi

ngaho kambe a wasati ka nuna wakwe.

1 Pet. 3. 7.

4 A wasati i haba ntamo hehla ka miri wakwe, kanilezi a wanuna: zi ngaho kambe ni wanuna, i haba ntamo hehla ka miri wakwe, kanilezi wasati.

5 Mu nga tsimbetelani; saseka loku ku hi xikati xo vumelana, kasi ma tinyikela a wutsumbu ga nwina kukombeleni, mu klela mu klangana kambe, kasi Satani a nga mu xengi hi kungatikomi ka nwina.

1 Tesa. 3. 5.

6 Kanilezi nzi wula lezi hi kumelwa, ku nga hi kulaya.

xipm. 12, 25. 2 Kor. 8. 8. & 11. 17.

7 Hi ka mina nzi wa ku nga na banhu bonkle ba ku kwatsi hi wutsumbu ga mina. Ahemba munhu ni munhu i nyikilwe xinyikiwo xakwe hi le ka Nungungulu, munwani kwatsi hi lezi, munwani kwatsi hi le ziya.

Mat. 19. 12. Mit. 26. 29. xip. 9. 5. & 12. 11.

8 Kanilezi nzi ngalo ka ba nga tekwangiko ni ka tino-ni, Zi sasekile ka bona loku ba tsama kota mina.

xipm. 1, 26.

9 Kanilezi loku ba hi haba kutikoma, a ba tekwe: hakuba cukwana ku tekwa ku hunza ku/ra hi nzilo.

1 Tim. 5. 14.

10 Kanilezi ka laba ba tekilweko nza wula, na ku nga hi mina, kanilezi hi Hosi, leza-

- ku a wasati a nga suki nuni wakwe
xipm. 12, 25, 40. Mat. 5. 32. & 19. 6, 9.
 Marku 10. 11, 12. Luka 16. 18.
- 11 (Kanilezi loku a suka, nga na a tsama na nga tekwangi, kutani a *klelela* ku nuna wakwe); ni wanuna a nga ha tsiki wasati wakwe.
- 12 Kanilezi ka laba ba seleko nza wula, na ku nga hi Hosi: loku a hi kona makabye a nga a hi ni wasati a kolwiko, na a vumela ku tsama naye, nga na a nga mu tsiki.
xipm. 6.
- 13 Ni wasati loyi a nga ni nuna a nga kolwiko, loku a vumela ku tsama naye, a nga tsiki nuna wakwe.
- 14 Hakuba a wanuna a nga kolwiko a nga basiswa hi wasati, ni wasati a nga kolwiko a nga basiswa hi makabye: loku a hi lezo a banana ba *nwina* a ba hla-zekile; kanilezi makunu ba basile.
- 15 Kota loku a suka loyi a nga kolwiko, a suka: a nakulori nu makweru a ba kungwangi ka zo kota lezo: kanilezi Nungungulu i hi bitanile hi kurula.
Roma 12. 18. & 14. 19. xip. 14. 33.
 Heb. 12. 14.
- 16 Hakuba u zi tiba hi ku yini wena, O wasati, lezaku u nga hanyisa wanuna wa wena ke? kutani u zi tiba hi ku yini, O wanuna, lezaku u nga hanyisa wasati wa wena ke?
1 Pet. 3. 1.
- 17 Ku mbela kwatsi hi lezi a Hosi yi a beleko ka munhu ni munhu, kota lezi Nungungulu a bitileko munhu ni munhu, lezo nga na a famba. Nzi laya lezo ticecini tonkle.
xip. 4. 17. 2 Kor. 11. 28.
- 18 I kona munhu a bitilweko na hi nkwera ke? nga a nga mahi ku kwatsi a hi nkwerera. Loku a hi a bitilweko na nga hi nkwera ke? nga a nga labi a wunkwera.
Mit. 15. 1, 5, 19, 24, 28. Gal. 5. 2.
- 19 A wunkwera a hi ncumo, ni ku nga hi nkwera a hi ncumo; kanilezi a ku gonga milayo ya Nungungulu.
Gal. 5. 6. & 6. 15. Joh. 15. 14. 1 Joh. 2. 3. & 3. 24.
- 20 Nga munhu ni munhu a tsama laha kubitweni loku a bitilweko ha kona.
- 21 U bitanilwe na u hi kumbi ke? u nga celi kota ha gona: kanilezi loku u zi kota kuklackleka, hlawula kona.
- 22 Hakuba loyi a bitanilweko ka Hosi, na hi kumbi, ka Hosi munhu a klacklekileko: zi ngaho kambe ka loyi a bitilweko, na klacklekile, u kumbi ya Kristu.
Joh. 8. 36. Roma. 6. 18, 23. File. 16. xip. 9. 21. Gal. 5. 13. Efe. 6. 6. 1 Pet. 2. 16.
- 23 Mu xabyilwe hi tsengo; mu nga hi tikumbi ta banhu.
xip. 6. 20. 1 Pet. 1. 18, 19.
- 24 Bamakabye, nga na munhu ni munhu, hi kwalaho a bitilweko ha kona, a tsame ni Nungungulu ha kona.
xipm. 20.

- 25 Makunu hi mibulwa a nzi na kulaya ka le ka Hosi: kanilezi nza nyika kulamula ka mina, kota munwe a kumileko a wuxinji ka Hosi ku maha kukoleka.
xipm. 6, 10, 20, 40. xip. 4. 2. 2 Kor. 8. 8, 10. 1 Tim. 1. 12, 16.
- 26 Hikwalaho nza alakanya a ku lezi za saseka hi kota ya kuxaniseka loku ku nga kona, lezaku, ku sasekile munhu a tsamisa laha a nga kona.
xipm. 1, 8.
- 27 Wena u bohilwe ka wasati ke? u nga labi ku klakleka. Wena u klaklilwe ka wasati ke? u nga hloti a wasati.
- 28 Kanilezi loku u teka, a ku onhi; loku a mubulwa wu tekwa, a wu onhi. Kanilezi a ba ku ngahi ba ta ba ni kukarateka nyameni: ni nza ta mu zwela wusiwana.
- 29 Kanilezi nza wula lezi, bamakabye, a xakati xi komisilwe, hakuba ku sukela lezi ni bonkle laba ba nga ni ba basati nga na ba ku kwatsi a ba na ba basati;
Roma 13. 11. 1 Pet. 4. 7. 2 Pet. 3. 8, 9.
- 30 Ni laba ba rilako, ba ku kwatsi a ba rili; ni laba ba tsakako, ba ku kwatsi a ba tsaki; ni laba ba xabako, ba ku kwatsi a ba binzuli ncumo;
- 31 Ni laba ba fumelako tiko legi, kwatsi a ba gi fumeli: hakuba a pfuno wa legi tiko wa hunza.
xip. 9. 18. Jam. 1. 10. & 4. 14. 1 Pet. 1. 24. & 4. 7. 1 Joh. 2. 17.
- 32 Kanilezi nzi ranza ku nga mu klakleka kukanakaneleni. Loyi a nga tekwangiko u kanakanelisisa a zilo za Hosi, lezaku i nengelisa hi ku yini a Hosi:
1 Tim. 5. 5. xipm. 34.
- 33 Kanilezi loyi a tekilweko u kanakanelisisa zilo za tiko, lezaku i ta nengelisa hi ku yini a sati wakwe.
- 34 Ku kona kuhambana kambe xikari ka tratsi ni mubulwa. Loyi a nga tekwangiko i kanakanelisisa a zilo za Hosi, kasi a fela kubasa le mirini ni le moyeni: kanilezi loyi a tekilweko i kanakanelisisa a zilo za tiko, aku i ta nengelisa hi ku yini a nuna wakwe.
Luka 10. 46, &c.
- 35 Lezi nza wula kasi ku maha kupepa ka nwina benyi; na ku nga hi ku mu kunga hi kota, kanilezi hi lezi zinene, kasi ma ingisa Hosi mu nga hi ni kuloba.
- 36 Kanilezi loku a hi kona munhu a nga hiko ni ku koma a wutsumbu gakwe ka mubulwa nhwana wakwe, na kulile, loku lezo zi nga zi labeka, nga a maha kota kuranza kakwe; a nga onhi; nga ba tekana.
- 37 Kanilezi loyi a yimako a tiyisile mbilwini yakwe, a nga kurumetwi ha ncumo, a hi ni ntamo hehla ka kuranza kakwe, na pimile lezi mbilwini yakwe, a ku ba a gonga mubulwa nhwa-

na wakwe, i ta maha kwatsi.

- 38 Lezoke bonkle ni loyi a nyikako mubulwa nhwana wakwe, a tekwa i maha kwatsi; kanilezi loyi a nga mu nyikeliko a tekwa i maha kwatsi nguvu.

Heb. 13. 4.

- 39 A wasati i bohilwe nuneni wakwe na ha hanya; kanilezi loku nuna wakwe afa, i klaklekile a nga tekwa hi loyi a mu ranzako; ku mbele le Hosini.

Roma 7. 2. 2 Kor. 6. 14.

- 40 Kanilezi i na ni kutsaka loku a tsamisa, kota kulamula ka mina: nza alakanya kambe lezaku nzi na ni Moya wa Nungungulu.

xipm. 25. 1 Tesa. 4. 8.

XIIMO 8.

- 1 Makunu hi kota ya zilo zi pahlelweko zifananisweni: Ha zi tiba lezaku honkle hi na ni kutiba. A kutiba ku kukumukisa, kanilezi a kuranza ka aka.

Mit. 15. 20, 29. xip. 10. 19. Roma 14. 3, 10, 14, 22.

- 2 Loku a hi kona munhu wa alakanya aku tiba ncumo, a nga se tiba ncumo kota lezi a faneleko kutiba;

xip. 13. 8, 9, 12. Gal. 6. 3. 1 Tim. 6. 4.

- 3 Kanilezi loku munhu a ranza Nungungulu, ywaloye wa tibyiwa hi yena.

Mat. 7. 23. Gal. 4. 9. 2 Tim. 2. 19.

- 4 Hikwalaho hi kota ya kuga zilo zi pahlelweko ka zifananiso, ha zi tiba lezaku a xifananiso a hi ncumo laha

tikweni, ni ku ngalo a ku kona Nungungulu kanilezi munwe.

Marku 12. 29. xip. 10. 19. xipm. 6. Efe. 4. 6. 1 Tim. 2. 5.

- 5 Hakuba kutani ba hi kona laba ba bitanwako aku ba nungungulu, kutani le tilweni kutani misabeni; kwatsi hilezi ku nga kona banungungulu bo tala, ni tihosi to tala;

Joh. 10. 34.

- 6 Kani ka hina i kona Nungungulu munwe, ni Dadani, a nga yena zonkle zilo, hina hi ka yena; ni Hosi yinwe, Jesu Kristu, hi kota yakwe zi kona zilo zonkle, na hina hi kota ya yena.

Joh. 1. 3. & 13. 13. Mit. 2. 36. & 17. 28. Roma 11. 36. xip. 12. 3. Efe. 4. 5, 6. Fil. 2. 11. Kol. 1. 16. Heb. 1. 2.

- 7 Ahemba ka banhu bonkle a ku kona loko kutiba: kanilezi banwani, ba wa tolobele kala makunu ka zifananiso, бага ku kwatsi zilo zi pahlelweko zifananisweni; a mbilu yabye yi kareleko yi onheka.

xip. 10. 28, 29. Roma 14. 14, 23.

- 8 Kanilezi a kuga a ku hi lulameti ka Nungungulu: hambu, hi ngagi, hi bihile; kutani, ni loku higa, hi sasekile.

Roma 14. 17.

- 9 Kanilezi klarihani ku nga ku kulakleka loku ka nwi-na ku maha xikubekiso ka laba ba kareleko.

Gal. 5. 13. Roma 14. 13, 20.

- 10 Hakuba loku munhu a wona wena loyi u nga ni ku-

tiba u tsama kugeni tempe-
leni ya zifananiso, yi nga ta
ku mbilu yakwe, loku a ka-
rele, yi tiyiswa a kuga zilo
zi pahlelweko a zifananiso
ke?

xip. 10. 28, 32.

- 11 Hakuba hi kota ya kutiba
ka wena loyi a kareleko wa
loba, a nakuloni wa wena
loyi hi kota yakwe Kristu i
lofa.

Roma 14. 15, 20.

- 12 Zi ngaho, mu onha ka ba-
makabye, u lamata a timbi-
lu tabye ti kareleko, mu
onha ka Kristu.

Mat. 25. 40, 45.

- 13 Hikwalaho, loku a nyama
yi maha makabye wa mina
ku kubeka, cima nzi nga ta
haga a nyama, kasi a maka-
bye wa mina a nga kubeki.

Roma 14. 21. 2 Kor. 11. 29.

XIPIMO 9.

- 1 Mina a nzi klaklekile ke? a
nzi mupostoli ke? a nzi mu
wonangi Jesu a Hosi ya hi-
na ke? nwina a mu tiro wa
mina ka Hosi ke?

Mtt. 9. 3, 15, 17. & 13. 2. & 18. 9. & 22.
14, 18. & 23. 11. & 26. 17. xip. 3. 6. &
4. 15. & 15. 8. 2 Kor. 12. 12. Gal. 2.
7, 8. 1 Tim. 2. 7. 2 Tim. 1. 11.

- 2 Loku ka banwani nzi nga
hi mupostoli, kani ka nwina
nzi yena: hakuba xitiyiso
xa wupostoli ganga hi nwi-
na ka Hosi.

2 Kor. 3. 2. & 12. 12.

- 3 A kuvika ka mina ka laba
ba nzi hlolako hi loku.

- 4 A zi hi fanele hina a kuga
ni kunwa ke?

xipm. 14. 1 Tesa. 2. 6. 2 Tesa. 3. 9.

- 5 A zi hi fanele kuhletela hi
nzulanzula hi wasati loyi a
nga kolwa, a ku kwatsi hi
bonkle bapostoli, ni bama-
kabye ba Hosi, ni Kefasi
ke?

Mat. 8. 14. & 13. 55. Marku 6. 3. Lu-
ka 6. 15. Gal. 1. 19.

- 6 Kutani hi mina nzoce na
Barnabasi, a zi hi fanele ku-
tsika kutira ke?

2 Tesa. 3. 8, 9.

- 7 Ngwa gihi bandla a hloma-
ko impi hi mali yakwe ke?
hi mani a byeleko a xivini,
a ngagi mihanzu ya xona
ke? kutani hi mani a risa-
ko nklambi, a ngagi masi
ya nklambi?

Joh. 21. 15. xip. 3. 6, 7, 8. 2 Kor. 10.
4. 1 Tim. 1. 18. & 6. 12. 2 Tim. 2. 3.
& 4. 7. 1 Pet. 5. 2.

- 8 Nzi wula zilo lezi hi ma-
tsamela ya banhu? kutani
a nayo a wu wuli zona
ke?

- 9 Hakuba ku tsalilwe naywe-
ni wa Mosi, U nga huleli
mukaba honwini laha na yi
hula xipfaki. Kunene hi ti-
homu Nungungulu a celako
kota ke,

1 Tim. 5. 18.

- 10 Kutani i lo wula lezi kambe
hi kota ya hina? Ina, hi
kota ya hina ku lo tsalwa:
hakuba loye a rimako u fa-
nelwe hi kurima ni kutsu-
mba, ni loyi a hulako i
fanelwe hi kuhula na hi ni
kutsumba a xalaho.

2 Tim. 2. 6.

- 11 Loku hina hi xwanyele ka
nwina a zilo za ka moya, ku
hi xilo xa hombe loku hi ta

hula zilo za *nwina* za *nya-*
ma ke?

Roma 15. 27. Gal. 6. 6.

- 12 Loku banwani ba abelwa ntamo hehla ka *nwina*, hina a hi hunzisi ke? Ahemba hi wa nga tirisangi lowu ntamo; kanilezi hi lo rwala zilo zonkle, lezaku hi nga engenisi a kukubeka ivangelini ya Kristu.

Mit. 20. 33. xipm. 15, 18. 2 Kor. 11. 7, 9, 12. & 12. 13. 1 Tesa. 2. 6.

- 13 A mu zi tibi lezaku laba ba kozelako hi zilo zo basa banga a zilo za tempele ke, ni laba ba labelelako alatini mba zilo za alati ke?

- 14 Hambu lezo kambe a Hosi yi yimisile laba ba bako hingu hi ivangeli kasi nga ba hanya hi ivangeli.

Mat. 10. 10. Luka 10. 7. Gal. 6. 6. 1 Tim. 5. 17.

- 15 Kanilezi mina a nzi mahangi xinwe xa lezi zilo: a nzi tsali lezi zilo kasi ku fela ku mahelwa ka mina: hakuba zi wa sasekile ka mina a kufa, kuhunza a ku munhu a maha lezi nzi tsakako ha zona zi nga hi ncumo.

xipm. 12. Mit. 18. 3. & 20. 34. xip. 4. 12. 2 Kor. 11. 10. 1 Tesa. 2. 9. 2 Tesa. 3. 8.

- 16 Hakuba loku mina nzi kanela ivangeli, a nzi na ncumo kutsaka ka xona; hakuba lezi zi faneleko zi bekilwe ka mina; hakuba i kombo ka mina, loku nzi nga kaneli ivangeli.

Roma 1. 14.

- 17 Hakuba loku nzi maha lezi hi kuranza ka mina *nwinyi*, nzi na ni ncacezelo: kanile-

zi loku ku nga hi kuranza ka mina, a wunanza gi yimiselwe ka mina.

xip. 3. 8, 14. & 4. 1. Gal. 2. 7. Fil. 1. 17. Kol. 1. 25.

- 18 Hi yini ncacazelo wa mina ke? Hi lowu, lezaku nzi kanela ivangeli, kasi nzi fela ku maha ivangeli yi nga xabyiwi, lezo kasi nzi nga tirisi nguvu lezi zi nzi sasekeleko ka ivangeli.

xip. 7. 31. & 10. 33. 2 Kor. 4. 5. & 11. 7.

- 19 Hakuba hambu lezi nzi nga klaklekile ka banhu bonkle, nzi lo ti neha lahasi ka wukumbi gabye bonkle, kasi nza kuma botala.

Mat. 18. 15. xipm. 1. Gal. 5. 13. 1 Pet. 3. 1.

- 20 Ka ba Juda nzi wa ku kwatsi nzi mu Juda, kasi nza fela ku kuma ba Juda; ka laba ba nga lahasi ka nayo, kwatsi nzi lahasi ka nayo, na nzi nga hi lahasi ka nayo wutsumbu ganga, kasi nza fela ku ba kuma laba ba nga lahasi ka nayo;

Mit. 16. 3. & 18. 18. & 21. 23, &c.

- 21 Ka bona laba ba nga hi ko na nayo, kwatsi a nzi wa nayo, ku nga hi ku nzi wa nga hi na nayo ka Nungungulu, lahasi ka nayo wa Kristu, kasi nza fela ku kuma laba ba nga hiko na nayo.

xip. 7. 22. Gal. 3. 2. Roma 2. 12, 14.

- 22 Ka laba ba kareleko nzi wa ku kwatsi nzi karele, kasi nza fela ku kuma laba ba kareleko: nzi wa ku kwatsi nzi zilo zonkle ka banhu bo-

nkle, kasi hi lezo nzi hanyisa *banwani*.

Roma. 11. 14. & 15. 1. xip. 7. 16. & 10. 33. 2 Kor. 11. 29.

23 Nzi lo maha zilo *zonkle* hi kota ya ivangeli, lezaku nzi *hlengela zinwe* na yona.

24 A mu zi tibi lezaku laba ba *tsutsumako* a *makonklwekonklwe* ba *tsutsuma bonkle*, kanilezi *munwe* a ku *xi kuma* ? hambu lezo *kambe tsutsumani*, kasi ma *fela* ku a ku *amukeliswa*.

Gal. 2. 2. & 5. 7. Fil. 2. 16. & 3. 14. 2 Tim. 4. 7. Heb. 12. 1.

25 *Bonkle banhu* laba ba *kane-tanako* ba ti koma ka zilo *zonkle*. Makunu ba maha lezi kasi ku kuma a *xidlodlo* le *xibolako*: kanilezi hina hi *lexi xi* nga *boliko* a *xidlodlo*.

Efe. 6. 12. 1 Tim. 6. 12. 2 Tim. 2. 5. & 4. 7, 8. Jam. 1. 12. 1 Pet. 1. 4. & 5. 4. Kuv. 2. 10. & 3. 11.

26 *Hikwalaho* mina nza *tsutsuma* lezo, kwatsi a hi *zinene*; lezo *nzalwa*, kwatsi a hi kuba *moya*:

2 Tim. 2. 5.

27 Nzi wu *hlula* miri wa mina, nzi wu tisa *wukumbini*: ku nga ku *kutani*, lezaku na nzi *kanele* ka *banwani*, mina *wutsumbu* ga mina nzi *koniwa*.

Kol. 3. 5. Roma 6. 18, 19. & 8. 13. 2 Kor. 13. 5, 6.

XIPIMO 10.

1 A nzi zi *ranzi*, *bamakabye*, lezaku nga mu nga hi ni ku zi *tiba*, lezaku a ba *dadani* ba hina ba wa hi *lahasi* ka

refu, *bonkle* ba lo *tsemakanya bimbi*;

2 *Bonkle* ba lo *bapatizelwa* ka *Mosi refini* ni le *bimbini*;

3 *Bonkle* ba loga kuga *kunwe* ka *moya*;

4 *Bonkle* ba lonwa *kunwa kunwe* ka *moya*: hakuba lonwa *ribyeni* ga *moya legi gi* nga ba *lanzela*: ni *ribye gi* wa hi *Kristu*.

5 *Ahemba* a *linyingi labye* *Nungungulu* i wa nga *tsaki kwatsi* ha bona: hakuba bona ba lo loba *xiwuleni*.

Heb. 3. 17. Jude 5.

6 Makunu lezi zilo hi *ziwoniso* za hina, kasi hi nga *nabelisisi kubiha*, kota bona ba *dokolela*.

7 Mu nga *pahleli zifananiso*, kwatsi hi *banwani babye*; kwatsi *hilezi* ku *tsalilweko*, A banhu ba lo *tsama lahasi* baga, *banwa*, ba lo *suka* ba *hlakana*.

xipm. 14.

8 Nga na hi nga *mahi wubayi*, kota *banwani babye* ba nga *baya*, ba *lofa* hi *siku ginwe* a *makume mambiri* ya *makume* ya *mazana* ni *manharu*.

xip. 6. 18. Kuv. 2. 14.

9 Nga na hi nga *ringi Hosi*, kota *banwani babye* ba nga *yi ringa*, ba lo *dawa* hi *ti-nyoka*.

10 Mu nga *kalali nwina*, kwatsi hi *banwani babye* ba nga *kalala*, ba *lofa* hi *mudayi*.

11 Makunu lezi zilo zi lo *maheka kabye* hi *ndlela* ya ku *kombisa*; zilo zi *tsalelwa* a

kulaywe hina, hi cikelelweko hi kugumelwa ka tita-nga.

Roma 15. 4. xip. 7. 29. & 9. 10. Fil. 4. 5. Heb. 10. 25, 37. 1 Joh. 2. 18.

12 Ngalezo loyi a alakanyako ku ngalo u yimile a langu-tisise kutani a ngawa.

Roma 11. 20.

13 A ku kona a kuringa ku ta nga mu teka kanilezi hi lo-ku ka munhu a kurwala: kanilezi Nungungulu i kolekile, loyi a ta nga kala ku mu vumela mu ringwa kuhunza ntamo wa nwina; kanilezi hi kuringwa i ta mu mahela a ndlela ya kupona, kasi ma fela ku timisa.

xip. 1. 9. 2 Pet. 2. 9.

14 Nga hilezo, baranzekako. cabani zifananiso.

xipm. 7. 2 Kor. 6. 17. 1 Joh. 5. 21.

15 Nzi wulawula kwatsi hi ka baklahihileko; ma nga pimanani lezi nzi zi wulako.

xip. 8. 1.

16 A kopo ya kukatekiswa leyi hi yi katekisako, a hi hlengelo wa nkata wa Jesu Kristu ke? Ni xibaba lexi hi kemako, a hi hlengelo wa miri wa Kristu ke?

Mat. 26. 26, 27, 28. Mt. 2. 42, 46. xip. 11. 23, 24.

17 Na mu wona lezaku hina, hi teleko, hi xibaba xinwe, hi miri munwe: hakuba hina honkle hi hlengele xibabaxinwe.

Roma 12. 5. xip. 12. 27.

18 Mangabye Israeli hi ka nya-

ma: laba ba gako minyikelo a ba hlengele ni lati ke?

Roma 4. 1, 12. & 9. 3, 5. 2 Kor. 11. 18. Gal. 6. 16.

19 Nzi yini zonake? a zilo zi pahlelweko zi fananiso zi hi ncumo ke, kutani a xifananiso i ncumo?

xip. 8. 4.

20 Kanilezi nza wula, lezi zilo ba Matiko ba pahlelako, ba pahlela ka madimoni, a hi ka Nungungulu: a nzi zi ranzi lezaku nga na mu hlengela zinwe ni madimoni.

Kuv. 9. 20.

21 A mu koti kunwa kopo ya Hosi, ni kopo ya madimoni: a mu zi koti ku hlengela a meza ya Hosi, ni meza ya madimoni.

2 Kor. 6. 15, 16.

22 Kutani ha yi vuxela wukuxu a Hosi? hi na ntamo ku yi hunza?

23 Zonkle zilo za vumeleka; kanilezi zonkle zilo a zi fanele. Zonkle zilo za vumeleka; kanilezi zonkle zilo a zi aki.

xip. 6. 12.

24 Nga ku nga hi kona munhu a ti labelako yena nwinyi, kanilezi a ku sasa a wa ake-lane wakwe.

Roma 15. 1, 2. xipm. 83. xip. 13. 5. Fil. 2. 4, 21.

25 Zonkle lezi zi xabiswako masilaheni, ganani, mu nga wutisi ncumo hi kota ya mbilu;

1 Tim. 4. 4.

26 Hakuba misaba ya Hosi, ni zonkle zi nga ka yona.

xipm. 28.

27 Loku munwe wabye laba ba nga kolwiko a ku ramba mubuzweni, na mu laba kuya; zonkle lezi ba zi bekako mahlweni ka nwina, ganani, mu nga wutisi hi kota ya mbilu.

Luka 10. 7.

28 Kanilezi loku munhu a ku ka nwina, Lezi zi nyikelwe ka zifananiso, mu ngagi, hi kota ya loyi a mu a mbeleko, na hi kota ya mbilu:

xip. 8. 10, 12. xipm. 26.

29 Nzi wula mbilu, yi nga hi ko ya wena nwinyi, kanilezi ya banwani; hakuba hi yini kuklaleka ka mina kulamulwako hi yinwani mbilu ke?

Roma 14. 16.

30 Loku hi wuxinji nzi hlengela, hi yini nzi wulawulwako hi kubiha hi lezo nzi bongako ha zona ke?

Roma 14. 6. 1 Tim. 4. 3, 4.

31 Ngalezo hikwalaho nwina muga, kutani munwa, kani hi yini lexi mu xi mahako, xi maheni ka wukosi ga Nungungulu.

Kol. 3. 17. 1 Pet. 4. 11.

32 Mu nga hi ni nanzu wa ku kungubanyisa, hambu ka ba Juda, ni ba Greki, kutani ka ceci ya Nungungulu:

Mlt. 20. 28. Roma 14. 13. xip. 8. 13. & 11. 22. 2 Kor. 6. 3. 1 Tim. 3. 5.

33 Kwatsi hi lezi mina kambe nza tsakisa banhu bonkle ka zilo zonkle, nzi nga labi a kuganya ka mina nwinyi, kanilezi a kuganya ka banyingi, kasi ba fela kuhanyiswa.

Roma 15. 2. xip. 9. 19, 22. xipm. 24.

XIPIMO 11.

1 Mahani ba ecanyisi ba mina, kotisa mina nzi nga wa Kristu.

xip. 4. 16. Efe. 5. 1. Fil. 3. 17. 1 Tessa. 1. 6. 2 Tessa. 3. 9.

2 Makunu nza mu dzunza hilezi ma nzi alakanya ka zilo zonkle, ni ku gonga milayo, kota lezi nzi nga mu nyikisa zona.

xip. 4. 17. & 7. 17. 2 Tessa. 2. 15. & 3. 6.

3 Kanilezi nzi nga nwina mu zi tiba, a hloko ya banhu bonkle hi Kristu; ni hloko ya wasati hi wanuna; ni hloko ya Kristu hi Nungungulu.

Joh. 14. 28. xip. 3. 23. & 15. 27, 28. Efe. 5. 23. Fil. 2. 7, 8, 9. 1 Tim. 2. 11, 12. 1 Pet. 3. 1, 5, 6.

4 Bonkle ba banuna ba kombelako kutani ba profetako, na fenengetile hloko yakwe, i yi cela tingana hloko yakwe.

xip. 12. 10, 28. & 14. 1, &c.

5 Kanilezi kani ngwa sati a kombelako kutani a profetako na hloko yakwe na yi nga fenengetwangi i yi cela tingana hloko yakwe: hakuba loko kunwe ni ku i cingile.

Mlt. 21. 9.

6 Hakuba loku wasati a nga fenengeti, a cingiwa: loku ku hi tangana ka wasati a kucinga kutani kukayiwa, nga na a fenengeta.

7 Hakuba a wanuna hizinene ku fanele a nga fenengeti hloko yakwe, kwatsi a nga xifananiso ni wukosi ga Nu-

ngungulu: kanilezi a wasati wukosi ga wa nuna.

8 Hakuba a wanuna a hi wa wasati; kanilezi a wasati ngwa wanuna:

9 Kota lezi a wanuna a nga mahelwangi wasati; kanilezi a wasati ka wanuna:

10 Hikwalaho ka lexi nga wasati a hi ni mu woniso wa ntamo hehla ka hloko yakwe, kota ya tingelosi.

11 Ahemba a nga kona wasati hi lahandle ka wanuna, a nga kona wanuna hi lahandle ka wasati, le Hosi ni.

Gal. 3. 28.

12 Hakuba kota wasati a nga wa wanuna, lezo ni wanuna ngwa wasati; kanilezi zonkle zilo za Nungungulu.

Roma 11. 36.

13 Lamulani wutsumbyini ga nwina: zinene lezaku a wasati a kombela ka Nungungulu na nga fenengetile ke?

14 Hambu mahanyela wutsumbu ga wona a ma mu gonzisi nwina, lezaku, loku a wanuna a hi ni misisi yo leha, ku hi tingana ka yena ke?

15 Kanilezi loku a wasati a hi misisi yo leha, mbukosi ka yena: hakuba misisi yakwe yi nyikilwe ka yena a ku fenengeta.

16 Kanilezi loku munhu a laba kukaneta, a hi na mukuwo wa ku ngahi, hambu ticeci ta Nungungulu a ti nawo.

1 Tim. 6. 4. xip. 7. 17. & 14. 33.

17 Kanilezi na nzi mu nyika loku kulaya, a nzi mu kesi, loku mu tsombana katiginwe na ku nga hi kusaseka kanilezi kubiha.

18 Hakuba kuranga ka zonkle, laha na mu tsombana cecini, nzizwa lezaku ku kona kuhambana xikari ka nwina; hi klelo nza kolwa.

xip. 1. 10, 11, 12. & 3. 3.

19 Hakuba nga ku hi kona a kuhambana xikari ka nwina, kasi laba ba tiyisileko ba fela kuwonekeliswa xikari ka nwina.

Mat. 18. 7. Luka 2. 35. & 17. 1. Mit. 20. 30. 1 Tim. 4. 1. 2 Pet. 2. 1, 2. 1 Joh. 2. 19.

20 Hikwalaho laha na mu tsombana wutsumbu ga nwina katiginwe, a zi koteki a kuga xilalelo xa Hosi:

21 Hakuba a kugeni ka nwina munwe iga hi mahlweni ka banwani a xilalelo xakwe: munwani izwa ndlala, munwani i popilwe.

2 Pet. 2. 13. Jude 12.

22 Yini xana? nwina a mu na tiyindlu a kuga ni kunwa kona ke? kutani nwina mu kanyisa ceci ya Nungungulu, mu ba cela tingana laba ba kalako ba nga hi nazo? mu nga nzi wula yini ka nwina? nzi ta mu ndzunza ka lezi ke? A nzi na ku mu ndzunza.

xip. 10. 32. Jam. 2. 6.

23 Hakuba nzi ku amukele ka Hosi loku nzi nga mu nyika kona, lezaku a Hosi Jesu lego wusiku a nga nyike-

lwa ha gona i lo teka xibaba;

Mat. 26. Marku 14. 22. Luka 22. 19. xip. 15. 3. Gal. 1. 1, 11, 12.

24 Laha na bongile, i lo xi kema, a ku ngalo, Lexi hi miri wa mina, lowu wu nga wa nwina: lexi mahani kasi ku nzi alakanya mina.

25 Zi wa ngaho ni kopo, a nza-ko ka xilalelo, aku, Leyi kopo hi xivumelwano xiswa xa nkata wa mina: lexi mahani, kwatsi hi xikati xonk-le mu ta nganwa ha xona kasi ku maha kualakanya mina.

26 Hakuba kota laha mu gako ha kona xibaba, mu nwako kopo, mu bahungu hi kufa ka Hosi yi kala yita.

Joh. 14. 3. & 21. 22. Mit. 1. 11. xip. 4. 5. & 15. 23. 1 Tesa. 4. 16. 2 Tesa. 1. 10. Jude 14. Kuv. 1. 7.

27 Ngalezo kani hi wihi a ta ngaga xibaba kutani anwa kopo ya Hosi na nga fanele, i ta na ni nanzu wa miri ni nkata wa Hosi.

Joh. 6. 51, 63, 64. & 13. 27. xip. 10. 21.

28 Nga na munhu a hlola wutsumbu gakwe, lezo a age xibaba anwe kopo.

2 Kor. 13. 5. Gal. 6. 4.

29 Hakuba loyi a gako a nwa-ko, waga wanwa a kulamula ka wutsumbu ga yena, loku a pimi a miri wa Hosi.

Roma 13. 2.

30 Hi kota ya lexi banyingi ka nwina ba kareleko ba ba-byako, a hi ba tsongwani ba eklelako.

31 Hakuba loku hi pimisisa

wutsumbu ga hina, a nga hi na kulamulwa.

1 Joh. 1. 9.

32 Kanilezi loku hi lamulwa, hi biwa hi Hosi, kasi ha kala kukoniwa ni tiko.

Heb. 12. 5-11.

33 Ngalezo, bamakabye, laha na mu tsombana katiginwe ku taga, rinzelanani.

34 Loku a hi kona munhu a zwako ndlala, nga aga le kaya; kasi kutsombana ka nwina ku nga hi kulamula. Lazi zi seleko nzi ta zi lula-meta laha na nzi tile.

xipm. 21, 22. xip. 4. 19. & 7. 17. Tit. 1. 5.

XIPIMO 12.

1 Makunu hi kota ya zinyikiwo za moya, bamakabye, a nzi nga mu nga zi tibi nwina.

xip. 14. 1, 37.

2 Ma zi tiba lezaku laha na ma hi ba Matiko mu wa kokekwa kule ka zifanaiso lezo i za ziwiri, ni kwihi laha mu nga kokwa ha kona.

xip. 6. 11. Efe. 2. 11, 12. 1 Tesa. 1. 9. Tit. 3. 3. 1 Pet. 4. 3.

3 Ngahilezo nza mu nyika ku pima, lezaku a nga kona munhu a wulawulako hi Moya wa Nungungulu a ku, Jesu wa rukeka; ni munhu a nga na wula, a ku Jesu i Hosi, kanilezi hi ka Moya wa Kubasa.

Mat. 16. 17. Marku 9. 39. Joh. 15. 26. 2 Kor. 3. 5. 1 Joh. 4. 2, 3.

4 Makunu ku kona kutsalanganana ka zinyikiwo, kani-lezi a Moya munwe.

Roma 12. 4, &c. Heb. 2. 4. 1 Pet. 4. 10. Efe. 4. 4.

- 5 Ku kona kutsalangana ka kukozela, a Hosi njinwe.
Roma 12. 6, 7, 8. Efe. 4. 11.
- 6 Ku kona kutsalangana ka kutira, kanilezi Nungungulu munwe, a tirako zilo zonkle ka zonkle.
Efe. 1. 23.
- 7 Kanilezi ka loyi ni loyi ku nyikilwe kuwonekeliswa ka Moya kasi wa vuna bonkle.
Roma 12. 6, 7, 8. xip. 14. 26. Efe. 4. 7. 1 Pet. 4. 10, 11.
- 8 Hakuba ka munwe ku nyikilwe hi Moya a mhaka ya kuklariha; ni ka munwani a mhaka ya kutiba, hi ka walowo Moya munwe:
xip. 1. 5. & 2. 6, 7. & 13. 2. 2 Kor. 8. 7.
- 9 Ka munwani a kukoleka, ka walowo Moya munwe; ka munwani zinyikiwo za kuhanyisa nzeni ka Moya munwe;
Mat. 17. 19, 20. Marku 16. 18. xip. 13. 2. Jam. 5. 14.
- 10 Ni ka munwani mitiro ya mintamu; a ka munwani kuprofeta; ni ka munwani hi kupima mimoya: ni ka munwani a tirimi ta tixaka ta hambeneko; ni ka munwani a kuklamusela a tiri-mi:
xipm. 28, 29. Marku 16. 17. Mt. 2. 4. & 10. 46. xip. 13. 1, 2. & 14. 1, 29, &c. Gal. 3. 5. 1 Joh. 4. 1. Roma 12. 6.
- 11 Kanilezi zonkle zi tirwa hi munwe walowo Moya, wu hambanyisa ka munhu ni kanyingi kota kuranza ka wona.
Joh. 3. 8. Roma 12. 6. xip. 7. 7. 2 Kor. 10. 13. Efe. 4. 7. Heb. 2. 4.
- 12 Hakuba kwatsi hi miri wu nga munwe, wu na ni ziro zo tala, ni zonkle a ziro za miri, na zi tele, zi hi miri munwe; zi ngaho hi ka Kristu.
xipm. 27. Roma 12. 4, 5. Efe. 4. 4, 16. Gal. 3. 16.
- 13 Hakuba ka Moya munwe hina honkle hi lo bapatilelwa ka miri munwe, kutani hi ba Juda kutani hi ba Greki, kutani hi tikumbi kutani hi klaklekile; hina honkle hi mahilwe kunwa ka Moya munwe.
Joh. 6. 63. & 7. 37, 38, 39. Roma 6. 5. Gal. 3. 28. Efe. 2. 13, 14, 16. Kol. 3. 11.
- 14 Hakuba a miri a hi xiro xinwe, kanilezi zitele.
- 15 Loku a konzo wu wula, Hakuba mina a nzi hi canja, mina a nzi wa miri; a hi wona hikwalaho a hi wa miri.
- 16 Loku a ndlebe zi wula, Hakuba mina a nzi tihlo, mina a nzi wa miri; a hi yona hikwalaho a hi ya miri.
- 17 Loku a miri wonkle wu wa hi tihlo, nga ku hi kwihi kuzwa ke? loku wonkle wu wa hi kuzwanga ku hi kwihi kunuheta ke?
- 18 Kanilezi makunu Nungungulu i yimisile a ziro a xinwe ni xinwani laba ka miri, kota zi mu nengelisa-ko.
xipm. 11, 28. Roma 12. 3. xip. 3. 5.
- 19 Loku zonkle zi wa hi ziro xinwe, nga wu hi kwihi miri ke?
- 20 Kanilezi makunu ku kona ziro zinyingi, kanilezi miri munwe.

21 Ni tihlo a gi koti ku wula ka canja, A nzi ku labi: kutani a hloko ka mikonzo, A nzi ku labi wena.

22 Kokwihi, nguvu lezi, lezo ziro za miri zi nga kwatsi zi karele za labeka:

23 Lawo maklelo ya miri, hi alakanyako aku matsongwani kudzunzweni, ka wona ha dzunza nguvu; ni maklelo ya hina laya ma nyenyekako ma sasa nguvu;

24 A ziro za hina lezi zatsi a zi labi ncumo: kanilezi Nungungulu wa lonzowota miri katiginwe, a nyikako kugongolwa ka klelo legi gi nga vumalako;

25 Kasi ku fela ku kala ku nga kona a wufenemete mirini; kanilezi kasi a ziro zi fela ku zwela xinwe ni xinwani.

26 Hambu xiro xinwe xi xaniseka, zonkle ziro zi xaniseka zinwe naxo; kutani xiro xinwani xa kesiwa, ni ziro zonkle zi hlakana zinwe naxo.

27 Makunu nwina mu miri wa Kristu, na mu hi zire nwenklelele.

Roma 12. 5. Efe. 1. 23. & 4. 12. & 5. 23, 30. Kol. 1. 24.

28 Nungungulu i yimisile banwani cecini, kuranga a bapostoli, ku gamela baprofeti, a ka wunhari bagonzisi, zonake a ziwoniso, zanake ni zinyikiwo za kuhanyisa, a bavuni, a bafumeli, a tirimi ti hambeneko.

Mat. 13. 1. Roma 12. 6, 8. xipm. 9 10.

Efe. 2. 20. & 3. 5. & 4. 11. 1 Tim. 5. 17. Heb. 13. 17, 24.

29 Bonkle hi bapostoli ke? bonkle hi baprofeti ke? bonkle hi bagonzisi ke? bonkle hi batiri ba ziwoniso ke?

30 Bonkle hi na zinyikiwo za kuhanyisa ke? bonkle ba wulawula a tirimi ke? bonkle ba klamuseli ke?

31 Kanilezi nabelisisani ha hombe nguvu a zinyikiwo. Nza ha nonohisa ku kombisa hi ndlela yo saseka ngu-u ka nwina.

xip. 14. 1, 39.

XIIMO 13.

1 Loku nzi wulawula hi tirimi ta banhu ni ta tingelosi, kanilezi na nzi hi haba kuranza, nzi maha suku wu ngelengetako, ni xiketse xi nge ngongo.

2 Loku nzi hi ni xinyikiwo xa kuprofeta, nzi tiba konkle kufihlakala ni kutiba konkle; nzi hi ni kukoleka konkle, lezaku nzi susa a zitsunga, kanilezi na nzi hi haba kuranza a nzi ncumo.

Mat. 7. 22. & 17. 20. Marku 11. 23. Luka 17. 6. xip. 12. 8, 9, 10, 23. & 14. 1, &c.

3 Hambu nzi abela zonkle nzi nga nazo a gisa zisiwana, hambu nzi nyika a miri wa mina akuba wu hiswa, kanilezi na nzi haba kuranza, nzi nga ta binzula ncumo.

Mat. 6. 1, 2.

4 A kuranza ka timisa nguvu, ku nene; kuranza a ku na wukuxu; kuranza a ku du-

misi wutsumbu ga kona, a ku ti kukumukisi,

¹ Pet. 4. 8.

- 5 A ku ti maheli lezi zi nga faneliko, a ku ti labeli ka kona *nwinyi*, a ku na kuzangara, a ku alakanyi kubiha;

^{xip.} 10. 24. ^{Fil.} 2. 4.

- 6 A kutsaki hi lezi zi nga lulamangiko, kanilezi kutsaka hizinene;

^{Roma} 1. 32. ^{2 Joh.} 4.

- 7 Ku rwala zilo zonkle, kukolwa zilo zonkle, kutsumba zilo zonkle, ku timisela zilo zonkle.

^{Roma} 15. 1. ^{Gal.} 6. 2. ^{2 Tim.} 2. 24.

- 8 A kuranza cima a ku tsanzeki: kanilezi kutani ku kona kuprofeta, ku ta mbela; kutani ku kona a tirimi, ti ta miyela; kani ku kona a kutiba, ku ta mbela.

- 9 Hakuba ha tiba hi klelo, hi profeta hi klelo:

^{xip.} 8. 2.

- 10 Kanilezi laha loku ku mbaleleko na ku tile, lezi zi nga hi klelo zi ta hunza.

- 11 Laha na nza ha hi xihlangi, nzi wulawula kwatsi hi xihlangana, nzi lozwa ku kwatsi nzi xihlangana, nzi lo alakanya kota xihlangana: makunu laha nzi mahile wanuna, nzi tsikile a zilo za wuhlangi.

- 12 Hakuba makunu ha wona laha wonini, ku bangamela; kanilezi zonake ngohe hi ngohe: makunu nza tiba hi klelo; zonake nzi ta tiba kota lezi nzi nga tibile.

^{Mat.} 18. 10. ^{2 Kor.} 3. 18. & 5. 7. ^{Fil.} 3. 12. ^{1 Joh.} 3. 2.

- 13 Kanilezi makunu zi tsama kukoleka, kutsumba, kuranza, lezi zinharu; a xa hombe nguvu ka zona hi kuranza.

XIIMO 14.

- 1 Lanzelani a kuranza; na mu nga mu nabelisisa nguvu a zinyikiwo za moya, nguvu kambe a ku profeta.

^{xip.} 12. 31.

- 2 Hakuba loyi a kanelako hi lirimi a nga wulawuli ka banhu, kanilezi ka Nungungulu; hakuba a nga kona munhu a pimako; kanilezi hi ka moya i wulawula mifhlakalo.

^{Mit.} 2. 4. & 10. 46. & 22. 9.

- 3 Kanilezi ka loyi a profetako i wulawula ka banhu ku maha kuaka, ni ku tangaliswa, ni wuyiselwa.

- 4 Loyi a wulawulako hi lirimi i akela wutsumbu gakwe; kanilezi loyi a profetako i akela ceci.

- 5 Makunu nzi nga *nwenkle* mu wulawula hi tirimi, kanilezi nguvu nga mu profeta: ngwa hombe loyi a profetako ku hunza loyi a wulawulako hi tirimi, saseka loku a *klamuselwa*, kasi a ceci ya amukela aku akiwa.

- 6 Kanilezi mukunu, bamakabye, loku nzita ka *nwina* nza wulawula hi tirimi, nzi ta mu vuna hi ku yini, saseka loku nzi wulawula ka *nwina* kutani hi *ndlela* ya kuvulula, kutani nja kuti-

ba, kutani nja kuprofeta, kutani kugonzisa?

xipm. 26.

- 7 Hambu ni zilo zi nga haba kuhanya, za wonisa magezu, kutani xitende kani i kubu, loku zi nga wonisi a kuzwakala ka guwa ga zona, ku ta tibyiwa hi ku yini a ku kubiwa xitende ni ku i gubu gi biwako ke?
- 8 Loku a punzu wu zwata gezu gi nga tibyiwiko, himani a ta nga longisela wutsumbu gakwe a impi ke?
- 9 Lezo kambe nwina, saseka loku mu wulawula hi tirimi kuwula kwatsi kasi za fela kupimiwa, zi ta tibyiwa hi ku yini lezi zi wulwawulwako ke? hakuba mu ta wulawula mhehweni.
- 10 Ku kona, kutani, a tixaka tinyingi ta magezu tikweni, kanilezi a li kona lixaka li nga hi ko ni kuzwiwa.
- 11 Zonake loku nzi nga tibi lezi zi wulwako hi gezu, nzi ta maha ka yena loyi a wulawulako a wa matiko, ni loyi a wulawulako ngwa matiko ka mina.
- 12 Lezo kambe nwina, ku sukela kunabeleni ka nwina ka zinyikiwo za ka moya, ecani lezaku mu tsama kukiweni ka ceci.
- 13 Ngahilezo nga loyi a wulawulako hi lirimi a kombela kasi a fela ku klamuselwa.
- 14 Hakuba loku nzi kombela

hi lirimi, a moya wa mina wa kombela, kanilezi a kupima ka mina a ku na mihanzo.

- 15 Ku yini zona ke? nzi ta kombela hi moya, ni ku nzi ta kombela hi kupima kambe: nzi ta yimbelela hi ka moya, ni ku nzi ta yimbelela hi kupima kambe.

Efe. 5. 19. Kol. 3. 16.

- 16 Lezo loku u kesa hi moya, i ta ku yini loyi a nga wutsanweni go kala a nga gonzangi a ku Ameni laha na kubongiwa, na u wona lezaku a nga zi tibi lezi u zi wulako wena?

xip. 11. 24.

- 17 Hakuba wena hizinene wa kesa kwatsi, kanilezi banwani a ba akiwi.
- 18 Nza bonga Nungungulu, mina nza wulawula hi tirimi kuhunza nwina nwenkle:
- 19 Ahemba lomo cecini nza ranza ku wulawula nkulanu wa timhaka hi kupima ka mina, kasi nza gonzisa banwani kambe, kuhunza mazana ya mazana ya timhaka hi lirimi.

- 20 Bamakabye, mu nga mahi wuhlangi hi kupima: ahemba hi kubiha nga mu maha zihlangi, kanilezi kupimeni mahani madota.

Mat. 11. 25 & 18. 3. & 19. 14. Roma 16. 19. xip. 3. 1. Efe. 4. 14. Heb. 5. 12, 13. 1 Pet. 2. 2.

- 21 Hi ka nayo ku lo tsalwa, Hi munhu wa tirimi ti nga ti-

byiwiko ni milomu ya bapfumba nzi ta wulawula ka laba banhu; hambu lezi ba ta nga kala ku nzizwa, ku wula Hosi.

Joh. 10. 34.

22 Ngahilezo a tirimi ta ka ziwoniso, ku nga hi ka laba ba kolwako, kanilezi ka ba nga kolwiko: kanilezi a ku profeta ku hi xiwoniso, ku nga hi ka ba nga kolwiko, kanilezi ka bona laba ba kolwako.

23 Hikwalaho loku a ceci yonkle yi tsombana katiginwe, bonkle ba wulawula hi tirimi, laho ku cikela munhu a nga gonzangiko kutani a nga kolwiko, ba nga ta ku nwina mu hungukile ke?

Mtt. 2. 13.

24 Kanilezi loku bonkle ba profeta, laho ku cikela munwe a nga kolwiko, kutani a nga gonzangiko, wa lulekwa hi bonkle, wa lamulwa hi bonkle;

25 A kufihlakala ka mbilu yakwe ka wonkeliswa; lezo i tawa lahasi hi mikonzo yakwe a dumisa Nungungulu, na kanela lezaku Nungungulu i kona xikari ka nwi na hi zinene.

26 Hi yini zona ke, bamakabye? Laha na mu tsombana, munwani i na ni lisimu, i na ni kugonzisa, i na ni kuvululiwa, i na ni lirimi, i na ni kuklamusela. Nga

zilo zonkle zi mahelwa kukiweni.

xipm. 6. xip. 12. 7, 8, 9, 10. 2 Kor. 12. 19. Efe. 4. 12.

27 Loku a hi kona munhu a wulawulako hi lirimi, nga ha hi bambiri, kutani cukwana banharu, kasi ha lanzisana; a munwe a klamusele:

28 Kanilezi loku ku nga hi kona a muklamuseli, nga a miyela lomo cecini; a wulawula ka wutsumbu gakwe, ni ka Nungungulu.

29 Baprofeti nga ba wulawula ba hi ba mbiri kutani banharu, ni banwani nga ha pima.

xip. 12. 10.

30 Kanilezi loku kuvululwa ku mahwa ka loyi a tsamileko, nga lo wo ranga a ku tiwitiwi bi.

1 Tesa. 5. 19, 20.

31 Hakuba nwenkle ma zi kota kuprofeta munwe ni munwani, kasi banhu bonkle ba fela ku gonza, ba fela ku tangaliswa;

32 Hakuba mimoya ya baprofeti ya ti koramisa ka baprofeti;

1 Joh. 4. 1.

33 Hakuba Nungungulu a hi Nungungulu wa xipitipiti. kanilezi wa kurula; kota ticecini tonkle ta bobasa.

xip. 11. 16.

34 Nga ba basati ba miyela lomo ticecini: hakuba a kuvumelwe ka bona lezaku ba wulawula; kanilezi nga ba

ti koramisa kota kuwula ka nayo.

xip. 11. 3. Efe. 5. 22. Kol. 3. 18.
1 Tim. 2. 11, 12. Tit. 2. 5. 1 Pet. 3. 1.

35 Loku ba ranza ku tiba ncu-mo, xo maha nga ba wutisa banuna babye le kaya: ha-kuba ku tingana ka wasati ku kanela cecini.

36 Yini xana? ku wa hi ka nwina laha mhaka ya Nu-ngungulu yi nga huma yi fambiswa ke? kutani yi lo-ta ka nwina nwece?

37 Loku a hi kona munhu a alakanyako a wutsumbu gakwe a ku muprofeti, ku-tani ngwa moya, nga a hi ni kutiba ka lezi zilo nzi tsalako ka nwina, aku zi hi kulaya ka Hosi.

2 Kor. 10. 7. 1 Joh. 4. 6.

38 Kanilezi loku munhu a nga tibi, nga a tsama na nga tibi.

39 Ngahilezo, bamakabye, la-bisisani ha hombe nguvu kuprofeta, mu nga beleteli ku wulawula hi tirimi.

xip. 12. 31. 1 Tesa. 5. 20.

40 Kanilezi nga zonkle zi ma-hiwa kwatsi zi ecetelwa.

xipm. 33.

XIPIMO 15.

1 Makunu nza tibekisa ka nwina, bamakabye, a iva-ngeli leyi nzi yi kaneleko ka nwina, leyi kambe mu lo yi amukeleko, kambe mu yimileko ha yona,

Roma 5. 2. Gal. 1. 11.

2 Na hi yona kambe mu ha-nyisilwe; nza yi tibekisa, nzi wula, hi ka hi timhaka nzi nga ti kanela ka nwina, loku mu ti komisile, ku nga saseka mu kolilwa mahala.

Roma 1. 16. xip. 1. 21. Gal. 3. 4.

3 Hakuba nzi lo nyika ka nwina kuranga ka zonkle lezi minawu nzi nga zi amukele kambe, aku Kristu i lo fisa ku yini hi zonho za hina kota hi ka mitsalo;

Luka 24. 26, 46. Mit. 3. 18. & 26. 23.
xip. 11. 2, 23. Gal. 1. 12. 1 Pet. 1. 11. & 2. 24.

4 Ni ku i wa kelelwe; ni ku i lo vuka hi siku ga manharu kota hi ka mitsalo;

Luka 24. 26, 46. Mit. 2. 25-31. & 13. 33, 34, 35. & 26. 22, 23. 1 Pet. 1. 11.

5 Lezaku i lo woneka ka Ke-fasi; zonake ka kume ni bambiri;

Mat. 28. 17. Marku 16. 14. Luka 24. 34, 36. Joh. 20. 19, 26. Mit. 10. 41.

6 Zonake i lo woneka ka ba-makabye ba hunzako nkla-nu wa mazana katiginwe, labo a banwani ba bona ba hi kona ni nyamukle, ka-nilezi banwani ba eklele;

7 Zonake i lo woneka ka Ja-mesi; zonake ka bonkle ba-postoli;

Luka 24. 50. Mit. 1. 3, 4.

8 Ni kugumesa ka bonkle, ni ka munwe a nga lo tralwa hi xikati xi nga faneliko yena i lo wonekeliswa ka mina kambe.

Mit. 9. 4, 17. & 22. 14, 18. xip. 9. 1.

9 Hakuba mina nzi tsongwa-nyani ka bapostoli, a nzi faneli kubitanwa ku nzi mupostoli, hakuba nzi lo xa-

nisa a ceci ya Nungungulu.

Mit. 8. 3. & 9. 1. Gal. 1. 13. Efe. 3. 8.
Fil. 3. 6. 1 Tim. 1. 13.

- 10 Kanilezi hi kota ya wuxinji ga Nungungulu mina nzi kona laha nzi nga kona: ni wuxinji gakwe legi gi nga ka mina a gi kumiwangi mahala; kanilezi nzi tirile ha hombe nguvu kuhunza bona bonkle: na ku nga ku nga hi mina, kanilezi wuxinji ga Nungungulu legi gi nga zinwe na mina.

Mat. 10. 20. Roma 15. 18, 19. 2 Kor. 3. 5. & 11. 23. & 12. 11. Gal. 2. 8. Efe. 3. 7, 8. Fil. 2. 13.

- 11 Hambu ku hi mina kutani hi bona, lezo ha kanela, lezo ma kolwa.

- 12 Makunu loku Kristu a kanelwa lezaku i lo vuka hi ka bafleko, ba wula hi ku yini xikari ka nwina aku a ku kona kuvuka hi ka bafleko ke?

- 13 Kanilezi loku ku nga hi kona kuvuka hi ka bafleko, hambu Kristu a nga vukangi:

1 Tesa. 4. 14.

- 14 Ni loku Kristu a nga vukangi, zonake kukanela ka hina mahala, ni kukoleka ka nwina mahala.

- 15 Ina, ha kumiwa na hi hi bakustumunyu ba mawunwa ba Nungungulu; hakuba hi maha wukustumunyu ka Nungungulu lezaku i lo vuxa Kristu: loyi a nga mu vuxangiko, loku zi ngaho a bafleko ba nga vuxiwa.

Mit. 2. 24, 32. & 4. 10, 33. & 13. 30.

- 16 Hakuba loku bafleko ba nga vuxiwi, hambu Kristu a nga vukangi:

- 17 Loku Kristu a nga vukangi, a kukolwa ka nwina hi mahala; nwina ma ha hi zonhweni za nwina.

Roma 4. 25.

- 18 Zonake laba ba ekleleko ka Kristu ba lobile.

- 19 Loku ka loku kuhanya koce hi kutsumbile ka Kristu, hina ni banhu bonkle ha timiselwa nguvu.

2 Tim. 3. 12.

- 20 Kanilezi makunu lezi Kristu i vukile ka bafleko, a matewula ya bona laba ba ekleleko.

Mit. 26. 23. xipm. 23. Kol. 1. 18. 1
Pet. 1. 3. Kuv. 1. 5.

- 21 Ka hi loku ku nga sukela hi ka munhu ku lota kufa, hi ka munhu kambe ku lota a kuvuka hi ka bafleko.

Joh. 11. 25. Roma 5. 12, 17. & 6. 23.

- 22 Kota hii ka Adamu bonkle ba lofa, lezo kambe hi ka Kristu bonkle ba ta mahwa ba hanya.

- 23 Kanilezi loyi ni loyi hi ku ecetelwa kakwe: Kristu hi matewula yo ranga; ni laba ba ka Kristu, a kuteni ka yena.

xipm. 20. 1 Tesa. 4. 15, 16, 17.

- 24 Zonake ku cikela kugumelwa, laho a ta nyikela mufumo ka Nungungulu, hambu Dadani; laho a ta nga panzanya a kufumela konkle ni kutiba konkle ni ntamo.

- 25 Hakuba nga a fuma, a kala

- a beka lahasi ka mikonzo yakwe a balala bakwe bonkle.
 Mit. 2. 34, 35. Efe. 1. 22. Heb. 1. 13. & 10. 13.
- 26 A nala wu gumela loyi a ta nga panzanywa hi kufa.
 2 Tim. 1. 10. Kuv. 20. 14.
- 27 Hakuba, Yena i lo beka zilo zonkle ku ti koramisa lahasi ka mikonzo yakwe. Kani-
 lezi laha na wula, Zonkle zilo za ti koramisa ka yena, zi la su dlu lezaku yena i si-
 yile loyi a nga maha zonkle ku ti koramisa ka yena.
 Mat. 28. 18. Heb. 2. 8. 1 Pet. 3. 22.
- 28 Ni laha loku zilo zonkle zi ti koramisile ka yena, zonake a Nwana a wutsumbu gakwe i ta ti koramisa ka yena loyi a nga maha zilo zonkle ku ti koramisa kakwe, kasi Nungungulu a fela ku maha konkle xakari ka konkle.
 xip. 3. 23. & 11. 3. Fil. 3. 21.
- 29 Kambe ba ta maha yini laba ba nga bapatizelwa ka bafleko? loku ba nga vuki a bafleko futsi, hi yini zonake ba lo bapatizelwa ka bona?
- 30 Hi yimeleni kambe hina le mhangweni zi kati zonkle ke?
 2 Kor. 11. 26. Gal. 5. 11.
- 31 Nza kaneta hi kutangala loku ku nga ka nwina, bamakabye, loku nzi nga nako ka Kristu Jesu a Hosi ya hina, nzifa masiku wonkle.
 Roma 8. 36. xip. 4. 9. 2 Kor. 4. 10, 11. & 11. 23. 1 Tesa. 2. 19.
- 32 Loku hi matsamela ya banhu nzi lolwa ni zihari le Efesusi, ku nzi vunile yini? loku a bafleko ba nga vuki, nga na higa hinwa, hakuba manziko hi tafa.
 Luka 12. 19. 2 Kor. 1. 8.
- 33 Mu nga kohliswi: A kuklangana ni kubiha ka bolisa matsamela yo saseka.
 xip. 5. 6.
- 34 Vukani kululameni, mu nga oni; hakuba banwani a ba na kutiba ka Nungungulu: nzi wula lezi ku mu cela tingana.
 Roma 13. 11. Efe. 5. 14. 1 Tesa. 4. 5. xip. 6. 5.
- 35 Kanilezi munwani i ta wula, Ba ta vukisa ku yini a bafleko ke? na hi miri wa ku yini ba ta nga vuka ha wona?
- 36 Pupulu nziwena, lezi u zi byalako a zi mili, saseka loku zi file:
 Joh. 12. 24.
- 37 Ni lezi wena u zi byalako, a kubyali lowo miri wu ta nga nga wu hi kona kamilezi a mbewu yoce, kutani zipfaki, kutani lixaka linwani;
- 38 Kanilezi Nungungulu i yi nyika miri kota kuranza kakwe, ka timbewu tonkle a miri wa yona yoce.
- 39 A nyama yonkle a hi nyama ya lixaka linwe: kanilezi ku kona nyama yinwe ya banhu, yinwani nyama ya zihari, yinwani nyama ya tinyanyani, yinwani nyama ya zidluwani.
- 40 Ku kona kambe mimiri ya

- le tilweni, ni mimiri ya laha misabeni: kanilezi wukosi ga le tilweni wu hi ginwe, ni wukosi ga laha misabeni hi ginwani.
- 41 Ku kona wukosi ginwe ga gambu, ni ginwani wukosi hi ga hweti, ni ginwani wukosi hi ga tinyeleti; hakuba nyeleti yinwe ya hambana ni yinwani nyeleti hi wukosi.
- 42 Lezo ni kuvuka ka bafileko. Yi lo byalwa ni kubola; yi vukile yi nga hi na kubola: Mat. 13. 43.
- 43 Yi byalilwe hi ku nga dumiseki; yi vukile hi wukosi: yi lo byalwa kukaraleni; yi lo vuka hi ntamo: Fil. 3. 21.
- 44 Ku lo byalwa hi miri wa nyama; ku lo vuka hi miri wa moya. Loku ku kona miri wa mahanyela, ku kona kambe miri wa moya.
- 45 Lezo kambe ku tsalilwe, A munhu wo ranga Adamu i lo maha muhefemulo wu hanyako. Adamu wo gumesa i lo maha muhefemulo wu hanyako ka moya. Joh. 5. 21. & 6. 33, 39, 40, 54, 57. Roma 5. 14. Fil. 3. 21. Kol. 3. 4.
- 46 Ahemba a hi kona ka kusan-gula loku ku nga moya, kanilezi loku ku nga mahanyela; zonake lezi zi nga za ka moya.
- 47 A munhu wa kurangula ngwa misaba, hi ka misaba: a munhu wo gamela ngwa le tilweni. Joh. 3. 13, 31.
- 48 A ba misaba, ba kotisa yena a nga wa misaba kambe: a ba ka tilo, ba kotisa yena a nga wa le tilweni. Fil. 3. 20, 21.
- 49 Kota lezi hi nga lo tekelela mufananiso wa misaba, hina kambe hi ta tekelela mufananiso wa le tilweni. Roma 8. 29. 2 Kor. 3. 18. & 4. 11. Fil. 3. 21. 1 Joh. 3. 2.
- 50 Makunu nzi wula lezi, ba-makabye, lezaku a nyama ni nkata a zi na kuga a tsomba ya mufumo wa Nungungulu; a kubola a kugi tsomba ya ku-nga-boli. Mat. 16. 17. Joh. 3. 3, 5.
- 51 Langutani, nzi mu byela mifihlakalo: Hina honkle hi nga ta eklela, kanilezi hi ta hunzuluswa, 1 Tesa. 4. 15, 16, 17. Fil. 3. 21.
- 52 Hi xikatanyana, hi kuhatima ka tihlo, ka punzu wa ku gumesa: hakuba a punzu wu ta biwa, ni bafileko ba ta vuka hi ku-nga-boliko, hi ta hunzuluswa. Mat. 24. 31. Joh. 5. 25. 1 Tesa. 4. 16.
- 53 Hakuba a kubola loku ku fela ku ambaliswa ku-nga-boliko, ni loku kufa ku ta mbaliswa ku-ngafi. 2 Kor. 5. 4.
- 54 Kanilezi laha loku kubola ku bakilwe laha ku-nga-boliko, ni loku kufa ku ta ambala kungafi, zonake ku ta maheka a mhaka leyi yi tsalilweko, a Kufa ku mitilwe hi kuhlula. Heb. 2. 14, 15. Kuv. 20. 14.
- 55 O kufa, hi kwihi kuhlula

ka wena ke? O kufa, li
kwihi libole la wena ke?

- 56 A libole la kufa hi kuonha;
ni ntamo wa kuonha hi na-
yo:

Roma 4. 15. & 5. 13. & 7. 5, 13.

- 57 Kanilezi a kubongwa ku
nga hi ka Nungungulu, ha
nyikileko kuhlula hi kota
ya Hosi ya hina Jesu Kri-
stu.

Roma 7. 25. 1 Joh. 5. 4, 5.

- 58 Ngahilezo, bamakabye ba
mina ba ranzekako, nga
mu su ndende, mu nga tse-
katsekiswi, mu simamisa
mu tsamile tirweni wa Ho-
si, kotisa mu zi tibako a
kutira ka *nwina* a hi maha-
la ka Hosi.

xlp. 3. 8. 2 Pet. 3. 14.

XIPIMO 16.

Makunu hi minyikelo ya
laba bobasa, kota lezi nzi
nga laya a ticeci ta le Gala-
tia, lezo mahani *nwinawu*.

Mit. 11. 29. & 24. 17. Roma 15. 26.
2 Kor. 8. 4. & 9. 1, 12. Gal. 2. 10.

- 2 Hi siku go sangula ga so-
nto, nga loye ni loye a ti
bekela, kota ku katekiswa
kakwe, kasi kunyika k
nga mahiwa laha na nzi
tile.

Mit. 20. 7. Kuv. 1. 10.

- 3 Ni laha na nzi cikela, kani
hi ba ha laba mu ta hlawu-
la ni mapapilo, nzi ta ba ru-
mela ku yisa a zinyikiwo za
nwina le Jerusalema:

2 Kor. 8. 4, 6, 19.

- 4 Loku i nga zi fanela ku fa-
mba minawu kambe, ba ta
famba zinwe na mina.

2 Kor. 8. 4, 19.

- 5 Kanilezi nzi tata ka *nwina*,
laha na nzi tsemakanyile
nzi hunza Makedonia; ha-
kuba nzi ta hunza Make-
donia;

Mit. 19. 21. 2 Kor. 1. 16.

- 6 Kanilezi ka *nwina* zi nga
nga nzi ta tsama, ku mbela
wuxika, kasi ma nzi hele-
keta lwenzweni la mina ka-
ni hi kwihi laha nzi ta kuya
kona.

Mit. 15. 3. & 17. 15. & 21. 5. Roma 15.
24. 2 Kor. 1. 16.

- 7 Hakuba a nzi nabeli ku mu
wona makunu na nzi kari
nzi hunza; hakuba nza tsu-
mba ku ta tsama xikati loku
na *nwina*, loku a Hosi yi
vumela.

Mit. 18. 21. xlp. 4. 19. Jam. 4. 15.

- 8 Kanilezi nzi ta tsama Efe-
susi kala ku cikela Pente-
kosti;

- 9 Hakuba a nyangwa ya ho-
mbe ya ku tira yi vululekile
ka mina, banyingi ba kla-
ngaletelako.

Mit. 14. 27. & 19. 9. 2 Kor. 2. 12. Kol.
4. 3. Kuv. 3. 8.

- 10 Makunu loku Timote ata,
cuwukani a tsame na *nwina*
na hi kutiya; hakuba yena
i tira tiro wa Hosi, kwa-
tsi hi lezi minawu nzi tira-
ko:

Mit. 19. 22. Roma 16. 21. xlp. 4. 17.
Fil. 2. 20, 22. 1 Tesa. 3. 2.

- 11 Nga ku nga hi kona munhu
a mu kanyako. Mu hele-
keteni kwatsi hi kurula,
kasi i fela kuta ka mina:
hakuba nzi mu langutele
zinwe ni bamakabye.

Mit. 15. 33. 1 Tim. 4. 12.

- 12 Kanilezi hi ku kumbuka a Apolose nakulori, nza mu kongotela nguvu a kuta ka *nwina* zinwe ni bamakabye: hakuba i wa nga ziranzi zakwe a kuta nakunu; kani- lezi i tata laha a ta nga ku- ma a kutsameka.
xip. 1. 12. & 3. 5.
- 13 Rinzelani *nwina*, mu yima kunde kukolekeni, mu ma- ha ku nga banuna, mu hi ni ntamo.
Mat. 24. 42. & 25. 13. xip. 15. 1. Fil. 1. 27. & 4. 1. 1 Tesa. 3. 8. & 5. 6. 2 Tesa. 2. 15. 1 Pet. 5. 8. Efe. 6. 10. Kol. 1. 11.
- 14 Nga zonkle lezo mu zi ma- hako mu zi maha kuranza- neni.
xip. 14. 1. 1 Pet. 4. 8.
- 15 Makunu nza mu kongotela *nwina*, bamakabye (ma yi tiba yindlu ya Stefani, leza- ku yi mihanzu yo ranga ya le Akaia, ni ku ngalo ba ti yimisela aku ba ba kozela laba bobasa),
Roma 16. 5. xip. 1. 16. 2 Kor. 8. 4. & 9. 1. Heb. 6. 10.
- 16 Lezaku *nwina* mu ti kora- misa ka wa ku ngahi, ni ka bonklelele laba ba vunako ntirweni na tira.
Heb. 6. 10. & 13. 17.
- 17 Nza tsaka hi kuta ka Stefa- ni na Fortunatusi, na Akai- kusi: hakuba lezi mu nga kari mu zi vumala ka *nwina* ba mu nyikile zona.
2 Kor. 11. 9. Fil. 2. 30. File. 13.
- 18 Hakuba bona ba kufumetile a moya wa mina ni *nwina*: hikwalaho ba tibeni kwatsi a ba ku ngaho.
Kol. 4. 8. Fil. 2. 29. 1 Tesa. 5. 12.
- 19 A ticeci ta leno Asia ta mu rungula. Akwila na Prisila ba mu rungula nguvu *nwi- na* ka Hosi, zinwe ni ceci le yi nga le ndlwini yaby
Roma 16. 5, 15. File. 2.
- 20 Bonkle bamakabye ba mu rungula. Rungulanani hi kutrotra ka kubasa.
Roma 16. 16.
- 21 A kurungula ka mina Pau- le hi canja ga mina *nwinyi*.
Kol. 4. 18. 2 Tesa. 3. 17.
- 22 Loku a nga a hi kona mu- nhu a nga yi ranziko a Ho- si, a mahe anathema. Ma- ranatha!
Efe. 6. 24. Gal. 1. 8, 9. Jude 14, 15.
- 23 A wuxinji ga Hosi Jesu Kristu a gi be zinwe na *nwina*.
Roma 16. 20.
- 24 A kuranza ka mina nga ku hi na *nwina* nwenkle ka Kristu Jesu. Amen.

A PAPILO GA WUMBIRI GA PAULE MU POSTOLI KA BA LE KORINTE.

XIPIMO 1.

1 Paule, a mupostoli wa Je-
su Kristu hi kuranza ka
Nungungulu, na Timote
makabye wa hina, ka ceci
ya Nungungulu leyi yi nga
le Korinte, zinuwe ni bobasa
bonkle laba ba nga le Aka-
ia gonkle.

1 Kor. 1. 1. Efe. 1. 1. Fil. 1. 1. Kol.
1. 1, 2. 1 Tim. 1. 1. 2 Tim. 1. 1.

2 A wuxinji ka *nwina* ga le
ka Nungungulu Dadani ni
ka Hosi Jesu Kristu.

Roma 1. 7. 1 Kor. 1. 3. Gal. 1. 3. Fil.
1. 2. Kol. 1. 2. 1 Tesa. 1. 1. 2 Tesa.
1. 2. File. 3.

3 A katekiswe Nungungulu
Dadani wa Hosi ya hina Je-
su Kristu, a Dadani wa wu-
xinji ni Nungungulu wa ku
tangalisa ;

Efe. 1. 3. 1 Pet. 1. 3.

4 A hi tangalisako kuxanise-
keni ka hina konkle, kasi ha
fela ku tangalisa laba ba
nga le kuxanisekeni, hi ku-
tangaliswa loku hina wu-
tsumbu hi tangalisilweko hi
Nungungulu.

5 Kota lezi kuxanisek ka
Kristu ku nga ka hina, lezo
kambe a kutangala ka hina
ku tsamile hi kota ya Kri-
stu.

Mit. 9. 4. xip. 4. 10. Kol. 1. 24.

6 Kanilezi kutani hi xanise-
kile, ku hi kutangala ka

nwina ni wutomi ga *nwina*;
kambe kutani ha tangala,
ku hi kutangala ka *nwina*,
ku tirako hi kutimisela ku
nonohisa ka kwaloko ku-
xaniseka loku na hinawu hi
nga xaniseka ha kona:

xip. 4. 15.

7 A kutsumba ka hina hi
nwina ku komisile; na hi
tiba lezaku, kota lezi mu
hlengeleko kuxaniseka, lezo
kambe *nwina* mu hlengele-
ko kutangala.

Roma 8. 17. 2 Tim. 2. 12.

8 Hakuba a hi zi ranzi ku nga
mu nga tibi, bamakabye, hi
kota ya kuxaniseka ka hina
loku ku nga hi cikelela Asia,
lezaku, hi wa tsimbeketilwe
lahasi ha hombe nguvu, he-
hla ka ntamo wa hina, ko-
talezozo hi nga ha celi kota hi
kuhanya ka hina :

Mit. 19. 23. 1 Kor. 15. 32. & 16. 9.

9 Ina, a wutsumbu ga hina hi
wa longisile kufa xikari ka
hina, kasi hi nga tsumbi a
wutsumbu ga hina, kanilezi
ka Nungungulu loyi a vu-
xako a bafileko :

10 A nga hi humesa kufeni ka
hombe, a ha hi humesako
kona: ka yena kambe ha ha
sinamisako hi tsumba ya
hina, aku i ta hi humesa ;

2 Pet. 2. 9.

11 Nwinawu kambe mu vuna

zinwe na hina hi kukongela ka nwina; lezaku, a xinyikiwo lexi xi nga nyikiwe hina hi kota ya banyingi, a kubongwa ku fela ku nyikiwa hi banyingi banhu hi kota ya hina.

Roma 15. 30. xip. 4. 15. Fil. 1. 19. File. 23.

- 12 Hakuba a wukosi ga hina hi legi, a wukustumunyu ga timbilu ta hina, lezaku hi ka kubasa ni kuranza ka Nungungulu, ku nga hi kulariha ka nyama kanilezi hi wuxinji ga Nungungulu, hi lo tsimbeta a wutsumbu ga hina tikweni, ha hombe nguvu ka nwina.

1 Kor. 2. 4, 13. xip. 2. 17. & 4. 2.

- 13 Hakuba a hi tsali zinwani zilo ka nwina, kuhunza lezi mu gonzileko kutani mu zi tibako, nza tsumba aku mu ta zi vumela kala kugumelwa:

- 14 Kota lezi mu hi tibileko nwina kambe hi klelo, lezaku hi wukosi ga nwina, kotisa lezi nwina mu ga hinawu, hi siku ga Hosi ya hina Jesu.

xip. 5. 12. Fil. 2. 16. & 4. 1. 1 Tesa. 2. 19. 20.

- 15 Hi ka kutsumba loku nzi lo alakanyiswa kuta ka nwina kusangula, kasi ma tsakiswa hi ka kumbiri:

Roma 1. 11. 1 Kor. 4. 19.

- 16 Ka nwina nzi hunza nzi ya Makedonia, kambe hi le Makedonia nzi ta ka nwina, ka nwina kasi ma fela ku nzi

heleketa lwenzweni la mina kuya Judia.

1 Kor. 16. 5, 6.

- 17 Laha hikwalaho na nzi lakanyisilwe lezo, nzi lo wonisa a wulolo ke? kutani a zilo lezi nzi zi hlawulako, nzi hlawula hi ka nyama, lezaki nga na hi ka mina ku hi kona ina ina ni kokwihi kokwihi ke?

xip. 10. 2.

- 18 Kanilezi kota lezi Nungungulu a tsumbekileko, a timhaka ta hina ka nwina a hi ina ni ku kokwihi.

- 19 Hakuba Nwana wa Nungungulu, Jesu Kristu, a nga kanelwa xikari ka nwina hi hina, yena mina na Silvanusi na Timote, ku wa nga hi ku ina ni ku kokwihi, kanilezi ka yena hi kona ina.

Marku 1. 1. Luka 1. 35. Mat. 9. 20. Heb. 13. 5.

- 20 Hakuba zi hi zi ngani zitsumbiso za Nungungulu, ka yena zi ngalo ina: ngahileko ka yena kambe hi kona Amen, ka wukosi ga Nungungulu hi kota ya hina.

Roma 15. 5, 9.

- 21 Makunu yena loyi a hi vimisile zinwe na nwina ka Kristu, a hi totile, hi Nungungulu:

1 Joh. 2. 20, 27.

- 22 Loyi kambe a hi tivisile, i le hi nyika xikomisiso xa ka Moya timbilwini ta hina.

xip. 5. 5. Efe. 1. 13, 14. & 4. 30. 2 Tim. 2. 19. Kor. 2. 15.

- 23 Kanilezi nza bitana Nu-

ngungulu ku maha kustu-
munyu ka muhefemulo wa
mina nzi lo timisela ka *nwi-*
na a kuta le Korinte.

Roma 1. 9. 1 Kor. 4. 21. xip. 2. 3. &
& 11. 31. & 12. 20. & 13. 2, 10. Gal.
1. 20. Fil. 1. 8.

- 24 Ku nga hi lezi hi nga ni
ntamo hi kukolwa ka *nwi-*
na, kanilezi hi zivuneteli za
kunengela ka *nwina*: ha-
kuba hi kukoleka mu yi-
mile.

Roma 11. 20. 1 Kor. 3. 5. & 15. 1.
1 Pet. 5. 3.

XIPIMO 2.

- 1 Kanilezi nzi tiyisile lezi
mina wutsumbu, lezaku nzi
nga ta hata kambe ka *nwi-*
na hi wusiwana.

xip. 1 23. & 12. 20, 21. & 13. 10.

- 2 Hakuba loku nzi mu cela
wusiwana, himani zonake
a nzi mahako nzi nengela,
saseka loyi a mahiwako wu-
siwana hi mina?

- 3 Nzi lo tsala zalezi zilo, ku
nga ku, laha na nzi cikele,
nzi nga nga nzi ta celwa
wusiwana hi laba nzi nga ta
nga nzi tsakile ha bona; na
nzi tsumba ka *nwina nwe-*
nkle, lezaku a kutsaka ka
mina hi kutsaka ka *nwina*
nwenkle.

xip. 7. 16. & 8. 22. & 12. 21. Gal. 5. 10.

- 4 Hakuba hi kuxaniseka ka
hombe ni kubayisa ka mbi-
lu nzi lo mu tsalela zinwe ni
mihloti yinyingi; na ku nga
hi ku mu tatelwa hi wusi-
wana, kanilezi kasi ma fela
ku tiba kuranza loku nzi

nga nako ha hombe nguvu
ka *nwina*.

xip. 7. 8, 9, 12.

- 5 Kanilezi loku a hi kona a
celileko wusiwana, i celile
wusiwana, a hi ka mina,
kanilezi hi *klelo* (a nzi tsi-
mbeketi kubinza) ka *nwina*
nwenkle.

1 Kor. 5. 1. Gal. 4. 12.

- 6 Ku enele ka ywaloye mu-
nwe loku kutsayiswa a nga
tsayisilwe hi banyingi;

1 Kor. 5. 4, 5. 1 Tim. 5. 20.

- 7 Lezo kusaseka mu *klela* mu
mu tsetselela, mu mu ta-
ngalisa, ku nga ku hilezo a
wa ku ngahi a mitiwa zi-
nwe hi ku tatiwa hi wusi-
wana.

Gal. 6. 1.

- 8 Ngahilezo nza mu kongotela
nwina ku tiyisa kuranza ka
nwina ka yena.

- 9 Hakuba hi kugumelwa loku
nzi lo tsala, kasi nza fela ku
tiba a ki tiya ka *nwina*,
kutani ma ingisa ka zilo
zonkle.

xip. 7. 15. & . . 6.

- 10 Kanilezi ka loyi mu tsetse-
lelako ncumo, mina nza mu
tsetselela kambe: hakuba
kambe lezi nzi zi tsetsele-
leko, loku nzi nga nzi tse-
tselele ncumo, hi kota ya
nwina nzi tsetselele tsu-
mbyini wa Kristu;

- 11 Kasi ka hina ku nga hi ko-
na a xibango xi kumiwa-
ko hi Satani: hakuba a hi
hina hi nga ma tibiko a ma-
no yakwe.

12 Makunu laha na nzi cikele Troasi hi ivangeli ya Kristu, laha libati li vululekile ka mina hi ka Hosi,

Mit. 16. 8. & 20. 6. 1 Kor. 16. 9.

13 Nzi wa nga hi ni ku re-tsebele moyeni wa mina, hakuba nzi wa nga mu kumangi Titusi nakulori wa mina: kanilezi nzi lo ba salisa, nzi loya Makedonia.

xip. 7. 5, 6.

14 Kanilezi a kubongwa nga ku hi ka Nungungulu, loyi a nge tsoma a hi rangela kuhluleni hi ka Kristu, loyi a wonkelisako hi hina a masema ya kutiba kakwe a wutsanweni gonkile.

15 Hakuba hina hi masema ma nanzihako ya Kristu ka Nungungulu, ka bona laba ba hanyisilweko, ni ka bona laba ba lobako;

1 Kor. 1. 18. xip. 4. 3.

16 Ka bona hi masema ya kufa hi kufa; ka banwani a masema ya kuhanya hi kuhanya. Hi mani a enelisi-lweko hi lezi zilo ke?

Luka 2. 34. Joh. 9. 39. 1 Kor. 15. 10. xip. 3. 5, 6. 1 Pet. 2. 7, 8.

17 Hakuba hina a hi kwatsi hi tele, laba ba bolisako mhaka ya Nungungulu: kanilezi kwatsi hi kuranza, kanilezi kwatsi hi ka Nungungulu, mahlweni ka Nungungulu, ha wula hina ka Kristu.

xip. 1. 12. & 4. 2. & 11. 13. 2 Pet. 2. 3.

XIIMO 3.

1 Hi kona ha rangulako kambe a ku ti tsanza wutsumbu ke? ha ku laba kwa-

tsi hi banwani, a mapapilo ya kulaya nwina kutani ya le ka nwina ke?

Mit. 18. 27. xip. 5. 12. & 10. 8, 12. & 12. 11.

2 Nwina mu mapapilo ya hina, mu tsalilweko timbilwini ta hina, ma tibyiwako ma lo gonzwa hi banhu bonkile;

1 Kor. 9. 2.

3 Na mu wonkelisilwe ku ngalo nwina mu papilo ga Kristu, mu kozelisiilwe hi hina, na mu nga tsaliwangi hi tinta, kanilezi hi Moya wa Nungungulu a hanya-ko; ku nga hi timezeni ta maribye, kanilezi timezeni ta timbilu ta nyama.

1 Kor. 3. 5. Heb. 8. 10.

4 Ni kutumba ka ku ngahi hi nga nako hina ka Kristu hi le ka Nungungulu:

5 Na ku nga hi ku ngalo hi enelisiilwe hi ga hina wutsumbu, a ku hlanya ncumo hi ku xa wutsumbu ga hina; kanilezi a kueneliswa ka hina kuta hi le ka Nungungulu;

Joh. 15. 5. 1 Kor. 15. 10. xip. 2. 16. Fil. 2. 13.

6 A hi mahileko hi eneliswa a kukozela hi xivumelwano xiswa; ku nga hi hi bito, kanilezi hi moya: hakuba a bito ga daya, kanilezi a moya wu nyika kuhanya.

Mat. 26. 28. Joh. 6. 63. Roma 2. 27. 29. & 3. 20. & 4. 15. & 7. 6. 9, 10, 11. & 8. 2. 1 Kor. 3. 5. & 15. 10. xip. 5. 18. Gal. 3. 10. Efe. 3. 7. Kol. 1. 25. 29. 1 Tim. 1. 11, 12. 2 Tim. 1. 11. Heb. 8. 6, 8.

7 Kanilezi loku a kukozela ka kufa, ku tsalilwe, ni ku ke-

hlelwa maribiyeni, ku lota hi wukosi, lezo kasi a banana ba ka Israeli ba nga cuwukisi nguvu a ngohe ya Mosi hi kota ya kungangamela ka ngohe yakwe; loku kungangamela ku hunzako:

Roma 7. 10.

8 Ku nga ta hunza hi ku yini a kukozela ka moya zinwe ni kungangamela?

Gal. 3. 5.

9 Hakuba loku a kukozela ka kukoneka ku ngangamela, ha hombe nguvu a kukozela ka kululama ku hunza hi kungangamela.

Roma 1. 17. & 3. 21.

10 Hakuba hizinene loku ku nga hi ni kungangamelisisa a ku ngangamelisi ka lezi, hi kota ya kungangamela loku ku kuhlulako.

11 Hakuba loku lezi zi hunzako zi lo ngangamela, Ka hombe lezi zi seleko kungangameleni.

12 Hikwalaho na hi hi ni kutsumba ka ku ngahi, hi lo tiyisa kukaneleni ka hina,

xip. 7. 4. Efe. 6. 19.

13 Na hi nga kwatsi hi Mosi, a kabanyeta ngohe yakwe hi nguwo, kasi a banana ba Israeli ba nga cuwukisisi a kugumelwa ka lezi zi hunzako:

Roma 10. 4. Gal. 3. 23.

14 Kanilezi a kupima kabye ku lo nonohiswa: hakuba hambu ka gwa legi siku a kugonzeni ka xivumelwano

xa kale ywaleyo nguwo ya ha lo tsama yi nga klakuswangi; leyo yi hetekile ka Kristu.

Mat. 13. 11, 14. Joh. 12. 40. Mt. 28. 26. Roma 11. 7, 8, 25. xip. 4. 4.

15 Kanilezi ka legi siku, laha lezo Mosi na gonzwa, a nguwo yi tsama timbilwini tabye.

16 Kanilezi kani hi wihi a ta nga klelela ka Hosi, a nguwo yi suswa.

Roma 11. 23, 26.

17 Makunu a Hosi hi Moya: ni laha ku nga kona a Moya wa Hosi, kona kuklaklela.

1 Kor. 15. 45. xipm. 6.

18 Kanilezi hina honkle, hi nga hi ko ni tingohe ti kubunyetilweko hi nguwo hi wonisisa kwatsi hi laha wonini a kungangamela ka Hosi, ha hunzuluselwa ka mufanano niso walowo ka kungangamela hi ku ngangamela, hambu lezi wu tako hi le ka Hosi a Moya.

Roma 8. 29. 1 Kor. 13. 12. & 15. 49. xip. 4. 4, 6. Kol. 3. 10. 1 Tim. 1. 11.

XIPIMO 4.

1 Hikwalaho na mu wona lezaku hi na ni loku kukozela, kotisa lezi hi kumile wuxinji, hi nga karali:

1 Kor. 7. 25. xip. 3. 6. 1 Tim. 1. 13.

2 Kanilezi hina hi hoxile a zi lo za kufihlala za tingana, hi nga fambi hi ku kanganyisa, hi nga komi mhaka ya Nungungulu hi kohlisa; kanilezi hi kuwonekeliswa ka zinene hi ti tsanza wutsumbu ga hina ka timbilu

ta banhu bonkle mahlweni ka Nungungulu.

Roma 1. 16. & 6. 21. xip. 2. 17. & 5. 11. & 6. 4, 7. & 7. 14. 1 Tesa. 2. 3, 5.

3 Kanilezi loku a ivangeli ya hina yi kubunyetilwe, yi kubunyetilwe ka bona laba ba lobako:

1 Kor. 1. 18. xip. 2. 15. 2 Tesa. 2. 10.

4 Ka bona a nungungulu wa legi tiko i pfupelisile a kupima ka ba nga kolwako, kasi a kuwoninga ka ivangeli ya wukosi ga Kristu, loyi a nga mufananiso wa Nungungulu, ku nge nwe ka bona.

Joh. 1. 18. & 12. 31, 40, 45. & 14. 9, 30. & 16. 11. xip. 3. 8, 9, 11, 14, 18. xipm. 6. Efe. 6. 12. Fil. 2. 6. Kol. 1. 15. Heb. 1. 3.

5 Hakuba a hi kaneli wutsumbu ga hina, kanilezi Jesu Kristu na hi Hosi, a wutsumbu ga hina hi malanza ya nwina hi kota Jesu.

1 Kor. 1. 13, 23. & 9. 19. & 10. 33. xip. 1. 24.

6 Na mu wona lezaku hi Nungungulu, a nga ku ngalo, A kuwonakela kuta woninga munyameni, i lo woninga timbilu ta hina, ku nyika a kuwoninga ka kutiba ka wukosi ga Nungungulu mahlweni ka Jesu Kristu.

xipm. 4. 1 Pet. 2. 9. 2 Pet. 1. 19.

7 Hi nayo leyi tsomba ka zibya za misaba, lezaku a kula ka hombe nguvu ka ntamo ku nga hi ka Nungungulu, a hi ka hina wutsumbu;

1 Kor. 2. 5. xip. 5. 1. & 12. 9.

8 Hina hi tsimbeketilwe ma-

klelweni wonkle, zona a hi lulametwangi; hi kanganyiswa, na ku nga mbeli ntamo;

xip. 7. 5.

9 Na hi hlotwa, kanilezi a hi tsikwangi; hi himiwa, kanilezi a hi dawangi;

10 Na hi rwele xonkle xikati ka miri wa kufa ka Jesu, kasi a kuhanya ka Jesu kambe ka wonekeliswa mirini wa hina.

Roma 8. 17. 1 Kor. 15. 31. xip. 1. 5, 9. Gal. 6. 17. Fil. 3. 10. 2 Tim. 2. 11, 12. 1 Pet. 4. 13.

11 Hakuba hina laba hi hanyako xikati xonkle hi nyikelwa kufeni hi kota ya Jesu, kasi a kuhanya ka Jesu ku fela kuwonekeliswa nyameni ya hina ya kufa.

Roma 8. 36. 1 Kor. 15. 31, 49.

12 Zonake a kufa ka tira ka hina, kanilezi kuhanya nzeni ka nwina.

xip. 13. 9.

13 Kanilezi na hi ni walowo a moya wa kukoleka, kota hi ka lezo zi tsalilweko, Nzi lo kolwa, hikwalaho nzi lo wula; hina kambe ha kolwa, hikwalaho kambe ha wula;

Roma 1. 12. 2 Pet. 1. 1.

14 Na hi tiba lezaku loyi a nga vuxa a Hosi Jesu i ta hi vuxa hina kambe zinwe na Jesu, a hi tisa zinwe na nwina.

Roma 8. 11. 1 Kor. 6. 14.

15 Hakuba a zilo zonkle ziya hi kota ya nwina, kasi a wuxinji, gi talileko hi banyingi, ku ta maha kubonga

kucikela wukosini ga Nungungulu.

1 Kor. 3. 21. xip. 1. 6, 11. & 8. 19. & 9. 11, 12. Kol. 1. 24. 2 Tim. 2. 10.

- 16 Ngahilezo hi nga karali; kanilezi loku a bola munhu wa hina wa lahandle, na a nga a munhu wa hina wa lomo nzeni i mahiwa mu-swa masiku ni masiku.

Roma 7. 22. Efe. 3. 16. Kol. 3. 10. 1 Pet. 3. 4.

- 17 Hakuba a kuxaniswa ka hina ka kuhehuka, ka zalezi, kutira nguvu nguvu ka hombe a kuringaniswa ka wukosi legi ga kupinzuka;

Mat. 5. 12. Roma 8. 18. 1 Pet. 1. 6. & 5. 10.

- 18 Na hi nga cuwuki a zilo lezi zi woniwako, kanilezi lezi zi nga woniwiko: hakuba a zilo lezi zi woniwako, za zalezi; kanilezi a zilo zi nga woniwiko za kupinzuka.

Roma 8. 24. xip. 5. 7. Heb. 11. 1.

XIIMO 5.

- 1 Hakuba ha zi tiba loku a yindlu ya hina ya misaba ya xaxa wa hina yi nyamalala, hi na leyi yi akilweko hi Nungungulu, a yindlu yi nga mahiwangiko hi mandla, ya kupinzuka, le ti-lweni.

xip. 4. 7. 2 Pet. 1. 13, 14.

- 2 Hakuba hizinene ka yona ha keta, na hi labisisa a ku ambexwa hi yindlu ya hina leyi ya tilweni:

Roma 8. 23.

- 3 Loku zi ngaho na hi a mbe-

xilwe hi nga ta ha kumiwa na hi hi zibiyiri.

Kuv. 3. 18. & 16. 15.

- 4 Hakuba hizinene hina laba hi nga ka lowu xaxa ha keta, na hi binzwa; na ku nga hi a ku hi nga ta ambe-xwa, kanilezi a ku nga hi a mbaliswa, kasi a kufa ku mitwa hi kuhanya.

1 Kor. 15. 53, 54.

- 5 Makunu loyi a hi mahileko ka xwalexixilo hi Nungungulu, a hi nyikileko kutsumbisa ka Moyo.

Roma 8. 23. xip. 1. 23. Efe. 1. 14. & 2. 10. & 4. 30.

- 6 Hikwalaho na hi simamisile ni kutiya ko saseka, na hi tiba lezo, na ha hi le kaya mirini, hi haba ka Hosi

- 7 (Hakuba hina hi famba hi kukoleka, ku nga hi hi ku wonwa);

Roma 8. 24, 25. 1 Kor. 13. 12. xip. 4. 18. Heb. 11. 1.

- 8 Hina ni kutiyisa, nza wula, ha vumela akuba hi nga hi kona mirini, hiya le kaya hi tsama zinwe ni Hosi.

Fil. 1. 23.

- 9 Ngahilezo kambe ha maha kuringa ka hina, hambu hi le kaya kutani hi nga hi kona, hi mu nengelisa kwatsi.

- 10 Hakuba hina honkle hi fela ku wonkeliswa mahlweni ka xitsamo xa wukosi xa Kristu; kasi munwe ni munwani a fela ku amukela zilo a zi mahileko mirini, kotisa lezi a zi mahileko, kutani zo saseka kutani zi biha.

Mat. 25. 31, 32. Roma 2. 6. & 14. 10.

Gal. 6. 7. Efe. 6. 8. Kol. 3. 24, 25.
Kuv. 22. 12.

- 11 Hikwalaho na hi tiba a kucabeka ka Hosi, ha kongotela a banhu, kanilezi hi le kubaseni ka Nungungulu; nza tsumba lezaku hi le kubaseni kambe ka timbilu ta nwina.

xip. 4. 2. Heb. 10. 31. Jude 23.

- 12 Kambe hina a hi ti tsanzeli a wutsumbu ga hina ka nwina, kanilezi hi mu nyika a xikati xa kudumisa hi ka hina, kasi hi kona mu ta nga kuma kuhlamula ka laba ba dumisako hi wonekelako, na ku nga hi ka timbilu.

xip. 1. 14. & 3. 1.

- 13 Hakuba hambu hi hi kule ni wutsumbu ga hina, hi ka Nungungulu; hambu hi nga hi ni kupima kunene, ku hi ka nwina.

xip. 11. 1, 16, 17. & 12. 6, 11.

- 14 Hakuba kuranza ka Kristu ka hi komelela; hakuba hi lamuliswa lezi, lezaku munwe i lo fela bonkle, hikwalaho bonkle ba file;

Roma 5. 15.

- 15 I lo fela bonkle, lezaku laba ba hanyako ba nga ta ha nonohisa ba hanyela a wutsumbu gabye, kanilezi ka yena loyi hi kota yabye a ngafa i lo vuka kambe.

Roma 6. 11, 12. & 14. 7, 8. 1 Kor. 6. 19.
Gal. 2. 20. 1 Tesa. 5. 10. 1 Pet. 4. 2.

- 16 Ngahilezi hina a ha ha tibi munhu hi ka nyama: hambu lezi hi nga tiba Kristu hi ka nyama, makunu

lezi a ha ha mu tibi kambe.

Mat. 12. 50. Joh. 6. 63. & 15. 14. Gal. 5. 6. Fil. 3. 7, 8. Kol. 3. 11.

- 17 Ngahilezo loku a munhu a hi ka Kristu, i hi ximahwa xiswa: a zilo za kale zi hunzile; languta, zi mahile a ziswa.

Roma 8. 9. & 16. 7. Gal. 5. 6. & 6. 15.
Efe. 2. 15. Kuv. 21. 5.

- 18 Kanilezi zonkle zilo za Nungungulu, a wuyiseleko ka yena hi kota ya Kristu, a nyika hina kukozela ka kuwuyiselwa;

Roma 5. 10. Efe. 2. 16. Kol. 1. 20.
1 Joh. 2. 2. & 4. 10.

- 19 A kutiba, lezaku Nungungulu i wa hi ka Kristu na wuyisela a tiko ka wutsumbu gakwe, a nga hlayeli kabye a zihambuko zabye, a gi tisile ka hina a mhaka ya kuwuyiselwa.

Roma 3. 24, 25.

- 20 Hikwalaho hi mitsumi ya Kristu, a ku kwatsi Nungungulu wa mu kombela hi hina: ha mu kongotela hi ka Kristu, nga mu wuya ka Nungungulu.

xip. 3. 6. & 6. 1. Efe. 6. 20.

- 21 Hakuba loyi a nga ku tibiko kuonha, i lo mahiwa a kuonha hi kota ya hina; kasi hi fela ku maha kululama ka Nungungulu hi ka yena.

Roma 1. 17. & 5. 19. & 10. 3. Gal. 3. 13.
1 Pet. 2. 22, 24. 1 Joh. 3. 5.

XIPIMO 6.

- 1 Na hi tira katiginwe zinwe naye ha mu kombela lezaku mu nga amukeli a wuxinji

- ga Nungungulu hi maha-
la.
- 1 Kor. 3. 9. xip. 5. 20. Heb. 12. 15.
- 2 (Hakuba yena wa wula,
Hi xikati xi amukeleka-
ko nzi lo kuzwa wena, ni
siku ga kuhanyiswa nzi i
lo kuzwa wena:
languta, makunu hi xikati
xi amukelekako; languta
makunu hi siku ga kuha-
nyiswa):
- 3 U nga mahi xilo xa kungu-
banyisa, kasi kukozela ka
hina ku nga wiswi tinga-
na;
Roma 14. 13. 1 Kor. 9. 12. & 10. 32.
- 4 Kanilezi ka zilo zonkle hi
wonisa wutsumu ga hina,
kota zikozeli za Nungungu-
lu, hi kuhonisela ka hombe,
ni kuxanisekeni, ni kufane-
lekileko, ni kukaratekeni,
ni kubiweni,
1 Kor. 4. 1.
- 5 Ni kukotselweni paxweni,
vilinganyeni, ni kupinya-
meni, ni kurinzeleni, ni ku-
yileni;
xip. 11. 23, &c.
- 6 Ni hlanekerweni, ni kutibe-
ni, ni kutimiseleni, ni wu-
neneni, hi ka Moya wa Ku-
basa, ni kuranza ku nga ti
mahisiko,
- 7 Ni ka mhaka ya zinene, ni
ka ntamo wa Nungungulu;
ni ka maklari ya kululama
hi ka ga xinene canja ni hi
ka ga xibaba,
1 Kor. 2. 4. xip. 4. 2. & 7. 14. & 10. 4.
Efe. 6. 11, 13. 2 Tim. 4. 7.
- 8 Hi wukosi ni kunyenyiwa,
hi kubikwa ka kubiha ni ku-
bikwa ka kusaseka; kwatsi
- hi ba kohlisi, na hi nga hi
hi banene;
- 9 Kwatsi a ku tibyiwi, na hi
nga hi tibyiwa kwatsi; kota
hi fako, lunguta, na hi nga
hi hanya; hi hlongolwa, na
hi daw;
1 Kor. 4. 9. xip. 1. 9. & 4. 2, 10, 11. &
5. 11. & 11. 6.
- 10 Kwatsi mbusiwana, na hi
nga ha ha nengela; kwatsi
hi zisiwana, na hi nga hi
pfunisa bo tala; kwatsi a hi
na ncumo, na hi hi ni zilo
zonkle.
- 11 A milomu ya hina yi ahla-
mukile ka nwina, O ba le
Korinte, a mbilu ya hina yi
nabalatile.
xip. 7. 3.
- 12 A mu ololokangi ka hina,
kanilezi mu ololokile kura-
nzeni ka nwina.
xip. 12. 15.
- 13 Makunu a kukleliselwa hi
ko kota lezi (nzi wulawula
kwatsi hi ka banana ba mi-
na), nwinawu ma nabalata.
1 Kor. 4. 14.
- 14 Mu nga bohelwi katiginwe
ni ba nga kolwiko: hakuba
kuhlengela kuni ka ka ku-
lulama ni kubiha? kutani hi
kwihi kuklangana ka ku-
wonekela ni munyama ke?
1 Kor. 5. 9. & 7. 39. & 10. 21. Efe. 5. 7,
11.
- 15 Hi kwihi a kuzwana ka
Kristu ni Beliali ke? hi kwi-
hi kuklangana a nga nako
a kolwako ni wo kala a nga
kolwi ke?
- 16 Hi kwihi kuvumelana ka

tempeli ya Nungungulu ni ya zifananiso ke? hakuba hina hi tempeli ta Nungungulu a hanyako; kota lezi a nga wula Nungungulu, Nzi ta tsama ka bona, nzi famba ka bona; nzi ta maha Nungungulu wabye, bona ba ta maha banhu ba mina.

1 Kor. 3. 16. & 6. 19. Efe. 2. 21, 22.
Heb. 3. 6.

17 Ngahilezo

Humani *nwina* xikari ka-bye, mu hambana, ku wula Hosi,

Mu nga kumbi a zilo zo nyenyeza; Nzi ta mu amukela.

xip. 7. 1. Kuv. 18. 4.

18 Ni ka *nwina* nzi ta maha Raru, mu ta maha ka mina a barisanyana ni ba nhanyana, ku wula Hosi ya Ntamowonkle.

Kuv. 21. 7.

XIIMO 7.

1 Hikwalaho na hi hi ni lezi zitsumbiso, baranzekako, nga na hi hlaza wutsumbu ga hina wufenzeni ga nyama ni moya, hi mbelelisa a kubasa hi ku mu caba Nungungulu.

xip. 6. 17, 18. 1 Joh. 3. 3.

2 A hlamisani timbilu ta *nwina* ka hina: a hi onhanga ni munhu, a botangi ni munhu, a hi kalabelangi ni munhu.

Mit. 20. 23. xip. 12. 17.

3 A nzi wuli hi laba ku mu

nkona nwina: hakuba nzi wa rangile nzi wula, a ku *nwina* mu lomo timbilwini ta hina a kufa katiginwe ni kuhanya katiginwe.

xip. 6. 11, 12.

4 Ka hombe kutiyisa ka kukanela ka mina hi *nwina*, ka hombe kudumisa ka mina hi *klelo* ga *nwina*: nzi tatisilwe hi kutangala, nzi pupuma hi kutsaka kuxanisekeni ka hina honkle.

1 Kor. 1. 4. xip. 1. 4, 14. & 3. 12. Fil. 2. 17. Kol. 1. 24.

5 Hakuba hambu lezi hi ngata Makedonia, a nyama ya hina a yi bangi na ku humula, kanilezi hi wa xani-swa makleleni wonkle; hi lahandle hi walwa, ni xikari kutsisa.

xip. 2. 13. & 4. 8.

6 Ahemba loyi a tangalisako laba ba ti koramisileko, yena Nungungulu, i lo hi tangalisa hi kuta ka Titusi;

xip. 1. 4. & 2. 13.

7 Ku nga hi kuta kakwe koce, kanilezi hi ku tangala loku a nga tangalisilwe hi *nwina*, laha na hi byela hi labisisa ka *nwina*, ni miko-si ya *nwina*, ni kutiyisa ka *nwina* hi mina; lezo nza tsaka nguvu kambe.

8 Hakuba hambu nzi mu celi-le wusiwana hi papilo ga mina, a nzi dzuxwi hi lezo, hambu nzi lo dzuxwa; hakuba nza zi wona lezaku lego a papilo gi lo mu cela

wusiwana, hambu lezi ku nga xikatana.

xip. 2. 4.

- 9 Makunu nza tsaka, na ku nga hi ku mu wa celilwe wusiwana, kanilezi hakuba mu celilwe hi wusiwana ga kuhunzuluka: hakuba mu lo maha wusiwana hi ndlela ya ku vuneka, kasi mu nga lahlekelwi ncumo hi hina.
- 10 Hakuba a ku ti sola ka le ka Nungungulu ku tira kuhunzuluka ka kuhanyiswa, a kuhunzuluka loku ku nga ha nehiko a dzuxwa: kanilezi a wusiwana ga tiko gi tira a kufa.
- Mat. 26. 75.
- 11 Hakuba languta, hi xona lexo, xi nga mu cela wusiwana hi ka ndlela ya Nungungulu, ku cela kota ko yini ku nga hi ka nwina, ina, hi kwihi ku basisa a wutsumbu ga nwina, ina, a ku ti sola, hi kwihi kutsisa, ina, hi kwihi kuhonisela, ina, hi kwihi kuvumela, ina, hi kwihi kupota! ka zilo zonkle mu lo woneka mu ti basisile ka mahungu wonkle.
- 12 Lezo hambu lezi nzi nga lo tsala ka nwina, a nzi lo tsala hi kota ya yena lo yi a nga maha kubiha, na ku nga hi kota ya loyi bihisilweko, kanilezi kasi a ku cela kota nguvu ka nwina ka hina ka fela ku wonekeliswa ka nwina mahlweni ka Nungungulu.

xip. 2. 4.

13 Hikwalaho hi tangalisilwe: kutangalisweni ka hina ha xalala nguvu kambe ha hombe hi kuxalala ka Titusi, hakuba moya wakwe wu fumetilwe hi nwina nwenkle.

Roma 15. 32.

14 Hakuba loku hi ka yini na nzi nga nzi dumisile hi ka Titusi kutani hi ka nwina, nzi wa nga hi wa celwa tingana; kanilezi kota lezi hi wulako zilo zonkle ka zine ne za nwina, lezo ni kudumisa ka hina kambe, loku nzi nga maha na Titusi, na nga se ku kumiwa na hi zinene.

15 A kuranza loku ku nga nzeni kakwe ku kulu ha hombe nguvu ka nwina, laha na alakanya a kuingisa ka nwina nwenkle, lezaku hi kuca ba ni kururumela mu lo amukela.

xip. 2. 9. & 6. 12. Fil. 2. 12.

16 Mbuya nza nengela lezaku ka zilo zonkle nzi na ni kutiya kunene ha nwina.

2 Tesa. 3. 4. File. 8. 21.

XIPIMO 8.

- 1 Kambe, bamakabye, ha zi tibekisa ka nwina a wuxinji ga Nungungulu legi gi nyikilweko ticecini ta le Make donia;
- 2 Lezaku kuringweni ka hombe ka kuxaniseka a wu nyingi ga kutsaka kabye ni wusiwana gabye legi gi etileko ku pfunile a ku nyike la kabye.

Marku 12. 44. xip. 9. 11.

3 Hakuba hi ka ntamo wabye, nza maha wukustumunyu, ina hi lahandle ka ntamo wabye ba lo nyika hi kuvumela kabye,

4 Ba hi kombela hi ku kongotela ka hombe hi ka gwalegi wuxinji kasi a ku hlengela a ku abela laba bobasa:

Mit. 11. 29. & 24. 17. Roma 15. 25, 26.
1 Kor. 16. 1, 3, 4. xip. 9. 1.

5 Ni lezi, hi wa nga kota hi nga zi tsumbi, kanilezi kuranga ba lo nyikela a wutsumbu gabye ka Hosi, ni ka hina hi kuranza ka Nungungulu.

6 Hi ka zonalezo hi lo laya Titusi, lezaku kota lezi a nga nga a rangule hi mahlweni, lezo a mbetise kambe ka nwina na legi wuxinji.

xipm. 4, 17, 19. xip. 12. 18.

7 Kanilezi kota mu tsamileko ka zonkle zilo, hi kukoleka, ni kuwulawuleni, ni kutibeni, ni zineneni zonkle, ni ku hi ranzeni ka nwina, cuwukani aku nga mu hi ni legi wuxinji kambe.

1 Kor. 1. 5. & 12. 13. xip. 9. 8.

8 Mina a nzi wuli hi ndlela ya kulaya, kanilezi hi ku humelela ka kupinyama ka banwani kambe ni kuranza ka nwina.

1 Kor. 7. 6.

9 Habuka ma gi tiba a wuxinji ga Hosi ya hina Jesu Kristu, lezaku, hambu lezi a nga fumile, kasi hi kota ya nwina i lo maha xisiwana, ni hi kota ya wusiwana

gakwe kasi ma fela kufuma.

Mat. 8. 20. Luka 9. 58. Fil. 2. 6, 7.

10 Mangabye nza nyika kulamula ka mina: hakuba lezi kusaseka ka nwina, mu nga sangulile hi lembe gi hunzileko, ku nga ku maha koce, kanilezi hi ku maha hi matsenya.

Mat. 10. 42. 1 Kor. 7. 25. xip. 9. 2.
1 Tim. 6. 18, 19. Heb. 13. 16.

11 Makunu mbetisani loku ku maha kambe; kota lezi ku nga hi kona kulonga ka ku maha, nga ku hi kona kumbetisa kota hi ka ntamo wa nwina.

12 Hakuba loku ku nga ku hi kona kulongela, ku ta amukela kwatsi hi loku a nga nako munhu, na nga hi hi kota ya loku a nga hi kono.

Marku 12. 43, 44. Luka 21. 3.

13 Hakuba a nzi wuli lexi, lezaku banwani ba ta hehuka nwina, ni mu kinyelelwa:

14 Kanilezi hi kuringana; a pfuno wa nwina wa lexi xikati wu hi kuvuna ka kuvumala kabye, kasi a wunyingi gabye kambe gi kuvuna ka kuvumala ka nwina; lezaku ku ta ba kona a kuringana:

15 Kwatsi hilezi ku tsalilweko, Loyi a wungeleteleko nguvu a kusalangi ncumo; ni loyi a wungeleteleko kutsongwani a nga vumali ncumo.

16 Kanilezi a kubongwa nga

ku hi ka Nungungulu, loyi a bekelako kwaloku ku cela kota nguvu ha *nwina* mbi-lwini ka Titusi.

- 17 Hakuba hizinene i lo vume-la kulaya ka hina; kanilezi na nga yenawu a ti longise-le, i lotta ka *nwina* hi kuvu-mela kakwe yena *nwinyi*.

xipm. 6. xip. 12. 18.

- 18 Hina hi rumile katiginwe naye loyi a kubongwa ka yena hi ivangeli ku la su fenemete ticecini tonkile;

- 19 Ku nga hi lezo basi, kanilezi na hi loyi a hlawulwa hi ticeci a ku famba na hina hi mahungu ya wuxinji, leyi yi kozelwako hi hina ka wukosi ga Hosi, ni ku wonisa a kulongisa ka hina:

1 Kor. 16. 3, 4. xipm. 4, 6, 7. xip. 4. 15. & 9. 8.

- 20 Na hi dzuka lexi, lezaku kutani munhu a nga sola hina ka mahungu manyingi ya lezi za kuabelwa hi hina:

- 21 Hakuba hina hi lo alakanya loku kudzunziwa, ku nga hi mahlweni ya Hosi koce, kanilezi ni le mahlweni ya banhu kambe.

Roma 12. 17. Fil. 4. 8. 1 Pet. 2. 12.

- 22 Hi rumile zinwe nabo a nakulori wa hina, loyi hi mu kumileko na pangamile zilweni zinyingi hi xikati xonkile, makunu wa ha pangamile nguvu, hi kota ya kutsumba ha hombe nguvu a nga nako ha *nwina*.

- 23 Ngahilezo a wutisa ka mina hi Titusi, hi yena xi hlenge-li xa mina ni xitiri-kulori

leyo ka *nwina*; hambu bamakabye ba hina, bona ba hi mitsumi ya ticeci, bona ba hi wukosi ga Kristu.

Fil. 2. 25.

- 24 Ba kombiseni hikwalaho mahlweni ka ticeci a kuwonisa ka kuranza ka *nwina*, ni wukosi ga hina hi ka *nwina*.

xip. 7. 14. & 9. 2.

XIPIMO 9.

- 1 Hi kumbuka a kuabela laba bobasa, a zi labeki ka mina lezaku nzi mu tsalela:

Mit. 11. 29. Roma 15. 26. 1 Kor. 16. 1.

xip. 8. 4. Gal. 2. 10.

- 2 Hakuba nza zi tiba a kulongela ka *nwina*, hikwalaho nza mu dzunza ka le Macedonia, lezaku Akaia i longile hi mwecemu; a kuvumela ka *nwina* kuvuxile a banyingi babye.

xip. 8. 10, 19, 24.

- 3 Kanilezi nzi rumile bama-kabye, lezaku a kudumisa ka hina ha *nwina* ku nga mahi mahala hi ka lexi xilo; lezaku, kwatsi hilezi nzi nga wulile, kasi ma fela kulongiselwa:

xip. 8. 6, 17, 18, 22.

- 4 Ku nga ta ku ngalo, loku bata na mina a ba le Macedonia, ba ta mu kuma na mu nga longile, hina (a nzi wuli, *nwina*) hi ta celwa tingana ka loku kutsumba.

- 5 Nzi lo alakanya a ku ku fanele hikwalaho a kongotela bamakabye, kasi ba ranga bata ka *nwina*, aku ba ku longiselwa kwatsi loku

mu nga tsumbisile hi mahlweni ku nyikela, kasi kwaloko ku fela ku longa, kota mahungu ya kunyika hi matsenya, ku nga hi ku mulaya.

- 6 Kanilezi lezi nza wula, Loyi a byalako ku tsongwani i ta hula ku tsongwani; ni loyi a xwanyako ha hombe i ta hula ha hombe.

Gal. 6. 7, 9.

- 7 Nga na munhu ni munhu a maha kotisa lezi a pimako ku zi maha mbilwini yakwe; na a nga ganganwagananwa, kutani na kurumetwa: hakuba Nungungulu wa ranza loyi a nyikako na xalele.

Roma 12. 8. xip. 8. 12.

- 8 Ni Nungungulu wa kota ku maha wuxinji gonkle gi tsama ka nwina; lezaku nwina, na mu enelisilwe xikati xonkle ka zilo zonkle, mu fela kutsama ka zilo zonkle za mitiro yo saseka:

Fil. 4. 19.

- 9 Kwatsi hilezi ku tsalilweko, Loyi a xwanyileko, i lo abela zisiwana; A kululama ka yena ku tsamile kala kupinzuka.

- 10 Yena loyi a nyikako a mbe-wu ka xwanyeli ni xibaba kasi kuga, i ta nyika a anzi-sa a mbewu ya nwina kasi ku xwanywa, ni kutatisa a mihanzo ya kululama ka nwina:

Mat. 6. 1.

- 11 Nwinawu na munga mu

pfunile zilweni zonkle ni kuklakleka konkle, ku tirako ka hina a ku bonga ka Nungungulu.

xip. 1. 11. & 4. 15. & 8. 2.

- 12 Hakuba a kunyikiwa ka le-yi minyikelo a ku tatisangi a kuringaniswa ka laba bobasa boce, kanilezi ku tsama kubongeni kunyingi ka Nungungulu;

xip. 8. 14.

- 13 Na ba wona a ku humela ka nwina hi leyi minyikelo ba dumisa Nungungulu hi kuingisa ka kuvumela ka nwina ka ivangeli ya Kristu, ni hi kota ya kuklakleka ka kunyikela ka nwina kabye ni ka bonkle;

Mat. 5. 16. Heb. 13. 16.

- 14 Laha na wutsumbu gabye kambe, hi kukombelele ha nwina, ba mu labisisa hi kota ya kuhumelela ka wuxinji ga Nungungulu ka nwina.

xip. 8. 1.

- 15 A kubongwa nga ku hi ka Nungungulu hi kunyika ka yena ku nga hi ko ni kuwulwawulwa.

Jam. 1. 17.

XIPIMO 10.

- 1 Makunu mina Paule wutsumbu nza mu kombela nwina hi wunene ni kurula ka Kristu, mina ywaloyi na nza hi kona ka nwina nzi lo ti koramisa xikari ka nwi-na, kanilezi na hi haba nza tiya mbilu ha nwina:

Roma 12. 1. xipm. 10. xip. 12. 5, 7, 9.

- 2 Ina, mina nza mu kongo-

tela, lezaku laha na nzi nga nzi hi kona nzi wonisa a kutiya zinwe ni kutsumba loku nzi tsumbako ha kona hi banwani, ba kuhlayako ka hina lezaku hi famba hi ka nyama.

¹ Kor. 4. 21. xip. 13. 2, 10.

3 Hakuba hambu hi famba hi ka nyama, a hilwi hi kota ya nyama

4 (Hakuba a maklari ya zunga ga hina a hi ya nyama, kanilezi ma ntamo mahlweni ka Nungungulu a ku hangalasa makokola);

Mit. 7. 22. ¹ Kor. 2. 5. xip. 6. 7. & 13. 3, 4. Efe. 6. 13. ¹ Tesa. 5. 8. ¹ Tim. 1. 18. ² Tim. 2. 3.

5 Mangalasa a maalakanya, ni zonklelele lezi zi kukumukisilweko ka kutiba ka Nungungulu, ku neha kualakanya konkle kukorameni ka kuingisa Kristu;

¹ Kor. 1. 19. & 3. 19.

6 Na kulongile a ku klelisela loku kungaingisiko, laha na kuingisa ka nwina ku ta nga nga ku tatisekile.

xip. 2. 9. & 7. 15. & 13. 2, 10.

7 Nwina mu cuwuka ka zilo lezi zi nga le mahlweni ka ngohe ta nwina. Loku a hi kona munhu a tsumbako wutsumbu gakwe aku u wa ka Kristu, nga na a pima lezi a wutsumbu gakwe, lezaku, kota lezi a nga wa ka Kristu lezo na hinawu.

Joh. 7. 24. ¹ Kor. 3. 23. & 9. 1. & 14. 37. xip. 5. 12. & 11. 18, 23. ¹ Joh. 4. 6.

8 Hakuba hambu nzi dumisa lezaku hi ntamo wa hina (lowu a nga nyika Hosi ka ma akelwa ha wona, ku nga

hi kuhoxwa), nzi nga ta celiwa tingana:

xip. 7. 14. & 12. 6. & 13. 10.

9 Ku nga mahi ku kwatsi nzi lo mu cabisa hi papilo ya mina.

10 Hakuba, Mapapilo yakwe, ba wula, ma tika ma na ntamo; kanilezi a kuwonekela ka miri wakwe kukarele, a ku wulawula kakwe a hi ncumo.

¹ Kor. 1. 17. & 2. 1, 2, 3, 4. xipm. 1. xip. 11. 6. & 12. 5, 7, 9. Gal. 4. 13.

11 Nga a wa ku ngahi a pima lexi, lezaku, laha hi nga kona hi mhaka ya ma papilo na hi nga hi kona, hi ngaho kambe mitirweni loku hi nga hi hi kona.

12 Hakuba hina a hi tiyisi a kuhlaya kutani kuringanisa a wutsumbu ga hina ni bo kari babye laba ba ti tsanzako wutsumbu gabye: kanilezi bona wutsumbu gabye, ba ringanisa wutsumbu gabye hi wutsumbu gabye, ni ku ecanyisa a wutsumbu gabye hi wutsumbu gabye ba haba ni kupima.

xip. 3. 1. & 5. 12.

13 Kanilezi hina hi nga ta dumisa kuhunza wutsumbu ga hina, kanilezi hi kota kuringanisa loku hi nyikilweko hi Nungungulu kota kuringana, kasi ha cikela ka nwina.

xipm. 15.

14 Hakuba a hi ololoxi wutsumbu ga hina hi ku hunzisi-leko, lezaku kwatsi a hi cikelanghi ka nwina: hakuba

hi cikela kule kwatsi hi leyo ka *nwina* hi ka ivangeli ya Kristu:

1 Kor. 3. 5, 10. & 4. 15. & 9. 1.

- 15 Hi nga dumisi kuhunza lipimo la hina, loko hi ku ngalo, hi mitiro ya banwani; kanilezi hi hi ni kutsumba lezaku, kota lezi kukoleka ka *nwina* ku kulako, hi kuliswa nguvu hi *nwina* hi lo zi longileko kuklabiketa wunyingi ga hina,

Roma 15. 20.

- 16 Lezo a kukanela ivangeli wutsanweni gi nga kule na *nwina*, hi nga dumisi hi klelweni ga munwani a ku hi ka zilo zi longileko canjeni ga hina.

- 17 Kanilezi loyi a dumisako, nga a dumisela ka Hosi.

1 Kor. 1. 31.

- 18 Hakuba loyi a ti tsanzako wutsumbu gakwe a saseswako, kanilezi a yimiswa ko hi Hosi.

Roma 2. 29. 1 Kor. 4. 5.

XIPIMO 11.

- 1 Zokwatsi mu nga ba na wupupulwini gitsongwani na mina: kokwihi hizinene nga mu hunisela na mina.

xipm. 16. xip. 5. 13.

- 2 Hakuba nzi na ni wukuxu ka *nwina* a wukuxu ga ka Nungungulu: hakuba nzi lo mu heleketa ka nuna munwe, kasi nza fela ku mu yisa na mu hi mibulwa yi basileko ka Kristu.

1 Kor. 4. 15. Gal. 4. 17, 18. Kol. 1. 28.

- 3 Kanilezi nza caba, ku nga ta ku ngalo, a nyoka yi lo

mu kohlisa Eva hi wuklati ga yona, lezo ni kupima ka *nwina* kubotwa kupimeni ni kutibeni loku ka Kristu.

Joh. 8. 44. Efe. 6. 24. Kol. 2. 4, 8, 18.

1 Tim. 1. 3. & 4. 1. Heb. 13. 9. 2 Pet. 3. 17.

- 4 Hakuba loku loyi a tako a kanela hi munwani Jesu, loyi hi nga mu kanelangiko, kutani loku mu amukela a moya wu hambeneko, lowu mu nga nga mu nga wu amukele, kutani i ivangeli yi hambeneko, leyi mu nga amukelangiko, ma maha kwatsi ku mu honisela.

Gal. 1. 7, 8.

- 5 Hakuba nza alakanya a nzi lenzako laba ba bapostoli ba hombe nguvu.

1 Kor. 15. 10. xip. 12. 11. Gal. 2. 6.

- 6 Kanilezi hambu lezi nzi nga ni bilabila ku wulawuleni, lezo a nzi kona kutibeni; ge, ka zilo zonktelele hi wonekelisile kwatsi xikari ka banhu bonkle hi *nwina*.

1 Kor. 1. 17. & 2. 1, 13. xip. 4. 2. & 5.

11. & 10. 10. & 12. 12. Efe. 3. 4.

- 7 Kutani nzi lo onha mina hi kukoramisa wutsumbu ga mina kasi *nwina* mu kukumukiswa, hakuba nzi lo kanela ka *nwina* a ivangeli ya Nungungulu hi matsenya ke?

Mit. 18. 3. 1 Kor. 9. 6, 12. xip. 10. 1.

- 8 Nzi lo panga tinwani ticeci, nzi lo teka a mali kabye kasi nzi ta tira ha yona ka *nwina*;

- 9 Ni laha na nza ha hi kona na *nwina* nzi wa vumala, nzi wa nga binzisangi ha-

mbu munwe munhu; ha-
kuba bamakabye, laha na
bata hi le Makedonia, ba lo
nyika lezi zi ringeneko ni
ku laba ka mina; ni ka zilo
zonkle nzi lo ti gonga wu-
tsumbu ganga lezaku nzi
nga mu mahi nzwalo nwi-
na, lezo nzi lo gonga wutsu-
mbu ganga.

Mit. 20. 33. xip. 12. 13, 14, 16. Fil. 4.
10, 15, 16. 1 Tesa. 2. 9. 2 Tesa. 3. 8, 9.

- 10 Kwatsi hilezi a zinene za
Kristu zi nga hi kona ka
mina, a nga kona munhu a
ta nga nzi miyeta loku ku-
dzunza matikweni ya le
Akaia.

Roma 9. 1. 1 Kor. 9. 15.

- 11 Ngahilezo? hakuba a nzi mu
ranzi ke? Nungungulu wa
zi tiba.

xip. 6. 11. & 7. 3. & 12. 15.

- 12 Kanilezi mina nzi maha yi-
ni, lezaku nzi ta ku maha,
lezaku nzi fela ku valela a
xikati ka laba ba nabelako
a xikati; lezaku laba ba du-
misako hi lezo, ba kumiwa
kota hinawu.

1 Kor. 9. 12.

- 13 Hakuba a ka ku ngahi ba-
postoli ba mawuna, a zitiri
lezi zi kohlisako, ba bombi-
sa wutsumbu gabye wupo-
stolini ga Kristu.

Mit. 15. 24. Roma 16. 18. xip. 2. 17.
Gal. 1. 7, 8. & 6. 12. Fil. 1. 15. & 3. 2.
Tit. 1. 10, 11. 2 Pet. 2. 1. 1 Joh. 4.
1. Kuv. 2. 2.

- 14 Ku haba kuhlamala; haku-
ba Satani wa bombosa wu-
tsumbu gakwe kota ngelosi
ya kuwonekela.

Gal. 1. 8.

- 15 Hikwalaho a xilo xa hombe

loku a zikozeli zakwe zi ti
bombisa hi ku kwatsi ziko-
zeli za kululama; laba le
kugumelweni ba ta nga ko-
ta mitiro yabye.

xip. 3. 9. Fil. 3. 19.

- 16 Nza wula kambe, Nga na
munhu a nga alakanyi ha
mina a wupupulu; loku lezo
mu nga mu maha, hambu a
wupupulu nzi amukeleni,
kasi na minawu nza fela
kudumisa kutsongwani.

xipm. 1. xip. 12. 6, 11.

- 17 Lezaku lezi nzi wulako, a
nzi ku wulawuli hi klelo ga
Hosi, kanilezi hi wupupu-
lwini, ka loku kutsumba
ka wukosi.

1 Kor. 7. 6, 12. xip. 9. 4.

- 18 Na mu wona lezaku a ba-
nyingi ba dumisa hi ka nya-
ma, nzi ta dumisawu ka-
mbe.

Fil. 3. 3, 4.

- 19 Hakuba nwina ma honisela
a mapupulu hi kutsaka, na
mu klarihile wutsumbu ga
nwina.

1 Kor. 4. 10.

- 20 Hakuba ma timisela na mu-
nhu, loku a mu tisa wuku-
mbini, loku a mu kadamu-
la, loku a yisa kukonweni,
loku a ti kukumukisa wu-
tsumbu, loku a ku hima le
nhoheni.

Gal. 2. 4. & 4. 9.

- 21 Nzi wula hi ndlela ya ku-
mbelisa ntamo, na ku ku
kwatsi hilezi hi nga si na hi
karele. Nga mangabye hi-
laho i kona a tiyileko (nzi

wulawula hi ka wupupulu),
mina nzi tiyile kambe.

xip. 10. 10. Fil. 3. 4.

- 22 Bona mba Heberu ke ? nzi yenawu. Bona mba Israeli ke ? lezo nzi yenawu. Bona mba mbewu ya Abrahama ke ? lezo nzi yenawu.

Mit. 22. 3. Roma 11. 1. Fil. 3. 5.

- 23 Bona ba hi zikozeli za Kristu ke ? (nzi wulawulisa ku kwatsi nzi klelweni gakwe) nza hunzisa; mitirweni ha hombe nguvu, kupaxweni ha hombe nguvu, hi kubiwa ku hunza lipimo, kanyingi kufeni.

Mit. 9. 16. & 20. 23. & 21. 11. 1 Kor. 15. 10, 30, 31, 32. xip. 1. 9, 10. & 4. 11. & 6. 4, 5, 9.

- 24 Ka ba Juda nzi lo amukela nklanu wa zikati a mune wa makume a zifuta saseka xinwe.

- 25 Kunharu nzi lo biwa hi tinhonga, kanwe nzi lo gandlwa hi maribye, kunharu nzi xaniseka hi kupanzeka ka mataru, a wusiku ni mu-mu nzi wa hi kueteni;

Mit. 14. 19. & 16. 23. & 27. 41.

- 26 A mapfumbeni ka nyingi, ni timhangweni ta micongo, a timhangweni ta bapangi, ni timhangweni ta ba ka hina, ni timhangweni ta ba Matiko, ni timhangweni ta lomo mitini, ni timhangweni ta ziwula, ni timhangweni ta mabimbi, ni timhangweni ta bamakabye ba mahlebo;

Mit. 9. 23. & 13. 50. & 14. 5. & 17. 5. & 19. 23. & 20. 3. & 21. 31. & 23. 10, 11. & 25. 3.

- 27 Ni kutira ni xaniseka, a ku-

rinzela xikati xinyingi, ni le ndlalani ni le toreni, a kuyila xikati xinyingi, ni le xiramini, ni le wumbyirini.

Mit. 20. 31. 1 Kor. 4. 11. xip. 6. 5.

- 28 Hi lahandle ka lezi zilo zi kona lahandle, ku kona lezi zi nzi tikelako masiku wonkle, a kugongola ticeci tonkle.

Mit. 20. 18, &c. Roma 1. 14.

- 29 Hi mani a kareleko, minawu nzi nga karali ke ? hi-mani a mahako xikubekiso, nzi ngaswi minawu ke ?

1 Kor. 8. 13. & 9. 22.

- 30 Loku zi labekile ku nga nzi dumisa, nzi ta dumisa hi zilo lezi zi nzi karalisako.

xip. 12. 5, 9, 10.

- 31 Nungungulu a Dadani wa Hosi Jesu loyi a katekisi-lweko kala kupinzuka, wa zi tiba aku a nzi hembu wunwa.

Roma 1. 9. & 9. 1, 5. xip. 1. 23. Gal. 1. 20. 1 Tesa. 2. 5.

- 32 Le Damaseku a mufumeli a nga hi lahasi ka Aretasi a labelela a muti wa le Damaseku, kasi ku nzi koma :

Mit. 9. 24, 25.

- 33 Hi laha ka woni nzi lo konelwa lomo ka xirunzu nzi ciswa lahasi hi le kurisini, nzi lo pona mandleni yakwe.

XIPIMO 12.

- 1 Mina nzi yimelwe hi kudumisa, hambu lezi zi nga sasekiko ; kanilezi nzi tata ka zona a ziwonekeliso ni kuvululwa ka Hosi.

2 Nza mi tiba munhu ka Kristu, kume ga malembe ni mune ma hunzileko (kutani ngwa laha ka miri, a nzi zi tibi; Nungungulu wa zi tiba), a wa ku ngahi i lo klakuselwa ka tilo ga wunharu.

Mlt. 22. 17. Roma 16. 7. xip. 5. 17. Gal. 1. 22.

3 Mina nza mu tiba munhu wa ku ngahi (kutani hi lomo mirini, kutani hi klelweni ni miri, a nzi mu tibi; Nungungulu wa zi tiba),

4 A ku i lo klakuselwa hi ku yini Paradeseni, i lozwa a timhaka ti nga hi ko ni wulwawulwa, leti zi nga faneliko munhu ku nga a wulawula.

Luka 23. 43.

5 Kaywaloyi munwe nzi ta mu dumisa : kanilezi hi ganga klelo nzi nga ta ti dumisa, saseka hi kukarala ka mina.

xip. 11. 30.

6 Hakuba loku nzi nga nzi labisisa kudumisa, nzi nga ta maha a pupulu; hakuba nzi ta wulawula a zinene: kanilezi nza tsika, ku nga ta ku a munhu a hlaya ha mina ku hunza a lipimo lolu nzi nga ka lona, kutani a zwaako hi mina.

xip. 10. 8. & 11. 16.

7 Na hi laha ka kota ya wukulu ga hombe ga kuvuliwa—ngahilezo, hikwalaho, mina nzi nga kukumukiswi hi ku hunzeleta nzeko, ku wa lo nyikwa ka nyama ya

mina muzwa, a tsumi wa Satani a nzi tsekulela, kasi nzi nga ti kukumukisi hi ku hunzeleta nzeko.

Luka 13. 16. Gal. 4. 13, 14.

8 Hi kota ya lexi xilo mina nzi lo kombela a Hosi kunharu, kasi ku fela ku suka ka mina.

Mat. 26. 44.

9 Yi lo wula ka mina, A wuxinji ga mina gi enele ka wena : hakuba ntamo wa mina wu mbelele kukaraleni. Hikwalaho a kutsaka ka mina ka hombe, nzi ta dumisa kukaraleni ka mina, kasi a ntamo wa Kristu wa humula ka mina.

xip. 11. 30. 1 Pet. 4. 14.

10 Ngahilezo nza xalala le kukaraleni, ni kudzuxweni, ni kufanelekileko, ni xanisweni, ni kupanzanyweni, hi kota ya Kristu: hakuba nzi ha karele, zonake nzi ha kuma ntamo.

Roma 5. 3. xip. 7. 4. & 13. 4.

11 Nzi bubutsele : nwina ma nzi kurumeta ; hakuba nga mu fanela ku nzi tsanza: hakuba a nzi le nzako ha ncumo ka bapostoli laba ba hombe, hambu lezi nzi nga hi ko ncumo.

1 Kor. 3. 7. & 15. 8, 9. xip. 11. 1, 5, 16, 17. Gal. 2. 6, 7, 8. Efe. 3. 8.

12 Hizinene a ziwoniso za wupostoli zi lo mahwa ka nwina hi kutimisela, hi ziwoniso ni zidamiso ni mitiro ya ntamo.

Roma 15. 18, 19. 1 Kor. 9. 2. xip. 4. 2, & 6. 4. & 11. 6.

13 Hakuba xilo muni mu nga hlulwa ha xona hi tinwani ticeci, kumbela lezaku nzi wa nga hi nzwalo ka nwina ke? nzi tsetseleleni loku kubiha.

1 Kor. 1. 7. & 9. 12. xip. 11. 7, 9. & 13. 1.

14 Mangabye, lexi hi zikati zinharu nzi longela kuta leyo ka nwina; nzi nga ta maha nzwalo ka nwina: hakuba a nzi labi za nwina, kanilezi nwina: hakuba a banana a ba fanele kubekela a batrali babye, kanilezi a batrali kubela banana.

Mit. 20. 33. 1 Kor. 4. 14, 15. & 10. 33.

15 Nzi ta hlakana nguvu loku nzi mbeta, nzi mbetwa hi mihefemulo ya nwina. Loku nzi nga nzi mu ranza ha hombe nguvu, mina nzi ranzwa kutsongwani ke?

Joh. 10. 11. xip. 1. 6. & 6. 12, 13. Fil. 2. 17. Kol. 1. 24. 1 Tesa. 2. 8. 2 Tim. 2. 10.

16 Nga zi ngaho, mina wutsumbu a nzi lo mu binzisa; kanilezi, na nzi klarihile, nzi lo mu koma hi mano.

xip. 11. 9.

17 Nzi wa lo mu gelela nwina hi munwe wa laba nzi ba rumako ba ta ka nwina ke?

xip. 7. 2.

18 Mina nzi lo laya Titusi, nzi lo rumela a nakulori zinwe naye. Kunene Titusi i lo mu gelela ke? hi wa nga fambi hi walowo Moya munwe ke? hi wa nga fambi hi makonzo manwe ke?

xip. 8. 6, 16, 18, 22.

19 Mu alakanya xonkle lexi

xikati a ha ti pendla ka nwina. Mahlweni ka Nungungulu hi wula ha Kristu. Kanilezi zonkle zilo baranziweko, za kuakwa ka nwina.

Roma 9. 1. 1 Kor. 10. 33. xip. 5. 12. & 11. 31.

20 Hakuba nza caba, ku nga taku, laha na nzita, nzi nga ta mu kuma na mu nga hi kota nzi ranzako, kambe mina wutsumbu nzi nga na nzi nga hi kota mu zi ranzako; ku nga ta nga, ku nga ku hi kona kukanetana, a wukuxu, a zanga, ni kulo, a kuhleba, a mahlebo, a wungungwani, a xipfikipliki:

1 Kor. 4. 21. xip. 10. 2. & 13. 2, 10.

21 Ku nga taku, laha na nzi tile kambe, Nungungulu wa mina i ta nzi bohlisa mahlweni ka nwina, mina nzi nga rila hi laba banyingi ba si na ku ba onhile, ba nga hunzulukiko ka zi nga hlazwkangiko ni kubaya ni kuremba loku ba ku mahileko.

1 Kor. 5. 1. xip. 2. 1, 4. & 13. 2.

XIPIMO 13.

1 Lexi hi zikati zinharu na nzita le ka nwina. Hi nomu wa bakustumunyu bambiri kutani banharu a timhaka tonkle ti ta tiyiswa.

Mat. 18. 16. Joh. 8. 17. xip. 12. 14. Heb. 10. 28.

2 Nzi wa lo wula hi le mahlweni, nza wula hi le mahlweni, kota lezi nzi nga hi kona hi xikati xa wumbiri,

lezo makunu, na nzi hi haba, ka laba ba nga si na ba onhile hi le mahlweni, ni ka laba ba seleko, lezaku, loku nzi tile kambe, nzi nga ta mu tsika;

xip. 1. 23. & 10. 2. & 12. 21.

3 Na mu wona lezaku mu laba ziwoniso za Kristu lezi zi kanelako ka mina; loyi ka nwina a nga kareleko, kanilezi i na ntamo nguvu ka nwina:

Mat. 10. 20. 1 Kor. 5. 4. & 9. 2. xip. 2. 10.

4 Hakuba ilo belelwa hi kukarala, na nga a kari a hanya hi ntamo wa Nungungulu. Hakuba hina kambe hi karele hi kota ya yena, kanilezi hi ta hanya hi kota ya yena hi ntamo wa Nungungulu ka nwina.

Roma 6. 4. xip. 10. 3. 4. Fil. 2. 7, 8. 1 Pet. 3. 18.

5 Ringani wutsumbu ga nwina, lezaku mu le kukolekeni; hlolani nwina benyi wutsumbu. Kutani a zi tibi nwina wutsumbu ga nwinawu, lezaku Jesu Kristu i kona nzeni ka nwina ke? kutani hizinene mu nga nga mu hoxilwe.

Roma 8. 10. 1 Kor. 9. 27. & 11. 28. Gal. 4. 19

6 Kanilezi nza zi tsumba lezaku mu ta zi tiba ku ngalo a hi hoxiwangi.

7 Makunu ha kombela ka Nungungulu lezaku mu nga onhi; na ku nga hi ku hi ta woneka na hi nga hlolwangi, kanilezi kasi ma fela ku maha lezi zi dzunzekako,

hambu lezi hi kwa hi hoxilwe.

xip. 6. 9.

8 Hakuba hi nga ta mahancumo xohambana ni zine-ne, kanilezi hi ka zinene.

9 Hakuba hina ha tsaka, laha na hi karele, nwina mu na ntamo: lezo kambe hina hi lo zi kombelela, hambu kona kumbelela ka nwina.

1 Kor. 4. 10. xip. 11. 30. & 12. 5, 9, 10. 1 Tesa. 3. 10.

10 Hakuba hi kota ya lexi nzi tsala lezi zilo na nzi hi haba, kasi loku na nzi hi kona nzi nga wulawuli hi ntamo, hi ka kota ya ntamo lowu a nga nzi nyika a Hosi akuba nzi aka, na ku nga ku kungumula.

1 Kor. 4. 21. xip. 2. 3. & 10. 2, 8. & 12. 20, 21.

11 Hi kugumesa, bamakabye, salani. Mbeleliswani; tangaliswani; nga mu pima katiginwe; mu tsama hi kurula: Nungungulu wa kuranza ni kurula nga a hi na nwina.

Roma 12. 16, 18. & 15. 5, 33. 1 Kor. 1. 10. Fil. 2. 2. & 3. 16. 1 Pet. 3. 8.

12 Rungulanani hi kutrotra ka kubasa.

Roma 16. 16. 1 Kor. 16. 20. 1 Tesa. 5. 26. 1 Pet. 5. 14.

13 Bonkle laba bobasa ba mu rungula.

14 A wuxinji ga Hosi Jesu Kristu, ni kuranza ka Nungungulu, ni kuklangana ka Moya wa Kubasa, nga ku hi na nwina nwenkle.

Roma 16. 24. Fil. 2. 1.

A PAPILO GA PAULE KA BA LE GALATIA.

XIPIMO 1.

- 1 Paule, mupostoli (na nga hi wa le ka banhu, na ku nga hi hi kota ya munhu, kanilezi hi kota ya Jesu Kristu, ni Nungungulu Dadani, loyi a nga mu vuxa hi ka bafileko),
Mit. 2. 24. & 9. 6. & 22. 10, 15, 21. & 26. 16. xipm. 11, 12. Tit. 1. 3.
- 2 Ni bonkle bamakabye laba ba nga zinwe na mina, ka ticeci ta le Galatia :
1 Kor. 16. 1. Fil. 2. 22. & 4. 21.
- 3 A wuxinji nga gi hi ka nwina ni kurula ka le ka Nungungulu Dadani, ni ka le ka Hosi ya hina Jesu Kristu,
Roma. 1. 7. 1 Kor. 1. 3. 2 Kor. 1. 2. Efe. 1. 2. Fil. 1. 2. Kol. 1. 2. 1 Tesa. 1. 1. 2 Tesa. 1. 2. 2 Joh. 3.
- 4 Loyi a nga nyikela wutsumbu gakwe hi kota ya zonho za hina, kasi a fela ku hi klakla hina ka gwalegi tiko ga kubiha, hi kuranza ka Nungungulu ni Dadani wa hina :
Mat. 20. 28. Joh. 15. 19. & 17. 14. Roma. 4. 25. xip. 2. 20. Tit. 2. 14. Heb. 2. 5. & 6. 5. 1 Joh. 5. 19.
- 5 Ka yena nga ku hi kona wukosi kala kupinzuka ni kupinzuka. Amen.
- 6 Nza hlamala lezo mu haklileko kukungubanyeka le ka yena loyi a nga mu bitana nwina ka wuxinji ga

Kristu muya ka yinwani ivangeli;

- xip. 5. 8.
- 7 Leyo yi nga hi ko yinwani ivangeli ; ba kona laba ba mu karatako, ba labako kuonha ivangeli ya Kristu.
Mit. 15. 1, 24. 2 Kor. 2. 17. & 11. 4, 13. xip. 5. 10, 12.
- 8 Kanilezi kani hi hina, kutani ingelosi ya le tilweni, yi kanela ka nwina ivangeli yinwani kuhunza leyi hi kaneleko ka nwina, nga yi hoxwa.
1 Kor. 16. 22.
- 9 Kota lezi hi nga rangula hi wula, lezo nza wula kambe, Loku a hi kona munhu a kanelako ka nwina a yinwani ivangeli, kuhunza leyi mu yi amukeleko, nga na a hoxwa.
Kuv. 22. 18.
- 10 Hakuba mina makunu nza kurumeta banhu, kutani Nungungulu ke? kutani nza laba kudzunza banhu? loku nzi wa dzunzu banhu, nzi wa nga ta maha xitiri xa Kristu.
Mat. 28. 14. 1 Tesa 2. 4. Jam. 4. 4. 1 Joh. 3. 19.
- 11 Hakuba mina nza zi tibe-kisa ka nwina, bamakabye, kwatsi hi kumbuka a ivangeli leyi yi nga kanelwa hi mina, a hi ya le ka banhu.
1 Kor. 15. 1.

- 12 Hakuba hambu ni ku yi kuma ka munhu, hambu ni ku yi gonziswa, kanilezi yi lota ka mina hi kuvululwa ka le ka Jesu Kristu.
1 Kor. 15. 1, 3. xipm. 1. Efe. 3. 3.
- 13 Hakuba mu lozwa hi mahungu ya kuhanya ka mina hi xikati xi hunzileko hi kukolweni ka ba Juda, lezaku hi kuhunzisileko nzi lo xanisa ceci ya Nungungulu, nzi wo yi hangalasa:
Mit. 8. 3. & 9. 1. & 22. 4. & 26. 11.
1 Tim. 1. 13.
- 14 Nzi wa hunzisile kukolweni ka ba Juda kuhunza banyingi ba ntanga ya mina matikweni ya hina, nzi wa lo namarela nguvu mahanyeleni ya bararu ba hina.
Mat. 15. 2. Marku 7. 5. Mit. 22. 3. & 26. 9. Fil. 3. 6.
- 15 Kanilezi laha zi nga kungegelisa ka Nungungulu, loyi a nzi hambanyiseleko kwalomo rubyini ga mamani, i lo nzi bitana hi wuxinji gakwe,
Mit. 9. 15. & 13. 2. & 22. 14, 15. Roma 1. 1.
- 16 A ku vulula Nwana wa yena ka mina, kasi nza fela kukanela ha yena xikari ka ba Matiko; zalezo a nzi wulawulangi ni nyama ni nkata:
Mat. 16. 17. Mit. 9. 15. & 22. 21. & 26. 17, 18. Roma 11. 13. 1 Kor. 15. 50. 2 Kor. 4. 6. Efe. 3. 8. & 6. 12.
- 17 A nzi wa nga yangi Jerusalema ka laba ba nga hi bapostoli mahlweni ka mina: kanilezi nzi lo famba le Arabia; nzi lo engeta nzi kleklelela Damaseku.
- 18 Zonake a nzako ka malembe manharu nzi loya Jerusalema a ku enzela Kefasi, nzi lo tsama naye kume ni nklanu wa masiku.
Mit. 9. 26.
- 19 Kanilezi a banwani bapostoli a nzi ba wonangi, saseka Jamesi nakulori wa Hosi.
Mat. 13. 55. Marku 6. 3. 1 Kor. 9. 5.
- 20 Kanilezi hi ku kumbuka zilo nzi nga zi tsalela ka nwina, languta, mahlweni ka Nungungulu, a nzi hembi wunwa.
Roma 9. 1.
- 21 Zonake nzi lota matikweni ya le Siria ni le Kilikia.
Mit. 9. 30.
- 22 Mina nzi wa nga tibyiwi hi ngohe ka ticeci ta le Judia leto ti nga hi ka Kristu:
Roma 16. 7. 1 Tesa. 2. 14.
- 23 Kanilezi ba lozwa a ku ngalo, Loyi a nga kari a xanisa makunu wa kanela a kukoleka loku a nga kari a ku hangalasa;
- 24 Ba lo dumisa Nungungulu hi ka mina.

XIPIMO 2.

- 1 Zonake anzako ka xipimo xa kume ni mune malembe nzi lo engeta nzi ya Jerusalema zinwe na Barnaba, na nzi teka Titusi zinwe na mina.
Mit. 15. 2.

- 2 Nzi wa loya hi kuvululwa; nzi loya hlawutela a ivange-

li leyi nzi nga kanela xikari ka ba Matiko, kanilezi xikundleni ka laba ba nga hi ba hombe, ku nga taku nzi tsutsuma kutani nzi tsutsu-mile mahala.

Mit. 15. 12. Fil. 2. 16. 1 Tesa. 3. 5.

3 Kanilezi na ku nga hi Titusi loyi a nga hi na mina, a nga hi mu Greki, i lo kurumetwa ku maha nkweru:

4 Lezo ku wa hi hakuba hi kota bamakabye ba mawunwa hi le kufihlalani, ba lo hlola a kuklaleka ka hina loku hi nga ka Kristu Jesu, kasi ba fela ku hi neha wukumbini:

Mit. 15. 1, 24. 2 Kor. 11. 20, 26. xip. 3. 25. & 4. 3, 9. & 5. 1, 13.

5 Ka bona a hi ba nyikangi wutsamo ga kuingisa, ge, hambu ni xikati; kasi a zinene za ivangeli zi fela kutsama ka nwina.

xipm. 14. xip. 3. 1. & 4. 16.

6 Kanilezi ka laba ba nge kwa mbahombe (kani bona ba hi ba kuyini, a hi ncumo ka mina: Nungungulu a nga languti xiyimo xa munhu) —bona, nza wula, laba ba nga ni dzumba a ba engetelangi ncumo ka mina:

Mit. 10. 34. Roma 2. 11. 2 Kor. 12. 11. xip. 6. 3.

7 Kanilezi hi klelo, laha na ba lo wona lezaku nzi nyikilwe tiro wa kukanela ivangeli xikari ka makuna, kota Petro a mu kaneli wa laba ba zitsiba

Mit. 13. 46. Roma 1. 5. & 11. 13. 1 Tesa. 2. 4. 1 Tim. 2. 7. 2 Tim. 1. 11.

8 (Hakuba loyi a nga maha

Petro a wupostoli ga zitsiba i lo maha mina a wupostoli ga matiko);

Mit. 9. 15. & 13. 2. & 22. 21. & 26. 17, 18. 1 Kor. 15. 10. xip. 1. 16. & 3. 5. Kol. 1. 29.

9 Laha na ba tibile a wuxinji legi nzi nga nyikilwe gona, Jamesi na Kefasi na Johani, laba ba tibyaku lezaku timhanze, ba lo nyika ka mimma na Barnaba a mandla ya xinene ya hlengela, kasi hi fela kuya ka ba Matiko, bona ba ya ka laba ba zitsiba;

Mat. 16. 18. Roma 1. 5. & 12. 3, 6. & 15. 15. 1 Kor. 15. 10. Efe. 2. 20. & 3. 8. Kuv. 21. 14.

10 Kumbela bona ba wa ranza lezaku nga hi alakanya ziswana; xwalexi xilo nzi lo vumela ku xi maha.

Mit. 11. 30. & 24. 17. Roma 15. 25. 1 Kor. 16. 1. 2 Kor. 8. & 9, xipimo.

11 Kanilezi laha Kefasi na tile Antioki, nzi lo mu kaneta ngoheni hakuba i wa yima kukonekeni.

Mit. 15. 35.

12 Hakuba hi mahlweni ka lezo ku nga se kuta bo kari hi le ka Jamesi, i loga zinwe ni ba Matiko: kanilezi laha na ba tile, i lo klela a ti hambanyisa wutsumbu gakwe, na caba bona laba ba zitsiba.

Mit. 10. 28. & 11. 3.

13 Ni banwani ba ba Juda ba xengetela zinwe naye; ku kala kuhambukiswa na Barnaba hi kukohlisa kabye.

14 Kanilezi laha na nzi wona lezo lezaku a ba ha fambi hi

kululama kota zine ne za ivangeli, nzi lo wula ka Kefasi mahlweni ka bona bonkle, Loku wena, u hi mu Juda, na u hanya kota ba Matiko, u nga mahi kota ba Juda, hi yini u kurumetako ba Matiko ku tsama ku kota ba Juda ke?

Mit. 10. 28. & 11. 3. xipm. 5. 1 Tim. 5. 20.

15 Na hi hi ba Juda hi mahanyela, na hi nga hi na kuonha ka ba Matiko,

Mat. 9. 11. Mit 15. 10, 11. Efe. 2. 3, 12.

16 Na mu tiba lezaku a munhu a nga na kubasiswa hi mitiro ya nayo, saseka a kukoleka ka Jesu Kristu, kota hina hi nga kolwa ka Kristu Jesu, kasi ha basiswa hi kukoleka ka Kristu, na ku nga hi hi mitiro ya nayo: hakuba hi mitiro ya nayo a yi kona nyama yi ta nga basiswa.

Mit. 13. 38, 39. Roma 1. 17. & 3. 20, 22, 28. & 8. 3. xip. 3, 11, 24. Heb. 7. 18, 19.

17 Kanilezi loku, hina wutsumbu na ha ha laba kubasiswa hi Kristu hi kumiwa na hi hi zionhi, kona Kristu hi xikozeli xa kuonha? Nungungulu a beletele.

1 Joh. 3. 8, 9.

18 Hakuba loku nzi aka kambe a zilo lezi nzi nga zi panzanyile, nza nza wonisa lezaku nzi muhambunyeti.

19 Hakuba hi wona nayo nzi lofa hi ka nayo, kasi nza fela kuhanya ka Nungungulu.

Roma 6. 11, 14. & 7. 4, 6. & 8. 2. 2 Kor.

[Sheetwa.]

95

5. 15. 1 Tesa. 5. 10. Heb. 9. 14. 1 Pet. 4. 2.

20 Nzi si na nzi belelwe zinwe na Kristu; na nzi nga nzi hanya; na nzi nga ha hi mina, kanilezi hi Kristu a hanyako ka mina: loku kuhanya nzi hanyako nyameni nzi hanya hi kukoleka, a kukoleka loku ku nga ka Nwana wa Nungungulu, loyi a nzi ranzako, i lo nyike la wutsumbu gakwe hi mina.

Roma 6. 6. 2 Kor. 5. 15. xip. 1. 4. & 5. 24. & 6. 14. Efe. 5. 2. 1 Tesa. 5. 10. Tit. 2. 14. 1 Pet. 4. 2.

21 A nzi cukunyeti wuxinji ga Nungungulu: hakuba loku kululama ku hi kota ya nayo, zonake Kristu a nga felangi ncumo.

xip. 3. 21. & 5. 4. Heb. 7. 11. Roma 11. 6.

XIPIMO 3.

1 O mapupulu nzi nwina ba Galatia, mu hambukiswa hi mani nwina, mahlweni ka mahlo ya mani Jesu Kristu kubaseni a nga belelwa ke?

xip. 2. 14. & 5. 7.

2 Hi lezi zoce nzi ranzako a ku zizwa ha nwina, Mu lo amukela nwina a Moya hi mitiro ya nayo, kutani hi kuzwa hi kukoleka ke?

Mit. 2. 38. & 8. 15. & 10. 47. & 15. 8. Roma 10. 16, 17. xipm. 14. Efe. 1. 13. Heb. 6. 4.

3 Mu mapupulu nwinawu ke? na mu sangulile hi za ka Moya, makunu mu ta mbelelisa hi za ka nyama ke?

xip. 4. 9. Heb. 7. 16. & 9. 10.

4 Nwina mu lo xanisekela zilo zo tala mahala ke? loku

ku nga ha kunene ku hi mahala.

Heb. 10. 35, 36. 2 Joh. 8.

- 5 Hikwalaho loyi a nga nyika nwina Moya, a nga tira zi-wonekeliso xikari ka nwi-na, ilo zi maha yena hi ka mitiro ya nyama, kutani hi kuzwa hi kukoleka ke?

2 Kor. 3. 8.

- 6 Kota lezi Abrahamama a nga kolwa Nungungulu, ku lo hlayelwa ka yena a ku kululama.

Roma 4. 3, 9, 21, 22. Jam. 2. 23.

- 7 Tibani hikwalaho lezaku laba ba kukoleka, balabo hi banana ba Abrahamama.

Joh. 8. 39. Roma 4. 11, 12, 16.

- 8 Ni mitsalo, yi lo wona lezo Nungungulu i ta basisa ba Matiko hi kukoleka, i lo kana ivangeli hi le mahlweni ka Abrahamama, aku, Hi ka wena a matiko wonkle ma ta katekiswa.

Mit. 3. 25. Roma 9. 17. xipm. 22.

- 9 Zonake lezo laba ba nga ba kukoleka ba katikisilwe ni mukoleki Abrahamama.

- 10 Hakuba kwatsi hi kutala ka laba ba mitiro ya nayo ba lahasi ka kukoneka: hakuba ku tsalilwe, Ba konekile bonklelele laba ba nga lanzisiko ka zilo zonkle zi tsalilweko bukwini ga milayo, ku zi maha.

- 11 Makunu a ku na munhu a basiswako hi nayo mahlweni ka Nungungulu, zi la su ndlunya: hakuba, Loyi a

lulamileko i ta hanya hi kukoleka;

Roma 1. 17. xip. 2. 16. Heb. 2. 4. & 10. 38.

- 12 Kanilezi a nayo a hi wa kukoleka; kanilezi, Loyi a yi mahako i ta hanya a yona.

Roma 4. 4, 5. & 10. 5, 6. & 11. 6.

- 13 Kristu i lo hi klaklisa kukonweni ka nayo, na mahile kukonwa hi hina: hakuba ku tsalilwe, Kukonwa ka bonklelele laba ba cikilako sinyeni:

Roma 8. 3. 2 Kor. 5. 21. xip. 4. 5.

- 14 Lezaku hi ka ba Matiko ku fela kuta a kukatekiswa ka Abrahamama nzeni ka Kristu Jesu; kasi ha fela ku kuma a xitsumbiso xa Moya hi kukoleka.

Joh. 7. 39. Mit. 2. 33. Roma 4. 9, 16.

- 15 Bamakabye, nza wula kotisa munhu: Kutani xivumelwano xa munhu, loku laha na xi tiyisilwe, a nga kona a xi mahako mahala, kutani a xi engetela.

Heb. 9. 17.

- 16 Makunu ka Abrahamama ku lo wulwawulwa ka yena xitsumbiso, ni ka mbewu ya yena. Yena a nga wulangi, Ka timbewi, kwatsi tinyingi; kanilezi kwatsi hi yinwe, Ni ka mbewu ya wena, leyi yi nga Kristu.

1 Kor. 12. 12. xipm. 8.

- 17 Makunu lezi nza wula; A xivumelwano xi lo tiyiswa hi Nungungulu hi mahlweni, a nayo, xi ngata lenzako ka mune wa mazana ni makume manharu ya male-

mbe, a xi onhi, kasi ku maha a tsumbiso wu nga mahi ncumo.

Roma 4. 13, 14. xipm. 21.

18 Hakuba loku a tsomba yi hi ya nayo, a ya ha hi ya tsumbiso kambe : kanilezi Nungungulu i lo ku vumela ka Abrahamama hi kutsumbisa.

Roma 4. 14. & 8. 17.

19 Zonake xana nayo hi yini? Wu lo engetelwa hi kota ya zihambuko, kala ku cikela mbewu ka yona a zitsumbiso zilo mahelwa; ku wa lo yimiswa hi ngelosi hi canja ga muvikelu.

Joh. 1. 17. & 15. 22. Mit. 7. 38, 53. Roma 4. 15. & 5. 20. & 7. 8, 13. xipm. 16. 1 Tim. 1. 9. & 2. 5. Heb. 2. 2.

20 Makunu a muvikelu a hi muvikelu wa munwe; kanilezi Nungungulu munwe.

Roma 3. 29, 30.

21 Xana nayo wu hambana zitsumbiso za Nungungulu ke? Nungungulu a beletele: hakuba loku wu wa hi kona wu nyikilweko ka nayo wu nga tongo wu hanyisa, hizi-nene a kululama nga ku hi ka nayo.

xip. 2. 21.

22 Ahemba a mitsalo yi valele zonkle zilo lahasi ka zonho, kasi a tsumbiso hi kukoleka ka Jesu Kristu ku fela ku nyikiwa ka bona laba ba kolwako.

Roma 3. 9, 19, 23. & 4. 11, 12, 16, 32. xipm. 8.

23 Kanilezi kurangula na ku nga se kuta kukoleka, hina honkle hi wa lo gongiwa la-

hasi ka nayo, hi valelwa ka kukoleka loku hi lenzako ku ta nga vululwa.

24 Lezo a nayo mukombeli wa hina ka hi yisa ka Kristu, kasi hi fela kubasiswa hi kukoleka.

Mat. 5. 17. Mit. 13. 39. Roma 10. 4. xip. 2. 16. Kol. 2. 17. Heb. 9. 9, 10.

25 Kanilezi makunu loko kukoleka ku cikele, a ha ha hi lahasi ka ku kambelwa.

26 Hakuba nwina nwenkle mu banana ba Nungungulu, hi kukoleka, ka Kristu Jesu.

Joh. 1. 12. Roma 8. 14, 15, 16. xip. 4. 5. 1 Joh. 3. 1, 2.

27 Hakuba kota banyingi ba nwina ba nga bapatizelwa ka Kristu ba lo ambele Kristu.

Roma 6. 8. & 13. 14.

28 A ku kona mu Juda kutani mu Greki, a ku kona a kumbi kutani loyi a klakleleko, a ku kona a wanuna ni wasati: hakuba nwina nwenkle mu munwe ka Kristu Jesu.

Joh. 10. 16. & 17. 20, 21. Roma 10. 12. 1 Kor. 12. 13. xip. 5. 6. Kol. 3. 11. Efe. 2. 14, 15, 16. & 4. 4, 15.

29 Loku mu nga nwina mu hi ba ka Kristu, zonake mu banana ba Abrahamama, a zitalwa ha kota ya kutsu- mbisa.

Roma 8. 17. & 9. 7. xip. 4. 7, 28. Efe. 3. 6. Heb. 11. 18.

XIPIMO 4.

1 Kanilezi nza wula lezi laha na xitalwa na xa ha hi xihlangi, a xi hambani ni kumbi, hambu na xi hi Hosi ya bonkle,

- 2 Kanilezi i lahasi ka kugongiwa ni bawundli, ku kala ku cikela a xikati xi yimisi-lweko hi dadani.
- 3 Lezo na hinawu kambe, laha na ha hi zihlangi, hi wa bohilwe lahasi ka wukumbi ga tiko:
xipm. 9. xip. 2. 4. & 5. 1. Kol. 2. 8, 20. Heb. 9. 10.
- 4 Kanilezi laha na kutatiseka ka xikati ku cikele, Nungungulu i lo rumela Nwana wakwe, i lo tralwa hi wasati, i lo tralelwa lahasi ka nayo,
Mat. 1. 23. & 5. 17. Marku 1. 15. Luka 1. 31. & 2. 7, 27. Joh. 1. 14. Roma 1. 3. Efe. 1. 10. Fil. 2. 7. Heb. 2. 14.
- 5 Kasi a fela kuklaklisa bona laba ba nga lahasi ka nayo, kasi ha fela ku amukela a wutralwa ga wunwana.
Mat. 20. 28. Joh. 1. 12. xip. 3. 13, 26. Efe. 1. 5, 7. Tit. 2. 14. Heb. 9. 12. 1 Pet. 1. 18, 19.
- 6 Hakuba nwina mu banana, Nungungulu i rumela a Moya wa Nwana wakwe ka timbilu ta hina, hi bitanako, Abba, Dadani.
Roma 5. 5. & 8. 15.
- 7 Lezo a wa hahi a kumbi kambe, kanilezi a nwanana; ni loku u hi nwanana, zonake u xitralwa hi kota ya Nungungulu.
Roma 8. 16, 17. xip. 3. 29.
- 8 Ahemba hi xakati lexo, mu nga nga mu tibi Nungungulu, mu wa hi tikumbi ka laba hi mahanyela ba nga ba tibiko banungungulu:
Roma 1. 25. 1 Kor. 12. 2. Efe. 2. 11, 12. 1 Tesa. 1. 9. & 4. 5.
- 9 Kanilezi makunu mu maha kutiba Nungungulu, kutani ma tibyiwa hi Nungungulu, ma ha wuyela yini lenzako kambe ka zilo zi rerekileko ni za wukumbi, laho mu labako ku maha a bakonwi kambe?
Roma 8. 3. 1 Kor. 8. 3. & 13. 12. xip. 3. 3. xipm. 3. Kol. 2. 20. 2 Tim. 2. 19. Heb. 7. 18.
- 10 Ma hlayisa masiku, ni ti-hweti, ni zikati, ni malembe.
Roma 14. 5. Kol. 2. 16.
- 11 Mina nza caba ha nwina, ku nga taku, nzi pangama kutira xikati ka nwina mahala.
xip. 2. 2. & 5. 2, 4. 1 Tesa. 3. 5.
- 12 Mina nza mu kongotela nwina, bamakabye, nga mu ku kwatsi hi mina, hakuba mina nzi kwatsi hi nwina. Ina a mu nzi onhangi:
2 Kor. 2. 5.
- 13 Kanilezi ma zi tiba lezaku hi ku rereka ka nyama mina nzi lo kanela ivangeli ka nwina hi xikati xa kura-ngula:
1 Kor. 2. 3. 2 Kor. 11. 30. & 12. 7, 9. xip. 1. 6.
- 14 Lexo xi nga hi xiringo ka nwina hi ka nyama ya mina a mu mbelangi ntamo, hambu ni ku nzi nyenya; kanilezi mu lo nzi amukela kotisa ngelosi ya Nungungulu, kwatsi Kristu Jesu.
Mat. 10. 40. Luka 10. 16. Joh. 13. 20. 1 Tesa. 2. 13.
- 15 Zonake hi kwihi a kukatekiswa ka wutsumbu ga nwina ke? hakuba mina

- nza mu mahela wukustumunyu, loku ku nga makeka, mu ta nga mu xokole mahlo ya *nwina* mu nzi nyika.
- 16 Zonake lezo nzi ta mahala wa *nwina*, loku ku nzi mu *byela* zinene ke?
 xip. 2, 5, 14.
- 17 Ba mu labisisa *nwina* na ku nga hi hi ndlela yo saseka; ge, ba su laba ku mu valela, kasi u fela ku ba laba.
 Roma 10. 2. 2 Kor. 11. 2.
- 18 Kanilezi kusaseka a kulabisisa ha hombe ka mahungu yo saseka hi xikati xonkle, ku nga hi loku nzi hi kona na *nwina* koce.
- 19 Bananga ba nga ba tsongwani, laba nza ha mu xanisekelako kambe kala Kristu a tibyiwa ka *nwina*,
 1 Kor. 4. 15. File. 10. Jam. 1. 18.
- 20 Ina, nza zi ranza ku nga nzi hi kona ka *nwina* makunu, ku ta hunzula a gezu ga mina; hakuba nza kanganyiswa ha *nwina*.
- 21 Nzi byeleni, *nwina* laba ba ranzako ku tsama lahasi ka nayo, a mu se ku wuzwa nayo ke?
- 22 Hakuba ku tsalilwe, lezaku Abrahamama i wa ni banana bambiri, munwani i hi wa wasati loyi wa kumbi, munwani a hi wa wasati loyi a *klaklekileko*.
- 23 Ahemba a *nwana* loyi wa kumbi i lo *tralwa* hi ka nyama; kanilezi a *nwana* wa wasati loyi a *klaklekileko* i lo *tralwa* hi tsumbiso.
 Roma 9. 7, 8. Heb. 11. 11.
- 24 Lexi xilo xi hi kuecanyisa: hakuba laba ba basati ba hi zitsumbiso zimbiri; munwe wa le xitsungeni xa Sinai, i lo *trala* xihlangi xa wukumbi, loyi a nga Hagari.
- 25 Makunu loyi Hagari i hi xitsunga xa Sinai le Arabia, i ringana ni Jerusalema leyi yi nga kona makunu; hakuba i kumbi ni *nwana* wa yona.
- 26 Kanilezi a Jerusalema legi gi nga le hehla gi *klaklekile*, legi gi nga mamani wa hina.
 Heb. 12. 22. Kuy. 3. 12. & 21. 2, 10.
- 27 Hakuba ku tsalilwe, Tsaka, wena ngonwa u nga *traliko*; ahlama u rila, wena loyi u nga lunwiko: hakuba banyingi a banana ba wusiwana ku hunza loyi a nga ni nuna.
- 28 Makunu hina, bamakabye, hi kwatsi hi lezi a nga wahi Isaka, hi banana ba xitsumbiso.
 Mit. 3. 25. Roma 9. 8. xip. 3. 20.
- 29 Kanilezi zonake ku kota lezi a *nwanana* wa nyama a nga mu xanisa loyi wa ka Moya, zi ngaho makunu.
 xip. 5. 11. & 6. 12.
- 30 Ahemba xana mitsalo yi yini? hoxa a kumbi ni *nwana* wa yona : hakuba a *nwana* wa wasati wa kumbi cima a nga taga tsomba ni *nwana* wa wasati a *klaklekileko*.
 Joh. 8. 35. xip. 3. 8, 22.

31 Ngahilezo, bamakabye, hina a hi banana ba wasati wa kumbi, kanilezi hi ba wasati a *klaklekileko*.

Joh. 8. 36. xip. 5. 1, 13.

XIPIMO 5.

1 Hi *kuklackleka* Kristu i lo hi *klakla* : hikwalaho yimani mu kundende, mu nga kungwi kambe goteni ga wukumbi.

Joh. 8. 32. Mit. 15. 10. Roma 6. 18. xip. 2. 4. & 4. 9. 1 Pet. 2. 16.

2 Mangabye, mina Paule nza wula ka *nwina*, lezaku, loku mu amukela wunkera, Kristu a nga ta mu vuna ncumo.

Mit. 15. 1. & 16. 3.

3 Ina, nza tiyisa ka bonklelele laba ba amukeleko wunkwera, u na ni nanzu ku maha nayo wonkle.

xip. 3. 10.

4 *Nwina* mu hambanyisilwe ka Kristu, *nwina* mu nge mu ta basiswa hi nayo ; mu wile ku le ni wuxinji.

Roma 9. 31, 32. xip. 2. 21. Heb. 12. 15.

5 Hakuba hina hi kota ya Moya na hi kukoleka hi la-belele a tsumba ka kululama.

Roma 8. 24, 25. 2 Tim. 4. 8.

6 Hakuba nzeni ka Kristu Jesu a wunkwera a gi vuni ncumo, ni wunkuna a gi vuni ncumo ; kanilezi a kukoleka na ku tira hi kuranza.

1 Kor. 7. 19. xip. 3. 28. & 6. 15. Kol. 3. 11. 1 Tesa. 1. 3. Jam. 2. 18, 20, 22.

7 *Nwina* mu wa kari mu tsutsuma kwatsi ; hi mani

a mu tindekisileko kasi mu nga ingisi a zinene ke ?

1 Kor. 9. 24. xip. 3. 1.

8 Loku a kutsumba a kuti hi ka yena loyi a mu bitanileko.

xip. 1. 6.

9 A comelo gi tsongwani gi bilisa mapa wonkle.

1 Kor. 5. 6. & 15. 33.

10 Nzi na ni kutsumba kwaleyo ka *nwina* le Hosini, lezaku ku nga hi kona a zimbe kupimeni ka *nwina* : kanilezi loyi a mu karatako i ta rwala kukonwa kakwe, kani hi mani.

2 Kor. 2. 3. & 8. 22. & 10. 6. xip. 1. 7.

11 Kanilezi mina, bamakabye, loku nzi wa ha kanela a wunkwera, hi yini nza ha nonohiswako nzi xaniswa ke ? zonake a ku kungubanyisa ka xi hambano nga kumbelile.

1 Kor. 1. 23. & 15. 30. xip. 4. 29. & 6. 12, 17.

12 Nzi ranza lezaku nga laba ba mahako a nyenganyenga ba tsenwa wutsumbugabye.

Mit. 15. 1, 2, 24. 1 Kor. 5. 13. xip. 1. 8. 9.

13 Hakuba *nwina*, bamakabye, mu lo bitelwa a *kuklackleka* ; mu nga mahi a *kuklackleka* ka *nwina* xilweni xa nyama, kanilezi hi kuranza mahani malanza ka munwe ni munwani.

1 Kor. 8. 9. & 9. 19. xip. 6. 2. 1 Pet. 2. 16. Jude 4. 2 Pet. 2. 19.

14 Hakuba nayo wonkle wu tatisekile ka mhaka yinwe, hambu ka ywaleyi ; Wena ranza a wa akelane wa we-

na kwatsi hi wutsumbu ga wena.

Mat. 7. 12. & 22. 39, 40. Roma 13. 8, 9. Jam. 2. 8.

15 Kanilezi loku *nwina* mu luma mu kadamulana, *kla-rih*ani mu nga lobisana.

16 Kanilezi nza wula, Fambani hi ka Moya, *nwina* mu nga ta tatisa a kudokolela ka nyama.

Roma 6. 12. & 8. 1, 4, 12. & 13. 14. xipm. 25. 1 Pet. 2. 11.

17 Hakuba a kudokolela ka nyama kuhambene ni ka Moya, ni ka Moya kuhambene ni ka nyama; haku-ba lezi zimbiri za holoba; kasi mu fela ku maha zilo lezi mu nga zi ranza-ko.

Roma 7. 15, 19, 23. & 8. 6, 7.

18 Kanilezi loku mu rangelwa hi Moya, a mu lahasi ka nayo.

Roma 6. 14. & 8. 2.

19 Makunu mitiro ya nyama yi la su *ndlunya*, *leyi* yi nga *leyi*, hi kubaya, a ku nga hlazeki, a wufenze,

1 Kor. 3. 3. Efe. 5. 3. Kol. 3. 5. Jam. 3. 14, 15.

20 A kukozela zifananiso, a wutumbe, a wulala, a kukanetana, a wukuxu, a zanga, kuvimba kwelo, a kuhambana, a kuholoba,

21 A mona, a kudaya, a popi-wa, ni kuvimbelwa, ni zo kota lezi: a za ku ngahi nzi wa lo mu laya kurangula *nwina*, kota lezi nzi nga lo mu laya *nwina*, laba ba mahako za ku ngahi zilo cima

ba nga taga a tsomba ya mufumo wa Nungungulu.

1 Kor. 6. 9. Efe. 5. 5. Kol. 3. 6. Kuv. 22. 15.

22 Kanilezi a mbanzo wa Moya hi kuranza, kutsaka, a kura, a kutimisela,

Joh. 15. 2. Roma 15. 14. 1 Kor. 13. 7. Kol. 3. 12. Jam. 3. 17. Efe. 5. 9.

23 A wuxinji, a kusasa, a kukoleka, a ku ti koramisa, a ku ti koma: ka za ku ngahi a ku kona nayo.

1 Tim. 1. 9.

24 Laba ba nga ba ka Kristu Jesu ba belele a nyama ni dzumba ni kudokolela ka gona.

Roma 6. 6. & 13. 14. xip. 2. 20. 1 Pet. 2. 11.

25 Loku hina hi hanya hi ka Moya, nga hi famba hi ka Moya kambe.

Roma 8. 4, 5. xipm. 16.

26 Nga hi nga ti kukumuxi, hi holobisana, hi zangarisana.

Fil. 2. 3.

XIPIMO 6.

1 Bamakabye, hambu a hi kona munhu hi kuonha, *nwina* laba ba ka moya, mu lulekeni a wa ku ngahi hi moya wa zinene; na u langutela wutsumbu ga wena, ku nga ta ku wenawu u ringwe.

Roma 14. 1. & 15. 1. 1 Kor. 2. 15. & 3. 1. & 4. 21. & 7. 5. & 10. 12. 2 Tesa. 3. 15. 2 Tim. 2. 25. Heb. 12. 13. Jam. 5. 19.

2 Rwalani mirwalo ya munwe ni munwani, lezo mu tatisa a nayo wa Kristu.

Joh. 13. 14, 15, 34. & 15. 12. Roma 15.

23. xip. 2. 7. & 3. 8, 16. Fil. 4. 19.
Kol. 1. 14. Heb. 9. 12. 1 Pet. 1. 18,
19. Kuv. 5. 9.
- 8 Legi a gi mahileko ku tsa-
ma ka hina ka konkle ku-
klariha ni kupima,
- 9 Na yi tibisile ka hina a mi-
fihlakalo ya kuranza ka-
kwe, hi kota ya kuxalala
ka kusaseka kakwe a ku
yimisileko kakwe,
Roma 16. 25. xip. 3. 4, 9, 11. Kol. 1.
26. 2 Tim. 1. 9.
- 10 A ku yimisileko kusasiswe-
ni ka zikati, a ku klanga-
nyisa zilo zonkle ka Kristu,
a zilo za le tilweni, ni zilo
za laha misabeni ;
1 Kor. 3. 22, 23. & 11. 3. xip. 2. 15. &
3. 15. Gal. 4. 4. Fil. 2. 9, 10. Kol.
1. 20. Heb. 1. 2. & 9. 10. 1 Pet. 1. 20.
- 11 Ka yena, nza wula, ka yena
hi mahiwa zigi za tsomba,
na hi yimisile kuranguleni
kota kupima kakwe yena
loyi a tirako zilo zonkle
kwatsi hi kuranza kakwe ;
Mit. 20. 32. & 26. 18. Roma 8. 17.
xipm. 5. Kol. 1. 12. & 3. 24. Tit. 3.
7. Jam. 2. 5. 1 Pet. 1. 4.
- 12 Hi kugumelweni kasi ha
fela a ku ba kudzunziweni
ka wukosi gakwe, hina la-
ba hi nga tsumba ka Kristu
hi mahlweni :
xipm. 6, 14. 2 Tesa. 2. 13. Jam. 1. 18.
- 13 Hi ka yena nwina kambe,
mu lozwa mhaka ya zinene,
a ivangeli ya kuhanyiswa
ka nwina, hi ka yena, na
mu kolilwe kambe, mu tsa-
lilwe hi Moya wa Kubasa
wa zitsumbiso,
Joh. 1. 17. 2 Kor. 1. 22. & 6. 7. xip.
4. 30.
- 14 Lowu wu nga kupinyama
ka tsomba ya hina, ka ku-
- klaklisa ka Nungungulu ye-
na nwinyi, ka kudzunza
wukosi gakwe.**
Luka 21. 28. Roma 8. 23. Mit. 20. 28.
2 Kor. 1. 22. & 5. 5. xip. 4. 30.
xipm. 6, 12. 1 Pet. 2. 9.
- 15 Hakuba hi kota ya lexi mi-
nawu kambe, na nzi zwile
hi kukoleka ku nga nzeni
ka Hosi Jesu loku ku nga
xikari ka nwina, loku mu
kukombileka ko bonkle lala
bobasa,
Kol. 1. 4. File. 5.
- 16 A nzi miyeli a ku nyika ku-
bonga ha nwina, na nzi mu
alakanya kukombeleni ka
mina ;
Roma 1. 9. Fil. 1. 3, 4. Kol. 3. 3. 1 Tesa.
1. 2. 2 Tesa. 1. 3.
- 17 Kasi Nungungulu wa Hosi
ya hina Jesu Kristu, a Raru
wa wukosi, nga a nyika ka
nwina a moya wa ku klari-
ha ni wa kuvululwa hi ka
kutiba yena ,
Joh. 20. 17. Kol. 1. 9. & 2. 2.
- 18 Na mu hi ni mahlo ya mbi-
lu ya nwina ma wonekelisi-
lwe, kasi ma fela kutiba
kutsumba ka kubitanwa ka
yena, ku hi kupfuna ka
ku yini ka wukosi ga tso-
mba yakwe ka laba bobasa,
Mit. 26. 18. xip. 2. 12 & 4. 4. xipm. 11.
- 19 Wu kulisile ku yini a nta-
mo wakwe ka hina laba hi
kolwako, hi kota kutira ka
ntamo wakwe wa hombe lo-
wu a nga wu tira ka Kristu,
xip. 3. 7. Kol. 1. 29 & 2. 12.
- 20 Laha na a mu vuxa hi
ka bafleko, a mu ku tsama

- le canjeni gakwe ga xinene matsanweni ya le tilweni,
Mit. 2. 24, 33. & 7. 55, 56. Kol. 3. 1. Heb. 1. 3. & 10. 12.
- 21 Hehla nguvu ka kulaya konkle, ni mintamo, ni wunhenha, ni kufumela, ni mabito wonkle laya ma bitilweko, na ku nga hi ka legi tiko goce, kanilezi ka legi gi ta ngata :
Roma 8. 38. Kol. 1. 16. & 2. 10, 15. Fil. 2. 9, 10. Heb. 1. 4.
- 22 Yena i lo beka zonkle zilo ku ti koramisa lahasi ka mikonzo yakwe, a mu nyika ku maha hloko ya zilo zonkle ka ceci, leyi yi nga miri wakwe,
Mat. 28. 18. 1 Kor. 15. 27. xip. 4. 15, 16. Kol. 1. 18. Heb. 2. 7, 8.
- 23 A kutala ka yena a tatisako konklelele.
Roma 12. 5. 1 Kor. 12, 6, 12, 27. xip. 4. 10, 12, & 5. 23, 30. Kol. 1. 18, 24. & 2. 9. & 3. 11.
- XIPIMO 2.**
- 1 Nwina i lo mu vuxa, laha na nwina mu file hi zihambuko za nwina ni kuonha,
Joh. 5. 24. xipm. 5. xip. 4. 18. Kol. 2. 13.
- 2 Mangabye laha nwina hi mahlweni mu wa lo famba hi kota ya legi tiko, na hi kota ya hosana ya ntamo wa mheho, ka moya wu tirako makunu ka banana bangaingisiko ;
1 Kor. 6. 11. xip. 4. 22. & 5. 6. & 6. 12. Kol. 1. 21. & 3. 6, 7. 1 Joh. 5. 19.
- 3 Xikari ka baha hinawu kambe hi nga hanyile kanwe hi ka nyama, na hi maha a kukanakanela ka nyama ya
- hina ni kuranza ka hina, na hi mahanyela hi banana ba kulo, kwatsi hi banwani :
Roma 5. 12, 14. Gal. 5. 16. Tit. 3. 3. 1 Pet. 4. 3.
- 4 Kanilezi Nungungulu, na pfunile a wuxinji, ni kuranza kahombe loku ka yena a hi ranzileko ha kona,
Roma 10. 12. xip. 1. 7. xipm. 7.
- 5 Hambu laha hi nga file hi kota ya zihambuko, za hina i lo hi vuxa zinwe na Kristu (hi wuxinji mu lo hanyiswa),
Mit. 5. 11. Roma 5. 6, 8, 10. & 6. 4, 5. Kol. 2. 12, 13. & 3. 1, 3. Tit. 3. 5. xipm. 1, 8.
- 6 I lo hi vuxa hina zinwe naye, i lo maha ku tsama zinwe naye le wutsanweni ga le tilweni, nzeni ka Kristu Jesu :
xip. 1. 20.
- 7 Lezaku hi xikati xi taku a fela ku wonisa a kupfuna kakwe loku ka hombe ka wuxinji gakwe ni wunene gakwe ka hina hi ka Jesu Kristu :
Tit. 3. 4.
- 8 Hakuba hi wuxinji nwina mu hanyisilwe hi kukoleka ; na ku nga hi hi wutsumbu : ga nwina xinyikiwo xa Nungungulu :
Mat. 16. 17. Joh. 6. 44, 65. Roma 3. 24. & 4. 16. & 10. 14, 15, 17. xip. 1. 19. xipm. 5. Fil. 1. 29. 2 Tim. 1. 9.
- 9 A hi za mitiro, lezaku munhu a nga dumisa.
Roma 3. 20, 27, 28. & 4. 2. & 9. 11. & 11. 6. 1 Kor. 1. 29, 30, 31. 2 Tim. 1. 9. Tit. 3. 5.
- 10 Hakuba hina hi zitiri zakwe, hi bangilwe ka Kristu Jesu mitirweni ya ku-

saseka, leyi Nungungulu, a nga yi longisela hi kura-nguleni kasi ha fela ku famba hi ka yona.

Joh. 3. 3, 5. 1 Kor. 3. 9. 2 Kor. 5. 5, 17. xip. 1. 4. & 4. 2, 23. Tit. 2. 14.

- 11 Ngahilezo alakanyani, hi xikati xa kurangula *nwina*, mu wa hi ba Matiko hi ka nyama, mu nga bitywa ku ngalo mu mankuna hi laba ba bitwako ku ngalo zitsiba, hi ka nyama, ba mahilwe hi mandla;

Roma 2. 28, 29. 1 Kor. 12. 2. xip. 5. 8. Kol. 1. 21. & 2. 11, 13.

- 12 Lezaku hi lexo xikati mu wa hambanyisilwe ka Kristu, mu tsalangene ni lixaka la ba Israeli, mu hi bapfumba ka xivumelwano xa tsumbiso, na mu nga ni kutsumba na mu hi haba Nungungulu laha tikweni.

Joh. 10. 16. Roma 9. 4, 8. xip. 4. 18. Kol. 1. 21. 1 Tesa. 4. 5, 13. Gal. 4. 8.

- 13 Kanilezi makunu ka Kristu Jesu *nwina* laba kanwe mu nga hi kule mu tsinetilwe ka nkata wa Kristu.

Mit. 2. 39. xipm. 17. Gal. 3. 28.

- 14 Hakuba yena i hi kurula ka hina, loyi a hi mahileko hi maha munwe a tsoba a kurisi ga kuhambana,

Joh. 10. 16, & 16. 33. Mit. 10. 36. Roma 5. 1. Kol. 1. 20. Gal. 3. 28.

- 15 Na a nyamalalisile mirini wakwe a wulala, hambu nayo wa kulaya wu yimisi-lweko kutani wuyimbelweko; kasi i fela a kubanga ka wutsumbu gakwe laba bambiri ba maha munhu mu-

nwe muswa, lezo a maha kurula;

2 Kor. 5. 17. xip. 4. 24. Gal. 6. 15. Kol. 1. 22. & 2. 14, 10.

- 16 A fela ku ba wuyisela bonkle ka miri munwe ka Nungungulu hi kota ya xihambano, na dele a wulala legi gi nga kona:

Roma 6. 6. & 8. 8. Kol. 1. 20, 21, 22. & 2. 14.

- 17 I lota a kanela kurula ka *nwina* laba mu nga hi kule, ni kurula ka bona laba ba nga kusuhani:

Mit. 2. 39. & 10. 36. Roma 5. 1. xipm. 13, 14.

- 18 Hakuba hi ka yena hi honkle hi na ni kutsinela hi Moya munwe ka Dadani.

Joh. 10. 9. & 14. 6. Roma 5. 2. 1 Kor. 12. 13. xip. 3. 12. & 4. 4. Heb. 4. 16. & 10. 19, 20. 1 Pet. 3. 18.

- 19 Zonake lezo *nwina* a ma nahi bapfumba ni baenzi, kanilezi *nwina* mu baekelane zinwe ni bobasa, laba ba le ngangweni ka Nungungulu,

Gal. 6. 10. xip. 3. 15. Fil. 3. 20. Heb. 12. 22, 23.

- 20 Na mu akilwe xiseketelweni xa bapostoli, ni baprofeti, Kristu Jesu wutsumbu gakwe na hi ribye ga kombe ga kumelwa;

Mat. 16. 18. & 21. 42. 1 Kor. 3. 9, 10. & 12. 28. Gal. 2. 9. xip. 4. 11, 12. 1 Pet. 2. 4, 5. Kuv. 21. 14.

- 21 Ka yena konklelele kuakiwa, ku la su ringanyetwa kwatsi, ku kula ka ka tempeli ya kubasa ka Hosi;

1 Kor. 3. 17. & 6. 19. 2 Kor. 6. 16. xip. 4. 15, 16.

- 22 Ka yena *nwina nwenkle* mu akilweko katiginwe mu ma-

ha muti wa Nungungulu hi Moya.

1 Pet. 2. 5.

XIPIMO 3.

- 1 Hi kota ya lexi mina Paulle, peresu ya Kristu Jesu hi kota ya *nwina* ba Matiko,—
Mit. 21. 33. & 28. 17, 20. Gal. 5. 11.
xip. 4. 1. & 6. 20. Fil. 1. 7, 13, 14, 16.
Kol. 1. 24. & 4. 3, 18. 2 Tim. 1. 8. &
2. 9, 10. File. 1, 9.
- 2 Loku zi ngaho *nwina* mu si na mu zwile hi kulongsela ka wuxinji ga Nungungulu legi gi nga nyikilwe mina hi *klelo* ga *nwina*;
Mit. 9. 15. & 13. 2. Roma 1. 5. & 11.
13. & 12. 3. 1 Kor. 4. 1. Gal. 1. 16.
xip. 4. 7. xipm. 8. Kol. 1. 25.
- 3 Lezaku hi kuvululwa ku lo tibyiswa ka mina a mifihlakalo, kwatsi hilezi nzi nga tsalile kuranga hi mahungu matsongwani,
Mit. 22. 17, 21. & 26. 17, 18. Roma 11.
25. Gal. 1. 12. xip. 1. 9, 10. Kol. 6.
26, 27.
- 4 Kwalaho laha na mu gonza, ma tiba a kupima ka mina mifihlakalweni ya Kristu;
1 Kor. 4. 1. xip. 6. 19.
- 5 Leyi ka *zinwani* zizukulwana a yi tinyiswangi ka banana ba banhu, kwatsi hilezi yi vululilweko ka bapostoli bakwe bobasa ni bapofeti hi ka Moya;
Mit. 10. 28. Roma 16. 25. xipm. 9.
xip. 2. 20.
- 6 Ku tiyisa, lezaku a ba Matiko ba ta abelwa tsomba *zinwe* na hina, ba maha miri munwe *zinwe* na hina, ba maha zihlengeli *zinwe* za tsumbiso ka Kristu Jesu hi kota ya ivangeli,
Gal. 3. 14, 28, 29. xip. 2. 14, 15, 16.

7 Leyi mina nzi nga mahiwa xikozeli xa yena, hi kota ya ku nyikiwa ka lego wuxinji ga Nungungulu legi gi nga nyikwe mina hi ku tira ka ntamo wa yena.

Roma 1. 5. & 15. 16, 18. xip. 1. 19.
Kol. 1. 23, 25, 29.

8 Ka mina, loyi nzi nga tsongwani kuhunza laba ba tsongwanyani bobasa, ku lo nyikwe legi wuxinji, a kukanela ka ba Matiko a pfuno wa Kristu wu nga hi ko ni kukambiwa;

1 Kor. 15. 9. Gal. 1. 16. & 2. 8. Kol.
1. 27. xip. 1. 7. 1 Tim. 1. 13, 15. &
2. 7. 2 Tim. 1. 11.

9 Ni ku maha banhu bonkle ba wona ka ku yini a kulongiselwa ka mifihlakalo leyi hi tintanga tonkle ta kale yi nga fihlilwe ka Nungungulu a nga banga zilo zonkle;

Joh. 1. 3. Roma 16. 25. 1 Kor. 2. 7.
xipm. 3, 5. xip. 1. 9. Kol. 1. 16, 26.
Heb. 1. 2.

10 Lezaku makunu kasi lezi a bafumeli ni tihosi wutsa-nweni ga le tilweni zi fela ku tibyiswa hi ceci a kuklariha kunyingi ka Nungungulu,

Roma 8. 38. 1 Kor. 2. 7. xip. 1. 21.
Kol. 1. 16. 1 Tim. 3. 16. 1 Pet. 1. 12.
& 3. 22.

11 Hi kota ya kungu legi gi nga kutsoma legi a gi mahileko ka Kristu Jesu a Hosi ya hina:

xip. 1. 9.

12 Nzeni ka yena hina hi nga ni kutiya ni kutsinela ni kutumba hi kota ya kukoleka ka hina ka yena.

xip. 2. 18. Heb. 4. 16.

13 Ngahilezo nza mu wutisa lezaku mu nga karali hi ku-karateka ka mina ha *nwina*, loku ku nga wukosi ga *nwina*.

Mit. 14. 22. 2 Kor. 1. 6. xipm. 1. Fil. 1. 14. 1 Tesa. 3. 3.

14 Hi kota ya lexi nza kizamisisa a dzolo ya mina ka Dadani,

15 Ka yena wonkle a ngangu wa le tilweni ni laha misabeni wu bitwako,

xip. 1. 10. Fil. 2. 9, 10, 11.

16 Kasi a fela ku vumela *nwina*, kwatsi hi pfuno wa wukosi gakwe, kasi ma fela kutiyiswa hi ntamo na hi kota ya Moya wakwe ka munhu wa nzeni;

Roma 7. 22. & 9. 23. 2 Kor. 4. 16. xip. 1. 7. & 6. 10. Fil. 4. 19. Kol. 1. 11, 27.

17 Kasi i fela ku tsama ka timbilu ta *nwina* hi kota ya kukoleka; hi ka kugumelwa *nwina*, na mu tikiretilwe mu kelelwe kuranzeni,

Joh. 14. 23. xip. 2. 22. Kol. 1. 23. & 2. 7.

18 Mu fela kutiya mu tiba zinwe ni bombasa bonkle a ku ka ku yini a kuanama ni ni kuleha ni kuklakuka ni kueta,

Roma 10. 3, 11, 12. xip. 1. 18.

19 Ni ku tiba kuranza ka Kristu loku kuhunzako a wuklari, kasi ma fela ku tatiswa hi konkle kutala ka Nungungulu.

Joh. 1. 16. xip. 1. 23. Kol. 2. 9, 10.

20 Makunu ka yena loyi a zikotako ku maha ha hombe nguvu hehla ka lezi zonkle

hi zi kombelako kutani hi alakanyako, kota ntamo lowu wu tirako ka hina,

Roma 16. 25. 1 Kor. 2. 9. xipm. 7. Kol. 1. 20. Jude 24.

21 Ka yena nga ku hi kona wukosi cecini na ka Kristu Jesu ka zizukulwana zonkle kala kupinzuka ni kupinzuka, Amen.

Roma 11. 36. & 16. 27. Heb. 13. 21.

XIIMO 4.

1 Mina hikwalaho, peresu ka Hosi, nza mu kongotela a kufamba hi ku fanela ka kubitanwa loku mu nga bitanwa ha kona,

xip. 3. 1. 1 Tesa. 2. 12. Fil. 1. 27. Kol. 1. 10. File. 1, 9.

2 Zinwe ni ku ti koramisa konkle ni wunene, zinwe ni kutimisela, mu hi ni kribalelana munwe ni munwani hi kuranza;

Mit. 20. 19. Gal. 5. 22, 23. Kol. 3. 12, 13.

3 Mu hlayisisa kasi kugongola a kuklangana ka Moya hi xiboho xa kurula

Kol. 3. 14.

4 Wu kona miri munwe, ni Moya munwe, lezo kambe *nwina* mu wa lo bitanwa kutsumbeni kunwe ka kubitanwa ka *nwina*;

Roma 12. 5. 1 Kor. 12. 4. 11, 12, 13. xip. 1. 18. & 2. 16.

5 A. Hosi yinwe, kukoleka kunwe, kubapatizwa kunwe,

1 Kor. 1. 13. & 8. 6. & 12. 5. 2 Kor. 11. 4. Gal. 3. 27, 28. xipm. 13. Heb. 6. 6. Jude 3.

6 Nungungulu munwe ni Dadani wa zonkle, a nga hehla ka zonkle, a nga kota

ya zonkle, i nzeni ka zonkle.

Roma 11. 36. 1 Kor. 8. 6. & 12. 6.

7 Kanilezi ka munwe ni munwani wa hina a wuxinji gi lo nyikiwa kotisa a lipimo la xinyikiwo xa Kristu.

Roma 12. 3, 6. 1 Kor. 12. 11.

8 Ngahilezo i ngalo, Laha na klakukela le hehla, i lo rangela kubohweni hi kukonwa, a nyika a zinyikiwo ka banhu.

Kol. 2. 15.

9 (Makunu lezi, Lezaku i lo klakuka, kanilezi ku yini lezaku i lo relela wutsanweni ga lahasi ga misaba ke ?

Joh. 3. 13. & 6. 33, 62.

10 Loyi a nga relela hi ywalo ye kambe a nga klakuka kule hehla ka matilo wonkle, kasi a fela kutatisa a zilo zonkle.)

Mit. 1. 9, 11. & 2. 33. 1 Tim. 3. 16. Heb. 4. 14. & 7. 26. & 8. 1. & 9. 24.

11 I lo nyika banwani ku maha bapostoli; ni banwani ku maha baprofeti; ni banwani mbavangeli; ni banwani mbarisi ni ba gonzisi;

Mit. 20. 28. & 21. 8. Roma 12. 7. 1 Kor. 12. 28. xip. 2. 20. 2 Tim. 4. 5.

12 Kasi ka mbelela laba bobasa, le ka tiro wa kukozela, ka kuakiwa wa miri wa Kristu:

1 Kor. 12. 7. & 14. 26. xip. 1. 23. Kol. 1. 24.

13 Karala hina honkle hi kwada ka klangano wa kukoleka, ni wa kitiba a Nwana wa Nungungulu, ka wukulu ga wumunhu gakwe, ka lipi-

mo la xiyimo xa kutala ka Kristu:

1 Kor. 14. 20. Kol. 1. 28. & 2. 2.

14 Kasi hi nga ha ha mahi a zihlangi, hi ndlengandlenngiswa, hi nzuliswa hi mimoya yonkle ya kugonzisa, hi wuklari ga banhu, ni ku-klariha, loku ku nga mano ya kukohlisa;

Roma 16. 18. 1 Kor. 14. 20. 2 Kor. 2. 17. Heb. 13. 9. Mat. 11. 7.

15 Kanilezi na wulawula zine ne hi kuranza, hi kula ka zilo zonkle ka yena, loyi a nga hloko, yena Kristu;

2 Kor. 4. 2. xipm. 25. xip. 1. 22. & 2. 21. Kol. 1. 18. 1 Joh. 3. 18.

16 Ka yena wonkle miri wu akilweko wu ecetelwa wu ku kwada wu nemeretilwe a ziro zonkle, kotisa a kutira kwatsi ka lipimo la ziro zonkle, ku maha a kuanzisa ka miri ka kuaka ka wutsumbu ga wona hi kuranza.

Kol. 2. 19.

17 Hikwalaho lezi nza wula, nzi zi tiyisa le ka Hosi, lezaku mu nga ha fambi kota ba Matiko kambe, ba fambako wupupulwini ga timbilu tabye,

Roma 1. 21. xip. 2. 1, 2, 3. xipm. 22. Kol. 3. 7. 1 Pet. 4. 3.

18 Na kupfupelisilwe a kupi ma kabye, na hambene ni wutomi ga Nungungulu hakuba hi ku-nga-tibi loku ku nga nzeni kabye, hakuba hi nonoha loku ku nga ka timbilu tabye;

Mit. 26. 18. Roma 1. 21. xip. 2. 12. Gal. 4. 8. 1 Tesa. 4. 5.

19 Ba hunzelweku hi kuzwa ba lo ti nyikela wutsumbu wungolwanini, ba tira zonkle lezi zi nga hlazekangiko, ni likungo.

Roma 1. 24, 26. 1 Tim. 4. 2. 1 Pet. 4. 3.

20 Kanilezi *nwina* a mu gonzisangi lezo Kristu;

21 Lezo *nwina* mu mu zwile, mu lo gonziswa ka yena, kota lezi a zinene zi nga ka Jesu:

xip. 1. 13.

22 Lezaku mu runzuwula, a mahanyela ya *nwina* ya kale, a munhu wa kale, loyi a tirako a bota kudokoleleni ka kukohlisa;

Roma 6. 6. xip. 2. 2, 3. xipm. 17. Kol. 2. 11. & 3. 7, 8, 9. Heb. 12. 1. 1 Pet. 2. 1. & 4. 3.

23 Kasi mu mahiwa baswa moyeni wa kupima ka *nwina*,

Roma 12. 2. Kol. 3. 10.

24 Mu ambala munhu muswa, loyi hi ka Nungungulu a bangilweko ka kululama ni ka kubasa ka zinene.

Roma 6. 4. 2 Kor. 5. 17. Gal. 6. 15. xip. 2. 10. & 6. 11. Kol. 3. 10.

25 Ngahilezo, hoxani mawunwa, nga mu wulawula zinene munwe ni munwani ka wa akelane wakwe: hakuba hina hi ziro ka munwe ni munwani.

Roma 12. 5. xipm. 15. Kol. 3. 9.

26 Nga mu zangara, mu nga onhi: nga gambo gi nga peli zangeni ya *nwina*:

27 Nga mu nga mu nyiki wutsamo Satani.

2 Kor. 2. 10, 11. Jam. 4. 7. 1 Pet. 5. 9.

28 Nga loyi a yibako a nga ha

yibi kambe: kanilezi a tire, a tira hi mandla yakwe a zilo lezo zo saseka, kasi i fela ku nyika ka yena loyi a vumalako.

Luka 3. 11. Mit. 20. 35. 1 Tesa. 4. 11. 2 Tesa. 3. 8, 11, 12.

29 Nga kuwulawula loku ku bolileko ku nga humi milo-*nwini* ya *nwina*, kanilezi lezo zo saseka kasi zi fela kua-ka hi kufaneleko, kasi ku fela ku nyikwe wuxinji ka laba ba zi zwako.

Mat. 12. 36. xip. 5. 4. Kol. 3. 8, 16. & 4. 6. 1 Tesa. 5. 11.

30 Mu nga dzuxi Moya wa Kubasa wa Nungungulu, ka yena mu nga marikwa ku kala hi ka siku ga kuklakli-swa.

Luka 21. 28. Roma 8. 23. xip. 1. 13, 14. 1 Tesa. 5. 19.

31 Nga a titseku tonkle, ni kuzangara, ni wukuxu, ni guwa, ni wuxezi, ku suswa ka *nwina*, ni zigungu zonkle:

Kol. 3. 8, 19. Tit. 3. 2, 3. Jam. 4. 11. 1 Pet. 2. 1.

32 Mu maha wunene ka mune ni munwani, a timbi-lu-tiolobileko, mu tsetsele-lana, kota Nungungulu hi kota ya Kristu a nga lo mu tsetselela *nwina*.

Mat. 6. 14. Marku 11. 25. 2 Kor. 2. 10. Kol. 3. 12, 13.

XIPIMO 5.

1 Hikwalaho nga mu maha baecanyisi ba Nungungulu, kota banana ba ranzekako:

Mat. 5. 45, 48. Luka 6. 36. xip. 4. 22

2 Mu famba hi kuranza, kota lezi Kristu kambe a nga mu

ranza *nwina*, i lo ti nyikela hi kota ya hina, a muniyike-lo wu pahlelweko ka Nungungulu kasi ku maha masema ya kunanziha.

Joh. 13. 34. & 15. 12. 2 Kor. 2. 15. Gal. 1. 4. & 2. 20. 1 Tesa. 4. 9. Heb. 7. 27. & 9. 14, 26. & 10. 10, 12. 1 Joh. 3. 11, 16, 23. & 4. 21.

3 Kanilezi a wubayi, ni kunga-hlazeki, ni kunabela, nga ku nga kumbukwi xikari ka *nwina*, kota lezi ku fanela bobasa;

Roma 6. 13. 1 Kor. 5. 1. & 6. 18. 2 Kor. 12. 21. xip. 4. 19, 20. Kol. 3. 5. 1 Tesa. 4. 3, &c.

4 Ni kunyenyeza, ni kuwulawula wupupulu, ni matsoho, ni lezi zo kala zi nga faneli: kanilezi nyikani kubonga.

Mat. 12. 35. Roma 1. 28. xip. 4. 29.

5 Hakubalezi ma zi tiba futsi, a kona xibayi, ni munhu a nga hlazekiko, ni munhu a nabelako, ni mu kozeli wa zifananiso, a nga ba ni tsoмба mufunweni wa Kristu ni Nungungulu.

1 Kor. 6. 9. Gal. 5. 19, 21. Kol. 3. 5. 1 Tim. 6. 17. Kuv. 22. 15.

6 Nga ku nga hi kona munhu a kohlisako hu timhaka ta mahala: hakuba hi kota ya lezi zilo a zanga ya Nungungulu yata ka banana ba nga ingisiko.

Mat. 24. 4. Roma 1. 18. xip. 2. 2. Kol. 2. 4, 8, 18. & 3. 6. 2 Tesa. 2. 3.

7 *Nwina* nga mu nga hlengeli hikwalaho na bona;

8 Hakuba *nwina* ku wa hi kanwe mu hi munyameni, makunu mu na ni kuwonekela nzeni ka Hosi; fambi-

sani ka banana ba kuwonekela

Mat. 4. 16. Luka 16. 8. Joh. 8. 12. & 12. 36, 46. xip. 2. 11, 12. & 4. 18. Mit. 26. 18. Roma 1. 21. 2 Kor. 3. 18. & 4. 6. 1 Tesa. 5. 5. Tit. 3. 3. 1 Pet. 2. 9. 1 Joh. 2. 9.

9 (Hakuba a mihanzo ya kuwonekela hi kusaseka konkle, ni kululama ni zine-
ne).

Gal. 5. 22.

10 Hlolani lezi zi tsakisako kwatsi ka Hosi;

Roma 12. 2. Fil. 1. 10. 1 Tesa. 5. 21. 1 Tim. 2. 3.

11 Mu nga hi ni kuhlengela ni mitiro yi nga hi ko ni mihanzo ya munyama, kanilezi mu yi kawuka;

Roma 6. 21. & 13. 12. 1 Kor. 5. 9, 11. & 10. 20. 2 Kor. 6. 14. Gal. 6. 8. 1 Tim. 5. 20. 2 Tesa. 3. 6, 14.

12 Hakuba a zilo lezi zi mahilweko hi yona kufihlalani zi na ni tingana a ku zi kumbuka.

Roma 1. 24, 26. xipm. 3.

13 Kanilezi laha a zilo zonkle zi kawukilweko za bekwe kubaseni hi kuwonekela, hakuba zonklelele lezi zi nga kubaseni zi hi kuwonekela.

Joh. 8. 20, 21. Heb. 4. 13.

14 Ngahilezo i ngalo, Vuka, wena u ekleleko, u vuka ka bafleko, ni Kristu i ta woninga ka wena.

Joh. 5. 25. Roma 6. 4, 5. & 13. 11, 12. 1 Kor. 13. 34. xip. 2. 5. Kol. 3. 1. 1 Tesa. 5. 6.

15 Cuwukani hikwalaho celani kota nguvu ku fambeni ka *nwina*, mu nge kwatsi a mu ba kuklariha, kanilezi kwatsi hi kuklariha;

Kol. 4. 5.

- 16 Mu rihisa a xikati, hakuba a masiku ma bihile.
Joh. 12. 35. Gal. 6. 10. xip. 6. 13. Kol. 4. 5.
- 17 Ngahilezo mu nga bubutsali, kanilezi mu hi ni kupima lezaku a kuranza ka Hosi hi yini.
Roma 12. 2. Kol. 4. 5. 1 Tesa. 4. 3. & 5. 18.
- 18 Mu nga popiwi hi waini, legi gi bangako guwa, kanilezi nga mu tatiswa hi Moya;
Luka 21. 34.
- 19 Mu wulawula ka munwe ni munwani hi tisimu ni kuyimbelela a tisimu ta moya, mu yimbelela na mu maha kuketsela hi timbilu ka Hosi ya nwina.
Mit. 16. 25. 1 Kor. 14. 26. Kol. 3. 16. Jam. 5. 13.
- 20 Mu nyika kubonga ka zonkle hi xikati xonkle ka bito ga Hosi ya hina Jesu Kristu ka Nungungulu, yena Dadani;
Kol. 3. 17. 1 Tesa. 5. 18. 2 Tesa. 1. 3. Heb. 13. 15. 1 Pet. 2. 5. & 4. 11.
- 21 Mu ti koramisa wutsumbu ga nwina ka munwe ni munwani hi kucaba Kristu.
Fil. 2. 3. 1 Pet. 5. 5.
- 22 Ba basati, ti koramiseni ka banuna ba nwina, kwatsi hi le ka Hosi.
1 Kor. 14. 34. xip. 6. 5. Kol. 3. 18. Tit. 2. 5. 1 Pet. 3. 1.
- 23 Hakuba a wanuna hi hloko ya wasati, kota Kristu a nga hloko ya ceci, na a nga a wutsumbu gakwe a muhanyisi wa miri.
1 Kor. 11. 3. xip. 1. 22, 23. & 4. 15. Kol. 1. 18.
- 24 Kanilezi kota lezi a ceci yi nga lahasi ka Kristu, lezo nga na ba basati ba maha lezo lahasi ka banuna babye zilweni zonkle.
Kol. 3. 20, 22. Tit. 2. 9.
- 25 Ba banuna, ranzani basati ba nwina, kota lezi yena Kristu a ranza ceci, a nga ti nyikelela a wutsumbu gakwe ha yona;
Mit. 20. 28. Gal. 1. 4. & 2. 20. xipm. 2. Kol. 3. 19. 1 Pet. 3. 7.
- 26 Kasi a fela ku yi basisa, na a yi basisile hi kuhlaza ka mati zinwe ni mhaka,
Joh. 3. 5. & 15. 3. & 17. 17. Tit. 3. 5. Heb. 10. 22. 1 Joh. 5. 6.
- 27 Kasi a fela a ku beka a ceci ka wutsumbu ga yena yi leyi yi dumisekako ceci, yi nga hi na bala ni bawa ni xihi xa ku ngahi; kanilezi yi hi ya kubasa yi hi haba ni kwanga.
2 Kor. 11. 2. xip. 1. 4. Kol. 11. 22.
- 28 Nga hi zona nga ba banuna ba ba ranzisa zalezo a ba basati babye kota kota mimiri yabye bona benyi. Loyi a ranzako sati wakwe wa ti ranza wutsumbu:
- 29 Hakuba a nga kona munhu a bengako nyama yakwe yena nwinyi; kanilezi wa yi bombisa a yi tsotsota, kota Jesu kambe lezo ka ceci;
- 30 Hakuba hina hi ziro za miri wakwe.
Roma 12. 5. 1 Kor. 6. 15. & 12. 27.
- 31 Hakuba hi kota ya lezi a wanuna i ta siya raru wakwe ni nyine wakwe, a namarela ka sati wakwe; laba

bambiri ba ta maha nyama yinwe.

Mat. 19. 5. Marku 10. 7, 8. 1 Kor. 6. 16.

32 Leyi mifihlakalo ya hombe : kanilezi nzi wulawula hi Kristu ni ceci.

33 Ahemba *nwinawu* nga loyi ni loyi a ranza a wasati wakwe yena *nwinyi* kota a ranzako wutsumbu gakwe ; nga na wasati ba wona ku ngalo wa caba wanuna wakwe.

xipm. 25. Kol. 3. 19. 1 Pet. 3. 6.

XIIMO 6.

1 Banana ingisani batrali ba *nwina* hi ka Hosi : hakuba lezi zi sasekile.

Kol. 3. 20.

2 Cabani a raru wa wena ni nyine wa wena (lowu wu nga kulaya ka kusangula ni tsumbiso),

Mat. 15. 4. Marku 7. 10.

3 Kasi za saseka ka wena, kasi wa fela ku tsama nguvu laha misabeni.

4 Na *nwinawu*, bararu nzi-*nwina*, mu nga zangarisi banana ba *nwina* noneni : kanilezi ba wundleni hi kululeka ni kulaya ka Hosi.

Kol. 3. 21.

5 Malanza, nga mu ingisa ka bona laba ba nga tihosi ta *nwina* hi ka nyama, hi kucaba ni kururumela, hi mbi-lu yinwe, kwatsi hi ka Kristu ;

2 Kor. 7. 15. Fil. 2. 12. Kol. 3. 22.
1 Tim. 6. 1. Tit. 2. 9. 1 Pet. 2. 18.

6 Na mu kozeli hi mahlo, kota badzunzi ba banhu ; ka-

nilezi kwatsi mu malanza ya Kristu, hi maha kuranza ka Nungungulu hi le timbi-lwini ;

Kol. 3. 22, 23.

7 Hi kuranza kunene mu kozela, kwatsi hi ka Hosi, na ku nga hi ka banhu :

8 Na mu tiba kani hi yini xa kusase munwe ni munwani a xi mahako, xwalexo i ta xi amukela kambe hi le ka Hosi, kani i kumbu kutani hi loyi a *klaklekileko*.

Roma 2. 6. 2 Kor. 5. 10. Gal. 3. 28.

Kol. 3. 11, 24.

9 Na, *nwina* tihosi, mu maha zalezo zilo ka bona, mu tsi-ka ku zi dzukisa : na mu tiba lezaku a Hosi yabye ni ya *nwina* yi kona le tilweni, a kona a hlawula munhu ka yena.

Joh. 13. 13. Roma 2. 11. 1 Kor. 7. 32.

Kol. 3. 25. & 4. 1.

10 A kugumesa, nga mu hi ni ntamo ka Hosi, ni le nta-*nweni* wa wa wunhenha ga yena.

xip. 1. 19. & 3. 16. Kol. 1. 11.

11 Hlomani a maklari wonkle ya Nungungulu, kasi ma fela ku zi kota ku yimelana ni mano ya satani.

Roma 13. 12. 2 Kor. 6. 7. xipm. 13.

1 Tesa. 5. 8.

12 Hakuba a kupfnyana ka hina a hi ka nyama ni nkata, kanilezi hi pfnyana ni mifumo, ni mintamo, ni bafumeli ba tiko legi ga mu-nyama, ni impi ya moya wa kubiha wa wutsanweni ga matilo.

Mat. 16. 17. Luka 22. 53. Joh. 12. 31.

- & 14. 30. Roma 8. 38. 1 Kor. 15. 50
xip. 1. 21. & 2. 2. Kol. 1. 13. & 2. 15.
- 13 Ngahilezo hlomani maklari ya Nungungulu, kasi ma fela ku yima hi siku ga kubiha, na, mu mahile zonkle, kasi ma yima.
2 Kor. 10. 4. xipm. 11. xip. 5. 16.
- 14 Yimani hikwalaho, na mu bohile ziwunu za nwina hi zinene, na mu bekile a nge nge ya kululama,
Luka 12. 35. 2 Kor. 6. 7. 1 Tesa. 5. 8. 1 Pet. 1. 13.
- 15 Na mu kweketile mikonzweni ka nwina zinwe ni kulongela ka ivangeli ya kurula;
Roma 10. 15.
- 16 Ka zona zonkle tekani xinklangu xa kukoleka, ha zonake mu zi kota ku tima a zi julu za loyi wa kubiha.
1 Joh. 5. 4
- 17 Tekani nwina a xihuku xa kuhayiswa, ni supado ya Moya, leyi yi nga mhaka ya Nungungulu.
1 Tesa. 5. 8. Heb. 4. 12. Kuv. 1. 16. & 2. 16. & 19. 15.
- 18 Zinwe ni mikombelo yonkle, ni kukombela mu kongela zikati zonkle nzeni ka Moya, mu rinzela zonkle hi kuxalala ni kukombelela bonkle laba bobasa,
Mat. 26. 41. Marku 13. 33. Luka 18. 1. Roma 12. 12. x'p. 1. 16. Fil. 1. 4. Kol. 4. 2. 1 Tesa. 5. 17. 1 Tim. 2. 2.
- 19 Minawu, mu nzi kongelela, kasi a kuwulawula ka nyikwa ka mina laha na nzi a hlama nomu wa mina, nzi yi tibekisa hi kutiyisa a mifihlakalo ya ivangeli,
Mit. 4. 29. 2 Kor. 3. 12. Kol. 4. 3. 2 Tesa. 3. 1.
- 20 Leyi nzi nga tsumi wu bohilweko ha yona; ni ku hi ka yona nzi kanela hi kutiya, kota zi nzi faneleko ku wulawula.
Mit. 26. 29. & 28. 20, 31. 2 Kor. 5. 20. xip. 3. 1. Fil. 1. 7 13, 14, 20. 1 Tesa. 2. 2. 2 Tim. 1. 16. & 2. 9. File 10.
- 21 Kanilezi kasi ma fela kuti ba nwinawu ha mina, a ku nzi yini, na Tikikusi, a nakulori a ranzekako ni xikozixi kolekileko ka Hosi, i ta zi tibekisa ka nwina zilo zonkle:
Mit. 20. 1. Kol. 4. 7. 2 Tim. 4. 12. Tit. 3. 12.
- 22 Loyi nzi mu rumileko ka nwina hi kota ya lezi, kasi ma tiba ha hina, ni kasi ma tangaliswa timbilwini ta nwina.
Kol. 4. 8.
- 23 A kurula nga ku hi ka bamakabye, ni kuranza ni kukoleka, ka le ka Nungungulu a Dadani ni Hosi Jesu Kristu.
1 Pet. 5. 14.
- 24 A wuxinji a gi hi ka nwina nwenkle laba mu ranzako a Hosi ya hina Jesu Kristu hizinene
Tit. 2. 7.

A PAPILO GA PAULE MUPOSTOLI KA BA LE FILIPI.

XIPIMO 1.

1 Paule na Timote, a zitiri za Jesu Kristu, ka bona bonkle laba bobasa ka Kristu Jesu laba ba nga le Filipi, zinwe ni bahlayisi ni bayimaleli :

1 Kor. 1. 2.

2 A wuxinji ka nwina ni kura ka le ka Nungungulu Dadani wa hina ni le ka Hosi Jesu Kristu.

Roma 1. 7. 2 Kor. 1. 2. 1 Pet. 1. 2.

3 Nza mu bonga Nungungulu wa mina hi ku mu alakanya ka mina nwina,

Roma 1. 8, 9. 1 Kor. 1. 4 Efe. 1. 15, 16. Kol. 1. 3. 1 Tesa. 1. 2. 2 Tesa. 1. 3.

4 Xonkle xikati kukombeleni konkle hi ka nwina nwenkle nza maha a ku mu kombelela ka mina hi kutsaka,

5 Hakuba a kuhlengela ka nwina kufambeni ka ivangeli ku siku ga kurangule ni ku kala makunu ;

Roma 12. 13. & 15. 26. 2 Kor. 8. 1. xip. 4. 14, 15.

6 Na nzi tsumba ka xwalexi xilo, lezaku loyi a nga sangula mitiro yo saseka ka nwina i ta yi mbelelisa ku kala ku cikela a siku ga Jesu Kristu :

Joh. 6. 29. xipm. 10. 1 Tesa. 1. 3.

7 Kota lezi zi nzi faneleko akuba nzi alakanya za ku ngahi hi nwina nwenkle, hakuba nzi nanwe mbi-

lweni ya mina, kwatsi hilezi ku nge kwatsi konkle ni kubohweni ka mina, ni kuvikelweni ka mina ni kutiyiswani ka ka ivangeli, mu hlengele zinwe na mina ka wuxinji.

2 Kor. 3. 2. & 7. 3. Efe. 3. 1. & 6. 20. xipm. 17. xip. 4. 14. Kol. 4. 3, 18. 2 Tim. 1. 8.

8 Hakuba Nungungulu hi kustumunyu wa mina, lezaku nzi wa hi ni kulabisisa nwi na ka gonkle wuxinji ga Jesu Kristu.

Roma 1. 9. & 9. 1. Gal. 1. 20. xip. 2. 26. & 4. 1. 1 Tesa. 2. 5.

9 Lezi nzi kombela, kasi a kuranza ka nwina ka tsama kambe ni kambe le kutibeni ni kupimeni konkle ;

1 Tesa. 3. 12. File. 6.

10 Kasi ma fela ku hlola a zilo lezi zinene ; kasi ma fela kuhlazeka na mu hi haba kuonha hi kala ku cikela a siku ga Kristu ;

Mit. 24. 16. Roma 2. 18. & 12. 2. 1 Kor. 1. 8. Efe. 5. 10. 1 Tesa. 3. 13. & 5. 23.

11 Na mu tatisilwe hi mihanzo ya kululama, leyi ya ka Jesu Kristu, ka wukosi ni kudzunziwa ka Nungungulu.

Joh. 15. 4, 5, 8. Efe. 1. 12, 14. & 2. 10. Kol. 1. 6.

12 Mukunu nza ranza lezaku nga mu hi ni kutiba, bama-kabye, lezi zilo zi nga humelela ka mina zi nyamalele hi kuranza ka ivangeli ;

- 13 Kasi a kubohwa ka mina ka wonekeliswa ka Kristu ku woneka le zigondlweni zonkle za pretoria, ni banwani bonkle ;
xip. 4. 22.
- 14 Ni ku ni banyingi bamakabye hi ka Hosi, na hi kutsumba hi kukonwa ka mina, ba tiya ha hombe nguvu a kukanela mhaka ya Nungungulu na ba nga cabi ncumo.
- 15 Banwani hizinene ba kanela Kristu hi wukuxu ni kukanetana ; banwani kambe ba kanela hi titralo :
xip. 2. 3.
- 16 Munwe a ka ba maha kuranza, na ba tiba lezaku nzi lo rumelwa kuvikela a ivangeli :
- 17 Kanilezi a banwani baba hungu hi Kristu hi wukuxu, na nga hi wa titralo, na ba alakanya kuvuxa kuxaniseka kukonweni ka mina.
xipm. 7.
- 18 Yini xana ? ku mbela le ka tindlela tonkle, kutani ku hi kuxengetela, kutani ku hi zinene, Kristu i bilwe hungu ; mangabye nza tsaka, ina, nzi ta tsaka.
- 19 Hakuba nza zi tiba lezi zi ta hunzuka ka kuhanya ka mina, hi mikombelo ya nwi na ni kunyikwa ka Moya wa Jesu Kristu,
Roma 8. 9. 2 Kor. 1. 11.
- 20 Kwatsi hi kulangutela ka mina ni kutsumba, a ku nzi nga ta celwa tingana ha ncumo, kanilezi hi kutiya konkle, kota xikati xonkle, lezo makunu Kristu i ta kukumikiswa hi ka miri wa mina, kutani hi kuhanya, kutani hi kufa.
Roma 5. 5. & 8. 19. Efe. 6. 19, 20.
- 21 Hakuba ka mina a kuhanya hi Kristu, ni kufa hi kubinzula.
- 22 Kanilezi loku a kuhanya ka loku ka nyama,—loku lexi xi mbanzo wa tiro wa mina, zonake lexi xi nzi hlawulako a nzi xi tibi.
- 23 Kanilezi nzi kamanyetilwe xikari ka zona zimbiri, na hi ni kulaba a ku suka nzi ya tsama na Kristu ; hakuba lezo zi hunzisile kusaseka :
2 Kor. 5. 8. 2 Tim. 4. 6.
- 24 Kanilezi a ku tsama nyameni za labeka hi kota ya nwi na.
- 25 Na nzi hi ni loku kutsumba, nza zi tiba lezaku nza ta hanya, ina, nzi ta tsama na nwina nwenkle, hakuba a kuranza ka nwina kutsakeni hi kukoleka ;
xip. 2. 24.
- 26 Kasi a kudumisa ka nwina ka tsama ka Kristu Jesu ka mina hi ku ba kona ka mina zinwe na nwina kambe.
2 Kor. 1. 14. & 5. 12.
- 27 Kumbela nga na a mikuwu ya nwina yi faneleka ka ivangeli ya Kristu : lezaku, hambu nzi ta mu wona kutani nzi nga hi kona, nzi zwa hi mahanyela ya nwi na, lezaku mu yimile mu ku ndende moyeni munwe,

na hi muhefemulo munwe
ma hakletana a kukoleka
ka ivangeli;

1 Kor. 1. 10. Efe. 4. 1. xip. 4. 1. Kol.
1. 10. 1 Tesa. 2. 12. & 4. 1. Jude 3.

28 Mu nga cabiswi ncumo hi
balala ba nwina: laba hi
kota ya bona zi le kubaseni
ku ngalo ba konilwe, kani-
lezi hi wotomi ga nwina, gi-
ta hi ka Nungungulu;

Roma 8. 17. 2 Tesa. 1. 5. 2 Tim. 2. 11.

29 Hakuba ka nwina mu abe-
lwe hi kota ya Kristu, ku
nga hi kukolwa kakwe ko-
ce, kanilezi ni kuxaniseka
hi kota yakwe:

Mit. 5. 41. Roma 5. 3. Efe. 2. 8.

30 Na mu hi ni zalezi zifuta
lezi mu nga zi wona ka mi-
na, mu zwako makunu ku
zi aku zi kona ka mina.

Mit. 16. 19, &c. Kol. 2. 1. 1 Tesa. 2. 2.

XIPIMO 2.

1 Loku ku nga ku hi kona
ku ntangala ka Kristu, loku
ku hi ni kukleliselwa ka ku-
ranza, loku ku nga ku hi
kona kuhlengela ka Moya,
loku ku nga ku hi kona a
wuxinji ni titralo,

2 Kor. 13. 14. Kol. 3. 12.

2 Tatisani nwina kunengela
ka mina, lezaku mu hi ba
kupima kunwe, na mu hi
ni kuranza kunwe, na mu
hi ba ka moya munwe, ni
mbilu yinwe;

Joh. 3. 29. Roma 12. 16. & 15. 5. 1 Kor.
1. 10. 2 Kor. 13. 11. xip. 1. 27. & 3.
16. & 4. 2. 1 Pet. 3. 8.

3 Mu nga mahi ncumo hi ku-
kalala ni wunguxu, kanilezi
hi ku ti koramisa nga mu-
nwe ni munwani a hlaye

banwani ku ncukwana ku-
hunza wutsumbu gakwe;

Roma 12. 10. Gal. 5. 26. Efe. 5. 21.
xip. 1. 15, 16. Jam. 3. 14. 1 Pet. 5. 5.

4 Nga munwe ni munwani
wa nwina a nga cuwuki, le
zakwe yena nwinyi, kanile-
zi munwe ni munwani a
cuwuka a zilo za banwa-
ni.

1 Kor. 10. 24, 33. & 13. 5.

5 Nga mu hi loku kupima ka
nwina, loku kambe ku nga
hi ka Kristu Jesu:

Mat. 11. 29. Joh. 13. 15. 1 Pet. 2. 21.
1 Joh. 2. 6.

6 Loyi, hambu lezi a nga hi
xiyinweni xa Nungungulu
a nga pimi ku ngalo i hi
ncumo kuringana ni Nu-
ngungulu,

Joh. 1. 1, 2. & 5. 18. & 10. 33. & 17. 5.
2 Kor. 4. 4. Kol. 1. 15. Heb. 1. 3.

7 Kanilezi i lo ti ribakelwa,
na teka a miri wa kumbi,
wu fanana ni ku mahwa ka
munhu;

Mat. 20. 28. Marku 9. 12. Luka 22. 27.
Joh. 1. 14. Roma 1. 3. & 8. 3. & 15.
3. Gal. 4. 4. Heb. 2. 14, 17.

8 Na a ambalisile ga wumu-
nhu, i lo ti koramisa wutsu-
mbu gakwe, i lo maha a mu
ingisi ni le kufeni, ina, a
kufa ka xihambano.

Mat. 26. 39, 42. Joh. 10. 18. Heb. 5. 8.
& 12. 2.

9 Ngahilezo Nungungulu i lo
mu klakusa ha hombe ngu-
vu, a nyika ka yena a bito
legi gi hehla ka mabito wo-
nkle;

Joh. 17. 1, 2, 5. Mit. 2. 33. Heb. 1.
4. & 2. 9. Efe. 1. 20, 21.

10 Lezaku hi ka bito ga Jesu a
madzolo wonkle ma ta ki-
zama, ya zilo za le tilweni

ni zilo za laha misabeni, ni zilo za lahasi ka misaba.

Mat. 28. 18. Roma 14. 11. Kuv. 5. 13.

- 11 Ni lezaku a tirimi tonkle ti ta wulela lezaku Jesu Kristu hi Hosi, ka wukosi ga Nungungulu Dadani.

Joh. 13. 13. Mit. 2. 36. Roma 14. 9. 1 Kor. 8. 6. & 12. 13.

- 12 Zonake lezo, baranzekako banga, kwatsi lezi mu nga mu ingisile hi xonkle xikati, ku nga hi loku nzi hi kona koce, kanilezi makunu nguvu loku nzi nga nzi hi haba, mu tira a kuhanyiswa ka nwina hi kucaba ni kururumela ;

Efe. 6. 5. xip. 1. 5.

- 13 Hakuba hi Nungungulu a tirako ka nwina zonkle kuranza ni ku maha, hi kuxalala ka yena ka kusaseka.

2 Kor. 3. 5. Heb. 13. 21.

- 14 Nga mu maha zilo zonkle na mu nga kalali mu kanetana ;

Roma 14. 1. 1 Kor. 10. 10. 1 Pet. 4. 9.

- 15 Kasi mu fela ku kala mu nga hi na kombo na bango, mu hi banana ba Nungungulu na mu hi haba bala, laha xikari ka xizukulwana xigombonyekileko xi bihileko, xikari kabye nwina mu wonwako na mu hi kuwonekela ka tiko,

Mat. 5. 14, 16, 45. Efe. 5. 1, 8. 1 Pet. 2. 12.

- 16 Na mu komisile mahungu ya wutomi ; kasi nza fela kudumisa ha xona hi siku ga Kristu, lezaku mina a

nzi tsutsumangi mahala, a nzi tirangi mahala.

2 Kor. 1. 14. Gal. 2. 2. 1 Tesa. 2. 19. & 3. 5.

- 17 Ina, hambu nzi nyikelwa hi kuklabyiwa ni kukozela ka kukoleka ka nwina, nza tsaka, nza tsaka zinwe na nwina ka zonkle :

Roma 15. 16. 2 Kor. 7. 4. Kol. 1. 24. 2 Tim. 4. 6.

- 18 Ka zalezo nwina nzi kambe tsakani, tsakani zinwe na mina.

- 19 Kanilezi nza tsumba nzeni ka Hosi Jesu kasi ku rumela Timote zalezi ka nwina, lezaku na minawu nzi ba ni kutangaliswa loku nzi tiba hi matsamela ya nwina.

Roma 16. 21. 1 Tesa. 3. 2.

- 20 Hakuba a nzi na munhu a nga ni mbilu yo kota yakwe, a celako kota futsi ha nwina.

- 21 Hakuba bona bonkle ba ti labela bona benyi, na ba nga labi zilo za Jesu Kristu.

1 Kor. 10. 24, 33. & 13. 5. 2 Tim. 4. 10. 16.

- 22 Kanilezi nwina ma ku tiba kuvuna ka yena, lezaku, kota xihlangi xi ingisa a raru, lezo i lo ingisa zinwe na mina kufambiseni ka ivangeli.

1 Kor. 4. 17. 1 Tim. 1. 2. 2 Tim. 1. 2.

- 23 Yena hikwalaho nza tsumba ku ruma yena, lokuloku laha na nzi wona ku zi yini ha mina :

- 24 Kanilezi nza tsumba ka Hosi lezaku a wutsumbu ganga nzi tata zalezi.

xip. 1. 25. File. 22.

25 Kanilezi nzi lo hlaya lezaku zi fanele a ku rumela ka *nwina* Epafroditusi nakulori wa mina ni xitiri-kulori ni kasadoro-kulori, ni tsumi wa *nwina* ni xikozeli xa mina;

2 Kor. 8. 23. & 11. 9. xip. 4. 18. File. 2.

26 Lazaku wa alakanya ha *nwina* *nwenkle*, lezaku mu wa xaniseka, hilezi mu ngazwa ku ngalo i wa babya:

xip. 1. 8.

27 Hakuba hizinene i wa kari a babya ku suhani ni kufa: kanilezi Nungungulu i mahile a wuxinji ka yena; kunga hi ka yena yece, kanilezi ni ka minawu kambe, kasi nzi nga xaniseki hi kuxaniseka.

28 Hikwalaho nzi mu rumile hi kuhlayisisa nguvu, kasi, laha mu mu wona kambe, *nwina* mu fela kutsaka, kasi minawu kambe nza fela kuxaniseka kutsongwani.

29 Hikwalaho mu amukeleni ka Hosi hi kutsaka *konkle*; a wa ku ngahi mu komeni hi kudzunza:

1 Kor. 16. 18. 1 Tesa. 5. 12. 1 Tim. 5. 17.

30 Hakuba hi tiro wa Kristu kutsongwani afa, mhangweni ya wutomi gakwe kasi ku nyika lezi zi nga vumaleka-ko kukozeleni ka *nwina* ha mina.

1 Kor. 16. 17. xip. 4. 10.

XIPIMO 3.

1 A kugumesa, bamakabye ba mina. tsakani le Hosi-ni. A ku engeta nzi tsala

zalezi zilo ka *nwina*, ka mina hizinene a ku binzi, kanilezi ka *nwina* kuhehuka.

2 Kor. 13. 11. xip. 4. 4. 1 Tesa. 5. 16.

2 Klarihani ka tibyana, klarihani ka zitiri za kuonha, klarihani a ngungwani:

Roma 2. 28. 2 Kor. 11. 13. Gal. 5. 2, 15.

3 Hakuba hina hi zitsiba, lezi zi kozelako hi Moya wa Nungungulu, ha buma ka Kristu Jesu, a hi na kutsumba nyameni:

Joh. 4. 23, 24. Roma 2. 29. & 4. 11, 12. & 7. 6. Gal. 6. 14. Kol. 2. 11.

4 Hambu lezi a wutsumbu ganga nzi felako a kutsumba nyameni: loku a nga a hi kona munhu a alakanyako ku ngalo wa tsumba nyameni, nza hunzisa mina:

2 Kor. 11. 18, 21.

5 Na nzi hi nkwera hi siku ga wunklanu ni manharu, wa lixaka la Israeli, wa ngaweni ba Benjamini, a mu Heberu wa ba Heberu; hi ku kumbuka a nayo, wa ba Farisi;

Mit. 23. 6. & 26. 4, 5. Roma 11. 1. 2 Kor. 11. 22.

6 Kwatsi hi ku kumbuka ka kupinyama, nzi wa xanisa a ceci; kota a ku kumbuka a kululama loku ku nga nayweni, nzi wa nga hi na kombo.

Luka 1. 6. Mit. 8. 3. & 9. 1. & 22. 3. Roma 10. 5. Gal. 1. 13, 14.

7 Ahemba xilo muni nzi nga binzula ka xona, lezi nza hlayela kulahleka hi kota ya Kristu.

Mat. 13. 44.

- 8 Ina hizinene, nza hlayela zilo zonkle kulahleka hi kusaseka a kutiba hi Kristu Jesu a Hosi ya mina: hi ka yena nzi xanisekako hi kulahlekelwa a zilo zonkle, nza zi hlaya zon a ku i caka, kasi nza binzula Kristu, Joh. 17. 3. 1 Kor. 2. 2. Kol. 2. 2.
- 9 Na nzi kumiwa ka yena, na nzi nga hi ni kululama ka mina *nwinyi*, kwaloko ka nayo, kanilezi loku ku nga kukoleka ka Kristu, a kululama loku ku nga ka Nungungulu hi kukoleka: Roma 1. 17. & 3. 21, 22. & 9. 30. & 10. 3, 5, 6. Gal. 2. 16.
- 10 Kasi nza fela ku mu tiba yena, ni ntamo wa kuvuka ka yena, ni kuhlengela a kuxaniseka kakwe, nzi mu ringanyeta hi kufa ka yena; Roma 6. 3, 4, 5. & 8. 17. 2 Kor. 4. 10, 11. 2 Tim. 2. 11, 12. 1 Pet. 4. 13.
- 11 Kasi kutani nza fela kucikela kuvukeni ka bafileko. Mit. 26. 7.
- 12 A hi lezaku nzi si na nzi ku kumile, kutani nzi si na nzi mbelele: kanilezi nza tsimbeketa nziya mahlweni, loku zi ngaho kasi nza fela ku ciketela lezi nzi nga hupunutwa ha zona ka Kristu Jesu. 1 Tim. 6. 12. Heb. 12. 23.
- 13 Bamakabye, a nzi hlayi wutsumbu ga mina ku ngalo nzi ciketele: kanilezi xilo *xinwe* nzi xi mahako, nza kohlwa zilo zonkle lezi zi nga le nzako, nzi hlokolo-
- kela ka zilo zi nga le mahlweni, Luka 9. 62. 1 Kor. 9. 24, 26. 2 Kor. 5. 16. Heb. 6. 1.
- 14 Mina nza tsimbeketela mahlweni xiwindini xa kubitanwa loku ka hombe ka Nungungulu ka Kristu Jesu. 2 Tim. 4. 7, 8. Heb. 3. 1. & 12. 1.
- 15 Nga hina hikwalaho, kwatsi hi banyingi laba ba mbeleleko, zi ngaho ba alakanya: ni ka *xinwani* xilo nga mu alakanya hi ku ngaho, hambu lexi Nungungulu i ta xivulula ka *nwina*: 1 Kor. 2. 6. & 14. 20. Gal. 5. 10.
- 16 Kanilezi, kwalaha hi cikeleleko ha kona, kwaloko kulaya a hi fambeni ha kona. Roma 12. 16. & 15. 5. Gal. 6. 16. xip. 2. 2.
- 17 Bamakabye, nga mu nzi ecanyisa, mu ba hlolisisa laba ba fambisako lezo kotisa lezi hina hi nga kuecanyisa ka *nwina*. 1 Kor. 4. 16. & 11. 1. xip. 4. 9. 1 Tes. 1. 6. 1 Pet. 5. 3.
- 18 Hakuba a banyingi ba famba, ba nga ba ha nzi mu byelileko ka nyingi, hambu makunu nza mu byela hi kurila, lezaku bona ba hi balala ba xihambano xa Kristu: Gal. 1. 7. & 2. 21. & 6. 12. xip. 1. 15, 16.
- 19 A ba ha a ku gumelwa ku nga kuhoxwa, nungungulu wabye hi xingwengwe, laba a wukosi gabye hi tingana tabye, laba ba pimako hi za misaba zilo. Roma 8. 5. & 16. 18. 2 Kor. 11. 12, 15.

Gal. 6. 13. 1 Tim. 6. 5. Tit. 1. 11.
2 Pet. 2. 1.

20 Hakuba a wutsamo wa hina
gi le tilweni; ku nga leyo
ha ha labelelako Muhanyisi,
a Hosi Jesu Kristu:

Mlt. 1. 11. 1 Kor. 1. 7. Efe. 2. 6, 19.
Kol. 3. 1, 3. 1 Tesa. 1. 10. Tit. 2. 13.

21 Loyi a ta wu ambalisa hi
kuswa a miri wa ku ti ko-
ramisa ka hina, kasi wa fela
a kufananiswa ni miri wa
yena wa wukosi, hi kota ya
kutira loku ha kona yena a
kotako kukoramisa zilo zo-
nkle ka wutsumbu ga yena.

1 Kor. 15. 26, 27, 43, 48, 49. Kol. 3. 4.
1 Joh. 3. 2. Efe. 1. 19.

XIPIMO 4.

1 Ngahilezo, bamakabye ba-
ranzekako banabelekako, a
kutsaka ni xidlodlo xa mi-
na, yimani mu ku ndende a
Hosini, baranzekako banga.

2 Kor. 1. 14. xip. 1. 8, 27. & 2. 16.
1 Tesa. 2. 19, 20.

2 Mina nza kongotela Euo-
dia, nza kongotela Sintuke,
a ku nga ba pima zinwe a
Hosini.

xip. 2. 2. & 3. 16.

3 Ina, nza kongotela wena
kambe, xitiri-kulori xitsu-
mbekileko, vuna laba ba ba-
sati, hakuba ba lo tira na
mina ka ivangeli, zipwe na
Klementi kambe, ni zonkle
zitiri-kulori na mina, a ba
ha a mabito yabye manga
bukwini ga wutomi.

Luka 10. 20. Roma 16. 3. xip. 1. 27.
Kuv. 3. 5. & 13. 8. & 20. 12. & 21. 27.

nkle: nzi engeta kambe nza
wula, Tsakani.

Roma 12. 12. xip. 3. 1. 1 Tesa. 5. 16.
1 Pet. 4. 13.

5 Nga a titralo ta nwina ti-
byekiswa ka banhu bonkle.
A Hosi yi tsinele.

Heb. 10. 25. Jam. 5. 8, 9. 1 Pet. 4. 7.
2 Pet. 3. 8, 9. 2 Tesa. 2. 2.

6 Mu nga kanakanelisi ha
ncumo; kani ka zilo zonkle
hi kukombela ni mikongelo
ni kubonga nga a kulaba
ka nwina ku tibyekiswa ka
Nungungulu.

Mat. 6. 25. Luka 12. 22. 1 Pet. 5. 7.

7 Nga kurula ka Nungungu-
lu, loku kuhunzako konkle
a kutiba, nga ku rangela
timbilu ta nwina ni kupima
ka nwina ka Kristu Jesu.

Joh. 14. 27. Roma 5. 1. Kol. 3. 15.

8 Hi kugumesa, bamakabye,
ni zi hi zilo lezi zi nga zine-
ne, ni zihi zilo lezi zi dzu-
nzekako, ni zi hi zilo lezi zi
lulamileko, ni zi hi zilo zi
basileko, ni zi hi zilo zi ra-
nzekako, ni zi hi zilo zi nga
za ku bikwa ka kusaseka;
loku ku kona kusaswa, loku
ku hi kona kubongwa, ala-
kanya lezi zilo.

1 Tesa. 5. 22.

9 Alakanyani hi ka lezi mu
gonzileko mu zi amukeleko
mu zi zwileko mi zi woni-
leko ha mina, lezi zilo zi
maheni: ni Nungungulu wa
kurula i ta ba na nwina.

Roma 15. 33. & 16. 20. 1 Kor. 14. 33.
2 Kor. 13. 11. & 11. 9. xip. 3. 17.
1 Tesa. 5. 23. Heb. 13. 20.

4 Tsakani ka Hosi xikati xo- 10 Kanilezi nza nengela ka

Hosi ha hombe, lezaku *nwina* mu vulule kualakanya ka *nwina* ha mina; mangabye laha hizinene mu nga nzi alakanya, kanilezi mu vumala a xikati.

- 11 A nzi wuli hi zilo nzi zi vumalako: hakuba nzi wa gonzile, ni kwihi laha nzi nga kona, mangabye nza eneliswa ha kona.

1 Tim. 6. 6, 8.

- 12 Nza kutiba kuvumala, nza zi tiba ni akuba ni pfuno: ni konkle ka zonkle nza yi tiba mifihlakalo yonkle ya kuxura ni kuzwa ndlala, konkle ku zi kuma ni ku vumala.

1 Kor. 4. 11. 2 Kor. 6. 10. & 11. 27.

- 13 Nza zi kota ku maha zilo zonkle ka yena loyi a nzi tiyisako.

Joh. 15. 5. 2 Kor. 12. 9.

- 14 Ahemba mu lo maha kwatsi, lezi mu nga hlengela zinwe na kuxaniseke ka mina.

xip. 1. 7.

- 15 Kambe *nwina* wutsumbu ma zi tiba, *nwina* ba le Filipi, lezaku kuranguleni ka ivangeli, laha na nzi suka le Makedonia, gi wa nga hi kona ceci yi nga hlengele na mina mahungwini ya kunyikela ni kuamukela, kanilezi *nwina* ntsena;

2 Kor. 11. 8, 9.

- 16 Hakuba hambu ni le Tesalonika mu lo rumela kunwe

mu engeta ka ku vumala ka mina.

- 17 Na nzi wa nga labi a zinyikiwo; kanilezi nza laba a mihanzo ya kuanza ka kuhana ka *nwina*.

Roma 15. 28. Tit. 3. 14.

- 18 Kanilezi nzi na zilo zonkle, zi pfunile: mina nzi tatisilwe, na nzi amukele hi Epafroditusi a zilo lezi zi lo tako hi ka *nwina*, ni masima ya kunuha ko nanziha, a nyikelo wu amukelekileko, wu dzunzekileko ka Nungungulu.

2 Kor. 9. 12. xip. 2. 25. Heb. 13. 16.

- 19 Ni Nungungulu wa mina i ta tatisa a kuvumala ka *nwina* kota a pfuno wa wukosi ka Kristu Jesu.

2 Kor. 9. 8. Efe. 1. 7. & 3. 16.

- 20 Makunu ka Nungungulu wa hina ni Dadani a gi be kakwe wukosi kala kupinzu ka ni kupsinzuka. Amen.

Roma 16. 27. Gal. 1. 5.

- 21 Rungula a bobasa bonkle ka Kristu Jesu, Ni bama-kabye laba ba nga zinwe na mina ba mu rungula.

Gal. 1. 2.

- 22 Bonkle oobasa ba mu rungula nguvunguvu ba le ngangweni ka Kesari

xip. 1. 13.

- 23 A wuxinji ga Hosi Jesu Kristu nga gi hi ni moya wa *nwina*.

Roma 16. 24.

A PAPILO GA PAULE MUPOSTOLI KA BA LE KOLOSI.

XIPIMO 1.

1 Paule, a mupostoli wa Kri-
stu Jesu hi kuranza ka Nu-
ngungulu, na Timote ma-
kabye wa hina,

Efe. 1. 1.

2 Ka laba ba bobasa ni ba ko-
lekako bamakabye ka Kri-
stu laba ba nga le Kolose:
Wuxinji ka *nwina* ni kuru-
la ka le ka Nungungulu a
Dadani wa hina.

1 Kor. 4. 17. Efe. 6. 21. Gal. 1. 3.

3 Hina ha nyika kubonga ka
Nungungulu Dadani wa
Hosi ya hina Jesu Kristu,
na hi mu kombelela xikati
xonkle *nwina*,

1 Kor. 1. 4. Efe. 1. 16. Fil. 1. 3. & 4. 6.

4 Na nzi zwile hi kukoleka
ka *nwina* nzeni ka Kristu
Jesu, ni kuranza loku mu
nga nako hi laba bobasa bo-
nkle,

Efe. 1. 15. xipm. 9. File. 5. Heb. 6. 10.

5 Hakuba na hi kutumba
loku ku bekelweko *nwina*
le tilweni, mu nga wa si na
mu zwile kuranguleni nze-
ni ka mhaka ya zinene ya
ivangeli,

2 Tim. 4. 8. 1 Pet. 1. 4.

6 Leyi yi tako ka *nwina*; ko-
ta lezi kambe yi nga ka go-
nkle tiko yi trala mihanzu
hi kupfunu, kota lezi ku
nga maha ka *nwina* kambe,
ku sukela ka siku mu nga-

zwa ni kutiba a wuxinji ga
Nungungulu hi zinene;

Mat. 24. 14. Marku 4. 8. & 16. 15.

Joh. 15. 16. Roma 10. 18. 2 Kor. 6.

1. Efe. 3. 2. xipm. 23. Fil. 1. 11.

Tit. 2. 11. 1 Pet. 5. 12.

7 Kota lezi *nwina* mu tibileko
hi Epafrazi a nanza-kulori
gi ranzekako, loyi a koleki-
leko kukozeleni Kristu hi
ka hina,

2 Kor. 11. 23. xip. 4. 12. 1 Tim. 4. 6.

File. 23.

8 Loyi kambe a nga hi ambe-
la hina hi kuranza le Moye-
ni.

Roma 15. 30.

9 Hakuba hi kota ya lexi
hinawu kambe, cima ha
ngazwa lezo, a hi tsiki ku
mu kongelela ni ku kongo-
telela ha *nwina*, kasi ma
fela ku tatiswa hi kutiba ka
kuranza kakwe nzeni ka
konkle kuklariha, ku ka
moya ni kupima,

Roma 12. 2. 1 Kor. 1. 5. Efe. 1. 8, 15,

16. & 5. 10, 17. xipm. 3, 4.

10 Mu famba hi kufaneleko ka
Hosi hi ka kudzunza ko-
nkle, mu trala mihanzo hi
ka mitiro yonkle ya kusase-
ka, mu anza hi ka kutiba
Nungungulu;

Joh. 15. 16. 2 Kor. 9. 8. Efe. 4. 1. Fil.

1. 11, 27. 1 Tesa. 2. 12. & 4. 1. Tit.

3. 1. Heb. 13. 21.

11 Mu tiyiswa hi ntamo wo-
nkle, hi kota ya ntamo wa
wukosi ga yena, a kutimi-

- siseni ni honiseleni zinwe ni kutsaka;
 Mit. 5. 41. Roma 5. 3. Efe. 3. 16. & 4. 2. & 6. 10.
- 12 Na mu nyika kubonga ka Dadani, loyi a hi mahileko ku maha zihlengeli za tso-mba za bobasa kuwoneke-len;
 Mit. 26. 18. Efe. 1. 11. & 5. 20. xtp. 3. 15.
- 13 Loyi a hi klaklisileko mandleni ya munyama, a hi jajeka hina munweni wa Nwana wa kuranza ka yena;
 Mat. 3. 17. Efe. 1. 6. & 6. 12. 1 Tesa. 2. 12. Heb. 2. 14. 1 Pet. 2. 9. 2 Pet. 1. 11.
- 14 Ha yena hina hi kumile ku-klakliswa ka hina, ni kutsetselelwa ka zonho za hina:
 Efe. 1. 7.
- 15 Loyi a nga kufanana ka Nungungulu a nga wonekiko, a matewula ya zi mahiwa;
 2 Kor. 4. 4. Heb. 1. 3. Kuv. 3. 14.
- 16 Hakuba hi ka yena a zilo zonkle zi lo mahwa, le tilweni ni laha misabeni, a zilo zi wonekako ni zilo zi nga wonekiko, kutani zitsamo za wukosi, kutani mifumo kutani mbukosi kutani mintamo; zonkle zilo zi lo mahwa hi kota ya yena, zi hi zakwe;
 Joh. 1. 3. Roma 8. 33. & 11. 36. 1 Kor. 8. 6. Efe. 1. 21. & 3. 9. xtp. 2. 10. 15. Heb. 1. 2. 1 Pet. 3. 22.
- 17 Yena ngwa kurangula ka zilo zonkle, hi ka yena zonkle zi kona.
 Joh. 1. 1, 3. & 17. 5. 1 Kor. 8. 6.
- 18 Na yena hi hloko ya miri, wa yona ceci: loyi a nga kurangula, a matewula ya bafleko; lezaku ka zilo zonkle a fela ku maha wa hombe zilweni zonkle.
 Mit. 26. 23. 1 Kor. 11. 3. & 15. 20, 23. Efe. 1. 10, 22. & 4. 15. & 5. 23. Kuv. 1. 5.
- 19 Hakuba zilo mu xalalisa ha kunene Dadani lezaku hi ka yena a kutala konkle ku nga tsama;
 Joh. 1. 16. & 3. 24. xtp. 2. 9. & 3. 11.
- 20 Ni ku hi ka yena i ta wuyisela zilo zonkle ka wutsumbu gakwe, na mahile hi nkata wa xihambano xakwe; hi kota ya yena, mina nza wula, kutani zilo za laha misabeni, kutani zilo za le tilweni
 2 Kor. 5. 18. Efe. 1. 10. & 2. 14, 15, 16.
- 21 Na nwinawu, na hi xikati xi hunzileko na wa hambukile mu hi balala, kupimeni ka nwina kumaheni ka nwinna kubiha, lezi makunu i mu wuyisile
 Efe. 2. 1, 2, 12, 19. & 4. 18. Tit. 1. 15, 16.
- 22 Ka nyama ya miri wa yena hi kota ya kufa, a ku mu yisa nwina mu hi bobasa na mu hi haba bala mu nga koneki mahlweni ka yena:
 Luka 1. 75. Efe. 1. 4. & 2. 15, 16. & 5. 27. 1 Tesa. 4. 7. Tit. 2. 14. Jude 24.
- 23 Loku zi ngaho nonohisani kukolekeni, mu tikiretwa mu ku ndende, mu nga tsekatekisiwi ka kutsumba ka ivangeli leyi mu yi zwileko, leyi yi kanelweko ka zi mahwa zonkle lahasi ka tilo; ka zona mina Paule nzi nga xikozeli.
 Joh. 15. 6. Mit. 1. 17. Roma 10. 18. 2 Kor. 3. 6. & 4. 1. & 5. 18. Efe. 3. 7,

17. xip. 2. 7. xipm. 6, 25. 1 Tim. 2. 7.

- 24 Makunu nza tsaka kuxanisekeni ka mina hi kota ya *nwina*, nzi tatisa a *klelo* ga mina lezi zi vumalekako za kuxaniseka ka Kristu nyameni ya mina hi kota ya miri wa yena, lowu wu nga ceci;

Roma 5. 3. 2 Kor. 1. 5, 6. & 7. 4. Efe. 1. 23. & 3. 1, 13. Fil. 3. 10. 2 Tim. 1. 8. & 2. 10.

- 25 Ngahilezo nzi lo mahiwa xikozeli, hi ku nzi yimisa kawe Nungungulu hi kota ya *nwina*, kasi nza fela kutatisa mhaka ya Nungungulu, 1 Kor. 9. 17. Gal. 2. 7. Efe. 3. 2. xipm. 23. Roma 15. 19.

- 26 Kona kufihlakala loku ku nga nga ku kutumbetilwe ka tintanga tonkle ni zizukulwana: kanilezi makunu yi wonekelisilwe ka bobasa bakwe,

Mat. 13. 11. Roma 16. 25. 1 Kor. 2. 7. Efe. 3. 9. 2 Tim. 1. 10.

- 27 Ka baha zi lo mu xalalisa Nungungulu a ku tibekisa a kupfuna ka wukosi ga loku kufihlakala xikari ka ba Matiko, loku ku nga Kristu nzeni ka *nwina*, a nga xitsumbo xa wukosi:

Roma 9. 23. 2 Kor. 2. 14. Efe. 1. 7. & 3. 8. 1 Tim. 1. 1.

- 28 A wihi hina hi nga bahu ngu ha yena, hi luleka bonklelele banhu hi gonzisa bonklelele banhu ka wuklari gonkle, kasi ha fela ku ba yisa ba mbelele bonklelele ka Kristu;

Mit. 20. 20, 27, 31. 2 Kor. 11. 2. Efe. 5. 27. xipm. 22.

- 29 Ka wihi nzi nga lo tira minawu kambe, na nzi tsimbeketa hi kota ya kutira ka yena, loku kutirako ka mina hi ntamo.

1 Kor. 15. 10. Efe. 1. 19. & 3. 7, 20. xip. 2. 1.

XIPIMO 2.

- 1 Hakuba nza ranza ku nga mu zi tiba lezaku ha hombe nzi trumukisile ku yini ha *nwina*, na bona laba ba le Laodikea, hakuba kota banyingi laba ba nga wonangiko a ngohe ya nyameni;

Fil. 1. 30. xip. 1. 29. 1 Tesa. 2. 2.

- 2 Kasi a timbilu tabye ta fela ku tangaliswa, na ba tegwa katiginwe kuranzeni, ni kupfuna konkle ka zinene ni ka kupima, kasi ba fela kutiba a mifihlakalo ya Nungungulu, a nga yena Kristu,

2 Kor. 1. 6. Fil. 3. 8. xip. 1. 9. & 3. 14.

- 3 Loyi ka yena a mabako ya kutiba ni klariha ma tumbe-tilwe.

1 Kor. 1. 24. & 2. 6, 7. Efe. 1. 8. xip. 1. 9.

- 4 Lexi nza wula mina, lezaku mu nga kupetwi hi munhu hi timhaka ti wongako ta kukanela.

Roma 16. 18. 2 Kor. 11. 13. Efe. 4. 14. & 5. 6. xipm. 8, 18.

- 5 Hambu lezi nzi nga haba nyameni, lezo nzi na *nwina* hi moya, na nzi tsaka na nzi languta ma yimisela ya *nwina*, ni kundendende ka kukoleka ka *nwina* ka Kristu.

1 Kor. 5. 3. & 14. 40. 1 Tesa. 2. 17. 1 Pet. 5. 9.

- 6 Hikwalaho kota lezi mu amukeleko Kristu Jesu a Hosi, lezo fambani hi ka yena,
1 Tesa. 4. 1. Jude 3.
- 7 Mu kekelwe mu akelwe ka yena, mu yimisilwe kukolekeni ka *nwina*, kwatsi hilezi mu nga gonziwa, mu tsama kubongelaneni.
Efe. 2. 21, 22. & 3. 17. xip. 1. 23
- 8 Klarihani ku nga nga ku hi kona loyi a mu onhisako *nwina* hi mikuwo ni kukohlisa ka mahala, hikwalaha ka kuhoxwa ka banhu, ni kugonzisa ka tiko, na ku nga hi ka Kristu:
Mat. 15. 2. Roma 16. 17. Gal. 1. 14. & 4. 3, 9. Efe. 5. 6. xipm. 18, 20, 22. Heb. 13. 9.
- 9 Hakuba hi ka yena ku tsama a kutala konkle ka miri wa kulu ga Nungungulu
Joh. 1. 14. xip. 1. 19.
- 10 Hi ka yena *nwina* mu mahilwe mu tsingile, loyi a nga hloko ya mifumo ni ntamo:
Joh. 1. 16. Efe. 1. 20, 21. 1 Pet. 3. 22. xip. 1. 16.
- 11 Ka yena *nwina* mu nga zitsiba lezi zi nga mahiwa-ngiko hi mandla, a ku engenisa a miri wa nyama, kanilezi hi wunkwera ga Kristu;
Roma 2. 29. & 6. 6. Efe. 4. 22. Fil. 3. 3. xip. 3. 8, 9.
- 12 Na hi kekelwe zinwe naye hi kubapatizwa, mangabye laha mu vuxilweko ha yena hi kutira ka kukoleka ka Nungungulu, loyi a nga mu vuxa hi ka bafleko.
Mit. 2. 24. Roma 6. 4. Efe. 1. 19. & 3. 7. xip. 3. 1.
- 13 Na *nwina*, na mu file hi kota ya zihambuko za *nwina* ni ku ngahi minkwera ka mimiry ya *nwina*, *nwina*, nza wula, i lo mu vuxa zinwe naye, na hi tsetselele zonkle zihambuko za hina;
Efe. 2. 1, 5, 6, 11.
- 14 Na fubisile a xiboho lezi zi tsalilweko nayweni zi hi vimbelako hina, lezi zi nga hi hambunyeta hina: i zi panzanyile laha ndleleni na ku belelwe xihambanweni:
Efe. 2. 15, 16.
- 15 Na a susile ka wutsumbu gakwe yena *nwinyi* a mifumo ni mintamo, i lo yi wonekeliswa kubaseni, a hlula hehla ka zona zonklenzeni ka loko.
Mat. 12. 29. Luka 10. 18. & 11. 22. Joh. 12. 31. & 16. 11. Efe. 4. 8. & 6. 12. Heb. 2. 14.
- 16 Hikwalaho nga ku nga hi kona munhu a lamulako kugeni, ni kunwa, na hi siku ga mubuzo kutani i hweti yiswa kutani i siku ga sabado:
Roma 14. 2, 3, 5, 10, 13, 17. 1 Kor. 8. 8. Gal. 4. 10.
- 17 Loku ku nga xirutu xa loku ku ta nga kuta; kanilezi a miri hi Kristu.
Heb. 8. 5. & 9. 9. & 10. 1.
- 18 Nga ku nga hi kona munhu a wuklelako a ncacazelo wa *nwina* hi ku ti koramisa ni kukozela ka tingelosi, yi tsamako ka zilo lezi nzi nga zi wona, a ti kukumukisa mahala hi kupima ka yena ka nyama,
xipm. 4, 23. 1 Tim. 1. 7.

19 Na ba nga komisangi a Hloko yi tiya ka yona ku nga kona miri wonkle, na wu wundla wu kugwa ka tigi-nwe kasi a mahlakala ni misiha, ya anza hi kuanzisa ka Nungungulu.

Efe. 4. 15, 16.

20 Loku nwina mu file na Kristu kugonziseni ka tiko, hi yini, ma ha hanyelako nzeni ka tiko legi, ma ha bohiwa wutsumbu ga nwi-na hi mikuwo,

Roma 6. 3, 5. & 7. 4, 6. Gal. 2. 19. & 4. 3, 9. Efe. 2. 15. xipm. 8.

21 Mu nga yi komi, hambu ni ku yi ringa, mu nga yi henyi

1 Tim. 4. 3.

22 (Zilo zonkle lezi zi nga kufa hi ku zi henyi), za milayo ni wusingalakati ga banhu?

Mat. 15. 9. Tit. 1. 14.

23 Lezi zilo ni kunene zi nga ku wonisa ka wuklari kukozeleni, ni ku ti koramisa, ni kutsika miri; kanilezi a hi za ncumo zi hi likungo la nyama.

1 Tim. 4. 8. xipm. 18.

XIIMO 3.

1 Zonake loku nwina mu vuxilwe zinwe na Kristu, nga mu laba a zilo lezi zi nga le hehla, laho Kristu a tsamileko, hi ka ga xinene canja ga Nungungulu.

Roma 6. 5. & 8. 34. Efe. 1. 20. & 2. 6. xip. 2. 12.

2 Yisani kupima ka nwina ka zilo za le hehla, na ku nga hi ka zilo lezi zi nga laha misabeni.

[Shetwa]

97

3 Hakuba nwina mu file, ni wutomiga nwina gi fihlilwe zinwe na Kristu ka Nungungulu.

Roma 6. 2. 2 Kor. 5. 7. Gal. 2. 20. xip. 1. 5. & 2. 20.

4 Laha Kristu loyi a nga wutomi ga hina, na a nga a wonkeliswa, zonake nwinawu kambe mu ta wonkeliswa zinwe naye a wukosini.

Joh. 11. 25. & 14. 6. 1 Kor. 15. 43. Fil. 3. 21. 1 Joh. 3. 2.

5 Hikwalaho dayani a ziro za nwina za misaba; a wubayi, a ku-nga-hlazeki, a kulo, a ku mbilukela ka kubiha, ni kunabela, zi nga zinwe ni kukozela zifananiso;

Roma 6. 13. & 8. 13. Gal. 5. 24. Efe. 5. 3, 5. 1 Tesa. 4. 5.

6 Hakuba hi kota ya zilo lezi yata a zanga ya Nungungulu ka banana ba nga ingisiko;

Roma 1. 18. Efe. 2. 2. & 5. 6. Kuv. 22. 15.

7 Ka zona nwinawu mu nga kari mu famba ha zona hi mahlweni, na ma ha tsamile ka zalezi zilo.

Roma 6. 19, 20. & 7. 5. 1 Kor. 6. 11. Efe. 2. 2. Tit. 3. 3.

8 Kanilezi makunu nwina zi tsikeni zilo lezi; a zanga, a kulo, a zigungu, a wunguxu, lezi zi wisako tingana a kuwulawula hi milomu ya nwina:

Efe. 4. 23, 29. & 5. 4. Heb. 12. 1. Jam. 1. 21. 1 Pet. 2. 1.

9 Mu nga hembelani mawunwa; na mu labisisa lezaku mu mu runzuwule wa kale ni zi maho za yena,

Efe. 4. 22, 24, 25.

- 10 Mu ambala loyi muswa munhu, loyi a mahilweko muswa hi kutiba ka ku fanana na yena loyi a nga mu maha:
Roma 12. 2. Efe. 2. 10. & 4. 23, 24.
- 11 Laho ku ta nga ku nga hi kona a mu Greki ni mu Juda, ni nkuna ni xitsiba, a mabarbari ni ma Sitia, ni kumbi ni a *klaklekileko*: kanilezi Kristi i kona ka *konkle*, ni *konkle*.
Roma 10. 12. 1 Kor. 12. 13. Gal. 3. 28. & 5. 6. Efe. 1. 23. & 6. 8.
- 12 Hikwalaho ambalisani, ka ba hlawulilweko ba ka Nungungulu, mu basa ni kuranzeka, ni mbilu ya titralo, ni wunene, a ku ti koramisa, a kuoloba, a ku timisela;
Gal. 5. 22. Efe. 4. 2, 24, 32. Fil. 2. 1. 1 Tesa. 1. 4. 1 Pet. 1. 2. 2 Pet. 1. 10.
- 13 A kuhoniselelana, ni kutsetselelana, loku a hi kona a solisanako ni wo kari; kota Hosi yi nga mu tsetselela, *nwinawu* mahani lezo:
Marku 11. 25. Efe. 4. 2, 32.
- 14 Hehla ka *zonkle* lezi ambalani kuranza, loku ku nga *kuklangana* ka kumbelela.
Joh. 13. 34. Roma 13. 8. 1 Kor. 13. Efe. 4. 3. & 5. 2. xip. 2. 2. 1 Tim. 1. 5. 1 Pet. 4. 8. 1 Joh. 3. 23. & 4. 21.
- 15 Nga kurula ka Kristu ku rula timbilwini ta *nwina*, hi ka kona *nwinawu* mu nga lo bitanwa ka miri munwe; nga mu hi ni kubonga.
Roma 14. 17. 1 Kor. 7. 15. Efe. 2. 16, 17. & 4. 4. Fil. 4. 7. xip. 2. 7. xipm. 17.
- 16 Nga na a mhaka ya Kristu yi tsama ka *nwina* nguvu ka wuklari ga yena; mu gonzisa mu lulekana munwe ni munwani hi tisimu ni ku yimbelela ni tisimu ta ka moya, mu yimbelela hi wuxinji timbilwini ta *nwina* ka Nungungulu.
1 Kor. 14. 26. Efe. 5. 19. xip. 4. 6.
- 17 Ni xihilezi mu xi mahako, ka mhaka kutani ku maha, mahani *zonkle* ka bito ga Hosi Jesu, na mu nyika kubonga ka Nungungulu a Dadani hi kota ya yena.
Roma 1. 8. 1 Kor. 10. 31. Efe. 5. 20. xip. 1. 12. & 2. 7. 1 Tesa. 5. 18. Heb. 13. 15.
- 18 Ba basati, nga mu tikoramisa ka banuna ba *nwina*, kwatsi hilezi zi faneleko Hosini.
Efe. 5. 3, 22. Tit. 2. 5. 1 Pet. 3. 1.
- 19 Banuna, ranzani basati ba *nwina*, mu nga mahi timbiti ka bona.
Efe. 4. 31. & 5. 25, 28, 33. 1 Pet. 3. 7.
- 20 Banana, ingisani batrali ba *nwina* zilweni *zonkle*, haku-ba lezi za nengelisa a Hosi kwatsi.
Efe. 5. 24. & 6. 1. Tit. 2. 9.
- 21 Bararu, mu nga zangarisi banana ba *nwina*, kasi ba nga mbeli ntamo.
Efe. 6. 4.
- 22 Malanza, ingisani ka bona laba ba nga tihosi ta *nwina* hi ka nyama zilweni *zonkle*; mu nga kozeli hi kuwonwa kwatsi, hi laba ba xalalisko banhu, kanilezi hi mbilu yinwe, na mu caba Hosi:
Efe. 6. 5, &c. xipm. 20. 1 Tim. 6. 1. Tit. 2. 9. File. 16. 1 Pet. 2. 18.

23 Kani hi yini mu xi mahako, ku maheni hi mbilu, kwatsi hi ka Hosi, na ku nga hi ka munhu;

Efe. 6. 6, 7.

24 Na mu tiba lezaku ka Hosi mu ta amukela a ncacazelo wa tsomba: mu kozela a Hosi Kristu.

1 Kor. 7. 22. Efe. 6. 8.

25 Hakuba loyi a mahako kuonha, i ta amukela kambe a kuonha loku a ku mahileko: a ku kona kuhlawula munhu.

Roma 2. 11. Efe. 6. 9. 1 Pet. 1. 17.

XIPIMO 4.

1 Tihosi, nyikani a malanza ya nwina lezi zi faneleko ni zi ringeneko; na mu tiba lezaku mu na ni Hosiwo le tilweni.

Efe. 6. 9.

2 Nonohisani mu ku ndende-nde ka mikombelo, mangabye na mu rinzela hi kubongelana;

Luka 18. 1. Roma 12. 12. Efe. 6. 18. xip. 2. 7. & 3. 15. 1 Tesa. 5. 17, 18.

3 Ka zonkle hi kombeleni hinawu kambe, kasi Nungungulu wa vulula nyangwa ya mhaka ka hina, ku wulawula a mifihlakalo ya Kristu, leyi yi nga yona nzi kotsilweko ha yona;

Mat. 13. 11. 1 Kor. 4. 1. & 16. 9. 2 Kor. 2. 12. Efe. 6. 19, 20. Fil. 1. 7. xip. 1. 26. & 2. 2. 2 Tesa. 3. 1.

4 Kasi nza fela ku yi wonekelisa, kota zi faneleko kukanela.

5 Mu famba hi kuklariha ka bona laba ba le handle, mu komisa xikati.

Efe. 5. 15, 16. 1 Tesa. 4. 12.

6 Nga kuwulawula ka nwina zonkle xikati ku hi wuxinji, na ku lungilwe hi munyu, kasi ma fela ku zi tiba a ku mu ta hlamulisisana ku yini.

Marku 9. 50. xip. 3. 16. 1 Pet. 3. 15.

7 Zonkle za mina u Tikikusi i ta zi tibekisa ka nwina, a nakulori a ranzekako ni xikozeli xikolekileko ni nanza-kulori le Hosini:

Efe. 6. 21.

8 Loyi nzi mu rumileko ka nwina hi kota ya xwalexi, kasi ma fela kutiba a tsamela ya hina, kasi ma fela kuntangalisa timbilu ta nwina;

Efe. 6. 22.

9 Katiginwe na Onesimusi, loyi a tsumbekileko a nakulori wa kuranzeka, loyi a nga munwe wa nwina. Ba ta zi tibekisa ka nwina zonkle zilo zi mahekako laha.

File. 10.

10 Aristarkusi peresu-kulori wa mu rungula nwina, na Marku, a zukulu wa Barnabasi (a kumbuka loyi mu amukeleko ha yena a kulaya; loku a nga ta ka nwina mu amukeleni),

Mit. 15. 37. & 19. 29. & 20. 4. & 27. 2. File. 24. 2 Tim. 4. 11.

11 Jesu loyi a bitanileko Justusi, loyi a nga wa laba ba zitsiba: laba boce ba hi zitirri-kulori ka mufumo wa Nungungulu, a madota laya ma nga maha kuntangalisa ka mina.

- 12 Epafrasi, loyi a nga munwe wa nwina, a nanza ga Jesu Kristu, wa mu rungula, na ringa ku mu kongelela *nwina*, lezaku kasi ma yima mu mbelele na mu tatisilwe hizinene za kuranza ka Nungungulu.
Mat. 5. 48. Roma 15. 30. 1 Kor. 2. 6. & 14. 20. Fil. 3. 15. xip. 1. 7. File. 23. Heb. 5. 14.
- 13 Hakuba mina nza maha wukustumunyu ha yena, lezaku i pangamile ha *nwina*, ni ka ba le Laodikea, ni ka ba le Hierapolisi.
- 14 Luka, a nanga yi ranzekako, na Demasi ba mu rungula.
2 Tim. 4. 10, 11. File. 24.
- 15 Rungulani bamakabye laba ba nga le Laodikea, ni le Numfasi, ni ticeci leti ti nga le mingangweni ya-bye.
Roma 16. 5. 1 Kor. 16. 19.
- 16 Ni laha legi a papilo gi gonzilwe xikari ka *nwina*, a giye gi ga gonziwa ni le ticecini ta le Laodikea; *nwinawu* kambe gonzani a papilo ga ba le Laodikea.
1 Tesa. 5. 27.
- 17 Wulani ka Arkipusi, Klariha ka kugonzisa loku u ku amukeleko ka Hosi, kasi wena wa fela ku ku tatisa.
1 Tim. 4. 6. File. 2
- 18 A kurungula ka mina Paule hi canja ga mina *nwinyi*. Alakanyani makotso ya mina. A wuxinji nga gi hi na *nwina*.
1 Kor. 16. 21. 2 Tesa. 3. 17. Heb. 13. 3, 25

A PAPILO GO SANGULA GA PAULE MUPOSTOLI KA BA LE TESALONIKA.

XIIMO 1.

- 1 Paule, na Silvanusi, na Timote, ka yona ceci ya ba le Tesalonika yi nga ka Nungungulu a Dadani ni ka Hosi Jesu Kristu: A wuxinji nga gi hi ka *nwina* ni kurula.
2 Kor. 1. 19. Efe. 1. 2. 2 Tesa. 1. 1. 1 Pet. 5. 12.
- 2 Hina ha nyika kubonga ka Nungungulu xonkle xikati ha *nwina nwenkle*, na hi mu alakanya *nwina* kukongeleni ka hina;
Roma 1. 8. Efe. 1. 16. File. 4.
- 3 Na hi mu alakanya hi ku nga gumesi, a tiro wa *nwina* wa kukoleka ni ni kupinyama ka *nwina* ka kuranza ni kuhonisela ka kutsumba ka Hosi ya hina Jesu Kristu, mahlweni ka Nungungulu wa hina ni Dadani;
Joh. 6. 29. Roma 16. 6. Gal. 5. 6. xip.

2. 13. & 3. 6. 2 Tesa. 1. 3, 11. Heb. 6. 10. Jam. 2. 17.

4 Na mu tiba, bamakabye ba ranzekako ka Nungungulu, a kuhlawulwa ka *nwina*,

Kol. 3. 12. 2 Tesa. 2. 13.

5 Lezaku a ivangeli ya hina a yi tangi ka *nwina* hi mha-ka yoce, kanilezi ni ka ntamo, ni ka Moya wo Basa, ni kutiyiswa ka kunyingi; kota *nwina* mu zi tibako lezaku hi wa hi ba banuna ba ku yini hina a ku ti kombisa ka wutsumbu ga hina ka *nwina* hi kota ya *nwina*.

Marku 16. 20. 1 Kor. 2. 4. & 4. 20. 2 Kor. 6. 6. Kol. 2. 2. xip. 2. 1, 5, 10, 11. 2 Tesa. 3. 7. Heb. 2. 3.

6 Nwinawu mu lo maha ba ecanyisi ba hina, ni ba Hosi, na mu a amukele mhaka hi kuxaniseka kunyingi, zinwe ni kutsaka ka Moya wo Basa;

Mit. 5. 41. 1 Kor. 4. 16. & 11. 1. Fil. 3. 17. xip. 2. 14. 2 Tesa. 3. 9. Heb. 10. 34.

7 Lezaku mu lo maha a baecanyisi ba bona laba ba nga kolwa le Makedonia ni ba le Akaia.

8 Hakuba hi le ka *nwina* kuzwakele a mhaka ya Hosi, na ku nga Makedonia ni le Akaia koce, kanilezi wutsa-*nweni* gonkle a kukoleka ka *nwina* hi ka Nungungulu ku la su fenemete; lezaku a ha ha labi ku wula *ncumo* ha *nwina*.

Roma 1. 8. & 10. 18. 2 Tesa. 1. 4.

9 Hakuba bona a wutsumbu gabye ba hi ambele hina lezaku hi engenisile ku yini ka *nwina*; ni *nwina* mu lo

hunuzulukela ka Nungungulu hi le zifananisweni, a ku kozela Nungungulu a hanyako ni zinene,

1 Kor. 12. 2. Gal. 4. 8. xip. 2. 1.

10 Ni ku labelela a *Nwana* wa yena hi le tilweni, loyi a mu vuxileko hi ka bafileko, yena Jesu, loyi a hi *klakli*-sileko zangeni yi tako.

Mat. 3. 7. Mit. 1. 11. & 2. 24. Roma 2. 7. & 5. 9. Fil. 3. 20. xip. 4. 16. & 5. 9. 2 Tesa. 1. 7. Tit. 2. 13. 2 Pet. 3. 12. Kuv. 1. 7.

XIPIMO 2.

1 Hakuba a wutsumbu ga *nwina*, bamakabye, ma zi tiba ku hi engenisile ku yini ka *nwina*, lezaku a ku kumiwangi mahala:

xip. 1. 5, 9.

2 Kanilezi na hi xanisekile hi mahlweni, na hi lo komiwa hi tingana, kota *nwina* mu zi tibako, le Filipi, hina hi wa la su tserama hi tiyisa ka Nungungulu wa hina a kukanela a ivangeli ka *nwina* ya Nungungulu hi kuxaniswa kunyingi.

Mit. 16. 22. & 17. 2. Fil. 1. 30. Kol. 2. 1. xip. 1. 5.

3 Hakuba a kulaya ka hina a hi ka kuonha, a hi ka kunga-hlezeki ni mano:

2 Kor. 7. 2. xipm. 5. 2 Pet. 1. 16.

4 Kanilezi kota hi tiyisilweko hi Nungungulu kasi kutsumbeka ka ivangeli, lezo ha kanela; na ku nga kutsakisa banhu, kanilezi Nungungulu loyi a hlolileko a timbilu ta hina.

Roma 8. 27. 1 Kor. 7. 25. & 9. 17. Gal. 1. 10. & 2. 7. 1 Tim. 1. 11, 12. Tit. 1. 3.

- 5 Hakuba a hi kumiwangi ge na hi xihi xikati na hi wula-wula timhaka ta kureremeta, kota *nwina* mu zi tibako, hambu ni wuklari ga kuhabela, Nungungulu hi kustumunyu;
Mit. 20. 33. Roma 1. 9. 2 Kor. 2. 17. & 4. 2. & 7. 2. & 12. 17.
- 6 Na hi nga labi kudumiswa hi banhu, hambu a ka *nwinawu*, hambu ni ka banwanyaniwo, laho hi nga wa ta nga hi hi mirwalo ka *nwina*, kota lezi hi nga bapostoli ka Kristu.
Joh. 5. 41, 44. & 12. 43. 1 Kor. 9. 1, 2, 4, 5, 6, 12, 18. 2 Kor. 10. 1, 2, 10, 11. & 11. 9. & 12. 13, 14. & 13. 10. 2 Tessa. 3. 8, 9. 1 Tim. 5. 17. File. 8. 9.
- 7 Kanilezi hina hi oloba xikari ka *nwina*, kota a muwindli na lonzowota banana bakwe:
1 Kor. 2. 3. & 9. 22. 2 Kor. 13. 4. 2 Tim. 2. 24.
- 8 Hinawu kambe, na hi ranzisisa a kulaba *nwina*, zi lo tsakisa a hlengela na *nwina*, na ku nga hi ivangeli ya Nungungulu yoce, kanilezi mihefemulo ya hina benyi, hakuba mu wa ranzeka nguvu ka hina.
Roma 1. 11. & 15. 29. 2 Kor. 2. 15.
- 9 Hakuba *nwina* ma alakanya, bamakabye, akupinya ma ka hina ni kukarateka ka hina: na hi tira wusiku ni mumu, kasi hi nga binzisi ni munwe wa *nwina*, hi lo kanela ka *nwina* a ivangeli ya Nungungulu.
Mit. 20. 34. 1 Kor. 4. 12. 2 Kor. 11. 9. & 12. 13, 14. 2 Tessa. 3. 8.
- 10 *Nwina* mu ba kustumunyu, ni Nungungulu kambe, hi ku basa ni kululama ni ku nga soleki hi lo koma wutsumbu ga hina ka *nwina* laba mu kolwako:
2 Kor. 7. 2. xip. 1. 5. 2 Tessa. 3. 7.
- 11 Kota lezi mu zi tibako hi lo mahisa ku yini ka munwe ni munwani ka *nwina*, kota a raru ka banana bakwe yena *nwinyi*, na hi mu laya *nwina*, na hi mu tiyisa *nwina*, na hi kustumunyu;
- 12 Hi kugumelwa kasi ma fela kufamha hi kufaneleko ka Nungungulu, loyi a mu bitanileko *nwina* ka mufumo wa yena *nwinyi* ni wukosi gakwe.
1 Kor. 1. 9. Efe. 4. 1. Fil. 1. 27. Kol. 1. 10. xip. 4. 1. & 5. 24. 2 Tessa. 2. 14. 2 Tim. 1. 9.
- 13 Hi ka xona lexi hina kambe ha mu kesa Nungungulu na hi nga miyeli, lezaku, laha na mu amukele ka hina a mhaka ya kurunwa, yona mhaka ya Nungungulu, *nwina* mu lo yi amukela na yi nge kwatsi i mhaka ya banhu, kanilezi, kota yi nga zinene, a mhaka ya Nungungulu, leyi yi tirako kambe ka *nwina* mu kolwako.
Mat. 10. 40. Gal. 4. 14. xip. 1. 3. 2 Pet. 3. 2.
- 14 Hakuba *nwina*, bamakabye, mu lo maha baringanisi ba ticeci ta Nungungulu leti ti nga le Judia ka Kristu Jesu: hakuba *nwina* mu lo xanisi-swa zalezo ka banhu ba tiko

ga nwina, kota lezi ba nga
lo mahwa hi ba Juda;

Mit. 17. 5, 13. Gal. 1. 22. Heb. 10. 33,
34.

15 Laba ba deleko Hosi Jesu
Kristu ni baprofeti, ba lo
hlongola na hina kambe, ba
nga tsakisi Nungungulu, ba
hambana ni banhu bonkle;
Mat. 5. 12. & 23. 34, 37. Luka 18. 33,
34. Mit. 2. 23. & 3. 15. & 5. 30. & 7.
52.

16 Ba vimbela hina a kukanela
ka ba Matiko kasi ba fela
kuhanyiswa; ba tatisa ku-
onha kabye xikati xonkle:
kanilezi a kulo gata kabye
kwaleyo ku nga gumelwi-
ko.

Mat. 23. 32. & 24. 6, 14. Luka 11. 52.
Mit. 13. 50. & 14. 5, 19. & 17. 5, 13. &
18. 12. & 19. 9. & 22. 21, 22.

17 Kanilezi hina, bamakabye,
hi tsalangene na nwina hi
xikatanyana, hi ku ba kona,
ku nga hi le mbilwini, na
hi kanekanelisisa ha hombe
nguvu a ku wona ngohe ya
nwina hi kulaba ka hombe:

1 Kor. 5. 3. Kol. 2. 5. xip. 3. 10.

18 Hakuba hi wa zi ranza futsi
a kuta ka nwina, mina Pau-
le kanwe nzi engeta; na
Satani i lo hi tandekisa.

Roma 1. 13. & 15. 22.

19 Hakuba hi yini kutsumba
ka hina, kutani kutsaka,
kutani xidlodlo xa wukosi
ke? A hi yena nwina ke,
mahlweni ka Hosi ya hina
Jesu Kristu kuteni ka ye-
na?

1 Kor. 15. 23. 2 Kor. 1. 14. Fil. 2. 16.
& 4. 1. xip. 3. 13. Kuv. 1. 7. & 22. 12.

20 Hakuba nwina mu wukosi
ga hina ni kutsaka ka hina.

XIIMO 3.

1 Ngahilezo laha hi nga ha
timiselangi, hi lo alakanya
ku ngalo kusasekile hi si-
ywa laha Atenisi hoce;

Mit. 17. 15. xipm. 5.

2 Hi lo ruma Timote, nakulo-
ri wa hina ni xikozeli xa
Nungungulu ka ivangeli ya
Kristu, a kuta ku mu tiyisa,
a kuta ku yimisa hlana ku-
kolekeni ka nwina;

Roma 16. 21. 1 Kor. 16. 10. 2 Kor. 1.
19.

3 Kasi ku nga hi kona mu-
nhu a ta nga ninginizwa hi
loku kuxaniswa; hakuba a
wutsumbu ga nwina ma zi
tiba lezo ni laha kambe hi
yimisilwe.

Mit. 9. 16. & 14. 22. & 20. 23. & 21. 11.
Efe. 3. 13.

4 Hakuba hizinene, laha na
ha hi na nwina, hi lo mu
byela hi mahlweni a ku nga-
lo hi ta xaniswa hi zixaniso;
kota lezi hi xanisilweko, ma
zi tiba.

Mit. 20. 24. 1 Kor. 4. 9. 2 Tim. 3. 12.
1 Pet. 2. 21.

5 Hakuba hikwalaha ka lexi
minawu kambe, laha nzi
nga ha zi koti kutimisela,
nzi lo rumela kasi nza fela
hi kutiba kukoleka ka nwi-
na, ku nga ku a muringi na
mu ringile nwina, ni kupa-
ngama ka hi ku hi mahala.
1 Kor. 7. 5. 2 Kor. 11. 3. Gal. 2. 2. &
4. 11. Fil. 2. 16. xipm. 1.

6 Kanilezi laha na Timote na
a tile ka hina makunu hi le
ka nwina, i lo hi nehela
mahungu ya kusaseka ya
kukoleka ka nwina ni kura-

nza, lezaku mu lo hi alakanya kwatsi xikati xonkle, na mu laba ku hi wona, kota hinawu hu labako ku mu wona ;

Mit. 18. 1, 5. Fil. 1. 8.

7 Hi kota ya lexi, bamakabye, hi lo ntangaliswa hi *nwina* zifuteni za hina ni kuxani-sweni hi kota ya kukoleka ka *nwina* :

2 Kor. 1. 4. & 7. 6, 7, 13.

8 Hakuba makunu hina ha hanya, loku mu ku ndende ka Hosi.

Fil. 4. 1.

9 Hakuba kubonga ka yini hi nga nyikako ka Nungungulu ha *nwina*, hi kutsaka konkle loku hi tsakako ha kona hi kota ya *nwina* mahlweni ka Nungungulu wa hina ;

xip. 1. 2.

10 Wusiku ni mumu na hi kombelela ha hombe kasi kutani ha wona ngohe ya *nwina*, kasi ha fela kumbelelisa loku ku labekako kukolekeni ka *nwina* ?

Mit. 26. 7. Roma 1. 10, 11. & 15. 32.
2 Kor. 13. 9, 11. Kol. 4. 12. xip. 2.
17. 2 Tim. 1. 3.

11 Makunu nga Nungungulu wa hina ni Dadani a wutsumbu gakwe, ni Hosi ya hina Jesu, a longise ndlela ya hina ka *nwina* :

Marku 1. 3.

12 Nga a Hosi yi mu maha mu anza mu tsama hi kuranza ka munwe ni munwani, ni ka banhu bonkle, kota lezi hina hi mahako ha *nwina* ;

xip. 4. 9, 10. & 5. 15. 2 Pet. 1. 7.

13 Hi kugumelwa nga a yimisa timbilu ta *nwina* ti nga hi na kombo hi ka kubasa mahlweni ka Nungungulu wa hina ni Dadani, kuteni ka Hosi ya hina Jesu zinwe ni bobasa bakwe bonkle.

1 Kor. 1. 8. Fil. 1. 10. xip. 5. 23. 2 Tesa. 2. 17. 1 Joh. 3. 20, 21. Jude 14.

XIPIMO 4.

1 Hi kugumelwa zonake, bamakabye, ha mu kongotela ha mu laya hi ka Hosi Jesu, hakuba kota lezi mu amukeleko ka hina mu fanelwe kufamba nu ku tsakisa Nungungulu, kota lezi mu fambako,—lezaku mu tsamisa lezo kambe ni kambe.

Fil. 1. 27. Kol. 1. 10 & 2. 6. xip. 2. 13.

2 Hakuba yi tiba milayo leyi hi nga mu nyika yona hi Hosi Jesu.

3 Hakuba loku ku hi kuranza ka Nungungulu, kona kubasiswa ka *nwina*, lezaku mu suka kubayeni ;

Roma 12. 2. 1 Kor. 6. 15, 18. Efe. 5. 3, 17, 27. Kol. 3. 5.

4 Kasi munwe ni munwani wa *nwina* a tiba ku koma xibya xakwe wutsumbu hi kubasileko nu kudzunzekileko,

Roma 6. 19. 1 Kor. 6. 15, 18.

5 Na ku nga hi hi wuxokori ga kumbilukela, kota bona ba Matiko laba ba nga mu tibiko Nungungulu ;

Roma 1. 24, 26. 1 Kor. 15. 34. Gal. 4. 8. Efe. 2. 12. & 4. 17, 18. Kol. 3. 5. 2 Tesa. 1. 8.

6 Kasi ku nga hi kona munhu a kubekako, a onha nakulobye mahungwini : ha-

buka a Hosi yi ta pota ka zonkle lezi zilo, kota lezi hi nga lo mu laya kuranguleni nwina hi kustumunya.

1 Kor. 6. 8. 2 Tesa. 1. 8.

7 Habuka Nungungulu a nga hi bitanangi zibini, kanilezi kubasisweni.

1 Kor. 1. 2. Heb. 12. 14. 1 Pet. 1. 14, 15.

8 Hikwalaho loyi a nyeyako, a nga nyenyi munhu, kanilezi Nungungulu, loyi a nyikako Moya wo Basa ka nwina.

Luka 10. 16. 1 Kor. 2. 10. & 7. 40. Joh. 3. 24.

9 Kanilezi hi kota ya kura-nza bamakabya, a zi labe-kile a ku nga munwe a tsala leyo ka nwina: haku-ba a wutsumbu ga nwina mu gonzisilwe hi Nungu-ngulu lezaku mu ranzana;

Mat. 22. 39. Joh. 6. 45. & 13. 34. & 14. 26. & 15. 12. Efe. 5. 2. xip. 5. 1. Heb. 8. 11. 1 Joh. 2. 20, 27. & 3. 11, 23. & 4. 21. 1 Pet. 4. 8.

10 Hakuba hizinene mu mahile ka bamakabye, bonkle laba ba nge le Makedonia konkle. Kanilezi ha mu laya nwina, bamakabye, lezaku mu su pfuna nguvu ni nguvu;

xip. 1. 7. & 3. 12.

11 Ni lezi gonza akuba mu mi-yela, mu ti tirela a mitiro ya nwina, mu tira hi ma-ndla ya nwina, kota lezi hi nga mu laya nwina;

Mit. 20. 35. Efe. 4. 28. 2 Tesa. 3. 7, 8, 11, 12. 1 Pet. 4. 15.

12 Kasi ma fela ku famba hi kukoleka, ka laba le handle, mu fela ku kala mu nga vu-mali ncumo.

Roma 13. 13. 2 Kor. 8. 21. Kol. 4. 5. 1 Pet. 2. 12.

13 Kanilezi hina a hi ranzi ku nga mu nga hi ni zi tiba, bamakabye, hi bona laba ba ekleleko; mu nga xaniseki ha bona, kwatsi hi banwa-ni, laba ba nga hiko ni ku-tsumba.

Efe. 2. 12.

14 Hakuba loku hi kolwa leza-ku Jesu i lofa i lo vuka ka-mbe, na bona kambe laba ba ekleleko ka Jesu Nungu-ngulu i ta ba neha zinwe na yena.

1 Kor. 15. 13, 18, 23. xip. 3. 13.

15 Hakuba lezi ha zi wula ka nwina hi mhaka ya Hosi, lezaku hina laba hi hi ha-nyako, hi seleko kuteni ka Hosi, hi nga ta ba rangela laba ba ekleleko.

1 Kor. 15. 51.

16 Hakuba a Hosi wutsumbu ga yona yi ta relela hi le ti-lweni, hi kubahuwa, na hi gezu ga ngelosi ya hombe, zinwe ni punzu wa Nungu-ngulu: ni bafleko ka Kri-stu ba ta vuka kuranga:

Mat. 24. 30, 31. Mit. 1. 11. 1 Kor. 15. 23, 52. 2 Tesa. 1. 7.

17 Zonake hina laba ha ha ha-nyako, laba hi seleko, hi ta kamukelwa katiginwe ma-refini, a ku nkinga Hosi le mhehweni: lezo. hi su tso-ma zinwe ni Hosi.

Joh. 12. 26. & 14. 3. & 17. 24. Mit. 1. 9. 1 Kor. 15. 51. xip. 5. 11. Kuv. 11. 12.

18 Ngahilezo ntangalisanani hi leti timhaka.

xip. 5. 11.

XIIMO 5.

1 Kanilezi hi zikati ni zika-

tanyanyana, bamakabye, a zi labeki lezaku ku fanele nzi tsala ka nwina.

Mat. 24. 3, 36. Mit. 1. 7. xip. 4. 9.

- 2 Hakuba a wutsumbu ga nwina ma zi tiba zi kundlu-nyalezaku a siku ga Hosi gi tata kota nkamba ni wusiku.

Mat. 24. 43, 44. & 25. 13. Luka 12. 39, 40. 1 Pet. 3. 10. Kuv. 3. 3. & 16. 15.

- 3 Laha na ba wula, A kurula ni kupona, zonake zalezo a ku su kuloba ku ta cikela ka bona, kota a wasati laha na lunwa; bona ba nga ta pona.

Luka 17. 27, 28, 29. & 21. 34, 35. 2 Tesa. 1. 9.

- 4 Kanilezi nwina, bamakabye, a mu le munyameni, lezaku lego siku gi mu juma kwatsi mu kamba:

Roma 13. 12, 13. 1 Joh. 2. 8.

- 5 Hakuba nwina nwenkle mu banana ba kuwonekela, mu banana ba mumu: hina a hi ba wusiku, a hi ba munyama;

Efe. 5. 8.

- 6 Zonake lezo nga hi nga ekleli, kota lezi ba mahako banwani, kanilezi nga rinzela hi pima.

Mat. 24. 42. & 25. 5, 13. Roma 13. 11, 12, 13. 1 Pet. 5. 8.

- 7 Hakuba laba ba eklelako ba eklela wusiku; ni laba ba popiwako ba popiwa wusiku.

Luka 21. 34, 36. Mit. 2. 15. Roma 13. 13. 1 Kor. 15. 34. Efe. 5. 14.

- 8 Kanilezi nga hina, cima ha nga ba ba mumu, hi pima, na hi ambele a ngenge ya kukoleka ni kuranza; ni xi-

huku, lexi xi nga kutsumba ka kuhanyiswa.

Efe. 6. 14, 16, 17.

- 9 Hakuba Nungungulu a nga hi yi miselangi a zanga, kanilezi hi ku kuma a kuhanya hi kota ya Hosi Jesu Kristu,

Roma 9. 22. xip. 1. 10. 2 Tesa. 2. 13, 14. 1 Pet. 2. 8. Jude 4.

- 10 Loyi a nga fela hina, lezaku, hambu hi eklele kutani ha hanya, hina hi ta hanya katiginwe na yena.

Roma 14. 8, 9. 2 Kor. 5. 15.

- 11 Hikwalaho lulekanani, mu akana munwe ni munwani, kota lezi mu mahako.

xip. 4. 18.

- 12 Kanilezi nza mu kombela, bamakabye, a ku tiba laba ba tirako xikari ka nwina, laba ba le hehla ka nwina le Hosini, ba lulekako nwi-na;

1 Kor. 16. 18. Fil. 2. 20. 1 Tim. 5. 17. Heb. 13. 7, 17.

- 13 Mu ba dzunza ha hombe nguvu, hi kota ya tiro wabye. Mu hi ni kurula xikari ka wutsumbu ga nwina.

Marku 9. 50.

- 14 Hina ha mu laya bamakabye, lulekani laba ba vilinganya, mu tiyisa-hlana laba ba timbilu ti rerekileko, mu vuna laba ba kareleki, mu konisela nguvu ka bona bonkle.

Roma 14. 1. & 15. 1. Gal. 5. 22. & 6. 1. 2. Efe. 4. 2. Kol. 3. 12. 2 Tesa. 3. 11, 12. 2 Tim. 4. 2. Heb. 12. 12.

- 15 Mu cuwuka a ngalo a nga kona a klelisako kubiha hi kubiha; kanilezi xonkle xi-

- kati lanzelani laba bosase-
ka, ka munwe ni munwani,
ni ka bonkle.
Mat. 5. 39, 44. Roma 12. 17. 1 Kor. 6.
7. Gal. 6. 10. xip. 3. 12. 1 Pet. 3. 9.
- 16 Tsakani xikati xonkle;
2 Kor. 6. 10. Fil. 4. 4.
- 17 Mu kongela hi ku nga tsiki;
ka zilo zonklelele nyikani
kubonga:
Luka 18. 1. & 21. 36. Roma 12. 12.
Efe. 6. 18. Kol. 4. 2. 1 Pet. 4. 7.
- 18 Hakuba loku ku hi kuranza
ka Nungungulu ka Kristu
Jesu ka nwina.
Efe. 5. 20. Kol. 3. 17.
- 19 Mu nga timi a Moya;
Efe. 4. 30. 1 Tim. 4. 14. 2 Tim. 1. 6.
1 Kor. 14. 30.
- 20 Mu nga nyenyi kuprofeta;
1 Kor. 14. 1, 39.
- 21 Hlolani zilo zonkle; mu ko-
misisa ka lezi zinene;
1 Kor. 2. 11, 15. 1 Joh. 4. 1. Fil. 4. 8.
- 22 Sukani ka tixaka tonklelele
ta kubiha.
xip. 4. 12.
- 23 Nungungulu wa kurula
wutsumbu ga yena a mu
- basise muku pa; kasi ku
fela a ku a moya ya nwina
ni mihefemolo ya nwina ni
mimiri ya nwina yi nga
hlayiswa yonkle, yi nga bi
na bala kuteni ka Hosi Jesu
Kristu.
1 Kor. 1. 8. Fil. 4. 9. xip. 3. 13.
- 24 I kolekile loyi a mu bitani-
leko, loyi kambe a ta nga
ku maha.
1 Kor. 1. 9. & 10. 13. 2 Tesa. 3. 3.
- 25 Bamakabye, hi kombeleni.
Kol. 4. 3. 2 Tesa. 3. 1.
- 26 Rungulani bamakabye bo-
nkle hi kutrotra ko basa.
Roma 16. 16.
- 27 Nza mu hlanyisa hi Hosi
nga legi a papilo gi gonzwe
ka bamakabye bonkle.
Kol. 4. 16. 2 Tesa. 3. 14.
- 28 A wuxinji ga Hosi ya hina
Jesu Kristu nga gi hi na
nwina.
Roma 16. 20, 24. 2 Tesa. 3. 18.

A PAPILO GA WUMBIRI GA PAULE MUPO- STOLI KA BA LE TESALONIKA.

XIPIMO 1.

- 1 Paule, na Silvanusi, na Ti-
mote, ka ceci ya ba le Tesa-
lonika yi nga ka Nungu-
ngulu Dadani wa hina, ni
Hosi Jesu Kristu;
2 Kor. 1. 19. 1 Tesa. 1. 1.
- 2 A wuxinji ka nwina ni ku-
rula ka le ka Nungungulu
Dadani ni ka Hosi Jesu
Kristu.
1 Kor. 1. 3.
- 3 Ha kurumetwa ku mu bo-
nga Nungungulu xikati xo-
nkle ha nwina, bamakabye,
kotalezi zi faneleko, hakuba

a kukoleka ka *nwina* ka su nonohisa ku kula, a kuranzana ka *nwina* ka munwe ni munwani ka tsamile ;

1 Tesa. 1. 2, 3. & 3. 6, 9. xip. 2. 13.

4 Lezo a wutsumbu ga hina ha bonga ha *nwina* ticecini ta Nungungulu hi kutimisela ka *nwina* ni kukoleka ka *nwina* kuxanisekeni ka *nwina* konkle ni ka zifuta lezi mu nga zi timisela *nwina* ;

2 Kor. 7. 14. & 9. 2. 1 Tesa. 1. 3. & 2. 14, 19, 20.

5 Lezi zi wonekelisileko a kulamula ka Nungungulu ku lulamileko ; hi ka kugumelwa kasi ma fela kuhleyelwa a ba faneleko mufunweni wa Nungungulu, lowu wu nga wona mu wu xanisekelako :

Fil. 1. 28. 1 Tesa. 2. 14.

6 Loku zi ngaho zi sasekile ka Nungungulu a kuklelisela a kuxaniswa ka laba ba mu xaniseko *nwina*,

Kuv. 6. 10.

7 Ni ka *nwina* laba mu xanisekako a kuhumula zinwe na hina, hi kuwonekelisweni ka Hosi Jesu hi le tilweni ni ngelosi ya ntamo wa yena pingweni ga nzilo,

1 Tesa. 4. 16. Kuv. 4. 13. Jude 4.

8 Na klelisela kupota ka laba ba nga mu tibiko Nungungulu, ni laba ba nga ingisiko a ivangeli ya Hosi ya hina Jesu :

Roma 2. 8. 1 Tesa. 4. 5. Heb. 10. 27. & 12. 29. 2 Pet. 3. 7. Kuv. 21. 8.

9 Laba ba ta nga amukela kuxaniswa, kona kuloba lo-

ku ka kupinzuka na ba nga hi kona ni ngohe ya Hosi ni le kule ni wukosi ga ntamo wa yona,

Fil. 3. 19. xip. 2. 8. 2 Pet. 3. 7.

10 Laha a ta ngata ku dumiswa hi laba bobasa bakwe, ni kuta hlamaliswa ka bonkle ba kolilweko (hakuba a ku kustumunya ka hina ka *nwina* ku kolilwe) hi lego siku.

11 Hi ka loko kugumelwa ha kombelela *nwinawu* xikati xonkle kambe, lezaku Nungungulu a nga mu hlanya na mu fenele kubitweni ka *nwina*, a tatisa konkle kulabisisa ka kusaseka ni yonklelele mitiro ya kukoleka. hi ntamo ;

1 Tesa. 1. 3. xipm. 5.

12 Kasi a bito ga Hosi ya hina Jesu Kristu ga dumiswa ni ka *nwina*, *nwinawu* ka yena, hi kota ya wuxinji ga Nungungulu wa hina ni Hosi Jesu Kristu.

1 Pet. 1. 7. & 4. 14.

XIPIMO 2.

1 Makunu ha mu kongotela. bamakabye, hi kumbuka a kuta ka Hosi ya hina Jesu Kristu, ni kutsombana ka hina katiginwe ka yena ;

Mat. 24. 31. Marku 13. 27. 1 Tesa. 4. 16, 17.

2 Hi ka kugumelwa mu nga tsekatsekiwi hi kuhaklisa kupimeni ka *nwina*, nga mu nga bi ni karateka, hambu ku hi moya, kutani i mha-ka, kutani i papilo ga le ka

- hina, a ku ngalo makunu a siku ga Hosi gi kona;
Mat. 24. 4. Efe. 5. 6. 1 Joh. 4. 1.
- 3 Nga munhu a nga mu onhi-si ni ka xihhi xilo: hakuba cima gi nga ta cikela, saseka na ku tile a kurangula kukungubanyeka, ni munhu wa kuonha a wonekelisilwe, a *nwana* wakukoneka,
Mat. 24. 4. Joh. 17. 12. Efe. 5. 6. 1 Tim. 4. 1. 1 Joh. 2. 18. Kuv. 13. 11, &c.
- 4 Loyi a bangako a ti kumukisa wutsumbu gakwe ka zonkle lezi zi bitwako Nungungulu ni lezi zi kozelwako; lezo a tsama tempeleni ya Nungungulu, a tsama wutsumbu gakwe kwatsi hi Nungungulu.
1 Kor. 8. 5. Kuv. 13. 6.
- 5 A ma ha alakanyi ke, lezaku, na nza ha hi na *nwina*, nzi lo mu *byela* lezi zilo?
- 6 Makunu ma zi tiba lezi zi zi tsimbetilweko, hi kugumelwa kasi i fela kuwonekili-swa hi xikati xakwe.
- 7 Hakuba a mifihlakalo ya kuonhakala ya tira: kanilezi i kona loyi a ha tsimbetelako makunu, i ta kala a panzanywa *ndleleni*.
1 Joh. 2. 18. & 4. 3.
- 8 Zonake i ta wonekeliswa loyi wa kubiha, loyi a Hosi Jesu a ta nga mu daya hi xikahe xa nomu wakwe, a mu *nwalata* hi wonekela ka kuta kakwe;
xip. 1. 8, 9. Heb. 10. 27. Kuv. 2. 16. & 19. 15, 20, 21.
- 9 Hambu yena, loyi kuta ka-
- kwe ku kwatsi kutira ka Satani, hi ntamo wonkle, hi ziwoniso ni zidamiso za mawunwa,
Mat. 24. 24. Joh. 8. 41. Efe. 2. 2. Kuv. 13. 13. & 18. 23. & 19. 20.
- 10 Zinwe ni kukohlisa konkle a ku nga lulami ka bona laba ba lobako; hakuba a ba amukelangi kuranza ka zine-nene, kasi ba fela ku hanyiswa.
2 Kor. 2. 15. & 4. 3.
- 11 Hakuba hi kota ya lexi Nungungulu wa rumela a kutira kuonha, kasi ba fela kukolwa mawunwa;
Mat. 24. 5, 11. Roma 1. 24, &c. 1 Tim. 4. 1.
- 12 Kasi bona bonkle ba fela kulamulwa laba ba nga kolwangiko a zinene, kanilezi ba xalala hi ku-nga-lulami.
Roma 1. 32.
- 13 Kanilezi hina ha kurumetwa ku nyika kubonga ka Nungungulu xikati xonkle ha *nwina*, bamakabye baranzekako ka Hosi, hakuba Nungungulu i lo mu hlawula *nwina* hi sanguleni kuhanyisweni ni kubasisweni ka Moya ni ku kolwa ka zine-nene:
Luka 1. 75. Efe. 1. 4. 1 Tesa. 1. 4. xip. 1. 3. 1 Pet. 1. 2.
- 14 Ha kona a mu bitanile hi ivangeli ya hina, kasi kuta kuma wukosi ga Hosi ya hina Jesu Kristu.
Joh. 17. 22. 1 Tesa. 2. 12. 1 Pet. 5. 10.
- 15 Zonake lezo, bamakabye, tiyani mu ku ndendende, mu komisa a ku gonziswa loku mu nga ku gonziswa, kuta-

ni ka mhaka, kutani ka pa-
pilo ga le ka hina.

1 Kor. 11. 2. & 16. 13. Fil. 4. 1. xip.
3. 6.

16 Makunu a Hosi ya hina
Jesu Kristu a wutsumbu
gakwe, ni Nungungulu Da-
dani wa hina a loyi a hi ra-
nzileko a hi nyikileko a ku-
ntangaliswa ka kutsoma ni
kutsumba ka kusaseka hi
kota ya wuxinji,

xip. 1. 1, 2. 1 Pet. 1. 3. 1 Joh. 4. 10.
Kuv. 1. 6.

17 A ntangalise timbilu ta nwina
a ti yimisa ka mitiro yo
saseka ni mhaka.

1 Kor. 1. 8. 1 Tesa. 3. 13. 1 Pet. 5. 10.

XIPIMO 3.

1 Hi kugumelwa, bamaka-
bye, hi kombeleleni hina,
kasi a mhaka ya Hosi ya
nga tsutsuma yi dumiswa,
kota lezi yi mahisako lezo
ka nwina;

Efe. 6. 19. Kol. 4. 3. 1 Tesa. 5. 25.

2 Kasi ha fela kuklakliswa ka
banhu ba wuxokori ni ba
kubiha; hakuba bonkle a ba
nako kukoleka.

Mit. 28. 24. Roma 10. 16. & 15. 31.

3 Kanilezi a Hosi yi kolekile,
leyi yi ta nga mu yimisa
nwina, yi mu mu rangela
ka loyi wa kubiha.

Joh. 17. 15. 1 Kor. 1. 9. 1 Tesa. 5. 24.
2 Pet. 2. 9.

4 Hi na ni kutsumba ka Hosi
hi kumbuka nwina, lezaku
ma maha mu ta maha lezi
zilo hi mu layako.

2 Kor. 7. 16. Gal. 5. 10.

5 Ni Hosi a yi luleke a timbi-
lu ta nwina ka kuranzeni

ka Nungungulu, ni kuhoni-
seleni ka Kristu.

1 Tesa. 1. 8.

6 Makunu ha mulaya nwina,
bamakabye, bitweni ga Ho-
si ya hina Jesu Kristu, le-
zaku mu ti susa a wutsu-
mbu ga nwina ka bonkle
bamakabye ba fambako hi
ku vilinganya, na ku nga
hi kugonziswa loku ba ku
amukeleko ka hina.

Roma 16. 17. 1 Kor. 5. 11, 13. 1 Tesa.
4. 11. & 5. 14. xipm. 11, 12, 14. xip.
2. 15. 1 Tim. 6. 5. 2 Joh. 10.

7 Hakuba a wutsumbu ga
nwina ma zi tiba lezaku mu
fela kuta hi pimanyisisa ku
yini: hakuba hi wa nga
mahi vilinganya a wutsu-
mbu ga hina ka nwina;

1 Kor. 4. 16. & 11. 1. 1 Tesa. 1. 6, 7. &
2. 10.

8 A hi gangi zi xibaba xa mu-
nhu mahala, kanilezi hi wo
pinyama hi karateka, na hi
tira wusiku ni mumu, kasi
hi nga binzisi ni munwe wa
nwina:

Mit. 18. 3. & 20. 34. 2 Kor. 11. 9. 1 Te-
sa. 2. 9.

9 Na ku nga hi lezi hi nga
nga hi nga fanelwe, kanilezi
kasi ha maha xiecanyiso xa
nwina, kasi ma fela ku hi
pimanyisa hina.

1 Kor. 9. 6. 1 Tesa. 2. 6. xipm. 7.

10 Hakuba hambu lezi hi nga
ha hi na nwina, lezi hi lo
mu lamula nwina, Loku a hi
kona a munhu a nga tiriko,
yena nga a ngagi.

1 Tesa. 4. 11.

11 Hakuba hizwa hi banwani
ba fambako hi vilinganya

xikari ka *nwina*, ba kalako ba nga tiri futsi, ba hlomela za *banwani*.

1 Tesa. 4. 11. xipm. 6. 1 Tim. 5. 13. 1 Pet. 4. 15.

- 12 Makunu a ba ku ngahi ha ba laya hi ba kongotela ka Hosi Jesu Kristu, lezaku hi kumiyela a ba tire, бага kuga kabye.

Efe. 4. 28. 1 Tesa. 4. 11.

- 13 Kanilezi *nwina*, bamakabye, mu nga rereki a ku maha a zinene.

Gal. 6. 9.

- 14 Loku a hi kona munhu a ingisiko a mhaka ya hina hi legi a papilo, mu tibeniloye munhu, lezaku mu nga *klangani* na yena, kasi i ngurulu a telwa hi tingana.

Mat. 18. 17. 1 Kor. 5. 9, 11. xipm. 6.

- 15 Na mu nga mu hlayi kota

nala, kanilezi mu luleka kota nakuloni.

1 Tesa. 5. 14. Tit. 3. 10.

- 16 Makunu Nungungulu wa kurula a wutsumbu gakwe a mu nyike a kurula hi xikati xonkle ni tindlela tonkle. A Hosi nga yi hi na *nwina nwenkle*.

Roma 15. 33. & 16. 20. 1 Kor. 14. 33. 2 Kor. 13. 11. 1 Tesa. 5. 23.

- 17 A kurungula ka mina Paule hi canja ga mina *nwinyi*, legi gi nga xiwoniso mapapilweni ya mina wonkle: lezo nza tsala.

1 Kor. 16. 21. Kol. 4. 18.

- 18 A wuxinji ga Hosi ya hina Jesu Kristu a gi be ka *nwina nwenkle*.

Roma 16. 24.

A PAPILO GO SANGULA GA PAULE MUPOSTOLI KA TIMOTE.

XIIMO 1.

- 1 Paule, mupostoli wa Kristu Jesu hi kulaya ka Nungungulu muhanyisi wa hina, na Kristu Jesu a kutsumba ka hina;

Mit. 9. 15. Gal. 1. 1, 11. Kol. 1. 27. xip. 2. 3. & 4. 10. Tit. 1. 3. & 2. 10. & 3. 4. Jude 25.

- 2 Ka Timote, a *nwananga* wa zinene kukolekeni: A wuxinji, titralo, kurula, ka le ka Nungungulu Dadani ni ka Kristu Jesu a Hosi ya hina.

Mit. 16. 1. 1 Kor. 4. 17. Gal. 1. 3.

Fil. 2. 19. 1 Tesa. 3. 2. 2 Tim. 1. 2. Tit. 1. 4. 1 Pet. 1. 2.

- 3 Kota lezi nzi nga ku kongotela ku tsama leyo Efesusi, laha na nzi ya Macedonia, kasi a nga ba laya bokari ba nga gonzisi hi kugonzisa ku hambeneko,

Mit. 20. 1, 3. Gal. 1. 6, 7. Fil. 2. 24. xip. 6. 3, 10.

- 4 Nga ba nga ingisi a tikaringani ni mabuku ya kutralwa ma hi ko ni kugumelwa, laya a zikozeli

- zikanetanako, ku hunza loku ku yimisilweko hi Nungungulu loku ku nga kukoleka; lezo na za maha makunu.
xlp. 4. 7. & 6. 4, 20. 2 Tim. 2. 14, 16, 23. Tit. 1. 14. & 3. 9.
- 5 Kanilezi a kugumeswa ka kulaya hi kuranza ni mbilu yo basa ni kukoleka loku ku nga xengeteliko:
Roma 13. 8, 10. Gal. 5. 14. 2 Tim. 2. 22.
- 6 Hi ka lezi zilo banwani ba kubekile na ba hambukile hi ka zilo zo wulawula mahala;
xlp. 6. 4, 20.
- 7 Na ba labisisa ku maha bagonzisi ba nayo, na ba nga pimi lexi ba xi wulako, hambu ni laha ba tiyisako kutsumba ha kona.
xlp. 6. 4.
- 8 Kanilezi ha zi tiba lezaku a nayo wu sasekile, loku a munhu a wu maha hi matsenya,
Roma 7. 12.
- 9 Kota kutiba lexi, a nayo a wu mahelwangi a munhu a lulamileko, kanilezi laba ba nga hi ko ni nayo ni ba nga ingisiko, ngwa ba nga hi ko ni kukozela ni zionhi, ni ba-nga-basangiko, ni bahlekisako, a badayi ba dadani ni badayi ba bamanani, ni badayi ba banhu,
Gal. 3. 19. & 5. 23.
- 10 A zibayi, laba ba bayako wutsumbu gabye ni banwani ba banuna, ni bapfuli ba banhu, a ba mawunwa, laba ba hlambanyako hi mawunwa, ni loku zi nga zi hi
- kona zilo zinwani zi hambeneko ni kugonzisa kunene;
xlp. 6. 3. 2 Tim. 4. 3. Tit. 1. 9. & 2. 1.
- 11 Hi ivangeli ya wukosi ga Nungungulu a katekisilweko, leyi nzi mahilweko kutsumba ka mina.
1 Kor. 9. 17. Gal. 2. 7. Kol. 1. 25. 1 Tesa. 2. 4. xlp. 2. 7. & 6. 15. 2 Tim. 1. 11. Tit. 1. 3
- 12 Nza mu bonga loyi a nzi mahileko nzi zi kota, yena Jesu Kristu a Hosi ya hina, hakuba i nzi hlaya kutsumbeka, i lo nzi yimisa ka tiro wakwe;
1 Kor. 7. 25. 2 Kor. 3. 5, 6. & 4. 1. & 12. 9. Kol. 1. 25.
- 13 Hambu lezi a kale nzi nga hi ni nzukane, a muxanisi, a mulamati: ahemba mina nzi lo kuma a wuxinji, hakuba nzi lo zi maha hi ku nga tibi ni ku nga kolwi;
Luka 23. 34. Joh. 9. 39, 41. Mit. 3. 17. & 8. 3. & 9. 1. & 26. 9. 1 Kor. 15. 9. Fil. 3. 6.
- 14 Ni wuxinji ga Hosi ya hina gi lo tala ha hombe nguvu zinwe ni kukoleka ni kuranza loku ku nzeni ka Kristu Jesu.
Luka 7. 47. Roma 5. 20. 1 Kor. 15. 10. 2 Tim. 1. 13.
- 15 Ku kolekile loku kuwula, ni ku feleka ka ku amukelwa konkle, lezaku Kristu i lota laha tikweni kuta hanyisa zionhi; loyi nzi nga nhonzwa mina:
Mat. 9. 13. Marku 2. 17. Luka 5. 32. & 19. 10. Roma 5. 8. xlp. 3. 1. & 4. 9. 2 Tim. 2. 11. Tit. 3. 8. 1 Joh. 3. 5.
- 16 Ahemba hi ka lexi nzi kumile wuxinji, akuba ka mina na nzi hi nhonzwa Jesu

Kristu a fela ku wonisa a kuhonisela konkle kakwe, nzi maha xiwoniso xabye laba ba ta nga kolwa yena ka kuhanya ka yena ka kupinzuka.

Mtt. 13. 39. 2 Kor. 4. 1.

- 17 Makunu ka Hosi hi kupinzuke, hi ku-nga-boli, ni ku-nga-woneki, yena Nungungulu ntsena, a ku be ka yena a kudzunza ni wukosi kala kupinzuka ni kupinzuka. Amen.

Joh. 1. 18. Roma 1. 23. & 16. 27. Heb. 11. 27. 1 Joh. 4. 12. Jude 25. xip. 6. 15, 16.

- 18 Loku kulaya nzi ku laya ka wena, nwananga Timote, hi kota ya loku kuprofetileweko ka wena hi mahlweni, kasi hi loku wena walwa kulwa ku lulamileko;

xip. 4. 14. & 6. 12, 13, 14, 20. 2 Tim. 2. 2, 3. & 4. 7.

- 19 U komisa kukoleka ni mbi-lu yo saseka; leyi ba tsikileko banwani ba lo pazekisa ka taro ki kukolwa:

xip. 3. 9. & 6. 9.

- 20 Laba a nga kona Himeneusi na Alekzandero; labo nzi nga ba nyikela ka Satani, kasi ba fela kugonziswa ku kala a nzukano.

Mtt. 13. 45. 1 Kor. 5. 5. 2 Tim. 2. 17. & 4. 14.

XIPIMO 2.

- 1 Nza kongotela hikwalaho, nza rangula ka zilo zonkle, lezaku a mikombelo, ni mikongelo, ni kukongotela, ni ku nyika kubonga, nga u mahwa ka banhu bonkle;

- 2 Ka tihosi ni laba bonkle ba nga wutsanweni ga hombe; kasi ha famba hi kumiyela ni wutomi wo saseka ka konkle kululama ni kumbeliswa.

Roma 13. 1.

- 3 Lezi zi sasekile za amukele ka mahlweni ka Nungungulu Muhanyisi wa hina;

Roma 12. 2. xip. 1. 1. & 5. 4. 2 Tim. 1. 9.

- 4 Loyi a ranzako ku banhu bonkle ba ta hanyiswa, bata kutibeni ka zinene.

Joh. 3. 16, 17. & 17. 3. 2 Tim. 2. 25. Tit. 2. 11. 2 Pet. 3. 9.

- 5 Hakuba ku kona Nungungulu munwe, munwe mu yimeli kambe xikari ka Nungungulu ni banhu, a wutsumbu munhu, Kristu Jesu,

Roma 3. 29, 30. & 10. 12. Gal. 3. 20. Heb. 8. 6. & 9. 15.

- 6 Loyi a nga nyikela wutsu-mbugakweku rihele bonkle; a ku kustumunya ku huma hi xikati xa kona nwinyi;

Mat. 20. 28. Marku 10. 45. Roma 5. 6. 1 Kor. 1. 6. Gal. 4. 4. Efe. 1. 7, 9, & 3. 5. 2 Tesa. 1. 10. 2 Tim. 1. 8. Tit. 1. 3. & 2. 14.

- 7 Kwa laho mina nzi lo yimiswa a mukaneli ni mupostoli (mina nza wula a nzi hembu wunwa), a mugonzisi wa ba Matiko hi kukoleka ni zinene.

Roma 9. 1. & 11. 13. & 15. 16. Gal. 1. 16. Efe. 3. 7, 8. 2 Tim. 1. 11.

- 8 Hikwalaho nza laba lezaku banuna ba kombela hi maklelo wonkle, ba klakusa a mandla yo basa, na ba nga hi na zanga ni kukaneta.

Joh. 4. 21.

9 Kota zalezo, a bawasati ba ambalise wutsumbu gabye hi mapareli ma ringeneko, ba hi ni tingana ni ku ti koramisa ; ba nga bombi hi misisi yi lukilweko ni mapareli ya nzalama kutani tinguwo ta tsengo wa hombe ;

1. Pet. 3. 3.

10 Kanilezi (laba ba basati ba nge ba mu vumela Nungungulu) hikwalaha mitiro yo saseka.

1 Pet. 3. 4.

11 A wasati a gonze hi kumiyela zinwe ni ku ti koramisa konkle.

12 Kanilezi mina a nzi vumeli a wasati akuba a gonzisa, ge ni ku kuma ntamo hehla ka wanuna, kanilezi ba miyela.

1 Kor. 14. 34. Efe. 5. 24.

13 Hakuba Adamu i lo mahiwa kurangula, zonake Eva ;

1 Kor. 11. 8, 9.

14 Na Adamu a nga kohliswangi, kanilezi a wasati i wa lo kohliswa i lowa zihambukweni :

2 Kor. 11. 3.

15 Kanilezi i ta hanyiswa hi kutrala banana, loku ba nonohisa kukolekeni ni kuranzeni kubasiswe zinwe ni ku ti koramisa.

XIPIMO 3.

1 Kukolekile loku kuwula, loku munhu a laba ku maha muhlayisi, wa nabela mitiro yo saseka.

Mit. 20. 28. Efe. 4. 12. Fil. 1. 1. xip. 1. 15.

2 Hikwalaho a muhlayisi nga a nga hi ni kusoleka, a hi nuna wa wasati munwe, na ti tsimbetela, a nga ni kupima, a tsamisekileko, a ni traloka laba ba hambukileko, a kota ku gonzisa ;

xip. 5. 9. 2 Tim. 2. 24. Tit. 1. 6, &c.

3 A nga hi ni mahloni, a nga bubutsali ; kanilezi a rule, na nga kanetisi, na nga hi muranzi wa mali ;

xipm. 8. 2 Tim. 2. 24. Tit. 1. 7. 1 Pet. 5. 2.

4 Loyi a fumelako kwatsi ngangweni wakwe, na banana bakwe ba ingisa nixicawu xonkle xa wunene ;

Tit. 1. 6.

5 (Kanilezi loku munhu a nga zi tibi kufumela a ngango wakwe yena nwinyi, i ta hlayisa hi ku yini a ceci ya Nungungulu ke ?)

6 Na nga hi loyi a ha sangulako kukolwa, ku nga a ti ku kumukisa a wela kuhoxweni ka satani.

7 Kambe i ta fanelwa hi ku dzukiswa hi ba le handle ; a nga wela kurukweni ni pa-nya ga satani.

Mit. 23. 12. 1 Kor. 5. 12. 1 Tessa. 4. 12. xip. 6. 9. 2 Tim. 2. 26.

8 Ni balanguteli a ba kote leze ba fanelwe hi ku nga ba hi xicawo, ba nga hi ni makloti, ba nga ti nyikeli kuweni ka waini, ba nga ni likungo ni zibi ;

Mit. 6. 3. xipm. 3.

9 Na ba komile a mifihlakalo ya kukoleka hi timbilu ti basileko.

xip. 1. 19.

10 A ba ku ngahi nga ba ringwa kuranga; zonake nga ba bekwa wulanguteli loku ba nga ba nga hi na ku soleka.

11 Zi ngaho ni ba basati ku fanele a ku nga ba hi ni xicawo, na ba nga hi na mahlebo, ba tsimbetela, ba koleka ka zilo zonkle.

Tit. 2. 3.

12 A bawoneleli a ba mahe a ba banuna ba sati munwe, ba fumela bana babye ni tindlu tabye kwatsi.

13 Hakuba laba ba kozelako kwatsi kota bawoneleli ba kuma xiyimo xosaseka a wutsumbu gabye, ni kutiya ka hombe loku ku nga ka Kristu Jesu.

Mat. 25. 21

14 Lezi zilo mina nza zi tsala ka wena, na nzi tsumba ku haklisa nzi ta ka wena;

15 Kanilezi loku nzi hlwela, wena u fanelwe hi ku ba u zi tiba lezaku banhu ba fanelwe hi ku yini a banhu wutsumbu gabye a ku ti koma ndlwini ya Nungungulu, leyi yi nga ceci ya Nungungulu a hanyako, a mhanze ni xiseketelo xa zinene.

Efe. 2. 21, 22. 2 Tim. 2. 20.

16 Na ku hi haba ku kaneta hi ya hombe mifihlakalo ya kukozela: Loyi a nga wonkeliswa nyemeni, a lulamiswa moyeni, a wonilwe hi tingelesi, a kanela xikari

ka matiko, i lo kolwa ti-kweni, a amukelwa hehla wukosini.

Mat. 3. 16. & 28. 2. Marku 16. 5. Luka 2. 13. & 24. 4, 51. Joh. 1. 14, 32. & 33. & 15. 26. & 16. 8, 9. & 20. 12. Mit. 1. 9. & 10. 34. & 13. 46, 48. Roma 1. 4. & 10. 18. Gal. 2. 8. Efe. 3. 5, 6, 8, 10. xip. 2. 7. Kol. 1. 6, 23, 27, 28. 1 Pet. 1. 12. & 3. 18, 22. 1 Joh. 1. 2. & 5. 6, &c.

XIPIMO 4.

1 Kanilezi a Moya wu wula hi ku humesela, lezaku zikali zi tako banwani ba ta ku kungubanyeka kukolekeni, ba ingisa mimoya yi kubekisako ni kugonzisa ka madimoni,

Joh. 16. 13. 2 Tesa. 2. 3. 2 Tim. 3. 1, &c., 13. 1 Pet. 1. 20. 2 Pet. 2. 1. & 3. 3. 1 Joh. 2. 18. Jude 4, 18. Kuv. 9. 20.

2 Hi wuxengeteli ga banhu laba ba wulawulako mawunwa, na bayengwa timbilwini ta bona benyi kota xiketse xi hisako;

Mat. 7. 15. Roma 16. 18. Efe. 4. 19. 2 Pet. 2. 3.

3 Ba tsimbetela a ku tekana, balaya ku kala ku nga giwi za kuga, lezi Nungungulu a nga ku maha kasi ku amukelwa hi kubonga ka bona laba ba kolwako bati-ba zinene.

Roma 14. 3, 6, 17. 1 Kor. 7. 28, 36, 38. & 8. 8. & 10. 30. Kol. 2. 20, 21. Heb. 13. 4.

4 Hakuba zonkle zi mahwa za Nungungulu zi sasekile, a xi kona xi felako ku nyenywa, loku xi hi xa ku amukelwa hi kubongwa:

Roma 14. 14, 20. 1 Kor. 10. 25. Tit. 1. 15.

5 Hakuba ku basisilwe hi

mhaka ya Nungungulu ni kubonga.

- 6 Loku wena u kumbuxa bamakabye hi lezi zilo, u ta maha xikozeli xosaseka xa Kristu Jesu, u ba a nwise hi mhaka ya kukoleka, ni kugonzisa kosaseka loku wena u ku lanzelako kala makunu :

2 Tim. 3. 14, 15.

- 7 Kanilezi ala mafenya ni tikaringani ta kale ta ba basati. Wena wutsumbu fambisa tiro wa kukozela Nungungulu :

xip. 1. 4. & 6. 20. 2 Tim. 2. 16, 23. & 4. 4. Tit. 1. 14. Heb. 5. 14.

- 8 Hakuba a tirela miri kuvuna kutsongwani ; kanilezi a kukozela ka vuna ka zilo zonkle, na ku hi ni tsumbiso wa wutomi ga makunu lezi, ni legi gi tako.

Mat. 6. 33. & 19. 29. Mark 10. 30. Roma 8. 28. 1 Kor. 8. 8. Kol. 2. 23. xip. 6. 6.

- 9 Kukolekile loku kuwula, kufanele ka kuvumeleka konkle.

xip. 1. 15.

- 10 Hakuba ka loku kugumelwa ha pinyama ha ringa, hakuba hi bekile kutsumba ka hina ka Nungungulu a hanyako, a nga Muhanyisi wa banhu bonkle, nguvunguvu ka laba ba kolwako.

1 Kor. 4. 11, 12. xip. 6. 17.

- 11 Lezi zilo laya u gonzisa.

xip. 6. 2.

- 12 Nga a nga hi kona munhu a kanyisako a wiswa ga wena ; kanilezi wena u hi xikombiso xa bona laba ba

kolwako, hi ka mhaka, ni ka mahanyela ya kuhanya ka wena, kuhalajani kukolekeni, kuhlazekeni.

1 Kor. 16. 11. Tit. 2. 7, 15. 1 Pet. 5. 3.

- 13 Nzi kala nzita, hlayisisa a kugonza, ni kukongoteleni, ni kugonzisa.

- 14 U nga tsiki a xinyikiwo lexi xi nga ka wena, lexi xi nga nyikwa ka wena hi kuprofeta, ni kuklatekwa ka mandla ya masingalakati.

Mit. 6. 6. & 8. 17. & 13. 3. & 19. 6. xip. 1. 18. & 5. 22. 2 Tim. 1. 6.

- 15 Nga u rula ka lezi zilo ; u ti nyikela wutsumbu ga wena ntsena ka zona ; kasi a kuhumelela ka wena ka wonekela ka bonkle.

- 16 U klariha wutsumbu ga wena, ni kugonziseni ka wena. Nonohisa ka lezi zilo ; hakuba hi ku maha lexi u ta hanyisa wutsumbu ga wena ni laba ba kuzwako wena.

Mit. 20. 28. Roma 11. 14. 1 Kor. 9. 22. Jam. 5. 20.

XIPIMO 5.

- 1 U nga kawuki a singalakati, kanilezi gi laye kota a raru ; a banhu baswa ku kota bamakakweni :

- 2 Ni masingalakati ya ba basati kota bamamani ; ni baswa kota bakweru, na u hi kuhlezekeni konkle.

- 3 Dzunza a tinoni leti ti nga tinoni ha zinene.

xipm. 5. 16.

- 4 Kanilezi loku a noni yi nga yi hi ni nwana kani i zuku-lu, nga bona ba rangula kugonza ku wonisa xicawo

mingangweni yabye, ni ku ba wuyisela batrali babye: hakuba lezi za amukeleka mahlweni ya Nungungulu.

Mat. 15. 4. Efe. 6. 1, 2. xip. 2. 3.

5 Makunu yena loyi a nga noni ha zinene, a nga yece, a bekileko kutsumba kakwe ka Nungungulu, a nonohisako mikombelweni ni kukongeleni a wusiku ni mu-mu.

Luka 2. 37. & 18. 1. Mit. 26. 7. 1 Kor. 7. 32.

6 Kanilezi loyi a ti nyikelako wutsumbu gakwe ku tsakiseni i fela na ha hanya.

Jam. 5. 5.

7 Lezi zilo kambe laya, kasi ba fela ku kala ba nga so-leki.

xip. 1. 3. & 4. 11. & 6. 17.

8 Kanilezi loku a hi kona munhu a nga hlayisiko a ba ka kabye, nguvunguvu a ba le ngangweni kabye, wa kaneta a kukoleka, i onhekele ku hunza a ba nga kolwiko.

Mat. 18. 17. Gal. 6. 10. 2 Tim. 3. 5. Tit. 1. 16.

9 A nga hlayelwi kota noni loyi a nga lahasi ni nklanu wa makume ni kume ginwe na a wa nga a hi wasati wa nuna munwe,

Luka 2. 36. xip. 3. 2.

10 A wulwa kwatsi hi mitiro yo saseka; loku a nga a wundlule banana, loku a nga a fuyile kwatsi a bapfumba, loku a nga a hlazile mikonzo ya laba bobasa, loku a nga a zwele wusiwana ka laba ba xanisekako, loku a nga a hlayisisile a

kulanzela mitiro yo saseka.

Luka 7. 38, 44. Joh. 13. 5, 14. Mit. 16. 15. Heb. 13. 2. 1 Pet. 4. 9.

11 Kanilezi a tinoni le ta tiswa ala: hakuba laha ba ta nga vimbelwe hi Kristu ba nabela kutekwa;

12 Na ba hi ni kukoneka, hakuba ba nyenyile kukoleka kabye ka kurangula.

13 Ni ka zonkle ba gonza ku maha malolo, ba su nzula ka yindlu ni yindlu; ba nga lolohi koce, kanilezi ba wuya ba byabyatsa, ba kambela za banwani, ba wulawula lezi zilo ba nga faneloko ku wulawula.

2 Tesa. 3. 11.

14 Mina nza nabela hikwalaho a ku nga tinoni le ti ta tiswa ti tekwa, ba trala banana, ba hlayisa mingango, ba nga mi nyiki loyi a kanetako a xikati xa kurukatela:

1 Kor. 7. 9. xip. 6. 1. Tit. 2. 8.

15 Hakuba makunu banwani ba sina ba hambukele ka Satani.

16 Loku a hi kona wasati loyi a kolwako a nga ni tinoni, a ti vunetele, ni ceci a yi nga binziswe; kasi ya vunetela bona laba ba nga tinoni ha zinene.

xipm. 3, 5.

17 Nga a masingalakati ma fumelako kwatsi ma kudzunzwa kumbiri, ha hombe ka laba ba tirako mha-keni ni kugonziseni.

Mit. 28. 10. Roma 12. 8. 1 Kor. 9. 10,

14. Gal. 6. 6. Fil. 2. 29. 1 Tesa. 5. 12, 13. Heb. 13. 7, 17.
- 18 Hakuba a tsalo wa wula, U nga engenisi mukaba honwini yi hulako zipfaki. Ni, Xitiri xi fanelwe hi kurihwa ka xona.
Mat. 10. 10. Luka 10. 7. 1 Kor. 9. 9.
- 19 U nga koni a singalakati kecweni, saseka hi milomu ya bambiri hombu banharu a bakustumunyu.
- 20 Laba ba onako laya mahlweni ka bonkle, kasi banwani ba tsame kucabeni.
Gal. 2. 11, 14. Tit. 1. 13.
- 21 Nza ku laya mahlweni ka Nungungulu, na Kristu Jesu, ni tingelosini ti hlawulileko, aku u gonga lezi zilo u nga hlauli munwe ni munwe, u nga mahi ncumo hi kuranza munwe ni munwani.
xip. 6. 13. 2 Tim. 2. 14. & 4. 1.
- 22 U nga haklisi ku beka mandla hehla ka munhu, u nga hlengeli ni zonho za banwani banhu: hlayisa wutsumbu ga wena u basisilwe.
Mit. 6. 6. & 13. 3. xip. 4. 14. 2 Tim. 1. 6. 2 Joh. 11.
- 23 U nga hanwi mati woce, kanilezi nwana a waini gi tsongwani hi kota ya rumbu ga wena hakuba wa tala kubabya.
- 24 A zonho za banwani banhu zi le kubaseni, na ziya mahlweni a kulamulwa; ni banwani banhu ba zi lanzisa.
Gal. 5. 19.
- 25 Zi ngaho kambe yi kona mitiro yo saseka yi nga le

kubaseni; a ya ku ngahi loku zi ngaho a yi na ku fihliwa.

XIPIMO 6.

- 1 Kota bonkle laba ba tikumbi lahasi ka gota ba hlaya a tihosi tabye kota ti fanelako kudzunziwa konkle, kasi a bito ga Nungungulu ni kugonzisa ku nga mahiwi nzukano.
Roma 2. 24. Tit. 2. 5, 8. Efe. 6. 5. Kol. 3. 22. Tit. 2. 5, 8, 9. 1 Pet. 2. 18.
- 2 Laha ba nga tihosi ti kolwako, nga ba nga ti kanyisi, hakuba ti hi bamakabye; nga ba ranza ku ti kozela, hakuba laba ba hlengele lezi zinene ba kolilwe ta ranzeka. Lezi zilo gonzisa u laya.
Kol. 4. 1. xip. 4. 11.
- 3 Loku a nga a hi kona a gonzisako a zigonzo zi hambeneko, a nga vumeli a timhaka to saseka, tona timhaka ta Hosi ya hina Jesu Kristu, ni zigonzo lezi zi nga ka Nungungulu;
xip. 1. 3, 10. 2 Tim. 1. 13. & 4. 3. Tit. 1. 1, 9.
- 4 I kukumukile, na nga tibi ncumo, wo njenjereka hi kuwutisa ni kukanetanaka timhaka, ka zona lezo ku huma a wukuxu, a guwa, a wuxokori, ni ku mbilukela ko biha,
1 Kor. 8. 2. xip. 1. 4, 7. 2 Tim. 2. 23. Tit. 3. 9.
- 5 Ni ku wulawula ka banhu ba bolileko timbilwini na tsikilwe hizinene, na baku

a ndlela ya ka Nungungulu yi ya hi mano.

Roma 16. 17. 1 Kor. 11. 16. xip. 1. 6.
2 Tim. 3. 5, 8. Tit. 1. 11. 2 Pet. 2. 3.

6 Kanilezi a wunungungulu ni kueneliswa i mano ya hombe:

Heb. 13. 5.

7 Hakuba a hi tangi na cumo laha tikweni, zi te dlunya lezaku a hi koti ku famba ni cumo;

8 Kanilezi loku hi hi ni kuga ni kuambala nga hi eneliswa ha zona.

Heb. 13. 5.

9 Kanilezi laba ba nabelako ku nga ba fuma ba wela kuringweni ni mapanyeni ni wupupulwini ginyingi ni kumbilukela kubayisako, lezi zi nyupetako banhu kulobeni ni le kukonekeni.

Mat. 13. 22. Jam. 5. 1. xip. 1. 19. & 3. 7.

10 Hakuba a kuranza mali hi mutsu wa tixaka tonkle ta kubiha: banwani hi ku yi nabela ba lahlekile kukolekeni, ba vuroketilwe a wutsumbu gabye hi kuxaniseka ku nyingi.

11 Kanilezi wena, O munhu wa Nungungulu, tsutsuma ka za ku ngahi; u lanzela kululama, a kukozela, a kukoleka, a kuranza, a kutimisela, a kurula.

2 Tim. 2. 22. & 3. 17.

12 Lwana kulwa ka kusaseka ka kukoleka, u komisisa a wutomi ga kupinzuka, gi nga gona u nga bitwanwa ha gona, u lo vumela kuvu-

mela kosaseka mahlweni ka ba kustumunyu banyingngi.

1 Kor. 9. 25, 26. xip. 1. 18. 2 Tim. 4. 7.
Fil. 3. 12, 14. xipm. 19. Heb. 13. 23.

13 Mina nza ku laya mahlweni ka Nungungulu, loyi a hanyisako zilo zonkle, ni Kristu Jesu, loyi mahlweni ka Pontio Pilatu i lo kustumunya a kuvumela kunene;

Mat. 27. 11. Joh. 5. 21. & 18. 37. xip. 5. 21. Kuv. 1. 5. & 3. 14.

14 Kasi wena wa fela ku hlalaya milayo, na u nga hi na bala, na u nga hi ni kusoleka, kala a woneka a Hosi ya hina Jesu Kristu:

Fil. 1. 6, 10. 1 Tesa. 3. 18. & 5. 23.

15 Loku a ta nga ku wonekisa hi xikati xa yena, loyi a katetakisilweko yece wa Ntamowonkle, a Hosi ya tihosi, ni Mufumeli wa bafumeli;

xip. 1. 11, 17. Kuv. 17. 14. & 19. 16.

16 Loyi a nga nako ku kala kufa, loyi a tsamileko kuwonekeleni ku nga hiko ni tsinelwa; loyi a nga wonwangiko hi Munhu, a nga woniwiko: ka yena a kudumswe ni ntamo tsoma. Amen.

Joh. 6. 46. Efe. 3. 21. Fil. 4. 20. xip. 1. 17. Jude 25. Kuv. 1. 6. & 4. 11. & 7. 12.

17 U laya laba ba fumileko ka legi tiko gi nga kona, lezaku ba nga ti kukumuxi, ba nga beki kutsumba kabye ka kufuma ku nga tiyiko, kanilezi ka Nungungulu, loyi a nyikako hina a ku funa ka kunengela konkle;

Marku 10. 24. Luka 12. 21. Mit. 14.

17. & 17. 25. 1 Tesa. 1. 9. xlp. 3. 15. & 4. 10.
- 18 Kasi ku fela ku maha kusa-sa, kasi zi kupfuna mitirweni yo saseka, kasi ba fela ku abela kwatsi;
Luka 12. 21. Gal. 6. 6. Roma 12. 13. xlp. 5. 10. Tit. 3. 8. Heb. 13. 16. Jam. 2. 5.
- 19 Ba beketelela a za wutsumbu gabye a xiseketelo xa xikati xi tako, kasi ba fela kukomisisa a wutomi legi ga zinene.
Mat. 6. 20. & 19. 21. Luka 12. 33. & 16. 9. xlp. 12.
- 20 O Timote, gonga lezi zi nyikilweko wena, u suka mafenyeni u ala hi kukaneta lezi zi vimbelako kutiba lezo zi bitwako mawunwa;
xlp. 1. 4. 6. & 4. 7. 2 Tim. 1. 14. & 2. 14. 16. 23. Tit. 1. 9. 14. & 3. 9. Kuv. 3. 3.
- 21 Lezi zi vumelwako hi banwani ba hambukile kuko lekeni.
- A wuxinji a gi be ka wena.
xlp. 1. 6. 19. 2 Tim. 2. 18.

A PAPILO GA WUMBIRI GA PAULE MUPOSTOLI KA TIMOTE.

XIPIMO 1.

- 1 Paule, a mupostoli wa Kristu Jesu hi kuranza ka Nungungulu, hi kota ya zitsumbiso loku ku nga ka Kristu Jesu,
2 Kor. 1. 1. Efe. 3. 6. Tit. 1. 2. Heb. 9. 15.
- 2 Ka Timote, a nwananga a ranzekako: A wuxinji, a titralo, a kurula, ka le ka Nungungulu a Dadani ni Kristu Jesu a Hosi ya hina.
1 Tim. 1. 2.
- 3 Mina nza bonga Nungungulu, loyi nzi mu kozelako kota bakokwani hi mbilu yi basileko, lezaku hi nga miyeli nza kualakanya miko-mbelweni ya mina, wusiku ni mumu na nzi nabela ku kuwona wena,
Mit. 22. 3. & 23. 1. & 24. 14. & 27. 23. Roma 1. 8. 9. Gal. 1. 14. Efe. 1. 16. 1 Tesa. 1. 2. & 3. 40.
- 4 Na nzi alakanya mihloti ya wena, lezaku nza nza tati-swa hi kutsaka;
xlp. 4. 9, 21.
- 5 Loku nzi alakanya a kuko-leka loku ku nga ka wena ku nga hi ko ni ku xenge-tela; loku ku nga hi kona kurangula ka koko wa wena Loisi, ni nyine wa wena Eunike; ni, hakuba mina nza kurumetwa ha wena kambe.
Mit. 16. 1. 1 Tim. 1. 5. & 4. 6.
- 6 Hakuba hi kota ya lexi nza ku alakanyisa wena u buvetile a xinyikiwo xa Nungu-

- ngulu, lexi xi nga ka wena
hi kota ya lezi nzi nga ku-
klateka mandla ya mina.
1 Tesa. 5. 19. 1 Tim. 4. 14.
- 7 Hakuba Nungungulu a nga
hi nyikangi a moya wa wu-
toya; kanilezi wa ntamo ni
kuranza ni wa kupima.
Luka 24. 49. Mit. 1. 8. Roma 8. 15.
- 8 Hikwalaho u nga bi ni ti-
ngana hi ku kustumunya
hi Hosi ya hina, na yena
mina peresu ya yena: kani-
lezi xaniseka a zikarato zi-
nwe ni ivangeli hi kota ya
ntamo wa Nungungulu;
Roma 1. 16. Efe. 3. 1. Fil. 1. 7. Kol.
1. 24. 1 Tim. 2. 6. xip. 4. 5. Kuv.
1. 2.
- 9 Loyi a hi hanyisileko, i lo
hi bitana hi kubitwa ko ba-
sa, na ku nga hi mitiro ya
hina, kanilezi hi kota ya
kuxuba ka yena ni wuxinji,
legi gi nga nyikiwa ka hina
ka Kristu Jesu na xi nga se
ku ba kona xikati,
Roma 3. 20. & 8. 28. & 9. 11. & 16. 25.
Efe. 1. 4. & 3. 11. 1 Tesa. 4. 7. 1 Tim.
1. 1. Tit. 1. 2. & 3. 4, 5. Heb. 3. 1.
1 Pet. 1. 20.
- 10 Kanilezi makunu ku wone-
kilisilwe hi kuwoneka ka
Muhanyisi wa hina Kristu
Jesu, loyi a hlulileko kufa,
a neha wutomi ni ku-nga-
boli ka kuwoninga hi iva-
ngeli,
Roma 16. 26. 1 Kor. 15. 54, 55. Efe.
1. 9. Kol. 1. 26. Tit. 1. 3. Heb. 2.
14. 1 Pet. 1. 20.
- 11 Ku nga kona nzi nga yimi-
swa a mukaneli, ni mupo-
stoli, ni mugonzisi.
Mit. 9. 15. Efe. 3. 7, 8. 1 Tim. 2. 7.
xip. 4. 17.
- 12 Hakuba hikwalaha ka lexi
nza xaniseka hi zalezi zilo :
na nzi nga nzi nga hi na ti-
ngana; hakuba mina nza
mu tiba loyi nzi nga mu
kolwa, na minawu nza tsu-
mba lezaku i na ni ntamo a
kugongola lezi nzi zi bekile-
ko ku kala kucikela lego
siku.
Efe. 3. 1. 1 Tim. 6. 20. xip. 2. 9. & 4.
8. xipm. 18. 1 Pet. 4. 10.
- 13 Komisisa nguvu a timhaka
leti u ti zwileko hi le ka
mina, hi kukoleka ni kura-
nza loku ku nga ka Kristu
Jesu.
Roma 2. 20. & 6. 17. 1 Tim. 1. 10, 14.
& 6. 3. xip. 2. 2. & 3. 14. Tit. 1. 9.
Heb. 10. 23. Kuv. 2. 25.
- 14 Lezo xilo xo saseka xi nga
bekiwa ka wena gonga hi
Moya wo Basa lowu wu
tsamako ka hina.
Roma 8. 11. 1 Tim. 6. 20.
- 15 Lezi wa zi tiba wena, leza-
ku bonkle laba ba le Asia ha
nzi tsikile mina; laba mba
a Fugelusi na Hermoge-
nesi.
Mit. 19. 10. xip. 4. 10, 16.
- 16 A Hosi yi nyikile a wuxinji
ndlwini ka Onesiferusi: ha-
kuba kunyingi wa ta a nzi
hlola, a nga na tingana hi
mangenje ya mina;
Mat. 5. 7. Mit. 28. 20. Efe. 6. 20. xip.
4. 19. xipm. 8. File. 7.
- 17 Kanilezi, na a cikele le Ro-
ma, i lo nzi labisisa, i lo nzi
kuma
- 18 (A Hosi yi mu vumele yena
a ku kuma wuxinji ga Hosi
lego siku); ni ka zilo zinga-
ni a nga nzi kozela le Efe-

susi, wena wa zi tiba kwatsi nguvu.

Mat. 25. 34-40. 2 Tesa. 1. 10. xipm. 12. Heb. 6. 10.

XIIMO 2.

1 Hikwalaho, nwananga, nga u tiyiswa wuxinjini legi gi nga kona ka Kristu Jesu.

Efe. 6. 10. 1 Tim. 1. 2. xip. 1. 2.

2 Ni ka zilo lezi u nga zizwa ha mina ka bakustumunyu banyingi, zalezo zi beke ka banhu ba kolekileko, laba ba ta nga kota kugonzisa banwani kambe.

1 Tim. 1. 18. & 3. 2. xip. 1. 13. & 8. 10, 14. Tit. 1. 9.

3 Xahiseka zikarato zinwe na mina, kota kasadoro wo saseka wa Kristu Jesu.

1 Tim. 1. 18. xip. 1. 8. & 4. 5.

4 A nga kona kasadoro loyi laha na hi kulweni a ti klanganisako ni mahungu ya loku kuhanya; kasi a nga tsakisa loyi a hlomisako impi.

1 Kor. 9. 25.

5 Loku kambe a munhu a palana kudawula, a nga dawuli, saseka na dawilile kota nayo.

1 Kor. 9. 25, 26.

6 A murimi loyi a pangamako i fanelwe hi ku kuma mihanzo kurangula.

1 Kor. 9. 10.

7 Pima lezi nzi zi wulako; hakuba a Hosi yi ta kuha kupima ka zilo zonkle.

8 Alakanya Jesu Kristu, i vukile hi ka bafleko, wa mbe-wu ya Davida, hi ka ivangelu ya mina:

Mit. 2. 30. & 13. 23. Roma 1. 3. 4. & 2. 16. 1 Kor. 15. 1, 4, 20.

9 Hikwalaho nza xaniseka zikarato ni makotso, kota muwukli; kanilezi a mha-ka ya Nungungulu a yi na ku bokwa.

Mit. 9. 16. & 28. 31. Efe. 3. 1. & 6. 19. 20. Fil. 1. 7, 13, 14. Kol. 4. 3, 18. xip. 1. 12.

10 Hikwalaho nza timisela zonkle zilo hi kota ya ba hlawulilweko, kasi ba fela ku kuma a kuhanyiswa loku ku nga ka Kristu Jesu zinwe ni wukosi ga kutso-ma.

2 Kor. 1. 6. Efe. 3. 13. Kol. 1. 24.

11 Kukolekile loku kuwula: Hakuba loku hifa zinwe naye, hi ta hanya kambe zinwe naye:

Roma 6. 5, 8. 2 Kor. 4. 10. 1 Tim. 1. 15.

12 Loku hi timisa, hina kambe hi ta fuma zinwe naye: loku hi ta mu kaneta, yenawu i ta hi kaneta:

Mat. 10. 33. Marku 8. 38. Luka 12. 9. Roma 8. 17. 1 Pet. 4. 13.

13 Loku hi nga koleki, yena i tsama na kolekile; hakuba a nga na ku kaneta wutsumbu gakwe.

Roma 8. 3. & 9. 6.

14 Lezi zilo ba alakanyise bona, na u ba laya mahlweni ka Hosi, ba nga kanetani hi timhaka, ti nga vuniko ncumo, ku ba hambukisako laba ba tizwako.

1 Tim. 1. 4. & 5. 21. & 6. 4, 13. xip. 4. 1. Tit. 3. 9, 11.

15 Ti hlayisisa a ku neha a wutsumbu ga wenawu u nga hi na nanzu mahlweni ka Nungungulu, a xitiri lexi xi nga hi ko ni tinga-

- na, u yi koma hi kululama a mhaka ya zinene.
- 16 Kanilezi tsetsereka kuwulawuleni ka mafenya: haku-ba ku ta engetela a ku nga hi nungungulu,
1 Tim. 4. 7. & 6. 20. Tit. 1. 14.
- 17 Ni mhaka yabye yita vunjukela kota koro: laba ba nga ka labo hi Humeneusi na Filetusi;
1 Tim. 1. 20.
- 18 A madota laba hi kota ya zinene ba hambukile, ma nge ngalo a kuvuka ka bafileko ku hunzile, ba rerekisa kukoleka ka banwani.
1 Kor. 15. 12. 1 Tim. 6. 21.
- 19 Ahemba a xiseketelo xi tiyileko xa Nungungulu xi yimile, na xi hi ni laya marika, Ni Hosi ya ba tiba laba ba nga ba yona: ni, Nga ba ba bitako a bito ga Hosi ba suka ku-nga-lulameni.
Mat. 24. 24. Joh. 10. 14, 27. Roma 8. 35. 1 Joh. 2. 19.
- 20 Makunu lomo ndlwini ya hombe a ku kona a zibya za nzalama ni siliva zoce, kanilezi zi kona kambe za tisi-nya ni wumba; zinwani za kesiwa, zinwani zi nga kesiwi.
Roma 9. 21. 1 Tim. 3. 15.
- 21 Loku munhu a ta ti hlaza wutsumbu ga yena ka lezi, i ta maha xibya xi kesekako, na basisilwe, xi yimekile kuvuna nwinyi wa xona, xi longisilwe ka mitiro yonkle yosaseka.
xip. 3. 17. Tit. 3. 1.
- 22 Kanilezi caba a kumbiluke-la ka baswa, u lanzela a kululama, a kukoleka, kuranza, kurula, zinwe ni laba ba bitanilweko ka Hosi hi mbilu yobasa.
Mit. 9. 14. 1 Kor. 1. 2. 1 Tim. 1. 5. & 4. 12. & 6. 11.
- 23 Kanilezi a ziwutiso za wupupula ni ku-nga-tibi zi ala, na u tiba lezo lezaku zi banga kukanetana.
1 Tim. 1. 4. & 4. 7. & 6. 4. xipm. 16. Tit. 3. 9.
- 24 Ni nanza ga Hosi nga gi nga kanetani, kanilezi a gi rule ka bonkle, gi kota kugonzisa, go honisela zikaratweni,
1 Tim. 3. 2, 3. Tit. 1. 9. & 3. 2.
- 25 Na hi kuoloba hi ka bona laba ba ti vimbelako; kutani Nungungulu a nga ba ninga kuhunzulusa kasi ba fela kutiba a zinene,
Mit. 8. 22. Gal. 6. 1. 1 Tim. 2. 4. & 6. 11. xip. 3. 7. Tit. 1. 1. 1 Pet. 3. 15.
- 26 Kasi ba fela ku hanyisa wutsumbu gabye mapanyeni ya Satani, na ba komilwe hi nanza ga Hosi baya ka kuranza ka Nungungulu.
1 Tim. 3. 7.

XIPIMO 3.

- 1 Kanilezi tiba lexi le masikwini ya kugumesa a xikati xa kukarata xi ta cike-la.
1 Tim. 4. 1. xip. 4. 3. 2 Pet. 3. 3. 1 Joh. 2. 18. Jude 18.
- 2 Hakuba banhu ba ta maha ziranzi za wutsumbu, a ziranzi za mali, a ba matsanza, la bakukumukako, a bakana-ko, a ba nga ingisiko ba-

trali, a ba-nga-bongiko a ba nga basangiko,

Roma 1. 30. Fil. 2. 21. 1 Tim. 1. 20. & 6. 4. 2 Pet. 2. 3, 12. Jude 10, 16.

- 3 A ba nga tsamisangiko hi tralo, a ba nga hi ko ni kukawukwa, a bamahlebo, laba ba nga hi ko ni ku ti tsi mbeta wutsumbu gabye, bacabekako, laba ba nga hiko baranzi ba kusaseka, balala, laba ba bengako,

Roma 1. 31. Tit. 2. 3. 2 Pet. 3. 3.

- 4 Laba ba giyako, a ziranzi ba kuhlakana ku hunza kuranza Nungungulu;

Fil. 3. 19. 2 Pet. 2. 10, 13, &c. Jude 4, 19.

- 5 Ba hi ni xiyimo xa kukozela, kanilezi ba kaneta a ntamo wa kona: a ba ku ngahi u ba tsike.

1 Tim. 5. 8. & 6. 5. Tit. 1. 16. 2 Tesa. 3. 6.

- 6 Hakuba laba hi bona ba nyanimelako a tindlwini, ba koma ba basati zibini na ba yengwa hi kuonha, ba sungwa hi kumbilukela kunyingi,

Mat. 23. 14. Tit. 1. 11.

- 7 Na ba nonohisa kugonza, ba nga koti ku kuma a zine-ne.

1 Tim. 2. 4.

- 8 Kota lezi Jenesi na Jembresi ba nga bangana na Mosi, lezo ni laba ba bangana ni zinene; a banhu ba botilweko a kupima, ba nga tiyiseki kukolekeni.

Roma 1. 28. 2 Kor. 13. 5. 1 Tim. 6. 5. Tit. 1. 16.

- 9 Kanilezi cima ba nga ta humelela: hakuba a wupupulu gabye gi ta su dlunya ka

banhu bonkle, kota lezi bonawu zi nga ta dlunya.

- 10 Kanilezi wena u lo lanzela kugonzisa ka mina, a xiyimo, a kuxuba, a kukoleka, a kutimisela, a kuranza, a kuhonisela,

Fil. 2. 22. 1 Tim. 4. 6.

- 11 A ku hlotwa, a kuxaniseka; ni lezi zilo zi nga nzi cikelela Antioki, ni le Ikonio, ni le Listra; kuxaniseka ka ku yini nzi nga ku timisela: ni ka kona konkle a Hosi yi lo nzi klaklisa mina.

Mit. 13. 45, 50. & 14. 2, 5, 19, &c. 2 Kor. 1. 10. xip. 4. 17.

- 12 Ina, ni bonkle laba ba nga ni kukozela ka Kristu Jesu ba tazwa kuxaniseka.

Mat. 16. 24. Joh. 17. 14. Mit. 14. 22. 1 Kor. 15. 19. 1 Tesa. 3. 3.

- 13 Kanilezi a banhu bobiha ni bakohlisako ba ta nonoha ba onhakalela magumo, bakohlisa na ba kohlisilwe.

2 Tesa. 2. 11. 1 Tim. 4. 1. xip. 2. 16.

- 14 Kanilezi wena tsama ka zilo lezi u zi gonzileko u kolwa wena ha zona, na u tiba lezaku u zi gonzile ka mani;

xip. 1. 13. & 2. 2.

- 15 Ni lezaku cima u tralwa u lo yi tiba mitsalo yo basa leyi yi nga ni ntamo a ku maha wena u klariha kuhanyisweni hi kukoleka lo ku ku nga ka Kristu Jesu.

Joh. 5. 39.

- 16 Yonklelele mitsalo leyi vi nyikiwako hi Nungungulu ya vuna kugonziseni, ni

kuwulawulela, ni kululeka,
ni zigonzo le za kululama :

Roma 15. 4. 2 Pet. 1. 20, 21.

- 17 Kasi munhu wa Nungungulu i fela kumbelela, a bombile hi kumbelelisiswa ka mitiro ya kusaseka konkle.

1 Tim. 6. 11. xip. 2. 21.

XIPIMO 4.

- 1 Nza kulaya wena-mbuya mahlweni ka Nungungulu, ni ya Kristu Jesu, loyi a ta nga lamula bahanyako ni bafleko, na hi kuwoneka ka yena ni mufumo wa yena ;

Mit. 10. 42. 1 Tim. 5. 21. & 6. 13. xip. 2. 14.

- 2 Kanela a mhaka ; hi xikati xa mahika na hi xikati xo kala mahika ; u wulawulela, u kawuka, laya, zinwe ni kutimisela konkle ni kugonzisa.

1 Tim. 4. 13. & 5. 20. Tit. 1. 13. & 2. 15.

- 3 Hakuba a xikati xi tata laha ba nga kala a kukomisa a kuzwala ka zinene ; kaniilezi, na hi ni tindlebe ti rukurako, ba ta ti labela a bagonzisi ba kumbilukela ka-bye ;

1 Tim. 1. 10. xip. 3. 1, 6.

- 4 Ba ta vala tindlebe tabye ka zinene, ba ta hambukela tikaringanini.

1 Tim. 1. 4. & 4. 7. Tit. 1. 14.

- 5 Kanilezi wena ti koramise ka zilo zonkle, u bayiswa hi zixaniso, u tira tiro wa mu ivangeli, u tatisa a kukozelela ka wena.

Mit. 21. 8. Roma 15. 19. Efe. 4. 11. Kol. 1. 25. & 4. 17. xip. 1. 8. & 2. 3.

- 6 Hakuba nzi si na nzi nyike-

lwe, a xikati xa kuhunza ka mina xi cikele.

Fil. 1. 23. & 2. 17. 2 Pet. 1. 14.

- 7 Nzi lwile kulwa kosaseka, nzi mbetile a kufamba ka mina, nzi gongole kukoleka :

1 Kor. 9. 24, 25. Fil. 3. 14. 1 Tim. 6. 12. Heb. 12. 1.

- 8 Makunu nzi bekelwe a xidlodlo xa kululama, lexi a Hosi, a mulamuli a lulamileko, a ta nga nyika mina ka lego siku : na ku nga hi ka mina nzoce, kanilezi ka bonkle laba ba nga ranzile a kuwoneka ka yena.

1 Kor. 9. 25. xip. 1. 12. Jam. 1. 12. 1 Pet. 5. 4. Kuv. 2. 10.

- 9 Hlayisisa ku haklisa u ta ka mina :

- 10 Hakuba Demasi i nzi tsikile, na ranzile gwalegi tiko, i yile le Tesalonika ; Kreseka u yile Galatia, Titusi ka Dalmatia.

Kol. 4. 14. File. 24. 1 Joh. 2. 15.

- 11 Hi Luka yece a nga na mina. Teka Marku, ngona naye wena: hakuba wa vumetela ka mina kukozeleli.

Mit. 12. 25. & 15. 37. Kol. 4. 10, 14. xip. 1. 15. File. 24.

- 12 Kanilezi Tikikusi nzi mu rumile Efesusi.

Mit. 20. 4. Efe. 6. 21. Kol. 4. 7. Tit. 3. 12.

- 13 A nguwo nzi nga yi ribala Troasi ka Karpusi, ngona nayo laha na uta, ni mabuku, nguvunguvu a mapapilo ya madzowo.

- 14 Alekzandra mufuli wa suku i nzi mahele kubiha kunyi-

ngi: a Hosi yi ta mu abela
kota mitiro yakwe:

Mit. 19. 33. 1 Tim. 1. 20. Kuv. 18. 6.

15 Wenawu mu kunguhele kambe; hakuba i lo kaneta timhaka ta hina ha hombe nguvu.

16 A ku ti hlamuleleni ka mina kurungula i wa nga hi kona a nga yimela, kanilezi bonkle ba lo nzi tsika: a wu nga hi kona nanzwini ka-bye.

Mit. 7. 60. xip. 1. 15.

17 Kanilezi a Hosi yi lo nzi yimela, yi lo nzi tiyisa mina; lezaku ha mina a mhaka yi fela kubiwa hungu kwatsi, ni a ba Matiko bonkle ba fela kuzwa: nzi wa lo klakliswa milonwini ya tingo-nyamo.

Mat. 10. 19. Mit. 9. 15. & 23. 11. & 26. 17. 18. & 27. 23. Efe. 3. 8. 2 Pet. 2. 9.

18 A Hosi yi ta nzi klaklisa ka mitiro yonkle ya kubiha, yi

nzi hanyisa nzi kala nzi ya mufunweni wa yena le ti-lweni: ka yena nga ku hi kona wukosi kala kupinzu-ka ni kupinzika. Amen.

Roma 11. 36. Gal. 1. 5. Heb. 13. 21.

19 Rungula Prisika na Akwila, ni ba yindlu ya Onesiforusi.

Mit. 18. 2. Roma 16. 3. 2 Tim. 1. 16.

20 Erastusi i lo tsama Korinte: kanilezi Trofimusi i lo siywa Miletu na a babya.

Mit. 19. 22. & 20. 4. & 21. 29. Roma 16. 23.

21 Haklisa uta na ku nga se ku cikela wuxika. Eubulusi wa kurungula wena, na Pudeni, na Linusi, na Klaudia, ni bamakabye bonkle.

xipm. 9.

22 A Hosi a yi be ni moya wa wena. A wuxinji a gi be ka wena.

Gal. 6. 18. File. 25.

A PAPILO GA PAULE MUPOSTOLI KA TITUSI.

XIPIMO 1.

1 Paule, a nanza ga Nungungulu, ni mupostoli wa Jesu Kristu, hi kukoleka ka bahlawulilweko ba ka Nungungulu, ni kutiba ka zine nene loku ku nga ka wungungulu,

1 Tim. 3. 16. & 6. 3. 2 Tim. 2. 25.

2 Hi ka kutsumba ka wutomi legi ga kupinzuka, legi Nungungulu, loyi a nga hembiko, a nga tsumbisa na zikati na zi nga se ku ha kona;

Roma 16. 25. 2 Tim. 1. 1, 9. & 2. 13. xip. 3. 7. 1 Pet. 1. 20.

3 Kanilezi hi kuringanisa ka-

kwe yena *nwinyi* i lo wo-
nekelisa hi mhaka ya ku
kanela, hi ka wona nzi lo
tibyiswa hi kulaya ka Nu-
ngungulu Muhanyisi wa
hina;

1. Tesa. 2. 4. 1 Tim. 1. 1, 11. & 2. 3. &
4. 10. 2 Tim. 1. 10.

4 Ka Titusi, a nwananga wa
zinene hi kukoleka ka ho-
nklelele: A wuxinji ni ku-
rula ka le ka Nungungulu a
Dadani ni ka Kristu Jesu a
Muhanyisi wa hina.

Roma 1. 12. 2 Kor. 2. 13. & 7. 13. &
8. 6, 16, 23. & 12. 18. Gal. 2. 3. Efe.
1. 2. Kol. 1. 2. 1 Tim. 1. 2. 2 Tim.
1. 2. 2 Pet. 1. 1.

5 Hakuba hi kota ya lexi nzi
lo ku siya Krete, lezaku u
nga sasisa a zilo lezi zi labe-
kako, u yimisa a masinga-
lakati mitini yonklelele, ko-
ta lezi mina nzi nga nyika
kulaya ka wena;

Mit. 14. 23. 1 Kor. 11. 34. 2 Tim. 2. 2.

6 Loku a hi kona a nga hiko
ni kusoleka munhu, a wa-
nuna wa sati munwe, na ba
hi banana laba ba kolwako,
na ba nga hi ni kusolwa hi
kugenga kutani kuhuha.

1 Tim. 3. 2, 4, 12.

7 Hakuba a muhlayisi nga a
nga soleki, a kota a nekwa
ya Nungungulu; a nga ra-
nzi wutsumbu gakwe, a nga
haklisi kuzangara, na nga
lebi, na nga hi mubi, na
nga hi na likungo ni ma-
hlomi, ni kuxuba a zilo zo-
biha;

Mat. 24. 45. 1 Kor. 4. 1, 2. Efe. 5. 18.
1 Tim. 3. 3, 8. 1 Pet. 5. 3.

8 Kanilezi a vumeka kufuya,

a muranzi wa kululama, a
muruli, mululami, a basile,
loyi a ti tsimbetako;

1 Tim. 3. 2.

9 A komisa a mhaka yi kole-
kako leyi yi yako hi kugo-
nzi swa, kasi wa fela ku zi
kota a kulaya kugonzisa
kupimileko, ni ku hunzulu-
su a laba ba kanetako.

2 Tesa. 2. 15. 1 Tim. 1. 10, 15. & 4. 9.
& 6. 3. 2 Tim. 1. 13. & 2. 2. & 4. 3.
xip. 2. 1.

10 Hakuba ba kona banyingi
laba ba nga ingisiko, babya-
byatsa ni bakohlisi, ha ho-
mbe la ba zitsiba,

Mit. 15. 1. Roma 16. 18. 1 Tim. 1. 6.

11 Laba milomu yabye yi ta
nga miyetwa; a banhu laba
ba hangalasileko a tindlu
tonkle, ba gonzisa a zilo lezi
zi nga faneleko, hi kota ya
likungo ni mahlomi basi.

Mat. 23. 14. 1 Tim. 6. 5. 2 Tim. 3. 6.

12 A munwe wa wutsumbu
gabye, a muprofeti wa bona
benyi, a ku ngalo, a ba le
Krete ba hembu xikati xo-
nkle, zihari zobihha, zimiti
lezi zi lolohako.

Mit. 17. 28.

13 Loku kustumunya ku nene.
Hakuba hikwalaho ka lexi
u ba laya nguvu bona, kasi
ba fela kupima hi kukole-
ka,

2 Kor. 13. 10. 2 Tim. 4. 2. xtp. 2. 2.

14 Ba nga ingisi a tikaringani
ta ba Juda, ni milayo ya
banhu laba ba hambukile-
ko zineneni.

Mat. 15. 9. Kol. 2. 22. 1 Tim. 1. 4. &
4. 7. 2 Tim. 4. 4.

15 Ka ba basisilweko zonkle zi-

lo zi basile: kanilezi ka bona laba ba zibi ni ba nga kolwiko a hi ncumo xi basako; kanilezi konkle kupima ni timbilu tabye zi nyenyezele.

Luka 11. 39, 40, 41. Roma 14. 14, 20, 23.
1 Kor. 6. 12. & 10. 23, 25. 1 Tim. 4. 3, 4.

- 16 Ba wula lezaku ba tiba Nungungulu; kanilezi hi mitiro yabye ba kaneta yena, na ba bihile, a ba nga ingisiko, ni ka mitiro yonkle yosaseka ba nga vuni ncumo.

Roma 1. 23. 2 Tim. 3. 5, 8. Jude 4.

XIPIMO 2.

- 1 Kanilezi wena wulawula a zilo lezi zi faneleko a kugonzisa ka zinene:

1 Tim. 1. 10. & 6. 3. 2 Tim. 1. 13. xlp. 1. 9.

- 2 Kasi a banhu ba kale ba ti tsimbeta, ba pima, ba ti koramisa, ba hi ni kukoleka kunene, ka kuranza, a kuhonisela:

xlp. 1. 13.

- 3 Ni ba basati ba kale lezo kambe ba dzunzeka hi lezi zi faneleko ku zi maha, ba nga hi ni mahlebo ba nganwi nguvu a waini, a ba gonzi si ba lezi zi sasekileko;

1 Tim. 2. 9, 10. & 3. 11. 2 Tim. 3. 3. 1 Pet. 3. 3, 4.

- 4 Kasi ba fela kugonzisa a banhwana kuranza a banuna babye, ni banana babye,

1 Tim. 5. 14.

- 5 Ba hi ni ku ti koramisa, ba basile, ba tira makaya, a titralo, na ba ti koramisa ka banuna babye, kasi a mha-

ka ya Nungungulu yi nga mahwi nzukano:

Roma 2. 24. 1 Kor. 14. 34. Efe. 5. 22.
Kol. 3. 18. 1 Tim. 2. 11. & 6. 1. 1 Pet. 3. 1, 5.

- 6 Zi ngaho ni majaha nga ba laywa a ku ti koramisa kambe:

- 7 Ni ka zilo zonkle u ti wonisa a ximo xinene ka mitiro yonkle yosaseka; kugonziseni ka wena wonisa a ku nga hi na kubola, ni xicawo,

Efe. 6. 24. 1 Tim. 4. 12. 1 Pet. 5. 3.

- 8 A kukanela loku kupimileko, loku ku nga hi ko ni kukonwa; kasi loyi a hambunyetako wa fela ku telwa hi tingana, na ku nga hi kona a xilo xibihileko xi wulwako ha hi hina.

2 Tesa. 3. 14. 1 Tim. 5. 14. & 6. 3. 1 Pet. 2. 12, 15. & 3. 16.

- 9 Laya a malanza kasi ku ti koramisa ka tihosi tabye, ma ba tsakisa ka zilo zonkle; ma nga kaneti;

Efe. 5. 24. & 6. 5. Kol. 3. 22. 1 Tim. 6. 1, 2. 1 Pet. 2. 18.

- 10 Ba nga nabeli ncumo, kanilezi ba kombisa kutsu mbeka konkle kosaseka; kasi ba fela ku caba a zigonziso za Nungungulu Muhanyisi wa hina zilweni zonkle.

Mat. 5. 16. Fil. 2. 15.

- 11 Hakuba a wuxinji ga Nungungulu gi wonekile, na gi neha kuhanyiswa ka banhu bonkle,

Luka 3. 6. Joh. 1. 9. Roma 5. 15.
1 Tim. 2. 4. xlp. 3. 4, 5. 1 Pet. 5. 12.

- 12 Na u hi gonzisa, kasi ha pima lezo, na hi kaneta a ku nga hi wunungungulu ni

kumbilukela ka za ka tiko, kasi ha hanya hi kurulileko, ni kululamileko ni wungungulu ka gwalegi tiko;

Luka 1. 75. Roma 6. 19. Efe. 1. 4. Kol. 1. 22. 1 Tesa. 4. 7. 1 Pet. 4. 2. 1 Joh. 2. 16.

- 13 Na hi cuwuka a kutsumba kukatekisilweko ni kuwonekeliswa ka wukosi ka loyi wa hombe Nungungulu wa hina ni Muhanyisi Jesu Kristu;

Mit. 24. 15. 1 Kor. 1. 7. Kol. 1. 5, 23. & 3. 4. Fil. 3. 20. 2 Tim. 4. 1, 8. xip. 1. 2. & 3. 7. Heb. 9. 28. 1 Pet. 1. 7. 2 Pet. 3. 12. 1 Joh. 3. 2.

- 14 Loyi a nga nyikela a wutsumbu ha hina, kasi a fela ku hi klaklisa ka konkle kuonha, ku basisa banhu ka wutsumbu gakwe lezaku ba maha ba ka yena, ba pinyama mitirweni yosaseka.

Gal. 1. 4. & 2. 20. Efe. 2. 10. & 5. 2. 1 Tim. 2. 6. xip. 3. 8. Heb. 9. 14. 1 Pet. 2. 9.

- 15 Lezi zilo wulawula u laya u luleka hi ntamo wonkle. Nga a nga hi kona munhu a ku kanyisako.

1 Tim. 4. 12. 2 Tim. 4. 2.

XIPIMO 3.

- 1 Ba alakanyise kasi ba fela ku ti koramisa ka tihosi, ni bafumeli, ba hi ni kuingisa, ba ni kulongela ka yonkle mitiro yosaseka,

Roma 13. 1. Kol. 1. 10. 2 Tim. 2. 21. Heb. 13. 21. 1 Pet. 2. 13.

- 2 Ba nga wulawuli kubiha ni ka munhu, ba nga hi ba kлокolanako, ba hi banene,

[Sheetawa]

ba wonisa titralo ka banhu bonklelele.

Efe. 4. 2, 31. Fil. 4. 5. Kol. 3. 12. 2 Tim. 2. 24, 25.

- 3 Hakuba hinawu a kale hi wa hi mapupulu, hi nga ingisi, hi kohlisilwe, hi kozela mbilukela kunyingi ni ku ti nengelisa, hi hanya hi matsoho ni wukuxu, babengi, ba bengako munwe ni munwani.

1 Kor. 6. 11. Efe. 2. 1. Kol. 1. 21. & 3. 7. 1 Pet. 4. 3.

- 4 Kanilezi laha na titralo ta Nungungulu Muhanyisi wa hina, ni kuranza ka yena ka munhu,

1 Tim. 2. 3. xip. 2. 11.

- 5 Ku wonেকে, na ku nga hi mitiro yi mahilweko kululameni, leyi hi nga yi maha hina wutsumbu, kanilezi hi wuxinji gakwe i lo hi hanyisa, na hi kuhlazwa ka kutralwa kuswa ni wuswa ga Moya wo Basa,

Joh. 3. 3, 5. Roma 3. 20. & 9. 11. & 11. 6. Gal. 2. 16. Efe. 2. 4, 8, 9. & 5. 26. 2 Tim. 1. 9. 1 Pet. 3. 21.

- 6 Lowu a nga hi halatela hina hi kupfuna, hi Jesu Kristu Muhanyisi wa hina;

Joh. 1. 16. Mit. 2. 33. & 10. 45. Roma 5. 5.

- 7 Lezo, na hi basisilwe hi wuxinji gakwe, hi ta fela ku mahwa zi/ralwa hi kota ya kutsumba loku ka kutsoma.

Roma 3. 24. & 8. 23, 24. Gal. 2. 16. xip. 1. 2. & 2. 11.

- 8 Kutsumbekile loku kuwula, hi kota ya zilo lezi nza ranza lezaku nga u zi komisa hi kutsumbeka, kasi hi magumo laba ba kolwako ka Nungungulu ba cela kota

hi kupinyamela a mitiro
yo saseka. Lezi zilo zi sase-
kile za vuna ka banhu :

1 Tim. 1. 15. xip. 1. 9. & 2. 14. xipm.
1, 14.

9 Kanilezi tsetsereka ziwuti-
sweni za wupupulu, ni ma-
bukwini ya kutralwa, hi ku
kanetana ni kulwa ni nayo;
hakuba a zi vuni ncumo
mahala.

1 Tim. 1. 4. 2 Tim. 2. 14, 23. xip. 1. 14.

10 Loyi munhu a hambunyeta
anzako kumbiri kutani ku-
nharu a kululekwamu ale ;
Mat. 18. 17. Roma 16. 17. 2 Kor. 13.
2. 2 Tessa. 3. 6, 14. 2 Tim. 3. 5.
2 Joh. 10.

11 Na u tiba lezaku a wa ku
ngahi u lahlekile, i onhile,
na konile wutsumbu gakwe
ha yece.

Mlt. 13. 46.

12 Laha nzi ta nga ruma
Artemasi ka wena, kutani
Tikikusi, hlayisa kuta ka

mina le Nikopolisi : hakuba
laho nzi xoba kutsama a
wuxika kona.

Mlt. 20. 4. 2 Tim. 4. 12.

13 U ba tisa u Zenasi muyime-
li na Apolosi pfumbeni ga-
bye kwatsi, na ba nga labi
ncumo.

Mlt. 18. 24.

14 Ni banhu ba hina kambe a
ba gonze a ku kuma a miti-
ro yosaseka ba yi tirisa hi
ku faneleko, kasi ba fela
ku kala ba nga hi ka nga
kumiko mihanzo.

Roma 15. 28. Efe. 4. 28. Fil. 1. 11. &
4. 17. Kol. 1. 10. xipm. 8. 2 Pet.
1. 18.

15 Bonkle laba ba nga na
mina ba ku rungula. Ba
rungule laba ba hi ranzako
hi kukoleka.

A wuxinji a gi be ka nwi-
na nwenkle.

A PAPILO GA PAULE MUPOSTOLI KA FILEMONE.

1 Paul, a beresu ya Kristu
Jesu, na Timote makabye
wa hina, ka Filemone a
ranzekako a xitiri - kulo-
ri,

Efe. 3. 1. & 4. 1. Fil. 2. 25. 2 Tim.
1. 8. xipm. 9.

2 Ni ka Apfia makweru wa
hina, ni ka Akipusi kasado-
ro-kulori, ni ka ceci leyi yi

nga lomo ndlwini ka we-
na :

Roma 16. 5. 1 Kor. 16. 19. Fil. 2. 25.
Kol. 4. 17.

3 Kurula ka wena ka le ka
Nungungulu Dadani wa hi-
na ni ka Hosi Jesu Kristu.

Efe. 1. 2.

4 Nza mu bonga Nungu-
ngulu wa mina xikati xo-

- nkle, nzi ku alakanya wena mikombelweni ya mina,
Efe. 1. 16. 1 Tesa. 1. 2. 2 Tesa. 1. 3.
- 5 Na nzizwa hi kuranza ka wena, ni kukoleka ka wena loku u nga nako ka Hosi Jesu, ni ka bonkle laba bobasa;
Efe. 1. 15. Kol. 1. 4.
- 6 Kasi a kuhlengela ka kukoleka ka fela kutiriswa, le kutibeni ka mitiro yo saseka loku ku nga ka wena, ka Kristu.
Fil. 1. 9, 11.
- 7 Hakuba nza tsakiswa nguvu ni kutangaliswa hi kuranza ka wena, hakuba a timbilu ta laba bobasa ti lo nengeliswa ha wena, makabye.
2 Kor. 7. 13. 2 Tim. 1. 16. xlp. 20.
- 8 Ngahilezo, hambu nzi hi ni kutiya konkle ka Kristu ku kulaya hi lezi zi faneleko,
1 Tesa. 2. 6.
- 9 Kanilezi hi kota ya kuranza nza ku kongotela, na nzi hi yena Paule wa ku ngahi loyi wa kale, makunu nzi peresu hi kota ya Kristu Jesu:
xipm. 1.
- 10 Nza ku kongotela hi nwananga, loyi nzi nga mu trala makotsweni ya mina, Onesimusi,
1 Kor. 4. 15. Gal. 4. 19. Kol. 4. 9.
- 11 Loyi a nga wa nga kuvuni ncumo kale ka wena, kanilezi makunu wa vuna ka wena ni ka mina:
- 12 Loyi nzi mu rumileko a xibiri xakwe ka wena, lezaku ngalo, hi mbilu ya mina yonkle:
- 13 Yena nzi wa ranza ku nga nzi tsama naye, lezaku hi ka wena a fela ku nzi kozele wutsanweni ga wena makotsweni laya ya ivangeli:
1 Kor. 16. 17. Fil. 2. 30.
- 14 Kanilezi na ku nga hi kuranza ka wena nzi nga ta maha ncumo; ku nga ta ku a kululama ka wena ku hi ka kurumetwa, kanilezi ka kuranza ku klaklekileko.
2 Kor. 9. 7.
- 15 Hakuba kutani hikwalaho i losuka ka wena a xikatana, kasi u mu teka u nonohisa u tsama na yena;
- 16 A nga ha tsami na ha hi nanza, kanilezi ku hunza nanza, a nakuloru a ranzeka-ko, nguvunguvu ka mina, kanilezi ku ta nga ku ku yini ka wena ke, konkle hi ka nyama ni ka Hosi.
Mat. 23. 8. Kol. 3. 22. 1 Tim. 6. 2.
- 17 Loku u nga u hlaya ku ngalo hi hlengele, mu amukele kota a wutsumbu ga mina.
2 Kor. 8. 23.
- 18 Kanilezi loku a nga cima aku onhile, kutani a hi ni nanzu na wena, zi hlayele hlokweni ya mina;
- 19 Mina Paule nzi tsala lexi hi canja ga mina nwinyi, nzi ta ku riha: akuba nzi nga wuli ka wena lezaku ku ngalo u na ni nanzu ka mina hambu hi klelo ga wutsumbu ga wena.

- 20 Ina, makabye, nga nzi hi ni kutsaka ha wena le Hosini: nengelisa a mbilu ya mina ka Kristu.
xipm. 7.
- 21 Na nzi ni kutsumba kuingiseni ka wena nza tsala ka wena, na nzi tiba aku u ta maha u hunzelete ni lezi nzi wulileko.
2 Kor. 7. 16.
- 22 Mi ka zonkle nzi longisele a wutsamo ga ku eklela: hakuba nza tsumba a ku hi kota ya mikombelo ya nwi-
na nzi ta vumelwa kuta ka nwina.
2 Kor. 1. 11. Fil. 1. 25. & 2. 24.
- 23 Epafraasi peresu-kulori ka Kristu Jesu, wa kurungula wena;
Kol. 1. 7. & 4. 12.
- 24 Na Marku kambe, na Aristakusi, Damesi, Luka, a zitiri-kulori za mina.
Mit. 12. 12, 25. & 19. 29. & 27. 2. Kol. 4. 10, 14. 2 Tim. 4. 11.
- 25 A wuxinji ga Hosi ya hina Jesu Kristu a gi be ni moya wa wena. Amen.
2 Tim. 4. 22.

A PAPILO GA PAULE MUPOSTOLI KA MAHEBERU.

XIPIMO 1.

- 1 Nungungulu, hi xikatini xa kale i lo wulawula ka badadani hi baprofeti hi zipimo zinyingi ni matsamela manyingi,
- 2 Hi masiku laya ya kugumelwa i lo wulawula ka hina hi Nwana wakwe, loyi a nga mu yimisa a wutralwa ka zilo zonkle, ha yena kambe i lo maha matiko;
Mat. 21. 38. & 28. 18. Joh. 1. 3, 17. & 3. 35. & 15. 15. Roma 8. 17. 1 Kor. 8. 6. Gal. 4. 4. Efe. 1. 10. Kol. 1. 16. xip. 2. 3.
- 3 Yena na hi kungangamela ka wukosi gakwe, na a hi wutsumbu ga kufanana ni xi yimo xakwe, na komile a zilo zonkle hi mhaka ya nta-
mo wakwe, laha na a mahile kubasisa ka kuonha, i lo tsama hi se canjeni ga xine-
ne ka Wukulu ga le hehla;
Joh. 1. 4, 14. & 14. 9. 2 Kor. 4. 4. Efe. 1. 20. Kol. 1. 15, 17. xip. 7. 27. & 8. 1. & 9. 12, 14, 26. & 10. 12. & 12. 2. 1 Pet. 3. 22. Kuv. 4.
- 4 Na a hi wa hombe kununza tingelosi, na a hi ni bito ginene kuhunza tona.
Efe. 1. 21. Fil. 2. 9, 10.
- 5 Hakuba hi ka wihi a tingelosi ti nga ku ni ka xihi xikati,
Wena u Nwanamga, legi siku nzi lo kutrala wena? ni kambe,
Ka yena nzi ta maha Da-

dani, Ka mina yena i ta maha a Nwana ke?

Mit. 13. 33. xip. 5. 5.

6 Kambe laha na a neha a wa matewula tikweni wa wula, Nga tingelosi tonkle ta Nungungulu ti mu kozele yena.

Roma 8. 29. Kol. 1. 18. 1 Pet. 3. 22. Kuv. 1. 5.

7 Hi tingelosi wa wula, Loyi a mahako a tingelosi takwe a timheho, ni zikozeli zakwe kota pingo ga nzilo:

8 Kanilezi hi Nwana wakwe wa wula,

A xitsamo xa wukosi xa wena, O Nungungulu, xo kala kupinzuka ni kupinzuka; a nhonga ya kululama hi nhonga ya mufumo wa wena.

9 Wena u ranzile a kululama, u bengile a kuonha; hikwalaho Nungungulu, Nungungulu wa wena, i ku totile wena hi mafura ya kutsaka kuhunza laba u hlengeleko nabo.

Mit. 4. 27. & 16. 38.

10 Ni ku, Wena, Hosi, hi kusanguleni u lo bekela a seketelo xa misaba, ni matilo hi mitiro ya mandla ya wena:

11 Ba ta loba; kanilezi wena u simamile: ni bonkle ba ta hlakala ba kota nguwo;

Mat. 24. 35. 2 Pet. 3. 7, 10. Kuv. 21. 11.

12 Kota a xiambalo wena u ta ba songa, kota nguwo,

ba ta hunzuluswa: kani-lezi wena u ywaloye, ni malembe ya wena ma nga ta hluleka.

13 Kanilezi hi wihi a tingelosi ti nga wula ni xihi xikati, Tsama kaga xinene canja ga mina, nzi kala nzi maha a balala ba wena a xikegete xa mikonzo ya wena ke?

Mat. 22. 44. Marku 12. 36. Luka 28. 42. xipm. 3. xip. 10. 12.

14 Ni bona bonkle a hi mimoya yi kozelako, ba runwelwe a kukozela hi kota ya bona laba ba ta ngaga tso-mba ya kuhanyiswa ke?

Mat. 18. 10. Luka 1. 19. & 2. 9, 13. Mit. 12. 7, &c., & 27. 23. Roma 8. 17. Tit. 3. 7. Jam. 2. 5. 1 Pet. 3. 7.

XIPIMO 2.

1 Hikwalaho hina hi fanele ku langutisisa ka lezi zilo hi zi zwileko, hi nga ta kala hi suka ka zona.

2 Hakuba loku leyi mhaka yi nga kanelwa hi tingelosi yi hi zinene ntsena, zonkle zi kungubanyeko ni kungaingisi ku kleliselwe a ncacazelo wa kululama;

Mit. 7. 53. Gal. 3. 19.

3 Hina hi ta pona hi ku yini, loku hi ala a kuhanyiswa loku ka hombe ke? loku ku nga wulwawulwa ku rangula hi Hosi, ku lo tiyiswa ka hina hi labo ba nga kuzwa;

Mat. 4. 17. Marku 1. 14. Luka 1. 2. xip. 1. 2. & 10. 28, 29. & 12. 25.

4 Nungungulu kambe wa maha wukustumunyu zinwo

na bona, hi ziwonekeliso, ni zihlamaliso, ni mintamo ya ntamo, ni zinyikiwo za Mo-ya wo Basa, kota kuranza kakwe yena *nwinyi*.

Marku 16. 20. Mit. 2. 22, 43. & 14. 3. & 19. 11. Roma 15. 18, 19. 1 Kor. 2. 4. & 12. 4, 7, 11. Efe. 1. 5, 9.

- 5 Hakuba a hi ka tingelosi a longiseleleko a tiko gitako, legi hi wulawulako ha gona.

xip. 6. 5. 2 Pet. 3. 13.

- 6 Kanilezi munwani i tiyisile wutsanweni go kari, aku, Xini munhu, lo wa ku kala u mu celawu kota wena? kutani *nwana* wa munhu, loyi wena u mu enzelako ke?

- 7 U lo mu maha tsongwani kuhunza tingelosi; u lo mu bombisa hi xidlodlo xa wukosi ni wudumo, u lo mu maha a fumela a mitiro ya mandla ya wena:

- 8 Wena u lo beka a zilo zonkle ku ti koramisa lahasi ka mikonzo yakwe.

Hakuba hi ka lexo i lo koramisa zonkle zilo ka yena, a nga siyangi ncumo lexi xi nga ti koramisangiko ka yena. Kanilezi a hi woni lezi za ku a zilo zonkle zi ta koramisile ka yena.

Mat. 28. 18. 1 Kor. 15. 25, 27. Efe. 1. 22. xip. 1. 13.

- 9 Kanilezi hina ha mu wona yena loyi a nga mahiwa tsongwani ku hunza tingelosi, yena Jesu, hakuba hi

kuxaniseka ka kufa i lo bombiswa xidlodlo ni wukosi ni wudumo, ni ku hi wuxinji ga Nungungulu i tazwa kufa hi kota ya banhu bonkle.

Joh. 8. 16. & 12. 32. Mit. 2. 23. Roma 5. 18. & 8. 32. 2 Kor. 5. 15. Fil. 2. 7, 8, 9. 1 Tim. 2. 6. 1 Joh. 2. 2. Kuv. 5. 9.

- 10 Hakuba ku mahilwe ha yena, zonkle zilo kakwe, na hi kota yakwe zonkle zilo zi kona, a neha a banana banyingi wukosini, a maha mubangi wa kuhanyiswa kabye, kumbelelisisilwe hi kuxaniseka.

Luka 13. 32. & 24. 46. Mit. 3. 15. & 5. 31. Roma 11. 36. xip. 5. 9. & 12. 2.

- 11 Hakuba ka zonkle hi yena a basisako ni lezi zi basisilweko hi munwe: hakuba yena a nga na tingana a ku ba bitana mba makabye,

Mat. 28. 10. Joh. 20. 17. Mit. 17. 26. Roma 8. 29. xip. 10. 10, 14.

- 12 Aku,

Mina nzi ta tibisa a bitoga wena ka bamakabye, ni xikari ka klangano nzi ta yimbelela kudumisa ka wena.

- 13 Ni kambe, Nzi ta beka kutsumba ka mina ha yena. Ni kambe, Languta, mina na banana laba Nungungulu a nzi nyikileko.

Joh. 10. 29. & 17. 6, 9, 11, 12.

- 14 Cima ka zonake a banana ziabani za nyama ni nkata, na yenawu kambe a wutsumbu gakwe i lo hlengela zalezo; kasi hi kufa wa hlula yena loyi a nga ni ntamo

wa kufa, lezaku ngalo, hi satani;

Joh. 1. 14. Roma 8. 3. 1 Kor. 15. 54, 55. Fil. 2. 7. Kol. 2. 15. 2 Tim. 1. 10.

15 Kasi a fela ku *klaklisa* bonkle laba hi kucaba kufa ka xikati xa kuhanya ka-bye xonkle ba wa ingisa wukumbi.

Luka 1. 74. Roma 8. 15. 2 Tim. 1. 7.

16 Hakuba hizinene a hi tingelosi a komako, kanilezi wa amukela a mbewu ya Abrahamama.

17 Ngahilezo zi lo mu fanela yena a ku zilweni zonkle ku mahwa kota bamakabye bakwe, kasi wa fela ku ba ni titralo a hi a kolekileko a mupristi wa hombe hi zilo za ka Nungungulu, kasi a maha muriheli wa zonho za banhu.

Fil. 2. 7. xip. 4. 15. & 5. 1, 2.

18 Hakuba ka lezo yena wutsumbu a nga xaniseka i lo ringwa, yena wa zi kota a kuhanhisa laba ba ringiwa-ko.

xip. 4. 15, 16. & 5. 2. & 7. 25.

XIIMO 3.

1 Ngahilezo bamakabye bobasa, zihlengeli za kubitwa ko basa, pimani hi Mupostoli ni Mupristi wa Hombe wa kuvumela ka hina, yena Jesu;

Roma 1. 7. & 15. 18. 1 Kor. 1. 2. Efe. 4. 1. Fil. 3. 14. 2 Tesa. 1. 11. 2 Tim. 1. 9. xip. 2. 17. & 4. 14. & 5. 5. & 6. 20. & 8. 1. & 9. 11. & 10. 21. 2 Pet. 1. 10.

2 Loyi a nga kolekile ka loyi a nga mu yimisa, kota lezi

a nga ngaho Mosi ka yindlu yakwe yonkle.

3 Hakuba yena i lo hlayelwa a ku i fanele wudomo ku hunza Mosi, hi zo kota lezi za ku loyi a akako yindlu wa kuma kudzunzwa kuhunza yindlu.

Mat. 16. 18.

4 Hakuba tonkle tiyindlu ti akilwe hi wo kari; kanilezi loyi a akako zilo zonkle hi Nungungulu.

Efe. 2. 10. & 3. 9. xip. 1. 2.

5 Mosi ha kunene i wa lo koleka ndlwini yakwe yonkle kota xitiri, hi ku kustumunya hi zilo lezi zi ta nga wulwawulwa hi le nzako;

xipm. 2.

6 Kanilezi Kristu na hi Nwana, hehla ka yindlu yakwe; yindlu yakwe hi nga hina, loku hi komisisa kutiya ka hina ni wukosi ga kutsumba ka hina gi komisisiwa kala kugumelwa.

Mat. 10. 22. & 24. 13. Roma 5. 2. 1 Kor. 3. 16. & 6. 19. 2 Kor. 6. 16. Efe. 2. 21, 22. Kol. 1. 23. 1 Tim. 3. 15. xipm. 14. xip. 1. 2. & 6. 11. & 10. 85. 1 Pet. 2. 5.

7 Ngahilezo, kota lezi a Moya wo Basa wu wulako,

Nyamukla loku mu tazwa gezu gakwe,

Mit. 1. 16. xipm. 15.

8 Mu nga nonohisi timbilu ta nwina, kota kuzangariseni, kwatsi hi masikwini ya kuringwa xiwuleni,

9 Kungalaho a badadani banwina ba nga nzi ringa mina hi ku zangarisa mina, ba wona mitiro ya

- mina a mune wa maku-me ya malembe.
- 10 Ngahilezo nzi wa zangarile hi xizukulwana lexi, nzi su wula, Bona xonkle xikati ba maha kuhambunyeta timbilwini tabye: kanilezi a ba ti tibangi tindlela ta mina;
- 11 Nzi lo hlambanya hi zanga ya mina, Bona ba nga ta engena kuhumuleni ka mina.
- 12 Klarihani, bamakabye, ku nga ta kala ku hi kona ka munwe wa nwina a mbilu yo biha a ngakolwiko, a nga kule na Nungungulu a hanyako:
- 13 Kanilezi layanani masiku ni masiku, na ka ha bitanwa Nyamukla; ku nga kala a ma nwina a nonohiswa hi kukohlisa ka kuonha:
- 14 Hakuba hina hi bahlengele ba Kristu, loku hi komisisa a kusangula ka kutsumba ka hina hi komisisa kala kugumelwa:
xipm. 6.
- 15 Laha na ha wula, Nyamukla loku mu tazwa gezu gakwe, mu nga nonohisi timbilu ta nwina, kota kuzangariseni.
xipm. 7.
- 16 Hakuba laba, laha na ba zwile, ba lo zangarisa? kokwihi, a hi bona laba a nga huma na Mosi hi le Gipite ke?
- 17 Laba hi bona a nga nengeli-swangi mune wa makume ya malembe ke? a ku wa nga hi bona laba ba nga onha ke, a zirumbi zabye zi lo wela xiwuleni ke?
1 Kor. 10. 5. Jude 5.
- 18 Ka bona a nga hlambanya aku ba nga ta engena kuhumuleni kakwe ka bona laba ba nga kala kuingisa ke?
- 19 Na hina ha wona a ba zi kotangi ku engena hi kota ka kungakolwi kabye.
xip. 4. 6.

XIIMO 4.

- 1 Hikwalaho nga hina hi caba, ku nga ta kala, na tsu- mbiso na wu siyilwe wa ku engena kuhumuleni kakwe. ku nga ta ku munwe wa nwina a kiyelwa ha wona.
xip. 13. 15.
- 2 Hakuba ha kunene hi na ni mahungu yo saseka ma kanelweko ka hina, kota bona: a mhaka ya kuzwa yi lo kala ku ba vuna, hakuba bona a ba klanganiswangi hi kukoleka zinwe ni laba ba nga zizwa.
- 3 Hakuba hina laba hi kolwa- ko ha engena ka loko kuhumula; kwatsi hilezi yena a nga wula,
Kota lezi nzi hlambanya hi zanga ya mina, Ba nga ta engena kuhumuleni ka mina:
hambu lezi mitiro yakwe yi nga nga yi mbetilwe hi le kuseketelweni ka tiko.
xip. 3. 11, 14.
- 4 Hakuba i wulile wutsanwe-

- ni go kari hi siku nklanu wa masiku ni mambiri a ku, Nungungulu i lo humula hi siku ga wunklanu ni mambiri mitirweni yakwe yonkle;
- 5 Ni ka legi wutsamo i ngalo kambe,
Ba nga ta engena kuhumuleni ka mina.
- 6 Hikwalaho na mu wona lezaku banwani ba lo sala ba fela ku engena kona, ni ka bona laba a mahungu ya kutsumbisa laya ma nga kanelwa hi mahlweni ma nga hluleka a ku ba ba engeni ku hakuba hi kunga-ingisi kabye,
xip. 3. 19.
- 7 Kambe yena i engeta kambe a siku go kari, i wula ha Davida a ku, a nzako ka xikati xa hombe, Nyamukla kota lezi zi nga ngaho hi mahlweni,
I nyamukla loku muzwa gezu gakwe, mu nga nonihosi timbilu ta uwina.
xip. 3. 7.
- 8 Hakuba loku Joxua a ba nyikile kuhumula, nga a nzako ka lezo a nga wulangi hi ginwani siku.
- 9 Hikwalaho gi ba salele a sonto ga kuhumula a banhu ba Nungungulu.
- 10 Hakuba yena loyi a engena ko kuhumuleni kakwe a wutsumbu gakwe i na ni kuhumulu mitirweni yakwe, kota Nungungulu a nga maha ka yena.
- 11 Nga hikwalaho hi hlayisisa ku engena ka loka kuhumula, kasi a nga hi kona munhu a welako ka kwa loko kuringanisa ka kunga-ingisi.
xip. 3. 12, 18, 19.
- 12 Hakuba a mhaka ya Nungungulu ya ha hanya, yi ua ntamo, ya kariha kuhunza a supado yo trotika, yi klaba ku kala kuhambanyisa a muhefemulo ni moya, ya ziro ni wongo, yi wonisa a ku alakanya ka mbilu.
1 Kor. 14. 24. 25. 2 Kor. 10. 4, 5 Efe. 6. 17. 1 Pet. 1. 23. Kuv. 1. 16. & 2. 16.
- 13 Hakuba a xi kona ximahwa xi nga wonkeliswangiko mahlweni ka yena: hakuba zonkle zilo zi vululilwe zi bekilwe mahlweni ka mahlo yakwe yena loyi hi ta nga tira ka yena.
- 14 Zonake na hi ni mupristi wa hombe loyi a hunzileko matilweni, Jesu a Nwana wa Nungungulu, nga hi komisisa a kuvumela ka hina.
xip. 3. 1. & 7. 26. & 9. 12, 24. & 10. 23.
- 15 Hakuba hina a hi na mupristi loyi a kalako a nga henyiwi kuzwakala ka kurereka ka hina: kanilezi loyi a nga hi ka konkle i lo ringwa kota hina, na nga hi na kuonha.
Luka 22. 28. 2 Kor. 5. 21. xip. 2. 18. & 7. 26. 1 Pet. 2. 22. 1 Joh. 3. 5.
- 16 Hikwalaho nga hi tsinela kusuhani hi kutiya ka xitsamo xa wukosi xa wuxinji, kasi ha fela ku amukela

a titralo, kasi ha fela ku kuma a wuxinji ga ku hi vuna hi xikati xa ku vumela.
Efe. 2. 18. & 3. 12. xip. 10. 19, 21, 22.

XIPIMO 5.

- 1 Hakuba bonklelele bapristi ba hombe ba tekilwe xikari ka banhu, ba yimiselwa a banhu ka zilo za ka Nungungulu, lezaku a nyikela minyikelo ni mipahlelo ya kuonha:
xip. 2. 17. & 8. 3, 4. & 9. 9. & 10. 11. & 11. 4.
- 2 Ba nga timiseli ka ba ngatibiko ni ka ba hambukileko, hakuba wutsumbu gabye ba ranzelwe hi kurereka;
xip. 2. 18. & 4. 15. & 7. 28.
- 3 Hi ka lexi i bohilwe, kota hi ka banhu, kambe ka wutsumbu gakwe, a pahlela kuonha.
xip. 7. 27. & 9. 7.
- 4 A nga kona munhu tekako kudzunzwa ka wutsumbu gakwe, kanilezi laha na bitanilwe hi Nungungulu, kota yena Aroni.
Joh. 3. 27.
- 5 Lezo Kristu a nga ti dumsangi a wutsumbu gakwe a ku bekwa a wupristi ga hombe, kanilezi loyi a nga wulawula ka yena,
Wena u Nwananga, legi siku nzi lo ku trala wena:
Joh. 8. 54. xip. 1. 5.
- 6 Kota lezi a nga wula ka ginwani a wutsamo.
Wena u mupristi kala kupinzuka, kota ma mahela ya Meikizedeki.
xip. 7. 17, 21.

7 Loyi hi masikwini ya nyama yakwe, na nyikile kombela ni mikongelo i kubitika ka hombe ni mibloti ka yena loyi a nga kota ku mu banyisa kufeni, i lozwa hi xicawo xa wunungungulu xakwe.

Mat. 26. 37, 39, 42, 44, 46, 50, 53. Marku 14. 33, 36, 39. & 15. 34, 37. Luka 22. 43. Joh. 12. 27. & 17. 1.

8 Hambu lezi a nga hi Nwana, kanilezi i lo gonza ku ingisa hi zilo lezi a nga xaniseka ha zona;

Fil. 2. 8. xip. 3. 6.

9 Na mahilwe a mbelele, i maha ka bona bonkle laba ba mu ingisako a xinyikowo xa kuhanya loku ka kupinzuka;

xip. 2. 10. & 11. 40.

10 Na bitanilwe hi Nungungulu a ku mupristi wa hombe hi ma mahela ka Melkizedeki.

xipm. 6. xip. 6. 20.

11 A nga yena hi nga ni zilo zinyingi ku wula, zo tsanza a kuklamusela, na mu wona lezaku nwina mu ziwiri za kuzwa.

Mat. 13. 15. Joh. 16. 12. 2 Pet. 3. 16.

12 Laha hi kota ya lexi xikati mu fanelweko ku maha a bagonzisi, nwina za labeka lezamu a munwani i ta mu gonzisa a zigonziso zo ranga za timhaka ta Nungungulu: mu maha laba ba ha vumalako a masi, na ku nga hi kungaloku ku tiyileko.

1 Kor. 3. 1, 2, 3. xip. 6. 1.

13 Hakuba ba ha gako a masi

a ba yi tibi a mhaka ya kululama, hakuba wa ha hi xinwanana.

1 Kor. 13. 11. & 14. 20. Efe. 4. 14.
1 Pet. 2. 2.

- 14 Kanilezi a kuga kutiyileko ku ka munhu loyi wo nga na tiyele, bona labo hi kota ya ku tobelela a kupima kabye a hambanyisa a kusaseka ni kubiha.

1 Kor. 2. 6, 14, 15. Efe. 4. 13. Fil. 3. 15.

XIIMO 6.

- 1 Ngahilezo a hi miyeleni a ku wulawula hi ndlela yo sangula ya Kristu, hi hunzela kumbeleleni; hi nga ha beki kambe a xiseketelo xa kuhunzuluka mitirweni ya kufa, ni ya kukoleka ka Nungungulu,

Fil. 3. 12, 13, 14. xip. 5. 12. & 9. 14.

- 2 Ya kugonzisa ka kubapatisa, ni ya kubekwa mandla, ni kuvuka hi ka bafleko, ni ya kulamula loku ka kupinzuka.

Mit. 8. 14, 15, 16. 17. & 17. 31, 32. & 19. 4, 5, 6. & 24. 25. Roma 2. 16.

- 3 Loku hi ta ku maha, loku Nungungulu a vumela.

Mit. 18. 21. 1 Kor. 4. 19.

- 4 Hi kumbuka laba ba nga wonkelisilwe na ba ringile a zinyikiwo za le tilweni, ba mahwa a zihlengeli za Moya wo Basa,

Mat. 12. 31, 32. Joh. 4. 10. & 6. 32. Gal. 3. 2, 5. Efe. 2. 8. xip. 2. 4. & 10, 26, 32. 2 Pet. 2. 20, 21. 1 Joh. 5. 16.

- 5 Ba ngazwa a mhaka ya kusaseka ya Nungungulu, ni ntamo wa xikati xi tako,

xip. 2. 5.

- 6 Zonake loku ba nga ba ku-

ngubanyekile, a zi koteki ku ba maha ba hunzuluka kambe; na mu wona lezaku ba lo mu belela a xihanya Nwana wa Nungungulu, ba mu beka yena tinganeni ta hombe.

xip. 10. 29.

- 7 A misaba leyi yi nwako a vula yina ka nyingika yina, yi neha a kubyanyi ka bona laba hi kota ya bona yi rimilwe, yi amukela a kutateka ka le ka Nungungulu:

- 8 Kanilezi loku yi trala mizwa ni makuhu, gi alalilwe gi le kusuhani ni kutsikwa; laba kugelwa ka yona kuswa.

- 9 Kanilezi, baranzekako, hina ha vumeliswa a zilo zine neha nwina, a zilo lezi zi nga ni kuhanyiswa, hambu hina hi wulawula lezo:

- 10 Hakuba Nungungulu a hi loyi a ngalulamangiko a ku ba ta kohlwa hi mitiro ya nwina ni kuranza loku mu ku kombileko bitweni gakwe, lezo mu kozeleko ha zona laba bobasa, ma ha kozeleko.

Mat. 10. 42. & 25. 40. Joh. 13. 20. Roma 3. 4. & 15. 25. 1 Tesa. 1. 3. 2 Kor. 8. 4. & 9. 1, 12. 2 Tesa. 1. 6, 7. 2 Tim. 1. 18.

- 11 Hina ha xuba lezaku munwe ni munwani wa nwina a kombise kwaloku kupima ka kutala ni kutsumba kala kugumelwa:

Kol. 2. 2. xip. 3. 6, 14.

- 12 Kasi mu nga tsami malolo, kanilezi ba pimanyisi ba bo-

na laba hi ku koleka ni kuhonisela ba ta ngaga tsomba ya zitsumbiso.

xip. 10 36.

13 Hakuba laha Nungungulu a mahile a xitsumbiso ka Abrahama, cima a funga na ku nga hi kona wa hombe, i lo hlambanya hi wutsumbu gakwe,

Luka 1. 73.

14 Aku, futsi a kukatekiswa nzi ta katekisa ka wena, hi kuanzisa nzi ta anzisa wena.

15 Zi ngako, na timisisile, i lo kuma a tsumbiso.

16 A banhu ba hlambanya hi wukulu: hi kukanetana konkle kabye kuhlambanya ka tiyiswa ku maheka.

17 Mangabye ha Nungungulu, na alakanya ku wonisa ha hombe nguvu a zitalwa za kungo legi gi nga hi ko ni kawuka, i lo tiyisa hi kuhlambanya:

Roma 11. 29. xip. 11. 9.

18 Hakuba hi zilo zimbiri zi nga kawukiko, lezi zi nga kotekiko ka Nungungulu a ku ba a hemba, hina hi nga ba ni kutiyiswa ka hombe, hina laba hi tsutsumelwe wucabelweni a kukomisisa a kutsumba loku ku nga mahlweni ka hina;

xip. 12. 1.

19 Hi nga nako kota xirikiso xa muhefemulo, a kutsumba ka zinene ni kitiyisa ni kuengena ka lezi zi nga nzeni ka veli;

xip. 9. 7.

20 Kota a xitsutsumi xo ranga Jesu i lo hi engenela hina, na hi mupristi kala kupinzuka hi ma mahela ya Melkizedeki.

xip. 3. 1. & 4. 14. & 5. 6, 10. & 7. 17. & 8. 1. & 9. 24.

HIPIMO 7.

1 Hakuba loyi Melkizedeki, a hosi ya le Selema, a mupristi wa Nungungulu wa le Hehla Hehla, loyi a nga klangana na Abrahama na a wuya hi le ko ya daya ti-hosi, i lo mu katekisa,

2 Ka wihi kambe Abrahama a nga abanyisa ka yena a xipanze xa kume xa zonkle (na hi wa kurangula, hi kuklamuselwa, i Hosi ya kululama, ni kambe i Hosi ya le Selema, loku ku nga ku ngalo, i Hosi ya kurula;

3 Na nga hi na dadani, na nga na mamani, na a nga hi na kokwani, na nga hi na sangula ka masiku hambu ni kugumelwa ka wutoni, kanilezi i mahelwe kota Nwana wa Nungungulu), i tsama mupristi kala kupinzuka.

4 Makunu pimani lezaku i wa hi munhu wa ku yini yena, ywaloye Abrahama, kokwani, a nga mu nyika a xipanze xa kume xa loku a nga ku panga ka hombe.

5 Bona ha kunene mbanana ba Levi laba ba nga kuma a wutsamo ga wupristi kasi kulaywa ku teka a za kume

- za banhu hi kota ya nayo, hi ku ngalo, za bamakabye, hambu lezi laba ba nga huma hi lomo xiwunwini xa Abrahama:
- 6 Kanilezi loyi a ku tralwa kakwe ku nga hlayelwangiko kabye, i lo teka xipanze xa kume xa Abrahama, i lo mu katekisa yena loyi a nga ni tsumbiso.
Roma 4. 13. Gal. 3. 16.
- 7 Kanilezi a ku na kukanetwa a ku ngalo loyi wa tsongwani wa katekisilwe hi loyi nene.
- 8 Mangabye a banhu laba ba fako ba amukela a xipanzi xa kume; kanilezi ku kona munwe, ka yena ku kustumunyilwe a ku wa hannya.
xip. 5. 6. & 6. 20.
- 9 Lezaku, ngalo, hi ka Abrahama nzi wula Levi, loyi a amukelako a za kume i lo riha a za kume;
- 10 Habuka i wa hi lomo xiwunwini xa raru wakwe, laha na klangana na Melkizedeki.
- 11 Makunu loku ku wa hi kona kumbelela hi wupristi ga ba ka Levi (hakuba lahasi ka gona a banhu ba amukele a nayo), ku wa labeka yini lezaku munwani mupristi i ta huma hi ma mahela ka Melkizedeki, a nga hlayelwi kota ma mahela ka Aroni ke?
Gal. 2. 21. xipm. 18, 19. xip. 8. 7.
- 12 Hakuba a wupristi gi hunzulusilwe, ka labeka a kuba kuhunzulwa ni nayo.
- 13 Hakuba yena loyi zi wulako ha yena lezi zilo i wa hi wa linwani lixaka, lolu ku nga hi ko kona a munhu a kozeleko a latini.
- 14 Hakuba zi la su ndlunya a Hosi ya hina yi lo huma hi ka ba Juda; ka lolo lixaka Mosi a nga wulangi ncumo hi mupristi ka lona.
Mat. 1. 3. Luka 3. 33. Roma 1. 3. Kuv. 5. 5.
- 15 Yini hina hi xi wulako xi nga kubaseni ha hombe nguvu, hi ku maha ka Melkizedeki ku lo huma munwani mupristi,
- 16 Loyi a mahilweko, na ku hi nga kulaya loku kufako, kanilezi hi ntamo wa wutomi legi gi ngagumelwiko:
- 17 Hakuba ku lo tiyiswa ha yena,
Wena u mupristi kala kupinzuka ni ma mahela ka Melkizedeki.
xip. 5. 6, 10. & 6. 20.
- 18 Hakuba ku kona a kumbelela ka nayo wa kurangula hakuba hi kurereka ka wona ni kungavuni ka wona
Roma 8. 3. Gal. 4. 9.
- 19 (Hakuba a nayo a wu mahi hi ncumo xi mbelela), kanilezi ku neha a kutsumba kunene, loku ha kona hi tsinelako kusuhani ka Nungungulu.
Mit. 13. 39. Roma 3. 20, 21, 28. & 5. 2. & 8. 3. Gal. 2. 16. & 3. 24. Efe. 2. 18. & 3. 12. xip. 4. 16. & 6. 18. & 8. 6. & 9. 9. & 10. 19.

- 20 Kota lezi ku nga hi lahandle ka kuhlambanya
- 21 (Hakuba bona ha kunene ba mahilwe a bapristi hi lahandle ka kuhlambanya; kanilezi yena i na ni kuhlambanya ha yena loyi a ngamu wula yena,
A Hosi yi lo hlambanya a yi hunzulukangi a wutsumbu ga yona, wena u mupristi kala kupinzuka);
- 22 Hi ka za ku ngahi Jesu kambe i mahwa kutiyiso ka xivumelwano xa zinene.
xip. 8. 6. & 9. 15. & 12. 24.
- 23 Bona ha kunene ba lo mahwa a bapristi banyingi hi kuhlaywa, hakuba hi kufaba lo hungatelwa kusimamiseni:
- 24 Kanilezi yena, hakuba i tsamile kala kupinzuka, a wupristu gakwe a gi na ku hunzulusiwa.
- 25 Ngahilezo wa zi kota a kuhanyisa kwaleyoleyo ha kunene laba ba tsinelako ka Nungungulu ha yena, na mu wona lezaku yena u tsama a ba yimelela bona.
Roma 8. 34. 1 Tim. 2. 5. xip. 9. 24.
1 Joh. 2. 1.
- 26 Hakuba a mupristi wa hombe wa ku ngahi ngwa hina, i basile, a nga na ku onha, a nga na zibi, na a hambanyisilwe ka baonhi, i lo klakuswa kuhunza matilo;
Efe. 1. 20. & 4. 10. xip. 4. 15. & 8. 1.
- 27 A nga labekiko masiku ni

masiku, kota labo bapristi ba hombe, ba nga nyikela a nyikelo wa zonho zakwe kuranga, zonake a wa zonho za banhu: yena lexi i lo xi maha kanwe ku mbetisa, laha na nyikela a wutsumbu gakwe.

Roma 6. 10. xip. 5. 3. & 9. 7, 12, 28. & 10. 12.

- 28 Hakuba a nayo wuhlawula banhu ba maha mupristi wa hombe, na ba hi ni kurereka; kanilezi a mhakaya kuhlambanya, leyi yi nga le nzako ka nayo, yi lo hlawula a Nwana, a mbelelisilwe kala kupinzuka lezo.

xip. 2. 10. & 5. 1, 2, 9.

XIPIMO 8.

- 1 Makunu ka lezi zilo hi zi wulako a xilo xa homba hi lexi: Hi na ni mupristi wa hombe wa ku ngahi, loyi a tsamileko hi le canjeni ga xinene ga xitsamo xa Wukulu matilweni,
Efe. 1. 20. Kol. 3. 1. xip. 1. 3. & 10. 13. & 12. 2.
- 2 A xikozeli xa lezi zo basa, ni wa tabernakeli ga zinene, legi gi nga mahwa hi Hosi, na gi nga mahwangi hi munhu.
xip. 9. 8, 11, 12, 24.
- 3 Hakuba bonklelele a bapristi ba hombe ba yimisilwe a ku nyikela a minyikelo ni kupahlela: ngahilezo ku fanele lezaku na yenawu loyi mupristi wa hombe a hi ni xa ku nyikela ha xona.
Efe. 5. 2. xip. 9. 14.

- 4 Na mu wona laha na ha hi kona misabeni, i wa nga hi mupristi futsi, na mu wona lezaku ba kona a labo ba nyikela kota nayo;
- 5 Labo ba nga kozela hi lezi zi wonekako ni xiruti xa zilo za le tilweni, kota lezi Mosi a nga laywa hi Nungungulu laha na ha laba ku maha a tabernakeli: hakuba, Wona, a ku yena, u mahe zilo zonkle kota lezi ku nga kangetwa ka wena xitsungeni.
Mit. 7. 44. Kol. 2. 17. xip. 9. 23. & 10. 1.
- 6 Kanilezi makunu yena i kumile a kukozela kunene nguvu, hi kota ya lezi mu yimeli wa xivumelwano xinene, lexi xi kegeleko ka zitsumbiso zinene.
2 Kor. 3. 6, 8, 9. xip. 7. 22.
- 7 Hakuba loku lexo xivumelwano xo rangula xi nga hi na nanzu, zonake nga ku nga labyiwi wutsamo hi ka xa wumbiri.
xip. 7. 11, 18.
- 8 Hakuba na sola ka bona, a wula,
Mangabye, masiku mata, ku wula a Hosi, lezaku nzi ta maha xivumelwano xiswa ni yindlu ya Israeli ni yindlu ya Juda;
- 9 Ku nga hi kota a xivumelwano lexi xi nga mahilwe ni bararu babye, lego siku nzi nga ba teka hi canja nzi ba rangulela na ba huma hi le tikweni ga

- Gipite; hakuba a ba si-mamisangi xivumelwani xa mina, a zi yi gongangi, ku wula a Hosi.
10 Hakuba lexi hi xivumelwano lexi nzi ta nga xi maha ni yindlu ya Israeli anzako ka lawo masiku, ku wula a Hosi; nzi ta beka a nayo wa mina kupimeni kabye, ni le timbi-lwini tabye nzi ku yi tsala: ni ka bona nzi ta maha Nungungulu, bona ba ta maha banhu ba mina:
xip. 10. 16.
- 11 Ba nga ta gonzisa loyi ni loyi laba a tsamileko nabo, loyi ni loyi a nakuloye, ba wula, Tiba wena Hosi: hakuba bonkle ba ta nzi tiba, ku suka hi ka ba tsongwanyani ku kala ka laba ba hombe babye.
Joh. 6. 45. 1 Joh. 2. 27.
- 12 Hakuba nzi ta ba ni ribalela a kuonha kabye, a zonho zabye nzi nga ta zi alakanya kambe.
Roma 11. 27. xip. 10. 17.
- 13 Ni ka lezo wa wula, A xivumelwano xiswa, i lo maha le xo ranga a wu kale. Kanilezi lexi xi mahako xa kale xi kosahefe xi le kusuhi ni ku nwalala.
2 Kor. 5. 17.

XIPIMO 9.

- 1 Makunu hambu xivumelwano xo sangula xi wa hi ni mikuwu ya kukozela, ni wutsamo ga kukozela, ga legi tiko.

- 2 Hakuba ku wa hi kona a tabernakeli gi nga longise-lwe, a kurangula, ku wa hi kona a tinhi ta tikandiya, ni meza, ni zibaba zi beki-lweko; leyo yi nga tibya wutzamo go Basa.
- 3 A nzako ka veli ya wumbiri, a tabernakeli legi gi bi-twako go Basa ga ku basa-basa;
xip. 6. 19.
- 4 Ku hi ni xibya xa nzalama xa ku hisa a pepo, ni ngaxa ya xivumelwano yi nameketlwe mklelo wonkle hi nzalama, nzeni ka yona ku wa mbita ya nzalama yi nga beki-lwe kona mana, ni xigomba xa Aroni lexi xi nga hluka, ni timeza ta xivumelwano;
- 5 Le hehla ka wona ku wa hi kona a makerubi ya wukosi ma sirele a xitsamo xa wuxinji; hi ka lezi zilo a hi na ku wulawula makunu ha munwe.
- 6 Makunu lezi zilo zi wa longisela a za ku ngahi, a mupristi i wa simamisa naya le tabernakelini go ranga, a ku ya tira a mitiro ya kukozela;
- 7 Kanilezi ka ga wumbiri a mupristi wa hombe yece, kanwe hi lembe, na nga hi na nkata, lowu a wu nyikelako ka wutsumbu gakwe, ni zihambuko za banhu;
xip. 5. 3. & 7. 27.
- 8 A Moya wo basa wu wa wonisa lezi, a ndlela ya wutsa-
- mo lego yi wa nga se ku wonkeliswa, laha na tabernakeli ga kuranga na ga ha yimile;
Joh. 14. 6. xip. 10. 19, 20.
- 9 Leyi yi nga hi mufananiso wa xikati lexi makunu xi nga kona; hakuba ka nyikelwa a minyikalo ni kupahlela leyi yi nga hiko, ni ku heny'a a mbilu ya loyi a kozelako, yi lulamiswa,
Gal. 3. 31. xip. 7. 18, 19. & 10. 1, 11.
- 10 Na yihi (ya kuga ni kunwa ni kuhlaza kunyingi) a mikuwo ya nyama, yi tsamileko kala xikati xa kulongisela.
Efe. 2. 15. Kol. 2. 16, 20. xip. 7. 16.
- 11 Kanilezi laha Kristu na a cikele a mupristi wa hombe wa zilo zo saseka lezi zi takko, i lo hunza a ya ka gona a tabernakeli le ga hombe gi mbeleleko, na gi nga mahiwangi hi mandla, loku ku nga ku ngalo, a hi ga loku kumaha,
xip. 3. 1. & 8. 2. & 10. 1.
- 12 Na ku nga hi hi nkata wa timbuti ni wa tihonwana, kanilezi hi nkata wakwe wutsumbu, i lo engena ku hi kanwe ha kona bonkle wutsanweni go basa, na kumile a kuklaklisa ka kupinzuka.
Mit. 20. 28. Efe. 1. 7. Kol. 1. 14. ximp. 28, 28. xip. 10. 4, 10. 1 Pet. 1. 19. Kuv. 1. 5. & 5. 9.
- 13 Hakuba loku a nkata wa timbuti ni wa tikuzi, ni kuma ni wa marole wu uwa-tsekele bona laba ba bihisi-

lweko, wu hlaza a kubasisa ka nyama:

- 14 Ku ta ku yini nguvu a nkata wa Kristu, loyi hi Moya wu ngagumesiko i ti nyikela a wutsumbu gakwe na nga hi na kuonha ka Nungungulu, a hlazako a timbilu ta *nwina* mitirweni ya kufa kasi kukozela Nungungulu a hanyako ke?

Luka 1. 74. Roma 1. 4. & 6. 13, 22. Efe. 5. 2. Tit. 2. 14. xip. 1. 3. & 6. 1. & 7. 27. & 10. 22. 1 Pet. 1. 19. & 3. 18. & 4. 2. 1 Joh. 1. 7. Kuv. 1. 5.

- 15 Hi kota ya lexi yena i hi miyimeli wa xivumelwa xiswa, lezaku a kufa na ku wa hi kona hi kuklakliswa ka zikungubanyeko ze lezi zi nga lahasi ka xivumelwano xa kurangula, bona laba ba bitanilweko nga ba amukela a zitsumbiso za tsomba leyi yi nga ni kupinzuka.

Roma 3. 25. & 5. 6. 1 Tim. 2. 5. xip. 3. 1. & 7. 22. & 8. 6. & 12. 24. 1 Pet. 3. 18.

- 16 Hakuba laha yi nga kona xivumelwano, ku fanelwe ku nga ku hi kona a kufa ka loyi a nga yi maha.

- 17 Hakuba xivumelwano xi na ntamo laha ko nga na kufilwe: hakuba a xi na ntamo laha ko nga loyi a nga xi maha na ha hanya ke?

Gal. 3. 15.

- 18 Ngahilezo hambu xivumelwano xi ranga a xi tiyiswango hi lahandle ka nkata.

- 19 Hakuba hambu laha yonkle milayo yi nga nga yi kanelwe hi Mosi ka banhu bo-

nkle kota hi ka nayo, i lo teka a nkata wa tihonwana ni wa timbuti, ni mati ni wuya go *truka* ni hisope, a *nwatsekela* konkle ni buku wutsumbu, ni banhu bonkle, a ku,

- 20 Lowu hi nkata wa xivumelwano lowu Nungungulu a layileko ha *nwina*.

Mat. 26. 28.

- 21 Kambe nguvu a tabernakeli ni zibya zonkle za kukozela a zi *nwatsekelisa* zalezo hi nkata.

- 22 Ni kota hi ka nayo, kutani nza fela ku tekela ku wula, zonkle zi basiswa hi nkata, hi lahandle ka ku halatwa a nkata a ku kona kutsetselelwa.

- 23 Hikwalaho zi wa lo labeka a ziringaniso za zilo za le matilweni zi ta basiswa hi lezi; kanilezi a zilo za le tilweni a wutsumbu ga zonia zi na ni minyikelo yinene kuhunza leyi.

xip. 8. 5.

- 24 Hakuba Kristu a nga engenangi wutsanweni go basa ga ku mahiwa hi mandla, lego gi fanekiliso wa legi gi nene; kanilezi le tilweni wutsumbu ga kona, makunu wa wonekela mahlweni ka ngohe ya Nungungulu ha kota ya hina:

Roma 8. 34. xip. 6. 20. & 7. 25. & 8. 2. 1 Joh. 2. 1.

- 25 Na ku nga hi ku i ta nyikela a wutsumbu zikatikati; kota lezi a mupristi wa ho-

mbe a nga engena wutsa-nweni go basa malembe ni malembe zinwe ni nkata lowu wu nga hi ko wakwe yena nwinyi:

xipm. 7.

- 26 Hakuba loku zi wa ngaho nga a xaniseka cima ka kuseketelwa ka misaba: kanilezi ku hi kanwe leno kugumelweni ka titanga i wonekelisilwe a ku hoxa a kuonha hi kunyikela ka wutsumbu gakwe.

1 Kor. 10. 11. Gal. 4. 4. Efe. 1. 10. xipm. 12. xip. 7. 27. & 10. 10. 1 Pet. 3. 18.

- 27 Nga hi kota lezi ku yimisi-lweko ka banhu a kufa kanwe, a nzaku ka lezi kuta kulamula;

2 Kor. 5. 10. Kuv. 20. 12, 13.

- 28 Lezo Kristu kambe, i lo nyikelwa katiginwe kasi ku rwalo a zonho za banyingi, i ta wonekela hi xikati xa wumbiri, na nga hi na kuonha ka bona laba ba mu rinzeleko, hi kuhanyisweni.

Mat. 26. 28. Roma 5. 15. & 6. 10. Tit. 2. 13. 1 Pet. 2. 24. & 3. 18. 2 Pet. 3. 12. 1 Joh. 3. 5.

XIPIMO 10.

- 1 Hakuba a nayo hi xiruti xa zilo zinene le zi tako, na wu nga hi wona mufanani-so wa zilo cima minyikelo ya ywaleyo ka malembe ni malembe, le ba simamisako ba nyikela na wu nga mbelalisi bona laba ba tsinelako kusuhani.

Kol. 2. 17. xipm. 14. xip. 8. 5. & 9. 9, 11, 23.

- 2 Yi nga taku yi tsika kunyi-

kelwa, hakuba laba bakoze-lako ba basisilwe kanwe, a ba ha hi na mbilu ya kuonha kambe?

- 3 Kanilezi ka kona loko kupahlela a kuonha kalakanywa malembe ni malembe.

xip. 9. 7.

- 4 Hakuba a zi na koteka lezaku a nkata wa tikuzi ni timbuti wa kota ku susa a zonho.

xipm. 11. xip. 9. 13.

- 5 Ngahilezo laha na ata tikweni, wa wula,

A nyikelo ni kupahlela a nga ku ranzi, kanilezi a miri u longiselele mina;

- 6 Yonkle minyikelo yi hisilweko ni mipahlelo ya zonho wena a ku nengeli:

- 7 Zonake nza wula mina, Magabye, nzata (lomo bukwini gi songilweko ku tsalilwe ha mina) a ku maha kuranza ka wena, O Nungungulu.

- 8 Na a wula hi la hehle, A kupahlela ni minyikelo yonkle yo hiswa minyikelo ni mipahlelo ya kuonha wena a ku yi ranzi, a ku tsaki kambe hi ka yona (leyi yi nyikelwako kota hi ka nayo),

- 9 Zonake i te ngalo yena, Mangabye, nzi tile kuta maha kuranza ka wena. I lo susa le za kuranga, kasi wa fela kuyimise le za wumbiri.

- 10 Hi ka loku kuranza hi na hi basisilwe hi kunyikelwa ka

miri wa Jesu Kristu kanwe
hi ka bonkle.

Joh. 17. 19. xip. 9. 12 & 13 12.

- 11 Bonkle bapristi ha kunene
ba yima masiku ni masiku
na ba kozela ba nyikela xi-
kati hi xikati kwaloko ku-
pahlela, loku ku nga hiko
ni ku susa a zonho:
xipm. 4. xip. 7. 27.
- 12 Kanilezi yena, laha na nyi-
kele a kunyikela kunwe ka
zonho zonkle kala kupinzu-
ka, i lo tsama hi ka ga xi-
nene canja ga Nungungulu;
Kol. 3. 1. xip. 1. 3.
- 13 Ku sukela lezo ku langute-
kile lezaku a balala bakwe
ba maha a xikegetelo xa
mikonzo yakwe.
Mit. 2. 35. 1 Kor. 15. 25. xip. 1. 13.
- 14 Hakuba hi nyikelo munwe
yena i mbelelisile kala kupi-
nzuka bona laba ba basisi-
lweko.
xipm. 1.
- 15 A Moya wa Basa kambe wa
maha wukustumunyu ka
hina: hakuba a nzako na
yena na wulile,
- 16 Lexi hi xivumelwano nzi
ta nga xi maha na bona
anzako ka lawo masiku,
ku wula a Hosi; nzi ta
beka milayo ya mina ti-
mbilwini tabye, ni kupi-
meni kabye mina nzi ta
ku yi tsala;
zonake a ku yena,
xip. 8. 10, 12.
- 17 A zonho zabye ni kubiha
nzi nga ta alakanya ka-
mbe.
- 18 Makunu loku laha kutsetse-
- lelwa ka lezi ku hi lezi, a ka
hi kona a pahlela ka kuo-
nha.
- 19 Hikwalaho na hi hi ni le-
zi, bamakabye, kutiyisa ku
engena wutsanweni go basa
hi nkata wa Jesu,
Roma 5. 2. Efe. 2. 18. & 3. 12. xip.
9. 8, 12.
- 20 Hi ndlela leyi a yi longise-
leleko hina, a ndlela ya ku-
hanya kuswa, hi veli, loko
ku hi ngalo, hi nyama ya-
kwe;
Joh. 10. 9. & 14. 6. xip. 9. 3, 8.
- 21 Na hi hi ni mupristi wa ho-
mbe hehla ka yindlu ya Nu-
ngungulu;
1 Tim. 3. 15. xip. 4. 14.
- 22 Nga hi tsinela ku suhani na
hi ni mbilu tinene ni kutala
ka kukoleka, na mbilu ta
hina ti nwatsekelwe ka ti-
mbilu ti biha, ni mimiriy
hina yi hlazilwe hi mati ma
hlazekileko:
2 Kor. 7. 1. Efe. 3. 12. xip. 4. 16. &
9. 14. Jam. 1. 6. 1 Joh. 3. 21.
- 23 Nga hi komisisa a kuvume-
la ka kutsumba ka hina ka-
si ku nga gukliswi; hakuba
i tsumbekile loyi a nga tsu-
mbisa:
1 Kor. 1. 9. & 10. 13. 1 Tesa. 5. 24.
2 Tesa. 3. 3. xip. 4. 14. & 11. 11.
- 24 Nga hi pina munwe ni mu-
nwani kasi ha vuxelana
kuranza ni mitiro yosase-
ka;
- 25 Hi nga tsiki kuklangana a
wutsumbu ga hina kati gi-
nwe, kota wu nga mukuwo
wa banwani, kanilezi hi la-
yana; ha hombe nguvu

kota lezi mu wonako a masiku ku tsinela kusuhanani.

Mit. 2. 42. Roma 13. 11. Fil. 4. 5.
2 Pet. 3. 9, 11, 14. Jude 19.

- 26 Hakuba loku hi onha ha womu a nzako hakuba hi tiba a zinene, a wa ha hi kona a munyikelo wa zonho,

xip. 6. 4. 2 Pet. 2. 20, 21.

- 27 Kanilezi hi cikelelwa hi kukoneka loku kucabekako, ni pingo ga nzilo legi gi ta nga kadamula a balala.

2 Tesa. 1. 8. xip. 12. 29.

- 28 A munhu loyi a kanyisako a nayo wa Mosi i dawa na nga zwelwangi wuxinji hi mhaka ya bambiri kutani banharu bukustumunyu:

Mat. 18. 16. Joh. 8. 17. 2 Kor. 13. 1.
xip. 2. 2.

- 29 Hi ka ku yini kuxaniseka xana, alakanyani nwina, i ta lamulwa hi ku faneleko ke, loyi a kanziyelako lahasi ka mikonzo a Nwana wa Nungungulu ke, a hlayelako a nkata wa xivumelwano, lowu a nga nyikelwa ha wona, a hi xilo xo basa, a kanyisa a Moya wa wuxinji ke?

Mat. 12. 31, 32. 1 Kor. 11. 29. Efe. 4. 30. xip. 2. 3. & 12. 25. & 13. 20.

- 30 Hakuba hina ha mu tiba loyi a nga wula, A kupota ku hi ka mina, mina nzi ta klelisela. Ni kambe, A Hosi yi ta lamula a banhu bakwe.

Roma 12. 19.

- 31 Ku hi xilo xi cabekako a ku wela mandleni ya Nungungulu a hanyako.

Luka 12. 5.

- 32 Kanilezi alakanyani a masiku ma hunzileko, a ka wona, anzako na mu wonekelisilwe, mu honisela mu lozwa kuxaniswa ka hombe;

Gal. 3. 4. Fil. 1. 29, 30. Kol. 2. 1.
xip. 6. 4. 2 Joh. 8.

- 33 Hi klelo, hakuba mu lo mahwa mu wonwa hi kuru kwa ni kuxaniseka; na hi klelo, mu lo maha zihlengeli zinwe nabo laba ba mahiswako lezi.

1 Kor. 4. 9. Fil. 1. 7. & 4. 14. 1 Tesa. 2. 14.

- 34 Hakuba kambe mu na ni titralo ka bona laba ba bohilweko, mu lo tsaka laha na mu pangwa mipfuno ya nwina, na mu zi tiba a wutsumbu ga nwina lezaku mu na ni kufuma kunene ku tsamako kunwe tsoma.

Mat. 5. 12. & 6. 20. & 19. 21. Luka 12. 33. Mit. 5. 41. Fil. 1. 7. 1 Tim. 6. 19. 2 Tim. 1. 16. Jam. 1. 2.

- 35 Hikwalaho mu nga hoxi kule a ku tiyisa ka nwina, loku ku na nga ni kukleliselwa a ncacazelo wa hombe.

Mat. 5. 12. & 10. 32.

- 36 Hakuba za labeka lezaku nga mu hi ni kutimisela, lezi mu mahile kuranza ka Nungungulu, kasi ma fela ku amukela a xitsumbiso.

Luka 21. 19. Gal. 6. 9. Kol. 3. 24. xip. 9. 15. & 12. 1. 1 Pet. 1. 9.

- 37 Hakuba hi xikatana xitsongwanyani, loyi a tako i tata, a nga ta hlwela.

Luka 18. 8. 2 Pet. 3. 9.

- 38 Kanilezi laba ba mina bo lulama ba ta hanya hi ku-

koleka: kani loku a *klela* le nzako, a mbilu yamina yi nga ta ba na kutsaka ha yena.

Roma 1. 17. Gal. 3. 11.

- 39 Kanilezi hina a hi ba bona laba ba *klelelako* nzako le kuhoxweni; kanilezi hi ka bona laba ba nga ni kukoleka loku ka ku hanyiswa ka timbilu.

Mit. 16. 30, 31. 1 Tessa. 5. 9. 2 Tessa. 2. 14. 1 Pet. 2. 20, 21.

XIPIMO 11.

- 1 Makunu a kukoleka ku hi kutsumba a zilo zi xubiwa-ko, a kuxuba a zilo zi nga woniwiko.

Roma 8. 24, 25. 2 Kor. 4. 18. & 5. 7.

- 2 Hakuba hi ka kona a bakale ba na ni wukustumunyu gi nga *tralwa* ka bona

xipm. 39.

- 3 Hi kukoleka hina hi lo zi pima lezaku a matiko ma lo akiwa hi mhaka ya Nungungulu, zi ngaho lezi zi wonwako a zi mahwangi hi zilo zi wonekako.

Joh. 1. 3. xip. 1. 2. 2 Pet. 3. 5.

- 4 Hi kukoleka Abela i lo nyikela ka Nungungulu a munyikelo wunene ku hunza Kana, hi ka wona ku lo mahiwa a wukustumunyu ga ku i lulamile, Nungungulu wa maha wukustumunyu hi kuvumela a munyikelo wakwe: ha wona hambu lezi a fileko wa ha wulawula.

Mat. 23. 35. xip. 12. 24. 1 Joh. 3. 12.

- 5 Hi kukoleka Enoke i lo jajekwa kasi a nga woni ku-

fa; i wa nga kumiwangi hakuba Nungungulu i lo mujajeka: hakuba hi mahlweni ka kujajekwa kakwe i wa lo mahelwa wukustumunyu lezaku wa tsakisa kwatsi ka Nungungulu:

- 6 Hakuba hi lehandle ka kukoleka a zi koteki ku tsakisa yena: hakuba loyi a tako ka Nungungulu nga a kolwa lezaku yena hi yena, lezaku yena hi mucacazeli wa bona laba ba labako yena.

- 7 Hi kukoleka Noa, na a layilwe hi Nungungulu hi kota ya zilo zi nga woniwiko lezi, i lo ninginiswa hi xicawu xa wungungulu, i lo longisa a ntaru kasi ku harryisa yindlu yakwe; hi lexo yena i lo kona tiko, i lo maha xitralwa xa kululama loku ku nga ka kukoleka.

Roma 3. 22. & 4. 13. Fil. 3. 9. 1 Pet. 3. 20.

- 8 Hi kukoleka Abrahamah, laha na bitanilwe, i lo ingisa a ku famba ka lego wutsamo a nga ta gi amukela ku maha a tsomba: yena i lo famba, na nga ku tibi laha a yako kona.

Mit. 7. 2, 3, 4.

- 9 Hi kukoleka i lo maha mu-
pfumba tikweni ga kutsu-
mbiswa, kota a tiko gi nga
hiko gakwe, i lo tsama lomo
mixaxeni, zinawe na Isaka
na Jakobe, ni zitralwa zinwe
naye za xwalexi xi tsumbi-
so:

xip. 6. 17.

- 10 Hakuba i lo cuwuka a muti lowu wu nga ni xiseketelo, lowu a muaki a nga Nungungulu.
xip. 8. 4. & 12. 22. & 13. 14. Kuv. 21. 2, 10.
- 11 Hi kukoleka yena Sara a wutsumbu gakwe i lo kuma ntamo wa wa xura nyimba ya mbewu na hi wa kale xikati xakwe, cima a nga tsumba ku ngalo i kolekile loyi a tsumbisileko:
Luka 1. 36. Roma 4. 21. xip. 10. 23.
- 12 Hikwalaho ku lo huma ka yena munwe, loyi a fileko hi kutela, mbanyingi ba kota a wunyingi ga tinyeleti ta tilo, ba kota a seke ka le fungwini wa bimbi, ba nga hiko na kuhlaywa.
Roma 4. 18, 19.
- 13 Laba bonkle ba lofa kukolekeni, na ba nga amukelangi a zitsumbiso, kanilezi na ba zi wonile zona na zi hi kule, na ba vumele lezaku bona ba hi bapfumba ni baenzi laha misabeni.
Joh. 8. 56. xipm. 27, 39. 1 Pet. 1. 17. & 2. 11.
- 14 Hakuba laba ba wulako a za ku ngahi zilo ba wonekelisa ku ngalo ba gi laba a tiko ga bona benyi.
xip. 13. 14.
- 15 Loku ha kunene bona ba wa gi labile lego tiko ba suka ka gona, nga ba kumile kambe a xikati xa ku wuya.
- 16 Kanilezi makunu ba lo xuba a tiko gi nene, le ga ku ngalo, le ga le tilweni: ngahilezo Nungungulu a nga na tingana ha bona, a ku bitwa a ku Nungungulu ngwabye: hakuba i ba longisilele bona a muti.
Mat. 22. 32. Mlt. 7. 32. Fil. 3. 20. xip. 13. 14.
- 17 Kanilezi Abrahamana, na ringilwe, i lo pahlela ha Isaka: ina, yena loyi a nga amukela a zitsumbiso ha yena hi hi kutsaka i lo mu nyikela a nwana wakwe a treleko yece;
Jam. 2. 21.
- 18 Yena loyi ku nga wulilwe ha yena ku ngalo, Hi ka Isaka a mbewu ya wena yi ta bitanwa:
Roma 9. 7.
- 19 A ku lezako Nungungulu a zi kotako a ku vuxa, kona ka bafleko; ka zalezo ke i lo maha ku mu amukela le nzako hi kufananisa.
Roma 4. 17, 19, 21.
- 20 Hi kukoleka Isaka i lo katekisa Jakobe na Esau, kona ka zilo zi tako.
- 21 Hi kukoleka Jakobe, laha na afa, i lo katekisa a banana ba Josefa bona bambiri; i lo kombela na kegele hehla ka xigomba xakwe.
- 22 Hi kukoleka Josefa, laha na kugumelwa kakwe kutsinele, i lo alakanyisa hi suka ka banana ba Israeli; i lo nyika kulaya hi marambu yakwe.
- 23 Hi kukoleka Mosi, laha na trelwe, i lo fihlwa tihweti ti nharu hi batrali ba yena, hakuba ba lo wona lezaku i

wa hi nwanana loyi a sasekileko; a ba cabangi hi kulaya ka hosi.

Mit. 7. 20.

Hi kukoleka Mosi, laha na kulile, i lo ala ku bitanwa a ku i nwanana wa nhwana wa Faro.

5 Na a hlawula ku komiwa hi kubiha zinwe ni banhu ba ka Nungungulu kuhunza kutsaka ka kuonha a xikatanyana;

6 I lo hlayela a ku kurukatelwa hi kota ya Kristu ku hi kufuma ka hombe ku hunza a pfuno wa Gipite: hakuba yena i lo cuwuka a kukleliselwa a ncacazelo.

xlp. 10. 35. & 13. 13.

27 Hi kukoleka i lo suka le Gipite, na nga cabi a zanga ya hosi: hakuba yena i lo timisela, kota lezi a nga wona loyi a nga woneki-ko.

xlpm. 13.

28 Hi kukoleka i lo gongola a pasika, ni kunwatsekelwa ka nkata, kasi a mudayi wa matewula a nga ba henyi bona.

29 Hi kukoleka ba lo tsemakanya a bimbi go truka kota misaba yi omileko: a ba le Gipite ba wa lo ringa ku maha ba lo mitwa.

30 Hi kukoleka a kurisi ga le Jeriko gi lowa, anzako na ba gi renzelekele a nklanu ni mambiri masiku.

31 Hi kukoleka Rahabi xibayi a nga fangi nabo laba ba

nga ingisangiko, na amukelile a tihloli hi kurula.

Jam. 2. 25.

32 Xana nza ha ta wula yini kambe ke? hakuba a xi enele a xikati a kuba nzi wulawula ha Gideoni, na Baraki, na Samsoni, na Jafete; na Davida na Samueli ni baprofeti:

33 Laba hi kukoleka ba lo hlula mifumo, ba lo tira kululama, ba lo kuma zitsumbiso, ba lo vala milomu ya tingala,

34 Ba lo tima a ntamo wa nzi-
lo, ba pona a wukla ga tisupado, kurerekeni ba lo mahiswa kutiya, ba lo maha tinhenha kulweni, ba lo hlula a tiyimpi ta ba matiko.

35 A ba basati ba amukeliswa a bafileko babye hi kuvuxwa: a banwani ba lo xaniswa, ba nga vumeli ku amukela kuklaklisa kabye; kasi ba fela ku kuma a kuvuka kunene:

Mit. 22. 25.

36 A banwani ba lo ringwa hi kutseketselwa ni kubiwa, ina, nguvunguvu ba lo konwa ba engeniswa mapaxweni:

37 Ba lo gandlwa hi maribye, ba lo sahwa hi hi tisaruti, ba xengwa, ba lo dawa hi supado: ba lo nzulanzula ba ambele a dzowo ya tiyivi, ni timbuti; ba lo vumala, ba lo xaniswa, ba komiwa hi kubiha

Mat. 3. 4. Mit. 7. 58. & 14. 19.

- 38 (A tiko gi wa nga ha fanelangi), ba lo penga lomo ziwuleni ni zitsungeni ni mikoboklweni, ni timhakweni ta misaba.
- 39 Ni laba bonkle, na ba mahelwe wukustumu ka bona hi kukoleka kabye, a ba amukelangi a xitsumbiso,
xipm. 2, 13.
- 40 Na Nungungulu na longiselele a zilo zinene ka hina, lezaku na ba hambene na hina ba nga mbeleli.
xip. 5, 9, & 7, 22, & 8, 6, & 12, 23. Kuv. 6, 11.

XIPIMO 12.

- 1 Hikwalaho nga hina kambe, na hi wona lezaku hi ranzelwe hi marefu yo tala ya ba kustumunyu, a hi hoxe lezi zi binzako zonkle, ni kuonha loku ku hi tindikisako hina, nga hi tsutsuma a kudawula loku ku bekilweko mahlweni ka hina,
1 Kor. 9, 24. Fil. 3, 13, 14. Roma 12, 12. Kol. 3, 8. xip. 10, 36. 1 Pet. 2, 1.
- 2 Na hi cuwuka ka Jesu a mumahi ni mumbelisi wa kukoleka ka hina, loyi hi hi kutsaka loku ku nga bekwa mahlweni kakwe i lo timisela a xihambano, a nga katali hi tingana, i tsamile hi ka ga xinene canja ga tsamo xa wukosi xa Nungungulu.
Luka 24, 26. Fil. 2, 8, &c. xip. 1, 3, 13, & 8, 1. 1 Pet. 1, 11, & 3, 22.
- 3 Pimani ha yena loyi a nga honisela a kurukwa ka ku ngahi ka zionhi wutsumbu

ga zona, kasi nwina mu nga rereki, mu mbela ntamo mihefemulweni ya nwina.

Mat. 10, 24, 25. Joh. 15, 20. Gal. 6, 9.

- 4 Mu se ku komisisa ku kala le nkateni, hi kulwa ni kuonha:

1 Kor. 10, 13. xip. 10, 32, 33, 34.

- 5 Mu kohlilwe ke hi kulaya, loku ku wulawulako ka nwina kota ka banana,

Nwananga, u nga tsiki a kutsayisa ka Hosi, u nga karali laha na u wulawulwa ha yona;

- 6 Hakuba loyi a mu ranzako a Hosi wa mu tsayisa, yi baba a banana bonkle laba yi ba amukelako.

Jam. 1, 12. Kuv. 3, 19.

- 7 Loku hi kutsayiswa loku mu timiselelako; Nungungulu i maha ka nwina kwatsi hi banana; hakuba i kwihi nwanana loyi a raru wakwe a nga mu tsayisiko ke?

- 8 Kanilezi loku nwina mu nga tsayisiwi, ha zoneke bonkle ba mahilwe zihle ngeli, zonake mu mikova, a mu banana.

1 Pet. 5, 9.

- 9 Futsi kambe, hi na ni badadani ba nyama ya hina ba ku hi tsayisa hina, hina hi lo ba dzunza: a hi nga hunzisa nguvu ka Dadani wa mimoya, hi hanya ke?

- 10 Hakuba ha kunene bona ba hi tsayisa xikatana kota lezi zi sasekileko kabye; kani-lezi yena hi kuvuna ka hina,

kasi hina ha fela ku hlenge-
la a kubasa kakwe.

1 Pet. 1. 15, 16.

Konkle a kutsayiswa loku
ku nga kona ku nga ku nga
tsakisi, kanilezi ku zangari-
sa : na ku nga hi le nzako
ku trala a mihanzi ya kurula
ka bona laba ba nga kari
ba tsayiswa, yina a miha-
nzo ya kululama.

Jam. 3. 18.

2 Ngahilezo klakusani a ma-
ndla laya ma guklaguklako
ni madzolo laya ma hleka-
hleakako ;

3 Mu maha tindlela to lulama
ta mikonzo ya nwina, kasi
laba ba kwitako ba nga ha-
mbuki ndleleni, kanilezi ba
hanyiswa.

Gal. 6. 1.

14 Lanzelani kurula ni banhu
bonkle, ni kubasiswa loku
ku nga woniwiko hi munhu
yena Hosi :

Mat. 5. 8. Roma 12. 18. & 14. 19.
2 Kor. 7. 1. Efe. 5. 5. 2 Tim. 2. 22.

15 Mu cuwukisisa ku nga taku
a hi kona munhu a kiyele-
lako a wuxinji ga Nungu-
ngulu ; ku ngaku a mutsu
wa kubaba wu mila wu mu
xanisa nwina, na hi wona a
banyingi ba onhakaliswa ;

2 Kor. 6. 1. Gal. 5. 4. xip. 3. 12.

16 Ku ngata kala ku hi kona
a xibayi, ni munhu wa ma-
fentya, kota Esau loyi hi xi-
kemu xa kuga i lo xabisa a
wutewula gakwe.

Efe. 5. 3. Kol. 3. 5. 1 Tesa. 4. 3.

17 Hakuba ma zi tiba hambu
lezi hi le nzako a nga la-

ba a kuga a tsomba ya
kukatekiswa, i lo kane-
twa (hakuba a ka ha hu-
nzuluswangi), hambu lezi a
nga hlayisisa nguvu ku ku-
laba hi mohloti.

xip. 6. 6.

18 Hakuba a mu se kuta xi-
tsungeni lexi xi felako ku
henyiwa, ni kuswako hi
nzilo, ni le ntimeni, ni le
munyani, ni le ma wu-
nweni,

Roma 6. 14. & 8. 15. 2 Tim. 1. 7.

19 Ni ku yimba ka punzu, ni
gezu ga timhaka ; legi gezu
laba ba gi zwileko ba alako
baku a ku nga kanilwi a
mhaka kanibe ka bona :

20 Hakuba ba wa nga ni kuti-
misela lezi zi nga layilwe,
Loku a xihari xi heny a
xitsunga xi ta ganglwa hi
maribye ;

21 Lezo a kucabeka ku wa ku-
wonekeliswa, loku Mosi a
nga wula, Nzi na ni hlane-
kero ni kura dlama :

22 Kanilezi nwina mi tile xi-
tsungeni xa Zioni, ni le
mutini wa Nungungulu a
hanyako, a Jerusalema ga le
tilweni, ni ka tingelosi ti
nga hlayiwiko,

Gal. 4. 26. Fil. 3. 20. Kuv. 3. 12. & 21.
2. 10. Jude 14.

23 Ni le mu klanganweni lowu
wa hombe ni ceci ya mate-
wula yi hlayelweko le tilwe-
ni, ni ka Nungungulu a
Mulamuli wa bonkle, ni ka
mimoya ya banhu bo lula-
ma yi lulamiswa,

Luka 10. 20. Fil. 3. 12. & 4. 3. xip.

11. 40. Jam. 1. 18. Kuv. 13. 8. & 14. 4.

24 Ni ka Jesu a muyimeli wa xivumelwano xiswa, ni ka nkata wu *nwatsekelweko* wu wulawulako zinene ku hunza a wa Abela.

xip. 8. 6. & 9. 15. & 10. 22. & 11. 4. 1 Pet. 1. 2.

25 Cuwukani a ku kala mu nga mu ali loyi a wulawulako. Hakuba loku bona ba nga ponangi, laha na alile loyi a nga ba laya laha misabeni, nguvu ka hina a hi nga ta pona, loku hi mu fularela loku a hi layako le tilweno :

xip. 2. 2, 3. & 3. 17. & 10. 28, 29.

26 Loyi a gezu gakwe zonake gi nga tsekatsekisa a misaba : kanilezi makunu i tsumbisile, aku, A nzi nga engeta nzi tsekatsekisa misaba kambe yoce, kanilezi ni tilo kambe.

27 Ni leyi a mhaka, Nzi engeta kambe, ku wonisa hi ku mbuluka ka lezi zilo zi hlekahlekisilweko, kota lezi zi nga zilo zi mahilweko, kasi lezi zilo zi ta kala kutsekatsekiswa zi ta sala.

Mat. 24. 35. 2 Pet. 3. 10. Kuv. 21. 1.

28 Ngahilezo, na hi amukele a mufumo lowu wu nga hi ko ni tsekatsekiswa, nga hi hi ni wuxinji, legi hi ta nga nyikela ha gona a munyikelo wu tsakisako ka Nungungulu zinwe ni xicawo ni kuxalala :

29 Hakuba Nungungulu u hi nzilo wu hisako.

2 Tesa. 1. 8. xip. 10. 27.

XIPIMO 13.

1 Nga kuranza ka bamakabye ku simamisa.

Roma 12. 10. 1 Tesa. 4. 9. 1 Pet. 1. 22. & 2. 17. & 3. 8. & 4. 8. 2 Pet. 1. 7. 1 Joh. 3. 11, &c. & 4. 7, 20, 21.

2 Mu nga ribali ku koma kwatsi a bapfumba, hakuba hi lexi banwani ba lo amukela a tingelosi na ba nga tibi.

Mat. 25. 35. Roma 12. 13. 1 Tim. 3. 2. 1 Pet. 4. 9.

3 Alakanyani bona laba ba kotsilweko, kwatsi mu konwa zinwe nabo ; ni laba ba komiwako hi kubiha, mu kwatsi *nwinawu* kambe mu lomo mirini.

Mat. 25. 36. Roma 12. 15. 1 Kor. 12. 26. Kol. 4. 18. 1 Pet. 3. 8.

4 A kutekana ku sasekile ka banhu bonkle, nga ni sangu gi nga hi na zibi : hakuba a zibayi ni zirembi Nungungulu i ta zi lamula.

1 Kor. 6. 9. Gal. 5. 19, 21. Efe. 5. 5. Kol. 3. 5, 6. Kuv. 22. 15.

5 Nga *nwina* mu *klakleka* kuranzeni ka mali ; eneliswani hi lezi zilo mu nga nazo : hakuba a wutsumbu gakwe wa wula, A ku nzi nga ta hluleka ha wena, kani hi ka yini a nzi nga tsika wena.

Mat. 6. 25, 34. Fil. 4. 11, 12. 1 Tim. 6. 6, 8.

6 Nga hi zona hi ku tiyahлана ha wula,

A Hosi hi muvuni wa mina ; mina a nzi nga ta caba : xini a ta nga xi maha munhu ka mina ke!

7 Alakanyani laba ba fumi-

leko hehla ka nwina, laba ba wulawulako ka nwina a mhaka ya Nungungulu; mu pimisisa hi ku famba ka kuhanya kabye, mu ringanisa kukoleka kabye.

xipm. 17. xip. 6. 12.

8 Jesu Kristu hi ywaloyi wa tolo nu nyamukla, ina kala kupinzuka.

Joh. 8. 58. xip. 1. 12. Kuv. 1. 4.

9 Mu nga hambukiswi hi tixaka tiningi ta kugonzisa ka banhu: hakuba zi sasekile lezaku a mbilu yi yimiswa hi wuxinji; na ku nga hi kuga, loku laba ba ku labisisako ku nga ba vunangiko.

Roma 14. 17. Efe. 4. 14. & 5. 6. Kol. 2. 4, 8, 16. 1 Tim. 4. 3. 1 Joh. 4. 1.

10 Hina ni alati, laha ba nga faneliko ku nga ba gela kona, laba ba kozelako tabernakeli.

1 Kor. 9. 13. & 10. 18.

11 Hakuba a mimiri ya zihari lezo, lezi a nkata wa zona wu nga nehwa lomo wutsa nweni gi hi mupristi wa hombe kota munyikelo wa kuonha, zi wa hiswa le handle ka gobela.

12 Ngahilezo Jesu kambe, kasi a fela ku basisa hi nkata wa nwinyi, i lo xaniseka lehandle ka nyangwa.

Joh. 19. 17, 18. Mt. 7. 58.

13 Nga hina hikwalaho hiya ka yena lehandle ka gobela, na hi rwele kurukwe kakwe.

xip. 11. 26. 1 Pet. 4. 14.

14 Hakuba laha hina a hi na muti wa ku tsama, kanilezi

hi laba muti lowu wu ta nga ta.

Fil. 3. 20. xip. 11. 10, 16. & 12. 22.

15 Hi kota yena nga hi nyikela a nyikelo wa kubonga ka Nungungulu hi simamisisa, lezaku ngalo, a mihanzo ya milomu leyi yi vumelako bito ga yena.

Efe. 5. 20. 1 Pet. 2. 5.

16 Kanilezi a ku maha kusasa ni kuwulawula hi nga kohlwi: hakuba hi minyikelo ya ku ngahi Nungungulu wa tsakiswa kwatsi.

Roma 12. 13. 2 Kor. 9. 12. Fil. 4. 18. xip. 6. 10.

17 Mu ba ingisa laba ba mu fumeleko, mu koza ka bona: hakuba bona ba rinzela a mihefemulo ya nwina, kwatsi bona ba ta nga tsanza; kasi ba fela ku maha lezi hi kutsaka, na ku nga hi hi kulo: hakuba lezi zi nga vuni ncumo ka nwina.

Mt. 20. 26, 28. Fil. 2. 29. 1 Tesa. 5. 12. 1 Tim. 5. 17. xipm. 7.

18 Hi kombeleleni hina: ha hi kurumetilwe lezo hi na ni timbilu to saseka na hi xuba kuhanya hi titralo ka zilo zonkle.

Mt. 23. 1. & 24. 16. Roma 15. 30. 2 Kor. 1. 12. Efe. 6. 19. Kol. 4. 3. 1 Tesa. 5. 25. 2 Tesa. 3. 1.

19 Nza mu laya ha hombe nguvu a ku maha lezi, kasi nza wuyiselwa ka nwina loku loku.

File. 22.

20 Makunu Nungungulu wa kurula, loyi a hi wuyisileko kambe hi ka bafileko a mu-

risi wa hombe wa tiyivi na hi nkata wa xivumelwano xa kupinzuka, yena a Hosi ya hina Jesu,

Joh. 10. 11, 14. Mit. 2. 24, 32. Roma 4. 24. & 8. 11. & 15. 33. 1 Kor. 6. 14. & 15. 15. 2 Kor. 4. 14. Gal. 1. 1. Kol. 2. 12. 1 Tesa. 1. 10. & 5. 23. xip. 10. 29. 1 Pet. 1. 21. & 2. 25. & 5. 4.

21 A mu mahe mu mbelela ka zilo zonkle zo saseka a ku maha kuranza kakwe, na tira ka hina lezi zi tsakisako mahlweni yakwe, hi Jesu Kristu; ka yena nga ku hi kona a wukoso kala kupinzuka ni kupinzuka. Amen.

Gal. 1. 5. Fil. 2. 13. 2 Tesa. 2. 17. 2 Tim. 4. 18. 1 Pet. 5. 10. Kuv. 1. 6.

22 Kanilezi nza mu laya nwi-

na, bamakabye, rwalani a mhaka ya kulaywa: hakuba nzi tsalile ka nwina hi timhaka ti tsongwani.

1 Pet. 5. 12.

23 Mu tiba lezaku a makabye wa kina Timote i klaklisi-lwe; loku ata zalezi, nzi ta mu wona nwina na yena.

1 Tesa. 3. 2. 1 Tim. 6. 12.

24 Ba runguleni laba ba mu fumeleko, ni bonkla laba bobasa. Laba ba le Italia ba mu rungula.

xipm. 7, 17.

25 A wuxinji a gi be ka nwi-na nwenkle. Amen.

Tit. 3. 15.

I PAPILO GA JAMESI.

XIPIMO 1.

1 Jamesi, a nanza ga Nungungulu ni ga Hosi Jesu Kristu, ka kume ga tixaka ni timbiri ti hangalakileko nza ti rungula.

Joh. 7. 35. Mit. 2. 5. & 8. 1. & 12. 17. & 15. 13. & 26. 7. Gal. 1. 19. & 2. 9. Tit. 1. 1. 1 Pet. 1. 1. Jude 1.

2 Nga mu wula ku kutsaka konkle, bamakabye, laha na mu cikelelwa hi wunyingi ga kuringwa;

Mat. 5. 12. Mit. 5. 41. Heb. 10. 34. 1 Pet. 1. 6. & 4. 13, 16.

3 Na mu tiba lezaku a kutala

ka kukoleka ka nwina ku maha ku honisela.

Roma 5. 3.

4 Nga kuhonisela ku hi ni kutira kumbeleleko, kasi ma mbeleliwa futsi, mu nga vumali ncumo.

5 Kanilezi loku a nga a hi kona wa nwina a vumalako kuklariha, nga a kombela ka Nungungulu, loyi a nyikako ka bonkle hi matsenya a nga ganganwi; ku ta nyikwa ka yena.

Mat. 7. 7. & 21, 22. Marku 11. 24. Lu-

ka 11. 9. Joh. 14. 13. & 15. 7. & 16. 23. 1 Joh. 5. 14, 15.

6 Kanilezi a kombele hi kukoleka, na a nga kanakani ncumo: hakuba loyi a kanakanako i kota a byandlati ga bimbi gi ku kuletwako hi mheho gi hoxwa.

Marku 11. 24. 1 Tim. 2. 8.

7 Nga loyi munhu a nga alakanyi a ku ngalo i ta amukela ncumo xa le ka Hosi;

8 A munhu loyi a nga ni timbilu timbiri, wa ndlengandlengiswa ku fambeni ka yena konkle.

xip. 4. 8.

9 Kanilezi a nakulori loyi wa xisiwana a tsakiswa hi lezi zi klakusilweko ka yena:

10 Ni loyi a fumileko, a tsakiswe hi lezi zi koramisilweko: hakuba zi kota a zitsangi za byanyi i ta hunza.

1 Kor. 7. 31. xip. 4. 14. 1 Pet. 1. 24. 1 Joh. 2. 17.

11 Hakuba a gambo gi tsuwuka ni mheho yi wuklahulelako wu wunisa a byanyi; ni zitsangi za kona zi klakeka, ni ni kumbombiswa ka byanyi ku nwalala: zi ngaho ni munhu wo fuma i ta wuna tindleleni takwe tonkle.

12 I katekile loyi munhu a timiselako a kuringwa: hakuba laha na nga a hlolisi-silwe, yena i ta amukela a xidlodlo xa wutomi, lexi a Hosi yi tsumbisileko laba ba yi ranzako.

Mat. 10. 22. & 19. 28, 29. 1 Kor. 9. 25.

2 Tim. 4. 8. xip. 2. 5. Heb. 12. 5. 1 Pet. 5. 4. Kuv. 2. 10. & 3. 19.

13 Nga munhu a nga wuli laha na ringwa, aku nzi ringwa hi Nungungulu: hakuba Nungungulu a koti ku ringwa hi kubiha, a wutsumbu gakwe a nga na ku ringa munhu:

14 Kanilezi a munhu ni munhu wa ringiwa, laha na kokilwe hi kumbilukela kakwe yena nwinyi, a hambukiswa.

15 Zonake a ku mbilukela, laha na kupfepfile, ku trala kuonha: ni kuonha, laha ku nga kukulile, ku banga kufa.

Roma 6. 21, 23.

16 Mu nga kohliswi, bamakabye ba ranzekako.

17 Zonkle zinyikiwo zo saseka ni zinyikiwo zonkle lezi zi mbeleleko zita hi le hehla, zi relela hi le ka Dadani wa kuwonekela, a ka yena a ku na kuhunzuluka, hambu ni nzutana lowu wu hunzulukako.

Joh. 3. 27. Roma 11. 29. 1 Kor. 4. 7.

18 Hi kuranza kakwe i lo hi trala hi mhaka ya zinene, kasi ha maha lixaka la mihanzo yo rangula ka zima-hwa zakwe.

Joh. 1. 13. & 3. 3. 1 Kor. 4. 15. Efe. 1. 12. 1 Pet. 1. 23. Kuv. 14. 4.

19 Nwina ma xi tiba lexi, bamakabye ba mina ba ranzekako, Nga a banhu bonkle ba haklisa kuzwa, ba nonoka ku wulawula, ba nonoka ku zangara:

- 20 Hakuba a zanga ya banhu a yi tiri a kululama ka Nungungulu.
- 21 Ngahilezo hoxani kule a zibi ni kukamanyetwa hi kubiha, mu yi amukela hi kutikoramisa a mhaka leyi yi byalilweko, leyi yi kotako ku hanyisa mihefemulo ya nwina.
Mtt. 13. 26. Roma 1. 16. 1 Kor. 15. 2. Efe. 1. 3. Kol. 3. 8. Tit. 2. 11. Heb. 2. 3. 1 Pet. 1. 9. & 2. 1.
- 22 Kanilezi nwina nga mu hi zitiri za mhaka, mu nga hi zizwi zoce, mu koklisa a wutsumbu ga nwina.
Mat. 7. 21. Luka 6. 46. & 11. 28. Roma 2. 13. 1 Joh. 3. 7.
- 23 Loku a hi kona loyi a nga muzwi wa mhaka, na a nga hi mumahi, i kota munhu loyi a cuwukako ngohe yakwe lomo wonini:
Luka 6. 47, &c. xlp. 2. 14, &c.
- 24 Hakuba yena wa wona wutsumbu gakwe, na a suka, a kohlwa lezaku i wa hi munhu wa ku yiniyini.
- 25 Kanilezi loyi a cuwukako ka nayo wu mbeleleko, a nayo wa kuklackleka, a nonohisa lezo, na nga hi mu-nwe loyi a kohlwako, kanilezi a mumahi loyi a tirako, loyi munhu i ta katekiswa kumaheni ka yena.
Joh. 13. 17. 2 Kor. 3. 18. xlp. 2. 12.
- 26 Loku a hi kona a alakanya-ko ku ngalo wa kolwa, laha na a nga komi lirimi lakwe kanilezi i kohlisa mbilu yakwe, a kukolwa ka munhu loyi a hi ncumo.
1 Pet. 3. 10.
- 27 A kolo yi basileko ni yi nga hiko ni zibi mahlweni ka Nungungulu wa hina ni Dadani hi leyi, hi kuya ka laba ba felweko ni tinoni kuxanisekeni kabye, a ti gongola a nga hi na bala hi za tiko.
Mat. 25. 36. Roma 12. 2. xlp. 4. 4. 1 Joh. 5. 18.

XIPIMO 2.

- 1 Bamakabye ba mina, mu nga komi a kukoleka ka Hosi ya hina Jesu Kristu, a Hosi ya wukosi, hi ku hlawula banhu.
Mat. 22. 16. 1 Kor. 2. 8. xipm. 9. Jude 16.
- 2 Hakuba loku kuta sinagogeni ga nwina a munhu na hi pera ya nzalama, ni tinguwo to saseka, na kuta kambe a munhu wa xisiwana na a mbele a tinguwo to biha;
- 3 Mu mu languta loyi a a mbeleko tinguwo to saseka, mu ku ngalo, Tsama laha wena ka wutsamo go saseka; mu wuya mu ku ngalo ka loyi a ambeleko tinguwo to biha, Tsama laho, kutani tsama wena lahasi ka xikegetelo xa mikonzo ya mina;
- 4 Nwina a mu hambanyisi kupimeni ka nwina ke, mu lamula hi kulamula ko biha ke?
- 5 Ingisani, bamakabye ba mina ba ranzekako; Nungungulu a nga ba hlawulangi ke laba ba zisiwana tikweni kasi ba fumiswa hi kuko-

leka, ni zitalwa za mufumo
luwu wu tsumbisilweko la-
ba ba ranzako yena ke?

Mat. 5. 3. Luka 6. 20. & 12. 21, 32.
Joh. 7. 48. 1 Kor. 1. 26, 28. & 2. 9.
1 Tim. 6. 18. 2 Tim. 4. 8. xip. 1. 12.
Kuv. 2. 9.

3 Kanilezi mu tsikile loyi wa
xisiwana a munhu. Laba
ba fumileko a ba mu xa-
nisi ke, a wutsumbu gabye
ba mu kokobisi mahlweni
ka zitsamo za kulamula
ke?

Mit. 13. 50. & 17. 6. & 18. 12. 1 Kor.
11. 22. xip. 5. 6.

7 A ba mahi a nzukano ka
bito legi nwina mu bitani-
lweko ha gona ke?

8 Ahemba loku mu tatisa a
nayo lowu wo saseka, kota
hi ka mitsalo, U ta ranza
wa akelana na wena kota
lezi u ti ranzako wena, mu
maha kwatsi:

Mat. 22. 39. Roma 13. 8, 9. Gal. 5. 14.
& 6. 2.

9 Kanilezi loku mu hi ni ku-
hlawula munhu, ma onha,
na mu woniswa hi nayo ku
ngalo mu zionhi.

xipm. 1.

10 Hakuba kani hi wihi a hla-
yisako a nayo wonkle, kani-
lezi a klula ka nayo muwe,
i na ni kuonha ka wona
wonkle.

Mat. 5. 19. Gal. 3. 10.

Hakuba yena loyi a nga
wula, U nga rembi, i wula
kanibe, U nga dayi. Ma-
kunu loku u nga rembi,
kanilezi u daya, u muonhi
wa nayo.

Lezo kanelani nwina, lezo
mahani, kota banhu laba ba

lamulwako hi nayo wa ku-
klakleka.

xip. 1. 25.

13 Hakuba a kulamula a ku na
wuxinji ka yena loyi a nga
hi ko na wuxinji: a wuxi-
nji ga dzunzeka kulamu-
lweni.

Mat. 6. 15. & 18. 35. & 25. 41, 42. 1 Joh.
4. 17, 18.

14 Ku vuna yini kona, bama-
kabye ba mina, loku munhu
aku i na ni kukoleka, na
nga hi na mitiro? kukoleka
ku ta mu hanyisa ke?

Mat. 7. 26. xip. 1. 23.

15 Loku a nakuloni kutani ma-
kweru, a hi xibyiri, na a
vumala kuga ka masiku ni
masiku,

Luka 3. 11.

16 A munwe wa nwina a ku
ka bona, Fambani hi kuru-
la, mu kufumela mu tati-
swa; na mu nga nyikangi
a zilo zi labekako mirini;
ku vuna hi ku yini ke?

1 Joh. 3. 18.

17 Lezo ni kukoleka, loku ku
nga hi ni mitiro, ku file a
wutsumbu ga kona.

18 Ina, a munhu i ta wula,
Wena u na ni kukoleka,
mina nzi na mitiro: nzi ko-
mbise a kukoleka ka wena
na ku hi haba mitiro, nzi ta
ku kombisa hi mitiro ya
mina a kukoleka ka mina.

xip. 3. 13.

19 Wena wa kolwa lezaku Nu-
ngungulu muwe; u maha
kwatsi: ni madimoni ma
kolwa, ma rurumela.

Mat. 8. 29. Marku 1. 24. & 5. 7. Luka
4. 34. Mit. 16. 17. & 19. 15.

- 20 Kanilezi wena u ta zi tiba, O munhu u nga hi ko ncu-mo, lezaku a kukoleka ku nga hiko na mitiro ku file ke?
- 21 Abraham a dadani wa hina a nga wa nga basiswangi hi mitiro ke, laha a nga nyi-kele a Isaka a nwana wa-kwe a latini ke?
- 22 Wena wa wona lezaku a kukoleka kakwe ku lo ma-hwa hi mitiro yakwe, na hi mitiro a kukoleka ku lo mahwa ku mbeleliwa;
Heb. 11. 17.
- 23 Ni mitsalo yi lo tatiswa leyi ya ku ngalo, Ni Abraham a i lo kolwa Nungungulu, ku lo hlelwa ka yena a ku ku-lulama; i lo bitanwa lezaku i xaka ga Nungungulu.
Roma 4. 3. Gal. 3. 6.
- 24 Nwina ma wona lezaku hi mitiro a munhu wa basi-swa, na ku nga hi kukoleka koco.
- 25 Ku lo kotisa lezo ka Rahabi xibayi i lo basiswa hi mitiro ke, laha a nga a mukela a mitsumi, a yi fambisa hi yinwani ntlela?
Heb. 11. 31.
- 26 Hakuba kota miri wu nga haba moya wu file, lezo ka-mbe a kukoleka ku nga ha-ba a mitiro ku file.
- 2 Hakuba hi ka zilo zo tala hina honkle ha kubeka. Loku a nga hi kona a nga kungubanyekako hi kuwu-lawula kakwe, ywaloye i hi munhu a mbeleleko, wa zi kota a ku gonga a miri wakwe wonkle.
Mat. 12. 37. xip. 1. 26. 1 Pet. 3. 10. 1 Joh. 1. 8.
- 3 Makunu loku hi engenisa mikaba milonwini ya ma-haxi, kasi ma fela ku hi ingisa, ha hunzulusa mimi-ri ya wona yonkle.
- 4 Mangabye, ni mataru ka-mbe, hambu lezi ma nga ya hombe, ma nikinywa hi mheho yi bubutsako, ma renzelekiswa hi lemi yi tso-ngwani, laha a nduna yi ranzako ha kona.
- 5 Lezo a lirimi xirwana xi tsongwani, la ku kumuka zilo za hombe. Languta, ti-hunyi ta yini ti lumekelwa-ko hi nzilwanyana wu tso-ngwanyanyani!
- 6 A lirimi li hi nzilo: hi tiko ga kubiha xikari ka ziro za hina a lirimi, li nyenyezisa-ko a miri wonkle, li hisa-ko a xibiri xa dzumba ga hina, li xi lumekela gehe-ne.
Mat. 15. 11, 18, 19, 20. Marku 7. 15, 20, 23.
- 7 Hakuba a tixaka tonkle ta zihari ni tinyenyani, ni zilo zo kokako a ni zilo za le bi-mbini, za fuywa, ni zi fuyi-lwe hi banhu:
- 8 Kanilezi a lirimi a li na ku fuywa hi munhu; li hi ku-

XIPIMO 3.

- 1 Mu nga mahi bagonzisi ba-nyingi, bamakabye, ni mu tiba lezaku hi ta amukela kulamulwa ka hombe.
Mat. 23. 8, 14. Luka 6. 37. Roma 2. 20, 21. 1 Pet. 5. 3.

biha ku nga hlulwiko, li tele hi wutsulu gi dayako.

9 Ha lona ha kesa a Hosi ni Dadani; hi lona a rukatela a banhu, laba ba mahilweko hi kufanana ka Nungungulu:

10 Ka wona walowu nomu munwe ku humako kuka-tekisa ni kurukatela. Bama-kabye ba mina, nga lezi zilo zi nge ngaho.

11 Ni hlowo a yi humesa wutsamo ginwe a mati yo nanzihani ni yo baba ke?

12 Ni sinyana ya kuwu, bama-kabye, a yi na ku trala a maolivi, wonawu makuwu a mavini ke? ge ni mati yo baba a ma na ku nanzihani.

13 Hi wihi a klarihileko na pimako xikari ka nwina ke? nga na yena a kombisa a kuhanya kakwe hi mitiro yo saseka hi titralo ni ku-klariha.

Gal. 6. 4. xip. 1. 21. & 2. 18.

14 Kanilezi loku mu nga mu hi ni wukuxu ga kubaba ni kungangamuka timbilwini ta nwina, mu nga ti kulise mu nga hembeli a zinene wunwa.

Roma 2. 17, 23. & 13. 13.

5 Loku ku-klariha a hi ku-klariha ku releleko hi le hehla, kanilezi ka ka misaba, ka ka banhu, ka ka madimoni.

Phi. 3. 19. xip. 1. 17. Jude 19. Hakuba a wukuxu ni timbiti laha ku nga kona, ku

kona ni xipitipiti ni ku mahakona konkle ka kubiha.

1 Kor. 3. 3. Gal. 5. 20.

17 Kanilezi a ku-klariha loku ku nga ka le hehla kuranga ku hlazekile, ku na ni kurula, ku wunene, ku komeka kwatsi, ku tala hi titralo ni mihanzo yo saseka, a ku na ku hlawula, a ku na ku xengetela.

Roma 12. 9. 1 Kor. 2. 6, 7. 1 Pet. 1. 22. & 2. 1. 1 Joh. 3. 18.

18 A mihanzo ya kululama yi byalwa kuruleni hi bona laba ba mahako kurula.

Mat. 5. 9. Phi. 1. 11. Heb. 12. 11.

XIPIMO 4:

1 Yita hi kwihi impi ni kuta hi kwihi kulwa xikari ka nwina ke? a kuti ha kona, kona lomo kumbulukeleni loku ku nga lomo zirweni za nwina ke?

Roma 7. 23. Gal. 5. 17. 1 Pet. 2. 11. xipm. 3.

2 Ma mbulukela, a mu na ncumo: ma daya, na mu nabela, a mu na ku zi kuma: malwa mu kanetana; a mu ku kuma ncumo, hakuba a mu kombeli.

3 Nwina ma kombela a mu na ku amukela, hakuba mu kombela hi kubiha, kasi ma ku hangalasa kumbilukele ni ka nwina.

1 Joh. 3. 23. & 5. 14.

4 Nwina zirembi a mu zi tibi lezaku a wuxaka ni legi tiko wu mbulala ka Nungungulu ke? Hikwalaho kani hi wihi loyi a nga ni wuxaka ni legi tiko u maha wutsu-

mbu gakwe a nala ka Nungungulu.

Joh. 15. 19. & 17. 14. Gal. 1. 10. 1 Joh. 2. 15.

- 5 Kutani *nwina* mu alakanya lezaku mitsalo yi wula mahala ke? A moya lowu a wu mahileko ku tsama na hina wu xuba wukuxu ke?
- 6 Kanilezi i nyika kambe wuxinji. Ngahilezo a mutsalo wa wula, Nungungulu wa ala laba ba matsanza, kanilezi a nyika wuxinji ka laba ba ti koramisako.
Mat. 23. 12. Luka 1. 52. & 14. 11. & 18. 14. 1 Pet. 5. 5.
- 7 Hikwalaho nga mu ingisa ka Nungungulu; mu ala satani, yenawu i ta mu caba *nwina*.
Efe. 4. 27. & 6. 11. 1 Pet. 5. 9.
- 8 Tsinelani ku suhani ka Nungungulu, yenawu i ta tsinela ku suhani ka *nwina*. Hlazani mandla ya *nwina*, *nwina* zionhi; mu basisa timbilu ta *nwina*, *nwina* ba timbilu timbiri.
xip. 1. 8. 1 Pet. 1. 22. 1 Joh. 3. 3.
- 9 Nga mu xaniseka, mu hlo-mula, mu rila: nga kuhleka ka *nwina* ku kunzulwa xirilo, ni kutsaka ka *nwina* ku hi ku ti tsanwisa.
Mat. 5. 4.
- 10 Koramisani wutsumbu ga *nwina* mahlweni ka Hosi, yona yi ta mu ku kumukisa *nwina*.
Mat. 23. 12. Luka 14. 11. & 18. 14. 1 Pet. 5. 6.
- 11 Mu nga hlebani, bamakabye. Loku a hlebako makabye, kutani a lamulako
- makabye, i hleba nayo, i lamula nayo: kanilezi loku wena u lamula a nayo, wena a ku mumahi wa nayo, kanilezi u mulamuli.
Mat. 7. 1. Luka 6. 37. Roma 2. 1. 1 Kor. 4. 5. Efe. 4. 31. 1 Pet. 2. 1.
- 12 Munwe ntsena a nga munyiki wa nayo a nga mulamuli, yena loyi a kotako kuhanyisa ni kudaya: kanilezi hi wena mani loyi a u lamulako a wa akelane wa wena ke?
Mat. 10. 28. Roma 14. 4, 13.
- 13 Tanani, *nwina* mu wulako, Nyamukla kutani manziko hi ta famba mutini lowo, hi tsama lembe kona, hi xabisa, hi binzula:
Luka 12. 18, &c.
- 14 Ma wula *nwina* lezi mu nga zi tibiko za manziko. Ku hi yini a wutomi ga *nwina* ke? Hakuba *nwina* mu mbera, leyi yi nga kona hi xikatanyana, zonake yi nyamalala.
xip. 1. 10. 1 Pet. 1. 24. 1 Joh. 2. 17.
- 15 Lezaku nga mu fanela ku wula lezi, Loku yi nga Hosi yi zi ranza, hi ta ba ni kuhanya, hi maha lezi ni lezo.
Mit. 18. 21. 1 Kor. 4. 19. & 16. 7. Heb. 6. 3.
- 16 Kanilezi makunu ma buma matsanzeni ya *nwina*: konkle ku maha ka ku ngahi ku biha.
1 Kor. 5. 6.
- 17 Hikwalaho ka yena loyi a zi tiba ku maha kululama, a nga ku mahi, ka yena ku hi kuonha..
Luka 12. 47. Joh. 9. 41. & 15. 22. Roma 1. 20, 21, 32. & 2. 17, 18, 23.

XIPIMO 5.

- 1 Tanani, *nwina* mu fumileko, mu rila hi mikosi, hi kuxaniswa loku ku ta ngata hehla ka *nwina*.
Luka 6. 24. 1 Tim. 6. 9.
- 2 Zifuyo za *nwina* zi bolile, ni tinguwo ta *nwina* ti gi-lwe hi sumba.
Mat. 6. 20. xip. 2. 2.
- 3 A nzalama ya *nwina* ni sili-va zi tsutsumbele; a kutsutsumbala ka zona ku ta ba a wukustumunyu ha *nwi-na*, ku taga a nyama ya *nwina* kota nzilo. Mu hle-ngeletele a mipfuno ya *nwi-na* masikwini ya kugumesa.
Roma 2. 5.
- 4 Langutani, a kurihwa ka zitiri zi hulileko masinwini ya *nwina*, loku *nwina* mu beletelako hi wuklari, ku rila: ni kurila ka bona laba ba hulako ku cikele ka Hosi ya le Sabaoti.
- 5 Mu hanyile hi kuanwa misabeni, mu buzile; mu nonisile a timbilu ta *nwina* a sikwini kuklabyilweko ma-banjeni.
Luka 16. 19. 25. 1 Tim. 5. 6.
- Nwina* mu ba konile, *nwina* mu dele laba ba lulamileko; a nga mu holobisi *nwina*.
xip. 2. 6.
- Hikwalaho nga mu timise-, bamakabye, ku kala ku-ni ka Hosi. Languta, a urimi wa labelela a miha-o yo saseka ya misaba, na isela hi ka yona, yi kala amukela a vula yo sa-ula ni yo gumesa.
- 8 Nga *nwinawu* mu timisela; mu yimisa timbilu ta *nwina*: hakuba a kuta ka Hosi ku tsinele.
Fil. 4. 5. Heb. 10. 25, 37. 1 Pet. 4. 7.
- 9 Mu nga kalali, bamakabye, ka munwe ni munwani, ka-si mu nga lamulwi: manga-bye, a mulamuli i yimile mahlweni ka nyangwa.
Mat. 24. 33. 1 Kor. 4. 5. xip. 4. 11.
- 10 Tekani, bamakabye, a xiwo-nelo xa kuxaniseka ni kuti-misela, xa baprofeti laba ba nga wulawula bitweni ga Hosi.
Mat. 5. 12. Heb. 11. 35, &c.
- 11 Langutani, ha bita ba kate-kisilwe laba ba kutimisela-ko: mu zwile hi kutimisela ka Joba, mu wonile a ku-gumelwa ka Hosi, ku yini a wusiwana a Hosi ni titralo.
Mat. 5. 10, 11. & 10. 22.
- 12 Kanilezi hehla ka zilo zo-nkle, bamakabye ba mina, mu nga hlambanyi, hambu ni tilo, hambu ni misaba, go ni kwihhi kuhlambanya: ka-nilezi nga a ina wa *nwina* a hi ina, ni ahihi wa *nwina* a hi ahihi; kasi mu nga weli kulamulweni.
Mat. 5. 34, &c.
- 13 I kona xikari ka *nwina* a xanisekako ke? nga a ko-mbela. I kona a xalalako ke? nga a yimbelela kubo-nga.
Efe. 5. 19. Kol. 3. 16.
- 14 I kona xikari ka *nwina* a babyako ke? nga a bitana a masingalakati ya ceci;

nga bona ba kombela hehla kakwe, ba mu tota hi mafura bitweni ga Hosi:

Marku 6. 13. & 16. 18.

15 A kombelo wa kukoleka ku ta mu hanyisa loyi a babyako, ni Hosi yi ta mu hanyisa; loku a nga yena na onhile, i ta tsetselelwa.

Mat. 9. 2.

16 Mu vumela kuonha ka nwi-na ka munwe ni munwani, mu kombelelana, kasi ma fela kuhanyiswa. A kukombela ka munhu a lulamileko ka vuna nguvu kutireni ka kona.

Joh. 9. 31. 1 Joh. 3. 22.

17 Elija i wa hi munhu a nga ni xibiri xo kota xa hina, i lo kombela hi ku labisisa lezaku yi fela ku kala kuna

a vula; a yi nangi laha misabeni a malembe manharu ni nkalanu wa tihweti ni yinwe.

Luka 4. 25. Mit. 14. 15.

18 Yena i lo kombela kambe; a tilo gi lo nyika a vula, ni misaba yi lo trala mihanzo ya yona.

19 Bamakabye ba mina, loku a hi kona wa nwina a hambukako ka zinene, ni munwani a mu wuyisa;

Mat. 18. 15.

20 A a zi tibe, lezaku loyi a wuyisako a xionhi ku hambukeni ka ndlela ya xona i ta hanyisa muhefemulo kufeni, i ta kumbunyeta a zonho zinyingi.

Roma 11. 14. 1 Kor. 9. 22. 1 Tim. 4. 16.
1 Pet. 4. 8.

A PAPILO GO SANGULA GA PETRO.

XIPIMO 1.

1 Petro, a mupostoli wa Jesu Kristi, ka bahlawulilweko laba ba fambileko ba Hangalakileko Pontusi, Galatia, Kapadokia, Asia, Bitunia,

Joh. 7. 35. Mit. 2. 5, 9, 10. Jam. 1. 1.

2 Kota a kutiba ka Nungungulu a Dadani hi mahlweni, kubasisweni ka Moya, hi kuingiseni ni kunwatsekelweni ka nkata wa Jesu

Kristu: A wuxinji ka nwi-na ni kurula a ku anziswe.

Roma 1. 7. & 8. 20. & 11. 2. Efe. 1. 4.
2 Tesa. 2. 13. Heb. 10. 22. & 12. 24.
xip. 2. 9. 2 Pet. 1. 2. Jude 2.

3 A katekiswe Nungungulu ni Dadani wa Hosi ya hina Jesu Kristu, loyi hi kota ya titralo takwe ta hombe i lo hi trala kambe kuhanyeni ka kutsumba hi kuvuka ka Jesu Kristu hi bafleko,

Joh. 3. 3, 5. 1 Kor. 15. 20. 2 Kor. 1. 3.

Efe. 1. 3. 1 Tesa. 4. 14. xip. 3. 21.
Tit. 3. 5. Jam. 1. 18.

4 Ka tsomba leyi yi nga boliko, yi nga hi ko ni zibi, leyo yi nga wuniko, yi bekelwe *nwina* tilweni,

Kol. 1. 5. 2 Tim. 4. 8. xip. 5. 4.

5 Laba hi ntamo wa Nungungulu mu heletwa hi kukoleka kuhanyeni loku ku longeleko ku wonkeliswa xikatini xa kugumesa.

Joh. 10. 28, 29. & 17. 11, 12, 15. Jude 1.

6 Hikwalaho mu tsakako ha hombe ha kona, hambu lezi makunu hi xikati xi tsongwani, loku ku lebeka, ma radlamiswa hi kuringwa loku kunyingi,

Mat. 5. 12. Roma 12. 12. 2 Kor. 4. 17. & 6. 10. xip. 4. 13. & 5. 10. Jam. 1. 2.

7 Kasi a kuzwala ka kukoleka ka *nwina* loku kuhloliweko, na ku sasekile ku hunza nzalama leyi yi mbelako hambu na yi ringilwe hi nzilo, ku nga kumiwa na ku dzunziwa ni wukosi ni wudumo kuwoneleni ka Jesu Kristu:

Roma 2. 7, 10. 1 Kor. 3. 13. & 4. 5. 2 Tesa. 1. 7-12. xip. 4. 12. Jam. 1. 3, 12.

8 Loyi mu mu ranzako na mu nga mu wonangi; loyi, hambu lezi mu nga mu woniko, ma mu kolwa, mu na ni kutsaka ka hombe loku ku nga hi ko ni ku wulwawulwa, mu tele hi wukosi: Joh. 20. 29. 2 Kor. 5. 7. Heb. 11. 1, 27. 1 Joh. 4. 20.

Ma amukela kugumelwa ka kukoleka ka *nwina*, a kuhanyiswa ka mihefemolo ya *nwina*.

Roma 6. 22.

10 Hi kona loku kuhanyiswa loku a baprofeti ba nga kulabisisa hi kuhlayisisela, lababa ba nga profeta hi wuxinji legi gi ta ngata ka *nwina*:

Mat. 13. 17. Luka 10. 24. 2 Pet. 1. 19, 20, 21.

11 Na ba laba xikati muni, ni ku ku yini a Moya wa Kristu lowu wu nga hi ka bona wu kombisako ha kona, lababa na u kustumunya hi mahlweni a kuxaniseka ka Kristu, ni wukosi legi gi ta nga ba lanzela.

Luka 24. 25, 26, 44, 46. Joh. 12. 41. Mit. 26. 22, 23. xip. 3. 19. 2 Pet. 1. 21.

12 Ka bona gi nga wonekeliselwe, lezaku a hi ka wutsumbu gabye, kanilezi ni ka *nwina*, bona ba lo kozela lezi zilo, lezi makunu zi wulwawulilweko ka *nwina* ha bona laba ba kanelako a ivangeli ka *nwina* hi Moya wo Basa wu rumelweko hi le tilweni; lezi zilo a tingelosi ti nga xuba a ku zi wona.

Mit. 2. 4. Efe. 3. 10. Heb. 11. 13, 39, 40.

13 Ngahilezo na mu ti boheni a ziwunu za kupima ka *nwina*, mu pima mu beka a kutsumba ka *nwina* ku mbelela wuxinjini legi gi ta nga nehwa ka *nwina* kuwonekeleni ka Jesu Kristu;

Luka 12. 35. & 21. 34. & 17. 20. Roma 13. 13. 1 Kor. 1. 7. Efe. 6. 14. 1 Tesa. 5. 6, 8. 2 Tesa. 1. 7. xip. 4. 7. & 5. 8.

14 Kota banana ba xicawo, mu nga bombisi a wutsumbu ga *nwina* kota ma yimela ya kumbilukela ka *nwina* hi

xikatini xa ku nga tibi ka
nwina :

Mit. 17. 30. Roma 12. 2. 1 Tesa. 4. 5.
xip. 4. 2.

- 15 Kanilezi kota loyi a mu bi-
tanileko ka basileko, nga
nwina mu hi bobasa matsa-
melweni ya kuhanya ka
nwina ;

Luka 1. 74, 75. 2 Kor. 7. 1. 1 Tesa.
4. 3, 4, 7. Heb. 12. 14. 2 Pet. 3. 11.

- 16 Hakuba ku tsalilwe, Nwina
mu ta ba ni ku basa; haku-
ba mina nzi basile.

- 17 Loku nwina mu bitana yena
kota Dadani, loyi a kalako
a nga hlawuli munhu a la-
mula kota mitiro ya munwe
ni munwani, mu hunza xi-
kati xa nwina xa kufamba
hi hlanekero :

Mit. 10. 34. Roma 2. 11. 2 Kor. 5. 6.
& 7. 1. Fil. 2. 12. Heb. 11. 13. & 12. 28.
xip. 2. 11.

- 18 Na mu tiba lezaku mu lo
klakliswa, na ku nga hi zi-
nwe ni xilo xibolileko, ni
siliva kutani nzalama, le
kuhanyeni ka nwina ka
mahala ni ma tsamela ya
kuhanya loku mu nga nyi-
kwa hi bararu ba nwina;

1 Kor. 6. 20. & 7. 23. xip. 4. 3.

- 19 Kanilezi hi nkata lowu wo
sasekileko, kota wa ivana le-
yi yi nga hi ko ni kwanga ni
bala, wona nkata wa Kristu:

Joh. 1. 29, 36. Mit. 20. 28. 1 Kor. 5. 7.
Efe. 1. 7. Heb. 9. 12, 14. Kuv. 5. 9.

- 20 Loku ha kunene wu nga
tibyiwa kuranguleni hi ma-
hlweni ka xiseketelo xa ti-
ko, kanilezi wu lo woneke-
liswa zikatini za kugumelwa
hi kota ya nwina,

Roma 3. 25. & 16. 25, 26. Gal. 4. 4.

Efe. 1. 10. & 3. 9, 11. Kol. 1. 26.
2 Tim. 1. 9, 10. Tit. 1. 2, 3. Heb. 1.
2. & 9. 26. Kuv. 13. 8.

- 21 Loyi hi kota yakwe mu nga
ba kolwako ka Nungungu-
lu, loyi a nga mu vuxa hi
ka bafileko, a nga mu nyika
wukosi; kasi a kukoleka ka
nwina ni kutsumba ka nga
tsama ka Nungungulu.

Mat. 28. 18. Mit. 2. 24. & 2. 33. & 3.
13. Efe. 1. 20. Fil. 2. 9. Heb. 2. 9.
xip. 3. 22.

- 22 Na mu wona lezaku mu ba-
sisile a mihefemulo ya nwi-
na hi kuingisa a zinene ni
kuranza loku ku nga pima-
nyisiwiko ka bamakabye, a
mu ranzana hi le mbilwini
ka dzunzeka :

Mit. 15. 9. Roma 12. 9, 10. 1 Tesa. 4.
9. 1 Tim. 1. 5. Heb. 13. 1. xip. 2.
17. & 8. 8. & 4. 8. 2 Pet. 1. 7. 1 Joh.
3. 18. & 4. 7, 21.

- 23 Na mu nga mu tralilwe ka-
mbe, na ku nga hi hi mbe-
wu leyi yi bolako, kanilezi
leyi yi ngaboliko, hi mhaka
ya Nungungulu, leyi yi ha-
nyako yi tsamako.

Joh. 1. 43. & 3. 5. Jam. 1. 18. 1 Joh. 3. 9.

- 24 Hakuba,

Nyama yonkle yi kwatsi
hi byanyi, ni wukosi legi
gi nga ka yona gi kota zi-
tsangi za byanyi. Ni bya-
nyi ga wuna, ni zitsangi
zi klakleka:

Jam. 1. 10.

- 25 Kanilezi a mhaka ya Ho-
si yi tsama kala kupi-
nzuka.

Leyi hi mhaka ya mahungu
yosaseka leyi yi kanelweko
ka nwina.

Luka 16. 17. Joh. 1. 1, 14. 1 Joh. 1.
1, 3.

XIIMO 2.

1 Hikwalaho na mu hoxa a kubiha konkle, niku kanganisa, ni kuxengetela, ni wukuxu, ni ku wulawula konkle ka kubiha, mu kota a zinwanana za ha ku tralwako,

Efe. 4. 22, 25, 31. Kol. 3. 8. Heb. 12. 1. Jam. 1. 21. & 5. 9. xip. 4. 2.

2 Mu laba a masi ya ka moya ma nga hi ko ni kubiha, kasi ma kula ha wona mu ya kuhanyisweni;

Mat. 18. 3. Marku 10. 15. Roma 6. 4. 1 Kor. 3. 2. & 14. 20. Heb. 5. 12, 13. xip. 1. 23.

3 Loku mu zwisilwe a ku a Hosi yi hi wunene:

Heb. 6. 5.

4 Loyi kuta kakwe, a ribye gi hanyako, na gi alilwe ha kunene hi banhu, kanilezi ka Nungungulu gi hlawulilwe, gi xiranzwa,

Mat. 21. 42. Mit. 4. 11.

5 Nwinawu kambe, mu kota maribye ma hanyako, mu akilwe kota a kuaka ka yindlu ya ka moya, mu hi bobasa wupristini, a ku nyikela a kupahlela ka moya, ku amukeleka ka Nungungulu hi Jesu Kristu.

Roma 12. 1. Efe. 2. 21, 22. Fil. 4. 18. Heb. 3. 6. & 13. 15, 16. xipm. 9. xip. 4. 11.

Hakuba ku kona mitsalweni,

Languta, nza beka Zioni a ribye ga hombe ga magumeso, gi hlawulilweko, go saseka: loyi a kolwako ka yena a nga ta celiwa tingana.

Roma 9. 33.

7 Hikwalaho ka nwina laba mu kolwako hi ziranzwa hi mbilu: kanilezi ka laba ba ngakolwiko,

A ribye legi a baaki ba nga gi ala, gwalego gi lo mahiwa a hloko ya magumo;

Mat. 21. 42. Mit. 4. 11.

8 Kambe,

A ribye ga kungubanyisa, ni ruka ga kuzangarisa; hakuba bona ba kungubanyekile laha mhakeni, na ba nga ingisi: laha ba yimiselweko kona.

Luka 2. 34. Roma 9. 22, 33. 1 Kor. 1. 23. 1 Tesa 5. 9. Jude 4.

9 Kanilezi nwina mu tiko gi hlawulilweko, a bapristi ba le hosini, a lihunzu li basileko, a banhu laba ba nga ba ka Nungungulu yena nwinyi, kasi mu fela ku wonisa a wunene ga yena loyi a mu bitanileko munyamani kuta kuwonekele. ni ka yena loku kuhlamlisako:

Joh. 17. 19. Mit. 20. 28. & 26. 18. 1 Kor. 3. 17. Efe. 1. 14. & 5. 8. Kol. 1. 13. 1 Tesa. 5. 4, 5. 2 Tim. 1. 9. Tit. 2. 14. xip. 1. 2. Kuv. 1. 6. & 5. 10.

10 Loku hi xikati xi hunzileko mu wa nga hiko banhu, kanilezi makunu mu banhu ba Nungungulu: laba mu wa nga hi ko ni wuxinji, kanilezi makunu mu kumile wuxinji.

Roma 9. 25.

11 Buranzakako, mina nza mu kongotela kota mu nga baenzi ni ba fambafamba,

sukani kumbilukeleni ka nyama, loku kulwako ni muhefemulo;

Roma 13. 14. Gal. 5. 16. Heb. 11. 13. Jam. 4. 1. xip. 1. 17.

- 12 Mu ti koma hi wunene xikari ka ba Matiko; laha, ba wulawulako ha *nwina* kota zitiri za kuonha, kutani bona ba nga nga ba hi mitiro ya *nwina* yo saseka, leyi ba yi wonako, ba dumise Nungungulu hi siku ga kuenzelwa.

Mat. 5. 16. Luka 19. 44. Roma 12. 17. 2 Kor. 8. 21. Fil. 2. 15. Tit. 2. 8. xip. 3. 16.

- 13 Vumelani milayo yonkle ya banhu hi kota ya Hosi: kutani ya hosi, kota ya hombe, kani ya ba fumeli;

Mat. 22. 21. Roma 13. 1. Tit. 3. 1.

- 14 Kota lezi ba rumilweko ha yena kuta klelisela laba ba mahako kubiha ni kudzunza ka bona laba ba mahako kusaseka.

Roma 13. 3, 4.

- 15 Hakuba hi lezo kuranza ka Nungungulu, kasi hi ku maha ko saseka ka *nwina* mu ta miyelisa a ku-ngatibi ka wupupulu ga banhu:

Tit. 2. 8. xipm. 12.

- 16 Kota mu *klaklekileko*, mu nga mahi *kuklakleka* ka *nwina* ku maha xifenengelo xa kubiha, kanilezi mu kota a zitiri za ka Nungungulu.

1 Kor. 7. 22. Gal. 5. 1, 13.

- 17 Mu hi ni xicawo ka banhu bonkle. Mu ranza a bama-

kabye. Cabani Nungungulu. Mu dzunza tihosi.

Mat. 22. 21. Roma 12. 10. & 13. 7. Fil. 2. 3. Heb. 13. 1. xip. 1. 22.

- 18 Zitiri, nga mu ingisa a tihosi ta *nwina* hi ku caba konkle; na ku nga hi leti to saseka ni ti nene kanilezi ni leti ta wuhaba.

Efe. 6. 5. Kol. 3. 22. 1 Tim. 6. 1. Tit. 2. 9.

- 19 Hakuba loku ku amukeleka, loku munhu a hi ni mbilu ya kuxaniseka hi ka Nungungulu, na nga xaniseka.

Mat. 5. 10. Luka 6. 32. Roma 13. 5. xipm. 20. xip. 3. 14.

- 20 Hakuba wukosi ga ku yini kona, loku, laha na mu onha, mu bayiswa ha zona, mu ta ba ni kutimisela ke? kanilezi loku, laha na mu maha kwatsi, mu xaniseka ha kona, mu ta ku maha hi kutimisela, loku ka amukeleka ka Nungungulu.

xip. 3. 14. & 4. 14, 15.

- 21 Hakuba mangabye laha mu nga bitanwa ha kona: hakuba Kristu kambe i lo xaniseka ha *nwina*, i lo siya xipimanyiso, kasi ma fela ku lanzela a konzo gakwe:

Mat. 16. 24. Joh. 13. 15. Mit. 14. 22. Fil. 2. 5. 1 Tesa. 3. 3. 2 Tim. 3. 12. xip. 3. 18. 1 Joh. 2. 6.

- 22 Loyi a nga wa nga onhang, hambu kukohlisa a ku kumiwangi nonwini wakwe:

Luka 23. 41. Joh. 8. 46. 2 Kor. 5. 21. Heb. 4. 15.

- 23 Loyi laha a nga rukatelwa a nga rukateliwanga kambe; laha, na a xaniseka a nga pikangi; kanilezi i lo ti

yisa ka yena loyi a lamula-
ko hi kululamileko:

Mat. 27. 39. Luka 23. 46. Joh. 8. 48,
49. Heb. 12. 3.

24 Loyi a wutsumbu gakwe a
nga rwala a zonho za hina
mirini wakwe yena *nwinyi*
laha sinyeni, kasi hina, na
hi file hi kuonha, hi hanya
kululameni; hi timbirimbi
takwe *nwina* mu hanyile.

Mat. 8. 17. Roma 6. 2, 11. & 7. 6. Heb.
9. 28.

25 Hakuba *nwina* mu wa pe-
ngile ku kota tiyivi; kani-
lezi makunu mu wuyele ka
Murisi ni Muhlayisi wa mi-
hefemulo ya *nwina*.

Joh. 10. 11, 14, 16. Heb. 13. 20. xip.
5. 4.

XIPIMO 3.

1 Kota lezo kambe, *nwina* ba
basati, ingisani ba banuna
ba *nwina*; lezaku, loku ba
nga hi kona a ba nga ingi-
siko a mhaka, hi lehandle
mhaka ba kumiwa hi ku
famba ka basati babye;

Mat. 18. 15. 1 Kor. 7. 16. & 9. 19-23. &
14. 34. Efe. 5. 22. Kol. 3. 18. Tit.
2. 5.

2 Na ba wona a mahanyela
ya *nwina* ma klangene hi
kucaba.

xip. 2. 12.

3 A kubomba ka *nwina* nga
mu nga bombi hi lehandle
a kutsonzela a misisi, ni
kubela a masinza ya nzala-
ma, ni ku bela a tinguwo;

1 Tim. 2. 9. Tit. 2. 3, &c.

4 Kanilezi nga ku hi munhu
a fihlelweko wa mbilu, hi
tinguwo leti ti nga boliko
ta kurula ni moya wa ku

miyela, lowu wu nga ma-
hlweni ka Nungungulu ku
nga tsengo wa hombe.

Roma 2. 29. & 7. 22. 2 Kor. 4. 16.

5 Hakuba hi matsamela wa
laya a ba basati bo basa ba
kale, ba wa lo basiswa, laba
ba nga tsumba ka Nungu-
ngulu, ba lo bombisa wu-
tsumbu gabye, na ba ti ko-
ramisa ka banuna babye:

6 Kota Sara a nga ingisa a
Abrahama i lo mu bita hosi:
loyi mu nga banana bakwe
makunu, loku mu maha zi-
nene, loku mu nga hi na
hlanekerohi kuxaniseka.

7 Kota lezo, *nwinawu* ba ba-
nuna, mu tsama ni basati
ba *nwina* kota hi kutiba mu
nyika ku cabya ka ba basa-
ti, kota ka xilo xi olobako,
kota lezi mu klangeneko ka
wuxinji ga wutomi; hi ku-
gumelwa kasi a mikombelo
ya *nwina* ya kala ku kube-
kiswa.

Mat. 5. 23, 24. & 18. 19. 1 Kor. 7. 3. &
12. 23. Efe. 5. 25. Kol. 3. 19. 1
Tesa. 4. 4.

8 Hi magumeso, pimani ka-
tiginwe, mu mahelana titra-
lo, mu ranzanisa a bamaka-
bye a timbilu tirengileko, a
kupima kukoramekileko:

Roma 12. 10, 16. & 15. 5. Efe. 4. 32.
Fil. 3. 16. Kol. 3. 12. Heb. 13. 1.
xip. 2. 17.

9 Mu nga kleliseli kubiha hi
kubiha, kutani a nzukano hi
nzukano; kanilezi nga mu
hi ni kukatekisa; hakuba
nwina mu lo bitanwa ha

kona, kasi ma fela kuba ni
tsomba ya kukatekiswa.

Mat. 5. 39. & 25. 34. Roma 12. 14, 17.
1 Kor. 4. 12. 1 Tesa. 5. 15.

10 Hakuba,

Loyi a ranzako a wutomi,
a wona masiku yo saseka,
nga a miyeta lirimi lakwe
ka za kubiha, ni milomu
yakwe kasi yi nga wula-
wuli a kukohlisa:

Jam. 1. 26. xip. 2. 1, 22. Kuv.
14. 5.

11 Nga yena a suka ka za
kubiha, a maha kusaseka;
nga mu laba kurula, a ku
komisisa.

Roma 12. 18. & 14. 19. Heb. 12. 14.
3 Joh. 11.

12 Hakuba a mahlo ya Hosi
ma hehla ka balulamile-
ko, ni tindlebe takwe mi-
kombwllweni yabye: ni
kanilezi ngohe ya Hosi yi
hehla ka bona laba ba
mahako kubiha.

Joh. 9. 31. Jam. 5. 16.

13 Xana himani a ta nga mu
lamata nwina, loku mu pa-
ngama ka lezi za kululama
ke?

Roma 8. 28.

14 Kanilezi loku mu ta nga
xaniseka hi kota ya kulula-
ma, mu katekisilwe nwina:
mu nga cabi kucabisa ka-
bye, ge ni kukarateka;

Mat. 5. 10, 11, 12. Joh. 14. 1, 27. Jam.
1. 12. xip. 2. 19. & 4. 14.

15 Kanilezi mu dzunza Kristu
timbilwini ta nwina kota
Hosi: na mu longile xonkle
xikati a ku hlamula mu-
nhu loyi a mu wutisako hi
kutsumba loku ku nga ka

nwina, na ku hi kurula ni
xicawo:

Mit. 4. 8. Kol. 4. 6. 2 Tim. 2. 25.

16 Na mu hi ni timbilu tinene;
kasi, laha ba mu hlebako,
kasi ba fela ku telwa hi ti-
ngana laba ba rukatelako a
kululama, ka mifambo ya
nwina ka Kristu.

Tit. 2. 8. Heb. 13. 18. xip. 2. 12.

17 Hakuba lezi zinene, loku
kuranza ka Nungungulu
kuranzisa lezo, lezaku mu
xaniseka hi ku maha kulu-
lama ku hunza ku xaniseka
hi ku maha kubiha.

18 Hakuba Kristu kambe i lo
xaniseka hi kota ya zonho
kanwe, loyi a lulamileko hi
kota ya ba-nga-lulamangiko,
kasi a fela ku hi neha ka
Nungungulu; na a lo dawa
hi ka nyama, na a hanya hi
ka moyo;

Roma 1. 4. & 5. 6. & 8. 11. 2 Kor. 13.
4. Kol. 1. 21, 22. Heb. 9. 26, 28.
xip. 2. 21. & 4. 1.

19 Hi ka yena kambe i lo famba
a kanela ka mimoya wuna
makotsweni,

xip. 1. 12. & 4. 6.

20 Leyi yi nga nga yi nga ingi-
si hi mahlweni, laha a ku-
honisela ka Nungungulu ku
nga labelela masikwini ya
Noa, laha na ha longisela a
taru, ku ta ngaya batso-
ngwanyani, lezaku, nklanu
ni minharu mihefemulo ba
lo hanyiswa hi mati:

Heb. 11. 7. 2 Pet. 2. 5.

21 Loku hi ku fananisa ka zi-
nene makunu ma maha ku-
hanyiswa, kona kubapatiza,
a hi ku susa a caka ga nya-

ma, nzi wula kuvumela ka mbilu yi sasekileko ka Nungungulu, hi kuvuka ka Jesu Kristu;

Roma 10. 10. Efe 5. 26. Tit. 3. 5. xip. 1. 3.

- 22 Loyi a nga ka ga xinene canja ga Nungungulu, na a yile kwaleyo tilweni; a tingelosi ni wukosi ni mintamo na yi mahilwe kuingisa yena.

Roma 8. 34, 38. 1 Kor. 15. 24. Efe. 1. 20, 21. Kol. 3. 1. Heb. 1. 3.

XIPIMO 4.

- 1 Hakuba ngahilezi zonake Kristu a nga xaniseka nyameni, hlomani nwina wutsumbu ywaleyo mbilu; hakuba loyi a xanisekileko le nyameni i tsikile kuonha;

Roma 6. 2, 7. Gal. 5. 24. Kol. 3. 3, 5. xip. 3. 18.

- 2 Lezaku mu nga ta ha nonohisa mu teka xikati xa nwina hi kumbilukela ka nyama ya banhu, kanilezi a kuranza ka Nungungulu.

Joh. 1. 13. Roma 6. 11, & 14. 7. 2 Kor. 5. 15. Gal. 2. 20. xip. 1. 14. & 2. 1. Jam. 1. 18.

- 3 Hakuba hi xikati xi hunzileko xi wa hi ene a ku nga hi wa mahile a kuxuba ka ba Matiko, nu ku fambile hi wungungwani, a kumbilukela, ni mawainini, ni le maguweni, ni le mabyaleni, ni kuonheni ka hombe ku-kozela a zifananiso:

Mit. 17. 30. Efe. 2. 2. & 4. 17. 1 Tesa. 4. 5. Tit. 3. 3. xip. 1. 14.

Hi ka zona ba hlamalako loku mu nga tsutsumi na

bona ka lego guwa, ba maha nzukano ha nwina:

Mit. 13. 45. & 18. 6. xip. 3. 16.

- 5 Laba ba ta nga hlamula ka yena a sinako a lamulile bahanyako ni bafileko.

Mit. 10. 42. & 17. 31. Roma 14. 10, 12. 1 Kor. 15. 51, 52. 2 Tim. 4. 1. Jam. 5. 9.

- 6 Hakuba ka loku kugumelwa a ivangeli yi lo kanelwa kona ka bafileko, kasi ba lamulwa hi ka banhu le nyameni, ba hanya hi ka Nungungulu le moyeni.

xip. 3. 19

- 7 Kanilezi kugumelwa ka zilo zonkle ku tsinele: hikwalaho nga mu hi ni kupima loku kunene, mu hi ni kupima kukombeleni:

Mat. 24. 13, 14. & 26. 41. Luka 21. 34. Roma 13. 12. Fil. 4. 5. Kol. 4. 2. Heb. 10. 25. Jam. 5. 8. xip. 1. 13. & 5. 8. 2 Pet. 3. 9, 11. 1 Joh. 2. 18.

- 8 Hehla ka zilo zonkle nga mu tiyisa a kuranza ha kunene ku hi kona xikari ka nwina; hakuba a kuranza ku fihla a wunyingi ga kuonha:

1 Kor. 13. 7. Kol. 3. 14. Heb. 13. 1. Jam. 5. 20.

- 9 Mu hi ni kufuyana a munwe ni munwani na ku nga hi kona kukalala:

Roma 12. 13. 2 Kor. 9. 7. Fil. 2. 14. File. 14. Heb. 13. 2.

- 10 Kota lezi a munwe ni munwe a nyikilweko a xinyikiwo, mu kozelana ha zona xikari ka wutsumbu ga nwina, kota lezi mu nga tinekwa ta wuxinji ga Nungungulu;

Mat. 24. 45. & 25. 14, 21. Luka 12. 42.

Roma 12. 6. 1 Kor. 4. 1, 2, 7. & 12.
4. Efe. 4. 11. Tit. 1. 7.

- 11 Loku a munhu a kanela, a kanele kota ti nga timhaka ta Nungungulu; loku a nga a hi kona a kozako a kozele kota ntamo lowu Nungungulu a nga mu nyika; kasi hi ka zilo zonkle Nungungulu wa dumiswa ha yena Jesu Kristu, ka yena loyi a nga wukosi ni mufumo kala kupinzuka ni kupinzuka. Amen.

Roma 12. 6, 7, 8. 1 Kor. 3. 10. Efe. 5. 20. 1 Tim. 6. 16. xip. 2. 5. & 5. 11. Kuv. 1. 6.

- 12 Baranzekako, mu nga hlamali hi livunze la kuringa loku ku nga xikari ka nwina, loku ku tako ka nwina kasi ku ta mu hlola, kota ku nge kwatsi zilo za kuhlamalisa kuswa ku humeleko ka nwina:

1 Kor. 3. 13. xip. 1. 7.

- 13 Kanilezi kota lezi mu nga zi hlengeli za kuxaniseka ka Kristu, tsakani; kasi le kuvululweni ka wukosi ga yena nwinawu kambe kasi ma tsaka hi kutsaka ka hombe nguvu.

Mit. 5. 41. Roma 8. 17. 2 Kor. 1. 7. & 4. 10. Fil. 3. 10. Kol. 1. 24. 2 Tim. 2. 12. Jam. 1. 2. xip. 1. 5, 6. & 5. 1, 10. Kuv. 1. 9.

- 14 Loku mu rukwa hi bito ga Kristu, mu katekisilwe nwina; hakuba a Moya wa wukosi ni Moya wa Nungungulu wu le hehla ka nwina.

Mat. 5. 11. 2 Kor. 12. 10. Jam. 1. 12. xip. 2. 12, 19, 20. & 3. 14, 16.

- 15 Hakuba nga a nga hi kona

wa nwina a xanisekako kota a mudayi, ni kamba, ni loyi a kambelako a mahungu ya banwanyani:

1 Tesa. 4. 11. 1 Tim. 5. 13. xip. 2. 20.

- 16 Kanilezi loku a nga munhu a xaniseka kota Mukristu, nga a nga telwi hi tingana; kanilezi nga a dumisa Nungungulu ka legi bito.

Mit. 5. 41.

- 17 Hakuba a xikati xata, kasi kulamula ku sangula ndlwi ni ya Nungungulu: loku ku ranga ha hina kusangula, ku ta ku yini ka laba ba kalako ba nga ingisi ivangeli ya Nungungulu ke?

Luka 10. 12, 14. & 23. 31.

- 18 Loku laba ba lulamileko ba hanya ha kutsongwani, a ba nga hiko nu wunungungulu ni zionhi ba ta woneka hi kwihhi ke?

Luka 23. 31.

- 19 Ngahilezo laba ba xanisekako hi kota ya kuranza ka Nungungulu ba nga nyikela mimoya yabye hi kutira zo saseka ku Mumahi a kolekileko.

Luka 23. 46. 2 Tim. 1. 12.

XIPIMO 5.

- 1 A masingalakati xikari ka nwina nza ma laya, loyi minawu nzi nga singalakati-kuloni, ni kustumunyu wa kuxaniseka ka Kristu, loyi nzi nga xihlengeli xa wukosi legi gi ta nga vululwa:

Luka 24. 48. Mit. 1. 8, 22. & 5. 32. & 10. 39. Roma 8. 17, 18. File. 9. Kuv. 1. 9.

- 2 Mu risa a klambi wa Nungungulu lowu wu nga xi-

kari ka *nwina*, mu wonise, na ku nga hi hi ku kuru-metwa, kanilezi hi kura-nza, kota hi ka Nungungu-lu; na ku nga hi hi zibi za likungo, kanilezi hi kupima ku longeleko;

Joh. 21. 15, 16, 17. Mit. 20. 28. 1 Kor. 9. 17. 1 Tim. 3. 3, 8. Tit. 1. 7.

3 Ge na ku nga hi ku kwatsi mu tihosi hehla ka ntiro wa *nwina*, kanilezi mu maha a xipimanyiso a wutsumbu ga *nwina* ka klambi.

Mat. 20. 25, 26. 1 Kor. 3. 9. 2 Kor. 1. 24. Fil. 3. 17. 2 Tesa. 3. 9. 1 Tim. 4. 12. Tit. 2. 7.

4 Kasi laha a Murisi wa hombe a ta nga wonkeliswa, mu ta amukela a xidlodlo xa wukosi lezi zi nga wuniko.

1 Kor. 9. 25. 2 Tim. 4. 8. Heb. 13. 20. Jam. 1. 12. xip. 1. 4.

5 Zi ngaho na *nwina* baswa, nga mu ingisa a masingalakat. Ina, a wutsumbu ga *nwina* ti boheni hi ku ti kanyisa, kasi mu kozelana: hakuba Nungungulu wa ala a ba matsanza, kanilezi a nyika a wuxinji ka ba ti kanyisako.

Roma 12. 10. Efe 5. 21. Fil. 2. 3. Jam. 4. 6.

6 Hikwalaho ti kanyiseni a wutsumbu ga *nwina* lahasi ka canja ga ntamo ga Nungungulu, kasi yena wa fela ku mu ku kumukisa hi xikati xi faneleko;

Jam. 4. 10.

A lixubo la hombe la *nwina* mu li beka hehla ka yena, hakuba yena wa mu katelela.

Mat. 6. 25. Luka 12. 11, 22. Fil. 4. 6. Heb. 13. 5.

8 Nga mu pima, nga mu rinzela: hakuba a nala wa *nwina* satani, i kota ngale yi dzumako, na nzulanzula, na klota loyi a ta nga mu kadamula:

Luka 21. 34, 36. & 22. 31. 1 Tesa. 5. 6. xip. 4. 7. Kuv. 12. 12.

9 Mu kaneteni mu tserama kukolekeni ka *nwina*, na mu tiba kwaloku kuxaniseka ku mbetiswa ka bama-kabye ba *nwina*, laba ba nga laha tikweni.

Mit. 14. 22. Efe. 6. 11, 13. 1 Tesa. 3. 3. 2 Tim. 3. 12. Jam. 4. 7. xip. 2. 21.

10 Ni Nungungulu wa wuxinji gonkle, loyi a nga mu bitana ka wukosi ga ku tsoma ka Kristu, lezi mu sina mu xanisekile xikatana, a wutsumbu gakwe i ta mu mbelisa a mu yimisa, a mu tiyisa hlana *nwina*.

1 Kor. 1. 9. 2 Kor. 4. 17. 2 Tesa. 2. 17. & 3. 3. 1 Tim. 6. 12. Heb. 13. 21. xip. 1. 6. Jude 24.

11 Ka yena a ku be kona wukosi kala kupinzuka ni kupinzuka. Amen.

xip. 4. 11. Kuv. 1. 6.

12 Ha yena Silvanusi, a nakulori wa hina a ranziweko, kota nzi hlayako ha yena, nzi tsalile ka *nwina* timhakanana, na nzi mu laya, nzi kustumunya lezi zilo zi hi wuxinji ginene Nungungulu: nga mu yima mu tiyisa ha kona.

Mit. 20. 24. 1 Kor. 15. 1. 2 Kor. 1. 19. Heb. 13. 22. 2 Pet. 1. 12.

13 Yena loyi a nga Babuloni, gi hlawulilweko zinwe na

nwina, ba mu rungula; lezo
na Marku a *nwananga*.

Mit. 12. 12, 25.

14 Rungulanani hi kutrotra ka
kuranza.

A kurula a ku be ka *nwina*
nwenkle laba mu nga ka
Kristu.

Roma 16. 16. 1 Kor. 16. 20. 2 Kor. 13.
12. Efe. 6. 23. 1 Tesa. 5. 26.

A PAPILO GA WUMBIRI GA PETRO.

XIPIMO 1.

1 Simoni Petro, a nanza ni
mupostoli wa Jesu Kristu,
ka bona laba ba kumileko a
kukoleka kota hina hi ku-
lulama ka Nungungulu wa
hina ni Muhanyisi Jesu
Kristu :

Mit. 15. 14. Roma 1. 12. 2 Kor. 4. 13.
Efe. 4. 5. Tit. 1. 4. & 2. 13.

2 A wuxinji ka *nwina* na ku-
rula a ku anziswe kutibeni
ka Nungungulu na Jesu a
Hosi ya hina ;

1 Pet. 1. 2. Jude 2.

3 Na mu wona a ntamo wa
wunungungulu gakwe wu
nyikilwe ka hina zonkle zilo
zi nga za wutomi ga ka
wunungungulu, hi ku ku-
tiba ka loyi a hi bitileko
hi wukosi ni ntamo wa-
kwe ;

Joh. 17. 3. 1 Tesa. 2. 12. & 4. 7.
2 Tesa. 2. 14. 2 Tim. 1. 9. 1 Pet. 2.
9. & 3. 9.

4 Ha kona i lo hi nyika a zi-
tsumbiso zakwe ziranziwe-
ko le za hombe nguvu ; le-
zaku hi kota ya lezi kasi
ma maha a zihlengeli za xi-
yimo xa wunungungulu,
na mu ponile kuboleni loku

hi ku ngalo a tiko hi ku-
mbilukeleni.

2 Kor. 3. 18. & 7. 1. Efe. 4. 24. Heb.
12. 10. xip. 2. 18, 20. 1 Joh. 3. 2.

5 Ina, hikwalaha ka lexi na
mu engeta hi kuhlayisisa hi
klelo ga *nwina*, kukolekeni
ka *nwina* nga mu hi ni wu-
nhenha ; ni wunhenha ga
nwina a kutiba ;

1 Pet. 3. 7. xip. 3. 18.

6 Ni kutibeni ka *nwina* a ku
ti tsimbeta ; ni kutsimbete-
ni ka *nwina* a kutimisela ;
ni kutimiseleni ka *nwina* a
wunungungulu ;

7 Ni wunungungulwini ga
nwina a kuranzana ka ba-
makabye ; ni kuranzeni ka
nwina a bamakabye a kura-
nza.

Gal. 6. 10. 1 Tesa. 3. 12. & 5. 15.
1 Joh. 4. 21.

8 Hakuba loku lezi zilo zi hi
kona ka *nwina* zi tele, zi
nga ta mu maha a malolo
mu nga ta ku ba na miha-
nzo kutibeni ka Hosi ya
hina Jesu Kristu.

Joh. 15. 2. Tit. 3. 14.

9 Haktiba loyi a vumalako le-
zi zilo u hi xikumu, na wo-
na lezi zi nga laha ku suha-

ni koce, na a ribekelwe hi kuhlaza a zonho zakwe za kale.

Efe. 5. 26. Heb. 9. 14. 1 Joh. 1. 7. & 2. 9, 11.

10 Ngahilezo, bamakabye, mu hlayisisa nguvu a kutiba futsi hi kubitwa ni kuhlawulwa ka nwina: hakuba loku mu maha lezi zilo, cima mu nga ta ku kubanyeka:

xip. 3. 17. 1 Joh. 3. 19.

11 Zi ngaho yena i ta mu nyika hi ku hunzisileko a kungena ka mufumo lowu wu wa ku tsoma wa Hosi ya hina ni Muhanyisi Jesu Kristu

12 Ngahilezo xonkle xikati nzi ta mu alakanyisa lezi zilo, hambu lezi mu zi tibako, mu yimiswa zineneni lezi zi nga ka nwina.

Roma 15. 14, 15. Fil. 3. 1. 1 Pet. 5. 12. xip. 3. 1, 17. 1 Joh. 2. 21. Jude 5.

13 Mina nza pima lezaku zi sasekile, loku nzi nga na hahi ka legi tabernakeli, a ku ba nzi vuxa hi ku mu alakanyisa;

2 Kor. 5. 1, 4. xip. 3. 1.

Na mu tiba lezaku a ku su-swa ka legi tabernakeli ga mina kuta hi ku haklisa, kota lezi a Hosi ya hina Jesu Kristu a nga wonisa ka mina.

Joh. 21. 18, 19. 2 Tim. 4. 6.

na, mina nzi ta tiyisa kasi xikati xonkle kasi ma feku zi tiba anzako ka kufamina ku alakanya lezi

16 Hakuba hina a hi nga lanzeli a wuklari ga tikar-ingani, laha hi tibekisa ka nwina a ntamo ni kuta ka Hosi ya hina Jesu Kristu, kanilezi hi lo bakustumunyu ba wonileko a wukulu gakwe.

Mat. 17. 1, 2. Marku 9. 2. Joh. 1. 14. 1 Kor. 1. 17. & 2. 1, 4. 2 Kor. 2. 17. & 4. 2. 1 Joh. 1. 1. & 4. 14.

17 Hakuba yena i amukele ka Nungungulu a Dadani a wusumo ni wukosi, laha na kuta gezu ka yena ga le wukosini legi ginene, Loyi hi Nwananga a ranzekako, hi ka yena nza xalaliswa ha kunene:

Mat. 3. 17. & 17. 5. Marku 1. 11. & 9. 7. Luka 3. 22. & 9. 35.

18 Legi gezu hina wutsumbu hi lo gizwa na gita hi le ti-lweni, laha hi nga wa hi na yena xitsungeni xo basa.

Mat. 17. 6.

19 Kambe hi na ni mhaka ya kuprofeta yi tiyisako zinene futsi; mu mahako kwatsi lezi mu ingisako, kota kandi-ya yi woningako wutsa nwe-ni ga xikari ku munyama, ku kala kuca, a tinyeleti ta mumu ti huma timbilwini ta nwina:

Joh. 5. 35. 2 Kor. 4. 4, 6. Kuv. 2. 28. & 22. 16.

20 Na mu tiba lexi kuranga, a xi kona a xiprofeto xa mitsalo xi profetako hi kuklamusela za haba.

Roma 12. 6.

21 Hakuba a ku kona a kuprofeta ku tile hi kuranza ka munhu: kanilezi a banhu ba kanela hi le ka Nu-

zinene, A byana leyi yi klelelako mahlateni ya yona, ni kumba legi gi hlazilweko gi klela gi ya ti bameka a ma rope ya gona kambe.

XIIMO 3.

1 Legi makunu, baranzekako, i papilo ga wumbiri nzi gi tsalako ka nwina; ka wona wonkle nza mu vuxa kupima ka nwina ka kuranza ku mu alakanyisa;

xip. 1. 13.

2 Kasi ma alakanya mhaka leyi yi nga hi mahlweni yi nga wulwawulwa hi baprofeti, ni kulaya ka Hosi ni Muhanyisi hi bapostoli ba nwina:

Jude 17.

3 Na mu tiba lezi kuranga, masikwini ya kugumesa a batseketseli ba tata hi kutseketsela, na ba famba hi kumbilukela kabye,

1 Tim. 4. 1. 2 Tim. 3. 1. xip. 2. 10. Jude 18.

4 Na ba wula, Hi kwihi kutsumba ka kuta kakwe ke? hakuba, ku suka masikwini ya badadani laha na ba eklela, zonkle zilo za ha nonohisile kwatsi hi kusanguleni ka kumahiwa.

Mat. 24. 48. Luka 12. 45.

5 Hakuba bona kala ba nga tibi ha womu, lezaku gi nga kona a matilo ka kale, ni lezaku a saba gi kamilwe matini na gi kamilwe matini gi kona xikari ka mati, hi mhaka ya Nungungulu;

Kol. 1. 17. Heb. 11. 3.

6 Ha wona a tiko lego gi a nga hi kona gi wa lo mitwa hi mati, gi lo loba:

xip. 2. 5.

7 Kanilezi matilo laga ma kona makunu, ni misaba, hi ywaleyo mhaka ku longiselwe a nzilo, na ku kongelwe a siku ga kulamula ni kulobiswa ka ba nga hi ko na wunungungulu.

Mat. 25. 41. 2 Tesa. 1. 8. xipm. 10.

8 Kanilezi mu nga kohlwi lexi xilo xinwe, ba ranzekako, a siku ginwe ka Hosi gi kota kume ga mazana ya malembe, a kume ga mazana a malembe kota a siku ginwe.

9 A Hosi yi nga ta nonoka hi zitsumbiso za yona, kota banwani ba hlayako a ku ya nonoka; kanilezi i ku timisela hi ka nwina, na yi nga xubi lezaku nga a hi kona a lobako, kanilezi lezaku bonkle ba nga kuta kuhunzulukeni

Roma 2. 4. 1 Tim. 2. 4. Heb. 10. 37. 1 Pet. 3. 20. xipm. 15.

10 Kanilezi a siku ga Hosi gi tata kota nkamba; ka gona a tilo gi ta hunza hi guwa ga hombe, ni zonklelele zi taswa hi nzilo zi lemukela, ni saba ni mitiro ya gona gi ta hiswa.

Mat. 24. 35, 43. Marku 13. 31. Luka 12. 39. Roma 8. 12. 1 Tesa. 5. 2. Heb. 1. 11. Kuv. 3. 3. & 16. 15. & 20. 11. & 21. 1.

11 Na mu wona lezaku lezi zilo zonkle zi ta nwalaliswa, nwina mu ta maha banhu

ba ku yini kuhanyeni ka ku
basa ni wunungungulu,

1 Pet. 1. 15.

12 Mu cuwukeleko na mu xu-
ba a kuta ka siku ga Nu-
ngungulu, hi kota ya gona
na matilo ma gi ta lemuke-
la, ni ma ta nyamalaliswa
hi kuhisa ka hombe ke?

1 Kor. 1. 7. Tit. 2. 13. xipm. 10.

13 Kanilezi kota kutsumbisa
kakwe, hina ha cuwukela a
matilo maswa ni misaba yi-
swa, leyo ku tsamako a ku-
lulama kona.

Kuv. 21. 1, 27.

14 Ngahilezo, baranzekako,
na mu wona lezaku mu cu-
wukela lezi zilo, nga mu
hlayisisa kasi ma kumiwa
kuruleni, na mu nga hi na
bala na kwanga mahlweni
kakwe.

1 Kor. 1. 8. & 15. 58. 1 Tesa. 3. 13. &
5. 23. Fil. 1. 10.

15 Mu hlaya lezaku a kutimi-
sela ka Hosi ya hina ku hi
kuhanyisa; kota nakulori
wa hina a ranzekako Paule
kambe, kota kuklariha ku

nyikilweko ka yena, i lo
tsala ka nwina;

Roma 2. 4. 1 Pet. 3. 20. xipm. 9.

16 Kambe kota mapapilweni
yakwe wonkle, i wulawula
ka bona hi lezi zilo; laho ku
nga kona a zilo zi tsanzako
ku pimiwa, lezi laba ba-nga-
tibiko ni ba-nga-tiyisiko, ba
mbemba, kota kunwani ku-
tsala ku mahako lezo, ka
kulobiswa ka bona benyi.

Roma 8. 19. 1 Kor. 15. 24. 1 Tesa. 4. 15.

17 Nwina, hikwalaho, baranze-
kako, na mu tiba lezi zilo hi
le mahlweni, klarihani mu
nga kukuletwa kule hi ziha-
mbuko za bakubiha, lezaku
muwa ku komisiseni ka
nwina.

Marku 13. 23. Efe. 4. 14. xip. 1. 10,
11, 12. & 2. 18.

18 Kanilezi mu kula wuxinjini
ni kutibeni ka Hosi ya hina
ni Muhanyisi Jesu Kristu.
Ka yena a ku be kona wu-
kosi makunu ni kala kupi-
nzuka. Amen.

Efe. 4. 15. 2 Tim. 4. 18. 1 Pet. 2. 2.
Kuv. 1. 6.

A PAPILO GO SANGULA GA JOHANI

XIPIMO 1.

1 Loko ku nga wa hi kona
kusanguleni, loku hi ku
zwileko, loku hi ku wonile-
ko hi mahlo ya hina, hi lo
ku cuwuka, ni mandla ya
hina ma lo ku welela, loku

ku nga mhaka ya kuha-
nya

Luka 24. 39. Joh. 1. 1, 14. & 20. 27. 2
Pet. 1. 16. xip. 2. 13. & 4. 14.

2 (A wutomi gi lo woneke-
swa, hina hi ku wonile, hi
maha wukustumunyu, na
hi wula ka nwina a wuto-

mi, a wutomi le gi ga kupi-
nzuka, legi gi nga hi ni Da-
dani, gi lo wonekeliswa ka
hina);

Joh. 1. 1, 2, 4. & 11. 25. & 14. 6. & 21.
24. Mit. 2. 32. Roma 16. 26. 1 Tim.
3. 16. xip. 3. 5. & 5. 20.

3 Loko hi nga ku wona hi
nga kuzwa ha ku kanela ka
nwina kambe, kasi nwina-
wu kambe ha hlengela zi-
nwe na hina: ina, ni kuhle-
ngela ka hina hi zinwe na
Dadani, na zinwe ni Nwa-
na wakwe Jesu Kristu:

Joh. 17. 21. Mit. 4. 20. 1 Kor. 1. 9.
xip. 2. 24.

4 Ni lezi zilo ha ku zi tsala
kasi a kutsaka ka hina ku
ta tatiseka.

Joh. 15. 11. & 16. 24. 2 Joh. 12.

5 Leyi hi mhaka leyi hi yi
zwileka le ka yena, ha yi
wula ka nwina, lezaku Nu-
ngungulu hi kuwonekela,
na ka yena a ku kona mu-
nyama futsi.

Joh. 1. 9. & 8. 12. & 9. 5. & 12. 35, 36.
xip. 3. 11.

6 Loku hina hi wula a ku hi
hlengele zinwe naye, na hi
famba munyameni, ha he-
mba, a hi mahi a zinene:

2 Kor. 6. 14. xip. 2. 4.

7 Kanilezi loku hina hi famba
kuwonekeleni, kota lezi ye-
na a nga kuwonekeleni, hi
hlengele hina munwe ni
munwani, ni nkati wa Jesu
Kristu a Nwana wa yena
wu ta hi hlaza ka zonho
zonkle.

1 Kor. 6. 11. Efe. 1. 7. Heb. 9. 14. 1
Pet. 1. 19. xip. 2. 2. Kuv. 1. 5.

8 Loku hi ku ngalo hina a hi

na ku onha, ha kohlisa wu-
tzumbu ga hina, ni zinene a
zi kono ka hina.

Jam. 3. 2. xip. 2. 4.

9 Loku hina hi vumela kuo-
nha ka hina, yena i kolekile
i lulamile ku hi tsetselela a
zonho za hina, ni ku hi hla-
za ka kona konkle a kunga-
lulami.

xipm. 7.

10 Loku hina hi wula lezaku a
hi onhang, ha mu maha
muhembi, ni mhaka yakwe
a yi kona ka hina.

XIPIMO 2.

1 Banana ba mina batso-
ngwani, lezi zilo zi tsalilwe
ka nwina, kasi ma fela ku
kala mu nga onhi. Ni loku
munhu a onhako, hi na
Muyimeli ka Dadani, Jesu
Kristu a lulamileko:

Roma 8. 34. 1 Tim. 2. 5. Heb. 7. 25.
& 9. 24.

2 Yena hi muriheli wa zonho
za hina; na zi nga hi za hi-
na zoce, kanilezi kambe ni
za tiko gonkle.

Joh. 1. 29. & 4. 42. & 11. 51, 52. Roma
3. 25. 2 Kor. 5. 18. xip. 1. 7. & 4.
10, 14.

3 Hi laha ha zi tiba hina leza-
ku ha mu tiba yena, loku hi
hlayisa milayo yakwe.

4 Loyi a wulako a ku, Nza
mu tiba, na nga hlayisi mi-
layo yakwe, yena wa he-
mba, ni zinene a zi kona ka
yena:

xip. 1. 6, 8. & 4. 20.

5 Kanilezi loyi a gongako a
mhaka yakwe, ka yena ha
kunene a kuranza ka Nu-

ngungulu ku mbelelisilwe.
Halezi hina ha zi tiba lezaku
hi ka yena:

Joh. 14. 21, 23. xip. 4. 12, 13.

6 Loyi a wulako aku wa tsa-
ma ka yena i fanele a wu-
tsumbu gakwe a ku famba
kota lezi a nga fambisa yena.
Mat. 11. 20. Joh. 13. 15. & 15. 4, 5.
1 Pet. 2. 21.

7 Baranzekako, a ku kona
kulaya kuswa ku tsalelwe-
ko ka nwina, kanilezi kula-
ya ka kale loku mu nga hi
nako hi sanguleni: a kulaya
ka kale hi mhaka leyi mu
yi zwileko.

xip. 3. 11. 2 Joh. 5.

8 Kambe, a kulaya kuswa
nza tsala ka nwina, lexi xilo
xi nga zinene ka yena ni ka
nwina; hakuba a munyama
wa hunza, ni kuwonekela
ka zinene ku sina ku woni-
ngile.

Joh. 1. 9. & 8. 12. & 12. 35. & 13. 34. &
15. 12. Roma 13. 12. Efe. 5. 8. 1
Tesa. 5. 5, 8.

9 Loyi a wulako aku i le ku-
wonekeleni, a benga a ma-
kabye wakwe, wa ha hi
munyameni ni makunu.

1 Kor. 13. 2. 2 Pet. 1. 9. xip. 3. 14, 15.

0 Loyi a ranzako makabye
wakwe i tsama kuwoneke-
leni, a ku kona xilo xa ku
kungubanyisa ka yena.

2 Pet. 1. 10. xip. 3. 14.

Kanilezi loyi a bengako a
makabye wakwe i le munya-
meni, i famba munyameni,
a nga ku tibi ni laha a yako,
hakuba a munyama wu pfu-
pelisile a mahlo yakwe.

Joh. 12. 35.

12 Mina nza tsala ka nwina,
banana ba mina batsongwa-
ni, hakuba a zonho za nwi-
na zi-tsetselelwe, hi kota ya
yena.

Luka 24. 47. Mit. 4. 12. & 10. 43. & 13.
88. xip. 1. 7.

13 Mina nza tsala ka nwina,
bararu, hakuba ma mu tiba
loyi a nga hi kona hi ku sa-
nguleni. Mina nza tsala ka
nwina majaha, hakuba ma
mu hlulile loyi wa kubiha.
Mina nzi tsalile ka nwina,
banana batsongwani, haku-
ba ma mu tiba Dadani.

xip. 1. 1.

14 Mina nzi tsalile ka nwina
bararu, hakuba ma mu tiba
yena loyi a nga kusangula.
Nzi tsalile ka nwina, maja-
ha, hakuba mu na ni nta-
mo, ni mhaka ya Nungu-
ngulu ya tsama ka nwina,
mu hlulile loyi wa kubi-
ha.

Efe. 6. 10.

15 Mu nga ranzi a tiko, hambu
ni zilo lezi zi nga laha ti-
kweni. Loku a hi kona
munhu a ranzako tiko, a
kuranza ka Dadani a ku
kona ka yena.

Mat. 6. 24. Roma 12. 2. Gal. 1. 10.
Jam. 4. 4.

16 Hakuba zon/le lezi zi nga
laha tikweni, kumbilukela
ka nyama, ni kumbilukela
ka mahlo, ni matsanza ya
wutomi, a hi ka Dadani,
kanilezi ka tiko.

17 Ni tiko ga hunza, ni ku-
mbilukela ka gona: kanile-
zi loyi a mahako kuranza

ka Nungungulu i ta tsama
kala kupinzuka.

1 Kor. 7. 31. Jam. 1. 10. & 4. 14.
1 Pet. 1. 24.

- 18 Banana batsongwani, ku
hi xikati xa kugumesa: kota
lezi mu ngazwa a mukaneti
wa kristu wata, hambu
makunu ba vukile a banyi-
ngi ba kaneti ba kristu;
halezi ha zi tiba lezaku hi
xikati xo gumesa.

Mat. 24. 5, 24. Joh. 21. 5. 2 Tesa. 2.
3, &c. 1 Tim. 4. 1. 2 Tim. 3. 1. Heb.
1. 2. 2 Pet. 2. 1. xlp. 4. 3. 2 Joh. 7.

- 19 Ba humele hi le ka hina,
kanilezi bona a hi ba hina;
hakuba loku ba nga ba wa
hi ba hina, nga ba simami-
sile na hina: kanilezi ba
humile, kasi ba fele ku wo-
nekeliswa lezaku bona bo-
nkle a ba ha hi ba hina.

Mat. 24. 24. Joh. 6. 37. & 10. 28, 29.
Mit. 20. 30. 1 Kor. 11. 19. 2 Tim.
2. 19.

- 20 Hakuba nwina mu na ni
kutiwa ha yena loyi wa ku
Basa, nwina zi tiba zilo zo-
nkle.

Joh. 10. 4, 5. & 14. 26. & 16. 13. Marku
1. 24. Mit. 3. 14. 2 Kor. 1. 21. Heb.
1. 9. xlp. 27.

- 21 A nzi tsalangi ka nwina ha-
kuba mu nga zi tibiko a zi-
nene, kanilezi hakuba ma
zi tiba, ni hakuba a ku hu-
mi a mawunwa ka zinenene.

- 22 Himani loyi a hembako, sa-
seka loyi a kanetako a ku
Jesu a hi yena Kristu? Lo-
yi hi yena a kanetako kri-
stu, yena hi yena a kaneta-
ko Dadani ni Nwana.

2 Joh. 7. xlp. 4. 3.

- 23 Kani hi wihi a kanetako a

Nwana, ywaloye a nga na-
ye a Dadani: loyi a vume-
lako a Nwana i na ni Da-
dani kambe.

Joh. 14. 7, 9, 10. & 15. 23. xlp. 4. 15.
2 Joh. 9.

- 24 Kota ha nwina, nga zi tsa-
ma ka nwina lezi mu nga
zizwa hi kusanguleni. Lo-
ku lezi mu nga zizwa hi ku-
sanguleni zi tsama ka nwi-
na, nwinawu mu ta tsama
ka Nwana, ni ka Dadani.

Joh. 14. 23. xlp. 1. 3. 2 Joh. 6.

- 25 Ni lexi hi xitsumbiso lexi a
xi tsumbisileko ka hina,
kona kuhanya ka kupinzu-
ka.

Joh. 17. 3. xlp. 1. 2. & 5. 11.

- 26 Lezi zilo nzi zi tsalile ka
nwina ha bona laba ba ta
nga mu hletela kupengeni.

2 Joh. 7. xlp. 3. 7.

- 27 Kota lezi nwina, a kutotwa
loku mu nga ku amukela
ka yena ku tsama ka nwi-
na, a ma ha labi lezaku mu-
nwani a mu gonzisa; kani-
lezi kota lezi a kutota ka-
kwe ku mu gonzisa hi zilo
zonkle, ku hi zinenene, a ku na
mawunwa, kota lezi ku nga
mu gonzisa, nwina tsamani
ka yena.

Joh. 14. 26. & 16. 13. Heb. 8. 10, 11.
xlp. 20.

- 28 Makunu, banana ba mina
batsongwani, tsamani ka
yena; kasi, loku a woneke-
liswa, hi fela ku ba ni ku-
tiya, hi nga hi na tingana
mahlweni yakwe kuteni ka-
kwe.

xlp. 3. 2. & 4. 17.

- 29 Loku nwina mu tiba lezaku

yena i lulamile, ma zi tiba
lezaku bonkle laba ba ma-
hako kululama ba trelwe hi
yena.

Mlt. 22. 14. xip. 3. 7, 10.

XIIMO 3.

1 Mangabye kuranza ka ku
yini a Dadani a hi nyikile-
ko, lezaku hi ta bitanwa aku
hi banana ba Nungungulu:
hina ba ku ngahi. Hakuba
hi ka lexi a tiko a gi hi tibi,
hakuba a gi mu tibi yena.

Joh. 1. 12. & 15. 18, 19. & 16. 3. & 17.
25.

2 Baranziweko, makunu hi
banana ba Nungungulu, lo-
ku ku nga na ku nga se ku
wonekeliswa xana hi ta ku
yini. Hina ha zi tiba lezo,
loku a nga a wonekeliswa,
hina hi ta ba kota yena;
hakuba hi ta mu wona kota
lezi a nga yena.

Mat. 5. 8. Roma 8. 15, 18, 20. 1 Kor.
4. 17. & 13. 12. & 15. 49. 2 Kor. 5. 7.
Gal. 3. 26. & 4. 6. Fil. 3. 21. Kol.
3. 4. 2 Pet. 1. 4. xip. 5. 1.

3 Kwatsi hi yena loyi a nga
ni loku kutsumba ha yena
wa basisa wutsumbu ga-
kwe, kwatsi hi yena a basi-
leko.

xip. 4. 17.

4 Bonkle laba ba mahako ku-
onha ba tsoba nayo: haku-
ba a kuonha hi ku tsoba ka
nayo.

Roma 4. 15. xip. 5. 17.

5 Na nwina ma zi tiba lezo
lezaku i lo wonekeliswa kasi
ku susa zonho; a ka yena a
ku na zonho.

2 Kor. 5. 21. 1 Tim. 1. 15. Heb. 1. 3.
& 4. 15. & 9. 26, 28. 1 Pet. 2. 22, 24.

6 Kani hi wihi a tsamako ka
yena a nga onhi: kani hi
wihi a onhako a nga mu
wonangi, a nga na ku mu
tiba.

xip. 2. 4. & 4. 8. 3 Joh. 11.

7 Banana ba mina batsongwa-
ni, nga munhn a nga mu
pengisi: loyi a mahako ku-
lulama i lulamile, kota lezi
yena a lulamileko:

Roma 2. 13. xip. 2. 26, 29.

8 Loyi a maha kuonha ngwa
satani; hakuba satani i lo
onha hi le kusanguleni. Ka
loku kugumelwa a Nwana
wa Nungungulu i lo wone-
keliswa, kasi yena wa fela a
ku mbetisa a mitiro ya sa-
tani.

Mat. 13. 38. Luka 10. 18. Joh. 8. 44.
& 16. 11. Heb. 2. 14.

9 Kani hi wihi a trelweko hi
Nungungulu a nga mahi
kuonha: hakuba a mbewu
yakwe yi tsamile ka yena:
yena a nga kota ku onha,
hakuba i tralilwe hi Nungu-
ngulu.

1 Pet. 1. 23. xip. 5. 18.

10 Hi ka lexi a banana ba Nu-
ngungulu ba wonekeliswa,
ni banana ba satani; kani
hi wihi a nga mahiko kulu-
lama a hi wa Nungungulu,
ge ni loyi a nga ranziko ma-
kabye wakwe.

xip. 2. 29. & 4. 8.

11 Hakuba leyi hi mhaka mu
nga yizwa hi le kusanguleni,
le ya ku hi ta ranzana mu-
nwe ni munwani:

Joh. 13. 34. & 15. 12. xip. 1. 5. & 2. 7.
& 4. 7, 21. xipm. 23. 2 Joh. 5.

12 Hi nga koti Kana a nga wa

loyi wo biha, i lo daya makabye wakwe. Ngahilezo i lo mu daya ke? Hakuba mitiro yakwe yi wa bihile, ni ya makabye yi wa lulamile.

Heb. 11. 4. Jude 11.

13 Mu nga dami bamakabye, loku a tiko gi mu benga nwina.

Joh. 15. 18, 19. & 17. 14. 2 Tim. 3. 12.

14 Ha zi tiba lezaku hi hunzile kufeni hi ya kuhanyeni, hakuba ha ranza bamakabye. Loyi a nga ranziko i tsamile kufeni.

xip. 2. 9, 10, 11.

15 Kani hi wihi a bengako makabye hi mudayi: na nwina ma zi tiba lezaku a ku kona a mudayi a nga ni wutomi ga kupinzuka gi tsamileko ka yena.

Mat 5. 21, 22. Gal. 5. 21. xip. 4. 20. Kuv. 21. 8.

16 Halezi hina ha zi tiba kuranza, hakuba i lo beka kuhanya kakwe lahasi hi kota ya hina: hina hi yimelwe hi beka a wutomi ga hina lahasi hi kota ya bamakabye.

Joh. 3. 16. & 15. 13. Roma 5. 8. Efe. 5. 2, 25. xip. 4. 9, 11.

17 Kani loku munhu a hi ni zilo za legi tiko, a wona makabye na a vumala, a vala titralo takwe ha yena, a kuranza ka Nungungulu ku nga tsamisa ku yini ka yena ke?

Luka 3. 11. xip. 4. 20.

18 Banana ba mina batsongwani, nga hi nga ranzi hi kuwulawula, ge ni lirimi; ka-

nilezi ku maheni ni zine-ne.

Roma 12. 9. Efe. 4. 15. Jam. 3. 15, 16. 1 Pet. 1. 22.

19 Halezi hi ta zi tiba aku hi ba zinene, hi ta tiyisa timbilu ta hina mahlweni ka yena,

Joh. 18. 37. xip. 1. 8.

20 Kwalaha a mbilu ya hina yi hi konako ha kona; hakuba Nungungulu ngwa ku hunza timbilu ta hina, i tiba zilo zonkle.

1 Kor. 4. 4.

21 Baranzekako, loku a timbilu ta hina ti nga hi koni, hi na ni ku tiya ka Nungungulu;

Heb. 10. 22. xip. 2. 28. & 4. 17.

22 Ni xihi lexi hi kombelako, hi ta amukela ha yena, hakuba ha gonga milayo yakwe, hi maha zilo lezi zi xalalisako mahlweni yakwe.

Mat. 7. 8. & 21. 22. Marku 11. 24. Joh. 8. 29. & 9. 31. & 14. 13. & 15. 7. & 16. 23, 24. Jam. 5. 16. xip. 5. 14.

23 Loku hi kulaya kakwe, lezaku hi kolwa bitweni ga Nwana wakwe Jesu Kristu, hi ranzana, kota lezi a nga hi nyika a kulaya.

Mat. 22. 39. Joh. 6. 29. & 13. 34. & 15. 12. & 17. 3. Efe. 5. 2. 1 Tessa. 4. 9. 1 Pet. 4. 8. xipm. 11. xip. 2. 8, 10. & 4. 21.

24 Ni loyi a gongako milayo yakwe i tsama ka yena, yenawu ka yena. Halezo ha zi tiba lezaku i tsama ka hina, hi Moya wa yena lowu a hi nyikileko.

Joh. 14. 23. & 15. 10. & 17. 21, &c. Roma 8. 9. xip. 4. 12, 13.

XIPIMO 4.

- 1 Baranzekako, mu nga kolwi mimoya yonkle, kanilezi hlolani a mimoya kutani ya Nungungulu ke: hakuba banyingi baprofeti ba mawunwa ba la su fenemete laha tikweni.

Mat. 24. 4, 5, 24. Mit. 20. 30. 1 Kor. 14. 29. 1 Tesa. 5. 21. 1 Tim. 4. 1. 2 Pet. 2. 1. xip. 2. 18. 2 Joh. 7. Kuv. 2. 2.

- 2 Halezi nwina tibani a Moya wa Nungungulu: wonklelele moya lowu wu nge ngalo Jesu Kristu i tile nyameni ngwa Nungungulu:

1 Kor. 12. 3. xip. 5. 1.

- 3 Ni wonklelele moya lowu wu nga vumeliko Jesu a hi wa Nungungulu: lowu hi moya wa ku kaneta Kristu, lowo hi wu zwileko ku ngalo wata; makunu wu laha tikweni.

2 Tesa. 2. 7. xip. 2. 18, 22. 2 Joh. 7.

- 4 Nwina mu ba Nungungulu, bananga batsongwanyani, mu ba hlulile bona: hakuba ngwa hombe loyi a nga ka nwina ku hunza loyi a nga laha tikweni.

Joh. 12. 31. & 14. 30. & 16. 11. 1 Kor. 2. 12. Efe. 2. 2. & 6. 12. xip. 5. 4.

- 5 Bona ba ka tiko: hikwalaho ba wulawula bona kota ba nga ba tiko, ni tiko ga bazwa bona.

Joh. 3. 31. & 15. 19. & 17. 14.

- 6 Hina hi ba ka Nungungulu: loyi a tibako Nungungulu wa hizwa hina; loyi a nga hiko wa Nungungulu a nga hizwi. Hi lezi ha wu tiba

a moya wa zinene ni moya wa kuhambuka.

Joh. 8. 47. & 10. 27. & 14. 17. 1 Kor. 14. 37. 2 Kor. 10. 7

- 7 Baranzekako, nga hi ranzana: hakuba a kuranza ku ka Nungungulu; bonkle laba ba ranzako ba trelwe hi Nungungulu, ba mu tiba Nungungulu.

xip. 3. 10, 11, 28.

- 8 Loyi a nga ranziko a nga mu tibi Nungungulu; hakuba Nungungulu hi kuranza.

xip. 2. 4. & 3. 6. xipm. 16.

- 9 Mangabye a kuranza ka Nungungulu kuwonekelisilwe ka hina, lezaku Nungungulu i rumele a Nwana wakwe a treleko yece laha tikweni, kasi hina ha fela kuhanya ha yena.

Joh. 3. 16. Roma 5. 8. & 8. 32. xip. 3. 16. & 5. 11.

- 10 Mangabye loku kuranza, a hi hina hi mu ranzileko Nungungulu, kanilezi i lo hi ranza yena, i lo rumela a Nwana wakwe kuta ku ri-hela a zonho za hina.

Joh. 15. 16. Roma 5. 8, 10. Tit. 3. 4. xip. 2. 2.

- 11 Baranzekako, loku Nungungulu a hi ranzisa lezi, hina-wu kambe nga hi ranzana.

Mat. 18. 33. Joh. 15. 12, 13. xip. 3. 16.

- 12 A nga kona munhu a wonileko Nungungulu ni ka xihi xikati: loku hi ranzana, Nungungulu i tsama xikari ka hina, ni kuranza ka yena ku mbeleliswa ka hina.

Joh. 1. 18. 1 Tim. 6. 16. xip. 2. 5. xipm. 18, 20.

13 Hikwalaha ha zi tiba hina lezaku hi tsamile ka yena, yenawu i ka hina, hakuba i hi nyikile a Moya wa yena.

Joh. 14. 20. xip. 3. 24.

14 Hi wonile ha maha wukustumunyu lezaku a Dadani i lo rumela a Nwana ku ta maha Muhanyisi wa tiko.

Joh. 1. 14. & 3. 17. xip. 1. 1, 2.

15 Kani hi wihi a ta nga vumela lezaku Jesu hi Nwana wa Nungungulu, Nungungulu wa tsama ka yena, yenawu ka Nungungulu.

Roma 10. 9. xip. 5. 1, 5.

16 Hina ha tiba hi kolilwe a kuranza loku Nungungulu a nga nako ha hina. Nungungulu hi kuranza; yena loyi a tsamako kuranzeni i tsama ka Nungungulu, ni Nungungulu i tsama ka yena.

xip. 3. 24. xipm. 8, 12.

17 Hilaha a kuranza ku mbelele ka hina, lezaku hi ba ni kutiya hi siku ga kulamula; hakuba kota lezi yena a nga lezo, hinawu ba legi tiko hi zalezo.

Jam. 2. 13. xip. 2. 28. & 3. 3, 19, 21.

18 A ku kona wutoya kuranzeni : a kuranza kumbelele ku hlongola hlanekero, hakuba wutoya gi na ni kubayisa; loyi a na nga ni wutoya a nga mbeleliswangi kuranzeni.

xipm. 12.

19 Hina ha ranza, hakuba i lo ranga a hi ranza yena.

20 Loku a munhu a wula, Nza ranza Nungungulu, na bennga makabye wakwe, wa

hemba : hakuba loyi a nga ranziko makabye wakwe loyi a mu wonileko, i ta mu ranza hi ku yini Nungungulu loyi a nga mu woniko.

xip. 2. 4. & 3. 17. xipm. 12.

21 Lowu nayo hi nawo wa le ka yena, lowu wa ku loyi a ranzako Nungungulu a ranze ni makabye kambe.

Mat. 22. 37, 39. Joh. 13. 34. & 15. 12.

xip. 3. 23.

XIPIMO 5.

1 Kani himani loyi a kolwako lezaku Jesu hi Kristu i trelwe hi Nungungulu: ni loyi a ranzako loyi a trelweko wa mu ranza loyi a trelweko ha yena.

Joh. 1. 12, 13. & 15. 23. xip. 2. 23, 23. & 4. 2, 15.

2 Halezi ha zi tiba lezaku ha ba ranza banana ba Nungungulu, laha na hi ranza Nungungulu, hi maha kulaya ka yena.

3 Hakuba loku hi kuranza ka Nungungulu, lezaku hi gongola milayo ya yena : a milayo yakwe a yi karati.

Mat. 11. 30. Joh. 14. 15, 21, 23. & 15. 10. 2 Joh. 6.

4 Hakuba kani hi wihi a trelweko hi Nungungulu wa hlula a tiko : legi hi wunhenha legi hi hlulileko ha gona tiko, kona kukoleka ka hina.

Joh. 16. 33. xip. 3. 9. & 4. 4.

5 Himani yena loyi a hlulileko a tiko, saseka ywaloye a kolwako lezaku Jesu hi Nwana wa Nungungulu ke?

1 Kor. 15. 57. xip. 4. 15.

6 Loyi hi yena loyi a nga lotta hi mati ni nkata, yena Jesu Kristu ; na ma nga hi mati woce, kanilezi a mati zinwe ni nkata.

Joh. 14. 17. & 15. 26. & 16. 13. & 19. 34.
1 Tim. 3. 16.

7 Lowo hi Moya lowu wu mahako wukustumunyu, hakuba a Moya wu hi zine-ne.

Joh. 1. 1. & 10. 30. Kuv. 19. 13.

8 Hakuba mbanharu laba ba mahako wukustumunyu, a Moya, ni mati, ni nkata : lezi zinharu zi klangene ha munwe.

9 Loku hina hi amukela a wukustumunyu ga banhu, a wukustumunyu ga Nungungulu gi hunzeletile : hakuba wukustumunyu ga Nungungulu hi legi, i lo maha wukustumunyu hi Nwana wakwe.

Mat. 3. 16, 17. & 17. 5. Joh. 8. 17, 18.

10 Loyi a kolwako ka Nwana wa Nungungulu i na ni wukustumunyu ka yena : loyi a nga kolwiko Nungungulu i lo mu maha muhambi ; hakuba a nga kolwangi ka wukustumunyu legi Nungungulu a gi mahileko hi Nwana wakwe.

Joh. 3. 33. & 5. 38. Roma 8. 16. Gal. 4. 6.

Ni wukustumunyu hi legi, lezaku Nungungulu i nyikile ka hina a kuhanya ka kupinzuka, loku kuhanya na ni Nwana wa yena.

Joh. 1. 4. xip. 2. 25. & 4. 9.
Loyi a nga ni Nwana i na wutomi, ni loyi a nga

hiko ni Nwana wa Nungungulu a nga na wutomi.

Joh. 3. 36. & 5. 24.

13 Lezi zilo mina nzi tsalile ka nwina, kasi ma fela ku zi tiba lezaku mu na ni wutomi ga kupinzuka, ka yena nwina laba mu kolwako bitweni ga Nwana wa Nungungulu.

Joh. 20. 31. xip. 1. 1, 2.

14 Loku hi kutiyisa loku hi nga nako ha yena, lezaku, loku ki kombela a xilo kota kuranza kakwe, i ta hizwa hina :

xip. 3. 22.

15 Loku hina hi zi tiba lezaku wa hizwa ni ka xihi lexi hi xikombelako, ha zi tiba lezaku hi na zona lezi hi zi kombelako.

16 Loku a hi kona munhu a wonako nakulobyen na onha na ku nga hi kuonha ka kufa, yena i ta kombela Nungungulu i ta mu nyika kuhanya ka bona laba ba nga onhiko ka kufa. Ku kona a kuonha loku ka kufa : a nzi wuli a ku ba a kombelela kona.

Mat. 12. 31, 32. Marku 3. 29. Luka 12. 10. Joh. 17. 9. Heb. 6. 4, 6. & 10. 26. Jam. 5. 14, 15.

17 Konkle kungalulami kuonha : kona kuonha loku ku nga hi ko ka kufa.

xip. 3. 4.

18 Hina ha zi tiba lezaku loyi a trelweko hi Nungungulu a nga onhi ; kanilezi loyi a nga wa trelwe hi Nungu-

ngulu wa mu gongola, ni loyi wa kubiha a nga na ku mu henyha.

1 Pet. 1. 23. Jam. 1. 27. xip. 3. 9.

- 19 Ha zi tiba hina lezaku hi ba ka Nungungulu, ni tiko gonkle gi eklela ni loyi wa kubiha.

Gal. 1. 4.

- 20 Hina ha zi tiba lezaku a Nwana wa Nungungulu i tile, i hi nyikile a kupima,

lezaku ha mu tiba lezaku yena u hi zinene, kona ka yena a Nwana wakwe Jesu Kristu. Loyi hi Nungungulu wa zinene, ni wuto-mi ga kupinzuka.

Luka 24. 45. Joh. 17. 3. & 20. 28. Mt. 20. 28. Roma 9. 5. 1 Tim. 3. 16. Tit. 2. 13. Heb. 1. 8. xipm. 11, 12, 13.

- 21 Banana ba mina batsongwani, ti gongoleni zifananiweni.

1 Kor. 10. 14.

A PAPILO GA WUMBIRI GA JOHANI.

- 1 A singalakati ka yena wasati a hlaulilweko ni banana bakwe, loyi nzi mu ranzako ha kunene; na ku nga hi mina nzoce, kanilezi ni bona bonkle ba tibako a zine-ne;

Joh. 8. 32. Gal. 2. 5, 14. & 3. 1. & 5. 7. Kol. 1. 5. 2 Tesa. 2. 13. 1 Tim. 2. 4. Heb. 10. 26. 1 Joh. 3. 18. xipm. 3. 8 Joh. 1.

- 2 Hi kota ya zinene lezi zi tsamileko na hina, ku ta tsama na hina kala kupinzuka:

- 3 Wuxinji, titralo, ni kurula ku ta tsama na hina, hi le ka Nungungulu a Dadani, ni ka Jesu Kristu, a Nwana wa Dadani wa zinene ni kuranza.

1 Tim. 1. 2. xipm. 1.

- 4 Mina nza nengela ha hombe nguvu hakuba nzi kumile bokari ba banana ba

wena na ba famba hi zinenè, kota lezi hina hi amukeleko a kulaya hi le ka Dadani.

3 Joh. 3.

- 5 Makunu nza ku kombela wena, wasati, a nzi tsali ku kwatsi nayo muswa, kanilezi lowu hi nga hi nawo hi kuranguleni, wa ku nga hi ranzana.

Joh. 13. 34. & 15. 12. Efe. 5. 2. 1 Pet. 4. 8. 1 Joh. 2. 7, 8. & 3. 11, 23.

- 6 Loku ku hi kuranza, lezaku nga hi famba hi milayo yakwe. Loku hi kulaya, kota lezi hi zizwileko hi kusanguleni, kasi ma fela ku famba ha kona.

Joh. 14. 15, 21, & 15. 10. 1 Joh. 2. 5, 24. & 5. 3.

- 7 Hakuba a bakohlisi banyingi ba humelele tikweni, bona laba ba kaneta lezaku Jesu Kristu ata nyameni.

Laba mbakohlisi ni bakaneti ba Kristu.

1 Joh. 2. 22. & 4. 1, 2, 3.

8 Cuwukani wutsumbu ga nwina, kasi mu nga lahli a zilo lezi hi nga zi maha, kanilezi kasi ma fela ku amukela cacazelo wu teleko.

Marku 13. 9. Gal. 3. 4. Heb. 10. 32, 35.

9 Kani hi wihi a humelelako na a nga tsami kugonziseni ka Kristu, a nga na Nungungulu: kani loyi a tsamako kugonziseni, ywaloye i na ni Dadani ni Nwana.

1 Joh. 2. 23.

10 Loku a nga a hi kona a tako ka nwina, na a nga nehi loku kugonzisa, mu nga mu

amukeli tindlwini ya nwi-na, mu nga mu losi:

Roma 16. 17. 1 Kor. 5. 11. & 16. 22. Gal. 1. 8, 9. 2 Tim. 3. 5. Tit. 3. 10.

11 Hakuba loyi a mu losako wa hlengela naye mitirweni yakwe ya kubiha.

12 Na nzi hi ni zilo zinyingi akuba nzi tsala ka wena, nzi nga ta zi tsala hi papilo ni tinta: kanilezi nza tsumba kuta ka wena nzi ta wulawula ngohe ni ngohe, kasi kutsaka ka wena ka tatiseka.

Joh. 17. 13. 1 Joh. 1. 4. 3 Joh. 13.

13 A banana ba makweru a hlanlilweko ka ba ku rungula wena.

1 Pet. 5. 13.

I PAPILO GA WUNHARU GA JOHANI.

1 A singalakati ka Gaiusi a ranzekako, loyi nzi mu ranzako ha kunene.

2 Joh. 1.

2 Mu ranzekako, mina nza kombela lezaku hi ka zilo zonkle u fela ku tsama kwatsi na u nga na u hanya, kota lezi a moya wa wena wu humeleleko.

3 Hakuba nza lo tsaka ha hombe nguvu, laha na bamakabye ba tile ba maha wukustumunyu hi wunene

ga wena, kota lezi wena u fambako zineneni.

2 Joh. 4.

4 A nzi nako kutsaka ka hombe ku hunza loku, a kuzwa hi banana ba mina na ba famba hi zinene.

1 Kor. 4. 15. File. 10.

5 Xiranzwa, wa maha tiro wa kukoleka ni ka zonkle lezi u mahelako bamakabye ni bapfumba bonkle;

6 Laba ba nga maha wukustumunyu ga kuranza ka wena mahlweni ka ceci:

- laba u ta nga maha kwatsi aku ba heleketa lwenzweni labye hi ku faneleko ka Nungungulu:
- 7 Hakuba hi kota ya Bito bona ba lo huma, na ba nga teki ncumo xa ba Matiko.
1 Kor. 9. 12, 15.
- 8 Hikwalaho hina hi fanelwe hi amukela a ba ku ngahi, kasi ha fela ku hlengela kutira zinwe nabo.
- 9 Nzi lo tsala zokari le cecini: kanilezi Diotrefesi, loyi a ranzako a wukulu xikari ka-bye, a nga hi amukelangi.
- 10 Hikwalaho, loku nzita, nzi ta alakanya a mitiro yakwe a yi mahileko, na i hi vukela hi timhaka to biha: na a nga enelwe hi lezi basi, a wutsumbu gakwe a nga ba amukelangi a bamakabye ni kanwe, ni laba ba nga ta nga ba vumele wa ba tsimbeta wa ba hlongola cecini.
- 11 Xiranzwa, u nga pimanyisi lezi za kubiha, kanilezi lezi zo saseka. Loyi a mahako kusaseka ngwa Nungungulu: loyi a mahako kubiha a hi wonangi Nungungulu.
1 Joh. 2. 20. & 3. 6, 9. 1 Pet. 3. 11.
- 12 Demetriusi i mahelwa wukustumunyu hi banhu bonkle, ni zinene wutsumbu; ina, hinawu kambe ha maha wukustumunyu; wena wa zi tiba lezaku a wukustumunyu ga hina gi nene.
Joh. 21. 24. 1 Tim. 3. 7.
- 13 Mina nzi la wa ni zilo zinyingi ku tsala ka wena, kanilezi a nzi ranzi ku zi tsala ka wena hi tinta ni peni:
2 Joh. 12.
- 14 Kanilezi nza tsumba aku haklisa nzi ta ku wona, zonake hi ta wulawula ngohe ni ngohe. A kurula a ku be ka wena. A maxaka ma ku rungula. Rungula ba maxaka hi mabito.

A PAPILO GA JUDE.

- 1 Jude, a nanza ga Jesu Kristu, a makabye wa Jamesi, ka bona laba ba bitilweko, baranzekako ka Nungungulu Dadani, ba hlayiselweko Jesu Kristu:
Luka 6. 16. Joh. 17. 11, 12, 15. Mt. 1. 13. Roma 1. 7. 1 Pet. 1. 5.
- 2 A titralo ka nwina ni kurula a ku anziswe.
1 Pet. 1. 2. 2 Pet. 1. 2.
- 3 Baranzekako, laha na nzi nyikile a kuhlayisa konkle aku ba nzi tsala ka nwina hi kuhanyiswa ka hina ho-

nkle, nzi lo labe akuba nzi tsala ku wena nzi mu laya, akuba mu tiyisa a ku lwela a kukoleka loku ku nga nyikiwe hi bobasa ka-nwe kutsika.

Fill. 1. 27. 1 Tim. 1. 18. & 6. 12. 2 Tim. 1. 13. & 4. 7. Tit. 1. 4.

4 Hakuba ba kona banhu ba nyanimelako xikundleni, bona laba ba kale ba yimiseweko loku kukoniwa, a banhu laba ba nga hi ko wunungungulu, ba hunzula a wuxinji ga Nungungulu a zibini, ba kaneta a Hosi yoce ya hina, a Hosi ya hina Jesu Kristu.

Roma 9. 21, 22. Gal. 2. 4. Tit. 1. 16. & 2. 11. Heb. 12. 15. 1 Pet. 2. 8. 2 Pet. 2. 1, 10. 1 Joh. 2. 22.

5 Makunu nza xuba ku nga nzi mu alakanyisa, hambu lezi mu nga kari mu zi tiba lezi zilo zonkle, lezaku laha a Hosi, na yi hanyisile a banhu tikweni ga Gipite, a nzako ka lezo i lo ba lobisa a ba ngakolwako.

1 Kor. 10. 9. Heb. 3. 17, 19.

6 Ni tingelosi leti ti nga gongangiko a wukosi ga tona, kanilezi ti lo siya kaya ka tona, yena i ti hlayisile makotsweni ya pinduka ya munyama ku kala sikwini ga hombe ga kulamula.

Joh. 8. 44. 2 Pet. 2. 4. Kuv. 20. 10.

7 Kota Sodoma ni Gomora, ni miti ya kona, ku fanana na yona kambe yi lo ti nyikela wubayini, yi lo lanzisa a nyama ya haba, yi lo yimiswa ku maha ziwoni-

so, yi loga tsomba kasi yi hiswa hi nzilo wa kupinzu-ka.

2 Pet. 2. 6.

8 Zi ngaho ka laba ba lorako kabye ba yi onhisa nyama, ba nyenya a tihosi, ni nzukano ka manganakana.

2 Pet. 2. 10.

9 Kanilezi Mikaeli a ngelosi ya hombe, laha a kanetana na satani i lo hi xirumbi xa Mosi, i lo caba ku tiswa a kulamula ka nzukano, kanilezi i te ngalo, A Hosi yi ta ku kawuka wena.

2 Pet. 2. 11. Kuv. 12. 7.

10 Kanilezi laba ba rukatela lezi ba nga zi tibiko: ya lezi ba zi pimako hi ka nyama, kota zihari zi nga hiko ni kupima, hi lezi zilo ba dawa.

2 Pet. 2. 12.

11 Kombo ka bona! hakuba ba lo famba hi ndlela ya Kana, ba tsutsuma hi ku kana kuonheni ka Balaami hi kota ya kurihwa, ba lobiswa hi kukaneta ka Kore.

2 Pet. 2. 15. 1 Joh. 3. 12.

12 Laba hi maribye ma fihleleko mibuzweni ya kuranza ya nwina laha na бага mibuzo zinwe na nwina, a barisi laba ba nga hi ko ni hlanekero ba ti gisa; ba bilukela ba nga hi na mati, na ba ku kuletwa hi mhaho; a tisinya ta ma wuyakaya ti nga hiko ni mihanzo, ba hi tisinya ti omileko kumbiri,

- ti runzuwulwako ni mit-su;
Mat. 15. 13. 1 Kor. 11. 21. Efe. 4. 14.
 2 Pet. 2. 13, 17.
- 13 Ba gobozako kota mabya-ndlati ya bimbi, ba pupuma tinganeni tabye; a tinyeleti ti nzulako, laba ba bekelweko a kutsisa ka munyama kala kupinzuka.
Fil. 3. 19. 2 Pet. 2. 17.
- 14 Ni ka lezi Enoke, a wa wun-klanu na kumbiri ku suka ka Adamu, i lo profeta aku, Languta, a a Hosi yi lota ni ba kume ga ma kume ya mazana laba bakwe bobasa,
Mat. 25. 31. 2 Tesa. 1. 7. Kuv. 1. 7.
- 15 A kuta ku yimisa kulamula ka bonkle, yi ta ba kona bonkle a ba-nga-kolwiko hi mitiro yabye yonkle yi nga hiko wunungungulu leyi ba nga yi maha hi ku nga hi wunungungulu, ni zonkle zilo zo biha lezi a ba-nga-kolwiko ba nga mu rukatela ha zona.
- 16 Laba hi bakalali, ni basolako, na ba fambako hi kumbilukela kabye (ni milomu yabye ba wulawula a timhaka ta hombe ta matsanza), ba hi ni kuhlawula banhu hi kota ya binzu.
Jam. 2. 1, 9. 2 Pet. 2. 18.
- 17 Kanilezi nwina, baranzekako, alakanyani a timhaka leti ti nga kanelwa hi mahlweni hi bapostoli ba Hosi ya hina Jesu Kristu;
2 Pet. 3. 2.
- 18 Lezaku ba wulisile ku yini ka nwina, Hi xikati xa kugumesa ku ta ba kona a batseketseli, ba maha hi kuonhakala kabye ka kumbilukela.
1 Tim. 4. 1. 2 Tim. 3. 1. & 4. 3. 2 Pet. 2. 1. & 3. 3.
- 19 Laba hi bona ba mahako a kuhambana, a ba ka nyama, ba nga hi ko na Moya.
1 Kor. 2. 14. Heb. 10. 25. Jam. 3. 15.
- 20 Kanilezi nwina, baranzekako, na mu aku wutsumbu ga nwina kukolekeni ka nwina ko basana, na mu kombela hi ka Moya wo Basa,
Roma 8. 26. Efe. 6. 18. Kol. 2. 7. 1 Tim. 1. 4.
- 21 Mu hlayisa wutsumbu ga nwina kuranzeni ka Nungungulu, na mu cuwuka a titralo ta Hosi ya hina Jesu Kristu kuhanyeni ka kupinzuka.
Tit. 2. 13. 2 Pet. 3. 12.
- 22 Ba maheleni titralo banwani, laba ba nga kukanakeni;
- 23 Hanyisani banwani, na mu ba kamukela nzilweni; ni ka banwani ba maheleni titralo hi kucaba; na mu benga a tinguwo leti ti nyenyezisilweko hi nyama.
Roma 11. 14. 1 Kor. 3. 15. 1 Tim. 4. 16. Kuv. 3. 4.
- 24 Makunu ka yena a kotako ku mu gongola mu nga kungubanyeki, a mu yisa mahiweni ka wukosi gakwe na mu nga hi na bala hi kutsaka ka hombe,
Roma 16. 25. Efe. 3. 20. Kol. 1. 22.
- 25 Ka yena loyi Nungungulu yece a Muhanyisi wa hina, hi Hosi ya hina Jesu Kristu,

a ku be wukosi, ni wukulu,
ni mufumo, ni ntamo, ma-
hlweni ka zikati zonkile, ni

makunu, ni kala kupinzu-
ka kambe. Amen.

Roma 16. 27. 1 Tim. 1. 17. & 2. 3.

A KUVULULWA KA JOHANI.

XIPIMO 1.

1 A kuvululwa ka Jesu Kri-
stu, a nga nyikiwa hi Nu-
ngungulu ku wonisa ka xi-
tiri xakwe, zilo zi ta nga
cikela lokuloku : i lo rume-
la hi ngelosi yakwe ka xi-
tiri xakwe Johani;

Joh. 3. 32. & 8. 26. & 12. 49. xipm. 3.
xip. 4. 1. & 22. 16.

2 A nga maha wukustumu-
nyu ga mhaka ya Nungu-
ngulu, ni wukustumunyu
ga Jesu Kristu, ni wa zilo
zonkile a nga zi wona.

1 Kor. 1. 6. 1 Joh. 1. 1. xipm. 9. xip.
6. 9. & 12. 17.

3 U katekile loyi a gonzako,
ni laba ba zwako a timhaka
ta loku kuprofeta, ba hla-
yisa zilo zi tsalilweko ko-
na : hakuba xikati xi tsi-
nele.

Luka 11. 28. Roma 13. 11. Jam. 5. 8.
1 Pet. 4. 7. xip. 22. 7, 10.

4 Johani ka tona ticeci ta
nklanu ni timbiri ta le Asia:
Wuxinji a gi mahe ka nwi-
na ni kurula. ku tako hi ka
yena a nga kona, a nga hi
kona, kambe a ta ngata ; ni
Mimoya ya nklanu ni mi-
mbiri yi nga le mahlweni

ka xitsamo xa wukosi xa-
kwe;

Joh. 1. 1. xipm. 8. xip. 3. 1. & 4. 5. &
5. 6.

5 Ni ya kuta hi le ka Jesu
Kristu, a kustumunyu a
tsumbekako, ni wa mate-
wula ya bafleko, ni mufu-
meli wa tihosi ta misaba.
Ka yena a hi ranzako, a hi
klakla ku onheni ka hina hi
nkata wakwe;

Joh. 8. 14. & 13. 34. & 15. 9. 1 Kor. 15.
20. Gal. 2. 20. Efe. 1. 20. Kol. 1.
18. 1 Tim. 6. 13. Heb. 9. 14. 1 Joh.
1. 7. xip. 3. 14. & 17. 14. & 19. 16.

6 U lo hi maha mufumo, ku
tsama bapristi ka Nungu-
ngulu ni Raru wakwe; ka
yena a ku mahe wukosi ni
wudumo kala kupinzuka ni
kupinzuku. Amen.

1 Tim. 6. 16. Heb. 13. 21. 1 Pet. 2. 5,
9. & 4. 11. & 5. 11. xip. 5. 10 & 20. 6.

7 Languta, wata hi marefu;
ni mahlo wonkile ma ta mu
wona, ni laba ba nga mu
klaba; tixaka tonkile ta mi-
saba ti ta rila hi yena. Hi-
zona, Amen.

Mat. 24. 30. & 26. 64. Joh. 19. 37. Mlt.
1. 11.

8 Hi mina Alfa ni Omega, a
Hosi Nungungulu, a nga

- kona, a hi kona, kambe a ta ngata, a nga ni Ntamo wonkle.
xipm. 4, 11, 17. xip. 2. 8. & 4. 8. & 11. 17. & 16. 5. & 21. 6. & 22. 13.
- 9 Mina Johani, makwenu wa nwina, a hlengeleko na nwi-
na le kuxanisekeni ni le mu-
funweni ni le ku honiseleni
ka Jesu, nzi wa hi kona le
xihlalani xi ti byako Patmo-
si, hi mhaka ya Nungungulu
ni ku kustumunya hi Jesu.
Roma 8. 17. Fil. 1. 7. & 4. 14. 2 Tim. 1. 8. & 2. 12. xipm. 2. xip. 6. 9.
- 10 Nzi hi le Moyeni hi siku ga
Hosi, nzi lozwa le nzako ka
mina a gezu ga hombe, gi
kotisa ga punzu gi ku,
Joh. 20. 26. Mit. 10. 10. & 20. 7. 1
Kor. 16. 2. 2 Kor. 12. 2. xip. 4. 1, 2.
& 10. 8. & 17. 3. & 21. 10.
- 11 Lezi u zi wonako, zi tsale
bukwini, u gi rumela le ti-
cecini ta nklanu ni timbiri;
ya le Efesu, ni le Smurna,
ni le Pergamumi, ni le Tua-
tira, ni le Sardesi, ni le Fi-
ladelfia, ni le Laodikea.
xipm. 8, 17.
- 12 Nzi lo hunzuluka akuba nzi
wona gezu gi wulawulako
na mina. Laha na nzi hu-
nzulukile nzi lo wona nkla-
nu wa tinhi ta tikandiya ni
timbiri ta nzalama;
xipm. 20.
- 13 Laha xikari ka tinhi ta ti-
kandiya nzi lo wona wokari
wofanana ni Nwana wa
munhu, anbele a nguwo yi
cikelako mikonzweni, yi bo-
hilweko hi le mabeleni hi
bandi ga nzalama.
xip. 2. 1. & 14. 14. & 15. 6.
- 14 A hloko yakwe ni misisi
yakwe yo basa kwatsi hi
woya ga tiyivu, a basa
kwatsi hi hunguba; mahlo
yakwe kwatsi hi pingi ga
nzilo;
xip. 2. 18. & 19. 12.
- 15 Ni mikonzo yakwe kotisa
suku wo ngangamela, kota
ku kwatsi yi hisilwe pi-
ngweni; gezu gakwe kotisa
kuzwakala ka mamati ma
nyingi.
xip. 2. 18. & 14. 2. & 19. 6.
- 16 A komile hi canja gakwe
ga xinene tinyeleti ta klanu
ni timbiri: ku huma no-
nwini wakwe a supado yo
kariha maklelo yonkle yi
trotikile: ngohe yakwe ku
kota gambo na gi nganga-
mela hi ntamo wa gona.
Mit. 26. 13. Efe. 6. 17. Heb. 4. 12.
xipm. 20. xip. 2. 1, 12, 16. & 3. 1. &
10. 1. & 19. 15, 21.
- 17 Na nzi mu wonile, nziwa
lahasi mikonzweni yakwe
kotisa loyi a fileko. Na kla-
tekile canja gakwe ga xine-
ne hehla ka mina, aku,
U nga cabi; nzi wa kusa-
ngula ni wa kugumesa, ni
loyi a Hanyako;
xip. 2. 8. & 22. 13. xipm. 11.
- 18 Nzi wa file, languta, nza ha-
nya kala kupinzuka, nzi na
ni tipfungulo ta kufa ni
Hayidesi.
Roma 6. 9. xip. 4. 9. & 5. 14. & 20. 1.
- 19 Tsala hi kwa laho zilo u zi
wonileko, ni lezi zi nga ko-
na, ni lezi zi ta nga nga zi
hi kona hi le nzako ka lezi;
xipm. 12, &c. xip. 2. 1, &c. & 4. 1, &c.
- 20 A kufihlakala ka klanu wa

tinyeleti ni timbiri u nga ti wona canjeni ga mina ga xinene, ni nklanu ni timbiri tikandiya ta nza-lama. Tinyaleti ta nklanu ni timbiri ti hi tingelosi ta ticeci ta nklanu ni timbiri : a tinhi ta tikandiya ta nkla-nu ni timbihi ticeci ta nkla-nu ni timbiri.

Mat. 5. 15. Fil. 2. 15. xipm. 12, 16. xip. 2. 1, &c.

XIPIMO 2.

- 1 Ka ngelosi ya ceci ya le Efesu tsala ;

Lezi zilo a ku yena a ko-mileko tinyeleti ta nklanu ni timbiri canjeni gakwe ga xinene, loyi a fambako xi-kari ka tikandiya ta nzala-ma ta nklandi ni timbiri :

xip. 1. 13, 16, 20.

- 2 Nza yi tiba mitiro ya wena, ni ku pinyama ka wena ni ku honisela, ni ku ngalo a ku na ku vumela banhu bo biha, u ba hlolile laba ba ti-bitako bapostoli, na ba nga hi bona, u ba kumile na ba kanganyisa ;

2 Kor. 11. 13. 2 Pet. 2. 1. 1 Joh. 4. 1. xipm. 9, 13, 19. xip. 3. 1, 8, 15.

- 3 U honisele u xanisekile hi bito ga mina, a ku karalangi.

Gal. 6. 9. Heb. 12. 3, 5.

- 4 Kanilezi nzi na ni lexi ka wena, hakuba u tsikile ku-ranza ka wena kusangula.

- 5 Alakanya hilezo laha u wileko kona, hunzuluka, u tira mitiro yosangula; nza-ta ka wena, nzi ta susa linhi

la kandiya wu tsanweni ga lona, saseka loku u hunzu-luka.

Mat. 21. 41, 43.

- 6 Kanilezi u maha, ku ngalo wa benga mitiro ya ba Ni-kolatani, nzi yi bengako na mina.

xipm. 15.

- 7 Loyi a nga ni ndlebe, azwe loku ku wulawulwako hi Moya ticecini. Ka yena a hlulako, nzi ta mu nyika kuga a sinyi ya wutomi, yi nga kona Paradesini ga Nu-ngungulu.

Mat. 11. 15. & 18. 9, 43. xipm. 11, 17, 29. xip. 3. 6, 13, 22. & 13. 9. & 22. 2, 14.

- 8 Ni ka ngelosi ya le Smurna tsala ;

Lezi zilo u nga lo yena wa kusangula ni wa kugume-sa, a ngafa, futsi wa ha-nya :

xip. 1. 8, 17, 18.

- 9 Nza ku tiba kuxaniseka ka wena, ni wusiwana (kanile-zi u fumile), ni kurukatela ka laba ba nge nga lo ba Juda, na nga hi bona, kani-lezi ba hi sinagoga ga Sa-tani.

Luka 12. 21. Roma 2. 17, 28, 29 & 9. 6. 1 Tim. 6. 18. Jam. 2. 5. xipm. 2. xip. 3. 9.

- 10 U nga cabi lezi u ta nga xaniseka ha zona lokuloku: languta, diaboli u ta kotse-la banwani ba nwina pa-xweni, a kuba mu ringwe ; mu ta xaniswa a kumi ga masiku. Tsumbeka kala

- kufeni, nzi ta ku nyika xi-
dlodlo xa kuhanya.
Mat. 10. 22. & 24. 13. Jam. 1. 12. xip. 8. 11.
- 11 Loyi a nga ni ndlebe, azwe
loku Moya wu ku wulako
ticecini. Loyi a hlulako a
nga ta lamatwa hi kufa ka
wumbiri.
xipm. 7. xip. 13. 9. & 20. 14. & 21. 8.
- 12 Ni ka ngelosi ya ceci ya le
Pergamumi tsala;
Lezi zilo ku wula yena a
nga ni supado yo kariha yi
trotikako kumbiri:
xip. 1. 16.
- 13 Nza ku tiba laha u tsamako
kona, hi laha xi nga kona
xitsamo xa Satani: u komi-
sile bito ga mina, a ku ka-
netangi kukolwa ka mina,
hambu masikwini ya Anti-
pasi a kustumunyu wa mi-
na, a tsumbekileko ka mina,
a nga dawa xikari ka nwi-
na, laha Satani a tsamako
kona.
xipm. 2, 9.
- 14 Kanilezi nzi zi tsongwani hi
wena, hi lezi u nabo laho la-
ba ba komeleleko kugonzi-
seni ka Balami, a nga go-
nzisa Balaki a ku beka
xikungubanyiso mahlweni
ka banana ba Israeli, a ku-
ga zilo zi nyikelweko ka zi
fananiso, ni kubaya.
Mit. 15. 29. 1 Kor. 6. 13, &c. & 8. 9,
10. & 10. 19, 20. 2 Pet. 2. 15. Jude
11. xipm. 20.
- 15 Hizalezo u na bona wena,
laba ba komisileko kugonzi-
seni ka ba Nikolatani kotisa
lezo.
xipm. 6.
- 16 Ka lezo alakanya; hilezi nzi
tata ka wena lokuloku, nzi
talwa na bona hi supado ya
nomu wa mina.
2 Tesa. 2. 8. xip. 1. 16. & 19. 15, 21.
- 17 Loyi a nga ni ndlebe, azwe
loku ku wulwako hi Moya
ticecini. Ka loyi a hlulako
nzi ta nyika kakwe a mana
yi fihlekileko, nzi ta mu
nyika ribye go basa, ku tsa-
lilwe ribyeni bito giswa,
a nga haba loyi a gi tibako
saseka yena loyi a gi amu-
keleko.
xipm. 7, 11. xip. 3. 12. & 19. 12.
- 18 Ni ka ngelosi ya ceci ya le
Tuatira tsala;
Lezi zilo a ku Nwana wa
Nungungulu, a nga ni ma-
hlo yakwe kota ku ngenge-
mela ka nzilo ni mikonzo
yakwe kwatsi hi suku wo
ngangamela:
xip. 1. 14, 15.
- 19 Nza yi tiba mitiro ya wena,
ni kuranza ka wena ni ku-
kolwa ni ku kozela ni ku
honisela, ni mitiro ya wena
yo gumesa yi hunza yo sa-
ngula.
xipm. 2.
- 20 Kanilezi nzi na ni lexi ka
wena, hi lezi u vumela wa-
sati loyi Jezabeli, a ti bitako
ku ngalo muprofeti; wa go-
nzisa wa xengetela a zitiri
za mina u zi mahisa kubaya,
ziga ku nyikelweko zifana-
nisweni.
Mit. 15. 20, 29. 1 Kor. 10. 19, 20. xipm.
14.
- 21 Nzi mu nyikile xikati aku-

ba a hunzuluka ; a nga razi ku hunzuluka kubayeni kakwe.

Roma 2. 4. xip. 9. 20.

22 Languta, nzi ta mu hoxa xitandeni, zinwe ni laba ba bayako naye kuxanisekeni loku ka hombe, saseka loku ba hunzuluka mitirweni ya-bye.

23 Nzi ta daya banana bakwe hi kufa ; ni ticeci tonkle ti ta zi tiba lezo hi mina yena a hlolaku tisra ni timbilu : nzi ta nyika munwani ni munwani kota mitiro ya nwina.

Mat. 16. 27. Joh. 2. 24, 25. Mit. 1. 24. Roma 2. 6. & 8. 27. & 14. 12. 2 Kor. 5. 10. Gal. 6. 5. xip. 20. 12.

24 Kanilezi ka nwina nzi ngalo, labo saseka leyo Tuatira, bonkle laba ba nga hi ko nako loku kugonziswa, laba ba nga zi etileko za Satani, kota ba wulawulako ; nzi nga ta beka ka nwina ni munwe nzwalo,

Mit. 15. 28.

25 Hambu lezi lezo mu nga nazo, zi komiseni nzi karala nzi wuya.

xip. 3. 11.

26 Ni loyi a hlulako, ni loyi a alakanyako mitiro ya mina ku kala ku pinzuka, nzi ta nyika ka yena ntamo hehla ka matiko :

Mat. 19. 28. Luka 22. 29, 30. Joh. 6. 20. 1 Kor. 6. 3. 1 Joh. 3. 23. xip. 3. 21. & 20. 4.

27 I ta ma fumela hi nhonga ya xiketse, kota xibya xa muwumbi ma ta panzeka zi panzana ; kota mina nzi

amukelileko ka Dadani wa mina:

xip. 12. 5. & 19. 15.

28 Nzi ta mu nyika nyeleti ya mixo.

2 Pet. 1. 19. xip. 22. 16.

29 Loyi a nga ni ndlebe, azwe lezi zi wulwawulwako hi Moya ticecini.

xipm. 7.

XIPIMO 3.

1 Ni ka ngelosi ya ceci ye le Sardisi tsala;

Lezi zilo a ku loyi a nga ni Mimoya ya nklanu ni mimbiri ya Nungungulu, ni tinyeleti ta nklanu ni timbiri: nza yi tiba mitiro ya wena, akuba u na ni bito ga ku u kona, na u file.

Efe. 2. 1, 5. 1 Tim. 5. 6. xip. 1. 4, 16. & 2. 2. & 4. 5. & 5. 6.

2 Rinzela, u tiyise zilo zi seleko, lezi zi nga ta nga zi file: hilezi a nzi yi kumi mitiro ya wena yi mbelele mahlweni ka Nungungulu wa mina.

3 Hikwalaho alakanya a ku ngalo u amukelisile ku yini u zwisile ku yini ; u yi hlayisa, u hunzuluka. Hikwalaho loku u nga rinzeli, nzi ta kutela kota nkamba, u nga xi tiba xikati nzi ta nga kutela ha xona.

Mat. 24. 42, 43. & 25. 13. Marku 13. 33.

Luka 12. 39, 40. 1 Tesa. 5. 2, 6.

1 Tim. 6. 20. 2 Tim. 1. 13. 2 Pet. 3.

10. xipm. 11, 19. xip. 16. 15.

4 Kanilezi u na ni mabito matsongwani le Sardisi ya laba ba nga kala ku nyenyezisa tinguwo tabye : ba ta fa-

mba na mina ba ambele le tobasa; hakuba ba fanele.

Mit. 1. 15. Jude 25. xip. 4. 4. & 6. 11. & 7. 9, 13.

- 5 Loyi a hlulako i ta ambali-swa lezo a tinguwo tobasa; nzi nga ta fubisa bito ga-kwe le bukwinu ga wutomi. nzi ta vumela bito gakwe mahlweni ka Dadani wa mina, ni mahlweni ka ti-ngelosi takwe.

Mat. 10. 32. Luka 12. 8. Fil. 4. 3. xip. 13. 8. & 17. 8. & 19. 8. & 20. 12. & 21. 27.

- 6 Loyi a nga ni ndlebe azwe loku ku wulwako hi Moya ticecini.

xip. 2. 7.

- 7 Ni ka ngelosi ya ceci ya le Filadelfia tsala;

Lezi zilo u ngalo loyi a basileko, loyi wa zinene, a nga ni pfungulo ya Davida, a vululako, ku nga vali munhu, a valako, ku nga vululi munhu:

Mat. 16. 19. Luka 1. 32. Mit. 3. 14. 1 Joh. 5. 20. xipm. 14. xip. 1. 5, 18. & 6. 10. & 19. 11.

- 8 Nza yi tiba mitiro ya wena (languta, nzi bekile mahlweni ka wena a libati li vululweko, ku nga hiko kona munhu a li valalako), hakuba u na ntamo wu wutsongwani, u hlayisile mha-ka ya mina, a ku kanetangi bito ga mina.

1 Kor. 16. 9. 2 Kor. 2. 12. xipm. 1.

- 9 Languta, nzi ba maha ba sinagoga ga Satani, laba ba wulako ku ngalo ba Juda, na ba nga hi bona, kanilezi

ba hamba wunwa; languta, nzi ta ba maha ba ta kozela mahlweni ka mikonzo ya wena. ba tiba lezaku nzi ku ranzile.

xip. 2. 9.

- 10 Hilezi u yi hlayisile mhaka ya ku honisela ka mina, nzi ta ku hlayisa hi xikati xa ku ringwa, loku ku ta nga cikela tikweni gonkle, kasi ku ringwa laba ba aki-leko misabeni.

Luka 2. 1. 2 Pet. 2. 9.

- 11 Nzata lokuloku: komisisa lezi u nga nazo, kasi u nga tekelwi xidlodlo xa we-na.

Fil. 4. 5. xipm. 3. xip. 1. 3. & 2. 10. 25. & 22. 7, 12, 20.

- 12 Loyi a hlulako nzi ta mu maha mhanze tempeleni ya Nungungulu wa mina, a nga ta ha huma kona ka-mbe: nzi ta tsala hehla ka-kwe bito ga Nungungulu wa mina, ni bito ga muti wa Nungungulu wa mina, a Jerusalema giswa, wu rele-lako hi le tilweni ka Nu-ngungulu wa mina, ni bito ga mina giswa.

Gal. 2. 9. & 4. 26. Heb. 12. 22. xip. 2. 17. & 14. 1. & 21. 2, 10. & 22. 4.

- 13 Loyi a nga ni ndlebe, azwe loku ku wulwako hi Moya ticecini.

xip. 2. 7.

- 14 Ni ka ngelosi ya ceci ya Laodikea tsala;

Lezi zilo aku Ameni, a kustumunyu a tsumbekile-ko wa zinene, a mu sanguli

wa kumaha ka Nungungu-
lu:

Kol. 1. 15. xip. 1. 5. & 19. 11. & 22. 6.
xipm. 7.

- 15 Nza yi tiba mitiro ya wena,
a ku titimeli, a ku hisi: ku-
saseka u titimela, kutani u
hisa.

xipm. 1.

- 16 Hikwalaho wa ku fumela, a
ku hisi a ku titimeli, nzi ta
ku kavula nonwini wa mi-
na.

- 17 Hilezi wa ku, Nzi fumile, nzi
pfunile, a nzi labi cumo; a
ku tibi lezaku u hi loyi a
xanisekako ni nyakeke ni
xisiwana ni xikumu ni xi-
mbyiri:

1 Kor. 4. 8.

- 18 Nza ku laya akuba u xaba
ka mina nzalama yi hluti-
lweko hi nzilo, a ku kasi wa
fuma; ni tinguwo tobasa,
akuba u ti ambale, ku nga
woneki a tingana ta wu-
mbyiri ga wena; ni wa ku
tita mahlo ya wena, kasi
wa wona.

Mat. 13. 44. & 25. 9. 2 Kor. 5. 3. xip.
7. 13. & 16. 15. & 19. 8.

- 19 Kwatsi hi ba nyingi laba
nzi ba ranzako, nza ba ko-
mbisa nzi ba xanisa: hika-
laho pinyama, u hunzuluka.

Heb. 12. 5, 6. Jam. 1. 12.

- 20 Languta, nza ha yimile le
nyangweni nza gongonza:
loku munhu azwa gezu ga
mina a vulula libati, nzi ta
engena kakwe, nzi taga na
yena, yena a taga na mina.

Luka 12. 37. Joh. 14. 23.

- 21 Loyi a hlulako, nzi ta mu
nyika yena ku tsama na

mina xitsanweni xa mina
xa wukosi, kota mina nzi
nga hlula, nzi tsamile na
Dadani wa mina xitsanwe-
ni xakwe xa wukosi.

Mat. 19. 28. Luka 22. 30. 1 Kor. 6. 2.
2 Tim. 2. 12. xip. 2. 26, 27.

- 22 Loyi a nga ni ndlebe, azwe
loku Moya wu wulako tice-
cini.

xip. 2. 7.

XIPIMO 4.

- 1 A nzaku ka lezi zilo nzi
lo wona, languta, libati li,
vululekile le tilweni, a ge-
zu go sangula legi nzi nga
gizwa, go kota punzu wu
wulawulako na mina, giku,
Kanziya laha, nzi ta ku
wonisa lezi zi ta nga cikela
a nzako ka lezi.

xip. 1. 10, 19. & 11. 12. & 22. 6.

- 2 Lokuloku nzi wa hi le Mi-
moyeni: languta, ku wa hi
kona xitsamo xa wukosi xi
bekilweko tilweni, a hi ko-
na munwe a nga tsamile ka
xona;

xip. 1. 10. & 17. 3. & 21. 10.

- 3 Ni loyi a nga tsamile ka xo-
na i kotisa a ribye ga jaspe-
ri ni sardisi le kucuwukwe-
ni: ni wura ga nyazimo gi
ranzele xitsamo xa wukosi,
kota ribye ga emeraldi ku-
cuwukekeni.

- 4 Ku wa hi kona hi le xitsa-
nweni xa wukosi a maku-
mi mambiri ya zitsamo za
wukosi ni mune; Ni le zi-
tsanweni za wukosi a ma-
nganakana ya makumi ma-
mbiri ni mune, ma ambele
tinguwo to basa; nzi lo wo-

na ni le tindhlokweni ta wona a zidlodlo za nzalama.

xipm. 10. xip. 3. 4, 5. & 6. 11. & 7. 9, 13, 14. & 11. 16. & 19. 14.

- 5 Ku huma xi tsanweni xa wukosi xingwalangwanza ni magezu ni ku dzinza. Ku wa hi kona tikandiya ta nklanu ni timbiri ti vurako mahlweni ka xitsamo xa wukosi, leti ti nga Mimoya ya nklanu ni mimbiri ya Nungungulu;

xip. 1. 4. & 3. 1. & 5. 6. & 8. 5. & 16. 18.

- 6 Ni mahlweni ka xitsamo xa wukosi, ku wa hi kokwatsi bimbi ga mawoni kota krustali; ni laha xikari ka xitsamo xa wukosi, ni manklelweni ya xitsamo xa wukosi, ku wa hi kona zimahwa zi hanyako za muna zi tele hi mahlo laha mahlweni ni le nzako.

xipm. 8. xip. 15. 2.

- 7 Ximahwa xo sangula xi tsama kota ngala, ni xi mahwa xa wumbiri xi kotisa a role, ni xi mahwa xa wunharu xi kotisa ngohe ya munhu, ni ximahwa xa wu mune xi kotisa gama gi purumako.

- 8 A ximahwa zi hanyako za mune, zi wa hi ni nklanu wa tipapa ni linwe xinwe ni xinwani, laho handhle ni lomo nzeni zi tele hi mahlo: zi nga hi ni kuhumula mu mu ni wusiku, ziku, Basa, basa, basa, Hosi Nungungulu, wa Ntamowonkle, a nga hi kona a nga hi kona a ta nga ba kona.

xipm. 6. xip. 1. 4, 8.

- 9 Laho lezi zimahwa zihanyako zi mu dzunza zi mu dumisa zi mu bonga loyi a tsamileko xitsanweni xa wukosi, ka loyi a ta nga ba kona lezo kala kupinzuka nu kupinzuku,

xip. 1. 18. & 5. 14. & 15. 7.

- 10 A manganakana ya maku mi mambiri ni mune ma tawa mahlweni ka loyi a tsamileko le hehla ka xitsamo xa wukosi, ma tu mu dumisa loyi a hanyako kala kupinzuka ni kupinzuka, ma rula zidlodlo za wona manhlweni ka xitsamo xa wukosi, maku,

xipm. 4, 9. xip. 5. 8, 14.

- 11 Hosi ya hina ni Nungungulu wa hina, u fanele wena, ku amukela kudumiswa ni kudzunziwa ni ntamo: hilezi hi wena u nga maha zilo zonkle, hi kuranza ka wena zi kona, zi mahilwe futsi.

Mit. 17. 24. Efe. 3. 9. Kol. 1. 16. xip. 5. 12. & 10. 6.

XIPIMO 5.

- 1 Nzi lo wona le canjeni ga xinene ga yena loyi a nga tsamile xitsanweni xa wukosi a buku gi tsalilwe lomo xikari ni laha handhle, yi nameketilwe zitiyiso za nklanu ni zimbiri.

- 2 Nzi lo wona ngelosi ya ntamo yiba hungu hi gezu ga hombe, Hi mani a faneleko kuvulula a buku, ni ku namuruta zitiyiso za gona ke?

- 3 Ku wa nga hi kona ni mu-

nwe tilweni, ni misabeni, hambu lahasi ka misaba, a nga hi ni ntamo kuvulula buku, hambu ni ku gi cuwuka.

xipm. 13.

4 Nzi lo rila nguvu, lezi ku nga kumiwangi munhu a faneleko ku vulula a buku, hambu ku gi cuwuka:

5 A munwe wa manganakana a ku ka mina, U nga rili: languta, Ngala ya lixaka la Juda, Mutsu wa Davida, yi hlulile, ku vulula a buku ni zitiyiso za nkalanu ni zimbiri za gona.

Roma 15. 12. Heb. 7. 14. xipm. 1. xip. 6. 1. & 22. 16.

6 Nzi lo wona xikari ka xitsamo xa wukosi ni zimahwa zihanyako mune, ni xikari ka manganakana, nzi lo wona Ivana yi yimile, na yi ku kwatsi yi delwe, na yi hi ni timhonzo ta nkalanu ni timbiri, ni mahlo ya nkalanu ni mambiri, lezo hi Moya wa nkalanu ni mimbiri ya Nungungulu, leyi yi rumeleweko misabeni yonkle.

Joh. 1. 29, 36. 1 Pet. 1. 19. xipm. 9. 12. xip. 4. 5. & 13. 8.

7 Yi lo ta, yi gi teka a canje-ni ga xinene ga loyi a nga tsamile xitsanweni xa wukosi.

xip. 4. 2.

8 Na yi gi tekile a buku, a mune wa zimahwa zi hanyako ni manganakana ya makumi mambiri ni mune ma korama mahlweni ka Ivana, a ginwe ni ginwani gi hi ni gubu, ni xibya xa

nzalama xi tele hi pepo, lo-wu ku nga hi ku kombela ka bo basa.

xip. 4. 8, 10. & 8. 3, 4. & 14. 2. & 15. 2.

9 Ba yimbelela lisimu liswa, baku, U fanela ku teka a buku, ni kuvulula zitiyiso za gona: hilezi u wa delwe, u hi xabile hi nkata wa wena u hi mahile ba ka Nungungulu banhu ba tixaka tonkle, ni tirimi, ni banhu, ni matiko,

Mit. 20. 28. Roma 3. 24. 1 Kor. 6. 20. & 7. 23. Efe. 1. 7. Kol. 1. 14. Heb. 9. 12. 1 Pet. 1. 18, 19. 2 Pet. 2. 1. 1 Joh. 1. 7. xipm. 6. xip. 4. 11. & 7. 9. & 11. 9. & 14. 3, 4, 6.

10 Ku ba maha mufumo ni baptisti ba Nungungulu wa hina; ba fuma misabeni.

1 Pet. 2. 5, 9. xip. 1. 6. & 20. 6. & 22. 5.

11 Nzi lo wona, nzi lozwa gezu ga tingelosi to tala ti ranzele xitsamo xa wukosi ni zimahwa zi hanyako ni manganakana; a ku tala ka tona ku wa hi kumi ga mazana ya kumi ga mazana ya mazana, ni mazana ya mazana;

Heb. 12. 22. xip. 4. 4, 6.

12 Ziku hi gezu ga hombe, Yi fanele Ivana leyi yi nga dawa, ku amukela ntamo, ni kufuma, ni kuklariha, ni wunhenha, ni wudumo, ni wukosi, ni kukatekiswa.

xip. 4. 11.

13 Ni zilo zonkle zi mahilweko zi nga le tilweni, ni misabeni, ni lezi zi nga lahasi ka misaba, ni lezi zi nga le bimbini, ni zonkle lezi zi nga kona ka zona, nzi zizwa ziku, Kukatekiswa, ni kudu-

miswa, ni wukosi, ni mufumo, a ku mahe ka yena a tsamileko xitsanweni xa wukosi, ni ka Ivana, ku kala kupinzuka ni kupinzuka.

Roma 9. 5. & 16. 27. Fil. 2. 10. 1 Tim. 6. 16. 1 Pet. 4. 11. & 5. 11. xipm. 3. xip. 1. 6. & 6. 16. & 7. 10.

- 14 Ni zimahwa zi hanyako za mune zi ku ngalo, Amen. A manganakana ma lowa dumisa ma lo.

xip. 4. 9, 10. & 19. 4.

XIPIMO 6.

- 1 Nzi lo wona laha Ivana yi vululako a ginwe ga zitiyiso za nklanu ni zimbiri, nzi lozwa xinwe xa zimahwa zi hanyako za mune xi ku kwatsi igezu go dzinza, Tana.

xip. 4. 7. & 5. 5, 6, 7.

- 2 Nzi lo wona, languta, a haxi go basa, ni loyi a kileleko hehla ka gona a komilewura; ku nyikwa kakwe xidlodlo: a huma kuhlula, ni ku hlula.

xip. 14. 14. & 19. 11.

- 3 Na vululile a xitiyiso xa wumbiri, nzi lozwa ximahwa xi hanyako xa wumbiri xiku, Tana.

xip. 4. 7.

- 4 Ku huma ginwani haxi, go truka: ni loyi a nga kilele hehla ka gona a nyikwa ku susa kurula misabeni, kasi ba dayana: a nyikwa kakwe a supado ya hombe.

- 5 Ni loku a vulula a xitiyiso xa wunharu, nzi lozwa a

ximahwa xi hanyako xa wunharu xiku, Tana. Nzi lo wona, languta, haxi ga ntima; ni loyi a nga kilele hehla ka gone na hi ni xiriganiso a canjeni gakwe.

xip. 4. 7.

- 6 Nzi lozwa ku kwatsi gezu xikari ka mune wa zimahwa zi hanyako giku, Xipimo xa mapa hi capawu, ni xipimo xinharu xa zipfaki hi capawu; u nga onhi mafura ni waini.

xip. 9. 4.

- 7 Na vulule a xitiyiso xa mune, nzi lozwa gezu ga ximahwa xi hanyako xa wumune giku, Tana.

xip. 4. 7.

- 8 Nzi lo wona, languta, a haxi go balala: ni loyi a nga kilele hehla ka gona, a bito gakwe hi Kufa; a Hayidesi gi mu lanzisela. Ni ntamo wu nyikiwa zona hehla ka mune wa zipanze za misaba, ku daya hi supado, na hi ndlala, na hi kufa, ni zihari zo kwatsi za misaba.

- 9 Na vulule zitiyiso xi tiyiso xa wunklanu, nzi lo wona lahasi ka alati mihefemulo ya laba ba nga dawa hi kota ya mhaka ya Nungungulu, na hi kota ya wukustumunyu legi ba nga gi komile:

2 Tim. 1. 8. xip. 1. 9. & 8. 3. & 9. 13. & 12. 17. & 14. 18. & 19. 10. & 20. 4.

- 10 Ba bahuwa hi gezu ga hombe, baku, O Hosi, yo basa ni zinene, kuta kala ku yini

na u lamula na u pota nka-
ta wa hina ka laba ba tsa-
mileko misabeni ke?

xip. 3. 7. & 11. 18. & 19. 2.

- 11 Ku hiwa ka munwe ni mu-
nwani a nguwo yo basa; ku
wulwa kabye, ku ngalo, a
ba humule kambe xikata-
nyana, karala laba ba tirako
kota ni ba makabye, ba ta
nga dawa kota bona, ba ta-
tiseka.

Heb. 11. 40. xip. 3. 4. 5. & 7. 9. 14. &
14. 13.

- 12 Nzi lo wona laha a nga vu-
lula xitiyiso xa wu nkalanu
ni xinwe, ku wa hi kona ku
tsekatseka ka hombe ka mi-
saba; ni gambo gi maha-
ntima kotisa nguwo ya wo-
ya; ni hweti yonkle yi ma-
ha ku kwatsi nkata;

Mat. 24. 29. Mit. 2. 20. xip. 16. 18.

- 13 Ni tinyeleti ta tilo tiwa mi-
sabeni, kotisa kuwu wu
nklakliwako makuwu ya
wona mambisi, na wu ni-
nginizwa hi mheho ya ho-
mbe.

xip. 8. 10. & 9. 1.

- 14 A tilo gi suswa kotisa papi-
lo laha gi songilweko; zi-
tsunga zonkle ni zihlale zi
suswa wutsanweni ga zona.

Heb. 1. 12, 13. xip. 16. 20.

- 15 Ni tihosi ta misaba, ni tiho-
sana, ni tinduna ta hombe,
ni banhu bo fuma, ni banhu
ba ntamo, ni tikumbi ni ba-
klaklekileko, ba lo ti fihla
minzelelweni ni le maribye-
ni ya zitsunga;

- 16 Ba ku ka zitsunga ni le ma-
ribyeni, Wanani hehla ka

hina, mu hi fihla ngoheni
ya yena loyi a tsamileko xi-
tsanweni xa wukosi, ni le
kulweni ga Ivana:

Luka 23. 30. xip. 9. 6.

- 17 Hilezi a siku ga hombe ga
kulo gabye gi cikele; hima-
ni a kotako ku yima ke?

xip. 16. 14.

XIIMO 7.

- 1 A nzaku ka lexi nzi lo wo-
na mune wa tingelosi na ti
yimile kugumelweni ka mu-
ne ka misaba, na ti komile
mune wa timheho ta misa-
ba, kasi mheho yi nga pu-
puxi misabeni, hambu bi-
mbini, hambuhehla ka sinya
ni yinwe.

xip. 9. 4.

- 2 Nzi lo wona yinwani ngelo-
si na yi kanziya hi le mu-
tsuwuka-gambo, na yi hi ni
xitiyiso xa Nungungulu a
hanyako: yi bahuwa hi ge-
zu ga hombe ka mune wa
tingelosi, leti ti nga nyikiwa
a ku bayisa misaba ni bi-
mbi,

- 3 Yi ku, Mu nga bayisi misa-
ba, hambu ni bimbi, hambu
ni tisinya, hi kala hi beka
xitiyiso zimobyeni za zitiri
za Nungungulu wa hina.

xip. 6. 6. & 9. 4. & 14. 1. & 22. 4.

- 4 Nzi lozwa ku tala ka laba ba
nga bekiwa xitiyiso, ba wa
hi kumi ga mazana ya ma-
zana ni mune wa makumi
ya makumi ya mazana ni
mune wa makumi ya ma-
zana, ba bekiwa xitiyiso a

banana ba tixaka tonkle ta Israeli.

xip. 9. 16. & 14. 1.

- 5 Le Lixakeni la Juda ku bekiwa a xitiyiso kumi ga mazana ni mazana mambiri: ni le Lixakeni la Rubeni ku bekiwa xitiyiso kumi ga mazana ni mazana mambiri: ni le Lixakeni la Gadi ku bekiwa xitiyiso kumi ga mazana ni mazana mambiri:
- 6 Ni le Lixakeni la Axeri ku bekiwa xitiyiso kumi ga mazana ni mazana mambiri: ni le Lixakeni la Naftali ku bekiwa xitiyiso kumi ga mazana ni mazana mambiri: ni le Lixakeni la Manasa ku bekiwa xiyiso kumi ga mazana ni mazana mambiri:
- 7 Ni le Lixakeni la Simeoni ku bekiwa xitiyiso kumi ga mazana ni mazana mambiri: ni le Lixakeni la Levi ku bekiwa xityiso kumi ga mazana ni mazana mambiri: ni le Lixakeni la Isakari ku bekiwa xitiyiso kumi ga mazana ni mazana mambiri:
- 8 Ni le Lixakeni la Zabuloni ku bekiwa xitiyiso kumi ga mazana ni mazana mambiri: ni le Lixakeni la Josefa ku bekiwa xitiyiso kumi ga mazana ni mazana mambiri: ni le Li-

xakeni la Benjamini ku bekiwa xityiso kumi ga mazana ni mazana mambiri.

- 9 A nzako kalezi nzi lo wona, languta, xidlemo xa hombe, xi nga hi ku ni hlayiwa hi munhu, xa matiko wonkle, ni tixaka tonkle ni banhu ni tirimi, ti yimile mahlweni ka xitsamo xa wukosi ni mahlweni ka Ivana, ba ambele tinguwo to basa, ni micinzu mandleni yabye;
Roma 11. 25. xip. 3. 5, 18. & 4. 4. & 5. 9. & 6. 11. xipm. 14.
- 10 Xiba hungu hi gezu ga hombe, xi ku, Kuhanyiswa ka Nungungulu wa hina a tsamileko xitsanweni xa wukosi, ni ka Ivana.
xip. 5. 13. & 19. 1.
- 11 Ni tingelosi tonkle ti lo yi, ma ti renzelekela xitsamo xa wukosi, ni manganakana ni zimahwa zi hanyako za mune; ba lo korama hi tingohe tabye mahlweni ka xitsamo xa wukosi, ba lo dumisa Nungungulu,
xip. 4. 6.
- 12 Baku, Amen: Kukatekiswa, ni wukosi, ni kutiba, ni kubongwa, ni wudumo, ni ntamo, ni kuhlula, a ku mahe ka Nungungulu wa hina kala kupinzuka ni kupinzuka. Amen.
xip. 5. 13, 14.
- 13 Ku hlamula a nganakana ginwe, giku ka mina, Laba ba ambeleko le to basa, bamani, bata hi kwihi ke ?
xipm. 9.
- 14 Nzi loku ka yena, Hosi ya

mina, wa zi tiba wena. Gi-ku ka mina, Laba hi bona ba nga huma kuxanisekeni ka hombe, ba hlazile tingu-wo tabye, ba ti basisa le nkateni wa Ivana.

Heb. 9. 14. 1 Joh. 1. 7. xlp. 1. 5. & 6. 9. & 17. 6.

15 Hikwalaho ba kona mahlweni ka xitsamo xa wukosi xa Nungungulu; ba mu kozela mumu ni wusiku le tempeleni yakwe: yena loyi a tsamileko xitsanweni xa wukosi u ta tsambuluta a tabernekele gakwe hehla kabye.

xlp. 21. 3.

16 Ba nga tazwa ndlala kambe, ba nga tazwa tora kambe; hambu gambu gi nga tata hehla ka bona, hambu ni kuhisa:

xlp 21. 4.

17 Hakuba a Ivana leyi yi nga lomo xikari ka xitsamo xa wukosi yi taha murisi wabye, yi ba hletela tihlobyeni ta mati ya kuhanya: Nungungulu u ta kulula mihloti yonkle mahlweni ya bona.

Joh. 10. 11, 14. xlp. 21. 4.

XIPIMO 8.

1 Na vululile a xitiyiso xa nkulanu ni zimbiri, ku lanzela aku tiwitiwi bi ku kwatsi xipanze xa xikati.

xlp. 6. 1.

2 Nzi lo wona tingelosi ta nkulanu ni timbiri ti yimileko mahlweni ka Nungungulu; ku wa nyikilwe ka tona mi-

punzu ya nkulanu ni mimbiri.

Mat. 18. 10. Luka 1. 19.

3 Ni yinwani ngelosi yi lota yita yima hi alatini, na yi hi ni xibya xa pepo xa nzalama; yi nyikwa ka yena a pepo wo tala, lezaku yi nyikela zinwe ni ni kukombelela ka laba bo basa bonkle hehla ka alati ga nzalama legi gi nga mahlweni ka xitsamo xa wukosi.

xlp. 5. 8. & 6. 9.

4 A musu wa pepo, ni kukombela ka laba bo basa, ku tubikela mahlweni ka Nungungulu ku huma canjeni ga ngelosi.

Luka 1. 10.

5 Ni ngelosi yi nga teka xibya xa pepo; yi tatisa hi nzilo wa alati, yi xi hoxa hehla le misabeni: ku lanzela kudzinza, ni magezu, ni xingwalangwanza, ni kutsekatseka ka misaba.

Mtt. 4. 31. xlp. 16. 18.

6 Ni tingelosi ta nkulanu ni timbiri ti wa hi ni mipunzu ya nkulanu ni mimbiri ti ti longisela kuba.

7 Le yo sangula yi loba, ku lanzela a vula ya maribyaana ni nzilo, ku klanganisilwe ni nkata, ku hoxwa misabeni: ku lo hiswa xipanze xa wunharu xa misaba, ni xipanze xa wunharu xa tisinga xi lo hiswa, byanyi go nyuka gi hiswa gonkle.

xlp. 9. 4. & 16. 2.

- 8 Ni ngelosi ya wumbiri yi loba, ku ku kwatsi xitsunga xa hombe xi trako hi nzilo xi hoxwa lomo bimbini: ni xipanze xa wunharu xa bimbini xi lo maha nkata;
xip. 16. 3.
- 9 Ku lofa xipanze xa wunharu xa lezi zi mahilweko za le bimbini, hambu ni lezi zi hanyako; ni xipanze xa wunharu xa mataru xi mbe-tiswa.
xip. 16. 3.
- 10 Ni ngelosi ya wunharu yi loba, ku wanyeleti ya hombe hi le tilweni, yi vura kota xihlahle, yi wela ka xipanza xa wunharu xa micongo, ni le hehla ka tihlowo ta mamati;
xip. 9. 1. & 16. 4.
- 11 A bito ga ngelosi gi tibya Kubaba: ni xipanze xa wunharu xa mamati xi maha kubaba; banhu ba nyingi ba lofa hi mamati, hilezi ma mahisilwe ma baba.
- 12 Ni ngelosi ya wumune yi loba, ni xipanze xa wunharu xa gambo xi biwa, ni xipanze xa wunharu xa hwetiti, ni xipanze xa wunharu xa tinyeleti; kota lezo xipanze xa zona xa wunharu xi pfupeliswa, mumu wu nga woningi hi xipanze xa wona xa wunharu, ku maha lezo ni wusiku.
- 13 Nzi lo wona, nzizwa gama, na gi puruma xikari ka tilo,

giku hi gezu ga hombe, Kombo, kombo, kombo, ka laba ba akileko misabeni, hi kota ya manwani magezu ya mipunzu ya tingelosi tinharu, leti ta ha bako.
xip. 9. 12. & 11. 14. & 14. 6. & 19. 17.

XIPIMO 9.

- 1 A ngelosi ya wunklanu yi loba, nzi lo wona nyeleti yiwa hi le tilweni laha misabeni: ka yona yi hiwa a pfungulo ya nkele wu nga gumelwiko.
Luka 8. 31. & 10. 18. xipm. 2. 11. xip. 8. 10. & 17. 8. & 20. 1.
- 2 Yi lo vulula nkele wu nga gumelwiko; ku tubika musisi hi le nkeleni, kotisa musisi wa pingo ga hombe; ku pfupeliswa gambo ni mbingano wa tilo hi kota ya musilowu wu humako hi lomo nkeleni wu nga gumelwiko.
- 3 Ku huma hi lomo musini humbi yita misabeni; ka yona ku nyikwa ntamo, kotisa tihume ta misaba ti na nga ni ntamo.
xipm. 10.
- 4 Ku wulwa ka tona a ku ti nga bayisi byanyi ga misaba, hambu ni xilo xo nyuka, hambu ni sinya, kanilezi labo banhu boce ba nga hi ko ni xitiyiso xa Nungungulu zimobyeni zabye.
xip. 6. 6. & 7. 3. & 8. 7.
- 5 Ti nyikiwa ka tona a ku ti nga ba dayi, kanilezi ti ba xanisa tihweti ti nklanu: a kuxanisa kabya ku kwatsi

hi ku xaniswa hi hume, la-
ha na yi klabile munhu.

xipm. 10. xip. 11. 7.

6 Hi lawo masiku banhu ba
ta laba kufa, cima ba nga
ta ku kuma; ba ta nabela
kufa, ni kufa ku ta tsutsu-
ma kabye.

xip. 6. 16.

7 A ziyimo za tihumbi zi ko-
tisa a mahaxi ma longisela
kulwa; ku hi kona tihlo-
kweni ta yona ku kwatsi
zidlodlo za nzalama, ti ngo-
he ta yona ti kwatsi tingo-
he ta banhu.

8 Ti hi ni misisi yo kotisa ya
bawasati, meno ya tona yo
kotisa ya tingala.

9 Ti nazo zifubeni zinklangu,
kotisa zinklangu za ziketsie;
a guwa ga tipapa ta tona
kotisa guwa ga tikareta, ta
mahaxi yo tala ti tsutsume-
la kulweni.

10 Ti hi ni mikila kwatsi ya ti-
hume, ni tibole; mikileni ya
tona ti hi ni ntamo ku bayisa
banhu nklanu wa tihweti.

xipm. 5.

11 Ti hi ni xo kwatsi ihosi he-
hla ka tona a ngelosi ya
nkele wu nga gumelwiko:
bito ga yona hi xi Heberu yi
hi Abadoni, na hi xi Greki
bito ga yona hi Apolioni.

Efe. 2. 2. xipm. 1.

12 Kombo go sangula gi hu-
nzile: languta, kuta Mako-
mbo mambiri hi le nzako
ka gona.

xip. 8. 13.

13 Ngelosi ya nklanu ni yi-

nwe yi loba, nzi lozwa ge-
zu gita hi le timhonzweni
ta alita ga nzalama legi gi
nga mahlweni ka Nungu-
ngulu,

14 Giku ka ngelosi ya nklanu
ni yinwe, leyi yi na nga ni
punzu, Klakla mune wa ti-
ugelose ti bohilweko co-
ngweni lowo wa hombe
Eufratisi.

xip. 16. 12.

15 A mune wa tingelosi ti kla-
kliwa, ti nga longiselwe xi-
kati ni siku ni hweti ni
lembe, hakuba ti daya xipa-
nze xa wunharu xa banhu.

16 Wunyingi ga tiyimpi ta ba
mahaxi ba wa hi zana ga
mazana ya mazana ma wu-
yetilwe kumbiri: nzi lozwa
wunyingi gabye.

xip. 7. 4.

17 Kasi lezi nzi wona mahaxi
xiwonisweni, ni laba ba nga
kilele, ba hi ni zinklangu
zo kwatsi nzilo, ni jakinto,
ni solufa: a tihloko ta ma-
haxi ti kotisa a tihloko ta
tingala; ku huma kanwini
ka tona nzilo ni musu ni so-
lufa.

18 Hi loku kuxaniswa ka wu-
nharu xipanze xa wunharu
xa banhu xi dayiwa, hi nzi-
lo ni musu ni solufa, ku nga
huma milonwini ya wona.

19 Hakuba ntamo wa mahaxi
wu hi le milonwini ya wo-
na, ni le mikileni ya wona:
hakuba mikila ya wona yi
kotisa ya tinyoka, ma hi ni
tihloko na tona ti bayisa.

- 11 Ni nzako ka masiku-ma-nharu ni xipanze a Moya wa kuhanya wa le ka Nungungulu wu engena ka bona, ba yima hi milenge yabye; a ku tsisa ka hombe ku cikela ka bona ba nga wona.
xipm. 9.
- 12 Ba lozwa gezu ga hombe le tilweni giku ka bona, Ngonani laha hehla. Ba klakukela le hehla tilweni hi refu; a balala babye ba ba wona.
Mt. 1. 9. xip. 12. 5.
- 13 Ka xwa lexo xikati ku wa hi kona kutsekatseka ka hombe misaba, ni xipanze xa kuni xa muti xi lowa; na hi kutsekatseka ku lo dawa nklanu wa makumi ya mazana ni makumi mambiri ya mazana ya banhu: laba ba nga sele ba caba, ba nyika kudumisa ka Nungungulu wa tilo.
xip. 3. 4. & 6. 12. & 14. 7. & 15. 4. & 16. 19.
- 14 Kombo ga wumbiri gi hunzile: languta, Kombo ga wunharu gata lokuloku.
xip. 8. 13. & 9. 12. & 15. 1.
- 15 Ni ngelosi ya nklanu ni timbiri yi loba, ku lanzela magezu ya hombe le tilweni, maku ngalo, Mifumo ya tiko yi mahile ya mifumo ya Hosi ya hina, ni ya ka Kristu wa yona: u ta fuma kala kupinzuka ni kupinzuka.
xip. 10. 7. & 12. 10. & 16. 17. & 19. 6.
- 16 A makumi mambiri ni mune ya manganakana, laya ma tsamileko mahlweni ka Nungungulu zitsanweni za wona, mawa hi tingohe ta wona, ma kozela Nungungulu,
xip. 4. 4. & 5. 8. & 19. 4.
- 17 Maku, Hi nyika wena kubongwa, O Hosi Nungungulu, Wantamowonkle, a nga kona a nga hi kona; hilezi u tekelile ntamo wa wena wa hombe, u fumile.
xip. 1. 4, 8. & 4. 8. & 16. 5. & 19. 6.
- 18 Ni matiko ma lo zangari, a kulo ga wena gi cikela, ni xikati xa ba fileko xa kuba ba lamulwa, ni xakati ku nyika ncacazelo ka zitiri za wena baprofeti, ni ka laba bobasa, ni ka bona laba ba cabako bito ga wena, batsongwani ni laba bahombe; ni ku ba daya laba ba nga daya misaba.
xipm. 2, 9. xip. 6. 10. & 13. 10. & 18. 6. & 19. 5.
- 19 Ku wa vululwe a tempeli ya Nungungulu yi nga le tilweni; ku wonwa lomo tempeleni yakwe a ngaxa ya xivumelwano xakwe; ku lanzela xingwalangwanza, ni magezu, ni kudzinza, ni kutsekatseka ka misaba, ni vula ya maribyana ya hombe.
xip. 8. 5. & 15. 5, 8. & 16. 18, 21.

XIPIMO 12.

- 1 Ku lo woneka a xiwoniso xa hombe le tilweni; a wa-

sati na ambele a gambo, ni hweti lahasi ka mikonzo yakwe, ni hehla ka hloko yakwe a zidlodlo za kumi ni zimbiri za tinyeleti;

2 Na sikile: a bahuwa, a xaniseka hi ku beleka, a bayiswa hi ku trala.

Gal. 4. 19.

3 Ku woneka xinwani xi woniso le tilweni; languta, drako wa hombe lo wo truka, a hi ni tihloko ta nklanu ni timbiri ni kumi ga timhonzoz, ni zidlodlo za nklanu ni zimbiri hehla ka hloko yakwe.

xip. 13. 1. & 17. 3, 9, 10.

4 Ni nkila wakwe wu koka xipanze xa wunharu xa tinyelei ta tilo, a ti hoxa misabeni: ni drako i lo yima mahlweni ka wasati loyi a nga laba ku trala, kasi ku kadamula nwanana wakwe na ha ku hefemula.

xipm. 2. xip. 9. 10, 19. & 17. 18.

5 Yena i lo trala ni sanyana, wa wanuna, loyi a ta nga fumele matiko wonkle hi nhonga ya xiketse: ku su a nwanana wakwe a amukelwa ka Nungungulu, ni le xitsanweni xakwe xa wukosi.

xip. 2. 27. & 19. 15.

6 Ni wasati aabela la xiwuleni, laho ku nga ni wutsamo lego a longiselweko hi Nungungulu, lezaku a wunliwa kona a kumi ga mazana ni mazana mambiri ya masiku ni nklanu wa makumi ni kumi ginwe.

xipm. 4. xip. 11. 3.

7 Ku wa hi kona ku hloma le tilweni: Mikaeli ni tingelosi takwe ti lolwa na drako; ni drako alwa ni tingelosi takwe;

xipm. 3. xip. 20. 2.

8 A ti hlulangi, hambu ni wutsamo ga tona a gi kumiwangi kambe le tilweni.

9 Ni drako loyi wa hombe i lo hoxwa lahasi, leyo nyoka ya kale, yi ti byako Diaboli ni Satani, mukohlisi wa tiko gonkle; yi lo hoxwa lahasi misabeni, ni tingelosi takwe ti hoxwa lahasi na yena.

Luka 10. 18. Joh. 12. 31. xip. 9. 1. & 20. 2, 3.

10 Nzi lozwa gezu ga hombe tilweni, giku, Makunu ku cikele kuhanyiswa, ni ntamo, ni mufumo wa Nungungulu wa hina, ni ntamo wa Kristu wakwe: hilezi muhlebi wa bamakabye ba hina i hoxilwe lahasi, a nga ba kecara mahlweni ka Nungungulu wa hina mumu ni wusiku.

xip. 11. 15. & 19. 1.

11 Na bona ba muhlulile hi kota wa nkata wa Ivana, na hi mhaka ya ku kustumunyu kabye; ba nga ransi kuhanya kabye ku kala le kufeni.

Luka 14. 26. Roma 8. 33, 34, 37. & 16. 20.

12 Hikwalaho nengelani, nwi-na O matilo, na nwina mu tsamako ka wona. Kombo ka misaba ni bimbi: haku-ba satani i relele lahasi ka nwina, a hi kulo ga hombe,

wa kari wa zi tiba a i na ni xikati xitsongwanyani.

xip. 8. 13. & 10. 6. & 11. 10. & 18. 20.

- 13 Laha na drako a wonile aku i hoxilwe lahasi misabeni, i lo xanisa a nyamayi loyi a nga trala nwanana wa wanuna.

xipm. 5.

- 14 Ka nyamayi ku nyikiwa ti-papa timbiri ta gama ga hombe, lezaku i ta purumela le xiwuleni wutsanweni gakwe, laho a ta nga wunliwa kona xikati, ni zikati, ni panze xa xikati, na hi haba mahlweni ka nyoka.

xipm. 6. xip. 17. 8.

- 15 Ni nyoka yi lo humesa mati lomo kanwini ka yona kotisa congo ku lanzela nyamayi, lezaku i ta kukuletwa hi congo.

- 16 Ni misaba yi lo vuna nyamayi, yi lo ahlama nomu wa yona, yi mita congo wu nga bukulwa hi nomu wa drako.

- 17 Ni drako a zangara nguvu ni wasati, i lo famba ku yalwa ni laba ba seleko ba tralo wakwe, laba ba hlayisako milayo ya Nungungulu, ba hi ni ku kustumunya ka Jesu :

1 Kor. 2. 1. 1 Joh. 5. 10. xip. 1. 2, 9. & 6. 9. & 11. 7. & 13. 7. & 14. 12. & 20. 4.

XIIMO 13.

- 1 Nzi lo yima sekeni ga bimbi.

Nzi lo wona xihari xi hu-

ma bimbini, xi hi ni nkelanu ni timbiri tihloko ni kumi ga timhonzozo, ni timhonzweni ta yona ku hi ni kumi ga zidlodlo, ni le tihlokweni ta xona a mabito ya tihlamba.

xip. 12. 3. & 17. 3, 9, 12.

- 2 Ni xihari nzi nga xi wona xi kotisa yingwe, ni mikonzo ya xona kotisa arkto, ni nomu wa xona kotisa a nomu wa ngala: ni drako a xi nyika ntamo wakwe, ni xitsamo xakwe xa wukosi, ni ntamo wa hombe.

xip. 12. 4, 9. & 16. 10.

- 3 Nzi lo wona yinwe ya tihloko ta xona ku kwatsi yi hi ni panja ya kufa; ni panja ya kufa yi lo holiswa: ni tiko gonkle gi rewuka le nza-ko hi xihari;

xipm. 12, 14. xip. 17. 8.

- 4 Ba lo kozela drako, hakuba i lo nyika ntamo wakwe ka xihari; ba lo kozela xihari, baku, Himani a kotako xihari ke? himani na nga ni ntamo kulwa na xona ke?

xip. 18. 18.

- 5 Ku wa nyikilwe xona a nomu wa ku wulawula zilo za hombe ni ku rukatela; ku wa nyikilwe ntamo wa ku nonohisa lezo a mune wa makumi ni timbiri tihweti.

xip. 11. 2. & 12. 6.

- 6 Xi vulula a nomu wa xona a ku rukatela Nungungulu, ni ku rukatela bito gakwe, ni xaxa wakwe, ni laba ba tsamako tilweni.

Joh. 1. 14. Kol. 2. 9.

- 7 Xi wa nyikilwe kulwa ni

bobasa, ni ba hlula: ni ntamo wu wa nyikilwe ka xona hehla ka tixaka tonkle ni banhu ni tirimi ni matiko.

xip. 11. 7. 18. & 12. 17. & 17. 15.

- 8 Ni bonkle laba ba akileko misabeni ba ta xi kozela, bonkle matiko yabye ma nga tsaliwangiko bukwini ga wutomi ga Ivana leyi yi nga dawa kusanguleni ka tiko.

Fil. 4. 3. xip. 8. 5. & 17. 8. & 20. 12, 15. & 21. 27.

- 9 Loku munhu a ni ndlebe, a muzwe.

xip. 2. 7.

- 10 Loyi a komileko tihloko i ta mahiwawu hloko: loku ka ni munhu a dayako hi supado, i ta dayiwawu hi supado. Hi laha ku na nga ni kuhunisela ni kutsumbe-ka ka bobasa.

Mat. 28. 52. xip. 14. 12.

- 11 Nzi lo wona xinwani xihari xi huma misabeni; xi hi ni timhonzo timbiri to kwatsi hi ivana, xi wulawula kwatsi hi drako.

xip. 11. 7.

- 12 Xi wa hi ni ntamo wonkle wa xihari xo sangula xi nga le mahlweni ka xona. Xi maha tiko ni laba ba tsamileko ka gona ku kozela xihari xosangula, lexi xi nga hanyiswa tipanja.

xipm. 3.

- 13 Xi maha ziwoniso za hombe, hambu ni nzilo xi nga wu maha wu hi le tilweni leno misabeni mahlweni ka banhu.

Mat. 24. 24. 2 Tesa. 2. 9. xip. 16. 14.

- 14 Xi kanganyisa laba ba akileko misabeni hi kota ya lezi ziwoniso xi nga nyikiwa xona ku maha mahlweni ka xihari; xiku ka bona ba akileko misabeni, a ba mahe xifananiso xa xihari, xi nga ni panja ya supado, xi nga hanya.

2 Tesa. 2. 9, 10. xip. 12. 9. & 19. 20.

- 15 Xi nyikiwa ka xona ku hanyisa, ka xifananiso xa xihari, lezaku a xifananiso xa xihari xi nga ni ku wulawula, xi ba mahisa kota bonkle ba nga kozeliko xifananiso xa xihari bata dayiwa.

xip. 16. 2. & 19. 20. & 20. 4.

- 16 Xa ba mahisa bonkle, batsongwanyani ni bahombe, a bo fuma ni zisiwana, laba ba klaklekileko ni tikumbi, aku ba amukela marika canjeni gabye ga xinene, hambu le zimobyeni zabye;

xip. 14. 9. & 19. 20. & 20. 4.

- 17 Lezaku ku nga hi kona munhu a nga ni ntamo ku xaba hambu ku xabisa, saseka loyi a na nga ni marika, ni bito ga xihari hambu ni xihlayo xa bito ga xona.

xip. 14. 11. & 15. 2.

- 18 Mangabye kutiba. Loyi a na nga ni kupima, a hlaye xihlayo xa xi hari; hakuba xi hi xihlayo xa munhu; ni xihlayo xakwe hi Nklanu wa mazana ni zana ginwe ni nklanu wa makumi ni kumi ginwe ni nklanu ni yinwe.

xip. 15. 2. & 17. 9. & 21. 12.

XIIMO 14.

1 Nzi lo wona, languta, Iva-na yi yimile xitsungeni Zi-
oni, ku na yena kumi ga
mazana ya mazana ni mune
wa makumi ya makumi ya
mazana ni mune wa maku-
mi ya mazana, ni bito ga-
kwe, ni bito ga Dadani wa-
kwe, gi tsaliwe zimobyeni
zabye.

xip. 5. 6. & 7. 3, 4. & 13. 16.

2 Nzi lozwa gezo le tilweni,
kotisa gezu ga mamati yo
tala, ni kotisa gezu ga ku-
dzinza ka hombe: ni gezu
nzi nga gizwa gi kwatsi ge-
zu ga magubu na ma biwa
hi benyi ba wona:

xip. 1. 15. & 5. 8. & 19. 6.

3 Na ba yimbelela ku kwatsi
lisimu liswa mahlweni ka
xitsamo xa wukosi, ni ma-
hlweni ka zimahwa za mu-
ne zihanyako ni mangana-
kana: a hi kona a nga hi
kona munhu ku li gonza
lolo lisimu saseka laba ku-
mi ga mazana ya mazana ni
mune wa makumi ya ma-
kumi ya mazana ni mune
wa makumi ya mazana, la-
ba ba xabyileko misabe-
ni.

xipm. 1. xip. 5. 9. & 15. 3.

4 Laba hi bona ba nga kala
ku bihiswa hi banyamayi;
hilezi ba hi mibulwa. La-
ba hi bona ba nga lanzela
Ivana ni kwihi laha yi ya-
ko. Laba hi ba klaklisilwe-
ko laha banhwini, na ba
hi mihanzo yo ranga ya

Nungungulu ni ya Iva-
na.

2 Kor. 11. 2. xip. 3. 4. & 5. 9. & 7. 15,
17. & 17. 14. Jam. 1. 18.

5 A ku kumiwangi mawunwa
milonwini yabye: ba nga hi
ko ni makwanga

Efe. 5. 27. Jude 24.

6 Nzi lo wona yinwani nge-
losi na yi puruma xikari ka
tilo, yi hi ni evangeli ya ku-
pinzuka yiba hungu ka bo-
na ba akileko misabeni, ni
ka matiko wonkle ni tixaka
ni tirimi ni banhu;

Efe. 3. 9, 10, 11. Tit. 1. 2. xip. 8. 18.
& 13. 7.

7 Yiku hi gezu ga hombe, Ca-
bani Nungungulu, mu mu
nyika kudumiswa; hilezi
xikati xa kululama kakwe
xi cikele: mu kozeleni loyi
a nga maha tilo ni misaba
ni bimbi ni xikegetelo xa
mamati.

Mtt. 14. 15. & 17. 24. xip. 11. 18. &
15. 4.

8 Ni yinwani, ya wumbiri
ngelosi, yi lanzela, yiku,
Gi wile, gi wile, Babuloni le
ga hombe, legi gi mahile
wonkle matiko kunwa a
waini ga zanga ya ya kuba-
ya ka gona.

xip. 11. 8. & 16. 19. & 17. 2, 5. & 18. 2,
3, 10, 18, 21. & 19. 2.

9 Ni yinwani ngelosi, ya wu-
nharu yi ti lanzela, yiku hi
gezu ga hombe, Loku mu-
nhu a kozela xihari ni xifa-
naniso xa xona, ni ku amu-
kela a marika ximobyeni

xakwe, hambu canjeni gakwe,

xip. 13. 14. 15. 16.

10 Ywaloye i tanwa a waini ga kulo ga Nungungulu, lego gi longisilweko gi nga vilinganyiswangi gombeni ga kuzangara kakwe; i ta xaniswa hi nzilo wa solufa mahlweni ka tingelosi to basa, ni mahlweni ka Iwana:

xip. 18. 6. & 16. 19. & 19. 20. & 20. 10.

11 A musu wa kuxaniswa kabye wu tubika kala kupinzuka ni kupinzuka; ba nga hi ni kuhumula mumu hambu ni wusiku, laba ba nga kozela xihari ni xifanano xa xona, kani hi wihi a amukeleko marika ya bito ga xona.

xip. 19. 3.

12 Mangabye kuhonisela ka bobasa, laba ba hlayisako milayo ya Nungungulu ni kukolwa ka Jesu.

xip. 12. 17. & 13. 10.

13 Nzi lozwa gezu le tilweni giku, Tsala, Ba katekile laba ba fileko Hosini ni zalezi: ina, wuku Moya, lezaku ba humula kupinyameni kabye; hilezi mitiro yabye yi ba lanzele bona.

1 Kor. 15. 18. 1 Tesa. 4. 16. 2 Tesa. 1. 7. Heb. 4. 9, 10. xip. 6. 11. & 20. 6.

14 Nzi lo wona, languta, a refu go basa; le refini ku tsamile munwe wo kwatsi hi Nwana wa munhu, na hi ni huku xa wukosi xa

hlokweni yakwe, ni sikela go kariha canjeni gakwe.

xip. 1. 13. & 6. 2.

15 Yinwani ngelosi yi lo huma tempeleni, yi bitana hi gezu ga hombe ka loyi a tsamileko le refini, Engenisa sikela ga wena, u hula: hakuba xikati xa kuhula xi cikele; hilezi ku omile kuhula ka misaba.

Mat. 13. 39. xip. 13. 12. & 16. 17.

16 Ni loyi a nga tsamile le hehla ka refu i lo hoxa sikela gakwe hehla ka misaba; ni misaba yi lo hulwa.

17 Yinwani ngelosi yi lo huma tempeleni ya le tilweni, yona kambe yi wa hi ni sikela go kariha.

18 Ni yinwani ngelosi yi lo huma alatini, yi nga ntamo hehla ka nzilo; yi bitana hi ku kanyuluka ka yena loyi a nga ni sikela go kariha, yiku, Engenisa kona a sikela ga wena go kariha, u wungeletela zitata za xivini xa misaba; hilezi magrepi ya wona ma buville futsi.

xip. 16. 8.

19 Ni ngelosi yi lo engenisa a sikela ga yona misabeni, yi lo wungeletel a a waini ga misaba, yi lo hoxa xigowolweni, xa hombe, xa zanga ya Nungungulu.

xip. 19. 15.

20 Ni xigowolo xi kanziyelwa la bandle ka muti, ni nkata wu huma xigowolweni, matonwini ya mahaxi, xipanxe xo kwatsi xa pfuka wa ku-

mi ga mazana ni nklanu wa makumi ni kumi ginwe ga mastadiu.

Heb. 13. 12. xip. 11. 8. & 19. 14.

XIIMO 15.

1 Nzi lo wona munwani muwoniso le tilweni, wa hombe ni wuhlamalisako, nkulanu ni timbiri tingelosi ti hi ni nkulanu ni zimbiri zixaniso, zo gumesa, haku-ba ka zona ku mbetisa zanga ya Nungungulu.

xip. 12. 1, 3. & 14. 10. & 16. 1. & 21. 9.

2 Nzi lo wona ku kwatsi i bimbi ga woni gi vilinganyisilwe ni nzilo; ni laba ba ngata ni ku hlula xihari, ni xifananiso xa xona, ni xihlayo xa bito ga xona, na ba yimile le bimbini ga woni, na bata ni magubu ya Nungungulu.

Mat. 3. 11. xip. 4. 6. & 5. 8. & 13. 15. 16, 17. & 14. 2. & 21. 9, 18.

3 Ba yimbelela lisimu la Mosi xitiri xa Nungungulu, ni lisimu la Ivana, baku, Za hombe ni hlamaliso za mitiri ya wena, O Hosi Nungungulu wa Ntamowonkle; ni tindlela ta wena ti lulamile ti nene, Hosi ya ti tanga tonkle.

xip. 14. 3. & 16. 7.

4 Hi mani a ta nga kala ku ku caba, O Hosi, a dumisa bito ga wena ke? hilezi wena xitsumbu u basile; hakuba matiko wonkle ma tata ma kozela mahlweni ka wena; hilezi mitiro ya wena yo lulama yi wonekisilwe.

5 Nzako ka lezo nzi lo wona, a tempeli ya xaxa wa ku kustumunyu le tilweni wu wa vululekile:

xip. 11. 19.

6 Ni nkulanu ni timbiri tingelosi ti lo huma le tempeleni ti hi ni nkulanu ni zimbiri zixaniso, ti ambele hi ribye go saseka, gi hlazekileko gi ngangamela, zifubeni za to-na ti bohile a mabandi ya nzalama.

xipm. 1. xip. 1. 13.

7 Xinwe xa mune wa zima-hwa zi hanyako xi nyika nkulanu wa tingelosi ni timbiri magombe ya nkulanu ni mambiri ya nzalama ma tela hi kulo ga Nungungulu, a hanyako kala kupinzuka ni kupinzuka.

1 Tessa. 1. 9. xip. 4. 6, 9. & 10. 6.

8 Ni tempeli yi wa tatisilwe hi musi wuta hi le wukosini ga Nungungulu, ni le ntanweni wakwe; ku wa nga hi kona a nga hi ni ntamo ku engena tempele-ni, ku kala ku tatiseka zixaniso za nkulanu ni zimbiri za tingelosi ta nkulanu ni timbiri.

2 Tessa. 1. 9.

XIIMO 16.

1 Nzi lozwa gezu ga hombe le tempeleni, giku ka tingelosi ta nkulanu ni timbiri, Fambani, muya culula magombe ya kulo ga Nungungulu hehla ka misaba.

xip. 14. 10. & 15. 1, 7.

2 Leyo ranga yi lo famba,

viya culula gombe ga yona misabeni; ku huma xilonza xo biha xi bayisako ka banhu laba ba nga ni marika ya xihari, ni hehla ka laba ba nga kozela xifananiso xa xona.

xip. 8. 7. & 13. 14, 16, 17.

3 Ni ya wumbiri yi lo culula gombe ga yona bimbini; kulo mahiswa ku kwatsi i nkata wa munhu a fileko; kufa zilo zonkle zi hanyako, ni lezi zi nga kona le bimbini.

xip. 8. 8, 9.

4 Ni ya wunharu yi lo culula gombe ga yona micongweni ni hlobyei ta mamati; ma hunzuka nkata.

xip. 8. 10.

5 Nzi lozwa ngelosi ya mamati yiku, U lulamile wena, u nga kona u nga hi kona, wena Wobasa, hilezi u lamulisile lezo:

xip. 1. 4, 8. & 4. 8. & 11. 17. & 15. 3.

6 Hakuba ba halatile nkata wa laba bobasa ni wa baprofeti, U ba nyikile nkata akuba ba wunwa: ba fanele lezo.

Mat. 23. 34, 35. xip. 11. 18. & 13. 15. & 18. 20.

7 Nzi lozwa alatini yiku, Inaka, O Hosi Nungungulu, wa Ntamowonkle, a zinene ni kululama ka kulamula ka wena.

xip. 13. 10. & 14. 10. & 15. 3. & 19. 2.

8 Ni ya wumune yi lo culula a gombe ga yona gabyeni;

ni ntamo wu nyikwe ka yona a ku klahulela banhu hi nzilo.

xip. 8. 12. & 9. 17, 18. & 14. 18.

9 Ni banhu ba klahulelwa hi ku hisa ka hombe: ba maha tihlamba ka bito ga Nungungulu, gi nga ni ntamo hehla ka xixaniso; a ba hinzulukangi a kuba ba mu dumisa.

xipm. 11, 21. xip. 9. 20. & 11. 13. & 14. 7.

10 Ni ya wunklanu yi lo culula gambe ga yona xitsanweni xa xihari; ni mufumo wa xona wu puma; ba luma tirimi tabye hi kuba yisa,

xip. 9. 2. & 11. 10. & 13. 2.

11 Ba maha tihlamba ka Nungungulu wa tilo hi kota ya kubayisa kabye ni zilonza zabye; a ba hunzulukangi ka zimaho zabye.

xipm. 2, 9, 21.

12 Ni ya wunklanu ni yinwe yi culula gombe ga yona le congweni lowu wa hombe, Eufratisi; ni mati ya wona ma lotra, a kuba ndlela ya tihosi ta le mu tsuwuka gambo ti longiselwa.

xip. 9. 14.

13 Nzi lo wona mimoya minharu yo biha, ku kwatsi hi mankele, yi huma nonwini wa drako, ni nonwini wa xihari, ni nonwini wa muprofeti wa mawunwa:

1 Joh. 4. 1, 2, 3. xip. 12. 3, 9. & 19. 20. & 20. 10.

14 Hakuba wona wu hi moya wa madimoni, wu mahako zirewukiso ; wu humelako kuya tihosini ta tiko gonkle, yi ba wungeletela kulweni ka lego siku ga hombe ga Nungungulu, wa Ntamo-wonkle.

Luka 2. 1. 2 Tesa. 2. 9. 1 Tim. 4. 1. Jam. 3. 15. xip. 13. 13, 14. & 17. 14. & 19. 19, 20. & 20. 8.

15 (Languta, nzata kwatsi hi nkamba. U katekile loyi a rinzelako, a hlayisa tinguwo takwe, a nga kala ku maha xibyiri, ku woneka tingana takwe.)

Mat. 24. 43. 2 Kor. 5. 3. 1 Tesa. 5. 2. 2 Pet. 3. 10. xip. 8. 3, 4, 18.

16 Wu ba tsombanyisa ka ti ginwe ka wutsamo gi tibya-ko hi xi Heberu Hari-Magedoni.

xip. 19. 19.

17 Ni ngelosi ya wunklanu ni timbiri yi lo culula a gombe ga yona mhehweni ; ku lo huma gezu ga hombe hi le tempeleni, gita hi le xitsanweni xa wukosi, giku, Ku mahekile :

xip. 21. 6.

18 Ni kwalaho ku wa hi kona a xingwalangwalanza, ni magezu, ni kudzinza ; na ku hi kona kutsekatseka ka hombe ka misaba, loku ku nga kala ku nga hi kona cima banhu ba hi misabeni, a kutsekatseka ka ntamo nguvu, nika hombe.

xip. 4. 5. & 8. 5. & 11. 13, 19.

19 Ni muti wa hombe wulo abanyiswa zipanze zinharu,

ni miti ya matiko yi lowa : ni Babuloni le ga hombe gi lo alakanywa mahlweni ka Nungungulu, kasi gi nyikwa gombe ga kulo gakwe gi vurako.

xip. 14. 8, 10. & 17. 18. & 18. 5.

20 Ni zihlale zonkle zi lo caba, ni zitsunga zi nga kumiwi.

xip. 6. 14.

21 Ku lo cikela hi le tilweni hehla ka banhu, vula ya maribyana ya hombe, a ginwe ni ginwani a ribyana gi wa kota talenta : a banhu ba lo maha tihlamba ka Nungungulu hi kota ya xixaniso xa vula ya maribyana ; hilezi lexo xixaniso xi wa hi xa hombe nguvu.

xipm. 9, 11.

XIPIMO 17.

1 Ku cikele yinwe ya tingelosi ta nklanu ni timbiri yi nga hi ni magubu ya nklanu ni mambiri, yi lo wulawula na mina, yiku, Ngona laha, nzi ta ku wonisa kukoneka ka xibayi xa hombe xi tsamileko lomo matini yo tala ;

xipm. 15. xip. 16. 19. & 18. 16, 17, 19. & 19. 2. & 21. 9.

2 Hi xona a tihosi ta misaba ti bayile, ni laba ba akileko misabeni ba mahile tiffinela hi waini ga kubaya ka xona.

xip. 14. 8. & 18. 3.

3 Yi lo nzi yisa xiwuleni le Moyeni : nzi lo wona wasati na tsamile hehla ka xihari xo truka, xi tele hi mabito ya ku rukatela, tibloko

- ta nklanu ni timbiri ni kumi ga timhonzo.
xipm. 9, 12. xip. 12. 3, 6, 14. & 13. 1.
- 4 Ni wasati a ambele leti to balala ni to truka, a fene-ngele nzalama ni maribye yo saseka ni mapareli, na hi ni kopo ya nzalama canjeni gakwe yi tele hi wu ngolwani, ni manyala ya kubaya kakwe,
xip. 14. 8. & 18. 6, 12, 16.
- 5 Ni le ximobyeni kakwe ku tsalilwe bito, KUFUHLAKALA, BABULONI WA HOMBE, A NYINE WA ZIBAYI NI MANYALA YA MISABA.
2 Tesa. 2. 7. xip. 11. 8. & 14. 8. & 16. 19. & 18. 2, 9, 10, 21. & 19. 2.
- 6 Nzi lo wona wasati na popilwe hi nkata wa bobasa, ni nkata wa delweko hi kotta ya Jesu. Laha na nzi wonile, nzi lo dama a hanjalati yahombe.
xip. 6. 9, 10. & 12. 11. & 13. 15. & 16. 6. & 18. 24.
- 7 Ni ngelosi yi te ngalo ka mina, U damela yini? nzi ta ku byela kufihlakala ka wasati, ni xihari lexi xi mu rweleko, xi na ngani tihloko ta nklanu ni timbiri ni kumi ga timhonzo.
- 8 A xihari le xi u xi wonileko, xi wa hi kona, xa hi kona; xi laba ku huma hi nkeleni wu nga gumelwiko, xiya kuxanisekeni. Ni laba ba akileko misabeni ba ta hlamala, laba mabito yabye ma nga tsaliwangiko bukwi-ni ga wutomi hi kumahweni ka misaba, laha na ba wona xihari, lexo xi nga hi
- kona, a xa hi kona, xi tata.
xipm. 11. xip. 11. 7. & 13. 1, 3, 8, 10.
- 9 Mangabye a kutiba loku ku klarihako. A tihloko nklanu ni timbiri hi nklanu ni zimbiri zitsunga, lezi a tsamileko ka zona wasati:
xip. 13. 1, 18.
- 10 Ku hi tihosi ta nklanu ni timbiri; nklanu ti wile, yinwe yi kona, yinwani a yi se kuta; laha na yi tile, yi fela kunonohisa xikatana.
- 11 Ni xihari xi nga hi kona, xa ha hi kona, xona xoce xi hi xa nklanu ni zinharu, xi hi xa nklanu ni zimbiri; xiya ku konweni.
xipm. 8.
- 12 A timhonzo ta kumi u nga ti wona hi tihosi ta kumi, leti ti nga amukelangiko mufumolezo; kanilezi ti amukele ntamo kwatsi tihosi, hora yinwe zinwe ni xihari.
xip. 13. 1.
- 13 Ti hi ni kuranza kunwe, ti nyika ntamo wa tona ni kulaya ka tona xiharini.
- 14 Ti talwa ni Ivana, ni Ivana yi ta ti hlula, hilezi yi hi Hosi ya tihosi ni Mufumeli wa bafumeli; ni laba ba nga na yona ba ta hlula ba bitilwe ba hlawulilwe ba tsumbekile.
1 Tim. 6. 15. xip. 14. 4. & 16. 14. & 19. 16, 19.
- 15 Yi te ngalo ka mina, Mamatilaya u nga ma wona, laha ku tsamileko xibayi, hi banhu, ni xidlemo, ni matiko, ni tirimi.
xipm. 1. xip. 13. 7.

16 Ni timhonzo ta kumi u nga ti wona, ni xihari, ti ta bennga xibayi, ti ta xi maha xixaniseka ni wumbyiri, xi taga nyama ya xona, xi ta ti hisa futsi hi nzilo.

xip. 16. 12. & 18. 8, 16.

17 Hakuba Nungungulu i bekile timbilwini tabye ku maha ku ranza kakwe ti maha kuranza kunwe, ti nyikela mufumo wa tona xiharini, ku karala timhaka ta Nungungulu ti tatiseka.

2 Tesa. 2. 11. xip. 10. 7.

18 Ni wasati loyi u mu wonileko hi muti wa hombe, wu fumileko hehla ka tihosi ta misaba.

xip. 12. 4. & 16. 19.

XIPIMO 18.

1 Nzi nzako ka lezi zilo nzi lo wona yinwani ngelosi yi relala hi le tilweni, yi hi ni ntamo wa hombe : ni misaba yi woningwa hi kungangamela ka wukosi ga yona.

xip. 17. 1.

2 Yi bitana hi gezu ga hombe, yiku, Gi wile, gi wile Babuloni le ga hombe, gi hi xitsamo xa madimononi, paxo ga moya wonkle wo biha, ni zinyanyani zonkle zi bengako nguvu.

Marku 5. 2, 3. xip. 14. 8.

3 Hakuba matiko ma wile hi kota ya waini ga kulo ga kubaya ka gona ; ni tihosi ta misaba ti bayile zinwe na gona, ni ba mahungani ba

misaba ba binzule hi ntamo wa kupfuna ka gona.

xipm. 11, 15. xip. 14. 8. & 17. 2.

4 Nzi lozwa ginwani gezu gi hi le tilweni, giku, Humani ka yena, banhu ba mina, a kuba mu nga hlengeli zonho za yena, kasi mu nga amukeli kuxaniswa ka gona :

2 Kor. 6. 17.

5 Hilezi kuonha ka gona ku cikele le tilweni, ni Nungungulu i alkanyile zonho za gona.

xip. 16. 19.

6 Maha ka gona kotalezi gi mahileko, engeta kumbiri ka gona engeta kumbiri kotisa mitiro ya gona : kopweni leyi gi yi hakaseleko, hakasela ka gona kumbiri.

2 Tim. 4. 14. xip. 13. 10. & 14. 10. & 16. 19.

7 Kuta karala ku ku yini na ha ti dumisa, a tsama ku nanziheni, lezi gi nyikeni kuxaniseka ni mikosi : hilezi gi ngalo mbilwini ya gona, Nzi tsamile kosikazi, a nzi noni, futsi nzi nga ta wona mikosi.

8 Hi siku ginwe kuxaniseka ka gona ku tata, kufa, mikosi, ni ndlala ; i tatra a kutra hi nzilo ; hilezi Nungungulu Hosi i na ntamo a mu konileko.

xipm. 10. xip. 11. 17. & 17. 16.

9 Ni tihosi ta misaba, leti ti bayileko ti tsama ku nanziheni zinwe na gona, ti ta gi rilela ti hlaluka, laha ti

- wona musu wa kuhiswa ka gona,
xipm. 3, 18. xip. 17. 2. & 19. 3.
- 10 Ti yima hi kucaba a kuxaniswa ka gona, tiku, Yowe, yowe, a muti wa hombe, Babuloni, a muti wa ntamo! hi xikati xinwe ku koneka ka gona ku cikele.
xipm. 17, 19. xip. 14. 8.
- 11 Ni badzilaxi ba misaba bata hlalukela yena, hakuba a nga hi ko kona munhu wa ku xaba a mabinzu yabye kambe;
xipm. 3.
- 12 A binzu ga uzalama, ni silva, ni maribyanana yo saseka, ni mapareli, ni cita xo saseka, ni xiwunguwungu, ni silika, ni to truka; ni tisi-nya tonkle ta sida, ni zibya zonkle zo mahilweko hi timhonzozo ta ndlovu, ni zibya zonkle zi mahilweko hi tisi-nya to saseka nguvu, ni za suku, ni ziketse, ni mari-bye;
xip. 17. 4.
- 13 Ni kinamona, ni ifawufawu, ni mubandwa, muri, ni mpepo, ni waini, ni mafura, ni mapa, ni zipfaki, ni tihomu, ni tiyivu; ni mabinzu ya mahaxi ni tikareta ni tikumbi; ni mihefemulo ya banhu.
- 14 Mihanzo leyi yi nga ranziwa hi muhefemulo wa wena yi susilwe ka wena, ni zona zonkle zo saseka ni zi ngamelako ku hangalakile ka wena, cima u nga ta zi kuma kambe futsi.
- 15 Badzilaxi ba lezi zilo, ba nga fumisilwe hi gona, bata yima kule hi ku caba kuxaniseka ka gona, ba rila hi mikosi;
xipm. 3, 11.
- 16 Baku, Yowe, yowe, muti lowu wa hombe, wu nga ambele tinguwo to basa, ni to truka ni xi wunguwungu, wu finengetilwe hi nzalama ni maribye yo saseka ni mapareli!
xip. 17. 4.
- 17 Hakuba a kufuma loku ka hombe ku hangalakile hiku nwa. Ni ba fumeli bonkle ba mataru, ni ba fambako matarwini, ni ba marinyero, ni bonkle ba binzulako hi bimbi, ba lo yima kule,
xipm. 10.
- 18 Ba bahuwa lahana ba wona musu wa hiswa ka gona, baku, Wu kwihi muti wo kwatsi hi munti lowu wa hombe?
xipm. 9. xip. 13. 4.
- 19 Ba palata tsutsungwani tihlokwe tabye, ba bahuwa, ba rila ba hlaluka, baku, Yowe, yowe, a muti wa hombe, ba nga fumile ha wona bonkle laba ba nga ni mataru lomo bimbini hi kota wa tsengo wa wona! na hi xikati xinwe wu hangalakile nwa.
xipm. 8.
- 20 Bumani hi yena nwina tilo, ni bobasa, ni nwina bapostoli, ni nwina baprofeti; hakuba Nungungulu u la-

mulile hehla ka yena kula-
mula ka wena.

Luka 11. 49, 50. xlp. 19. 2.

21 Ni ngelosi ya ntamo yi lo
klakisa a ribye kotisa ribye
ga hombe ga xigayo, yi gi
hoxa bimbini, yiku, Hizale-
zo hi kuwa ka hombe Babu-
loni, muti lowu wa hombe,
wu ta hoxwa lahasi, cima
wu nga ta ha kumiwa ka-
mbe nwa.

xlp. 12. 8. & 16. 20.

22 Ni gezu ga babi ba magubu
ni ba yimbeleli' ni babi ba
maxabani babi ba mipunzu
zi nga ta ha zwiwa hi wena
nwa; ni bameseri, na hi li-
xaka la misaba ba nga ta
kumiwa ka wena kambe
nwa; ni ga kucinza ribye ga
nga ta ha zwiwa hi wena
nwa;

23 Ni kuwoninga ka kandiya
cima ku nga ta ha woninga
ka wena nwa; ni gezu ga
muyeni ni ga makoti cima
gi nga ta ha zwiwa ka we-
na nwa: hilezi badzilaxi ba
wena ba wa hi ti hosana ta
misaba; hilezi hi kuloya ka
wena matiko wonkle ma
kohlisilwe.

xlp. 17. 2, 5.

24 Ka yena ku kumilwe a nka-
ta wa bapofeti ni wa ba
bobasa, ni bonkle laba ba
nga dawa misabeni.

xlp. 17. 6.

XIPIMO 19.

1 A nzako ka lezi zilo nzi lo-
zwa ku kwatsi gezu ga ho-

mbe ga xidlemo tilweni,
giku, Haleluya; Kuhanyi-
swa, ni wukosi, ni ntamo,
ku hi ka Nungungulu wa
hina:

xlp. 4. 11. & 7. 10, 12. & 11. 15. & 12. 10.

2 Hakuba a zinene ni kulula-
ma ku hi kululama ka ye-
na; hilezi u konile xibayi
xa hombe, lexi xi nga boli-
sa misaba hi ku baya ka
xona, u potile a nkata wa
zitiri zakwe ka canja ga
xona.

xlp. 6. 10. & 15. 3. & 16. 7. & 18. 20.

3 Hi xikati xa wumbiri baku,
Haleluya. Musi wa xona
wu tubika kala kupinzuka
ni kupinzuka.

xlp. 14. 11. & 18. 9, 18.

4 A makumi mambiri ni mune
manganakana ni zimahwa
za mune zi hanyako zi lo-
wa lahasi ba kozela Nu-
ngungulu a tsamileko xitsa-
nweni xa wukosi, baku,
Ameni; Haleluya.

xlp. 4. 4, 6, 10. & 5. 14.

5 Ni gezu gi huma xitsanwe-
ni xa wukosi, giku, Nyikani
kudumiswa ka Nungungu-
lu wa hina, nwina nwenkle
zitiri zakwe, nwina laba mu
mu cabako, batsongwani ni
bahombe.

xlp. 11. 18. & 20. 12.

6 Nzi lozwa ku kwatsi i gezu
ga xidlemo xa hombe, ku
kwatsi i gezu ga mamati
manyingsi, ku kwatsi i gezu
ga kudzinza ka ntamo, gi-
ku, Haleluya: hakuba Nu-
ngungulu Hosi ya hina, u
na Ntamowonkle, wa fuma.

xlp. 11. 15, 17. & 12. 10. & 14. 2. & 21. 22.

- 7 A hi nengeleni hi tsaka nguvu, a hi nyikeni a kudzunzwa ka yena: hilezi mucado wa Ivana wu cikele, ni sati wa yena u ti longisele.
Mat. 22. 2. & 25. 10. 3 Kor. 11. 2. Efe. 5. 32. xip. 21. 2, 9.
- 8 Ku nyikwa kakwe a ku a ambexwe nguwo yo saseka, yi basisilwe yiku pa: hilezi a nguwo yo saseka hi mitiro ya kululama ya bobasa.
xip. 3. 18.
- 9 Aku ka mina, Tsala, Ba katokile laba ba rambilweko xilalelweni xa mucado wa Ivana. Yiku ngalo ka mina, Leti hi timhaka ta zine ne ta Nungungulu.
Mat. 22. 2, 3. Luka. 14. 15, 16. xip. 21. 5. & 22. 6.
- 10 Nzi lowa mahlweni ka mikonzo yakwe ku mu kozela. Aku ka mina, Wona u nga mahi: nzi xitiri kota wena ni ba nakuloni laba ba nga ni wukustumunyu ga Jesu: kozela Nungungulu: hakuba wukustumunyu ga Jesu hi moya wa ku profeta.
Mit. 10. 26. & 14. 14, 15. 1 Joh. 5. 10. xip. 12. 17. & 22. 8, 9.
- 11 Nzi lo wona tilo na gi vululekile; languta, a haxi go basa, ni loyi a nga kilele ka gona, i tibya Kutsumbeka ni Zinene; ni kululameni wa lamula a hloma impi.
xip. 3. 14. & 6. 2. & 15. 5.
- 12 Ni mahlo yakwe yi kotisa a bingo ga nzilo, ni le hlokweni yakwe ku hi ni zidlo-dlo zinyingi; a tsalilwe bito, ku nga hi kona a gi tibako kanilezi yena yece.
xipm. 16. xip. 1. 14. & 2. 17, 18. & 6. 2.
- 13 A ambele nguwo yi petilweko lomo nkateni: ni bito gakwe gi tibya i Mhaka ya Nungungulu.
Joh. 1. 1. 1 Joh. 5. 7.
- 14 Ni mabuto ya le tilweni ma mu lanzelana ma kilele mahaxini yo basa, ma ma ambele tinguwo to basa, ti basisilwe tiku pa.
Mat. 28. 3. xip. 4. 4. & 7. 9. & 14. 20.
- 15 Ku huma nonwini wakwe a supado yo kariha, na hi yona i taba matiko: i ta ma fumela hi nhonga ya xiketse: i ta kanziyela xigowolo xa zanga ya kulo ga Nungungulu wa Ntamowonkle.
2 Tesa. 2. 8. xipm. 21. xip. 1. 16. & 2. 27. & 12. 5. & 14. 19, 20.
- 16 A hi bito nguweni yakwe ni mahangatreni yakwe gi tsalilwe, Hosi ya TIHOSI, MUFUMELI WA BAFUMELI.
1 Tim. 6. 15. xipm. 12. xip. 17. 14.
- 17 Nzi lo wona ngelosi na yi yimile gambyeni; yi bitana hi gezu ga hombe, yiku ka zonkle zinyanyani ni lezi zi purumako xikari ka tilo, Ngonani mu ta ti tsombanyisa kati ginwe xilalelweni xa hombe xa Nungungulu;
xipm. 21.
- 18 Lezaku muga nyama ya tihosi, ni nyama ya tinduna, ni nyama ya ba banuna ba

ntamo, ni nyama ya maha-xi ni ya laba ba ma kileleko, ni nyama ya banhu bonkle, bonkle baklaklai-lweko ni tikumbi, bonkle batsongwani ni bahombe.

- 19 Nzi lo wona xihari, ni tihosi ta misaba, ni mabutu yabye, ma tsombana kati ginwe kulwa ni loyi a kileleko haxini, ni ambuta yakwe.

xip. 16. 16. & 17. 13, 14.

- 20 Ni xihari xi lo tekwa, zinwe na xona a muprofeti wa mawunwa loyi a nga maha zirewukiso mahlweni ka xona, hi xona i ba kohlixa laba ba nga amukela a marika ya xihari, ni laba ba nga kozela xifananiso xa xona: bona bambiri ba lo hoxwa na ba ha hanya tibeniga nzilo gi vurako hi solufa:

xip. 13. 12, 15. & 14. 10. & 16. 13, 14. & 20. 10. & 21. 8.

- 21 Ni laba ba nga sala ba dawa hi supado ya yena loyi a kileleko le haxini, yona supado yi humako hi le nonwini wakwe: ni zinyanyani zi lo xuriswa hi nyama ya bona.

xipm. 15, 17, 18. xip. 17. 16.

XIIMO 20.

- 1 Nzi lo wona a ngelosi na yi relela hi le tilweni, na yi hi ni pfungulo ya nkele wu nga gumelwiko ni ngenje ga hombe canjeni ga yona.

xip. 1. 18. & 9. 1.

- 2 Yi lo mu koma drako, leyo nyoka ya kale, yi nga Diaboli ni Satani, yi lo mu boha kumi ga mazana ya malembe,

2 Pet. 2. 4. Jude 6. xip. 12. 9.

- 3 Yi lo mu hoxa nkeleni wu nga gumelwiko, yi lo wu vala, yi lo wu tiyisa hehla kakwe, kasi a nga kohlisi matiko kambe, ku karala kumi ga mazana ya malembe ma ta tatiseka: a nza-ko ka lezi i yimelwe akuba a klakliwa xikatanyana.

xip. 16. 14, 16. xipm. 8.

- 4 Nzi lo wona zitsamo za wukosi, ni laba ba tsamileko ka zona, ni kulamula ku nyikwa ka bona: nzi lo wona mifehefemulo ya bona laba ba nga tsenwa tibloko hi ku wustumunyu ka Jesu, ni gezu ga Nungungulu, ni laba ba nga kala ku kozela xihari, hambu ni xifananiso xa xona, hambu ni ku amukela a marika zimobyeni zabye ni hehla ka mandla zabye; ba lo hanya, ba lo fuma ni Kristu a kumi ga mazana ya malembe.

Mat. 19. 28. Luka 22. 80. Roma 8. 17.

1 Kor. 6. 2, 3. 2 Tim. 2. 12. xip. 5. 10. & 6. 9. & 13. 12, 13, 15, 16.

- 5 Laba ba seleko ka bafleko a ba hanyangi kambe ku karala ku mbeteka kumi ga mazana ya malembe. Loku ku hi kuvuka ko sangula.

- 6 U katekile u basile yena a hlengelako a kuvuka ko sangula: a kufa ka wumbiri

a ku na ntamo hehla ka bona; kanilezi ba ta maha baptisti ba Nungungulu ni ba Kristu, ba ta fuma zinwe naye kumi ga mazana ya malembe.

1 Pet. 2. 9. xipm. 4. xip. 1. 6. & 2. 11. & 5. 10. & 21. 8.

7 Laha kumi ga mazana ya malembe na ma mbelile, Satani i ta klakliwa kukonweni kakwe,

xipm. 2.

8 I ta humela ku kohliisa matiko ma nga kugumelweni ka mune ka misaba, Gogi ni Magogi, a ba tsombanyisa kati ginwe kulwa: a tsengo wabye kwatsi hi seke ga bimbi.

xipm. 3, 10. xip. 16. 14.

9 Ba klatukela mikobeni ya misaba, ba ranzela zikundla za bobasa lezo, ni muti lowu wu ranzekako: ni nzilo wu relela hi le tilweni, wu ba kadamula.

10 Ni satani loyi a nga ba kohliisa a hoxwa tibeni ga nzi lo ni solufa, laho ku nga kona xihari ni muprofeti wa mawunwa; ba ta xani swa mumu ni wusiku kala kupinzuka ni kupinzuka.

xipm. 8. xip. 14. 10, 11. & 19. 20.

11 Nzi lo wona xitsamo xa wukosi xa hombe xo basa, ni loyi a tsamileko ka xona, le ngoheni ka yena misaba ni tilo zi tsutsuma; a gi kumiwangi wutsamo ga zona.

2 Pet. 3. 7, 10, 11. xip. 21. 1.

12 Nzi lo wona bafileko, baho-

[Sheetawa.] 105

mbe ni batsongwani, ba yimile mahlweni ka xitsamo xa wukosi; ni mabuku ma wa vululwe: buku ginwani gi wa vululwe lego buku ga wutomi: ni bafileko ba lamulwa hi lezo zi tsalilweko le mabukwini, kota mitiro yabye.

Mat. 16. 27. Roma 2. 6. Fil. 4. 3. xipm. 13. xip. 2. 23. & 3. 5. & 13. 8. & 19. 5. & 21. 27. & 22. 12.

13 Ni bimbi gi lo nyika bafileko laba ba nga hi ka gona; kufa ni Hayidesi ku lo nyika a bafileko laba ba nga ka zona: ba lamulwa munhu ni munhu kotisa mitiro yabye.

xipm. 12. xip. 6. 8.

14 A kufa ni Hayidesi zi lo hoxwa tibeni ga nzilo. Loku hi kufa ka wumbiri, a tiba ga nzilo.

1 Kor. 15. 26, 54, 55. xipm. 6. xip. 21. 8.

15 Ni wihi loyi a nga kala ku kumiwa na tsalilwe le bukwini ga wutomi, i lo hoxwa tibeni ga nzilo.

xip. 19. 20.

XIPIMO 21.

1 Nzi lo wona tilo giswa ni misaba yitra: hakuba tilo go sangula ni misaba ya sangula zi hunzile; ku nga hi kona bimbi kambe.

2 Pet. 3. 13. xip. 20. 11.

2 Nzi lo wona muti wo basa, a Jerusalema giswa, gi relela Nungungulu le tilweni, hi ka gi longisilwe kota makoti a bombeleko a nuna wakwe.

2 Kor. 11. 2. Gal. 4. 26. Heb. 11. 10. & 12. 22. & 13. 14. xipm. 10. xip. 3. 12.

- 3 Nzi lozwa a gezu ga hombe le xitsanweni xa wukosi giku, Languta, a xaxa wa Nungungulu banhwini, i ta tsama nabo, ba ta maha bannhu bakwe, Nungungulu wutsumbu i ta tsama na bona, a hi Nungungulu wabye:
2 Kor. 6. 16. xip. 7. 15.
- 4 Yena i ta kulula mihloti yabye yonkle mahlweni ya bona; ku nga ta haba kona kufa; ku nga ta haba kona mikosi, hambu ku rila, hambu kubayisa, kambe: hilezi zilo zo sangula zi hunzile.
1 Kor. 15. 26, 54. xip. 7. 17. & 20. 14.
- 5 Ni loyi a tsamileko xitsanweni xa wukosi i nga lo, Languta, nzi maha zilo zonkle ziswa. Ni ku ngalo, Tsala: hakuba leti timhaka tinene ti tsumbekile.
2 Kor. 5. 17. xip. 4. 2, 9. & 5. 1. & 19. 9. & 20. 11.
- 6 A ku ngalo ka mina, Ku mahekile. Hi mina Alfa ni Omega, wa kusangula ni wa kumbetisa. Nzi ta mu nyika loyi a zwako tora le hlobyeni ya mati ya kuhanya hi matsenya.
Joh. 4. 10, 14. & 7. 37. xip. 1. 8. & 16. 17. & 22. 13, 17.
- 7 Loyi a hlulako u taga tso- mba ya lezi zilo; Nzi ta maha Nungungulu wakwe, yena i ta maha nwananga.
Heb. 8. 10.
- 8 Kanilezi laba bacabisako, ni ba nga kolwiko, ni ba matsoho, ni badayi, ni zibayi, ni baloyi, ni ba kozelako zifananiso, bonkle bahembi mawunwa, ba ta abelwa wutsamo le tibeni gi vurako ga nzilo ni solufa; loku hi kufa ka wumbiri.
1 Kor. 6. 9, 10. Gal. 5. 19, 20, 21. Efe. 5. 5. 1 Tim. 1. 9. Heb. 12. 14. xip. 20. 14, 15. & 22. 15.
- 9 Ku locikela kamina yinwani ya tingelosi ta nklanu ni timbiri ti nga hi ni nklanu magombe ni mambiri, matele zixaniso nklanu ni zimbiri zo gumesa; yi lo wulawula na mina, yiku, Wangata, nzi ta ku kombeta makoti, a sati wa Ivana.
xipm. 2. xip. 15. 1, 6, 7. & 19. 7.
- 10 Yi nzi rwala le Moyeni kuya xitsungeni xa hombe ni xo leha, yi kombeta lowo muti wo basa Jerusalema, gi relela le tilweni hi le ka Nungungulu,
xipm. 2. xip. 1. 10. & 17. 3.
- 11 Gi hi ni wukosi ga Nungungulu: a kuwonekela ka gona kwatsi hi ribye go saseka nguvu, ku kwatsi hi ribye ga jaspari, gi basisile ku kwatsi hi krustali,
xipm. 23. xip. 22. 5.
- 12 Wu hi ni kurisi ga hombe gi lehile; wu hi ni kumi tinyangwa ni timbiri, ni tinyangwani ngelosi kumi ni timbiri; ni mabito ma tsalilwe kona, laya ma nga mabito ya kumi ni timbiri tixaka ta banana ba Israeli:
- 13 Le mutsuwuka-gambo tinyangwa tinharu; le nwalungu tinyangwa tinharu; le dzongeni tinyangwa ti-

nharu; le muhlwa-gambo ti-nyangwa tinharu.

- 14 Ni kurisi ga muti ga hi ni zikegetelo za kumi ni zimbi-ri, ka zona ku hi ni mabito ya kumi ni mambiri ya ba-postoli ba kumi ni bambiri ba Ivana.

Mat. 16. 18. Gal. 2. 9. Efe. 2. 20.

- 15 Ni loyi a wulawulako na mina a ku kwatsi woringa-nisa a hi ni lihlanga lanza-lama kuringanisa muti, ni tinyangwa ta kona, ni kuri-si ga kona.

xlp. 11. 1.

- 16 Ni muti wu akilwe hi ma-klelo ya mune, ni kuleha ka wona ku kotisa a ku kwatsi hi ku anama ka wona: wu ringaniswa muti hi lihla-nga, ku wa hi kumi ga ma-zana ni mazana mambiri amastadiu: aku leha ni ku anama ni kuklakuka ka wona ku ringana.

- 17 Yi ringanisa lingingisi la kona, ku hi zana ni mune wa makumi ni mune ya mawoko, kotisa kuringani-sa ka munhu, a ku ngalo, ka ngelosi.

- 18 Ni ku akiwa ka kurisi ga wona ku hi jaspari: ni mu-ti hi nzalama yi nyekisilwe-ko, kotisa woni gi kwezi-mako.

- 19 Ni zikegetelo za kurisi zi mbombisilwe hi tixaka to-nkle ta maribye yo saseka. A xikegetelo xo ranga xi wa hi jaspari; le xa wumbi-ri, isafeyiri; le xa wunharu,

ikalkedoni; ni xa wumune, emeraldi;

- 20 Ni xa wunklanu, isardoni-ki; ni xa wunklanu ni xi-nwe, isardiusi; ni xa nklanu ni zimbi-ri, ikrosaliti; ni xa wunklanu ni zinharu, ibe-rule; ni xa wunklanu ni mune, itopazi; ni xa ku-mi, ikrusoprasu; ni xa ku-mi ni xinwe, ijakinto; ni xa kumi ni zimbi-ri, ame-tiste.

- 21 A tinyangwa ta kumi ni ti-mbiri ti hi ni mapareli ya kumi ni mambiri; ni leyo nyangwa yi wa hi ni pareli ginwe: ipango ya muti ma wa hi ya nzalama yi nyeki-silweko, kwatsi hi woni gi wonisisako.

xlp. 22. 2.

- 22 Nzi lo wona ku nga hi kona tempeli lomo: hakuba Hosi Nungungulu wa Ntamowo-nkle, ni Ivana, ba hi te-mpeli ya wona.

Joh. 4. 23.

- 23 Ni muti a wu labi gambo, hambu ni hweti, ku woni-nga: hakuba wukosi ga Nu-ngungulu hi ku wonekela, ni kandiya ya kona hi Iva-na.

xlpm. 11. xlp. 22. 5.

- 24 Ni matiko ma ta famba ku-wonekeleni ka wona: ni ti-hosi ta misaba ti neha wu-kosi ka wona.

- 25 Ni tinyangwa ta wona ti nga ta valwa futsi hi siku (hakuba ku nga ta ha kuba kona wusiku kona):

xlp. 22. 5.

26 Ti lo neha wukosi ni kudzu-
nziwa ka matiko ka wona:

xipm. 24.

27 A ku nga ta engena ka wo-
na ni xilo xinwe xi nyenye-
zako, hambu ni loyi a na ku
ni wuxezi ni xihembi xa
wunwa: kanilezi laba boce
ba tsalilweko bukwin ga
wutomi ga Ivana.

Fil. 4. 3. xip. 3. 5. & 13. 8. & 20. 12. &
22. 14, 15.

XIPIMO 22.

1 I lo nzi wonisa a congo wa
mati ya wutomi, ma sase-
kile kwatsi hi krustali, ma
huma le xitsanweni xa wu-
kosi xa Nungungulu ni Iva-
na, ni laha xikari ka pango
ga wona.

2 Seno ni seyi ka congo ku
wa hi kona sinya ya wuto-
mi, wona wo lu trala miha-
nzu ya kumi ni mimbiri,
wu humesa mihanzu ya
wona hweti ni hweti: ni
makluka ya sinya ma wa hi
kuhanyiswa ka matiko.

xip. 2. 7. & 21. 21, 24.

3 A ku nga ta ba kambe wu-
xezi: xitsamo xa Nungu-
ngulu ni xa Ivana xi ta ba
kona: ni zitiri zakwe zi ta
mu kozela;

4 Ba ta wona ngohe yakwe;
ni bito gakwe gi ta ba zimo-
byeni zabye.

Mat. 5. 8. 1 Kor. 13. 12. 1 Joh. 3. 2.
xip. 3. 12. & 14. 1.

5 Ku nga ta ba kona wusiku
kambe; a ku labeki kuwo-
ninga ka kandiya, hambu
ni kuwonekela ka gambo;
hakuba Hosi Nungungulu i

ta ba nyika ku wonekela:
ba ta fuma kala kupinzuka
ni kupinzuka.

Roma 5. 17. 2 Tim. 2. 12. xip. 3. 21.
& 21. 23, 25.

6 A ku ngalo ka mina, Leti
timhaka ti tsumbekile ti ne-
ne: ni Hosi, Nungungulu
wa mimoya ya baprofeti, i
lo rumela ngelosi ku ko-
mbeta zitiri zakwe a zilo
zi ta nga maheka lokulo-
ku.

xip. 1. 1. & 19. 9. & 21. 5.

7 Languta, nza ta lokuloku.
U katekile loyi a hlayisako
a timhaka ta kuprofeta ka
legi buku.

xip. 1. 3. & 3. 11. xipm. 10, 12, 20.

8 Mina Johani nzi hi loyi a
nga wona a ngazwa lezi
zilo. Nzi lo wona nzi lo-
zwa, laha na nzi zwile na
nzi wonile, nzi lowa lahasi
ku kozela mahlweni ka nge-
losi leyi yi nga nzi kombeta
lezi zilo.

xip. 19. 10.

9 Yiku ka mina, Klariha u
nga mahi: nzi xitiri zinwe
na wena ni banakuloni ba
wena baprofeti, ni laba ba
hlayisako timhaka ta legi
buku: kozela Nungungu-
lu.

xip. 19. 10.

10 Yiku ka mina, U nga tiyi-
si a timhaka ta loku kupro-
feta ka legi buku; hilezi xi-
kati xi tsinele.

xip. 1. 3. & 10. 4.

11 Loyi a nga lulamangiko, a

mahe ku nga lulami kambe: loyi a nyenyezileko, a mahe kunyenyeza kambe: ni loyi a lulamileko a mahe kululama kambe: ni loyi a basileko, a mahe kubasa kambe.

2 Tim. 3. 13.

12 Languta, nzata lokuloku; a ncacazelo wa mina wu na mina, ku nyika munhu ni munhu kwatsi hi kuwoneka ka mitiro yakwe.

Roma 2. 6. & 14. 12. xipm. 7. xip. 20. 12.

13 Nzi mina Alfa ni Omega, nzi wa kusangula ni wa kugumesa, wa ranga ni wa kumbetisa.

xip. 1. 8, 11. & 21. 6.

14 Ba katekile laba ba hlazako tinguwo tabye, kasi ba fanele kwatsi kuta le sinyeni ya wutomi, ba engene hi tityangwa mutini.

1 Joh. 3. 24. xipm. 2. xip. 2. 7. & 21. 27.

15 Hi le handle ti kona tibyanana, ni baloyi, ni zibayi, ni badayi, ni bakozeli zifanano, ni wihi a zi ranzako ni hamba wunwa.

1 Kor. 6. 9, 10. Gal. 5. 19, 20, 21. Kol. 3. 6. Fil. 3. 2. xip. 9. 20, 21. & 21. 8.

16 Mina Jesu nzi rumile a nge-losi ya mina a kukustumunya lezi zilo ka nwina ticecini. Nzi mutsu ni lixaka la Davida, ni nyeleti yo

basa yi ngangamelako ya mixo.

2 Pet. 1. 19. xip. 1. 1. & 2. 28. & 5. 5.

17 A Moya ni makoti be ngalo, Ngona. Ni loyi a zwako, i te ngalo, Ngona. Ni loyi a zwako tora, ate: ni wihi a vumelako, a teke mati ya wutomi hi matsenye.

Joh. 7. 37. xip. 21. 2, 6, 9.

18 Nzi kustumunya ka munhu ni munhu laba ba zwako timhaka ta loku kuprofeta ka legi buku, Loku kani hi wihi a ta nga engetela lezi zilo, Nungungulu i ta engetela zixaniso zi tsalilweko bukwinilegi.

19 Loku kani hi mani a susako timhaka ta buku ga loku kuprofeta, Nungungulu i ta susa xipanze xakwe sinyeni ya wutomi, ni le mutini wo basa, lezi zi tsalilweko bukwinilegi.

xip. 3. 5. & 13. 8. & 21. 2.

20 Yena loyi a kustumunya ko lezi zilo aku, Inaka: nza-ta lokuloku. Amen: ngona, Hosi Jesu.

Joh. 21. 25. 2 Tim. 4. 8. xipm. 12.

21 A wuxinji ga Hosi ya hina Jesu a gibe ka bobasa. Amen.

Roma 16. 20, 24. 2 Tesa. 3. 18.

UNIV. OF MICHIGAN,

DEC 2 1911

Digitized by Google